






BIBL. NAZ.  
Vitt. Emanuele III  
**166**  
**M**  
**10-14**  
POLI

111  
J  
8











*ZEGERI BERNARDI*  
**VAN-ESPEN,**  
*JURIS UTRIVSQUE DOCTORIS,*  
**JUS ECCLESIASTICUM**  
**UNIVERSUM,**  
*QUATUOR NUNC TOMIS COMPREHENSUM.*





17  
ZEGERI BERNARDI  
VAN-ESPEN

PRESBYTERI, JURIS UTRIVSQUE DOCTORIS,  
SS. CANONUM IN ACADEMIA LOVANIENSI PROFESSORIS,  
JUS ECCLESIASTICUM  
UNIVERSUM,

ANTIQUÆ ET RECENTIORI DISCIPLINÆ PRÆSERTIM BELGII, GALLIÆ,  
Germaniæ & vicinarum Provinciæ accommodatum,

EX ipsis sacræ Scripturæ Litteris, SS. Canonibus, Conciliorum tum Œcumenicorum,  
tum Synodaliū Decretis, Summorum Pontificum Constitutionibus & Rescriptis,  
SS. Patrum Sententiis, Episcoporum Documentis, Principum Edictis, Magistratū  
tam ecclesiastici quàm civilis Judiciis, & virorum Juris utriusque peritorum Responsis  
depromptum.

OPUS integrum omnibus Episcopis, eorum Vicariis, & Officialibus Ecclesiasticis,  
ac laicis Judicibus, Advocatis, Patronis, Parochis, Confessariis, cæteris tam  
SS. Theologiæ quàm Jurisprudentiæ viris studiosis utilissimè & apprime necessarium.

TOMUS PRIMUS.



LOVANIÏ,

ET REPERITUR

LUGDUNI,

Apud JOANNEM MARIAM BRUYSET Patrem & Filium, in viâ  
Sancti Dominici.

---

M. DCC. LXXVIII.



# E L E N C H U S

EORUM QUÆ IN PRIMO VOLUMINE CONTINENTUR:

I.	<i>P</i> RÆFATIO historica vitæ & operum Auctoris.	
II.	<i>Prolegomena</i> Juri universo Ecclesiastico à D. Van-Espen præmissa.	
III.	<i>Expositio</i> modi quo citari solent textus ex utroque Jure deprompti.	
IV.	<i>Juris Ecclesiastici</i> universi pars prima : <i>De Personis.</i>	pag. 1
V.	<i>Ejusdem Juris</i> pars secunda : <i>De Rebus, in quatuor Sectiones divisa.</i>	361
	Sectio I. <i>De Sacramentis.</i>	ibid.
	Sectio II. <i>De Ecclesiis, &amp; Festis.</i>	615
	Sectio III. <i>De Beneficiis.</i>	659
VI.	<i>Monumenta, quæ in primo volumine citantur.</i>	893
VII.	<i>Additiones seu observationes Gallicæ D. Giberti in Jus Ecclesiasticum universum.</i>	945



# PRÆFATIO HISTORICA.

**S**OLENT alicujus operis Editores ejus auctorem summis laudibus efferre; eo more me solvit Espenii fama; brevem igitur ejus vitæ & operum historiam duntaxat adornare sufficit.

Natus est Lovanii Zegerus Bernardus Van-Espen die nona Julii anno 1646. Adolescens litterarum Humaniorum & Philosophiæ magistrum habuit Academiam Lovaniensem. Quos animos ad scientias inferiores discendas attulit, eos servavit ubi Theologiæ & gravioribus doctrinis navavit operam.

Espenii Patronus extitit D. D. Alphonsus de Berges Mechliniensis Archiepiscopus: hic Romam profecturus juniorem Theologum ad se vocavit, ut eum sui itineris Comitem adhiberet; sed cur iter susceptum non fuerit me prorsus latet.

Sui temporis veluti arbiter Espenius, sacrorum Canonum & Disciplinæ Ecclesiasticæ studio accuratè incubuit. Canonibus scrutandis impigram dabat operam, cum anno 1673. jubente Archi-præsule Lovaniensi ad sacrum Presbyteratus Ordinem evectus esset: duobus deinde annis elapsis Doctor in utroque jure declaratus fuit.

Augusto Sacerdotii caractere insignitus, ac laureâ Doctoris donatus Espenius suscepit indictam sibi legem non solum vitæ innocentiae, sed etiam majoris scientiæ Canonum comparandæ. Ex ea mente iniquè conjiceretur, quod Pastoris munus vel ambierit, vel saltem optaverit Espenius: dignitates Ecclesiasticas numquam quæsit ille, quem earum onus semper terruit. Beneficium Ecclesiasticum novem mensibus vix habuit; in Clericum non sanguinis conjunctione, sed meritis sibi charum illud transcripsit, nullo ejus fructu in suum commodum asservato.

Paternâ hæreditate contentus id unum desiderabat, ut in Academia Lovaniensi sedem perpetuam figeret: quod ubi noverunt D. D. Van-Viane & Huygens eruditionis nomine conspicui, suum in Collegio Pontificio contubernium Espenio concessere. In hoc sodalitis is erat ejus animus, ut gravioribus SS. Canonum studiis incumberet, quibus Ecclesiæ posset prodesse; mirum, quot progressus in iis fecerit; unde Doctorum Lovaniensium una vox omnium fuit, dignum esse Espenium qui publico munere docendi Jus Ecclesiasticum donaretur.

Suus



Suus esse desiit Espenius, ex quo cœpit esse totus omnium qui Jus Canonicum in Belgio edificare voluerunt. Etenim præter habitas in scholis prælectiones, statutis quibusdam hebdomadæ diebus domi conventus agebat, ubi iis, qui eò conveniebant, varia disciplinæ Ecclesiasticæ capita exponebantur: huc quamvis docti omnes accederent; nemo ramen inde nisi seipso doctior, & ad operam Ecclesiæ navandam paratior exhibat.

In suspensionem adducuntur isti conventus, eo nomine, quòd in Regno metuendi sint homines qui absque Principis consensu in unum coeunt: Idcirco à Regiis ministris accersuntur D. D. Huygens & Van-Espen, quibus declaratur eos rem Principi acceptam facturos, si intra opportunum sibi tempus suos virorum litteratorum conventus dirimant: parere spondent viri obedientissimi; nullâque morâ interpositâ, quod Regis nomine nunciatum sibi fuerat, amicis significant.

Fama Espenii non ideo imminuta est. Hæc erat omnium fere mens, ut injuriam à se propulsatam putarent, si doctum Canonistam sui juris arbitrum nanciscerentur. Ab Episcopis, à Magistratibus, ac Principibus consultus, responsa cuivis edebat, difficultatis propositæ arcana ita evolvens, ut intelligerent imperiri, & plauderent peritissimi.

Noverat tamen Espenius plurimas Juris Canonici occurrere quæstiones, quæ sine Juris Civilis notitia & subsidio exponi nequeunt: ea potissimum extitit ratio, quæ eum impulit, ut non solum Jus Romanum, sed etiam usus forenses, edicta Principum, Jurisprudentiam in supremis senatibus observatam, & alia quæ Jus novum constituunt, vel vetus confirmant, ediceret.

Noverat Canonum professorem sæpius consuli de casibus, quorum solutio è Jure Civili pendet.

Quid si, ut non raro accidit, ei litium amicè componendarum cura incumbat? profectò præter Juris Canonici scientiam, debet quoque Juris Civilis cognitionem sibi vindicare: eâ si careat, quo pacto poterit diffidentium rationes expendere, ab utra parte stet justitia dijudicare, & quod opus est quemque suadere?

Primus, qui in Occidente Juris Civilis studium cum Canonico sociavit, habetur S. Yvo, Episcopus Carnotensis, antea Canonicus regularis, & S. Quintini Bellovacensis Abbas. Hunc secuti sunt Gratianus aliique Canonum & Decretalium collectores. Inde contigit, ut, qui deinde Juri Canonico operam dederunt, animum quoque ad Jus Civile applicare cœperint. Inde mos natus est, ut in utroque Jure, scilicet Canonico & Civili, Graduati complures habiti sint.

Ex gemina Juris utriusque scientia, quam sibi comparaverat Espenius, prodire dissertationes quæ controversias, de quibus consulebatur, elucidaverunt. Quàm nostri Canonistæ vis expedita fuerit, probant non solum isti tractatus, sed etiam alia opera quæ primum comparuerunt, & iterum collecta majori numero nunc exhibentur.

In variis editionibus locum principem semper obtinuit opus quod anno 1700. primam in lucem prodiit hoc nomine inscriptum, *Jus Ecclesiasticum universum*. Tres in partes distribuitur: in prima *de personis*, in secunda *de rebus*, in tertia *de judiciis, delictis & pœnis Ecclesiasticis* auctor ejus disserit.

Ex titulorum indice statim apparet methodus quam Espenius securus est: mihi tamen liceat asserere è *Jure Ecclesiastico* Espenii eliminatam fuisse confusionem, quæ in operibus Canonistarum deprehenditur. Neglexit ille incongruam Canonum & Decretalium dispositionem quæ corpus *Juris Canonici*

nici deformat, ut ordinatam observaret: id primum sibi proposuit; ut, quæcumque huc illuc in corpore juris dispersa cernuntur, & sub alienis peregrinantur titulis, ea coadunaret, ac suis in locis quæque collocaret. Secundò ut quæ in Jure Canonico sterilia videntur, majoris momenti quæstionibus fecundaret. Tertiò ut ea omitteret quæ sine scandalo; vel Canonum veterum contemptu in desuetudinem abierunt. Quartò ut ostenderet abrogata non fuisse præcepta, licet à plerisque per aliquod tempus negligi cœperint. Quapropter ut Ecclesiæ præceptum amplius non obliget, longum temporis spatium ab Espenio desideratur, longam & notam exigit tolerantiam Ecclesiæ quæ neglectam præcepti executionem non ignoraverit.

Ex eruditione quâ ornatus fuit Espenius, ex methodo quam secutus est, facile innotescet, vix ullum inter Canonistas extitisse alium, qui de disciplina Ecclesiastica disseruerit doctius, scripserit solertius, judicaverit sanius. Nonnulli tamen Belgæ censores ineunte XVIII. seculo Espenium infimularunt, quòd de jurisdictione Ecclesiastica perperam plurima dixerit. Espenio exprobrarunt quasi Episcopis jurisdictionem propriam negasset, ut iis precaria duntaxat tribueretur. Suam hanc esse doctrinam negavit eruditus Canonista, suisque scriptis esse contrariam instrumento publico declaravit ac demonstravit. At suorum adversariorum fidem incassum obsecravit Espenius.

Quippe anno 1702. opus ejus integrum congregationi Cardinalium S. Officii denunciavit D. Van-Susteren tùm doctòr Lovaniensis. Duobus fere annis sub judice extitit: tandem anno 1704. die 22. Aprilis eadem congregatio dedit Decretum, quo *Jus Ecclesiasticum universum*, inter libros fidelibus prohibitos connumeratum est. Hoc judicio res sopita fuit potius quam definita; eadem enim accusatio adversus Espenium ab aliis delatoribus deinceps renovata est, ut dicetur inferius.

Operi, quod inscribitur *Jus Ecclesiasticum universum*, præmiserat doctus Canonista nonnullas Juris Canonici quæstiones, quibus labente seculo decimo-septimo operam navarat. Prima inter eas habetur *dissertatio Canonica de peculiaritate in Religione & de simonia circa ingressum Religionis*.

Bruxellis edita primum est an. 1684. duabus constat partibus: in priori ostendit Espenius, quòd *professio Religiosa secum trahat omnimodam rerum temporalium, etiam quoad usum, perfectam in particulari abdicationem, & universam rerum omnium quæ ad Monasterium & ad Religiosos pertinent communionem*.

In parte altera demonstrat quòd *simonia & quidem Juris divini incurratur, quando temporale exigitur ab ingressuro*. Subjungit Espenius quòd *Ecclesia possit interdicere ne Monasteria egentia quidquam ab ingredientibus requirerent*: declarat tamen *ultrò oblata citrà simoniam accipi posse*.

Hæc doctrina quam litterariorum operum censor suo probaverat calculo, Belgis quibusdam ex ordine Eremitarum S. Augustini Religiosis molestiam procreavit; isti enim suis in Thesibus an. 1686. eam impugnarunt.

Anteà R. P. Winants ejusdem ordinis Theologus subiratus, quòd in dissertatione doctrina & auctoritas Christiani Lupi virgâ censoriâ notarentur, scripserat libellum, quo utramque vindicare conatus est; simulque Espenium invidiose depinxit, ut *Monachorum invasorem, Rigoristam, Reformatorem asperum*, &c.

Siluisse profecto Espenius, si suo tantum obtrectandi desiderio indulgisset Pater Winants; neque enim Theologo honorificum est dimicare eo certamine in quo victoria injuriis foret propudiosa; at cum præter jurgia, rei argumentum disfereretur, responsum aggressus est. Causam à maledictis secernens, eam pertraxit in opusculo, cujus hic est titulus, *vindicæ dissertationis Canonice de peculiaritate*

*liaritate & simonia.* Eo opusculo lis definita non fuit : etenim cum ordinis Eremitarum S. Augustini professores varias theses dissertationi præfata opponere pergerent, suis vindiciis appendicem subtexit Espenius, nec tamen eo libello, ut sperabat, contentio sopita fuit.

E. scholis Augustinianis novæ prodierunt theses, quarum auctores nec nomini nec doctrinæ sui adversarii pepercerunt : has theses ut confutaret Espenius, brevem adornavit responsionem, cui Apologiam, ac tandem unum & alterum opusculum subjunxit : an extincta omnino fuerit ea controversia asserere non asum : id referam quod legitur in Epistola quam R. P. Delbecque Dominicanus ad eruditum Natalem Alexandrum direxit. *Ut verbis durioribus suos notaret adversarios, adduci nunquam potuit Espenius.*

Præfatis opusculis succedit *dissertatio de instituto & officiis Canonorum, sigillatim deducta ex obligatione & muniis Clericorum*; nullos ea creditur experta adversarios. Sortem quoque pacificam sortita est *dissertatio Canonico-historica de horis Canonicis*, &c. Geminum illud opusculum eodem anno, scilicet 1685. primam in lucem prodit.

In priori disputatione ostendit, quantæ debeant esse dotes Clericorum, præsertim Canonorum, cum functiones Hierarchicas obire teneantur. Ostendit Espenius quam sollicita olim esset Ecclesia in eligendis rerum sacrarum ministris : removebat longius ab aris non qui vitio aliquo, sed qui vel leviori nævo notati essent : à suis exigebat non virtutes solas, sed virtutes summas; volebat ministrorum sacrorum castam esse originem, castum corpus, mentem scientiâ ornatam, fervens charitate pectus, linguam ad enarranda verba divina expeditam, promptam manum & efficacem ad opus, vitam denique constanti & illibatâ famâ commendatam.

Has Canonorum dotes certa cum methodo pertractat Espenius, easque ad tria capita potissimum revocat : exigat primò ut Canonicus noverit res sacras, quas tractare debet : secundò ut quas noverit, amet & cum zelo obeat : tertio ut laudes Deo religiose persolvat, animumque in iis persolvendis mercenarium detestetur.

Quæ sequitur de horis Canonicis dissertatio haberi potest ut prioris complementum ; eam elaboravit Espenius hortante Collegii Pontificii Præsidente, cujus nomen non indicat. "Contubernii mei, inquit, in suo collegio occasionem nataus (Præses) me rogavit ut SS. Canones ejus Theologis exponere vellem. Ego verò pernoscent quantopere SS. Canonum scientia Theologis utilis sit, non agrè admodum me induci passus sum, ut Canones qui Theologorum & vitæ & studio magis accommodi sunt in lectione domestica hebdomadaria prælegerem; cum ergo Concilii Tridentini Decreta *de Reformatione*..... explananda suscepissem, incidi... in argumentum de horis Canonicis; in quo aliquantisper versatus, nonnulla, quæ in domesticis lucubrationibus, de earum origine, recitatione ac ritibus corraseram, auditoribus proposui. Cum verò non pauca, præsertim, quæ ritus concernebant, ex historiis & antiquitate essent desumpta, nonnulli ea scripto mandari cupiebant. Facile morem gessi, & intermissis parumper, quæ de horis Canonicis Mystici tradunt, alia quæ sensum naturalem propius attingunt & elucidant, in has dissertationes congeffi." Hæc Espenius, cujus mens in *dissertatione de horis Canonicis* elaboranda apertè declaratur.

Anno 1686. tractatum de *simonia circa beneficia, administrationem Sacramentorum, & celebrationem Missarum* publici juris fecit.

En finis quem auctor sibi proposuit, ostendit scilicet quòd Ecclesia suorum ministrorum avaritiam & ambitionem semper averfata fuerit. Non enim alia est de



de avaritiâ Clericorum, mens hodiernæ Ecclesiæ ac veteris; mutantur Ecclesiæ tempora, sed non mutatur ejus sententia: non minus hodie quam olim Clericos Mercenarios detestatur, nec minus illos execratur, qui sibi honorem rapiunt, & in sacros sine Dei missu ordines involant. Geminâ parte constat prædictus tractatus; in una differitur de simonia ejusque speciebus; in altera disceptatur de pensionibus quæ Beneficiis imponi solent. Earum antiquitatem discutit Espenius; quærit deinde an sint legitimæ, an earum usum Tridentina Synodus probaverit?

Ad trutinam quoque sacrorum Canonum confecta est *dissertatio de dispensationibus matrimonialibus*; qua occasione scripta fuerit, quo præcisè anno edita? nec auctor declaravit, nec ipsa dissertatio innuere videtur; probabile tamen est eam typis excusam comparuisse anno 1687. aut 1688. De instituto hujus opusculi dicere quædam eo loci superfluum foret, cum ex ejus præfatiuncula & titulis facilius possit ejus argumentum innotescere.

Dissertationem de *dispensationibus matrimonialibus* excipit *tractatus de Jure Parochorum ad decimas & oblationes & de competentia pastorali*. Hactenus fuerunt de hoc argumento litigia, nec eadem Jurisprudentia in omnibus regnis atque etiam in ejusdem regni Curiis supremis observatur. At Espenius ex Canonibus, quos Ecclesia ut regulas genuinas spectat, rem decernere conatur. In præfatione, quæ dissertationi de *pristinis altarium incorporationibus* præfixa est, testatur quòd præter suam mentem *tractatum de Jure Parochorum ad decimas* divulgaverit. Monet autem, quòd si quid in eo minus accuratum ipsi elapsum fuerit, elucidandum sit ope *dissertationis de pristinis altarium incorporationibus*, &c. ubi *Jus Parochorum ad decimas* à se clarius expositum fuisse contendit. Hæc dissertatio anno 1711. pervulgata est, ejus occasio & consilium, quod auctor sibi proposuit, in præfatione delineantur.

Huic dissertationi altera succedit quæ hanc regulam discutit; *in dubiis semitam debemus eligere tutiorem*. Ex ea dissertatione nata est brevis expositio in hanc Juris regulam: *in pari delicto vel causa potior est conditio possidentis*. Incertum est quo præcisè anno geminum illud opusculum primam lucem aspexerit.

Incertus quoque videretur annus, quo *brevis discussio de simonia* in auras primum prodierit, nisi is nobis innotesceret ex anno, quo typis mandatum est *repagulum Canonicum adversus nimiam exemptionum à Jurisdictione Episcoporum extensionem*: hoc autem repagulum anno 1688. sub prælo gemuit, ac deinde publici juris factum est.

Qua occasione confecta fuerit brevis discussio quæ repagulo præmissa est, refertur in præfatione historica apologetica; at in epilogo, qui ad finem repaguli Canonici appositus est, narratur quâ mente hoc elaboratum fuerit. Habetur veluti secunda pars opusculi, quod inscribitur *brevis discussio de simonia*. In hac autem parte secunda auctoris animus non extitit ut originem ac progressum exemptionum discuteret; unum voluit, scilicet quasdam regulas à summis Pontificibus comprobatas exhibere, quibus exemptiones limitari ac definiri debeant; ne aliàs Episcopalis ordinis regimen evertatur.

Quamvis ab anno, quo repagulum Canonicum prodit, recedere non videatur ortus dissertationis, quam Espenius elucubravit in *legem Juliam de ambitu*; hujus tamen opusculi natalibus eundem annum scilicet 1688. assignare non ausim; nullum enim suppetit argumentum, quo iste annus indicetur. In ea dissertatione, quæ brevis admodum est, differitur de muneribus seu officiis, quorum venditionem esse illicitam docet Espenius.

Hæc sunt opera, quæ in primo & secundo volumine hujus editionis continentur. Tertium volumen integrum & quartum quoad magnam partem complectitur egregium illum Codicem manuscriptum, seu *Commentarium in jus vetus,*

*novum & novissimum*, à viris eruditis expetitur, opus profundâ eruditione exaratum, ut sunt omnia D. Espenii scripta.

In fronte hujus operis leguntur dissertationes de stabilitate veterum Canonum, & de variis eorum collectionibus; exponit deinde eruditus Canonista Concilia eorumque Canones, quibus vetus disciplina statuitur: en ejus methodus. Singulæ dissertationes singulis Conciliis præluforiæ annexæ sunt, quas deinde subsequuntur scholia in Canones, qui per octo secula disciplinam vel primum constituerunt, vel collapsam restituerunt.

Ubi definit *Commentarius in Jus vetus Ecclesiasticum*, ibi incipit *Commentarius in Jus novum*; istud constat primò dissertationibus in collectiones Isidori Mercatoris, Rheginonis, Burchardi & Yvonis Carnotensis: sequuntur deinde disputationes & observationes in capitula quæ Adriano Papæ vulgò tribuuntur, in capitularia Regum Francorum, in Gratiani Decretum, in quinque libros Decretalium, in Sextum Bonifacii VIII. in Extravagantes Joannis XXII. &c.

His omnibus succedit tandem *Jus novissimum*; in cujus commentario plurima discutiuntur quæ spectant regulas Cancellariæ Romanæ, statuta Synodorum, nec non Concilii Tridentini promulgationem quæ in variis Europæ Catholicæ provinciiis facta est. Expenduntur quoque nonnulla concordata quæ quosdam Principes inter & quasdam Ecclesias habita sunt, ac tandem plurima edicta quæ à variis Principibus circa disciplinam Ecclesiasticam emissâ asseruntur.

Ut lector tanti operis præstantiam vel leviter sibi adumbret, dicam paucis Espenium habuisse sedulam rationem Codicum, quibus Canones continentur, auctorum ad quos referuntur, temporum quibus conditi sunt, & mutationum quibus fuerunt obnoxii. Caterum methodus, quam in eo opere Espenius sequitur, innotescet nostra præfatione, quæ ineunte tertio volumine reperitur; eam adire lector non pertimescat.

Commentario in Jus vetus, novum & novissimum succedit in quarto volumine tractatus de censuris: quo anno primum editus fuerit, determinari non potest; at ejus occasio & argumentum in præfatione huic opusculo præmissâ describuntur.

Dissertatio de intercessione Episcoporum..... & de azylo templorum vulgata creditur ineunte XVIII. seculo: atque hæc ejus occasio extitit. Nimirum seditio popularis an. 1700. excitata civitatem Bruxellensem turbaverat. Seditionis Duces in Ecclesias & Monasteria perfugerant in quibus salutis suæ tutius posse consuli arbitrabantur. At Regius Brabantiae Senatus visis inquisitionibus quæ tum ad onus tum ad levamen perfugarum peractæ fuerant, declaravit quod seditiosi jure azyli gaudere non deberent; jussit ergo ut è Monasteriis & Ecclesiis extraherentur, & ad regios carceres transferrentur; quod peractum est.

Ea susceptio Archiepiscopum Mechliniensem plurimum offendit contendebat Præsul confugas ex Ecclesiis ad carceres sine suo permisso transferri non potuisse, eamque licentiam judicibus Laicis tribui non posse, nisi prius Officiali exhibita fuissent inquisitionum apographa, atque iis visis & examinatis sibi constaret, quod crimen de quo agitur, esset *de exceptis*: addebat istum in Hispaniis morem hucusque religiosè observatum fuisse.

Archiepiscopo responsum est, quòd ubi judex Laicus novit crimina confugarum esse ex eorum numero quæ azyli prærogativâ excluduntur, tunc Magistratus potest è Monasteriis vel Ecclesiis reos vi educere, quamvis præsul, *postquam requisitus fuit*, suum negaret consensum, aut difficilem se gereret.

Regionum Magistratum vindicias in dissertatione de intercessione Episcoporum &c. suscepit Espenius; cui responsum opposuit Petrus Gowarts Diœcesis Silvæ Ducensis Vicarius Apostolicus, nec non Belgici Senatûs consiliarius Clericus. Hic suo tractatui responsorio fecit hunc titulum: *certamen pro immunitate Ecclesiastica*,

*fiastica*, &c. conatur non solum vindicare hujus immunitatis Ecclesiasticæ independentiam, quam Espenius impugnauerat. sed insuper notare quinque Theologos Belgas, quos accusat, quasi Archiepiscopum Mechliniensem coram consilio privato criminaliter convenissent.

Rogatus Espenius, ut istorum Theologorum defensionem susciperet, scripsit alterum opusculum, cujus hic est titulus : *concordia immunitatis Ecclesiasticæ & juris Regii*, &c. hic libellus primum comparuit anno 1700. Ejus auctor totus est ut ostendat, quod Theologi Belgæ, quorum patrocinium suscipit, nullâ actione criminali suum Archiepiscopum coram privato consilio convenerint.

Ea Theologorum Belgarum defensio feriit potissimum animos D. D. Gowarts & Van-Susteren. Hic anno 1702. Romam profectus congregationi Cardinalium S. Officii denunciavit nonnulla Espenii opera, præsertim illius *Jus Ecclesiasticum universum hodiernæ disciplinæ*. Quinam autem hujus negotii fuerit exitus, suprâ enarratum est, ubi diximus opus illud inter libros prohibitos anno 1704. recensitum fuisse.

Tacuit Espenius, sed ejus silentium æquo animo non tulit P. Desiderantius; iste enim cujus institutum appellare non expedit, suspicionum cuniculis, criminationum machinis, criminibus confictis extremam perniciem Espenio inferre tentavit, sed detectis veteratoris fraudibus anno 1707. Desiderantius calumniæ convictus, sententiâ consilii Belgici in exilium pulsus est. Hæc historia Gallico idiomate nuncupata est, *la fourberie de Louvain*.

Quinquennio deinde pacificè vixit Espenius; placidè vixisset diutius, si adversarii carere potuisset. Tractatum *de promulgatione legum* anno 1712. vulgavit auctor noster; istius operis occasione nova in eum mota est procella. Erat tunc albugine excæcatus Espenius; nihil tamen de solito ardore ad suorum operum defensionem remisit.

In suo de promulgatione legum tractatu primò dixerat summi Pontificis Decretorum publicationem Romæ factam non sufficere, ut Bullæ & rescripta Sedis Apostolicæ apud Belgas vim legis obtinerent, optabat insuper ut in singulis Provinciis horum Decretorum promulgatio fieret. Dixerat secundò nullam Bullam nullumque rescriptum, vel aliud quidpiam in Provincias Belgarum posse inferri, & vim legis habere, nisi antea Principi innotuerit, suumque eorum promulgationi consensum dederit vel Princeps, vel Consilium supremum.

Non defuere qui hanc doctrinam ore & calamo aggressi sunt: eorum confutationem satis frigidè primò excepit Espenius: forsan omnino siluisset, nisi classicum cecinissent ejus adversarii. Etenim exeunte anno 1718. Archiepiscopo Mechliniensi tractatum *de promulgatione legum* denunciavit D. Gowarts. Præsuli scripserat *novo fermento universitatem Lovaniensem esse purgandam*. Ea metaphora satis indicabat ex hac Academia pellendum esse Espenium. Hic de injuria conquestus est ad supremum Imperatoris Caroli VI. Consilium Viennæ in Austria habitum. Mandavit Princeps Majori Belgarum Consilio ut hoc negotium accuratè recognosceret. Paruerunt Senatores; re studiosius perpensâ, scripserunt fiscalibus consiliariis, ut comites ad Espenii causam propugnandam accederent, jura Cæsareæ Majestatis simul cum Espenio defensuri. *Le Royal service de Sa Majesté*, scribebant Senatores, *exigent qu'en ce point ledit Docteur soit protégé*.

Dum ealis moveretur, altera redintegrata est de opere, quod inscribitur, *Jus Ecclesiasticum universum*. Utramque causam vicit Espenius; quippe in ejus gratiam 23. Februarii, anno 1722. pronunciavit supremum Belgii Consilium, cujus sententia Decretoria legitur tomo IV. hujus editionis in fine opusculi, quod in sua fronte hunc gestat titulum: *Æquitas Sententiæ Parlamenti Mechliniensis in causa*, &c.

Hic libellus ob suam affinitatem cum tractatu *de promulgatione legum*, huic immedia-

immediatè succedit in quarto hujus novissimæ editionis volumine; integrum, de quo agebatur, negotium refert.

Quiete optatâ frui videbatur Espenius, cum ecce novi turbines eam perturbarunt. Hæc procella orta est ex opusculo cujus ipse auctor existit, quodque inscribitur; *tractatus de recursu ad Principem*, &c.

Editum primò est anno 1725. in eo probare conatur jurisdictionem & immunitatem *Ecclesiasticam* non convelli, cum Laïcos & Clericos, qui de censuris à judice Ecclesiastico inflictis expostulant, queribundos ad suum tribunal admittunt Magistratus Laïci; contendit his judicibus à Deo potestatem esse concessam, ut de abusu qui in censuris infligendis committitur, cognoscant: addit Laïcos judices sibi non arrogare auctoritatem Ecclesiasticam vel usum clavium, cum in ejusmodi negotio abusum quandoque reperiri decernunt.

Dum ea lis movebatur, altera supererat antiquior, quæ nata fuerat occasione D. Stenowen: hujus consecrationem in Archiepiscopum Ultrajectensem ab uno duntaxat Episcopo factam probaverat Espenius. Quid in hoc, quid in altero negotio contigerit, narrent alii scriptores, quibus suppetit utriusque litis notitia major & accuratior. Id unum dicam, quòd Espenius suæ

libertati pertimescens fugâ salutem petierit. Trajectum ad Mosam primò se contulit, deinde Amersfordiam, ubi 2. Octobris anno Christi 1728. ætatis 82. decessit.







# PROLEGOMENA.

---

## PARAGRAPHUS PRIMUS.

DE

### SCOPO ET MATERIA OPERIS.

**T**ITULUS huic Operi præfixus *JUS ECCLESIASTICUM UNIVERSUM* nonnullis eam posset ideam imprimere, quasi hoc Opere, omnia, quæ ad hoc Jus spectant, continerentur, universumque Jus Ecclesiasticum plenè in eo repræsentaretur (a); quod sanè non unum alterumve, sed plura eaque prolixa volumina requireret.

Igitur opus hoc inscribitur *Jus Ecclesiasticum universum*, non quod in eo universa & singula ad Jus istud spectantia contineantur & explanentur, sed quod universæ, aut ut minùs præcipuæ hujus Juris materiæ eo modo proponantur & exponantur, ut sperem ex principiis positis ad notitiam hujus Juris Ecclesiastici perveniri posse; atque dubia & quæstiones in eo occurrentia dissolvi.

Ut autem totius *Juris Ecclesiastici*, seu *disciplina Canonica* ideam perfectam & plenam lectori exponerem, Jus pristinum cum recentiore in singulis penè disciplinæ seu Juris Ecclesiastici punctis ita cumulare studui, ut ex Operis hujus lectione innotescat, quid pristina Ecclesiæ disciplina statuerit, & quid hodierna circa singulos articulos decernat, aut toleret.

Nec tantùm utrumque Jus Ecclesiasticum, pristinum & hodiernum, simpliciter allegare volui, sed insuper indicare, quando, & qua occasione quibusque gradibus à pristina ad hodiernam disciplinam descenderimus.

Insuper praxim sive disciplinam hodiernam contra pristinos Patrum mores & Canonum constituta introductam sic repræsentare studui, ut usum legitimum ab abusu separarem; ostendendo qualiter illi nos conformare possimus, hunc verò vitare, aut etiam ei nos opponere & contradicere subinde debeamus.

*Jus Ecclesiasticum* sive *Canonicum* affine esse scientiæ *Theologicæ*, plurimasque materias utrique esse communes, quin & ex iisdem principiis resolvendas, nemo, qui utriusque vel modicam notitiam habet, ignorat.

Hinc jam pridem dicere non dubitavit pius ac doctus Joannes Gersonius Universitatis Parisiensis Cancellarius in *Recommendatione Licentiautorum in Decretis*, per quadringentos inclusivè annos & ampliùs, sic fuisse gubernatam Ecclesiam, ut non esset distinctio Theologorum & Canonistarum; additque, quòd "*Canones*, si bene inspiciamus, non sint nisi conclusiones elicite vel illatæ ex principiis Theologicis, id est, ex Evangelio," & aliis libris Canonicis per illos, quibus dicit Christus: *Qui vos audit, me audit.* „ Luc. c. 10. v. 16.

Ut igitur *universum Jus Ecclesiasticum* repræsentaretur, necesse fuit, etiam attingere materias,

---

(a) Alterum lector ferre poterit judicium de hodierna operum D. Van - Espen editione quatuor tomis comprehensa: hæc enim dici potest *universum Jus Ecclesiasticum* repræsentare.

materias, quæ primo intuitu ad Theologicam magis, quàm Juris Ecclesiastici scientiam pertinere viderentur, puta *de Sacramentis in genere & singulis eorum speciebus, Indulgentiis, aliisque similibus materiis.*

Quis enim nescit, hisce in materiis multa ad disciplinam Ecclesiasticam spectantia esse immixta, quæ ex Canonibus, & statutis positivis, non autem à libris Canonicis aut principiis Theologicis immediatè dependent, aut resolvuntur.

Et nonne Pontifices hæc materias Decretalium libris inferendo, sufficienter ostenderunt, eas non à solis Theologis, sed & à Canonistis esse tractandas? Scientes, in his plurimum *Juris Ecclesiastici* sive *disciplinæ* occurrere; uti & Gersonius noravit, subjiciens exemplum in "uno per quod, ait, sciatur in cæteris. Confessio sacramentalis est de lege Evangelica propriè dicta, sed quod fiat hoc tempore vel illo, & apud suum certum Sacerdotem, vel apud illum, de jure positivo est, quod nec clarè sequitur ex lege Evangelica, quod sic debeat fieri, nec tamen repugnans. Talia sunt sine numero in reliquis, quæ concernunt Dei cultum, & charitatem erga ipsum & proximum nostrum." Hæc Gersonius in citata Recommendatione.

Has igitur materias quasi Theologicas hoc in Opere omittere non potui; eà nihilominus servatà moderatione, ut ea, quæ ad disciplinam pertinere videbantur, à merè Theologicis secernere studens, illa sola examinarem; hæc vero Theologis tractandæ & resolvendæ remitterem.

Hinc super materiis aut formis sacramentorum quæstiones inter Doctores scholasticos disputatas, vel etiam super Fidei nostræ dogmatibus aliisque ejus generis cum hæreticis controversias, vel nullo modo, vel admodum leviter, ac historicè potius, quàm Theologicè attigi.

Insuper nemo vel parum in Jure versatus ignorat, quam difficulter Jus Civile à Jure Ecclesiastico, præsertim recentiori separari queat; & quantopere legis scientia assequendæ Juris Canonici scientiæ conducat; imò penè necessaria sit. Quapropter nec mirum apparere debet, si plura hinc inde ex Jure Civili huic Operi immixta quis videat. Ut tamen, quantum citra detrimentum Juris Ecclesiastici licuit, me intra scientiam hujus Juris continerem, materias illas, quæ ex Jure Civili & statutis politicis unicè penè dependent, omittendas judicavi; uti sunt materiæ contractuum, testamentorum, fideicommissorum, legatorum hisque similes, de quibus vel nihil, vel pauca, quæ ad Ecclesiasticum Jus propius spectant (puta de Rebus Ecclesiæ alienandis vel non, de testamentis Clericorum, item de successione in bona Clericorum intestatorum) tractare volui.

E quibus Jus hoc universum potissimum hauserimus, in Operis titulo indicatur: sed tamen, quia non omnia ejusdem sunt ponderis, & auctoritatis in hisce Prolegomenis, quæ singulis auctoritas tribuenda sit, paucis exponemus; si prius quis Juris veteris & novi usus esse debeat, paucis annotaverimus.

## §. I I.

### QUIS DEBEAT ESSE USUS PRISTINÆ DISCIPLINÆ?

**P**ristinam Ecclesiæ disciplinam in plerisque præsertim majoris momenti articulis recentiori & hodiernæ disciplinæ ita conjungere studui, ut tamen utramque non confunderem; sed quid illa præscripserit, & in quo hæc ab illa recesserit, distinctè exponerem.

Quam utilis, imò penè necessaria sit hæc pristinæ disciplinæ notitia, non difficulter intelligitur, si reflectatur ad ea, quæ in hoc Opere sparsim dicuntur.

Apparebit imprimis, quod licet Ecclesia nonnunquam à disciplina jam pridem in Conciliis sanctissimè instituta, atque per plura secula religiosissimè summo etiam cum rigore observata, pro temporum & personarum conditione nonnihil recedere cogatur, ipsamque disciplinæ relaxationem tolerare vel dissimulare: nihilominus nunquam non optet desideretque, eam, quantum possibile est, ubi nondum collapsa est, sollicitè servari, collabentem sustineri, & collapsam restaurari, velique in hoc Episcoporum Pastorumque curam & laborem præcipuè collimare: imò ad hanc collapsæ disciplinæ totum reformationis opus tendere debere, apparebit ex iis, quæ dicta sunt *parte prima* hujus operis tit. 10. cap. 2. & latius in dissertatione de *veterum Canonum disciplinæ stabilitate & legitimo eorum usu*. Hæc autem dissertatio reperitur inter eas, quæ *Commentario in Canones* præmissæ sunt tom. 3. hujus editionis: ubi ostenditur, quàm periculosè pro abolitione sacrorum Canonum aut disciplinæ Ecclesiæ sumatur argumentum à communi in Ecclesia praxi;

praxi; aut ab Ecclesiæ tolerantia. Insuper explicatur, quomodo, & quâ moderatione prælati Ecclesiæ in restauranda pristina disciplina procedere debeant.

Non tantum pristinæ disciplinæ notitia ad hujus conservationem aut restorationem conducit; sed & frequenter exacta hodiernæ disciplinæ notitia sine illa haberi nequit: eo quod à pristina tanquam rivulus è fonte hodierna originem ducat: imò plura disciplinæ hodiernæ puncta non sunt nisi pristinæ ipsius disciplinæ reliquiæ, quæ sine hujus pristinæ disciplinæ notitia, obscuræ planè ac inanes ritus sæpius apparebunt: si autem cum pristina disciplina, cujus sunt reliquiæ seu quædam vestigia, conferantur, utiles & plenæ spiritu Ecclesiæ apparebunt; cujus exempla in decursu operis plurima notavi, & lectori occurrent; ac signanter *tom. 1. parte 2. sect. 1. tit. 2. cap. 3.* Adhæc ex ipsa pristinæ disciplinæ scientia facilis solet esse accessus ad percipiendum verum spiritum Ecclesiæ in his, quæ modernam disciplinam spectant. Licet enim Ecclesia nonnunquam *exteriorem* suam disciplinam mutet, vel relaxet, non tamen mutatur Spiritus Ecclesiæ, sed hic invariabilis & immutabilis perseverat, uti sæpius in hoc opere monui, & in materiis occurrentibus sollicitè annotavi.

Quin & ex operis hujus lectione innotescet, ex ignorantia pristinæ disciplinæ, frequenter in crassos errores circa hodiernam Ecclesiæ disciplinam prolapsos interpretes tam Theologos, quàm Canonistas; eosque errores notabilibus abusibus subinde occasionem dedisse. Quapropter, ut fructuosè studio Juris Ecclesiastici incumbatur, & ad ejus perfectam noticiam perveniat, nequaquam negligendum est studium pristinorum illorum Canonum, qui Patrum disciplinam repræsentant. Quod & sæculo decimo-sexto rectè advertit pristinæ disciplinæ zelosissimus Restaurator S. Carolus, de quo vitæ ejus auctor scribit: "Canonum ea scientia ipsi per jucunda erat, quæ Patrum mores, & acta repræsentans Ecclesiæ componendæ atque ordinandæ rationem continet. Dolens autem eos communi consuetudine tantummodo Canones ad interpretandum seligi, qui ad lites judiciorumque valent; constituit ipse, qui iis declarandis præficeret, unde sacra *majorum* instituta & ritus, optimumque Ecclesiæ administrandæ genus hauriretur."

### §. III.

#### ATTENDENDA CIRCA RECENTIOREM PRAXIM IN ECCLESIA RECEPTAM.

Notavimus præcedenti Paragrapho, Ecclesiam subinde dissimulare aut tolerare relaxationem disciplinæ, quæ pro formandis moribus, aut vitiis extirpandis olim sanctissimè fuerat instituta, & per plura sæcula summo cum rigore observata.

Porrò ex hac dissimulatione seu tolerantia contingit, ut similis relaxatio quasi pro praxi & disciplina ipsius Ecclesiæ interdum invalescat, & reputetur: quam tamen reverà Ecclesia tolerat potius, quam prober.

Ut ergo votis Ecclesiæ obsequantur Prælati & Pastores Ecclesiæ, allaborare debent, ut pristina illa disciplina sensim, ubi collapsa est, restituatur, aut nondum totaliter collapsa sustineatur; ita tamen ut in hac parte procedatur fortiter & suaviter; id est, Zelo Pastoralis quadam Christianâ prudentiâ & moderatione temperato, quemadmodum fusiùs exposui in Dissertationibus, quæ Commentario in Canones præmissæ sunt.

Uterius, circa recentiorē disciplinam contra pristinam Ecclesiæ disciplinam sensim introductam attendendum; num hæc concernat materiam morum, & quidem notabilis consequentiæ; an verò duntaxat versetur circa ritus aliquos in administratione Sacramentorum, & celebratione divinorum officiorum, vel formam judiciorum aliove similes haud magni momenti disciplinæ articulos.

Quis enim ambigat, quin multa dissimulanda sint, circa posteriora, quæ non essent circa priora; plusque allaborandum, ut in prioribus restituatur Ecclesiæ pristina disciplina, quàm in posterioribus: atque nonnunquam propter aliquas oppositiones, difficultates, & turbationes in populo, permittendam disciplinam inolicam circa ritus formæve judiciorum, licet contraria etiam appareat conformior spiritui Ecclesiæ, ob quas non esset permittenda & toleranda praxis, quæ contra sacros Canones invaluit in materia morum & notabilis consequentiæ.

Attendendum insuper, num praxis contra sacros Canones & jam pridem usitatam disciplinam, universaliter per totam Ecclesiam, aut saltem in his Ecclesiis ab omnibus recepta sit: an verò ita duntaxat; ut à plerisque quidem recipiatur. contraria tamen apud melioris instituti homines adhuc perseveret: ac præterea, num praxis introducta, etiam auctoritate prælatorum & superiorum positivè sit probata, puta Synodorum Decretis,

aut libris Ritualibus inserta; num verò duntaxat simpliciter dissimuletur & passim toleretur. Neque enim dubitari potest, quin facilius circa hanc à fidelibus aut inferioribus Pastoribus aliquid mutari; aut pristina disciplina contraria observari, aut urgeri queat, quam circa priorem generaliter receptam, aut superiorum auctoritate positivè probatam.

Similia circa pristinam & modernam disciplinam sparsim in hoc opere annotare studui, ut hinc innotesceret, qualiter Prælati & Pastores circa hujus tolerantiam, & illius restitutionem se gerere debeant; ne dum nimium dissimulant, nihil ad perfectum adducant, vel dum è contra præcipiti & inordinato Zelo omnia ad pristinam Ecclesiæ disciplinam reformare volunt, omnia turbent: licet in hac parte, frequentior soleat esse defectus, quàm excessus.

## §. IV.

## DE CITATIONIBUS DECRETI GRATIANI.

Mirum forsàn nonnullis apparebit, quod Canones, & dicta sanctorum Patrum referens, sollicitè annotaverim loca Decreti Gratiani, quibus hi Canones aut Patrum dicta à Gratiano referuntur; quasi Canonibus aut Patrum sententiis per relationem in Decretum Gratiani aliquid auctoritatis accederet: cum tamen communi & Canonistarum & Theologorum consensu receptum sit, Decretum Gratiani nullam habere auctoritatem Juris; neque Patrum sententias, aut particularium Synodorum aut Episcoporum Decreta accipere auctoritatem Juris publici & communis, quia in Decretum Gratiani relata sunt. Huic sanè Doctorum opinioni lubens subscribo; eamque in commentario in Canones tom. 3. hujus editionis, pluribus confirmavi; neque loca Gratiani annotavi, ut Canonibus, aut sententiis Patrum auctoritatem Juris ex relatione in hoc Decretum assererem.

Verùm, cùm scirem, Decretum Gratiani unà cum aliis partibus Juris Canonici constituere hodiernum corpus Canonicum, cui ipsi Jurisconsulti ab initio assueverunt; sciremque, ipsis studiosis Juris in Scholis publicis hoc prælegi, & explicari, existimavi haud ingratum eis futurum, si indicarem Canones, Decreta, & Patrum sententias extare in Decreto, quod ipsi in suo corpore Juris Canonici habent, & quo continuè ut quodam Canonum Codice utuntur; imò è quo in controversiis & quæstionibus occurrentibus passim Canones, non tantùm in ipsis scholis Academicis, sed & in judiciis citari & allegari vident. Ut nec dubitare possim, quin Canones, & Patrum sententiæ aliquid amplius ponderis, saltem apud Jurisconsultos & in eorum tribunalibus obtineant, dum è Decreto Gratiani allegantur, quàm si immediatè ex aliqua particulari Synodo, aut auctore recitarentur, quod & latius ostendi in citato Commentario, ubi unà exposui, quæ auctoritas aliquando tam apud Theologos quàm Canonistas fuerit hujus Decreti; & unde tanta ei auctoritas accesserit.

## §. V.

## DE DECRETALIBUS GREGORII IX. ET ALIIS POSTERIORIBUS PARTIBUS CORPORIS CANONICI.

Decretalium collectio jussu Gregorii IX. confecta, eo fine publicata est, ut iis in judiciis & scholis universi utantur, uti dicitur in Epistola compilationi præfixa, & Doctoribus, & Scholaribus Universitatis Bononiensis inscripta.

Eadem intentione & subsequentes corporis Canonici partes publicatas esse, indicant earum respectivè Præfationes.

Porro sicuti hac intentione à Pontificibus publicatæ sunt, ita quoque ubique penè Gentium receptæ fuere, ut quidquid iis continetur, pro Jure communi reputatum sit. Ideoque quidquid iis præscribitur, pro Jure reputatur, quamdiu generali aut particulari contrario Jure ei derogatum non ostenditur.

Imò si Jus posterius sive scriptum, sive consuetudinarium sit dubium, ex hisce Decretalibus aliisque libris corporis Canonici, tanquam ex Jure communi interpretationem accipere solet.



Hæc Juris Canonici autoritas ubique in hisce & vicinis Regnis ita firmiter erat stabilita seculo decimo-sexto, ut licet plures Provinciæ autoritatem Romani Pontificis excusserint, nihilominus hoc Jus Canonicum pro Jure communi constanter retinuerint, uti testatur Arturus Duck *lib. 1. de Autoritate Juris Civilis cap. 7. ubi num. 17. & 18.* hæc habet: " Illud porro in Juris Canonici laudibus eximium est, quod Principes Protestantæ Germanici, aliive, postquam ab Ecclesia Romana secesserant, Lutheri & Calvinii doctrinam amplexi, omnemque Pontificis Romani potestatem abdicassent, Jus tamen Canonicum non excusserunt; sed eo in causis suis decidendis etiamnum utuntur, eodem planè modo sicut Principes Europæi, postquam renuntiaverant Cæsarium potestati, leges tamen Cæsareas adhuc observant. Et licet Martinus Lutherus zelo præproprio & inconsulto ductus Juris Canonici libros repugnantibus Jurisconsultis, Wittebergæ combusserat, Juris tamen Canonici usum ab eo tempore Saxonei, Brunsvicenses, cæterique Protestantes semper conservârunt nullâ mutatione in eo admittâ, sicut in Augustana Confessione consenserunt, Jusque Canonicum Wittebergæ, & in reliquis Protestantium Academiis adhuc publicè docetur. (a) „

Itaque quæ ex Decretalibus Gregorii IX. aut Sexto Decretalium Bonifacii VIII. vel Clementinis, aut extravagentibus in hoc opere referuntur, pro Jure communi recipienda sunt, & pro Jure servanda quousque ostendatur, Jure scripto vel consuetudinario, seu generali seu particulari ab hoc Jure communi recessum; de quo latius in citato *Commentario in Canones. tom. 4. hujus editionis.*

(a) Ut innotescat auctoritas Juri Canonico attributa in Provinciis, quæ Regi Borussia obtemperant, operæ pretium est describere dispositionem secundam, quæ in Codice Fredericiano an. 1750. *part. 2. l. 2. tit. 2. §. 12.* statuitur. *Comme nos Sujets de la Religion Catholique, ait Rex, devons, en vertu de la Paix de Westphalie, être jugés selon leurs principes en matière de foi, nous conservons au Droit Canon force de Loi, en sans qu'il est nécessaire pour cet effet.*

*Mais nous l'abrogeons dans toutes les affaires civiles, & n'en exceptons que ce qui concerne les Offices & les Dignités dans les Chapitres, comme aussi les Droits qui en dépendent & ce qui regarde les Dîmes, que nous voulons être décidés selon les Loix du Droit Canon, même parmi nos Sujets Protestants.* Codex, in quo ea dispositio legitur, dicitur Gallico idiomate, *Code-Frederic*, quia conditus est secundum formam, quam statuerat Carolus Fredericus Serenissimus Rex Borussia, & sacri Romani Imperii Elector, quin & leges in eo contentæ, munice Regi auctoritate observari debent in omnibus ejusd. Principis ditionibus.

## §. VI.

### DE RECEPTIONE CONCILII TRIDENTINI.

Cum decimâ Decembris anni 1563. finem accepisset Concilium Tridentinum, Pius IV. tunc Pontifex Romanus, universa ejus acta & Decreta confirmavit per Bullam, quæ incipit, *Benedictus Deus*, editam & publicatam Romæ 26. Januarii anni 1564. & ab omnibus Christi fidelibus suscipienda ac servanda esse decrevit; præcipiens universis Ecclesiæ prælatis quacumque dignitate fulgentibus in virtute sanctæ obedientiæ, & sub pœnis à sacris Canonibus constitutis aliisque gravioribus, etiam privationis, ut eadem Decreta & Statuta in Ecclesiis suis, Civitatibus, ac Diocesis, in judicio & extra judicium diligenter observent, & à subditis quisque suis ad quos quomodolibet pertinet, inviolabiliter faciant observari. Hanc Bullam sequuta est alia ejusdem Pontificis, quæ incipit, *sicut ad sacrorum*, publicata Romæ 20. Julii ejusdem anni, qua declarat, " Decreta sacri generalis Concilii Tridentini, ad reformationem & jus positivum duntaxat spectantia eos, ad quos pertinent à Kalendis Maii proximè præteriti omnes obligare cœpisse, neque post eam diem excusationem cujusquam, quod ea ignoraverit, admittendam, atque ita Apostolicâ auctoritate declarat, ac definit, & ab omnibus judicari mandat atque statuit. „

Philippus II. tunc Hispaniarum Rex, & Belgarum Princeps, hac in re intentioni Concilii & Pontificis obsequi volens, curavit quamprimum Decreta hujus Concilii in omnibus suis ditionibus publicari, adjuncto mandato ad omnes Officiarios seculares, ut dum requisiti fuerint, auxiliare brachium in eundem effectum sine ulla tergiversatione aut dilatione præstent. Quod quidem mandatum per Hispaniæ regna anno 1564. mense Julio publicatum esse, ex Emanuele Rodrigues refert Antonius Anselmo in suo *Triboniano Belgico cap. 32. §. 4.*

Scripsit quoque Philippus II. ad Margaritam Parmensem tunc Belgii Gubernatricem, ut Concilium Tridentinum, quoad puncta reformationis per has Belgicas Ditiones publicari & exactè observari curaret.



Igitur sub initium anni 1564. litteras dedit Margarita nomine Regis ad Archiepiscopum Cameracensem, ut Decreta Concilii expenderet, & de modo, quo in sua Diocesi secundum jura, privilegia, consuetudines hæc Decreta executioni mandari possent, sententiam suam exponeret. His litteris respondit Archiepiscopus 23. Julii ejusdem anni, celebrationem Synodi Provincialis super receptione Concilii, & publicationem Decretorum per singulas Ecclesiarum Parochias, esse quidem modos Juri consentaneos, & antehac in re simili usitados; sed magnis difficultatibus fore implicitos, nisi Regiâ auctoritate Decreta Concilii prius probentur & admittantur.

Margarita interea ex tumultibus hinc excitatis prævidens, quot difficultatibus receptio & publicatio Concilii Tridentini auctoritate Regiâ esset obnoxia, uti narrat Famianus Strada de Bello Belgico, prius explorare voluit, non tantum sententiam & judicium Episcoporum, sed & Consiliorum Rectorum, nec non Magistratuum præcipuarum civitatum, atque etiam Academia nostræ Lovaniensis, super publicatione Concilii Tridentini in his Belgicis Ditionibus quoad Decreta reformationis.

Litteræ ejusdem tenoris erant, quarum hæc ferè summa, ut Decreta reformationis quantocius expenderent, atque deliberarent qualiter & quibus mediis, hæc Decreta reformationis possent mandari executioni, ut eorum uberius fructus speratus habeatur; attendendo ad prærogativas & Jura suæ Majestatis, Ecclesiarum, & etiam Jura, Privilegia & consuetudines Provinciarum; atque super singulis suam rescriberent sententiam.

Episcopi, uti & Academia nostra Lovaniensis pauca vel nihil annotarunt; rescripseruntque, Concilium Tridentinum simpliciter esse publicandum.

Consilia Regia autem, uti & civitatum Magistratus, examinatis & revisis reformationis Decretis, plura hinc inde annotarunt, quæ Juribus Regiis suorumque Vassallorum, & Privilegiis, atque inveteratis consuetudinibus harum Provinciarum videbantur contrariari: ideoque & judicabant, publicationem non faciendam, nisi adhibitâ in his articulis quadam modificatione; ne aliâ ob inveteratos harum Provinciarum mores, & recepta ac usitata hætenus Jura & Privilegia subito inversa, turbarentur omnia, omniisque Concilii speratus fructus impediretur.

Hanc Rectorum Senatuum, & Civilium Magistratuum resolutiones Margarita Belgii Gubernatrix intimavit Regi Philippo II. qui respondit, "sibi non placere, in Concilio populis proponendo quidquam excipi, ne & Romæ, ubi sermonum avida, materies obrectandi, & reliquis Christianis Principibus in Hispaniam intentis, occasio imitandi præberetur. Nam quod de Regio ac Provinciali Jure dicebatur, consideratum abunde fuisse, cum de Concilio eodem publicando quæsitum fuit in Hispania; in qua illæ planè difficultates existebant: quarum sicut nulla tunc ratio habita est, sed Concilium sine ulla exceptione propositum, adhibitâ tamen perlevi moderatione in ejus usu, ita velle in Belgio idem factitari: eoque mitti Hispanicæ promulgationis exemplum, ut parentes imperio suo populi ad unam ubique normam pariter exigantur."

Responso Regio accepto ulterioribus deliberationibus finem imposuit Gubernatrix atque juxta enixam Regis voluntatem, publicationem Concilii simpliciter & sine ulla restrictione fieri mandavit, nullis Concilii articulis in ipso publicationis Edicto nominatim exceptis, aut restrictionibus apposis.

Verum licet ipsa publicatio simpliciter & sine limitatione populo esset intimata, ne tamen jura & mores inveterati Provinciarum non sine populi turbatione inverterentur; ipsaque subitanea mutatio speratum fructum informationis impediret, declaravit Gubernatrix in litteris seu mandatis ad Episcopos & Magistratus Regios pro executione Concilii: "mentem Regis esse, ne propter promulgationem hanc licet illimitatè & sine restrictione factam, quidquam immutetur aut innovetur circa Regalia, Jura, Privilegia Suæ Majestatis, aut suorum Vassallorum, statuumque suorum & subditorum, & speciatim circa Jurisdictionem Laicalem, Jus Patronatûs Laicis indultum, seu Jus Nominationum, cognitionem causarum & materiæ possessoris Beneficiorum, Decimarum possessorum, aut prætenfarum per Laicos, superintendentiam administrationem hospitalium aliorumque piorum locorum: non, inquit, ad contraveniendum dicto Concilio, sed ut executio accommodetur naturæ cujuslibet Provinciae."

Litteræ ad Episcopos missæ habentur *parte 3. Edictorum Flandriæ lib. 6. Rubrica 1.* & ad Magistratus & Consilia Regia *parte 1. eorundem Edictorum lib. 2. Rubrica 2.* atque prædictam clausulam eisdem verbis exprimunt.

Si notæ à Consiliis Regiis & civitatum Magistratibus conferantur cum materiis in hac clausula expressis, patebit ad oculum, clausulam illam ad illas notas dirigi; atque Regem, earum rationem in executione Concilii haberi voluisse.

Unde & Bertrandus Loth in resolutionibus Belgicis *tract. 1. art. 9.* relatis annotationibus

tionibus Concilii Arthesiæ mox subiungit: *Concilium Tridentinum quoad dicta puncta non fuit receptum in Arthesia.*

Similiter Antonius Anselmo in suo *Triboniano Belgico* cap. 32. volens exprimere; quæ per dictam clausulam Rex voluit reservata, retulit servato ordine Sessionum & Capitum Concilii Tridentini, quid ad singula à Conciliis Belgicis fuerit observatum, haud dubitans, quin hæc essent, quæ Rex per dictam clausulam reservata voluerat: quod & quotidiana praxis confirmat.

Itaque si dictas modificationes, jura Regis ejusque Vassallorum, & inveterata Provinciarum Privilegia ad regimen spectantia excipias, Concilium Tridentinum quoad Decreta reformationis & disciplinæ simpliciter & absolute publicatum fuit; unde & in Synodo Provinciali Cameracensi anno 1565. communi omnium suffragio declaratum fuit, ut *quidquid Oecumenicum Concilium Tridentinum Statuerit, id sacrosanctum omnibus sit, & inviolabile.*

Et Synodus Provincialis Mechliniensis anno 1570. primo suo Decreto "ordinat & præcipit, ut omnes & singuli, qui ad hanc Synodum convenerint, simpliciter & sine ulla protestatione ea omnia & singula, quæ à sancta Synodo Tridentina definita & statuta sunt, palam recipiant" secundum tenorem scedulæ sequentis: *Ego N. omnia & singula quæ à sancta Synodo Tridentina statuta & definita sunt, palam recipio.*

Conformiter ad hanc generalem publicationem Consilium privatum Regium anno 1569. respondisse fertur Concilio Frisiæ, Decretum Concilii Tridentini *Sess. 23. cap. 6. de Reformat.* quo decernitur, quod "nullus primâ tonsura initiatus, aut etiam in minoribus Ordinibus constitutus, ante 14. annum, Beneficium possit obtinere, deinceps debere observari, non obstante consuetudine immemoriali in contrarium, uti ex Zypæo notavi *parte 2. hujus operis sect. 2. tit. 2. c. 1.*

Concilio Tridentino igitur in hoc opere usus fui tanquam generaliter quoad Decreta reformationis & disciplinæ recepto, salvis restrictionibus sub sæpe dicta clausula contentis, quas & sollicite in singulis articulis occurrentibus annotare studui.

## §. VII.

### DE USU SYNODORUM PARTICULARIUM.

Synodi plures tum Provinciales, tum Diocesane in Belgio, Gallia, aliisque Provinciis pro executione Concilii Tridentini & restauranda Ecclesiæ disciplina celebratae fuere; qua auctoritate ad asserendam modernam disciplinam sæpius usi sumus in hoc opere.

Quæ sit auctoritas & vis harum Synodorum quoad vim Legislativam, & quousque hæc se extendat, vel qui earum Decretis obstringantur, sufficienter expositum est *tom. 1. parte 1. tit. 18. cap. 4.* præsentis operis, in quibus speciatim de Synodis Diocesanis & Provincialibus tractatum est.

Sed quia pro Belgio non tantum Belgicas, sed & exteras ac notanter Mediolanenses Synodos sub S. Carolo frequenter adducimus, notandum, quod licet hæc similesque Synodi non exerant vim obligandi, sive Legislativam in Belgicas, aut alias Provincias earum terminis non comprehensas, nihilominus, non uno titulo pro stabilienda disciplina Belgii & aliarum Provinciarum utiliter eas adduci.

Primo, quia frequenter Decreta Synodorum potius sunt declarationes quædam & interpretationes Decreti Concilii Tridentini, aut alterius Legis generalis, quam novæ & positivæ ordinationes: quo casu merito assumuntur pro intellectu & interpretatione hujusmodi Decreti aut Legis.

Hoc titulo pro intellectu Concilii Tridentini utiliter admodum assumuntur Decreta Synodorum Mediolanensium sub S. Carolo, cujus curâ & sollicitudine Concilium Tridentinum multum promotum fuit; quique illud executioni mandare magnopere studuit.

Præterea admodum conducit Synodorum auctoritas, ut Prælati, Pastores, alique, quibus disciplina Ecclesiastica conservatio aut restauratio incumbit, ipsam observantiam populo facilius persuadeant; eamque à novitate, aut singularitate, vel rigore nimio (quibus frequenter recta morum disciplina aspergitur) vindicent; dum eam non tantum à privato aliquo auctore, sed & à Synodis probatam ostendunt.

Adhæc, sæpe in aliquibus Synodis nonnulla ad rectum Ecclesiæ regimen, animarum directionem multum utilia & opportuna occurrunt, quæ in aliis desiderantur; quidni liceat Pastoribus, Prælati & quibus Ecclesiæ regimen creditum est, hæc ab illis Synodis

Synodis suggesta impendere & mutuare, tametsi Decreta hæc vim Legis in suis Ecclesiis non habeant?

Quis enim vituperet Prælatos aut Pastores, si è sanctis Patribus, aut probatis auctoribus assumant, quæ hi pro regimine Ecclesiæ & animarum directione opportunè suggesterunt: tametsi vim legum eorum dicta aut sententiæ nullam habeant?

Nonne jam pridem Ecclesia Romana Synodorum Orientalium, etiam particularium, item Africanarum Decreta pro formanda sua disciplina assumpsit; tametsi se hisce Decretis non ligari sciret? Similiter & notorium est, alias Ecclesias passim recepisse Canones exterarum Ecclesiarum, dum illos disciplinæ formandæ aut stabiliendæ seu asserendæ convenientes intelligebant, quod & in Commentario in Canones pluribus ostendo.

Licet ergo particularium Synodorum auctoritas quoad vim Legislativam certis limitibus concludatur, quatenus tamen præscribunt aut continent ea, quæ ad rectam Ecclesiæ disciplinam fovendam, corroborandam aut restaurandam; aut etiam declarandum alicujus Canonis aut Decretis sensum conducere possunt, meritò assumuntur etiam ab iis, qui de cætero earum auctoritate non ligantur, modò nihil sit contrarium disciplinæ in hac particulari Ecclesia auctoritate Superiorum probatæ & pro Lege receptæ.

Notandum quod Synodo apposita littera P. significet Synodum Provinciale: littera verò D. Diocesanam. Numerus autem litteræ appositus significet, eam esse vel primam vel secundam.

## §. VIII.

### DE EDICTIS PRINCIPUM.

UT perfecta haberetur notitia disciplinæ Ecclesiasticæ, præsertim *odiernæ*, necesse fuit plura citare Edicta Principum, quibus ipsa disciplina servanda præscribitur; quæque in his Belgicis vicinisque Provinciis vice Legum, maxime in tribunalibus Regiis habentur; & ex quorum præscripto quæstiones, notanter in possessorio, deciduntur.

Cum vero similia Edicta concipi & publicari soleant sub nomine Regis Catholici, vel Christianissimi, alteriusve Principis, qui plura inter se omnino distincta Regna, aut distinctas Provincias, sibi subiecta habet, prænotandum hic censui, Edicta non semper ad omnes Regis aut Principis Ditiones aut Provincias extendi, tametsi nomen Regis aut Principis simpliciter præferant.

Exemplum sit in Edictis Principum nostrorum. Licet enim Brabantia, Flandria, Hanonia, pluresque aliæ Provinciæ pareant uni eidemque Principi, nimirum Regi Catholico, nihilominus Provinciæ illæ manent inter se divisæ, atque uni Principi parent salvo singulorum Jure; diversisque sæpè Legibus & Moribus utuntur: neque Lex à Principe uni data, alias adstringit, nisi & his specialiter posita fuerit.

Ne ergo circa auctoritatem & vim obligandi horum Edictorum aberretur inquirendum, num Edictum, de quo agitur, sit generale & directum ad omnes Provincias, puta Belgicas Regi Catholico subiectas; an verò dumtaxat sit singulare pro una alterave Provincia, aut etiam particulari territorio: nam pro hac diversitate illius auctoritas magis vel minus latè extenditur.

Ut verò hæc diversitas innotescat, sciaturque quæ Edicta generalia, quæ Provincialia aut particularia dumtaxat sint, reflectendum est ad inscriptionem, eosque quibus Princeps salutem dicat, & in epilogo executionem ipsius Edicti mandet.

Si omnibus salutem dicit, plerumque Lex generalis est: & ad eum finem Consiliis omnium Provinciarum Legis publicatio & executio injungi solet. Mandata seu Edicta Provincialia Præsidi & Consilio; Statuta & Privilegia iis, quos concernunt, inscribi solent; uti tradit Zypæus in introductione ad notitiam Juris Belgici.

„Solent etiam (ait ibidem Zypæus) condendis Legibus Principes nostri præmittere consultationes cum suis Consiliis, juxta l. 8. C. de Constit. plerumque supremis; „publicationem autem omnibus Provincialibus, ut dixi, in epilogo injungere: quæ „etiam antequam illa fiat, examinare solent, an Juri patrio lex non refragetur; & „post illud examen, publicationis mandatum primipilari Apparitori, seu Ostiario dare.”

Addit Zypæus num. 6. „Ea hic publicatio est semper necessaria in singulis Provinciis (quod unitæ quidem omnes sunt, salvo singulorum Jure, adeoque nullæ „alteris subiectæ) singulorumque Metropolitibus, tametsi plures sint; ut in Brabantia,

„Lova-

„ Lovanium, Bruxella; Antverpia, Sylvaducis; in Flandria, Gandavum, Brugæ, Ipræ,  
„ aliæ alibi, ante hanc promulgationem Lex non solet obligare. ”

Ut igitur de extensione Edicti statuatur, inquirendum, cui inscribatur, cui executio mandetur, quæ Consilia Rex super eo consuluerit, & ex cujus sententia confectum; ac denique, quâ forma & loco publicatum: ut ex his omnibus appareat, an Edictum sit reputandum generale, an Provinciale, an particulare pro certo dumtaxat territorio. Quod de Edictis Principum nostrorum ex. gr. hic dicitur, etiam dicendum est de Edictis similium aliorum Principum, qui diversas, distinctasque Provincias sub suis Ditionibus possident. (a)

(a) Quæ spectant Concilii Tridentini receptionem, usum Synodorum particularium, Edicta Principum, pertractata sunt tom. 4. dissertatione in Jus novissimum,

## §. IX.

### DE SENTENTIIS JUDICUM.

CUM animus mihi esset, in hoc opere exponere non tantum quid jam pridem SS. Canonibus, aut etiam recentioribus Decretalibus, quæ Jus Commune constituunt, Decretum sit; sed insuper, quid hic in Belgio, Gallia aliisque vicinis Provinciis observetur: visum fuit, Magistratum seu Ecclesiasticorum seu Civilium Judicata inquirere & annotare, ut ex iis usus sive praxis locorum innotesceret, aut saltem firmaretur.

Ut enim de Jure præsertim consuetudinario, aut de ipsarum Legum observantia, aut sensu statuatur, maximi ponderis semper habitæ fuerunt etiam apud Romanos *receptæ Sententiæ*, hoc est, quæ usu fori & consensu Prudentum probantur. Hinc olim dixit Ulpianus Jurisconsultus in l. 34. ff. de Legibus: “ Cum de consuetudine civitatis vel Provinciæ, confidere quis videtur, primum quidem illud explorandum arbitror, an etiam *contra dicto* aliquando *Judicio* consuetudo sit firmata. ” Non quod ad consuetudinem introducendam necessarii sint actus *Judiciales*; sed quod ad probandam consuetudinem plurimum valeant, uti passim observant Legum Interpretes.

Eo verò amplioris ponderis erunt, quo plura in eodem vel diverso Auditorio seu Tribunali Sententiæ super eodem articulo emanarint. Imò, quæ incerta erant, si agitata deinde fuerint in Auditoriis, & rerum frequenter judicarum autoritate in unam partem definita, Jus Civile fiunt, inquit Stockmannus in præmio ad decisiones Curie Brabantiae: Quidni & Ecclesiasticum, præsertim in his quæ à praxi & consuetudine locorum maximè dependent; ut sunt solutiones Decimarum, reparationes Ecclesiarum, Domorum Pastoralium, aliæque similes?

Ne autem circa auctoritatem seu efficaciam rerum Judicarum aberretur, notandum, ordinariè res inter privatos, etiam in Supremo Principis Senatu judicatas, Jus generale non facere, etiam in simili plane casu & iisdem omnino circumstantiis: atque fas esse Magistratibus, licet huic supremo Senatui subalternis, à sententia illa in judicando recedere, juxta illud vulgatum *non exemplis, sed Legibus judicandum*: nisi tamen Princeps, sive Senatus Principem repræsentans, declaret se velle, ut impostorum judicatum pro Lege habeatur; & pro Lege promulgari jubeat: quod subinde in materia magni momenti, & notabilis consequentiæ contingit: Atque de hoc casu intelligenda apparet Constitutio Justiniani Imperatoris in l. 12. Cod. de Legib. in verbis: “ Si Imperialis Majestas causam cognitionabiliter examinaverit, partibus cominus constitutis Sententiam dixerit: omnes omnino Judices; qui sub nostro Imperio sunt, sciant hanc esse Legem non solum illi causæ, pro qua producta est, sed & omnibus similibus. ”

Hoc insuper notandum, quod sicuti non omnium Tribunalium par est auctoritas, ita nec rerum Judicarum parem esse vim & efficaciam: majorisque indubiè auctoritatis esse Supremorum Senatum Arresta, quàm inferiorum Judicata.

Uterius notandum. Arresta & res Judicatas præcipuè valere, ut adstruatur consuetudo, aut sensus alicujus Legis illis in locis, quæ subiecta sunt Parlamentis, aut Magistratibus, à quibus hæc Arresta, aut hæc Sententiæ emanarunt: quia Parlamenta & Magistratus præsumuntur judicare juxta consuetudinem, aut interpretationem Legis in suis Provinciis aut Districtibus vigentem & receptam.

Nequaquam tamen dubitandum, quin & alicujus ponderis sint Arresta vel Sententiæ in



in exteris Parliamentis & Tribunalibus pronuntiata super alicujus Legis aut Edicti, vel Canonis generalis intellectu: præsertim si nulla in hac Provincia aut Districtu contraria consuetudo aut interpretatio invaluerit, sive recepta sit: ipsaque insuper Arresta aut res judicatæ conformia appareant naturali & obvio sensui ipsius Canonis, Legis, aut Edicti.

Licet igitur sciam, praxim Belgicam non eandem esse in omnibus Juris Ecclesiastici articulis, notanter ubi de Jurisdictione Ecclesiastica (cui Belgium amplius favere solet) agitur, cum praxi in Gallia vigente, nihilominus ad stabiliendam modernam disciplinam Belgicam, non semel Parliamentorum Gallicanorum & aliorum exterorum Tribunalium Judicata annotavi, ubi nulla contraria Belgii Judicata reperi, nec ea Moribus aut Legibus harum Provinciarum adversari vidi.

Præcipuè autem circa res Judicatas attendendum, an quæstio fuerit super dubio Legis, Canonis, aut Consuetudinis in generali vel in abstracto; puta, an ex tali specie fructuum secundum Leges Belgii colligantur Decimæ; an incolæ, an Decimatores teneantur ad reparationem Domus Pastoralis, &c. & an per sententiam hoc dubium decusum sit, sine respectu ad aliquam *specialem* circumstantiam in casu proposito occurrentem.

Si enim in quæstione sive lite particulares fuerint circumstantiæ, ob quas in hoc particulari casu, hoc illove modo Legem aut Consuetudinem interpretari oportuerit: appareatque eas circumstantias verisimiliter ipsum Judicem ad sic judicandum permovisse, Sententia ita prolata inaniter applicabitur, nisi casus cum iisdem circumstantiis occurrat: quemadmodum circa Declarationes S. Congregationis super interpretatione Concilii Tridentini notavi *parte 1. tit. 22. cap. 5.* hujus operis.


Ut ergo auctoritate rerum Judicarum securius utamur, examinandus casus cum circumstantiis super quo sententia prolata est: investigandumque, num appareat, Judicem in concipienda Sententia, aliqua speciali circumstantia in hoc casu occurrente permotum esse; ita ut Sententia non nisi casui cum simili circumstantia applicari queat: an verò dubium aliquod super sensu Canonis, Legis, vel Edicti aut Consuetudinis in abstracto, sive independentem ab omni speciali circumstantia decusum sit.

Ad hanc porro noticiam assequendam multum facilitabit, si peritiores Jurisconsulti adhibeantur, qui Sententiarum brevicula ritè concipiant; quemadmodum notavit Stockmanus in Epistola Curie Brabantie inscripta, & Decisionibus illius Curie præfixa: qui & ibidem deplorat, Curie hujus res Judicatas, non ejus auctoritatis & roboris visas fuisse, quæ esse debuerunt; quod hinc evenisse credit, "quodd ex infimo grege Leguleiorum ad id munus passim delecti, qui monstra Sententiarum, loco rationum Juris deinde nobis efformaverunt."


Hinc quoque patet, non parum attendendum esse, à quo ipsa Arresta allegentur, ut de eorum auctoritate statuatur: utrum ea referentes, eorum prolationi & causarum discussioni interfuerint; vel actorum omnium inspectionem habuerint; eaque ita discusserint, ut intelligere potuerint, super quo Arresta prolata sint.

Quin & illud circa Arresta & Magistratum Judicata observandum, non mox iis adhibendam fidem, ubi hæc apud auctorem aliquem relata vel asserta reperiuntur, quemadmodum de Declarationibus S. Congregationis super interpretatione Concilii Tridentini declaravit *Urbanus VIII.* sed ipsorum referentium auctoritas ponderanda; quin & ad ipsa

Curie Regesta subinde recurendum, ut certior de prolatione allegatæ Sententiæ fides, & ejusdem verus sensus haberi queat.







# A P P E N D I X.

D E

## CITATIONIBUS UTRIUSQUE JURIS.

CUM tam apud veteres, quàm recentiores Canonistas frequentissima sint è Jure Canonico & Civili desumpta testimonia; atque non rarè contingat, ut sint lectores, qui loca allegata in Corpore Juris Canonici vel Civilis reperire nequeunt; ad quòd ipsas Citationum notas non satis intelligant; breviter hìc Citationes exponam.

### DE CITATIONIBUS JURIS CANONICI.

DECRETUM Gratiani 3. partibus constat. In prima parte solet fieri citatio per numerum *Distinctionum* & *Canonum*, vel etiam per initialia Canonis verba, hoc modò *Can. 6. dist. 8.* vel quod idem est. *Can. VERITATE dist. 8.* id est Canone, cujus initiale verbum est *VERITATE*. Citationes  
Decreti Gra-  
tiani.

Secundæ partis Canones uti & tertiæ, similiter vel per numeros, vel per initialia verba citantur additis in secunda parte, Causâ & Quæstione, hoc modo: *Can. 6. causâ 1. q. 1.* vel subintellectâ voculâ *causâ*, hoc modo: *6. q. 1. Can. 3.* id est *causâ 6. q. 1. Can. 3.*

Tractatus de *Pœnitentia* secundæ parti immixtus citatur eodem modo, quo prima pars, additis his verbis de *Pœnitentia*. V. G. *Can. Reperiuntur 2. dist. 2. de Pœnitentia.*

Ex tertia sicuti è prima, additione particulæ de *Consecratione*; hoc est distinctione 2. in tractatu de *Consecratione*.

Decretales Gregorii IX. citantur vel per initialia verba Capitulorum, vel per numeros, quod commodius est, expressâ rubricâ seu titulo sub quo referuntur: additurque frequenter vocula *Extra* vel quæ idem significat notula  $\&$ , ad indicandum, quòd sit prima collectio hodie recepta & corpori Canonico inclusâ, quæ extra vetus corpus Canonum, hoc est Decretum Gratiani extat. V. G. *cap. Osius 2. extra*, vel  $\&$  *de Elect.* Id est Capitulum 2. quod incipit *Osius* in Decretalibus Gregorii IX. sub titulo de *Electione*, qui est titulus 6. libri 1. interdum claritatis causâ additur: *apud Gregorium* vel *apud Raymundum*: ut intelligatur esse in collectione factâ auctoritate Gregorii aut operâ Raymundi. Interdum etiam simpliciter citatur initium vel numerus Capituli cum expressione tituli, quo casu intelligitur equidem collectio Gregorii tanquam famosior. Decreta-  
lium Grego-  
rii IX.

Porro quia in editione harum Decretalium recentiore sæpe suppletur pars Decretalis omisâ, quæ per Raymundum indicatur per voculam *infra*; & textui Decretalis alio expressâ caractere subjicitur, solet, dum hæc citatur, in citatione Capituli addi *in parte decisâ*, quasi diceretur in parte à Raymundo decisâ seu rescissâ. Citationes  
partis deci-  
sæ.

Collectio *Bonifacii VIII.* quæ in corpore Juris Canonici sequitur Decretales Gregorii IX. citatur eodem modo, quo præcedens, nisi quod ad distinctionem addatur *in Sexto*, aut hoc modo *in VI.* vel interdum claritatis causâ *apud Bonifacium*. Collectio-  
nis Boni-  
facii VIII.

In citatione *Clementinarum* & *Extravagantium* additur in *Clementinis*: *in Extravagantibus Joannis XXII.* vel *in Extravagantibus communibus*. Clementi-  
narum, &  
Extrava-  
gantium,

Interdum tamen 3. hæc posteriores non citantur sub nomine Capitulorum, sed dicitur V. G. *Clementina 2. de Elect.* aut *Extravagante 2. Joannis XXII. de verborum significatione*, aut *Extravag. comm. 2. de Præbend.*

Porro quia plures sæpè tituli in his collectionibus, præsertim Gregorii IX. & Bonifacii VIII. continentur eodem libro; atque insuper singulæ collectiones plures libros comprehendant, neque in citatione exprimatür numerus libri neque tituli; ne Tirones, præsertim Theologi hic hæreant, Index alphabeticus titulorum collectioni Gregorii IX. & Bonifacii VIII. præfixus est, quò citatum Capitulum faciliè inveniatur. Quomodo  
Tituli citati  
inveniuntur.

Pro faciliiori etiam Titulorum in collectione Bonifacii VIII. *Clementinarum* & *Extravagantium* notitiâ, illud quoque animadvertendum, quod in his collectionibus tituli, licet pauciores quàm in collectione Gregorii, eodem tamen ordine disponantur; ideoque si quis

Tom. 1.

\*\*\*

sciat

sciat V. G. titulum *de Elect.* inter primos titulos libri I. *Decretalium* Gregorii; titulum verò *de Præbendis* inter priores libri 3. haberi, & sic de reliquis: non dubitet, quin illos etiam eodem libro, & inter priores titulos istarum collectionum reperiet. Adeoque, ut quis reperire faciliè queat titulos omnium partium corporis Juris Canonici sufficiet, si aliquam notitiam habeat titulorum *Decretalium* Gregorii IX.

## DE CITATIONIBUS JURIS CIVILIS.

**D**ELATO ad unum hominem (scilicet Augustum) Imperio Romano, variè prodierunt Imperatorum Constitutiones, quæ per quingentos circiter annos, scilicet ab Augusto ad Justinianum, mirum in modum excreverunt. Magnæ quoque auctoritatis fuerunt *Responsa prudentum*: nam non tantum illorum Consilio jus dicebant Imperatores; sed eorum quoque nonnullis publicam de Jure respondendi facultatem concesserunt.

Ex his Imperatorum, ab Adriano ad Constantinum constitutionibus, compositi sunt duo Codices tempore Diocletiani, alter à Gregorio, alter ab Hermogene viris privatis. Tertium Codicem dedit Imperator Theodosius junior, octo prudentium virorum laboribus usus, in quo Imperatorum à Constantino ad seipsum constitutiones conclusit.

Distribu-  
tio Juris  
Civilis.

Tandem Imperator Justinianus summam manum Jurisprudentiæ Romanæ imposuit. Is enim anno Christi 528. cum *Imperatoriam Majestatem non solum armis decoratam, verum etiam legibus pellet esse armatam*, illustres viros delegit, quibus maximum illud, & ad *Reipublicæ sustentationem respiciens opus* commisit, ut ex tribus legum Codicibus Gregoriano, Hermogeniano & Theodosiano amputatâ prolixitate, alium Justiniani nomine inscribendum componerent. Horum igitur excellentium virorum operâ Codicem Justinianum perfecit, & datâ hanc in rem constitutione confirmavit anno 529.

Deinde innumeras penè veterum leges unico complexus est opere, in quinquaginta libros divisio quod *Digestorum* seu *Pandectarum* nomine donatum est.

Postea Juris Civilis Epitomen in quatuor libros distributam edidit in gratiam adolescentum Jurisprudentiæ studiosorum, quam Epitomen *Institutionum Juris Civilis* nomine insignivit.

Sed cum nonnulla in Codice vel omissa, vel non satis accuratè pertractata deprehenderet, ipsum in multis emendari, & primæ ejus editioni secundam accuratiorē succedere voluit: hincque est *repetitæ prælectionis Codex*.

Additæ sunt *Novellæ*, seu novæ constitutiones 168. adeo ut *integrum Juris Civilis*, ut vocant, corpus, quatuor constet collectionibus, videlicet quatuor *Institutionum* libris, quinquaginta libris *Digestorum* seu *Pandectarum*, duodecim libris, *Codicis* & *Novellis* 168. ex quibus *Novellis* excerptæ sunt breves sententiæ, quæ in recognoscendo Codice variis illius locis insertæ sunt, eæque *Authenticæ* dicuntur, quod auctoritate Imperatoriâ fulciantur *Novellæ*.

Jam cum quinquaginta *Digestorum* seu *Pandectarum* libri unâ cum *Glossis* unico volumine comprehendi non possent, in tria divisi sunt volumina à librariis, qui primum volumen *Digestum vetus*, nominarunt, quoniam prius editum est; secundum, *Infortiatum*, quia fortiorem ac pleniorē legum cognitionem suppeditat; tertium denique *Digestum novum*, seu postremò editum nuncuparunt.

Citatio Di-  
gestorum  
seu Pande-  
ctarum.

Singuli *Pandectarum* & *Codicis* libri in titulos, tituli in leges, & leges in paragraphos distribuuntur. Cum ergo allegatur lex aliqua *Digestorum*, seu *Pandectarum*, nomen *Digestorum* significatur per litteram Majusculam D. *Pandectarum* verò per græcum π, cum accentu circumflexo, in cuius locum librarii duplex ff. substituunt. Exempli gratiâ, si quis allegare velit paragraphum tertium legis primæ tituli primi *Digestorum*, seu *Pandectarum*, qui titulus est *de Justitiâ & Jure*, sic dicet. Jus naturale est, quod natura omnia animalia docuit, ex l. 1. parag. 3. seu ff. *de Justitiâ & Jure*; id est lege primâ, paragrapho tertio, *Digestis*, seu *Pandectis*, titulo *de Justitiâ & Jure*.

Citationes  
Codicis,  
Novellarum  
& instit. &c.

In Codice autem L. Nemo 2. Cod. de sacrosanctis Ecclesiis: id est lege, quæ incipit ab hoc vocabulo, *Nemo*, quæ Lex est secunda, in Codice, titulo *de Sacrosanctis Ecclesiis*, &c. *Novellæ* propriis nominibus & numeris allegantur, & *Novellarum* capita indicantur. Institutiones quoque Juris Civilis per titulos & paragraphos laudari solent. Hæc nota ς. est π Græcum depravatum, & paragraphum significat.

Primo Paragrapho præmittitur *principium*, quod sic allegatur *in pr.* id est in principio. Similiter *in f.* id est. in fine, *in sum.* id est, in summa, quæ nempe legi aut paragrapho præfixa est. Item *arg.* id est, argumento, scilicet ex aliqua lege deducto. *h. t.* id est, hoc titulo, *gl.* id est, Glossa. *j. g.* id est, juncta Glossa, scilicet cum notis, &c.

Autori-  
tas Juris Ci-  
vilis Roma-  
ni.

Quamvis Jus Civile Romanorum tantâ arte & operâ à Justiniano, tum ex optimis quibusque Jurisconsultorum responsis & observationibus; tum etiam ex sanctissimis Imperatorum constitutionibus compositum fuerit, non tamen statim à subsequētibz Imperatoribus est approbatum, & in forensibus controversiis usurpatum. Sed ipsius auctoritas paulatim crevit, prout magis apud homines innotuit: tandemque apud cunctas ferè Nationes, vel ex toto, vel ex parte, cœpit observari. Nunc magnum habet pondus in tota ferè Europa, ubi Jus simpliciter nominatur.

Nam

Nam etiam si nulla ferè sint Europæ Regna, nullæ Provinciæ, quæ peculiare non habeant usus & consuetudines; in iis tamen *Jus scriptum*, id est, *Jus Romanum* pro regula est, quotiescunque *Jus*, ut vocant, *Consuetudinarium* deficit. Idque Obertus de Orto Jurisconsultus Mediolanensis rectè observat lib. 2. de Feudis tit. 1. his verbis: *Strenuus legis peritus, siubi casus emerjerit, qui Consuetudine feudi non sit comprehensus, absque Calumnia uti poterit lege scripta.*

In Gallia quædam sunt Provinciæ, in quibus *Jus scriptum* obtinet, ut Regio Lugdunensis, Gallo-Provincia, Occitania. In aliis suæ vigent Consuetudines ab antiquo observatæ; quas tamen constitutione Caroli VII. anni 1454. scriptis mandatas esse oportet, ac in supremis Curii comprobatas, ut omnis tollatur variatio; quæ ex testimoniorum diversitate oriebatur, ac facilius constet Judicibus, quid inter judicandum sequi debeant. Ubique tamen ferè *Jus Romanum* velut communis quædam hominum regula merito spectatur. Nam vera & genuina continet æquitatis ac justitiæ naturalis principia: nec aliunde melius Jurisprudentiæ præcepta & definitiones, quam ex *Jure Romano* reperiuntur.

Et consuetudinum.

## APPROBATIO.

**H**OC opus, cui Titulus, *Jus Ecclesiasticum Universum*, &c. duobus tomis comprehensum, Authore admodum Reverendo ac Clarissimo Domino ZEGERO BERNARDO VAN-ESPEN J. U. Doctore, & SS. Canonum in Academia Lovaniensi Professore, multorum votis diu desideratum, & plurium, ut spero, plausibus excipiendum, publicam lucem meretur & studiosam lectionem: ex eo siquidem Canonum studiosus exactam notitiam Juris tam fori quam poli haurire poterit, Theologus normam rectæ administrationis Sacramentorum, & Ecclesiastici, omnes modum vivendi vocationi ac characteri suo congruum; cumque ut loquitur Concil. Trid. Sess. 22. cap. 1. de Reform. nihil sit, quod alios magis ad pietatem & Dei cultum assidue instruat; quam eorum vita & exemplum, qui se divino ministerio dedicaverunt, fructus hujus operis, Deo propitio, in totam Ecclesiæ compaginem diffundetur. Ita censeo Antverpiæ hac 26. Martii 1700.

ARNOLDUS EYBEN Cath. Antwerp.  
Canonicus Theol. Librorum Censor.

## APPROBATIO.

*Universum* hoc *Jus Ecclesiasticum* magnis laboribus & multilegâ lectione collectum magno prodit universalis Ecclesiæ bono: cum enim ignorantia cunctorum sit causa malorum, iniquitatis radicem hanc excindit, cordatum modò lectorem inveniat, Juris enim de quo veritas, hic aptis Sacræ Scripturæ textibus illustratur, inconcussis summorum Pontificum Decretis munitur, sacris Conciliorum Canonibus firmatur, sanctorum Ecclesiæ Doctorum assertionibus fulcitur, sanctis Patrum documentis sustinetur, & sparsis hinc inde Gnomis ceu Gemmis ornatur & splendet, Judicum Sententiis & Decisionibus ad posteros transmittitur, unde fiet miserante Deo, ut si Juris hujus rectitudini mores hominum collineentur, in obtinendis Dignitatibus confusa recedet cordis ambitio, in distribuendis Beneficiis & Officiis pelletur injusta Personarum acceptio, nec effrons apparèbit Simonis facies à non paucis vocata pensio. Volve vel saltem percurrere cordate lector; & dices nos stillam ex fonte propinare, radium lucis pro die vibrare, ex immensis Thesauris obolum proferre: non ambigo quin Opus hoc universum, sanæ Doctrinæ Theologis futurum sit gratissimum, Juristis optatissimum, nocturnâ diurnâque manu versari dignissimum à Pastoribus, à Canonicis, ab omnibus Clericis. Stylus claritate placet, ordo memoriam juvat, selectarum quarundam Sententiarum unctio voluntatem perlinit, veritatis splendor passim emicans intellectum inaurat, publicâ ergo luce longè dignissimum censeo, hac 12. Novembris 1699.

JOAN. LE BEAU S. Adalberti Leodii  
Curio-Decanus Excm. Synod.

---

## L I C E N T I A.

### CENSORIS ORDINARII COLONIENSIS.

**L**IBER *Jus Ecclesiasticum Universum* inscriptus Authore adm. Rever. & Clarissimo Domino Zegero Bernardo Van-Espen J. U. Doctore, & SS. Canonum in Academia Lovaniensi Professore, aliàs alibi approbatus, ac Typis mandatus; nunc verò sumptibus D. Wilhelmi Metternich Bibliopolæ Colonienfis impressus, permitto, ut evulgetur. Coloniae 16. Augusti 1702.

CORNELIUS BREUVER, SS. Th. Doctor & publicus  
Professor, S. Severini Canonicus Chori - Episcopus  
& Pastor, Librorum Censor.

---

## D E C L A R A T I O

### REVERENDI PATRIS d'ELBECQUE EX ORDINE FRATRUM PRÆDicatorum, ROMÆ IN CONGREGATIONIBUS CÂRDINALIUM CONSULTORIS ET QUALIFICATORIS IN GRATIAM JURIS UNIVERSI ECCLESIASTICI.

**R**EVER. P. d'Elbecque nono die Septembris an. 1702. scripsit D. Van-Espen, quòd D. Van-Susteren (tunc Vicarius generalis Archiepiscopi Mechliniensis, deinde Episcopus Brugensis) ipsi adfuerit 6. ejusdem mensis; " atque inter alia verba, quæ colloquebatur, inquit, non dubito, aiebat D. Van-Susteren, Paternitatem vestram multum occupari, etiam à sacris Congregationibus. Cui ego! imò Domine multum occupor, & non infrequenter sacre Congregationes suis mandatis me honorant, ac fortè brevi mihi committeretur examen *Juris Ecclesiastici universi* D. Van-Espen, cum dicatur illud à te jam esse denuntiatum. Tibi autem declaro in antecessum, quod si istius operis examen mihi committatur, ex mea sententia certè non condemnabitur. Nam ipsum perlegi, & nihil quod censuram mereatur in ipso offendi. Ad hoc ipse mox erubuit, & tantum non obmutuit. Resumpto interim animo, humili voce respondit: nec nos librum illum denunciamus, quòd aliquid contineat contra fidem aut bonos mores; sed quod Jurisdictioni Ecclesiasticæ non satis faveat, imò potiùs illam impugnet & deprimat; atque inter cætera Jus adscribat potestati sæculari dijudicandi & resolvendi in dubiis de immunitate. (a) "

(a) Hanc declarationem R. P. d'Elbecque detulit D. Van-Susteren ad Cardinales Congregationis S. Officii, nihilominus examen *Juris Ecclesiastici Universi*, &c. R. P. d'Elbecque commissum fuit; discussio ejusdem operis credita quæque est aliis consultoribus, at præter votum R. P. d'Elbecque prohibitum fuit *Jus Ecclesiasticum* Decreto Congregationis Cardinalium S. Officii, dato die 22. Aprilis 1704. hoc Decretum refertur sub littera majuscula A ad calcem opusculi, cujus hic est titulus: *Æquitas sententiæ Parlamenti Mechliniensis*.

---

## A P P R O B A T I O N. (a)

**J**AY lû par ordre de Monseigneur le Garde des Sceaux un Manuscrit intitulé: *Supplementum in Corpus Juris Canonici*: c'est un Ouvrage du célèbre M. Van-Espen, Professeur en Droit Canon. dans l'Université de Louvain, qui donne un Supplément à plusieurs endroits de son Livre intitulé: *Jus Ecclesiasticum Universum hodiernæ disciplinæ præsertim Belgii, Gallie & vicinarum provinciarum accommodatum*, imprimé à Louvain & à Bruxelles en 1700. Ce Manuscrit est plein d'une erudition profonde, qui répond bien à la réputation que l'Auteur s'est si justement acquise par ses précédens Ouvrages: il renferme plusieurs dissertations doctes & curieuses sur l'ancienne discipline de l'Eglise; & les instructions que l'Auteur y donne semblent pour la plupart tout à fait à désirer aux endroits y marquez de son premier Ouvrage, c'est pourquoi l'impression n'en peut être que très-utile & très-agréable au Public. Fait à Paris le 2. Janvier 1727. NOUET.

(a) Hæc approbatio spectat contextus, qui in *Jure Ecclesiastico universo* suis locis inserti leguntur.

INDEX



# INDEX

## TITULORUM ET CAPITUM.

### *PARS PRIMA.*

## DE PERSONIS.

### TITULUS PRIMUS.

#### DE CLERICIS.

#### CAPUT PRIMUM.

- D**E Clericis *prima Tonsura.* fol. 1  
 II. De Clericis *minorum Ordinum.* 3  
 III. De *Subdiaconis, Diaconis & Presbyteris.* 4  
 IV. Clerici *certain Ecclesiæ adscribendi.* 7

#### TITULUS II.

##### De vita & honestate Clericorum.

#### CAPUT PRIMUM.

- Singularis in Clericis morum honestas requiritur.* ibid.  
 II. *Honestas & modestia in habitu Clericorum.* 8  
 III. *Incontinentia & familiarior cum mulieribus conversatio Clericis cavenda.* ibid.  
 IV. *Ebrietas, comessatio, popinarum frequentatio Clericis specialiter interdictæ.* 10  
 V. *Ludus alearum, seu à fortuna dependens Clericis vetitus; & quæ in ludis licitis cavenda?* 11  
 VI. *Clerici negotiis secularibus se non misceant.* 13

#### TITULUS III.

##### De Pastoribus & Vice-Pastoribus.

#### CAPUT PRIMUM.

- Singulis Parochiis singuli Parochi totius Parochiæ curam sustinentes præficiendi.* 14  
 II. De *Vice-Pastoribus; à quo assumendi, & quid iis incumbat?* 16  
 III. *Parochi, alique curam animarum sustinentes iure divino tenentur residere.* 17  
 IV. *Parochi animarum curatores tenentur per se instructioni populi, aliisque functionibus Pastoralibus incumbere.* 18  
 V. *Respondetur ad cap. 68. De Regulis Juris in VI. & una offeruntur rationes, ob quas ordinarie contingat, instructionem Pastoris esse populo utiliore, quam extranei.* 19  
 VI. *Episcopi cogere debent Parochos, ut per se populum instruant.* 20  
 VII. *Fratres Mendicantes instituti sunt ut meri Parochorum subsidarii.* 21  
 VIII. *Regularium Stationes quantumvis diuturnæ & continuatæ, Parochum per se concionari aut catechizare volentem impedire nequeunt.* 22  
 IX. *Quæ observanda à Parochis circa Stationarios?* 24  
 X. *Sicuti Parochorum est populum instruere; ita Parochianorum est eos audire.* 25  
 XI. *Quæ in Belgio fuerint statuta ad promovendam frequentationem Parochiæ ad audiendum Verbum Dei?* 27

#### TITULUS IV.

##### De Custodibus Ecclesiarum Parochialium,

#### CAPUT PRIMUM.

- D**E Officio *Custodum.* 28  
 II. *Qui ad Officium Custodum admittendi, & qui rejiciendi?* 29  
 III. *A quo Custos constituendus; & quæ ejus Jura?* 30

#### TITULUS V.

##### De Aedituis Ecclesiarum Parochialium, & Magistris Pauperum seu Mensarum Sancti Spiritus.

#### CAPUT PRIMUM.

- Q**ui, & à quibus constituendi? & quod ab electis præstandum juramentum? ibid.  
 II. *Quanam præcipue ab Aedituis & Magistris Pauperum in administratione bonorum observanda?* 32  
 III. *Quomodo bona Fabricæ & Mensæ Sancti Spiritus dispensanda, & à quibus?* 33  
 IV. *Qui computibus intervenire debeant?* 34  
 V. *Quæ circa redditionem computus observanda?* 35  
 VI. *Proponuntur Regulae generales in hac materia observandæ.* 36

#### TITULUS VI.

##### De Decanis Christianitatis seu Ruralibus.

#### CAPUT PRIMUM.

- A**rchipresbyteri, alii Urbani & alii Rurales: à quo eligendi? 37  
 II. *Decani Rurales Pastoribus & Ecclesiasticis suis Districtus intendere debent.* 38  
 III. *De Visitatione Archipresbyterorum.* 39  
 IV. *De Congregationibus Pastorum & Archipresbyterorum.* 40  
 V. *De Juribus Archipresbyterorum.* ibid.

#### TITULUS VII.

##### De Canonicis Collegiatarum, & Cathedralium Ecclesiarum; & Officiis Juribusque utrisque communibus.

#### CAPUT PRIMUM.

- U**nde Canonici Collegiatarum & Cathedralium Ecclesiarum dicantur seculares? 41  
 II. *Canonici qui bodie dicuntur seculares, vitam communem & claustralem egerunt; & quando ab ea recesserint?* 42

III. Ex

- III. *Ex desertione vitæ communis quasi naturaliter sequuta est vitæ Canonialis dissolutio.* ibid.  
 IV. *Ipsa Canoniconum institutio seu professio semper mansit invariata.* 43  
 V. *De Congregationibus Capitularibus.* 44  
 VI. *Canonici Divinum Officium diurnum pariter ac nocturnum publice persolvere tenentur.* 47  
 VII. *De Distributionibus quotidianis.* 48  
 VIII. *Distributiones non sunt institutæ, ut propter eas Divinum Officium frequentetur.* 49  
 IX. *De Residentia Canoniconum.* 50  
 X. *De causis excusantibus à Residentia.* 51  
 XI. *De causis legitimis recipiendi distributiones in absentia.* 53

## TITULUS VIII.

## De Capitulo Cathedrali.

## CAPUT PRIMUM.

- Capitulum Cathedrale Ecclesiæ Senatam representat, & unum cum Episcopo corpus constituit.* 54  
 II. *Capitulum Cathedrale quantumvis exemptum debet Episcopo tanquam Capiti reverentiam & bonorem exhibere; & in quibus hæc consistent?* 55  
 III. *Quomodo Episcopus Capitulis etiam exemptis interveniat?* 56  
 IV. *In quibus Episcopus teneatur consilium vel consensum Capituli petere?* 57

## TITULUS IX.

## De Capitulo Sede vacante.

## CAPUT PRIMUM.

- Capitulum Sede vacante in ordinariam Jurisdictionem Episcopi succedit.* 58  
 II. *In qua Capitulum Sede vacante Episcopo non succedat.* 59  
 III. *Qualis Vicarius Sede vacante hodie constitui solet?* 61  
 IV. *A quo & qualem Jurisdictionem accipiat Vicarius?* 62

## TITULUS X.

## De Canonicis Graduatibus.

## CAPUT PRIMUM.

- Qua ratione & quomodo Canonici Graduatim præsertim in Belgio instituti?* 63  
 II. *De Graduatibus Theologis & Canonistis.* 64  
 III. *De Graduatibus Nobilibus.* 66

## TITULUS XI.

## De Dignitatibus Capitulorum.

## CAPUT PRIMUM.

- De Præposito.* 67  
 II. *De Decano.* ibid.  
 III. *De Cantore.* 69  
 IV. *De Scholastico.* 70  
 V. *De Thesaurario.* 71  
 VI. *De Canonico Theologo.* ibid.

## TITULUS XII.

## De Dignitatibus Ecclesiarum Cathedralium.

## CAPUT PRIMUM.

- De Archidiacono.* 73  
 II. *De Archipresbytero Cathedrali.* 77  
 III. *De Penitentiario.* ibid.  
 IV. *De Officiali Episcopi.* 79  
 V. *De Vicario Episcopi.* 81

## TITULUS XIII.

## De Electione &amp; Nominatione Episcoporum.

## CAPUT PRIMUM.

- Quas partes olim populus habuerit in hac Electione?* 82  
 II. *Quomodo Electio Episcoporum ad Capitula Ca-*

*thedralia sit devoluta, & una de Concordatis Germaniæ.* 84

- III. *De Imperatorum consensu olim requisito ad Electiones Episcopos.* 88  
 IV. *De Regia Episcoporum Nominatione.* 91  
 V. *Quæ conditiones in Nominatione Regia sint servandæ?* 93  
 VI. *Quædam circa Electionem & Nominationem Episcoporum invariata manserunt.* 95

## TITULUS XIV.

## De Confirmatione Episcoporum.

## CAPUT PRIMUM.

- Ad quem spectet Episcoporum confirmatio?* 96  
 II. *Confirmatio dari debet prævia causæ cognitione.* 99  
 III. *Per quos, & qua forma hodie informatio de Nominatione ad Episcopatus sumatur?* ibid.  
 IV. *Quo ritu expediatur confirmatio?* 103  
 V. *De effectu confirmationis, & quæ hodie requirantur, ut plenum effectum sortiatur?* 104

## TITULUS XV.

## De Consecratione Episcoporum.

## CAPUT PRIMUM.

- A quibus, intra quod tempus, & quo loco Consecratio fieri debeat?* 107  
 II. *De Juramento ab Episcopis ante Consecrationem Romano Pontifici præstando.* 109  
 III. *De moderno ritu Consecrationis.* 113  
 IV. *De Episcopis qui solent nuncupari Titulares.* 117  
 V. *De effectu Consecrationis, ac præcipue de Vinculo quo Ecclesiæ alligatur Episcopus, & una de prohibita translatione Episcoporum.* 119  
 VI. *De mente Decretalium circa vinculum quo Episcopus suæ Ecclesiæ alligatur.* 122

## TITULUS XVI.

## De Cura Episcopali.

## CAPUT PRIMUM.

- Quomodo Episcopi successerint in locum Apostolorum?* 125  
 II. *De Auctoritate regendi Ecclesiam omnibus Apostolis data.* 126  
 III. *Episcopi vocantur ad nudum Ecclesiæ ministerium & servitutem.* 127  
 IV. *De modo quo summus Pontifex & Episcopi influunt in Ecclesiæ membra.* 128  
 V. *Quisque Episcopus hodie habet distinctam Diocesim, extra quam Jurisdictionem aut Pontificatiam exercere nequit.* 129  
 VI. *De sollicitudine Pastoralis, ejus amplitudine & restrictione.* 131  
 VII. *Cura & regimen totius Diocesis primario & principaliter incumbit ipsi Episcopo.* 132  
 VIII. *Episcopi jure divino tenentur ad residentiam; & qualis debeat esse illa residentia?* 133  
 IX. *De legitimis causis absentia Episcoporum à suis Diocesibus.* 135  
 X. *Præcipuum munus Episcoporum est Prædicatio Verbi Dei.* 137  
 XI. *Nullus sine auctoritate Episcopi publice prædicare potest.* 139  
 XII. *Episcoporum est pro populo orare, populum ad orationem excitare; preces publicas indicere & dirigere; & abusus, si qui irrepserint tollere.* 143

## TITULUS XVII.

## De Visitatione Episcoporum.

## CAPUT PRIMUM.

- De necessitate & scopo Visitationis.* 147  
 II. *Quæ procuraciones ab Episcopo visitante exigantur.*

- exigi, vel recipi possint; & qui ad eas tenentur? 149  
 III. Quæ loca ab Episcopis Visitari debeant, & possint? 151  
 IV. Quomodo in Visitatione procedendum; & quem effectum Decreta in Visitatione habeant? 153

## TITULUS XVIII.

De Synodis Diocesana seu Episcopalibus.

## CAPUT PRIMUM.

- Quoties hæ Synodi celebranda, & qui intervenerint? 155  
 II. Quæ in Synodo Diocesana tractanda? 156  
 III. De Testibus Synodalibus. 158  
 IV. Qui bis Synodis subdantur, & quæ earum auctoritas? 160

## TITULUS XIX.

De Metropolitanis.

## CAPUT PRIMUM.

- Quando & à quibus Metropolitanis instituti? 161  
 II. De prærogativis, quibus super alios Episcopos fruuntur Metropolitanis. 162  
 III. Quam obedientiam Episcopi Suffraganei debeant suis Metropolitanis? 164  
 IV. In quibus causis Metropolitanus sit Juxta ordinarius Episcoporum? 165  
 V. Quam auctoritatem Metropolitanis hodie habeant in Diocesi suorum Suffraganeorum? 167  
 VI. Auctoritas Metropolitanorum in Diocesi suorum Suffraganeorum adhuc perpenditur. 168  
 VII. De Pallio & Cruce Archiepiscopali. 169  
 VIII. Pallii origo, prærogativæ, & earum progressus observantur. 172

## TITULUS XX.

De Synodis Provincialibus.

## CAPUT PRIMUM.

- Quoties Synodus Provincialis celebranda, & qui illi interveniant? 176  
 II. Usus & utilitas Conciliorum Provincialium, causa eorum celebratio fuerit interrupta. 177  
 III. Quæ in Concilio Provinciali tractanda? 179  
 IV. Qui Decretis Synodorum Provincialium sint subjecti? & de confirmatione Sedis Apostolicæ super bis Synodis. 181  
 V. Exponitur mos postulandi à Sede Apostolica confirmationem Synodorum Provincialium. 183  
 VI. Quæ Principum circa Synodos Episcopales auctoritas? 184

## TITULUS XXI.

De Legatis &amp; Nuntiis Apostolicis.

## CAPUT PRIMUM.

- De variis Legatorum speciebus. 186  
 II. De Auctoritate & Dignitate Legatorum. 188  
 III. De quibusdam Legatorum Prærogativis de eorum origine & abusu. 192  
 IV. Quid moribus hodiernis, præsertim Galliæ & Belgii circa Legatos & Nuntios Apostolicos obtineat? 194

## TITULUS XXII.

De Congregationibus Cardinalium.

## CAPUT PRIMUM.

- De origine, & dignitate, & officio Cardinalium. 198  
 II. De Consistorio Cardinalium. 203  
 III. De Congregatione S. Officii sive Inquisitionis; atque una de origine Inquisitionis. 205  
 IV. De Congregatione Indicis. 208

- V. Ulterius quæritur quid Hispani, quid Galli, quid Belgæ sentiant de auctoritate judicis librorum prohibitorum. 213

- VI. De Congregatione pro executione & interpretatione Concilii Tridentini. 214

- VII. De quibusdam momentis, quæ spectant Congregationem Conc. Trid. interpretem. 216

- VIII. De Congregatione super negotiis Episcoporum & Regularium. 217

- IX. De Sacra Congregatione Rituum. 218

- X. Ritus sanctos Canonizandi iterum exponitur. 221

## TITULUS XXIII.

De Officialibus Curiae Romanæ.

## CAPUT PRIMUM.

- De Vice-Cancellario, & Cancellaria Romana. 223  
 II. De Datario & Dataria. 225  
 III. De tempore quo erecta est Dataria & de compositione super fructibus male perceptis. 228  
 IV. De Penitentiario & Penitentiaria. 229  
 V. De Secretario Brevium, & de differentia inter Brevia & Bullas. 231

## TITULUS XXIV.

De Instituto Regularium &amp; eorum Admissione.

## CAPUT PRIMUM.

- De primævo Monachorum Instituto, eorum Regulis & Constitutionibus. 233  
 II. Multis seculis Ordinum Monasticorum ignota diversitas, quomodo postmodum indulta, & quomodo restricta novorum Institutio? 236  
 III. De nova constructione Monasteriorum. 237

## TITULUS XXV.

De Admissione ad Religionem, &amp; Novitiatu.

## CAPUT PRIMUM.

- Qualiter probandus admittendus ad Religionem? 242  
 II. De Novitiatu. 243  
 III. De Libertate Novitii deferendi Religionem ante Professionem, & ad eam spectantibus. 246  
 IV. Quomodo Novitii de bonis suis disponere possint & debeant? 249  
 V. De examine Puellarum ante habitus susceptionem, & Professionem. 250

## TITULUS XXVI.

De Simonia circa ingressum Religionis.

## CAPUT PRIMUM.

- Est Simonia aliquid exigere pro sustentatione Professuri, dum Monasterium est sufficiens. 252  
 II. An titulus paupertatis exactiones dotium justificet? 254  
 III. Media convenientia ad extirpandas passionis Simoniacas. 256

## TITULUS XXVII.

De Professione &amp; ejus effectu.

## CAPUT PRIMUM.

- De Professione solemnī ejusque ritu, & an tacita hodie obtineat? 259  
 II. De ætate Proficientium. 260  
 III. De Formula Professionis; & quid contineat? 261  
 IV. Professio Religiosa an Professum adstringat stabiliter Monasterio; & quid ab excurrente Monacho observandum? 262  
 V. An Professio Religiosa permittat transitum de una Religione ad aliam? 263

VI. Quid

- VI. *Quid observandum à Regulari prætendente professionem suam fuisse invalidam?* 266  
 VII. *An Monachi contumaces & rebelles possint post professionem à Monasterio ejici, & à Religione abscindi?* 267

## TITULUS XXVIII.

De Voto Obedientiae.

## CAPUT PRIMUM.

- Qualis debeat esse Obedientia?* 269  
 II. *De Obedientia caeca.* 270  
 III. *An obediendam Superiori aliquid contra vel supra Regulam præcipienti?* 272  
 IV. *An Regularibus à præcepto Superiorum appellare liceat?* 273

## TITULUS XXIX.

De Voto Paupertatis.

## CAPUT PRIMUM.

- Abdicatio omnis proprietatis est essentialis Status Religiosi.* 275  
 II. *Religiosi privati sunt omni jure successionis.* ibid.  
 III. *Paupertas Religiosa permittit bonorum etiam immobilium possessionem in communi; hodie necessaria admortizatio.* 277  
 IV. *De Admortizatione iterum differitur.* 280  
 V. *Qui Ordines Mendicantes, & eorum specialis Paupertas, ac quæ Religiosa Mendicitas?* 281  
 VI. *Omnia undecumque Religiosis obvenientia in communes usus Fratrum sunt dispensanda.* 286  
 VII. *Peculia Monachorum contrariantur Voto Paupertatis, & vitæ communi.* 288  
 VIII. *Omnibus ex communi Monasterii substantia necessaria subministranda; & quæ in eorum usu observanda?* 290  
 IX. *Quomodo bona Monasterii à Superioribus dispensanda?* 292  
 X. *Titulus administrationis in simplici Monacho pallium proprietatis.* 293

## TITULUS XXX.

De Voto Castitatis.

## CAPUT PRIMUM.

- Profectio Religiosa includit votum Castitatis, saltem implicite; & ad quid obliget?* 295  
 II. *Mulierum ad claustra & Oratoria Monachorum ingressus quomodo vetitus?* 296

- III. *De Clausura Monialium vetante egressum Monialium.* 298  
 IV. *De Clausura vetante ingressum in Monasteria; quæ sit circa clausuram Belgica disciplina?* 301

## TITULUS XXXI.

De Monasteriorum Superioribus.

## CAPUT PRIMUM.

- Quid Abbates & Abbatissæ, & varia eorum distinctio?* 304  
 II. *De Priore Clausurali, Obedientiario, & Conventuali, eorumque differentiis.* 306  
 III. *De Auctoritate Prælatorum regendi & corrigendi Subditos.* 308  
 IV. *Quandonam Superior debeat petere consilium vel consensum Capituli, & qui Capitulum constituent.* 311  
 V. *De Cura temporalium Abbatibus incumbente, & Officialibus ab ipsis constituendis.* 314  
 VI. *De Usu Pontificalium Abbatibus indulto.* 316  
 VII. *De Abbatibus Laicis & Commendatariis, & eorum origine & juribus.* 320  
 VIII. *Discutitur Decretum Concilii Tridentini sess. 25. cap. 21.* 327  
 IX. *De Electione & Nominatione Superiorum.* 328  
 X. *De Confirmatione & Benedictione Abbatum.* 331  
 XI. *Quis Ordo & ætas in Superioribus Regularibus requiratur?* 332

## TITULUS XXXII.

De Regularium Reformatione &amp; Visitatione.

## CAPUT PRIMUM.

- Præcipuæ causæ collapsæ disciplinæ Monasticæ recensentur.* 334  
 II. *Ad quos reformandi auctoritas pertinet?* 337  
 III. *De Congregationibus & Capitulis Regularium.* 340  
 IV. *De Visitatione Monasteriorum.* 344  
 V. *De Scopo & Forma visitationis & reformationis.* 346

## TITULUS XXXIII.

De quasi Regularibus.

## CAPUT PRIMUM.

- De Patribus Oratorii.* 349  
 II. *De Canonissis.* 354  
 III. *De Beguinis.* 358

## PARS SECUNDA. DE REBUS.

## SECTIO I.

## TITULUS PRIMUS.

DE SACRAMENTIS IN GENERE.

## CAPUT PRIMUM.

- De Sacramentorum Essentia, Numero, & Divisione.* 361  
 II. *Quæ in Sacramentorum administratione servanda, & quis eorum præcipuus Minister?* 364  
 III. *De idiomate quo administrari possunt Sacramenta.* 366  
 IV. *An aliquid in Sacramentorum administratione exigi possit?* 367

## TITULUS II.

De Baptismo.

## CAPUT PRIMUM.

- De necessitate, forma & materia Baptismi; quomodo hæc adhibenda?* 372  
 II. *Discutitur istorum verborum ego te baptizo necessitas ad constituendam Baptismi formam.* 374  
 III. *De*



III. De Ministro, loco, & tempore administrandi Baptismi.	375
IV. De Ritibus Baptismi.	379
V. De Patribus & Obstetricibus.	385
VI. De Purificatione post partum.	388

## TITULUS III.

De Sacramento Confirmationis.

## CAPUT PRIMUM.

<i>Qui confirmandi, &amp; quomodo instruendi, &amp; quo tempore confirmandi?</i>	389
II. De Ministro Confirmationis, & de Cbristmate.	391
III. De Ritibus Confirmationis.	393

## TITULUS IV.

De Sacramento Eucharistiæ.

## CAPUT PRIMUM.

<i>De Materia, Forma, &amp; Ministro bujus Sacramenti.</i>	395
II. <i>Qui ad Communionem admittendi; qui repellendi?</i>	398
III. De Communione Paschali.	401
IV. De Communione Infirmorum.	403
V. De Circumgestatione & Expositione Eucharistiæ.	406

## TITULUS V.

De Celebratione Missarum.

## CAPUT PRIMUM.

<i>De varia Missæ significatione; nec non Liturgiæ, &amp; Cærimoniarum diversitate.</i>	409
II. De Missa publica sive Parochiali.	413
III. De Missa privata.	416
IV. De Oblationibus populi inter Missarum solemniam.	419
V. De honorario Missæ, & de quibus ejus occasione populus instruendus.	421
VI. <i>Quid Sacerdotes in receptione Honorarii servare debeant; &amp; quæ incommoda ex Honorario prosuant?</i>	424
VII. De Anniversariis & Missarum Fundationibus, eorumque Reductione.	427
VIII. De Oratoriis privatis sive domesticis.	431
IX. <i>Quædam observanda &amp; cavenda pro reverentia Sacrificii.</i>	434

## TITULUS VI.

De Sacramento Pœnitentiæ.

## CAPUT PRIMUM.

<i>De variis Nominibus, Partibus, Forma &amp; Effectu bujus Sacramenti.</i>	438
II. De publica, solemnibus & privata Pœnitentia.	440
III. De Canonibus & Libris Pœnitentialibus.	444
IV. De remissiori Canonum Pœnitentialium disciplina.	449
V. De moderna circa Pœnitentias imponendas disciplina, & quis bodie Canonum Pœnitentialium usus?	451
VI. De Ordinario Pœnitentiæ Ministro.	454
VII. De jure Parochorum & Mendicantium Privilegiis, &c.	457
VIII. De Approbatione Confessoriorum, & ejus limitatione ac Revocatione.	462
IX. De Reservatione Casuum.	469

## TITULUS VII.

De Indulgentiis.

## CAPUT PRIMUM.

<i>De variis Indulgentiarum Speciebus sive Formulæ.</i>	469
Tom. I.	

II. <i>Iterum discutiantur varia Indulgentiarum species, earum effectus &amp; incommoda exponuntur.</i>	473
III. De Moderato Indulgentiarum usu.	475
IV. De Abusu Quæstorum Eleemosynarum, eorum abolitione, & de quæstu in usu Indulgentiarum vitando.	479
V. De Jubileo.	481
VI. De Bullis ad consequendam Jubilæi Indulgentiam concessis à Bonifacio VIII. & Clemente VI.	484

## TITULUS VIII.

De Sacramento Extremæ - Uctionis.

## CAPUT PRIMUM.

<i>De Materia, Forma, &amp; Partibus inungendis.</i>	487
II. <i>Quibus &amp; quando hoc Sacramentum administrandum?</i>	489
III. De Ministro, Ritu, & Iteratione bujus Sacramenti.	492

## TITULUS IX.

De Sacramento Ordinis.

## CAPUT PRIMUM.

<i>De Materia &amp; Forma bujus Sacramenti.</i>	497
II. <i>Aquo Ordines recipiendi.</i>	498
III. De Litteris Dimissorialibus.	504
IV. De Examine Ordinandorum.	507
V. De Ordinum Interstitiis.	512
VI. De Titulo Ordinationis.	514

## TITULUS X.

De Irregularitate ejusque Speciebus.

## CAPUT PRIMUM.

<i>De Irregularitate in genere.</i>	519
II. <i>De Irregularitate ex Bigamia.</i>	521
III. <i>De Irregularitate ex defectu Natalium.</i>	526
IV. <i>De Irregularitate ex defectu leuitatis.</i>	529
V. <i>De Irregularitate ex defectu corporis.</i>	533
VI. <i>De Irregularitate ex crimine.</i>	535
VII. <i>De Irregularitate ex homicidio.</i>	539

## TITULUS XI.

De Seminariis Clericorum.

## CAPUT PRIMUM.

<i>Origo &amp; scopus Seminariorum.</i>	543
II. <i>Qui ad Seminaria admittendi?</i>	545
III. <i>Media temporalia Seminariis fundandis impendenda.</i>	547
IV. <i>De Collegiis Academicis.</i>	549
V. <i>De Scholis puerorum.</i>	552

## TITULUS XII.

De Sponsalibus &amp; Matrimonio.

## CAPUT PRIMUM.

<i>Quomodo Sponsalia contrahenda; &amp; quod circa illa Parochorum officium?</i>	554
II. <i>De Vinculo Sponsalium eorumque dissolutione.</i>	556
III. <i>De Proclamationibus seu Bannis Matrimonialibus.</i>	558
IV. <i>De Matrimonio &amp; Consensu Matrimoniali.</i>	562
V. <i>Coram quo Matrimonium contrahendum?</i>	565
VI. <i>De Ritibus contrahendi Matrimonii.</i>	570

## TITULUS XIII.

De Impedimentis Matrimonii.

## CAPUT PRIMUM.

<i>Penes quem sit auctoritas inducendi Impedimenta Matrimonii.</i>	573
II.	

- II. *An impedimentum, quod Matrimonio jam contracto supervenit, illud Matrimonium dirimat?* 575  
 III. *De impedimentis impediens; ac signanter de tempore clauso & Ecclesie interdicto.* 577  
 IV. *De impedimento erroris & conditionis.* 579  
 V. *De impedimentis Poti & Ordinis.* 581  
 VI. *De impedimento Consanguinitatis & Affinitatis.* 583  
 VII. *De impedimento Cognationis Legalis & Spiritualis, nec non publicæ honestatis.* 586  
 VIII. *De impedimento Criminis.* 590  
 IX. *De Impedimento ex Cultus disparitate.* 591  
 X. *De Metu.* 592  
 XI. *De impedimento Raptus.* 593

## TITULUS XIV.

De Dispensationibus Matrimonialibus.

## CAPUT PRIMUM.

- DE Ufu Dispensationum Matrimonialium; & cui auctoritas dispensandi competat?* 595  
 II. *Sub qua forma hodie Dispensationes Matrimoniales in Curia Romana expediri, & cui committi soleant?* 597  
 III. *De formula Litterarum Dispensationum; & quomodo se Delegatus informare de impedimento allegato?* 599  
 IV. *De Causis Dispensationis, & Informatione super veritate earum.* 601  
 V. *De Dispensatione super Matrimonio cum impedimento dirimente contracto.* 603  
 VI. *De Dispensatione in forma Pauperum.* 604  
 VII. *De Dispensatione pro foro conscientie expedienda per Penitentiarium.* 605  
 VIII. *Quæ circa Dispensationes à Parocho populo exponenda?* 606

## TITULUS XV.

De Divortiis &amp; secundis Nuptiis.

## CAPUT PRIMUM.

- DE Divortio quoad vinculum; & conversione Conjugatorum.* 607  
 II. *De separatione Matrimonii quoad Thorum & cohabitationem.* 610  
 III. *De secundis Nuptiis.* 612

## SECTIO II.

## TITULUS I.

De ædificandis, consecrandis &amp; reparandis Ecclesiis.

## CAPUT PRIMUM.

- DE Scopo Templorum & eorum Ornatu.* 615  
 II. *Abusus vitandi in cultu sanctarum imaginum.* 620  
 III. *De ædificandis Ecclesiis, & quæ intervenire debeant?* 625  
 IV. *De Consecratione Ecclesiarum, ejusque Ritibus.* 629  
 V. *De Reconsecratione & Reconciliatione Ecclesiarum.* 632  
 VI. *De reparandis Ecclesiis.* 635  
 VII. *De expensis ad reparationes Ecclesiarum pervendas iterum quæstio perpenditur.* 639

## TITULUS II.

De Celebratione Fæstorum.

## CAPUT PRIMUM.

- DE Institutione, & varia specie Fæstorum.* 642

- II. *Quis sit finis institutionis Fæstorum; & quomodo observanda?* 645  
 III. *De Operibus servilibus die Fæsto prohibitis.* 647  
 IV. *Streptus forenses & mercatus diebus Fæstis vetiti.* 650  
 V. *De Spectaculis, Choreis, & Popinarum frequentatione vetitis.* 652  
 VI. *De licentia laborandi diebus Fæstivis.* 655

## SECTIO III.

## TITULUS I.

Origo, Definitio, &amp; Divisio Beneficiorum.

## CAPUT PRIMUM.

- ORigo & definitio Beneficiorum.* 659  
 II. *De Dignitatibus & Personatibus.* 662  
 III. *De Beneficiis Regularibus & Secularibus.* 664  
 IV. *De Beneficiis Curatis & simplicibus; ac præcipue de Capellanis.* 668

## TITULUS II.

De Ætate &amp; Qualitate Beneficiandorum.

## CAPUT PRIMUM.

- DE ætate ad Beneficia requisita.* 671  
 II. *De Ordine Beneficii annexo.* 674  
 III. *Intra quod tempus Ordo Beneficio annexus suscipiendus; & quæ pena non suscepti?* 677  
 IV. *De Scientia aliisque Qualitatibus ad Beneficia requisitis.* 680

## TITULUS III.

De Pluralitate Beneficiorum.

## CAPUT PRIMUM.

- SEmpër vetita Beneficiorum pluralitas, & rationes prohibitionis.* 683  
 II. *Quomodo pluralitas Beneficiorum sensim invaluerit; & quibus potissimum prætextibus.* 684  
 III. *Quid contra pluralitatem Beneficiorum actum & statutum in Concilio Tridentino?* 688  
 IV. *De varia Beneficiorum incompatibilium specie.* 691  
 V. *De Dispensatione super pluralitate Beneficiorum.* 693

## TITULUS IV.

De ordinaria Beneficiorum provisione.

## CAPUT PRIMUM.

- QUI Beneficiorum Collatores Ordinarii, ac præcipue de jure Episcopi?* 696  
 II. *De Collatione; & qua forma expedienda?* 699  
 III. *De Electione ejusque forma.* 701  
 IV. *De Triplici Forma electionis à Concilio Lateranensi præscripta.* 704  
 V. *Intra quod tempus Beneficia conferenda? Et de Jure Devolutionis.* 706

## TITULUS V.

De Concurſu ad Parochiales.

## CAPUT PRIMUM.

- PROponitur & justificatur Forma Concurſus à Synodo Tridentina proposita; & quomodo proponendum Edictum Concurſus?* 708  
 II. *Quæ Ecclesiæ Parochiales concurſui sint subiectæ?* 710  
 III. *De Examinatoribus, & Examine.* 713  
 IV. *De Renuntiatione idoneorum; de electione magis idonei; & de collatione huic facienda.* 715

V.

V. De Vicario seu Deservitore, Ecclesiâ Pavorbiali vacante, constituendo. 718

TITULUS VI.

De Mandatis & Reservationibus Apostolicis.  
CAPUT PRIMUM.

- O*rigo & progressus Mandatorum de providendo, & Reservationum. 719  
II. Rursus discutiuntur origo, progressus & abusus Mandatorum de providendo & reservationum. 723  
III. Quid circa Expectativas & Reservationes actum in Concilio Tridentino? 726  
IV. De Reservatione Beneficiorum vacantium apud Sedem Apostolicam. 728  
V. De Reservationibus contentis in Extravagantibus Execrabiles & ad regimen, & duabus primis Regulis Cancellariae. 730  
VI. De Reservatione octo mensium. 732  
VII. De Alternativa. 736  
VIII. De Jure Præventionis, & Regula Cancellariae de Verisimili Notitia. 739

TITULUS VII.

De Provisione Apostolica.  
CAPUT PRIMUM.

- D*E Provisione in forma dignum, & in forma gratiosa. 742  
II. Forma novæ Provisionis; item perinde valere; necnon perinde ETIAM valere; & Rationi congruit. 745  
III. Provisio Apostolica expedita ad petitionem partis; & de Signatura, & ejus effectu. 746  
IV. De exprimendis in prima & secunda parte Signaturæ. 748  
V. De Clausulis tertiæ partis Signaturæ. 753  
VI. De Placeto Regio super Provisionibus Apostolicis. 756

TITULUS VIII.

De Jure Patronatûs.  
CAPUT PRIMUM.

- D*E Origine Juris Patronatûs, & de Advocatiis Ecclesiarum. 758  
II. De varia Specie Juris Patronatûs. 761  
III. De Modo acquirendi & probandi Jus Patronatûs. 764  
IV. Quomodo Jus Patronatûs transferatur? 767  
V. De Præsentatione, & differentiis inter Patronum Ecclesiasticum & Laicum. 771  
VI. De Jure alimentationis, & superintendencia Patronis competentibus. 776  
VII. De Juribus Honorificis præcipuè Patrono debitis. 778  
VIII. De Regalia. 782  
IX. De Nominatione Regia extra Regiam; & de oblati ad Monasteria. 790

TITULUS IX.

De Institutione & Possessione Beneficiorum.  
CAPUT PRIMUM.

- D*E Institutione. 794  
II. De Possessione, & forma eam accipiendi. 797  
III. De Regula Cancellariæ de Annalipossessore. 801  
IV. De Regula Cancellariæ de Triennali possessore. 803

TITULUS X.

De Resignatione & permutatione Beneficiorum.  
CAPUT PRIMUM.

- D*E Resignatione purâ & simplici, & Resignatione in favorem & ex causa permutationis; harumque origine. 807

II. De quorum consensu Resignationes admittenda: & quæ causa requiratur? 811

III. De Procuratorio ad resignandum. 816

IV. Quinam Beneficia sua resignare possint? 818

V. De Regula Cancellariæ de infirmis Resignantibus. 821

VI. Novæ observationes fiunt in Regulam Cancellariæ de infirmis Resignantibus. 825

VII. De Regula Cancellariæ de Publicandis Resignationibus. 827

VIII. Quando Resignans à Resignatione revolvitur; vel ad Beneficium resignatum revocari possit? 831

TITULUS XI.

De Pensionibus Ecclesiasticis.  
CAPUT PRIMUM.

- Q*uæ natura Pensionum, & quid de iis in Synodo Tridentina actum? 835  
II. Quæ usum Pensionum reddant odiosum? 838  
III. Discutiuntur causæ, ex quibus bodie Pensiones imponi solent. 840  
IV. Quæ ex parte Pensionariorum sint attendenda, ut securi sint in accipiendis Pensionibus? 843  
V. Cujus auctoritate bodie imponatur Pensio; & quæ differentia inter Pensionem impositam à Papa, & creatam ab Episcopo? 845  
VI. Quæ Beneficia Pensione gravari queant; & qualiter? 847  
VII. Quæ portio proventuum in Pensionem assignari possit; & quæ in hanc portionem imputentur? 850  
VIII. De Clausulis in litteris Pensionis apponi solitis. 852  
IX. De Extinctione, Translatione, & Redemptione Pensionis. 855

TITULUS XII.

De Unionibus Beneficiorum.  
CAPUT PRIMUM.

- D*E varia Specie Unionis, & quorum auctoritate facienda? 858  
II. De Causis Unionis, & quæ Beneficia uniri possint? 860  
III. De Solemnitatibus servandis in unione; 863  
IV. De Dissolutione Unionis. 865

TITULUS XIII.

De Simonia circa Beneficia.  
CAPUT PRIMUM.

- U*nde desumenda enormitas hujus vitii; & quare olim magis contra Simoniacas Ordinationes, quàm similes Beneficiorum Provisiones actum; bodie verò secus. 866  
II. De triplici munere, à manu, à lingua, & ab Obsequio. 868  
III. Quàm commune aliquando hoc vitium fuerit: & quomodo technis occultatum: & quid ad technas detegendas adhibendum? 871  
IV. Palliatur Simonia separando temporale à spirituali; vel dando per modum Motivi. 873  
V. De Palliis sub specie pietatis; item, redemptionis vexæ; & gratuitæ remunerationis. 875  
VI. De pena depositionis Simoniacorum, & nullitate provisionis Simoniacæ. 877  
VII. De dispensatione cum Simoniacis. 881

TITULUS XIV.

De Acceptatione personarum vitanda in Beneficiorum provisione.  
CAPUT PRIMUM.

- Q*uid acceptio personarum, & quando hæc in Collatione Beneficiorum committatur? 885  
II. Beneficia conferenda sunt Dignioribus. 887  
III. Unde desumenda major capacitas, & quomodo de ea inquirendum? 889  
IV. Quàm grave delictum sit accipere personam in Collatione Beneficiorum, & unde hæc gravitas desumenda? 890

ELEN.

# ELENCHUS MONUMENTORUM

QUÆ IN  
PRIMO VOLUMINE JURIS ECCLESIASTICI  
UNIVERSI CITANTUR.

- |  |     |  |       |
|--|-----|--|-------|
| I. <i>Sententia Consilii Brabantiae pro jure Parochorum.</i>   | 893 | X. <i>Introductio pro D. Lamberto de Limburgo nominato per Regiam Majestatem ad Abbatiam Valis Dei, &amp;c.</i>  | 924   |
| II. <i>Ordinationes seu constitutiones datæ à summo Consilio seu Senatu Brabantico super administratione bonorum Ecclesiasticorum &amp; sancti Spiritus.</i>   | 897 | XI. <i>Lettres écrites au Provincial &amp; à quelques Cloîtres de l'Ordre de S. Dominique, par lesquelles il leur est interdit d'admettre aucuns Visiteurs étrangers sans Lettres de Placet du Prince.</i> | 927   |
| III. <i>Decretum Episcopi Principis Leodiensis pro fidei &amp; recta administratione bonorum fabricæ Ecclesiæ &amp; Mensæ S. Spiritus.</i>   | 907 | XII. <i>Decretum S. Congregationis pro jure Parochorum in purificatione mulierum.</i>  | 928   |
| IV. <i>Litteræ Ducis Sabaudiae Belgii Gubernatoris ad Priorem &amp; Collegium J. U. Doct. Prof. ordin. in Universitate Lovaniensi.</i>   | 908 | XIII. <i>Resolutio Doctorum Lovaniensium circa repulsionem publicorum peccatorum à sacra communione.</i>   | ibid. |
| V. <i>Sententia extensa Senatus Brabantiae contra Archidiaconum Gondromi 10. Martii 1700.</i>  | 909 | XIV. <i>Decretum Archiepiscopi Mechliniensis in qualitate Delegati Apostolici ad exercitus Regios, de Administrandis Sacramentis militibus, &amp; eorum sepulturis.</i>                                    | 932   |
| VI. <i>Rationes Sacræ Theologiæ Parisiensis contra quorundam propositiones, qui Breviarium secundum Correctionem Concilii Tridentini introducere cupiebant, antiquo usu Ecclesiæ Parisiensis abrogato.</i> | 915 | XV. <i>Decretum Episcopi Leodiensis de celebrandis dedicationibus Ecclesiarum uno eodemque die Dominico.</i>   | 933   |
| VII. <i>Déclaration de Louis XIV. Roi de France donnée en 1693. concernant la réception &amp; dote des personnes qui embrassent la profession Religieuse.</i>  | 917 | XVI. <i>Epistola Pastoralis Archiepiscopi Mechliniensis contra conventicula juvenum &amp; puellarum.</i>   | 934   |
| VIII. <i>Edit du Roi Louis XIV. concernant les établissements &amp; les acquisitions des gens de Mainmorte, donné en 1749.</i>   | 919 | XVII. <i>Resolutio Doctorum Lovaniensium pro Thesauraria Ecclesiæ S. Petri insulis.</i>  | 935   |
| IX. <i>Statutum Capituli generalis Cisterciensis contra vitium proprietatis 1683.</i>  | 923 | XVIII. <i>Decretum Archiepiscopi Mechliniensis, quo præscribitur vitus porrigendi aquam benedictam.</i>  | 942   |
|  |     | XIX. <i>Formula, quæ Rege nominatur oblatus ipsis Monasteriis.</i>   | 943   |







# JURIS ECCLESIASTICI UNIVERSI PARS PRIMA.

## DE PERSONIS.

### TITULUS PRIMUS. DE CLERICIS.

#### CAPUT PRIMUM. DE CLERICIS PRIMÆ TONSURÆ.

1. *Olim Tonsura ab Ordinibus non fuit separata.*
2. *Epocha Tonsuræ separatim data controversatur.*
3. *Separationis occasio.*
4. *Hodie semper sejuncta.*
5. *A multis perversè appetitur.*
6. *Perversa intentio à Synodis, quomodo reprobatæ.*
7. *Sollicitudo Episcoporum circa Tonsurandos.*
8. *Commoda ex illa sollicitudine speranda.*
9. *A quo primitus Tonsura collata.*
10. *Tonsuræ Susceptæ probatio.*

alios Joannes Mabillon in præfatione *ad partem 1. seculi* 111. *Benedictinorum* tom. xix. & Christianus Lupus in scholiis *ad Canonem* xiiij. *Concilii Oecumenici* vij. qui contendunt contra Morinum (in textu citatum) Tonsuram, ante tempus à Morino præfixum, separatim & ante alicujus ordinis susceptionem fuisse datam.

Quidquid sit de hac epocha Tonsuræ separatim datæ, in hoc tamen Morino consentiunt, morem illum passim Tonsuram ut quemdam quasi ordinem præmittendi ante omnis ordinis susceptionem, etiam Minorum, recentioris esse disciplinæ.

III. Qua autem occasione, tandem circa annum septingentesimum Tonsura ab omni Ordine separari cœperit, his verbis enarrat Morinus: "Parentes filios suos impuberes, imo fere infantes, Ecclesiasticis officiis consecrabant, & Episcopis instituendos offerebant. Eos Episcopi in eadem domo educandos, & instruendos curabant, ut essent Cleri reparandi velut seminarium. Eorum institutioni senex aliquis è Clero præficebatur, atque ut plurimum Archidiaconus. Cum autem propter ætatis infirmitatem, Ostiiorum, aut Lectorum officiis in Ecclesia fungi non possent, Ordines

I. PRIMIS quinque ut minus Ecclesiæ seculis, nullos fuisse Clericos primæ duntaxat Tonsuræ, nullo minore, aut majore Ordine insignitos, ostendit Morinus de Ordinationibus *parte* 3. *exercitat.* 15. *cap.* 3. ibidem docens Tonsuram seculis illis numquam separatim ab omni Ordine datam fuisse, sed simul cum primo Ordine, voluit ritum illius collationi annexum.

II. Sunt tamen nonnulli viri eruditi, atque inter  
Tom. I.

„ omnes illos illis non conferebant; sed solam Tonsuram cum veste Clericali. Tonsuram ideo ab Ordine separantes, ne pueri isti Ecclesiae ministeriis parentum pietate devoti, ut prorsus seculares & profani, hominum oculis comparerent. Longo post tempore, quod in pueris fiebat propter ætatis infirmitatem, in ætate valentibus usurpatum est; Tonsuraque Clericalis, ut Ordo quidam ab aliis separatus, quibuscumque separatim collata est.

IV. Quod labentibus seculis invaluisse scribit Morinus, id non in Belgio dumtaxat, sed per totam Ecclesiam Latinam receptum est; ut nimirum Tonsura Clericalis, tamquam Ordo quidam ab aliis separatus, quibuscumque separatim conferatur.

Neque insigniti Tonsurâ Clericali ab ea Clerici dumtaxat nuncupantur, sed etiam de foro Ecclesiae constituuntur; & privilegia Clericalia adipiscuntur: uti Episcopus ordinans ex Pontificali denuntiat: *Filii charissimi, ad Tonsuram non admittendos declarans, de quibus probabilis conjectura non fit, eos, non secularis judicii fugiendi fraude, sed ut Deo fidelem cultum præsent, hoc vitæ genus elegisse.* Sess. 23. c. 4.

V. Hinc factum, ut plures, non animo Deo & Ecclesiae serviendi, sed laicalis judicii declinandi causâ; & privilegia Clericalia gaudendi Tonsuram Clericalem expererent; quos notavit Synodus Tridentina; eos ad Tonsuram non admittendos declarans, de quibus probabilis conjectura non fit, eos, non secularis judicii fugiendi fraude, sed ut Deo fidelem cultum præsent, hoc vitæ genus elegisse. Sess. 23. c. 4.

Verum, quia in Belgio hæc à jurisdictione laicali exemptio quoad Clericos primæ Tonsuræ, faventibus, vel annuentibus summis Pontificibus, multum restricta est (ut infra, ubi de immunitate & exemptione Clericorum agitur, ostendemus) pauci sunt in Belgio, qui hac à Synodo Tridentina reprobata intentione, Tonsuram Clericalem expetunt: At alia est non minus perversa & perniciofa, quæ plurimos ad Tonsuram Clericalem hodie in Belgio impellit.

Cum enim in Belgio, uti & aliis Provinciis, plura sint Ecclesiastica Beneficia solam Tonsuram Clericalem requirunt, ut quis proventus, aut aliquâ eorum parte gaudere possit, etiam in minori ætate constitutus: plerimi, vel proprio, vel parentum instinctu, ad Tonsuram Clericalem hoc unico motivo impelluntur, ut Beneficii obtinendi fiant capaces; nihil de vocatione ad Statum Ecclesiasticum; aut propensione & animo, Deo & Ecclesiae serviendi solliciti.

VI. Carnalem hanc ac terrenam intentionem, non secus ac priorem exclusit Synodus Tridentina, declarando, primâ Tonsurâ solam initiandos, de quibus probabilis conjectura sit, eos hoc vitæ genus elegisse, ut Deo fidelem cultum præsent. Sess. 23. cap. 4. de reform.

VII. Hinc è Concilio Tridentino redux Franciscus Richardotus Episcopus Atrebatensis voluit, ut ad Tonsuram non admittantur, „ nisi qui fidem faciant, „ se eo animo hunc gradum optare, ut Deo & Ecclesiae serviant. „ Syn. Atrebatensis 1570. tit. de Sacram. Ordinis. cap. 7. Consonant & aliæ Synodi Belgicæ, vel generaliter, aut etiam specialiter jam citatum Synodi Tridentinæ Decretum probantes. Quibus novissimè suffragatus est nominatissimus ille Mechliniensium Archi-Præsul Jacobus Boonen, in Decreto suo de Sacris Ordinationibus 19. Octob. 1654. publicato, in quo à Tonsurando inter cætera requirit, „ ut à Parocho „ & Ludimagistro, eovè quem in quovis Studiorum „ genere audit. aut si alicui Seminario, vel Collegio „ adscriptus est, ab illius Rectore loco Parochi, clausas & obsignatas litteras afferat; quibus testatum faciat, bonis probisque moribus semper se vixisse, „ itemque in Ecclesia frequentius, religiosiusque versatum esse, ac sacram Communionem sæpius in anno „ sumpsisse; „ Nec non probabilem de se spem præbere, quod in Clericalis Ordinis disciplina sit permanfurus,

quod potissimum, ut Deo fidelem cultum præstaret, ad hoc vitæ genus fuerit inductus.

His præverat zelosissimus Mediolanensis Antistes S. Carolus, qui à Tonsurandis inquiri voluit: „ Quam ob causam se Clericos fieri velint? An tales sint, „ qui spem præbeant, Ecclesiae Ministros utiles se fore? „ A quo Sacerdote, sanctioris vitæ Magistro instituti „ sint vitæ Clericalis modum? An vitæ Christianæ „ præcepta, institutavè sciant? Concil. Mediol. V. an. 1579 habitum. part. 3. cap. 2.

Sanè si unquam in danda Tonsura vigilare & sollicitos esse oportuit Episcopos Belgii, indubiè hoc tempore oportet. Ad oculum quippe pater, in Belgio locum habere quod anno vigesimo quarto decimi seculi seculi deplorabant Patres Concilii Burdigalensis, cap. 6. §. 2. „ In nulla re magis laborare homines hujus seculi, quam ut filii, præcipuè deformes & ad negotia secularia inepti, in sortem Domini assumantur: „ ad Beneficia certè, non ad officia Ecclesiastica, quæcumque ratione, cum eos non vocet Dominus, promovendi.

VIII. Si eam circa Tonsurandos curam impenderent Episcopi, non dubium, quin plures inepti & mercenarii à Beneficiis, & Ministeriis excluderentur; qui semel Tonsurâ acceptâ, & per eam Beneficiorum capaces redditi, à Parronis, aut Collatoribus Beneficia impetrantes, non sine summa difficultate, & non nisi obstante manifesto impedimento, excludi possunt.

Ad hæc: sit Episcopus, qui non nisi Ecclesiae utiles; & indoctrina & moribus ritè probatos Sacerdotes Diocesis suæ providere intendit; ni & circa Tonsurandos debitam exactamque adhibeat diligentiam, non raro suo frustrabitur voto. Quid enim facilius, frequentiusque, quam obtentâ jam Tonsurâ Beneficium aliquod nullius, aut exigui proventus impetrare in Diocesi Episcopi, qui scitur omnes penè indifferenter ad Sacros Ordines admittere; atque ita titulo Beneficii à tali Episcopo ordinari, à quo ordinari non potuisset, nisi Tonsurâ receptâ Beneficium obtinuisset.

Ex his quisque faciliè intelliget, permultum propterea referre (verba sunt S. Caroli in Conc. Mediol. IV. 1576.) omnem in illa conferenda, & suscipienda, diligentiam adhiberi.

IX. Tonsuram primitivè etiam à presbyteris, quin & à Laicis subinde datam esse, monet Mabillon. in præfatione ad partem j. seculi iij. Benedictinorum. num. xix.

Neque id adeo mirum videbitur, si attendatur quod primitivè Tonsura in simplici quadam capillorum detensione, & vestium mutatione consistit.

Per hanc enim capillorum detensionem & vestium Clericalium assumptionem demonstrabat suscipiens, se animum ad statum Ecclesiasticum habere; eo ferè modo, quo in Academicis Collegiis, & Episcoporum Seminariis solent adolescentes vestem & tonsuram in simplici capillorum detensione consistentem assumere, eaque assumptione animum ad statum Ecclesiasticum profiteri.

Quid igitur mirum si & Tonsura in hac capillorum & simplici vestium mutatione consistens, etiam à Presbyteris, quin & à Laicis circa consensum Episcopi dari potuerit?

At postquam labentibus seculis, sensim hæc capillorum detensio & vestium immutatio fieri cœpit, quibusdam precibus & ritibus adhibitis, atque ad instar cujusdam Ordinis reputari, tandem & collatio Tonsuræ ad Episcopum devoluta est: eo etiam titulo quod de vocatione matriculæ Ecclesiae adscribendorum, præ cæteris cognoscere & inquirere, pertinere videatur ad Episcopum.

X. Illud circa Tonsuram & Ordines hic in Belgio speciale occurrit, quod Edictum perpetuum Alberti & Isabellæ Gubernatorum, Art. 21. pro eorum probatione requirat litteras, nec testes admittat, nisi in

in casu deperditorum Registorum : quam perditionem, qui allegat, probare debet; uti notat Antonius Anselmo ad citatum articulum §. 17.

Inter Doctores controversatur utrum Tonsura Clericalis probetur per litteras ordinum superiorum, utrum verò requirantur litteræ Tonsuræ, sive quæ expediuntur & dantur in specificam probationem datæ Tonsuræ.

In primis apparet quod articulus *Edicti perpetui*, de quo in textu agitur, intelligi debeat de litteris specialiter collationem Tonsuræ referentibus; sive de illis quæ expediuntur *speciatim*, in probationem collatæ Tonsuræ, solentque vulgò, vocari *litteræ Tonsuræ*.

Sed & hoc satis constat, hunc articulum loqui de probatione *judiciali*; ut nimirum dum pars in judicio opponit defectum Clericatus; eoque ex capite nullitatem collationis aut præsentationis arguit, judex nequeat admittere probationem per testes, sed requirere teneatur probationem per *litteras* juxta tenorem *Edicti*.

At extra judicium, aut in locis in quibus non viget lex positiva, probationem per *litteras* requirens, sufficiens & plena probatio Tonsuræ haberi posse videtur per litteras & probationem superiorum Ordinum, uti pluribus adstruit Nicolaus Garcias de benef. *parte vij. cap. 2.*

Scitur enim hodie neminem ordinari, nisi ordinandus Ordinario præviè fidem fecerit de suscepta Tonsura, & aliis Ordinibus inferioribus.

Quin & ipsi ordinandi hodie admodum solliciti sunt, ne omisâ Tonsurâ, ad ordines promoveantur, ob periculum irregularitatis eo titulo incurrendæ: quia juxta modernam disciplinam, & receptam opinionem, per saltum conferentur promoti & ordinati; qui omisâ Tonsurâ ad Ordinem altiore promovenerentur, quæ promotio irregularitatem hodie inducit. *Toto titulo x. de Clerico per saltum promotio.*

Quapropter, si constet per litteras aut aliunde quemquam esse constitutum in sacris Ordinibus, non dubium quin attento more, qui in ordinandis servari consuevit, sufficienter censi debeat probatum, similem ordinatum etiam esse in superiori primâ tonsurâ, tamen si *litteras Tonsuræ* non possit producere.

Igitur quia capitula vel alii, quibus competit jus inducendi præsentatos, vel electos aut provisos in realem possessionem beneficiorum, non cognoscunt de qualitatibus aut titulis introducendi more judiciario, dubium non videtur quin etiam sufficiat probatio susceptæ Tonsuræ per litteras superiorum Ordinum; vel quod constet eum reverâ in superiori Ordine constitutum.

Contraria nimium scrupulosa quorundam Capitulorum & Prælatorum praxis videtur profluxisse ex ignorantia, aut non adhibita distinctione inter probationem *judicialem* & *extrajudicialem*.

Sicut enim de cæteris qualitatibus ipsius instituendi non exigitur examen judiciale, neque requiritur probatio quæ esset in judicio necessaria, sed sufficere creditur, si instituendus capacitatem quoad mores, & scientiam prober per testimonia extrajudicialia, quæ moralem saltè certitudinem efficiunt; quidni sufficere debet si instituendus per probationem extrajudicialem faciat fidem de suscepta Tonsura.

Rectè quoque notat post alios Perezus de Lara in tractatu de Annivers. & Capell. lib. 2. cap. 5. quod etsi nullus queat obtinere titulum beneficii, nisi primâ Tonsurâ initiatus fuerit, tamen si quis sit in possessione, is non teneatur probare Tonsuram; sed quod præsumptio resultans ex quasi possessione beneficii, & clericatus sufficiat, ut saltem in judicio possessorio obtimeat, & in beneficii possessione manu teneatur, saltem quoadusque ipse defectus Tonsuræ plene probetur. •

## CAPUT II.

## De Clericis Minorum Ordinum.

1. Ordines Minores Ordinibus Sacris olim non semper præmissi.
2. Aliquando plures, aliquando pauciores præmittébantur.
3. Nemini uno eodemque tempore plures conferebantur.
4. Interstitia etiam inter hos Ordines servata.
5. Hodie omnes Sacris Ordinibus præmitti debent.
6. Potum Ecclesiæ ut functiones illorum Ordinum restituantur.
7. Ut per interstitia conferantur.
8. Disciplina circa hos Ordines multum collapsa.
9. Quæ prolapsionis origo.
10. Zelus S. Caroli in hac disciplina restituenda.

I. Quatuor Ordines, quos hodie Minores dicimus, Ostiariatum, Lectoratum, Acolytatum, & Exorcistatum, primis Ecclesiæ sæculis non fuisse semper præmissos Sacris Ordinibus; neque existimatum tunc fuisse, ut hodie creditur, illum per saltum aut minus Canonicè ordinatum, qui uno aut pluribus, vel subinde etiam omnibus Ordinibus Minoribus omisiss, ad Diaconatum altioreque Ordinem fuisset promotus, tam ex Canonibus, quam exemplis Sanctorum ita Ordinatorum, fusè ac solidè ostendit Morinus de SS. Ordinat. part. 3. exercitat. 11. cap. 2. Notatque ibidem: Minores illos Ordines eum præcipuè in finem Majoribus fuisse præmissos, ut in horum exercitiis, ad altiores Ecclesiæ functiones assumendi prius probarentur & exercerentur.

II. Hinc ulterius fiebat, ut nunc plures, nunc pauciores Sacris Ordinibus præmitterentur; prout nimirum Episcopi judicabant ipsum ordinandum plus minusve esse probandum & exercitandum.

Neque enim ullus, etiam Minoribus Ordinibus insigniebatur, nisi unâ alicui Ecclesiæ adscriberetur, ubi Ordinis suscepti functiones obiret.

III. Cùmque singulorum Ordinum variae diversæque essent functiones, nemini uno eodemque tempore plures Ordines dabantur; sed prout his, illisve amplius convenire judicabantur, eos Episcopus conferebat. " Alius, inquit S. Ambrosius lib. 1. Off. cap. 44. Edit. 1690. distinguendæ lectioni aptior, alius psalmo gravior, alius exorcizandis qui malo laborant spiritu sollicitior, alius sacrario opportunior habetur. " Hæc omnia spectet Sacerdos, & quid cuique congruat, id officii deputer. Quo etenim unumquemque suum ducit ingenium, aut quod officium decet, id majore implet gratiâ.

IV. Denique nemo eo tempore, Ordine aliquo Minore insignitus ad ulteriorem, etiam Minorem Ordinem ascendebat; nili præscriptis temporibus, quæ hodie *interstitia* vocamus, in Ordinis illius exercitio laudabiliter versatus esset; & quoddam quasi tyrocinium percurrisset; quo se in majoribus functionibus obeundis idoneum probasset. Quæ omnia fusius prosequitur & probat Morinus in citato capite, & sequentibus.

V. Moderna verò Ecclesiæ disciplina nullum hodie ad sacrum Ordinem admittit, nisi omnibus quatuor Minoribus insignitus; eumque, qui vel uno omisso Majorem suscepisset, tanquam per saltum promotum reputaret; & a suscepti Ordinis functionibus suspensum; saltem quousque omisissum Ordinem suscepisset. De quo videri possunt Canonistæ ad tit. 28. lib. 5. Decretalium, de Clerico per saltum promotio.

Quoad reliqua puncta, si Ecclesiæ mentem in Canonibus expressam spectemus, reperiemus, modernam circa Ordines minores disciplinam Ecclesiæ cum pristina penè per omnia convenire.

VI. Optat siquidem Synodus Tridentina *Seff. 23. cap. 17. de reformat.* " Ut Sanctorum Ordinum à Diaconatu conatu ad Offitium functiones, ab Apostolorum temporibus in Ecclesia laudabiliter receptæ, & pluribus in locis aliquamdiu intermissæ, in usum juxta Sacros Canones revocentur, Hortaturque in Domino Ecclesiarum Prælatos, illisque præcipit, ut quantum fieri potest, provideant, ut functiones hujusmodi in Cathedralibus, & Collegiatis Ecclesiis frequentioribus, per constitutos in dictis Ordinibus dumtaxat exercentur. Et sanè, nihic esset Ecclesiæ sensus; quamobrem Ordinum illorum singulas functiones tam sollicitè in Pontificali Ecclesia exprimeret, Ordinatisque inculcasset, atque ut in iis exercendis essent diligentes moneat, Deumque per Antistitem deprecari veller?

VII. Adhæc etiamnum hodie Ecclesiæ mentem esse, ut Ordines Minores per temporum intervalla conferantur; utque in illorum exercitiis Clerici probentur, priusquam ad ultiores promoveantur, evidenter probat *Synodus Trident. c. xi. de reformat.* desiderans, ut Minores Ordines per temporum interstitia, nisi Episcopo aliud expedire magis videretur, conferantur; ut ad accuratius, quantum sit hujus discipline pondus possint edoceri; ac in **UNO QUOQUE MUNERE**, juxta præscriptum Episcopi se exercent, idque in ea, cui adscripti erunt, Ecclesia; nisi fortè ex causa studiorum abfint, atque ita de gradu in gradum ascendant, ut in eis cum ætate, vitæ meritum & doctrina major accrescat.

Quid evidentiùs, quàm Synodum Trid. conformiter ad Patrum disciplinam, velle, non solum ut Minorum Ordinum functiones in usum revocentur; sed etiam ut singuli per temporum intervalla conferantur: ut ita in eorum exercitiis, tanquam in quodam Tyrocinio, ad majores Ordines promovendi exercentur, & probentur.

Hanc disciplinam probarunt & Synodi Belgicæ; vel generatim probando quæ circa Ordines statuit Synodus Tridentina, vel eandem disciplinam suis Decretis specialiter proponentes, & inculcantes.

" Nullus, ait Synodus Namurcensis sub Francisco, Bussferetan, 1604. *tit. 7. cap. 2.* se præsentet ad plures Ordines Minores simul suscipiendos, nisi Ecclesiæ necessitas aut utilitas hoc postulaverit: Cum extra hanc causam, Sacrum Concilium Tridentinum in Minoribus non minus, quàm Majoribus Ordinibus interstitia servari voluerit. Idem inculcat repetitis supra citatis Concilii Tridentini verbis Synodus Audomarenfis an. 1583. *tit. 9. cap. 4.* Et novissimè sub Wachtendonck Syn. Namurcensis *tit. 8. cap. 4.* declarat, " quod Minoribus Ordinibus insigniti, juxta Conc. Trid. dispositionem, non nisi post annum à susceptione postremi gradus Minorum Ordinum; ad Majores Ordines promovebuntur: nisi necessitas aut Ecclesiæ utilitas videatur aliud exposcere.

VIII. Attendant Episcopi alique Ecclesiarum Prælati, quibus disciplinæ cura incumbit: quam hæc cum moderna Belgii praxi conveniant: Ubi Minorum Ordinum officia & ministeria à quolibet occurrente occupantur, & vix aliquando ab initiatis administrantur.

Imo quis Clericus ob receptos hos Ordines de functionibus Ordinibus annexis obeundis vel unquam cogitat; aut ab Episcopo monetur? Quis Episcopus, aut Ecclesiæ Prælati intendit, num Ordinibus Minoribus initiati aliquas ei annexas functiones exercent? Aut, an hi qui eas obeunt, Ordinibus illis sint initiati? Adeo quidem de his omnibus altum silentium, ut verendum sit ne evenierit in Belgio, quod timebat Synodus Trident. *Seff. 23. de reformat.* quod nimirum, per functionum illarum neglectum, daretur occasio hæreticis traducendi functiones illas ut otiosas.

Quoad interstitia inter ipsos Ordines Minores, nulum superest in Belgio vestigium; imo nec unus sine altero unquam confertur.

Quin nec Ordines Minores inter & Subdiaconatum plusquam unius diei spatium intercedere solet: Hoc est, feriâ sextâ quis ad Minores, & Sabbatho sequenti ad Subdiaconatum promovetur.

Ita omnis Canonica per Synodum Tridentinam, & Synodos Belgicas renovata inculcataque disciplina, jam tandem non tantum collapsa, sed penitus quodammodo extincta est.

IX. Et unde hæc prolapsio? Non aliunde, quàm ex faciliiori primùm ab Episcopis factâ dispensatione. Cum enim injunctum esset Episcopis Ordinum Minorum servare interstitia, additâ hac moderatione: *Nisi necessitas aut utilitas Ecclesiæ, judicio Episcopi, aliud exposcat*, (a) contigit, ut cæperint primùm cum aliquibus dispensare; credentes, necessitatem, aut Ecclesiæ utilitatem eam requirere; quâ deinde à nonnullis Episcopis nonnihil facilitatâ, tandem porta aperta est huic, quam videmus, prodigiosæ disciplinæ relaxationi: Adeo ut hic verificetur illud Veterum: *Dispensatio omnis bonæ discipline noverca.*

X. Expendere poterunt Episcopi, num tantus Canonum neglectus sit tolerandus; Disciplinaque illis præscripta ita negligi possit, ut nulla illius vel retinendæ vel restaurandæ cura sit habenda. Aliud sanè oculatissimo Mediolanensium Antistiti S. Carolo visum fuisse, sat probant, quæ pro restituendis Ordinum illorum functionibus, disciplinæque in eorum collatione restituendâ, in suis Conciliis decrevit. Interim illud indubitatum, non minus hodie, quàm olim, ad Sacros Ordines assumendos, debere Episcopis & quoad mores, & quoad doctrinam esse probatos. Quam probationem si hodie non accipiant ex hoc, quod Sacris initiandi prius per certa tempora se in Minorum Ordinum functionibus laudabiliter exercuerint, & dignos majoribus functionibus probarint, eam indubiò aliunde accipere debent.

(a) In Conc. Trident. *Seff. 23. c. 11.* legitur: *Nisi aliud Episcopo expedire magis videretur.*

### CAPUT III.

#### De Subdiaconis, Diaconis & Presbyteris.

1. Multis seculis Subdiaconatus minoribus Ordinibus annumeratus fuit.
2. Etiam postquàm continentie lex ei fuit annexa.
3. Hodie Sacris Ordinibus adjunctus.
4. In Ordinatione Subdiaconi non fit impositio manuum.
5. De servanda Castitate serio monendi ad Ordinem Subdiaconatus assumendi.
6. Officia Subdiaconorum verbis Pontificali expressa.
7. Officia Subdiaconi ad solam Epistolæ decantationem hodie reducantur.
8. Subdiaconi horas Canonicas recitare debent.
9. Quare Diaconus antonomastiæ dicatur Minister.
10. Diaconorum varia officia.
11. Hodie multùm restricta.
12. Ad Diaconos monitum Pontificali.
13. Multùm collapsa moderna disciplina circa Diaconorum officia.
14. Presbyterorum functiones proponuntur ex Pontificali.
15. Prima indicatur per verbum Offerre.
16. Secunda per verbum Benedicere.
17. Tertia per verbum Præesse.
18. Quarta per verbum Prædicare.
19. Quædam circa posteriores functiones notanda.
20. Presbyteri ordinantur in adjutorium Episcoporum.
21. Presbyteri in utilitatem proximi ordinantur, non in propriam.

I. Indubitatum est, Subdiaconatum multis seculis etiam in Ecclesia Latina, Minoribus Ordinibus annumeratum fuisse: & extra Missarum solemniam & extra



extra altare collatum: solosque Ordines Diaconatus & Presbyteratus Majores & Sacros Ordines, qui inter Missarum solemniam, & ad ipsum altare, seu Sanctuarium, Sabbatho quatuor Temporum conferrentur, reputatos fuisse. Qui mos etiam hodie apud Græcos retinetur; & apud Latinos usque ad seculum IX. generaliter, & in quibusdam Ecclesiis ad seculum XII. conservatus fuit: ut multis ostendit Morinus de SS. Ordin. part. 3. exercit. 12.

II. Sacris autem Ordinibus subdiaconatum annumeratum credunt communiter Canonistæ, ad cap. 9. *de ætate & qualitat. Ordinandorum*, cum ei perpetuæ continentie lex adjuncta fuit. Sed error videtur. Constat enim, quod lex continentie Subdiaconis seculo quinto imponi cœperit, ex Epistola 12. Leonis I. ult. edit. & seculo sexto tandem generaliter omnibus ad Subdiaconatum promovendis à S. Gregorio posita: Ita enim scribit *Lib. 1. epist. 42.* "Ante triennium Subdiaconi omnium Ecclesiarum Siciliæ prohibiti fuerant, ut more Rom. Ecclesiæ nullatenus suis uxori- bus miscerentur: Quod mihi durum, atque incompetens videtur, ut qui usum ejusdem continentie non inveniit, neque castitatem a se promissit, compellatur à sua uxore separari: atque per hoc, quod absit, deterius cadat. Unde videtur mihi, ut à præfenti die Episcopis omnibus dicatur, ut nullum Subdiaconum facere præsumant, nisi qui se victurum castè promiserit."

Post hoc Decretum, uti observat Morinus, vix deprehenditur, fieri mentio Subdiaconorum conjugatorum: adeo ut ab eo tempore, id est, seculo sexto Subdiaconis lex continentie indicta fuerit. Ardorem tribus post seculis cœpit in aliquibus Ecclesiis Sacris Ordinibus annumerari, & junctim cum his inter Missarum solemniam & ante Altare conferri: Qui mos tandem, cum pleræque Ecclesiæ occupasset, sensim in legem transiit; & seculo decimo-tertio ab Innoc. III. in Cap. 9. *de ætate & qualitat. Ordin.* probatus.

III. Moderna ergo, non solum Belgica sed universalis Ecclesiæ Latine disciplina, etiam Subdiaconos perpetuæ castitatis legi obstringit, Subdiaconatum Ordinibus Majoribus & Sacris annumerat; ac junctim cum his confert: Hac tamen veteri ex disciplina manente differentiâ, quod Diaconi & Presbyteri ab Archidiacono Episcopo ante altare ordinandi præsententur; nequaquam verò Subdiaconi; uti nec super horum Ordinatione, sed tantum Diaconorum & Presbyterorum populus consulitur.

IV. Inter pristinae disciplinae vestigia illud ad modum notandum quod Subdiaconatus nec hodie per impositionem manuum conferatur uti Diaconatus & Presbyteratus, sed dumtaxat per instrumentorum & vestium traditionem, quemadmodum Ordines Minores conferuntur.

V. De lege perpetuæ continentie ex præscripto Pontificali, tanquam de re maximi momenti monentur ante ipsam Ordinationem, ut seriò attendant, num legi illi implendæ per Dei gratiam se sufficientes credant; quod ex diurna castitatis custodia statui vult S. Gregorius: "Ne unquam ii, qui ordinati sunt, peccant, aut, provideri debet quales ordinentur: Ut prius aspiciatur, si vita eorum continens in PLURIMIS fuit, si studium orationis, si eleemosynæ amorem habuerunt." *Lib. 3. Indist. 12. epist. 26.*

Merito proinde decrevit Synodus Audomarenfis, 1583. tit. 9. cap. 8. "Nemo ad Subdiaconatus Ordinem suscipiendum se offerat, qui non suam ipsius Dei beneficio castitatem expertus, firmiter statuat, mulieribus & mulierum desiderijs, omnique generis turpitudinibus perpetuò abstinere, tum animi, tum corporis castitati studere."

Et Synodus Leodiensis anno 1618. tit. 8. cap. 4. inter eos qui ordinari prohibentur, reponit num. 14. Qui in adolescentia maculati sunt: Et num. 11. ad altiores

Ordines non promovendos reponit, lapsos post Ordinem susceptum.

Quod in Textu tum ex Pontificali, tum ex Synodis notatum est, neminem ad Subdiaconatum admitendum esse, qui ex vita antea casta non probavit se posse per Dei gratiam perpetuam castitatem servare, etiam Patribus Concilii Tridentini inter articulos reformationis nomine Caroli IX. Regis Galliarum præsentatos, suggestum legitur art. 7. his verbis. *Cum Sacerdotes in primis castos esse oporteat, ex Sacerdotum autem incontinentia in Dei Ecclesia magnæ nascantur offensiones, provideat sancta Synodus, ut non alii in posterum ordinentur Sacerdotes, quam qui SENIORES sunt, & qui à populo BONUM habeant testimonium, ut ex ANTEACTA vita, quales postea sint futuri, non levis sit conjectura; & Sacerdotum libidines & flagitia acerrimis pœnis coercerentur.* Habentur hi articuli in libello, cui titulus: *Instructio & Lettres du Roi Très Chrétien & autres Actes concernant le Conc. de Tr. Ed. 1654. p. 369.*

VI. Officia Subdiaconorum exprimit, & enumerat, Pontificale pag. 36. *Subdiaconum, ait, oportet, aquam ad ministerium Altaris præparare; Diacono ministrare; pallas Altaris, & corporalia ablueri: calicem & patenam in usum sacrificii eidem offerre.*

Denique, postquam præscriptis verbis à Pontifice ordinante, amictum, manipulum, & tunicam acceperunt, datur eis liber Epistolarum, hac verborum formulâ: *Accipite librum epistolarum, & habete potestatem legendi eas in Ecclesia sancta Dei, tam pro vivis quam defunctis. In nomine Patris, & Filii, & Spiritus Sancti. Amen.*

VII. Verùm cum hæc omnia hodie plerumque, etiam per Laicos, aut inferiores Clericos, vel in Missis privatis per ipsum Sacerdotem agantur, omne penè Subdiaconorum officium, ex moderna disciplina reducit ad ministerium Altaris in Missis solemnibus, præcipuumque creditur, sollemnis Epistolæ decantatio: quæ tamen inter officia Subdiaconi antiquitus in Ecclesia Latina non recensébatur; nec hodie apud Græcos recensetur; uti probat Morinus de SS. Ordin. part. 3. exercit. 11. cap. 1. Ibidem quoque ex vetustis Ritualibus, & autoribus astruens, recens esse, Subdiacono in sua Ordinatione librum epistolarum tradi: Similiter contactum Sacrorum vasorum, non tantum Subdiaconis, sed & Acolytis olim licitum fuisse.

VIII. Porro cum hodie paucos, aut nullos fere in Ordine Subdiaconatus perseverare videamus; illumque ordinariè assumi tanquam gradum, quo ad Presbyteratum ascendatur, officiaque Subdiaconatus, non ut olim per solos Subdiaconos, sed passim per Presbyteros etiam in officio sollemni agantur; non judicavi operosius inquirere, & discutere, quæ hodie sint specialia Subdiaconorum officia, aut olim fuerint. Hoc unum notasse sufficiat, quod cum olim universus Clerus Divino officio recitando aut peragendo adstringeretur, labentibus seculis obligatio illa ad solos Beneficiatos, ac Clericos Sacris Ordinibus initiatos transferit: inter quos cum Subdiaconi tunc computarentur, obligatio Horas Canonicas ut minus privatim recitandi apud ipsos quoque remansit. Unde ex hodierna disciplina Subdiaconi, vi solius Ordinis suscepti, ad quotidianum Horarum Canonicarum pensum tenentur. De quo latius infra, titulo de Divino Officio.

IX. Quemadmodum Subdiaconus quasi subminister Diaconi; ita Diaconus græcè, latinè Minister dicitur eò quod Episcopis & Presbyteris ministret. Et quidem adeo necessarius olim Sacerdoti credebatur, ut dicere audeat S. Isidorus: *Sine ipsis (Diaconis) Sacerdos nomen habet, officium non habet.* *Lib. 2. cap. 8. de Divin. Offic.* Et auctor Constitutionum Apostolorum, postrelata plurima Diaconorum officia, ait: *Cæterum sit Diaconus Episcopi auris, & oculus; & item os, cor & anima, ne Episcopus sollicitudine multarum rerum, sed graviorum tantum urgeatur.* *Lib. 2. cap. 44.*

Nec

Nec immerito hæc dicta esse fatebitur, qui attendere quæ per Diaconos secundum temporum illorum disciplinam agebantur.

X. Et quidem in peragendo Divino Officio ita Diaconus Sacerdoti Minister assistebat; ut penè omnia ipso monente, & intendente peragerentur. " Ipse clamo voce in modum præconis admonebat cunctos, sive in orando, sive in flectendo genua, sive in psallendo, sive in lectionibus audiendis. Ipsi etiam Diaconi, ut Isidorus loco citato, ut aures habeamus ad Dominum, clamant: Ipsi quoque evangelizant. Sacerdos oblata sanctificat, hic sanctificata dispensat, id est, Sacerdos consecrat oblata, Diaconus verò populo distribuit. Constat enim Diaconos olim Sanguinem Domini à Sacerdote consecratum populo distribuisse. Hinc illud S. Laurentii ad Sixtum Papam: *Cui commisi Dominici Sanguinis dispensationem*. S. Ambrosius l. 1. de officiis. c. 41.

Interdum in quibusdam Ecclesiis, etiam Corpus Dominicum, seu Panem consecratum distribuisse constat: ut videre est apud Morinum de SS. Ordinat. part. 8. exercit. 9. cap. 3. §. 6.

Pergit dein Isidorus, l. 2. c. 44. " Ipsi etiam Sacerdotibus propter præsumptionem non licet de mensa Domini velare Calicem, nisi eis traditus sit à Diacono. Levitæ inferunt oblationes in Altaria, Levitæ componunt mensam Domini, Levitæ operiunt Arcam Testamenti.

His addit Alcuinus, Ap. Morin. l. cit. §. 5. " Ponit linteam in Altare, ponit Panem & Calicem, quæ nec mittendi, nec auferendi potestatem habet Presbyter, si Diaconus adfuerit. Sicut Presbyter officium consecrandi competit, ita Diacono ministrandi. " Varia insuper & multiplicia erant Diaconorum officia, ut Morinus loco citato §. 7. in SS. Ordinationibus, in Baptismis solemnibus Antiquorum, in consecratione Chrismatis, atque ut ita dicam, in omnibus prorsus officiis Ecclesiasticis.

Ad hæc, præter hoc sacrum Ministerium in Altari, & officiis Ecclesiasticis, omnia propè Ecclesiastica negotia Episcopi per Diaconos agebant: ut pluribus refert & probat Morinus dicto loco: ut proinde mirum non sit, si Diaconi antonomastice *Ministri* Episcoporum dicti sint; ac tandem in eam ascenderint auctoritatem, ut etiam se Presbyteris præferre non erubuerint; de qua Diaconorum insolentia, vide notas nostras ad Can. 1. *Nicanum*.

XI. Verum ex moderna Ecclesiæ disciplina, Diaconorum officia & functiones multum restricta esse notissimum est.

Pontificale Romanum, pag. 40. eorum officia his ferè verbis complectitur: *Diaconum oportet ministrare ad Altare; baptizare, & predicare*. Præter hæc tribuitur ei potestas legendi Evangelium sub hac formula verborum: *Accipe potestatem legendi Evangelium in Ecclesia Dei, tam pro vivis quam defunctis, in nomine Domini*.

XII. Hæc ex Ecclesiæ præscripto hodie Diaconis proponuntur: monenturque, ut tanquam Commistri, & Cooperatores Corporis & Sanguinis Domini, sint ab omni illecebra carnis alieni. " Curate, ait ad ipsos Pontifex Ordinans, ut quibus Evangelium ore annuntiatis, vivis operibus exponatis; ut de vobis dicatur: *Beati pedes evangelizantium pacem, evangelizantium bona*. Ad Rom. c. 10. v. 15.

XIII. Si ergo ad mentem Ecclesiæ in Pontificali expressam & conservatam reflectamus; Diaconi non tantum ad Altaris Ministerium; sed etiam ad functiones Hierarchicas ordinantur: At hodie etiam quoad Diaconos, adeo prolapsa est moderna disciplina, ut nulum penè præter ministerium Altaris Diaconis relictum sit officium: Imò nec illud nisi in solemnibus Missis Diaconis relinquatur. Quin & frequenter, præcipue in Cathedralibus, & Collegiatis Ecclesiis, Diaconorum ministerium supplet Presbyteri. Ita ut tandem eo

deventum sit, ut Ordinatio Diaconorum fieri non soleat, ut habeantur, qui Diaconorum functiones obeant, sed ut per Diaconatum tanquam gradum ad Presbyteratum ascendatur. Unde nec ullus ordinari in Diaconum solet eo fine, ut in officio Diaconatus perseveret; sed ut eo suscepto ad Presbyteratum, tempore interstitiorum evoluta, promoveatur. An autem hæc menti & intentioni Ecclesiæ sint planè conformia, dispiciant Episcopi. Illud certum est, ex intentione Ecclesiæ, nullum debere ordinari, qui iudicio sui Episcopi non sit utilis aut necessarius suis Ecclesiis: Neque ullum ordinari, qui illi Ecclesiæ aut pio loco, pro cuius necessitate aut utilitate assumitur, non adscribatur, ubi suis fungatur muneribus. Sed de hoc latius infra; ubi prius de Presbyterorum functionibus egerimus.

Interim observare liceat eam disciplinæ collapsionem merito displicuisse Episcopis Galliæ, ut intelligitur ex articulis reformationis nomine Caroli IX. PP. Trid. exhibitis, de quibus in nota præcedenti, quorum hic ordine quartus erat. *Diaconis & aliis sacris ordinibus restituantur debita & antiqua functio, ne amplius nuda & in ceremoniis tantum nomina dicantur*.

XIV. Presbyterorum functiones Pontificale Ordinandis proponit his verbis: *Sacerdotem oportet offerre, benedicere, præesse, predicare & baptizare*. Deinde peractâ Ordinatione ad Ordinatum dicit: *Accipe Spiritum Sanctum, quorum remiseris peccata, remittuntur eis, & quorum retinueris, retenta sunt*. Pontific. edit. 1663. p. 54.

XV. Primum ergo Presbyterorum officium est, *Offerre*; quo nomine oblationem Sacrificii Missæ intelligendam venire indubitatum est: Eaque ex moderna Ecclesiæ disciplinâ primaria, & omnibus indifferenter vi suæ Ordinationis competens, Presbyterorum functio reputatur: De qua latius parte 2. agetur.

XVI. Secunda functio exprimitur per verbum *Benedicere*: quæ ex hodierna disciplina exercetur per Presbyteros, dum præscriptis precibus, rebus quibusdam *benedictionem* publicam impertiantur: v.g. Aquæ, novis fructibus, &c. Sed tamen & in his servandus Ecclesiarum ritus, & usus qui quasdam *benedictiones*, vel Episcopis, vel solis Parochis, aut aliis ab Episcopis delegatis Presbyteris, reservat.

XVII. Tertia, quæ verbo *Præesse* indicatur, significat Presbyterorum in conventu publico præsentiam: quam hodie agere videntur, dum nomine totius populi publicas preces fundunt; dum in supplicationibus aliisve similibus functionibus primum locum occupant, &c.

XVIII. Quarta indicata verbo *Predicare*, indubiè instructionem populi exprimit. Uti & quinta per verbum *Baptizare* expressa, Sacramentorum administrationem indicare videtur. Unde & Synodus Tridentina, Sess. 23. cap. 14. *de reformatione*, vult, ut in Presbyteros ordinandi, ad populum docendum ea, quæ scire omnibus necessarium est ad salutem, ac administranda Sacramenta, diligenti examine præcedente, idonei comprobentur.

XIX. Verumtamen circa has postremas Presbyterorum functiones, uti & eam, quæ significatur per illa verba: *Accipite Spiritum Sanctum*, &c. notandum: quod licet functionum illarum exercitium Presbyteris in sua Ordinatione simpliciter, & sine restrictione indulgeatur, nihilominus per Canones, & consuetudinem Ecclesiarum eas multis modis esse restrictas: neque omnibus indifferenter earum exercitium ex hodierna disciplina competere; uti infra ubi de Sacramentis, & predicatione Verbi Divini tractabitur, ostendemus.

XX. Interim illud sat constat, Presbyteros eum in finem ordinari, ut unâ cum Episcopis, quisque pro suo talento; & ut Ecclesiæ necessitas aut utilitas postulaverit, laborent, & Ecclesiam ædificent.

Hinc nomine Ecclesiæ Antistes ordinans ordinandos Presbyteros his verbis affatur: " Filii dilectissimi, quos ad nostrum adiutorium, Fratrum nostrorum arbitrium consecrandos elegit, servate in moribus vestris

„ vestris castæ & sanctæ vitæ integritatem. Agnoscite  
 „ quod agitis, imitamini quod tractatis; quatenus mor-  
 „ tis Dominicæ mysterium celebrantes, mortificare  
 „ membra à vitiiis & concupiscentiis omnibus procu-  
 „ retis. Sit doctrina vestra spiritalis medicina populo  
 „ Dei, sit odor vitæ vestræ delectamentum Ecclesiæ  
 „ Christi, ut prædicatione atque exemplo ædificetis  
 „ domum, id est familiam Dei; quatenus nec nos de  
 „ vestra profectione, nec vos de tanti officii suscep-  
 „ tione damnari à Domino, sed remunerari potius me-  
 „ reamur. *Pontif. Rom. Edit. 1663. p. 55.*

XXI. Denique cum Sacramentum Ordinis, ut rectè  
 monet Synodus Iprensis sub Rithovio, *tit. 18. cap. 1.*  
 non pro singulorum salute, sed pro totius Ecclesiæ pro-  
 pagatione, & gubernatione institutum sit; nemo quo-  
 que ad Ordinem, præsertim Presbyteratus admitten-  
 dus est, qui non ad utilitatem Ecclesiæ functionibus  
 sui Ordinis occupetur; quod capite sequenti latius  
 ostenderetur.

Ea verò quæ ad qualitatem, ætatem, examen & ti-  
 tulum ordinandorum spectant, ubi de Sacramento Or-  
 dinis agitur, exponuntur.

## CAPUT IV.

Clerici certæ Ecclesiæ adscribendi.

1. *Clericorum vita otiosa admodum scandalosa.*
2. *Ut illi occuratur, certæ Ecclesiæ adscribi debent.*
3. *Excipiuntur studentes in Universitate.*
4. *Quomodo Ecclesiæ designatæ inservire debeant Clerici.*

I. **N**ihil adeo vocationi Clericali oppositum; nihil  
 Ecclesiæ magis probrosum & Laicis scandalo-  
 sum esse, quàm otiosam ac inertem Clericorum vitam,  
 ratione, & experientiâ compertum est.

Hinc jam pridem sollicita fuit Ecclesia, ne quis in  
 Clerum assumeretur, nisi certo loco adscriberetur ubi  
 functionibus Ordini suo convenientibus occuparetur;  
 & vitam Clerico dignam institueret.

II. Disciplinam hanc Canone sexto Concilii Calce-  
 donensis probatam, sed temporum injuriâ penè col-  
 lapsum, restauratam volens Synodus Tridentina, in-  
 hærendo vestigiis dicti Concilii, statuit. „ Ut nullus  
 „ in posterum ordinetur, qui illi Ecclesiæ, aut pio lo-  
 „ co, pro cuius necessitate aut utilitate assumitur, non  
 „ adscribatur, ubi suis fungatur muneribus, nec incer-  
 „ tis vagetur sedibus. *Sess. 23. cap. 16. de ref.*

Hoc saluberrimum Decretum Synodi Belgicæ uno  
 consensu receperunt, & innovarunt: addidit Syno-  
 dus Camerac. P. II. „ Ut in proximi Ordinis suscep-  
 „ tione examinentur singuli, num in iis Ecclesiis, qui-  
 „ bus adscripti fuerint, suas functiones obierint, *Tit.*  
*10. cap. 6.*

III. Non immeritò tamen ab hac regula Synodus  
 Namurcensis sub Wachtendonck, *tit. 8. cap. 9.* excipit  
 in Universitate aut Seminario degentes: hi enim,  
 præterquam quod in Oratoriis Collegiorum aut Semi-  
 natorum functiones Ordinum obire solcant, etiam stu-  
 diis aliisque exercitiis se ad altiores Ordines, & majores  
 functiones obeundas ex voto Ecclesiæ præparant:  
 modò juxta leges, & mentem Fundatorum in Univer-  
 sitate & Seminariis se exercent. & occupant; ut infra  
 sub titulo de Seminariis ostenderetur.

IV. Sive ergo pristinam, sive hodiernam Ecclesiæ  
 disciplinam spectemus, nullus ordinari debet; nisi unæ  
 Ecclesiæ pro sua conditione, & suo talento serviat.  
 Neque ex mente Ecclesiæ sufficit, si forsitan aliquoties  
 in Ecclesia cui adscriptus est, tanquam Subdiaconus,  
 aut Diaconus ministrat; vel Presbyter Missam celebret.  
 & de reliquo nullum Ecclesiæ servitium exhibeat, sed  
 ita se exhibere debet, ut verè dici queat, quod Eccle-  
 siæ illi serviat; ejusque servitio se impendat, & occu-  
 per: v. g. peragendo Divino Officio; vel Parocho in  
 catechizandis parvulis, visitandis ægrotis, aliisque fun-  
 ctionibus assistendo: ni ipsum major Ecclesiæ utilitas,  
 aut necessitas aliis functionibus impendat.

Hoc indubiè motivo inducta Synod. Camerac. P. II.  
*tit. 21. cap. 6.* præcipit omnibus Sacerdotibus, & Cleri-  
 cis, qui intra Parochiæ fines degunt, ut Parochum in in-  
 struenda juventute pro sua quisque virili parte adjuvent.

## TITULUS II.

## DE VITA ET HONESTATE CLERICORUM.

## CAPUT I.

Singularis in Clericis morum honestas requiritur.

1. *Probatur ratione adductâ per Tridentinum.*
2. *Probatur ex Officio Clericorum.*
3. *Ex Scriptura Sacra.*
4. *Hæ rationes omnes Clericos spectant.*
5. *Vita Clericorum cruditio sit aliorum.*
6. *Nonnulla Clericis specialiter cavenda.*

I. **N**IHIL est, inquit Synodus Trid. *Sess. 22.*  
*„ cap. 1. de reform.* quod alios magis ad  
 „ pietatem & Dei cultum assidue instruat, quàm  
 „ eorum vita & exemplum, qui se Divino Ministe-  
 „ rio dedicarunt. Cùm enim à rebus seculi in al-  
 „ tiorem sublato locum conspiciantur, in eos tanquam  
 „ in speculum reliqui oculos conjiciunt, ex iisque  
 „ sumunt quod imitentur. Quapropter sic decet om-  
 „ nino Clericos in sortem Domini vocatos, vitam  
 „ moreque suos omnes componere; ut habitu, gestu,  
 „ incessu, sermone, aliisque omnibus rebus nil nisi gra-  
 „ ve, moderatum ac religione plenum præ se ferant:

„ levia etiam delicta, quæ in ipsis maxima essent, effu-  
 „ giant; ut eorum actiones cunctis afferant veneratio-  
 „ nem.

II. Præterea, cùm Clerici Laicorum constituti sint  
 Magistri & Doctores; eâ morum vitæque integritate  
 eos vivere oportet; ut quæ verbo alios docent, ope-  
 ribus non negent. Hinc Synodus voluit, „ per Epif-  
 „ copos sæpius monendos Clericos, in quocunque Or-  
 „ dine fuerint, ut conversatione, sermone & scientiâ  
 „ commisso sibi populo præeant; memores ejus quod  
 „ scriptum est. *Sancti estote, quia & ego sanctus sum:*  
 „ *Levit. c. 11. v. 44.* & juxta Apostolum: *Nemini dent*  
 „ *ullam offensionem, ut non vituperetur ministerium eorum,*  
 „ *sed in omnibus exhibeant se sicut Ministros Dei:* 2. ad Cor.  
 „ c. 6. v. 3. Ne illud Prophetiæ dictum impleatur in eis:  
 „ *Sacerdotes Dei contaminant sancta, & reprobant legem.*  
 „ *Ezech. c. 22. Sophon. c. 3. Conc. Tr. Sess. 14. in procem.*

III. Hæc omnia conformia sunt dicto Christi ad  
 Apostolos, & in ipsis ad universum Clerum: *Vos estis*  
 „ *lux mundi; sic luceat lux vestra coram hominibus, ut vi-*  
 „ *deant opera vestra bona, & glorificent Patrem vestrum,*  
 „ *qui in calis est.* Matt. 5. v. 14. Cui congruit illud  
 „ Apostoli ad Titum c. 2. v. 7. & 8. *In omnibus præbe-*  
 „ *tripsimum exemplum bonorum operum.... Verbum sanum,*  
 „ *&*



*Et irreprehensibile: ut is qui ex adverso est veretur, nihil habens malum dicere de nobis.*

IV. Si quis forsitan hæc ad solos Episcopos Apostolorum Successores dictum credat; is audiat S. Hieronimum in Comment. ad citatum Apostoli textum relatum apud Gratianum. *Caus. 8. q. 1. can. 21.* "Quælis ædificatio erit discipuli; si se intelligat Magistro esse majorem? Unde non solum Episcopi, aut Presbyteri & Diaconi debent magnopere providere, ut cunctum populum, cui præfident, conversatione, sermone & scientiâ præcedant, verum etiam & inferior gradus: Exorcista, Lectores, Aeditui, Acolyti, & omnes omnino qui Domui Dei servant: Quin vehementer Ecclesiam Christi destruit, meliores Laicos esse quam Clericos.

V. Ut ergo Clerici dignè suâ vocatione vivant, ita studere debent vitam componere; ut eorum vita, verbis loquor Augustini, *eruditio sit aliorum, & assidua salutis prædicatio.*

VI. Interim nonnulla sunt à Clericis planè cavenda; aut in quibus singularem honestatem & moderationem Clericis necessariam esse Canones inculcant: De quibus, quid disciplina, præsertim hodierna & Belgica habeat, paucis exponemus.

## CAPUT II.

### Honestas & modestia in habitu Clericorum.

1. *Vestis Secularis cur Clericis indecens.*
2. *Per externum habitum morum honestas ostenditur.*
3. *Clerici vestes Clericales abjiciens professioni suæ renuntiare videtur.*
4. *Quomodo puniendus ex Decreto Concilii Trid. vestes Clericales non deferens.*
5. *Quæ sit dicenda Vestis Clericalis.*
6. *Non deferentes vestes Clericales Beneficiis privari possunt.*
7. *Amittunt privilegium fori.*
8. *Quæ requiruntur ut Clericus dictas penas incurrat.*
9. *Quis judicare debeat, num vestis sit Clericalis.*

I. Clerici cum vi professionis sint à mundo separati, & in militiam Christi adscripti, ab eorum professione alienum est, si exteriori habitu mundanam militiam, aut vitam Laicalem potius quam Clericalem profiteri velint.

II. Quapropter, licet Ecclesia noverit, *habitum non facere Monachum*, nec vitæ sanctitatem in veste exteriori positam esse; nihilominus admodum semper sollicita fuit, ut Clerici vestes proprio congruentes Ordini deferrent; *Ut per decentiam habitus extrinseci*, ait Syn. Trid. *Sess. 14. cap. 6. de ref. morum honestatem intrinsecam ostendant.*

III. Imo, qui abjectis vestibus Ordini suo congruentibus, Laicales assumere malunt, nomine & professione ac privilegiis Clericalibus indignos; functionibusque Ordinum & Beneficiorum, eorumque proventibus privandos censuit: Utpote qui vestium Clericalium abjectione, & Laicalium assumptione professionem suam se vilipendere, imo erubescere, eique quodammodo renuntiare ostendunt.

IV. Et quidem Syn. Trid. loco citato, loquens de Clericis vestes Laicales publicè deferentibus, decernit: "Ut si postquam per edictum publicum moniti fuerint, honestum habitum Clericalem, illorum Ordini & dignitati congruentem, & juxta ipsius Episcopi ordinationem & mandatum non detulerint, per suspensionem ab Ordinibus, ac officio & beneficio, ac fructibus, redditibus, & proventibus ipsorum Beneficiorum, necnon, si semel correpti denuo in hoc deliquerint, etiam per privationem officiorum & beneficiorum hujusmodi coerceri possint & de-

beant: Constitutionem Clementis V. in Concilio Viennensi editam quæ incipit: *Quoniam*, innovando & ampliando.

Hoc Synodi Trid. Decretum Synodi Belgicæ pari consensu receperunt, & sæpius innovarunt. Synodus Mechl. P. II. tit. 18. Cap. 4. Camerac. P. I. tit. 9. cap. 4. & P. II. tit. 16. cap. 4. & 6. & aliæ communiter.

V. Porro quis sit dicendus amictus; sive vestis Ordini Clericali conveniens, difficile est generaliter determinare: Cum pro temporum & locorum varietate eum varium esse, & mutari posse indubitatum sit.

Assumenda ergo est vestis, quæ pro loci, & temporis conditione, honestati & modestiæ Clericali sit conveniens: Ita ut exterius modestiam, vitamque Clericalem omnibus ostenter; nihilque mundani fastus, aut vanitatis secularis præferat.

VI. Quare rectè dixit Syn. Mechl. P. II. loco citat. "Et quoniam mundana curiositas quotidianas adinvent nit levitates, omnis ille habitus quibuslibet ecclesiasticis personis interdicius sit, à quo Episcopus abstinendum mandavit." Additque: "Et qui ab Episcopo moniti, etiam per edictum publicum, honestum habitum Clericalem non gestaverint, per suspensionem ab Ordinibus, officio & beneficio, ac fructibus, & redditibus, & proventibus ipsorum Beneficiorum, necnon, si semel correpti, iterum in hoc deliquerint, etiam per privationem officiorum & Beneficiorum coercantur.

VII. Similiter Concordato Episcopum Leodiensem inter, & Carolum V. cap. 6. Clerici primæ Tonsuræ privilegio fori privantur, si vestes Ordini Clericali minus convenientes, quæ ibidem describuntur, gestent: Quod & Synodus Trident. comprobavit, declarans, Clericos primæ Tonsuræ, etiam in Minoribus Ordinibus constitutos, non gaudere privilegio fori, licet alicui Ecclesiæ de mandato Episcopi sint adscripti, nisi Clericalem habitum & Tonsuram deferant.

VIII. Attamen, ut Clericus privilegio fori dicatur privatus, aliisque Canonicis poenis mulsetur, non sufficit, quod ex levitate fastum aut pompam secularem nonnihil affectet, aut unâ alterâ vice vestes Clericales, etiam sine justa causa demiserit; sed requiritur ut ita continuet, ac passim vestibus Laicalibus utatur, ut dici queat, *abjecisse vestes Clericales; easque*, ut loquitur Tridentinum, *parvipendere* videatur, ut observat Antonius Faber ad Codicem tit. de Episc. & Cler. definit. 36. Notâ 2. & latius Stephanus Wamelsius ad Constitutiones viginti quatuor in Tridentino innovatas, *Constit. 8. num. 14.* Quin tamen unicum etiam actum abjectionis vestium Clericalium, aut fastum mundanum in veste Clericali, Episcopus pro ratione scandali & excessûs punire queat, non dubium: & rectè monet Zypæus *Consult. 1. tit. De vita & honest. Cleric. Num. 7.*

IX. Si autem dubitetur, num hic habitus sit Clericalis an Laicalis, moribus Belgii ferè receptum est, de hac quæstione tanquam *meri facti*, Regios Magistratus judicare. Ita testatur judicatum esse & servari in Burgundia Grivellius *Decis. 30.* "Eamque sententiam etiam hic, ac passim in supremis Curis Franciæ servatam, securamque memini, inquit Christinaeus, *Volum. 1. Decis. 56.*" Similiter refert judicatum in Curia Gratianopolitana Guido Papa, *Decis. 238.* qui ibidem *num. 1.* notat, Habitum Clericalem dici quoad privilegium fori, "quando ipsum habitum deferens" ex inspectione Clericus præsumitur.

## CAPUT III.

### Incontinentia & familiarior cum mulieribus conversatio Clericis cavenda.

1. *Clericos summo opere dedecet vitium incontinentiæ.*
2. *Ut*



2. Ut hoc caveatur, familiarior cum mulieribus conversatio Clericis vitanda.
3. Refertur Decretum Synodi P. Cameracensis.
4. Decreta Synodorum PP. Mechliniensium.
5. Plures Synodi Diocesanae.
6. Ad solam monitionem Episcopi Pastores ancillas suas dimittere debent.
7. Etiam cavenda familiaritas cum mulieribus devotione conspicuis.
8. Tutius est Clerico famulum habere quam ancillam.
9. Varia ex citatis decretis corollaria.
10. Clericis cavendum, ne quid in verbis vel factis aut suppellectile obsceni occurrat.
11. Specialiter interdicitur Clericis habere statuas & imagines, minus honestas.

I. Quam turpe, ac Clericorum nomine, qui se divino cultui addixerunt, sit indignum, in impudicitiae sordibus immundoque concubinato versari, satis res ipsa (inquit Synodus Trident. Sess. 25. cap. 14. de reform.) communi fidelium omnium offensione, summoque Clericali Militiae dedecore, testatur.

Ut igitur non tantum à vitii hujus reatu, sed omni ejus specie ac suspitione alieni essent Clerici, valde sollicita semper fuit Ecclesia.

II. Hinc omnem non necessariam, & familiorem cum mulieribus conversationem, tanquam incontinentiae suspitionem & periculum ingentem, Clericis interdixit. Urque veteres de hac re Conciliorum Canones, & Patrum sententias omittamus, sola temporibus & Provinciis nostris magis accommodata Synodorum Decreta referre lubet.

III. Synodus Cameracensis P. I. tit. 9. cap. 3. ita loquitur: "Consortium mulierum Sacerdoti non convenit, quem castitas & continentia ornare perpetuo debent: Et ut castitas servari queat in muliebri consortio, raro tamen bonum nomen retineri potest. Quare praecipit S. Synodus, ne qui Sacros Ordines susceperit, in familia secum habeat mulierem extraneam de qua suspicio facile sinistra concipi possit; quam suspitionem vitare nequeunt, qui juvenes, comptas, procaces, otiosas, impudentes, mali nominis ac famae aut quas antea vitae macula contaminet, vel secum alunt vel frequenter adeunt, aut admittunt. Si quis hac parte peccaverit, monitus castigatusque nisi animum & vitam mutaverit, graviter Ordinarii arbitrio puniatur."

IV. Idem compendio expressit Mechl. P. I. praecipiens: "Ut Clerici à suspecta cum mulieribus conversatione, & cohabitatione omnino abstineant." Ulterius progressa Synod. Mechl. P. II. tit. 18. cap. 8. ait: "Quoad Clericos concubinariorum (si qui sint, quod Deus avertat) vel suspectam cum mulieribus consuetudinem habentes, juxta Decreta Canonum & Concilii Tridentini rigore puniantur, & hujusmodi mulieres, si monitae ab Ordinario se ab eorum consuetudine non sejunxerint, extra oppidum vel Diocesim, invocato etiam, si opus fuerit, brachio seculari, ejiciantur."

V. Provincialibus consonant Diocesanae, inhibentes Clericis, Ne cum suis ancillis, quantumcumque honestis, nimiam contrahant familiaritatem, aut cum eis ad convivia, quantumvis honesta, etiam vocati accedant; multoque minus ad tabernas, aut ad choreas. Vide Iprensensem an. 1577. tit. 3. cap. 3. Mechl. an. 1609, tit. 17. cap. 6. Gandavens. an. 1613. tit. 17. cap. 5.

VI. Quae duae postremae addunt: "Si quis ancillam habeat, vel cum alia muliere sic conversetur, ut obloquium inde, vel scandalum oriatur, ad monitionem Episcopi vel etiam Capituli, sub quo degit, hanc ancillam abdicare, seu ab hujus mulieris familiaritate se subtrahere mox teneatur."

Tom. I.

Antuerpiensis an. 1610. tit. 17. cap. 6. ait: "Teneatur unusquisque suam ancillam sine strepitu dimittere, quaecumque nos in Vicariatu nostro, aut Decanus & Capitulum quoad sibi subditos, dimittendam judicaverimus." Idem habet Synodus Leodien- sis an. 1618. tit. 6. cap. 1.

VII. Quin & Synodus Audomarensis perpendens, etiam interdum periculosam esse conversationem cum mulieribus, pietatem licet praefertentibus, praecipit: "Ut cum mulieribus etiam sanctitate spectatis, extra honestatis necessitatem non convertentur: de vestimentis enim (quod monet sapiens) procedit tineae, & à muliere iniquitas viri: Et melior est, minusque periculosa in virorum conversatione, iniquitas viri, quam mulier beneficiens." Ecclesiastici c. 42. v. 13. & 14.

VIII. Deinde postquam monuit conformiter ad praecitata Synodos, ne nimis familiariter urantur ancillis suis, quantumcumque honestis; nec cum eis ad convivium, quantumvis honesta, etiam vocati accedant, aut etiam ad forum, adjungit: "Sciant verò multò fore & tutius & honestius, si ancillarum loco, viri viris interserviant, atque iis praefertim qui soli agunt." Tit. 16. cap. 2.

IX. Haec Synodorum Decreta ostendunt, quod hodierna Belgica disciplina absolute non inhibeat cohabitationem Clericorum cum muliere extranea, nullatenus tamen permittat aliquam cum mulieribus conversationem, quae vel minimam sinistram suspicionem dare possit: sollicitèque caveant, ne cum ancillis suis familiaritatem nimiam contrahant, aut quidquam in illis patiantur, quod vel speciem aliquam mali ingerere possit.

Unde juxta Synodorum mentem attendere debent Ecclesiastici, ne eorum ancillae suo agendi, aut loquendi liberiori modo, videantur sibi potius Magistrarum, quam ancillarum auctoritatem arrogare: hinc enim sinistra facile oritur suspicio, & nimis erga ancillas arguitur affectus.

Insuper evincunt citata Synodalia Decreta, Ecclesiasticos omnes illas dimittere, idque sine strepitu Judicii, debere ancillas, quas Episcopus aliufve eorum Superior ob causam dimittendas judicaverit: & ab earum conversatione abstinere, quam Superior suspectam, aut populo in offendiculum cedere duxerit. Laudanda sane & penè necessaria disciplina. Quis enim nescit, quam frequenter circa similia in propria causa cœcunt Ecclesiastici; aut non advertant, quantopere offendatur populus ex modo agendi alicujus ancillae; aut quadam cum muliere nimia aut familiore conversatione.

Imò Ecclesiastici, qui ad monitionem Superioris ancillas suas dimittere, aut conversationi renuntiare renuunt, ordinariè vel hoc ipso renisu non obscure ostendunt, nimium erga has ancillas aut mulieres humanum, ne dicam carnalem affectum.

Denique, tamen Belgica disciplina non planè omnem ancillam, etiam extraneam, modò honestam, Clericis interdicit; sat tamen in allegatis Synodorum Decretis innuitur; Synodorum illarum votum fuisse, ut quantum temporum ac locorum circumstantiae patiuntur, loco mulierum viri in famulatum assumantur: praefertim à Pastoribus aliisque personis Ecclesiasticis, qui soli familiam instituunt.

Et quis haec non optet, imò penè necessarium autumat, qui pericula, quae continua illa unius cum una conversatio secum trahit, expenderit?

X. Denique, ut omnem incontinentiae vel speciem vident Clerici, non tantum à mulierum familiaritate, aut suspecta conversatione iis cavendum est, sed insuper ne quid vel in verbis, vel in factis, in tota sua familiā aut quidquam obsceni, aut minus casti occurrat.

XI. Quapropter, licet omnibus lex Naturalis & Divina

B

vina

vina inhibeat obscenas minùsque honestas imagines, vel statuas expositas habere, specialiter tamen Clericis id cavendum esse inculcant Belgica Concilia. "Nemo," ait Synodus Mechlin. P. II. tit. 14. cap. 3. Ecclesiastici Ordinis lascivas, & ob nuditatem vel alias obscenas, & quæ pias mentes offendant, imagines, in suis ædibus ac hortis ponat vel retineat, sub pœna arbitraria. Concionatores quoque contra hujusmodi imaginum quocumque etiam profano loco positarum detestandum usum, frequenter conciones suas instituant.

## CAPUT IV.

Ebrietas, comessatio, popinarum frequentatio Clericis specialiter interdictæ.

1. Ebrietas continentie Clericali specialiter contraria.
2. Per SS. Canones singulariter Clericis interdicta.
3. Comotationes pomeridianæ similiter vetitæ.
4. Popinarum ingressus Clericis interdictus.
5. Pœnæ in ingredientibus decreta.
6. Cura S. Caroli, ne Clerici peregrini ad popinas divertere deberent.
7. Principum nostrorum Ordinationes circa usum tabernarum.
8. Saluberrimum S. Ludovici Decretum.
9. Lucrum ex cellis Capitulorum non querendum.

I. Clericos vi suæ professionis specialiter continentie studere, omnemque incontinentiæ suspicionem & periculum studiosè declinare debere, præcedenti §. ostensum fuit.

Ex quo haud difficulter infertur, ebrietatem quoque, & comessationes, omnemque in cibo & potu excessum eisdem cavendum esse.

Quis enim ignorat illud Apostoli ad Ephes. 5. v. 18. *Nolite inebriari vino in quo est luxuria.* Et illud Sapientis Prov. 20. v. 1. *Luxuriosus est vinum, & tumultuosa ebrietas.* Hinc illud Hieronymi lib. 2. contra Jovinianum: *Ejus carniun, & potus vini, ventrisque saturitas, seminarium libidinis est.*

II. Merito proinde jam pridem Synodus Agathensis Can. 4. apud Gratianum Dist. 35. Can. 9. dixit: "An te omnia à Clericis vitetur ebrietas, quæ omnium vitiorum fomes ac nutritrix est: itaque eum quem ebrium fuisse constiterit (ut ordo patitur) aut 30. dierum spatio communionem statuimus submovendum, aut corporali subdendum supplicio.

Et sub titulo Decretalium, De vita & honestate Clericorum, ex Concilio Lateranensi sub Innocentio III. tamquam honestati Clericorum summè necessarium, refertur: *A crapula & ebrietate omnes Clerici abstineant diligenter. Unde vinum sibi temperent, & se vino. Nec ad bibendum quispiam incitetur: Cum ebrietas & mentis inducat exilium, & libidinis provocet incentivum. Unde illum ab usum penitus decernimus abolendum, quo in quibusdam partibus ad potus æquales suo modo obligant potatores: & ille iudicio talium plus laudatur, qui plures inebriat, & calices facundiores exhaurit. Si quis autem super his culpabilem se exhibuerit: nisi à Superiore commonitus satisfecerit, ab officio vel beneficio suspendatur.* Conc. Later. IV. c. 15.

Et quid pluribus hæc probare contendimus? Quandoquidem, ut rectè movent Patres Synodi Cameracensis P. I. tit. 8. cap. 1. "Quantum probri & incommodi ebrietas afferat, cum omnibus Ordinibus Reipublicæ, tum Clero maximè, res ipsa docet. Atque eam ob rem ebriosum hominem navigio jactato sine ullo gubernaculo Salomon comparat. Nec enim ullum potest virtutis aut mentis constans officium præstare, qui temulentiam & ebrietatem sectatur. Propterea lege veteri Sacerdoti mandabatur, vino ut ab-

stineret, quo tempore munus Sacerdotii esset obiturus. Quare præcipit S. Synodus, ut quicumque in Clero, id est, in sorte Domini fuerit annumeratus, ab hac ebrietatis & crapulæ macula se prorsus abstinere. Tollatur autem omnino turpis ea consuetudo, quæ mutuo se quandoque ad haustus æquales provocant, certantque hac infamiâ reliquos vincere. Isaias enim c. 5. v. 22. iis execrationem denuntiat, qui *potentes sunt ad bibendum vinum.* Quicumque verò ex Clero hanc normam contempserit, nisi à Superiore monitus paruerit, castigetur, si non resipuerit, suspendatur ad tempus sive ab officio, sive à Beneficio. III. Consonant & reliquæ Synodi Belgicæ, vitium hoc in Clero tanquam ejus vocationi & functionibus summopere contrarium detestantes: Ebrietati insuper adjunctas & comessationes Clericis non minùs indecoras; quarum nomine, quin veniant pomeridianæ illæ in Belgio nimium frequentatæ comotationes, dubium non est: Unde Synodus Buscoducensis sub Masio tit. 14. cap. 4. De vita & honestate Clericorum tractans, ait: "Comotationes quoque pomeridianas vel domi suæ, vel apud alios, & confortium quorumvis intemperantium & malè moratorum, studiosè declinent."

Hic advertere licet, quàm meritò solliciti fuerint nonnulli hujus Academiae Collegiorum Moderatores, ut mos ille abrogaretur, quo certus per hebdomadam dies hujusmodi comotationibus pomeridianis videbatur quodammodo designatus: in illis præcipuè Collegiis quæ juventuti ad vitam & honestatem Clericalem formandæ sunt instituta.

Adhæc cum in popinis, seu ut hodie loquimur, tabernis, ebrietatis comessationumque vitia præcipuè soleant regnare, easque frequentantes de illis esse suspecti; jam pridem harum frequentatio; tanquam vitæ & honestati Clericorum adversa, Clericis per Canones inhibita fuit.

Utque Canonem 24. Laodicenum, item 27. Concilii Carthag. III. aliosque pristinos Canones, quos videre est apud Gratianum Dist. 44. præteream; in Decretalibus sub titulo De vita & honestate Clericorum Cap. 15. ex Concilio Lateranensi sub Innocentio III. legitur: *Clerici tabernas prorsus evitent, nisi fortè necessitatis causâ in itinere constituti.*

Consonant & Belgica nostra Concilia. "Clerici," ait Concil. Cameracense P. I. tit. 8. cap. 6. ne tabernas potatorias adeant, neque diversoria frequentent, nisi sint viatores, nec omnino se misceant Laicis comitantibus; vilescit enim plurimum ex ea turpi & indecora consuetudine Ecclesiastici ministerii dignitas.

IV. Mechliniense P. II. tit. 17. cap. 6. "Sub pœna arbitraria interdicat omnibus Clericis, ut neque edendi, vel bibendi causâ tabernas ingrediantur, nisi peregrinationis, vel aliâ necessitate compulsi. Similia & aliæ Synodi pariformiter inculcant; renovatque Antverpiensis sub Miræo tit. 17. cap. 4. Statutum Domini Sonni, "Ut quicumque Ecclesiasticus (nisi peregrinationis aut aliâ necessitatis causâ compellus) tabernam bibendi causâ visitaverit, incurrat pœnam trium florenorum primâ vice, secundâ duplici, tertiâ quadruplici: quam pœnam inexcusabiliter incurrere decernimus, ait, omnes, & singulos qui id fecerint.

Uterius progressa Synodus Namurcensis sub Buisseret an. 1604. tit. 8. cap. 5. tabernas malorum omnium fontes, non solum Clericis prohibet, sed etiam seriò injungit Promotoribus, ut si quos resciverint frequentantes, exceptâ solâ itineris necessarii causâ, eos coram Officialibus mox evocari curent: Hisque injungitur, "ut eos primùm pœnis pecuniariis, deinde etiam, si abstinere noluerint, carceribus ad meliora compellant.

Synodus Gandens. ann. 1613. tit. 17. cap. 3. & Decreta

creta Synodalia ejusdem Diœcesis sub Triest. tit. 18. cap. 4. declarant, "Nec Clericis licitum esse tabernas ingredi sub prætextu contractuum ibidem celebrandum, ad quas tanquam Notarii, vel aliâs publicæ personæ vocantur; quibus contractibus, ait, interesse in tabernis similiter prohibemus.

Ex his statue, disciplinam Belgicam ingressum in tabernas edendi bibendive causâ Clericis universim interdiceret, nisi itineris necessitate compellantur: "Et quidem eo casu non nisi *modicæ refectiois* gratiâ, illas ingrediantur, ait Synodus Iprensis sub Rithovio tit. 3. cap. 1. ut peregrinantes decet.

V. Et quia non parum sæpe incommodi & periculi imminet Clericis extraneis, dum ad ignota nonnumquam diverforia accedere, ibidemque cum secularibus utriusque sexus, & cujuscumque conditionis & status conversari coguntur, meritò Episcopi adlaborarent in id, ad quod S. Carolus in Concilio Mediol. I. part. 2. tit. 25. suæ Provinciæ Episcopos hortabatur: "ut in singulis suis civitatibus, curent parandum unum, aut alterum publicum & honestum diverforium, quo suarum Diœcesium Clericis rusticanis necessitatis causâ convenire liceat: nec in eo hospitio improbis, aut nequam hominibus locus sit, neve sceminis ullo modo; sed tantum Clerici & Religiosi viri, si fieri possit, in eo recipiantur.

Interim dum similes in civitatibus domus non habentur, Clericique ad communia diverforia divertere coguntur, meritò, quantum possunt, à communi secularium, ac præsertim mulierum convictu & consortio se separant; ut ita multarum difficultatum & peccatorum occasiohem, quæ in simili occasione occurrunt, facilius evitent.

VI. Quin & Principes nostri attendentes multiplicia mala, quæ ex potationibus & comestationibus in tabernis nascuntur, multa pro earum moderatione & usu edixerunt; quæ si exactè servarentur, multis incommodis ex earum usu & frequentatione nascentibus obviaretur.

Imprimis sanxerunt, ne quis tabernam exerceat locis infrequentibus; sed tantum in loco publico cujusque pagi aut vici, vel secus viam publicam, & ad eum numerum duntaxat admittantur, qui conveniat numero incolarum, aut itinerantium, utque & in civitatibus earum multitudo minuatur: neque aliæ intra militare à quacunque civitate murata permittantur, nisi necessariæ sint vel incolis, vel itinerantibus, ut supra. Edict. Philippi II. 22. Junii 1589. & Alberti & Isabelæ I. Julii 1616. Hinc clarum est, Principum intentioni contrarias esse tabernas, quæ passim in civitatibus suburbiis visuntur; & penè nonnisi potationibus & comestationibus civium inserviunt.

Ulterius Edicto 18. Novembris 1585. sancitum est, ut nullus in Brabantia extra civitatem, tabernas exercere queat, nisi cum consensu Officialis & Magistratus vicinioris civitatis, circa quam eas exercere intendit. Neque ipse Officialis aut Magistratus ullos ad hoc exercitum admittat sub pœna privationis officii, nisi quos præviâ informatione, probos, honestos, Catholicos, & integræ famæ, & boni nominis esse cognoverint.

Denique ordinatum est, ut diverforia sive tabernæ sæpius à locorum Officialibus visitentur; præsertim vespertino tempore. Edicto 1. Julii 1609.

Hæc aliæque Principum Edicta, quæ plura citantur ab Antonio Anselmo in Codice Belgico Verb. \*Herbergen, si attentius expendantur, non obscurum erit, Principum nostrorum votum esse, ut tabernæ nonnisi necessariis civium & incolarum usibus; & vel maxime itinerantium commoditati & usui subserviant.

VII. Et quidem hanc Principum nostrorum piam intentionem jam pridem expresserat Sanctissimus Galliarum Rex Ludovicus IX. inter cujus Statuta relecta &

(\*) Herbergen, Vox Flandrica & Germanica, quæ significat in hospitium recipere. Héberger, loger.

Tom. I.

probata in generali Concilio Prælatorum, Baronum & Militum terræ Regis Galliarum apud Biterum, an. 1255. hoc habetur, cap. 25. "Nullus præterea recipiatur ad moram in tabernis faciendam, nisi sit transiens vel viator, vel in ipsa villa non habeat aliquam mansionem.

VIII. Porro ne & ipsi Ecclesiastici videantur ipsos seculares interdum ad suas cellas sive caveas vinarias, seu quasdam tabernas lucris causâ invitare, non immeritò sanxit Synod. D. Mechl. an. 1609. ut "excellis ad Capitulorum aut Cleri administrationem spectantibus lucra non quarantur. Et si quando ex vinorum venditione omni expensâ deductâ, emolumenti aliquod excrecere contigerit, in pios tantum usus id convertatur. Tit. 17. cap. 7.

## CAPUT V.

Ludus alearum seu à fortuna dependens Clericis vetitus; & quæ in ludis licitis cavenda.

1. Ludus alearum Legibus civilibus jam pridem interdictus.
2. Singulariter Clericis vetitus.
3. Sub lusu alearum etiam comprehenditur lusus chartarum, & generatim omnis à fortuna dependens.
4. Consuetudo Canonum in totum abrogare non potest.
5. Non contrariatur S. Thomas.
6. Circavestitutionem lucris ex ludo vetito, quid in Belgio obtineat.
7. Hodie victori alio non conceditur ad lucrum petendum.
8. Quæ à Clericis in ludis licitis observanda.
9. Qua ratione Clerici in ludis moderationem facillè servare possint.

I. Alearum lusus, tanquam discordiæ & rixarum seminarium jam pridem legibus improbari fuit; adeo quidem, ut pecuniæ, quam victus colufoi solverit, repetitionem leges dederint, etiam post 30. annorum lapsum, L. 1. Cod. de Alearioribus. Ipso autem vel hæredibus ejus repetere negligentibus, poterit à quocumque repeti, potissimum à Magistratu vel Episcopo loci, ut in civitatis opera expendatur, dictâ lege 1.

Hic juris Romani rigor, licet consuetudinis vi, et si injusta, ut loquitur Tuldenu ad tit. Cod. de Alearioribus, abrogatus ostendit nihilominus, quàm sollicitè Reipublicæ Moderatores etiam Laicos ab hoc lusu avocare, studuerint: Ut proinde mirum non sit, si inter illa, quæ à Clericis speciatim cavenda sunt, lusum Alearum Ecclesia reposuerit.

II. Utque nihil dicamus de Justiniani Imperatoris Constitutionibus in Auth. Decernimus Cod. de Episcopis & Clericis, desumptâ ex Novella 123. cap. 10. Item Synodi Quini-Sextæ aliisque antiquis Decretis, quibus omnis alearum usus Clericis interdictus; Concilium Lateranense in cap. 15. & De vita & honest. Cleric. ait: Clerici ad aleas & taxillos non ludant, nec hujusmodi ludis intersint.

Quod Decretum conformiter ad Synodum Tridentinam, pari consensu Belgii nostri Antistites in suis respectivè Synodis renovarunt, & inculcarunt. Vide Synodum Mechl. P. II. tit. 18. cap. 9. Antverp. sub Miræo tit. 17. cap. 9. Buscoducensem sub Malio tit. 14. cap. 4. Tornacensem an. 1577. tit. 12. cap. 4. aliasque.

III. Sed, inquiet aliquis, sive antiquas, sive recentiores Conciliorum sanctiones consulamus, nullibi lusum chartarum sive pagellarum Clericis interdictum reperiemus: Adeoque nec hic inter lusus vetitos reponendus videtur. Respondeo, verum esse, Canones passim & plerumque ludi Alearum duntaxat meminisse,



nisse, omnemque Alearum lusum simpliciter Clericis interdicere: ac sicuti *Alea* per translationem ponitur pro quavis fortuna, sive periculo, aut periculi dubitatione; diciturque, *aleam* omnem jacere, qui se periculo fortunæque committit: Et *alea* emptio Jurisconsultis dicitur, cum incertus eventus, v. g. captus piscium aut avium emitur, *L. 11. ff. de action. empti*: Ita quoque lusum Alearum accipitur pro omni lusu, qui casu potius, quam arte regitur.

„ Aleæ nomine, inquit Taldenus ad *Cod. tit. de Aleatoribus*, non tantum tesserarum lusum, sed quicumque alius perinde à fortunæ eventu, imo vel à solertia pendens, continetur, & in lucrum exercitius legibus improbat. „ Idem notat Vallenfis ad *tit. Decretalium De vita & honest. Cleric. num. 12.* alique passim tum Legum, tum Canonum interpretes.

Cum igitur nemini dubium esse queat, quin *chartarum* sive *pagellarum* ludus æquè ac tesserarum à casu dependeat, dubitari quoque nequit, quin sub generali *aleæ* ludo & hic ludus contineatur.

Unde S. Antoninus cum dixit nomine *alearum ludi* intelligi omnem, qui innititur fortunæ, etiam si fiat ibi aliquid de industria, pro exemplo ponit non tantum ludum taxillorum, sed etiam *chartarum*. *Parte 2. tit. 1. cap. 23.*

Et sanè, si quis expenderit mala, ob quæ *alearum* ludum, à Clericis præsertim, cavendum esse Canones edixerant; ea non minus in ludo *chartarum*, quam *tesserarum* occurrere faciliè intelliget, & quotidianâ experientiâ experietur.

IV. Quæ incommoda ex simili ludo provenientia si quis attenderit, faciliè quoque intelliget, quod consuetudo contraria multorum Clericorum (non paucis tamen eam improbantibus) Canonum illorum auctoritatem non possit ita enervare, ut lusum illum Clericis licitum reddat. Si enim hæc mala ob quæ Canones ludum hunc vetuerunt, expendantur, reperietur, illos non juri merè positivo, quod consuetudine tolli potest, sed etiam naturali inniti; cui opposita consuetudo non legis, sed corruptelæ nomen meretur.

Unde Innocentius III. in *Cap. 11. à De excess. Prælat.* Clericum alearum lusui vacantem, & obventu consuetudinis Clericorum Gallicanorum, quæ ferè universi Clerici frequenter sic ludunt, se à culpa eximere volentem, refellit his verbis: „ Nos qui ex officii nostri debito pestes hujusmodi extirpare proponimus, „ atque ludos voluptuosos (occasione quorum sub „ quadam curialitatis (a) imagine ad dissolutionis materiam venit) penitus improbamus, excusationem „ prædictam, quæ per pravam consuetudinem (quæ „ corruptela dicenda est) palliatur, frivolam reputantes, cum in illis magis plectibilis sit offensa, per „ quos ad excusandas excusationes in culpis, delinquendi auctoritas usurpatur.

Et ita hanc consuetudinem tanquam rationi naturali contrariam pro abusu, non tantum Theologi, sed & Jurisconsulti reputant. Panormitanus ad *Cap. 15. De vita & honest. Cleric.* Fachinæus *Lib. 11. Controvers. Cap. 52.* alique ab iis citati.

V. Neque in speciem his contrariatur S. Thomas 2. 2. *quest. 32. art. 7. ad 2.* qui ibidem ait, quod victor in ludo aleæ teneatur ad restitutionem eorum, quæ accepit juxta leges civiles, nisi contrariâ consuetudine in loco illo abrogata sint. Evidens enim est, Sanctum Thomam non agere illic de Canonibus aut legibus simpliciter lusum alearum interdicentibus; sed de lege civili obligante victorem ad restitutionem, & concedente ipso victo repetitionem: quam legem contrariâ consuetudine tolli posse non diffitemur.

VI. Et quidem in Belgio vicinisque Provinciis generali consuetudine receptum esse, victo dati seu perdati repetitionem non dari, testantur Christinaeus *vol. 2.*

(a) Curialitas, vox hujus Latinitatis, derivatur à Curia; significat vernaculo idiomate, *Courtoisie*.

*Decis. 200.* Taldenus, Zypæus alique relati à D. Christinaeo in notis ad *cap. 230. lib. 2. Bugnyonii de legib. abrog.* quod tamen limitant: „ Si quando alter dolo malo vicit: Quando non pecunia, sed vestis aut pallium „ in solutum data sunt; aut quis ingentem pecuniæ „ summam in magnum familiæ dispendium in aleæ lusu „ sum profudit. „ Unde aliquibus locis cautum, ut quis non nisi ad certam pecuniæ quantitatem ludere possit: utque quod eam excedit licetè repetatur: Item si quis id quod perdidit ludendo nondum solverit, sed ipsi creditum fuerit non teneatur in foro externo ad solutionem, quamvis & fidem eidem de solvendo dedisset. Vide D. Christinaeum loco citato.

VII. Sicuti autem moribus Belgii victo dati repetitio denegatur, ita victori ad id quod promissum aut cautum est actio denegatur: Necis, qui alicui sciens in aleæ lusum pecuniam credidit, repetendi actionem habet. Christinaeus *loco citato*; & in terminis habent Consuet. Antverp. *tit. 54. art. 17. 18. 19. & 20.* Vide Zypæum in *Notitia Jur. Belgic. tit. De Religiof. & aleæ lusu*: ibidem monentem, „ Edicto 31. Aug. „ 1610. aleas aliunde ferri vetitum, certumque vestigal impositum, non tamen id in Brabantia receptum, „ quia non prævio Ordinum assensu emissum, sine quo pecunia imperari hic non solet.

VIII. Quoad ludos autem non à casu sive à fortuna, sed ab industria dependentes, illos interdum ad relaxationem corporis vel spiritûs, ut suis functionibus obeundis aprior reddatur, adhiberi posse etiam à Clericis, latè docet S. Thomas 2. 2. *q. 168. art. 2.* Modò tamen, ut monet idem Doctor, „ Ludus congruat personæ, & tempori, & loco, & secundum „ alias circumstantias debite ordinetur, ut scilicet sit „ & tempore & homine dignus.

Si ergo Ecclesiastici ad animi corporisve relaxationem honesti alicujus ludi exercitium sibi utile aut necessarium credant, illud ita attemperare debent, ut personæ, loco, & tempori conveniat.

Et primò quidem, cum vix contingere possit, ut Clerici publicè & coram secularibus hujusmodi exercitiis occupentur, quin aliquam levitatis notam incurrant; quin & aliquid de existimatione & reverentia Ordini Clericali debitis detrahatur, nullatenus convenit, ut in loco publico & secularibus quibusque patenti ludant.

Quod perpendens Sanctus Carolus, postquam omnem ludum alearum Clericis interdictum esse declaravit: subjungit: „ Si autem valetudinis interdum „ causâ, parvâ pilâ aut alio non indecoro ejusmodi „ exercitationis genere uti contigerit, ne id publicè „ faciant.

Similiter Synodi Belgicæ dicunt, „ Scandalosum esse, se, Pastores aliosque Sacerdotes ad pluitacum jaculari, aut in locis publicis ludere pilâ palmariâ. Ideo „ que etiam quilibet ab eo abstinere sub pena arbitrariorum. „ Ita Syn. Gand. an. 1613. *tit. 17. cap. 10.* quod renovatum est in Decretis Synodalibus sub Triest. *tit. 17. cap. 7.* Et Syn. Cameracensis D. an. 1617. *cap. 6.* Item Ordinationes Synod. Antverp. sub Nemio *tit. 17. num. 3.*

Illud quoque summopere cavendum, ne nimio affectu alicui ludo quantumvis honesto afficiantur. „ Quantumcumque enim honesta sit recreatio (ait S. „ Salesius in *Introd. ad vitam devot. part. 3. cap. 31.*) „ vitio certè non caret, animum ei & affectum applicare.

Cavendum denique Ecclesiasticis, ne lucri cupiditate ad ludum principaliter accedant: cui periculo occurrere volens S. Carolus decrevit: „ Ut si valetudinis interdum causâ, parvâ pilâ aut alio non indecoro exercitationis genere uti contigerit, ne publicè id faciant, nec pecunia intercedat in ludis; nec quidquam quod faciliè pecuniâ æstimari possit.



IX. Hanc in ludicris & aliis oblectamentis tum corporis, tum animi moderationem, non difficile observabunt Ecclesiastici, qui meminerint, universos Ecclesiasticæ militiæ adscriptos ad pietatis religionisque exercitationes vocatos esse; ut monet Synodus D. Mechlin. tit. 17. cap. 1. subditque: "Sciat propterea id in officio suo positum esse, ut cum in officiis divinis obeundis vel in frequentandis Ecclesiis quod debet tempus consumpserit, si quid sibi reliquum est, id omnino in rerum secularium colloquiis profanisque actionibus, sed in divinarum Litterarum studio & in celestium rerum contemplationibus & sanctis piisque officiis traducat." Similia habet Synodus Audomar. ann. 1583. tit. 16. cap. 5. additque: "Qui Pastoratu funguntur, dent operam ut proficiant in cognitione eorum, quæ ad ipsorum spectant officium, visitent ægros, consulant ipsi secum & cum Deo, quæ optimè ratione unus Parochianorum ipsorum à vitis ad virtutem trahi, alius persuaderi id quod consultius sit, tertius ad perfectum excitari possit."

## CAPUT VI.

Clerici negotiis secularibus se non misceant.

1. *Negotia secularia professione Clericali contraria.*
2. *Mercatura illis singulariter interdicta.*
3. *Decimarum conductio Parochis non convenit.*
4. *Famulatus personarum secularium Clericos non decet, uti nec familiarum administratio.*
5. *Quomodo se gerere debeant Principum Capellani.*
6. *Clericis data immunitas à tutela & similibus publicis officiis: & quare?*
7. *An Clericis conveniat studium Legum civilium?*
8. *Quâ ratione Pontifices Clericis indulgeant studium Legum?*
9. *Privilegium Academicum indulgens Clericis studium Legum & Medicinæ, est species dispensationis.*
10. *Hodie Clerici non incurrunt Censuras studentes Legibus aut Medicinæ.*

I. "Duo sunt genera Christianorum, ait (S. Hieronimus apud Gratianum *Caus. 12. q. 1. cau. 7.*) Est autem unum genus quod mancipatum divino officio, & debitum contemplationi, & orationi, ab omni strepitu temporalium cessare convenit, ut sunt Clerici & Deo devoti, videlicet conversi. Clerici enim Græcè, Latine fors: Inde hujusmodi homines vocantur Clerici, id est sorte electi. Omnes enim Deus in suos elegit."

Cum ergo Clerici & Monachi specialiter vi suæ vocationis, Dei & Ecclesiæ servitio sint addicti; & eâ ratione Ecclesiasticæ militiæ adscripti, unanimi Patrum consensu illis applicatur illud Apostoli: *Nemo militans Deo implicat se negotiis secularibus: ut ei placeat, cui se probavit.* 2. ad Timoth. 2. v. 4. Id est, Clericus ad instar Militis adscriptus Christi militiæ, ut placeat ei à quo delectus est, omnia negotia aliena ab officio illo militari procul à se abjiciat; illud unum agens & cogitans, quomodo rite Deo & Ecclesiæ militari possit.

II. Itaque ex ipsa Clericali professione probant Canones, non convenire Clericis mercaturam; quia per illam plurimum abstrahuntur à militia sua Ecclesiastica, & secularibus implicantur.

Antiquos in hanc rem Canones, & Patrum sententias recitat Gratianus *Dist. 88.* Quos secutus Alexander III. Londinensi Episcopo referibit in *Cap. 6. Ne Clerici vel Monachi, &c.* "Secundum instituta Prædecessorum nostrorum sub interminatione anathematis prohibemus, ne Monachi vel Clerici causâ lucri negociantur: & ne Monachi à Clericis vel Laicis,

„ suo nomine firmas habeant: neque Laici Ecclesias „ ad firmam teneant.

Quibus conformia sunt Synodorum nostrarum Decreta, mercaturam Clericis etiam sub pœnarum comminatione interdicentia. Synod. Camerac. P. II. tit. 16. cap. 1. Mechlin. P. II. tit. 17. cap. 5.

Adduntque præterea tanquam eodem ex fundamento profluens, Ne decimas, census, prædia, aut terras alienas conducant, quæstus faciendi causâ.

III. Et quidem quod ad decimarum conductio-nem attinet, illud singulariter notandum; hodie frequenter à Capitulis decimas Pastoribus elocari, eod quod ab his, quàm à rusticis sibi de solutione magis cautum credant: At non advertunt, quod præterquam quod Pastores per hujusmodi decimarum conductio-nes à suis functionibus Pastoralibus soleant non parùm abstrahi, contingat quod indignationem & odium ali-quale suorum Parochianorum non rarò incurrant: dum hi credunt per Pastores sibi lucrum, quod ipsi ex conductio-nem decimarum sperabant, & sibi tanquam villici competere credunt, ereptum vident. Ut vel hinc pateat, quàm merito harum conductio-nem Synodi nostræ Pastoribus interdixerunt.

IV. Eodem fundamento innixæ Synodi nostræ conformiter ad responsum Pontificis in *Cap. 5. De vita & honest. Cleric.* interdicunt Clericis, ne se famulatu Personarum secularium, aut alicujus familiæ administrationi, sive procuratori addicant: "Quomodo enim „ (ait Synodus Biscod. sub Masio tit. 14. cap. 5.) „ Procuratores & Dispensatores domorum alienarum „ atque villarum esse poterunt Clerici, qui proprias „ jubentur contemnere facultates." Et Synodus Namurcensis an. 1604. tit. 8. cap. 7. "Non solum con- „ tra Apostolicum præceptum faciunt Clerici, qui ne- „ gationibus operam dant, & quæstum captant, sed „ etiam qui alienos agros aut decimas conducunt, & „ illis colendis, his verò colligendis maximam sui tem- „ poris partem, quàm orationi & sacris studiis impen- „ dere deberent, inutiliter impendunt; nec non ii qui „ dominorum temporalium obsequiis se tradunt, & in „ eorum negotiis curandis toti occupantur."

V. Synodus quoque Oecumenica VII. *Can. 10.* vult, ut Clericus, qui de consensu Episcopi "Prin- „ cipum Capellanus constituitur, non liceat ei mun- „ danas & seculares curas suscipere: præsertim cum hoc „ agere prohibeatur à Sacris Canonibus: potius autem „ maneat ad magisterium tam puerorum, quàm famu- „ lorum, relegens eis Divinas Scripturas: ad hoc enim „ Sacerdotium consecutus est.

Hic obiter nota, jam pridem à Synodo Generali laudatos, qui pueris, quos instituendos suscipiunt, Sacras Scripturas prælegunt, & commendant.

VI. Annuerant pariter Sacri Canones negotiis secularibus, à Clericis haud facile suscipiendis, tutelas, curatelas, similesque curas, quæ Clericis multis difficultatibus natæ sunt implicare, & à divinis functionibus multum impedire, animumque distrahere.

(a) Notum est illud Concilii Africani à S. Cypriano laudatum. "Ne quis de Clericis & Dei Ministris, tu- „ torem vel curatorem testamento suo constituat: quan- „ do singuli divino officio honorati, & in Clerico mi- „ nisterio constituti non nisi Altari & Sacrificiis deser- „ vire, & precibus atque orationibus vacare debeant." Epist. 66. Ed. Rigaltii & Baluzii.

Hanc Clericale officium inter & similes functiones incompatibilitatem intelligens Justinianus Imperator Episcopis, Presbyteris, Diaconis, & Subdiaconis, & Monachis omnibus immunitatem ab omni cujuscum-que generis tutela & curatela concessit: Unâ tamen

(a) Eruditus Van-Espen secutus est Rigaltium. Hic supponit Concilium de quo agitur notum esse omnibus; ejus tamen nomen & locum in quo habitum est, ignorat Baluzius in notis ad Epist. 66. S. Cypriani. Forsan omnes later illa Synodus, quod probabilis censetur,

decla-

declarans; eos tantum Clericos & Monachos hujusmodi habere beneficium, qui apud Sacrosanctas Ecclesias, vel Monasteria permanent: Cum propter hoc, ait, ipsum beneficium eis indulgeamus, ut, aliis omnibus derelictis, Dei omnipotentis ministeriis inhaereant. L. 15. C. de Episc. & Cler.

Hic per transennam observa veram ac precipuam causam immunitatum, & privilegiorum Clericalium.

Privilegium Justiniani moribus Belgii receptum esse quoad immunitatem Clericorum ab onere tutelae & curatela, testatur à Sande in Decis. Frisiae tit. 9. Decis. 7.

Itaque ut verbo dicam, negotia secularia, praesertim quae multum distrahere & implicare hominem solent, studiosè à Clericis declinanda: Aut ut minus, si necessitas aut proximi charitas exposcat, ea moderatione suscipienda & amplectenda, ut quae vi officii Clericalis sibi incumbunt haud negligantur; ne è milite Christi & Ecclesiae, miles & servus mundi factus videatur.

Quod de negotiis, idem & de studiis statuendum: ut nimirum studia Clericorum vocationi eorum sint conformia.

Hoc ex Capite, jam pridem Monachis, Archidiaconis, Decanis, Plebanis, Praepositis, Cantoribus, & aliis Clericis Personatus habentibus, nec non Presbyteris sub poena excommunicationis latae sententiae prohibitum fuit audire Leges civiles, Cap. 3. & Cap. 10. & Ne Cler. vel Monachi secul. neg. &c. "Ne occasione scientiae (inquit Alexand. III. in citato cap. 3.) spirituales viri mundanis rursus actionibus involvantur.

Et sanè, ut rectè advertit magnus ille Bathoniensis Archidiaconus Petrus Blesensis: "Res plena discriminis est in Clericis usus Legum; totum enim hominem adeo sibi vindicat, ut eum rei familiaris providentiæ fraudet, suspendat à spiritualibus, à divinis avellat.

VII. Hinc tamen nemo inferat, Legum humanarum studium Clericis & Monachis planè esse interdictum: quandoquidem certum sit, Theologicae scientiae, praesertim ubi de jure & iustitia tractat, legum civilium notitiam non parùm conducere. Canoniam quoque scientiam plurimum ex notitia legum adjumenti accipere, nimis evidens est. Unde teste Pon-

tifice in cap. 1. & Denovo operis nunciat. "Sicut Leges non dedignantur SS. Canones imitari, ita & SS. Statuta Canonum Principum Constitutionibus adjunguntur.

Nullatenus proinde statui aut vocationi Clericorum contrariatur studium Legum civilium; modo ea fiat moderatione, ut nec contra Apostoli praeceptum, Deo militantes negotiis secularibus implicentur; neque disceptationum forensium peritiam per studium istud affectent: Cum judicatum sit, Absurdum Clericis esse, imò opprobriosum, si peritos se velint ostendere disceptationum forensium. L. 41. C. de Ep. & Cler.

VIII. Quapropter Pontifices concedentes dispensationem Presbyteris aliisque Clericis audiendi Leges civiles, eam ad triennium restringere consueverunt: "Ne praetextu longioris temporis studendi (ait Pyrrhus Corradus in Praxi dispensationum part. 3. cap. 5. Num. 18.) Presbyteri & alii Clerici supra expressi, occasione scientiae mundanis actionibus involvantur, & nimis à contemplatione distraherentur; cum per Jus Civile non dirigatur principaliter homo in Deum, sicut per Jus Canonicum.

Apponunt insuper hanc clausulam: Pro majori Sacrorum Canonum intelligentia.

IX. Ex his haud difficulter intelligitur, quod dum Pontifices Academiae Lovaniensi, aliisque indulgent privilegia, (quae quaedam dispensationes sunt) ut etiam Presbyteri & Clerici dignitates vel Personatus possidentes, Physicam, Medicinam & Leges liberè audire queant, illa sint accipienda cum ea moderatione, ut Clerici illis scientiis vacare possint, quatenus non negligant Canonum & Theologiae scientiam statui suo & vocationi convenientem; neque occasione studii Legum aut Medicinae mundanis actionibus nimis involvantur, & à contemplatione & gustu rerum divinarum nimium abstrahantur.

X. Quia verò hujusmodi moderatio generaliter determinari nequit, ac propterea cujusque conscientiae relinquatur, hinc usu & moribus Belgii obtinuit, ut Clerici quicumque liberè Leges & Medicinam sine ullo excommunicationis metu audiant: neque ullus credat, sibi specialem dispensationem Pontificiam esse necessariam, ut tutus sit à poenis Canonis.

## TITULUS III.

### DE PASTORIBUS ET VICE-PASTORIBUS.

#### CAPUT I.

Singulis Parochiis singuli Parochi totius Parochiae curam sustinentes, praeficiendi.

1. Institutio & divisio Parochiarum male Dionysio Papae tribuitur.
2. Est tamen antiqua.
3. Totius Parochiae cura incumbit Parocho.
4. Fines Parochiarum debent esse certi & distincti.
5. Parochus est principalis & proprius Sacramentorum minister in sua Parochia.
6. Divina Parochiarum institutio.
7. Saepè Pastores recogitent sibi totius Parochiae curam incumbere.

1. PAROCHIAS jam tum seculo tertio fuisse institutas & divisas, probant communiter Canonistae auctoritate Epistolae, quae sub nomine Dionysii Papae (qui vixit circa annum 266.) refertur à Gra-

tiano Cauf. 13. q. 1. Can. 1. in qua Dionysius Severo Episcopo scribit: "Ecclesias singulas singulis Presbyteris dedimus: Parochias & coemeteria eis divisimus, & unicuique jus proprium habere statuimus: ita videlicet, ut nullus alterius Parochiae terminos, aut jus invadat, sed unusquisque suis terminis contentus, & taliter Ecclesiam & plebem sibi commissam custodiat, ut ante tribunal aeterni Judicis de omnibus sibi commissis rationem reddat, & non judicium, sed gloriam pro suis actibus accipiat.

Verum cum hodie eruditis omnibus compertum sit, hanc Epistolam Sancto Dionysio falsò adscriptam, (a)

(a) Eo loco referre tantum voluit Van-Espen, quid de antiquitate Parochiarum senserint Canonistae: neque enim negat eas tertio seculo fuisse jam institutas, cum inferius numero V. suffragetur Gersonio asserenti, Dominos Curatos esse in Ecclesia minores Praelatos & Hierarchyas ex primaria Christi institutione, Id unum num. I. sibi proposuit eruditus Canonista, ut virgā Censoria notaret Epistolam quam S. Dionysio Papae ausus est adscribere Gratianus, eamque inter spurias Isidori Mercatoris interces recenseret.

eamque putridis Isidori Mercatoris mercibus annuerandam esse; ut fufus in Observationibus ad collectionem Isidori Mercatoris ostendimus, parum solidum, pro earum institutione & divisione altrucunda, hinc argumentum sumitur.

Observare interim quod sequitur, non erit superfluum. Cum frequenter in presenti opere notatum sit epistolas decretales Romanis Pontificibus, qui tribus primis Ecclesiae seculis floruerunt, adscriptas esse, quarum plurima fragmenta exstant apud Gratianum, & quarum autoritate etiam Pontifices in suis Decretalibus frequenter usi fuerunt; has inquam, Epistolas, sive Decretales passim ab omnibus eruditissimis tanquam supposititias & putidas Pseudo-Isidori merces repudiari; pro omni probatione iudicavi hic adjiciendam notam Patris Philippi Labbæi præfixam Decretalibus Clementis I. Papæ, Tom. I. Concil. general. column. 78. ubi licet ait. *Mirum est viris doctissimis Turviano, Rivio, & quibusdam aliis in tanta eruditionis Ecclesiasticæ luce probare potuisse, Decretales illas Epistolas à quocumque seu Mercatore seu Peccatore fabricatas, & antiquis Romanæ urbis Pontificibus circiter annum Christianæ Romanæ epochæ octingentesimum suppositas: adeo enim perspicacibus viris deformes videntur, hoc saltem tempore ut nullâ arte, nullâ cervisiâ aut purpuris fucari possint: eas omnes, saltem plerasque earum repudiarunt eruditissimi quique tractatores Catholici, Baronius, Bellarminus, Peronius, Contius, Antonius Augustinus, Lorinus, Sirmondus, Ducæus, Petavius, Marca, Bosquetus, ut alios modò sive antiquiores, sive recentiores silentio obvolvam. De singulis ut se dabit occasio deinceps; verum obiter tantum à doctissimis & doctissimi sumus. Neque enim vacat pluribus hoc loco tradere videretur, cuiusdam novelli vespertini, qui malè avi ex zelo quidem, sed minus prudenti & considerato certè non secundum scientiam, eassem ab omni eruditione præstantibus abjectas, ac penitus repudiatas defendere aggressus est.*

II. Quin antiqua sit Parochiarum institutio & divisio haud dubitari potest. Scribit enim Sanctus Athanasius, *Apolog. 2.* "Mareores ager est Alexandria, quo in loco nunquam Episcopus fuit, imò nec Chorepiscopus quidem, sed universæ ejus loci Ecclesiæ Episcopo Alexandrino subiacent, ita tamen, ut singuli pagi suos Presbyteros habeant."

Quod quarto seculo in Episcopatu Alexandrino erat tempore Sancti Athanasii, hoc sensim, populo Christiano crescente, per totam Ecclesiam factum fuit: id est, districtus Episcopales, quos hodie Dioceses vocamus, in plures divisi fuere portiones; atque cuicque portioni sua attributa Ecclesia, & populus Ecclesiæ illi vicinus; quas hodie Parochias appellamus.

III. Porro sicuti singulis Diocesibus seu districtibus Episcopalis unicus erat præfectus Episcopus, cui totius Diocesis regimen incumberebat, & quem populus istius Diocesis, ut proprium Episcopum colere & agnoscere deberet; ita & singulis Parochiis datus fuit Presbyter, qui totius Parochiæ curam spiritualem ageret; qui propterea Parochus, seu Presbyter Parochianus dicebatur: & quem populus tanquam proprium suum Pastorem venerari & audire deberet: propterea dictus proprius Sacerdos.

Ea de causa cautum fuit, "Ut nullus Presbyter alterius Parochianum, nisi in itinere fuerit, vel placitum ibi habuerit, absque licentia sui Presbyteri ad Missam recipiat, vel sollicitare præsumat." Constit. Synod. Heraldii Episcopi Turonensis cap. 29.

Et ex Concilio Nannetensi refertur in cap. 2. "De Parochiis: "Ut Dominicis & festivis diebus Presbyteri, antequam Missam celebrent, plebem interrogent,

"si alterius Parochianus in Ecclesia sit, qui contempto proprio Presbytero, ibi velit Missam audire: quem si invenerint, statim ab Ecclesia abiciant."

Quin & anno 1310. statuit Synodus Colonienfis, "Ut nullus Parochianus ab alio, quam à suo vero Plebano communionem recipiat: nisi de hoc privilegio authenticis sit munitus. Contrarium facientes à perceptione Corporis Christi abstineant, quousque ipsi Plebano satisfecerint de contemptu."

IV. Hinc Synodus Tridentina collapsam disciplinam restaurare desiderans, mandat Episcopis, "In iis quæ civitatibus, ac locis, ubi parochiales Ecclesiæ certos non habent fines, nec earum Rectores proprium populum, quem regant, sed promiscuè perentibus Sacramenta administrant; pro tutiori animarum eis commissarum salute, ut distincto populo in certas propriasque Parochias, unicuique suum perpetuum, peculiaremque Parochum assignent, qui eas cognoscere valeat, & à quo solo licite Sacramenta suscipiant, aut alio utiliori modo, prout loci qualitas exegerit, provideant. Idemque in iis civitatibus, ac locis, ubi nullæ sunt Parochiales, quamprimum fieri curent: non obstantibus quibuscumque privilegiis, & consuetudinibus, etiam immemorabilibus." *Sess. 24. de reform. cap. 13.*

Qui mentem ac intentionem Concilii jam relatis verbis expressam attenderit, haud difficulter intelliget, satisfactum esse Decreto Concilii, si Parochiæ quidem certos & determinatos fines non habeant, sed certum populum, certasque familias; usque adeo ut Sacramenta promiscuè non administrantur, sed Parochi suos noscant, & eum sui: & ita respondisse S. Congregationem testatur Barbosa de *Officio Parochi part. 1. cap. 1.*

Uterius evincit citatum decretum Synodi, unicuique Parochiæ suum debere esse Presbyterum, qui sit Caput Ecclesiastici istius Conventus; & cui totius Parochiæ cura spiritualis principaliter & immediate incumbat; quemque Parochiæ istius populus, ut ordinarium, & proprium Sacramentorum Ministrum agnoscatur.

V. Proinde merito dicendum cum pio Gersonio Universitatis Parisiensis Cancellario: "Domini Curati sunt in Ecclesia Minores Prælati & Hierarchæ ex primaria institutione Christi, quibus compert ex statu jus prædicandi, jus confessiones audiendi, jus Sacramenta Ecclesiastica secundum exigentiam sui status & Parochianorum ministrandi, jus sepulturas dandi, jus in super decimas & alia jura parochialia recipiendi." *De potestate Ecclesiastica Conf. 12.*

VI. Mirum igitur videri non debet quod Presbyteri Parochiales, sive Parochi, jam pridem dicti fuerint *Minores Prælati & Hierarchæ* ex primâ institutione Christi Neque id sine fundamento à Gersonio dictum facile fatebitur qui attenderit Parochos jam pridem dictos & reputatos esse successores LXX. discipulorum quemadmodum Episcopi dicti fuere Apostolorum successores. Hinc illud apud Gratianum *dist. 21. Simpliciter verò majorum & minorum Sacerdotum discretio in novo testamento ab ipso Christo sumptis exordium, qui XI. Apostolos tanquam majores Sacerdotes; LXX. discipulos tanquam minores Sacerdotes instituit.*

Unde uno consensu & Theologi & Canonistæ agnoverunt Presbyteros, notanter Parochiales, in partem sollicitudinis pastoralis vocatos, merito dici *minores Sacerdotes*, sive Prælatos & Hierarchas; necnon LXX. discipulorum successores.

Id ipsum & hodiernum Pontificale supponit Presbyteros recentior ordinatos his verbis per Episcopum exhortans. *Fratres dilectissimi & Sacerdotes Domini, cooperatores ordinis nostri estis. Nos vice duodecim Apostolorum fungimur, vos ad formam LXX. discipulorum estis.*

Itaque ad Presbyteros, & notanter ad Parochos dictum esse à Christo, non dubitatur quod ad LXX. discipulos

§ Id est Scriptum.

† Id est Simpliciter vel Facilitatem.

\* Id est supra modum Creduli.



los dixit *Lucas*, x. *Ecce ego mitto vos sicut agnos inter lupos.... qui vos audit, me audit; qui vos spernit, me spernit.*

Igitur dicendum Parochos tanquam septuaginta discipulorum vicem gerentes, esse ex institutione divina, & à Spiritu sancto positos, ad regendam Ecclesiam Dei. Act. c. 20. v. 28.

Id ipsum significavit & sanctus Paulus Act. 20. in Mileto enim convocatis Episcopis, simul & senioribus, sive Presbyteris, dixit ad omnes: *Attendite igitur vobis & universo gregi in quo vos Spiritus sanctus posuit Episcopos regere Ecclesiam Dei.*

Licet enim solo Episcoporum nomine utatur, nihilominus & ad Presbyteros gregem Christi pascentes loquitur: eo quod nomine Episcoporum ex phrasi ejus ætatis & Presbyteri significabantur.

Quod & notavit jam pridem sanctus Irenæus lib. 3. contra hæreses cap. 14. n. 2. (Paulus) in Mileto, inquit, convocatis Episcopis & Presbyteris qui erant ab Episcopo & reliquis proximis civitatibus, utrumque enim nomen habebant illo tempore.

Id autem probari aasserit ex textu Actorum supra relato. Idque, ait, nos etiam docet Actuum historia: cum enim dixisset sanctus Lucas divinum Apostolum Episcoporum Presbyteros accessisse Mileto, exponit etiam quæ illis dicta fuerunt: *Attendite, inquit, vobis ipsis & universo gregi, in quo vos posuit Spiritus sanctus Episcopos pascere Ecclesiam Christi, eosdemque nominavit Presbyteros & Episcopos.* Act. c. 20.

Huic consonat sanctus Hieronymus in Epist. ad Titum cap. 1. v. 7. *Episcopos hic non solum Pontifices, sed & Presbyteros intelligimus: non enim in una civitate plures erant Episcopi: hoc etiam in Apostolorum Actibus invenitur.*

Et sanctus Isidorus Hispalensis de offic. Eccles. lib. 2. cap. 7. ad ea Pauli verba, in quo vos Spiritus sanctus posuit Episcopos, reflectens ait: *Dixerat enim supra Presbyteros Episcopi vocatos, quos nunc Episcopos, id est, Superinspectores nominat.*

Hinc videmus à primis Ecclesiæ seculis Presbyteros tanquam septuaginta discipulorum successores, unà cum Episcopis Apostolorum successoribus Ecclesiam rexisse, atque fidei integritati invigilasse & Episcopos reputasse hosce, tanquam suos cooperatores, ac secundum ordinis in vinea Domini operarios.

VII. "Sæpe ergo recogitent Pastores (verba sunt Synodi Gandensis, anni 1613, tit. 16. cap. 9. renovata in Decretis Synodalibus sub D. Triest. tit. 16. cap. 14.) „ se ad ovium suarum salutem omnes suas actiones & functiones pastorales dirigere debere, & sibi „ aliquando pro animabus earum reddendam rationem „ in strictissimo Dei judicio: ideo etiam earundem salutem continuis precibus & quotidianis Sacrificiis „ Deo ferventer commendent, omnibus ritè dispositis „ non minus promptè, ac benignè, quàm reverenter „ Sacramenta administrent, atque ita grandiores pascant verbo Dei ac salutaribus monitis, ut parvulis „ quoque panem frangere non omittant, & in omnibus præbeant seiplos exemplum bonorum operum, „ facti forma gregis ex animo. „ Simile monitum exhibet Synodus Antverp. sub Miræo tit. 16. cap. 7.

Porro sicuti cura pastoralis totius Diocesis Episcopo incumbens non impedit, quominus Parochi alique inferiores Ministri Episcopo in solitudine pastoralis adjutores accedant; ita nec cura Pastoralis uni Parocho juncta prohibet, quominus plures in eadem Parochia sub ipso Parocho ut principali, functionibus pastoralibus occupentur, & cum Parocho allaborent. De quibus capite sequenti.

## CAPUT II.

De vice-Pastoribus, à quo assumendi, & quid iis incumbat?

1. Parochi cogendi ut necessarios Ministros sibi adjungant.
2. Vice-Pastorum assumptio pertinet ad Pastorem; nisi speciali titulo aliud obtineat.
3. Synodus Trident. Sess. 21. cap. 4. de reform. agit de vice-Pastoribus, non de Fratribus Mendicantibus.
4. Vice-Pastoribus etiam propriè cura Parochiæ incumbit.

I. „ **E**piscopi, etiam tanquam Sedis Apostolicæ delegati (ait Synodus Tridentina Sess. 21. cap. 4. „ De reformat.) in omnibus Ecclesiis parochialibus, „ vel baptismalibus, in quibus populus ita numerosus „ sit, ut unus Rector non possit sufficere Ecclesiasticis „ Sacramentis ministrandis, & cultui Divino peragendo; cogant Rectores vel alios ad quos pertinet, „ sibi tot Sacerdotes ad hoc munus adjungere, quot „ sufficiant ad Sacramenta exhibenda, & cultum divinum celebrandum.

II. Cum ergo Synodus velit, Rectores Ecclesiarum per Episcopos esse cogendos, ut sibi adjungant tot Sacerdotes, quot administrandis Sacramentis, & cultui Divino celebrando sunt necessarii, luculenter supponit, Sacerdotum electionem non ad ipsos Episcopos, sed ad ipsos potius Rectores Ecclesiarum parochialium, qui illos in suum adjutorium adjungere coguntur, spectare.

Et quidem moribus Belgii etiam obtinuit, ut Parochi suos vice-Pastores assumant, nisi forsan speciali titulo electio vel præsentatio vice-Pastoris, aut alterius Sacerdotis subsidiarii alteri sit delata: Qui titulus plene probandus est, ut Parochus excludatur.

Et sanè cum vice-Pastores in subsidium Parochorum destinentur, eorumque vices suppleant, & ipsorum consequenter Vicarii sint; non minùs ipsis deferenda eorum electio, quàm Episcopo aliisque Prælati suorum respectivè Vicariorum.

Testatur Hyacinthus Boniface in sua additional collectione Arrestorum tom. I. lib. 3. c. 3. judicatum sæpius fuisse, Vicario perpetuo competere electionem & assumptionem vice-Pastoris ad exclusionem Pastoris primitivi, idque notanter ob Concilii Trid. Decretum Sess. 21. cap. 4. de reformat. apertè deferens primo loco ipsis Rectoribus assumptionem Sacerdotum qui judicantur necessarii ad sacramenta populo administranda, & cultum divinum celebrandum.

Itaque solus titulus *Primitivi Pastoris* non sufficit ut Vicarius perpetuus ab electione seu assumptione sui vice-Pastoris excludatur; sed vel antiqua possessio, vel alius specialis titulus cum titulo *Primitivi Pastoris* concurrere debet.

Cum enim assumptio vice-Pastoris respiciat curam animarum quæ plenariè *Vicario perpetuo*, ad exclusionem *Primitivi Pastoris* competit, vigore suæ perpetuæ Vicariæ justum est, ut in consequentiam hujus curæ animarum assumptio vice-Pastoris ei deferatur potius quàm Pastori Primitivo, qui curam animarum non exerceat.

III. Adhæc jam citatum Concilii Tridentini Decretum, Rectoribus injungens, tot sibi Sacerdotes ad munus pastorale adjungere, quot sufficiant ad Sacramenta exhibenda, & cultum divinum celebrandum, intelligi de Sacerdotibus, qui in parochia residentes, unà cum Parocho Sacramenta administrent, & cultum divinum celebrent, ipse tenor Decreti sat manifestè declarat.

Quapropter huic Decreto satisfactum cupiens Synodus P. II. Cameracensis tit. 5. cap. 4. expendensque in plurimis hujus Provinciæ Ecclesiis parochialibus unum esse cum suo Custode seu Clerico Sacerdotem; „Æ-quissimum



„ quissimum iudicavit, ut qui in iisdem Capellaniis obtinent ad Pastori in prædictis cooperandum, idèd- que ad personalem residentiam, iuxta verisimilem Fundatorum intentionem, obligentur. Verùm cum hoc sit difficillimum quoad omnes obtinentes Capellaniis in usum revocare, in iis saltem hoc omnino mandat observari, in quibus de dicta obligatione ex Originali aut authentica foundationis copia constare poterit.

Non dubitavit ergo hæc Synodus, quin Tridentinum Concilium loqueretur de Sacerdotibus, qui in Parochia residentes Pastoribus in munere Pastoralis essent adiutorio: consequenter non de Fratribus Mendicantibus, qui in adiutorium Parochorum ad unum alterumve actum subinde advocari solent; sed de Sacerdotibus, qui in omnibus curam animarum cum Parocho sustinent: quales indubiè præcipuè sunt hi, quos *Vice-Pastores* dicimus.

Hi enim non in uno alterove actu, neque certis dumtaxat solemnioribus diebus, quemadmodum Fratres Mendicantes, Parocho assunt; sed indifferenter, idque sine dierum aut temporis distinctione in omnibus quæ curam animarum spectant, unà cum Pastoribus laborant; eisque opitulantur: adeò ut & propterea Parochiæ cura ipsis incumbat; curamque animarum habere dicantur, non secus ac ipsi Parochi: hac tantummodo differentiâ, quòd hi titulum perpetuum habeant; ipsiusque Parochiæ Caput & primarius Presbyter & Curatus sit, ipsi autem Vice-Pastores ordinariè tanquam meri Parochorum Vicarii & subsidiarii sint amovibiles, & ipsi Parocho in his, quæ animarum curam concernunt, subiecti.

Modò observabam Parochos jure proprio, sive jure sui beneficii parochialis exercere functiones ad curam animarum spectantes, ac propterea ab his ad nutum aut arbitrium Episcopi suspendi non posse; verum vice-Pastores titulum beneficii non habentes in his functionibus à Parochis magis esse dependentes & quodammodo amovibiles.

Nihilominus quia vice-Pastores, tametsi etiam nullum habentes veri beneficii titulum, censentur habere officium curatum, ratione cujus Parochiæ sunt deputati pro cura animarum sustinenda, atque eo titulo etiam in Parochia fixè residere & domicilium habere jubentur, eique Parochiæ continuò invigilare, non eadem facilitate ad nutum Parochorum ab officio hoc removeri possunt ac ceteri Presbyteri, puta *Stationarii*, qui merè pro beneplacito Parochorum ad certas functiones obeundas, pro occurrente necessitate asciscuntur, tanquam Parochorum simplices subsidiarii qui peractis his functionibus ad propria redeunt; neque hi *Stationarii* dicuntur officium curatum in Parochia habere. Accedit quod vice-Pastores non sine aliqua infamiae nota possint ordinariè à Parochis simpliciter sic dimitti: præsertim quod vice-Pastores soleant in vice-Pastoratu perseverare donec ad aliquod beneficium Parochiale vel ad aliud beneficium aut officium assumantur seu promoveantur.

IV. Quemadmodum ergo Parocho propriè totius Parochiæ cura incumbere, verusque *Curatus* & proprius Sacerdos dicitur, licet ipsi Episcopo primariò & principaliter eadem cura incumbat, eique in concernentibus curam animarum subiciatur; ita Vice-Pastores propriè curam animarum habere censentur; verique Curati sive Pastores dicuntur, tametsi cura Parocho primariò incumbat, eique in hac cura subiciantur. Idèdque quæ de Parochorum residentia, ac obligatione munus Pastorale *per se* obeundi (de quibus infra) decreta sunt, etiam in Vice-Pastoribus locum habent; utpotè quibus non secus ac ipsis Parochis cura animarum incumbit.

### CAPUT III.

Parochi alique curam animarum sustinentes jure divino tenentur residere.

1. *Quod residentia sit juris divini, probatur ex Concilio Tridentino.*
2. *Nullus antiquorum id negavit.*
3. *Edicta Regia circa residentiam Pastorum quid statuunt?*
4. *Quid Synodi Belgicæ?*
5. *Quid Concilium Tridentinum, Clericus Gallicanus, Senatus Parisiensis, Consilium status.*
6. *Rigor Synodorum moribus nonnihil mitigatus.*

I. „ PRæcepto divino mandatum esse omnibus, quibus animarum cura commissa est, oves suas agnoscere. pro his Sacrificium offerre, verbique Divini prædicatione, Sacramentorum administratione, ne, ac bonorum omnium operum exemplo pascere, pauperum aliarumque miserabilium personarum curam paternam gerere, & in cætera munia Pastoralia incumbere, declarat Synodus Tridentina, *sess. 23. cap. 1. De reformat.*

Porro eodem jure, quo mandatum est iis, quibus cura Animarum commissa est, in hæc incumbere, eos ad personalem residentiam teneri, nemo negarit, qui cum eadem Synodo fatetur hæc omnia ab iis nequaquam præstari posse, qui gregi suo non invigilant & assistunt.

II. Nemo ergo miretur quod ex Cajetano refert Fagnanus ad Cap. EX PARTE, *De Clericis non residentibus num. 21.* quòd nimirum „Nullus Antiquorum contradicebat, quin Pastores Animarum tenerentur, sub præcepto divino ad personaliter residendum. Quam veterum sententiam contra quosdam Neotericos solidissimis & evincens fundamentis ibidem astruit Fagnanus: ostenditque, quòd licet Synodus Tridentina eam sententiam expressè & in terminis, ut ajunt, non definierit, nihilominus sufficienter eam in allegatis verbis insinuaverit, & virtualiter declaraverit.

Unde Synodus Bascoducensis sub Masio *tit. 17. cap. 7.* præmissis functionibus Pastoralibus subjungit: „Ad implenda & præstanda hæc Pastoralia officii debita ad assiduam apud oves suas residentiam, *se jure divino* obligatos esse intelligant Pastores.

III. Hæc considerantes Principes nostri voluerunt, in omnibus litteris *Placeti* (a) concedendis super provisionibus Apostolicis Parochialium Beneficiorum, expressè exprimi, provisum teneri personaliter residere in loco Parochiæ, nec per alium posse deservire, *Edicto 20. Octobris 1540. art. 32.*

Et in Placeto, quo privilegia Nominationum hujus Academiæ probantur, cavetur, ut in litteris Nominationum ad Beneficia Curata inseratur clausula personalis residentiae.

Verùm quia in Romana Curia nonnunquam obtinebatur dispensatio *de non residendo*, addiderunt Principes in eodem Edicto, Placetum non esse concedendum super privilegio *de non residendo* in Beneficiis curatis, aut super dispensatione super ætate, aut super eo, quod ignoret idioma Patriæ.

Verba Edicti in utroque articulo sunt: *Qu'en toutes Lettres de PLACET, qui s'accorderont pour mettre à exécution aucunes Bulles ou Provisions Apostoliques de Cures & Eglises Parochiales, sera ajouté que l'impetrant sera tenu de résider au lieu de sa Cure, sans la pouvoir faire desservir par autrui.*

*Que Lettres de Placet ne seront accordées sur privilege de non résider sur les Cures, ou sur dispense d'âge, ou qu'il ne sçait le langage du Pays, ni aussi sur Coadjutories des Prébendes, ou autres Bénéfices simples.*

Ex his non obscurum, quod eo tempore Curia Romana de Beneficiis etiam Parochialibus sive Curatis

(a) Litteræ Patentes.

providere personis in hisce *residere* non volentibus, vel ipsis deservire ob defectum ætatis, aut ignorantiam idiomatis non valentibus: atque ad reprimendos hos abusus hisce Edictis opus fuisse.

Etiā ex his habemus, quā merito Principes nostri voluerint non recipi & executioni mandari rescrita Romana sine suo *Placito*, uti latius exposui de hoc *Regio Placito*.

IV. Synodi nostræ Belgicæ conformiter ad Synodum Tridentinā vix temporariam ac quantumvis brevem à Parochia sine expressa licentia absentiam concedunt. „ Pastores, ait Synodus Bulcod. loco citato, nec ab „ ovibus suis sine licentia Decani ruralis, ac nisi alteri „ approbato ab Ordinario curā commissā ultra octi- „ duum absint. „ Idem declarat Syn. Antverp. sub Mi- „ ræo tit. 16. cap. 15. additque: „ Habitetque (Pastor) „ non solum intra limites suæ Parochiæ, sed etiam non „ procul ab Ecclesia, nullo autem modo in diverfo- „ rio quopiam seu taberna, aut in domo quopiam ma- „ læ famæ.

Uterius progressus vigilantissimus Gandensium An- tistes Antonius Triest in Decretis Synodalibus titul. 16. cap. 15. declaravit: „ Nulli Pastorum licere, ultra „ quatuor dies (inclusis nempe diebus exitus & redi- „ tus) abesse, nisi de licentia suorum respectivè De- „ canorum in scriptis obtenta. Quod si verò ad octi- „ duum vel diutius abesse cogantur, nostrum erit hu- „ jusmodi facultatem concedere; nec tum demum lice- „ bit eis discedere, nisi præviè Decano, deinde populo „ significaverit, cuinam vices suas durante absentia de- „ legaverit. Contravenientes verò mulctari volumus „ toties quoties, libra grossorum, aut aliā graviore pro „ modo culpæ & arbitraria.

Quæ Synodalia Decreta planè consona sunt Decreto Concilii Tridentini Sess. 23. cap. 1. *De reform.* utpotè nullam sine Episcopi licentia Parochis absentiam quan- tumvis temporariam annuenti, ut ex ipsis verbis De- creti patet; & pluribus ostendit Fagnanus ad cap. RE- LATUM, §. *De Clericis non residentibus*.

V. Quā formā hodie signanter ex præscripto Concilii Trid. Sess. 23. cap. 1. Episcopi procedere debeant con- tra Parochos non residentes deducit Prosper Fagnanus ad cap. *Ex tua* §. *de Clericis non residentibus*, ubi sin- guatim annotat in quibus hoc in puncto Concilium Trid. à modo procedendi per jus commune, ac notan- ter in prædicto Capitulo *Ex tua* præscripto recesserit.

Notandum autem quod hæc residendi obligatio etiam obtineat in Beneficiis curatis, sive Parochiali- bus; tamen ea obtinentes essent Canonici Cathedra- les; referturque in Actis Cleri Gallicani Tom. 2. Part. 2. Tit. 14. cap. 15. Arrestum Parlamentii Parisiensis de 17. Octob. 1650. quo injungitur Canonicis Cathedra- libus Cenomanensibus Ecclesias Parochiales possidentibus, in iisdem residere, aliās exciderent proventus dictorum Beneficiorum applicandis hospitali generali civitatis Cenomanensis; fuitque executio decreta per Arrestum ejusdem Parlamentii 7. Maji 1659. ad instan- tiam Procuratoris Generalis.

In iisdem Actis loco citato cap. 13. refertur judica- tum per solemne Arrestum Parlamentii Parisiensis 19. Julii 1654. quod non tantum Canonici Cathedrales, sed etiam ipse Archidiaconus obtinens Beneficium Pa- rochiale in eadem Dicecesi teneretur *personaliter* residere in Beneficio *Parochiali*, aut dimittere, si in illo residere nollet. Et cap. 17. ibidem refertur declaratum per Ar- restum Consilii Status in modum Regulamenti pro Dicecesi Cadurcensi, quod, dum eadem persona ob- tineret duas Ecclesias Parochiales, sive sint litigiosæ, sive eas pacificè possideat, provisos non sit gavisurus pro- ventibus nisi illius Beneficii, in quo *personaliter* func- tiones exercerit; illius autem Beneficii, cui *personali- ter* non deservit, aut utriusque, si neutri deserviat, proventus impendantur in sustentationem Vicarii de- servientis, vel reparationem ornamentorum, aut utili-

tatem Ecclesiæ dicti Beneficii, secundum ordinationem Episcopi.

VI. Et licet horum Decretorum rigorem quoad licen- tiam Episcopi, aut Decani Ruralis pro absentia exigui temporis, modò alteri idoneo interim cura animarum committatur, usus in plerisque locis nonnihil tempe- raverit; ipsaque absentia paucorum dierum causa con- scientiæ Pastorum videatur relicta; tamen præallegata Decreta satis ostendunt, quā solliciti esse debeant Pa- rochi, ne unquam oves suas pastoralis præsentia privent; sed illis continuò adsint: idque non tantum præsentia corporali, sed pastoralis; id est, continuā vigilantia & solitudine. Unde Synodus P. I. Cameracensis tit. *De Pastorum residentia* cap. 2. ait: „ Pastores non modò „ præsentia, sed officio & ministerio relideant in suis „ Ecclesiis.

#### CAPUT IV.

Parochi alique animarum Curatores tenentur *per se* instructioni populi, aliisque functionibus Pastoralibus incumbere.

1. Probatur ex Concilio Tridentino.
2. Præcipua Pastoris functio est instructio populi.
3. Eam tenentur *per se* obire.
4. Instructio vulgò dicta Catechisatio multum à Synodis commendata.
5. Hæc etiam adultis necessaria.
6. Nunquam intermittenda.

I. Synodus Tridentina Pastorum aliorumque, qui- bus cura animarum commissa est, obligationem personaliter residendi colligens ex Divino præcepto, „ Quo iis mandatum est, oves suas agnoscere, pro his „ Sacrificium offerre, Verbiq; Divini prædicatione, ne, Sacramentorum administratione, ac bonorum „ omnium operum exemplo pascere, „ pro indubitato supponere debuit, Pastores aliosque curam animarum habentes, eodem divino præcepto teneri ea *per se* facere.

Si enim huic præcepto satisfacerent, modò ea *per alios* facerent: hoc est, alios delegando, qui oves ag- noscerent, Sacrificium pro iis offerrent, Verbi Divini prædicatione pascere, &c. quæ specie ex allegato præ- cepto Pastorum personalem residentiam concludere po- tuisset Synodus? Aut quomodo dixisse potuisset Syno- dus, „ Ea omnia nequaquam ab iis præstari & impleri „ posse, qui gregi suo non invigilant neque assistunt, sed „ mercenariorum more deserunt. „ Quandoquidem hæc omnia etiam ab absentibus, & iis qui mercenari- orum more gregem suum deserunt, faciliè præstari pos- sent, si ea *per alios* præstare possent.

Nihil ergo evidentiùs, quā ex mente Synodi, Parochos aliosque quibus cura animarum commissa est, debere munia pastoralia *per se* præstare & implere. Et sanè quid à ratione magis alienum, quā habere Officium, & non facere quæ Officii sui sunt; Habere curam, & nolle curare? Esse Pastorem, & non pas- cere?

II. Porro, cū inter cætera quæ spectant ad curam animarum, teste Concilio Lateranensi in cap. 95. §. *de Officio Ordinarii*, pabulum Verbi Dei permaximè noscatur necessarium; hi quibus cura hæc incumbit præ- cipuè solliciti esse debent, ut illud ovibus porrigatur: exemplo Apostolorum, qui, ut eorum Acta referunt, dixerunt: „ Non est æquum nos relinquere Verbum „ Dei, & ministrare mensis. Considerate ergo Fratres, „ inquebant, viros ex vobis boni testimonii plenos „ Spiritu Sancto & Sapientia, quos constituamus super „ hoc opus, nos verò orationi, & Verbi Dei Ministerio „ instantes erimus. „ Act. c. 6. v. 2.

Hinc illud Apostoli: *Væ mihi si non evangelizavero*. 1. ad Cor. c. 9. v. 26. Hæc quoque ostendunt, Apo- stolos haud dubitasse, quin ipsi & consequenter qui ipsi in curam animarum, & Ecclesiæ regim in succede- rent, id muneris *per se* implere deberent.

III. Proinde Synodus Tridentina non novam aliquam obligationem Pastoribus imposuit, sed jure naturali & divino impositam urfit, dum *Seff. 5. cap. 2. De reform.* præcipit, ut "Quicumque Parochiales vel alias curam animarum habentes Ecclesias quocumque modo obtinent, *per se*, vel alios idoneos, si legitime impediri fuerint, diebus saltem Dominicis & Festis solemnibus, plebes sibi commissas pro sua & earum capacitate pascant salutaribus verbis; docendo quæ scire omnibus necessarium est ad salutem, annuntiandoque eis cum brevitate sermonis, vitia quæ eas declinare, & virtutes quas sectari oporteat, ut prænam æternam evadere, & celestem gloriam consequi valeant.

Verum cum experientia notorium sit, Catholicis plebique læte potius, quam solido cibo opus esse; Pastoribus & animarum Curatoribus singulariter incumbendum instructioni, in qua prima Fidei & Religiois rudimenta ad caput & parvulorum & rudiorum traduntur; quam hodie *Catechismus* dicimus. De qua instructione agit Synodus Tridentina *Seff. 24. cap. 4. de reform.* eamque ut per necessariam, vult in singulis Parochiis diebus Dominicis & Festis fieri.

IV. Mirum! quanta sollicitudine hæc instructionem Parochis commendent Synodi Belgicæ.

Synodus P. II. Cameracensis *tit. 21. cap. 5.* postquam præcedenti capite de hac instructione à Parochis instituenda dixisset, ait: "Siquis autem Parochus non legitime impeditur hoc tam necessarium officium, quod etiam ex Concilii Tridentini Decreto præstare debet; prætermiserit, is toties unius floreni mulctam fabricæ Ecclesiæ applicandam incurrat, quoties hoc neglexerit.

Deinde *cap. 6.* subjungit: "Ut autem etiam ipsi Parochi succurratur, omnibus Sacerdotibus & Clericis, qui intra fines Parochiæ degunt, præcipit hæc Synodus, ut eum in hoc sancto docendi munere pro sua quisque virili adjuvent.

Sanè si omnes passim Sacerdotes tam sancto & necessario operi, ubi per alias graviores & magis necessarias occupationes licet, applicarentur, & populus foret instructior, & Sacerdotes ab otio, multorum malorum & scandalorum occasione, retraherentur.

Synodo Provinciali consonans Dicecesana Cameracensis anno 1604. præcipit, "Ut saluberrimam Catechismi doctrinam nunquam intermittant Parochi, etiam si paucissimi forent Auditores; sed singulis diebus Dominicis ante vel post Vesperas diligenter eo munere fungantur, magnam à Domino mercedem tam pii operis consecuturi." *Tit. 3. cap. 5.*

Non minori zelo & efficaciâ hoc catechizandi opus reliquæ Synodi inculcant: obsecratque Synodus Gandensis, "Omnes & singulos Pastores per viscera misericordiae Dei, & sub obreptione Divini judicii mandant, ut huic officio serio, diligenter & sine intermissione incumbant, tum in suis Parochiis, tum in Scholis, aut si fieri possit, in particularibus Congregationibus per hebdomadam aliquando indicendis in vicis à Parochia sua remotioribus." *Tit. 4. cap. 3.*

V. Et quia, ut jam dictum est, non solum pueris, sed & adultis necessaria esse solet hæc instruendi ratio; utpotè frequenter in præcipuis, & maxime necessariis Religionis Articulis parùm instructis, merito Synodus Leodiensis anno 1618. *tit. 4. cap. 3.* mandat, "Solliciti sint Parochi, ut diebus Festis & Dominicis unam horam in instruendis Parochiæ suæ pueris, aliisque etiam adultis rudioribus catechizandis, impendant, memores quòd pro eorum animabus sint Deo rationem reddituri.

Et Synodus Buscoducensis sub Masio *tit. 11. cap. 8.* vult, "Ut finitâ Missâ matutinali, tam in hyeme, quam æstate solliciti sint Pastores, ut pauperes mendici, famuli, ancillæ, atque alii mechanici catechizentur, & erudiantur in his, quæ sine salutis suæ periculo ignorare non possunt.

Tom. I.

Quàm necessaria sit hodie hujus Decreti executio, negare non potest, nisi qui ignorat, quanta in hoc hominum genere soleat esse circa præcipua Religionis nostræ Mytheria ignorantia. Neque est, quòd de fructu hujus exercitationis ambigant Pastores, cum hic manifestus sit in iis Parochiis, in quibus Pastores zelosiores eam instituerunt.

Quin & Synodus Namurcensis 1639. considerans hujus instructionis necessitatem, "Hortatur omnes Verbi Dei præcones, ut conciones suas ita disponant, etiam diebus solemnioribus, ut potius Catechismus, quam concionem redoleant, & captui populi, quantum fieri potest, accommodent." *Tit. 2. cap. 1.*

Duo ex his Synodorum Decretis consuetudina sunt. Primum, nequaquam dubitasse Synodorum Patres, quin Parochis aliisque curam animarum habentibus incumbat obligatio instruendi tam adultos, quam parvulos; id est, omnes suæ cure subiectos; singulos nimirum pro eorum capacitate, & necessitate.

VI. Alterum, hanc seu puerorum, seu adultorum instructionem non tantum in hyeme, sed & æstate; id est, toto anni tempore esse faciendam: Neque omittebam ed quòd pauci forsàn sint Auditores: Nam nec hi pabulo Verbi Dei ob aliorum negligentiam aut impedimenta frustrandi sunt; Ne aliàs & ob neglectum horum verè dicatur: *Parvuli petierunt panem, & non erat qui frangeret illis.* Thren. c. 4. v. 4. Unde & improbanda, atque à Synodis improbata est illorum Parochorum praxis, seu potius ignavia, qui causantes frequentium paucitatem tempore æstatis, aut messis, instructionem, præsertim parvulorum, intermittunt: Ex quo contingit, parvulos circa fidem & Religionis rudimenta nihil aut parùm esse instructos: cum ex intermissione tanti temporis facile excidat puerorum memoria, quod leviter in hyeme didicerunt.

Quàm procul à mente illorum, qui Synodo Namurc. ultimæ interfuere, hæc Parochorum excusatio abfuerit, claret ex ejus Decreto *tit. 16. cap. 2.* quo monet Parochos, "Ut tempore messis, & etiam illis diebus quibus opiliones, vel bubulci, vel subulci in agris sunt, illos visitent ibidem & doceant: imitaturi ea in parte vestigia Salvatoris nostri Jesu Christi, qui per vicos & plateas transibat evangelizare Regnum Dei.

## CAPUT V.

Respondetur ad cap. 68. de Regulis Juris in VI. Et una afferuntur rationes, ob quas ordinariè contingat, instructionem Pastoris esse populo utiliore, quam extranei.

1. Quid Regula Juris.
2. Quid inquirendum pro intellectu Regularum Juris.
3. Negotia, in quibus eligitur industria personæ, alteri mandari non possunt.
4. Ostenditur quòd citata Regula hic male applicetur.
5. Instructio populi cæteris paribus utilis sit per Parochum quàm per alium.

I. Regula Juris 68. in VI. ita habet: *Potest quis per alium, quod potest facere per seipsum.*

Ut hujus Regulae sensus habeatur prænotandum: intentionem eorum, qui Regulas Juris composuere, fuisse, ex multis particularium factorum decisionibus communia quædam capita, quæ Jurisconsulti *Regulas*, Medici Aphorismos vocant, constituere; ad quæ veluti ad quasdam stationes, in tanta causarum varietate & multitudine recurri posset, ut notat Peckius in præmio ad Regulas Juris.

Unde L. 1. ff. de R. J. ait: "Regula est, quæ rem, quæ est, breviter enarrat. Non ut ex Regula jus sumatur, sed ex jure, quod est, Regula fiat.

II. Pro genuino ergo Regulae sensu assequendo inquirendum, quæ juris decisiones particulares huic Regulae constituendæ occasionem dederint.

C 2

Cer-



Certum est, multa esse negotia, præsertim civilia, quæ nullam personæ industriam, aut personalem qualitatem requirunt: & in quibus ipsa personæ industria non inspicitur aut spectatur. Alia verò sunt, quæ à personarum industria & peritia potissimum dependent, & suam utilitatem potissimum ab ea mutant; & in quibus personarum singulares qualitates specialiter attenduntur.

Priora, utpotè à personarum qualitate ac industria non dependentia, per procuratores, aliosve mandatarios æquè, ac per principales perfici posse, in variis factorum generibus decusum fuit.

III. Hæc verò, quæ à personarum industria dependent, & in quibus personæ industria eligitur, alteri committi non posse, ex adverso sæpius declaratum est.

„Is cui injungitur (ait Pontifex in cap. 43. *De offic. & potestat. Judic. Delegat.*) ut personaliter negotium exequatur, potest, dummodo partes consentiant, hoc alius delegare; præterquam, si inquisitionem fieri, vel Ecclesiis de Prælati vel aliis Ministris provideri mandavimus, cum in his omnibus casibus *industriam* & fidem personæ, cui talia committimus, eligere videamur.

Et Bonifacius VIII. in cap. 12. *eod. in VI.* ait: „Is cui ab Apostolica Sede committitur certæ personæ provisio de certo Beneficio in certa Ecclesia, Diocesi, vel Provincia facienda, potest alii committere licet vices suas. Sed si (non expressâ certâ personâ) committatur eidem, ut alicui personæ idoneæ de certa Ecclesia vel Beneficio debeat providere: (*Quia circa eligendam personam ejus industria hic videtur electa*) provisionem sibi commissam alteri demandare non potest.

IV. Cum ergo Regula ex Jure ante constituto defumatur, evidens est hanc Regulam non concernere ea negotia, quæ personæ industriam requirunt: sive in quibus personæ industria eligitur seu spectatur: utpotè quæ ex juris decisione aliis committi nequeunt. Et ita unanimi Canonistarum calculo receptum est, ad similia negotia hanc Regulam non extendi.

Quis verò ambigat, quin Ecclesia eligens Pastores, aliosque animarum Curatores, personæ qualitates & industriam consideret & spectet? Ut quid enim tanta circa mores, doctrinam, cæterasque personales qualitates & dotes inquisitio, tamque exactum examen (de quibus infra parte 2.) nisi ut de his omnibus sufficienter constet, & eorum ratio habeatur?

V. Illud accedit, quod non tantum in Pastoribus eligatur & attendatur industria & qualitas personæ, sed quod insuper munia pastoralia, præsertim populi instructio, multis titulis cum majori fructu per proprium Parochum, quam per extraneum, licet æquè industrium & capacem ordinariè fiat.

Primo, cum Pastori id muneris à Deo & Ecclesia specialiter sit impositum; illiusque populi proprius instructor sive Doctor designatus, meritò confidendum, fore ut Deus populo singulariter per ejus verba benedicat.

Secundo, dum populus videt Pastorem per se prædicationi & instructioni incumbentem & laborantem, magis excitatur ad affectum & amorem sui Pastoris; quo fit, ut non solum diligentius & libentius, sed & cum majori fructu illum audiat.

Tertio, cum Pastor exactiorem suorum notitiam habeat, etiam melius novit, quæ vitia magis regnent, quæ virtutes minus frequententur, quæque consequenter frequentius & utilius pro hoc populo sint dicenda: quibus affectibus & mediis sint movendi & trahendi.

Denique cum Pastor proventus & subsidia temporalia sibi habeat assignata; neque à populi liberalitate & benevolentia illa debeat expectare, quemadmodum frequenter extranei, & vices Pastorum supplentes illa tententur sperare, contingit, ut Parochus etiam liberius, majorique auctoritate vicia & defectus in populo carpe-

re & corripere audeat: Cum è contra hi à populo temporalia sperantes, non raro dicere cogantur ea, quibus favorem populi concilient; ea verò tacere, quæ populum offendunt.

Hæc aliaque, quæ evincunt, Parochi instructiones ordinariè populo esse utiliores, quam extraneorum; ac præterea Parochum specialiter à Deo & Ecclesia esse delectum, ut populum Verbo Dei pascat; eique propriè curam populi commissam, sat probant, quam ineptè quidam Mercenarii potius, quam Pastores, in velamentum suæ ignaviæ & negligentiae hanc Juris Regulam assument; idque contra adeò manifesta Ecclesiæ toties iterata Decreta; quibus declaratur, Pastoribus hoc munus incumbere; quæ §. præcedenti sunt relata; quibus unum ex Synod. Namurc. 1570. sub Havetio è Synodo Tridentina recentè reduce, addo; quod unâ declarat, examē de qualitatibus ad Ecclesiam parochialem assumendorum ided institui, ut appareat, eum posse & velle per se officium pastorale implere. „Animarum cura ne mini posthac credatur, nisi vitæ ac morum integritate, & doctrinâ talis sit, qui velit & possit populum rectè docere & pro auditorum capru Verbum Dei explicare. Itaque ad Pastorum nominatus, si factò diligenti examine deprehensus fuerit idoneus, tum demum ad munus pastorale admittatur, ubi promiserit, juramento medio, se pro viribus suæ vacationi satisfacturum. „ Tit. 9. cap. 5.

## CAPUT VI.

Episcopi cogere debent Parochos, ut per se populum instruant.

1. Probatur ex Tridentino.
2. Parochis contrarius usus suffragari non potest.
3. Episcopus Regulares Parochis substituere non potest.
4. Exponitur Clementina 2. De Sepulturis.
5. Quid Zypæus, Consilium Brabantiae, & Card. de Luca de missione Mendicantium senserint?

SYNodus Tridentina loco citato postquam declaravit, Parochos aliosque, qui curam animarum habentes Ecclesias obtinent, teneri per se, si legitime impediti non fuerint, diebus saltè Dominicis & Festis solemnibus, plebes sibi commissas pascere salutariis verbis, subjungit: „Id verò si quis eorum præstare negligat, etiam si ab Episcopi jurisdictione quavis ratione exemptum se esse prætenderet; etiam si Ecclesiæ quovis modo exemptæ dicerentur, aut alicui Monasterio, etiam extra Diocesim existenti, forsitan annexæ vel unitæ, modò reipsâ in Diocesi sint, provida pastoralis Episcoporum sollicitudo non desit, ne illud impleatur: *Parvuli petierunt panem, & non erat qui frangeret eis.* Thren. c. 4. v. 4. Itaque ubi ab Episcopo moniti trium mensium spatio muneri suo defuerint, per Censuras Ecclesiasticas, seu aliàs, ad ipsius Episcopi arbitrium cogantur; ita ut etiam, si ei sic expedire visum fuerit, ex Beneficiorum fructibus alteri, quid præster, honesta aliqua merces persolvatur; donec principalis ipse respiciens officium suum impleat.

Manifestum ergo est ex mente Concilii Tridentini, muneris Episcopalis esse, adigere Parochos ut per se populum instruant, saltè diebus Dominicis, & Festis solemnibus, si legitime se impeditos probent. Neque Episcopum permittere posse, ut Parochi haud legitime impediti extraneis instructionem committant.

II. Nec Parochis hac in parte contrarius usus, quantumvis longævus, suffragari potest; quandoquidem, eadem declarante Synodo, præcepto Divino mandatum sit omnibus, quibus animarum cura commissa est, oves suas Verbi Divini prædicatione pascere. *Seff. 23. cap. 1. de reformat.* Cui præcepto contrarius usus pro abusu reputandus est.

Quapropter nuper declaravit Innocentius XI. Parochos Bruxellenses per Archiepiscopum Mechliniensem cogen-



cogendos, ut *per se* catechizent; tamen annis 90. continuis per Patres Societatis id fecissent: Verba Decreti infra referentur.

III. Procul proinde abest à mente Synodi Tridentinæ, ut Episcopi Parochis haud impeditis, imò & *per se* minus prædicationis obire volentibus, mittere possent Regulares, aut eos in suis Stationibus, ut vocant, Parochis invititis, & *per se* concionari volentibus, firmare. Quod & ipsa Synodus satis declaravit, cum dixit, Episcopos non legitime impeditos obligari *per se* in sua Cathedrali Ecclesia, in aliis verò per Parochos, sive iis impeditis per alios, Sacras Scripturas, Divinamque Legem annuntiare. *Sess. 24. cap. 4. De reformat.*

Quid enim evidentius, quàm Synodum velle, ut Episcopus populo Legem Divinam annuntiet in Ecclesiis parochialibus à sua Cathedrali distinctis, per *Parochos*, nec nisi iis impeditis, aliis id committat.

IV. Quod ergo dicitur in *Clementina Dudum, De sepulturis*: "In Ecclesiis parochialibus Fratres illi (Prædicatores & Minores) nullatenus audeant, vel debeant prædicare, vel proponere Verbum Dei, nisi Fratres prædicti à Sacerdotibus parochialibus invitati fuerint vel vocati, & de ipsorum beneplacito & assensu, seu petita licentia fuerit & obtentâ: nisi Episcopus vel Prælati superior per eosdem Fratres prædicari mandaret." Locum habet, cum Parochus vel *per se* prædicare non vult; vel solus cum iis, qui curam animarum sustinent, instructioni populi insufficientes est, & tamen adiutorium irrationabiliter recusat: quo indubiè casu Episcopus, cui primario animarum cura incumbit; quique defectum Parochi in his, quæ eam curam concernunt, supplere debet, invito Parocho Fratres mittere potest: Qui non quidem Parochum in functionibus pastoralibus impediunt, sed juvent.

V. Ea fuit mens Zypæi *Resp. 4. de Parochiis. n. 7.* Docet enim non sufficere licentiam *generalem* ab Episcopo datam Fratribus Mendicantibus, ut hi *recusante Parocho*, queant in ejus Parochia concionari ad sententiam dictæ Clementinæ; sed requiri post petitam & recusatam à Parocho licentiam, *speciale mandatum Episcopi, nam & illud* (ait) *CAUSÆ, cur Parochus dissentiat, COGNITIONEM exigit.*

Nec sanè sine fundamento addidit Zypæus quod, & *illud, cur Parochus dissentiat, causæ cognitionem exigit.* Cum enim *jure Beneficii Parochialis* Parocho totius Parochiæ cura animarum incumbat, eamque jure proprio sustineat, & functiones ad eam curam spectantes obire possit ac debeat; consequens est, quod ipsi tanquam negligenti, aut insufficienti, alius in sua Parochia ad has functiones obeundas substitui nequeat, nisi probata sit ejus negligentia vel insufficientia; sive quod injustè & irrationabiliter consensum suum deneger.

Uterius quia Parochus titulo sui Beneficii functiones has exercet; nec nisi servato juris ordine in hac cura, vel functionibus ad eam pertinentibus, quovis modo turbari vel impediri potest, consequens est, & in hac causæ cognitione ordinem juris esse servandum.

Unde si post cognitionem causæ Parochus præterdat Episcopum irrationabiliter judicasse operam Fratrum Mendicantium in obeundis functionibus pastoralibus esse necessariam; seque à functionibus illis obeundis irrationabiliter impediri, quidni Parochus ab ea sententia seu declaratione posset per appellationem vel querelam ad superiorem providere? Scilicet viâ appellationis si Episcopus juris ordine servato procedat, vel per recursum ad protectionem Regiam, si viâ facti fuerit processum.

Et eo titulo non ita pridem in functione concionandi *Manutentioniam* obtinuit in Consilio Brabantix Pastor Alcanus contra quemdam Religiosum ex ordine Sancti Dominici, prætendentem Pastore invito concionari vigore specialis mandati Archi-Episcopi Mechliniensis.

Idipsum obtinere circa Fratres Mendicantes & alios, quos Episcopi ad obeundas functiones pastorales, purâ

concionandi aut confessiones excipiendi, mittere velent, sub titulo *Missionariorum*; ostensum est in resolutione super simili casu per Doctores Lovanienfes: atque ita etiam in Consilio Flandriæ judicatum. Utrumque instrumentum annectitur sub litt. C. in Tractatu nostro *de Recursu ad Principem.*

Notandum, quod etiam refert Cardinalis de Luca *discursu 27. inter Miscellanea num. 3. & 7. quod ubi Parochus idoneus est, & vult prædicare per seipsum, eo casu Episcopus non possit alium deputare; ut pluries* (inquit) *declaratum fuit, per congregationem Consilii, & præsertim scio ita declaratum post hæc scripta sub die 13. Septembris 1670.*

## CAPUT VII.

Fratres Mendicantes instituti sunt ut meri Parochorum subsidarii.

1. *Probatur auctoritate S. Bonaventuræ.*
2. *Auctoritate S. Thomæ.*
3. *Ex admisione Patrum S. J. in Belgio.*

I. Sanctus Bonaventura de Religionibus Fratrum Mendicantium differens, ait, illas præfiguratas per Joannem & Socios ejus, qui Petro & Andree in mari laborantibus, & præ multitudine piscium rete ad terram trahere non valentibus, ex alia navi, scilicet ex vita contemplativa in adiutorium vocati sunt. Ac deinde subdit: "Nos sumus illi pauperes, qui remanentes manipulos segetum, & spicas decedentes post messores, & racemos relictos in vinea colligere debemus, id est, illas reliquias, quas Plebani, qui habent officium in plebe sua docendi & colligendi, relinquunt, ut eas ex area Ecclesiæ ad horreum celestis patriæ referamus." Ac tandem concludens, ait: "Temperatissimè sic disposuit Divina Sapientia, & instituit Sedes Apostolica, ut per Ordines prænotatos in prædicatione & Confessione de seclus Cleri suppleantur, & animæ salventur; & nec in temporalibus nec spiritualibus Jus Clericorum, aliquatenus violetur." In Tract. *Quare Fratres Minores prædicent.*

Hauferat hæc indubiè hic S. Doctor è piissimi Patris sui Testamento, quo inter alia filiis hoc monitum dedit: "Etsi haberem tantam sapientiam, quantam Salomon habuit, & invenirem pauperculos Sacerdotes hujus Seculi in Parochiis, in quibus morantur, nolo contra eorum voluntatem prædicare."

II. Similiter S. Thomas subidem tempus inquirens, utrum aliqua Religio possit institui ad prædicandum, vel Confessiones audiendum, more suo hoc, inter alia pro parte negativa, format argumentum: "Id ad quod Religio instituitur, videtur esse maxime proprium Religioni; sed prædicti actus non sunt proprii Religiosorum, sed potius Prælatorum: non ergo ad hujusmodi actus potest aliqua Religio institui." Tum resolvens pro affirmativa responderet proposito argumento: "Sicuti Religiones instituuntur ad prædicandum & Confessiones audiendum, non quidem auctoritate propria, sed auctoritate Superiorum, & inferiorum ad quos ex officio pertinet, & ita subvenire in tali ministerio est hujus Religionis proprium." 2. 2. *quest. 188. art. 4. ad 2.*

Manifestum ergo est ex utriusque hujus Doctoris sententia, qui sub initio Fratrum Mendicantium floruerunt, institutum eorum esse, Prælati & Parochi in animarum regimine opulari, & cooperatores accedere.

Quod de Fratribus Prædicatoribus, & Minoribus dixere præfati Doctores, id pari ratione de aliis, qui eundem in finem instituti sunt asserendum.

III. Quare Patres Societatis an. 1565. postulantes in Belgicas Provincias admitti; gratiasque ac privilegia eorum Societati à Sede Apostolica indulta, Regiâ auctoritate confirmari: ut ostenderent, se nonnisi ut sub-

subsidiarios Prælatorum & Parochorum venire, hanc ipsi clausulam libello suo supplici interuerunt: *Salvo quod prædicare non poterunt, nisi præbabitur venia, & permissione Episcoporum, Pastorum, & aliorum Ordinariorum.*

Quin & Rex supplicationi annuens, Societatem juxta ejus Institutum & Professionem ad has Belgicas suas ditiones admittens, hanc specialiter cautionem adjecit: *Quod Socii illius Societatis se non poterunt ingerere exercitio ullius rei spectantis ad munus Pastoralis, sine scitu, consensu, & beneplacito, tam Curatorum locorum, quàm Episcoporum, & aliorum Ordinariorum, quibus auctoritas competit.*

Quibus consonant, quæ de admissione Societatis in Belgium respondet *imago primi seculi lib. 6. cap. 1.* „Sed neque nos adhuc usos privilegiis, neque porro „usuros cum Pastorum offensione, quibus non æmuli „veniamus, sed adjutores & administri.

Scribit quoque Orlandinus *lib. 14. Hist. Societatis ad an. 1544. num. 49.* Patrem Bernardum Oliverium respondisse D. Roberto de Croy Episcopo Cameracensi, quod Ignatii monitu Patres cavissent, ne Parochorum usquam injussu quidquam aggrederentur.

### CAPUT VIII.

Regularium Stationes quantumvis diuturnæ & continuatæ, Parochum per se concionari aut catechizare volentem impedire nequeunt.

1. *Instituto Fratrum Mendicantium contrarium est velle Parochis invitis concionari.*
2. *Fratres Mendicantes Parochis per se concionari volentibus cedere debent.*
3. *Quæ sit origo & natura Stationum Fratrum Mendicantium.*
4. *Stationes nullum jus concionandi invito Parocho tribuunt.*
5. *Stationarios contra Parochum præscriptio juvare non potest.*
6. *Ita declaravit Innocentius XI.*
7. *Dicta declaratio comprehendit omnes Regulares.*
8. *Jus Parochorum per sententiam Consilii Privati confirmatum.*
9. *Et Senatus Brabantie.*
10. *Parocho non obest quod Jus nominandi Stationarium sit penes Pastorem primitivum aut Aedituos.*
11. *Parochis prohibetur ne assumant Presbyterum Regularem, dum alius haberi potest.*

**I.** Cum capite IV. ostensum sit, Parochis, aliisque curam animarum habentibus præcepto divino mandatum esse, per se, si legitime impediti non sint, oves suas Verbi Divini prædicatione pascere; ac deinde capite præcedenti, Fratres Mendicantes in subsidium Parochorum esse primitus institutos, & ab Ecclesia admissos: ex his nemo non videt, quàm sit inordinatum, ipsorumque Fratrum instituto adversum, velle Parochos, quorum subsidarios se profitentur, in functionibus ex præcepto Divino ipsis impositis impedire.

Hanc quorundam præsumptuosam audaciam expendens Synodus Colonienfis anno 1536. postquam parte 4. cap. 8. dixit: „Aliquot retro seculis in Ecclesiam receptos esse quatuor Mendicantium Fratrum Ordines, „quo Parochorum in Verbi ministerio cooperarii forent, „(quos nec repellendos esse ait, modò intra Canoniarum Constitutionum cancellos se contineant) capite sequenti subiungit: „Quitamen (Fratres Mendicantes) „cùm in subsidium tantùm vocati sint, ordinariis Ecclesiarum Rectoribus molesti esse desinant: „ita videlicet, ne eisdem, cùm suo munere ipsimet fungiverint, præoccupent; neve quos in excolenda vinea Domini juvare debent, in concionibus virulentà „ac detrectatoriâ linguâ carpent: Uti nonnulli hujus

„generis solent; qui inflati ac incompoti, populi auribus demulcendis student, suam, non Christi gloriam ambientes.

II. Eodem ex fundamento Synodi Belgicæ sedulo inculcant ne ullus quantumvis etiam privilegiatus, Parochum per se concionari volentem impedire audeat.

„Pastoribus per se munus prædicationis obire volentibus, (ait Synodus Antverpiensis sub Miræo, „meminerint omnes, quomodocumque privilegiati) „se juxta Decretum Concilii Tridentini cedere debere. „Tit. 11. cap. 7. Conformes sunt Synodus Mechl. D. an. 1609. tit. 10. cap. 4. Gandensis tit. 10. cap. 2. alique.

Neque hac in parte Fratribus Mendicantibus suffragari posse Stationes, ut vocant, quantumvis etiam sæculis aliquot continuatas, faciliè intelligit, qui harum Stationum conditionem & originem paulisper expendere voluerit.

Et quidem Stationes hæ, saltem pleraque, vel ante Concilium Tridentinum, vel circa tempora absoluti Concilii ortum suum habuere.

III. Cùm enim ante Concilium Tridentinum: imò & tempore Concilii magna esset ubique Sacerdotum Parochialium raritas, magna ignorantia; atque non residentium & mercenariorum more greges suos desertentium ingens copia; ut ex historiis, ipsique Concilii Trident. & aliorum Conciliorum, etiam Belgicorum circa id tempus celebratorum, Decretis potest constare; contigit, ut vel Episcopi, vel etiam populus, aut Capitula, tanquam primitivi Pastores, vel interdum ipsi Parochi Presbyteris subsidiariis sufficientibus destituti, rogaverint hujus illiusve Ordinis Fratres, ut ipsi, qui ad defectum Cleri supplendum, Parochisque opitulandum se institutos profitebantur, quibusdam determinatis diebus ad populum conciones haberent.

Hi verò rogantibus obsequentès diebus sibi assignatis conciones ad populum per aliquem ex Ordine suo habuere; ex quarum continuatione Stationes factæ sunt.

Hic enim Ordo habere dicitur Stationem, qui ex rogatu Parochi alteriusve jus vocandi habentis, his illiusve per annum diebus conciones habere consuevit; ita ut necesse non sit de novo vocari, sed vi primæ vocationis ex Ordine illo semper mittatur, qui illis diebus conciones habeat, Parochoque in hoc munere subsidio sit.

IV. Cùm igitur Regulares, qui vigore harum Stationum concionantur, vocati fuerint tanquam subsidarii, qui defectum aut insufficientiam Parochorum supplerent, ipsique subsidio essent: manifestum est, nullum jus titulo harum Stationum contra Parochos posse prætendi: quandoquidem non obstante quocumque temporis decursu verum maneat, ipsos non nisi ut Parochorum Subsidiarios esse vocatos: Adeoque nec aliter quàm tales esse habendos.

Porro qui hodie indiget subsidio, cras non indigere potest: & qui hodie eo uti vult, cras nolle potest.

Ad hæc quid à natura Subsidiariorum magis alienum, quàm esse subsidio ei, qui subsidio nec indiget, nec uti desiderat? Quid injustius, quàm eos, qui subsidarios & opulatores se profitentur Prælatorum & Parochorum, velle impedire Parochos iis in functionibus, quas ut per se obeant, non Ecclesiastica duntaxat, sed & Divina Lex mandat?

V. Nectitulus præscriptionis obijci potest, quasi longâ concionandi possessione jus aliquod sibi acquisivissent, Stationes illas invitis Parochis continuandi.

Constat enim has Stationes sive concionandi facultates Fratribus Mendicantibus concessas esse duntaxat precariò, sive in subsidium vel defectum Parochorum, neque ipsos Stationarios unquam, nisi ut Parochorum, ordinariorumque Prælatorum adjutores & subsidarios fuisse consideratos, aut alia in qualitate ad

cas functiones admissos.

Cum igitur nullus possit propriâ auctoritate sibi mutare causam sive titulum possessionis vel quasi possessionis; consequens est, *Stationarios* semper *precariis* & tanquam meros subsidiarios, Stationes illas continuasse.

De natura autem & conditione *precarii* est, quod ad libitum & beneplacitum concedentis revocari queat. *L. 1. §. 1. ff. de precario: & cap. 3. x. eodem tit.*

Unde qui *precariis* jus aliquod exerceat, tempore etiam longissimo nihil ex illo exercitio potest sibi juris asserere, nec illud, quod *precariis* exercuit: contra naturam *precarii* reddere irrevocabile: nisi probaret alium titulum ad præscribendum sufficientem, interim supervenisse, atque in vim hujus tituli possessionem continuatam, tempore ad præscriptionem requisito.

VI. Ex his elucet iustitia declarationis Sacre Congregationis Cardinalium Concilii Trid. Interpretum, & Decreti Innocentii XI. dati occasione controversiæ inter Parochos Bruxellenses & Patres Societatis super instructione sive Catechismo parvulorum.

Contendebant enim Patres Societatis jus tradendi doctrinam Christianam sive Catechismum in Ecclesiis Parochialibus, allegantes continuam non interruptam consuetudinem nonagenariam; ac per hanc jus illud sibi competere prætendebant. Parochi ex adverso allegabant, sibi ex munere & officio jus esse in propriis suis Ecclesiis, parvulis Divini Verbi panem frangendi; neque posse à quopiam in hoc suo munere impediri aut præoccupari. Quæstione delatâ ad Sacram Congregationem, hæc, die 8. Maji (a) 1681. censuit. "Nul- lum jus competere Patribus Societatis Jesu docendi doctrinam Christianam in Ecclesiis invito Parocho, nec in aliis invito Titulari: Et factâ de præmissis relatione Sanctissimo, Sanctitas sua sententiam S. Congregationis approbavit, addens præterea non modò ad Parochos hoc spectare, verum teneri per seiplos docere, atque ad eorum partes explendas ab Archiepiscopo juris mediis cogendos esse. Si verò aliorum operâ uti debeant, mens est Sanctitatis suæ, quòd Parochi potius, quàm alios, adhibeant Patres Societatis Jesu.

Erat signatum F. Cardinalis Columna Præfectus, & contra signatum S. Archi-Episcopus Brancaccius Episcopus Viterbiensis.

Et erat munitum Sigillo dicti Eminentissimi Domini Cardinalis Præfecti.

Concordantiam cum suo originali asseverato in Archivis Archi-Episcopalis Bruxellis attestor: Et erat Signatum J. de Martyere, Secretarius Illust. & Rev. D.D. Archi-Episcopi Mechliniensis. Concordantiam attestor. J. VAN. LAETHEM NOTS.

Originale hujus resolutionis asseveratur in Archivis Archi-Episcopatus Mechliniensis; & juxta copiam, ut ajunt, authenticam integra exhibetur in Libello D. Obstrat cui titulus, *Pastor bonus p. 2. cap. 1. §. 5.*

VII. Sat perspicuum est, resolutionem S. Congregationis, ipsamque Pontificis approbationem & extensionem unice inniti juri & obligationi Parochorum instruendi populum sibi subiectum: quam obligationem Patres Societatis, qui ut Parochorum Subsidiarii id muneris aliquamdiu subierant, Parochis eximere non potuerant, adeòque nec Parochis esse obstaculo, quominus obligationi suæ satisfacerent.

Ex quo ulterius consecretarium est, quòd licet Declaratio solos Patres Societatis, de quibus erat quæstio, exprimat, reliquos tamen Fratres Mendicantes eodem & non fortiori, quo Patres Societatis in tradenda Christiana doctrina in Ecclesiis Parochialibus jure nitentes comprehendit. De quo non dubitans Archiepiscopus Mechliniensis in Decreto suo 2. Aprilis anni sequentis 1682. ad hoc Sedis Apostolicæ De-

cretum alludens, postquam Parochis omnibus injunxit, "Ut singuli per se instruendæ juventuti, seu catechizandis rudibus sedulo incumbant," addit: "Eo etiam attento quòd Sanctissimus Dominus noster anno proximè elapso octavâ Maji, juxta sensum memorati Concilii Generalis, (Tridentini) declaravit, Catechesim non modò ad Parochos spectare, nec alios posse in Ecclesiis Parochialibus iis invitis docere, verum teneri per seiplos docere, atque ad eorum partes explendas juris mediis cogendos esse.

VIII. Nec solus Ecclesiasticus Magistratus Parochorum jus in functionibus Pastoralibus obeundis contra quascumque etiam inveteratas & continuatas Regulæ Stationes declaravit & firmavit: sed & Civilis seu Regius, dum ad ejus tribunal quæstio delata fuit, Parochos in hoc suo jure manutenuit & confirmavit. Aliquot hujus rei testimonia easque illustriora proferam.

Primum occurrit occasione Patrum Dominicanorum urbis Insulensis. Cum enim in ea civitate ex antiquo usu Fratres Mendicantes Stationes concionandi in Adventu & Quadragesima haberent, contigit, ut anno 1639. ad Patres Dominicanos Statio concionandi in Ecclesia Parochiali S. Salvatoris spectaret; at licentiam concionandi his Patribus Episcopus Diocæsanus Tornacensis denegavit; allegans pro causâ recusationis, quòd hi Patres in quadam causa funeralium suum tribunal declinassent, & ad Regium confugissent. Patres hac recusatione offensi ad Consilium Sanctius Bruxellis recursum habuere, querentes, sibi approbationem recusari ex causâ, quæ in judicio controverteretur. Consilium audito prius Episcopo, qui aliam, præter jam allegatam, recusationis causam non allegaverat, 23. Octob. 1639. referens Episcopo, "casu quo Prior aut alius dicti Ordinis Religiosus cum omni reverentia ac submissione postulet continuationem Stationum in Adventu & Quadragesima; unâ recognoscens, ait Consilium, quòd sine Episcopi licentia concionari nequeant, intentionem & votum Consilii esse, ut sine ulteriori difficultate pro hac vice Stationes consuetas ipsi continuare permittatis; nequaquam tamen intendentes, in aliis circumstantiis & occasionibus vestram in functionibus Episcopalis auctoritatem imminuere."

Cum verò nec his litteris moveretur Episcopus, peristeretque in recusatione approbationis, nullâ aliâ recusationis ratione adductâ, (quæ Regiis Ministris insufficiens; imo eorum auctoritati & Jurisdictioni videbatur contraria) tandem 3. Decembris ejusdem anni nomine Principis Cardinalis tunc temporis Belgii Gubernatoris, scriptum fuit Episcopo, quòd pertinax illa approbationis recusatio magis ac magis ostendat, hanc recusationem unice procedere ex displicentia obtentæ victoriæ per prædictos Religiosos contra Parochos civitatis Insulensis in materia funeralium coram Tribunali Laico: idèdque Sua Celsitudo mander, ut casu quo Religiosi præstent ea, quæ in litteris Consilii fuere expressa, eos indilate ad continuandum suas Stationes admittat, sub pœna apprehensionis temporalium sui Episcopatus: Si tamen, inquit, *Parochus intendat per se concionari in sua Ecclesia per Adventum & Quadragesimam, sua Celsitudo impedire non intendit.*

In vim hujus clausulæ Parochus per se conciones habuit; & Dominicani mansere exclusi. Hæc ex Registro M.S. Archi-Episcopatus Mechliniensis.

Licet ergo inveteratas, & longâ annorum serie continuatas Religiosorum Stationes, sine causâ impediri non posse judicarent Ministri Regii, eas tamen utpotè merè precarias & subsidiarias, nullatenus posse juri Parochorum derogare; aut Parochum suas functiones per se obire volentem impedire, haud dubitarunt.

Alterum argumentum suppeditat famosa controversia,

(a) In quibusdam Codicibus legitur octavâ Martii.



versia, quæ occasione instructionis parvulorum sive Catechismi anno 1643. in civitate Gandensi exorta est.

Patres Societatis admissi fuerant in civitate Gandensi anno 1586. atque ab eo tempore usque ad annum 1643. tam in Ecclesiis Parochialibus, quàm in Sacellis Ecclesiis Parochialibus subiectis, catechizationes parvulorum diebus Dominicis & feriis quintis habuerant. Verùm anno millesimo sexcentesimo quadragelimo tertio septem Parochi civitatis Gandensis exposuerunt Episcopo, præcipuum munus Pastorum esse, ritè instruere parvulos, eisque Verbi Divini pabulum subministrare, & panem frangere; ideòque se intendere, muneri illi *per se* conformiter ad jus naturale, & Ecclesiasticas sanctiones sedulò incumbere; eumque in finem gratias agere Patribus Societatis pro labore, quem in hoc pio opere spatio circiter 60. annorum subierant.

Episcopus audito suo Vicariatu respondit, liberum esse Pastoribus gratias agere Patribus Societatis pro labore hætenus impenso in catechizatione diebus Dominicis horà primà pomeridianà, & feriis quintis per hebdomadam in Ecclesiis Parochialibus & Sacellis; ac posse post hac *per se* vel suos *Vice-Pastores* in suis respectivè Ecclesiis Parochialibus, & Sacellis, quæ ipsis sunt subiecta, has instructiones facere; quo possint meliùs agnos suos agnoscere, & ipsi ab illis agnoscì.

Verùm contra tum Episcopi, tum Parochorum resolutionem, causam Patrum Societatis susceperunt Scholasticus Ecclesiæ Cathedralis & Magistratus, obtuleruntque respectivè libellum supplicem Consilio Sanctiori, exponentes, Patres Societatis eà conditione ad civitatem Gandensem fuisse admissos, ut catechizationes parvulorum haberent: easque tanquam eorum instituto & professioni conformes ipsis per Scholasticum & Magistratum, quibus ex officio incumbit instructioni juventutis intendere, demandatas & spatio 60. annorum continuatas.

His aliisque tum ex parte Scholastici tum Magistratûs allegatis argumentis, reposuit Episcopus: Ut verum sit, Patres ex suo instituto mitti ad catechizandum, eaque conditione ad civitatem Gandensem fuisse admissos; certissimum tamen esse, non nisi in qualitate *subsidiariorum* venire, nec alià conditione vel in hanc civitatem, vel in Belgium esse admissos: Quæ admissio nullatenus juri ordinario Parochorum derogare potest.

Similiter quæcumque auctoritas vel Scholastico vel Magistratui comperat instructioni juventutis invigilandi, ea tamen nequaquam impedimento esse potest Parochis volentibus muneri catechizandi sibi subditos satisfacere; sed ex adverso, si quæ his esset auctoritas, eam impendere deberent, ut Parochi huic suo officio, ad quod præcepto divino tenentur, sedulò incumbere.

Hoc unum penè fuit, quòd omnibus tam ex privilegiis, & instituto Societatis, quàm ex jure Scholastici & Magistratûs petitis argumentis reposuit Episcopus: idque eo successu, ut 18. Martii 1644. Consilium Sanctius pro Episcopo judicaverit; translationemque Stationum à Patribus Societatis ad Parochos probaverit. Cujus sententiæ meminit quoque Zypæus *Responsio* 4. de Parochiis.

IX. Tertium Argumentum suppeditat sententia Senatûs Brabantiae pro Præposito, Pastore & Aedituis Ecclesiæ Parochialis frigidì Montis in civitate Bruxellensi contra Patres Dominicanos.

Patres Dominicani continuaverant Stationes concionandi omnibus diebus Festis collectamque per aliquem è suis tempore concionis per duo integra secula in dicta parochiali Ecclesia. At anno 1674. Aeditui unà cum Pastore expendentibus Ecclesiæ suæ egestatem, intimaverunt Patribus Dominicanis, se non posse ultra permittere dictam collectam in commodum Conventûs ipsorum;

eamque post hac faciendam in utilitatem Ecclesiæ; cumque non obstante hac intimatione die 1. Maji ejusdem anni Patre Dominicano concionante, Socius ejus se ad colligendam elemosynam more consueto accingeret, impeditus fuit ab Aedituis. Hinc Patres Dominicani ad Senatûm Brabantiae recursum habuere, & allegatà immemoriali possessione faciendi dictam collectam & turbatione, litteras *manutentionis* obtinuerunt: Quibus se unà cum Præposito & Pastore opposcentes Aeditui dixerunt, hanc collectam esse nudam sequelam & appendicem Stationum concionandi.

Porro Stationes illas esse merè precarias & ad nutum Pastoris revocabiles, & consequenter, cum Pastore egerit gratias Patribus illis pro concionibus, nihil planè juris illos sibi posse asserere ad dictam collectam; ac per consequens litteras manutentionis per subreptionem & obreptionem esse obtentas sustinuerunt: & ita cum expensis declaravit Senatus 3. Octob. 1675. (a)

X. Quinimò licet Stationarii deputatio sit penes Capitulum v. g. ut Pastorem primitivum, aut Ecclesiæ Aedituos; nihilominus Parochi *per se* concionari volenti cedere debere non semel judicatum fuit. Et quidem cum Capitulum S. Petri Lovanii jure primitivi Pastoris nominasset in concionatorem Adventûs & Quadragesimæ unum è Societate, voluit ejusdem Ecclesiæ Plebanus *per se* diebus Dominicis Adventûs & Quadragesimæ concionari, quod hætenus per Stationarium à Capitulo fieri consueverat; cumque nonnulli Canonici causam Stationarii sustinere vellent, quæstione ad supremum Brabantiae Senatûm delatà, jus concionandi, exclusum Stationario, adjudicatum fuit Plebano anno 1648.

Refert quoque de Sercy in libro Gallico cui titulus: *Définitions du Droit Canon, &c. tit. de Aedituis* n. 19. Aedituos interdum habere jus ex consuetudine immemoriali nominandi concionatorem Adventûs, aut Quadragesimæ, sed tamen Parochum posse hujusmodi concionatorem recusare, siiple velit *per se* conciones habere; Et ita, ait, *semper fuit judicatum.*

XI. Difficultates de quibus suprà, quas Regulares, præsertim Ordinum Mendicantium ad functiones hierarchicas, ut subsidiarii, sive coadjutores adsciti, Pastoribus, aut etiam Prælati prætextu suorum privilegiorum movere, jam pridem experientia docuit, verisimiliter occasionem dederunt Statuto, quod anno 1423. in suo Provinciali Concilio promulgandum duxit Theodoricus Archi-Episcopus Colonienſis his verbis concepto: *Item statuimus & ordinamus sub penâ excommunicationis, quam ferimus in his scriptis, ne aliquis Rector aut perpetuus Vicarius Parochialis Ecclesiæ, seu etiam Capellæ, ordinet, constituat vel deputet aliquem RELIGIOSUM MENDICANTEM VEL NON MENDICANTEM ad regendam vel gubernandam seu officiandam suam vel ejus Vicariam seu Capellam, aut alias vices suas committere talibus præsumat, modò aliter idoneus commodè haberi poterit, dolo & fraude seclusis.*

(a) Sententia, quam ea de re tulit Brabantiae Senatus, primum sub littera (A) obtinet locum inter Monumenta, quæ ad calcem hujus voluminis suo ordine disponuntur.

## CAPUT IX.

Quæ observanda à Parochiis circa Stationarios.

1. Primò, ne quempiam ad concionandum admittat, nisi de licentia Episcopi docuerit.
2. Secundò, ut curet convenientiorem sibi mitti.
3. Convenit ut Parochus *per se* vel per alium concioni Interſit.
4. Conveniens est, ut cum Stationario collationem instituat.
5. Stationario in temporalibus subsidio sit.

O Stendimus quidem Capite præcedenti, Fratres Mendicantes vi suarum Stationum quantumvis multorum annorum serie continuatarum, Parochis per se



se munus prædicandi aut catechizandi obire volentibus haud posse obfistere vel impedimento esse; at quia nonnumquam contingit, ut Parochi legitime impediti, vel certis diebus ad magnum populi concursum quibusdam locis, præsertim in civitatibus hætenus insufficientes sint ut in Quadragesima & Adventu quotidie, aut Dominicis festisque diebus non unam duntaxat, sed plures conciones habeant; ideoque necesse sit, ut vel Fratres Mendicantes Stationes suas continuare hætenus permittant, vel aliquos in auxilium advocent, expendenda sunt, quæ potissimum circa hujusmodi Subsidiarios Parochis agenda incumbant.

Et quidem cum ex Decreto Synodi Tridentinæ Regulares ad prædicandum in Ecclesiis, quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur; sine qua in ipsis Ecclesiis non suorum Ordinum nullo modo prædicare possint, *Seff. 5. cap. 2. de reformat.* Parochus attendere debet.

I. Primò, ne ullum in sua Ecclesia prædicare permittat, nisi de hac Episcopi licentia præviè in scriptis doceat; Quod & Synodi, & Episcoporum Decreta sedulò & enixè Parochis inculcant.

II. Secundò, cum Parochus cura ovium suarum incumbat, eoque titulo sollicitè attendere debeat, quo pabulo oves suæ reficiantur; non cuius suas vices indifferenter, & cæco quodam modo, quasi ad se non spectaret, an oves salvari vel infano pabulo pascerentur, committere potest; sed quantum in se est, allaborare debet, ut is in subsidium suum mittatur, de quo meritò confidat, quod populum sincerè Evangelicæ doctrinæ pabulo pascet; & affectuosè ad vitia declinandum & virtutes amplectendum movebit & inclinabit.

III. Quia tamen non ubique à Parochis dependet hujusmodi Stationariorum deputatio; neque semper tales, quales desiderat, obtinere potest, consultum erit interdum à Parochis observari, quod faciendum monuit Synodus Audomarenfis an. 1583. *tit. 19. cap. 4.* " Ut quodcumque alius, quam ipsemet Pastor concionatur, Pastor ipse per se vel per idoneum substitutum concioni interfit, diligenterque audiat, an porrigatur Christi ovibus quale convenit pabulum, an dicatur aliquid quod fidei Catholicæ, aut bonis moribus non sit consonum, vel quod pias aures possit offendere: Quod si quid hujusmodi observet, moneat Concionatorem; ut apud populum id revocet, aut nobis per se, vel per Decanum suum id significet: denuntietque Concionatores eos omnes (id quod etiam rogamus omnes utriusque sexus fideles pro eo quo tenentur zelo tuendæ gloriæ Dei) qui opere, sermone, aut conversatione scandalosi, vel criminum suspecti, maleque famati, plus exemplo suo destruant, quam verbo ædificant.

IV. Tertiò, quia Parochus exactiorem Parochiæ suæ notitiam habere solet, quam Stationarii seu Terminarii (a) qui duntaxat quasi transeundo, & stando, à quo Stationes dicuntur, in Parochiis versantur, multum conveniens, ac penè necessarium est, ut conferant quandòque cum Terminariis, cæterisque Regularibus ipsorum nomine concionantibus, ut monet dicta Synod. *eadem tit. c. 2.* " iis de rebus, quas expediat maximè in concione ad populum ipsorum tractari, ex. gr. ut in vitia quæ maximè illic regnant, maximè invehantur; ut virtutes quæ illic frigent, cum primis commendent, & alia pro populi conditione sibi sumant tractanda, quæ non ita possunt novissè foris advenientes Religiosi, ut Pastores domestici; & ut noverint, maximè tamen utilis sit hujusmodi collatio, quo & Pastor & qui ejus loco est Concionator, concordés uno ore loquantur, & sententiam animi sui per se unus, per alterum alter dicat.

(a) Terminarii apud Ordines Mendicantes dicuntur, qui habentis per agros cuique Conventui addictos Concionibus destinantur.

V. Denique si videat Parochus Stationarios sive Terminarios aliosve Regulares se veros Parochorum subsidiarios exhibere; sibi in Officio Pastoralis sedulò, & cum fructu subservire, dignum & justum erit, ut illos cum omni benignitate ac benevolentia recipiat; eosque, ut monet Synodus Cameracensis, *P. I. tit. 6. cap. 6.* apud populum habeat commendatos tanquam operarios mercede suâ dignos. Ubique enim, præcipuè tamen in Parochiis ruralibus, Stationarii, aut aliqui ex eorum Ordine solent certis diebus eleemosynam à Parochianis, quasi in mercedem suorum laborum petere.

Quin & usus obtinuit, ut Stationarii, qui certis designatisque diebus concionantur, sumptibus communitatis excipiantur, ut testatur de Sercy lib. cui titulus: *Définitions du Droit Canon, &c. tit. de Aëdificiis n. 19.* Hi verò qui ab ipso Parochis ob impedimentum repentinum subinde vocantur, ejus sumptibus excipiendos esse monet: quod & moribus Belgii congruit. Conveniens tamen est, ut potius apud Pastorem, quam Laicos hospitentur; ipsaque communitas potius Pastori, quam alteri sumptus suppeditet, atque refundat.

## CAPUT X.

Sicuti Parochorum est populum instruere; ita Parochianorum est eos audire.

1. *Adstruitur auctoritate Scripturæ Sacræ.*
2. *Auctoritate Concilii Tridentini.*
3. *Auctoritate S. Caroli.*
4. *Commoda ex frequentatione Parochiæ provenientia.*
5. *Rejicitur inepta cujusdam glossa.*
6. *Incommoda ex neglectu frequentationis Parochiæ.*
7. *Motiva dictam frequentationem promoventia.*
8. *Litteræ Pastorales S. Caroli ab Episcopis Belgii adoptatæ.*
9. *Omnibus Verbi Dei præconibus injungitur ut hanc obligationem populo proponant.*

I. Sicuti boni Pastoris est, teste ipso summo Pastore Christo *Joan. 10.* Oves proprias noscere, eas præire, ac nominatim vocare, & ad salubria pascua educere, ita eodem testificante, ovium est vocem Pastoris audire, & vocantem sequi.

Si ergo Parochi tanquam boni Pastoris sit oves pascere & instruere, etiam reciprocè Parochianorum tanquam ovium est, à Pastore Divini Verbi pabulo velle pasci, ejusque vocem audire.

II. Hanc Parochianorum obligationem supponens Synodus Tridentina loco citato Episcopis mandat, " ut moneant populum diligenter, teneri unumquemque Parochiæ suæ interesse, ubi commodè id fieri potest, ad audiendum verbum Dei.

III. Huic Synodali Decreto parere volens S. Carolus litteras monitoriales, quibus populus de hac obligatione moneretur, in Concilio suo Provinciali VI. edidit; quas in idioma vulgare versas populo prælegi & explicari per omnes suæ Provinciæ Dioceses voluit.

In his primò ostendit, quanti olim apud antiquos Patres fuerit frequens ad Ecclesiam propriam parochialem fidelium conventus, ac deinde subdit: " Cujus veteris disciplinæ restituendæ in usumque revocandæ desiderio flagrans olim Summus Pontifex Urbanus VI. eo de genere Apostolica Sanctione diligentissimè cavet, & nuper Sacra Tridentina Synodus Oecumenica ab Episcopis fideles non solum hoc moneri voluit, ut frequenter ad proprias Parochiales Ecclesias saltem Dominicis diebus, festisque majoribus accedant, sed illud etiam diligenter ostendit, unumquemque teneri, ubi commodè fieri potest, Parochiæ suæ interesse ad audiendum Verbum Dei.

Hæc viri Sanctissimi (cui Concilii Tridentini directio præcipuè incumberebat, dum allegatum Decretum editum

editum fuit) verba utinam expendere illi, quos non pudet dicere, Decreto Concilii Tridentini non præceptum, sed consilium contineri.

IV. Prosequitur deinde S. Carolus: "His igitur ejusdem Tridentinae Synodi Decretis, & veteri salutarique exemplo adducti, cum populum urbis, Diocesis, Provinciaeque Mediolanensis nostrae rebus ad salutem necessariis instructum, per bona opera ad primum sempiternum perducere summopere in Domino cupiamus, hac nostra monitione eos universos & singulos cohortamur, ac per viscera Misericordiae Jesu Christi obsecramus, atque obtestamur, ut quamvis in sua vicinia, oppidis, & suburbis, Oratoria, Capellas, aliasque Ecclesias habeant, ubi sanctissimo Missae Sacrificio interesse possint, frequenter tamen Dominicis saltem aliisque solemnibus festis diebus ad suam quique Parochialem Ecclesiam conveniant: ubi à Parocho, cui cura commissa est, Verbo Dei pascantur, fidei Christianae rudimentis, aliisque animarum salutis necessariis præceptis erudiantur; ad Sanctissima Sacramenta religiosius percipienda instruantur, ad eorumque frequentem usum, ut illa Sacra Synodus optat, paternis ejus cohortationibus indies magis inflammentur: Tum ab eodem item audiant, qui dies festi, si qui in hebdomadam inciderint, colendi, quæ vigiliæ jejuniæ servanda sint: Discant ab ipso item, quæ Christianae pietatis officia in illis religiosè colendis præstari oporteat; ac quæ præterea Supplicationes, Processionesve aut Stationes, Orationes, Indulgentiae, Jubilæa indicantur, quæ Matrimoniorum Denuntiationes fiant; quæ item pro ratione temporum, admonitu jussuque Episcopi copiosi ad diligentiorum eorum institutionem promulgentur.

V. Si hæc unà cum ipsa Concilii Tridentini sanctione paulisper expendisset Auctor Libelli, cui titulus: *Exhibitio Canonum circa prædicationem Regularium*, indubiè intellexisset ineptitudinem Glossæ, quam pag. 67. citato Concilii Trid. Decreto appendit: "Concilium Trid. ait, Ecclesiae Parochialis jus non firmat contra Mendicantium Ordines, sed contra alias Parochiales Ecclesias, ac præferim contra Oratoria seu Capellas..... Ordinum etiam Mendicantium Ecclesiarum sunt Vicariae, atque appendices Romanae Ecclesiae, ideoque quisque Fidelis potest illic Sacra audire: " Si, inquam, Litteras S. Caroli unà cum ipsa Tridentini lege attendisset, intellexisset suæ Glossæ ineptitudinem. Cum enim edicat Synodus unumquemque teneri suæ Parochiae; vel ut ait S. Carolus, *Parochiali propriae Ecclesiae interesse*, nonnè evidentissimè etiam contra Ordinem Mendicantium Ecclesias firmavit jus Ecclesiae Parochialis? Num forsitan diceret, Fideles suæ Parochiae, vel Parochiali propriae Ecclesiae interesse, quando Ecclesiis Mendicantium intersunt? Hoc qui dicere audeat; etiam dicat Ecclesias Mendicantium esse Fidelium Parochias, aut *Parochiales proprias Ecclesias*: ipsosque Fratres Mendicantes Fidelium proprios Parochos, coram quibus & Matrimonium contrahi posse affirmant.

Quod verò Auctor addit; Ecclesias Mendicantium esse Vicarias, ac appendices Romanae Ecclesiae, haud capio: Hoc scio, Fratres Mendicantes, cum eorum Ecclesiis à Sede Apostolica esse probatos, & admissos, ut Prælatorum & Parochorum administratos & subsidiarios: Idèdque rectè dici, eorum Ecclesias ex intentione Pontificum & Fundatorum esse vicarias, & appendices subsidiarias seu succursales Ecclesiarum Parochialium.

Licet credam prædictæ glossæ ineptitudinem fat probatam, nihilominus ut ostendatur ante Concilium Tridentinum, jus de quo agitur Parochialibus Ecclesiis contra Fratres Mendicantes fuisse assertum, atque Concilium Tridentinum jus commune innovasse, addenda est *Extravagans Sixti IV.* quæ incipit *vices*, relata inter *Extravagantes communes* sub titulo *De treuga & pace*.

In hac igitur Extravagante imprimis narratur, quod in quibusdam partibus Germaniae dissidium exortum esset inter Fratres Mendicantes, signanter Prædicatores, Minores, & Carmelitas ab unâ parte, & Presbyteros Parochiales ex alterâ super obligatione audiendi Missam diebus Dominicis & Festivis in Ecclesia Parochiali.

Hoc dissidium Sixtus IV. partibus hinc inde auditis, in hunc modum decidit: *Quod Fratres Mendicantes non prædicent, populos PARÆCIANOS non teneri AUDIRE MISSAM IN EORUM PARÆCIS diebus Dominicis & Festivis, CUM JURE SIT CAUTUM ILLIS DIEBUS PARÆCIANOS teneri AUDIRE MISSAM IN EORUM PARÆCIALI ECCLESIA, NISI FORSITAN EX HONESTA CAUSA AB IPSA ECCLESIA se abstantent.*

Hæc clausula finalis conformis est clausulæ quam suo Decreto adjecerunt Patres Tridentini: *ubi id commodè fieri potest*, ut vel inde appareat, Patres Tridentinos in formando suo Decreto ad hanc Extravagantem reflexisse.

Cum ergo hæc controversia verteretur inter Fratres Mendicantes sustinentes Fideles præcepto Ecclesiae de audiendâ Missâ diebus Dominicis & Festivis satisfacere, audiendâ Missam in eorum Ecclesiis; & Parochos contententes Parochianos teneri diebus festis & Dominicis interesse suæ Parochiae ad audiendam Missam, evidens est, quod Pontifex præcipiendo, *ut Fratres Mendicantes non prædicent, populos PARÆCIANOS non teneri audire Missam in eorum PARÆCIS diebus Festis & Dominicis*, firmer jus Ecclesiarum Parochialium, non tantum contra alias Parochias, Capellas aut Oratoria, sed contra Ecclesias Fratrum Mendicantium, de quibus in hac controversiâ unicè quæstio vertebatur.

Verum quidem est nullam hic fieri mentionem de obligatione audiendi Verbum Dei in Parochia, sed solummodò de obligatione audiendi Missam, quia spectat illius temporis disciplinâ, hoc ipso quo declaratur, Fideles teneri diebus Dominicis & Festivis interesse Parochiae ad audiendam Missam, unâ declaratum censetur Fideles teneri eisdem diebus interesse Ecclesiae Parochiali ad audiendum Verbum Dei.

Notum enim est, quod prædicatio Verbi Dei sive explanatio Evangelii partem constituat ipsius Missae sive sacrae Liturgiae, uti pluribus probatum est. *part. 2. tit. 5. cap. 2. n. 17. & sequent.*

VI. Propositis fructibus ex diligenti Parochiae frequentatione sperandis, ex adverso nunc incommoda ex ejus neglectu obvenientia enumerat, & ob oculos ponit S. Carolus. "Hinc, ait, in plerisque saepe Articulorum, & Dei Sanctaeque Matris Ecclesiae præceptorum, quæ ad salutem consequendam Christianum hominem nosse oportet, imperitia, festorum dierum cultus neglectus, debita Christianae pietatis opera non exculsa, non cognita Christiana familiarum institutio, languescens Sacerdotum Parochorum omne officium, eorum aliquis contemptus; Sanctissimum Institutum & Sacrorum Canonum violatus usus; hinc denique Ecclesiis Parochialibus, quæ à majoribus tanto pietatis studio exædificatae sunt, instaurandis, ornandis, sartistectisque habendis cura multis ex partibus neglecta, in illisque nulla aut penè exigua Ecclesiastica ad Divina Officia obeunda necessaria suppellex.

"His tot tantisque malis, atque incommodis unusquisque occurrere studeat, id diligenter exequendo, quod Sanctorum Patrum suadet autoritas, quod Tridentina Synodus moneri jubet, quod ex illius jussu nos de uniuscujusque vestrum salute solliciti, paternis vocibus cohortamur & monemus in Domino.

VII. Denique præoccupat, quæ in excusationem neglectus assumenda prævidebat; motivoque pietatis ad sedulam Parochiae frequentationem incitantia adducit: "Nec verò quemquam aliquod, quod vel ex pluvia, frigore, æstu, temporumve vicissitudine existat, in-

com-

„ commodum, ab hoc officio deterreat: imò verò ad  
 „ illud diligentius exequendum, prout in Domino  
 „ confidimus, se quisque eorum accendat necesse est:  
 „ qui salutis suæ memores, huius rei gravitatem, eor-  
 „ um, quæ commemorata sunt ratione perpendent;  
 „ quique aliquando animo secum reputabunt, non so-  
 „ lum Parochialem Ecclesiam sibi datam esse, in qua  
 „ primum Baptismo suscepto Christo Domino renati,  
 „ aliis Sacramentis aluntur ad perpetuam salutem: sed  
 „ Parochum etiam Sacerdotem sibi loco parentis esse  
 „ debere, quem diligant, colant atque observent; hoc  
 „ sibi proponentes, illum pro fidelibus sibi commissis  
 „ apud Deum Internuntium, ac Deprecatorem esse,  
 „ divinæ Legis Interpretem, Dispensatorem Myste-  
 „ riorum Dei, Christianæ vitæ & morum disciplinæ  
 „ Magistrum, à quo omne petant piè rectèque vivendi  
 „ consilium, ac denique Ministrum omnium ferè, quæ  
 „ ad salutem eis necessaria sunt.

VIII. Litteras Monitoriales S. Caroli hic referendas  
 judicavi, tum ut ex illis pateat, quid de obligatione  
 frequentandi Parochiam ad audiendum Verbum Dei,  
 ejusque momento senserit Sanctissimus hic præsul; tum  
 quia litteras has etiam Episcopi Belgii, ut mandato  
 Concilii Tridentini satisfacerent, non semel probarunt  
 & in suis Diocesisbus promulgari mandarunt.

Et quidem Andreas Creusen Archiepiscopus Mechli-  
 nensis, eum comperisset, subditos suos in crassa Myste-  
 riorum fidei ignorantia versari; eamque pro magna par-  
 te oriri ex eo, quod non haberetur diligentia conveni-  
 ens, & affectus frequentandi Parochiam ad audien-  
 dum Verbum Dei, ut ipse loquitur in suo Decreto, 26.  
 Octob. 1667. evulgato, voluit has S. Caroli Litteras  
 in idioma Flandricum & Gallicum versas suo Decreto  
 annecti, & populo proponi.

Quod idem modernus Antverpiensium Antistes Jo-  
 annes Ferdinandus Van Beugem, evulgato Decreto,  
 die 21. Martii 1687. fieri mandavit; „ Ut quisque,  
 „ ait, tum auctoritate tanti viri, tum concludentibus  
 „ ejus rationibus, ad Parochiæ frequentationem im-  
 „ pensius incitetur.

IX. Porro Episcopi Belgii, ut juxta legem sibi à  
 Synodo Tridentina positam, populus sæpius de hac  
 obligatione moneatur, præter iterata à se edita De-  
 creta, insuper omnibus Verbi Dei Præconibus, tam  
 Regularibus, quam Secularibus hæc duo injungunt:  
 Primum, ut „ moneant populum, ut frequenter ad  
 „ suas Parochias, saltè diebus Dominicis & Festis  
 „ majoribus accedant. „ Alterum: „ Diligenter item  
 „ moneant, unumquemque teneri Parochiæ suæ inter-  
 „ esse, ubi commodè id fieri potest, ad audiendum  
 „ verbum Dei. „ Instructiones pro Concionat. Art.  
 9. & 10.

Hæc continua Episcoporum mandata, & sæpius ite-  
 rata Pastoralis exhortationes sat probant, quantopere  
 hujus legis custodia ipsi cordi sit; quod & amplius  
 patebit, si expenderit, quæ in hoc nostro Belgio  
 ad promovendum Parochialium Officiorum frequen-  
 tationem decreta sint.

## CAPUT XI.

Quæ in Belgio fuerint statuta ad promovendam  
 frequentationem Parochiæ ad audiendum  
 Verbum Dei.

1. Tempore instructionis Parochialis Missa celebrari non debet.
2. Nemo tempore concionis Parochialis concionari potest.
3. Edicta Regia circa hanc rem.
4. Varia ad promovendam frequentationem Catechismi præsertim circa pauperes.
5. Magistratum cura in promovendo Catechismo.
6. Quid Litteræ Regiæ de hac re habeant.

Tom. I.

SYnodi Belgicæ supponentes obligationem frequen-  
 tandi Parochiam ad audiendum Verbum Dei, adeò  
 claris ac evidentibus terminis in Sacris Canonibus, ac  
 novissimè in Synodo Tridentina esse expressam, ut nullo  
 vel apparenti colore obtusari posset, non tam fuere  
 sollicitæ, ut hanc legem suis Decretis inducerent, quam  
 ut removerent ea, quibus à Parochiæ frequentatione  
 populus quacumque ratione avocaretur; eaque ordina-  
 rent, quibus ad eam frequentandam incitaretur & mo-  
 veretur.

I. „ Quia unusquisque juxta Concilium Tridenti-  
 „ num Parochiæ suæ interesse tenetur ad audiendum  
 „ Verbum Dei, ubi commodè id fieri potest; quo tem-  
 „ pore illud in Ecclesia Parochiali annuntiatur (ait Sy-  
 „ nodus D. Mechlin. tit. 10. cap. 5.) nemo in Capellis  
 „ quæ Parochiæ finibus continentur, concionari, aut  
 „ Missam celebrare præsumat sub pœna arbitraria. Et  
 „ similiter nemo in eadem Ecclesia sub concione Mis-  
 „ sam, etiam privatam, celebret.

Similiter Buseoducensis sub Masio tit. 11. cap. 3.  
 „ Ne Parochiani, qui diebus Dominicis & festivis jux-  
 „ ta Concilii Tridentini declarationem, Parochiæ suæ  
 „ interesse ad audiendum Verbum Dei tenentur, ab  
 „ illo avocentur, præcipit, ne quis Sacerdos eo tem-  
 „ pore in Ecclesia Parochiali, aut extra eam in Capellis  
 „ Sacrum facere aut concionari præsumat, sub pœna  
 „ nostro arbitrio infligenda. „ Et aliter sub eodem Ma-  
 „ sio, postquam statuit in Parochia, Missa matutinali fi-  
 „ nitâ, Catechismus esse instituendum, adjungit: „ Ca-  
 „ veant Sacerdotes, ne tempore concionis hujus matu-  
 „ tinae, sive etiam Pastoralis, audeant Missam legere, ne  
 „ occasione hac Auditores à catechizatione avocentur.

„ Capellani (ait Synodus Namurcensis anno 1639.  
 „ tit. 3. cap. 16.) sive intra sive extra Ecclesiam Para-  
 „ chialem tali tempore Missas dicant, ut populus hac  
 „ occasione à Missa Parochiali, Concione, aut Cate-  
 „ chismo non avertatur.

II. Synodus autem Antverpiensis sub Myræo tit.  
 11. cap. 8. eandem frequentandi Parochiam ad audien-  
 dum Verbum Dei obligationem ex Concilio Triden-  
 tino præmittens, ait: „ Nemo in civitate nostra, &  
 „ oppidis, Dominicis & festis diebus ante meridiem  
 „ extra Ecclesiam Parochialem linguâ vernaculâ concio-  
 „ netur; nequidem sub prætextu Indulgentiarum, aut  
 „ Confraternitatum, linguâ verò externa non fiat con-  
 „ cio ante horam decimam.

Quod hæc Synodus statuit, generaliter in Belgio re-  
 ceptum est; ut nimirum, nemo in civitate aut oppidis  
 concionari queat eo tempore, quo concio Parochialis  
 habetur; ne populus hac occasione avocetur à Parochia,  
 cui ad audiendum Verbum Dei interesse tenetur.

III. Neque Episcopis duntaxat, sed & ipsis Princi-  
 pibus curæ fuit, ne quid populum ab officio Para-  
 chiali retraheret: Hinc Philippus II. edicto anni 1587.  
 ad Synodum Cameracensem art. 5. cavit, „ Ne quis  
 „ diebus Dominicis aut Festis tempore Concionis,  
 „ Summi Sacri, & Vesperarum, audeat ambulare in  
 „ foro, aut locis publicis, aut propè Ecclesiam, neque  
 „ intrare popinas, aut publicè quocumque ludo se oc-  
 „ cupare, vel choreas ducere, vel piscari; aut scholas  
 „ gladiatorias, vel hortos Sagittariorum (a) frequen-  
 „ tare, sub pœna arbitraria. „ Et Carolus V. Edicto  
 anni 1531. art. 31. ne quis eo tempore ad tabernas  
 recipiatur.

IV. Porro cum non tantum instructio Parochi, quæ  
 fit per modum concionis necessaria sit, sed vel maxi-  
 mè illa, quæ ad parvulorum & rudiorum captum in-  
 stituitur, quæ Catechismus dicitur, varia quoque qui-  
 bus tum pueri, tum rudiores adulti ad hujus frequen-  
 „ tationem incitarentur & urgerentur ordinata sunt.

Et imprimis Synodus Antverpiensis sub Miræo tit.  
 1. cap. 4. statuit, „ ut Pastor inducat Rectores Fabricæ  
 „ & Mensæ S. Spiritus aliosque viros probos & hone-  
 „ (a) Arquebustiers.

D 2

„ itas



„ istas matronas ad charitatis officia præstanda promp-  
 „ tos, ut suâ præsentia & operâ tam sanctum opus  
 „ modis omnibus, quibus possunt, promoveant: pe-  
 „ tatque Pastor à quolibet Magistratu unum alterumve  
 „ virum pium, honestum & talium rerum amantem,  
 „ qui unâ cum ipso Catecheseos continuationi & bono  
 „ ordini superintendant.

Et cap. 5. pergit: „ Ad hunc Catechismum tenean-  
 „ tur Ludimagistri & Magistres ducere suos discipulos:  
 „ pueri verò à sexto ætatis anno usque ad decimum-  
 „ quintum, qui Scholas quotidianas non visitant ob  
 „ pauperatatem, describantur à committendis à Magi-  
 „ stratu loci, qui & eò compellantur venire, sub pœna,  
 „ qua parentes, aut ù quibuscum habitant, mulcten-  
 „ tur: in quem finem suspendatur catalogus in Scholis  
 „ qui singulis vicibus legatur, absentes requirantur,  
 „ quos si contigat sæpius sine causa legitima abesse,  
 „ deferantur ad Superintendentes castigandi; & Re-  
 „ ctiores mensæ pauperum elemosynas dari solitas pa-  
 „ rentibus, qui suas proles non mittunt ad Catechis-  
 „ mum, suspendant. Si verò animadvertatur quod ca-  
 „ techizatio fieri commodè non possit horâ primâ, fiat  
 „ aut manè post Missam matutinam aut summam Mis-  
 „ sam: ita tamen ut semper sit certa hora, & quan-  
 „ tumcumque pauci conveniant, non idèò omittatur.  
 „ Utque etiam pauperiores, ait cap. 8. ea, quæ salutis  
 „ sunt, discere possint, emantur sumptibus mensarum  
 „ pauperum, vel communitatum, libelli Catechismi &  
 „ præmia ad pueros excitandos.

V. Quia verò, aiunt Statuta Synodalia Gandensia  
 sub Antonio Triest, „ Plurimi arte mechanicâ & ex  
 „ elemosynis victitantes, quò rudiores existunt, eò  
 „ tardiores reperiuntur in frequentando Catechismo,  
 „ eos singulariter curæ Parochorum & Catechistarum  
 „ in Domino commendantes, quantum opus est man-  
 „ damus, ut importunè opportunè instent apud Domi-

„ nos temporales & Magistratus, quatenus omnem  
 „ operam in promotionem profectus spiritualis hujus-  
 „ modi ignorantium impendant; ac ipsis exponant De-  
 „ cretum Principis desuper emanatum litteris ad Con-  
 „ siliū Flandriæ directis, nec non alias litteras ejus-  
 „ dem Consilii datas ad singulos Dicecesis nostræ Magi-  
 „ stratus, quarum copias ad finem horum Decretorum  
 „ adjiciemus.

VI. Litteræ Regiæ datæ ad postulationem Episcopi  
 Gandensis, quarum hæc Decreta meminere, injungunt  
 omnibus Magistratibus Dicecesis Gandensis, ut adigant  
 Ludimagistros, & Magistros sub pœna suspensionis ab  
 officio, adducere pueros Scholas suas frequentantes ad  
 locum Catechismi habendo per Episcopum aut Deca-  
 num ruralem assignatum aut assignandum.

Ex his sat intelligitur Belgii nostri Moderatores seu  
 Ecclesiasticos seu Politicos nihil prætermisisse, quò tum  
 Prædicationis tum Catechismi Parochialis adeò pium  
 & necessarium opus promoverent; & populus in iis  
 quæ salutem animæ spectant, debitè instrueretur: illud  
 duntaxat dolendum, tam sancta ac necessaria Decreta  
 adeò negligi, atque ob eum neglectum Fideles præci-  
 pue pauperiores in tanta Mysteriorum fidei & Religio-  
 nis nostræ ignorantia versari.

Cæterum de qualitate & ætate in Pastoribus cæteris,  
 que curam animarum gerentibus requisitis, tractabi-  
 tur in Patre secunda, ubi de qualitate & ætate ad Be-  
 neficia requisitis agitur. Similiter de examine & con-  
 cursu ad Pastorum institutis; item de officio & jure  
 Pastorum in administratione Sacramentorum, celebra-  
 tione Exequiarum, & Funeralium suorum Parochiano-  
 rum; jure ad decimas, oblationes, atque competen-  
 tiam Pastoralem; aliisque ad munia Parochorum atque  
 jura Ecclesiarum Parochialium pertinentibus, in secun-  
 da Parte sub suis respectivè titulis agitur.

## TITULUS IV.

### DE CUSTODIBUS ECCLESiarUM PAROCHIALIUM.

#### CAPUT I.

##### De Officio Custodum.

1. *Officium Custodum de Jure communi.*
2. *In Decretalibus non agitur de hodiernis Ecclesiarum Parochialium Custodibus.*
3. *Functiones Custodum ex Synodis Belgicis.*
4. *Custodes cautionem dare debent.*
5. *Curæ ipsorum circa nitorem Ecclesiarum.*

I. SI Jus Decretalium consulamus, quod pro jure  
 communi hodie receptum est, (a) custodis est,  
 ea quæ Ecclesiæ competunt, custodire, in Canonicis  
 horis signa tintinnabulorum pulsanda, ipso Archidia-  
 cono jubente pulsare; pallia vel linreamina altaris,  
 seu cuncta utensilia Ecclesiæ indefinenter custodire;  
 lampades & lucernas in accendendo, seu extinguen-  
 do, pervigilem existere, Cap. 1. *De Offic. Custodis.*

(a) Galli non assentiunt Domino Van-Espen ubi agitur de Jure  
 Decretalium; quamvis pro Jure communi hodie apud Belgas recep-  
 ta sint, ut ait autor noster; non eadem tamen gaudent autoritate  
 apud Gallos. „ *Les Décrétales*, dit M. de Héricourt Loix Ecclé-  
 „ siast. part. 1. p. 106. col. 2. qui ont été insérées dans le corps du  
 „ Droit Canonique, n'ayant pas été solennellement publiées en  
 „ France, n'y sont regardées que comme une raison écrite, qui  
 „ n'est observée, que quand les dispositions n'en sont point con-  
 „ traires aux Ordonnances, aux Usages & aux Libertés de l'Egli-  
 „ se de France.

Adhæc sollicitus esse debet de omni ornamento Ec-  
 clesiæ, & luminariis sive incenso; nec non panem &  
 vinum omni tempore præparatum ad Missam habere  
 debet. Præterea omnes oblationes seu decimas cum  
 consensu tamen Archidiaconi, absente Episcopo, inter  
 Fratres dividat, Cap. 2. *æ eodem tit.*

II. Hic non de Custodibus Ecclesiarum Parochia-  
 lium, quales hodie in plerisque sunt, tractari, sed po-  
 tius de Custode Cathedralis, aut Collegiæ Ecclesiæ,  
 quem Thesaurarium dicimus, & plerumque Cano-  
 nicos dignitate præcedit, tum officia jam descripta,  
 tum illa ab Archidiacono dependentia sat innuunt;  
 præsertim cum in dicto Capitulo 2. referatur ex Con-  
 cilio Toletano, eam esse Custodis eminentiam, ut in  
 his tribus, nimirum, Archidiacono, Archipresbytero  
 & Custode, tanquam in tribus Ecclesiæ Columnis con-  
 sistere debeat *alma Mater Ecclesia*: Quæ nullatenus  
 congruere Custodibus sive Matriculariis Parochialium  
 Ecclesiarum non videt. Quapropter cum de his  
 duntaxat hoc titulo agere decreverim, functiones non  
 tam ex jure communi, quam Synodis Belgicis,  
 quæ de his Custodibus ex professo agunt, petendæ  
 sunt.

Illud cum primis ex Synodis constat, Custodes esse  
 Parochorum eorumque vices gerentium, in administra-  
 tione Sacramentorum divinorumque Officiorum per-  
 solutione ministros, & administratos.

III. „ Pastori, vel ejus vices gerenti, ait Synodus  
 „ Gandensis, diebus Dominicis & Festis Vesperas &  
 „ Lau-



„ Laudes vespertinas solemniter decantanti, Custosin  
 „ habitu decenti & superpelliceo indutus debere assiliter,  
 „ prout & Missam solemnem vel privatam quocum-  
 „ que anni die celebranti, ac paratus erit quacumque  
 „ hora illi à Pastore significanda saltem quoad Missas,  
 „ ut Pastori inserviat in muneribus Pastoralibus ipsius  
 „ auxilium requirentibus; cavebit igitur, ne sine Pa-  
 „ storis licentia sese absenter; imò si interdum ob ne-  
 „ goria privati domo sua abesse cogatur, manda-  
 „ mus, ut alteri idoneo & Pastori grato vires suas  
 „ committat, vel de absentia sua domesticos aut vi-  
 „ cinos suos vel ipsum Pastorem certiore reddat,  
 „ quoniam pergat, quatenus necessitate vel occasione  
 „ urgente facile valeat reperiri & advocari. „ *Tit.*  
*16. cap. 19.*

Huic conformes sunt pleræque Belgicæ Synodi, ad-  
 ditque Audomarenfis 1583. *tit. 20. cap. 2.* „ Orna-  
 „ menta bonæque Ecclesiæ solliciti sint ut ne perdantur;  
 „ seduli ut lacerata frastave restaurent, aut Ecclesiæ im-  
 „ pensis restaurari curent, prudentes ut detrita inde-  
 „ core non prodeant in servitium Dei. Dent operam  
 „ ut sursum & deorsum in templis omnia sint munda  
 „ ac nitida. Pavimenta, parietes, altaria, altarium  
 „ tecta & sacras vestes tergant frequenter. Altarium  
 „ mappas, Sacerdotum amictus atque albas, sacra Cor-  
 „ poralia, calicum purificatoria, priusquam evadant  
 „ sordida, mutant, aut Sacerdotibus mutanda dent:  
 „ phialas sive ampullas, quibus vinum & aqua submi-  
 „ nistrantur, singulis septimanis ut minimùm lavent,  
 „ ac mundent. Non permittant nec dent Sacerdoti-  
 „ bus ad Sacrificium panem mucidum aut maculosum,  
 „ vinum acidum, impurum, evanidum, aut quod pri-  
 „ die profana mensa respuerit. Denique in omnibus  
 „ diligenter & fideliter quæ officii sui sunt præstent,  
 „ magnis à Deo præmiis remunerandi.

Quæ hæc Synodus fusiùs, paucis comprehenderat  
 Synodus I. P. Cameracensis: „ Vestes, ornamenta,  
 „ suppellectilem diligenter conservent, exponantque,  
 „ & reponant honestè ut dignum est. „ *Tit. de mi-  
 nisteriis Eccles. cap. 18.*

Verùm non ubique curæ Custodum eadem concredi;  
 sed alibi pauciora; sicut indicat Synodus Namurcenfis  
 anni 1684. statuens, „ Ut iis in locis, ubi Matriculariis  
 „ cura & custodia ornamentorum & aliorum mobilium  
 „ bonorum Ecclesiæ committuntur, non admittantur  
 „ ad hoc munus, nisi sufficientem iudicio Pastoris &  
 „ præcipuorum Parochianorum, de iis fideliter con-  
 „ servandis & restituendis præbuerint cautionem. „  
*Tit. 9. cap. 11.*

IV. Quoad hanc cautionem à Custodibus præstan-  
 dam, Synodus D. Mechl. 1609. vult, ut requisiti dent  
 cautionem pro his, quæ illorum curæ committuntur.  
 Similem cautionem alia Synodi quoque exigunt; eam-  
 que nonnullæ sufficientem iudicio Pastoris & Notabi-  
 lium; in qua re uniuscujusque Ecclesiæ consuetudo &  
 statuta attendenda sunt.

V. Denique præcipit jam citata Synodus Namur-  
 cenfis *cap. 12.* „ Ut moneantur diligenter ac frequenter  
 „ à Pastoribus, ut nullas in altaribus aut in parietibus,  
 „ nec in ipso templi pavimento, imò nec in cæmeteriis  
 „ notabiles fordes patiantur, sed reipsa omnibus co-  
 „ stentur, se diligere decorem Domus Dei, cujus mi-  
 „ nisterio sunt mancipati.

5. *Simoniam sapit, vendere Officium Custodis.*  
 6. *Tangitur abusus circa Ministerium Missæ.*

I. QUI functiones & munia Custodum, præcedenti  
 capite breviter exhibita expendit, haud dif-  
 ficulter fatebitur, Custodes Ministris Ecclesiæ, eorum-  
 que Officia Ecclesiasticis Ministeriis esse annumeranda:  
 Adeoque eas merito in Custodibus conditiones & qua-  
 litates requiri, quæ dignos Ecclesiæ Ministros decent;  
 eaque omnia ab iis fugienda, quæ hujusmodi Ecclesiæ  
 Ministros dedecent; & per quæ ministerium ipsorum  
 vituperatur.

II. „ Considerantes indecorum esse, inquit Pa-  
 „ tres Synodi Brugenfis sub Druitio, statui Ecclesiasti-  
 „ co, Læcos, quibus jure vetitum est, cancellos sive  
 „ chorum Ecclesiarum ingredi, Custodum officia in  
 „ diversis Ecclesiis exercere: præcipimus & injungi-  
 „ mus singulis Decanis, ne deinceps quispiam ad cu-  
 „ stodiæ deservitutam admittatur, non tonsuratus, aut  
 „ bigamus, aut qui Ballivi, aut clientis Officium exer-  
 „ cet, aut in judicio criminali interfuit, suamque in  
 „ eo sententiam protulit, vel officium cauponarii vel  
 „ tabernarii aliudve vile & Clerico indignum exercet,  
 „ aut qui barbam deservit longiorem, seu vestem Cle-  
 „ ricis indecentem; atque ante admissionem dictis De-  
 „ canis de vitæ suæ honestate & fidei sinceritate testi-  
 „ monium scripto exhibeat.

III. Simile est Decretum iisdem penè verbis con-  
 ceptum Synodi Iprentis sub Rithovio anno 1577. *tit.*  
*25. cap. unico,* solosque *Tonsuratos* ad hoc ministe-  
 rium assumi permittens, „ & de quorum probitate,  
 „ religione, peritiâ, & laudabili conversatione, fide  
 „ digno testimonio (sicuti decet *Ministros Ecclesiæ*)  
 „ constet. „ Idem requirit Synodus Audomarenfis  
 anno 1583. *tit. 20. cap. 3.* Synodus quoque Antver-  
 piensis sub Miræo *tit. 16. cap. 23.* ad officium Custo-  
 dis non admittendos censet, „ qui Ballivi, Prætoris,  
 „ Procuratoris, aut simili officio funguntur, aut cau-  
 „ ponam aperiunt; cum hujusmodi officiis distracti, in-  
 „ quit, debere officium Custodis facere non soleant. „  
 Et *cap. 19.* edixerat, ut Custos assumatur, *qui boni sit  
 nominis & famæ, & bonæ conversationis, peritus  
 cantus.*

Quin Synodus Gandensis anno 1613. *tit. 16. cap. 12.*  
 & Decreta Synodalia sub Triest *tit. 16. cap. 20.* nec ad  
 deservitutam custodiæ admitti volunt, „ qui Colle-  
 „ ctoris vectigalium, cauponis, tabernarii, vel aliud  
 „ vile & sordidum officium exercet; nec bigamum,  
 „ sine legitima dispensatione.

Denique Synodus I. P. Cameracensis *tit. de ministe-  
 riis Ecclesiasticis. cap. 10.* paucis multa comprehen-  
 dens, ait: „ Matricularii, & Custodes Ecclesiarum  
 „ munera sordida, & planè laica non obeant: Ne sint  
 „ publicani, sylvarum Custodes, villici locatarii, nec  
 „ vestitu præ se ferant aliud, quàm castum & modestum  
 „ Ecclesiæ ministerium, cui sunt attributi.

IV. Nullatenus ergo ambigi potest, quin Synodi  
 Belgicæ uno consensu Custodes Ministris Ecclesiæ  
 annumeraverint. Hinc Synodus Audomarenfis loco  
 jam citato, ait: „ Assumpti autem qui fuerint,  
 „ abstineant omni tabernarum ingressu & conversatio-  
 „ ne indecenti, vitam ducant Dei Ministris dignam,  
 „ nec prodeant, saltem in Ecclesiam aut ad obeundum  
 „ quod sui est muneris, nisi in tonsura & habitu  
 „ decenti.

Et Synodus Mechl. P. II. *tit. 17. cap. 15.* vult, ut in  
 sua assumptione promittant, „ se in officio Divino &  
 „ administratione Sacramentorum superpelliceo usu-  
 „ ros, alioquin officio privandos. Et si Custodes non  
 „ resideant, teneantur providere Ecclesiæ de idoneo  
 „ aliquo substituto, cum stipendio Ordinarii arbitrio  
 „ illi constituendo.

V. Ex his patet, Synodos nostras conformiter  
 ad jus commune non dubitasse, quin officium Custodis  
 seu

## CAPUT II.

Qui ad Officium Custodum admittendi, & qui  
 rejiciendi.

1. *Custodes Ministris Ecclesiæ annumerandi.*
2. *Horum qualitates habere debent.*
3. *Secularibus Officiis implicati assumi non possunt.*
4. *Debent se exhibere ut Ministros Ecclesiæ.*

seu Matricularii sit officium Ecclesiasticum; ipsique Ministris Ecclesiae sint annumerandi; ideoque tanquam indubitatum supposuerint, veram esse Simoniam mediante temporali hujusmodi officium vel impetrare, ut in casu occurrente etiam respondit Wamsius, *conf. 562.*

VI. Adhuc si quis attendat morum ac vitae honestatem aliasve conditiones in Matriculariis requisitas, eo titulo quod Parochis in suis assistere debeant functionibus, facile intelliget, quam à Patrum mente alienum sit, quod in præcipua & sublimissima functione, scilicet Sacrificio Missæ, assistat nescio quis sordidus & immorigerus puer; isque tanquam Minister nomine totius Ecclesiae Sacerdoti respondeat; sed de hoc summo & nunquam satis deplorando abusu plura, *Part. 2. tit. De Sacrificio Missæ.*

### CAPUT III.

A quo Custos constituendus; & quæ ejus Jura?

1. *Jure communi electio Custodis spectat ad Parochum.*
2. *Consuetudine aliqvò titulo ad Aedituos aliosve spectare potest.*
3. *Parochus suum Ministrum habere debet.*
4. *Unde Custodibus competentia assignanda.*
5. *Custos partem suam habet in oblationibus.*
6. *Circa hoc jus Custodis observanda Consuetudo.*

I. CUM Custodes sint ministri Pastoris ut ipsi serviant in iis omnibus quæ muneris ejus sunt, ut loquitur Synodus Audomarensis *tit. 20. cap. 2.* naturale est, ut Parocho competat jus constituendi Custodem tanquam ministrum suum; ideoque, nî contraria consuetudo aut alius legitimus titulus probetur, quo Parochus excludatur, non apparet quâ ratione ab electione excludi queat.

II. Quia tamen Matricularii quoque ornamenta aliaque Ecclesiae utensilia curare est, quorum cura & ad Aedituos Ecclesiarum solet spectare; hinc consuetudo multarum Ecclesiarum in constituendo seu eligendo Matriculario, ipsos Aedituos unâ cum Parocho admittit.

Quin tamen ex singulari titulo, aut legitimâ aut longâ consuetudine ad alios jus illud transferri possit, dubium non est. Unde primò & ante omnia de titulo & consuetudine inquirendum, si verò de his non constet, aut non satis probentur, eo casu juxta jam dicta Parochus & Aeditui ad constituendum Matricularium præ cæteris fundati videntur.

III. Jam pridem decretum fuit in Concilio Nanne-  
rensi relatum in *cap. 3. De vita & honestate Cleric.*  
" Ut quisque Presbyter, qui plebem regit, Clericum  
" habeat, qui secum cantet, & Epistolam & Lectio-  
" nem legat, & qui possit tenere scholas, & admo-  
" nere suos Parochianos, ut filios suos ad fidem dis-  
" cendam mittant ad Ecclesiam; quos ipse cum omni  
" castitate erudiat.

Clericum, de quo in citato Decreto, eundem esse, quem hodie *Custodem* vocamus, inter Canonistas convenit; & monet Boëtius Epò in commentario ad dictum Capitulum.

IV. Ulterius ad citatum Capitulum notat Glossa, quod Ecclesia dedicari non debeat, nisi dos pro duobus ad minus sufficiat Clericis.

Proinde non Parochus duntaxat, sed & Custos jus habet; ut sibi tanquam Ecclesiae Ministro dos competens ad sustentationem assignetur ex proventibus Ecclesiae. Ideoque cum decimæ sint institutæ, & ab Ecclesia ordinatæ, ut Ministri Ecclesiae intertineantur (a), si hæc ad Monasteria aut Capitula transierint, tenebuntur eam dare ex illis portionem, ut non tantum Parochus, sed & ejus Minister, qui illi functionibus suis assistere debet, decenter vivere queat.

Hinc Synodus Tridentina *Seff. 24. cap. 13. De reformat.* tantum ex primitiis, decimis, aut aliunde redigi vult, quod pro *Rectoris aut Parochiae necessitate decenter sufficiat.*

Cum ergo ambigendum non sit, quin Matricularius Parochiae necessarius sit, nec ambigendum videtur, quin & assignanda è decimis competentia illius quoque necessitati respondere debeat.

Hæc tamen intellige, nisi consuetudo aliisve legitimis titulus onus sustentandi Custodem ad alios transtulerit, uti in Belgio multis in locis onus illud incolis incumbit.

V. Deinde cum Custos in Officiis Ecclesiasticis Parocho ut Minister accedat; justumque sit, ut qui Altari servit, de Altari vivat, nequaquam injustum est, ut Custos de oblationibus aliisque in ejusmodi officiorum perfolutione dari solitis participet, quod & in plerisque Ecclesiis consuetudine obtinuit.

VI. Attamen circa quantitatem & particularia quædam oblationum jura, Ecclesiarum non una sæpe est consuetudo; quæ cum nihil per se inordinati habere soleat, observanda est; ut in casu occurrente rectè respondit & probavit Wamsius, *Confil. 436.*

(a) Soient entretenus.

## TITULUS V.

DE AEDITUIS ECCLESiarum PAROCHIALIUM, ET MAGISTRIS PAUPERUM SEU MENSARUM SANCTI SPIRITUS. (a)

### CAPUT I.

Qui, & à quibus constituendi? & quod ab electis præstandum juramentum?

1. *Jure communi & moribus hodiernis eligendi sunt ex communibus Laicis.*
2. *Interdum possunt esse Ecclesiastici.*
3. *Illorum electio pendet à consuetudine.*
4. *Justum est ut interveniat Parochus.*
5. *Potest tamen subinde excludi.*
6. *Quid Parocho incumbat, dum electioni intervenire nequit.*

(a) Tuteurs ou Commissaires des Pauvres.

7. *Juramentum noviter electi.*
8. *A quo recipi debeat.*

I. Q UOD piorum locorum Rectores, locorum ipsorum curâ postpositâ, bona, res & jura ipsorum interdum ex occupatorum & usurpatorum manibus excutere negligenter; quinimò ea collabi & deperdi, domus & ædificia ruinis deformari permetterent; quin & proventus eorum in usus suos damnabiliter converterent, videns Synodus Viennensis, statuit: " Ut nullus ex locis ipsis secularibus, Clericis in beneficium conferatur; etiam si de consuetudine (quam, ait, reprobamus) hoc fuerit observatum; nisi in illorum fundatione secus fuerit constitutum, seu per electionem sit in Rectore locis hujusmodi pro-  
" videntur.

videndum; sed eorum gubernatio Viris providis, idoneis & boni testimonii committatur, qui sciant, & valeant bona eorum ac jura utiliter regere, & eorum proventus & redditus in personarum miserabilium usum fideliter dispensare; & quos in usus alios bona prædicta convertere præsumptio verissimilis non sit. „ *Clem. QUIA CONTINGIT, De relig. domib.*

Conformiter ad hanc Concilii Viennensis Constitutionem iteratò à Concilio Tridentino innovatam, moribus obtinuit, ut *Æditui Ecclesiarum*, itemque *Magistri Mensarum S. Spiritus* eligantur communes Laici, boni Patresfamilias ex cujusque Parochiæ incolis; adeò ut nec Ecclesiastici, imò nec Laici nobiles aut Officiales; sed mercatores, opifices, alique simplices cives, aut pagorum incolæ sint eligendi; uti tradit Autumuus ad leg. 33. *Cod. de Episc. & Cler.*

II. Hoc tamen cum ea limitatione intelligendum, nisi ex fundatione, aut inveteratà consuetudine secus obtineat. Ecclesiasticos enim esse subinde Ecclesiarum *Ædituos*, seu *Magistros Fabricæ* non tantùm ipsa multarum Ecclesiarum, præsertim quibus Canonicorum Capitula intendunt, consuetudo ostendit; sed etiam ipsa Synodus Tridentina supponit, volens; „ Ut Administratores tam Ecclesiastici quàm Laici, Fabricæ cujusvis Ecclesiæ singulis annis rationem administrationis reddere teneantur Ordinario, „ *Sess. 22. cap. 9. De reform.* Idem supponunt Concordata inter Carolum V. & Episcopum Leodiensem, uti manifestum erit ex verbis infra referendis.

III. Quibus verò *Ædituorum* seu *Magistrorum Fabricæ*, aut mensarum S. Spiritus electio competat, inter disciplinæ puncta referendum est, de quibus dicitur cum S. Augustino *Epist. 54. ad Januarium nunt.* 3. „ Nec disciplina ulla est in his melior gravi prudentique Christiano, quàm ut eo modo agat, quo agere viderit Ecclesiam ad quam fortè devenerit. „ Cum tamen hi Fabricæ & pauperum *Magistri* in hac bonorum administratione in locum ac vices Diaconorum, qui viduarum & pauperum mensis præpositi fuere, successisse videantur; primitivæ ac puriori Ecclesiasticæ disciplinæ sat videtur conforme statutum Archidiaconatus Hasbanæ in Ecclesia Leodiensi, cujus territorium etiam vicina nobis loca complectitur, (a) quo edicitur, nominationem Mamburnorum sive *Magistrorum* præcipuè ad Parochos spectare, nisi ex contraria & legitime præscripta consuetudine, aut in largitionum fundatione secus fuisse institutum appareat evidenter. Quibus rursum casibus nihilominus Pastores nominationi seu electioni nedum interesse, sed ut ritè omnia procedant, advigilare volumus. „ Quam re, ut major cautio adhibeatur, sient deinceps ejusmodi Mamburnorum electiones, populo imprimis Dominico aut Festo die immediatè diem electionis præcedente inter Missarum solemnias præcertiorato, & in termino per campanæ pulsus specialiter convocato, ut is dispiciat cum Pastore de magis idoneis eligendis.

IV. Quod de Parocho hic dicitur, de consuetudine ubique penè obtinet; ut nimirum Parochi interventu *Magistri Fabricæ* & pauperum nominentur; ipsaque Synodalia decreta probant.

Synodus Yprensis sub Rithovio *tit. 28. cap. 1.* „ Fabricis Ecclesiarum cujusque loci ex communi deliberatione *Pastoris* & Notabilium Parochianorum præficiantur *Magistri* seu *Gubernatores*, omni exceptione majores, bonæ conversationis & industriæ, atque ad bona Fabricarum conservandum, recipiendum, & utiliter dispensandum idonei & sufficientes, & nullo modo de hæresi suspecti. „ Idem de *Magistris Mensæ S. Spiritus* decernitur capite sequenti.

Passim receptum est, Parochum in electione seu no-

(a) Hasbania in ditone Leodiensi sita inter Brabantiam, Mosam & Leodium Urbem extenditur.

minatione *Ædituorum*, sive *Magistrorum fabricæ* & mensæ sancti Spiritus intervenire & suffragio gaudere, idiplum pro hoc Ducatu Brabantiæ confirmant Regula-  
menta autoritate supremi Senatûs Brabantiæ facta, occasione quæstionum, quæ super hac electione nec non administratione bonorum, ac proventuum distributione, ad fabricam & mensam sancti Spiritus spectantium exortæ, & ad supremum Brabantiæ Senatum delatæ erant.

Quantumvis enim ex his Regulamentis intelligatur in hoc Ducatu Brabantiæ electionem horum *Magistrorum*, nec eisdem personis ubique comperere; uti nec administrationem vel distributionem bonorum & proventuum, vel etiam audicionem computûs in omnibus Parochiis uniformiter deferri, nihilominus ex his habemus, Parochorum jus in his esse conservatum.

Cùm autem in his Regulamentis plura occurrant in hac materia notanda, & quæstionibus fopiendis opportuna, ea integra in appendice Monumentorum reulimus sub litt. B.

V. Hæc iisdem verbis reperit, suisque Decretis inseruit Synodus Audomarensis anno 1583. *tit. 21. cap. 1. & 2.*

Subinde tamen, vel ex fundatione, vel ex vetusta & nunquam interruptâ consuetudine etiam contingere potest, ut ad solos Laicos pertineat: quæ, licet nonnihil dura videatur utpotè excludens Parochum, cui primario cura Ecclesiæ & pauperum commendata censetur, tamen toleranda est; eamque supponunt Concordata inter Carolum V. & Episcopum Leodiensem in verbis: *Quod si Magistri Fabricæ, Mensæ S. Spiritus, aut Administratores Hospitalium Laici fuerint, & à Laicis instituantur, &c.*

VI. Veruntamen ubi consuetudo ad Laicos privativè hanc nominationem detulerit, Parochi erit electoribus inculcare rationibusque persuadere, ut sine acceptione personarum eligant illos; quos administrandis bonis Ecclesiæ & pauperum convenientiores scient: illis ostendendo, quòd si ex affectu carnali incapaces, aut parùm idoneos nominaverint, se coram Deo debitores constitui eorum omnium, quæ per minùs fidelem aut parùm providam horum administrationem Ecclesiæ aut pauperibus subtraherentur; quæque habituri fuissent, si sine acceptione personarum capaciores electi fuissent. Hinc Synodus Iprensis an. 1609. *tit. 20. cap. 19.* postquam monuit multùm interesse, ut semper probi & fideles *Magistri Fabricæ* & mensæ pauperum constituantur, subiungit: *Viderint proinde qui alios & negligentes creant, nun actionum similium iniquarum coram Deo participes esse velint.*

VII. Electi, priusquam administrationi se immiscere queant, medio juramento promittere debent in hujusmodi officio fidelitatem; quodque bona Fabricarum & pauperum conservabunt; & deperdita, quantum poterunt, recuperabunt; ac utiliter juxta Fundatorum intentionem & necessitatem obvenientem dispensabunt: quodque pro eorumdem bonorum conservatione & fidei dispensatione non minorem, sed, si fieri potest, majorem impendent operam & diligentiam, quàm circa res proprias. Hæc est formula juramenti expressa in Synodo Iprensi, sub Rithovio *tit. 28. cap. 1. & 2.* & Audomarensi 1583. *tit. 21. cap. 1. & 2.* cui quoad substantiam plerisque in locis consueta formula juramenti consonat, nisi quod alibi addatur aliquid de annua redditione computûs: uti videre est in Regulamento Consilii Flandriæ anni 1651. quod extat ad calcem Statutorum Synodaliû sub D. Triest.

VIII. A quo juramentum illud recipi debeat, non eadem est omnium Ecclesiarum consuetudo. Alibi enim à Pastore, tanquam primario Ecclesiæ & pauperum Intendente, & locum Episcopi tenente, recipitur: Hæcque consuetudo probatur à Synodo Buscoducensi tam sub Mersio, quàm sub Masio. Prima quidem mandat, ut *Magistri Fabricæ* & *Mensæ S. Spiritus* juramentum



in praesentia Parochi infra mensem à suscepta administratione praesentent, *tit. 24. cap. 7.* Altera verò ut antequam se administrationi immisceant, teneantur juramentum fidelitatis, instar tutorum & curatorum coram Parocho praestare, *tit. 12. cap. 1.*

Alibi verò consuetudo habet, ut juramentum illud recipiatur à Magistratu, vel primario Officiali. Et quidem citatum regulamentum Consilii Flandriae *art. 2.* injungit Magistris Fabricae & Mensae S. Spiritus praestare juramentum fidelitatis coram Ballivo, Scoltero, vel Sculteto, Drossardo, aut alio primario Officiali, ad quem pertinet.

Et cum Officialis Noviodunensis cujusdam Parochiae Magistros Fabricae evocasset ad praestandum juramentum; injecta appellatione tanquam ab abusu, juxta usum Regni Franciae, ad Parlamentum Parisiense, cassatum, nullumque declaratum fuit Decretum Officialis, dictumque est, juramentum hujusmodi Magistrorum, utpote qui Laici sunt, & solis rebus temporalibus praefixi, coram Superioribus Laicis esse praestandum. Papon *liv. 4. cap. 12. Arrest. 14.*

In his ergo cujusque Ecclesiae antiqua consuetudo tenenda est: unde Synodus Iprensis 1609. *tit. 20. cap. 22.* simpliciter dicit, "Ut qui admittuntur ad administrationem bonorum Fabricae aut Mensae pauperum, praestent Superioribus juramentum," non designando vel Ecclesiasticos vel seculares.

## CAPUT LI.

Quaenam praecipue ab Aedituis & Magistris pauperum in administratione bonorum observanda?

1. Res sibi commissas ut proprias administrare debeant.
2. Nihil alienare possunt sine Superiorum consensu.
3. A consuetudine pendunt, qui in alienatione intervenire debent: elocationes publicae instituenda.
4. Nec nisi praestita cautione.
5. In elocationibus prandia non facienda.
6. Lites non suscipiende sine auctoritate & praevio Superiorum examine.
7. Litterae fundationum, aliaeque monumenta sollicitè servanda.
8. Quid observandum dum ex Archivis aliquid extrahitur.

**I.** Imprimis ex ipsa lege iustitiae, & religione sui juramenti omni fidelitate res Ecclesiae & pauperum tanquam res proprias administrare debent; omnem impendentes curam & studium, ut nihil vel eorum negligentia pereat, aut deterioretur.

**II.** Pro securiori autem bonorum conservatione Principes nostri in Edicto ad Synodum P. II. Mechliniensem *art. 28.* conformiter ad jus commune interdixerunt omnem eorum alienationem, permutationem, oppignorationem sive hypothecationem; & in casum notabilis necessitatis, aut utilitatis, ratione cujus opporueret hujusmodi alienationi consentire, intentionis suae esse declarant, ut omnia praevidè examinentur, & sedulo discutiantur per Episcopum, aliosque ad quos hactenus recurri solitum fuit, & ut à singulis respectivè obtineatur eorum consensus in scriptis.

Similiter Philippus II. Hispaniarum Rex Edicto ad Synodum P. II. Cameracensem vult, ut Judices Regii alique habeant tanquam nullas & invalidas omnes alienationes rerum Ecclesiasticarum, "quae factae sunt, sine consensu Superiorum, & convenienti causae cognitione; idque non obstante quacumque contraria consuetudine quoad alienationes post Edictum factas. Insuper pro invalidis reputari vult venditiones granorum, quorum termini nondum effluxerunt, factas viliori pretio ob anticipatam solutionem.

**III.** Cum verò Edicta non exprimant, quinam prae-

ter Episcopum huic alienationi consentire debeant, sed ad consuetudinem hactenus observatam remittant, ea omnino attendenda & examinanda est; ut tamen Parochi, & Notabilium Parochianorum, qui de necessitate Ecclesiae, aut Parochiae, aliisve justis alienationis causis, prae ceteris melius solent esse instructi, judicium saltem expectatur, aequum justumque est. Unde & Synodus Iprensis sub Rithovio *tit. 28. cap. 4.* vult, "ut in majoribus negotiis, & maxime ubi de praedjudicio Fabricarum seu pauperum agitur, nihil administratores, nisi de unanimi Pastoris & Notabilium Parochianorum consensu attentare praesumant.

Adhuc ne in ipsa bonorum elocatione carnalis affectus se immisceat, ea viliori pretio amicitiae aliove humano intuitu elocando, cautum est Edicto Philippi II. Hispan. Regis supra citato *art. 25.* ne hujusmodi bona elocentur, nisi praevis tribus proclamationibus aut chartularum affixionibus in locis consuevis; vel saltem non elocentur minori pretio, quam bona vicina ejusdem naturae & qualitatis elocari consueverunt; ita ut nec accipi queat poculum vini in diminutionem mercedis elocationis, nisi de consensu Superioris, sub poena nullitatis talium contractuum.

Similiter Edicto Consilii Flandriae supra allegato *art. 5.* cautum est, ne Magistri Fabricae aut Mensae pauperum, aut Receptores quidquam elocent, nisi publice, praevia chartularum affixione, & proclamatione; plulque offerens praeratur.

**IV.** Idem pleraeque Synodi Belgicae inculcant; adduntque, ut non habeantur rarae elocationes nisi sufficienti cautione data. Synodus Audomarensis an. 1583. *titul. 21. cap. 4.* Mechl. an. 1609. *tit. 21. cap. 2.* & Iprens. an. 1577. *tit. 25. cap. 5.* quae & addit, ut elocationes fiant omni privato favore deposito, praesentibus Notabilibus & aliis, qui interesse voluerint.

**V.** Denique Synodus P. II. Cameracensis monet, ne in hujusmodi elocationibus prandia fiant sumptibus ipsarum fundationum, nisi quae à Fundatoribus sunt instituta.

Et tanè quid injustius aut inhumanius, quam bona pauperum, aut Ecclesiae ulibus deputata, in hujusmodi conviviorum inutiles & superfluos sumptus impendere? (a)

**VI.** Uterius cum inter majoris momenti negotia merito numerentur lites; quae, ut experientia notum est, non sine magnis sumptibus agi consueverunt; & ad quas Administratores & Receptores nonnunquam ob speratum lucrum ex vacationibus sunt justo procliviores, merito Synodalibus Decretis ordinatum est, quòd sine auctoritate Superiorum & praevio maturo examine, à Magistris institui aut suscipi non possint.

"Rectores Fabricarum aut Mensarum S. Spiritus nullas lites assumant (ait Synodus Antverp. sub Miraeo *tit. 21. cap. 25.*) nisi causa prius à nobis nostroe Vicariatu examinata, ne alicui inconsultà temeritate per injuriam molesti sint, atque non necessariis sumptibus, salariis, vacationibusque Fabricas aut Mensas pauperum gravent. Quòd si etiam causa gravioris momenti sit, committetur alicui ex Vicariatu aut Decano Christianitatis, ut antequam lites instituantur, cum adversariis serià ratione agant; ut si fieri possit, res sine strepitu Judicii terminetur, assumptis potius, si dubium fuerit, utrimque Jurisconsultis, quibus decisi negotii committatur: si quis secus fecerit, nullo modo expensas in Fabricae aut Mensae S. Spiritus rationes referat, nec Auditores rationum inferri patiantur, in quas fortè condemnatus erit, aut quas ab adversario recuperare nequiverit; sed eas ipse in poenam temeritatis suae luat.

Huic iustissimo Decreto passim consentiunt reliquae

(a) Exstat Decretum Episc. Leodiensis, datum an. 1686, adversus convivia ejusmodi, ceteroque abusus, qui in administrationem bonorum sive Ecclesiae, sive pauperum irrepere solent; relatum est ad calcem Volum. I. inter Monumenta sub Littera (C.) Synodi,



Synodi, requirentes in assumptione litis prævium Pastoris, vel etiam Episcopi, & Magistratus consensum. Synodus Namurc. anno 1639. *tit. 18. cap. 7.* Buscoduc. anno 1612. *tit. 21. cap. 4.* Iprens. 1577. *tit. 28. cap. 4.* Audomar. an. 1583. *tit. 21. cap. 4.* quæ duæ ultimæ generaliter decernunt, ut in majoribus & magis arduis negotiis nihil, nisi de unanimi Pastoris & Notabilium consensu, attentare præsumant.

VII. Denique cum experientiâ compertum sit, multa bona Fabricarum piarumque foundationum perire, aut deperdi, eò quod litteræ foundationum, aliæ monumenta ad probationem necessaria non satis fideliter & exactè conserventur; tum Principum, tum Synodorum Decretis sancitum est, ut omnia documenta, computus, & litteræ Ecclesiarum & pauperum referantur in unum respectivè archivum, quod vulgò dicitur *De com.* sub clausura trium diversarum clavium; quarum una sit penès Pastorem, altera penès Magistratum, & tertia penès Magistros Fabricæ vel Mensæ S. Spiritus respectivè; ita Edictum Consilii Flandriæ supra citatum; quod apertè supponit esse duo archiva, unum monumentis ad Ecclesiam spectantibus, alterum ad Mensam S. Spiritus pertinentibus subserviens; ut illius clavis sit penès Magistros Fabricæ, hujus verò apud Magistros S. Spiritus.

Edicto jam citato quoad archivum ejusque sub tribus distinctis clavibus clausuram Synodi nostræ consentiunt; sed pro monumentis Fabricæ & pauperum conservandis, unicum supponere videntur; cum passim clavium custodiam ita distribuunt, ut unam quidem Pastori, reliquas verò primario Mamburno seu Magistro Fabricæ, & primario Magistro Mensæ S. Spiritus respectivè committant. Etenim quoad hanc clavium custodiam, si reperiatur Ecclesiarum varia consuetudo, aut ordinatio, cuique Ecclesiæ servanda erit.

VIII. Additque citatum Edictum Consilii Flandriæ, & communiter Synodi nostræ, ut si quando necesse fuerit aliquod monumentum ex ipso archivo extrahi, loco illius in archivo ponatur scripta notitia cum expressione nominis & cognominis, & residentie illius, qui hoc monumentum accepit; unà cum signatura ipsius, quâ fatetur se illud accepisse.

Quod de clausura archivi seu scrinii pro conservatione monumentorum cautum, idem Edicto Caroli V. anni 1531. *art. 16.* & Synodalibus Decretis sancitum est circa gazophylacia sive truncos recipiendis Fidelium oblationibus exposita; ut nimirum tribus distinctis teris firmentur, utque clavium una sit penès Pastorem.

### CAPUT III.

Quomodo bona Fabricæ & Mensæ S. Spiritus dispensanda, & à quibus.

1. Bona Fabricæ & Mensæ S. Spiritus fideliter dispensanda.
2. Bona Pauperum ex humano affectu non dispensentur.
3. Non tantum inopia, sed & morum ratio in hac dispensatione habenda, & qui hoc nomine ab elemosina arcendi?
4. Quomodo Parochus in eorum distributione intervenire debeat.
5. Qui elemosinis gaudent à Parocho examinandi.

**B**ona Fabricæ sive Ecclesiæ, in usus Ecclesiæ esse fideliter expendenda, ipsa nominis etymologia evincit. Neque enim aliâ ratione dicuntur bona Fabricæ sive Ecclesiæ, nisi quod usibus Ecclesiæ sint destinata. Quapropter attendendum *Æditu*s aliisve bonorum illorum Administratoribus, ut fideliter in utilitatem Ecclesiæ proventus illorum expendantur; & si in alios usus ex aliquo humano affectu impenderint, restitutioni se reddi obnoxios. Similiter bona Mensæ S. Spiritus

Tom. I.

seu pauperum esse destinata in usus pauperum, ipsum nomen manifestat; adeoque & illa in pauperum usum fore impendenda.

II. Verum quia pauperum magna solet esse copia eorumque multiplex conditio; neque facile generaliter determinari queat, qui sint habendi ut pauperes, quibus hæc bona rectè impendantur; idque ferè arbitrio & prudentiæ credi debeat eorum, qui bonorum illorum dispensationi præsumunt, idèd in hac dispensatione facile ex humano amicitie, aut proprii emolumenti affectu à justitiæ tramite deflectitur, aut in vitium acceptionis personarum inciditur. Quod vitium haud evadunt, qui in distributione hujusmodi elemosynarum ex privato aliquo affectu minùs merentes magis merentibus præferunt; cum dubitari nequeat, offerentium hujusmodi elemosinas intentionem esse, ut dum omnibus pauperibus provideri nequit, magis merentes primò de illis participant.

Hinc Synodi nostræ passim sollicitè inculcant, "ut elemosinæ Mensarum pauperum sine humano affectu, & acceptione personarum, iis tantum distribuantur, qui verè pauperes sunt. Ita Synodus Mechl. ann. 1609. *tit. 21. cap. 11.* Idem & reliquæ Synodi communiter monent; additque Franciscus Sonnius Antverpiensium Antistes in Decretis Synodalibus *tit. de bonis Fabricæ & S. Spiritus cap. 6.* ut "in singulis Parochiis Mamburni S. Spiritus habeant Mensam convenienti loco positam ad distribuendas ex ea pauperum portionem, ut videat populus, neque indignos admitti, neque dignos repelli, fierique hanc distributionem sine personarum acceptione.

III. Monet præterea citata Synodus Mechliniensis, ut in elemosinarum distributione "non inopiæ & egestatis tantum, sed morum etiam, ac vitæ probitatis ratio habeatur.

Atque imprimis hoc nomine ab his elemosinis arcendi sunt validi mendicantes; qui hujusmodi elemosinis victitantes, in otio, & delidia, ac quæ exinde sequuntur multis sceleribus vitam ducunt: quos & Principes ab elemosynis arcendos multis Edictis sanxerunt. Nam ut de similibus monet Synodus Colonienfis 1536. *part. 11. cap. 5.* "Utilius enim elurienti panis tollitur, si de cibo securus justitiam negligat, quam eidem frangitur, ut seductus injustitiæ acquiescat.

IV. Hinc facile patebit, distributionem elemosynarum præ cæteris convenire Parochis, eisque primo loco deferendam; & si consuetudo eam Magistris derulerit, omnino convenire, ut ipsi in elemosynarum distributione Parochum ad minus consulant, & audiant. Hinc Synodus Iprensis sub Carolo Mafio, an. 1609. *tit. 20. cap. 16.* ait: "Distributiones elemosynarum libere semper fiant conscio Pastore; qui eas non ex humano affectu, aut cum acceptione personarum, (inquit capite sequenti) sed omnibus indifferenter verè pauperibus & probis honestisque vel ipse distribuat, vel distribui curet.

Similiter Synodus Namurcensis, an. 1659. *tit. 22. cap. 6.* "Elemosynæ Mensarum pauperum sine humano affectu & acceptione personarum iis tantum distribuantur, qui verè pauperes sunt; & in iis nihilominus vitæ ac morum probitatis cujusque ratio habeatur, ad quem finem, ait, poterit adesse Pastor loci.

V. Addit & meritò Synodus Buscoducensis sub Mafio *tit. 21. cap. 5.* "Ut diebus Dominicis & festivis post summum Sacrum & Concionem (quibus omnes interesse debent sub privatione elemosynæ) sine humano affectu distribuantur. "Deinde proseguitur: "Notabiliter ante Festum Nativitatis Jesu Christi & Paschæ Magistri S. Spiritus dabunt nomina Pastoribus gaudentium subsidio S. Spiritus, ut fidem eorum & Religionem cognoscant: non enim elemosynis gaudere poterunt, nisi de Confessione & Communione in Paschate docuerint.

E

Hæc

Hæc alique saluberrima Decreta & conditioni horum bonorum & legibus justitiæ distributiæ planè conformia, si exactè servarentur, non tantùm corporalibus, sed & spiritualibus necessitatibus pauperum quàm optimè provideretur. Adde Decretum Synodi Antv. suprâ citatum.

#### CAPUT IV.

Qui computibus intervenire debeant.

1. *Quis ex Decreto Concilii Tridentini hic intervenire debeat.*
2. *Episcoporum autoritas circa administrationem bonorum Fabricæ & Mensæ S. Spiritûs.*
3. *Synodus Tridentina cum limitatione hic recepta.*
4. *Qui interveniant secundum Concordatum inter Carolum V. & Episcopum Leodiensem.*
5. *Qui ex Edicto Philippi II.*
6. *Qui ex Edicto Alberti & Isabellæ.*
7. *Jus Patronorum.*
8. *Interdum cum Parocho intervenire debet Commissarius Episcopi.*

1. „ **A**dministratores, tam Ecclesiastici, quàm „ Laici, Fabricæ cujusvis Ecclesiæ, etiam „ Cathedralis, Hospitalis, Confraternitatis, eleemo- „ synæ, Montis Pietatis, & quorumque piorum loco- „ rum, singulis annis teneantur, ait Synodus Triden- „ tina Sess. 22. cap. 9. *De reform.* reddere rationem „ administrationis Ordinario; consuetudinibus & pri- „ vilegiis quibuscumque in contrarium sublati: nisi „ secus fortè in institutione & ordinatione talis Ecclesiæ „ seu Fabricæ expressè cautum esset. Quod si ex con- „ suetudine, aut privilegio aut constitutione aliquâ loci, „ aliis ad id deputatis ratio reddenda esset, tunc cum „ iis adhibeatur etiam Ordinarius: & aliter factæ „ liberationes dictis Administratoribus minimè suffra- „ gentur.

Ex mente ergo Synodi Tridentinæ in redditione rationum semper intervenire debet Ordinarius loci; nisi in fundatione contrarium expressè cautum sit.

II. Quamvis in Gallia non secus ac in Belgio tum ex particulari lege fundationis, tum etiam ex consuetudine, computus Fabricæ vel Mensæ sancti Spiritûs, nonnunquam reddantur coram aliis, quàm coram Ordinario, imò nec Ordinario ejusve Commis- sario interveniente, tamen plurimis Parlamentorum Arrestis in Gallia declaratum & ordinatum fuit, Aedituos seu Magistros Fabricæ debere ipsis Episcopis, eorumve Archidiaconis, vel Commissariis in cursu visitationis exhibere computus, ut ab ipsis revideri possint & examinari. Quin imò si de ipsa visitatione instituenda debite fuerint præmoniti Aeditui, seu Magistri Fabricæ; jubentur paratos habere computus, ut visitantibus Episcopis, eorumve Archidiaconis aut Commissariis eos exhibere queant; aliàs in defectum poterunt Episcopi, vel eorum Archidiaconi ipsis designare tempus, intra quod hos computus ritè exhibitos coram iis qui intervenire solent, deferant ad aulam Episcopalem, ut illos Episcopus ejusve Commissarius revidere & examinare queat, prout hæc omnia latius referuntur in Actis Cleri Gallicani Tom. 3. part. 3. tit. 3. ubi quoque notatur, quod in ejusmodi revisione & examine etiam possit intervenire *Procurator Regius*, si ita visum fuerit.

De hac Episcoporum autoritate circa proventus Fabricæ & Mensæ sancti Spiritûs eorumque admini- stratione in Gallia conservatâ, plura quoque tradit Du-Casse in suo Tractatu de Jurisdictione Ecclef. Tom. 1. cap. 9. n. 2.

III. Verùm notum est, Synodum Tridentinam in Belgio receptam ac publicatam esse cum quibusdam

restrictionibus, quas Regii Magistratus Regiæ suæ Majestati suggererant; quasque pro pace ac quiete harum Provinciarum, imò & faciliori ipsius Synodi executione necessariò adjiciendas publicationi Synodi judicabant; ipsumque Regem in literis tum ad Archiepiscopum Cameracensem, tum Regios Ministros, quibus executionem Concilii ut suis Ministris injungit, hanc addidisse clausulam: „ Ne quid mutetur aut „ innovetur circa jura Regalia, privilegia suæ Majes- „ tatis, aut suorum vassallorum & subditorum, & „ speciatim circa Superintendentiam Hospitalium, alio- „ rumque piorum locorum.

Igitur ad plenè dignoscendum, qui computibus & rationum redditioni hic in Belgio interviant, non tantùm Synodi Tridentinæ Decreta, sed vel maxime inveteratæ Belgii consuetudines, & specialia jura ex- quirenda sunt.

IV. Et quidem Concordata inter Carolum V. & Episcopum Leodiensem inita anno 1541. (quæ & in publicatione Concilii Tridentini Brabanti in hac mate- ria conservanda dixerunt) tit. 3. §. 11. habent: „ Quod „ si Magistri Fabricæ, Mensæ S. Spiritûs, aut Admi- „ nistratores Hospitalium Laici fuerint, & à Laicis „ instituti, rationes administrationum suarum reddere „ coguntur coram Superioribus suis, vocato ad hoc „ Curato, si resideat, vel eo absente Vice-curato, vel „ Vicario perpetuo residente, ut si voluerit interfit, „ absque eo quòd Decanus foraneus, aut alius Episcopi „ Commissarius necessariò vocari aut interesse debeat. „ Sequenti §. dicti Concordati cautum est, „ ut insti- „ tutio, destitutio vel correctio talium Administra- „ torum Laicorum & à Laicis institutorum ad eosdem „ Superiores Laicos pertinebit, & in casum negligen- „ tiæ ipsorum post monitionem per Episcopum eis „ legitimè factam, eorum negligentiam poterit Epif- „ copus supplere, rationes administrationum exigendo, „ puniendo, vel destituendo delinquentes pro illa vice. „ Si Administratores omnes vel major pars Ecclesiastici „ fuerint, tunc omnis cura Administratorum quoad „ computum, institutionem, &c. ad Episcopum spe- „ ctabit.

Igitur vi Concordatorum illorum, si Fabricæ aut Mensæ S. Spiritûs Administratores Laici fuerint & à Laicis instituti, rationes reddi debent coram eorum Superioribus & Curato, aut ejus Vice-curato vel Vica- rio perpetuo residente: Episcopus verò aut ejus Deputatus nequaquam vocari aut interesse debet. In casum tamen negligentia poterit Episcopus rationes exigere.

V. Edictum Philippi II. ad Synodum Cameracen- sem art. 13. cavet, „ Ut quo proventus Fabricarum & „ aliorum piorum locorum, melius impendantur, & „ fundationes, prout oportet, conserventur; *redditioni* „ *computus* proventuum Fabricarum, præsens sit & „ vocetur Curatus loci, vel Episcopus mittat unum „ alium suum Deputatum, quando ex causa id judi- „ caverit expedire; idque sine sumptu dictæ Fabricæ, „ & sine præjudicio juris vel autoritatis Regiæ, aut „ particularium Toparchorum (a) ipsorum locorum.

VI. In Edicto Alberti & Isabellæ ad Synodum Mechliniensem per octo articulos de administratione piarum fundationum & locorum tractatur; & quidem artic. 23. quasi præfando ajunt Principes, „ Conserva- „ tionem piorum locorum, eorumque proventuum „ specialiter sibi esse commendatam; utpotè cujus pars „ notabilis à Principibus suis Prædecessoribus, aut „ eorum Vassallis provenit, „ Deinde subdunt: „ Nos „ confidentes, nec dubitantes de bono affectu Archie- „ piscopi & Episcoporum hac in parte nobis assistendi, „ & satisfaciendi obligationi, quæ juxta Sacros Cano- „ nes ipsorum officio & dignitati annexa est, statui- „ mus, &c.

Agnoscent ergo Principes, Episcopis vi sui officii (a) Id est *Seigneuris*.

curam

curam Fabricæ piarumque foundationum specialiter incumbere; seque Edicta legesque suas eo dirigere, ut in hac officii executione Episcopis subsidio sint: quem in finem præterea inter alia, "quoad redditionem", computum seu rationum, præter illos qui hætenus interveniunt, sive ex parte Principum, sive Vassalorum, intentionis suæ esse declarant, & præcipiunt, conformiter ad id, quod jam ordinatum fuit per Edictum Regium ad Synodum Cameracensem 1. Junii anni 1587. ut Episcopi ejusve Commissarii in præfata computum redditione interveniant sine sumptu aut onere dictarum foundationum, pro meliori causarum directione, & uniuscujusque satisfactione; omnesque exorituræ difficultates sopiri queant communi arbitrio eorum qui computibus intendunt., art. 5.

VII. Observat Zypæus Consult. 7. de Parochiis num. 5. quod licet ex sententia Concilii Tridentini Patronis Ecclesiarum, aut piarum Foundationum videatur competere sola cura invigilandi, ne quid prodigatur, non autem statuendi; Edictum tamen Alberti & Isabellæ ad Synodum Mechliniensem art. 23. indifferenter vocat Patronos ad rationes audiendas, & super iis cum aliis statuendum.

Proinde hoc Edicto Principes nostri plus aliquid Patronis circa administrationem bonorum Ecclesiæ per se suosve Majores fundatæ vel dotatæ dedisse videntur, quam ipsa Synodus Tridentina.

Quod sanè quoad Patronos Laicos, quorum Majores Ecclesias ex suis bonis fundarunt, aut dotarunt, ratione non caret. Quis enim ambigat, quin pii Fundatores & Benefactores desideraverint, ut eorum hæredes curam haberent, ut hæc piæ Foundationes executioni mandarentur & conservarentur; & bona eum in finem relicta conformiter ad eorum piam intentionem & dispositionem impenderentur?

VIII. Ex Principum Edictis & Concordatis sat intelligitur, intentionem eorum fuisse, ut redditioni computum Parochus interveniat; imò & subinde ultra Parochum Episcopus ejusve Commissarius.

Et quidem cum ex Concordato inter Carolum V. & Episcopum Leodiensem expresse Parochus esset vocatus, & ex Edicto Alberti & Isabellæ præter illos qui consueverant intervenire, vocetur Episcopus ejusve Commissarius, non obscurum est, cur in istis Parochiis, quæ aliquando fuerunt sub Diocesi Leodiensi, unà cum Parocho interveniat Archipresbyter.

Nequaquam ergo Principum intentio fuit, per limitationem publicationi Concilii Tridentini adjectam, Parochum aut Episcopum omnino excludere.

Imò cum Sacri Canones, ipsorumque Principum Edicta jus interveniendi ejusmodi rationum exhibitioni adeo enixe, & evidenter Parocho & Episcopo asserant, consequens est, quod non nisi evidenter & juridicè contrario titulo probato Parochus vel Episcopus excludi queat.

## CAPUT V.

Quæ circa redditionem computus observanda.

1. Singulis annis computus reddendus.
2. Certus dies præfigendus; & à quo?
3. Conclusiones computum purgandæ.
4. Expensæ inutiles vitandæ.
5. Bona Pauperum in usum Communitatis non convertenda.
6. Proventus Fabricæ, aut Mensæ S. Spiritus non facile impendendi in sustentationem Vice-Pastorum aut Matriculariorum.
7. Defectus & abusus circa computus per quos corrigendi.
8. Qui cognoscere debeant de questionibus in hac materia exurgentibus.

Tom. I.

I. **R**ationes Fabricarum, & Mensarum pauperum aliarumque piarum foundationum, ait Synodus Mechl. P. II. singulis annis ubique reddantur, vel saltem, ubi tenuiores sunt earum proventus, singulis bienniis., Tit. 21. cap. 8.

Hanc annuam rationum exhibitionem non tantum Synodi, sed & Principum Edicta urgent; quin & juramento in sæpè citato Regulamento Concilii Flandriæ præscripto, annua illa computus exhibitio exprimitur, & exigitur.

II. Præterea Edicto Principum ad Synodum Mechliniensem art. 23. statuitur: "Ut Episcopi per se, vel per Commissarios cum interventione Patronorum, fundationum, vel aliorum qui hætenus curam habuere, alioquin primarii Officialis, certum perpetuumque diem præfigant, quo quotannis Administratores rationem seu computum reddant.

Regulamentum Consilii Flandriæ similiter certum diem singulis annis redditioni computus designat optat; vultque ut dies ille publicetur ante fores Ecclesiæ 14. aut minus 10. vel 8. diebus ante; ut unusquisque se juxta hoc gerere queat.

Cum ergo vi Edicti Commissario Episcopi, qui solet esse ipse Decanus Ruralis, primaria cura incumbat designandi diem redditionis computus, non dubium quin ex intentione Principum ipsi Decani Rurales specialiter invigilare teneantur, ut suo tempore computus fiant.

III. Adhæc non tantum invigilare tenentur, ut computus nondum exhibiti exhibeantur, sed insuper præcedentes computus examinare, & attendere, num conclusiones debite sint purgatæ, seu reliqua eorum plenè soluta, Synodus Mechl. P. II. tit. 22. cap. 10.

Quin & Regulamentum Flandriæ art. 3. vult, ut Administratores Fabricæ & Mensæ S. Spiritus intra 6. hebdomadas, vel ad summum duos menses à deposito officio, conclusiones suas purgent ad manus successorum, sub pena executionis.

IV. Ut verò paucioribus expensis fiant, decrevit Consilium Flandriæ, ut reddentes computum, aut quem hi designare volent ad describendum dictum computum, sive sit Grapharius Parochiæ, sive quis alius, non amplius possint accipere in singula folia extraque parte conscripta quàm quatuor asses, etiam cum duplicato; modò unaquæque pagina contineat 17. aut 18. lineas, & singulæ lineæ sex verba, sic ut Articuli inutiliter non extendantur, sub pena quod horum respectu in taxando salario nulla habeatur ratio ab Auditoribus computus.

Et Articulo 10. decernitur, ut "Auditoribus sive pro auditione sive conclusionem computus loco salarii singulis unus duntaxat florenus detur; Graphario autem pro lectione ac signatura tam originalis quàm duplicati duo floreni; neque aliquid præterea eorum intuitu in computum induci possit; ac signanter ne aliquæ convivations fiant ad onus Fabricæ aut pauperum.

Denique ut omnes superflue expensæ vitentur; nec quocumque colore bona Ecclesiæ vel pauperum in proprium suum commodum Grapharii alique Officialis divertant, cautum est, ne expensis Fabricæ vel pauperum amplius quàm duo exemplaria computus conficiantur: unum reponendum in archivis Ecclesiæ, & alterum ut maneat apud eum qui computum exhibuit.

Mandant quoque singulariter Synodi nostræ, ut à comestationibus & conviviis, quibus Fabricæ pauperesque gravantur in redditione computus & elocatione bonorum, absteineatur.

Et sanè qui inutilibus, superfluis, imò profanis expensis res pauperum & Ecclesiæ consumunt, aut in proprium usum quocumque prætextu convertunt, nequaquam ab injuria & restitutione excusari possunt: qua de re à Parochis interdum monendi sunt.

V. Quin nec id justum est, ut bona in elemosynas pau-



pauperum distribuenda convertantur in honoraria aut salaria eorum, qui Communitati serviunt; tamen si pauperes sint: cum ejusmodi salaria non ut elemosynæ debeantur. *Non detur*, ait Synodus Namurcensis an. 1639. tit. 18. cap. 23. *subulcis (a) vel Communitati servantibus aliquid stipendii è Mensa pauperum.*

Deinde cap. 27. monet: "Ut Pastores bona pauperum & Fabricarum, pro Sacris Hebdomadariis, De- functorum, Venerabilis Sacramenti, Supplicatio- num pompâ, Citharædis, ad libitum non expen- dant. Ne ea occasione Pastores res Ecclesiæ aut pau- perum vel in alienos, vel etiam indirectè in proprios usus divertant.

VI. Eadem ratione non videtur sat justum, ut pro- ventus dictorum bonorum quæ à fidelibus specialiter in usum fabricæ, ac notanter pauperum, sunt oblata, impendantur in honorarium Presbyteri Missam matuti- nalem celebrantis, vel etiam vice-Pastoris, aut matri- cularii, sive custodis.

Cum enim hic Presbyter Missam matutinalem cele- bret pro majori commodo totius communitatis; nec Beneficium, è quo honorarium haberi queat, fundatum sit, justum apparet, ut potius communitas onus hoc ferat, quam ut honorarium è bonis Pauperum desuma- tur, atque onus hoc solis pauperibus impositum cen- seatur.

Id non obscure indicavit Synodus Prov. 1. Mechl. anno 1570. tit. de *divino officio*. Desiderans enim ut in omnibus Ecclesiis Parochialibus habeatur Missa *matuti- nalis* pro ancillis & famulis, ordinavit, "ut eum in finem revideantur Capellani in Ecclesiis erectæ, aut illarum possessores ad residentiam compellantur, et etiam per *contributionem Parochianorum* honesto Sa- cerdoti stipendia vitæ constituentur, qui & Missam matutinalem peragat, & Pastori occupato, aut infir- mo in administrandis Sacramentis subveniat: idque conditione tali, quod consuetum in similibus stipen- dium à Parochianis recipere & retinere possit.

Quoad vice-Pastorem & Matricularium juxta dedu- cta sub titulo de *congrua portione Parochorum*, & sub titulo de *officio Custodum*, hi vel à Decimatoribus vel ex collectis Parochianorum, vel de Beneficiorum proventi- bus juxta juris communis & Concilii Tridentini dispo- sitionem intertinendi sunt.

Quapropter dum proventus fabricæ & notanter men- sæ sancti Spiritus in similibus Presbyterorum vel Matri- culariorum honoraria sive stipendia impenduntur, in effectu proventus fabricæ, vel mensæ S. Spiritus cedunt in emolumentum vel ipsorum Parochianorum, vel Decimatorum, quorum impensis hi Presbyteri vel matri- cularii essent intertinendi.

Si tamen his Presbyteris vel Matriculariis committa- tur specialis instructio puerorum, uti in pluribus Paro- chiis moris est, nequaquam injustum videtur ut ex pro- ventibus mensæ sancti Spiritus aliquid assignetur Sacer- doti vel Matriulario in honorarium, ut pauperes gratis instrui queant, quia hæc re ipsa in emolumentum & usum pauperum cedunt.

Unde in Decretis Francisci Buissieret Episcopi Namur- censis in Congregatione Capitulari Peldonienfi, tit. de *Matriculariis*, publicatâ anno 1612. 4. Junii, post- quam declaratum est ad Matricularios etiam pertinere, juventutem docere, subjungitur: *Ut autem suam mercede non frustrentur, Mamburnis permittimus, ut CONTEM- PLATIONE PAUPERUM quos docebunt GRATIS, aliquam ipsi portionem super bonis pauperum vel Ecclesiæ per- solvant.*

VII. Si autem contingat, "Episcopos eorumve Commisarios vel in visitatione, vel in ipsa compu- tum auditione deprehendere notabiles defectus, volunt Principes in Edicto ad Synodum Mechl. art. 30. de iis informari Fiscales Regios; ut hi ex officio

(a) Vils Domestiques. Legitur quoque *Subulcis*, *Porchers*.

hujusmodi defectibus & abusibus obvient, & reme- dium adhibeant.

Huic conforme est Decretum Synodi Namurc. anni 1659. tit. 16. cap. 27. statuens, ut "Ubi in rescrip- tionibus invenietur Mamburnos Fabricæ & Mensæ pauperum alicujus Parochiæ non reddere computum, ad nos deferantur, ut mox certiorato Procuratore Generali Brabantæ & Namurcensi respectivè per eos ad redditionem compellantur.

VIII. Quapropter si Edicta & quotidiana praxis attendantur, etiam in Belgio obtrivere videntur, quod de Gallia refert Carolus Fevret (a), nimirum Judices Regios esse in possessione cognoscendi de quæstionibus occasione computum, aut Administrationis bonorum Fabricæ exorientibus. Cum enim agatur de rebus pro- fanis seu temporalibus, ipsique Administratores sint personæ Laicæ; sustinent Magistratus Civiles, Aedituos & Magistros pauperum ratione suarum Adminis- trationum coram Ecclesiastico Judice conveniri non posse. Ideoque, ait dictus Fevret, omnia Parlamenta Galliæ abusivas declarant omnes simplices citationes Aedituorum ad Tribunal Ecclesiasticum, omnemque processum in ordine, ut coram Archidiaconis, aut Officialibus suos computus reddere compellantur. Vi- de etiam Renatum Choppinum de Polit. Ecclef. lib. 2. tit. 2.

Hanc disciplinam confirmat Articulus 26. Edicti Principum ad Synodum Mechliniensem, quo decer- nitur, "Ut si occasione resolutionis capte per Epis- copum ejusve Commissarium & alios Superintenden- tes auditioni computus, quispiam præterdat se læ- sum, is possit querelam deponere coram Superiore seculari Judice loci ipsius foundationis, de cujus Ad- ministratione agitur; cujus sumptibus tunc sustine- bitur, quod per Auditores decretum fuerit.

Eodem Carolo Fevret (b) referente, Judices Eccle- siastici nequaquam judicare possunt de destitutione, aut institutione Aedituorum & Magistrorum: quod & conforme est Concordatis inter Carolum V. & Episcopum Leodiensem initis, si Aeditui ac Magistri pauperum Laici sint, & à Laicis instituuntur; uti in Provinciis plerumque contigit: unde & quæstiones in hac materia occurrentes vix alibi quam coram Regiis Tribunalibus agitari videmus.

(a) Traité de l'Abus t. 1. p. 586. Ed. 1667.

(b) Ibid. t. 1. p. 587.

## CAPUT VI.

Proponuntur Regulæ generales in hac materia observandæ.

1. In hac materia alia sunt Juris naturalis, alia sunt mera disciplina.
2. In his primò inspicienda cujusque loci consuetudo.
3. Deficiente consuetudine, localium Synodorum Decreta, aut Principum Edicta.
4. Quædam circa Edicta Regia notanda.
5. Deficientibus Synodorum Decretis & Principum Edic- tis, attendenda Synodus Tridentina.
6. Post hæc recurrendum ad Jus commune.
7. Præ omnibus tamen attendenda fundatio.
8. Quid Edicto Melodunensi Gallis vetatur & jubetur?

I Nter illa, quæ hætenus dicta sunt de Adminis- tratione Fabricarum & Mensarum S. Spiritus sive pauperum, aliqua sunt, quæ lex naturalis servanda præcipit; quæque consequenter nec per locorum spatia, nec per temporum decursum mutari, aut variari possunt: v. g. quod bona ad Fabricam aut pauperum Mensam spectantia fideliter & in utilitatem Ecclesiæ ac pauperum administrentur & dispensentur; nullæ



nollæ superflue ac inutiles expensæ in eorum elocatione vel redditione computum fiant; lites aliæ negotia majoris momenti, per quæ notabile damnum bonis illis inferri posset, non nisi prævio maturo examine suscipiantur; proventus pauperum ita distribuantur, ut non tantum corporalibus, sed quantum possibile est, etiam spiritualibus necessitatibus pauperum succurratur; utque sine ullo humano affectu, & personarum acceptione magis merentibus dispenſentur.

Alia verò, eaque non pauca, sunt meræ disciplinæ ex eorum genere, quæ per loca terrarum, & temporum vicissitudines variari possunt. Exempli causa, à quibus eligendi *Æditi* aut *Mamburni*; à quo recipiendum eorum juramentum; qui redditioni computus intervenire debeant, & alia similia.

II. Super his ergo si forsitan quæstio incidat; primò & ante omnia inquirendum erit, utrum antiqua & hætenus non interrupta consuetudo & possessio non habeatur, quæ casum decidat. Hæc si habeatur, haud facile ab ea in hac materia, & punctis supra expressis, recedendum erit; sed servanda regula, quam in similibus tradit S. Augustinus Epist. 54. ad Januarium num. 3. *Nec disciplina ulla est in his melior gravi prudentique Christiano, quam ut eo modo agat, quo agere viderit Ecclesiam, ad quam forte devenit. Ipsa quippe mutatio consuetudinis, ut ibidem num. 6. dicit August. etiam quæ adjuvat utilitate, novitate perturbat.*

III. Deficiente verò consuetudine, vel ea dubia aut incerta existente, recurrendum erit ad localium Synodorum Decreta, aut Principum edicta in hac materia evulgata: ut si casus in illis decidatur, aut dubium illustretur, illis sit inhaerendum: præsertim tamen Principum Edictis.

IV. Illud vero hic observandum: licet Edicta nomine Principis, cui totum Belgium erat subiectum, emanaverint; inde tamen consequens non esse, hæc Belgium integrum sive omnes ejus Provincias concernere: quia subinde contingit ut Princeps non nisi unam Provinciam suo Edicto obligare velit: interdum duas, & aliquando omnes. Hoc ut dignoscatur, videndum qua qualitate Legislator loquatur, & quibus. Si omnibus salutem dicit, plerumque generalis Lex est; eoque casu ad calcem publicatio & executio Concilii aut Parliamentis omnium Provinciarum injungi solet. Mandata verò & Decreta solum Provincialia solis duntaxat qui sunt de illa Provincia inscribuntur: & in fine publicatio & executio Præsidi & Concilio illius

Provinciæ demandatur. Vide Zypæum in Proœmio Notitiæ Juris Belgici.

V. Si nec ex ipsis Synodorum Decretis, nec Principum Edictis decisio casus haberi queat, inquirendum erit, num ipsa Concilii Tridentini Decreta elucidationem subministrare queant. Nam ut in prolegomenis notatum fuit, & in terminis expressis Senatui Frisiæ 6. Junii anno 1569. respondit Consilium Secretum Regium; Synodus Tridentina in his Provinciis simpliciter publicata fuit, intimata solummodo Archiepiscopo Cameracensi ac Magistratibus Civilibus Regis voluntate de conservandis Provinciarum consuetudinibus & Juribus Regiis ac Vassallorum in hac materia: consequenter ubi vetusta consuetudo, aut Jus Regium aut Vassallorum non ostenditur, Tridentina Decreta subintrare debent.

VI. His quoque deficientibus, aut non satis aperte casum exprimentibus, ex Juris communis dispositione resolutio quæstionis petenda erit. Commune enim & receptum Jurisconsultorum principium est: Deficiente consuetudine & jure patrio, juri communi standum esse; illaque si dubia sint, eorum interpretationem ex jure communi desumendam esse.

VII. Porro hæc omnia intelligi oportet, nisi quidquam quoad administrationem ipsius foundationis à Fundatore præscriptum sit: quia leges foundationis in hac materia primum locum obtinere solent. Denique efficacissimum sopiendis quæstionibus remedium erit, si sincero pietatis zelo, in hoc pietatis & religionis opere omnes procedant, ostendantque se non querere quæ sua sunt, sed quæ Dei & pauperum.

VIII. Edicto Melodunensi Gallis expresse veritum est, ne bona per foundationem ad certum usum Ecclesiæ vel alicujus Capellæ destinata in alium usum convertant.

Additur præterea, quod si ad alios usus applicata reperiantur, in primum usum foundationis restituantur, uti refertur in Actis Cleri Gallicani Tom. 3. tit. 3. num. 8.

Prosequitur Edictum articulo ix. quod si ex dictis bonis post impletam Fundatoris expressam ordinationem, aliqua supersint, illa impendantur, vel in repARATIONEM Ecclesiæ, vel in emptionem ornamentorum, aliæ pietatis similia opera, conformiter ad sacros Canones, & non in alios usus, sub pena, quod ipsi *Æditi* seu Magistri fabricæ proprio & privato nomine pro his respondere debebunt.

## TITULUS VI.

### DE DECANIS CHRISTIANITATIS SEU RURALIBUS.

#### CAPUT I.

Archipresbyteri alii Urbani, & alii Rurales: Hi à quo eligenti.

1. *Antiquus Archipresbyterorum in Ecclesia usus.*
2. *A multis seculis plures in una Diœcesi Archipresbyteri constituti.*
3. *Archipresbyterorum electio & destitutio olim ad Episcopum & Archidiaconum, hodie ad solum Episcopum spectat.*
4. *Archipresbyteratus hodie nulli Beneficio aut determinatæ Parochiæ solet esse annexus.*
5. *Functiones Archipresbyterales unice pend dependent ab arbitrio Episcopi.*

I. **A**NTIQUUM esse Archipresbyterorum usum & institutum testis est Sanctus Hieronymus, qui in Epistola ad Rusticum ait: "Singuli Ecclesiarum Episcopi, singuli Archipresbyteri,

„ Archidiaconi; & omnis Ordo Ecclesiasticus suis Rectibus nititur.

Supponit quidem S. Hieronymus unicum fuisse in singulis Ecclesiis Cathedralibus Archipresbyterum, sicut unicuse erat Episcopus. Nec mirum; eo quippe tempore, prior Ordinatione inter Presbyteros Archipresbyter, seu primus Presbyterorum erat; itque toti Collegio Presbyterorum præsidebat: quemadmodum & hodie unicuse esse solet Archipresbyter in Cathedrali Ecclesia, qui omnibus Presbyteris & Clericis civitatis Episcopalis præesse consuevit; & Archipresbyter Cathedralis vocatur; atque inter dignitates numerari solet, de quo hic non agitur, sed de solis Ruralibus, id est, qui extra civitatem Episcopalem curam agunt.

II. Jam enim à multis seculis populo multiplicato, plures in una Diœcesi Archipresbyteri constitui ceperunt; qui extra civitatem Presbyteris & Clericis intenderent, & præessent; dicti propterea *Rurales*.

Et quidem seculo nono inter Constitutiones Riculfi Episcopi Suesionienſis cap. 20. legitur: "Rationi quoque

„que proximum est, ut unoquoque mense statuta die, id est, kalendis uniuscujusque mensis per singulas „Decanias Presbyteri simul conveniant, & de his quæ in eorum Parochiis accidunt, sermonem habeant.

Erant ergo jam tum Dioceses in certas Decanias distinctæ; sive designati districtus, quibus singuli Decani præessent; quæ disciplina ad hæc nostra tempora pervenit: hoc unum cavendum, ne pluribus præficiantur Ecclesiis, ut (sicut loquitur Synodus Mechl. P. I. tit. De Decanis cap. 3.) quàm possint commodè regere.

III. Si jus commune sive Decretalium spectetur, electio, uti & destitutio Decanorum Ruralium communiter ad Episcopum & Archidiaconum spectat; „Quia, cum ab omnibus, quod omnes tangit, (ait Pontifex in cap. 7. §. De Offic. Archid.) „approbari „debeat, & commune eorum Decanus officium exerceat, communiter est eligendus, vel etiam amovendus.

Atquia in Belgio omnis penè Archidiaconorum potestas & jurisdictio ad Episcopos revoluta est, ut infra dicetur, etiam in plerisque Belgii partibus obtinet conformiter ad Decretum Synodi Mechl. P. I. cap. 3. „Ut „Archipresbyteri Rurales in singulis Diocelibus pro „discretionem Episcoporum assumantur..... ac sint arbitrio Episcoporum amovibiles.

IV. Imò moribus Belgii passim obtinuit, ut non tantum Episcopi soli pro suo arbitrio Decanos Rurales constituant, sed insuper libertas eis sit, quemcumque & Presbyteris, quem huic officio maxime judicant convenire, eligere; nec solet officium Archipresbyteratus ulli determinatæ Parochiæ aut Dignitati, vel Beneficio esse annexum.

Similiter in potestate Episcopi est, districtum Decanorum vel extendere, vel limitare; imò & unam Decaniam sive districtum Archipresbyteratus in plures dividere; aut plures in unum conflare.

V. Functiones quoque & potestas Decanorum à commissione seu instructione, quam ab Episcopis accipiunt, unice dependent: unde in Litteris, quibus Archipresbyter ruralis constituitur, inferi consuevit hæc clausula: *Archipresbyterum districtus N. te nominamus & deputamus cum facultatibus hujusmodi Archipresbyteris concedi solitis ac consuetis juxta instructiones datas*

Ut ergo de officiis juribusque Decanorum Ruralium conformiter ad jus Belgii judicemus, Decreta Synodalia, ipsorumque Episcoporum instructiones, quibus facultates, & functiones Archipresbyterorum continentur, potius quàm Juris communis præscripta examinanda sunt.

## CAPUT II.

Decani Rurales Pastoribus & Ecclesiasticis sui districtus intendere debent.

1. Decani Rurales sunt Pastores Pastorum.
2. Tenentur ad residentiam.
3. Pastoribus invigilare, & de vita & moribus solliciti esse debent.
4. Qui in Decanos eligendi.

I. Archipresbyteros seu Decanos rurales esse Pastores Pastorum, sive curam Pastorum sui districtus agere, imò & omnium Ecclesiasticorum, nisi consuetudo aliufve legitimus titulus curam aliquorum ad alium detulerit, tum commissio Archipresbyteris dari solita, tum Synodalia Decreta manifestè supponunt.

Licet Archipresbyteri sive Decani rurales dicantur Pastores Pastorum, & frequenter etiam omnium sui districtus Ecclesiasticorum, ob curam pastorem ipsi incumbentem; nequaquam tamen habendi sunt ut ordinarii respectu illorum, quemadmodum Parochi respectu populi suarum respectivè Parochiarum.

Parochi enim titulo suorum Beneficiorum parochialium per institutionem canonicam tituli collativam, accipiunt curam animarum omnium fidelium intra districtum suæ respectivè parochiæ commorantium, jure ordinario, sive jure suorum Beneficiorum: Decani verò rurales eam duntaxat solent accipere ex commissione & delegatione Episcopi quasi jure delegato.

Uterius tamen de jure communi in cap. 4. §. de officio Archipresbyteri, videatur Archipresbyteris etiam cura plebis sive populi incumbere, adeoque inspecto jure Decretalium, videantur Decani rurales posse populo quoque Parochiarum sub suis respectivè districtibus Decanatus consistentium, Sacramenta administrare: mores tamen hodierni eorum curam ad Pastores & Ecclesiasticos suorum respectivè districtuum restrinxerunt, uti monet Zypæus responsio unico de officio Archipresbyteri num. 5.

II. Onus residentiae Archipresbyteris seu Decanis esse impositum declaravit Synodus Mechl. P. I. tit. de Decanis cap. 2. cum prius de residentia personali Pastorum dixerat, subjungit: „Cum eadem sit ratio de Pastoribus & Archipresbyteris seu Decanis ruralibus qui & ipsi Pastores Pastorum sunt, & eorum officium in observatione morum tam Pastorum quàm Laicorum sui districtus consistit; statuit hæc Synodus, ut sicuti singuli Pastores in suis Parochialibus, ita omnes Archipresbyteri seu Christianitatum Decani in suorum Decanatum limitibus ad personalem residentiam compellantur.

III. Et cap. 4. deinde infert, ut Archipresbyteri rurales in singulis Diocelibus pro discretionem Episcoporum assumantur, qui possint, inquit, Pastoribus vita, consilio & exemplo prodesse.

Synodus quoque Cameracensis, P. II. tit. 19. cap. 12. supponens Archipresbyteris curam Pastorum & Ecclesiasticorum incumbere, ait: „Decani autem rurales „Parochorum, adeoque omnium, etiam Sacerdotum „& Clericorum, quin & Laicorum suorum districtuum „mores diligenter observent, potissimum autem ut Pastores in prædicatione verbi Dei, Sacramentorumque „administratione, ac in cæteris omnibus suo muneri „satisfaciant.

Synodus etiam Aarverpiensis claris terminis hanc Archipresbyterorum obligationem expressit & declaravit: „Archipresbyteri seu Decani rurales, cum „sint Parochorum aut Sacerdotum sui districtus „Pastores, solliciti sint, ait, de eorum salute & profectu spirituali, & singularem habeant inspectionem & curam de ipsorum doctrina, vita & moribus. Et vicissim mandamus Parochis & Sacerdotibus, ut Decanos uti Superiores suos agnoscant, revereantur & ament.

Idem omnes passim Synodi & Episcoporum instructiones sollicitè inculcant; monetque Audomarensis tit. 18. cap. 1. „Decanorum esse in sui Decanatus partibus sive Parochiis curare, ut Sacerdotes & Clerici omnes, & singulariter ut Pastores vitam agant „sua vocatione dignam, ac talem ut nemo de ipsis „queri possit, nihilque in ipsis, nisi grave, modestum, imitationeque dignum conspici; deinde in hoc advigilare, ut Pastores in prædicatione verbi Dei, Sacramentorum administratione, & omnino in „functione pastoralis officii sui rectè, diligenter, & „quemadmodum oportet, versentur: Adhuc ipsos „quando opus fuerit, visitare, monere, corripere, „consolari, consilio ipsis subvenire: denique veri „Pastoris officium erga illos, sanos & ægros, vivos „& mortuos, exercere.

Addit Namurcensis anni 1639. tit. 21. cap. 6. ut eos hortentur, „ut quotidie aliquid temporis orationi „& lectioni spirituali tribuant.

Ut vero Parochiarum & Parochorum notitiam exactiorem habeant, rectè monet dicta Synodus Namurcensis, tit. 20. cap. 35. ut „Decani habeant aliquot „pro-

„ probos & sibi fidos Pastores, à quibus excessus vicinarum Ecclesiarum addiscant.

Duo hic notanda. Primum, omnia hæc à Synodis Decreta unice ac quasi per necessariam consequentiam profluere ex cura pastoralis, quam Archipresbyteri Pastoribus & Ecclesiasticis sibi subiectis impendere debent.

Ex quo ulterius consequens est, quod supposita curâ animarum ab Archipresbyteris omnia, quæ Synodi ac Episcoporum instructiones tanquam necessaria aut admodum convenientia pro debito illius curæ exercitio præscripserunt, eatenus semper & ubique essent observanda, in quantum cura pastoralis, quam Pastoribus aliisque Ecclesiasticis debent, requirere videtur.

IV. Alterum notandum, quam solliciti meriti sint Episcopi, ut doctiores, zelosiores, in cura animarum exercitiores, ac pietate morumque integritate eminentiores ad hoc officium eligantur; utpotè, qui non Laicis tantum, sed & ipsis Laicorum directoribus & conductoribus, vitâ, consilio & exemplo prodesse, & præire debeant.

### CAPUT III.

#### De Visitatione Archipresbyterorum.

1. *Visitatio Decanorum necessaria.*
2. *Singulis annis instituenda.*
3. *Primum de vita & moribus inquirendum.*
4. *Inducere studeant Pastores ad Officia spiritualia.*
5. *Satagere debent ut plenam notitiam Parochiarum sui districtus accipiant.*
6. *Præter annuam visitationem Parochias suas frequenter invisent.*
7. *Quæ potissimum Decanis attendenda, ut officium suum recognoscant.*

I. Cum Archipresbyteri omnibus Pastoribus & Ecclesiasticis sui districtus superintendere, & invigilare debeant; attendere quoque debent, num nihil in Parochiis sibi subiectis, ad earum debitum regimen & curam animarum spectans negligatur; nihil evidenti, quam inter primas Archipresbyterorum obligationes, esse Parochiarum sibi subiectarum exactam & frequentem visitationem; quâ mediante in notitiam Parochiarum venire, & corrigenda corrigere, aut ad Episcopum corrigenda referre queant.

II. Et quidem in omnibus Synodis Archipresbyteris injungitur, ut semel ad minus singulis annis Parochias sui districtus visitent, tempusque visitationi destinatum Pastoribus tempestivè præsignificent: caveantque serio, ne occasione visitationum comensationes ullæ fiant.

III. Inter cætera autem visitaturi sedulo inquirent, ait Synodus Mechliniensis P. II. *titul. 17. cap. 11.* „ An Pastores ipsi, ac reliqui Sacerdotes, & „ Ministri Ecclesiæ honestè vivant; & an officio suo in „ prædicatione Verbi Dei, celebratione Missarum, „ administratione Sacramentorum, ac cæteris omnibus, „ satisfaciant.

Et Synodus Namurcensis anni 1659. *titul. 16. cap. 13.* „ monet omnes Archipresbyteros, „ Ut annales „ visitationes obeunt, & aliàs diligenter inquirent, „ quibus rebus Pastores se impendant, ut si quos orio „ deditos repererint, ne nihil agendo malè agere „ discant, eos actionibus Ecclesiastico homine dignis „ incumbere, & per bona opera certam suam vocationem facere procurent.

„ Cui finii inducent omnes & singulos (pergit capite „ sequenti) ut quotidie ad mediam horam lectioni „ Scripturæ Sacræ aut alicujus pii libri, & aliam „ mediam horam divinarum mysteriorum, & maxime „ Passionis Christi meditationi insumant.

IV. „ Inducunt etiam illos, ut quotannis opportuno „ tempore se recolligant faciantque exercitia spiritualia „ apud eos qui in ista arte versati sunt, quibus sic absentibus providebitur populo de Sacerdote, qui tam in „ concionando, celebrando, quam confessiones audiendo, eorum vices suppleat.

Eadem & cætera Synodi Archipresbyteris inculcant; ut nimirum „ sedulo inquirent in suis visitationibus „ de vita, doctrina & moribus Curatorum & aliorum „ Presbyterorum, „ ut loquitur Synodus Brugenſis sub Druitio; quæ & addit: „ Ac Præceptorum seu „ Magistrorum; & cujus sint qualitatis, fidei, & nominis ac famæ.

V. Quibus consonant novissimæ instructiones datæ Archipresbyteris Diocesis Mechliniensis, quibus ante omnia injungitur: „ Curent visitationem, ut potissimum officii sui partem, sedulo, accuratè & cum „ timore Dei perficere, ac præcipuè invigilare, ut „ Altaria, ac Sacramentalia, ipsaque Tempia nitida „ serventur, Pastoresque ipsi, quoad obligationes & „ functiones suas Pastorales exacti sint & diligentes, an „ quo studio, quove exercitio otium pellant. Quare non „ plures una die visitabunt Ecclesias, quam commodè „ possint.

Varia alia, tum statum interiorem, tum exteriorem Parochiarum spectantia, super quibus Archipresbyteri visitando se informare debent, Synodi & instructiones Episcopales præscribunt; quo possint integrum Parochiæ statum plenè cognoscere, eumque Episcopo referre; ut ipse Diocesis suæ notitiâ habitâ, possit intelligere quæ pro bono cujusque Parochiæ ordinanda, aut facienda occurrant.

VI. Porro cum unicâ annuâ visitatione vix assaqui possint totius Parochiæ perfectam notitiam, rectè monent Synodi, ut præter visitationem ordinariam, datâ occasione, sæpius Parochias sibi commissas invisent. Synodus Antverp. *tit. 16. cap. 1.* Namurcens. anno 1639. *titul. 21. cap. 5.* Hinc & in *cap. 4. De Offic. Archipresbyt.* præcipitur, „ ut singulæ Plebes Archipresbyterum habeant propter assiduam erga populum Dei curam, qui non solum imperiti vulgi „ solitudinem gerat, verum etiam Presbyterorum, „ qui per minores titulos habitant, vitam jugi circumspectione custodiat, & quâ unusquisque industria divinum opus exerceat, Episcopo suo renuntiet.

Et Synodus Iprensis sub Rithovio *titul. 7. cap. 2.* Decanorum officium esse ait, „ Pastores, quando opus „ est, monere, corripere, visitare, consolari, bono „ consilio subvenire, ac veri Pastoris officium erga „ illos exercere.

VII. Uno verbo, recogitare debent Archipresbyteri, se esse constitutos Pastorum & Ecclesiasticorum sui districtus Pastores; & Vice-Episcopos ipsarum Parochiarum directioni intendere debere; ut vel ipsi defectus corrigant, vel ad minus Episcopum de omnibus plenè intendant.

Hinc apparet, officium Archipresbyterale gravius sanè esse, quam vulgò apprehenditur; atque ad illud non esse assumendos, nisi qui zelo & pietate Pastoribus præeant, ac eâ doctrinâ sint & eruditione, qui & Pastoribus consilia, & salutaria monita dare possint; & exactè ac prudenter defectus Parochiarum observare, & ad Episcopum referre.

Cæterum plura, quæ Archipresbyteri circa scholas, domos pastorales, ornamenta Ecclesiarum; imò circa Monasteria Monialium sibi subiecta, aliisque similia inquirere & facere tenentur, notabimus, ubi Parte secunda specialiter de illis rebus tractabitur.



## CAPUT IV.

## De Congregationibus Pastorum &amp; Archipresbyterorum.

1. Decanus cum expedire judicaverit Parochos sui districtus convocare potest.
2. Quomodo Capitula Pastorum instituenda.
3. Quid in illis tractandum; & quis eorum scopus.
4. Etiam Parochi sine Decano Capitula habere possunt utiliter.
5. Decani annuatim cum Episcopo convenire debent.

I. „UT Decani, quæ ipsis ratione Decanatus incumbunt officia, facilius exequantur, ait Synodus Iprentis sub Rithovio *tit. 7. cap. 3.* liceat iis, quoties expedire videbitur, omnes Pastores sui Decanatus ad aliquam parochialem Ecclesiam convocare, atque cum illis communiter & divisim consilia de pastoralis officio, & pro uniformi executione & observatione Statutorum tractare. Præter has extraordinarias ex causa constituendas Congregationes, volunt insuper Synodi nostræ, ut Capitula Pastorum singuli Archipresbyteri quotannis celebrent, præcisè illo die quem Ordinarius illis statuit. Synodus Mechl. P. II. *tit. 17. cap. 14.*

II. „Porro hæc ipsa Capitula sic celebrentur, ut ea non ad componendum, sed ad tractandum de rebus seriis indicta esse omnibus innotescat. Proinde in illis initium rerum agendarum sumatur ab invocatione Spiritus Sancti, quo dirigente de rebus Ecclesiæ conferatur. Prandium verò non fiat nisi frugale & moderatum, ut nemo sumptibus vel potu gravetur, nec unquam illud in taberna vel diversorio instituitur. Extranei quoque per quos tractatio de rebus Ecclesiæ possit impediri, ab eo excludantur. Ita Synodus Mechl. D. *tit. 16. cap. 9.* cui & aliæ Synodi consonant.

III. In his autem Congregationibus de morum correctione, abusuum reformatione tractetur, ait Synodus Cameracensis, P. II. *tit. 19. cap. 16.* & à singulis Pastoribus in scriptis referatur status suarum Ecclesiarum; item quidquid in eis defectus animadversum fuerit: vel ut loquitur Synodus Antverpiensis *tit. 16. cap. 2.* singuli Pastores liberè aperiant, si in suis aut vicinis Ecclesiis aliquos defectus aut transgressionem animadverterint.

Monent quoque Synodi, ut Archipresbyteri tanquam Pastorum Pastores, & Congregationis Præsides, eosdem ad Statutorum Synodaliū observantiam, ac diligentem munerum suorum adimplerionem, & defectuum suorum Parochianorum declarationem piā & seriā oratiunculā adhortentur. Synodus Buscod. sub Masio *tit. 16. cap. 5.* & Synodus Camerac. P. II. loco citato *c. 17.* quæ ejusmodi exhortationem haberi vult vel per Archipresbyteros, vel aliquem ex Pastoribus ab eis deputatum, in eum finem, ut omnes de abusibus aut negligentis à postrema Congregatione per eos observatis sincerè deponant.

Scopus proinde harum Congregationum unicus hic est, ut abusibus & defectibus, aut difficultatibus, vel mutuā collatione occurrere & mederi possit; vel eorum haberi exacta notitia; quā habitā de omnibus Episcopus informetur, & ejus auctoritate quod expedire judicabitur, statuatur.

IV. Præter hæc communia omnium Pastorum cum suo respectivè Decano Capitula, hodiè sunt non minus utiles Pastoribus inter se Congregationes, quarum meminit, & quas institui vult Synodus Namurcensis anni 1659. *tit. 16. cap. 16.* „Ubi cumque, ait, hætenus Pastores non sunt reducti in classes, qui singulis mensibus, & certo statuendo die, vel horis conveniant, ibique tractent de promovenda pietate in

„Deum, zelo animarum, & de scientia Pastoribus necessaria, fiat quantocius, ubi per temporum difficultates, & armorum strepitus licebit. Præscribentur quoque libri tam pii, quàm Theologici, quos ante proximum conventum legere tenebuntur, & in quibus examinandum, vel è quibus disputandum, & cum Confratribus conferendum erit.

Dum hæc Pastorum Congregationes modestè, piè ac vero pastoralis zelo instituuntur, nemo de earum fructu & utilitate dubitare poterit; summum tamen erit adjumentum, si inter eos sint aliqui scientiā, pietate & zelo eminentiores, qui juniores aut rudiores, vel tepidiores erudire, vel excitare queant; suæque auctoritate & eruditione Congregationem dirigere.

V. Adhæc, ipsi Episcopi exactius & opportuniùs, quæ & generaliter suæ Diocesis, aut aliquibus particularibus Parochiis conveniunt, statuere queant, nonnullæ Synodi ordinarunt, ut quotannis certo designatoque die omnes Archipresbyteri Episcopum accedant, atque cum illo de statu suorum respectivè districtuum conferant, exponantque quid singuli, tum in visitatione, tum in Congregationibus Pastorum, aut aliunde observant; quidque pro bono Parochiarum statuendum judicant; ac deinde post mutuam collationem, maturamque deliberationem audiant, quæ pro salute, ac utilitate animarum Episcopus statuenda & ordinanda duxerit.

Hic rursus intelligitur, quàm meritò Episcopi sint solliciti, ut constituantur Archipresbyteri eruditione, zelo animarum, & rerum agendarum peritiā eminentes, qui unā cum ipsis queant de statu & regimine Diocesis conferre & deliberare.

Tales sanè si essent Archipresbyteri, eaque annuatim Capitula ad morum & disciplinæ reformationem celebrarentur, spes esset, quod illa aliquatenus supplerent vicem Synodorum Diocesinarum, quas quotannis celebrandas præcipit Concilium Tridentinum *Sess. 24. cap. 2. de reform.* & hodiè pro dolor! unā cum totius disciplinæ collapsione, negligi penitus videmus.

## CAPUT V.

## De Juribus Archipresbyterorum.

1. Decani habent jus visitandi Parochias sui districtus.
2. Pastores illos ut Superiores cognoscere debent.
3. Decanorum est Pastoribus sibi subiectis administrare Sacramenta.
4. Etiam pro illis funebre Officium persolvere.
5. Pastores & Beneficiatos in possessionem introducere.
6. Jus habent interveniendi computibus Fabricæ, Hospitalium, Monasteriorum, &c.
7. Nonnulla observanda à Decanis circa usum suorum Jurium.

I. Archipresbyteris, sive Decanis Ruralibus incumbere curam Parochiarum suorum respectivè districtuum extra dubium est; adeoque jus est Archipresbyteris visitandi dictas Parochias, quoties id necessarium aut utile videbitur, ut debitam Parochiæ notitiam habere queant.

II. Adhæc cum Decani Rurales sint Pastorum & Ecclesiasticorum suorum districtuum Pastores, etiam justum est, ut Pastores & Ecclesiastici ipsos ut Superiores suos agnoscant, reverentur & ament, uti Synodi nostræ præcipiunt.

III. Porro quia Pastorum est, subditis suis Sacramenta administrare, etiam Decanorum est, Pastoribus aliisque Ecclesiasticis sibi subiectis Sacramenta porrigere. Hinc passim Synodi monent Archipresbyteros, „Ut ubi intelligent aliquem è sui districtus Pastoribus aut Sacerdotibus periculosè laborare, statim ad eum excurrant, moneantque ut saluti suæ consulat, „eique



„eique, si opus est, Sacramenta administrent. „ Ita Synodus Antverpiensis, tit. 16. cap. 4. cui passim reliquæ Synodi ac Episcoporum instructiones consonant.

IV. Uterius cum Pastorum sit subditis suis à vita decedentibus iusta persolvere, etiam Archipresbyteris ius est, „ Omnibus Ecclesiasticis tam secularibus, quam regularibus, (verba sunt Synodi Antverpiensis cap. 5.) „ extra Monasterium degentibus, in suo districtu „ morientibus, Sacramenta administrare, & officium „ funebre facere. Urgente tamen necessitate Pastor loci „ aut vicinus vices suppleat.

Addit insuper Synodus Namurcensis an. 1639. tit. 21. cap. 9. officia per Decanos sive Archipresbyteros fieri solita, „ ut puta exequiæ Pastorum, Sacerdotum, „ vel in Sacris Ordinibus constitutorum, nobilium, „ leproforum & alia huiusmodi, si per Prælatum vel „ alium fiant, servantur Decano sua jura.

V. In plerisque quoque Diocesisbus ius est Archipresbyteris introducendi Pastores aliosque Beneficiatos in possessionem; recipiendi ab iis Fidei professionem aliaque solita iuramenta. Quinimò in quibusdam locis obtinuit, „ ut nullæ literæ curæ animarum deservi- „ turæ, vel Vice pastoratûs cuiquam suffragentur, nisi „ præviè Archipresbytero istius districtûs exhibeantur „ & ab eodem subsignentur. „ Ita Decreta Synodalia Gandens. tit. 16. cap. 9.

VI. Solent quoque Archipresbyteri loco Episcopi intervenire computibus non tantum Fabricæ, aut Mensæ S. Spiritûs in Parochiis sui districtûs, sed etiam Hospitalium, Begginagiorum (a) & Monasteriorum Ordinario subiectorum.

(a) Begginagiorum nomine intelliguntur quarundam Virginum domus, quæ potissimum in Flandria & Brabantia vigent. Virgines istæ dicuntur *Beghines* aut *Beghinae*: hodiernam earum

VII. Verùm circa hæc aliaque jura & officia Archipresbyterorum notandum, illa plurimum ex consuetudine, & instructionibus, seu facultatibus, quæ Archipresbyteris in singulis Diocesisbus dari consueverunt, dependere, & variari; adeo ut ex consuetudine aut Decreto unius Diocesis, quoad similia ad alias Dioceses ordinariè non liceat inferre.

Denique recogitare debent Archipresbyteri, in tuendis aut exigendis iuribus, præsertim temporalibus, se admodum moderatos esse debere. Cum enim ipsi sint Pastores Pastorum; etiam officii eorum est, Pastoribus ostendere, & suo agendi modo vivaciter imprimere, quod prima cura & sollicitudo esse debeat salus animarum: Jura verò præcipuè temporalia parùm esse curanda; maximè ubi eorum rigorosa exactio nata esset profectum animarum & progressum Evangelii impedire.

Uno verbo, Archipresbyteri ita suorum jurium curam agant, ut tamen nunquam excidat, quod cum sint Parochorum & Sacerdotum sui districtûs Pastores, ante omnia solliciti sint de eorum salute & profectu spiritali, & singularem habeant inspectionem & curam de ipsorum vita & moribus, ac diligentia zeloque circa functiones Pastorales; seque respectu Pastorum gerant non ut dominantes in Clero, sed tanquam Patres & forma gregis facti ex animo. Pastoribus zelosis, & in officio Pastoralis obeundo intrepidis & ferventibus consilio, auxilio, & solatio contra obmurmuratores & refractarios suâ autoritate assistant & opulentur.

vivendi rationem sic exponit Lindanus: *Haec medium vitæ genus agens inter Monasticum & seculare. Certis legibus omnes vivunt de suo vixant, à votis libera sunt. Si nubere visum, migrare & nubant, non inusiti vitæ instituta, cum sine in illo & in altero sexu, qui neque libertatem ferre possunt, neque arctum imperium, quibus medium hoc vitæ genus saluti esse queat.*

## TITULUS VII.

### DE CANONICIS COLLEGIATARUM ET CATHEDRALIUM ECCLESiarUM, ET OFFICIIS JURIBUSQUE UTRIVSQUE COMMUNIBUS.

#### CAPUT I.

Unde Canonici Collegiatarum & Cathedralium Ecclesiarum hodie dicantur *SEculares*?

1. Synodi etiam Generales, Canonicos quosdam *seculares* vocant.
2. Vocabulum seculare nonnunquam in malam partem accipitur.
3. Seculares interdum dicuntur, qui civilibus negotiis præcipuè occupantur.
4. Vox secularis prout applicatur Canonicis, in malam partem non sumitur.
5. Quâ ratione Canonicè viventes, rectè dicantur *seculares*?

**C**ANONICOS Ecclesiarum Cathedralium & Collegiatarum non tantum à vulgo & imperitis, aut malevolis hominibus hodie dici *seculares*; eoque vocabulo distingui à Canonicis Regularibus in Monasteriis sub trium votorum professione viventibus, ex ipsis Conciliis manifestum est.

I. Synodus Lateranensis sub Innocentio III. non obscure distinguit Ecclesias Canonicorum *seculares* à Regularibus; sed manifestius ipsa Synodus Tridentina Sess. 7. c. 14. De reformat. *Seculares* Clericos à Regularibus distinguens; & alibi sæpius Regularium Canonicorum ut à secularibus distinctorum verba faciens, hanc nomenclaturam probavit.

Tom. I.

Quod igitur Canonici hodierni, qui votis Monasterii non astringuntur, dicantur *seculares*, ipsos offendere non potest, cum etiam ipsa Concilia eo nomine à Regularibus ipsos distinguant.

II. Verum vocabulum illud *seculare* frequenter in malam partem accipitur; ut v. g. ab Apostolo, ad Tit. c. 2. v. 12. dum præcipit, ut *abnegantes impietatem & SECULARIA desideria, sobriè, iustè & pie vivamus in hoc seculo*, negari non potest.

III. Similiter interdum *seculares* dicuntur, qui in civilibus rebus & actionibus occupantur, qui solliciti esse debent, quomodo uxori placeant, quomodo liberos honestè educent & doceant. A quibus negotiis cum sese Ecclesiasticus Ordo Deo mancipatus abstrahere debeat, dicente Apostolo ad Timoth. c. 2. v. 4. *Nemo militans Deo implicat se negotiis secularibus*, alii ad eorum discretionem homines *seculares* dicti sunt: ac frequenter in Canonibus Clerici huiusmodi secularibus opponuntur.

IV. Neque ergo etiam hac ratione Canonici aut alii quicumque Ecclesiastici, si conformiter suæ vivant vocationi, *seculares* dici possunt; neque hac significatione à Conciliis Canonici vocantur *seculares*; sed quatenus opponuntur iis qui recedentes à seculo ad claustra & solitudines se retrahunt; & exteriori professione per trium votorum emissionem omnibus secularibus & mundanis renuntiantes, seculo & mundo nuntium mittere; imò quodammodo mori dicuntur.

V. Horum ergo respectu Canonici, postquam rejecta

F

com-

communi vitâ, ſingularem vitam inter ſeculares vivere ceperunt, *ſeculares* dicti ſunt; non eâ quidem ratione, quâ Latci actionibus civilibus & ſecularibus impliciti *ſeculares* vocantur; ſed earenuſ, quòd jam in ſeculo, hoc eſt, inter ſeculares homines converſentur & haberent, qui antea in clauſtris ab omni mundi ſtrepitu & hominum ſecularium converſatione ſegregati planè è ſeculo exiſſe videbantur. (a)

Hinc Adamus Canonicus Præmonſtratenſis apud Molanum lib. 2. cap. 25. *De Canonicis*, cùm ſibi objeciſſet: " Si Canonici, quomodo ſeculares? Ut cignos „ nigròs, ſic audio dici Canonicos ſeculares: (*ſubdit*) „ ſed eſto, nec ipſum culpemus modum loquendi. Si „ quòd ſic appellentur, non quia criminibus ſeculi ipſi „ ſeculo conformati implicantur, ſed pro eo quòd tam „ arctum vivendi propoſitum non amplectantur, „ quàm arctum illi tenere videntur, qui Regulares ap- „ pellantur.

(a) Lex Longobardorum l. 3. t. 1. §. 8. alterum reponit diſcrimen inter Canonicos Regulares & ſeculares. Declarat Canonicos Regulares eſſe eos, qui ſecundùm regulam ſibi præſcriptam & propriam vivunt, cùm ſeculares dicantur vivere ſecundùm Canones ac regulam S. Auguſtini Clericis omnibus indiſtam. Leges autem Longobardorum à Rothari eorum Rege an. 707. in unum volumen redactæ ſunt.

## CAPUT II.

Canonici qui hodie dicuntur *ſeculares*, vitam communem & clauſtralem egerunt. Et quando ab ea receſſerint?

1. Canonici ſeculares olim in communi vixerunt.
2. Probatum pluribus exemplis.
3. Quando deſerit vita communis?
4. Quæ deſertionis cauſa?

I. SI antiqua Canonicorum monumenta & temporum hiſtoriæ revolvantur, nihil certius quàm pleraque, quæ hodie dicuntur Capitula Canonicorum ſecularium, vitam communem vixiſſe; eodem penè modo, quò hodie Canonici, qui dicuntur *Regulares*; licèt vota ſolemnia, præcipuè paupertatis non emitterent.

II. Et quidem in Eccleſia Leodiènſi ſeculo 12. vitam communem inter Canonicos adhuc ſuperſtitem fuiſſe ſcribit Bartholomæus Fiſen lib. 10. cap. 10. *Hiſt. Leodiènſis*, ubi loquens de Alberone Principe, ait: " Ipſo „ Principe, Canonicorum omnis diſciplina corruiſit, „ quam neque Præſides curârunt, neque Episcopuſ ipſe: ut qui negligere cœpit Deceſſoribus ſuis ſolemnes „ Collegiorum inſpectiones. *Claſtri* ergo ratione omni ſublata, dies nocteſque Collegia patuère, etiam „ equitibus curribuſque; cùm ad eam ætatem clauſa „ perfeveſſent, quo ritu hodie Monafteria.

Et anno 1189. Godefridus III. donans decimas Collegio Canonicorum S. Joannis Leodii, ait: " Et reſiduum fructuum in uſum Fratrum in Eccleſia veſtra „ reſidentium, juxta *portionem*, quæ unumquemque „ Fratrum in *refectorio* contingere debet, prout com- „ petens videretur, rationabiliter Capitulum diſpenſaret. „ Apud Miræum in Diplom. Belg. cap. 65. quæ evidenter vitam communem ſupponunt.

De Eccleſiis Cameracenſibus, aliſque vicinis reſtat Chronicon Cameracenſe per Baldericum; & de Trevirenſi, Wormatiènſi, Coloniènſi, aliſque Germaniæ Canonicorum Eccleſiis teſtis eſt Trithemius ad annum 975.

Et quid plura? Nonne vitam illam communem clament etiamnum " hodie *dormitoria*, *refectoria*, & alia „ id genus loca publica, quibus noſtri Ordinis Canonici, ait Aubertus Miræus in *notis ad Regulam Canonicorum*, olim uſi fuerunt, hodieque extant, & cum „ admiratione monſtrantur Colonia Agrippinæ, Tor-

naci, Leodii, Brugis, Inſulis, & alibi?

III. Hæc vitæ communis inſtitutio in aliquibus citius, in aliis ſeriùs deſiit. Circa ſeculum 10. nonnullos ad vitam ſingularem, abjectâ communi, convolaſſe tradit Trithemius loco citato: " Sub Theodorico Archiepiſcopo Trevirenſi, Canonici majoris Eccleſiæ „ ibidem abjectâ vitâ regulari, quam hucusque in eadem Eccleſia Majores eorum continuaverant, deſierunt eſſe Regulares, & facti ſunt nomine & converſatione ſeculares. Quorum exemplo malo Canonici „ quoque S. Paulini Trevirenſes, Sancti Caſtris in „ Conſtuentia, Moguntinenſes, Wormatiènſes, Spi- „ renſes, & complurium aliarum Eccleſiarum, diverſis „ quidem temporibus, ſed uno impietatis ſpiritu, Regularis vitæ communitatem abjecerunt.

IV. Hos ſucceſſivis temporibus alios ſecutos fuiſſe, Scriptores ſeculi 11. & 12. abundè reſtantur, & altè deplorant; eamque mutationem non authoritati Eccleſiæ, ſed defectui, & refrigefcenti charitati adſcribunt.

S. Ivonem Episcopum Carnotenſem audiamus, " Quòd communis vita, inquit, in omnibus Eccleſiis „ penè deſecit tam civilibus quàm Diſceſanis, non authoritati, ſed deſuetudini, & defectui adſcribendum „ eſt, refrigefcente charitate, quæ omnia vult habere „ communia, & regnante cupiditate, quæ non quærit „ ea, quæ Dei ſunt & proximi, ſed tantùm quæ ſunt „ propria. „ *Epist.* 60.

Similiter ſub idem tempus de hoc Canonicorum tranſitu à vita communi ad ſingularem loquens Stephanus Tornacenſis, dicit, Canonicos tranſitum illum feciſſe, *Quia diſpenſationis levamen libentiùs admittebant, quàm auctoritatis vigorem*. Quapropter urget Decanum Remenſem, ne patiatuſ hanc Eccleſiaſticam & diù ſervatam diſciplinam aboleri, neque tam faciliè *juventuti ſingulariter, ne dicam, ait, ſeculariter vivere volenti obediât*. *Epistola* 160.

## CAPUT III.

Ex deſertione vitæ communis quaſi naturaliter ſecuta eſt vitæ Canoniciſ diſſolutio.

1. Deſertio vitæ communis ſecum traxit ſolutionem diſciplinæ Canoniciſ.
2. Primum medium conſervandæ diſciplinæ Canoniciſ, quod ſuppeditabat vita communis, cum vita ſingulari deſiit.
3. Promittitur medium ſecundum.
4. Tertium.
5. Quartum.
6. Ex deſertione vitæ communis factum, ut in vita Canonici� homines mundani deſiderata invenerint.
7. Hinc totius diſciplinæ Canoniciſ ruina.

I. VIX ullum reperire eſt Scriptorem, qui Canonicorum è vita communi ad vitam ſingularem tranſitum reſert, quin unâ referat & deploret ut ex ea ſecutam totius Canoniciſ diſciplinæ relaxationem; teſtetuſque è Regularibus, non nomine duntaxat, ſed vitâ & moribus etiam factos *ſeculares*. " Etenim, ait „ Dionyſius Carthuſianus, quæ, quanta & qualia vitia orta ſint atque quotidie oriantur ex relaxatione illa vitæ communis dormitoriiſque ejuſdem, experientia potiùs docuit, quàm lingua poſſit explicare.

Quàm verò hæc vitæ Canoniciſ diſſolutio ex ea vitæ communis in ſingularem commutatione naturaliter & quaſi ſua ſponte profluſerit, ultro fatebitur, qui utramque vivendi normam, & exteriorem diſciplinam paulò attentius conſideraverit.

II. Dum in communi vivebant, ſimul in uno reſiciebantur *refectorio*; menſuramque portû & cibi Superiores pro neceſſitate, non pro voluptate moderabantur: iplaſque convivia ſacrâ ſemper lectione con-

diebantur. Unde de Canonicis Remensibus adhuc in communi viventibus, quali exultans scribit Stephanus Tornacensis: "procedentibus unanimiter de Missa ad Mensam, de spiritali refectioe ad corporalem, præmissâ invocatione Dominicâ, & signo benedictionis super cibum extenso, reficiebant convivæ Domini minùs ventrem, quàm mentem, sonante eis per ministerium lectoris *divino eloquio*." Epist. 160.

At arreptâ vitâ singulari, tum non secundum moderationem & discretionem Superiorum cibus potusque subministrabatur, sed suo quisque arbitrio mensam suam instruere potuit, deliciisque, quantum placuerit, affluere, genioque & concupiscentiis indulgere. Pro lectione sacra discursus non tantum otiosos & seculares, sed & pejores liberum fuit permittere.

III. Vita communis de bonis & proventibus Ecclesiasticis singulis pro necessitate suppeditabat; quibus usibus datum impenderetur, Prælati invigilabant & rationem exigebant, at in vita singulari singulis suæ præbendæ sive proventuum portio ita conceditur, ut de ea nulli rationem, nisi soli Deo, reddere teneantur: atque hinc liberrima cuique ex bonis Ecclesiasticis consanguineos familiaresque ditandi relicta potestas: hinc de patrimonio Christi luxuriandi, nullo fræno restricta libertas.

In vita communi, nulla, nisi de licentia Prælati dabatur egrediendi è clauetro Canonicorum facultas; atque hinc rara erat cum hominibus secularibus Canonicorum conversatio; cum mulieribus autem rarissima. At per vitam singularem referato, seu potius deserto clauetro, libera ac familiaris cum secularibus, non viris modò, sed & mulieribus conversatio facta est.

IV. Durante vita communi tempora singula, quibus impendi deberent, ex præscripto Regulæ & Superiorum erant determinata; atque ita otio pro magna parte occasio subtrahabatur. Aderant & Superiores, qui, quid singuli suo tempore facerent, intenderent; minùsque rectè agentem aut otio disfluentem monerent & corripere.

At nihil horum in vita singulari Canonicorum, quidquid lubet, quisque pro suo agit arbitrio; si orari, si variis, imò & parùm Clericum decentibus occupationibus vacare lubet, quis est qui vigilet, qui moneat, aut qui corripiat?

V. Florente vitâ communi, domo sive clauetro omnibus communi, & suppellectili vulgari pro discretionem Superiorum contenti esse debebant; dum autem vivunt singulariter, quisque domicilia exstruit aut comparat, ac suppellectile ornat, prout suæ ambitioni, aut vanitati congruere judicat.

Utque verbo dicam, cum vita singulari irrepsit libertas Canonicorum pro suo libitu vivendi; redditusque Ecclesiasticos pro arbitrio dispensandi.

Hinc vivendi libertati, si quis conjunxerit divitias, & honores etiam mundanos, quos ipse Canonialis status hodie dare solet, facile videre est; quâ ratione homines mundani, carnales, ambitiosi, avari, aliisque vitiis pleni, in vita Canonicorum reperire cæperint, quo suis concupiscentiis, & carnalibus desideriis satisfacere possent.

VI. Hinc contigit, ut Canonicatus & Præbendas ambire cæperint, in quibus regnabat avaritia, imperabatur ambitio; aut quos commodè, deliciosè, imò splendide & honorificè, secundum seculum vivendi incitabat desiderium; jamque vita Canonialis non ampliùs considerata fuerit, quasi eam profitentes mundo ejusque pompis & prætensionibus valedicerent, seque totos Dei & Ecclesiæ servitio consecrarent; vitamque secundum Canones seu Regulas ab Ecclesia præscriptas sanctè instituere deberent: sed considerari cæpit, quasi vita commoda & honorifica secundum seculum, dans ea omnia, quæ homines seculi existimanda & optanda credunt.

Inde felices æstimati, etiam maximè secundum

Tom. I.

mundum, qui Canonicatus assequuntur; sed eò feliciores, quò *pinguiore*, ut vocant, aut honorabiliores sunt præbendæ.

Ex quo ulteriùs parentum cura & studium, ut suos quâcumque viâ ad Canonicatus promoveant; tamen nec minima in illis appareant vitæ Clericalis specimina.

Quin & parvulis nondum penè natis provida parentum sollicitudo Canonicatus parare cæpit: "Hunc nos (inquiunt apud S. Bernardum in *Declamat.* §. 5.) illi vel illi tradamus Episcopo, apud quem habemus gratiam aut cui fortè servimus, ut dicetur de bonis Domini, nec in tot liberos nostra dividatur hæreditas."

VII. Quid igitur mirum, si postquam ea de vita Canonicali fuit impressa idea, postquam ad illam ambitio, avaritia, ipse mundi spiritus, homines carnales & mundanos sollicitavit & induxit, imò & plerumque intrusit, unâ secuta sit totius disciplinæ relaxatio? Imò sanè mirandum, quòd adhuc illius vel vestigia superesse reperiantur?

"Si enim (teste Bellarmino de Gemitu Columbæ lib. 2. cap. 8.) multitudo Monachorum ex monte perfectionis exciderit ad vallem profundam nimis relaxationis, quia non duxit eos stella ad præsepium Christi, id est, non traxit eos Divina vocatio ad humilitatem Christi sectandam; sed carnalis sensus, qui mentem exæcat, duxit illos vel ad vitam commodiorem cum essent pauperes, vel ad honores ambiendos in Religione, cum in sæculo non invenirent quâ viâ possent ascendere: vel alio aliquo humano consilio vestem sanctam induerunt. Et quid mirum, si multi vestem Religiosam induant, cum non spiritus Domini, sed carnalis sensus eos ad Religionem duxerit."

Si, inquam, hæc de Religiosis non rectâ intentione Monasteria intrantibus verè dixerit Bellarminus, quid dicendum erit de iis, qui vitam commodiorem & honores non in Monasterio, ubi adhuc vita quædam communis & austeritas servatur, sed in sæculo, ubi ambitio & dissolutio dominatur, cum studio quærunt & sæpè inveniunt?

#### CAPUT IV.

Ipsa Canonicorum institutio, seu professio semper mansit invariata.

1. *Perversa de vita Canonicali idea.*
2. *Disciplina exteriori mutata, invariata mansit Canonialis institutio.*
3. *Non minor hodie in Canonicis requiritur morum integritas, quàm durante vitâ communi.*
4. *Sola exterior disciplina mutata est.*
5. *Hæc facilitabat ut Canonicè viveretur, non tamen omnino necessaria erat.*
6. *Alia habenda de Canonicis idea quàm vulgò habetur.*

Tandem connivente Ecclesiâ Canonicos è vita communi ad singularem transivisse, magnamque circa exteriorem vivendi disciplinam mutationem intervenisse, ex dictis capite superiore satis constat.

I. Ulteriùs ex hac vivendi ac exterioris disciplinæ variatione magnam vitæ libertatem, atque inde totius Canonialis professionis dissolutionem secutam abundè quoque ostendimus; quæ dissolutio ubi universas penè per orbem Christianum Canonicorum Ecclesias pervasit, eam tandem plerisque impressit ideam, quasi vita Canonialis esset vita commoda & honorifica, maximèque secundum seculum optanda; sine ulla penè obligatione divitias, honores, aliæque secundum mundum appetibilia affluenter suppeditans.

Verùm nihil à mente Ecclesiæ magis alienum, quàm hæc

F 2

hæc



hæc de vita Canonicali secularis & perversa idea.

II. Licet enim disciplinæ exterioris mutationem tandem toleraverit Ecclesia, nunquam tamen de sanctitate vitæ; & vivendi secundum Canones seu Ecclesiasticas Regulas obligatione quidquam remisit: imò immobilem semper supposuit ipsam Canonica institutionem, & professionem, si ipsas essentielles & interiores statûs Canonicales obligationes spectemus.

Hinc seculo XV. non de Canonicis in communi viventibus, sed singularem jam vitam agentibus dicebat Dionysius Carthusianus: " Clerici vocantur Canonici, quoniam regularem & rectam tenentur ducere vitam, vitiorumque obliquitates vitando, sincerè gradari juxta præfixa eis à SS. Patribus statuta. " *Tractat. de vita Canon.*

Quod si ad decimum sextum descendamus, aderit autoritas Synodi Colonienfis: " Ut de Canonicis dicamus paucis, inquit, respondeat eorum vita titulo, respondeat nomini: sint reipsâ, ut sunt nomine Canonici, id est Regulares. " An. 1536. Part. 3. cap. 4.

Quin & sub finem seculi decimi septimi Clerus Gallicanus, ut Canonicos ad vitæ rectitudinem, morum integritatem, Canonumque sedulam observantiam efficacius reduceret, ut nominis sui memores essent, admonuit: " Canonicos semper suæ denominationis memores esse oportet, inquit, ne quiseorum Canones & Regulas, vitæ aut morum pravitate unquam transgrediantur, sed è contra qui exleges sunt, aut in futurum esse possent, eorum exemplo ad pietatis & probitatis totius formam & regulam revocentur.

III. Et quid plura? An minorem hodie in Canonicis incibo potuque aut mensarum apparatu frugalitatem requirit Ecclesia, quam olim, cum communi refectorio utentes, cibi potûsque mensuram suorum Prælatorum arbitrio accipiebant? An minus se à spiritu mundi, & secularibus negotiis separare debent Canonici, qui hodie vitam singularem agunt, quam olim in communi viventes? An minus castè vivere, aut mulierum suspecta & periculosa consortia vitare, quam dum simul in uno claustro habitantes, à secularium ac mulierum conversatione manebant separati? An hodie ex proventibus Ecclesiasticis liberalius, & extra necessitatem consanguineos aut familiares ditare possunt; aut in luxum, usus superfluos vel profanos erogare, quam dum eos ex communi massa dispensante Prælato pro sua quicquid necessitate accipiebat? An minor hodie Canonicorum orandi, divinumque officium devotè ac diligenter persolvendi obligatio; quam dum in una domo commorantes, simul è dormitorio aut refectorio, instar hodiernorum Religiosorum, statis horis ad persolvendas Horas Canonicas pergebant? An minor est hodie, quam olim fuerit, Canonicorum Deo & Ecclesiæ serviendi, seque eorum ministerio consecrandi necessitas?

Revolvantur, releganturque Canones, etiam his postremis seculis, postquam vita communis Canonicorum in singularem transivit, editi, nihil planè circa hæc mutatum reperitur: Sed eadem omnino Canonicis inculcata invenientur & præscripta.

IV. Uno verbo, quidquid mutationis intervenit, unice ipsam exteriorem vivendi disciplinam concernit, quæ quidem non parùm facilitabat, ut Canonici ea, ad quæ vi suæ professionis indispensabiliter adstringuntur, observarent; nequaquam tamen ejus erat conditionis, ut eâ non observatâ, Canonici quæ suæ sunt vocationis & professionis exactè, licet fortè difficilius, implere nequeant.

V. Quidni enim inter Canonicos singulariter, hoc est, extra congregationem viventes, reperiantur, qui ejus sint virtutis & perfectionis, ut eam in cibo & potu totiusque mensæ apparatu sibi præscribant, & servant moderationem, quam etiam in ordinatissima Congregatione Superiores juxta Canones præscriberent? Qui redditus Ecclesiasticos, quantumvis suæ dispensationi

pro arbitrio concreditos, summo cum timore ac tremore, tanquam patrimonium pauperum dispensent? Qui curam temporalium sine curis agant? Qui divitias possideant quasi nihil habentes? Inque particulari familia ita vitam instituant, ut munia omnia Canonicorum ad præscriptum Sacrorum Canonum non minus perfectè & absolute adimpleant, quam si juxta pristinam vivendi disciplinam vitam agerent communem.

VI. Ex his quisque facillè intelliget, aliam planè de vita Canonicali esse concipiendam ideam, quam vulgò concipitur; vitamque Canonica ex mente Ecclesiæ non esse institutam aut ordinatam, ut quis commodè, laurè, ac honorificè secundum seculum vivat, sed ut à mundo abstractus, omnibusque ejus prætensionibus renuntians, unice Deo & Ecclesiæ sive orando, sive laborando serviat; vitamque Clericalem juxta Sacros Canones tantò exactius & ferventiùs instituat, quantò reliquis Clericis & nomine & dignitate præcellit.

Ex his quoque non difficulter intelligitur, quam procul à mente Ecclesiæ, & à vera idea, quam de Canonicatibus habere deberent, recedant, qui ad eos tanquam ad res secundum mundum maximè optabiles & commodas, aspirant; felicesque se autumant, dum ad eos pervenerint, nihil aut parùm de obligatione, quam ratione Canonicatûs contrahunt, solliciti.

## CAPUT V.

### De Congregationibus Capitularibus.

1. Collegia Canonicorum olim dicta Monasteria; hodie Capitula.
2. Congregationes Canonicorum quando dici caperint Capitula.
3. Soli Canonici Capitulum constituunt.
4. In dignitate constituti, si non sint Canonici, non sunt de Capitulo.
5. Fallit in Decano.
6. Canonicatum & dignitatem obtinens non gaudet duplici suffragio.
7. Canonici Sacris non initiati Capitulo non interveniunt.
8. Canonici non ordinati an turnum suum habeant in Collatione Beneficiorum?
9. Olim Canonici quotidie Collationem instituebant.
10. In hujus locum successere Capitula disciplinæ; & quid in eis tractandum.
11. In Capitulis primum de disciplina & vivendi ratione tractandum.
12. In Capitulis à majori parte suffragiorum concluditur; & hinc nonnunquam statuta injusta.
13. Non cæco modo in Capitulorum statuta jurandum.
14. Quando indicenda Capitula?
15. Non indicenda tempore divini officii.
16. Nec in hoc consuetudo excusare potest.
17. Nec alia negotia non Capitularia tempore divini officii tractanda.

I. DUM olim Canonici vitam communem agerent; unoque clauastro sub certa regula, & Superiorum directione viverent, eorum collegia dicta fuisse Monasteria, ex monumentis & Scriptoris illorum temporum notissimum est: ut merito Molanus, lib. 1. de Canonicis cap. 12. imperitiâ arguat eos, " qui dum alicubi incidunt in locum quemquam apud superiorum ætatum Scriptores, in quo Canonicorum collegium vocatur Monasterium, aut errorem esse, aut monasticum ordinem antequàm Canonici essent, in eo videri, putent, non aliâ ratione moti, quam quòd videant Monasterii nomen illi quandoque tributum esse,

At



At postquam Canonici, abjectâ vitâ communi, ad vitam singularem transierunt, externâque vivendi disciplinâ se planè à Monachis & Regularibus in communi viventibus discreverunt, sensim quoque vocabula communem illam vitam præferentia respuerunt; atque ita eorum Ecclesiæ sive Collegia priùs *Monasteria* nuncupata, dici cœperunt *Capitula*: hocque nomine hodie Canoniorum secularium Ecclesiæ à Monachorum & Canoniorum Regularium Conventibus distinguuntur.

II. Ulteriùs singularitate semel inductâ, suas etiam Congregationes, quæ durante vitâ communi dicebantur *Conventus*, *Collatio*, aliove simili nomine, quo communitas aliquo modo indicabatur, *Capitula* dixerunt; hodièque Congregationes seu Conventus Canoniorum vulgari nomine *Capitula* vocantur, eaque quæ in illis Congregationibus acta sunt, *Acta Capitularia*, *Capitulariter* acta dicuntur.

III. Ad hanc Congregationem, quæ communiter *Capitulum* nuncupatur, jus habent soli Canonici: id est, qui in ea Ecclesia verè sunt Canonici, omniaque jura Canoniorum habent.

Unde Beneficiati qui Canonici non sunt, licèt etiam haberent jus præbendæ, sive cum Canonicis proventus dividerent aut participarent; imò & de administratione bonorum cum Canonicis in communi deliberandi jus haberent, si tamen Canonici non sint, de Capitulo esse non censetur; neque in electionibus, aliisque actibus Capitularibus ipsam bonorum administrationem haud concernentibus, interveniendi jus habent; nisi aliud de consuetudine aliove particulari titulo obtineat: ut latè Fagnanus ad cap. 1. *De elect. num. 33. & seq.*

IV. Quinimò, si in eadem Ecclesia sint dignitates, quarum possessores simul non sunt Canonici, de jure communi vocem aut sedem in Capitulo non habent; nisi ex earum fundatione seu erectione expresse, aut ex antiqua consuetudine secus obtineat. Unde Glossa ad Sanctionem Pragmaticam cap. sicut. §. quanta, post Innocentium aliosque Canonistas, ait: "Archidiaconus, alii Prælati inferiores & alii Beneficiati in Ecclesia Cathedrali, nisi habeant Beneficium, non sunt de Capitulo, nec debent habere vocem in Capitulo."

Et generaliter Rebuffus Tractatu de Nominat. quæst. 8. num. 32. asserit: "Habentes dignitatem in Ecclesia de jure non sunt de Capitulo, nisi aliàs sint Canonici: solent enim Canonici faciunt Capitulum & unum corpus cum Episcopo."

V. Decanus tamen, licèt præbendâ Canonicali careat, nec specialem Canonicatum oblineat, quia Caput est Canoniorum eorumque curam gerere debet, Capitulo intervenire, eique præsidere consuevit, nisi forsan de rebus temporalibus seu præbendis, in quibus ipse non participat, tractetur. Ita judicatum pro Decano non præbendato Ecclesiæ Cathedralis Ambianensis in Parlamento Parisiensi 28. Julii 1672. uti refertur in Libro, cui titulus, *Journal du Palais*, Tome 2.

VI. Quinimò si dignitatem quis obtineat unâ cum Canonicatu, si jus commune spectemus, duplici suffragio in Capitulo non gaudet; illudque præstendens, vel consuetudine aliove particulari titulo munitum se esse ostendere debet. Panormitanus ad cap. 12. de sent. & re jud. & Cujacius ibid.

VII. Ulteriùs, quamvis Canonici per solam Canonicatûs affectionem & captam possessionem quæsita sint omnia jura Canonicalia; dicanturque esse de Capitulo, tamen etiam nullo Sacro Ordine sint insigniti, nihilominus in actibus Capitularibus suffragium non habent, nisi ut minùs Ordinem habeant Subdiaconatûs; etiam si hoc illis ab aliis esset concessum. Clement. Ut 11. De etate & qualitat. & ordine præf. innovata per Synodum Tridentinam Sess. 22. cap. 4. de reformat. ut nimirum hoc pacto, "Qui divinis in Ca-

thedralibus vel Collegiatis, Secularibus vel Regularibus Ecclesiis sunt mancipati officiis, ad suscipiendos Sacros Ordines propensius inducantur," ait dicta Clementina.

Ita quippe comparatum est, proli dolor! ut Canonici, qui nihil ex Sacerdotio lucri temporalis expectant; nihilque mundani honoris accedere sibi autumant; sed libertatem sibi per susceptionem S. Ordinis potius adimi, ad Sacrorum Ordinum susceptionem quodammodo cogi debeant: Capellani verò, & viliores Clerici ad Sacerdotium tanquam artem de pane lucrando currant & festinent: quod jam pridem altè deploravit & graphice expressit Philippus Abbas Bonæ Spei S. Bernardo cœvus, De dign. Cler. cap. 15. & 16.

Procedit autem hæc juris dispositio non tantum in voce decisiva, sed etiam consultiva; adeo ut neque assistentiam, neque sedem in Capitulo habere possit Canonicus, qui Ordine saltem Subdiaconatûs non est initiatus; quemadmodum declarasse S. Congregationem refert Garcias De Benef. p. 3. cap. 4. n. 25.

VIII. Hæc tamen non procedunt in his, quæ à Canonici sunt non capitulariter; sive extra Capitulum. Ita in Ecclesiis, ubi collatio spectat ad Canonicum hebdomadarium sive turnarium, Canonicum in Sacris non constitutum suam habere hebdomadam sæpiùs judicatum fuisse refert Garcias loco citato n. 29.

Verùm si benè attendatur, dum Canonico Turnario Sacro Ordine non insignito datur jus præstentandi, atque ad ejus præsentationem Capitulum præsentatum instituere debet, in effectu datur simili Canonico jus concurrenti ad unum è præcipuis actibus Capitularibus, qui est nominatio ad Beneficia; atque hac de causa Advocatus Regius conclusit, non esse dandum jus Turnarii cuidam Canonico Ecclesiæ Cathedralis Constantiensis Sacris non initiato, non obstante Statuto & Consuetudine trium seculorum ejusdem Ecclesiæ: sustinens Statutum illud ac Consuetudinem esse merum abusum tendentem in fraudem juris excludentis similes Canonicos ab actibus Capitularibus. Et ita judicavit Senatus Rothomagensis, atque instante Procuratore Regio unâ inhibuit omnibus Capitulis sui Districtûs conferre quodcumque Beneficium ad præsentationem Canoniorum Sacris Ordinibus non initiorum, camque suam Ordinationem per modum Regulementi publicari præcipit. Vide *Journal du Palais*, tome 3.

IX. In his Capitularibus Conventibus tractandum de iis omnibus, quæ Statum & Administrationem Ecclesiæ, quæque ipsam Canoniorum officium concernunt, ac imprimis & ante omnia, ipsam disciplinam vivendique rationem morumque reformationem spectantia.

Et quidem Regula Canoniorum in Synodo Aquigranensi exarata cap. 123. præcipit, "Ut Canonici quotidie ad Collationem veniant, ubi & hanc institutionem & aliarum sanctarum Scripturarum lectiones perlegant, & pro admissis veniam postulent, & sententiam pro qualitate admissi suscipiant: ubi etiam de communi profectu & utilitate Ecclesiæ pertractent."

X. Scio quidem cum vita communi hanc sanctissimam disciplinam in plerisque Canoniorum Ecclesiis exolevisse; at in ejus locum successerunt Conventus, quos *Capitula disciplina* vocant.

Synodus Colon. anno 1536. p. 3. cap. 14. quæ in his potissimum tractanda sint exponens: "Capitula, inquit, disciplinæ quæ vocant, multò majori diligentia observentur atque hætenus. Id ita fiet, si non tam profanæ quàm res sacræ in his tractentur: si de moribus inquiratur, si vita expendatur singulorum, & quod olim sancti Patres fecisse dignoscuntur, ex temporali oratione interdum commoneantur Fratres, & imprimis ad Sacras Litteras capefcendas instigentur, atque ut in his optimas horas collocent, incitentur;"

„tur; quoddam hic reperitur fons vitae scaturiens, ex quo  
„qui haurit non sitit in æternum; hic thesaurus Evan-  
„gelicus, propter quem oportet vendere universa, re-  
„conditus sit, ex quo prudens ille Pater familias pro-  
„fert nova & vetera.

Indubie admodum esset optandum, ut in omnibus  
Canonicorum Ecclesiis hæc specialia disciplinæ Capitu-  
la frequenter ac seriò instituerentur; vel si hæc spe-  
cialia Capitula non habeantur, ipsæ ordinariæ Capitu-  
lares Congregationes ita instituantur, ut non planè  
temporalibus negotiis occupentur, adeò ut nihil mo-  
rum ac disciplinæ, Divini Officii rectæ institutioni, aut  
reformationi impendatur; neque cura tantùm habeatur  
de minimis, neglectis majoribus.

Aliud sanè ipsum Canonicorum officium exigit, &  
Decreta Synodorum clamant.

XI. „ Canonici (inquit Synodus Bituricensis an.  
1564. tit. 34. can. 9.) „convenientes ad Capitula, pri-  
„mùm tractent de celebratione Divini Officii, &  
„quoscumque defectus delinquentium corrigant, tum  
„de temporalibus negotiis statuunt.

Et Synodus Tolosana an. 1590. p. 1. c. 2. §. 7. ait:  
„In comitiis fodalitiis & Capitulo de iis primùm quæ  
„ad Divinum cultum spectabunt, tum de iusta morum  
„reformatione, delictorum debitâ animadversione,  
„demum de privatis rebus temporalibusque negotiis  
„agant.

Consonat & Concilium Avenionense anno 1594. tit.  
33. ita decernens: „In Capitulo clamorosas & conten-  
„tiosas confabulationes evitabunt, & de iis quæ ad  
„Ecclesiæ cultum, & ad pietatem promovendam spe-  
„ctant, de bonorum Ecclesiasticorum administratione  
„tractabunt.

Volunt ergo Concilia, ut ea, quæ mores, divinum  
Officium, ac Ecclesiæ cultum spectant, præcipuum ac  
primum locum in Capitulis obtineant. Et meritò, cum  
nihil justius ac rationabilius sit, quàm negotia majoris  
ponderis & momenti præferri negotiis minoris mo-  
menti. Ac sanè timendum ne Canonici qui adeò soli-  
citi sunt de rebus temporalibus, ut nihil in eorum  
Conventibus penè nisi de illis audiat aut tractetur,  
sint non tantùm nomine, sed reipsâ Canonici, *Seculares*;  
verèque dici queat de ipsis, quod de quibusdam Præ-  
latis sui temporis dixit Bernardus: *Lib. 4. De confid.*  
*ad Eugen. Papam cap. 6.* „Optimi videlicet æstima-  
„tores rerum, qui magnam de minimis, parvam aut  
„nullam de maximis curam gerunt.

XII. Negotia in Capitulis proposita solent ordinariè  
ex pluralitate suffragiorum concludi; quodque major  
pars Capituli resolvit, ipsum *Capitulum* resolvisse cen-  
setur.

XIII. Porro, quia non rarò contingit, hoc præfer-  
tim tempore quando adeò relaxata, & ab omni penè  
disciplina exempta est Canonicorum vita, ut plures Ca-  
nonicorum vel nullam veræ disciplinæ notitiam ha-  
beant, aut etiam eam oderint, unicè vivendi liberta-  
tem affectantes, & lucro temporali inhiantes: quidni  
hinc natum est contingere, ut inter resolutiones, vel  
etiam ordinationes Capitulares bonis vel reclamanti-  
bus, vel subinde pacis causâ, aut ad majus malum evi-  
tandum, dissimulantibus, reperiantur non paucæ, quæ  
Canonicæ disciplinæ adversantur; magisque quæstum  
aut turpe lucrum, imò subinde Simoniam sapiunt,  
quàm pietatem, aut spiritualem profectum; quâ dere  
audire lubet, quæ per experientiam reperiunt, & refe-  
runt Patres Synodi Colonienfis anno 1536. *parte 3.*  
*cap. 19.* „Habent, inquit, fere quotquot sunt Ca-  
„thedrales aut Collegiales Ecclesiæ suum volumen pe-  
„culiarium Statutorum, quæ interdum pro affectu pri-  
„vato cujuslibet augentur aut crescant. *Inter hæc repe-  
„rias quamplura, quæ quæstum magis quàm pietatem refi-  
„pant, & ad inæqualitatem magis quàm æqualitatem  
„faciant: unde discordia inter fratres (ut fieri solet)  
„frequenter alitur, concordia verò scinditur, laceratur.*

„que. *Et quantumvis pleraque inter hæc iniquareperias,*  
„*adiguntur tamen omnes qui recens admittuntur, ut ad*  
„*ejusmodi statutorum observationem* (etiam penitus ig-  
„nari quid contineant illa) *citra ullum delectum jure-*  
„*jurando se alligent,* cum tamen juramentum non de-  
„beat esse iniquitatis vinculum, nec ad ignorata ex-  
„tendi. Operæ pretium itaque nobis videtur, hujus-  
„modi statutorum volumina inter visitandum excutere,  
„& quæ Evangelicæ puritati atque fraternæ charitati,  
„denique disciplinæ Ecclesiasticæ minùs consentanea  
„reperita fuerint, resecare, cavereque ne posthac ulla  
„nova statuta in ejusmodi Ecclesiis (nisi tamen noster  
„acceserit calculus) edantur.

Idem supposuit Synodus Tridentina *sess. 24. cap.*  
*14. De reformat.* deplorans, quòd in pluribus Ecclesiis  
tam Cathedralibus quam Collegiariis & Parochialibus,  
ex earum *Constitutionibus*, aut ex prava consuetudine,  
in electione, præsentatione, ..... sive admissione ad  
possessionem alicujus Beneficii, vel Canonicatum cer-  
tæ conditiones seu deductiones ex fructibus, compen-  
sationesque illicitæ, aut etiam quæ in aliquibus Ecclesiis  
dicuntur turnorum lucra, interponantur. Quæ om-  
nia detestans S. Synodus, mandat Episcopis, „ut quæ-  
„cumque hujusmodi in usus pios non convertuntur,  
„atque ingressus eos, qui *Simoniace labis*, aut *sordide*  
„avaritiæ suspicionem habent, fieri non permittant,  
„ipsique diligenter de eorum *Constitutionibus* sive con-  
„suetudinibus super prædictis cognoscant, & illistan-  
„tùm, quas ut laudabiles probaverint, exceptis, reli-  
„quas ut *pravas ac semidulosas rejiciant & aboleant.* „  
Et eos qui adversus prædicta quavis ratione commise-  
rint, pœnis Simoniacorum subiacere decernit, „non  
„obstantibus (inquit Synodus) quibuscumque *statu-*  
„*tis, constitutionibus*, consuetudinibus, etiam imme-  
„morabilibus, etiam *Apostolicâ auctoritate confirmatis*;  
„de quarum subreptione, obreptione & intentionis  
„defectu Episcopus tanquam Apostolicæ Sedis Dele-  
„gatus, cognoscere possit.

Ex his quis non videat, per Synodum Tridentinam  
supponi, in Statutis & Constitutionibus, etiam Cathe-  
dralium Ecclesiarum (tamen per Sedem Apostolicam  
confirmatis) posse reperiri aliqua, quæ Synodus tan-  
quam de Simoniacâ pravitate suspecta detestatur.

Hinc quisque discat non cæco modo in Statuta & Or-  
dinationes Capitulorum esse jurandum, sed ea priùs  
meritò examinari & expendi debere: eosque multùm  
hallucinari, qui sibi licitum credunt, quidquid in  
Statutis Capituli probatum invenitur; tamen etiam  
Sedis Apostolicæ confirmatio accesserit.

XIV. In plerisque Ecclesiis certis dies vel per men-  
sem, vel etiam per hebdomadam solent esse designati,  
quibus statâ horâ *Capitulum* conveniat; soletque dici  
*ordinarium.*

Sed quia nonnunquam repentina negotia, quæ di-  
lationem non patiuntur, congregationem Capituli re-  
quirunt, in potestate Decani, alteriusve, cui suis con-  
vocandi Capitulum ex consuetudine aliove titulo com-  
petit, est, quocumque die & tempore Capitulum in-  
dicere.

XV. Illud tamen observet, ut nisi necessitas urgeat,  
tempore divinatorum Officiorum Capitula non habeantur.  
„Canonici, inquit S. Carolus in Concilio Mediol.  
„*I. part. 2. cap. 38.* quo tempore divina Officia cele-  
„brantur, non habeant Capitula, nisi fortassis aliter  
„evidens necessitas postulaverit: qui contra fecerint,  
„distributionem ne capiant hujus horæ, in quo id com-  
„miserint.

Et Synodus Cameracenfis P. II. tit. 18. cap. 17.  
„Canonicorum congregationes pro Ecclesiarum sua-  
„rum negotiis, quæ Capitula dici solent, horâ compe-  
„tenti fiant, nec summæ Missæ tempore ullo modo ha-  
„beantur, nisi necessaria aliqua causâ superveniat, quæ  
„differri non possit, quo casu ut minimùm mittantur ali-  
„qui Canonici in chorum. „Et Mec. P. II. t. 12. c. 11,  
XVI.

XVI. Idem responsum à Sacra Congregatione refert Garcias de Beneficiis parte 3. cap. 2. n. 559. qui ipse, cum esset Canonicus Abulensis (a), atque in ea Ecclesia "sæpè fierent Capitula, & haberentur congregationes Capitulares tempore divinorum Officiorum, & dum Horæ, etiam Missa major, celebrarentur, juxta statuta & antiquam consuetudinem in Hispania hæcenus observatam; ac esset in hac Ecclesia ordinatio Capitularis, quod Canonicus, qui fuerit in Ecclesia, & non intraverit Capitulum, mulctetur certâ pœnâ, etiamsi sit in choro in divinis Officiis: his, inquam, sic se habentibus petiit ipse Garcias declarari, an nihilominus Canonicus seu capitularis possit licetè à Capitulis abesse, stando in choro nec propterea possit mulctari? Secundò, an possit etiam, si velit, interesse Capitulis, quæ fiunt tempore divinorum Officiorum, supposito quod fiunt, & satisfaciatur suæ obligationi, & faciat fructus suos, qui in illa Hora lucrifunt. Congregatio Concilii ad primum respondit: congregationes hujusmodi capitulares habendas non esse eo tempore, quo divina Officia celebrantur, nisi causa aliqua urgens eas ad aliud tempus non pateretur differri; quod si hæc congregationes absque causa prædicta tempore celebrationis divinorum habitæ fuerint, Canonicum jure ab his, ut choro intersit, posse abesse, nec propterea esse mulctandum. Ad secundum non posse, juxta responsum ad primum. Quam declarationem, ait Garcias, authenticam habeo.

XVII. Inferitur autem ex dictis, uti notat ibidem Garcias, "non licere etiam fieri congregationes particulares Commissariorum Capituli, nec occupari Beneficiatos in negotiis & rebus Ecclesiæ, (quæ aliàs commodè fieri possunt,) dum divina officia celebrantur, quamvis oporteret aliàs eis constituere aliquod stipendium seu salarium.

Inferitur etiam non licere facere rationes & computus bonorum, & reddituum Mensæ, vel Fabricæ, dum divina fiunt; & ita respondit S. Congregatio apud Garciam loco citato num. 568. his verbis: "Congregatio Concilii censuit, neque Episcopum neque Capitulum debere exigere rationum redditionem tempore quo recitantur Horæ Canonice, & divina celebrantur.

(a) Avila en Espagne.

## CAPUT VI.

Canonici Divinum Officium diurnum pariter ac nocturnum publicè persolvere tenentur.

1. Præcipuum officium Canonicorum est persolutio Divini Officii.
2. Unde hæc obligatio Canonicorum.
3. Omnibus Horis, etiam minoribus interesse debent.
4. Debent per se Divinum Officium persolvere.
5. Contrarium statutum non valet.
6. Non improbandus Vicariorum usus.
7. Quod Vicariorum officium.
8. Quid in his assumendis præcipue attendendum.

I. Solemnem divini Officii persolutionem unam esse à præcipuis Canonicorum obligationibus nemo dubitat. Quapropter maxima pars Regulæ Canonicorum à Synodo Aquilgranensi conscriptæ, circa modum ac normam persolvendi Horas Canonicas versatur; ac cap. 131. monentur Canonici, "Ut studeant summo pere Horas Canonicas vigilantissimâ curâ custodire, & in his divinum Officium humiliter ac devotè persolvere. Moxenim, ait Synodus, ut audiri fuerit signum, festinatò omnes ad Ecclesiam conveniant, quam non pompaticè, aut inhonestè, vel incompo-

sitè sed cum reverentia & Dei timore ingrediantur. Hinc in Conciliis, etiam post commutatam vitam communem Canonicorum in singularem, nihil tantoperè Canonicis inculcatum, quàm *Ut in Choro ad psallendum instituto, hymnis & canticis Dei nomen reverenter* (verba sunt Synodi Trid. Sess. 24. cap. 12. de ref.) *distinctè, devotèque laudent.* Idèoque non immeritò seculo 11. ad quemdam Canonicum scripsit S. Ivo Carnotensis: "Ad hoc instituta est Clericalis militia, ut psalmodiæ & hymnodicæ quotidianum offerat Deo sacrificium.

II. Unde hæc Canonicorum obligatio profuat, sat indicat ipsa Canonicorum Regula, monens Canonicos, "Ut laudes Deo in communi persolventes, pro suis populorumque, quorum oblationibus vivunt, delictis Deum exorent.

Quibus non obscure innuit, idè Canonicis factas oblationes, fundatasque eorum Ecclesias, ut ipsi pro populo ac Fundatoribus Deum incessanter orarent & laudarent: "Nam, inquit Justinianus Imperator nov. 131. qui constituerunt vel fundarunt sanctissimas Ecclesias pro sua salute & communis Reipublicæ, reliquerunt illis substantias, ut per eos debeant sacra Liturgiæ fieri, & ut illis à ministrantibus piis Clericis Deus colatur.

Quàm hæc vera sint, propiùs intelligent Canonici, si fundationum donationumque suarum monumenta, non tantùm ad conservationem temporalium, uti fieri solet, sed ad intelligendam suam obligationem, sedulò ac diligenter pervolvant.

III. Porro cum Officium Divinum juxta normam à multis sæculis receptam constet septem partibus, nimirum Matutino, sub quo & Laudes comprehenduntur, Primâ, Tertiâ, Sextâ, Nonâ, Vesperis & Completorio; illæque simul sumptæ integrum Officium Divinum diurnum ac nocturnum constituunt, consequens est, Canonicos non tantùm uni alterivè aut etiam majoribus Horis debere interesse, sed omnibus: quia obligatio Canonicorum est non partem duntaxat Divini Officii persolvere, sed integrum; unde de Canonicis aliisque Clericis choro adstrictis pronuntiat Concilium Generale Lateranense sub Innocentio III. quod teneantur *Divinum Officium nocturnum pariter & diurnum, quantum eis dederit Deus, studiosè celebrare.*

IV. Porro si Canonialis muneris & obligationis sit, Officium Divinum publicè & solemniter persolvere, evidenter consequitur, Canonicos ad eam persolutionem *personaliter* obligari; cum ipsa ratio dicat & clamet, unumquemque teneri ad ea, quæ ex suo instituto seu professione sibi incumbunt & injuncta sunt.

Quapropter de Canonicis tam Cathedralibus quàm Collegiatis loquens Synodus Trid. Sess. 24. c. 12. de ref. ait: *Omnes verò PER SE, & NON PER SUBSTITUTOS compellantur obire officia.*

Huic Concilii Tridentini Decreto consonat Synodus Cameracensis P. I. tit. 6. cap. 7. decernens: "In choro cum psallitur, Canonici omnes, qui in choro fuerint, & Sacellani psallant, nec sint in sedibus suis oriosi, nec putent se functos Officio, si vicariâ tantùm operâ cultum Divinum celebrari curent: modò tamen psallere per valerudinem queant, nec aliis impediti justis de causis fuerint.

Et Synodus Mechl. P. II. tit. 12. cap. 2. "Meminerint, ait, omnes tam in dignitate constituti, quàm Canonici, Capellani, Vicarii, Beneficiati, & reliqui habituati, Mandati Concilii Trid. ut omnes Divina per se, & non per substitutos compellantur obire Officia, atque in choro ad psallendum instituto hymnis & canticis Dei nomen reverenter, distinctè, devotèque laudare.

V. Infinita propemodum tum veterum, tum recentiorum Synodorum Decreta, dum probatissimorum Auctorum testimonia, hanc Canonicorum obligationem per se Divina Officia, cessante legitimo impedimento, per-



perfolvendi assententia; contrariumque usum tanquam merum abusum ex desidia & superbia Canonicorum ortum reprobantia, allegare possem, nisi id fusè & abundè præstissem in Dissertatione De Canonicis *parte 3. cap. 2.* Illud hinc addo, referente Nicolao Garcia de Beneficiis *parte 3. cap. 2. nu. 498.* resolutum fuisse conformiter ad jam dicta, à Sacra Congregatione, " si factum sit aliquod statutum, quod Canonici possint inservire per Substitutum, vel alternatim unus pro alio, non habeatur ejus ratio, quia est contra Concilium Tridentinum.

" Procedit etiam dicta declaratio, ait Garcias, licet ante Concilium esset statutum, vel consuetudo etiam immemorialis in contrarium, ut colligitur ex ipso Concilio.

VI. Quia tamen nonnunquam contingit, præsertim in Ecclesiis Cathedralibus, ut Canonici aliis negotiis Ecclesiæ distracti, Officia *per se* congruenter perfolvere nequeant; nullatenus improbandum, ut aliquos vicarios assumant, qui Canonicorum legitima ex causa absentium vices suppleant, & in perfolvendis Divinis laudibus Canonicis adjutores accedant.

VII. Hunc esse Vicariorum finem indicat Synodus Colonienfis anno 1536. *parte 3. cap. 6.* monens Vicarios: " Ut attendant quod Canonicis adjutores accedant: horum nimirum vice qui vel adversâ valetudine detenti vel negotiis necessariis advocati, interesse non possunt.

" Ita Vicarii operâ (inquit Synodus Audomarenfis 1533. *tit. 12. cap. 6.*) Officium peragatur, ut nihilominus ii ipsi, quorum proprium, est illud agere, qui dignitatem, Canonicatum aut quodvis aliud beneficium vel Officium in Ecclesia obtinent, nisi legitime impediuntur, per seipfos, & non per alios duntaxat illud faciant.

VIII. Porro in assumendis hisce Vicariis meritò attendent Canonici, num mores ac vita officio ab iis obeundo respondeant; ne aliàs cantando non Deum laudent, sed offendant.

Quare Patres Concilii Cameracensis P. I. *tit. 1. cap. 14.* monent: " Ut in Ecclesiis sive Cathedralibus sive Collegiatis non constituantur Vicarii, qui Canonicas, quas vocant, Horas in choro canent, nisi aut Sacerdotes, aut in Sacris Ordinibus constituti, aut saltem Lectores ordinati; atque hi quantum fieri potest sint cælibes, quorum mores vitæque probata fuerint, nec permittantur in choro psallere, nisi vestitu & habitu corporis, ministros se esse Dei & Ecclesiæ demonstrent. Plura videri possunt in citata Dissertatione De Canonicis *parte 3. cap. 2. §. 5.*

## CAPUT VII.

### De Distributionibus quotidianis.

1. Quid Distributiones?
2. Quæ institutionis ratio?
3. Omnibus Horis etiam minoribus assignandæ.
4. Integris Horis interesse debent qui eas lucentur.

I. Distributiones propriè dicuntur *quotidianæ*, ait Stephanus Weymsius ad Constit. 11. per Concilium Tridentinum innovatam *num. 7.* " Quando singulis diebus, vel etiam singulis horis distribuuntur, in pecunia, victu, potu vel aliâ specie, his tantum qui personaliter præsentés sunt in Officiis divinis; quod moribus hodiernis passim fit per plumbetum vel tesseram.

II. Quis sit harum distributionum scopus, jam pridem ad Paschalem Papam scribens S. Ivo Carnotensis expressit: " Cùm in pluribus Canonicorum Carnotensium defuevisset disciplinæ regularis observantia, ut de negligentibus facerem diligentes, de somnolentis

" vigilantes, de tardis assiduos ad frequentandas Horas Canonicas, deliberavi apud me, ut darem iis diandiam Præposituram, ut inde fieret *quotidianus panis* quem acciperent assidui, amitterent tardi; ut ad quas eos panis interni dulcedo non movebat, panis corporei refectio provocaret, quamvis eorum annua præbenda eis ad hoc sufficiens esse deberet.

Unde & Synodus Colonienfis anno 1536. *p. 3. cap. 10.* animadvertens Canonicorum in frequentandis divinis Officiis neglectum, " Facile, ait, castigabitur hic lapsus, si negligentes subtractione proventuum seu distributionum mulcentur.

Et ipsa Synodus Tridentina Distributiones probans, easque, ubi desiderant, reduci desiderans, ac ob id præcipiens, " tertiam fructuum quorumcumque proventuum & obventionum, tam Dignitatum, quam Canonicatum, Personatum, portionum, & officiorum, separari debere, & in *distributiones quotidianas* converti; " hanc suæ præceptionis rationem præmiserat: " cùm beneficia ad divinum cultum, atque Ecclesiastica munia obeunda *sint constituta, ne quâ in parte diminuat divinus cultus, sed ei debitum omnibus in rebus obsequium præstetur: statuit, &c.*

III. Si ergo quotidianæ Distributiones eo fine institutæ, & ab Ecclesia probatæ sint, ut Canonicorum aliorumque Clericorum in frequentandis Horis Canonicis negligentia puniatur, & mulceatur; & ne quâ in parte, ut loquitur Synodus Tridentina, *diminuat divinus cultus, sed ei debitum omnibus in rebus obsequium præstetur*, Sess. 24. de reform. quis hinc consequi non videt, eas non aliquibus duntaxat, sed omnibus Horis, id est, integro Officio Divino esse assignandas: ut hoc pacto fiat, ne quâ in parte cultus divinus diminuat seu negligatur; nec Canonici suæ impune desint obligationi.

De hac Synodi Tridentinæ sententia non dubitans S. Carolus in Synodo Mediolanensi IV. *parte 2. cap. 13.* statuit; " Ut etiam in Ecclesiis vel Cathedralibus vel Collegiatis, quamvis reliquis Divinis Officiis congruus quotidianarum distributionum census assignatus sit, aliquibus tamen *Canonicis Horis* aut cæteris Officiis, etiam extraordinariis, quâvis auctoritate institutis, nullæ quotidianæ distributiones adscriptæ attributæve sint, aut si attributæ sint, exiguæ illæ quidem, atque usque adeo tenues, ut verisimiliter negligantur; in iis Episcopus vel de communi resolutione, distributionumque quotidianarum censu, si amplius sit, certam portionem arbitrio suo congruam, Capituli ac reliquorum, qui ejusdem censûs participes sunt, consensu detrahat, eamque ipsam statam unicuique ex illis Canonicis Horis Officiisve attribuat, adscribatve perpetuò, vel omnino ipse auctoritate & facultate sibi ab eodem Tridentino Concilio datâ, quemadmodum etiam à sancta Sede Apostolica declaratum est.

Quod hinc asseritur à S. Sede Apostolica declaratum esse, ei conforme est, quod refert Garcias *De Beneficiis, parte 3. c. 2. n. 489.* censuisse S. Congregationem, distributiones quotidianas, quæ acceptæ fuerint ex tertia parte fructuum dignitatum alicujus Ecclesiæ, assignari debere non duabus Horis tantum Canonicis, sed etiam *reliquis aliis omnibus*, quibus qui non interfuerint, distributionem amittant.

Conformiter proinde ad mentem Concilii Tridentini Synodus Mechl. P. II. *tit. 2. cap. 2.* " Ut minores Horæ non negligantur, voluit ut pro illis certæ distributiones assignentur, aut Minores illæ Horæ Majoribus adjungantur; ita ut in Majoribus illis Horis nemo distributionibus gaudeat; nisi qui in Minoribus quoque Horis debitè interfuerit.

IV. Ulterius, ipse Distributionum quotidianarum scopus, & institutionis ratio sat ostendunt, eas non deberi nisi illi, qui actualiter, integrè & completè Horis Canonicis assistit. Unde Synodus Basileensis declaravit



claravit *Seff. 21. cap. 4.* " Ut qui in Matutinis ante finem Psalmi, *Venite exultemus*; in aliis Horis ante finem primi Psalmi, in Missa ante ultimum *Kyrie*, *eleison* usque in finem Divino Officio non inter- fuerit, nisi fortè necessitate cogente, ac petita ac obtenta à Præsidente Chori licentiâ discedere oporteat, pro illa Hora absens censeatur: salvis, ait, Ecclesiarum consuetudinibus, si quæ fortè circa hoc exactiores existunt.

Et Patres Concilii Moguntini anno 1549. *cap. 72.* " Animarum periculo obviare, & Ecclesiarum necessitati consulere volentes, decreverunt & ordinarunt, ne quotidianæ distributiones ad brevissima quædam momenta, puta ad lectionem Epistolæ, seu unius Psalmi aut Responsorii; sed *integris ac totis Officiis* & *Horis Assignentur*, & iis modo tribuantur, qui Officiis Divinis, de quibus hæc emolumenta dantur, ab initio ad finem interfuerint.... Quibuscumque irrationabilibus, aut pravis consuetudinibus (quæ potius corruptelæ censendæ sunt) non obstantibus.

Eundem abusum Synodi nostræ Belgicæ pariter damnant, & quidem Melchliniensis P. II. *tit. 12. cap. 4.* ait: " Careant distributionibus, qui ante *Gloria Patri* primi Psalmi cujuscunque Officii usque ad finem eidem Officio actualiter non interfuerint.

Synodus vero Diocesana anno 1609. *tit. 11. cap. 10.* hoc Concilii Provincialis Decretum renovans addit: " Iis distributionibus quoque privari volumus, qui in Missis votivis & anniversariis, quæ ex fundatione sine commendationibus canuntur, ante primam Collectam; in vigiliis vero ante finem secundi Psalmi Vesperarum, & in commendationibus ante initium Psalmi, *In exitu*, usque ad finem non interfuerint.

Uno verbo distributiones ex mente Ecclesiæ ita ordinandæ ac dispensandæ sunt, ne qua in parte cultus divinus minuat; sed divinum Officium in omnibus suis partibus, tam majoribus quam minoribus integrè & ordinate ab omnibus persolvatur.

## CAPUT VIII.

Distributiones non sunt institutæ, ut propter eas Divinum Officium frequentetur.

1. Multis rationibus improbatum Officium intuitu distributionum frequentare.
2. Ratio prima.
3. Secunda.
4. Tertia.
5. De Simonia reddantur suspecti qui principaliter ob distributiones frequentant.
6. Indicia è quibus cognoscitur num principaliter ob distributiones quis frequentet.

I. Distributiones quotidianas instituit & probavit Ecclesia, ut Clericorum in persolvendis divinis Officiis neglectus aut tepor, earum privatione mulctaretur; ipsique hac mulctæ comminatione ad diligentem & ferventem divini Officii persolutionem excitarentur; nequaquam verò ut Canonici earum lucrandarum causâ ad divinum Officium accederent; sive eo principaliter animo divino Officio interessent, aut ad illud frequentandum moverentur, ut distributionum illarum lucro gaudere possent.

II. Scit enim Ecclesia *voluntariè* sacrificium laudis Deo esse offerendum, juxta illud Psalmistæ à Canonicis quotidie pronuntiandum, *Voluntariè sacrificabo tibi.* Pl. 53.

At " si propter aliud laudas Deum, ait S. Augustinus in *Pf. 53. ex necessitate laudas.* Si adesset tibi quod amas, non laudares Deum. Vide quid dicam? Laudas Deum, v. g. ut tibi det amplam pecuniam, *Tom. I.*

(ut distributiones accipias) " si aliundè haberes amplam pecuniam, non à Deo, numquid laudares Deum? Si ergo propter pecuniam laudas Deum, non *voluntariè* sacrificas Deo, sed *ex necessitate* sacrificas, quia præter illum nescio quid aliud amas.

Qui ergo Divinas Laudes Deo persolvit, Horasque Canonicas frequentat, ut distributiones lucretur, non frequentaturus si earum lucrum non spectaret, aut aliundè habere posset, convincitur non *voluntariè*, sed *ex necessitate* Deum laudare, sive divinum Officium persolvere.

III. Uterius, novit Ecclesia illud jam pridem ab eodem Doctore pronuntiatum, " Quæcumque res propter aliud aliquod quaeritur, sine dubio inferior est (nimirum appretiatione quaerentis), quam id propter quod quaeritur: Et idè illud primum est propter quod rem istam quaeris, non ista res, quam propter istud quaeris. Quapropter si Evangelium & Regnum Dei propter cibum quaerimus, priorem facimus cibum, & posterius Regnum Dei.

Qui ergo Officium divinum quaerit seu frequentat propter materiales has Distributiones, convincitur pluris aestimare Distributiones, quam ipsum divinum Officium; & priores facere distributiones, quam Officium divinum.

IV. Quinimo, qui eo animo Horas Canonicas frequentat, spiritualibus terrena mercari convincitur: nam, ut ait S. Bernardus, " qui Officium Ecclesiasticum cum quaerit, aut eo tenet animo, eoque intuitu, ut huic vitæ habeat necessaria, *perverso nimis ordine celestibus terrena mercatur.*

V. Cum igitur ratio Simoniae in hoc præcipue consistat, quod morali agendi modo, res spirituales temporalibus æquiparentur, aut postponantur; ipsaque spiritualia ut medium ad obtinendum temporalia ordinentur, non dubitant Canonistæ post Glossam in *cap. unic. De Clericis non resid. in VI.* condemnare Simoniam *mentalis Canonici, qui interest Officio divino principaliter pro denario.*

Quid de eo senserint Patres Synodi Colonienſis anno 1536. discant Canonici ex iis, quæ parte 3. *cap. 13.* tum optando, tum hortando & comminando Canonici proposuerunt: " Utinam, inquit, optando à Deo Opt. Max. consequi possimus, ne quisquam *lucra causa* divinis interesset, *alioqui non accessurus sacra*, veluti quem nummi magis quam Dei amor in templum trahit, quæstum pietatem esse putantem: qui non dubium, ex numero eorum est, de quibus Ilias dixit: *Omnes diligunt munera, sequuntur retributiones.* Iſaas c. 1. v. 23. Nec multum is abest (ut plerisque Doctissimis Viris placuit) " ab horrendo crimine *Grieci, qui existimavit Divinum munus pecuniâ redimendum.* I. 4. Reg. c. 5. Quare viderint Clerici nostri, ut eorum mens & intentio tota in Deum referatur, ut cum David confiteantur Deo in *directione cordis, ac in labiis suis pronuntient omnia iudicia oris ejus.* In via etiam testimoniorum Domini *delectentur sicut in omnibus divitiis.* Pl. 118. Optandum ut Psalmus ille 118. qui toties non sine causâ in Ecclesiis replicatur, ore simul & corde, respondente singulis verbis mente decantetur; & cum eodem Psalte ex animo dicatur; *voluntariè sacrificabo tibi & confitebor nomini tuo, Domine, quoniam bonum est.* Pl. 53. Non adimit Christus, sed decernit operanti suam mercedem: *Dignus est enim operarius mercede sua,* Luc. c. 10. v. 7. & qui altari deservit, de altari & vivet. Sed interim cogitare debet Clericus, se vivere non ut edat, sed edere ut Christo vivat, habereque semper reconditum Christi verbum, *primam quaerite regnum Dei & iustitiam ejus, & hæc omnia adjicientur vobis.* Luc. c. 12. v. 31.

Similiter Stephanus Episcopus Parisiensis dubitare non videtur, Simoniam mentalem committi à Clericis qui

qui Divinum Officium ob solam spem materialium distributionum frequentant. "Prohibemus vobis omnibus, (inquit in sua Synodo) ne committatis Synoniam etiam mentalem, adeundo ad Divinum Officium sub spe materialium distributionum.

VI. Quis verò cenferi debeat principaliter Horis Canonicis propter distributionem interesse, licet id ab interiori animi affectu dependere videatur; frequenter tamen non obscura occurrunt externa indicia, hanc animi constitutionem prodentia.

Si, v.g. Canonicus Horas illas sollicitè frequenter quibus distributiones majores sunt annexæ, illis verò quibus nullæ aut exiguæ constitutæ sunt, sine justa causa passim negligat: nullamque illas frequentandi sibi curam esse ostendat; indicium erit non obscurum, quod Horas non amore Religionis, sed amore pecuniæ frequenter; easque tanquam medium ad distributiones ordinet. Canonicus quoque, qui mox ut Officium, cui distributionum lucrum annectitur, est absolutum, è choro discedere solet, neglecto Officio quod distributiones non pendit, tamen etiam immediate sequatur, difficulter se à suspitione Simoniacæ liberabit.

Quapropter Petrus Parisiensium Cantor Simoniacæ arguit Clericos, qui volebant Festum S. Stephani, patulante quodam Præfato, ritu duplici cantari, "Nisi unâ pastum & refectionem annuam Clericis promitteret, insuper nummos matutinales illius noctis duplicandos; ut sic celebrarent potius Festum nummi duplicati, quàm Festum S. Stephani.... Quibus sunt similes, pergit Petrus Cantor, quidam in Ecclesia psallentes & pro pretio cantantes; quibus pecuniæ disciplina est, nummus Decanus, ac etiam Deus; qui idololatæ sunt nummum potius adorantes, quàm Deum: non alias Deo cantaturi, nisi propter nummum.

Subdit deinde prædictus Auctor: "Quid vilius, quàm duas Horas in Ecclesia quadam (quia ad illas decantandas non est constituta certa pecunia), à Latinis dici Horas Domini, cæteras denarii, imò diaboli; imò ad has Horas decantandas & Horas beatæ Virginis non adfunt Clerici, sed præfentes in aliis, ab his fugiunt, ut nullum opus sibi vendicat in Ecclesia Spiritus Sanctus, cum nihil gratis in ea fiat, sed omne sibi vendicat nummus.

Si hodie superesset Petrus, in multis reperiret Ecclesiis quod in una se reperisse deplorat, & quasdam Horas Vicariorum, quasdam Canonicorum & Capellano- rum, non immerito appellandas videret.

Nonne cum magno divini Officii dedecore conspicitur, à duobus tribusve Vicariis Horas illas passim cursim, & syneopando decantari, quibus decantandis nullus nummus est constitutus? Numquid qui diligunt decorem Domûs Dei, magno animi dolore videre coguntur Canonicos, Capellanos aliosque Clericos ex Horis Canonicis, quibus distributiones quotidianæ sunt assignatæ penè non absolutis, quasi aufugere, & ad plateas aut confortia confabulationis causa se conferre, interim illa Officii parte, quæ distributione caret, neglecta?

## CAPUT IX.

### De Residentia Canonicorum.

1. Omnia Beneficia de Jure communi residentiam requirunt.
2. Ex Decreto Concilii Tridentini Canonici ad residentiam tenentur.
3. Quid sit residere.
4. Canonici integro divino Officio assistere debent.
5. Sine causa nequidem ad tres menses abesse possunt.

I. Cum beneficium detur propter Officium cap. fin. de rescriptis in VI. nullum ad beneficium

esse assumendum, ni una in eo loco resideat, ubi officium obire possit, jure cautum est: ideoque ut recte post alios Canonistas notat Fagnanus ad Capit. Conquerente. De Clericis non resid. "Beneficium quantumcumque minimum, puta viginti solidorum, ex quo habetur pro titulo, de jure communi personalem residentiam requirit, adeo ut non residens beneficio privari debeat. Hæc Fagnanus, qui addit: "Iste textus (scilicet citati Capit. Conquerente) optimè probat beneficium quantumvis tenue, de jure communi obligare ad personalem residentiam.

II. Igitur juxta disciplinam juris communis, Canonicos ad personalem residentiam astringi dubitari nequit. Quam æquissimam, atque intentioni fundatorum planè conformem disciplinam tempore Synodi Trident. multum prolapsam, restaurare desiderans eadem Synodus, statuit Sess. 24. cap. 12. De reformat. "Quod obtinentibus in Cathedralibus aut Collegiatis Ecclesiis dignitates, Canonicatus, præbendas aut portiones, non liceat vigore cujuslibet statuti, aut consuetudinis ultra tres menses, ab eisdem Ecclesiis quolibet anno, abesse: salvis nihilominus earum Ecclesiarum constitutionibus, quæ longius servitii tempus requirunt.

Cum Synodus hanc novem mensium residentiam requirat, non obstantem quocumque statuto, aut quacumque consuetudine contraria, rectè respondit S. Congregatio, referente Fagnano ad cap. LICET. De præb. Num. 32. "Eo Decreto sublatam esse consuetudinem immemorabilem vacandi ultra tres menses à servitio chori.

III. Residere autem juxta mentem Canonum, & Synodi Tridentinæ, "Est cum effectu Ecclesiæ in divinis deservire; nam residentia, ait Fagnanus loco citato num. 24. debet esse laboriosa, non desidiosa; cum beneficia ad divinum cultum & Ecclesiastica munia obeunda sint constituta. "Quid enim prodest præsentia in loco, inquit Glossa ad cap. unic. De Clerico non resid. in VI. ex quo divinis non adfunt.

IV. Ut ergo Canonici dicantur residere ad mentem Sacrorum Canonum, tenentur Divino Officio non tantum pro parte, sed integro assistere; alias enim pro parte duntaxat reliderent. Unde cum fuisset quesitum à S. Congregatione, an valeret statutum, ut uni vel duobus Horis interessentes lucrentur massam grossam, sive præbendam, amissis distributionibus quotidianis, responsum est non valere, Fagnanus dicto loco Num. 35.

Rectè proinde notavit Joan. Wiggerius de jure & justitia tract. 7. cap. 3. dub. 20. Num. 90. quod "Beneficiati qui præbendas habent liberas sine alio officio, v.g. docendi, concionandi, audiendi confessiones, aut simili onere non gravatas, rite peragant suam residentiam, non sufficit quod in die intersint semel Officio chori, etiam si forsitan ex consuetudine Ecclesiæ permittantur tales gaudere proventibus cum aliis, sed debent interesse divinis Officiis omnibus, ita ut à peccato mortali non videantur excusandi illi, qui juxta cessante causa absentant se ordinariè ab uno aut pluribus Officiis.

"Probatur, quia ordo Canonicorum maximè, non Cathedralium, est in Ecclesia principaliter institutus, ut ipsi Horis nocturnis & diurnis Deum in Psalmis, Hymnis, & Canticis Spiritualibus laudent, pro beneficiis gratias agant, iram Domini precibus & intercessionem sua à populo avertant; & exequantur illud Prophetæ Joelis c. 2. Inter vestibulum & Altare plorabunt Sacerdotes ministri Domini, & dicent: parce, Domine, parce populo tuo, & ne des hereditatem tuam in opprobrium, ut dominentur eis nationes: quo nomine liberalem passim ex bonis Ecclesiæ obtinent sustentationem. Unde ex officio suo & ex serie Ecclesiæ voluntate obligantur ista sedulo curare & præstare.

V. Denique notandum, concessionem sive permissionem

sionem absentiae ad tres menses, cujus meminit Synodus Trident. non sic esse accipiendam, quasi Canonici liberè & licitè abesse possint à choro tanto tempore pro merito libita; sed hoc sensu, quòd tanto tempore abesse possunt ex honestis causis absque speciali licentia Superioris; sive quòd illius absentiae causa legitima permittatur conscientiae Canonicorum. Imò Synodus propriè nullum tempus absentiae dedit aut constituit, sed tantum prohibuit, ne longiori, quàm trium mensium spatio abessent; sive, ut ait Fagnanus, non processit concedendo, sed prohibendo. (a)

(a) Die 20. Maji. an. 1669. Senatus Parisiensis Arresto declaravit, abusum inesse veteri Ecclesiae Senonensis statuto, quòd Canonici dumtaxat exigeretur residentia sex mensium, ut suorum beneficiorum fructus Grossos perciperent; Senatus definit Canonicos singulis annis tamen saltem ad novem mensium residentiam.

## CAPUT X.

De causis excusantibus à residentia.

1. Facilius à residentia excusantur Canonici, quàm Pastores.
2. Canonici in servitio Episcopi occupati à residentia excusantur.
3. Non requiritur licentia Capituli.
4. Tantum duo & quidem simplices Canonici cum hoc privilegio assumi possunt.
5. Absentia studiorum causà à residentia excusatur.
6. De Jure communi requiritur licentia Episcopi, secus de consuetudine.
7. Debent absentes incumbere studio S. Theologiae aut Sacrorum Canonum.
8. Debent transmittere litteras testimoniales de progressu in studiis, & quid hæc continere debeant.
9. Litterae testimoniales non temerè concedendae.
10. Privilegia hæc restringuntur ad beneficia speciali titulo personale servitium non requirunt.
11. Clerici, studiorum causà absentes, observare debent statuta de vita & honestate Clericorum.
12. Familiæ & Domestici Regis à residentia excusantur.
13. Limitationes hujus privilegii.
14. Variæ restrictiones privilegii recipiendi fructus in absentia.
15. Notanda circa causas absentiae.
16. Solent restringi dicta privilegia ad fructus grossos.

I. Quamvis Canonicos ad residentiam, & personale obsequium in Ecclesia, cui sunt adscripti, obligent Sacri Canones, ipsumque Canoniale officium; nihilominus esse legitimas nonnullas causas, quæ absentiam licitam faciant ipsosque Canonicos à poenis contra abentes decretis eximant, constat, imò frequentius posse esse causam sufficientem, ut Canonico- rum absentia sit legitima, quàm Parochorum, aut alio- rum curam animarum sustinentium dubium non est: tum quòd ex illorum absentia non sit metuendum tan- tum, quantum ex horum absentia, Animarum & Ec- clesiae nocumentum; tum quòd illorum facilius, quàm horum absentia, aliorum praesentia suppleri possit.

II. Sic Canonicis, donec in servitio Episcopi fue- rint, ne quidquam subtrahatur, quòd de communitatis sibi beneficio deberetur, respondit Alexander III. in cap. 7. *De Clericis non resid.* Ratio est, " Quia " absentes ab Ecclesia pro servitio Episcopi, ubi ser- vitium est necessarium vel utile Ecclesiae, & respicit " Episcopum, quatenus Episcopum, Juris censuræ, ait " Fagnanus ad dictum cap. 7. num. 12. reputantur " praesentes & censentur inservire Ecclesiae.... Et ser- vitium Episcopi quatenus Episcopus est, censetur " quasi servitium Ecclesiae cui praesidet, cum Ecclesia " sit in Episcopo.

Tom. I.

Quapropter juxta juris communis dispositionem duo saltem Canonici in actuali servitio Episcopi existentes possunt percipere fructus suæ Præbendæ in absentia; cum autem inter Episcopales functiones, una ex præ- cipuis sit debita populi instructio, non dubium quin si Episcopus ad hanc instructionem judicet sibi ne- cessarios aliquos à Canonicis, eosque illum in finem sibi assumat, hi Canonici debeant reputari, ut ex- istentes in servitio Episcopi, eoque titulo possint con- formiter ad jus commune fructibus suæ Præbendæ in absentia gaudere.

Quare non sine fundamento judicatum est anno 1640. in Consilio Privato Regis Galliarum, Canoni- cum deputatum ab Episcopo ad obeundam missionem & prædicationem, debere reputari praesentem in cho- ro, prout refertur in Actis Cleri Gallicani, tit. 1. cap. 2. §. 27.

III. Et quidem Canonicos in servitio Episcopi, etiam sine consensu Capituli, fructus in absentia lucra- ri, neque Episcopum teneri Capitulo probare utilita- tem Ecclesiae, communiter notant Canonistæ: id ta- men ad duos uno consensu limitant, auctoritate res- ponsi Honorii III. in cap. 15. *de Clericis non resid.* Quamvis ergo supra citatum cap. 7. loquatur simpli- citer de Canonicis sine ulla numeri prædefinitione, ta- men declarari & restringi debet, inquit Fagnanus, per dictum cap. 15. quod specialiter loquitur de Duobus, idque Ecclesiarum usus approbat.

IV. Ulterius si Canonicus in servitio existens Episcopi præter Canonicatum in eadem Ecclesia Dignita- tem obtineret, ratione cujus ad speciale aliquod & per- sonale servitium obligaretur, non posset occasione hu- jus servitii fructus illius Dignitatis absens percipere, nec à residentia eximi; ut judicatum refert Carolus Fe- vret, Tract. *De Abusu lib. 3. cap. 1. n. 13.* ibidem no- tans, Episcopos tantum posse assumere in suum ser- vitium duos simplices Canonicos suæ Ecclesiae, qui hoc privilegio gaudeant.

V. Secunda eaque hodie usitatissima absentiae causa, est studium in Universitate publica & probata. " Stu- " dentes in Theologiae Facultate, ait Honorius III. " in cap. fin. *De Magistris*, integre per annos quin- " que percipiant de licentia Sedis Apostolicae proven- " tus Præbendarum & Beneficiorum suorum, non " obstante aliquâ contrariâ consuetudine. " Quin & Innocentius III. prædecessor Honorii, Canonicis esse indultum gratiâ studiorum, ut in absentia percipiant fructus suarum Præbendarum, respondit in cap. 12. *De Clericis non resid.* Voluitque & ipsa Synodus Tri- dentina Sess. 5. cap. 1. *De reformat.* " Ut Scholares, " qui in ipsis Scholis student, privilegiis omnibus de " perceptione fructuum, Præbendarum, & Beneficio- " rum, in absentia à jure communi concessis, plenè " gaudeant & fruantur.

VI. Si jus commune spectemus, ut quis studiorum causà absens fructus percipiat, requiri expressam licen- tiam Episcopi communiter docent Canonistæ; & fuscè probat Fagnanus ad cap. *Cum ad hoc De Cler. non resid.* " Idèò autem est necessaria Episcopi licentia; " quia cum transmittendi ad studia litterarum debeant " esse dociles, Episcopus debet sedulò disquirere, an " sint ætate, naturâ, & ingenio tales, qui possint in " litteris proficere, & hos tantum licentiarè.

Verùm cum & privilegia Universitatibus Belgii in- dulta, ipsaque Concilia passim generaliter studiorum causà absentibus fructus Beneficiorum in absentia in- dulgeant, praxis Belgii hanc Ordinarii licentiam non requirit; & ita quoque servari refert Rebuffus in praxi Benef. p. 2. *De disp. de non resid. n. 25.* & judicatum ait Fevret loco citato; qui & ibidem monet, hoc pri- vilegium non concedi nisi sub certis conditionibus quarum prima hæc est, quòd ii soli hoc gaudeant privi- legio, qui ad publicas Universitates mittuntur, ut stu- deant Theologiae, vel SS. Canonibus.



VII. Et sanè eòdè Theologica & SS. Canonum scientia penè unica sit Canonicorum & Clericorum vocationi conveniens; idèdque sola *Clericorum Scholastica disciplina vocetur*, meritò requiritur, ut illi operam suam navent. Undè S. Carolus in Concilio Mediol. 1. p. 2. cap. 27. recipientibus fructus in absentia causà studiorum imposuit hanc legem, " ut verè in publico celebrique Gymnasio, *Theologiæ vel SS. Canonibus* studeant.

Huic consonat praxis Curiae Romanae, quæ concedens licentiam absentiae studiorum causà apponit hanc clausulam: " Orator operam in aliqua approbata Universitate studii generalis, seu Gymnasio publico, studio *Theologiæ* aut *Decretorum*, actu navare teneatur, Pyrrus Corradus de Dispens. lib. 5. cap. 6.

VIII. Altera eaque notanda conditio est, quòd teneantur residentes in Universitate singulis semestribus, aut ad minus singulis annis, Episcopo, aut Capitulo litteras testimoniales sui Regentis seu Professoris de progressu in studiis exhibere.

Et quidem S. Carolus in Concilio Mediol. 1. parte 2. cap. 27. statuit, ut ii qui studiorum causà absunt, singulis sex mensibus Episcopo scriptum sui Doctoris exhibeant, quo is ipsos in eo studii genere proficere testetur; quod etiam Episcopus secretò ab aliis cognoscere studeat.

Similiter Patres Concilii Tolosani an. 1590. p. 1. cap. 2. §. 5. volunt, " ut studentes Canonici temporis fideliter exacti studiorumque progressus Capitulum singulo anno admoneant. Cujus rei statim à Capitulo Episcopus certior fiet.

Synodus quoque Colonienfis anno 1536. parte 1. cap. 5. loquens de Canonicis ad Universitates studiorum causà mittendis, adjicit hanc cautionem, " dum tamen certis testimoniis singulis annis ad Collegia mittendis constet, nec perverfis moribus eos deditos, nec studia vana, quæ ad Ecclesiæ ædificationem non conducant, sectari: committendum enim non est, ut divino cultui dicata stipendia, in hujusmodi Canonicos discolos erogentur.

Eodem collimant litteræ testimoniales, quas sigillo Universitatis munitas à Canonicis aliisque Clericis studentibus, singulis annis exhiberi vult Synodus Mechl. P. I. tit. De vita & honest. Cleric. cap. 4. quæ & præcipit, ut litteræ illæ quoque testentur, utrum Clerici studentes utantur vestitu Ordini suo & vocationi congruo.

Ex his evidens est, hoc Studentium privilegium eòdè collimare, ut Ecclesia aliquando egregios, & eruditos Ministros, & Operarios habere queat; ut proinde nullatenus improbandum sit, quod judicatum in Parlamento Tolosano refert Torner Litt. C. cap. VIII. ut si Canonicus studens in Universitate postmodum transeat ad statum matrimonialem, ut nolit esse professione Ecclesiasticus, Capitulum posset repetere fructus perceptos.

IX. Ex his facillè intelligitur, litteras testimoniales Clericis studentibus, à Doctoribus aut Universitate non esse annuendas, nisi prævio examine constet de eorum in studiis diligentia & progressu: ne aliàs per hujusmodi testimonia Episcopis & Capitulis imponatur.

X. Solent denique hæc absentiae privilegia restringi ad Canonicatus & Beneficia, quæ speciali titulo *fundationis* non exigunt aliquod *personale* & particulare servitium; uti aliquoties in contradictorio judicio decisum fuisse testatur Fevret Tract. de abusu l. 3. c. 1. qui & addit, nonnunquam numerum Canonicorum volentium abesse studiorum causà, restrictum fuisse ad duos aut quatuor pro majore vel minore numero Canonicorum præsentium, ne aliàs officium Divinum aliæque Ecclesiæ munia absolvi non possent. Vide etiam Brodeau in notis ad Louëtium Litt. C. cap. 6.

XI. Denique meminisse oportet Canonicos in Academia studiorum causà versantes, quòd Canones, ac Romani Pontifices pro tempore quidem eos à personali

residencia absolvant, ut commodiùs, majorique otio studiis incumbere queant, scientiamque suæ vocationi congruentem comparare; nequaquam tamen eos eximant ab observatione eorum, quæ de vita & honestate Clericorum Canonibus decreta sunt; nullumque studiis impedimentum ingerunt.

Quapropter voluere Patres Synodi Mechl. P. I. loco citato, " ut Clerici qui in Academicis aut Scholis majoribus vel minoribus vivunt, & in alio quàm in sui Beneficii loco resident, intra mensem à die publicati hujus Concilii Provincialis, corona, pileo, caligis, & vestitu Ordini suo & vocationi congruo utantur; " cujus rei etiam in litteris testimonialibus singulis annis transmittendis mentionem fieri mandat.

XII. Plures alias, tum ex jure communi, tum ex privilegiis particularibus causas absentiae recensent Doctores, & quidem Glossographus ad Sanctionem Pragmaticam titulo *Qualiter Horæ sint dicendæ*, Verbo *Teneantur*, dicit: Ex " privilegio Pii II. Manuæ concessio, Capellani, Clerici familiares & Domestici Regis & Reginae, in eorum servitio, percipiunt grossos fructus luorum Beneficiorum, tanquam si in iis residerent, non obstante quòd non fecerint primam residentiam ex statuto.

XIII. Verùm hoc privilegium probans Parlamentum Parisiense in favorem Capellanorum Capellæ Regiæ, illud limitavit, inquit Fevret Tract. De abusu lib. 3. cap. 11. ad fructus grossos, & tempus servitii. Et Litteræ Regiæ quibus Capellanis Oratorii Regii conceditur jus percipiendi fructus in absentia, nominatim excipiunt distributiones quotidianas. Plurima judicata occasione hujus privilegii videre licet apud Brodeau in notis ad Louëtium Litt. C. cap. 32. qui & cap. 24. eodem privilegio gaudere asserit, Consiliarios Ecclesiasticos supremorum Parlamentorum tanquam Domesticos Regios; quique Regi in administranda justitia continuo assistant; atque hoc titulo anno 1641. Consilium Privatum adjudicavit Eustachio l'Escuier Canonico Tornacensi & Consiliario Ecclesiastico in Senatu Montensi fructus suæ Præbendæ in absentia, ut refertur in Registro M. S. Archiepiscopi Mechliniensis *Centuriæ* 2. art. 35. Hoc tamen privilegium ut & præcedens non habere locum in Beneficiis curam animarum habentibus; aut ex fundatione particulare & personale officium requirentibus, sapientius judicatum testatur Choppin in Monastico Lib. 2. cap. 3. & De polit. Eccles. Lib. 3. tit. 3. num. 20.

Idem privilegium Principum nostrorum Domesticos & Capellæ Burgundiæ Capellanis concessum esse nostras asserunt, & praxis comprobatur; de quibus vide Zypæum in jure novo tit. de Clericis non resid. n. 19.

XIV. Privilegia absentiae cum ea moderatione & restrictione intelliguntur, ut numerus præsentium judicetur sufficiens divinis Officiis ritè perfolvendis.

Hinc in Actis Cleri Gallicani tom. 2. part. 2. tit. 14. cap. 12. refertur judicatum per Parlamentum Parisiense die 4. Martii 1614 non posse esse in eadem Ecclesia ultra quatuor Canonicos, qui dispensentur à residentia causà studiorum.

Et cap. 10. ibidem refertur Arrestum Consilii Privati datum in judicio contradictorio die 19. Junii 1685, quo imprimis declaratum est, Consiliarios Clericos, necnon Officiarios Capellæ Regiæ de Canonicatu provisos, obligatos esse residere extra tempora exercitii suorum officiorum.

Præterea declaratur, quòd in Ecclesiis Cathedralibus & Collegiatis, quæ non pertinent ad provisionem suæ majestatis, non nisi duo queant esse privilegiati dictæ Capellæ Regiæ: & in Ecclesiis ad collationem suæ majestatis spectantibus non ultra quatuor.

Imò licet numerus Canonicorum ascenderet ad 40, non possent tamen esse ultra sex lucrantes fructus suarum præbendarum in absentia, absque distributionibus



manualibus, quæ præsentibus affectæ remanebunt.

XV. Porro circa hæc aliaque privilegia Canonicos alioque Ecclesiasticos à residentia eximentia observandum, illa esse species quasdam dispensationis; ideoque iis utentes expendere debent, num sit sufficiens causa iis utendi, id est, ea Ecclesiæ utilitas aut necessitas, quæ compenset incommodum ex non residentia proveniens: nimirum quod fructus destinatos huius particularis Ecclesiæ minister percipiat, cum nullum interim huic Ecclesiæ officium impendat; ac insuper ministro privet, quem habere posset, si beneficium quod abiens retinet, dimitteret.

XVI. Denique notandum, plerasque causas sive de jure communi, sive ex privilegio à residentia excusantes, restringi ad fructus grossos in absentia percipiendos; pauciores verò esse, quæ & quotidianas distributiones comprehendant, de quibus capite sequenti.

## CAPUT XI.

De causis legitimis recipiendi distributiones in absentia.

1. *Distributiones Jure communi absentibus vix unquam conceduntur.*
2. *Corporalis infirmitas, aut Ecclesiæ utilitas non sufficit nisi concurrat consuetudo.*
3. *Consuetudo Belgii nonnihil laxior quam jus commune.*
4. *An audientes Confessiones & celebrantes tempore Divini Officii gaudeant distributionibus?*
5. *An publicè docentes tempore Divini Officii?*
6. *Quibus cedant distributiones absentium?*

I. Si jus commune spectemus, nonnullæ causæ quidem ut legitimæ probantur, ob quas Canonici alioque similes Beneficiarii à residentia excusentur, fructusque Beneficiorum etiam absentes percipiant; sed penè in omnibus cum restrictione ad solos fructus grossos, suæ præbendæ, ut vocant, exclusis distributionibus quotidianis, quæ *visualia*, vel *manualia* dicuntur; eo quod in manum præsentem quasi tradantur; quæ de jure communi vix ulli absenti concedi reperies; adeo ut etiam si quis rescriptum sive privilegium à Sede Apostolica obtinuerit de percipiendis fructibus cum clausula, ac si *præsens* esset "Nihilominus, ait Fagnanus ad Cap. LICET De Præb. n. 101. distributiones non deberentur. Nam harum distributionum ea est natura propria, ut debeantur his tantum, qui *verè* interfunt Officiis divinis, non autem his, qui *fictè* resident, aut juris interpretatione.

Similiter Synodus Tridentina Sess. 24. cap. 12. De Reformat. statuit, "ut distributiones, qui statim Horis interfuerint, recipiant; reliqui, quavis collusione aut remissione excusa, his careant, juxta Bonifacii VIII. Decretum, quod incipit, *Consuetudinem*, quod S. Synodus in usum revocat, non obstantibus quibuscumque statutis & consuetudinibus.

II. Nulli ergo, nisi *actualiter* Horis Canonicis interfuerint, ex mente Concilii Trident. distributiones concedendæ sunt; idque juxta Decretum Bonifacii VIII. à Synodo innovatum: quod Decretum relatum in cap. unico De Clericis non resid. in VI. reprobatur tanquam corruptelam omnem consuetudinem concedentem distributiones quotidianas aliis, quam qui *actualiter* & *verè* Horis Canonicis interfuerint, *exceptis illis*, ait, quos *infirmitas, seu juxta & corporalis necessitas, aut evidens Ecclesiæ utilitas excuset.*

Hac exceptione nequaquam intendit Pontifex, distributiones concedendas iis omnibus, qui ex evidenti Ecclesiæ utilitate absunt; aut quorum absentiam utilitas Ecclesiæ aliundè compensat, & excusat; sed solum vult, non esse improbandam consuetudinem, aut ordinationem Ecclesiæ, distributiones absentibus annuentem, si modo vel infirmitas corporalis, aut evidens Ecclesiæ utilitas concurrat.

Quis enim dubitet, in Ecclesiæ utilitatem cedere, ut Canonici in regimine Diocesis Episcopo assistant, & inferviant? & tamen si jus commune spectemus, *distributiones* eis absentibus non debentur. Similiter negari nequit, quin absentia Canoniorum studiorum causa cedere possit in Ecclesiæ utilitatem, & tamen distributiones quotidianas nemo eis assignat.

Ut ergo de recipiendis in absentia distributionibus rectè judicemus, non tantum inquirendum, an corporalis infirmitas, aut evidens Ecclesiæ utilitas absentiam excuset, sed etiam aliqua Ecclesiæ ordinatio vel consuetudo concurrat.

Ita in plerisque Ecclesiis absentes ob corporis infirmitatem lucrantur distributiones illarum Horarum, quibus, dum sani sunt, interesse solent. Et licet Bonifacius VIII. in citato cap. unico idem velit observari, quoad distributiones in defunctorum anniversariis largiendas, tamen in nonnullis Ecclesiis Canonici absentes ob corporalem infirmitatem accipiunt distributiones Horarum, & non anniversariorum: Ut proinde id à consuetudine cujusque Ecclesiæ maximè depeodeat.

III. Similiter, licet de jure communi tantum gaudeant distributionibus, qui occupantur in negotiis Ecclesiæ suæ, nihilominus consuetudo Ecclesiarum Belgii debet, conformiter ad Synodos Provinciales, intelligi "in Ecclesiæ negotiis occupari non solum eos, qui Capituli vel Fabricæ negotia tractant, (verba sunt Synodi Mechl. P. I.)", sed & Episcopum, Archidiaconum, Pœnitentiarium, atque illos omnes, qui propria dignitatem, vel præbendarum suarum munia obeunt, aut Episcopis Ordines conferentibus, visitantibus, ac in aliis Episcopatus negotiis occupatis adsunt, vel aliquo ab eis missi consilium & operam suam impendunt, quos pro eo tempore (fraude & dolo seclusis), decernit pro præsentibus reputari, & omnibus emolumentis gaudere debere, sicut si *personaliter* divinis interessent. Tit. de Officio Divino cap. 5.

IV. Idem declarans Synodus Camerac. P. II. tit. 18. cap. 5. & cap. 6. ait "Similiter eos, qui vel celebrant, vel audiunt confessiones, ipsa Hora qua hæc faciunt, pro præsentibus habendos esse, modo tamen ad principales Horas juxta Ecclesiæ suæ consuetudinem ingressum fecerint; & Missa sua aut confessionibus finitis, si nondum sit peractum Officium chori, in ipsum redeant." Idem quoad celebrantes habet dicta Synodus Mechliniensis cap. 6. Et ita quoad celebrantes & audientes confessiones tempore divini Officii in Belgio obtinet; tamen si jus commune quoad eos, quibus ex munere non incumbit onus excipiendi confessiones, vel obligatio illis Horis celebrandi, non omnino consonet; uti videre est apud Fagnanum ad Cap. LICET De Præb. n. 118.

Illud quoque notandum, quod consuetudo celebrantes tempore divini Officii non excuset, nisi cum consuetudine concurrat juxta Constitutionem Bonifacii VIII. utilitas Ecclesiæ. Unde Canonici, qui aliis majoribus negotiis non distrahuntur, tempusque sufficiens habent, ut extra tempus divini Officii celebrent; neque aliquid notabile occurrit, quod celebrationem eo tempore exigit, nescio an vi hujus consuetudinis satis sint securi; dum ita passim divina Officia negligunt & chorum deserunt celebrationis causa.

V. Adhæc citata Synodus Cameracensis cap. 7. "Favore studiorum eos, qui ad docendum in ipsis Ecclesiis Cathedralibus aut Collegiatis, vel in Universitatibus (quoad beneficia quæ in ipsis Universitatibus possident), obligantur, iis diebus, quibus actu docent, aut publicis disputationibus intererunt, pro præsentibus habendos esse statuit, modo duabus de Majoribus Horis in die interfuerint.

Evidens est juxta hujus Synodi Decretum, quod Professores Academici, qui vi suarum lectionum sunt Canonici, deberent haberi pro *præsentibus*, in iis saltem Horis

Horis, quibus actu in lectionibus & disputationibus publicis occupantur: contrarium tamen de consuetudine obtinere manifestissimum asserit Zypæus *De Clericis non resid. num. 40.* qui ibidem quoque multis probat, maximè dependere à consuetudine & ordinatione Ecclesiarum, quæ sit dicenda *Ecclesiæ utilitas aut necessitas*, ut distributiones absentibus dari possint.

Qui ergo sine probata causa, secundum jam dicta, „personaliter competens sibi officium juxta formam ab „Episcopo præscribendam quolibet die statuto non „impleverint, illius diei distributionem amittant, nec „ejus (ait Synodus Trid. Sess. 22. cap. 3. *Dereformat.*) „quoquo modo dominium acquirant, sed Fabricæ Ec- „clesiæ aut alteri pio loco, arbitrio Ordinarii appli- „cetur.

VI. Verum quoad applicationem portionis quæ ab- senti cedere deberet, aliter in plerisque Ecclesiis usus obtinet.

Cum enim bona Ecclesiæ, sive Fabricæ soleant esse distincta & separata à bonis Canonicorum, aliorum- que Ministrorum Ecclesiæ, sive mensa Capitulari, quoad distributiones absentium; usus habet, ut si sin- gulis Canonicis & Beneficiatis certa portio assignata sit, seu cuilibet, qui Divinis interfuerit, detur certa quan- titas, tunc portio absentis, sive id quod superest, inter præsentem non dividitur, sed manet in massa communi: si verò certa portio seu quantitas singulis non sit assignata, sed una omnibus, quæ inter præsentem sit dis-

tribuenda, tunc portio absentium manet apud præsen- tes; augeturque propter absentiam aliorum; idque non tam jure accrescendi, quam non decrescendi, ut lo- quuntur Jurisconsulti.

Hæc tamen intelligi debent quoad prius membrum, si portiones desumantur ex massa seu bonis Capitulari- bus: si enim v. g. ab hæredibus defuncti singulis Cano- nicis aut Beneficiatis detur certa quantitas in exequiis aut sepulturis, absentium portiones manebunt apud hæredes. Similiter hæc omnia intelligenda sunt, nisi alia consuetudo Ecclesiæ quoad hanc applicationem ob- tineat: Vide Garciam de Beneficiis *parte 3. cap. 2. num. 443. & seqq.*

„Similiter dicendum est, ait Garcias dicto loco „449. de fructibus præbendæ amissis ob non residen- „tiam, vel aliâs, quod si in Ecclesia non sunt præbendæ „distinctæ, nec est facta divisio reddituum inter Eccle- „siam & ejus Ministros, sed ex patrimonio & bonis „Ecclesiæ dentur præbendæ, & redditus Ministris, assi- „gnatâ cuilibet certâ portione, tunc fructus amissi ad „ipsam Ecclesiam pertinent; si verò est mensa Capi- „tulari & massa communis Canonicorum & Benefi- „ciarum distincta à patrimonio Ecclesiæ, seu Fabri- „cæ, quæ inter residentes pro suis præbendis dividitur, „ut communiter est in Ecclesiis Hispaniæ, tunc portio „absentium, seu alias amissa in mensa Capitulari re- „maneat cum reliquis ejusdem fructibus inter residen- „tes dividenda.

## TITULUS VIII.

### DE CAPITULO CATHEDRALI

#### CAPUT I.

Capitulum Cathedrale Ecclesiæ Senatum repræsentat, & unum cum Episcopo corpus constituit.

1. *Primitis seculis Presbyteri & Diaconi unum cum Episcopo Ecclesiæ Senatum componebant.*
2. *In eorum locum successit Capitulum Cathedrale.*
3. *Capitulum Cathedrale esse Senatum Ecclesiæ probatur.*
4. *Capitulum Cathedrale tanquam Senatus Ecclesiæ præcedit cætera corpora Ecclesiastica.*
5. *Etiâ Magistratum Civilem.*
6. *Singuli Canonici Cathedrales præcedunt omnium inferiorum Ecclesiarum Canonicos.*
7. *Canonici Cathedrales ut singuli in dignitate non sunt constituti, ad eam tamen accedunt.*

I. PRIMIS nascentis Ecclesiæ seculis Presbyteri & Diaconi in civitate Episcopali curam anima- rum gerentes, unum cum Episcopo corpus quasi constituebant, Senatumque formabant, quos idcirco Vir Apostolicus B. Ignatius Martyr scribens ad Magnesianos, ait esse loco *Senatus Apostolici*. Et in Epistola ad Trallianos vocat *Consistorium Sacrum, Consilia- rios & Assessores Episcopi*. De quibus & Hieronymus in Caput 3. *Itaie*. Et nos habemus, inquit, in Ecclesia *Senatum nostrum, Cæterum Presbyterorum*.

II. Subsequentibus seculis paulatim Presbyterorum Clericorumque numero crescente, cæperunt Episcopi è Clero quosdam eligere, sibi que propius assignare, quorum consilio & operâ Diocesim suam regerent; quos posterior ætas *Canonicos Cathedrales* tanquam *Cathedræ* Episcopali propius adherentes, & eorum Cæterum *Capitulum Cathedrale* vocavit: Quæ enim primitus per Episcopum cum consilio & consensu Cleri erant secundum Canones tractanda & resolvenda, tan-

dem tractari & absolvi cum consilio vel consensu Capi- tuli, neglecto reliquo Clero, cæperunt.

Admodum verosimile est, hoc jus ad Capitula Cathedra- lia, excluso reliquo Clero, demum seculo decimo aut undecimo devolvi cœpisse, quando & Beneficiorum & Dignitatum tituli erecti, & separatim ab ordine col- lati leguntur: quemadmodum sub idem pene tempus, electio Episcoporum ad Cathedrales Canonicos, reli- quo Clero excluso, translata scitur.

Verum etiam si hæc hodie disciplina invaluerit, & recepta sit, ut scilicet Capitulum Cathedrale *Senatus* Ecclesiæ reputetur, atque Episcopus illud, ut suum *Senatum* habeat, quemadmodum olim suum Clerum; nihilominus indubitatum est, quod non raro expediret ut Episcopus in suum consilium alios è suo Clero, notanter Parochos, atque Archipresbyteros adsciceret, maxime dum agitur de his quæ curam animarum, & regimen spirituale populi concernunt, & in quibus frequenter hi præ Canonicis Cathedralibus solent esse versati; & de abusibus reformandis propius instructi; utpote Episcopis in hac cura & regimine cooperatores.

Unde optarunt Synodi, ut Episcopi, ut minus an- nuatim convocent Archipresbyteros, ut cum iis delibe- rent ac statuant, quæ ad extirpandos abusos, & pro- curandam salutem animarum intellexerint opportu- niora; uti supra *tit. 6. c. 4. n. 5.* dictum est.

III. Porro quemadmodum antiquitus Presbyteri & Diaconi civitatis Episcopalis *Senatum* Episcopi, atque unum cum Episcopo corpus formabant, sic Capitulum Cathedrale, quod huic Presbyterorum & Diaconorum Cæni successit, *Senatum* Ecclesiæ, & unum cum Episcopo corpus constituere dicitur.

Unde monet Synodus Tridentina *Sess. 24. cap. 12. Dereform.* Canonicos Cathedralis, „ut vestitu decenti „tam in Ecclesia quam extra assidue utantur; ab illi- „citisque venationibus, aucupiiis, choreis, tabernis, „lusuque abstineant; atque eâ morum integritate „pollcant,

„ polleant, ut merito Ecclesiæ *Senatus* dici possit. Et Synodus Burdigalensis anno 24. decimi septimi seculi. *cap. 9. §. 8.* „ Decet Metropolitanam Ecclesiam „ & alias Cathedrales Ecclesias eas personas ita probitate & scientiâ commendatas ad Canonicatus eligere „ & assumere, ut ex iis corpus Capituli coalescens *Senatus* Episcoporum, unde consilium accersant, merito dici possit.

IV. Porro quia Capitulum Cathedralis ipsum quodammodo totius Diœcesis Clerum repræsentat, atque unum cum Episcopo *Senatum* ac corpus constituit, etiam prærogativa præcipua gaudet, cæteraque omnia Corpora Ecclesiastica præcedit.

Hinc concludit Chassanæus in Catalogo gloriæ mundi *part. 4. conf. 32.* quod, „ Abbates non debeant super sedere Canonicos Ecclesiæ Cathedralis, nec debent „ eos præcedere, maximè quando processionaliter procedunt, & ita quasi universaliter servatur, maximè „ in Regno Franciæ, ubi semper Ecclesiæ Cathedrales „ præferuntur in quibuscumque Processionibus & aliis „ actibus Ecclesiasticis.

V. Cumque quæstio incidisset inter Capitula Cathedralia & Magistratus Civiles super *præcedentia*, hæc non semel in contradictorio iudicio Capitulo Cathedrali utpotè *Senatum* Ecclesiæ representantem adjudicata fuit; atque generaliter Rex Galliarum declaravit 8. Februarii 1657. Canonicos Cathedrales esse manutenendos in præcedentia in omnibus Conventibus publicis & privatis ante Officiarios & Magistratus, etiam *Senatus* Regios Præsidiales ut vocant, sive Curiarum subalternarum, ita ut Corpus Canonicorum præcedat Corpus Officiariorum; & singuli Canonici singulos Officiarios. Vide Acta Cleri Gallicani *tom. 1. tit. 1. cap. 8. n. 28. & seq.*

VI. Quin & singuli Canonici Cathedrales præcedunt singulos Canonicos omnium inferiorum Ecclesiarum, possuntque Canonici Cathedrales juxta Innocentium III. in *cap. SEDES APOSTOLICA* „ De *rescriptis* dici Clerici *primi* gradus, alii autem Clerici *secundi* gradus.

VII. Quia tamen singuli Canonici propriè non constituunt *Senatum*, aut Corpus ipsam Ecclesiam Cathedralis repræsentans; neque jurisdictio aut autoritas singulis Canonicis, sed Corpori competit; singuli quoque Canonici Cathedrales Dignitatem habere non dicuntur; distinguunturque à constitutis in Dignitate in *cap. STATUTUM De rescriptis* in VI. ut notat Zypæus *Consult. 2. De Majorit. & obed.* Docetque Canonicos Cathedrales ut singulos cedere debere Decanis, Præpositis aliisque in Dignitate constitutis, etiam Ecclesiarum Collegiarum: quamquam & in his consuetudo locorum varia esse possit, quæ in similibus attendenda est, ut rectè monet Chassanæus in Catalogo gloriæ mundi *parte 4. Conf. 38.*

Prærogativa quidem horum Canonicorum vel in hoc elucet, quod ipsi iudices à Sede Apostolica in *partibus* delegari queant, quod nulli alteri de Clero præterquam in Dignitate constituto conceditur.

## CAPUT II.

Capitulum Cathedralis quantumvis exemptum debet Episcopo tanquam *Capiti* reverentiam & honorem exhibere; & in quibus hæc consistant?

1. Episcopus semper habitus Caput sui Cleri.
2. Capitulum Cathedralis cum pro tali agnoscere debet.
3. Capitula Cathedralia desertâ vitâ communi à jurisdictione Episcoporum se eximere ceperunt.
4. Synodus Trid. voluit præcipuum honorem adhiberi Episcopo, non obstante exemptione.
5. Nulla exemptio excusare potest Capitula ab exhibendis iis quæ sunt honoris & reverentiæ.

6. Capitula etiam exempta impedire nequeunt ut Episcopus solemniter ad suam Cathedralis deducatur; eique benedictionem danti se inclinare debent.

7. Episcopo in Ecclesia Cathedrali etiam exempta prima & honorabilior Sedes sæpius adjudicata.

8. Non obstante exemptione Canonici operâ & consilio Episcopo assistere debent; & ad postulationem Episcopi congregationem indicere.

9. Canonici etiam exempti jura reverentialia suo debent Episcopo.

I. Totius Cleri Episcopum Caput esse; eique præcipuam agendorum in sua Diœcesi curam incumbere indubitatum est.

Hinc illud Concilii Carthaginensis IV. *Can. 35.* apud Gratianum *Dist. 95. Can. 10.* „ Ut Episcopus in Ecclesia & confesso Presbyterorum *sublimior* sedeat; „ Et illud Viri Apostolici S. Ignatii in Epistola ad Smyrnenenses: „ Omnes Episcopum sequimini, ut Christus „ Patrem, & Presbyterorum Collegium ut Apostolos. Et Diaconos revereamini ut ex Dei præcepto „ administrantes. Sine Episcopo nemo quidquam faciat eorum, quæ ad Ecclesiam spectant.

II. Cum vero Capitulum Cathedralis præcipuam Cleri partem constituat, atque totius Diœcesis quodammodo Clerum repræsentet, *Senatumque* componat; Hierarchicus Ordo atque Episcopalis Dignitas exigunt, ut Capituli Cathedralis Caput ac Præfex sit Episcopus; ipsumque ut talem Canonici reverentur, atque suspiciant, uti respondit Alexander III. in *cap. NOVI* „ De *bis quæ fiunt à Prælato sine consensu Capituli.*

III. Vita communi Canonicorum durante; quando Canonici, quos hodie *Cathedrales* dicimus, cum Episcopo, atque sub ejus directione in communi vivebant; perfectissima erat capitis & membrorum conjunctio: At vita communi in singularem mutata, ipsisque Capitulorum proventibus ab Episcopalis separatis, ceperunt Canonici non secus ac Monachi à jurisdictione Episcoporum quærere exemptiones.

IV. Quas exemptiones utpotè Episcopis in præcipuam sui Cleri partem subtrahentes auctoritatem; atque liberius delinquendi facultatem Canonicorum foventes, aboleri, ipsaque Capitula Cathedralia ad pristinam subjectionem Episcopi reducere desiderantes Patres Tridentini nonnulla decrevere, quæ temporum ac rerum conditio patiebatur pro restituenda Episcopali in Capitula Cathedralia auctoritate *sess. 25. cap. 6. De reformat.* „ Atque inter alia, ut Episcopis ubique „ is honor tribuatur, qui eorum Dignitati par est; „ eisque in choro, & in Capitulo, in Processionibus „ & in aliis actibus publicis sit prima sedes & locus, „ quem ipsi elegerint, & præcipua omnium rerum „ agendarum auctoritas.

V. Et sanè, non obstante quacumque exemptione, Episcopus manet Caput & Primarius Pastor, ac Pater sui Cleri, ac totius Ecclesiæ sibi creditæ; ideoque nullatenus Canonici, quantumvis exempti à jurisdictione Episcopi, ipsi negare possunt, quæ honoris ac reverentiæ sunt, non magis quam filius emancipatus naturalia illa obsequii & honoris jura negare queat Patri suo naturali; uti rectè observat Carolus Fevretius *Tract. De abusulib. 3. cap. 1. cum nusquam exempti liberi esse censentur*, inquit, „ ab obsequio reverentiali.

VI. Hac de causa Capitula quantumvis exempta impedire nequeunt, quominus Episcopus in Pontificalibus incedens per Apparitores, & Accensos (a) suos, cum suis respectivè sceptris & virgis ad Cathedralis suam deducatur; dictique Ministri sua loca prope Episcopum, quo præsto esse queant in ejus servitio, obineant: quemadmodum ibidem notat Fevretius; addit insuper, quam injustè ac parum Christiane quidam Canonici prætenderent vi suæ exemptionis se eximere (a) Vallaux.

à ge-



à genueflexione, aut corporis inclinatione cum reliquo populo, dum Episcopus solemniter Benedictionem impertitur; atque ab hac sua prætenſa denegatione deſtitiffe, cum præviderent ſe à Senatu Regio, cujus protectionem Episcopus imploraverat, certo condemnandos.

VII. Ulteriùs, ex Decreto Synodi Tridentinæ, Episcopis " in omnibus actibus publicis, & in choro, debetur prima ſedes & locus quem ipſe elegerit, idque rursus non obſtante quacumque Capituli exemptione à jurisdictione Episcopi; eo quod hæc juriſdictio & obsequiis honorificis atque reverentialibus, ratione caracteris Episcopalis debitis, minimè deroget.

Quapropter Episcopus in ſua Eccleſia Cathedrali, tametiſi exempta, poteſt habere ſedem ſeu thronum elevatum, uti judicatum in Parlamento Regio pro Episcopo Catalaunenſi contra ſuum Capitulum 15. Feb. 1664. ex Renato Choppino refert Fevretius *Lib. 3. cap. 3.* Similiter cum nonnulli Canonici Eccleſiæ Cathedralis Aduenſis vellent impedire Episcopum ne Cathedralis ſuæ imponeret umbellam, (a) quæſtione ad Parlamentum Regium delatâ, declaratum fuit, 14. Martii 1657. referente ibidem Fevretio, Episcopo liberum eſſe habere umbellam in Cathedra ſua elevata ad tres gradus; ad quam poſſit accedere ſive in habitu Pontificali, ſive Canonicali, quotieſcumque ei libuerit.

VIII. Adhæc, quia Episcopo ſemper intacta ac integra manet cura totius Diceceſis, atque præcipua omnium rerum gerendarum auctoritas; nec non ipſa Capitula Cathedralia obligentur, quacumque exemptione non refragante, conſilio ac opera ei aſſiſtere; cum eum in ſinem fundata ſint & inſtituta, conſequens eſt, Canonicos negare juſtè non poſſe congregationem Capituli, cum eam Episcopus neceſſariam pro negotiis Eccleſiæ ſuæ judicaverit. Atque hinc à Senatu Pariſienſi 15. Feb. 1564. judicatum fuit, Episcopum Cabilonenſem imperare poſſe, ut cogatur Capitulum, quotieſcumque deliberandum erit pro negotiis Eccleſiæ, aut concernentibus ſervitium Regis. Carolus Fevretius *lib. 3. cap. 1.*

IX. Cum Episcopus, non obſtante quacumque exemptione remaneat Caput & Praelatus totius ſui Cleri & Capituli; & eo titulo debeatur illi debita reverentia; & honor externus ſit ipſi exhibendus, ejus caracteri correfpondens, non ſine fundamento jam pridem condemnati fuerunt quidam Canonici Eccleſiæ cujuſdam Cathedralis, non obſtante allegatâ per eos contrariâ poſſeſſione, comitari ſuum Episcopum in publicis Proceſſionibus; nec poſſe ſeparatim procedere, uti refert Joannes Galli *quæſt. 326.* ubi Carolus Molinaeus in margine ad verbum *Canonici* adjicit: *QUAMVIS EXEMPTI, quia non ſunt exempti à jure reverentia; nec ab onere & obligatione miniſterii communis, ſed à contentioſa juriſdictione.*

Hæ quæſtiones Galli cum notis Molinæi habentur inſertæ volumini ſecundo Operum Molinæi ultimæ editionis Pariſienſis.

(a) Un Pais.

### CAPUT III.

Quomodo Episcopus Capitulis etiam exemptis interveniat.

1. Synodus Trident. voluit ut in Capitulis etiam exemptis Episcopi præſiderent.
2. Hoc Decretum quantumvis juſtiſſimum ubique executioni mandari non potuit.
3. Episcopi poſtularunt unionem præbendæ ſuo Episcopatu, ut Capitulum tanquam Canonici intrare poſſint.
4. Non eſt novum quod Episcopus in qualitate Canonici Capitulo interſit.
5. Unde dignoſcatur an interveniat ut Canonicus, an ut Praelatus.

6. Quam locum obtineat, dum intervenit ut Canonicus.
7. Non præſidet dum intervenit ut Canonicus, niſi privilegio aut conſuetudine contrarium obtineat.
8. Quod ſuffragium Episcopus in Capitulo habeat.
9. Exemptio Capitulum quomodo limitanda.

I. Synodus Tridentina auctoritatem atque jurisdictionem in Capitulo ſua Cathedrali, quantum temporum conditio patiebatur, Episcopis reſtituere volens, præter ea, de quibus capite præcedenti, ſtatuit, ut " ſi Episcopi aliquid Canonicis ad deliberandum proponant, nec de re ad ſuum vel ſuorum commodum ſpectante agatur, Episcopi ipſi Capitulum convocent, vota exquirant, & juxta ea concludant. " *ſeſſ. 25. cap. 6. De reformat.*

Itaque ex mente Patrum Synodi Tridentinæ, Episcopi ſunt ipſorum Capitulum Moderatores; atque Præſidentium munia & functiones exercent: idque non tantum quoad Capitula jurisdictioni ſuæ ſubjecta; ſed etiam exempta; utpoſtè de quibus unice in ſuo Decreto agit Synodus.

Et ſane quid juſtiùs ac ipſi Ordini Hierarchico conformis, quam utis in conſeſſu ſui Cleri præſideat, ac negotia propoſita Præſidentis inſtar moderetur, qui præcipuum in Hierarchia locum obtinet; atque eminenter omnem Eccleſiaſticam auctoritatem, quæ in Clero inferiori reperitur, continet; imò à quo tanquam è fonte in reliquum Clerum deſluere debet? ut propterea Episcopatus plenitudinem Sacerdotii; reliqui verò Ordines aut Dignitates Clericales portionem aliquam duntaxat habere dicantur.

II. Quapropter, uti ex hiſtoria Concilii Tridentini intelligitur, votum Patrum erat, eas exemptiones planè abolere; atque Capitula Cathedralia ad plenam Episcopi ſubjectionem reducere; at temporum ac rerum conditio, aliquam in his moderationem à Concilio extorſit; & nihilominus tamen, uti queruntur Patres Concilii Rothomagenſis an. 1581. " Exemptiones Capitulum, propter quas eorum non poteſt reſtitui Eccleſiaſtica diſciplina, nec emendari abſus Eccleſiarum Cathedralium, nequeunt ad hanc moderationem Concilii Tridentini reduci propter Capitulum reſiſtentium multitudinem, eorumque potentiam.

III. Hinc eidem Episcopi Rothomagenſis Provinciæ conſenſerunt ſalvas manere exemptiones; " ne, inquit, propter eas Concilio Provinciali poneretur obſtaculum. " Deinde ſubdunt, atque Pontifici exponunt: " Sed ſalvis illis, viderunt jam ſibi viam paratam à D. Metropolitano ad ingrediendum Capitula, & eis præſidendum, in ipſiſque reformandum omnia. " Nam antea Archiepiſcopi noſtri impetrarunt à Sede Apoſtolica Bullas ad uniendum Canonicatum & præbendam Archi-Episcopatu, ut ita Archiepiſcopus tanquam Canonicus intraret Capitulum, quoties vellet, & in ipſo præſideret: quo jure nunc utiur. " Supplicant humillimè Episcopi Sanctitati ſuæ, ut dignetur omnibus ejuſdem Provinciæ Episcopis Bullam communem conferre ad uniendum Episcopatu Canonicatum & præbendam, quam vacantem deligere voluerint, ad inſtar unionis Archiepiſcopo Rothomagenſi dudum conceſſæ, atque ad eundem effectum & finem.

IV. Quod hic dicitur indultum Archiepiſcopo Rothomagenſi, aliſque ejuſdem Provinciæ Episcopis indulgeri petitur; nimirum Episcopatibus præbendam & Canonicatum Cathedralium uniri, ut eo mediante tanquam Canonici Capitulo intereſſe poſſent, novum non eſt: nam in *Cap. 15. De Conceſſione Præbendæ*, &c. cum quæſitum eſſet, collatione Præbendarum ſpectante ad Episcopum & Capitulum, utrum Capitulo negligente intra tempus legitimum collationem, jus conferendi devolveretur ad Episcopum; reſpondit Innoc. III. collationem non devolvi ad Episcopum, ſed ſecundum



ddm Statuta Lateranensis Concilii devolvi ad Superiorem: nisi forte, inquit, non ut Prælati, sed ut Canonici vobiscum jus habeat conferendi; quo responso supponitur, Episcopum interdum ut Prælatus, interdum verò ut Canonicum Capitulo intervenire & cum Canonicis deliberare; quod & ad citatum Capitulum uno consensu notantur Canonistæ.

Hæc similiter distinctione utitur Pontifex in cap. A. collatione De appellationibus in VI. respondens à collatione Beneficii, quæ communiter à Capitulo & Episcopo fit, appellari oportere non ad Episcopum, sed ad ejus Superiorem, si ut Prælatus interveniat; aliàs si ut Canonicus, ad ipsum Episcopum esse appellandum.

V. Si verò quæretur quâ qualitate Episcopus Capitulo intervenire censeatur; an tanquam Prælatus & Caput, an tanquam Canonicus sive membrum Capituli, censent Canonistæ, quòd si in Ecclesia sit statutum, aut vetusta consuetudo, determinans quâ qualitate Capitulo Episcopus interveniat, illi standum esse: his verò deficientibus, aut dubiis, tunc decidendum esse ex conjecturis. Quia si Episcopus non tenet primum locum & honorabiliorem, censetur interesse ut Canonicus: si autem præsideat & teneat honorabiliorem locum, censetur esse in Capitulo ut Prælatus.

VI. Nam ut post Abbatem in cap. POSTULASTI De concess. præb. n. 8. passim tradunt Canonistæ, "ubi cumque Prælatus interest in aliquo Collegio, non ut Prælatus illius Collegii, sed ut singularis illius collegii, non debet tenere Caput illius collegii; licet persona sua seu dignitas sit in se honorabilior, quàm dignitas Præsidentis in illo Collegio: quia non stat ibi tanquam constitutus in sua dignitate; sed tanquam singularis de Collegio." Hæc Abbas & post ipsum communiter Canonistæ; & inter alios Fagnanus ad citatum Capitulum Postulasti; qui & addit: quòd Episcopus qui est Canonicus in sua Ecclesia, & ut talis Capitulo intervenit, debeat sedere immediatè post eum qui præest Capitulo: si autem in aliena Ecclesia habeat Canonicatum, debeat sedere in loco Canonicatus. "Sic præfens, ait, in Basilica S. Petri Patriarcha Hierosolymitanus, qui est etiam Canonicus, sedet in choro post Canonicos ante ipsum receptos.

VII. Quòd igitur Archiepiscopus Rhotomagensis assistens Capitulo ratione Canonicatus suo Archiepiscopatu annexi, dicatur in Capitulo præsidere, consuetudini aut privilegio tribuendum est: quòd sanè & dignitati Episcopali, & disciplinæ primitivæ & puriori admodum consentaneum est. Inerectione quoque novorum Episcopatum Belgii, annexus live incorporatus fuit Canonicatus seu præbenda mensæ Episcopali, ratione cujus Episcopus persona Capitularis sit, vocemque & auctoritatem etiam in Capitulo super Decanum & Canonicos habeat.

VIII. Illud insuper notat Glossographus ad allegatum Capitulum à collatione, & post eum Canonistæ, quòd Episcopus interveniens Capitulo ut Canonicus, habeat vocem, & sua vox augeat numerum: si autem ut Prælatus, non habeat vocem, sed solum habeat potestatem concludendi secundum majorem partem Capituli.

Hoc tamen Glossographi dictum intelligi debet de voce absoluta, non autem de decisiva in paritate, quæ in omni Congregatione præfidenti & concludenti competere solet.

IX. Insuper dictum illud Glossographi intellige, nisi consuetudo aut speciale statutum Episcopo aliquid amplius deferat: ut Bulla erectionis novorum Episcopatum Belgii, in electione Canonicorum Graduatorum dat Episcopo tanquam Canonico primum suffragium æquivalens suffragio unius è reliquis Canonicis Graduatis, ac insuper in paritate suffragium decisivum, si ve paritatem dirimens.

## CAPUT IV.

In quibus Episcopus teneatur consilium vel consensum Capituli petere.

1. Olim Episcopi Presbyterorum & Diaconorum consilio utebantur.
2. In decidendis causis Episcopo assistebant.
3. In locum Diaconorum & Presbyterorum successit Capitulum Cathedrali.
4. Canonici Cathedrales in regimine Ecclesiæ operâ & consilio Episcopo assistere debent.
5. Episcopus consilium petere, non tamen sequi, ordinariè tenetur.
6. In collatione Beneficiorum interdum consensum Capituli habere debet.
7. Consensus Capituli requiritur in alienatione bonorum.
8. Item in unione Beneficiorum.
9. Moribus Belgii loco Capituli interdum succedit Vicariatus.

I. Quamquam penes Episcopos præcipua semper fuerit in Ecclesiæ regimine auctoritas; ac tanquam summi Sacerdotes, ipsamque plenitudinem Sacerdotii obtinentes, fuerint considerati, nihilominus ab ipsis Ecclesiæ primordiis, fuit & Presbyterorum, Diaconorumque ordo & cæterus, quorum consilio & operâ Episcopi in Ecclesiæ regimine uterentur.

Hinc illud Cypriani ad Presbyteros & Diaconos suos Epist. 5. "Quamquam causa compelleret, ut ipse ad vos properare & venire deberem: primò cupiditate & desiderio vestri, quæ res in votis meis summa est, tum deinde ut ea quæ circa Ecclesiæ gubernaculum utilitas communis exposcit, tractare simul & plurimorum consilio limare possemus, &c." Et infra: "Ad id verò quod scripserunt mihi Compresbyteri nostri Donatus & Fortunatus, Novatus & Gordius, solus rescribere nihil potui: quando à primordio Episcopatus mei statuerim, nihil sine consilio vestro, & sine consensu plebis, meâ privatim sententiâ gerere.

Cui consonat illud S. Ignatii: Revertantur omnes Episcopum, ut Jesum Christum existentem Filium Patris; Presbyteros autem ut consilium Dei & conjunctionem Apostolorum. Epist. ad Tarcentenses.

II. Hæc de causâ videmus passim Sacros Canones in judiciis causarumque decisionibus Presbyteros Diaconosque Episcopis jungere: imò ex Concilio Carthagin. IV. Can. 23. refert Gratianus 15. q. 7. can. 6. "Ut Episcopus nullius causam audiat absque præsentia suorum Clericorum: alioquin irrita exit sententia Episcopi, nisi Clericorum præsentia confirmetur.

III. Cùm ergo Capitulum Cathedrali præcipuam Cleri portionem; unumque cum ipso Episcopo Corpus Senatumque constituat, pristinumque Presbyterium, quo inconsulto nihil majoris momenti Episcopi in negotiis Ecclesiasticis expedire consueverant, repræsentet; æquum justumque, atque regimini Ecclesiæ convenire judicatum est, ut Episcopi in regimine & administratione Ecclesiæ suæ Canonicorum Cathedralium operâ & consilio uterentur; imò & in quibusdam nec sine eorum assensu procedere possent.

Et quidem ad Patriarcham Hierosolymitanum scribit Alexander III. in cap. NOVI De his quæ sunt à Prælato sine consensu Capituli: "Novit plenius tuæ discretionis prudentia, qualiter tu & fratres tui unum corpus sitis, ita quod tu Caput, & illi membra esse probantur. Unde non decet te omisisti membris, aliorum consilio in Ecclesiæ tuæ negotiis uti; cùm id non sit dubium, & honestati tuæ & SS. Patrum Constitutionibus contraire.

„Innotuit siquidem auribus nostris, quod tu sine consilio fratrum tuorum Canonicoꝝ S. Sepulchri, Abbates & Abbatissas & alias Ecclesiasticas personas instituis. Ideoque id auctoritate Apostolica prohibemus. Nos enim tales institutiones & destitutiones carere decernimus robore firmitatis.

Et in cap. QUANTO & eod. rursus eidem rescribit. „Quia non decet prudentiam tuam in negotiis tibi commissæ Ecclesiæ consilium Fratrum tuorum postponere, cum quibus unum corpus existere comprobatis, Fraternitati tuæ mandamus, quatenus in confessionibus & confirmationibus, & aliis Ecclesiæ tuæ negotiis Fratres tuos requiras, & cum eorum consilio vel sanioris partis eadem peragas & pertractes, & quæ statuenda sunt statuas, & errata corrigas, & evellenda dissipes & evellas.

IV. Juxta mentem Alexandri III. Episcopus Canonicos Cathedralis ut suum Senatorem, ejus consilio Ecclesiam suam administret, suspicere tenetur: ipsi Canonici sedulo expendere debent, „Canonicatum ac Præbendam instituendi rationem, & causam hanc fuisse, ut bene monuit Cardinalis Polus in Decreto de reformat. Cleri Anglicani, ut qui ad eas assumuntur, Episcopo assistant, eumque in muneris, sui functione consilio & operâ adjuvent, in Divinis celebrandis Ecclesiæ inserviant.

Hac de causa Canonicos Cathedralis monuit magnus ille Gandensium Antistes Guilielmus Lindanus, „Ut nullâ ratione putarent se apud Deum excusari, si solum Officio recitando occupentur: imprimis verò, ait, per Germaniam, qui ad docendum, Episcopo, que suo serviendum præcipue sunt à Carolo Magno instituti; quemadmodum tabulæ foundationum fontant. „Par. Apologie.

Ea quoque Gallorum mens extitit Canonicos Cathedralis fuisse potissimum institutos, ut operâ & consilio assistant Episcopis in regimine Ecclesiarum.

Hinc & inter articulos reformationis nomine Caroli IX. Regis Galliarum Patribus Tridentinis propositos, erat hic ordine 27. his verbis expressus: Cum Episcopus eâ jurisdictione uti non debeat secundum antiqua decreta, nisi consulto Capitulo, quemadmodum nec alia suæ Diocesis gravia negotia tractare, danda est diligens opera, ut Canonici Cathedralium Ecclesiarum sint assidui in Ecclesia Cathedrali bonis moribus, & scientiâ præditi: quique saltem vigesima quintum annum attingant: nam ante illam ætatem, cum non possint per leges humanas rebus suis prospicere; quomodo Episcopo suo consulere poterunt?

V. Verum tamen Ecclesiæ mens sit, ut Episcopi in Ecclesiarum administratione arduisque negotiis consilio Fratrum suorum sive Canonicoꝝ utantur, præcipuam tamen auctoritatem arbitriumque penes Episcopum esse vult; ut ipse audito & maturè expenso Canonicoꝝ consilio id decernat, quod Ecclesiæ hic & nunc magis expedire judicaverit.

Qui enim aliquos ut Consiliarios sive per modum consilii audire debet, rationes quidem ipsorum expendat justum est; at eorum consilium sequi non tenetur; neque consensum Capituli expectare; nisi id speciali jure expressum sit, communiter tradunt Canonistæ ad Titulum Decretalium De his quæ fiunt à Prælato sine consensu Capituli, quod S. Carolus in sua Synodo Provinciali V. part. 3. cap. 11. his verbis exprellit: „Quibus in actionibus aut deliberationibus Oecumenicæ Synodo Tridentinæ, aut Provincialibus Conciliis constitutum est de Capituli Clerice consilio aliquid agendum esse, non propterea tamen illud sequendi necessitatem sibi impositam esse Episcopus existimet, nisi in iustantur, de quibus id speciatim nominatum, que cautum est.

Cui conformis est resolutio Sacræ Congregationis Cardinalium quam refert Piafscius in praxi Episcoporum part. 2. cap. 2. num. 8. quæ declaratur, Episcopum in edendis Constitutionibus debere requirere consilium Capituli, Licet illud non teneatur sequi, nisi in casibus à jure expressis.

VI. Calus verò à jure expressos ibidem enumerat Piafscius; atque imprimis requiritur non consilium duntaxat, sed & consensus Capituli in illis omnibus in quibus vertitur interesse (a) Capituli, Cap. fin. & De his quæ fiunt à Prælato sine consensu Capituli. Unde si collatio Beneficiorum pertineat tam ad Capitulum, quam ad Episcopum, nihil potest de illis disponere Episcopus sine consensu Capituli, cap. 6. & eod.

VII. Item, si agatur de nobilium aliquarum rerum ad Ecclesiam spectantium alienatione, Cap. 1. §. 8. & 9. & eod.

VIII. Hoc ex capite in Ecclesiis & beneficiorum unione consensum Capituli intervenire debere, non obscurè innuitur in Clem. fin. de rebus Ecclesiæ non alienandis. Plura de his casibus à jure exceptis vide apud Barbosam Tractatu de Canonicis cap. finali.

IX. Notat autem Zypæus Consult. 17. De Regularibus Num. 38. quod „in his regionibus passim negotia Episcopalia, & singulatum uniones, per Episcopos expediantur non interveniente Capitulo, sed consilio Vicariatus. Usus autem is notorius est tam quotidianâ praxi, quam infinitis hodiernarum & veterum unionum litteris ubique extantibus. „Hæc ille, qui ibidem notat, consuetudinem hanc non esse planè difformem à mente Concilii Tridentini, quod in multis negotiis non integrum Capitulum, sed aliquos de Capitulo ab Episcopis in consilium adhiberi vult, ut infra videbitur, ubi de illis materiis tractabitur.

Praxis hæc, de qua Zypæus, nequaquam universalis est in Ecclesiis Cathedralibus Belgicis: plures enim sunt, in quibus, Sede non vacante, nullus Vicariatus instituitur; omniaque negotia capitulariter peraguntur; & ab Episcopis consultitur Capitulum.

(a) Id est Interest.

## TITULUS IX.

### DE CAPITULO, SEDE VACANTE.

#### CAPUT I.

Capitulum, Sede vacante, in ordinariam Jurisdictionem Episcopi succedit.

1. Clerus olim, Sede vacante, Ecclesiam ad ministrabat.
2. Capitulum Cathedrale Clerum representans, tunc vicis Episcopi supplet.

3. Quo jure Capitulum succedit in jus Episcopi, Sede vacante.
4. Quæ competunt sublatâ reservatione, transeunt in Capitulum, Sede vacante.
5. Illud procedit etiam quoad ea quæ Episcopo speciali jure competunt.
6. Et generaliter tam quoad jurisdictionem contentiosam quam voluntariam.
7. Licet excludantur inferiores Prælati, non tamen Capitulum.

I. CUM

I. CUM ob tyrannorum persecutiones S. Cyprianus Ecclesiam suam deferere debuisset, ad Clerum Romanum, Sede vacante, per mortem Fabiani Pontificis, scripsit Clerus Carthaginensis, cui respondens Clerus Romanus inter alia dicit: "Et cum incumbat nobis, qui videmur *Præpositi* esse, & vice *Pastoris* custodire gregem, si negligentes inveniamur, dicetur nobis quod & Antecessoribus nostris dictum est, qui tam negligentes *Præpositi* erant: quoniam perditum non requisivimus, & errantem non correximus, & claudum non colligavimus, & lac eorum edebamus, & lanis eorum operiebamur.... Nolumus ergo, Fratres dilectissimi, & vos Mercenarios invenire, sed bonos Pastores, cum sciais non minimum periculum imminere, si non hortati fueritis Fratres nostros stare in fide immobiles; ne præceps iens ad idololatriam funditus eradicetur fraternitas. Hactenus Clerus Romanus *Epist. 2.* inter *Epistolas* Cypriani editionis Rigaltii: quæ evidenter ostendunt, curam regimenque Ecclesiarum Romanæ & Carthaginensis Pastore viduatarum, Clero illarum respectivè Ecclesiarum incubuisse.

II. Proinde à Patrum descendit traditione, quod in Capitulum Cathedrale, Clerum Ecclesiæ repræsentans, Diocesanos regimen, ipsaque Episcopalis auctoritas, Sede vacante, devolvatur. *Cap. 11. & 14. de majorit. & obed. Cap. unico, Ne Sede vacante in VI. Cap. penult. de suppl. neglig. Prælatorum in VI. & aliis multis,* & quibus Canonistæ hanc formant Regulam: Capitulum, Sede vacante, fungitur vice Episcopi, & succedit in omnibus quæ sunt jurisdictionis ordinariæ, exceptis casibus in jure expressis; licet etiam non competere Episcopo jure communi, sed solum ex consuetudine, vel statuto sive indulto speciali: modo tamen competant tanquam Episcopo & Ordinario.

III. Sed rectè notat Cardinalis de Luca *Disc. 31. in Concil. Trid.* "quod, Episcopali Sede vacante, de jure Episcopalis jurisdictio, atque Ecclesiæ administratio devolvatur ad Capitulum, non quidem ex aliquo privilegio vel delegatione, sed ex ratione juris non *decrefendi*: quia Ecclesia Cathedralis efformatur conjunctim ab Episcopo & Capitulo; ab illo scilicet tanquam capite, ab isto tanquam reliquo corpore; Ecclesiastica jurisdictio penes totum corpus habitua-liter residente; exercitio autem in plerisque competente capiti.

Hinc inferit *num. 3.* "Et consequenter, defecto capite, jure consolidationis, vel ex jure non *decrefendi*, universa jurisdictio, seu totum jus Cathedralicum, tam in habitu, quam in exercitio, manet penes Capitulum, tanquam reliquum corpus politicum, seu intellectuale.

IV. Quapropter ea, quæ Episcopis vi suæ jurisdictionis Episcopalis competunt, Sede vacante, competunt Capitulo, nisi, ut jam dictum est, speciali jure sint excepta.

Cum autem certum sit, primis octo ut minus seculis integrè remanuisse Episcopis jurisdictionem & auctoritatem quoad ea omnia, quæ regimen populi & Cleri sui requirebant, nec nisi labentibus seculis, præsertim post inductas falsas Decretales & receptum Decretum Gratiani nonnulla fuisse Sedi Apostolicæ reservata, consequens est, quod si hæc sive consuetudine sive speciali Decreto concedantur, dici debeat quod non de novo Episcopis attribuantur; sed potius quod auctoritas Episcopalis in integrum restituatur ac proinde dici debeant hæc ab Episcopis jure ordinario exerceri, non autem ex speciali delegatione.

Et per consequens Capitulum, Sede vacante, etiam in similia, tanquam auctoritati Episcopali ordinariæ annexa succedere, & penes Capitulum esse eorum exercitium, nisi ostendatur, speciali Ecclesiæ decreto exercitium illius Capitulo esse interdictum.

V. Unde facultas concessa Episcopis à Concilio Tri-

Tom. I.

dentino *Sess. 24. cap. 6. De reformat.* dispensandi super irregularitatibus provenientius ex defecto occulto, etiam competit Capitulo, Sede vacante: Nam licet illa facultas (ait *Garcias De Beneficiis part. 3. cap. 7. num. 40.*) Episcopo competat jure speciali dicti Decreti, tamen competit ei jure communi, & ex *jurisd. dictione ordinaria* ei attributa per dictum Decretum. Quandocumque ergo vel à consuetudine, vel aliunde v.g. à Synodo Tridentina datur Episcopis aliqua facultas, extendendo, aut prorogando eorum jurisdictionem ordinariam; aut in aliquibus casibus tollendo Monasteriorum aut Capitulorum exemptionem, quæ jurisdictioni ordinariæ obstaculum objiciebat, Capitulum, Sede vacante, succedit, uti rectè monet *Garcias dicto loco num. 48.*

VI. Procedit autem tam in jurisdictione contentiosa & necessaria, quam voluntaria & gratiosa. Vide *Glossam Pragmat. Tit. de concubinariis*, verbo *Superiores*.

VII. Quin licet *Cap. 20. Sess. 24. De reformat.* causæ matrimoniales & criminales solius Episcopi cognitioni reserventur, exclusis omnibus inferioribus Judiciis, tamen non intelligi exclusum Capitulum, Sede vacante, ex Quaranta monet *Zypæus*, quia *non est inferior Prælatus, sed fungitur ipsa jurisdictione Episcopi.*

## CAPUT II.

In quæ Capitulum, Sede vacante, Episcopo non succedat.

1. Capitulum in jurisdictionem ordinariam Episcopi, non extraordinariam succedit.
2. Quando nam succedat in iis quæ Episcopis conceduntur tanquam *Sedis Apostolicæ Delegatis*?
3. Quomodo succedat in Collationem Beneficiorum?
4. Quando nam Collatio Beneficii est libera?
5. Quæ potestas Capituli circa alienationem honorum ad mensam Episcopalem spectantium?
6. Non succedit in ea quæ Ordinis sunt.
7. Potest tamen facultatem dare Ordines conferendi, & Ordines suscipiendi.
8. Collatio omnium Beneficiorum olim pertinuit ad Capitulum.
9. Hæc facultas quomodo à Synodo Tridentina limitata?
10. An Capitulum possit dare facultatem recipiendi Ordinem titulo Patrimonii?
11. Quando Sedes censetur vacare moribus Belgii?

I. Capitulum, Sede vacante, Episcopo tanquam totius suæ Ecclesiæ Ordinario Pastori & Judici succedit, atque in omnibus, quæ ipsi ut Episcopo competunt, vicem ejus supplet, nisi specialiter excipiantur: quæ vero Episcopo, non ut Episcopo, seu Ordinario suæ Dioceseos, sed in alia qualitate speciali & quasi extranea attribuantur, in his Capitulum Episcopum non repræsentat, nec ejus vices supplet.

II. Unde inferitur, quod potestas attributa à Concilio Tridentino Episcopis tanquam *Sedis Apostolicæ Delegatis*, defuncto Episcopo in Capitulum non transeat, uti in terminis post alios tradit *Fagnanus ad cap. His quæ de majorit. & obedientia num. 55.* una monens, hoc non procedere, si facultas illa Episcopis competat utroque jure, scilicet Ordinario & Delegato; veluti si Concilium det illis facultatem procedendi etiam auctoritate Apostolica.

Et quidem si Concilium tribuat Episcopis auctoritatem procedendi auctoritate Apostolica iis in casibus, quibus ante Concilium poterant procedere auctoritate ordinaria, eo casu Concilium non censetur derogasse auctoritati ordinariæ; sed eidem adjunxisse auctoritatem Apostolicam.

Id perspectum habens S. Carolus declaravit, quod "Si Episcopus tanquam *Sedis Apostolicæ Delegatus* sententiam iis in casibus tulerit, in quibus ante Con-

H 2

„ cili-



„cilium Tridentinum *Ordinarius* eadem jurisdictione „potestate uti poterat, non ad *Sedem Apostolicam*, „sed ad *Archiepiscopum* ab illa sententia devolvatur „appellatio. „In *Concil. Mediol. V. part. 3. cap. 11.*

Itaque Capitulum Cathedralis ad exemplum pristini Presbyterii sive Cleri, Sede vacante, fungitur vice *Pastoris*, eique incumbit, curam Diocesis gerendo, ea omnia facere, quæ Episcopus vi sui officii Episcopalis agere deberet; nisi quædam speciali jure futuro Episcoposint reservata.

III. Cum autem à Ministrorum electione maxime dependeat bonum Ecclesiæ regimen, voluit Ecclesia, ut si ea conformiter ad jus commune & primævam ac Apostolicam disciplinam Episcopis solis competat, futuro Episcopo illa reservetur.

Hincinter casus specialiter exceptos, in quibus Capitulum, Sede vacante, non succedit, præcipuum esse, tradunt Canonistæ collationem Beneficiorum; idque sive competat jure collationis strictè dictæ, sive jure præsentationis; sive jure proprio, sive jure devoluto: modo tamen collatio sive præsentatio sit libera, neque conjunctim cum Capitulo, sed soli Episcopo competat.

Si enim collatio vel confirmatio aut institutio tantum competat Episcopo ad præsentationem Patroni Laici vel Ecclesiastici; vel collatio sit quidem libera, sed spectet conjunctim ad Episcopum & Capitulum, his casibus Capitulum, Sede vacante, Episcopo succedit; & collationem, confirmationem vel institutionem dare potest; uti communiter docent Interpretes, & communis praxis probat.

Imo si ex aliquo privilegio aut gratia, Beneficium spectans ad solius Episcopi collationem, debeatur *certain* personæ v.g. Nominato Academico, eo casu posse Capitulum aut Vicarium, Sede vacante, conferre, tradit *Garcias De Benef. part. 5. cap. 7. ubi num. 73.* docet eam collationem dici necessariam, quæ est debita certæ personæ, seu certo generi personarum. Et ideo, ait *num. 75.* quando Patronus præstaret plures æquæ idoneos, posset nihilominus Capitulum, Sede vacante, instituere quem maluerit ex præsentatis.

Conformiter ad hanc distinctionem, Synodus Dioc. Mechliniensis *tit. 15. cap. 6.* declarat: „Beneficia ad „collationem Archiepiscopi spectantia, per Capitulum „vel Vicarium non conferantur: Deservitores tamen „& Administratores ejusmodi Beneficiorum vacantium „licite constituentur: & præsentati à Patronis, si idonei „judicati fuerint, per Archidiaconum institui „poterunt.

Et *cap. sequenti* addit, „Si quam ex novem Præbendis affectis (id est Graduatis) Sede vacante, vacare contigerit; reliqui ejusmodi Præbendas obtinentes, libere illam, debite tamen qualificato, conferre poterunt, Sedis vacatione non obstante: „idque ideo indubie, quia harum Præbendarum collatio spectat conjunctim ad Episcopum & Canonicos Graduatos; ut infra dicetur.

IV. Quandoquidem, ut collatio dicatur non libera, sufficit, quod Episcopus conferre teneatur uni ex certa familia, vel ex pluribus per Patronum præsentatis, uti ex *Garcia* superius notatum: mirum non est quod refert *Renatus Choppinus de sacra Politia lib. 1. tit. 5. num. 14.* si, Sede vacante, simplicia Beneficia ad collationem Episcopi vacare contigerit, in mensē graduatis affecto, possit Capitulum, Sede vacante, illa conferre uni Graduato, tamen si liberum sit Capitulo uni ex pluribus Graduatis conferre; nihilominus ipsa collatio habetur pro necessaria sive non libera; tamen in Galliis Beneficia simplicia collationis Episcopalis, vacantia in Regalia sunt ad collationem ipsius Regis; uti annotatum est *part. 2. tit. 25. cap. 8.*

At & illud communiter observant Canonistæ, quod si Episcopus in collatione Beneficii duntaxat consilium Capituli petere debeat, eo casu non censetur provisio *simultanea* penes Capitulum & Episcopum; sed ad

solum Episcopum spectare, ut proinde Capitulum, Sede vacante, de illo Beneficio disponere nequeat, uti notat *Cabassutius* in sua Juris Canonici theoria & praxi, *lib. 2. cap. 24. num. 17.* una observans, quod similiter Capitulum, mortuo Episcopo, aut in longinquis agente, possit Beneficium conferre, licet jubeatur in collatione consilium Episcopi expetere juxta *Capitulum unicum* NE SEDE VACANTE in VI.

Neque necessitas expetendi consilium Episcopi reddit collationem *simultaneam*. Consilium autem expetendi obligatio cessare videtur, dum aut absolute expeti nequit, puta mortuo Episcopo, aut admodum difficultur haberi, uti in casu dicti Capituli.

V. Adhæc Ecclesia suo destituta Patre & Pastore, viduæ ac pupillo comparatur. Quare sicuti alienatio bonorum pupilli interdicta est Tutoribus & Curatoribus, pariformiter alienatio bonorum Ecclesiæ seu Episcopatus, sive ad mensam Episcopalem spectantium, Capitulo, Sede vacante, interdicta est; *Fagnanus* loco citato *num. 58.* & alii ibidem citati.

VI. Ulterius, quia ea quæ Ordinis sunt Episcopalis dependent à caractere Episcopali; qui nec Capitulo nec singulis de Capitulo communicatur, etiam in Capitulum non transeunt quæ ab Ordine Episcopali dependent.

VII. Verum, quia non tam Ordinis, quam jurisdictionis est, licentiam impertiri subditis, ut ab alio quam Diocesano Ordines suscipiant; aut ut Episcopus in aliena Diocesi quæ Ordinis sunt, exerceat, hinc est, quod Capitulum, Sede vacante, nequeat quidem ea quæ Ordinis sunt, per se sive Vicarium suum exercere, possit tamen vi jurisdictionis ordinariæ per vacationem Sedis ad se devolutæ concedere; ut subditi sui ab alio Ordines suscipiant, *Cap. 3. De temporib. Ordinatis. in 6.* vel alteri Episcopo licentiam impertiri, etiam in Diocesi viduata quæ Ordinis sunt exercendi.

VIII. Quemadmodum Capitulum, Sede vacante, semper potuit & hodie potest examinare & deligere eos, quos per sacram ordinationem judicat ministeriis Ecclesiasticis applicandos, consequens est, & Capitulo seu Clero, Sede Episcopali vacante, licuisse deligere & nominare eos, qui in Ecclesia ministrarent, & de prebendis Ecclesiarum participarent, sive ut hodie loquuntur, de Beneficiis providere licuisse, quoad usque institutis titulis Beneficialibus, Beneficia separatim ab ipsis Ordinibus conferri cæperunt.

Postquam enim collatio Beneficiorum separari cæpit ab Ordinatione, atque majora & opulentiora Beneficia, puta Canonicatus & Dignitates in Ecclesiis Collegiatis & Cathedralibus potius pene temporalia quam spiritalia, sive officium Ecclesiasticum considerari cæperunt, sensim una invaluit, ut Beneficiorum collatio ad Episcopum spectans quasi inter fructus Episcopales numerari cæperit.

Hinc ulterius verisimiliter contigit, ut quemadmodum ipsa alienatio temporalium Capitulo esset interdicta, & Episcopo integra temporalia conservari deberent, pariter creditum fuerit quod collatio Beneficiorum fructibus Episcopalibus annumerata, censeretur integra Episcopo reservanda. Igitur nec mirum hujus reservationis nullum in vetustioribus Canonibus vestigium occurrere.

IX. Hanc tamen Capituli potestatem limitavit Synodus Tridentina *Sess. 7. cap. 10. De reformat.* „ut non „liceat Capitulis Ecclesiarum, Sede vacante, infra annum à die vacationis, ordinandi licentiam, aut Litteras Dimissorias, seu reverendas, ut aliqui vocant, tam ex juris communis dispositione, quam etiam cujusvis privilegii, aut consuetudinis vigore, alicui, qui Beneficii Ecclesiastici recepti, sive recipiendi occasione arctatus non fuerit, concedere.

Hoc Decreto etiam comprehendit Dimissorias pro prima Tonsura notat *Garcias De Beneficiis part. 5. cap. 7. n. 93.* non obstante declaratione S. Congregationis Car-



Cardinalium ad calcem hujus Decreti relata his verbis: *Congregatio censuit, textum hunc non comprehendere primam Tonsuram*; quia, ut monet Garcias, intelligenda est, non quoad prohibitionem, sed quoad pœnas in Decreto adjectas: hancque explanationem communis praxis comprobatur: notatque Fevretius, Capitula, Sede vacante, non posse infra annum Dimissoriales concedere, ramentis consuetudine immemoriali essent munita, *Traité de l'Abus l. 3. cb. 6.*

Restringit tamen Synodus Tridentina suum Decretum ad eos, qui Beneficii Ecclesiastici recepti, sive recipiendi occasione arctati fuerint: his enim Dimissorias etiam à die vacationis Capitulum dare potest. *Arctati* ratione Beneficii recepti dicuntur, qui obtinent Beneficium ratione cuius infra determinatum tempus tenentur ad certum Ordinem promoveri; quod tempus si infra annum à vacatione Sedis Episcopalis elabatur, poterit Capitulum ei tanquam *arctato* ratione Beneficii recepti Litteras Dimissoriales concedere. Si verò nullum Beneficium habeat, sed præsentetur à Patrono ad aliquod Beneficium, quod certum Ordinem actu requirit, poterunt ei dari Litteræ Dimissoriales tanquam *arctato* ratione Beneficii recipiendi.

X. Post annum vero libera est potestas Capitulo, tanquam vices Ordinarii supplenti, dare Dimissorias, etiam titulo patrimonii vel pensionis, si id Ecclesiæ necessitas aut utilitas requirat, conformiter ad cap. 2. Sess. 21. de reformat. quamvis S. Congregatio videatur declarasse, Capitulum, Sede vacante, non posse dare Dimissorias ordinandi *ad titulum patrimonii*; quia uti de Regno Castellæ monet Garcias loco citato num. 93. ita & de Belgio dici potest; nimirum declarationem illam non videri receptam, uti monet Zypæus in jure novo Tit. DE SEDE VACANTE num. 2.

XI. Vacare autem Sedes censetur, saltem de consuetudine Belgii, donec Litteras confirmationis à Pontifice obtentas Regi sive Consilio Regio Episcopus confirmatus ostenderit, illæque placetate (a) Capitulo exhibitæ sint; atque in vim illarum per se vel per alium possessionem acceperit: quod & in Hispania aliisque Regnis servari testatur Garcias *De Benef. part. 5. c. 4. n. 258.*

(a) Litteræ placetate dicuntur illæ, quibus *Placet* Regis vel Superioris adscribitur, ut petitio vim habeat.

### CAPUT III.

Qualis Vicarius, Sede vacante, hodie constitui soleat.

1. *Olim Clerus in communi, Sede vacante, Ecclesiam administrabat.*
2. *Hodie ex Decreto Concilii Tridentini constituendus Vicarius.*
3. *Synodus Tridentina Officalem & Vicarium pro uno eodemque accipit, secus obtinet in Belgio.*
4. *Quare Synodus Tridentina Officalem & Vicarium pro eadem persona accipit.*
5. *Moribus Belgii Capitulum Officalem distinguit à Vicario.*
6. *Officiales à Capitulo eligi non solent, sed constituti ab Episcopo continuari.*
7. *Decretum Concilii Tridentini moribus Belgii solum habet locum in Vicario obtinente jurisdictionem voluntariam.*
8. *Intra octo dies à vacatione constitui debet, vel ab Episcopo constitutus continuari.*
9. *Non debet esse graduatus in Jure.*
10. *Moribus hodiernis constituendus est Vicarius distinctus ab Officiali.*
11. *Possunt plures constitui Vicarii.*
12. *Præter Vicarium potest constitui Vicarius.*

I. DE jure communi jurisdictionem Episcopi devolvitur ad Capitulum, Sede vacante, supra ostendimus; illamque per se in communi olim exercere

poterat; atque ita Clerum Romanum, vacante Sede, eam exercuisse ex supra relatis ejus ad Clerum Carthaginensem litteris fat manifestum est.

II. At cum compertum esset, etiam hic non raro locum habere illud tritum: *Segnius expediunt commissa negotia plures*, declaravit Synodus Tridentina Sess. 24. cap. 16. *De reform.* quod "Capitulum, Sede vacante, Officalem seu Vicarium infra octo dies post mortem Episcopi constituere, vel existentem confirmare omnino teneatur, qui saltem in jure Canonico sit Doctor, vel Licentiatus, vel alias quantum fieri poterit, idoneus: si secus factum fuerit, ad Metropolitanum deputatio hujusmodi devolvatur.

Pro intellectu hujus Decreti prænotanda sunt sequentia.

III. Primo, Concilium in hoc Decreto pro uno eodemque accipere Officalem & Vicarium; idque juxta usum plurium Ecclesiarum, & quidem totius Italiæ; ubi referente Thomassino *De Disciplina Eccles. part. 4. lib. 1. c. 27. §. 5.* etiamnum hodie Officialis & Vicarius Episcopi solet esse eadem persona; at in hisce vicinisque Provinciis solent Episcopi habere Officalem, qui contentiosam jurisdictionem, & Vicarium qui voluntariam exerceat; hincque *Vicarius generalis* dici consuevit.

IV. Cur autem Synodus Trident. *Officalem & Vicarium* pro una eademque persona juxta morem Italiæ acceperit, Cardinalis de Luca *Disc. 31. in Conc. Trid.* subjicit sequentem rationem: "Cum enim (inquit) illud in magna parte ex Italis Cardinalibus, Episcopis & Prælatibus constaret, ita secundum Italiam mores sensisse visum est: atque hinc rectè ulterius observavit, quod *Vicarius Generalis* qui juxta Italiæ praxim simul est *Officialis*, debeat esse Doctor aut Licentiatus in Jure. Et num. 18. monet quod in Hispania constans sit Ecclesiarum consuetudo eligendi in Vicarium, Sede vacante, etiam non Doctorem, indubie, quia & in Hispania Vicarius Generalis distinguitur ab Officiali, neque contentiosam jurisdictionem habeat, sed hæc penes solum Officalem sit.

Ex his itaque habetur, quod mirum quoque non sit, si ob multitudinem Episcoporum & Prælatorum Italiæ, quæ numerum Episcoporum & Prælatorum omnium aliarum Nationum simul collectorum longe superabat, Decreta hujus Concilii ad mores Italiæ magis quam aliarum Nationum fuerint inflexa & formata: quare & nemo mirari debet si in plerisque Regnis extra Italiam Decreta reformationis hujus Concilii non fuerint simpliciter & generaliter recepta; sed cum quadam moderatione conformiter ad mores cuiusque Regni & Provinciæ, uti sæpius in hoc opere notatum fuit.

V. Simili modo, Capitulum, Sede vacante, in jurisdictionem Episcopi & contentiosam & voluntariam succedens, alterum Officalem, qui contentiosæ jurisdictioni præsit, & Vicarium Generalem, qui voluntariæ, de novo creare, vel ab Episcopo creatum confirmare consuevit.

VI. Et quidem quoad Officiales constitutos ab Episcopis, hi in officio suo, Sede vacante, continuari consueverunt; raroque à Capitulo novi eliguntur: quin moderna praxis in Regno Galliarum obtinet, sæpius in contradictorio judicio firmata, Capitulum, Sede vacante, Officiales ab Episcopo institutos destituere non posse, nisi Capitulum probet se esse in antiqua possessione contraria, ut late refert Brodeau in *Notis ad Louët. Litt. O. art. 2.*

VII. Decretum proinde Concilii Tridentini, in quantum injungit Capitulo post mortem Episcopi constituere Officalem seu Vicarium infra octo dies, moribus nostris attentis, fere unice locum habet in Vicario Generali voluntariam jurisdictionem, & curam spirituales obtinente.

### VIII.

VIII. Et quidem si similem Vicarium infra octo dies non constituerit, vel existentem non confirmarit, ad Metropolitanum deputatio hujusmodi devolvitur: poterit tamen lapsa octiduo moram purgare, & Vicarium eligere, quamdiu Metropolitanus manum non apposuit: uti & in his partibus, etiam Collatores & Patroni Beneficia conferunt, & ad ea præsentant, quamdiu Superior nihil præstitit. Zypæus in jure novo *Tit. Ne Sede vacante*.

Hunc Vicarium vel de novo constituere, vel ab Episcopo constitutum confirmare in arbitrio est Capituli.

IX. Cum vero in similem Vicarium Generalem transire non solet jurisdictio contentiosa, sed ea apud eum, qui *Officialis* dicitur, resideat, etiam non requiritur, ut hic Vicarius sit Doctor aut Licentiatum in Jure Canonico; quam qualitatem requirit duntaxat Synodus Tridentina in Vicario, cui exercitium jurisdictionis contentiosæ committitur; quem & propterea cum Officiali confundit.

Hinc, uti bene notat Zypæus in jure novo *tit. Ne Sede vacante*, videmus hic tam ab Episcopis, quam Capitulis, Sede vacante, in *Theologia graduatos* Vicarios passim constitui ad exercendam voluntariam jurisditionem.

X. Uterius, quia Synodus Tridentina Vicarium confundit cum Officiali, videtur, attentis verbis Decreti, unum duntaxat posse constitui à Capitulo Vicarium, qui & contentiosam & voluntariam jurisditionem exerceat. Verum cum notorium sit, in hisce aliisque multis Provinciis Officialem à Vicario distinguui, etiam notorium est, Sede vacante, præter Officialem insuper Vicarium eligi. Unde quando Synodus D. Mechliniensis voluit ut Capitulum Metropolitanum, Sede vacante, infra octo dies non plures Vicarios, sed unum tantum Vicarium constitueret, vel existentem confirmet juxta præscriptum Concilii Tridentini, indubiè intelligi debet de illo, qui attento harum Provinciarum usu, Vicarius dicitur, & ab Officiali distinguitur.

XI. Insuper notandum, quod in pluribus, etiam Belgicis Ecclesiis consuetudine immemoriali obtineat, ut plures Vicarii, Sede vacante, eadem auctoritate & æquali jurisditione constituentur: quam consuetudinem à Concilio non esse sublatam multis probat Garcias *De Beneficiis part. 5. cap. 7. num. 36.* referens ita à S. Congregatione responsum fuisse.

XII. Uterius, moribus nostris obtinuit, ut quemadmodum Episcopus aliquos Canonicos interdum eligit, è quibus consilium suum, quod *Vicariatum* vocat, componit, ita quoque Capitulum, Sede vacante, subinde unum nominat Vicarium generalem, ac insuper aliquos è Canonicis, qui *Vicariatum* constituent; cujus consilio vel assensu Vicarius generalis juxta Capituli deliberationem in regimine Diocesis procedat.

#### CAPUT IV.

A quo & qualem jurisditionem accipiat Vicarius.

1. *Vicarius jurisditionem accipit à Capitulo.*
2. *Jurisdictio devolvitur ad Capitulum non ad Vicarium.*
3. *Cura & sollicitudo Ecclesiæ, etiam constituto Vicario, manet apud Capitulum.*
4. *Si Vicarius sit suspectus, Capitulum de causa suspicionis cognoscit.*
5. *Capitulum potest jurisditionem Vicarii limitare.*
6. *An Vicarius pro libitu & arbitrio Capituli possit revocari.*
7. *Quid circa hoc moribus Belgii obtineat.*
8. *Merito solliciti sunt Canonici ut bonus constituatur Vicarius.*
9. *Ultra Vicarium, à Capitulo constituendus Oeconomus, qui rebus temporalibus Episcopatus intendat.*

10. *Fallit in Episcopatibus qui subjacent Juri Regaliæ.*

11. *Frustrum Episcopatus vacantis reservati Camera Apostolica.*

12. *Oeconomi à Capitulo deputati succedenti Episcopo rationem administrationis reddere debent.*

I. Sicuti Vicarius Episcopi omnem suam auctoritatem & jurisditionem ab Episcopo recipit; eamque juxta limites & formam sibi ab Episcopo præscriptam exercere debet; ita quoque Vicarius à Capitulo, Sede vacante, nominatus omnem suam jurisditionem & auctoritatem à Capitulo mutuatur.

II. Licet enim Synodus Tridentina voluerit à Capitulo constitui Vicarium, nihil tamen circa jurisditionis immediatam devolutionem mutavit: sed eam in terminis juris communis reliquit; ut quemadmodum de jure communi tota ad Capitulum devolvebatur, ita & nunc devolvatur, maneatque ipsa jurisdictio radicaliter, etiam constituto Vicario, apud ipsum Capitulum; exercitium vero apud Vicarium; quem fieri mandavit Tridentinum: quia pene impossibile esset, ut, si Capitulum *per se* administraret, singulis Ecclesiæ necessitatibus, præsertim repentinis, & moram non ferentibus, pro debito posset satisfieri: Vide Zypæum *resp. 1. De Sede vacante*.

III. Hinc ulterius consequens est, uti ibidem notat Zypæus, Capitulum post nominationem Vicarii adhuc incumbere sollicitudinem Episcopalem in quam successit; neque ab ea constituto Vicario plene exonerari; quod etiam evidenter supponit Epistola Clementis VIII. ad Capitulum Neapolitanum, quam ex Quaranta ibidem refert Zypæus.

IV. Eodem ex fonte, si Vicarius sit in aliqua causa suspectus, providet Capitulum: atque vi jurisditionis apud ipsum remanentis de causis suspicionis cognoscit, ut tradit Fagnanus ad *cap. His quæ & de major. & obed. Num. 75.*

V. Quin eodem ex capite, si Capitulum det Vicario limitatam jurisditionem & auctoritatem reservando sibi aliqua, ea Vicarius exercere non potest. Garcias *De Beneficiis part. 5. cap. 7. num. 30.* cui & Ecclesiarum multarum praxis consentit.

VI. Quandoquidem de ratione Vicarii esse videatur dependere à voluntate & arbitrio constituentis, sive illius cujus vices sustinet, consequens apparet, Vicarium Capituli, non secus ac Vicarium Episcopi, prohibitu & arbitrio Capituli revocari posse; & ita ante Concilium Tridentinum unanimi consensu sentiebant Canonistæ. At cum hodie ex præscripto Tridentini Concilii, Capitulum Vicarium nominare jubeatur; adeoque nominatio Vicarii, vel non designatio non ita sit in arbitrio Capituli, quemadmodum est in arbitrio ipsius Episcopi, hinc etiam penes Episcopum hodie videtur esse liberior revocatio ipsius Vicarii, quam penes Capitulum.

Et quidem Synodus Mechliniensis decernit, "Vicarium semel à Capitulo electum, vel confirmatum, postea *sine justa & rationabili causa* removeri non posse."

Quin & refertur declarasse Sacram Congregationem, Vicarium à Capitulo nominatum removeri non posse, nisi ex causa à Sacra Congregatione Episcoporum probanda: "Sed, ait Zypæus in Jure novo loco citato, credo hic non obtinere eum recursum."

VII. Interim tamen; quia Vicarii generales à Capitulo electi solent constitui pro tempore vacantis Sedis, nec nisi rarissime renovari solent; ægre mores Belgii paterentur, ut sine causæ allegatione, & probatione Vicarius officio suo destitueretur; præsertim cum ea amotio vix sine aliqua infamiae nota hodie fieri posset.

Ita quippe consuetudine passim obtinuit, ut licet officia seu secularia seu Ecclesiastica sint de natura sua, aut etiam speciali statuto revocabilia; imo teneantur possesse.

possessores eorum singulis annis ea ad manus constituentium resignare, nequeant tamen iis privari, nisi ex causa vera, & probata; si talia sint, quæ revocari, & mutari non solent; sed ad vitam continuari, ac ut talia vulgò reputari; adeò ut mutatio, vel revocatio sine nota infamiae fieri non possit. Vide Wamelium *Consilio Canonico* 301. & Dominum Christinæum in Notis ad Bugnyonium *de Legibus abrogat. libr. 1. Satyra 1.*

Interim tamen cum ex justa & rationabili causa Capitulum possit Vicarium electum & confirmatum removere, argumentum est nequaquam obscurum, jurisdictionem penes Capitulum etiam constituto Vicario manere: licet exercitium illius juxta terminos à Capitulo præfixos, sit apud Vicarium, & non apud Capitulum.

VIII. Ex his facile quisque judicare poterit, quanta debeat esse Canonico cura & sollicitudo, ut prudens, peritus ac zelosus Vicarius eligatur; quandoquidem bonum vel malum regimen totius Diocesis unice penè dependeat à bono vel à malo Vicario.

IX. Ultra Vicarium, cui regimen Ecclesiæ committitur, vult Synodus Tridentina, ut Capitulum, Sede vacante, Oeconomum unum vel plures fideles ac diligentes decernat, qui rerum Ecclesiasticarum & proventuum curam gerant.

X. Hanc tamen dispositionem Concilium limitat ad casum, ubi fructuum percipiendorum cura Capitulo, Sede vacante, incumbit.

Unde si Episcopatus Juri Regaliæ sint objecti, Sede vacante, rerum temporalium administratio, non ad Oeconomos à Capitulo deputandos, sed ad Officiarios Regios spectare consuevit.

XI. Quod dicitur de Episcopatibus subiectis Regaliæ juxta mores Galliæ, simile obtinet in plerisque Episcopatibus Italiæ.

Quemadmodum enim in Gallia proventus Episcopatum huic juri subiectorum cedunt, Sede vacante, Aerario Regis, ita in Italia, Sede vacante, sunt reservati Camerae Apostolicæ, iisque colligendis deputantur collectores, qui oconomos nominare consueverunt, uti notat de Luca *Discurso* 31. in *Concil. Trid. num. 6.* quæ reservatio verisimiliter profluxit ex quadam specie Regaliæ, quam posteriores Pontifices exercuerunt in Episcopatus Italiæ, præsertim in temporalibus sibi subiectos: neque enim pristinis seculis similis reservatio in commodum Camerae Apostolicæ nota fuit.

XII. Oeconomus à Capitulo deputati solam custodiam & curam rerum ad Episcopatum spectantium habent; unde instar Curatorum nihil de fundis aut rebus Episcopatus alienare possunt: tenenturque hi oekonomi Episcopo ad vacantem Ecclesiam promoti rationem suæ administrationis, si exigat, reddere; tamen si ex ipso Capitulo fuerint assumpti, potestque eos Episcopus punire, si in officio administrationis deliquerint: etiam si prædicti Officiales, aut Tridentinum, redditus rationibus, à Capitulo, vel deputatis ab eodem, absolutionem, aut liberationem obtinuerint.

## TITULUS X.

### DE CANONICIS GRADUATIS.

#### CAPUT I.

Quà ratione & quomodo Canonici Graduati, præsertim in Belgio instituti.

1. Ecclesia semper desideravit ut ad Canonicatus Graduatos assumerentur Viri docti.
2. Gradus Academicus requiritur tempore electionis.
3. Hoc ut assequeretur, Gradus Academicos Canonicatibus annexuit.
4. Eundem in finem in erectione novorum Episcopatum Belgii instituti sunt Canonici Graduati.
5. Hi tenentur specialiter operâ & consilio Episcopo assistere.
6. Ex iisdem eligendi Archidiaconus, Archipresbyter & Penitentiarius.
7. Eligendi per Episcopum & Graduatos, & quare.
8. Hæ præbendæ sub nullis reservationibus, &c. comprehenduntur.
9. Tres ex iis Canonicis examinant admittendos ad Sacros Ordines & curam animarum.

I. CANONICOS Cathedrales successisse pristino Presbyterio, quod Episcopo pro Senatu esse in Ecclesiæ suæ administratione solebat, supra vidimus; ipsosque ex sua institutione ac mente Ecclesiæ debere operâ ac consilio Episcopis assistere; ac unâ cum ipsis Episcopis Senatum Ecclesiæ olim constituisse, ostendimus.

Quapropter sollicita admodum fuit Ecclesia, ut ad hos præsertim Canonicatus assumerentur viri eruditione ac moribus ita conspicui, ut meritò sperari queat, quòd ex iis Corpus tale coalescat, à quo Episcopi in Ecclesiæ regimine operam & sanum consilium habere

queant. "Decet namque (ait Synodus Burdigalensis anno 1624. cap. 9.) „Metropolitanam, aliasque Cathedralis Ecclesias, eas personas ita probitate ac „scientiâ commendatas ad Canonicatus assumere & „eligere, ut ex iis Corpus Capituli coalescens, „Senatus Episcoporum, unde consilium accersant, meritò „dici possit.

II. Gradum Academicum in electione Graduatorum requiri tempore electionis, nec satis esse quòd electus esset proximè dispositus ad gradum suscipiendum, resolvit & probat Wamelius *Consilio Canonico* 18. atque id ipsum non obscure probat textus Bullæ erectionis novorum Episcopatum in Belgio, cum in ea dicatur, novem illas præbendas, seu Canonicatus conferendas *Graduatis in Theologia vel Jure*; ita ut ipse gradus Academicus ipsam collationem respiciat: quo casu qualitas expressa exigitur in ipso actu collationis, uti de ordine requisito notatur *part. 2. tit. xix. cap. 1. num. 5.*

III. Hoc ut faciliùs & efficacius consequerentur, Patres Consilii Basileensis *Seff. 31.* voluerunt, "Ut in „qualibet Cathedrali & Collegiata Ecclesia ultra Præbendam Theologo assignandam, tertia pars Præbendarum conferretur *Graduatis*. „Hoc Decretum non tantum in Sanctionem Pragmaticam jussu Caroli VII. Galliarum Regis relatum est; sed etiam Concordato inter Leonem X. & Franciscum I. confirmatum & de novo confirmatum.

Quin & Synodus Tridentina expendens, quantopere Ecclesiæ intersit, ut ad Canonicatus promoveantur Viri doctrinâ & probitate insignes & probati, hortatur ut "in Provinciis, ubi id commodè fieri potest, Dignitates omnes, & saltem dimidia pars Canonicatum in Cathedralibus Ecclesiis & Collegiatis insignibus conferantur tantum Magistris vel Doctoribus, „aut



„ aut etiam Licentiat in Theologia vel Jure Canonico. „ co. „ Sess. 24. cap. 12. *De reformat.*

I V. Eundem in finem in erectione novorum Episcopatum Belgii, facta ad instantiam Philippi II. per Paulum IV. statutum fuit, „ Ut decem Canonicatus „ sive Præbendæ primò vacantes sic maneant affecti, „ quòd ipse Episcopus unum vel unam omnium primò „ vacaturos tanquam mensæ Episcopali perpetuò unitos „ obtinere, illorumque ratione persona Capitularis „ esse, vocemque & auctoritatem etiam in Capitulo „ super Decanum & Canonicos habere possit.

„ Reliqui verò novem Canonicatus & Præbendæ „ prædicti tribus *Magistris* aut Licentiat in Theologia, „ & tribus aliis *Doctoribus Decretorum*, seu in iis „ Licentiat, ac tribus aliis *Nobilibus* ejus Diocesis, „ etiam in Jure vel Theologia saltem gradu Licentiat „ turæ in famosa quapiam Universitate Studii generalis, „ secundum tenorem prædictarum litterarum promotis, „ ordine in dicta designatione expresso, in perpetuum „ concedi & assignari debeant.

V. „ Quodque ad sex priores, tam Nobiles quam „ alii non Nobiles, ut præfertur, tamen qualificati, ad „ reliquos verò tres Canonicatus & tres Præbendas ex „ reliquis novem Canonicatibus & præbendis hujusmodi, „ nulli nisi Nobiles & Graduati, ut præfertur, assumi „ possunt; ac omnes & singuli ratione suarum „ hujusmodi Præbendarum consilium & operam in negotio „ Ecclesiæ & Religionis, cæterisque difficultatibus „ pro tempore emergentibus, quoties ab Episcopo „ suo requisiti fuerint, tam conjunctim quam divisim „ præstare teneantur.

VI. „ Ac unus Archidiaconus ad Archidiaconatum, „ & alius Archipresbyter ad Archipresbyteratum, nec „ non reliquis ex dictis Graduatis, Pœnitentiarius ad „ Pœnitentiarium hujusmodi, ad nominationem Episcopi „ assumi, & omnium primi post Episcopum vacaturos „ Canonicatus & Præbendas prædictos simili „ ordine consequi debeant.

Hæc satis patenter evincunt, hanc Graduatorum institutionem unicè factam, ut in Cathedralibus Ecclesiis „ aliqui ut minis inter Canonicos essent, qui scientiâ ac „ eruditione in Sacra Theologia & Sacris Canonibus „ excellerent; qui Episcopis consilio & operâ in regimine „ suæ Ecclesiæ assistere possint.

VII. „ Ut autem, prosequitur Bulla erectionis, de „ viris spectatæ doctrinæ & probitatis, ad ædificationem „ nem Ecclesiæ Dei, accuratius prospiciatur, quòd ipsi „ novem Canonicatus & novem Præbendæ hac primâ „ vice per Episcopum duntaxat, & deinde quoties illi „ futuris temporibus vacaverint, ut præfertur, ad electionem „ Episcopi & aliorum Graduatorum præfatorum „ superfluum per eos conferantur, & in hujusmodi „ electione suffragium Episcopi non plus juris „ sive momenti, quàm cujusvis Graduatorum habeat; „ nisi vocum paritate occurrente, tuncque iterarum ad „ hoc Episcopi suffragium paritatem dirimat.

VIII. Ex his erectionis verbis intelligant Canonici „ Graduati electionem loci vacantis sibi esse delatam; ut „ nimirum, *De Viris spectatæ doctrinæ & probitatis, ad ædificationem Ecclesiæ Dei accuratius prospiciatur.* Proinde „ hinc intelligant, quàm solliciti esse debeant, ut omni „ humano respectu seposito, hujusmodi viros eligant.

Hac de Episcopis & Canonicis Graduatis spe conceptâ, „ pro stabiliendâ eorum in hac electione libertate, declaratur „ & statuitur in ipsa erectionis Bulla, „ Quod „ ipsi novem Canonicatus & novem Præbendæ sub nullis „ specialibus vel generalibus etiam mentalibus reservationibus, „ affectionibus, etiam in Corpore Juris clausis, nec non expectativis, „ coadjutoriis, mandatis, facultatibus, indultis de providendo, commendando, „ & aliis disponendo, primariis precibus nuncupatis, „ vel aliis gratis præventivis, per nos aut Romanos Pontifices „ pro tempore existentes, & Sedem „ Apostolicam prædictam, vel ejus Legatos etiam con-

„ sideratione intuitu, contemplatione, vel ad instantiam „ Imperatoris, Regis, Ducum, ac aliorum Principum, „ aut ejusdem S. R. E. Cardinalium, & ex „ quacumque causâ quantumlibet urgenti pro tempore „ factis & concessis comprehendantur, nec etiam tanquam „ vacantes apud Sedem eandem, aut ullâ aliâ „ ratione generaliter vel specialiter reservari, nec illorum „ vacatione per resignationem, etiam ex causâ „ permutationis apud Sedem eandem pro tempore occurrentem, „ per Romanum Pontificem aut Sedem hujusmodi „ de illis provideri, aut aliâ quoquo modo „ disponi possit, sed forma electionis præmissæ omni „ tempore servari nullâque causâ infringi debet.

Adhæc, quòd magna de eruditione cæterisque qualitatibus „ Canonicorum Graduatorum concepta fuerit idea, „ & illud non obscure evincit, quòd è novem „ Graduatis eligi debeant ab Episcopo tres præcipui „ ejus Ministri, scilicet Archidiaconus, Archipresbyter „ Cathedralis, & Pœnitentiarius.

IX. Accedit, quòd in Bulla dicitur, „ Ex senioribus „ præfatis Canonicis duo in Theologia, & unus „ in Jure Canonico, Graduati unâ cum Archidiacono „ curam habeant examinandi promovendos ad Sacros „ Ordines, & admittendos ad curam animarum, quâ „ cumque illi auctoritate provisi fuerint.

## CAPUT II.

### De Graduatis Theologis & Canonistis.

1. *Solent Graduati in Theologia & Jure Canonico æquiparari.*
2. *Objectio contra banc paritatem.*
3. *Solvitur objectio.*
4. *Canonista Canonibus SS. ut oportet instructus, etiam aliquo modo Theologus est.*
5. *Pluribus seculis Canonistarum & Theologorum distinctio fuit ignota.*
6. *Utiliter Canonista studium Theologiæ & Theologus studium Canonum jungunt.*
7. *Quæ causâ quòd Graduati in Jure Canonico SS. Canonibus ut oportet non sint instructi.*
8. *Quare Graduati in Jure Canonico non bene callent disciplinam Ecclesiasticam?*
9. *Conveniens esset ut Gradus in Jure civili non semper jungeretur Gradui in Jure Canonico.*
10. *Ex præmissis ostenditur, Canonistam posse Theologo comparari.*

I. **S**YNODUS Tridentina sive in promovendis ad Canonicatus & Præbendas, sive in promovendis ad primarias Dignitates Ecclesiasticas, etiam Episcopatum, „ requirens gradum Academicum, ubique gradum in Jure Canonico jungit gradui in Sacra Theologia; ita „ ut velit promovendum esse Graduatam in Theologia „ aut Jure Canonico. Similiter Bulla erectionis novorum „ Episcopatum in Belgio numerum æqualem Graduatorum „ in Jure Canonico, & Graduatorum in Theologia „ instituit; neque in electione ad Dignitates, Theologos „ Canonistis præfert; sed Episcopo liberam relinquit, „ vel ex his, vel ex illis assumere.

II. Verum, cùm Canonici Cathedrales, ac præcipuè „ ipsi Graduati instituti sint, ut Episcopo in regimine „ Ecclesiæ consilio & operâ assistant; illudque regimen „ unicè ferè spirituales animarum profectum atque „ directionem respiciat, quâ ratione Canonistæ cum „ Theologis in hoc munere concurrere, aut his æquare „ possunt?

Canonistarum quippe scientia, non tam regimini „ spirituali subservire posse videtur, quàm litibus ac „ controversiis forensibus terminandis; quæ minima ac „ infima est regiminis Episcopalis portio.

III. Negari non potest, non paucos hodie inter „ Gradua-



Graduatos in Jure Canonico reperiri; qui unice penè incubuerunt Canonibus & Decretalibus, qui ad lites & judicia valent; eosque ferè solos in prælectionibus exponi audiverunt: adedque forensibus judiciis ac litibus prosequendis aut terminandis idonei duntaxat reperiuntur: sed absit, ut hujusmodi Graduatos in Jure Canonico ad Canonicatus ac Dignitates Ecclesiasticas, ut Episcopis in regimine & cura Ecclesiæ adjutores & Consilarii essent, Ecclesia ac Fundatores desideraverint; sed veros indubiè voluerunt præfici Canonistas; id est, eà Canonum scientiā refertos, qui Patrum acta ac mores repræsentantes, optimam Ecclesiæ componendæ atque ordinandæ rationem continent.

“Hi autem Canones, (ut rectè monuit pius Parisiensis Universitatis Cancellarius Joannes Gersonius *Recomm. in Decretis facta* T. 2. p. 833. Edit. 1606.) „ si benè inspiciamus, non sunt nisi conclusiones elicitæ vel illatæ ex principiis Theologicis, id est, ex Evangelio & aliis Libris Canonis per illos, quibus dicitur: *Qui vos audit, me audit.* Luc. c. 11.

IV. Hisce Canonibus si ritè essent instructi Canonistæ, sive in Jure Canonico Graduat, quis non videat, quàm hipossent, non secus ac Theologi, regendæ Ecclesiæ esse idonei?

Imò si hisce Canonibus sese occuparent, qui Juri Canonico operam navant; atque ad Ecclesiæ serviendum se studio illi impendunt, etiam in Theologicis scientiis non essent ignari.

V. Si enim Canones sint *Conclusiones ex principiis Theologicis elicitæ vel illatæ*, qui illorum plenam notitiam ac genuinum assequi sensum desiderat, etiam principiorum, è quibus deducuntur, planè ignarus esse non potest.

Hinc Gersonius asserere non veretur, “per quadringentos & amplius annos ita gubernatam fuisse Ecclesiam, ut non esset distinctio Theologorum & Canonistarum: licet Canones Sacri multi essent ultra tenorem expressè traditum in Evangeliiis & cæteris Libris Canonicis.

VI. Deinde monet, “Dominum non ita distinxisse Theologiam à Sacris Canonibus, & è contra, quin utiliter & salubriter possint ab eodem homine, quantum sibi conceditur, investigari. Si enim reperti sunt, qui ultra Canones Sacros Legibus humanis dederunt studium suum, & è contra, & profecerunt in utrisque; si ultra Philosophiam & Metaphysicam multi quotidie in Theologia se vehementer exercent: hoc convenientius habet fieri, quòd Theologus descendat ad inspicendum Canones tanquam conclusiones elicitas ex suis principiis Theologicis deducere. Sic erit talis ambidexter Theologus Canonista & Canonista Theologizans: Et quis est iste & laudabimus eum? Quid autem facilius est ex ambobus aut per Theologiam S. cognoscere Canonicam scientiam; vel è contra. Existimo, quòd primum, sicut facilius est & ordinatius deducere ex principiis conclusiones, quàm ex conclusionibus ad principiorum notitiam devenire. *Recomm. licentiand. in Decret. T. 2. p. 834.*

Si hoc Gersonii consilium attenderent tam Theologi quàm Canonistæ; illi nimirum Sacris Canonibus, utpote conclusionibus præctis ex principiis Theologicis elicitis; hi verò Libris Canonicis & Sanctis Patribus incumbendo, non dubium, quin & illi & hi majori cum fructu Ecclesiæ regendæ, & Episcopis consilio & operâ assistendi forent capaciores.

Ejusdem cum Gersonio sententiæ fuisse S. Carolum, refert in ejus vita Carolus à Basilica S. Petri. “Ea, inquit, Canonum scientia ipsi per jucunda erat. quæ Patrum mores & acta repræsentans, Ecclesiæ componendæ atque ordinandæ rationem continet. Dolens autem eos communi consuetudine tantummodo Canones ad interpretandum seligi, qui ad lites judicæ valent; constituit ipse qui is declarandis

Tom. I.

„ præset, unde sacra Majorum instituta & ritus, „ optimumque Ecclesiæ administrandæ genus hauriretur.

Ut ergo scientiam Canonum, quæ Ecclesiæ serviendi reddantur idonei, facilius assequerentur Juris Canonici Studiosi, optandum esset ut hi saltem, qui se non forensibus controversiis occupare, sed in Clericali statu Deo & Ecclesiæ servire intendunt, potius studium Theologicum, id est, Sacræ Scripturæ & SS. Patrum, quàm Legum Civilium jungerent aut præmitterent studio Sacrorum Canonum.

VII. Et sanè quòd hodie Juris Canonici Studiosi penè non imbuantur, nec studeant nisi Canonibus aut Decretalibus, quæ ad lites judicæ valent, quidni magna ex parte inde proveniat, quòd nulli hodie creari soleant Doctores Canonum seu Decretorum, nì unà & Legum Doctores creentur; paucique Juris Canonici aut Decretorum duntaxat Licentiat fiant?

Cùm enim Legum studium ad forenses controversias, judicæ terminanda penè unice spectet, facile contingit, ut etiam studium Canonum eo conferant.

VIII. Quòd studentes juri Canonico vix hodie imbuantur eà scientiâ Canonum, quibus purior Ecclesiæ disciplina repræsentatur, vel inde magna ex parte oritur, quòd in scholis plerumque non exponantur nisi recentiores Romanorum Pontificum Decretales, neglectis magnâ ex parte pristinis Canonibus, qui optimam Regiminis Ecclesiastici rationem, per octo circiter secula sollicitè conservatam & renovatam exhibent.

Quòd verò ex autore vitæ S. Caroli num. VI. superius retulimus, nimirum quòd constituerit ipse, qui is Canonibus declarandis præset, unde sacra majorum instituta, & ritus, optimumque Ecclesiæ administrandæ genus hauriretur; vix dubium quin id intelligi debeat de eo, qui Decreti Gratiani expositioni & prælectioni à S. Carolo fuerit præpositus.

Certum enim est, quòd licet hoc opus Gratiani magnâ confusione contextum sit, & contineat plurima apocrypha, supposititia, mutilata, ac nonnunquam in alienum sensum à mente auctoris ad sui temporis disciplinam & amplificationem Pontificiæ potestatis detorta; nihilominus & illud oportet fateri, in hoc Gratiani Decreto esse resptos Canones & SS. Patrum sententias in omni penè materia, è quibus optima regendæ Ecclesiæ ratio hauriri queat, modò is, cui illud prælegendi & exponendi munus incumbit, sciat falsâ à veris, supposititiâ à sinceris, & contorta ab integris ritè discernere.

Proinde nec ambigendum, quin prælectio hujus Decreti Gratiani multò aptior & convenientior sit, ut ex eâ sacra majorum instituta, & ritus, optimumque administrandæ Ecclesiæ genus hauriri queat, quàm prælectio Decretalium Gregorii IX. & sequentium Pontificum, quæ penè unice quæstiones de variis materiis incidentes, & ad forum contentiosum pertinentes respiciunt, easque vel decidunt, vel formam & modum decidendi præscribunt; nihil autem vel parum in iis occurrit, unde purior Ecclesiæ disciplina dignosci posset.

Hac ratione inductus Philippus II. pluribus jam institutis prælectionibus juris Canonici in hac Academia Lovaniensi, adjunxit prælectionem Decreti Gratiani; ut constet ex litteris Ducis Sabaudie Belgii Gubernatoris anni 1557. datis ad Collegium nostrum J. V. & ad calcem hujus vol. sub D. reperiuntur.

IX. Ut ergo verum, ac Ecclesiæ utile Canonum studium amplius floreret, optandum esset, ut non tantum Licentiat, sed & Doctores crearentur, qui unice se Canonum studio occuparent; verumque sensum è suis fontibus eruerent; quemadmodum in ipsis Universitatibus nostræ florentibus exordiis frequens fuisse ipsi Fasti Academici abundè testantur, in quibus referuntur plurimi solius Juris Canonici seu Decretorum Doctores.

X. Hæc sat ostendunt, quâ ratione Graduat in Jure Canonico, si scientiâ Sacrorum Canonum, qui ve-

I

ram

ram Ecclesiae disciplinam, quin & Patrum mores atque repraesentant, sit debite instructus, quemadmodum publicum Academicum testimonium sive Gradus praefert, possit una cum Graduato Theologo Episcopis in administratione Ecclesiae esse admodum idoneus.

Adhaec, quis ultra mirabitur, si ad praecipuas Ecclesiae Dignitates ac munia vocentur indifferenter Graduati in Jure Canonico & Theologia, qui attenderit, Sacros Canones esse conclusiones à Libris Canonicis & Sanctis Patribus elicitas; ac per consequens peritum SS. Canonum etiam Sacrarum Litterarum ac Patrum non posse esse ignarum; è quorum lectione etiam Theologus suam haurire debet scientiam.

Sicuri enim Canonistae nomen non meretur, saltem ut ad Ecclesiastica munia assumatur, iis Canonibus tantum instructus, qui ad forenses quaestiones, judiciumque terminanda conducunt; ita nec Theologi nomine dignus est, qui scientiam suam è Sacris Litteris & Patribus non hausit.

### CAPUT III.

#### De Graduatis Nobilibus.

1. An probanda consuetudo Capitulum nullo admittendi nisi Nobiles?
2. In electione ad munia Ecclesiastica magis attendenda virtutum quam generis nobilitas.
3. Potest tamen quandoque generis nobilitas attendi.
4. Haec debet attendi cum respectu ad bonum Ecclesiae.
5. Nobilitas potest conferre, ut quis magis prosit Ecclesiae.
6. Quid Nobilibus Canonicis praereliquis incumbat.
7. Nobiles etiam gradu Academico insigniti esse debent.
8. Gradus Academici magnam cautione concedendi.

**I.** NONNULLA sunt Canonicorum Collegia, in quibus invaluit consuetudo, quam etiam nonnullam ex ipsa fundatione originem habere asserunt, ut nullos ad suum gremium admittant, nisi suam nobilitatem legitimis testimoniis asseruerint; contra quam referente Molano lib. 2. de Canonicis cap. 29. prolixè scribit Guilielmus Peraldus, acriter reprehendens consuetudinem illarum Ecclesiarum, quae nolunt *canonicare*, ut loquitur, nisi Nobiles.

Peraldo consentire videtur Gregorius IX. in cap. 37. de Praebendis & Dignitatibus. Cum enim auctoritate Apostolica Episcopus Portuensis tanquam Sedis Apostolicae Legatus contulisset jure devoluto Praebendam in Ecclesia Argentina cuidam Clerico, & Capitulum illum admittere noller, allegans consuetudinem antiquam inviolabiliter observatam, juxta quam nullum nisi *nobilem* & liberum, & ab utroque parente illustrem, honestae conversationis, ac eminentis scientiae in suum consortium hactenus admiserant; quaestione ad Sedem Apostolicam devoluta, respondit Pontifex Gregorius IX. "Nos igitur attendentes, quod non generis, sed virtutum nobilitas, vitaeque honestas, Deo gratum faciunt & idoneum servitorem, ad cujus regimen non multos secundum carnem nobiles & potentes elegit, sed ignobiles ac pauperes: eò quod non est acceptio personarum apud ipsum, & vix ad culmina dignitatum (necum ad Praebendas) viri eminentis scientiae valeant reperiri, exceptiones hujusmodi non duximus admittendas.

**II.** Profectò, quin in electione & vocatione ad Ecclesiastica Ministeria, vitae merita, ac eruditio potius sint attendenda, quam familiae prosapia & nobilitas, nemo ambigere potest: ut propterea merito dicat Molanus loco citato, quod "reprehendenda & reformanda sunt Collegia, in quibus postposito de pietate & eruditione examine, hoc solum diligentissimè discutitur; an nominatus sit satis nobilis, qui admittatur, an stemma ejus nusquam deficiat, an tot recensere possit proximos suos parentes aut Barones, aut Comites; an habeat omnia sua quarteria, ut loquuntur, inte-

gra, & similia, quae nec recensere valeo, nec commemorari necesse est.

**III.** At verò ubi pietas ac eruditio non desunt, quin & ipsa generis nobilitas subinde considerari expendique queat, inficiari nullus potest. Certum enim atque experientia notorium est, quod nonnunquam Nobiles atque Illustres Viri, dum de cetero pietate & eruditione sunt insignes, multa sua auctoritate in bonum Ecclesiae praestare possint, quae alii pari aut majori pietate ac eruditione conspicui praestare non possent.

**IV.** Tamen ergo in electione ad munia Ecclesiastica generis nobilitas vel familiae prosapia nequaquam per se ac simpliciter sit attendenda; nihilominus cum respectu ad bonum Ecclesiae, sive in quantum ea conferre potest, ut Nobilis majori auctoritate Ecclesiae serviat, merito attenditur; poteritque interdum Nobilis ignobili, licet nonnihil doctiori & capaci, sine personarum acceptione praeferrì.

Haec praeculis habuisse creditur Pontifex, dum ad instantiam Philippi II. Hispan. Regis, inter novem Graduatos in singulis Cathedralibus Ecclesiis noviter erectis, tres Nobiles Graduatos esse voluit; non quovis; sed Nobiles ipsius Diocesis.

**V.** "Quod enim, ait Molanus, l. 2. de Can. c. 29. ad Ministerium Ecclesiae vocentur, & invitentur, hoc fit, ut non solum per eruditionem & pietatem, sed per nobilitatem quoque suam Ecclesiam Dei juvent. Cum enim Nobiles seculares gladium portent, & per suam potentiam possint Ecclesiae Dei, & viris Ecclesiasticis multum prodesse, valde expedit ex eorum familiis in Clero aliquos esse, ut eorum favor, obsequium & reverentia erga Ecclesiam & Ecclesiasticos magis foveatur & conservetur. Imò dum in Clero sunt Nobiles, libenter Nobiles Viri & Illustres Principes eò filios suos destinant, ut nobilitati stemmatis nobilitatem addant morum, animum liberalibus & honestis studiis excolant, & à teneris annis reverentiam Ecclesiastici Ordinis imbibant.

**VI.** "Nobiles proinde Canonici semper meminerint sui officii, atque suae vocationis esse, ut Nobiles seculares, apud quos propter carnis & sanguinis nobilitatem plerumque praereliquis Canonicis gratiores & majoris auctoritatis sunt, adhortentur & doceant, Deum & Ecclesiam ab iis requirere, ut veluti nutriti Ecclesiae Christi, ante omnia teneantur honorem Dei, fidem Catholicam, pacem Christianorum, pietatem, & bonos mores, Ecclesiam, Viros Ecclesiasticos & Monasticos, eorumque privilegia & immunitates. Et ut filios suos à teneris annis sic institui curent, ut simul cum pietate observantiam Sacerdotii & Cleri imbibant. Ex quo facile intelligitur, cur conveniat patrios Nobiles exteris praeferre, quod hi plus apud nobilitatem Patriae & Diocesis, quam exteri Nobiles praestare possint.

**VII.** Neque Nobilitatem duntaxat, sed & eruditionem desideravit Pontifex, dum ad instantiam Philippi II. tres Praebendas sive Canonicatus in singulis noviter erectis Ecclesiis Cathedralibus, Nobilibus Diocesis assignavit: id vel inde intelligitur, quod ultra Nobilitatem etiam gradum Doctoratus aut Licentiae in Theologia aut Jure Canonico requisiverit; ut scilicet hoc publico Academico testimonio probarent se non tantum generis, sed & eruditionis nobilitate insignes & idoneos, qui Ecclesiae operam & consilio servire possent.

**VIII.** Ex hactenus dictis quisque facile intelligit, quam solliciti esse debeant, quibus incumbit Gradus Academicos annuere, ne aliis inquant, quam qui eruditionem aliasque animi dotes habent, quas Gradus ille Academicus seu publicum quoddam testimonium praefert.

Ut quid enim Gradus illi requiruntur, nisi ut per illos constet de eruditione & capacitate promovendi; sed de his alibi latius.

## TITULUS XI.

## DE DIGNITATIBUS CAPITULORUM.

## CAPUT I.

## De Præposito.

1. *Quales durante communi Canonicoꝝ vitâ essent Præpositi.*
2. *Hodierni Præpositi ab antiquis in multis distincti.*
3. *Non omnium Præpositorum eadem jura & officia.*
4. *In his attendenda consuetudo, statuta & fundatio.*

I. IN plerisque Ecclesiis Cathedralibus prima post Episcopalem Dignitas, & in Collegiatis absolutè prima est Præpositi.

Officium Præpositorum in Ecclesiis Canonicoꝝ, cum inter Canonicos adhuc vigeret vita communis, describit Synodus Aquilgranensis anno 816. *cap. 139.* „ Quamvis, ait, omnes qui præstant, Præpositi ritè „ dicantur, usus tamen obtinuit, eos vocari Præpositos, qui quamdam Prioratus curam sub aliis Prælati „ gerunt. Hi tamen, qui juxta hunc morem Præpositi „ vocantur, tales & tam strenui sunt constituendi, qui „ & vitæ probabilis sint, & ea quæ sibi injuncta sunt, „ fideliter, humiliterque explcant; & pro eo quod aliis „ prælati sunt, nequaquam parvipendunt Canonica in- „ stituta; sed quanto plus implicantur in fratrum curis, „ tanto magis studeant cœlestibus obtemperare moni- „ tis. Debent igitur cunctæ congregationi esse utiles, „ & de ministerio commissio fideliter prodesse. Eave- „ ro, quæ fratribus dare debent, cum charitate tempore „ opportuno incunctanter præbeant, quatenus à Do- „ mino de fidei administratione gradum bonum acqui- „ rant. Erga hujuscemodi vero delinquentes, & obe- „ dientiam sibi commissam benè administrantes, mo- „ dus superius comprehensus tenendus est.

II. Si quis attendat, quæ hic Præpositis injungun- „ tur, & incumbunt, faciliè apparebit, quantum mo- „ derni Præpositi, quos in Belgio habemus, ab illis, quos „ describit Synodus, discrepent.

Tunc Præpositura erat officium, nunc non solum „ est beneficium, sed primaria Dignitas. Tunc cura & „ regimen Canonicoꝝ & Clericoꝝ in communi vi- „ ventium Præposito incumberebat; nunc pauci sunt, qui- „ bus cura animarum, aut aliquod spirituale regimen „ incumbit. Tunc Præpositi in congregatione & pervigili „ cura fratrum assidui erant: hodie verò plures credunt „ se ab omni residentia personali exemptos: Imo in „ Diœcesi Leodiensi omnes opulentiores Collegiatarum „ Ecclesiarum Præpositi possidentur à Canonicis sancti „ Lambertii. Uno verbo, uti rectè notat Molanus *lib. 2. „ De Canonicis cap. 4.* „ Si nostros Præpositos ad præfatos „ illos conferamus, nihil tere aliud videmur reservasse, „ quam umbram quandam Præposituræ, quæ adhuc „ relucet in prima sessione, in opimis fructibus, qui „ tamen in nonnullis locis, justis Dei judicio, propter „ intermissam residentiam multum attenuati sunt: „ rursus in collatione Beneficiorum, & nonnullis „ aliis. Hæc Molanus; quæ tamen commode intel- „ ligenda sunt.

III. Constat enim, & in Belgio nostro esse quas- „ dam Præposituras, quibus Canonicoꝝ & Cleri cura „ spiritalis est annexa, Præpositusque est Canonicoꝝ „ Pastor; quique consequenter etiam de jure naturali ac „ divino ad residentiam tenetur: Alii sunt quibus alia „ Officia etiam nunc hodie incumbunt.

Et quidem Ecclesiæ Colonienſis Præpositos vi sui „ juramenti adstringi ad defensionem jurium, Privilegio- „ rum & Statutorum Ecclesiæ, apertè supponit Synodus „ Colonienſis, an. 1536. *Remedio 3. cap. 5.*

Tom. I.

Et inter Statuta Ecclesiæ Metropolitanæ Mechlinien- „ sis titulo *de Officio Præpositi* legitur: „ Absente vel „ impedito Archiepiscopo, ejus vices in divinis supple- „ bit Præpositus, cum huic Ecclesiæ aliquis datus erit, „ celebrabitque Sacrum secundum præscriptum Tabulæ „ capitularis, & in decilionibus capitularibus habebit „ primum suffragium post Reverendiss. & Illustriss. D. „ Archiepiscopum: Post quem etiam habebit primum „ locum in confessionibus & actibus publicis; suberit „ tamen Capitulo, Decano autem ut Pastori.

IV. Itaque quoad jura, dignitatem & munia Præ- „ positum, cujusque Ecclesiæ fundaciones, statuta & „ consuetudines attendenda sunt; ut ex illis, quid præ- „ positus competat aut incumbat, judicari possit: Illud „ autem merito monet Molanus loco citato, ut Præpo- „ situs, qui à cura animarum est liber, „ meminerit „ saltem, ut purus sit in conferendis Beneficiis, ne, „ si aliter faciat, gravissimum reportet Dei judicium: „ Et quia nunquam Clericis bonæ voluntatis defunt „ officia & exercitia Ecclesiastica, quibus se & Deo & „ hominibus commendat, meminerit eum qui cæteris „ antistat honore, etiam merito & labore antistare „ debere, seque tanto magis Ecclesiæ Dei debitorem „ esse, quanto abundantiores & majores sunt fructus, „ quos de Altari Dei percipit.

## CAPUT II.

## De Decano.

1. *Decanorum origo.*
2. *Cura animarum à Præpositis translata in Decanos.*
3. *Hodie unicuique in singulis Capitulis Decanus, cui „ totius Cleri cura incumbit.*
4. *Solet esse Caput & Præses Capituli.*
5. *Jurisdicctio Decani maxime à consuetudine dependet.*
6. *Jurisdicctio interdum est non apud Decanum, sed apud „ Capitulum. Interdum apud utrumque.*
7. *Jure communi non habet jurisdictionem contentiosam, „ sed duntaxat correctionalem.*
8. *Jurisdicctio correctionalis competit Capitulo vel Deca- „ no, etiam in Capitulo non exempto.*
9. *Etiam Capitulum hanc aliquando exercet in Deca- „ num.*
10. *Potest Decanus & Capitulum Canonicos ob indecen- „ tiam in vestibus, aut irreverentiam in Ecclesia sus- „ pendere ab introitu Chori & Capituli.*
11. *Officialis Episcopi non potest suspendere resolutiones „ Capitulares in materia disciplinæ.*
12. *Jurisdicctio quæ Decanis & Capitulis competit, solet „ esse correctionalis.*
13. *Quam grave sit Decanorum officium.*

I. NOTISSIMUM est ex historiis & Regulis Patrum, „ olim fuisse in plerisque Monachorum Congre- „ gationibus, præter Abbatem & Præpositum, varios „ Decanos, qui singuli sub sua cura habebant decem „ Monachos. „ Si major fuerit Congregatio, ait S. Bene- „ dictus in *Regula cap. 21.* eligantur de ipsis Fratres „ boni testimonii, & sanctæ conversationis, & con- „ stituantur Decani, qui solitudinem gerant super „ Decanos suas.

Cum vero Canonici in communi viventes discipli- „ nam Monasticam in plurimis æmularentur, etiam ad „ imitationem Monachorum Decanos constituerunt; „ quare & in plerisque Hispaniarum Ecclesiis Cathedrali- „ bus Decani olim vocabantur Priores, teste Innocentio „ III. *Lib. 1. Epist. 77.* „ Quia Asturicensis Ecclesia „ digni-



„dignitatem Decanatus à longis retrò temporibus  
„noscitur habuisse, licet qui eo fungebatur honore  
„promoveretur aliquando & destitueretur pro Episco-  
„pi & Capituli voluntate, nec Decani, sed *Prioris* no-  
„mine vocaretur, secundum consuetudinem ferè om-  
„nium Ecclesiarum Hispaniæ, quæ tunc temporis ibi  
„vigeat, &c.

II. Cum vero Præpositi ob curam temporalium, cu-  
ram spiritualem negligenter; sæpiusque à Congregatio-  
ne ob eam temporalium curam abesse deberent, tan-  
dem interior cura ad Decanos translata fuit: ipsique  
Decani in plerisque Ecclesiis capita Congregationis, sal-  
tem quoad disciplinæ directionem constituti fuere.

III. Et quidem in plerisque tam Cathedralibus quam  
Collegiatis Ecclesiis Decani solent totius Capituli &  
Cleri Capitulo subiecti curam spiritualem habere; usu-  
que receptum est, ut quantumcumque numerosum sit  
Canonicorum Collegium, unicum habeat Decanum,  
qui tam Canonicorum, quam inferioris Ecclesiæ suæ  
Cleri curam habeat.

Unde Synodus Colonienfis anno 1260. firmiter præ-  
cipiendo Decanis injungit, „Tota eos ad id niti solertiã,  
„quod in Ecclesiis disciplinæ observantia vigeat ho-  
„nestatis: & sicubi enervata extiterit, ipsam studeant  
„reformare, commissam sibi excessuum correptionis  
„potestatem & regimen sui officii totaliter exequendo,  
„ut boni dispensatores in Domo Domini super ejus fa-  
„miliam dignâ possint commendatione censerî. Et  
„hoc quidem se facere arbitrentur, si ipsi disciplinati  
„appareant in seipsis, & per bonum exemplum confor-  
„tent & animent suos confratres.

Similiter seculo præterito (1536.) altera Synodus  
Colonienfis eisdem vestigiis insilens, monet utrobique:  
*Decanis* „curæ sit, ut Clericos suos ad observationem  
„piorum rituum provocent ac reducant; ut ad agendam  
„vitam Clericis dignam perpetuo cohortentur ac im-  
„pellant, ut à negotiis, à tumultibus mundanis re-  
„vocent, ne magis seculi quam Christi milites videan-  
„tur, ut comestationibus, ebrietatibus, ac omni  
„luxui interdiciant, denique ut suo Officio satisfacere  
„compellant. „An. 1536. *part. 3. cap. 2.*

Et sane de jure communi Decano incumbere curam  
animarum ostendit Concilium Lateranense in *Cap. 7.*  
*de elect.* statuens, „Ut *Decanatum*, Archidiacono  
„natum & alia quæ curam animarum habent annexam,  
„nullus omnino suscipiat, sed nec Parochialis Eccle-  
„siæ regimen, nisi qui jam 25. ætatis annum attige-  
„rit, & qui scientiâ & moribus existat commendandus.

IV. Nec tantum Pastor est, seu curam animarum  
sustinet totius Cleri, sed & in plerisque Ecclesiis caput  
est totius Collegii; ipseque in Congregatione Capitula-  
ri præsidere, proponere & ex resolutione Canonicorum  
concludere solet; tametsi etiam in Choro & publicis  
confessionibus Præpositus ipsum Decanum præcedat.

V. Quoad jurisdictionem Decani in Canonicos alio-  
que Ecclesiæ suæ Clericos plus ex consuetudine & privi-  
legio, quam ex jure dependet; uti monet Glossographus  
ad Sanctionem Pragmaticam *Tit. Quomodo divinum Of-  
ficium sit celebrandum* Verbo *Decanus*, ibidem tamen mo-  
nens, „Ubi Decanus esset Prælati Ecclesiæ Collegiatæ,  
„de jure haberet jurisdictionem ordinariam in illos de  
„Collegio. „Additque, „quod quasi in omnibus Eccle-  
„siis Regni Galliæ hæc obrineat consuetudo, quod De-  
„cani jurisdictionem habent in Capitulum, & in ali-  
„quam partem Cleri.

VI. Hoc Glossographi dictum commode intelligen-  
dum est, etiam quoad Ecclesias Regni Galliæ; cum  
certum sit, non tantum in Belgio, sed & in Gallia plu-  
res esse Ecclesias, in quibus de consuetudine jurisdic-  
tio est non apud solum Decanum, tametsi caput Capituli,  
sed vel apud solum Capitulum, vel apud Capitulum  
& Decanum conjunctim.

Et quidem immediate post allegata Glossographi  
verba, observandum subicit ejus notator Philippus

Probus, quod „Decanus Parisiensis jurisdictionem non  
„habet in Capitulum, nec in Clerum, sed ipse &  
„Capitulum eam simul in singulos Ecclesiæ Ministros,  
„etiam Canonicos Præbendatos, etiam Dignitates in  
„ea obtinentes habent, quam per Officialem capitula-  
„riter institutum exercent.

Inter statuta quoque Ecclesiæ Metropolitanae Mech-  
liniensis *Tit. De Officio Decani*, legitur, quod De-  
cano quidem onus curæ animarum in omnes Capitula-  
res & Capitulo subditos incumbat, sed tamen quod  
„propria auctoritate graviore pœnas nemini infligeret,  
„sed monitum & non resipiscientem Capitulo deferret,  
„porro puniendum.

VII. Verum si Capitulum, si Decano, si utrif-  
que conjunctim jurisdictionem competat, ea tamen de jure  
communi non *contentiosa*, sed *correctoria*, seu *correctio-  
nalis*, ut loquuntur Canonistæ, esse intelligitur: unde  
cum diceretur in *cap. 6. de sententia excommunicationis*  
in VI. quod Decanus usus fuerit gladio spirituali excom-  
municationis, idque probaretur ab Innocentio IV. ob-  
servat Glossa, „Quod Decanus iste de *consuetudine* vel  
„*privilegio* haberet jurisdictionem ordinariam, vel sal-  
„tem potestatem fulminandi censuram.

Itaque nisi consuetudo, aut alius specialis titulus De-  
cano aut Capitulo jurisdictionem contentiosam tribuerit,  
sola *correctionalis* competet; reliqua apud Episcopum  
ex jure communi remanente.

Hinc cum Capitulum Nivernense quemdam suum  
subditum carceri mancipasset; isque ab illo Capituli  
Decreto tanquam ab abusu, juxta mores Regni Gal-  
liæ, ad Senatum Regium provocasset; auctoritate Se-  
natus, Decretum Capituli cassatum fuit; declaratum-  
que, incarceratione Canonicos spectare ad Episcopum,  
non ad Capitulum. Menardus in suis *Arrestis lib. 1. tit.*  
*3. Arrest. 3.*

VIII. At ea, quæ correctionem paternam & disci-  
plinam spectant, ad Capitulum vel Decanum, etiam  
in Capitulis non exemptis, pertinere vulgo receptum  
est. Quapropter, si quis Canonicus aliusve de Clero  
Capitulo subiectus, aliquam in divino Officio, aut Ca-  
pitulo vel alibi irreverentiam, aut insolentiam com-  
mittat, Capitulum vel Decanus, pro Ecclesiarum di-  
versa consuetudine vel statuto poterit eum punire non  
*contentiosè*, sed *correctionaliter*; idque per modum ju-  
isdictionis, quam Canonistæ dicunt *correctionalem*: v.  
g. privando similes irreverentes aut insolentes suis di-  
tributionibus, vel ingressu Chori vel Capituli ad certum  
tempus; vel quod in inferioribus sedilibus aliquanto  
tempore consistere debebunt, aliave simili leviori pœ-  
na multando; quæ potius ad correctionem quam ad  
punitionem rendere videtur; argumento *cap. 13. de  
Offic. Ordin.* ubi notat Panormitanus, quod „qui-  
„libet Prælati habens subditos possit & debeat pro-  
„cedere ad correctionem excessuum & reformationem  
„morum.

IX. Conformiter ad hanc decisionem, Capitulum  
Carnutense privaverat Decanum suum distributionibus  
suis per octiduum, eo quod in pleno Capitulo unum è  
Canonicis contumeliose tractasset; cumque ab hac Ca-  
pituli resolutione Decanus tanquam ab abusu appel-  
lasset ad Parlamentum Parisiense, resolutio Capituli con-  
firmata fuit. *Fevret. Tract. de abusu lib. 4. cap. 4. n. 3.*

X. Similiter quidam Canonici Ecclesiæ Collegiatæ  
Divæ Virginis Baunensis, ob indecentiam in capellis  
& vestitu, necnon irreverentiam commissam erga De-  
canum, per deliberationem Capitularem condemnati  
fuere, petere veniam à Decano & Capitulo, & abstinere  
ab introitu Chori per quindenam, & ab introitu  
Capituli per mensem: A qua deliberatione appellantes  
dicti Canonici ad Officialem Augstodunensem, obti-  
nuerunt ab eodem Officiali interdictum contra Capitu-  
lum procedendi ad executionem istius deliberationis:  
Quod cum Syndico Capituli esset intimatum, mox à  
dicto Decreto Officialis interjecit appellationem tan-  
quam



*quam ab abusu*: Atque per Sententiam Parlamenti Regii 31. Maji 1633. declaratum fuit, nulliter & abusive per Officiale fuisse decretum; annullavitque omne quod in vim illius interdicti actum erat, condemnatis Canonicis in expensas, & multam 20. librarum: ac ius dicendo super principali, dixit, deliberationem esse exequendam in omnibus suis punctis.

Per hanc sententiam, ait Fevret, loco citato, Senatus Regius duo puncta decidit. Primum, quod Capitulum potuerit uti hac moderata & levi correctione pro conservatione disciplinae, juxta id quod dicitur in *L. unica Cod. de emendat. propinq. lib. 9.* "Jure patrio auctoritas corrigat propinqui juvenis erratum, & privata animadversione compescat. Quod si atrocitas facti jus domesticæ emendationis excedat, placet enormis delicti reos dedi Judicium notioni.

XI. Alterum quod Officialis non poterit dare Decretum suspensivum in materia correctionis. Plures similes sententias, quibus declaratum fuit, Capitulis & Decanis pro varietate Ecclesiarum competere jurisdictionem correctionalem in materia disciplinae, vide apud Tournet *Litt. C. cap. 49. § 3. & § 4.*

XII. Jurisdictio correctionalis, quæ Capitulo vel Decano competere consuevit, pertinet duntaxat ad defectus leviores, præsertim spectantes disciplinam Canonicalem; non autem graviora crimina, quæ manent puniendi per Ordinarium, & ordine judiciario servato, uti superius notatum est.

Eandem distinctionem inter leviores defectus contra disciplinam Canonicalem aut modestiam: & honestatem Clericalem, & graviora Canonicorum delicta, siue crimina, notavit vir clarissimus, & in materia Canonica non parum versatus Franciscus Pinsonius in notis ad Molineum ad cap. IRREFRAGABILI. 13. x. de Offic. Ordin. Relato eam in rem Arresto Parlamenti Paris. de anno 1671.

Monet & ibidem Pinsonius, à sententia correctionali Decani vel Capituli super hujusmodi defectibus, non admitti appellationem cum effectu suspensivo.

Insuper notat, quod, si post monitionem Ordinarii Capitulum in corrigendis defectibus maneat in mora, poterit Ordinarius negligentiam Capituli supplere, sup. 13. IRREFRAGABILI x. de officio Judicis Ordinarii; quia jurisdictio, quæ ab Episcopo consuetudine, vel privilegio tranlivit ad Capitulum, faciliè rursus ad Episcopum redit, uti rectè notat Dandinus Alteserra lib. 2. de Jurisdic. c. 15.

Porro sicuti hæc correctionalis Jurisdictio nonnisi circa leviores defectus versatur, nec ad graviora delicta vel crimina se extendit, ita quoque vigore hujus jurisdictionis graviores pænæ non decernuntur, sed leviores, puta privatio distributionum vel introitus ad Chorum vel Capitulum, aut etiam suffragii ad tempus, pro gravitate excessus; quæ pænæ non ab similes sunt suspensionibus & excommunicationibus, quæ passim occurrunt in regulis Monachorum inter pœnas quas Abbates etiam pro delictis subinde levioribus, Monachis infligere jubentur: quæ nequaquam à jurisdictione aliqua contentiosa, vel potestate clavium, sed solummodo à correctionali & paterna auctoritate procedebant, unde nec similes suspensiones aut excommunicationes censuris ecclesiasticis à Clavium potestate procedentibus annumerabantur, uti nec suspensiones Canonicorum pro levioribus excessibus contra disciplinam Canonicalem hodie infligi solitæ pro censuris reputari possunt; nec consequenter operari effectum Censuræ. Unde Canonicus ob similem aliquem leviores excessum suspensus, aut interdictus ab introitu Chori, contra interdictum introeundo Chorum, & Divino Officio assistendo, non fiet irregularis.

XIII. Cæterum non tantum quoad jurisdictionem; sed etiam quoad alia jura Decanorum potissimum inspicienda sunt antiqua singularum Ecclesiarum statuta & consuetudines; & si inspiciantur Ecclesiarum Belgii

consuetudines & statuta, in plerisque verissimum esse reperietur, quod monet Molanus lib. 2. de Canonicis cap. 6. "Multa sanè opus est prudentia, auctoritate, eruditione & morum probitate, ut Decanus Dignitatem suam tueatur. Pastor est omnium Canonicorum & inferioris Cleri, qui pro his omnibus & singulis redditurus est Deo rationem. Nec tantum Pastor est, sed Caput Collegii, qui, sicut bonus Paterfamilias, domi suæ præesse debet. Est enim ei familiæ Ecclesiasticæ regimen commissum, ut honorem Domus Dei tueatur, ut disciplinam conservet in Clero, ut in rebus spiritualibus & temporalibus conservandis ministerium sibi concredutum adimpleat, nec tam præesse, quam omnibus & singulis prodesse velit. Quàm arduum autem sit hoc munus, non ignorant multi viri boni, qui in Collegiis Canonicorum sincere Deo placere cupiunt." Hæc Molanus; quæ utinam attenderent, qui ad Decanatum tanquam ad Dignitatem & Officium sine onere currunt.

## CAPUT III.

## De Cantore.

1. Cantor olim dictus Primicerius.
2. Officium Cantoris.
3. Cantor dictus Chori Episcopus.
4. Cantor irreverentes & defectuosos in Divino Officio punire potest.
5. Cur baculum in præcipuis Festivitatibus ferat.
6. Cantor in plerisque Ecclesiis inter Dignitates computatur.
7. Obligationes Cantoris merito expenduntur.

I. Inter omnes penè Canonistas convenit, *Primicerium*, de quo est titulus Decretalium, esse eundem quem hodie in plerisque Ecclesiis Canonicorum dicimus *Cantorem*: dictumque credunt *Primicerium*; eo quod in Ecclesiis sit Canonicis & aliis Clericis præfatus, atque Cantoribus instituendis & docendis ad cantum in Choro destinatus; atque ita velut *primus* in Choro, & *primus* in cantu. *Primicerius* enim dictus est, "quasi *primus* in ordine ceræ seu scripturæ (ait Vallensis ad Titulum de officio *Primicerii*)", in omnibus ordinibus dignior: sic enim sæpius legimus in Novella 8. *Notariorum Primicerium*, id est, primum, seu in Matricula Notariorum primo scriptum: & in Codice Lib. 12. *Primicerium mensurum*..... Et Augustinus vocat Stephanum, *Primicerium Martyrum*. Is vero qui *Primicerium* in quocumque sequebatur, *Secundicerius* & sic deinceps dicebatur." Hæc ille.

II. Cantoris autem, qui & interdum dicitur *Præcantor*, officium est, Choro præesse, ut ibidem Canonicos reliquosque Clericos & Ministros ad divina dirigat Officia & modum canendi; quod divinæ laudis in communi Choro decantandum est, per eum præordinetur, & sollicitè psallendi ordinem, ac orandi modum committat, silentiumque indicat, risus cohibeat & colloquia; ac curet, ne quis in psallendo nimidum festinet, vel tardet; nec versus alter ante alterius finem incipiat. Uno verbo, Cantoris oneri incumbit, ut divina Officia graviter & ordinatè Altissimo persolvantur; ut juxta Apostolum omnia secundum ordinem fiant in Ecclesia: 1. Cor. c. 14. v. 40. Ita post Barbosam de Canonicis cap. 9. aliosque Canonistas tradit Farmosinus in commentario ad Titulum de Offic. *Primicerii quæst. 1. num. 19.*

III. Mirum ergo videri non debet, quod in Synodis Colonienfis anni 1260. & anni 1536. Cantores dicantur *Chori Episcopi*, sive latine Chori inspectores.

IV. Et inter statuta Ecclesiæ Metropolitane Mechliniensis sub titulo de Officio Cantoris habetur: "Cho-

„Chorum reverenter diriget, discursiones, confabulationes, cachinnationes, omnesque alias insolentias & irreverentias compescet; curamque geret, ut omnes Chori leges & statuta bene observentur; & maxime ut totum divinum Officium tractim, distinctè, articulatim ac reverenter peragatur; & quos in prædictis delinquere videbit, semel monitos propria auctoritate corripiet, & distributionibus privabit. Tradit quoque Renatus Choppin *Lib. 1. de Polit. Eccles. cap. 3. num. 10.* ex Glossa Pragmatica, quod in plerisque Ecclesiis sit „Cantor Præses seu Præsul Chori dictus, aut Chori Director, cum sacra potestate Juridica in Sacrificulos templi, vel Canonicos quidem & alios Ecclesiastica præstantes Dignitate.

V. In signum hujus potestatis receptum videtur in quibusdam Ecclesiis, ut Cantor utatur in præcipuis festivitibus baculo argenteo, quem *baculum Cantoralem* vocant; cujus usus præscribitur in ritibus Ecclesiæ Lugdunensis, quos cum observationibus nuper evulgavit Antonius Bellot Lugdunensis Decanus; qui ibidem *pag. 239.* ex Honorio Augustodunensi mysticam illius baculi significationem refert.

VI. Imo in hac nostra Ecclesia Collegiata S. Petri Lovanii, licet Cantoria non sit Dignitas, locumque possint omnes Canonici primæ foundationis in Choro habere, tamen *personaliter* in solemnioribus Officiis assistens, Canonicos omnes, qui per ordinem ei assistunt, præcedit, quasi in Dignitate constitutus.

VII. Utinam hæc onera, quæ sibi ex officio incumbunt, expendere Ecclesiarum Cantores; faciliè intelligerent, se in Clero digniorem locum habere, proventusque Ecclesiasticos percipere, non ut inde superbiant, aut otientur & commodè vivant, sed majori auctoritate munera sibi incumbencia exsolvere queant, recogitentque serio, defectus & irreverentias Divini Officii, si muneri suo desint, aliquando in districto Dei judicio sibi imputandos.

#### CAPUT IV.

##### De Scholastico.

1. In Collegiis Canonorum olim fuerunt Scholæ puerorum.
2. Ecclesiæ Cathedralis & Collegiatae suas Scholas retinuerunt.
3. Scholasteria olim simplex beneficium sensim ad dignitatis honorem evecta est.
4. Decretum Concilii Tridentini circa Scholasterias.
5. Scholastici per se formandæ juventuti intendere debent.
6. Eorum cura in constituendis Scholarum Magistris.
7. Sapius Scholas frequentare & curare debent.
8. Primaria cura semper manet apud Scholasticos.

I. Jampridem in Canonorum Collegiis, vigente adhuc vita communi, fuisse adolescentum & puerorum Scholas, in quibus à pueritia paulatim ad vitam Clericalem formarentur, notissimum est.

Ut vero Scholæ illæ non solum essent Scholæ litterarum, sed & virtutum, unus ex probatissimis Senioribus, qui pueros & adolescentes in bonis moribus & vitæ sanctitate erudiret, sollicitè deputabatur. „Frater (ait *Regula Canonorum cap. 135. cui*) „hæc cura committitur, si eorum curam parvipenderit, & aliud quam oportet, aut eis in aliquo læsionis maculam ingesserit, severissime correptus ab officio amoveatur: & Fratri alii id committatur, qui eos & *innocentis* vitæ exemplis informet, & ad *opus bonum* peragendum excitet.

II. Vita communi Canonorum in singularem commutata, licet pueri & adolescentes Canonicis sensim quoque cohabitare desierint, nihilominus mansere puerorum & adolescentum Scholæ Cathedralibus & Colle-

giatis Ecclesiis subjectæ; manseruntque & unus à Clero; qui eam curam ageret, qui hodie *Scholasticus*, sive interdum *Scholarchus*, hoc est, Scholæ Præpositus sive Præfectus nuncupatur.

III. Olim Scholasteria sive munus Magistri Scholarum erat simplex officium, à quo si quis minus conveniens judicabatur, pro arbitrio Superiorum amovebatur; ac stabilita tandem singulari Canonorum vita, uti & pleraque Canonorum munia, in Beneficium, imo & in aliquibus Ecclesiis ad Dignitatem evecta est. Hinc ulterius contigit, ut, ob splendorem Dignitatis & proventus amplos annexos, munia illa ambiri coeperint; constituique *Scholastici*, qui vix seipsis regendis essent idonei; autumantes satis esse, si ipsi Dignitate & proventibus potirentur, officium vero à se in alios derivarent. *Etate nostra*, ait Albertus Krantzius *lib. 7. Wandal. cap. 4.* *Scholastici nullum officium est, nisi collectas pauperum Scholarum in usus mensæ suæ vertere.*

IV. Huic abusu obviare volens Synodus Tridentina statuit *Sess. 23. cap. 18. de reformat.* Ut „de cætero „officia vel Dignitates illæ, quæ Scholasteria dicuntur, „non nisi Doëtoribus, vel Magistris aut Licentiatibus in „Sacra Pagina aut in Jure Canonico, & aliis personis „idoneis, & qui per seipsos id munus explere possint, „conferantur; & aliter facta provasio nulla sit & invalida, non obstantibus quibusvis privilegiis & consuetudinibus etiam immemorabilibus.

V. Hoc Decreto apertissime declarat Synodus, Scholasticos tales esse constituendos, qui *per se* munus suum expleant: id est, curam Scholarum habeant, & formandæ instituendæque juventuti intendant.

VI. Imprimis igitur Scholastici est curare, ut si ad ipsum spectet constituere magistros sive magistros Scholarum, nullum aut nullam admitat, nisi prius de illius capacitate & bona conversatione ac piis moribus apprime sit instructus, de quo merito sperare queat, quod tenellæ juventuti continua virtutum exempla ob oculos ponet; & cui nihil magis curæ sit, quam puerorum malas inclinationes refrænare ac mortificare, & virtutum semina inferere.

Si enim Magistri aut Magistræ non undequaque à vitiis sint immunes, facile aliquam vitiorum illorum maculam juventuti communicabunt. Notum quippe est, quam facile pueri velut novæ & adhuc recentes testæ odorem aliquem, quem diu reservent, recipiant.

VII. Neque hic silitere potest Scholasticus, quasi sufficeret, quod Magistrum aut Magistram Scholis designaverit & instituerit, sed ipse meminisse debet, se semper manere Scholarum Præfectum, ideoque jugem Scholarum curam sibi incumbere; seque invigilare debere, num juvenustam in litteris, quam moribus rite instituitur & proficiat: cumque in finem frequenter *per se* visitet, examen instituat, eaque omnia faciat, quæ ostendant, eum juventuti sedulo invigilare, atque de eorum profectu in litteris ac morum pietate multum esse sollicitum, verumque esse Scholarchum sive Scholarum Præfectum. Et quidem tanto vigilantior esse debet Scholasticus, puerorum Magister ab Ecclesia designatus, quanto tenella juvenus facilius vel perversa doctrina, vel perverdis moribus inficitur; eoque periculosior sit vel minima puerorum infectio, quod ea quæ primum cum lacte quasi imbibunt, etiam si pessima sint, plerumque usque ad Senectam, imo ad mortem usque retinere soleant.

VIII. Tamen si ergo hodie à Scholasticis aliisve, quibus id ex consuetudine aliove titulo competit, præficiantur instituendæ & formandæ juventuti Magistri vel Magistræ, tamen præcipua ac primaria cura manet apud Scholasticos: quæ sane non exiguam prudentiam, eruditionem ac zelum requirere solus inficiabitur, qui nescit, quanta peritia, quantusque labor & industria requirantur, ut juvenutis corrupta natura in novam commutetur; atque in ea conservetur; ut propterea non immerito Synodus Tridentina tam sollicitè inculcaverit,

verit. ut Scholasteria non nisi Doctoribus, vel Magistris aut Licentianis in Sacra Pagina, aut in Jure Canonico, aliisve personis idoneis, qui per seipso id munus explere possint, conferantur.

Porro quâ ratione Scholæ tum in Civitatibus, tum in Pagis ex Synodorum & Principum nostrorum Decretis sint instituendæ, quæque circa eas observanda, pluribus exponetur Part. 2. tit. De Scholis.

## CAPUT V.

## De Thesaurario.

1. Thesaurarius unde dictus?
2. Thesauraria interdum simplex Officium, interdum Dignitas.
3. Officium Thesaurarii.
4. Thesaurario cura suppellectilis Ecclesiastica incumbit.
5. Custodia actorum & litterarum ad Ecclesiam spectantium incumbit eidem.
6. Quomodo Thesaurarius à consuetudine Ecclesiæ sua officia metiri debeat?
7. Thesaurario ordinariè plura incumbunt, quàm ap-  
prebenditur.
8. Monitum Molani ad Thesaurarios notandum.

I. N plerisque Canonico-um Ecclesiis solet esse unus Thesaurarius, à thesauris Ecclesiæ, qui ejus custodia committuntur, nomen habens, inquit Molanus lib. 2. De Canon. cap. 13.

II. Est autem Thesauraria apud quosdam, ut, exempli gratiâ, in Ecclesia Collegiata S. Petri Lovanii, simplex officium, à quo, si inidoneus appareat, amoveri potest. In plerisque verò Ecclesiis est vel Beneficium vel Dignitas, etiam interdum ex primariis. Et quidem tempore Innocentii III. Thesaurariam Nivernensem fuisse pro dignitate reputatam, inde apparet, quòd Thesaurario Nivernen- si causæ cognitio delegata reperiatur in cap. 32. *De Offic. Judicis Delegati*. Notat autem Molanus, " quòd prius, (scilicet esse simplex Officium,) " simplicitati vetustatis magis com-  
petat; tunc enim omnia Officia in Clero erant obedi-  
entia, utalicubi Clerus Colonien- sis loquitur. Pos-  
terius verò ex divitiis enatum est, quæ in Cathedra-  
libus, aliisque Capitularibus Ecclesiis varia Officia,  
non modò in Beneficia, sed etiam in Dignitates eve-  
xerunt. Quo fit, ut aliquando is fiat Thesaurarius,  
qui seipsum custodire ac gerere nesciat, quique inep-  
tus sit ad cuiuscumque parvæ domûs custodiam.

III. Officium Thesaurarii describit conformiter ad ea, quæ dicuntur sub titulis Decretalium *De Officio Sacristæ*, & *De Officio Custodis*, Rodericus Zamoren- sis Episcopus, his verbis: " Thesaurarius sive custos  
" præcipuâ quâdam prærogativâ, ac honoris præemi-  
" nentiâ in Sacrosancta Ecclesia fulget; illorum enim  
" Dignitati & Officio, Basilicarum primò incumbit cu-  
" stodia & tuitio, Ostiariorum institutio, luminarium  
" incensio, & præparatio, cura denique baptisterii.  
" Vasorum quoque Sanctorum ac Sacerdotalium ves-  
" tium, nec non Sacrarum Reliquiarum, ac tandem  
" totius Ecclesiæ Thesauri ad eum principalis perti-  
" net custodia. Sed & inter Ecclesiæ Ministros, pro  
" modo obsequii, & personarum differentiis, redditus  
" & oblationes dividit. Meritò igitur S. Synodus id  
" ipsum dignitatis officium, ut unam Ecclesiæ colum-  
" nam, summo studio eligendum, honorique habend-  
" um decrevit, ut nullus in ea nisi sanctior & melior  
" ordinetur.

Hæc ille, supponens cum pluribus aliis Canonistis ea quæ in Decretalibus *de officio Sacristæ & Custodis* leguntur, hodiernis Thesaurariis esse applicanda; ne-  
que iis qui hodie in Ecclesiis sive Canonico-um, sive  
Parochialibus Custodes seu Matricularii vulgò appellantur,

applicari posse; quod & supra titulo *IV. cap. 1.* notavi.

IV. Concilium Colonien- se anno 1260. Thesaura-  
rios cum Custodibus confundit; monetque, " ut lu-  
" minaria Ecclesiæ ita fideliter administrent, & gene-  
" raliter omnis Ecclesiasticæ suppellectilis seu Thesauri  
" custodiam, eorum fidei atque curæ commissam ita  
" conservent fideliter & solerter, quòd inde non sint  
" reprehensibiles, & quòd poenam Canonice castigatio-  
" nis evitent.

V. Nec tantùm vasa & ornamenta sacra; sed etiam  
acta omnia, instrumenta & privilegia, quibus feuda,  
beneficia & reliqua omnia jura continentur, sub Sa-  
cristæ, seu Thesaurarii manu remanere debere ex *Epist.*  
*57. lib. 1. Innocentii III.* tradit Cironius in commen-  
tario ad titulum *De officio Sacristæ*; qui tamen ad ti-  
tulum *De officio Custodis* rectè monet, de his non  
esse certi quidpiam statuendum, propter varias Eccle-  
siarum consuetudines, " ad quas, inquit, omnia hæc  
" Officiorum & Dignitatum jura semper referre debe-  
" mus.

VI. Hæc tamen nolim ita intelligi, quasi sufficiat  
Thesaurario alterive Dignitatem aut Beneficium in Ec-  
clesia obtinenti examinare, quid eorum Prædecessores  
aliqui egerint; aut quid similem Dignitatem in aliis  
Ecclesiis obtinentes passim agant. Cum nihil sit fre-  
quentius, quàm inter hujusmodi generis homines re-  
periri, qui nihil penè eorum quæ Officium requirit,  
adimplent; rati sufficere, si dignitate & provenibus  
potiantur; sed horum negligentia non pro legitima  
consuetudine, sed pro enormi & deplorando abusu re-  
putanda est.

VII. Ut ergo de sua obligatione statuatur Thesaura-  
rius, aliisve Dignitatem aut Beneficium obtinens, con-  
sultare debet Sacros Canones, litteras foundationis sive  
erectionis, statuta suæ Ecclesiæ aliaque similia monu-  
menta; ut ex illis, quid sui Officii sit intelligat; nec  
dubitandum, si hæc seriò revolvantur, quin constabi-  
bit, nullum esse Beneficium aut Dignitatem, cui non  
sit ex mente Ecclesiæ & Fundatorum onus notabile an-  
nexum, atque omne Beneficium dari propter Offi-  
cium; verissimèque dictum esse à Molano, lib. 2. de  
Canonis: *Esti Thesaurarii nomen perdulce sit, difficile  
tamen est Officium si rectè geratur.*

VIII. Unum hic præterea monendum censuit Mo-  
lanus, quod & præfenti temporum calamitati admo-  
dum congruit, nimirum, " multos esse nedum The-  
" saurarios, sed & corpora sive Collegia Canonico-  
" rum, qui nesciant, quid sit custodire Thesaurus  
" Ecclesiæ. Putant enim tunc demum eos custodiri,  
" si ad ornatum templi Dei custodiantur. Si quis verò  
" vel propter publicam famem, vel propter redemptionem  
" nem captivorum, eos alienare velit, quàm multi cla-  
" mabunt non custodiri sed distrahi & dissipari vasa  
" Dei? Quasi verò quod in viva Dei templa ex necessi-  
" tate impenditur, hoc malitiosè materiali Dei templo  
" detrahatur. Sic carnales homines sapiunt, sed longè  
" aliud est Sanctorum Dei judicium.

## CAPUT VI.

## De Canonico Theologo.

1. Decretum Concilii Lateran. de institutione Theologi.
2. Decretum Concilii Basileensis.
3. Decretum Concilii Tridentini.
4. Confessoria ex Decreto Concilii Tridentini.
5. Præbenda non intelligitur affecta Theologo nisi per  
actualem deputationem.
6. Quoties & quo tempore Theologus prælegere debeat,  
Synodus Trid. non determinavit.
7. Hac de re S. Caroli Decretum.
8. Pleraque Concilia volunt bis aut. ut minùs semel per  
hebdomadam doceri.

9. Et



9. Et Canonici lectioni interesse debent.  
 10. Ex mente Ecclesie Theologus per se docere, & omnes de Clero Ecclesie lectioni interesse debent.  
 11. Theologus iis horis quibus docet, etiam distributiones in absentia lucratur.

I. CONCILIUM Lateranense sub Innocentio III. in cap. 4. *De Magistris*, voluit, ut Metropolis Ecclesia Theologum habeat, qui Sacerdotes & alios in Sacra Pagina doceat, & in his præsertim informet, quæ ad curam animarum spectare noscuntur.

II. Hoc generalis Concilii Decretum per Synodum Basileensem Sess. 31. cap. 3. extensum fuit ad Ecclesias Cathedralis, taliter videlicet, "Quod quilibet Collator ipsarum Præbendarum teneatur & debeat Canonici & Præbendam, quamprimum facultas se obtulerit & inveniri poterit, uni Magistro Licentiato, vel in Theologia Baccalaureo formato conferre, qui per decennium in Universitate privilegiata studuerit, & onus residentie & lecture & prædicationis subire voluerit, quique bis aut semel ad minus per singulas hebdomadas, cessante legitimo impedimento, legere debeat; & quoties ipsum in hujusmodi lectura deficere contigerit, ad arbitrium Capituli in subtractione distributionum totius hebdomadæ puniri possit. Et si residentiam deseruerit, de alio provideatur. Verumtamen ut liberius studio vacare possit, nihil perdat, cum absens fuerit à Divinis.

Decretum illud ad verbum Sanctioni Pragmaticæ, nec non Concordato inter Franciscum I. Regem Gallie & Leonem X. insertum est.

III. Intelligens autem Synodus Tridentina hæc saluberrima Decreta non ubique suum hæcenus obtinuisse opatum effectum, edixit Sess. 5. cap. 1. *De reformat.* Ut "in Ecclesiis Metropolitanis vel Cathedralibus, si civitas insignis, & populosa, ac etiam in Collegiatis existentibus in aliquo insigni oppido, etiam nullius Diocesis, si ibi Clerus numerosus fuerit, ubi nulla Præbenda aut præstimonium seu stipendium hujusmodi deputatum reperitur, Præbenda quomodocumque, præterquam ex causa resignationis, primò vacatura, cui aliud onus incompatible injunctum non sit, ad eum usum ipso facto perpetuò constituta & deputata intelligatur. Et quatenus in ipsis Ecclesiis nulla vel non sufficiens Præbenda foret, Metropolitanus vel Episcopus ipse per assignationem fructuum alicujus simplicis Beneficii, ejusdem tamen debitis supportatis oneribus, vel per contributionem Beneficii suæ civitatis & Diocesis, vel aliâs, prout commodius fieri poterit, de Capituli consilio ita provideat, ut ipsa sacre Scripturæ lectio habeatur: ita tamen, ut quæcumque aliæ lectiones, vel confusio, vel quavis aliâ ratione instituta, propter id minimè intermittantur. Ecclesiæ verò, quarum annui proventus tenues fuerint, & ubi tam exigua est Cleri & populi multitudo, ut Theologiæ lectio in eis commodè haberi non possit, saltem Magistrum habeant ab Episcopo cum consilio Capituli eligendum, qui Clericos aliosque Scholares pauperes Grammaticam gratis doceat, ut deinceps ad ipsa Sacre Scripturæ studia annuente Deo, transire possint; ideoque illi Magistro Grammatices vel alicujus simplicis Beneficii fructus, quos tamdiu percipiat, quamdiu in docendo perstiterit, assignentur; dum tamen Beneficium ipsum suo debito non fraudetur obsequio: vel ex Capitulari vel Episcopali mensa condigna aliqua merces persolvatur: vel aliâs Episcopus ipse aliquam rationem ineat suæ Ecclesiæ & Diocesi accommodam; ne pia hæc, utilis, atque fructuosa provisio quovis quæsito colore negligatur. In Monasteriis quoque Monachorum, ubi commodè fieri queat, etiam lectio Sacre Scripturæ habeatur.

IV. Ex mente proinde Concilii Tridentini, non

tantum in Cathedralibus & Metropolitanis Ecclesiis juxta præcedentium Conciliorum Decreta, sed etiam in Collegiatis insignibus, ubi numerosus est Clerus, constituendus Theologus, qui Sacram Scripturam prælegat; eique Præbenda quomodocumque, præterquam ex causa resignationis, primò vacatura, cui aliud onus incompatible injunctum non sit, ipso facto perpetuò constituta & deputata intelligatur.

V. Hoc tamen intelligendum est, modò ipse Episcopus primò vacantem Præbendam huic muneri actualiter deputarit & annexerit, Theologalemque declaraverit. Ante enim hanc actualem Episcopi deputationem, Præbendam non censerit Theologalem; sed manere liberam, communiter tradunt Canonistæ; & ita declarasse S. Congregationem Cardinalium refert Fagnanus ad cap. 4. *De Magistris*. Vide Zypæum Consult. 2. tit. *De Magistris*.

VI. Quoties verò per hebdomadam, & quo tempore docere debeat, Synodus non expressit; censuitque S. Congregatio, teste Garciâ, *De Beneficiis parte 3. cap. 7. num. 155.* quòd de tempore & hora & materia Scripturæ, Theologiæ, quæ in S. Scriptura continetur, super qua legendum sit, relinquitur arbitrio Ordinarii. Et ita Synodi, pro executione Synodi Tridentinæ, celebratæ quoque intellexerunt. Synodus P. I. Cameracensis postquam nonnulla de lectionibus Theologicis in Capitulis & Monasteriis habendis statuisset, in fine adjungit: *Relinquatur autem Episcoporum, Capitulum & Abbatum judicio, quâ hora, quibusve diebus sit prælegendum.*

VII. Concilium Mediolanense V. sub S. Carolo statuit, Ut "quicumque Præbendam Theologalem vel Tridentino Decreto, vel alia auctoritate ratione institutam, in Cathedrali Collegiatisque Ecclesiis obtineret, & is quæ sacrarum lectionum genera, & quibus diebus Episcopus præscripserit, ut interpretatio nis suæ munere fungatur, accuratè ad illius præscriptum præster; ita ut etiam, si expedire censuerit, & in Seminario & in aliis Clericalibus Sacerdotalibusque Collegiis doceat: in Basilica verò Cathedrali, saltem die festo, semper Sacram Scripturam publicè interpreteretur & exponat, nisi aliquando aliud jussisset Episcopus.

Et in Synodo sua Diocesana XI. declarat S. Carolus, ut si singulis feriis prælegere non possit, *ter* saltem per singulas hebdomadas id præstet: additque, "Clericos porro inferiorum ordinum aut Carechismi Romani doctrinâ, aut aliâ lectione etiam separatim, à reliquo Clero sæpius in hebdomada erudiat, atque instituat, ex præscripto regularum nostrarum.

VIII. Alia Concilia pressius in hærendo determinationi Concilii Basileensis insertæ Concordato Leonem X. inter & Franciscum I. Regem Gallie, & probatæ in Concilio Lateranensi sub eodem Leone, decernunt, ut Theologalem Præbendam obtinentes teneantur *bis*, aut ad minus *semel* in hebdomada prælegere, & diebus Dominicis & Festis solemnibus concionem publicam habere. Synodus Turonensis an. 1583. cap. 13. Bituricensis 1584. tit. 34. Can. 7. Aquensis tit. *De Canonici*; quæ ultima vult, ut *saltem bis* in hebdomada doceat.

IX. Porro cum frustranea esset Theologiæ prælectio, nisi sint qui eum prælegentem audiant; curare debent Episcopi, Capitula, alique Superiores, ut Clerici instructione indigentes diligenter prælectioni intersint.

"Curent autem Episcopi (inquit Synodus P. I. Cameracensis), cum Capitulis & Monasteriis, quæcumque ratione commodius fieri queat, propositâ sive pœnâ, sive præmiis, ut frequens sit auditorium, quâ in re plerumque valebit docentis industria, si sit efficax in docendo; ut non tantum rem exponere, sed Auditorem retinere, & oblectare possit, Atque cum in finem capite præcedenti monuerat, "ut ii qui Theologiam



*Theologiam in Ecclesiis Cathedralibus, Collegiatis, aut Monasteriis docent, in eo præstando eum ordinem teneant, qui maximè Auditoribus sit commodus ut lectionis adminiculo non doctiores tantum, sed & probiores evadant.*

Synodus Turonensis jam citata, postquam dixit, cogendos esse ad sui muneris expletionem Canonicos Theologales, tanquam consequens subiungit, "Cæteris Canonicis, Capellanis, Vicariis, Presbyteris & Clericis civitatis injungentes, ut prædicationibus & lectionibus intersint." Bituricensis loco supra allegato vult, ut "etiam Dignitates habentes cum reliquis Canonicis & Ecclesiasticis concionanti aut prælegenti teneantur adesse sub pœnis indicendis: graviore autem pœnâ plectentur, ait, qui semel atque iterum moniti abfuerint." Synodus Aquensis, ejus lectioni interesse quoque vult Clericos Seminarii, si ita Episcopo videbitur.

X. Itaque ex mente Ecclesiæ, & naturâ ipsius Præbendæ Theologalis, tenetur ejus possessor *per se*, & non per substitutum, cessante legitimo impedimento Scripturam prælegere; ejusque prælectioni Clerus Ecclesiæ interesse.

Hinc cum Canonicus Theologalis Ecclesiæ Sagienfis esset monitus à Capitulo, ut conformiter ad Conciliorum Sanctiones concionaretur & prælegeret, sub pœna amissionis fructuum suæ Præbendæ; isque replicasset, prælectionem suam futuram inutilem: eò quod Canonici non interveniant; quodque Decreta Theologo prælectionem injungentia, similiter injungant Cano-

nics, ut prælectioni assistant; quæstione ad Senatum Regium delatâ, utrique parti injunctum fuit, ut respectivè Decreta & Canones servarent: id est, Theologus suo muneri satisfaceret, & Canonici assisterent. Tournet *Litt. C. cap. 18.*

XI. Ut verò Theologus utilis & fructuosus suo muneri satisfacere, studiisque liberius vacare possit, *etiamsi absens fuerit à divinis*, ait Synodus Basileensis, *habeatur pro præsentente, ita ut nihil perdat.*

Quare non tantum grossi fructus, sed & quæcumque propriè dictæ distributiones quotidianæ, etiam ex anniversariis provenientes, Theologo absenti debentur, iis saltem diebus, quibus docere debet.

Hac de causa, cum Officialis Carnutensis privasset Canonicum Theologalem distributionibus quotidianis, quia ordine in tabella Chori designato lectiones nocturni non cantasset, interjectâ appellatione tanquam *ab abusu* ad Senatum Regium, sententia Officialis cassata fuit; declaratumque, Canonicum Theologalem à servitio Chori esse exemptum; nec nomen esse inscribendum tabellæ pendentis in Choro. Tournet *Litt. C. cap. 17.*

Refert quoque Nicolaus de Rebbe Canonicus Insulensis in Tractatu De Canonicatu Theologico *quæstione VII.* Gregorium XIII. ex certa scientia & de consilio Cardinalium sanctione irrefragabili ordinasse, ut Theologus solitus legere, absens à servitio Chori, percipiat integros fructus Præbendæ, exceptis distributionibus quotidianis propriè dictis: quas & percipiet diebus lectionis.

## TITULUS XII.

### DE DIGNITATIBUS ECCLESIARUM CATHEDRALIUM.

#### CAPUT I.

##### De Archidiacono.

1. Primus Episcopi Minister est Archidiaconus.
2. Amplissima olim erat Archidiaconi autoritas.
3. Archidiaconus erat generalis Episcopi Vicarius.
4. Ejus autoritas etiam ad Presbyteros extendebatur.
5. Archidiaconi autoritas primum tantum fuit vicaria sive delegata.
6. Quomodo sensim facta sit ordinaria.
7. Seculo XIII. erat ordinaria.
8. Archidiaconi interdum habuerunt jurisdictionem Fori contentiosi.
9. Non omnium Archidiaconorum eadem fuit autoritas & jurisdictio.
10. Archidiaconorum potestas multum diminuta.
11. Jurisdictio Archidiaconorum per Concilium Trid. restricta.
12. In plerisque Ecclesiis hodie nulla est Archidiaconorum jurisdictio contentiosa, sed sola cura extrajudicialis.
13. Distinguenda quæ facit Archidiaconus jure proprio ab iis, quæ agit tanquam Officialis Episcopi.
14. Archidiaconorum est Ordinandos præsentare Episcopo.
15. Archidiaconi examini ad Ordines & Beneficia jure suo interveniunt.
16. Jure communi Archidiaconi jus habent visitandi Diocesim.
17. An sine consensu Episcopi post Concilium Trid. Archidiaconi visitare possint?
18. Consensum suum Episcopus facile negare non debet.
19. Decani Rurales jure communi ab Archidiacono &

Tom. I.

Episcopo olim dependebant, secus hodie.

20. De jure communi institutio corporalis Beneficiatorum ad Archidiaconum spectat.
21. De consuetudine institutio tituli collativa etiam spectat ad Archidiaconum.
22. In nonnullis Ecclesiis adhuc hodie amplissima est Archidiaconorum jurisdictio.
23. Exemplum suppeditat Ecclesia Leodiensis.
24. Aliud exemplum est in Ecclesia S. Jacobi Lovanii.
25. Autoritas Archidiaconorum Ecclesiæ Ultrajectensis.
26. Quidquid Archidiacono competit, jure ordinario.
27. Quâ ratione Archidiaconus hodie adhuc dicatur Vicarius Episcopi.
28. An Archidiaconus Ordinandos præsentare possit, quos indignos novit, si eos Episcopus dignos judicet.
29. Archidiaconi debent esse ad minus Licentiatii in Theologia aut Jure Canonico, & in Belgio ex Canonicis Graduatiss assumi.

**D**IACONOS olim fuisse præcipuos Episcoporum, tum in Sacris, tum temporalibus ministros supra tit. I. cap. 3. ostendimus.

I. Porro inter Diaconos eminebant Archidiaconi tanquam primi Diaconorum, sive primi ministrorum.

Archidiaconus itaque quasi præcipuus Episcopi minister, negotiis Ecclesiasticis præficiabatur.

Unde S. Leo conqueritur de Anatolio Episcopo Constantinopolitano, quod eum Archidiaconum constituisset, qui Eutychianæ hæreseos se prodiderat defensorem: "quem quia, inquit, nunc Ecclesiasticis negotiis præposuit, propter hæreticam perversitatem, eidem favorem suum præstare convincitur." *Epist. 85. ult. ed.*

Archidiaconus itaque generalis quodammodo erat Episcopi

K

Episcopi

Episcopi Vicarius; tantæque propterea auctoritatis, ut de S. Joanne Archidiacono, qui postmodum fuit Episcopus Cabilonensis, loquens Sidonius Apollinarius, dicat, eum diu hæsisse in Officio Archidiaconi priusquam ad Sacerdotium elevaretur, quia non inveniretur, qui dignè Officio illo fungeretur: in quo Archidiaconi gradu, seu ministerio, multum retentus propter industriam, diu dignitate non potuit augeri, ne potestate posset absolvere. *Lib. 4. Epist. 25.*

II. Amplissimam hanc Archidiaconorum auctoritatem terminis specificis expressit seculo sexto S. Isidorus Hispalensis, & refertur apud Gratianum *Dist. 25. can. 1.* "Archidiaconus, inquit, imperat Subdiaconis, & Levitis: ad quem ista ministeria pertinent, ordinatio vestiendi Altaris à Levitis, cura incensi & Sacrificii necessaria sollicitudo; quis Levitarum Apostolum & Evangelium legat, quis preces dicat, seu responsoria in Dominicis diebus aut solemnitatibus decanter; sollicitudo quoque Parochiarum & ordinatio, & jurgia ad ejus pertinent curam: pro reparandis Diocesanis Basilicis ipse suggerit Sacerdoti: ipse inquirat Parochias cum jussione Episcopi, & ornamenta, vel res Basilicarum Parochiarum; gesta libertatum Ecclesiasticarum Episcopo idem refert; collectam pecuniam de Communionem ipse accipit & Episcopo deferat, & Clericis proprias partes idem distribuit. Ab Archidiacono nuntiantur Episcopo excessus Diaconorum: ipse denuntiat Sacerdoti in sacratio jejuniorum dies atque Solemnitatum, & ab ipso publice in Ecclesia prædicatur.

III. Hæc Isidori expressio ostendit, Archidiacono integram Episcopalem jurisdictionem tam in spiritualibus quam in temporalibus fuisse conceditam, eique visitationem Parochiarum & Ecclesiarum demandatam fuisse. Uno verbo, Archidiaconus erat Episcopi generalis & universalis Vicarius; ut merito Vincentius Fortunatus scribens ad Archidiaconum Meldensem, eum *Magnum Ministrum* dixerit, hocque Poëma cecinerit:

*Det tibi larga Deus, qui curam mente fideli  
De grege Pontificis, MAGNE Minister habes.*

IV. Adhæc non tantum in Laicos, aut inferiores Clericos, vel etiam Diaconos, sed & in ipsos Presbyteros auctoritatem & potestatem exercebant Archidiaconi; ut ex relatis Isidori Hispalensis verbis colligi potest; qui id ipsum eodem loco evidentioribus & expressioribus terminis declarat dicens: "Archipresbyter verò se esse sub Archidiacono, ejusque præceptis, sicut Episcopi sui, sciat obedire.

Attamen verba illa, quibus Archipresbyter jubetur subesse Archidiacono, & ex Isidoro relata, apud Isidorum Hispalensem non exstant; neque apud Burchardum *lib. 3. Decreti cap. 50.* ubi hæc epistola refertur, ut nec in Pannormia Ivonis *lib. 3. cap. 41.*

Legitur tamen hæc periodus in Decreto Ivonis *parte 6. cap. 20.*

Ad hunc locum Ivonis notat Joannes Molinaeus Doctor Lovaniensis, quod hæc periodus, nimirum de superioritate & auctoritate Archidiaconi in Archipresbyterum, non habeatur in Codice Regio; suspectaque (inquit) mihi perpetuo visa sunt quod Archipresbyter subdatur Archidiaconis, quod verum non esse, in Canonibus Conciliorum vel mediocriter versatus nemo ignorat.

Verisimile est, Gratianum nactum fuisse exemplar Decreti Ivonis, in quo prædicta legebantur sub nomine Isidori; atque Gratianum more suo illa sine ulteriori examine in suum Decretum retulisse, tanquam verba Isidori.

Uterius verosimile est verba illa ex Decreto Gratiani relata esse in Decretales Gregorii IX. in *cap. 1. x. de Officio Archidiaconi*, ubi quidem referuntur tan-

quam ex Concilio Toletano, sed in nullo Concilio Toletano hæcenus reperta sunt.

Illud indubitatum est, auctoritatem Archidiaconi supra ipsos Archipresbyteros, per horum verborum relationem in Decretales stabilitam fuisse, & quasi in jure communi fundatam reputari cepisse.

Hic rursus videmus auctoritatem Gratiani factum esse, ut contra pristinam Patrum disciplinam, ipsamque Sacerdotii dignitatem, nova disciplina fuerit inducta; & Archidiaconi non tantum supra Presbyteros, sed & Archipresbyteros, altiorum gradum obtinuerint, imò jurisdictionem in eos exercendi auctoritatem.

V. Verum quia Archidiaconorum auctoritas solummodo erat *vicaria* sive delegata, totaque ab Episcoporum delegatione dependens; ea pro diversitate locorum & temporum, nunc extensior, nunc restrictior fuisse legitur.

VI. Cum verò Episcopi vices suas Archidiaconis generaliter & penè semper committere solerent; & ipsi auctoritatem suam, etiam absentibus Episcopis vi suæ generalis & solite commissionis per se exercere: paulatim auctoritas illa Archidiaconorum, origine suâ, *vicaria & delegata*, in *ordinariam* mutari cepit; ipsique Archidiaconi ea agere jure proprio ceperunt, quæ prius jure duntaxat *delegato* seu *vicario* exercuerant. Cumque prius Archidiaconorum ministerium tantum esset *merum officium* ab arbitrio Episcopi committentis *dependens*, tandem in *beneficium & dignitatem* mutatum fuit; ipsique Archidiaconi, qui hæcenus Episcoporum duntaxat fuerant *vicarii*, sensim Prælati *ordinarii* annumerati sunt.

Et quidem jure Decretalium, nec non hodierno ac signanter Belgii, omnis Archidiaconorum auctoritas & jurisdictio reputatur *ordinaria*, ita ut eam jure proprio sive *jure dignitatis* exerceant; neque magis ab Episcoporum arbitrio dependeat quam aliorum Prælatorum *ordinariorum*; tametsi etiam hodiè rectè dicantur *oculi* Episcoporum: utpotè qui ipsi Diocesi in adjutorium Episcoporum, non auctoritate *vicariâ*, sed *ordinariâ* invigilare debeant.

VII. Hinc Synodus Auxoniensis anno 1287. Archidiaconos Judicibus *ordinariis* annumerat: "singulis *Archidiaconis*, eorum Officialibus, cæterisque jurisdictionem *ordinariam* habentibus, præcipimus, &c. *Can. 35.*

Similiter Innocentius IV. respondit, ab Officialibus Suffraganeorum Remensis Ecclesiæ, non posse appellari ad ipsos Suffraganeos, ne ab *eodem ad eundem* appelletur; sed appellandum esse ad Curiam Archiepiscopi, "At ab Archidiaconis aliisque, ait, inferioribus Prælati Suffraganeis subjectis eisdem, & eorum Officialibus ad Suffraganeos ipsos debet, & non ad *eandem Curiam* (omissis dictis Suffraganeis) appellari." *cap. 3. de appellat. in 6.*

Supposuit igitur Innocentius, Tribunal Archidiaconi non esse *vicarium*, uti erat & nunc esse solet Officialium.

VIII. Insuper ex hac Decretali aliisque quamplurimis constat, Archidiaconos tunc temporis habuisse jurisdictionem fori *contentiosæ*, eamque ordinariam & à delegatione Episcopi *independentem*: quin & ex *cap. 54. de elect.* intelligitur, quod Archidiaconus Ambianensis de consuetudine suspenderet, excommunicaret & absolveret Presbyteros & Priores; & Parochiales Ecclesias interdiceret; nec non visitaret & inquireret, quæ viderentur inquirenda, & procuraciones ratione visitationis reciperet, ex quibus concludit Pontifex, *evidenter* apparere, quod hic Archidiaconus curam animarum haberet; ideòque alium Beneficium curatum cum Archidiaconatu habere non posset.

IX. Non omnium tamen Archidiaconorum nec olim fuit, nec hodiè est eadem auctoritas & jurisdictio; sed ea ferè à consuetudine dependet. Unde respondit Honorius III. in *cap. 10. de Off. Archid. Archidiacono*.

diacono Senonensi nihil amplius licere jurisdictionis vel auctoritatis in Monasteria exercere, quam constituerit Prædecessores ejus de pacifica sic obtenta consuetudine exercuisse.

X. Et quidem postquam Archidiaconorum potestas in ordinariam, & ab Episcopi arbitrio quasi independentem mutata fuit, multum per Episcopos & Synodos, ac iis faventem consuetudinem restricta fuit; paucique hodie sunt Archidiaconi, qui pristinae auctoritatis & jurisdictionis insignia, imò vestigia retinuerunt.

XI. Quod enim jurisdictionem contentiosam live fori externi attinet, imprimis receptum est hic in Belgio Decretum Concilii Tridentini Sess. 24. cap. 20. de reformat. quo cavetur, ut "causæ matrimoniales & criminales non Decani, Archidiaconi aut aliorum inferiorum iudicio, etiam visitando; sed Episcopi, tantum examini & jurisdictioni relinquuntur." Receptum similiter Decretum Sess. 25. cap. 14. de reformat. quo Clericorum concubinariorum, aut de hujusmodi crimine suspectorum, causa live cognitio Archidiaconis adimitur, & Episcopis reservatur.

XII. Quin & in plerisque Belgicis Ecclesiis consuetudo omnem planè jurisdictionem contentiosam Archidiaconis ademit, & ad Episcopos ejusve Officiales transtulit: salva tamen Archidiaconis cura & sollicitudine tam in Clerum, quam in populum; ut nimirum, tanquam oculi Episcoporum omnia lustrent, & omnibus intendant; & leviora, quæ emendatione indigent, tanquam vices gerentes sui Episcopi corrigant & emendent, idque sine strepitu iudicii; majora vero & ardua ad Episcopum referant: uti notat Zypæus Consult. de Offic. Archid. Num. 2. ibidem num. 3. monens, quod criminales causas, quas Synodus Tridentina cognitioni Archidiaconorum subtrahit, accipere oporteat strictè, ut non comprehendat correctorias, quæ tantum pro emendatione excessuum proponuntur; sed illas quæ ad punitionem & pœnas ordinarias legales & Canonicas.

Et num. 4. docet, "secundum eum sensum etiam reservari iudicio Episcopi causam concubinatus; scilicet quando agitur ad pœnas ibidem propositas, non vero si vel criminaliter non agatur; vel in rigore verbi non sit concubinatus: ita ut fornicatio, & non assidua frequentatio, monitio etiam concubinariorum ad Archidiaconi curam spectent; non autem rigorosa dicti capitis 14. puniitio: sed illa jam sit redacta in ordinem arduorum negotiorum, quæ nequeunt sine majoris præsentia terminari, dicto capite 7. nec excludatur Episcopus per monitiones aut correctiones Archidiaconi; ut in aliis casibus Synodus Mechliniensis decrevit.

XIII. Unde conformiter ad modernam præsertim Belgicam disciplinam rectè monet Carolus Fevret Tractatu de abusu lib. 4. cap. 3. num. 20. & 21. diligenter esse distinguenda quæ nudè ad Archidiaconi, ut Archidiaconus est, Officium pertinent, & quæ exercere potest non jure suo & tanquam Archidiaconus, sed tanquam Vicarius aut Officialis Episcopi: hæ quippè duæ qualitates disparatæ in eundem concurrere subinde possunt.

Tanquam Archidiaconus enim regulariter & ex Juris Canonici præscripto levem solum ac volatilem habet jurisdictionem. Cum enim Officialis Episcopi sit gravium controversiarum Judex, earumque omnium, quæ causæ cognitionem postulant, & ab Ecclesiastica jurisdictione pendent, iniquum profecto videretur duos Judices diversos duoque diversa Tribunalia in una eademque Diocesi reperiri. Idcirco Archidiaconorum jurisdictione ad leviantantum negotia revocatur, quæ obiter in transitu, in cursu visitationis expediri possunt: & dum hujus levioris correctionis & momentaneæ cognitionis terminos transgredi, sine speciali aliquo titulo præscriptionis aut immemorialis consuetudinis, volue-

runt; omne quod egerunt, tamquam abusivum & Sacris Canonibus contrarium cassatum fuit, ait idem Auctor idipsum prolatis nonnullis Parlamentorum Arctis confirmans.

XIV. De jure communi, quod & hodie adhuc obtinet, Archidiaconorum est, Ordinandos præsentare Episcopo cap. 9. de Offic. Archid. Cui consonat præscriptum Pontificalis Romani, jubens Ordinandos Diaconos & Presbyteros per Archidiaconum Episcopis præsentari.

Cum ergo ex præscripto Pontificalis Archidiaconi de capacitate testimonium ferre debeant; nemo non videt, quam justum & æquum sit, ut Archidiaconi Ordinandorum examini interveniant, ut Ordinandorum capacitatis iis perspecta esse queat.

XV. Nec tantum Ordinandorum, sed & promovendorum ad Beneficia examini jus interveniendi Archidiaconis, jure communi & hodierno competit. Et licet Concilium Tridentinum, aut Synodi Locales, vel Episcoporum Decreta aliquos speciales examinatores nominent, nullatenus ipse Archidiaconus censetur exclusus, sed hi Archidiacono censentur adjuncti; uti rectè advertit Zypæus in dicta consultatione. Unde Bulla erectionis novorum Episcopatus Belgii volens, ut duo seniores ex Canonicis Theologis graduatis, & unus in Jure Canonico graduatus curam habeant examinandi promovendos ad Ordines & curam animarum, expresse dicit, examen illud instituendum una cum Archidiacono; sat insinuans, Archidiaconum in hoc examine præcipuam personam sustinere.

XVI. Hunc in finem jure communi Archidiaconis visitandi Diocesim jus est. Cap. 1. & 6. de Offic. Archid.

XVII. Circa hoc tamen visitandi jus, notandum Decretum Concilii Tridentini Sess. 24. cap. 3. de reformat. quo decernitur ut "Archidiaconi, Decani & alii inferiores in iis Ecclesiis, ubi hætenus visitationem exercere legitime consueverunt, debeant quidem assumpto Notario, de consensu Episcopi deinceps per seipsos tantum ibidem visitare.

Hoc Decretum ita videtur intellexisse Franciscus Richardorus Episcopus Atrebatensis (qui Concilio Tridentino interfuit, & in hujus Sessionis apertione coram Patribus peroravit) ut verba illa De consensu Episcopi referantur ad assumendum Notarium, non ad facultatem visitandi; ita ut Notarium de consensu Episcopi assumere deberet, qui acta visitationis scribat, sed consensus Episcopi, ut visitationem instituat, non esset necessarius.

Nam in Synodo sua Diocesana anni 1577. tit. De visitationibus cap. 1. declarat: "Cum in hac Diocesi nostra Parochialium Ecclesiarum visitatio ex antiqua consuetudine sit penes Archidiaconos Ecclesiæ nostræ, quibus ex Decreto Tridentini Concilii mandatur, ut visitationem hanc adjuncto Notario nostro personaliter obeant, &c. Quibus verbis non obscure innuit, Concilium nihil circa visitationem Archidiaconorum statuisse, nisi ut visitationem, adjuncto Notario Episcopi, & personaliter obeant.

Non desunt tamen, qui credant, mentem Patrum Tridentinorum fuisse, ut Archidiaconi alique inferiores, quibus jus visitandi quacumque ex causa competit, illud sine consensu Episcopi posthac obire nequeant: quæ interpretatio magis congruere videtur cum verbis sequentibus ipsius Decreti, quæ volunt, ut "Visitatores à Capitulo deputandi, ubi Capitulum jus visitandi habet, prius ab Episcopo approbentur.

XVIII. Si juxta hunc sensum Concilium accipiat, rectè monet Zypæus in citata consultatione, id tamen accipiendum esse moraliter; ita ut Episcopus non semper & præfactè dissentire possit, ne Archidiaconus visitet, sed arbitrio boni viri. Non enim intendit Concilium, sollicitudinem Archidiaconorum extinguere; sed ut omnia ordinate fiant & concorditer:



Nam unus aedificans, & unus destruens, quid prodesset illis nisi labor. *Ecclesiast.* 34. Unde & decernit Concilium in *eod. cap.* 3. ne inferiorum visitatio Episcopi visitationem impediatur; & ut illi huic peractae visitationis rationem reddant. Hæc Zypæus, qui ibidem iis ex causis dubitat, num Concordatum olim inter Episcopum, & Archidiaconos Cameraci initum, nescilicet in posterum hi visitarent, sed nomine utriusque Episcopi & Archidiaconi visitaret Decanus Christianitatis, juraque reciperet, undique fuerit rationabile; & an non rationi magis congrueret, ut sicuti Archiepiscopi Cameracenses nunc per se visitant, ita quoque Archidiaconi per se visitarent, quam quod Decanus loco utriusque non visitantis, jura reciperet?

Illud insuper observandum, uti bene monet Franciscus Richardotus Episcopus Atrebatensis loco citato "ut visitatio Archidiaconorum diligenter fiat, non autem perfunctorie, neque ut tantum cognoscatur de bonis Ecclesiasticis, quomodo infumantur; aut de Ecclesiarum rebus cujusmodi, sint ornamenta, libri, altaria, aut de Sacrosanctæ Eucharistiæ honesta conservatione, aut baptisteriis, & hujusmodi aliis: sed de Sacerdotum, Clericorum & Laicorum fide, vita & moribus.

XIX. Ex hoc interim concordato, tamen si undique rationabile non esset, sat apparet, Decanos sive Archiepresbyteros ad Episcopum & Archidiaconum habuisse communem aliquem respectum juxta *cap. 7. §. fin. & de Off. Archid.* ubi dicitur, "quod cum Decanus commune eorum (Episcopi & Archidiaconi) officium exerceat, communiter est eligendus, vel etiam amovendus.

At hisce in locis hujusmodi Decani à solis Episcopis constituuntur, & amoveantur juxta Synodum I. P. Mechliniensem *tit. de Decanis cap. 3.*

XX. Insuper institutio corporalis sive missio in possessionem de jure communi competit Archidiacono *cap. 7. & de Off. Archid.* Institutionem vero *authorizabilem* seu tituli attributivam, & de qua loquitur regula Juris: *Beneficium Ecclesiasticum non potest licite sine Canonica institutione obtineri*; de jure communi ad solum Episcopum spectare tradunt Canonistæ ad *cap. 4. & de Off. Archid.* ipsam scilicet institutionem *authorizabilem* cum commissione seu datione curæ animarum confundentes, juxta illius Capituli rubricam quæ habet: *Archidiaconus sine mandato Episcopi, non committit curam animarum, id est, non habet institutionem authorizabilem.*

XXI. At in hoc puncto, à jure communi, & hac Canonistarum interpretatione, in his Provinciis per consuetudinem nonnihil recessum est.

His enim in locis, institutionem *corporalem* consuetudo fere ad Episcopos, qui eam Archiepresbyteris committere solent, transtulit: Institutio vero *authorizabilis* seu tituli attributiva, etiam in Beneficiis Curatis Archidiaconis competere consuevit: ita tamen ut curam animarum ab Episcopo obtinere debeant: ideoque consuetudo Belgii institutionem *authorizabilem* à datione curæ animarum distinguit.

Et quidem adeo propria est Archidiaconis Beneficiorum institutio, ut Collegia Canonicorum, dum Collegas suos ipsi instituunt (uti plerisque in locis consuetudine obtinuit) id *jure Archidiaconali* se facere dicant; satis insinuantes, actum illum proprie esse Archidiaconorum; eumque peragendo se de juribus Archidiaconalibus aliquid participare; & in hoc actu jus Archidiaconale obtinere.

XXII. Ex his sat manifestum est, jura Archidiaconorum magis ex consuetudine, quam è jure communi esse metienda; quæ consuetudo in nonnullis Diocesisibus præsertim latè & diffusè, & ubi Episcopi simul sunt Principes seculares, amplissimam jurisdictionem & auctoritatem iis attribuit, seu potius conservavit.

XXIII. Exemplum suppeditat Belgii nostri Ecclesia Leodiensis quæ octo habet Archidiaconos, anno 799. à Leone III. Pontifice institutos.

Scribit enim Bartholomæus Fisen *Lib. 5. hist. Ecclesiæ Leodiensis §. 28.* quod "cum Diocesim admodum vastam Episcopus lustrare pro munere suo unus ipse non posset, magnis potissimum Reipublicæ negotiis alio sæpe avocantibus, imo accercentibus è vicino plerumque Regibus ad graviora Regni negotia, id munus partis est Pontifex in Archidiaconos octo. Primum jussit esse ipsum S. Lamberti Præpositum, attribuitque Provinciam, civitatem Leodiensem. Reliquam omnem Diocesim in 7. alias portiones distribuit, Ardennam, Brabantiam, Campiniam, Condrusos, Famenham, Hannoniæ, & Hasbaniam. Singulas singulis Archidiaconis subjecit, quorum ea est dignitas in Ecclesia Leodiensi, ut Abbates etiam in confessoribus antecellant." Hæc ille.

De his Archidiaconis etiamnum hodie verè dici potest, quod in omnibus sint *vicarii & oculi* Episcoporum; omnem curam & sollicitudinem in Clero & Ecclesiis impendendo; jurgia singulorum audiendo; causasque eorum decidendo; idque non jure *mere Vicario*, uti olim, sed *jure quasi ordinario*; id est jure dignitatis.

Hinc Synodus Leodiensis anni 1618. monet Archidiaconos, ut "visitent Ecclesias suas diligenter; & in visitatione facienda contenti sint moderatis & frugalibus expensis. In processibus contra Pastores & alias personas Ecclesiasticas, gerant se Archidiaconi, & eorum Officiales; mature & circumspectè; ne quid in contemptum status illorum temere committatur.

Item vult ut Archidiaconi Synodos consuetas, juxta laudabilem Diocesis Leodiensis consuetudinem celebrent, ac temerarios à Synodis absentes puniant.

Plura, quæ his Archidiaconis competunt, videri possunt in Concordatis inter Episcopum & Archidiaconos generaliter, & Archidiaconum Brabantiae specialiter initis 24. Septemb. 1334. quæ utique, ait Zypæus in citata consultatione n. 18. "etiam nunc obtinere debent, quatenus Canones Tridentini, aut novæ hic erectiones non derogarunt, in iis locis, quæ ab Episcopatu Leodiensi sunt præcisæ.

XXIV. Similiter Decanus Capituli S. Jacobi (quod ad hanc civitatem an. 1456. translatus est, cum primitus esset Encuriæ in Gallo-Brabantia Diocesis olim Leodiensis nunc Namurcensis) hic, inquam, Decanus est Archidiaconus cum amplissima jurisdictione etiam in foro contentioso sive judiciali in Parochos & Clericos quatuor Parochiarum, tam in causis criminalibus quam civilibus.

XXV. Non minorem quoque auctoritatem & jurisdictionem conservare conati sunt Archidiaconi Ecclesiæ Metropolitanæ Trajectensis ad Rhenum, & aliarum Ecclesiarum ejusdem Provinciæ. Legitur harum Provinciarum Archidiaconos se fortiter opposuisse publicationi Concilii Tridentini quoad Decreta reformationis; quia per hæc Decreta videbantur auctoritas & jurisdictio Archidiaconorum diminui & ad Episcopos transferri: quod tamen sine magnis incommodis fieri non posse prætendebant, uti hæc latius exponuntur in opere, cui titulus *Batavia sacra*, ubi *parte 2.* recitantur Acta Synodi Provincialis hujus Provinciæ sub Frederico Schenkio Archiepiscopo celebratæ anno 1565. & in qua de publicatione Concilii Tridentini agebatur; ubi hæc Archidiaconorum oppositiones recitantur.

XXVI. Porro quidquid consuetudo, aut jus hodiernum Archidiaconis detulit, aut conservavit, illud non jure *delegationis* sive vicario, sed *jure ordinario* sive jure suæ dignitatis exercere censetur, ideoque nec illud proprie *vice* Episcopi, at *jure proprio* agere dicuntur.

XXVII. Verissimum proinde est, saltem inspecto jure hodierno Belgii, quod post Innocentium aliosque Canonistas asserit Fagnanus ad *cap. Ad Hæc & de Off. Archid. n. 31.* Archidiaconos ideo dici Vicarios Episcopi, quia exercent ea quæ etiam ad Episcopos perti-



perinent; illos tamen non esse tantum Vicarios, sed certa Dignitate potiri, adeo ut propterea removeri non possint ad libitum Episcopi, nec ipse pro suo velle illorum officia exercere, multo minus Archidiacono adimere, & alteri committere.

Quare cum Ordinandorum præsentatio de jure & consuetudine ad Archidiaconum pertineat, eam, excluso Archidiacono, Episcopus alteri committere nequit.

XXVIII. Sed quid, si Episcopus ordinare velit eos, quos Archidiaconus dignos non novit, imo indignos esse novit, num eos Episcopo præsentare debet aut poterit? Nequaquam. Quomodo enim juxta Formulam Pontificalis dicet, *Scio & testificor eos dignos esse quantum humana fragilitas nosse sinit*, si nesciat dignos, aut quod amplius, indignos esse sciat?

Verbo, cum Archidiaconi oculi sint Episcopi, ut loquitur Conventus generalis Cleri Gallicani an. 1579. tit. de Eccles. visitat. "juxta antiquos & recenter editos Canones Constitutionesque ita suum officium ac munus obeant, ut fidelem hac in re tam sanctam, que necessaria, cum Ecclesiæ, tum Episcopo operam suam complebent.

XXIX. Ut vero ea eruditione cæterisque dotibus ad id muneris obeundum necessariis instructi assumantur, decrevit Concilium Trid. Sess. 24. c. 12. de reformat. ut Archidiaconi, qui oculi dicuntur Episcopi, sint in omnibus Ecclesiis, ubi fieri poterit, Magistri in Theologia, seu Doctores aut Licentiat in Jure Canonico.

Hic in Belgio in Ecclesiis Cathedralibus noviter erectis non tantum debet esse Licentiat in Theologia aut Jure Canonico, sed assumendus est ex novem Canonicis Graduatiss.

Hic rursus advertitur, cujus debeant esse eruditionis, quibus Gradus illi Academici conceduntur; & quanta debeat esse Doctorem cura, ne inidonei ad Gradus illos admittantur, ac ita per illos Gradus ad primarias Ecclesiæ Dignitates inidonei promoveantur.

## CAPUT II.

### De Archipresbytero Cathedrali.

1. De hoc Archipresbytero agitur in Decretalibus Titulo De Officio Archipresbyteri.
2. Dignitas & officia Archipresbyteri multum pendent à consuetudine.
3. Hic Archipresbyter eandem pene auctoritatem habet in Clerum Civitatis Episcopalis quam Decanus Ruralis in Clerum sui districtus, cum quadam tamen differentia.
4. Officia Archipresbyteri de jure communi.
5. Quoad celebrationem divini Officii spectanda consuetudo cujusque Ecclesiæ.
6. Idem pene jus competit huic Archipresbytero jure proprio, quod Decanis Ruralibus jure delegato.
7. Archipresbyter assumendus ex Canonicis Graduatiss.

I. Inter Dignitates Ecclesiarum Cathedralium post Archidiaconatum in plerisque Belgii Ecclesiis est Archipresbyteratus; de quo in cap. 1. 2. & 3. de officio Archipresbyteri tractari notarunt Interpretes; diciturque Archipresbyter Urbicus sive Urbicarius; id est, urbis Episcopalis, ad distinctionem Archipresbyterorum Ruralium, quos hodie Decanos Christianitatis dicimus, de quibus supra Titulo 6. actum fuit.

II. Porro Archipresbyteri Dignitas & munia, quemadmodum de Archidiaconis notatum fuit, magis ex singularum Ecclesiarum consuetudine, quam è jure scripto metienda sunt.

III. Solent autem Archipresbyteri Cathedrales similem curam & auctoritatem eaque jura obrinere in Clerum & personas Ecclesiasticas urbis Episcopalis, quam Decani Rurales in suis respective districtibus. Hac tamen differentia, quod Decani sive Archipresby-

teri Rurales nullam de consuetudine Belgii dignitatem; sed merum officium habere censeantur; ac in omnibus suis functionibus ab instructionibus Episcoporum dependant; Archipresbyteratus vero Cathedralis vera sit dignitas; muniaque de jure vel consuetudine annexa, jure dignitatis, id est, jure ordinario sicuti Archidiaconi, habeant; ideoque nec pro arbitrio Episcoporum tolli aut diminui possint.

IV. De jure communi Archipresbyter in Episcopi sui absentia, ad vicem ejus Missarum solemniter celebrat, collectam dicit, aut is cui ipse injunxit cap. 1. de Off. Archipresbyt. Itaque hinc concludunt Canonistæ, Archipresbyterum in divinis, non foris Archidiaconum præcedere; sed hanc Archipresbyterorum præcedentiam nulla Belgica Ecclesia novit, sed ubique locorum, etiam in Choro Archidiaconus solet præcedere Archipresbyterum.

V. Quod celebrationem Officiorum in absentia Episcopi attinet, singularum Ecclesiarum consuetudines & constitutiones attendendæ sunt; quæ subinde eam curam ad Præpositum, Decanum, Archidiaconum, aliumve in Dignitate constitutum transtulerunt, quemadmodum & cura Pastoralis ipsorum Canonicorum & Cleri Cathedralis ad Decanum aliumve plerumque spectat; ita ut Archipresbyteri solum inferiorem Clerum civitatis sibi subiectum habeant.

VI. Porro quid Archipresbytero respectu Cleri & Monasteriorum sibi subiectorum incumbat; & quomodo curam & sollicitudinem Pastoralem eis impendere debeat; colligi potest ex iis, quæ de Decanis Ruralibus dicta sunt: cum non minor sit Archipresbyteri Cathedralis obligatio respectu Cleri sui districtus, quam Decanorum Ruralium intuitu suorum subditorum.

Unde indubie hæc Dignitas annumeranda est Dignitatibus, quibus cura animarum subest; & ad quam consequenter ex Decretis Concilii Tridentini Sess. 24. cap. 12. de reformat. nemo promoveri possit, nisi qui saltem 25. suæ ætatis annum attigerit.

VII. Et quamvis vi Tridentini Concilii necessario conferenda non sit hæc Dignitas Graduatiss in Theologia aut Jure Canonico; in Belgicis tamen Ecclesiis noviter erectis, nisi è novem Graduatiss Canonicis hæc Dignitas conferri debet.

## CAPUT III.

### De Pœnitentiario.

1. Jam pridem fuerunt Presbyteri qui Episcopis in excipiendis confessionibus assisterent.
2. Horum Presbyterorum potestatem tum quoad personas, tum quoad crimina, Episcopi pro suo arbitrio limitabant.
3. Seculo XIII. medum invaluerat consuetudo approbandi Confessarios pro tota Diocesi.
4. Liberum non erat Confessarium pro libitu deligere.
5. Poterat tamen ad Episcopum quisque recurrere.
6. Episcopus unum nominabat, ad quem unicuique liberum erat accedere; & quem inferiores Presbyteri in dubiis consulerent.
7. Huic graviora crimina reservabantur.
8. Ad illum pœnitentes graviorum criminum mittebantur.
9. Pœnitentiarius erat quasi Vicarius generalis Episcopi in injungendis pœnitentiis, & arduis causis decidendis.
10. Magna requiritur eruditio & prudentia in Pœnitentiario.
11. Ex Decreto Concilii Trident. in omnibus Ecclesiis Cathedralibus constituendus Pœnitentiarius, & qualis.
12. In Belgio assumi debet ex Canonicis Graduatiss.
13. De consuetudine Belgii Pœnitentiarius est Dignitas.

14. *Vi sui officii est Confessarius ordinarius totius Diocesis, & quilibet ei etiam in Paschate confiteri potest.*  
 15. *Tenetur confessiones excipere, & ad id ab Episcopo cogi potest.*  
 16. *Pœnitentiarii eximia scientia esse debent.*  
 17. *Quid in illis requisiverit S. Carolus.*

I. Inter Coadjutores & Vicarios Episcoporum jam olim fuere Presbyteri, qui excipiendis confessionibus & imponendis pœnitentis vices Episcopi supplebant.

Hinc illud Concilii Lateranensis sub Innocentio III. in cap. 15. *de Off. Ordinarii*: "Præcipimus tam in Cathedralibus, quam aliis Conventualibus Ecclesiis viros idoneos ordinari, quos Episcopi possint coadjutores & cooperatores habere, non solum in prædicationis Officio, verum etiam in confessionibus audiendis & pœnitentiis injungendis."

II. Vicariorum sive cooperatorum horum potestatem & jurisdictionem Episcopi ad quasdam personas, & certa crimina restringere solebant: ut nimirum pro diversa personarum conditione varios assignarent Confessarios; graviora quoque crimina sibi nonnunquam reservantes.

Alii quoque Confessarii Laici, alii Clerici, alii Monialibus, & alii subinde sublimioribus personis deputabantur: quibus solis & non aliis tales confiteri possent.

"Volumus (inquit Synodus Wigorniensis anno 1240. can. 17.) ut ad audiendas Clericorum confessiones certi deputentur in singulis Decanatibus Confessores, quos in præsentis Synodo per ipsos electos volumus nominari."

Et Synodus Cicestrensis an. 1289. can. 12. ait: "In singulis autem Decanatibus per Capitulum eligantur duo Presbyteri, qui moribus & scientia præditi confessiones audiant Sacerdotum."

III. Neque enim hætenus invaluerat consuetudo hodierna approbandi passim Confessarios, quorum potestas se per totam Diocesim generaliter extendat; qui omnium scilicet indifferenter confessiones excipere queant; ita ut unicuique liberum sit quemcumque voluerit, sive secularem sive regularem hujusmodi Confessarium approbatum eligere.

IV. Quin nec juri communi, quod Decretalibus Gregorii IX. continetur, hæc moderna disciplina consonat; cum jure Decretalium electio libera Confessarii privilegii loco habeatur, cap. fin. *de pœnit. & remiss.*

V. Verum in hac particularium Confessariorum designatione semper manebat salva ipsa auctoritas Episcoporum; ita ut liberum esset ad ipsos Episcopos recurrere ac omnis designatis Confessariis, conscientiam iis aperire.

VI. Cum vero hujusmodi recursus essent tunc temporis frequentiores, Episcopi tum nominare cœperunt prudentiam, eruditionem, ac pietatem præstantiorem, ad quem tanquam ad Episcopum omnibus pareret accessus; quem Confessorem aut Pœnitentiarium generalem nominabant: (a) quem similiter inferiores Confessarii, & Pœnitentarii in casibus dubiis consulere possent; & ad quem tanquam Episcopum graviorum criminum absolutio & pœnitentiæ impositio referrentur. Synodus Oxoniensis an. 1287. can. 5. postquam statuit, "ut Archidiaconi, qui de Sacerdotum moribus & prudentia plenioribus habent notitiam, de quolibet Decanatu unum vel duos eligant Confessores, quos ad hæc (ad audiendas confessiones) scientia & meritis crediderint magis idoneos; qui vice Episcoporum, Decanorum Ruralium, Rectorum, Vicario-

(a) Inferius tit. 13. c. 4. n. 1. supponitur existentia Pœnitentarii antiquior, quam eo loci dicitur: Utrumque locum conferat lector.

rum & Parochialium Sacerdotum audiant confessiones, "subjungit sequentia: "Pœnitentarii nostri generalis auctoritate in omnibus salva, ad cujus arbitrium in dubiis & gravioribus recurratur, nisi forte talis emergat articulus, qui nobis inconsultis nequeat expediri."

VII. Et infra: "Majora & notoria crimina Pœnitentiario nostro reservet (Sacerdos) & pœnitentem ibi transmittat cum litteris causam delicti & circumstantias ipsius continentibus. Pœnitentes iterum cum litteris Pœnitentarii, absolutionis & pœnitentiæ modum continentibus, ad suum redeant Sacerdotem; revertenti aliter non credatur. Hæc nedom in foro pœnitentia, sed judiciali præcipimus firmiter observari."

VIII. Synodus quoque Cicestrensis anno 1289. can. 12. enormia delicta Episcopo vel ejus Pœnitentiario ad hoc specialiter deputato, præterquam in articulo mortis, reservat. "Litteras autem, ait, Archidiaconi, Decani vel Officiorum ad Pœnitentiarium gratis concedi pœnitenti volumus & præcipimus. Et ut liqueat, qualis fuerit pœnitentia, & pro quo crimine specialiter injuncta, pœnitens litteras Pœnitentarii referat ad mittentem."

IX. Itaque Pœnitentiarius erat quasi Vicarius generalis Episcopi in injungendis pœnitentiis, & arduis causis in illo tribunali occurrentibus decidendis & resolvendis.

"Ad illum, inquiebat anno 1218. Episcopus Ambianensis loquens de Pœnitentiario à se recenter instituto, tanquam ad illum quem post nos in hoc Officio (audiendi confessiones) proximum esse volumus, dubitationes, si quæ emergunt in foro pœnitentia, jubemus reportari." Hab. tom. 12. Spicil. Dacheriani.

Et Synodus Bituricensis anno 1584. tit. 21. §. 21. can. 15. ait, "confessionibus audiendis præpositi dubitantes de casuum gravitate aut differentia, consulant Episcopos aut eorum Pœnitentarios aut viros in ea re versatos, non exprellis pœnitentium nominibus."

X. Si quis porro expendat, quam graves difficilesque casus & dubitationes in hoc tribunali occurrant, facile intelliget, quanta eruditione, experientia ac prudentia in Pœnitentiario requiratur; quamque optandum esset, ut similis ubique haberetur, quem in difficilioribus casibus, inferiores tuto consulere, & à quo difficultatum suarum optimam ac fundatam resolutionem referre possent: quique majoribus & enormioribus criminibus convenientes pro qualitate criminum & pœnitentium satisfactiones, & remedia salutaria injungere novisset.

XI. Et quidem Synodus Tridentina Sess. 24. c. 8. De ref. voluit, ut "In omnibus Cathedralibus Ecclesiis, ubi id commode fieri poterit, Pœnitentiarius aliquis cum unionem Præbendæ proxime vacaturæ ab Episcopo instituatur, qui Magister sit vel Doctor aut Licentius in Theologia vel Jure Canonico, & annorum quadraginta, seu alias qui aptior pro loci qualitate reperitur."

Hoc Concilii Tridentini Decretum Belgicæ varique Ecclesiæ uno consensu recepere.

XII. Bulla creationis novorum Episcopatum vult Pœnitentiarium ab Episcopo assumi è novem Graduatibus Canonicis; adeoque licet vi Concilii Tridentini Pœnitentiarius etiam non Graduatus assumi interdum posset; id recentiorum illarum Ecclesiarum erectio non permittit.

XIII. Ulterius, consuetudine Belgii vicinarumque Ecclesiarum obtinet, ut Pœnitentiarius non sit merum Officium, & Pœnitentiarius simplex Episcopi Vicarius; sed ut Pœnitentiarius Beneficium sit, imo & Dignitas, ipseque Pœnitentiarius reliquos Canonicos tamen seniores præcedat; ita tamen ut novissimum inter digni-

Dignitates locum obtineat: nō alia sit particularis Ecclesiae consuetudo, quae servanda erit.

XIV. Quapropter verissimum est; in Belgio praesentim, quod communiter tradunt Canonistae, Pœnitentiarium institutum, eo ipso habere à jure facultatem audiendi confessiones Pœnitentium illius Diocesis; & jurisdictionem ad absolvendum à peccatis, & esse veluti Parochum totius Diocesis, nec requiri novam licentiam Ordinarii: cum sit ordinarius Confessor Diocesis; ejusque jurisdictio ordinaria. Vide Fagnanum ad cap. GRAVE §. de prae. num. 12. & Garciam de benef. parte 5. cap. 4. num. 112. qui & num. 113. infert: "Unde quilibet poterit ei confiteri peccata & satisfacere praecepto Capituli OMNIS UTRIVSQUE SEXUS de penit. & remis, ut censuit S. Congregatio 16. Feb. 1593. his verbis: An si quis confessus fuerit sua peccata semel in Paschate Pœnitentiarario deputato in vim Decreti Concilii Tridentini Sess. 24. cap. 3. dicatur satisfecisse praecepto contento in dicto cap. OMNIS UTRIVSQUE SEXUS, Congregatio censuit satisfecisse.

XV. Cum itaque vi sui Officii & Dignitatis Pœnitentiararius sit quasi Vicarius natus Episcopi in audiendis confessionibus, etiam tenetur munus illud tempore & loco arbitrato Episcopi designandis obire; & in casum negligentiae ab Episcopo puniri, imò & Dignitate privari potest; ut censuisse S. Congregationem testatur Garcias loco citato num. 117. & seqq.

XVI. Quiigitur Pœnitentiararius "munere funguntur, eximia scientiae esse debent (inquit Synodus Turonensis anno 1583. cap. 13.) "ut vitium à vitio discernere, & animas, quae peccaverunt, modò leniter blandisque verbis consolari incassaque reficere, modò acerbè & graviter increpare, atque etiam instruere valeant.

XVII. Hujus Dignitatis & Officii gravitatem expendens S. Carolus in Synodo Mediol. V. parte 3. §. 5. decrevit: "Ut ubi primò Præbenda pœnitentialis vacaverit, edictum de more proponatur, quo ad concursum evocentur quicumque sint, qui illius muneris causâ examen subire velint, aliosque nominare qui subeant.... Episcopus adhibitis sibi pro arbitrio suo aliis peritis probisque Viris, tum etiam de illorum vita & moribus, ætate, Gradu, Ordine, cæterisque conditionibus ad tale munus necessariis accuratè perquirat. Tum demum Episcopus ipse solum rebus iis omnibus accuratè perpensis, maturè in Domino deliberet, & liberè deligat, quem pro conscientiae religionis digniorem aptioremque existimet, cui tale munus tantique ponderis rectè committatur. Qui in deliberatione idem videat, ut quod praesentim ad Pœnitentiarium attinet, cum peritiam necessariam spectarit, tum maximè vitæ innocentiam, morum gravitatem, spiritualium exercitationum studium & usum diuturniorem in confessionibus audiendis, exercitationem, prudentiam, cæterasque religiose pietatis virtutes perpendat.

Si eum Episcopi in conferenda hac Dignitate delectum facerent, omnibus faciliè appareret, quàm meritò hujusmodi Dignitas in Ecclesiis instituta sit: quæ hodie penè inutilis & sine ullo Officio aut onere esse apparet.

## CAPUT IV.

## De Officiali Episcopi.

1. Officialis & Vicarius Episcopi jure communi sæpè pro eodem sumuntur.
2. Secus moribus Belgii.
3. Officialis dicitur qui foro contentioso praest, olim dictus Missus.
4. De jure communi Episcopus potest creare plures Officiales.

5. Quis Officialis principalis, & quis foraneus?
6. Moribus hodiernis Episcopi tenentur interdum plures Officiales constituere.
7. Officialis principalis jure communi aliquam dignitatem habere videtur.
8. Quae tamen non est propriè Beneficium, nec cum alia dignitate incompatibilis.
9. Officialis etiam principalis jurisdictio de jure communi tantum est vicaria & ad nutum revocabilis, secus moribus nostris.
10. Utrum Officiales sint revocabiles ad nutum Episcopi?
11. Mornacii hac de re opinio.
12. Utrum Episcopi possint per se Jus dicere?
13. An Officialis principalis jurisdictio morte Episcopi extinguatur?
14. Tribunal Officialis non est distinctum à tribunali Episcopi.
15. Qualis constituendus Officialis?
16. De hoc Officiali intelligitur Concilium Trid. Sessione 24. cap. 16. de reform.
17. Religiosi nequidem de consensu Superiorum possunt esse Officiales.

I. Si jus commune spectemus, Vicarius & Officialis Episcopi sæpius coincidunt; ipseque Officialis, Vicarius Episcopi dicitur. Et quidem toto titulo Sexti Decretalium, qui inscribitur simpliciter, de Officio Vicarii, vix de alio quàm Officiali Episcopi tractatur; ipsaque hodierna Italiae praxis est, ut Vicarius Episcopi sit & Officialis; quam secuta Synodus Tridentina Sess. 24. cap. 16. de reformat. Officiale cum Vicario Episcopi confundit; uti supra notavimus.

II. At moribus Belgii vicinarumque Ecclesiarum Officialis à Vicario Episcopi simpliciter dicto, omnino diversus est.

III. Officialis enim is dicitur, qui jurisdictioni contentiosae praest; atque in forensibus vices gerit Episcopi, ejusque tribunali praesidet; qui olim Missus Episcopi dictus fuit cap. 2. §. de Regularib. & cap. 1. §. de frigidis & maleficis. notatque Glossa ad cap. 2. Verb. OFFICIALEM de off. Vicarii in 6.

IV. De jure communi Episcopum posse plures creare Officiales expeditum est. Clem. 2. de Rescriptis, ubi distinguitur Officialis principalis Episcopi ab Officiali foraneo.

V. Principalis dicitur, qui constituitur in ipsa civitate Episcopali, ut jus dicat in ipso tribunali, in quo ipse Episcopus jus dicere consuevit.

Foraneus verò, qui extra civitatem Episcopalem in aliqua parte Diocesis juri dicendo praest.

VI. Haec Officialium multiplicatio licet spectato jure communi, arbitrio Episcoporum committatur, moribus tamen obrinnit ut, si Diocesis se in plures Provincias Civiles extendat, Episcopus teneatur in singulis Provinciis tribunal erigere, atque Officiale praeficere; ne aliàs contra notoria Belgii aliarumque vicinarum Provinciarum antiqua privilegia & inveteratas consuetudines, subditi in jus vocentur extra Provinciam. Vide Carolum Fevret Tract. de abusib. lib. 4. cap. 3. §. 7. qui ibidem asserit extra hunc casum ordinariè ab Episcopo unicum, idque in ipsa civitate Episcopali Officiale constituendum: testaturque an. 1600. in Parlamento Parisiensi ex eo capite rejectam fuisse tanquam abusivam nominationem Officialis, quem pro loco à civitate Episcopali 12. milliaribus distante nominaverat Episcopus: idque confirmat auctoritate Baldi dicentis: "Neque enim debent esse unius civitatis plures Episcopi, ut nec plures Vicarii aut Officiales." Sed in moribus Belgii receptum non est. Plures enim in una eademque Provincia v. g. Brabantia, ob ejus extensionem, ejusdem Episcopi Officiales creati videmus.

VII. Principalis Officialis, qui in ipsa civitate Episcopali constituitur, etiam jure communi aliquam dignitatem



dignitatem habere videtur : quandoquidem ei per rescriptum Apostolicum causae committi possint, *Clem. 2. de Rescriptis* : quae non nisi Canonicis Cathedralibus, aut aliis in Dignitate constitutis committi queunt *cap. STATUTUM de Rescriptis in 6.* secus verò de Officiali foraneo ; cui nec similes causas committi posse in eadem Clementina deciditur.

VIII. Haec tamen dignitas nec ut beneficium, nec propriè in titulum possidetur ; ut Archidiaconatus, Decanatus & similes ; quare nec cum alia Dignitate incompatibilis est, quemadmodum observat Rebuffus in praxi *de Vicariis Episcoporum n. 4. & 7.*

IX. Quin si jus commune spectemus, Officialis tamen principalis, sive Cathedralis, jurisdictionem habet duntaxat vicariam ad arbitrium Episcopi revocabilem ; quod hodie secus obtinere contendit Carolus Fevret, prætenditque, Officialem semel institutum non posse à constituyente, aut ejus successore pro arbitrio removeri. (a)

Cum enim Episcopi non amplius soleant per se, quae sunt contentiosae jurisdictionis exercere, videntur, inquit Fevret, Officiales hodie esse veri & ordinarii Ministri jurisdictionis Episcopalis : aded ut ea de causa non dicantur Officiales Episcopi ; sed *Episcopatus* : ipsaque rescripta Romana inscribantur non Officiali Episcopi Mechliniensis, sed simpliciter, *Officiali Mechliniensis*.

X. Quaestionem de revocabilitate aut irrevocabilitate officialium in Gallia saepius fuisse agitatam, variaeque Parlamentorum Arresta, nunc pro revocabilitate, nunc pro irrevocabilitate fuisse pronunciata notat Ducasse Archidiaconus & Officialis Condomensis in sua praxi Jurisdictionis Ecclesiasticae *tom. 2. cap. 1. num. 6.* donec tandem Rex Galliae anno 1700. declaravit Officiales Episcoporum esse amovibiles ; eamque Regiam declarationem dicit in Parliamentis Regiis fuisse registratam : hoc tamen unà observat *num. 5.* Officialem non posse ab Episcopo constitui ad unam particularem causam.

Quoad Belgium : consuetudo & usus Ecclesiarum Belgicarum inamovibilitati Officialium faveret : aded ut cum Archidiaconus Condruisii (b) in Ecclesia Leodiensi Officialem suum in Provincia Limburgensi residentem tentasset amovere ; hic à supremo Brabantiae Senatu, cujus foro dicta Provincia subjacet, fuerit in hoc suo Officio manutentus per solemnem sententiam in contradictorio latam 20. Martii 1700.

Quoad hanc sententiam notandum est quòd Fiscus Regius & status Provinciae Limburgensis sese eidem Officiali adversus hanc amovibilitatem junxissent. Habebat sententia sub E. in extremum, hoc volum.

XI. Censet Mornacius ad *L. 1. §. 1. ff. de Off. ejus cui mandata est jurisdictio* : " Episcopos non posse pro animi sui libidine permutare judices, novosque ad singulas lites in hanc vel illam partem sufficere : perpetuum enim debere esse eum, quem semel elegerunt, ut vice sua judicet ; nisi incidat delegandialterius causa ex morbo, recusatione aut absentia, quae impedimento sit, quominus ipse cognoscat de Episcopalis jurisdictionis negotio : " additque Mornacius, in causa appellationis tanquam ab abusu interjecta, occasione hujusmodi particularis delegationis, & designationis judicis ad unam causam, à Senatu Regio judicatum, Episcopum abutum fuisse suà jurisdictione, & in expensas condemnatum. Simile judicatum Senatùs

(a) Scribebat Carolus Fevret longè ante annum 1700. quo declaratum est à Rege Ludovico XIV. Officiales posse revocari à suis Episcopis. Ista autem revocatio non aliter quàm scripto fieri debet. Quid quod jubetur ut in Tabulario Inquisitionum Dioeceseos descripta maneat : id enim definitum est Edicto Regio an. 1691. art. 21. cujus haec sunt verba. *Seront sujettes à semblables insinuations.... les Provisions d'Official, celles de Vicegerent, de Promoteur, de Greffier des Officialités, ou Chapitres, & les Actes de Remerciement faits par les Prélats ou Chapitres auxdits Officiers, pour en pourvoir d'autres en leur place*

(b) Le Condruiz entre Liège & Namur.

Parisiensis anni 1602. refert Peleus *Lib. 1. cap. 37. action. forens.* Plura tamen eaque recentiora Parlamentorum judicata, quibus potestas revocandi suos Officiales Episcopis fuit adjudicata, referuntur in Actis Cleri Galliani *parte 1. tom. 2. cap. 15. n. 27. 28. 29. 30. & 31.* Item *parte 8. tit. 3. n. 1. & 2.* quin tamen Officiales suos foraneos facilius, quàm principalem sive Cathedrali revocare queant, dubium non est.

XII. Quin & prætendit saepe citatus Carolus Fevret, Episcopos aded se hodie jurisdictione contentiosà exuisse ; eamque in Officiales suos transtulisse, ut nec possint causas Ecclesiasticas ad forum suum spectantes sibi judicandas & per se decidendas reservare ; quod num verum sit, multum sanè dubio.

Contrarium insinuat Concilium Narbonense anno 9. currentis seculi (1609.) habitum *cap. 42. mandans*, " ut Episcopi per seipso causas audiant ; quas si omnes audire nequeant, Officiales deputent. " Cui conformis videtur Belgii nostri moderna disciplina, quae Episcopis auctoritatem causarum decisionem sibi reservandi haecenus conservasse videtur.

XIII. Jure communi Officialatus etiam principalis, tanquam Officium merè vicarium, morte ipsius concedentis extinguitur ; quod Ecclesiarum Belgicarum consuetudinem necdum abrogasse manifestum est ; quandoquidem praxis notoria, saltem quarundam Ecclesiarum habeat, quod Capitulum, Sede vacante, Officialem, etiam Cathedrali vel de novo eligat, vel constitutum confirmer ; tamen Fevretius moribus Galliae secus obtinere asserat. (c)

XIV. Quocumque demum jure, sive titulo Officialis hodie suà jurisdictione utatur, certum est, illam esse Episcopalem ; nec tribunal Officialis distinctum esse à tribunali Episcopi : adedque & certissimum est etiam moribus hodiernis, ab Officiali sive principali sive foraneo non appellari ad Episcopum, sed provocandum esse ad eum, ad quem esset appellandum, si Episcopus per se sententiam dixisset.

XV. Cum igitur Officialis jurisdictioni contentiosae, causarumque forensium decisioni praesit, merito momentur Episcopi, ut personas providas, & ab omni avaritia vacuas, & in Jure Canonico atque disciplina Ecclesiastica multum exercitatas, Officiales constituent.

XVI. De hoc quoque Vicario sive Officiali intelligitur Synodus Tridentina *Sess. 24. c. 16. de reformat.* requirens, " ut Capitulum, Sede vacante, teneatur infra 8. dies post mortem Episcopi Officialem seu Vicarium constituere, vel existentem confirmare, qui saltem in Jure Canonico sit Doctor vel Licentiatus, vel aliàs quantum fieri potest idoneus.

Neque Capitulum posse vi finalis clausulae eligere non *Graduatum*, si in Capitulo adsint Doctores aut Licentiati in Jure Canonico huic Officio idonei, censuit S. Congregatio apud Garciam de Beneficiis *parte 5. cap. 7. n. 12.*

XVII. Quàm parùm Monasticae professioni congruat munus Officialatus, quod totum in strepitu forensi penè versatur, nemo non videt ; unde notat Mornacius ad *L. PLACET Cod. de Episcopis & Clericis*, moribus hodiernis, ne quidem de consensu Superiorum ad hujusmodi Officium eos assumi posse ; ided ait Mornacius, *abusivum id esset, contrariumque Monasticae Professioni, si Episcoporum vel Archidiaconorum fierent Officiales Religiosi. (d)*

(c) Fevretio contradicit D. de Héricourt, *Loix Eccles. p. 1. c. 2. n. 34.* *L'Emploi de l'Official n'étant qu'une simple commission, dit ce sçavant Canoniste, qui donne une autorité émanée de celle de l'Evêque, il perd de plein droit toute sa Jurisdiction, dès que l'Evêque est dépourvu de la sienne par la mort, ou de quelque manière que ce puisse être. Quand le pouvoir des Evêques est suspendu par quelque censure, celui de l'Official doit aussi demeurer suspendu.* Vir autem laudatus nimirum, *Cap. Romana*, de Officio Vicarii in VIo. ubi Innocent IV. definit post Excommunicationem Episcopi, ejus Officialem nihil posse gerere quod vigorem obtineat.

(d) Refragari licet Mornacio ; Canones, quos citat, quique Cæterum



Ceterum plura de observandis ab Officialibus in exercitio suae jurisdictionis, & de abusibus, qui irrepserunt, dicemus Parte 3. ubi de jurisdictione Ecclesiastica agitur.

## CAPUT V.

## De Vicario Episcopi.

1. Moribus nostris Officialis Episcopi distinguitur à Vicario.
2. Vicarius Episcopi nullam jurisdictionem contentiosam habet.
3. Non potest negotia judicialiter examinare.
4. Potest Episcopus unum vel plures pro libitu constituere.
5. Potestas Vicarii est tantum delegata ad nutum Episcopi revocabilis.
6. Debet habere commissionem suam in scriptis.
7. Episcopus potest Vicarii potestatem pro arbitrio restringere.
8. Episcopo mortuo vel alias sua jurisdictione destituto, extinguitur etiam jurisdictio Vicarii.
9. Quae forma revocationis Vicarii?

I. Tametsi in jure Vicarius Episcopi & Officialis ejus frequenter confundantur & pro synonymis accipiantur, ut supra notatum est, moribus tamen nostris quoad functiones & jurisdictionis exercitium omnino distinguuntur.

II. Officialis enim, de quo capite praecedenti, ea quae contentiosae jurisdictionis sunt, exercet; at qui hodie Vicarius Episcopi dicitur, nihil jurisdictionis contentiosae habet; sed omnis ejus auctoritas versatur circa ea, quae voluntariae jurisdictionis sunt; adeo ut Vicarius limites suae jurisdictionis excederet; si judicialiter partes coram se citari juberet, aut judiciales informationes super commisso crimine caperet.

III. Hoc ex capite, cum quidam Vicarius certam Confraternitatis erectionem examinasset & discussisset judicialiter sive in forma judiciali, per Senatum Regium judicatum fuit, abusive Vicarium processisse: eo quod nullam jurisdictionem contentiosam vi sui Vicariatus haberet, sed ea in solidum penes Officialem residet: ita refert Germanus Forget in suo Tractatu de personis & rebus Eccles. lib. 1. cap. 42. num. 10. Vide etiam Fevret lib. 3. cap. 5. n. 4. notantem quod si causa alias ad Officium Vicarii spectans more judiciali instituitur & examinatur, agitari debeat coram Officiali, non coram Vicario; & si secus fiat, abusivum esse; atque ita aliquando judicatum fuisse.

IV. Potest Episcopus unum vel plures, uti sibi visum fuerit, Vicarios constituere. Et quidem in quibusdam Ecclesiis Episcopi plures nominant Vicarios, qui simul corpus unum, quod Vicariatus dicitur, componunt; à quo pleraque, quae jurisdictionis voluntariae sunt, expediuntur.

Et si Zypæo credimus Consult. 17. n. 38. de Regu-

Religiosos viros amovet à munere Judicis, spectant duntaxat Tribunalia Civilia & Secularia; nullus autem Canon, nulla Regum nostrorum Sactio, nullae Leges laudari possunt, quibus prohibeatur viris Religiosis, ne munere Officialis fungantur. Quin imò declaravit Senatus Parisiensis 2. Martii an. 1683. Monachum Benedictinum à Congregatione S. Mauri legitime fuisse designatum Officialem Abbatiae Sanctissimae Trinitatis Fisci Campi; (Fescamp). Illud Arestum reperitur in 2. vol. Diarii Palatii.

larib. his in regionibus passim Episcopalia negotia, & singularum uniones, per Episcopos expediuntur non interveniente Capitulo, sed consilio Vicariatus.

V. Porro auctoritas & potestas horum Vicariorum tam de jure quam consuetudine mere vicaria est, & à beneplacito Episcopi dependet; adeo ut eam extendere & restringere libere queat: quare de Vicariorum auctoritate ex ipsa commissione judicandum est.

VI. Unde ne fraus aut error in his contingat, Vicarius non debet Officium suum exercere, nisi habeat scripturam suae potestatis, inquit Rebuffus in praxi benef. tit. de Vicariis Episc. n. 9. qui & n. 13. monet, „in constitutione Vicariatus intervenire debere testes; „alioquin, ait, instrumentum cum signo sui Secretarii tantum esset scriptura privata quae non probaret. „Et bonum esset, ait num. 14. quod nullus reciperetur „Vicarius, nisi instrumentum Vicariatus esset registratum in actis, & ita fuit in Senatu statutum requirere Dionysio Riaut Advocato tunc egregio Universitatis, nunc autem Advocato Regio anno 1548. „mense Martio. Hæc Rebuffus; quæ latius secundum praxim Regni Galliae deducit Fevretius in suo Tractatu de abusu Lib. 3. cap. 5. n. 13. & 14.

VII. Si litteræ commissionis mandatum restringant ad certos actus, aut locum vel tempus, termini commissionis servandi erunt. Si vero nulla specialis restrictio sive limitatio facta sit, sed generalis sit, tunc mandata creduntur omnia, quæ voluntariae jurisdictionis sunt, complecti; iis exceptis, quæ de jure aut consuetudine sub generali mandato sive commissione non veniunt, sed speciale mandatum requirunt; de quibus consulte Rebuffum in praxi tit. de forma Vicariatus Archiepiscoporum & aliorum Collatorum.

VIII. Quandoquidem jure communi, cui mores hæcenus non derogarunt, Vicarii Episcoporum habent duntaxat mandatam potestatem, omnis eorum potestas non tantum morte Episcopi, quandocumque ea intervenerit; sed & quoties Episcopus sua auctoritate vel jurisdictione exiit, v.g. per excommunicationem, vel renuntiationem, plene extinguitur; quandoquidem omnimodo tanquam rivulus à suo fonte, à jurisdictione Episcopi dependeat, imò Vicarii jurisdictio non est nisi ipsa Episcopi jurisdictio mandata sive delegata.

IX. Eodem ex fundamento potest Episcopus Vicarium etiam generalem revocare sive destituere, etiam sine consensu Capituli, sicuti absque ejus consensu constitui potest: debet tamen revocatio insinuari Vicario; quin uti post Rebuffum, Boërium, aliosque, docet Garcias de Beneficiis parte 5. cap. 8. n. 176. & 177. hæc revocationis intimatio adeo necessaria est, ut alias gesta à Vicario valebunt, etiam si habeat notitiam revocationis, & illa publice sit nota.

Sed hic notandum, Rebuffum aliosque per Vicarium generalem Episcopi, intelligere illum, qui non tantum in spiritualibus & in iis, quæ voluntariae sunt jurisdictionis, constituitur, sed etiam in contentiosis, & Ordinariam jurisdictionem concernentibus; verbo, qui in omnibus Episcopi v.g. absentis vices suppleat, & cui omne regimen Ecclesiae, omnisque jurisdictio Episcopalis commissa sunt; nequaquam vero illum, quem hodie Vicarium generalem hic dicimus, qui ad nutum Episcopi constituitur & revocatur, & cui duntaxat quaedam voluntariae jurisdictionis munia, nec tamen omnia committuntur.

In hoc porro Vicario supradicto omnia requiri, sive in constitutione, sive revocatione, non credimus.

## TITULUS XIII.

## DE ELECTIONE ET NOMINATIONE EPISCOPORUM.

## CAPUT I.

Quas partes olim populus habuerit in hac Electione.

1. Populus Electioni olim interveniebat; idque ex Apost. traditione descendit.
2. Probatur hac disciplina ex antiquo Testamento.
3. Eadem disciplina seculo 5. erat tamen in Ecclesia Græca, quam in Latina.
4. Synodus Laodicæna Latcos ab electione non exclusit.
5. Serius in Ecclesia Latina quam in Græca.
6. Seculo 9. superstes fuit etiam in his partibus.
7. Rationes hujus discipline.
8. In hac Electione tamen præcipuas partes habebant Episcopi.
9. Poterant Episcopi Electum à populo interdum rejicere.
10. Poterant etiam sine prævia plebis Electione ordinare Episcopum.
11. Electio populi nullum jus tribuebat Electo.
12. Episcopo defuncto, mittebatur Visitator ut populum circa Electionem instrueret.
13. Electio examinanda mitti debebat ad Metropolitani.
14. Metropolitani cum sua Provincia Episcopis Electionem & personam examinabat.
15. Auctoritas Episcoporum in electione & confirmatione novi Episcopi ostenditur.

**I.** DISCIPLINAM, quam in Electione Episcopi ex traditione Apostolica primis seculis universalis servabat Ecclesia, describit S. Cyprianus *Epist.* 68. editionis Rigaltii: "Propter quod (nimirum ne indignus promoveatur) diligenter de traditione Divina & Apostolica observatione observandum est & tenendum, quod apud nos quoque, & fere per provincias universas tenetur, ut ad Ordinationes rite celebrandas, ad eam plebem cui Præpositus ordinatur, Episcopi ejusdem Provinciae proximi quique convenient, & Episcopus eligatur plebe præsentē, quæ singulorum vitam plenissime novit, & uniuscujusque actum de ejus conversatione perspexit. Quod & apud vos factum videmus in Sabini Collegæ nostri Ordinatione, ut de universæ Fraternitatis suffragio, & de Episcoporum qui in præsentia convenerant, quique de eo ad vos litteras fecerant, judicio, Episcopatus ei deferretur, & manus ei in locum Basilidis imponeretur.

II. Et paulo ante; "Quod & ipsum videmus de divina auctoritate descendere, ut Sacerdos plebe præsentē sub omnium oculis deligatur, & dignus atque idoneus publico judicio ac testimonio comprobetur, sicut in Numeris Dominus Moysi præcepit dicens: *Apprehende Aaron fratrem tuum, & Eleazarum filium ejus, & impone eos in montem coram omni Synagoga, & exue Aaron stolam ejus, & indue Eleazarum filium ejus, & Aaron appositus moriatur illic.* (a) Coram omni Synagoga jubet Deus constitui Sacerdotem, id est, instruit & ostendit, Ordinationes Sacerdotales non nisi sub populi assistentis conscientia fieri oportere, ut plebe præsentē vel detegantur malorum crimina, vel

(a) S. Cyprianus citat eo loci Scripturam Sacram secundum Versionem Italiam, quam Patres olim secuti sunt.

"bonorum merita prædicentur, & sit Ordinatio justa, & legitima, quæ omnium judicio & suffragio fuerit examinata.

Conformiter ad hanc disciplinam, Cornelium Romanæ Clericorum plebisque suffragio Episcopum ordinatum, testis est idem Cyprianus *Epist.* 41. & 42. atque de ipso Cypriano testatur Pontius Diaconus in ejus vita, "quod judicio Dei & plebis favore ad Officium Sacerdotii, & Episcopatus gradum adhuc Neophytus, & ut putabatur, novellus, electus est.

III. Quin & eam disciplinam, etiam quoad suffragium plebis, non tantum in Ecclesia Latina, sed & Græca, integram ac illibatam fuisse post Synodum Laodicænam sub initio seculi quarti celebratam constat. Nam in Synodo Calchedonensi actione II. Stephanus Episcopus Ephesus volens ostendere se canonice electum ait: "Me quadraginta Episcopi Asiatici, suffragio Clarissimorum Primatum, & totius Reverendissimi Cleri, & omnis civitatis ordinaverunt.

Quin & novellæ Justiniani expresse volunt in electione Episcopi una cum Clero Primates Civitatis, cui Episcopus ordinandus est, intervenire. *Novella* 123. cap. 1.

IV. Admodum verosimile est, Justinianum ad id constituendum permotum fuisse auctoritate Synodi Laodicænae, cujus Canones ætate Justiniani, Codici Canonum tam Ecclesiæ Græcæ, quam Latinæ inserti, non exiguae erant auctoritatis.

Porro *Canone* 13. hujus Synodi cautum erat, *turbis non esse permittendum, eorum, qui sunt in Sacerdotio constituendi, electionem facere.*

Itaque Justinianus, ut conformiter ad mentem hujus Canonis tumultuosas electiones præcaveret, non quidem ipsum populum, sed duntaxat *tumultuantem plebem*, & turbas ab electione submovit; atque jus eligendi una cum Clero ad *Honoratos* sive Primates civitatis transulisse videtur, tanquam qui plebem & populum civitatis repræsentant.

Et revera per dictum Canonem Laodicænum non fuisse ab electione Episcopi laicos sive populum omnino submotos, evincit tam Ecclesiæ Græcæ quam Latinæ per plura secula, post editum & receptum hunc Canonem, continuata disciplina, populum una cum Clero ad electionem admittens.

Fatendum quidem est hunc Laodicænum Canonem à quibusdam, ac notanter à Gratiano in eum sensum acceptum esse, quasi ab electione *populus* totaliter per eum esset exclusus: nam *Dist.* 63. eum adducit in probationem hujus asserti. *Laici nullomodo debent se electioni immiscere.*

Verum & hoc notum est, Gratiano sat familiare fuisse Canones detorquere ad disciplinam sui temporis, notanter Ecclesiæ Romanæ, Canonibus sensum plane à mente Patrum alienum assignando.

Liquet autem ex historicis, eo tempore quo Gratianus Decretum compilavit, laicos fuisse ab electione Episcopi Romani auctoritate Innocentii II. exclusos, & solis Clericis delatam.

V. Hoc equidem constat, apud Græcos citius quam Latinos, ab Episcoporum electionibus laicos exclusos fuisse; siquidem seculo 9. Synodus VIII. Oecumenica *can.* 22. statuit, atque jure promulgat, *neminem laicorum* Principum vel Potentum semet inferere electioni vel promotioni Patriarchæ vel Metropolitæ, ac ejuslibet Episcopi, ne videlicet inordinata hinc & incon-

"grua

„grua fiat confusio, vel contentio: praesertim cum  
„nullam in talibus potestatem quemquam potestati-  
„vorum vel ceterorum laicorum habere conveniat, sed  
„potius silere, ac attendere sibi, usquequod regulariter  
„a Collegio Ecclesiae suscipiat finem electio futura Pon-  
„tificis.

VI. At in Ecclesia Latina seculo 9. etiam laicos ele-  
ctioni intervenisse; plebisque suffragia fuisse expetita,  
ex historiis formulisque electionum est notorium. Ur-  
que praetereamus quae remotiores Ecclesias concer-  
nunt, una sufficiat Epistola Hincmari Archiepiscopi  
Remensis ad Hedenulphum Laudunensem Episcopum,  
ut Visitatoris officio fungatur in electione Episcopi Ca-  
meracensis, quae cum his verbis hortatur: Ad ean-  
dem Ecclesiam quantocius studeas properare, ac al-  
„siduis hortationibus Clerum, *plebemque* Ecclesiae pub-  
„licè admonere festines, ut remoto privato studio,  
„uno eodemque consensu talem sibi praeficiendum ex-  
„petant ac eligant Sacerdotem, qui & tanto ministerio  
„dignus valeat reperiri, & à venerandis Canonibus  
„nullatenus respuatur.... Quae electio non tantum à  
„civitatis Clericis erit agenda, verum & de omnibus  
„Monasteriis ipsius Parochiae, & de rusticarum Pa-  
„rochiarum Presbyteris occurrant Vicarii, commo-  
„rantium secum concordia vota ferentes; sed & Laici  
„nobiles ac cives adesse debebunt: quoniam ab omni-  
„bus debet eligi, cui debet ab omnibus obediri. Ha-  
betur haec epistola tomo 8. Conciliorum generalium  
collectionis Labbeanae col. 1867. ibi & columnà sequen-  
ti extat ejusdem Hincmari epistola ad Clerum & *plebem*  
Cameracensem, ut Canonicam electionem faciant cum  
Visitatore sibi designato.

Non dubium ergo in Cameracensi, uti & in aliis  
vicinis Ecclesiis, quod formulae ibidem relatae osten-  
dunt seculo 9. non Clerum duntaxat, sed & *plebem* ad  
Episcopi electionem concurrisse.

Praeterea probat Liber diurnus Romanorum Ponti-  
ficum, quem edidit, & notis ac observationibus illu-  
stravit Joannes Garnerius à Societate Jesu Presbyter,  
eam formam servatam fuisse in electione Episcopi Ro-  
mani etiam seculo VIII.

Refertur etiam Decretum de electione Pontificis cui  
subscribit Presbyter hac formulâ. „N. humilis Pres-  
„byter sanctae Romanae Ecclesiae huic Decreto à no-  
„bis facto in N. sanctissimum Presbyterum consensu  
„& subscripti.

Deinde dicitur quod subscriperint „totus Clerus,  
„Optimates, & Milites, & Cives.

Ex qua formula subscribendi habetur, uti & notat  
ibidem Garnerius; „eam non esse hominum laico-  
„rum, qui consentiant tantum, laudentque electio-  
„nem, sed qui reverà eligant cum Clericis.

Et in eodem Libro diurno cap. 2. tit. 4. exhibetur  
relatio de electione Pontificis ad Exarcham, atque  
exponitur, quod defuncto Episcopo, *triduo* ab ejus  
*obitu* „divina gratia suffragante, & omnium animis  
„inspirante, in unum convenientibus nobis, ut moris  
„est, à parvo usque ad magnum in personam sanctissi-  
„mi hujus sanctae Apostolicae Sedis Romanae Ecclesiae  
„Archidiaconi, Deo cooperante & BB. Apostolorum  
„annisu concurrerit, atque consenserit electio.

Rectè hic rursus observat Garnerius, ex verbis huius  
constare, non ea tantum de causa „convenisse tunc  
„temporis *proceres* aliosve *laicos*, cum Pontifex eli-  
geretur, ut assensum darent electoribus Clericis, vel  
testimonium ferrent de probitate eligendi, sed *ut verè*  
*eligerent*.

Id ipsum notavit Daniel Papebrochius *Dissertatio-  
ne* 16. in Conatu Chronico-Historico, subiecta vitae  
Gregorii II. num. 6.

Probat autem Garnerius praedictum Decretum ele-  
ctionis, uti & hanc relationem ad Exarcham, concer-  
nere electionem Gregorii II. qui circa annum 714. ele-  
ctus fuit in locum Constantini Papae.

Tom. I.

Ex his habemus, ad electionem Romani Pontificis,  
quemadmodum ad electionem aliorum Episcoporum  
concurrere *Primo*res, populumque cum Clero Roma-  
no, etiam seculo octavo.

Uterius ex praedicto electionis Decreto nequaquam  
obscurum est, electionem quidem factam per Clerum  
& *populum* Romanum, nequaquam tamen *plebem* &  
*vulgum* populi electioni intervenisse, sed solos *Primo-  
res* sive *Honoratos* populum representantes, confor-  
mitter ad constitutionem Justiniani, de qua superius  
num. IV.

Imò si sit fides erudito Viro Onuphrio Panvino in  
notis ad Platinam in vita Innocentii II. ea electionis for-  
ma per populum, & Clerum in Ecclesia Romana con-  
servata fuit, usque ad tempora hujus Pontificis. Scri-  
bit enim sub hoc Pontifice *primum* populum Roma-  
num à Pontificis Comitibus omnino fuisse exclusum;  
atque primum *sine ullo* populi interventu Papam crea-  
tum esse, mortuo Innocentio II. Caelestino II. sub  
medium seculi XII.

VII. Rationem hujus disciplinae ex Cypriano supra  
audivimus; nimirum, ut *plebe praesente vel detegatur  
malorum crimina, vel bonorum merita praedicentur*.

Alteram dat S. Leo Ep. ad Episcopos Provinciae  
Viennensis, quae est 10. in editione Quenelliana. Cum  
enim dixisset, „per pacem & quietem Sacerdotes qui  
„futuri sunt, postulentur, „addit: „Teneatur sub-  
„scriptio Clericorum, honoratorum testimonium,  
„Ordinis consensus & *plebis*. *Qui praefuturus est om-  
„nibus ab omnibus eligatur.* „Vel ut loquitur Caele-  
stinus I. „Nullus *invitis* detur Episcopus: Cleri, Ple-  
„bis & Ordinis consensus & desiderium requiratur.  
„Ep. 2. c. 5. apud Gratianum *Dist. 61. Can. 13.* Aut si-  
cuti exprimitur in citata Epistola Hincmari Remensis:  
*Quoniam ab omnibus debet eligi, cui ab omnibus debet  
obediri.*

VIII. Dum verò his rationibus permota Ecclesia,  
plebem ac Clerum totum in sui Pastoris Electione in-  
tervenire, atque audiri voluit, praecipuas tamen in hac  
momentosa Electione partes esse voluit Metropolitanis  
ac Comprovincialium Episcoporum; atque ab his prop-  
riè eligi ac praefici Episcopum; populumque ne in hac  
nominatione aut postulatione Pastoris errore contingat  
docere; errantemque in viam rectam reducere.

Hinc Synodus Nicæna *Can. 4.* statuit: „Episcopum  
„convenit ab omnibus qui sunt in provincia constitui.  
„Si autem hoc difficile, vel propter urgentem neces-  
„sitatem, vel viâ longitudinem; tres omnino eundem  
„in locum congregatos, absentibus quoque suffragium  
„ferentibus, scriptisque assentientibus, tunc Electio-  
„nem fieri.

Canonem non tantum de consecratione, sed etiam  
de electione loqui ostendimus in Scholiis; neque de  
hoc esse dubitandum monet Christianus Lupus *parte 4.  
Schol. pag. 148.* Episcopis ergo tribuit Electionem sive  
ordinationem; quia plebe Cleroque postulante, aut  
consentiente, ordinatio sive nominatio Episcopi ipsis  
praecipue competebat.

Hinc Episcopi Alexandriae, quorum plures Concilio  
Nicæno interfuerant, describentes ordinationem S.  
Athanasii in Episcopum Alexandrinum; eamque ab  
Arianorum calumniis vindicantes, dicunt, quod cum  
convenissent ad constituendum in locum Alexandri de-  
functi, Episcopum, tunc „omnis multitudo & omnis  
„populus Catholicae Ecclesiae, tanquam ex una anima  
„& corpore convenientes, vociferabantur, clamabant  
„perentes Athanasium Episcopum Ecclesiae: hoc pre-  
„cabantur publicè à Christo, & hoc *nos* adjurabant fa-  
„cere, per multos dies & noctes, ipsi neque ab Ec-  
„clesia discedentes, neque *nos* sinentes abire: hujus  
„rei nos testes sumus, hujus & urbs universa, & Pro-  
„vincia. „*Vita S. Athanasii in nova Ed. ejus Ope-  
rum.*

Liquet ergo, Synodum Episcoporum tunc habitam  
L 2 fuisse



fuisse ad celebrandam Episcopi ordinationem, & populum præviè suum testimonium de eligendo tulisse; ac juxta populi postulationem ab Episcopis electum ac ordinatum fuisse Athanasium.

IX. At si populus tumultuosè, aut passione aliqua præventus, vel ignorantia seductus inidoneum, aut minùs convenientem postulasset, eum Episcopi rejicere poterant & debebant; atque de hoc casu scribit Cælestinus I. ad Episcopos Apuliæ & Calabriæ: "Docendus est populus, non sequendus. Nosque (si nefciunt) eos, quid liceat, quidve non liceat, commotione, non his consensum præbere debemus." *Epist. 3. cap. 3. Et apud Gratianum Dist. 62. Can. 2.*

X. Quinimò interdum, ubi persona aliqua Divino indicio ad regimen Ecclesiæ videbatur vocata, etiam sine plebis consensu Metropolitanus cum Episcopis suffraganeis Episcopum ordinabant: ait enim Cyprianus ad Clerum & plebem suam scribens: "In ordinandis Clericis, fratres charissimi, solemus vos ante consulere, & mores ac merita singulorum communi consilio ponderare; sed expectanda non sunt testimonia humana, cum præcedunt divina suffragia."

XI. Neque etiam eo tempore electio illa plebis juxta aliquod ad rem dabat ipsi Electo, sed potius erat simplex postulatio ipsius Plebis & Cleri de persona sibi grata ordinanda in suum Pastorem.

Quia tamen voluntati desiderioque populi non consentire difficile erat; atque invitis ac reluctantibus Pastorem dare infaustos non raro pariebat effectus, hinc multum solliciti erant Episcopi, ut ritè populus instrueretur, atque ad postulandum idoneum induceretur.

XII. Quapropter durante hac disciplinâ, Metropolitanus mox ut aliquam in sua Provincia Ecclesiam suo viduatum Episcopo intellexerat, Episcopum Visitatorem ad viduatam Ecclesiam destinabat, qui populi Clerique animos ad concordem ac Canonicam digni Præfatis electionem faciendam diserneret; cujus Visitatoris frequens mentio occurrit in Epistolis S. Gregorii, ac signanter *lib. 2. epist. 19.* ad Benenatum Visitatorem Ecclesiæ Cumanae; ubi quæ ejus sint munia latè describit; quæ omnia allegata tum in epistola Hincmari ad Hedenolphum Laudunensem, tum in ejusdem ad Clerum & plebem Bellovacensem; atque in allocutione Visitatoris Episcopi ad Clerum & plebem electionis causâ congregatam, etiam exprimuntur; atque eam disciplinam seculo 9. & in hisce partibus conservatam evincunt. Habentur in dicto tomo 8. Conciliorum *col. 1867. & seqq.*

XIII. Illud notandum, quòd in epistola Hincmari Archiepiscopi Remensis ad Clerum & plebem Bellovacensem, postquam de pluribus in electione servandis eos instruxit; qualitatesque eligendi exposuit; subdit: "Hujusmodi autem, quantum Dominus dederit, ipso cooperante Electum cum Visitatore vestro, præsentem scilicet confratrem nostro, & cum Decreto Canonico, ad humilitatis nostræ sollicitudinem examinandum adducite: quia, ut longè ante nos dictum est, non est facile dimittendus, cui est proximus committendus. Prænoscere vos denique volo, quia si personam à Sacris Canonibus deviam scienter nobis adduxeritis, non solum ex ea Pontificem non habebitis, verum etiam pro illicita electione, ut Contemptores Canonum, judicium incurretis. Sed & nostro & Coepiscoporum nostrorum judicio refutatâ rationabiliter electione vestrà incongruâ, talem secundum Laodicensis Canones studebimus eligere, qui vestris vitiosis voluntatibus non valeat consentire. Hæc ostendunt, Metropolitanum & Episcopos Comprovinciales non ita fuisse electione populi & Cleri constrictos, quin eam ex causâ legitima rejicere possent.

Electio itaque peractâ *Decretum Canonicum Electionis*, Clericorum, Monachorum ac Laicorum sub-

scriptione munitum, conscribatur; illudque Metropolitanus offerentes, Electum in Episcopum suæ Ecclesiæ ordinari postulabant. Plures hujusmodi *Decreti* formulæ extant *Tomo 8. Conciliorum.*

XIV. Hoc decreto accepto, Metropolitanus convocatis suæ Provinciæ Episcopis tum Electionis formam, tum qualitates Electi examinabat; quæ si examine instituto Canonica reperiebantur, Electum cum consensu Episcoporum suæ Provinciæ in Episcopum consecrabat: atque cum Canonicis litteris, quibus novus Episcopus de suo officio instruebatur, ad Ecclesiam sibi commissam mittebat. Exemplar tam dicti examinis, quàm litterarum Canonicarum extat in allegato tomo 8. Conciliorum; atque in illis plura occurrunt, quæ ad notitiam disciplinæ illius temporis conducere possunt.

XV. Quandoquidem Hincmarus Archiepiscopus Rhemensis in Epistola ad Clerum & plebem Bellovacensem seculo ix. scribat, penes Metropolitanum, & Coepiscopos esse auctoritatem refutandi & rejiciendi electionem, si persona electa judicetur indigna; atque eo casu penes ipsos sit potestas aliam personam dignam eligendi juxta *Canones Laodicensis*; nequaquam obscurum est, etiam eo tempore non solum Metropolitani, sed & aliorum comprovincialium Episcoporum judicio, formam electionis, ipsamque personam electam fuisse submissam.

Constat enim per *Canonem XII.* Laodicensem, electionem Episcoporum ad judicium Metropolitanum & Coepiscoporum comprovincialium fuisse remissam; & ipse Hincmarus in citata Epistola expresse monet Clerum, plebemque Bellovacensem, quòd, si personam à SS. Canonibus deviam elegerint & adduxerint, non solum illam personam electam in Pontificem non sint habituri, sed quòd suo & Coepiscoporum suorum judicio, refutatâ rationabiliter eorum electione incongruâ, talem secundum *Canonem Laodicensem* eligant, qui vestris, ait, vitiosis voluntatibus non valeat consentire.

Itaque non nisi posterioribus seculis, ac signanter post vulgatas & receptas Gregorii IX. & sequentium Pontificum Decretales, jus confirmandi electum ad solum Metropolitanum fuisse translatum constat; hoc autem ob difficultatem congregandi Episcopos comprovinciales sensim inductum & receptum fuisse credit De Marca, de *Concord. Sacerdotii & Imperii*, *lib. 8. cap. 8.*

Insuper ex prædicta epistola Hincmari, necnon ex relatis ex diurno Romanorum Pontificum in notis ad num. 5. intelligimus Laicos, eâ ætate nondum fuisse ab electione Episcoporum omnino exclusos, neque Hincmarum tamen Canonum scientiâ instructissimum existimasse, per *Canones Laodicensis* Laicos ab electione Episcoporum planè fuisse submotos.

## CAPUT II.

Quomodo Electio Episcoporum ad Capitula Cathedralia sit devoluta, & unâ de Concordatis Germaniæ.

1. *Seculo 11. Electio adhuc erat penes populum & Clerum.*
2. *Seculo 12. capit transire ad Capitula Cathedralia.*
3. *Occasio quâ Electio Episcoporum ad Capitula Cathedralia devoluta sit.*
4. *Seculo 13. penes Capitula Cathedralia erat Electio Episcopi exclusis etiam Suffraganeis.*
5. *Per reservationes Pontificias jus illud Capitulis fuit ademption.*
6. *Reservationes illæ non ubique fuerunt receptæ.*
7. *In Concilio Constantiensis contra dictas Reservationes tractari capit.*



8. *Decretum Concilii Basileensis contra dictas Reservationes Sanctione Pragmatica Regis Gallia probatum.*
9. *Urgentibus Pontificibus Romanis Pragmatica Sanctio quodammodo abolita fuit.*
10. *Sanctio Pragmatica Caroli VII. Francorum Regis hodie salva manet, exceptis articulis, quibus expresse per Concordata fuit derogatum.*
11. *Pro restituendis Electionibus inita sunt Concordata inter Romanum Pontificem & Principes Germaniae.*
12. *Quid in his Concordatis contineatur quoad Electiones?*
13. *Concordata haec concernunt duntaxat illos qui sunt sub Imperio.*
14. *Non extendunt se in Brabantiam exceptis paucis civitatibus.*
15. *Ad quas Belgii civitates se extendant Concordata Germaniae?*
16. *Hae Concordata tantum obligant illos qui ea acceptarunt.*
17. *Beneficia extra fines Imperii sita non subjacent Concordatis, licet Collatores sint sub Imperio.*
18. *Solae Ecclesiae Nationis Germanicae jus Electionis conservant.*

I. CLERUM ac populum electionibus Episcoporum in Ecclesiis Occidentalibus adhuc seculo undecimo intervenisse, testantur epistolae Gregorii VII. ac signanter lib. 1. *epist.* 35. lib. 5. *epist.* 8. in qua postrema inter plura contra Episcopum Aurelianensem allegata recenset: "Dicitur siquidem legitimam aetatem non habens contra Decreta Sanctorum Patrum, sine idonea Cleri & populi electione Ecclesiam invasisse."

II. Quin & seculo duodecimo electiones Episcoporum Cabilonenfis & Gebennensis adhuc peractas fuisse cum consensu populi, non obscure innuit S. Bernardus *epist.* 13. & 27. tamen fatendum sit, seculo illo coepisse electiones Episcoporum a populo & Clero transire & transferri ad Capitula Cathedralia, tanquam Clerum totius Diocesis repraesentantia, atque unum cum suo Episcopo Corpus & Collegium constituentia.

III. Quamvis multis seculis, praesertim in Ecclesia Latina, ad electionem Episcopi populus una cum Clero concurrerit, certum tamen est, Clerum in hac electione praecipuas semper partes habuisse.

Cum enim Presbyteri & Diaconi, alique inferiores Clerici unum semper constituerint Collegium, cui Episcopus praesidebat, tanquam Collegii istius caput; justum ac naturale apparuit, ut hi, qui Collegium constituiebant, a suo Collegio eligerent, qui Collegio praesidere deberet.

Hinc & illud S. Hieronymi in *epist.* ad Evagrium apud Gratianum *Dist.* 93. *Can.* 24. legimus "Alexandriae a Marco Evangelista usque ad Heracleum & Dionysium Episcopos, Presbyteri semper unum ex se electum in excellentiori loco collocatum Episcopum nominabant; quomodo si exercitus sibi Imperatorem faciat, aut Diaconi eligant de se, quem inditium noverint & Archidiaconum nuncupent."

Postquam igitur ad Capitula Cathedralia pristini Cleri, seu Presbyterii auctoritas sensim fuit devoluta; & creditum fuit Capitula Cathedralia unum cum Episcopo, ut capite, corpus constituere, mirum non est quod & electio Episcopi ad illa sensim fuerit devoluta: quantumvis fatendum sit, a forma electionis ab Apostolica Traditione descendente, & per plura secula conservata, per hanc devolutionem ad Capitula Cathedralia, excluso reliquo Clero & populo, multum fuisse recessum, uti capite praecedenti constare potest.

Admodum itaque verisimile est jus hoc electionis ad Capitula Cathedralia demum transiisse, postquam

jus Cleri Romani in electione Romani Episcopi ad solos Cardinales translatum fuit; quod contigisse sub Alexandro III. id est, sub finem seculi XII. notat in hujus Pontificis vita, Onuphrius.

Relato enim diuturno schismate, quod fuit sub hoc Pontifice, ait: "Ex hujus rei occasione, Clero ac populo omnino a Pontificis electione exclusis, ea ad Cardinales solos tum primum redacta fuit."

Dum igitur ad solos Cardinales, excluso reliquo Clero, electio Romani Episcopi tandem transiit; ipsique considerari coeperunt tanquam unum cum Romano Episcopo Corpus seu Collegium constituentes, & ipsum Romanam Ecclesiam Clerum & Presbyterium repraesentantes, sensim creditum fuit, Canonicos Cathedralia, tanquam Cathedrae Episcopali propius adherentes, posse considerari tanquam unum cum Episcopo corpus constituentes & Clerum, sive Presbyterium Ecclesiae repraesentantes: atque ita jus electionis, aliaque jura Cleri, sive Presbyterii ad solos Canonicos Cathedralia, seu Capitula Cathedralia transiisse.

Id autem demum contigisse post tempora Alexandri III. vel inde colligitur, quod de hac repraesentatione, vel juribus Capitulorum Cathedralium, nihil simile in pristinis Canonibus, imò nec in Decreto Gratiani occurrat, sed simpliciter jus electionis Clero deferatur, asseraturque Episcopum debere majora Ecclesiae negotia cum consensu sui Cleri absolvere.

Nec scitur ante Innocentium III. haec Capitulorum Cathedralium jura fuisse stabilita. Legitur enim hunc Pontificem per suas Decretales respondisse, Episcopum cum Canonicis Cathedralibus, tanquam Fratribus suis unum corpus constituere; atque cum consensu vel consilio eorum (nulla Cleri facta mentione) negotia Ecclesiae debere tractare.

Hae verò Decretales per Gregorium IX. in collectionem Decretalium relatae in *cap.* 4. & 5. *De his qui sunt a Praelato sine consensu Capituli*, &c. pro jure communi receptae sunt in Italia.

Tandem creditum fuit non tantum jus electionis, sed & cetera jura Cleri ad Capitula Cathedralia tanquam Clerum repraesentantia transiisse.

Quapropter & creditum est, quod Episcopi, dum negotia Ecclesiae peragunt cum consilio vel consensu Capituli, censeantur ea pertractare, & absolvere juxta Canones cum consilio vel consensu sui Cleri.

Hanc indubie inductam sensim disciplinam praec oculis habuere Patres Concilii Tridentini *sess.* 24. *cap.* 12. *de Reform.* dum dixerunt, Canonicos Cathedralia constituit Senatum Ecclesiae, quem SS. Patres ac signanter S. Ignatius per integrum Clerum constitui jam pridem dixere.

Illud ambigi nequit, quin per eam devolutionem jurium Cleri ad solos Canonicos Cathedralia, quasi Clerum repraesentantes, a mente ac spiritu Canonum plurimum sit recessum.

Certum quippe est quod Ecclesia, dum voluit, ut Episcopi negotia Ecclesiae cum consilio & consensu Cleri tractarent, una voluerit, ut negotia regimen spirituale & animarum salutem spectantia plurimum consilio tractarentur, praecipue eorum, quibus perspectum esset, quid huic spirituali regimini animarum esset convenientius, & magis necessarium.

Praeterea negari nequit, quin de his instructiores merito supponantur, & habeantur, qui una cum Episcopo in hoc spirituali animarum regimine laborant, uti sunt praeter reliquis Pastores, sive Curata Beneficia possidentes, necnon Archipresbyteri ac similes curam animarum sustinentes.

Et quidem dum juxta Canones Episcopi una cum suo Clero negotia tractabant & absolvebant, Decretaque & Ordinationes pro regimine Ecclesiae formabant, & emittebant, ea reputabantur quasi Synodice acta.

Quid enim proprie est Synodus Diocesana, nisi con-

conventus constans ex Episcopo & Clero suæ Diœcesis, præsertim eorum de Clero, qui unâ cum ipso curam animarum sustinent.

IV. Circa initium seculi decimi tertii jus Capitulum Cathedralium circa electiones Episcoporum, planè fuisse stabilitum, colligitur ex epistolis ac responsis Innocentii III. & sequentium Pontificum, quæ Decretalibus Gregorii IX. sunt inserta; adeo quidem ut cùm Canonici Strigoniensis Ecclesiæ Colocensem Archiepiscopum sibi dari in Episcopum ab Innocentio III. postulassent; ac Suffraganei Episcopi prætenderent, eam postulationem non debuissè fieri nisi ipsis consultis, ut qui solerent electioni Strigoniensis Archiepiscopi interesse cum Capitulo; respondit Innocentius Præposito & Capitulo Strigoniensi: "Vobis dedimus in mandatis, ut ad promovendum vobis Pastorem idoneum per electionem Canonicam vel postulationem concordem (requisito Suffraganeorum assensu, si esset de antiqua & approbata consuetudine requirendus), procedere curaretis, alioquin nos ipsi provideremus Ecclesiæ viduatæ." *Cap. 4. de postulat. Prælat.*

Itaque jus electionis tempore Innocentii III. ita privativè spectabat ad Canonicos Cathedralis; ut ne ipsi quidem Suffraganei Episcopi ad electionem sui Metropolitanam cum Capitulo concurrerent; imò nec ipsorum assensus requirendus, nisi esset assensus de antiqua & approbata consuetudine requirendus.

V. "Duravit (ait Barbosa *Lib. 1. Juris Eccles. cap. 8.*) hujusmodi potestas eligendi Episcopum in Capitulis & Canonicis usque ad tempora Bonifacii VIII. & Clementis V. ut constat ex titulis *De Electione in Sexto & Clementinis.*

"Primum Cathedralis Ecclesiæ, quæ apud Romanam tantum Curiam vacare contigissent, suæ dispositioni (inquit Barbosa dicto loco) reservare cepit Clemens V. in *Extrav. Et si in temporalium de præbendis in Comm.* Deinde verò idem Clemens V. Iearum quoque Ecclesiarum provisionem, quæ Clero & populo Christiano careret, Romani Pontificis dispositioni reservavit, in *Clem. in Plerisque de Elect.* Postea Benedictus IX. in *Extravag. Sancta Romana de Elect. inter Comm.* statuit, quatuor Patriarchalibus Ecclesiis vacantibus, illis non posse provideri, Romano Pontifice inconsulto. Hinc Joannes XXII. in *Extravag. Ex debito eodem Tit. de Elect. inter Comm.* provisioni suæ reservavit Episcopales, & earum superiores Sedes, quæ apud Sedem illo vivente vacare contingerint. At Benedictus XII. in *Extravag. Ad regimen de præbendis inter Comm.* dispositioni Apostolicæ reservavit omnes Parochiales, Archiepiscopales, & Episcopales Ecclesiæ, &c. tunc apud Sedem Apostolicam quomodocumque vacantes, & imposterum vacaturas. Denique per sequentes Romanos Pontifices reservatio facta fuit simpliciter & generaliter quoad omnes Ecclesiæ Episcopales tam apud Sedem Apostolicam, quam extra Curiam vacantes in *Regula 2. Cancellariæ.*

Per has reservationes ad nihilum redactum esse jus eligendi Prælatum, quod habebant Capitula Cathedralia & Collegiata, etiam post alios Canonistas observat Fagnanus ad *cap. Nullus de Electionib.*

VI. Verùm reservationes illæ non ubique receptæ fuerunt aut probatæ, renitentibus tum Episcopis, Capitulis & Patronis, quibus jus eligendi, conferendi & præsentandi penè omne per has adimebatur; tum etiam Regibus & Principibus Vassallorum suorum atque Subditorum jura tuentibus; quippè qui malebant penes Capitula aliosque sibi subditos esse jus electionis, quam penes Pontifices.

Nec enim metuebant Principes, ne manente electione apud Capitula sibi subdita, facilè aliquis sibi non

gratus, aut in sui Regni negotiis suspectus ad Prælatum eligeretur; quod è contra manente apud Pontifices provisione, semetipsum per promotionem extraneorum dicebant.

VII. Et quidem in Concilio Constantiensi, Prælati, præsertim Regni Galliæ instanter petierunt, ut *jus Electionis* per reservationes quodammodò extinctum restitueretur iis, quibus de jure communi competit. Sed Concilium hoc unice penè occupatum & intentum extinguendo schismati, quod per plures annos Ecclesiam sciderat, & afflixerat; hunc articulum de *reservationibus Sedis Apostolicæ*; item de *collationibus Beneficiorum & gratiis expectativis*; item de *confirmationibus Electionum*, futuro Romano Pontifici per Concilium eligendo commisit; ut super illo unâ cum Concilio aut Deputatis ex qualibet Natione, secundum æquitatem ac bonum Ecclesiæ regimen ante dissolutionem Concilii provideret.

VIII. Cùm verò Martinus V. à Concilio Constantiensi electus nihil super his articulis statuisset, rursus in Concilio Basileensi institerunt Patres ac præcipuè Ecclesiæ Gallicanæ pro abrogatione reservationum, atque restitutione Canoniarum electionum; actandem *Sess. 23.* hoc editum fuit Decretum, quod & in Conventu Bituricensi Cleri ac Procerum Regni Gallicani probatum, auctoritate Caroli VII. Galliarum Regis cum aliis pluribus articulis parim ad verbum, parum cum aliqua moderatione ex Synodo Basileensi desumptis, probatum & evulgatum est sub nomine ac titulo *Præagmatica Sanctionis*. "Sancta Synodus in Spiritu Sancto congregata statuit & definivit, generalem reservationem omnium Ecclesiarum Metropolitanarum, Cathedralium, Collegiarum, & Monasteriorum, ac Dignitatum electivarum, per Romanum Pontificem de cætero fieri, aut factis uti non debere, reservationibus in corpore juris clausis, & his quas in terris Romanæ Ecclesiæ ratione directi seu utilis domini mediâtè vel immediâtè subjectis fieri contigerit, semper exceptis: sed quod per electiones & confirmationes Canonicas, secundum juris communis dispositionem, prædictis Metropolitanis, Cathedralibus, Monasteriis, & Collegiatis Ecclesiis, ac Dignitatibus Electivis vacantibus, debere provideatur: non derogando propterea statutis privilegiis & consuetudinibus rationabilibus, quibusque postulationibus in dispositione juris communis remanentibus. Decernitque hæc Sancta Synodus rationi fore consentaneum & Reipublicæ accommodum, ut contra hoc salutare Decretum Romanus Pontifex nihil attentet, nisi ex magna rationabili ac evidenti causa, in litteris Apostolicis nominarim exprimenda. Et ut eò firmitus hoc salubre Decretum custodiatur, vult eadem Sancta Synodus, ut inter alia, quæ Romanus Pontifex in sua assumptione profitebitur, juret Decretum hoc inviolabiliter observare. Et quoniam tales (ut prædictum est) oportet esse Prælatos, hi, ad quos jus pertinet eligendi, omnem curam adhibeant ut dignam coram Deo & hominibus electionem faciant, exactamque proinde apponant sollicitudinem, ut tales eligant, qui tanto officio valeant satisfacere; scientes quod si vel dolosè vel negligenter ac timore Domini postposito in re tam gravi se gesserint, sicut auctores erunt & causa malorum Pastorum, ita participes fient poenarum, quas ipsi mali Pastores in districto Dei judicio patientur."

IX. Hoc igitur Decreto electio Episcoporum Capitulis Cathedralibus restituta fuit; atque Reservationes magna ex parte abolitæ ac multum limitatæ. Sed cùm in hac Pragmatica Sanctione non tantum electiones Capitulis restituerentur, ac Reservationes Pontificiæ abolerentur; verùm & confirmationes Prælatorum inferioribus & Ordinariis reservarentur, aliaque plura præjudiciosa Sedi Apostolicæ in illa occurrere videntur,

rentur, Pius II. anno 1458. ad Pontificatum assumptus, alique ejus Successores apud Reges Gallie vehementer pro ejus abrogatione insisterunt; sed quia Prælati, Parlamenta Regia, atque Parisiensis Universitas ejus observantiam ac necessitatem ex adverso vehementer urgerent, contigit, ut per quinquaginta & amplius annos super hac re certatum sit, (ut in historia Pragmaticæ & Concordatorum videri potest) donec tandem anno 1516. initis Concordatis inter Leonem X. & Franciscum I. res tota sopita fuit, atque iterum electiones abrogatæ, nominatione Episcoporum ipsi Regi, confirmatione vero Pontifici delata, ut in capitulis quæ subsequuntur, laus exponitur.

X. Historia Pragmaticæ Sanctionis Caroli VII. Regis Francorum, ad quam superius lector remittitur, latine extat in Appendice Monumentorum ad calcem hujus Pragmaticæ Sanctionis cum Glossis Cosmæ Guimier &c. editionis anni 1666. cura & opera Francisci Pinfonii.

Ex hac historia liquet, quod, licet Romani Pontifices Pius II. Julius II. & Leo X. summo opere insisterint pro tali ejus abrogatione; ac tandem obtinuerint Concordata inter Leonem X. & Franciscum I. tamen totalem abrogationem obtinere non potuisse ex hac ipsa historia manifestum est; legitur enim p. 730. editionis Francisci Pinfonii, Nuntium Apostolicum obtulisse Regi Galliarum Francisco I. duos libros subsignatos, necnon plumbo sigillatos, quorum alter erat Concordatum à Concilio Lateranensi sub Leone X. comprobatorum; alter vero erat liber, actum continens *Revocationis Pragmaticæ*.

Nuntius vero expetiit à Rege utriusque actus approbationem, & publicationem in Curia Parlamenti habendam. Rex vero cum utramque Bullam recepisset, decrevit *unicam Concordatorum Bullam* publicandam; quoad revocationem vero *Pragmaticæ*, de ea nihil publicari voluit.

Insuper in eadem historia refertur pag. 735. "quod cum Curia Parisiensis rescivisset Congregationem Romanæ habitam (quæ Concilium Lateranense nuncupabatur) omnia tentasse ut Pragmaticam Sanctionem rescinderet, ex ejus Decreto Procurator Generalis provocaverit, omnium Regnicolarum nomine; quodque cum primum Pragmaticæ cassatio ad notitiam pervenisset, Curia, cum eidem appellationi adhæreret, demum provocaverit ad papam melius consultum, necnon futurum Concilium generale legitime congregandum, vel ad illum, vel ad illos, ad quem, seu quos, petendo Apostolos instantissime ab Episcopo Lingonienfi Pari Franciæ ipsi Curie præsentem.

"Atque eos quidem *Apostolos* dictus Episcopus Lingonienfis ad honorem Dei Omnipotentis, pro Ecclesiæ Gallicanæ, Regni & Reipublicæ præsidio & conservatione concessit Reverentiales, & quales de jure pro remedio opportuno secundum temporis necessitatem concedere possit & debeat; illudque amplius, Curia actum sibi authenticum confici postulari de toto processu ab Actuariis & Manucribus prædictis.

Bulla seu Decretum abrogationis Pragmaticæ Sanctionis, à quo Procurator Generalis dicitur appellasse, & Curiam ejus appellationi adhæsisse, promulgatum fuit à Leone X. *sess. xj. Concilii Lateranensis*, & integra refertur tom. 14. Concil. General.

Narratur quoque in eadem historia Pragmaticæ Sanctionis, quod ad querelam Universitatis Parisiensis super publicatione *Concordatorum* inter Leonem X. & Franciscum I. inter alia responderit Curia Parisiensis Proto-Præfres "quod licet ad Concordatorum publicationem procederetur, nullum ex ea præjudicium Academicæ Parisiensis suboriretur, necnon Curia controversias judiciales definiret secundum Pragmaticæ Decreta, ut ante publicationem consueverat.

Hinc etiamnum hodie notoria contraventio Pragmaticæ

Sanctionis locum facit in Regno Gallie appellationi tanquam *ab abusu*, uti infra *part. 3. tit. 10. cap. 4.* notatum est.

Ad hæc & hodie in Parlamenti Gallicanis causæ deciduntur conformiter ad hanc Sanctionem Pragmaticam, crediturque eam in suo mansisse vigore, exceptis solis articulis, quibus nominatim & expresse per dieta Concordata est derogatum.

XI. Neque Galli duntaxat de sublati per Reservationes juribus Ordinariorum, Capitulorum, Patronorum atque Collatorum conquesti fuere; sed eadem quoque Germanorum fuit querela; quos inter & Sedem Apostolicam pro ipsius tranquillitate inita atque conclusa est *concordia*, quæ vulgo dicitur, *Concordata Germaniæ*; & à Nicolao V. speciali Bulla, quæ incipit, *Ad sacram*, probata.

XII. In his Concordatis quoad electiones Episcoporum hæc habentur: "Placet nobis, quod in Metropolitani & Cathedralibus, etiam immediate non subiectis, Ecclesiis & Monasteriis immediate subiectis, Sedi Apostolicæ, *fiant Electiones Canonice*, quæ ad dictam Sedem deferantur. Quas etiam ad tempus Constitutionis felices record. Nicolai Papæ III. quæ incipit: *Cupientes*, expectabimus, & elapso dicto termino, si non præsentatæ, vel si præsentatæ minus Canonice fuerint, providebimus, & si Canonice fuerint, eas confirmabimus; nisi ex *rationabili & evidenti* causa, ac de dictorum Fratrum Cardinalium consilio de digniori & utiliori persona duxerimus providendum, proviso quod confirmati prædicti & per Nos provisum Metropolitanis suis & aliis præsentent debita jura, & alia ad quæ de jure tenentur.

Itaque vi horum Concordatorum, Capitulis Cathedralibus competit jus eligendi suos respective Episcopos, prout jure communi præscribitur; "exceptis tamen Cathedralibus & Metropolitanis, quas apud *Sedem Apostolicam* quocumque modo vacare contigerit; necnon quæ per mortem Cardinalium aut Officialium quorumcumque dictæ Sedis, quamdiu ipsa Officia *actualiter* tenebunt, & etiam quorumcumque Legatorum seu Collectorum, ac in terris Romanæ Ecclesiæ Rectorum & Thesaurariorum deputatorum seu missorum vacabunt, ubicumque dictos Legatos, vel Collectores seu Rectores & Thesaurarios, antequam ad Romanam Curiam redierint seu venerint, rebus eximi contigerit ab humanis; quæ omnes Sedi Apostolicæ referantur; uti & quorumlibet pro quibuscumque negotiis ad Romanam Curiam venientium, seu etiam recedentium ab eadem, si in locis à dicta Curia ultra duas dietas legales non distantibus ab hac luce transire contigerit.", Constitutio Nicolai III. ad quam textus Concordatorum remittit, refertur in *cap. 16. de elect. in 6.*

XIII. Porro *Concordata* hæc inita & conclusa per Fredericum III. Imperatorem; necnon quosdam Principes Nationis Germanicæ ex una parte, & Legatum Apostolicum sufficienti autoritate suffultum ab altera, & per Nicolaum V. confirmata, ultra Nationem Germanicam non extenduntur, nec alios, quam qui sub Imperio sunt, complectuntur.

XIV. Cum igitur Brabantie Ducatus Imperatorem pro superiore non cognoscat, nec sub Imperio comprehendatur, neque in Brabantia ullæ Leges Imperiales, Constitutiones aut Decreta locum habeant; nec hæc quoque Concordata Brabantinos concernunt; neque Beneficia in Brabantia sita unquam subiecta fuere regibus aut conditionibus in hisce Concordatis præscriptis: uti late post Wamesium *Consilio Can. 255.* ostendit Zypæus *Consult. 3. de Præbendis*; quamvis interim negari non possit, hæc Concordata Trajecti ad Mosam & Nivelles, quantumvis Ducatus Brabantie civitatibus, notorie observari: nam, uti notat Zypæus loco citato, "Proclive est credere Dominam Nivellesensem olim fundationis Imperatoris & Principum ipsius

"Impe-



„ Imperii, Imperii concordata acceptasse, & iis con-  
 „ formes fecisse collationes Præbendarum, Trajectum  
 „ porro fuit à Philippo Imperatore, Henrico II. Du-  
 „ ci beneficiario jure concessum (an. 1204.), & à  
 „ Frederico II. & Henrico ejus filio confirmatum, &  
 „ à Leodiensibus varie controversum, ut refert Divæus  
 „ in Brabantia lib. 1. cap. 11. & Kinschot tractat. 1.  
 „ cap. 2. ut quamvis à Carolo V. demum Brantiæ sit  
 „ annexum, non desierunt tamen Leodienses indivisa  
 „ ibi jura possidere. Unde nec erectis novis Belgii Epif-  
 „ copatibus inde est abscissum, ut mirum non sit, si  
 „ illa Ecclesia Cathedralis suæ mores sit imitata, cui in  
 „ spiritualibus & temporalibus non desierat subesse,  
 „ adeoque Concordata Germanica acceptaverit.

XV. Certum tamen est Concordata Germaniæ,  
 quantum ad articulum de collatione & reservatione  
 Beneficiorum non vigere, nec unquam viguisse in  
 Ducatu Brantiæ; imo neque hæc in Ecclesia Ca-  
 thedrali Antverpiensi locum habent, tamen hæc civi-  
 tas retinuerit titulum *Marchionatus S. Imperii*, quod  
 inde contigisse verosimile est, quod Dux Brantiæ  
 hæc Concordata intra terminum in Concordatis præ-  
 scriptum non acceptaverit: quæ tamen acceptatio re-  
 quirebatur.

Quod autem civitates & Ecclesias Trajectensem, &  
 Nivellensem attinet; cum hæc civitates tempore initio-  
 rum Concordatorum nondum essent totaliter ab Impe-  
 rio avulsæ & emancipatæ, acceptatio Concordatorum  
 facta per Imperatorem sufficere potuit ad introducenda  
 ibidem Concordata; uti observat celebris hujus Univer-  
 sitatis Jurisconsultus Van de Velde in suis Annotationi-  
 bus mss. ad Regulam Cancellariæ de reservatione men-  
 sum, dubio 4.

Notat & ibidem, quod Concordata hæc obtineant  
 in Ducatu Luxemburgensi, comprehenso etiam Comi-  
 tatu Chimacensi, utpote qui fuit sub Imperio usque  
 ad ejus emancipationem postmodum factam, id est post  
 tempus initiorum Concordatorum. Monet quoque in  
 civitate Thenensi haberi quidem sex menses sive alter-  
 nativam, quali gaudent Ecclesiæ his Concordatis sub-  
 jectæ.

XVI. Ulterius quia Concordata illa inita non fue-  
 runt per totam Nationem Germanicam, sed tantum  
 per Imperatorem & aliquos Principes *inclitæ Nationis  
 Germanicæ*, illa nequaquam omnes omnino Imperii  
 Principes comprehenderunt, aut obligarunt, sed eos  
 duntaxat, qui illa acceptanda duxerunt, quemadmo-  
 dum late probat Zypæus; „ Multi siquidem, ait num.  
 „ 6. per Germaniam eadem Concordata non accepta-  
 „ runt, ut Herbipolenses, Bambergenses aliique, qui  
 „ ampliora Privilegia, vel sibi forte convenientiora ob-  
 „ tinuerant.

XVII. Ad hæc notandum, quod tamen Collatores  
 hæc Concordata acceptaverint, atque subtilis compre-  
 hendantur; si tamen Beneficia ad eorum collationem  
 spectantia sita sint extra fines Imperii, in horum col-  
 latione Concordatis locum non esse.

Unde nec litteræ Maximiliani Imperatoris scriptæ  
 11. Januarii 1518. ad Leodienses; & Caroli V. ad Ca-  
 meracenses 9. Februarii 1554. quibus sub gravissimis  
 poenis injungitur, ne quem ad Beneficium quodcumque  
 admittant vigore litterarum Apostolicarum, nisi juxta  
 terminos Concordatorum, concernunt Beneficia in Bra-  
 bantia sita. Et quamvis tam Maximilianus, quam Ca-  
 rolus essent Duces Brantiæ, non tamen in hac qua-  
 litate Ducis, sed Imperatoris litteras scriptas probat  
 Zypæus; & ipse litterarum contextus ostendit.

XVIII. Ecclesiæ ergo Nationis Germanicæ, quæ  
 hæc Concordata acceptarunt, etiamnum hodie, eæque  
 penes solæ, jus Electionis conservarunt: quæ in sua Ele-  
 ctione formam præscriptam servare debent; nisi ex speciali privilegio, consuetudine, aut  
 fundatione aliquid secus obtinere probetur: cum Con-  
 cordata nullum specialem Electionis ritum aut formam

præscribant. Quæ vero forma in Electionibus sit ser-  
 vanda, infra Parte 2. dicemus. (a)

(a) Ad calcem Tomi ultimi habetur Dissertatio, quam Editor  
 hujus operis elaboravit: in ea agitur de observatione Concordato-  
 rum inter Nicolaum V. Summum Pontificem, & Fredericum III.  
 Imperatorem, initorum.

### CAPUT III.

De Imperatorum consensu ad eligendos Episcopos  
 olim requisito.

1. Ex quo Principes Fidem Catholicam susceperunt, Ele-  
 ctioni Episcoporum intenderunt.
2. Seculo 6. Episcopos de consensu Principis fuisse Ordi-  
 natos, probatur auctoritate S. Gregorii.
3. Episcopos Nominatos fuisse ab Imperatoribus, proba-  
 tur testimoniis Leonis IV. & Stephani IV.
4. Electus Pontifex Romanus consecrari non potuit ante  
 obtentum assensum Imperatoris.
5. Incertum, est quo tempore Imperatorum consensus re-  
 quiri cœperit.
6. Assensus ille post sextum seculum diu petitus est.
7. Ejus defectu Romana Ecclesia suo Pastore quandoque  
 diu viduabatur.
8. Huic incommodo ut mederetur Ravennæ Exarcha,  
 aut alter Imperatoris C. P. Legatus suum nomine  
 Principis consensum Electioni Pontificis dabat.
9. Exarcha tamen aut Legatus ad Electionem non vocabatur  
 ut ei præsideret.
10. Ut ordinaretur Electus expectari solebat consensus  
 Imperatoris aut sui Legati.
11. Imperatoris Germaniæ consensum desideravit Greg.  
 VII.
12. Dissidium investiturarum, & intentio contententium.
13. Gregorius VII. asserbat investituræ libertati Ele-  
 ctionum esse contrarias.
14. Imperator Henricus V. juri conferendarum investi-  
 turarum renunciavit.

I. Ubi Fides Christiana primum prædicari cœpit;  
 ut occulta hæc primum fuit propter metum  
 Principum Ethnorum, ita inconsultis Principibus  
 Sacerdotales Dignitates ab Episcopis, assentiente Clero,  
 populoque, uti supra exposuimus fuit, conferebantur.  
 Sed simul ac Fidem Christianam susceperunt Principes,  
 & Reges, continuo & ipsi cœperunt curam, & auto-  
 ritatem adhibere; non quidem ut ad se plenum jus con-  
 ferendi, aut nominandi avocarent (nam illud etiam  
 aliquot seculis post Constantini ad Fidem Christianam  
 conversionem penes Episcopos, Clerum, populumque  
 mansit) sed quo providerent, ut Sacerdotia rite ac  
 canonice conferrentur; nec quisquam indignus, aut  
 qui Ecclesiæ aut Reipublicæ Statum ac pacem turbaret,  
 intruderetur; ideoque & sine suo assensu consecrari aut  
 confirmari Electos Episcopos ægre sinebant.

Unde recte notat Christianus Lupus in dissertatione  
*De Regia Nominatione* tomo 3. Scholiorum præfixa,  
 cap. 6. Imperatorum consensum electioni dandum,  
 esse antiquum, & à Romana etiam Ecclesia probatum,  
 aut certe toleratum. „ Etenim, pergit Lupus, Euse-  
 „ bianæ factionis Antiochena Synodus, dum ejusdem  
 „ Civitatis Patriarcham S. Eustachium dejecit, electum  
 „ à se Eusebium Cæsariensem Constantino Augusto  
 „ obtulit, & petiit confirmari; factamque de illo ele-  
 „ ctionem, quod Canon Apostolicus & Nicæna Syno-  
 „ dus vetarent translationes, Princeps cassavit. Ita in  
 „ hujus vita scribit ipse Eusebius; & Hermias Sozome-  
 „ nus. „ Hæc ille; qui ibidem plura refert, quibus  
 ostenditur jam seculo quarto Principes Electioni Epif-  
 coporum se immiscuisse.

II. Ut ad recentiora veniamus; S. Gregorius seculo  
 6. scribit Joanni primæ Justinianæ Illlyrici Episcopo:  
 „ Quia

" Quia suscepta Fratrum & Coepiscoporum nostro-  
rum relatio, ad locum vos Sacerdotii totius Concilii  
unito consensu, & *Serenissimi Principis voluntate* de-  
clarat accersiri, gratias Omnipotenti Deo Creatori  
nostro magna cum exultatione retulimus. " *Lib. 4.*  
*Epist. 8. apud Gratianum Dist. 63. can. 9.*

III. Et apud Gratianum eadem distinctione *can. 16.*  
scribit Leo IV. pro Colono Reatinæ Ecclesiæ Electo ad  
Lotharium Augustum ac Ludovicum ejus filium:  
" Vestram mansuetudinem deprecamur, quatenus Co-  
lono humili Diacono eandem Ecclesiam (scilicet  
Reatinam) ad regendum concedere dignemini, ut *Ves-*  
*trâ licentiâ acceptâ*, ibidem eum, Deo adjuvante,  
consecrare valeamus Episcopum. Sin autem in præ-  
dicta Ecclesia nolueritis ut præficiatur Episcopus, Tus-  
culanam Ecclesiam, quæ viduata existit, illi *Vestra*  
*Serenitas dignetur concedere*, ut à nostro Præsulatu  
consecratus, Deo Omnipotenti, Vestroque Imperio  
grates peragere valeat.

Similis est Epistola Stephani IV. ad Guidonem Co-  
mitem quam ibidem *can. 18.* retulit Gratianus; ad  
quam respexisse videtur S. Ivo Carnotensis in Epistola  
ad Hugonem Lugdunensem Primatem, in qua scribit:  
" Post Canonicam Electionem Reges Apostolicâ aucto-  
ritate à concessionem Episcopatum prohibitos minimè  
videmus. Legimus enim sanctæ recordationis sum-  
mos Pontifices aliquando apud Reges pro Electis Ec-  
clesiarum, ut eis ab *ipsis Regibus* concederentur Epil-  
copatus, ad quos Electi erant, intercessisse; aliquo-  
rum, quia *concessionem Regum* nondum consecuti fue-  
rant, consecrationes distulisse.

IV. Jam pridem obtinuisse, ut ad Episcopatum ele-  
cti per Clerum & populum, in Episcopos consecrari  
non possent, priusquam consensus Principis haberetur,  
observant Historici & Canonistæ.

Cùm autem Imperator in Urbe Roma summum ob-  
tineret Imperium, jam pridem quoque obtinuit, ut  
electus in Episcopum Romanum ordinari non posset,  
priusquam consensus Imperatoris accessisset, & in per-  
sonam electam consensisset.

Et quidem Platina tanquam singulare notat in vita  
Pelagii II. quòd propter obsidionem urbis Romanæ à  
Longobardis, Pelagius *in iussu* Imperatoris, tum Pon-  
tifex creatus sit, quia extra obsessam ab hoste Urbem  
mitti quispiam non posset. " Nil (inquit) tum à Cle-  
ro in eligendo Pontifice actum erat, nisi ejus electio-  
nem Imperator approbasset. " additque Platina, quòd  
ad placandum Imperatorem missus fuerit Constantino-  
polim Gregorius Diaconus, qui ipsi Pelagio postmo-  
dum successit sub nomine Gregorii II.

V. Quo tempore iste Imperatoris consensus requiri  
cœperit, incertum est. Arbitratur Onuphrius Panvi-  
nus in notis ad Platinam, tempore Justiniani Impera-  
toris hunc morem fuisse inductum, ut electus à Clero  
& populo Romano in Episcopum Romanum ordinari  
non posset, neque electus administrationem Pontifica-  
tus suscipere, antequam consensus Imperatoris accessisset:  
" ut Imperator (ait Onuphrius) certus esset de  
conditionibus novi Pontificis, cujus maxima tum au-  
toritas esse cœperat, Imperatoribus præsertim Ita-  
liâ absentibus.

Quidquid sit de hac Onuphrii annotatione, id satis  
constat morem hunc à tempore Justiniani pluribus se-  
culis fuisse usitatum.

Et quidem habetur ex Joanne Diacono in vita S.  
Gregorii, quòd cùm invitus per Clerum & populum  
in locum Pelagii II. esset electus: " Ipse intelligens se  
esse electum, *omni modo* tentavit prævenire Princi-  
pem, ut electionem de se factam non approbaret,  
atque ita ordinationem declinaret. " Evidens argu-  
mentum; existimasse Gregorium electionem de se fa-  
ctam, suo frustrandam effectum, si Principis non ac-  
cederet assensus.

VI. Hunc Principis sive Imperatoris assensum diu  
*Tom. I.*

etiam post tempora S. Gregorii necessarium fuisse,  
evincit Liber diurnus RR. Pontificum per Garnerium  
& Societate Jesu Presbyterum nuper editus ac notis &  
observationibus illustratus.

In hoc Libro refertur *cap. 2. tit. 3.* formula relatio-  
nis de electione Pontificis ad Principem: in qua expo-  
nunt electores, " quòd in electionem venerabilis Apo-  
stolicæ Sedis Archidiaconi, omnium, Deo volente,  
declinaverit assensus.

Post hæc supplicant Principi, ut " Dominorum  
pietas servorum suorum obsecrationes dignanter  
exaudiat, & concessa pietatis suæ iussione petentium  
desideria, pro mercede Imperii sui ad effectum, de  
ordinatione ipsius præcipiat pervenire.

Ex toto hujus formulæ contextu manifestum est,  
hanc supplicationem esse libellum, quo approbatio  
electionis à Principe expetebatur.

Unde & summarium hujus tituli ita expressit Gar-  
nerius: *De electione, quæ mox referebatur ad Principem,*  
*id est Constantinopolitanum Imperatorem, postulabatur-*  
*que electionis approbatio.*

VII. Verùm ob hanc habendi Imperatoris Constan-  
tinopoli residentis consensus necessitatem, plerumque  
multo tempore Romana Ecclesia suo viduata manebat  
Pastore.

Et quidem Daniel Papebrochius in vita Benedicti II.  
in suo Conatu Chronologico observat, causam lon-  
gioris moræ, quæ deprehenditur intercessisse inter  
electionem & ordinationem hujus Pontificis, necnon  
Leonis II. immediati hujus Benedicti prædecessoris,  
in hanc obtinendi Imperatoris consensus necessitatem  
esse refundendam.

VIII. Ut autem occurreretur his incommodis, quæ  
ex mora diuturnæ vacationis proveniebant, contigit  
ut Imperatores nonnunquam electionis confirmandæ  
autoritatem Exarchæ suo Ravennæ residenti, & nego-  
tia Italiæ, nomine Imperatoris administranti commit-  
terent, ut à Constantino Imperatore ad instantiam Be-  
nedicti II. factum credit Papebrochius loco citato.

Idipsum probat allegatus liber diurnus Romanorum  
Pontificum, in quo inter alia *cap. 2. tit. 4.* existat for-  
mula precum, sive supplicationis Cleri & Populi ad  
Exarcham Ravennæ, cujus hoc est summarium per Gar-  
nerium huic supplicationi præpositum: *Referrebatur*  
*etiam ad Exarcham Ravennæ, ut electionem VEL NO-*  
*MINE PRINCIPIS CONFIRMAT, vel confirman-*  
*dam curet.*

Ex pluribus autem circumstantiis probat ibidem Gar-  
nerius, prædictas preces, sive supplicationem pertinere  
ad electionem Gregorii II. quæ contigit sub initium  
seculi VIII.

Quæ hætenus notata sunt, evincunt quidem ad  
consecrationem electi in Romanum Episcopum procedi  
non potuisse, nisi electio ab Imperatore, vel ejus no-  
mine, per Exarcham esset probata: sed præviæ ad ele-  
ctionem necessarium fuisse Principis consensum, aut  
ejus Missos, sive Legatos ad electionem debuisse vo-  
cari non constat.

IX. Quin & legitur apud Anastasium Bibliotheca-  
rium in vita Hadriani II. & ex ipso apud Gratianum  
*Dist. 63. Can. 29.* " Cùm *Hadrianus II. ad Romanum*  
*Pontificatum* ab Ecclesia Dei Genitricis Dominiæ no-  
stræ quæ dicitur *ad Præsepe*, traheretur ad Larora-  
nense Patriarchium, certatim à Clero & Proceribus  
& plebe deportatus est: quod audientes *Missi* Ludo-  
vici Imperatoris, molestè tulerunt, indignati scili-  
cet, quòd dum præsentibus essent, non fuerunt invi-  
tati, nec optatæ à se futuri Præsulis electioni interesse  
meruerunt: qui acceptâ ratione, quòd non causâ  
contentus Augusti, sed futuri temporis prospectu  
commissum hoc fuerit, (ne videlicet Legatos Princi-  
pum in electione Romanorum Præsulum expectandi  
mos per hujusmodi fomitem inolefceret) " omnem in-  
ordinationem medullitus sedaverunt, & ad statuerandum  
M

" ele-

„ electum etiam ipsi humiliter acceperunt.

Post enarratam electionem Hadriani II. & datam satisfactionem *Missis* Imperatoris subditur: „ Denique omnes hunc certatim coram iisdem Legatis rapere & ad summum Pontificatus apicem provehendum trahere, ac anxie nitebantur portare, nisi blanditiis Senatorum & consilii aliquantulum sedari fuissent. Quorum omnium unanimis desiderium audiens Ludovicus Christianissimus Imperator, cognoscens etiam, qualiter in eo Decretum suum suis subscriptionibus roboraverunt, gavisus est.

Scripsit & Imperator epistolam ad Romanos, quâ ipsos laudavit, quod talem Pontificem unanimiter elegerint.

Ex his patet Romanos præfuisse *Missis* Imperatoris, tamen in Urbe præfentes, ad electionem non debuissent vocari, neque eorum adventum esse expectandum, priusquam ad electionem procedatur.

Constat & ex his actis, quod populus voluerit etiam mox à facta electione, sine Imperatoris consensu ad consecrationem electi procedi, sed Senatorum blanditiis & consilii aliquantulum fuerit sedatus, & consecratio electi dilata.

X. Itaque etiam eo tempore persuasum erat Romanis Senatoribus ad electi ordinationem non esse procedendum, priusquam haberetur Imperatoris assensus.

Verum nec id negari potest, quin hoc Populi Romani propositum & desiderium, ut non expectato Imperatoris assensu electus mox ordinaretur (ut in actis legitur) necnon eorum ad querelas *Missorum* Principis responsum innuant, Romanos tum temporis cepisse aspirare ad excutiendam necessitatem expectandi consensum Imperialem prævidere ad consecrationem electi.

Id ipsum Romanorum desiderium & studium insinuant, quæ ex Sigonio refert Daniel Papebrochius in vita hujus Pontificis Hadriani II. quod „ sub Ludovico filio Carolo Crasso difficilibus bellis occupato, Hadrianus, compellentibus Romanis, ediderit Decretum pro libertate Romanorum; ut Pontifex designatus consecrari sine præsentia Regis aut Legatorum ejus possit.

Atque hinc non sine fundamento supponit Papebrochius aliquandiu Pontificem non tantum electionem, sed & consecrationem liberam habuisse Romanos, quod non obscure probat Concilium Ravennatense habitum anno 904. sub Joanne IX. ubi imprimis *Can. 1.* deplorat Pontifex, quod *S. R. Ecclesia plurimas patiatur violentias, Pontifice obente, quæ ob hoc inferuntur, quia absque Imperatoris notitia, & suorum Legatorum præsentia, Pontificis fit consecratio, nec canonico ritu & consuetudine ab Imperatore directi interfunt Nuntii, qui violentiam & SCANDALA IN EJUS CONSECRATIONE NON PERMITTANT FIERI.*

His incommodis ut occurratur, eodem Canone statuitur: „ *Volumus ut deinceps abdicetur & constituendus Pontifex, convenientibus Episcopis & universo Clero eligatur, expetente Senatu & populo, qui ordinandus est sic in conspectu omnium, celeberrimè electus ab omnibus, præsentibus Legatis Imperialibus consecratur.*

Et sanè subsequentes Pontifices, electionem suam non sat firmam existimasse, nisi accesserit consensus & confirmatio Imperatoris, evincunt quæ circa electionem Gregorii VII. acta fuisse narrantur.

XI. Cum enim facta esset electio per populum & Clerum Romanum de ejus persona, sine speciali licentia & interventu Imperatoris, veritus Hildebrandus electus in Pontificem, ne postmodum ob defectum consensûs Imperatoris ejus electio & ordinatio in Pontificem irrita & invalida declarari posset, ordinationem suam differendam censuit, quoadusque consensum & approbationem Imperatoris obtinisset, pro quibus obtinendis Legatos suos misit ad Imperatorem, scribitque Lambertus Schafnaburgensis: „ quod cum Hildebran-

„ dus zelo Dei ferventissimus erat, Episcopi Galliarum protinus grandi scrupulo permoveri ceperint, ne vir vehementis ingenii, & acris erga Deum fidei districtius eos pro negligentis suis quandoque discuteret, atque ideo communibus omnes Consiliis Regem adorti orabant, ut electionem quæ ejus injussu facta fuerat, irritam esse decerneret, asserentes, quod, nisi impetum hominis prævenire maturaret, malum hoc non in alium gravius, quam in ipsum Regem redundaturum esset.

„ Statim Rex à latere suo Eberhardum Comitem misit, qui Romanos Procures conveniens causam ab eis seiscitaretur, quare præter consuetudinem Majorum, Rege inconsulto, Romanæ Ecclesiæ Pontificem ordinassent, ipsumque, si non idoneè satisfacerent, illicitè acceptatâ dignitate abdicare se præciperet.

„ Is veniens Romam benignè à prædicto viro susceptus est, cumque illi mandata Regis exposuisset, respondit se, Deo teste, honoris hujus apicem nunquam per ambitionem affectasse; sed & electum se à Romanis, & violenter sibi impositam fuisse Ecclesiasticam Regiminis necessitatem, cogi tamen nullomodo potuisse ut ordinari se permitteret, donec in electionem suam tam Regem, quam Principes Teutonici regni consensisse certâ legatione cognosceret.

„ Hac ratione distulisse adhuc ordinationem suam, & sine dubio dilaturum, donec sibi voluntatem Regis certus inde veniens Nuntius intimaret.

„ Hoc ubi Regi est renuntiatum, libenter suscepit satisfactionem, & lætissimo suffragio ut ordinaretur, mandavit: quod & factum est anno sequenti in Purificatione S. Mariæ. „ Hucusque Lambertus Schafnaburgensis ad annum 1073. p. 191.

Ex his manifestum est Hildebrandum electum in Pontificem, nequaquam credidisse suam electionem sine consensu Principis factam, firmam satis esse, ipsosque Episcopos Gallicanos existimasse, in arbitrio Regis esse electionem sine suo consensu factam, irritam declarare, prout hæc omnia latius prosequitur, & probat Ludovicus Maimbourg, *Histoire de la décadence de l'Empire* pag. 224. & seqq. Edit. Paris. anni 1684. Notatque ibidem pag. 404. quod hac potestate uti desierint Imperatores, post initam Concordiam super Investituris inter Calixtum II. & Henricum V. in Concilio Lateranensi. (a)

XII. Et sanè ex historia dissidiorum inter Romanos Pontifices & Imperatores, occasione *Investiturarum*, haud obscurum est, Romanos Pontifices in hac controversia unice intendisse, Imperatores ab electione sive investitura Prælatorum, ac notanter Romani Pontificis totaliter excludere.

Sufficienter quoque ex eadem historia constat, per *Investituram*, & in hac tota luctuosa controversia, Imperatores id unum præfuisse, ut electione canonicè per Clerum & populum peractâ, electus ordinari non posset, priusquam electio & persona electa Imperatori fuisset notificata, & Imperatoris assensus accessisset. Deinde quod electus deberet ab Imperatore de novo recipere Regalia, quæ concessio fiebat per *Investituram*, porrigendo electo *annulum & baculum*, quemadmodum id coram Paschali II. Papa, nomine Imperatoris Henrici V. declaravit Archiepiscopus Trevirensis his verbis: „ Talis est Domini Imperatoris, pro quem timur, causa: temporibus antecessorum vestrorum, sanctorum & Apostolicorum virorum, Magni Gregorii & aliorum, hoc ad jus Imperii pertinere dignoscitur, ut in omni electione hic ordo servetur;

(a) Non in Concilio Lateranensi, quod Præfide Calixto II. habitum est, definita fuit hæc *Investiturarum*, sed in Curia seu Conventu Germanico, quem habuit Imperator Henricus V. propè Wormatiam. Id enim testantur Otto Frisingensis, Albericus, Conradus Urspergensis, & viginti propè alii Auctores tam antiqui quam recentiores. Hæc de re vide plenius Meibomium Dissert. de Jure *Investiturarum*, & P. Barre, Auctorem Generalis Historiæ Germaniæ, *Allemagne*, T. 4. p. 521. 522.



„ antequam electio in palam proferatur, ad aures Domini Imperatoris perferre, & si personam deceat, assensum ab eo ante electionem factam assumere, deinde in conventu, secundum Canones, petitionem populi, electionem Cleri, assensum Honoratorum proferre: consecratum libere nec simoniace ad Dominum Imperatorem pro Regalibus, ut annulo & virga investitur, redire, & hominum facere.

Et sane hanc fuisse communem electionis & Investiturarum formam sub Imperatoribus ante tempora Gregorii VII. pacifice & sine ulla controversia usitatam, sat constare potest ex iis, quæ tum hoc capite notata sunt, tum passim ex iis, quæ in historicis istius ætatis occurrunt; eamque formam sub S. Henrico servatam fuisse intelligitur ex Dittmaro Episcopo Merspurgenfi lib. 6. pag. 44. circa annum 1012. qui refert, quod defuncto Tagmone, Magdeburgensi Archiepiscopo S. Henricus Imperator, cum ejus obitum intellexisset, miserit Episcopum Herbipolensem, ut per eum inteligeret intentionem Capituli & Vassallorum Magdeburgensium circa personam ad Archiepiscopatum promovendam; cumque ex iis intellexisset, ipsos inclinari in Waltherdum Præpositum ejusdem Ecclesiæ. Rex Henricus eum ad se accersit, cum à Rege ad suos diverteretur, eis annulum quem in urbem acceperat à Rege, ostendit: post hæc ad canonicam electionem processum fuit, ipseque Waltherdus canonicè electus; & mox facta electione, Rex electo *Baculum Pastoralis* portexit, præstitoque juramento fidelitatis Regi, in Ecclesiam introductus fuit. Hæc refert Dittmarus, qui ipse præfens adfuit.

XIII. Ulterius constat Gregorium VII. ejusque successores in luctuosa illa de Investituris controversia cum Imperatoribus, prætexisse, hæc ab Imperatoribus præsentia circa Investituram jura, esse contraria libertati sacrarum electionum; ipsamque Ecclesiam quodammodo in servitutem redigi, quemadmodum inter alios expressit Paschalis II. Expolitis enim per Trevirensis Archiepiscopum, nomine Henrici Imperatoris, verbis supra relatis, respondens dixit: „ Ecclesiam pretioso J. C. sanguine redemptam, & liberam constitutam, nullo modo iterato ancillari oportere: si Ecclesia, eo in consulto, Prælatum eligere non possit, cassata Christi morte ei serviliter subjacere, si virga & annulo investitur, cum ad altiora ejusmodi pertineant, contra Deum ipsum usurpare, si sacras Corpori & Sanguini Dominico manus, laici manibus gladio sanguinolentis obligando supponant, ordini suo & sacræ Unctioni derogare.

Supradicta tum per Archiepiscopum Trevirensis nomine Imperatoris exposita; tum hæc Pontificis responsa referuntur ex Sugerio apud Jurem in notis ad epist. 236. Ivonis Carnotensis.

Præterea habetur Henricum V. in solemnibus illa Concordia super hæc luctuosa controversia anno 1122. inter ipsum & Calixtum II. Actam dedisse, in qua hæc inter cetera leguntur: „ pro amore Dei & sanctæ Rom. Ecclesiæ & Domini Papæ Calixti, & pro remedio animæ meæ, dimitto Deo, & sanctis ejus Apostolis, Petro & Paulo & sanctæ Ecclesiæ Catholicæ omnem Investituram per Annulum & Baculum, & concedo in omnibus Ecclesiis fieri electionem & liberam consecrationem. „ Integra Acta legitur tom. x. Concil. General. columna 901. editionis Labbeanæ.

Cum igitur per hanc Actam non tantum Imperator renunciaret Investituræ per Annulum & Baculum, sed insuper electionem & liberam consecrationem omnibus Ecclesiis concederet, nequaquam dubitarunt Romani Pontifices Imperatorem remisisse jus probandi, sive confirmandi electionem & personam electam, priusquam electus in Pontificem ordinari vel consecrari posset, quandoquidem ipsi Romani Pontifices in hac controversia contenderent, per hoc prætentum jus Imperatorum libertatem electionis & consecrationis labefactari.

Tom. I.

## CAPUT IV.

## De Regia Episcoporum nominatione.

1. Reges Hispaniarum nominasse Episcopos ostendit Concilium Toletanum XII.
2. Gallia Reges seculo 8. jus habuerunt nominandi Episcopos.
3. Licet Electio fieret à Capitulis Cathedralibus, licentia tamen eligendi petenda erat à Regibus.
4. Nullus facile eligebatur à Capitulis, nisi quem Rex electum volebat, & ideo electionibus favebat.
5. Reservationes Romanæ Principibus displicuerunt.
6. Pontifices maluerunt jus nominandi Regibus concedere, quam Canonicas Electiones & confirmationes restituere.
7. Probatur ex Concordatis Leonem X. inter & Franciscum I. initis.
8. Jus nominandi, abrogatis Electionibus, Regi Gallia delatum est per dicta Concordata.
9. Hæc Concordata non sine contradictione recepta fuisse.
10. Exceptæ sunt Ecclesiæ quæ specialibus Pontificum privilegiis jus eligendi se habere, poterant demonstrare.
11. Hæc exceptio hodie locum non habet.
12. Regi Catholico Indulta nominandi Episcopos à variis Pontificibus concessa fuerunt.
13. Jus illud Regibus Hispan. etiam competere dicitur titulo Juris patronatus.
14. In erectione novorum Episcopatum Belgii jus nominandi Principibus reservatur.
15. Idem jus passim aliis etiam Principibus Catholicis concessum.
16. Rex Catholicus non tantum Indulta Apostolici, sed etiam Regaliæ in litteris Nominationis meminit.

I. Sæculo 7. Regum Hispaniarum consensum in Electione Episcoporum desideratum fuisse, constat ex istius Regni Autoribus; quin nec quemquam nisi ab eo prius designatum consecrari potuisse manifestum est ex Canone 6. Concilii Toletani XII. qui & à Gratiano Dist. 63. can. 25. refertur in probationem hujus assertionis: In Electione Episcoporum, Principis desideratur assensus.

Idem ad citatum Canonem sextum notat Garcias Loaisas, qui ibidem relatis Litteris Isidori Hispalensis, nec non Decreto Concilii Toletani XVI. concludit: „ Unde constat ad Regiam curam pertinere nominare Episcopos: quod, ait, fiebat hoc pacto. Rex de eare nominationem referebat ad Concilium, Concilium autem inquirebat, an nominatus dignus esset eo munere, ut ad Episcopatum eveheretur, quod si inventus esset moribus & doctrina ornatus, itatim à Concilio confirmabatur.

II. Nec tantum in Hispania, sed & in Gallia sub primis Regibus nominationem Episcoporum fuisse penes Reges, notat Jacobus Sirmondus in præfatione de antiquo more promovendi Episcopos; quæ extat tom. 8. Conciliorum generalium editionis Labbeanæ; ubi una ex eodem Sirmondo referuntur formulæ antiquæ de Episcopatu, quarum usus fuit sub primis Regibus; sub his titulis: Primo, Cleri plebsque viduata civitatis preces ad Regem pro Episcopo instituendo. Secundo: Præceptum Regis de Episcopatu, ad Episcopum designatum. Tertio: Indiculus Regis ad Metropolitani, ut designatum Episcopum ordinet cum suis Comprovincialibus. Quarto: Indiculus alter ad Episcopum, pro eodem designati Episcopi ordinatione.

Ex his formulis non evincitur, Regibus Gallia fuisse plenum jus dandi consensum electioni faciendæ, vel factæ; ostendit tamen Petrus de Marca, de Concord. Sacerdotii & Imperii l. 8. cap. 9. & sequentibus, hoc jure

jure Reges Galliae & Hispaniae, necnon Principes Romanos plene usos fuisse, etiam probantibus Ecclesiae Proceribus; quin & Synodorum Decretis jus illud Regibus conservatum & confirmatum fuisse docet ac probat.

Legitur seculo nono & sequenti apud Clerum & populum electionem fuisse; sed quasi beneficio Principis aut Regis; nam ad electionem procedere fas non erat, nisi praevia Principis licentia.

Extat etiamnum hodie in appendice ad tomum 3. Conciliorum Generalium Epistola Hincmari Remensis Archiepiscopi ad Carolum Regem Francorum, qua petit, ut Clero & plebi Silvanectensi Episcopi electionem permittat; ac Visitatorem, qui electioni praesit, designet. Et in Decreto Cleri & plebis Senonensis de electione Ansegisi, quo ab Episcopis Provincialibus electum sibi in Pastorem ordinari petunt, asserunt, elegisse se per licentiam Episcoporum, *Domino etiam Christianissimo Carolo annuente.*

III. Et licet seculo 13. electiones Episcoporum ad Capitula Cathedralia fuerint devolutae; atque inter alios S. Ludovicus Galliarum Rex in sua Sanctione Pragmatica anno 1268. decrevisset, „Item Ecclesiae Cathedralis, & aliae Regni nostri liberas electiones, & earum effectum integraliter habeant, „ nequaquam tamen hae electiones sine licentia ac inspectione Principis peragebantur.

Nam hoc ipso anno, quo praedicta Pragmatica Sanctio edita fuit, Decanus & Capitulum Morinense ad S. Ludovicum destinavit suum Archidiaconum & Scholasticum „ ad petendum, inquit, nomine nostro a „ supereminenti & magnifica Regia Dominatione & „ munificentia *licentiam eligendi*, & providendi nobis, „ & nostrae Ecclesiae de Pastore.

Eandem licentiam anno sequenti ab eodem Sancto Rege postularunt Decanus & Capitulum Cenomanensis Ecclesiae; uti patet ex supplica, quae una cum praedicta supplica Morinensis Capituli, necnon Pragmatica Sanctione S. Ludovici extat inter probationes libertatum Ecclesiae Gallicanae editas per Phitceum tom. 1. cap. 15. qui & ibidem plurimas similes supplicas, Regibus subsequenter exhibitas producit. Volverunt ergo Reges, ut Ecclesiis Cathedralibus libera electio esset suorum Praelatorum; sed praevia eorum licentia, quo innuerent. Capitula eam eligendi libertatem debere liberalitati Regum acceptam referre. „ Quia, ait „ Christianus Lupus, Reges etiam *nominations* sibi jus „ arrogabant, Canonicam electionem censuerunt esse „ suum *singulare beneficium*; ideoque per singulares preces singulis vicibus implorandum.

IV. Sive autem electioni faciendae consensum Principis expectare deberent Capitula, sive electionis factae approbationem; semper tamen natum erat contingere, ut non alius eligeretur, aut admitteretur, nisi quem Princeps cupiebat.

Non mirum proinde quod Principes Capitulis sibi subjectis annuerent Canonicam electionem, quam vel ipsi pro suo arbitrio fieri permittebant, aut probabant vel improbant. Quin & facile eis erat sua auctoritate, aut precibus interpositis a Capitulis impetrare, ut illum in Episcopum eligerent, quem Principes desiderabant.

V. Porro cum viderent per reservationes Pontificias Praelatorum nominationes ad Curiam Romanam devolutas, non perinde amplius a suo dependere arbitrio Ecclesiarum Cathedralium provisiones; imo frequenter personas extraneas sibi haud gratas, quin & nonnumquam suspectas ad Praelaturas suorum Regnorum nominari, omni conatu studioque illis reservationibus sese opposuerunt; atque Canonicas electiones restituere voluerunt; suamque quam in iis jam pridem habuerant, auctoritatem reduci.

VI. E contra Pontifices attendentes, quod restitutis Canonicis electionibus reipsa quodammodo ad Re-

ges & Principes devolveretur Praelatorum Nominatio: ipsi vero Pontifices in totum ab eis excluderentur; in tantum ut nec Praelatorum confirmatio quae de jure communi Metropolitano competit, ad ipsos in posterum spectaret; convenientius crediderunt, si Regibus concederent privilegium seu indultum nominandi, sive praesentandi *ipsi Pontifici* personas ad Episcopatus promovendas; & ita Reges jus nominandi Episcopos ex privilegio aut indulto Sedis Apostolicae habere viderentur; ac una Sedi Apostolicae Episcoporum promotio & confirmatio reservaretur.

VII. Et sane Franciscum I. Galliarum Regem non desiderasse abrogationem Canonicarum electionum, quae per Sanctionem Pragmaticam erant restitutae, & per famosam Concordata inter ipsum Franciscum & Leonem X. una cum Sanctione Pragmatica sunt abrogatae, sat innuere videtur in proemio Concordatorum. Ibidem enim exponens, qualiter sibi cura fuerit, ut Concordata ita essent confecta temperataque, „ ut pleraque „ Pragmaticae Sanctionis firma nobis, ait, posthac rataque futura sint; „ ac tum pluribus articulis Pragmaticae Sanctionis relatis, qui post Concordata salvi manserunt, ad articulum de electionibus descendens, ait: „ Quod vero ad electiones pertinet, minime *quod optabamus* obtinere potuimus.

E contra Leo X. torus est, ut ostendat electiones esse abrogandas; asseritque, ex electionibus quae in Ecclesiis Cathedralibus & Metropolitanis a multis in Regno Galliae fiebant, grandia animarum pericula provenire; idque hac inter alias ratione, quod *pleraque per abusum secularis potestatis* fierent.

Suppositum ergo Pontifex, electiones plerasque ad arbitrium & beneplacitum Principum fieri.

VIII. Itaque post multas discussiones ac deliberationes Concordata inter Leonem X. & Franciscum I. Regem Galliarum conclusa & recepta fuere anno 1516. quorum primus articulus hic est: „ Quod de caetero Cathedralibus & Metropolitanis Ecclesiis in Regno Galliae, Delphinatu & Comitatu Dienti ac Valentiniensi nunc & pro tempore etiam per cessionem in manibus nostris (Pontificis) & Successorum nostrorum Romanorum Pontificum Canonice intrantium sponte factam vacantibus, illarum Capitula & Canonici ad electionem seu postulationem, inibi futuri Praelati procedere non possint: sed illarum occurrente hujusmodi vacatione, Rex Franciae pro tempore existens, unum gravem Magistrum seu Licentiatum in Theologia, aut in utroque seu altero Jurium Doctorem aut Licentiatum in Universitate famosum & cum rigore examinatum & in vigesimo septimo suae aetatis anno ad minus constitutum, & alias idoneum infra sex menses a die vacationis Ecclesiarum earumdem computandos, „ nobis & Successoribus nostris Romanis Pontificibus seu Sedi praedictae *nominare*, & de persona per Regem hujusmodi nominata per nos & Successores nostros, seu Sedem praedictam *provideri debeat*: & si contingeret praefatum Regem personam taliter non qualificatam ad dictas Ecclesias sic vacantes nominare, per nos & Successores seu Sedem hujusmodi de persona sic nominata eisdem Ecclesiis minime provideri debeat, „ &c.

IX. Haec Concordata tandem post multas tam ex parte Curiae Regiae, quam Praelatorum atque Universitatis Parisiensis oppositiones, auctoritate Regia publicata & executioni mandata fuere; atque hodie in vim illorum Rex ad Episcopatus & Archiepiscopatus nominat.

X. Declarat tamen Pontifex, se non intendere per praemissa in aliquo praedjudicare Capitulis Ecclesiarum *Privilegia a Sede Apostolica* proprium eligendi Praelatum *obtinentibus*, quominus ad electionem libere procedere possint, juxta formam in eorum privilegiis contentam: „ Et si in eorum privilegiis forma „ aliqua expressa non fuerit, tum formam Concilii „ gene-

„ generalis, Capituli QUIA PROPTER tantum ser-  
 „ vare teneantur: dummodo de privilegiis sibi con-  
 „ cessis hujusmodi, per litteras Apostolicas, seu alias  
 „ authenticas scripturas docuerint, omni alia specie  
 „ probationis eis in hoc adempta.

XI. Verum, primum ipse Leo X. ac deinde Cle-  
 mens VII. per speciale indultum concesserunt ipsi Fran-  
 cisco I. suspensionem privilegiorum, si quæ Sedes  
 Apostolica quibusdam Ecclesiis annuisset; permitten-  
 tes interim Regi nominationem ad Prælaturas. Simi-  
 le indultum Pius IV. postmodum Carolo IX. dedisse  
 legitur; ac inter ea injungebatur omnibus Capitulis,  
 ut si quæ prætenderent hujusmodi privilegia à Sede  
 Apostolica accepisse, eorum litteras Cancellario Regio  
 examinandas traderent. Post hæc Reges Galliæ manse-  
 runt in possessione nominandi omnes sui Regni Eccle-  
 sias Cathedralis; vel quod privilegia in forma authenti-  
 ca non fuerint producta, vel quod longa possessio jus  
 illud formaverit & firmaverit; uti observat Pintonius in  
 Historia de Indultis; qui & ibidem refert plura Indulta  
 Regibus Galliæ à variis Pontificibus concessa, quibus  
 jus nominandi extenditur ad Provincias & Ecclesias  
 Concordatis non comprehensas.

XII. Regi Catholico similia quoque Indulta nô-  
 minandi ad Cathedralis Ecclesias concessa, testantur  
 unanimiter rerum Hispanicarum Scriptores; atque ho-  
 die Præsentatio sive Nominatio fit à Rege teste Garcia  
 de Benef. part. 5. cap. 1. num. 217. „cujus juris  
 „ præsentandi, ait, & patronatus præcipuum funda-  
 „ mentum est privilegium Apostolicum, quod habent  
 „ Reges Hispaniæ. „ Deinde ex Mariana in Historia  
 Hispanica lib. 24. cap. 16. refert, quod „cum fuisset  
 „ de hoc controversia, Sixtus IV. concessit perpetuo  
 „ Regibus Castellæ, quod in Episcopatibus eligeren-  
 „ tur per eos nominati & petiti. „ Quin & teste Ma-  
 riana lib. 24. cap. 5. uti ibidem etiam retulit Garcias,  
 „ Papa Adrianus VI. concessit Carolo Imperatori, Regi  
 „ Hispanicarum & ejus Successoribus jus præsentandi  
 „ Episcopos Hispaniæ, qui ante providebantur ad sup-  
 „ plicationem Regum.

XIII. De hoc jure Regum Hispaniæ latius tra-  
 ctat Covarruvias ad cap. Possessor part. 2. §. 10. num. 5.  
 ibique observat, quod non tantum ex privilegio, sed  
 vi juris patronatus competat Regibus Catholicis jus præ-  
 sentandi: „Siquidem, ait, Hispanicarum Reges Pa-  
 „ tronatus jus obtinent in Ecclesiis Cathedralibus, cum  
 „ eas erexerint, construxerint, & amplis patrimonii  
 „ dotaverint.

Uno verbo, uti recte monet Covarruvias, „absque  
 „ ulla controversia Hispanicarum Reges jus, & quali  
 „ possessionem habent ab eo tempore, cujus initium  
 „ memoriam hominum excedit, eligendi & nominandi  
 „ eos, qui à Romanis Pontificibus sunt præficiendi, ita  
 „ quidem, ut nisi à Rege nominatus nemo possit his  
 „ dignitatibus insigniri.

XIV. Et in Bulla erectionis novorum Episcopa-  
 tum Belgii, Paulus IV. Philippo Regi ejusque Suc-  
 cessoribus, qui pro tempore ejusdem Regionis (sci-  
 licet ejus partis inferioris Germaniæ quæ Philippo Re-  
 gi Catholico hereditario jure subjecta erat) in tem-  
 poralibus Domini essent, jus nominandi Romano Pon-  
 tifici pro tempore existenti personas idoneas ad dictas  
 Ecclesias, quotiescumque illas vacare contingeret, per  
 eundem Pontificem in Archiepiscopos & Episcopos ad  
 Nominationem hujusmodi ordinandos, in perpetuum  
 reservavit.

XV. Pari jure omnes pene Principes & Reges Ca-  
 tholicos suarum respectivè Ditionum Episcopos nomi-  
 nare asserit Martha Tractatu de Jurisdictione part. 2.  
 cap. 4. & latius Michael Roussel in Historia Pontificiæ  
 Jurisdictionis lib. 2. cap. 7.

XVI. Porro „Principes nostri (uti post Boërium  
 Eponem, advertit Zypæus in Jure novo tit. de ele-  
 ctione num. 3.) „ cum ad Episcopatum aliquem no-

„ minant, præstantur, se id facere vigore Regaliæ, In-  
 „ dulti Apostolici, seu quovis alio jure sibi competen-  
 „ te. Pontifex vero in litteris confirmationis provi-  
 „ det nominato in vim Indulti Apostolici, omissa  
 „ Regaliæ mentione, utpote quasi rejectæ, si non  
 „ agnita.

## CAPUT V.

Quæ conditiones in Nominatione Regia sint  
 servandæ.

1. Nominandus sicutum Concordata Galliæ debet esse  
 graduatus in Jure vel in Theologia.
2. An magis expediat, ut sit graduatus in Theologia,  
 quam in Jure?
3. Exceptio à dicta Regula Concordatorum.
4. Rex Catholicus aliqui Principes ex præcepto Concilii  
 Tridentini qualem nominare debeant?
5. Decretum Tridentini ostendit, non exiguum curam  
 adhibendam in concedendis gradibus Academicis.
6. Vi Concordatorum Galliæ nominatio fieri debet intra  
 sex menses à die vacationis.
7. Si Rex personam non qualificatam nominaverit, tene-  
 tur intra tres menses à die recusationis aliam nomi-  
 nare.
8. Quomodo recusatio intimanda, & cui?
9. Prædictæ limitationi temporis non astringitur Rex  
 Catholicus nec alii Principes.
10. Pontifex vigore prædictorum Concordatorum libere  
 providere potest de Ecclesiis apud Sedem Apostolicam  
 vacantibus: & quid sit ibidem vacare?
11. Interdum Rex Galliæ provisioni Pontificis se oppo-  
 nere possit.
12. Regia nominatio Pontifici præsentanda.
13. Speciales conditiones in Concordatis seu Indultis in  
 Nominatione Regia sunt servandæ.

I. Plures conditiones in Concordatis inter Leo-  
 nem X. & Franciscum I. in Nominatione Re-  
 gia servandæ præscribuntur. Et quidem quod perso-  
 nam à Rege nominandam attinet, decernitur, No-  
 minandum à Rege esse debere „Virum gravem, Ma-  
 „ gistrum seu Licentiatum in Theologia, aut in utroque  
 „ Jure seu in altero Jurium Doctorem, aut Licentia-  
 „ tum in Universitate famosa, & cum rigore exa-  
 „ minis, & in 27. ætatis suæ anno ad minus consti-  
 „ tutum.

II. Notat autem Michael Roussel in Historia Juris-  
 dictionis Pontificiæ lib. 2. cap. 6. num. 19. quod Hen-  
 ricus II. statuerit in Comitibus Blesensibus, neminem  
 se nominaturum, nisi qualitates haberet; ac insuper  
 voluerit, ut nominatus examinaretur ab Episcopo vel  
 Archiepiscopo & duobus Theologis: „Sed tutius esset,  
 „ ait Roussellius, neminem nominari, nec nominatum  
 „ admitti, nisi qui Theologiæ Doctoratum optimo Marte  
 „ meruisset: sic enim dignitas Ecclesiæ, quæ maxime  
 „ viget in doctis & bene moratis Præsulibus (à do-  
 „ctrina autem præclari mores plerumque nascuntur, ut  
 „ ab ignorantia pravi), facile restitueretur: idque abs-  
 „ lute addi Concordato debuerat; siquidem nemo nef-  
 „ cir, quam facile gradus Jurium obtineantur, ut ex il-  
 „ lis doctus & capax præsumi non debeat.

Videant qui hodie annuendis Gradibus Academicis  
 præfunt, an hoc Roussellii dictum hodie non verifi-  
 cetur.

III. Porro conditioni de gradu Academico in  
 nominando requirendo, hæc moderatio subjicitur:  
 „Exceptis consanguineis Regis, ac personis sublimi-  
 „ bus ex causa rationabili & legitima, in Nominatione  
 „ ne & Apostolicis litteris exprimenda, necnon Reli-  
 „ giosis Mendicantibus Reformatis, eminentis scientiæ,  
 „ & excellentis doctrinæ, qui juxta Ordinis Regula-



ria Instituta ad Gradus hujusmodi assumi non possunt.

IV. Rex Catholicus alique Principes, licet legibus horum Concordatorum non astricti, nihilominus easdem pene circa Nominandas personas quoad hunc articulum, leges servare tenentur vi Concilii Tridentini, quod *sess. 22. cap. 2. de Reform.* præscribit "Ut quicumque posthac ad Ecclesias Cathedrales erit assumendus præter cæteras qualitates, scientia ejusmodi polleat, ut muneris sibi iungendi necessitati possit satisfacere. Ideoque antea in Universitate studiorum Magister sive Doctor in S. Theologia vel Jure Canonico merito sit promotus, aut publico aliqujus Academiæ testimonio idoneus ad alios docendos ostendatur.

V. Hinc notandum Synodum Tridentinam in defectum Gradus Academici requirere, ut Nominandus sive Promovendus publico alicujus Academiæ testimonio idoneus ad alios docendos ostendatur; adeoque non obscure insinuare & supponere, Gradus Academicos esse publica eruditionis ac scientiæ testimonia; ac consequenter, qui his muniti fuerint, alio publico Academiæ testimonio non indigeant.

Hinc patet, quam solliciti esse debeant Doctores, quibus admissio ad hujusmodi Gradus incumbit, ne publica illa eruditionis ac capacitatis testimonia annuantur iis, qui scientia atque capacitate, quam Gradus præfert, debite non sunt instructi: ne alias levius illa concedentes, Ecclesiæ ac Fundatoribus, qui Gradus illos tanquam eruditionis testimonia requisierunt, in re summi momenti imponatur.

Unde inter rationes, quibus pius ille Parisiensis Universitatis Cancellarius Joannes Gersonius ad renuntiandum Officio Cancellarii movebatur, hæc una erat: "Cogor ad deliberationem aliorum, vel pro consuetudine temporis, ignaros scientiæ & perniciosos moribus promovere." Ad quæ reflectens Joannes Sinnichius ait: "Censuit nimirum, indignorum ad Gradus Academicos promotionem gravem esse iniquitatem; ideo utique, quia immanem Reipublicæ tam Ecclesiasticæ quam Politicæ infert perniciem." Saul Exrex. *lib. 1. cap. 122. §. 465.*

VI. Aliæ sunt conditiones in præfatis Concordatis, quæ respiciunt tempus, intra quod Nominatio à Rege fieri debet; nimirum intra *sex menses* à die vacationis Ecclesiarum computandos.

VII. Deinde additur: "Et si contigerit, Regem personam taliter non qualificatam ad dictas Ecclesias sic vacantes nominare, nos (Leo X.) & Successores seu Sedes hujusmodi de persona sic nominata iisdem Ecclesiis minime providere debeat: Sed teneatur idem Rex infra *tres alios menses* à die *recusationis* personæ nominatæ non qualificatæ, sollicitatori Nominationem non qualificatam prosequenti, *consistorialiter* factæ intimandæ computando, alium supra dicto modo nominare.

Prima ergo Nominatio per Regem fieri debet *infra sex menses* à die vacationis; si autem nominata sit persona, non qualificata juxta præscripta in Concordatis, eamque Pontifex confirmare recusaverit, alium nominare Rex poterit, sed intra *tres menses*; si vero prima Nominatio Regia non fuerit plene fortita effectum; utpote quia nominatus consentire recusavit, vel post consensum juri suo renuntiat, aut forte diem clausit extremum, seu propter occultum ejus vitium Nominatio irritatur, tunc, inquit Rebuffus, Rex habebit alios *sex menses*, ac si vacatio nova esset.

VIII. Prædicti vero *tres menses* computandi sunt à die *recusationis intimatæ* prosequenti Nominationem.

Hinc infert Rebuffus in Commentario ad Concordata titulo de *Regia Nominatione*, verbo *prosequenti*, quod *solicitor* Regis debeat prosequi Nominationem factam per Regem; "Atque per hoc infertur, ait Rebuffus, quod Rex tenetur habere Romæ *solicitationem*.

rem. qui Nominationem hanc prosequatur. Quod si *solicitor* mortuus sit, tunc putarem, ait idem, reculationem posse intimari *Procuratori Nominati* vel illi cui directæ sunt litteræ, forte etiam posset eo casu recusatio intimari *Protektori* Galliarum, vel alteri *negotia* Regis Romæ *gerenti*, vel alteri *solicitori* prosequenti hanc Nominationem.

Imo juxta stilum hodiernum, Rex tres litteras Romam pro expeditione ac prosecutione Nominationis mittit. Unam ad Pontificem, alteram ad suum Legatum Romæ residentem, & tertiam ad Cardinalem Protektorem Regni Franciæ; qui etiam in Consistorio negotium illud proponit ac refert; uti titulo sequenti dicitur.

Porro hæc *recusationis intimatio* nequaquam fieri debet *consistorialiter*, uti nonnulli ex verbis Concordati concludere voluerunt, sed *recusatio* tantum *consistorialiter*, sive in *Consistorio* concludenda est; quemadmodum observat & probat Rebuffus loco citato, verbo *Consistorialiter*.

IX. Porro ea temporis limitatione per Concordata præfixa nec Rex Catholicus, nec alii Principes Concordatis hisce non comprehensi constinguntur; quinimo Regibus Hispaniæ non currit tempus *quatuor mensium*, quod de jure omnibus Patronis laicis præscriptum est; etiamsi *sciat* Rex vacationem; idque ex legitima præscriptione, qua omnes Reges Hispaniæ tuti sunt, ait Garcias de beneficiis *parte 10. cap. 2. n. 34.* "eo quod impediti multis occupationibus tam in bello, quam in pace, non possint intra illud tempus præsentare. Et ita *semper praticari* videmus, cum Rege enim non curatur de tempore & termino ad præsentandum, tam in Episcopatibus, quam in aliis præsentationibus.

X. Præscribitur præterea in sæpe dictis Concordatis, quod de Ecclesiis per *obitum* apud *Sedem* Apostolicam vacantibus, semper, etiam nulla Regis præcedente Nominatione, *libere* per Pontificem provideri possit.

Tunc dicitur apud *Sedem* vacare, (ait Rebuffus in verbo, *apud Sedem*) "etiamsi in locis vicinis per *duas* distas moriatur, live ibi occasione *Curia* moraretur, live *alia causa* apud *Sedem* prædictam esset.

Restringitur autem vacatio hæc ad vacationem per *obitum*: ideoque si per resignationem aliove modo apud *Sedem* vacare contigerit, Pontifex providere non poterit, nisi prævia Nominatione, aut saltem prævio Regis consensu, uti notat Rebuffus verbo, *per obitum*; & latius prosequitur Fevrenius *lib. 2. de abusu cap. 7. n. 11.*

XI. "Posset etiam Rex Franciæ (inquit Rebuffus ibidem verbo, *Provideri possit*) "in hoc casu quando vacat per obitum in Curia, contra provisum per Papam se opponere & excipere, si timeret de *conjuratone*, seu *proditiōe patriæ*, seu *revelatione secretorum* suorum ratione patriæ, unde provisus est oriundus, vel propter parentes suos, qui semper Regi fuerunt infesti, & tunc esset audiendus, quia satis prosequitur interesse proprium.

XII. Denique vi Concordatorum, Regia Nominatio ad Romanum Pontificem deferenda est; à quo solo provisoria seu confirmatoria diplomata concedi possunt; quod hodie etiam in aliorum quorumcumque Regum ac Principum Nominatione; quin & in electione quæ vi Concordatorum Germaniæ fit, ubique obtinet; idque contra pristinam, ac etiam jure Decretalium stabilitam Ecclesiæ disciplinam, quæ Episcoporum confirmationem, vel Conciliis Provincialibus, vel Metropolitanis deferrebat, uti latius titulo sequenti exponetur.

XIII. Si quæ præterea speciales conditiones in Concordatis, aut Indultis vel privilegiis, quibus Regibus & Principibus jus nominandi concessum est, fuerint expressæ & acceptatæ, hæc indubie juxta tenorem expref-

expressum servandæ sunt, præter illa, quæ ipsa ratio & divina lex omnibus, quibus jus nominandi aut eligendi Ministros Ecclesiæ competit, servanda præscribit.

## CAPUT VI.

Quædam circa Electionem & Nominationem Episcoporum invariata manserunt.

1. Qui ad Electionem & Nominationem concurrunt; tenentur bonum Ecclesiæ præ oculis habere.
2. Patroni etiam laici vi sui juris Ecclesiæ Ministros designant.
3. In distributione Beneficiorum committitur acceptatio personarum, dum ex humano respectu minus dignus digniori præponitur.
4. Probatum auctoritate S. Thomæ.
5. In promotione ad Episcopatum acceptio personarum est grave peccatum.
6. Nominationem Episcoporum recusavit Valentinianus Imperator: & quare?
7. Ludovicus VI. Galliarum Rex noluit acceptare Privilegium conferendi munia Ecclesiastica.
8. Idem fecit S. Ludovicus.
9. Quam sollicitus hic fuerit, ut digni ad munia Ecclesiæ promoverentur.
10. Qui in Nominatione ad Episcopatum non multum sunt solliciti de qualitatibus promovendorum, convincuntur non satis æstimare pretium animarum.
11. Ab Episcopatu repellendi ambientes.
12. Præviæ ad Nominationem diligens instituta inquisitio.
13. Pro obtinendo bono Pastore, tum publicæ, tum privatæ preces instituendæ.
14. Quomodo ad has populus excitandus?

VARIAM fuisse circa personas eligentes aut ad electionem concurrentes disciplinam, & electionis formam, ex Historiis & sacris Canonibus, aliisque Ecclesiasticis monumentis in præcedentibus sufficienter est ostensum.

I. Verum quæcumque in his potuerit pro ratione temporum aut locorum intervenire mutatio, illud semper mansit, & manebit immutabile, ac invariabile, quod quicumque sive Clerici sive Laici; seu Reges, seu populus ad electionem vel Nominationem concurrant, teneantur in Electione sive Nominatione bonum Ecclesiæ, cui Pastor præficiendus est, præ oculis habere.

II. Indubitarum quippe est, quod etiam Reges alique Patroni laici vigore juris patronatûs, aut indulti vel alterius tituli ad Episcopatus cæteraque Ecclesiastica Beneficia nominantes aut præsentantes, vi illius Ecclesiæ Ministros designent, atque Ecclesiastica munia distribuunt.

III. Certum autem est, in distributione Beneficiorum seu Officiorum Ecclesiæ eam qualitatem personæ attendendam esse, quæ personam magis idoneam aut utilem ad ministrandum & serviendum Ecclesiæ ostendit; id est, attendendam esse qualitatem, quæ ad bonum Ecclesiæ facit.

Hinc ulterius consequitur, quod quicumque ad Beneficia nominant, vitium acceptionis incurrant, ipsamque justitiam distributivam lædant, si ex humano aliquo respectu, & intuitu qualitatibus personæ aut motivi, quæ nullatenus Ecclesiæ utilitatem respiciunt, nec personam Ministerio, ad quod eligitur, digniorem reddunt, ad nominandum aliquem minus dignum, relicto digniore, moveantur.

IV. " Si potest haberi aliquis magis idoneus (ait Sanctus Thomas 2. 2. quæst. 63. art. 2. ad 3.) „ erga aliquam dignitatem, & alius præferatur, oportet quod hoc sit propter aliquam causam: quæ quidem si per-

„ tineat ad negotium, quantum ad hoc erit ille, qui „ eligitur idoneus, magis: si verò non pertineat ad ne- „ gotium, id quod consideratur ut causa, erit mani- „ fesse acceptio personarum.

V. " Nec sanè quantum arbitror (inquit S. Augustinus *epist.* 54.) „ putandum est, leve esse peccatum in „ personarum acceptione habere fidem Domini nostri „ Jesu Christi; si illam distantiam sedendi & standi „ ad honores Ecclesiasticos referamus. Quis enim fe- „ rat eligi divitem ad sedem honoris Ecclesiæ, con- „ tempto paupere instructiore atque sanctiore.

Si hoc generatim de honoribus Ecclesiasticis putaverit Augustinus, quid non censendum, si hæc personarum acceptio ad Episcopatum referatur: Nam, ut merito monuerunt Patres Tridentini *sess.* 24. *cap.* 1. *de reformat.* " Si in quibuslibet Ecclesiæ gradibus pro- „ videnter scienterque cavendum est, ut in domo Do- „ mini nihil sit inordinatum, nihilque præposterum: „ multò magis elaborandum est, ut in Electione ejus, „ qui supra omnes gradus constituitur, non erretur. „ Nam totius familiæ Domini status & ordo nutabit, „ si quod requiritur in corpore, non invenitur in ca- „ pite.

Ac deinde tanquam ex prædictis consequens sub- „ jungit: " Omnes verò & singulos, qui ad proportio- „ nem præficiendorum quodcumque jus quæcumque „ ratione à Sede Apostolica habent, aut aliquin operam „ suam præstant; nihil in iis pro præsentis temporum ra- „ tione innovando, hortatur & monet, ut imprimis „ meminerint, nihil se ad Dei gloriam, & populorum „ salutem utilius posse facere, quam si bonos Pastores, „ & Ecclesiæ gubernandæ idoneos promovere studeant, „ eosque alienis peccatis communicantes mortaliter „ peccare, nisi quos digniores & Ecclesiæ magis utiles „ ipsi judicaverint; non quidem precibus, vel humano „ affectu, aut ambientium suggestionibus, sed eorum exi- „ gentibus meritis, præfici diligenter curaverint; & „ quos ex legitimo matrimonio natos, & vitâ, ætate, „ doctrinâ, atque aliis omnibus qualitatibus præditos „ sciant, quæ juxta Sacros Canones, & Tridentinæ „ hujus Synodi Decreta requiruntur.

VI. Hoc periculum in Electione seu Nominatione ad Ecclesiæ Ministeria, præsertim Episcopatus, expensens Valentinianus Imperator, ad eligendum Mediolanensem Episcopum Synodum Episcoporum quidem convenire iussit; eosque exhortatus est, ut talem eligerent Episcopum, qui non solo verbo, sed etiam conversatione gubernet subditos, & totius semetipsum imitationem virtutis ostendat, testemque doctrinæ conversationem bonam habeat; at cum Synodus petiisset, ut magis ipse decerneret eligendum sapientem & pius, mox respondit: *Supra nos est talis Electio. Vos enim gratiâ divinâ potiti, & splendore fulgentes, melius poteritis eligere.* Apud Gratianum *Dist.* 63. *Can.* 3.

VII. De Ludovico VI. Galliarum Rege refertur: " Reversus de Hierosolymitana contra Saracenos expeditione, cum quidam Clericus Romæ Papale quoddam privilegium attulisset, quo in omni Ecclesia Cathedrali sui regni jus conferendi, cui vellet, primam vacaturam cum cunctis fructibus medio tempore provenientibus, consequeretur, confestim combussit litteras, dicens " *Malo illas hic comburere, quam si propter illas in inferno comburerer.* Thomas Wallingham in hypodigm. Neultrix,

VIII. Scribit Broymarus Cancellarius S. Ludovici Galliarum Regis in ejus vita; " cum ei instituendi Patres à Pontifice potestas facta esset, ad idque diploma Legatus Romæ rediens attulisset: quod mea, inquit, Romæ negotia strenuè obieris, laudo: quod mihi à Pontifice munus hoc retuleris, non probo. " Intelligo enim quanto cum periculo animæ meæ & regni id susceperem, ac protinus diploma in ignem projecit.

IX. Quam verò ipse sollicitus esset, ut optime in Eccle-

Ecclesiæ bonum de Beneficiis ad suam Nominationem spectantibus, provideretur, exponit Nangius in ejus vita pag. 369. "Sanè in Beneficiis conferendis, quæ ad patronatum, sive donationem ipsius pertinebant, Deum semper præ oculis habebat, & Electis & probatis personis, quantum poterat, conferebat. Quas personas eligi & inquiri faciebat per Cancellarium Parisiensem & alios bonos viros.

X. Et profectò Principes eorumque Ministri, qui nominatione ad Beneficia Ecclesiastica, præsertim Episcopatus, unde salus unius integræ Diocesis magna ex parte dependet, solliciti non sunt, ut capaciores ac digniores promoveantur, convincuntur non æstimare pretium animarum. Divinitus enim jam pridem dixit Hormidas Papa Epist. 25. cap. 1. "Æstimer quis pretium Dominici Gregis, ut sciat quod meritum constituen- di deceat esse Pastoris.

XI. Sed prohi dolor! frequenter ampliùs inquirunt, magisque anxii sunt, ut fidelem ac expertem constituent civitatis alicujus aut castri Rectorem aut Gubernatorem, cui salus & conservatio temporalis concedatur, quam quis constituatur Civitatis aut Diocesis Episcopus, cui tot animarum æterna salus committitur: non rarè hic aliud considerantes, quam quis pluribus commendationibus, ne dicam muneribus & obsequiis sit instructus.

Utinam hi expenderint illud nunquam satis expendendum Imperatorum in L. 31. Cod. de Episcopis & Clericis: "Tantum ab ambitu debet esse sepolitus (ordinandus Episcopus) "ut quærat cogendus, rogatus recedat, invitatus effugiat, sola ei suffragetur necessitas excusandi. Profectò indignus est Sacerdotio, nisi fuerit ordinatus invitatus.

XII. Laudandum ergo fuit Decretum Henrici II. Gallie Regis in Comitibus Blefensibus promulgatum, ne Nominatio Regia ad Episcopatus fieret ante mensem à vacatione, ut maturius de persona nominanda deliberari ac inquiri posset.

Quam hæc inquisitio necessaria sit; & quomodo nullatenus excusentur prætextu ignorantie, si omisâ sedulâ ac studiosâ inquisitione, Ecclesiæ zelosum ac fidelem Ministrum non dederint, quibus jus eligendi aut nominandi competit, multis ostendit S. Chrysostomus Lib. 1. de Sacerd. cap. 2.

Uterius, quamvis moderna Ecclesiæ disciplina nec

populum, nec Clerum saltem inferiorem ad electionem Episcoporum admittat, tamen illud semper verum manebit, tam populi quam Cleri plurimum interesse, ut talis Pastor Ecclesiæ detur, qui boni Pastoris qualitatibus sit instructus.

XIII. Et quia scimus, cor Regis esse in manu Dei, & quòd à Summo animarum Pastore dependeat, mittere operarios in messem suam, illud saltem populo & Clero incumbit, ut precibus ad Deum fufis bonum Pastorem instanter ac humiliter petant.

Quapropter durante disciplinâ, quæ electionem Clero populoque deferebat, Visitator electioni intendens universos monebat. "Magnoperè studendum est, dilectissimi fratres, Deum suppliciter deprecari, ut talem inter vos, ad suum servitium aptum, & vobis profectuosum per suam magnam clementiam man- festare dignetur. Idèdque admonemus, ut triduanâ jejuniâ ab omnibus in ista Parochia commorantibus fieri jubeantur, & ut elemosynâ, quantum quisque dare potuerit in suo maneat arbitrio. Simulque omnes unâ voce unâque mente omnipotentem Deum deprecemur, ut talis Dei famulus, Deoque dignus, & bonis hominibus acceptus, ad illam Venerabilem Sedem Pontifex eligatur, qui postmodum nullo vitio, nullâ reprehensione arguatur: sed sit bonis moribus ornatus, & sanctâ conversatione suffultus, Sacrisque Litteris imbutus, & idoneus Minister esse possit ad perficiendum ea, quæ ei commissa fuerint.

Eadem ratione, stante modernâ disciplinâ, Synodus Tridentina Sess. 24. cap. 1. de reformat. statuit, "Ut cum primùm Ecclesia vacaverit, supplicationes ac preces publicè privatimque habeantur, atque à Capitulo per civitatem & Diocesim indicantur; quibus Clerus populusque bonum à Deo Pastorem valeat impetrare.

XIV. Plurimum valebit ad excitandum populi devotionem & fervorem, si animarum Directores frequenter ac vivaciter populo exponant, quantum mali imminet sibi, si pro Pastore bono mercenarius, aut etiam lupus aliquis intrer; quodque Deus interdum ob peccata populi permittat, ut non mercenarii duntaxat, sed & lupi in ovile suum intrent, illudque tum suis malis exemplis & moribus, tum perverfis doctrinis devastent, ovesque spiritaliter occidant.

## TITULUS XIV.

### DE CONFIRMATIONE EPISCOPORUM.

#### CAPUT I.

Ad quem spectet Episcoporum Confirmatio.

1. Primitus ad Metropolitanum cum Episcopis Comprovincialibus spectavit.
2. Probatur ex Concilio Nicæno & Laodicæno.
3. Confirmatio Romani Pontificis ad quem olim pertinebat?
4. Præcipua auctoritas erat penes Metropolitanum; & ad hunc solum sensim devolutum est Jus confirmandi.
5. Episcopi suburbicarii à Rom. Pontifice Jure Metropolitico confirmati & ordinati.
6. Per 13. secula apud Metropolitanum permansit.
7. Confirmatio Episcoporum non nisi posterioribus seculis ad Rom. Pontificem devoluta & ab ordinatione separata.
8. Per Reservationes Pontificias seculo 14. ad Sedem

Apostolicam jus confirmandi devolvi cepit.

9. Etiam post sublatas Reservationes mansit jus confirmandi penes Pontificem.
10. Concordata Germaniæ illud Sedi Apostolicæ deferunt.
11. Item Concordata Galliæ.
12. Similiter indulta & Privilegia nominandi Episcopos Regi Catholico aliisque Principibus concessa.

**E**LECTIONEM Episcoporum multis seculis, præsertim in Ecclesia Latina suffragio Cleri ac populi factam fuisse, supra ostendimus; unâ quoque ibidem notavimus, non eam fuisse hujus electionis vim, sive auctoritatem, ut necessariò is esset Ordinandus, quem populus Ordinandum expetisset; sed penes Metropolitanum cum Episcopis suffraganeis jus fuisse, electionem, electamque personam examinandi; utrum nimirum & illa Canonica esset; & hæc ad Ecclesiam regendam, & onus Episcopale sustinendum sufficiens; atque ulterius in potestate Metro-



Metropolitani & Episcoporum fuisse, electionem probare, vel improbare; prout eam vel Canonicam, aut minus Canonicam judicarent. Hoc insuper notandum, quod nec per ejusmodi electionem, uti hodie, jus aliquod *ad rem* ipsi Electo acquireretur, antequam per Metropolitanum, ac Episcopos Comprovinciales electio seu nominatio populi esset probata & admissa; ipseque electus Ordinatus & in Cathedra collocatus.

II. Itaque Confirmatio electionis, vel nominationis approbatio primis Ecclesiae seculis omnimoda erat penes Episcopos Ordinatores, id est, Metropolitanum cum Suffraganeis juxta Canonem IV. Nicænum, quo decernitur: "Episcopum oportet maximè, quidem ab *omnibus* qui sunt in Provincia *constitui*;" si autem sit hoc difficile, vel propter urgentem necessitatem, vel viæ longitudinem, tres omnino eundem in locum congregatos, absentibus quoque suffragium ferentibus, scriptisque assentientibus, tunc electionem fieri, eorum autem quæ fiunt, Confirmationem in unaquaque Provincia à *Metropolitano* fieri.

Hoc Canone non de sola ordinatione sive consecratione agi, sat innuit ipse consensus absentium in scriptis requisitus; qui ad confirmationem sive approbationem electionis, nequaquam ad ipsam formalem ordinationem sive consecrationem aliquid conferre potest.

Unde Canone 12. Synodi Laodicænæ edicitur, ut "Episcopi judicio Metropolitanorum & eorum qui circumcirca sunt Episcoporum, provehantur ad Ecclesiasticam Dignitatem; ii videlicet qui plurimo tempore probantur tam verbo fidei, quam rectæ conversationis exemplo."

III. Quemadmodum electio Romani Pontificis eodem ritu, quo aliorum Episcoporum electio per Clerum & populum per decem ut minus secula peracta fuit, uti titulo præcedenti probatum fuit; similiter & electionis confirmatio, & personæ electæ ordinationis juxta præscriptum SS. Canonum ac notanter Nicænorum, sicuti aliorum Episcoporum facta legitur.

Et quidem etiam sæculo XI. eam fuisse usitatam formam confirmationis R. Pontificis non obscurè indicat Gratianus *Dist. 23. Can. OMNES*. ubi relatâ formâ electionis usitatâ Alexandri II. ætate dicit: *Quia Sedes Apostolica cunctis in orbe terrarum præfertur Ecclesiis, atque ideo super se Metropolitanum habere non possit, &c.*

Cùm igitur Episcopus Romanus nullum haberet supra se Metropolitanum, consequens apparebat, electum in R. Episcopum ad normam Canonum Nicænorum non esse confirmandum. Verùm verba per Gratianum addita evincunt etiam eo tempore R. Episcopum ad instar aliorum Metropolitanorum confirmari consuevisse. Subjicit verbis jam relatis, *Cardinales Episcopi procul dubio METROPOLITANI officio funguntur qui videlicet electum Episcopum ad Apostolici culminis apicem provehant*. Quæ verba non obscurè significant electionem R. Episcopi, non secus ac reliquorum Metropolitanorum, confirmationi, examini, ac judicio Episcoporum Provincialium fuisse subiectam.

Scitur enim, quod Episcopi, quos posterior ætas vocavit *Episcopos Cardinales*, sint ipsi Episcopi Romæ adjacentes, cum Episcopo Romano tanquam Metropolitano unam provinciam constituentes.

Quapropter dum in præcitato Decreto asseritur, *Episcopos Cardinales Metropolitanani officio fungi, qui videlicet electum Episcopum ad Apostolici culminis apicem provehant*, periode est, ac si diceretur, *Provinciales Episcopos vice Metropolitanani fungi*, & electionem perficere & probare; arque hoc sensu Decretum hoc à pristina disciplina non discordat; quandoquidem scitur Metropolitanos Episcopos ab Episcopis

Tom. I.

Comprovincialibus fuisse confirmatos & ordinatos, saltem iis temporibus, quibus nondum Patriarcharum jura per Orientem & Occidentem essent stabilita. Scitur enim inter jura Primatû & Patriarcharum tandem & jus ordinandi Metropolitanos fuisse numeratum.

IV. Synodi Nicæna & Laodicæna, quæ eodem sæculo celebratæ fuerunt, deferunt, ut dictum est, Metropolitanis & Episcopis Comprovincialibus *constitutionem* sive *protectionem* Episcoporum; idque indubiè ob approbationem & confirmationem electionis; quæ ab ipsis, secundum temporis illius disciplinam dependebat.

Quoniam tamen inter Episcopos Ordinatores, primus & præfatus esset Metropolitanus; neque semper omnibus Comprovincialibus Episcopis commodum esset, ad singulas Episcoporum ordinationes convenire, sensim ex quodam ut minus tacito Ecclesiae consensu ad Metropolitanum, integrum penè devolutum est jus electionis discutiendi, easque vel ut Canonicas probandi, vel ut minus Canonicas reprobandi.

Et quidem Nicæna Synodus hanc Metropolitanis auctoritatem in Episcoporum ordinatione in relato Canone non obscurè expressit his verbis: "Potestas sanè vel *confirmatio* pertinebit per singulas Provincias, ad Metropolitanum Episcopum." *Gratianus Dist. 64. Can. 1.*

Et Canone 6. ait: "Illud generaliter clarum est: quod si quis præter *sententiam Metropolitanam* fuerit factus Episcopus, hunc magna Synodus definivit, Episcopum esse non oportere." *Dist. 64. Can. 8.*

Hinc illud Innocentii I. "Extra conscientiam Metropolitanam Episcopi, nullus audeat ordinare Episcopum." *Dist. 64. Can. 5.*

Quin & si inter Electores circa personam eligendam sit dissensio, Metropolitanus est, eum ordinare, qui majoribus meritis juvatur: Ita enim ad Anastasium Thessalonicensem scribit S. Leo: "Cùm ergo de summi sacerdotis electione tractabitur, ille omnibus proponatur, quem Cleri, plebisque consensus, *condider* postulavit; ita ut si in aliam fortè personam partium se vota *diviserint*, Metropolitanus judicio, is alteri præferatur, qui majoribus & studiis juvatur & meritis."

Synodus VII. *Can. 2.* Metropolitanus munus esse declarat, futurum Episcopum examinare, probareque, an sacrâ scientiâ sit satis instructus.

V. Notatum est quod à primis sæculis penes Metropolitanos præcipua fuerit autoritas in electione & ordinatione Episcoporum, arque sine consensu Metropolitanis Episcopus ordinari non potuerit, quemadmodum & Synodus Nicæna *Canone 5.* expressit.

Itaque & Confirmatio & Ordinatio Episcoporum spectare censebatur ad Metropolitanum cujusque Provincie.

Verùm & hoc scitur, quod sensim hoc jus Metropolitanum quorundam Episcoporum extensum sit ad plures Provincias.

Et quidem jus Metropolitanum Episcopi Romani, uti & Alexandrini tempore Concilii Nicæni ad plures Provincias & Ecclesias in illis consistentes se extendebat, uti probat *Canon. 6.* hujus Synodi.

Unde hoc jure usum fuisse Episcopum Romanum, in Provinciis & Ecclesiis Suburbicariis jure Metropolitico subiectis, non tantum tempore Concilii Nicæni, sed & pluribus sequentibus sæculis, evincitur ex Libro diurno Romanorum Pontificum, in quo Libro *cap. 3.* exhibetur per plures articulos sive titulos ritus Ordinationis Episcopi *Suburbicarii* per Pontificem Romanum.

Porro cùm in hoc Libro diurno nullus ordinationis ritus præterquam Suburbicarii occurrat, imò nec ullius alterius ordinationis tanquam ad Episcopum Romanum spectantis mentio fiat, non sine fundamento concluditur,

N

ditur,

ditur, tempore confecti hujus Libri, id est sub initium seculi VIII. Pontificem Romanum nullius Episcopi ordinationem sibi vindicasse, nisi Ecclesiarum Suburbicariarum, sibi jure Metropolitico subjectarum, uti ad Canonem VI. Nicænum probatum est.

Cum verò eo tempore confirmatio una cum ordinatione perficeretur, consequens est toto illo tempore nullius alterius Episcopi confirmationem ad Romanum Episcopum pertinuisse.

Uterius, quia eâ ætate confirmatio non sejungebatur ab ordinatione, mirum videri non debet nullum in dicto Libro diurno vestigium apparere confirmationis, prout hodie in usu est.

Quin & ritus ordinationis Episcopi Suburbicarii, uti in hoc Libro describitur, manifestè probat, Episcopum Romanum eodem ritu tum temporis ordinasse & confirmasse Episcopos sibi jure Metropolitico subiectos, quo ceteri Metropolitani suos respectivè Episcopos suffraganeos, sive suæ respectivè Provincie.

Et eodem ritu ordinationis ibidem descripto tit. 8. habetur, quòd Episcopus ordinatus non tantum Episcopo Romano tanquam suo Metropolitano & Ordinatori obedientiam promitteret, sed & insuper suo Principi fidelitatem: quare & Garnerius huic titulo præfixit hoc summarium: "Episcopus addebat indiculum de obedientia erga Romanum Pontificem, & fidelitate erga Principem servanda.

VI. Hæc disciplina Metropolitano Confirmationem suorum Suffraganeorum attribuens per tredecim facillè secula inconcussa permansit; eamque & jus commune Decretalium Gregorii IX. apertissimè supponit, & confirmat: unde uno consensu tradunt Canonistæ, Episcopum de jure communi confirmandum esse à suo Metropolitano.

Unde Joannes Eckius, ille famosus Lutheri Antagonista lib. 3. de Primatu Petri cap. 40. ait, ab antiquo constitutum, Episcopum quemlibet à suo Metropolitano confirmandum, & Metropolitano à Primatu, & Primatem à suo Patriarcha: miraturque quomodo contra jura (quæ plurima ibidem profert) suas Confirmationes Episcopi, præsertim Germani, ex Roma petant. Pergit enim: "Quod jugum nescio quomodo Episcopi excusserunt, ut Confirmationem, saltem in Germania, omnes ex Roma petant. Forfan Viri magni & potentes, ac natalibus illustres, dedignabantur confirmari ab humilis generis Metropolitano. Hoc autem de Confirmatione per Metropolitano faciendâ, constitutum fuit in Concilio Nicæno, &c.

VII. Quod modò dictum est, confirmationem Episcoporum penes Metropolitanos integram fuisse jure Decretalium, id est etiam seculo XIII. intelligi oportet de vera confirmatione electionis, quæ ipsam Episcopi Ordinationem præcedere debebat; ut nec ante hanc confirmationem obtentam electus ordinari in Episcopum posset, neque administrationi seu in temporalibus seu spiritualibus ullatenus se immiscere.

Hujus generis confirmatio, etiam jure Decretalium, Metropolitanis integra mansit, neque à Sede Apostolica per litteras & Bullas obtineri debuit.

Cæterum & hoc verum est, quòd similis confirmatio, qualis hodie ordinationi præmitti debet & per quam Episcopatus quodammodo confertur, ab ipsa ordinatione omnino separata, & speciales suos effectus produciens, prioribus seculis ignota fuerit; uti numero 5. dictum fuit.

Quo verò tempore confirmatio Episcoporum ab ipsa ordinatione cæperit seungi & suos speciales effectus producere, incertum est: admodum verisimile est, non nisi circa seculum XI. aut XII. initium habuisse: dum scilicet Beneficiorum collatio & provisio ab ipsa ordinatione separari cepit. Ipsa enim

moderna Episcoporum confirmatio in effectu est Episcopatus collatio seu provisio, quæ similiter ut Beneficiorum provisio in ipsa ordinatione fiebat.

Unde & Pontifex juxta hodiernum stilum asserit in litteris confirmationis se Ecclesie vacanti de Pastore & Episcopo providisse.

VIII. Inquiritur quâ occasione Episcopi aliquando pro sua confirmatione ad Sedem Apostolicam recurrerint. Inter nonnullas occasiones quæ solent asserri, illa certior videtur, scilicet, quòd sicuti per Reservationes Pontificias, quæ potissimum à Joanne XII. incrementum accepere, ad Sedem Apostolicam seculo 14. provisiones sive nominationes fuere devolutæ; atque eo titulo electiones Canonice quodammodo abolitæ; pariter jus confirmandi Episcopos Metropolitanis ademptum & Sedi Apostolicæ fuerit reservatum. Indignum quippe credebatur, ut à Romano Pontifice ad Episcopatum designatus, à Metropolitano Confirmationem petere & accipere juberetur. Quid enim id aliud, quàm nominationem Pontificiam, Metropolitanis iudicio probandam vel improbandam subicere?

IX. Licet verò hæ Pontificie reservationes quoad Episcopatus & Prælaturas, sive per Concordata sive per indulta ac privilegia Regibus concessa, quoad nominationes & electiones ad Cathedrales Ecclesias fuerint in multis restrictæ; scilicet reservando ipsis Capitulis Canonicas electiones, uti contigit per Concordata Germaniæ; vel jus nominandi Regibus ac Principibus indulgendo: tamen Confirmationes Romano Pontifici hætenus reservatæ manserunt; nec quidquam juris Metropolitanis restitutum est.

X. Et quidem Concordata Germaniæ volunt, "quòd in Metropolitanis & Cathedralibus Ecclesiis, mediatè non subjectis Sedi Apostolicæ, fiant electiones Canonice, quæ ad dictam Sedem deferantur; quas etiam, ait Pontifex Nicolaus V. ad tempus constitutionis felicis recordationis Nicolai Papæ III. quæ incipit *Cupientes*, expectabimus, & elapso dicto termino si non præsentatæ, vel si præsentatæ minus Canonice fuerint, providebimus, & si Canonice fuerint, eas confirmabimus, nisi ex rationabili & evidenti causa, ac de dictorum Fratrum consilio de digniori & utiliori persona duxerimus providendum, proviso, quòd Confirmati prædicti, & per nos visi, Metropolitanis tamen suis & aliis præstent debita juramenta, & alia, ad quæ de jure tenentur.

XI. Concordata similiter inter Leonem X. & Franciscum I. Regem Franciæ habent, ut Rex virum gravem, qualitatibus ibidem expressis instructum, & alias idoneum infra sex menses à die vacationis Ecclesiarum, Romanis Pontificibus seu Sedi Apostolicæ nominabit, & de persona per Regem hujusmodi nominata per Romanos Pontifices, seu Sedem prædictam providebitur.

Itaque etiam vi horum Concordatorum requiritur Papæ provisio; "Alioquin si à Rege nominatus (inquit Rebuffus de Regia ad Prælaturas nominatione, verbo *Provideri*) receperit fructus Episcopatus ante Papæ provisionem, amittit jus nominationis & dicitur intrusus. (a)

XII. Indulta quoque ac privilegia, quibus Romani Pontifices Regibus Hispaniæ & Principibus nostris jus nominandi ad Cathedrales Ecclesias indulserunt, Confirmationem sive Provisionem Romanis Pontificibus seu Sedi Apostolicæ reservarunt; nec alteri, quàm Sedi Apostolicæ personam à Rege præsentari volunt.

(a) In Galliis non diceretur *Intrusus*, si ante Papæ Provisionem Episcopo aut Abbati nominato Rex tribueret Beneficii fructus: ea enim Regis Galliarum facultas videtur Jure Regali.

## CAPUT II.

Confirmatio dari debet prævia causæ cognitione.

1. *Confirmanti merito applicatur illud Apostoli: Manus cito nemini imposueris.*
2. *Quid sit manus cito imponere?*
3. *Confirmatio danda est prævio diligenti examine.*
4. *Ante Confirmationem citandi, qui electioni se volunt opponere? & quomodo?*
5. *Informatio accipienda etiam circa personam electam.*
6. *Informatio facienda in loco in quo Electus solitus fuit conversari.*
7. *Quam solícite inquisierit circa personam electam ante Confirmationem, S. Gregorius.*
8. *Exactum fuisse institutum examen seculo nono in Provincia Galliarum, ostenditur.*

I. Cum is quis confirmat electum vel nominatum, eundem instituat, ac proprie Ecclesiæ Pastorem provideat & constituat; merito Innocentius III. in cap. 19. *de Elect.* confirmanti applicat illud Apostoli ad Timotheum: *Manus cito nemini imposueris, neque communicaveris peccatis alienis. 1. ad Timoth. 5. 22.*

II. „Quid vero est (ait S. Leo *Epist. 1. cap. 2.*) „cito manus imponere, nisi ante ætatem maturitatis, „ante tempus examinis, ante meritum laboris, ante „experientiam disciplinæ, Sacerdotalem honorem tribuere non probatis. „Gratianus *Dist. 78. Can. 3.*

III. Merito ergo jam pridem Sacris Canonibus cautum fuit, ne Metropolitanis aliisque Prælati, quibus jus confirmandi seu probandi electiones aut nominationes ad Ministeria Ecclesiastica præsertim Episcopatus competit, præcipitanter sine prævio, maturo ac diligenti examine & informatione ad Confirmationem proficiant. Hos renovans Concilium Lateranense sub Innocentio III. „irrefragabili Constitutione sancivit, quatenus, cum quisquam ad regimen animarum fuerit electus, is ad quem pertinet ipsius confirmatio, diligenter examinet & electionis processum, & personam electi: ut cum omnia rite concurrerint, munus ei Confirmationis impendat: quia si secus fuerit incaute præsumptum, non solum deiciendus est indigne promotus, verum etiam indigne promovens puniendus. Ipsum quoque decernimus hac animadversione puniri: ut cum de ipsius constitit negligentia, maxime si hominem insufficientis scientiæ, vel inhonestæ vitæ, vel ætatis illegitimæ approbaverit: non solum confirmandi primum successorem illius careat potestate, verum etiam (ne aliquo casu penam effugiat) à perceptione proprii Beneficii suspendatur, quousque (si æquum fuerit) indulgentiam valeat promereri. Si vero convictus fuerit in hoc per malitiam excessisse, graviore subiaceat ultioni. „Cap. 44. *de Elect.*

IV. Si electus collectum aut specialem suæ electionis adversarium habeat, is ante Confirmationem nominatim vocandus erit; alias ubi concursus fuit electio, aut nullus nominatim se electioni opponit, generale ac peremptorium edictum proponendum est in Ecclesia, in qua electio facta est: ut si qui sint, qui se volunt opponere, constituto termino veniant. *Cap. fin. de elect. in VI.* ubi & Confirmationes hinc non observatis factæ, declarantur viribus omnino carere, irritæ & inanes.

V. Examen, seu informationem esse faciendam, non tantum circa electionis processum, sed etiam personam electi, declarat citatum Lateranensis Concilii sub Innocentio III. Decretum. Et quidem quod tria præcipue inquirenda sint in persona electi, videlicet, ætas legitima, morum honestas, & literatura sufficiens, scribit idem Innocentius Archiepiscopo & Capitulo Capuano in cap. 19. *de Elect.* IN INTEGRA.

Tom. I.

VI. Quia vero vira cuiusque exactius nosci potest in loco, in quo quis diu conversatus fuit, ibidem inquirendum est de moribus electi, cap. 3. *de elect.* quod sub nomine Gregorii III. retulit Raymundus; at uti recte notavit Antonius Augustinus in notis ad primam collectionem Decretalium, fragmentum est, licet truncatum, & in nonnullis immutatum, *Epist. 18. lib. 8.* S. Gregorii ad Anthemium Subdiaconum Campaniæ; ex qua apparebit, quam fuerit hic S. Pontifex sollicitus, ut accurate de vira moribusque electi esset instructus, priusquam electionem suo assensu probaret, atque una intelligetur, quam utile sit ad intellectum Decretalium, recurrere ad fontes è quibus sua Raymundus aut alii Decretalium Collectores hauserunt: uti latius in tractatu Historico-Canonico in Canones part. 8. cap. 1. §. 6. monui.

VII. Itaque in citata Epistola scribit S. Gregorius: „Postquam is, qui ad Episcopatum Surentinæ civitatis „electus fuerat, aptus nobis visus non est, Amandum „Presbyterum Oratorii S. Severini, quod in castro Luculano situm est, elegerunt. Ea propter experientiæ tuæ præcipimus, ut eundem Presbyterum excusatione ne postposita, sub omni ad nos studeat festinatione transmutare: quatenus petentium desideria cum Christi auxilio, si nihil est quod eum impediat, impleantur. Cujus vita vel ætus, quia melius posunt illicubi diu est conversatus, agnosci, cura tuæ sit cum fratre & Episcopo nostro Fortunato de eo diligenter inquirere. Et si nulla sunt quæ ad Sacrum Ordinem oblitere valent, ad nos debet omni postposita tarditate transmitti.

VIII. Quam exactum examen super electionis processu, & persona electi per Metropolitanum seculo nono, etiam hinc in partibus institueretur, abunde probat examinatio Willelberti Catalaunensis ordinandi Episcopi per Hincmarum Remensem Metropolitanum, assistentibus Provinciæ Remensis, & aliarum Provinciarum Episcopis: quæ extat integra in appendice Tomi 8. Conciliorum Generalium editionis Labbeanæ col. 1878.

Firmum itaque & constans semper fuit, Confirmationem Episcoporum non esse leviter annuendam; sed serium tam super qualitatibus electi, quam forma electionis examen esse præmittendum; quamvis ritus hujus examinis, & Confirmationis pro temporum & locorum diversitate varius fuerit; quemadmodum in sequentibus ostenditur.

## CAPUT III.

Per quos, & qua forma hodie informatio de Nominatis ad Episcopatus sumatur?

1. *Synodus Tridentina non determinavit, per quem aut qua forma facienda sit informatio.*
2. *Vult dicta Synodus, ut in Synodo Provinciali forma præscribatur.*
3. *Forma examinis in Synodo Provinciali Cameracensi anno 1565. præscripta.*
4. *Eadem in Synodo ejusdem Provinciæ anno 1586. & in Mechliniensi anno 1570. probatur.*
5. *Patres harum Synodorum non crediderunt, per Synodum Tridentinam solis Nuntii Apostolici informationem demandatam fuisse.*
6. *Neque id in Gallia creditum: & quid in Comitibus Blesensibus super forma examinis decretum?*
7. *Gregorius XIV. & Urbanus VIII. declararunt, informationem non esse sumendam per Ordinarios, nisi deficientibus Legatis Sedis Apostolicæ.*
8. *Synodus Provincialis Mechliniensis an. 1607. recepit Bullam Gregorii XIV.*
9. *Conformiter ad illam Bullam in Belgicis Provinciis soli Nuntii Apostolici, exclusis Ordinariis, informationes accipiant.*

N 2

10. In



10. In Gallia id non eque receptum.
11. Quid anno 1596. Notabiles Regni in conventu Rothomagensi de hac re Regi proposuerint?
12. Quid occasione Nominati ad Episcopatum Conventuum anno 1639. à Parlamento Parisiensi decretum sit.
13. Praxis Galliae habet, quod Nominatus jubeat informationes accipi per Episcopum ultimae suae residentiae.
14. Omnes quibus jus nominandi aut confirmandi Episcopos competit, merito de vita & moribus inquireunt.
15. Pontifices à facienda informatione excludunt, qui Nominatum in tertio consanguinitatis aut affinitatis gradu contingit.
16. Praelati ad faciendam informationem designati, tenentur eam facere per se.
17. Praelatus inquirens per se ex officio testes vocare & examinare debet; idque secreto.
18. Testes debent esse viri graves, prudentes & pii.
19. Testes debent scire, quae requirantur in promovendo ad Episcopatum.
20. Consanguinei & familiares; item amuli & inimici in testes non recipiendi.
21. Non sufficit aliquem gradu Academico esse insignitum, sed major de ejus doctrina habenda notitia.

**L** Synodus Tridentina Sess. 22. cap. 2. de reformat. expressis qualitatibus in assumendo ad Ecclesiam Cathedrali requisitis, subiungit: "Quarum rerum instructio, si ejus notitia nulla aut recens in Curia fuerit, à Sedis Apostolicae Legatis seu Nuntiis Provincialium, aut ejus Ordinario, eoque deficiente, à vicinioribus Ordinariis sumatur.

Decretum hoc nequaquam determinat, per quem aut qua forma in singulis Provinciis informatio sive instructio de qualitatibus assumendi ad Ecclesiam Cathedrali sumenda sit: sed eam vel à Legatis seu Nuntiis Apostolicis, aut Ordinario ejus, qui assumendus est, accipi posse tantummodo dicit: quod & non obscure insinuat Sess. 24. cap. 1. de reformat. ubi expresse fatetur, in accipienda hac informatione, non uniformem rationem ubique ex nationum, populorum, ac morum varietate posse adhiberi.

II. Quapropter mandat, "ut in Provinciali Synodo per Metropolitanum habenda, praescribatur, quibusque locis, & Provinciis propria examinis, seu inquisitionis, aut instructionis faciendae forma, Sanctissimi Romani Pontificis arbitrio approbanda, quae magis eisdem locis utilis, atque opportuna esse videbitur.

III. Conformiter huic Tridentino Decreto, Synodus Cameracensis Provincialis anno 1565. titulo de examine Episcoporum, formam inquisitionis sive informationis de nominato ad Cathedrali Ecclesiam his verbis expressit: "Ubi autem vel electio, vel postulatio, aut nominatio facta fuerit; per eos eumque quorum aut cuius interfit, auctoritate Metropolitanam, aut si defuerit, vicinioris Episcopi Provinciae, affixis scedulis denuntiatoris ad valvas vacantis Ecclesiae, denuntietur patere aditum omnibus, qui sciant aut impedimentum aut vitium esse aliquod, quamobrem electus, vel postulatus, aut nominatus minime promoveri debeat; ut libere, ac tuto eidem Episcopo aut Archiepiscopo denuntianti intra tempus definitum significent: idemque assumptis secum duobus vacantis Ecclesiae Canonici testes productos audiat, & examinet: quæratque de natalium integritate, de ætate, an sit annorum triginta; de vita, moribus, & exercitiis, de gradu, statu, facultate, an Doctor, an doctus saltem; sitque iis virtutibus præditus, quas Apostolus in Episcopo requirit: & an sex mensum spatio in sacro Ordine fuerit constitutus. Quæ omnia fideliter descripta, ac ejusdem Episcopi, aut

Archiepiscopi manu, ac sigillo firmata, & obsignata, mittantur ad S. D. Papam, ut sufficienter instructus confirmare tutius electum, postulatum, aut nominatum queat.

IV. Et ejusdem Provinciae altera Synodus anno 1586. habita, vult, ut "novo Episcopo Electo aut Nominato processus super ejus doctrina & moribus Romam transmittendus fiat, juxta dispositionem, ait, Decreti primi Concilii Provincialis. Tit. 17. cap. 9.

Similem formam sumendae informationis in Synodo Provinciali Mechliniensi, titulo de Episcopis cap. 1. & 2. praescriptam habemus.

V. Hinc patet, quod tamen si Episcoporum Belgii tunc temporis provisio ac Confirmatio à Sede Apostolica petenda & accipienda esset, nihilominus instructio seu informatio super qualitatibus promovendorum per Metropolitanum, aut eo absente, per seniores Suffraganeum fieret; adeoque nec crederent Synodorum harum Patres, vi Decreti Concilii Tridentini solis Legatis, seu Nuntiis Sedis Apostolicae jus sumendi informationes competere.

VI. In Gallia quoque non obstante praedicto Concilii Tridentini Decreto, informationes nequaquam per Nuntios Apostolicos, sed per Ordinarios pluribus annis factae sunt.

Nam in Comitibus Blesensibus anno 1576. inter alia decretum fuit, ut priusquam litterae Nominationis Regiae ad Pontificem mitti solitae expediantur, nomina eorum, qui per Regem Nominati sunt, mittantur ad Episcopum Diocesis loci ubi Nominati ultimis annis residerint, & domicilia habuerint; ac etiam ad Capitula Cathedralium Ecclesiarum vacantium, qui respective inquirent de vita, moribus, bona disciplina, & conversatione Catholica dictorum Nominatorum; & de omnibus conficiant legitimos processus verbales, quos clausos & obsignatos quantocius transmittent.

Insuper statutum est, ut ante expeditionem litterarum nominationis, dicti Nominati examinentur super eorum in Sacris Litteris eruditione, per unum Archiepiscopum aut Episcopum per Regem designandum, adiectis duobus Doctoribus Theologiae, qui de Nominatorum sufficientia aut insufficientia testimonium ad Regem mittent.

Post hæc supervenit Bulla Gregorii XIV. quae incipit, *Unus Apostolicae*, edita 1. Maji 1591. qua praedictum Decretum Concilii Tridentini renovatur, ac multa insuper circa formam faciendae informationis adduntur & explicantur.

VII. Ac imprimis praecipit, "ut cum extra Romanam Curiam examen, instructio sive inquisitio faciendae erit, nemo omnino cujuscumque status, gradus, conditionisve fuerit, inquisitionem sibi arrogare praesumat, sed integrum hoc negotium iis, qui à praedicto Tridentino Concilio designantur, Apostolicae videlicet Sedis Legatis, seu Nuntiis Provincialium, aut ejus de quo inquisitio fit, Ordinario, eoque deficiente Ordinariis vicinioribus relinquatur; nisi iustis de causis nobis aut pro tempore existenti Romano Pontifici, per speciale mandatum alicui alteri hoc munus quandoque committendum visum fuerit.

Deinde addit: "Quod si forte aliquis praedictorum consanguinitate aut affinitate usque ad tertium gradum inclusive promovendum contigerit, ut omnis suspicio carnalis affectus à tam sancto negotio repellatur, ille quidem eo casu censetur exclusus, atque ad eum, qui proxime sequitur, hoc est, si Legatus excludendus erit, ad Nuntium; si Nuntius, ad Ordinarium; si Ordinarius, ad viciniorum Ordinarium inquisitionis Officium deferatur.

Ex quibus non obscurum est, Pontificem in hac Bulla, inquisitionem sive examen de qualitatibus promovendi, duntaxat deficientibus Legatis vel Nuntiis Apostolicis,

stolicis, per Ordinarios fieri velle; quod & in sequentibus his verbis rursus insinuat: "Quod si de Episcopopo, vel Metropolitano extra Romanam Curiam de gente ab una Ecclesia ad aliam ex aliqua gravi & iusta causa transferendo ageretur, hoc munus Legato vel Nuntio Apostolico ejus Provinciae, aut Regni ubi Ecclesia ipsa, à qua transfertur, sita erit; ad Metropolitanum, si Episcopus, ad Suffraganeum vero antiquiorem residentem, si Metropolitanus transferendus erit, pertinere declaramus.

Hanc Sedis Apostolicæ mentem clarioribus terminis expressit Urbanus VIII. anno 1627. in nova ac particulari instructione circa conficiendos processus inquisitionis super qualitatibus promovendorum ad regimen Cathedralium, aut aliarum Superiorum Ecclesiarum.

"Si processus inquisitionis, ait, conficiendus sit extra Romanam Curiam, hoc munus spectat ad Legatos Sedis Apostolicæ, vel ad Nuntios Provinciarum in locis, in quibus commorantur: Si non adsint Legati, neque Nuntii, spectat ad Ordinarios personarum promovendarum, & ipsis deficientibus, ad Ordinarios viciniore, qui ordo servandus est, neque quisquam debet sibi hoc munus arrogare præter ordinem supradictum, nisi Romano Pontifici per speciale mandatum alicui alteri illud demandare placuerit. Quo casu apparere debet de mandato speciali in principio processus.

VIII. Synodus Provincialis Mechliniensis anno septimo sæculi decimi septimi juxta præcitatam Gregorii XIV. Bullam, processum super qualitatibus promovendi ad Episcopatum fieri mandat. "Facta novi Episcopi nominatione, (inquit tit. 16. cap. 8.) processus super ejus natalibus, vita, ætate, doctrina & moribus, Romam transmittendus, fiat juxta dispositionem Bullæ Gregorii XIV. quæ incipit, *Unus Apostolicæ*.

IX. Porro, quia hæc Bulla, uti jam notatum est, informationem non permittit fieri per Ordinarios, nisi deficientibus Legatis aut Nuntiis Apostolicis; in Belgio tandem receptum fuit, ut dicta informatio ac processus fiant per Nuntium sive Iternuntium Apostolicum in hisce Provinciis residentem; neque Ordinarii ulla in processu illo formando partes habeant.

X. Galli vero ægre hanc provinciam Nuntiis Apostolicis permittere volunt; sed ad Ordinarios, & alios à Rege committendos spectare contendunt.

Et quidem in reconciliatione Henrici IV. propositus à Pontifice hic articulus, quod omnes informationes de vita & moribus & religione, quæ posthac fient ratione provisionis Beneficiorum consistorialium in Gallia, fient per Nuntios & alios Ministros Sedis Apostolicæ, tanquam moribus Regni contrarius à Rege rejectus fuit.

XI. Rursus anno 1596. Notabiles sive Primores Regni congregati Rhotomagi suggererunt Regi, quod iis in locis, in quibus non videretur hætenus Regiæ suæ Majestati conveniens restituere electiones, dignetur interea in Nominationibus suis jubere observari articulum 2. Comitiorum Blesensium anni 1576. atque eundem ampliando præcipere, ut informationes super religione, vita, moribus & doctrina promovendorum ad Archiepiscopatum, fiant per Episcopum Provinciale seniore in ordine Episcopali & residente: Et promovendorum ad Episcopatum per Archiepiscopum in Provincia residentem; & in hujus absentia per seniore Episcopum Provincie similiter residentem, adscitis tribus Canonicis Ecclesiarum vacantium, à Capitulis ad hunc effectum deputatis.

Et ad obviandum abusibus qui committuntur in faciendis informationibus ad Curiam Romanam mittendis per dictos Nominatos ad Prælaturas, pro quibus informationibus faciendis accipiunt commissarios, & testes adducunt, quos sibi convenire judicant; supplicant Regi, quatenus dignetur statuere, ut prædictæ informationes fiant à dictis Archiepiscopis & Episcopis in forma superius descripta; quodque Archiepiscopi &

Episcopi has informationes facientes, Inquirent quoque de mediis, quibus obtentæ sint nominationes ad Archiepiscopatum vel Episcopatum; etiam de confidentia & Simonia, pensionibus, & passionibus illicitis, si quæ intervenerint. Et ubi hæc informationum forma observata non fuerit, possint Capitula interponere appellationem tanquam *ab abusu* ad executionem provisionum ad Archiepiscopatum & Episcopatum; qua pendente non tenebuntur provisiones recipere ad Archiepiscopatum vel Episcopatum, nec ut tales agnoscere.

XII. Rursus cum anno 1639. Pontifex differret dare provisionem Nominato à Rege ad Episcopatum Convennarum, quia informationes ad Curiam Romanam missæ, factæ essent in forma superius descripta; ac insuper à Sacra Congregatione decretum fuisset, ut dictus Nominatus institui juberet novam informationem in Curia Romana, & si desint testes, Dominum Nuntium posse delegare Ordinario eos articulos super quibus informatio Parisus fieri non poterit; Procurator Regius habita eorum notitia, Parlamento Regio exposuit, quod juxta primum articulum Comitiorum Blesensium, informationes super vita, moribus ac doctrina Nominatorum à Rege ad Prælaturas, fieri debent per Episcopos Diocesanos Gallie; quod tamen eo non obitante, Nuntii Apostolici eas sibi eoque attribuerint, ut Bullæ aliæque provisiones Romæ non expediantur, nisi informationes per Nuntium sint factæ. Quandoquidem vero, aiebat Procurator Regius, dictæ informationes unice fiant, ut securius ac maturius in Nominationibus, quæ ad Regem pertinent, procedatur; neque Romam mittantur, nisi ut Pontifici ostendatur, Nominatum esse instructum qualitatibus à Sacris Canonibus & in Concordato requisitis: & per consequens Nominatum recusari non posse: juxta apparet, ut Decreta & Ordinationes Regiæ per solos Regios Commissarios executioni mandentur. Addebat insuper Procurator Regius, quod per jura ac Libertates Ecclesiæ Gallicanæ, Nuntii Apostolici in Gallia residentes nullam jurisdictionem exercere possint. Hisce aliisque per Regium Procuratorem expositis, Parlamentum Regium edixit, ut informationes super ætate, vita, moribus & conversatione Catholica Nominatorum à Rege ad Episcopatum aliasque Prælaturas & Beneficia, posthac fiant per Episcopos Diocesanos illius loci, in quo Nominatus ultimis quinque annis resederit, conformiter ad articulum primum Comitiorum Blesensium. Inhibitione insuper facta Nominatis, utendi aliis informationibus quam per prædictos Episcopos factis, sub pena excidendi jure per nominationem acquisito. Præterea inhibuit fuit omnibus Regnicolis, depositiones facere, aut testimonia reddere in ordine ad has informationes, aliter quam coram prædictis Episcopis; atque omnibus Banquariis & Expeditionariis alias informationes Romam mittere, sub pena privationis suorum officiorum, & punitionis, quæ infligitur pacis publicæ perturbatoribus. Mandatumque fuit, ut præfens Decretum ubique publicaretur. Vide Carolum Fevretium *Lib. 3. cap. 4. num. 11.* & latius Tractatum Gallicum de informatione Nominatorum ad Episcopatum.

XIII. Unde praxis hodierna Gallie habet, uti asserit D. Fleury in Institutionibus Juris Canonici *part. 1. cap. 10.* quod Nominatus curet informationem de vita & moribus suis fieri per Episcopum suæ ultimæ residentie.

In Galliis è jure informandi excluditur Nuntius; cum enim carcat omni jurisdictione, non potest efficaciter citare testes aut eos ad ferendum testimonium cogere defectu jurisdictionis; atque hinc contingere solet, ut informationes recipiantur ex sola depositione eorum qui per nominatum ad ferendum testimonium mittuntur: plerumque deponentes juxta instructionem sibi à Nominato ejusve amicis datam.

Nec id ambigi potest, quin vita, morasque Nominati

nati soleant Ordinario domicilii in quo Nominatus resedit & vixit, propius esse noti, quam Nuntii Apostolicis in Metropoli ( seu in urbe quæ Caput Regni dicitur ) continuo morantibus. (a)

XIV. Quin Reges alique, quibus aut nominatio aut electio Episcoporum incumbit, merito per se vel Ministros suos aliosve, quos ad id convenientiores judicaverint, de vita ac moribus promovendi informationes sumant, nemini dubium esse potest. Cum vero Romanus Pontifex, juxta modernam disciplinam, in Canda Confirmatione & provisione ad Episcopatus successerit Metropolitano, merito & ipse inquirat ac informationes de vita ac moribus cæterisque Nominati aut Electi qualitatibus *per se* aut alios capiat; formamque informationis capiendæ præscribit; quam ad assequendam convenientem noticiam de capacitate Nominati aptiorem credit.

XV. Imprimis circa personas, quibus inquisitio sive informatio committitur, inter alia decernitur; ut si aliquis ex Prælati, ad quem in ordine supradicto spectat processum conficere, consanguinitate vel affinitate usque *ad tertium gradum inclusive* Promovendum contingat, ille *excludatur* ab hoc munere quod eo casu deferatur ad illum, qui proxime sequitur, servato eodem ordine & gradu.

XVI. Ad hæc Prælati in Bulla designati, " non per suos Vicarios, Auditores vel alios Ministros, sed *per se ipsos* inquirendi munus, ait Gregorius XIV. exercere debent; quamvis ab hujusmodi personis, aliisque viris peritis juvari possint. „ Rationem hujus præmiserat: " Quia Sacrum Concilium Tridentinum non sine magna ratione eminentes personas, & quæ negotii magnitudinem probe intelligerent, ad hoc officium nominavit.

XVII. " Ad hoc autem, ut mens ejusdem Sacri Concilii ( pergit Gregorius XIV. ) recte ac fideliter debitæ executioni mandetur; & tale sit examen, quale requiritur in negotio tanti ponderis, declaramus ac statuimus, non esse in vita ac doctrina Promovendi investiganda, eam rationem adhibendam, ut ab ipso Promovendo articuli offerantur, ac testes producantur; sed oportet ut Prælati, qui munus inquirendi suscepit, articulos conscribat, atque ipse ex officio suo illos testes vocet atque examinet, quos de rebus inquirendis sincerum ac fidele testimonium duros esse existimet. Verum, ut inquisitio prædicta facilius ac plenius perfici atque expediri queat, utile erit, si Prælati, qui inquisitionem facturus est, vel à Promovendo, vel ab aliquo alio confici curet scedula, in qua sint ordine descripta, nomen Promovendi, cognomen, patria, parentes, ætas, ordo, gradus, professio, functio, si quam is forte exercuit, loca in quibus aut Theologiæ vel Juri Canonico operam dederit, aut longo tempore versatus fuerit, denique amici ac familiares, qui tam ipsum quam parentes

ejus intime norint. Quod si Promovendus documentum aliquod exhibere voluerit, unde ipsius ætas, gradus, dignitas, sacri Ordines, functio, officia, muneraque, aut aliquid ejusmodi comprobetur, admittendum, ac processui inferendum erit, modo documentum publicum seu authenticum erit.

Eadem habet instructio Urbani VIII. quæ insuper addit: " Ipse ( Prælati inquirens ) ex officio suo *secreto* vocari mander, & *secreto* examinet, *ipsemet* recipiat in manibus suis singulorum testium juramentum.

XVIII. Nec quoscumque testes adhibendos esse voluit Pontifex, sed " Testes sint Viri graves, pii, prudentes, docti, & qui de qualitatibus Promovendorum rectum judicium ferre valeant, *sincerumque* ac *fidele* testimonium verisimiliter sint daturi; præsertim vero hujusmodi qualitates esse debent in testibus, qui interrogandi erunt de fide Catholica, vita, moribus, doctrina, & aptitudine promovendi ad regendam Ecclesiam.

XIX. Deinde rationem, quæ testes hujusmodi dotibus instructos assumendos suadet, hanc apprimè notandam subjicit: " Scire enim debent ipsi testes, quæ requirantur in eo, qui rector est Ecclesiam Cathedrali, ad hoc ut sit idoneus ad alios docendum, aptus ad illam gubernandam, & dignus qui ad eam promoveatur.

XX. Pergit deinde: " Non sunt recipiendi in testes *Cognati* vel *nimium familiares*; aut *inimici* sive *amuli* personæ promovendæ. In investigandis testium qualitatibus, adhibenda est diligentia per Prælatum inquirentem, ut cognoscere possit quam sint erga Promovendum affecti, exindeque conicere, utrum ex affectu, an ex veritate testimonium dicant. Si aliquando Prælati inquirenti ita expedire videbitur, testibus ad memoriam reducat vim juramenti & gravitatem perjurii, admonebitque ipsos reos futuros apud Deum eorum omnium, quorum vel committendo, vel omitendo, rei erunt qui promovebuntur, si vel falsa narrando, vel retinendo vera causa erunt, ut homines indigni vel minus idonei Ecclesiis præficiantur.

XXI. Hæc ad verbum desumpta sunt ex *Instructio*ne jussu Urbani VIII. emanata, quæ præter hæc exhibet quoque interrogatoria, quæ necessaria sunt ad inquirendum in omnes qualitates in Promovendis requisitas, quæ pleraque circa vitam, mores, fidem Catholicam & doctrinam ipsius Promovendi versantur; sed præ reliquis notandus hic articulus: " An sciat eum aliquo gradu in Jure Canonico, vel in Sacra Theologia instructum esse, quibus in locis, quanto tempore, & quo fructu ipsi Theologiæ, vel Juri Canonico operam dederit, & an *vere ea doctrinam polleat*, quæ in Episcopo requiritur, ad hoc, ut possit alios docere, & quæ sit causa scientiæ.

Ex hoc articulo non obscure colligitur, Pontificem haud credidisse, eos omnes sufficienti doctrina pro Episcopatu esse instructos, qui gradu Doctoratus aut Licentiæ in Theologia vel Jure Canonico sunt insigniti; quod apertius expressit Gregorius XIV. Cum enim renovavit Decretum Concilii Tridentini, in Promovendis ad Ecclesias Cathedralis dictum gradum Academicum, aut certe publicum alicujus Academiæ testimonium requirens, subjungit: " Tamen quia circa doctrinam plures fraudes committi solent, & sæpe contingit, ut nonnulli scientia vacui, de solo Doctoris titulo, aut privilegio glorientur, volumus, ut de eorum etiam doctrina diligenter inquiretur, qui vel Doctoratus vel Licentiæ titulis, & privilegiis gaudent, vel etiam à publicis Academiis testimonium habuerunt; quod idonei essent ad alios docendos, nisi forte aliquorum insignis doctrina ex publica ipsorum functione notoria esset.

Quam

(a) Idem constat Arresto quod Supremus Parisiorum Senatus dedit 12. Decembris an. 1639. cujus hæc sunt verba. " La Cour Ordonne.... Que les Informations de l'âge, vie & mœurs, & conversation Catholique de ceux que le Roi nomme aux Evêchés, &c. se feront à l'avenir par les Evêques Diocésains des lieux où ils auront fait leur demeure & résidence les 5 années précédentes; Fait défenses à ceux qui auront obtenu du Roi la Nominacion, de s'en aider d'autres que de celles faites par lesdits Evêques Diocésains, à peine d'être déchus de la grace: A tous Sujets du Roi de leur rendre les dépositions & témoignages pardevant d'autres; A tous Notaires Apostoliques, de les recevoir; & à tous Banquiers & Expéditionnaires, d'en envoyer à Rome d'autres, à peine de privation de leurs Charges, & d'être punis comme perturbateurs du repos public. „ Hoc Arrestum legitur in Notis ad art. 75. p. 593. Operis quod in fronte Titulum hunc gerit, *Preuves des Libertés de l'Eglise Gallicane*.

Notandum tamen est, quod Rex Lud. XIV. permiserit, ut ista morum informatio fieret coram Nuntio Sedis Apost. Sed ea permissio cum data fuerit voce tenuis, nec munita sit litteris Regiis, ideoque habetur velut *tolerantia*, non ut *permissio* proprie dicta.



Quam hæc cautio etiam hodie omnino sit necessaria, nemo non agnoscat, qui expendit, quam leviter & quantâ facilitate hi gradus nonnunquam concedantur.

Ex his breviter ac in compendio relatis non difficulter quoque judicare quisque poterit, quam exacta notitia Promovendorum ad Prælaturas sperari posset, si seriò & exactè juxta mentem Concilii Tridentini & Pontificum, qui has inquirendi formulas præscripsere, informatio & inquisitio fieret. Bulla Gregorii XIV. extat in Bullario Romano tomo 2. pag. 705. edit. anni 1635. Instructio Urbani VIII. habetur apud Barbosam Lib. 1. *Juris Eccles. cap. 8.*

## CAPUT IV.

## • Quo ritu expediatur Confirmatio.

1. Olim Confirmatio à consecratione vix separata fuit.
2. Ex stylo Decretalium Electus ante consecrationem, tametsi Confirmatus, non dicitur simpliciter Episcopus, sed Electus.
3. Quæ forma Confirmationis observaretur, cum electio esset penes populum & Clerum?
4. Quomodo peteretur Confirmatio Nominati à Principe?
5. Quomodo Capitula Cathedralia Electum Metropolitanum præsentarent; & quomodo hic confirmaret?
6. Ex Decreto Tridentini Concilii processus inquisitionis mitti debet ad Pontificem, à quo Confirmatio habenda est.
7. Moderatio dicti Decreti juxta stylum bodiernum.
8. Prælatus qui inquisivit, judicium suum de testibus & persona promovenda transmittere debet.
9. Totus inquisitionis processus à Cardinale Relatore cum tribus aliis accuratè examinari debet; & in duobus successivis Consistoriis relatio fieri.
10. Quis bodie soleat esse Relator; & qui alii tres Cardinales?
11. In primo Consistorio sit nuda propositio, vocaturque præconizatio; in secundo sit totalis relatio; atque ex suffragiis Cardinalium nominatum Pontifex sub certa forma Episcopum pronuntiat.

**P**RISTINA disciplina, quæ faciliè per decem secula inconcussa permansit, Confirmationem Episcoporum ab eorum consecratione vix sejunxit; sed Episcopus Electus à Metropolitanò & Comprovincialibus examinatus, uno eodemque quasi actu & tempore consecratur, & confirmatur; sive potiùs ordinando confirmabant; neque ante ordinationem Prælatus aut Episcopus dicebatur, nisi ad summum cum addito, *Electus*.

II. Quin ex stylo Decretalium, uti observat cum aliis Fagnanus ad cap. *EAM TE* de *Rescriptis*; ante consecrationem non dicitur, Episcopus simpliciter, sed *Electus*. "Et meritiò, ait, quia electio & consecratio unum faciunt Episcopum. . . . . Quod locum habet non modò in Canonicè Electis & Confirmatis, sed etiam in illis, quos *Papa* pronuntiavit *Episcopos*; quia ante consecrationem vocantur *Electi*. . . . . Nec Electus in Papam ante benedictionem, coronationem & consecrationem ex stylo intulatur *Pontifex*, nec scribit *Pontificatum in data*.

Hæc sunt, inquit Ludovicus Thomassinus de *Disciplina Ecclesie parte 4. lib. 2. c. 50. n. 8.* restantes reliquæ pristinæ disciplinæ, quæ Confirmationem à consecratione non distinguebant; imò vix apud Veres ante decimum aut undecimum seculum *confirmationis* Episcoporum, sed electionis, consecrationis, & ordinationis duntaxat mentio sit.

Juxta disciplinam ergo pristinam, quæ per decem & amplius secula duravit, Confirmatio hac fere formâ peragebatur.

III. Quam primum electio à Clero populoque facta erat, Decretum electionis, eligentium subscriptionibus roboratum ad Metropolitanum & Episcopos Comprovinciales mittebatur, ut Electus in Episcopum ab ipsis ordinaretur.

Extrat in Appendice tomi 8. Conciliorum generalium Decretum Cleri & Plebis Ecclesiæ Laudunensis de electione Hedenuphi Episcopi ad Hincmarum Metropolitanum Remensem & Episcopos Provinciæ, ut illum in Episcopum ordinent.

Hic postquam præfati sunt, æquum esse, ut ab omnibus eligatur, cui debet ab omnibus obediri, Metropolitanum interpellantes, dicunt: "Quapropter cum *Decreto nostræ electionis* manibus singulorum nostrorum roborato ad Paternitatem vestram accedentes, Hedenuphum Ecclesiæ nostræ filium, & in Ecclesia nostra, suffragantibus stipendiorum meritis, ad onus usque Sacerdotale promotum, vitâ & moribus ac sanctâ conversatione idoneum approbatum, quem per licentiam vestram, favente Christianissimo Imperatore Carolo pari consensu, ac concordî devotione, atque unanimi voluntate eligimus, per manus vestras, ac ceterorum vestræ Diocesis Sanctorum Episcoporum, consecrari, nobisque & Ecclesiæ nostræ Doctorem atque Pontificem institui imploramus, precamur ac petimus.

Extat quoque ibidem sub num. 13. Decretum Cleri Parisiensis de electione Aneæ Episcopi, ad Metropolitanum Senonensem ejusque Provinciales Episcopos, & n. 14. Decretum Cleri & Plebis Senonensis de electione Anségisi Metropolitanî, qui ex alia Provincia petitus est, ad Episcopos Provinciæ Senonensis.

Hæc Decreta, præter alia plura ad disciplinam Ecclesiæ spectantia, ostendunt, eo tempore, factâ electione à Clero & Plebe, electionem fuisse oblatam Metropolitanò, ut ipse illam cum Episcopis Comprovincialibus examinaret; & Electum in Episcopum ordinaret; si omnia canonicè acta, ipsumque Electum secundum Canones idoneum reperisset: prout exactis, quæ in eadem Appendice referuntur, ac suprâ titulo 13. cap. 1. annotavimus, intelligi potest.

IV. Reges quoque nominatum à se ad Episcopatum Metropolitanò in Episcopum ordinandum præsentasse, ex Concilio Toletano 12. *Can. 12.* superius notatum fuit; & probat forma præsentandi, quæ in sæpiùs citata Appendice ad tom. 8. Conciliorum generalium exhibetur sub hoc titulo: *Indiculus Regis ad Metropolitanum, ut designatum Episcopum ordinet cum suis Comprovincialibus.*

Verum quidem est, in dictis formulis ac Decretis unicè peti à Metropolitanò, ut unâ cum Comprovincialibus, Episcopum electum *Ordinet & consecret*: quia, ut jam monuimus, disciplina illius temporis Confirmationem à consecratione seu ordinatione non distinguebat; sed Metropolitanus consecrando probabat & adittebat electionem, & Electum Ecclesiæ Pastorem dabat.

V. Et licet postmodum Confirmatio à consecratione distingui cæperit, atque ob raritatem Conciliorum Provincialium ad solum Metropolitanum Confirmatio fuerit devoluta, tamen illa ferè juxta pristinam formam petebatur, atque cum causæ cognitione à Metropolitanò expediebatur. Nam Capitulum (ait Barbosa Lib. 1. *Juris Ecclesiastici cap. 9. n. 5.*), ad quod jus eligendi suum Episcopum de jure communis spectat, eidem Metropolitanò seu alteri Superiori mittebat litteras sigillo suo & singulorum munitas, ac per Canonicos subscriptas, quæ appellabantur Decretum, in quibus Electio facta seriatim narrabatur, & Confirmatio petebatur.

Hodie verò omnium Episcoporum confirmatio ad Romanum Pontificem spectat; eaque hac ferè formâ expediri solet.

VI. Cum inquisitio de persona promovenda (forma capite

capite præcedenti expressa) "perfecta fuerit, ea in  
"instrumentum publicum redacta (inquit Synodus  
"Tridentina *Seff. 24. cap. 1. de reformat.*) "cum toto  
"testimonio ac professione fidei ab eo (Nominato ac  
"Electo ad Episcopatum) facta, quamprimum ad  
"Sanctissimum Romanum Pontificem omnino trans-  
"mittatur, ut ipse Summus Pontifex plenâ totius ne-  
"gotii ac personarum notitiâ habitâ, pro gregis Do-  
"minici commodo de illis, si idonei per examen seu  
"per inquisitionem factam reperi fuerint, Ecclesiis  
"possit utilis providere.

VII. Quod hic dicitur de transmissione processûs  
sive inquisitionis ad Romanum Pontificem, intelligi  
debet juxta stylum hodiernum, si Ecclesiæ non sint ad  
nominationem vel præsentationem Imperatoris vel  
Regis alicujus; quia si sit de hujusmodi nominatione  
vel præsentatione, Prælati, qui processum confecit,  
eum transmittit ad Cardinalem illius Regni vel Pro-  
vinciæ protectorem, in qua est Ecclesia providenda de  
Pastore.

VIII. "Ipse quoque Prælati, qui processum exa-  
"minis confecit, vel per litteras separatas (juxta De-  
"cretum Urbani VIII.) "simul tamen cum processu  
"mittendas, vel per subscriptionem hujusmodi pro-  
"cessûs significabit, quanta fides testibus examinatis,  
"eorumque dictis, & scripturis productis, suo judi-  
"cio, habenda sit, simul etiam quid de promovendo  
"ipse sentiat.

IX. "Omnes verò inquisitiones, informationes,  
"testimonia ac probationes quæcumque de promovendi  
"qualitatibus, & Ecclesiæ statu à quibuscumque,  
"etiam in Curia Romana habitæ (ait Synodus Trident.  
"loco citato) "per Cardinalem, qui relationem factu-  
"rus erit in Consistorio, & alios tres Cardinales dili-  
"genter examinentur; ac relatio ipsa, Cardinalis rela-  
"toris & trium Cardinalium subscriptione roboretur;  
"in qua ipsi singuli quatuor Cardinales affirmant, se,  
"adhibita accuratâ diligentia, invenisse promovendos  
"qualitatibus à jure, & ab hac sancta Synodo requisi-  
"tis præditos; ac certò existimare sub periculo salutis  
"æternæ idoneos esse, qui Ecclesiis præficiantur: ita  
"ut relatione in uno Consistorio factâ, quò maturius  
"interea de ipsa inquisitione cognosci possit, in aliud  
"Consistorium judicium differatur; nisi aliud Beatissimo  
"Pontifici videbitur expedire.

X. Cardinalis proponens, ex stylo hodierno, si de  
Ecclesia spectante ad nominationem Regis agatur, est  
Cardinalis *Protector* illius Regni. Tres alii Cardinales  
sunt primus Cardinalis Episcopus, primus Cardinalis  
Presbyter, & primus Cardinalis Diaconus.

XI. In primo Consistorio fit nuda propositio No-  
minati ad Ecclesiam vacantem per Cardinalem propo-  
nentem; diciturque *Præconizatio*; resolutione tamen  
dilata in alterum Consistorium; ut interea Pontifex &  
Cardinales de persona *Promovenda* melius se informare  
queant. In secundo Consistorio idem Cardinalis rursus  
præsentat Promovendum; ac de omnibus, quæ statum  
Ecclesiæ, ac qualitates Promovendi spectant, Pontifi-  
cem & Cardinales informat; vocaturque hæc præsentatio  
*Propositio*. Omnibus absolutis Pontifex colligit  
suffragia Cardinalium, & si dicant, Nominatum esse  
confirmandum, Pontifex pronuntiat ipsum Episcopum,  
per hæc verba: "Auctoritate Dei Omnipotentis Patris  
" & Filii, & Spiritûs Sancti, & Beatorum Apostolo-  
"rum Petri & Pauli, ac nostrâ, Ecclesiam N. de per-  
"sona N. providemus, ipsumque illi in Episcopum  
"præficimus & Pastorem, curam & administrationem  
"ipsius eidem in spiritualibus & temporalibus plenariè  
"committendo. (a)

(a) In Gallia agnoscitur Consistorii auctoritas, cùm agitur de  
personis ad Beneficia quæ *consistorialia* dicuntur promovendis:  
modò illæ personæ à Rege antea nominatæ sint ad ea possidenda,  
in aliis autem rebus Decisiones, quæ ex ea Congregatione emanant,  
Jus in Regno Francorum non constituunt.

Si hæc tam seriò atque exactè observarentur in faci-  
enda informatione super moribus atque conversatio-  
ne Nominati aut Electi ad Cathedralis Ecclesias, quàm  
à Conciliis & Romanis Pontificibus ordinata sunt, in-  
dubiè spes esset, quòd sit exacta etiam haberetur de  
Promovendis notitia.

## CAPUT V.

De effectu Confirmationis; & quæ hodie requirantur,  
ut plenum effectum sortiatur.

1. *Ante Confirmationem Episcopus electus aut nominatus administrationi se ingere nequit.*
2. *Episcopi immediatè Romano Pontifici subiecti debent, antequam plenitudinem officii accipiant, se eidem præsentare ex Decreto Concilii Lateranensis.*
3. *Ne quidem sub titulo Oeconomus aut Procuratoris possint administrationem ante Confirmationem suscipere.*
4. *Hæc non tantum in Electo, sed quocumque Nominato locum habent.*
5. *Fallit in Electis concorditer; in partibus à Curia Romana remotis.*
6. *Sub remotis etiam Angli, Franci & Alemanni comprehenduntur.*
7. *Per Confirmationem Electus aut Nominatus verus Pastor Ecclesiæ constituitur.*
8. *Recentioris disciplinæ est, ut quis electus in Episcopum ante suam ordinationem dicatur Pastor Ecclesiæ.*
9. *Cur Episcopus Confirmatus ante Consecrationem ex stylo Decretalium non dicatur simpliciter Episcopus sed Electus.*
10. *Episcopus confirmatus omnia potest exceptis his quæ Ordinis sunt.*
11. *Inspecto Jure Decretalium sola Confirmatio expedita hæc operatur; secus ex Constitutione Bonifacii VIII. & stylo hodierno.*
12. *Juxta stylum hodiernum Episcopus confirmatus non potest accipere possessionem nisi litteris expeditis, & Capitulo exhibitis.*
13. *Debent à Rege placitari.*
14. *Ut provisi de Ecclesiis quæ juri Regaliæ sunt subiectæ, plenum effectum Confirmationis obtineant, Regalia debet esse clausa.*
15. *Ut claudatur, debet provisorius præstitisse juramentum Fidelitatis Regi.*
16. *Quæ insuper ad clausuram requirantur?*
17. *Quædam notanda pro intellectu Regaliæ.*
18. *Quæ Ecclesiæ in Gallia huius juri sint subiectæ?*
19. *Quid in Germania & Belgio obtineat?*

I. Q UERADMODUM olim Electus à Clero & populo, aut à Rege nominatus, nullatenus Pastor aut Episcopus censebatur Ecclesiæ vacantis, priusquam à Metropolitano & Episcopis Provincialibus confirmatus, atque in Ecclesiæ Pastorem & Episcopum ordinatus esset; ita nec de jure communi & hodierno, Electi à Capitulis Cathedralibus, aut Nominati à Regibus, se administrationi Ecclesiæ sive in temporalibus sive spiritualibus quocumque prætextu immiscere possunt ante confirmationem expeditam *cap. 17. de elect.* quia, ut ait ibidem Pontifex, *nemo debet sibi bonorem assumere: sed qui vocatur à Deo tanquam Aaron.* Hebr. c. 5. v. 4.

II. Et Concilium Lateranense sub Innocentio III. vult, "ut qui ad Romanum pertinent immediatè Pontificem, ad percipiendam sui Confirmationem officii, ejus se conspectui (si commode fieri potest) *personæ* liter repræsentent, aut personas transmittant idoneas, per quas diligens inquisitio super electionibus & electis haberi possit: ut sic demum per ipsius circum-  
"specionem

specificationem consilii, sui plenitudinem officii assequantur, cum eis nihil obstitit de Canonis institutis. cap. 44. de elect.

III. Cum verò nonnulli hanc Concilii sanctionem illudere volentes, sub titulo Oeconomi aut Procuratoris se administrationi Ecclesiarum ante Confirmationem ingererent, Concilium Lugdunense sub Gregorio X. his fraudibus obviare volens, generali Constitutione sancivit, "ut nullus de cetero administrationem dignitatis, (ad quam electus est) priusquam celebrata de ipso electio confirmetur, sub oeconomicis vel procuratoris nomine, aut alio de novo quaesito colore, in spiritualibus vel temporalibus, per se vel per alium, pro parte vel in totum, gerere vel recipere; aut illis se immiscere presumat, omnes illos, qui secus fecerint, jure (si quod eis per electionem quaesitum fuerit) decernens eo ipso privatos." cap. 5. de elect. in VI.

IV. Nec tantum in electione obtinet hæc juris decisio, sed & in presentatione sive nominatione, ut post alios Canonistas tradit Fermosinus ad cap. 15. de elect. quest. 2. num. 11. "Nam si persona presentata, sit, se ingerat ante Confirmationem, revera dicitur intrusus, & subiectus penis dicti cap. Avastitia.

V. Nullo ergo titulo, Electi aut Nominati se administrationi Ecclesiarum viduatae ingerere possunt ante Confirmationem; eamque juxta stylum hodiernum in Curia Romana expediendam; nisi tamen "valde remoti" sint, videlicet ultra Italiam constituti: hi si electi fuerunt in concordia (inquit Concilium Lateranense sub Innocentio III. in citato cap. 44.) dispensative propter necessitates Ecclesiarum, & utilitates in spiritualibus & temporalibus administrent; sic tamen ut de rebus Ecclesiasticis nihil penitus alienent.

VI. In cap. 28. de electione in integra Decretalis inter remotiores hoc Privilegio gaudentes exprimuntur Metropolitani Angliæ, Franciæ & Alemanniæ; hæc assignata ratione: "Quia si tanto tempore quousque posset Electus Confirmationem cum Pallio à Sede Apostolica obtinere, Regalia non reciperet, Ecclesia, quæ interim administratione careret, non modicum incurreret detrimentum.

Hic obiter notandum, tempore Innocentii III. Autoris dictæ Decretalis, in Anglia, Francia & Alemannia nota fuisse Regalia.

VII. Itaque ex hætenus dictis constat, Electum aut Nominatum ante Confirmationem non tantum Pastorem aut Episcopum non esse; sed nec administrationi Ecclesiarum ulatenus se posse regulariter ingerere; at obtentâ Confirmatione, tanquam verus Pastor & Episcopus Ecclesiarum vacantis reputatur.

Quod non tantum olim, dum Confirmatio à consecratione vix juncta erat; verum & hodie, si jus commune Decretalium spectemus, obtinet; ipsaque formula provisionis sive Confirmationis Pontificiæ manifestè exprimit. Dicentim: "Ecclesiam N. de persona N. providemus, ipsumque illi in Episcopum præficimus, & Pastorem, curam & administrationem eidem in spiritualibus & temporalibus plenariè committendo.

Verus igitur Pastor & Episcopus per Confirmationem sive provisionem Pontificiam constituitur; omni-que cura Pastoralis & Episcopalis plenariè ei competit; eamque tanquam Episcopus & Ordinarius Ecclesiarum Pastor administrare potest, uti uno consensu tradunt Canonistæ.

VIII. Quod hodie obtinet jure Decretalium, ut electus in Episcopum obtentâ Confirmatione Pontificiâ habeatur ut verus Pastor Ecclesiarum, possitque omnia quæ jurisdictionis sunt, tanquam Episcopus exercere, contrarium esse primitivæ Ecclesiæ disciplinæ, & primario fini instituti Episcopatus, dubium non est: con-

Tom. I.

statque decem ut minus seculis ignotum fuisse ut quis diceretur Episcopus, aut jurisdictionem aut munus Episcopi obiret, priusquam in Episcopum esset ordinatus.

Et sanè nequaquam videtur congruum, ut is Ecclesiam tanquam Episcopus regat, omnemque in Clerum & populum auctoritatem & jurisdictionem exerceat, qui hætenus nec per manuum impositionem, plenitudinem Spiritus Sancti accepit, nec Sacerdotii Christi particeps factus est, & ob hujus defectum, nec ea, quæ Ordinibus sunt & maxime Episcopis propria, exercere potest.

Hæc ratione motus Cardinalis Lotharingus coram PP. Concilii Trid. dicere non dubitavit: "Absurdum est Cardinalibus Diaconis Episcopatum committi, abominandum siquidem est, ut is Episcopatum obtineat, qui Episcopus esse non vult.

Nec dissimulavit dicere: "Hæretici gravi esse offensionem, quod in causis Religionis ii judicent, qui potestatem imponendi manus non habent, & penè laici sunt.

Certum quoque est, quod nec Romanus Pontifex legitime electus pro Romano Pontifice reputatus olim fuerit ante suam ordinationem.

Quare electus anno 752. die 6. Martii Stephanus vulgo dictus Secundus, qui ante ordinationem suam obiit, inter Pontifices numeratus non fuit per Anastasium Bibliothecarium, nec alium quemquam ante Baronium, qui ceteros ejusdem nominis uno deinceps gradu submovit; & quem alii omnes appellant Secundum, ipse facit Tertium & sic consequenter, uti notavit Daniel Papebrochius in suo Conatu Chronico Historico ad vitam hujus Stephani: qui una observat, idipsum liquere ex electione Presbyteri Petri post mortem Joannis V. quæ sine dubio legitima fuit, quippe à Clero præcipue pendens, neque per militarem tumultum irritabilis, nusquam tamen ille inter Pontifices numeratur, quia nunquam processum est ad ejus ordinationem.

IX. Verum quidem est, illum ante consecrationem juxta stylum hodiernum non dici simpliciter Episcopum, sed cum addito, Electum: sed id aliunde non fit, quam quod ante consecrationem, characterem seu Ordinem ipsum Episcopalem necdum acceperit; ideoque nec plenitudinem Sacerdotii habeat; quæ requiritur, ut quis simpliciter & absolute Episcopus aut Summus Sacerdos dicatur.

X. Hinc concludunt Canonistæ, & communis praxis probat, Episcopum confirmatum, non consecratum, posse plenariè jurisdictionem suam exercere; eaque omnia, quæ ad curam Pastorem & Episcopalem pertinent, agere, exceptis his duntaxat, quæ Ordinis seu characteris sunt Episcopalis; qualia sunt Ordines Sacros per se conferre; Christum consecrare, Sacramentum Confirmationis dare, &c. Ita decrevit Cælestinus III. cap. Transmissum de Elect. potest.

XI. Et quidem si citata provisionis verba, & jus commune Decretalibus Gregorii IX. comprehensum spectemus, sola Confirmatio prædictos effectus parit; possetque Electus aut nominatus mox ab accepta confirmationis notitia, administrationem & curam Ecclesiæ sibi commissæ suscipere; at Constitutione Bonifacii VIII. quæ refertur in Extravagante INJUNCTA de Elect. in Communibus, & cui praxis hodierna conformis est, sancitum est, "ut Episcopi alique Prælati superiores quocumque nomine censeantur, qui apud Sedem Apostolicam promoventur, aut Confirmationis, consecrationis vel benedictionis munus recipiunt, ad commissas eis Ecclesias absque dictæ Sedis Litteris, hujusmodi eorum promotionem, Confirmationem, consecrationem seu benedictionem continentibus, accedere, vel bonorum Ecclesiasticorum administrationem accipere non præsumant; nullique eos absque dictarum Litterarum ostensione recipiant, aut eis pareant vel intendant. Quod si forsitan contra præsump-



sumptum fuerit, quod per Episcopos, Praelatos, Abbates, Priores, & alios Monasteriorum regimina exercentes praedictos medio tempore actum fuerit, irritum habeatur: nec quidquam interim iisdem Episcopi vel Praelati, Abbates, Priores, vel regimina exercentes, de Ecclesiarum vel Monasteriorum proventibus percipiant eorundem. Capitula verò & Conventus Ecclesiarum, & Monasteriorum ipsorum, & alii quicumque ipsos absque huiusmodi dictae Sedis litteris recipientes, vel obediens eisdem, tam diu sint à Beneficiorum suorum perceptione suspensi, donec super hoc ejusdem Sedis gratiam meruerint obtinere.

XII. Itaque Provisus à Sede Apostolica, non potest possessionem adipisci, ut bene notat Zypæus ad titulum de *causa possess.* nisi Litteris in forma expeditis; quin nec sufficit Litteras in Curia Romana in forma esse expeditas, sed insuper desideratur, ut Provisus eas exhibeat & praesentet ipsi Capitulo; neque sufficit per testes earum expeditionem probare.

Uterius, si consuetudinem ac praxim Belgii spectemus, verissimum est, quod de praxi Hispaniae testatur post Garciam & alios citatos, Fermosinus ad *cap. 15. de elect. quest. 3.* scilicet, Provisum non posse administrare, nisi naturalem & actualem possessionem acceperit.

XIII. Quin & illud Belgii nostri praxi planè consonat, quod de Hispania, ex Garcia ac aliis testatur Fermosinus loco citato *quest. 4. n. 23.* "quod Episcopus etiam Confirmatus, litteras Confirmationis tenetur mittere Regi & ejus Regio Consilio; & quod antequam ibidem expendantur, non capitur possessio." Quid enim notius, quam hisce in Provinciis vigore litterarum Curiae Romanae non posse accipi possessionem cuiuscumque Beneficii, nisi prius Litterae Regi in suo Consilio exhibita, & ibidem placitata fuerint?

XIV. Provisi de Ecclesiis Cathedralibus, quae Juri Regaliae subiectae sunt, ut post obtentam provisionem Pontificiam, plenam temporalium sui Episcopatus administrationem, ac Beneficiorum collationem obtineant, debent manus Regiae levationem obtinuisse; sive ut loquuntur, Regalia debet esse clausa.

XV. Ut verò clausura fiat, requiritur primò, ut Provisi juramentum fidelitatis Regi praestiterint, quod nimirum "Regi erunt legales, & fideles in suo Episcopali statu, & populum earum Civitatum & Episcopatum, in quantum poterunt, in obedientia & recognitione supremæ potestatis erga Regem & suam successionis sanguinis posteritatem tenebunt. Ita refert Philippus Probus in Supplemento ad Tractatum *Juris Regaliae* per Arnulphum Ruzæum, *quest. 2. num. 6.* qui n. 7. asserit, ob hoc juramentum, omnes Episcopos Regni Franciae *fideles Consiliarios Regis* appellari.

XVI. Nequaquam tamen sufficit hoc fidelitatis juramentum praestitum esse, sed insuper requiritur, quod "Litterae Regiae attestantes dictum juramentum sic fuisse praestitum (inquit Philippus Probus loco citato *q. 3. num. 2.*) praesentatae, registratae & expeditae fuerint in Camera computorum; & quod Receptor seu Commissus ad receptam ipsius Regaliae receperit mandatum à praedicta Camera emanatum, per quod mandetur, quod lever manus Regis, & permittat dictum Episcopum uti & gaudere, ponendo ipsam temporalitatem ad plenam deliberantiam, nec ante receptionem huiusmodi mandati à dicto Recepto seu Commissio, reputatur dicta Regalia clausa, sed usque ad diem ipsius receptionis, tenetur reddere computum & rationem de fructibus huiusmodi temporalibus, & confert Rex Beneficia tanquam in Regalia vacantis, & hoc de jure & consuetudine Regis & suae Coronae Franciae.

XVII. Ut facilius intelligantur, quae hic de aper-

tionem & clausura Regaliae dicuntur, notandum, Jus Regaliae juxta hodiernum, praecipue Regni Galliae, stylum & modum loquendi, esse Jus quo Rex, Sede vacante, sibi attribuit dispositionem omnium proventuum Episcopatus; & collationem pleno jure omnium Beneficiorum non Curatorum ad liberam collationem Episcopi spectantium.

Dicitur ergo Regalia aperta, quando per mortem Episcopi, aut alio modo Sedes vacat; tunc enim Regi Jus Regaliae jam descriptum acquiritur, sive aperitur.

Manet autem aperta Regalia, sive Jus illud apud Regem manet, quousque novus Episcopus praestito juramento, ac litteris Regis obtentis & registratis, & mandis Regiae levatione facta possessionem Episcopatus per se acceperit; quo demum, juxta modernam praxim, Regalia clauditur: sive Jus Regium tam quoad proventuum dispositionem, quam beneficiorum collationem extinguatur, & plenaria dispositio Episcopo deferatur.

XVIII. Porro de hoc Jure Regaliae plura dicemus parte secundà, ubi de collatione Beneficiorum tractandum erit; illud equidem sciendum, neque in Regno Galliae jam pridem omnes Episcopatus huic juri fuisse subiectos, uti passim Autores de illo jure tractantes testantur; atque inter ceteros Philippus Probus qui loco supra allegato *quest. 60.* enumerat Archiepiscopatus & Episcopatus, qui huic fuerint subiecti, & qui ab eo exempti: manseruntque plures Ecclesiae ab hoc jure liberae; atque per Arresta Regia in ea libertate conservatae fuerunt usque ad annum 1673. quando in confirmatorem Arveldi Parlamenti Parisiensis Rex declaravit, Jus Regaliae esse inalienabile & impraescriptibile; illudque sibi generaliter in omnibus Archiepiscopatibus & Episcopatibus sui Regni, ac ditionum suarum Obedientiae competere, iis solis exceptis, qui titulo *omnino* sunt exempti.

Conformiter ad hanc Declarationem Regiam, & alteram die 2. Aprilis 1675. prioris confirmativam & explanativam, Jus Regaliae, Rege urgente, actandem etiam Clero consentiente, licet nonnullis Episcopis fortiter resistentibus, ad omnes Ecclesias Metropolitanas & Cathedrales extensum est. (a)

XIX. In Imperio quoque Regaliae moderatius agitur, ut notat Zypæus in Jure novo de *electione num. 3.* "ut Episcopi qui & Principes sint (ut sunt plerique) statim per se vel alios juramenta debita praestent quidem, & Regalia ac feuda sua relevent; non tamen, vacante Sede, temporalitas ad manus Imperatoris ponitur, sed Capitulum administrat pro Successore: sed id forte, quia Pontifices Germanos Imperatores Fredericum, Henricum, &c. superarunt: Bonifacius VIII. Philippum Pulchrum aut Successores non item.

Belgii Episcopatus, si Tornacensem excipiamus, juri Regaliae subiecti non sunt; unde temporalia per Capitulum aut Oeconomum à Capitulo deputandum, Sede vacante, administrantur pro Successore; atque ipsa Beneficiorum collatio novo Episcopo reservatur; juxta ea quae titulo 9. *cap. 2.* dicta sunt.

(a) Ut id clarius evadat, notandum est incunte 17. seculo motam fuisse hanc controversiam, an Jus Regaliae per omnes Regni Cathedrales diffunderetur, an verò ad certas quasdam esset restrictum. Hujus questionis decisio eam à Senatu Parisiensi in longioribus deliberationem protrahenda fuisse, tandem an. 1608. latum ab eo est iudicium, quo Jus Regaliae in omnes Regni Cathedrales confirmatum fuit. Contra illud Arrestum Cletus Gallicanus apud Henricum IV. conquestus est, & litteras negotii illius avocatorias obtinuit, quibus cognitio illa Senatui fuit interdicta & Status Ecclesiarum, quae se ab eo jure immunes esse credebant, Consilii Senecaris iudicio permixtus est. Declaratione an. 1673. statuit Lud. XIV. his verbis: *Declaraus le droit de Regale nous appartenir universellement dans tous les Archevêchés & Evêchés de nosse Royaume, à la réserve de ceux, qui en sont exemptés à titre onéreux.* Quod an. 1682. à Comitibus Cleri Gallicani probatum est.

## TITULUS XV.

## DE CONSECRATIONE EPISCOPORUM.

## CAPUT I.

A quibus; intra quod tempus; & quo loco Consecratio fieri debeat?

1. *Præcipua in Consecratione auctoritas erat penes Metropolitanum.*
2. *In conservanda hac Metropolitanorum auctoritate valde religiosi fuerunt Romani Pontifices.*
3. *Suffraganeorum in Consecratione olim requisita fuit præsentia, aut ut minus assensus.*
4. *Tres ut minus Episcopi debent esse præsentis.*
5. *Hæc disciplina tam in Græca quam Latina Ecclesia etiam hodie obtinet.*
6. *Ratio hujus disciplinæ.*
7. *Præsentia plurium Episcoporum spectat duntaxat ad disciplinam.*
8. *Necessitate cogente potest interdum ab hac disciplina recedi; & à duobus Consecratio peragi.*
9. *Ita Ordinatus Pelagius I. Papa.*
10. *Etiam ab uno Episcopo fieri potest Consecratio, nec apud Veteres defunt exempla.*
11. *Probatur auctoritate S. Gregorii.*
12. *Conformis est moderna praxis Curia Romanæ.*
13. *Quoad Consecrationem Episcoporum hodierna disciplina difformis est à pristina.*
14. *Consecratio tam ex veteri, quam moderna disciplina debet fieri intra tres menses.*
15. *Est tamen differentia in tempore, à quo tres menses computari debent.*
16. *Quo in loco fieri debeat?*

**I.** *PRÆCIPUAM* in confirmatione Episcoporum auctoritatem per duodecim & amplius secula fuisse penes Metropolitanos, titulo præcedenti abunde probatum fuit. Cum vero confirmatio ab ipsa Consecratione vix sejungeretur, sed Metropolitanus una cum Episcopis Comprovincialibus, examine supra electionis forma ac persona electa factò, ad ordinationem seu Consecrationem procederet; si electionem canonicam & personam electam idoneam reperisset; mirum non est, si primas quoque in Consecratione Episcoporum partes duodecim seculis facile Metropolitanò delatas esse videamus.

Et quidem Canone 6. Nicæno dicitur: „ Illud generaliter est clarum, quod si quis præter sententiam Metropolitani fuerit factus Episcopus, hunc magna Synodus definivit Episcopum esse non oportere. Apud Gratianum *Dist. 64. can. 8.*

Hinc illud Innocentii I. ad Vetricium Episcopum: „ Extra conscientiam Metropolitani Episcopi, nullus audeat ordinare Episcopum..... Hoc enim & Synodus Nicæna constituit atque definivit, „ Gratianus ibidem *can. 5.*

II. Eam Metropolitanis in consecrandis Episcopis suis Suffraganeis prærogativam pluribus inculcat Gelasius I. apud Gratianum loco citato *can. 6.* atque in illa conservanda adeo erant religiosi Pontifices, ut Stephanus VI. (a) ne hanc perturbaret, Episcopum

(a) Auctor noster hunc Stephanum nuncupat Sextum, quamvis propter rationem ab ipso deductam superius c. 5. n. 8. hic Papa vocari solummodo deberet Stephanus Quintus. Ac satius judicavit Baronii forsitan errantis Computum sequi ut clarius scriberet,

Lingonensem à populo & Clero rite electum, & Romam pro Consecratione cum Decreto electionis missum (reculante Lugdunenfi Metropolitano eum consecrare) illum consecrare bis renuerit, ac repulerit, ad Lugdunensem scribens & rescribens, ut ipse suo munere in hujus Consecratione fungeretur; tertio demum interpellatus, vix magna Lugdunensis pertinacia coactus, illum consecravit; uti latius ex Frodoardo in historia Remensi refert Baronius ad annum 885.

Similiter Gregorius VII. licet ipse Robertum Carnotensem ab Episcopatu deposuisset; non tamen propterea sibi alterius suffectionem aut ordinationem reservavit; sed ad Ordinarios tam electores, quam Consecratores illum misit. Senonensi enim Metropolitano & Suffraganeis ita scribit: „ Ecclesiam illam (Carnotensem) „ Canonicam electionem in aliquam idoneam „ personam facere admonuimus; admonemus & vos, „ ut eidem electioni, eam quam oportet aut per vos, „ aut idoneos Nuntios vestros diligentiam adhibentes, „ quem electum Canonicè cognoveritis, & manus ini- „ ponere, & in Episcopum Consecrare, nulla occasione „ recusetis. „ *Lib. 4. Epist. 15.*

III. Porro licet præcipua fuerit in Episcoporum confirmatione & Consecratione penes Metropolitanum auctoritas, aliorum tamen Suffraganeorum seu Comprovincialium nequaquam negligendus erat consensus, & auctoritas.

Confirmationem enim Episcoporum Metropolitanò & Episcopis suffraganeis per Canones Nicænos aliosque subsequentes per continuam decem seculorum seriem delatam fuisse, supra ostendimus. Cumque ordinatione sive Consecratio à confirmatione necdum esset sejuncta, etiam Consecrationem Episcoporum, Metropolitanò cum Episcopis Comprovincialibus delatam fuisse cognoscimus; idque uno consensu Theologi & Canonistæ fateantur; eamque disciplinam etiam Jure communi seu Decretalium conservatam tradunt ad *cap. 7. de Temporibus Ordinatis.*

IV. Verum quia difficile erat ad omnem Episcopi ordinationem omnes Provinciae Episcopos *personaliter* convenire & assistere, Canone 4. Nicæno cautum fuit, „ ut si hoc difficile fuerit vel aliqua urgente necessitate, „ vel itineris longitudine, certe tres Episcopi debeant „ in unum congregari; ita ut etiam cæterorum, qui „ absentes sunt, consensum in litteris teneant, & ita „ faciant ordinationem. „ Gratianus *Dist. 64. can. 1.*

V. Et licet tum præsens Canon, tum plerique alii eandem disciplinam præscribentes, videantur non tantum de Consecratione, sed vel præcipue de electione & confirmatione Episcopi agere; nihilominus ex hisce Canonibus stabilita ac conservata fuit in Græca pariter ac Latina Ecclesia hætenus disciplina, ut ad Consecrationem Episcopi convenire, eique *personaliter* assistere debeant, præter Metropolitanum aliumve Episcopum ordinantem, duo alii Episcopi.

„ Adhuc (ait modernum Pontificale Romanum *Titulo de Consecratione Electi in Episcopum*) „ duo ad „ minus Episcopi assistentes. „ Et Rituale Græcorum ordinem in Consecratione Episcopi servandum præscribens, ait: „ Tres vero Pontifices, sive etiam plures, „ Pontificium omnem ornatum induti, in sellis suis „ sedent ante sacras sancti altaris fores.

quam Summorum Pontificum ordinem interrumpere in opere Juris Canonici, ubi non de eorum serie & numero, sed de eorum Decretis & auctoritate agitur.

VI. Rationem hujus disciplinae jampridem assignavit Innocentius I. in Epistola ad Victricium apud Gratianum *Dist. 64. can. 4.* "Ne unus Episcopus ordinare, praesumat Episcopum, ne, ait, *furtivum Beneficium*, praestitum videatur. Hoc enim & in Nicæna Synodo constitutum est, atque definitum.

Quasi diceret: noluit Synodus, ut Episcopus *furtive* sive tanquam *fur* clam in Ovile Christi ascendat: sed *publice*, id est, Ecclesia universa, per cujusque Provinciae Episcopos representata, probante & assentiente.

Non abimilem hujus disciplinae rationem dedit S. Anselmus Cantuariensis in litteris ad Regem Hiberniae, improbens, in Regno illo *ab uno Episcopo Episcopum sicut quemlibet Presbyterum ordinari*, subjungit: "Minus, quam à *tribus* Episcopis ordinari non debet, cum propter multas alias & rationabiles causas, quas episcolaris brevis non admittit; tum ut *fides, vita, & sollicitudo ejus, qui invigilare debet, idoneis & legalibus testibus comprobetur.*" Lib. 3. Epist. 247.

VII. Hic nota, nec Innocentium, nec Anselmum, Episcoporum Ordinationes sive Consecrationes sine legitimo Episcoporum numero factas, tanquam nullas invalidasque rejicere; sed solum arguere, eas clandestine ac sine legitima quasi approbatione peragi; ipsorumque Episcoporum praesentiam non tam ad substantiam & validitatem Consecrationis, quam ad discutiendam & comprobendam Ordinationem requirere: quod & probat absentium Episcoporum Comprovincialium per litteras requisitus consensus.

VIII. Licet ergo disciplina haec, utpote ab Apostolis nobis tradita, & haecenus in Ecclesia conservata, merito religiose observetur, nihilominus, sicut in aliis disciplinae articulis contingit, necessitate cogente, ex Superiorum judicio, ab ea nonnihil recedi posse, & ratio & autoritas probant.

Et quidem in Constitutionibus Ecclesiae Alexandrinae sub nomine Apostolorum praecipitur, *Ut ordinetur Episcopus à tribus Episcopis; necessitate vero cogente à duobus.* Apud Guilelmum Beveregium in notis ad Canonem I. Apostolorum.

Et in Constitutionibus vulgo Apostolorum lib. 3. cap. 20. "Jubemus autem ut à *tribus* Episcopis Episcopus ordinetur, & ut *minimum à duobus*: ita ut ab uno constitui non possit; testimonium enim duorum & trium firmitus est & certum.

IX. Sic Ordinatus est Pelagius I Episcopus Romanus à duobus Episcopis & uno Presbytero, scilicet, Dum non essent Episcopi, qui eum ordinarent, inventi sunt *duo* Episcopi, Joannes de Perusio, & Bonus de Ferentino, & Andreas Presbyter de Ostia, & eum ordinarunt Pontificem, tunc enim non erant in Clero, qui poterant eum promovere. Anastasius Bibliothecarius in ejus vita.

X. Quin & eadem necessitate urgente quidni ab uno Episcopo Episcopus ordinari posset? cum sicut *trium*, ita quoque *duorum* praesentia ad disciplinam, non ad substantiam seu essentiam Consecrationis spectare videatur: nec defunt apud veteres hujusmodi ordinationis exempla.

Synesius Siderium Palaeiscae Episcopum à Philone Cyrenensi solo ordinatum fuisse refert; additque: *Perum in temporibus formidolosus, summum jus praetermitti necesse est.* Epist. 67.

XI. Sed in hanc rem dignissima notatu est S. Gregorii ad Augustinum Anglorum Apostolum responsio. Interrogaverat eum Augustinus, "Si longinquitas itineris magna interjaceat, ut Episcopi non facile valeant convenire, an debeat *sine aliorum* Episcoporum praesentia Episcopus ordinari? Respondit Gregorius: "Et quidem in Anglorum Ecclesia, in qua adhuc *solus* Episcopus inveniris, ordinare Episcopum non *aliter nisi sine Episcopis* potes." Ita Beda in Hist. Angl. lib. 1. cap. 27. à quo primum hanc epistolam accepimus, uti notat Vir eruditus Petrus Guffanvillæus in

notis ad hanc epistolam, quae est 32. lib. 12. observatque tam ex antiquis quam recentioribus editionibus, codicibus manuscriptis, & auctoribus Ecclesiasticis, hanc esse genuinam epistolae lectionem; vitiosam vero quorundam exemplarium, quae habet: *Ordinare Episcopum non aliter nisi cum Episcopis potes.* Idem notat ac solide probat Guilelmus Beveregius Presbyter Anglicanus in notis ad Canonem I. Apostolorum.

XII. Hisce conformis est moderna praxis Curiae Romanae. Hodie quippe, teste Fagnano, in Litteris pro Consecratione Episcoporum in Indiis apponitur clausula infra scripta, videlicet: *Tibi Presbytero, ut à quocumque malueris Catholico Antistite gratiam & communionem Sedis Apostolicae habente, accitis & in hoc illi assistentibus duobus vel tribus DIGNITATIBUS, munus Consecrationis recipere valeas.* Ad cap. 7. de temporib. Ordinatio. num. 20.

XIII. Quoad ipsum vero Consecratorem Episcopum hodierna disciplina à pristina nonnihil dissona est. Nam juxta disciplinam Sacris Canonibus & Decretalibus Gregorii IX. expressam, ordinarius Consecrator est Metropolitanus respectu suorum Suffraganeorum; hodie vero sicuti Episcoporum Confirmatio, ita & Consecratio ad Pontificem devoluta est. Unde in Pontificali Romano sub titulo *de Confirmatione Electi in Episcopum* praemittitur hoc monitum: "Nemo consecrari debet, nisi prius constet Consecratori de *commissione* consecrandi, sive per *Litteras Apostolicas*, si sit extra Curiam; sive per *commissionem* vivae vocis oraculo, à Summo Pontifice Consecratori *factam*, si Consecrator ipse sit Cardinalis.

Et ex praescripto ejusdem Pontificalis, Ordinator priusquam Consecrationem inchoet, petit ab Episcopis Assistentibus, & Electum Consecratori, ut eum ad onus Episcopatus sublevet, praesentantibus; *Habetis mandatum Apostolicum?* quo lecto demum ad Consecrationem procedit.

XIV. Jampridem in Concilio Calchedonensi decretum fuit, "ut intra *tres menses* Episcoporum ordinationes fiant, nisi inexorabilis utique necessitas esset, cerit, ut dilationis tempus prorogatur." Gratianus *Dist. 75. Can. 2.*

Synodus Tridentina advertens plures Episcopos electos, munus consecrationis negligere; ratos sibi sufficere accepta confirmatione, ea quae jurisdictionem & temporalium administrationem & usum spectant, pleno jure obtinuisse, edixit: "Ecclesiis Cathedralibus, seu superioribus quocumque nomine ac titulo praefectis, etiam si Sanctae Romanae Ecclesiae Cardinales sint, si munus Consecrationis intra *tres menses* non susceperint, ad fructuum perceptorum restitutionem teneantur: si intra totidem menses postea id facere neglexerint, Ecclesiis ipso jure sint privati." *Sess. 23. cap. 2. de reformat.*

XV. Sive ergo pristinam sive modernam spectemus disciplinam, Consecrationi peragenda trium mensium tempus est praefixum; hac tamen differentia, quod Canon Calchedonensis (uti recte monet Lupus) "*à capta vacatione*, Tridentinum vero Decretum *à data* per D. Papam *confirmatione*, velit tres menses computari.

Dum enim Metropolitana & Episcopis Comprovincialibus praecipuae partes essent in eligendo, confirmando & consecrando Episcopo, omnia facile intra tres menses à die vacationis expediri poterant: sed devoluta jure confirmandi & providendi ad Sedem Apostolicam, vix possibile est, ut omnia intra tres menses à die vacationis expediantur: ideoque à die obtentae provisionis Apostolicae tempus trium mensium consecrationi praefixum computari coepit.

XVI. "Consecratio vero (ait Synodus Tridentina loco citato) si extra Curiam Romanam fiat, in Ecclesia, ad quam promoti fuerint, aut in Provincia, si commode fieri poterit, celebretur.



## CAPUT II.

De Juramento ab Episcopis ante Consecrationem Romano Pontifici præstando.

1. Ab Ordinandis exigi professionem juratam olim Patribus displicuit.
2. Professionem obedientiam sine juramento olim Episcopi etiam præstabant suis Metropolitanis.
3. Professio Fidei simplex absque jurejurando facta Summo Pontifici.
4. Circa seculum 11. professioni obedientiam capit adjungi Juramentum.
5. Sola obedientia Canonica promittebatur usque ad tempora Gregorii VII. qui novam juramenti formulam induxit.
6. Novam banc esse formulam probatur.
7. Seculo XIII. Juramentum cum dicta formula exigebatur in concessione Pallii.
8. eodem seculo exigi capit per Romanos Pontifices ab Episcopis eorum ordinationi immediate subjectis : & per Metropolitanos à suis Suffraganeis.
9. Hodie ab omnibus Episcopis præstatur Romano Pontifici juxta formam in Pontificali expressam.
10. Tres priores articuli in formula juramenti expressi, conformes sunt Juramento fidelitatis à vasallo præstando Domino directo.
11. Juramentum non proponendum Episcopis, qui ratione temporalium Summo Pontifici non sunt obstricti.
12. Refertur quartus articulus juramenti; & quæ sit ejus genuina lesio, ostenditur.
13. Quid per Regalia Sancti Petri intelligatur.
14. Quintus articulus.
15. Sextus articulus.
16. Septimus articulus.
17. Tres posteriores articuli cum quadam moderatione intelligendi.
18. Desideratur major claritas in articulis juramenti ab Episcopis in Ordinatione præstandi.
19. Visitationis Liminum Apostolorum, de qua in articulo septimo, meminit Synodus Romana anno 743.
20. Visitare Limina Apostolorum primitus idem fuit, quod ad Synodos convenire; & solos Episcopos ad Metropolitani Romanam pertinentes obligabat.
21. Quare citius Metropolitanis quam reliquis Episcopis hæc obligatio fuerit imposita?
22. Hodie omnibus generaliter Episcopis vi Juramenti imponitur, & quare?
23. Quoties Episcopi Belgii Limina Apostolorum visitare debeant?
24. Quid per Limina Apostolorum in formula juramenti intelligatur?
25. Quis præcipuus scopus visitationis.
26. Juxta formulam Juramenti Episcopi non nisi legitimo impedimento detenti per specialem Nuntium huic obligationi satisfacere possunt : & qualis debeat esse ille Nuntius?
27. De praxi & consuetudine Belgii Episcopi visitationem banc absolvunt per Nuntium.
28. Refertur articulus octavus Juramenti : & ostenditur quomodo hic & alii articuli cum quadam moderatione sint intelligendi.
29. Proponitur articulus novus Juramenti.
30. Seculo etiam XIV. simile Juramentum fidelitatis & obedientiam ab Episcopis præstabatur Metropolitanis.
31. Formule bodiæ multæ additæ sunt post tempora Gregorii VII.

1. Pristina Patrum ætas attendens, quam enixe ac severe Christus inculcasset, & Apostolus Jacobus

monuisset, non jurare omnino... fit autem sermo vester, est, est : non, non : quod autem bis abundantius est, à malo est. Matth. 5. 34. & 37. Jac. ep. c. 5. 12. admodum sollicita fuit, ne citra necessitatem inevitabilem juramentum, præsertim à Ministris Ecclesiæ exigere.

Hinc illud etiam seculo 9. Concilii II. Cabillonensis : Dictum est interea de quibusdam fratribus, quod eos, quos ordinaturi sint, jurare cogunt, quod digni sint, & contra Canones non sint facturi, & obedientes sint Episcopo, qui eos ordinat, & Ecclesiæ in qua ordinantur. Quod juramentum quia periculosum est, omnes una inhibendum statuimus. „ Can. 13.

Et in Conventu Episcoporum, Abbatum, Comitum, vel Majorum natu Francorum, jussu Ludovici Pii Imperatoris anno 816. Aquisgranensi habito decretum est : „ De Episcopis vero in Longobardia constitutis, qui ab his, quos ordinabant, Sacramenta & munera contra divinam & Canonicam auctoritatem accipere, vel exigere soliti erant, modis omnibus inhibuitur, ne ulterius fiat : quia juxta Sacros Canones uterque gradu proprio talia facientes decedi debent. „ Cap. 16. & refertur lib. 1. Capitular. Regum Francorum cap. 91.

II. Ipsam juramentorum exactionem præcipue displicuisse, non vero obedientiam professionem, sat innuunt illa ipsa Regum Francorum Capitularia; in quibus lib. 7. cap. 466. legitur : „ Quando Presbyteri aut Diaconi per Parochias constituuntur, oportet eos professionem Episcopo suo facere. „ Quid hæc professio contineret, titulus ipsius Capitularis ostendit : „ Ut Presbyteri & Diaconi quando per Parochias constituantur, stabilitatis & obedientiam suæ atque statuta servare promissionem suo faciant Episcopo.

Similem professionem suis Metropolitanis in sua ordinatione faciebant Episcopi. Extat in Appendice tomi 8. Conciliorum generalium col. 1881. professio Adalberti futuri Episcopi Morinensis, Hincmaro Rhemorum Archiepiscopo oblata, in qua præter professionem fidei habetur : „ Privilegio etiam Metropolis Rhemorum Ecclesiæ ac ejus Præsulis, secundum Sacrosanctos Conciliorum Canones, & Decreta Sedis Apostolicæ ex Sacris Canonibus & legibus promulgata, pro seire & posse, absque dolo & simulatione, vel indebita & pertinaci contradictione, me obediturum profiteor.

Eandem professionem eidem Rhemorum Archiepiscopo fecisse Hincmarum Laudunensem Episcopum ejus nepotem, scribit Amoinus, aut ejus Continuator ad annum 870. eamque in Concilio apud Attinacum Episcoporum decem Provinciarum, cum de multis, atque inter alia de inobedientia erga suum Archiepiscopum impeteretur, propria manu subscriptam porrexit.

Porro in hac professione nullius juramenti mentio occurrit; nec aliud quam Canonicam obedientiam Metropolitanis debitam exprimit. Unde Hincmarus Remensis de Laudunensi loquens ait : „ Non debuerat oblivisci professionis & subscriptionis suæ, ante Ordinationem Episcopalem : qui coram Altari Sanctæ Mariæ, & cunctis qui adfuerunt, non solum de Remensi Ecclesia, & de Laudunensi Parochia, verum & de Rhemorum Provincia Episcopis, & aliis diverſi ordinis Viris, secundum morem Rhemenſis Ecclesiæ, sicut soliti erant Episcopi Ordinandi subscribere : post Catholicæ fidei professionem, de obedientia sua secundum sacras regulas erga Rhemorum Metropolitani propria manu subscripsit.

III. Quam fidei professionem absque juramento coram suis Metropolitanis olim emittebant Episcopi, eam quoque obtinuisse in Ecclesia Romana evincitur ex libro diurno Romanorum Pontificum, in quo legitur cap. 3. tit. 6. professio fidei, quam Episcopus Ecclesiæ suburbicariæ emittebat coram Episcopo Romano tanquam suo Metropolitanis, nulla tamen facta mentione juramenti, sed ita simpliciter concluditur : „ Et

„ Erut *nostra* fidei vestro Apostolatu, sanctæque ejus  
 „ Catholicæ Ecclesiæ integritas ac puritas monstrare-  
 „ tur, per præsentis *promissionis* nostræ paginam per IV.  
 „ Notarium scribendam dictavimus, & sacro scrinio  
 „ sanctæ Apostolicæ beatitudinis vestræ contradimus.  
 „ Simplex igitur erat fidei declaratio & professio; unde  
 „ & titulus habet. *Promissio fidei Episcopi.*

Observat autem Garnerius, hanc promissionis formulam referendam ad annum 683. additque hujus formulæ autorem esse Leonem II. prout ibidem legitur; nam similes formulæ temporum successu varia passæ sunt additamenta, uti ibidem recte monet Garnerius.

Ex his interim patet, quod nec eo tempore ab Episcopis, licet Romani Episcopi ordinationi subjectis, obedientia, aut fidei professio, medio *juramento*, fieri solita esset.

IV. Tametsi circa seculum undecimum professioni Juramentum subinde adjungi cœperit, nihilominus illa professio solam adhuc *Canonicam obedientiam* respiciebat; quod ex professione Thomæ Eboracensis facta B. Lanfranco Archiepiscopo Cantuariensi manifestum est.

Postquam enim anno 1072. multum disputatum fuisset de subjectione, quam Ecclesia Eboracensis debebat Ecclesiæ Cantuariensi, tandem „ Lanfrancus Dorober-  
 „ nensis (a) Archiepiscopus ex antiqua Antecessorum  
 „ consuetudine ostendit, Archiepiscopum Eboracen-  
 „ sem professionem Archiepiscopo Cantuariensi facere  
 „ etiam cum *Sacramento* debere (inquiunt Acta Con-  
 „ ciliij Anglicani tom. 9. Conciliorum generalium col.  
 „ 1211.). „ sed ob amorem Regis, Thomæ Archiepiscopo  
 „ Eboracensi Sacramentum relaxavit, scriptamque tan-  
 „ tum professionem recepit, non præjudicans Succes-  
 „ soribus suis, qui voluerint *Sacramentum* cum pro-  
 „ fessione à Successoribus Thomæ exigere. Hætenus  
 „ Acta dicti Concilii; quibus subjicitur professio Thomæ  
 „ Eboracensis facta Lanfranco Cantuariensi, in qua hæc  
 „ leguntur: „ ego Thomas Ordinatus jam Eboracensis  
 „ Ecclesiæ Metropolitanus antistes, auditis cognitisque  
 „ rationibus, absolutam tibi, Lanfranco Dorobernensis  
 „ Archiepiscopo, tuisque Successoribus, de *Canonica*  
 „ *obedientia* professionem facio: & quidquid à te, vel  
 „ ab eis juste ac canonice injunctum mihi fuerit, ser-  
 „ vaturum me *se* promitto.

V. Sacramentum ergo sive Juramentum professioni adjici quidem cœpit; at nihilominus *sola obedientia Canonica* hætenus exigebatur; neque aliam etiam à Romanis Pontificibus exactam fuisse vel in Ordinatione Episcoporum aut Metropolitanorum; imo nec in concessione *Pallii* Archiepiscopalis legitur ante tempora Gregorii VII. qui primus anno 1079. à Patriarcha Aquileiensi in Concilio Romano exegit non *Canonicam* duntaxat obedientiam, sed Juramentum *fidelitatis* non ab simile illi, quod Vassallus præstare solet Domino directo: *Non ero in consilio, neque in facto, ut vitam, aut membra, aut Papatum perdant, aut capti sint mala captione.*

VI. Novam fuisse hanc Juramenti formulam sufficienter quoque probat epistola Paschalis II. sub finem seculi 11. aut initium seculi 12. scripta ad Archiepiscopum Panormitanum, cujus fragmentum extat in cap. 4. *de elect.* & integra refertur in prima Decretalium collectione Antonii Augustini eodem titulo cap. 21. & tomo 10. Conciliorum inter epistolas Paschalis II. ubi tamen inscriptio alia est; *nec mirum*, inquit Vir eruditus Franciscus Florens ad titulum de *electione* pag. 119. edit. anni 1679. *eodem enim exemplo, ad plures Metropolitanos missam fuisse, varietas inscriptionis indicat.*

Ira Literas orditur Paschalis. „ Significasti Reges  
 „ & Regni Majores admiratione permotos, quod Pal-  
 „ lium tibi ab Apocrisariis nostris tali conditione  
 „ oblatum fuerit, si Sacramentum, quod à nobis  
 „ (a) Cantorbery.

„ scriptum detulerant *exhiberes*,” vel ut alia lectio habet, *jurares.*

Hæc quid aliud, quam rem hætenus inusitatam, quæ sua novitate admirationem ingerere solet, indicant? Quod & totus epistolæ contextus ostendit; qui unice in hoc collimat, ut evincat, Pontifici liberum esse in concessione *Pallii* exigere Juramentum, quod pro conservanda Ecclesiæ unitate, & obedientia in Sedem Apostolicam judicat necessarium; unaque obloquentium argumentis occurrere conatur; atque ipsius Juramenti æquitatem & necessitatem adstruere.

Mirum ergo videri non debet, si nec in Ordine Romano veteri, nec apud Alcuinum, Amalarium, Rabanum Maurum, atque his recentiorum Rupertum Abbatem, ulla hujusmodi Juramenti mentio occurrat; quamvis omnes ex professo de *Pallio* scripserint; cumque omnes vel Galli, vel Germani, aut Scoti fuerint, non obscure innuitur, illis in partibus Juramentum hoc, etiam in recapitione *Pallii*, serius notum fuisse.

VII. At seculo decimo tertio in concessione *Pallii*, Romanos Pontifices à nonnullis saltem Metropolitanis hujusmodi Juramentum exegisse, evincunt Acta Innocentii III. edita à Francisco Bosqueto; in quibus pagina 64. extat Formula dandi *Pallium* cum adjuncto fidelitatis Juramento simili Gregoriano.

VIII. Quin & eodem labente seculo invaluisse, ut idem Juramentum exigere etiam ab Episcopis ad ordinationem Pontificis Romani immediate spectantibus; sive, à *suis Coepiscopis sibi immediate subjectis*, testatur Gregorius IX. in cap. 13. *De Majoritate & Obed.* ibidem respondens, simile quoque Juramentum exigi posse per Metropolitanum ab Episcopis sibi subjectis; eoque debere esse contentum; hoc est, Juramento Gregorii VII. de quo in cap. 4. *De Jurando*; uti ad dictum cap. 13. monet Glossographus, verbo, *forma.*

IX. Postquam vero omnium Episcopatum provisio ad Sedem Apostolicam, exclusis Metropolitanis & Episcopis Comprovincialibus, translata fuit; atque solus sedis Apostolicæ auctoritate confirmari & Consecrari cœperunt, etiam ab omnibus, tamquam ordinationi Sedis Apostolicæ immediate subjectis, Juramentum hoc Romano Pontifici præstandum exigitur, idque hodie præstatur juxta formulam à Clemente VIII. reformatam & extensam; ac Pontifici Romano insertam.

X. Formula Juramenti prout à Gregorio VII. propolita fuit, & in cap. 4. *De Jurando* refertur, septem continet articulos, sive clausulas; quorum tres primi plane conformes sunt iis, qui in Juramento fidelitatis quod Vassallus præstare tenetur Domino directo, continentur, uti videre licet *Lib. 2. Feud. tit. 5. 6. & 7.* atque his verbis in formula Juramenti exprimuntur: Ego N. Episcopus (Pontificale addit: *Electus Ecclesiæ N.*) ab hac hora in antea fidelis ero Sancto Petro, Sanctæque Romanæ Ecclesiæ, Dominoque meo Papæ C. ejusque Successoribus Canonice intrantibus. Non ero in consilio (Pontificale addit: *aut consensu*) neque in facto, ut vitam perdat aut membrum, vel capiat mala captione (addit Pontificale: *aut in eos violenter manus quomodolibet ingerantur; vel injuriæ aliquæ inferantur, quovis quæsito colore.*) Consilium quod mihi aut per se, aut per litteras, aut Nuntium manifestabit, ad ejus damnum (Pontificale addit: *me sciente*) nulli pandam.

Hi articuli sat ostendunt, hoc Juramentum Fidelitatis præcipue concernere Episcopos qui Sedi Apostolicæ non in spiritualibus duntaxat, sed & in temporalibus subjecti sunt.

XI. Quandoquidem plures ex articulis Juramenti ab Episcopis in sua ordinatione præstandi sint plane conformes iis, quos continet Juramentum à Vassallo præstandum Domino directo, non satis con-  
 veniens

medians apparet, ut similes articuli proponantur Episcopis, qui Romano Pontifici in temporalibus nec immediate, nec mediate sunt subiecti, neque Pontifici tanquam ejus Vassalli ratione temporalium sunt obstricti, præsertim ut ipsi jurejurando obignent.

XII. Quartus articulus in cap. 4. *De jurejurando*, exprimitur hac formâ: *Papam Sanctæ Romanæ Ecclesiæ & regalis Sanctorum Patrum* (pro his finalibus verbis legitur in Pontificali: *Et regalia Sancti Petri*) *adjutor ero ad defendendum & retinendum, salvo ordine meo, contra omnes homines.*

Pontificali Romano consonat formula Gregorii VII. prout refertur in Concilio Romano VI. anno 1079. quæ extat tomo 10. Conciliorum generalium edit. Labbeana col. 379. Ibi enim legitur: *Papam Romanum & Regalia Sancti Petri adjutor ero ad retinendum & defendendum, salvo ordine meo.*

Hanc lectionem sibi valde placere dixit Antonius Augustinus ad cap. 20. *De elect.* in prima collectione; atque una dicit: "Erratum esse videtur ex litterarum compendio. In alia formula Sacramenti Roberti Ducis Apuliæ, Calabriæ & Siciliæ: Sanctæ Romanæ Ecclesiæ, tibi que adjutor ero ad tenendum, acquirendum & defendendum *regalia Sancti Petri*, ejus que possessiones pro meo posse contra omnes homines." Hæc ille; notatque & vir eruditus Franciscus Florens, hanc esse veram & antiquam lectionem.

XIII. *Regalia S. Petri* hic accipiuntur pro *Patrimonio Sancti Petri*; quod aperte confirmat Formula Innocentii III. extans in ejus gestis pag. 64. in qua ita explicantur Regalia. *Honores, dignitates & rationes Apostolica Sedis defendam pro posse, salvo ordine meo:* & pluribus probat D. Du Cange in suo *Glossario*, verbo *Regalia*: idèque dici potest, quod sub nomine *Regalium* eorumque defensionis in Formula Gregorii VII. omnia essent comprehensa, quæ latius in Pontificali Romano ex præscripto Clementis VIII. his verbis sunt expressa: "Jura, honores, privilegia & auctoritatem Sanctæ Romanæ Ecclesiæ, Dominio nostri Papæ & successorum prædictorum, conservare, defendere, augere, promovere curabo. Neque ero in consilio, vel facto, seu tractatu, in quibus contra ipsum Dominum nostrum, vel eandem Romanam Ecclesiam, aliqua sinistra, vel præjudicialia personarum, Juris, honoris, status, & potestatis eorum machinentur. Et, si talia à quibuscumque tractari, vel procurari novero, impediam hoc pro posse, & quantum citius potero, significabo eidem Domino nostro, vel alteri, per quem possit ad ipsius notitiam pervenire.

XIV. Quintus Articulus habet: *Vocatus ad Synodum, veniam, nisi præpeditus fuero Canonice præpeditio.* In antiqua formula Gregorii VII. ita exprimitur: *Ad Synodum, ad quam me vocabunt, vel per se, vel per suos Nuntios, vel per suas litteras, veniam & Canonice obediam, aut si non potero Legatos meos mittam.*

XV. Sextus Articulus: *Legatum Apostolicæ Sedis, quem certum esse cognovero* (hæc postrema clausula, *quem certum*, &c. in Pontificali omittitur) *in eundo & redeundo honorifice tractabo, & in suis necessitatibus adjuvabo.*

XVI. Septimus est: *Limina Apostolorum singulis annis* (Pontificali: *Singulis triennii*) *per me aut per certum Nuntium* (Pontificali: *Personaliter per meipsum*) *visitabo: nisi eorum absolvar licentia.* Hæc ultima clausula non habetur in Pontificali, sed adduntur sequentia: *Et Domino nostro ac successoribus præfatis, rationem reddam de toto meo Pastoralis officio, ac de rebus omnibus ad meam Ecclesiam statum, ad Cleri & populi disciplinam, Animarum denique, quæ meæ fidei tradita sunt, salutem, quovis modo pertinentibus; & cetera quæ inferius referentur.*

Totus hic Articulus de visitatione Liminum Apostolorum deest in formula Gregorii VII. supra citatâ; sed vice illius habentur hæc, quæ nec in Decretalibus, nec in Pontificali occurrunt: *His, quos nominatim excommunicaverint, scienter non communicabo: Romanam Ecclesiam per secularem militiam fideliter juvabo, eum invitatus fuero.*

Hic rursus non obscure innuitur, juramentum hoc primitus conceptum fuisse pro solis Episcopis, qui etiam in temporalibus Sedi Apostolicæ aliquo vinculo obstricti essent.

XVII. Cæterum circa tres posteriores articulos notandum, tria ibidem præscripta, ita commodè & rectè ab Episcopis præstari posse dummodo consensus Regis & Principum interveniat, præsertim in Gallia & hisce Provinciis, in quibus absque consensu Regis, nec Legatum Pontificis ut talem agnoscere, adire, excipere & comitari; nec Regni finibus excedere, vel ad Synodum vel ad Pontificem licet proficisci. De quibus videri potest Franciscus Florens ad titulum *De concessione Pallii* pag. 231. & ab eo citari: & quæ infra titulo de Nuntiis & internuntiis Apostolicis notata sunt.

XVIII. Observare non erit superfluum nonnullos articulos juramenti ab Episcopis in ordinatione præstandi, ita expressos esse, ut attentò expressionis tenore, & spectatis Provinciarum inveteratis moribus, sat ambiguum sit, num Episcopi suo juramento quoad hos articulos, satisfacere possint. Optandum esset, ut ob religionem juramenti, articuli clarioribus terminis, & Provinciarum juribus & consuetudinibus conformibus exprimerentur, atque ita omnis equivocatio & ambiguitas, quæ in juramenti sollicitè vitanda est, evitaretur: quin & satius esset, juxta sanctos Canones, & laudatissimam Patrum disciplinam, ab omni exactione juramenti abstinere, & sola fidei professio, & obedientiæ promissio exigeretur, quæ sola per decem & amplius secula in usu fuisse legitur.

Etiam hic meritò attendendum, hæc juramenti formam per Gregorium VII. demum fuisse propositam & exactam, qui primus inter Pontifices sibi attribuit plenam & universalem auctoritatem in temporalibus, ut ex hujus Pontificis litteris ostendit Dominus Fleury in sua *Historia Ecclesiastica lib. 63. num. 2.*

XIX. De *Liminum Apostolorum* visitatione mentio fit in Synodo Romana sub Zacharia Papa anno 743. can. 4. ex qua desumptus est Canon. 4. dist. 93. apud Gratianum, ut rectè notarunt Correctores Romani.

In hoc Canone statuitur: "Ut juxta Sanctorum Patrum & Canonum statum, omnes Episcopi, qui hujus Apostolicæ Sedis ordinationi subjacent, qui pro-pinqui sunt, annuè circa Idus Maji, Sanctorum Principum Apostolorum Petri & Pauli liminibus præsententur, omni occasione sepositâ: qui verò de longinquo, juxta chirographum suum impleant. Nam qui hujus Constitutionis contemptor extiterit, præter quam si ægritudine validè fuerit detentus, sciat se Canonibus subiacere.

XX. Duo nobis hic Canon aperit. Alterum, quodd Episcopi Liminibus Apostolorum se præsentare deberent, ut Synodo annuè juxta Canones celebrandæ interessent; atque *Liminibus Apostolorum se præsentare*, idem esset, quodd Romam ad Synodum juxta Limina Apostolorum celebrandam convenire.

Alterum, obligationem se præsentandi liminibus Apostolorum solis Suffraganeis Romanæ Metropolis, sive qui ordinationi Sedis Apostolicæ subiacabant, fuisse impostam: ne tamen his omnibus, sed solis propinquis; remotiores enim, tamen ad Romanam Metropolim spectantes, ipsi venire non tenebantur; sed satiserat, si chirographo suo, quæ in Synodo agebantur, confirmarent.

Itaque



Itaque obligatio adeundi limina Apostolorum profluxisse videtur ex obligatione accedendi ad Synodos Metropolitanas; quod apertius indicat S. Leo, qui scribens ad Episcopos Siciliae, Pontificis Romani ordinationi subiectos, ait: "Illud primitus pro concordissimae unitatis custodia exigimus, ut quia saluberrimè à Sanctis Patribus constitutum est, binos in annis singulis Episcoporum debere esse conventus, tertiū semper ex vobis ad diem tertium kalend. Octobr. Romani fraterno Concilio sociandi, indissimulanter occurrant."

Hic ergo manifestum est, obligationem veniendi Romam à Sancto Leone elici ex obligatione accedendi ad Synodos Provinciales.

Cum verò juxta pristinam Ecclesiae disciplinam, Episcopi ad ejus spectarent Synodum, à quo ordinationem acciperent, facile intelligitur, cur Episcopi ordinationi Sedis Apostolicae immediatè subiecti ad Limina Apostolorum accedere specialiter adstricti essent.

XXI. Hinc ulteriùs intelligimus, quare hæc obligatio citius Metropolitanis, quàm Episcopis cæteris imposita sit; ut colligitur ex Epistola 6. Paschalis II. quia scilicet, Metropolitanorum ordinatio citius, quàm Episcoporum ad Sedem Apostolicam translata est; atque Metropolitanis ab eadem Sede *Pallium*, & cum eo plenitudinem Sacerdotii accipere consueverant.

Quod intelligens antiquus Juris Canonici Glossographus ad cap. 4. *de Jurejurando*, verbo, *singulis annis*, notavit obligationem visitandi Limina Apostolorum, de qua in citato Capitulo, intelligendam de *Archiepiscopis & Episcopis, qui subsunt Domino Papæ nullo medio*. Additur in margine ex Joanne Andrea: *Idem servatur in aliis, si confirmationem, Consecrationem vel Pallium à Papâ recipiunt*.

XXII. Translatà ergo non tantum Metropolitanorum, sed & Episcoporum Confirmatione & Consecratione ad Sedem Apostolicam, unà ipsa obligatio visitandi Limina Apostolorum, sive accedendi ad Sedem Apostolicam, cujus ordinationi omnes immediatè censentur subiecti, generaliter ad Episcopos, unà cum juramento extensa fuit.

XXIII. Cumque jam inter Episcopos huic obligationi subiectos essent nonnulli in Provinciis remotis, quibus singulis triennis Limina Apostolorum visitare, esset non parum incommodum, Xistus V. varia temporum intervalia, pro varietate Provinciarum & Regionum præfixit; quæ in Pontificali Romano expressa sunt; atque inter alia ait: "Ad tempus singulorum quadrienniorum tenentur Germani, Galli, Hispani, Belgæ, Boëmi, Hungari, Angli, Scoti, Iberni, & cæteri omnes, qui in Europa sunt citra mare Germanicum & Balticum, atque omnium Insularum maris Mediterranei."

XXIV. Per *Limina Apostolorum* in Formula juramenti relatà in citato cap. 4. non intelligi Ecclesias SS. Petri & Pauli, nec mortua eorum corpora, vel sepulchra, sed Papam, vel Sedem Apostolicam, apertè colligitur ex verbis quæ subjiciuntur: *Nisi eorum absolvar licentiâ*: quæ necessariò ita debent exponi, nisi absolvar per Papam, qui illis *Liminibus* præest, & illorum Apostolorum vice fungitur; ut post alios Canonistas notat Fagnanus ad citatum capitulum 4. Unde obligatio Episcoporum visitandi materiales illas Apostolorum Basilicas, non tam ex juramento, quàm consuetudine atque posteriorum Pontificum Decretis profluit; quod & Fagnanus ibidem notavit.

XXV. Porro præcipuus scopus hujus visitationis, ut colligitur ex Bulla Xisti V. & hodierno stylo Curiae Romanae, est, ut Episcopi Sedem Apostolicam de statu Ecclesiae suae plenè informant; eumque Sacrae Congregationi Cardinalium super Interpretatione Concilii Tridentini (quæ ad hoc specialiter deputata est) referat;

quod & hodierna formula juramenti in verbis supra relatis exprimit.

Hic autem status duplex est, materialis & spiritualis. Materialis versatur circa loca Urbana, suburbana, ruralia, sylvestria. Item circa Cathedralē, Collegiatas, Parochiales & alias Ecclesias & Oratoria. Item circa Monasteria tam virorum, quàm mulierum, Hospitalium, Montem pietatis, Collegia, Confraternitates, & alia pia loca tam Civitatis, quàm Diocesis, & circa earundem Ecclesiarum & locorum situm, fabricam, ornatum, bona, redditus, sacram suppellectilem, personarum ac ministrorum numerum, & ordinem, & alia his similia. Et quoad hunc statum materiale praxis est, ut unusquisque Episcopus in prima ejus visitatione plenam exhibeat relationem; in sequentibus autem visitationibus suæ per hoc statu materiali simpliciter se referat ad relationem primò exhibitam, & tantum adjiciat, si quid additum, imminutum, immutatum fuerit, quod S. Congregationem scire expediat. Hæc Fagnanus ad dictum cap. 4. n. 73.

Status spiritualis, sive formalis, ut eum vocat Fagnanus, in quo præcipuè eniti debent; versatur circa Pastorale officium atque omnia, quæ ad ipsarum, quibus præsumt, Ecclesiarum regimen & animarum salutem pertinent, de quibus S. Congregatio juxta præscriptum Xisti V. edoceri vult, scilicet, "quæ in Ecclesiis eorum curæ ac fidei commissis, Cleri, populi, morum disciplina sit, quæ Concilii Tridentini, cum in omnibus, tum præcipuè in residentia, munere executio, quæ item piæ consuetudines, & quæ omnium denique in via Domini sint progressus. Sive ut in suo juramento ad præscriptum Pontificis exprimit Episcopus: "Rationem reddam de toto meo Pastoralis officio, de rebus omnibus ad meam Ecclesiam statum, ad Cleri & populi disciplinam, animarum denique, quæ meæ fidei traditæ sunt, salutem quovis modo pertinentibus; & vicissim mandata Apostolica humiliter recipiam, & quam diligentissimè exequar."

Et hæc quidem generalia sunt, super quibus S. Congregatio informari debet; quæ pro accuratiore informatione ad specialia descendere solet; quemadmodum monet Fagnanus, qui & articulos illos ibidem annotat: De quibus si sincerè ac pro rei veritate Congregatio informetur, non dubium, quin frequenter perfectum esse debeat Sedi Apostolicæ, quantus sit in pluribus Ecclesiis super hisce defectus; cui per Sedem Apostolicam opportunis remediis meritò occurratur.

XXVI. Formula Juramenti expressa in cap. 4. *de jurejurando*, tantum obstringit jurantem, ut per se vel per certum nuntium Limina Apostolorum visitet; at formula in Pontificali expressa, obligat, personaliter per seipsum visitare; nec nisi legitimo impedimento detentum, per alium; atque hoc casu, ut habent verba juramenti; "per certum Nuntium ad hoc speciale mandatum habentem, de gremio mei Capituli, aut alium in dignitate Ecclesiastica constitutum, seu aliàs personatum habentem; aut, his, mihi deficientibus, per Diocesanum Sacerdotem; & Clero deficiente omnino, per aliquem alium Presbyterum secularem vel regularem spectatæ probitatis & religionis, de supradictis omnibus plenè instructum. De hujusmodi autem impedimento docebo per legitimas probationes, ad Sanctæ Romanæ Ecclesiæ Cardinalem Proponentem in Congregatione Sacri Concilii, per supradictum Nuntium transmittendas."

XXVII. Moderna Belgii vicinarumque Provinciarum constans ac uniformis praxis habet, ut visitatio per Nuntium fiat; quasi ob itineris longitudinem, molestias & expensas, atque diuturniorem à Diocesi absentiam, legitimum ac continuum impedimentum subsit; neque ulli Episcopo hinc difficultatem moveri hæcenus intelleximus; in Gallia verò hic articulus non observatur,

tur, ait D. Fleury in Instit. Juris Canonici parte 1. cap.

11.

XXVIII. Præter septem articulos in formula Juramenti Gregoriani, prout refertur in dicto cap. 4. contentos, addit insuper formula Pontificalis moderna: "Regulas Sanctorum Patrum, Decreta, ordinationes seu dispositiones, reservationes, provisiones & mandata Apostolica totis viribus observabo, & faciam ab aliis observari.

"Hæc clausula (inquit Vir eruditus Franciscus Florens ad titulum de concessione Pallii pag. 230.) "latissime patet, nec eam usus noster admittit in plerisque. Ideoque omissa est in formula Gregorii XV.

Formula Gregorii XV. cujus hic meminit Florens, est illa, quam novum Archiepiscopum Parisiensem eidem Pontifici præstitisse testatur Florens; extatque apud Andream Du Saussai, libro de mysticis Gallia scripturis. (a)

Quod de Gallia asserit Florens, id quoque de Belgio affirmari posse non dubium. Nihil enim certius, quam provisiones, reservationes ac mandata Apostolica non generaliter & indubitanter, sed cum certis limitationibus juxta jura ac receptas Provinciarum atque Ecclesiarum consuetudines hic admitti; credendumque nec eorum observantiam aliter jurari velle Pontifices; videturque usus ac communis intellectus, in hunc sensum juramentum exposuisse, non tantum quoad hunc articulum, sed etiam reliquos; ut scilicet contenta in illis articulis intelligantur, prout Provinciarum jura ac consuetudines illa observari permittunt.

XXIX. Denique additur in formula Pontificalis: "Possessiones verò ad mensam meam pertinentes non vendam, nec donabo, neque impignorabo; nec de novo infeudabo, vel aliquo modo alienabo, etiam cum consensu Capituli Ecclesiæ meæ, inconsulto Romano Pontifice. Et si ad aliquam alienationem devenero; pœnas in quadam super hoc edita Constitutione contentas, eo ipso incurrere volo.

XXX. Juramenti ab Episcopis præstandi de non alienandis rebus ad suam mensam spectantibus fit mentio in cap. 8. de Rebus Ecclesiæ non alienandis: illudque vel Pontifici, vel Metropolitano præstandum erat. Nam (ut ait Glossa ibidem verbo, Sacramento) qui liber Episcopus, qui immediatè Domino Papæ subest, jurat ei fidelitatem, quod non alienabit bona Ecclesiæ, nec infeudabit, & idem juramentum præstant alii Episcopi suis Metropolitanis.

Hic nota, tempore Glossographi hujus, id est, seculo 14. nondum omnes Episcopos præstitisse hoc juramentum fidelitatis Romano Pontifici; sed tantum immediatè Pontifici subjectos; reliquos verò illud idem præstitisse suis Metropolitanis; sive Episcopos, ut ante diximus, juramentum præstitisse illi, à quo ordinationem sive confirmationem accipiebant. Et etiamnum hodie extat in Pontificali Romano ordo Consecrationis, quo à Metropolitano electus ordinari solebat; ubi idem penè per omnia juramentum, quod hodie Pontifici præstat, præstandum præscribitur Metropolitano. Habetur in Pontificali sub titulo, de scrutinio quo Antiqui utebantur, antequam Electus in Episcopum consecraretur. Plura de hoc Juramento dicentur infra Titulo de Metropolitanis.

XXXI. Notandum quoque, hujus clausulæ de non alienandis rebus Ecclesiæ, nullam in Formula Gregorii VII. prout vel in Concilio Romano, vel Decretalibus exhibetur, fieri mentionem; unde post tempora Gregorii VII. insertam fuisse rectè observat Franciscus Florens loco citato pag. 231. quemadmodum plura alia successu temporis addita fuisse, ex dictis facile intelligi potest; & utramque formulam inter se conferenti ad oculum patebit.

(a) Greg. XV. ille est, qui, postulante Ludovico XIII. Sedem Parisiorum Episcopalem ad Archiepiscopatum Dignitatem erexit die 20. Octobris 1622.

Tom. I.

## CAPUT III.

## De Moderno ritu Consecrationis.

1. Electus præsentatur Consecratori.
2. Olim interrogabat Metropolitanus, num præsentēs scirent electum esse dignum: quod etiam tempore Innocentii III. in usu fuit.
3. Inquiritur utrùm ante Innocentium III. ritus iste cæperit usurpari?
4. Olim solebat fieri præsentatio electi pridie ante Consecrationem per Archiepiscopum vel Archidiaconum Ecclesiæ vacantis.
5. Hodie Consecrator tantum petit à præsentantibus electum, an habeant mandatum Apostolicum; & quæ hujus ratio?
6. De examine electi faciendo ante Consecrationem.
7. Formula examinis istius antiqua non est. Professio fidei ab electo Episcopo emittenda.
8. In quo hæc examinandi ratio differat à pristina Patribus usitata?
9. Consecrator electo exponit, quid Episcopum facere oporteat.
10. Liber Evangeliorum cervicibus & scapulis electi imponitur; & Consecrator cum Episcopis assistentibus manus capiti consecrandi imponit.
11. Manuum impositio ritus est antiquissimus, semper in Ecclesia tam Latina quàm Græca observatus.
12. Impositio libri Evangeliorum etiam est antiquissima, non tamen universaliter ubique eodem tempore recepta.
13. Hæc verba: Accipe Spiritum Sanctum recitari in ipsa manuum impositione recens est ceremonia; non tamen frustra dicuntur.
14. Oratio Consecratoris pro Consecrato.
15. De unctione capitis & manuum Consecrati.
16. Hujus unctionis ætas queritur.
17. Benedictio & traditio Baculi Pastoralis, & hujus ceremoniæ antiquitas.
18. Cur in ordinatione Romani Pontificis, hæc ceremonia omittatur; & an olim non fuerit adhibita?
19. Impositio annuli, & ejus antiquitas.
20. Traditio libri Evangeliorum ipsi Consecrato est recens ceremonia.
21. Consecratus offert panem & vinum, quod antiquitus etiam à populo fiebat.
22. Consecratus cum Consecratore stando Missam peragit; & de eadem Hostia, & eodem Calice communicant.
23. Hic ritus olim in Ecclesia Latina, & hodie etiam in Ecclesia Græca est usitatus & ordinarius.
24. Impositio Mitræ, & quando ejus usus incæperit?
25. De Chirothecis Pontificalibus.

I. Ritu hodierno, Electus sive Nominatus medius inter duos Episcopos ducitur ad Metropolitanum sive Consecratorem; & senior assistentium eum Consecratori præsentat consecrandum sub hac formula verborum: Reverendissime Pater, postulat Sancta Mater Ecclesia Catholica, ut hunc præsentem Presbyterum ad onus Episcopatus sublevetis.

II. Tempore electionis petebat Metropolitanus: Scitis illum esse dignum: Respondebat Episcopus: Quantum humana fragilitas nosse sinit, & scimus & credimus illum dignum esse.

Hancque formulam in usu fuisse tempore Innocentii III. patet ex ejus responso relato in cap. unico de scrutinio in Ordine faciendo; ubi interrogatus, an Episcopus assistens hoc responsum dare queat, dum Electi conversatio minùs sibi cognita aut penitus ignota est, respondit: "In tali responsione aliquem peccare non credimus, dummodo contra conscientiam non

P

„ lo.

„loquatur: quia non simpliciter illum asserit dignum, „sed in quantum humana fragilitas nosse finit: cum „illum quem indignum esse non novit, dignum de- „beat æstimare. Hujusmodi ergo responsione securè „uti poteris, nisi fortè de indignitate tibi constiterit „Consecrandi.

Ad hanc responsionem reflectens antiquus Glossographus, ait: „Mirabilis est responsio ista: potius enim „dicere deberet, *se nullam habere scientiam* de ejus dig- „nitate vel indignitate. „Deinde respondet: „Ex eo, „quod videt illum electum à bonis, quamdam videtur „habere notitiam de dignitate ipsius, & de tali respon- „det, quia audivit ab aliis.

Hoc responsum Glossæ attendens Panormitanus, ait: præsumitur hoc in casu dignus, quia præsumptio est pro ejus dignitate; eò quod per alios est præsentatus *ut bonus*, ad hoc est electus *ut bonus* & Confirmatus; sicut in illo qui petit consecrari; & tunc præsumitur accidentalit bonitas. Hæc quidem vera sunt, quando ipsi testantur constar, in electione aut confirmatione Consecrandi ita fuisse inquisitum in idoneitatem Consecrandi, ut reverà notitiam illius habere censeatur; idèdque de illa testari possit: alioquin, uti rectè monet Joannes Andreas, *Quomodo testificabitur de eo, quod non novit?*

III. Quandoam Formula prædictæ interrogationis & responsionis invaluerit, incertum est.

Constat eam tempore Innocentii III. fuisse usitatam, uti & in textu observatum est, sed pristinis seculis in usu fuisse non legitur. Occurrit quidem in Libro diurno Romano *cap. 3. de Ordinatione Episcopi Suburbicarij tit. 3.*

Verùm hæc alia non erat, quàm *Precatoria*, quam Diaconus Ecclesiæ viduatæ missus unà cum electo Episcopo, nomine Cleri, & plebis Ecclesiæ viduatæ secum ferebat, & coram Episcopo Romano, adstante electo prælegebat, *deprecans* electum in Episcopum ordinari, uti in notis latius exponit Garnerius: observatque, hujus *Decretalis* meminisse Alcuinum *de Officiis divinis*, dum ait: „Cum Episcopus civitatis fuerit defunctus, „eligitur alius à Clero seu populo; fitque *Decretum* „ab illis, & veniunt ad Apostolicum cum suo electo, „deferentes secum suggestiones, seu rogatorias litte- „ras ut eis consecrent Episcopum.

Nulla tamen ibidem hujus interrogationis aut responsionis fit mentio: sed neque in *Ordine Romano*, qui hoc Libro diurno recentior est (uti notat Garnerius) quidquam de hac interrogatione aut responsione occurrit.

Itaque dubitari nequit, quin recentioris ætatis sit hinc ritus: qui nec hodie in usu est, uti superius notatum est.

IV. Solebat insuper die præcedente ipsam Consecrationem fieri alia præsentatio ipsius Electi per Archipresbyterum, vel Archidiaconum Ecclesiæ cui Electus erat præficiendus, qui Electum medium inter duos Canonicos ejusdem Ecclesiæ Metropolitanò præsentabat; qui Metropolitanò interroganti: *Fili mi, quid petis?* respondebat: *Ut Deus & Dominus noster concedat nobis Pastorem.* Rursum eum interrogabat Metropolitanus: *Quid vobis complacuit in illo?* Respondebat præsentans: *Modestia, humilitas, patientia, & ceteræ virtutes.* Uterius Metropolitanus: *Habetis Decretum?* Respondebat: *HABEMUS.* Tum legebatur Decretum, quo declarabatur, Canonicos præsentem Presbyterum in suum Episcopum elegisse, eumque in Pontificem ordinari postulare: quæ latius referuntur in Pontificali Romano sub titulo *de Scrutinio Serotino.*

V. Hodie omnibus hisce interrogationibus & responsionibus omissis, Consecrator postulationi Episcopi offerentis hoc unum reponit: *Habetis mandatum Apostolicum?*

Respondente Episcopo assistente, *habemus*; jubetur legi mandatum, quo auctoritate Sedis Apostolicæ consecrandi potestas committitur.

Cum ergo Consecratio fiat auctoritate Sedis Apostolicæ live ex ejus delegatione, mirum non est, si Consecrator ex præscripto Pontificali Romani, non interroget Episcopos assistentes & Electum consecrari postulantes, *num sciant eum esse dignum*; quia, uti refertur in citato responso Innocentii III. Pontifex non in ordinatione Pontificis, sed in ordinatione Diaconi vel Presbyteri id interrogare etiam eo tempore solebat.

VI. Lecto mandato Apostolico, necnon præfatio per Electum juramento, de quo capite præcedenti, incipit Consecrator Electum examinare; quod antiquam Patrum institutionem docere asserit; tum observetur illud Apostoli. 1. ad Tim. c. 5. v. 22. *Manus nemini citò imponas*; tum, ut etiam is, qui ordinandus est, erudiat, qualiter sub hoc regimine constitutum oporteat conversari in Ecclesia Dei.

Extat formula examinis, modernæ planè similis, in antiquo Ordine Romano; in qua tamen post articulum de obedientia ac subjectione Romano Pontifici exhibenda, subjicitur articulus, quo similis fides & subjectio Metropolitanò, ejusque Successoribus promittebatur à Consecrando.

VII. Formula examinis instituti in ipsa Ordinatione per Metropolitanum Ordinantem: & responsionis Ordinandi ad singulos articulos sibi à Metropolitanò propostos recentioris apparer instituti, quandoquidem in Libro diurno Romano per Garnerium evulgato, nulla hujus examinis memoria occurrit, sed præscribitur *cap. 3. tit. 6. formula Professionis fidei* ab Ordinando emittenda.

Hujus verò professionis fidei non meminit *Ordo Romanus*, qui cum aliis Libris *de Divinis Officiis* editus est; sed vice *Professionis fidei*, exhibet *interrogationem* ab ordinante Pontifice faciendam, non absimilem illi, quæ in hodierno Pontificali exhibetur.

Ex quo non sine fundamento concludit Garnerius hunc Ordinem Romanum esse Libro diurno posteriorem. *Professionem enim*, ait, *interrogatio successit.*

Similem fidei professionem jam pridem emisisse electum in Episcopum Romanum, testis est Joannes Diaconus in vita sancti Gregorii, quam *Symbolum* vocat.

Recentiorem professionis formulam exhibet Garnerius in citato Libro diurno *cap. 2. tit. 9.* vocaturque *Indiculus*. Credit autem Garnerius eam referendam ad ætatem Cononis aut Sergii Pontificum.

Ex contextu autem hujus Professionis five *Indiculi* patet electum in Pontificem Romanum, simplicem, nullo interpolito juramento, fidei Professionem fecisse: quod & notavit Garnerius, unà observans in notis ad citatum titulum 9. verbo *Electus*, „Nempe profite- „batur (ait) orthodoxam fidem, velut *unus fidelium*, „antequam in Cathedra Petri docturus Ecclesiam fede- „ret. Additque: Professio hæc videtur fuisse totius „ceremoniæ initium.

Intelligitur insuper ex hac Professionis formula electum in Romanum Pontificem professum fidem suam & tam de Sanctæ & Individuæ Trinitatis, quæ unus est „Deus, quàm de dispensatione, quæ secundum car- „nem facta est, Unigeniti Filii Dei Domini nostri Jesu „Christi, & de Ecclesiæ Dogmatibus, *sicut in Uni- „versalibus Conciliis*, & Constitutis Apostolicorum „Pontificum, probatorum atque Doctorum Ecclesiæ „scriptis sunt commendata.

Ad hunc ordinem expressionis in hac fidei Professione observatum, reflectendum monet Garnerius in notis verbo *Universalibus Conciliis*. „Adverte (ait) or- „dinem regularum fidei à Summis Pontificibus coram „Ecclesia constitutum.

Deinde monet ibidem Garnerius verbo *omnis de tradi- „tione* hujus Professionis fidei, quæ prima in Libro diurno ponitur meminisse, & ejus partem referre Ivonem Carnotensem *part. 4. cap. 132. sui Decreti.*

Et



Et in Epistola 57. ad Abbatem Majoris Monasterii: atque hinc concludit, etiam ætate Ivonis, id est, circa annum 1115. Summos Pontifices eam fidei Professionem emisisse.

Ex quo concluditur ad eam usque ætatem Romanos Pontifices in ordine regularum fidei coram Ecclesia in sua ordinatione *Universalibus Conciliis* primum locum dedisse, atque Constitutis Apostolicorum Pontificum præposuisse.

Neque sane fundamento caret hoc examen, quod hodie in ordinatione instituitur, & mere rituale est, & hodie inter ritus ordinationis refertur successisse pristinae Professionis fidei, quam Episcopus etiam Romanus in sua ordinatione emittebat.

Professio enim hæc eisdem pene fidei articulos continet, qui in hodierno rituali Ordinando proponuntur.

VIII. Indubitatum est, semper Ecclesiam valde sollicitè inculcasse, ut ante ordinationem Episcoporum serium atque exactum de fide & moribus Ordinandum examen institueretur; adeoque ritus hic, in quantum prævium illud examen repræsentat, ex Patrum Traditione descendere recte dicitur: At illud dolendum quod, quæ à Patribus serio fiebant, ut exactam notitiam ipsius Ordinandi consequerentur, hodie tantum mera ac nuda ceremonia, juxta Formulam præscriptis verbis expressam, adhiberi & proponi, neque ad aliud in Pontificali conservari videantur, quam ut omnibus, quibus Episcopos promovendi officium incumbit, in memoriam revocetur, quam enixe semper voluerit Ecclesia, ut de persona promovenda exactum atque serium examen institueretur: ne alias, manus cito imponentes, alienis peccatis communicent.

IX. Examine peracto, Consecrator versus ad Electum dicit: *Episcopum oportet judicare, interpretari, consecrare, ordinare, offerre, baptizare, & confirmare.*

X. Tum precibus aliquibus cum Litanis recitatis, Consecrator accepto Libro Evangeliorum, illum aperit, adjuvantibus Episcopis Assistentibus, nihil dicens, imponit super cervicem & scapulas Electi: quem unus ex Capellanis Electi, post ipsum genuflexus, quousque Liber ipse eidem Electo in manus tradendus sit, continue sustinet. Deinde Consecrator & Assistentes Episcopi, ambabus manibus caput Consecrandi tangunt, dicentes: *Accipe Spiritum Sanctum.*

XI. Ritum hunc, in quantum *manuum impositionem* continet, à Judæis ac Synagoga in Ecclesiam traductum atque ab Apostolis observatum, & per eorum Successores ad nos transmissum fuisse, ostendit Guilelmus Beveregius ad *Canonem primum Apostolorum*; notatque Morinus de Sacris Ordinationibus *parte 2. exercit. 1. cap. 1.* tam Græcos, quam Latinos Libros Rituales veteres & recentiores in Consecratione Episcoporum præscribere *manuum Episcoporum impositionem*; imo SS. Patres, cum Episcopatus causam allegant, ad manuum impositionem confugere, semperque dicere, per manuum impositionem aliquem Episcopatus gratiam consecutum, vel ordinatum, vel factum Episcopum.

XII. Nec tantum ritus hic, quoad manuum impositionem est antiquissimus, sed etiam quoad ipsam *Evangelii impositionem* Patribus usitatus fuit; "eamque omnes Rituales antiqui & recentes Latini, Græci, Syri commemorant: quam S. Clemens, S. Dionysius, Concilium Carthaginense IV. referunt & explicant, quam denique laudat S. Chrysostomus in oratione qua probat, unum esse Novi & Veteris Testamenti Legislatorem," inquit Morinus loco citato *num. 3.* qui tamen ibidem *num. 5.* observat, quod antiquissima hæc ceremonia non fuerit universaliter ab omnibus Ecclesiis accepta; quod ibi latius persequitur; asseritque, plures Ecclesias in Gallia & Germania hanc ceremoniam olim non observasse; imo, nec forsitan primis temporibus Romanam Ecclesiam.

Tom. I.

XIII. Quoad illa verba, *Accipe Spiritum Sanctum*, quæ Consecrator & Episcopi Assistentes in ipsa manuum impositione pronuntiant, recens est ceremonia, solumque Latinis (si Morino credimus) nota. "Nulli enim, ait, Rituales Latini antiqui hæc habent verba; nusquam comparent; etiam in recentioribus multis nulla eorum mentio. Antiqui Scholastici, Hugo de S. Victore, Alexander Aletius, Guilelmus Alstiodor. S. Bonaventura, S. Thomas, licet quæ ad Ordines spectant *diligenter & minute* persequantur, eorum non inmeminerunt. Apud Latinos cepta sunt usurpari vix ab annis *quadringentis*. Apud Græcos autem & Syros, nec est, nec unquam fuit illorum usus. Itaque nulla ratione dici possunt ad Ordinis substantiam pertinere." Qui deinde ostendit, quod nihilominus recte pronuntiaverit Synodus Tridentina *Sess. 23. can. 4. de Ordine*. "Si quis dixerit, per sacram Ordinationem non dari Spiritum Sanctum; ac proinde frustra Episcopos dicere, *Accipe Spiritum Sanctum*, &c. anathema sit.

Catholicis quippe certum est, ait Morinus, Ordinationis ritu, obicem non ponentibus, Spiritum Sanctum dari & gratiam produci. Præterea ab antiquissimis temporibus tam apud Latinos, quam apud Græcos non modo in Ordinatione Episcopi, sed etiam Presbyteri & Diaconi, invocatur Spiritus Sanctus. Invocationem illam nobis repræsentant Rituales omnes, Latini, Græci, Syri, antiqui & recentiores in hunc usque diem.

XIV. Prædicta ceremonia expleta, Consecrator recitat Præfationem, in qua Deum precatur, ut dignetur Electo dare virtutes, quas vestes Summi Sacerdotis Veteris Testamenti figurabant: "Illius namque, ait, Sacerdotii anterioris habitus, nostræ mentis ornatus est, & Pontificalem gloriam non jam nobis honor commendat vestium, sed splendor animarum. Quia & illa, quæ carnalibus blandiebantur obutibus, ea potius, quæ in ipsis erant intelligenda, poscebant.

XV. Interea vero Choro decantante hymnum; *Veni Sancte Spiritus*, Chrismate ungit caput Electi, dicens: *Ungatur, & consecratur caput tuum celesti benedictione, in Ordine Pontificali.*

Unctionem hanc apud Latinos antiquissimam esse contendit Morinus de SS. *Ordinat. parte 3. exercit. 6. cap. 2.* in aliquibus tamen Ecclesiis citius, in aliis serius adhibitam fuisse probat; ipsamque Episcopalem Unctionem in Ecclesia Romana antiquiorem esse Presbyterali.

Expleta Unctione, Consecrator resumit Præfationem, precaturque ut Deus virtutum & gratiarum abundantiam, per hanc materialem Unctionem designatam, Electo infundere dignetur. *Hoc Domine*, ait, *copiose in caput ejus influat; hoc in oris subiecta decurrat; hoc in totius corporis extrema descendat, ut tui Spiritus virtus, & interiora ejus repliat, & exteriora circumtegat.*

Finite Præfatione Chorus canit Psalmum 132. qui loquitur de unctione Aaron; atque interea Consecrator ungit Chrismate manus Electi; precaturque, ut ipse Deus eum *Chrismate & mystica delibutionis liquore perfundat, & spiritualis benedictionis ubertate secundet: Quidquid benedixerit, benedicatur; & quidquid sanctificaverit, sanctificetur; & consecrata manus istius, vel pollicis impositio cunctis proficiat ad salutem.*

XVI. Ritum Unctionis Episcoporum latius exponit Innocentius III. in *cap. unico de sacra Unctione*; eumque procedere ex *institutione Apostolica* probare contendit auctoritate Decreti, quod sub nomine Anacleti Papæ legerat apud Gratianum *Dist. 76. Can. Ordinationes Episcoporum*, desumptum ex epistola secunda Decretali huic Pontifici adscripta: sed hanc & duas reliquas epistolas Decretales extantes sub nomine hujus Pontificis esse putidas Pseudo-Iudor

P 2

merces

merces norunt eruditi : notatque Philippus Labbæus in nota marginali ad primam harum epistolarum ; " has epistolas non ausus est Bellarminus indubitas affirmare, nec negat in eas aliquos errores irrepsisse ; eruditius vero Catholicis videntur suppositæ.

Sed & hoc scitur ab Innocentio III. atque à plerisque Auctoribus illius ætatis pro indubitato & authentico reputatum fuisse, quidquid apud Gratianum legatur.

Et hinc contigit plurima ab Innocentio III. & subsequentibus Pontificibus & Auctoribus adscribi instituto Apostolico, & reputari tanquam ex traditione Apostolica descendente, quæ demum mediis Ecclesiæ seculis statuta sunt vel sensim post receptas has falsas Decretales, & editum Decretum Gratiani, inducta & recepta fuerunt.

XVII. Post Unctionem Episcopi electi, Consecrator benedicit Baculum Pastoralem, eumque tradit Consecrato, dicens : *Accipe Baculum Pastoralis Officii; ut sis in corrigendis vitiis pie sæviens, iudicium sine ira tenens, in fovendis virtutibus auditorum animos demulcens, in tranquillitate severitatis censuram non deservens.*

Baculi hujus Pastoralis, qui communiter dicitur *Pedum*, meminit quoque antiquus Ordo Romanus; quin Concilium Toletanum IV. anno 633. *can. 28.* inter ornamenta Episcopalia *Baculum* numerat.

Apud Græcos, quemadmodum observat Jacobus Goar in notis ad Rituale Græcorum *pag. 313.* edit. Parisiensis anni 1647. " à cunctis, tum Pontificibus, tum Monasteriorum Præfectis, manibus fertur; illoque utpote breviori & minus pretiosa materia conspicuo, (raro namque argenteus est, sæpius autem ebore & ebano solum variegatur) per viam gradientes se sustentant : Illoque ut potestatis in inferiorum exerceandæ symbolo, ab Imperatoribus quondam donari solitos Patriarchas, & alios præcipuos animarum Præfectos, scribit Codinus *cap. 20.* Patriarcham quidem his verbis : *Patriarcha deinde in suggestum confidens, à manu Imperatoris pedum Pastorale accipit.*

Non immerito ergo notavit Morinus citata exercitatione 2. *cap. 2. n. 5.* hanc ceremoniam esse *admodum antiquam.*

XVIII. Illud tamen notandum, quod Romanus Pontifex non utatur *Baculo Pastoralis*, tum propter historiam, tum propter mysticam rationem, ait Innocentius III. *cap. unico de Sacra Unctione.*

Pontificem hic citare acta S. Martialis Lemovicensis, atque alludere ad historiam in illis relatam recte monet Baronius ad diem 30. Junii; quam historiam Glossa recitat his verbis : " Martialis unus de Discipulis Petri, quem posuit Dominus inter Discipulos, cum dixit, *Matt. c. 18. v. 4. Nisi efficiamini sicut parvulus iste non intrabitis in Regnum Calorum, &c.* quem postea Petrus cum alio, scilicet Materno, ad prædicandum misit in Germaniam, quo cum iret mortuus est, & rediit collega ad Petrum : & Petrus ait : *Accipe baculum, & tangens eum dic, ut in nomine Domini surgat & prædicet, & ivit.* Et 40. die à tempore mortis tetigit eum & resurrexit, & prædicavit, & ita Petrus removit à se baculum, & dedit subditis.

Verum adverterunt Eruditi, hæc acta Martialis, quia tanquam ab Aureliano ejus immediato Successore scripta circumferuntur, non obscura præferre suppositionis & falsitatis indicia. Et quidem per crassam insciam auctor dicit, Vespasianum successisse immediate Neroni. Afferit insuper, Martialem parem cum Apostolis à Christo post resurrectionem accepisse potestatem; eum nunquam esurisse vel sitivisse aut aliquo dolore laborasse, & alia plura narrantur, quæ non minus fabulosa sunt, quam quæ in Synodo Lemovicensi anno 1031. celebrata pro afferendo S. Martialis Apostolatu, narrantur. Cujus consequenter auctoritatis reputanda sit

historia, quæ unice innititur fidei hujusmodi actorum, intelligi potest.

Mysticas rationes plures allegant Glossa, Joannes Andreas, alique relati ad citatum *Cap. Unicum*, Verbo : *Mysticam rationem* : quæ, an sat sint convenientes, merito Lector expendet : illud interim constat, Romanos Pontifices olim etiam usos fuisse virga Pastorali.

Luitprandus enim loquens de exauctoratione Benedicti V. Pontificis in quodam Romano Conciliabulo facta anno 964. inter alia dicit : " Post hæc Pallium sibi abstulit (Benedictus) quod simul cum *Pontificali Ferula*, quam manu gestabat, Domino Papæ Leoni reddidit, quam *Ferulam* idem Papa fregit, & fræctam populo ostendit. " Habetur tomo 9. Conciliorum Generalium *Col. 659.* Eadem habet auctor Appendix ad Reginonem anno 964. Et Cencius Camerarius in Ceremoniali, de inauguratione Cælestini III. Papæ : " Idem Electus sedet ad dexteram in sede Porphyretica, ubi Prior Basilicæ S. Laurentii dat ei *Ferulam*, quæ est signum Regiminis & correctionis.

XIX. Post traditum Baculum Pastoralem, Consecrator benedicit *annulum*; eumque in digitum annularem dexteræ manus Consecrati immittit, dicens : *Accipe annulum, fidei scilicet signaculum; quatenus Sponsam Dei, Sanctam videlicet Ecclesiam, intemerata fide ornatus, ilibate custodias.*

Meminit quoque *annuli* tanquam ornamenti Pontificalis vetus Ordo Romanus, ubi & tres verborum formulæ, per quas annulus tradi possit, referuntur; quarum sola tertia hodiernæ formulæ conformis est.

Et ante annos mille jam citatum Concilium Toletanum IV. *Can. 28.* ornamentis Episcopalibus annumeravit *annulum* : ut proinde etiam hanc ceremoniam jure merito *admodum antiquam* dicat Morinus loco supra citato. Attamen quia apud Alcuinum, Amalarium, & Rabanum de *annulo* summum est silentium, argumentum est sat plausibile, serius in Gallia & Germania fuisse notam; quemadmodum Græcos Episcopos *annuli usum ignorare*, testatur Jacobus Goar loco citato.

XX. Imposito *annulo*, Consecrator accipit Librum Evangeliorum de scapulis Consecrati, & adjuvantibus ipsum Episcopis assistentibus, tradit eum clausum Consecrato, tangenti illum sine apertione manuum, dicens : *Accipe Evangelium, & vade, prædica populo tibi commissio; potens est enim Deus, ut augeat tibi gratiam tuam.*

Huic traditioni vim Consecrationis nonnulli Scholasticorum dare voluerunt; at eos refutat Morinus, observans, " Quod traditio illa res sit *supra*, quam, ait, nulli Rituales ante quingentos annos scripti, nulli Auctores ante idem tempus commemorant, licet nonnullis, ut Isidoro, Alcuino, Amalario, & aliis commemorationis causa non defuisset, Nec etiam illa ætate invenies Authorem aut Ritualem, qui de Ordinationibus Sacris agentes, istius ceremoniæ meminerint.

Deinde judiciose reflectit Morinus, quod & in traditione Baculi Pastoralis, annuli & Evangelii semper Episcopus dicatur *Consecratus*, antea semper, *Electus*. Indicium minime obscurum, quod etiam Liber Pontificalis, ante hanc traditionem, eum habeat pro *Consecrato*; adeoque & traditiones illas ut meras ceremonias Consecrato Episcopo accedentes.

XXI. His peractis, Consecrator pergit in Missa usque ad Offertorium inclusive. Dicto Offertorio, sistit se Consecratus medius inter Episcopos assistentes coram Consecratore; eique offert duo intorticia accensa, duos panes, & duo basilia vino plena; idque juxta antiquam Ecclesiæ disciplinam, cujus hic memoria conservatur. Ipse enim Ordo Romanus circa seculum 9. aut 10. compositus ritum offerendi describens, ait : " *Pompulus dat oblationes, id est panem & vinum, & offerunt*

„runt cum fanonibus (a) candidis primo masculi, deinde feminae. Sed de his plura infra parte 2. Titulo de Oblationibus.

XXII. Post hæc Consecratus ad posterius cornu Epistolæ altaris accedit, & ibi stans medius inter duos Episcopos Assistentes, ante se habens Missale suum, simul cum Consecratore dicit & facit omnia prout in Missali. Deinde cum ad Communionem ventum est; Corporis Christi Communionem accipit à Consecratore reverenter inclinatus, non genuflexus. Unam autem hostiam ambo, id est, Consecrator & Consecratus consecrant, & de ea participant. Similiter Consecrans postquam Sacri Sanguinis partem cum hostiæ particula intincta sumpsit, reliquum Sanguinis Consecrato tradit.

XXIII. Hæc rursus si cum moderno Ecclesiæ Latine ritu conferantur, plane extraordinaria apparebunt; at si comparentur cum ritu, qui ante quingentos aut sexcentos annos viguit in Ecclesiâ Latina, & adhuc hodie viget in Ecclesiâ Græca, apparebit nihil hic extraordinarii fuisse statutum, sed hic conservatum esse veteris ritus monumentum.

Nihil enim olim tum in Ecclesiâ Latina, ac etiamnum hodie in Ecclesiâ Græca usitatus ac frequentius, quam plurium Presbyterorum aut Episcoporum cum uno principaliter celebrante concelebratio; idque eodem pene per omnia ritu, qui hodie in Episcopi Consecratione superest; quemadmodum late probat & describit Morinus de SS. Ordinatio. part. 3. exercit. 8. cap. 1. eumque tempore Innocentii III. id est, sub initium seculi 13. nondum abolitum fuisse advertit, licet tunc abolere cœperit; ejusque abolitioni multum subseruisse Theologiam Scholasticam, quæ sub id tempus præcipue emerit; eo quod mos ille sive ritus fuerit Doctoribus Scholasticis innumerarum difficultatum seges amplissima.

XXIV. Finita Missa Consecrator benedicit Mitram; eamque adjuvantibus ipsam Assistentibus Episcopis capiti Præfatus Consecrati imponit, dicens: *Imponimus, Domine, capiti bujus Antistitis & agonistæ tui, galeam munitiōis & salutis; quatenus, decorata facie, & armato capite cornibus utriusque Testamenti, terribilis appareat adversarii veritatis, & tui largiente gratiam, impugnator eorum robustus existat: qui Moyses famuli tui faciem ex tui sermonis consortio decoratam lucidissimis tuis claritatis ac veritatis cornibus insignisti, & capiti Aaron Pontificis tui tiaram imponi iussisti.*

Vir eruditus Hugo Menardus in notis ad Librum Sacramentarium S. Gregorii pag. 362. de Mitre usu loquens, ait: „Cujus in Sacramentariis nostris manuscriptis, in Ordinibus Romano & Tihano, in Pontificali manuscripto, quod servatur in Sacristia Ecclesiæ Rothomagensis, & putatur esse Remense in Missa ab Illyrico edita, apud Alcuinum, Amalarium, Rabanum, & alios antiquos Scriptores, qui de Officiis Divinis tractaverunt, & ornamenta Pontificalia recensent, mirum est silentium: ita ut existimem, vix ante annum post Christum natum millesimum Mitre usum in Ecclesiâ fuisse.

„A Mitra sive Pontificio pileo capiti imponendo (ait Jacobus Goar in notis ad Rituale Græcorum pag. 314.) hucusque vulgo Græci abstinerunt: „cujus rationes prolixè ibidem proponit Goarius.

XXV. Post hæc, ex præscripto Pontificali sequitur benedictio chirothecarum, quas, adjuvantibus Episcopis assistentibus Consecrator imponit manibus Consecrati, dicens: *Circumda, Domine, manus bujus Ministræ*

*qui manditia novi hominis, qui de calo descendit: ut quemadmodum Jacob dilectus tuus, pelliculis badorum operis manibus, paternam benedictionem, oblato Patri cibo potuque gratissimo, impetravit; sic & iste oblata per manus suas hostia salutari, gratia tuæ benedictionem impetrare mereatur.*

Chirothecarum usum Apostolicæ traditionis esse asserit Honorius Augustodunensis in Gemma animæ Lib. 1. cap. 215. ubi ait: *Chirothecarum usus ab Apostolis est traditus.* Sed (ait Cardinalis Bona Lib. 1. rerum Liturg. cap. 24. §. 12.) „hoc credibile non est, cum „per aliquot secula, nullum earum reperitur monum- „mentum, nec illis unquam usa sit Ecclesiâ Orient- „talis.

Meminit interim chirothecarum sive *Manicarum* in Ordinatione Episcopi sub certa verborum formula manibus Præfatus Consecrati imponendarum, vetus Ordo Romanus: earundem quoque inter ornamenta Pontificalia meminit verus Liber Sacramentarius, jussu Rothaldi Abbatis Corbeiensis ante annum millesimum scriptus, uti in præfatione ad Sacramentarium Sancti Gregorii monet Menardus, qui primus illum publicavit.

In Missa quoque quam Illyricus sub nomine Missæ veteris Gallicanæ præcedenti seculo edidit; & quam Cardinalis Bona in appendice ad libros suos rerum Liturgicarum sub titulo *Missæ Romanæ variis orationibus interpolatæ*, evulgavit, extat quoque oratio ad induendum manus: „Creator totius creaturæ, dignare me in- „dignum famulum indumentis justitiæ & lætitiæ induere, ut puris mentibus ante conspectum tuum assistere merear mundus.

Hinc apparet hunc usum non adeo esse in Ecclesiâ recentem.

Hæcenus dicta sat ostendunt, ritus ac ornamenta Pontificalia in Ordinatione Episcoporum, unice ex mente Ecclesiæ ad hoc adhiberi, ut ipsis Episcopis in memoriam reducantur, quas virtutes ministerium Episcopale in ipsis exigit; & qualiter suo Officio eos incumbere oporteat. Hinc videant Episcopi quantopere à spiritu Ecclesiæ aberrant, qui illa Pontificalia ornamenta sibi quasi ad pompam ac fastum mundanum impolita & data credunt.

## CAPUT IV.

De Episcopis qui solent nuncupari *Titulares*.

1. *Finis quem sibi semper proposuit Ecclesiâ in ordinandis Episcopis.*
2. *Episcopi Titulares dicuntur improprie Titulares.*
3. *Eorum origo & progressus.*
4. *Concilium Ravennatense prohibuit ne ad obeunda Episcoporum munia admitterentur.*
5. *Usus hodiernus huic Decreto contrarius.*
6. *Abusus in Episcop. Titul. notati.*
7. *Quid Franciscus de Vargas, nonnullique alii de iis Episcopis senserint exponitur.*
8. *Eorum quærelæ non diriguntur adversus quoslibet Episcopos qui Titulares habentur.*

I. Superiori capite III. n. 20. notatum est, quod in consecratione Episcopi, Ordinans, postquam digito Ordinati imposuit anulum, tradat Librum Evangeliorum Ordinatio, dicens: *Accipe Evangelium, & vade, prædica populo tibi commissio, potens est enim Deus, ut augeat tibi gratiam suam.*

Hæc ostendunt Ecclesiâ desiderare, ut qui ordinatur Episcopus, commissum sibi habeat populum, cui prædicet Evangelium.

Unde à pluribus deploratum jam pridem legitur ordinari Episcopos, quos Titulares dicimus, non ad regendum populum sibi commissum, quem non habent,

(a) Variæ sunt Fanonum acceptiones; aliquando sumitur Fanon pro Manipulo, aliquando pro Veste Sacra Summi Pontificis, aliquando pro Mappulis lineis candidis, ad rerum oblatarum mundiciem servandam & reverentiam, adhibitis. De Fanonibus erudite pertraxit Justus Fontaninus, Dissertatione de oblat. Mysteriis, &c. In Ordine Romano agitur de Fanonibus seu Mappulis lineis, quibus panis Eucharisticus involvebatur.



bent, sed duntaxat ut caracterem & dignitatem Episcopatus accipiant.

II. De his Episcopis Titularibus recte notavit Ludovicus Thomassinus de Disciplina Ecclesiae *part. 3. l. 1. cap. 3. num. 2.* hos Episcopos improprie dici *Titulares*; quandoquidem Episcopi & Clerici dicantur ad *titulum* ordinati, dum certae Ecclesiae in sua ordinatione assignantur, sive intitulantur, ut ibidem ordinum suorum functiones & munia obeant.

Hi vero ad certas Ecclesias ordinantur sive *intitulantur*, non ut ibidem munia & functiones Ordinis Episcopalis obeant, sed ut *nudum* Ecclesiae, ad quam ordinantur, *nomen* mutuent.

Unde recte concludit Thomassinus, hos Episcopos dici *Titulares*, eo quod *nudum titulum* habeant Ecclesiae ad quam sunt ordinati.

III. Observat quoque Thomassinus *part. 4. lib. 1. cap. 7.* hos Episcopos *Titulares* in Ecclesia Latina praecipue originem accepisse circa seculum XII. & XIII. originis illius occasionem & progressum ibidem summam deducens.

Et quidem ex his quae ibidem refert Thomassinus, habetur quod primo in Ecclesia Orientali, sive Graeca, ac dein in Ecclesia Latina ordinari ceperint Episcopi titulo Ecclesiarum Cathedralium, in quibus quidem erant Episcopi ordinati, sed qui populi idioma ignorarent, uti contigit in quibusdam Ecclesiis Orientalibus seu Graecis seculo XII. & XIII. quando per exercitus Christianorum occupata Terra Sancta populi Latini permixti fuere Graecis: & cum illi idioma Graecum ignorarent, nec ritibus Graecanicis essent assueti, ordinati sunt Episcopi & Presbyteri Latini, qui populis illis Verbum Dei annuntiarent, & Sacramenta ritu Latino administrarent.

Legitur & nonnunquam Episcopi pro Ecclesiis sub infidelium Principum dominatione constitutis ordinati, ad quas ordinatis Episcopis non patebat accessus, sed adhuc populus Catholicus restabat, qui Episcopo indigebat; vel spes erat fore ut hae civitates ad Principis Catholici dominationem reducerentur, atque ita Episcopis ordinatis ad eas pateret accessus.

Verum sensim his cautionibus praetermissis ceperunt ordinari passim ad Ecclesias in partibus infidelium consistentes, Populo, Cleroque Catholico omnino carentes; & de quibus reducendis ad Principis Catholici dominationem spes nulla affulgebat: imo & certum erat, quod tum ob ignorantiam idiomatis, aliasque conditiones, ordinatus Episcopus nunquam curam istius Ecclesiae esset suscepturus, quin ex omnibus circumstantiis & manifestum erat, Ecclesiam illam in ordinatione unice pro mero, & quasi imaginario titulo assignari.

Cum interim similes ordinati Episcopi per hanc ordinationem, Episcopalem dignitatem & Characterem acciperent, ac omnia munia Episcopalia exercendi jus adipiscerentur, plures etiam in similes Episcopos ordinari ambierunt, qui nullum populum, cui praessent, habentes, per diversa loca discurrentes, & de functionibus Episcopalibus turpem quaestum quaerentes, Episcoporum Dioeceses & regimen turbabant, & Episcopalem dignitatem in vilipendium verrebant, uti ex querelis illorum temporum contra hos *Titulares* Episcopos intelligitur.

IV. Concilium Ravennatense anno 1314. *Rubrica IV.* ait: "Item exhortamur pro unitate fidei & honore sanctae Romanae Ecclesiae, & affectuose rogamus ac attentius requirimus omnes & singulos exemptos intra Ravennatem Provinciam constitutos, ut nullos Episcopos peregrinos vel ignotos, & populum subditum citra mare non habentes invitent, seu admittant ad ordinationes tenendas, seu alia Pontificalia exercenda in ipsorum Ecclesiis, Monasteriis, vel locis. Quod si contra fecerint, volumus eos privilegiis, beneficiis, & favoribus praesentis Concilii, & omnium

aliorum Conciliorum Ravennatis Provinciae ipso facto esse privatos.

V. Hodie in Galliis usus obtinet, ut Episcopi titulares admittantur ad tenendas ordinationes, proprio Episcopo invitante.

VI. Similes Titulares Episcopatus praeter ceteris ambuisse Religiosos, notanter Ordinum Mendicantium, atque sub obtentu horum Episcopatus etiam sui Ordinis deposuisse habitum, habemus ex Decreto Concilii Salisburgensis anno 1420. in verbis: "Cum plerique Fratres Ordinum Mendicantium, ac Religiosi Ordinum aliorum intitulati ad Ecclesias Cathedralis suae Religionis habitum absque rationabili causa manifeste non deferentes, &c.

Id ipsum de Religiosis indicavit Clemens V. in sua adversus hos Titulares Episcopos edita constitutione relata in *Clement. in Plerisque de Elect.* Verum neque per hanc Clementis Constitutionem, neque per Synodorum Decreta, aut piorum querelas abusibus & scandalis quae hae Episcoporum frequens ordinatio causabat, occurrere potuit, quapropter plures viri pii eorum ordinationem non convenire dicebant.

Inter alios Joannes Gersonius de *Statu Praelat. confid.* 8. quamvis admodum moderate loquatur de his Episcopis, asseratque statum Episcopalem esse posse sine populo, & sine usu vel exercitio, nihilominus dicere non dubitat: "quod hoc fieri non conveniat, quia, (ait) vanum & monstruosum videtur in Ecclesia, quoniam frustra est potestas, cui non subest operatio.

Cumque nec tempore Concilii Tridentini scandala & abusus ex horum Episcoporum ordinatione provenientia cessarent, in ipso Concilio non desuere Patres, qui contra hos abusus & scandala declamarunt, horum Episcoporum totalem abolitionem optantes.

VII. Scribit enim à Concilio Franciscus de Vargas in epistola die 26. Nov. 1551. scripta, altera die post celebratam Sessionem XIV. ad Cardinalem Granvellanum Episcopum Atrebatensem, quod Decreta Reformationis hac Sessione edita, nequaquam essent sufficientia pro tollendis abusibus: deploratque quod Decretum contentum *cap. 2.* potius ad obfirmandos quam tollendos abusus conducatur, eo quod hoc Decreto confirmantur Episcopi *Titulares in partibus infidelium*, qui (ait) deberent abolari tanquam contrarii *Juri Canonico*, & plurimorum in Ecclesia malorum causa sunt.

Et cum rursus sub Pio IV. tractaretur de Sacramento Ordinis, plures contra hos Episcopos *Titulares* reclamant atque inter alios, teste Pallavicino *lib. 26. cap. 16. num. 12.* Archiepiscopus Granatensis damnavit usum Episcoporum *Titularium*, tanquam quos primæva Ecclesia ignoraverit.

Et Ludovicus Caranza in Tractatu de Residentia Episcoporum, quem sub tempore Concilii Tridentini divulgavit pag. 140. hos Episcopos *Titulares* vocare non dubitavit *monstra à quibus vexatur Ecclesia.*

Et licet eorum usum à Concilio Tridentino toleratum recentiores Canonistae improbare non audeant, dicere tamen non dubitat Prosper Fagnanus ad *cap. 8. x. parte 2. de Clericis non res. n. 48.* "Creare Episcopos *Titulares* sine rationabili causa, & eo tantum fine, ut ea dignitate alicujus persona qualificetur seu decoretur, abusione est.

Sat bene congruit hisce Episcopis *Titularibus*, quod de Episcopis sine certa Parochia ordinatis seculo XI. scripsit sanctus Anselmus Archiepiscopus Cantuariensis ad Muriardachum Regem Hiberniae *lib. 3. epist. 167.* "Dicitur Episcopus in terra vestra passim eligi, & sine certo Episcopatus loco constitui: Episcopus, nisi certam parochiam & populum cui superintendat, habeat, constitui secundum Deum non potest, quia nec in secularibus nomen vel officium patris habere valet, qui gregem, quem pascat, non habet.

VIII. Ex hactenus notatis intelligi potest; querelas contra Episcopos *Titulares* nequaquam dirigi posse, nec

nec jam pridem fuisse directas contra eos, qui ordinantur cum respectu ad Ecclesias populum Clerumque Catholicum habentes, quem pascant & regant, sed tamen cum titulo sive nominis alicujus peregrinae Ecclesiae in partibus infidelium consistentis ob politicas rationes latere jubentur: licet reipsa ut Episcopi & Pastores populi & Cleri praedictarum Ecclesiarum ordinentur.

Exemplum vidimus in Ecclesiis nobis vicinis, nimirum Metropolitana Ultrajectensi & Cathedrali Harlemensi, quae a centum circiter annis in potestate A Catholicorum constitutae numerosum admodum populum cum suo proprio Clero & ordinariis Pastoribus retinuerunt; quibus & Episcopus datus fuit, qui tametsi ad eas Ecclesias regendas & administrandas ordinaretur; quin & earum Ecclesiarum vulgò à populo & Clero haberetur, & reputaretur Episcopus, nihilominus propter politicas rationes non sinebatur ad titulum earum Ecclesiarum ordinari, sed peregrinae Ecclesiae nomen mutare debebat, & ab eo nomen Episcopi gerere: quae latius deducta sunt in quadam Consultatione ad instantiam Cleri Trajectensis data, per Doctores Lovanienses & per Doctores Parisienses ultra centum probata, in qua & adstruuntur Capituli illius Ecclesiae jura, Sede vacante, uti Capituli Ecclesiae Harlemensis in alio scripto, cui titulus: *Motivum pro Capitulo Harlemensi.*

## CAPUT V.

De effectu Consecrationis; ac praecipue de Vinculo quo Ecclesiae alligatur Episcopus; & una de prohibita translatione Episcoporum.

1. Olim ante Consecrationem nullum jus acquirerebatur Electo.
2. Per Consecrationem olim in Episcopum transibant non solum quae erant Ordinis, sed & jurisdictionis.
3. Hodie sola conferuntur, quae sunt Jurisdictionis.
4. Plenitudo nihilominus Sacerdotii confertur per Consecrationem.
5. Episcopus alligatur Ecclesiae cui praeficitur, tamque sibi desponsat.
6. Transmigrationes de una Ecclesia ad aliam vetitae per Synodum Nicanam.
7. Huic obsequens Eusebius Caesariensis laudatur à Constantino Magno.
8. Arian Episcopi Synodi Nicaeae Decretum contemnunt.
9. Patres Sardicenses hisce occurrere volentes, graviori poenâ transmigrationes Episcoporum prohibent.
10. Communione laici etiam in fine vitae privant Episcopos sine causa ad alias Ecclesias transigrantes; & quae hujus disciplinae ratio?
11. Sensum Canonis intervertit Raymundus Decretalium compilator.
12. Haec disciplina rigorose observata in Ecclesia Romana.
13. Canon Sardicensis etiam seculo X. renovatus.
14. Sub his Canonibus non comprehenduntur translationes Episcoporum factae necessitate aut utilitate Ecclesiae cogente.
15. Translationes olim fiebant auctoritate Synodi Provincialis.
16. Auctoritas illa Synodi Provincialis mansit inconcussa seculo IX.
17. Seculo duodecimo Sedi Apostolicae videtur fuisse reservata.
18. Innocentius III. dicit, Institutione Divina translationem Episcoporum esse reservatam.
19. Quomodo illud dictum Innocentii intelligendum?
20. Hodie solâ auctoritate Romani Pontificis Episcopus à sua Ecclesia absolvi potest.
21. Translatio Episcopi hodie fieri nequit sine consensu Regis, ejusque nominatione.

22. Etiam hodie translationes fieri nequeunt sine necessitate, aut majori utilitate Ecclesiae.

I. **M**ULTIS seculis Consecrationem Episcoporum haud fuisse ab eorum Confirmatione sejunctam, non semel in praecedentibus notavimus; ac insuper observavimus. olim per electionem Cleri & Plebis nullo propriè jus Electo fuisse acquisitum, multisque seculis ignotum fuisse per electionem acquiri Electo *jus adven*: per Confirmationem verò *jus in re*: haec enim Patrum aetas ignoravit.

II. Hac ergo disciplina durante, Electus nullum jus habebat in administratione Ecclesiae; neque Ecclesiae Pastor aut Praelatus habebatur ante Consecrationem; sed demum per Consecrationem sive ordinationem Episcopus constituebatur. Unde Patribus idem erat, Ordinare aut Consecrare Episcopum, & constituere Episcopum, aut Ecclesiae de Episcopo providere: neque inter illa decem primis Ecclesiae seculis in Sacris Canonibus ullum discrimen reperitur.

Itaque si pristinam illorum temporum disciplinam spectemus, per Consecrationem demum, omnem accipiebant Episcopi auctoritatem & potestatem; tam quoad ea, quae *jurisdictionis*, quam quae *Ordinis* dicuntur. Neque illa sine his in Episcopos transibant.

III. At posterior aetas, quae Confirmationem à Consecratione distinguere coepit, etiam ea, quae *jurisdictionis* sunt ab his, quae *Ordinis* sunt, tandem separavit: atque per Confirmationem ante Consecrationem, quae *jurisdictionis* sunt in Episcopum transire voluit; imò per Confirmationem Pastorem ac Praelatum Ecclesiae sine Consecratione constitui; omneque regimen Ecclesiae committi; solis iis exceptis, quae *Ordinis* sunt; quae tamen, ut in Ecclesia sua, aut Subditis suis per alios Episcopos conferantur & impendantur, permittere, aut delegare potest; uti titulo praecedenti cap. 4. latius ostendimus.

IV. Itaque juxta hodiernam disciplinam, Consecrationis proprius effectus censetur, Electo & Confirmato conferre characterem Episcopalem; vi cujus accipit plenitudinem Sacerdotii; & vi hujus consequitur plenissimam Episcopalis Ministerii exercendi auctoritatem, etiam quoad ea, quae *Ordinis* sunt, atque arctiori quodammodo vinculo Ecclesiae alligatur seu Consecratur.

Hinc illud Innocentii III. spectata recentiori disciplina: " Spirituale foedus conjugii, quod est inter Episcopum & Ecclesiam, in electione *initiatum*, in confirmatione *ratum*, & in consecratione intelligitur *consummatum*. " Cap. 4. *de Translat. Episc.*

V. Porro seu disciplinam veterem, sive recentiorem attendamus, Episcopus semel certae Ecclesiae datus & ordinatus, ille tanquam perpetuus illius Minister ac Pastor alligatus est; eamque quodammodo sibi sponsam & uxorem desponsat; ideoque eam facile deferere, aut aliam desponsare, adulterii cujusdam spiritualis speciei Patribus visa olim fuit; praeterquam quod transcurfiones de una ad aliam Ecclesiam, ipsis Ecclesiis perniciosas, & populo scandalosas existimarent, nec aliunde quam ex avaritia vel ambitione procedere.

Et quidem à tempore, quo Ecclesia pleniori pace sub Constantino Magno frui coepit; atque temporalibus magis abundare, necesse fuit huic avaritiae ac ambitioni frangum per Sacros Canones injicere.

VI. " Propter multum tumultum (ait Canon 15. Nicaenus), & seditiones quae sunt, omnino visum est, ut consuetudo, quae praeter Canonem in nonnullis partibus invenitur, tollatur: ut à Civitate in Civitatem nec Episcopus, nec Presbyter nec Diaconus *transseat*. Si quis autem post sanctae & magnae Synodi definitionem tale quippiam aggressus fuerit, vel se rei ejusmodi dederit, quod factum erit, omnino reformabitur, & Ecclesiae restituetur, cui Episcopus, vel Presbyter ordinatus fuerit.

VII.

VII. Hunc Canonem, ejusque rationem perpendens Eusebius Cæsariensis, qui Concilio Nicæno interfuerat, recusavit reliquæ Ecclesiæ Cæsariensi ad Antiochenam transire: cujus factum laudans Constantinus in litteris ad Eusebium datis, dixit: "Rectissime fecit Prudentia tua, quæ & mandata Dei, & Apostolicam atque Ecclesiasticam Regulam custodire statuit, Episcopatum Antiochenis Ecclesiæ repudiatis, & in eo potius permanere desiderans, quem Dei mandato ab initio suscepisset." Apud Eusebium *Lib. 3. de vita Constantini cap. 61.* editionis Valesianæ

Quasi diceret; rectissime fecisti, quod Ecclesiam, cui Dei mandato ab initio fuisti mancipatus, non deserueris; siue repudiaveris aliâ desponsatâ.

VIII. Non obstante æquissimâ hac Apostolicâ & canonicâ Regulâ à Synodo Nicæna expositâ & probatâ, Episcopi plures præsertim Ariani, crebris mutationibus & translationibus, eo tempore, omnes Orientales Ecclesias perturbabant; idque tum ambitione, tum avaritiâ ducti; tum etiam ut hæresim suam latius spargerent: exemplum secuti Ducis sui Eusebii, (a) qui primum Beryti Episcopus, deinde Episcopatum Nicomedie; postea Constantinopolis ambivit & obtinuit, ope Imperatoris Constantii: "Quin etiam depositis Episcopis Orthodoxis, aliquando relegatis, imò & necatis, in eorum Episcopatus transferebant Ariani suorum partium Episcopos: ut constet ex epistola Synodi Alexandrinæ; relatâ ab Athanasio in 2. *Apologia de fuga sua, & in epistola ad vitam solitariam degentes tom. 1.*

IX. Hisce ut occurrerent, Patres Sardicenses graviore sanctione & pœnâ coercendas hæc transmigrationes censuere. Itaque Osius Præses Concilii, Patres alloquens, dixit: "Non minus mala consuetudo, quàm perniciofa corruptela funditus eradicanda est: ne eni liceat Episcopo de Civitate sua ad aliam transire Civitatem." Deinde hanc hujus corruptelæ rationem notandam, ac utinam non modernarum translationum ordinariam causam! subjicit: "Manifesta est causa, quâ hoc facere tentant: cum nullus in hac re inventus sit Episcopus, qui de majori ad minorem transiret. Unde apparet avaritiæ ardore eos inflammari, & ambitioni servire, & ut dominationem agant. Si omnibus placeat, hujusmodi pernicies sævius (b) & austerius vindicetur, ut nec lætam communionem habeat, qui talis est. Responderunt universi: *Placet.*

Canon II. ita habet: "Osius Episcopus dixit: etiam si talis aliquis extiterit temerarius, ut fortassis excusationem afferens, assereret, quod populi litteras acceperit, cum manifestum sit, potuisse paucos præmio & mercede corrumpi eos, qui sinceram fidem non habent, ut clamarent in Ecclesia, & ipsum petere viderentur Episcopum; omnino has fraudes damnandas esse arbitror, ita ut nec lætam in fine communionem talis accipiat. Si vobis omnibus placet statuere. Synodus respondit: *Placet.*

X. Communione ergo læta, nec in fine vitæ donandos Episcopos, contra Canonicas Sanctiones de una ad aliam migrantes Ecclesiam, decernit Canon: ad quem rigorem reflectens Aristenus, ait: "Hoc enim inauditum & horrendum est, ut neque in discessu communionem dignus censetur, quod alibi in Canonum ullo non invenies cuilibet impositum & inflictum peccato.

(a) Eusebius, de quo hic agitur, distingui debet ab altero Eusebio, de quo dictum est superius numero septimo, quod ad Antiochenam Ecclesiam transire noluerit: hic celebris extitit plurimis quas conscripsit lucubrationibus; has inter palmam tulit Historia Ecclesiastica, cujus merito Parens dicitur, cum nullus in hoc scriptoris genere præverit Eusebio. Alter vero Eusebius, qui numero octavo Dux Arianorum dicitur, Nicomedienfis Episcopus sæpius in vetustis & recentioribus Historicis appellatur; an uterque sanguinis vinculo fuerit conjunctus, ignoratur.

(b) In triplici Textu qui in Concilio Labbanis legitur, occurrit *sevitâ*, id est *severius*.

A vero forsitan non aberravit Aristenus Auctor Græcus, si ad Orientales reflexerit Ecclesias: nam ipse Morinus *lib. 9. cap. 19. de penit.* fatetur, in Orientalibus nulli unquam crimini hanc pœnam impositam fuisse: in aliquibus tamen Ecclesiis, primis sæculis, tria crimina, nimirum idololatriam, homicidium, & mæchiam hæc pœnâ fuisse vindicata: id est, illi, qui horum aliquid admisisset, etiam in fine vitæ reconciliationem denegatam fuisse, *diffiteri, ut opinor, ait Morinus, nemo poterit, qui antiquorum testimonia de hac re tantisper animo versaverit.*

Cum ergo mæchiæ carnali olim in aliquibus Ecclesiis imposita legeretur hæc pœna; eandem hic imponi non abs re censuit Synodus Sardicensis, uti notavit Christianus Lupus scribens: "Episcopi enim sine compententi causa translatio est *Spirituale adulterium*, nequam quam minus carnali, cui eandem pœnam antiqua Ecclesiæ disciplina inflixit." In Scholiis ad *Dictatum Gregorii VII. Can. 13.*

Si ergo ex rigore & atrocitate pœnæ liceat arguere de enormitate delicti, expendant Episcopi, qui, tam facile paupere & humili Ecclesiâ desertâ, ad diuorem ac honorabiliorem transcunt, quanti peccati periculo se exponant.

XI. Canonis 1. fragmentum refertur in *cap. 1. de Clericis non residentibus*. Canon vero 2. relatus est in *cap. 2. de Elect.* Sed Raymundus Decretalium Gregorii IX. Compiler reflectens ad pœnam hoc Canone inflictam, scilicet, privationem communionis lætæ, etiam in fine vitæ, eamque disciplinæ sui temporis dissonam videns, addidit hanc parenthesisem, *nisi de hoc penituerit*, non solum contra omnium Latinorum & Græcorum Codicum, atque ipsius pristinae Decretalium compilationis fidem, verum etiam contra manifestum Canonis sensum. Ut vel hinc appareat, quàm necessarium sit ad ipsos fontes, è quibus sua desumpsit Raymundus, recurrere, ut genuinus Canonum sensus habeatur.

Innumeri sunt Ecclesiæ Canones, & Pontificum Decreta, hanc Disciplinam stabilientes Canonesque Nicænos & Sardicenses innovantes; quorum plures à Gratiano *causâ 7. q. 1.* referuntur.

XII. Et quidem adeo tenax hujus disciplinæ fuit Sedes Apostolica, ut primus de alia Ecclesia ad Romanam transmigrasse dicatur Formosus circa finem sæculi 9. neque in omni illa horrenda barbarie quam adversus defunctum exercuit Stephanus VII. aliud ei impropèrasset legitur, nisi, *cum Portuensis esset Episcopus, cur ambitionis spiritu Romanam universalem Sedem usurpasset?*

XIII. Joannes IX. successor Stephani volens reparare, quæ nimia atrocitate & odio in Formoso attentaverat Stephanus; & ne tamen factum Formosi ab aliis in perniciosum exemplum traheretur, hunc in Concilio Romano anno 904. Canonem edidit: "Quia necessitatis causâ de Portuensi Ecclesia Formosus pro vitæ merito ad Apostolicam Sedem provectus est, statuimus & omnino decernimus, ut id in exemplum nullus assumat; præsertim cum Sacri Canones hoc interdican, & præsumentes tantâ feriant ulsione, ut etiam in fine lætæ communionem. quippe quod necessitate aliquoties inductum est, necessitate cessante in auctoritatem sumi non est permisum.

Ex his quæ in Concilio Romano decreta fuerunt ad cautelam, ne exemplum Formosi in consequentiam traheretur, evincitur quàm periculosum sit & exemplum perniciosum obtentu necessitatis & dispensationis à regulis Ecclesiasticis semel recedere. Quandoquidem nec obstantes toties iteratâ prohibitione & nominatim oppositâ cautione, nihilominus exemplo Formosi, prætextu necessitatis & utilitatis Ecclesiæ, sensim translationes contra sacros Canones in Ecclesia Romana adeo



invaluisse conspiciamus, ut à pluribus seculis vix ullum in Episcopum Romanum assumptum legamus, qui prius alterius Ecclesiae Episcopus non fuerit ordinatus, atque ita de una ad aliam Ecclesiam transferri non debuerit.

XIV. Canon supra citatus dum ostendit, quantum Sacri Canones transmigrationes Episcoporum, quarum avaritia vel ambitio causa est, averferentur, una quoque ostendit, translationem Episcopi, quam necessitas aut utilitas Ecclesiae exigit, hac prohibitione non comprehendendi. Tunc enim non tam dicuntur Episcopi suam Ecclesiam deserere, repudiare, aut ad aliam migrare, aut invadere; quam, cogente necessitate aut utilitate Ecclesiae, ab Ecclesia avelli, & ad aliam protrudi sive transferri.

Hanc distinctionem manifestè supponit antiquus Canon 14. Apostolorum. Episcopo non liceat suam reli-  
 „ Età Parochiā ad aliam transire, etiam si à pluribus co-  
 „ gatur, nisi sit aliqua causa rationi consentanea, quæ  
 „ eum cogat hoc facere, utpotè ad majus lucrum, cum  
 „ possit ipse iis, qui illic habitant, pietatis verbo con-  
 „ ferre, idque non ex se, sed ex multorum Episcoporum  
 „ iudicio & maxima exhortatione.

Et apud Gratianum legitur ex epistola Anteri Papæ:  
 „ Non enim transit de civitate ad civitatem, nec trans-  
 „ fertur de minore ad maiorem, qui hoc non ambitu  
 „ nec propriā voluntate facit, sed aut vi à propria sede  
 „ pulsus, aut necessitate coactus, aut utilitate loci, aut  
 „ populi, non superbè, sed humiliter ab aliis transla-  
 „ tus, & inthronizatus est. „ 7. q. 1. Can. 34.

Plura in hanc rem ibidem recitat Gratianus, atque inter alia ex Synodo Carthagenensi IV. Can. 27. Episcopus de loco ignobili ad nobilem per ambitionem  
 „ non transeat, nec quisquam inferioris Ordinis Cleri-  
 „ cus. Sanè, si utilitas Ecclesiae fiendum poposcerit,  
 „ Decreto pro eo Clericorum & Laicorum Episcopis por-  
 „ recto, in presentia Synodi transferatur, nihilominus  
 „ alio in locum ejus Episcopo surrogato.

Etiā antiquum in hanc rem Canonem, atque plura antiquorum & Sanctorum Episcoporum exempla proferunt Socrates, lib. 7. Hist. Eccles. cap. 35.

XV. Insuper ex citatis Canonibus & aliis innumeris veteris disciplinae monumentis & historiis compertum est, ad Metropolitanam & Episcoporum Comprovincialium cognitionem olim spectasse, an ex translatione hujusmodi emeritura sit utilitas Ecclesiae tanta, aut ea urgeat necessitas, ut omnibus expensis merito Episcopus à vinculo, quo Ecclesiae suae teneretur alligatus, absolvatur, & alteri alligetur.

Et Canon Antiochenus 16. apertè quoque supponit Episcopum auctoritate Synodi Provincialis, quam perfectam Synodum vocat, de Ecclesia in Ecclesiam transferri posse; quam disciplinam usque ad seculum decimum inconcussam mansisse ostendit Thomassinus; atque circa illa tempora paulatim ad Sedem Apostolicam devolvi cepisse Episcoporum translationes; utpotè quæ majoribus causis, quæ sub idem tempus Sedi Apostolicæ reservari ceperunt, tunc annumeratae fuerunt. De disc. Eccl. par. 3. lib. 2. cap. 40.

XVI. Hinc in epistolis illis, quas primis Romanis Pontificibus supposuit, nescio quis Pseudo-Isidorus circa seculum nonum, integra adhuc circa translationes Episcoporum elucet Synodorum Provincialium auctoritas: „ Nam (aut suppositivus sive fictus Anterus in citata epistola) „ sicut Episcopi habent potestatem  
 „ ordinare regulariter Episcopos, & reliquos Sacerdotes, sic quoties utilitas, aut necessitas coegerit, supradicto modo & mutare, & inthronizare potestatem habent.

Additur quidem apud Gratianum: Non tamen sine Sacrosanctæ Romanæ Sedis auctoritate & licentia; sed, ut rectè notarunt Correctores Romani, hæc verba non leguntur in epistola Anteri, neque in Panormia, neque apud Burchardum & Ivonem.

Tom. I.

Non obscurum sanè argumentum, tempore Pseudo-Isidori, id est circa seculum IX. adhuc constantem fuisse disciplinam, quæ Synodis Provincialibus translationes Episcoporum tribuit.

XVII. Seculo verò XII. quo Gratianus Decretum suum compilavit, eas Sedi Apostolicæ fuisse delatas; ac propterea dictam clausulam epistolæ Anteri fuisse adjectam.

XVIII. Igitur cum magna moderatione intelligi oportet, quod scripsit Innocentius III. Decano & Capitulo Andegavensi, & refertur in cap. 2. de translatione Episcopi. „ Non enim humanā, sed potius divinā potestatem conjugium spirituale dissolvitur, cum per translationem, depositionem, aut cessionem auctoritate  
 „ Romani Pontificis, quem constat esse Vicarium Jesu Christi, Episcopus ab Ecclesia removetur; & ideò tria hæc, quæ præmisimus, non tam Constitutione Canonica, quam institutione divina soli sunt Romano Pontifici reservata.

Et rursus in cap. 3. eodem titulo dicit: „ Potestatem transferendi Pontifices, ita sibi retinuit Dominus & Magister, quod soli Beato Petro Vicario suo, & per ipsum Successoribus suis, speciali privilegio tribuit & concessit, sicut testatur antiquitas, cui Decreta Patrum sanxerunt exhibendam reverentiam, & evidentè asserunt Sacrorum Canonum sanctiones.  
 „ Non enim homo sed Deus separatur, quos Romanus Pontifex (qui non puri hominis, sed veri Dei vicem gerit in terris) „ Ecclesiarum necessitate vel utilitate pensat, non humanā, sed divinā potius auctoritate dissolvit.

Hæc, inquam, non severe ad rigorem expressionis sunt accipienda, sed benignā interpretatione mollienda. Neque enim quidquam evidentius, quam vinculum conjugii spiritualis inter Episcopum & Ecclesiam solā auctoritate humanā inductum, eādem quoque dissolvi; illudque multis seculis non solius Romani Pontificis, sed & Synodorum Provincialium auctoritate fuisse dissolutum; atque cessiones ac translationes Episcoporum earum auctoritate fuisse factas.

XIX. Quid igitur voluit Pontifex, dum asserit, non tam Constitutione Canonica, quam institutione Divina soli sunt Romano Pontifici reservata; scilicet, translatio, depositio, & cessio Episcoporum? Ludovicus Thomassinus alique nonnulli credunt, Pontificem voluisse, translationem, depositionem & cessionem Episcoporum divinā dispositione reservatam, quatenus scilicet Primatus jure divino à Christo collati Petro & ejus Successoribus Romanis Pontificibus, appendix quædam est jus illud cognoscendi de causis majoribus; atque Episcopos rationem habuisse hujus Primatus, cum causas majores, inter quas est translatio Episcoporum, ad Sedem Apostolicam referendas sanxere. Ita Thomassinus part. 4. de discipl. Eccles. lib. 2. cap. 56. num. 7.

Et quidem hanc suam fuisse mentem, insinuat Innocentius III. epist. 16. lib. 1. ad Capitulum S. Anastasie scribens: „ Ex illo singulari excellentiæ privilegio, quod  
 „ Unigenitus ille Filius Jesus Christus Apostolorum Principi Petro concessit, Sanctorum Patrum postmodum Instituta manarunt, ut majores causæ ad Sedem Apostolicam perferrentur. „ Idem innuit epistola 48. ad Patriarcham Antiochenum, cujus fragmentum proposito subserviens legitur in cap. 1. de translatione Episcopi.

XX. Quidquid sit, illud certum est, juxta stabilitam jure communi Decretalium, & hodie per totam Ecclesiam receptam disciplinam, translationes Episcoporum, uti & cessiones soli Romano Pontifici esse reservatas; nec posse sine ejus expressa licentia Episcopum à vinculo, quo suæ Ecclesiae est alligatus, absolvi; ne quidem auctoritate Legati à Latere, sine speciali Sedis Apostolicæ indulto cap. 3. de Officio Legati.

Q

XXI

XXI. Uterius cum translatio fieri nequeat, nisi Ecclesia, à qua fit translatio, vacet, & alteri de novo provideatur, hinc usu notorio receptum est, quod ubi Reges ad Episcopatus jus nominandi habent, nequaquam sine consensu Regis translatio fieri possit.

“Necesse est (inquit Rebuffus in praxi titulo *de translatione Episcopi*) Regem translationibus Episcoporum consentire, cum ejus interfit, tanquam Fundatoris; alioquin appellaretur ab abusu.

Imò nec solus Regis consensus seu approbatio sufficit, sed debet insuper in ipsa Bulla provisionis fieri mentio nominationis Regiæ; quemadmodum solemnè Arresto aliquando decisum esse refert Joannes Torner in sua collectione Arrestorum *litt. R. cap. 82*. Et ita passim videmus, etiam in Belgio, ad nominationem Regiam Episcopos transferri.

XXII. Porro licet mutata nonnihil sit disciplina quoad ipsam translationis formam, semper tamen mansit & manebit inconcussa Patrum Regula, quod non nisi necessitate aut utilitate cogente, translationes Episcoporum fieri possint; nec minùs hodie, quàm ætate SS. Patrum culpabiles sunt Episcopi, qui avaritiâ aut ambitione ducti, de una Ecclesia migrant ad aliam.

Unde in Dictatu vulgo (a) Gregorio VII. adscripto Canone 13. dicitur: *Quod Papæ liceat de Sede ad Sedem, NECESSITATE COGENTE, Episcopos transmutare.*

Et inter monita Cardinalis Bellarmini ad Clementem VIII. hoc unum erat: “Translatio Episcoporum secundum Canones & usum veteris Ecclesiæ, non debet fieri, nisi ob Ecclesiæ necessitatem, vel majorem utilitatem. Nec enim institutæ sunt Ecclesiæ propter Episcopos, sed Episcopi propter Ecclesias. Nunc autem quotidie fieri translationes videmus, ea solum de causa, ut Episcopi honore vel opibus augeantur.

De hac veritate non minùs persuasus ipse Pontifex, quàm ipse Bellarminus, respondit: *Nos cum difficultate transferimus, & non desuimus monere Principes per nos & per Nuntios nostros.*

(a) Dicitur, vulgò, quia sunt plurimi Auctores, qui negant hunc Dictatum esse genuinum Greg. VII. scriptum.

## CAPUT VI.

De mente Decretalium circa vinculum quo Episcopus suæ Ecclesiæ alligatur.

1. Decretales Calixti & Evaristi attributæ, vinculum illud nexui matrimoniali comparant.
2. Antiquis Patribus ignota fuit hæc comparatio.
3. Ex hoc capite aliisque nominibus judicantur supposititia.
4. Ex prædictis Decretalibus nata est occasio coequandi vinculo matrimoniali vinculum, quod intercedit inter Episcopum & Ecclesiam.
5. Patres suam indignationem adversus Episcoporum translationes non fundarunt in eo vinculo, sed in avaritiâ & ambitione.
6. Seculo 12. auctoritas transferendi Episcopum nondum erat generatim reservata Sedi Apostolica.
7. Ad Metropolitani & ejus Suffraganeos pertinebat jus examinandi causas Translationis Episcopi suffraganei.
8. Ante Innocentium III. per electionem fiebat ejusmodi translatio, deinceps per viam Postulationis facta est.
9. Observatio in opinionem Thomassini cap. 5. num. 19. exposita.
10. Ea consutatur.
11. Exponitur illud effatum Canonistarum: Romanus Pontifex non puri hominis, sed veri Dei vicem gerit in terris.

12. Expenditur quantum olim fuerit Gratiani auctoritas?
13. Seculo circiter 7. penes Synodos Provinciales integrum erat jus transferendi Episcopum ex una Sede ad alteram.
14. Indissolubilitas vinculi, quod intercedit inter Episcopum & ejus Ecclesiam, ante Innocentium III. nota non erat.
15. Exponitur sententia Guillelmi Barleai & Cardinalis Contareni de potestate quàm nonnulli Canonista Summo Pontifici tribuunt.

I. De vinculo quasi matrimoniali inter Ecclesiam & Episcopum loquuntur epistolæ Decretales sub nomine Calixti & Evaristi Pontificum, quarum fragmenta extant apud Gratianum *caus. 7. q. 1. Can. 11. & 39*. Et quidem in Decretali Calixti in citato *can. 39* legitur: “Apostolus ait: *Alligata est uxor legi quam diu vir ejus vivit, eo vero defuncto, soluta est à lege viri: similiter & sponsa Episcopi* (quia sponsa uxorque ejus diciturque Ecclesia) „ illo vivente, ei est alligata, „ eo vero defuncto, soluta est, & cui voluerit nubat, „ tantum in Domino, id est regulariter: si enim, eo „ vivente, alteri nupserit, adultera judicabitur: similiter „ & ille, si alteram sponte duxerit, adulter existimabitur, & communione privabitur.

II. Quin pene à temporibus Apostolorum singuli Episcopi singulis Ecclesiis particularibus fuerint præpositi & alligati, dubitari nequit, sed eum esse vinculi nexum, quo Episcopus Ecclesiæ suæ vinculatur, sive alligatur, qualis est nexus matrimonialis inter ipsos conjuges, nequaquam apud antiquos legitur.

III. Unde vel ex hoc capite hæc epistolæ meritis supposititiæ haberentur, quantumvis plurimis aliis titulis vel apocryphæ & his Pontificibus falsè adscriptæ ab eruditis jam pridem fuerint repudiatæ, atque inter alios monet Philippus Labbæus in nota marginali ad epistolam Calixti I. “Antonius Augustinus Archiepiscopus Tarracensis *Dialog. 4. lib. 2.* de emendatione Gratiani, testatur Calixti epistolam rejectas fuisse à selectis viris, qui Romæ operam navarunt Gratiano corrigendo; idem sentiunt viri eruditi, & res ipsa clamat.

Non minùs fortiter vinculum inter Ecclesiam & Episcopum comparatione factâ ad vinculum carnalis matrimonii expressum est in fragmento epistolæ Decretalis Evaristi Papæ in citato *Canone 39*, & integra cum aliâ epistola ejusdem Pontificis extat Tom. 1. Concilii Generalium, atque priori harum hanc notam posuit Labbæus: *Supposititia Antonio Contio, aliisque eruditis Catholicis.*

IV. Interim non dubium, quin hæc epistolæ Decretales, præsertim postquam eas Gratianus in suum Decretum transtulit, occasionem dederint, vinculum illud, quod intercedit inter Episcopum & Ecclesiam, coequandi vinculo matrimonii inter conjuges intercedenti, prout in Decretalibus sequentium Pontificum ac notanter Innocentii III. hæc coequatio sæpius occurrit, qui & inde concludit vinculum hujus matrimonii spiritualis inter Episcopum & Ecclesiam solum Romani Pontificis auctoritate, tanquam *vices Dei in terris gerentis* solvendum, uti infra in nota ad num. 18. ostenditur.

V. Verum quidem est, sub gravissimis poenis jam pridem per sacros Canones, ac notanter Sardicenses vetitum fuisse Episcopis Ecclesiam, cui erant in sua ordinatione adscripti, deserere & ad aliam transire (ut supra ostensum est) sed hanc suam indignationem contra has de una ad aliam Ecclesiam transiuitones, non fundant Patres in violatione vinculi spiritualis matrimonii inter Episcopum & Ecclesiam, sed in avaritiâ & ambitione, quæ solet Episcopos impellere ad transiuitones de una ad aliam Ecclesiam.

VI. Ex epistola Eugenii III. ad Episcopos Germaniae data, occasione electionis Guicmanni Culmenfis Episcopi in Archiepiscopum Magdeburgensem, colligitur quod etiam sub medium seculi XII. auctoritas transferendi Episcopum de una Ecclesia ad aliam nondum esset generatim Sedi Apostolica reservata: licet enim Pontifex in hac Epistola acerrime redarguat Episcopos, qui huic electioni consensum praeberant, ipsamque electionem improbet; ne verbo tamen conqueritur, quod Guicmannus sine auctoritate Sedis Apostolicae de Culmenfis Ecclesia ad Magdeburgensem translatus sit; sed duntaxat conqueritur, quod in hac electione "*solius Principis favor expectetur*", & nec inspecta necessitate illius Ecclesiae, nec considerata utilitate personae, Clero nolente, imo ut dicitur, ex parte maxima reclamante, in Magdeburgensi Ecclesia eum dicant supplantandum.

Ut proinde ex hisce non obscurum sit, quod Eugenio minime displicuisset electio Guicmanni Culmenfis Episcopi in Archiepiscopum Magdeburgensem si modo necessitas Ecclesiae, vel utilitas personae in hac electione considerata fuisset; & concurs fuisset Cleri & plebis in hac electione consensus.

VII. Insuper ex hac epistola Eugenii & aliis plurimis veterum translationum formulis habetur, quod eadem forma eodemque ritu electio per Clerum & populum perageretur, sive in Episcopum Ecclesiae vacantis eligeretur aliquis iam Episcopus consecratus, & alteri particulari Ecclesiae praepositus, sive eligeretur simplex Presbyter aut Diaconus; quodque ipsa electio & electus pariformiter utroque casu à Metropolitano ejusque suffraganeis examinarentur, & discuterentur, hac duntaxat interveniente differentia, quod dum de transferendo Episcopo de una Ecclesia ad aliam ageretur, per Metropolitanum & Episcopos Suffraganeos, non tantum ipsa forma electionis & qualitates electi essent discutiendae, sed insuper expendendum esset, num causa subesset sufficiens & legitima, ut Episcopus de Ecclesia, cui per ordinationem erat adscriptus, ad vacantem Ecclesiam, ad quam erat electus transferri deberet.

VIII. Quod igitur hodie Episcopus uni Ecclesiae alligatus, non possit per communem formam electionis ad aliam Ecclesiam eligi, sed in ejus electione procedendum sit per viam postulationis, recentioris est disciplinae, neque in Decreto Gratiani aut sanctis Canonibus specialis hae postulationis forma occurrit; imo nec ante Innocentium III. forma postulationis à communis forma electionis distincta, nota fuisse videtur; neque sub titulo Decretalium De postulatione Episcopi ulla de hac forma legitur Decretalis antiquior Decretali hujus Pontificis. Unde nec illud olim obtinuisse legitur, ut per electionem, ipsiusque electionis acceptationem jus aliquod acquiratur electo ad Praelaturam; secus vero per postulationem, licet per postulationem acceptatam, nisi prius hac à Romano Pontifice fuerit probata.

IX. Capite 5. num. 19. superius notavimus Ludovicum Thomassinum in suo opere de Disciplina Ecclesiae, existimare, quod Innocentius III. dum asseruit in cap. 2. 3. & 4. de translat. Episcopi, quod cessio, depositio & translatio Episcoporum, non auctoritate humana, sed institutione divina Romano Pontifici esset reservata, aliud noluerit dicere, nisi quod haec essent Romano Pontifici jure divino reservata; quatenus scilicet Primatus jure divino collati Petro & ejus Successoribus quaedam appendix est jus illud cognoscendi de causis majoribus; atque Episcopos rationem habuisse hujus Primatus, cum causas majores, inter quas est translatio Episcoporum, ad Sedem Apostolicam referendas sanxerunt. (a)

(a) Quae in hac & altera columna leguntur, desumpta sunt ex Supplemento, quod D. Van-Espen plurimis annis scripsit post suum de Jure Ecclesiastico Opus editum. Sententiam Innocentii

Verum ex hac Thomassini interpretatione sequeretur auctoritatem cognoscendi de causis majoribus & transferendi Episcopos, non tam ex institutione divina, quam ex positivo & humano Episcoporum constituto esse Romano Pontifici reservatam; tametsi Episcopi in hoc constituto aliquam rationem Primatus habuisse viderentur.

X. Sane si verba Innocentii III. necnon argumenta attendantur, quibus haec tria cessio, translatio, & depositio Episcoporum Romano Pontifici, non humana auctoritate sed Divina institutione docet reservata, nequaquam obscurum est, hunc Pontificem voluisse & existimasse, quod haec tria essent speciali Christi privilegio & institutione Romano Pontifici reservata, idque independentem ab omni Episcoporum positivo constituto. Imprimis enim pro fundamento suae assertionis supponit in capitulo 2. quod fortius sit spirituale vinculum matrimonii, quod dicitur intercedere inter Episcopum & Ecclesiam, quam carnale inter conjuges.

Hinc ulterius concludit, dubitari non debere, "quoniam omnipotens Deus spirituale conjugium, quod est inter Episcopum & Ecclesiam, suo tantum judicio reservaverit dissolvendum, qui dissolutionem etiam carnalis conjugii, quod est inter virum & feminam suo tantum judicio reservavit, praecipiens, ut quod Deus conjunxit, homo non separet."

Similiter in cap. 3. tractans idem argumentum, redarguensque Episcopum Hildesensem, quod, relicta hac Ecclesia, sine auctoritate Romani Pontificis transisset ad Herbipolensem Ecclesiam, ait: "Non satis attendens quod Veritas in Evangelio protestetur, Matt. c. 19. v. 6. quod Deus conjunxit homo non separet, evidenter verba illa Christi applicans vinculo spiritualis matrimonii inter Episcopum & Ecclesiam."

Ex his habetur Innocentium credidisse, quod Deus sibi reservaverit dissolutionem spiritualis conjugii, quod est inter Episcopum & Ecclesiam, eo modo quo sibi reservavit dissolutionem carnalis conjugii.

Hoc & evincit consequentia, quam inde format: immediate enim subjungit, & concludit: "Non enim humana, sed potius divina potestate conjugium dissolvitur, cum per translationem, depositionem aut cessationem auctoritate Romani Pontificis, quem constat esse Vicarium Jesu Christi, Episcopus ab Ecclesia removeatur." Sive ut loquitur in cap. 3. "Non enim homo, sed Deus separat, quos Romanus Pontifex (qui non puri hominis sed veri Dei vicem gerit in terris) Ecclesiarum necessitate vel utilitate pensata, non humana, sed Divina potius auctoritate dissolvit."

An non eodem argumento concludendum fuisset Romanum Pontificem posse dissolvere vinculum matrimonii carnalis, dicendo, quod dum illud dissolvit, non homo sed Deus dissolvat? Certum enim est, quod Deus sua auctoritate matrimonium carnale, etiam consummatum dissolvere possit.

XI. Quod autem dicit, Romanum Pontificem non puri hominis sed veri Dei vicem gerere in terris, nequaquam hoc sensu sine blasphemia intelligi potest, quali Romanus Pontifex aliquid in se Divinitatis haberet, sed duntaxat, quod tanquam minister & Vicarius Christi constitutus sit, ad regendam Ecclesiam Dei, quodque hac auctoritate à Christo sibi concessa, sit dispensator mysteriorum Dei: quod & indubie de Episcopis & Ecclesiae Pastoribus, quos Spiritus sanctus posuit regere Ecclesiam Dei, act. c. 20. v. 28. eadem ratione affirmari potest: possunt & ipsi, dum peccatores ligant, aut solvunt, dicere quod ligent & solvant, non humana, sed Dei auctoritate & tanquam vicem Christi in

III. de vinculo quo Episcopus suae alligatus est Ecclesiae, aliter in suo Supplemento, aliter in priori Opere tit. 15. c. 5. num. 18. videtur exposuisse. Arbitror à D. Van-Espen primam explicationem fuisse relictam, ut alteram, quae in Supplemento legitur, susceperet. Utrunque Textum comparat Lector, & sit ipse iudex & arbiter.



dispensatione mysteriorum Dei & usu clavium, gerentes.

Quod autem dicit Innocentius in citato cap. 3. quod potestatem transferendi Pontifices, ita sibi retinuerit Dominus & Magister, quod soli Petro Vicario suo, & per ipsum successoribus suis speciali privilegio tribuit & concessit, evidenter repugnat praxi & disciplinæ Ecclesiæ, quæ à temporibus Apostolorum per decem ut minus secula, constanter perseveravit, quæ translationem Episcoporum de una ad aliam Ecclesiâ Synodis Provincialibus attribuit. (a)

Quod in probationem sui asserti subiungit Innocentius: Sicut testatur antiquitas, cui Decreta Patrum sanxerunt reverentiam exhibendam, & evidenter asserunt sacrorum Canonum sanctiones, refertur indubie ad Decretalem Anteri Papæ, cujus fragmentum refert Gratianus causa 7. q. 1. can. 34. ac signanter cum hoc additamento: Non tamen sine sacrosancta Romana Sedis auctoritate & licentia.

XII. Imprimis scitur, quod tempore Innocentii III. Decretales à Pseudo-Isidoro primis Romanis Pontificibus ascriptæ, passim pro veris & genuinis illorum Pontificum epistolis reputarentur, præsertim postquam in Decretum Gratiani erant relectæ; ea enim erat Gratiani auctoritas, ut quidquid in Gratiani Decreto legebatur, pro authentico antiquitatis monumento reputaretur.

Quapropter videmus ab Innocentio III. aliisque ejus ætatis Pontificibus & Doctoribus scholasticis indistincte in auctoritatem assumptum quidquid à Gratiano referebatur.

Hujus itaque Decretalis auctoritate, prout à Gratiano hoc additamento aucta referebatur, inductus verolimititer fuit Innocentius, ut asserere non vereretur, ex traditione Apostolica descendere, quod soli Petro, ejusque successoribus speciali privilegio Dei reservata esset Episcoporum de una Ecclesiâ ad aliam translatio, sive dissolutio vinculi spiritualis, quo Episcopus suæ Ecclesiæ alligatur.

Porro hodie eruditis passim notum est, dictam Decretalem Antero Papæ à Pseudo-Isidoro esse falso suppositam.

Unde huic Decretali hanc notam marginalem apponit Philippus Labbæus: Suspecta pariter visis doctis vel ex unius Hieronymi segmentis. Monent insuper Correctores Romani (ut nunc 16. notatum fuit) verba hæc: auctoritate hujus sanctæ Sedis, non legi in epistola Anteri, neque in Panormia, neque apud Burchardum, vel Ivonem: qui & observant, idem esse de verbis illis prope finem Canonis, non tamen sine sacrosancta Sedis auctoritate & licentia.

XIII. Hæc sane Anteri Decretalis, prout per Pseudo-Isidorum seculo circiter viii. supposita fuit huic Pontifici, refertur ex collectione Isidori tom. 1. Conciliorum, idque sine additamento illo de auctoritate Romani Pontificis in translatione Episcoporum. Argumentum evidens, ea ætate nequaquam creditum fuisse, in hac translatione licentiam vel auctoritatem Romani Pontificis necessariam: id enim à confictore, qui totus erat ad amplificandam Romani Pontificis auctoritatem, ne-

(a) Ad Metropolitanum & Episcoporum Comprovincialium cognitionem spectabat, an ex translatione emeritura esset utilitas Ecclesiæ, & eo casu translationem Episcoporum decernere poterant. Diserta prorsus in eam rem sunt verba Concilii Carthag. IV. Can. 27. "Episcopus de loco ignobili ad nobilem per ambitionem non transeat, nec quisquam inferioris ordinis Clericus. Sane si utilitas Ecclesiæ sciendum poposcerit, decreto pro ea Clericorum & Laicorum Episcopis porrecto, in præsentia Synodi transferatur, nihilominus alio in locum ejus subrogato." Canon iste à Gratiano relatus est. Dist. 7. q. 1. c. Episcopus. Ea disciplina observata videtur usque ad Innocentium III. qui novo jure translationem Episcoporum sedi Apostolicæ reservavit: ait D. De Marca in suo opere de Concordia Sacerdotii & Imperii p. 875.

quaquam fuisset prætermisum; quin vel ex supposititia Decretali haud obscurum est, ea ætate auctoritatem transferendi Episcopos de una Ecclesiâ ad aliam adhuc integram fuisse penes Synodos Provinciales; quando quidem apertis verbis hæc Decretalis, uti ab Isidoro Antero supposita est, eam auctoritatem Episcopis attribuat: ita enim legitur: Nam sicut Episcopi regulariter habent ordinare Episcopos, & reliquos Sacerdotes, sic quoties utilitas, aut necessitas exegerit, supra dicto modo & mutare, & intronizari potestatem habent.

XIV. Ad hæc quod Innocentius III. in sua Decretali, quasi pro fundamento suæ assertionis assumit, vinculum matrimonii spiritualis, quod intercedit inter Episcopum & Ecclesiâ, esse fortius vinculo matrimonii carnalis inter virum & uxorem, à nemine ante Innocentium dictum fuisse legiatur; uti nec illud, quod hic Pontifex dixit in allegato Capitulo 4. de Translatione Episcoporum: "Fœdus spiritualis conjugii, quod est inter Episcopum & Ecclesiâ, quod in electione initium, ratum in confirmatione, & in consecratione intelligatur consummatum;" illaque ex falsis Decretalibus in Decretum Gratiani relectis deducta & desumpta, supra ostensum est.

XV. Nequaquam proinde mirum, asserere virum clarissimum Guillelmum Barclatum in Tractatu de Potestate Papæ cap. 28. "Nullum esse in jure Pontificio locum verbis quidem planioribus & apertioribus; intellectu autem difficiliorem: adeo ut (ait) in eo explicando interpretum omnia ingentia concidant: nam quid magis intelligenter, plane & perspicue dici potest, quam non hominem sed Deum separare, quos Romanus Pontifex separat, seu dissolvit? aut cui magis consequens quam hoc illi: Romanum ergo Pontificem posse dissolvere matrimonium inter conjuges carnali copula consummatum, quâ conclusionem tamen nihil falsius, ac proinde illud, ex quo sequitur, falsum esse fatendum est, quemadmodum sequi falsum ex vero nunquam potest.

Insuper ibidem non sine fundamento observavit Barclatus, quod plerique Canonistæ nudis verbis Decretalium inhaerentes, nisce Innocentii III. Decretalibus abrepti, Romanis Pontificibus non humanam duntaxat, sed quasi Divinam tribuerent auctoritatem: relictis enim prædictis Decretalibus, de similibus Canonistis subiungit: "Hæc illa sunt, quibus homines isti in præcipitem errorem deferuntur, ut quidquid à Papa fiat, à Deo factum esse putent.

Quidni hisce & similibus Decretalibus adscribendi est illa quorundam imperitorum Canonistarum perversa opinio, de qua Cardinalis Contarenus in epistola ad Paulum III. "Voluntatem Pontificis regulam quamdam esse, quæ ejus actiones dirigantur: neque in jure positivo constituendo aut abrogando aut dissolvendo regulam quampiam Pontifici esse constitutam.

Et sane vix credibile est, quod jurisperiti illi hanc impiam propositionem proponere ausi fuissent, nisi in Pontifice aliquid supra humanam potestatem agnovissent, verbis illis Innocentii III. forsitan abrepti, quibus asserit Pontificem in dissolvendo vinculo matrimonii spiritualis, non puri hominis sed veri Dei vice gerere: nam uti recte advertit Contarenus, Hæc propositio (de qua supra Contarenus) non tantum adeo falsa, adeo repugnans sensui communi, adeo est contraria Doctrinæ Christianæ, adeo depravat universi Christiani populi gubernationem, ut nihil perniciosius inveniri potuerit; sed insuper (ait) Idololatriam sapit. Cui namque (pergit Contarenus) creatori hoc attribui potest, quod actionum suarum voluntas ejus sit regula; an hoc non proprium sit solius Dei?

## TITULUS XVI.

## DE CURA EPISCOPALI.

## CAPUT I.

## Quomodo Episcopi successerint in locum Apostolorum?

1. Christus in opere sibi in iuncto socios habere voluit.
2. Ad hoc elegit specialiter duodecim Apostolos.
3. Hos misit sicut ipse missus erat à Patre.
4. Dedit Apostolis etiam potestatem alios mittendi.
5. Apostoli in suos successores transfuserunt, quæ prærogative Ecclesiæ essent necessaria.
6. Probatur Episcopus esse Apostolorum successor.
7. Quæ Apostolis ut Episcopis commissa fuerunt, in Episcopos transmissa sunt.
8. Nequaquam quæ Apostolis ut Apostolis erant propria; et quæ illa sint?
9. Episcopatus plenitudinem Sacerdotii continet; et in quo hæc plenitudo consistat?

I. **R**EDemptor humani generis Christus Homo-Deus, missus à Patre, ut perficeret opus ejus, nimirum conversionem hominum ad fidem per prædicationem Evangelii, socios habere voluit & ministros, quorum opera ad ejusdem Evangelii prædicationem uteretur; & quibus idem opus committeret.

II. Ad hoc igitur ex numerosa Discipulorum turba duodecim elegit, quos & Apostolos nominavit, I. c. 6. v. 13. quos familiaritate continua, verbis & factis optime instructos, deinde ad prædicationem Evangelii mitteret, tanquam testes oculatos vitæ, doctrinæ, & resurrectionis suæ: Et vos, ait illis, testimonium perhibetis, quia ab initio tecum estis. Joan. c. 15. v. 27.

III. Hos igitur misit prædicare, & evangelizare; atque post resurrectionem totum illud officium, quod ipse acceperat à Patre, perficiendum generali mandato commisit, dicens: Sicut misit me vivens Pater, & ego mitto vos. Joan. 20. Ad idem nimirum opus perficiendum, quod quidem ipse Christus à Patre missus, tanquam præcipuus, propria auctoritate, propriaque doctrina hic existens in terris visibiliter exercebat, circumambulando civitates & castella; Mat. c. 9. Marc. c. 6. ipsi vero tanquam ejus ministri, auctoritate delegata, & doctrina eis tradita ac iussa & experimentali continuarent; & quod ipse cæperat, ipsi proseguerentur.

IV. Verum Christus, qui est ipsamet increata Sapientia, Ecclesiæ suæ, quam tanquam aciem castrorum ordinatam, Ducibus, Tribunis & Centurionibus bene instructam esse voluit, haud sat prospexisset, si solis eam Apostolis ita commendasset, ut illis extinctis, utpote mortalibus, nulli alii succederent in eodem gubernandi munere.

Verum quidem est, quod Christus, tamen non amplius visibiliter cum hominibus conversetur, tamen Ecclesiam sponsam suam non omnino deserat, sed Spiritu suo perpetuo præsens, eam ipsemet regat adhuc & gubernet, tanquam Caput & Dominus; cui promittit se adfuturum usque ad consummationem sæculi; nihilominus uti voluit ministris & operariis, qui ipsius nomine ea exhibeant ministeria, quæ opere peraguntur corporali, & visibili.

Hi primi fuerunt Apostoli ab ipsomet Christo, ut dixi, electi, & ad hoc munus assumpti; qui tamen, ut ipsi etiam possent aliquo modo esse perpetui in Ec-

clesia, dedit & eis potestatem, alios eligendi & assumendi ad idem opus, sicut ipse eos elegerat, & assumpsit. Dixit igitur illis: Sicut misit me Pater, ita & ego mitto vos. Joan. c. 20. cum commissione & mandato generali; ut sicut ipse habuit à Patre mandatum generale docendi, instruendi & convertendi mundum ad cognitionem veri Dei, & Ministros ad hoc necessarios, necessaria auctoritate instructos deputandi; ita & ipsi haberent idem officium & mandatum, cum eadem potestate Ministros eligendi, simili auctoritate instructos; idque continuata successione usque ad consummationem sæculi.

V. Apostoli ergo auctoritate à Christo sibi delegata, quicquid pro Ecclesiæ debita administratione necessarium erat, in Episcopos tanquam legimos Successores transfuderunt.

VI. Hinc illud Psalmistæ; Pro Patribus nati sunt tibi filii, sic exponit Augustinus: "Patres missi sunt Apostoli, pro Apostolis filii nati sunt tibi, constituti sunt Episcopi. Hodie enim Episcopi, qui sunt per totum mundum, unde nati sunt? Ipsa Ecclesia Patres illos appellat, ipsa illos genuit, ipsa illos constituit in Sedibus Patrum. Non ergo te putes desertam, quia non vides Petrum, quia non vides Paulum, quia non vides illos per quos nata es, de prole tua tibi crevit paternitas, pro Patribus tuis nati sunt tibi filii." In Psalm. 44.

Sanctus Cyprianus ad Cornelium Papam scribit: Hoc vel maxime, Frater, laboramus, & laborare debemus, ut unitatem à Domino, & per Apostolos nobis successoribus traditam, quantum possumus, obtinere curemus. epist. 42. Item, Christus dicit ad Apostolos, ac per hos ad omnes Præpositos, qui Apostolis vicaria ordinatione succedunt: Qui vos audit, me audit. Epist. 69.

Apud nos Apostolorum locum, ait Hieronymus, Episcopi tenent.

Et S. Gregorius: "Horum profecto (Apostolorum) nunc in Ecclesia Episcopi locum tenent, ligandi atque solvendi auctoritatem suscipiunt, qui gradum regimini sui sortiuntur." Homil. 26. in Evang.

His aliisque Patribus inherens Synodus Tridentina declarat, Episcopos, qui in Apostolorum locum successerunt, ad Ordinem Hierarchicum præcipue pertinere. Sess. 23. De Ordine cap. 4.

VII. In ipsam ergo Apostolicam auctoritatem succedunt Episcopi, ita nimirum, ut quicquid potestatis Episcopalis, id est, ad regimen Ecclesiæ spectantis, Apostoli habuerunt, id ab ipsis in Episcopos, tanquam eorum in Ecclesiæ administratione & regimine Successores transfusum sit.

VIII. Ea vero, quæ Apostolis non ut Episcopis, sed ut Apostolis sunt propria; neque debito Ecclesiæ regimini & administrationi sunt necessaria, si forte ad tempus, in Episcopos non transferunt; neque in his Apostolis successerunt: ut propterea, non Apostoli, sed simpliciter Episcopi dicantur.

Verbo, succedunt Apostolis in regiminis Ecclesiastici ministeriali potestate, nequaquam vero in hoc, ut sint testes vitæ, doctrinæ, & resurrectionis JESU CHRISTI Domini nostri, & sane testes oculati; neque in eo, quod à Christo immediate eligantur, & ad evangelizandum mittantur: neque in multis gratiis & prærogativis; ut in copia Spiritus Sancti, in doctrinæ infallibilitate, in plenitudine scientiæ, in donis linguarum & miraculorum, &c. In his enim Apostolorum

lorum proprietatibus nulla datur successio ordinaria in Ecclesia : fuerunt enim dona & privilegia Apostolatus proprie dicti, in quem Episcopi non successerunt : Quidquid vero reliquæ potestatis ac officii habuere Apostoli, id totum fuit Episcopale ; & in Episcopos tanquam eorum Successores pro regimine suarum Diocesium plenarie transfusum est.

IX. Episcopatus ergo per se plenam regiminis Ecclesiastici potestatem, & ipsius Sacerdotii plenitudinem continet : adeo ut Episcopi, præveniendū omnem Ecclesiæ restrictionem seu limitationem, eandem in regimine Ecclesiastico illimitatam, quam Apostoli habuerunt, auctoritatem visus Ordinationis accipiant.

Hinc illud Clari à Mascula apud Augustinum lib. 7. de Bapt. contra Donatist. cap. 43. "Manifesta est sententia Domini nostri Jesu Christi Apostolos mittentis, & ipsis solis potestatem sibi à Patre datam permittentis, quibus nos successimus, eadem potestate Ecclesiam Domini gubernantes.

## CAPUT II.

De auctoritate regendi Ecclesiam omnibus Apostolis data.

1. Apostoli missi sunt cum pari potestate ad prædicandum Evangelium.
2. Petrus representabat collegium Apostolorum, cum Christus ei dixit : Tu es Petrus, &c. Pisce oves meas, &c.
3. Glossema Glossographi de inæqualitate jurisdictionis Apostolorum confutatur.
4. Eæ æqualitas in regimine non nocet Primatui S. Petri.
5. Omnibus Episcopis ut Apostolorum successoribus plenaria gubernandi Ecclesiam auctoritas competit.
6. Eæ auctoritas agnita fuit à Patribus & Gratiano.

**E**X verbis quæ capite 20. Joannis relata sunt, manifestum est Christum omnes Apostolos misisse in mundum universum ad prædicandum Evangelium omni creaturæ, idque cum pari auctoritate, neque uni præ alio majorem dedisse auctoritatem in hac missione ; sed quod omnes & singuli ex æquo cum ea missi fuerint potestate, qua ipse ut homo missus fuerat à Patre : Sicut misit me Pater, & ego mitto vos. Joan. c. 20. v. 21.

II. Scitur quidem Christum nonnunquam singulariter ad Petrum verba direxisse, dum de potestate clavium, nec non de Pastura spiritali agebatur, sed & hoc annotatum jam pridem fuit à sanctis Patribus, dicta ad Petrum, Ecclesiæ sive toti collegio Apostolorum eam representanti in persona Petri dicta fuisse.

Apud Gratianum *Caus. 24. q. 1. Can. 17.* id annotatum occurrit ex sancto Cypriano : "Loquitur Dominus ad Petrum ego dico tibi, inquit, Tu es Petrus & super istam petram ædificabo Ecclesiam meam, super unum ædificat Ecclesiam : & quamvis Apostolis omnibus post resurrectionem suam parvam potestatem tribuat, & dicat : Sicut misit me Pater, & ego mitto vos : Accipite Spiritum sanctum : tamen ut unitatem manifestaret unitatis ejusdem originem ab uno incipientem auctoritate sua disposuit. Hoc erant utique & cæteri Apostoli, quod fuit & Petrus pari consortio præditi honoris, & potestatis. Sed exordium ab unitate proficiscitur, ut Ecclesia una monstretur.

Id ipsum notavit sanctus Hieronymus lib. 1. contra Jovinianum circa medium : "At dices, supra Petrum fundatur Ecclesia, licet id ipsum alio loco super omnes Apostolos fiat & cuncti claves Regni Cælorum acci-

plant, & ex æquo super eos Ecclesiæ fortitudo solidetur : tamen propterea inter duodecim unus eligitur, ut capite constituto schismatis tollatur occasio.

His consonat sanctus Augustinus lib. de Agone Christiano cap. 30. "Non enim (ait) sine causa inter omnes Apostolos hujus Ecclesiæ Catholicæ personam sustinet Petrus. Huic enim (Ecclesiæ) claves Regni Cælorum datæ sunt, cum Petro datæ sunt, & cum ei dicitur, ad omnes dicitur, Amas me? Pisce oves meas.

Et rursus apud Gratianum *caus. 24. q. 1. can. 6.* ex tractatu ejusdem Doctoris in Joannem hæc leguntur : "Quodcumque ligaveris super terram, erit ligatum & in cælis. Si hoc Petro tantum dictum est, non hoc facit Ecclesia... Si ergo hoc in Ecclesia sit, Petrus quando claves accepit, Ecclesiam sanctam representavit.

Itaque tamen Christus subinde verba direxit ad solum Petrum, hæc nihilominus ad totum Apostolorum collegium, sive omnes Apostolos, quorum personam gerebat Petrus, directæ fuisse, censuere Patres.

Et quidem adeo constans erat hæc opinio de datæ ex æquo auctoritate omnibus Apostolis annuntiandi Evangelium & regendi Ecclesiam sæculo VIII. ut etiam eam de datæ ex æquo auctoritate opinionem ipse Pseudo-Isidorus expresserit in Decretali Anacletæ Papæ supposita ; cujus fragmentum refert Gratianus *dist. 21. can. 3. In novo.*

Post relata enim verba Christi, quibus Petro claves Regni Cælorum, & super eam Ecclesiam se fundaturum promisit, concludit : "Hic ergo solvendi, ligandique potestatem primus accepit à Domino, primusque ad fidem populum suæ prædicationis unitate adduxit, verboque instituit. Cæteri vero Apostoli (ait) cum eodem pari consortio honorem & potestatem acceperunt.

Scio Glossographum ad hunc Canonem, verbo, pari, uti & ad Canonem loquitur *caus. 24. q. 1.* hoc appendisse glossema : "Argumentum quod omnis Episcopus sit par Apostolico, quantum ad ordinem, & rationem Consecrationis. Petrus enim major fuit aliis in administratione.

III. Verum quam ineptum sit hoc glossema evincunt verba Christi, quibus Apostolis omnibus Ecclesiam commendavit, eosque pari cum potestate misit, utpote quæ evidenter de ipsius Ecclesiæ regimine & administratione loquuntur ; ac ita evincunt, à Christo datam esse plenariam potestatem Ecclesiam instituendi & gubernandi, omniaque ad ejus debirum regimen necessaria ordinandi, tanquam fideles dispensatores mysteriorum Dei, & ministri ac boni Pastores, cum eadem potestate, qua ipse missus fuerat à Patre : quo sensu & textus à Gratiano relati potestatem ex æquo datam supponunt.

Id ipsum notavit Cardinalis Cajetanus in tractatu de auctoritate Papæ & Conciliorum, *cap. 3.* Post relata enim Christi verba, quibus misit Apostolos, & propagationem ac regimen Ecclesiæ ipsis commisit, atque ex his conclusit, Apostolos pari auctoritate à Christo fuisse missos, ulterius ita statuit : "Ex his facile est videre, quod Apostoli, in quantum Apostoli, habuerint non solum potestatem ordinis, sed jurisdictionis ; auctoritas enim gubernandi Ecclesiam, quæ est Apostolatus propria, sine jurisdictionis potestate non est.

Factur igitur Cajetanus, quod sicut ipse Apostolatus æqualis fuit omnibus Apostolis, ita potestas gubernandi Ecclesiam in omnibus fuerit æqualis : utpote quæ est Apostolatus propria, eaque non tantum ordinis, sed & jurisdictionis, quia sine hac potestas gubernandi Ecclesiam non est.

IV. Hæc tamen inter Apostolos æqualitas nullatenus Petri tollit Primatum. Evidens enim est, inter plures in regimine & auctoritate pares & æquales, unum esse possibile primum, & primum etiam cum quibudam praro-



prærogativis obtinere; ut proinde ex æqualitate potestatis ac jurisdictionis quam inter Apostolos agnoscunt sancti Patres, nihil concludi queat contra Primum Petri.

V. Superius cap. 1. num. 7. notavimus, Episcopos in ordinaria potestate & auctoritate gubernandi Ecclesiam successisse Apostolis, & quidem omnibus in communi, sive Apostolorum Collegio.

Ex his consequens est, omnes Episcopos ex sua institutione præveniendo omne jus positivum esse in potestate & auctoritate gubernandi Ecclesiam æquales; non tantum quoad ea, quæ ordinis sunt, sed & quæ jurisdictionis sunt, in quantum hæc ad salutem populi & rectum Ecclesiæ regimen spectant.

Certum quippe est successorem in jura sui prædecessoris succedere, nisi ostendatur hæc in successore restricta esse vel excepta aut legitime alterata.

Itaque sicut Apostoli cum plenaria ex æquo potestate ad propagandam & gubernandam Ecclesiam missi fuerunt, ut num. 1. & 2. probatum est, ita in eandem plenariam potestatem & auctoritatem Episcopi præveniendo omne jus positivum ex æquo Apostolis succedere dicendi sunt.

VI. Hanc consequentiam notavit sanctus Hieronymus in epistola ad Evagrium relata apud Gratianum dist. 93. can. *Legimus*, æqualitatem Episcoporum maximam & minimam civitatum ex hac successione adstruens. "Ubi cumque fuerit Episcopus, sive Romæ, sive Eugubii, sive Constantinopoli, sive Rhegii, sive Alexandriæ, sive Tanis, ejusdem meriti, ejusdem est & Sacerdotii. Potentia divitiarum, & paupertatis humilitas vel sublimior vel humilior non facit Episcopum.

Hujus æqualitatis rationem dein subdit: *Ceterum omnes successores Apostolorum sunt*, quasi diceret, eam omnes æqualiter Apostolis succedant in communi, etiam ejusdem reputandi sunt meriti & Sacerdotii.

Cui conforme est illud sancti Cypriani apud Gratianum *caus. 24. q. 1. can. 16.* "Nemo fraternitatem salutat, nemo fidei veritatem perfidæ prævaricatione corrumpat, Episcopatus unus est, cujus à singulis pars in solidum tenetur.

Et rursus in Synodo Carthagenensi super questione de validitate aut invaliditate Baptismi collati per hæreticos, ad Episcopos dicere non dubitavit: *Quod habeat omnis Episcopus pro licentia libertatis & potestatis suæ arbitrium proprium, tanquam judicari ab alio non possit, cum nec ipse possit alterum judicare, sed expectemus universi judicium Domini nostri Jesu Christi, qui unus & solus habet potestatem & præponendi nos in Ecclesiæ suæ gubernatione, & de actu nostro judicandi.*

Itaque non dubium quin præveniendo jus positivum, singuli Episcopi habeant plenam auctoritatem statuendi, & agendi omnia, quæ ad populi sibi commissi salutem & rectam ministrorum instructionem judicaverint necessaria, quodque habeat omnis Episcopus suæ potestatis liberum arbitrium, neque ab altero judicari queat, nisi à definitis & decretis Ecclesiæ recedere reperiatur.

Quin & hæc plena auctoritas penes Episcopos septem ut minus seculis mansisse videtur; at subsequenibus seculis præsertim post invecas & receptas falsas decretales, multa sensim Pontifici Romano reservari ceperunt; ut in decursu hujus operis sæpius notatum est.

## CAPUT III.

Episcopi vocantur ad nudum Ecclesiæ ministerium & & servitutem.

1. Ostenditur Apostolos ad laborandam vocatos fuisse.

2. Munus Apostolorum non nisi laboriosum fuisse.

3. Episcopi tanquam Apostolorum successores non nisi ad laborem vocantur.

4. Nomen ipsum Episcopi significat eos ad sollicitudinem & laborem esse vocatos.

5. Monitum Synodi Tridentinæ ad Episcopos.

6. Dictum Doctoris Clitovii contra illos qui onus Episcopale in Vicarios conjiciunt.

I. Si eas Apostolorum prærogativas, quæ dona sunt re temporis, potius quam personarum, ut loquitur Augustinus, exceperis, unice ad Ecclesiæ ministerium ac populi instructionem, & ipsius Ecclesiæ spirituales ædificationem ministerialem vocati fuisse; ut propterea Apostoli, seipsos tanquam simplices Ministros & Operarios ad laborandum in vinea Domini, eamque excolendam reputaverint; atque eundem in finem ad idem ministerium sibi Successores ordinaverint.

Ita Paulus vocat se *Ministram Evangelii & Ecclesiæ*: Cujus ego Ecclesiæ, inquit, factus sum Minister secundum dispensationem Dei, quæ data est mihi in vos, ut impleam verbum Dei. Ad Coloss. 1. Et alibi plantandi & rigandi officium sibi applicat; quod est, esse merè operarios in vinea Domini: *Dei enim Adjutores*, inquit, sumus, *Dei Agricultura estis*; omnia enim vestra sunt; 1. Cor. c. 3. v. 9. id est, in vestri gratiam; quasi diceret, omnia, quæ agimus tanquam Dei Adjutores & Operarii, in vestri gratiam & profectum spiritalem facimus.

Unde & ipse Christus dedit quosdam quidem Apostolos, quosdam autem Prophetas, alios autem Evangelistas, alios autem Pastores, & Doctores ad consummationem Sanctorum IN OPUS MINISTERII IN EDIFICATIONEM Corporis Christi. Eph. c. 4. v. 12. En opus Ministerii ad quod Apostoli & Pastores vocantur; nimirum ad ædificationem Corporis Christi, quod est Ecclesia.

II. Rectè ergo Os verè aureum Sanctus Chrysostomus recensens munera Apostolorum, non nisi laboriosa, obsequiosa, ministerialia, protulit: "Columnæ quidem, quoniam virtutes suæ Ecclesiæ robur sunt. Gubernatores, quoniam orbem terrarum viam rectam docuerunt; Pastores, quoniam lupos abegerunt, & Oves conservaverunt; Aratores, quoniam spinas eradicaverunt; Vinitores, quoniam labruscas eradicaverunt, & semina pietatis plantaverunt." Serm. de Pentecoste.

Vocati ergo fuisse Apostoli eorumque Successores ad ministerium, id est, ut Vineam Domini excolant; ejus Gregem custodiant & pascant, atque ad æternæ vitæ pascua perducant.

III. Hæc expendens S. Gregorius, in persona Joannis Episcopi, primæ Justinianæ omnibus Episcopis scribit: "Estote in custodia commissi gregis vigilantes atque solliciti, & disciplinæ zelo districti, ne Lupus insidians, nec ovile turbare Dominicum, nec nocere ovibus aliquâ fraudis occasione prævaleat. Animarum lucrum totâ mentis intentione ferre festinate: nomen nos Pastoris, non ad quietem, sed ad laborem suscepisse cognoscite. Exhibeamus ergo in opere, quod signamur in nomine. Sacerdotii prærogativam si rectâ consideratione pensemus, sollicitis & bene gerentibus in honore, negligentibus autem profectus erit in onere. Sicut igitur laborantes, & circa animarum salutem sollicitos hoc nomen ante Deum æternam ducit ad gloriam; ita desidens ac torpentes urget ad penam." Lib. 4. epist. 8.

IV. Et S. Augustinus, lib. 19. de Civitate Dei, cap. 19. apud Gratianum 8. *quest. 1. Can. 11.* ex ipso nomine Episcopi ostendit, Episcopum ad curam & laborem vocari; onus Episcopale, non nisi cogente charitate esse suscipiendum. Verba ejus sunt: "Qui Episcopatum desiderat, bonum opus desiderat. 1. Tim. c. 3. v. 1.

v. 1. Exponere voluit, quid sit Episcopatus: quia nomen est operis, non honoris. Græcum est enim, atque inde ductum vocabulum, quod ille, qui præficitur, eis, quibus præficitur, superintendit, curam eorum scilicet gerens: *ἐπί* quippe, super; *σκοπος*, verò, intentio est. Ergo Episcopos, si velimus, Latine Superintendentes possumus dicere: ut intelligat non se esse Episcopum, qui præesse dilexerit, non prodesse. Itaque à studio cognoscendæ veritatis nemo prohibetur, quòd ad laudabile pertinet otium. Locutus verò superior, sine quo regi populus non potest, nisi ita teneatur, atque administretur, ut decet, tamen non decenter appetitur. Quamobrem otium sanctum quærit *charitas veritatis*: negotium justum suscipit *necessitas charitatis*: quam sarcinam si ullus imponit, percipiendæ atque intuendæ vacandum est veritati: si autem imponitur, suscipienda est propter charitatis necessitatem: sed nec sic omnimodo veritatis delectatio deferenda est, ne subtrahatur illa suavitas, & opprimatur ista necessitas.

V. Itaque optandum esset, (verbis loquor Synodi Tridentinæ sess. 25. cap. 1. de Reform.) "ut ii qui Episcopale Ministerium suscipiunt, quæ suæ sint partes agnoscant; ac se non ad propria commoda, non ad divitias aut luxum, sed ad labores & sollicitudinem pro Dei gloria vocatos esse intelligant.

VI. Videant ergo hi qui se Apostolorum Successores esse gloriantur, ne dum rejecto in alios pondere diei & æstus, reservatis sibi honoribus & divitiis, in ipsis verificetur quod dictum refertur de similibus à Judoco Chetovio Doctore Sorbonico: *Adibunt hujusmodi per Vicarios parasilum, in persona inferos.* Apud Espencæum lib. 3. digress. cap. 2.

## CAPUT VI.

De modo quo summus Pontifex & Episcopi influunt in Ecclesiæ membra.

1. Summus Pontifex & Episcopi exercent in Ecclesia actus Hierarchicos.
2. Per illos actus Christus suæ gratiæ influxum interiorem membris Ecclesiæ communicat.
3. Propriè loquendo nec summus Pontifex nec Episcopi dici possunt largiri hunc influxum.
4. Christus caput primum Ecclesiæ, summus Pontifex ministeriale.
5. Hac de re quid sentiant Biel, Petrus Alliaccensis, & Synodus Basileensis exponitur.
6. Declaratur quoque sententia Gersonii & Bellarmini.

JAM dictum est Apostolos & Episcopos eorum successores, & generatim omnes Pastores, positos tanquam operarios & coadjutores in ministerium Evangelii.

I. Verum & hoc notandum, ipsos duntaxat à Christo positos ut meros ministros, qui per actus hierarchicos & externos applicent & impendant hominibus ea, per quæ Christus voluit spiritum suum & interiorem influxum gratiæ suæ largiri; ut sunt verbi divini prædicatio, Sacramentorum administratio, aliaque similia.

II. At verò interiorem illum influxum sui Spiritus & gratiæ Christus nulli homini aut puræ creaturæ in anima operandi potestatem communicavit, sed eam sibi soli reservavit: hinc illud Apostoli: *Neque qui plantat, est aliquid. neque qui rigat, sed qui incrementum dat, Deus.*

Igitur nec Episcopi, nec Pastores dici possunt Vicarii Christi vel ejus vicem in terra gerentes, quantum ad hunc interiorem & spirituales influxum,

sed duntaxat quoad externam Ecclesiæ gubernationem, & sensibilem ac simplicem applicationem eorum, per quæ interiorem eum gratiæ & Spiritus sancti influxum Christus applicare, & communicare voluit.

III. Unde propriè loquendo nullus ministrorum Ecclesiæ, etiam Romanus Pontifex dici potest dare verum influxum interiorem; sed hic influxus soli Christo tanquam unico & propriè dicto capiti essentiali suæ Ecclesiæ competit, per quem etiam, tanquam caput, omnia ejus membra vitam & motum interiorem gratiæ accipere debent.

Proinde impropiè & æquivocè tantum influxus hic Pontifici aut Episcopis tribui possit; quatenus scilicet extrinsecè per ministeria externa sive actus sensibiles & hierarchicos mysteria Christi dispensant.

IV. Inde & habetur, quòd Episcopi, quin & Romanus Pontifex, non nisi impropiè dici queant caput Ecclesiæ; sed solus Christus Caput Ecclesiæ dicendus sit: utpotè, qui solus in membra influit ac per interiorem spiritum motum vitalem tribuit, & sine cujus continuo influxu membra motum, & vitam spiritualem amittunt, atque arescunt.

Verum quemadmodum Episcopi & Pastores dicuntur nonnunquam influere, in quantum per actus hierarchicos externos applicent ea, quibus Christus influxum hunc gratiæ suæ interioris, & sui etiam Sacerdotii communicationem annexuit, ita quoque capita ministerialia suarum respectivè Ecclesiarum Episcopi tanquam primi ministri, & Pontifex Romanus utpote primus inter omnes, totius Ecclesiæ caput ministeriale appellari potest.

V. Id jam pridem notavit Gabriel Biel accuratè explicans, quâ ratione Romanus Pontifex dici queat influere in corpus Ecclesiæ, aut ejus caput nuncupari, *Lectione 23. in Canonem Missæ Litt. N.* dicens: "Præterea Christus est caput Ecclesiæ principale & primum, in se omnia dona & gratiarum charismata continens & propriâ virtute & auctoritate membra vivificans, ac motum & sensus spirituales influens. Papa verò caput est Ecclesiæ secundarium & Vicarium, non nunquam virtutis gratiæ vacuum: neque enim ipse influit vitam spiritualem in membra; neque enim ipse dat membris sensum & motum, nisi ut minister & Vicarius Christi, propter quod dicit Apostolus 2. Corinth. 5. pro Christo legatione fungimur tanquam Deo exhortante per nos. Adde & illud prioris ad Corinth. 3. neque qui plantat, est aliquid, neque qui rigat, sed, qui incrementum dat, Deus.

Et Petrus Alliaccensis Cardinalis & Episcopus Cameracensis in tractatu de Ecclesiæ auctoritate, part. 1. cap. 1. notavit quòd licet Christus "solus & propriè sit & maxime Caput Ecclesiæ, tamen nihilominus Petrus & quilibet ejus successor Vicarius Pontifex summus, potuit dici caput Ecclesiæ, in quantum est principalis inter ministros.

Hinc ulterius part. 3. cap. 4. concludit: "quòd quamvis Papa concedatur caput Ecclesiæ, tamen hoc est sub principali & essentiali Capite Christo, & idèd subordinatio corporis Ecclesiæ ad Papam est solum accidentalit, sed essentialit ad Christum.

Et Synodus Basileensis in responsione Synodali edita anno 1432. (quæ incipit *Cogitanti*, & integra habetur tom. 12. Concil. general. col. 673.) asserit: quòd Papa eatenus sit caput Ecclesiæ, quòd sit principalis Prælati, corporis mystici & propterea sit nihilominus intra corpus: "Nam si esset extra corpus, tunc non pertineret ad corpus, nec tunc caput esset. Corpus igitur hoc totum continet, & ipsum, quod dicitur caput & singula membra.

Cum ergo Romanus Pontifex non nisi caput Ecclesiæ ministeriale dici & reputari queat, tanquam primus minister & principalis Prælati; neque dici queat

queat propriè influere in corpus Ecclesiæ, ei motum, aut vitam spiritualement subministrando, consequens est, non posse duci similitudinem à capite naturali respectu corporis humani, ad caput ministeriale, quale est Papa, respectu Ecclesiæ: neque præterendi posse integritatem corporis Christi mystici dependere ab incolumitate huius capitis, quemadmodum à capite naturali dependet incolumitas corporis humani.

VI. Id ipsum jam pridem notavit Joannes Gersonius art. 11. inter articulos contra Petrum de Luna: "Respondeo (ait) quoddam similitudo corporis veri & mystici non est usquequaque eadem, quoniam sine capite naturali corpus non potest vivere, sed sine capite secundario corpus mysticum potest habere vitam, sicut in casu nostro pater de Papa, quo remoto, vel abscisso stat unitas & vita in corpore mystico Ecclesiæ, & hoc in virtute Capitis essentialis & primi, quod est Christus.

His & consentit Bellarminus lib. 2. de Concil. auctoritate cap. 19. "In corporibus naturalibus amputato capite totum corpus moritur, at corpus Ecclesiæ non moritur, moriente Papâ.

Unde, mortuo Papâ, manet Una, Sancta, Catholica & Apostolica Ecclesia, & ut talem publicè per symboli recitationem, etiam nullo existente Romano Pontifice, confirmetur.

certain ac limitaram orbis partem misit; sed in mundum universum, ut docerent omnes gentes, & prædicarent ubique.

Verùm cum singuli non possent ubique prædicare Evangelium, & actualiter operi Apostolico incumbere, sed tantum in ea orbis parte, in qua præsentibus erant, initio quidem, ex communi mutuoque consensu, non tamen sine interna Spiritus sancti inspiratione, quia pauci erant, ut tanquam testes oculati vitæ & doctrinæ Christi ejusque Resurrectionis, Evangelium per universum mundum disseminarent; admodum latas & diffusas orbis partes, seu, ut hodie loquimur, Dioceses singuli sortiti sunt: aded ut etiam integra ac latissima Regna pro sua quisque Diocesi haberet; in qua actu quisque operaretur.

III. Adhuc quocumque Apostoli perveniebant, non solum evangelizabant, arque populos docebant, & Ecclesias fundabant, sed etiam proprios Episcopos creabant, quibus Ecclesias noviter fundatas commendabant: ac insuper quod ipsi pertingere non poterant, Discipulos in doctrina Christi ritè instructos & ordinatorum alegebant; idque rursus ad amplas Dioceses, & cum potestate alios constituendi & ordinandi.

Exemplum habemus in Apostolo Paulo, qui Titum reliquit Cretæ, ut ea, ait, quæ desunt corrigas, & constituas per civitates Presbyteros, sicut & ego disposui tibi. Ad Titum 1. cujus prius operâ confirmaverat alias quoque Ecclesias, Dalmaticam & Corinthiacam.

IV. Ut proinde dubitari nequeat, tempore quoque Apostolorum fuisse Episcopos, qui non secus quam Apostoli, indiscriminatim per Orbem & varias Regiones discurrerent, semina Evangelii mitterent; alios vero particularibus partibus orbis seu Ecclesiis adstrictos & destinatos; quod tamen nullum inter illos essentielle discrimen constituerebat.

V. Post mortem verò Apostolorum, cernens Ecclesia ex indiviso illo regimine non raro oriri confusionem & perturbationem in Ecclesiæ regimine, singulis Pastoribus (ut loquitur S. Cyprianus) portio gregis fuit adscripta, quam regat unusquisque & gubernet.

VI. Hacque disciplina confusioni tollendæ aded necessaria visa fuit, ut eam Ecclesia in hodiernam usque diem conservaverit, variisque Canonibus frequenter stabilierit; interdixitque severè Episcopis, in aliena Diocesi quidquam ordinare aut agere sine licentia Episcopi Diocesis illius.

"Episcopus (inquit Synodus Antiochena anno 341. can. 22.) in aliam civitatem, quæ ei subiecta non est, non ascendat, nec in Regionem, quæ ad eum non pertinet, ad alicujus ordinationem, nec Presbyterum nec Diaconum constituat in locis alii Episcopo subiectis, nisi cum voluntate proprii illius Regionis Episcopi; si quis autem tale quid ausus fuerit, infirmus sit ordinatio, & ipse à Synodo puniatur.

Apud Gratianum 9. q. 1. can. 7. ubi plures antiquos Canones in eandem rem profert.

VII. His insistens novissimè Synodus Tridentina sess. 6. cap. 5. de reformat. ait: "Nulli Episcopo liceat cuiusvis privilegii prætextu Pontificalia in alterius Diocesi exercere, nisi de Ordinarii loci expressa licentia, & in personas eidem Ordinario subiectas tantum; si secus factum fuerit, Episcopus ab exercitio Pontificalium, & sic Ordinari ab executione Ordinum sit ipso jure suspensus.

VIII. Ordinarius cuius Licentia hic desideratur, dicitur, qui jurisdictionem & auctoritatem Episcopalem in loco obtinet; sive sit Episcopus, sive alius Prelatus non Episcopus; Episcopalem tamen jurisdictionem vel ex privilegio, aut jure communi obtineas.

Unde Capitulum, Sede vacante, aut ejus Vicarius exercitium Pontificalium Episcopo extraneo concedere potest.

Eodem ex capite eandem licentiam impetrantur Abbares

## CAPUT V.

Quisque Episcopus hodie habet distinctam Diocesim, extra quam jurisdictionem aut Pontificalia exercere nequit.

1. Christus Apostolos non misit ad certam Ecclesiam, sed in universum mundum.
2. Ipsi certas orbis partes singuli delegarunt.
3. Apostoli certas Ecclesias fundabant, & his proprios Episcopos assignabant; idque cum potestate rursus alios ordinandi.
4. Tempore Apostolorum erant Episcopi quidam certa Ecclesiæ obligati, quidam nulli, inter quos tamen nullum erat essenziale discrimen.
5. Post tempora Apostolorum singulis Episcopis sua fuit assignata Ecclesia.
6. Episcopis interdictum fuit quidquam in aliena Diocesi ordinare aut agere sine licentia Ordinarii.
7. Synodus Tridentina interdixit Episcopis exercere Pontificalia in alterius Diocesi sine licentia Ordinarii.
8. Quis ad mentem Concilii Tridentini dicatur Ordinarius.
9. Episcopus in loco simpliciter exempto suæ Diocesis potest Pontificalia exercere.
10. Archiepiscopus in Diocesi sui suffraganei Pontificalia ordinari exercere non potest.
11. Quid sub nomine Pontificalium contineatur?
12. Non potest Episcopus in aliena Diocesi Missam in Pontificalibus celebrare; nec solemnem benedictionem impartiri sine licentia Ordinarii.
13. Archiepiscopi vel Primates non possunt extra suam Diocesim incedere cruce elevata.
14. Alti voluntariæ jurisdictionis usum Pontificalium non exigentes, in aliena Diocesi expediri possunt.

I. Christus Dominus ascensus ad Patrem, & Ecclesiam suam visibiliter derelicturus, dixit Apostolis: Euntis in mundum universum prædicate Evangelium omni creaturæ. Deinde subdit Sacer Tenuit illi autem profecti, prædicaverunt ubique, Domino cooperante & sermonem confirmante sequentibus signis. Marc. 9. 16. v. 20.

II. Nequaquam ergo Christus Apostolos, suos ad

Tom. I.



bates alique Prælati non simpliciter exempti; sed nullius Diœcesis; qui Episcopalem jurisdictionem ex privilegio, aut inveteratâ consuetudine exercent. Adeo quidem, ut nec vicinior Episcopus, aut is, qui ad visitanda similia loca in Concilio Provinciali, juxta Decretum Concilii Trident. sess. 24. cap. 9. de reformat. electus est, Pontificalia sine hujusmodi Abbatis, aut Prælati Licentia exercere queat; uti notat Zypæus Resp. 1. de excess. Præl.

IX. In loco autem simpliciter exempto; quique manet illius Diœcesis, intra cujus fines situs est; nullus Episcopus sine licentia Ordinarii istius Diœcesis Pontificalia exercere potest: ipse verò Episcopus Diœcesanus in simili loco exempto, absque consensu Superioris illius loci, Pontificalia agere potest: idque ob reliquias jurisdictionis, quas Episcopus in loca quantumvis exempta suæ Diœcesis retinet. Quare dici non potest, hoc casu, Episcopum in aliena Diœcesi Pontificalia exercere. Et ita judicatum fuit à Consilio Privato Regio pro Episcopo Audomarenſi contra Abbatem & Conventum S. Bertini in civitate Audomarenſi 21. Augusti 1593. & rursus 25. Septembris ejusdem anni; uti refertur in Registro M.S. Archiepiscopatûs Mechlinienſis Centuriâ 2. art. 88.

X. Aliud est de Archiepiscopo quoad Diœceses suorum Suffraganeorum. Cum enim in his jurisdictionem ordinariam non obtineat, citra consensum Ordinarii in his exercere Pontificalia nequit; si casum visitationis excipias. Vide Zerolam in praxi V. Archiepiscopus: & Zypæum in jure novo titul. de excess. Prælat. Num. 1. item Cardinalem De Luca ad Concil. Trid. Disc. 6.

XI. Sub exercitio Pontificalium à Synodo Tridentina comprehenditur, non tantum Ordinum collatio, quantumvis præcipue ad eam respiciant verba Decreti, sed & alia, quæ aliquam jurisdictionem aut Episcopalem sive Pontificalem auctoritatem requirunt, & præ se ferunt.

XII. Unde nec Missam quidem in Pontificalibus citra licentiam Ordinarii celebrare posse plures docent; atque novissime Cardinalis De Luca in annotationibus ad Concilium Tridentinum disc. 6. qui addit, nec Mozartam deferre, nec benedictionem impertire posse; quod ille Pontificalium ornamentorum publicus & solemnis usus aliquam jurisdictionis speciem referat in utente. Et quidem dum Baculus Pastoralis Episcopo in Ordinatione traditur, ex præscripto Pontificalis dicitur: *Accipe Baculum PASTORALIS OFFICII, ut sis in corrigendis vitiis piè sapiens, &c.*

Hinc evidens est, Baculum Pastoralis, jurisdictionis & superioritatis cujusdam esse signum; quod & de reliquis ornamentis Pontificalibus faciliè esse ostendere. Et hæc Doctorum opinio conformis est modernis Belgii moribus, qui nullum extraneum sine consensu Ordinarii in Diœcesi in Pontificalibus celebrare permittunt: quamvis credat Zypæus in citato responſo, non videri tamen ubique quoad pœnam suspensionis ex sola celebratione, esse certo usu receptum.

XIII. Eodem ex capite, judicatum legitur, nec Archiepiscopum, nec Primatem posse extra suæ jurisdictionis terminos, *cruce elevatâ*, procedere: eò quod *crucis* illa sollemnis delatio indicium jurisdictionis præferat: de quo consule Carolum Fevret, & ab eo citatos *Tract. de abus. 3. cap. 2. §. 12. & sequentibus.*

XIV. Si autem agatur de actibus voluntariæ jurisdictionis, qui non exigunt usum Pontificalium; ut sunt provisiones beneficiorum, ac deputationes Officialium, vel delegationes causarum cum similibus, hæc in aliena Diœcesi expediri possunt; uti notat De Luca loco citato; qui addit, quod propterea prima Tonsura ab Episcopo proprio Subdito in aliena Diœcesi sine licentia Ordinarii conferri possit: quia etiam in camera sine Pontificalibus dari potest; & quia propriè Ordo non est, sed introductio ad Ordines.

## CAPUT VI.

De Solitudine Pastoralis, ejus amplitudine & restrictione.

1. *Apostolorum adscriptio certis quibusdam locis nullam inter eos differentiam essentialem induxit, nec inter Episcopos eorum successores.*
2. *Restrictio Episcopalis solitudinis jure positivo inducta fuit.*
3. *Urgente necessitate videtur, quod Episcopus possit ad alteram Diœcesim extendere suam solitudinem vel etiam auctoritatem.*
4. *Ita olim senserunt SS. Epiphanius, Cyprianus, Gregorius Nazianz. Eusebius Samosatensis, &c.*
5. *Urgens necessitas vel charitas motivum illorum erat.*
6. *Præter solitudinem omnium Ecclesiarum; Romano Pontifici sua est particularis Ecclesia.*
7. *Licet Primatum obtinens, est tamen proprius Roma Pastor & Episcopus.*
8. *Ejus Diœcesis, ut particularis Ecclesia, non est nisi pars integralis Ecclesiæ universæ.*

I. INTER Apostolos, & eorum ætate inter Episcopos quidam certæ Ecclesiæ alligati dicuntur; quidam nulli particulari loco fuerunt adscripti; prout id convenientius videbatur. At post tempora Apostolorum vitandæ confusionis causâ singulis Pastoribus certam gregis portionem adscriptam fuisse insuper in textu notatum, quam regat unusquisque & gubernet.

Porro quemadmodum hæc ad certam Ecclesiam adscriptio nullam inter Apostolos essentialem differentiam induxit, ita nec inter Episcopos de eorum auctoritate & missione ad gubernandam Ecclesiam quidquam diminuit.

Unde quemadmodum Apostoli omnes vi suæ missionis, quam à Christo acceperant, Evangelium annuntiare debebant per mundum universum; ita quoque Episcopi eorum successores; non obstante hac ad certam Ecclesiam adscriptione, vocati censentur ad impendendam curam pastorem omnibus fidelibus, & annuntiandum Evangelium omni creaturæ, dum necessitas, aut salus proximi id exigit.

II. Quidni igitur pariratione ex mente Ecclesiæ esse dicamus omnem restrictionem Episcopalis solitudinis jure positivo inductam, debere cessare, dum necessitas Ecclesiæ, aut charitas proximi eam restrictionem non patitur; sed auctoritatem Episcopalem, & plenitudinem sacerdotii in ordinatione acceptam ad alias Ecclesias extendi postulat?

Omnis enim Episcopatum Diœcesium, non secus ac Parochiarum divisio, & ad certos terminos restrictio, ex lege positiva dimanat, quæ legi necessitatis & charitatis cedit.

III. Quid igitur si noverit Episcopus Ecclesiam aliquam ministris necessariis & catholicis destitutam videns, neque huic populo esse proprium Episcopum, qui Presbyteros & necessarios ministros ordinet; Quidni, inquam, poterit, imò teneretur, urgente Ecclesiæ hujus necessitate, Episcopalem suam auctoritatem & solitudinem ad eam Ecclesiam seu populum extendere, ei necessarios ministros ordinando? Quemadmodum Parochus ob defectum proprii Parochi vel Presbyteri potest, quin & teneretur ultra limites propriæ Parochiæ curam pastorem alteri populo impendere.

IV. De hac mente Ecclesiæ indubiè persuasus erat sanctus Epiphanius, de quo legimus apud sanctum Hieronymum epist. 60. "Quod, cum aliquando esset in Diœcesi Hierosolymorum, in monasterio Bethleemítico, Diaconum ordinaverit quemdam, & postea Presbyterum, illiusque monasterii in spiri-

„ tua-

„ rualibus ferme destituti curam gesserit non exiguum, „ illudque egregie instituerit & intruxerit.

Hoc Epiphanius facto offensus *Joannes Hierosolymorum Episcopus*, in ipsum Epiphanius excanduit, uti habetur ex litteris sancti Epiphani ad ipsum Joannem, quibus ostendit, immerito hanc ob causam in ipsum excanduisse Joannem, tamen non diffiteatur *monasterium Bethleemiticum*, cujus curam egerat, & cui Presbyterum ordinaverat extra suam Diocesim & in Diocesi Joannis Hierosolymorum Episcopi situm, rationem notandam subiiciens: „ Ob Dei timorem (ait), „ hoc sumus facere compulsi, maxime cum nulla sit diversitas in Sacerdotio Dei, & ubi Ecclesie utilitati providetur: Nam etsi singuli Ecclesiarum Episcopi habeant sub se Ecclesiam, cui curam videntur impendere; & nemo super alienam mensuram extenditur, tamen preponitur omnibus *charitas Christi*.

Ex his Epiphani verbis habemus, ipsum existimasse in sacerdotio Dei nullam esse diversitatem; atque ex Christi instituto nullis locis officium Episcopale sive sacerdotale concludi, atque ita dictante charitate, quae humanis legibus non adstringitur, singulos Episcopos posse etiam aliorum Ecclesiis curam impendere.

Hic consonat, quod Alexander Episcopus Alexandrinus, orta haeresi Ariana, scribit in epistola, quae de hac haeresi in sua Diocesi exurgente, certiores reddit ceteros Episcopos: „ cum (ait) in sacris litteris sit unum corpus Ecclesiae Catholicae nobis traditum & praeceptum, ut concordiae ac pacis vinculum firmum teneamus. „ Apud Socratem *lib. 1. capi. 9.*

Hic videmus, Alexandrum ad movendos Episcopos ad debellationem hujus exorientis haeresis in sua Diocesi Alexandrina, eo praecipue fundamento usus esse, quod singulis Episcopis, non tantum singularum suarum Diocesim, sed *unam corpus Ecclesiae omnibus & singulis traditum & praeceptum esset*.

Indubie idipsum movit sanctum Cyprianum, ut non tantum Ecclesiae Carthaginensis (cujus erat Episcopus) curam egerit, sed & eam curam ad Romanam Ecclesiam, ceterisque etiam per Orientem Ecclesiis extendere.

De ipso namque ita scribit Gregorius Nazianzenus *Orat. 19. in Cyprianum*: „ Non enim Ecclesiae Carthaginensis praesedit *soli* seu Africae, quae ex illo, & per illum celebris in praesentem usque diem facta est, sed *Hesperia universa*, imo Orienti fere ipsi ad finem usque *Mediterraeae & Septentrionis*.

Notissimum est, qualiter sanctissimi Episcopi Athanasius, Basilii, Chrysostomus, alique, universis Ecclesiis, ubi eas periclitari cernebant, vel forsitan etiam a suis Episcopis negligi, vel erroribus, & haeresibus infici, succurrerit; quin & ubi inter Ecclesias dissidia contentionesque nata videbant, sese ut concordiae & pacis arbitros ex suo pastoralis officio impenderint.

Notabile est, quod de Hilario Pictaviensi & Eusebio Vercellensi scribit Theodoretus in sua historia *lib. 4. cap. 4.* „ Ita dico: isti viri, velut magnifica quaedam lumina, Illiricum, & Italiam, Galliasque suo splendore radiarunt.

V. Quidni & credamus Eusebium Samosatensem Ecclesiae hujus Episcopum, varios per *Syriam*, & *Mesopotamiam* ordinasse Episcopos Catholicos, uti testatur de ipso Theodoretus loco praefato, *eadem charitate & necessitate urgente*, ut eas Ecclesias vel ab haeresi Ariana purgaret, vel praeservaret.

Neque enim Theodoretus, aliisve ejus aetatis scriptor, vel delegationis alicujus Episcopi, vel ullius Synodi, meminit, cujus auctoritate munitus Eusebius has ordinationes extra suam propriam Diocesim, quin & Provinciam fecisset.

Tom. I.

Omnes igitur hi, alique vigilantissimi Episcopi persuasissimum sibi habebant, officium Episcopale ipsos obligare non tantum ad laborandum pro una particulari Ecclesia, cui in sua ordinatione fuere adstricti, sed quod hoc officium universae Ecclesiae deberent, ubi *necessitas vel charitas* id juxta leges christianae prudentiae exigeret, quemadmodum eam extendit S. Eustachius Episcopus Antiochenus, uti scribit S. Chrysostomus in laudibus hujus Episcopi. „ Hic edoctus „ probe fuerat a sancti Spiritus gratia, Ecclesiae Antiochiae „ tem non de illa solum quae ipsi a sancto Spiritu sit „ commissa, curam debere gerere; verum etiam de „ *universa* quae per orbem terrarum degit.

VI. Quamvis Romano Pontifici potissimum incumbat omnium Ecclesiarum sollicitudo; ipsi tamen certa dominici gregis portio fuit assignata, quam ipse regat tanquam proprius Pastor & Episcopus.

De Ecclesia Romana ita considerata, atque certis limitibus circumscripta, & uni Episcopo Romano tanquam proprio Pastori concedita, intelligitur illud Hieronymi in epistola ad Evagrium apud Gratianum *Dist. 93. Can. 24.* „ Ubi cumque fuerit Episcopus „ sive *Roma*, sive *Eugubii*, sive *Constantinopoli*, „ sive *Rhegii*, sive *Alexandriae*, sive *Tanis*, ejusdem „ meriti, ejusdem est & Sacerdotii, Potentia divitiarum, „ & paupertatis humilitas vel sublimiorum vel inferiorum „ rem Episcopum non facit. Ceterum omnes, Apostolorum successores sunt.

Quid manifestius, quam Hieronymum hic considerasse Pontificem Romanum, ut Episcopum Urbis Romanae, eaque in qualitate ceteris Episcopis aequalem, sive ejusdem meriti, ejusdem & Sacerdotii reputasse?

Et ante ipsum sanctus Irenaeus Lugdunensis Episcopus scribens contra haereses, ac probans Catholicae doctrinae veritatem ex Apostolica traditione in certis Ecclesiis per manus & successiones ab Apostolis illarum Fundatoribus accepta longum futurum nimis existimans, si vellet omnium Ecclesiarum numerare successiones; ex omnibus tamen Ecclesiis particularibus sumit tres duntaxat, *maximam & antiquissimam & omnibus cognitam, illam, quae a duobus Apostolis Petro & Paulo fuit fundata Roma*. Deinde sumit *Smirnensem, & Ephesinam*.

Reputavit igitur Irenaeus, Ecclesiam Romanam ut Ecclesiam ab Apostolis fundatam, & antiquissimam, sed tamen tanquam unam particularem, & a reliquis distinctam.

VII. Cum igitur Episcopus Romanus, tamen inter ceteros *Primus & Primatum* obtinens, semper ordinatus & reputatus fuit, tanquam Ecclesiae Romanae certis limitibus circumscriptae proprius Episcopus & Pastor, etiam pluribus seculis obtinuit, & religiose servatum est, ut more ceterorum Episcoporum, non nisi a Presbyteris, aut Diaconis Ecclesiae Romanae tanquam ejus proprius Pastor eligeretur: uti etiam recentior notavit Joannes Garnerius in secunda appendice ad librum diurnum Romanorum Pontificum, una monens, non reperiri, quod primis septem seculis, Episcopi Romani consecratio ritu alio fuerit peracta, quam aliorum Episcoporum: „ Non aperte (inquit) „ constat, utrum in consecratione Pontificis alius ritus „ servatus fuerit primis septem seculis, quam qui servari solitus in consecratione aliorum Metropolitano- „ rum, imo & Episcoporum: additque, quod eam tem- „ pestate non ex Episcopis summi Pontifices fierent „ (id enim tentatum primo in Formoso) sed ex Dia- „ conis ut plurimum, & Presbyteris Ecclesiae Romanae, ut historia Pontificum docet.

Hinc & olim Pontifices Romani ad instar aliorum Episcoporum, qui a sua particulari Ecclesia nomen mutabant; etiam & ipsi a Romana Ecclesia tanquam a sua particulari Ecclesia dicti fuere *Urbis Romae Episcopi*.

R 2

Ira

Ita Hieronymus quoties de Romano Pontifice loquitur, eum Romanæ Ecclesiæ, aut simpliciter *Urbis* Episcopum vocat. Ita enim in libro de Scripturis Ecclesiasticis loquens de epistolis Dionysii Corinthii ait: "Septima Dionysii epistola est ad Romanos, nos quam scripsit ad *Sotberem Episcopum eorum*: Evidenter significans *Sotberem* esse Romanorum particularem Episcopum. Et de Victore loquens: "Victor, tertius decimus (ait) *Roma Urbis Episcopus*." Et alios plures ibidem Pontifices enumerans, ipsos *Urbis Rome* Episcopos vocat.

VIII. Porro in quantum Ecclesia Romana consideratur ut particularis Ecclesia, eatenus quoque cum cæteris Ecclesiis particularibus per modum partis integralis constituit unam universalem Ecclesiam.

Quare ita considerata, ipsa reputari nequit, nisi per modum partis integralis ipsum corpus, quod universalis Ecclesia dicitur, & ita à Patribus fuit considerata.

Id ipsum observavit Edmundus Richerius lib. 1. Historiæ Concil. cap. 13. ubi recolligens, quæ in Historia octo primorum Conciliorum Generalium sibi præ cæteris notanda videbantur, num. 1. versiculo 5. notandum duxit: "Novem primis seculis, quibus octo universalis Concilia habita sunt, nunquam auditum aut lectum, *Romanam Ecclesiam* alia notatione aut significatione sumptam, quam pro singulari, aut particulari Ecclesia, atque membro primo Ecclesiæ universalis.

Quapropter & legitur, quod Ecclesia Romana tanquam particularis Ecclesia suas habuerit particulares disciplinæ regulas, seu Canones, & Canonum codicem; nec non ritus & ceremonias, uti in hoc opere, & in Tractatu Historico-Canonico in Canones non semel notatum est.

## CAPUT VII.

Cura & regimen totius Diocesis primario & principaliter incumbit ipsi Episcopo.

1. Episcopus est primarius Pastor totius Diocesis, eique cura omnis populi incumbit.
2. Ob hanc curam Episcopatus habitus semper fuit pro formidabili onere.
3. Ministri inferiores à cura suæ Diocesis tum non eximunt.
4. Presbyteri omnes sunt in adiutorium Episcoporum.
5. Nec Presbyteri, nec quicumque Beneficiati quidquam agere possunt in cura animarum nisi cum subiectione ad Episcopum.
6. Nulla exemptio quantumvis generalis eximere potest ab obedientia Episcopi, in his quæ concernunt curam animarum.
7. Quia Episcopo incumbit cura totius Diocesis, ideo ad eum de jure communi spectat collatio omnium Beneficiorum in sua Diocesi.
8. Nullus potest dare curam animarum, nisi Episcopus.
9. Illud etiam conforme est moribus Belgii.

I. Spectata disciplina Ecclesiæ à primis seculis accepta, & hætenus conservata, Episcopi in ipsa Ordinatione deputantur singuli ad suam respective singularem Ecclesiam sive Diocesim, in qua actu quisque laboret, & ministerium suum impleat, juxta illud vulgare Sancti Cypriani: "Singulis Pastoribus portio gregis est adscripta, quam regat unusquisque, & gubernet."

Hujus igitur gregis cura Episcopo tanquam primario & principali Pastori incumbit; propterea Episcopos verbis Apostoli monendos duxit Synodus Tridentina sess. 6. cap. 1. de reform. "Ut attendentes sibi & universo gregi, in quo Spiritus Sanctus posuit eos regere Eccle-

siam Dei, quam acquisivit sanguine suo, vigilent, in omnibus laborent, & ministerium suum impleant. Act. c. 20. v. 28. 2. ad Timoth. c. 4. v. 5.

Hinc Episcopum, illum esse dicit Canon 38. Apostolorum, "Cujus fidei populus est creditus, & à quo pro animabus ratio exigitur."

Et Canon 24. Antiochenus vult res Ecclesiæ esse in potestate Episcopi; "Cui, ait, est omnis populus creditus, & eorum animæ, quæ in Ecclesiam conveniunt."

II. Hanc totius populi curam Episcopi incumbenter expendent SS. Patres, Episcopatum esse onus humeris Angelicis formidandum dicere haud dubitant; eosque ad indefessam ac vigilem gregis custodiam hortati fuerunt. "Estote (ait S. Gregorius in persona Joannis Episcopi primæ Justinianæ ad omnes Episcopos), in custodia commissi gregis vigilantes atque solliciti, & disciplinæ zelo districti; ne lupo insidians nec Ovile Dominicum turbare, nec nocere ovibus aliqua fraudis occasione prævaleat. Animarum lucrum Deo nostro tota mentis intentione facere festinate: nomen vos Pastoris non ad quietem, sed ad laborem suscepisse cognoscite." Lib. 4. epist. 8.

III. Verum quidem est, spectata Diocesis latitudine & extensione, quæ sæpe etiam centena hominum millia complectitur, solum Episcopum haud posse omnem totius Diocesis populum actu & continue pascere ac dirigere; eaque omnia facere, quæ ad spirituales totius populi curam & Diocesis regimen requiruntur: ideoque necessarium fuisse, ut & plures sint inferiores Sacerdotes & ministri, qui una cum Episcopo populi curam atque Ecclesiæ regimen suscipiant. At hæc inferiorum ministrorum cura ac sollicitudo nequaquam Episcopum à totius Diocesis cura eximit. Ipse namque est & manet totius Diocesis Caput & principalis minister, cui omnes inferiores adjuvatores & ministri accedunt, cum quadam ad ipsum Episcopum, in his quæ Ecclesiæ regimen, & functiones hierarchicas spectant, dependentia & subiectione.

IV. Unde Ordinandos Presbyteros, ex præscripto Pontificali Romani ita alloquitur Episcopus ordinans: "Tales esse studeatis, ut in adiutorium Moysis & duodecim Apostolorum, Episcoporum videlicet Catholicorum, qui per Moysen & Apostolos figurantur, digni ne per gratiam Dei, eligi valeatis... Itaque Filii dilectissimi, quos ad nostrum adiutorium Fratrum nostrorum arbitrium consecrandos elegit, servate in moribus vestris castæ & sanctæ vitæ integritatem."

Post hæc orat Deum his verbis: "Quapropter imitati quoque nostræ quæsumus, hæc adjumenta largire; qui quanto fragiliores sumus, tanto his pluribus indigemus."

Itaque constat, Sacerdotes in solam adiutorium Episcoporum ordinari; non quo Episcopi à cura eximantur, sed in cura sustinenda adjuventur.

V. Quin & omnia Ecclesiæ ministeria, & Ecclesiastica Officia, sive Dignitates, sive Beneficia, juxta modernum loquendi usum, & Ecclesiæ disciplinam dixeris, in adiutorium Episcoporum instituta sunt; atque ipsum Episcopum, in iis quæ regimen Ecclesiæ & curam populi concernunt, tanquam superiorem, & cui primario cura incumbat; & à quo tanquam è fonte omnis Ecclesiastica potestas in inferiores Ministros derivatur, suspicere tenentur.

Hinc illud Viri Apostolici S. Ignatii Martyris: "Sine Episcopo nemo quidquam faciat eorum; quæ ad Ecclesiam spectant; & honora Deum, ut omnium autorem & Dominum; Episcopum vero, ut Principem Sacerdotum; imaginem Dei referentem: Dei, inquam, propter Principatum, Christi vero propter Sacerdotium." epist. ad Tralles.

Item illud Canonis 38. Apostolici: "Presbyteri & Diaconi sine licentia Episcopi nihil perficiant: ipse enim est, ait, cujus fidei populus est creditus, & à quo pro animabus ratio exigitur."



VI. Quapropter nulla, quantumvis generalis ab Episcopi jurisdictione, cuicumque seu personæ seu corpori aut congregationi indulta exemptio, eximit à dependentia & subjectione Episcopali, in his quæ curam populi & regiminis Ecclesiæ concernunt; uti infra ubi de exemptione Regularium, & ea occasione etiam Canonicorum agendum erit, ostenderetur.

VII. Ulterius, eodem ex principio profluit vulgatissimum illud ac fundatissimum Canonistarum principium, nimirum, Episcopum esse de jure communi collatorem Beneficiorum in sua Diocesi; ideoque qui aliquis beneficii collationem ad exclusionem Episcopi sibi comperere asserit, debere probare titulum, vi cuius contra jus commune collatio ipsi, excluso Episcopo, competat. Cum enim totius Diocesis regimen illi incumbat, merito etiam electio Ministrorum, quales sunt omnes Beneficiarii, ei concredita censetur: sed de hoc latius in secunda Parte hujus operis ubi de collatione Beneficiorum agetur.

VIII. Similiter, quia Episcopatus plenitudinem Sacerdotii habet; atque ex ejus plenitudine in inferiores ministros desinit, nemo ea, quæ curam animarum respiciunt, in ejus Diocesi exercere potest, nisi auctoritate & facultate ab Episcopo accepta.

Quare Archidiaconum Eliensem reprehendit Alexander III. in cap. 4. de Offic. Archidiacon. quod obtentu consuetudinis sine licentia & mandato Episcopi curam animarum committere præsumat: "Cum satis sit absurdum, ait, & à sanctorum Patrum institutionibus alienum, ut Archidiaconus auctoritate propria debeat cuilibet Ecclesiarum curam committere."

IX. Quod & moribus Belgii consonum est. Licet enim Archidiaconi quidam, alique nonnulli ex privilegio vel antiqua consuetudine prætendant non tantum quorundam Beneficiorum collationem, sed etiam eorum institutionem authorizabilem, sive tituli collativam, curam tamen animarum ab Episcopo habendam esse concedunt; & licet vi collationis aut institutionis acceptæ possessionem corporalem ipsius Beneficii accipere posset Beneficiarius, nequaquam tamen his, quæ animarum curam spectant, se posse sine licentia Episcopi immiscere concedunt, & usu notorio comprobatur.

## CAPUT VIII.

Episcopi jure divino tenentur ad residentiam; & qualis debeat esse illa residentia.

1. Ex cura Pastoralis sequitur obligatio residendi.
2. Consequentiam hanc probat Synodus Tridentina.
3. Eodem jure, quo Episcopo incumbit cura animarum, etiam incumbit necessitas residendi.
4. Nullus Antiquorum negavit Episcopos jure Divino ad residentiam teneri, idque Synodus Tridentina sat patenter declaravit.
5. Sancti Patres non ex positivis Decretis, sed ex sacris Litteris necessitatem residendi adstruxerunt.
6. Episcopi non eximuntur à residentia substituendo Vicarios.
7. Nulla inveterata consuetudo Episcopos à residentia excusare potest.
8. Synodus Tridentina veteres Canones circa residentiam tanquam nunquam abrogatos innovat.
9. Nulla eminentia personæ Episcopum à residentia eximit.
10. Residentia mere corporalis non sufficit, sed debet esse laboriosa.
11. Ipsum verbum RESIDERE id etiam importat.
12. Canones loquuntur non de residentia otiosa, sed laboriosa.
13. Etiam Pastores mercenarii corporaliter resident, & de hac re discursus Bartholomæi De Martyribus.

### 14. Decretum Synodi Aquilejensis contra otiosam residentiam Episcoporum.

I. Juxta inveteratam & hæcenus conservatam Ecclesiæ disciplinam, Episcopi singuli in sua Ordinatione certæ Ecclesiæ deputantur, in qua actualiter officium Episcopale obeant; è qua particulari deputatione & applicatione sat patenter oritur ipsa Episcoporum in sua Ecclesia residendi necessitas.

Cum enim quis ad Episcopatum promovetur, una sit Pastor & Minister; Christi que locum in Ecclesia accipit in ea parte, in qua legitime fuerit per Ecclesiam constitutus; quæ omnia cum sint personalia ipsis personis alligata, residentia personalis obligationem secum trahunt.

II. Quapropter Synodus Tridentina residendi necessitatem Episcopis aliisque Ecclesiarum Rectoribus persuadere & inculcare volens, munia illa personalia Episcopis aliisque Ecclesiarum Rectoribus incumbentia proponit; atque ex illis obligationem residentia sua sponte profluentem educit. "Cum præcepto Divino" mandatum sit omnibus, ait, quibus animarum cura commissa est, oves suas agnoscere, pro his sacrificium offerre; verbique Divini prædicatione, Sacramentorum administratione, ac bonorum omnium operum exemplo pascere, pauperum aliarumque miserabilium personarum curam paternam gerere, & in cætera munia Pastoralia incumbere; quæ omnia nequaquam ab iis præstari & impleri possunt, qui gregi suo non invigilant nec assunt, sed mercenariorum more deserunt: Sacrosancta Synodus eos admonet & adhortatur, ut Divinorum Præceptorum memores, factique forma gregis, in judicio & veritate pascant & regant. Sess. 23. cap. 1.

III. Itaque eodem titulo, eodemque jure obligari Episcopos ad residendum credit Synodus, quo eis injunctum est, iis incumbere, quibus sine personali apud gregem residentia satisfacere nequeunt.

IV. Nemo proinde miretur, uti ex Cajetano refert Fagnanus ad cap. Ex Parte de Cleric. non resid. num. 21. quod "nullus Antiquorum contradicebat, quin Pastores animarum tenerentur præcepto Divino ad personaliter residendum. Quam Veterum sententiam contra quosdam Neotericos solidissimis ac convincentibus rationibus astruit ibidem Fagnanus: una advertens & ostendens, quod licet Synodus Tridentina eam sententiam verbis in terminis expressis, ut ajunt, non definiverit, nihilominus sufficienter eam in allegatis verbis insinuerit, & virtualiter declaraverit: declarando nimirum, quod illa omnia, quæ præcepto Divino Episcopis aliisque curam animarum habentibus incumbunt, nequaquam ab iis præstari & impleri possint, qui gregi suo non invigilant neque assunt; sed mercenariorum more deserunt.

V. Et sane residendi necessitatem non ex Ecclesiæ positivis Decretis, sed ipsis Sacris Litteris, & ipso Pastoralis officio Patres adstruxerunt.

"Nolli (inquit S. Athanasius ad Constantium Imperatorem) ex lectione Scripturarum, quanti sceleris sit Episcopum Ecclesiam suam deferere, & negligere gregem Dei. Pastorum enim absentia lupis invadendi gregis occasionem præstat. Si fugissem, quam exultationem apud veros Episcopos, vel potius apud eum, qui mihi hunc gregem credidit, habuissem? Apol. ad Constantium.

VI. Nec obstat si dicatur: Episcopi possunt hæc munia exercere per Vicarios & alios Episcopos pauperes: quoniam, ut verbis utar Cajetani relatis à Fagnano loco citato, num. 44. "Abusio est detestabilis, ut pauper Episcopus relicta sua Ecclesia alteri deferat: cum singuli Episcopi teneantur ad hæc omnia per se explenda in sua Diocesi.

Insuper Episcopus pauper vel titularis non est proprius

prius hujus populi Pastor; sed alienus; „at grex à Domino jubetur pasci per proprium Pastorem; non per Mercenarium ad quem non pertinet de ovibus: „ait enim Dominus Joan. 10. *Qui autem intrat per ostium Pastor est ovium; ejus vocem oves ejus audiunt; & proprias oves vocat nominatim, & educit eas. Et cum proprias oves emisit, ante eas vadit, & oves illum sequuntur, quia sciunt vocem ejus; alienum autem non sequuntur, sed fugiunt ab eo, quia non noverunt vocem alienorum.*

Hæc ibi: „Pondera singula verba, (ait Fagnanus n. 49.) quæ evidentè demonstrant, officium Pastoris animarum esse omnino personale ex præcepto Evangelico, nec posse ex sui natura per alium adimpleri.

Adhæc, quid certius, uti rursus advertit Fagnanus, quam in electione ad Episcopatum considerari industriam & qualitates personæ? In his autem in quibus personæ industria requiritur, & attenditur, operam vicariam non admitti in confesso est: Unde merito hic applicatur dictum S. Bernardi relatum ab Hostiensii in *esp. EXTIRPANDA* & de præb. *Qui per Vicarium inseruit, per Vicarium remunerabitur.*

VII. Quemadmodum ergo nulla, quantumvis inveterata consuetudo seu potius corruptela efficere potest, quin Episcopi debeant attendere sibi & universo gregi, in quo eos Spiritus Sanctus posuit regere Ecclesiam Dei; Act. c. 20. v. 28. nec non, implere, quod ipsis in persona Timothei dixit Apostolus, 2. Tim. c. 4. v. 5. *Tu vero vigila; in omnibus labora, opus fac Evangelistæ, ministerium tuum imple*, ita nec consuetudo sufficiens est, ut à residentia, sine qua illa præstari nequeunt, excuset.

VIII. Unde Synodus Tridentina sciens Canones residentiam Episcopis præscribentes, jus Divinum potius, quam positivum continere; ideoque hac in parte consuetudine quidem conculcari, sed aboleri haud posse, non dubitavit, antiquos Canones, qui temporum atque hominum injuria pene in desuetudinem abierant, ad versus non residentes promulgatos innovare; quem admodum, ait, virtute præsentis Decreti innovat. „*Sess. 6. cap. 1. de reform.*

IX. Ut tempore lapsus, ita nec personæ eminentis qualitas à gregis sui custodia & Pastoralis sollicitudine, ac consequenter neque à residentia, eximere Episcopos sufficit.

Quod probans Synodus Tridentina declarat, „omnes Patriarchalibus, Metropolitanis ac Cathedralibus Ecclesiis quibuscumque, quocumque nomine & titulo Præfectos, etiam si Sanctæ Romanæ Ecclesiæ Cardinales sint, obligari ad personalem in sua Ecclesia vel Diocesi residentiam, ubi injuncto sibi officio defungi teneantur. „*Sess. 23. cap. 1. de reform.*

X. Verum, quia ipsa Episcoporum residentia corporalis, parum prodesset, nisi etiam residentes se Pastores & Rectores gregis sibi commissi ostenderent; atque ea obirent, ob quæ ipsa personalis residentia præcipue exigitur, merito Synodus Tridentina necessitatem residendi inculcans; Canonesque adversus non residentes innovans; aliaque pro eorum meliore executione adjungens, omnes Patriarchalibus, Metropolitanis, & Cathedralibus quibuscumque, quocumque nomine ac titulo præfectos monet ac monitos esse voluit, (*Sess. 6. cap. 1. de reform.*) „*ut attendentes sibi & universo gregi, in quo Spiritus Sanctus posuit eos regere Ecclesiam Dei, quam acquisivit sanguine suo, vigilent, sicut Apostolus præcipit, in omnibus laborent, & ministerium suum implant: implere autem se nequaquam posse sciant, si greges sibi commissos, mercenariorum more deferant, atque ovium suarum, quarum sanguis de eorum est manibus à supremo Judice requirendus, custodia minime incumbant; cum certissimum sit, non admitti Pastoris ex-*

„*cusationem, si lupus oves comedit & Pastor nescit.* Et in alio suo de residentia Episcoporum Decreto, non solum ex officio Pastoralis Episcopis incumbente, residendi necessitatem consequi ostendit, sed insuper declarat, eos obligari ad personalem in sua Ecclesia vel Diocesi residentiam, ubi injuncto sibi officio defungi teneantur.

Ex his perquam manifestum est, non localem & corporalem duntaxat præsentiam requisivisse Synodum; dum Episcopos ad residentiam obligari declaravit, & edixit; sed laboriosam, id est, ut tanquam veri Pastores gregi suo attenderent & invigilarent, in omnibus laborarent, & ministerium suum implerent; atque ovium suarum, quarum sanguis de eorum est manibus à supremo Judice requirendus, custodia incumbant, easque à lupis defendant & præservent.

XI. Quin & ipsum verbum *residere*, uti post alios Canonistas notat Fagnanus de residentia Canonorum differens, „accipiendum est cum effectu, id est, Ecclesiæ in divinis Officiis deservire: Nam residentia debet esse laboriosa, non desidiosa; cum Beneficia ad divinum cultum & Ecclesiastica munia obeunda sint constituta. „*Ad cap. LIET & de præbend. num. 23.*

XII. Quapropter si expendantur Canonum atque SS. Patrum de necessaria Pastorum, ac præsertim Episcoporum residentia, dicta & Decreta universa, apparebit, non mere localem ac otiosam apud gregem præsentiam, sed laboriosam & invigilantem urgeri & desiderari.

Unde nec Ecclesia in Ordinatione, seu consecratione Episcopi tantum ad residentiam, sed ad laborem Episcopos mittit, dum Ordinando dicit: *Vade & prædica populo tibi commisso*: Quasi diceret, non tantum ad populum vade, sive accede, ut præsens eis sis, sed prædica, id est, labora, uti infra latius exponetur.

XIII. Et quid magnum esset, nudam ac sterilem residentiam seu præsentiam Episcoporum obtinere, cum hæc in illis, quos Christus odioso nomine *Mercenariorum* exagitat, etiam reperitur? Ni enim gregi suo adessent, non dicerentur fugere, dum vident lupum venientem; quemadmodum pie & docte advertit Bartholomæus De Martyribus Archiepiscopus Bracarensis, *Vir* (fatente Palavicino lib. 15. *hist. Com. Trid. cap. 11.*) *sanctitate doctrinaque spectabilis*, dum in ipso Concilio Tridentino super formando Decreto de residentia Episcoporum suum suffragium depromeret. Discursum dignum judico, qui in gratiam Lectoris integer hic referatur.

„Ex Prælati plures, qui ante me locuti sunt, plus satis & magno numero exhibuerunt loca Conciliorum & SS. Patrum, speciatimque S. Thomæ, è quibus videre est, residentiam Pastorum & indispensablem, & juris Divini esse. Sed si quod in animo est, mihi licet verbis enuntiare; infelices pro festo videmur, quod super hoc negotio sententiam proferre debeamus. Quo enim, heu! Ecclesia reducta est, si illi ipsi, quos Deus protectores & custodes ejus constituit, incumbant ipsis obligatio cum ipsa fideliter remanendi, in dubium revocent? Intolerabile nobis foret, si quispiam vel dubitaret solum, teneaturne fidelis famulus parvulis suæ curæ commissis, Pastor gregi suo, vel mater filio, quem lactat, fideliter adherere; & dubitamus, an Deus, qui curam commisit nobis filiorum suorum, quorum, teste Paulo, simul & Pastores & patres & matres sumus, indispensable vinculo ipsis adherendi nos adstrinxerit? Pastores vocat S. Ambrosius Vicarios amoris Christi, *vicarii amoris Christi*; vultque, quemadmodum Christus ipsos hæredes effecit Sacerdotii sui, ita fiant & imitatores perfectæ ejus charitatis. Propterea à sancto Petro, & in Petri persona ab omnibus Pastoribus, antequam Pastorem „agne-

agnorum suorum eum constituat, triplicem amorem exposcit. An ergo dubitabimus, teneamur ne cum illis manere, pro quibus omni momento ipsam etiam animam ponere paratos nos esse oportet? Disceptamus an nostra praesentia ipsis debita sit, qui tamen diffiteri nequaquam possumus, vitam nostram ipsorum magis quam nostram esse. Qui igitur audent quidam praetendere, in his nos & nimis multa ex petere & quodammodo excedere? E contrario hac super re dicere nobis licet, quod dicebat olim Divus Bernardus Eugenio Pontifici: *Non fortia loquimur, sed possibilia: non exhibemus hic quod maxime perfectum est; sed tantum quod possibile.* Ne nobis ab blandiamur, ne nos ipsos decipiamus, maximum malum, & velut existimamus, magnum crimen Episcopo est, non residere; sed hinc non sequitur, laudabile esse valde, quod residetur. Ita non laudatur propterea famulus, quod semper adsit hero suo, nec Gubernator, quod suum locum non deferat, neque Medicus, quod aegro suo fideliter assistat. His quidem omnibus necessaria est praesentia, ut officio suo fungantur, sed sola non sufficit, aliae insuper conditiones desiderantur, quas assidua illa, & exterior praesentia supplere non potest. Dum ergo optamus ut residentia stabilietur tanquam indispensabiliter trahens secum obligationem, non requirimus, ut Ordo Episcopalis primarum & antiquae suae perfectioni restituatur, quemadmodum dicunt quidam nos vel le; sed solummodo, ut ab eo maxima & maxime omnium pudenda exulet inordinatio: maxime, inquam, omnium pudenda: cum Pastores infra ipsammet mercenariorum conditionem, quae tamen & coram Deo & coram hominibus adeo contemptibilis est, deprimat, deturbetque. Propterea gemens & suspirans, ait, quidam Ecclesiae Pater, *dammat Saluator Pastores mercenarios*, sed utinam Ecclesia hodie vel mercenarios haberet, qui eam regerent. Mercenarius enim, saltem prout eum nobis exhibet Evangelium, *apud gregem suum manet*, cum fugiat dum videt lupum venientem, qui certe non fugeret, nisi ovibus adesset. Sed hodie Pastores, ut gregem suum deferant, non expectant donec veniat lupus, quasi ad eos nihil de ovibus pertineat, propria sponte dimittunt, nihil solliciti, an hostis ille animarum eas dispergat, capiat, dilaniet, nec ne. Praeveniunt illi inhumanitate & negligentia sua, quod mercenarii non nisi timentes & periculo tam propinqui exequuntur. Insuper mercenarius, ut loquitur Augustinus, etiam dum fugit apud gregem manet: fugit enim a facie Dei, non a loco in quo est, dum innocentiam & veritatem deserit, dum timiditas, quam possidet, linguam alligat, impeditque ne & agat & loquatur ut eas defendat. *Fugisti, quia tacuisti*, inquit iste Sanctus, *tacuisti, quia timuisti*. Amoveamus igitur ab Ecclesia tam ignominiosum opprobrium. Ne sinamus, ut Episcopi, qui eam regunt infra mercenarios ipsos deprimantur; dicamus sincere, residentiam & iuris divini esse & indispensabilem. Lachrymas abstergamus Ecclesiae matris nostrae, quae undequaque filios suos a patribus derelictos circumspicit. Sistamus tandem tam horrendam inordinationem & dissolutionem, quae tam multarum aliarum fons est & origo, ne, si adhuc dissimulemus; dum Deus eam in ira sua considerat, dum eam probi omnes cum gemitu deplorant; dum eam irrident haeretici; de Ecclesia dicatur, quod plaga eius incurabilis facta sit & desperata; cum nec mala sua, nec remedia perferre valeat. Extat in eius vita Gallicè conscripta lib. 2. cap. 11.

XIV. Concludamus ergo cum Patribus Concilii Aquilejensis anni 1596. Tit. de resid. Episcoporum, Quod de residentia Episcoporum a Sacro Tridentino Concilio & summorum Pontificum Constitutionibus cautum est, hoc non est intelligendum, ut praesentia assideant, nihil praeterea agant: cum ex

Sacris Canonibus residentia sit accipienda, in eum sensum, ut sit *laboriosa, non otiosa*. Id quod duobus praesertim Tridentinae Synodi verbis egregie exprimitur, ut *pascant & regant*: quorum primum ad vitae innocentiam, ad salutaris verbi praedicationem, ad Sacramentorum administrationem, & bonorum operum exemplum pertinet: secundum, ad disciplinam restituendam, ad mores purgandos & juris Ecclesiastici ditionem, ad bonorum laudem & vindictam maiorum sustinendam spectat. Utrumque si praestiterint Episcopi, satis illa, quae sunt Episcopalis muneris, videbuntur praestitisse & impleisse.

## CAPUT IX.

De legitimis causis absentiae Episcoporum a suis Diocesis.

1. Interdum Episcopus plus potest prodesse absens quam praesens.
2. Bonum universalis Ecclesiae interdum absentiam requirit.
3. Synodus Tridentina nonnullas absentiae causas probat.
4. Quinam ex Decreto Concilii Tridentini de causa absentiae cognoscere debeant?
5. Indulgentia absentiae est quaedam species dispensationis.
6. Regulae observandae in dispensatione, etiam hic servari debent.
7. Notandum hac de re Concilium Toletanum anni 1566.
8. Bonum Ecclesiae universalis non est legitima absentiae causa, si illud per alium procurari possit.
9. Residentes in Curia Romana & Curiae Principum non semper a residentia excusantur.
10. Synodus Tridentina permittit Episcopis duorum vel trium mensium per annum absentiam.
11. Ut licite hac licentia Episcopus utatur, debet subesse iusta causa; quae an subsit, ejus conscientiae relinquitur.
12. Cavendum ne in solennioribus Festis ab Ecclesia sua absit.
13. Quando corporaliter abesse coguntur, curam tamen gregis sui negligere non possunt.
14. Quando nam ob imminens persecutionem Episcopi Ecclesiam suam deferere possint?
15. Quinam spiritualiter fugere censeantur, licet corporaliter suo gregi assistant?
16. Quomodo hodie plures fugiant, & deferant spiritualiter gregem suum, & lupis exponant?

I. Episcopos aliosque curam animarum habentes, tamen *jure divino* ad residendum in suis Ecclesiis, sive Diocesis vel Parochiis; ubi juncto sibi officio desungi queant, in praecedentibus ostendimus; una quoque probavimus ex mente Ecclesiae residentiam requiri non merè corporalem & otiosam, sed *laboriosam*, id est, in Ecclesiae & gregis sibi commissi utilitatem ac profectum.

Si ergo Episcopus, aut Pastor suam absentiam interdum queat plus Ovibus suis prodesse, quam corporali suae praesentiae; indubie intentioni Ecclesiae requirentis residentiam contra irret, si tali casu localem praesentiam absentiae corporali praeferret.

II. Adhuc, cum bonum universalis Ecclesiae nunquam praeferi debeat commodo particularis Ecclesiae, contingere quoque potest, ut particularis Ecclesia debeat corporali sui Pastoris praesentia, etiam si cum aliquo forsitan suo incommodo, carere, si id bonum nobile universalis Ecclesiae exigit.

III. Hinc Synodus Tridentina, postquam omnes quaecumque dignitate, etiam Cardinalitatis fulgentes, Patriarchalibus, Primatialibus, Metropolitanis ac Cathedralibus Ecclesiis Praefectos ad residentiam obstrictos dixit,



dixit, declarat quidem eos ab Ecclesiis hanc posse abesse, sed cum hac clausula: "Nisi ex causis & modis infra scriptis," id est: "cum Christiana charitas, urgentis necessitas, debita obedientia, ac evidens Ecclesiae vel Reipublicae utilitas aliquos nonnumquam abesse postulant, & exigunt."

IV. Verum num Christiana charitas, urgentis necessitas, aut evidens Ecclesiae, aut Reipublicae utilitas absentiam requirant, Synodus nonnisi proprio Episcoporum judicio permittere; sed decernit: "Has legitimae absentiae causas à Bonissimo Romano Pontifice, aut à Metropolitano, vel eo absente, Suffraganeo antiquiori residente, qui idem Metropolitanus absentiam probare debebit, in scriptis esse probandas; nisi cum absentia inciderit propter aliquod munus & Reipublicae officium, Episcopatus adjunctum; cujus quoniam causae sunt notoriae, & interdum repentinae, ne eas quidem significari Metropolitano necesse erit; ad eundem tamen cum Concilio Provinciali spectabit judicare de Licentia à se, vel à Suffraganeis datis; & videre, ne quis eo jure abutatur; & ut poenis Canonis errantes puniantur."

V. Porro, quia indulgentia absentiae, quaedam est quasi dispensatio in regula, quae residentiam praescribit; ideo qui causis absentiae examinandis praesunt, quique iis uti volunt, regulas in materia dispensationum à Patribus & Sacris Canonibus praescriptas & traditas attendere & observare debent.

VI. Debeat itaque ante omnia expendere, num bonum, quod ex absentia proventurum speratur, praevalere incommodis, quae Pastoris absentia secum trahere nata est, quam regulam in dispensationibus sequendam post Patres & SS. Canones tradidit doctissimus ac sanctissimus Canonum Collector S. Ivo Carnotensis in suo erudito Prologo, qui Decreto praefixus est: "In his, ait, quae propter rigorem disciplinae vel muniendam salutem Posteriorum sanxit diligentia, si honesta, vel utilis sequatur compensatio, potest praecedere auctoritate Praesidentium diligenter deliberata dispensatio." Id est, si incommodum quod secum trahit Canonum infractio, compensetur per bonum quod ex dispensatione proventurum speratur, honesta ac utilis sequatur dispensatio.

VII. Sapientissimè proinde Patres Concilii Toletani anni 1566. *act. 2. Decreto 1.* declarant conformiter ad Synodum Tridentinam, "quod non quavis causa, quae vel ad Christianam charitatem, urgentem necessitatem, debitam obedientiam, evidentem Ecclesiae vel Reipublicae utilitatem cuiquam pertinere videbitur, à residentia excusare debeat: sed ea tantum, quae Superioribus diligentissimo examine, maturo judicio, ex illa quae censura sic probata fuerit, ut verè seclusa omni indulgentia, aliqua ex praedictis ratione, dubio procul iusta sit omnino censenda: atque ei utilitati, quae ipsius Pastoris praesentiam exigit, & quae non potest non esse publica, sit nihilominus praefenda."

VIII. Adhuc expendendum, num illud bonum, quod absens Episcopus Ecclesiae, aut Reipublicae praestat, per alium curae animarum non incumbentem, haberi nequeat.

Si enim bonum Ecclesiae aut Reipublicae, quod ex absentia Episcopi speratur, aliunde haberi non minus queat, causa sufficiens non erit legitimae absentiae; quandoquidem non requiratur absentia Episcopi eo casu, ut bonum illud Ecclesiae procuraretur; cum supponatur sine ejus absentia illud haberi per alium posse.

Huic principio insistens Cardinalis Cajetanus, quem refert & sequitur Fagnanus *ad cap. Ex parte de Clericis non resid. Num. 85.* docet, distinctione opus esse, ut resolvarur, an negotium utile Ecclesiae aut Reipublicae sit legitima causa non residentiae Episcopalis; utrum nimirum, "negotium universalis Ecclesiae sit necessarium exigens Episcopum, vel non: nam si negotium

necessarium exigit Episcopum, ut ire ad Concilium generale, vel Synodum Provinciale, quae etiam se habet ad Ecclesiam Episcopalem ut totum ad partem; constat, quod rationalis est absentia: sed si negotium universalis Ecclesiae non necessarium exigit Episcopum, puta quia persona Episcopi habet officium, quo oportet ipsum universalis Ecclesiae servitio perpetuo personaliter Romae deservire, v. g. est Secretarius Sedis Apostolicae, vel Auditor Rotae, aut hujusmodi: non ex hoc excusatur à residentia quoad Deum.... Et quia servitium quaedam, ut ire ad Synodum, sunt manifeste in articulo necessitatis Ecclesiae universalis, vel Provincialis, servitium autem, quae Romae in hujusmodi officiis exhibentur, nulla necessitate communiter exigunt, ut Episcopi incumbant talibus officiis, sed sunt tales in Ecclesia Dei, velut monstra in natura: ideo non excusantur à residentia. Et si instetur, quod residentes in Ecclesia communi, qualis est Romana, censentur ubique residere: Respondetur, quod si hoc est verum *fictio juris positi* quod Jurisista relinquo, non tamen est verum quoad Deum.

IX. Haec post Cajetanum Fagnanus; qui *ad cap. Quarta eod. num. 13.* refert expostulationem Cardinalis de Turrecremata contra Episcopos in Aulis Principum, & Curia Romana perpetuo residentes.

"Turpe est, ait, ut Episcopi se inferant ad servitium Imperatoris, vel alterius Principis secularis, & deserant causam subditorum, & officia devotionis. Hoc non facerent, si mortem spirituales timerent, & intelligerent se reddituros rationem de ovibus suis Deo summo Judici. Utinam etiam de Curia Romana hoc in parte observaretur, in qua plures Episcopi conveniunt non devotionis gratia, sed ambitionis spiritu propulsati, ut altiora quaerant, aut beneficia addant beneficiis, aut honores honoribus, utque officia & legationes quaerant, quae curae animarum sibi commissarum adferunt plurimum impedimenti! Utinam summi Pontifices considerarent, quanta negligentia circa animas committitur ex absentia Praelatorum ab Ecclesiis suis!

Eundem de Episcopis à sua Diocesi absentibus, & in Curia Romana honoribus & beneficiis aucupandis intentis, ab usum exagitavit saeculo praeterito Gentianus Hervetus, epistola ad Salmironem S. I. in qua introducit Episcopum alloquentem Pontificem in haec verba: "Quam verò hoc est miserandum & planè deplorandum, quod cum in Italia tot sint Dioceses, vix tamen vigesimus quisque Episcopus in sua Ecclesia resideat, & populum pascat! Neque verò hoc te fugere potest, Beatissime Pater, cum omnes ferè, qui Romae in Aula tua Magistratus gerunt, & munera obtinent, ex eorum sint numero, & diebus festis in tuo Sacello tantum eorum videre possis multitudinem, ut ferè ex eis iustus conscribi possit exercitus.

Cardinalis Bellarminus proponens Clementi VIII. quaedam in Ecclesia reformanda, inter cetera residentiam Episcoporum quoque urgebat; praecipue eorum, qui ad longum tempus à Diocesi suis absunt ob Nuntiatas eis à Pontifice demandatas; vel ob negotia & munia politica, quibus sunt implicati; aut denique, ob officia & ministeria in Curia Romana, quae per alios quam Episcopos exerceri possunt. Quia tamen ad tempus aliquod ex iusta causa Pontifex Episcopos à residentia eximere queat, non dubitabat Bellarminus: "Fateor quidem, ait, aliquos Episcopos à residentia per obedientiam excusari: neque istud inficior summum Pontificem certis de causis, atque ad tempus Episcopos aliquos à residentia eximere. Sed nescio, an Deo placeat, ut tantus numerus Episcoporum tam longo tempore cum tanto animarum detrimento, à propriis Ecclesiis absit: quos certè suo muneri satisfacere non posse perspicuum est.

Illud praeterea indubitatum est, causam absentiae

ed debere esse majorem & urgentiorem, quo absentia est diuturnior.

X. " Quoniam autem, qui aliquantisper tantum ab-  
sunt, ex veterum Canonum sententia non videntur  
abesse, quia statim reversuri sunt: Sacrosancta Syno-  
dus (Tridentina) vult, illud absentiae spatium singu-  
lis annis sive continuum, sive interruptum, extra  
praedictas causas, nullo pacto debere duos, aut ad  
summum tres menses excedere; & haberi rationem,  
ut id aequa ex causa fiat, & absque ullo gregis detri-  
mento: quod an ita sit, abscedentium conscientiae  
relinquit, quam sperat religiosam & timoratam fore,  
cum Deo corda pateant. Cujus opus non fraudu-  
lenter agere, suo periculo tenentur.

XI. Concedit ergo Synodus, conformiter ad vete-  
res Canones, ut Episcopus aliquantisper abesse queat,  
si nimirum fuerit iusta causa, quae absentiam postulet;  
idque etiam ad duos vel tres menses; quia & in hac duo-  
rum aut trium mensium absentia iustam causam requirit  
Synodus; ita tamen ut ipsorummet Episcoporum con-  
scientiae relinquant, num iusta ac sufficiens subsit causa  
temporis illius absentiam postulans; ipsique secum ex-  
pendant, num eam coram summo Pastore, cui de cu-  
ra suarum Ovium exactam rationem reddere tenebun-  
tur, sufficientem probare poterunt.

XII. Interim ipsos admonet, & in Domino hortat-  
ur, " ne per illius temporis spatium *Dominici Adven-  
tû, Quadragesimae, Nativitatis, Resurrectionis Do-  
mini, Pentecostes*, item & *Corporis Christi* diebus,  
quibus refici maxime & in Domino gaudere Pastor  
praesentia Oves debeant, ipsi ab Ecclesia sua *Cathe-  
drali* ullo pacto absint; nisi Episcopalia munia in sua  
Dioecesi eos aliò vocent.

XIII. Illud etiam cogitent Episcopi à grege suo ius-  
ta de causa absentes, ut si corpore adesse nequeant,  
affectu tamen, & curâ, quantum fieri potest, semper  
adint; ad exemplum S. Augustini, qui de sua absentia  
ita ad Clerum & populum Hipponensem scribit: "Pe-  
to charitatem vestram, & per Christum obsecro, ne  
vos mea contrister absentia *corporalis*. Nam spiritu  
& cordis affectu puto vos non dubitare nullo modo me  
à vobis posse discedere: quamvis me amplius contri-  
stet, quam fortè vos ipsos, quòd infirmitas mea suf-  
ficere non potest omnibus curis, quas de me exigunt  
membra Christi, quibus me & timor ejus, & chari-  
tas fervire compellit.

XIV. Hæc Augustinus *epist. 122. qui epistolâ 228.*  
ad Honoratum suum inquit, & doctè ac pie resolvit,  
quando Episcopis, aliisque Pastoribus ob imminentem  
persecutionem fugere liceat; atque imprimis hanc assignat  
regulam: " Fugiant omnino de civitate in civita-  
tem, quando eorum quisquam specialiter à persecu-  
toribus quaeritur, ut ab aliis, qui non ita requiruntur  
non deferatur Ecclesia, sed praebeant cibaria conservis  
suis, quos aliter vivere non posse noverunt. Cum  
autem omnium, id est Episcoporum, Clericorum, &  
Laicorum est commune periculum, si qui alius indi-  
gent, non deferantur ab his quibus indigent. Aut igitur  
ad loca munim omnes transeant, aut qui habent  
remanendinecessitatem, non relinquantur ab eis, per  
quos illorum est Ecclesiastica supplenda necessitas, ut  
aut pariter vivant, aut pariter sufferant, quod eos  
Paterfamilias vult perpeti.

Post hæc, sermonem vertit ad eos, " Qui sibi putant  
indifferenter obtemperandum esse præcepto, ubi la-  
gunt; de civitate in civitatem esse fugiendum; & mer-  
cenarium non exhorrent, qui videt lupum venien-  
tem & fugit, quoniam non est ei cura de ovibus.  
Cur, inquit, non istas duas Dominicas verasque sen-  
tentias, nam scilicet, ubi fuga finitur aut jubetur,  
alteram, ubi arguitur atque culpatur, sic intelligere  
student, ut inter se reperiantur non esse contrariae,  
sicut non sunt? Et hoc quomodo reperitur, nisi atten-  
datur, quod jam superius disputavi, tunc de locis in

Tom. I.

quibus fuimus, premente persecutione, fugiendum  
esse Christi ministris; quando ibi aut *plebs* Christi non  
fuerit, cui ministraretur, aut etiam fuerit, & potest  
impleri per alios necessarium ministerium, quibus ea-  
dem non est causa fugiendi.

Sed fortè quis dicat. " Ideò debere Dei ministros fu-  
gere talibus imminetibus malis, ut se pro utilitate  
Ecclesiae, temporibus tranquillioribus servent. Res-  
pondet Augustinus: " Rectè hoc fit à quibusdam, quan-  
do non desunt alii per quos suppleatur Ecclesiasticum  
ministerium, ne ab omnibus deferatur; quod fecit  
se Athanasium supra diximus.... Sed quando est  
commune periculum, magisque timendum est, ne  
quisquam id facere credatur, non consulendi volun-  
tate, sed timore moriendi, magisque fugiendi obfit ex-  
emplo, quam vivendi profit officio, nullâ ratione fa-  
ciendum est.

XV. Hastenus Augustinus; quæ forsan nonnullis vi-  
debuntur hodiè rarò aut nunquam locum habere; ut-  
potè Tyrannorum persecutione haud fervente; at cum  
eodem Doctore advertamus, Pastorem illum etiam esse  
mercenarium & specialiter fugere, qui publicos pecca-  
tores, & in grege grassantes arguere timet, " ne scili-  
cet perdat quod secutur, humana amicitia commodi-  
tatem, & inimicitiarum humanarum incurvat mole-  
stiam, tacet, non corripit. Ecce Lupus ovi guttur  
apprehendit: diabolus fideli adulterium persuasit, tu  
taces, non increpas: ò mercenarie, Lupum venien-  
tem vidisti & fugisti. Respondet forte & dicit: Ec-  
ce hic sum, non fugi. Fugisti quia tacuisti: tacuisti,  
quia timuisti. Fuga animi timor est. Corpore ste-  
tisti, spiritu fugisti. " *Tract. 46. in Joan. num. 8.*

XVI. Hanc spirituales fugam, frequenter non mi-  
nus perniciosam quam corporalem, si seriò expende-  
rimus; facile deprehendemus plurimos hodiè merce-  
narios esse, qui videntes Lupum venientem, imò & in  
grege suo crudeliter grassantem, fugiant, id est *tacent*;  
idque hoc prætextu, quod Lupis se opponendo, vitia  
arguendo, peccantes pro merito increpando & punien-  
do, Magnatum vel Principum indignationem incur-  
rant; atque ita inidoneos se reddant, ut profint gregi  
suo.

## CAPUT X.

Præcipuum munus Episcoporum est Prædicatio  
verbi Dei.

1. Apostoli arbitrati sunt præcipuum munus suum esse prædicare verbum Dei.
2. Quare Apostoli per se officium prædicandi, & per alios officium baptizandi obirent?
3. Synodus Tridentina iteratò declarat Episcopos per se ipsos teneri ad prædicandum verbum Dei.
4. Idem fortiter inculcat S. Carolus.
5. Eandem obligationem urgent Synodi Belgica.
6. Nulla consuetudo Episcopos ab hac obligatione eximere potest.
7. Non sufficit ad satisfaciendum huic obligationi aliquoties per annum publice concionari.
8. Episcopi præcipue intendere debent, ut populus rite sit instructus.
9. Instructioni Cleri & populi servire possunt Instructiones & Epistolæ Pastorales.
10. Hoc egregiè præstitit S. Carolus.
11. Expenditur Epistola ejus Pastoralis pro orationis in communi agenda instituto, in singulis familiis tem-  
pore vespertino instituenda.
12. Notanda ejus Epistola pro tempore Adventû & Qua-  
dragesimæ.
13. Episcopus nihil omittere potest, quod ad instructio-  
nem populi sit necessarium.

S

I. Præ-

**L** **P**RAEPIUM: Apostolorum officium esse ministerium verbi, sive praedicationem Evangelii, sit declararunt Apostoli, dum convocata multitudo Discipulorum, dixerunt: „Non est æquum nos derelinquere „verbum Dei, & ministrare mensis. Considerate ergo, fratres, viros ex vobis boni testimonii septem, „plenos Spiritu Sancto, & sapientiâ, quos constituamus super hoc opus. Nos verò orationi, & ministerio verbi, instantes erimus. „Act. 6.

Et Apostolus Paulus audacter pronuntiat, *non misit me Dominus baptizare, sed PRÆDICARE*. 1. Corin. 1. 18. Et quid rursus aliud indicat vehemens ejusdem Apostoli ad hoc opus in persona Timothei exhortatio & adjuratio? *Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: PRÆDICA VERBUM, in qua opportune, importune: argue, obsecra, increpa in omni patientia, & doctrina.* 2. ad Timoth. 4.

II. Hinc S. Thomas advertit, „Quod utrumque „officium, scilicet docendi & baptizandi, Dominus Apostolis injunxit, quorum vicem gerunt Episcopi: „aliter tamen & aliter. Nam officium docendi commisit eis Christus, ut ipsi illud *per se* exercerent tantumquam *principalissimum*... Officium autem baptizandi commisit Apostolis, ut *per alios* exercendum. . . Et hoc ideo, quia in baptizando nihil operatur meritum & sapientia ministri, sicut in docendo. „3. part. 2. q. 67. art. 2. ad 1.

III. Utque infinita prope Patrum & Canonum dicta & Decreta, quæ hanc Episcoporum obligationem vehementissime urgent, sileam, Synodus Tridentina duobus locis iteratò inculcatum voluit, „Prædicationem „Evangelii, sive prædicationis munus esse Episcoporum præcipuum; eosque teneri *per seipsos* si legitime impediti non fuerint, ad prædicandum sanctum Jesu Christi Evangelium. „sess. 5. cap. 2. & sess. 24. cap. 4. de reform.

IV. Sanctus Carolus fidelissimus Concilii Tridentini executor in sua prima Provinciali Synodo parte 1. tit. 6. ita loquitur: „Apostoli in quorum locum Episcopi „successerunt, satis nobis aperuerunt, *verbi Dei prædicationem* esse præcipuum illorum munus, qui in Episcopali Sede collocantur. Quamobrem nos auctoritatem Sacrosancti Trident. Concilii & veterum Patrum secuti, in Domino Episcopos hortamur, ut *totò pectore* in hanc curam incumbentes, greges sibi commissos *ipsimet*, præsertim in Ecclesia sua, *verbo Dei pascant*. Quod si *levi* de causa aut quodam *animi languore* impediti non fecerint, sciant sibi prætermissi necessarij officij, Judici Deo præcipue rationem esse reddendam. Sin autem se interdum *verè* impeditos cognoverint, per viros idoneos, ex præscripto ejusdem Concilii deligendos, hoc munus studiosissime populo præstent.

V. Non minùs hanc obligationem urgent Patres Synodi P. II. Cameracensis tit. 17. cap. 2. „Et quia inter munia Episcopalia potissimas partes sibi meritò vendicat prædicationis verbi Dei, & ab Apostolis memoratè proditum sit, non esse æquum ipsos relinquere verbum Dei, & ministrare mensis; quantum fieri poterit, diligentiam adhibere studebunt Episcopi, ut negotiis secularibus sese expediant, etiam regiminis Episcopalis maximam partem doctis & prudentibus viris committendo, & rerum temporalium administrationem Oeconomo fideli concedendo, ut prædicationis officio sibi proprio liberius vacare possint. Quod si legitime impediti per seipsos id præstare non possint, alios viros doctos tum in suis Ecclesiis Cathedralibus, tum in aliis suæ Diocesis deputent, qui eorundem nomine hoc assidue præstent; saltem quoad dictas Cathedralis solemnioribus festis & tempore Adventus & Quadragesimæ, ut minimùm ter in septimana; horam autem, cum ipsemet Episcopus

„concionatur, sibi commodiorem præscribere possit, „non obstantibus quibuscumque.

Et Synodus P. II. Mechliniensis tit. 16. cap. 3. ait: „Inter cætera meminerint Episcopi oneris prædicationis verbi Dei.

VI. Nulla proinde consuetudo, nulla contraria mul-torum praxis, Episcopos ab hoc munere prædicationis eximere potest; sed eadem indispensabili lege, quæ salutem subditorum suorum procurare tenentur, eadem hoc prædicationis officium eisdem impendere jubentur: quia, ut ait Concilium Lateranense III. sub Innocentio III. in cap. 15. „de offic. Ordin. „inter cætera, quæ „spectant ad salutem populi Christiani, *pabulum Verbi Dei* permaximè sibi noscitur esse necessarium; quia sicut corpus materiali, sic anima spiritali cibo nutritur. Unde illud S. Ambrosii de semetipso: *Officium docendi nobis imposuit Sacerdotii necessitudo*. Lib. 1. Offic. cap. 1.

Synodus quoque Tridentina sess. 23. cap. 1. de reform. declarat, PRÆCEPTO DIVINO mandatum esse omnibus, quibus animarum cura commissa est, oves suas agnoscere... *verbiq; Divini PRÆDICATIONE pascere*.

Nequaquam ergo (ut etiam rectè advertit Fagnanus ad cap. INTER CÆTERA „de officio Ordinarii num. 12.) in his Episcopi possunt se excusare in vim contrariæ consuetudinis; quia cum sit contra præceptum Divinum, illa consuetudo reputari debet pro corruptela & abusu.

VII. Verùm cum præcipuus scopus hujus Pastoralis & Episcopalis muneris, sit debita populi instructio, id est, ut de omnibus, quæ ad salutem consequendam scitu sunt necessaria, sit plene instructus, Episcopus huic suo muneri haud satisfaciet, si v.g. aliquoties per annum publicè ex Cathedra concionetur; sed vel præcipue in hoc totis viribus incumbere debet, ut populum sibi commissum *per se*, quantum potest, aliosque instruat.

VIII. Hinc illæ Sanctorum ac zelosorum Episcoporum non tantùm frequentes ad populum & Clerum publicæ conciones & exhortationes, sed etiam continuæ per vicos & civitates, visitationes & cursationes, ut de populi & Cleri debitâ instructione informarentur, ac mediis opportunis, ubi defectum invenissent, providerent.

IX. Hinc quoque similium Episcoporum epistolæ Pastorales pietatè doctrinæque repletæ, quibus totam Diocesim longè latèque diffusam indefinenter quodammodo de præcipuis Religionis Mysteriis, & hominis Christiani Officiis instruebant.

Huc quoque referri possunt Instructiones, quas ad Cleri præcipue directionem emittebant & publicabant; ut hoc modo omnes non uno tantùm tempore certisque diebus, aut uno loco; sed semper & ubique, quantum possibile erat, instruerent & normam vivendi præberent.

X. Ex hoc Episcopali & verè Apostolico zelo, quo in suorum salutem ferebatur S. Carolus, prodierunt tot ejus doctrinæ & piissimæ Instructiones & epistolæ Pastorales, quas in magna copia exhibent Acta Ecclesiæ Mediolanensis, dignæ ut ab omnibus, præsertim Ecclesiasticis, legantur & ruminentur.

XI. Inter has verò valde notanda est, quam pro orationis in communi deinceps agendæ instituto, quæ in singulis familiis serotinis horis fieri poterit, emisit; atque per omnes suæ Diocesis parochias publicari fecit. Hic verus animarum zelator vivaciter ob oculos ponit orandi necessitatem atque unâ utilitatem præcipuam orationis in communi recitatæ: atque eum in finem mandat: „in civitate Mediolanensi, mediâ horâ circa novis initium (id est circa vespèram) pulsetur campana in Ecclesia nostra majori alisque, & ut in universa Diocesi idem à singulis Pastoribus eadem horâ observetur.

„ Quem.



„ Quamobrem adhortamur, pergit Carolus, pater-  
noque animo omnes & singulos rogamus in Domino,  
ut eo ipso quo campanæ signum pro oratione audie-  
rint, quisque domum suam devote se conferat, ea  
mente, qua credat non posse se nisi ex pietatis Chri-  
stianæ nævo & Religionis injuria ex tot diei horis tam  
pusillum temporis, ut seipsum colligat, & mundi  
hujus negotiis plene vacuo animo pro sua salute  
Deum alloquatur, non impendere. Patres-familias,  
quorum cura & periculo non propria modo, sed &  
domesticorum animæ committuntur, omnes è sua  
familia ad hanc orationem convocent, ita ut nulli  
serve, aut ancillæ, filius, aliisque ab ea abesse fas  
sit.

Post hæc subijcit materiam, circa quam ipsi orantes  
tempore hujus orationis occupari queant; atque deinde  
summarium adjungit, quo modus, ritusque habendæ  
hujus orationis latius exponuntur; ac inter cætera mo-  
det, quod „ cum opificibus, & officinarum Magistris,  
eorum famulis, & conductitiis operariis difficile sit,  
se tum domum suam recipere, poterunt in ipsis offi-  
cinarum operumque locis sese pro oratione, quam ibi ha-  
bent, colligere, magistrorumque erit subditos arti-  
fices, tyrones, operariosque in suis ædibus degentes,  
ut hoc quadrantis spatio vacent orationi, præstare.

Opus quidem ut communis hæc oratio ab omnibus  
simul eodemque tempore ad pulsus campanæ observe-  
tur; sed tamen si ob domesticum impedimentum ha-  
beri eo tempore nequeat, nequaquam tamen omitta-  
tur; sed hora proxime sequenti instituat, atque ad  
quadrantem saltem duret.

Hoc pium ac salutare Caroli institutum multum lau-  
dans Gregorius XIII. atque desiderans ut illud etiam  
extra Diocesim Mediolanensem longe lateque diffun-  
deretur, plures indulgentias huic orationis exercitio in-  
cumbentibus elargitus est; quæ Bulla Indulgentiarum  
una cum prædicta epistola Pastoralis refertur, in Actis  
Ecclesiæ Mediolanensis parte 7. pag. 906. & sequenti-  
bus, edit. Lugdunensis anni 1683.

Deinde sequuntur *Instructiones pro oratione sine inter-  
missione*, non minus piæ ac salutares; ubi inter cala-  
mitates quarum causa hæc oratio habetur, reponit  
hanc: „ Pro persecutionibus & damnis, quæ ab hæ-  
reticis Gallia & Belgium sustinent, cum tot anima-  
rum detrimento, sanctique nominis Dei dedecore.

Quidni ergo jure merito plures civitates, atque præ-  
cæteris hæc Lovaniensis hunc in Patronum assumant;  
eumque speciali cultu & fiducia colant & invocent,  
qui etiam vivens Belgii nequaquam oblitus est; & cu-  
jus precibus forsitan debemus, quod in Catholica fide  
conservati simus.

XII. Quia vero tempore Adventus & Quadragesimæ  
præcipue populus debet à suis Pastoribus instrui & ad  
pietatis exercitia excitari; epistolas Pastorales per uni-  
versam suam Diocesim misit, populoque prælegi iussit,  
quibus mysteria huius temporibus præcipue recolenda  
proponit; variaque Christianæ pietatis opera, quibus  
tempora illa utiliter traducantur, præscribit; quæ lectu  
dignissimæ cum aliis multis instructionibus & epistolis  
Pastoralibus, in citatis Actis referuntur.

XIII. Muneris ergo Episcopalis est, nihil omittere  
quominus populus sibi commissus sciat ea quæ necessa-  
ria sunt, ut salutem æternam assequi, & poenas æter-  
nas evadere queat: possitque ipse, consummatione sui  
cursus instante, dicere ad gregem sibi commissum ad  
exemplum Apostoli: *Vos scitis quomodo nihil subtraxe-  
rim utilium, quominus annuntiarem vobis, & docerem  
vos publice & per domos....., nec facio animam  
meam pretiosior quam me, dummodo consummum cur-  
sum meum & ministerium verbi, quod accepi à Domino  
Jesu, testificari Evangelium gratia Dei.* Act. c. 20.  
v. 28. 23. 24.

Tam. I.

## CAPUT XI.

Nullus sine auctoritate Episcopi publice prædicare  
potest.

1. *Olim nullus, nisi ex speciali commissione Episcopi, Verbum Dei populo annuntiare poterat.*
2. *Sicuti cura animarum, ita auctoritas prædicandi ab Episcopo in inferiorem Clerum diffunditur.*
3. *Synodus Tridentina supponit, neminem posse annun-  
tiare publice Verbum Dei, nisi auctoritate Episcopi.*
4. *Episcopus legitime impeditus deputat Concionatorem,  
qui ejus vices suppleat in Ecclesia Cathedrali; non  
obstante etiam consuetudine immemoriali.*
5. *Secus fit in Ecclesiis Cathedralibus, quæ simul sunt  
Parochiales.*
6. *Etiâ Parochi auctoritate Episcopi Verbum Dei an-  
nuntiant.*
7. *Olim auctoritas concionandi in omnibus Presbyteris  
erat revocabilis ad voluntatem Episcopi.*
8. *Aliud bodie obtinet respectu Parochorum: & quare?*
9. *Episcopus nequit bodie pro libitu Parochum suspende-  
re à concionibus.*
10. *Parochis legitime impeditis aut non sufficientibus,  
Episcopi est mittere Concionatores.*
11. *Episcopi quoque est mittere Concionatores pro Ad-  
ventu & Quadragesima, etiamsi esset contraria  
consuetudo.*
12. *Consuetudo tamen immemorialis potest nominatio-  
nem Concionatorum ad alios, etiam Laicos trans-  
ferre.*
13. *Quæ de nominatione Concionatorum dicta sunt, pro-  
bantur per Arresta Regia, & notoriam praxim  
Belgii.*
14. *Jus nominandi Concionatorem est simile juri patrona-  
tus ad Beneficia Ecclesiastica.*
15. *Super approbatione Regularium magna fuit inter  
Patres Concilii Tridentini concertatio.*
16. *Distinctio facta est inter Regulares concionantes in  
Ecclesiis suorum Ordinum, & concionantes in Ec-  
clesiis non suorum Ordinum.*
17. *Hæc distinctio non placuit Episcopo Felusano; eique  
in oratione publica multa opposuit.*
18. *Juxta Decreta Synodi Tridentina nequeunt Regu-  
lares etiam in Ecclesiis suorum Ordinum sine tacita  
saltem Episcopi licentia concionari.*
19. *Praxis S. Caroli circa licentiam concionandi in-  
dulgentiam Regularibus in Ecclesiis suorum Ordi-  
num.*
20. *Synodus Bituricensis requirit licentiam Episcopi, ut  
Regulares concionari possint in Ecclesiis suorum  
Ordinum.*
21. *Facultas concionandi data Secularibus aut Regula-  
ribus non habentibus Beneficia Curata, potest pro  
arbitrio Episcopi restringi ac etiam revocari.*
22. *Parochi ad concionandum admittere non possunt  
Regulares, nisi exhibita licentia Ordinarii in  
scriptis.*
23. *Episcoporum est intendere Concionatoribus, nec Ju-  
dices Regii impedire eos possunt in capienda informa-  
tione super doctrina ab illis proposita.*
24. *Propositio, quæ Judicibus Regiis attribuit potesta-  
tem approbandi Concionatores in defectum Episcopi,  
censurata.*

I. Num primis Ecclesiæ seculis soli Episcopi ser-  
monem ad populum habuerint, à multis in  
controversiam & quæstionem revocatum fuit. Illud  
equidem expeditum est, prædicandi munus pleno jure  
exercere, tanquam potiorum Apostolici muneris par-  
tem, Episcoporum esse proprium; neque illud un-  
quam Presbytero, aut Diacono, aut cuivis de Clero

sine Episcopi auctoritate licuisse. Quod observans Balsamon ad Canonem 64. Trullanum ait: "Populum Domini docere, & Divina Decreta interpretari, *solis Antistitis* à Divina Spiritus gratia concessum est, & eis quibus ab his permissum est.

Et ad Canonem 19. Trullanum notatum vult, "Quod populum docere *solis* Episcopis datum est, & magnæ Ecclesiæ Doctores Patriarchæ jure docent: Hoc est, ex commissione & auctoritate Patriarchæ.

Ita ex commissione Valerii Hipponensis Episcopi S. Augustinum adhuc Presbyterum ad populum sermonem habuisse, testis est Possidius in ejus vita *cap. 5.* Et de S. Chrysostomo in ordine Presbyteratus constituto refert Palladius: "Agebat *vices Episcopi* in prædicatione verbi Dei, omniumque corda mirabili facundia Scripturarum dulcedine ornata ad se rapiebat. II. Quemadmodum enim omnis animarum cura & Sacerdotii plenitudo penes Episcopos, atque ab his in inferiorem Clerum diffunditur; ita quoque prædicationis auctoritas, quæ Sacerdotii & Pastoralis officii præcipua portio est, tota & plenarie penes Episcopos est, atque ab his in alios inferiores ministros diffunditur; qui, nisi auctoritate ab Episcopo accepta, id munus obire non possunt.

Unde Synodus Lateranensis sub Innocentio III. in *cap. 15. de Offic. Ordinarii*; & renovatur à Synodo Tridentina *sess. 5. cap. 2. de Reformat.* advertens "Episcopis non sufficere, *per se ipsos* ministrare populo verbum Dei maxime per amplas Dioceses & diffusas, generali Constitutione sancivit, ut Episcopi viros idoneos ad Sanctæ Prædicationis officium salubriter exequendum assumant, potentes in opere & sermone, qui plebes sibi commissas *vices ipsorum* (cum per se iidem nequiverint) solcite visitantes, eas verbo ædificent & exemplo.

III. Et Synodus Tridentina *sess. 24. cap. 4. de Reformat.* mandat, "ut in Ecclesia sua ipsi Episcopi *per se*, aut si legitime impediti fuerint, per eos, quos ad Prædicationis munus assumunt; in aliis autem Ecclesiis per Parochos, siue iis impeditis, per alios ab Episcopis, impensis eorum qui eas præstare vel tenentur, vel solent, deputandos in civitate, aut in quacumque parte Diocesis censerebunt expedire, &c. Supposuit ergo Synodus Tridentina Episcoporum proprium esse, verbum Dei populo annuntiare; neque alios id nisi ex auctoritate & missione ab Episcopis accepta, præstare posse.

IV. Et quidem in Ecclesia sua propria Cathedrali, si Episcopus legitime impeditus *per se* prædicationis munere fungi nequeat, ipsius est Concionatorem eligere, & deputare; & ita quidem, ut nec Canonici siue Capitulum, nec alius quispiam illius deputationi se immiscere queat; tamen etiam essent in possessione *immemoriali* deputandi Concionatorem; quam sustulisse Synodum Tridentinam non semel respondit S. Congregatio, uti refert Fagnanus ad *cap. INTER CÆTERA de Off. Ordinarii*.

Neque quidquam hac in parte exemptio Capituli juvare potest: atque ita pro Episcopo Catalaunensi contra Capitulum licet exemptum judicavit Senatus Parisiensis, teste Renato Choppino *Lib. 1. de S. Pol. tit. 5. n. 8.*

V. Si tamen Cathedralis simul sit Parochialis; atque in ea soleat per Parochum verbum Dei, quemadmodum in aliis Ecclesiis Parochialibus annuntiare, exceptis quibusdam diebus solemnioribus Episcopo reservatis, eo casu circa deputationem Concionatoris observandum, quod Synodus Tridentina circa deputationem Concionatorum in aliis Ecclesiis, quam Cathedralibus, decrevit.

VI. Vult itaque, ut Episcopi legitime impediti aut non sufficientes ut *per se* toti suæ Diocesi verbum Dei annuntient, id præstent in aliis Ecclesiis distinctis à Cathedrali per Parochos.

Hinc patet, Parochos *vices* quodammodo & auctoritate Episcopi verbum Dei annuntiare.

VII. Et sane si pristinam Ecclesiæ disciplinam attendamus, nemo Presbyterorum concionari siue verbum Dei populo annuntiare poterat, nisi ex speciali commissione Episcopi; idque *dependenter* ab ejus voluntate & nutu; adeo ut penes Episcopum esset libera facultas, auctoritatem concionandi, quando ei visum esset, renovare; at hodie postquam officia & ministeria Ecclesiæ in Beneficia ac Dignitates transivere, non eadem mansit Episcoporum auctoritas seu libertas.

VIII. Parochi quippe alique Beneficia curas possidentes; vi suorum Beneficiorum juxta modernam disciplinam *jus quasi ordinarium* & perpetuum accipiunt; ita ut, titulo sui Beneficii *jure proprio & ordinario* exerceant ea omnia, ad quæ vi sui Beneficii obligantur.

Itaque Parochus cæterique Beneficia curata possidentes, accipiunt quidem, etiam secundum hodiernam disciplinam, institutionem Canonicam atque curam animarum ab Episcopo; atque eatenus *jus concionandi*, quod præcipue ad curam animarum pertinet, ab Episcopo in ipsos derivatur; at institutione seu *cura animarum* semel accepta, jam *jure sui Beneficii*, quod est *jus perpetuum*, functiones Beneficio suo annexas persolvunt.

IX. Sicut ergo Episcopus, non potest illum, spectata moderna disciplina, pro libitu, nullo juris ordine servato, privare Beneficio; ita nec liberum est Episcopo, pro suo arbitrio suspendere aut impedire à functionibus Beneficio suo essentialiter annexis, qualis est, Verbum Dei populo annuntiare.

Quod etiam non obscure innuit Synodus Tridentina, dum vult, ut Episcopi legitime impediti, in aliis Ecclesiis à Cathedrali distinctis, per Parochos Divinam legem annuntient; *his autem impeditis, per alios ab ipso deputandos*: sed indicans, Episcopos debere Parochis tanquam Ordinariis, sed subalternis Verbi Dei præconibus, permittere ejusdem prædicationem; neque aliis eam posse committere, nisi dum ipsi Parochi legitime fuerint impediti.

X. Parochis autem legitime impeditis, Episcopi est deputare & eligere Concionatores; idque per totam Diocesim; & quidem impensis eorum, qui eas præstare tenentur vel solent.

Unde etiam hodie ex Decreto Concilii Tridentini, Episcopus habet fundatam intentionem deputandi & mittendi Concionatores, qui in civitate, aut in quacumque parte Diocesis annuntient Verbum Dei, *Parochis impeditis, aut insufficientibus*, ut illud *per se* pro necessitate populi annuntient.

XI. "Hinc cum Episcopus Milerensis providere voluisset, (ait Fagnanus loco citato *num. 25.*) de Concionatore in suburbio Victoriosæ subditis suis, & Officiales ipsius, consulto prius magno Magistro Petro de Monte, respondissent electionem dicti Concionatoris *non spectare ad Episcopum*, sed ad eos qui *elemosynam Concionatoribus ex bonis Universitatis ministrant*, Episcopo super hoc declarationem postulante, S. Congregatio censuit: Electionem Concionatoris *ad Episcopum* pertinere ex Decreto Concilii *cap. 4. sess. 24.*

Quin, etsi populus aut alius ex consuetudine *non immemoriali* eligeret Concionatorem, qui certis diebus Verbum Dei annuntiet, posset nihilominus Episcopus, non obstante hac consuetudine, Concionatorem deputare, uti sæpius resolvit S. Congregatio apud Fagnanum *num. 27. & 31.*

XII. Sed si ex consuetudine *immemoriali* ad populum, Capitulum, Parochum aliove hujusmodi electio siue designatio spectet, ea servanda erit; nec ad Episcopum eo casu deputatio Concionatoris in Ecclesia non Cathedrali spectabit: "quia, inquit Fagnanus *n. 28.* Concilium Trident. *sess. 24. c. 4. de Reformat.* non suffulgit

„ fustulit consuetudinem *immemorialem*, secundum  
„ quam facultas nominandi Concionatorem in Ecclesiis  
„ *non Cathedralibus*, alii, quam Episcopo competere,  
„ ut saepius fuit resolutum.

Refert Carolus Fevretius in tractatu suo *de Abusu*  
*lib. 3. cap. 4. §. 22.* esse plura Regiorum Tribuna-  
lium Arresta, quibus declaratum fuit, liberum esse  
Episcopis mittere Concionatores ad concionandum  
per Adventum & Quadragesimam in Ecclesiis suarum  
respective Diocesum, quibus locorum incolae obliga-  
buntur dare hospitium & victum.

XIII. Et in specie, cum circa an. 1655. Episcopus  
Augustodunensis misisset ad quamdam suae Diocesis ci-  
vitatem Concionatorem ex Minorum Ordine ad con-  
cionandum per Adventum: ipseque civitatis Magistra-  
tus ipsi hospitium & alimenta recusaret; Episcopus, jun-  
ctis sibi commissariis Cleri Gallicani, recurrit ad Consilium  
privatum Regium: ubi dictum fuit, ut dictus  
Magistratus & Syndicus Cleri Gallicani contestarentur;  
ac interim per provisionem conformiter ad Arresta de  
30. Martii 1635. & 26. Augusti 1639. Concionatores  
qui mitterentur ad concionandum in dicta civitate con-  
suetum hospitium & victum acciperent. Cumque Episcopus  
ulterius pro definitiva urgeret; & ipse Magistratus  
civitatis affirmaret, se esse in possessione *immemo-  
riali* praesentandi Concionatores pro Adventu & Qua-  
dragesima ipsi Episcopo: die 17. Decembris ejusdem  
anni 1655. decretum fuit, ut Magistratus & Incolae  
illius civitatis probarent *intra tres menses*, se esse in  
possessione *immemoriali* nominandi & praesentandi dic-  
tos Concionatores Episcopo; salva Episcopo probatio-  
ne contraria; interim per provisionem & sine praediu-  
cio juris alterutrius in principali, declaravit Episcopum  
esse manutenendum & defendendum in jure eligendi  
& mittendi Concionatores, quibus praedicti incolae te-  
nebantur hospitium & victum praebere; nec non per-  
mittere solam quaestuationem. Quae sententia provi-  
sionalis postmodum in definitivam transiit; uti latius  
in Actis Cleri Gallicani refertur *tom. 1. tit. 2. cap. 8.*

Hic duo, quae supra diximus, Regio Arresto decisa  
videmus. Primum, Episcopum de jure habere funda-  
tam intentionem eligendi ac mittendi Concionatores  
per totam suam Diocesim, qui, Parochis legitime im-  
peditis, aut insufficientibus, Verbum Dei annuntient.

Secundum, quod consuetudo seu possessio immemo-  
rialis possit jus Concionatores eligendi & nominandi  
transferre non tantum in Capitula, Parochos aliosve  
Ecclesiasticos, sed etiam in Laicos; quod aperte sup-  
ponit sententia provisionalis 17. Decembris anno  
1655. prolata; atque in terminis pro Aedituis judica-  
tum refert Des Fresne in libro cui titulus *Journal des*  
*Audiences tom. 1. lib. 1. cap. 18.* & probat notoria Bel-  
gii praxis, quae electionem & nominationem Concio-  
natoris passim ad Parochos, Capitula, Aedituos, aliosve,  
pro varia locorum consuetudine transtulit.

XIV. Haec porro Concionatoris electio seu nomina-  
tio, est instar juris Patronatus ad Beneficia Curata;  
quod & Laicis competere potest. Unde sicuti presenta-  
tus a Patrono sive Ecclesiastico sive Laico se functioni-  
bus Pastoralibus immiscere nequit, nisi prius ab Episcopo  
curam animarum acceperit; ita & nominatus seu  
electus in Concionatorem, debet ab Episcopo concio-  
nandi licentiam obtinuisse; neque in vim hujusmodi  
consuetudinis immemorialis aliud competere potest sive  
Ecclesiasticis sive Laicis, quam eligere Concionatorem  
unum ex approbatis ab Episcopo; vel sub illa clausula,  
modo licentiam obtineat.

Certum enim est, nec quisquam in dubium vocat,  
nullum Presbyterum aut Clericum secularem, nisi Be-  
neficium Curatum habeat, sine approbatione & expressa  
licentia *Ordinarii loci publici* concionari posse.

XV. Quoad Regulares, ob varia quae praetendebant  
sibi a Summis Pontificibus indulta in hac materia pri-  
vilegia, non exigua fuit inter Patres Concilii Triden-

tini contestatio; de qua videri potest ejusdem Concilii  
historia a Palavicino conscripta *lib. 7. cap. 4.*

XVI. Post hanc concertationem tandem *Sess. 5. cap. 2. de reformat.* quoad licentiam ab Ordinario obtinendam, distinctio aliqua facta est inter facultatem concionandi in Ecclesiis *suorum Ordinum*, & Ecclesiis *non suorum Ordinum*, ut scilicet „ Regulares cujus-  
„ cumque Ordinis, nisi a Superioribus suis de vita,  
„ moribus & scientia examinati & approbati fuerint,  
„ ac de eorum licentia etiam in Ecclesiis *suorum Ordinum*, praedicare non possint: cum qua licentia *personaliter* se coram Episcopis praesentare, & ab eis *benedictionem petere teneantur*, antequam praedicare inci-  
„ piant. In Ecclesiis vero, quae *suorum Ordinum non*  
„ sunt, ultra licentiam suorum Superiorum, etiam  
„ Episcopi licentiam habere teneantur; sine qua in ipsis  
„ Ecclesiis *non suorum Ordinum* nullo modo praedicare  
„ possint. Ipsam autem licentiam Episcopi gratis con-  
„ cedant.

„ Si vero, (pergit Synodus) quod absit, Praedicator  
„ errores aut scandala disseminaverit in populum,  
„ etiam si in Monasterio sui vel alterius Ordinis praediceret; Episcopus ei praedicationem interdicit. Quod  
„ si haereses praedicaverit; contra eum, secundum juris  
„ dispositionem, aut loci consuetudinem procedat;  
„ etiam si Praedicator ipse generali vel speciali privilegio  
„ exemptum se esse praetenderet. Quo casu Episcopus  
„ auctoritate Apostolica, & tanquam Sedis Apostolicae  
„ delegatus procedat.

XVII. Hoc Decretum, in quantum Regularibus  
permittit praedicare in Ecclesiis *suorum Ordinum* ex-  
sola Superiorum licentia ipsi Episcopo simpliciter praesentanda, & *benedictione* ab ipsis petita; & insuper  
Episcopis praedicationem Regularibus interdicens po-  
testatem demum facit, dum Praedicator errores aut  
scandala in populum disseminaverit: nonnullis è Patri-  
bus Tridentinis, atque praeter ceteris Brachio Martello  
Episcopo Fesulano mire displicuit; atque publice  
in coetu Patrum super discussione hujus Decreti instituto  
15. Aprilis an. 1546. „ Acerbe se angere, quod liberum  
„ esset Regularibus, neque *missis*, neque *vocatis*, suis  
„ in Coenobiis per Episcoporum Dioceses concionari.  
„ Quod, exclamavit, *quidnam est aliud, & Patres, missi*  
„ *permittere, ut lupi non per ostium, sed aliunde ingressi*  
„ *ovile perturbent?* Deinde eosdem per Deum ac Suppe-  
„ ros obsecrare non destitit, ne id paterentur: si ab-  
„ nuerent, se pro sua virili parte causam sustentatu-  
„ rum, provocantem ad coeleste Tribunal, apud quod  
„ contestabatur, se infontem in eo esse, & super illos  
„ populorum crimen ac sanguinem abiturum. „ Haec  
Palavicinus loco citato n. 3.

Deinde in generali Congregatione habita 10. Maji  
rursus prolata oratione coram Patribus, idem vehementer  
urgere perrexit, atque ipsos Regulares de privi-  
legiis suis contra auctoritatem Episcoporum gloriantes  
alloquens, ait: „ Nolite nos ita tardo ingenio existi-  
„ mare, ut ista sophismata sive paralogismata non in-  
„ telligamus, putemusque vos *vestris in Monasteriis*  
„ *non populo nostro, sed Fratribus vestris tantum*, aut  
„ rectis & parietibus esse concionaturos. Nolite adeo  
„ inhumaniter, ne dicam irreverenter cum sanctissimis  
„ Episcopis agere, ut *nostras plebes docere sine permisso*  
„ & *consilio nostro cogitetis*.

His contendebat Antistes ille, nec in Monasteriis *suorum Ordinum* permittendum esse Regularibus *sine licentia Episcoporum* concionari: cum non minus in Ecclesiis  
suorum Ordinum, quam non suorum Ordinum, po-  
pulum Episcoporum curae commissum doceant.

Post haec prosequitur Fesulanus: „ Additum est nes-  
„ cio quid de coercendis his, qui in concionando a  
„ fide aberraverint. Hic ergo jam illud quod notissi-  
„ mum est, non disputabo, quam non sit facile erran-  
„ tem aliquem & perniciosam docentem redarguere,  
„ propterea, quod non solum habent isti tox latebras  
„ tantisque



„tantosque recessus, ut etiam deprehensi facile elabuntur: sed veniunt ita sepe ad fallendum instructi, atque artificiosa concionandi ratione, ut vel eruditissimas quasque aures atque attentissimas non magno labore fallere, atque in dicendo præterire possint. Sed quæro, utrum tandem ad ulciscendas oves nostras, an ad custodiendas vocati simus. *Pascite, nobis dictum est, gregem, & custodite, non, vindicate. Mibi enim vindicta, & ego retribuam, atque occisorum ovium à nobis, non occidentium luporum sanguis* requiretur.

Hæc & plura Fesulanus Anstus in oratione coram Patribus Tridentinis pronuntiata, & inserta *tomo 14. Concil. Col. 1636.* sub hoc titulo, *Brachii Martelli Florentini, Episcopi Fesulani sententia, qua declarat, Regulares sine licentia Episcoporum, nec in Monasteriis, nec extra Monasteria debere fungi officio prædicandi.*

XVIII. Et licet Patribus Tridentinis tunc visum haud fuerit postulari hujus Episcopi per omnia consentire, eamque distinctionem inter facultatem concionandi in *Ecclesiis suorum Ordinum, & non suorum Ordinum* omnino tollere; his tamen aut similibus rationibus indubie effectum est, ut *Sess. 24. cap. 4. de reformat.* habita 11. Novemb. 1563. cum jam numerus Episcoporum esset frequentior, & temporum conditio convenientior, decretum sit, ut „Nullus secularis sive Regularis, etiam in *Ecclesiis suorum Ordinum, contradicente Episcopo, prædicare præsumat.* Quo Decreto, si cum Decreto priori combinetur, omne in effectu, quod Fesulanus optabat, haberi poterit.

Cum enim ex Decreto *Sess. 5. cap. 2. De reformat.* Regulares priusquam concionari incipiant, etiam in *Ecclesiis suorum Ordinum*, ab Episcopis benedictionem petere debeant; & vi posterioris Decreti non possint in *Ecclesiis suorum Ordinum, contradicente Episcopo, prædicare*, nonne in potestate Episcoporum est, efficere, ut nemo Regularium, etiam in *Ecclesiis suorum Ordinum* concionetur, de cuius vita, moribus, doctrina & sufficientia non sint plene instructi; & quem ad id munus saltem tacite non approbaverint?

XIX. Id sane obtinebat Episcopi, si ad exemplum S. Caroli statuant, „Ne patiantur Parochus, cuiusvis Ordinis Regulares in *Ordinis sui Ecclesiis*, intra fines Parochiæ suæ sitis, concionem habere, nisi ex *scripto testimonio* perspexerit, eos muneri hujusmodi in illis Ecclesiis obeundi causa, *sed Episcopum* cum concionandi facultate, quam à Superioribus suis ipsi obtinuerint, contulisse, & benedictionem, ut Tridentino Concilio cautum est, ab eodem petiisse. In Concilio Mediolan. III. cap. 3.

Hoc quippe pacto fiet quod nullus Regularis etiam in *Ecclesiis suorum Ordinum* concionetur, de quo non constet, eum se præsentasse Episcopo, & benedictionem ab eodem petiisse; adeoque in Episcopi potestate fuisse, ei quoad conciones habendas contradicere, si de ejus moribus & doctrina non satis sit instructus; qua contradictione vi Concilii Tridentini sit, ut nec in *Ecclesiis suorum Ordinum* concionari queat; adeoque si Episcopus benedictionem impertiat, testimoniumque illius annuat, neque contradicat, an non sit aperte censetur illum Regularem, saltem tacite, ad concionandum approbare, & licentiam concedere? præsertim quia simplex Episcopi contradictio, nulla expressa contradictionis causa, tam in secularibus, quam in Regularibus Beneficium Curatum non habentibus sufficit; eo quod horum concionandi potestas tantum sit *Vicaria seu delegata*, quam ad nutum revocari posse apud omnes in confesso est. Unde sine ulla hæsitacione ait Zypæus in jure novo tit. 1. num. 10. „Episcopo contradicente etiam *non dicta causa* (quamvis sine causa id facere non debeat) „nemo prædicare potest, quantumvis exemptus, quovis privilegio & appellatione non obstante.

XX. Nullatenus proinde à mente Synodi Tridentinæ aberrasse videntur Patres Synodi Bituricensis anni 1584. tit. 3. can. 4. decernendo, ut „Regulares cujuscunque sint Ordinis prædicare non præsumant, etiam in *Ecclesiis suorum Ordinum*, nisi prius examinati & approbati à suo Superiore, & impetrata ab Episcopo aut ejus Vicario benedictione & licentia. Ta-cita nimirum licentia; quæ data intelligitur, dum benedictione impertita, non contradicendo, ad concionandum dimittitur.

XXI. Uterius cum facultas concionandi seu Regularibus seu secularibus non habentibus Beneficium Curatum concessa, duntaxat sit delegata & Vicaria, ea ad libitum revocari, restringi & modificari, adinstar jurisdictionis delegatæ, potest.

XXII. Hæc de causa præcipiunt passim Synodi, & frequenter Episcoporum Decretis renovatum fuit, ut Pastores neminem in Ecclesiis suis concionari permittant, nisi de *licentia Ordinarii in scriptis* prædocuerit. Synod. Mechl. P. II. tit. 11. cap. 1. Gand. tit. 10. cap. 1. Namurcensis an. 1659. tit. 10. cap. 1. &c.

XXIII. Porro sicuti etiam ad Episcopum sive Ordinarium spectat principaliter munus prædicandi, populumque instruendi; atque inferiores quodammodo tantum *vices* ejus suppleant, eique adjuvatores sint, & ab ipso missionem ac licentiam accipiant; ipsius quoque est, invigilare atque attendere, num Officio in nullo desint; sed diligenter instructioni populi incumbant, eique sincerum & conveniens spirituale Verbi Divini pabulum porrigant; eosque si in eo delinquant, corrigere & punire.

Quapropter cum Senatus Burdigalensis interdixisset Episcopo Vasatensi, inquirere in doctrinam inter concionandum propositam, causa ad Consilium privarum Regium devoluta, Rex, cassato dicto Burdigalensis Senatus Decreto, inhibuit tam prædicto Senatui Burdigalensi, quam aliis Senatibus & Judicibus Laicis, ullo titulo aut prætextu esse impedimento Prælati in capienda informatione super doctrina in concionibus sive à Secularibus sive Regularibus proposita, ipsam religionem concernente.

Similiter inhibuit Regia facta fuit an. 1657. Parlamento Pariliensi, & cæteris omnibus, cognoscendi de materia doctrinæ, missionibus Concionatorum, approbationibus Confessoriorum; & aliis materiis mere spiritualibus, & per sententiam Consilii Sanctioris rursus confirmatum fuit. Referuntur hæc Arresta & Decreta in Actis Cleri Gall. tom. 1. tit. 2. cap. 20. 22. 23. & 24.

XXIV. Et inter propositiones quas anno 1656. 10. Archiepiscopi cum 73. Episcopis plurimisque Abbatibus aliisque Prælati Conventum generalem Cleri Gallicani constituentes, tanquam temerarias, scandalosas, falsas, erroneas, in hæresim & schisma inducentes, Sedi Apostolicæ, Conciliis tum Oecumenicis, tum Provincialibus, & præcipue Sacro Tridentino, & Ordini Episcoporum Apostolico contrarias & injurias, Ecclesiasticæ Hierarchiæ destructivas, respectue damnarunt, erathæc: „Regulares Mendicantes petere possunt licite à Judicibus secularibus, ut injungant Episcopis, quatenus ipsis mandata concedant, ad prædicandum in Adventu & Quadragesima: quod si renuant facere Episcopi, Decretum Judicum secularium tantumdem valet, ac si permissio dictis Regiosis concessa fuisset.

Quin tamen interdum Magistratus Regii procedere atque informationes sumere possint contra Concionatores seditiosa aut scandalosa in populum spargentes, quæ magis ad emotionem & seditionem, quam ad pietatem & debitam erga superiores & Magistratus obedientiam plebem excitare possent, non est dubium. (a)

Unde cum quidam Parochus in urbe Parisiensi aliqua

(a) Id quidem constat Litteris Patentibus, quas Henricus IV. Galliarum Rex dedit 22. Septemb. 1595. quæ in Commentariis Senatus Provincialis (de Præsentia) relatæ sunt.

admo-

admodum seditiosa, quæ populum contra Magistratus incitare & commovere nata erant, in concione dixisset, per sententiam Senatûs Regii decreta fuit dicti Parochi incarcerationio, quoadusque aliter per Curiam esset statutum, 11. Junii 1590. Rursus 8. Martii 1591. injunctum fuit per Senatum Regium ad instantiam Procuratoris Regii omnibus Concionatoribus, ne in suis concionibus utantur discursibus seditiosis, qui populum ad emotionem excitare possent, sub pœnâ quod adversus contravenientes pro casûs exigentia procedetur; injungens unâ locorum Officialibus ut manum adhibeant, atque in contravenientes secundum rigorem ordinationum procedant. Quæ omnia aliaque plura latius referuntur in probationibus Libertatum Ecclesiæ Gallicanæ cap. 29.

## CAPUT XII.

Episcoporum est pro populo orare; populum ad orationem excitare; preces publicas indicere & dirigere; & abusus, si qui irrepperint, tollere.

1. Instantiam orationis præcipuum esse suam officium, crediderunt Apostoli: & quare?
2. Episcopi certam horam orationi destinare debent.
3. Episcopo præcipue incumbit sacrificii incruentio oblatio.
4. Quandoam specialiter Episcopus Missæ sacrificium offerre debeat.
5. Episcopus populum ad orandum excitare; modumque orandi docere debet.
6. Libellos precum examinare Episcopo incumbit.
7. Orationes publicas ex causa publica & communi, Episcopi est indicere, & dirigere.
8. Episcopi est præscribere orationem, Quadraginta horarum, & quomodo banc instituerit Sanctus Carolus?
9. Non sufficit in hac oratione publicè exponi Venerabile; sed præcipue incitandus populus ad solidam devotionem.
10. Preces publicas indicere ad Episcopum spectare sæpius declararunt Parlamenta Regia.
11. Precibus publicis annumerantur supplicationes, seu Processiones; hæcque indicere pertinet ad Episcopum.
12. Exemptio non impedit hac in parte auctoritatem Episcopi.
13. Episcopi est præscribere quomodo Processiones sint habendæ; & quæ in iis cavenda aut observanda.
14. An Episcopus possit præscribere, ut in Processionibus Venerabile non circumferatur cum Imaginibus aut Reliquiis Sanctorum?
15. Episcopi est componere controversias de præcedentia, quæ inter personas Ecclesiasticas in Processionibus oriuntur.
16. Hæ controversiæ summarie absolvi debent.
17. Interdum super his controversiis ad Tribunalia Regia recurritur.
18. Clerici tam Regulares quam seculares ad publicas Processiones vocati accedere debent; & etiam compelli possunt.
19. Etiam exempti accedere tenentur.
20. Consuetudo nequidem immemorialis eximere potest Capitula Cathedralia ab accessu ad publicas supplicationes.
21. Episcopus mutare aut etiam abrogare potest antiquas supplicationes.
22. Precibus publicis, quarum directio est apud Episcopum, annumerandum Officium Canonicum.
23. Episcopi est, Breviaria, Missalia, aliosque libros ad Divinum Officium pertinentes, revidere, & emendare.
24. Correctio Breviarii Avelianensis nuper ab Episcopo facta; & quæ hic observata.

25. Ubi est receptus ritus Romanus, observanda Bulla Pii V. & stylus Curiae Romanæ.

26. Episcopus abusus circa Missæ Sacrificium corrigere debet.

27. De retentione particularium Breviariorum in variis Gallorum Diocesibus.

I. APOSTOLI convocantes multitudinem Discipulorum, dixerunt: Non est æquum nos derelinquere Verbum Dei, & ministrare mensis. Considerate ergo, Fratres, viros ex vobis boni testimonii septem, plenos Spiritu Sancto & sapientiâ, quos constituamus super hoc opus. Nos vero ORATIONI & ministerio Verbi INSTANTES erimus. Act. 6.

Ministerio ergo Verbi junxerunt Apostoli instantiam orationis; scientes, quàm esset necessarium hanc illi jungeri, si Prædicationis fructum in populo videre vellet; juxta illud quod postmodum dixit Apostolus: Neque qui plantat est aliquid, neque qui rigat, sed, qui incrementum dat, Deus 1. Cor. c. 3. v. 7.

Hoc verò incrementum divinum quis suis precibus præcipue in populum attrahet, nisi is qui ex hominibus assumptus, pro hominibus constituitur in iis quæ sunt ad Deum, ut offerat dona, & sacrificia pro peccatis; id est omnis Pontifex sive Episcopus? Hebr. c. 5. v. 1.

Hinc illud Apostoli ad Colossenses 1. v. 9. Non cessamus pro vobis ORANTES & POSTULANTES ut impleamini agnitione voluntatis ejus in omni sapientiâ & intellectu spirituali.

II. Cùm ergo " in Oratione sanctisque meditationibus eos (Episcopos) frequentes esse oporteat, (verba sunt S. Caroli in Concilio Mediolanensi IV. parte 3. cap. 1.) " certam sibi horam quotidie fumant; quam in " contemplationum divinarum studio, exercitatione " que attentissimis religiøsæ mentis cogitationibus ponant. Quâ oratione non sibi ipsis tantum Divini luminis illustrationem depolcant, sed etiam pro fidelibus suæ curæ commissis humiles preces fundant; " eorum peccata deploando, pioque gemitu & religiosâ supplicatione Deum orando, ut disjunctis peccatorum nubibus, pluviam & rorem suæ divinæ gratiæ ac misericordiæ effundat in hæreditatem & agrum Ecclesiæ suæ.

Et Patres Concilii Tholosani an. 1590. " Orationibus & meditationibus singulo quoque die, certis statisque horis incumbant, quibus in celestium rerum contemplatione versantes, divinam sibi, suisque gregibus gratiam summâ & veneratione & contritione deprecabuntur. " Parte 1. tit. De Episcopis.

Idipsum & Concilium Narbonense an. 1609. Episcopis ardentissimè inculcat, " ut quod, air, in Fidelibus sibi commissis contractum, divinâ bonitate alligetur, " quod languidum est sanetur, perditum reparetur, & " quod bonum est conservetur.

III. Porro excellentior & efficacior species orationis cùm sit Missæ Sacrificium, hujus quoque celebratio præcipue ad Episcopum spectat. Nec primis Ecclesiæ seculis Presbyteris oblatio hujus Sacrificii concedebatur, nisi absente aut impedito Episcopo; imò tam apparuisset insolitum, quodd Episcopus diebus Dominicis festisque conventui Fidelium non præfessisset, verbum Dei non explanasset aut Sacrificium non obtulisset, quàm si Judex diebus juri dicendo designatis pro tribunali non sedisset.

Quare S. Gregorius volens exprimere magnitudinem dolorum, quos ex podagra patiebatur, scribit, " se tantis " podagræ doloribus affligi, ut vix in diebus Festis usque ad horarum trium spatium surgere valeat, Missarumque Solemnia celebrare. " Lib. 8. epist. 35.

Non immerito proinde dixit Synodus P. I. Mechliniensis: " Inter cæteras Episcoporum functiones non " infimum locum habet oratio pro populo, & communis " Sacrificii oblatio: de quibus si bonum habeant testi-

" monium,

„monium, non parum inde eis auctoritatis accedet.”  
*Tit. de Episcopis cap. 3.*

IV. Rectè ergo Episcopos monuit S. Carolus in suo Concilio Mediol. IV. loco citato, „Missæ Sacrificium frequentius celebrare studeant. Dominicis verò festisque diebus, ne id præstare omittant. Hoc verò ipsum curent crebrius in Ecclesiis, quàm in privatis oratoriis.

„Præterea Missæ Sacrificium facere studeant illis diebus, quibus Ecclesiastica Beneficia conferunt; & generalia Clericorum, qui initiandi sunt, & Confessoriorum examina habebunt, cæteraque denique graviores consultationes & deliberationes inibunt.

V. Nec tantùm ipse pro se populoque suo multùm orare debet, sed insuper populum ad orandum incitare, ipsumque orandi modum docere; nec non preces tum privatas præscribere ac dirigere.

Quantà curâ & sollicitudine S. Carolus populum sibi commissum ad orationis exercitium quotidianum excitaverit, paternoque affectu monuerit, ipsumque orandi modum docuerit, ejus Litteræ Pastorales eâ de re ad universos suæ Diocesis Fideles missæ ostendunt, quarum compendium suprâ cap. 7. retulimus.

VI. Quia verò populus ad evitandas distractiones, & ad excitanda in se pia desideria & affectum inflammandum uti solet certis libellis devotionis aut formulis precatationum, Episcoporum atque Pastorum est, invigilare in hujusmodi libellos & peccationum formulas, num ad solidam devotionem excitandam & fovendam sint convenientes; utrum nihil sanæ doctrinæ aut solidæ pietati contrarium contineant; utrum nihil superstitionis, aut ad eam inclinans sub specie pietatis misceatur.

„Libri, quibus preces variæ continentur (ait Synodus Cameracensis P. I. tit. 1. cap. 3.) „plerumque falsis, superstitionisque titulis asperguntur: ea omnia purgari diligenter, & ad proportionem fidei reduci Episcoporum sedulitate præcipit Sancta Synodus.

VII. Ad Episcopum quoque spectat, preces publicas & communes instituere, ipsique populo præscribere, modumque in illis servandum constituere.

Hujusmodi preces publicas & communes, non tantùm pro calamitatibus & periculis temporalibus Reipublicæ aut populo imminenti, sed vel præcipuè ut spiritalia animarum pericula & calamitates avertantur, instituere, exemplo Sancti Caroli, Episcopis incumbit; vel dum de aliquo negotio, à quo multarum animarum salus dependet, tractatur.

VIII. Et quidem de *Oratione 40. horarum*, quæ una eaque hodie vulgatissima Orationis publicæ species est, dicit Sanctus Carolus in Concilio suo Mediol. II. tit. 1. dec. 16. „Oratio, quæ quadraginta horarum dicitur, neulla in Ecclesia extra ordinem constituatur sine Episcopi concessu. Isque eam ita sanctè geri curet, ut pii illius instituti ratio exigat.

Ut autem hoc assequeretur, plura postmodum statuit in suo Concilio Mediol. IV. parte 2. tit. Quæ ad Sanctissimum Eucharistiæ Sacramentum pertinent; atque inter alia; „In iis solum Ecclesiis sive secularibus, sive Regularibus fiat celebraturvè, in quibus Sanctissimum Sacramentum asservatur: nec verò in iis omnibus, sed in illis tantummodò, quas Episcopus statuerit. Fiat autem in conspectu Sanctissimi Sacramenti: quod è tabernaculo expositum, in majori, aliòvè, si Episcopus ita censuerit, altari propalam collocetur.

Posthæc vult, ut non minùs quàm sex cerei & tres lampades ante Venerabile luceant; nec plures quàm decem cerei, aut 12. vel 13. lampades; nisi Episcopus ex causa majorem luminum numerum permittat. Deinde orationis initio cum Sanctissimum Sacramentum palam promovendum est, Clerus omnis ipsius Ecclesiæ superpelliceo indutus Sacerdoti Venerabile exponenti assistat; & si pauciores sint quàm sex in illa Ecclesia, aliunde ad-

vocentur; ut ne eo numero pauciores sint, hique cum luminibus accensis; tum homines itidem Parochiæ in cuius Ecclesia finibulve oratio exponitur, præsertim Sodalitati Sanctissimi Sacramenti adscripti.

Dum illud in Altari propositum est; interdum duo Clerici superpelliceo induti, capite aperto ad Altare semper assistant; quorum alter Diaconus saltem sit; noctu verò saltem unus, isque in sacro Ordine constitutus.

„Ad excitandam populi in statâ hac oratione verisantis pietatem, ait, hoc curetur, ut aliquando, quo præsertim tempore, quâve horâ frequens est Fidelium ad eam concursus, sermo, isque brevis, ad piæ meditationis studium inflammandum appositè habeatur.

Præterea vult ab Episcopo designari viros aliquos graves, pietatis spiritualisque vitæ amantes, qui in sua quique regione orationis hujus curam gerant, quo tempore illa celebratur. Qui inter cætera curabunt, ut oratio hæc per 40. horas continenter fiat: quem in finem Parochiam, in cuius finibus oratio habetur, in certas classes partientur, singulisque suas horas assignabunt; ut tamen feminae noctu ad Ecclesiam non accedant: Et si noctu orantes deessent, Venerabile in tabernaculo reponatur.

IX. Hic imprimis intelligant Episcopi & Pastores, quibus instituendi ac dirigendi hujusmodi publicas preces officium incumbit, non satis fuisse Sancto Carolo, uti hodie à nonnullis apprehendi videtur, ut Venerabile Sacramentum publicè in Ecclesia exponatur; sed præcipuè curæ fuisse, ut populus ad solidam ac sinceram devotionem exciteretur; atque preces illæ vero devotionis affectu agantur.

Insuper videmus, non dubitasse S. Carolum cæteroque, qui ipsi in celebratione Concilii Provincialis assistunt, quin publicæ hujus orationis institutio & directio ad Episcopos spectaret.

Nec mirum, cum enim similes publicæ orationes populum præcipuè concernant; atque ad populi pietatem & devotionem excitandam instituantur, quis naturalior earum director esse potest, quàm Episcopus, cui totius populi cura & directio in his, quæ ad pietatem & religionem sunt, incumbunt.

X. Unde cum Magistratus & intendentes cujusdam Urbis suâ propriâ auctoritate ordinassent cantari solemmniter *Te Deum laudamus*; ipsosque Ecclesiasticos ad id coegissent, priusquam intervenisset Decretum Episcoporum Diocesani, factâ insuper inhibitione recipiendi Episcopale mandatum si quod daretur: Re delatâ per Episcopum ad Consilium sanctius, per Arrestum Concilii 14. Decembris 1618. cassata fuit dicti Magistratus ordinatio; ipsique Ecclesiastici exonerati à multâ per Magistratum comminatâ, cum inhibitione factâ Magistratui, imposterum quidquam statuendi quod Ecclesiam concernit; aut turbaret Episcopum in functionibus suæ curæ. Refertur in Actis Cleri Gallicani tomo 1. tit. 2. cap. 5. n. 6. Et num. 7. (a)

(a) In Galliis tamen eôm in civitate adsunt aut Gubernator, aut Legatus Generalis Provinciæ, vel Parlamentum, aut supremus vel Rationum, vel Subsidiorum Senatus, cautum est Edicto Regio, ut Episcopus cum eis conveniat de die & hora quibus preces & processiones fieri debent. Ecce verba Edicti, quod mense Aprili, an. 1695. datum est à Ludovico XIV. Francorum Rege.

Lorsque nous avons ordonné de rendre grâces à Dieu, ou de faire des prières pour quelque occasion, sans en marquer le jour & l'heure, les Archevêques & Evêques les donneront, si ce n'est que nos Lieutenants Généraux & Gouverneurs pour nous dans nos provinces, ou nos Lieutenants en leur absence, se trouvent dans les villes où la cérémonie devra être faite, ou qu'il y ait avenues de nos Cours de Parlement, Chambres de nos Comptes & Cours des Aides qui y soient établies, auquel cas ils en conviendront ensemble, s'accommodant réciproquement à la commodité des uns & des autres, & pourvu qu'ils ne s'écartent de ce que lesdits Prélats estimeront le plus convenable pour le service divin.

Observandum est in Edicto supponi quoddam Rex independentem ab Episcopis habeat jus concidendi diem & horam quibus preces ab ipso imperatæ fieri debeant.

refertur



refertur Arrestum ejusdem Consilii Regii, quo 20. Novemb. 1643. declaratum fuit, Capitulum Burdigalense non debere recipere mandata pro publica gratiarum actione, aliisque publicis precibus, quas Rex iudicaret esse faciendas in Ecclesia Burdigalensi, ab alio, quam Archiepiscopo, ejusque Vicario generali in ejus absentia.

XI. Et num. 8. asseritur, per Senatum Parisiensem 8. Januarii 1647. declaratum, *Processiones generales, Te Deum*, aliaque *publicas Preces*, quæ fient ad instantiam Regis, indicendas esse per *Episcopum* ejusve *Vicarium*, de quo Capitulum gratiose monebitur. Particulares vero preces ex communi Episcopi & Capituli resolutione.

Hic precibus publicis, quarum indictio & directio Episcopo adjudicatur, annumerantur *Processiones*; utpotè, quæ & ad populi pietatem promovendam instituantur.

His consonat resolutio S. Congregationis, quam ex Barbosa recitat Zypæus in jure novo *Tit. de majoritate & obed. num. 12.* nimirum, Episcopum in indicendis *Processionibus publicis* non debere habere consensum Capituli; & quidem non obstante quali possessione contraria aut consuetudine.

XII. Neque Prælatum quantumvis exemptum posse impedire Episcopum indicare *Processiones* in sua Ecclesia, judicavit Consilium Privatum pro Episcopo Audomariensi 21. Aug. 1593. & 25. Septemb. eodem anno, contra Abbatem S. Bertini. Habetur sententia in Registro sententiarum Consilii Privati, quod incipit à prima Februarii 1591. fol. 25.

XIII. Nec indicare duntaxat *Processiones* seu *Supplicationes* solennes ad Episcopum spectat, sed etiam quâ viâ & quo ducendæ & dirigendæ; item quo ritu & formâ instituentæ; quæque in iis cavenda aut observanda sint.

Hæc ratione mandavit in sua Synodo D. anno 1567. Archiepiscopus Cameracensis Archipresbyteris suis, " Ut sollicitè perscrutantur in Ecclesiarum visitatione, num non irrepererint aliqua supersticiosa & vana in *Processionibus*. Ubi verò hujusmodi aliquid compertum habuerint, volumus, ait, nobis nostrisque Vicariis, quamprimum denuntiari, ut ab omni irreverentia repurgatis Ecclesiis, in vera pietate Fideles omnes contineamus.

Eadem ferè ratione vetuere Episcopi Belgii in suis respectivè Synodis, " Nè in *Processionibus*, quas *dedicationum* vocant, *Venerabile Sacramentum* circumferatur: eò quòd ad hujusmodi *Processiones* populus magis spectandi, quam orandi causâ accedere soleat. Et Synodus Mechliniensis P. II. tit. 14. cap. 2. & 5. " *Imagines sacras seculariter comptas, nec in Templis, nec in Processionibus* tolerant Episcopi; & quæ ad ornatum *Supplicationum* proponuntur, ejusmodi sint, quæ oculos spectantium non offendant. .... Nunquam etiam Reliquiæ vel *Imagines* in *Processionibus* deferantur, nisi per Clericos sacris initiatos, quantum fieri potest, neque tam longi itineris circuitu, ut aut populi devotio langueat, aut computationibus aliisque insolentis occasio præbeatur.

XIV. Similiter licet per se inordinatum non sit, *Imagines* aut *Reliquias* Sanctorum unâ cum *Venerabili Sacramento* in *Processionibus* circumferre; *significantes*, ut ait Synodus Colonienfis anno 1549. *illos nunc cum ipso regnare & triumphare in celis, qui vestigia ejus hic in terris secuti sunt*; si tamen Episcopus videat, eam esse populi sui circa aliquas Sanctorum *Imagines* aut *Reliquias* inordinatam devotionem, ut ex externo agendi modo sit appareat, honorem SS. Sacramento debitum ad Sanctorum *Imagines* potius, quam ad ipsum *Venerabile* referri; idque etiam non raro cum summo hæreticorum scandalo: poterit Episcopus præcipere, ne cum ipso *Venerabili* Sanctorum *Imagines* aut *Reliquiæ* circumferantur.

Tom. I.

Quod etiam pridem, ob illud indubiè periculum, sæpius decretum fuit. " In solenni illa *Processione*, ait S. Carolus, in qua Sanctiss. Domini Corpus per urbem religioso cultu deferatur, ne *Reliquiæ illæ, sed illud solum, ut veteris instituti, Ecclesiæque Romanæ Matris consuetudinis est*, pio, religiosoque apparatu, solemnique celebritate feratur. " Concil. Med. IV. parte 2. cap. 4.

Similiter Anno 1639. Synod. Namurc. statuit: " Quando continget *Venerabile Sacramentum* deferri, nullæ aliæ *Reliquiæ* vel *Imagines* Sanctorum deferantur... in die verò Patroni sola ejus Imago vel *Reliquiæ* deferantur.

Quin & An. 51. decimi seculi Maximilianus Henricus Archiepiscopus Colonienfis decrevit, " quod tamen si pium & laudabile sit, ut in communibus *Processionibus* & *supplicationibus* ac stationibus deportentur Sanctorum (si quæ in Ecclesiis habentur) *Reliquiæ*, vel sola Imago Divi loci Titularis, in eis tamen *Processionibus* & *supplicationibus* ubi SS. Sacramentum circumfertur, nullæ meritò Sanctorum vel *Imagines* vel Statuæ juxta S. Caroli Borromæi præscriptum (nisi pia multorum locorum consuetudo aliud postulet) deportentur; de qua tamen consuetudine integrum erit nobis nostrorū in spiritualibus *Vicario generali, seu Decanis ruralibus cognoscere, ac cum pietate verâ & persuasâ consistat.*

Hinc patet, dictum Archiepiscopum desiderasse quidem, ut juxta S. Caroli præscriptum cum *Venerabili Sacramento* Sanctorum *Imagines* non circumferantur, aliquid tamen consuetudini in re de se minimè inordinatâ detulisse; ita tamen ut sibi integrum esse declaraverit, judicare, num hic & nunc consuetudo illa veram populi devotionem non impediat, nec ejus erga SS. Sacramentum reverentiam potius diminuat quam promoveat.

Et meritò; in his enim, quæ interdum devotioni congruere, subinde verò ob temporum circumstantias & populi conditionem officere possunt, Episcoporum est invigilare & judicare, quid conveniat; subditorum verò obedire, & judicio Episcopi se submittere; juxta illud Augustini in simili materia indifferenti: *Episcopo tuo in hac re noli resistere, & quod facit ipse, sine ullo scrupulo vel disceptatione sectare.*

XV. Hæc plenam Episcoporum auctoritatem in indicendis dirigendisque *Processionibus*, utpotè publicis precibus populum spectantibus abundè evincunt; quam & Synodus Tridentina supposuit, dum sess. 25. cap. 13. *De regularib.* voluit, ut " controversias omnes de præcedentia, quæ per sæpè maximo cum scandalo oriuntur inter Ecclesiasticas personas, tam *Seculares*, quam *Regulares*, cum in *Processionibus publicis*, tum in iis, quæ fiunt in tumulandis defunctorum corporibus, & in deferenda umbella & aliis similibus; Episcopus, amotâ omni appellatione, & non obstantibus quibuscumque, componat.

XVI. Cum præcipuè in hoc Decreto Synodus intendat obviare scandalis, quæ ex hisce controversiis nata sunt oriri, ut mox & indilate sistantur; compositio Episcopi eò maxime tendere debet, ut brevi manu, summarie, ac de plano, sine strepitu & figurâ judicii expediat universa, quemadmodum S. Congregationem declarasse fertur, quæ similiter declaravit, appellationem hic amotam duntaxat quoad effectum suspensivum; nequaquam verò quoad effectum devolutivum.

XVII. Quia verò interdum Episcopalis auctoritas hujusmodi controversiis diminuendis ac sopiendis haud sit potens & efficax est, Regia nonnunquam accedit; quæstionesque super hisce controversiis ad Consilia Regia, præcipuè si de possessorio agatur, frequenter devolvuntur; quod quotidiana praxi notius est, quam ut probari debeat. Et plura Regia Arresta in hac materia refert Renatus Choppinus lib. 2. *Monast. tit. ult. n. 23.*

T

XVIII.

XVIII. Addit deinde Synodus Tridentina: "Exempti autem omnes, tam Clerici Seculares, quam Regulares, quicumque, etiam Monachi, ad publicas Processiones vocati accedere compellantur, iis tantum exceptis, qui in strictiori clausura vivunt.

Vigore hujus Decreti decisum esse testatur Stephanus Gratianus *Decis.* 232. n. 15. in Curia Episcopali Papiæ, "Monachos posse compelli ab Episcopo, & Censuris distringi aut saltem pœnis pecuniariis, ut vadant ad Processiones publicas.

XIX. Et Erasmus Choquier post Choppinum *de sacra Politia lib. 2. tit. 6. n. 18.* refert judicatum, "quod omnes, quantumcumque exempti, accedere tenentur ad Processiones consuetas, aut indictas pro bono publico vel honore. " *De Jurisd. in exemptos parte 2. quest. 45. numer. 109.*

XX. Fuere quidem nonnulla Capitula Canonicorum, quæ titulo *immemorialis* consuetudinis & possessionis se prætendebant ab hac accedendi ad Processiones obligatione exemptos; sed observat Aloysius Riccius in *praxi sua Neapol.* hanc consuetudinem in Gallia esse reprobam tanquam illegitimam & irrationabilem. Et in specie Canonici Merenses, quantumvis exempti, declarati sunt non receptibiles ad prætendendum se non esse obligatos comitari suum Episcopum in publica supplicatione, per sententiam Senatûs Parisiensis an. 1583. Similia duo alia Arresta contra Canonicos titulo *antiquæ possessionis* idipsum prætendentes, referuntur per Meynardum *lib. 1. Notab. 44. cap. 5.*

XXI. Hac eadem auctoritate possunt Episcopi Processiones antiquitus institutas, ac multo tempore observatas, vel in totum abrogare, aut immutare, si in eas abusus irrepsisse viderint; nec tam ad excitandam devotionem, quam ad excessus committendos conducere perspexerint.

Hoc motivo Patres Synodi Colonienfis anno 1536. Processiones, quæ per agros & campos peragebantur, abrogarunt, sive voluerunt, ut hæ Processiones de cætero intra septa Ecclesiarum religiosè fierent, ac ut in templo, loco precationibus peculiariter dedicato, oretur Deus, habeaturque tum pius rei ac temporis conveniens sermo communitorius.

Rationem hujus desideratæ mutationis assignant, quod Processionem harum institutio rationem quidem habeat, nempe quod populus oret, *ut segetes ac fruges terra à Domino conserventur*: "Verum ut alia plurima, inquit, ita & hic mos hominum malitiâ depravatus est, quod per occasionem talis deambulationis, quæ Deo placando erat instituta, pleraque scelera committantur. Quamobrem nobis satius videtur, ut hæ, aliæque supplicationes ac Processiones, de cætero intra septa Ecclesiarum religiosè fiant; ac ut in templo, loco precationibus peculiariter dedicato, oretur Deus, habeaturque tum pius rei ac temporis conveniens ad populum communitorius sermo.

XXII. Quin inter species orationis publicæ recensendum sit Officium Canonicum, sive Horarum Canonicarum solemnibus persolutio, indubitatum est; ut proinde etiam hæ cura Episcopalis invigilare debeat, num omnia ritè, devotè ac recto ordine peragantur; nihilque solidæ devotioni, ac Divini Officii majestati contrarium immisceatur.

XXIII. Quapropter non tantum in pristinis, sed etiam recentioribus, ac nostræ penè ætatis Synodis frequenter inculcatum Episcopis legitur, ut Breviaria, Missalia, Antiphonalia, aliosque ad Ecclesiasticum Officium spectantes libros diligenter examinent; & si quid superfluum aut cultui divino indecens aut minus dignum repererint, tollant.

Concilium Senonense decimo sexto seculo Lutetiæ Parisiorum sub Antonio à Prato S. R. E. Cardinale, nec non Senonensem Archiepiscopo, & Galliarum Primatè celebratum, statuit, "ut Dicesani statim post dissolutum præfens Concilium diligenter visitent Bre-

viaria, Missalia, Antiphonalia, ac Sanctorum legendas. Et quæ deprehenderint in illis superflua, aut non satis pro Ecclesiæ dignitate convenientia, ipsi continuo tollent & rescabunt, & quæ viderint esse necessaria, adjicient. " *cap. 1.*

Similiter sub idem penè tempus, Patres Concilii Colonienfis attendentes, "nonnulla in Divinum Officium cæco quodam judicio invecta, judicarunt operæ pretium facturi, si Missalia perinde atque Breviaria perideri curarent, ut amputatis tantum superfluis & quæ supersticiosius invecta videri possint, ea tantum, quæ dignitati Ecclesiæ & priscis institutis consentanea fuerint, relinquantur. " *an. 1536. part. 2. c. 11.*

Concilium quoque Mechliniense intelligens, quoniam in Divino Officio quandoque " & positissimum in festis, quæ certis Dicesibus propria sunt, in historiis, quæ leguntur, & sequentiis Missarum quædam occurrunt, quæ subinde pios offendunt; statuit ut curent Episcopi & quod in eo officio purgandum videtur & corrigendum, expurgent & corrigant, aut loco Officii hujusmodi jubeant Officium de communi canari.

Hiscæ addi possunt, quæ in sua Synodo anno 1570. statuit Episcopus Namurcensis Antonius Haverius, qui Concilio Tridentino interfuit, titulo *de sacra Eucharistia & divini Officii persolutione cap. 8.* "In Divino Officio, ea tantum convenit decantari vel legi, quæ solida sunt, & ad ædificationem faciunt tam proferentium quam auditorum. Quare Ecclesiarum Rectores & Præfeti diligenter advertant, an in suis Ecclesiis aliqua sint immixta Officio Ecclesiastico, *falsa, incerta, vel non verosimilia*: quæ si deprehenderint, ad nos deferant, ut eorum loco, *ex scriptura, vel veteribus ac probatis scriptoribus solida substituantur*. Nullatenus proinde dubitarunt Episcopi, quin Breviariorum aliorumque librorum ad Divinum Officium spectantium visitatio atque correctio sibi incumberet.

XXIV. Hac auctoritate usus Episcopus Aurelianensis anno 1693. novam Breviarium Dicesis suæ editionem & emendationem procuravit.

In hac verò emendatione seu correctione imprimis observavit, "ut nihil in *Antiphonis*, nihil in *Versibus* & *Responsionis* sit insertum, quod ex *Scripturis sacris* non sit descriptum, ita ut (verba ejus sunt in præfatione Breviario correcto præfixa) "in his omnibus vel Deus ipse nos alloquatur, vel verba suppeditet quibus ipsum alloquamur. *Amica enim & familiaris oratio est* (ait S. Cyprianus Martyr & Episcopus *lib. de orat. Dom.*) " *Deum de suo rogare.*

Uterius in dicta præfatione exponit, "Optandum quidem esse, totam unque Scripturam unâ serie in Officiis Divinis singulis annis legi potuisse: sed, ait, cum plura contineat, quam ut integra hoc temporis spatio legatur; id saltem effecimus, ut ex Scripturæ lectionibus nulla (paucissimis exceptis) unquam omitteretur, & lectiones ipsæ ex iis desumerentur locis, quæ & scitu magis essent necessaria, & ad animos rerum cœlestium amore inflammandos magis efficacia.

Lectiones ex *geminis & indubitat* SS. Patrum operibus, inquit, depromptæ sunt, quæ Scripturarum locis difficilioribus lucem afferant, fidei dogmata, firmitus stabiliant, Christi præcepta luculentius explicant, peccati odium altius in animis imprimant, ac vitæ æternæ desiderium ferventius excitent.

Psalterium sic disposuit, ut singulis ferè hebdomadis totum recitetur.

Hoc verò vel maximè cordi fuit huic Antistiti, ne quid falsi aut incerti vel fabulosi in Officio divino legatur; quare omni studio in hoc allaboratum fuisse ait, "Ut veritati simul ac Fidelium ædificationi consulentes, *falsa ac dubia* removerentur; eaque ex Sanctorum historia proponerentur, quæ legentium animos ad Deum amandum, & Sanctos imitandos suavius allicerent.

Deni-

Denique cum nulli Sacerdotum Canones ignorare permittatur; ideo " quæ Clericos & maxime Sacerdotes, qui pro aliorum salute invigilant, circa fidem & mores scire apprime convenit, ex Conciliorum Decretis, & Sanctorum scriptis excerpfit, & ad calcem Breviarii edi curavit: ut singulis diebus ad *Primum*, etiam ab iis qui privatum Officium recitant, aliquid inde legatur.

Et quidem pro die 29. Aprilis, qua die hæc scribo, hoc à Canonicis Clericisque notandum Synodi Colonienſis Decretum assignatur: " utinam optando, à Deo " Optimo Maximo consequi possimus, ne quisquam " lucri causa divinis interesset, alioquin non accessurus sacra; veluti quem nummi magis, quam Dei " amor in templum trahit, quæstum pietatem esse putans: qui (non dubium) ex numero eorum est de quibus Isaias dixit: omnes diligunt munera, sequuntur retributiones. " Optandum, ut & Breviarii Romani, quo plerique in Belgio utuntur, aliqua nova correctio fieret; qua præferunt apocrypha & dubia tollerentur; atque certa & indubitata substituenterentur.

XXV. Sed cum pleræque Ecclesiæ Belgicæ, præsertim seculares receperint Breviarium & Ritum Romanum, attendenda erit circa Librorum Divinorum correctionem Bulla Pii V. quæ Breviario Romano præfici solet; atque stylus Curiae Romanæ, qui omnia pene ad Ritus spectantia Congregationi, quæ *Rituum* dicitur, commisit; ubi de hac Congregatione agitur, latius ostendetur.

XXVI. Denique Synodus Tridentina hanc circa preces publicas Episcopalem auctoritatem expendens, ipsis Episcopis mandavit, ea omnia, quæ à Sacrificii Missæ dignitate aliena sunt, quæque vel avaritia, vel irreverentia, vel superstitio induxit, è medio tollere sedulo curent, non obstantibus privilegiis, exemptionibus, appellationibus, ac consuetudinibus quibuscumque; uti fusius dicitur, & abusus è medio tollendi proponuntur infra parte 2. titulo de celebratione Missarum.

XXVII. Sed, ut ea quæ de Breviariis emendatione dicta sunt, planius intelligantur, non pigeat excipere quod exeunte 16. & ineunte 17. seculo apud Gallos hac de re contigerit.

Tunc temporis in Gallia plures suum particulare Breviarium retinendum censuerunt, tamen Curia Romana frequenter, ac præsertim post Concilium Tridentinum insistit, ut Breviarium Romanum cæteris particularibus Breviariis abjectis, in omnibus ubique Ecclesiis reciperetur.

Ita legitur circa annum 1581. Curiam Romanam fortiter insistisse ut Ecclesia Parisiensis, abjecto proprio ritu Divini Officii, reciperet ritum Romanum, uti

refertur inter probationes libertatum Ecclesiæ Gallicanæ cap. 31. num. 3. extatque ibidem resolutio Capituli Parisiensis super retentione & reformatione sui particularis & antiqui Breviarii; ac una subiunguntur rationes Theologorum Parisiensium, quibus ostendebant nullatenus esse recipiendum ritum Romanum, abjecto Parisiensi; sed potius expedire ut unaquæque Diocesis suum retineat ritum & particularia sua Breviaria.

Porro inter alia observant dicti Theologi, " quod " sancti Patres tanta sapientia & prudentia illustres, " iustis de causis, singulis Diocesium singula concesserunt & ordinaverint Breviaria.

Præterea notant: Quod " reliqui Episcopi habeant " potestatem politice & ordinationis in suis Diocesium, ut Romanus in sua. Hoc autem bona ex parte convelleretur.

Et infra addunt: " Hi Episcopi in suis Diocesium (si intelligant quod sunt) " habent potestatem, ordinationis modum instituendi, sicut Papa in Romana " Diocesi & Ecclesia (hoc enim sonat & significat vocabulum *Pontifex Hebr. cap. 3. & 9.*) " alioquin fierent Papæ Capellani.

Præterea observant, " quod ubi Deus Optimus " Maximus dedit Sanctos, ibi quoque velit per illos " invocari à fidelibus populis, sicut voluit rogari à filiis Israel per Patres illorum Abraham, Isaac & Jacob, hac de causa retinenda esse singularum Diocesium particularia Breviaria, utpote quæ singularum quoque Diocesium *Sanctorum* officia continere consueverunt.

Non prætermittunt insuper libere edicere, quod hæc particularium Breviariis abrogatio, & in locum eorum Romani Breviarii inductio, non tam augmentum Religionis, quam Romanæ Curiae amplificationem pro fine habeat: " Quid enim (inquiunt) " inde provenit, nisi Romanæ, non dico religionis, " sed superbiæ & ambitionis auctio.

Hæc Theologorum resolutio integra exhibetur per Pythæos inter probationes libertatum Ecclesiæ Gallicanæ cap. 31. num. 11. Et ibidem num. 12. refertur Arrestum Parlamenti Parisiensis de 27. Feb. 1603. quo ad instantiam Procuratoris Regii cassatur ordinatio Episcopi Andegavenſis, qua voluit per suam Diocesim recitari divinum officium juxta ritum Breviarii & Missalis Romani, abrogato antiquo ritu Ecclesiæ Andegavenſis, & injectum fuit eidem Episcopo; ne ullam circa ritum Ecclesiasticum immutationem aut innovationem induceret absque permissu Regis. Vide utrumque Monumentum in appendice sub litt. F. G.

## TITULUS XVII.

### DE VISITATIONE EPISCOPORUM.

#### CAPUT I.

##### De necessitate & scopo Visitationis.

1. Cura animarum necessario requirit Episcoporum Visitationem.
2. Canones obligationem Visitandi urserunt.
3. Synodus Tridentina quotannis Visitationem institui voluit.
4. Episcopus non astringitur ad unicam Visitationem annuam.
5. Synodus conscientia Episcoporum permisit, num plura.

Tom. I.

6. Episcopus, cessante legitimo impedimento, per se visitare tenetur.
7. Quid Episcopum agere conveniat, si Diocesim ob ejus latitudinem convenienter per se visitare nequeat.
8. Scopus visitationis à Synodo Tridentina expressus.
9. Visitatio præcipue versari debet circa interiorum statum Diocesis.
10. Quæ præcipue inquirenda ex mente Synodorum?
11. Scopus Visitationum compendiose à S. Carolo expressus.
12. Vetus formula Visitationis multa hisce quoque temporibus utilia continet.

T 2.

13.



13. *Episcopus, ut facilius ac celerius cum fructu Visitationem absolvat, debet Ministros inferiores præmittere.*
14. *Hoc etiam probavit S. Carolus.*
15. *Litteræ Pastorales materiam & scopum Visitationis continentes, præmittendæ: & quid hic fecerit S. Carolus.*
16. *Parochi litteras populo prælegere, eumque ad Visitationem obedienter recipiendam inducere tenentur.*

I. ANIMARUM curatio rite peragi nequit, si morbi nesciantur. Hi vero sciri nequeunt, nisi medici ægros visitent, in morbos inquirent & studiosè examinent. Quapropter nihil adeo à Patribus & Sacris Canonibus Episcopis inculcatum fuit, quam continua Diocesim perlustratio & visitatio: præcipuaque Sanctorum Episcoporum occupatio fuit Diocesim continua circuitio & perlustratio.

II. Cumque labentibus seculis hæc Episcoporum sollicitudo interdum flaccesceret; atque inde sensim, dormientibus Pastoribus, zizania malæ doctrinæ, aut morum abusus seminarentur & crescerent: non desuere Concilia, & Pontifices, qui Episcoporum hac in parte obligationem urgerent, & ob oculos ponerent.

Multorum casuum (ait Synodus Tarraconensis III. can. 8.) experientia magistrante, reperimus nonnullas Diocesanas Ecclesias esse destitutas; ob quam rem hac Constitutione decrevimus, ut antiquæ consuetudinis ordo servetur, & annuis vicibus ab Episcopo Diocesano visitentur; & si qua forte Balilica reperta fuerit destituta, ordinatione ipsius reparetur.

Synodus Legionensis in Gallæcia & Portugalia Diocesces multiplicari voluit, quia in tota Gallæciæ regione spatiosa satis Diocesces ab Episcopis tenebantur: ita ut aliquantæ Ecclesiæ per singulos annos vix possint à suo Episcopo visitari.

III. His aliisque infinitis propemodum Canonibus, qui visitationem, tamquam præcipuam ac maxime necessariam Episcoporum functionem urserunt, insistent Synodus Tridentina sess. 24. cap. 3. de reform. decrevit, ut Patriarchæ, Primates, Metropolitanæ & Episcopi propriam Diocesim per seipsos, aut si legitime impediti fuerint, per suum generalem Vicarium, aut Visitatorem, si quotannis totam, propter ejus latitudinem, visitare non poterunt, saltem majorem ejus partem; ita tamen, ut tota biennio per se, vel Visitatores suos compleatur, visitare non prætermittant.

IV. Porro cum præcepto divino mandatum sit omnibus, quibus animarum cura commissa est, oves suas agnoscere, ut loquitur Synodus Tridentina sess. 23. cap. 1. de reform. nullatenus ex mente Patrum Concilii est, quod Episcopi unica Diocesceos Visitatione annua aut bienniali obligationi suæ semper satisfaciant: quandoquidem fieri possit, frequentiores Visitationes requiri, ut oves suas cognoscere, & statum suæ Diocesces perspectum habere queant.

Et uti recte advertit Cardinalis De Luca Discursu 5. ad Concilium Tridentinum, terminus unius anni, vel saltem biennii (de quo in Decreto Concilii Tridentini) quamvis ex præcepto statutus videatur, ne id negligi valeat, non tamen adeo taxativus est, ut intra breviorum terminum, quando Episcopus seu Ordinarius opportunum vel salubre credat, visitare non possit; cum etiam bis in eodem anno, juxta casuum contingentiam, ac rerum opportunitatem, id facere valeat; dummodo tamen ad bonum finem, bonoque zelo id agatur, non autem ut id serviat ad solum prætextum exigendi à Capitulis & Clericis aliisque subditis procuraciones, ac munera, victualia, sub quorum prætextu magnæ fieri solent extorsiones.

V. Itaque Synodus quidem voluit, ut semel saltem quotannis Diocesim suam visitarent; permittens de cætero Episcoporum conscientia, num pro Diocesce & ovium sibi commissarum notitia frequentiores requirantur; juxta illud Leonis IV. ad Episcopos Britannia apud Gratianum 10. q. 1. can. 4. "Regenda est una, quæque Parochia sub tuitione & provisione Episcopi per Sacerdotes vel cæteros Clericos, quos ipse cum Dei timore providerit, cui jure pertinere videretur, & circumire, ut sibi necessariam visum fuerit, Ecclesiastica utilitate cogente.

VI. Cum enim Episcopus per se curam suæ Diocesces habere & gerere debeat, merito quoque injungitur, quod eam per se lustrare visitareque teneatur; & si vel ob ejus latitudinem aut legitima impedimenta eam toties per se circumire ac visitare nequeat, ut perfectam illius notitiam accipiat, satagat, ut per inferiores v.g. Archidiaconos, Decanos seu Archipresbyteros, aut Visitatores specialiter ab ipso designandos, visitatio ita instituantur & agatur, ut per ipsos plenam totius Diocesces, & ovium sibi commissarum notitiam habere queat.

VII. Ita S. Carolus, quantumvis in visitatione suæ Diocesces indefessus & assiduus, quemadmodum ejus acta ac vita testantur, cum nimium suæ Diocesces videret spatium, ac infinita propemodum reformanda compersisset, ea ab eo inita fuit deliberatio, ut quo diligentius & visitatio, & per executionis usum perpetuo salutaria Decreta inducantur; Ecclesiastici aliquot homines, spectata morum probitate, prudentia, doctrina, disciplinæque Ecclesiasticæ usu perit deligerentur, quibus tum visitandi, tum omnem executionem procurandi, promovendique munus committeretur.

Hæc in præfatione Instructionum pro Visitatoribus; quæ merito ab Episcopis aliisque, quibus visitandi obligatio incumbit, leguntur in Actis Ecclesiæ Mediolanensis part. 4. pag. 549. & seqq. edit. 1683.

VIII. Synodus Tridentina postquam ostendit, quando Episcopi, Archidiaconi, alique quibus jus visitandi competere consuevit, visitationem instituere debeant, subjungit "Visitationum autem omnium istarum præcipuus sit scopus, sanam orthodoxamque doctrinam, expulsi hæresibus, inducere, bonos mores tueri, pravos corrigere; populum cohortationibus & admonitionibus ad religionem, pacem, innocentiamque accendere; cætera, prout locus, tempus & occasio feret, ex Visitantium prudentia ad Fidelium fructum constituere.

IX. Scopum hunc ut assequantur Visitatores, non sufficit informari de iis, quæ externum Ecclesiarum statum concernunt; sed præcipue de interiori statu dignoscendo allaborandum est.

Unde in formula visitationis, quam an. 1579. in generali Conventu proposuit Clerus Gallicanus, non tantum quid de exteriori statu Ecclesiarum (circa quem plerique hodie Visitatores occupantur) sed præcipue, quid de interiori inquirendum sit proponitur; quemadmodum & in ea, quam S. Carolus in sua Synodo Provinciali quarta exhibuit.

X. Unde Synodus P. I. Cameracensis tit. de visitatione cap. 2. vult, ut Episcopi in visitatione præcipuum cognoscant de fide, vitæ sanctimonia ac moribus: sive visitatio fiat in Monasteriis, sive Capitulis tam Cathedralibus, quam Collegiatis, vel etiam aliis Ecclesiis. Quoniam id præcipue spectandum est, ne doctrinæ sinceritas ullo errore corrumpatur; nec præterea vitæ vita maculetur. Cognoscant deinde de regula ac statutis; an servantur, an negligantur; & singula rite ac ordinate constituantur.

Deinde cap. 3. "Externa etiam visitando non negligant: ut sunt habitus, decens tonsura, & hujusmodi reliqua.

Posthæc subjungit cap. 4. "Sed illud præcipue spectent,

„stent, quam recte & diligenter *Pastores* ministeria sua obeant: sive docendo, sive Sacramenta ministrando, & Venerabile Sacramentum & Unctiones „& Baptisteria honeste conservando. Cognoscant prae-  
„terea de bonis Ecclesiarum, ac suppellectile, de bi-  
„bliothecis & aliis huiusmodi, ne quid per negligentiam pereat. Provideant etiam ut & fundationes  
„observentur, & eleemosynae liberalitate piorum ho-  
„minum institutae pauperibus nulla fraude distribu-  
„tur.

XI. Haec aliaque similia passim in Synodis, Visita-  
toribus, atque imprimis Episcopis inculcantur, quae manifeste ostendunt Ecclesiae mentem esse, ut Episco-  
pi „diligentiam omnem visitando adhibeant (verba sunt Concilii Mediolanensis IV. parte 3. titulo de  
„*Visitatione*) „non modo in Ecclesiarum cultu & orna-  
„mento tuendo, augendo, sed maxime in omni &  
„Cleri & populi pristina Christiana disciplina restitu-  
„enda; in utriusque item moribus cognoscendis, in-  
„demque depravatis corrigendis.

XII. Verus Formula Inquisitionis, juxta quam Episcopi alique inferiores Praelati olim Visitationem suam dirigere debebant, idem evincit. Nam Formula haec prout eam circa seculum X. evulgavit Regino Abbas Prumensis in suo Opusculo de Ecclesiasticis disciplinis, in duos libros erat distincta; atque in primo continebatur, quid ab Episcopis circa Ecclesiasticos Viros esset inquirendum; in secundo autem, quid circa Laicos.

Plura de hac Inquisitionis Formula & Opusculo Reginonis observavi Tractatu Historico- Canonico in Canones parte 5. cap. 1. Neque inutiliter Formula inquisitionis una cum Opusculo Reginonis legetur ab eis, quibus visitandi munus incumbit: plurima quippe & hodie utilia, ac modernis temporibus accommodata diligens lector & peritus scrutator reperiet; eamque consulis S. Carolum, aut eos, qui instructionibus Visitationum, quae in Actis Ecclesiae Mediolanensis parte IV. prostant, formandis fuisse occupati, innuit harum cum praedicta Inquisitione in multis consonantia.

Post expositum scopum omnium Visitationum, Synodus Tridentina. Visitatores instruere pergit; quaeque ad scopum illum assequendum conducant, proponit. Quae ut facilius felicisque, ait, succedant; monentur praedicti omnes & singuli, ad quos Visitatio spectat, ut paterna charitate Christianoque zelo omnes amplectantur: ideoque modesto contenti equitatem famulatuque, studeant celeriter, debita tamen cum diligentia, Visitationem ipsam absolovere.

XIII. Ut vero Episcopus celerius, debita tamen cum diligentia, visitationem absolovere queat, jam olim decretum fuisse legitur: „Cum Episcopus suam Diocesim  
„circuit, Archidiscopus, vel Archipresbyter cum  
„praere debet uno aut duobus diebus per Parochias  
„quas visitaturus est; & plebe convocata, adnuntiare  
„debet proprii Pastoris adventum, & ut omnes ad ejus  
„Synodum die denominata impraetermis occurrant,  
„omnimodis ex auctoritate sanctorum Canonum praecipere, & minaciter denunciare, quod si quis absque  
„gravi necessitate defuerit, procul dubio a communione  
„Christiana sit repellendus. Deinde acitis secum Presbyteris, qui illo in loco servitium debent exhibere  
„Episcopo, quidquid de minoribus & levioribus causis  
„corrigere potest, emendare satagat; ut Pontifex v-  
„niens nequaquam in facillioribus negotiis fatigetur,  
„aut ibi immorari amplius necesse sit quam expensa  
„sufficiat. „Apud Reginonem lib. 2. cap. 1.

XIV. Hoc Rhotomagensis Concilii Decretum, tanquam visitationi celerius ac fructuosius perficienda summo pere oportunitatem renovavit, ac observari praecipit S. Carolus in suo Concilio IV. Mediolanensi; permittens tamen Episcoporum arbitrio, num Archidiscorum, Archipresbyterum, aut alium Ecclesiasticum hominem praemittere velit.

XV. Insuper Zelosissimus hic Pastor, ut majori cum fructu ac minori mora Visitationem absolverent Episcopi, Litteras Pastorales, quae Visitationis materiam, scopum, atque alia eo spectantia continebant, Visitationi praemittendas censuit. „Porro Parochus, aliufve  
„Ecclesiae Rector vel Praefectus, in qua animarum curam gerit, cum visitandus erit, Pastorales Episcopi  
„Litteras, Visitationis nomine editas, duobus ante  
„illius adventum proximis festis diebus, intra Missarum solemniam, cum populi frequentia adest, de scripto  
„recitet. Idem Parochus aut Ecclesiae Rector praestet de Litteris, quas de Confirmationis Sacramento  
„rite religioseque suscipiendo, Episcopus instructio-  
„num monitionumve nomine ediderit.

Deinde monet, „Ut Parochus Litterarum, edictorumve Episcoporum evulgationem recitationemve  
„& Sermonem, & Concione, & monitionibus, & omni  
„alio tum publico tum privato cohortationum officio  
„prosequatur, prout expedire animadverterit: quo fidelium animos diligentius praepararet, atque excitaret  
„suscipiendum Episcopalis Visitationis officium.

## CAPUT II.

Quae procuraciones ab Episcopo Visitante exigi, vel recipi possint; & qui ad eas teneantur.

1. Proponitur Decretum Synodi Tridentinae circa procuraciones.
2. Ratione Visitationis nihil etiam uliro oblatum ab Episcopis exigi permittit.
3. Non prohibet peti quae alio titulo debentur.
4. Ratio cur Synodus nihil voluerit ab Episcopis exigi ratione Visitationis.
5. Permisit Synodus accipi victualia.
6. Quid veniat nomine victualium?
7. Synodus Tridentina ita victualia restrinxit, ut omnis luxur excludatur.
8. Ex mente Synodi, Episcopi debent esse contenti iis quae ipsis apponuntur: quod suo exemplo ostendit S. Carolus.
9. Victualia tantum ministranda pro temporis necessitate.
10. Episcopus eodem die visitans plures Parochias, aut Ecclesias, debet esse contentus unica procuratione.
11. Episcopo visitanti Ecclesias Civitatis suae Cathedralis non debetur procuratio.
12. Synodus Tridentina intendit sublevare Visitandos ab omni gravamine.
13. Permisit arbitrio Visitandorum an consuetam procuracionem in pecunia continuare velint; an convertere in simplicia victualia.
14. Praeservat conventiones, & consuetudines de non solvendis etiam victualibus.
15. Observanda circa illas consuetudines. Juxta hodiernam Belgii praxim Episcopi visitantes, a Laicis procuraciones exigere nequeunt.
16. Idem servatur in Regno Galliae; ubi & questio de procuracionum solutione in Tribunali Regio agitari debet.
17. Mores hodierni non patiuntur, ut Episcopus per censuras cogat subditos ad procuraciones solvendas.
18. Quas penas Synodus Tridentina decernat in Visitantes qui majores procuraciones exigunt.
19. Decretum de moderatione procuracionum; & pena contra excedentes decreta, etiam ad Familiares & Ministros Episcoporum extenduntur.

I. UT Visitatio à populo & Clero gratiori animo suscipiatur, vult Synodus Tridentina, „ut Episcopi Visitantes caveant, ne inutilibus sumptibus cuiquam

„quam graves onerosive sint: neve ipsi, aut quisquam suorum quidquam procurationis causa pro Visitatione, etiam testamentorum ad pios usus, præter id quod ex relictis piis jure debetur, aut alio quovis nomine, nec pecuniam, nec munus, quodcumque sit, etiam qualitercumque offeratur, accipiant: non obstante quacumque consuetudine, etiam immemorabili.

II. His verbis voluit Synodus, ne quidquam causa Visitationis, etiam *ultra oblatum* à Visitatoribus recipiatur, nequidem pro *Visitatione testamentorum ad pios usus*: quæ eatenus Visitationi Episcoporum de jure communi subjacent, ut perspicitur Episcopus, num juxta voluntatem Testatorum executioni mandentur.

III. Quod vero alio quam Visitationis titulo, ut v.g. ex *relictis piis*, uti loquitur Synodus Tridentina, Episcopo debetur, sublatum non est; ideoque nec *Cathedratum* Episcopis debitum sublatum esse declaravit S. Congregatio apud Weymsium ad 24. *Constitutiones per Concilium Trident. innovatas constit.* 17. n. 21.

IV. Et merito Synodus voluit, Episcopos in ipsa Visitatione ab omni vel specie avaritiæ, aut habendi cupiditate esse alienos. Si enim (teste eadem Synodo *sess. 25. cap. 1. de reformat.*) ad restituendam disciplinam præcipuum sit, quod fideles Præpositos suos videant non ea quæ mundi sunt, sed animarum salutem ac celestem patriam cogitare; idipsum vel maxime in ipsa Visitatione, quæ tota ad restituendam Ecclesiasticam disciplinam, vitia eradicanda, virtutesque plantandas dirigenda est, Episcopi suo agendi modo ostendere debent; ut dicere confidenter queant cum Apostolo: *Non enim quero quæ vestra sunt, sed vos.* 2. Cor. c. 12, v. 14.

V. Exemplo tamen Christi, qui mittens Discipulos suos ad prædicandum Regnum, dixit: *In eadem domo manete, edentes & bibentes, quæ apud illos sunt: dignus est enim operarius mercede sua.*... Et in quantumque civitatem intraveritis, & susceperint vos, manducate quæ apponuntur vobis. Lucæ 10, v. 8. Hoc, inquam, exemplo, Synodus Tridentina generali prohibitioni, quidquam etiam *ultra oblatum* ratione visitationis accipiendi, hanc subjecit exceptionem: „Exceptis tantum *Victualibus*, quæ sibi ac suis *frugaliter* moderateque pro temporis tantum necessitate, & non ultra, erunt ministranda.

VI. Hæc *viactualia* sive præstationes comprehenduntur sub nomine *procuracionum*, de quibus sæpius in Jure Canonico mentio occurrit; inde dictæ, quod *procurati* sive subministrari debeant ab iis qui visitantur.

VII. Cum hæc procuraciones ex Decreto Concilii Tridentini ad sola *viactualia*, hoc est, esculenta & poculenta restringantur, „traditum est, ait Weymsius „ex Zerola, subditos non teneri ad medicinam Visitationis, vel alia similia quæ extra communem vitam sunt; propterea quod appellatione expensarum *viactualium* veniant ea duntaxat, quæ in victu consistunt, non etiam alia, quæ concernunt alias personarum necessitates, ne alioquin etiam tandem ad vestitum cogerentur; neque enim debentur *viactualia* nisi actu visitantibus, quorum numero haberi vix possunt, qui ægrotant.

VIII. Dum autem addidit Synodus *viactualia moderate ac frugaliter* esse ministranda, indubie omnem luxum conviviorum & epularum abundantiam exclusam voluit; ut scilicet vel in ipso actu Visitationis mores suos ita component Episcopi aliive Prælati ut „reliqui ab eis *frugalitatis*, modestiæ, continentiæ, „ac, quæ nos tantopere commendat Deo, sanctæ humanitatis exempla petere possint, „quemadmodum Synodus Tridentina pronet *sess. 25. cap. 1. de reformat.*

Imo sat ostendit Synodus per moderationem ac frugalitatem, quæ *viactualia* subministrari vult, se desiderare,

ut Episcopi alique Visitatores observent id, quod à Christo Discipulis suis inculcatum est, ut scilicet non solliciti de mensarum instructione aut victualium apparatu, contenti essent iis, quæ ipsis apponuntur.

Quod apprimè intelligens S. Carolus severe suis inhibebat, ne quid esculenti ac poculenti secum ferrent, sed contenti essent iis, quæ Visitandi ad manducandum apponerent; quo fiebat, ait Godæus in ejus vita lib. 1. c. 13. ut frequenter pro lecto nihil præter stramina aut arborum folia; & pro cibis delicatioribus, nuges, castancas, aut caseum reperiret; volebatque ut tam ipse quam sui, tum in manducando, tum in cubando pauperati in montibus habitantium se conformarent.

IX. Ad Synodum Tridentinam revertamur: quæ non *moderate ac frugaliter* duntaxat *viactualia* dicit esse ministranda; sed insuper addit; *pro temporum tantum necessitate, & non ultra.* (a)

X. Unde si una die Episcopus visitet duas Parochias, „debet esse contentus una procuracione; etiam si locus „quilibet visitatus ab illo sufficeret ad procuracionem „integram persolvendam; cum eidem sufficere debeat, „ut temporalia merat à locis personaliter visitatis, pro „diebus quibus eis spiritualia subministrat. „Cap. 3. de censibus in VI. „Quo fit, inquit Weymsius loco citato, ut si secus faciant Visitatores, vel exigendo „duplices procuraciones ab uno vel duobus locis visitatis eodem die, vel etiam procrastinando suam Visitationem eo fine, ut duplicatas procuraciones lucentur, male versentur, & ad acceptorum restitutionem teneantur, ipsum Deum habituri ultorem; quia sic proprium suum compendium quæverint, non quæ Jesu Christi sunt.

XI. Eodem fundamento, dum Episcopus visitat Ecclesias civitatis Cathedralis, non potest prætere *procuracionem*, aut *viactualia à Visitatis*; „Quia, inquit „Fagnanus ad cap. VENERABILI & de censibus num. 15. cessat illa *necessitas temporis*, quam Concilium ad hoc præcisè requirit: cum, visitatione expleta, possint domi suæ victum sumere: & hanc sententiam jam pridem probavit Sacra Congregatio ejusdem Concilii Interpretes: Nam dubitanti Episcopo Tarenti, an in Visitatione posset exigere procuracionem à Canonicis Cathedralis Ecclesiæ, censuit cap. 3. *sess. 24. de reformat.* „dum de *viactualibus* subministrandis disponit, non habere locum in Visitatione Cathedralis Ecclesiæ, sed Diocesis tantum, ibi, *aquitatis*, ibi, *pro temporis necessitate*, &c. Sed & alias censuit, nullam deberi procuracionem Episcopo visitanti Clerum civitatis, ubi est *Cathedra*. „Hæc Fagnanus.

XII. Ex his facile animadverti potest, Synodum Tridentinam exemplo Pontificum, quorum Decreta referuntur in Jure Canonico, huic rei potissimum intendisse, ut subditos, quantum posset, à Visitatorum immoderatis & insuetis oneribus sublevaret.

XIII. Quapropter ut Visitandi etiam procuraciones, quæ in solis moderatis ac necessariis *viactualibus* consistunt, facilius ac levius ferre possent, voluit, „ut sit in optione eorum, qui visitantur, si malint solvere id quod erat ab ipsis antea solvi, certa pecunia taxata, consuetum; an vero prædicta *viactualia* subministrare: (Deinde insuper addit) salvo irem jure conventionum antiquarum cum Monasteriis, aliisque piis locis, aut Ecclesiis non Parochialibus inito, quod illæsum permaneat. In iis vero locis seu Provinciis, ubi consuetudo est, ut nec *viactualia* nec

(a) Ea quoque mens extitit Cleri Gallicani in comitiis quæ Meloduni anno 1579. habita sunt. „Justum est, inquit Episcopi, „& æquum sumptus necessarios, juraque consueti (quam procuracionem Canones vocant) „per Parochianos, Parochosque Visitatoribus suppeditari. Cavendum tamen hac tempestate, ne Visitatio fiat onus intolerabile, & offensio detur Evangelio: „sed Visitatores tradent Visitandos ut filios; ac pro sua decuria, „comitatu ac victu mediocri sint contenti: & si Paræciæ sint tenues, benigne & gratis visitentur. „Voyez les nouvelles Mémoires du Clergé de France, t. 7. col. 182.



pecunia, nec quidquam aliud à Visitatoribus accipiantur, sed omnia gratis fiant, ibi id observetur.

XIV. Illud porro circa huiusmodi consuetudinem negativam, quam Concilium præservat, non solvendi procuracionem, advertendum monet Fagnanus loco citato num. 29. " quia ad hoc, ut de tali consuetudine dicatur constare, ex ipsius Congregationis sententia, non sufficit, ut Visitati nunquam Episcopum procuracionem, & Visitatores detestasse illam solvere, & postea Episcopum per longum tempus acquiescisse, prout requiritur in facultativis.

XV. Insuper notandum, Episcopos aliosve jus Visitationis habentes, nec in toto nec in parte posse à Laicis visitationem procuracionem exigere, juxta notoriam harum & vicinarum Provinciarum consuetudinem, in eo fundatam, quòd Canones de solis Ecclesiasticis loquantur, quando de procuracionibus agunt; ut monet Zypæus in Jure novotit. de censibus num. 9. Et latius Grivellius decis. 119. qui Litteras Ducum nostrorum Alberti & Isabellæ ad Senatum Dolanum recitat, quibus declaratur, fas non esse Episcopo à Laicis exigere procuracionem. (a)

XVI. Idem quoad regnum Gallie testatur Carolus Fevret tractatu de abusu lib. 3. cap. 4. qui & ibidem notat, inspectis dispositionibus Juris Canonici, questionem de solvendis procuracionibus agendam & decidendam esse coram Judice Ecclesiastico; sed id hodie in Gallia haud observari; futurumque abusum si Juxta Ecclesiasticus prætendisset adjudicare hoc jus pecuniarum procuracionis.

XVII. Notat insuper, si Episcopus aut Archidiaconus præsumerent excommunicare Parochum, aut Ecclesiam interdicto subicere ob recusatam procuracionem, futurum abusum; & Senatum Regium ita judicasse contra Episcopum Bayonensem refert ex Mornacio ad l. 3. Cod. de Apostatis; " ed quòd Ecclesiam Harfarnam, ob solum Diocesanæ visitationis refusum visitum, interdicto subiecisset.

XVIII. Ut verò Synodus Tridentina significaret, quàm sibi cordi esset, ut præscriptam in procuracionibus moderationem & frugalitatem Episcopi servarent, decernit: " Quòd si quisquam, quòd absit, aliquid amplius in supradictis omnibus calibus accipere præsumpserit; is, præter dupli restitutionem intra mensem faciendam, aliis etiam poenis juxta Constitutionem Concilii generalis Lugdunensis, quæ incipit, Exigit; necnon & aliis poenis in Synodo Provinciali arbitrio Synodi, absque ulla spe veniæ, mulctetur.

Constitutio Lugdunensis Concilii à Tridentina Synodo hic innovata refertur in cap. 2. de censibus in VI. quæ statuitur: " Ut universi & singuli, qui ob procuracionem sibi ratione visitationis debitam exigere pecuniam, vel etiam à volente recipere, vel alias Constitutionem ipsam recipiendo munera, sive Visitationis officio impenso procuracionem in victualibus, aut aliquid aliud procuracionis occasione, violare præsumpserint, duplum ejus quòd receperint Ecclesiæ, à qua id receptum fuerit, intra mensem reddere teneantur. Alioquin ex tunc Patriarchæ, Archiepiscopi, Episcopi, duplum ipsum ultra prædictum tempus restituere differentes ingressum sibi Ecclesiæ sentiant interdictum. Inferiores verò ab officio & beneficio noverint se suspensos, quousque de duplo huiusmodi gravatis Ecclesiis plenariam satisfactionem impendant: nulli eis in hoc dantium remissione, liberalitate seu gratiâ valiturâ.

XIX. Hæc interdicta ipsis Visitatoribus, etiam esse

(a) Arramen idem Grivellius deinde observat hanc declarationem mutata fuisse: quippe anno 1611. Senatus Dolanus argumentibus Principibus Alberto & Isabella pactus est cum Archiepiscopo Vesuntina eâ lege ut Laici solverent partem expensarum in visitationibus fieri solvarum; sed pacto appositæ sunt conditiones, quas exponit Grivellius in suis Decisionibus pag. 315. Sec. Edit. Antwerp. an. 1663.

interdicta ipsorum Familiaribus & Ministris, ne possint causâ Visitationis quidquam pecuniæ aut muneris etiam ultro oblati, accipere; & quòd, si acceperint, iisdem poenis sint obnoxii, tam Constitutio Innocentii IV. in cap. 1. quàm Constitutio Concilii Lugdunensis in cap. 2. de censibus in VI. ac novissimè Synodus Tridentina sat patenter insinuant.

## CAPUT III.

Quæ loca ab Episcopis visitari debeant, & possint?

1. Episcopus fundatus est de jure in visitatione totius suæ Diocesis.
2. Episcopus excludi nequit à visitatione Ecclesiarum Parochialium, aut Beneficiorum Curatorum.
3. Synodus Tridentina declaravit Beneficia Curata visitationi Episcopali esse subjecta.
4. Exemptio visitationem in his non impedit.
5. Datio in commendam etiam non impedit.
6. Ecclesiæ Curatæ unitæ aut incorporatæ Monasteriis aut Capitulis exemptis visitationi subsumunt.
7. Etiam ubi Prælati habent utramque jurisdictionem.
8. Ecclesiæ Parochiales unitæ Ordini S. Joannis Hierosolymitani subjectæ visitationi.
9. Variis Regiis Arvestis confirmatum jus visitandi, quoad Beneficia unita Monasteriis exemptis.
10. Nulla exemptio aut consuetudo dictas Ecclesias à visitatione eximere potest.
11. Clerici meritis visitationi Episcoporum subjecti.
12. Illos generaliter iterato Decreto Episcoporum visitationi subjectos declaravit Synodus Tridentina.
13. Capitula Cathedralia etiam exempta visitationi Episcopi subjecta.
14. Potest in visitatione Episcopus solus procedere.
15. Quid circa visitationem Monasteriorum remissivè.
16. Quod jus competat Episcopis hodie visitandi Hospitalia & alia pia loca remissivè.

I. QUOMODUM Episcopo totius suæ Diocesis cura incumbit; omnesque in sua Diocesi consistentes sunt ejus curæ committi, ita etiam totius Diocesis visitatio Episcopo incumbit; quia sine visitatione curam ovium habere nequit. Unde communiter tradunt Canonistæ, ut notat Fagnanus ad cap. ex parte 2. de Clericis non residentibus num. 39. personalem visitationem Prælatorum esse de jure Divino.

Hinc concluditur, nullâ consuetudine, nullove privilegio Episcopum impediri posse à visitatione, quæ exigatur, ut animas sibi commissas regere ac dirigere possit.

II. Hoc titulo Episcopus excludi nequit à Visitatione Ecclesiarum, quibus cura animarum personarum secularium, quæ Episcoporum curæ sunt concredita, annexa est; solummodo quoad ea, quæ curam illam concernunt. Si enim ab hac Visitatione excluderetur, curam animarum sibi commissarum debitam habere non posset.

III. Unde Synodus Tridentina sess. 7. cap. 7. de reformat. declaravit; " Beneficia Ecclesiastica curata, quæ Cathedralibus, Collegiatis, seu aliis Ecclesiis, vel Monasteriis, Beneficiis, seu Collegiis, aut piis locis quibuscumque perpetuè unita & annexa reperiuntur, ab Ordinariis locorum annis singulis visitantur.

IV. Et ne Ecclesiarum exemptio hanc necessariam visitationem impediret, cap. 8. ulterius declaravit: " Locorum Ordinarii Ecclesias quascumque, quomodo libet exemptas, auctoritate Apostolicâ, singulis annis visitare teneantur, & oportunis juris remediis providere, ut, quæ reparatione indigent, reparentur; & cura animarum, si qua illis immincat, aliisque debitis obsequiis minime defraudentur: appellationibus, privilegiis, consuetudinibus, etiam ab immemora-

abili,

„ rabilis tempore præscriptis, Judicium deputationibus,  
 „ & illorum inhibitionibus penitus exclusis.

V. Ulterius cum titulo *commendationis*, prætenderentur Beneficia etiam *curata* à Visitatione Episcopi libera, statuit Synodus *sess. 21. cap. 8. De reformat.* „ Quaecumque in Diocesi ad Dei cultum spectant, ab „ Ordinario diligenter curari, atque iis, ubi oportet, „ provideri æquum est; propterea commendata Monasteria, etiam Abbatiæ, Prioratus, & Præposituræ nuncupatæ, in quibus non viget regularis observantia; nec non Beneficia tam curata, quam non curata, Secularia, & Regularia, qualitercumque commendata, etiam exempta ab Episcopis, etiam tanquam Apostolicæ Sedis delegatis, annis singulis visitentur; curentque eisdem Episcopi congruentibus remediis, etiam per sequestrationem fructuum, ut quæ renovatione indigeant, aut restauratione, reficiantur: & cura animarum, si qua illis vel eorum annexis imminuat, aliaque debita obsequia rectè exerceantur; „ appellacionibus quibuscumque, privilegiis, consuetudinibus, etiam immemorabili tempore præscriptis, conservatoriis, Judicium deputationibus, & eorum inhibitionibus non obstantibus.

Cum verò nonnulli contra mentem Synodi prætenderent hoc Decretum non pertinere ad Ecclesias *nulius Diocesis*, (de quibus sub titulo de exemptionibus agitur,) Synodus novo edito Decreto mentem suam clarius expressit *sess. 24. cap. 9. de reformat.* „ Quæ „ alias sub fel. rec. Paulo III. & nuper sub Beatissimo „ Domino nostro Pio IV. in hoc eodem Concilio de „ adhibenda Ordinariis diligentia in Beneficiorum, „ etiam exemptorum, visitatione constituta sunt; eadem etiam in iis Ecclesiis secularibus observentur, quæ in *nulius Diocesis* esse dicuntur; ut ab Episcopo, cujus Cathedralis Ecclesia est proximior, si id possit, alioquin ab eo, qui semel in Concilio Provinciali à Prælato loci illius electus fuerit, tanquam Sedis Apostolicæ delegato, visitentur, non obstantibus privilegiis & consuetudinibus quibuscumque, etiam immemorabilibus.

VI. Quandoquidem non minus Episcopo cura populi incumbat; ejusque salutis ac directioni æquè invigilare debeat, sive Regulares sive seculares tanquam inferiores Ministri ipsi in cura animarum assistant, ac curam populi agant, merito Synodus Tridentina *sess. 29. cap. 11. De Regularib.* edixit: „ In Monasteriis seu- „ mibus virorum seu mulierum, quibus imminet animarum cura personarum secularium, præter eas, „ quæ sunt de illorum Monasteriorum seu locorum familia, personæ, tam regulares quam seculares, „ hujusmodi curam exercentes, subint immediate in iis quæ ad dictam curam & Sacramentorum administrationem pertinent, jurisdictioni, visitationi, „ & correctioni Episcopi in cujus Diocesi sunt „ sitæ.

VII. Et quidem declaravit Pius V. die 4. Sept. 1570. ab hoc nullas Ecclesias, quibus cura animarum personarum secularium annexa, excipi; tamen etiam essent sitæ in Monasteriis, quorum Præpositi haberent utramque jurisdictionem temporalem & spiritualem; idemque Sacram Congregationem declarasse 7. April 1592. notatur in Declarationibus ad citatum *Cap. 11.*

VIII. Conformiter ad citatum Synodi Decretum anno 1629. Editio Ludovici XIII. Regis Galliarum declaratum fuit, „ Beneficia Curata, Ecclesias, Capellas „ dependentes ab Ordine S. Joannis Hierosolymitani fore subiectas *visitationi* & correctioni Ordinariorum in his, quæ concernunt correctionem abusum, qui committuntur in administratione Sacramentorum tam Matrimonii, quam aliorum; celebratione Divini Officii & ejus assiduitate, salvo Ordinis Privilegio in reliquis.

IX. Hinc Episcopus Abrincensis per Sententiam magni Consilii Parisiensis fuit manutentus in jure visita-

di Ecclesiam Parochialem Montis S. Michaelis dependentem à Monasterio ejusdem loci, spectantemque ad collationem *pleno jure* Abbatis; uti & visitandi Monasterium, tamen Congregationi S. Mauri unitum, exceptis tamen locis Regularibus, disciplina monastica, & personis Regularibus, quamdiu manebit in dicta Congregatione, 3. Feb. 1648. Eodem Arresto decisum fuit, Parochum dictæ Ecclesiæ Parochialis debere assistere Synodo Diocesana; inhibitoriumque fuit dictis Religiosis excipere confessiones ullius personæ secularis, aut ad eum effectum quemquam committere sine Episcopi approbatione.

Posthæc 18. Junii 1650. rursus intervenit Sententia arbitralis inter Episcopum & dictum Monasterium, quæ declaratum fuit, Ecclesiam Parochialem unitam dicto Monasterio esse *pleno jure* subiectam Episcopo in omnibus, quæ concernunt curam animarum; tamen illa etiam exerceretur per Priorem Claustralem dicti Monasterii exempti vigore privilegii Congregationis S. Mauri.

Hæc latius referuntur in Actis Cleri Gallicani *parte 1. tit. 2. cap. 12. num. 19. & 20.* Deinde *num. 21.* refertur, Archiepiscopum Viennensem manutentum fuisse in jure visitandi in Ecclesia S. Antonii Ordinis ejusdem Sancti, Fontes baptismales, & Capellam seu Parochialem cum omnibus suis annexis, atque in his exercendi omnia, quæ curam animarum spectant, sicut in aliis Beneficiis curatis suæ Diocesis, 17. Aprilis 1668. Et *num. 22.* idem judicatum fertur pro Episcopo Ambianensi 5. Feb. 1664.

Uno verbo, nulla exemptio, nullaque incorporatio, aut vetusta consuetudo eximere potest loca seu Regularia seu Secularia quacumque à *visitatione* aut correctione Episcoporum; nisi una Episcopalis auctoritas, & Hierarchica subordinatio penitus destruat; quemadmodum latius infra titulo de exemptionibus ostendetur.

X. Cum verò nihil sit, (ut loquitur Synodus Tridentina *sess. 22. c. 1. De reformat.*) „ quod alios magis „ ad pietatem & Dei cultum assidue instruat, quam eorum vita & exemplum, qui se divino ministerio dedicant; „ sat intelligitur, quantopere interfit Episcopi, ut Clerici seu Seculares seu Regulares ita vitam suam coram populo componant, atque ita in omnibus se exhibeant, ut nihil nisi grave, modestum, ac religione plenum præ se ferant.

XI. Quapropter, ut id Episcopi facilius assequi possint, Synodus *sess. 6. cap. 3. de reformat.* declaravit, quod „ nemo secularis Clericus, cujusvis personæ, „ vel Regularis extra Monasterium degeat, etiam sui „ Ordinis privilegii prætextu tutus censeatur, quominus, si deliquerit, ab Ordinario loci, tanquam super hoc à Sede Apostolica delegato, secundum „ Canonicas sanctiones visitari, puniri, & corrigi valeat.

Hoc Decretum rursus *sess. 14. cap. 4. de reformat.* generaliter omnes Clericos concernere, nulloque prætextu restringi posse, declaravit. „ Omnes Ecclesiarum „ Prælati, aut, qui ad corrigendos subditorum excessus diligenter intendere debent, & à quibus nullus „ Clericus per hujus sanctæ Synodi statuta, cujusvis „ privilegii prætextu, tutus censeatur, quominus juxta „ Canonicas sanctiones visitari, puniri & corrigi possit; si in Ecclesiis suis resederint, quoscumque „ seculares Clericos, qualitercumque exemptos, qui „ alias suæ jurisdictioni subessent, de eorum excessibus, criminibus & delictis, quoties, & quando opus fuerit, etiam extra visitationem, tanquam ad „ hoc Apostolicæ Sedis delegati, corrigendi & castigandi facultatem habeant: quibuscumque exemptionibus, declarationibus, consuetudinibus, sententiis, juramentis, concordis, quæ tantum suos obligent auctores, ipsis Clericis, ac eorum consanguineis, Cappellanis, familiaribus, procuratoribus, „ &

„ & aliis quibuslibet, ipsorum exemptionum contem-  
„ platione & intuitu minimè suffragantibus.

Quin & eodem motivo noluit Synodus vel ipsa Ca-  
pitula Cathedralia ullo exemptionis aliove titulo à Vi-  
sitatione Episcopi esse libera.

XIII. „ Capitula Cathedralium & aliarum majorum  
„ Ecclesiarum, (ait *sess. 6. cap. 4. de reformat.*) illo-  
„ rumque personæ, nullius exemptionibus, consue-  
„ tudinibus, sententiis, juramentis, concordiiis, quæ  
„ tantum suos obligent auctores, non etiam successores  
„ tueri se possint, quominus à suis Episcopis, & aliis  
„ maioribus Prælatiis, per seipsos solos, vel illis, qui-  
„ bus sibi videbitur, adjunctis, juxta Canonicas san-  
„ ctiones, toties quoties opus fuerit, visitari, corrigi,  
„ & emendari, etiam auctoritate Apostolica, possint &  
„ valeant.

Hoc Decretum tanquam disciplinæ Ecclesiasticæ re-  
tinendæ ac restituendæ summopere necessarium renovat  
Synodus *sess. 25. cap. 6. de reformat.* declaratque, Epif-  
copum dum visitando procedit, nequaquam observare  
debere modum procedendi ibidem præscriptum; sed  
eum duntaxat observandum esse, dum extra Visitationem  
contra Capitula Cathedralia exempta procedit.

XIV. Quapropter refert Fagnanus ad *cap. Ut juxta  
de offic. Ordinarii num. 38.* Sacram Congregationem  
declarasse, Episcopum posse visitare Capitulum Cathedra-  
le per seipsum solum, nullis sibi Capitularibus ad-  
junctis: imò posse assumere aliquos extra Capitulum,  
omissis Capitularibus suis, juxta dictum *caput 4 sess. 6.  
Concilii Tridentini*, quam resolutionem ibidem pluri-  
bus probat.

XV. Quoad Visitationem Monasteriorum tam viro-  
rum, quam mulierum circa disciplinam regularem in-  
teriorem & exteriori, multa statuit Synodus Tri-  
dentina; eaque alia circa exempta & non exempta;  
item diversa circa illa, quæ alicui certæ Congregationi  
subjecta suos particulares Visitatores habent, & illa,  
quæ nulli Congregationi sunt incorporata\*, nec specia-  
les Visitatores hæcenus habent; de quibus infra, ubi  
de Monasteriis eorumque exemptionibus tractabitur:  
ibi quoque expenduntur casus, quibus hodie etiam Mo-  
nasteria exempta visitationi Episcoporum subsint: & quæ  
in visitatione Monasteriorum præsertim Monialium in-  
quirenda sint; & quæ formâ visitatio instituenda.

XVI. Synodus Tridentina *sess. 22. cap. 8. de reformat.*  
declarat, quod „ Episcopi, etiam tanquam Sedis  
„ Apostolicæ delegati, in calibus à jure concessis, om-  
„ nium piarum dispositionum, tam in ultima voluntate,  
„ quam inter vivos, sint executores; habeant jus visi-  
„ tandi Hospitalia, Collegia quæcumque, ac contra-  
„ terminales Locorum, etiam quas Scholas, sive quo-  
„ cumque alio nomine vocant, non tamen, quæ sub  
„ Regum immediata protectione sunt, sine eorum li-  
„ centia: eleemosynas Montis Pietatis, sive Charitatis,  
„ & pia loca omnia, quomodocumque nuncupentur,  
„ etiam si prædictorum locorum cura ad Laicos perti-  
„ neat, atque eadem pia loca exemptionis privilegio  
„ sint munita; ac omnia, quæ ad Dei cultum, aut ani-  
„ marum salutem, seu pauperes sustentandos instituta  
„ sunt, ipsi ex officio suo juxta sacrorum Canonum sta-  
„ tuta cognoscant, & exsequantur: non obstantibus,  
„ quacumque consuetudine, etiam immemorabili, pri-  
„ vilegio, aut statuto.

Verum cum certum sit, hoc Concilii Tridentini De-  
cretum in tota sua generalitate in Belgio aliisque vicinis  
Provinciis non esse receptum; atque circa hanc Epif-  
copi visitationem non esse statuumdum quoad omnia  
Hospitalia & pia loca; sed varium esse jus Episcoporum  
pro varietate locorum & superintendentium; idcirco  
de jure Visitationis quod Episcopis competit in hæc lo-  
ca, agitur *parte 2. sub titulo de Hospitalibus, aliisque  
piis locis.*

## CAPUT IV.

Quomodo in Visitatione procedendum; & quem effe-  
ctum Decreta in Visitatione habeant?

1. Episcopi in Visitatione maximè intenti esse debent ad  
morum reformationem ex Decreto Synodi Tridentina.
2. In Visitatione non judiciali, sed paterno modo est pro-  
cedendum.
3. Officium Visitorum non male comparatur officio A-  
dialium Romanorum.
4. Debent emendare, quæ judicariam indaginem non re-  
quirunt.
5. In Visitatione imponi non possunt pœna ordinariæ.
6. Episcopus visitando processum formare non potest super  
excessibus non notoriis.
7. Decreta in Visitatione circa reformationem morum  
per appellationem non suspendantur ex Decreto Sy-  
nodi Tridentina.
8. Idem obtinet Jure Decretalium.
9. Neque in Gallia per appellationem tanquam ab abusu.
10. Principes nostri noluerunt Episcopum in Visitationes  
impedire prætextu Jurispatronatus.
11. Jam pridem pro faciliore executione eorum, quæ in  
Visitatione ordinata sunt, Ministri Regii Episcopis  
adjuncti fuerunt.
12. Hæc Ministrorum Regionum adjunctio non præjudi-  
cat Episcoporum auctoritati.
13. Egregium hæc de re Caroli Magni Decretum.
14. Nisi Regia auctoritas accedat, frequenter Visitationes  
reddantur inutiles.
15. Interdum ordinata in Visitatione etiam per appella-  
tionem suspenduntur.

I. SYNODUS Tridentina *sess. 24. cap. 10. de reformat.*  
volens providere ne Prælatorum Visitationes suo  
frustrarentur effectu; atque unâ ut illæ ad mentem Ec-  
clesiæ instituerentur, statuit: „ Episcopi, ut apud,  
„ quem regunt populum, possint in officio atque obe-  
„ dientia continere, in omnibus iis, quæ ad visitatio-  
„ nem, ac morum correctionem subditorum suorum  
„ spectant, jus & potestatem habeant, etiam tanquam  
„ Apostolicæ Sedis delegati, ea ordinandi, moderandi,  
„ puniendi, & exequendi, juxta Canonum sanctiones,  
„ quæ illis ex prudentia sua pro subditorum emenda-  
„ tione, ac Diocesis suæ utilitate necessaria videbun-  
„ tur. Nec in his, ubi de visitatione aut morum cor-  
„ rectione agitur, exemptio aut ulla inhibicio, appel-  
„ latio, seu querela, etiam ad Sedem Apostolicam in-  
„ terposita, executionem eorum, quæ ab his mandata,  
„ decreta, aut judicata fuerint, quoquo modo impe-  
„ diat, aut suspendat.

II. Hoc Concilii Tridentini Decretum planè conso-  
nat Decreto Innocentii IV. in *cap. 1. §. Sanè de Censu-  
bus in VI.* ubi modum quem in visitatione Prælati ob-  
servare debent, ita describit: „ Sanè hujusmodi im-  
„ pensurus officium (visitationis) proposito Verbo  
„ Dei quærat de vita & conversatione ministrantium in  
„ Ecclesiis & locis aliis Divino cultui deputatis, ac cæ-  
„ teris, quæ ad officium spectant absque coactione, &  
„ exactione qualibet juramenti, ad ipsorum subditi-  
„ rum emendationem per salubria monita, nunc levia,  
„ nunc aspera, juxta datam sibi à Deo prudentiam dili-  
„ genter intendentes. Quod si de aliquibus orta fuerit  
„ infamia, contra eos Ordinarii ipsorum, ut super  
„ his solemniter inquirent, denuntiet, si viderit expe-  
„ dire. Notoria verò crimina, quæ examinatione non  
„ egent, liberè corrigat, pœnam debitam pro illis in-  
„ fugendo.

III. Hinc conficitur, visitationem ad morum corre-  
ctionem



tionem magis, quam ad judicium processum pertinere; ideoque officium Visitatorum non malè conferri cum officio *Ædilium Romanorum*, quod magis in lustrando & exequendo, quam cognoscendo consistebat. Si quid enim obvium esset quod politiam notoriè offenderet, *Ædiles* è medio tolli, frangi, emendari jubebant, magis facti, quam juris tramitem servantes. Et hodie quid simile fieri videmus in visitandis per Magistratus & Prætores viis & aggeribus, qui si quid inveniant, quod notoriè vias publicas, aut aggeres impediatur, mox emendant ac corrigunt; vel emendandum aut corrigendum sine ullo judicii strepitu decernunt.

IV. Itaque Episcopi alique Visitatores in sua visitatione Diocesim circumire ac lustrare debent; & quidquid inordinatum repererint, reformant sine strepitu ac tumultu ordinariâ judicii, sed summarie, non pœnas ordinarias imponendo, sed correctiones; neque circa dubia & altiore indaginem requirentia, sed circa notoria versari potissimum debent; ut bene notat & probat Zypæus in Jure novo tit. de *Accusat.* num. 9.

V. Idem quoque refert, Sacram Congregationem Concilii Tridentini Interpretem respondisse 24. Aprilis 1595. "Episcopum non posse imponere in visitatione pœnas ordinarias, sed tantum extraordinarias, quæ magis morum emendationem & correctionem, quam delicti vindictam respiciant.

VI. Et teste Fagnano ad cap. DILECTUS de *descript.* num. 46. Sacra Congregatio 1. Feb. 1607. præcepit Episcopo Tornacensi, "Ut in visitatione Collegiæ Ecclesiæ exemptæ contineret se intra limites notissimos visitationis, ita ut nec ad specialem inquisitionem descenderet, nec processus conficeret, nec sententias ferrer; sed in his, quæ morum correctionem & emendationem respiciunt, sine strepitu judicii decerneret.

VII. Dum hos limites visitationis non excedunt Episcopi, ac unice morum correctionem ac emendationem intendunt, nulla exemptio, nulla appellatio aut querela executionem eorum, quæ ab ipsis visitando ordinata sunt, impedire potest ex Decreto Concilii; id est, appellatio effectum *suspensivum* in his nullum habet.

VIII. Quod & jam pridem in Concilio Lateranensi sub Innocentio III. statutum fuerat, ut scilicet, *correctionis & reformationis officium liberè valeant exercere.* Cap. 13. de *Offic. Ordin.*

IX. Similiter refert Choppinus lib. 2. de *sacra Polit.* tit. 4. num. 28. procuratoris sive appellationis tanquam *abusus interjectus* non suspendi Decreta concernentia correctionem morum. "Quod supra scriptum est, ait, provocacionis interjectu ab executione sententiæ non superfedere in multis causarum generibus, id pertinet etiam ad eas fori controversias, quibus morum castigatio reformatioque agitur, Ecclesiasticæ disciplinæ vinculum. Nam hoc casu, ait, edixit Princeps noster, callidum appellationis perfugium rei judicæ executioni impedimento esse non debere. Lege judicaria Francisci I. an. 1539. & Caroli IX. lata 16. Kal. Majas an. 1571. art. 5, quam Ornatis. Curia solemniter more comprobavit 7. Idus Septembris eodem anno... Quibus consonat Curie Decretum, ad quam in emendationis morum negotio fuerat provocatum, abusus nomine, 5. Idus Decembr. an. 1550. secundum Cathalaunense summi templi Collegium. Eodem vergit Allobrogica Sanctio, ne appellationis obtentu, quæ abusus ergò interposita sit, Ecclesiastica morum censura correctioque retardetur.

X. Idipsum quoque, ut monet Zypæus loco citato, Philippus II. Hispaniarum Rex expressit in Ordinationibus Parlamenti Mechliniensis tit. de *Requestis art. 57.*

"Sic & Princeps noster (ait Zypæus in Jure novo tit. de *Accusationibus* num. 9.) "interpellatus ut Patronus Ecclesiæ Insulensis, nullâ ratione induci posuit, ut Episcopus Tornacensis à visitatione excluderetur,

"sed si quid ordinando excederet, se querelas auditurum, ante paucos annos respondit.

XI. Cum verò Episcoporum auctoritas, imò & Ecclesiasticæ censuræ ad emendationem vitiorum & abusuum, præcipuè inveteratorum & longè latèque grassantium frequenter non sufficiant, jam pridem in more positum fuit, ut Episcopis Ministri Regii, quos media ætas *Missos Dominicos* vocabat, adungerentur.

Dignum ac necessarium est, ait Synodus Moguntinensis an. 813. cap. 20. ut Missi per quæque loca directi, "simul cum Episcopis uniuscujusque Diocesis perspiciant loca Monasteriorum, Canonicorum pariter & Monachorum, similiterque puellarum, si in apto & congruo loco sint posita, ubi commodum necessarium possit acquiri, quod ad utilitatem pertinet Monasterii, sicut in sancta regula dicitur. "Quod isdem verbis repetitur in Capitularibus Regum Francorum lib. 5. cap. 143.

XII. Nec id ad imminutionem seu depressionem potestatis Ecclesiasticæ, aut ejusdem usurpationem fiebat; sed ad faciliorem executionem eorum, quæ Episcopi visitando pro morum correctione ordinanda censebant; protestantibus ipsis Regibus, ad hoc à se *Missos* esse constitutos, ut Episcopi eorum adjutorio munus suum & ministerium faciliùs implerent; lib. 2. Capitular. cap. 26. ut si quos (verba sunt Concilii Arelatensis an. 813. cap. 17.) *Sacerdotalis admodum non flecteret ad justitiam, Regalis potestas ab improbitate reduceret ad pietatem & obedientiam.*

XIII. Hanc in rem notandum Caroli Magni Decretum anni 789. directum ad Episcopos & Prælatos Ecclesiæ. In hoc Decreto in primis monet Episcopos & Prælatos, "ut vigili cura & sedula admonitione populum Dei ad pascua vitæ æternæ ducere studeant, & errantes oves bonorum operum exemplo seu adhortatione humeris intra Ecclesiasticæ firmitatis muros re portare satagant, ne lupus insidians aliquem Canonicas functiones transgredientem, vel paternas traditiones Universalium Conciliorum excedentem (quod absit) inveniens devoret.

Ut hoc faciliùs assequerentur, subjungit; "In quo opere & studio sciat certissimè Sanctitas Vestra, nostram vobis cooperari diligentiam, quapropter & nostros ad vos direximus *Missos*, qui & nostri nominis auctoritate, unâ vobiscum corrigerent, quæ corrigenda essent. "Extat integrum apud Baluzium inter Capitularia Regum Francorum tom. 1. col. 209.

XIV. Si & hodie aliqui subinde Regii deputati seu Missi Episcopia visitantibus essent juncti, atque eorum, quæ ad morum correctionem & emendationem Episcopi ordinant, executionem Regiâ auctoritate urgerent, & firmarent, major indubie esset sæpius visitationum fructus; ordinataque firmiorem ac stabiliorem sortirentur effectum.

Hoc attendens Sebastianus Zamet Episcopus Lingonensis conquirebatur fructum suarum visitationum, & effectum ordinatorum contra Clericos incontinentes non haberi; eò quod frequenter eluderentur per appellationes tanquam ab abusu, aliasque technas; ideoque resolvit ad obviandum hujusmodi impedimenti petere à Parlamento Dienti, ut dignaretur assignare unum è Consiliariis Parlamenti, qui visitationibus suis assisteret, & exequi juberet ea, quæ contra Clericos incontinentes ipse in visitatione decerneret, ut refert Carolus Frevrius tractatu De Abusu lib. 3. cap. 4. num. 7.

XV. Quamvis summus sit visitationis favor, nequam tamen generaliter ac indefinitè recipiendum est, Decreta in visitatione per appellationem non suspendi; quoniam (ut rectè advertit Cardinalis De Luca Disc. 5. ad Concilium Tridentinum) "id percutit solum ea, quæ concernunt correctionem morum, aliasque provisiones, quas in forma extrajudiciali potius more prudentis Patrisfamilias promptè dare oporteat, vel congruat, non autem in iis, in quibus more judicis, "atque

atque in figura seu forma iudicii procedi debeat; cum tunc dispositio Canonum seu juris communis incorrecta remaneat; nihilque refert ad effectum appellationis, ac Ordinis iudicii, bene servandi, an de tempore visitationis, vel extra id fiat. (a)

(a) Gravis questio mora olim est, an Episcopi in decursu suarum Visitacionum habeant exercitium Jurisdictionis contentiosae? Hæc nitide pertractata reperitur t. 7. novorum Commentariorum Cleri Gallicani col. 152. 153. 154. &c. usque ad col. 164.

## TITULUS XVIII.

### DE SYNODIS DIOECESANIS SEU EPISCOPALIBUS.

#### CAPUT I.

Quoties hæ Synodi celebrandæ, & qui interveniant?

1. Primis Ecclesiæ seculis frequentissima erant hæ Synodi.
2. Libentibus seculis bis annuatim haberi ceperunt.
3. Synodus Lateranensis annuam celebrationem admittit.
4. Mansit tamen consuetudo, in aliquibus Ecclesiis annuatim bis celebrandi hæ Synodos.
5. Synodus Tridentina annua celebratione fuit contenta.
6. Decretum Concilii Tridentini hodie non observatur.
7. Quinam ex Decreto Concilii Tridentini Synodo intervenire debeant?
8. Regulares quantumvis exempti curam animarum exercentes Synodum accedere debent, & ab Episcopo cogi possunt.
9. Sufficit quod Beneficium situm sit in Diocesi, licet Beneficiarius habitet extra Diocesim.
10. Quinam Synodo interesse debeant multum dependet a consuetudine.
11. Probatur ex Synodis Belgicis.
12. Quinam Synodo Diocesana S. Caroli interveniant?
13. Sæpe contentiones oriuntur cum exemptis Regularibus an Synodo intervenire debeant.
14. Synodo Diocesanae interveniant præceteris cum Episcopo qui animarum curam sustinent.
15. Congregationes Pastorum cum sub Episcopo Synodorum vicem quodammodo supplent.

I. **P**RISTINIS Ecclesiæ seculis frequentissimos fuisse Episcoporum cum suo respectivo Clero, quali cum suo Senatu, quem Presbyterium vocare solebant, Conventus, quos hodie Synodos Diocesanas dicimus, sat constat.

Neque primis seculis hisce Conventibus habentibus certa tempora designata fuisse legimus; sed quandoque ardua quæque negotia occurrerant, Episcopus Senatum seu Presbyterium suum convocabat; ut simul super negotiis deliberarent. Hæc ex Epistolis S. Cypriani aliorumque Patrum manifesta sunt.

II. Libentibus vero seculis harum Synodorum celebratio bis in anno haberi cepit; creditumque fuit duplicem hanc celebrationem sufficere; eo quod Canones Synodum Provinciale bis in anno celebrari juberent.

Deinde cum paulatim invaluisset, ut Synodi Provinciales singulis annis semel duntaxat haberi deberent, una quoque invaluit, ut Synodi Diocesanae semel annuatim haberentur.

III. Et quidem Synodus Lateranensis sub Innocentio III. in cap. 25. & de accusat. hanc consuetudinem supposuit, & tacite saltem approbasse videtur. Nam jubens singulis annis celebrari Synodum Provinciale, una præcipit, ut "ea quæ statuerint, faciant observari; publicaturi ea in Episcopalis Synodis annuatim celebrandis."

IV. Post hoc Concilii Lateranensis Decretum videmus in plerisque Conciliis injunctum fuisse, ut confor-

miter ad hoc Concilii Decretum, Synodi Diocesanae annuatim haberentur; in aliquibus tamen Ecclesiis consuetudo remansit, ut juxta pristinam disciplinam bis annuatim haberentur; quam expresse supponit & probat Synodus Basileensis sess. 15. decernens, "Synodum Diocesanam ad minus semel in anno, ubi non est consuetudo bis annuatim celebrari."

Ita legitur in Concilio Colonienfi an. 1549. ordinatum fuisse, ut Synodus Diocesana quotannis bis, pro veteri more celebraretur; sed addit: "Sufficerit tamen in Diocesi Leodiensi propter ejus latitudinem & multitudinem Prælatorum semel quotannis recte & studio ferventi celebrari."

V. Synodus Tridentina tamen si frequentiore Synodorum celebrationem pro reformatione morum desideraret, nihilominus amplexa moderationem Concilii Lateranensis, tantum annuam harum Synodorum celebrationem injunxit sess. 24. cap. 2. de reformat.

VI. Verum nec hoc moderatum Concilii Decretum hodie observatur; cum nullibi annuam hanc Synodorum celebrationem fieri videamus; imo in multis Diocesis nec spatio quinquaginta & amplius annorum ullam Synodum celebratam; quæ vero sint causæ, quæ ad hanc Synodorum intermissionem inducendam contribuere potuerint, in decursu notabimus.

VII. Quilibet Synodis interesse debeant, verbis subsequenibus indicat Synodus Tridentina: "Ad quas exempti etiam omnes, qui alias, cessante exemptione, interesse deberent, nec Capitulis generalibus subduntur, accedere teneantur; ratione tamen Parochialium, aut aliarum secularium Ecclesiarum, etiam annexarum, debeant illi, qui illarum curam gerunt, quicumque illi sint, Synodo interesse."

VIII. Vi hujus Decreti Regulares omnes sive sint exempti sive non, qui vel Capitulis generalibus non subduntur, vel curam animarum exercent, tenentur & cogi possunt ad Synodum accedere, sub pœna privationis vocis activæ & passivæ ipso facto incurrendæ, aliisque pœnis arbitrio Episcoporum, etiam excommunicationis; adeo ut jus declarandi, & pœnas imponendi ad Episcopos, exemptione non obstante, pertineat, quemadmodum S. Congregatio apud Fagnanum ad cap. Quod super iis de majorit. & obed. num. 8. declaravit.

IX. Ut vero quis ratione Beneficii Synodo interesse cogatur attendendum est, num Beneficium tale habeat in Diocesi cujus Synodus agitur, tamen si alibi domicilium habeat; & ita in terminis declaravit S. Carolus in Synodo Mediolanensi V. parte 3. tit. Quæ ad Synodum attinent.

X. Præter curam animarum exercentes, qui Synodo assistere debeant, non ex Canonum sanctionibus duntaxat, sed & varia locorum consuetudine petendum est.

XI. Quare in Synodorum Belgicarum indicatione videmus generaliter vocari Capitulum Episcopale, Reverendos Dominos Abbates, Abbatissas, Præpositos, Archipresbyteros Rurales, Priores, Priorissas, ceterosque omnes, qui de jure vel consuetudine Synodo Diocesanae interesse debent.

Hæc ex convocatione Synodi D. Mechliniensis sub

Hovio. In formula indictmentis Synodi Antverpiensis sub Miræo præter expressos in dicta formula Mechliniensis, exprimuntur, *Capitula Ecclesiarum Collegiarum, Pastores, Pastoratumque Deservitores*. In convocatione ultimæ Synodi Namurcenlis an. 1659. formula Mechliniensis servata est; eo solo excepto, quod *Capitula Ecclesiarum Collegiarum* nominatim exprimantur.

Synodus Namurcenlis anno 1639. tit. 26. cap. 1. cum pro annua Synodi Diocesane celebratione designasset feriam tertiam post Dominicam *Jubilatæ*, quæ est tertia post Pascha, subjungit: "Ea propter omnes, qui de jure, vel consuetudine illi interesse debent, illo die deinceps compareant." Quæ manifeste supponunt, Patres illius Synodi non dubitasse, quin à consuetudine dependeat, qui Synodo interesse debeant; quod & Sanctus Carolus in sua Synodo V. Mediolanensi supposuit.

XII. Qui Synodis Diocesanis sub S. Carolo interfuerint ex ejus ad Clerum oratione in ejus Synodo XI. Diocesana habita colligere possumus. Ita enim ad Synodum loquitur: "Quid agimus, Fratres? Synodum agimus, & quid Synodi nomen importat? Congregationem significat, atque conventum. Et quarum personarum? Nempe adeo excellentium & eminentium in Sancta Ecclesia; Episcopi videlicet, & membrorum ei conjunctorum, Canonorum Metropolitane hujus Ecclesie, tum etiam aliarum; Præbitorum, Parochorum, Sacerdotum, Clericorum.

XIII. Nihilominus tamen (uti notat De Luca dif. 30. ad Concilium Tridentinum) "Super convocatione, sive intervntu in Synodo, controversiæ oriri solent, cum Capitulis & Cleris oppidorum, aliorumque locorum Diocesis, an scilicet omnes Presbyteri & Clerici ad Synodum convocari possint, ut ab aliquibus Episcopis (& utinam non ad industriam, & occasione multarum & penarum, sive extorsionum & contributionum) fieri consuevit; ideoque provisum est, ut sufficiat interventus Deputatorum Cleri cujuslibet loci, & Parochorum, seu Vicariorum, aut illorum, quibus alias exercitium curæ animarum, & administrationis Sacramentorum incumbere; licet enim Capituli Cathedralis interventus requiratur, attamen id incommodum non præbet, ex quo in eadem Cathedrali Synodus celebranda est.

"Majores autem ac frequentiores esse solent controversiæ cum exemptis, præsertim Regularibus, an ipsi, eorumque Prælati in Synodo intervenire debeant; receptaque distinctio est (ut in Regularium adnotationibus advertitur,) ut illi intervenire debeant, atque cogi valeant, qui curam animarum habeant, & administrationem Sacramentorum exercent; cum in hac parte subditi sint, atque à primo Pastore, qualis est Episcopus, instruendis sint, quomodo in sibi commissarum ovium cura & regimine se gerere debeant; quod etiam procedit in aliis secularibus exemptis, suum interiorem Prælatum habentibus cum ordinaria quasi Episcopali jurisdictione; potissime ubi de illis agitur, qui hanc jurisdictionem habent in locis intra Diocesis fines existentibus.

XIV. Ex decreto Concilii Tridentini aliisque superius notatis manifestum est ex mente Concilii Tridentini esse, ut Synodo Diocesane hi præ cæteris interveniant eum Episcopo, qui una cum ipso curam animarum & regimen spirituale Ecclesie sustinent.

Nec mirum: quandoquidem in hisce Synodis & conventibus præcipue de regimine animarum; & quæ ad illud spectant, tractandum sit: ut propterea Episcopi, quo tempore secundum Canones una cum suo Clero, ejus præcipua portio erant Presbyteri curam animarum sustinentes, negotia suarum Ecclesiarum absolvebant, in effectu Synodali regere & causas tractare & examinare dicerentur.

XV. Unde si & hodie Episcopi Archipresbyteros & Parochos saltem annuatim convocarent, & cum illis, quæ ad curam animarum, & regimen spirituale suæ Diocesis pertinent, sedulo investigarent; & quæ opportuna ex eorum relatione pro salute animarum, & recto regimine Ecclesie deprehenderent, in hoc Archipresbyterorum & Pastorum conventu observanda decernerent, non dubium, quin similes conventus vicem & effectum Synodi Diocesane aliquatenus supplere possent.

Cum autem hujusmodi Congregationes sine ulla pene difficultate per Episcopos indici queant; quin & in nonnullis Synodis Belgicis, ut habeantur, Episcopi excitentur (uti supra titulo 6. cap. 4. notatum fuit) sat ostendunt Episcopi, qui has congregationes negligunt, parum sibi curæ esse, ut exactam suarum Diocesium notitiam, præcipue eorum, quæ ad animarum curam pertinent, assequantur: quæque pro vitis exstirpandis, & virtutibus plantandis convenienter essent statuenda & decernenda.

## CAPUT II.

Quæ in Synodo Diocesana tractanda?

1. *Vetus formula habendi Synodum Diocesanam.*
2. *Juxta hanc formulam ad Synodum conveniunt Presbyteri, Diaconi & aliqui Laici.*
3. *Omnes Presbyteri Synodum cum Episcopo conficiunt.*
4. *Presbyteri hic idem sunt quod Parochi.*
5. *In Synodo omnia non contentiose agenda.*
6. *Controversiæ Laicos inter & Clericos deciduntur.*
7. *Synodi tunc temporis erant quasi tribunalia justitiæ.*
8. *Lites Clericorum aut Laicorum in Synodis hodie raro determinantur.*
9. *In Synodis præcipue de corrigendis excessibus & reformandis moribus agitur.*
10. *Synodi Diocesane habentur, ut Decreta Conciliorum generalium & Provincialium uniformiter executioni mandentur.*
11. *Probatur ex S. Carolo.*
12. *Item ex Synodo Audomarensi.*
13. *Ut fructum Synodorum assequeretur Sanctus Carolus per Vicarios inquiri jussit, quæ in Diocesi essent reformanda.*
14. *Ante Synodum Congregationes super reformandis moribus à S. Carolo institutæ.*
15. *Antiquum est institutum, ut quæ Clericalem disciplinam spectant, breviter ab Episcopo in Synodo proponantur.*
16. *Formula istius admonitionis extat apud Reginonem & in Pontificali Romano.*
17. *Convenientes admonitiones Clero proponendas S. Carolus proposuit.*
18. *In Synodo Diocesana constituendi Examinatores vulgo Synodales.*
19. *Item Judices Synodales.*

1. APU D Burchardum Wormatiensem reperitur formula habendi Synodum Diocesanam sub nomine Concilii Salegunstadiensis anni 1022. quod & teste Baronio, ab auctore Micrologi Moguntinam nuncupatur; eoque nomine merito appellari in sua historia Moguntina existimat Nicolaus Serarius, eo quod Salegunstadium jam tum Moguntinæ esset Diocesis.

II. Juxta hanc formulam, Synodus in Ecclesia celebranda est; atque sella in media ponenda, & super eam *Sacræ Reliquiæ*.

Deinde dicitur: "Convenientes Presbyteri omnes intrent, & secundum ordinationis suæ tempus resideant. Post hos ingrediantur Diaconi probabiles, quos ordo poposcere interesse. Exinde introducantur Laici bonæ conversationis. Tunc ingrediat Episcopus,

copus,



„ copus, si voluerit, vel si necessitas exegerit : & si non  
„ aderit Episcopus, ejus Vicarius eadem faciat.

III. Post hæc Episcopus salutem præsentem, ac varias preces una cum præsentibus rogitat; quibus expletis jubentur egredi omnes, *exceptis Presbyteris & cæteris idoneis Clericis.*

IV. Hic nota, omnes indistincte Presbyteros ad Synodum admitti. Nec mirum; quia juxta phrasim illius temporis, nomine Presbyterorum veniebant Parochi; adeo ut *admittere Presbyteros* ad Synodum idem tunc significaret, quod hodie *admittere Parochos.*

V. Presbyteris ergo seu Parochis cum cæteris idoneis Clericis confedentibus, nec non lecto Canonè Concilii Tolentani modum celebrandi Synodum exprimente, admonitio ab Episcopo vel etiam à Diacono legitur.

In hac inter alia monet : “ Quod si forsitan aliquis nostrum, aliter quam dicta fuerint, senserit : sine aliquo *scrupulo contentione* in nostrum omnium copulatione ea ipsa de quibus dubitaverit, conferenda reducat, qualiter, Deo mediante, aut doceri possit aut doceat.

VI. Prosequitur posthæc admonitio : “ Deinde vos simili obtestatione conjuro, ut nullus vestrum in judicando aut personam accipiat, aut quolibet favore aut munere pulsatus à veritate discedat. Sed cum tanta pietate quidquid cæui se judicandum intulerit retractare, ut nec discordans contentio ad subversionem justitiæ inter nos locum inveniat, nec iterum in perquirenda æquitatè rigor nostri ordinis vel sollicitudo repetat.

VII. En manifestum argumentum Synodos has Diœcesanas æque ac Provinciales fuisse quasi quædam Tribunalia justitiæ, in quibus sine strepitu Judicii, aliisque formalitatibus forensibus, Clericorum & Laicorum quæstiones summarie deciderentur.

Primum quidem Clericorum, idque prima die Synodi; ideoque immediate post expletam admonitionem subiungitur : “ Post hanc exhortationem, *quisquis Clericorum* velit, *querelam* conferat.

Secunda die Synodi, “ Tunc si Cleri querelam non habent conferendam, *Laici* intromittantur. Quisquis ex *Laicis* habet querelam, proferat.

VIII. Hodie vero raro querelæ sive lites Clericorum vel Laicorum in Synodis terminantur; sed illæ vel in Tribunalibus Ecclesiasticis coram Officialibus, vel Tribunalibus Laicis pro diversitate materiæ & personarum agitari & terminari consueverunt.

IX. In Synodis vero præcipue de corrigendis excessibus & moribus reformandis, præsertim in Clero, diligens cum Dei timore habendus est tractatus, uti loquitur Synodus Lateranensis loco citato.

Hinc juxta præscriptum Pontificalis Romani sub titulo *De Ordine ad Synodum*, ita præsentem in Synodo Episcopus alloquitur. “ Venerabiles confacerdotes, & fratres nostri charissimi, præmissis Deo precibus, oportet, ut ea quæ de divinis Officiis, vel Sacris Ordinibus, aut etiam de nostris moribus, & necessitatibus Ecclesiasticis, à nobis conferenda sunt, cum charitate & benignitate unusquisque vestrum suscipiat, summaque reverentia, quantum valet, Domino adjuvante, percipiat; vel quæ emendatione digna sunt, omni devotione unusquisque fideliter studeat emendare.

X. Adhæc Synodi Diœcesanæ celebrantur, ut Universalium atque Provincialium Synodorum Decreta facilius executioni mandentur; atque interdum in nonnullis articulis Diœcesi particulari accommodentur; habeaturque uniformis totius Diœcesis pro executione resolutio.

XI. Unde S. Carolus in oratione ad Clerum in Synodo XI. Diœcesana congregatum inter alia, ob quæ Synodus esset coacta, hæc proponit : “ Hic præterea applicatio fit magis particularis Conciliorum tam

Universalium quam Provincialium : mutuo sese Episcopus cognoscit & Clerus; qui quidem, vel solus aspectus, maximam excitat charitatem animosque conciliat, ad adjuvandum & promovendum unanimiter Dei honorem : His consultantur ea, quæ ad hoc spirituale regimen pertinent, cum his qui administrationis participes sunt; hic uniformitas deliberatur in executione legum præteritarum; hic abusus qui vigent in populo disquiruntur, & opportuna eis adhibenda remedia statuuntur; ac quam quisque in hac re diligentiam adhibeat, cognoscitur. Hic demum præterita tempora cum futuris conferentes, & utriusque Decreta ac Constitutiones jam editas applicantes, culpas quidem præteritas dessemus, emendare vero imposterum deliberamus.

XII. Similiter Episcopus Audomarensis in Synodo Diœcesana anno 1583. allegans causam indicendarum *annuatim* harum Synodorum, ait : “ Quædam sunt ita communia mala, ut Diœcesim unam integram obtrineant, ne facile possint, nisi communi consilio & auxilio eorum omnium qui in Diœcesi præstant, extirpari. Adhæc congruit, ut *eadem una Diœcesis, eodem uno modo*, & *eisdem* unis legibus *universa* regatur. Quare recte à Patribus, & nominatim à Tridentinis statutum est, ut præter particulares Ecclesiarum visitationes, quotannis etiam Synodi Diœcesanæ celebrentur, in quibus, congregatis totius Diœcesis Capitibus omnibus, statuatur ea quæ pro communi totius Diœcesis bono statuenda videri possint, & caveatur, ne, quæ bene constituta sunt, temerentur.

XIII. Hunc Synodorum Diœcesanarum fructum ut uberius assequeretur Sanctissimus Præsul, quem Pastoralis sollicitudo gloriosum reddidit, præter ferventes ac instantes preces, ad quas populum Clerumque, instante Synodo, excitandum voluit, insuper præcipit, ut & in civitate in quibus id curæ Episcopus dedit, & in Diœcesi Vicarii foranei (qui cum nostris hodiernis Decanis Ruralibus pene coincidunt) & Parochi præterea tum urbani tum Diœcesani, ipsi Episcopo adjuvamentum adferant, ut diligenti aliqua earum rerum indagatione ac relatione, quibus per eum consili aut provideri in Synodo præsertim oportebit, sedulo videant ac notent : ut ea omnia ad præscriptam ab eo rationem & normam tum litteris, tum coram, constituto tempore deferant.

Primo igitur ii omnes pro suorum quique munerum officiorumve ratione & cura dispiciant, quæ clerici sit in Clericali vitæ moribus progressio; quæ in vitæ spirituali disciplina, & quam sollicitum in divinorum Officiorum cultu studium; quam diligens in Ecclesiasticis functionibus oboundis sollicitudo, quæ etiam, & quam frequens in litterarum exercitationibus cura; qui in earum studiis progressus irem.

Vicarii autem foranei & regionarii in civitate præfecti, aliive Ecclesiastici homines, quos ob eam causam Episcopus delegerit, exquirant; qui præterea Parochorum imprimis zelus in animarum salute procuranda; quæ in Sacramentis ministrandis sedula diligentia; quam frequens in pascendis verbo Dei fidelibus officium; quæ denique in omnibus Parochialibus muneris partibus vigilantia, quæve assiduitas.

Deinde ii omnes & singuli pro sui officii munere investigent, quæ populi in Christianæ charitatis operibus exercitatio, quam religiosus festorum dierum cultus, quam pia in Ecclesiis conversatio, quæ in doctrinæ Christianæ scholis frequentia : tum de aliis piis sodalitatibus disquirant, tum denique de reliqua omni ejusdem populi disciplina, & in via Domini progressu.

Hæc aliæque plura pro instructione Episcopi notari, atque ad Synodum referri voluit, & proponuntur in Concilio V. Provinciali Mediol. *parte 3. tit. Quæ ad Synodum, Congregationesve alias Clericales, & visitationum attinent*; ubi una exponeps, qualiter ipsa Synodus

nodus habenda sit, & quam sancte se gerere debeant; Sacerdotes ex tempore quo Synodus agitur; ut "cum eos posuerit Deus in acquisitionem salutis, atque in ædificationem, officii sui memores, *ambulent digne Deo*, sancteque, sicut decet Ministros Mysteriorum Dei, vivant.

XIV. Eadem quoque intelligi possunt ex litteris quas immediate ante Synodum mittebat ad Vicarios foraneos & Parochos, quarum exemplar habetur in Actis Ecclesiæ Mediolanensis *part. 8.* ubi similiter referuntur Congregationes quas cum Vicariis foraneis & visitatoribus suis, Synodali die appropinquante, instituebat; & quæ in illis inquireret; ac dein fusc describuntur Acta Synodi XI. & ultimæ, quam celebravit sanctissimus hic Archipræsul; in quibus integra forma celebrandæ Synodi Diocesanae repræsentatur.

XV. Pervetus illud quoque institutum est, ut quæ Sacerdotalem Clericalemque disciplinam, officia ac partes ejus maxime attingunt; ea certis monitionibus, iisque brevibus comprehensa ab Episcopo in Synodo Clero proponantur; quo brevius illa expressa, crebriusque repetita, diligentius item non solum animis, mentibusque imprimantur, sed etiam omni studio inviolate ferventur.

XVI. Extraveteris admonitionis formula sub nomine inquisitionis duobus libris distincta apud Reginonem Abbatem Præmientem; de qua egi in Tractatu Historico- Canonico in Canones *parte 5. cap. 1.* ibique ostendi, quod pro assequenda notitia disciplinæ Ecclesiasticæ lectio illius non parum conducere queat: & §. 2. ostendi, quomodo in nonnullis articulis hæc formula differat à formula *admonitionis* quæ in hodierno Pontificali Romano profertur; atque ex illa differentia evincatur, hanc esse recentiorē, aut à recentiori manu immutatam.

XVII. S. Carolus in omnibus Sanctorum Patrum vestigia, premens, nihilque quod ad instructionem reformationemque Clericorum conducere posset, omittebat, monitiones edidit, in unaquaque Synodo Diocesana, Sessione publica, universo Clero accurate legendas, graviterque pronuntiandas, quæ compendiosam atque accuratam vitæ Clericalis disciplinam atque vivendi rationem continent; una cum annotatione omnium, quæ Clerici præcipue cavere debent; ita ut in hisce Monitionibus Lector reperturus sit totius Clericalis instituti exactissimum & perfectissimum compendium.

Publicavit primum illas Monitiones in Concilio suo Provinciali IV. de Episcoporum suorum Suffraganeorum consilio & assensu, cum hac tamen clausula: "Quibus (Monitionibus) quisque Episcopus addat, & detrahat, prout Ecclesiæ suæ Clero pro temporum ratione utile esse viderit.

Hanc clausulam utinam notent Episcopi, qui Clero suo in sacris Ordinationibus, aliisque publicis confessionibus nihil præter generales & præscriptas jam pridem formulas prælegunt, non attendentes, quid Clero suo pro temporum ratione utile sit.

Aliter exemplo suo docuit Sanctus Carolus, dum has generales Monitiones in Synodo sua Diocesana III. ubiores, accommodatioresque ad usum suæ Ecclesiæ Mediolanensis edidit; & ita auctæ & accommodatæ extant in Actis Ecclesiæ Mediolanensis *part. 2. pag. 299.* edit. anni 1683.

XVIII. Ex præscripto Concilii Tridentini *sess. 24. cap. 18. de reform.* singulis annis in Synodo Diocesana ab Episcopo vel ejus Vicario ad minus sex Examinatores proponendi sunt; qui Synodo satisficiant, & ab ea probentur; advenienteque vacatione cujuslibet Ecclesiæ Parochialis tres ex illis eligat Episcopus, qui cum eo examen in concursu perficiant, indeque succedente alia vacatione, aut eisdem, aut alios tres quos maluerit, ex prædictis illis sex eligat.

Hi Examinatores quia in Synodo eligendi & pro-

bandi sunt, vulgo *Synodales* etiam hodie dici solent; tamet si extra Synodum ab Episcopis eligi & probari, ob intermissam Synodorum celebrationem consueverint; de quibus infra *part. 2. tit. De concursu ad Ecclesias Parochiales*, fusius tractabitur.

XIX. Præterea idem Concilium *sess. 25. cap. 10. De reform.* statuit: "In singulis Conciliis Diocesanis aliquot personas, quæ qualitates habeant juxta Constitutionem Bonifacii VIII. quæ incipit *Statutum*, & alioquin ad id aptas designari, ut præter Ordinarios locorum, iis etiam post hæc causæ Ecclesiasticæ ac spirituales, & ad forum Ecclesiasticum pertinentes, in partibus delegandæ committantur.

Porro quemadmodum Examinatores Synodales ob intermissas Synodos solent extra Synodum ab Episcopis designari; ita quoque consuetudo invaluit, ut hæc personæ, quas Judices Synodales dicimus, ab Episcopis sine Synodo constituantur; de quibus latius Parte 3. agetur.

### CAPUT III.

#### De Testibus Synodalibus.

1. Synodus Lateranensis vult designari personas in Synodis Provincialibus qui in excessus & abusus inquirent.
2. A Canonistis vocantur Testes Synodales.
3. Hi jam pridem à Synodis Diæcesanis constituti fuerunt; & Episcopi vigilantiores iis sunt usi.
4. Institutum illorum innovavit S. Carolus.
5. Quales eligi debeant.
6. Testes jurare debent, se officium suum fideliter expleuros.
7. Quæ sit formula juramenti.
8. Testes sincere & libere officium suum obire debent.
9. Circa quæ Testes inquirere debeant.
10. Quo tempore relationem coram Episcopo facere teneantur.
11. Clerus Gallicanus officium Testium Synodaliū descripsit.
12. Franciscus Sonnius Antverpiensis Episcopus Testium Synodaliū necessitatem agnovit, eosque institui mandavit.
13. Ex defectu Testium Synodaliū natum est contingere, ut exacta Diæcesis notitia non habeatur.
14. Defectum Testium Synodaliū aliquatenus supplere possit diligentia Archiepiscoporum.

I. SYNODUS Lateranensis sub Innocentio III. postquam SS. Patrum institutum de celebrandis Conciliis Provincialibus renovavit, mandavitque iis de corrigendis excessibus & reformandis moribus diligenter esse tractandum, subjicit: "Ut autem id valeat efficacius adimpleri, per singulas Diæceses statuatur personas idoneas, providas videlicet & honestas, quæ per totum annum simpliciter & de plano absque ulla jurisdictione solcite investigent, quæ correctione vel reformatione sunt digna, & ea fideliter perferant ad Metropolitanum & Suffraganeos & alios in Concilio subsequenti, ut super his & aliis (prout utilitati & honestati congruerit) provida deliberatione procedant.

II. Hæ personæ communiter à Canonistis dicuntur *Testes Synodales*; eo quod à Synodo sint constitutæ, ut testimonium ferant.

III. An de his Testibus loquatur Canon EPISCOPUS IN SYNODO, *Causa 35. q. 6.* à Gratiano sub nomine Eutychiani Papæ relatus, fat incertum est; quemadmodum notat Stephanus Baluzius in notis ad Gratianum: illud certius est, jam pridem usitatum fuisse, hujusmodi Testes non tantum in Synodis Provincialibus.

vincialibus, sed & Diœcesanis fuisse nominatos; iisque vigilantiores Episcopos usos fuisse, ut exactiorem totius suæ Diœcesis notitiam accipere possent, atque abusus & excessus in Synodis reformandos & corrigendos facilius & exactius cognoscere.

IV. Id expendens vigilantissimus Mediolanensium Antistes S. Carolus, ejusque Suffraganei, in Concilio Mediolanensi IV. decreverunt, ut institutum illud nonnullis in locis intermissum restitueretur; atque ut non nomine tantum, sed certis officii partibus rectè per eos geratur, quibus in Synodo vel Provinciali vel Diœcesana committeretur, plura ordinarunt.

V. Atque imprimis, ut "Viri Ecclesiastici ætate moribusque graves, prudentes, ac virtutum Christianarum studiosi, & spiritualis vitæ amantes in Concilio Provinciali Metropolitano ex unaquaque Diœcesi duo saltem; in Synodo Diœcesana ab Episcopo è Diœcesi sua septem, pluresve, prout expedire videbitur, *Testes Synodales* deligantur.

VI. Qui à Metropolitano electi & nominati sunt in eodem Provinciali Concilio, qui ab Episcopo in ipsa Diœcesana Synodo jurati, allatis Sanctorum pignoribus, sanctè spondeant, ex formula verborum infra præscripta, muneris sui partes, infra constitutas, se executuros esse.

Si verò à Concilio Provinciali abest, qui à Metropolitano nominatus est, tunc Episcopus, pro cujus civitate, vel Diœcesi ille electus est, unius mensis à fine Concilii spatio, eum ad se litteris accersat: eumdemque ex ipsa præscripta formula jurejurando obstringat, ac iurisjurandi præstiti testimonium, publicâ auctoritate munitum, intra alium mensem, ad Metropolitani omnino mittat.

VII. Posthæc inferitur formula juramenti eadem, quæ habetur apud Gratianum in citato Canone *Episcopus in Synodo*; ut vel hinc appareat, S. Carolum credidisse, Canonem illum de *Testibus Synodalibus* loqui; aut saltem non dubitasse, quin juramentum quod ibidem à septem ex plebe ipsius Parochiæ de dicenda veritate super abusus & excessibus in Synodo exigendum præscribitur, merito à testibus Synodalibus exigi posset: utpotè qui similiter eliguntur à Synodo, ut de iisdem inquirant, & postmodum in Synodo aut coram Episcopo sincerè ac veraciter deponant.

VIII. Deinde ipsos Testes monent, ut "hoc perpetuò meminerint, se non amore, non odio, non invidiâ, non spe, non metu, non pœnâ, non premio, non cognatione, non ullâ denique re commoventi, aut impediri debere, quominus liberè & integre munus suum pro ratione infra præscripta præstent.

IX. Posthæc quid agere debeant describunt, atque inter cætera: "Quo tempore hoc munus gesserint, personas discretas interrogando simpliciter, & de plano, absque ulla jurisdictione sollicitè investigent hæc, quæ sequuntur; idque singuli, aut in universa civitate & Diœcesi, aut in regione, unicuique eorum potissimum nominatimque commissa.

"An Parochi, Canonici, & alii quicumque Ecclesiastici homines, quos residere oportet, præsentem in Ecclesiis suis adsint; anque rursus si præsentem in Parochialibus vel Canonicalibus, Clericalibusque ædibus habitent.

"An Parochi præterea, alique animarum Curatores sollicitè, ut debent, Fidelium sibi commissorum salutem invigilent.

"An in Sacramentis sanctè ministrandis, in Verbi Dei prædicatione, in salutaribus monitis, in rudium, & puerorum ad doctrinam Christianam institutione, & in cæteris omnibus curæ Parochialis officiis, diligentis muneris partes præstent.

"An reliqui, quicumque sint, Ecclesiastici Ordinis homines Ecclesiæ, si quam obtineant, aut in qua

"Dignitatem vel Canonicatum, vel Capellam, vel Ecclesiasticum aliquod munus habent, aut in qua adscripti sunt, oneribus satisfaciunt, & præscriptas sibi functiones obeant.

"An Ecclesiæ sartæ rectæ sint; an ornamentis, & suppellectili Ecclesiasticâ necessariâ & congruâ instructæ; an in illis, aut earum cœmeteriis attrivè aliquid incultum sit, quodque sordibus obsolescat, anve aliquid à religioso cultu & pietate alienum.

"Videant item, an populus in via Domini ambulet, frequensque adsit Divinis Officiis & sacris Concionibus, & in Ecclesiâ piè religiosèque versetur, atque dies festos colat.

"An jejunium Quadragesimæ, quatuor Temporum, statæque reliqua Ecclesiæ jejunia observet.

"An idem decimas, primitias, aliaque debita emolumenta, adjumentave præstare, aut solvere recuset.

"An in populo sacrilegi, blasphemii, concubinarum, adulteri, incestuosi, virginum raptores, an excommunicati, an hæresis & magiæ, superstitionumve suspecti sint.

"An denique aliæ in eodem populo morum corruptelæ, quæ correctionem, emendationemve requirant.

"Dispiciant item, an quæ Romanorum Pontificum Constitutionibus, Oecumenicis, Provincialibus, Diœcesanisque Synodis, Episcoporumque Edictis: quovis de genere decreta, sancitave sunt, ab iis serventur, quorum interest, sive Ecclesiastici, sive Laici homines sint.

X. Ut verò hæc præstent utilis, qui à Synodo Provinciali constituti sunt, omnia, quæ reformatione aut emendatione indigere judicaverint in scriptum redacta, tribus mensibus antequam dies Concilio Provinciali præstituta venerit, ad Metropolitani deferre debent: qui verò à Synodo Diœcesana, uno mense ante habendam Synodum Diœcesanam, ad Episcopum. Hæc aliaque habentur in Concilio Mediolanensi IV. *part. 3. tit. De testibus Synodalibus.*

Hæc addidit in Synodo sua Diœcesana XI. "Testes Synodales quarto quoque mense, de his, quæ pro ratione sui muneris agere debent, ad nos, Vicariumve nostrum generalem, cum absumus, scribunt.

XI. Clerus quoque Gallicanus in Conventu Melunensi anno 1579. meminit *Testium Synodalium*; & quæ in Diœcesi aut Parochia sibi ad visitandum commissæ inquirere debeant, describit; atque inter alia hoc merito norandum: "Si Opiliones Christianè versentur in agris curam pecorum agentes.

Quam enim frequenter illud hominum genus in vitiis abominandis, & crassa fidei & religionis ignorantia versetur, sat notum est; ut proinde non immerito Episcopi & Pastores in illos inquirerent.

XII. Quin & Franciscus Sonnius primus Antverpiensium Episcopus videns, quia peccandi licentia multum invaluisset ex eo, quod crimina Superioribus plerumque celerentur, hinc in Synodo sua Diœcesana an. 1576. observari voluit Canonem. *Episcopus 35. quæst. 6.* "Mandantes, ait, Decanis nostris, ut in singulis Parochiis constituent duos viros honestos & zelosos Testes Synodales, qui concubinarum, adulteros, Clericorum invalores ac percussores, usurarios, contractusque illicitos exercentes, & quæcumque crimina ad nostram correctionem spectantia, quotannis coram ipsis Decanis aut aliis ad hoc à nobis deputandis exponant, ut habitâ inquisitione possint contra eos procedi ad emendationem.

XIII. Hæc sat ostendunt, institutum *Testium Synodalium* aptissimum semper judicatum fuisse, ut Episcopi ad plenam abusum & defectum corrigendum notitiam pertingant; eorumque intermissione & neglectui non immerito imputari, quod Episcopi non-



numquam in crassa & multum noxia Diœcesis suæ ignorantia versentur; neque de vitiorum atque abusu grassantur, quos ignorant, emendatione & correctione anxii sint.

XIV. Illud tamen haud dissimulandum, quod si Episcopi in Decanos seu Archipresbyteros Rurales eligerent doctos, zelosos, atque in cura animarum exercitatos, qui diligenter, prout officium exigit, Parochiarum sibi subditarum statum inquirerent (prout supra titulo 6. cap. 2. & 3. exposuimus) magna ex parte per horum vigilantiam & sollicitudinem suppletum iri *Testium Synodali* defectum; quemadmodum annuæ Congregationes Decanorum cum Episcopo supplere aliquatenus possent defectum Synodorum Diœcesanarum, uti eodem tit. cap. 3. notatum est.

Non parum quoque conducere ad supplendum defectum *Testium Synodali*, si "Decani habeant aliquot probos & sibi fidos Pastores, à quibus excessus vicinarum Ecclesiarum addiscant: Similiter quilibet Pastor habeat viros probos & bonos à sua Parochia, qui sibi defectus Parochiæ referant." Quemadmodum præcipit Synodus Namurcensis anni 1639. titulo 20. cap. 35. Idem habet Synodus Tornacensis anni 1589. titulo 23. capite 7.

#### CAPUT IV.

Qui his Synodis subdantur, & quæ earum auctoritas?

1. Synodi Diœcesanæ suam auctoritatem mutant ab Episcopo.
2. Multis seculis omnes Clerici indifferenter Synodis subdicebantur.
3. Nulla hæc in parte erat differentia inter Clerum Secularem & Regularem.
4. Monachi etiam Synodis subdicebantur.
5. Exemptiones Capitularum & Monasteriorum quæstiones pepererunt.
6. Capitula subdicebantur Synodis quamdiu plenè non probatur exemptio.
7. Subdicebantur Synodis in materia non exempta.
8. Item in his, quæ concernunt correctionem morum.
9. Regulares etiam exempti Synodis subdicebantur in materia non exempta.
10. Item in his, quibus subdicebantur Episcopis tanquam Sedis Apostolicæ Delegatis.
11. Exemptiones præsertim Regularium circa subjectionem Synodorum pariant multas quæstiones.
12. Constitutiones Synodales in Italia edi non possunt, nisi prius à S. Congregatione examinata & probata.
13. Hodie etiam Laici quæstiones movere solent super observatione Decretorum Synodali.
14. In Belgio agrè permittitur promulgatio Synodorum sine consensu Regis, & quare?
15. Quæ sint causæ quod hodie rariùs habeantur Synodi Diœcesanæ.
16. Litteræ Regiæ, ut publicè edantur Decreta Synod. Diœcesanæ.

I. SYNODOS Diœcesanas præcipuam suam auctoritatem, ac vim obligandi mutare ab Episcopo, qui illis per se aut Vicarium suum præest; illarumque statutis obstringi omnes, qui Episcoporum Decretis ac mandatis subiecti sunt; indubiatum est: quandoquidem ambigi nequeat, quin ut minùs tantæ sint auctoritatis Synodorum Diœcesanarum Sanctiones, quàm Episcoporum Decreta.

II. Porro constat per undecim & amplius secula universum Clerum jurisdictioni & regimini sui respectivè Episcopi fuisse subiectum; nec unquam per ea tempora in quæstionem venisse, num Clerici Decretis Episcoporum in his, quæ morum atque disciplinæ reformationem attinebant, essent subiecti, eisque obedire deberent: ideòque nec ambigebatur, quin Clerici omnes etiam Synodorum Episcopaliū sanctionibus tenerentur; iisque in omnibus se subicere juberentur.

III. Neque hac in parte ulla erat Clericos Regulares inter & seculares distinctio. Hoc ipso enim quò Monachi sive Religiosi Clero adscribebantur, mox in omnibus non secus ac alii de Clero subdicebantur ipsi Episcopo, tanquam totius Cleri suæ Ecclesiæ Capiti & Pastori.

IV. Quinimo multis seculis juxta Canonicas sanctiones, præsertim Concilii Calchedonenſis Canonem quartum, Monachi universi Episcoporum jurisdictioni subiecti fuere; ipsorumque consequenter Episcoporum ac Synodorum Episcopaliū Ordinationibus & Decretis subiecti, uti latius infra ubi de exemptionibus Monachorum agetur, probabitur.

V. At postquam hisce posterioribus Ecclesiæ seculis, non tantum Monachi, sed etiam Clerici præcipuè Canonici exemptionem à jurisdictione Episcoporum à Romanis Pontificibus prætulerunt, & subinde obtinuerunt, quæstiones frequentes excitari cœperunt, circa obedientiam quam Capitula Canonicorum & Monachorum Monasteria deberent Decretis & Ordinationibus Synodorum Episcopaliū.

VI. Illud imprimis indubitatum manet, Capitula Canonicorum aliosque Clericos subijci Synodis Episcopaliū, in omnibus, quæ ipsos concernunt, quamdiu plenè non constat de eorum exemptione. Quamdiu enim dubia est exemptio, salva manet ordinaria Episcoporum auctoritas juri communi innixa; uti latius dicetur loco citato.

VII. Adhæc certum quoque est, Canonicos etiam exemptos subijci Ordinationibus Synodorum Episcopaliū in omnibus, quæ concernunt materiam non exemptam; id est, in his, ad quæ exemptio se non extendit; de quibus similiter infra tractabitur.

VIII. Quinimò cum ex Decreto Synodi Tridentinæ Clerici in his, quæ correctionem ac reformationem morum & abusu concernunt, Episcopis subiciantur, non obstante quacumque exemptione, etiam Synodis Episcopaliū in his subiecti erunt.

Cum verò Synodi hodie non tam circa forensium quæstionum decisionem, aut judicarios processus, quam circa reformationem morum & disciplinæ versentur, videtur quod Capitula Canonicorum quantumvis exempta merito dici possint Decretis Synodorum esse subiecta; atque ita declarasse Sacram Congregationem Concilii Tridentini Interpretem testatur Synodus D. Mechliniensis tit. 24. "Sciant, ait, Capitula exempta, exemptionemque prætendentia se non tantum ad Statutorum Synodi Diœcesanæ, verum etiam ad Decretorum Synodi Provincialis, uti à Sacra Congregatione ne declaratum est, observationem teneri. Idem repetit Synodus Namurcensis an. 1659. tit. 25.

IX. Quoad Regulares exemptos, ipsos legibus Synodorum Episcopaliū teneri in iis omnibus, quæ materiam non exemptam concernunt; & generaliter in omnibus, in quibus etiam Episcoporum Decretis, non obstante exemptione, subiciuntur, ambigi nequit. Unde consequenter ut intelligi queat, in quibus Regulares exempti Synodis Diœcesanis subdantur, scire oportet, ad quæ exemptio ipsa Regularium se extendat, quod infra titulo *De exemptionibus* latius dicetur.

X. Quin si Episcoporum jurisdictioni tanquam Sedis Apostolicæ Delegatorum Regulares subdantur, etiam ad Synodum Episcopalem accedere tenebuntur; si ad eam ab Episcopo tanquam Sedis Apostolicæ Delegato vocentur, ejusque ordinata observare, ut latè probat Fagnanus ad Cap. QUANTO de Officio Ordin. & per specialem Breve declaravit Alexander VII. quod ibidem à Fagnano refertur num. 64.

XI. Quia autem non satis convenit Episcopos inter & exemptos, quæ sit materia *exempta*, quæ *non exempta*; & in quibus obedire teneantur, variæ solent, occasione istarum exemptionum, oriri quæstiones & jurgia Episcopos inter & exemptos, præcipuè Regulares.

XII. Hac de causa, teste Cardinali De Luca *Disc.* 30. ad Concilium Tridentinum num. 9. ob illa jurgia, quæ Synodi Diœcesanæ cum exemptis parere solent, "à Sacra Congregatione in Italia injunctum est Episcopis, ut jam editas Synodales Constitutiones eidem, "examinandas, & confirmandas transmittere debeant, "istaque, ait, est praxis.

XIII. Ulterius, quia in Synodis interdum quædam occurrunt, quæ licet Ecclesiastica officia, aut functiones, vel Ecclesiasticorum aut Ecclesiarum jura concernere videantur, temporalia tamen etiam attingunt, difficulter Laici hæc Ordinationibus se subjiciunt, nisi auctoritas Regia accedat.

Neque enim credunt, auctoritatem Episcoporum aut Ecclesiasticorum eò se extendere, ut in his, quæ temporalia sunt, Laici absque Regio consensu legem ponant: ut sunt v.g. jura sepulture, decimarum, oblationum; item quæ Hospitalium aut etiam mensarum S. Spiritus aut Fabricæ Ecclesiæ administrationem concernunt; aliaque similia.

Hinc videmus Synodos passim confirmationem Regiam postulasse; atque ultimam Diœcesanam Namurcensem à Rege tamen Consilio Privato, quàm Brabantia examinata & probata videmus.

XIV. Quin & ægrè hic in Belgio permitteretur sine prævio Regis consensu Synodorum publicatio; ne fortè aliquid contra jus Regis aut Vassallorum contingeretur.

Et quidem eò anno 1639. Episcopus Namurcensis Synodalia sua Statuta evulgasset sine consensu Regis; Senatus Namurcensis litteris datis ad Consilium Privatum exposuit, Episcopum hac publicatione præjudicare auctoritati Regiæ. Habitâ deliberatione, Consilium

Privatum scripsit Episcopo Namurcensi, quod excessisset limites suæ potestatis, atque præjudicasset auctoritati Regiæ publicando sua Statuta Synodalia sine consensu Regis; injunxitque ipsi, ut omnia exemplaria dictorum statutorum retraheret, & eorum executionem suspenderet; deinde Consilio Namurcensi scripsit, ut invigilaret, an hæc mandata executionem haberent. Hæc scripta fuere anno 1644.

Idem judicavit Consilium Privatum anno 1605. circa Synodum Tornacensem similiter sine consensu Regis publicatam: ac iterum occasione alterius Synodi Tornacensis anno 1645. Hæc latius referuntur in sæpius citato Regesto M. S. Archiepiscopatûs Mechliniensis.

XV. Hæ controversiæ & quæstiones, quæ tum ratione exemptionum Regularium & Capitulorum, tum juri Laicorum oriri solent inter Episcopos & Exemptos, ac etiam Laicos super executione Ordinationum Synodali, non dubium, quin contribuerint ad omissionem Synodorum; quantumvis negari nequeat, quin ex earum omissione magnoperè disciplina Ecclesiæ patitur, & abusus incrementum accipiant.

XVI. Litteras Regias ad Episcopum Namurcensem, nec non ejusdem Civitatis Senatum super impressione Synodi, de quibus supra, integras exhibet D. de Laury in sua Arrestorum collectione *Arresto* 122. ibidem adstruens, Synodos sive earum Decreta sine *placito Regio* non posse publicari: ne forsan inter hæc Decreta quidpiam contineretur, quod principis jura, ejusque Vassallorum violaret, vel regimini politico in hæc Provinciis recepto & stabilito officeret. (a)

(a) In Galliis Episcopi non tenentur Litteras petere Regias, ut Statuta eorum Synodalia vim legis in eorum Diœcesi obtineant. Hæc tamen Statuta eo duntaxat jure gaudent modò nullam includant dispositionem, quæ sit contraria libertatibus Ecclesiæ Gallicanæ, nec adversentur Edictis Regiis, vel Diœcesanis usibus, qui sunt legitimi.

## TITULUS XIX.

### DE METROPOLITANIS.

#### CAPUT I.

Quando & à quibus Metropolitanis instituti?

1. Antiqua est Metropolitanorum institutio.
2. Synodum Nicanam præcessit.
3. Metropolitanorum nomen derivatur à Metropoli Civili.
4. Episcopus, qui Metropoli præest, dictus est Metropolitanus.
5. Metropoles Ecclesiastica ad normam Civilium formatae fuerunt.
6. Probatur ex Concilio Nicæno.
7. Item ex Concilio Taurinensi.
8. Ratio hujus disciplinae.
9. Divisa per Principem Provinciæ duo constituuntur Metropolitanici.
10. Posterioribus seculis Metropolis Ecclesiastica erectio à Metropoli Civili sejuncta fuit.
11. Devoluta est illius erigenda auctoritas ad Romanum Pontificem.
12. Intervenire debuit consensus Principis, quod pluribus exemplis probatur.
13. Hæc est moderna Ecclesiæ disciplina.
14. Archiepiscopus Rbemensis protestatus est contra erectionem Metropolis Cameracensis, quia consensus Regis non intervenerat.

Tom. I.

I. TAMETSÌ non constet, Metropolitanicam dignitatem ab Apostolis esse institutam; vel utrum Apostoli aliquibus Ecclesiis à se fundatis, aut earum Episcopis quædam jura & privilegia in alias Ecclesiis concesserint, eam tamen antiquissimam esse nemo inficiari potest.

II. Synodus Nicæna sub Constantino M. multis locis supponit, Metropolitanorum institutionem ab antiquo factam. Canone IV. ait: "Eorum autem, quæ sunt, confirmationem in unaquaque Provincia à Metropolitano fieri, oportet. Item Canone VI. "Illud autem est omnino manifestum, quod si quis, "absque Metropolitanis sententia factus sit Episcopus, "eum magna Synodus definivit non esse Episcopum. Imò Canone VII. annuens Episcopo, qui est in Ælia, sive Episcopo Hierosolymitano aliquam honoris prærogativam debere, addit hanc cautionem: *Metropoli præviâ dignitate servatâ*: quæ omnia Metropolitanorum institutionem, non à Synodo Nicæna primùm institutam; sed jam ab antiquo factam sat patenter supponunt.

III. Unde verò Metropolitanorum institutio originem suam sumpserit, non æquè expeditum. Hoc constat, Metropolitanos dici à *Metropoli*. Metropolitanum verò dici *Urbem matrem*: id est, quasi primam & præcipuam reliquarum veluti *matrem*. Quoniam verò in unaquaque Provincia urbs est aliqua, quæ inter cæteras

teras eminet, hæc dicta est *Metropolis*; ac ideo Episcopus qui hujusmodi urbi præest, *Metropolitanus* dictus fuit; qui quibusdam juribus & prærogativis præ cæteris, & in cæteras Ecclesias donatus fuit.

IV. Illud quoque factum compertum est, jam pridem Metropolitanum dictum fuisse Episcopum, qui *Metropoli*, sive civitati, quæ in certa Provincia prærogativis & juribus cæteras antecellebat, præesset.

V. Neque illud ambigi potest, quin Metropoles Ecclesiasticæ ad normam Metropoleon Civilium formatæ fuerint; sive consuetudine primum introductum, ac postmodum Conciliorum Decretis firmatum fuisset, ut *Metropoles* Civiles simul essent Metropoles Ecclesiasticæ: seu, ut Episcopus qui præesset civitati, quæ in divisione Imperii esset totius Provinciæ prima seu *Metropolis*, unde aliæ dependerent, etiam in Hierarchia Ecclesiastica esset Metropolitanus, cæterisque Episcopis ejusdem Provinciæ præesset: imo tota Ecclesiæ distributio ad formam Imperii facta est; Urbesque Metropoles etiam Metropoles fuere Ecclesiasticæ; atque earum Episcopus factus Metropolitanus; qui & sensim variis juribus & prærogativis in cæteras Ecclesias ejusdem Provinciæ fuit donatus.

VI. Ecquid enim Nicænos Patres impellere potuit, ut potius Cæsareæ jus Metropolitanum, quam Eliæ conferrent sive conservarent; nisi quod illa Provinciæ esset *Metropolis*, non hæc; atque propterea jus Metropolitanum ad illam esset translatum: ideoque Patres Nicæni etiam simpliciter dicunt: *Metropoli propria dignitate servata*: facti innuentes, eam *Metropoli* esse propriam.

VII. In Concilio Taurinensi statutum est, illi totius Provinciæ Primatum deberi, qui suam civitatem demonstrasset *Metropolim*: quia scilicet non aliunde Metropolitana Ecclesia statuitur, quam ex ipsius urbis Metropolitanæ Civili dignitate.

VIII. Quod apertius expresserunt Patres Antiocheni, qui & rationem illius aliquam addunt *can. 9.* "Episcopus, qui *Metropoli* præest, etiam curam suscipere oportet totius Provinciæ: ed quod in *Metropolim undeque* concurrant omnes qui habent negotia. Unde visum est, eum quoque honore præcedere, reliquos autem Episcopos nihil magni momenti aggredi sine ipso debere.

Constat ergo Metropoles civiles electas fuisse, ut essent Metropoles Ecclesiasticæ; atque Episcopus *Metropolis* foret *Metropolitanus*, qui totius Provinciæ curam ageret, ed quod ad *Metropolim* civitatem undeque concurrant omnes, qui habent negotia: ideoque conveniens quoque videbatur, ut ad eam civitatem negotia Ecclesiastica potius, quam ad ullam aliam, deferrentur; eoque potius, quam alibi, Episcopi, aliique, qui quæstiones haberent, convenirent.

IX. Hinc ulterius contingebat, quemadmodum etiam notat Lupus ad Canonem XII. Calchedonensem; "Ut divisâ per Principem Provinciâ, quomodo duos Præsules, seu Civiles Rectores, ita duos acciperet Episcopos Metropolitanos.

Unde factum, ut Episcopi Metropolitana jura ambientes Imperatores adirent, à quibus obtentâ Metropoleos in urbis suæ gratiam dignitate, Ecclesiastica etiam Metropolitana jura & Provinciarum ordinationes invadebant: uti latius exposui ad Canonem XII. Calchedonensem; ubi unâ ostendi, quomodo Synodus Calchedonensis, salvâ Principum auctoritate in distribuenda una Provincia in plures, hanc Episcoporum ambitionem reprobaverit, & refranaverit.

X. Labentibus autem seculis Metropoles Ecclesiasticæ paulatim à *Metropoli* civili disjungi cæperunt; neque urbium evectio ad *Metropolim* civilem secum traxit *Metropolim* Ecclesiasticam; sed pro utilitate ac necessitate Ecclesiæ, quædam Ecclesiæ, quæ opportuniore videbantur, in Metropoles erectæ fuerunt.

XI. Porro hæc Metropoleon institutio & erectio

jam à seculis aliquot ad Romanum Pontificem devoluta fuit, ita tamen ut consensus Principis interveniat; nec non Suffraganei aliique interesse habentes audiantur.

XII. Et quidem anno 832. Ludovicus Pius ordinari jussit Ansgarium Amaburgensem (a) Archiepiscopum in quadam Synodo Nationali, obtinuitque pro eo *Pallium*, & ordinaria Metropolitanorum jura à Pontifice, uti narrat Adamus Chronologista lib. 1. cap. 17. his verbis: "Habito Sacerdotum generali Concilio, Pius Cæsar votum Parentis impleri cupiens, Amaburg civitatem Transalbanorum *Metropolim* statuit, eique Cathedræ primum Archiepiscopum ordinare fecit Ansgarium, &c. Roborante id Gregorio IV. Apostolica auctoritate, & pallii donatione.

Eodem seculo Joannes VIII. Ecclesiam Ovetensem (b) in Gallia in *Metropolim* erexit ad postulationem Regis Alphonsi: "Et Ecclesiæ Ovetensi, ait, quam vestro consensu & assiduâ petitione Metropolitanam constituimus, omnes vos subditos esse mandamus. "Et concedimus etiam prædictæ Sedi, ea quæ Reges seu fideles justè obtulerunt... rata, firma & inconcussa manere in perpetuum.

De erectione Ecclesiæ Beneventanæ in *Metropolim* scribens ad recenter evectum illius Ecclesiæ Metropolitanum Joannes XIII. ait, se illam Ecclesiam in *Metropolim* erexisse horatu Imperatoris, Episcoporum & Clericorum Ecclesiæ Romanæ in Synodo Romana, & postulante Principe Capuano; uti videri potest in Epistola ipsius Papæ; quæ extat tom. 9. Concil. generalium col. 1238.

XIII. Hæcque est moderna Ecclesiæ disciplina; ut & Episcopatum & Archiepiscopatum sive Metropoleon institutio seu erectio, non nisi auctoritate Papæ, interveniente tamen Principis consensu, imò ferè non nisi ad ejus postulationem fiat.

Ita quoque ad postulationem Philippi II. Hispaniarum Regis erectos fuisse novos in Belgio Episcopatus & Metropoles, significat ipse Pontifex Paulus IV. in Bulla erectionis.

XIV. Quin protestatum fuisse Archiepiscopum Rhemensem in suo Concilio Rhemeni anni 1564. contra erectionem Ecclesiæ Cameracensis in *Metropolim*; ed quod, non audito Rege Christianissimo, ab Archiepiscopatu Rhemeni divulsâ esset ipsa Cameracensis aliæque, quæ cum antea essent Suffraganeæ Rhemenis Ecclesiæ, jam essent Suffraganeæ Cameracensis, testantur acta Concilii Rhemenis anni 1564.

(a) De Hamburgo.

(b) D'Oviedo.

## CAPUT II.

De prærogativis quibus super alios Episcopos fruuntur Metropolitanæ.

1. *Ista prærogativa referri non debent ad Apostolos Auctores.*
2. *Derivari possunt ex usu.*
3. *Non tantum dignitas civilis Urbium Metropoleon, sed etiam adminicula alia sensim crexerunt Metropolitanos super alios Episcopos.*
4. *Inter ea adminicula præcipuum videtur jus consecrandi suæ provinciæ Episcopos.*
5. *Quod jus primum fuit liberatis, deinde in necessitatem transit.*
6. *Episcopi, quos posterior ætas vocavit Archiepiscopos, primitus dicti fuerunt Metropolitanæ.*
7. *Nomen Metropolitanæ fuit ignotum in Africa, sed ejus prærogativis Episcopus senior fruebatur.*
8. *Labentibus seculis jus erigendi Metropoles ad Papam fuit devolutum.*

9. *Erectio*



9. *Erectio Metropoleon Papæ reservata fuit auctoritate falsarum Decretalium.*
10. *Eadem auctoritate Romanus Pontifex sibi vindicavit jus erigendi Ecclesias Primatiales.*
11. *Quo tempore in Italia ceperunt multiplicari Metropoles?*

**I. P**RETENDITUR à nonnullis, Metropolitanos, eorumque super alios Episcopos prærogativas, ab Apostolis originem accepisse, atque propterea dici posse instituti *Apostolici*.

Verum decreta Nicænæ Synodi id non evincunt. Probant quidem hæc Decreta Metropolitanorum institutionem, nec non quasdam eorum prærogativas super alios Episcopos præcessisse hanc Synodum; sed nequaquam evincunt speciali aliquo Decreto Apostolorum, hanc institutionem fuisse factam, sive Apostolos instituisse in quibusdam civitatibus, puta *Metropolis*, Episcopos cum aliqua superioritate, vel prærogativa subordinationis super alios ejusdem Provinciæ Episcopos.

II. Imo Synodus Nicæna sat aperte supponit, iura Metropolitanorum potius ex consuetudine & moribus, quam ex Apostolorum instituto esse petenda & definienda. Siquidem Canone 6. firmans privilegia trium principalium Ecclesiarum, Romanæ, Alexandrinæ, & Antiochenæ, illa petit ex *consuetudine*, & *moribus*, decernens: "Ut antiqui mores serventur, qui sunt in Ægypto, Lybia & Pentapoli, ut Alexandrinus Episcopus horum omnium habeat potestatem; quandoquidem & Episcopo Romano hoc est consuetum. Sive ut vertunt Dionysius & Isidorus *parvis moris est*."

Deinde eodem Canone proseguitur: "Similiter & in Antiochia, & in aliis Provinciis sua privilegia ac suæ dignitates & auctoritates Ecclesiis serventur. Nequaquam obscurum est, Synodum Nicænam privilegia & iura illarum Ecclesiarum ex *consuetudine* & *moribus* petivisse; atque decrevisse, ea debere manere firma, quæ probantur *antiquis moribus*, & consuetudine, nulla Decreti Apostolorum facta mentione.

III. Superius probatum est à dignitate civili Urbium Metropoleon etiam in Episcopos earum Civitatum aliquid dignitatis derivasse, atque à nomine Urbis nomen Metropolitanum mutuatum esse.

Hæc tamen sola eminentia Metropoleon civilium non videtur fuisse sufficiens, ut Episcopis civitatibus illis Metropolitanis præfectis in alios Episcopos auctoritatem sive superioritatem aliquam conferret, sed alia nonnulla concurrere videntur adminicula, quæ sensim hos Episcopos super alios Episcopos elevarunt; quin & tandem Metropolitanis subjecerunt.

IV. Inter hæc adminicula præcipuum fuisse videtur ordinatio seu consecratio Episcoporum, quæ sensim Episcopo Metropoli præfecto delata fuit.

Cum enim antiquitus moris esset, ut Episcopi à vicinis sive ejusdem provinciæ Episcopis ordinarentur, facile contigit, ut ubi paulatim ex civitatum splendore Episcoporum dignitas incrementum accipiebat, & frequentior ad Urbes Metropoles, ob varia incidentia negotia erat aliorum Episcoporum accessus, ceperint in ipsa Urbe Metropoli ordinationes fieri; atque per Episcopum Metropoli præfectum, cæteris provinciæ Episcopis assistentibus, peragi.

V. Hoc, cum ab initio forsan fuisset libertatis, tandem in necessitatem transivit, atque ita *consuetudine* potius, quam positivo aliquo decreto, jus ordinandi Episcopos Provinciales primitus Metropolitanis assertum postmodum Synodus Nicæna per suos Canones firmavit & integrum eis conservatum voluit.

Porro existimatum fuit Episcopos Ordinatori suo quamdam debere reverentiam & subjectionem. Hinc sensim iura Metropolitanorum, in Episcopos ad suam ordinationem spectantes, fluxisse verosimile est.

Et revera veteris disciplinæ fuisse, observat Petrus  
Tom. I.

De Marca lib. 1. de *Concord. Sacerd. & Imp. cap. 7. n. 3.* ut Synodis se sisterent Episcopi apud eum, cujus arbitratu ordinati erant: "Unde (ait) profectum est, ut pertinere ad alicujus Concilium, vel ad consecrationem promiscue & passim dicantur Episcopi, qui à Primatibus suis pendent."

Quapropter olim nulli Episcopi accedere jubebantur ad limina *Apostolorum*, sive, quod idem erat, ad Synodum Romanam, nisi qui ad Episcopi Romani ordinationem spectabant, uti supra tit. 15. cap. 2. ostendimus ex sancto Leone.

VI. Postquam vero sensim iura illa Metropolitanorum firmata fuere primum Canone Nicæno, ac deinde aliis canonibus, ceperunt & ipsi vocari Archiepiscopi, quo nomine, nec ævo sancti Leonis, id est, seculo quinto fuisse appellatos, saltem apud Latinos, observavit vir eruditus Paschasius Quenstedt in notis ad *Epistolam* 9. sancti Leonis, monetque ibidem, quod qui hanc epistolam authenticum esse volunt sancti Leonis fortum, una sustineant vocem *Archiepiscopi* per oscitantiam exscriptoris pro nomine *Episcopi* irreplisse.

Itaque dubium non est, quin Episcopi, quos posterior ætas vocavit Archiepiscopos, primitus dicti fuerint simpliciter *Metropolitani*, mutuato nomine à civitate Metropoli.

Probat id ipsum Ecclesiæ Africanæ praxis: cum dignitas & iura Episcoporum non peterentur à dignitate civitatum, quibus erant præfecti, sed à *prioritate ordinationis*, ita ut hic juribus & prærogativis Metropolitanis gauderet, qui inter Episcopos provinciales erat ordinatione lenior.

VII. Nomen Metropolitanum etiam in Africa ignotum fuit; sed *senior* Episcopus juribus & prærogativis Metropolitanis gaudebat & utebatur, uti observat & pluribus probat Petrus de Marca dissertatione de Primatu Lugdunensi, quæ integra extat tom. 10. Concil. General. pag. 520. observatque ibidem, quod in Africa Episcopus *senior* ordinatione etiam dictus fuerit *Primas*, quasi primum locum obtinens inter reliquos Episcopos, sed nomen *Metropolitani* illi datum non legitur.

VIII. At & hoc observatum labentibus sæculis hanc dependentiam à Metropoli civili desuisse, atque sensim cœpisse independentem à jure Metropolis civilis, quasdam civitates, vel sedes Episcopales in Metropoles auctoritate Ecclesiastica erigi, quin & tandem hoc jus erigendi Metropoles ad Sedem Apostolicam fuisse devolutum.

Admodum autem verosimile est hoc jus sibi cœpisse vindicare Pontifices Romanos circa seculum decimum, post inductas falsas Decretales.

Et quidem legitur quod Joannes IX. sub initium seculi x. ordinaverit, sive instituerit Metropolitanum, & tres novos Episcopos in terris Sclavorum, qui à sua ad Christianam fidem conversione subiecti fuerant Episcopo Pataviensi. De hac autem nova institutione, tanquam sanctis Canonibus contraria & Episcoporum auctoritati derogante, alte conquesti sunt Pheotmarus Juvavensis Ecclesiæ Archiepiscopus, alique Episcopi, in *Epistola* ad dictum Pontificem, quæ legitur tom. 9. Concil. General. colum. 498.

Hæc querela Episcoporum de hac per Romanum Pontificem facta erectione sat ostendit nondum eo tempore generaliter agnitam fuisse auctoritatem erigendi Ecclesias Metropolitanas aut Cathedralas, ad Romanum Pontificem contra pristina Canonum instituta & Ecclesiæ consuetudinem, esse devolutam.

IX. Itaque verosimile est erectionem Metropoleon non secus ac Episcopatum erectionem sibi vindicasse Romanos Pontifices auctoritate falsarum Decretalium; ac signanter Clementis I. ad Jacobum fratrem Domini, cujus fragmentum extat apud Gratianum *Diff. 80. Can. 2.* nec non secundæ epistolæ Anacleti Papæ

cap. 4. cujus verba retulit quoque Gratianus *Dist. 99. cap. 1.* In his enim mentio fit, non solum Metropolitanorum, sed & Archiepiscoporum, Primum & Patriarcharum, quin & Archiepiscopum, quos à *sancto Petro*, & *Clemente* per Provincias constitutos fuisse asseritur.

Et licet omnibus hodie falsitas harum Decretalium sit sit perspecta, sciaturque nomen *Patriarcharum* & *Primum*, quin & *Archiepiscoporum*, sed vel maxime *Archiepiscopum*, ævo dictorum Pontificum Petri & Clementis, in Ecclesia fuisse ignotum, nihilominus & id scitur seculo x. & sequentibus has Decretales in auctoritatem fuisse receptas, præsertim post earum in Decretum Gratiani relationem.

Unde vir clarissimus Claudius Fleury asserere non dubitat auctoritatem instituendi novos Metropolitanos, sive civitates erigendi in Metropoles Ecclesiasticas, ad Sedem Apostolicam devolutam ope dictarum Decretalium.

X. Similiter auctoritate harum Decretalium Romanos Pontifices sibi asseruisse potestatem erigendi particulares Ecclesias in Ecclesias *Primitiales*, cum prærogativa & jurisdictione supra Metropolitanos, observat Petrus de Marca in dissertatione de *Primatu Lugdunensi*, una observans ante confictas & receptas has Decretales nullam fuisse Ecclesiam *Primitialem* cum superioritate & jurisdictione in alias Ecclesias Metropolitanas: neque nomen *Primum* ante receptas has Decretales datum fuisse nisi Metropolitanis, aut iis qui jure Metropolitanis gaudebant, qualis erat in Africa *senior* ordinatione inter Episcopos Provincie.

Id ipsum post de Marca observavit Dominus Fleury in sua historia Ecclesiastica lib. 62. cap. 61. & fat patenter intelligitur ex litteris Gregorii VII. quibus Ecclesiam Lugdunensem in *Primitialem* erigit, eique subijcit tres Metropolitanos, scilicet Rothomagensem, Turonensem, & Senonensem, expresse profitendo in hac erectione, *antiqua sanctorum Patrum vestigia se imitari desiderare.*

Nequaquam obscurum est Gregorium VII. in his verbis reflexisse ad falsam Decretalem Clementis I. cujus fragmentum refert Gratianus *dist. 80. can. 2.* quod & manifestius patet ex ejusdem epistola ad prædictos tres Metropolitanos, in qua pro firmando jure sedis Apostolicæ erigendi Ecclesias *Primitiales* impendit fragmentum prædictæ supposititiæ Decretalis Anacleti I. Papæ relatum apud Gratianum *dist. 99.* quod & ad dictum Canonem Correctores Romani notarunt his verbis. „Hoc caput integrum repetitur à Gregorio VII. *lib. 6. Regesti epistola 35.* Rothomagensi, Turonensi, atque Senonensi Archiepiscopis scripta, ex qua & originali nonnulla sunt restituta.

Ex his nequaquam obscurum est per falsas Isidorianas Decretales originem sumpsisse hunc novum ordinem *Primum* sive Ecclesiarum *Primitialium*, ad quos à judicio Metropolitanorum gradatim esset appellandum: cujus appellationis ante invectas has Decretales nulla memoria occurrit, neque reservationis juris instituendi novos Metropolitanos Romano Pontifici.

XI. Interim postquam auctoritas erigendi novas Metropoles Ecclesiasticas ad Romanum Pontificem fuit devoluta, cœperunt notanter in Italia Metropoles multiplicari; visumque est quod Pontifices nonnunquam civitates aliquas in Metropoles erexerint, ut eas hoc titulo decorarent, uti notavit Dominus Fleury in sua historia loco citato, notatque primum Metropoles multo fuisse diffusiores, pluresque sub se complectentes Episcopos Suffraganeos; ac propterea Synodos Provinciales ex majori numero Episcoporum coaluisse. Proinde mirum non est, quod legatur antiquitus has Synodos subinde dictas fuisse *plenarias* & *perfectas* Synodos.

### CAPUT III.

Quam obedientiam Episcopi Suffraganei debeant suis Metropolitanis?

1. *Canones qui Apostolis vulgo tribui solent, Episcopos suis subijciunt Metropolitanis.*
2. *Canonis Apostolici meminit Synodus Antiochena.*
3. *Synodus Nicæna Episcopos suis Metropolitanis subijcit.*
4. *Eandem auctoritatem agnovit Innocentius III.*
5. *Episcopum non obedientem suo Metropolitanò increpavit sanctus Gregorius.*
6. *Episcopi jam pridem juramentum fidelitatis præstiterunt suo Metropolitanò.*
7. *Refertur formula ex Pontificali Romano.*
8. *Juramentum illud simile est illi, quod bodie exhibetur Pontifici Romano.*
9. *Unde bodie imminuta Metropolitanorum auctoritas.*

I. METROPOLITANORUM auctoritatem in suos Suffraganeos, sive Episcopos suæ Provincie jam pridem Canones Conciliorum, & Pontificum Decreta amplissime adstruxerunt.

„Episcopos (ait Canon 33. Apostolorum) unus-  
„cujusque gentis nosse oportet eum, qui in eis est  
„*primus*, & existimare ut *Caput*; & nihil facere,  
„quod sit arduum aut magni momenti, præter illius  
„sententiam: illa autem facere unumquemque, quæ  
„ad suam Parochiam pertinent, & ad pagos qui ei sub-  
„sunt. Sed nec ille absque omnium sententia aliquid  
„agat: (in aliquorum versione additur: *aliquid in*  
„*eorum Parochiis.*) „Sic enim erit concordia, & glori-  
„ficabitur Deus per D. N. JESUM CHRISTUM.

II. Ad hunc Canonem fat aperte alludunt, eumque innovant Patres Concilii Antiocheni *can. 9.* „Episco-  
„pos, qui sunt in unaquaque Provincia, scire oportet  
„Episcopum, qui præest Metropoli, etiam curam sus-  
„cipere totius Provincie, eo quod in Metropolim un-  
„devisum est eum quoque honore præcedere: reliquos  
„autem Episcopos nihil magni momenti aggredi sine  
„ipso, ut vult, quia ab initio obtinuit, *Patrum Canon.*

III. Quid plura? „Decreta Nicæna (inquunt Patres  
Africani in Epistola ad Cælestinum Papam) „sive in-  
„ferioris gradus Clericos sive ipsos Episcopos suis  
„Metropolitanis apertissime commiserunt. „Habetur  
tomo 2. Concil. generalium *col. 1674.*

Hinc compertum est, Episcopis quidem semper liberum fuisse Diocesim suarum regimen seu directionem: neque Metropolitanis fas fuisse in hoc regimine Episcopos turbare; nihilominus Episcopos debuisse agnoscere Metropolitanum tanquam *Caput*, & Superiorem, qui juxta regulas sibi ab Ecclesia præscriptas, vel solus, vel una cum cæteris Provincie Coepiscopis ipsos delinquentes, vel à Canonum præscripto in suæ Diocesis regimine defectores, corrigere & interdum punire posset; eoque sensu Metropolitanus, jam pridem habitus fuit ordinarius admonitor, corrector, & judex suorum Suffraganeorum.

IV. Innocentius III. ad Suffraganeos Arelatensis Metropolitanus scribens, ipsum Suffraganeorum *Prælatum* vocat; „quatenus ipsi tanquam *Patri*, inquit,  
„& *Episcopo animarum vestrarum*, devote studeatis &  
„humiliter obedire: ad vocationem ipsius, nisi evi-  
„dens necessitas contradicat, secundum traditionem  
„Canonicam sine difficultate qualibet accedentes. „*Lib. 1. epist. 466.* Et ad Suffraganeos Acheruntinæ (a)  
scribit: „Fraternitati vestræ per Apostolica scripta  
„mandamus, atque præcipimus, quatenus ad eum  
(Archiepiscopum Acheruntinum) „sicut *Patrem* &

(a) D'Acrema dans le Royaume de Naples.

„Pastorem

„*Pastorem* pium geratis devotionis respectum. „*Lib. 2. epist. 159.*

V. Indubitatum ergo fuit, quod Episcopi ad reverentiam ac obedientiam tenerentur. Unde S. Gregorius Felicem in Sardinia Episcopum graviter objurgavit, quod suo Metropolitano *obediens* non esset, vindictamque ei, ni obediat, comminatur: „Contristamur, „ait, quia superbiae de te manifeste praebes indicium... „hortamur, ut mentis tumore deposito, *Ordinatori* „tuo antedicto Fratri & Coepiscopo nostro humilem „te exhibere, ac parere non desinas. „*Lib. 4. epist. 10.*

VI. Sed nihil est, quod luculentius exprimat obedientiam & subjectionem, quam suis Metropolitanis jam pridem debere Episcopi, quam juramentum, quod in Ordinatione sua praestare debebant, & cujus formula etiamnum in hodierno Pontificali conservatur sub titulo *de scrutinio serotino.*

VII. Sub hoc titulo describitur, quo ritu perageretur examen Episcopi ejusque consecratio à Metropolitano, dum ipsa Episcoporum electio esset penes Canonicos Cathedralis, & confirmatio & consecratio fiebat à Metropolitano; atque inter alia refertur juramentum ab Ordinato praestandum ipsi Metropolitano sub hac formula: „Ego N. Ecclesiae N. vocatus Episcopus, pro- „mitto in conspectu omnipotentis Dei, atque totius „Ecclesiae, quod ab hac hora in antea fidelis & obediens ero perpetuo more praedecessorum meorum „Beato N. sanctaeque Ecclesiae N. *nominando Ecclesiam „Metropolitanam,* & vobis Dom. meo N. Dei gratia ejusdem Ecclesiae Archiepiscopo vestrisque successoribus Canonice intrantibus, prout est à SS. Patribus institutum, & Ecclesiastica ac Romanorum Pontificum commendata auctoritas. Non ero in consilio, aut consensu, vel in facto, ut vitam perdati, aut membrum, aut capiamini mala captione. Consilium, quod mihi per vos, aut per litteras, vel per nuntium credituri estis, ad damnum vestrum, me sciente, nulli pandam. Vocatus ad Synodum veniam, nisi praepeditus fuero Canonica praepeditione. Vos quoque, & nuntios vestros, ac Ecclesiae N. *nominando Ecclesiam Metropolitanam,* quos certos esse cognovero, in eundo, itando, & redeundo, honorifice tractabo, & in suis necessitatibus adjuvabo: possessiones vero ad mensam mei Episcopatus pertinentes non vendam, neque donabo, neque de novo infeudabo, vel aliquo modo contra jus vel consuetudinem Ecclesiae meae alienabo, vobis, vel vestris successoribus inconsultis.

„*Deinde librum Evangeliorum, quem Metropolitanus coram eo apertum super genibus tenebat, Electus ambabus manibus superscripturam tangebatur, dicens:*

„*Sic me Deus adjuvet, & haec sancta Dei Evangelia.*

VIII. Hanc formulam si quis conferat cum formula juramenti, quod Romano Pontifici praestant Episcopi, apparebit, Episcopos eandem pene obedientiam jurasse Metropolitanis, quam hodie promittunt ipsi Romano Pontifici; atque verissimum esse, quod notavit antiquus Glossographus Juris Canonici, juramentum fidelitatis tantum praestitum fuisse Romano Pontifici ab Episcopis immediate Romano Pontifici subjectis; sive qui ad ejus ordinationem spectabant; reliquos vero illud suis Metropolitanis tanquam suis Ordinatoribus praestitisse; uti supra *Titulo 15. cap. 2.* observavimus.

IX. Cum vero circa seculum decimum quartum confirmatio & consecratio Episcoporum ad Romanum Pontificem crepit devolvi, atque Romanus Pontifex exclusis Metropolitanis, ordinarius Episcoporum Consecrator constitutus fuit, etiam ipsi soli juramentum obedientiae & fidelitatis praestitum est; atque exinde una crepit Metropolitanorum in Episcopos Suffraganeos auctoritas nonnihil diminui; eamque hodie non parum

imminutam esse recte notavit Zypaeus in *Jure Novo, titulo de Officio Ordinarii num. 15,* & ex infra dicendis patebit.

## CAPUT IV.

In quibus causis Metropolitanus sit Judex Ordinarius Episcoporum?

1. *Querela Episcoporum juxta Canonum Decreta ad Metropolitanam deferenda.*
2. *Id etiam locum habebat in prima instantia.*
3. *Etiam per censuras contra Episcopos procedere possunt Metropolitani.*
4. *Metropolitanus est Judex Ordinarius suorum Suffraganeorum.*
5. *Metropolitanorum auctoritatem in causis Episcoporum imminuit Synodus Tridentina.*
6. *Causae criminales, ubi Episcopi personaliter comparere debent, coram Pontifice celebranda.*
7. *Majores causae criminales Episcoporum à solo Pontifice decidenda.*
8. *Quando haec causae Sedi Apostolicae sint reservatae, incertum; fuerunt tamen ante Synodum Tridentinam.*
9. *Quaedam circa haec Decreta Concilii Tridentini à Belgicis Magistratibus in publicatione Concilii observata.*
10. *Mores Belgii non patiuntur, ut Episcopi extra suas Provincias judicentur.*
11. *Debent dari Judices in partibus.*
12. *Metropolitani in causis civilibus manent judices suorum Suffraganeorum.*
13. *Quid hic in Belgio obtineat?*
14. *Hodie Episcopi vix in civilibus coram Metropolitanis conveniuntur.*

I. IN Concilio Carthaginensi III. *can. 7.* & apud Gratianum 4. q. 5. *can. 1.* legitur: „*Quilibet* „Episcoporum accusatur, ad *Primates* Provinciae ipsius causam deferat accusator, nec à communionem suspendatur, cui crimen intenditur, nisi ad causam suam dicendam, die statuta, *Primatis* Litteris evocatus minime occurrerit.

Ad intellectum hujus Canonis notandum in Africa *Primates* Provinciarum eosdem fuisse, qui hodie dicuntur *Metropolitani*; adeoque Episcopos accusari apud *Primates* Provinciae, est accusari apud *Metropolitanum* Provinciae.

Indubitatum ergo est, apud Africanos, *Primates* seu *Metropolitanos* actus judicarios in Episcopos exercuisse.

Et ex Concilio Toletano III. refertur apud Gratianum 10. q. 3. *can. 6.* „*Ut Clerici tam locales, quam* „*Dicecesani,* qui se ab Episcopo gravari cognoverint, „*querelas* suas ad *Metropolitanum* deferre non differant, & *Metropolitanus* non moretur ejusmodi praesumptiones coercere.

II. Pater hic non de appellationibus sermonem esse, sed de excessibus Episcoporum, quos per modum simplicis querelae laesi deferant contra Episcopum laedentem ad *Metropolitanum*, tanquam Judicem *Primarium* & *Ordinarium* Episcoporum.

Quod & aperte decidit Concilium Matisconense II. ubi *can. 9.* habetur: „*Si aliquid contentions adversus* „*Episcopum* potentior persona habuerit, pergar ad „*Metropolitanum* Episcopum, & ei causas alleget, & ipsius sit potestatis honorabiliter Episcopum, de quo agitur, evocare, ut in ejus praesentia accusatori respondeat; & oppositas sibi actiones extricet. Quod si talis fuerit immanitas causae, ut eam solus *Metropolitanus* definire non valeat, advocet secum unum, vel duos *Coepiscopos.* Quod si & ipsis dubietas fuerit,

„*Conci-*



„ Conciliabulum definito die, vel tempore instituunt, „ in quo universa rite fraternitas collecta, Coëpiscopi „ sui causas discutiat, & pro merito aut justificet aut „ culper.

III. Utque pristina Conciliorum de hac Metropolitanorum in Episcopos ordinaria & judiciali auctoritate Decreta plura omittam, ipse Honorius III. in *cap. 52. de sententia excom.* Genomanensem Episcopum a sententia excommunicationis in ipsum per Turonensem Archiepiscopum tanquam suum Metropolitanum lata ad cautelam tantum absolvit, ipso Episcopo in presentia Procuratoris dicti Archiepiscopi praestante corporaliter juramentum, quod parebit mandatis, quae idem Archiepiscopus sibi propter hoc fecerit; si constiterit ipsum in eo, pro quo fuit lata sententia praedicta, culpabilem esse.

Agnovit proinde Honorius III. in Metropolitanano potestatem excommunicandi Episcopum Suffraganeum; quam & in Archiepiscopo Rhemensi respectu suorum Episcoporum Suffraganeorum supposuit Innocentius IV. in *cap. 1. §. fin. de Officio Ordin.* in VI.

IV. Hinc uno consensu tradunt Canonistae, de jure communi Metropolitanum esse judicem ordinarium suorum Suffraganeorum; & contra illos per solam querelam, etiam sine appellatione, posse coram Metropolitanano induci accusationes; ipsosque Metropolitanos posse quibusque censuris in Suffraganeos ex justa causa agere, apertissime concedunt. Vide Stephanum Quarantam in summa Bullarii, verbo: *Archiepiscopi auctoritas*; & Panormitanum aliosque veteres Interpretes ad *cap. PASTORALIS de Officio Ordin.*

V. Hanc Metropolitanorum in suos Suffraganeos judicariam potestatem per Concilium Tridentinum in aliquibus causis, praesertim criminalibus imminutam ac immutatam esse, recte advertit Zypaeus loco supra citato.

VI. Et quidem *sess. 13. c. 8. de reformat.* decretum est: „ Causae Episcoporum, cum pro criminis objecti qualitate comparere debeant, coram Pontifice Maximo referantur, ac per ipsum terminentur.

VII. Rursus *sess. 24. cap. 5. de reformat.* „ Causae criminales graviores contra Episcopos, etiam haereticas, quod absit, quae depositione aut privatione dignae sunt, ab ipso tantum summo Romano Pontifice cognoscantur, & terminentur. Quod si ejusmodi sit causa, quae necessario extra Romanam Curiam sit committenda, nemini prorsus ea committatur, nisi Metropolitanis, aut Episcopis, a Beatissimo Papa eligendis. Haec vero commissio & specialis sit, & manu ipsius Sanctissimi Pontificis signata, nec unquam plus his tribuat, quam ut solam facti instructionem sumant, processumque conficiant: quem statim ad Romanum Pontificem transmittant; reservata eidem Sanctissimo sententia definitiva. Caetera alias sub fel. rec. Julio III. super his decreta; nec non & Constitutio sub Innocentio III. in Concilio generali, quae incipit, *Qualiter & quando*; quam sancta Synodus in presenti innovat, ab omnibus observetur. Minores vero criminales causae Episcoporum in Concilio tantum Provinciali cognoscantur, & terminentur, vel a deputandis per Concilium provinciale.

Hoc itaque Decreto causae criminales contra Episcopum, quae depositione aut privatione dignae sunt, soli Romano Pontifici, saltem quoad sententiam definitivam reservantur; adeo ut in his causis Metropolitanii Judices Ordinarii Episcoporum non sint.

VIII. Quandonam haec causae Sedi Apostolicae fuerint reservatae, incertum est; illud satis constat, Episcoporum depositionem uti & translationem inter majores causas jam dudum ante Synodum Tridentinam fuisse computatas; atque ut tales Sedi Apostolicae reservatas, uti supra de translatione Episcoporum ex Innocentio III. ostendimus, *tit. 15. cap. 4.* & in causa haereticis contra Episcopum etiam tempore Bonifacii VIII. refer-

vatam fuisse in tantum, ut Inquisitores haereticae pravitatis a Sede Apostolica generaliter deputati, non possent de crimine haereticis contra Episcopos inquirere, aut eo praetextu contra eos agere; nisi in litteris commissionis Apostolicae, quod hoc possint, contineretur *expresse*: sed si quos sciverint hoc crimine infectos, aut de illo diffamatos, tenerentur Sedi Apostolicae nuntiare, colligitur ex *cap. 16. de Haereticis in VI.*

IX. Caeterum circa haec Concilii Tridentini Decreta observandum; quod cum praevie ante Concilii publicationem Decreta reformationis missa essent ad Concilia Regia, ut super iis judicium suum „depromerent, „ ad *cap. 8. sess. 13.* speciatim Brabantinos observasse, „ hac ratione subditos extra patriam fore trahendos, „ quod directo adversatur Indulto summorum Pontificum, Leonis & Clementis, & Constitutionibus suae Majestatis, & Illustrissimorum ejus Praedecessorum, „ qui non sine gravi ac praegnantia causa id concesserunt. „ Et ad *cap. 5. sess. 24.* „ Brabantini, Flandri, „ alique monuerunt, posse Regem inhærere veteri juri „ & auctoritati suae, ad conservandam securitatem & „ tranquillitatem Reipublicae & subditorum.

X. Neque Belgii Leges ac privilegia, quae in promulgatione Concilii Tridentini salva voluit Rex Catholicus, patiuntur, ut subditi praesertim Brabantioi, extra Provinciam in jus vocentur, & judicentur: de quo usu sic loquitur Renatus Choppinus de S. P. *lib. 2. tit. 4. n. 8.* „ In Belgicis Hispani Regis ditionibus usu receptum est absque pacto convento inter Regem & „ Pontificem, ne causae Ecclesiasticae alibi, quam in „ patriis litigatorum sinibus, dirimantur.

De hisce Belgii moribus similiter testatur Guicciardinus in generali descriptione Belgii sub finem, his verbis: „ Pontifex nullius omnino praetensionis vel correctionis praetextu quemquam hominem, sive Ecclesiasticus sit, sive Laicus, evocare potest extra Provinciam. Unde si quid forte occurrat, oportet ut mittat, vel hic deputet commissarios, qui de praetensa „ causa cognoscant.

XI. Profert quoque Antonius Anselmo Jurisconsultus Antverpiensis in appendice ad suum Commentarium in Edictum perpetuum Principum nostrorum Alberti & Isabellae, declarationem Senatus Brabantiae datam ad instantiam Procuratoris Regii confirmativam hujus privilegii, atque annullativam cujusdam praetensae citationis factae de persona Archiepiscopi Melchliniensis, & Episcopi Gandensis ad Curiam Romanam.

XII. Haec quidem quoad causas criminales: quoad civiles autem nihil à Synodo Tridentina immutatum apparet, adeoque in his juxta jura communia Episcopi suos respective Metropolitanos tanquam Judices Ordinarios agnoscere tenentur; nisi privilegio exemptionis suffulti, immediate Sedi Apostolicae sint subiecti.

XIII. Porro in Concordatis initis inter Carolum V. & Episcopum Leodientem an. 1541. *tit. 3. art. 7.* conventum est: „ Abbates, Abbatis, & alii de Statibus Brabantiae existentes, juri stabunt activo & passivo coram Judicibus illis, coram quibus, de antiqua consuetudine, stare juri consueverunt: „ scilicet (uti monet Zypaeus in jure novo *tit. de Foro competentis n. 2.*) „ coram Duce seu ejus Consilio Brabantiae, qui in hoc Ducatu est supremus Senatus: prout passim „ praxis induxit, ut Praelati ac Collegia Ecclesiastica „ coram Principum Consiliis conveniantur, & alios „ eo trahant. „ Haec Zypaeus loco citato.

XIV. Et tamen ea jurisdictio Regia non sit privata & exclusiva jurisdictio Ecclesiastica, quemadmodum monet Zypaeus, rarissime tamen videmus Episcopos in Belgio coram alio quam Regis Senatibus in causis civilibus juri stare: adeo ut Metropolitanorum jurisdictio in his causis respectu Episcoporum Suffraganeorum pene nulla sit.

## CAPUT V.

Quam auctoritatem Metropolitanus hodie habeat in  
Dieceſi ſuorum Suffraganeorum?

1. *Episcopi habent liberam ſuæ Diceſis adminiſtrationem.*
2. *Metropolitanus nullam habet immediatam iuriſdictionem in ſubditos ſuorum Suffraganeorum.*
3. *Quâ ratione Metropolitanus ſit Iudex totius Provinciæ.*
4. *Metropolitanus auctoritas ſe non extendit ad Diceſes ſuffraganeorum, niſi in ipſorum defectu.*
5. *Metropolitani de jure communi Diceſes ſuorum Suffraganeorum viſitare poſſunt.*
6. *Hæc auctoritas per Synodum Tridentinam reſtriſta.*
7. *Hodie Metropolitanus non viſitant Diceſes Suffraganeorum, & quare?*
8. *Suffraganei ad Eccleſiam Metropolitanam accedere debebant; ſed Synodus Tridentina neceſſitatem illam limitavit.*
9. *Quomodo intelligendum Decretum Conſilii Tridentini.*
10. *Metropolitani etiam hodie manent Superiores ſuorum Suffraganeorum.*
11. *Cauſa à Suffraganeis per appellationem devolvuntur ad Metropolitanum tanquam Superiorem.*
12. *Ex ſola negligentia Suffraganeorum etiam ad Metropolitanum tranſeunt.*
13. *Auctoritatem Metropolitanorum in Diceſes Suffraganeorum rectè explicat Gratianus.*
14. *Auctoritatem Metropolitanorum in ſupplendis defectibus Suffraganeorum agnovit Synodus Tridentina.*
15. *Super defectu in officio Episcopali Suffraganeos ſuos monere debent Metropolitanus, eoſque corrigere.*

I. **E**PISCOPIS ſingulis ſuam eſſe attributam Diceſim, ut illam pleno jure regant, ſuprà tit. 15. cap. 3. oſtendimus: ut ita nullus Præſatus ſine ejus conſenſu actum aliquem vel minimum iuriſdictionis, præcipue in ejus ſubditos exercere, aut Pontificalibus in ejus Diceſi uti queat. Nam, ut ait Canon IX. Antiochenus, "Unumquemque Episcopum oportet habere ſuæ Diceſis poteſtatem, & adminiſtrare pro unicuique conveniente religione, & totius regionis curam agere, quæ ſuæ urbi ſubeſt."

II. Et licet Metropolitanus ſeu Archiepiſcopus aliquam in Suffraganeos iuriſdictionem & ſuperioritatem habeat, nullam tamen immediatam in ſubditos Suffraganeorum ejusque Diceſim habere, expeditum eſt.

III. Hinc communiter tradunt Canoniſtæ, quod Metropolitanus quidem ſit Iudex totius Provinciæ tanquam habens iuriſdictionem Archiepiſcopalem; non tamen tanquam habens iuriſdictionem Episcopalem ſeu ordinariam in totam Provinciam, ſeu ſingulas ejus Diceſes.

Iuriſdictio verò Archiepiſcopalis tantummodo ſe extendit ad ipſos Suffraganeos Episcopos; nequaquam autem in eorum ſubditos, niſi mediata; quatenus nimirum Suffraganeorum negligentia ſive defectus eſſet ſupplendus, aut eorum procedendi modus corrigendus.

IV. Quapropter Metropolitanorum auctoritas in Diceſes Suffraganeorum ſe non extendit, niſi ipſi Episcopos à Sacris Canonibus defectant, aut in eorum executione ſint defectuoſi: adeo ut de Metropolitanis dici queat, quod de Sede Apoſtolica dixit S. Gregorius lib. 7. *Epist.* 64. ind. 2. "Si qua culpa in Episcopis invenitur, neſcio quis Sedi Apoſtolicæ Episcopos ſubjunctus non ſit: cum verò culpa non exigit, omnes ſecundum rationem humilitatis æquales ſunt."

Itaque Metropolitanus nullam quidem ordinariam

& Episcopalem auctoritatem habet, aut exercere poteſt in Diceſibus ſuorum Suffraganeorum; attamen Archiepiſcopalem eatenus obtinet, ut in Suffraganeorum defectus inquirere, eoſque corrigere ac ſupplere poſſit.

V. Hac de cauſa "Metropolitanus jure communi" poteſt per totam Provinciam vel ejus partem viſitationis officium exercere, civitates, Diceſes, Suffraganeos ſuos & eorum ſubditos, Cathedralium & aliarum Eccleſiarum Capitula & Monaſteria, Eccleſias & alia religioſa & pia loca, Cleros & populos liberè viſitando, ac procuraciones à locis tantum recipere viſitatis. Prout latè deſcribitur in cap. 1. de *Conſibus* in VI.

VI. At Synodus Tridentina etiam in hoc articulo Metropolitanorum auctoritatem nonnihil limitavit, decernendo ſeſſ. 24. cap. 3. de *reform.* ut "à Metropolitanis, etiam poſt plenè viſitatam propriam Diceſim, non viſitentur Cathedralis Eccleſiæ, neque Diceſes ſuorum Comprovincialium, niſi cauſa cognita & probata in Concilio Provinciali."

VII. Cum verò hodie rariffimè habeantur Concilia Provincialia; ac inſuper illa ex pluribus Episcopis Comprovincialibus, (qui viſitationem ſuarum Diceſium à Metropolitanis fieri haud optant) & uno duntaxat Metropolitanis conſent, etiam Metropolitanorum hæc viſitatio in deſuetudinem abiit; nec facile ſtante hoc Decreto obtinebitur: neque hodie videmus per Metropolitanos viſitationem Provinciæ fieri.

VIII. Inſuper Metropolitanus tanquam Superiores Suffraganeorum poterant ad ſe vocare ſuos Suffraganeos; atque in multis Eccleſiis conſuetudine invaluerat, quod Suffraganei ad ſuos Metropolitanos ſtatutis temporibus accedere tenerentur: at hic rursus Synodus Tridentina Episcopis ſubvenit, ſtatuens: "Ne Episcopos Comprovinciales prætextu cujuſlibet conſuetudinis ad Metropolitanam Eccleſiam impoſterum accedere inviti compellantur." ſeſſ. 24. cap. 2. de *reformat.*

IX. Hic de perſonali duntaxat accéſſu ſermonem eſſe, aliquando cenſuerat S. Congregatio Concilii Tridentini interpres; at poſtmodum de eadem re maturius deliberans cenſuit, Concilium liberaſſe Suffraganeos etiam ab onere mittendi procuratorem, non obſtante contrariâ conſuetudine etiam immemoriali. Ita Fagnanus ad cap. *QUONIAM* de *conſtitut.* n. 57. qui inſuper ad cap. *SI ARCHIEPISCOPUS* de *temp. ordinat.* credit, Concilium non exemiſſe Episcopos Comprovinciales ab obligatione accedendi ad Eccleſiam Metropolitanam, quæ ex jure communi proſuit; ſed tantum ab ea, quæ ex particularibus conſuetudinibus, quibus Episcopos nimium gravabantur, proſuebat; quas tanquam abuſus & corruptelas Concilium ſuſtulſiſſe, ſacram Congregationem declaraviſſe teſtatur: adeoque ex ſententia Sacræ Congregationis de ſubjectione Episcoporum Comprovincialium reſpectu Metropolitanis Synodus Tridentina hoc ſuo Decreto nihil detraxit; quod jure communi erat introductum aut probatum.

Si tamen Palavicino *Lib.* 23. *biſt. Concil. Trident.* cap. 10. num. 2. credimus, ſententia Patrum fuit, ut Episcopos Suffraganei ſolverentur ab obligatione adeundi Metropolitanorum Sedes, exceptâ Synodi convocatione.

X. Quidquid ſit de huius Decreti ſenſu, hoc imprimis conſtat, eam ad Eccleſiam Metropolitanam accedendi conſuetudinem, de qua Synodus, paſſim in deſuetudinem abiſſe.

Ad hæc certum ſimiliter eſt, Metropolitanos etiam hodie poſt Synodum Tridentinam eſſe Suffraganeorum ſuorum Superiores; eiſque Suffraganeos eſſe ſubjectos, niſi probent ſe particulari jure aut privilegio eſſe exemptos.

XI. Hoc ex capite per legitimam appellationem etiam

etiamnum hodie causæ totius Provinciæ immediatè à Suffraganeis aut eorum Officialibus devolvuntur ad Metropolitanum tanquam *immediatum* Superiorem; de quo jure latius *parte 3. titulo de Appellationibus*.

XII. Eodem ex capite non tantum per appellationem, sed etiam ex sola negligentia Episcoporum, causæ Subditorum totius Provinciæ ad Metropolitanum devolvuntur; ut ipse tanquam Superior negligentiam eorum suppleat; juxta illud Hilarii Papæ jam pridem ad Afcanium Metropolitanum: "Tuæ sollicitudinis est, Frater carissime, omnia debita tibi auctoritate tueri, & illicitis non modò non præbere assensum, sed etiam cuncta, quæ contra regulam facta reperis, coercere: scilicet per totam Provinciam, ubi Episcopi muneri suo deessent; de quo apertè ipsa Epistola loquitur, quæ extat *tomo 4. Conciliorum generalium col. 1037*.

XIII. Auctoritatem hanc Metropolitanorum optimè explicat Gratianus: postquam enim aliquot collegit Canones, quibus Metropolitanus monetur, ne se ingerat in regimen Ecclesiarum suorum Suffraganeorum, subiungit: "Sed aliud est, quod ex temeritate assumitur præsumptionis: aliud, quod ex necessitate geritur charitatis. Cum Suffraganei Archiepiscoporum subditis suis ad malum favere cœperint; atque circa eorum correctiones negligentes existerint, tunc licet Metropolitanis præter illorum voluntatem, & ligandos damnare, & reconciliandos absolvere. Cum verò Episcopi zelo divinæ charitatis accensi, bonos verbo & exemplo ædificant, & malorum vitia aspera increpatione redarguunt, absque talium consilio non licet Metropolitanis in eorum Parochia aliquid agere, vel disponere. Unde in fine Capituli *Martini Papæ* non simpliciter dictum est (*nihil agat*) sed cum determinatione (*nihil præsumptivè assumat absque eorum consilio*) ut vitium præsumptionis videatur improbatum, non officium charitatis. Sic & Apostolus, quia Corinthios vidit negligentes circa correctionem fornicatoris, suâ auctoritate illum damnavit. Joannes verò, qui Episcopum Ephesium vidit paratum ad corrigenda vitia subditorum, sine ejus auctoritate illos corrigere noluit; sed illum tantum de eorum correctione admonuit. *Causa 9. quæst. 3. in fine*.

XIV. Hanc auctoritatem in Metropolitanis agnoscens Synodus Tridentina voluit, ut "si Cathedralium & aliarum majorum Ecclesiarum Prælati in Seminarii erectione, ejusque contributione negligentes fuerint, ac suam portionem solvere detrectaverint; Episcopum Archiepiscopum, Archiepiscopum & Superiores Synodus Provincialis acriter corripere, & ad supra dicta cogere debeat. *Sess. 23. cap. 18. de reform.*

XV. Manent ergo Metropolitanis Suffraganeorum Superiores, atque per totam Provinciam Metropolitanicam auctoritatem retinent, ut Suffraganeorum defectus suppleant, eosque officii sui admoneant, atque etiam ad ea, quæ sui muneris sunt exequenda cogant. Quare etiamnum hodie si Metropolitanis videant Suffraganeos negligentes in instructione populi, etiam ipsos non tantum monere, sed cogere possunt & debent, juxta illud Concilii Toletani XI. *Can. 2.* "Insistentum ergo semper erit majoribus, ut quos sub regiminis sui cura tuerentur, fame Verbi Dei perire non sinant. Sic Metropolitanis in confinitimis cæteris que Ecclesiasticis ordinibus deditos; sic confinitimis in commisso sibi religiosorum numero vigilandum est, qualiter nefcientia talium divinæ legis traditionibus imbuatur.

## CAPUT VI.

Autoritas Metropolitanorum in Diœcesi suorum Suffraganeorum adhuc perpenditur.

1. *Quomodo Episcopus Romanus in Ecclesiis suburbicariis jus Metropolitanicum exercuit?*
2. *Quâ occasione auctoritas supplendi defectus Episcoporum ad Metropolitanos devoluta?*
3. *Jus Metropolitanum in Episcopos suffraganeos videtur profuissse ex officio charitatis.*

I. SUPERIORI Capite Num. III. observatum est Metropolitanos non posse ullam immediatam Episcopalem jurisdictionem exercere in Diœcesibus suorum suffraganeorum.

Et id quidem jam pridem adedè religiosè servatum fuit, ut nec Romanus Episcopus, licet non tantum jure Metropolitanico & Patriarchali, sed & jure Primatûs gauderet, nequaquam tamen primis ut minus octo seculis jurisdictionem Episcopalem exercere prætendebat in Ecclesiis jure Metropolitanico, sive Exarchico sibi subjectis: nec eam exercuisse legitur; sed singulis Episcopis juxta Canones, præsertim Antiochenos, integrum atque in solidum Ecclesiarum regimen permittebat & conservabat. Probat & id liber diurnus, quem edidit Joannes Garnerius, in quo nihil occurrit eorum, quæ in Ecclesiis Suburbicariis Episcopus Romanus exerceret, præter jura Metropolitanica, qualia etiam cæteri Metropolitani in suis respectivè Ecclesiis sibi jure Metropolitanico subjectis juxta Canones exercebant.

II. Quantumvis à primis Ecclesiæ seculis, singulis Episcopis sua fuerit assignata Diœcesis, sive portio Domini gregis, quam singuli regant & gubernent, nihilominus omnes & singulos tanquam membra unius universalis Ecclesiæ, & operarios in vinea Domini etiam reliquis Ecclesiis, ubi necessitas vel charitas exegerit, succurrere debere, id superius *tit. 16. de Cura Episcopali, cap. VI. num. 4. & 5.* pluribus ostendimus; atque hoc titulo sanctissimos quosque & zelosissimos Episcopos eam curam aliis Ecclesiis impendisse notavimus.

Verum nec hoc negari potest, quin hoc charitatis officium Episcopi, qui ob locorum vicinitatem arctiori sibi vinculo uniuntur, etiam sibi mutuo hoc speciali titulo meritò impendant.

Insuper & hoc scitur, quod error aut abusus, ob vicinitatem locorum faciliè propagetur; atque idcirco Episcopi meritò solliciti sint, ut error aut abusus in vicina Ecclesia exortus, aut in eam irrepens supprimatur.

Hoc indubiè fundamento primùm consuetudine inductum, ac dein sanctis Canonibus firmatum fuit, ut divisis provinciis, Episcopi ejusdem Provinciæ super singulos Episcopos Provinciæ specialiter invigilarent, eorumque negligentiam supplerent & corrigerent, quin & eorum graviores excessus etiam punirent.

Ut autem hæc exactius, ac majore auctoritate peragerentur, primùm consuetudine invaluit ac dein Canonibus firmatum, ut Episcopi singularum Provinciarum certis temporibus convenirent, atque in communi de excessibus Episcoporum, & aliis ad rectum Ecclesiarum regimen spectantibus tractarent.

Hanc Synodorum Provincialium auctoritatem in corrigendis Episcoporum excessibus & defectibus patenter agnovit Synodus Nicæna; quæ & eum in finem bis in anno has habendas decrevit, ut latius titulo sequenti ostendatur.

Verum quemadmodum labentibus seculis ob difficultatem toties in Synodum conveniendi, confirmatio & ordinatio Episcoporum ad solum Metropolitanum



ut Synodi Caput devoluta est; ita eadem ratione sensim ad Metropolitanum devolvi cepit auctoritas defectus Episcoporum Suffraganeorum supplendi & corrigendi: atque inde natum jus appellandi ab Episcopo ad Metropolitanum.

III. Itaque jus Metropolitanum in Episcopos suffraganeos, ejusque superioritas primitus videtur profluxisse ex officio charitatis, quod omnes & singuli Episcopi, tanquam unius corporis membra, & Sacerdotii Christi participes, ex quodam charitatis officio omnibus Ecclesiarum membris & partibus impendere jubentur; sed ad confusionem vitandam & ordinem debitum servandum, primum ad Episcopos singularum Provinciarum Synodum Provinciale componentem; ac demum ad ipsos Metropolitanos, tanquam Synodorum Præsides, & Provinciarum Primates devolutum fuit.

Igitur, sicuti hoc charitatis officium ab Episcopis minime erat aliis Ecclesiis impendendum, sed integrè & in solidum permittendum erat singulis Episcopis suam respectivè Ecclesiam regere, nisi à fide aut sanctis Canonibus & Ecclesiarum institutis reperirentur deviare; ita quoque omne jus Metropolitanorum, ac Primatum in suos Episcopos Suffraganeos cessat, omnesque in regimine suarum Ecclesiarum aequales reputandi sunt; nullusque inter eos superior cum auctoritate imperandi aut præcipiendi reperitur, ubi ipsi in Ecclesiastico regimine defectuosi non reperiuntur, vel ut tales non deferuntur; ut consequenter illud sancti Gregorii superius relatum hic applicari queat. "Si quæ culpa in Episcopis invenitur, nescio quis Sedi Apostolicæ Episcopus subjectus non sit; cum verò culpa non exigit, omnes secundum rationem humilitatis aequales sunt."

## CAPUT VII.

## De Pallio &amp; Cruce Archiepiscopali.

1. Inter ornamenta Pontificalia Pallium proprium est Metropolitanis.
2. Ejus antiquitas non sufficienter adstruitur ex Decreto Donationis Constantini; neque ex libro Pontificali.
3. Tempore S. Gregorii & Justiniani Imperatoris notus usus Pallii.
4. Multa circa Pallium apud antiquos obscura.
5. Forma Pallii ex Innocentio III.
6. Quid huic formæ additum.
7. Ex qua lana conficiantur Pallia; & quomodo agni ad hoc specialiter offerantur?
8. Quomodo Pallia benedicantur?
9. Quare dicantur sumpta de corpore Beati Petri.
10. A solo Pontifice hodie dantur.
11. Quomodo peti debeant?
12. Qua forma petentibus dentur.
13. Etiam ad absentes mittuntur; & quomodo eis imponantur.
14. Qua ratione per Pallium dicatur dari Pontificalis officii plenitudo.
15. Quæ restrictio quoad loca & tempora in datione Pallii addi soleat.
16. Pallium est merè personale.
17. Ademptio Pallii est signum exauctorationis.
18. De Cruce Archiepiscopali.

I. PRÆTER ornamenta Pontificalia omnibus Episcopis communia, est unum admodum famosum ipsis Metropolitanis sive Archiepiscopis proprium; nec ullis Episcopis, saltem in Ecclesia Latina juxta modernam disciplinam commune, nisi speciali privilegio Sedis Apostolicæ eis indultum sit; dicitur ornamentum illud apud Latinos *Pallium*; de cujus usu & auctoritate specialis habetur titulus in Decretalibus Gregorii IX.

Tom. I.

Quando & quomodo usus illius ornamenti incepit, sat obscurum est, sive Græcam sive Latinam Ecclesiam spectemus.

II. Si Decretum illud *Donationis* vulgò Constantini, cujus fragmentum refertur à Gratiano *Dist. 96. Can. 14.* fide certà subsisteret, facillè probaretur à Constantini dono ornamentum illud initium accepisse; at cum eruditio hodie sufficienter persuasum sit, Decretum illud posteriori ætate fabricatum esse, frustra initia illius ex illo adstruere prætenderemus.

Meminit quoque ornamenti hujus liber Pontificalis, qui sub nomine Damasi circumfertur, in quo de *Pallii usu*, vivente adhuc Constantino M. sermo est; ita enim de S. Marco Papa loquitur: "Hic constituit, ut Episcopus Ostiensis, qui consecrat Episcopos Urbis, tunc *Pallio* uteretur, & ab eodem Urbis Episcopo consecraretur."

Sed quàm parva huic libro fides danda sit pariter eruditio notum; ut proinde nec hujus testimonio certa de vetustate *Pallii* fides haberi queat.

III. Illud equidem certum, tempore S. Gregorii & Justiniani Imperatoris, tam in Ecclesia Latina quam Græca usum *Pallii* fuisse; uti ex illius Epistolis (quarum plura fragmenta extant apud Gratianum *Dist. 100.*) atque hujus novellis Constitutionibus est manifestum.

IV. A quibus verò antiquis sive in Ecclesia Latina sive Græca tradita fuerint; quibus concessa; quæ eorum forma, materia & usus, multum obscurum est, eaque pluribus discutit Ludovicus Thomassinus in opere suo de *Disciplina Ecclesiastica*: quem curiosus Lector consulere poterit: nobis sufficiet breviter modernam disciplinam proponere.

V. Formam *Pallii* ita describit Innocentius III. *Lit. 1. Myster. Missæ cap. 63.* "Pallium fit, ait, de candida lana contextum, habet desuper circum humeros contringentem, & duas lineas sive fascias ex eodem panno ab utraque parte dependentes; quatuor autem Cruces purpureas, antè & retrò, à dextris & sinistris: sed à sinistris Pallium est duplex, simplex à dextris; cui in tres partes concisò tres acus infinguntur (spinas vocant alii) quibus confuitur."

VI. "Atque ex his Innocentii verbis habemus (inquit Nicolaus De Bralion Presbyter Oratorii in sua particulari de *Pallio* Dissertatione *cap. 3.*) "fidelem & exactam formæ sacri *Pallii* delineationem, etiam ut nunc est, hoc excepto, quod habet nunc sex Cruces ex serico insertas, (additis duabus, paucis, ut opinor, abhinc annis) quatuor scilicet in circulo, nempe antè, & retrò, à dextris, & à sinistris; & præterea unam in medio utriusque lineæ; & quoddam Cruces intextas, quas dicit esse purpureas, recentiores quidam Canonistæ scribant esse nigras, & reverà nigræ apparent, non solum in *Palliis*, quibus nunc utuntur Archiepiscopi, sed in illo antiquissimo quo utebatur Stephanus tertius Papa, qui sedebat anno septingentesimo quinquagesimo, quodque ipsa reliquit apud D. Dionysii Basilicam Mausoleis Regum Christianissimorum celebrem, ubi adhuc ostenditur."

Porro juxta modernum usum, *Pallia* conficiuntur ex lana agnorum prius in Missa solemni in Ecclesia Sanctæ Agnetis extra muros Urbis, die ejus cultui dicato, oblatoz.

VII. Quà autem formâ hi agni offerantur, & eum in finem à Pontifice benedicantur, ac postmodum educantur, describit De Bralion.

Subdiaconi Apostolici seu Ministri Ecclesiastici Patres, qui quidem quinque numero sunt, procurant ut die festo Sanctæ Agnetis, qui est 21. Januarii, habeantur duo candidissimi agni, qui ponuntur suprà equum

Y

huc

hinc inde in duobus cistellis, in ejus Ecclesiam portandi. Consuetudo autem est, ut conductor primum cum his transeat per plateam Sancti Petri ante Palatium Vaticanum Papæ, qui è fenestra manu eos benedicit. Dehinc verò per mediam urbem eos deferat ad præfatam Ecclesiam Sanctæ Agnetis, in qua ejus sanctum corpus religiosè asservatur, & colitur, ubi in Missa solemni, cum perventum est ad *Agnus Dei* offeruntur à Religiosis hujus Ecclesiæ, qui nunc sunt Canonici Regulares Congregationis Sancti Salvatoris; deinde traduntur duobus Canonicis Basilicæ Lateranensis Sancti Joannis, quæ est Cathedralis Papæ, à quibus eorum cura committitur dictis Subdiaconis Apostolicis, qui primum eos in pascuis quibusdam particularibus ad tempus servant, deinde eorum lanam à certis monialibus in filum duci curant, ex quo filo, adhibito tamen alio ex ordinaria lana, cum ista non sufficiat, vel ipsi, vel illæ moniales fasciolas, eas lanas intertexendo conficiunt, & ex his Pallia, postea benedicenda apud Sanctum Petrum.

VIII. Hæc benedictio Palliorum non fit singulis annis, sed rarius prout necessitas mittendorum Palliorum exigit: & fit non in altari majori S. Petri, quod cernitur in medio superioris partis Ecclesiæ, sed in alio inferioris partis, quod est sub isto, & ideo sepulturæ S. Petri viciniore. Facta demum benedictione, relinquuntur Pallia una nocte super altare sepulturæ S. Petri; deinde reconduntur in capsula, seu arcula parva, quæ ponitur & asservatur supra Cathedram S. Petri, in qua primum Romæ fedir.

IX. Hic intelligitur, cur dicat Paschalis II. in cap. 4. *de elect.* Scribens Panormitano Archiepiscopo, & loquens de Pallio: insignia hæc dignitatis à Beati Petri tantum corpore assumi: quia scilicet, "Pallium benedicitur & consecratur à Papa super altare Beati Petri, & ibi ponitur (ut notat Glossa) & ille, qui debet uti Pallio, recipit ipsum de altari, si est præsens; vel alius pro ipso, si est absens, & sic assumitur de corpore Beati Petri.

X. Cum Pallium de corpore B. Petri assumi debeat, etiam à solo Romano Pontifice dari potest.

Scribit Will. Tyrius libro 15. capite 13. Radulphum Patriarcham Antiochenum, Romanæ Ecclesiæ subiacere dedignantem, quod diceret, utramque Petri esse Cathedralam, suamque quasi primogenitæ insignem prærogativam, Pallium de Altari Antiochenæ Ecclesiæ suam sibi sumpsisse auctoritate: sed postmodum eo resignato, aliud ei sumptum de corpore Beati Petri more solemni per priorem Diaconorum traditum. Ita refert Du Cange in Glossario, verbo *Pallium*. Col. 70. ed. 1734.

Et quidem ita propria fuit seculo XIII. Pontifici Romano concessio Pallii, ut illud Patriarchæ Constantinopolitano Innocentius III. dederit; atque insuper potestatem ei fecerit, illud auctoritate Apostolicâ Metropolitanis sibi subiectis concedendi. Extat charta concessionis in Actis dicti Pontificis editis à Bosqueto pag. 102. quod postmodum privilegium datum fuit omnibus quatuor Patriarchis ab eodem Pontifice, & refertur in cap. 23. *de Privilegiis*.

Possunt itaque hodie Patriarchæ quidem concedere Pallium Metropolitanis; modò tamen ipsi prius illud à Pontifice Romano acceperint.

XI. Itaque verum est juxta modernum stylium, illud à solo Romano Pontifice proficisci; illudque peti debet cum instantia juxta illud Gregorii apud Gratianum *dist. 100. can. 2.* "Prisca consuetudo obtinuit, ut hoc Pallii, nisi exigentibus meritis & fortiter postulantibus dari non debeat.

Quapropter Archiepiscopi Romæ præsentibus per seipso, vel etiam procuratores absentium perunt à Summo Pontifice in Consistorio suum Pallium, idque juxta formam petitionis instantè, instantius, & instantissimè. Papa autem petitioni annuens committit priori Diaconorum Cardinalium ut illud det, quod firsequenti modo.

Statutâ die Prælarus Pallium recepturus, si est præsens, vel ejus Procurator in ejus absentia, cum speciali mandato venit ad locum destinatum, qui sæpè est Capella Palatii ipsius Cardinalis Diaconi: aliquando tamen datur Pallium in ipsa Ecclesia Principis Apostolorum Sancti Petri, & ad altare majus. Adest ipse Cardinalis cum suis capellanis, ac etiam unus ex Subdiaconis Apostolicis, quibus, ut diximus, cura Palliorum committitur, qui Pallium extendit in medio Altaris, & Prælarus indutus Planeta super rochetum, genuflexus ante Cardinalem, qui stat in cornu dextro Altaris, scilicet à parte, in qua legitur Evangelium in Missa, petit sacram Pallium hac formulâ.

"Ego N. Electus Ecclesiæ N. instantè, instantius, & instantissimè peto mihi tradi & assignari Pallium de Corpore Beati Petri sumptum, in quo est plenitudo Pontificalis Officii.

XII. Quâ autem formâ tradatur, si præsentis sive procuratori absentis, his verbis describit De Bralione in citata Dissertatione cap. 12. "Tum Cardinalis, ait, accipit Pallium de altari, & imponit illud super humeros Prælati genuflexi, dicens:

"Ad honorem Omnipotentis Dei, & Beatæ Mariæ semper Virginis, atque BB. Apostolorum Petri & Pauli, necnon Ecclesiæ N. tibi commissæ, tradimus tibi Pallium de corpore B. Petri sumptum, in quo est plenitudo Pontificalis Officii, cum Patriarchalis, (vel Archiepiscopalis) nominis appellatione; ut utaris eo intra Ecclesiam tuam certis diebus, qui exprimuntur in privilegiis ab Apostolica Sede concessis.

XIII. Olim quidem nonnisi Romam & ad Limina Apostolorum venientibus Pallium dari solebat; idque auctoritate Pontificum suorum Antecessorum decretum fuisse, scribit ad Brunonem Episcopum Veronensem Gregorius VII. "Quam utique dilectionem tuam in his, quæ à nobis expostulasti, id est in Pallii concessione, ad præsens non recompenfamur, quia Antecessorum nostrorum decrevit auctoritas, nili præsentis personæ Pallium non esse concedendum. Unde si Fraternitas tua Apostolicæ Sedis privilegiis munita ad nos venerit, honorem quem Romani Pontifices Antecessoribus tuis contulerunt, nos tibi, Deo concedente, conferemus.

Circa idem tempus Lanfranco electo Archiepiscopo Cantuariensi Hildebrandus Archidiaconus Romanus scripsit, quod ipsi missum fuisset Pallium, si vel uno exemplo ostendi potuisset, quod absenti Pallium fuisset: Si alicui Archiepiscoporum vestris temporibus hoc concessum fuisse vidissetis. Ep. 6. inter Epistolas Lanfranci.

Eandem disciplinam asserit Petrus Damiani lib. 7. epist. 4. ubi tamen admittit, Pallium à Romanis Pontificibus ad plurima loca sæpè per Nuntios fuisse transmissum; sed responderi, quia tunc temporis Legati Romanæ Ecclesiæ vice Papæ fungebantur, per Provincias constituti. Illi igitur eos, qui ad Episcopatus apicem promovebantur, examinabant, sicque examinati Pallium ab Apostolica Sede per Nuntios accipiebant. Quod nonnullis ibidem ex S. Gregorio adductis exemplis adstruit; ac deinde adducit Decretalem quandam sub nomine Damasi Papæ, quæ privat Metropolitanos suâ dignitate, qui ultra tres menses post ordinationem suam Romano Pontifici fidem suam exponere, & Pallium flagitare distulerint: quam Decretalem sub nomine Pelagii retulit Gratianus *Dist. 100. Can. 1.* Eam verò nequaquam Damasi esse aut Pelagii; sed unam ex fœtidis mercibus Isidori Mercatoris, jam nòrunt Eruditi. Ex hac tamen Decretali originem sumpsisse disciplinam non mittendi Pallium ad absentes, valde verisimile est, uti notat Ludovicus Thomassius *De Disciplina Ecclesiæ parte 4. lib. 1. cap. 38.* ut proinde mirum non sit, disciplinam tam infirmo nixam fundamento in consuetudinem jam pridem abiisse; maxime accedente difficultate accedendi personaliter ad Limina Apostolorum;

lorum; quare nec in Decretalibus Gregorii IX. ullum reperitur hujus discipline vestigium. Hodie per Procuratores peti consuevit, & ad Provincias mittitur; atque alicui Episcopo sive Pontifici illud Metropolitanano imponendi cura mandatur. Hic vero ex præscripto Pontificalis Romani statuta die cum Electro convenit in Ecclesia sua, si commode fieri potest, vel alia Ecclesia suae Diocesis vel Provinciae magis commoda, in qua Missarum Solemnia peraguntur. Et facta communione per celebrantem, Pallium reponitur supra medium Altaris extensum, & serico in quo involutum portatum fuit, coopertum: deinde peractis Missarum solemnibus, ac per Electum fidelitatis "*Juramento præstito*, (de quo infra) Pontifex (sive Episcopus) surgit cum mitra, & Pallium de Altari accipit, & illud super humeros Electi adhuc ante se genuflexi imponit, dicens:

„ Ad honorem omnipotentis Dei, & Beatæ Mariæ semper Virginis, ac Beatorum Apostolorum Petri & Pauli, Domini nostri N. Papæ N. & sanctæ Romanæ Ecclesiæ, nec non Ecclesiæ N. tibi commissæ, tradimus tibi Pallium de corpore Beati Petri sumptum, in quo est plenitudo Pontificalis officii, cum Patriarchalis (vel Archiepiscopalis) nominis appellatione; ut utaris eo intra Ecclesiam tuam certis diebus, qui exprimuntur in privilegiis ab Apostolica Sede concessis. In nomine Patris, & Filii, & Spiritus Sancti. Amen.

XIV. Quod autem dicitur in Pallio contineri plenitudinem Pontificalis officii cum Archiepiscopalis nominis appellatione, reperitur quoque in cap. 3. de usu & auct. Pallii. Id tamen nequaquam hoc sensu accipiendum est, quasi ipsum Pallium aliquam revera Ordinis potestatem ipsi Consecrato tribueret; cum sit merum externum aliquod ornamentum; sed quod ante illius receptionem ex jure mere positivo, seu consuetudine jam recepta, Metropolitanani nec suas functiones obire, nec nomen Archiepiscopi assumere queant: quæ disciplina, quo præcise tempore invaluerit, incertum est; videtur autem tempore Concilii VIII Oecumenici saltem in Oriente fuisse nota; & ex Oriente ad Latinam Ecclesiam transiisse. Quidquid sit, certum est, quod hodie Metropolitanani ante receptum Pallium nec Synodos celebrare, nec Episcopos consecrare valeant; quinimo neque Sacros Ordines conferre, neque Chrisma conficere, nec dedicare Basilicas, quamvis ea Episcopi consecrati sine Pallio possint; (Cum ait Innocentius III. in cap. 28. de electione) id non tanquam simplex Episcopus, sed tanquam Archiepiscopus facere videatur.

XV. Cum vero Pallium designet plenitudinem Pontificalis officii; atque inter Pontificalia ornamenta præcipuum sit, facile hinc deducitur, quod illo in aliena Diocesi sine licentia Ordinarii uti non possit; cum nec hic Pontificalibus uti ei permissum sit: at ipsius Pallii usus restrictior est quam Pontificalium. Nam in ipsa datione Pallii dicitur: Tradimus tibi Pallium, ut eo intra Ecclesiam tuam utaris. Quod ita intelligitur (ait Pontifex in cap. 1. de auctoritate & usu Pallii) videlicet intra quamlibet Ecclesiam Provinciae tibi commissæ. Si vero sacris indutum vestibus Ecclesiam processionaliter, vel alio modo exire contigerit, tunc tuo Pallio minime uti debes.

In hoc igitur restrictior est usus Pallii, quam Pontificalium, quod his etiam extra suam Ecclesiam materialiter uti queat, non autem Pallio.

Quod vero permittatur intra quamlibet Ecclesiam Provinciae sibi commissæ Pallio uti, id nequaquam usum Pallii extensorem facit, quam Pontificalium: quia ante Concilium Tridentinum, etiam usus Pontificalium Metropolitanano intra quamlibet Ecclesiam Provinciae sibi commissæ licitus erat. Synodus vero Tridentina usum Pontificalium in aliena Diocesi sine consensu Ordinarii inhibens, etiam usum Pallii inhibuisse censenda est.

Tom. I.

Adhuc non tantum quoad loca, sed & tempora usus Pallii, juxta jus commune & hodiernum restringitur; asseritque Innocentius III. in cap. 4. de auctoritate & usu Pallii, quod solus Romanus Pontifex in Missarum solemnibus Pallio semper utatur & ubique: „ Quoniam, „ ait, assumptus est in plenitudinem Ecclesiasticæ potestatis quæ per Pallium significatur. Alii autem eo, nec semper nec ubique, sed in Ecclesia sua, in qua jurisdictionem Ecclesiasticam acceperunt, certis debent uti diebus. Quoniam vocati sunt in partem solitudinis, non in plenitudinem potestatis.

Qui autem sint illi dies & tempora, quibus aliis Metropolitanis, aut Episcopis, quibus ex speciali privilegio usus Pallii est indultus, Pallio uti liceat, annorat Glossa ad citatum Capitulum 4. & latius exprimit modernum Pontificale Romanum.

Et quidem hanc limitationem ad certa tempora etiam apud Græcos seculo IX. receptam fuisse, colligitur ex Concilio VIII. Oecumenico, ubi Canone 14. ex editione Græca legitur: „ Sancimus, ut designati ad superhumeralia gestanda Episcopi certis statisque temporibus, temporibus illis ea & locis gestent, nec hujusmodi cultu per fastum & superbiam abutantur, aut quovis tempore Divini Sacrificii, & quæcumque Ecclesiastica functione ferant.

Anastasius Bibliothecarius per superhumeralia hic Pallia intelligi nequaquam dubitavit: ita enim vertit ex Græco: Quibus concessum est Palliis uti. In hac Anastasii editione hic Canon numeratur 27. atque ex illo Canone præterea elicitur, eo saltem tempore non omnibus Episcopis usum Pallii etiam in Ecclesia Græca concessum fuisse; quamvis hodie omnes illa utantur; uti observat Goar in notis ad Rituale Græcorum pag. 312.

XVI. Denique notandum, Pallium esse ornamentum adeo personale, ut Cælestinus III. in cap. 3. de auctoritate & usu Pallii responderit cuidam ipsum interroganti: quod non videatur esse conveniens, „ ut „ Pallium tuum alicui commodes: cum Pallium in personam non transeat, sed quisque debeat cum eo (sicut tua novit discretio) sepeliri.

Imo si Archiepiscopus de una Ecclesia Metropolitana ad aliam transferatur, Pallio, quod acceperat, uti non potest; multo minus Prædecessoris defuncti seu translati; sed debet de novo aliud petere & obtinere; & interim ab omnibus functionibus, quæ sine Pallio exerceri nequeunt, abstinere; ut præscribit Pontificale Romanum.

Juramentum quod hodie exigitur in traditione Pallii pene incidit cum juramento, quod ab omnibus Episcopis in consecratione exigitur; illudque in datione Pallii circa seculum XI. exigi cœpisse, ostendimus tit. 15. cap. 2.

XVII. Denique sicut traditio Pallii perficit Archiepiscopum, & plenitudinem Pontificalis officii confert; ita & ademptio Pallii jam pridem signum fuit exautorationis & depositionis; vel abdicationis sive renuntiationis.

Liberatus Diaconus in Breviario cap. 21. ait: Antibimus videns se Sede pulsum, Pallium quod habuit, Imperatoribus tradidit. Et cap. 23. ita de Paulo Alexandrino Patriarcha: Auferentes Paulo Pallium deposuerunt. Anastasius in vita Sylveri: „ Joannes Subdiaconus tulit Pallium de collo ejus, & exspoliavit, cum inquit veste monachica. „ Item apud Flodardum lib. 4. cap. 45. ita loquitur Artaldus Remensis Episcopus: „ Qui postquam me in potestate sua conspiciunt, querere cœperunt, ut eis Pallium à Sede Romanæ mihi collatum traderem, & Sacerdotali me ministerio penitus abdicarem.

XVIII. Insigne quoque particulare Archiepiscoporum seu Metropolitanorum est Crux, quam ante se elevatam in signum jurisdictionis & potestatis deferri faciunt.

Y 2

Hoc



Hoc insigne primum *Legatis Apostolicis* à Sede Apostolica concessum, ac deinde Patriarchis ac Primatibus indultum fuisse, multis ostendit Ludovicus Thomassinus de *Disciplina Ecclesiæ parte 4. lib. 1. c. 39.* Ac demum cum variis Metropolitanis per speciale privilegium à Sede Apostolica esset indultum, tandem insigne omnibus Archiepiscopis commune factum est; illudque sat aperte supposuit Concilium Viennense V. in *Clementina 2. de Privilegiis*: "Archiepiscopo per quævis loca exempta suæ Provinciæ facienti transitum, aut ad ea forsan declinanti, ut Crucem ante se libere portare faciat. ... sacro probante Concilio, præsentis Constitutionis serie duximus concedendum.

Hanc Clementinam recepit & probavit Clerus Gallicanus an. 1637. nihilominus eam restringendam ad terminos Concilii Tridentini *sess. 6. cap. 5. de reform.* bene advertit Zypæus ad titulum de *Officio Ordinarii n. 18.* & notatum fuit supra *tit. 16. cap. 2.* ubi quoque *num. 13.* observavimus, Archiepiscopos non posse incedere *Crucem elevata* extra limites suæ jurisdictionis.

### CAPUT VIII.

Pallii origo, prærogativæ, & earum progressus observantur.

1. Pallium primitus fuit ornamentum imperiale.
2. E benignitate Imperatorum profectum est.
3. Non sine eorum consensu olim à summo Pontifice conferebatur.
4. Quo tempore Imperatores Pallium Romano Pontifici & Patriarchis Orientalibus communicarunt, compertum non est.
5. Incertum quoque est, qua occasione fuerit proprium Metropolitanis.
6. Pallium primitus à Pontificibus datum videtur in signum vicariatus Sedis Apostolicæ.
7. Per concessionem censebatur dari iste vicariatus cum potestate ei annexa.
8. Septimo & octavo seculo inter Metropolitæ Gallos soli Archiepiscopo Arelateni conferebatur Pallium.
9. Synodus Moguntina cui præfuit Bonifacius Archiep. decrevit ut omnes Metropol. Galli Pallium peterent.
10. Ratio cur isti Præsules huic decreto noluerint primum obtemperare.
11. Tandem, instigante Bonifacio, Pallium petierunt.
12. Hodierna Pallii forma à pristina diversa est.
13. Quomodo facta est illa mutatio.
14. Necessitas petendi Pallium à Romano Pontifice Patriarchis Orientalibus quando imposita?
15. Conditiones in concessione Pallii Metropolitanis impositæ.
16. Quo tempore & qua occasione impositæ fuerint, conjiciunt tantum Historici & Canonistæ.
17. Greg. VII. acriter redarguit Archiep. Rotbomagensem, quod ante obtentum Pallium Clericos ordinaverit.
18. Pontifex Romanus omni tempore, & omni loco potest uti Pallio, non ita Metropolitanis; ratio istius discriminis.
19. Inquiritur Auctor cujusdam Canonis à Gratiano relati, ubi illud discrimen primo refertur.

**Q**UAMVIS non omnino sit compertum in quo constiterit primitus ornamentum illud Pontificale, quod hodie *Pallium* dicitur, uti superiori cap. monuimus, id nihilominus sat constare videtur ornamentum hoc primitus fuisse ornamentum Imperiale; hocque primum per Imperatores Patriarchis, ac dein per hos Metropolitanis, ac demum per Metropolitanos aliis Episc. communicatum; saltem apud Orientales in Eccl. Græca, uti post Petr. de Marca, aliosque, probat Ludov. Thomassinus de *Discip. Eccles. p. 3. l. 1. c. 24.* qui & *num. 9.* observat: "Hoc autem pene indubitatum esse aliquot saltem seculis non sine voluntate

Imperatoris in Oriente *Pallium* sicut & in Occidente concessum fuisse."

II. "Cum enim (ait) vestimenti id genus initio Regium fuisset, eoque voluissent Imperatores, quæ eximia eorum erat & singularis pietas, Regale Christi decorare Sacerdotium; hanc vicissim illis per aliquot secula pietatem, gratitudinemque rependit Ecclesia, ut illo, præter eorum assensum, indueretur nemo.

Refert Liberatus Diaconus in Breviario c. 21. "Anthimus Patriarcha Constantinopolit. videns se Sede pulsum, *Pallium*, quod habuit, Imperatoribus tradidit. Argumentum nequaquam obscurum, Anthimum, *Pallium*, ut ornamentum Imperiale, & ab horum liberalitate & pietate, profectum reputasse; atque idcirco & Imperatoribus reddendum.

Ipsos quoque Romanos Pontifices hoc ornamentum pluribus seculis reputasse ornamentum Imperiale, & ex Imperatorum pietate, & munificentia profectum; ac propterea nec sine eorum assensu aliis communicandum, etiam seculo vi. ex Epist. S. Greg. manifestum est.

III. Scribit hic *lib. 9. epist. xj.* Brunichildæ Reginæ Francorum "Syagrio (Episcopo Augustodunensi) *Pallium* dirigere secundum postulationem vestram voluimus. Deinde subjungit: "Propter quod & *Servissimi Domini Imperatoris*, quantum nobis Diaconus noster, qui apud eum responsa Ecclesiæ faciebat, innotuit, prona voluntas est, & concedi omnino desiderat.

Ex hac itaque epistola constat, citra consensum Imperatoris *Pallium* non fuisse concessum; ut & ad hanc epistolam notarunt eruditi Monachi Benedictini Operum sancti Gregorii revisores *litt. M.*

Proinde cum expeditum sit, hoc ornamentum fuisse Patriarchis primitus, ut ornamentum Imperiale donatum, non sine fundamento redarguit Baronius Edmundus Richerius Doctor Parisiensis in Historia Concilii VIII. quod privilegium à Valentiniano Imperatore Ecclesiæ Ravennateni datum, quo eam erigit in Metropolitim eo titulo in suspensionem falsi adducat; quia eidem Episcopo conceditur, ut honore Pallii utatur: "Quoniam (ait Baronius) Romanorum est Pontificum, non Imperatoris, dare *Pallium* Episcopis.

Uti enim recte reflectit Richerius, frustra in auctoritatem adducit Baronius, quæ seculis subsequenter à Pontificibus in concessione Pallii acta fuere: "Quandocumque hic non quærendum esset, utrum à Pontificibus, labentibus seculis auctoritas assumpta fuerit in concessione Pallii; sed à quo primitus, ac signanter ævo Valentiniani Imperatoris, usus Pallii indultus fuerit.

IV. Quo autem tempore, & à quo Imperatore, hoc ornamentum Patriarchis Orientalibus, ac Romano Pontifici ut Occidentis Patriarchæ communicatum fuerit, hæctenus compertum non est.

Ex facto Anthimi reddentis *Pallium* Imperatoribus (de quo supra) constat, tempore Justiniani, Constantinopolitanum Patriarcham (qualis erat Anthimus) illud ab Imperatoribus accepisse.

Quin seculo nono & sequentibus, à pluribus creditum fuit, inter cætera ornamenta Imperialia, hoc quoque ornamentum *superbumerale* per Constantinum Magnum donatum Silvestro Papæ, ejusque successoribus, idque auctoritate privilegii, quod vulgo vocatur, *Donatio Constantini*, quæ una cum falsis Decretalibus circa seculum VIII. innotuit, & cum hisce Decretalibus in auctoritatem recepta fuit, & hodie parum cum his Decretalibus fidei reputatur.

V. Superius dictum est inter ornamenta Pontificalia unum hodie proprium esse Metropolitanis, scilicet *Pallium*. Quo vero tempore & qua occasione hoc Imperiale indumentum Metropolitanis & Episcopis fuerit communicatum, sat incertum; illud sat constat, citius fuisse communicatum Metropolitanis Græcis, quam Latinis: cum enim in Orientalibus Ecclesiis etiam primi-

us usitatum fuerit, quod Metropolitanis à suis respective Patriarchis ordinarentur, videtur hoc ornamentum per Patriarchas omnibus Metropolitanis in ordinatione fuisse indultum.

Quod autem in Ecclesia Latina serius Metropolitanis à Romano Pontifice tanquam Occidentis Patriarcha communicatum legatur, inde contigisse verisimile est, quod pluribus seculis multi fuerint per Occidentem Metropolitanis, quorum ordinatio erat independens à Romano Pontifice.

Et quidem observat Petrus de Marca. *De concord. Sacerd. & Imp. lib. 6. cap. 7. num. 3.* "quod ævo Divi Gregorii invaluisse, ut Romanus Pontifex Pallio ornaret præcipuos Metropolitanos, qui ad ejus consecrationem pertinebant; aut eos, quibus vices suas in provinciis committebat. Primi generis fuere Episcopi Ravennates in Italia, Syracusani in Sicilia, Calaritani in Sardinia.

"Secundi vero generis Archiepiscopus Thessalonicensis, & Justinianæ primæ, sive Bulgariæ Metropolitæ, & in Galliis Arelatensis. Leandrum insuper Episcopum Hispalensem in Hispania Gregorius Pallio ornavit, rogante Recaredo Rege.

"Quod non ita accipi velim (ait de Marca) ut ea ratione Gregorius Leandri ordinationem confirmasse dicatur: cum hæc ante multos annos peracta fuerit; sed ut suam & Sedis Apostolicæ in eum benevolentiam illi ostenderet, novo hoc honore tributo. Ob eandem quoque causam eodem honore profectus est Syagrius Augustodunensem Episcopum, qui præcipua apud Reges Francorum gratia vivebat.

VI. Non sine fundamento quidam eruditi arbitrantur, Pallium primitus à Pontificibus datum in signum collati Vicarii Sedis Apostolicæ, & ab eo dependentis potestatis Apostolicæ.

Cum enim solis Patriarchis hoc Pallii ornamento uti permissum videretur, Metropolitanis qui eo utebantur, per hanc vestem exteriorem repræsentare non incongrue videbantur vices Romani Pontificis, cui tanquam Patriarchæ Occidentis ornamentum hoc proprium videbatur.

Id ipsum non obscure significat Vigilius Papa in epistola ad Auxantium Episcopum Arelatensem, scribens: "Quia digna credimus ratione compleri, ut agentis vices nostras Pallii non desit ornatus, usum tibi ejus, sicut Decessoribus nostris sanctæ recordationis Symmachus legitur contulisse, beati Petri auctoritate concedimus.

Ex his non obscure est, ideo Pallium Episcopo Arelatensi concessum fuisse, quod esset Sedis Apostolicæ Vicarius; ut sicut ipse Pontifex hoc ornatu à reliquis distinguitur, ita quoque ejus Vicarius hoc caractere repræsentativo ab aliis Metropolitanis secerneretur.

VII. Imo per concessionem Pallii una censebatur dari Vicariatus Sedis Apostolicæ cum potestate ei annexa; atque inde eveniebat, quod Metropolitanis, qui hoc ornamentum à Sede Apostolica impetrarant, ceteris Metropolitanis, tanquam Vicariis Sedis Apostolicæ, eamque repræsentantes præminerent; ut proinde mirum non sit, Pallium, & ei annexum vicariatum Sedis Apostolicæ ab Arelatensibus Episcopis fuisse expetitum & magnopere desideratum.

Porro concessionem Pallii indicium fuisse concessi Vicariatus Sedis Apostolicæ, etiam significare videtur sanctus Gregorius lib. 2. epist. 64. ult. edit. Benedictinorum scribens Augustino, suo apud Anglos Legato, & Vicario, in responso ad nonam interrogationem:

"In Galliarum Episcopos nullam tibi auctoritatem tribuimus, quia ab antiquis prædecessorum meorum temporibus Pallium Arelatensis Episcopus accepit, quem nos privare auctoritate percepta minime debemus: Si ergo contingat, ut fraternitas tua ad Galliarum provincias transeat, & aliquid ex auctoritate agendum fuerit, cum prædicto Arelatensi Episcopo agatur,

Tamen enim nihil de Vicariatu hic dicat Gregorius, neque de auctoritate Apostolica Episcopo Arelatensi, ut Sedis Apostolicæ Vicario collata, id tamen sat significatum existimat, ubi Augustino indicavit, Arelatensi Episcopo Pallium esse donatum.

Hinc patet, nequaquam concludi posse à sancto Gregorio quibusdam Metropolitanis donatum fuisse Pallium absque Vicariatu Sedis Apostolicæ; eo quod in concessione Pallii, nulla concessi Vicariatus mentio fiat, quia ipsa Pallii concessio Vicariatum secum trahebat.

Itaque verisimilius videtur, sanctum Gregorium non aliis Metropolitanis usum Pallii indulsisse, nisi qui ad ejus ordinationem pertinebant, vel quos Vicariatu Sedis Apostolicæ ornare volebat.

VIII. Cum vero Metropolitanis per Gallias constituti à suis respective Episcopis Suffraganeis ævo sancti Gregorii ordinarentur; nullasque in horum ordinatione sibi partes assumeret Romanus Pontifex, etiam nec eos Pallium petivisse, nec accepisse legitur, nisi solum Archiepiscopum Arelatensem, qui Pallium non in qualitate Metropolitanis sed in qualitate Vicarii Sedis Apostolicæ à sancto Gregorio ejusque prædecessoribus accepisse legitur.

Credit autem de Marca loco citato num. 4. Galliarum Metropolitanos in qualitate Metropolitanis nec postulasse Pallium à Romano Pontifice ante seculum VIII.

At sub hoc tempus (uti arbitratur de Marca) videntur Metropolitanis Galliarum cepisse Pallium postulare à Romano Pontifice: idque eos ad hoc inducente Bonifacio Archiepiscopo Moguntino, qui eo tempore vices Sedis Apostolicæ per Germaniam & Gallias agebat.

Quidquid sit de hac opinione Petri de Marca, hoc constat, quod Bonifacius anno 742. Synodum plurimorum Episcoporum Germaniæ celebraverit, in qua inter cætera statutum fuit, "ut omnes deinceps vivant in unitate & subjectione Ecclesiæ Romanæ, & Vicarii beati Petri, & Metropolitanis à Sede Romana Pallium quarrent, & per omnia canonice obsequerentur præceptis beati Petri (ait) decrevimus.

IX. Hujus Synodalis Decreti meminit ipse Bonifacius epist. 105. ad Zachariam Papam scribens: "In nostro Synodali conventu, & confessi sumus fidem Catholicam, & unitatem, & subjectionem Romanæ Ecclesiæ, fide tenuimus servare sancto Petro & Vicario ejus vel subjeci, Metropolitanos Pallia ab illa Sede querere, & per omnia, præcepta sancti Petri canonice sequi.

Nequaquam obscure est, uti etiam notat de Marca, scopum Bonifacii fuisse, Metropolitanos Galliarum hac Palliorum à Sede Apostolica postulatione, ætiori vinculo Apostolicæ Sedi obstringere, & ab ea dependentes facere.

Interim conformiter ad hoc Decretum, Bonifacius ad stipulante Carolomanno, tria Pallia à Zacharia Papa impetravit pro tribus Metropolitanis, nimirum Rothomagensi, Senonensi, & Rhemensi, uti habetur ex epistola 5. Zachariæ Papæ ad Bonifacium.

X. Verum Metropolitanis Galliarum subodorantes se per hanc Palliorum petitionem, & receptionem reddi Sedi Apostolicæ magis obnoxios; & veriti, ne per hanc novitatem adigerentur ad insolitam quamdam subjectionem Sedi Apostolicæ, quin & sensim per eam exciderent ab ea auctoritate, quam Canones tribuunt Metropolitanis, dubii & anxii hæserunt, num Decreto Bonifacii, de petendis Palliis à Sede Apostolica, se subijcere vellent; quapropter & à petitione Palliorum tempore aliquo cessasse videntur.

De hac cessatione & mora conquestus est Zacharias Papa in præcitata epistola ad Bonifacium, atque non obscure fatetur Bonifacius in responso ad hanc epistolam scribens: "De eo quod jam præterito tempore de Archiepiscopis & de Palliis à Romana Ecclesia petendis, juxta promissa Francorum Sanctitati Vestræ notum feci, indulgentiam Apostolicæ Sedis flagito: Quia,

*Quia, quod promiſerunt, tardantes non impleverunt, & venitatur, & quid inde perficere velint, ignoratur.*

XI. Ex his verbis Bonifacii habetur Metropolitanos ſuper poſtulatione Palliorum à Sede Apoſtolica hæſitaſſe, & quid agendum eſſet, deliberaſſe. Sed & hoc conſtat, quod ſenſum, tum inſtigante & promovente Bonifacio, tum vero non nihil ſtimulante quadam æmulatione honoris & præminentie, quæ per Pallii acceptionem & uſum videbantur Metropolitanis accedere, tandem Metropolitanos generatim huic neceſſitati poſtulandi Pallium ſe ſubjeciſſe.

XII. Hodiernam Pallii formam, de qua ſuperius egimus, eſſe plane diverſam à priſtina hujus ornamenti forma, eruditis hodie ſat perſuaſum eſt; neque enim moderna hæc forma ullatenus ornamento ſeu Chlamydi Imperiali congruit.

Cum igitur ornamentum Pontificale, quod hodie *Pallium* nuncupatur in ſua origine fuerit ornamentum Imperiale (uti ſupra probatum eſt) admodum veriſimile eſt *Pallium* primitus fuiſſe veſtem *talarem* in modum Chlamidis, totum quaſi corpus contegentis, ut ita veſtem Imperialem præferret; hodiernæ vero laneæ faſciolæ hodierna Pallia conſicientes, nullatenus Chlamidem Imperialem repræſentare idoneæ ſunt, uti recte obſervat Petrus de Marca lib. 6. de *Concord. Sacerd. & Imp.* cap. 6. ibidemque ait: "Forma porro ejus, ut indid, care videntur veterum Pontificum imagines, proſus referabat indumenta illa, quæ nunc *Cappas* aut *Pluvialia* vocamus."

XIII. Admodum veriſimile eſt, veterem Pallii formam, ornamentum Imperiale præferentem, ſenſim in aliam formam ac tandem in modernam tranſiſſe, poſtquam Romani Pontifices Pallium independentem à conſenſu & benignitate Imperatorum ſua auctoritate, tanquam ornamentum Pontificale, Metropolitanis & Episcopis communicare cœperunt.

Neque enim congruum apparebat ornamentum, quod à ſolius Pontificis Romani auctoritate, & munificentia communicari prætendebatur, formam Chlamydis Imperialis præferre: ſed convenientius viſum fuit, ut veſtis ſacræ formam exhiberet; atque ita componeretur, ut ab omnibus tanquam Pontificale ornamentum reputaretur.

Ut autem hoc ornamentum evidentius præferret ornamentum ſacrum & Pontificale, cœperunt hiſce faſciolis laneis imprimi cruceſ; quin & inſtar cæterarum ſacrarum veſtium ſeu indumentorum, quibuſdam adhibitis precibus & ritibus ſolemniter benedici, prout ſupra expoſitum eſt: quorum omnium apud veteres auctores de hoc ornamento tractantes nihil occurrit.

XIV. Obſervatum eſt n. 10. Capitis 7. Innocentium III. conceſſiſſe *Pallium* Patriarchis Orientalibus, cum auctoritate illud reſpectu ſuis Metropolitanis concedendi.

Porro conſtat, primitus auctoritatem illud aliis communicandi non minus Patriarchis Orientalibus, quam Romano Pontifici tanquam Patriarchæ Occidentis competiſſe.

Neque legitur, quod ante Innocentium III. neceſſitas impetrandi hoc ornamentum à Romano Pontifice aut auctoritatem illud aliis communicandi Patriarchis Orientalibus fuerit impoſita. Id & obſervat Ludovicus Thomaffinus de *Discip. Ecclef. parte 3. lib. 1. cap. 24. num. 6.* "Poſtquam enim (ait) ſub Innocentio III. Conſtantinopolitanam Urbem, & Orientale imperium ſubjecere Latini, hic Pontifex ſtatuit in Concilio Lateranenſi, ut Patriarchæ Orientales reciperent Pallium à Papa & ſuis Metropolitanis communicarent, poſtquam à Romano Pontifice illud receperint. Ante enim hoc Decretum Patriarchæ Græci non accipiebant Pallium niſi à ſuis conſecratoribus; vel illa accipiebant à ſolo Imperatore."

Id ad hanc Decretalem Innocentii III. reſpectens Edmundus Richerius in *hiſtoria Concilii VIII. num.*

13. dicere non veretur: "Certe ſequentibus ſeculis hoc ritu deferendi *Pallium* Pontifices Romani, non modo omnes Eccleſias Occidentales, ſed etiam Oriental. monarchice ſubdere voluiſſe perſpicuum redditur."

XV. Obſervat Petrus de Marca, quod poſteaquam Metropolitanis neceſſitatem obtinendi Pallia à Romano Pontifice ſibi paſſi ſunt imponi, Pontifices adjecerint in ipſa datione *Pallii* plures conditiones Metropolitanis admodum graves; & quæ ipſos in ſuis functionibus à Romano Pontifice dependere facerent; atque inter alias, quod ante receptionem Pallii, nullas Pontificales functiones obire poſſent: cum mox à conſecratione ſua independentem à conſenſu Romani Pontificis, ſuas functiones libere exercerent.

Similiter & Ludovicus Thomaffinus de *Discip. Ecclef. parte 2. cap. 25. num. 10.* notat, non reperiri, quod primitus Metropolitanis, obtenta conſecratione, impedirentur obire functiones, quoad uſque recepiſſent *Pallium*.

XVI. Quo autem tempore, & qua occasione ſimiles conditiones in datione Pallii adjici, & Metropolitanis imponi cœperint, incertum eſt.

Admodum veriſimile eſt, id primum cœpiſſe poſt inveſtas & receptas falſas merces ſeu Decretales Pſeudo-Iſidorianas; ipſoſque Romanos Pontifices poſſimum impendiſſe auctoritatem epistolæ Decretalis Pelagii I. per Iſidorum ſuppolitæ, & cujus fragmentum in ſuum Decretum poſtmodum tranſtulit Gratianus Diſt. 100. Can. 1. Hic inter alia dicitur: *Placuit, ut quiſquis Metropolitanus ultra tres menſes conſecrationis ſuæ, ad fidem ſuam exponendam, Palliumque ſuſcipiendum ad Apoſtolicam Sedem non miſerit, commiſſa ſibi careat dignitate, ſitque Metropolitanis aliis licentia, poſt ſecundam & tertiam commonitionem, viduatæ Eccleſiæ cum Concilio Romani Pontificis, ordinando Episcopos ſubminiſtrare, &c.*

Et quidem videmus, quod Concilium Ravennatenſe anno 877. ſub Joanne VIII. celebratum Can. 1. verbis citatæ hujus Decretalis eam neceſſitatem emittendi profeſſionem fidei coram Sede Apoſtolica, & ab ea poſtulandi Pallium Metropolitanis imponat. Verba Canonis ſunt: *Quiſquis Metropolitanus intra tres menſes conſecrationis ſuæ ad fidem ſuam exponendam, Palliumque ſuſcipiendum ab Apoſtolica Sede, nulla neceſſitate inevitabili imminente non miſerit, commiſſa ſibi careat dignitate, &c.*

Verum quod auctoritatem harum Decretalium nonnulli Galliarum Episcopi & Metropolitanis recognoſcere detrectarent, recuſarentque à receptis hætenus moribus recedere, etiam ſeculo undecimo Archiepiſcopum Rothomagenſem ante poſtulatum & obtentum à Romano Pontifice *Pallium* Clericos ordinariſſe, Eccleſias conſecraſſe, aliaque ſacras functiones peregiſſe, conſtat ex epistola Gregorii VII. ad ipſum Metropolitanum Rothomagenſem; habeturque inter epistolæ hujus Pontificis Lib. 9. epist. 1.

XVII. Acriter ipſum redarguit Gregorius, quod & *Pallium* à Sede Apoſtolica poſtulare neglexerit, & functiones hæc ante obtentum *Pallium* obire præſumpſerit: ac deinde præcipiendo concludit, "Proinde Apoſtolica tibi præcipimus auctoritate, ut quia ſanctorum Patrum ſtatuta parvi pendisti, nullum deinceps Episcopum, vel Sacerdotem ordinare, ſeu Eccleſias præſumas conſecrare, donec honoris tui ſupplementum, Pallii videlicet uſum ab hac Sede imptaveris."

Ex toto hujus epistolæ contextu nequaquam obſcurum eſt, Gregorium quoque reſpexiſſe ad citatum ſuppoſitum Decretum Pelagii Papæ.

Proinde non ſine fundamento inter puncta recentioris diſciplinæ per falſas Iſidorianas inducta, & hoc reponitur, quod auctoritas Metropolitanorum, quoad præcipuas functiones, ſuſpendatur à receptione hujus meriti ceremonialis ornamenti.

Quod



Quod ipsum deplorat Edmundus Richerius in historia Concilii VIII. num. 12. reflectens ad iuramentum in receptione Pallii præstandum, atque ad hanc dependentiam in obsequiis sacris functionibus, ab hac Pallii acceptione, his verbis. "Quod primitus in honoris ac dignitatis indicium, & notam tribuebatur, tum deum in onus gravissimum transit, ita ut Curia Romana prohibeat Archiepiscopis ea obire munia, ad quæ jure divino tenentur, antequam Pallium acquirant, quod tamen est res purè ceremonialis nihil ad potestatem Episcoporum conferens.

XVIII. Non erit superfluum paulò fusiùs pertractare ea, quæ num. 15. c. 7. breviter diximus de Decretali Innocentii III. in cap. 4. de usu Pallii, quod solus Romanus Pontifex Pallio ubique & semper utatur, alii autem nec semper, nec ubique, hac subjectâ ratione: Quoniam hic (Romanus Pontifex) assumptus est in plenitudinem Ecclesiasticæ potestatis, quæ per Pallium significatur, alii autem eo nec semper nec ubique, Quoniam vocati sunt in partem sollicitudinis, non in plenitudinem potestatis.

Hanc rationem adductam fuisse apud Innocentium III. pro adstruenda auctoritate in Romano Pontifice utendi Pallio ubique & semper; & ejus usum restringendi in cæteris Metropolitanis aut Episcopis ad determinata loca & tempora, non legitur.

Illud autem ex contextu Decretalis perspicuum est Innocentium hac formulâ loquendi significare voluisse pastorem sollicitudinem & plenitudinem Ecclesiasticæ potestatis Romani Pontificis ad omnes orbis Ecclesias se extendere, eamque Pontificem posse ubique per se fidelibus impendere: sed quia ubique præsens esse non potest, ut eam personaliter impendat, idcirco hujus sollicitudinis partem aliis Episcopis per varias regiones & Ecclesias constitutis ipse communicat; ipsâ tamen plenitudine potestatis, sive sollicitudinis formaliter, & jure proprio in Romano Pontifice remanente.

Id ipsum evidentioribus terminis expressit hic Pontifex lib. 1. epistolâ 359. his verbis. "Apostolica Sedes inter Fratres & Episcopos nostros Pastoralis dispensat oneris gravitatem, sic eos in creditæ sibi sollicitudinis partem assumpsit, ut nihil sibi subtraheret de plenitudine potestatis.

Eam Romanos Pontifices sibi plenitudinem potestatis, aut Pastoralis sollicitudinis asseruisse primis ut minus septem seculis non legimus; sed Pastorem & Episcopalem sollicitudinem intra suam particularem Ecclesiam, sive uti hodie loquimur, Diocesim juxta Canones continebant; nec Metropolitanam ultra regiones & Ecclesias Suburbicarias protendebant, uti in hoc opere ostendimus, notante auctoritate libri diurni Romanorum Pontificum per Joannem Garnerium evulgati & notis illustrati.

Interim certum est, plura tum per Pseudo-Isidorum in suam collectionem esse relata, tum postmodum per Gratianum assumpta, quæ hanc in Pontifice Romano plenitudinem potestatis, & Pastoralis officii supponunt, & iisdem penè verbis proponunt, quibus eam Innocentius III. expressit.

XIX. Imprimis occurrit ex Isidoriana collectione assumptum & relatum Causâ 2. q. 6. can. 12. fragmentum Epistolæ sub nomine Vigili Papæ in hæc verba. "Qui se scit aliis esse præpositum, non molestè ferat, alii quem sibi esse prælatum: ipsâ namque Ecclesia, quæ prima est, ita reliquis Ecclesiis vices suas credidit largiendas, ut in partem vocatæ sint sollicitudinis, non in plenitudinem potestatis.

Monent ad hunc Canonem Correctores Romani; Restitutum est hoc caput Vigilio antiquorum exemplarium auctoritate: antea verò tribuebatur Julio.

Monet & vir clarissimus Stephanus Baluzius in notis ad hunc Canonem: "Multifariam multisque modis inscriptum est hoc caput in antiquis Gratiani exemplaribus & editionibus. Indubie hæc varia hujus Ca-

nonis inscriptio non exiguum præbet suppositionis & fictionis argumentum.

Fateretur quidem Baluzius extare epistolam Vigili per Correctores Romanos indicatam, non quidem ad Euthereum, sed ad Profuturum Episcopum Bracarensem, quod latius prosequitur in sua nova Conciliorum Collectione pag. 1467. sed unâ ibidem monens, caput ultimum hujus epistolæ Vigili ad Profuturum de Primatu Romani Pontificis (quod conficit prædictum Canonem apud Gratianum) in optimo Codice Bibliothecæ Colbertinæ non reperiri à nobis (ait) propterea omissum. Et sane (pergit Baluzius) cum cætera capita referantur integra in Codice 408, Colbertino, & Lugdunensi, idem tamen non habent, quæ de primatu Romane Ecclesiæ adduntur in Collectione, quæ præfert nomen Isidori.

Hinc idem Baluzius in additionibus ad lib. 5. Petri de Marca cap. 26. num. 9. reflectens ad prædicta verba Canonis sub nomine Vigili, dicere non dubitat: "Postremum caput Epistolæ, quæ circumfertur sub nomine Vigili Papæ ad Euthereum, esse additamentum illius Impositoris, qui nomine Isidori abusus est, in vulgandis falsis veterum Pontificum Romanorum Epistolis.

Similiter hoc fragmentum conficiens prædictum Canonem recentiori manu huic Epistolæ additum notavit Ludovicus du Pin, in sua Bibliotheca Ecclesiastica tom. 5. pag. 71. editionis 1691. sumptumque ipsi apparet ex supposititia Decretali Julii Papæ ad Orientales.

Refertur & apud Gratianum eadem Causâ 2. q. 6. Can. 11. sub nomine Gregorii fragmentum, quo hæc plenitudo potestatis simili formâ exprimitur his verbis. "Quæ (Ecclesia Romana) vices suas ita aliis impertit, ut Ecclesiis, ut in partem sint vocatæ sollicitudinis, non in plenitudinem potestatis.

Quis sit hic Gregorius, cui hæc epistola attribuenda sit, titulus Canonis non indicat. Monent autem Correctores Romani hæc verba, "ut honoretur, usque ad verbum auctoritas, addita esse ex epistola, quæ extat in Bibliotheca Dominicana, & videtur esse Gregorii Quarti. "Extatque sub nomine hujus Pontificis inserta tom. 7. Concilii Generalis pag. 157.

At, cum hic Pontifex sederit demum circa medium seculi IX. post evulgatam Pseudo-Isidori Collectionem, quidni Pontifex Gregorius auctoritatem hujus Collectionis secutus hanc clausulam de plenitudine potestatis sumpsisse potuit ex supposititia epistola Julii Papæ, prout in Isidoriana Collectione continebatur?

Insuper ex Epistola, prout extat apud Gratianum, & tomo 7. Conciliorum est inserta, habetur, eam scriptam esse in causâ Aldrici Episcopi Cnomanensis. "Cum autem nulla illius mentio habeatur in gestis ejus Episcopi, & multa in ea contineantur absurda, non invitus in eorum sententiam transeo, qui putant eam esse supposititiam, ait Baluzius in additionibus ad Petrum de Marca lib. 5. cap. 26. num. 9.

Legitur quoque apud Gratianum fragmentum Epistolæ S. Leonis ad Episcopum Thessalonicensem, Causâ 3. q. 9. Can. 8. quo hæc plenitudo potestatis in Romano Pontifice similiter asseri videtur; verum si integer contextus epistolæ Leonis attendatur, nec non de qua potestate hic agat S. Leo, manifestum erit S. Leonem nequaquam de hac plenitudine, de qua Innocentius III. locutum fuisse, uti ostenditur inferius ad tit. 21. cap. 2. num. 10. & fusiùs ostendit Baluzius loco ibidem citato.

Quod verò Innocentius III. ob eam plenitudinem potestatis asserit, Pontificem Pallio semper uti, & ubique, nullum è Pontificibus ante Innocentium asseruisse legimus; neque scitur, quod primis seculis majori libertate Episcopus Romanus hoc ornamento usus fuerit, quam Patriarchæ Orientales. (a)

(a) Qui plura de Pallio voluerit, legat eruditam Dissertationem quam de eodem adornavit doctissimus Benedictus Thierri Ruinart. Hæc reperitur in t. 3. operum posthumorum DD. Mabillon & Ruinart.

## TITULUS XX.

## DE SYNODIS PROVINCIALIBUS.

## CAPUT I.

Quoties Synodus Provincialis celebranda; & qui illi interveniant?

1. Synodus Provinciales indicare est Metropolitanis.
2. Illo impedito, Comprovincialis senioris.
3. Olim Synodus Provincialis bis singulis annis haberi debebat.
4. Labente tempore semel in anno haberi cepit.
5. Hac moderatio primum licet ægrè, tamen admissa fuit ab Ecclesia Græca.
6. Eam etiam toleravit Ecclesia Latina.
7. Seculo XIII. summus fuit in celebrandis bis Synodis defectus.
8. Hic defectus effecit, ut tandem ad Triennium protracta sit celebratio Concilii.
9. Synodus Tridentina tantum singulis trienniis jubet celebrare Synodum.
10. Optat Synodus Tridentina frequentiore Synodorum celebrationem.
11. Collapsio disciplinæ imputanda pro magna parte defectui Synodorum.
12. Synodo interesse debent omnes Provinciæ Episcopi.
13. Quid de Episcopis nulli Archiepiscopo subjectis?
14. Qui præter Episcopos Synodo interesse debeant pendet à consuetudine.
15. Qui primæ Synodo Provinciali Cameracensi interfuerint?
16. Soli Episcopi suffragium habent decisivum; alii tantum consultivum.
17. Quod si Episcopi dissentiant à Metropolitano, Episcoporum suffragia prævalent.
18. Metropolitanus solus Synodum dissolvere; aut aliquid in ea faciendum mandare non potest.

**C**ONCILIUM Provinciale dicitur, ad quod unâ cum suo Metropolitano conveniunt totius Provinciæ Episcopi.

I. Concilium à Metropolitano convocandum esse adeò verum est, ut Episcopi Provinciæ convenire sine ejus consensu nequeant; quemadmodum conceptis verbis definivit Concilium Antiochenum *Can. 20.* Postquam enim conformiter ad Canonem 5. Nicænum statuit, bis in anno celebrandas esse Synodos Provinciales, subjungit: "Nullis verò liceat apud se Synodos per se facere sine iis, quibus sunt creditæ Metropoles: " Nimirum Provinciales, de quibus unice in hoc & aliis istius Synodi Canonibus actum fuit.

Imò illud Concilium perfectum dicitur à Patribus Antiochenis, cui Metropolitanus interest. " Sit autem, inquit, illa perfecta Synodus, cui unâ quoque ad- est Metropolitanus. " *Can. 16.*

II. Metropolitano verò legitime impedito Coepiscopus antiquior ex Decreto Synodi Tridentinæ *sess. 24. c. 2. de reformat.* Synodum Provinciale convocat. Idemque esse, Sede Metropolitana vacante, docet post alios Fagnanus ad *Cap. CUM OLIM de accusationibus n. 17.*

III. Synodus hæc secundum pristinas Patrum Regulas bis in anno celebranda erat. " Synodi autem fiant (nimirum Provinciales) una quidem, ait Synodus Ni- cæna *Can. 5.* ante Quadragesimam, ut omnibus ani-

mi sordibus sublatis, purum munus Deo offeratur: " *secunda* autem autumnii tempore.

Hunc Canonem renovantes Patres Concilii Antiocheni an. 341. *Can. 20.* statuerunt, ut " propter usum Ecclesiasticos, & pro componendis controversiis, " Synodi Episcoporum in unaquaque Provincia fiant bis in anno.

Patres Synodi Calchedonenfis intelligentes, quod in Provincia constituta Episcoporum Concilia minimè celebrarentur, statuere: " secundum Regulas Patrum bis in anno in unum convenire Episcopos, ubi singula, " quæ emerferint, corrigantur. " *Can. 19.*

Hos aliosque plures pristinos Patrum Canones binat per annum Synodos præscribentes, refert Gratianus *Dist. 18.*

IV. At labente tempore cum difficilè videretur ac incommodum, toties Episcopos convenire, paulatim ad annum celebratio Synodorum Provincialium protrahi cepit.

V. Et quidem Justinianus Imperator de his Synodis loquens, ait: " Quando autem quod in Canonibus " cautum est de Synodis Sanctissimorum Episcoporum " per singulas Provincias congregandis, huc usque ob- servatum minimè est, illud imprimis corrigere ne- cessarium est. Deinde adducto Canone 36. Apostolorum quo jubetur, ut bis in anno Synodi Provinciales congregentur, concludit: " nos autem invenientes " quod ex hujusmodi negligentia multi diversis peccatis impliciti sunt, jubemus omnibus modis unam " Synodum fieri singulis annis in singulis Provinciis, " mense vel Junio, vel Septembri. " *Novel. 137. cap. 4.*

Synodus Quini - Sexta seu Trullana volens omnia, quæ à Sanctis Patribus decreta fuerunt, rata ac firma esse, Canonem quoque renovar, qui jubet uniuscujusque Provinciæ binas quotannis Synodos fieri, ubi Metropolitanus Episcopus satius esse duxerit. " Quoniam autem propter Barbarorum incursiones, inquit, & quasdam alias incidentes causas non possunt, qui Ecclesiis præsident, Synodos bis in anno facere; visum est, ut omnino semel in anno propter Ecclesiasticas quæstiones, ut consentaneum est, emergentes, fiat dictorum Episcoporum Synodus à S. Paschæ festo & usque ad Octobris mensis complementum singulis annis, in loco, quem, ut prædictum est, Metropolitanus Episcopus aptiorem judicaverit.

Hic pater, Synodum hanc optasse quidem, ut Canon duas quotannis Synodos requirens, fuisset servatus; nec eum abrogatum existimasse; sed nonnisi ob necessitatem permisisse, ut semel tantum in anno congregaretur; quod & Synodus VII. *Can. 6.* similiter permisit.

VI. Similem Canonum moderationem quoad celebrationem Synodorum Ecclesia Latina ægrè quidem, sed necessitate coacta paulatim admisit; ut constat ex Concilio Toletano III. *Can. 18.* S. Gregorio *lib. 7. Epist. III.* Concilio Parisiensi VI. *cap. 26.* quæ tamen unâ innuunt, Canones Patrum binam in anno Synodum requirentes in suo robore manere.

Hæc interim moderatio ob solam necessitatem admissa, adeò tandem invaluit, scilicet unam tantum esse Synodum annuè celebrandam, ut obliteratâ Patrum disciplinâ de bina Synodorum annuatim celebratione, hanc moderationem quasi à Sanctis Patribus promanantem Innocentius III. in Concilio Lateranensi ob- servari

observari voluerit in *Cap. Sicut olim* & *De Accusationibus*: "Sicut olim, inquit, à Sanctis Patribus noster institutum, Metropolitani singulis annis cum suis Suffraganeis Provincialia non omittant Concilia celebrare.

VII. Verùm nec hoc Decretum tantà moderatione conceptum, potuit vel annuam Synodorum Provincialium congregationem efficaciter persuadere; adeò ut Gregorius IX. scribat ad Archiepiscopum Narbonensem an. 1275. „ quod celebratio Conciliorum ubique ferè terrarum, quod, inquit, dolenter referimus, longis temporibus esset negligenter omissa: „ propter quod idem Clerus ab honestate sui primævi „ statûs non modicum excidit, multipliciter in devium „ declinavit, &c.

VIII. Hæc negligentia in convocandis Conciliis Provincialibus cum continuò magis magisque cresceret; ac tandem omnis penè eorum usus penitus cessaret, cum summa in doctrina ac disciplina deformatione, Patres Basileenses attendentes ab una parte necessitatem Conciliorum; & ab altera quàm difficulter etiam annuam celebrationem reducerent, decreverunt, ut ad minus semel de triennio ad triennium Concilium Provinciale celebraretur; quam moderationem Concilia quædam particularia, nec non Leo X. in Synodo sua Lateranensi admisserunt.

IX. Ipsa tandem Synodus Tridentina hanc moderationem admittens, statuit, ut „ Metropolitani per se „ ipsos, seu, illis legitime impeditis, Coepiscopos antequam intra annum ad minus à fine præsentis Concilii, & deinde quolibet saltem triennio post Octavam Paschæ Resurrectionis Domini N. J. C. seu alio „ commodiori tempore pro more Provinciæ, non „ prætermittat Synodum in Provincia sua cogere. „ Sess. 24. cap. 2. de reform.

X. Ex verbis Decreti nequaquam obscurum est, Patres Tridentinos non quidem pristinos Ecclesiæ Canones frequentiore Synodorum celebrationem præscribentes abrogasse; sed duntaxat præscripsisse, ut saltem singulis trienniis Synodus Provincialis cogeretur: ut consequenter voto Patrum Synodi Tridentinæ obsequerentur Episcopi, qui frequentius, quàm singulis trienniis Synodos celebrarent.

XI. Sed prohi dolor! ea est temporum nostrorum miseria ac iniquitas, ut nec singulis trienniis; imò nec vicenniis Synodus Provincialis habeatur; imò jam anni sunt ferè nonaginta quod Belgium nostrum Synodum Provinciale congregatam non viderit.

Examinent ipsi Metropolitani aliive, qui ut Synodi cogantur curare debent, quomodo Deo & Ecclesiæ (quæ per multiplices pœnas, quas negligentibus minatur, enixam suam voluntatem sufficienter expressit) respondeant. Hoc sit constet, per hunc Synodorum neglectum, Ecclesiæ disciplinam ita esse collapsam, ut vix vestigium super sit; vitæque omnia ubique ita invaluisse, & abundare, ut pro nihilo reputentur; & populus iniquitatem quasi aquam bibere videatur.

XII. Synodo Provinciali interesse debere, atque ad eam esse vocandos omnes totius Provinciæ Episcopos indubitatum est; & Canones suprâ citati exprimunt. Imò „ si quis Episcoporum communis à Metropolitano, „ (verba sunt Concilii Tarraconensis can. 6.) „ ad Synodum, nullâ gravi intercedente necessitate, „ corporaliter venire contempserit, (sicut Patrum Statuta sanxerunt), „ usque ad futurum Concilium cunctorum Episcoporum charitatis communione priveretur. „ Dist. 18. can. 14.

XIII. Si verò sint „ Episcopi, qui nulli Archiepiscopo subiciuntur, aliquem vicinum Metropolitanum „ semel eligant; in cujus Synodo Provinciali, (ait Synodus Tridentina loco citato) „ cum aliis interesse debeant; & quæ ibi ordinata fuerint, observent ac observari faciant.

XIV. Qui verò præter Episcopos ad Synodum Provinciale.

Tom. I.

vincialem vocandi sint, non è jure scripto duntaxat; sed vel maxime à consuetudine desumi debet; quod & Synodus Tridentina innuit, dum monet Metropolitanum Synodum in sua Provincia cogere, „ quo Episcopi „ copiosius; & alii, qui de jure vel de consuetudine interesse debent, convenire omnino teneantur.

XV. Synodo Provinciali Cameracensi anno 1565. præter Episcopos Suffraganeos interfuisse atque eidem subscripserunt primo loco Capitulum Cathedralium Deputati; post hos, variorum Ordinum Abbates, alii nomine proprio, alii per procuratores; deinde Abbatissæ quoque per suos procuratores.

Hos sequuntur Ecclesiarum Collegiarum Deputati, quos excipiunt nonnulli Præpositi, Priores & una Priorissa. Denique subscribunt Archipresbyteri seu Decani Christianitatis Diocesis Cameracensis, tam suis, quam Curatorum suorum Decanatum respectivè nominibus.

XVI. Quicumque verò præter Episcopos sive de jure, sive de consuetudine Synodo Provinciali interfuerint, votum consultivum duntaxat habere communiter receptum est; refertque Fagnanus ad *Cap. Et si membra* & *De his, quæ sunt à Prælato, &c. n. 53.* „ Abbates „ Commendatarios & Capitulum Deputatos vocem „ duntaxat consultivam in Concilio Provinciali habere. „ Episcoporum verò procuratores posse habere etiam „ decisivam, si Concilio Provinciali placuerit.

Ita quoque responsum fuit à Pontifice, auditâ prius relatione Congregationis Concilii, occasione difficultatum, quas ad Sedem Apostolicam remiserant Patres Concilii Rothomagensis anno 1581. & habentur responsa una cum difficultatibus propositis tomo 15. Concilii General. col. 871.

XVII. Soli itaque Episcopi Comprovinciales cum Metropolitano vocem decisivam obtinent; unaque cum Metropolitano judicant: „ Si igitur Metropolitanus „ est unius sententiæ & Suffraganei alterius, S. D. N. „ dixit, inquit Fagnanus, sententiam prævalere Suffraganeorum, & hoc quia habent votum decisivum, „ & sunt conjudices. „ Ad *Cap. Sicut olim* & *De Accusationibus*, num. 104.

XVIII. Eodem fundamento, „ Archiepiscopus non „ potest dissolvere Synodum, nisi de consilio & assensu „ Coepiscoporum; nec nisi de eorumdem consilio & „ assensu cuiquam silentium indicere, vel jubere aliter, „ quod scriptum aut libellum legi aut non legi, „ ait Fagnanus loco citato.

## CAPUT II.

Usus & utilitas Conciliorum Provincialium; causa cur eorum celebratio fuerit interrupta.

1. Quid S. Leo V. seculo censuerit de celebrandis Conciliis Provincialibus?
2. Olim Romani Pontifices vix aliquid gravius momenti extra Synodum decreverunt.
3. Decreta Romanorum Pontificum in majoribus negotiis non reputabantur olim Canonica, nisi essent Synodalia.
4. Romani Pontifices, fideles Canonum custodes & executores.
5. Sensim perit consuetudo celebrandi quotannis Synodos Provinciales.
6. Duravit ille mos in Ecclesia Latina, quamdiu duravit Conciliorum Provincialium suprema autoritas in judicandis Presbyterorum causis.
7. Harum Synodorum celebratio & auctoritas Decretalibus potissimum enervata sunt.
8. Illarum tamen celebrationem Ecclesia sæpius commendavit.

I. Ut æstimetur certius, quàm frequens extiterit Conciliorum Provincialium celebratio, videndum est,

Z



est, quid Ecclesia de eorum utilitate olim senserit. Ad Nicænos Canones evidenter reflexit sanctus Leo scribens *Epistola 16. capite 7.* Universis Episcopis per Siciliam constitutis: "Quare illud primitus pro custodia concordissimæ unitatis exigimus, ut, quia saluberrimè à sanctis Patribus constitutum est, binos in annis singulis Episcoporum debere esse conventus, terni semper ex vobis ad diem 3. Kalendas Octobris Romam fraterno Concilio sociandi indissimulante occurrant: quoniam adjuvante gratia Dei, facilius poterit provideri, ut in Ecclesiis Christi nulla scandala, nulli nascantur errores, cum coram Beatissimo Apostolo Petro id semper in Commune tractandum fuerit, ut omnia ipsius Constituta, Canonumque Decreta, apud omnes Domini Sacerdotes inviolata permanant."

Evidens est, Leonem hinc urgere observantiam Canonis 5. Nicæni, quo statutum erat bis in anno Synodum Provinciale celebrari.

Unde & hinc loquitur sanctus Leo de solis Conciliis Provincialibus, sive de Conciliis Episcoporum, qui Romano Pontifici tanquam Metropolitano erant subiecti.

Constat enim, quòd jus Metropoliticum Episcopi Romani, etiam tempore Concilii Nicæni, ad plures Provincias, sive Ecclesias plurimarum Provinciarum (quæ *Suburbicariæ* dicebantur) se extenderet: quòdque etiam Sicilia sub hisce Regionibus suburbicariis a tate Leonis contineretur; ut proinde mirum videri non debeat, si ad Concilium ab Episcopo Romano tanquam Metropolitano evocarentur Episcopi per Siciliam constituti, ut hi cum ipso Episcopo Romano tanquam Metropolitano Concilium Provinciale, juxta Canonem Nicænum bis in anno celebrarent.

Quapropter & eosdem Episcopos per Siciliam constitutos redarguens in citata Epistola cap. 1. quod Baptismus solemnitus & frequentius apud ipsos conferretur in die Epiphaniæ, quam in Dominica Resurrectionis, ait: "Quam in culpam nullo modo potuisset incidere, si, unde Consecrationem honoris accipitis, inde legem totius observantiæ sumeretur, & beati Petri Apostoli Sedes, quæ vobis Sacerdotalis est Mater dignitatis, esset Ecclesiasticæ Magistra rationis."

Quo rursus evidenter stabilitur jus Metropoliticum Episcopi Romani per Siciliam, tanquam inter Regionem suburbicariam constitutam.

Scitur enim, ordinationes Episcoporum juxta Canones Nicænos, quorum observantiam Leo mirum in modum urgebat, ad Metropolitanos spectasse.

Quare juxta phrasim istius ætatis, Episcopos ad ordinationem alicujus Episcopi spectare, idem erat, atque illi Episcopo tanquam Metropolitæ subijci.

II. Insuper ex his evidens est, sanctum Leonem nequaquam dubitasse, Canones, notanter Nicænos præcipientes bis in anno Synodos Provinciales celebrari, ipsam Ecclesiam Romanam, non secus ac alias Ecclesias spectasse: Hinc & iadubiè contigit primis seculis frequentissima fuisse Concilia Romana; ipsosque Romanos Pontifices vix aliquid gravioris momenti extra Synodum decrevisse aut statuisse.

Hoc ipsum notavit Cardinalis Bellarminus lib. 1. de Clericis cap. 16. inquirens enim, qua ratione primitus, Episcopi non Cardinales præcederent, majorisque dignitatis æstimarentur quam Cardinales Presbyteri aut Diaconi, eam inter alias assignat rationem; quòd eo tempore Episcopi non Cardinales operâ & consilio in regimine Ecclesiæ, Romano Pontifici solerent assistere, ejusque Consilarii essent, non autem soli Cardinales: "Siquidem (ait) primis sexcentis, vel octingentis annis Summi Pontifices ad graviora negotia dijudicanda cohebant Concilia Nationalia Episcoporum Italia, quibus Conciliis intererant quidem Cardinales Presbyteri, sed tamen primus locus Episcoporum erat."

Igitur Bellarmino fatente primis sexcentis vel octingentis annis frequentissima celebrabant Romani Pontifices Episcoporum Concilia, eaque ad graviora negotia Ecclesiæ dijudicanda cohebant.

Notavit id ipsum vir eruditus Lucas Holstenius in notis ad Concilium Romanum sub Bonifacio II. anno 531. celebratum; monens, quòd, dum Pontifices confulerentur de negotiis majoris momenti, "Synodos Episcoporum cogerent, ut de negotiis his tractaretur & resolutio formaretur."

III. Imò Decreta Romanorum Pontificum in majoribus negotiis non fuisse reputata ut Canonica nisi essent synodaliter probata & edita, neque ut talia à successoribus eorum reputata, probat professio fidei, quam novus Pontifex electus ante suam ordinationem emittebat; extatque in Libro Diurno Romanorum Pontificum cap. 2. tit. 8. In hac enim profertur Constituta & Decreta à Romanis Pontificibus prædecessoribus suis observare, sed cum hac restrictione: quæ synodaliter statuerunt.

IV. Hoc agendi modo ostenderunt Romani Pontifices, se esse fideles Canonum executores & custodes: nihil enim adeo sacri Canones urgent, quam eam frequentem Conciliorum celebrationem, ut ita majora negotia non unius Metropolitanæ judicio quasi monarchicè; sed in communi tractarentur, & deciderentur, quo possent se de assistentia Spiritus Sancti reddere securiores juxta illud Christi: *Ubi duo aut tres fuerint congregati in nomine meo, ibi ego sum in medio eorum.* Matth. c. 18. v. 20. Addit Bellarminus, quòd, eo tempore Episcopi non Cardinales operâ & consilio in regimine Ecclesiæ Romano Pontifici solerent assistere, ejusque Consilarii essent. Si per hæc significare voluerit Bellarminus, Episcopos hisce Conciliis duntaxat intervenisse tanquam Romani Pontificis Consiliarios, non autem ut iudices, quemadmodum cæteris Synodis Provincialibus Episcopi cum Metropolitano suo olim intervererunt & hodie interveniunt, à vero aberravit Bellarminus.

Certum quippe est, Romanos Pontifices convocasse bis in anno Episcopos ad celebrandas Synodos, conformiter ad Canones Nicænos. Porro evidens est, quòd Patres Nicæni, dum Synodos Provinciales celebrari præceperunt, voluerint, ut de majoribus negotiis Episcopi cum Metropolitano tractarent, & judicarent: idque ad exemplum Apostolorum, qui convenientes super quæstione de observantia Legalium in communi deliberarunt, & quid tenendum, & Fidelibus proponendum esset, pariter deciderunt: Decretumque non sub unius Petri, sed omnium nomine conceptum fuit in verbis: *Visum est nobis & Spiritui Sancto, &c.* Act. c. 15. v. 28.

V. Sensim labentibus seculis celebratio Synodorum Provincialium quasi interiit: sed quo tempore signanter in Ecclesia Latina flaccescere cæperit, incertum est.

VI. Porro notat Petrus de Marca de Concord. Sacerd. & Imp. lib. 6. cap. 15. num. 3. celebrandorum Conciliorum Provincialium morem in Ecclesia Latina perdurasse, quamdiu perduravit horum Conciliorum suprema auctoritas in dijudicandis Causis Presbyterorum, Monachorum, aliorumque Clericorum: notatque hanc supremam auctoritatem hisce Conciliis factam testam in Occidente conservatam fuisse, etiam ævo Caroli Magni, uti habetur ex Concilio Francofordiensi anno 794. celebrato, ubi Canone 6. legitur. "Statutum est à Domino Rege & sancta Synodo, ut Episcopi justitias faciant in suis Parochiis, si non obediit aliqua persona Episcopo suo de Abbatibus, Presbyteris, Diaconibus, Subdiaconibus, Monachis & cæteris Clericis, vel etiam aliis in ejus Parochia, veniant ad Metropolitanum suum, & ille dijudicet causam cum suis Suffraganeis: Comites quoque nostri veniant ad judicium Episcoporum, & si aliquid est, quod Episcopis copus

„ copus Metropolitanus non possit corrigere, vel pacificare, tum tandem veniant accusatores cum accusato, cum litteris Metropolitanis, ut sciamus veritatem rei.

Nec sane obsecrum est, hoc Canone Conciliorum Provincialium supremam auctoritatem in dijudicandis Clericorum causis & stabiliri, & recognosci, nullamque admitti appellationem à iudicio Metropolitanis cum suis Suffraganeis, sive Concilii Provincialis; hoc solum permittente Canone condemnatis, ut si post sententiam Concilii super sit adhuc aliqua controversia, accusans, & accusatus adeant Principem cum litteris Metropolitanis, ut Rex *extrajudiciali* causæ cognitionem suscipiat, auctoritatemque suam tribuat pro executione rei iudicatæ; aut suam protectionem subditis, si contingeret eos opprimi in injuriam Legum & Canonum, impartiat, uti loquitur de Marca citato libro *cap. 14. num. 6.*

Cum vero in his Conciliis non tantum causæ Clericorum sed & *Laicorum*, præsertim, quas hi habebant contra Clericos, agerentur, & definirentur; non mirum, si & hisce Conciliis juberentur interesse Comites, ut & hi sua auctoritate similes causas secundum leges definirent.

Quapropter *Canone 30.* hujus Concilii Francofordienfis edicatur: „ Si forte inter Clericum & Laicum fuerit orta altercatio, Episcopus & Comes simul conveniant, & unanimiter inter eos causam definiant secundum rectitudinem.

VII. Indubiatum est harum Synodorum celebrationem multum fuisse interruptam & neglectam, postquam sæculo IX. & sequentibus, auctoritate falsarum Decretalium admitti ceperunt Clericorum appellationes ab his Synodis ad Romanum Pontificem; atque suprema auctoritas in hisce causis decidendis enervata fuit.

Et ex Epistola Hincmari Rhemensis nomine Caroli Caivi Imperatoris sub medium sæculi IX. ad Joannem Papam VIII. missa habemus, Episcopos Gallicanos contra has appellationes, tanquam sanctis Canonibus, notanter Nicænis & Africanis, nec non inveteratis moribus contrarias infurrexisse, atque inter alia non veritos significare Pontifici, quod, si similes Appellationes ulterius admittantur, à Synodis Episcoporum celebrandis abstinebunt.

Et sane in hac Epistola signanter *Capite 19.* sat bene probatur, per has appellationes Synodorum iudicata contra accusatos Presbyteros, ceterosque Clericos & Monachos, etiam atrocium criminum reos, & de his plene convictos omnino reddi inefficacia, ipsosque Episcopos multis molestiis, & gravibus incommodis exponi, si causas per appellationes Romam delatas ibidem prosequi juberentur. Integra epistola extat inter Opera Hincmari Rhemensis.

Quantumvis dubium non sit, quin per admissas has ad Romanum Pontificem appellationes, & enervatam Synodorum in dijudicandis Clericorum causis auctoritatem, earum celebrationem contingerit intermitteri, nihilominus & hoc certum est, modernum Synodorum Provincialium neglectum eo titulo seu prætextu justificari non posse.

Certum quippe est hanc Synodorum celebrationem vel præcipue commendatam & præceptam, ut in his de conservanda, vel restauranda disciplina in communi tractaretur: & quod recto spiritali regimini cujusque Provinciæ magis necessarium & opportunum esset, expenderetur, & ad abusus tollendos statueretur.

VIII. Quare harum Synodorum frequentiore celebrationem urgere, & Episcopis præcipere non intermisit Ecclesia, etiam post erecta & recepta Ecclesiastica tribus, iisque præpositos iudices, quos hodie *Officiales* dicimus, coram quibus causæ Clericorum seu criminales seu civiles, judicialiter, & juxta stylum forensium instruantur, & deciduntur, uti Parte 3. latius est expoliunt.

Tom. I.

Unde fatendum est, deplorandam, quam hodie videmus disciplinæ Ecclesiasticæ collapsionem, nec non abusum & vitiorum inundationem, neglectui harum Synodorum magna ex parte adscribendam esse.

### CAPUT III.

Quæ in Concilio Provinciali tractanda?

1. Synodus Nicæna vult Synodos haberi, ut excommunicationes ab Episcopis inspectæ examinentur.
2. Qui se læsos ab Episcopis existimant in Synodis audiendi.
3. Accusationes etiam contra Metropolitanum in Synodo discutienda.
4. Causæ etiam criminales Episcoporum indistincte olim in Synodis terminabantur.
5. Hodie distinctio adhibenda.
6. In Synodis vitia corrigenda, & mores reformandi.
7. Quis modus servandus in vitiis corrigendis?
8. Quæ ratio incunda in reformatione morum?
9. Patrum disciplinam Episcopi sibi ob oculos ponere debent.
10. Zelus Matthiæ Hovii Archiepiscopi Mechliniensis in restituenda integra disciplina.
11. Ad integram reformationem suos animabat Metropolitæ Cameracensis.
12. Decretum S. Caroli pro assequendo feliciori Synodorum effectu.
13. Testes Synodales convenientes pro facilitando Synodorum optato exitu.
14. Ut perfecta morum ac disciplinæ reformatio obtineatur, conveniens est crebra Synodorum celebratio.
15. Id expertus fuit S. Carolus.
16. Quare in Synodis Belgicis immediate post Synodum Tridentinam habitis, non sit expressa perfecta morum disciplina.

I. SYNODUS NICÆNA postquam declaravit, ut obtineat sententia secundum Canonem, qui pronuntiat eos, qui ab aliis ejeti sunt, non esse ab aliis admittendos, subjicit: „ Examinetur autem nunc, quid vel pusillanimitate, vel contentione, vel aliqua hujusmodi Episcopi acerbitate, congregatione pulsi sint. Ut ergo digna hæc possint examinatione perquiri, recte visum est, ut singulis annis in unaquaque Provincia bis in anno Synodi fiant. „ *Can. 5.* Hic manifestum est Synodum Nicænam indicatas voluisse Synodos Provincialium, ut examinaretur, num Episcopi in excommunicatione ferenda recte processerint.

II. „ Propter utilitates Ecclesiasticas, & absolutiones earum rerum, quæ dubitationem controversamque recipiunt, optime placuit (ait Concilium Antiochenum *Can. 20.*) ut per singulas quasque Provincias bis in anno Episcoporum Concilia celebrentur.... In ipsis autem Conciliis adsint Presbyteri & Diaconi, & omnes qui se læsos existimant, & Synodi experiantur iudicium.

Plura uno verbo complectens Synodus Calchedonensis vult, „ ut bis in anno eundem in locum conveniant cujusque Provinciæ Episcopi, ut Metropolitanus melius esse perspexerit, & singula emergentia corrigant. „ *Can. 19.*

III. Primo itaque loco in Synodo Provinciali discutendæ controversiæ seu quæstiones à quibuscumque ad Synodum delatæ. „ Quapropter, inquit Fagnanus loco citato *num. 41.* expostulantium querelæ & accusationes non modo contra inferioris Ordinis Clericos, sed potissimum contra Episcopos, ipsumque Metropolitanum æquis auribus excipientur, & prout justitia suaserit terminabuntur.

Z 2

IV.

IV. Et fane negari non potest, quin controversiæ atque querelæ Ecclesiasticorum, & Laicorum contra Episcopos in Synodis Provincialibus olim terminari solerent; imo & accusationes quascunque etiam in causis criminalibus, quæ depositione mulctandæ erant, in Synodis institui & terminari solitas fuisse expeditum est.

V. Nihilominus quoad causas criminales Episcoporum hodie distinctio est adhibenda ex præscripto Synodi Tridentinæ, ut graviores quidem, quæ *depositione* aut *privatione* dignæ sunt, ab ipso *tantum summo* Pontifice cognoscantur, & terminentur, uti supra monui; *minores* vero in Concilio tantum Provinciali cognoscantur & terminentur; quæ si pleniores probationes & cognitionem postulent, quam ut brevi illo tempore, quo Synodus Provincialis est congregata, expediti possint, Judicibus à Synodo deputatis cognoscendæ committentur ad præscriptum Synodi Tridentinæ *Seff. 24. c. 5. de reform.*

VI. Præter controversiarum ac querelarum decisionem, Synodis Provincialibus allaborandum est, ut vitia, abusque corrigantur, ac mores ad optimam Sacrificæ Canonibus conformem disciplinam revocentur. "Sicut olim à Sanctis Patribus noscitur institutum, ait Concilium Lateranense sub Innocentio III. Metropolitanis singulis annis cum suis Suffraganeis Provincialia non omittant celebrare Concilia: in quibus de corrigendis excessibus & moribus reformandis, præsertim in Clero, diligentem habeant cum Dei timore tractatum." *Cap. 25. 2. de accusat.*

VII. "In delictis corrigendis" (inquit S. Carolus ad Patres in primo Mediolanensi Provinciali Concilio congregatos) "illa nobis ineunda ratio est, ut pro vi & modo morborum, ægrotorumque natura, medicinam accommodemus, nunc levibus admonitionis & oburgationis remediis errata castigantes, nunc acriori curatione utentes; denique exulceratis partibus ferrum & ignem admoventes, quemadmodum mali ratio, & contagionis periculum postulat, memores semper nos esse Patres, non Dominos."

VIII. "Morum autem disciplinam (pergit zelosissimus Antistes) "facile restituemus, si qua ratione, quibusve factis primum constituta, diuque conservata est, eandem nos in restituenda adhibebimus, illorum vestigia persequentes, qui hanc bonorum amplitudinem nobis, Deo auctore, sua virtute pepererunt. Proponamus nobis quæso, Patres, illorum vitæ sanctitatem, & in administratione sui officii sapientiam. Erant integri, casti, simplices, modesti, humiles, bene morati, in oratione & lectione assidui, sui despicientes, in alienæ salutis cura & cogitatione defixi, consilio, & opera benigni, Hospitalitales, in domestico cultu & victu parci, in alios beneficii & liberales. Erant vigilantes super gregibus suis, vineam Domini summa diligentia & labore colentes & custodientes. Pascebant assidue oves sibi commissas triplici salutis cibo, verbo, exemplo, & sacramentis; memores quoque & imitatores summi Pastoris Christi, qui pro universo grege suo sanguinem & vitam profudit, ipsi pro suarum ovium incolumitate quemvis excipere laborem, subire omnes casus, omnem vim, atque injuriam perferre, denique ut bonus ille Pastor Evangelicus, animam suam pro ovibus ponere non dubitabant, nullum inde hujus vitæ fructum expectantes, ut maximos cælestis retributionis fructus consequerentur. Hæc si, ut debemus, Patres, ante oculos habebimus, facile intelligemus, quid in restitutione Ecclesiasticæ disciplinæ nobis sit hoc tempore agendum. In quo illud etiam animadvertendum erit, ut, quemadmodum in conformanda, & constituenda Ecclesiastica ratione Christus Dominus ab ipsis Apostolis, quos Christianæ vitæ magistros esse voluerat, initium

fecit: sic nos à nobis ipsis Pastoribus quos vivendi exempla & præcepta aliis tradere oportet, in conformanda restituendaque morum disciplina exordiamur."

IX. Quam vero morum disciplinam restaurare; aut ut minus præ oculis habere debeant Episcopi, ab ipso rursus Sanctissimo Metropolita accipiamus: "Non adumbratam quamdam (ait ad Patres in secundo Provinciali Concilio congregatos) "sed expressam illam disciplinæ Christianæ formam, afflante Spiritu sancto, Decretis nostris restituere curemus, quam nascente Ecclesia instituit *vivus sermo Dei & efficax, penetrabilior omni gladio ancipiti, pertingens usque ad divisionem animæ ac spiritus, compagum quoque ac medullarum & discretor cogitationum & intentionum cordis.* Hebr. c. 4. Nam si vitiorum semina non funditus tollere studemus, sed satis id esse putamus, ut externa quædam tantum, quæ oculis offensionem in vulgus præbent, quasi levi manu emendemus, id nobis eveniet quod agricolis, qui, dum herbas inutiles radicitus evellere negligunt, quæque solum è terra extant, amputant, ne agrum quidem à stirpibus noxiis purgant, sed etiam quod plane nolunt, id sane efficiunt, ut uberiores paucis post diebus emanent. Nec vero est cur à muneris nostri ratione deterreamur, vel quia his pastoralibus nostris studiis actionibusque animos eorum exulcerari videamus, qui filii sunt perditionis; vel quia populares illæ, quibus quasi ficus foliis deformes, pravique mores contegi solent, voces audiantur: Non ferunt hæc tempora veterum Canonum severitatem: sic jamdiu viximus, sic vixerunt; ita egerunt qui ætate antecesserunt; vitæ institutum nihil est quod mutemus. At nos hæc, atque adeo alia ejusmodi contemnamus, proponamusque nobis ob oculos libertatem illam spiritus, & virtutem, qua armati patres nostri Apostoli, qua muniti martyres, qua instructi nostri ordinis sanctissimi homines, Athanasius, Chrysostomus, Ambrosius, hujus Ecclesiæ antistes; qua affecti alii religiosi viri, Apostolico quodam animorum ardore flagrantes, nullis non minis, non hominum clamoribus, non furoribus quasi tribunitiis fracti, nec debilitati, pro Dei gloria, pro gregis commissa salute, forti constantique animo adhibuerunt illam quasi censoriam virtutem, accerrimam peccatorum vindicem. Eorum fere exemplo adducti nos quoque Apostolica illa constantia & Evangelica virtute, qua una nihil est in Ecclesiasticis Pastoribus illustrius, nihil magis necessarium, sine metu, & constantes certe agamus, atque adeo perficiamus, quod Evangelium docet, quod Christus jubet, quod ratio præcipit, quod gregis salus, quod Ecclesiæ auctoritas dignitasque postulat."

X. Eodem spiritu suos animabat magnus ille Mechliniensis Provinciæ Metropolita Matthias Hovius: Evellamus, inquit, quæ in agro Dominico deprehenderimus luecrevisse zizania, quæque in atrii Domini subnata virgula: destruamus male fabricata per præteritorum temporum nimiam licentiam plantatus è diverso salutarium legum sanctarumque Constitutionum surculos, unde piorum operum, & vitæ vere Ecclesiasticæ fructus proveniant. "In Oratione habita in Synod. Prov."

XI. Et Cameracensis Metropolita Ludovicus Berlaymontius, postquam exposuisset, quomodo in Synodo summa animorum concordia, ac benignitate & mansuetudine ad emendationem defectuum & morum reformationem esset procedendum, concludit: "Atque que ita totius hujus convocationis scopum fuisse cognoscetis, ut mecum pro reformanda Ecclesia nostra consideretis sollicitè, quæ deesse & deficere nostris & ejus rebus videantur: quin etiam quæ impedire possint fructus & effectus nostrarum Constitutionum, & quibus præcipue remediis & medicamentis lan-

„gredientes



„ guentes tantopere hujus Provinciae Ecclesias suble-  
 „ vare, sanare & in pristinam status sui valetudinem  
 „ restaurare, Deo cooperante, possumus, judicetis.

XII. Ut hic Synodorum fructus haberi commodius  
 possit, saluberrimum est S. Caroli in Synodo sua IV.  
 evulgatum Decretum, nimirum: „ Eo religiosius &  
 „ frequentius Episcopus unusquisque in oratione, &  
 „ precibus & Sanctissimis Sacrificiis, illo praesertim  
 „ tempore, quo diem habendae Synodi instare cogno-  
 „ verit, versari studebit; quo planius se ad rerum  
 „ gravium consultationem & deliberationem vocatum  
 „ esse videt.

„ Quo autem instructior ad Synodalia rerum tra-  
 „ ctationem conveniat; perquirat primo, quae Tri-  
 „ dentina, & Provincialia Decreta executus sit, quae  
 „ non item. Videat praeterea, quae ab aliis, quorum in-  
 „ terest, praestita non sint, quaeve non servantur.

„ Haec vero accurate investiget imprimis, an qui  
 „ vel jure, vel consuetudine, vel alia quavis ratione  
 „ residere debent, ipsi resideant, atque residentiae mu-  
 „ nera per eosdem praestentur.

„ An regulares exequantur, quae Tridentina Con-  
 „ stitutione de eis sancita, in defectum Capitulorum  
 „ generalium in Provinciali Concilio supplenda, pro-  
 „ videndae sunt, ejusdem Concilii Tridentini De-  
 „ creto.

„ Diligentissime quoque indaget, si quae superiorum  
 „ Provincialium Synodorum Decreta sunt, quae in sua  
 „ Dioecesi executionem non habuerint.

„ Id denique omni Christianae disciplinae studio per-  
 „ spiciat, si quae sunt, quae pro corrigendis moribus,  
 „ pro abusibus tollendis, pro controversiis componen-  
 „ dis, aut alia pro universae Provinciae Ecclesiasticae  
 „ & Christianae morum gubernatione sancte instituenda,  
 „ vel restituenda, tractari aut decerni Concilio  
 „ oportet.

„ Quo studiosius autem id omne praestet, paucis ante  
 „ diebus, quam Synodi Provincialis statuta & indicta  
 „ dies venerit, urbis Dioecesisque suae Sacerdotes ali-  
 „ quot pietatis zelo flagrantibus, rerumque Ecclesiasti-  
 „ carum peritia atque usu praeditos, ut expedire vide-  
 „ bitur, convocet; quibuscum agat de iis singulis Con-  
 „ ciliarium rerum tractationibus, ac praesertim, quae  
 „ ad vitae Christianae, & ad Clericalis disciplinae insti-  
 „ tuta interesse possunt.

XIII. Praeterea ad assequendum Synodorum prae-  
 „ cipuum scopum; nimirum vitiorum extirpationem &  
 „ morum reformationem, non parum efficax erit exacta  
 „ observatio Decreti Concilii Lateranensis sub Innocen-  
 „ tio III. in cap. 25. §. de Accusat. ut Episcopi „ per  
 „ singulas Dioeceses statuunt personas idoneas, provi-  
 „ das videlicet & honestas, quae per totum annum sim-  
 „ pliciter & de plano absque ulla jurisdictione solcite  
 „ investigent, quae correctione vel reformatione sunt  
 „ digna, & ea fideliter perferant ad Metropolitanum &  
 „ Suffraganeos, & alios in Concilio subsequenti, ut su-  
 „ per his & aliis (prout utilitati & honestati congruerit)  
 „ provida deliberatione procedant.

Haec personae vulgo dicuntur Testes Synodales, de  
 quibus supra fusius actum est.

XIV. Hanc perfectam ac integram pristinae disci-  
 „ plinae normam, quam Episcopi tanquam formam sibi  
 „ praescriptam continuo intueri debent, quia temporum  
 „ ac personarum conditio restitui interdum non patitur,  
 „ prudenter Ecclesia instituit, ut Synodorum celebratio  
 „ nunquam intermitteretur; quo fieret, ut quod primo  
 „ obtineri haud potuit, sequentibus sensim obtineatur;  
 „ atque ad integram reformationem & perfectam quam-  
 „ dam morum disciplinam gradatim, & suaviter populus  
 „ ducatur.

XV. Ita expertus fuit S. Carolus, quemadmodum in  
 sua ad Patres Concilii sui secundi oratione aperuit: una  
 vel hoc titulo Coepiscopis suis persuadere studens, quam  
 necessaria esset frequens Synodorum celebratio. „ Quo

„ tempore, inquit, huc primo in Concilium conveni-  
 „ mus; populis nostris, tanquam parvulis, aut certe  
 „ infirmioribus, si praeter lac escam dedimus, ac soli-  
 „ diorem cibum tum praebere vix possumus; idque  
 „ Christo Domino magistro, qui multa cum haberet,  
 „ quae Apostolis diceret, non omnia tamen uno tem-  
 „ pore eos docuit, propterea quod ad ea portanda tunc  
 „ sane essent minus idonei. Et quemadmodum is longo  
 „ temporis progressu, tum excitatis Sanctorum Patrum  
 „ mentibus, tum Sacrosanctis habitis Conciliis, Eccle-  
 „ siam suam doctrinae splendore in dies magis atque  
 „ magis illustrare voluit, cum vel momento temporis  
 „ id ipsum praestare potuisset: sic nobis, qui Matrem  
 „ Ecclesiam colimus, atque observamus, illud ab ejus  
 „ benignitate sperandum est, ut & nunc, & in poste-  
 „ rum, prout temporum ratio requireret, ea patefa-  
 „ ciat, atque aperiat, quaecumque superioris nostri  
 „ Concilii temporibus non opportuna ipsius Dei Spi-  
 „ ritus non suggessit, ut illa fidelibus nostris tunc tra-  
 „ deremus.

XVI. Quid igitur mirum, si in Belgicis nostris Sy-  
 „ nodis sub finem praeteriti, vel initium praesentis seculi  
 „ celebratis, quo summa erat in Clero deformatio & toti-  
 „ us pene disciplinae concuscatio, ac rerum civilium sum-  
 „ ma perturbatio, integram morum disciplinam restitu-  
 „ tam non videamus? Sed illud dolendum, quod qui Ec-  
 „ clesiae pro Patribus nati sunt filii, tanquam providi Archi-  
 „ tecti super fundamento, à Patribus posito, superaedifi-  
 „ care non perrexerint, ipsumque opus ad perfectum  
 „ perducere non studuerint.

Adhuc consideret quisque (verba sunt Matthiae Ho-  
 „ vii in oratione Synodali) nullum agrum, nullum hor-  
 „ tum tam bene excultum, qui non subinde indigeat ex-  
 „ purgatione & rastro: Nullam quoque tam exacte aedifi-  
 „ catam domum, quae non aliquando restaurationem re-  
 „ quirat. Quocirca & mira providentia Spiritus Sanctus  
 „ Ecclesiam suam regens, per Sacrum Concilium Tri-  
 „ dentinum mandavit, in omni provincia Concilium sin-  
 „ gulis triennii, in omni Dioecesi singulis annis cogen-  
 „ dum.

#### CAPUT IV.

Qui Decretis Synodorum Provincialium sint subjecti:  
 & de confirmatione Sedis Apostolicae  
 super his Synodis.

1. Qui Episcopis subjiciuntur quocumque titulo, etiam  
 bis Synodis subjiciuntur.
2. Exhortatio Archiepiscopi Mechliniensis pro obedi-  
 entia Decretis Synodorum exhibenda.
3. Quare postremis temporibus pro confirmatione recur-  
 sum fuerit ad Sedem Apostolicam?
4. Synodus Provincialis Mechliniensis prima petiit con-  
 firmationem à Sede Apostolica.
5. Nonnulli articuli reformationis istius Synodi missi fue-  
 runt ad Archiepiscopum Mechliniensem.
6. Exemplar litterarum, cum quibus dicti articuli missi  
 fuerunt.
7. Reformationes seu annotationes editae non fuerunt, nec  
 Decreta Synodi immutata.
8. Referuntur quaedam illarum annotationum ex quo-  
 dam manuscripto; & primum ad Titulum de Spon-  
 salibus.
9. Annotatio ad Titulum de Jeuniis.
10. Ad Titulum de Sigillis.
11. Ad Titulum de Ministris Ecclesiae.
12. Ad Titulum de Decanis.
13. Ad Titulum de Seminariis.
14. Ad Titulum de Unionibus.
15. Synodus Provincialis Mechliniensis secunda confir-  
 mationem Sedis Apostolicae petiit, & obtinuit.
16. Aliqua in ea fuerunt mutata, sed quae, ignoratur.
17. Pla-

17. *Plures Synodi Provinciales similiter in Gallia confirmatae fuerunt.*  
 18. *Synodi Mediolanenses Sancti Caroli per speciale Breve confirmationem Sedis Apostolicæ obtinuerunt.*

I. **Q**UIN Exempti in omni materia non exempti; & omnibus iis casibus, quibus vel ex speciali Sedis Apostolicæ, vel Concilii Tridentini Decreto Episcopis subijciuntur, etiam statutis ac ordinationibus Conciliorum Provincialium obedire teneantur, dubitari nequit: cum in hæc ordinationes non unius duntaxat Episcopi, sed omnium Episcoporum totius Provinciæ auctoritas concurrat & influat.

Hinc teste Fagnano ad cap. ET SI MEMBRA *de his quæ fiunt à Prælato sine consensu Capituli num. 51. & 52.* declaravit Sacra Congregatio, "ad observationem Concilii Provincialis omnes esse obligatos, qui iurisdictioni Episcoporum subijciuntur: exemptos etiam in casibus, in quibus à jure communi & Concilii Tridentini Decretis specialiter Episcopis, aut Concilio Provinciali in ipsos potestas tributa est, & contrainobedientes esse procedendum.

II. Optandum sane esset, ut "nemo contra id quod verum, justum & sanctum est, quod Canonibus veteribus, quod denique novo juri Sacrosancti Concilii Tridentini conforme, sui Capituli, sui Monasterii, suæ Ecclesiæ consuetudines alleget, (verba sunt Matthæi Hovii Archiepiscopi Mechliniensis in citata oratione) "sed evelli obedienter patiatur, quod per inolitam consuetudinem male succrevit, ut meliori plantæ locus fiat: nemo hic jus acquisitum contra jus in sacris Canonibus aut sancto Concilio Tridentini sancitum alleget: nemo privilegia contra intentionem dantis extendat, aut abrogata obtendat: nemo denique se à Dei lege, aut Apostolicæ Sedis Delegatis, exemplum putet. Horror autem vos paucis, cum Apostolo dicente: *Obedite Præpositis vestris & subjacete eis; ipsi enim pervigilant tanquam rationem reddituri pro animabus vestris.* Heb. c. 13. v. 17. Serio consideret quisque, nullum agrum, nullum hortum, tam bene excultum, qui non subinde indigeat expurgatione & rastro: nullam quoque tam exacte ædificatam domum, quæ non aliquando restaurationem requirat. Quocirca & mira providentia Spiritus Sanctus Ecclesiam suam regens, per sacrum Concilium Tridentinum mandavit, in omni Provincia Concilium singulis triennii, in omni Dicecesi singulis annis cogendum. Quod totum indubie frustraneum, & illusorium erit, nisi adit, ut ante diximus, vera obedientia: quæ ubi deesse solet, & Conciliorum celebratio, & ipsa quoque religio tandem perire solet.

III. Quia his postremis temporibus frequenter ipsi exempti, præsertim Regulares, prætextu suarum exemptionum se subijcere renuebant Decretis Synodorum Provincialium, etiam in materia non exempta; aut quoad Decreta totius Provinciæ regimen concernentia; indeque Decretorum optata executio impediretur; quin & in contemptum & vilipendium populi adducerentur; dum illa à Regularibus negligi aut etiam contemni videbatur, Episcopis visum fuit, ad Sedem Apostolicam recurrere, ut ab ea Decretorum Synodali approbatione & confirmatione obrenta facilius, promptior atque efficacior Decretorum haberetur executio; atque omnis subtraheretur iis obloquendi, aut ea carpendi occasio; quando ea à Sede Apostolica probata & confirmata intelligerent illi præsertim, qui privilegia sua unice Sedi Apostolicæ accepta referre debent: & cui illa interpretandi auctoritas competit.

Et quidem pleraque Synodos Provinciales post Synodum Tridentinam habitas, Sedis Apostolicæ confirmationem seu approbationem postulasse, & obtinuisse, ex eorum Actis liquet.

IV. Synodi Provincialis Mechliniensis habitæ sub

Cardinali Granvellano primo Mechliniensium Metropolitæ, Decreta Sedi Apostolicæ fuisse præsentata; innuit hæc finalis Synodi clausula: "Submittens se suaque omnia beneplacito Sanctæ Sedis Apostolicæ, quam humiliter rogat, ut eadem, quo meliorem habeant progressum, sua auctoritate roborare dignetur.

V. Nihil quidem impressa Synodi hujus exemplaria de hac Sedi Apostolicæ roboratione, aut judicio ejusdem Sedis de Synodalibus hæc Decretis habent; at in quodam libro, quem Bibliotheca Collegii Mechliniensis in Academia Lovaniensi dono dedit Claudius Verdyt Archipresbyter Rothnacensis, habetur manu ejus propria exaratum exemplar articulorum reformationis dicti Concilii Mechliniensis, quod post peritam ejusdem Concilii à Sede Apostolica confirmationem, cum litteris clausis missum fuit à Deputatis ex ordine Interpretum Concilii Tridentini ad Cardinalem Granvellanum Archiepiscopum Mechliniensem.

VI. Litteræ erant directæ ad Cardinalem Granvellanum Archiepiscopum Mechliniensem, in hæc verba: "Illustrissime & Reverendissime Domine noster colendissime: Cum Amplissimorum Patrum sacri Concilii Tridentini Interpretum Ordo Provinciale Synodum Mechliniensem nobis seorsim tribus inspicendam atque discutiendam dederit, ea cura, ut si quid in ea nobis notatione dignum videretur, id ad Ordinem ipsum referremus: Cumque nos injuncto nobis muneri sane & accurate, quantum in nobis fuit, satisfecerimus; nonnullaque notaverimus quæ attentius consideranda atque etiam reformanda duximus: Visum nobis est pro ea, quæ Amplitudini tuæ Illustrissimæ à nobis debetur observantia, ea prius diligenter præscripta cum his ad eam litteris mittere, unaque illi rationem, qua mori sumus, explicare. Proinde Amplitudinem tuam Illustrissimè rogamus, ut cum primum per arduas atque immensas occupationes licuerit, quid & ipsa sentiat, quidque nobis faciendum judicet, pleæ nobis aperteque significet. Nos interim illi omnia fausta plene felicia cupimus & precamur: Romæ die 27. Maji 1571. subscriptum, Stanislaus Cardinalis Warmiensis: J. L. Cardinalis Urbinus: Claudius de Aquaviva. Et superscriptum: "Illustrissimo & Reverendissimo Domino Cardinali Granvellano Domino nostro observantissimo.

In eodem libro eadem manu exaratæ sunt annotationes ad plura ejusdem Synodi Decreta; de quibus in dictis litteris trium Cardinalium, quibus à Congregatione super interpretatione Concilii Tridentini, examen Concilii Provincialis Mechliniensis demandatum fuerat.

VII. Quid tandem à Granvellano responsum sit, nescio; id constat, Decreta illius Synodi nullam ex dictis annotationibus mutationem accepisse; sed edita esse, hodieque extare quemadmodum Romam missa fuerant; uti ex collatione Decretorum cum dictis annotationibus, quarum præcipuas hic ex dicto MS. subijcio, poterit videri.

VIII. Titulo de *Sponsalibus & Matrimonio*, ad cap. 4. & 5. hæc erat observatio: "Non est permittendum, ut à volentibus contrahere Matrimonium, aliquid exigatur: ideo loco illorum verborum: *Decani autem, &c. opponatur, prohibitio: Decani autem & Pastores, ratione hujus examinis nihil recipiant.* Et in capite sequenti "ibi, *Atque Episcopi,* ab illo verbo deleantur: & ibi, *litterarum,* dicatur, *quæ gratis dentur.*

Ad cap. 7. *ibid.* "Non expedit pecuniariam legi prænam apponere; quæ pro modo culpæ quandoque augenda, quandoque minuenda est. Satius esset simpliciter manere præceptum, delendo illud, *sub pena.*

IX. Titulo de *Jejunis* ad cap. 1. "Exprimantur vigiliæ aliorum Apostolorum præter Joannis Evangelistæ, Philippi & Jacobi, juxta cap. 2. de Observat.

„*vat. jejun.* nam communis sententia excludit contrariam sententiam.

X. Titulo *De Sigillis*, ad cap. 2. & 6. „Quoad prius consulenda est Sacra Congregatio, an quoad illa locum habeat Concil. Trident. *Sess. 21. cap. 1. pro litteris*: & juxta illud sit limitandum. Et ex cap. 6. delendum est, quod dicitur, *de applicando fabrica & seminario*, ne contra mentem Concilii cap. 10. *Sess. 21.* ex hujusmodi proventibus, indirecte commodum aliquod proveniat. Et cap. 5. *ibid.* delendum est.

XI. Titulo *de Ministris Ecclesiae*, ad cap. 7. „Consulenda est Congregatio, an sit bonum declarare absolutionem nullam. Et consideretur cap. 15. *Sess. 23. Conc. Trident.* Eodem capite, considerandum est, an melius sit omittere *saltem mortalia*, an potius dicere licet: mortalia tantum de necessitate confiteri teneantur: quia tamen periculosum est discernere venialia à mortalibus, doceantur omnes,

XII. Titulo *de Decanis*, ad cap. 6. „Ante verbum *dispositionem* dicatur: formam traditam à Concilio Tridentino: & inferius post verbum *necessaria* deleantur illa: *Locorum Episcopis auctoritate ejusdem Concilii committit*; sed dicatur: servatis tamen, quæ idem Concilium super hoc salubriter statuit. Nam est caput 18. *Sess. 24.* quod quam Episcopis & Provinciali Synodo det facultatem addendi vel minuendi circa formam examinis, non tamen omnia circa examen, eorum voluntati remittit, ut etiam, omisso examine, valeat collatio; quod verba Synodi inferre videntur.

XIII. Titulo *de Seminariis* ad cap. 2. „Deleatur verbum, *Seminaria*, & addatur post verbum *cura*, *Seminario*. Consulenda tamen est Congregatio, an quæcumque jam instituta Seminaria an verò destinata tantum, credat quoddam ad alendos pueros Seminario sint applicanda.

XIV. Titulo *de Unionibus* ad cap. 2. „Ibi: *ad proportionem*, deleantur verba illa: *quatuor &c.* usque ad finem. *Ibid.* in fine deleantur verba: *Infra dictam taxam*: & dicatur, ad proportionem aliquam, prout attentis circumstantiis, judicaverint expedire, reduci posse.

Ad cap. 3. *ibid.* „Deleatur illud, *juxta taxam præscriptam*: & addatur: non admittantur nisi de competentem elemosyna arbitrio Ordinarii Sacerdotibus provisum fuerit. Absolum est in lege inveniri quasi præscriptum pretium Missæ Sacrificio.

XV. Decreta Synodi Mechliniensis sub Hovio anno 1607. habitæ, per Dionysium *Cyryllus* Canonium & Scholasticum Ecclesiæ Brugensis de mandato Episcoporum, Romam fuisse delata pro obtinenda confirmatione, constat ex Brevis Pauli V. super confirmatione dictæ Synodi, quod ad calcem Synodi extat. Ex quo insuper constat, eadem Decreta recognita fuisse à Cardinalibus Interpretibus Sacri Concilii Tridentini; atque, *nonnullis mutatis*, auctoritate Apostolicâ fuisse approbata, „hortaturque atque auctoritate Apostolicâ, quam à Dei benignitate licet immeriti accepimus, inquit, jubemus, ut ejus Synodi Decreta omnia, quæ ad Sacrorum Canonum præscriptum omnes istius Provincia Episcopos, omnesque eorum Diocesanos obstringunt, ab omnibus quam diligentissimè ac inviolatè servantur.

XVI. Quæ sint *mutata* illa, de quibus in Brevis Apostolico, hætenus mihi scire non licuit; sicut nec, quæ fuerint *protestationes*, quas Cardinalis Pamphilius in suis secundis litteris ad Archiepiscopum Mechliniensem, in Synodo habitæ, ac in ipsa Synodi calce descriptas, atque in ipsa Congregatione perlectas, expensas, ac ponderatas fuisse, asserit.

XVII. Synodi quoque Provinciales sub idem tempus in Regno Galliæ habitæ, Decreta sua Sedi Apostolicæ submiserunt; eaque à S. Congregatione examinata, &

in nonnullis plerumque emendata seu mutata receperunt; uti ex actis illarum videre licet.

XVIII. Testatur quoque Fagnanus, „Concilia Provincialia Mediolanensia approbati consuevisse à Summo Pontifice per litteras in forma *Brevis*: cum tamen alia Provincialia Concilia non confirmantur, sed tantummodo recognoscantur & emendantur à S. Congregatione Concilii, ad præscriptum Sixti V. super institutione ejusdem Congregationis. „*Ad cap. FIRMITER & de summa Trinitate n. 48.*

## CAPUT V.

Exponitur mos postulandi à Sede Apostolica confirmationem Synodorum Provincialium.

1. Mos ille ante promulgatas Decretales Epistolas non obtinebat.
2. Post receptum Gratiani Decretum invalescere cepit.
3. Tunc ratum non habebatur Concilium, nisi auctoritas Sedis Apostolicæ accederet.
4. In Decreto Tridentino præcipitur ut singulis trienniis Synodus Episcoporum in singulis Provinciis cogatur; sed nihil occurrit de confirmatione à summo Pontifice petenda.
5. Hanc tamen confirmationem esse necessariam declaravit Congregatio Concilii Tridentini interpret.
6. Declarationes hujus Congregationis vim legis non obtinent, neque in Belgio, neque in Gallia.
7. Quædam in Decretis Synodorum Belgicarum mutaverunt Revisores Romani, sed nulla harum immutationum ratio habita est.

I. Mos ab aliquot seculis invaluit, ut à Sede Apostolica Synodorum Provincialium confirmatio, & approbatio peteretur; atque etiam post Tridentinam Synodum & in Gallia, & in Belgio postulata per Episcopos aliquando fuit.

Oblervat autem vir clarissimus Petrus Pithæus in commentario ad Libertates Ecclesiæ Gallicanæ cap. 10. „Non reperiri, quod ulla Synodus Gallicana octo primis seculis ullam à Sede Apostolica Decretorum suorum confirmationem postulaverit.

II. At post publicatas falsas Decretales, primis Romanis Pontificibus suppositas, ac notanter post editum, & receptum Decretum Gratiani invalescere cepit opinio, præsertim apud Romanos, nullam Synodum cogi, aut ejus Decreta rata esse posse, nisi Sedis Apostolicæ accesserit assensus.

In supposititia enim epistola Marcelli Papæ ad Maxentium, apud Gratianum *Dist. 17. Can. 1.* legitur: „Synodum Episcoporum absque hujus sanctæ Sedis auctoritate (quanquam quosdam Episcopos congregare possitis) non potestis regulariter facere.

III. Et ipse Gratianus referens *Dist. 17. Can. 3.* fragmentum supposititiæ Decretalis sub nomine Julii Primi ad Orientales, Canonis hoc summarium præfixit: *Non est ratum Concilium quod auctoritate Romana Ecclesiæ suffultum non sit.*

Horum itaque auctoritate tandem invaluit opinio, Concilia Episcoporum rata non esse, nisi auctoritas Sedis Apostolicæ intervenerit, quod & notavit vir clarissimus Claudius Fleury in sua Historia Ecclesiastica, & notanter in quarto Discursu historico num. 2. unâ ibidem observans, ob hanc persuasionem indubie factum, ut nulla penè Synodus à seculo XII. legatur celebrata, cui non interfuerit, & præfederit Legatus Romani Pontificis.

Hanc fuisse Romanorum persuasionem tempore Concilii Tridentini, testatur Franciscus de Vargas in epistola, quam Tridento scripsit 26. Novembris anno 1551. ad Episcopum Aurbarensem, Cardinalem Granvellanum,

Suribit



Scribit enim, quod inter articulos instructionis per Carolum V. Imperatorem missos, ut Patribus Concilii Tridentini proponerentur *sessio* 14. sub titulo 3. fuerit articulus de *cogendis Synodis Episcoporum*, quodque hic articulus Patribus propositus multum conturbaverit legatum Pontificis.

Post hæc scribit, suam opinionem fuisse, articulum non proponendum; eo quod ipse jam novisset præfessiones Papæ, ejus Ministrorum: quodque tot jam essent de celebrandis his Conciliis edita Decreta, ut superfluum videretur, novum rursus ea de re Decretum publicare. Addit denique, quod "Pontifices efficiant, ut Synodi Provinciales restitui nequeant, nisi eo, quo ipsis placuerit, modo; eaque conditione, quod hisce Synodis semper intersint Legati, sive Præsides, qui *vice sua* iisdem præsideant; atque hoc pacto fiat, quod Curia Romana integrum Ecclesiæ Corpus sibi ita subiectum tenebit; ut tandem nullus particularis audeat vel in minimo resistere.

IV. Porro hac decima quarta sessione sub Julio III. habita nihil de cogendis Episcoporum Synodis Decretum legitur, forsan, quia Cæsaris Oratores id urgere conveniens tunc non judicabant. At nec in Decreto *sessionis* 24. cap. 2. quo præcipitur singulis triennii Synodum Episcoporum cogendam, nihil occurrit de assistentia, aut præsentia Legati Apostolici; vel confirmatione aut approbatione postulanda aut obtinenda à Sede Apostolica.

Verum cum in Curia Romana ea esset recepta opinio auctoritate Gratiani, Decreta Synodorum non posse suum plenum habere effectum, & firmitatem, nisi postquam per Sedem Apostolicam essent probata, Decretum Concilii Tridentini in Curia Romana ita receptum fuit, ut quidem conformiter ad hoc Decretum, de triennio in triennium deberet haberi Concilium Provinciale in singulis Provinciis, sed tamen statuta plenum non haberent effectum, & executionem, antequam per Sedem Apostolicam essent revisa & probata.

V. Cum hac moderatione Decretum Concilii Tridentini in Curia Romana receptum & intellectum fuisset, evincit declaratio sacre Congregationis Cardinalium super interpretatione Concilii Tridentini sexto die April. 1596. relatâ inter declarationes Cardinalium ad calcem dicti capituli 2. *sess.* 24. de *Reformat.* his verbis: *Quæ in Conciliis Provincialibus conduntur, publicari non debent, inconsulto Pontifice.*

Hujus declarationis meminit & Petrus de Marca lib. 6. de *Concord. Sacerd. & Imp.* cap. 4. num. 12. sub finem addens: "Dissimulandum non esse, Cardinales per hanc declarationem, auctoritatem Synodorum Provincialium limitibus quibusdam circumscripsisse, vim *apertam* inferendo verbis Tridentinæ Synodi.

VI. Monet & ibidem de Marca: *Declarationes illæ vim legis non obtinent in Gallia.*

Neque in Belgio has declarationes vim legis habere, notorium est, & non semel in hoc opere notavimus: ac notanter hanc declarationem in Belgio agnitam non fuisse, neque creditum Decretorum Synodaliū auctoritatem à confirmatione Romana dependere, certum est.

VII. Scitur quidem Synodorum Provincialium, quæ post Concilium Tridentinum in Provincia Mechliniensis sub Cardinale Granvellano anno 1570. & sub Matthia Hovio anno 1607. celebratæ fuere, confirmationem à Sede Apostolica fuisse postulatam, eumque in finem, etiam Decreta Romam transmissa, atque nonnulla ex illis Decretis per Romanos Revisores fuisse immutata: Verum & hoc scitur, in Belgio nullam harum immutationum rationem habitam fuisse: sed Decreta Synodalia, prout per Episcopos fuerant edita, & à Principe probata vim suam habuisse & juxta illa hætenus observata fuisse, uti in Capite superiori, item Parte primâ titulo 30. cap. 4. num. 16. notatum fuit.

## CAPUT VI.

Quæ Principum circa Synodos Episcopales auctoritas?

1. Synodi interdum per Principes convocatæ sunt.
2. Probatum ex actis Synodorum.
3. Synodi olim vix sine licentia Principis fiebant.
4. Hodie agrè permitteretur Synodus congregari sine Principis licentia.
5. Nulla hîc penè Synodus in cujus indictione mentio licentiæ Principis non occurrat.
6. Ex Synodo Turonensi. probatur necessitas bujus licentiæ.
7. Synodus Rbemensis de licentia Regis indicta.
8. Cameracensis prima similiter meminit obtentæ licentiæ.
9. Archiepiscopus Mechliniensis in indictione suæ Synodi mentionem quoque illius fecit.
10. Quare Principum licentia requiratur?
11. Principes non attribuunt sibi auctoritatem decidendi in Synodis.
12. Pro faciliore executione aderat interdum Minister Regius.
13. Quas partes Principes, vel eorum Legati in Synodis habuerint?
14. Difficilis est Decretorum Synodaliū sine Regia auctoritate executio; ac ideo petitur confirmatio Regia.
15. Id olim solitum fuisse probatur.
16. Synodus Cameracensis II. non fuit publicata nisi obtentâ confirmatione Regiâ.
17. Nec Synodus Mechliniensis sub Hovio.
18. Corollarium ex hætenus dictis.

I. Synodos jam pridem nonnunquam iussione Regum ac Principum convocatas fuisse ipsa Acta Synodalia atque temporum historia dubitare non sinunt.

II. Patres Concilii Aurelianensis I. anno 511. scribunt Chlodoveo Regi in hæc verba: "Domino suo Catholicæ Ecclesiæ filio Clotovecho gloriosissimo Regi, omnes Sacerdotes, quos ad Concilium venire iussisti. Quia tanta ad Religionis Catholicæ cultum gloriosæ fidei cura Vos excitat, ut Sacerdotalis mentis affectu Sacerdotes de rebus necessariis tractaturos in unum colligi jusseritis, secundum voluntatis vestræ consultationem, & titulos, quos dedistis, eâ quæ nobis visum est definitione respondimus, ita ut si ea, quæ nos statuimus etiam vestro recta esse iudicio comprobantur, tanti consensu Regis ac Domini majori auctoritate servandam tantorum firmet sententiam Sacerdotum.

Et in præfatione ejusdem Concilii legitur: "Cum Auctore Deo ex evocatione gloriosissimi Regis Chlodovechi, in Aurelianensi urbe fuisset Concilium congregatum summorum Antistitum, &c.

Rursus in præfatione Synodi Aurelianensis II. an. 533. Patres dicunt: "Cum ex præceptione gloriosissimorum Regum in Aurelianensem urbem, de observatione legis Catholicæ tractaturi, Deo auxiliante, convenissemus, &c.

Præfatio quoque Synodi Aurelianensis V. anno 549. Childebertum Regem Synodum congregasse testatur. "Ad divinam gratiam referendum est, quando vota Principum concordant animis Sacerdotum, ut, dum fit Pontificale Concilium, normam vivendi teneat recapitulatio antiqua Canonum, vel, ut locus tempusque est, in quibuscumque titulis veteribus adhærens nova Constitutio sanctionum. Igitur cum clementissimus Princeps triumphorum titulis invictissimus Dominus Childebertus Rex pro amore sacre fidei & statu Religionis in Aurelianensi urbe congregasset in unum Domini Sacerdotes, cupiens ex ore Patrum audire quod sacrum est, &c.

Infinita

Infinia penè sunt hanc in rem veterum Synodorum testimonia, quæ evincunt Regum ac Principum auctoritate & præcepto Synodos congregatas fuisse.

III. Quin si Synodorum atque præteritorum temporum monumenta evolamus, reperiemus, vix sine licentia Regum ac Principum Episcopos & Prælatos in unum synodaliter convenisse.

“Pescendum (inquirebant Patres Concilii Tullensis apud Saponarias anno 859. „ à Christianissimis & piissimis Principibus nostris, ut *Concilia Episcoporum juxta antiquam Ecclesiæ observantiam*, & studium Catholicorum Principum, tam Patrum suorum, quam etiam eorum, qui ante illos existerunt, *nullatenus omittantur*: Sed per singulas quasque Provincias saltem semel per annos singulos cum *eorum favore & pia exortatione celebrentur*. In eorum quoque Palatiis saltem semel intra biennium generalis Episcoporum Conventus agatur.

Hic non obscure Synodi illius Patres innuunt, celebrationem Conciliorum agere sperari posse, ni Principum auctoritas, aut saltem licentia accedat.

IV. Quinimò, sicuti in Italia, teste Cardinale De Luca. *Disf. 30. ad Concilium Tridentinum*, prohibita fuit convocatio Synodi Provincialis inconsultâ Sacra Congregatione, ita quoque hisce in Provinciis agere permitteretur Synodorum Congregatio sine prævia Regis licentia.

V. Hinc nullam pene in hisce Provinciis convocatam Synodum videmus. ni unâ in ipsis litteris convocationis Principis, aut Regis licentiæ aut assensus mentio fiat.

VI. Patres Synodi Turonensis anno 1583. in procæmio Synodi ita loquuntur: “Imprimis Deo optimo hæc Synodus gratias referendas censuit, prout refert, quod divini ejus spiritus afflatu Christianissimus Rex noster, Ecclesiæ Dei statum ac ordinem modis omnibus roborare disposcens, Conciliorum Provincialium in universo Galliarum regno celebrationem gratam non solum habuerit, sed eam etiam indici procuraverit.

VII. In litteris indictionis Concilii Rhemenis an. 1583. hæc leguntur: “Nos igitur divino favore freti, Sanctorum Patrum exemplo adducti, grassantibus Ecclesiæ nostrarum morbis pro virili mederi cupientes, huc etiam accedente Sanctæ Sedis Apostolicæ auctoritate, nec non Christianissimi Regis nostri Henrici *consensu* simul & hortatu, Concilium Provinciale in Ecclesia nostra Rhemeni, Dominica 1. post Festum Epiphaniæ celebrare decrevimus & statuimus.

VIII. Et Maximilianus à Bergis Archiepiscopus Cameracensis indicendo Synodum suam Provinciale anno 1565. se ad hanc indictionem potissimum animatum fuisse dicit, quod intelligeret, Regem celebrationem Synodi probare. Postquam enim multis exposuisset miserum Ecclesiæ Belgicæ statum, atque periculum, quod Belgio immineret, nisi remedium opportunum adhiberetur, subjicit: “Quare cum sæpius inter nos de periculo, quod maximum Ecclesiis impendit, depellendo quaereremus: hæc una, in cæteris, sacra nobis anchora visa est, si maturè Concilium Provinciale Cameracensis haberetur, in quo cum de restauranda disciplina, tum verò de doctrina Christiana conservanda inter Patres ageretur. Huic autem indictioni addidit animum invictissimi atque religiosissimi *Principis Philippi Regis* Catholici omnium optimi & maximi *Pietas*, (in cujus ditiones tota penè nostra Provincia patet) „ qui cum id sibi *vehementer placere* ac *probari* pro suo erga rem Christianam studio *declarasset*; tum nihil potius habuimus, quam ut diem indicemus ejus ineundi Concilii.

IX. Mathias Hovius Archiepiscopus Mechliniensis suam convocans Synodum anno 1607. nominavit quoque in ipsis convocationis litteris significare, ipsam Synodi indictionem & quoad tempus & locum Principi

placere. “Synodi Provincialis convocationem exillimavimus, inquit, non diutius differendam; sed eam proximâ hac æstate, Deo opitulante, celebrandam, *idque prout etiam Reverendissimæ suæ Celsitudini visum est*, in civitate Mechliniensis, Ecclesiæque nostræ Metropolitanæ.

X. Ex his cognoscitur, convocationem atque indictionem Synodorum Provincialium semper mansisse penes Metropolitanos, sed tamen hanc convocationem nequaquam fieri solitam esse, ni Principis, in cujus ditione Synodus convocanda est, consensus accedat: tum quia Principis interest scire, qui conventus, præcipue tam illustres & numerosi in suis ditionibus cogantur; tum etiam quod Metropolitanorum auctoritas ordinariè esset insufficiens, ut omnes, qui ad Synodum accedere tenerentur, in unum convenire cogeret, nisi Regia aut Principalis auctoritas accederet.

XI. Adhæc tamen si videamus frequenter Reges & Principes, tanquam Sacrorum Canonum executores, & disciplinæ Ecclesiasticæ defensores ac protectores, Episcopos ad Synodum celebrandam convocasse; atque eorum auctoritate se convenisse Episcopi frequenter professi fuerint, omnis tamen decernendi atque statuendi auctoritas penes Metropolitanum atque Episcopos inviolata remansit; ut ex suprâ allatis Synodorum præfationibus (quibus probatum fuit Regia auctoritate Synodos nonnunquam convocatas fuisse) patet.

XII. Aderat quidem nonnunquam in ipsa Synodo Minister Regius, sed nequaquam ut decideret, sed ut suâ auctoritate Synodum moderetur, turbantes coerceret, atque inobedientes ac rebelles in ordinem redigeret; ut rectè notat Archiepiscopus Turonensis anno 1583. in Epistola ad Henricum III. Regem Galliarum, in qua imprimis advertit, “quod ad Concilia Episcoporum olim etiam Imperatores, Reges, Principes, pro Episcoporum virtute, fiducia ac fide, non solum Clericorum, sed etiam Laicorum, potentum, divitum, Judicumque graviores causas referrent iudicandas. „ Deinde adjungit: “Quin etiam ut ne quid ex Regia decerneretur auctoritate & dignitate, aderat ibi Regius Procurator (quem appellabant *executorem*, qui in exequendis contra seculares Ecclesiæ Decretis operam navaret strenuam & efficacem.

XIII. Alterum quoque finem sibi proposuerunt Principes, cum ad Synodos Episcoporum suos mittebant Legatos, aut ipsimet intererant; quamvis inter Episcopos non sederent iudices, nihilominus officii sui esse duxerunt, suggerere, & proponere, super quibus à Patribus videbatur esse deliberandum & statuendum, ut inter alia fidem facit Concilium Sueslionense II. in Monasterio Sancti Medardi apud Suesliones, præsentè Carolo Calvo Rege, à quinque Provincialium Episcopis celebratum anno Christi 853.

Imprimis enim in Præfatione profitentur Patres, quod ipsis Synodum celebrare volentibus annuerit Carolus Rex; ipsosque ad Urbem Sueslionum in Monasterio sancti Medardi, & sancti Sebastiani 10. Kalendas Maias convenire præceperit.

Insuper, quod ipsemet “Rex dignatus fuerit Synodo interesse, ut se (inquiunt) non solum devotione Ecclesiæ filium esse ostenderet, verum etiam, sicubi opus esset, Protectionem Regiam auctoritate monstraret.

Post hæc, *Can. 1.* subjungunt: “Cum itaque Præsules diversarum Ecclesiarum, pro Rege multa *humiliter & prudenter* PROPONENTE, tractassent potius quædam, quam definitivissent, vi. Kalendas Maji, præsidentibus Synodo Hincmaro Rhemorum; &c.

Articuli per Regem Patribus exhibiti referuntur ad calcem Concilii tomo 8. Concil. General. *columna 92.* sub hoc titulo, *Capitula à Domino Carolo Rege in eadem Synodo apud Sueslionis Civitatem in Monasterio sancti Medardi proposita anno Incarnationis Dominicæ 853.* in mense Aprili.

Nec tantum in Synodis Provincialibus, sed & in Conciliis Generalibus soliti fuere Principes Patribus exponere, & suggerere, quæ ipsis pro reformanda disciplina aptiora & magis necessaria videbantur; quod & in novissima Tridentina Synodo per Imperatores, & Reges factum fuisse, acta hujus Synodi testantur, & in decursu hujus Operis ostenditur, quod articulo- rum à Principibus, Patribus Tridentinis propositorum ratio habita fuerit.

XIV. Id enim licere Regibus Christianis mirum non est; hi quippe sunt Ecclesiæ & ejus Decretorum defensores ac Patroni: eadem auctoritate & jura sua sanciant, & oracula Dei ac Ecclesiæ tuerentur. *Habet Rex celestis, aiebat Sixtus III. terrarum Reges suo numini fœderatos.* Et sanè quam difficilis, imò & inefficax sit futura Synodaliū statutorum executio, nisi executioni suffragetur, & accedat Regis vel Principis auctoritas, per experientiam plusquam notorium semper fuit.

Hinc etiam jam pridem observatum, ut quæ in Synodo Provinciali Episcopi statuerant & decreverant, Principi præsentarentur, ejusque auctoritate & approbatione confirmari atque roborari peterentur. (a)

XV. Archiepiscopus Turonensem in citata Epistola ad Henricum III. Galliarum Regem pro confirmatione Decretorum Synodaliū suo & Coepiscoporum suorum nomine supplicanti audiamus: "Offerimus tibi libellum exemplo Patrum Concilii Cabilonensis secundi, (anno 813.) qui Imperatori Caroli Magno sua Decreta duxerunt offerenda, ut sacratissimo ipsius judicio, quæ ab ipsis rectè erant sancita, confirmarentur: & sicubi forsitan esset omissum quidpiam, ejus prudentiâ suppleretur. Quod quidem & ita fecisse Concilii Turonensis tertii (anno 813.) Patres, ex ipsius sine haud dubiè colligitur. Neque enim dum offerimus, ignoramus, quantum Ecclesiæ Ministris tribuas, quam religiosus sis in tractandis Ecclesiæ Decretis, quam diligenter in mentem tuam introspicias & percuncteris teipsum, antequam de Ministrorum Dei statutis aliquid existimes immutandum. Grato igitur animo accipe, optime Princeps, tuorum humilium Oratorum Canones, eosque observari per totam Provinciam jubeto. Habetur tom. 15. Conciliorum general. col. 1064.

XVI. Patrum ergo exemplo excitati, & executionis difficultatem prævidentes Episcopi Belgii, suarum respectivè Synodorum Decreta Principibus obtulerunt, nec nisi earum obtentâ approbatione promulgare voluerunt.

Et quidem Ludovicus De Berlaymont Archiepiscopus Cameracensis, cum Synodum suam Provinciale celebrasset & conclusisset 23. Octobris anno 1586. ejusdemque publicationem in diem 25. Septembris anni

(a) Quod si in Galliis Canones Conciliorum nationalium istis muniti sint conditionibus, tunc ad auctoritatem legis, quæ nationem Gallorum obliget, assurgant.

Statuta verò, quæ in Concilio Provinciali facta sunt, obligant ejus Provinciam, modò etiam auctoritate Regia fuerint confirmata.

sequentis distulisset, rationem hujus dilationis in litteris publicationis his verbis expressit: "Ea (Decreta Synodalia) ne in lucem venirent citius ex eo accidit, quòd pro feliciore eorundem executione Regiam Majestatem Catholicam multis de causis implorandam duximus; quæ dum maturo Senatorum suorum consilio modum expendit, quo minore negotio & majore cum fructu per totam Provinciam hæc executio decerneretur, supervenientibus interim undequaque gravissimis aliis rei bellicæ negotiis tempus elapsum est, sed ut speramus non sine fructu. Cum enim dicta sua Majestas pro sua in Deum pietate, in Catholicam religionem zelo, in Ecclesiasticum statum studio, publico edicto ea, pro quibus maximè Regia ipsius auctoritas necessaria visa fuerat, à vobis omnibus juxta mentem Patrum dicti Concilii inviolabiliter observari caverit; confidimus, Deo bene juvante, futurum, ut, dum concores inter fe, in vos autem communemque vestram salutem pensatissimas intelligetis Superiorum vestrorum tam spiritualium quam temporalium voluntates, conjunctis etiam animis in hoc unum incumbatis, ut piissimis eorum desiderijs & conceptæ de vobis expectationi modis omnibus respondeatis.

Manifestum ergo est, quod publicationem Decretorum Synodaliū sine prævio Principis consensu haud convenire judicaverit Metropoli Cameracensis; atque spem optatæ executionis magna ex parte, in Edicto Regio super executione ipsius Synodi, collocaverit.

XVII. Similiter Matthias Hovius concludens Synodum suam Provinciale 20. Julii anno 1607. de his Patres monuit, quod de *plerisque rebus* in Synodo actis, sint consulendæ *Serenissimæ Celsitudines, quarum protectione, ait, speramus faciliorem executionem.*

Posthæc ipsa Decreta Synodalia, tam ipsius Archiepiscopi, quam Episcoporum Comprovincialium nomine, Serenissimis Celsitudinibus Alberto & Isabellæ oblata fuerunt; atque ab his transmissa ad Consilium Privatum Regium & Senatum Brabantie examinanda; quo examine factò, edictum Principum super ejusdem Synodi executione constans 30. articulis ultimâ Augusti an. 1608. prodiit. Quod edictum, uti & edictum Philippi II. ad Synodum Cameracensem (de quo supra) hodie hic in Belgio pro lege servantur; uti supra titulo V. De *Æditis Ecclesiarum* notavimus; & in decursu hujus operis sæpius adhuc notandum erit.

XVIII. Quòd ergo Episcopi agnoverint, quòd auctoritas etiam Regia in executione Decretorum Synodaliū concurrere debeat; atque sine hac auctoritate vix eorum sperandam esse optatam executionem (at manifestam: illud optandum, ut Ministri Regii, quos Ecclesia Canonum suorum vindices & protectores agnoscit, etiam allaborarent, ut juxta toties iteratas Conciliorum, ac signanter novissimi Oecumenici Concilii Tridentini Sacrosanctas Sanctiones, frequentior esset Synodorum celebratio; quarum intermissione magna ex parte disciplinæ Ecclesiasticæ collapsio, & abusus vitiorumque multiplicatio adscribenda.

## TITULUS XXI.

### DE LEGATIS ET NUNTIIS APOSTOLICIS.

#### CAPUT I.

##### De variis Legatorum speciebus.

1. Tres Legatorum species.
2. Quid Legati à latere?
3. Quid Legati Missi?

4. Legati Missi interdum mittuntur cum potestate Legati à latere.

5. Quid Legati nati?

6. Variæ Legatorum species ex illis, quæ olim gesta originem sumpserunt.

7. Frequentes olim fuere Legationes Pontificiæ ad Imperatores pro particularibus negotiis Ecclesiæ.

8. Huic



8. *Huic Legatorum generi correspondent hodierni Legati à latere.*
9. *Jam pridem fuere Legati Pontificum, qui in Comitatu Principum moras traherent, pro quibuscunque negotiis emergentibus.*
10. *Ex simili delegatione originem sumpsit consuetudo mittendi Responsales: & quod eorum officium?*
11. *Hi dicti fuere Apocrisarii; quorum frequens apud Veteres memoria.*
12. *Ex his originem habuere Legati Missi.*
13. *Hi subinde vocantur Nuntii, interdum Internuntii.*
14. *Olim Pontifices Legatos suos constituiebant illustrium Ecclesiarum Episcopos.*
15. *Hinc profuxere Legati nati.*
16. *Si Quenellio credatur, Julianus seculo V. fuit Apocrisarius S. Leonis.*

I. INNOCENTIUS IV. in Cap. 1. de Officio Legati in VI. statuit, "ut Ecclesiæ Romanæ Legati quantumcumque plenam Legationem obtineant, sive à nobis Missi fuerint, sive suarum prætextu Ecclesiarum Legationis sibi vindicent dignitatem: ex ipsius Legationis munere conferendi Beneficia nullam habeant potestatem, nisi hoc alicui specialiter duxerimus indulgendum. Quod in fratribus nostris Legatione fungentibus nolumus observari: quia sicut honoris prærogativa lætantur, sic eos auctoritate fungi volumus ampliori.

Ex hac Pontificis decisione notarunt Canonistæ post glossam ad citatum Capitulum, tres esse Legatorum species; nimirum Legatos à latere, Legatos Missos, & Legatos Natos.

II. Legati à latere vocantur Legati Cardinales: "Et hoc ideo, ait Glossa, quia assumuntur de latere Patris. Nam sicut Imperator & Patrii sive Consilarii faciunt unum Corpus, cujus Imperator est caput, & Consilarii, qui sibi assistunt in secretis, dicuntur esse membra, ita similiter Papa & Cardinales faciunt unum corpus, cujus Papa est caput & Cardinales sunt membra. Ideo quando aliquis assumitur de Cardinalibus ut mittatur Legatus, dicitur sumptus de latere; & appellatur Legatus de latere.

III. Legati Missi sunt, qui mittuntur ad aliquam Provinciam, sed non sunt Cardinales: & hujus generis esse solent hodierni Nuntii & Internuntii, apud Reges & Principes tanquam Legati Pontificis residentes.

IV. Notandum tamen quod Legatus non Cardinalis, qui Nuntius dici consuevit, mittatur interdum adjuncta in ejus Facultatibus hac clausula, cum potestate Legati à latere, quæ de stylo Curie Romanæ consuevit adiacere mandatis Legatorum, qui fimbriam vestimenti Papæ tetigerunt, seu quia eo vivæ vocis oraculo mandatum acceperunt; uti post alios monet Barbosa Lib. 1. Juris Eccles. cap. 5.

V. Legati nati vocantur, qui dignitati suæ Ecclesiasticæ officium & munus Legati Apostolici annexum habent. Qui ideo nati dicuntur, quia per ipsam dignitatis adaptionem, sine nova ulla Sedis Apostolicæ vel Pontificis commissione Legati Apostolici constituuntur, sive nascuntur.

VI. Tamen si hæc Legatorum Sedis Apostolicæ distinctio, præcipue sub his nominibus, & cum ea distinctione, quæ juxta modernum Jus Canonicum inter ipsos intercedit, veteribus cognita non fuerit, nihilominus variæ reperiuntur jam pridem Legatorum à Romanis Pontificibus ad Reges & Principes destinatæ Legationes, varique missi Legati, qui si attente considerentur, videbitur has tres Legatorum species ex usitato jam olim vario delegandi modo sensim profuxisse.

VII. Præter Legatos enim, quos Pontifices Romani ad Concilia Oecumenica jam olim mittere consueverant, & quorum in Conciliorum Actis frequens mentio.

Tom. I.

tio occurrit, non erant infrequentes eorumdem Legationes ad Imperatores Christianos pro negotiis Ecclesiæ procurandis.

Hujus generis Legatos ad Constantium Liberius destinavit, ut Concilium Aquileiæ cogendum imperaret, ubi de novo adversus S. Athanasium obiecto crimine majestatis, & de veræ fidei restitutione tractari posset. Missi fuere ad Constantium Vincentius Capuensis Episcopus, cum Marcello æque ex Campania Episcopo: qui Arelatem accedentes, Athanasii damnationi minis Constantii inflexi subscripserunt, uti patet ex fragmento Epistolæ Liberii ad Osum Cordubensem Episcopum, & pluribus narrat Baronius ad annum 353. Quare fidem Nicænam in causa Athanasii valde periclitari cernens, secunda legatione Constantium adivit, misso Lucifero Calaritano Episcopo, Pancratio Presbytero, & Hilario Diacono, ut Concilium impetraret: "Ad exorandam igitur mansuetudinem tuam (inquit in litteris ad Constantium) "ut benevolæ animo allegationes nostras audire digneris, fratrem & Coepiscopum meum sanctum virum Luciferum cum Pancratio Compresbytero meo & Hilario Diacono placuit proficisci: quos credimus de Clementia tua ad pacem omnium Ecclesiarum Catholicarum non difficulter posse Concilium impetrare. Dei omnipotentis clementia te nobis custodiat.

Eusebium Vercelensem in Gallia Episcopum litteris quoque suis hortatus est Liberius ut se Legatis suis adjungeret. "Quia scio, inquit, sanctum fidei tuæ calorem cum ejus (Luciferi Calaritani) animo concor-

VIII. Huic Legatorum generi quidni respondeant extraordinarii illi moderni Sedis Apostolicæ Legati, qui juxta modernam praxim (ait Cardinalis de Luca) non nisi constituti in dignitate Cardinalitica deputari solent, & qui de latere dicuntur, apud Reges & Principes pro bellis componendis, vel pro fœdere adversus infideles vel hæreticos, similibusque gravioribus negotiis. In relat. Rom. Curie Disc. 4. num. 11.

IX. Aliæ itidem fuere jam pridem Romanorum Pontificum Legationes, quæ longiores moras in Comitatu sive Curia aut Urbe Regia trahebant; quæque non alicui negotio specialiter adstrictæ, ad quascunque causarum emergentium figuras porrigebantur.

Istius legationis exemplum videre est in persona Juliani Coëntis Episcopi, cui mox post solutam Calchedonensem Synodum S. Leo hanc specialiter curam commendavit, ut prospiceret solemter, ne hæresis Nestoriana vel Eutychiana invalesceret; quæ suggerenda Principibus forent, vice Pontificis insinuarer; de rebus ambiguis Pontificem consuleret, eumque de statu Ecclesiarum Orientis creberrimis relationibus admoneret. "Studeat ergo Dilcctio tua (inquit Epist. 86. ad Julianum) "piam & necessariam curam sollicitudini Apostolicæ Sedis impendere, quæ tibi apud se nutrito, Catholicam contra Nestorianos & Eutychianos hæreticos actionem materno jure commendat, ut Divino fultus auxilio speculati de Constantinopolitanæ urbis opportunitate non desinas: ne prædictorum dogmatum impius usquam turbo consurgat.

X. Ex hac delegatione, ait Petrus De Marca lib. 5. cap. 16. de Concord. Sac. & Imp. "Occasio profecta est mittendorum ad Urbem Regiam Responsalium Apostolicæ Sedis; præcipue post Justiniani tempora, qui felicibus armis triumpho de Gothis actò, Italiam imperio consolidavit. Tunc enim erant assidui in Comitatu Diaconi Responsales, qui & causas proprias Ecclesiæ Romanæ apud Principem prosequerantur, & pro negotiis fidei & disciplina excubabant; simulque veluti fidei publicæ obsoles in Comitatu debebant, obsequii Principibus debiti fidei jussionem præstantes.

XI. Legati dicti sunt Responsales, sive Apocrisarii

ab illius temporis Scriporibus, quod responsa seu mandata exequerentur eorum à quibus missi erant.

Ita Agapetus Papa apud Imperatorem, Apocrisiarium Ecclesiæ suæ Pelagium Diaconum suum constituit, uti refert Liberatus in Breviario cap. 22. Et Gregorium M. dum adhuc esset Diaconus, nomine Pelagii II. Apocrisarii seu Legati munere apud Imperatorem functum fuisse testatur ipsemet lib. 3. Dial. cap. 23. his verbis: „Tempore quo exhibendis *responsis* ad Principem ipse transmissus sum. „ Et Apocrisiariorum meminit Justinianus in Novella 6. cap. 2. vetans, „ ne Episcopi „ ad Comitatum accedant, sed negotia sua ibidem per „ Apocrisarios agant.

XII. Huic Legatorum seu Apocrisiariorum generi respondent hodierni Sedis Apostolicæ Legati, quos Canonistæ *Legatos missos* vocant, vulgo vero *Nuntii* vel *Internuntii* dicuntur.

XIII. Qui enim nomine Pontificis assistunt apud Imperatorem ac Reges, aliosque supremos Principes, hodie *Nuntii* Apostolici dicuntur. „ In iis vero Regnis „ & Principatibus, in quibus ipse Princeps non residet, sed ejus Vicarius vel alter supremus Magistratus, Papa deputat (inquit Card. De Luca) Officiales sub nomine Collectorum, *Internuntiorum* seu Residentium, qui quandam *Nuntiorum* imaginem habent, iisque Facultates majores vel minores communicari solent juxta diversos stylos.

XIV. Denique Pontifices Romani intelligentes, quanti momenti esset ad firmandam auctoritatem suam apud gentes gratia & favor Episcoporum principalium & illustrissimarum Ecclesiarum, quibus ob prærogativam urbium præsto quoque erat Principum favor, illos dignitate Vicariorum Sedis Apostolicæ jam pridem honorarunt.

Erit Patroclo Arelatenſi Episcopo propter summam Urbis celebritatem, quam *Gallicam Romam* vocat Ausonius, vices suas commisit Zosimus Papa; Hilarius rursus Leontio; Gelasius I. Aeonio; Symmachus Cæsario Arelatenſi; Vigilius Auxonio.

XV. Unde cum per plurium seriem Pontificum Arelatenſibus Episcopis continuata fuisset legatio Pontificia per plures annos, generali tandem concessione Pontificum, jus perpetuæ legationis ipsi Sedi & Ecclesiæ Arelatenſi fuit tributum & assignatum. Quam in rem notandæ sunt Epistolæ S. Gregorii lib. 4. Epist. 50. 52. & 54. Item ejusdem responſum 9. ad Augustinum Anglorum Episcopum, relatum à Gratiano 25. q. 2. Can. 3.

Similia legationis privilegia à Pontificibus illustrioribus Ecclesiis concessa, tum antiqua, tum recentiora Ecclesiastica monumenta plura suppeditant: quemadmodum videre est apud Interpretes ad titulum Decretalium *De Officio Legati*: dicunturque, qui hujusmodi legationis privilegio sunt insigniti, *Legati nati*: eo quod statim, ut Ecclesiis suis præficiuntur & Præsules creantur, id muneris & officii Legati Apostolici nanciscantur; uti superius notatum est.

XVI. Diximus num. 9. Julianum Coënssem Episcopum fuisse S. Leonis Papæ Legatum; credit tamen Paschalius Quenellius nota sexta ad Epistolam 84. S. Leonis, Marciano Augusto inscriptam, *Apocrisarios*, quos hodie *Nuntios* vocamus in comitatu Principis vices Romani Pontificis agentes, primum fuisse institutos in persona hujus Juliani.

Quin & ibidem observat, hinc originem habuisse Vicarios, seu ut nunc loqui consuevimus, *Nuntios* Sedis Apostolicæ.

Observat insuper, hos Vicarios, seu Nuntios à viris doctis non male comparari cum *Apocrisariis* Patriarcharum Orientalium; licet discrimina nonnulla inter eos intercessisse, observet.

Quo motivo inductus fuerit sanctus Leo, ut ad Urbem Regiam destinaret Vicarium, qui ibidem intenderet iis, quæ agebantur, præsertim ab Episcopo Con-

stantinopolitano, latius exponit ibidem Quenellius; notans quoque, quare præ cæteris in suum Vicarium elegerit sanctus Leo hunc Julianum Episcopum.

De origine autem *Apocrisiariorum*, eorumque apud Imperatores residentia & officiis fultus tractat Petrus de Marca lib. 5. de Concord. Sacerd. & Imp. cap. 16. 17. & 18. observatque cap. 16. num. 4. ex Novella 6. Justiniani cap. 3. quod ævo hujus Imperatoris, soli Patriarchæ suos haberent in Aula Imperatoris residentes *Apocrisarios*, hosque distinctos fuisse à Clericis & Oeconomis cæterorum Episcoporum, qui ad Palatium mittebantur.

Notat insuper cap. 17. num. 3. quod *Apocrisarii*, sive *Responsales* nullam jurisdictionis partem attingerent; nisi ex delegatione speciali, quæ aut à Principe fiebat, aut aliquando à summo Pontifice, quod tamen raro contingebat, uti ibidem monet de Marca.

Quoad hunc articulum, hodierni Nuntii sive Internuntii Apostolici cum pristinis illis Patriarcharum Apocrisariis fere conveniunt. Scitur enim in plerisque Regnis ac notanter in Gallia & Belgio hodiernos Nuntios, nullum jurisdictionis actum exercere posse, imo nec facultatibus suis uti posse, nisi per Principem aut per ejus suprema Auditoria, recognita & admissa fuerint, uti in hoc opere probatum est.

## CAPUT II.

### De Auctoritate & Dignitate Legatorum.

1. Legati in Comitatu Principis pro custodia fidei & discipline observantia excubabant.
2. Episcopo Thessalonicensi à tempore Damasi Papæ Legatio Sedis Apostolicæ facta fuit.
3. Custodia Regularum seu Canonum per omnes Ecclesias Legationi suæ subiectas ipsi incumberebat.
4. Curam omnium illarum Ecclesiarum habere debebat; & ordinationi Clericorum intendere.
5. Ipso inconsulto Episcopi ordinari non poterant; Metropolitanos ipse ordinare debebat.
6. Habebat jus convocandi Synodum.
7. Majores causæ Pontifici reservantur.
8. Ob non reservatas majores causas Sedi Apostolicæ redarguitur Legatus.
9. Metropolitanis sua jura servantur.
10. Quomodo in habendis Conciliis se gerere debeat?
11. De servanda moderatione in evocandis Episcopis ad Concilia.
12. Corollarium ex præcedentibus.
13. Major primis septem seculis fuit auctoritas Legatorum quos hodie dicimus Natos, quam Missorum.
14. Cur sequentibus seculis illorum diminuta, eorum aucta.
15. Alexander II. necessitatem mittendorum Legatorum desumit ex cura omnium Ecclesiarum Pontifici incumbente.
16. Eadem multum urſit & magnificis verbis expressit Innocentius III.
17. Hoc posito fundamento omnia pene negotia ad Legatos Missos devoluta sunt.
18. Legati reputantur Ordinarii; & eorum potestas ordinaria.
19. Statuta eorum morte non extinguuntur.
20. Poterant de causis in prima instantia cognoscere.
21. Legatorum officium morte Pontificis non expirat.
22. Legatis etiam procuraciones seu necessarij sumptus tandem subministrari debuerunt.
23. Excessus Legatorum in barum exactione; & quæ adhibita moderatio?
24. Legati reputati fuerunt tanquam Proconsules Romani.
25. Ad eorum exemplum insignis Legationis utebantur extra loca sua Legationis.

26. Ne-

26. *Nequidem Patriarcha, praesente Legato, potest jubere sibi praeferi crucem; nec Episcopus actum jurisdictionis ordinariae exercere.*
27. *Praesente Legato à latere, aliorum Legatorum auctoritas cessat.*
28. *Legati à latere jurisdictionem saltem voluntariam extra fines suae Legationis exercent.*
29. *Potest Legatus à latere conferre Beneficia juris Patronatus Ecclesiastici.*
30. *Aliqua semper Pontifici sunt reservata.*
31. *Ex his plura vel pauciora pro arbitrio Pontificum Legatis committuntur.*
32. *Non parum obscurum est determinare ex Jure, quae Legatis competant: & quare?*
33. *Prudenter Pontifices in instructionibus quas Legatis concedunt, expriment ea quae eorum curae concredunt.*

**I.** SANCTUS Leo scribens ad Pulcheriam Augustam, Juliani Coënsis Episcopi atque sui ad Urbem Regiam Legati munus eleganter expressit his verbis: „Cum in causa fidei, cui gloria vestra famulatur, vitem ipsi meam aliquatenus delegaverim, ut ab ea, quae vobis debetur, observantia non recedens, pietati me vestrae praesentare non desinat: exequens in custodia fidei, & in Ecclesiasticis disciplinis per omnia sollicitudinem meam, & opportunis suggestionibus, quod universali Ecclesiae prodest, insinuans: ut in ipso, nec Catholicis vestrum praesidium, quibus volumus subveniri, nec meum vobis desit obsequium.” *Epist. 85. cap. 2. editionis Quenellii.*

II. Quanta autem esset eo tempore eorum auctoritas quos hodie Legatos natos dicimus, facile possumus cognoscere ex litteris S. Leonis ad Anastasium Thessalonicensem Episcopum.

Pro quo notandum, Episcopo Thessalonicensi jam à temporibus Damasi Papae vices Sedis Apostolicae fuisse per Illyricum delegatas; uti sat manifestum est ex Epistola Innocentii I. qui non ita multo post Damasum in Cathedra Petri sedit. Hic enim ad Anysium Thessalonicensem Episcopum scribens ait, se ipsi eandem potestatem committere, quam à Damaso, Siricio, & Anastasio ante acceperat. „Cui etiam (id est Anytio) tanti ac tales viri praedecessores mei Episcopi, id est, sanctae memoriae Damasi, Siricii, atque supra memoratus vir (vir est Anastasius) ita derulerunt, ut omnia, quae in illis partibus gererentur, Sanctitati tuae, quae plena iustitiae est, traderent cognoscenda.

Et in Epistola ad Ruffum Thessalonicensem similiter Episcopum Anysii successorem, quae ei vices suas per Illyricum delegat; „non primitus haec ista statuentes, sed Praedecessores nostros Apostolicos imitati, qui beatissimis Acholio & Anytio injungi pro eorum meritis, ista voluerunt.” Habentur haec litterae Innocentii in Actis Synodi Romanae sub Bonifacio II. anno 531. tom. 4. Conc. col. 1701.

Successores Innocentii praedecessorum vestigia prementes, vices suas Episcopo Thessalonicensi demandare perrexerunt, quemadmodum fuisse deducit Stephanus Baluzius in appendice ad librum V. Petri de Marca *De concordia Sacerdotii & Imperii cap. 34. & 35.*

III. Quae autem fuerit Episcopi illius in qualitate Vicarii seu Legati Sedis Apostolicae per Illyricum auctoritas tempore S. Leonis, ex ejus litteris facile cognosci potest.

Anastasius Thessalonicensis Episcopus à Sixto II. praedecessore Leonis Vicariatu Sedis Apostolicae fuerat ornatus, eumque per multos annos gesserat; atque eundem sibi à Leone Sixti successore continuari petiit, quod Leo concessit, ad illum scribens in haec verba: „Postquam itaque petitio tuae dilectionis innotuit per filium nostrum Nicolaum Presbyterum, ut tibi quae à nobis, sicut decessoribus tuis, per Illyricum cum nostra vice propter custodiam Regularum auctoritas

„praestaretur, praebentes assensum, nostra adhortatione ne compellimus, ut nulla dissimulatio, negligentia nulla proveniat circa Ecclesiarum regimen per Illyricum politarum, quas dilectioni tuae vice nostra committimus, beatæ recordationis Siricii exemplum secuti, qui sanctae memoriae Anytio praedecessori tuo, bene de Apostolica Sede tunc merito, & rebus post sequentibus approbato, certa tum primum ratione commisit: ut per illam Provinciam positis, quas ad disciplinam teneri voluit, Ecclesiis subveniret.” Et infra: „Imitatore te tam praedecessoris tui, quam decessoris, qui pari modo hoc & meruisse & egisse cognoscitur, esse volumus: ut de profectu Ecclesiarum, quas tibi vice nostra committimus, gaudeamus.” *Epist. 4. edit. Quenellii.*

IV. Post narrationem illam, exhortationem subiicit: „Credita itaque tibi, Frater carissime, gubernacula pervigil tene, & mentis tuae oculos per omnia, quae curae tuae videas injuncta, circumfer, in mercedem tuam profutura custodiens, & his qui disciplinam Canonum labefactare nituntur, obstitens; Divinae legis sanctio veneranda, & Canonum specia- lius Decreta serventur. Per commissas tibi Provincias tales Domino Sacerdotes, quibus sola vitae & Clericalis Ordinis suffragentur merita. consecrentur. Nihil gratiae personali, nihil ambitioni, nihil redemptis permittas licere suffragiis. Examinentur diligentius, & per longum vitae tramitem disciplinis Ecclesiasticis, qui ordinandi fuerint, imbuantur. Si tamen illis omnia, quae à SS. Patribus sunt constituta, conveniant, & quae Beatum Apostolum Paulum de talibus legimus praecipisse, custodierint: ut unus uxoris vir sit, & hanc virginem, ut auctoritas divinae legis cavet, acceperit.

V. Docet deinde bigamum vere esse, qui nondum Christianus habuerit uxorem, & ea mortua, aliam duxit in uxorem. Post haec pergit in dandis mandatis: „Nullus, te inconsulto, per ilias Ecclesias ordinetur Antistes; ita enim her, ut sint de eligendis matura judicia, dum tuae dilectionis examinatio formidetur. Quisquis vero à Metropolitanis Episcopis contra nostram praecceptionem, praeter tuam notitiam, fuerit ordinatus, nullam sibi apud nos status sui esse noverit firmitatem, eosque usurpationis suae rationem, qui hoc praesumpserint, reddituros. Singulis autem Metropolitanis, sicut potestas ista committitur, ut in suis Provinciis jus habeant ordinandi; ita eos Metropolitanos à te volumus ordinari, maturo tamen & docto judicio. Quamvis enim omnes Antistites probatos & Deo placitos debeat consecrari, hos tamen praecellere volumus, quos praefuturos his, quia ad te pertinent, Consacerdotibus, noverimus. Quod dilectionem tuam sollicitius agere praemonemus & cautius, ut illud Apostolicum custodias, quod scriptum est: *Manus cito nemini imposueris.* 1. Tim. c. 5. v. 22.

Duo hic Vicario suo tribuit Leo. Primum, ut nullus Episcopus à suo ordinetur Metropolitano, nisi cum notitia ipsius Vicarii. Secundum, quod Metropolitanus non modo consulto prius Vicario Apostolico, sed ab ipso Vicario per omnes Illyrici Provincias ordinentur.

VI. Ulterius in dandis mandatis prosequitur: „Ad Synodum quisquis Fratrum fuerit evocatus, occurrat, nec Sanctae Congregationi se deneger: in qua maxime constituendum esse noverit, quod ad disciplinam poterit Ecclesiasticam pertinere. Melius enim culpa vitabitur, si inter Sacerdotes Domini collatio frequentior habeatur: & emendationi pariter & charitati plurimum praestat adunata societas. Illic, si quae causae natae fuerint, praestante Domino, ita poterunt terminari, ut contentio nulla resideat; sed solida inter Fratres charitas coalescat.

His verbis factam esse auctoritatem Episcopo Thessalonicensi evocandi quoscumque Episcopos Illyricianos ad Synodum, evidens est; hocque jam pridem ab Inno-



Innocentio I. Thessalonicensi Episcopo tanquam vices Sedis Apostolicæ gerenti datum fuisse privilegium, colligitur ex litteris Innocentii ad Rufum Thessalonicensem Episcopum: "Licet autem & Apostolicæ Sedis favore permissum tuæ Fraternitati cognosce, ut cum aliqua Ecclesiastica ratio, vel in tua, vel in memoratis Provinciis agitanda, cognoscendaque fuerit, quos velis Episcoporum socios, quibuscumque de Ecclesiis assumas tecum, quorum & fide & moderatione quidquid necessitas, caulave flagitaverit, optimus dirigas arbiter, & præcipuus, quippe à nobis lectus definias intercessor.

VII. Huic mandato hanc adjungit Leo cautionem: "Si qua vero causa major evenierit, quæ à tua Fraternitate illic præfidente non potuerit definiri, relatio tua missa nos consulat: ut revelante Domino, cujus misericordiæ profitemur esse quod possumus, quod ipse nobis aspiraverit, rescribamus: ut cognitioni nostræ pro traditione veteris instituti & debita Apostolicæ Sedis reverentia, nostro examine vindicemus, ut enim auctoritatem nostram vice nostra exercere te volumus; ita nobis quæ illic componi non potuerint, vel qui vocem appellationis emisierit, reservamus.

VIII. Unde cum postea Anastasius Thessalonicensis Episcopus, cui hic suas vices & mandata dederat Leo, Atticum veteris Epiri Metropolitanum asperere nimis tractasset, deque ea re idem Atticus querelas suas ad Leonem retulisset, ipse ad Anastasium rescribens de indignissimo modo quo Atticum tractasset (quemadmodum diserte & late describit Leo in *Epist.* 12. edit. Quenellianæ) in memoriam ei revocat illa mandata, eum redarguens, quod ea non servasset. "Nam cum majora negotia & difficiliore causarum exitus liberum tibi esset, sub nostræ expectationis sententia expendere, nec ratio tibi nec necessitas fuit in id, quod mensuram tuam excederet, deviandi.

Et inferius eandem causam repetit, pronuntians Anastasium non debuisse causam Attici, qui Metropolitanus Episcopus erat, judicare, donec ad ejus consulta Leo rescripisset. "Præsertim, ait, cum etiam si tale aliquid mereretur, expectandum fuerat quid ad tua consulta rescriberem. "Et paucis interjectis: Sed etiam si quid grave intolerandumque committeret, nostræ erat expectanda censura, ut nihil prius ipse decerneres, quam quid nobis placeret, agnosceres. Vices enim nostras ita tuæ credidimus charitati, ut in partem sis vocatus sollicitudinis non in plenitudinem potestatis. " *Epist.* 12.

Sic castigato increpatoque Anastasio ob transgressos suæ auctoritatis limites, nova dat mandata sumpta partim ex veteribus, quæ hic vel explicantur, vel illustrantur, partim de novo addita, atque ex his præcipue notanda sequentia.

IX. Primum quod his verbis exprimitur: "Secundum SS. PP. Canones spiritu Dei conditos, & totius mundi reverentia consecratos, Metropolitanos singularem Provinciarum Episcopos, quibus ex delegatione nostra fraternitatis tuæ cura præstenditur, jus traditæ sibi antiquitatis dignitatis intemeratum habere decernimus, ita ut à regulis præstitutis nulla aut negligentia aut præsumptione discedant. " Apud Gratianum 25. q. 2. *Can.* 5.

X. Septimum pertinet ad gravissimum disciplinæ punctum, quod versatur in causarum judicio. "De Conciliis autem Episcopalibus, ait, non aliud indicimus, quam Sancti Patres salubriter ordinarunt: ut scilicet bini conventus per annos singulos habeantur, in quibus de omnibus querelis, quæ inter diversos Ecclesiæ ordines nasci adsolent, judicetur. Ac si forte inter ipsos qui præfunt de majoribus, quod ablit, peccatis causa nascitur, quæ Provinciali nequeat examine definiri, fraternitatem tuam de totius negotii qualitate Metropolitanus curabit instruere, ut

si coram positis fratribus, nec tuo fuerit res sopita judicio, ad nostram cognitionem, quidquid illud est, transferatur.

XI. Decimum caput præscribit modum, quo Legatus se gerere debeat in evocandis Episcopis ad generalem Synodum totius Illyrici. "In evocandis ad te Episcopis moderatissimum esse te volumus, ne per majoris diligentiae speciem, fraternis videaris gloriae injuriis. Unde si causa aliqua major extiterit, ob quam rationabile ac necessarium sit, fraternum advocare conventum: binos de singulis Provinciis Episcopos, quos Metropolitanus crediderint esse mittendos, ad fraternitatem tuam venire sufficiat, ita ut præstituto tempore non ultra 15. dies, qui conveniunt, retardentur.

XII. Ex his pater, jam tum tempore S. Leonis non exiguum fuisse Vicariorum Sedis Apostolicæ auctoritatem; ita tamen moderatam, ut Synodorum Provincialium & Metropolitanorum jura illibata esse vellet Leo; nec non graviores ac difficiliore causas, quæ sine multis contentionibus in Provinciis terminari non poterant, ad Sedem Apostolicam per Vicarium esse referendas.

XIII. Adhæc notandum, eam auctoritatem potissimum creditam fuisse Episcopis amplissimarum civitatum; qui, uti supra monui, successu temporis titulo suæ dignitatis Legatos Sedis Apostolicæ se dixerunt; atque inde vocati Legati nati.

Hos vero, qui ad Principes aut Reges à Sede Apostolica mittebantur, nusquam legimus primis seculis tanta auctoritate instructos; imo plerumque Diaconi duntaxat erant, Responsales, sive Apocrisarii dicti, nulla jurisdictione instructi, solis negotiis Sedis Apostolicæ gerendis apud Principes occupati: ideoque primitus auctoritas eorum, qui hodie Legati nati vocantur, amplior fuit, quam eorum qui pro certis negotiis ad Provincias mittebantur, vel apud Principes nomine Pontificis residebant: quos hodie Nuntios dicimus.

XIV. At cum lapsu temporis jus perpetuæ legationis esset quibusdam Ecclesiis annexum; viderentque Pontifices, personarum quæ illis præficebantur Ecclesiis, electum nequaquam à libero suo pendere arbitrio, cœperunt horum Legatorum auctoritatem imminuere; aliorum vero, qui ab ipsorum libera dependebant nominatione, augere; quæ auctoritas circa seculum undecimum summum incrementum accepit.

XV. Legatorum mittendorum necessitatem Alexander II. circa annum 1062. ex eo capite accersit, quod cura universalis Ecclesiæ eum cogat mittere ad vicem suam personas, quæ visitent Ecclesias, cum id ipse per se facere non possit; atque hinc sumit occasionem mittendi in Gallias Petrum Damiani Cardinalem & Episcopum Ostiensem, qui illic personam Pontificis repræsentaret. Epistola hæc scripta est ad Archiepiscopos Galliarum, & extat tomo 9. Concil. generalium col. 1131.

Altius hoc jus repetit Gregorius VII. qui Legatum in Gallias mittens, Amatium Episcopum Oloromensem, dicit, "se id facere quod Romana Ecclesia hanc consuetudinem habuit ab ipsis suæ foundationis primordiis, ut ad omnes partes, quæ Christianæ religionis titulo prænotantur, suos Legatos mitteret, quatenus ea, quæ gubernator & rector ejusdem Ecclesiæ per suam præsentiam expedire non prævalet, vice sua Legatis concessa, monita salutis & morum honestatem per eos, cunctis per orbem terrarum constitutis Ecclesiis nuntiaret, eaque Apostolica doctrina in omnibus quæ Sacræ Religioni conveniunt, diligenter instrueret.

XVI. Eandem veterem consuetudinem & rationem allegarunt passim sequentes Pontifices, ut Legatorum mittendorum necessitatem & eorum auctoritatem astruerent; sed præ reliquis Innocentius III. magnificis verbis elocutus est, quod prædecessores sui simplici sermone dixerant. Primum igitur scribit, Dominum Jesum Christum Sedem Apostolicam instituisse, totius Christianæ

Christiani orbis caput & Magistrum, à qua panis intellectus & vitæ ad alias procedat Ecclesias. Pontificem Romanum portare onera gravia cum plenitudine potestatis. Verum quia ipsa cuncta per se facere non potest, multos sibi operarios & coadjutores adungere, ac per eos exequi, quod per se non potest personaliter adimplere, sic vices suas aliis committendo, ut intelligatur ipsemet facere, quod per alios fieri decernit. Cum autem necessitas Ecclesiæ Constantinopolitanæ postulet illuc mitti Legatum à latere, destinasse se in eam rem Pelagium Episcopum Albanensem; "cui nos vices nostras commisimus, inquit, ut juxta verbum Prophetæ, titum evellat & destruat, ædificet & plantet, quæ secundum Deum evellenda & destruenda, nec non ædificanda cognoverit & plantanda.

Hæc Epistola scripta ad Imperatorem Constantinopolitanum extat *Lib. 16. epist. 104.*

XVII. Hoc posito fundamento, Legatorum Sedis Apostolicæ ita crevit posterioribus seculis auctoritas & dignitas, ut cuncta omnino Provinciarum negotia ad eos deferrentur, sive de judiciis ageretur, sive de confirmationibus privilegiorum; tum de aliis quibuscumque negotiis tractaretur, ut ex actis illorum temporum manifestum est.

Et quidem seculo undecimo ad Regem Anglorum scribebat Paschalis II. "Universum siquidem terrarum orbem Dominus & Magister suis discipulis dispartivit; sed Europæ fines Petro singulariter commisit & Paulo. Nec per eorum tantum, sed per Successorum Discipulos ac Legatos Europæ universitas commissa est & confirmata. Unde usque ad nos (licet indignos) eorum Vicarios hæc consuetudo pervenit; ut per nostræ Sedis Vicarios graviora Ecclesiarum per Provincias negotia pertractarentur seu retractarentur.

XVIII. Quin & licet Legati vices agerent Pontificis; ac ob id Sedis Apostolicæ Vicarii dicerentur; atque propterea delegatam duntaxat auctoritatem vi suæ legationis viderentur obtinere, nihilominus Clemens IV. cuidam Presbytero Cardinali Apostolicæ Sedis Legato scribit: "Legatos, quibus in certis Provinciis committitur legationis officium, ut ibidem evellant, & dissipent, ædificent atque plantent: Provinciarum sibi commissarum ad instar Proconsulum, cæterorumque Prælidum, quibus certæ sunt decreta Provinciarum morandæ, Ordinarios reputantes, &c.

Hoc Clementis responsum refertur in *cap. 2. De Officio Legati in VI.* atque ejus auctoritate uno consensu tradunt Canonistæ, Legatos Sedis Apostolicæ habere ordinariam auctoritatem; atque Ordinarios per omnes suæ Legationis Provincias reputari.

XIX. Unde sicut Ordinarii sunt, auctoritate ordinaria statuta perpetuo duratura edere; ita & Legatorum statuta perpetua esse declararunt Pontifices: "Nemini dubium esse volumus, inquit Gregorius IX. quin Legatorum Sedis Apostolicæ Statuta edita in Provinciam sibi commissam, durent tanquam perpetua, licet eandem postmodum sint egressi. *cap. 10. De Officio Legati.*

XX. Ulterius, quia Ordinarii reputabantur; atque tanquam Ordinarii in Provincia constituti, qui vice Sedis Apostolicæ evellant & dissipent, ædificent atque plantent, idcirco jure delegationis non tantum poterant causas per appellationem ad se delatas cognoscere & decidere; sed etiam, quæ per simplicem querimoniam pervenirent ad ipsorum audientiam, ut respondit Alexander III. in *cap. 1. De Officio Legati.*

XXI. Eodem fundamento declararunt, Legationis officium non expirare morte Pontificis, à quo missi fuere, *cap. 2. de Officio Legati in VI.*

XXII. Adhæc cum Legati haberentur tanquam Ordinarii, qui vice Sedis Apostolicæ curam Provinciarum in spiritualibus agerent, tandem quoque invaluit, ut ipsis tanquam operariis & ministris Ecclesiæ necessarij sumptus suppeditarentur. Et quidem Gregorius VII.

in formula juramenti quam à Metropolitanis in traditione Pallii exegit; & quæ successu temporis ad omnes Episcopos extensa est, addidit clausulam de procuratoribus Legatorum, quam hoc verborum tenore expressit: *Legatum Romanum eundo & redeundo honorifice tractabo, & in necessitatibus suis adjuvabo.*

XXIII. Stabilità verò semel necessitate suppeditandorum sumptuum, præscriptus ab his est ordo solutionis, coactique Provinciales immensas nonnunquam auri argentique moles pendere; quæ adeo publica erant ævo Sancti Bernardi, ut scribens ad Eugenium III. cum moneat, ut tales in Cardinales eligat, qui, cum legatione Sedis Apostolicæ ornati fuerint, "Ecclesias non spolient, sed emendent, qui in avaritia non exbauvant, sed corda reficiant & crimina corrigant, qui cum ad Apostolicam redierint, redeant fatigati quidem, sed non suffarinati: simul & gloriantes, non quod curiosa seu preciosa quæque terrarum attulerint, sed quod reliquerint pacem regnis, legem barbaris, quietem Monasteriis, Ecclesiis ordinem. Clericis disciplinam, Deo populum acceptabilem, sectatorem bonorum operum.

Hinc frequentes Pontificum atque Conciliorum sanctiones, quæ Legatorum in exigendis procuratoribus excessum non semel castigarunt, atque intra moderatos necessitatis limites concluserunt. ut nulla Ecclesia, vel Prælatum se indebitè prægravari rationabiliter conquerratur, *cap. 17. & 23. de Censibus.*

XXIV. Constatergo, Legatos Sedis Apostolicæ tanquam Ordinarios per omnia reputatos fuisse; quin eorum, præcipuè Legatorum à latere, ea fuit auctoritas & dignitas, ut instar Proconsulum cæterorumque Præsidum, ad regendas Provincias mitti dicerentur, *cap. 2. De Officio Legati.*

XXV. Et quidem sicut Proconsules Romani, euntes & redeuntes è Provinciis sibi concreditis utebantur insigniis suæ dignitatis, ita quoque Legati utuntur insigniis apostolicæ dignitatis, puta, vestibus rubeis, palafredo albo, fræno & calcaribus deauratis, ut post Hostiensem ad *cap. Antiqua de Privilegiis* notant communiter Canonistæ; idque mox ut ex Urbe recesserint.

XXVI. Quin ea erat dignitas Legatorum, ut nec Archiepiscopi, imò nec Patriarchæ possent Dominicæ Crucis vexillum sibi jubere præferri ubicumque præfens esset Summi Pontificis Legatus utens insigniis Apostolicæ dignitatis, *cap. Antiqua de Privilegiis*; quia in præsentia majoris deponitur potestas reverentialis minoris, inquit Barbosa *lib. 1. juris Eccles. cap. 5. num. 21.*

Unde, uti ibidem observat Barbosa, Episcopus in civitate & Diocesi cui præest, non potest, præsentem legato de latere, benedicere populum, & deferre vestes, scilicet Mozzettam significantem jurisdictionem illius ordinariam.

XXVII. Simili ratione scripsit Gregorius IX. Patriarchæ Hierosolymitano: "Fraternitati tuæ Legationis officium in Provincia tua duximus committendum, ita tamen quod si Legatus ad partes illas de latere nostro contigerit destinari, executionem ipsius officii, quamdiu Legatus ipse ibi fuerit, pro Sedis Apostolicæ reverentia omnino dimittas. *Cap. 8. De Officio Legati.*

XXVIII. Potestas & dignitas Legationis à latere, & in hoc supra aliorum Legatorum dignitate eminet, quod ipsi quoque ad instar Romanorum Proconsulum aliquam jurisdictionem, saltem voluntariam exerceant extra fines Provinciarum sibi commissarum; v. g. absolvendo aliquem ab excommunicatione pro injectione manuum violentæ in Clericum; quemadmodum ad *cap. 9. De Off. Legati* post Glossam notant Canonistæ.

XXIX. Potest quoque Legatus à latere conferre Beneficia in Provincia sibi credita, licet sint Juris Patronatus Ecclesiastici; cum plus juris habeat in concessione Prælati,

tus, ait Innocentius III. *quam in presentatione Patronus, nec præjudicetur Prælati, si quando per Apostolicæ Sedis Legatum, eo inconsulto, Ecclesia concedatur. Cap. 6. §. De Officio Legati.*

XXX. Verùm, licet amplissima fuerit posterioribus seculis Legatorum, præsertim à latere, auctoritas ac potestas, nihilominus tamen plura in signum suæ supremæ potestatis Pontifices reservarunt, quæ eorum Legatis à latere non comperunt, nisi specialiter & nominatim in eorum facultatibus & mandatis à Pontifice sint expressa; qualia sunt transferre Episcopos aut Archiepiscopos; unire duos Episcopatus, aut alteram Sedem Episcopalem alteri subicere; aliaque quædam similia, quæ ad cap. 4. §. De Offic. Legati annotavit Glossographus.

XXXI. Ex his verò causis Pontifici specialiter reservatis, Pontifices solent suis Legatis, vel plures vel pauciores committere, quatenus gratiâ vel auctoritate apud Pontificem prævalent: easque exprimere solent in mandatis & facultatibus, quas Legatus suis tradere consueverunt.

XXXII. Ex varia hac Pontificum delegatione nunc ampliore, nunc restrictiore factum est, ut verissimè annotavit Panormitanus in cap. Fin. §. De Confirmat. utili, aded perfuloriè & generaliter de Officio Legati in Jure Canonico tractari, ut vix constitui possint ea, quæ jure Legationis propriè ad Legatum pertinent.

XXXIII. Hinc & prudenter hodie Pontifices solent mandatis sive facultatibus Legatorum seu Nuntiorum inferere ea omnia, quæ Legatis committenda esse censent. Unde etiam monet Cardinalis De Luca disc. 33. ad Concilium Tridentinum num. 21. quoad jura Legatorum certam regulam statui non posse, cum totum pendeat à tenore facultatum. Facultates, quas habuit Decius Cassia Nuntius Apostolicus in Belgio sub Alberto & Isabella, exhibet Zypæus titulo De officio Legati; notatque eas esse, quales plerumque Nuntii habere solent.

### CAPUT III.

De quibusdam Legatorum prærogativis, de earum origine & abusu.

1. Causæ majores ævo Sancti Leonis Sedi Apostolicæ nondum erant reservatæ.
2. Causas Majores aliquas ad consultationem magis quam ad judicium evocat Sanctus Leo.
3. S. Leo non commisit vices suas Episcopo Thessalonicensi, nisi sub aliqua moderatione.
4. In Epist. ad hunc Præsulem S. Leo cogitat tantum de potestate, quæ Sedi Apostolicæ competeat in Provinciis Illyricianis.
5. In Romano Pontifice distinguendæ sunt dignitates Episcopi, Metropolitanæ, Patriarchæ & Primatûs; ut tollatur obscuritas.
6. Sensim Legati Sedis Apostolicæ sibi vindicârunt jura Metropolitanorum.
7. Primatus Archiepiscopi Senonensis.
8. Adversus eum reclamârunt Episcopi.
9. Sensim, Primates, ac præcipuè Legati ad se traxerunt jura Metropolitanorum.
10. Legati Sensim enervaverunt Metropolitanorum auctoritatem.
11. Plura Legatis indulta fuere ad eorum dignitatem extollendam.
12. Legati sua abutuntur auctoritate.
13. Immensa Legatorum jura vix nota ante finem XII. Seculi.
14. Circa hæc tempora Domus summi Pontificis disclæst Curia Romana.
15. Displicuit tunc nonnullis ista nuncupatio.

I. Ex Epistola Sancti Leonis num. 7. capitis immediate præcedentis, descriptâ credi forsan possit, etiam tempore hujus Pontificis, id est, seculo quinto causas majores Sedi Apostolicæ fuisse reservatas.

Verùm si pressius textus hujus epistolæ attendatur, apparebit sanctum Leonem voluisse duntaxat, ut, si quæ Majores inter Episcopos causæ sunt, quæ in Provinciis suis nequeant terminari, ad ejus (Vicarii) notitiam referantur, easque non tam à suo Vicario tanquam judice discuti, finisque mandat, quam ab eodem ut ARBITRO sub divini timore judicii componantur, ut loquitur Epistola 13. Cap. 1.

II. Unde rectè notat Palschalius Quenellius, in notis ad dictam epistolam, notâ primâ, hinc elici majorem causarum judicia ad majores sedes referri, non ex defectu potestatis in Metropolitanis Episcopis, sed ex difficultate incurrentium questionum; quæ dum sapius, & à pluribus examinantur, tandem ex sapientiorum consilio componuntur. "Et reverâ (ait Quenellius) saltem aliquas illarum ad consultationem magis, quam ad judicium evocat sanctus Leo, ut ex his verbis Epistolæ 4. ad Anastasium cap. 5. fit manifestum: "Si qua (inquit) causa major evenerit, quæ à Fraternitate tua illic præsidente non potuerit definiri, relatio tua missa nos consulat, ut revelante Domino, cujus misericordiâ proſitemur esse quod possumus, quod ipse nobis aspiravit, rescribamus.

Ex verbis sancti Leonis in citata epistola 13. cap. 2. insuper habemus, causas illas majores, maximasque, quæ in Provinciis terminari nequibant, non ex solius Vicarii nutu pependisse, sed eandem in Concilio Episcoporum à diversis Provinciis evocatorum discussas, finitasque fuisse.

Licet ergo hîc videamus sanctum Leonem majores causas sibi reservare sive sibi referri voluisse, nequaquam ex his concludi potest, ævo sancti Leonis majores causas fuisse Sedi Apostolicæ reservatas ejus solius judicio terminandas: quandoquidem ex verbis sancti Leonis evidens sit, duntaxat, ipsum suo mandasse Vicario, ut si major emergeret causa, quæ ibidem terminari non posset, ipse eam suo proprio arbitrio, & judicio non terminaret, sed ejus decisionem suspenderet, donec Leonis sententiam intellexisset: quod & habetur, ex verbis ejusdem Leonis in Epistola 12. relatis cap. præced. num. 8.

III. Ex verbis sancti Leonis ex ejus epistola 12. num. 8. relatis, fit compertum est, Leonem per illa verba finalia. "Vices enim nostras ita tuæ credidimus Charitati, ut in partem sis vocatus sollicitudinis, non in plenitudinem potestatis," aliud non voluisse significare Episcopo Thessalonicensi, nisi quod ipsum designando suam per Illyricum Vicarium, vices suas ei commiserit, sub ea moderatione, ut in arduis negotiis, quæ in Provinciis non possent facile decidi, deberet consultare Pontificem; ejusque super iis sententiam expectare, uti superiùs ostendimus.

Præterea ex toto contextu epistolæ manifestum est, sanctum Leonem hîc non loqui de plenitudine potestatis, quam Christus dederit Petro & successoribus ejus Romanis Pontificibus, quasi solus ille plenitudinem istam habeat, cæteri verò Episcopi vocati tantum ab eo sint in partem sollicitudinis; sed de potestate Patriarchali, quam eo tempore, id est, ætate Leonis, Romanus Pontifex per Illyricum obtinebat, uti & observat, & fusiùs probat Stephanus Baluzius in appendice ad Librum 5. Petri de Marca de Concord. Sacerd. & Imp. cap. 26.

IV. Monet ibidem Baluzius num. 5. quod occasione hujus epistolæ sancti Leonis, "explicare intendat effectum illud ultimarum temporum, nimirum, cæteros Episcopos vocatos esse in partem sollicitudinis, sed solum Romanum habere plenitudinem potestatis: ostendamque (ait) Leonem non cogitasse hoc loco de suprema auctoritate Romanæ Sedis in Universum, sed tantum de potestate, quæ Sedi Apostolicæ competebat



„petebat in Provinciis Illyricianis, in cuius potestatis  
„exercitio *vices* suas Anastasio tribuerat, ita tamen ut  
„ab eo vocatus fuerit in *partem sollicitudinis*, non in  
„*plenitudinem potestatis*; illius nimirum Exarchicæ,  
„vel Patriarchalis, quæ speciali jure vel consuetudine,  
„ævo sancti Leonis per Illyricum competebar Romano  
„Episcopo, non titulo Primatiæ, sive sui Primatûs,  
„qui se ad omnes Ecclesias protendit, sed titulo  
„Exarchatûs, vel Patriarchatûs intra fines & terminos  
„conclusi, ut ibidem ostendit Baluzius.

V. Hic rursus patet, sedulo in Romano Pontifice  
distinguendam qualitatē specialis Episcopi Romani;  
item Metropolitanani, nec non Patriarchæ, ac ejusdem  
Primatûs, ne gesta sub una earum qualitatū, credan-  
tur sub alia qualitate, ac signanter titulo *Primatûs*, Ro-  
manos Pontifices sibi, etiam primis Ecclesiæ seculis  
vindicare.

VI. Ex Epistola S. Leonis *n. c. præc. 9.* relatâ Intel-  
ligimus sanctum Leonem, enixè injunxisse suis Lega-  
tis, sive Vicariis, ut ita Vicarii functiones obirent, ut  
tamen conformiter ad sanctos Canones, notanter Ni-  
cænos, jura Metropolitanorum intacta fervarent.

Verùm huic saluberrimo, iustissimoque monito Vi-  
carii seu Legati Apostolici non per omnia obsequen-  
tes; quin & ipsi Romani Pontifices notanter seculo no-  
no & sequentibus post evulgatas & receptas falsas De-  
cretales, jura & privilegia suorum Vicariorum in præ-  
judicium Metropolitanorum sensim protendentes, va-  
rias horum querelas & oppositiones excitârunt.

VII. Inter alia legimus, quod Joannes VIII. consti-  
tuens Ansegisum Archiepiscopum Senonensem, suum  
per Gallias & Germaniam Vicarium, ei dedit auctorita-  
tem, ut „quoties utilitas Ecclesiastica dictaverit, sive  
„in evocandâ Synodo, sive in aliis negotiis exercen-  
„dis, per Gallias & Germaniam Apostolicâ vice funga-  
„tur, & Decreta Sedis Apostolicæ per ipsum Episcopis  
„manifesta efficiantur, & rursus, quæ gesta fuerint,  
„ejus relatione, si necesse fuerit, Apostolicæ Sedi pan-  
„dantur, & *majora* negotia ac difficiliora quæque sug-  
„gestionem ipsius à Sede Apostolica disponenda & enu-  
„cleanda quarantur: „uti habet epistola Joannis VIII.  
quâ Ansegiso Vicariatum committit, quæque conscripta  
est ad Episcopos Galliarum & Germaniarum.

VIII. Nequaquam obscurum est, hac commissione  
jura Metropolitanorum in convocandis Episcoporum  
Conciliis & *majoribus* negotiis terminandis labefactari.  
Quapropter cum hæc epistola in Concilio, præsentē  
Rege Francorum Carolo Calvo, legeretur; atque pe-  
teretur nomine Caroli ab Episcopis ibidem præsentibus,  
quod de his jussis Apostolicis responderent, respon-  
sio eorum fuit: „*Ut servato singulis Metropolita-*  
„*nis jure privilegii*, secundum sanctos Canones, &  
„juxta Decreta Sedis Romanæ Pontificum, ex ejusdem  
„Canonibus promulgata, Domini Joannis Papæ Apo-  
„stolicis mandatis obedirent.

„Ex cūm Imperator, & Legatus Apostolicus satage-  
„rent, ut *absolutè & simpliciter* Episcopi responderent,  
„se obedituros de Primatu Ansegisi sicut Apostolicus  
„scripsit, aliud, nisi quod prædictum est, responsum  
„ab iis extorquere non potuerunt.

Imperator autem volens exequi, quod Pontifex An-  
segiso concesserat, illum jussit sedere ante omnes Epis-  
copos in qualitate *Primatûs* seu Vicarii Apostolici,  
etiam ipsa ordinatione anteriores, Rhemorum Archie-  
piscopo *reclamante*, audientibus omnibus, hoc factum  
sacris regulis obviare. Referuntur hæc tom. 9. Concil.  
General. colum. 281.

Ex hac Metropolitanorum, & Episcoporum resistan-  
tia, & reclamatione noscitur, rectè notasse virum eru-  
ditum Franciscum Florentem in commentario ad titu-  
lum de officio *Legati*. „Novas hujusmodi Legationes  
„Metropolitanis & Episcopis Galliarum exosus fuisse,  
„tanquam adversus antiqua privilegia Metropolitanorū,  
„quam in rem notanda quoque Epistola, quam

Tom. I.

„prædictus Rhemorum Archiepiscopus nomine Hinc-  
„marus scripsit adversus novam illam Ansegisi Seno-  
„nensis Archiepiscopi Legationem.

IX. Et sanè sensim labentibus seculis Vicarios, sive  
Legatos Sedis Apostolicæ omnia penè jura Metropoli-  
tanorum ad se traxisse clariùs constabit ex dicendis. *Nam.*  
16. *cap. præcedentis* notavimus Summos Pontifices se-  
culo undecimo & sequentibus, necessitatem nitendi  
Legatos per varias Provincias cœpisse adstruere ex *ple-*  
„*nitudine* Pastoralis Officii in ipso Romano Pontifice resi-  
„dente, quam & præ cæteris, magnificis verbis expressit  
Innocentius III. Porro hanc *Pastoralis officii plenitudi-*  
„*nem* à nullo Pontifice in fundamentum mittendi suos  
Legatos per Provincias assumptam legimus ante secu-  
lum x. vel xi. eamque auctoritate falsarum Decretalium  
Romanos Pontifices sibi asseruisse, supra ostendimus  
ad *titulum 19. cap. 1. num. 15.*

X. Notavit autem Dominus Fleury in sua Historia, ac  
signanter in suo quarto Discursu historico, quod post-  
quam Pontifices auctoritate falsarum Decretalium, &  
Decreti Gratiani asseruerunt sibi eam officii Pastoralis  
plenitudinem, coacti fuerint aliis hanc auctoritatem dele-  
gare: nam impossibile erat, ut ipsi Pontifices omnes  
*personaliter* adirent, vel ut adessent, omnes evocarent;  
atque hinc frequentes esse cœperunt Pontificum Lega-  
tiones à seculo xi.

Præterea ibidem monet, „Quod & sub idem tem-  
„pus, Legati omnia negotia cœperint suâ auctoritate  
„tractare & absolvere; atque inde contigerit, ut om-  
„nis penè Metropolitanorum auctoritas evanuerit, ni-  
„hilque Metropolitanis supra reliquos Episcopos su-  
„peresset, nisi prærogativa Confessûs, nomen Metro-  
„politani, & ornamentum Pallii.

De hac amplificata Legatorum potestate ex hoc jacto  
fundamento necessitatis mittendorum Legatorum; nec  
non diminutis Metropolitanorum & Episcoporum juri-  
bus fusiùs agit clarissimus Baluzius in appendice ad *lib. 5.*  
*Petri de Marca de Concord. Sacerd. & Imp. cap. 47.* ob-  
servatque *num. 6.* quod Legati, tamen omnia pro suo  
arbitrio gererent, ut plurimum tamen cuncta perage-  
rent in Conciliis; ut quæ ipsi statuebant, etiam Episco-  
porum auctoritate tenerent. Hoc insuper notans, quod  
postremis temporibus, postquam solidat fuit suprema  
illorum potestas, vix habuerint rationem aliquam Episco-  
porum, satis dignitati illorum prospectum putantes,  
si coram illis Decreta conderentur.

Unde nonnunquam Decreta in Conciliis Episcoporum,  
quibus ipsi præfederant, edita suo duntaxat no-  
mine Legati publicabant; & ab omnibus Episcopis ob-  
servari mandabant; uti à Gerardo Episcopo Sabiniensi,  
& Apostolicæ Sedis per Siciliam Legato, in publicatione  
Decretorum in Concilio Generali apud Melphiam  
anno 1284. conditorum, factum fuisse ibidem notat Ba-  
luzius; ut proinde omnis penè Episcoporum auctori-  
tas in solis Legatis Apostolicis residere videretur.

XI. Quanta esset Legatorum ambitio, quantoque  
factu & pompa Provincias ingrederentur, & se supra  
Metropolitanos, & Episcopos efferre ambirent, atque  
in Conciliis Generalibus Episcoporum præsidere, &  
suffragii prærogativâ gaudere, pluribus deducit Balu-  
zium in dicta appendice ad *lib. 5. Petri de Marca de Con-*  
„*cord. Sacerd. & Imp. cap. 25.* ibidem unâ observans  
*num. 15.* Insignia Pontificia, de quibus loquitur Inno-  
centius III. in *cap. ANTIQUA de privil.* fuisse indu-  
menta Pontificalia; atque hinc concludit, indumenta  
Romanorum Pontificum, quæ rubea erant, communi-  
cata fuisse cum Legatis, sicut olim Pallium; conatur-  
que ostendere, vestes Romanorum Pontificum olim  
fuisse purpureas.

Indubiè hæc ornamenta Legatis suis communicavere  
Romani Pontifices, ut hoc ornatu ipsam personam Pon-  
tificis manifestius exhiberent; & ita honor, & reveren-  
tia, quæ Romano Pontifici debetur, legatis personam  
ejus representantibus exhiberetur.

B b

XII.

XII. Ad hæc cap. 53. ostendit Baluzius, quod tantus quondam fuerit Legatorum excessus, & insolentia, ac nimie auctoritatis suæ abusus, ut etiam ipsos Romanos Pontifices ad eos revocandos commoverint, ipsosque pœnituerit, tantam auctoritatis amplitudinem suis Legatis dedisse: quia uti rectè refert Baluzius ibidem num. 1. " Ea est Romanæ Ecclesiæ consuetudo quem-

" admodum observat Ivo Carnotensis Episcopus, ut

" neque soleat, neque velit Decretis suis *patenter* ob-

" viare; toleranda aliqua fuerunt, ne si statim quo-

" rumlibet Legatorum facta in quæstionem adducerentur,

" bona Romanæ Ecclesiæ fama periclitaretur,

" quam Sedi illi valde necessariam esse ait idem Ivo.

" Itaque cum Legati gradus, & ordinis sui immemores, potestatem, quam acceperant, in assertam licentiam vertebant, tum verò fremere, & indignari Romanos Pontifices, & si decens fuisset, facta Legatorum mittere in irritum: Verum quia periculum erat, ne infamiâ Apostolicæ Sedis inconstantia notaretur; & quoniam (ut ait Baronius) *prudentiâ carnis, & non spiritûs* perperam facta à Ministris defendi solent ab eorum Dominis, Romani Pontifices non palam quidem rescindebant, quæ acta à Legatis essent in Provinciis, sed tamen interdum eos pœnituit, quod amplissimam potestatem Legatis concessissent: hæc Baluzius.

Ex his intelligitur, quàm ægrè Romani Pontifices perperam gesta, etiam à suis Legatis & Ministris palam improbare, & in irritum mittere sive emendare jam pridem soliti fuerint; quod meritò Cardinalis Baronius *non spiritûs*, sed carnis prudentiæ adscribit.

XIII. Si quis conferre voluerit ea, quæ in Decretalibus Greg. IX. sub tit. *de Off. Leg.* nec non sub tit. *de Censib. Exactionib. & Procuracionibus*: & in 6. *Decretalium* sub eisdem tit. referuntur de auctoritate, dignitate, ac juribus Legatorum, cum iis, quæ Vicariis & Apocrisiariis Romanorum Pontificum à tempore sancti Leonis, & aliquot seculis sequentibus competeabant, faciliè intelliget pleraque, quæ de eorum dignitate, auctoritate, & juribus à Canonistis conformiter ad jus Decretalium dicuntur, sapere tempora illa, quibus dignitas, & auctoritas, nec non jura Legatorum in immensum excreverant; & quando Romani Pontifices Legatos ad Aulas Principum mittere cœperant ad modum Imperatorum & Regum, quod circa seculum XII. post tempora Gregorii VII. sua initia & incrementa accepisse ex Scripturis & Historicis illius temporis compertum est; apud quos de Legatorum, & Ecclesiæ Romanæ in hac missione excellibus querelæ leguntur.

Unde in Decretalibus Gregorii IX. sub titulo *de Officio Legati* nulla occurrit Decretalis antiquior Decretali Alexandri III. qui sub finem seculi XII. demum sedit: ut ea, quæ de juribus ac dignitate & prærogativis Legatorum in libris Juris Canonici dicuntur, nota vix fuisse videantur.

XIV. Circa hæc quoque tempora videtur invaluisse, ut Ecclesia Romana dici cœperit *Curia Romana* cum huc usque, instar aliarum Ecclesiarum dici soletet simpliciter *Ecclesia Romana*.

XV. In hanc enim nominis mutationem quasi recen-ter inducitur invehitur Gerchus Præpositus Recherpergensis, sancto Bernardo Coævus, in expositione in *Psalmum* 64. sive libro *de corrupto Ecclesiæ statu* ad Eugenium III. Papam; ubi Ecclesiæ Romanæ maculas describere satagens ait: " Neque vel hoc ipsum carere maculâ videtur, quod nunc dicitur *Curia Romana*, quæ antebac dicebatur *Ecclesia Romana*; nam si revolvantur antiqua Romanorum Pontificum scripta, nusquam in eis reperitur hoc nomen, quod est *Curia* in designatione sacrosanctæ Romanæ Ecclesiæ, quæ rectius *Ecclesia*, quàm *Curia* nominatur; quia nomen *Curie*, ut ante nos dictum est, à *curare* derivatur, sive à *curis*, ut ait quidam: " *quia curarum*

*genitrix, nutrixque malorum, injustos jussis, inbonestos æquat bonestis.* Extat hic liber tomo 5. *Miscellaneorum* Stephani Baluzii pag. 63.

Cæterum nec hodie in Belgio aut Gallia pluribusque aliis Provinciis & Regnis nota & recepta sunt ea omnia, quæ in Decretalibus, Legatis sive Nuntiis Apostolicis attribuuntur; ac signanter, quæ de jure *Procuracionum* dicuntur, uti sparium in hoc opere notatum est.

## CAPUT IV.

Quid moribus hodiernis, præsertim Galliæ & Belgii circa Legatos & Nuntios Apostolicos obtineat?

1. Legati & Nuntii Ordinarii in sua jurisdictione turbare non possunt.
2. Olim multum solliciti fuere Pontifices, ne per Legatos Ordinarios jurisdictio & auctoritas impidiretur.
3. Solliciti quoque erant, ut essent grati Principi, ad quem mittebantur.
4. A multis seculis obtinuit, ut sine prævio Principis consensu non mittantur.
5. In Gallia, id inusuerat tempore Bonifacii VIII.
6. Consuetudo Angliæ de non mittendis Legatis sine prævio Regis consensu, probata à Callisto II.
7. Legati debent Bullas suæ Legationis Regi exhibere.
8. In Gallia Facultatibus Legatorum modificationes addi solent.
9. Idem observatur in Hispania & Belgio.
10. Modificationes Facultatum Legatorum à latere annotantur in Registris Curie; & ad quid?
11. Referuntur articuli modificationum in Gallia apponi soliti.
12. Legati etiam à latere debent Legationem exercere per se.
13. Legatorum potestas hodie non censetur Ordinaria.
14. Legati non possunt exercere suam Legationem, nisi quamdiu Regi placuerit.
15. Legatus discedens debet Legationis acta reponere ad manus alicujus à Curia Regia designati.
16. Articuli modificationum in Gallia apponi consueti, multum moribus Belgicis consonant.
17. In quibus potissimum hodie versetur Nuntiorum officium.
18. Legati & Nuntii plurimum Ecclesiæ prodesse possunt, si debitis dotibus sint instructi: quæ ibidem referuntur.

I. Synodus Tridentina sess. 24. cap. 20. *de reformat.* statuit: " Legati quoque, etiam de latere, Nuntii, Governatores Ecclesiastici, aut alii, quorumcumque facultatum vigore, non solum Episcopos in prædictis causis impedire, aut aliquo modo eorum jurisdictionem iis præripere aut turbare non præsumant: sed nec etiam contra Clericos, aliasve personas Ecclesiasticas, nisi Episcopo prius requisito, eoque negligente, procedant: alias eorum processus ordinationesve nullius momenti sint: atque ad damni satisfactionem partibus illati, teneantur.

Hic patet, Synodum Tridentinam in nullo velle auctoritatem & jurisdictionem Ordinarios per Legatos aut Nuntios perturbari aut impidiri: unde etiam notat Zypæus in Jure novo titulo *de Officio Legati*, quod generatim Nuntiis præscribitur, ut procedant sine præjudicio Ordinarios: quod & Rex in litteris placet addere solet, ut infra parebit.

II. Quam solliciti jam pridem fuerint Pontifices, ne Legati jurisdictioni vel auctoritati Episcoporum in aliquo detraherent, liquet ex verbis S. Leonis Legationi Juliani Episcopi Coënsis, de quibus capite secundo, subjunctis. " Consulenti autem dilectioni tuæ de his,

" in

in quibus putaveris ambigendum; non deerit relationibus tuis meae responsionis instructio: ut sequestrata earum actione causarum, quæ in quibusque Ecclesiis Præfulum suorum debent cognitione firmari, hanc specialem curam vice mea functus assumas, ne hæreticis vel Nestorianis vel Eutychianis in aliqua parte revireat, „ &c.

III. Neque minus solliciti erant, ut Legati, præcipue qui cum in finem ablegabantur, ut in comitatu Principis morarentur, Principi grati essent; ejusque patrocinio foverentur. Unde nec facile suos ad Principes Legatos mittebant, nisi una benevolentiam Principis sollicitarent, omnemque Legatorum erga Principem observantiam sponderent; quemadmodum in Epistolis S. Leonis ad Martinum & Pulcheriam, nec non variis Epistolis S. Gregorii, videre licet.

IV. Imo à multis seculis apud plerasque gentes invaluit, ut Legati Pontificii ad Provincias, sine prævio Principis consensu non admittantur; quemadmodum nec Principum Legati à Pontifice, nisi de ejus consensu recipiuntur.

Quo tempore, & qua occasione is consensus Principum requiri cœperit, non certo scitur. Verisimile est non ubique eodem tempore, nec eadem occasione inductum.

Extat hac de re notanda Epistola Frederici Imperatoris sub medium seculi XII. data ad Adrianum IV. Pontificem, qua respondit querelæ hujus Pontificis, quod Cardinalibus à se ad Imperatorem destinatis, non tantum Ecclesias, sed & portas civitatis ocludi fecisset, responder Imperator: „ Cardinalibus utique vestris clausæ sunt Ecclesiæ, & non patent civitates: quia non videmus eos Prædicatores, sed Prædatores; non pacis corroboratores, sed pecunie raptores; non orbis reparatores, sed auri insatiabiles corrosores: cum autem viderimus eos, quales requirit Ecclesia, portantes pacem, illuminantes patriam, assilentes causæ humilium in æquitate, necessariis stipendii & commensu eos sustentare non differemus. „ Habentur hæc litteræ apud Goldast. tom. 1. Constitut. Imper. edit. 1607. pag. 58.

Similiter narrat Hæctor Boëtius lib. 13. *Historia Scotorum folio 282.* cum Romani Pontifices frequenter à suo corpore mitterent Legatos in Scotiam, qui Scotiam raptarent sub umbra Legationis, rem eo deductam esse anno 1221. ut cum illuc missus esset ab Honorio Papa Legatus, Alexander Rex consulendos suos ratus, Concilium convocaverit: ibi Præsul quidam præfatus de avaritia & pravis moribus Legatorum, demum huc flexit, ut censeret, non modo hunc non admittendum reclamante populo, ac Regno exhausto, sed ne in posterum quidem hunc, aliumve.

Addit autem Hæctor Boëtius, ea liberrima Præfulis illius oratione permotos, qui in Conventu aderant, Legatum censuisse in Regnum admittendum non esse. Quæ cum summo Regis (inquit) & assidentium assensu probata essent, Legatus in Regnum admissus non est.

V. Illud in Regno Galliarum tempore Bonifacii VIII. & Philippi pulchri Galliarum Regis obtinisse, sat manifestum est ex articulo, quem inter alios Bonifacius per suum Legatum Philippo proponi voluit; ipsiusque Philippi dato responso. Articulus proponendus hic erat: „ Item ad denuntiandum vel declarandum eidem Regi, quod Romanus Pontifex Legatos *de latere* ac Nuntios libere mittere possit ad quævis Imperia, Regna & loca, *prout vult*, absque petitione cujuslibet vel consensu; usu vel consuetudine contrariis nequaquam obstantibus. „ Huic articulo respondit Rex: „ Quod non impedivit, nec impedire intendit Legatos, Nuntios, vel alias quascumque personas, quominus ingredi valeant Regnum suum, nisi sibi & Regno sint legitima ratione suspecti, vel alias habeant justam causam. (a)

(a) Summi Pontifices non possunt in Gallias mittere Legatos & Nuntios.

VI. A Callisto Papa II. concessum fuisse Henrico I. Angliarum Regi, ut vetustæ Regni sui consuetudines firmæ manerent; atque inter alias hæc, ut nullus Legatus in Regnum ejus mitteretur, nisi à Rege postularetur, refert Rogerius De Hoveden in priore parte Annalium: verba ejus sunt: „ Rex à Papa impetravit ut omnes consuetudines, quas Pater noster in Anglia & in Normannia habuerat, sibi concederet, & maxime ut *neminem Legati officio in Anglia fungi* permetteret, si non ipse (aliqua præcipua querela exigente, quæ ab Episcopis regni terminari non posset) *hoc fieri à Papa postularet.*

Hæc praxis non admittendi Legatos seu Nuntios Apostolicos sine Regis consensu usque ad hæc nostra tempora, non in Gallia aut Anglia duntaxat, sed & in Hispania, ac Belgio nostro constantissime servatur.

VII. Imo quemadmodum olim Proconsules Romani (quibus Legati Apostolici, præsertim *à latere* comparantur) secum ferebant Facultatum seu mandatorum suorum articulos in Provincia sibi demandata exhibendos; ut juxta illos suam auctoritatem ac jurisdictionem exercerent; ita quoque moribus obtinuit, ut Legati sive Nuntii Apostolici Facultates suas habere debeant, easque Regi ejusve Parlamento exhibere; ut iis visis & examinatis expendatur, num nihil in illis continetur juribus Regis, aut Regni, vel subditorum contrarium.

VIII. „ Legati *de latere* (ait Franciscus Marcus Decif. *Delpbm. parte 2. decis. 14.*) „ apud Gallos nullam funguntur Legationis officio, nisi in eorum ingressu insinuerint suæ potestatis litteras supremæ Curiae Parlamenti. „ Et Renatus Choppinus de P. S. lib. 2. tit. 4. „ Sacri Legati potestas initium sumit apud Gallos, ex quo primum Curia codicillos Pontificios approbaverit.

„ Patiuntur Romani Pontifices (inquit Mornacius ad l. 1. Cod. de summa Trinit.) „ Legatos suos quos mittunt in Galliam, Lugduni semper, atque in hunc diem gradum sistere, donec singula Legationis capita temperentur à Senatu Francico, qui indicit & cancellat (b) libere, si imminutum in aliquo jus in re propria seu temporali regum viderit.

IX. Quod de Gallia uno consensu Practici testantur, & notoria praxis evincit, idem de Hispania & Belgio refert tanquam indubitatum & Caroli V. edicto firmatum, Didacus Covarruvias *Pract. qq. c. 35. §. 4.*

„ Sicuti apud Hispanos, ait, potestas Legatorum seu Nuntiorum Apostolicæ Sedis examinatur, ut adnoveri possint à summo Regis Prætorio, quibus uti conveniat dispensationibus & commissionibus, ne quid fiat in Reipublicæ dispendium: cum plerumque Nuntii Apostolici exteri sint, nec satis noverint, quæ sint omnino præcaverenda, ne falsis precibus & suggestionibus decipiantur: ita & idem fieri solet apud Gallos teste Carolo Molin. in Reg. Cancellariæ *de ins. firmis resignantibus num. 139.* Ita enim, inquit, de Regno Franciæ: in quo nec Legatus quidem Papæ, sive Lateralis, sive Missus quidquam auctoritate Papali exequi potest in regno, nisi prius permissionem expressam à Rege obtinuerit homologatam à suprema Tribunali Regio, in quo Legatus aliquid exequi nec in terris Regni, quæ nuper adhuc erant in possessione Regis Franciæ, sine consensu Comitum Flandriæ, ut vidi per programma Caroli V. Imperatoris, qui ibi idem jus conservat, cujus programmatibus exemplar habeo sub dato 13. die Maji anno 1531. Hactenus Molinæus. Ex quo apparet, non tantum in Hispania, sed & in Flandria & apud Gallos hoc ipsum frequentissime fieri. „ Hæc Covarruvias.

X. Ob reverentiam quidem Legatorum *à latere* solet

latere, quin antea rex eam postulaverit aut explicite consenserit Papæ desideranti ad Gallos Legatum dirigere. *Mém. du Clergé, édit. 1719. t. 7. col. 1424.*

(b) Roye.

B b 2

Curia



Curia Regia, teste Fevretio *lib. 3. de abusu cap. 2.* ipsis reddere Bullas Legationis nulla facta mentione restrictionum sive modificationum, quæ in registris Curie duntaxat annotantur, ut ad illas, cum opus fuerit, recurri possit. Si tamen Legatus his contraveniat, sive voluntariam sive contentiosam jurisdictionem concernant, abusus judicatur, atque ab illo actu *tamquam ab abusu* ad Curiam Regiam appellatur.

XI. Jacobus Thuanus *lib. 3. Historiæ suæ ad annum 1547.* in unum redegit & per ordinem retulit modificationes, quæ in verificatione, utajunt, Facultatum sive Bullarum Legatorum à latere per Curiam Regiam diversis temporibus appositæ fuerunt, quemadmodum ex litteris ipsis verificationum relatis *tom. 2. Libertatum Ecclesiæ Gallicanæ cap. 23.* videri potest.

Cum vero ex dictis articulis elucescat, quæ sit moderna circa auctoritatem & Facultates Legatorum & Nuntiorum disciplina & praxis, non inutile fore credidi dictos articulos eo ordine, quo à Thuano recitantur, referre.

Ut Legatus "mandatorum vi nullam jurisdictionem in Regis subditos, ne ipsis quidem consentientibus, exerceat, nec etiam in eos è Sacro Ordine, qui jurisdictioni ordinariæ exempti sunt, & directe ad S. S. pertinent; quibus si opus sit, judices in partibus delegatos dare tenebitur, qui de appellationibus eorum cognoscant, & finem liti imponant: natalium restitutionis beneficium spuris non impertiat, nisi ut ad Sacros Ordines admitti, & Sacerdotia obtinere possint, modo ne eo beneficio privilegiis, immunitatibus ac juribus Sacrorum Collegiorum, quæ spurios nullo casu admittunt, derogetur; non autem beneficium ad id porrigatur, ut spurii ad successiones & Magistratus civiles ac hujusmodi publica munia admittantur: nullam Sacerdotiorum unionem faciat; tantum rescripto judices deleget juxta Synodi Constantiensis statutum: iis qui ob gradus prærogativam ad Sacerdotia per nominationem jus habent, studiorum curriculum gratiam non faciat: nulla pensione Sacerdotia, etiam consentientibus, qui ea obtinent, oneret, nisi commodo eorum, qui ea ejerabunt, aut litigii componendi causa; neque patiat, ut qui ea ejerabunt, pensionis loco omnes fructus retineant, concedatve, ut qui ea tenent, bona soli ulla de causa aut quovis contractu alienare possint; etiam si ea Sacerdotia nulli regni jurisdictioni subjaceant, & nullo medio ad Sanctitatem suam pertineant: tantum eo casu judices in regno deleget, qui, causa cognita, juxta juris præscriptum auctoritatem Decreto interponant: Cœnobis Religiosorum utriusve sexus, nulli, vita durante, aut ad tempus, cum titulo attribueret, aut commendare queat, citra Regis nominationem, juxta pacta cum Leone X. inita; neque Sacerdotiorum vacantium gratiam ulli faciat in indulti à P. P. Parisiensis Senatus Affectibus à Rege nominandis concessi præjudicium: nullam inter Regis subditos jurisdictionem exerceat de falso, usuris, separatione conjugatorum, quoad petitionem dotis, & bonorum per contractus illicitos ablatorum restitutionem; de crimine item novæ sectæ, quæ quietem publicam turbet, cum de facto tantum queretur, non cognoscat; quippe cum eorum omnium cognitio ad Regem ejusque judices pertineat; neque Regis subditos in iis causis absolvat, nisi quod ad conscientiam & pœnitentiam: testandi contra Provinciarum consuetudines, jura Regni ac Constitutiones in Curia promulgatas, ullis Sacerdotia in Regno tenentibus, aut in Cœnobiis vitam Monasticam professis, gratiam non faciat: in diplomatibus suis patronorum aut aliorum Ordinariorum juribus non derogat contra statuta & laudabiles primariorum Ecclesiarum aut Collegialium consuetudines ac privilegia, Regis postulatu à Pontificibus concessa, gratiam nulli faciat: plura Sacerdotia uni sub eodem testamento non conferat: executoribus te-

stamentorum tempus à lege præstitutum non proroget: legata pia in alios usus, quam quos testator voluit, non convertat, nisi eo casu, quo voluntas defuncti plane impleri non possit, & dummodo commutatio in rem fiat, quæ testationi ejus ultimæ æquipolleat: regulæ de *verisimili notitia*, & *publicandis resignationibus* non derogat: de fructibus perceptis cum iis non paciscatur, qui in Sacerdotiorum possessionem se vere intruserint, aut eos ipsis omnino remittat; cum scilicet in usum & utilitatem ipsarum Ecclesiarum, à quibus profecti sunt, resarciri debeant: in conferendis Sacerdotiis, quæ ejerata fuerint, non statuat, ut fides diplomatibus suis adhibeatur, etiam non exhibitis procuracionibus, quarum vi ea Sacerdotia ejerata fuerint: in diplomatibus suis clausula, *antefervi*, aut simili, in præjudicium juris jam alteri quaesiti, non utatur: causas Ecclesiasticas ad se evocare, aut de iis agnoscere contra caput, *de causis*, aut rei sequestratione uti non possit: de criminibus, quæ vere Ecclesiastica non sunt, etiam si milita fuerint, contra pure Laicos non cognoscat, sed tantum contra Ecclesiasticos; neque in criminibus pure Ecclesiasticis multas pecuniarias Laicos irroget; ci tamen contra Ecclesiasticos hujusmodi multis uti jus sit, secundum sanctiones Canonicas, dum ne derogetur Sacris Conciliorum Decretis in Censura Canonica comprehensis: restitutiones in integrum, aut contractuum inter Laicos factorum rescissiones non concedat: de actionibus in rem, etiam si contrahentes Sacris addicti fuerint, aut de contractibus inter quascunque personas Laicas aut Ecclesiasticas factis, qui obligationes in personam contineant, si à Notariis Regis publica auctoritate confirmati fuerint, non cognoscat: personas Laicas infamia notatas famæ & dignitati non restituit, sed tantum Clericos, quoad Sacros Ordines & Sacerdotales dignitates: non permittit iis, qui Sacerdotia ejerando pensiones retinuerint, eas in alium transferre: Sacerdotia Regni, quæ conferre ei, quamdiu in regno erit, jus est, cum extra regnum erit, conferendi facultatem non habeat; & cum è regno discedet, in cuiusdam viri spectatæ fidei manus, acta Legationis suæ consignare teneatur: nihil postremo faciat, quod derogat, aut præjudicet sacris Decretis, pactis inter Reges & Pontifices initis, Conciliis Oecumenicis, juribus, immunitatibus, Libertatibus Ecclesiæ Gallicanæ, Academiis, & publicis regni scholis, idque scripto manu propria idonee subsignato promittat. (a)

XII. Ulterius quia in Legatione electa est industria personæ, ideo in verificatione Facultatum seu Bullarum injungitur, ut Legationem suam exerceat *per se, non per alios*. Unde Curia Regia anno 1519. admisit quidem Legationem Cardinalis Ambosii, ut tamen ipse nequeat dare in sua absentia, aut alio quocumque prætextu aliquem Vicarium aut substitutum cum pari auctoritate aut facultate: sed posset committere aut delegare duntaxat aliquem Regentem Cancellariæ suæ, & alios Officiarios pro Legationis suæ exercitio. Habentur hæc litteræ verificationis *tomo 2. Libertatum Ecclesiæ Gallicanæ cap. 23. num. 27.*

XIII. Legatorum præsertim à latere potestatem jure communi *Ordinariam* reputari supra notatum fuit: "At in terra Gallica (ait Renatus Choppinus *lib. 2. de sacra Politia tit. 4. num. 4.*) quæ unius Regis profanum hætenus dominatum experta est, Legati functionem nos *alienam* potius interpretamur, delatam, quæ à Pontifice, quam illius *propriam* ac *ordinariam*."

XIV. Monet quoque ibidem Choppinus *num. 3.* adjectum fuisse Senatus Consulto, Legatum tamdiu potestate usurum quamdiu ageret in Provincia dun-

(a) Clara sunt quæ à Jacobo Thuano de jurisdictione à Legatis exercita in Galliis dicta sunt; attamen non piget consulere D. Pithagm in suo Opere de *Libertatibus Gallicanis*.

taxat (non si Regno Francico semel exiisset) aut quo-  
usque placuisse Principi.

Tomio 2. Libertatum Ecclesiarum Gallicanarum cap. 23.  
num. 30. referuntur litterae Archiepiscopi Barenfis  
Nuntii Sedis Apostolicae ad Curiam Regiam, in quibus  
haec habentur: "Per has praesentes promittimus ac jura-  
mus, praefato Christianissimo (Regi Franciae) quod  
jam dicta Legatione non utemur in regno suo, terris  
& Dominis sibi subditis nisi quamdiu suae libuerit  
voluntati: adeo ut cum primum certiores efficiemur  
quod suae voluntatis est, ut amplius illa non utamur,  
itam cessabimus & desistemus illa uti.

Idem scripto promisit Antonius De Prato Cardinalis  
tituli S. Anastasiae & Archiepiscopus Senonensis, Legatus  
a latere anno 1529. & extat promissio dicto cap. 23.  
num. 39.

XV. Denique notat Choppinus loco citato: "Gallicis  
autem finibus abcessuro Legato injunctum est, omnia  
suae Legationis acta, & commentaria dimittere penes  
Curiae Praesidem aut Consiliarium, quemcumque ei di-  
circo Senator designasset. Quorum omnium syngra-  
pham, tesseramque assertoriam Legatus Regi praebe-  
ret, Curiae Regestis postea inscribendam, sicuti haec om-  
nia Senatorio Decreto expressa sunt 17. Calend. Ja-  
nuar. anno 1551.

In formula juramenti Cardinalis Mauroceni Legati a  
latere, praestiti Henrico III. Francorum Regi anno 1576.  
ibidem num. 70. habentur sequentia: "Juro & promitto  
in verbo Cardinalis per Sacros Ordines meos manibus  
adpectus positus Christianissimo Regi, me Legati mu-  
nere non functurum, nec Facultatibus mihi a S. Sede  
concessis usurum, nisi quamdiu in Regno ero, & suae  
Majestati Christianissimae placuerit, adeo ut certior fa-  
ctus de illius voluntate, illi convenienter Legati no-  
men, & jus continuo sim depositurus: simulque omni-  
umque gerentur a me, Legatione finita, codicillos re-  
licturum in manibus ejus, quem voluerit sua Christia-  
nissima Majestas: item leges & statuta & consuetudi-  
nes Regni servaturum, nec ullo modo auctoritati & ju-  
risdictioni Regiae, juribus, Libertatibus, & Privilegiis  
Ecclesiarum Gallicarum & Universitatum derogaturum.

XVI. Praedicti articuli modificationum & reliqua  
usum Regni Galliae exponentia si attendantur, & con-  
ferantur cum moderna Belgii nostri praxi, apparebit,  
in multis mores Belgicos hac in parte Gallorum mori-  
bus consentire.

Et quidem Philippus II. Hispaniarum Rex in litteris  
Placeti super Legatione Caroli Carassae in has Provin-  
cias, datis Bruxellis 18. Decembris 1537. postquam de-  
claravit, "quod dictus Carassae sibi exposuisset, se  
nolle in hisce Provinciis uti Facultatibus seu Bullis  
suae legationis sine notitia & consensu Regis, quem  
postulari fecit, dicit: se consensisse, atque per prae-  
sentes consentire, ut Legatus suis Facultatibus &  
Bullis utatur; ita tamen, quod non poterit praejudi-  
care Indultis aut Privilegiis Regiis nominandi ad Mo-  
nasteria, Dignitates ac Beneficia in his Provinciis;  
neque etiam ordinationibus aut edictis publicis har-  
um Provinciarum: quod non derogabit Juri Patro-  
natus Laicorum; neque ulli foundationi quovis prae-  
textu; quod non utetur praevisione in praevicium  
Ordinariorum Collatorum Beneficiorum; non pote-  
rit quoque dispensare super retentione duorum Bene-  
ficiorum Curatorum, neque duorum Beneficiorum in  
eadem Ecclesia: quodque hi qui ab eodem Legato ob-  
tinebunt quamcumque gratiam, provisionem aut  
Bullam, iis uti non poterunt sine praeviis litteris Pla-  
ceti Regii, quemadmodum, ait, observare solemus  
in omnibus provisionibus & Bullis Apostolicis. Ha-  
bentur haec litterae in quodam libello continente Pri-  
vilegia nominationum Lovaniensium; nec non diversa  
alia Indulta nominandi ad Beneficia & Dignitates Prin-  
cipibus Belgii indulta, impresso Leodii apud Matthiam  
Hovium anno 1663. pag. 137.

XVII. Auctoritas itaque Nuntiorum Apostolicorum  
in Gallia ac Belgio fere in his consistit.

Primo in concedendis resccriptis, quibus desig-  
nantur Judices Synodales in Partibus, qui de cau-  
sis per appellationem aut alium quemcumque titu-  
lum ad Sedem Apostolicam devolutis, cognoscant &  
judicent.

Secundo, in concedendis dispensationibus, vel con-  
ferendis Beneficiis aliisve gratiis largiendis, quae pri-  
vative ad Sedem Apostolicam spectant; prout scilicet  
Sedes Apostolica eas per Legationis Bullas seu Facul-  
tates ipsis Legatis seu Nuntiis censuerit communican-  
das. (a)

Tertio, ipsi Nuntii etiamnum hodie vice Pontificis  
in Provinciis pro fidei integritate & conservatione,  
nec non Canonum custodia excubare debent; atque  
apud Reges & Principes tanquam Ministri Pontifici  
negotia Pontificis procurare, Solent quoque Pontifices  
per Nuntios tanquam suos Ministros apud Principes &  
Reges in Provinciis agere: omniaque per manus ipso-  
rum transire solent. Ipsi quoque omnia majoris mo-  
menti Romano Pontifici atque Curiae Romanae referunt;  
quaeque agenda sunt a Pontifice expectant, atque de  
linguis Pontificem ac Curiam Romanam informant.  
Quare a vero aberrare non videntur, qui hodiernos  
Nuntios Apostolicos, pristinis Apocrisariis & Respon-  
sabilibus (de quibus capite secundo) comparari pos-  
sunt credunt.

XVIII. Indubitatum quoque est, non exiguum  
etiam hodie esse Nuntiorum apud Principes & Ecclesiae  
Praelatos auctoritatem, propter reverentiam & eminentiam  
Sedis Apostolicae, cujus ipsi vices gerunt, & pro  
qua Legatione funguntur; quodque plurimum Eccle-  
siae suae auctoritate prodesse possint, praesertim si tales  
sint, quales Sanctus Bernardus lib. 4. de Considerat. ad  
Eugenium cap. 6. describit: "Qui missi post aurum  
non eant, sed Christum sequantur. Qui quaestu Le-  
gationem non aestiment, nec requirant datum, sed  
fructum. Qui Regibus Joannem exhibeant, Ae-  
gyptis Moysen, fornicanibus Phineem, Heliam  
Idololatris, Eliseum avaris, Petrum mentientibus,  
Paulum blasphemantibus, negotiantibus Christum.  
Qui vulgus non spernant, sed doceant: divites non  
palpent, sed terreat: pauperes non gravent,  
sed foveant: minas Principum non paveant, sed  
contemnant. Qui non cum turba intrent, nec cum  
ira exeant: qui Ecclesias non spoliunt, sed emendant.  
Qui gastropia non exhauriant, sed corda reficiant,  
& crimina corrigant: famae provideant suae, nec in-  
videant alienae. Qui orandi studium gerant, & usum  
habeant, ac de omni re orationi plus fident, quam  
suae indutriae vel labori. Quorum ingressus pacificus,  
non molestus exitus sit. Quorum sermo edificatio,  
quorum vita justitia, quorum praesentia grata, quo-  
rum memoria in benedictione. Qui se amabiles prae-

(a) Nescio utrum quae in eo numero dicta sunt de auctoritate  
Nuntiorum, possint conciliari cum iis, quae noster Auctor statuit  
capite 1. hujus tituli num. 16. ubi docet in Belgio, in Gallia, &  
in plerisque Regnis, nullam jurisdictionis actum posse a Nuntiis  
exerceri; eo loci excludit tum contentiosam, tum voluntariam  
jurisdictionem, unde sequitur quod Nuntii concedere nequeant  
dispensationes nec rescrypta quibus designantur Judices Synodales  
in partibus, &c. sicut asseruit num. 17. capitis 4. facultas enim  
concedendi dispensationes, & designandi Judices supponit au-  
thoritatem jurisdictionis. Quod autem non solum in Gallia, sed  
etiam in Hispania, Nuntii nullius jurisdictionis actum inde-  
pendentes a Regibus possint exercere, constat ex Bobadilla Au-  
thore Hispano, lib. 2. cap. 2. de la Jurisd. Real y mixto Fuero.  
Addit non tantum Hispanias, sed Comitatum Burgundiae &  
integrum Belgium nullam in Nuntiis Apostolicis agnoscere juris-  
dictionem, si, inquit, primero no tienen licencia Real para ello.  
Quapropter in iis Provinciis sicut in Gallia Nuntii non possunt  
cognoscere & ferre judicium de secularisatione Monasteriorum,  
de unione Beneficiorum, de informationibus quae vocari solent  
de comodo & incommodo, & de aliis ceteris quae supponunt  
potestatem jurisdictionis; unde nec Tribunal erigere audent,  
nec Assessores ad jus dicendum in Gallia & in Hispania sibi  
vindictant.

„beant

„ beant non verbo, sed opere : reverendos exhibeant,  
 „ sed actu, non fastu. Qui humiles cum humilibus,  
 „ & cum innocentibus innocentes, duos dure redar-  
 „ guant, malignantes coërceant, reddant retributio-  
 „ nem superbis. Qui non de dote viduæ, & patrimo-  
 „ nio crucifixi se vel suos ditare festinent, gratis dan-

tes quod gratis acceperunt, gratis facientes judicium  
 „ injuriam patientibus, vindictam in nationibus, in-  
 „ crepationes in populis. Qui de tuo denique spiritu,  
 „ illorum instar septuaginta Moyſi accepiſſe, cernantur,  
 „ per quem ſive abſentes, ſive præſentes contendant  
 „ placere tibi, placere Deo.

## TITULUS XXII.

### DE CONGREGATIONIBUS CARDINALIUM.

#### CAPUT I.

De Origine, & Dignitate, & Officio  
 Cardinalium.

1. Qui dicti olim fuerint, Episcopi, Presbyteri, & Diaconi Cardinales?
2. Unde olim dicerentur Cardinales?
3. Quomodo Episcopi, Presbyteri, & Diaconi Cardinales distinguerentur à non Cardinalibus?
4. Episcopum proprium Ecclesiæ S. Gregorius vocat Cardinalem.
5. Eodem sensu dicit Presbyterum Cardinalem.
6. Diaconum Cardinalem eodem sensu accepit.
7. Olim non tantum in Ecclesia Romana, sed etiam in aliis erant Presbyteri & Diaconi Cardinales.
8. Etiam seculo XI. Presbyteri Ecclesiarum Parochialium dicti sunt Cardinales.
9. Quæ primitus fuerint Diaconie in Urbe Roma?
10. Quomodo paulatim transferint in titulos Cardinalium?
11. Quatuordecim primum fuere Diaconorum Cardinalium tituli, quibus quatuor alii additi.
12. Primus Leo X. octodecim titulis Diaconorum Cardinalium novum addidit.
13. Olim fuere 28. tituli Presbyterorum Cardinalium; & quamdiu numerus ille manserit immutatus?
14. Episcopi Cardinales Romæ multis seculis ignoti fuerunt; & quomodo initium habuerint?
15. Quomodo numerus Cardinalium subinde diminutus, & subinde nimium auctus fuerit? Hunc Synodus Basiliensis limitavit.
16. Sixtus IV. numerum primum valde ampliavit.
17. Hodie ad septuaginta reductus.
18. Antiquitus Cardinales Ecclesiæ Romanæ erant ipse Clerus illius Ecclesiæ; quem Presbyterium dicebant.
19. Presbyteri aut Diaconi Cardinales olim supra reliquum Clerum non eminebant.
20. Multis seculis Episcopi prælati fuere Cardinalibus.
21. Dignitas Cardinalitia cum dignitate Romani Pontificis sensim crevit.
22. Circa seculum XII. ceperunt Cardinales Episcopi.
23. Pileus rubeus aliaque insignia Cardinalibus data.
24. Quando Cardinales dicti sint Eminentissimi?
25. Cardinales nullo alio titulo quam Cardinalitio uti possunt.
26. Cardinalitia dignitas omnem aliam suo splendore absorbere videtur.
27. Cardinales nonnunquam Episcopos indigne tractarunt.
28. Bartholomæus De Martyribus conqueritur, Episcopalem dignitatem per Cardinalitiam in vilipendium venisse.
29. Præcipuum officium Cardinalium olim fuit intendere Ecclesiis suorum respective titularum.
30. Hodie præcipuum ipsorum officium est, assistere Pon-

tifici; ratione cujus postmodum suum nomen mutarunt.

31. Quod si Pontifex Cardinales in Consilium admittat, eorum tamen assensu credit non indigere.
32. Cardinales hodie cum Pontifice majora Ecclesiæ negotia agunt.
33. Quæ qualitates in Cardinalibus requirantur?
34. Quid in Conc. Trid. egerint oratores Galli circa reformationem Cardinalium.
35. Cardinalium Congregationes pro negotiis dirigendis.
36. Variæ harum Congregationum species.
37. Quarum Congregationum notitiam habere hic conveniat?

I. **A** MULTIS retro seculis notissimum fuit Cardinalium in Ecclesia nomen; sed à modernis Romanæ Ecclesiæ Cardinalibus plane diverforum.

Episcopus quippe *Cardinalis* antiquitus dictus fuit, omnis ille Episcopus, qui Ecclesiæ alicui Cathedrali erat intitulus sive *incardinatus*, hoc est, proprius illius Ecclesiæ Episcopus.

Similiter Presbyter, aut Diaconus *Cardinalis* vocatus est, qui alicui Ecclesiæ aut loco pio tanquam *ordinarius*, & proprius Presbyter, aut Diaconus erat intitulus, sive *incardinatus*.

II. Hujusmodi Episcopi, Presbyteri & Diaconi vocabantur *Cardinales*: quia, sicut *cardo* fixus est, & immobilis; ac circa illum valvæ volvuntur; ita quoque circa illos Episcopos, Presbyteros ac Diaconos, tanquam *fixos* & proprios Ecclesiarum *cardines*, populorum eorum curæ commissus in Ecclesiastico regimine, & animarum cura quodammodo volveretur.

III. Verbo, Episcopi, Presbyteri & Diaconi *Cardinales* in hoc unice ab aliis non *Cardinalibus* differabant, quod illi tanquam *proprii* & quasi *fixi* ac *immobiles* Ministri, Ecclesiæ suis essent intitulati: hi vero tanquam *adventitii* & *subsidiarii* alicui Ecclesiæ essent assignati; atque ita juxta veterem *Cardinalium* nomenclaturam hodierni Parochi vere dicerentur Presbyteri *Cardinales*; Vice Pastores vero non *Cardinales*.

Hoc sensu Gelasius I. in litteris ad Cælestinum Episcopum apud Gratianum *Dist. 24. Can. 4.* Pontificem *Cardinalem* opponit Pontifici seu Episcopo *Visitatori*: qui scilicet duntaxat ad tempus alicui Ecclesiæ tanquam *Visitator* invigilat.

Notant passim viri Eruditiores ante Gelasium, nomen *Cardinalis* non legi tributum Episcopis, Presbyteris, aut Diaconis. Occurrit quidem in quadam Synodo, quæ habita dicitur sub Sylvestro Papa seculo IV. sed hanc Synodum, ejusque acta demum ævo Caroli Magni conficta, & Sylvestro Papæ supposita esse, plura in ea occurrentia evidenter evincunt, & hodie passim Eruditis sat est persuasum.

IV. Meminit quoque hujusmodi Episcoporum, Presbyterorum ac Diaconorum *Cardinalium* non semel Sanctus Gregorius.

Et quidem, cum Itauriæ Episcopus, ob imminentes hostes refugium habuisset in insulam Corcyram, atque



que ad Ecclesiam quamdam istius insulae se cum sua plebe receperat; velleque in illa non tantum corpus Sancti Donati, quod secum attulerat, collocare & consecrare; sed insuper Pontificalia exercere, atque ea de causa lis inter Episcopum Isauriae & Episcopum huius insulae orta esset, refertur huic Sanctus Gregorius lib. 12. Ep. 2. Sacerdotes vel Clerum Isauriae civitatis ab illa Ecclesia non esse repellendos, "sic tamen, inquit, ut Dilectioni tuae in cuius Parochia (id est Diocesi) castrum ipsum est positum, emissis procuraretur cautione munitio, per quam promittat Episcopus Isauriae, nullam sibi in eo potestatem, nullum privilegium fore, nullam jurisdictionem, nullam tanquam Cardinalis Episcopus ulterius auctoritatem defendere: sed post pacem Deo propitio redditam ablato venerabili Sancti Donati, si maluerint, corpore, ad propria se modis omnibus reversuros.

Hic Gregorium per Episcopum Cardinalem intelligere proprium, fixum & ordinarium Episcopum, perquam manifestum est: quapropter Vir Eruditus Petrus Guffanvillæus in notis ad citatam Epistolam, verbo, *Cardinalis Episcopus*, sine ulla haesitatione hanc notam apposit, id est, titularis sive principalis, ut in Epistola sequenti; sive PROPRIUS, ut in Epistola 8.

V. Presbyterorum Cardinalium & non Cardinalium in eodem sensu frequens quoque apud S. Gregorium est memoria.

Et quidem rescribens Castorio Episcopo Ariminensi, ut postulante Timothea illustri feminâ Oratorium pro ejus devotione in honorem Sanctae Crucis absque Missis publicis solemniter consecraret, hanc cautionem apponit: "ita ut in eodem loco nec futuris temporibus baptisterium construat, nec Presbyterum constituas Cardinalem." Lib. 2. indict. 10. epist. 9.

Similiter scribit Episcopo Firmano, ut cuidam suo Diocesano Oratorium pro sua devotione extruat; eadem rursus addita conditione, ut consecratur absque Missis publicis; & ut in eodem loco nec futuris temporibus baptisterium construat, nec Presbyterum Cardinalem constituat.

Hic videmus Gregorium nolle ordinari Presbyterum Cardinalem: at verò scribens eidem Episcopo pro consecratione Ecclesiae, quam quidam ejus Diocesis Comes in suo Castro suoque sumptu construere & dotare volebat, vult, Presbyterum ibi constitui Cardinalem. Lib. 10. indict. 5. epist. 12.

Ratio verò cur hic Presbyterum Cardinalem constitui præcipiat, & alibi inhibeat, hæc est; quod Oratoria, de quibus in prioribus Epistolis, solummodo construerentur & dedicarentur ad alicujus privatam devotionem; nequaquam verò ad publicas synaxes, seu publicos populi conventus. Quare & absque publicis Missis consecrari debebant. Per Missas publicas enim intelligit Gregorius, juxta phrasim illius temporis, Missas ad quas una cum suo Pastore plebs convenire debebat.

Oratorium autem, de quo in postrema citata Epistola, non pro privata Comitum devotione destinabatur, sed insuper, ut ad illud populus convenire posset. Sicenim scribit Gregorius: "Presbyterum quoque te illic constitutur volumus Cardinalem, ut quoties præfatus Conditore fieri sibi Missas fortasse voluerit, vel Fidei concursus exegerit, nihil sit, quod ad Missarum sacra exhibenda solemniora valeat impedire.

In hoc ergo Presbyterum Cardinalem, id est proprium & fixum, quem hodie Curatum sive Plebanum dicemus, constitui vult pro populi ibidem convenientis directione; at in illis Presbyterum non Cardinalem; sive, uti hodie dicemus, Capellanum, sive Presbyterum non fixum; ab Episcopo tamen postulandum, si Fundator Oratorii ibi Missas celebrari velit; uti expressè monet S. Gregorius.

VI. De Gratiano Diacono ad Metropolitanum Episcopum ita scribit idem Pontifex lib. 5. indict. 14. epist.

11. & refertur à Gratiano dist. 71. can. 5. "Fraternitatem tuam à nobis petiisse recolimus, Ecclesiae Benefranæ Diaconum tuæ concederemus Ecclesiae Cardinalium. Et quoniam nec Episcopum, cui obsecundare, nec propriam habet Ecclesiam, hoste scilicet prohibente, quò suum debeat ministerium exhibere; petitionem tuam non prævidimus differendam. Idcirco scriptis tibi præsentibus cum necessarid duximus concedendum, habituro licentiam Diaconum illum, nostrâ interveniente auctoritate, Ecclesiae tuæ Deo propitio, constituere Cardinalem.

Itaque ætate S. Gregorii, Episcopi, Presbyteri & Diaconi Cardinales propriè erant, Episcopi, Presbyteri ac Diaconi, qui Ecclesiis erant intitulati seu incardinati, tanquam fixi ac proprii illarum Ecclesiarum Pastores & Ministri.

VII. Hinc non tantum in Ecclesia Romana, sed in omnibus passim Ecclesiis erant Presbyteri ac Diaconi Cardinales, præter Cardinalem, hoc est, proprium Episcopum. Et quidem usque ad seculum undecimum, Curiones Ecclesiarum Parochialium in Ecclesiis Gallicanis dictos fuisse Presbyteros Cardinales, ostendit exilius temporis monumentis auctor Tractatus Gallici de Origine Cardinalium pag. 16. edit. 1670.

VIII. Atque hoc sensu intelliguntur Sacerdotes Cardinales in cap. 2. de Officio Archiepiscopi; quos etiam antiquus Glossographus vocat principales; & in Corpore Juris Canonici correcto editionis Antverpiensis anni 1648. ad marginem notatur ex Antonio Augustino: "Cardinales Sacerdotes hoc loco non Urbis tantum Romæ, sed aliarum etiam civitatum primos interpretamur, quibus tituli, id est, Parochia committuntur.

Auctor dictæ Decretalis dicitur Leo Papa, absque expressione ulteriori; sed Antonius Augustinus monet, Leonem IX. appellari, à quibusdam ex veteribus libris: quæ inscriptio si vera sit, vel ex hac Decretali habemus, etiam ætate Leonis IX. id est circa medium seculi xi. Parochialium Ecclesiarum Curiones, fuisse dictos, Sacerdotes Cardinales.

Itaque Cardinales Ecclesiae Romanæ, quemadmodum aliarum Ecclesiarum, erant Presbyteri & Diaconi, qui Ecclesiis & titulis Presbyterorum aut Diaconorum erant intitulati seu incardinati, tanquam fixi ac proprii Ministri.

IX. Porro Diaconiae erant loca, in quibus per Diaconos Regionarios pauperes, viduae, pupilli, senes cunctique Regionis alebantur; habebantque hæc loca, quæ quasi publicæ domus hospitales erant, Oratoria seu sacella adjuncta. Qui igitur hisce locis tanquam proprius Diaconus ad ministrandum dictis personis, & loca illa regenda præficebatur, Diaconus Cardinalis appellabatur, erantque hujusmodi Diaconiae sive domus hospitales in singulis Urbis Regionibus; atque idè Diaconi illi etiam dicti fuere Regionarii.

X. At usu harum Hospitalium domorum paulatim exolescente, ipsisque ædibus dirutis, solis sacellis ac oratoriis nomen Diaconiae adhæsit, à quibus tandem Diaconi Cardinales Urbis Romæ dicti fuere.

Porro hæc Diaconiae per quatuordecim Regionibus distributæ erant; atque hinc primitus Diaconi hisce præfecti, dicti sunt Cardinales primæ, secundæ, &c. Regionis; scilicet à Regione, in qua titulus ipsius situs erat. At successu temporis antiquatâ hac appellatione dici cæperunt, ad exemplum Cardinalium Presbyterorum, Diaconus Cardinalis hujus vel illius Diaconiae v. g. S. Theodori, S. Adriani, &c. nimirum à titulo Diaconiae.

XI. His quatuordecim Diaconiis, sive titulis Cardinalium Diaconorum additi jam pridem fuerunt (ait Onuphrius Panvinus in libro de Episcopatibus, Titulis & Diaconiis Cardinalium pag. 25.) "quatuor alii Diaconi Cardinales, quorum munus tantum erat, Latèranensium Basilicæ, vel Pontifici Romano, ibidem celebrantur.

„branti ministrare, quos & Altaris Lateranensis ministros appellatos fuisse legi, sicque xviii. numerus expletus.

XII. Hæc Onuphrius, qui ibidem pag. 27. enumerans hæc octodecim Diaconis sive Titulis Cardinalium addit: „Porro autem has Diaconias semper fuisse legi, & nunquam vel additis novis, vel antiquis sublati mutatas usque ad Leonis X. Pontificatum, qui primus omnium Romanorum Pontificum, Diaconiam unam novam adjunxit, quæ fuit Diaconia S. Onuphrii in Vaticano, quam Joanni Cardinali Lotheringo à se creato tradidit.

XIII. Titulos Cardinalium Presbyterorum viginti octo, qui ante millesimum & centesimum abhinc annum extiterant, pag. 8. enumerat Onuphrius; quorum aliquos circa tempora Gregorii I. mutatos fuisse monet; ita tamen ut numerus viginti octo Presbyterorum Cardinalium integer permaneret, ut habetur ex Pandulpho Pisano in vita Gregorii II. usque ad Honorii Papæ II. tempora, annumque Christi 1125. quo id observari desitum, ut latius exponit Onuphrius pag. 17.

XIV. Quoad Cardinales Episcopos; cum antiquitus Episcopus Cardinalis, alius non esset, nisi proprius & intitulus Ecclesiæ cujusque Episcopus; nullus in Urbe Roma præter Episcopum Romanum sive Pontificem dici potuit Ecclesiæ Romanæ Episcopus Cardinalis. Unde & multis seculis ignoti fuere alii Episcopi Cardinales Ecclesiæ Romanæ; atque admodum verisimile est, non nisi circa seculum xi. aut xii. contigisse quod narrat Onuphrius pag. 13. nimirum quod „Ecclesiæ Lateranensi, quæ est specialis Sedes Romani Pontificis, propter suam, & Episcopi Romani excellentiam septem Episcopi ex circumvicinis civitatibus assignati sint, qui suis stans solemnibusque diebus singuli coram Romano Pontifice in eadem Basilica celebrarent divina Mysteria, vel Pontifici celebranti assistentes essent, atque ob eam causam postea Episcopi & Cardinales, id est, Principales, quod huic Ecclesiæ & Romani Pontificis ministerio adscripti essent, appellari ceperunt.

XV. Hi septem Cardinales Episcopi si jungantur cum 28. Cardinalibus Presbyteris, & 18. Diaconis, conficiunt 53. Cardinales; qui numerus tamen circa tempora Honorii II. id est, circa initium seculi xii. minui cœpit; & ad incertum numerum sensim delabi. Imò teste Onuphrio pag. 18. ad eam paucitatem redacti sunt, ut non essent nisi septem Cardinales viventes, videlicet tres Presbyteri & quatuor Diaconi, quando creatus fuit Nicolaus III. anno 1277. qui ibidem notat, post tempora Nicolai III. rursus cœpisse augeri numerum Cardinalium; qui ut nec graves Ecclesiæ essent, nec superflua numerositate vilescerent, quod numerum 24. excedere non possent, in Concilio Basil. cautum est.

XVI. „Primus Papa Xystus IV. nullâ habita ratione Decreti Concilii Basileensis, supra omnes Prædecessores suos (si Onuphrio pag. 18. credimus) Cardinalium numerum maximè ampliavit; cujus exemplum optimè secutus est Alexander Papa VI. Nullus tamen horum Pontificum antiquum 53. numerum excessit, ut essent videlicet plures quàm 53. quum nec cum numerum attigerint; sed omnium Romanorum Pontificum primus fuit Leo X. qui antiqui statuti ratione non habita, in magna illa 31. Cardinalium creatione, veterem & antiquum atque à nullo unquam Romanorum Pontificum excessum numerumque longè superavit. Nam sub Leone X. plus minus 65. Cardinales simul viventes fuerunt, quod nunquam aliàs contigerat post fundatam Romanam Ecclesiam. Ejus exemplum secuti sunt Paulus III. & qui nunc vivit Paulus IV. Prior enim ad 63. numerum Cardinales auxit, sequens ad 70. quem quoque numerum nunquam fuisse satis constat. „Hæc ille.

XVII. Hunc numerum tanquam respondentem sep-

tuaginta viris, quos de Senioribus in suum adiutorium ex mandato Domini assumpsit Moyses, & septuaginta Discipulis, quos binos ante faciem suam misit Christus, retinendum decrevit Xystus V. in sua Constitutione, quæ incipit, *Postquam Verum ille*, decernens „utim postea connumeratis omnibus cujuscumque ordinis Episcopis, Presbyteris & Diaconis Cardinalibus, qui nunc sunt, quique in futurum creabuntur, cuncti simul numerum septuaginta nullo unquam tempore excedant, ac talis numerus quovis prætextu, occasione vel causâ etiam urgentissimâ minimè augatur. „Declarans insuper electionem ac nominationem alicujus ultra dictum numerum nullam, irritam ac inanem.

Hic est ergo modernus Cardinalium numerus; quorum titulos quis creaverit, & à quibus Pontificibus novi erecti fuerint, in citato libro enumerat Onuphrius; hoc unâ monens, hodie duntaxat esse sex Episcopos Cardinales; eò quod Ecclesiæ Episcopalis SS. Rufinæ & Secundæ aliàs Sylvæ Candidæ Calixto II. unita fuerit Episcopatu Portuensi.

Quemadmodum circa numerum Cardinalium varia pro temporum varietate intercessit disciplina, ita nec minor circa Cardinalium eminentiam ac dignitatem intervenit mutatio.

XVIII. Antiquitus enim Cardinales Romanæ Ecclesiæ alii non erant, ut ex jam dictis facile est colligere, quam ipse Romanæ Ecclesiæ ordinarius Clerus, constans ex Presbyteris & Diaconis. Unde Presbyterium de quo S. Cornelius Papa ad S. Cyprianum, idem fuisse quoad officium & functiones cum hodierno Cardinalium Collegio, notat Pamelius in notis ad citatam Epistolam Cornelii: „Presbyterium, ait, intelligit tum hæc, tum paulo post Collegium, sive Senatum (ut loquitur D. Hieronymus Epistolâ ad Rusticum) „Clerum Romanum, utpote sine cujus consilio arduum nihil foret agere Romanus Pontifex. Atque adeò, tum hinc, tum ex epistolis Cypriani ad Clerum Romanum constat, Presbyteros & Diaconos Ecclesiæ Romanæ, in eadem auctoritate jam olim fuisse, quâ nunc pollet, eodem etiam munere functos, quo nunc Cardinales; nempe ut essent Consilarii, & Assessores Episcopi Romani. Quod planè perspicuum fit ex verbis illis Epistolæ 55. ad Cornelium: *florantissimo illic Clero tecum præfidenti*. Erant tamen illis Episcopi tum temporis superiores, „Hæc Pamelius.

XIX. Cum ergo Cardinales Romanæ Ecclesiæ non essent nisi Presbyteri ac Diaconi suis respectivè Ecclesiis aut Titulis *incardinati*; ipsum Clerum Ecclesiæ Romanæ eo modo constituentes, quo aliarum particularum Ecclesiarum Presbyteri ac Diaconi suæ respectivè Ecclesiæ Clerum conficiebant, nullâ quoque supra reliquos prærogativâ in illa qualitate eminebant; quemadmodum sex aut septem illi Episcopi Romæ adjacentes, etiam postquam Romanæ Ecclesiæ Cardinales creati fuere, ob eam causam (ut monet Onuphrius pag. 30.) „neque Patriarchis, neque Metropolitanis vel Archiepiscopis, neque etiam Episcopis aliarum Civitatum, licet Cardinales non essent, ante se tamen consecratis, digniores erant, nec etiam eos præcedebant: sed eorum præcedentia erat ratione temporis, quo Episcopi creati fuerant: etenim Episcopus Cardinalis Ostiensis, si post Episcopum Veronensem, qui non erat Cardinalis, vel post alium quemque creatus fuisset, superiorem eo locum, neque in confesso neque in procedendo habebat; eos tantum Episcopos præcedebat, qui post eum creati fuerant: quæ omnia idcirco dico, *quod nihil dignitatis aut præminentia illis dabat antiquitas, esse Cardinales*. „Hæc ille, unâ observans, quod usque ad tempora Gregorii VII. & Urbani II. id religiose observatum fuerit.

XX. Et si Zerolæ in praxi Episcopali, verbo Episcopus, aliisque Canonistis credimus, Episcopi usque ad

ad Clementem V. & Joannem XXII. erant in dignitate supra Cardinales; quin imò, ut post alios Canonistas asserit Barbosa *Lib. 1. juris Eccles. cap. 3. num. 17.* usque ad tempora Bonifacii VIII. nullus erat Episcopus, qui veller fieri *Presbyter Cardinalis*, quia putabant non licere descendere à *majori* dignitate ad *minorem*.

Et Ludovicus Gomesium in proemio ad Regulas Cancellariæ: "Episcopi usque ad tempora Clementis V. & Joannis XXII. in Ecclesia Dei, ita in excelso honoris & existimationis fastigio positi fuerunt, ut dignitate deprimi ac gradu minui arbitrarentur, si ex Episcopis ad Cardinalatus officium assumerentur."

XXI. Quo verò tempore crescere cœperit Cardinalium Romanæ Ecclesiæ dignitas, nequit præcisè determinari; illud sãt constat, sensim atque gradatim ad eam, in qua modo conspiciuntur, eminentiam pervenisse.

Et quidem Cardinalium dignitatem cum Ecclesiæ & Romani Pontificis dignitate semper crevisse, monet Onuphrius *pag. 34.* unà advertens, dignitatem Pontificis Romani maximam fuisse tempore Alexandri III. Sub quo, ait, Romana Ecclesia ad maximum interris fastigium evecta fuit, Imperatore potentissimo Frederico Ahenobarbo, eoque Ecclesiæ Romanæ infestissimo hoste, conculcato, victo, pacemque ab Ecclesia petere coacto.

XXII. Tunc ergo, teste Onuphrio, primùm ex Episcopis Cardinales fieri cœpti: hac tamen moderatione, ut quoties accideret aliquis creari Cardinales, qui Episcopi vel Archiepiscopi essent, singulis una ex Cardinalibus Ecclesiis (Episcopalibus) tradebatur, quòd tunc incongruum videretur, ex Episcopo Presbyter fieri, sed minus inconveniens ex Episcopo vel Archiepiscopo fieri Episcopus Cardinalis.

XXIII. Succedentes Pontifices Cardinalium eminentiam ac dignitatem continuò magis magisque elevârunt; pluraque eminentiæ atque dignitatis ornamenta & argumenta addiderunt.

"Innocentium IV. ipsis Cardinalibus, cùm à summo Pontifice ad Terras Ecclesiæ regendas mitterentur, *rubeum pileum* tradidisse circa annum Domini 1244," ex relatis Canonistis refert Barbosa loco citato *n. 8.* additque, "Quod postea vel per consuetudinem, aut expressam concessionem omnibus Cardinalibus datum est."

Paulus II. "publico Decreto mandavit, propositâ penâ (teste Ciaconio in ejus vita) ne quisquam *birretam coccineam* præter Cardinales ferret. Quibus etiam primo Pontificatus sui anno, *pannum ejusdem coloris* dono dedit, quo equos & mules sternerent, dum equitarent."

Hæc Cardinalitia insignia cum tantùm Cardinalibus & Clero seculari assumptis, essent data, Gregorius XIV. etiam Regularibus *rubeum pileum* concessit, & aliquibus tunc præsentibus propriâ manu imposuit; uti videre est in ejus Constitutione, quæ incipit: *Santissimus*, estque nona inter ejus Constitutiones in Bullario Romano.

XXIV. Posthæc sub Urbano VIII. decretum fuit, ut jam non *Illustrissimi* vocarentur, prout hæcenus, sed *Eminentissimi*, huncque titulum non esse communium nisi solis Electoribus Ecclesiasticis Imperii, & vetitum Patriarchis, Primatibus, Archiepiscopis, Episcopis aliisque Prælati, sub penâ anathematis titulum illum assumere.

XXV. Denique Innocentius X. anno 1645. confirmavit Decretum Congregationis Sacrorum Rituum, quo præcipitur omnibus Cardinalibus, etiam quacumque natalium seu præcellentium aliarum dignitatum prærogativâ insignitis, ut *solo nomine Cardinalis* contenti, non aliis titulis nuncupentur, nec uti inter eos possint, quàm *Eminentissimi ac Reverendissimi*; nec non *Eminentia Reverendissima*. Insuper jubentur omnes

Tom. I.

Cardinales è propriis sigillis & signis quibuscumque vulgò *armis* nuncupatis, amovere "coronas, signa, ac omnes notas seculares, præter eas, quibus intra scutum armorum, eorum familiæ tanquam de essentia, & integritate eorumdem armorum utuntur, & ut imposterum ab illorum usu abstineant, *solo pileo, de pretioso Christi sanguine rubente insigniti*, ac decorati; ac ulterius sanctissimus Dominus noster inhibuit sub excommunicationis latæ sententiæ, ac aliis arbitrii sui pœnis, sculptoribus, pictoribus, ac aliis quibuscumque, ne prædictas notas seculares in sigillis, & armis, aliisque insignibus Sanctæ Romanæ Ecclesiæ Cardinalium sculpere, ac pingere, aut sculpi vel pingi mandare audeant."

Si ex gravitate pœnæ comminata, scilicet *Excommunicationis latæ sententiæ*, judicandum esset de enormitate criminis, indubie Pictores aut Sculptores hujus Decreti transgressores, judicandi essent *enormis* criminis rei: sed scitur, similem censurarum comminationem ex consuetudo, sed nequaquam probando hodierno Curie Romanæ stilo omnibus passim Decretis apponi.

Unde nec mirum, similes censurarum comminationes ut meri stili passim reputari & in judiciis pro talibus haberi.

Oportundum ut Curia Romana in censuris infligendis seridò attenderet ad Decretum Concilii Tridentini *sess. 25. cap. 3. de Reform.* in verbis: "Quamvis *excommunicationis* gladius, nervus sit Ecclesiasticæ disciplinæ, & ad continendos in officio populos valde salutaris, sobriè tamen magnæque *circumspectione* exercendus est, cùm experientia doceat, si temerè aut levibus ex rebus incutatur, magis contemni, quam formidari, & perniciem potius parere, quam salutem."

XXVI. Censura Innocentii X. & Decretum Congregationis Rituum satis demonstrant Cardinalitiam dignitatem tunc tantum fastigii reputatam, ut reliquæ dignitates seu seculares, seu Ecclesiasticæ illius splendore tanquam ad majus lumen, offuscari viderentur. Neque aliam de Cardinalitia excellentia ideam tempore Eugenii IV. habitam fuisse, manifestum est ex litteris ejus ad Henricum Archiepiscopum Cantuariensem relatis in Bullario Romano tomo 1. *pag. 351.* in quibus asserit, tantæ esse dignitatis Cardinalatum, ut quasi absorbeat aliam quancumque dignitatem, hoc utens argumento: "Cardinales licet certarum Ecclesiarum dum ad Cardinalatum assumuntur Episcopi sint, nihilominus eos non Episcopos, sed Presbyteros Sanctæ Romanæ Ecclesiæ Cardinales, Sedes Apostolica appellat; quinimò si eis suas priores Ecclesias in titulum dimittat, non amplius sub nomine Ecclesiarum, sed *tituli Cardinalatus* scribit, quasi ad majorem dignitatem & jurisdictionem assumpserit; alioquin non ascendisse, sed descendisse, non honorari, sed dehonoriari, viderentur."

XXVII. Imò in tantum videbatur aliquibus supra Episcopalem dignitatem Cardinalitia dignitas eminere, ut nonnulli, Episcoporum ministerio ad vilia quæque munia uti non vererentur; quemadmodum refert & reprobat Leo X. in Bulla reformationis Curie edita in Concilio Lateranensi *sess. 9.* statuitque: "Eos, quos vel nunc habent, vel imposterum sunt habituri, *bonos, nobiles, ut fratres*, ac juxta eorum statum condecen-tiam tractent."

XXVIII. In hanc quoque Episcopalis auctoritatis dejectionem & vilipendium, vehementius in ipso Concilio Tridentino invectus scribitur nominatissimus ille Bracarensum Archiepiscopus Bartholomæus *De Martyribus*; qui dum durante Concilio unà cum Cardinale Lotharingæ Romam ivisset, atque ibidem intelligeret, invaluisse consuetudinem, ut in Congregatione aut Conventu coram Pontifice, Cardinales sederent *testis* capitibus, Episcopi verò & Archiepiscopi essent *erecti*

C c

detestis



*detestis capitibus, tantâ vebementiâ, totque argumētis indignitatem illius consuetudinis Pontifici exposuit, ut præter omnium expectationem, Pontifex resolverit, hunc morem tanquam abusum, Episcopali characteri nimium derogantem abrogare; uti & reipsâ abrogavit, mandans in Congregatione eodem die habita, ut Episcopi æquæ ac ipsi Cardinales federent testis capitibus. Historiam ac totum ejus coram Pontifice discursum refert scriptor Gallicus ipsius vitæ. lib. 2. cap. 22.*

XXIX. Si officium Cardinalium expendamus; atque hodiernum cum pristino conferamus, etiam hic mutationem non modicam intervenisse videbimus.

Cum enim pristini Romanæ Ecclesiæ Cardinales, essent Presbyteri ac Diaconi, suis respectivè Ecclesiis & titulis tanquam *Ordinarii* atque *fixi* ministri adscripti, etiam præcipuum officium eorum erat, illarum Ecclesiarum vel titulorum curam gerere, muniaque Presbyteri seu Parochi, aut Diaconi obire, iisque se totos impendere; quamvis & ipsi tunc etiam Presbyterium constituerent, cujus consilio & operâ Romanus Episcopus uteretur, uti supra notavimus.

XXX. At si disciplinam à sex circiter seculis stabilitam expendamus, videbimus, præcipuum Cardinalium Romanæ Ecclesiæ officium esse, Romano Pontifici in negotiis gerendis consilio & operâ assistere, atque ex hoc capite Cardinalium eminentiam atque dignitatem præcipuè, ne dicam unicè, fuisse desumptam & consideratam.

Et quidem Leo IX. scribens ad Michaëlem Patriarcham Constantinopolitanum, cum dixisset, quod sicut cardine totum regitur ostium, ita in Petro & ejus Successoribus totius Ecclesiæ disponatur emolumentum, mox ut consequens infert: "Unde & Clerici ejus *Cardinales* dicuntur; *Cardini* utique illi, quo cætera moventur, *vicini* adherentes.

Itaque jam non ab intimatione aut incardinatione alicujus Ecclesiæ, *Cardinales* vocantur; sed à majori adhaerentia Pontifici Romano. Hinc & sub idem tempus *laterales* Pontificis dici cœperunt.

XXXI. Petrus de Marca l. 1. de *Concordia Sacerd. & Imp.* cap. 9. num. 7. observat jam pridem Pontifices jurasse in sua inauguratione, se Ministerium suum cum consilio Cardinalium gesturos. Imò non tantum cum consilio Cardinalium, seu sui Cleri consuevisse jam pridem causas majores decidere, aut quæstiones ad se delatas resolvere, sed convocatis Episcoporum Synodis, uti monet de Marca, & supra latius ostendimus.

Sed "Hodie (ait de Marca ibidem num. 8.) eo jure utitur Romanus Pontifex, ut eos quidem in consilio adhibeat, sed eorum assensu non indigeat.

Quo tempore eo jure uti cœperint Pontifices, & quasi monarchicè Ecclesiam regere, incertum est. Interim illud notat ibidem de Marca, quod etiam ævo Petri Damiani, id est anno 1061. Episcopi Cardinales eum locum tenebant, ut de illis Damianus dixerat. "Patriarcharum & Primatum jura transcendunt, & super ipsos quoque Pontifices authenticam prævalent proferre censuram." Quin & ætate sancti Bernardi, imò & pluribus sequentibus seculis Cardinales eam sibi vindicasse auctoritatem ibidem ostendit de Marca.

XXXII. Hac de causâ ad Cardinales Romanæ Ecclesiæ seculo XII. scribens S. Bernardus, ait: "Nulli dubium, quin ad vos specialiter spectet de Regno Dei surgentes succidere spinas, sedare querelas... Agite pro loco, quem tenetis, pro dignitate, quâ polletis, pro potestate, quam accepistis." *Epist. 89.*

Hic Bernardum reputare & agnoscere Cardinales tanquam superintendentes *Regno Dei*, id est, Ecclesiæ atque unâ cum Pontifice illius curam agentes, manifestum est. Unde ad Eugenium III. dicit: "Veniamus ad *Collaterales* & Coadjutores tuos. Hi seduli tibi, hi intimi sunt.... An non eligendi de toto orbe, orbem judicaturi?"

XXXIII. Quin & inspiciantur citatæ literæ Eugenii IV. aliorumque Bullæ, quibus dignitas Cardinalium adstruitur; videbitur, argumenta quibus adstruitur, in hoc unum refundi, quod ipsorum consilio & operâ negotia non tantum Ecclesiæ Romanæ, sed universalis expediantur; ipsique præcipuas in hisce partes habeant; atque ideo tot quoque eximias dotes in Cardinalibus, tamen duntaxat *Diaconis*, posteriora Concilia & Pontifices desideraverint; quemadmodum in Concilio Basileensi sess. 23. & Tridentino sess. 24. cap. 1. *de reformat.* Ubi "ea omnia & singula, quæ de Episcoporum præficiendorum vita, ætate, doctrina & cæteris qualitatibus aliâ in eadem Synodo constituta sunt, eadem etiam in creatione sanctæ Romanæ Ecclesiæ *Cardinalium*, etiam si *Diaconi* sint, exigenda, quos Sanctissimus Romanus Pontifex ex omnibus Christianitatis nationibus, quantum commodè fieri poterit, prout idoneos repererit, assumet.

XXXIV. Legitur, quod Decreta hujus sessionis, scilicet 24. ante eorum promulgationem communicata fuerint Oratoribus Regis Christianissimi; quod hi responderint, quod "quantum attinet ad *Cardinales* nihil aliud in hac parte placere nobis potest, quam quod de illis aliquando optimè constitutum est, scilicet, ut non plures sint *viginti quatuor*, nec aliquis posthac creetur, aut in demortui locum subrogetur, antequam totus ordo ad illum numerum redierit. Item etiam, ut ex omnibus Christiani orbis regnis, & provinciis assumantur, sic tamen ut ex eadem urbe, aut Diocesi duo eligi non possint: illi autem, qui eligendi sunt, moribus, pietate & conditione præstant; neque triginta annorum ætate minores sint; neque fratres sint, aut nepotes ex fratre, aut forore Romani Pontificis, aut alicujus Cardinalis viventis, nullo etiam Archiepiscopatus officio, beneficio Ecclesiastico, aut aliâ quavis causâ à perpetua illa assistendi Romano Pontifici sollicitudine, quæ eis incumbit, revocentur: Denique providendum, ut quorum eadem est par dignitas, eorum quoque æqualis sit omnino redditus.

Hujus suggesti articuli reformationis meminere Regis Christianissimi Oratores in suis observationibus ad Decreta reformationis in dicta sessione 24. publicata, quas miserunt ad Regem; monentque se obtinere non potuisse, ut ab eis suggesta Decreto infererentur; eò quod *persuasum esset, nemini licere præscribere Romano Pontifici, quid in eligendis sibi Cardinalibus spectare aut sequi debeat.* Habentur hæc notæ in libello, cui titulus: *Mémoires sur le Concile de Trente, pag. 576.*

Ex hac persuasione Curie Romanæ; nec non Episcoporum notanter Italiæ huic Curie præ cæteris obnoxiorum, scilicet quod Romano Pontifici in eligendis Ministris & regimine Ecclesiæ à nemine leges præfigi possent, summum in reformandis abusibus præsertim Curie Romanæ, obstaculum objectum fuisse, & historia & acta hujus Concilii abundè probant.

XXXV. His obiter dictis, revertamur ad Cardinalium munus quod in dirigendis negotiis maximè hodie elucet ex Congregationibus Cardinalitius, quæ quidem antiquitus ignotæ, sed hodie admodum frequentes sunt.

Hæ Congregationes sunt quidam Cœtus sive Collegia quodammodò Cardinalium per Pontifices instituta ad certa aliqua negotia dirigenda, discutienda, quin & terminanda; atque de illis etiam ad judicium ferendum speciem aliquam tribunalis referentia: ideoque & suos Officiales & inferiores Ministros singulæ habere solent.

XXXVI. Harum Congregationum quædam sunt jam pridem à Pontificibus erectæ, atque stabilem statum habentes; dicunturque *Ordinariæ*: alii verò *Extraordinariæ*, quæ scilicet extra ordinem per Pontificem particulariter pro aliquibus negotiis ordinari solent; cessantque, negotiis illis absolutis.

Inter

Inter Congregationes autem ordinarias & stables, quædam sunt quæ expleant ea omnia, quæ Pontificem non ut Caput Ecclesiæ universalis, aut regimen Ecclesiæ universalis spectant; sed quæ Pontifici tanquam Episcopo particulari Urbis Eiusque districtus incumbunt: qualis v.g. est Congregatio *Visitationis Apostolicæ*, uti ostendit Cardinalis De Luca in relatione Romanæ Curiae *Discursu* 24.

Aliæ sunt, quæ concernunt regimen temporale Status Ecclesiastici; quales sunt Congregatio *super consultatione negotiorum Status Ecclesiastici*, quæ vulgo *Consulta* dicitur: item Congregatio *boni regiminis*, aliæque, de quibus Cardinalis De Luca in citata relatione *Discursu* 25, 26, & 27.

Aliæ denique Congregationes, illæque præcipuæ sunt, quæ versantur circa regimen universalis Ecclesiæ; sive quæ dirigunt atque expediunt ea negotia, quæ ad Pontificem & Curiam Romanam ex omnibus Provinciis undique deferuntur.

XXXVII. Cumque hic in Belgio videamus multa Decreta ac Resolutiones sub nomine harum Congregat. & signanter Congregationum *Inquisitionis* sive *S. Officii*, *Indicis*, *interpretum Concilii Tridentini*, *Sacrorum Rituum*, & *super negotiis Episcoporum & Regularium* circumferri, atque interdum etiam publicari, non inutile iudicavi, si harum Congregationum notitia haberetur: cumque omnes Episcoporum, & nonnullæ quoque Abbatiarum Belgarum provisiones *consistorialiter* expediantur, etiam aliquid de *Consistorio* Papæ dicere non importunum credidi. (a)

(a) De origine, & obiecto istarum Congregationum legatur vix Sixti V. Summi Pontificis à Gregorio Leti elaborata. Legatur quoque Sixti V. Constitutio, quæ incipit, *Immensa æterna Dei*. 72. in Bull. Rom.

## CAPUT II.

### De Consistorio Cardinalium.

1. Quid generaliter Consistorium?
2. Unde Congressus Cardinalium dicatur Consistorium?
3. Duplex est Cardinalium Consistorium.
4. Tempore Innocentii III. tertio per hebdomadam habebatur.
5. Hodie variis ad beneplacitum Pontificis habetur.
6. Quo ritu ad Consistorium conveniant Cardinales.
7. Quomodo in Consistorio procedatur.
8. Olim in Consistorio minores causa etiam judicialiter examinabantur.
9. Hodie nulla negotia in Consistorio judicialiter & contentiose tractantur.
10. Inter negotia Consistorialia creatio Cardinalium est primaria.
11. Provisio Ecclesiarum Metropolitanarum & Cathedralium Consistorialiter fit.
12. Etiam aliquibus Abbatibus Consistorialiter providetur.
13. Aliæ negotia Consistorialia enumerantur.
14. Congregatio vulgo Consistorialis instituta est tanquam Consistorii consilium.
15. Consistoria vel Congregationes Cardinalium non sunt paræ auctoritatis cum Synodis, quas Rom. Pontifex olim celebrabat cum Episcopis.
16. Confutatur Bellarminus circa præminentiam Cardinalium, qui non sunt Episcopi.

**C**ONSISTORIUM generaliter accipiendo, est quivis locus ubi *consistitur*. Ita jam pridem Tertulianus de Resurrectione mortuorum cap. 20. terram, in qua homines constitimus, *consistorium* dixit. Interdum vero in strictiori appellatione *Consistorium* Veteres dixerunt, locum in quo Princeps de rebus publicis consultat ac deliberat cum suis Consistorianis, uti mul-

Tom. I.

tis probat Gothofredus in notis ad l. 3. *Cod. de officio omnium judicum* lib. 1. tit. 10.

II. Hinc postmodum invaluit, ut Cardinalium consessus coram Pontifice in ejus palatio per modum Senatus, dictus sit *Consistorium*: atque in ea appellatione hodie sumitur, dum de *Consistorio* Papæ, atque de Beneficiis ac negotiis *Consistorialibus* sermo incidit.

III. Duplex autem hodie est *Consistorium*. Aliud scilicet *extraordinarium*, magisque solemne; cui præter Cardinales intertunt alii quoque Prælati, Ministri ac Principum Oratores, & Magistratus, qui Papæ præsentati assunt; quod & *publicum* dicitur.

Aliaspecies *Consistorii* est, quod *ordinarium* vocatur, sique in forma minus solemni cum solo intervenitu Cardinalium, pro negotiis pertractandis; soletque *secretum* dici.

IV. Ter in hebdomada Consistorium solemne haberi tempore Innocentii III. solitum fuisse probant ejusdem Pontificis acta, quæ pag. 28. ex editione Bosqueti hæc habent: "Ter in hebdomada *solemne Consistorium*, quod in *consuetudinem* jam devenerat, *publice* celebrabat, in quo auditis querimoniis singulorum, minores causas examinabat per se tam subtiliter & prudenter, ut omnes super ipsius subtilitate & prudentia mirarentur.

V. Hodie vero illud rarius habetur ad Papæ beneplacitum, prout negotiorum urgentia (inquit Cardinalis De Luca in relatione Curiae Romanæ *Discursu* 5. n. 6.) exigit. Pro frequentiore tamen praxi, bis in mense; atque ordinaria dies est feriæ secundæ de mane; quamvis aliquando alia etiam die habeatur; quia hoc à Pontificis dependet arbitrio.

VI. Resoluta ergo à Pontifice Consistorii in certum diem, horam & locum indictione, & Cardinalibus in Curia præsentibus die præcedente insinuata, "singuli Cardinales cum solemni comitatu & obsequio ad illud accedunt, *move Regio*: adeo ut in hac functione (ut notat De Luca) "magis quam in aliis, Romanæ Curiae majestas videatur elucere; atque ita verificari id quod antiqui Scriptores de prophanæ triumphantis Romanæ Reipublicæ Senatoribus dicere solent, ut scilicet "tot Reges reputari mercantur.

VII. Congregatis Cardinalibus, Papa in Sede aliquantulum elevata sedente, atque adhuc januis apertis, patenteque omnibus Nobilibus, qualificatis Viris ac Prælatibus aditu, singulis Cardinalibus petentibus præstat à Papa privata auricularis audientia super propriis, vel Principum, aut amicorum, vel familiarium precibus aliisque negotiis.

Hæc privata audientia, pro Papæ beneplacito, absoluta, omnes à loco Consistorii ejiciuntur, *solis* Cardinalibus cum Papa remanentibus; atque tunc negotia *Consistorialia* tractari incipiunt.

VIII. Tempore Innocentii III. causis minores in Consistorio, auditis utrimque partibus, per Pontificem decisæ fuisse, acta hujus Pontificis supra relata evincunt; notatque De Luca, non ita pridem, "Consistorium haberi solitum fuisse, pro brevioribus causis in forma *contentiosa*, etiam cum intervenitu Procuratorum & Advocatorum utriusque partis decidendis per Pontificem cum voto Cardinalium: atque ex hujusmodi decisionibus aliqua pars Canonum registratorum in quinque libris Decretalium, est desumpta.

IX. Negotia vero, quæ hodie in Consistorio explicantur, teste De Luca, forenses, & contentiosas formam amplius non habent: Sed solum *gratiosam* vel *politicam*, ut Principis supremum Senatum decet.

X. Inter negotia *Consistorialia* hodierna, primaria est novorum Cardinalium creatio; atque juxta styllum consuetum (ait De Luca loco citato n. 9.) "Papa, vel in Consistorii initio, aut frequentius in fine, dicat Cardinalibus, quod habent Fratres, atque nominando illos quos in Collegium cooprare vult, eos inter rogat, quid ipsis videatur: atque approbantibus

C c 2

„vel

„ vel laudantibus sit Decretum promotionis, quæ illi-  
 „ co publicatur extra Consistorium per Curiam; quan-  
 „ doque tamen non exprimendo numerum eorum, qui  
 „ promoveantur, aliquorum nomina publicare non so-  
 „ let, sed ea, ut dicitur, *reservat in pectore*. Et quam-  
 „ vis illa quodcumque etiam extra actum Consistorii  
 „ aperire valeat; quinimo ex integro Cardinalium pro-  
 „ motionem ita facere, cum omnia pendeant à jure,  
 „ & à formalitate positiva, dum, ut præcedenti dis-  
 „ cursu advertitur, Cardinalium interventus & con-  
 „ sensus est voluntarius, & consultivus; attamen ob-  
 „ servantia huc usque dedit, quod tam promotio quam  
 „ publicatio jam promotorum, non nisi in Consistorio  
 „ fieri consuevit.

XI. Altera Consistorialis functio est, provisio Ec-  
 clesiarum Patriarchalium, Metropolitanarum, & Ca-  
 thedralium vacantium. Hæc provisio qua forma ex-  
 pediat in duplici Consistorio describit De Luca loco  
 citato, & à nobis supra titulo 14. cap. 4. expositum  
 est; hoc tamen monet De Luca, optimum quidem ni-  
 miumque commendabile esse institutum, quod scilicet  
 dictæ provisiones non fiant nisi in Consistorio, & qui-  
 dem iterato ex voto Cardinalium: „ sed desiderandam  
 „ videri aliquam meliorem ejus praxim; quoniam, ait,  
 „ ut quandoque fert fama, sive vera, sive falsa, citra Pa-  
 „ præ rectam intentionem sequuntur ejusmodi electio-  
 „ nes in personis parum dignis, quarum mali mores,  
 „ vel alii defectus innotescant. Et tamen ex quodam  
 „ usu, vel ex alia causa, nemo loquitur, adeo ut istud  
 „ optimum, nimiumque proficuum institutum quando  
 „ prædicaretur, ad formalitatem redactum videatur.

Quod vero Cardinales in Consistorio teneantur de-  
 tegere crimina & defectus promovendorum, ostendit  
 Cardinalis Palæotus De sacri Consistorii consultationi-  
 bus parte 4. quæst. 2.

XII. Consistorialiter quoque providetur nonnullis  
 Monasteriis Regularibus; quæ propterea communiter  
*Consistorialia* nuncupantur.

Pontifices enim (uti refert Perardus Castellin tractatu  
 de usu & praxi Curie Romanæ pag. 35. edit. 1693.)  
 jam pridem conveniunt cum Cardinalibus, provisio-  
 nes de certis Monasteriis non daturis, nisi de eorum  
 consilio & *Consistorialiter*, prout in litteris provisionis  
 exprimitur: „ De persona tua nobis & fratribus no-  
 „ stris accepta, Ecclesiæ N. de fratrum eorumdem con-  
 „ silio Apostolica auctoritate providemus.

Quæ porro Monasteria sint *Consistorialia*, præsertim  
 in Belgio & Provinciis vicinis, videbitur infra, ubi de  
 Abbatibus eorumque electione & confirmatione agetur.  
 Illud quoque advertendum, quod Monasteria, quæ ex  
 se sunt *Consistorialia*, interdum expediuntur extra Con-  
 sistorium & non *Consistorialiter*; sed per *Datariam*;  
 cujus rationem sub titulo De *Dataria* videbimus.

XIII. Coadjutoria cum futura successione, tam  
 Cathedralium, & Metropolitanarum Ecclesiarum,  
 quam Monasteriorum *Consistorialium*, similiter *con-*  
*sistorialiter* expediuntur.

Dimissio quoque sive libera, sive per translationem  
 alicujus Ecclesiæ, vel Monasterii *Consistorialis* pariter  
 in Consistorio admittenda est: prout etiam novæ ere-  
 ctiones Cathedralium aut Metropolitanarum cum dis-  
 membratione territorii, novæ Ecclesiæ assignandi; sive  
 earumdem Ecclesiarum uniones vel divisiones in Con-  
 sistorio fiunt; dicunturque causæ *Consistoriales*.

XIV. Quia vero in plerisque illis actibus *Consisto-*  
*rialibus* solent fieri oppositiones; debeatque consequen-  
 ter auditis hinc inde partibus examen institui, quod  
 speciem disputationis, aut discussionis contentiosæ ha-  
 bet; quæ, ob majorem Consistorii majestatem, uti lo-  
 quitur De Luca, ab eo exulavit, ideo erecta fuit par-  
 ticularis Congregatio, dictorum negotiorum Consisto-  
 rialium præparatrix, seu Consistorii consulti-  
 trix, quæ proinde *Consistorialis* nuncupatur; constituta ex aliquo  
 competenti numero Cardinalium, ac etiam peritorum

Prælatorum cum proprio Secretario, qui juxta hodie-  
 nam observantiam non est Prælati, sed peritus roga-  
 tus; atque in ista Congregatione prius formiter exa-  
 minantur materiæ, partibus opponentibus auditis in  
 forma mere contentiosa, proportionata tamen stylo  
 Congregationum Cardinalitiarum circa formalitatem  
 telæ judicariæ. Hæc de Luca.

Verbo, hæc Congregatio *Consistorialis* est ipsius Con-  
 sistorii pars & quasi Assessor; adeo ut non nisi de ejus  
 voto negotia, quæ controversiam pati possunt, expe-  
 dian-  
 tur.

XV. Quamvis negotia *Consistorialia*, ut est pro-  
 motio Cardinalium, proponantur Cardinalibus *Con-*  
*sistorialiter* congregatis; eorumque suffragia per Pa-  
 pam ibidem præsentem exquirantur, nihilominus illo-  
 rum omnium decisio dependet à solo Pontifice; vota-  
 que Cardinalium duntaxat reputantur *consultativa*; quod  
 in negotiis ad alias Congregationes Cardinalium spe-  
 ctantibus, & à Pontifice ad eas remissis obtinere indu-  
 bitatum reputatur in Curia Romana (quamvis jampridem  
 aliter obtinuerit, uti supra notatum est) utpote  
 quæ omnem auctoritatem & jurisdictionem in solo Ro-  
 mano Pontifice residere; ejusque regimen esse plane  
 Monarchicum, existimat.

Nequaquam proinde hæc Consistoria vel Cardina-  
 lium Congregationes paræ auctoritatis reputanda sunt  
 cum pristinis Synodis, quas in negotiis majoris momenti  
 Romani Pontifices convocare consueverant: in his enim  
 una cum Romano Pontifice interveniebant Episcopi,  
 non tanquam Pontificis simplices Consiliiarii; sed ut *ve-*  
*ri judices*, & suffragio *decisivo* cum ipso Pontifice gau-  
 dentes: ideoque in hisce Synodis decreta & decisa, di-  
 cebantur *synodaliter* decreta & decisa, & tanquam Sy-  
 nodorum Decreta evulgabantur.

Interim, ex his, quæ tum hoc capite, de Consisto-  
 rio, nec non in sequentibus de Officio Cardinalium in  
 hisce Congregationibus observata sunt, verissimum esse  
 constat, quod notavit Cardinalis Bellarminus, hodie-  
 num officium Cardinalium esse Pontifici perpetuo assiste-  
 re, eumque in regenda *Universa* Ecclesiâ consilio & in-  
 dultia adjuvare.

XVI. At perperam concludit Bellarminus, quod  
 Cardinalis non Episcopus, sed duntaxat *Presbyter* aut  
*Diaconus* dignitate emineat supra Episcopum, propte-  
 rea quod simplices Episcopi non Cardinales, nunquam  
 adhibeantur ad regimen *Universæ* Ecclesiæ, nisi raris-  
 sime, id est, cum ad Generale Concilium convocan-  
 tur; at Cardinales fere quotidie præsto sunt Pontifici  
 neque ullum negotium majoris momenti sine eorum  
 consilio peragitur.

Si enim hinc vel in speciem periri posset Cardinalium  
 præminentia supra Episcopos, quidni eadem conse-  
 quentia concludi posset, Presbyteros, Diaconos, ex-  
 terosque Clericos, è quibus pluribus seculis constitit  
*Presbyterium* & *Senatus* Romanæ Ecclesiæ, sive quo-  
 rum consilio Romani Pontifices in negotiis præsertim  
 alicujus momenti utebantur (quemadmodum & reliqui  
 Episcopi suo Presbyterio, sive Senatu) supra Episcopos  
 reliquos dignitate excelluisse? Quod nemo unquam  
 hæcenus prætendisse, aut asseruisse legitur.

Scimus quidem, Diaconos Romanæ Ecclesiæ jam-  
 pridem se voluisse Presbyteris ejusdem Ecclesiæ ante-  
 ferre; sed eorum superbiam & supercilium acerri-  
 mo stylo in hoc peritrixisse sanctos Patres, & signanter  
 sanctum Hieronymum, passim notum est, de quo vi-  
 deri possunt, quæ observo ad Canonem 18. Nicenum,  
 in quo Canone ejus temporis Diaconorum insolentia  
 reprimitur, quemadmodum & in Canone 7. Concilii  
 Trullani.



## CAPUT III.

De Congregatione S. Officii sive Inquisitionis; atque una de origine Inquisitionis.

1. Episcopi vi Officii sui jubentur invigilare in hæreses.
2. Per 12. secula nulli fuisse Fidei Inquisitores præter Episcopos.
3. Innocentius III. seculo 13. primum aliquos Monachos Fidei Inquisitores constituit.
4. Episcopi eos avversabantur; sed Pontifex eos sustinebat.
5. Multas difficultates tum ab Episcopis, tum à Magistratibus illi Monachi patiebantur; contra quas illos animat Pontifex; eisque auctoritatem magnam impartitur.
6. Prædictis Monachis una cum Episcopo Oxoniensi jungitur S. Dominicus.
7. Dominicus socios aliquos sibi in adjutorium assumit; Et Ordinis sui fundamenta Tolosa jecit.
8. Dominicus ejusque socii tanquam fidei Inquisitores in hæreticos insurgunt.
9. Primum in Concilio Tolosano sub Gregorio IX. specialis modus contra hæreticos procedendi præscriptus fuit, sed totam auctoritatem procedendi contra hæreticos Episcopis committit.
10. Postmodum Gregorius IX. Officium Inquisitionis Fratribus Dominicanis commisit.
11. Hinc inde suo rigore populum contra se excitant.
12. Ipsi adjunxit Fratres Minores, qui ipsorum rigorem temperarent.
13. Fredericus Imperator leges in favorem Inquisitionis evulgavit.
14. Has Innocentius IV. confirmavit.
15. Officium Inquisitionis commisit Dominicanis & Minoritis una cum Ordinariis locorum.
16. Plures posthac Inquisitiones per Italiam erectæ sunt, nullæ tamen hætenus in Urbe Romana.
17. Primus anno 1542. Paulus III. Congregationem Inquisitionis instituit.
18. Eandem confirmavit Pius IV. declarans, acta per majorem partem Cardinalium habenda esse pro actis Congregationis.
19. Pius V. declaravit, gesta per majorem partem Cardinalium præsentium esse reputanda ac si ab omnibus essent acta, licet etiam duo duntaxat fuissent præsentis.
20. Auctoritatem Cardinalium hujus Congregationis latius exposuit Sixtus V.
21. Præter Cardinales plures Officiales ad hanc Congregationem spectant.
22. Qui sint Consultores?
23. Consultores cum aliis Officialibus conveniunt feria secunda.
24. Quæ in hac Congregatione expendantur?
25. Congregatio Cardinalium S. Officii habetur feria 4. cujus forma describitur.
26. Acta in hac Congregatione per Assessorem S. Officii Pontifici referuntur.
27. Qui sint Qualificatores?
28. Formula Decretorum, quæ ab hac Congregatione emanavit.
29. Feria 5. habetur Congregatio eorundem Cardinalium coram Pontifice, quæ proprie est Congregatio S. Officii sive Inquisitionis.
30. Quid in hac Congregatione tractetur; Et qua forma habeatur?
31. Decreta hujus Congregationis eduntur sub nomine Pontificis.
32. Hæc Decreta tamen sunt revera Decreta Congregationis.

33. Decreta Congregationis quibus potissimum adscribenda?
34. De quibus potissimum hæc Congregatio cognoscat?
35. Licentia legendi libros prohibitos ab hac Congregatione postulanda.
36. An Inquisitionis auctoritas hic in Belgio obtineat?
37. Ejus Decreta Galli non admittunt.

I. EPISCOPUS vi sui muneris Episcopalis obligari, ut populum sibi commissum à periculo aut infectione hæresis præservent, atque Ecclesiam sibi commissam ab omni fermento hæreticæ pravitatis immaculatam custodiant, indubitatum est; ideoque & Episcopos esse naturales Inquisitores Fidei, sive ipsis jure quodammodo naturali, ex Episcopali & Pastoralis cura profluente, competere jus inquirendi in hæreticos, aut de hæresi suspectos.

II. Quapropter per duodecim circiter secula, nullos Ecclesia Fidei Inquisitores præter Episcopos & Pastores noverat, neque ullum præter Episcopale notum erat Inquisitionis tribunal, aut speciale officium; sed pari cura eademque auctoritate Episcopi invigilabant & procedebant contra hæresim, sicuti contra alia, non minus subinde perniciofa, vitia; nec non contra hæreticos, atque alios homines sceleratos.

III. Primus sub initium sæculi XIII. Innocentius III. contra hæresim Albigensem in Provinciam Tolosanam eique adjacentes milir Arnaldum Abbatem Cisterciensem, Petrum de Castro-novo & Radulphum Monachos Cistercienses, idque plena auctoritate procedendi contra hæreticos, ut patet ex litteris ad ipsos datis 29. Maji anno 1204. in quibus plenam ac omnimodam potestatem eis concessam explicat his verbis. " Ut autem injunctæ vobis non tam nostræ quam divinæ legationis imperio, officium possitis melius & liberius exercere, plenam vobis in Aqueensi, Arelatensi, & Narbonensi Provinciis, & vicinis etiam Diocesis, si quæ sunt hæreticorum labe polluta, concedimus facultatem destruendi, disperdendi, & evellendi quæ destruenda, disperdenda & evellenda noveritis; & ædificandi & plantandi, quæ ædificanda fuerint & plantanda; illos qui contra prohibitionem vestram venire præsumpserint, canonice puniendi: si quis vero pro violenta manuum impositione in latæ sententiæ Canonem inciderit, auctoritate nostra suffulti, ei absolutionis beneficium impendatis, injungentes eideam, ut contra hæreticos accingatur.

IV. Episcopis autem adversantibus Legatos in causa fidei, Petrus de Castro-novo litteris ad Innocentium III. scriptis, missionem petit; cui Pontifex rescribens, eum ad fortiter ac viriliter progrediendum animat, ac tandem ita concludit: " Devotionem tuam monemus & exhortamur in Domino per hæc scripta Apostolica mandantes; quatenus opportune, importune instans, arguens & obsecrans in operando in omni patientia, & doctrina, opus Evangelistæ, ac ministerium tibi commissum studeas adimplere: firmiter sperans in Domino Jesu Christo, quod ipse, qui affectum tibi præstitit laborandi, ne tuus labor inutilis habeatur, effectum tribuet & affectum.

V. Hæc aliæque, è quibus intelligitur, quas difficultates & oppositiones Legati illi, tum ab Episcopis, tum secularibus Magistratibus passi sint: videri possunt apud Bollandum in Actis Sanctorum ad diem 5. Martii in commentario historico de vita & gestis B. Petri De Castro-novo; ubi quoque fit mentio litterarum Innocentii III. ad Archiepiscopum Narbonensem quibus ipsum reprehendit ob auxilium dictis Legatis negatum. Item litterarum ejusdem Pontificis ad Episcopum Agathensem & Abbatem S. Ponti; in quibus inter alia scribit Pontifex, quod Biterrensis Episcopus requisitus à dictis Petro De Castro-novo & Radulpho, cum iis ire noluerit ad commovendum super hoc negotio auctoritate Apostolica Comitum Tolosanum, &

micum

mirum Raymundum, qui impenſe Albigenſibus hæreticis favebat: deinde, quod idem Epifcopus rogatus ab iſſis Legatis, ut Conſules civitatis Biterrenſis ad abjurandam hæreſim, atque contra hæreticos Eccleſiam defendendam commoneret, non ſolum non obediit, ſed etiam id fieri penitus impedit; cumque dicti Legati auctoritate Apoſtolica convocato Clero injunxiſſent Epifcopo, ut niſi infra præfixum diem Conſules hæreſim abjurarent, ipſos non diſſerret excommunicationis vinculo innodare, nihil tamen præſtitit; atque ideo Petrus & Radulphus ipſum ab adminiſtratione, nec non & Epifcopali officio ſuſpenderint, donec ſe Pontificis conſpectui præſentaret: Clero Biterrenſi, ne interim ei obedirent in aliquo, in virtute obediendiæ, & ſub excommunicationis pœna diſtrictius inhibentes.

Verum tamen hæc ſat oſtendant, quanta eſſet Monachorum illorum tanquam Sedis Apoſtolice Legatorum auctoritas; nihilque ab Innocentio III. prætermiſſum fuerit, quominus ſuis hiſce Legatis in hoc negotio ſua auctoritate aſſiſteret, nihilominus parum aut nihil, prædicando contra hæreticos proficiebant; adeo ut præædico injunctæ ſibi legationi renuntiare intenderent; eo quod jam biennio prædicationi inſiſtentes, nihil aut parum ſe profeciſſe viderent, uti teſtatur Petrus Monachus Cœnobij Vallum-Cernay in hiſtoria Albigenſium cap. 3.

VI. At cum de his Petrus De Caſtro-novo & Radulphus deliberarent, contigit, quod Didacus Epifcopus Oxomenſis una cum S. Dominico tunc ejuſdem Eccleſiæ Canonico ad Curiam Romanam venerint. Hos idem Pontifex an. 1206. in Provinciam Toſolanam pari auctoritate contra hæreticos miſit, qui apud Montem-Peſſulanum dictis Monachis ſe junxerunt; animosque fortiter ac viriliter in hoc prædicationis munere pergendi ipſis addiderunt.

VII. Porro tranſacto biennio, cum Epifcopus ad Eccleſiam ſuam coactus fuiſſet reverti, Dominicus, ut ſeſcicus & efficacius operi huic incumbere poſſet, aliquot ſibi Presbyteros ſeculares ſocios & coadjutores adſcivit, quibus tandem circa annum 1215. ab Epifcopo Toſano conceſſa fuit Eccleſia S. Romani in civitate Toſana cum omnibus proventibus & juribus, ad quam Dominicus cum ſociis illis Presbyteris migravit, primaque ſui Ordinis fundamenta jecit; quem anno ſequenti Honorius III. confirmavit.

VIII. Hi itaque Fidei Inquiſitores quaquaverſum per Provincias diſcurrentes, tum prædicatione, tum exhortatione hæreticis ſe opponebant; quin & ſubinde ipſos Magiſtratus & principes contra hæreticos incitabant; imo & populum concitabant, ut ſub nomine Cruce-Signatorum in hæreticos armarentur, indulgentias promittentes iis, qui arma contra hæreticos ſumerent.

IX. Nihil tamen hætenus ſpeciale conſtitutum erat circa modum contra hæreticos procedendi, nullumque certum Tribunal Inquiſitionis erectum.

Gregorius IX. ſummo contra hæreſim zelo animatus, Romanum Sancti Angeli Diaconum Cardinalem Legatum ſuum ad Provincias illas Albigenſium hæreſi infectas miſit, qui anno 1229. celeberrimum Concilium celebravit Toſæ, in quo de conſilio Archiepiſcoporum, Epifcoporum, Prælatorum & Baronum, & Militum edidit 16. Decreta, quibus modus inquirendi ac puniendi hæreticos præſcribitur, quæ legi poſſunt tomo XI. Conciliorum generalium col. 427. Hoc unum notandum, quod Concilium illud totam auctoritatem inquirendi & puniendi Epifcopis, tanquam naturalibus Fidei Inquiſitoribus, attribuat.

X. Verum idem Gregorius IX. vehementi in hæreticos zelo ſuccenſus, exiſtimans Epifcopos ſlaccidius forſan, quam oporteret, in hæreticos armari, anno 1231. hoc Inquiſitionis officium ſolis Fratribus Dominicanis, qui ad id officii obeundum præcipue erant

inſtituti, commiſit per litteras ad Priorem Fratrum Ordinis Prædicatorum in Lombardia; quæ extant tomo XI. Conciliorum generalium col. 335.

XI. Hi ergo quali defectum aut negligentiam Epifcoporum ſuo zelo ſupplere volentes, tanto rigore proceſſerunt contra illos, quos hæreſi infectos, aut de ea ſuſpectos, aut hæreticorum fautores exiſtimabant, ut Comes & populus Toſolanus à civitate ſua omnes illos Fidei Inquiſitores, nec non totum Dominicanorum Ordinem una cum Epifcopo Toſano, qui erat ejuſdem Ordinis atque illis enixe favebat, expulerint.

XII. Ipſos quidem poſtmodum auctoritate Apoſtolica reſtituit Joannes Viennenſis Archiepiſcopus; & Inquiſitionem exerceri juſſit, adjuncto tamen Collega ex Ordine Fratrum Minorum, qui Prædicatorum rigorem ſua manſuetudine temperaret, inquit Guillelmus De Podio-Laurentii in chronico cap. 8. De quo vide etiam Spondanum ad annum 1234. n. 3. (a)

XIII. Adhæc Fredericus II. Imperator circa annum 1244. Conſtitutiones acerbiffimas contra hæreticos eorumque fautores evulgavit; ipſosque Fidei Inquiſitores ſub ſua ac Magiſtratum protectione eſſe voluit; ac inſuper, ut Magiſtratus, illos, quos ipſi Inquiſitores illis oſtendiſſent hæreticos, diligenti cuſtodia detinerent; ut poſt Eccleſiaſtica damnationis judicium, ait, panam ſubeant, quam merentur. Hæ Conſtitutiones habentur apud Goldaſtum in Conſtitutionibus Imperialibus tom. 1. pag. 76. 77. & 78.

XIV. Hæc Frederici leges anno 1251. confirmavit Pontifex Innocentius IV. pluraque pro ſtabiliendo Inquiſitionis Tribunali adjecit per Conſtitutionem quæ incipit, *Ad extirpandas*, quæ dirigitur *Dilectis filiis, Poſſeſſatibus, ſive Reſtoribus, Conſiliis & Communitatibus civitatum, aliorumque locorum per Lombardiam, Romaniam, & Marchiam Tervifanam conſtitutis*; in qua per 38. capitula expreſſit, quæ à Magiſtratibus contra hæreticos eorumque fautores obſervanda ſunt.

XV. Inquiſitionis officium Fratribus Prædicatoribus & Minoribus cum Epifcopis commiſit Innocentius IV. uti patet ex Conſtitutionibus ipſius, partim Fratribus Prædicatoribus, partim Fratribus Minoribus Fidei Inquiſitoribus inſcriptis; quæ omnes extant inter Conſtitutiones dicti Pontificis in tomo 1. Bullarii Romani.

XVI. Itaque jam Inquiſitionis Tribunali formato, plures, præſertim in Italia & terris Pontifici Romano temporaliter ſubjectis, Inquiſitiones fuere erectæ; ipſique Inquiſitores præcipue ex Ordine Prædicatorum designati fuere: At in Urbe & Curia Romana (uti notat Cardinalis De Luca in relatione Romanæ Curie diſc. 14. num. 3.) Inquiſitionis Tribunal, per ipſummet Pontificem cum iis Miniſtris & adjutoribus, quos juxta opportunitates aſſumere in tempore videbatur, regebatur.

XVII. Primus anno 1542. Paulus III. ſex Cardinales conſtituit, & deputavit ſuos & Apoſtolice Sedis "in omnibus & ſingulis Reipublicæ Chriſtianæ civitatibus, oppidis, terris & locis, tam citra, quam ultra Montes, ubilibet etiam in Italia conſiſtentibus, ac in Romana Curia ſuper negotio Fidei Commiſſariis & Inquiſitoribus generales & generaliffimos; Conſtitutione quæ incipit, *Licet ab initio* 34. in Bull. Rom.

XVIII. Pauli III. veſtigia premeſs Pius IV. octo Cardinales ad idem negotium deputavit, addens & declarans, ut "quidquid per majorem partem ſanctæ Romanæ Eccleſiæ Cardinalium, qui in Congregatione prædicto officio convenierint, dictum, geſtum, ſtatutum, decretum, terminatum, ſeu ſententiatum extiterit, ſit validum & firmum, ita & taliter, quod nullo modo impugnari poſſit, perinde ac ſi omnes & ſinguli Cardinales prædicti in dicta Congregatione conveniſſent, & major pars conſenſiſſet; Conſtitutione quæ incipit, *Cum Nos* 79. in Bull. Rom.

(a) Spondano Comes adjungatur Auſtor Benedictinus qui novam Gallico Idiomate Occidentis hiſtoriam conſcripſit: hiet. 1. cum hiſtoriam niſide narrat, atque eam exauſiſſe videtur.

XIX. Declarationem Pii IV. confirmans & renovans ejus successor Pius V. declaravit, gesta per *majorem* partem praesentium esse reputanda ac si ab omnibus essent ordinata, tametsi tantum duo fuissent praesentes; Constitutione, quae incipit. *Cum felicitis* 23. in Bull. Rom.

XX. Denique Sixtus V. per Constitutionem, quae incipit, *Immensa aeterna Dei* 72. in Bull. Rom. quindecim erigens Cardinalium Congregationes, primo loco Congregationem pro Inquisitione haereticæ pravitatis, quæ & *Sancti Officii* dici consuevit, instituit five institutam confirmavit his verbis, quibus Cardinalium ad eam Congregationem pertinentium auctoritatem & officium expressit. "Nos quoque confirmamus & corroboramus, illiusque omnia instituta, omnesque & singulas Facultates à Romanis Pontificibus prædecessoribus nostris Cardinalibus ad eam Congregationem pro tempore delectis concessas; omnemque auctoritatem & potestatem eis communicatam, scilicet inquirendi, citandi, procedendi, sententiandi, & definiendi in omnibus causis, tam hæresim manifestam quam schismata, apostasiam à fide, magiam, sortilegia, divinationes, Sacramentorum abusus, & quaecumque alia, quæ etiam præsumptam hæresim sapere videntur, concernentibus; non solum in Urbe, & Statu temporali, nobis & huic Sanctæ Sedi subiecto, sed etiam in universo terrarum Orbe, ubi Christiana viger Religio, super omnes Patriarchas, Primates, Archiepiscopos, & alios inferiores, ac Inquisitores, quocumque privilegio illi suffulti sint, quorum, ac aliorum prædictorum series his nostris litteris ad verbum expressa censeatur, confirmamus.

XXI. Præter Cardinales, qui hanc Congregationem propriè constituunt, ac propterea dicitur Congregatio *Cardinalium Sancti Officii*, ad illam quoque pertinent alii Ordinarii & inferiores Officiales, qui hoc Inquisitionis Tribunal regunt & administrant in actuali jurisdictionis exercitio, ac processuum formatione, reorumque examine.

Horum unus, qui Judicis ordinarii partes subit, dicitur *Commissarius Sancti Officii*, de Ordine S. Dominici ex Lombardia.

Hic in Consiliarium five Assessorem habet Prælatum vel Clericum secularem, qui vocatur *Assessor Sancti Officii*. Alii uem sunt Ministri, v.g. Fiscalis & Notarius.

XXII. Deinde ad hanc Congregationem quoque spectant Theologi & Canonum periti, qui *Consultores S. Officii* vocantur, atque ex diversis Religionibus pro Papæ beneplacito soliti assumi; quamvis interdum etiam à Clero seculari assumantur.

Inter Regulares tamen (ut loco citato monet Cardinalis De Luca) fixum locum occupant duo Ordinis S. Dominici Professores, nimirum Magister generalis dicti Ordinis, & Magister sacri Palatii; ac etiam alter Professor Ordinis Minorum Conventualium, cui tanquam fixo & invariabili congruit singulariter nomenclatio Consultoris S. Officii, habens hoc munus magis peculiariter, illudque præ cæteris Consultoribus exercet.

XXIII. Hi Consultores cum Patre Commissario, Assessore, Fiscali, & Notario Sancti Officii. conveniunt singulis feriis secundis in Palatio Sancti Officii prope Basilicam Vaticanam.

XXIV. In hac Congregatione (quæ à Consultoribus, qui præcipuam ejus partem constituunt, *consulta* dicitur) leguntur processus criminales, ac etiam Episcoporum atque localium inquisitorum litteræ, aut relationes aliaque etiam gravioris momenti negotia, quæ Cardinales Consultoribus committunt; idque pro majore instructione Assessoris, ait De Luca, qui ea relatus est in alia Congregatione ad quam conveniunt Cardinales.

XXV. Hæc Cardinalium Congregatio habetur singulis feriis quartis, in Conventu Fratrum Prædicato-

rum prope Ecclesiam B. Mariæ *super Minervam*. Congregatis Cardinalibus, primùm habetur Congregatio *secreta*, in qua soli Cardinales cum Commissario & Assessore interveniunt, & deliberatur de negotiis, quæ Consultoribus commissa non fuerunt, majusque secretum requirere videntur.

Postquam verò super his sufficiens discussio facta est, advocantur Consultores, eorumque consilium seu votum expetitur.

XXVI. Eorum verò, quæ in hac Cardinalitia Congregatione decreta aut resoluta sunt, eodem die post meridiem per Assessorem Sancti Officii fit relatio ad Sanctissimum, qui huic Congregationi non intervenit.

Hæc de causa, hujus Congregationis Decreta prodeunt sub nomine Cardinalium Sancti Officii, facta tamen mentione relationis ad Sanctissimum, ac etiam votorum Theologorum, si ad hoc negotium specialiter deputati fuerint.

XXVII. Notandum enim, quòd subinde examen Librorum aut propositionum committatur quibusdam Theologis, qui examine facto, referant Congregationi, an aliquam, & qualem censuram libri aut propositiones mereantur, qui *Qualificatores* à qualificatione censuræ dici solent, nec unquam Congregationi interfunt, nisi cum relationem negotii ipsis commissi sunt facturi.

XXVIII. Formula ergo Decretorum hujus Congregationis ita concipi solet: "Feria iv. Sacra Congregatio Eminentissimorum & Reverendissimorum Sanctæ Romanæ Ecclesiæ Cardinalium in tota Republica Christiana contra hæreticam pravitatem Generalium Inquisitorum, habita in Conventu S. Mariæ super Minervam post examen Theologorum specialiter ad hoc deputatorum, facta relatione ad Sanctissimum, præsentis Decreto declarat, &c.

XXIX. Feria i. habetur alia Congregatio eorundem Cardinalium, idque coram Sanctissimo in Palatio Apostolico; hæcque videtur propriè esse Congregatio Inquisitionis five Sancti Officii, de qua in citata Constitutione Sixti V. cui, inquit, *ob summam rei gravitatem, Romanus Pontifex præsidere solet*.

XXX. In hac Congregatione præcipuè tractatur casus seu negotium, quod ex omnibus illà hebdomadâ relatis præcipuum videtur, quodque præ cæteris coram sua sanctitate discuti meretur.

Postquam casus propositus coram Pontifice maturè discussus fuit, atque Theologi, si negotium ipsorum examini commissum fuerit, relationem suam absolvent, omnes dimittuntur, exceptis solis Cardinalibus. Hi coram solo Pontifice vota sua depromunt, atque ex eorum suffragiis ipse concludere solet. Quo facto, & signo dato, rursus intrat Assessor Sancti Officii cum Patre Commissario, quibus resolutionem Congregationis significat sua Sanctitas.

XXXI. Tametsi resolutiones, quæ hic accipiuntur, & Decreta, quæ eduntur, reverà sint resolutiones & Decreta Congregationis Inquisitionis; & ob id à Notario Congregationis signentur; tamen quia ipsi Congregationi Papa præsidet, & concludit, idcirco in Decretis hujus Congregationis, non ipsi Cardinales, sed ipse Papa tanquam decernens & resolvens introducit, hæc ferè formulâ: "Feria V. die.... mensis... anni.... in generali Congregatione S. Romanæ & universalis Inquisitionis, habita in Palatio Apostolico Montis Quirinalis, (vel aliàs, *apud S. Petrum*, si ibi Pontifex resideat), coram Sanctissimo D. N. ac Eminentissimis & Reverendissimis Dom. Sanctæ Romanæ Ecclesiæ Cardinalibus, in tota Republica Christiana contra hæreticam pravitatem generalibus Inquisitoribus à S. Sede Apostolica specialiter deputatis: *Sanctissimus Pater* prædictus auditis votis eorundem Dominorum Cardinalium, (si negotium commissum fuerit examini Theologorum additur, & *Theologorum votis*) *statuit & decrevit*, &c.

XXXII. Porro notandum, quòd licet Decreta hæc



hæc, non secus ac Congregationis Ferie IV. sint reverà Decreta Congregationis sancti Officii, hæc tamen Pontifici potiori jure adscribi posse videantur, quam Decreta Congregationis Ferie IV. In illa enim, quæ Feria V. ipso præfente habetur, ipsemet vota Cardinalium & Theologorum, eorumque rationes audit, & expendit; ubi Decreta Congregationis Ferie IV. tantum per Assessorem S. Officii ipsi Pontifici referuntur, ac compendiosè vota Cardinalium & Theologorum exponuntur: inter quæ quantopere intersit, nemo non videt.

XXXIII. Adhæc ex prædictis facillè intelligitur, quod Decreta & resolutiones tametsi in Congregatione coram Pontifice sint facta, potissimum tamen Cardinalibus sint adscribenda: utpote è quorum votis & suffragiis Pontifex concludere consuevit.

Quinimò in negotiis, quæ Theologorum examini committuntur, præcipuè ipsis Theologis decisiones & resolutiones, quæ super illis accipiuntur, adscribendæ: quia ipsi Cardinales consueverunt sine novo examine se votis Theologorum conformare. Si tamen inter Theologos super resolutione negotii non conveniat, iteratò examen Theologis committitur; aut si res magni momenti sit, v.g. si agatur de proscriptione alicujus Libri, qui auctorem habet in magna dignitate & auctoritate constitutum, subinde aliqui Cardinales librum illum per se legunt & examinant; quin & votum suum cum rationibus in scriptis exponunt, & aliis Cardinalibus communicant.

XXXIV. Hæc Congregatio præcipuè cognoscit de causis fidei, omnibusque eo spectantibus; ideoque & libris invigilat, eosque examinat, & censurâ dignos proferbit, neque hac in parte auctoritas hujus Congregationis per Congregationem Indicis vel in minimo læsa est aut imminuta; uti capite sequenti notabitur.

XXXV. Adhæc Gregorius XV. generatim revocavit omnes licentias legendi quoscumque libros prohibitos à quibuscumque concessas: vetuitque deinceps eas concedi, nisi à Congregatione S. Officii, quæ singulis hebdomadis coram nobis, ait, haberi solet. Constit. quæ incipit, *Apostolatus Officium* 40. in Bull. Rom. Atque in conformitatem hujus Constitutionis, videmus passim licentias legendi libros prohibitos à Cardinalibus hujus Congregationis signatas.

XXXVI. Tamen Belgium non agnoscat tribunal ullum Inquisitionis, ut coram illo Belgæ de hæresi accusati aut suspecti judicialiter conveniri queant, uti infra Parte III. latius ostendetur, nihilominus Decreta hujus Congregationis super prohibitione librorum, aut propositionum aliquarum censurâ hic recipi & promulgari solent.

XXXVII. Verùm in Gallia Ministri Regii nullam volunt permittere horum Decretorum publicationem sub nomine hujus Congregationis, ne sensim Inquisitio Romana auctoritatem suam in Regnum Galliæ prætereundè videretur.

Hac de re discursum prolixum coram Senatu Regio habuit Advocatus Regius Talonius anno 1647. occasione Decreti hujus Congregationis, quo condemnabatur hæc propositio: *Petrus & Paulus sunt duo Ecclesiæ capita, unum caput constituentes.*

Hoc Decretum Nuntius Apostolicus miserat ad Archiepiscopos, & Episcopos cum mandato illud per suas respectivè Dioceses publicandi; ipsumque Decretum cum annexo hoc Nuntii Apostolici mandato, sine prævia Regis licentia fuerat impressum & publicè venum expositum.

Cùm autem contenderetur, hoc suo mandato Nuntium Apostolicum auctoritatem suam excessisse, & contra Regiam auctoritatem attentasse, jussu fuit Officium Fiscale contra hanc impressionem, & mandatum Nuntii Apostolici coram Consilio Regio, ad ejus cassationem agere.

Inter cætera igitur primo loco huic decreto opposuit

Procurator Regius, quod in Gallia publicatum esset decretum emanatum à Congregatione Inquisitionis, quam vocant *Sancti Officii*, sub hoc titulo, *Decretum sanctissimi Domini Nostri Innocentii Divinâ Providentiâ Papæ X. eo prætextu, quod Papa fuerit præfens in confessione hujus Decreti.*

Post hæc exponit Officium Fiscale, quod Regnum Galliæ recognoscat quidem, quemadmodum & omnes Catholici, auctoritatem & potestatem Romani Pontificis ut *Capitis Ecclesiæ*, omnium Christianorum Patriæ, eoque titulo ipsi exhibendam omnem reverentiam & obedientiam, sed Gallos nequaquam recognoscere auctoritatem aut jurisdictionem Congregationum, quæ Romæ habentur; quæ pro arbitrio Pontificis institui possunt: neque Decreta harum Congregationum in hoc Regno executionem aut auctoritatem obtinere.

Unde ulterius observat, quod quotiescumque aliquod Decretum in materia contentiosa ab aliqua Congregatione Romana emanatum in Consiliis Regiis fuerit exhibitum, putà in materia Dispensationis, nullitatis votorum, translationis Religiosorum, Curia declaravit, *Breve seu Decretum ab hac Congregatione emanatum nullum & abusivum: remittens impetrantes pro obtinenda alia provisione recurrere ad Cancellariam, in qua acta expendantur, sub nomine Pontificis, in quo residet legitima auctoritas.*

Monebat quoque, quod si Decreta ab hac Congregatione *sancti Officii* divulgata passim in Regno reciperentur, & executioni mandari permitterentur, esset introducere auctoritatem *Inquisitionis*: quandoquidem hæc Congregatio Romana assumat hunc titulum, *Generalis & Universalis Inquisitio in UNIVERSA Republica Christiana adversus hæreticam pravitatem*: atque ita tandem prætenderet processum instituere contra subditos Regis, quemadmodum sibi attribuit auctoritatem procedendi contra quoscumque libros pro suo arbitrio.

Merito & Ministri Principum nostrorum circa hæc Decreta eodem motivo attenderent; quandoquidem non magis in Belgio, quàm in Gallia Tribunal Inquisitionis receptum sit, aut recipi possit, sine multorum incommodorum sequela, neque Belgium Tribunal Inquisitionis Romanæ unquam agnosceret: ut energicè exponitur in Consulta Consilii Brabantiae non ita pridem data, (a) quæ integra habetur in appendice monumentorum Tractatus nostri *de Recursu ad Principem* sub litt. S.

(a) Hoc monumentum in hac nostra editione locum retinebit locum, qui inferius notatur.

## CAPUT IV.

### De Congregatione Indicis.

1. *Synodus Romana anno 494. Catalogum Librorum confecit, quos legere vel non legere liceret.*
2. *Hic tantum actum fuit de litione publica.*
3. *Non erat hic Index Librorum prohibitorum, prout hodie accipitur.*
4. *Hic Index tantum seculo præterito confici capit.*
5. *Facultas Theologica Lovaniensis rogatu Caroli V. Indicem confecit.*
6. *Paulus IV. primus è Romanis Pontificibus Indicem confici jussit.*
7. *Hic Index Pauli IV. in quatuor classes erat distinctus.*
8. *Quid in hoc Pauli Indice à quibusdam reprehensum?*
9. *Paria fuerunt in Synodo Tridentina Patrum sententiæ circa Indicem formandum.*
10. *Tandem delecti fuere Patres, qui Indicem conficerent.*
11. *Resolutio Patrum Decreto firmata.*

12. Synodus complementum confessionis Indicis tandem ad Pontificem remisit.
13. Pius IV. Indicem probat & evulgat.
14. Confessio Regularum Indicis à Synodo Patribus Delectis commissa non fuit: & quare eas composuerint.
15. Indicem unà cum Regulis per speciale Breve probavit Pius IV.
16. Forma ipsius Indicis.
17. Hic Index in multis consentit cum Indice Pauli IV.
18. Quot sint Regulae Indicis; & quid præcipue contineant.
19. In prohibitione librorum sit relatio ad penas in his regulis præscriptas.
20. Qua ratione hic Index dici possit Tridentinus.
21. Regulae Indicis non possunt pari ratione Synodo Tridentinae adscribi.
22. De Instructione postmodum Indici & Regulis adjecta.
23. Libri aliqui interdum unà in Provincia vestè vetantur, licet non in altera, idque variis titulis.
24. Ad Episcopos ac Fidei Inquisitores præcipue spectat librorum examen & censura.
25. Qua de causa instituta Congregatio Indicis.
26. Qui hanc Congregationem constituunt?
27. Quid hodie circa librorum examen competat Magistro S. Palatii?
28. Habet etiam hæc Congregatio Consultores.
29. Soli Cardinales propriè Congregationem constituunt: Et quod eorum præcipuum officium?
30. Ob quosvis errores libri non passim prohibendi.
31. Huic Congregationi Pontifex non assistit.
32. Per hanc Congregationem non est derogatum auctoritati Congregationis S. Officii circa prohibitionem librorum.
33. Interdum liber relatus in Indicem postmodum speciali Decreto Congregationis S. Officii ulterius proscribitur.
34. Episcoporum ac Inquisitorum auctoritati detractum non est.
35. His in partibus Index Romanus in omni suo rigore non est receptus.

I. Sub nomine Concilii Romani habiti tempore Gelasii I. Papæ anno 494. extat Decretum, quo declaratur, qui libri ab Ecclesia Romana recipiantur, & qui non recipiantur; & qui legi, & qui non legi debeant.

II. Verum ut ex verbis Decreti manifestum est, hic duntaxat agitur de lectione publica, sive de lectione in Ecclesia tempore Divini Officii, ad instructionem & ædificationem populi.

Postquam enim acta Martyrum multis encomiis Synodus extulisset; utpote qui multiplicibus tormentorum cruciatibus, & mirabilibus confessionum triumphis irradiant; asseruitque nec quemquam Catholicorum dubitare, & anajora eos in agonibus fuisse perpeffos, nec suis viribus, sed gratiæ Dei & adjutorio universa tolerasse, subjicit: "Sed ideo secundum antiquam consuetudinem singulari cautela in Sancta Romana Ecclesia non leguntur, quia & eorum, qui conscripserunt, nomina penitus ignorantur, & ab infidelibus, aut idiotis superflua, aut minus apta, quam rei ordo fuerit, scripta esse putantur.

Hæc satis ostendunt, hoc unum voluisse Synodum, à publica lectione & Divino Officio amovere quicquid vel speciem falsitatis, aut aliquam fabulæ mixturam habere videbatur; quod adhuc manifestius circa finem Decreti indicatur his verbis: "Cæterum qui libri in Ecclesiasticis Officiis per anni circulum à nonnullis legantur pro fidelium ædificatione, adnotandum censuimus.

III. Itaque Catalogus sive Index ille Librorum nequaquam dici potest, Index Librorum prohibitorum,

Tom. I.

juxta usitatum modernam phrasim; nimirum, Index exhibens Libros, omnibus, tam privatim, quam publice legi prohibitos; qualis Librorum Index ante decimum sextum seculum extitisse non reperitur.

IV. Circa medium verò decimi sexti seculi, cum invalescentibus Lutheranæ & Calvinianæ hæresibus, Libri plurimi mentito nomine auctoris, ac hæretico fermento conspersi ederentur, qui nec facile à libris Catholicis discerni possent; atque hinc multi simplices incautà horum Librorum lectione seducerentur, variè ceperunt à Theologis confici Catalogi, seu Indices Librorum, in quibus ipsi notabant Libros, quos vel ab hæreticis confectos, vel hæresi conspersos credebant.

V. Et quidem rogatu & mandato Caroli V. Facultas Theologica Lovaniensis Indicem Librorum hæreticorum, & de hæresi suspectorum, quorum lectionem pro eo saltem tempore, ut loquitur, populo baud convenire judicabat, confecit, qui & auctoritate ejusdem Cæsaris anno 1546. publicatus fuit.

Cumque continuò plures hæreticorum libri prodirent, pluresque hæresi respersi notarentur, rursus alium fusiorem Librorum illorum Indicem eadem Sacra Facultas concinnavit, quem addito speciali edicto, publicari idem Carolus mandavit anno 1556. Hi librorum Indices unà cum Cæsareis Edictis referuntur in prima parte Edictorum Flandriæ Lib. 1. Rubr. 7.

VI. Theologorum atque Cæsaris exemplo excitatus Paulus IV. Pontifex, anno 1557. præcepit iis, qui Inquisitioni contra hæreticam pravitatem erant Romæ præpositi, ut & ipsi Indicem Librorum prohibitorum conficerent; qui anno 1559. absolutus, auctoritate Pontificis publicatus fuit.

VII. Hic Index in tres classes erat distinctus. Prima classis exhibebat nomina eorum, quorum omnia opera cujuscumque argumenti, etsi profani, omnino vetantur: inter quos & quorundam nomina Catholicorum occurrunt.

Secundâ classe continebantur libri singulatim damnati, dum alii eorum auctorum libri non vetebantur.

Tertia classis complectebatur scripta quædam anonyma, adjectâ clausulâ generali vetante libros omnes anonymos editos ab anno 1519. Denique adjiciebatur Catalogus LX. Typographorum, quorum omnium libri, quos typis suis evulgarunt, prohibentur, à quocumque demum auctore, aut idiomate prodissent.

VIII. Similem antehac Librorum prohibitorum Indicem à Rom. Pontificibus evulgatum fuisse haud rapitur: unde de hoc Pontifice dicere non dubitat Spondanus, "quod primus exstiterit, qui universalem omnium perniciosorum Librorum, cujuscumque argumenti, etiamque profani, à quibuscumque, etiamque religione Catholicis scriptorum, vel etiam à sanctis Typographis de quacumque arte editorum Indicem contexere studuerit; eum ad eum usque diem, Librorum prohibitiones, tam à Pontificibus, quam ab Imperatoribus factæ, numquam excessissent terminos Librorum hæreticorum; aliæ pestilentes legi prohiberi fuissent, nisi quorum auctores etiam damnati extitissent." Hæc ille ad annum 1557. §. 5. ibidem addens. "Illud in hoc Indice Pauli rigidius visum, quod pœna legentibus Libros eo Catalogo comprehensos, ac prohibitos denunciata erat excommunicatio latæ sententiæ Pontifici reservata, privatio, ac incapacitas quorumcumque munerum, ac Sacerdotiorum, perpetua infamia, cum aliis pœnis arbitrariis. Quod factum est, ut Pius IV. Pauli Successor, rigorem hunc temperans, totum illud Librorum negotium ad Concilium Tridentinum retulerit." Hactenus Spondanus.

IX. Quod ad Concilium Tridentinum attinet, cum post suspensionem 10. circiter annorum, rursus sub Pio IV. omni suspensione sublata, ejus resumptio in sessione habita 18. Januarii anno 1562. communi Patrum assensu declarata esset, habita fuit Congregatio 26.

D d

eiusdem

eiusdem mensis, in qua à Præsidibus Concilii inter alia propositum fuit: " ut Libri à diversis auctoribus post hæreses natus editi, unà cum Catholicorum contra eos censuris examinarentur, quò Synodus, quid super illis habeat decernendum, statuat.

Super hoc articulo varias fuisse Patrum sententias ex actis Concilii constat. Et quidem inter alios Archiepiscopus Granatensis " ab ea occupatione Patres dehortatus fuit, quippe longissimā, & quæ Synodum abstraheret ab altioribus negotiis, magisque indigentibus ipsius proximā curā. " Bartholomæus de Martyribus Archiepiscopus Bracarensis adjecit, *posse id committi Academicis.*

Petrus Contareus Paphensis Episcopus " non mediocri affectus benevolentia, " (ut monet Palavicinus lib. 15. *hist. Concilii Trident. cap. 19. num. 10.*) " erga Paulum IV. cui familiaris intimus fuerat ante Pontificatum; & à quo postea thiarā acceperat, suadebat, ut nulla fieret in Indice Pauli mutatio; esse verius recentium ingeniorum intemperantiam, quam religionis studium, velle decessorum opera reformare, non quo illa meliora redderentur, sed quo ipsi præstantiores ostentarentur. Caverent, ne Sanctiones Majorum illi revocantes, posteros stimulerent ad eorum exempla sequenda in eorundem Decretis abolendis.

Econtra Daniel Barbarus Adjutor Patriarchæ Aquileiensis monuit, Indicem Pauli IV. correctione plurimā indigere: cum eodem modo proscriberet opus licentiæ juvenilis, & opus hæreticæ pravitatis. Christophorus Patavinus existimavit, novum ab initio Indicem construendum non esse, sed Indicem Pauli reformandum. Deinde monebat, " quosdam etiam ex libris esse, qui inter bona plurima mali aliquid continebant, & hos emendandos quidem esse, non omnino refellendos; cum ea sit terrenarum rerum conditio, ut is, qui mallet omne bonum, quod purum non est eliminare, & non potius illi defacando studere, genus humanum omni bono privaret.

X. Inter has Patrum dissensiones & disputationes, tandem plerisque consentientibus, ut aliquibus conscribendi Indicis cura demandaretur; ac rogatis Patribus, ut librorum Censores, qui eam curam susciperent, designarent, communi suffragio Præsidibus Concilii horum electio delata fuit: à quibus designati fuere Georgius Drascovitijs Episcopus Quinqueecclesiensis Orator Cæsarius pro regno Hungariæ, Joannes Trivisanus Patriarcha Venetus, 4. Archiepiscopi, 9. Episcopi, Abbas unus Cassinensis, & duo Generales, scilicet Minorum de observantia & Eremitarum S. Augustini: " Sed ita ut non ante finem Concilii Index publicaretur; " ut refert Spondanus ad annum 1562. §. 17.

XI. Hanc Patrum resolutionem edito Decreto Synodus Tridentina publicavit, *sess. 18.* declaravitque, Synodum censuisse, " ut delecti ad hanc disquisitionem Patres de censuris, librisque, quid facto opus esset, diligenter considerarent, atque etiam ad eandem S. Synodum suo tempore referrent; quo facilius ipsa possit varias & peregrinas doctrinas tanquam zizania à Christianæ veritatis tritico separare, deque his commodius deliberare, & statuere, quæ ad scrupulum ex complurium animis eximendum, & tollendas multarum querelarum causas, magis opportuna videbuntur.

XII. Post hunc Patrum delectum & publicatum hoc Decretum, nihil de hoc Indicis negotio in Concilio ulterius actum legitur, usque ad illum diem, quo finis Concilio impositus fuit; quando inter alia, etiam Decretum Patribus prælectum & ab ipsis probatum fuit, in quo prius relatis, quæ Sessione XVIII. decreta erant, subditur: " audiens nunc (Synodus) huic operi ab iis (quibus opus conscribendi Indicis fuerat demandatum) " extremam manum impositam esse, nec tamen

" ob librorum varietatem, & multitudinem possit distinere & commodè à S. Synodo dijudicari, præcipit, " ut quicquid ab illis præstitum est, Sanctissimo Romano Pontifici exhibeatur, ut ejus judicio & auctoritate terminetur & evulgetur.

Duo igitur in Tridentina Synodo circa Indicem librorum acta sunt. Primum, cura illius conscribendi demandata fuit quibusdam delectis Patribus cum relatione ad Synodum; quò ipsa tunc commodius deliberare ac statuere posset. Secundum, omnium eorum, quæ à delectis illis Patribus acta erant, relatio facta ad Sanctissimum, ut ejus judicio opus illud terminaretur & evulgaretur.

XIII. Conformiter ad hoc Decretum Concilii, Index à Patribus delectis confectus, Pio IV. tunc Pontifici oblatu fuit, ut ipse testatur in Brevi quod incipit, *Dominici Gregis*; additque, quod eum doctissimis, probatissimisque Prælati accuratissime legendum, examinandumque tradiderit; ipseque etiam legerit.

XIV. Porro, licet in Synodo Tridentina solummodo actum esset de conscribendo Indice librorum hæreticorum, vel de hæresi suspectorum, aut aliàs perniciosorum, nec aliud delectis Patribus commissum legatur: quò scilicet facilius ipsa Synodus possit varias & peregrinas doctrinas tanquam zizania, à Christianæ veritatis tritico separare, ipsi tamen Prælati ad hoc opus deputati animadvertentes, in Indice Romæ jam pridem confecto, " nonnulla parum explicatè posita, quæ interpretatione indigerent, re multum diuque deliberationibus agitata, ac viris etiam ex omni natione, Theologicæ Facultatis scientissimis, in consilium adhibitis, *subjectas regulas* componendas judicant, ut quod jure fieri posset, doctorum hominum commodis & studiis, salvâ veritate ac religione, prospiceretur. " Hæc ex præfatione P. Francisci Foretii Ord. Prædicat. Deputationis Tridentinæ ad conscribendum Indicem, Secretarii.

Hæ sunt *regule*, quæ vulgò dicuntur, *Regule Indicis*; ipsique Indici præponi solent; quas non ex mandato aut præscripto Concilii Tridentini compositas esse, ex verbis mox relatis sufficienter constat.

XV. Prædictum ergo Indicem cum regulis subjectis, tandem litteris in forma *Brevis*, quæ incipiunt, *Dominici Gregis*. 24. Martii anno 1564. adedque tribus à soluta Synodo mensibus, probavit, & ab omnibus observari mandavit Pius IV.

XVI. In hoc Indice unaquæque penè alphabeti littera tres classes habet, ad exemplum Indicis Pauli IV.

In prima classe non tam libri, quam librorum Scriptores continentur, qui aut hæretici, aut notâ hæresis suspecti fuerunt: " horum enim (ait P. Franciscus Foretius in citata præfatione) " Catalogum fieri oportuit, " ut omnes intelligant, eorum scripta, non edita solum, sed edenda etiam, prohibita esse.

Illud insuper monet Foretius, non in omnes hujusmodi auctores à Patribus inquisitum fuisse, sed iis penè contenti fuisse, ait, qui in Romano Catalogo descripti sunt.

In secunda classe referuntur libri " qui propter doctrinam non sanam, aut suspectam, aut quæ offensionem etiam in moribus fidelibus asferre potest, rejiciuntur; etiam si auctores, à quibus prodire ab Ecclesia nunquam defeciverint.

Tertia " eos libros complectitur, qui sine scriptoris nomine exierunt in vulgus, & doctrinam continent, quam Ecclesia Romana tanquam Catholica fidei, aut morum integritati contrariam, refutandam ac refellendam esse decernit. Non enim omnes libros, qui nomen auctoris non præferunt, damnandos putant, quandoquidem sæpe viros doctos ac sanctos novimus, ut Respublica quidem Christiana ex eorum vigiliis fructum caperet, ipsi verò inanem gloriam evitarent, libros optimos sine nomine edisse. " Hæc ex præfatione Patris Francisci Foretii, Triden-



Tridentinae deputationis ad confectionem Indicis, Secretarii.

XVII. Hæc si conferantur cum his, quæ de Indice Pauli IV. dicta sunt, facile apparebit, Patres ad Indicem concinnandum delectos, non quidem Indicem Pauli in omnibus probasse, ejus tamen in multis normam tenuisse.

XVIII. Regulæ à Patribus hæc concinnatæ, quæque Indici hodie præmitti, atque vulgo *Regulæ Indicis* vocari solent, sunt decem numero, multaque continent ab Episcopis, Inquisitoribus, Typographis aliisque circa librorum lectionem, expurgationem, venditionemque observanda; ac tandem edicuntur: "Ne quis audeat contra harum Regularum præscriptum, aut hujus Indicis prohibitionem libros aliquos legere, aut habere. Quod si quis libros hæreticorum, vel cujusvis auctoris scripta ob hæreseos vel falsi dogmatis suspicionem damnata, atque prohibita legerit, sive habuerit, statim in excommunicationis sententiam incurrat. Qui vero libros alio nomine interdictos legerit aut habuerit, præter peccati mortalis reatum, quo afficitur, judicio Episcoporum severe puniatur.

XIX. Ad has pœnas in hodierna Romana librorum prohibitionem fit allusio dum dicitur: *sub penis in Indice librorum prohibitorum contentis*.

Sed quia pœnæ variae sunt pro varietate librorum prohibitorum; neque juxta hodiernum Congregationis styllum solet exprimi, quo ex capite liber proscribatur, incerta quoque manet pœna, quam contravenientes incurrunt.

XX. Porro cum ex ante dictis constet, Synodum Tridentinam nullum Indicem librorum prohibitorum composuisse; sed duntaxat Patribus quibusdam ejus curam demandasse; & quidem expresse, *cum relatione ad Synodum*, ut facta relatione, ipsa demum commodius deliberare & statuere posset; atque tandem instante Synodi conclusione, opus à Patribus delectis confectum ad Romanum Pontificem remiserit, eo quod *ob librorum varietatem & multitudinem non posset distincte & commode à Sancta Synodo judicari*, evidens est, hunc Indicem non alio ex capite posse dici *Tridentinum*, nisi quod Synodus quibusdam Patribus ejus conficiendi curam demandaverit; atque hi, durante Concilio, huic operi *ultimam manum apposuissent*, aut saltem (ut loquitur Clemens VIII. in Bulla quæ incipit *Sacrofanctum*) *in negotio illo non parum essent progressi*; aut denique, quia totum illud negotium à Synodo ad Pontificem remissum fuit.

XXI. De Regulis vero Indicis non idem per omnia dici potest. Cum enim, uti supra monui, Synodus Patribus ad Indicem delectis, nullam de componendis hæc regulis curam dederit; atque de solo *Indice* librorum perniciosorum in Synodo actum fuerit, patet, non posse has *Regulas* hoc ex capite *Tridentinas* nuncupari; sed eas solis illis delectis Patribus, qui illas citra ullum Synodi mandatum, composuerunt, esse adscribendas.

Unde S. Carolus in Synodo sua quinta, Indicem librorum prohibitorum vocat quidem Indicem *jussu* Tridentini confectum; at in prima sua Synodo loquens de his regulis, ait: *Regulas Indicis de libris vetitis ab illis qui illi negotio à Sacrosancta Synodo Tridentina præfati fuerunt, ex auctoritate Sanctissimi D. N. Pii IV. editas, &c.* ita eas simpliciter dictis Patribus attribuens.

XXII. His Regulis subjicitur insuper *instructio eorum, qui libris, tum prohibendis, tum expurgandis, tum etiam imprimendis, diligentem, ac fidelem (ut par est) operam sunt daturi*, non à delectis Patribus à Synodo Tridentina ad concinnandum Indicem, confecta, sed postmodum adjecta.

In hac instructione inter cætera sub titulo *De prohibitione librorum* §. 5. præscribitur: "Episcopi & In-

quisitores, seu ab iisdem subdelegati, & deputati, tam in Italia, quam extra, penes se habeant singulorum Nationum Indices, ut librorum, qui apud illas damnati ac prohibiti sunt, cognitionem habentes, facilius prospicere possint, an etiam à suæ jurisdictionis terris, eosdem recognitos arcere, vel retinere debeant.

XXIII. Hæc patenter supponunt, interdum libros aliquos in certa Provincia aut Natione prohiberi, quæ in aliis Provinciis non similiter prohiberi, aut non eodem rigore debeant; quod non uno ex capite contingere potest.

Certum imprimis est, expressiones aliquas posse esse nocivas apud populum minus in fide Catholica, aut Religione instructum, aut hæreticis permixtum, quæ nequaquam offenderent populum melius instructum, vel nullam cum hæreticis communionem habentem; adeoque librum aliquem ob hujusmodi expressiones, esse uno in loco prohibendum, & non alio: idem esto de tempore judicium.

Adhæc contingere subinde potest, ut liber aliquis in certa Provincia aut Diocesi à Pastoribus & animarum Directoribus, tanquam pius & instructioni populi conveniens fuerit commendatus, & vicissim à populo avidè receptus, & sine offensione lectus: vel etiam à viris spectatæ doctrinæ & magnæ apud populum auctoritatis probatus. Quis porro ambigat, quin hujusmodi circumstantiis concurrentibus fieri subinde posset, ut libri illius in tali loco prohibitio non conveniret, tametsi alio loco non esset improbanda?

Quid enim, si liber ille revera quidem obscuriores quasdam contineat expressiones aut etiam leviores aliquos errores, ita ut ex ejus lectione aliquod erroris periculum populo imminere possit; ideoque, sepositis particularibus circumstantiis, merito prohiberetur; sed si periculum ex hujusmodi obscurioribus expressionibus, aut levioribus erroribus populo imminens conferatur cum scandalo, quod ob particulares circumstantias concurrentes, ex libri illius prohibitionem in tali loco imminet; fieri potest, ut periculum ex lectione istius libri imminens, nullatenus æquiparari queat scandalo ex prohibitionem ejusdem orituro: ideoque convenientius foret à prohibitionem superfedere; ipsorumque Pastorum curæ permittere, ut obscuriores expressiones populo clarius exponant.

Facile quippe contingeret, ut ob libri hujusmodi prohibitionem, populus de Pastorum aut Prædicatorum, qui librum illum commendarunt, sinceritate vacillare inciperet; atque suspecta habere, quæ de articulis fidei, aut morum præceptis à Pastoribus audivit: quod malum multo gravius atque populo nocentius esse posse, quam periculum erroris, quod ex lectione illius populo esset metuendum, dubitari nequit.

Cæterum tota prædicta instructio eo præcipue tendit, ut ostendat, qualiter Episcopi, Inquisitores & Universitates in prohibendis & corrigendis libris, procedere, quasque regulas tenere debeant.

XXIV. Ad Episcopos quippe atque Fidei Inquisitores præcipue pertinet invigilare, ne populus ex librorum lectione, hæresi aut aliis perniciosus in fide aut moribus erroribus inficiatur; quare & erecta in Urbe Congregatio *Inquisitionis* sive *Sancti Officii*, invigilare cepit prohibitioni & correctioni hujusmodi librorum.

XXV. Cum autem hac Congregatione in gravioribus actualibus negotiis fidei magis occupata (uti loquitur De Luca in relatione Romanæ Curiae *disf. 19.*) ista materia revisionis & prohibitionis librorum forsitan non adeo diligenter & accurate ageretur, Sixtus V. hanc Congregationem *Indicis* tanquam dictæ Congregationis *Sancti Officii* Vicariam & adjutricem erexit, eadem primæva potestate penes ipsam matrem adhuc remanente.

XXVI. Congregatio autem hæc constituitur ex competentium numero Cardinalium præ Papæ beneplacito.

cito. Habet præterea Secretarium ex Ordine S. Domini, qui una cum Cardinale Præfecto Decreta Congregationis signat.

XXVII. Præterea habet perpetuum & fixum Consultorem, Magistrum Sacri Palatii similiter ex Ordine S. Domini, qui primitus apparet assumptus, ut quasi Theologus in rebus fidei in privatis occurrentiis (ait Cardinalis De Luca in citata relatione *disc. 8.*) Papam informaret, antequam sub Paulo III. erigeretur Congregatio Inquisitionis; quin & ante erectionem dictæ Congregationis Inquisitionis, ac Indicis, ipsi pene soli librorum revisio, expurgatio, ac impressio concredita erat.

Hinc etiamnum hodie, impressio librorum in Urbe ejusque districtu sine licentia Magistri sacri palatii inhibita est. Retinet quoque facultatem, quam forte solus ante erectionem istarum Congregationum exercebat, ait De Luca, revidendi, si velit, libros alibi impressos, qui in urbe ejusque districtu vendantur seu legantur: ut proinde mirum non sit, ipsum tanquam perpetuum ac fixum Consultorem his Congregationibus interesse.

XXVIII. Ad hanc insuper Congregationem pertinet magnus numerus, Theologiæ aliarumque litterarum Professorum, qui, inquit De Luca, frequentius omnes vel pro majori parte sunt Religiosi diversarum Religionum, sub nomine seu vocabulo *Consultorum*.

Partes horum sunt, revidendi vel examinandi libros, qui tanquam suspecti denuntiantur, juxta distributionem, quæ per Secretarium eis fieri solet; cum obligatione referendi & examinandi in plena Congregatione, quæ diem certum non habet; ubi tum determinatur, an liber prohiberi aut expurgari, vel suspendi debeat, vel absolute permitti possit: solentque ut plurimum Cardinales se judicio Consultorum, qui librum reviderunt & examinarunt, conformare.

XXIX. Soli tamen Cardinales votum decisivum obtinent, quibus à Sixto V. in erectione hujus Congregationis injectum est, ut libros, "qui post Indicem Concilii Tridentini jussu editum prodierunt, Catholica doctrinæ, Christianorumque morum disciplinæ repugnantes, expendant & recognoscant, ac ubi nobis retulerint, nostra auctoritate rejiciant, hominum vero injuria & dolo depravatos emendent, eos libros, qui paucis erroribus rejectis, alioquin utiles studiosis esse possent, expurgandi, atque corrigendi modum ineant, Indicesque expurgatorios conficiant, novos præterea libros approbandi, & imprimendi rationem præscribant.

XXX. Hic obiter notandum, mentem Pontificis nequaquam fuisse, ut libri studiosis alioquin utiles, ob leviores aliquos errores, aut duriora aliqua dicta absolute proscrībantur. Et sane (ut recte monet De Luca citato *disc. 19. num. 15.*) "id apud omnes commentabile reputatur, ut quo magis fieri potest, *parce* ac *circumspecte* in hac prohibitione procedatur, ne facilitas vel *frequentia* vilipendium causet, aliaque producat inconvenientia eo modo, quo in Ecclesiasticis censuris, Canones atque Concilia docent, ac monent.

XXXI. Huic Congregationi Pontifex non assistit; unde etiam dumtaxat sub nomine Cardinalium Congregationis Indicis, nulla Pontificis facta mentione, Decreta edi solent.

Decreta quidem jam formata, priusquam imprimantur, per Secretarium Congregationis Pontifici exhiberi & ostendi consueverunt; sed quia Pontifex nec librum legit, nec Consultorum, qui illum examinarunt & reviderunt, relationem audit, sed Decreto formato simpliciter annuit, nulla ejus in Decreto mentio injicitur, sed sub solius Congregationis nomine publicatur.

XXXII. Cum vero hæc Congregatio tantum sit quasi Vicaria & adiutrix Congregationis Inquisitionis,

per ejus erectionem auctoritas Congregationis Inquisitionis proscrībendi libros, nec in minimo diminuta est.

XXXIII. Quin & nonnunquam contingit, ut liber aliquis per Decretum hujus Congregationis in Indicem relatus, postmodum etiam per speciale Decretum Congregationis Inquisitionis proscrībatur: quemadmodum contigit circa librum Amadæi Guimenii; qui 5. Aprilis anno 1666. à Congregatione Indicis prohibitus, & in Indicem librorum prohibitorum relatus, rursus die 12. Septembris anno 1675. à Congregatione Inquisitionis prohibitus fuit; uti refertur in Brevi Innocentii XI. die 16. Septembris anno 1680. quo eundem librum iterato proscrībuit: eo quod non obstante iterata illa per Congregationem Indicis & Inquisitionis prohibitionem, *nonnulli propriæ salutis immemores eundem legere & retinere damnabili lectione, usu & praxi præsumerent.*

XXXIV. Episcopis ac Fidei Inquisitoribus salvam manere in suis respectivè Diocesibus & districtibus facultatem libros proscrībendi, expurgandi & corrigendi, quotidiana praxi manifestum est: quin imo Inquisitio Hispanica (si fides sit Francisco Salgado in Supplicatione ad Sanctissimum *parte 2. cap. 33. num. 145.*) nec in Sicilia "permittit expurgationem & prohibitionem emanatam à Congregatione de Indice Romæ existente publicari, nisi prius per Consilium ipsum supremum Sanctæ Inquisitionis Hispaniæ, illi libri prohibiti, expurgati noviter, & accurate examinentur & expurgentur, ita ut si quid prohibitionis, aut expurgationis dignum reperiat, sub censura duntaxat sua, non attenta quæ à Congregatione de Indice emittitur, publicentur. Super quo, ait, plurima exemplaria præ manibus habui ex Registris hujus supremi Consilii, quæ facile his potuissimè inferere, nisi defessus calamus tam ingentem laborem recusaret. Hæc ille.

XXXV. Sed neque hisce in Provinciis Indicem librorum prohibitorum in omnibus receptum esse notoria Belgii praxis evincit.

Quis enim inter Juris-Consultos aut Juris studiosos scrupulo angitur; aut cui scrupulus movetur, dum passim legunt Commentaria Joannis Schneidui ad Institutiones Justiniani; Commentaria Francisci De Amaya in tres posteriores libros Codicis; Commentaria Donelli Enucleati; opera Andreae Corvini, Matthæi Wesembecii, aliosque libros quamplurimos Decreto Romano in Indicem librorum prohibitorum relatos.

Imo licet nomen Caroli Molinæ esset relatum in primam classem Indicis Romani, quo indicabatur, omnia ejus scripta, non edita solum, sed edenda etiam, prohibita esse, nequaquam tamen crediderunt Viri auctoritate Philippi II. atque Albani Ducis Consilio anno 1571. delecti ad Indicem expurgatorium pro Belgio concinnandum, omnia generatim Molinæ opera hic in Belgio vi illius relationis in Indicem, esse proscripta; sed ejus opera de novo examinanda censuerunt; atque post examen institutum quædam illorum, prius facta aliquali majori vel minori expurgatione, aliqua vero, nulla purgatione aut correctione adhibita, legi posse judicarunt. Et quidem de ejus ad Consuetudines Parisienses Commentario, hoc testimonium reddunt: *In hoc opere nihil est quod hæresim sapiat, quapropter illud admittatur.* Scripsit idem novum intellectum quinque legum. *Nihil*, inquit de illo Expurgatores, *continet quod repurgari debeat, quapropter admittatur.* Idem etiam scripsit novum & analyticum intellectum quatuor & aliarum plurium legum, de quo hoc proferunt judicium: *Nihil repurgatione dignum habet, quapropter admittatur.*

## CAPUT V.

Uterius quæritur quid Hispani, quid Galli, quid Belgæ sentiant de auctoritate Indicis librorum prohibitorum.

1. *Decreta Congregationis Indicis in Hispania non recipiuntur sine novo examine, & quare?*
2. *Horum Decretorum promulgatio plurima secum trahit incommoda.*
3. *Quædam enumerantur à D. Talonio coram Senatu Parisiensi.*
4. *Auctor sat notus alia prosequitur incommoda.*
5. *Omnia latius exponuntur in tractatu de Publicatione Legum... part. 4.*
6. *Opera Molinæi in primam classem Indicis relata.*
7. *Non idem omnium de ejus operibus judicium.*
8. *Indicis expurgatorii regula.*
9. *Edicta Philippi II. Hispaniarum Regis ad recipiendum Indicem, discutiuntur.*
10. *Prædictus Index cum moderatione in Belgio receptus fuit.*

I. SUPERIORI capite observatum est, quod nec in Hispaniis nec in Sicilia permittantur publicari Decreta à Congregatione Indicis emanata, nisi fuerint revisa per Inquisitionem, teste Francisco Salgado, qui insuper monet num. 144. reflectendum: „ Quod assidue prædicari videamus circa libros Catholicorum Auctorum horum Regnorum tractantes, & fundantes Regis Catholici jurisdictionem, aut Regalias maxime in rebus Ecclesiasticis sibi competentes, „ aut de jure, aut indultis Apostolicis, sive etiam memorabili consuetudine à Sede Apostolica diu tolerata, qui ob id solum solent integraliter in Romana Curia prohiberi, & vetari, & ad hoc Brevia Apostolica transmitti ad Inquisitionem supremam Hispaniæ publicanda.

II. Adjungit autem, quod Rex Catholicus „ omni conatu, cultu tamen reverenti, huic violentiæ suis juribus Regalibus & sibi ipsi illatæ occurrat, agnoscens hanc prohibitionem duntaxat tendere ad infringenda sua jura, nec non in grave, & intolerabile præjudicium suum, ac proinde impediens talis brevis executionem ad evitanda scandala, penes se illud retineat, interim quod per supplicationem de damnis „ & inconvenientiis consulat Sedem Apostolicam, ut de remedio paternali clementer provideat.

III. Similem querelam de prohibitionem Librorum & Scriptorum jura Regia fundantium coram Senatu Regio deposuisse legimus Regis Christianissimi Advocatum Fiscalem Talonium in discursu super non admisione Decretorum à Congregatione Inquisitionis Romanæ emanatorum; inter alia enim inconvenientia ex publicatione horum Decretorum timenda hoc proponit: „ Quod per hanc Congregationem proscripita quondam fuerint Arresta Parlamenti prolata contra Joannem Chastel, Opera Præsidis Thuani, Libertates Ecclesiæ Gallicanæ, alique libri concernentes personam „ Regis, Regiamve Jurisdictionem. (a)

(a) In Galliis nedum Inquisitionis & Indicis Decreta habeant aliquam auctoritatem; imo eorum promulgatio prohibetur. Spectantur Episcopi Galli ut Judices tum Fidei tum morum, adeoque eorum est cognoscere quæ ab ovibus removenda, quæ vero ipsis præbenda sint pabula cognitionis & doctrinæ; nec solum arcere debent quæ morum puritatem inquinare aut disciplinæ vigorem infringere possunt, sed etiam propellant necesse est libros, unde Fidei integritas in discrimen adducatur. Deinde Francorum Rex non permittit Librum fieri Juris publici, nisi post hujus Operis examen factum à viris quos Gallorum Cancellarius aut Sigillorum Regiorum Custos designavit. Tandem supremi Senatus vetare solent ne vendantur Libri, qui possunt aliquod inferre incommodum vel damnum tranquillitati publicæ, juribus Regis, Libertatibus Gallicanis & bonis moribus.

IV. Nec minus recte, ac vere advertit eruditus atque sat notus auctor difficultatum propositarum Doctori Martino Steyaert, part. 9. difficult. 93. quod Theologi Romanæ Curiae quasdam sibi adoptaverint opiniones, quas ab omnibus quasi pro Catholicis veritatibus haberi vellent; licet sciant eas à plurimis Theologis, imo integris Ecclesiis impugnari: puta, quod Papæ possint deponere Reges; quod sint infallibiles; quod sint supra Concilia generalia; quod Episcoporum Jurisdictio immediate proveniat à Pontifice & non immediate à Jesu Christo; quod solus Pontifex possit de materia fidei judicare, &c.

Sed cum asserere non audeant, errorem esse, oppositum sentire; aliud medium impendunt, ut opiniones stabiliant; necnon Theologos à propugnandis opinionibus oppositis deterreant, nimirum prohibendo libros, in quibus oppositæ opiniones reperiuntur, aut stabiliuntur. Quis enim ambigat, quin metu imminentis censure seu prohibitionis plures deterreantur se pro opposita sententia declarare super his materiis: probe scientes, quantopere per hanc Romanam prohibitionem, apud plerosque ultramontanis opinionibus imbutos & sibi & scriptis suis præjudicium imminet.

Et quidem in regulis à confessoribus Indicis expurgatorii observandis præscribitur regula septima. *Expurgandæ sunt etiam propositiones, quæ sunt contra libertatem, immunitatem & jurisdictionem Ecclesiasticam.*

Cum autem jura, quibus passim Principes supremi, eorumque auditoria utuntur in materiis Ecclesiasticis, à Curialibus Romanis reputentur contraria libertati, & immunitati, ac jurisdictioni Ecclesiasticæ, non mirum, si libros & scripta, in quibus hæc jura Principibus asseruntur & vindicantur, in Indicem librorum prohibitorum relata videamus.

V. De his latius egi in Tractatu de publicatione legum & placito Regio, parte 4. ubi fusius expolitum est, quomodo, & quibus motivis ad proscriptionem librorum in Curia Romana procedatur, & ex quo capite frequenter contingere possit, hanc librorum proscriptionem sub & obreptitæ impetrari; & quibus ex causis similia Decreta possint in publica commoda impingere, quibus præcavendis, merito suspendatur & interdicatur eorum publicatio, saltem donec placitum Regium accesserit.

VI. Capite 4. observatum fuit, quod tamen opera Molinæi in primam classem Indicis Romani essent relata, nihilominus à viris ad conficiendum Indicem expurgatorium in Belgio auctoritate Regia Deputatis, plura ejus opera simpliciter, alia, modica adhibita expurgatione, fuerunt declarata ab omni censura aut prohibitionem exempta.

VII. Et sane non soli Galli, sed exteri quicumque Jurisperiti agnoscunt plurima admodum utilia, atque summa eruditione ab hoc Auctore, tam in civili, quam canonico Jure esse scripta.

Inter cæteros nominatissimus Jurisconsultus & Episcopus Segovientis, qui & Concilio Tridentino interfuit, Didacus Covarruvias pluribus locis suorum operum laudat Molinæum; atque signanter lib. 3. *variarum resolut. cap. 1. num. 4.* notat Molinæum eleganter interpretatum in commentario ad consuetudines Parisienses cap. 1. x. de feudis, atque lectorem ad eum remittit.

Ad hanc Covarruvias citationem reflectens Franciscus Pinsonius in nota ad observationes Molinæi ad tit. Decretalium de feudis, ait „ Non minimum esse à viro „ laudatissimo Hispano & Catholico Segovientis Ecclesiæ Præsule laudatum fuisse (Molinæum) non inverso „ vel immutato nomine sed proprio; ut fecere Romani, „ & Itali, qui tractatum ejusdem Molinæi de Ujuris, „ cujus doctrina indigebant, imprimi curarunt, tum „ Latine, tum Italice sub ementito nomine Caballini ut „ nomen ipsius tacerent.

Bullam Clementis VIII. contra opera Molinæi, nec hic,



hic, nec in Gallia receptam esse, ostendi in præcitato *Tractatu de promulgatione legum* parte 4. cap. 2. §. 4.

Ex his, quæ circa opera Caroli Molinæ, alique opera, quæ à confessoribus Indicis expurgatorii declarata sunt à prohibitione & censura exempta, sat constat Indicem librorum prohibitorum per Pium IV. vulgatum hic in Belgio non fuisse simpliciter receptum, uti in citato tractatu fufius ostendimus.

Similiter idem ille Index expurgatorius per speciale edictum Philippi II. Regis Catholici anno 1571. probatus, & recipi jussus, probat nequidem *Regulas Indicis* per Pium IV. Indici Romano adjectas, hic simpliciter admittas esse.

VIII. Confectores quippe hujus Indicis expurgatorii quatuor duntaxat regulas, ex decem regulis per Pium IV. Indici Romano subjectis, sub initium sui Indicis expresserunt, reliquarum sex regularum nulla facta mentione.

Indicium non obscurum, visum fuisse hisce Indicis expurgatorii confessoribus has quatuor regulas (quæ pene unice spectant libros hæreticorum, vel hæresim continentes, aut res lubricas seu obscenas tractantes) præ cæteris in Belgio recipiendas & observandas.

Cum autem Philippus II. per suum edictum voluerit, hunc Indicem expurgatorium, prout ab his viris deputatis, erat confectus, per omnia recipi; neque sciatur aut legatur aliud Principis edictum aut placitum super publicatione vel receptione Indicis Romani aut regularum eidem subjectarum post emanasse, aut datum fuisse, concludendum est, nec Indicem Romanum, nec regulas eidem adjectas, hactenus in Belgio fuisse receptas, nisi conformiter ad præscriptum hujus Indicis expurgatorii.

IX. Pro quo ulterius notandum, examen hoc per Collegium Censorum auctoritate Regia inchoatum fuisse & absolutum demum anno 1570. mense Julio, adeoque ab edita Bulla Pii IV. sex circiter annis, nec non post editum edictum Philippi II. die 15. Februarii 1569. Quo præcipiebatur, Indicem Romanum prout per Pium IV. fuerat publicatus observari & recipi, ipsumque edictum ad omnia Consilia Regia transmitti, ut eorum auctoritate per Provincias more solito publicaretur: atque de hoc edicto loquitur Haræus in Annalibus Belgicis ad annum 1570. & ipsum secuti plures alii scribere non dubitarunt, Indicem Romanum hic in Belgio promulgatum, & auctoritate Regia simpliciter receptum fuisse.

Verum admodum verisimile est, Consilia Regia, recepto hoc edicto advertisse, nullatenus convenire, ut hic Index Romanus simpliciter promulgaretur ob multifaria incommoda, quæ ex hac promulgatione in hisce Provinciis obventura prævidebant, & quæ in subsequenti edicto Rex ipse expressit.

Hinc & indubie contigit, ut censuerint à publicatione illius prioris edicti esse supersedendum, & interim monendum atque de iis incommodis instruendum Ducem Albanum, ejusque Ministros qui, re maturius examinata, judicarunt expedire, ut quemadmodum super Decretis Concilii Tridentini factum fuerat, ita etiam circa hunc Indicem fieret, nimirum ut Index in hisce Provinciis publicaretur ea moderatione, ut & populus ab iis, qui in libris hoc Indice prohibitis continebantur, erroribus conservaretur, & nihilominus occurreretur incommodis, quæ ex simplici & generali illius Indicis promulgatione secutura prævidebantur.

Itaque hunc in finem auctoritate Ducis Albani tunc Belgii Gubernatoris institutum fuit prædictum Collegium Censorum, & confectus præmemoratus Index expurgatorius eo modo quo supra exposuimus; & in consequentiam illius prodiit edictum Philippi II. anni 1571. cujus supra meminimus.

X. Porro hoc Regio edicto prædictus Index Romanus cum adjunctis regulis non simpliciter sed magna cum moderatione, conformiter ad *Indicem expurgatorium*,

auctoritate Regia tandem receptus fuit, prout in Capite præcedenti, nec non in Tractatu de Promulgatione Legum exposuimus.

Cum autem post editum hoc posterius edictum non legatur super prædicto Indice Romano aut regulis eidem annexis aliud examen auctoritate Regia institutum fuisse, aut super iis prodiisse aliud aliquod speciale edictum, imo nec speciale aliquod *Placitum Regium* postularum, multo minus concessum: concludendum est hunc Indicem Romanum, atque regulas eidem annexas hic in Belgio non esse rite publicatas & receptas, nisi cum ea moderatione, quam Collegium Censorum adhibitam voluit, & quam supra, indicans locis, latius exposuimus.

## CAPUT VI.

De Congregatione pro executione & Interpretatione Concilii Tridentini.

1. *Qua ratione Synodus Tridentina voluerit difficultates occasione suorum Decretorum emergentes, resolvi.*
2. *Pius IV. generaliter inibuit omnibus, Decreta Synodi Tridentina interpretari.*
3. *Interpretationem Sedi Apostolicæ reservavit.*
4. *Congregationem Cardinalium pro executione Concilii Tridentini instituit.*
5. *Huc Congregationi non erat auctoritas interpretandi Decreta Synodi; sed tantum exequendi.*
6. *Aliquando dubitavit hæc Congregatio, an propter decisos casus ad Interpretationem Concilii Tridentini spectantes, non incidisset in censuram?*
7. *Sixtus V. interpretandi potestatem huic Congregationi attribuit; & dicitur, Congregatio pro interpretatione Concilii Tridentini.*
8. *Præcipue versatur hæc Congregatio circa Interpretationem Synodi Tridentina.*
9. *Quæ executionem Concilii Tridentini spectant, interdum etiam ad alias Congregationes mittuntur.*
10. *Hæc Congregatio curat, ut Synodi locales juxta præscriptum Synodi Tridentina habeantur; & Decreta Synodorum Provincialium ab ipsa revidentur.*
11. *Audit quoque postulata Episcoporum visitantium Litteras Apostolorum.*
12. *In hac Congregatione nulla adest mixtura Prælatorum, præter Secretarium: & inter Cardinales, unus dicitur Cardinalis Præfectus.*
13. *Resolutionibus nisi debite munitis non creditur.*
14. *Declarationes ab hac Congregatione frequenter dantur super particularibus casibus.*
15. *Declarationes datæ pro casu particulari raro alteri casui applicari possunt.*
16. *Declarationes hujus Congregationis raro publicantur.*
17. *Non habent vim legis.*
18. *Interdum Congregatio à Declaratione data recedit; & contrariam dat.*

I. **SYNODUS** Tridentina sess. 25. in fine *De recipiendis & observandis Decretis Concilii*, declaravit: „ Quod si in his recipiendis aliqua difficultas oriatur; „ aut aliqua inciderint, quæ declarationem, quod non „ credit, aut definitionem postulent: præter alia remedia, in hoc Concilio instituta, confidit Sancta Synodus, Beatissimum Romanum Pontificem curaturum, ut vel evocatis ex illis præsertim Provinciis, unde difficultas orta fuerit, iis, quos eidem negotio tractando viderit expedire, vel etiam Concilii generalis celebratione, si necessarium judicaverit, vel commodiore quacumque ratione ei visum fuerit; „ Provinciarum necessitatibus pro Dei gloria, & Ecclesiæ tranquillitate consulatur.

II. Porro nullum Concilium generale posthac celebratum est, neque evocationes ex Provinciis frequentate; sed Pius IV. in Bulla confirmationis ipsius Concilii, quæ incipit, *Benedictus Deus*, "Apostolicâ auctoritate inhibuit omnibus, tam Ecclesiasticis personis, cujuscumque sint ordinis, conditionis, & gradûs, quàm Laicis, quocumque honore ac potestate præditi; Prælati quidem sub interdicti ingressûs Ecclesiæ, aliis verò quicumque fuerint, sub excommunicationis lætæ sententiæ pœnis, ne quis sine auctoritate nostra audeat ullos commentarios, glossas, annotationes, scholia, ullumque omnino interpretationis genus super ipsius Concilii Decretis quocumque modo edere; aut quidquam quocumque nomine, etiam sub prætextu majoris Decretorum corroborationis, aut executionis, aliove quæsito colore, statuere.

III. Deinde subjicit: "Si cui verò in eis aliquid obsecutus dictum & statutum fuisse, eamque ob causam interpretatione aut decisione aliquâ egere visum fuerit; ascendat ad locum, quem Dominus elegit, ad Sedem videlicet Apostolicam, omnium fidelium magistratam, cujus auctoritatem etiam ipsa sancta Synodus tam reverenter agnovit. Nos enim difficultates & controversias, si quæ ex eis Decretis ortæ fuerint, nobis declarandas & decidendas, quemadmodum ipsa quoque sancta Synodus decrevit, referamus, parati, sicut ea de nobis merito confisa est, omnium Provinciarum necessitatibus eâ ratione, quæ commodior nobis visa fuerit, providere, decernentes nihilominus irritum & inane, si secus super his à quoquam quâvis auctoritate scienter vel ignoranter contigerit attentari.

IV. Mensibus aliquot post Concilii Tridentini confirmationem, & hanc interpretandi Decreta Sedi Apostolicæ factam reservationem, erecta fuit ab eodem Pontifice aliquorum Cardinalium (illorum præsertim, qui Concilio interfuerant, quique de mente Concilii magis credebantur instructi) Congregatio per Constitutionem, quæ incipit, *Alias nonnullas* 18. in Bull. Rom.

V. Hæc Congregatio tamen non esset instituta pro interpretatione dubiorum, quæ oriri possent circa Decreta Concilii Tridentini, quæ omnia vult Pontifex ad se referri; sed pro executione & observantia illorum Decretorum; tamen eo etiam tempore, ut observat Cardinalis De Luca, aliquâ oriente dubietate, istas partes interpretandi assumebat; atque aliquæ, licet pauciores, declarationes prodierunt; quæ majoris vel eo titulo auctoritatis reputandæ sunt, ut monet De Luca, "quod plures tunc in ea Congregatione sedebant Cardinales, qui vel tanquam Præsidentes & Legati, vel tanquam Prælati postmodum ad Purpuram assumpti, in ipso Concilio intervenerant; ideoque tanquam Sessionum, ac disputationum conficii, melius Patrum sensum callebant." In annotat. ad Concilium Tridentinum *disc.* 1.

VI. Quin & refert Fagnanus, hanc Congregationem aliquando dubitasse, an ipsa incidisset in censuram, de qua in citata constitutione, *Benedictus Deus*, "decidendo multos casus propositos ad interpretationem Concilii pertinentes, absque eo quod ullam relationem Sanctissimo fecerit. Et cum Congregatio hac de re consulisset Pium V. Sanctitas sua dixit, se non credere Congregationem incidisse in hujusmodi censuras, quoniam opinabatur hanc prohibitionem eos tantum comprehendere, qui proprio ausu interpretari præsumpsissent, ut indicant illa verba, *audeant interpretari*; tamen pro futuro, dixit, se tribuere facultatem Congregationi, ut absque alia delegatione posset decidere casus, quos Congregatio tanquam claros putaret decidendos; quos verò tanquam dubios putaret referendos Sanctitati suæ, referret, prout postea fecit, ut desertis verbis est adnotatum

"in libris publicis S. Congregationis manu Cardinalis Caraffæ. „ *Ad cap. 12. de judiciis.*

VII. Postmodum Sixtus V. in sua Constitutione, quæ incipit, *Immensa* 74. in Bull. Rom. inter cæteras Congregationes, hujus quoque Congregationis meminit, eique clarius, non tantum exequendi, sed etiam interpretandi Concilii Tridentini Decreta, scilicet *reformationis* (eorum, quæ ad Fidei dogmata pertinent interpretatione sibi reservatâ) facultatem impartitur; ideoque Congregatio, quæ in citata Constitutione Pii IV. dicebatur Congregatio super EXECUTIONE & OBSERVANTIA Sacri Concilii Tridentini, in hac Sixtina Constitutione vocatur Congregatio pro executione, & INTERPRETATIONE Concilii Tridentini; quanquam & ante hanc Sixtinam Constitutionem, quæ edita est anno 1588. Cardinales eidem Congregationi Præfetti dici cœperint Concilii Tridentini Interpretes; & Congregatio Interpretum Concilii Tridentini: ut constat ex litteris super confirmatione primæ Synodi Mechliniensis, de quibus *tit. 20. cap. 3. num. 6.*

VIII. Et quidem, ut monet De Luca, "hujus Congregationis principale institutum versatur in hac parte interpretandi, atque prostandi oracula in abstracto super dubiis, quæ proponuntur; & super hac parte interpretativa aliæ Congregationes se non intromittunt, unde propterea hæc facultas est privativa: Hoc est, privativè ad hanc Congregationem spectat.

IX. Quæ verò executionem ejusdem Concilii attinent, quamvis frequenter etiam ad hanc Congregationem remittantur; atque propterea Congregatio hæc non raro etiam particulares casus in forma contentiosa agitando & decidendos assumat, nihilominus subinde hujusmodi casus, licet circa Decreta Concilii Tridentini versentur, ad aliam Congregationem, v.g. Regularem & Episcoporum, mittuntur seu referuntur.

X. Uterius voluit Sixtus V. in dicta Constitutione, ut hæc Congregatio provideat, Synodos Provinciales & Diocesanas, prout à Synodo Tridentina ordinatum est, celebrari: "Provincialium verò, ait, ubivis terrarum illæ celebrentur, Decreta ad se mitti præcipiat, eaque singula expendat & cognoscat." Hinc stylus invaluit, quod Decreta Synodorum Provincialium, dum pro confirmatione Romam mittuntur, ab hac Congregatione tantummodo recognoscantur & emendantur; ut ex Fagnano supra, *Titulo 2. cap. 3. num. 18.* notatum fuit.

XI. Huic quoque Congregationi incumbit, audire postulata Episcoporum *Limina Apostolorum* ad præscriptum sui juramenti visitantium; eisque congrua responsa dare, cæteraque materiam hujus visitationis spectantia expedire, de quibus actum est *Titulo 15. cap. 2.*

XII. In hac Congregatione, quemadmodum monet De Luca, nulla adest mixtura Prælatorum, uno excepto, qui Secretarii munus gerit.

Inter Cardinales verò hujus Congregationis unus habet præfecturam pro subscriptione Litterarum & Decretorum, ipsiusque Congregationis cura & directione; diciturque *Cardinalis Præfektus*.

XIII. Subscriptione hujus Cardinalis Præfetti, & Secretarii, nec non sigillo ipsius Congregationis, resolutiones ab hac Congregatione emanantes muniri debent; adeò ut declaraverit hæc Congregatio, probante Urbano VIII. 2. Augusti anno 1632. declarationibus seu impressis seu imprimendis, ac etiam manuscriptis nullam fidem in judicio vel extra habendam, nisi in authentica forma solito sigillo, & subscriptione Cardinalis Præfetti & Secretarii ejusdem Congregationis, fuerint munitæ.

XIV. Declarationes in hac Congregatione frequenter dari occasione casuum particularium, qui ad hanc Congregationem deferuntur, supra notatum fuit: "Quapropter erroneum est (ut monet Cardinalis De Luca) in particularibus Declarationibus cum con- fuerit cœcâ fide vim constituere; cum illæ, quæ singulos, vel particulares concernunt casus, ex eorum

"parti-

„ particulari qualitate & circumstantiis manare soleant; ideoque alteri diversas circumstantias habenti, non semper sunt applicabiles, cum diversimodè ob diversam facti qualitatem, sæpiùs decernere congruat. Hæcille in *Annotat. Concil. Trident. disc. 1. num. 11.*

XV. Ut ergo declaratio ab hac Congregatione emanata, alicui casui particulari applicetur, expendendum, ac inquirendum, num forsitan hujusmodi declaratio non emanaverit occasione alicujus particularis casus quibusdam singularibus circumstantiis vestiti: aut certè non cum iisdem, quæ casum occurrentem circumstant.

XVI. Declarationes ab hac Congregatione emanantes per modum Legis aut Constitutionis publicari non consueverunt, sed per litteras sigillo Congregationis, nec non subscriptione Cardinalis Præfecti & Secretarii munitis consulentibus solent intimari; nisi publicationem casu Pontifex fieri mandet; quemadmodum quoad Decretum circa communionem quotidianam ab hac Congregatione 12. Februarii anno 1679. emanatum, contigit.

XVII. Hinc facillè intelligitur, Declarationes has, non ut Leges generales esse habendas; neque pro hujusmodi Concilii Tridentini interpretatione, à qua recedi numquam liceret; quemadmodum plurimis relationis auctoritatibus latius deducit Berthrandus Loth in Resolutionibus Belgicis *Tract. 2. art. 18.*

XVIII. Et quidem ipsa Congregatio nonnunquam ab interpretatione alicujus Decreti Concilii Tridentini data, postmodum re maturius discussa recessit, ut notat Fagnanus contigisse circa intellectum *Cap. 2. sess. 24. De reformatione.* „ Nam cum antè censuisset, Decretum, quo ibidem disponitur, ne imposterùm Episcopi Comprovinciales ad Metropolitanam Ecclesiam accedere inviti compellantur, intelligendum esse de personali accessu ipsorum Episcoporum, non autem de *Procuratore mittendo*: postea tamen die 17. Julii 1578. de eadem re maturius deliberans censuit, Concilium liberalasse Suffraganeos etiam ab onere mittendi *Procuratorem*, non obstante consuetudine etiam immemorabili. Sed quia prius diversum senserat, dixit referendum Sanctissimo, qui probavit sententiam posteriorem Congregationis, iussitque dari litteras ad Episcopos, præsertim Regni Neapolitani, quibus eis significaretur, etsi aliàs Sacra Congregatio aliud censuisset; tamen postea perpensis aliis rationibus visum est Sanctitati suæ ita fuisse decretum. Et iterum cum antea declarasset in Parochialibus juris patronatûs mixti Laicorum & Ecclesiasticorum, requiri formam examinis per concursum; tamen postea animadvertens in mixto prævalere qualitatem, quæ magis faver patronatûi; factâ relatione Sanctissimo, ac de ejus mandato iterum articulo discusso recessit à prima declaratione.

## CAPUT VII.

De quibusdam momentis, quæ spectant Congregationem Concilii Tridentini Interpretem.

1. Quid prævidit Concilium circa difficilem suorum Decretorum receptionem.
2. Æquitas mediæ quod proposuit ad illam difficultatem explanandam.
3. In plurimis extra Italiam Provinciis Declarationes prædictæ Congregationis non audiuntur.
4. Rationes exponuntur.
5. In Belgio istæ Declarationes habentur ad summum, ut resolutiones Doctrinales.
6. Sixtus V. declaravit petendam esse ab ea Congregatione confirmationem Conciliorum Provincialium.
7. Quomodo fit illa confirmatio?
8. Fit quandoque ut Decreta per Congregationem Interpretem reformati non possint executioni mandari.

I. OCCURRUNT in Concilio Tridentino plurimæ circa reformationem, Decreta, quæ nullatenus accommodari possunt disciplinæ & libertatibus Ecclesiarum vel Regnorum, quæ extra Italiam vigent. „ Fuit Concilium, inquit Spondanus, ad an. 1564. n. 3. „ Ferdinando Cæsari, Carolo Galliarum, & Philippo Hispaniarum Regibus in nonnullis, quæ rationibus suis & commodis, aut receptis consuetudinibus officere sentiebant, minùs acceptum.

Equidem fatendum est vix fuisse possibile, Decretum reformationis exteriorem Ecclesiæ disciplinam spectantia ita concipi, & efformari, ut omnium passim Provinciarum receptis moribus, & populorum genio convenirent: id profectò notum fuit Patribus Tridentinis: quapropter decreverunt, prout jam notatum est, ut si quæ super his Decretis dubietas oriretur, Romanus Pontifex evocatis è singulis Provinciis, præsertim ex illis, unde difficultas orta est, viris intelligentibus, remedium afferret.

II. Quis ambigat, quin per hos è singulis Provinciis, præsertim ex illa unde difficultas orta est, viros intelligentes faciliùs & certius intelligi posset, quâ ratione, & interdum, quâ moderatione vel modificatione Decreti executio esset urgenda, attentis Provinciarum illius moribus, & populi genio, quàm ex Cardinalibus & Prælaris hujus Congregationis plerumque Italis & Curia Romanæ opinionibus, & unicè imbutis, & assuetis.

III. Ut proinde nec mirum Decreta seu Declarationes hujus Congregationis in plerisque extra Italiam, ac signanter in his Belgicis Provinciis non recipi; neque Decreta Concilii Tridentini conformiter ad has Declarationes executioni mandari seu recipi, uti in hoc opere sæpiùs notatum est; & signanter inferiùs num. 4. hujus capituli.

Oprobant Belgæ, Galli & Germani, ut Sedes Apostolica sequeretur medium à Concilio Tridentino propositum; arbitrabantur enim fore, ut difficultatibus emolliendis inserviret; at Pius IV. neglecto illo medio Constitutionem dedit, quâ reservaret interpretationem Decretorum Concilii Tridentini privativè soli Cardinalium Congregationi; sed nec in Belgio, nec in plerisque aliis Provinciis ea Bulla recepta est; passimque Doctores in casuum resolutione Concilii Tridentini Decreta interpretantur, quemadmodum & plures, tum ex professo, tum incidenter in suis editis operibus Decreta commentantur, & interpretantur non secus atque aliorum Conciliorum Decreta.

IV. Cum hæc Congregatio super interpretatione Concilii Tridentini ex solis Cardinalibus plerumque Italis constet; interpretatio Decretorum Concilii Tridentini consuevit ab hac Congregatione fieri conformiter ad praxim & opiniones in Curia Romana receptas, quæ cum frequenter à Provinciarum exterarum moribus, & inveteratis Privilegiis dissentiant, non mirum, quòd interpretationes, & declarationes ab hac Congregatione emanantes Provinciarum moribus & institutis nonnunquam adversentur; quin & ipsa Decreta in eum sensum inflectantur, qui illo, & opinionibus in Curia Romana receptis consonat; tametsi ipsa Decreti verba alium sensum non obscure præferant: & Patribus Tridentinis aliud placuisse ex tenore Decreti appareat.

Quod & advertens Franciscus Zypæus *Consult. 1. de Elect. num. 6.* monet, Concilium Tridentinum in his Ditionibus receptum esse, prout sonat, non ut quotidiana interpretationes, Decreta aut Constitutiones Romanæ adferri possint.

V. Certum quoque est, nec in Belgio, nec in plerisque aliis Provinciis hæc declarationes, & interpretationes super intellectu Decretorum Concilii Tridentini, recipi tanquam decisiones juris, quibus in iudicio standum



standum sit; sed ut summum tanquam resolutiones doctrinales reputari. Unde & Petrus de Marca de Concord. Sacerd. & Imp. lib. 6. cap. 24. num. 12. de hisce declarationibus ait: *Declarationes illa vim legis non obtinent in Gallia uti & supra num. 17. ex Bertrando Loth notatum fuit de Belgio.*

VI. Juxta Constitutionem Sixti V. quam num. 10. præcedentis capituli citavimus, omnium Conciliorum Provincialium Decreta & Ordinationes ex judicio & arbitrio hujus Congregationis pendere, manifestum est.

VII. Cum autem hæc Congregatio Cardinalium sollicitè attendat, ut omnia sint conformia constitutionibus summorum Pontificum, & praxi atque opinionibus in Curia Romana receptis, mirum videri non debet, per hanc Congregationem, Decreta Conciliorum Provincialium, tametsi spectatis Provincialium institutis, & moribus, nec non populi genio admodum convenientia, reformari, ut Constitutionibus summorum Pontificum (quantumvis in Provinciis non sint receptæ) nec non praxi & prætensionibus Curie Romanæ in omnibus conformia reddantur.

VIII. Hinc ulterius contingit, ut nonnulla Conciliorum Provincialium Decreta per hanc Congregationem reformata in Provinciis nec observari, nec executioni mandari permittantur; eò quod sic reformata, attentis Provincialium institutis, & moribus, nonnunquam plus obessent quam prodesse. Exemplum illius habetur in reformatione Decreti Concilii Provincialis Mechliniensis anni 1607. super observantia Claustræ Monialium, de quo vide, quæ notata sunt ex Zypæo ad tit. 20. cap. 3. num. 16. Imò, ut supra ad tit. 20. cap. 3. num. 3. notatum est, credunt Belgæ, Decreta Synodorum Provincialium independentem à confirmatione Sedis Apostolicæ plenam suam firmitatem & auctoritatem habere.

## CAPUT VIII.

### De Congregatione super negotiis Episcoporum & Regularium.

1. *Hodiernæ quæstiones inter Regulares olim penè erant ignotæ.*
2. *Quæ hodie quæstiones parviunt, olim erant ignotæ.*
3. *Unde & quando quæstiones originem sumpserint?*
4. *His controversiis decidendis erecta est hæc Congregatio.*
5. *Hodie unica est Congregatio super negotiis Episcoporum & Regularium.*
6. *Hæc Congregatio habet majorem numerum Cardinalium: & quare?*
7. *Ob multitudinem negotiorum dicitur occupatissima.*
8. *Est merè Cardinalitia; & ferè P. I. habetur.*
9. *Quas causas Regularium audiat?*
10. *Quis Congregationis stylus dum quæstio est cum Episcopis.*
11. *Quis item, dum quæstio est inter ipsos Regulares.*
12. *Pleraque quæstiones inter Regulares & Episcopos aut Parochos, moribus hodiernis deciduntur in Partibus.*

I. **P**LERASQUE quæstiones, quæ hodie inter ipsos Regulares, vel etiam inter Regulares & Episcopos aliove de Clero agitantur, pluribus seculis ignotas fuisse, nec nisi ex mutata Monastica ac Regulari disciplina variisque successu temporis impetratis privilegiis originem sumpsisse, manifestum est.

II. Nam uti rectè advertit Cardinalis DeLuca Disc.

1. *De Regularibus:* "Certum est, atque apud omnes Scriptores concorde, quoddam antiqui, sive Monachi sive Anachoritzæ, alique Regulares, qui (à Monachis discreti Mendicantes dicuntur) non erant Clerici; quinimò Clericari prohibiti erant, idèdque mo-

tom. I.

re reliqui populi secularis sub Parocho vivebant, à quo Sacramenta aliaque divina recipiebant; indeque prodit, quod decimas, reliqui populi more, solvebant; ac etiam ejusdem populi, & Cleri secularis more subiacebant loci Ordinario, seu Diocessano ob adhuc non introductum usum privilegiorum super illa exemptione, quam hodie praxis docet.

Hinc proinde sequebatur, quod nulla aderat controversiarum occasio inter Regulares, & Ordinarios, vel Parochos, aliosque Clericos seculares, quoniam si more reliqui populi Ordinario, & Parocho respectivè in omnibus subiacebant, atque non se ingeriebant in Divinorum & Sacramentorum administratione, minusque in funeribus, & anniversariis, utique nulla suberat controversiarum occasio.

Prout ferè nulla suberat occasio controversiarum, sive inter diversarum Religionum Professores, super præcedentiis, aliisque præminentis, ut hodierna praxis docet, aut inter ipsosmet Religiosos ejusdem Ordinis, vel Instituti; tum quia cum non intervenirent in processibus, aliisque Ecclesiasticis functionibus deerat præcedentiæ occasio; tum etiam quia attento eo primævo statu, ejusdem Ordinis, vel Instituti Professores, ac Monasteria, non constituiebant illam universitatem, quam penè omnes Religionis hodie constituunt sub uno Prælati Generali, aliisque Officialibus, ac Prælati, qui sub Distinctione, vel Assistentium, seu Consultorum, ac Provincialium, & Visitationum, seu alio vocabulo nuncupantur, cum formalibus comitiis generalibus, ac Provincialibus, quæ statutis temporibus celebrari solent, unde propterea manant inter eosdem Religiosos pro hujusmodi Prælaturis, aliisque muneribus contentiones, ac factionariæ emulationes & divisiones, cum solum aliqua rara dissensio pro electione Abbatibus, ac Prælati localis inter singulorum Monasteriorum alumnos, antiquitus audiri solita esset, dum quodlibet Monasterium per se, ac independentem regebatur.

III. Postquam verò per exemptiones Monasteria penè omnia præsertim Mendicantium à jurisdictione & subiectione Episcoporum subtrahi cæperunt; atque Ordinum regimen ad formam Reipublicæ vel universitatis redactum est; nec non Regularibus concessa fuerunt indulta se clericandi, sacrosque Ordines suscipiendi, ac etiam Sacramenta, aliaque divina ministrandi; factum est, ut frequentissimæ essent Regularium quæstiones & difficultates, vel inter ipsos Religiosos in eadem Religionem; vel inter diversarum Religionum Professores; vel cum locorum Ordinariis; aut cum Parochis, & cum Capitulis Canonicorum aliisque Clericis secularibus.

IV. Porro cum etiam ex Juris communis dispositione, Religiosorum causæ, non per juris apices, neque cum tela judiciaria, sed summarie, ac potius in forma extrajudiciali tractari debeant, Sixtus V. inter plures à se erectas Congregationes, hanc quoque crexit, super negotiis Regularium, eam conjungendo cum altera super negotiis Episcoporum, "Ita ut (ait De Luca dicto discursu num. 15.) unam eandemque constituant, & merito, ob hujusmodi negotiorum frequentem connexionem, ut ita more Principis, absque strepitu & figura judicii, & absque processu vel tela judiciaria, summarie, solâ facti veritate inspectâ, & quandoque, imò frequentius, etiam per solas extrajudiciales, ac secretas informationes, controversias terminet, prudentiales regulas sapientius adhibendo potius, quam rigores legales.

V. Unica ergo est hodie Congregatio super negotiis Episcoporum & Regularium; cum tamen in ipsa Sixti V. Constitutione duplex sit Congregatio: una nimirum, quæ dicitur, *pro consultationibus Regularium*; altera verò, *pro consultationibus Episcoporum & aliorum Prælatorum.*

E c

VI.

VI. Cùm ergo duplex hæc Congregatio in unam redacta sit, rectè monet Cardinalis De Luca *discursu* 16. in Relatione Romanæ Curiae, quod hæc Congregatio duo peragat negotiorum genera, scilicet Episcoporum & Regularium, " quæ propterea, ait idem, " quoad negotia Curialia fori Ecclesiastici, quæ non cernunt fidem, sed ad Christianæ Reipublicæ regimen spirituale pertineant, videtur *omnium major*, " ideoque *majorem* habere solet numerum Cardinalium, ob majorem negotiorum multiplicitatem.

VII. Quin & eodem Cardinale teste, " Hæc Congregatio dicitur *occupatissima*, atque in negotiorum " multitudine omnium *major* ob faciles recursum, querelas, & contentiones Regularium.

Nequaquam obscurum est, hanc negotiorum & difficultatum multitudinem, quæ ad hanc Congregationem deferuntur, pro majori parte oriri ex exemptionibus, aliisque privilegiis per Romanos Pontifices seculis posterioribus Regularibus notanter Ordinum Mendicantium indultis.

Ob has multiplices difficultates quotidie exorientes, integram horum privilegiorum revocationem urgere non destiterunt zelosiores Ecclesiarum Prælati, uti in hujus operis decursu non semel notatum est, ac unâ, qua de causa Curia Romana his Prælatorum postulatis obstiterit, nec ad horum Privilegiorum revocationem inclinari potuerit, ostendemus *part. 2. hujus operis tit. 6. & part. 3. tit. 12. (a)*

VIII. Congregatio merè Cardinalitia vocatur; quia nullos, præter Cardinales, alios inferiores Prælatos habet, nisi unum, qui Secretarii officium exercet, à quo Litteræ & Decreta Congregationis scribuntur & signantur; unâ cum subscriptione unius à Cardinalibus, qui *Cardinalis Præfectus* appellatur.

Hæc Congregatio haberi consuevit feriâ sextâ, cujuslibet hebdomadæ in Palatio Apostolico.

IX. " Causas Regularium non solum publicas sive " super regimine Religionis in universum, sive inter " unam Religionem & alteram, sed etiam privatas inter Religiosos super electionibus, officiis & Prælaturis, aut super præcedentis, aliisque præeminentiis, cæterisque occurrentiis generaliter, inquit De Luca, " hæc S. Congregatio cognoscit & determinat summarè & de plano, solâ facti veritate inspectâ, quandoque cum extrajudicialibus probationibus, vel cum " sufficientibus probationibus, per Scripturas, nullo " tamen adhibito formali processu, cum Notario, & " cum tela judiciaria.

X. Stylus autem hujus Congregationis est, ut, si quis exhibitio libello conqueratur, se à suo v.g. Episcopo gravatum, scribatur Epistola familiaris nomine Congregationis signata per Cardinalem Præfectum, & Secretarium cum incluso libello supplicis ad Episcopum, vel alium Superiorem, ut super expositis in libello supplicis Congregationem informet; quâ informatione habitâ, si Congregatio videat, quod circa facta conveniatur; totaque difficultas ad punctum juris reducatur, tunc negotium in Congregatione discutitur & resolvitur; ipsaque resolutio rursus per litteras ut antè signatas intimatur.

Si verò informatio accepta ipsi Congregationi non appareat sufficiens, aut super factis non conveniat cum libello supplicis, tunc Congregatio interdum per alias litteras libellum supplicem pro ulteriori informatione mittit ad Metropolitanum, aut viciniorem Episcopum, vel etiam aliam personam in dignitate constitutam.

(a) Moventur potissimum Galli duabus rationibus, ob quas Jurisdictionem prædictorum Tribunalium nolunt agnoscere: Imò Quia negotia, quorum cognitio istis Congregationibus tribuitur, debent primò definiri à Judicibus ordinariis, deinde, si adsit appellatio ad Sedem Apostolicam, à Judicibus per Summum Pontificem delegatis, qui litem in loco ubi mota est, definiunt. 2do Quia Prælati Galli non agnoscunt extra Regnum Francorum, alium Superiorem Ecclesiasticum præter Papam, qui Ecclesie Catholice Caput est visibile.

XI. Idem est Congregationis stylus, quando quæstio seu controversia agitur inter ipsos Regulares; hoc uno excepto, quod hoc casu litteræ pro informatione inscribantur Procuratori Ordinis, qui in Curia semper assistit; quandoque tamen & ipsi Generali Ordinis; à quibus accepta informatio (si Congregationi insufficiens, aut minùs sincera appareat, nec in factis conveniatur) capiuntur aliæ informationes eâ viâ, quæ Congregationi videtur opportunior.

In hac Congregatione, quemadmodum nec in aliis Congregationibus Cardinalitiis, non admittuntur recusatones ex causa suspensionis, sive suspensiones, uti monet De Luca *disc. 16. num. 6.*

XII. Moribus hodiernis, præsertim Belgicis, controversiæ inter Regulares & Episcopos aut Parochos ferè solent in possessorio tractari coram Tribunalibus Regiis, & in petitorio apud Judices Ecclesiasticos ordinarios, aut Delegatos in Partibus. (a)

(a) In Galliis quid observari solet, accipe ex D. de Hericourt. *part. 1. des Loix Eccles. p. 62. n. 9.* Les contestations entre les Evêques & les Réguliers, dit ce sçavant Avocat, sont portées devant les Juges séculiers pour le possessoire, ou devant les Juges ordinaires pour le pétitoire, & devant les Juges délégués sur les lieux par le Pape en cas d'appel. Elles sont ordinairement terminées par la voie de l'appel comme d'abus.

## CAPUT IX.

### De Sacra Congregatione Rituum.

1. In quem finem hæc Congregatio instituta?
2. Qui huic Congregationi interveniant?
3. Præcipue circa ritus Ecclesiasticos occupatur.
4. Aliæ subinde quæstiones ad illam mittuntur.
5. Hæc quæstiones etiam ad alias Congregationes interdum mittuntur.
6. Stylus hujus Congregationis.
7. Congregatio super Canonizatione Sanctorum bodie ab hac nonnihil diversa, & qui hanc constituent?
8. Describitur compendiosè modernus ritus Canonizationis.
9. Canonizatio Sanctorum bodie privativè ad Sedem Apostolicam spectat.
10. Olim solâ Episcoporum auctoritate aliquis ut Sanctus publicè coli poterat.
11. Id sine multis ceremoniis peragebatur.
12. Sedes Apostolica canonizare revocabat sine assensu plenariæ Synodi.
13. Primus cum suo Confistorio canonizavit Eugenius III. quem sequentes Pontifices sunt imitati.
14. Seculo XII. Pontifices Canonizationem Sanctorum sibi privativè reservare ceperunt.
15. Etiam Beatificatio Sedi Apostolicæ reservata.
16. Belgium publicum Sanctorum cultum à privato aliquando distinxit.
17. Hic privatus cultus Decreto Urbani VIII. sublatus videtur.
18. De ritibus Ecclesiasticis jampridem Episcopi judicaverunt.
19. Pius V. vetuit aliquid immutari circa Breviarium Romanum, inconsultâ Sede Apostolicâ.
20. Ecclesie, quæ receperunt Breviarium Romanum nihil circa Breviarium mutare possunt sine approbatione Sedis Apostolicæ.
21. Auctoritas mutandi aut corrigendi Breviarium mansit integra penes Ecclesiam, quæ non receperunt Breviarium Romanum.
22. Unde Apocrypha in divinum Officium irrepant?

I. Hanc Congregationem unâ cum pluribus aliis primùm instituit Sixtus V. in Constitutione 74. in Bullario Romano, eique quinque Cardinales præfecit; " quibus, ait, hæc præcipue cura incumbere " debeat, ut veteres ritus sacri ubi vis locorum, in omnibus

„ nibus Urbis, Orbisque Ecclesiis, etiam in Capella  
„ nostra Pontificia, in Missis, divinis Officiis, Sacra-  
„ mentorum administratione, cæterisque ad divinum  
„ cultum pertinentibus, à quibusvis personis diligen-  
„ ter observentur, ceremoniæ si exoleverint, restituan-  
„ tur, si depravatae fuerint, refoventur, libros de sa-  
„ cris ritibus, & ceremoniis, imprimis Pontificale,  
„ Rituale, Ceremoniale, prout opus fuerit, refor-  
„ ment, & emendent, Officia divina de Sanctis Patro-  
„ nis examinent, & nobis prius consultis, concedant.  
„ Diligentem quoque curam adhibeant circa Sancto-  
„ rum Canonizationem, festorumque dierum celebri-  
„ tatem, ut omnia, rite & recte, & ex Patrum tradi-  
„ tione fiant.

II. Ex his colligitur, quod si primævam hujus Congregationis erectionem attendamus, soli quinque Cardinales eam constituent; at hodie præter Cardinales, quorum numerus dependet à beneplacito Papæ, interveniunt huic Congregationi plures Prælati, quorum unus est Secretarius (inquit Cardinalis De Luca in Relatione Romanæ Curia *discursu* 18.) ac etiam aliqui Religiosi Theologiæ Professores, & præ cæteris Magister Sacri Palatii, & Sacrista Papæ; ac etiam unus aut plures Magistri ceremoniarum Papæ.

III. Ulterius ex citatis verbis Constitutionis colligitur, quod primarius finis institutæ hujus Congregationis sit, ut omnia in divinis Officiis, Sacramentorum administratione atque Dei cultu rite & religiose, prout dignitas ac majestas tanti operis exigit, peragantur; nihilque in ritibus aut ceremoniis irreligiosum aut indecens occurrat: ac per consequens, Cardinales, aliosque ad hanc Congregationem spectantes, oportere multum esse versatos circa verum ac genuinum Ecclesiæ sensum, in ritibus ac ceremoniis præscribendis; nec non in discernendis ritibus quos Ecclesia jam pridem probavit, & ad populi devotionem excitandam, ipsiusque divini operis majestatem imprimendam induxit, ab illis, quos posterioribus seculis vel irreverentia, vel superstitio, vel avaritia, vel Prælatorum & Pastorum incuria aut ignorantia innoxerit.

IV. Præter quæstiones, quæ ritus ceremoniasque concernunt, quæque primario ad hanc Congregationem spectant, plures aliæ etiam quæstiones ad ipsam referri solent, ut v.g. præcedentiarum, aliarumque præminentiarum in processionibus aliisque publicis functionibus; aut etiam super jure funerandi, vel celebrandi Officium funebre aliisque, quæ divinum Officium turbare possent: quæque eo pertinent, ut rite & recto ordine omnia in Ecclesia peragantur.

V. Hæc tamen quæstiones, præsertim si inter Regulares incident, non raro ad Congregationem super negotiis Episcoporum & Regularium mittuntur, atque ab ea deciduntur; adeo ut privativa singularis cognitio hujus Congregationis Rituum, (quemadmodum monet De Luca in *Relat. Curia Romanae dis.* 18. *num.* 24.) versetur in præscribendis ritibus in divinis Officiis, ac etiam super Canonizatione Sanctorum.

VI. Stylus hujus Congregationis circa examen controversiarum, earumque decisionem, nec non scriptio- nem litterarum plane conformis est stylo, quem observat Congregatio super negotiis Episcoporum & Regularium, qui capite præcedenti descriptus est.

VII. Juxta Constitutionem Sixti V. eadem Congregatio, quæ de ritibus & ceremoniis Ecclesiasticis cognoscit & statuit, curam quoque habere debet circa Canonizationem Sanctorum. Inspecta nihilominus hodierna praxi Curia Romanæ, Congregatio super Canonizatione Sanctorum vel eorum Beatificatione non nihil ab hac diversa est; camque Cardinalis De Luca *extraordinariam* vocat; eo quod in ea ultra Cardinales & Prælatos ad Congregationem *Rituum* spectantes, quasi extra ordinem adjungantur alii Prælati; nimirum Promotor fidei, tres seniores Auditores Rotæ, qui tanquam periti Canonistæ munus Assessorum gerere vi-

Tom. I.

dentur. Unus quoque ex Protonotariis participantibus. Adhibentur quoque alii Theologi, qui Consultores, vel respective Qualificatores dicuntur. Quin & pro consilio adhiberi solent Medici & Philosophi aliique Professores, qui judicent, an operationes, quæ miraculis adscribuntur, revera dici debeant supernaturales, an vero provenire nequeant à causa aliqua naturali.

VIII. Postquam vero probationes mature in pluribus Congregationibus discussæ fuerunt, atque negotium Canonizationis jam præparatum est, tunc habetur Congregatio magis solemnior coram ipso Pontifice, qui audito voto Congregationis interponit quidem Decretum super Beatificatione aut concessione cultus particularis in aliqua Ecclesia aut Ordine; sed Canonizationem seu absolutam adscriptionem in Catalogum Sanctorum non decernit.

Sed hoc examine peracto in hac solemniori Congregatione coram Papa, aliud instituitur in pleno Consistorio secretum; ac denique habetur Consistorium solenne & publicum, ad quod conveniunt omnes Archiepiscopi & Episcopi, qui in Curia præsentibus sunt, quorum omnium etiam votum exquiritur, per quamdam Concilii (cui pridem Sanctorum Canonizatio deferabatur) imaginem.

In hoc Consistorio præmissis precibus aliisque ceremoniis, quæ in Ceremoniali Romano *lib.* 1. *sect.* 6. late describuntur, instante Procuratore causæ Pontifex alta voce sedens cum mitra pronuntiat in hunc modum: “ Ad honorem Sanctæ Individuæ Trinitatis, & „ exaltationem fidei Catholicæ, & Christianæ religio- „ nis augmentum, auctoritate ejusdem Dei Omnipotentis, Patris & Filii & Spiritus Sancti, & Beatorum „ Apostolorum Petri & Pauli & nostra, de Fratrum no- „ strorum consilio decernimus & definimus, bonæ me- „ moriæ N. Sanctum esse, & Sanctorum Catalogo ad- „ scribendum, ipsūque Catalogo hujusmodi adscri- „ bimus.

IX. Si modernam Ecclesiæ disciplinam spectemus, hoc Canonizationis negotium privative ad hanc Congregationem spectat. Nullus enim hodie tanquam Sanctus de novo coli & honorari publice potest, nisi per Pontificem ritu jam descripto in Catalogum Sanctorum relatus; seu ut vulgo dicitur Canonizatus fuerit.

X. Multis quidem seculis auctoritate Episcopali hæc Canonizatio sive relatio in Sanctorum Catalogum facta fuit; idque sine ullo exteriori pene ritu seu cerimonia.

XI. Cum enim Episcopis de sanctitate vitæ alicujus defuncti sufficienter constaret, facultas dabatur populo eum publice tanquam Sanctum colendi; ejusque reliquiæ publice populi venerationi exponerentur; atque hoc simplici ritu Sanctorum Catalogo adscriptus censetur.

Unde Baldericus Tornacensis Episcopus *lib.* 1. *Chronici sui Cameracensis & Atrebatensis Ecclesiæ cap.* 35. describens Canonizationem Hadulfi Episcopi Atrebatensis per Engranum Episcopum Cameracensem, simpliciter dicit: *Sanctum corpus levavit*; id est publice expoluit. *In qua elevatione, ad declaranda Sancti Viri merita, mulier quædam ab immundo spiritu mirifice liberata est. Unde Episcopus latus, verbo facto ad populum, Beati Hadulfi solennia in numero Sanctorum notificavit.*

Et de Oberto Leodiensi Episcopo scribit ad annum decimum seculi duodecimi Sigebertus Gemblacensis: „ Sanctus Guibertus Fundator Gemblacensis Monaste- „ rii, quem Deus multis miraculis per annos 12. cla- „ rificaverat, assensu generalis Synodi ab Oberto Leo- „ diensi Episcopo *elevatur*, cum mirabili concursu & „ gaudio populorum.

XII. Circa seculum undecimum hæc Canonizatio à Sede Apostolica postulari à nonnullis coepta fuit; sed



eam non nisi comprobante generali Synodo, annui consuevisse, respondebant Pontifices.

Benedicto Rempeslegienfi Abbati, Guolgosium Antecessorem suum canonizari postulanti, facile concedi non posse, respondit Urbanus II. hanc addens rationem: "Non enim Sanctorum quisque debet Canonibus admisceri, nisi & testes adfint, qui ejus miracula visa suis oculis attestentur, & plenarie Synodi fidentur assensu."

Similiter Ulricus Constantiensis in Germania Episcopus, Sanctum Conradum Antecessorem suum canonizari supplicans, ad crebras suas litteras hoc immutabilis sententiae responsum accepit à Romana Ecclesia, vitam ejus in Concilio recitandam & comprobendam fore generali. Hæc ex Chronico Ecclesie Constantiensis recitat Christianus Lupus, tom. 3. *Scholorum* pag. 569.

XIII. Notat autem ibidem, quod primus fuerit Eugenius III. qui sine Concilio solus in suo Consistorio canonizavit Sanctum Henricum de potestatis plenitudine, usus hoc fidei demento, quod *Romane Ecclesie auctoritas sit omnium Conciliorum firmamentum*; tamen una fateretur, quod *hujusmodi petitio Canonizationis, nisi in generalibus Conciliis admitti non solet*. Extat diploma Canonizationis tom. 1. Bull. Rom. pag. 61. "Quem (Eugenium) ait Lupus, in Sancto Eduardo & S. Thoma Cantuariensi Alexander III. & in aliis Sanctis canonizandis alii Pontifices sunt deinceps imitati."

XIV. Quin & circa idem tempus, Pontifices sibi auctoritatem canonizandi privative cæperunt reservare; eaque reservatio generaliter & ab omnibus tandem Ecclesiis recepta fuit, potissimum auctoritate cujusdam Decretalis Alexandri III. relatæ in Decretales Gregorii IX. in cap. 1. 2. *De Reliquiis & veneratione Sanctorum*, afferentis & edicentis: *etiamsi per eum miracula fierent; non liceret vobis ipsum pro Sancto absque auctoritate Romanæ Ecclesie venerari*.

Et de eodem Pontifice Alexandro scribitur: "Hic Papa constituit, ut nullus novus Sanctus in veneratione haberetur, nisi ex auctoritate Apostolica, & nisi sit canonizatus à Papa: tamen ante quilibet Episcopus suum Sanctum solemniter canonizavit. Hæc Lupus ex incogniti Scriptoris historica compilatione."

XV. Neque tantum Canonizatio sive relatio aliquis in Catalogum Sanctorum, qua tanquam Sanctus toti Ecclesie proponitur, permittiturque, ut publico cultu ubique & per universalem Ecclesiam, seu Sanctus colatur, hodie Sedi Apostolicæ reservata est; sed etiam *Beatificatio*, qua permittitur non quidem ubique & ab omnibus tanquam Sanctus coli; ac particulari duntaxat Ordini, Provinciæ, aut Ecclesie.

XVI. Publicum Sanctorum cultum à privato olim Belgium nostrum palam distinxisse, advertimus ex Molano in Natalibus Sanctorum Belgii ad 5. Januarii in Sancto Gerlaco, quod inter decantandas Litanias tum Sancti Canonizati sonora voce invocarentur; non Canonizati sine cantu rogarentur, quasi privata cujusque prece. Molanus enim de Beato Gerlaco Eremita in Territorio Falkenburgensi agens, ait: "Commemoratio ejus sit in vigilia Ephiphaniæ Domini; sed quia non est Canonizatus, Missæ Sacrificium peragitur de æterna Sapientia, & dum Litanie canuntur *submissa* voce interferitur, *Sancte Gerlache, ora pro nobis*."

XVII. Verum Urbanus VIII. plura circa Canonizationem Sanctorum servanda præscribens, Constitutione edita 3. Octobris 1625. inter cætera vetuit, ne cujusquam cum sanctitatis aut martyrii fama quacumque defuncti imagines, aut quidquid venerationem aut cultus præ se ferat, in Ecclesiis, Oratoris, locis publicis seu privatis, ante Apostolicam Beatificationem seu Canonizationem ponantur. Vide latius Zipæum *Consult. 2. de Reliq. & Venerat. Sanct.*

Hoc Urbani Decreto sublatum quoque esse prædictum *privatum cultum* olim Sanctis non canonizatis impendi solitum, obscurum non est: quandoquidem dubitari nequeat, per illum aliquam venerationem impendi illi, quem populus, licet voce submissiore, tanquam *Sanctum* invocet: unde nec ulli novo Sancto non canonizato, aut ut minus beatificato, hodie impendi similem cultum videmus vel audimus.

Privative ergo ad Sedem Apostolicam hodie spectat Sanctorum Canonizatio & Beatificatio; eamque per hanc Congregationem; juxta ritum jam descriptum, expedire solet; neque aliæ Congregationes huic materie se immiscant.

XVIII. Quoad ritus vero Divinorum Officiorum, de his Episcopus in sua respective Diocesi potuisse libere statuere & judicare, etiam usque proxime elapsum seculum inclusive, constat ex Synodis, quas supra tit. 16. cap. 9. allegavimus.

XIX. At Pius V. Breviarium Romanum correctum evulgans, statuit, "Breviarium ipsum nullo unquam tempore vel totum, vel ex parte mutandum, vel ei aliquid addendum, vel omnino detrahendum."

Hæc proinde Constitutione factum, ut si quid *Breviario Romano* judicaretur addendum vel demendum, aut ex parte mutandum, id à Sede Apostolica esset postulandum: quæ pro hujusmodi questionibus aut causis decidendis, Congregationem Rituum instituit.

XX. Quapropter, Ecclesie, quæ Breviarium Romanum receperunt (uti pene omnes Ecclesie seculares Belgicæ) nulla nova Officia Breviario addere, vel vetera detrahere, aut lectiones, aliave in Breviario præscripta mutare propria auctoritate possunt; sed ea à Congregatione Rituum & Sede Apostolica postulare & expectare tenentur & solent.

XXI. Ecclesie vero seculares, vel Ordines Regulares, in quibus usus Breviarii Romani non est receptus, etiam auctoritatem pristinam sua Breviaria revidendi, corrigendi, & mutandi retinent; eaque pacifice utuntur; & plura tum Episcoporum, tum Prælatorum Regularium auctoritate Breviaria correctæ, & in aliam plane formam redactæ, hoc seculo editæ & evulgatæ vidimus.

Neque Ecclesie illæ aut Ordines, nova Sanctorum Officia, quæ hodie sub ritu duplici aut semiduplici à Congregatione Rituum frequentius prodeunt, passim recipiunt; sed præscripta Breviariorum suorum sequuntur.

XXII. Finis primarius Congregationis Rituum est, ut illa invigilet, ne quid in Officiis Divinis irreligiosum, & eorum majestati contrarium irrepat; cum vero illa constet viris eruditis, mirum est, quod in Breviario Romano plurima adhuc reperiantur Apocrypha. Quidquod, illud amplius mirandum subit à Congregatione Rituum Officia Sanctorum probari Breviario Romano jungenda incertis historiis & Divina Majestate indignis referta.

Admodum verisimile est, id contingere è nimis facili Divinorum Officiorum approbatione: ad unius enim *Cardinalis relationem permittuntur seu approbantur*, ait Pater Daniel Papebrochius Jesuita, in conatu chronico-historico ad vitam Sancti Cleti Papæ; ibidem arguit ille eos, qui ex his, quæ similibus officiis inserta reperiunt suis opinionibus faventia, magis ponderis argumentum reperisse arbitrantur. Illud incommodum timendum non est in plurimis Galliarum Diocæcesibus, si quidem aut vetera Breviaria revisa sunt ac reformata, aut nova fuerunt instituta, in quibus nihil, quod sit apocryphum, deprehenditur.

## CAPUT X.

Ritus Sanctos canonizandi iterum exponitur.

1. Veritas miraculorum facilius & solidius in locis, in quibus patrata dicuntur, haberi potest.
2. Ad aliquem canonizandum præter miracula, requiritur eminens Sanctitas, quam Eccl. Rom. approbet.
3. Veritas Canonizationis fundatur in factis non revelatis.
4. Hodie sola auctoritate Summi Pontificis Canonizatio perficitur.
5. Canonizandi auctoritas Sedi Apostolicæ sensim reservata.
6. Circa finem seculi X. creditur capisse morem extra Italiam recurrendi ad Summum Pontificem pro Canonizatione Sanctorum.
7. Putat Mabillonius antiquum morem fuisse adhuc XI. & XII. seculo observatum à plurimis Metropolitanis.
8. Hæc libertas Sanctos canonizandi mansit usque ad Greg. IX. id est sec. XIII.
9. Observat tamen Bailletius sec. XIII. & XIV. quosdam Episcopos antiqua libertate usos fuisse.
10. Pompa Canonizationis.
11. Interdum Vir defunctus, per simplicem sui nominis inscriptionem in Breviario Romano censetur canonizatus. Illud quoque fit per Breve Pontificis, vel per Decretum Cardinalium.

I. NUMERO septimo Capituli præcedentis observatum est ex Constitutione Sixti V. negotium Canonizationis Sanctorum ad Rituum Congregationem pertinere; una quoque notatum est ex Cardinale de Luca, quod juxta modernum stylum Curie Romanæ pro negotio Canonizationis Sanctorum, præter Congregationem Rituum, habeatur alia Congregatio extraordinaria; cui ultra Cardinales & Prælatos ad Congregationem hanc spectantes, plures intersunt personæ, ut acta gesta que, ac signanter miracula in probationem sanctitatis canonizandi adducta, examinent & discutiant.

Si igitur in hac Congregatione acta, & gesta canonizandi, nec non miracula, quæ per canonizandum sive in vita, sive post mortem patrata & facta esse prætenduntur, examinari & discuti debeant; quis ambigat, quin horum veritas facilius & certius haberi potuerit, dum juxta veterem disciplinam & stilum adscriptio in catalogum Sanctorum fiebat auctoritate Episcoporum qui per se in locis, in quibus canonizandus sive in catalogum Sanctorum Referendus vitam peregerat, ipsaque miracula perpetrata dicebantur, super his inquirere, omniaque accurate examinare & discutere poterant; atque ita per hanc informationem assequi possent de omnibus accuratorem & solidiorem notitiam, quam ex relatione aliorum Romanus Pontifex accipere queat: ut proinde nec mirum sit, hunc stilum per novem aut decem secula constanter servatum esse.

II. Quantumvis certum sit, etiam ex moderno stilo præcipuum argumentum pro sanctitate canonizandi peti ex miraculis, quæ per canonizandum sive in vita, seu ad ejus invocationem post mortem perpetrata probantur, recte tamen monet Christianus Lupus tom. 3. Schol. in Can. pag. 571. quod non quævis, licet miraculis illustrata, justitia ad Canonizationem sufficit: esse debet eminens & ab omni etiam fama novo immaculata. In probationem hujus sui asserti adducit Constantinum magnum, quem (ait) ob summam in Republicam ac Ecclesiam merita Romanus Senatus receptum in calos variis post mortem picturis est protestatus, quem item in solennes Sanctorum tabulas accepit omnis Ori-

talis Ecclesia: hunc, inquam, Constantinum in laudatas tabulas nunquam admisit LATINA ECCLESIA, quod is sub vitæ finem vasis Eusebianæ criminationis artibus circumductus, licet nullo pacto orthodoxam fidem, ejus tamen defensores sanctum Athanasium male tractasset.

Post hæc pergit Lupus: "Aurelii Carthaginensis Archiepiscopi in Africanam Ecclesiam singularissima merita, vitamque vere Episcopalem quis ignoret? Ipsum tamen, quod adversum Romanas appellationes; & Sardicenses Canones pertinaciter, quasi pro suæ Dicecelesis juribus, litigasset, Sanctorum numero Apostolica Sedes nunquam adscripsit.

Deinde exemplum adducit Roberti Episcopi Lincolnienfis, de quo hæc scribit: "Adversum Romanæ Ecclesiæ exactiones, & Apostolicas Ecclesiasticorum Beneficiorum reservationes dure olim recalcitravit: etenim excommunicatus Innocentium quartum Pontificem appellavit, ac evocavit ad divinum Tribunal; evocatioque à quibusdam dicitur accepisse effectum. Quidquid sit: scribit Henricus Nuythtonus lib. 2. cap. 16. Hæc de causa quamvis Robertus perspicuis effulgeret miraculis, non est permixtus canonizari. Quod ipsum late exponit Matthæus Parisiensis, addens, etiam Sewalum Eboracensem Archiepiscopum fuisse eadem de causa excommunicatum ab Alexandro quarto, appellasse item ad divinum iudicium, & tanquam Martyrem in ipso mortis lecto miraculis coruscasse. Hæc Lupus.

Ad exempla per Lupum adducta reflectens vir eruditus A. Bailletius in præfatione ad vitas Sanctorum num. 90. monet nonnunquam contingere, ut in catalogum Sanctorum Roma non referat, quantumvis & meritis & miraculis fulgentes, qui Curie Romanæ molestiam causerunt, aut scandalum dederunt Ecclesiæ facto vel scripto: "Ceux qui ont donné quelque chagrin à la Cour de Rome, ou quelque scandale à l'Eglise, soit par leur conduite, soit par leurs écrits.

III. Quandoquidem veritas & notitia Sanctitatis ex actis & miraculis canonizandi hauriri debeat, (ut num. 7. cap. præced. intelligitur) mirum videri non debet, quod jam pridem Romani Pontifices, priusquam iudicium Canonizationis proferrent, hanc præmitterent protestationem: *Antequam ad pronuntiationem veniamus, protestamur publice apud vos omnes hic presentes, quod per hunc actum Canonizationis non intendimus aliquid facere, quod sit contra fidem aut Ecclesiam Catholicam, seu honorem Dei.*

Hanc protestationis formulam descripsit Christianus Lupus ex opere Ecclesiasticorum rituum Christophori Marcelli scilicet 6. cap. 6. ad quam reflectens tom. 3. Schol. in Canones pag. 574. ait: *quæ protestatio palam supponit errandi possibilitatem.*

Eandem errandi possibilitatem supponunt quæ in Ordine Romano XIV. apud Joannem Mabillonium tomo 2. Musæi Italici (cujus auctorem esse credit, & probat Jacobum Cajetanum Cardinalem, qui floruit seculo XIV.) in hoc Ordinario, Rubrica 115. describitur modus, qui servari consuevit circa Canonizationem alicujus Sancti: atque inter cætera dicitur: *finito vero sermone, Dominus Papa prædicat se oraturum. & hortatur alios, ut orent, ut supra, scilicet quod Deus non permittat eum errare in hoc negotio.*

Etsi, cum hic actus super pluribus particularibus factis & testium depositionibus fundetur, in quibus etiam Ecclesiam Universalem errare posse, communi consensu docent Doctores, non mirum, si & ipsi Romani Pontifices, se in hoc actu Canonizationis errori obnoxios esse professi fuerint.

Quapropter & communiter Canonistæ secuti glossam in cap. unic. de Reliquiis & venerat. sanct. in vj. verbo Sedi Apostolicæ, docuerunt, accidere posse ut Ecclesia in Canonizatione Sanctorum erraret. Recte tamen monet ibidem Glossographus, "quod preces in hono-

„honorem talis acceptæ & gratæ sint; per fidem enim Christi (ait) omnia purgantur, & sic quod veritas Canonizationis deficiat, non deficiat fides.  
 „Similiter Pater Veronius in doctissima sua fidei Regula ab illusterrimis Fratribus Wallemburgicis laudata & probata cap. 2. §. 7. advertens, „Sanctos maxime canonizari ex miraculis factis post tempora Apostolorum, quorum miraculorum plenæ sunt vitæ Sanctorum, tum in vita, tum post mortem ab eis editum, & nullum talium miraculorum esse revelatum in verbo Dei, proinde nullum esse de fide divina; quomodo ergo (concludit Veronius) Canonizatio ex illis facta; seu iudicium Ecclesiæ, quod sint Sancti, esset fide divina credendum?

„Ex quo (pergit) rursus dicimus, ne quidem infallibilem esse in his Canonizationibus Papam, aut Concilia etiam Generalia. Quam suam assertionem & conclusionem ibidem pluribus probat Veronius.

IV. Num. 9. cap. noni observatum est, quod juxta modernam Ecclesiæ disciplinam penes solum Pontificem sit auctoritas per solemnem Canonizationem aliquem referendi in catalogum Sanctorum: licet enim, antequam ad ultimum actum hujus Canonizationis procedat, & super eo pronuntiet, habeatur consistorium solemne & publicum, ad quod conveniunt omnes Archiepiscopi & Episcopi, qui in Curia præfentes sunt, quorum omnium etiam votum exquiritur, uti cap. præced. ex Cardinale de Luca num. 8. notatum est; quia tamen Episcopi ad hoc Consistorium convenientes, nec examini nec discussioni factorum, & allegatorum intervenerunt; nec in hoc solemni Consistorio acta illa Episcopis, cæterisque ibidem præsentibus Prælati exhibeantur examinanda & discutienda, nequaquam Judices esse possunt, sed si quod eorum votum exquiritur, ad meram actus solemnitatem contingit: ut proinde merito notaverit Cardinalis de Luca, in hoc Consistorio Episcoporum votum exquiri per quamdam *Concilii imaginem*.

Primitus autem dum per Pontifices, aut Metropolitanos relatio in Sanctorum Catalogum auctoritate Synodorum decernebatur, omnis discussio & examen meritorum & miraculorum coram Synodo peragebatur; ipsumque Decretum Canonizationis omnium, qui Synodo assistebant, auctoritate & nomine edebatur; omnesque *Judicis* partes in hoc actu obtinebant. Et quidem in ipso Conventu Lateranensi, in quo ab Episcopo Augustano confirmatio sive approbatio Canonizationis Udalrici Episcopi Augustani postulata fuit, gesta ipsius Udalrici, atque miracula, quæ per ipsum parata ferebantur, in ipso Conventu prælecta & exposita fuerunt; cunctorumque præsentium iudicium expetitur fuit, videmusque non tantum Pontificem, sed & Episcopos, aliosque in Synodo præfentes eadem formula cum ipso Pontifice Decreto Canonizationis subscripsisse.

Licet igitur coram Pontifice perageretur actus Canonizationis, non tamen à solius Pontificis iudicio fides Canonizationis dependebat, sed omnium Episcoporum ipsi in hoc actu assistentium.

At vero hodie existimatur, quod fides Canonizationis à solius Pontificis iudicio dependeat, quodque Consistoria, aliaque in hoc actu Canonizationis juxta præscriptum Romanæ Curiae stylum intervenire solita non ad substantiam, sed solummodo ad solemnitatem actus pertineant.

Unde cap. præc. num. xi. notavimus ex Bailletio, quod omnis actus hujus solemnitatis per simplex Breve Pontificis, & Decretum Congregationis relatio in Sanctorum Catalogum fiat.

Quin & jam pridem Gregorium VII. non existimasse solemnem hunc Canonizationis ritum, aut actus illos quasi judiciales, & prævias informationes requiri, ut quis per Romanum Pontificem ut *Sanctus* publico cultu honorari permittatur, probant, quæ de hoc Pontifi-

fice referuntur atque inter alios de ipso scribit Christianus Lupus tom. 3. Schol. in Canones pag. 579. *omnium usque ad Siricium antiquorum Pontificum festa Romano Breviario inseruit, adeoque ipsos canonizavit.*

V. Superiori capite, num. 10. probatum fuit, auctoritate Episcoporum pluribus seculis relationem in Catalogum Sanctorum peractam fuisse; fateturque Bellarminus, ante seculum viii. pro Canonizatione Sanctorum ad Romanum Pontificem non fuisse recursum. Imo credit vir eruditus Joannes Mabillonius in præfaro ad seculum v. Benedictinorum num. 101. demum seculo x. id fieri cœpisse; nec ullum extare authenticum, & indubitæ fidei monumentum de solemni per Romanum Pontificem, facta Canonizatione, antiquius diplomate Joannis XV. (qui sedit seculo decimo.) Hic in frequenti Episcoporum Conventu, ad preces Luitolfi Episcopi Augustani Udalricum ejusdem Ecclesiæ Episcopum in Sanctorum Album retulit anno 995. (a) extant integræ hæc litteræ Joannis XV. super hac Canonizatione apud præfatum Mabillonium ad calcem vitæ hujus Udalrici in prædictis actis pag. 471.

Mabillonio consentit Daniel Papebrochius in *dissertatione* 20. ad calcem vitæ Joannis XV. in suo conatu chronico-historico, similiter credens, nullum antiquius extare exemplum Canonizationis ab extero à Pontifice postulata: una tamen monens, quod Episcopi *suburbicarii* ad *specialem* ordinationem Romani Episcopi spectantes, auctoritate referendi aliquem in numerum Sanctorum per elevationem corporis defuncti non uterentur sine licentia Episcopi Romani: putatque per Episcopum Romanum tunc temporis hanc in Sanctorum catalogum relationem, in Synodis Romanis, quæ quotannis Romæ habebantur, factam fuisse.

Credit præterea Papebrochius admodum verisimile esse, Episcopos *suburbicarios*, qui ordinationi Episcopi Romani suberant, pro corporis alicujus tanquam sancti elevatione, sive, ut hodie loquimur, Canonizatione, recurrere ad Romanum Pontificem, quem admodum aliarum Provinciarum Episcopi pro eadem solemnitate peragenda ad suos *Metropolitanos*, aut *Primates* recurrere consueverant; ut quemadmodum in Synodis Provincialibus, aut Metropolitanis visitantibus Provincias, vel etiam ad comitatum Regum accedentibus, & ibidem pluribus Episcopis Comprovincialibus convenientibus hæc solemnitas in Provinciis peragebatur, ita quoque in Synodis Romanis præidente Pontifice, & Episcopis *suburbicariis* convenientibus absolveretur: atque hunc morem durasse, quoad usque magis, magisque invaluit usus, etiam apud exterarum Nationum recurrendi in his, aliisque majoribus causis ad Sedem Romanam.

VI. Arbitratur autem ibidem Papebrochius cum Mabillonio, quod id demum circa finem seculi x. cœperit: ac per consequens, quod ad illud usque tempus idem fuerit Ecclesiæ Romanæ mos Canonizationis, qui in aliis Provinciis ab Episcopis servabatur: quod-consequenter nec creditum fuerit prioribus illis seculis, ampliorem esse effectum Canonizationis factæ in Synodis Romanis per Episcopum Romanum cum Episcopis *suburbicariis*, quam esset similis Canonizationis per alios *Primates*, sive *Metropolitanos* in suis respective Synodis Provincialibus peractæ: sed eam persuasionem demum sub finem seculi x. invalescere cœpisse, ac propterea tunc à quibusdam pro obtinenda aut confirmanda Canonizatione ad Romanum Pontificem cœpisse recurri.

Quin & ex dictis etiam verisimile est, dum Pontifices ac signanter Urbanus II. responderunt, similes relationes in Sanctorum catalogum fieri non posse,

(a) Extat Bulla Canonizationis S. Udalrici in Codice Constitutionum, quas in unum volumen redegit Justus Fontaninus Arch. Ancyranus an. 1729. sed hæc Bulla data dicitur an. 993. quapropter S. Udalricus in Sanctorum Album ante annum 995. relatus est. nisi



nisi in Concilio Generali (uti notavimus num. 12. cap. præced.) per Concilium Generale non intellexerint Concilium Universale sive Oecumenicum, sed duntaxat Synodum ex pluribus Episcopis & Prælati constantem; uti reflectit vir eruditus Bailletius in præfatione ad tom.

1. de Viris Sanctorum num. 97.

VII. Monet autem supra citatus Mabillonius, quod licet circa hæc tempora, scilicet seculum x. & xi. nonnulli Episcopi pro obtinenda Canonizatione recurrebant ad Sedem Apostolicam, nihilominus Episcopi, præsertim Metropolitani in pluribus locis antiquam hac in re facultatem retinebant, eaque uterentur, uti manifestum est ex Canonizatione sancti Guiberti per Oberum Leodiensem Episcopum facta seculo xii. de qua dixi num. 11. cap. præced.

VIII. Verisimile est, hanc Episcopis libertatem remansisse, donec auctoritate Gregorii IX. fragmentum Epistolæ sub nomine Alexandri III. in collectionem Decretalium relatum fuit in cap. 1. de Reliquiis & venerat. sanct. & pro jure communi à Canonistis & Theologis sensim haberi cepit.

Verumtamen liber hic Decretalium non statim ubique receptus fuit; neque Decretales in eo contentæ tantæ apud omnes auctoritatis fuerunt, ut Episcopi, alique Ecclesiæ Prælati crederent, se jure, & auctoritate, quibus hætenus gavisi fuerant, vigore harum Decretalium esse spoliatos.

IX. Unde notat Bailletius quod etiam post tempora Innocentii III. quidam Episcopi adhuc usi fuerint auctoritate declarandi Sanctum pro districtu suæ Diocesis. Nam legitur de Episcopo Mindenensi (Minden) in Westphalia, qui anno 1373. (id est centum & amplius annis post evulgatas Decretales Gregorii IX.) instituit festum Episcopi Feliciani per totam suam Diocesim, mox ut ejus sanctitas per miracula cepit se manifestare.

Evidens est, quod hæc Feliciani Episcopi in catalogum Sanctorum relatio esset duntaxat particularis, ultra eam Episcopi Diocesim se non extendens.

Notat autem Mabillonius, quod particularis Ca-

nonizatio, usque ad seculum x. in usu fuerit, quæ tamen accedente totius Ecclesiæ consensu, & approbatione generalis evadebat.

X. Quemadmodum posterioribus seculis relatio in Sanctorum numerum, quæ hodie Canonizatio dicitur, Sedi Apostolicæ fuit reservata, ita quoque peragi cepit non tantum cum majoribus ceremoniis, sed & actibus quasi judicialibus.

Quin & ipse actus Canonizationis tanto cum fastu, & exteriori apparatu absolvi consuevit, ut sine ingentibus sumptibus fieri nequeat.

De hoc fastu & apparatu, sumptibusque ad eum necessariis, aliquando graviter conquestum fuisse Adrianum VI. in ejus vita testatur Blazius Ortizius, in Canonizatione sanctorum Antonini & Benonis illos fieri vetuisse. Verba hujus auctoris sunt: "Quamvis summa pecuniarum non exigua in ejusmodi actu, tum in Pontificia familia toganda, tum in aliis impendiis soleat infumi, circumspiciatissimus tamen Papa tales sumptus, quasi alienos à sanctimonia & puritate Canonizationis fieri vetuit.

Et licet hujus Pontificis pio desiderio non fuerit per omnia satisfactum, soleantque etiamnum hodie ingentes sumptus fieri in hoc actu Canonizationis, nihilominus subinde Pontifices pepercisse leguntur.

XI. Et quidem monet vir eruditus Bailletius in præfatione ad vitas Sanctorum num. 99. quod interdum per simplicem insertionem nominis alicujus defuncti in Breviario Romano censetur Canonizatus, vel etiam per speciale Breve Pontificis, & Decretum Congregationis Cardinalium, uti patuit (ait) nostra ætate in Joanne de Matha & Felice Valezio, quorum Ordines percipere voluerunt sumptibus Canonizationis, quia fieri debuissent ex ærario captivorum. (a)

(a) Qui plura de Canonizatione Beatorum legere voluerit, adeat Codicem in folio Justi Fontanini Romæ editum an. 1729. vel tomos 4. in folio, quos dum esset Cardinalis publici Juris fecit Summus ac eruditus Pontifex Benedictus XIV. Nihil eo opere doctius, nihil fecundius, ubi agitur de viris suæ Religionis conspicuis, quos Sedes Apostolica in Album Sanctorum retulit.

## TITULUS XXIII.

### DE OFFICIALIBUS CURIÆ ROMANÆ.

#### CAPUT I.

##### De Vice-Cancellario, & Cancellaria Romana.

1. Cancellarii olim unde dicti, & eorum dignitas.
2. Cancellaria quid significet?
3. In Ecclesiis Cathedralibus jam pridem erat Cancellarius.
4. A quo tempore creverit auctoritas Cancellarii Romani.
5. Quare vocetur Vice-Cancellarius?
6. Vice-Cancellarius habet fixum titulum Cardinalitium.
7. Graviora negotia in Cancellaria expediuntur.
8. Primus Officialis Cancellariæ post Vice-Cancellarium, est Regens Cancellariæ; & quod hujus officium?
9. Qui sint Præsidentes de majore vel minore Parco?
10. Præsidentes de majore Parco etiam dicuntur Abbreviatores, à conscribendis abbreviaturis.
11. Quæ formæ abbreviaturæ expediuntur.
12. Præsidentes de majore Parco dubia plura per modum Collegii decidunt.
13. Præsidentes de minore Parco quid agant?

14. Quomodo ex abbreviatura fiat Bulla?
15. Plures enumerantur inferiores Cancellariæ Officiales, qui omnes sua habent emolumenta, quæ dicuntur taxæ Cancellariæ Apostolicæ.
16. In harum exactione excessus.
17. Nonnulli Scriptores in istos abusos invehuntur.
18. Eos Gregorius XV. reprimit.
19. Habet Cancellaria suas Regulas: quæ Regulae Cancellariæ dicuntur.
20. Hæ regulæ pro directione Cancellariæ primitus fuit editæ.
21. Hæ regulæ perpetuæ non sunt; sed à singulis Pontificibus de novo publicantur.
22. Hodie etiam quædam ex his Regulis extra Cancellariam se extendunt, & earum usus quoque in Belgio obtinet.

I. CANCELLARII olim dicti potissimum fuere, qui ad cancellos forenses, seu judicum stabant. Papias: Cancellarius, qui in cancellis primus est. Hi supplicantes introducebant ad judicem, ut legitur apud Cassiodorum lib. 12. Epist. 1. ex quo satis colligitur, Cancellarios dictos, quod ad cancellos judicum starent, eorumque jussa ac mandata exequerentur; patetque non exiguum fuisse eorum auctoritatem & dignitatem.

nitatem; ut ostendit Gothofredus ad l. 3. Cod. Theod. De Affectibus.

II. "Cancellaria, vox barbara, inquit Budæus ad Pandectas, usurpata pro loco, ubi publicæ litteræ à Scribis Principum & Magistratum conficiuntur. Hinc Cancellarius dicitur, cujus eæ primæ sunt partes, videre, ut nulla Principis constitutio, nulla sanctio, nullum rescriptum, nulli codicilli Regii, non è Republica, atque etiam à dignitate Reipublicæ principali que exeat. " Hæc ille.

III. Legitur quoque in Ecclesiis Cathedralibus jam pridem munus Cancellarii fuisse, sigilla ad causas & negotia conferre, litteras Capituli facere & consignare, uti habetur in Statutis Leicheveldensis Ecclesiæ, in Monastico Anglicano tom. 3. pag. 24.

IV. Quando verò Cancellarii munus ad eam pervenerit eminentiam & prærogativam, in qua hodie in Romana Curia conspicitur, non omnino constat.

"Qui hujus eminentissimæ dignitatis originem ex antiquis historiarum monumentis disquisierunt (ait Joannes à Chokier), tradunt illam demum post tempora Innocentii III. inventam, & erectam fuisse, eamque etiam exercuisse privatæ fortis homines, sed probitate & eruditione spectatissimos: postea sub Bonifacio VIII. dignitatem hanc uni ex Illustriss. Cardinalibus tributam; idque ex congruentia rationis, & quoniam justitiæ regimen penes Vice-Cancellarium residebat, par erat munus illud commendare personis illustribus, in quibus maximè excellunt, familiarique ducunt Illustriss. Cardinales.

V. At illud quaeritur, cur hodie, etiam Cardinale eo munere fungente, non dicatur *Cancellarius*, sed *Vice-Cancellarius*; quasi *vices* duntaxat ageret Cancellarii. Varii varia commentum sunt, ut refert Cardinalis De Luca in Relatione Romanæ Curie *Discursu* 10. qui verisimilius credit, Vice-Cancellarium dici cœpisse, cum dignitas Cardinalitia ad tantum fastigium elevata est, ut non videretur huic dignitati Cardinalitatis congruere, assumere officium inferius sive Prælativum; quod tamen *provisionaliter*, seu jure cujusdam commendationis per Cardinalem administrari non sit incongruum; quemadmodum & in munere *Datarii* praxis docet. Si enim Cardinalis eo munere fungatur, non vocatur *Datarius*, sed *Prodaturius*. Ergo illud adjectum, *vice* quod partes *vicarias* denotat, non statum inferiorem, sed potius digniorem hic significat.

VI. Vice-Cancellarius habet fixum titulum Cardinalitum, eumque admodum conspicuum & illustrem, scilicet Ecclesiæ Collegiatae S. Laurentii in Damaso; hicque commodam & amplam habitationem in insigni vereque Regio Palatio, quod *Cancellaria* dicitur: in quo ipsa *Cancellaria* tanquam per speciem magni Tribunalis, statutis diebus tenetur, aliæque functiones publicæ peraguntur.

VII. Primaria & graviora Sedis Apostolicæ negotia publica & solemnia, qualia sunt Consistorialia aliæque plurima, per ejus manus transeunt; adeo ut cum quadam proportionem dicendus sit *Cancellarius* Papæ, eo modo, quo in singulis Diocesis quilibet Episcopus habet Notarium & Cancellarium majorem, qui acta Synodalia & judicialia, ac etiam Pontificalia conscribit & authentizat; uti notat Cardinalis De Luca loco citato num. 5.

Plures habet Vice-Cancellarius Officiales, quorum aliqui sunt majores Prælati, Prælaturam annexam habentes.

VIII. Primarius post Vice-Cancellarium est ille, qui dicitur *Cancellaria Regens*. Hujus non exigua est auctoritas, quæ ad longum describitur in ultima Regula Cancellariæ, quæ inscribitur: *De potestate Reverendiss. D. Vice-Cancellarii, & Cancellariam Regentis*. Imprimis ipse revidet Bullas expeditas & promulgatas, & si quis error irrepperit, eum corrigit; ac ad calcem

Bullæ reformatæ manu sua scribit: *correcta prout jacet*.

IX. Præterea inter Officiales Cancellariæ, qui Prælaturam habent, sunt præsidentes de *majori* vel *minori Parco*; ita dicti à loco Cancellariæ, in quem conveniunt, qui vulgò *Parcus* dicitur.

X. Hi de *majori Parco* nominantur etiam *Abbreviatores*, à conficiendis litterarum Apostolicarum *breviaturis* sive minutis; quas ex signatura Cardinalis Vice-Cancellarii ejusdemque *contra-cedula*, tanquam matrice conficiunt.

XI. Pro quo notandum, quòd facta in Consistorio provisione per Pontificem de Ecclesia Cathedrali, Cardinalis Vice-Cancellarius accipiat Decretum provisionis Papalis, illudque in libro materiarum Consistorialium consignet sub hac formula: *Roma apud Sanctam Mariam Majorem*.

Cardinalis Vice-Cancellarius accipit Decretum Provisionis Papalis, quod consignat in libro materiarum Consistorialium sub hac formula: *Roma apud Sanctam Mariam Majorem, die .... mensis .... anno .... fuit Consistorium, in quo Sanctissimus Dominus noster, reverente Cardinale N. providit Ecclesiæ N. per obitum N. vacanti de persona N. cum retentione compatibili, absolute, clausulis, &c.* Post hæc Cardinalis Proponens conficit *scedam* sive *scedulam*, quæ dicitur *scedula Consistorialis Cardinalis Proponentis*, per quam significat Cardinali Vice-Cancellario Pontificem in Consistorio providisse tali personæ de Ecclesia Cathedrali; quæ recepta Vice-Cancellarius conficit aliam *scedulam*, quæ vocatur, *contra-cedula*, in qua summarie narrat, qualiter Pontifex in Consistorio providerit Ecclesiæ N. de Episcopo & Pastore; eamque *cedulam* Secretarii sui subscriptione, proprii sigilli impressione, & manus suæ subscriptione munit.

XII. Ulterius Prælati de *majori Parco* quoddam quasi Tribunal constituunt, in quo collegialiter convenientes decidunt dubia, quæ oriri contingit super litterarum formula, vel clausulis, & Decretis in eis adjiendis, ac etiam super emolumentorum solutionibus aliisque contingentibus.

XIII. Prælati de *minori Parco* (ait Petrus Gastellius in sua praxi Curie Romanæ pag. 24. edit. 1693.) propriè sunt *Officiales otiosi*, exiguum habentes jurisdictionem; in id unum intendentes, ut Bullæ ferantur & tradantur Prælati de *majori Parco*.

XIV. Facta minuta per Prælatum seu *Abbreviatorem* de *majori Parco*, qui est in turno, mittitur deinde ad alium *Abbreviatorem* ut eam revideat; quæ revisa traditur Scriptori Bullarum.

Tum per Apostolicos Scriptores, ait De Luca, juxta eorum formulas efformantur litteræ, quæ *Bullæ* dicuntur, sub plumbo, in ejusdem Vice-Cancellarii aula seu palatio, quod *Cancellaria* nomen seu vocabulum habet; eodem modo, quo per ejusdem Cancellariæ Scriptores & Officiales aliæ efformantur litteræ super provisionibus aliorum Beneficiorum, nec non super Apostolicis dispensationibus, aliisque gratiis & concessionibus, quæ fiant extra Consistorium per organum *Datarii*.

XV. Plures sunt Cancellariæ Officiales, qui Bullis illius revidendis, transcribendis, plumbandis, registrandis occupantur; quorum " alii, inquit De Luca, vocantur *Summistæ*, alii *Scriptores*, alii *Secretarii*, alii *Plumbarores*; alii *Equites*, alii *Cubicularii*, & *Scutiferi*; alii *Prothonotarii*, alii *Subdiaconi*, & alii sub diversis vocabulis nuncupantur.

Hi omnes participant vel in annatis, vel in emolumentis, quæ pro litterarum expeditionibus solvuntur; atque jura hæc communiter dicuntur *taxæ Cancellariæ Apostolicæ*.

XVI. Inter Extravagantes Joannis XXII. legitur sub titulo 13. Extravagans, quæ incipit, *cum ad Sacrosancta*, in qua designantur & taxantur jura *Abbreviatoribus* & *Scriptoribus* litterarum & *gratiarum* solvenda.

da. Hinc communiter existimatur, hunc Pontificem fuisse eorum emolumentorum, quæ hodie Taxæ Cancellariæ Apostolicæ dicuntur, primum auctorem.

Quidquid sit, hoc habetur ex Joannis XXII. Constitutione, quod eo tempore Scriptores & Abbreviatores, alique expediendis in Cancellaria Romanis litteris præpositi, in exigendis iuribus multum excederent; atque eorum excessus excitasse multorum murmura, quasi nihil gratis Romæ obtineretur.

Uterius ex eadem Constitutione habetur, quod ad obviandum his excessibus Joannes XXII. *taxaverit* quid his Ministris pro singulis litteris esset solvendum.

Cum igitur hæc jura per hunc Pontificem fuerint pro singulis litteris determinata, & *taxata*, non mirum, quod ab eo tempore *taxæ* Cancellariæ hæc jura fuerint vocata; & hic Pontifex creditus primus earum auctor; tamen antea quædam jura exigebantur.

Cum autem plurimi essent in Curia Romana Ministri & Officiales Bullis & litteris scribendis, revidendis, & plumbandis, signandis, ac registrandis præpositi; ac insuper hæc taxæ essent non tantum proportionatæ labori & operæ in conficiendis his litteris impendendis, sed insuper majores, vel minores pro ratione gratiarum vel provisionum super quibus Bullæ, vel litteræ expediendæ erant, non mirum has taxas multorum querelas excitasse, & tanquam simoniacas, aut saltem ut de ea admodum suspectas fuisse reputatas.

Accedebat, quod litteræ seu Bullæ non relaxarentur, nisi his taxis solutis; summâ autem facilitate; imò vix negarentur his taxis solutis.

XVII. Inter alios seculo xv. scribens Paulus Anglus Decretorum Doctor in suo *speculo aureo* in has taxas invehitur; atque ex illo habetur, quod eo tempore acceperint suam stabilitatem, & pro ratione gratiarum & provisionum essent *taxatæ*.

Quo autem tempore hæc *taxæ*, sive jura ad commoditatem Ministrorum litteris Cancellariæ expediendis præpositorum typis mandata & evulgata fuerint, incertum est.

Hoc scitur, quod anno 1514. sedente Leone X. Romæ apud Marcellum Silber in Campo Floræ expressus fuerit libellus sub hoc titulo: *Taxæ* Cancellariæ Apostolicæ, & taxæ Sanctæ Pœnitentiariæ, in quo per ordinem designatur quantitas taxæ solvendæ pro quibuscumque litteris dispensationum, absolutionum, &c. in Cancellaria, & Pœnitentiaria Romana obtinendis.

Hujus libelli meminit vir eruditione & pietate clarissimus Claudius Espenceus Doctor Theologus Parisiensis in Commentario Epistolæ Apostoli ad Titum *cap. 1.* qui ibidem describens Curiae Romanæ avaritiam, & pecuniæ cupiditatem, in ejus probationem inter cætera adducit hunc libellum dicens: "*Prostat & in quasi promeritrix sedet. Liber palam ac publicè hic impressus, hodieque, ut olim venalis taxæ Camera seu Cancellariæ Apostolicæ inscriptus, in quo plus scelerum discas licet, quàm in omnibus omnium vitiorum summis, & summaris, & plurimis quidem licentia, omnibus autem absolutio empturientibus propofita.*"

Quidquid sit de hac Espencei durissimâ in hunc libellum redargutione, nec non de Curiae Romanæ pecuniarum aviditate, & gratiarum, absolutionum, atque dispensationum venalitate, per hunc auctorem descriptâ, illud sanè opandum esset, ut tandem Curia Romana suo agendi modo, hunc libellum adeò scandalosum improbare; omnibusque notum faceret, Romanos Pontifices tanquam fideles dispensatores mysteriorum Dei in mitigandis Canonibus, delictisque condonandis solam ædificationem Ecclesiæ, & fidelium salutem præ oculis habere; atque ab ipsis tanquam Christi Vicariis præ cæteris observari, quod à Christo omnibus mandatum fuit, Matth. c. 10. v. 8. *gratis accepistis, gratis date*, atque ita palam probarent, falsum esse, quod de Curia Romana vulgò dicitur, quod in relaxandis Ca-

Tom. I.

nonibus, seu Decretis positivis, tam diversa sit in Curia Romana divitis, atque pauperis conditio, ut vix quidquam prohibeatur, quàm ut ne quis gratis contraveniat, & quod vetatur, numeratâ pecuniâ statim dispensetur, quasi nullum sit peccatum majus, quàm nummis carere, uti fusiùs describit præcatus Espenceus.

XVIII. In taxarum exactione cum plures excederent, Gregorius XV. hanc Regulam Cancellariæ proposuit: "Item, idem D. N. exactionibus, quas Sanctitas sua non sine displicentia plerumque fieri intellexit per Officiales Romanæ Curiae, qui constitutis sibi emolumentis pro exercitio officiorum, quæ obtinent, non contenti, ultra à prosequentiis negotiorum quorundam expeditionem in eadem exigere non verentur, obviare volens, districtè præcipiendo inhibuit omnibus & singulis, quævis officia in eadem Curia obtinentibus, ne de cætero quidquam prætextu officiorum, quæ obtinent, quovis colore, etiam celerioris expeditionis ultra emolumenta ejusmodi exigere, seu ad hunc effectum expeditionem eorum, quæ eis incumbunt, malitiosè differre, sub excommunicationis, & præter illam suspensionis à perceptione emolumentorum hujusmodi pro prima ad semestre, & pro secunda ad annum, & pro tertia vicibus, quibus sic excederent, privationis officiorum per eos obtentorum, in quibus sic excesserint, pœnis; ac voluit, quod S. R. E. Vice-Cancellarius & Camerarius excedentes ipsos respectivè, prout eis subfunt, per subtractionem emolumentorum eorundem, ac alia, ut præmittitur, compellant ab hujusmodi illicitis exactionibus abstinere, & contra eos per prædictas pœnas & alias, prout meliùs expedire viderint, procedant."

XIX. Habet Vice-Cancellarius, seu Cancellariæ quasdam à Pontificibus Regulas, juxta quas ipse Vice-Cancellarius ejusque Officiales negotia ad Cancellariam spectantia, nec non litteras necessarias gerere & expedire debent; quæ propterea *Regulæ Cancellariæ* vocantur.

XX. Unde Ludovicus Gomezius in præmio ad Regulas Cancellariæ *quæst. 2.* notat, quod "Regulæ Cancellariæ ab initio introductæ fuerint, ut Officiales Cancellariæ per eas in litteris expediendis instruerentur, ut pater, ait, ex Regulis Joannis XXII. & Benedicti ac aliorum. Et licet à tempore Nicolai V. aliquid plus ad eas circa judicia additum fuit, illud tamen respicit actum in Curia gerendum."

XXI. Hæ Regulæ *perpetuæ* non sunt, sed morte Pontificis extinguuntur, quod in earum præmio indicatur his verbis: *Et suo tempore duraturas*: Quare singuli Pontifices altero suæ assumptionis die eas de novo evulgant, atque in Cancellaria per Vice-Cancellarium publicari jubent; idque nonnunquam novis Regulis additis, vel antiquis immutatis, vel etiam subinde aliquibus expunctis & omissis.

XXII. Itaque si ipsam harum Regularum originem primumque instituendi finem attendamus, duntaxat regimen ac directionem Cancellariæ Romanæ spectare videntur; at hodie inter has Regulas non paucae reperiuntur, quæ etiam collationes Beneficiorum aliasque materias concernunt; & quarum usus se extra Cancellariam Romanam quoque extendit; pluresque in Belgio & Provinciis vicinis receptæ sunt; de quibus in materia Beneficiorum Part. 2. hujus Operis singillatim tractabitur; ostenderetur, in quibus recentiores Regulæ à veteribus discrepent; & quomodo in hisce Provinciis receptæ sint.

## CAPUT II.

### De Datario & Dataria.

#### 1. Datarii officium olim ignotum.

F f

#### 2. Que



2. Quæ hodie per Datariam expediuntur, olim penè incognita fuerunt.
3. Quomodo reservationes Beneficiorum & Pensionum circa seculum xiv. invaluerint?
4. Ex illis aliisque reservationibus originem habuit Dataria.
5. Quare Cardinalis assumptus ad officium Datarii, dicitur Pro-Datarius?
6. Quod sit officium Subdatarii?
7. De Officiali Datarie, qui dicitur Concessum; & quæ formâ hic signet libellos?
8. Subdatarius subinde mittit libellos ad aliquam Congregationem Cardinalium; & quæ formâ remittantur?
9. De Summario libelli à Subdatario conficiendo: debet esse libello conforme.
10. Datarius unâ cum Subdatario & Officiali, qui dicitur Per obitum, discutunt libellos Papæ offerendos.
11. Quæ formâ Papa signet.
12. Libelli Supplices hodie dupliciter signari solent.
13. Tres dicuntur partes Signaturæ; quæ describuntur: & quid sit Signatura?
14. Cur tertia pars Signaturæ apponatur?
15. Subdatarius Supplicem signatam mittit ad Revisorem; & quid officium Revisorum?
16. Revisor mittit Signaturam ad Officialem parvæ Datarie; & unde dicatur parva Data?
17. Ab hoc Officiali Signatura transit ad secundum Revisorem.
18. Frequenter mittitur deinde ad Officialem, qui vocatur Componendæ.
19. Post hæc ponitur magna Data: & quid hæc sit?
20. Tum mittitur ad Officialem, qui dicitur, Missus.
21. Ab hoc mittitur ad Registratores: & quis sit Registrationis effectus?
22. Post Registrationem mittitur ad Cancellariam, ut expediantur Bullæ necessariae.
23. De differentia inter modum, quo Litteræ sunt per Papam signatæ.
24. Quid circa parvas Datas obtineat in Gallia?

I. OFFICIUM Datarii, prout hodie accipitur in Curia Romana, antiquum dici haud posse probat Cardinalis De Luca in sæpius citata Relatione Romanæ Curie, Discursu 9. t. 15.

II. "Antiquitus enim (ait De Luca in loco citato n. 6.) „Papa fortè nihil vel parùm se ingerebat in illis negotiis, circa quæ penè totum Datarii munus hodie versatur; ut nempe sunt collationes Beneficiorum reservationum vel affectorum, nec non reservationes pensionum super iisdem, ac dispensationes Matrimoniales, aliæve dispensationes purè super natalibus, vel super irregularitate, aut super bigamia, vel super ætate, & similes; ac etiam sunt Apostolica beneplacita super alienationibus bonorum Ecclesiæ, vel concessionibus officiorum venalium, & similia, quæ omnia moderna sunt, dictis antiquis temporibus incongrua.

III. Hæc Cardinalis De Luca; qui deinde ibidem num. 12. & 13. deducit, quâ ratione circa seculum xiv. introductæ sint reservationes Beneficiorum; atque ex his deinde originem sumpserint frequentiores pensionum Ecclesiasticarum reservationes.

IV. "Cum itaque (pergit De Luca num. 14.) huiusmodi provisiones non publicè in Consistorio, sed privatim in Aula, per supplices libellos, aut per supplicationes manu Papæ signatas, fierent, casus autem præberet, quòd idem Papa ex negotiorum multiplicitate non valens omniâ memoriâ retinere, eadem Beneficia pluribus personis conferret; unde propterea continua oriebantur jurgia, super temporis anterioritate, quæ etiam in beneficialibus, atque in gratiarum concessionibus attendenda est, quòd sci-

licet gratia anterior posteriori præferatur; Burrat. & add. dec. 42 l. 1. & passim. Idcirco quemdam privatum potius, seu fiduciarium Ministrum, tanquam per speciem Secretarii, ad id deputare congruum fuit, qui curam huiusmodi supplicationum, & expeditionum haberet, atque postquam Papa per ejus signaturam gratiam, perfecit, ipse adnotaret tempus seu diem, ut ita dignosceretur, quænam essent gratiæ anteriores, & quæ posteriores; ac etiam (& fortius) ut ita convinci posset, an congruo tempore, gratia petita & respectivè concessa esset, eò quia absque verisimili notitia mortis, Beneficia adhuc non vacantia, quando recens vacatio sperabatur, extorqueri solebant, ut etiam hodierna praxis quandoque docet.

Idemque Minister, vel Officialis, qui hanc habebat curam, adnotandi scilicet datam temporis, tanquam rerum beneficialium peritus, gerebat quoque munus Consiliarii, vel Auditoris Papæ, ad effectum inspicendi, idemque consulendi, an ea vacatio caderet, nec ne, sub ejus reservationibus, ac provisione; seu quomodo pro Beneficiorum qualitate provisio facienda esset; aut an Oratores, qui supplicationes portgebant, essent digni, ac idonei, nec ne.

Exinde propterea prodit hoc Datarii nomen, seu vocabulum; non quidem à verbo dare, quoniam non ipse, sed Papa dat Beneficia, aliasque gratias, sed ab alio barbaro, ac linguæ Latinæ Professoribus ignoto vocabulo *Datære*, quia scilicet adnotabat datam (a) quæ in Principum legibus, ac provisionibus, & gratis ab antiquo tempore adhiberi consuevit, ut docet tenor plurium Imperialium Constitutionum in Codice, ac etiam docent Apostolicæ Constitutiones, aliaque diplomata etiam antiqua.

V. Porro Datarii officium juxta modernum Curie Romanæ stylum, inter præcipua munia reputatur; adeò ut subinde etiam Cardinales ad id assumantur: eâ tamen differentiâ; quòd si Cardinalis sit, tunc non Datarius, sed Pro-Datarius dicatur: "Fortè (ait De Luca) „quia non congruat eximie Cardinalitatis dignitati, assumere officium inferius ac Prælatitium, quod ita provisionaliter, seu jure cuiusdam commendationis per Cardinalem administrari non incongruat.

VI. Habet Dataria præter Datarium plures Officiales & adjutores ipsius Datarii; ex quibus duo primi seu majores, alter Subdatarius, & alter Per obitum dicitur.

Subdatarius propriè loquendo est substitutus Datarii; nequaquam tamen à Datario dependens; sed à Papa immediatè constituitur, & Prælati Curie annumeratur.

Ipsius est revidere omnes libellos supplices, qui Papæ offerri postulantur, exceptis illis, qui sunt pro impetrandis Beneficiis vacantibus per mortem in terris Obidentie, qui revideri debent per Officialem, quid dicitur Per obitum. Subdatarius visis libellis, eos pro varietate materiæ distribuit.

VII. Et quidem si in libellis agatur de aliqua ex materiis ordinariis, v. g. de resignatione simplici Beneficiorum, quæ à Papa signari non debent, remittuntur ad Officialem, qui vocatur, Concessum; qui signat libellos supplices sibi à Subdatario transmissos, cum hac nota ad marginem libelli apposita, Ad Ord. quæ significat ad Ordinarium. Hic Officialis signat libellos hac formâ. Concessum ut petitur in præsentia Sanctissimi Domini Nostri Papæ: & hoc si fuerit factum in præsentia Papæ; alioquin signat simpliciter, Concessum: deinde apponit nomen suum.

VIII. Si Subdatarius videat ex ipsa materia libelli, quòd Papa petitioni non annuet, nisi prævio judicio

(a) Origo hujus vocis (Data, unde Datarius) inde manavit, quòd Imperatorum Constitutionibus, quæ Præfatis Prætorio, aut aliis Magistratibus in Provinciis mittebantur, dies, quo Data essent, iis à quibus perferrebantur annotaretur, sicut dies quæ acciperentur, seu reciperentur. Hinc crebrò in Constitutionibus iisdem hæc verba leguntur, Data tali die, accepta tali die. Mabilonium vide l. 2. de re diplomatica c. 25. 26. &c.

Con-

Congregationis Cardinalium, ad quam illa materia pertinet, tunc Subdatarius libellum ad illam Congregationem remittit, cum hac apostilla: *Ad Congregationem Rituum*, aut aliam. Secretarius autem Congregationis solet respondere per chartulam, quam ipsi libello inferius annectit hac fere forma: *Sacra Congregatio Rituum*, vel alia, *consuit gratiam hanc concedendam, si Sanctissimo D. N. placuerit.*

IX. Quod attinet ad libellos supplices pro gratiis, quæ à solo Papæ arbitrio dependent, illos Subdatarius aut aliquis ejus substitutus examinat, atque ad calcem illorum apponit summarium libelli supplicis.

Hoc vero summarium debet esse conforme ipsi libello, quia Pontifex priusquam gratiam annuat, vel neget, non solet integrum libellum supplicem, sed tantum hoc summarium legere.

X. Datarius antequam accedat Papam pro signatura, vocare solet Subdatarium & Per obitum, ut sciat quos libellos Papæ offerre debeat. Ipsi vero inter se discutunt illos, qui aliquam difficultatem habere videntur, ad informandum Papam. Posthæc plures simul libellos Papæ offerunt signandos; cui tunc Datarius una cum Subdatario assistit; Officialis vero Per obitum non nisi Subdatario infirmo.

XI. Hi exponunt Pontifici rationes, ob quas gratia sit concedenda vel neganda; iisque auditis, si Papa renuat, Subdatarius scribit, *Nihil*, vel, *Non placet Sanctissimo*: si vero annuat, signare solet hac formula: *Fiat ut petitur*, & apponit primam litteram sui nominis, non quidem Pontificatus, sed baptismatis: v. g. modernus Pontifex Innocentius XII. ponit litteram A. quia ante Pontificatum vocabatur *Antonius*.

XII. Hodie fere, ait Rebuffus, omnes signaturæ solent dupliciter signari; atque primum fiat collocatur inter partis petitionem & concessionem; secundum vero fiat in margine clausularum seu dispositionis describitur.

XIII. Pro quo notandum, supplicam conscribi solere in medio folio chartæ. In summitate exprimitur Diæcesis in qua Beneficium est situm, si de Beneficio agatur; sin vero quæstio sit de gratia Beneficium non concernente, exprimitur Diæcesis supplicantis; v. gr. *Mechlin. Antwerp. &c.* Ad latus autem dextrum supplicæ exprimitur gratia petita, ut *Provisio, Resignatio simplex, Dispensatio in 3. & 4. gradu consanguinitatis, &c.* Deinde supplica incipit, *Beatissime Pater, &c.* Ac tum sequitur nomen Oratoris live Supplicantis, gratia quæ petitur, ac reliqua necessario exprimenda pro impetratione similis gratiæ; diciturque hæc prima pars Signaturæ, eamque vocant Pragmatici Romanam, *Corpus Signaturæ*. Tum relinquitur aliquod spatium vacuum pro Signatura Papæ, à qua Papæ Signatura, hæc charta dicitur *Signatura*, ut observat Rebuffus. Post hæc supplica concluditur sub hac solita verborum formula. *Et cum absolute ad censuris ad effectum duntaxat, &c.* cum omnibus decretis, restrictionibus & clausulis, quibus gratiæ hujusmodi concedi consueverunt: unde, ut monet Rebuffus, hæc tertia pars Signaturæ, est dispositio & Papæ concessio; & quod ipse simpliciter concessit, dicendo, *fiat ut petitur*, hic sigillatim exprimitur.

XIV. Itaque hæc tertia pars apponitur, quia supponitur, quod Papa in spatio illo vacuo, apponet ordinariam Signaturam, quam Rebuffus vocat secundam partem Signaturæ. In Praxi Benefic. tit. *De forma Signaturæ simplicis provisionis*; agens de hac secunda parte Signaturæ inquit, quid intersit, num signetur per *Fiat*, an vero per *Concessum*.

XV. Postquam supplica fuerit signata, Subdatarius eam mittit ad primum Revisorem. Porro duo sunt in Dataria Revisores, quibus incumbit revidere omnes supplicas signatas (exceptis Matrimonialibus, pro quibus est specialis Revisor) utrum nimirum summarium ad calcem supplicæ adjectum, & cui Papa gratiam an-

nuendo se conformat, uti supra monuimus, sincere exprimat totum contentum supplicæ.

Si primus Revisor deprehendat aliquid contineri in supplica non expressum in summario, subinde ipse illud à supplica eradit, subinde vero eam supprimit: interdum vero Datarium aut Subdatarium adit, atque cum illis super defectu supplicæ tractat: Et quidem hi judicant, utrum non obitante illo defectu expediri queat: quia primarii hi Officiales censendi sunt *Organum Papæ*; & quia quotidie cum Papa agunt, judicantur scire intentionem Papæ. Dum ergo in casu dubio hi significant primo Revisori ut pergat, hic signat ponendo primam litteram sui nominis ad initium summarii.

XVI. Hic Revisor pro ulteriore expeditione mittit Signaturam ad Officalem parvæ Datæ, qui in calce ipsius summarii ponit parvam Datam; quæ propterea dicitur *parva*, quia paucis verbis inscribitur. Scilicet, *S. M. M. Kalendis Martii anno 4.* eaque postmodum per Datarium extenditur; cujus proprium officium est, supplicas *Daturæ*; imo ipsa *parva Data* (uti observat Pyrrhus Corradus in praxi Dispensationum lib. 2. cap. 7. num. 30.) tantum inservit in signum memoriæ super gratia concessa vel concedenda, ut ad Datam illius temporis retrorahatur.

XVII. Post positam parvam Datam, transit Signatura ad secundum Revisorem, qui revidet rursus quod à primo jam revisum est; & si nullum defectum reperiatur, ipsamque Signaturam admittendam judicet, illam signat apponendo suum nomen infra nomen primi Revisoris, exprimendo primam nominis sui litteram.

XVIII. Si materia supplicæ sit subiecta juribus *Componendæ*, ut sunt Prioratus rituales, Abbatiæ, Coadjutoriæ, Indulta, &c. tunc ab Officiali parvæ Datæ Signatura transit per manus illius, qui *Componendæ* Officialis vel Administrator est: eoque casu unus Revisorum ponit litteram C. vel *Comp.* quo insinuat, esse *componendum* antequam Datarius ponat magnam Datam. Si autem materia non sit subiecta *Componendæ*, & requirantur Bullæ, tunc ponitur, *Expediantur litteræ*.

In variis materiis jura non adeo fixa sunt, quin frequenter super iis cum Officiali *Componendæ* & Datario componendum sit; quod in his materiis spiritualibus, quam male nonnunquam oleat, nemo non videt.

XIX. Quando Officiali *Componendæ* est satisfactum, ponit super plicam Signaturæ inferius, *Solvit*; atque ab hoc Officiali transit supplica rursus ad Subdatarium, qui nomine seu vice ipsius Datarii ponit magnam Datam, v. g. *Datum apud S. Mariam Majorem Kalendis Julii anno 4. Pontificatus Innocentii, Divina Providentia Papæ XII.*

XX. Hac Data expedita transit Signatura ad Officalem, qui dicitur *Missis*; eo quod mittat Signaturas ad registra.

XXI. Unus ex Registratoribus supplicam registrat, atque in dorso Signaturæ notat librum & folium registri, ac deinde cum ipso registro fert ad unum à quatuor Magistris registrarum, ad *auscultandum*, ut ajunt, *supplicam*; hoc est, videndum, num supplica place conformis sit registro. Quo facto, hic Magister registri ponit in dorso supplicæ magnum R. & in superiore parte istius litteræ ponit primam litteram sui prænominis, & in calce suum cognomen integrum. Hæc vero littera R. significat, *Registrata*.

„ Per hunc registrationis actum, ait Da Luca, sequi „ dicitur omnimoda gratiæ perfectio, adeo ut jus quæ- „ situm esse dicatur Gratiato, non autem prius.

XXII. Notandum denique, quod secuto hoc registrationis actu, supplica sive Signatura dimittatur à Dataria, & consignatur Expeditoibus, ut per Officiales Cancellariæ expendantur litteræ, quæ pro gratiæ executione necessariae sunt, & sine quibus supplicatio-

nes, quamvis perfectæ & registratæ, non suffragantur impetrantibus, ob Regulam Cancellariæ 26. *De non judicando juxta formam supplicationum, sed litterarum expeditorum.*

Observat tamen Joannes à Choquier ad Regulam 31. Cancellariæ, dictam Regulam non ob stare nec procedere, quando Supplicatio producitur pro declaratione litterarum, & ad probandum circumstantias, & qualitates gratiæ, & an illa sit per *Fiat*, an per *Concessum*.

XXIII. Multum quippe refert, num uno an alio modo signatura sit expedita; quod tamen ex Bulla dignosci nequit: quia Bulla eodem modo expeditur, sive uno sive alio modo signatura facta sit.

Si enim unus habeat signaturam per *Fiat*, & alter eodem die habuerit per *Concessum*, illa huic præferatur juxta Regulam Cancellariæ quæ est 34. Innocentii X. & hoc tenore exprimitur: "Item voluit D.N. quod concurrentibus eadem die super quocumque Beneficio per *Fiat* & *Concessum*, signaturis, ex iis, per *fiat* etiam ut petitur, habens, alteri per *Concessum* etiam motu proprio habenti præferatur, etiam si in illa per *Concessum*, prægnantiores, & quantumlibet privilegiatæ essent clausulæ. "Ideoque bonum est (inquit Rebuffus loco citato num. 13.) producere signaturam, alioqui ex Bullæ tenore dignosci non potest. Unde quis cautus esse debet, ut tam Bullam, quam signaturam conspiciat, & ex illis veritatem elicere poterit.

XXIV. Notandum quod circa *parvas Datas* sit speciale Gallorum privilegium. Mox enim ut Cursor è Gallia attulit supplicas in materia Beneficiali, Banquarius Romanus supplicam præsentat Officiali *parvæ Data*, qui *datam* ejus diei, quo Cursor advenit, apponit, modo ante mediam noctem illius diei supplica exhibeatur; alias diei sequentis: & licet signatura multo post tempore expediatur, semper tamen manet eadem *data*; scilicet quæ posita fuit eo die quo Cursor è Gallia advenit; hocque est particulare Gallis privilegium. Aliæ enim Nationes accipiunt signaturam *data* currente. Vide latius Perardum Castellum in praxi Curiae Romanæ.

### CAPUT III.

De tempore quo erecta est Dataria, & de compositione super fructus male perceptos.

1. Quis auctor Datarie?
2. Compositio super fructus male perceptos.
3. Pontifex interdum concedit absolutionem à crimine, nec tamen censetur rehabilitare ad Beneficium.
4. Cui restitui debeant fructus ex Beneficio male percepti, quæritur.
5. Praxis quam in his restituendis Galli observant.
6. Tribus modis in Curia Romana litteræ, quæ Beneficiorum provisionem spectant, expediuntur.
7. Ratio, cur provisiones in Dataria potius quam in Cancellaria expediuntur.

I. COMMUNIS opinio est, reservationes Beneficiorum potissimum à temporibus Joannis XXII. frequentari coepisse, atque per has reservationes factum esse, ut necesse fuerit per Pontificem institui Officialem, qui *Datarius* dictus est, admodum quoque verisimile est, totam hanc praxim *Datarie* cum omnibus suis ministris, nec non taxis, quas vocant Cancellariæ, à temporibus hujus Pontificis Curiam Romanam intrasse, aut saltem suum accepisse incrementum, ut vel inde pateat, quam funestam sequelam habuerint odiosæ illæ Beneficiorum reservationes; & quam perniciofa fuerit Ecclesiæ ea Jurisperitorum persuasio, Pontificem esse *Dominum* omnium Beneficiorum; ac per consequens Pontifici li-

berum esse, omnia beneficia suæ dispositioni reservare, atque de iis pro libitu disponere.

II. Superius notatum fuit, in Curia Romana esse quasdam materias, quæ dicuntur subjacere *Componenda*; quo significatur, super his materiis non esse fixa & determinata jura, sed super his esse pro varietate casuum & circumstantiarum *componendum* cum Officiali Datarie, qui ab hac compositione dicitur *Componenda*.

De hoc Officiali scribens Perardus Castellus in sua praxi Curiae Romanæ Gallice conscripta sub hoc titulo. *Usage & Pratique de la Cour de Rome* pag. 27. editionis. 1693. observat hunc Officialem præferre quamdam speciem *Tresaurarii*, seu Receptoris dependentis à Datario; cui incumbit recipere jura solvenda in materia subiecta *Componenda*; uti sunt (ait Castellus) *causæ matrimoniales, pensiones sine causa*, & quæ procedunt ex *fructibus male perceptis*, quales sunt confidentiarii simoniaci, & cæteri, qui fructus Beneficiorum perceperunt sine titulo, consequenter supponuntur fructus suos facere non potuisse.

Similiter & pro obtinenda dispensatione, absolutione, & nova provisione ob commissam simoniam; vel vitium quod provisionem reddidit invalidam, quæ solent passim in omnibus casibus concedi.

III. Hoc notari meretur, ex stylo Curiae Romanæ, uti ibidem monet Castellus, per Pontificem quidem interdum concedi absolutionem à crimine, puta simoniae, confidentiæ, &c. sed non propterea Pontificem per hanc absolutionem *rehabilitare* ad Beneficium, super quo (ait) *nova* provisio impetranda: id est, non solet Pontifex dispensando super simonia, aut alio vitio reddente provisionem invalidam, ipsam provisionem per datam dispensationem reddere validam; sed vult ut post hanc impetratam super vitio dispensationem & absolutionem, impetretur nova ejusdem Beneficii, & quidem in Curia Romana provisio; & litteræ provisionis solus iuris, seu taxis legantur.

IV. Cum autem (ait Castellus) fructus *male percepti* sint frequenter restitutionis incertæ, sive incertum sit, cui debeant restitui; aliquibus sustinentibus, restitui debere Ecclesiæ, aliis successori, nonnullis sustinentibus eos elargiendos esse pauperibus; tandem quæstio hæc decisa fuit in *favorem Camerae Apostolicæ*, sub obtentu, quod omnium proventuum Ecclesiasticorum dispensatio, & administratio ad nullum in particulari spectantium, censeantur pertinere ad Pontificem.

Itaque hoc titulo Officiales Curiae Romanæ sustinent, hos fructus *male perceptos* pertinere ad Cameraam Apostolicam; & consequenter cum hac Camera super his fructibus esse *componendum*, priusquam litteræ *nove* provisionis aut rehabilitationis expendantur.

V. Verum, uti ad hunc locum Castellus notat Guillemus Noyer: "Hæc Curialium prætensio super fructibus *male perceptis* in Gallia nec probata, nec recepta fuit; nam (ait) Pontifici jus non est applicandi Camerae Apostolicæ fructus Beneficiorum Regni Galliae, neque permittitur, ut intrusi, simoniaci, alii, quæ, qui gavisi sunt fructibus Beneficiorum absque legitimo titulo, componant super fructibus *male perceptis* in præjudicium Ecclesiarum, quibus sunt restituendi, in usum ornamentorum, aut eorum reparationem. De hac praxi regni Galliae etiam consuli poterit Commentarius Pytheorum ad articulum §1. Libertatum Ecclesiæ Gallicanæ.

VI. Monet & hic Castellus, provisiones Beneficiorum Consistorialium ut sunt Abbatiae, frequenter ad hunc Officialem, qui dicitur *Componenda* remitti, priusquam litteræ expediti queant; eo quod per Cancellariam super his provisionibus litteræ non expendantur, si requiratur aliqua dispensatio, vel alia specialis difficultas occurrat, quæ Pontificiam dispensationem, aut declarationem requiratur.

Pro faciliiori horum notitia, observandum, in Curia Romana.



Romana tribus diversis modis litteras Apostolicas, super provisione Beneficiorum expediri.

Primus modus est per speciale Breve Apostolicum, qui rarior est, nec nisi in favorem sublimium Principum, & dum gratis Pontifex alicui providere intendit, impendi consuevit.

Alius modus est, qui observatur in provisione Beneficiorum Consistorialium per Cancellariae viam, sive Consistorialem: dum nimirum in provisione omnia sunt sine difficultate; ita ut nulla specialis dispensatio, aut declaratio Pontificis requiratur.

Tertius denique modus est per Datariam, sive Camera Apostolicam, qui est modus frequentior: eo quod per hanc expediri debeant omnes provisiones Beneficiorum non Consistorialium, quandocumque in horum provisione defectus, dubietas, aut difficultas per Pontificiam dispensationem aut declarationem tollenda occurrit.

VII. Nec mirum, Curiales sollicitos esse, ut provisiones potius in Dataria, vel Camera Apostolica debeant expedire, quam in Cancellaria; quia in Dataria maiora iura, quam in Cancellaria solvenda sunt.

Et quidem si provisio Beneficiorum Consistorialium expediat per Camera, aut Datariam cum derogatione Consistorialitatis, ultra taxam Cancellariae debet in Dataria solvi praeterea tertia pars istius taxae: uti hic monet Guillelmus Noyer in Curia Romana quondam Banquarius Expeditionarius.

29. Non nisi super occultis impedimentis Matrimonialibus in Pœnitentiaria dispensatur.

30. Absolutiones à censuris, etiam non occultis conceduntur; & qua forma expendantur.

31. Formula Litterarum, quibus absolutio à censuris committitur.

32. Pius V. prohibet ne aliquid in Pœnitentiaria exigatur.

33. Omnia gratis in Pœnitentiaria expedienda.

**Q**UEMADMODUM Episcopi jam pridem habuerunt Pœnitentiarium generalem, ad quem tanquam ad ipsum Episcopum pro absolutione gravium criminum recursus haberetur, & quem in perplexis atque difficilioribus casibus inferiores Confessarii consulere (uti supra tit. 12. cap. 3. ostensum fuit) ita & Romanus Pontifex jam pridem Pœnitentiarium suum habuit. (a)

Cumque labentibus seculis, plurium criminum ac censurarum absolutiones, nec non vororum atque irregularitatum dispensationes, atque Canonorum impedimentorum relaxationes ad Sedem Apostolicam devolutae sunt, etiam major & frequentior pro iis obtinendis fuit ad Sedem Apostolicam accedendi necessitas.

II. His vero solus Pontifex examinandis & decidendis insufficiens, ea omnia Pœnitentiario suo plene commisit; idque primitus, uti notat Cardinalis De Luca, tam in foro externo, quam interno; adeo ut pleraque negotia, quae hodie per Datariam & Secretariam Brevium expediuntur, concederentur per organum Pœnitentiariae: ita ut tunc temporis non esset necesse super dispensatione v. g. Matrimoniali, pro foro interno recurrere ad Pœnitentiariam, & pro foro externo ad Datariam, quemadmodum hodie fieri debet.

III. Verum cum tractu temporis plura continuo negotia ad Pœnitentiariam Apostolicam devolverentur, tandem necesse fuit, alios Officiales ei adungere, qui unum quali cum ipso Pœnitentiario tribunal constituunt, quod Pœnitentiaria dicitur.

IV. Pristina illa praxis, quam jam pridem in Ecclesia Romana viguisse monet De Luca, quod nimirum, tam in foro externo, quam interno valeret dispensatio vel absolutio obtenta à Pœnitentiario, sive in Pœnitentiaria; nec esse pro foro externo recurrendum ad Datarium, & pro foro interno ad Pœnitentiarium, indubitanter conformiter erat pristinae Ecclesiae disciplinae, quae forum internum ab externo non distinguebat. Hinc videmus Curiam Romanam continuo magis à pristina disciplina deflexisse, dum non tantum in materiis contentiosis, sed & in voluntariis, & gratiosis, puta in dispensationibus, absolutionibus, & similibus, forum externum ab interno separare cepit; atque utriusque diversum esse effectum voluit.

V. Duravit hæc summa Pœnitentiarii auctoritas usque ad tempora Pii IV. qui anno 1562. Bullam reformationis Pœnitentiariae Apostolicae edidit, quae incipit: In sublimi 53. in Bull. Rom.

In hac Bulla praefatur Pontifex, quod ad Pœnitentiariae Apostolicae officium considerationis oculis directis, attenderit, in Pœnitentiariae officium, in quo morum censura, & animarum salus praecipue vertitur, plures & diversos abusus, propter superiorum temporum licentiam & injuriam irrepsisse, ideoque hanc praesentem reformationem decrevisse, qua plurimas facultates Pœnitentiario & ejus Officialibus adimit.

(a) Quinto saeculo, ex Presbyteris Ecclesiae Romanae quosdam constituit Simplicius Papa, ut auctor est Anastasius Bibliothecarius, super poenitentes, ut iis praesent, & eorum exomologesea seu confessiones audirent. De eorum Officiis pluribus egit Osebianus Vellyus l. 1. de Judiciis Aulae Romanae. Will. Baio l. 12. de Pœnitentiario Eccles. Rom. his verbis cecinit.

Dic Jacobo, Papae vice qui delicta reorum Audit, & absolvit confessos sit reatus.

VI. Ulte-

## CAPUT IV.

### De Pœnitentiario & Pœnitentiaria.

1. Sicuti Episcopi suum habuerunt Pœnitentiarium, ita & Pontifex.
2. Pleraque negotia olim tam pro foro externo, quam interno per Pœnitentiarium expeditantur.
3. Quomodo creta Pœnitentiaria?
4. Absolutio obtenta in Pœnitentiaria.
5. Auctoritatem Pœnitentiarii primus restringere cepit Pius IV.
6. Novam plane Pœnitentiariae formam induxit Pius V.
7. Numerum Officialium diminuit.
8. Officia Pœnitentiariae non sunt venalia.
9. Primus Minister Pœnitentiariae est Major Pœnitentiarius.
10. Sunt insuper Pœnitentiarii Minores ex diversis Ordinibus Religionum assumpti.
11. Hi in communi vivunt subiecti Pœnitentiario Majori in his quae Pœnitentiariam spectant.
12. Praeter hos plures sunt Pœnitentiariae Officiales; quorum primus est Regens Pœnitentiariae.
13. Quod Regentis officium?
14. De Dataria Pœnitentiariae; & qua forma ponat Datariam.
15. De Procuratoribus Pœnitentiariae, & quod eorum munus?
16. Consultores Pœnitentiariae.
17. De Sigillatore Pœnitentiariae.
18. Quis Corrector sive Revisor.
19. De Scriptoribus Pœnitentiariae.
20. Juramentum Officialium Pœnitentiariae.
21. Major Pœnitentiarius quolibet mense Officiales convocat, ad casus occurrentes decidendos.
22. Interdum Papam consulit.
23. Negotia ad Pœnitentiariam spectantia.
24. Litterae expediuntur sub nomine Pœnitentiarii Majoris, vel Pœnitentiariae, in forma commissoria.
25. Quibus hæc litterae dirigi soleant.
26. De qualitate Doctoris seu Magistri in Commissario requisiti.
27. De qualitate Confessarii requisiti.
28. Qua forma concipiatur supplicatio, & commissio.

VI. Ulterius progressus Pius V. novam plane formam ipsius Pœnitentiariæ, priore in totum renovata & abolita, induxit per Bullam quæ incipit *In omnibus* 83. in Bull. Romano: "Qua, ait, ipsum Pœnitentiariæ officium certis quibusdam facultatibus, quæ aliis magis convenerunt, exoneratum atque expeditum, dehinc ea quæ *animarum salutem* præcipue concernunt, attentiore studio prosequatur.

VII. Functionibus Pœnitentiarum imminutis, consequens erat, ut & Officialium & Ministrorum quoque numerus diminueretur. Unde in citata Constitutione suppresso & abolito magno numero Officialium & Ministrorum, certos ac paucos, qui hoc Tribunal regant, negotiaque ad illud pertinentia expediant, Pontifex designavit.

VIII. "Illorum autem omnium Officiorum in ipso Pœnitentiariæ officio constitutorum (ait Pius V.) venditionem, aut quamvis aliam voluntariam, tacitam vel expressam ea dimittentium dispositionem, expresse prohibemus; sed illa omnia probis & peritis *gratis omnino*, & sine aliqua dimittentium, aut aliorum quorumcumque acceptione concedantur; quod si secus factum fuerit, quæcumque concessionem de illis pro tempore factæ, nullius sint roboris vel momenti.

Oportandum esset, ut id ad omnia ubique officia, præsertim quæ circa spiritualia versantur, extenderetur; ut scilicet nulla essent *venalia*: notum quippe est illud vulgare: Qui emit, vendere debet.

IX. Primus Pœnitentiariæ Minister est Pœnitentiarius Apostolicus, qui *Pœnitentiarius Major* dicitur; illeque juxta Constitutionem Pii V. officium suum per se ipsum exercere debet; quare, ait, *sit Presbyter Magister in Theologia, seu Decretorum Doctor*.

X. Præter Pœnitentiarum majorem sunt insuper in tribus Patriarchalibus Ecclesiis Urbis *Pœnitentiarum minores*; qui ex diversis Religionibus assumuntur. In *Lateranensi* Basilica Religiosi Ordinis Minorum Observantium reformatorum. In *Vaticana*, Societatis Jesu. In *Liberiana* sive *S. Mariæ Majoris*, Ordinum Prædicatorum. Illi omnes confessiones excipientes, in signum majoris potestatis, *virgam* in manibus tenent, quibus pœnitentes tangere consueverunt.

XI. Hi respective in domo Basilicæ propinqua sub obedientia unius eorum, qui Superior deputatur, regulari modo, tanquam in claustro vivunt; "atque in pertinentibus ad hoc munus, ait Cardinalis De Luca, sunt subiecti Pœnitentiarum, ejusque visitationi & correctioni; in iis vero quæ concernunt disciplinam regularem, sunt subiecti Prælati propriæ Religionis.

Hic obiter nota notabilem regulam in materia exemptionis; nimirum quod concurrente diversa qualitate in eandem personam, illa persona possit esse exempta in una, & subiecta in alia qualitate.

Ad hos minores Pœnitentiarum a majori Pœnitentiarum mitti solent absolvendi, aut à voto vel impedimento relaxandi, qui in Curia præsentem, absolutionis aut relaxationis gratiam mereri judicantur.

XII. Alia species Officialium est illorum, qui regunt Pœnitentiarum per quamdam speciem Tribunalis, audiendo scilicet supplicationes super petitis absolutionibus & dispensationibus, præcipue absentium ab Urbe, pro quibus expediendæ sunt litteræ in forma.

Juxta hodiernum Curia stylum, & prædictam reformationem Pii V. primus post Pœnitentiarum Officialis est ille, qui vocatur *Regens Pœnitentiariæ*; teneturque ex Constitutione Pii V. esse *Magister in Theologia, vel Decretorum Doctor, vir eximia doctrina præstans, casuumque conscientia peritus*; uti & alter Officialis, qui *Datarius* vocatur.

XIII. Regens vices Majoris Pœnitentiarum gerit, habens etiam facultatem plures absolutiones & dispensationes, quæ nimirum negari non solent, non con-

sulto *Majore Pœnitentiarum*, concedendi. Has ipse quoque signat, idque per *Fiat*, quemadmodum ipse Pœnitentiarum, sed aliter quam Papa. Hic enim signat hac forma: *Fiat ut petitur*; Pœnitentiarum vero aut ejus Regens: *Fiat de speciali*; vel: *Fiat de expresse*; si nimirum, factum prius verbo cum Sanctissimo concedatur gratis; uti observat Marcus Leo in praxi Pœnitentiariæ *parte 1. capite 1. numero 8.*

XIV. Datarius Pœnitentiariæ in calce supplicationum scribit datam diei, mensis & anni Pontificatus Papæ viventis in hunc modum: *Datum Romæ apud Sanctum Petrum, sub sigillo Pœnitentiariæ*, si Pontifex in Palatio Vaticano resideat; si vero in monte Quirinali, ponitur: *Apud Sanctum Mariam Majorem, quinto Idus Julii Pontificatus Sanctissimi Domini Nostri Innocentii Papæ Duodecimi anno quarto.*

XV. Adfunt præterea in hoc Tribunali, uti asserunt Marcus Leo & De Luca, tres Procuratores (quamvis duo duntaxat assignentur à Pio V.) seu Secretarii in hac materia bene periti, qui per turnum, ait De Luca, inter se distribuunt libellos, qui porriguntur sine nomine, sub aliquo signo vel cifris, (a) ut dignoscantur ab iis qui negotia gerunt; ipsique Procuratores desuper efformant supplicationes juxta stylum Tribunalis, quas in Congregatione (de qua mox dicitur) proponunt.

XVI. Præterea habet Pœnitentiarum duos Consultores, unum scilicet Theologiæ Magistrum, qui Theologus Pœnitentiarum vocatur, & alterum Doctorem in Decretis.

XVII. Habet insuper suum *Sigillatorem*. "Hic (ait Marcus Leo loco cit. n. 14.) "publicum sigillum Sacrae Pœnitentiariæ apud se retinet, litteras Majoris Pœnitentiarum nomine expediendas, *intus* & *extra*, Bullas vero *intus* subscribit tantum post *Correctorem*, subsequenti forma: *Gratis ubique. J. Rospigliosus*. "Hæc ille, cujus tempore Sigillator erat Julius Rospigliosus.

XVIII. Corrector seu Revisor est Officialis, qui supplicationes à Procuratoribus Pœnitentiariæ confectas perlegit, & cum necessitas exposcit, corrigit; & pro adimpleti sui numeris signo notulam peculiarem imprimit in extremis supplicationum paginis: litteras demum omnes in forma Brevis, ac Bullas secundum præscriptam supplicationis formam expediendas, & expeditas subscribit.

XIX. Demum in hoc Tribunali sunt tres Scriptores, qui postquam Supplicatio signata est, de commissione Procuratorum, litteras vel Brevia juxta formam Supplicationis scribunt, ut postmodum subscribantur, & claudantur, ac sigillantur, Oratoribus, vel eorum Agentibus consignanda.

XX. Omnes hi Pœnitentiariæ Officiales juramento interposito promittunt, "quod officium suum fideliter exercebunt, ejusque ratione nihil ab aliquibus etiam sponte oblatum, vel donatum accipient, præterquam salarium sibi constitutum; Secreta Sacrae Pœnitentiariæ, & occultos casus, ac personas de quibus in ea tractabitur, nunquam cuiquam extra officium revelabunt.

XXI. Major Pœnitentiarum (inquit Marcus Leo *cap. 2. num. 1.*) "semel quolibet mense, & sæpius si necessitas poscat, suos convocat Officiales, una cum Procuratoribus, seu Secretariis, per Capellanum ejusdem Pœnitentiariæ, quæ convocatio appellatur *Signatura Pœnitentiariæ*, eo quod spectantibus Majori Pœnitentiarum, prædictisque Officialibus, Memorialia signentur à D. Regente; illorumque interventu graviores casus à prædictis Procuratoribus de mandato ipsius Domini Regentis propositos discutit, & cum eorum voto gratias concedit, vel negat.

XXII. Interdum tamen, ut monet De Luca, ubi dubitatur de potestate dispensandi, ipsemet Pœnitentiarum, vel quandoque Regens Papam adit, atque ab

(a) Chiffres.

eo tam oraculum, quam auctoritatem recipit.

XXIII. Negotia, quae cum Brevis sive litteris in forma Brevis expeditis in Pœnitentiaria explicantur, sunt dispensationes super occultis irregularitatibus ex causa homicidii vel illegitimorum natalium, aut alterius defectus; ac etiam revalidationes Matrimoniorum contractorum cum impedimento dirimenti, sed planè occulto; item revalidationes simoniacarum provisionum, modò simonia sit occulta.

Item absolutiones à censuris, praesertim ab excommunicatione ob percussione Clerici; hocque casu in hoc Tribunali conceditur absolutio, tametsi negotium sit publicum, atque excommunicatio judicialiter declarata sit.

XXIV. Porro litterae ab hoc Tribunali emanantes, semper prodeunt sub nomine *Pœnitentiaris Majoris*; aut Sacrae Pœnitentiariae; idque frequentius in forma commissoria; id est, committendo aliquem in partibus, qui super irregularitate vel impedimento dispenset, & à crimine absolvat.

XXV. Diriguntur autem alicui Confessori sub hac formula: *Discreto Viro Confessori, Magistro in Theologia, vel Decretorum Doctore, ex approbatis ab Ordinario, per latorem praesentium ad infra scripta specialiter eligendo, salutem in Domino.*

Hæc formula communis omnibus hisce dispensationibus, exprimit qualitates personarum, cui earum executio committitur; sive cui auctoritas dispensandi à Pœnitentiario auctoritate Apostolica specialiter munito, committitur.

Duplex autem in Delegato qualitas exprimitur & requiritur.

XXVI. Primò, ut sit *Doctor Decretorum*, vel *Magister in Theologia*, quod est idem (ut bene monet Sanchez de Matrimonio lib. 8. disput. 34. num. 5.) quod in Theologia *Doctor*.

Hinc consequens, has litteras illos exequi non posse, qui in aliqua Universitate publicè Theologiam, vel Jus Canonicum prælegunt & docent, si reverà ad *Doctoris* gradum non sint promoti; nec enim Pœnitentiarius has dispensationes committit nisi illis, qui reverà hoc gradu sunt insigniti, quia, ait Sanchez loco citato, *publicum Academiae testimonium suae peritiae habent.*

Hic rursus obiter nota, quomodo Ecclesiae perniciosè imponant, qui hos gradus inidoneis annuunt.

Uterius infertur, non posse dispensationes has expediti per Regulares, qui juxta suorum Ordinum instituta quibusdam Magistrorum privilegiis fruuntur, atque in ipso Ordine *Magistri* creantur & vocantur; nisi ipsi verò ad Magisterii gradum in aliqua Academia promoti sint; eò quod ad hos litterae dirigantur ob publicum Academiae testimonium.

XXVII. Secunda qualitas in Delegato requisita, est approbatio ab Ordinario; id est, ut ultra gradum Doctoratus sit approbatus ab Ordinario, ut possit excipere confessiones hujus personae, cum qua est dispensandum. Unde approbatus ad excipiendas confessiones certarum duntaxat personarum, non potest exequi has litteras, si lator earum non sit de numero illarum personarum.

XXVIII. Post hæc exprimitur in litteris ipsa Supplicatio Oratoris, quae pro varietate ejus, quod petitur, varia est.

Subsequitur deinde ipsa commissio dispensandi, quae pariter diversimodè nonnihil concipitur pro diversitate materiae; adhibita semper cautione, *Audit prius ejus Sacramentali confessione..... In foro conscientiae, & in ipso actu Sacramentalis confessionis TANTUM, & non aliter*, neque ullo alio modo; ita quod hujusmodi absolutio & dispensatio in foro judiciali nullatenus suffragentur; nullis super his adhibitis testibus, aut litteris datis, seu processibus confectis, sed praesentibus laniatis, quas sub poena excommunicationis

latae sententiae laniare tenearis, ita ut nullum earum exemplum extet, neque eas latori restituas; quod si eas restitueris, nihil ipsi praesentes litterae suffragentur.

Hæc ostendunt, quam sollicitè caveatur, ne dispensationes, praesertim Matrimoniales in hoc Tribunali expeditae ad forum externum extendantur, ut ita frequentius ad Datariam recursus habeatur.

XXIX. Additur praeterea clausula, *Dummodo impedimentum ex praemissis proveniens sit occultum*; eò quod super solis occultis in Pœnitentiaria, super aliis verò in Dataria dispensationes concedantur: sed de his plura Parte secunda, ubi de Dispensationibus Matrimonialibus ex professo agetur.

XXX. Illud hic observandum, quod licet dispensationes, praecipuè Matrimoniales, non nisi super occultis in Pœnitentiaria concedantur, tamen absolutio à censuris, etiam publicis in Pœnitentiaria saepius expeditur.

Et quidem si innodatus censurà ob percussione v. g. Clerici, *personaliter* ad Curiam Romanam accedat, se primò praesentat Pœnitentiario Majori, vel ejus Regenti, atque ab altero eorum absolvitur; vel juxta stylium consuetum ab eis petit facultatem, ut ab aliquo ex ejus minoribus Pœnitentiariis possit absolvi; quā facultate obtentā, Pœnitentiarium minorem adire, à quo absolvi petit. Absolutione obtentā, adire debet unum ex tribus Procuratoribus Pœnitentiariae, qui conficiat litteras in forma Brevis ad Ordinarium ipsius absoluti dirigendas, quibus Ordinario intimatur, illum in forma Ecclesiae consuetā à censura esse absolurum; euntque ut talem recipiendum.

XXXI. Formulam hanc litterarum, uti & illarum, quibus absolutio à censuris committitur Ordinario, eò quod ipse Orator ad Urbem *personaliter* accedere nequeat, refert & exponit Marcus Leo parte 3. Hoc unum notandum, quod in litteris, quae Ordinario diriguntur; Pœnitentiarius Major titulos Episcoporum, aut Archiepiscoporum praemittat suo nomini hac similive formula: *Venerabili in Christo Patri Episcopo vel Archiepiscopo N. Leander Colorado, &c. salutem in Domino.*

XXXII. " Illud autem (inquit Pius V. in citata Constitutione) „ sanctè & inviolatè apud officium praedictum (Pœnitentiariae) volumus observari, ut nihil „ prorsus pro litterarum confectioe & expeditione, „ nec aliàs etiam pro charta, atramento, cera, capsula, „ cordulis, aliisque rebus ad ipsam expeditionem „ pertinentibus, exsolvatur.

XXXIII. Unde monet De Luca, omnes expeditiones in Pœnitentiaria concedi *gratis*, absque solutione, ne quidem mercedis Procuratorum & Scriptorum; ideòque aliud solvendum non est, nisi aliquid modicum ipsi Corresponsali; „ & ad quod adverti debet (ait De Luca) „ ne ab iniquis Curialibus crumenarum „ tortoribus, qui furibus vel grassatoribus assimilari debent, decipiantur, cum assertionem, quod expensas „ pro hujusmodi expeditionibus facere oportuerit.

## CAPUT V.

De Secretario Brevium; & de differentia inter Brevia & Bullas.

1. *Olim in Curia Romana nulli erant Secretarii; & quare?*
2. *Primus Secretariorum est Secretarius Status.*
3. *Quis dicatur Secretarius Brevium?*
4. *Quid sit Breve Apostolicum?*
5. *Jam pridem Pontifices in signandis litteris privatis usi sunt annulo Piscatoris.*
6. *Quid sit Bulla juxta stylium Curiae Romanae?*
7. *Quando inceperint Pontifices litteras plumbo obfirmare?*

8. *Prima*



8. *Prima differentia inter Bullam & Breve, ex diversitate sigilli.*
9. *Secunda ex diversitate membranarum.*
10. *Tertia ex diversitate characteris.*
11. *Litteræ Pœnitentiariæ, quæ Brevia dicuntur, aliam ab his Brevibus Pontificiis formam habent.*
12. *Quæ negotia per Brevia expediri soleant?*
13. *Forma litterarum nulla specialis olim in Curia Romana.*
14. *Quæ cautio adhibeatur, ne falsitas circa Brevia fieri contingat.*
15. *De conservatione eorum, quæ creduntur in Curia Romana nūnori esse momenti.*

I. **A**NTIQUO tempore, quemadmodum observat Cardinalis De Luca in relatione Curie Romanæ *disc. 7.* nulli erant in Curia Secretarii; quia quæ hodie per Secretarios expediuntur, expediebantur per Vice-Cancellarium, qui erat Secretarius Papæ. At postremis hisce temporibus excrecentibus negotiis, plures fuere constituti Secretarii; iique varii pro diversitate negotiorum & litterarum per ipsos expediendarum.

II. Primus inter illos est, qui vocatur *Secretarius Statûs*. Hic licet non sit in Ordine Hierarchico Officialium aut Magistratum Papæ, est tamen summæ confidentiæ & auctoritatis; "Atque de facto, ait De Luca, secundum locum occupare videtur in iis, quæ concernunt politicam ac etiam in parte civilem utriusque statûs administrationem, dum graviora negotia majoris confidentiæ cum Regibus & Principibus, ac etiam cum Legatis & Nuntiis Apostolicis, per hoc organum junctum cum altero Cardinalis Nepotis pertractantur, & quandoque etiam in civilibus, & Ecclesiasticis negotiis, Ordinariis Locorum, vel Gubernatoribus, aliisque Officialibus & Magistratibus Statûs Ecclesiastici, oracula & mandata Papæ explicantur."

III. Secretarius *Brevium* dicitur, per cujus organum expediuntur litteræ Apostolicæ, quæ dicuntur in forma *Brevis*. Quædam enim negotia expediuntur per litteras, quæ *Brevia* Apostolica vocantur, alia verò per *Bullas*.

IV. Breve Apostolicum ita definit Rebuffus: "Scriptura modica in parvis concessa negotiis, in papyro frequenter scribi solita, rubeâ cerâ annuloque Piscatoris sigillata, ac signo Secretarii subscripta." In praxi Benef. titulo *De Brevis Apostolico*.

V. Jam pridem Pontifices in signandis *privatis* litteris usos fuisse *Annulo Piscatoris*, probat Epistola Clementis IV. ad Petrum Grossum nepotem suum data anno 1265. cujus hæc est finalis clausula: "Non scribis tibi nec familiaribus sub Bulla, sed sub *Piscatoris annulo*, quo Romani Pontifices in suis secretis utuntur. (a)"

VI. Bulla verò juxta stylum Curie Romanæ sumitur pro litteris Pontificum plumbeo sigillo notatis, eorum Decreta continentibus.

VII. Originem hujus moris investigans Polydorus Virgilius *lib. 8. De Invent. rerum cap. 2.* ait, satis constare Agatonem in cera annulo impressisse sigilla: "Verum, ait, postea cum Romanus Pontifex multa irrogaret privilegia, & diplomata diuturniora forent, placuit Stephano III. ac deinde Hadriano I. tabulas Apostolicas plumbo obsignari. Fuit is annus salutis 772. cum ipse Hadrianus factus est Pontifex: nam antiquius non reperitur sigillum plumbeum: quemadmodum constat, ante Carolum M. Imperatorem,

(a) Ex his constat ante annum 1265. *Annulum Piscatoris* jam notum fuisse; imò posset supponi eâ ætate antiquior, quod observandum est adversus continuatores *Glossarii D. Ducange*, qui asserunt an. 1731. hanc vocem ante 400. annos minime fuisse notam. *Annulus autem Piscatoris* dicitur; quod illo, S. Petrus, qui Piscator erat, primus usus fuisse à vulgo existimetur; at revera quoddam ejusdem Divi Piscatoris imaginem insculptam habeat.

litteras auro obsignasse Principum Romanorum neminem.

Vetustiora tamen diplomata Pontificum *plumbo* obsignata reperiri, asserit Dominicus Raynaldus Bibliothecæ Vaticanæ custos, apud D. Du Cange in *Glossario* suo, Verbo, *Bulla plumbea*. Et quidem Bullam plumbeam Sylvestri Papæ asservari in Archivo Aretino asserit; ut & Leonis I. Gregorii Magni, ac Sergii, vetustissima diplomata in papyro, ex frutice confecta, plumbo obsignata, in Archivo Castri S. Angeli.

Observat quoque idem Raynaldus, in *plumbo* diplomatum vetustissimorum Pontificum non impressas fuisse imagines Petri & Pauli, sed tantum illius Pontificis nomen, cujus litteræ obsignabantur. Vetustiorum quippe utque adhuc Bullam cum imaginibus Petri & Pauli non se reperisse ait, quam sub Adriano IV. qui 1153. vixit.

VIII. Quidquid sit de antiquitate ritûs hodierni obsignandi Litteras Pontificias, quas hodie *Bullas* dicimus, illud constat, *Bullas* à litteris in forma *Brevis* in hoc à se mutuo differre, quod Bulla sigillo *plumbeo* pendente quidem ex *chordis sericis*, si sit Bulla *gratiosa*; si verò sit *justitiæ*, ex *filo cannabis*; Breve verò sub *Annulo Piscatoris* expeditur.

IX. Circa membranas quoque & characteres differentia est. Pro Brevibus enim in usu sunt membranæ subtiles & albæ, pro Bullis autem membranæ magis nigrae & grossæ.

X. Brevia scribuntur in characterè latino, nitido & eleganti ac intelligibili; "in Bullis autem (ait De Luca) retinetur antiquus stylus characteris gallici, eo quia in Gallia de tempore, quod Sedes Apostolica residentiam habebat in Civitate Avenionensi, magis practitari cœperunt reservationes, & affectiones Apostolicæ Beneficiorum, cum expeditione Bullarum, & cum solutione Annatarum aliorumque emolumentorum."

XI. Adhibetur etiam in Curia vocabulum *Brevium* in illis expeditionibus, ait De Luca, quas concedit Tribunal Pœnitentiariæ, sed aliam omnino formam habent, diversumque sigillum, uti suprâ notavimus.

XII. Quæ provisiones & gratiæ expendantur per *Bullas* in Cancellaria Apostolica; quæ verò per *Brevia* per Secretarium Brevium, enumerat Cardinalis De Luca, & fusiùs Rebuffus, in Praxi, titulo *De Brevis Apostolico*; notatque De Luca, in summâ omnia per *Breve* expediri; "quæ per Papam concessa, ex Regulis Cancellariæ, vel ex stylo non exigunt necessitatem Litterarum sub plumbo per viam Cancellariæ." Rebuffus verò monet, "quod Breve in parvis materiis concedatur, & ubi non est multa pecunia exponenda: & sic in casibus conscientie & in absolutionibus dari potest, & pauperibus ac viduis."

Uterius monet idem Rebuffus, quod per *Breve* concedi potest, ubicumque in *Signatura* est expressum, ut in forma *Brevis* expediri possit. Et hoc solet, inquit, à cautis Pragmaticis Curie Romanæ in *Signatura* poni, quod hoc expeditur per *Breve*, vel quod sola *Signatura* sufficiat, & maximè in modicis, ut expensæ vitentur.

XIII. Has expediendi formulas in Curia Romana hodie usitatas, antiquiores sint quam taxæ Cancellariæ, nescio. Hoc sat certum est, plurimis seculis Episcopum Romanum in scribendis litteris, simplici formula, ac aliis Episcopis communi usum esse, uti probant litteræ pristinarum Pontificum, quæ nobis hodie supersunt; nec aliam præter communem litterarum scribendarum formam præferunt.

Imò eas expediendi formulas in forma *Brevis*, & per *Bullas*, nec seculo xiii. notas fuisse, vel inde habetur, quod nec inter Innocentii III. litteras hæc distinctio observetur; videturque indicare Cardinalis de Luca verbis *num. 10.* relatis, eam diversam formam præcipuè invaluisse seculo xiv. unâ cum beneficiorum reservationibus, & Annatarum solutionibus.

XIV. Porro quia Brevia aliud non habent signum authenticum nisi subscriptionem Secretarii, & impressionem *Annuli Piscatoris* in rubra cera facile debili & amovibili, hinc pro certitudine expeditionis, non tantum registrantur in libris seu regestis sub fidei custodia, sed insuper minutæ seu matrices manu ipsius Papæ subscriptæ, per Secretarium pro sua indemnitate conservantur, ac etiam pro verificatione gratiæ concessæ, in Archivo Apostolico diligenter custodiuntur, illis forsitan gratis vel Brevibus exceptis, quæ conceduntur super rebus *consuetis*, modicique momenti, aded ut penè nemini negentur, unde propterea generalis commissio, seu probata fides Secretarii, ac impressio dicti annuli Piscatoris sufficientes videntur, ut ex. gr. sunt Brevia super dispensatione Interdictionum pro suscipiendis sacris Ordinibus in tribus diebus festivis, aut super dispensatione ætatis 13. mensium ad suscipiendum Ordines sacros, sive quædam species Indulgentiarum, quæ sub certa forma omnibus conceduntur; puta pro Altari Privilegiato in una die hebdomadæ, & in Octava Mortuorum, pro Indulgentia Plenaria in una tantum solemnitate totius anni alicujus Ecclesiæ, cum similibus gratiis, quæ sub certa & generali formula inalterabili, cuique petenti conceduntur: quoniam cum fraudis vel saluta-

tis timor desuper verisimiliter non cadat, idcirco superflue videntur dictæ majores diligentiae; potissimè ob hujusmodi expeditionum multiplicitem magnamque copiam, unde propterea quando desideratur aliquid speciale & alterativum formulæ consuetæ, tum dictæ diligentiae intrant, pro diversa negotiorum qualitate, diversisque stylis, quibus in his materiis deferendum est.

XV. Observatum est numeris superioribus, in Curia Romana concedi plures gratias, ac dispensationes, quæ *modici momenti* dicuntur. Quod si parvi æstimari debeant, cur tot edita fuerunt Decreta Conciliorum, quibus allaboratum fuit, ut disciplina, quæ per has dispensationes, & concessiones evertitur, stabiliretur, vel collapsa restauraretur, uti & in novissima Synodo œcumenica Tridentina quoque factum fuit?

Præterea, si hæc adeo sint *exigui momenti*, ut omnibus *indifferenter* concedantur; quid necesse fuit, ut Episcopis, quibus tanquam Apostolorum successoribus plena auctoritas dispensandi, nec non ligandi, & solvendi, vigore clavium, de jure competit, & per novem ut minus secula integra permansit, auferri debuerit, & Romano Pontifici reservari; nec non ipsos fideles ad Romanam Curiam pro illis obtinendis remittiæ impensis gravari oportuerit?

## TITULUS XXIV.

### DE INSTITUTO REGULARIUM ET EORUM ADMISSIONE.

#### CAPUT I.

De primævo Monachorum Instituto, eorum Regulis & Constitutionibus.

1. Vita Monastica è vita primorum fidelium originem accepit.
2. Probatum ex Cassiano.
3. Primi Monachismi Auctores privatam suam electionem & instinctu vitam illam assumpserunt.
4. Vita Monastica principaliter tantum spectat privatam Monachorum salutem.
5. Probatum auctoritate SS. Basilii & Hieronymi.
6. Superiorum ex tempore data præcepta erant primitivis Monachis pro Regula.
7. Probatum ex S. Augustino.
8. Veteres Patrum Regulae tantum sunt privatae Institutiones Monachis ex tempore datæ.
9. Etiam Regula S. Augustini non nisi privata instructio fuisse videtur.
10. Primis seculis vix ulla Regula litteris fuere configurata.
11. Antiquitas Regularum frequens mutatio; & plures frequenter in eodem Monasterio receptæ.
12. Primus S. Benedictus Regulas mutandi licentiam tantisper castigavit; & quâ occasione id factum.
13. Multis seculis nulla aut Episcoporum, aut Sedis Apostolicæ approbatio Regule Monastica necessaria fuit.
14. Primus approbationem Sedis Apostolicæ requisivit Innocentius III.
15. Quædam observantur circa approbationem Sedis Apostolicæ.
16. Non dicitur hodie vera Religio Monastica, quæ non proficitur Regulam ex approbatis.
17. Olim nota non erant discrimina inter Regulas Monachorum, & Ordinis Constitutiones.
18. Primum discrimen quod hodie inter Regulam & Constitutiones intercedere dicitur.

Tom. I.

19. Secundum discrimen.

20. Quâ occasione creditum est solum Pontificem posse derogare Regula.

21. Tertium discrimen cum quadam reflexione.

I. VITAM Monasticam, præcipuè Cœnobarum sive in communi viventium, originem sumpsisse è vita primorum fidelium, de quibus in Actibus Apostolorum legitur, cap. 4. v. 22. Multitudinis autem credentium erat cor unum, & anima una: nec quisquam eorum, quæ possidebat, aliquid suum esse dicebat, sed erant illis omnia communia, notavit, & pluribus expressit Cassianus.

II. Postquam enim tria Monachorum genera annotavit Collat. 18. cap. 4. deinde cap. 5. Cœnobarum originem ita describit: "Cœnobarum itaque disciplina, à tempore prædicationis Apostolicæ sumpsit exordium. Nam talis exstitit in Hierosolymis omnis illa credentium multitudo, quæ in Actibus Apostolorum ita scribitur: Multitudinis credentium erat cor unum & anima una, nec quisquam eorum, quæ possidebat, aliquid suum esse dicebat, sed erant illis omnia communia. Possessiones & substantias vendebant, & dividebant ea omnibus prout cuique opus erat." Et iterum: "Neque enim quisquam egenus erat inter illos. Quotquot enim possessores agrorum aut domorum erant, vendentes afferebant pretia eorum, quæ vendebant, & ponebant ante pedes Apostolorum. Dividebatur autem singulis prout cuique opus erat. Talis, inquam, erat tunc omnis Ecclesia, quales nunc per paucos in Cœnobiis invenire difficile est. Sed cum post Apostolorum excessum tepescere coepisset credentium multitudo, ea vel maxime, quæ ad fidem Christi de alienigenis ac diversis gentibus confluerebat, à quibus Apostoli pro ipsius fidei rudimentis ac inveterata gentilitatis consuetudine nihil amplius experebant, nisi ut ab immolatiis idolorum & fornicatione, & suffocatis & sanguine temperarent, atque ista libertas, quæ gentibus propter infirmitatem primæ credulitatis indulta est, etiam illius Ecclesiæ

G g

quæ

„ quæ Jerosolymis consistebat perfectionem paulatim  
 „ contaminare cœpisset, & crescente quotidie vel in-  
 „ digenarum numero vel advenarum, primæ illius fidei  
 „ refrigeraret fervor, non solum hi, qui ad fidem Chri-  
 „ sti confluerant, verum etiam illi, qui erant Ecclesiæ  
 „ Principes, ab illa distractione laxati sunt. Nonnulli  
 „ enim existimantes id, quod videbant gentibus pro  
 „ infirmitate concessum, sibi etiam licitum, nihil  
 „ detrimenti perpeti crediderunt, si cum substantiis ac  
 „ facultatibus suis fidem Christi confessionemque se-  
 „ querentur. Hi autem, quibus adhuc Apostolicus in-  
 „ erat fervor, memores illius pristinæ perfectionis,  
 „ discedentes à civitatibus suis, illorumque consortio,  
 „ qui sibi vel Ecclesiæ Dei remissioris vitæ negligenti-  
 „ am licitam esse credebant, in locis suburbanis ac se-  
 „ cretioribus commanere, & ea, quæ ab Apostolis per  
 „ universum corpus Ecclesiæ generaliter meminerant  
 „ instituta, privatim ac peculiariter exercere cœperunt,  
 „ atque ita coaluit ista quam diximus discipulorum, qui  
 „ se ab illorum contagio sequestraverant, disciplina.  
 „ Qui paulatim tempore procedente segregati à cre-  
 „ dentium turbis, ab eo quoddà conjugii abstinerent,  
 „ & à parentum se consortio mundique istius conver-  
 „ satione secernerent, Monachi sive Monachos singu-  
 „ laris ac solitariæ vitæ distractione nominati sunt.  
 „ Unde consequens fuit, ut ex communione consortii  
 „ Cœnobitæ, cellæque ac diversoria eorum Cœnobis  
 „ vocarentur.

III. Ex hoc Cassiani discursu non obscurum est, quoddà salutis suæ securius faciliusque agendæ deside-  
 rio succensi, privatâ ac propriâ electione & instinctu  
 secesserint, & quod hodie vocatur *Monachale* Institutum,  
 assumperint, eique originem dederint.

IV. Pater insuper, hanc secessionem Monasticam non  
 publicum & commune Ecclesiæ bonum (nisi in quan-  
 tum privatorum virtutes, & vitæ sanctitas, totam Ec-  
 clesiam exornant & juvant) sed privatam ipsorum rece-  
 dentium, seu eam vivendi normam amplectentium com-  
 modum & emolumentum, sive salutem propriam prin-  
 cipaliter spectasse; eumque in finem à primis illis Mo-  
 nachis fuisse arreptam; quod & manifestum est ex his,  
 quæ passim à Patribus de Monachis, & eorum vivendi  
 Instituto dicuntur.

V. Basilus enim, ait: „ Monachorum vitæ ratio,  
 „ unum sibi tantummodò propositum habet, *anima sa-*  
 „ *lutem*; & quidquid prodesse ad eum finem potest.

Sanctus Hieronymus de se & Vincentio Monachis  
 loquens idem asserit: „ Ob id enim & ego Antiochiam  
 „ & illæ Constantinopolim, Urbes celeberrimas reli-  
 „ quimus, non utte in populo prædicantem (alloqui-  
 „ quitur Joannem Constantinopolitanum) „ laudaremus;  
 „ sed ut in agris, & in solitudine adolescentiæ peccata  
 „ deslentes, Christi in nos misericordiam desllectere-  
 „ mus. „ Et rursus libro adversus Vigilantium, hæc  
 „ de Monachis habet: „ Monachus non Doctores, sed  
 „ *plangentis* habet officium; qui vel se, vel *mundum* lu-  
 „ geat, & Domini pavidus præstoleretur adventum; qui  
 „ sciens imbecillitatem suam, & vas fragile, quod por-  
 „ tat, timet offendere, ne impingat, corruat, atque  
 „ frangatur; unde & mulierum maximè adolescentula-  
 „ rum vitat aspectum; & in tantum castigatorem sui est, ut  
 „ etiam, quæ tuta sunt, pertimescat. „ Verbo, perle-  
 „ gantur omnes omnino Patrum Regulæ Monasticæ, vi-  
 „ debitur, in hoc unum directas, ut Monachi propriam  
 „ suam salutem, & profectum facilius securiusque, juxta  
 „ normam Evangelicam, operari queant.

VI. Hinc quidquid pro temporum, locorum, & per-  
 sonarum circumstantiis, in eum finem utilis atque op-  
 portunitus videbatur, id à Præpositis & Superioribus  
 statuebatur. Voluntas Superiorum eis pro regula erat;  
 atque Superioribus obedire prima Monachorum virtus,  
 & Monasticæ disciplinæ fundamentum.

Neque enim primis seculis Monachi certam fixamque  
 Regulam profuebantur aut promittebant; sed quidquid

ad profectum Monachorum videbatur hic & nunc con-  
 veniens, à Superioribus ordinabatur; idque Monachis  
 pro Regula erat.

VII. De Patribus Cœnobarum seu Monachorum in  
 communi viventium scribit Augustinus, *lib. 1. de Mo-*  
*ribus Ecclesiæ, cap. 31.* „ Hi Patres non solum sanctissi-  
 „ mi moribus, sed etiam divinâ doctrinâ excellentissi-  
 „ mi, omnibus rebus excelsi, nullâ superbiâ consu-  
 „ luntis, quos filios vocant, *magnâ suâ in iubendo au-*  
*toritate, magnâ illorum in obtemperando voluntate.*  
 „ Conveniunt autem diei tempore extremo de suis quib-  
 „ que habitaculis, dum adhuc jejuni sunt, ad audien-  
 „ dum illum Patrem, & conveniunt ad singulos Patres  
 „ terna, ut minimum, hominum millia: nam etiam mul-  
 „ tō numerosiores sub uno agunt. Audiunt autem in-  
 „ credibili studio, summo silentio, affectiones animo-  
 „ rum suorum, prout eos pepulerit differentis oratio,  
 „ vel gemitu, vel fletu, vel modesto, & omni clamore va-  
 „ cuo gaudio significantes.

VIII. Si quis seu Orientalium seu Occidentalium an-  
 tiquas Monachorum Regulas, quas Lucas Holstenius  
 nuper sub titulo *Codicis Regularum* evulgavit, attentius  
 expendit, non difficulter intelliget, plerasque earum  
 non esse, nisi particulares aliquibus Monachis ex tem-  
 pore aut datâ occasione datas vivendi formulas, sive  
 privatas instructiones, successu temporis aliis commu-  
 nicatas, & à pluribus tanquam disciplinæ Monasticæ  
 utiles & convenientes Regulas receptas; quod etiam  
 ipse Holstenius in præfatione ad dictum Codicem, *cap. 3,*  
 notavit.

Loquens quippe de antiquis Regulis in suo Codice  
 contentis, ait: „ Illæ à singulis, ut *præfatus usus posse-*  
*bat*, Patribus scriptæ; aliorum similia cupientium stu-  
 „ diis descriptæ in commune proponebantur, ut ex  
 „ his, quique pro locorum & nationum differentiis vi-  
 „ tam uniformi, quoad præcipua, disciplinâ tempera-  
 „ rent. Primaria sanè & quasi fundamentalis Monacho-  
 „ rum Regula Evangelium erat: illa, inquam, Christi.  
 „ consilia, quæ castrare ipsi propter regnum celo-  
 „ rum, quæ abnegare se, & crucem tollere, quæ pa-  
 „ trem & matrem, uxorem, agros propter Christum re-  
 „ linquere, quæ vendere patrimonia & dare pauperibus,  
 „ sicque nudos Christum sequi suadebant. Regulæ par-  
 „ ticulares nihil nisi ejus primæ, ac *universalis* regulæ  
 „ applicationes aut declarationes, locis & personis *ple-*  
*rumque aptatæ* habebantur.

IX. Quin & S. Augustini Regulam nunc toto orbe  
 per tot Religiosorum virorum ac sceminarum cœtus dif-  
 fusam, non nisi planè extemporaneam fuisse, quam-  
 vis in se dignissimam, scripionem, ad unius solius Par-  
 thenonis usum, in quo ipsa sancti Doctoris soror præ-  
 posita fuerat, observat R. P. Papebrochius ad vitam S.  
 Alberti, 8. Aprilis. „ Etenim, ait, neque Possidius,  
 „ qui vitam Magistri sui scripsit, neque ipse Sanctus,  
 „ Doctor, ex cujus scriptis plurima pars rerum ab eo  
 „ gestarum nobis innotescit, uspiam mentionem fecer-  
 „ re curæ impensæ sanctimonialibus per regulæ scrip-  
 „ tionem, & ipsa regula nusquam inter Augustini scrip-  
 „ ta numeratur: licet Possidius post vitam catalogum  
 „ texuerit omnium, quorum potuit notitiam consequi,  
 „ etiam singularium epistolarum, aded ut videatur pla-  
 „ nè extemporanea, quamvis in se dignissima, fuisse  
 „ scriptio; cujus, tanquam alium deinceps usum non  
 „ habituræ, exemplar servare S. Doctor neglexerit,  
 „ & tamen ex illis aliquando producta angustus quan-  
 „ tam approbationem non retulit!

Verum Pater Sebastianus à sancto Paulo Ordinis  
 beatæ Mariæ de Monte Carmelo in *exhibitione erro-*  
*rum*, quos in Actis Sanctorum per Papebrochium e-  
 vulgatis se reperisse contendit, inter alios exhibet &  
 hunc *art. 13.* „ Papebrochius cum Erasmo Rotero-  
 „ damensi, sancti Augustini regulam negat esse scrip-  
 „ tam viris.

Huic *errorum exhibitioni* responsionem apologeti-  
 cam



eam reponens Papebrochius ostendit in responso ad dictum articulum 13. non solum Erasmm Roterodamensem (uti prætendere videbatur P. Sebastianus) sed & plures alios viros doctissimos id asseruisse; quod & pluribus ibidem relatis eorum textibus evincit; una notans sancti Augustini Regulam *viris* deum aptatam fuisse per sanctum Benedictum Abbatem Monasterii Anianensis, qui seculo IX. *Concordiam Regularum* compilavit, & plures alias regulas seu instructiones primum solis fœminis datas, *viris* adaptavit; uti observat Papebrochius.

X. Itaque recte observavit Hæftenus, Disquisi. Monast. lib. 1. Tract. 1. Disquisit. 2. quod "primis seculis vix ullæ litteris consignatæ fuerint Regulæ; & ipsimet Regularum Conditores, ait, antequam eas scriberent, communi tantum traditione, consuetudine, & uls suos regebant; eratque *Superioris imperium*, instar *vivæ cujusdam Regulæ*, sicut Regula murus quidam Superior.

XI. Hinc antiquitas mutaræ passim Regulæ, & plures etiam in eodem monasterio non raro servatæ, uti de Athanensi testatur Gregorius Turonensis, lib. 10. hist. cap. 29. in quo, ait, servatas fuisse *Regulas Sancti Basilii, Cassiani, & reliquorum Abbatum*, detractis scilicet & usurpatis iis, quæ pro locorum ac temporum conditione intemptiva aut opportuna videbantur.

XII. Si viro erudito Joanni Mabillonio credimus, vagam illam Regulam mutandi licentiam primus tantisper castigavit Sanctus Benedictus, cujus discipulis susceptam semel Regulam abdicare nunquam fas fuit. Id vero inde processit, ait Mabillonius, quod cum sanctissimus Legislator primus aut certe inter primos, solemnibus professionis formam, modumque præscripserit; intra professionis terminos inclusit Regulæ suæ observationem, à qua deinceps recedere non liceat. In præfatione ad primam partem seculi IV. Benedictinorum, n. 53.

Observat vero Holltenius in citata præfatione, quod nec ipse S. Benedictus, "Regulam universalem suis ubique omnibus promulgarit; sed *peculiarem* duntaxat Cassinensi Cœnobio cui præerat: quæ inde *privata* diligentia descripta, & imitandi studio publicata est.

Quandoquidem admodum varius sit hominum genius; atque pro varietate temporum & locorum, plurima conveniant uni populo, & non alteri, pro climatis, & morum diversitate, non sine fundamento ambigi posset, num disciplina, quæ inter primos Monachos viguit, nimirum regulam & normam vivendi pro cuiusque Monasterii, & temporum ac locorum conditione moderandi & præscribendi (de qua superius) non foret convenientior, quam hodierna, quæ sub una generali Regula universum Ordinem, perdiffusas inter se Provincias diffusum immutabiliter vigore ejusdem professionis obstringit; signanter quoad ea, quæ vitæ monasticæ & trium votorum solemnium substantiam non attingunt.

XIII. Quia ergo Monachorum Regulæ à Præpositorum voluntate primum dependebant, mirum non est, si in antiquis Patrum Regulis, nec Episcoporum, neque Sedis Apostolicæ approbatio vel confirmatio appareat. (a)

XIV. Primus Innocentius III. in Concilio Lateranensi in cap. fin. *De Religiosis domibus*, decrevit, ut qui *volverit religiosam domum de novo fundare, Regulam & institutionem accipiat de APPROBATIS.*

Hoc Decreto vetitum creditur, sine auctoritate seu approbatione Sedis Apostolicæ novam Religionis Regulam condere: diciturque ipse Innocentius III. Bea-

(a) Constat tamen ineunte nono seculo Regulam Canonicorum Regularium non fuisse positam in voluntate Præpositorum; approbata illa fuit in Comitibus Imperii generalibus, anno 816. Aquisgranii habitis; eis adfuerunt Imperator, Præsules & Procures omnium Ordinum. Et in celebri illo Conventu fuit injuncta illius Regulæ observatio.

Tom. I.

to Dominico Ordinis sui confirmationem petenti respondisse, ut Regulam aliquam *approbatam* eligeret; quam & elegit, nimirum Regulam S. Augustini, quæ tum totius Ecclesiæ consensu recepta & probata erat.

XV. Verum circa hanc receptam opinionem duo sunt observanda. Primum ad veram Religionem nec hodie requiri, ut ipsa Religio sive institutum cum omnibus suis constitutionibus per Sedem Apostolicam sit approbata, vel confirmata, ut reputetur vera Religio, & in ea professi veri Religiosi, vel Religiosæ, etiam ad effectum dirimendi matrimonium, post emissum in ea votum castitatis; sed sufficere, quod emittant professionem juxta Regulam per Sedem Apostolicam expresse vel tacite approbatam, puta sanctorum Augustini, Basilii, Benedicti, Francisci, &c. sub quibus passim omnes, licet instituti admodum diversi, Ordines tam virorum quam mulierum militant, & pro veris Religiosis reputantur, tametsi aliquorum institutum nunquam per Sedem Apostolicam sciatur probatum.

Secundo notandum, quod ea Sedis Apostolicæ approbatio sive confirmatio, quæ hodie necessaria reputatur, ut vera sit Religio, & in ea professi habeantur veri Religiosi, nequaquam extulerit hodiernum Monachorum sive Regularium Institutum, vel professionem supra pristinos Monachos, quorum Regulæ auctoritate Sedis Apostolicæ, aut etiam Episcoporum non erant approbatæ; nec ista approbatio modernos Religiosos in aliam Monachorum sive Regularium speciem mutavit.

Hæc enim vel Pontificia vel Episcopalis approbatio Regulæ vel Instituti Monachalis nihil ipsi Regulæ vel Instituto addit, sed duntaxat eum in finem posterioribus seculis requiri cepit ut provideretur, ne sub prætextu novæ Religionis improba conventicula in Ecclesiam irreperant.

Hinc tandem & Principes noluerunt ad suas ditiores sine sua licentia admitti novos Ordines, aut Monasteria, ne sub titulo Religionis intrarent hominum conventicula reipublicæ suæ minus convenientia, uti infra ostendemus.

Itaque hodierni Religiosi Regulam approbatam per Sedem Apostolicam professi manent nihilominus in ordine laicorum non minus quam veteres monachi.

Similiter nec hodie per solam religiosam professionem Monachi ad Ordinem Hierarchicum magis pertinere noscuntur, quam pristini illi Monachi, qui se in simplici laicorum statu consistere existimabant, donec ab Episcopis per ordinem Clericalem & Hierarchicum ordinati essent; credebantque se per eam ordinationem in alium statum & ordinem translatos & se tunc Monachatum exuisse censebant, uti in decursu hujus operis non semel annotabitur.

XVI. Quin si quæ mulierum aut virorum hodie congregatio sit, quæ privatam sibi vivendi Regulam præscripserit, atque illam professi, vitam solitariam etiam cum emissionem trium votorum agant, nequaquam dicitur Religio; neque *vota* in illa emissâ dicuntur *vota solennia* Religionis; eo quod Regulæ & Religionis approbatio desit.

XVII. Adhæc quamdiu Monachis præcepta & ordinationes Superiorum pro Regula fuerunt, quidquid pro bono disciplinæ & vitæ Monasticæ observantia à Præpositis ordinabatur, vice Regulæ erat: neque nota erant discrimina inter Regulam Monasticam, & inter Constitutiones Ordinis, quæ postrema ætas inexit; quorum hæc præcipua à recentioribus allegantur.

XVIII. Primum desumitur à diversitate auctorum. Regulæ enim dicuntur, quæ à SS. Patribus Ordinum Fundatoribus, aut aliquibus Episcopis jam pridem præscriptæ sunt, & ipsi professionis formulæ solent sub nomine Regulæ includi. Constitutiones vero dicuntur quæ à Capitulis generalibus, aut Ordinum Congregationibus, diversis temporibus emanarunt.

G g 2

XIX.

XIX. Secundum discrimen desumitur à duratione vel perpetuitate. Regula enim vix aut ne vix quidem mutari solet: Constitutiones vero pro temporum & locorum varietate non raro mutantur. Unde S. Antoninus *parte 1. tit. 16. cap. 1. §. 4.* ex Joanne Andræa scribit, quod Regulæ mutari non possint, nisi à Summo Pontifice: Constitutiones vero mutari queant per Prælatos Religionum, qui tantæ sunt auctoritatis, quantæ fuerunt eas instituentes. Hanc S. Antonini sententiam veram esse, moderna Religiosorum Praxis evincere videtur. Passim enim Religiosi Ordines potestate mutandi suas Constitutiones sive Statuta utuntur; Regulam vero mutandi nequaquam.

XX. Quod soli Pontifici credatur esse auctoritas derogandi Regulæ, aut super ea dispensandi, ut modo assererat Sanctus Antoninus, id verisimiliter invaluit, postquam creditum fuit, nullam esse proprie dictam Religionem, nisi in qua emittitur professio juxta Regulam à Sede Apostolica approbatam.

Postquam enim receptum fuit, Regulam debere esse à Sede Apostolica approbatam, ut vera sit Religio; neque verus sit Monachus vel Religiosus, qui juxta Regulam sic approbatam professionem non emisit; consequens visum fuit, neminem præter Pontificem in Regula sic approbata posse dispensare. Ut proinde hæc inter Regulam & Constitutiones Ordinis differentia, quoad perpetuitatem, demum circa seculum XIII. invaluisse videatur, una scilicet cum opinione eam Sedis Apostolicæ confirmationem requirente, ut vera & proprie dicta Religio habeatur, atque eam professi reputentur veri & proprie dicti Religiosi.

XXI. Tertium discrimen nonnulli constituunt inter Regulam & Constitutiones; quod illa arctius & sub graviore culpa obliget, quam hæc. Et quidem apud Patres Discalceatos declaratum est (uti ex eorum Statutis refert Hæftenus loco citato *Disquisit. 3.*) Regulam, exceptis votis & Officio divino, ad culpam tantum venialem obligare. Constitutiones autem non ad culpam, sed ad pœnam impositam vel à Superiore imponendam, nisi contemptus addit, aut contrarium ejus quod statuitur, ex natura sua, aut aliunde culpa sit.

Quidquid sit, circa hoc Regulam inter & Constitutiones discrimen, illud indubitatum, neque hoc, neque præcedentia discrimina inter Regulam & Constitutiones antiquitus nota fuisse; nullumque in Canonibus aut Patrum scriptis illorum discriminum esse veltigium; sed jam pridem ipsis Monachis omnia Superiorum Statuta in pari fuisse veneratione.

## CAPUT II.

Multis seculis Ordinum Monasticorum ignota diversitas; quomodo postmodum inducta; & quomodo restricta novorum Institutio?

1. Varietas circa exteriorem disciplinam, diversitatem Ordinum primitus non faciebat.
2. Una erat Monachorum societas; & facilis de uno Monasterio ad aliud transitus.
3. Uniformitatem Monachorum durasse usque ad seculum XI, observavit Lucas Holstenius, & Christianus Lupus.
4. Primus Benedictinos ab aliorum Ordinum Monachis discrevit Tritemius; optandumque ut hodie super hac discretione quæstiones cessarent.
5. Diversitas Ordinum à S. Odone incipisse videtur.
6. Seculo XI. & sequenti multum invaluit.
7. Concilium Lateranense sub Innocentio III. novum Ordinem institui vetuit; & quare?
8. Hoc Decretum non observatum.
9. Prædictum Decretum renovavit Concilium Lugdunense sub Gregorio X.

10. Etiam post hoc Concilium nimia Religionum excrecentia.

11. Primi approbationem sui Ordinis à Sede Apostolica petierunt SS. Dominicus & Franciscus.

12. Quare requiratur approbatio Sedis Apostolicæ?

13. Approbatio novæ Religionis hodie Sedi Apostolicæ est reservata.

14. Quis hodie hujus approbationis effectus?

I. QUAMQUAM olim etiam inter Monachos pro temporum & locorum varietate, varia esset exterior aliquantulum disciplina, prout hanc illamve Monasteriorum Præpositi Monachis magis convenire judicabant; nullam tamen hæc exterior disciplinæ varietas, Ordinum diversitatem inducebat; ita nimirum ut ob eam diversi ac distincti Monachorum Ordines haberentur, sicut in uno professi libere ad alium transire non possent.

II. "Una quippe erat eorum societas (ait Mabillonius in præfatione ad primam partem seculi IV. Benedictinorum n. 52.) „facilis & promiscuus in alia „Monasteria Monachorum invicem cum Præfectorum „licentia commearus: tamen omnia separata erant; „sed una charitatis lege confederata. Primaria vitæ „Monasticæ Regula erat abdicatio rerum omnium, „tum propriorum studiorum, qualis in Evangelio præscribitur. Adhæc secessio à seculi tumultu: Officia „divina statis horis, obedientia summa, iuge silentium, labor manualis, ciborum tenuitas & delectus, „corporis castigatio, delictorum etiam levium pœnæ „graves; in summa, propriæ salutis una fere & maxima cura; pro aliena continentes ac sollicitæ preces; „pro Ecclesia etiam suscepti labores, ubi postulabat „charitas, aut necessitas. Legum-latorum omnium „Regulæ eo spectabant: & quæ ad id magis conducere videbatur, eam suscipiebant Monachi cujusque „Monasterii pro Rectorum arbitrio & voluntate apud „Occidentales seu Latinos.

III. Hanc Monachorum uniformitatem usque ad seculum XI. perdurasse observavit quoque Vir eruditus Lucas Holstenius in præfatione ad Codicem Regularum; asseritque, diversitatis Ordinum, qualis hodie inter varios Ordines præsertim Mendicantium cernitur, ne veltigia quidem sibi ante annos sexcentos apparere: „Quocumque intueor, inquit, uniformem ubique „Monachatus rationem, & facilem ac promiscuum invicem transitum, mutuumque commeatum professionum & Cœnobiorum, cerno. Orientales Monachi „quando in Occidentem venerant, cum ibi profitentibus religiosam vitam sine discrimine censebantur: vicissim Occidentales in Oriente; quod cum innumeris „exemplis demonstrari possit, unum tantum hic afferam Cassiani & Germani Gallorum Monachorum, qui „Ægypti Monasteria peragraverunt, Instituti Monastici „cognoscendi causa, & animo in patriam referendi „hauriam inde notitiam disciplinæ, in suum & populorum suorum usum, unde satis apparet existimasse ipsos unum esse in commune omnium ubique Monachorum modum & usum Religionis profitendæ.

Nullos fuisse diversos Monachorum Ordines tempore Gregorii VII. id est, sub finem seculi XI. annotavit quoque Christianus Lupus *tomo 5. Schol. pag. 279.*

IV. Et Mabillonius in citata præfatione num. 50. asserit, neminem Antiquorum, qui de Monachis scripsere, Benedictinos ab aliis usquam discrevisse ante Tritemii ætatem; id est, ante finem seculi XV.

Optandum, ut & hodie cessarent inutiles illæ alterationes, quæ de Sanctis certo Ordini vindicandis præter modum excitari, ac progredi solent: vigeretque charitas veterum Monachorum, quibus unus Ordo erat, sicque eadem societas; atque omnes invicem æquali charitate complecterentur.

V. Circa seculum X. per Sanctum Odonem Abbatem Cluniacensem, quem Flodoardus in Chronico ad annum

annum 942. *multorum restauratorem Monasteriorum, sanctæque Regulæ reparatorem* appellat, erecta fuit Cluniacensis Congregatio, propriis Ritibus adstricta Regulæ S. Benedicti. Tunc quæ priscos Ritus retinebant Monasteria, alterius Ordinis dici cœperunt, tametsi ejusdem Regulæ unionem confederata: sed exigua erat hæc diversitas.

VI. At sæculo xi. Carthusiensi, Camaldulensi, Valumbrosa, Grandimontensi, ac Cisterciensi familiis exortis, major facta Monachorum discretio, ob varias vestes aut Regulas, variosque ritus, quibus singuli utebantur. *Nigros* appellabant veteres Benedictinos; Cistercienses primum *griseos*, tum *albos* seu *candidos*. Hinc S. Bernardus in Apologia ad Guillelmum Abbatem: *Unum Ordinem professione teneo, cæteros charitate.*

Hoc vero sæculo ac sequenti ita multiplicari Religionem, totque novæ continuo exurgere cœperunt, ut ex earum multitudine & varietate confusio in Ecclesia timeretur, quin & subinde ne sub specie virtutis ac Religionis superstitio imo & hæresis ac impietas nonnunquam se intermiscerent; quemadmodum in illis qui se *Humiliatos*, aut *Pauperes de Lugduno* vocabant, compertum fuit; quos Lucius III. in cap. 9. de *Hæreticis*, in *Integra*, tanquam hæreticos damnavit.

VII. Itaque his providere volens Ecclesia, sub initium sæculi xiiii. in Concilio Lateranensi sub Innocentio III. statuit: "Ne nimia Religionum diversitas gravem in Ecclesiam Dei confusionem inducat, firmiter prohibemus, ne quis de cætero novam Religionem inveniat: sed quicumque ad Religionem converti voluerit, unam de approbatis assumat." Refertur in cap. 9. fin. de *Religiosis Domibus*.

Meminit hujus Decreti Matthæus Parisiensis ad annum 1246. scribens: "In quo Concilio (Lateranensi) post Ordines *Prædicatorum* & *Minorum* initiatos & auctorisatos, irrefragabiliter sancitum & statutum fuit, assensum Fratribus Cardinalibus, cum tota sacri Concilii Universalitate præsentibus, ne ex tunc amplius novi Ordines adinvenirentur, vel adinventi admitterentur, ne scilicet authentici ac jam recepti Ordines vilescerent, spreti & similiter damnificati.

VIII. Verum non obstante hoc Conciliari Decreto, variæ nihilominus ac novæ quotidie Religionem exoriantur, "admirantibus, imo obstupentibus (ait Matthæus Parisiensis loco citato) viris sapientibus & discretis, super tot novis Ordinibus quotidie exorientibus & emergentibus, quod spretis Beatissimi Benedicti pleni spiritu omnium Sanctorum, & magnifici Augustini disciplinis, contra Statutum Concilii sub gloriosæ memoriæ Domino Papa Innocentio III. celebrati, tot viri litterati ad inauditos ac noviter inventos Ordines subito convolarunt.

IX. Cum igitur contra Decretum Concilii Lateranensis "non solum importuna petentium inhibitiō Religionum multiplicationem extorsisset (ut loquitur Concilium Lugdunense sub Gregorio X.)", verum etiam præsumptuosa temeritas diversorum Ordinum præcipue Mendicantium (quorum nondum approbationis metuere principium), effrenatam quasi multitudinem adinvenisset: repetita Constitutione idem Concilium districtius inhibuit, (a) ne aliquis de cætero novum Ordinem aut Religionem adinveniat, vel habitum novæ Religionis assumat. Cunctas affatim (b) Religionem & Ordines Mendicantes post dictum Concilium adinventos, qui nullam confirmationem Sedis Apostolicæ meruerunt, perpetuæ prohibitioni, ait, subijcimus, & quatenus processerant, revocamus." Refertur in cap. *Unico de Religiosis domibus in VI.*

X. Ingentem numerum Religionum Mendicantium per hoc Decretum reduxisse Concilium, notat Fagnanus, "cum tamen, ait, ab eo tempore usque adeo

(a) In Textu legitur *Inhibentur*.

(b) *Assasim*, id est, *Generaliter*.

"excreverint, ut à multis viris piis Apostolicæ Sedis provilio hac in redideretur." Ad cap. *Cum sit ars de ætate & qualitate Ordinandi. num. 15.*

XI. Monet Cardinalis Bellarminus lib. 2. de *Monachis cap. 4.* ante Concilium Lateranense sub Innocentio III. Ordinis seu Religionis novæ institutionem non indignis approbatione seu confirmatione Sedis Apostolicæ; primosque fuisse SS. Dominicum & Franciscum, qui sui Ordinis confirmationem petierunt; una monens, Innocentium III. ad edendum jam dictum Decretum, permotum fuisse, ob periculum Ecclesiæ imminens, superstitionum ac rituum à Catholica & solida pietate alienorum, si cuilibet privato novam Religionem institueret liceret.

XII. Si ergo Bellarmino credimus, Sedis Apostolicæ approbatio requiritur vice testimonii, quo constat, ex iudicio Sedis Apostolicæ, novum hoc Institutum nihil à doctrina Evangelii aut Ecclesiæ dissentaneum continere.

XIII. Quidquid sit, id certum est, nullam hodie Religionem de novo institui aut admitti posse sine Sedis Apostolicæ prævia approbatione seu confirmatione, atque admissionem & institutionem novæ Religionis numerari inter causas Sedi Apostolicæ reservatas.

XIV. Declaravit insuper Bonifacius VIII. in cap. *Unico de Voto in VI.* votum Religionis demum esse *solemnem* atque ad dirimendum Matrimonium contractum efficax, *per professionem tacitam vel expressam, factam alicui de Religionibus per Sedem Apostolicam approbatis.*

"Ergo, ait Glossa, si proficitur Religionem non approbatam, si postea contrahat, tenet Matrimonium: quod verum puto (pergit Glossa) etiam si, quando profitebatur, credebatur illam approbatam.

Neque juxta modernam disciplinam, *Regulares* sive *Religiosi* dicuntur, tametsi in communi vivant & tria vota Religionis emittant, si ea non emittant in Religionem approbatam; uti observat Zypæus ad tit. de *Regularibus*. Elenchum Ordinum approbatorum habemus apud Miræum ad calcem *Codici Regularum*.

### CAPUT III.

#### De nova constructione Monasteriorum.

1. *Nova Monasteria sine consensu Episcopi loci exstrui non possunt.*
2. *Hæc disciplina bodie magis quam olim necessaria.*
3. *Eam innovavit Synodus Tridentina.*
4. *Causa cognita & auditis interesse habentibus, consensum dare debent Episcopi.*
5. *Regulares aliorum Ordinum in eodem loco existentes audiendi.*
6. *Locorum Incolæ audiendi.*
7. *Hæc conformia moribus Belgicis.*
8. *Expendendum num Incolæ sufficientes sint novis & antiquis intinendis.*
9. *Ecclesiarum Parochialium Aeditui & Pastores audiri debent.*
10. *Multiplicatio Monasteriorum nocere potest Ecclesiis Parochialibus: & quo ex capite?*
11. *Jam pridem Principis consensus expetitus.*
12. *Hic etiam bodie necessarius est.*
13. *Hujus consensus vindicias adversus Paulum V. propugnavit Venetorum Respublica.*
14. *Moribus nostris in admissione novi Conventus adjici solent variæ modificationes.*
15. *Modificatio adjecta admissioni P. P. Societatis in Galliam & Belgium, de non præjudicandis juribus Ordinariorum & Parochorum.*
16. *Hæc clausula solet in omni passim admissione addi.*
17. *Variæ modificationes adjectæ admissioni P. P. Oratorii ad Urbem Rothomagensem.*



18. *Prædictæ conditiones adjectæ per Concordata inter Parochum & Regulares in admiſſione Conventus, quoad jura Parochialia, & celebrationem Divini Officii.*
19. *Interdum modus adjectus facultati quaſtuandi, & numerus admittendorum Fratrum limitatur.*
20. *Reſtringitur facultas recipiendi temporalia eorum, qui Monasterium ingreditantur.*
21. *In omni paſſim Regularium admiſſione bujuſmodi modificationes & reſtrictiones adjectæ fuerunt.*
22. *In admiſſione novi Conventus merito examinatur, nun disciplina Regularis in Ordine illo vigeat.*
23. *Sacra Congregatio interdum ſuſpenderit receptionem Novitiorum ob collapsam diſciplinam.*
24. *Rex Gallie aliquando inſtitit, ut non admitterentur Noviti, niſi priſtina diſciplina eſſet reſtituta.*

I. " **PLACUIT** (ait Synodus Chalcedonenſis Can. 4.) " nullum quidem uſquam ædificare, aut conſtruere Monasterium, vel Oratorii domum, præter conſcientiam civitatis Episcopi. " Eſt antiquus (inquit Lupus ad dictum Canonem) atque apud Orientales in deſuetudinem abiſerat, Canon. Etenim hac Synodo dudum prior Sanctus Auguſtinus nullum in Africa Monasterium conſtituit, niſi de licentia Episcoporum. Cauſam ſcribit S. Ivo Carnot. Episcopus in litteris ad Goffredum Abbatem Vindocinenſem: *Omnis traditio Religionis novitate ac raritate vigeat & floreat; antiquitate & numeroſitate, niſi diſtrictè ligetur & ſervetur, frigefcit ac vileſcit.* Genus multiplicatio lætitiæ magnificationem quandoque ſubnervat. Quocirca non niſi ſub Episcopali oculo & examine congruit Monasteria multiplicari. (a)

II. Hæc diſciplina hiſce noſtris temporibus magis neceſſaria eſt eo titulo; quod Monachi ſive Religioſi præſertim Ordinum Mendicantium hodie amplius, quam olim hierarchicis functionibus applicentur; imo tanquam Episcoporum & Paſtorum copię auxiliares reputentur. " Ordinarios quippe eſt (ut bene advertit Zypæus, tit. de Regular. n. 35.) " in ea ſtatione quemque collocare, quam non admittendorum commoditas, qui non ſibi, ſed ovibus paſcendis opportuna quaſituri veniunt, ſed ſalus populi ab eo requirit.

III. Quapropter Canonicam hanc diſciplinam injuria temporum collapsam renovare haud dubitavit Synodus Tridentina ſeſſ. 25. de Regularibus cap. 3. ſtatuens, " Ne de cætero ulla Monasteria ſeu virorum ſeu mulierum erigantur ſine Episcopis, in cujus Diœceſi erigenda ſunt, licentia prius obſenta.

IV. Hujus ſaluberrimi Decreti executionem plures Romani Pontifices editis Conſtitutionibus uſerunt; atque inter cæteros Clemens VIII. in Conſtitutione quæ incipit, *Quoniam ad inſtitutum* 99. in Bull. Rom. Atque inſuper addit, " Locorum Ordinarios non poſſe licentiam ad novos Conventus cujuſque Ordinis Mendicantium, in civitatibus, & locis ordinariæ eorum juſriſdictioni ſubjectis erigendos impertiri, niſi vocatis & auditis aliorum in iſdem civitatibus & locis exiſtentium Conventuum Prioribus ſeu Procuratoribus, & aliis intereſſe habentibus; & cauſa ſervatis ſervandis cognita, conſtiterit, in iſdem civitatibus & locis novos hujusmodi erigendos Conventus, ſine aliorum detrimento commode ſuſtentari poſſe.

V. " Ut ita, ait Zypæus, novis admiſſionibus gratifi-

(a) Carolus Magnus juſſit ut illud Decretum executioni mandaretur, ut conſtat art. 22. Primi Capitularis, quod dedit anno 789.

Ante Caroli Magni ætatem, Concilium Agathenſe an. 506. celebratum, ſtatuerat hiſ verbis Can. 27. " Monasterium novum niſi Episcopo aut permittente aut probante, nullus incipere aut fundare præſumat. " Ea lex obſervata ſemper fuit in Galliis; ut ſuſius probatur in novis Cleri Gallicani Commentariis. Tom. 4. tit. 1. des Miniſtres de l'Egliſe qui ſont Réguliers, c. 4.

catio fieret, ut veteribus penuriam, egeſtatem & famem non ingereret.

Hanc Clementis Conſtitutionem Paulus V. anno 1618. obſervari injunxit Episcopis Belgii, litteris ad eos datis, ait Zypæus, tit. de Regularibus n. 35. eamque innovans Gregorius XV. per Bullam quæ incipit, *Cum alias* 31. in Bull. Rom. addit: " Ne de cætero ullum Monasterium aut domus cujuſcumque Ordinis aut Inſtituti de novo erigatur, niſi in eo duodecim ſaltem Fratres, aut Monachi ſeu Religioſi inhabitari valeant, ac ex redditibus, & conſuetis elemoſynis ſuſtentari valeant, ac Priores ſeu Procuratores aliorum Monasteriorum, non ſolum in prædictis, ſed etiam in aliis per quatuor millia paſſuum circumvicinis locis, ad id vocati & auditii fuerint, ac tali erectioni conſenſerint; vel alias Ordinariis locorum conſtiterit, Religioſos Monasterii vel Conventus ſic erigendi, abſque detrimento Religioſorum in Monasteriis ſeu Conventibus antea in civitatibus ſeu locis hujusmodi erectis degentium; ibi in numero duodecim commode & congrue manuteneri & alii poſſe.

VI. " Si vero novi Conventus, Domus, Congregatio vel Societas hujusmodi inſtituendæ erunt; nullo alii Regulares inibi reperiantur, Ordinarii locorum (pergit Gregorius XV.) nihilominus diligenter inquirent, an locorum Incolæ & habitatores, quorum & conſenſum requirant, ac adhibeant, hujusmodi duodecim Religioſos in Conventibus, ut præmittitur, inſtituendos, commode alere & manuteneri valeant.

Conſtitutionem Gregorii XV. de non conſtruendis novis Monasteriis ſine conſenſu Ordinarii renovavit Urbanus VIII. per Bullam, quæ incipit *Romanus Pontifex* quæ & in Belgio placetata habetur integra, Parte 3. Edit. Fland. lib. 1. Rub. 4. In hac Bulla Pontifex revocat quaſcumque licentias à Romanis Pontificibus quocumque modo obſentas citra conſenſum Ordinarii; nec non formam ibidem præſcriptam, juxta quam nova Monasteria ædificanda ſunt.

Inſinuat inſuper Urbanus idcirco cenſuiſſe revocandas licentias à ſuis prædeceſſoribus indultas, eo quod per has indulgentias Decreta Concilii Tridentini, nec non Prædeceſſorum Decreta enervarentur; imo quodammodo inutilia, & ſine effectu redderentur.

Si ſerio expendere licentiæ & indulta, quæ paſſim per Pontifices conceduntur, ſeu potius per ſub & obreptionem, vel nimiam etiam importunitatem extorquentur, appareret per ea frequenter Decreta Conciliorum, & Romanorum Pontificum enervari & quodammodo inutilia reddi.

VII. Hæc omnia & Belgicis, vicinarumque Provinciarum moribus conſona ſunt. Neque enim novi Conventus aut Domus Religioſorum, præcipue Mendicantium ſolent admitti, niſi prius auditis Conventuum, Domorum, & Congregationum Regularium, ſignanter Mendicantium præexiſtentium Superioribus aut Procuratoribus: atque inſuper Incolis loci, in quo de novo Conventus aut Domus conſtituenda eſt.

VIII. " Expendere debemus (ait Carolus Fevret, Traſt. de Abusu lib. 2. cap. 1. §. 10.) " num Conventus, quorum nova conſtructio præſentitur, ſint dotati, & utrum civitates ſint amplæ & abundantes, ut queant & novis & antiquis Conventibus ſufficere. Nam in parvis civitatibus recipere multitudinem Conventuum Fratrum Mendicantium, eſt extrahere panem è manibus pauperum, & ſuffocare avitam pietatem per novam: oportet ſanguinis extractionem attemperare viribus ægri, efficereque ne pietas in quandam degeneret inhumanitatem, mendico ſuum auferendo panem, ut alteri detur.

IX. Præter locorum Magiſtratum & Incolas, qui in Corpore, ut ajunt, congregati, novi Conventus ſeu Domus

Domus extructioni consentire debent, insuper audiendi omnes interesse habentes; uti loquitur Clemens VIII. in præcitata Constitutione.

His imprimis accensendi sunt Parochialium Ecclesiarum Rectores, & Magistri.

Ecclesie Parochiales sunt pristinae, & primitus constructae Ecclesie; ac per consequens, ait Carolus V. loco citato. §. 11. præcipue earum interest; quia populus insecutus novitate, facile abstrahitur ab ea assidue frequentatione, quam Ecclesie Parochiali tanquam matri, quæ eos per Baptismum genuit, debent. Tandem autem Parochiali Ecclesie decrevit, quantum diminuto concursu accedit aliis. Quapropter, cessante necessitatis causa, non debent novæ Ecclesie & Monasteria in præjudicium Ecclesiarum Parochialium edificari; uti post Glossam in cap. 1. de Novi operis munt. tradit Panormitanus ad cap. 1. de Edificand. Eccles.

X. Quantum Parochialibus Ecclesiis, quæ olim maxime floruerunt; & in quibus extruendis ac dorandis Fidelium avita pietas eluxit, Fratrum Mendicantium similiumque Religiosorum multiplicatio detraxerit, Parochie ubique penè dejectæ ac collapsæ sat superque testantur.

Porro hanc Parochialium Ecclesiarum collapsionem atque egestatem provenire à neglectu frequentationis; atque ex eo quod populus ad alias Ecclesias & Oratoria divertat, jam pridem advertit S. Carolus: qui ut populum ad frequentationem Ecclesiarum Parochialium incitaret, incommoda ex neglectu frequentationis profuentia recensens, inter alia dicit: "Hinc Ecclesiis Parochialibus, quæ à Majoribus tanto pietatis studio exædificatæ sunt, instaurandis, ornandis, fartis relictisque habendis cura multis ex partibus neglecta, in illisque nulla penè aut exigua Ecclesiastica, ad divina Officia obeunda, suppellex.

XI. Principis quoque consensum jam pridem expetitum fuisse, probat Epistola Pipini Regis Francorum ad S. Bonifacium Archiepiscopum Moguntium; in qua loquens de quodam Monasterio, quod Bonifacius de novo construi jussit in solitudine Buconia juxta flumen Fulde, hæc habet: "Sicut ex auctoritate sancti Petri Principis Apostolorum pro quo legatione fungeris, privilegio Sedis Apostolicæ sublimatum constat esse Monasterium, à te noviter constructum, ita etiam nostræ auctoritatis præcepto quod actum est, ratari convenit.

XII. Si modernam Belgii & vicinarum Provinciarum disciplinam spectemus, nullus novus Ordo admitti, aut novum Monasterium construi sine Principis licentia potest.

Ludovicus XIII. Rex Galliarum, edicto die 21. Novembris 1629. & 13. Decembris sequenti per Parliamentum Parisiense probato, venit, ne quodcumque Monasterium, Domus aut Conventus Regularium sive virorum sive mulierum in quocumque loco aut civitate sui Regni, etiam Ordinis jam ante recepti & admissi, construantur, sine expressa licentia Regis per litteras ab uno è Secretariis Statibus signatas, & majori Regis sigillo munitas; ut Rex judicare queat de prædicta constructione; & juxta circumstantias decernere, quibus in locis & civitatibus talis nova constructio admittenda sit pro fidei & Religionis Catholicæ argumento. (a)

Et Carolus V. in Ordinatione die 19. Octob. 1520. vetuit, in Brabantia novas Ecclesias aut Capellas edificari, sub pena edificatori infligenda, & demolitionis.

Edictum illud deinde per plura recentiora Edicta renovatum; ac nominatim, ne sine prævis litteris Regis nova Monasteria, aut Conventus extrui queant, quæ habentur part. 3. edit. Brabantia lib. 1. tit. 10. atque inter alia cap. 7. referuntur litteræ Regiæ ad Con-

(a) Id renovatum est Edicto quod Mense Augusto 1749. dedit Rex Ludovicus XV.

cilium Provinciale Namurcense, quibus significatur, quod, cum litteræ Placii Regii fuerint negatæ Monialibus Cælestinis, intentio Regis sit, ut eas jubeant recedere; bonaque ab eis acquisita in manus secularium transferantur.

Insuper scribitur mentem Regis esse, ut filia de penitentia vulgò dictæ Repentines non recipiantur in modum Congregationis, aut Conventus Religiosi, nec ulla bona habeant in communi.

XIII. Similis quoque lex jam pridem nota fuit apud plerasque gentes: legiturque, quod anno 1337. Respublica Veneta hanc stabiliverit legem: Ne vel Ecclesie, Monasteria, Hospitalia, vel aliud quidquam Venetiis ipsis sine Magistratus licentia & consensu fabricaretur; eamque legem tum 1515. tum 1561. confirmavit.

Cum autem postmodum hæc Respublica animadverteret, talem provisionem, non tantum ipsi civitati Metropoli, sed etiam cæteris suæ Ditionis Civitatibus ad mare & alibi suis necessariam fore, earumdem Rectoribus mandavit, ut nec Religiosis nec laicis erectionem Ecclesiarum, Monasteriorum, aut Hospitalium sine Superiorum consensu permitterent; sed illud omne sub pena excommunicationis, & confiscationis tum eorum ædificiorum, tum etiam ipsius fundi prohiberent.

Hæc fusius enarrat Paulus (a) Venetus in Tractatu, cui titulus: Considerationes Censurarum Pauli V. Pontificis contra Serenissimam Rempublicam Venetam, in quo solidis rationibus & auctoritatibus ostenditur, per hanc à Republica latam legem, nec libertati Ecclesiasticæ, nec auctoritati Pontificiæ ullum præjudicium generari: neque condere talem legem. esse (prout voluit Pontifex Paulus V. in litteris ad Rempublicam Venetorum.) "Exercere potestatem supra Ecclesiam, sed dominari super fundum, aream aut superficiem, super qua ædificium illud erigitur, quod etiam nemo negare potest, purum & merum seculare esse. Neque sanè (ut rectè notat idem Auctor) ullus privatus, qui Ecclesiastico fabricaturam alicujus Ecclesiæ super suo ipsius fundo recusat, dici potest, quod Ecclesiæ, vel Ecclesiastico aliquid præscribat; sed quod in proprio suo fundo, prout ipsi placet, disponat, & tantum prohibeat, ad quod à legibus non obligatur. Non enim illud Ecclesiæ dici potest, quod fabricari potest, sed quod jam ædificatum & dedicatum est. Et habet privatus quilibet dominium super fundum suum proprium; Principes verò super omnes fundos simul totius seu domini habent potestatem majorem.

Hinc Auctor hic concludit: "Quemadmodum itaque iniquum est; ædificare Ecclesiam super fundum cujusdam privati, absque illius permisso: ita etiam æquum esse non potest, in loco Principis, ubicumque libuerit, contra ipsius voluntatem tale quid moliri.

Quod argumentum ibidem fusius prosequitur; ostenditque non minus Principi, quam cuilibet privato liberum esse, suum territorium, sive fundos certis ædificiis ædificandis, etiam ad rem sacram, vel cultum divinum dicandis, negare. Extat hic Tractatus apud Melchiorum Goldastum, tom. 3. Monarchia pag. 286. cum aliis pluribus Tractatibus, hujus legis æquitatem & justitiam adstruentibus; atque inter alios, Tractatus Antonii Quirini Patritii

(a) Paulus Venetus vulgò nuncupari solet: Fr. Paolo Sarpi, celebris ob Concilii Tridentini Historiam quam conscripsit. Hic non solum in Opere cui titulus; Considerationes censurarum, &c. sed etiam in aliis scriptis, inter quæ primum obtinet locum, Tractatus de Juribus Principum vindicatis, Jura Republicæ Venetæ acerrimè propugnavit. Hujus Operis titulus novitius est, suppositusque fuit alteri, quem suo Tractatu Fr. Paolo dederat his verbis: Considerationes ad pacem animis amovendam, &c.

& Sc.

& Senatoris Veneti, qui inter alia rectè advertit, quòd finis hujus legis sit " Publica pax, & tranquillitas, quæ occasione novorum Monasteriorum facillè turbaretur; siquidem novi hominum cætus hoc modo sæpè sunt introducti, & cum iis etiam plerumque novi mores, per quos simpliciores, nobiles, & ignobiles sub vario prætextu Religionis non rarè seducuntur, ut huic, vel illi parti, cum ingenti publicæ libertatis præjudicio, & summo dissensionum periculo adhæreant. Et quis, quæso, Princeps (pergit Quirini) æquo animo ferret, ut cœtus quilibet sibi antea nec vilis, nec notus pro suo libitu in quocumque loco suæ Ditionis vellet pedem figere? Nonne prius de ejusdem conditione, propter quid scilicet jvenerit, & quid rerum agat, inquireret, aut num sibi ipsi, suisque subditis periculum, vel detrimentum aliquod asferre posset, bono jure investigaret? Sæpè enim sub pallio & tegumento Religionis res aliæ occultantur, uti benè hic Auctor reflectit, & ostendit.

Cùm verò objiceretur, mentem Pontificis non esse, loqui de omnibus Monasteriis in Republica Veneta ædificandis, sed de illis solum ædificiis, seu Monasteriis licentiam à Pontifice factam esse, quæ in locis non periculosis, aut suspectis eriguntur, respondet idem Auctor: " Necessarium esse, ut illa distinctio loci, temporis, & aliarum circumstantiarum alicui sit nota, quæ tamen cognitio nulli alii debetur, quàm Domino fundi, utpote de cujus periculo, & securitate agitur, quæ nullius alterius præjudicio debet submitti; ex quo consequitur, penes ipsum solummodo esse, permittere, aut non permittere, & licentiam dare, vel denegare, hæc vel illa ædificandi, quod unicuique legis nostræ (ait) argumentum.

XIV. Illud quoque notoriâ praxi & moribus nostris receptum est, quòd Senatus Regii in expeditione litterarum, quibus novas Religiones, aut Conventus admittunt, solent adicere varias condiciones & modificationes, prout, auditis quorum interest, & expensis privilegiis ac legibus Patriæ, Ecclesiæ & Reipublicæ expedire judicaverint.

XV. Parlamentum Parisiense admittens Bullas & Institutiones Patrum Societatis, quæ prius communicatæ fuerant Episcopo Parisiensi, Decano & Facultati Theologicæ, aliisque quorum intererat, decrevit, ut dictæ Bullæ in libris Parlamenti registrarentur, & Patres Societatis illis uti possent, iis exceptis, in quibus Bullæ illæ contrariari aut præjudicare possent legibus Regni, Libertatibus Ecclesiæ Gallicanæ, Concordatis inter Pontificem & Regem, juribus Episcopalibus & Parochialibus, in quorum præjudicium nullis Bullis, Indultis, aut Privilegiis uti possent. Hæc latius cum modificationibus ac conditionibus admissioni adjectis videri possunt relata in Actis Cleri Gallicani, tom. 1. tit. 2. cap. 14. (a)

Similiter Philippus II. admittens dictos Patres Societatis in hisce Belgicis Provinciis, litteris admissionis hanc clausulam adjecit, quòd Socii illius Societatis se non poterunt ingerere exercitio ullius rei spectantis ad Officium Pastorale, sine scitu, consensu & beneplacito tam Curatorum, quàm Episcoporum & aliorum Ordinariorum, quibus auctoritas competit.

XVI. Quin & monet Carolus Fevretius, lib. 2. de Abusu cap. 1. num. 12. prædictam clausulam admissioni Patrum Societatis adjectam, adjici generaliter omnium Regularium utriusque sexus admissioni.

XVII. Tomo 2. Libertatum Ecclesiæ Gallicanæ cap. 32. num. 8. refertur admissio Patrum Oratorii Civitatem Rothomagensis anno 1616. cui per Senatum Regium præter dictam clausulam generalem, adjectum

fuit, quòd dicti Patres, nullam publicam functionem faciant in suo Conventu aut Ecclesia diebus Dominicis & Festis solemnibus, illis horis, quibus Divinum Officium in Ecclesiis Parochialibus celebratur; ne Parochiani solita Officiorum illorum Parochialium frequentatione abstrahantur. Deinde quòd non administrabunt Sacramenta etiam Pœnitentiæ ulli illorum Parochianorum, nisi de consensu Ordinarii, vel licentia Parochorum: neque ulla Parochorum jura occupabunt: Quòdque nullus hujus Congregationis poterit disponere de suis bonis mobilibus aut immobilibus in favorem Congregationis, sive per testamentum sive inter vivos de ampliore portione, quàm uni ipsorum hæredi cedere posset, idque sub pœna nullitatis.

XVIII. Anno 1664. cùm ageretur de admissione Patrum Recollectorum S. Francisci ad oppidum & territorium de Ecclœo Diœcesis Brugensis, initum fuit concordatum inter Pastorem, Clerum, & juratos Ecclesiæ Parochialis Rectores ex una, & Patrem Provincialem nomine sui Ordinarii ex altera, partibus: desuper etiam præviè auditis & interpellatis Dominis Ballivo, Burgimagistris & Scabinis præfati oppidi; conclusumque concordatum in palatio Episcopi Brugensis 19. Januarii 1664.

In hoc Concordato inter cætera articulis 7. 8. 9. habetur: " Similiter non licebit prædictis Patribus Recollectis celebrare Missam vel quodcumque aliud Officium, nec concionari, aut Sodalitatem habere eo tempore, quo in Ecclesia Parochiali fiet vel Matutina, vel Summa Missa, Concio, Processio, Officium Vesperarum vel Laudis, uti nec Missam cantare Dominicis & Festis, nisi finitâ Concione seu Catechismo, qui pro tempore fiet in dicta Ecclesia Parochiali, neque ante horam undecimam auditam, ad quam tamen ad quadrantem antea poterunt pulsare. Concionari etiam non poterunt in sua Ecclesia tempore matutino Dominicis & Festis, nisi fortè in Festis S. Francisci, Portiunculæ & Patroni. Quodcumque ab hora octava usque ad undecimam contigerit peregrinos aut adventantes Patres celebrari aliquam Missam in Ecclesia PP. Recollectorum, non poterit ad eandem Missam præviè pulsari. Non poterunt etiam in Ecclesia PP. Recollectorum (omissâ Parochiali), celebrari solemniter Missæ Confraternitatum, Opificum, & aliæ ordinariè in Parochiali celebrari consuetæ.

Item art. 13. " Nullo modo populum directè vel indirectè divertere poterunt à supradicta Ecclesia Parochiali. sed hortabuntur ut illam diligenter frequentet, Missæ solemnibus, aliisque Officiis & Concionibus ac Catechismo ibidem intersit, proprio Pastori debitum honorem, reverentiam ac obedientiam impendat, illique ad minus semel in anno, idque circa Festum Paschæ confiteatur; si qui tamen Patribus Recollectis etiam tunc confiteri voluerint, audiri ab illis poterunt & absolvi, dato aliquo signo, per quod Pastori de illorum Confessione constare possit.

Denique art. 17. & 18. " Præterea quia ratione Communionis Paschalis sæpè oritur contentio inter Pastores & Clerum Regularem: Rustici etiam alii imperiti decipiuntur, dum putant se præcepto Ecclesiæ apud Regulares satisfacere posse, non licebit Patribus Recollectis intra quindenam Paschalem Venerabile publice in sua Ecclesia exponere, nec etiam privatim Sacram Synaxim administrare, nisi illis, quos constabit præviè in Parochia satisfecisse. Sicut nec ægrotis privatim & in occulto, neque publicè, nisi de consensu Pastoris, & eo impedito, Sacram Synaxim deferre poterunt.

Eodem Concordato plura continentur, quibus jura Parochialia, tam circa sepulturas Parochianorum, & Officia & jura funeralia, quàm Processiones conservantur, de quibus suo loco dicitur.

Cùmque super observantia hujus concordati quæstio orta

(a) Leguntur quoque in novis Commentariis Cleri Gallicani tom. 4. des Ministres de l'Eglise qui sont Réguliers. col. 592, 593. &c.



orta esset inter Pastorem dictæ civitatis & Patres Minores Recollectas, per sententiam Vicariatus Brugensis, vacante Sede Episcopali, 6. Octob. 1683. mandatum & injectum fuit dictis Patribus, ut præcisè & punctualiter præfatum ipsorum Concordatum, & contractum admissionis observent: nec non virtute illius inhiberetur ipsis, ne Missam celebrent diebus Dominicis & Festis ab octava usque ad undecimam, etiam si in Ecclesia Parochiali nullum Officium fiat; nisi casu peregrini aut adventantes eo venirent, cum illosque prævio pulsatum excipiantur.

XIX. Frequens quoque modificatio adjicitur, præsertim admissioni Ordinum Mendicantium, circa numerum Fratrum recipiendorum, vel etiam modum & limites quæstuandi; item quantitatem bonorum acquirendorum.

Sic Parlamentum Rothomagensè admittens Fratres Minores vulgò *Recollectas* Caërtorii, quæstuandi facultatem restrinxit ad ipsam civitatem ejusque suburbium. Fevret *Traët. De abusu* l. 2. c. 1.

In admissione PP. Minorum S. Francisci ad civitatem & territorium Turnhoutanum Diocesis Antverpiensis, cautum fuit, ut numerus eorum tantum 8. aut 9. esset; quoddam tantum esset eorum Conventus quasi quoddam refugium, cui duntaxat præesset *Vicarius* à Guardiano Herentalensi omnino dependens; ipsique Fratres nullatenus essent oneri ipsi Communitati, neque Ecclesiæ Parochiali in aliquo præjudicarent; quin & sua divina Officia peragere deberent in Ecclesia Parochiali; neque ipsi Capellam, multo minus Ecclesiam habere possent; sed ad summum altare *portatile* usque ad revocationem. Ut latius exprimunt Acta admissionis die 23. Januarii 1652.

Senatus Burgundiæ anno 1610. in conformitatem litterarum Regis, consensu Episcopi Cabillonensis & Magistratus ac Incolarum Civitatis, admisit Fratres Montis Carmeli ad civitatem Cabillonensem sub expressa conditione, quod *quæstuarè non possent*: ut refert Fevretius loco citato.

XX. Parlamentum Divionense admittens litteras Regias obrentas per Ursulinas Cabillonenses in Martio an. 1620. & ut in conformitatem earum construeretur Conventus Ursulinarum in dicta civitate ad instructionem & eruditionem puellarum, has condiciones adjecit; quod Conventus construi non posset in veteri civitatis parte, neque ipsæ Ursulinæ mendicare possent; quod prius quam domicilium figerent, ostenderent ipsi Magistratui Civitatis, quod haberent in capitalibus quinque millia librarum Gallicarum; non possent recipere in suum Conventum puellas habentes Patrem & Matrem, sine horum consensu; neque puellas parentibus orbatas, sine consensu Tutorum vel Curatorum: Quoddamque nulla harum puellarum habentium liberam rerum suarum dispositionem, si habeat 12. millia librarum, possit dare Conventui plusquam tria millia, & si minus quam 12. millia librarum Gallicarum in bonis habeat, nequeat dare ultra quartam partem; idque duntaxat quousque dictus Conventus fuerit constructus, & dotatus usque ad 4. millia florenorum; quo casu nihil poterunt à puellis accipere præter pensionem aliquam vitaliam morte earum extinguendam.

Ita refert Carolus Fevretius loco citato; qui testatur in particularibus casibus conformiter ad jam dictum Arrestum non semel judicatum fuisse. (a)

XXI. Si quis Regularium utriusque sexus admissiones scrutari velit, reperiet, tum in litteris Regiis, tum

(a) Jurisprudentiam, quam ea de re observant, vel observare debent Galli, aptè & eruditè demonstrant Auctores novorum Commentariorum Cleri Gallicani t. 4. c. 8. col. 1015. 1016. & col. 1570. 1571. &c.

etiam in Concordatis cum Capitulis, Magistratibus, & Parochialium Ecclesiarum Curatis & Magistris iniis, similes passim condiciones & modificationes fuisse additas; at illud experientia docet, lapsu temporis, condiciones & modificationes negligi; atque ex illo neglectu incommoda, quibus per illas restrictiones occurrere posse credebatur, plura indies oriri, in grave sæpe populi atque Ecclesiarum, præsertim Parochialium gravamen & nocumentum; adeo ut non raro fatidus esset, novorum Conventuum exstructionem non admittere, quam hujusmodi modificationibus; & conditionibus, concordatisque, futuris incommodis velle occurrere.

XXII. Adhæc in admissione novorum Conventuum merito attenditur, num in ordine illo Regularis disciplina sit integra; an verò non ita collapsa, ut nisi prius in suum primævum statum restitueretur, potius expediret numerum Conventuum atque Religiosorum diminui, quam multiplicari.

XXIII. Ita Sacra Congregatio sub Urbano VIII. die 14. Junii 1628. & die sequenti. Fratrum Minorum de observantia S. Francisci familiæ Cismontanæ consultationibus præposita, volens, quantum potest in Domino ipsorum postulatis satisfacere circa Novitios ad habitum & professionem admittendos; Sanctitate sua approbante, censuit, tunc deraum esse illis permittendum, ut Novitios recipiant, cum constiterit ex ipsorum Conventibus eos sustulisse *abusus omnes*, qui Regulæ S. Francisci observantiæ adversantur. Fagnanus ad *Cap. NIMIS PRAVA De excess. Prælat. n. 55.* subjiciens ibidem abusus, quos S. Congregatio emendatos volebat.

Meminit rursus ejusdem resolutionis idem Fagnanus ad *Cap. CUM VIRUM De Regularib. n. 50.* Additque, ab eadem Congregatione decretum fuisse, "ut Fratribus ad certum numerum decedentibus, illorum Conventus traderentur Fratribus *Reformatis* seu *strictioris* observantiæ ejusdem Ordinis, à quibus tantum reciperentur Novitii." Et in hujusmodi prohibitione multos annos perduratum est. "Et utinam, ait Fagnanus, paulò diutius perseveratum fuisset: nam ubi numerus Fratrum reformationis multum excrevisset, pauci in familia superstitibus depositi jam spe vestiendi Novitios, & majores dignitates assequendi, facile ad reformationem transissent. Atque ita nulla esset in Religione divisio, vel scissura, sed tota ad primum institutum, & Regulæ puritatem redacta fuisset. Verum fratribus reformationem pollicentibus, tandem oportuit illis ad vestiendos Novitios aditum aperire. Docuerunt enim Ordinariorum attestationibus, se adimplevisse condiciones sibi præscriptas, & legatis annuis in Curiis Episcopalibus solemniter renuntiasse. Et sic tributa fuit illis licentia vestiendi usque ad certum numerum in singulis Provinciis præfinitum. Nobis tamen quantum per modestiam R. cuit *semper reluctantibus*."

XXIV. "Memini etiam, pergit ibidem Fagnanus, Regem Christianissimum superioribus annis supplicasse S. D. N. ut in regno Gallie de cætero non vestirentur Novitii, nisi in Religionibus, in quibus *verè* servatur regularis disciplina juxta primævum institutum: quod tamen etiam sanctissimum foret, nihilominus magnopere hæsitatum est, ne prohibitio tam generalis magnos motus excitaret, ita ut diu postea sustineri non posset, cum tamen fatidus sit legem non condere, quam conditam protinus abrogare. Multo securius & fructuosius hæc præstari possent in generali Concilio, quemadmodum factum legitur in Concilio Lugdunensi sub Gregorio X. ut patet ex *Cap. UNICO. De Relig. Domibus lib. 6. Decretalium*."

## TITULUS XXV.

## DE ADMISSIONE AD RELIGIONEM, ET DE NOVITIATU.

## CAPUT I.

## Qualiter probandus admittendus ad Religionem?

1. Multum nocet disciplina Regulari præceptis & inconsiderata admissio ad Religionem.
2. Nec tantum Religionem, sed & ipsis intrantibus est nociva.
3. Quam probationem requirat Regula Benedictina?
4. Similem requirit Clemens VIII.
5. Quanto tempore & circa quæ postulans examinari debeat, priusquam ei ingressus annuatur.
6. Postulans aliquo tempore in Cella Hospitum probandus.
7. Hi probandi modi an semper adhibendi?
8. Semper diligenter probandus.

1. **Q**UI collabentis collapsæque Monasticæ disciplinæ causas propius attenderit, haud difficulter intelliget, unam e præcipuis esse, præcipientem ac improvidam ad Religionem admissionem.

Hinc quippe contingit, ut inepti, atque Religionis Monasticæ spiritu vacui, imo mundi adhuc spiritu turgidi in Monasteria irreperant, qui tum reliquos inficiant, sensimque omnem Monasticam disciplinam enervent; quin & evertant.

II. Neque ipsi Ordini duntaxat nocet hæc indiscreta & præceptis ad Religionem receptio, sed ipsis quoque ita admissis periculosa & plurimum nociva esse solet.

Dum enim sine serio examine discussioneque admittuntur, fit ut sibi ipsis haud sat cogniti, neque de vita Religiosa satis instructi, eam vivendi institutionem amplectantur, ad quam postea experiuntur, se reverà à Deo vocatos non fuisse; neque eas animi corporisque dotes & qualitates habere, quæ huic vitæ instituto ritè obeundo sunt necessariae, dum interim votorum suorum vinculis ad eam vivendi rationem restricti, in eo vitæ instituto, non raro maximo cum renitu ac salutis periculo continuare tenentur. Quæ inde anxietates, gemitus & pejora ex illis resultantia incommoda sequantur, quotidiana experientia nimium probat.

Mirum ergo videri nequaquam debet, si prima Patrum cura semper fuerit, ut super vocatione, moribus, animi corporisque dotibus ad Religionem admitti postulantium, serium examen institueretur.

III. "Noviter veniens quis ad Religionem (ait S. Benedictus cap. 58. suæ Regulæ) „non ei facile tribuatur ingressus, sed sicut ait Apostolus: *Probate spiritum si ex Deo sit.* 1. Joann. c. 4. v. 1. „ Id est, utrum spiritus, quo ad vitam religiosam amplectendam ducitur, verè ex Deo sit: utrum ad Religionem impellatur, ut Deo liberius serviat; suamque salutem securius opere- tur; an non potius alicujus temporalis commodi adipiscendi, aut incommodi evitandi motivo impellatur; nihilque humani respectus sese immisceat.

IV. Sancti Benedicti tot Monachorum Patris vestigia premens Clemens VIII. in Decretis pro Novitiorum receptione §. 32. mandat, ut „Superiores diligenter inquireant, quo spiritu, quâ mente ac voluntate id Regularis vitæ genus elegerint, quem sibi finem proposuerint, num zelo melioris frugis, ac perfectioris vitæ, & ut Deo liberius famulari possint, an potius levitate, vel humano aliquo affectu, aut inordinato animi motu ducantur. „ In Bullario Ro-

mano parte 3. pag. 128. dixerat jam ante §. 19. ipse Clemens, compertum esse, „nihil ad gravem illam ac laudatissimam priscorum Patrum vivendi rationem relaxandam, majorem vim habuisse, quàm vel nimiam in recipiendis Novitiis facilitatem supra numerum, quem capere atque alere Monasteria ipsa possent; vel negligentiam in probando & examinando eorum spiritu, an verè esset ex Deo, atque ex præcepto desiderio illi inserviendi; vel denique incuriam in eis educandis atque instituendis.

De modo & tempore, quo hoc examen institui debeat, non una fuit omnium Patrum & temporum disciplina.

V. Sanctus Benedictus post citata verba modum & tempus probationis subjungens, ait: „Ergo si veniens perseveraverit pulsans, & illatas sibi injurias & diffcultates ingressus, post quatuor aut quinque dies visus fuerit patienter portare, & persistere petitionis suæ, annuatur ei ingressus.

Primum ergo examen institui vult S. Benedictus super vocatione postulantis ingressum per illius humilitatem; ut ex illa appareat, num aliquousque in spiritu humilitatis profecerit; ac se ut reum seu poenitentem & vilem tractari & despici sustinere possit: quæ dispositio ad statum Monasticum, qui status est humiliationis & poenitentiae, cum primis necessaria est. Unde & in omnium Patrum regulis, super hoc spiritu humilitatis primum examen institui mandatur.

VI. Post hoc examen annuit quidem ei ex præscripto Regulæ Benedictinæ, ingressus; nequaquam ad Cellam Novitiorum; sed, ait Regula, *fit in cella hospitum paucis diebus.*

Hic erat quasi secundum postulantium examen. Quid verò facere deberet noviter veniens in cella hospitum, S. Benedictus non declarat; sed id ex aliorum Regulis facile eruitur.

Auctor Regulæ Tarnaensis (a) habet: „Ubi de Senioribus deputatus tam diu jubeatur advenientibus deservire, quousque devotio ejus fuerit patientiâ teste monstrata. „ Et S. Fructuosus cap. 21. „Hospitibus, sive peregrinis stramina comportabit, aquam pedibus lavandis calefaciens.

Hæc ergo in cella hospitum mora instituta videtur, ut interim in mores & actiones ipsius noviter venientis adverteretur; atque hinc major de ejus spiritu ac vocatione certitudo haberi posset. Unde S. Isidorus cap. 4. Regulæ, ait: „*Vitam enim uniuscujusque in hospitalitatis servitio tribus mensibus considerari oportet:* quibus peractis ad cæterum sanctæ Congregationis accedere. Neque enim suscipi intus quemquam convenit, nisi prius foris positus, ejus humilitas sive patientia probetur.

Verbo, hujus ac præcedentis examinis probationis scopus est, ut noviter venientium spiritus, ac vita aliquousque sit perspecta, priusquam ad Congregationem, ac intra Monasterium cum Novitiis admittantur.

VII. Proinde non sine fundamento jam pridem sustinuit Petrus Venerabilis Abbas Cluniacensis, S. Benedictum hoc suæ Regulæ præscripto, solam præcipientem ac temerariam postulantium admissionem improbare; neque vetare alicujus ad Religionem, sine hujus ritûs observantia, admissionem; si modò sat de ejus vocatione constet, & admissionem saluti ejus conducere sat appareat. Lib. 1. Epist. 28.

(a) S. Maurice d'Againe.

VIII. Quare S. Basilius multa circa examen recipiendorum differens, omnia ad unum hoc reducit; quod oporteat inquirere de præterita vita & conversatione: ne forte simulata quis mente, & fallaci animo ad Religionem accedat. In Regulis fus. disp. Interrog. 10.

His consonant Patrum Eremitarum S. Augustini Constitutiones parte 2. cap. 2. "Si quis in Ordine nostro recipi perierit, non statim annuatur ei quicumque sit ille, sed probetur spiritus ejus si ex Deo est, quia desideria dilatione crescunt: & in privatis colloquiis voluntas, mens, & intentio ipsius à Priore Conventus, vel à Magistro Novitiorum seu ab alio perfecte exploretur; quod si perseveraverit in proposito, Prior eum faciat diligenter examinari à duobus examinato-ribus ad hoc munitis deputatis. (a)

(a) Gallicana Canonorum Regul. Congregatio, quæ regnante Lud. XIII. suum habuit exordium, ad suscipiendam Novitii Vestem neminem olim admittebat, nisi eum antea tribus vel pluribus mensibus in habitu Clericali probasset. Pars. 2. constit. cap. 2. §. 12. Verum ea disciplina sensim sine sensu mutata est; post quindecim dies ab ingressu suo Candidatus veste Novitii destinata induitur; id in more positum est plurimis abhinc annis: quapropter examen Candidati peragitur, dum vitæ Religiosæ & Canonice tyrocinium ponit Novitius.

## CAPUT II.

## De Novitiatu.

1. Postulans ad Religionem satis probatus admittitur ad Cellam Novitiorum.
2. Hujus Cellæ frequens mentio in Regulis Patrum.
3. Erat separata à reliquorum Religiosorum habitaculo; & quare?
4. Separationem Novitiorum à reliquis Fratribus Professis multum urget Clemens VIII.
5. Novitiis præficiendus aliquis Senior, qui bodie dicitur Magister Novitiorum.
6. Qualis eligendus in Magistrum Novitiorum? Et circa quæ debeat esse sollicitus?
7. Quid circa Magistrum Novitiorum statuerit Clemens VIII.
8. Novitio diligenter exponenda Regula & obligationes Monasticæ.
9. Id ipsum mixte commendant Synodi Belgicæ.
10. Ex Decreto Clementis VIII. etiam Fratres Conversi de omnibus rite instruendi.
11. Novitiis persuadendum, esse vivendum secundum Regulam, non autem juxta normam vivendi multorum.
12. Quidem in suum statuerit Innocentius XII.
13. Tempus Novitii non ubique fuit uniforme.
14. Jure Decretalium poterant Abbates tempus Novitii præfixum ex causa abbreviare.
15. Ob excessus in hac abbreviatione commissos multis Decretis opus fuit; quibus Fratres Mendicantes illudebant.
16. Contra præcipientem Novitiorum Mendicantium admissionem plures editæ Decretales; & efficacissimè illi occurrit Synodus Tridentina.
17. Synodus Tridentina sequuta Regulam Benedictinam, tempus Novitii esse voluit annale.
18. Professionem ante tempus Novitii expletum declaravit absolute nullam; sustulitque Decisionem Cap. 2. & 3. De Regularibus in VI.
19. Nec renuntiatio Novitii, nec consensus Monasterii Professionem anticipatam reddere possunt validam.
20. Annus Novitii debet esse integer.
21. Requiritur annus continuus.
22. Quæ interruptio anni Novitii reddat Professionem nullam, incertum apparuit.

Tom. I.

23. An qui extra Monasterium aliqua parte anni mansit de licentia Superioris, possit valide profiteri sine novo Novitiatu.

24. Si ex speciali Statuto Ordinis prolixius quam annale tempus pro Novitiatu requiratur, huic Synodus Tridentina non derogavit; facta tamen ante tempus ex Statuto præscriptum Professio est invalida.

25. Qui anno Novitii expleto Monasterium deserit, reversus valide sine novo Novitiatu profiteri potest.

I. POSTQUAM postulans rite examinatus ac discussus sufficientia signa vocationis dedit, ad Novitiatum, juxta S. Benedicti aliorumque Patrum Regulam recipiendus est. "Postea autem sit, inquit Benedictus, in Cella Novitiorum, ubi meditetur, & manducet, & dormiat.

II. Hujus cellæ Novitiorum meminere & aliæ Patrum Regulæ. Ferreoli Regula cap. 5. de tempore probationis seu Novitii tractans, ait: "Vicini tamen Monasterio cellulam, dum prænotatum tempus observat, accipiat. Victumque quotidianum à Monasterio, si inter reliquos operetur, expectet, lectioni ante omnia & orationi dans operam.

Sæctus Fructuosus cap. 21. Regulæ, hæc habet: "Neque interna Fratrum diversoria accedet, sed delegata in exteriori curte cella perfruetur.

III. Manifestum ergo est jam pridem ex præscripto Regularum, Novitios ab aliis Fratribus fuisse separatos; "Ne (ait Hugo Menardus ad cap. 65. §. 1. Concord. Regul.) quæ in Monasterio geruntur in eorum notitiam venirent, & discedentes ea secularibus revelarent. Id etiam eorum tranquillitati maxime congruum erat; ut ab omni consortio se juncti, facilius contemplationi & vitiorum extirpationi studerent.

IV. Hanc Novitiorum à cæteris Fratribus separationem multum urget & observari præcipit Clemens VIII. in citatis Decretis §. 26. "Quod vero ad loci qualitatem uniuscujusque Novitii spectat, ait, locus hujusmodi propria clausura ab ea parte Conventus & Monasterii in qua degunt professi, segregatus sit, atque distinctus; habeatque tot ad dormiendum cellulas separatas, quot erunt numero Novitii, vel dormitorium ita capax, ut pro singulis singuli lectuli commodè sterna possint; in quo etiam cellula, vel certus ac determinatus locus pro Magistro, ejusque socio reperiat. In eo etiam præter alias communes commoditates, aprus locus adsit ad spirituales collationes seu conferentias faciendas, ac lectiones, instructionesque Magistri audiendas, & in quem hiemis tempore ad calefaciendum se igne communi recipiant. Oratorium insuper seu Capella, si commodè fieri poterit, ad Novitios in spiritualibus, præsertim in ceremoniis, Ecclesiasticisque functionibus exercendos. Hortus quoque peculiaris ad honestam recreationem, bene conclusus atque munitus adsit; sin minus, hortum cæteris Fratribus communem recreationis tempore ingrediantur. Ipsi vero Novitii ibi commorantibus, curabit Magister cum loci Superioris auctoritate, (si opus fuerit) ne inter eundem quisquam alius ingrediatur. Ad hujusmodi locum Novitii neini, ejusdem vel alterius Ordinis Regulari, etiam Conventus & Monasterii Officiali, ullo unquam tempore sub quovis prætextu aditus pateat, præterquam Magistro, ejusque Socio, ac etiam Monasterii aut Conventus Superiori, si quandocumque ingrediendum sibi necessario existimaverit; quo tamen casu aliquem semper ex senioribus Conventus vel Monasterii Patribus socium assumat. Hujus loci clausuræ clavis apud Magistrum semper asservetur, illique soli liceat ex gravi tantum causa ingressum illuc alicui permittere; si quis autem

H h 2

Novi-



„ Novitiorum quempiam alloqui voluerit, Magistro  
 „ præsente, & non aliter alloquatur,  
 V. Subjicit deinde S. Benedictus: „ Et Senior ei ta-  
 „ lis deputetur, qui aptus sit ad lucrandas animas, qui  
 „ super eum curiose omnino intendat, & sollicitus sit,  
 „ si revera Deum quærat, si sollicitus sit ad opus Dei,  
 „ ad obedientiam, ad opprobria.

Senior, cujus hic meminit Benedictus, est ille, qui  
 hodie appellatur *Magister Novitiorum*. An autem sin-  
 gulis Novitiis Seniores dandi sint, non expressit Bene-  
 dictus. „ Nec puto, ait Menardus, hanc esse mentem  
 „ S. Benedicti, qui fere sequitur *Aegyptiorum Mona-*  
 „ chorum normam, juxta quam *uni* Seniori *decem* junio-  
 „ res dantur instituendi, ut constat ex *Cassiano lib. 4.*  
*de Instit. cap. 7.* „ Quod & modernæ disciplinæ Mo-  
 „ nasticæ est conforme, quæ uni plerumque Magistro  
 „ plures Novitios committit.

VI. Requirit Benedictus, ut pro Novitiis institu-  
 endis eligatur Senior aliquis, id est, in exercitiis Monasti-  
 cis bene exercitatus, qui verbo & exemplo Novitium  
 instruere sit idoneus; qui insuper *aptus sit ad lucrandas*  
*animas*: hoc est, aptus ad imprimendum Novitio con-  
 temptum mundi, & rerum temporalium, eique inspi-  
 randum amorem rerum cælestium; nec non magnam  
 idæam eorum, quæ mundus despiciere solet.

Posthæc, qui *curiose omnino intendat, & sollicitus*  
*sit, si Novitius revera Deum quærat*: id est, num in  
 exercitiis Religionis, ac ipsa vitæ Monasticæ electione  
 unice Deum quærat: utrum nulla humana consideratio  
 se immisceat, quæ ipsum ad hoc vitæ genus eligendum  
 impellat. Denique solcite attendat, num ita Novitius  
 in omnibus se gerat, ut merito ac cum fundamento  
 judicari possit, ipsum ad Religionem à Deo esse voca-  
 tum. Quæ sæt ostendunt, quanta prudentia non carnis,  
 sed Spiritus in Magistro Novitiorum opus sit.

Merito ergo Patres Eremitæ S. Augustini decreve-  
 runt „ in Magistrum Novitiorum eligi Fratrem hone-  
 „ stum, ac *probatum*, & sui Ordinis *præcipuum Zela-*  
 „ *torem* provectæque ætatis, quantum fieri poterit, à  
 „ quo ad Dei laudem & Ordinis decorem, cum *omni*  
 „ *sanctimonia & bona doctrina* diligenter erudiantur &  
 „ instruantur.

VII. Clemens VIII. in Constitutione sua de reci-  
 piendis Novitiis, hæc de Magistro Novitiorum & ejus  
 Socio habet §. 27. „ Ipse Magister Sacerdotali Ordine  
 „ sit initiatus, ac in quinto saltem supra trigessimum  
 „ ætatis suæ anno constitutus, & per decennium à pro-  
 „ fessione emissâ in Religione perstiterit. Socius vero  
 „ trigessimum annum excedat; sintque ambo *doctrina*,  
 „ quantum per Superiorum diligentiam & vires fieri  
 „ poterit, *vitæ etiam antea actæ exemplo præstantes, ora-*  
 „ *tionis præterea & mortificationis operibus additi, pru-*  
 „ *dentia charitateque referti*, non sine affabilitate graves,  
 „ *zelum Dei* cum mansuetudine præ se ferentes, ab om-  
 „ ni cordis & animi perturbatione, ira præsertim &  
 „ indignatione, quæ in se & erga alios charitatem im-  
 „ pedire consueverunt, quam longissime alieni, & tales  
 „ demum qui in *omnibus seipso bonorum operum exem-*  
 „ *plum* præbeant, ut ii qui eorum curæ subsunt, illos  
 „ non tam metuant, quam reverentur, nec illis un-  
 „ quam detrahare quidquam possint.

VIII. Prosequitur Regula Benedictina citato *cap.*  
 58. „ Prædicentur ei omnia *dura & aspera*, per quæ  
 „ itur ad Deum. Si promiserit de stabilitatis suæ per-  
 „ severantia, post duorum mensium circulum legatur  
 „ ei hæc *Regula* per ordinem, & dicatur ei: Ecce lex  
 „ sub qua militare vis: si potes observare, ingredi-  
 „ re; si vero non potes, liber discede. Si adhuc steterit,  
 „ tunc ducatur in supra dictam cellam Novitiorum &  
 „ iterum *probetur in omni patientia*. Et post sex men-  
 „ sum circulum legatur ei *Regula*: ut sciat ad quod  
 „ ingreditur, Et si adhuc stat, post quatuor menses ire-  
 „ rum *relegatur* ei eadem *Regula*. Et si habita secum  
 „ deliberatione promiserit omnia custodire, & cuncta

„ sibi imperata servare, tunc suscipiatur in Congrega-  
 „ tione, sciens se jam sub lege *Regulæ* constitutum,  
 „ quod ei ex illa die non liceat egredi de Monasterio,  
 „ nec collum excutere de sub jugo *Regulæ*, quam sub  
 „ tam morosa deliberatione licuit, aut excusare, aut  
 „ suscipere.

Unicus in his omnibus scopus S. Benedicti fuit, ut  
 Novitius exacte de *Regula* reliquisque vitæ Monasticæ  
 exercitiis & obligationibus instruat; nihilque leviter  
 ac inconsiderate arripiat, ejusque animi ac spiritus in  
 his omnibus constantia bene probeatur.

Et quia ab hoc puncto totius disciplinæ Regularis  
 recta observantia, atque ipsorum etiam Novitiorum sa-  
 lus plerumque dependet, in ea observantiam illius non  
 tantum priscorum Patrum *Regulæ*, sed & recentiorum  
 Ordinum Constitutiones, & Synodorum Decreta urse-  
 runt.

IX. Synodus Cambracensis P.I. *Tit. de Monasteriis*  
*cap. 14.* „ Mandat omnibus Monasteriorum Superiori-  
 „ bus, ut *Regulæ* ac Statutorum Monasterii, in quo juve-  
 „ nes cupiunt profiteri, *lectio & explicatio* eisdem Novi-  
 „ tiis fiat: ne imprudenter voveant; si ipsis minus con-  
 „ stet, ad quid se per professionem obligent.

Novitiorum *diligens* institutio fiat (inquit Synodus  
 Audomarensis) „ neque solum Ecclesiæ Officium, sed &  
 „ *professionem* ipsam ac *Religionis vota & Regulam*, nec  
 „ non Monasterii Statuta doceantur, *probeque* ea intelli-  
 „ gant, ac in eis *exerceantur*, priusquam ea profiteri aut  
 „ vovere sinantur. „ *Tit. 17. cap. 4.* Idem mandat Sy-  
 „ nodus Mechl. *D. tit. 12. cap. 5.*

X. Quin præcipit Clemens VIII. in jam sæpius citata  
 Constitutione, „ ut omnes etiam *Conversi* recipiendi  
 „ de omnibus prædictis, priusquam ad habitum Regu-  
 „ larem admittantur, ab iis, quibus munus illud incum-  
 „ bit, diligenter instruantur.

XI. Verum frustranea erit, quod & passim expe-  
 rientia docet, *Regulæ*, Statutorumque prælectio; at-  
 que rigida etiam votorum explanatio, ni una persua-  
 deatur Novitiis, vivendum esse juxta præscriptum *Regu-*  
*læ* & Statutorum prout sonant; tamen si forsitan vita  
 multorum non sit conformis; neque ipsis attendendum  
 esse, quid passim alicujus Ordinis aut Monasterii Reli-  
 giosi faciant, sed quid *Regula* Statutaque præscribant;  
 & ad quid ipsa Religiosa professio Religiosos obliget.  
 Ni enim hæc Novitiis fortiter imprimantur, facile fiet,  
 ut quantumvis aspera ac difficilia in *Regula* ac Statutis  
 contineri audiant; illa credant tamen cum commoda  
 ac mundana vita componi posse; dum vident Religiosos  
 eandem *Regulam* ac Statuta professos similem vitam  
 ducere.

XII. Ut vero Novitii ac recentiores Professi haberent  
 ob oculos exactæ Regularis disciplinæ exemplar, quo  
 ipsi efficacius ad illam incitarentur, modernus Pontifex  
 Innocentius XII. ex sententia Congregationis Cardinalium  
 specialiter super reformatione Regularium insti-  
 tutæ, edito Decreto 18. Julii 1695. præcepit singulo-  
 rum Ordinum Regularium Superioribus „ ut in una-  
 „ quaque Provincia per Italiam & Insulas adjacentes,  
 „ quamprimum deputent aliquos Conventus, quos  
 „ magis aptos censuerint, vel unum saltem, ibique au-  
 „ thoritate Apostolica statuant omnimodam observan-  
 „ tiam *Regulæ*, Constitutionum uniuscujusque Ordini-  
 „ nis, & Decretorum Apostolicorum, præcipue vero  
 „ exactæ *Vitæ* Communis ad formam eorundem De-  
 „ cretorum, ab omnibus Religiosis, qui in Conventi-  
 „ bus, ubi recipiendi Novitii, & Professi educantur, non  
 „ morabuntur, omnino servandæ.

Quæ omnia, quo facilius, efficacius, & durabilius  
 ad praxim deduci valeant, in virtute S. Obedientiæ  
 eisdem Superioribus præcipitur; „ ut in supra dictis  
 „ Conventibus non collocent, nisi Religiosos graves,  
 „ devotos, exemplares, Regularis Observantiæ, & pu-  
 „ ritatis *Regulæ* studiosos, orationi præsertim, ac mor-  
 „ tificationi, sine quibus non potest Religiosa vita con-  
 „ sistere,

„sistere, addictos, quique consentiant, exacte servare  
„vitam Communem, atque inde amoveant eos om-  
„nes, qui tam Sanctæ Ordinationi contradicere, seu  
„verbis, aut factis quoquomodo sese opponere au-  
„deant.

Notandum tamen, quod ex hac separatione No-  
vitiarum à cæteris Religiosis professis natum sit contin-  
gere, quod Novitiis nimium occultentur, tum Mona-  
sticæ disciplinæ collapsio, tum multorum Religiofo-  
rum à Regulæ observantia deflexio; quæ si Novitiis ap-  
prime essent cognitæ non raro intelligerent, quam dif-  
ficile ipsis postmodum erit, in tanta disciplinæ Mona-  
sticæ deformitate ac collapsione, & inter tam defectuo-  
sos fratres, veram atque integram vitæ Monasticæ dis-  
ciplinam observare & emissis votis per omnia satisfacere.

Ex his quoque parentes, nec non adolescentum di-  
rectores intelligere possunt, sui muneris, & officii esse  
eos, quos sciunt ingressum in monasterium meditari,  
subinde de hac disciplinæ & regulæ collapsione præmo-  
nere & instruere, difficultatesque exponere, quas ob  
hanc deformationem sint habaturi, si vitam vere reli-  
giosam in his monasteriis ducere, & votis suis per om-  
nia satisfacere intendant.

XIII. Anno integro Novitium probandum esse,  
Regula Benedictina supponit. Antiquorum Monacho-  
rum, præsertim Ægyptiorum Regulæ ad triennium  
Novitiatum passim prodixerunt: quas sequutus Im-  
perator Justinianus sancivit, ut accedentes ad vitam  
Monasticam per triennium in veste laica manerent, di-  
vina addiscerent eloquia; & ut reverendissimi eorum  
Abbates requirant eos, unde eis desiderium vitæ singu-  
laris accesserit: & discerent ab eis, quod nulla maligna  
ocasio ad hoc eos adduxit, habeant eos inter eos qui  
adhuc docentur & monentur: & experimento perci-  
pian eorum tolerantiam & honestatem: *Non enim  
facilis est vita mutatio*, inquit, *sed cum animæ sit la-  
bore*. Novella 5. cap. 2.

Utriusque temporis pro Novitiarum conficiendo me-  
minit Gratianus. Et quidem *causa 17. quæst. 2. Can.*  
1. refert sub nomine Alexandri Papæ II. quod tum  
sancti Benedicti, tum sancti Gregorii Papæ constitu-  
tio Canonica interdicit, *Monachum ante unius anni pro-  
bationem effici*.

Deinde *can. 3.* sub nomine Decreti Bonifacii (sed  
quod re ipsa desumptum est, ex Novellis Justiniani,  
ut notant Correctores Romani) refert: „Si quis in-  
„cognitus monasterium ingredi voluerit, ante trien-  
„nium Monachi habitus ei non præstetur.

Ut autem has auctoritates conciliet Gratianus, ad  
calceum *Canonis 2.* subiungit: „Auctoritas illa Alexan-  
„dri secuta est institutionem beati Gregorii & beati  
„Benedicti, quæ probandis annum indulget sed tan-  
„tum *notis*, *ignotis* vero triennium concedit.

Absona plane restrictio, cujus nulla aut in regula  
sancti Benedicti, aut apud sanctum Gregorium mentio  
habetur.

Similiter nec apud Justinianum ullum inter *notos*  
& *ignotos* discrimen constituitur: sed simpliciter *trien-  
nium* probationis præscribitur. Neque in Novellis Ju-  
stiniani legitur, quemadmodum hic apud Gratianum  
in prætenso Decreto Bonifacii, *si quis incognitus*  
sed indefinite: *Si quis autem ad monasticam vitam ve-  
nire voluerit*.

Si Gratianus loca & tempora distinxisset, obvia  
fuisset conciliandi ratio: scitur enim, nec ubique nec  
semper eandem fuisse circa tempus probationis disci-  
plinam.

XIV. Verum cum tempus illud annuum aut trien-  
nale unice spectare videretur, ut & Novitii rite de vita  
Monastica essent instructi, & Monasterium de Novitio  
cepisset experimentum, nullatenus ad substantiam pro-  
fessionis pertinere visum fuit; quod multis jam pridem  
probavit Petrus Venerabilis Cluniacensis Abbas *Lit.*

1. *Epist. 28.* & evidenter supposuit Innocentius III.  
in *Cap. 16. 2. De Regularibus*, Annalem probat onem  
asserens esse Patrum institutum, Novitii pariter & Mo-  
nasterii gratia inductum; cui tamen utriusque consensu.  
Renunciari posse asserit; ideoque professionem ante ex-  
pletum probationis annum factam, validam esse: *Quia*,  
ait, *multa fieri prohibentur, quæ si facta fuerint, obti-  
nent roboris firmitatem*. Post hæc subiungit; „Prohi-  
„bendum est autem Abbatibus, ne passim ante tempus  
„probationis quoslibet ad professionem admittant.

XV. Quia tamen in potestate Abbatum manebat  
tempus probationis abbreviare, eam abbreviationem  
vel importunis precibus victi, aut aliquo humano res-  
pectu impulsu sæpius annuebant: atque inde rursus fie-  
bat, non sat probatos ad professionem admitti; ut prop-  
terea iteratis Decretis ad hunc abusum coercendum  
opus fuerit.

Sed cum „hi Canones spectare viderentur ad so-  
„lum S. Benedicti Ordinem (inquit Christianus Lupus  
tom. 3. *Schol. pag. 627.*) „novelli tunc Fratres Prædi-  
„catores & Minores pergebant sine probationis anno ad  
„professionem admittere. Admittebant etiam *inhabiles*  
„personas, atque ita suos Ecclesiæ utilissimos Ordines  
„gravabant ac vitiabant.

XVI. Plura quidem tam ab Innocentio IV. quam  
à Bonifacio VIII. contra hanc præcipitem Fratrum Men-  
dicantium ad professionem admissionem edita fuerat  
Decreta, quæ in sexto Decretalium sub titulo de Regu-  
laribus referuntur; sed eorum vel non observantiam,  
vel inefficaciam advertentes Patres Tridentini decreve-  
runt *Sess. 25. cap. 15. De Regularibus*. „Ne in quacum-  
„que Religione tam virorum quam mulierum, qui  
„minore tempore, quam per annum, post susceptum  
„habitum in probatione steterit, ad professionem ad-  
„mittatur. Professio autem facta sit nulla, nullamque  
„inducat obligationem ad alicujus Regulæ, vel Religio-  
„nis, vel Ordinis observationem, aut ad alios quos-  
„cumque effectus.

XVII. Sequuta est ergo Synodus Benedictinam Re-  
gulam, annuam probationem præscribentem. Quam  
Regulam S. Benedicti, uti recte notat Lupus loco ci-  
tato, esse *omnium Regularum Dominam semper censuit  
Apostolica Sedes*.

XVIII. Omnimodam tamen illam professionis nul-  
litatem, ad robur & firmitatem sui Decreti superaddi-  
dit Benedictinæ Regulæ Synodus: quo etiam sublata  
esse decisionem *Cap. 2. & 3. De Regularibus*. in VI. ex  
resolutione S. Congregationis annotavit Fagnanus ad  
*Cap. PERLATUM De his quæ vi metusve causa, num.*  
*20. & 30.* quatenus ibi declarabatur, quod professione  
facta durante anno probationis non obligaret quidem  
ad individuum religionem quam esset professus, sed ta-  
men professum altrageret ad aliquam religionem in  
genere: ita ut professio integrum non esset ad seculum  
reverti. At juxta Decretum Tridentinum, professio  
ante expletum annum Novitiatus emissæ, est nulla  
*nulitate absoluta*; ut ipsi professio liberum sit non obstante  
illa professione ad seculum redire.

XIX. Neque ipsius Novitii renunciatio validam red-  
dere potest professionem: quia annus ille probationis,  
ut recte notat Zypæus in *Jure novo tit. De Regulari-  
bus*, non in illius privati favorem, sed publica poli-  
tiæ causa inductus est: quæ etiam ex indiscreta & præcipiti  
ad professionem admissionem, non exigua incommoda  
sæpius experitur.

XX. Annum Novitiatus debere esse integrum; ut  
etiam defectus unius horæ professionem redderet nul-  
lam, late docet Fagnanus ad *Cap. AD NOSTRAM 2. De Regularibus*.

XXI. Annum probationis ex mente Synodi Tri-  
dentinæ, debere esse continuum seu nullatenus inter-  
ruptum, post alios resolvit Zypæus *Consul. 18. De Regu-  
laribus*. In tantum, ut si Novitius vel die uno religio-  
nem deseruerit: reversus teneatur rursus integrum an-  
num

num probationis, sub pœna nullitatis professionis, absolvere. Et duarum horarum interruptionem reddere Novitiatum nullum, resolvit S. Cong. apud Fagn. ad *Cap. Ad nostram De Regularib. num. 27.*

XXII. Contrarium tamen innuunt Constitutiones P. P. Eremitarum S. Augustini pag. 2. cap. 3. ubi statuunt: "Si aliquis Novitius infra assignatum sibi tempus probationis, aspexerit retro, si postmodum transacta die eadem suæ egressionis redire voluerit, non recipiatur, nisi ea conditione & modo, ut iterum per annum & diem debeat in probatione manere, nisi ejus vita & conversatio talis fuerit, quod videatur discretioni Prioris Provincialis misericorditer esse dispensandum." Hæc dispensandi facultas data Provinciali videtur indicare, non credidisse Statuti illius conditores, ex mente Synodi Tridentinæ annum probationis debere ita esse continuum, ut vel modica illius interruptio Novitiatum inchoatum omnino reddat invalidum. Supposita enim illa nullitate per Concilium inducta, non posset Provincialis super novo Novitiatu dispensare.

At videntur Patres illi supposuisse, modici temporis interruptionem pro interruptione non esse considerandam, nec impedire, quominus id obtineatur, ob quod requiratur annus Novitiatu continuus sive non interruptus; nimirum, ut Novitius vitæ Monasticæ austeritates omnes experiatur; quæ uno anni tempore majores esse possent, quam alio; & difficilius est, vitæ alicujus molestias per annum continuum, quam per interrupta intervalla sustinere; quæ ratio tunc duntaxat obtinere videtur, dum notabilis esset interruptio. Unde in prædicto statuto additur: "Non tamen cum eo, qui ultra mensem extra Ordinem permanferit, ullo modo dispensari debet."

Nihilominus, si Fagnano credimus, "Procuratori generali Ordinis Minimorum quærenti, an Novitius, qui à Monasterio, ut aliam Religionem ingrederetur, abierat, ac duas tantum horas in alio Conventu moram taxerat, moxque facti penitens reverfus fuerat, teneretur incipere novum annum probationis: Responsum est, teneri ab eo die quo rediit." Ad *cap. INSINUANTE* & *Qui Clerici vel Poentes*, &c. *num. 26.*

Incertum ergo aliquousque apparet, quæ interruptio Novitiatum vitiet, ipsumque Novitium ad novum Novitiatum peragendum obstringat, sub pœna nullitatis professionis secuturæ; uti etiam apparet ex auctoribus in utramque partem adductis per Barbosa in *Jure Ecclesiastico Lib. 1. cap. 42. num. 124.*

XXIII. Illud certius esse videtur, si aliquam partem Novitiatu Novitius in Monasterio peregerit, atque durante Novitiatu de mandato Superioris exierit, ac sub illius obedientia & ex rationabili causa residuo anni tempore extra Monasterium manserit; si expleto anno professionem sine alio Novitiatu emisit, professionem valere, quemadmodum resolvissè S. Congregationem testatur Fagnanus loco citato *num. 38.* eamque resolutionem multis argumentis adstruens; una tamen monens *num. 41.* id hodie non procedere in eo, qui extra Monasterium habitum Regularem assumpsisset, nec unquam per anni circulum Monasterium esset ingressus.

XXIV. Cum vero Synodus Tridentina annum probationis requiratur, ut & Novitius plene sit instructus de his quæ professio secum trahit, & Monasterium de capacitate & spiritu ipsius Novitii, nequaquam Synodus reprobare intendit Statuta aut consuetudines Religionum, quæ prolixius probationis tempus requirunt; sed illa integra ac inviolata permittit: ita tamen, ut si anno probationis expleto, at nondum evoluto ulteriori tempore per Statuta aut consuetudinem requisito, ad Professionem admittatur Novitius, professio propterea non sit invalida: eo quod Statuta tempus illud requirere non soleant sub pœna nullitatis: & ita

quoad Novitios in Societate Jesu expresse docet Barbosa loco citato *num. 137.*

XXV. Si autem integro anno Novitiatu absoluto, ante emissam Professionem Monasterium deseruerit, reversus poterit sine novo Novitiatu anno ad Professionem admitti: quia verum est, per annum integrum ac continuum in probatione fuisse: & ita respondit S. Congregatio apud Fagnanum ad *cap. PRESBYTERUM* & *De Penit. & remiss. num. 116.* nisi Religionis aut personæ conditio sit immutata; id Superiores Religionis diligenter animadvertere debent.

### CAPUT III.

De Libertate Novitii deferendi Religionem ante Professionem; & ad eam spectantibus.

1. *Ante emissam Professionem manet Novitio integra libertas redeundi ad seculum.*
2. *Novitii olim probabantur in veste laicali.*
3. *Hæc disciplina seculo XII. adhuc erat in Ordine Cisterciensi.*
4. *Hinc originem sumpsisse videtur tacita professio.*
5. *Quomodo hæc disciplina mutata?*
6. *Quare distinctus habitus Novitiorum ab habitu Professorum.*
7. *Non mutabatur habitus Novitii, ut major maneret libertas egrediendi.*
8. *Eundem in finem capilli puellarum ante Professionem non absciuntur.*
9. *Pueri à parentibus oblati hac oblatione bodie non astringuntur; secus olim.*
10. *Jure communi & ex moderna disciplina nemo ex oblatione parentum Religioni astringitur.*
11. *Æquum est, ut meditantes ingressum Religionis consulant parentes; professio tamen facta invitis parentibus est valida.*
12. *Interdum auctoritate Regia filii-familias jubentur extra Monasterium collocari, ut parentibus detur ad ipsos liber accessus.*
13. *Neque id à jure dissonum est.*
14. *Nulla renuntiatio aut obligatio à Novitio fieri potest, nisi sub certis conditionibus, ut major maneat Novitio libertas.*
15. *Etiam procedit in eo, qui meditatur ingressum.*
16. *Decretum Concilii Tridentini loquitur de omni renuntiatione, modo appareat factam esse animo ingrediendi Religionem.*
17. *Renuntiatio facta à Novitio post 10. menses probationis valet; licet professio ultra annum protrahatur.*
18. *Decretum Synodi Tridentinæ vetans donari ex bonis Novitii ipsi Monasterio.*
19. *Synodus loquitur de gratuita & ultronea donatione.*
20. *Synodus non dicit aliquid posse exigi pro expensis Novitiatu.*
21. *Nullatenus probat praxim Monasteriorum etiam opulentorum exigendi expensas Novitiatu.*
22. *Hæc praxis à multis improbat.*
23. *Est contra mentem Fundatorum.*
24. *Decretum habet locum in bonis parentum.*
25. *Etiam in Novitio qui est sui juris.*
26. *Etiam facta donatio sub cautione de restituendo.*

I. DURANTE Novitiatu, vel etiam eo finito, necdum tamen emissâ Professione, integra manet Novitio libertas Monasterium deferendi, & ad seculum redeundi *cap. 23.* & *De Regularibus.* Et in *cap. 2. eodem in VI.* Fratribus Minoribus & Prædicatoribus in virtute obedientiæ & sub pœna excommunicationis strictius inhibetur, ne aliquem intra annum probationis constitutum, ante emissam Professionem tacitam vel expressam impedire præsumant, ne ad seculum rediret,

II. Olim



II. Olim Novitii probabantur in veste laicali; neque ante emissam Professionem vestem mutabant; ut colligitur ex Regula Benedictina cap. 58. ubi præcipitur, ut post Novitiatum expletum & emissam Professionem „suscipiendus Frater in Oratorio exuatur rebus propriis, quibus vestitus est, & induatur rebus Monasterii.

Conformiter ad hanc ejus temporis disciplinam scribit S. Gregorius apud Gratianum dist. 53. can. LEGEM: milites ad Religionem divertentes, „juxta normam „Regulam debere in suo habitu per triennium probari, & tunc Monachicum habitum, Deo auctore, „suscipere.

Et in Conventibus Regum Francorum de suscipiendo ad Religionem præcipitur: „Ipse verò non tondentur, „nec pristina vestimenta immuet, priusquam obedientiam promittat.

III. Hanc disciplinam tempore S. Bernardi apud Cistercienses in usu fuisse sat aperte innuit S. Bernardus epist. 1. ad Robertum, eundem obsecrans ut meminerit, quod demum anno Novitiatus transacto, post annum sponte professus, tunc primum, seculari veste relicta, habitum Religionis susceperit.

IV. Hinc forsan successu temporis originem sumpsit tacita professio per habitus Monastici susceptionem, cujus frequens in Decretalibus Gregorii IX. mentio occurrit. Cum enim ante professionem habitus Monasticus suscipi non soleret, qui eum suscipiebat, profiteri censebatur.

V. Cum verò, uti supra notavimus, circa seculum XII. aut XIII. in pluribus Religionibus annus Novitiatus negligenter, etiam mox à receptione habitus Monastici induere cœperunt aspirantes. Hoc autem ritu sic introducto; quod scilicet habitus Monasticus mox à receptione ad Religionem traderetur, quia Novitiatus tum prætermittabatur; cum postea Pontifices & Concilia Novitiatum urserunt, nec ante illum expletum professionem emitti voluerunt, remansit consuetudo tradendi habitum Monasticum in ipsa receptione; atque ita introducta disciplina ipsum Novitiatum in habitu Monastico peragendi, quæ hodie apud omnes Regulares servatur; neque Novitiatus ante habitum susceptionem inchoatus reputatur.

VI. Porro quia eo tempore adhuc vigeat tacita professio per susceptionem habitus Professorum; ne ex susceptione vestis Monasticæ in ipso Novitiatu dubium oriretur, num professionem emisisset, decrevit Gregorius IX. cap. penult. de Regularibus; „Quod cum in locis Religiosis Novitiorum habitus non distinguatur „ab habitu Professorum: professionis tempore benedicantur vestes, quæ profitentibus conceduntur, ut „Novitiorum habitus à Professorum habitu discernatur.

VII. Quidquid sit de origine mutatae hujus discipline, causam Statuti sui (id est, ut Novitiatus in veste laicali fieret) eam S. Benedictum habuisse „crediderim (ait Hæftenius dist. monast. l. 5. tract. 2. disp. 2.) „ut libertati Novitiorum consuleretur: eoque minori „cum infamia Monasterio egredi possent, quod nunquam Monasticum habitum detulissent.

Et sanè non dubium est, quin major esset libertas Novitiis ad seculum revertendi, si Novitiatus in veste laicali etiamnum hodie perageretur. Scitur enim vulgò non nihil ignominiosum reputari, si semel susceptus Religionis habitus exuatur; eò quod per exterioris vestis religiosæ gestationem, quasi jam Monachi seu Religiosi reputati, redeunt ad seculum Monachum exuisse videantur & existimentur. Interim nec dubitandum, quin durante modernâ disciplinâ monastica peragendi Novitiatum in habitu monastico, & à laicali planè distincto minor quasi videatur Novitio egrediendi libertas, adeoque major & exactior in recipiendis ad Novitiatum cura, & morum & spiritus discussio & disquisitio merito requiratur.

VIII. Synodus P. 2. Mechliniensis tit. 24. cap. 7. libertati professionis Virginum Deo dicandarum consulens, renovansque omnia statuta ac consuetudines huic libertati contraria, inter alia prohibet, Ne quarumcumque virginum capilli ante professionem refectantur.

IX. Ob eandem libertatem, tandem posterioribus seculis data est facultas integra illis, qui ante pubertatem, id est, masculi, ante 14. & puellæ ante 12. ætatis annum à parentibus Religionem oblati, dum ad pubertatem venerint, relicta Religione, ad seculum redeundi; contra veterem disciplinam, quæ pueros à parentibus ante pubertatis annos oblatos ipsi Religioni ita obstringebat, ac si ipsi per se professionem emisissent; juxta illud Concilii Toletani IV. Can. 48. apud Gratianum Caus. 20. q. 1. Can. 3. „Monachum aut „paterna devotio, aut propria professio facit. Quid „quid horum fuerit, alligatum tenebit. „Plures in hujus discipline probationem Canones citat Gratianus, ac tandem concludit. „Ex his auctoritatibus colligitur, quod paterna professio pueros tenet obligatos; „nec licebit eis à proposito discedere, quod paternâ „devotione in puerilibus annis susceperunt. „De hac puerorum oblatione ejusque ritu & effectu latè tractat Hæftenius Dist. Monast. lib. 5. tract. 1.

X. At juxta responsum Cælestini III. datum anno 1191. & relatum in cap. 14. de Regularibus, mutatâ veteri disciplinâ, puer in minore ætate à parentibus oblatus, postquam ad annos pubertatis sive discretionis pervenit, si Monachalem habitum retinere noluerit, non est ullatenus compellendus: „quia tunc liberum „sibi erit eum dimittere, & bona paternâ, quæ ipsi ex „successione proveniunt, postulare.

Cui responso moderna Monastica disciplina est conformis; maxime cum nec ante 16. ætatis annum ullam sive virorum, sive mulierum professionem admittat; ut infra dicitur.

XI. Quamvis justum sit, ac obedientiæ & reverentiæ parentibus debitæ planè consonum, ut liberi inconsultis ac reluctantis parentibus professionem non emittant, nequaquam tamen ipsa professionis validitas à parentum dependet consensu; licitumque subinde esse potest, invitis ac reclamantibus parentibus Monasterium ingredi, & professionem emittere. Unde est illud apud Gratianum Caus. 20. q. 2. Can. 2. „Si verò in fortiori „ætate (id est ultra annos pubertatis) adolescentula „vel adolescens servire Deo elegerit, non est potestas „parentibus prohibendi.

XII. Si tamen ex circumstantiis & conjecturis sit non infundata suspicio, quod per fraudes aut minas vel alia nonnulla humana motiva ad Religionem, insciis parentibus, juvenes aut puellæ fuerint invitati & allekti, nonnunquam officio judicis, petentibus parentibus aut etiam tutoribus, Superiores compelluntur illos parentibus vel curatoribus reddere; aut saltem eos in loco aliquo à Monasterio separato collocare, ut ibidem à parentibus examinentur, atque eorum voluntas, num libera sit & recta ac firma, discutatur; quemadmodum frequenter auctoritate Senatûs Regii factum fuisse refertur Tom. 2. Libert. Eccles. Gall. cap. 33. & nuper à Consilio Sanctiori Bruxellis ordinatum fuit in causa Josephi Vande Walle Novitii apud PP. Societatis.

XIII. Neque id dissonum est à jure communi, quo statuitur, pueros ante annos pubertatis non posse invitatis parentibus aut tutoribus Religionem ingredi; & si contrâ fecerint, posse repelli, & Religiosos officio judicis compelli ad reddendum. Cap. 8. & 11. de Regularibus.

XIV. Ad eandem libertatem Monasterium deserendi, Novitio conservandam, Synodus Tridentina Sess. 25. cap. 16. de Regularibus, decrevit: „Nulla renuntiatio, aut obligatio ante professionem facta, etiam „cum juramento, vel in favorem cujuscumque causæ „piæ, valeat, nisi cum licentia Episcopi, sive ejus „Vicarii

„ Vicarii, fiat intra duos menses proximos ante professionem; ac non aliàs intelligatur effectum suum sortiri, nisi secutà professione: aliter verò facta, etiam si cum hujus favoris expressa renuntiatione, etiam jurata, sit irrita, & nullius effectus.

Renuntiatione, de qua in Decreto, non tantum complectitur renuntiationem rerum aut jurium temporalium, sed etiam renuntiationem Beneficii, quod ante ingressum ipse Novitius possidebat: adeò ut Beneficium illud nequeat validè conferri, nisi renuntiatione juxta formam hujus Decreti facta sit.

Verba enim imprimis generalia sunt, omnem renuntiationem complectentia. Ipse quoque scopus Concilii, ne scilicet per similem renuntiationem adimatur libertas Novitiis Religionem deserendi, in hac renuntiatione militat; quandoquidem dubium non sit, quin per ejusmodi renuntiationem, Novitius mediis vivendi destitutus, cogeretur quodammodo invitatus in Religionem perseverare; quapropter & S. Congregationem sapientis illa resolvisse refert Fagnanus ad cap. STATUIMUS de Regularib. num. 19. ac per consequens derogatum esse cap. 4. de Regularib. in vi. in quantum ibidem Episcopo permitti videtur, conferre Beneficium ejus, qui Religionem ingreditur, intra annum probationis, si ad id ipsius Novitii accesserit consensus.

XV. Insuper Decretum Concilii Tridentini procedere, quando renuntiatione fit quidem ante ingressum Religionis, sed tamen intuitu ingressus in Monasterium, declaravit S. Congregatio, referente Azorio, parte 2. lib. 2. cap. 20. q. 6. quia aliàs fraus fieret Decreto.

XVI. Insuper Decretum intelligi de quacumque renuntiatione, aut alienatione facta ante ingressum; modò appareat, eam, intuitu & animo ingrediendi factam, sustinet post Navarrum & alios Zypæus in Jure Novotit. de Regularib. num. 29. creditque Declarationem Cardinalium, quâ contrarium declaratum dicitur, esse accipiendam de casu, quo renuntiatione facta est in seculo, absque intuitu aut intentione ingrediendi; „ alioquin, „ ait, non id satis cum intentione Concilii & indistinctis verbis conveniet; adeòque an Declaratio authentica esset, dubitandum esset.

XVII. Porro renuntiationem sive obligationem factam à Novitio, qui decem mensibus in Novitiatu fuisset, futuram validam, si cum consensu Episcopi ejusve Vicarii facta sit, tamen Superior ex justa causa professionem ultra annum distulerit, notat ibidem Zypæus: eò quòd facta sit infra duos menses proximos temporis, quo professio legitime emitti ponisset; atque ita resolvisse S. Congregationem.

XVIII. Adhuc pro asserenda libertate Novitii deserendi Religionem, decrevit Synodus Tridentina sess. 25. cap. 16. de Regularib. „ Sed neque ante professionem, „ excepto victu & vestitu Novitii vel Novitiæ illius temporis, quo in probatione est, quocumque prætextu, à parentibus, vel propinquis, aut curatoribus ejus Monasterio aliquid ex bonis ejusdem tribuatur: ne hac occasione discedere nequeat, quòd totam vel majorem partem substantiæ suæ Monasterium possideat: nec faciliè, si discesserit, id recuperare possit.

XIX. Hoc Decreto imprimis decernitur, nihil à parentibus vel propinquis aut curatoribus ex bonis Novitii Monasterio ante emissam professionem quocumque prætextu tribui posse, etiam liberaliter seu ultro, citra ullum pactum aut conventionem cum Monasterio; excepto victu & vestitu illius temporis, quo in probatione est.

XX. Nullatenus ergo ex hoc Decreto elici potest, mentem Concilii fuisse, Monasterium posse exigere atque pacisci cum ingrediente ejusve parentibus super expensis & vestitu Novitii; nam duntaxat declarat Synodus, quòd Parentes nihil queant tribuere Monasterio ex bonis Novitii, excepto victu & vestitu Novitii vel

Novitiæ illius temporis, quo in probatione est: quod Suaresius aliique recentiores quoque annotarunt. Verum est, (ait Suaresius lib. 4. de Simonia cap. 17. num. 19.) „ Concilium Tridentinum non loqui de pacto, „ nec de modo recipiendi, id est, an possit Monasterium ita sustentationem petere, ut sine illa nolit Novitium recipere.

XXI. Hinc ulterius inferitur, nec in speciem, Tridentinum hoc loco favere hodiernæ multorum Monasteriorum, etiam admodum opulentorum praxi, exigendi ab ingredientibus eorumve parentibus ea, quæ pro victu & vestitu Novitii aut Novitiæ illius temporis, quo in probatione est, necessaria creduntur.

XXII. Unde prædicta praxis à non paucis, etiam post Concilium Tridentinum reprobata fuit. Et quidem Directorium Ecclesiasticæ disciplinæ, Colonienis præsertim Ecclesiæ accommodatum, sub initium decimi septimi seculi evulgatum auctoritate Episcopi Tricaricensis Sedis Apostolicæ per Germaniam inferiorem & Belgarum Provincias Nuntii, & à Facultate Theologica Lovaniensi probatum, relato hoc Concilii Tridentini Decreto, ait: „ Quia nec pro ipso victu aut vestitu „ Novitii aliquid ex pacto datur. Cùm enim Novitiatus „ res sit spiritualis, cui annexum est jus ad victum & „ vestitum, à Simonia abesse non potest, de his pacisci, „ vel pro jure Novitiatus acquirendo ad victum & vestitum contribuere. Si quis autem, jure Novitiatus acquisito, sumptus liberaliter refundere velit, licitè id „ facere potest, modò nullum intercedat pactum, conventio, spes, aut mutuus intellectus.

Sententiam hanc ex professo propugnat, & pluribus adducere conatur Petrus à S. Audomaro, aliàs Wallon-Capelle; Prior Monasterii Montis D. Guinoci; cujus verba retuli in dissertatione de peculiaritate & Simonia circa ingressum Religionis part. 2. cap. 5. §. 3.

XXIII. Quidquid sit de Simonia, illud indubiatum est, improbandum esse, Monasteria aliunde fundata, ab ingredientibus Religionem exigere expensas pro victu & vestitu, etiam frequenter non sine magno ac notabili Parentum incommodo, ac fidelium scandalo; quia, ut bene advertit Zypæus in Jure novo tit. de Regularib. num. 26. Monasteriorum fundationes tam pro Novitiis, quàm pro professis institutæ sunt.

Omnium quippe Fundatorum mens fuit, quam in testamento suo expressit Fundator Cluniacensis Monasterii, his verbis: „ Ut illis essent Monasteria ad perpetuum refugium, qui pauperes de seculo egressi, „ nihil secum præter bonam voluntatem attulerant, ut „ nostrum, ait, supplementum sit abundantia illorum.

Latius de hac Fundatorum intentione consule S. Augustinum conc. 3. in psal. 103. Vide citatam Dissertationem parte 2. cap. 5. §. 4.

XXIV. Ut rursus ad Decretum Concilii, à quo non nihil desleximus, redeamus, notandum, quòd Decretum quidem tantum loquatur verbis expressis de bonis Novitii aut Novitiæ; sed quia bona parentum quodammodo sunt bona liberorum, & Novitii libertas redeundi ad seculum non parum læderetur; si bona parentum alienata sciret, nec faciliè recuperari posse; merito S. Congregatio resolvit apud Fagnanum loco citato num. 55. Decretum Concilii habere locum, etiam si aliquid tribuatur non ex puellæ propriis bonis, sed parentum vel consanguineorum.

XXV. „ Et rursus oborto dubio pergit Fagnanus, „ an, si Novitius sit sui juris & non habeat parentes, „ possit in Religionis ingressu, præter victum aliquid „ donare Religioni amorè Dei, censuit non posse, ex „ verbis expressis d. cap. 16.

XXVI. Denique, teste Fagnano, resolvit eadem Congregatio, Decretum obtinere, etiam si aliquid ex bonis Novitii aut Novitiæ à Monasterio recipiatur sub nomine depositi, seu sub cautione de restituendo, professione non secutà.

## CAPUT IV.

Quomodo Novitii de bonis suis disponere possint, & debeant?

1. Novitii liberè possunt de bonis suis per testamentum disponere.
2. In hac dispositione Novitius meritò attendit ad verba Christi: Vade & vende omnia & da pauperibus.
3. Id inculcant Regulae Monasticae.
4. Regulae Patrum nequaquam interdunt Novitiis aliquid ex suis bonis Monasterio donare.
5. Quà ratione datum Monasterio censetur datum pauperibus?
6. Cavendum Religiosis, ne quem intuitu rerum temporalium ad Religionem admittant.
7. In receptione rerum temporalium Novitii cautè procedendum, ne scandalum detur.
8. Malebat S. Theresia ut pauperes, quàm divites se offerrent: & quare?
9. Quid in dispositione rerum temporalium Novitiorum observari voluerit S. Franciscus?
10. Aliqui nihil à Novitiis recipi voluerunt.
11. Cavere debent Religiosi, ne à Novitiis dispositionem in favorem Monasterii extorqueant.
12. Odiosae ac suspectae sunt donationes factae à Novitiis ipsis Monasteriis.
13. Quid in Gallia circa illas obtineat?
14. Quid in Belgio?

I. NOVITIUM ante emissam professionem liberè posse per testamentum de bonis suis disponere jam pridem expressit Iustinianus in *Novella 5. cap. 4.* neque id per Concilium Tridentinum, *sess. 25. cap. 16. de Regularibus*, mutatum esse, omnes consentiunt, & quotidianà praxi notorium est.

II. Porro in hac temporalium dispositione, oportet, ut Novitius specialiter meminerit hujus sententiae Evangelicae: *Si vis perfectus esse, vade, & vende omnia, quae habes, & da pauperibus.* Matt. 19. v. 21. Hæc enim tanquam spectatum dicta ad illos, qui vitam Monasticam amplecti volunt, Novitiis proponi Monachorum Patres desiderarunt; ut nimirum ex illis normam disponendi de rebus suis temporalibus assumerent.

III. " Si dives est, ait Regula Patrum, habens multas divitias & converti voluerit, debet primò Dei voluntatem implere, & consequi præceptum illius, præcipuè quod adolescenti diviti dicitur: *Vende omnia tua, & da pauperibus, & tolle crucem tuam, & sequere me.*

Et S. Fructuosus in Regula *cap. 4.* " Qui ingredi petunt acridus percunctentur, si fecerint illud, quod dives quondam adolescens, qui omnia, quæ in lege præcepta sunt, se implese jactabat, ad quem Dominus ait: *Si vis perfectus esse, vade & vende omnia, quæ habes, & da pauperibus, & veni, sequere me, & habebis thesaurum in celo.* Matt. 19. v. 21.

Auctor Regulae, qui vulgò *Magister* dicitur, quemque non multò post tempora Gregorii M. vixisse credit Hugo Menardus, qui & de ejus Regula dicere non dubitat: " Hæc Regula magnà cum simplicitate, fervore, & Regularis observantiae curâ procedit. " Hic, inquam, cum ostendit Religionem ingredienti convenire, ut ante omnia, rebus secularibus se privet, mox recipi postulantem alloquens, ait: " ideoque constituimus salubre consilium, ut audias vocem Domini tibi dicentem: *Vade, vende omnia, & da pauperibus, & veni, sequere me.* Quam ergo si sequi vis vocem, vade & vende, quæ habes, & omne pretium hucan- te me defer, ut, te præsentem, à me pauperibus erogetur. " Rationem deinde suggesti consilii subjicit:

Tem. I.

" Hanc ideo voluntatem Abbas ingredientibus tribuit, ut non ab introeuntibus judicetur, potius res hominum desiderare, quàm animas.

IV. Sed peret quis, num ergo Ingredientes Monasterium ita res suas pauperibus dare debent, ut numquam in favorem Monasterii disponere possint? Nequaquam: nam S. Benedictus in sua Regula expressis verbis recipiendo ad Religionem optionem dat, si quidem sit ætate major, ut res, si quas habet, aut erogat pauperibus aut conferat Monasterio.

V. Nec mirum, quia juxta mentem Patrum, qui res suas offert Monasterio, eas eum pauperibus tribuit: ut nimirum vel pauperes de seculo egressi, & nihil præter bonam voluntatem afferentes, ex iis sustententur; aut certè per ipsos Monasterii Præfectos pauperum usibus impendantur, juxta naturam ac conditionem proveniunt Monachalium; nec aliâ intentione Monasteria sibi ab Ingredientibus oblata recipere possunt. Unde citatus *Magister* postquam loco supra allegato dixisset; Novitium si noluerit sua vendere & dare pauperibus, posse ea Monasterio offerre, monendo adjungit: " Jam de ipsis rebus Ingredi, Abbas, in sua potestate mutatis, quidquid necessariae utilitati Monasterii abundare videbitur, pro animæ ipsius propter præceptum suum prædictum sequendi Dominum per elemosynam, distrahenda illa re supervacua, pretium ejus pauperibus tribuat: ut quod ille imperitus frater non meruit facere, pro illo isto quasi doctus Magister valeat adimplere.

Ad hæc *Magistri* verba reflectens Hugo Menardus: " Notanda, inquit, hominis integritas, sinceritas, similitudo & charitas. Quàm longè abest, à quorundam avaritia, aut curiositate, qui aut bona Novitiorum in arca recondunt, aut ea insanis substructionum molibus erigendis, similibusque vanitatibus impendunt, Christo in suis membris algente & esuriente.

Nequaquam ergo Patrum Regulae interdunt Novitio, aliquid Monasterio hac intentione offerre; neque illicitum Religiosis ea recipere, modò tamen caveant.

VI. Primò, ne quem recipiant amore pecuniæ, ita quod si possent illam pecuniam habere sine persona ista, non reciperent personam, sed ut habeant pecuniam, personam recipiunt: & hoc penitus impurum est & Simoniacum, ait S. Bonaventura: " Quia ibi pecunia causa est receptionis personæ, non è converso. Et hoc plerique (pergit Doctor Seraphicus) etiam ex mera inopia faciunt, oprantes aliquem venire cum pecunia, quem reciperent, ut eorum inopia repararetur, vel debita contracta solverentur, vel bona concupita emerentur, vel ædificia construerentur.

VII. Secundò, monet idem Doctor, illicitum quidem non esse, personam recipere non pro pecunia, sed cum pecunia, ita ut si nihil afferret, tamen reciperetur pro Deo; sed, ait, cautè agendum coram hominibus, ne detur eis occasio scandalii, & ne sit ibi affectus avaritiæ ex spe lucri.

VIII. Hæc omnia expendens Seraphica Mater Theresia; intelligentque quàm facili ac quasi insensibiliter aliquid ex jam dictis interveniat, dum persona, à qua temporalia, præsertim notabilia, sperantur, Religionem se præsentat; ad Confessarium suum scribit: " Pater quoniam filias nihil secum in Conventum adferentes ex solo Dei amore suscipio, inexplicabile mihi gaudium esse pro certo habeo. " *Epist. 16.*

IX. Et S. Franciscus *cap. 2. suæ Regulae* vult, " Ingressuris dicant Ministri Provinciales verbum Sancti Evangelii, quod *Vadant & vendant omnia sua, & ea studeant pauperibus erogare.* Quod si facere non potuerint, sufficit eis bona voluntas. Et caveant Fratres, & eorum Ministri, ne solliciti sint de rebus temporalibus; ut liberè faciant de rebus suis, quidquid Dominus inspiraverit eis. Si tamen consilium requiratur, licentiam habeant Ministri mittendi eos ad alios quos Deum timentes, quorum consilio bona sua pauperibus distribuunt.

I i

Hæc



Hæc Franciscus, ut omnem inordinatum affectum ac sinistram suspicionem in receptione rerum temporalium à Fratribus amoliretur.

X. Quin ut occasionem malorum, quæ tum ipsis offerentibus, tum recipientibus Fratribus imminet, efficacius removeret S. Fructuosus Episcopus Bracarensis cap. 18. *Regulæ*, statuit: " Ut nihil de facultatibus In-  
" gredientis in eundem locum, ubi ingredi se petit Mo-  
" nasterium, vel ad unum nummum recipiatur: sed &  
" ipse manu sua cuncta pauperibus eroget.

XI. Tertio, summopere cavendum Religiosis, ne dum gratanter, & ex mera offerentium liberalitate superficie tenus recipere videntur, blandimentis, variisque persuasionibus, aut falsis subinde adductis motivis, ab introeuntibus temporalia extorqueant; quo contingat, ut coactè potius extorta, quam voluntariè oblata accipiant; quod jam pridem Synodus Cabilonensis secunda acriter perstrinxit: " Constituit sanè sacer iste  
" Conventus, ut Episcopi, sive Abbates, qui non in  
" fructum animarum, sed in avaritiam, & turpe lu-  
" crum inhiantes, quoslibet homines illectos circum-  
" veniendo totonderunt, & res eorum tali persuasio-  
" ne non solum acceperunt, sed potius subripuerunt,  
" poenitentia Canonica, sive Regulari, ut putà turpis  
" lucri sectatores subjaceant.

XII. Et licet non semper ex parte Religiosorum similes inductiones interveniant, fatendum tamen, rarè donationes & oblationes, quæ fiunt à Novitiis in favorem Monasterii, procedere à libera omnino ac spontanea voluntate; sed frequenter ex timore ut minus reverentiali, atque zelo non satis discreto & prudenti; atque hac præcipuè ratione jam pridem suspectæ admodum & odiosæ fuere hujusmodi donationes & oblationes, ut latè ostendit Ludovicus Servin Advocatus in Parlamento Parisiens. *plaidoyé* 21.

XIII. Ex quidem in Gallia (ut testatur Julianus Brodeau in Notis ad Louëtium *Litt. C. n. 8.*) Regula generalis est, quod Religiosus Novitius neque professione instante, neque ante quidquam possit directè aut indirectè donare aut legare Monasterio, in quo professionem est emissurus in præjudicium suorum hæredum, sive ex propriis bonis sive acquisitis aut etiam mobilibus, tam quoad proprietatem quam usum fructum; atque ita decisum esse Edicti Aurelianensis, *art. 19.* & expressius *art. 28.* Edicti Blefensis: quemadmodum, ait, per alias Ordinationes Regias cautum est, quod pupillus nec directè nec indirectè aliquid possit dare suo tutori, pædago, aut alteri suo curatori; æger, durante suo morbo, medico, apothecario, chirurgus, aut suo custodi; discipulus suo pædago; famulus aut famula suo hero aut heræ: ed quod præsumatur, hujusmodi donationes nunquam procedere à voluntate omni ex parte planè libera, sed ex aliquo affectu reverentiali ut minùs, cum quadam violentia & metu, vel ex aliquo zelo immoderato, & liberalitate indiscreta, non condita sane prudentiæ: & ut rectè notat Balsamon in Notis ad Can. 40. Epistolæ Canonicae S. Basilii: *Eorum, qui in potestate sunt, consensus infirmi sunt.*

Senatus Regius, pergit Brodeau, conformiter ad citata Edicta sæpius judicavit, idque tam quoad donationes inter vivos, quam testamentarias factas in favorem Monasteriorum; idque tam in patria juris scripti, id est, quæ jure Civili utitur & regitur, quam in patria consuetudinaria, quæ scilicet proprio jure consuetudinario regitur, quicumque prætextus aut favor donationem comitaretur.

Plura Curia Regia Arresta ibidem notat & refert Brodeus; atque inter illa occurrunt nonnulla cum specialibus circumstantiis; quæ ostendunt, ægrè admodum admitti donationes factas à Novitiis in favorem Monasteriorum, ad exclusionem consanguineorum hæredum ab intestato. (a)

(a) Ut innoteat quod in Galliis observari debet, legantur articuli 14. 15. 16. & 17. Edict. an. 1749. Integrum extat in fine T. 1. sub litt. I.

Uterius refert, quod an. 1635. 11. Jan. editum fuerit celebre regulamentum, per quod ad instantiam Advocati Regii, vetitum fuit generaliter Superioribus Monasteriorum Monialium, recipere, aut permittere ut recipiantur ullæ pecuniæ pro admissione alicujus ad Religionem vel professionem; sed duntaxat recipere possint aliquam pensionem vitalitiam moderatam, & quæ respectu diuorum excedere nequeat summam quingentarum librarum Parisiensium; idque sub pœna nullitatis, & restitutionis ulterioris summæ; quod & aliis pluribus sententiis postmodum confirmatum fuisse testatur.

Ac rursus an. 1667. ad instantiam Advocati Regii, generalior inhibitiō facta fuit per Arrestum in modum Regulamenti emanatum à Parlamento Parisiensi, relatum in Libro cui titulus: *Journal du Palais parte 2. pag. 169.*

XIV. Similiter cum quædam nobilis puella ingressa Monasterium Urselinarum in Urbe Bruxellensi, dedisset tum donatione inter vivos, tum per testamentum Monasterio quantitatem suorum bonorum ascendentem circiter ad 36. millia florenorum, fratribus puellæ se opponentibus huic dispositioni, quæstio coram Judicibus Regiis dudum agitata, tandem 24. Decembris 1682. per sententiam Parlamenti Mechliniensis limitata & taxata fuit tam ipsa pensio Novitiatus, quam ipsa dos dictæ puellæ, & quæ inde dependent, ad summam octo millium florenorum; tamen hi ipsi Fratres puellæ consensissent, & judicassent, quod Rex posset illi, non obstante sua minorennitate, dare *veniam ætatis*, ad disponendum liberè de suis bonis; quam etiam *veniam* à Rege obtinuerat.

Rursus cum altera soror supra nominatæ puellæ ingressa esset Monasterium Urselinarum in civitate Gandensi; ac ejus mater tam pro expensis Novitiatus, quam dote promississet quatuor millia florenorum; ac postmodum ante professionem, matre mortuâ, dicta puella Monasterio donasset bona sua, quæ ascendebant circiter ad 20. millia florenorum, rursus fratres puellæ hanc donationem impugnarunt coram Consilio Flandriæ, à quo 7. Maii an. 1688. declaratum fuit, quod Moniales Urselinæ deberent esse contentæ dictis quatuor millibus florenorum; omnem ulteriorem donationem & dispositionem in favorem Monasterii indebitè & nulliter factam. A qua sententia cum esset appellatum ad Parlamentum Mechliniense, declaravit 2. Septembris 1690. malè appellatum, & bene fuisse à Consilio Flandriæ judicatum.

Hinc apparet, non tantum in Gallia, sed & Belgio hujusmodi donationes & dispositiones Novitiarum aut Novitiarum in favorem Monasterii, præsertim excessivas, esse odiosas, & multis titulis suspectas, & rescissioni ac annulationi obnoxias. (a)

(a) Ea disciplina quatenus observatur in Galliis, constat plurimis Parlamentorum Arrestis; quæ referuntur in novis Cleri Gallicani Collectionis, L. 4. col. 1018. 1019. &c.

## CAPUT V.

### De Examine Puellarum ante habitus susceptionem, & Professionem.

1. *Decretum Synodi Tridentinae circa hoc examen.*
2. *Decretum Tridentinum quando duplex examen requiratur?*
3. *An bodie duplex requiratur?*
4. *Episcopus ejusve Vicarius vocari debet ad examen Puellarum etiam in Monasteriis exemptis.*
5. *Primo examen institui vult Synodus Tridentina super voluntate & intentione Puellarum; & idè solæ examinanda.*

6. *Potest*

6. *Potest etiam examen institui extra septa Monasterii.*
7. *Inquiri debet, quo motivo Puella inducatur ad Religionem.*
8. *Inquirendum num satis deliberavit, priusquam resolverit ingredi Religionem.*
9. *Quaerendum utrum nullus metus aut violentia interveniat?*
10. *Interroganda Puella super his quæ ad vitam Religiosam spectant.*
11. *Examinator tenetur Puellæ explicare, quid vota Religionis continent, & ad quæ vita Religiosa obstringat.*
12. *Quid de hac re decreverit S. Carolus?*
13. *Episcopi solliciti sint, ut doctos & prudentes Commissarios huic examini deputent.*
14. *Debet inquiri circa conditiones Puellæ.*
15. *Item utrum Monasterium sit idoneum.*
16. *Unde desumenda idoneitas? & quomodo hic subinde monenda Puella.*
17. *S. Congregatio aliquando prohibuit recipi Puellas ad Professionem ob relaxationem disciplinæ Regularis.*
18. *Quid inquirendum circa Directores Monialium?*

I. **SYNODUS** Tridentina libertati professionis Virginum Deo dicandarum prospicere volens, statuit atque decrevit: "Ut, si puella, quæ habitum Regulæ rem suscipere voluerit, major duodecim annis sit, non ante eum suscipiat; nec postea ipsa vel alia professionem emittat, quam exploraverit Episcopus, vel, eo absente vel impedito, ejus Vicarius, aut aliquis eorum sumptibus ab eis deputatus, virginis voluntatem diligenter, an coacta, an seducta sit, an sciat, quid agat: & si voluntas ejus pia ac libera cognita fuerit, habueritque conditiones requisitas juxta Monasterii illius & Ordinis Regulam, nec non Monasterium fuerit idoneum; libere ei profiteri liceat: cujus professionis tempus ne Episcopus ignoret, teneatur Præfecta Monasterio eum ante mensē certiorē facere: quod si Præfecta certiorē Episcopum non fecerit; quamdiu Episcopo videbitur, ab officio suspensa sit." *Sess. 25. c. 17.*

II. Ex verbis Decreti sat manifestum est, non tantum ante professionem, sed etiam ante habitus susceptionem, puellam majorem annis duodecim ab Episcopo ejusve Commissario examinandam esse; & ita sæpius à S. Congregatione decisum esse refert post Piascium, Zerolam aliosque, Fagnanus ad *cap. CUM VIRUM de Regularib.* Et ita mandat fieri Synodus P. II. Mechliniensis *tit. 24. c. 7.* Unde & duplex extat formula examinis, juxta quam in hac Mechliniensi Diocesi Commissarius Episcopi puellam, tum ante susceptionem habitus, tum ante professionem interrogare debet.

III. Credit quidem Diana, uti refert Zypæus, consuetudine obtentum, ut unicum in professione sufficiat, non tamen, ait Zypæus, illa est ubique uniformis: sed magis reverentes Canonum Sacrorum, utrumque examen observant. „ In Jure Novo *Tit. De Regularib.*

IV. Utrumque examen etiam requirit Synodus P. II. Cameracensis *tit. 20. cap. 20.* additque: *Etiam si Monasterium sit exemptum;* quod non tantum S. Congregatio sæpius declaravit, sed etiam quotidiana & notoria praxis confirmat, juxta quam Commissarius Episcopi solet vocari ad examinandas puellas professuras in Monasteriis etiam *exemptis*, & quæ Regularium directioni & jurisdictioni subsumt.

Examen circa tria potissimum institui vult Synodus Tridentina.

V. Primum quidem circa libertatem ac piam voluntatem puellæ habitum susceptræ, aut professionem emissuræ.

Hunc in finem vult Synodus P. II. Mechliniensis, *Tom. I.*

ut Episcopus ejusve Commissarius, non aliter puellas examinet, quam eas solas esse certo cognoscat: ut hoc pacto major sit puellæ, omnia quæ in corde habet, eloquendi libertas.

VI. Quin addit S. Carolus in Synodo P. Mediolanensi V. " Quod si causa sit, probabilisve Episcopi judicij suspicio, quamobrem potius esse censuerit, ut etiam è septis Monasterii puella egrediatur, & ut alio loco ejus voluntas perquiratur, tunc vel in Ecclesiam Monasterii exteriorem, vel in aliam proximam, prout commodius, decentiusve fieri viderit, illam perducere jubeat.

Itaque Episcopi judicio permissum credidit S. Carolus, ut eo loco puellam examinet, quo pro indaganda ac assequenda ejus sincera voluntate ac intentione opportunius judicaverit.

VII. Pro assequenda facilius recta ac pia puellæ in assumenda vita Religiosa intentione & voluntate, merito ante omnia examen instituitur circa motivum, quo inducta fuit ad hunc statum; ubi prudens ac sagax Commissarius per interrogationes ac responsiones facile deprehender, num humana consideratio sese non nimis immisceat.

VIII. Deinde inquirer, à quo tempore ceperit hanc resolutionem; exponendo, quam periculosum sit, hujusmodi statum stabilem ac perpetuum præcipiti resolutione arripere, ideoque ulterius serio interrogabit, an saltem super negotio tanti momenti mature deliberaverit, & consilium cum proprio Confessario, aut alia persona gravi ceperit. Hic merito advertet Commissarius num Confessarius, aut persona, cui consilium communicavit, non habeat interesse, ut persona Religionem ingrediatur; aut sit satis doctus & prudens, qui sanum consilium det; de quo indubie per Commissarium puella monenda ac instruenda est.

IX. Diligenter ac summa cum sagacitate exploranda, num nulus metus, saltem reverentialis ex parte parentum aut consanguineorum, ut minus indirecte vel oblique interveniat: quod eo diligentius inquirendum, quo circumstantiæ magis aut minus metum hunc insinuant: v. g. quod sit familia quidem illustis, aut juxta vulgi existimationem notabilis, sed multis proliis gravata, nec sufficiens, quæ omnibus proliis honeste secundum mundi existimationem in statu Matrimoniali provideat.

X. Uterius interroganda puella, an sciat quid agat, & ad quæ per Religionis professionem sit obliganda; an Regulam & statuta ac austeritates Religionis expenderit. An expenderit, quid sit vovere perpetuam castitatem, paupertatem, obedientiam, (a) claustrum, &c.

XI. Hæc sunt præcipua puncta præscripta in formula examinandi Novitias ante professionem & susceptionem habitus Regularis in hac Provincia Mechliniensi, quæ tamen parum ad dignoscendam voluntatem ac vocationem Novitiæ valebunt, nisi ipsæ Commissarius non tantum probe sciat quid contineant, & ad quid obligent tria vota Religionis juxta mentem Patrum & Regulæ; sed etiam sciat ea breviter & perspicue Novitiæ explicare, atque ostendere, quod non sufficiat, vota ac Regulam, quam vovere intendit, observare prout in nonnullis relaxatis Monasteriis observatur; sed vota esse exsolvenda, prout vere coram Deo sonant, & Regula præscribit.

XII. Hinc S. Carolus in prima sua Synodo Provinciali vult, ut Commissarius Episcopi " Novitiæ demonstrat, quam gravis ea res sit, quamve multas res tria illa Religionis vota requirant, ut vinculi vim intelligat, quo se obstringi vult.

XIII. Ex quibus patet, quam Episcopi solliciti esse debeant, ut prudentes ac experti doctique Commissarii

(a) Id quidem conforme est Edicto Blesensi, quod ab Henrico III. datum est an. 1579. confirmatum fuit in Declaratione Regia 10. Feb. 1742.

ad hoc examen deputentur; ne alias saluberrimum hoc Concilii Tridentini Decretum inane plane reddatur; nihilque exinde proveniat, nisi aliquis nummus aut munusculum in commodum Archi-Presbyterorum aut aliorum Commissariorum.

XIV. Secundo, inquiri vult Synodus Tridentina, num puella habeat conditiones requisitas juxta Monasterii illius & Ordinis Regulam: quod indubie tam de conditionibus corporis, quam animæ intelligendum est: idque non tantum ut sustineat Regulam, prout forsitan in Monasterio à relaxatis aliquibus servatur, sed prout ea juxta normam professionis servanda est.

XV. Tertio, ex præscripto Synodi Tridentinæ inquirendum à Commissario Episcopi, an Monasterium sit idoneum; hoc est, tale sit, in quo ea sit Regularis disciplina, ut merito sperari queat, quod in illo ipsa puella vota sua exacte exsolvet, & vitam Religiosam sine saluti discrimine agere queat.

XVI. Quid enim si Episcopus ejusve Commissarius intelligat, omnes aut pleraque Moniales in illo Monasterio peculia possidere, atque vitio proprietatis infici, aliave vitia & Regularis disciplinae relaxationes ibidem inolevisse; nonne merito judicabit, Monasterium il-

lud esse *inidoneum*, in quo ipsa puella secure vota sua exsolvat, & vitam Religiosam agat? adeoque puellam jure merito monebit, ut attendat, an inter Moniales & Sorores à Regula sua recedentes poterit ipsa Regulam inviolatam observare.

XVII. Sic legimus apud Fagnanum ad cap. MONACHII & de Statu monach. quod S. Congregatio Cardinalium in pluribus Monasteriis Monialium, in quibus ex relatione Episcoporum intellexerat non servari vitam communem, inhibuerit receptionem puellarum ad professionem; periculosum existimans profiteri in Monasterio, in quo Moniales omnes essent proprietariae.

XVIII. Quidni quoque Episcopus ejusve Commissarius praesertim in Monasteriis exemptis attendat ad Confessarios & Directores spirituales ipsius Monasterii? Quis enim nescit, quod ab idoneitate aut inidoneitate illorum pro magna parte dependeat bonum vel malum regimen Monialium; quodque graves molestias experiantur, si malos aut saltem parum idoneos Directores fortiantur: ut merito etiam de hoc puncto puella moneatur; ubi serio expendat, num difficultates, quae hoc ex capite non raro oriuntur, sustinere poterit; ac sufficienter ponderaverit.

## TITULUS XXVII.

### DE SIMONIA CIRCA INGRESSUM RELIGIONIS.

#### CAPUT I.

Est Simonia aliquid exigere pro sustentatione Professuri, dum Monasterium est sufficiens.

1. *Disciplinam Monasticam multum enervat temeraria & præceps ad Religionem admissio.*
2. *Ne hoc fiat cavenda est omnis temporalis lucri ex admissione cupiditas.*
3. *Connexio hujus materiae cum precedenti.*
4. *Aliquem admittere ad Religionem amore pecuniae Simoniacum est.*
5. *Pro admissione ad Religionem pecuniam accipere est aequè Simoniacum, ac eam exigere ad Canoniciatum.*
6. *Simoniacum est exigere pecuniam pro sustentatione Professuri, quando Monasterium est sufficiens.*
7. *Eadem ratione qua illicitum est vendere Præbendam annexam Canoniciatui, etiam illicitum est vendere jus sustentationis, quando Monasterium est sufficiens.*
8. *Jus sustentationis annexum est admissioni ad professionem.*
9. *Primo, ex intentione Fundatorum.*
10. *Secundo, ex mente Ecclesiae.*
11. *Admissus ad professionem etiam consequitur jus ad sustentationem.*
12. *Nihil potest accipi pro jure sustentationis, quin una censeatur acceptum pro admissione ad professionem.*
13. *Probatur ex Gratiano.*
14. *Dum quis gratis admissus est ad Religionem, nihil potest accipi titulo sustentationis.*
15. *Proponitur novus titulus, quo aliqui exactiones dotium à Simonia vindicare volunt.*
16. *Primum argumentum quo tituli illius infirmitas ostenditur.*
17. *Secundum argumentum.*
18. *Tertium argumentum.*
19. *Quartum argumentum.*
20. *Quintum argumentum.*

I. **N**ihil esse quod ipsam disciplinam Monasticam, ipsamque Religionem ita natum sit enervare, imo pessumdare ac totaliter corrumpere, quam indiscretam ac præcipitem ad Religionem non satis probatorum admissionem, titulo præcedenti notatum fuit: ac una ostensum, nihil adeo à Monachorum Patribus & Ecclesiae Prælati inculcatum, quam Postulantium atque Novitiorum sedulam probationem, & diligens circa mores & vocationem illorum examen.

II. Ut vero justum de vocatione & idoneitate Postulantium ac Novitiorum formetur judicium, summo opere cavendum, ne judicium per spem aliquam lucri vel commodi temporalis ex admissione Postulantis aut Novitii consequendi corrumpatur; atque hinc contingat, ut non tam morum integritas ac vocationis signa in ipso Postulante expendantur, quam commodum temporale quod ex ejus admissione speratur: Nam uti in simili notat S. Gregorius, amor pecuniae facit, ut nulla de actu probatio, nulla sollicitudo de moribus, nulla de vita discussio; sed solummodo dignus, qui dare pretium suffecerit, æstimetur, *Lib. 7. epist. 111.*

III. Præquam ergo de ipsa Religiosa professione agam, prius de Simonia, ex ipsa pecuniae cupiditate seu avaritia profluente, agendum credidi; quam vel eo titulo studiose cavendam in admissione ad Religionem, & Ecclesiae Canones & Monachorum Regulæ ac Constitutiones inculcant, quod per eam contingat, ineptiores non raro ad Religionem admitti, & capaciores excludi.

IV. Amore pecuniae alicui Religionis ingressum annuere, cui ille negatus fuisset, si pecunia sine illa persona haberi potuisset; ita ut consequenter persona ad Religionem admittatur propter pecuniam, Simoniacum esse cum S. Bonaventura tradunt Theologi & Canonistæ.

„Frequenter contingit (ait S. Bonavent. in Libello Apol. qu. 18.) „ut personam recipiant amore pecuniae, „ita, quod si possent illam pecuniam habere sine persona ista, non reciperent personam; sed ut habeant „pecuniam, personam recipiunt, & hoc penitus impurum est & Simoniacum: quia ibi pecunia causa est „recep-



„receptionis personae, & non è converso. Ubi ergo recipitur persona propter pecuniam, Simonia est, quia ibi venditur spirituale, id est, consortium spiritualis societatis pro temporali, scilicet pro pecunia.

V. Imo si pro ingressu Religionis, seu admissione ad consortium spiritualis Societatis, sive vitae Monasticæ, pecunia exigatur, æque expeditum est apud omnes, Simoniam committi à Religiosis exigentibus; non secus atque à Canonicis exigentibus pecuniam pro admissione alicujus ad Canonicatum sive consortium spiritualis Societatis Canonialis.

VI. Illud quoque expeditum est, quod sicuti Patronus aut Collator Canonicatus est Simoniacus, atque ipsum Canonicatum vendere censetur, si pecuniam non quidem directe & principaliter exigat pro Canonicatu, sed pro Præbenda temporali, seu jure recipiendi temporalia emolumenta Canonicatui annexa, ita quoque Simoniam committi à Monasteriis opulentis seu sufficienter dotatis, si à Postulantibus admitti ad Religionem exigant pecuniam, non quidem directe & principaliter pro ipso ingressu sed pro sustentatione live alimentione, quam ei post professionem, tanquam uni de communitate Monasterium subministrare tenentur.

VII. Ratio enim ob quam Patronus sive Collator Canonicatus per hujusmodi exactionem fiat Simoniacus, hæc est, quod Præbenda seu jus percipiendi temporalia sit ita annexum Canonicatui, ut Canonicatu obtento necessario illud sequatur; adeoque Canonicatu gratis obtento, etiam una obtineatur jus percipiendi temporalia, tanquam ipsi Canonicatui inseparabiliter ex constitutione Ecclesiæ & mente Fundatorum annexum: ita ut de similibus sibi mutuo eo modo annexis, & se concomitantibus, recte dixerit S. Thomas 2. 2. quæst. 100. art. 4. *Rebus istis venditis, etiam spiritualia venditioni subijci.* Quia, teste Paschali II. in can. 7. caus. 1. q. 3. *Quisquis horum alterum vendit, sine quo nec alterum provenit, neutrum invenditum derelinquit.*

VIII. Porro jus ad sustentationem non minus annexum esse admissioni ad Religionem, sive Professionem Religiosam non minus tribuere jus ad alimentionem ex proventibus Monasterii ipsi Professo, quam admissioni ad Canonicatum tribuit jus ad Præbendam temporalem Canonicatui annexam; ipsa conditio proventuum Monasticorum, sive mens Fundatorum, sive ipsius Ecclesiæ præscripta attendantur, evincit.

IX. Ea enim est, & semper fuit Fundatorum ac dotantium Monasteria intentio, illudque desiderium, ut ex rebus eorum temporalibus alerentur ii, qui omnibus renuntiantes, tanquam pauperes in hoc seculo Christo unice vivere volunt, quemadmodum pie ac docte exponit S. Augustinus in Psal. 103. & ex omnium pene Fundatorum atque dotantium antiquis monumentis est manifestum; eamque præ cæteris fulius ac luculentius in suo testamento expressit piissimus Cluniacensium Fundator Guillelmus Dux Aquitanie: qui postquam diutius secum deliberasset, qua ratione per temporales sibi datas divitias æternas mercari posset, dicit: „Hoc nulla specie vel modo, fieri posse videtur, nisi „ut juxta Domini præceptum amicos mihi faciam pauperes ejus: utque hujusmodi actio non ad tempus, sed continue peragatur, Monastica professione congregatos ex propriis sumptibus sustentem. Ea siquidem fide, ea spe, ut quamvis iple cuncta contemnere nequeam, tamen dum mundi contemptores, quos justos credo, susceperim, justorum mercedem accipiam... Præcipimus siquidem, ut maxime illis sit hæc nostra donatio ad perpetuum refugium, qui pauperes de seculo egressi, nihil secum præter bonam voluntatem attulerint, ut nostrum supplementum sit abundantia illorum.

E quibus perspicuum est, intentionem pii Fundatoris fuisse, ut his bona sua essent in sustentationem & supplementum, qui pauperes de seculo egressi non pecuniam, aut aliud quidpiam temporale, sed bonam solummodo voluntatem secum attulerunt.

X. De hac Fundatorum mente persuasus S. Gregorius, scribit ad Fortunatum Episcopum Neapolitanum: „Alicui Monasterio nec tu, nec Presbyteri tui præter diligentiam disciplinæ aliquid molestiæ inferatis. Aut si quid illic pro diversorum devotione accesserit, vobis vindicare æstimetis: Cum monachis ibi servantibus debeat proficere, quidquid à fidelibus taliter offerri contigit. Refertur in cap. 1. & de Statu Monach.

Deinde quidquid ex labore aut industria aliove titulo Religiosis obvenit, non ipsis Monachis in particulari, sed ipsi Monasterio seu Communitati acquiritur; ut in omnium, qui de Communitate sunt, necessitates cedat; juxta illud Canonistarum vulgare axioma: *Quidquid Monachus acquirit, Monasterio acquirit.*

XI. Quæ ostendunt recte jam pridem notasse Dionysium Carthusianum, Lib. 1. de Simonia, art. 11. „Quod (Regulares) recipiendo ad Ordinem seu vitam Monasticam, recipiant eum ad vitam communem, & eorum, quæ habent, faciant eum participem, secundum institutionem & intentionem SS. Patrum, qui Ordines fundaverunt.

XII. Cum ergo Monachi vi suæ professionis & admissionis ad Societatem Monasticam consequantur jus vivendi ex bonis Monasterii, æque ac Canonicus vi suæ admissionis adipiscitur jus ad Præbendam, consequens est, quod si quid pro jure alimentionis seu sustentationis ab ingrediente exigatur, nec ipsum quoque ingressum gratis dari; atque hic quoque applicari posset illud dictum Paschalis II. supra relatum; *Quisquis horum alterum vendit, sine quo nec alterum provenit, neutrum invenditum derelinquit.*

XIII. Neque hic illud applicare jam pridem dubitavit Gratianus noster: „Sed adhuc objicitur, ait, quod „qui ingressuri Monasterium pecunias tribuunt, non propositum Religionis, sed participationem stipendiorum Ecclesiæ emunt. Temporalia ergo, non spiritualia ementes, nequaquam Simoniaci habendi sunt. His itaque responderetur, non solum qui spiritualia, sed etiam qui temporalia eis annexa pretio accipiunt, vel tribuunt, Simoniaci judicantur. Hæc Gratianus Causa 1. q. 3. qui in suæ dictionis confirmationem, inter cæteras Patrum & Canonum auctoritates, jam allegatum Paschalis II. dictum adducit.

XIV. „Itaque spiritualibus (scilicet admissione ad Ordinem & Professionem) „primo gratis exhibitis, „non possunt Religiosi (ait Dionysius Carthusianus, lib. 2. de Simonia, art. 4.) „à recepto aliquid temporale exigere per modum debiti persolvendum aut exhibendum, nec tanquam pretium Religionis, nec tanquam sustentaculum vitæ, ad quod ei exhibendum jam seipsos obligaverunt.

XV. Sunt nonnulli qui Simoniam committi fateantur, si vel pro Religionis ingressu, vel pro sustentatione ingressi post Professionem temporale quidquam exigatur; sed secus, inquiunt, si ut Monasterio provideatur de mediis unde sustentare Professum poterit, & liberetur ab incommodis ex alimentione Professuri secuturis.

XVI. Sed nonne, dum aliquid exigitur à Professore, ut Monasterio provideatur de mediis unde sustentare Professum poterit, reipsa exigitur pro sustentatione vel alimentione, ipsi Professore tanquam uni de communitate ex proventibus Monasterii subministranda?

XVII. Num quisquam credat, Simoniam in verbis duntaxat consistere, si dicamus, Simoniam committi, dum ab ingrediente aliquid exigitur pro sustentatione, nequaquam vero committi, si exigatur ut Monasterio provideatur de mediis unde sustentare Professum poterit?

XVIII. Insuper si hoc colore exigere liceat; atque simili formatione intentionis, & verborum adornatione

tione & expressione, exactiones rerum temporalium à labe Simoniaca eximi possint, nonne non inutilia duntaxat, sed & ridicula reputanda tot Ecclesiæ Decreta, & Monachorum statuta, quibus caveretur, ne ab iis qui ad Religionem transire volunt, aliqua pecunia exigatur? quibus inidem districte inhiheretur Religiosis universis, ne à volentibus ingredi eorum Monasteria, nec ante nec post receptionem, pecunias aut res alias, etiam ad usum Ecclesiasticum, seu quemvis pium usum deputatas vel deputandas, directe vel indirecte petere vel exigere quoquo modo præsumant; quemadmodum loquitur Extravagans *Sane in vinea, de Simonia*, nec non alia Decreta inferius citanda.

XIX. An dicemus, Monasteria illa *gratis* ad Religionem postulantes admittere; eo quod Religiosi sciant suam formare intentionem, quod non exigant pro admissione ad Religionem, aut sustentatione Professuri, sed ut *Monasterio provideatur de mediis, unde sustentare Professurum poterit?*

XX. Denique quid opus erat tot iteratis Decretis ad eliminandam hanc Simoniam, si Ecclesia credidisset, Monasteriorum Superiores & Regulares exigentes & stipulantes pecuniam, seu dotem ab Ingressuris, à Simonia immunes, modo intentionem suam formarent, se pecuniam non exigere pro receptione ad Religionem, aut sustentatione Ingressuri post Professiones, at solum ut Monasterio provideatur de mediis unde sustentare Professum poterunt, & liberetur Monasterium ab incommodis ex alimentatione Professuri secuturis? Quid enim movere potuisset Regulares, ut hac formatione intentionis à Simonia non abstinuissent? cum nihil minus pecuniæ aut commodi temporalis, quod unice intenditur, habuissent.

Utinam illi qui hujusmodi verborum formulis & intentionum restrictionibus Sacris Canonibus & Ordinum suorum Statutis illudunt, attendant ad illud Apostoli: *Deus non irridetur. Gal. c. 6. v. 7.*

## CAPUT II.

An titulus paupertatis exactiones dotium justificet?

1. *A multis seculis Regulares palliare voluerunt exactiones Simoniacas titulo paupertatis.*
2. *Frequenter prætextitur paupertas Monasterii, quæ revera non subest.*
3. *Plura Monasteria videntur insufficientia, quia proventus male impendunt.*
4. *Falso creditur, quod suppellestem, mensam, aliaque liceat augere auctis proventibus.*
5. *Unde proveniat, quod Monasteria quædam quo ditiora, eo majorem dotem requirant?*
6. *Exigere aliqua ultra necessaria ad sustentationem Professuri in commodum Monasterii est Simoniacum; etiam si Monasterium sit pauper.*
7. *Fæda Simonia est exigere pecuniam pro extruendis conviviis in die vestitionis aut professionis.*
8. *Non excusantur à Simonia Monasteria, si exigant pecuniam in communes Monasterii necessitates.*
9. *Monasteria etiam insufficientia incurrunt Simoniam, quia personam recipiunt propter pecuniam.*
10. *Ostenditur quod Ecclesia potuerit generaliter inibere omnem temporalem exactionem.*
11. *Quod titulum paupertatis excluserit, probatur ex generalitate Canonum.*
12. *Probatur ex Extravagante Sane in vinea.*
13. *Hæc Extravagans clarissime titulum paupertatis excludit.*
14. *Plures Pontifices illam innovarunt.*
15. *Ejus observatio in quibusdam Ordinibus præcipitur.*
16. *Probatur quod Concilium Lateranense sub Innocentio III. titulum paupertatis excluserit.*

17. *Idem probatur ex Constitutionibus Patrum Eremitarum S. Augustini.*

I. **P**LURES à Regularibus præsertim mulieribus sub prætextu paupertatis Simoniacas exactiones in receptione ad Religionem jam pridem exercuisse testatur Synodus Lateranensis sub Innocentio III. in *Cap. 40. de Simonia*, his verbis: "Quoniam Simoniaca labe adeo plerisque Moniales infecit, ut vix aliquas sine pretio recipiant in Sorores, prætextu paupertatis volentes hujusmodi vitium palliare, &c."

Num hic verus an falsus fuerit paupertatis prætextus parum refert; hoc constat, Moniales illo prætextu Simoniacas suas exactiones, teste ipsa Synodo, voluisse palliare.

Et circa idem tempus de Monialibus sui temporis scribit Jacobus à Vitriaco Cardinalis, Historiæ Occidentalis c. 15. "quæ passim & publice pro miserabili Cœnobiorum ingressu pecuniam exigebant, allegantes suam pauperiam, & de Simoniæ pessimo crimine non curantes, domum orationis in forum negotiationis convertiebant."

Multis autem titulis contingit falsum, atque infundatum esse paupertatis prætextum.

II. Primo, quod paupertatem ac insufficientiam Monasterii prætexant, quæ revera non subest, eo quod multa prætendant esse necessaria, quæ necessaria non sunt.

"Religiosi, ait Dionysius Carth. l. 1. de Sim. art. 17. si sub paupertatis colore aliquid volunt à recipiendis aut receptis personis exigere, considerent, quia, ut ait Dominus (a) Antiliodorensis in Summa sua paritas seu tenuitas victus atque vestitus voto paupertatis indispensabiliter est annexa: imo & secundum Philosophos natura paucis minimisque contenta est. Et sicut ad abstinentiam, prout est virtus naturalis & acquisita, pertinet non plus de cibo ac potu accipere, quam expedit homini ad usum rationis expeditum, & convenientem naturæ sustentationem; ita ad abstinentiam (ut est virtus infusa) spectat etiam aliquid necessariorum naturæ subtrahere, ut pro peccatis aliqua recompensatio fiat, & Passioni Christi conformet se Christianus per quotidianam quamdam sanguinis sui minorationem, ac sui ipsius salubrem mortificationem. Hinc juxta Apostolum, *Qui sunt Christi, carnem suam crucifixerunt cum vitiis & concupiscentiis*. Certumque est istud ad Religiosos potissimum pertinere. Antequam ergo sub paupertatis prætextu aliquid exigere audeant, diligenter seipsum examinent, an ante omnia præacta jam rite observent, ne superfluitatem judicent necessitatem; & ne sufficientiam judicent indigentiam: ne delicatioribus, abundantioribus, pretiosioribus cibis ac potibus, vestimentis ac cæteris utensilibus atque ad corpus pertinentibus utantur, quam regula instruit, præcipit seu permittit, ne dispositione utantur nimis laxa."

III. Indubie si proventus Monasteriorum juxta Religiosam paupertatem & modestiam impenderentur, plurima Monasteria, quæ indigentiam ac insufficientiam prætendunt, eoque titulo dotes ab ingredientibus exigunt, convenienti numero Religiosorum intertinendo plusquam sufficientia deprehenderentur.

IV. Et unde tot Monasteria abunde fundata & dotata insufficientiam & paupertatem hodie prætendunt? nisi quod persuasum videatur multis Monasteriorum Superioribus, licitum esse pro modo & abundantia proventuum Monasterii, suppellestem, nec non mensam Religiosorum ac hospitum augere; & splendidius, lautiusque instruere; adeo ut in Monasteriis quibusdam opulentioribus, quæ vulgo *Abbatia* vocantur, suppellestem etiam argentea, quin & deaurata conveniens, ac quasi necessaria credatur; canacula Abbatum ac Hospitum aulaeis taperibusque, non secus ac Principum

(a) Dominus, id est, Guillelmus Episcopus Antiliodorensis. aulæ

aulæ decorata esse oportere: Religiosorum ac Hospitum mensam pro ratione proventuum, ferculorum varietate instructam esse debere supponant. His denique Abbatum famulitium atque externum apparatus conformem esse oportere existiment.

Hoc agendi modo, quis miretur, si Monasteria, etiam abundè fundata & dotata, paupertatem & insufficientiam prætexant?

Quid enim facilius, quam ita redditus Monasterii impendendo, debitis aliquibus gravari; aut aliis, quin & sibi etiam persuadere, redditus annuos Monasterii non esse sufficientes oneribus ferendis, & impensis quotidianis sustinendis, dum jam semel persuasum sibi habent, eam debere esse vivendi rationem?

V. Ex hac quoque perversa Regularium quorundam persuasionem, originem cœpisse videtur abusus, quem suo tempore communem esse dicebat S. Antonius in Summa, lib. 1. tit. 1. c. 5. n. 18. & nostro tempore deploravit Joannes Wiggers; nimirum: *Quantum Monasterium est abundantius, tanto volunt majores dotes.* Cum enim suppellex, mensa, totaque Monasterii instructio proventibus Monasterii abundantioribus commensuretur, etiam majores prætendi posse dotes existimant; ut ita data respondeant aliquantulum recipiendis.

VI. Adhæc si Monasterium sit revera pauper, ac insufficient ut ingressum intertineat, paupertatis titulus ipsos Religiosos temporalia à Professuro exigentes à Simonia totaliter non eximit; si non contenti iis quæ alimentationi Professuri sufficiunt, plura in commodum ipsius Monasterii extorqueant; uti post alios etiam ipse Navarrus Tract. de redditibus Eccles. tanquam indubitatum tradit. "Illud pro certo habeant & animadvertant, ait, ex pacto aliud accipere ultra id quod necessarium sustentationi Monialis judicio cordatorum censeatur, esse Simoniacum: nam ex pacto nihil aliud possunt accipere præter illud quod alende Moniali sit necessarium, eo quod ei Monasterium præ inopia non potest tribuere. Si ergo aliquid ultra acceperint, vel si dotem exegerint, quando Monasterium posset eam alere, illicitè recipiunt.

VII. Post hæc subjungit Navarrus, "Quod si hæc vera sunt, quid, quæso, dicemus ad prodigas illas expensas, & profanos apparatus fieri solitos ex pacto tacito, vel expresso, dum vel ingrediuntur Monasterium, vel professionem emittunt? Quid aliud moderatius, quam ut hæc vehementer interdicanter & culpentur, ac puniantur illæ quæ talia faciunt; & simul etiam doceantur, quantum honestior appareret cunctis hæc insipientibus, modesta quædam humilisque temperantia spirituali conjuncta contemplationi, quam pomposa intemperantia mundanæ cuidam admixta voluptati in funeralibus ejus, quæ per professionem moritur mundo, & nascitur vel exerceat Deo.

Hunc abusum in Cap. 19. de Simonia; nec non in Extrav. Sane De Simonia, aliisque Conciliorum ac Pontificum Decretis frequenter reprobatur, deplorante Christiano Lupo: *Belgica infirmitas etiamnum bodie ad sæva disciplinæ damna retentat.* Utinam Superiores remedium efficax adhibeant!

VIII. Quin & Monasteria etiam verè insufficientia ultra necessaria ad alimentationem Ingressuri exigentia, Simoniam non evadent, si Joanni Wiggerio credamus, tamen per illa quæ exigunt, intendant communibus Monasterii necessitatibus occurrere: "Nam, inquit, non magis potest Monasterium quæstum facere ex admissione aut receptione ad Novitium aut Professionem, quam Montes Pietatis possunt facere quæstum ullum ex mutuo, quantumvis essent indigentes & in posterioribus: eaque fundantur, pergit idem auctor, non in prohibitione humana, sed in jure Divino.

IX. Ulterius prætextu paupertatis in Monasteriis verè insufficientibus, ac inopia laborantibus, committitur Simonia; quia "frequenter contingit ut personam

recipiant (inquit S. Bonaventura loco supra citato) amore pecuniæ, ita ut si possent pecuniam habere sine persona ista, non reciperent personam; sed ut habeant pecuniam, personam recipiunt; & hoc penitus impurum est & Simoniacum.... Et hoc faciunt plerique etiam ex mera inopia, optantes aliquem venire cum pecunia, quem reciperent, ut eorum inopia repararetur, vel debita contracta solverentur. De talibus dicit Ecclesiasticus: *Propter inopiam multi deliquerunt.* c. 27. v. 1.

X. Cum ergo titulus paupertatis non raro falsus sit & infundatus, merumque pallium ad tegendas Simoniacas exactiones; aut certe plures eo abutuntur, atque in Simoniacas pactiones ejus occasione incident, satis apparet, quod meritò Ecclesia potuerit prætextum hunc Religiosis eripere; atque ut ab omni pactione & exactione Simoniacæ ejusque periculo, & suspitione sint remotiores & tuti, præcipere, ut nullam, etiam titulo paupertatis in admissione ad Religionem pactionem stipulationemve interponant; tamen si casu aliquo per se & ex natura sua posset esse licitum, ut Monasterium verè insufficient ab Ingressuro peteret, ut necessaria suæ alimentationi subministraret; diceretque se non aliter admittere posse, eò quod Monasterium reverà destituatur mediis temporalibus alimentationi ejus necessariis: quæ si adessent, libenter gratis admitterent; nec quidquam ex ejus velint admissione lucrari.

Si tamen quis attendat, quàm facilè in Simoniacas, suspectas ac scandalosas exactiones Monasteria incident, si titulus paupertatis admittatur, non difficulter intelliget, quàm meritò Ecclesia omnem in admissione ad Religionem, pactionem atque exactionem prohibuerit; neque titulum paupertatis in ullo suo Decreto tanquam sufficientem ad justificationem hujusmodi exactionis admiserit; quod & reverà fecisse multis argumentis probari potest.

XI. Omnia imprimis Decreta hæc exactiones proferentia generaliter ac indistinctè loquuntur; nullà inter opulenta & non opulenta Monasteria factà distinctione.

Imprimis Synodus Nicæna II. Can. 19. deplorat tantam execrabilem avaritiam Ecclesiarum Præfectos invasisse, ut nonnulli eorum virorum ac mulierum, qui pii ac Religiosi dicuntur, Domini mandati obliti fallantur, & eos qui ad vitam Monasticam accedunt, pecuniâ admittant; ac deinde indistinctè in eos advertens, decernit: "Si quis inventus fuerit hoc facere, si quidem sit Monasterii Præfectus ex Sacerdotali Ordine deponatur; sin autem Præfecta, à Monasterio extrudatur, & alii Monasterio tradatur ad subjectionem.

Concilium Turonense anno 1163. sub Alexandro III. in Cap. 8. de Simonia, rursus generaliter ac indistinctè ita loquitur: "Non satis utiliter in populo avaritiæ darguitur, si ab his qui in Clero constituti videntur, & præcipue qui contempto seculo Religiosum nomen profitentur & regulam, modis omnibus non cavetur, Prohibemus igitur, inquit, ne ab iis, qui ad Religionem transire volunt, aliqua pecunia requiratur.

Et in Concilio Lateranensi III. sub eodem Pontifice in Cap. 2. de Statu Monach. indistinctè iterum dicitur: *Monachi non pretio recipiantur in Monasterio.*

XII. His generalibus Conciliorum Decretis insistens Urbanus V. in Extravag. NE IN VINEA DE Simonia in Communib. Universis Abbatibus, Prioribus, Decanis, Præpositis & Magistris, nec non Abbatissis & Priorissis, aliisque Prælati, quovis nomine nuncupatis, & eorum Officialibus quarumcumque etiam Ecclesiarum, Monasteriorum, Prioratuum, Domorum & locorum quorumlibet, Religionum, Ordinum etiam militarium, tam exemptorum quam non exemptorum, quocumque nomine censeantur, ac Capitulis & Conventibus singularibus eorum, tenore præsentium auctoritate Apostolicâ (quamvis, ait, sit eis à jure inhibitorium) districtius inhibet, "ne tam à maribus quam à mulie-



„ mulieribus volentibus ingredi eorum Religionem,  
 „ Eccleſias, Monafteria, Prioratus, Domoſ ſeu loca,  
 „ in earumdem perſonarum receptione, aut ante aut  
 „ poſt illam quocumque paſtus, prandia ſeu cenae,  
 „ pecunias, jocalia, aut reſ alias etiam ad uſum Eccle-  
 „ ſiaſticum, ſeu quemvis pium uſum alium deputata,  
 „ vel deputanda, directe vel indirecte petere, vel exi-  
 „ gere quocumque modo præſumant. Sed eaſpotius cum  
 „ omnimoda pietate recipiant, ac in victu & veſtitu  
 „ ſicut alias perſonas ſuarum Eccleſiarum, Monafterio-  
 „ rum, Prioratum, Domoſ & locorum ſincerâ cha-  
 „ ritate pertractent: illa duntaxat, quæ perſonæ ipſæ  
 „ ingredientibus purè & ſpontè, & plenâ liberalitate,  
 „ omnique pactione ceſſante, dare vel offerre Eccleſiis,  
 „ Monafteriis, Prioratibus, Domibus, & locis hujus-  
 „ modi voluerint, cum gratiarum actione licite recep-  
 „ turi.

XIII. Quomodo clariùs & expreſſiùs omnem quem-  
 cumque prætextum aut titulum excludere potuiſſet Pon-  
 tificex? Unde Dionyſius Carthuſianus *Lib. 1. de Simonia*  
*art. 14.* de hac Urbani Conſtitutione agens dicit, eam  
 tam evidentè excludere titulum *paupertatis* ut verba  
 nullam recipiant *evationem aut palliationem*.

Et *Lib. 2. art. 10.* ait, quòd „ Urbanus V. tam evi-  
 „ denter, imò *clariffimè*, omnifariè & rigorosè prohi-  
 „ buit omnem hujusmodi exactionem directe indire-  
 „ ctève factam, ſive ſub ratione pretii, ſive colore  
 „ *indigentia & ſuſtentaculi vitæ*, ut Conſtitutio illa nul-  
 „ lam prorſus recipiat *inflexionem, retorquentiam, epy-  
 „ kizationem ſeu interpretationem ad oppoſitum*, quem-  
 „ admodum luce clariùs ex verbis ipſius eſt demonſtra-  
 „ tum.

XIV. Quam etiam Urbani Conſtitutionem, per-  
 git prædictus Doctör, confirmavit ſucceſſor ejus  
 Gregorius abſque exceptione & interpretatione. Idèd  
 datò, inquit, *NOTA BENE* quòd *Thomas, Ray-  
 mundus, Joannes & qui ante Urbanum V. fuerunt,*  
 intenderint dicere, quod aliquid *per modum ſuſtentaculi vitæ*  
 exigi poſſit à perſona recipienda ſeu recepta,  
 & quod hoc *non fit Simoniacum ex ſua natura*, attamen  
 omnia illorum ſcripta & dicta ceſſant atque ſol-  
 vuntur per hoc quod Dominus Apoſtolicus, poſt eos  
 determinavit & juſſit oppoſitum, per cujus diffini-  
 tionem & prohibitionem omnis talis exactio, quæ per  
 verba Doctörum jam prædictorum à quibuſdam licita  
 probatur ac reputatur, abſolutè prohibetur, imò &  
*Simoniaca* eſſe cenſetur, itaque Simoniaca eſt ad mi-  
 nus *de jure poſitivo*, ut puta, *quia prohibita*.

XV. Hanc Conſtitutionem Urbani, amplexi Cano-  
 nici Regulares Capituli Windeſemeoſis, ſtatuērunt:  
 „ A Novitiis nec veſtis, nec aliquid aliud exigatur, ne  
 „ exigens, quod abſit, illius Extravagantis Domini  
 „ Urbani, quæ incipit, *NE IN VINEA*, pœnam incur-  
 „ rat. „ *Parte 3. cap. 1.*  
 Canonici Præmonſtratenſes anno 1630. decreverunt:  
 „ Ut ſi ſupplicantes admitti ad Ordinem, examinati &  
 „ probati, ſini Ordinis convenire putentur, excluſa  
 „ omni Simoniâ, & Conſtitutione Urbani Papæ, quæ  
 „ incipit, *NE IN VINEA DOMINI*, &c. integrè obſer-  
 „ vatâ, admittantur.

XVI. Quidquod ſi Concilium Lateranenſe in *cap. 22.*  
*De Simonia*, titulum *paupertatis* ſufficientem exiſtimaf-  
 ſet, ut Moniales ab Ingredientibus dorem ſive pecuniam  
 pro alimentatione exigere, atque de ea ſtipulari citra  
 Simoniam poſſent, quomodo omnes illas Moniales tam  
 dantes, quam recipientes, ſine ulla diſtinctione aut in-  
 quſitione, num Monafterium reverâ eſſet *inſufficient*,  
 potuiſſet Concilium tanquam *Simoniacas* elamare, &  
 graviffimis pœnis ſubjectis declarare? cùm omnes illæ  
 Moniales exactiones illas *prætextu paupertatis* vellent  
 palliare; hoc eſt, non ſecus ac hodie titulum *paupertatis*  
 in juſtificationem harum exactionum allegarent.  
 Neque dubium videretur, ſi Synodus credidiſſet titulum  
*veræ paupertatis* ſufficientem, ut exactiones illas ab om-

ni labe Simoniæ purgaret, quin plures è Monialibus  
 illis ſe à culpa potuiſſent probare immunes. Quis enim  
 dubitet, etiam eo tempore Monafteria aliqua fuiſſe æ-  
 què ac hodiè indigentia & inſufficientia; & quæ conſe-  
 quenter exactiones ſuas juſtificare potuiſſent, ſi titulus  
*paupertatis* tanquam legitimus agnitus fuiſſet.

XVII. Similiter non apparet dubitari poſſe, quin ſub  
 initium decimi ſeptimi ſeculi; in Ordine PP. Eremita-  
 rum S. Auguſtini fuerint Conventus non minus quàm  
 hodie paupertate gravati; & tamen ſine ulla diſtinctione  
 inter opulenta & inſufficientia ſive indigentia, anno  
 25. ejusdem ſeculi, generaliter „ *omnibus & ſingulis*  
 „ Prioribus & quibuſcumque Superioribus, ac aliis  
 „ Fratribus noſtræ Religionis, inquirunt, ſtriçtè præ-  
 „ cipimus & mandamus, *ut nullus ex eis fratrem ali-*  
 „ *quem ad Ordinem recipiat, vel recipi faciat, vel ut re-*  
 „ *cipiatur conſentiat vel permittat*, RE ALIQUA ACCEPTA  
 „ VEL DETENTA VEL PACTIONE ALIQUA INTERVENIENTE  
 „ TACITA VEL EXPRESSA: quòd ſi quis immemor ſuæ  
 „ ſalutis contra fecerit, ſi officium habuerit cum cura  
 „ animarum, ipſo facto ſit tali officio privatus, & ad  
 „ aliquod officium cum prædicta cura in noſtro Ordine  
 „ nullatenus aſſumatur, niſi ſuper hoc ſecum per Ca-  
 „ pitulum generale fuerit diſpenſatum, & per quin-  
 „ quennium voce activâ & paſſivâ careat. Quicum-  
 „ que verò Frater ſubditus inveniatur Simoniam in eo-  
 „ dem caſu commiſiſſe, eidem pœnæ ſubjaceat, & pœ-  
 „ nam gravioris culpæ per menſem ſuſtinere cogatur.

### CAPUT III.

Media convenientia ad extirpandas pactiones Simonia-  
 cas.

1. Convenit ut amputetur prætextus paupertatis.
2. Non facile admittenda Monasteria non ſufficienter dota-  
 tata.
3. Sententia S. Caroli ſuper hoc articulo.
4. Votum Chriſtiani Lupi de eodem articulo.
5. Non admittendi plures ad Religionem, quàm à Mo-  
 naſterio ali poſſunt.
6. Quid circa hoc decreverit Synodus Tridentina?
7. Synodus ſuo Decreto omnia Monasteria, etiam Men-  
 dicantium, complectitur.
8. Quid ſint conſuetæ elemoſynæ ex mente Synodi?
9. Synodus per ſuum Decretum palam excluſit titulum  
 inſufficientiæ.
10. Probatur ex Synodis particularibus poſt Synodum  
 Tridentinam celebratis.
11. Pontifices Decretum Synodi Tridentinæ ſepiùs in-  
 novârunt.
12. Primum incommodum quod ex his actionibus prove-  
 nit.
13. Secundum incommodum.
14. Tertium incommodum.
15. Quartum incommodum.
16. Oſtenditur æquitas Decreti Tridentini de non ad-  
 mittendis pluribus, quàm ali poſſunt è proventibus  
 Monasterii.
17. Non ſemper utile eſt Religioni, multiplicari nume-  
 rum Religioſorum.
18. Canones exactiones dotium vetantes, perpetuam ra-  
 tionem habent.
19. An per conſuetudinem dici poſſent abrogati?
20. Quid de dotibus Monialium ſenſerit S. Carolus?

I. UNICUM penè prætextum exigendi dotes ab In-  
 gredientibus Religionem eſſe, aut prætendi  
 Monasterii *paupertatem*, aut inſufficientiam ad alen-  
 dum Ingreſſurum ex communibus Monasterii obventio-  
 nibus, ſuprà oſtenſum eſt. Quapropter præcipuum ad-  
 verſus Simoniacas hæc exactiones remedium eſt, au-  
 ferre,

ferre, sive amputare hunc paupertatis prætextum.

II. Hunc in finem conveniet, ut Episcopi alique ad quos novi Conventus admissio spectat, nullos novos, præsertim Monialium, admittant, nisi constet, convenientem Monialium numerum, vel ex redditibus Monasterii, vel consuetis eleemosynis posse sustentari.

III. Sanctus Carolus tantoperè hanc in Monasteriis sufficientiam judicavit necessariam, ut in primo ejus Concilio Provinciali decretum sit: "Monasteria, in quibus duodecim non sunt, quæ professæ velo utantur, quæque cum numerum propriis fructibus, aut consuetis eleemosynis alere non possunt, transferre, & cum aliis Monasteriis ejusdem, aut alterius Ordinis unire studeat Episcopus diligenter; vocatis ad id Superioribus Regularibus, si modò res agatur ejus Monasterii, cujus cura ad illos pertineat. Si verò ejusmodi unio minimè expedire videatur, eum numerum Monialium tempore interire, & ad nihilum redigi sinat, ademptâ omnino illis Monialibus facultate recipiendi Novitias.

IV. Christianus Lupus, quamvis pacta super dote danda cum Ingredientibus aut eorum parentibus interdum licita esse crederet, titulo *transactionis super futura hereditate* per professionem ingredientis ad Monasterium devolvendâ, (cujus tituli insufficientiam latè probavi in Dissertatione Canonica de Simonia circa ingressum Religionis, vid. Tom. II. pag. 478.) tamen pro animi sui candore fatebatur, pacta illa esse de fœdo isto ulcere (Simonia) graviter suspecta, frequenterque infecta, esse semper sordida, statui Monastico dedecorosa, imò & graviter perniciofa, ideoque eliminanda. Quid enim, aut, possit esse cœdus, aut perniciosius, quàm stipulatâ pecuniâ solos opulentos ad Monasteria admittere? Quare ob inopiam patientibus & necessarium fratrum & sororum numerum alere non valentibus Monasteriis, servanda est antiqua, quàm Regulæ suæ S. Benedictus inseruit, Patrum lex, ut sponte oblatum acceptetur, & nihil penitus exigatur. Quam legem diversæ generales Synodi innovârunt, & usque ad paucos ab hinc annos Belgium nostrum observavit sanctissimè. Reducenda omnino est illa animi castitas, rogandique Episcopi nostri, ut novis & superfluis, à quibus nobis oriuntur tantæ sordes, præsertim Monialium Monasteriis, non sinant suas Ecclesias gravari.

Hæc ille in responsione ad quæstionem: *Nam licita pacta de dote danda ab Ingredientibus Monasterium, cujus responsionis seu resolutionis originale servatur in Monasterio Carmelitarum in civitate Alostana; ejusque copiam mihi submisit D. Papebrochius Ecclesiæ Collegiæ B. Martini ibidem Præpositus.*

V. Alterum remedium eodem colligans subministravit Concilium Arelatense relatum in cap. 1. & de Instit. ut non amplius in Monasterio Canonicorum atque Monachorum suscipiantur, seu etiam puellarum, nisi quantum ratio permittit; & in eodem Monasterio absque necessarium penuria degere possunt.

Hæc Canonica disciplina manifestè titulum paupertatis sive insufficientiæ, in justificationem dotatitii pacti adduci solitum, excludit: cum prohibeat admitti plures, quàm ex proventibus Monasterii alii possunt.

VI. Hanc disciplinam innovans Synodus Tridentina, postquam omnibus Monasteriis utriusque sexûs, exceptis domibus Fratrum S. Francisci Capucinorum, & eorum, qui Minorum de Observantia vocantur, indulgit, ut bona immobilia in communi possidere eis liceret, subjicit: "In prædictis autem Monasteriis & domibus, tam virorum quam mulierum bona immobilia possidentibus, vel non possidentibus, is tantum numerus constituatur, ac in posterum conservetur, qui ex redditibus propriis Monasteriorum, vel ex consuetis eleemosynis, commodè possit sustentari: nec de cetero similia loca erigantur sine Episcopi, in cujus Diocesi erigenda sunt, licentiâ prius obtentâ." *sess. 25. cap. 3. De Regularibus.*

Tom. I.

VII. Ex contextu verborum sat patet, Synodum voluisse suo Decreto generaliter complecti omnia Monasteria, etiam Ordinum Mendicantium, tamen immobilia possidere nequeant, sed ex solis eleemosynis vivant. "Neque obstat (ait Fagnanus ad citatum cap. 1. num. 13.) impossibilitas taxationis, quoniam in Monasteriis non possidentibus bona stabilia, fieri potuit *taxatio secundum consuetas eleemosynas.*

VIII. Ulterius contextum Decreti expendenti obscurum non erit, per consuetas eleemosynas ibidem designari eleemosynas, quas Fratres Ordinum Mendicantium à populo petere & accipere consueverunt; & à quibus pene solis vivunt illi, qui bona stabilia in communi non possident.

Unde Pius V. in Constitutione, quæ incipit: *Cura Pastoralis* 8. in Bull. Rom. dicit, *consuetas eleemosynas*, quarum inspectâ quantitate, numerus Monialium, juxta præscriptum Concilii Tridentini, figendus est, per Conversas Sorores extra Monasterii claustra commorantes colligendas esse, aut si eo modo necessitatibus Monialium provideri nequeat, Ordinarii locorum, aut earum Superiores provideant de aliis personis piis & Deo devotis, quæ *fidelium eleemosynas colligant*: E quibus satis intelligitur, Pium V. per consuetas eleemosynas, de quibus in Decreto Tridentino, intellexisse eleemosynas, quæ ostiant à Fidelibus petuntur & colliguntur.

Dicimus ergo cum Joanne Wiggerio de Jure & Justitia *tract. 7. cap. 4. dub. 10.* quod nullam habeat probabilis speciem commentarius ille, quem aliqui faciunt super verbis Concilii, quod, dum dicitur, *vel ex consuetis eleemosynis*, ibi sub consuetis eleemosynis comprehenduntur dotes, quas vocant, inferendas à Novitiis.

Quomodo enim illæ sunt eleemosynæ, ut rectè advenit dictus Auctor, quæ ad tam certam summam solemnî stipulatione seu pactione determinantur, & quomodo illæ possunt dici *consuetæ eleemosynæ*, cum per accidens & quasi extra ordinem accedant.

IX. Cum ergo Synodus Tridentina velit generaliter in omnibus Monasteriis eum tantum numerum Religiosorum conservari, qui ex redditibus Monasterii vel consuetis eleemosynis, hoc est, *eleemosynis*, quæ à Fidelibus colliguntur, commodè possit sustentari, consequens est, Synodum omnem paupertatis aut insufficientiæ prætextum exclusisse. Si enim numerus, qui ex prædictis commodè sustentari potest, expletus est, jam vante Concilio plures recipere fas non est.

X. De hac Synodi sententia haud dubitasse videntur Patres Synodi Cameracensis P. I. quorum plures Concilio Tridentino interfuerant eo tempore, quo prædictum Decretum confectum & evulgatum fuit. Cum enim declarassent, se velle omnem etiam speciem detestabilis Simoniae à Religionis ingressu amovere, tum seriò præcipiunt sacros Canones infecuti, "ne Monachi vel Moniales aliquem vel aliquam ad professionem recipiant, mediante alicujus pecuniæ aut muneris pacto; ne ea quidem ex causa, inquirunt, quod plures alere non possint sine aliquo subsidio: cum Tridentina Synodus cap. 3. *De Regularibus*, aperit vellet, ne plures recipiantur in Monasterium, quàm ex propriis Monasteriorum redditibus, vel ex consuetis eleemosynis commodè alii possint.

Plura in eandem rem Synodorum Decreta retuli in citata Dissertatione Canonica *parte 2. cap. 4. §. 9.* Et §. 10. judicium Joannis Hesselii, qui Synodo Tridentinæ tempore formati allegati Decreti interfuit, atque tantquam indubitatum supponit, quod Decretum illud à Synodo editum sit, ut omnem Simoniae committendæ prætextu paupertatis, occasionem Monasteriis adimeret.

XI. Ostendi insuper in citata Dissertatione eodem capite §. 7. quod varii Pontifices Decretum hoc Tridentini Concilii innovârunt, & ejus executionem urserint; quodque inter alios Innocentius X. in Constitutione

K k

tione

ratione, quæ incipit: *inter cætera* 23. in Bullario Romano dixerit: "Inter cætera, quæ ad Regularem disciplinam instaurandam conservandamque Sacro-sancta Tridentina Synodus salubriter decrevit, illud semper præcipuum & maximi momenti habitum est, quo jungitur, ut in singulis Monasteriis & Domibus is tantum numerus constituatur, & impolterum conferatur, qui vel ex redditibus propriis Monasteriorum, vel consuetis elemosynis commodè sustentari possit. Ulterius, ut Monasteria ab his exactionibus pactionibusque caveant, admodum utile erit expendere incommoda, quæ exactiones pactionesque illæ parere solent.

XII. Imprimis per similes pactiones decori Ecclesiasticæ & immaculatæ Religionis detrahatur, & in multorum fidelium mentibus scandalum generatur. Extravag. SANE De Simonia in Commun.

Notorium enim est, quomodo per hujusmodi pactiones & contractus super dotibus Ingredientium passim notam avaritiæ, quin & Simonie Monasteria incurrant; atque seculares de ipsis Religiosis eam concipiant ideam, quod etiam in ipsa ad Religionem admissione lucrum quærant, & augmento rerum temporalium studeant, tamen verbo paupertatem profiteantur; atque hinc contingit, ut minus illis afficiantur, quin & ipsam Religionem despicere incipiant.

XIII. Deinde cum hominibus secularibus passim Monasteriorum paupertas non innotescat; imò in Ecclesiis, ædificiorum, suppellectilis aliorumque exteriorum apparatus ipsa sæpè Monasterii paupertas non appareat, imò frequenter illorum apparatus contrarium innuat, etiam nonnunquam ob scandalum Fidelium ab exactione dotis esset abstinendum, etiam si daretur, eo seposito, dorem licitè peti posse; quemadmodum late ostendit Dionysius Carthusianus lib. 1. De Simonia art. 6. Locum integrum retuli in Dissertatione citata cap. 1. §. 11.

XIV. Nectantur seculares, sed etiam Religiosi aliorum Monasteriorum opulentorum offenduntur. Dum enim intelligunt hæc aliæ Monasteria sine scrupulo dotes exigere; facile sibi persuadent, se æquè ac illa indigere; atque ita fit, inquit Joannes Wiggerius, "ut Monasteria satis dotata idem imitentur, etiam si possint quoque numerum longè majorem quàm habeant, commodè alere." De jure & justitia, Tract. 7. cap. 4. dub. 10. num. 57.

XV. Præterea teste Pontifice in citata Extravagante SANE, per hujusmodi pactiones & exactiones contingit, ut *quamplices tam execratione hujusmodi criminis, quàm expensarum onere, à sacra Religionis proposito retrahantur.*

"Nec dubium (ut rectè advertit Dionysius Carthusianus lib. 2. De Simonia art. 2.) "quin exactio, pactionis, seu temporalium exhibitio ita graver & à Religionem impediatur pauperes, dum fit pro sustentaculo vitæ ipsorum, sicut si fiat pro spiritualium exhibitio. Et pro dolor! exclamat idem Doctor, quàm multæ bonæ pauperculæ quotidie clamant, conqueruntur, & dicunt se esse paratas ad Religionis & vitæ reclusæ ingressum, sed non posse acquirere locum, eò quod jam undique temporalia exigantur. Similiter quædam puellæ & fæminæ divites, Deum timentes, Religionemque ingredi cupientes, paratæ quoque ad comportandum pro se sufficientiam temporalem, ex consideratione usitatæ exactionis & pactionis Religiosarum quarundam, retrahuntur ab ingressu ad eas.

Dum verò pauperes defectu temporalium rejiciuntur, & aliæ timoræ conscientie, & vero Religionis spiritu plenæ, horrore hujusmodi pactionum ut rindis de labe Simonie suspectarum à Monasteriis hujusmodi retrahuntur; quid inde natum evenire, nisi quod minus idoneæ, & spiritum Religionis non habentes ad Religionem admittantur cum maximo Regularis disciplinæ

nocumento. Nam, uti benè advertunt Patres Synodi Burdigalensis anno 1583. tit. 25. "Experientia docet, disciplinam Religiosam eorum vitio ex parte collapsam esse, qui in Religiosas familias intrusi, aut aliâ quavis ratione humanâ inducti potius, quàm à Spiritu Sancto vocati fuerunt.

XVI. Qui hæc aliæque incommoda, quæ hæc stipulationes contractusque super dotibus Ingredientium sequuntur, serio expendit, haud difficulter percipiet, quàm merito Synodus, ut omnem eorum prætextum præcinderet, præceperit, "Ut is tantum numerus constituitur ac impolterum conservetur, qui vel ex redditibus propriis Monasteriorum, vel ex consuetis elemosynis commodè possit sustentari.

XVII. Nec obstat, quod ex hac Decreti exacta observantia numerus Regularium subinde minor solito esset; nam rectè dixit citata Synodus Burdigalensis: "Sancta & Religiosa paucorum congregatio, quantumvis magnâ ineptorum hominum multitudine, Deo & hominibus acceptior est, & Ecclesiæ utilior.

Quin advertit Cardinalis Bellarminus, quod postquam Regulares cæperunt multiplicari sine numero, multi non à Deo vocati ad statum perfectionis, sed aliis rationibus adducti, Monasteria repleverint: " & impletum est, ait, illud Isaie: *Multiplicasti gentem, non magnificasti letitiam*, c. 9. v. 3. Inde nata sunt scandala gravia & multiplicia omnibus nota, quæ materiam uberem præbent columbagemendi & plan-gendi relaxationem, ne dicam corruptionem Ordinum Religiosorum. " Lib. 2. De Gemitu columbæ, cap. 6.

XVIII. Si quis incommoda, quæ exactiones & stipulationes dotium, tamen titulo paupertatis vestitas, comitantur, expendit; haud difficulter quoque intelligit, Canones dictas exactiones generaliter vetantes, rationem quamdam perpetuam habere; ideoque hisce merito applicari illud S. Thomæ: "Si maneat ratio eadem propter quam lex primò utilis erat, non contrahit legem, sed lex consuetudinem vincit: nisi fortè propter hoc solum inutiles lex videatur, quoniam non est possibilis secundum consuetudinem patriæ, quæ erat una de conditionibus legis." 1. 2. q. 79. art. 3. ad 2.

XIX. Hinc consequens est, periculosè hisce Canonibus contrariam consuetudinem opponi; præsertim, quia si quid humani ac positivi juris in Canonibus illis occurrat, illud tale est, ut sine exacta illius observantia admodum difficulter caveatur, quod jure etiam naturali veritum omnes agnoscunt; uti suprâ cap. 3. ostendimus. Legatur Dissertatio prima, part. 2. cap. 4. pag. 10.

Ad hæc (ut rectè advertunt Doctores Lovanienses) "consuetudo hæc stipulandi dotes non est universalis, & sicubi sit, non est attendenda; ubi adeò enixa est adversus præfatas exactiones Pontificum voluntas, & tam seria, sollicita, & expressa totiesque repetita Canonum prohibitio, prout est in præfata materia, (a)

XX. His, quæ hucusque dicta fuerunt opponi solet Decretum Concilii Mediolanensis II. sub S. Carolo, his verbis expressum: "Episcopus præterea tum impensas æstimet, quæ & in Religionis ingressu, & tempore professionis fieri solent pro vestitu, aut pro aliis rebus, ad ipsius puellæ, vel Monasterii ulum commoditatemve pertinentibus; tum pecuniæ etiam summam præscribat, quam puella alimentorum nomine Monasterio det; nisi census, aut alia bona immobilia, quorum annui fructus, ejusdem judicio, ad ea alimenta satis sint, monasterio attribuantur. Ea autem

(a) Vitium istius Simonie fustis discit & damnat Doctissimus Van-Espen in Dissertatione, quæ Titulum hæc in fronte gerit: *de Peculiaritate in Religione & Simonia circa Ingressum Religionis*, tom. II. pag. 451. & seqq. Huic Dissertationi addenda sunt varia scripta, quæ sequuntur, quibus occasionem dedit illa Dissertatio.



tem omnis pecuniæ summa, eo nomine ab Episcopo decreta, reipsa apud certum hominem, & virum bonum deponatur, qui professione confecta, illam statim Monasterio tradat.

Advertendum hic nullatenus probari, quod Moniales ab Ingressuris aliquam dotem exigant; aut de eadem Ingressura ejusve parentibus stipulentur vel contrahant: sed Episcopo duntaxat injungitur, ut is consideratis, in singularibus casibus, omnibus circumstantiis tum ex parte Ingressuræ, tum ex parte Monasterii, determinet, an æquum aut justum sit aliquid dari Monasterio.

Quin enim frequenter justum esse possit, ut parentes suas proles Monasterio offerentes, aliquid in earum alimentatorem offerant, dubium non est; imo non-

nunquam contingere posset, ut etiam ob avaritiam ac tenacitatem parentum, qui proles suas in Monasteria intrudere volunt, ut alias proles ditare & secundum seculum extollere possint, à Monasterio proles repellantur.

Itaque quidquid ex hoc Concilio haberi potest, illud est, ut Episcopus in singulis casibus determinet & judicet, quid hic & nunc Monasterio ex bonis Ingressuræ sit attribuendum: nequaquam Monialibus, quæ ex proprio interesse hic sæpius procedunt, permittat dotes exigere aut stipulari; sed hæ recipiant Novitias prout Episcopus hic & nunc spectatis omnibus circumstantiis judicaverit, qui indubie, spectatis circumstantiis, sæpius judicare debebit, nihil ab Ingressura ejusve parentibus perendum esse.

## TITULUS XXVII.

### DE PROFESSIONE ET EJUS EFFECTU.

#### CAPUT I.

De Professione solemnī ejusque ritu; & an tacita hodie obtineat?

1. *Quam vim habeat solemnīs Monachorum benedictio antiquitus ignota?*
2. *Ritus professionis à S. Benedicto præscriptus.*
3. *Regula Benedictina requirit, ut Professus petitionem suam signet; quod modernæ disciplinæ est conformis.*
4. *Ritus externi in Regulis & Constitutionibus præscripti non sunt de essentia professionis.*
5. *Jure Decretalium professiones tacitæ admittuntur; neque per Synodum Tridentinam omnino sunt sublatae.*
6. *Moribus Galliæ & Belgii professio non nisi per scripturam probari potest.*
7. *Professio tacita hodiernis moribus non admittitur.*
8. *Puella quæ 30. annis post Novitiatum habitum professuram gestaverat, & tanquam professam se gesserat, admissa fuit ad hæreditatem paternam tanquam non professa.*
9. *Carthusiani in suis Constitutionibus excludunt tacitas professiones.*

**I.** SOLEMNEM ac publicam Monasticam benedictionem variis ritibus ac ceremoniis vestitam in Professione adhiberi solitam, aliam vim non habere, quam habet super populum Sacerdotis oratio, visum jam pridem fuit S. Ivoni Carnotensi. Eam S. Antonio ac aliis antiquis dicit fuisse ignotam: multiplicatis vero postmodum Monachorum gregibus inductam ex quadam cautela, tanquam Religionis vinculum humanæ infirmitati provisum. "Ur Monasticus Ordo, inquit, quanto firmitus in conspectu Dei & hominum, & solemnius ligaretur, tanto robustius ac devotius à Monachis servaretur: & qui vellent ab hoc proposito recedere, testimoniis pluribus convincerentur, & tanquam jurati in Christi Sacramenta tyrones ad propositum suum reverti cogerentur. Quibus liquet, traditiones hujusmodi nihil esse aliud quam quædam Religionis vincula, humanæ instabilitati provisâ.", *Epist.* 41.

Hanc S. Ivonis reflexionem probans Christianus Lupus ad *Canonem* 40. *Trullanum*, recte consequenter notat; "Dionysium illum, qui nobis Monachorum benedictiones producit, non esse *Areopagitam* Apostoli Tom. I.

discipulum, sed Sancto Antonio, ac primis ejus Discipulis posteriorem.

Quo tempore hæc Monachales benedictiones, ac professionis ritus primum invaluerint, incertum est.

II. Extat ritus professionis in Regula S. Benedicti non absimilis ei, quem omnes passim Religiones observant; si quasdam orationes ac preces, quas posterior ætas addidit, excipias.

"Suscipiendus in Oratorio coram omnibus (ait Regula Benedictina, *cap.* 58.)", promittat de stabilitate sua & conversione morum suorum, & obedientia, coram Deo & Sanctis ejus: ut, si aliquando aliter fecerit, ab eo sedamandum sciat, quem irridet. De qua promissione sua faciat petitionem ad nomen Sanctorum, quorum reliquæ ibi sunt, & Abbatis præsentis. Quam petitionem manu sua scribat, aut certe si non scit litteras, alter ab eo rogatus scribat. Et ille Novitius signum faciat, & manu sua eam super altare ponat. Quam dum posuerit, incipiat ipse Novitius mox hunc versum *Pl.* 118. *Suscipe me, Domine, secundum eloquium tuum, & vivam; & non confundas me ab expectatione mea.* Quem versum omnis Congregatio ter respondeat, adjungentes: *Gloria Patri, &c.* Tunc ille frater Novitius prosternatur singulorum pedibus, ut orent pro eo, & jam ex illa die in Congregatione reputetur.

III. Quod Regula requirit, ut petitionem suam Profitens manu sua scribat, aut certe ab alio scriptam signo Crucis signet ad majorem cautelam in casu, quo professio negaretur, merito in omnibus passim Monachorum Congregationibus receptum est: quin & in Constitutionibus Fratrum Eremitarum S. Augustini legitur, "ut quodcumque sit aliqua professio, præsens semper sit publicus Notarius, qui eadem die de omnibus quæ viderit, & audierit, publicum conficiat instrumentum, in quo distincte notetur, professum libere, & sponte, & non vi, vel metu spondisse; idque verbo protulisse.

IV. Verum hæc scriptura, uti & reliqui ritus in Regulis Constitutionibusve Religiosorum quovis modo præscripti, essentiam professionis attingere non solent,

V. Ideoque Jure Decretalium, etiam professiones sine ulla solemnitate; imo & sine verbis, solo aliquo facto exteriori validæ declarantur; easque sine verborum formula, & non expresse factas Canonistæ tacitas professiones appellant; quarum species occurrit in *cap.* 22. *De Regularib.* & fusius exponitur in *cap.* 1. *eadem in 6.* creditque Fagnanus ad *cap.* A. D. NOSTRAM *eadem*, nec per Concilium Tridentinum professionem tacitam sublatam, quæ de jure communi

ammi censetur emissæ & facta per susceptionem habitus professorum; modo hæc nunc fiat completo probationis; & expleto 16. ætatis anno.

VI. Apud Gallos, ex Constitutione Molinensi, art. 351. cautum est, professionem Monachalem non nisi per scripturam probari posse. Similiter apud nos Editio perpetuo Alberti & Isabellæ art. 21. est statutum, ut professio Religiosa fiat per litteras, & non per testes, nisi allegaretur registra esse deperdita; quo casu probatio per testes recipi posset. Qui vero deperdita registra allegat, ei probationis onus incumbit; ut monet Antonius Anselmo ad Edictum perpetuum, art. 17. (a)

VII. Cum igitur neque in Gallia, neque in Belgio nostro ulla professionis quam per scripturam probatio admittatur, facile colligere est, non professiones tacitas, quæ ex solis quibusdam factis, aut modo agendi colliguntur, & de quibus per nullum authenticum scriptumque instrumentum constat; sed solas professiones expressas, de quibus per scripturam constare potest, in judiciis admitti posse.

VIII. Unde non ita pridem certam puellam, quæ post annum probationis per triginta circiter annos habitum Monialium professarum gestaverat, & cum aliis Monialibus tanquam professa Capitulo & deliberationibus intervenerat, ad hæreditatem paternam tanquam non professam admittendam judicavit Senatus Parisiensis; eo quod de expressa professione non constaret; uti refert D. De Fresne, p. 2. du Journal des Audiences.

IX. Refert quoque Wamæsius in additione ad consilium 454. ex secunda parte novæ collectionis Statutorum Ordinis Carthusiensis, cap. 18. Professionem tacitam in nostro Ordine non habemus, neque permittimus, sed omnes volumus expresse & publice professos. (b)

(a) Quid Galli præscriptum sit ut notio certa & firma de Professionibus & Professionibus Religiosis competat, reperitur in Declaratione quam Ludovicus XV. Rex dedit 9. Aprilis 1736.

(b) Quid Galli de tacitis Professionibus sentire debeant, discit ex novis Cleri Gallicani Collectionibus t. 4. tit. 1. col. 89. 90. &c. ubi quoque exponitur quod non satis clare nec satis vere D. Van-Espei n. 8. dixit de Jurisprudencia Senatus Paris. circa succedendi capacitatem eorum qui per annos complures Vestem Religiosam gestarunt.

## CAPUT II.

### De Ætate Profitentium.

1. Sanctus Basilius ætatem 16. aut 17. annorum requisivit.
2. Hoc tempus Synodus Trullana ad 10. annorum ætatem contraxit; & quare?
3. Tempore Sancti Ambrosii eadem ætas ad professionem Monasticam sufficiebat; quæ ad Matrimonium requirebatur.
4. Hæc disciplina Juri Decretalium videtur conformis.
5. Nonnulli Ordines ob disciplinæ asperitatem maturiorem ætatem requisierunt.
6. Ne aliquis immaturæ ætatis ad Religionem admitteretur, ætas 20. aut 18. annorum requisita.
7. A Patribus Tridentinis exaratus Canon requirens ætatem 18. annorum; & quare ab eo recessum?
8. Perniciosa vulgi opinio, quod Professurum oporteat mundum novisse.
9. Decretum Synodi Tridentina requirens annum 16. completum.
10. Synodus non improbat statuta majorem ætatem requirentia.
11. Professio facta completo anno 16. ætatis, sed ante ætatem per statuta requisitam, est valida.

VARIA jam pridem fuit disciplina circa ætatem in recipiendis ad vitam Monasticam, requisitam.

1. Sanctus Basilius in Epistola sua Canonica, can.

18. professiones Virginum validas non reputabat, quæ ante 16. aut 17. annum fiebant. "Professiones, inquit, ab eo tempore judicamus, quo ætas rationis complementum habuerit. Non enim pueriles voces omnino in his ratas esse existimare oportet: sed eam, quæ supra 16. vel 17. annos nata fuerit, rationisque compos; & diu examinata, probataque perseveraverit."

II. Synodus Trullana ætatem à Sancto Basilio requisitam ad ætatem 10. annorum contraxit; volens ut qui Monachicum jugum est subiurus, non sit minor quam 10. annorum natus; ejus quoque rei examinatione in Præfatis arbitrio sita, an augeri tempus conducibilis existimet ad introductionem & constitutionem in vitam Monasticam. Post hæc Patres illius Synodi rationem allegant, ob quam à Regula Sancti Basilii nonnihil recedendum crediderint: de qua vide notas nostras ad can. 40. Trullanum. in tom. III. pag. 382.

III. Si Sancto Ambrosio credimus, lib. 3. de Virginibus, ætas sufficiens ad matrimonium carnale, etiam ad matrimonium spirituale per professionem sufficere debet; adeo ut ætas 12. annorum in puellis, & 14. in adolescentibus sufficiens judicaretur.

IV. Hanc disciplinam Ecclesia Latina tandem recepisse videtur; eamque, si jus commune seu Decretalium spectemus, firmavit; uti colligere est ex cap. 8. 11. & 12. de Regularibus; addita tamen hac exceptione desumpta ex epist. 48. lib. 1. Sancti Gregorii: "Quia dura est in insulis Congregatio Monachorum, etiam pueros in iisdem Monasteriis ante 18. annum suscipi prohibemus." Cap. 6. de eod.

V. Ex hac consideratione ex vitæ austeritate deprompta, aliqui Monachorum Patres & Superiores ætatem nonnihil majorem, quam jure communi statuebatur, requisierunt.

Et quidem Carthusiani, ut ipsorum pristina Ordinis statuta indicant, ante 20. annum nullum ad suum Ordinem recipiebant; haud idoneum judicantes militiæ adeo laboriosæ ante eam ætatem sustinendæ. "Pueros sive adolescentes non recipimus, inquit, sed viros, qui juxta præceptum Domini per manum Moysi, 20. ad minus annorum, ad bella sacra possint procedere."

VI. Inter statuta Congregationis Cluniacensis à Petro Venerabili seculo xii. collecta, habetur: "Statutum est, ut nullus etiam ex concessione futurus Monachus Regularibus usque ad 20. annos vestibus induatur. Causa hujus instituti fuit (inquit Petrus Venerabilis) immatura, nimisque celer infantium susceptio, qui antequam aliquid rationabilis intelligentiæ habere possent, sacre Religionis vestibus induebantur, & admixti aliis, puerilibus ineptiis omnes perturbabant." Biblioth. Cluniacens. pag. 1364. Statuto 36.

Anno 1238. Otto Sedis Apostolicæ in Anglia Legatus, convocatis totius Regni Abbatibus Ordinis Sancti Benedicti, quædam Statuta eis proposuit, quorum primum erat: ut nullus ante 20. annum completum ad professionem, & ante 19. ad probationem in Monasterium de cætero admittatur. Apud Mathæum Parisiensem ad annum 1238.

Synodus Parisiensis sub initium seculi xiii. vetuerat quemquam ante 18. annum in Monasterium recipi; quod & sub idem tempus Synodus Oxoniensis decreverat.

VII. Si Cardinali Palavicino credimus, à Patribus Concilii Tridentini paratus fuit Canon, quo statuebatur fas non esse regularem professionem emitti ante annum 18. "Sed Archiepiscopus Pragensis, (Bartholomæus de Martyribus) vir claustris peritus, ait Palavicinus, prævalide dehortatus est Patres ab eo consilio, affirmans, deteriorem fructum reddi plerumque Cænobii ab iis qui à teneris annis illic sati non fuerint, adeoque adhuc illæsi à vitis laxioris libertatis: satius esse, sancire, ut probationis tempus ad duos annos

"pro-

„ produceretur; ita tamen ut fas esset, professionem „ emitti anno decimo sexto. „ *Lib. 24. cap. 6.*

Verum esse solet quod notavit Bartholomæus à Martyribus; attamen in tenera ætate frequenter occurrit, ut non ea sit adolescentum, aut puellarum maturitas, ut sufficienter cognoscant, ad quæ per professionem monasticam se obstringant, & quas difficultates secum trahat integra votorum perfolutio præsertim in Monasteriis in quibus disciplina sensum relaxata, & à præscripto regulæ, quam profitentur, receditur.

Vix dubium, quin ob hanc judicii imbecillitatem, plures etiam sanctissimi Ordinum Fundatores, in admittendis ad professionem majorem & maturiorem ætatem requisierint: quod nec Synodus Tridentina, quæ licet permittat emitti professionem anno decimo sexto, nequaquam tamen improbat statuta Ordinum, majorem in Profitentibus ætatem exigentia: uti nec prolixior, quam annalem novitium, si eum regula aut statuta requirant.

VIII. Hic obiter nota, quam longe abesset magis ille Præsul ab ea vulgi opinione, quod priusquam Monasticam viam quis profiteatur, eum oporteat mundum novisse; hoc est, ejusdem vulgi sensu, vitus & voluptatibus mundi non nihil fuisse immersum, quod quam ipsas adolescentibus perniciosum, multis ostendit Petrus à S. Audomaro vulgo *Wallon-Cappelle*, Prior Monasterii Sancti Wignoci, *lib. 3. Instit. monast. cap. 24.* exclamatque: „ O utinam nulli Religiosorum unquam audissent, vidissent, & gustassent quidquam secularium, non sane adeo multi perditæ viverent in suis Cœnobiiis, nec tot apostatæ essent, jugumque Christi suave detrectarent.

IX. Archiepiscopi Pragensis ratione aliisque motivis inducti Patres Tridentini tandem decreverunt, „ in quacunque Religione, tam virorum quam mulierum, professio non fiat ante 16. annum expletum.... „ Professio autem antea facta sit nulla, nullamque inducat obligationem ad alicujus regulæ, vel Religionis, vel Ordinis observationem, aut alios quoscunque effectus. „ *Sess. 25. de Regularibus, cap. 15.*

X. Siquis verba hujus Decreti attendat, facile intelliget, mentem Patrum quidem fuisse, ut ante 16. annum facta professio esset nulla & invalida; adeoque noluerit in minori ætate ad professionem nullum seu virum seu mulierem admitti posse: sed tamen nequaquam improbasse particulares Ordinum quorundam Constitutiones, majorem ætatem requirentes; quod & Sacram Congregationem aliquando declarasse testatur Fagnanus ad *cap. NULLUS de Regularibus, num. 15.* „ Quippe quod Concilium non ponit, inquit, ut Professio fiat anno 16. sed non possit fieri ante, sed post. Qui & ibidem, *num. 13.* observat, in Religione Fratrum Capucinorum Sancti Francisci, ex statutis Ordinis Novitios non recipi ad habitum ante 17. annum completum si Clerici sint, & ante 19. si Laici; & per consequens, non admitti Clericos ad professionem, nisi exaeto 18. & Laicos 20. anno. Et in Religione Minorum Conventualium S. Francisci Novitii Clerici prohibentur ad professionem admitti ante annum 19. & Laici ante 25. completum, ex Constitutione Pii V. quæ incipit, *Illæ nos.* Hæc Fagnanus; qui insuper, *num. 16.* monet, generaliter à Clemente VIII. in Decretis super receptione & educatione Novitiorum, prohiberi, Conversos recipi ad habitum Regularem ante annum ætatis 20. & consequenter ad professionem non ante annum 21.

Quousque hoc Decretum extendatur, ac receptum sit, ex usu & consuetudine ipsi Superiores Ordinum intelligere possunt.

XI. Si tamen anno ætatis 16. expleto, professio fuerit facta, non expectato anno ætatis ulteriore per statuta Ordinis requisito, non videtur propterea professio futura invalida: eo quod statuta; dum majorem ætatem requirunt, invaliditatem aut nullitatem professionis

adjunctam habere non soleant: quemadmodum supra de longiori quam annali Novitiatu tempore in aliquibus Ordinibus præscripto notatum est. (a)

(a) Ut de ætate, quæ ad profitendam vitam Religiosam necessaria est, innotescat Galliarum Jurisprudencia, advertendum est quid de eo tempore statuerit Concilium Tridentinum. In quacunque Religione, inquit, tam virorum quam mulierum, Professio non fiat ante decimum sextum annum expletum. *Sess. 25. c. 15.* Huic Decreto conformis est articulus 28. Edicti Blesensis. *La Profession tant des Religieuses que des Religieux ne sera auparavant l'âge de 16. ans accomplis, ni devant l'an de Probation après l'Habit pris.* Hanc disciplinam secutæ sunt Synodi quæ in Gallia deinde celebratæ fuerunt.

## CAPUT III.

De Formula Professionis, & quid contineat;

1. Pristina Professionis formula nullum particulare votum exprimebat.
2. Qui vitam monasticam proficitur, omnia ejus essentialia promittere censetur.
3. Olim formula professionis nullam determinatam regulam exprimebat.
4. Sanctus Benedictus primus formula professionis observantiam suæ regulæ inclusit.
5. Quæ hodiernæ formulæ professionis Benedictinæ expresse includantur.
6. Paupertatis & castitatis vota tacite censentur comprehensa.
7. Quoad tria vulgaria Religionis vota formula Benedictina reipsa convenit cum recentioribus.
8. Etiam votum stabilitatis tacite continetur in formulis recentioribus.
9. Stabilitas loci in formula Benedictina expressa, quid significet?

I. Si pristinas Monachorum regulas actaque revolvamus, nullam reperiemus professionis formulam, quæ aliquod particulare votum alicujus virtutis aut actionis exprimat; sed simplicem duntaxat Monasticæ vitæ professionem.

II. Noverant enim pristini Monachi, eum, qui se dedicat Monachatu, voverque vitam ac professionem Monachalem, virtualiter vovere omnia, quæ sunt substantialia Monachatu: uti sunt vera morum conversio, celibatus sive continentia, voluntaria paupertas, obedientia, loci stabilitas, alique eo pertinentia.

III. Imo per quinque circiter secula adeo indeterminata ac generalis erat Monachorum professio, ut nequidem certam determinatamque regulam profiterentur; sed eam, quæ ad observantiam vitæ Monasticæ magis conducere videbatur, judicio Superiorum suscipiebant Monachi; ad eamque servandam vi suæ professionis se adstrictos credebant.

IV. Hinc mutata passim regulæ, & plures in uno eodemque Monasterio servatæ, uti monet Vir eruditus Joannes Mabillonius in præfatione ad *Part. 1. Sculi IV. Sanctorum Benedictinorum*; & addit, quod „ Sanctissimus Legislator Benedictus, primus aut certe „ inter primos solemnem professionis formam, modum „ que præscripserit, atque intra professionis terminos „ inclusit Regulæ suæ observationem, à qua deinceps „ recedere non liceat.

V. Juxta formulam à S. Benedicto præscriptam, prout hodie extat & à Benedictinis usurpatur, tria expresse promittuntur; nimirum stabilitas loci, conversio morum, atque obedientia secundum Regulam à S. Benedicto conscriptam. „ Quamquam ( uti monet Mabillonius in citata præfatione, n. 59. ) „ in veteri Benedictinæ professionis formula apud Theodorum; & „ duabus aliis in appendice nostra, ait, relatis, atque „ in Regulæ Magistri, cap. 89. ( quæ Regula non tam specialis est, quam commentatio Benedictinæ ) „ nulla „ etiam



„ etiam occurrat mentio *conversionis morum* : nimirum „ quia *obedientia secundum Regulam* voto satis contineri „ videbatur.

Vl. Verum sicuti ipsa *morum conversio*, tametsi in formula professionis non expressa, satis videbatur comprehensa eo quod observantia Regulæ promitteretur, ita quoque voluntariæ paupertatis, ac cœlibatus seu castitatis vota inclusa censebantur; quia etiam illa tanquam vitæ Monasticæ *essentialia* Regula supponit, atque etiam complectitur.

Vll. Quapropter formula Benedictinæ reipsa quoad tria illa vitæ Monasticæ ordinaria vota, non differt à recentioribus quorundam Ordinum formulis, quibus tria illa vota *explicite* continentur: v. g. in formula Fratrum Minorum S. Francisci, qua promittit Profitens, toto tempore vitæ suæ servare Regulam Fratrum Minorum per Dominum Honorium Papam confirmatam: *vivendo in obedientia, sine proprio & in castitate*. Sic quod recentiores formulæ *explicite* promitti volunt, id Benedictinæ ac pristina Monachorum professio virtualiter semper continebat, & modo continet; & hanc Profitentes, eadem quoque vovent, quæ illæ complectuntur.

Vlll. Similiter *loci stabilitas* quam exprimit professio Benedictinæ, etiam in recentioribus professionis formulis *virtualiter* continetur, tametsi *explicite* de ea mentio non fiat.

Ix. Si enim Benedictinæ Regula rite expendatur, notum erit, voto *stabilitatis* Monachum ita obstringi, ut nunquam vitam Monasticam deferere; aut sine licentia Superioris Monasterio egredi possit, uti recte advertit Cardinalis à Turre-Cremata in commentario ad Regulam S. Benedicti, *trakt. 127*.

Postquam enim Novitius anno integro probatus fuit, Regulamque tertio sibi prælectam serio expendit, „ si „ habita secum deliberatione, ait Regula, *promissit se* „ omnia custodire, & cuncta sibi imperata servare, tunc „ suscipiatur in congregatione, sciens se sub lege Regulæ constitutum, quod ei ex illa die *non liceat egredi de Monasterio, nec collum excutere de sub iugo Regulæ*, quam sub tam morosa deliberatione licuit aut „ excusare, aut suscipere.

Ecce ipsi Monacho clarissime proponitur, ad quid facta professione voto suo sit constringendus, nimirum, posthac liberum ipsi nequaquam futurum de Monasterio egredi, nec iugum Regulæ excutere; quod omnibus professionibus Monasticis, ac Religiosis commune esse, nemo negaverit.

#### CAPUT IV.

Professio Religiosa an Professum adstringat stabiliter Monasterio? Et quid ab exeunte Monacho observandum?

1. *Regula Benedictinæ Monachis solitudinem commendat.*
2. *Eadem passim in Regulis & Canonibus commendata.*
3. *Votum stabilitatis Monachos ad perpetuam clausuram non adstringit.*
4. *Multa circa egredientes Fratres præscripsit S. Benedictus à moderna disciplina Monastica non dissona.*
5. *Egrediendi debent se Superioris & Fratrum orationi commendare; hinc hodierna benedictionis postulatio.*
6. *Benedictinæ Regula non finit Monachum solum egredi.*
7. *Regula Orientalium non permittebat Monachum solum cum extraneo colloqui.*
8. *Etiam posteriores Regularium, præsertim Mendicantium Constitutiones præcipiunt, egredienti socium adungi.*

tium Constitutiones præcipiunt, egredienti socium adungi.

9. *Monachi ad Monasterium revertentes orationem propter excessus petere debent.*
10. *Monachi mensas laicorum declinare debent dum egrediuntur.*
11. *Quid de hoc articulo recentiores Ordinum Constitutiones?*
12. *Decretum Synodi Tridentinæ circa Regulares sine licentia à suis Conventibus recedentes.*
13. *Quid circa illos habeant Ordinum Constitutiones?*
14. *Non facile admittenda Regularium evagatio.*

I. PRÆCITATA Regulæ Benedictinæ verba sat insinuant, mentem sancti Patris esse, Regulamque, quam profitentur, exigere, quod Monachis suo arbitrio & propria voluntate de Monasterio exire non liceat. Quod ipsum clarius expressit, *cap. 66*. suæ Regulæ, ubi ait: „ Monasterium (si fieri potest) ita construi debet, ut omnia necessaria, id est, aqua, molendinum, hortus, pistrinum, vel artes diversæ intra „ Monasterium exerceantur: *ut non sit necessitas*, ait, „ *Monachis vagandi foras*: Quia omnino non expedit „ animabus eorum.

II. Neque soli Benedicto hic solitudinis amor infedit, sed omnibus Monachorum Patribus fuit communis, & passim in omnibus Regulis solitudo inculcata, atque Ecclesiasticis Decretis præcepta tanquam perfectionis Monasticæ assequendæ & conservandæ primum instrumentum: uti videre est in *Can. 4*. Calchedonenf. & *46*. Trullano. Hinc illud sub nomine Eugenii Papæ apud Gratianum *16. q. 1. Can. 8*. „ Monachus claustrum sit contentus: quia sicut piscis sine aqua caret vita, „ ita sine Monasterio Monachus. Sedeat itaque solitarius, & taceat; quia mundo mortuus est, Deo autem „ vivit.

III. Nequaquam tamen hinc quis concludat, ex S. Benedicti aut Ecclesiæ intentione Monachos seu Religiosos voto stabilitatis obstrictos, vi illius perpetua clausura esse Monasterio conclusos; quia & ipse Benedictus in sua Regula non semel supponit, Monachos de Monasterio causa necessitatis, aut utilitatis cum licentia Superioris egredi posse.

IV. Et quidem *cap. 67*. de Fratribus itinerantibus agens, expressit quæ in exitu, quæ in reditu ipsis agenda sint: quæ nec ab hodierna Religiosorum, etiam recentiorum disciplina aliena sunt.

V. Ac imprimis vult, ut „ dirigendi Fratres in via, „ *omnium Fratrum vel Abbatis se orationi commendent*.

Ad idem collimat quod in sua Regula *cap. 8*. habet S. Fructuosus: „ Nemo Monachus usquam sine benedictione „ sui Senioris progrediatur.

Ad quæ verba reflectens Hugo Menardus ad *cap. 61*. §. 9. Conc. Reg. ait: „ Antiquus & laudabilis in Monasterio mos invaluit, ut nunquam Monachus *sine benedictione* vel oratione sui Rectoris foras progredieretur, ut hac veluti circumvallatus mundi pericula & „ dæmonum tela declinare possit.

Hujusporro disciplinæ non tantum in *Can. 64*. Trullano, sed etiam in hodiernis ac recentioribus Religiosorum Constitutionibus mentio passim occurrit; nec praxis dissonat.

„ Fratres (inquiunt Constitutiones Fratrum Eremitarum S. Augustini *p. 2. c. 17*.) „ antequam domum „ exeant, *genus sexu benedictionum* petant à Superiore, dicentes, *Benedicite Pater*: Superior vero de illam tanquam *deprecans Deum*, quod in eundo, stando, & redeundo, eos ab omnibus animæ & corporis periculis „ servare dignetur.

VI. Observat insuper Vir eruditus Hugo Menardus, quod S. Benedictus loquatur in plurali, *Dirigentes Fratres*, „ Quia, ait, nunquam solus Monachus, sed duo „ vel tres in via dirigendi sunt, ob *mutuam custodiam* „ animi præsertim.

VII. Quin & ex Regula Orientali notat idem Menardus, "disciplinam antiquam illorum Patrum non permisisse Monacho soli cum extraneo colloqui, sed dedisse comitem, & sermonum testem, non quemvis de trivio, sed probatum moribus; ne daretur occasio maligno.

VIII. Ab hac provida Patrum disciplina nec recentiores Monachorum ac Religiosorum Regulæ Constitutionesque recesserunt.

"Statuimus, ut nullus Frater nostri Ordinis, sive conventualis sit, sive hospes (verba sunt Constitutionum Eremitarum S. Augustini), cujuscunque dignitatis vel gradus, vadat ad civitatem vel oppidum absque socio Fratre Ordinis nostri Clerico vel laico seu converso à Priore assignando, neque aliquem Prior solum mittat, nisi ob gravem & urgentem necessitatem.... Sed nec ipse Prior solus vadat, nisi proinvenitabili necessitate.

Similia in aliorum Ordinum Constitutionibus ac Statutis passim occurrunt, refertque Petrus Martyr in Compendio Constitutionum Ordinis FF. Prædicatorum parte 2. c. 74. statutum: "Cum discursus inutilis & vagus Fratrumurbationem & scandalum pariat, & ex defectu combinationis Fratrum, dissolutiones, & insolentiae crescant; ideo neque sine licentia, neque sine socio itinera conficiant Fratres, & combinati nullo modo se separent ab invicem, quin se videre possint, & valeant mutuo testimonium perhibere, in quocumque sint loco, vel negotio, & transgressores acriter puniantur.

IX. Pergit ulterius Benedictus: "Revertentes autem de via Fratres, ipso die, quo redeunt, per omnes horas Canonicas, dum expletur opus Dei, prostrati solo Oratorii, ab omnibus petant orationem propter excessus; ne quid forsitan subripuerit in via visus aut auditus malæ rei aut otiosi sermonis.

Laudabilis planè praxis, ut nimirum per hanc humilitationem, atque Fratrum communes preces mundenur regredientes de via ab infectione, si quam à mundana conversatione contraxerint.

Ad idem tendit, quæ in plerisque Religionibus servatur & præscripta est disciplina, ut Fratres ad Monasteria revertentes benedictionem à Superiore petant & accipiant.

Addunt Constitutiones Eremitarum S. Augustini parte 2. c. 17. "Cum Fratres debent aliquid ire, eadem die non reverfuri, in eundo & redeundo ante majus Altare dicant Psalmum cum Precibus & orationibus prout in Officiis nostri Ordinis continentur.

X. Præterea S. Benedictus cap. 51. Regulæ habet: "Fratres, qui pro quovis responso diriguntur, & eadem die sperant reverti ad Monasterium, non præsumant foris manducare, etiamsi omnino rogentur à quovis, nisi forte eis ab Abbate suo præcipiatur.

"Hæc est (ait Hugo Menardus ad cap. 58. §. 1. Concord. Regul.) "antiqua Monachorum disciplina nobis sanè imitanda, ut mensas laicorum præsertim nobilium & divitum, quantum in nobis situm erit, declinemus. "Hactenus ille, qui ibidem latius exposuit pericula Monachis ex hisce laicorum convivii imminentia.

XI. Eodem indubiè collimat, quod in plerisque, præsertim Fratrum Mendicantium Constitutionibus ferè inculcatur, ut extra Monasteria in civitatibus nec bibant, nec manducent.

Et quidem inter novissima Decreta an. 1678. instante Patre Christiano Lupo tunc Ordinis Eremitarum S. Augustini in Belgio Provinciali, per Cardinalem Protectorem, probante S. Congregatione Cardinalium, edita, decimum quartum est: "Omnibus cujuscunque conditionis aut præminentie Patribus ac Fratribus in salutaris obedientie merito præceptum sit, ne quis extra Conventum in civitate, vel oppido, aut suburbis intra ejusdem civitatis aut oppidi muros compre-

hensis, audeat comedere vel bibere, sine expressa & in scriptis habita licentia Patris Provincialis.

XII. Novissimè decrevit Synodus Tridentina sess. 25. c. 4. de Regul. "Nec liceat Regularibus à suis Conventibus recedere, etiam prætextu ad Superiores subsaccedendi, nisi ab eisdem missi, aut vocati fuerint. Qui verò sine prædicto mandato in scriptis obtento repertus fuerit, ab Ordinariis locorum tanquam desertor sui Instituti puniatur.

Hoc Superiorum mandatum vulgò dicitur hodiè obedientia. Unde in Constitutionibus PP. Eremitarum S. Augustini parte 2. c. 17. ubi de licentia exeundi danda à Priore agitur, ad marginem notatur: Quando obedientia in scriptis debet dari.

XIII. Et ibidem præcipitur: "Si autem Frater aliquis extra Provinciam sine litteris testimonialibus sui Provincialis exiverit, veniens ad Conventum aliquem nostri Ordinis ab ostiario intromittatur, & postquam prædictas litteras non ostenderit, Prior eum in carcerem includi faciat, nec inde extrahatur, donec Provincialis providerit quid de eo sit agendum. Idem sit omnino judicium de Fratribus ejusdem Provincie sine litteris testimonialibus venientibus.

In aliorum Ordinum Constitutionibus graves quoque poenæ intentantur iis, qui sine hujusmodi litteris à suis Conventibus recedunt.

XIV. Ex hætenus dictis colligi potest, quod licet nec votum stabilitatis, nec professio Monastica attringat Proflitem ad perpetuam clausuram, nihilominus Patres Monachorum judicaverint, evagationem Monachorum ac frequentem cum secularibus conversationem Monasticæ professioni esse contrariam, & Religiosæ perfectioni conservandæ periculosam; unde non nisi ex causa, & multis adhibitis cautionibus egressum è Monasterio concedendum esse præceperunt.

Evitentur quoad fieri poterit (inquiunt Constitutiones Eremitarum S. Augustini parte 2. cap. 17.) Fratrum discursus per civitates & oppida; nec enim Religionis opinio ac devotio apud seculares ex eo augetur, imò indies magis ac magis minuitur.

Et in compendio Constitutionum PP. Prædicatorum parte 2. cap. 71. refert Petrus Martyr: "Licentia autem hujusmodi difficulter à Prælato concedi debent. Unde Romæ 1601. ordinatur, & præcipitur Conventuum Præfidentibus sub poena absolutionis ab officio, ne faciliè facultatem præbeant, etiam de consilio Patrum, Fratribus vagandi extra Conventum, vel eundi ad alios Conventus, seu oppida, etiam prætextu aliqujus necessitatis, nisi vera sit & urgentissima, cum constet hujusmodi discursus magna parere incommoda & scandala. Idem confirmatur Romæ 1608.

## CAPUT V.

An Professio Religiosa permittat transitum de una Religione ad aliam.

1. Primitus liber erat & frequens Monachorum de uno ad aliud Monasterium transitus.
2. Quid circa peregrinos Monachos statuerit S. Benedictus.
3. Rarior capit esse Monachorum transitus: & quare?
4. Rationes, quæ variorum transitum suadent.
5. Legitima causa transitus Monachorum.
6. Aliquando Monachus tenetur ad aliud Monasterium aut Ordinem transire.
7. Suspectus aliquando visus fuit crebrior Monachorum transitus: & quis transitus hic intelligatur.
8. Ex Decreto Tridentino nullus potest transire ad laxiorem Religionem, etiam prætextu privilegi.
9. Nulla Regularis superioris licentia ad hoc sufficit; & à quo licentia transeundi peti debeat.
10. Qualiter transitus Regularium Mendicantium prohibetur?

21. *Qua de causa concedatur transitus ad laxiorem Religionem?*
22. *Ad Strictiorem Religionem qualiter permittitur transitus?*
23. *Unde judicandum de rigore aut laxitate Religionis?*
24. *Non facili ob relaxationem Disciplinae in aliquo Monasterio transeundum ad diversum plane Ordinem.*
25. *Quid si dubitetur, num Religio sit arctior?*
26. *Monachus medians transitum tenetur consulere suum Superiorem.*
27. *Quid si Superior consensum transeundi neget?*
28. *In Italia transitus etiam ad Strictiorem non fit, nisi de licentia S. Congregationis.*
29. *Transiens ad aliam Religionem, an novum Novitiatum absolvere debeat?*
30. *Monachus transitum postulans exactè probandus, antequam ad professionem admittatur.*

I. PRIMITUS dum una quasi erat omnium Monachorum congregatio, unumque institutum, facilius ac frequentius quam hodie erat Monachorum de uno Monasterio ad aliud transitus.

II. Hinc in Regula S. Benedicti extat caput integrum 61. *De Monachis peregrinis, qualiter suscipiantur*; vultque Benedictus, ut, "Si quis Monachus peregrinus de longinquis Provinciis supervenerit, si pro hospitio te voluerit habitare in Monasterio, & contentus est consuetudine loci, quam invenerit, & non fortè superfluitate suâ perturbat Monasterium, sed simpliciter contentus sit, quod invenerit, suscipiatur quanto tempore cupit.

"Si verò postea, pergit Regula, voluerit stabilitatem suam firmare, non veniat ei talis voluntas; & maxime, quia tempore hospitalitatis potuit ejus vita dignoscitur. Quod si superfluum aut vitiosum inventus fuerit tempore hospitalitatis, non solum non debet sociari corpori Monasterii, verum etiam dicatur ei honestè, ut discedat, ne ejus miseria etiam alii vitentur. Quod si non fuerit talis, qui mereatur projici, non solum, si petierit, suscipiatur Congregationi sociandus; verum etiam suadeatur, ut stet: ut ejus exemplo alii erudiantur: quia in omni loco uni Domino servitur, & uni Regi militatur.

III. Et quantumvis Benedictus loqui videatur Monachis, qui nullam loci stabilitatem, aut determinatam Regulam fuerunt professi; nihilominus, etiam postquam Monachi loci stabilitatem, certamque Regulam voverunt, ipsis licitum fuit, non tantum Monasterium, sed & Ordinem mutare; id tamen rariùs contingit, nec nisi ferè urgentibus ex causis. Illa enim Monasterii Ordinisque semel suscepti mutandi prurigo tanquam levis animi nota suspecta habita est à Patribus; multisque titulis improbat.

IV. Et quidem S. Bernardus lib. de præcepto & dispensatione 16. multis de causis hanc mutationem improbat. Primum, "propter scandalum ipsorum quos deserit. Deinde, quia certa pro dubiis relinquere tutum non est, forsitan enim hæc tenere potest. Tertiò, suspectam habeo, ait, levitatem, quâ id, quod facili volumus antequam probemus, experti jam nolumus, uno prope momento id ipsum & cupientes & respicientes tam leviter, quàm & irrationabiliter.

V. Bernardo consonans S. Anselmus pluribus idem argumentum prosequitur; actandem concludit: "Quapropter, quicumque Cœnobitarum fortè propositum aggreditur; expedit ei, ut in quocumque Monasterio professus fuerit, nisi tale fuerit, ut ibi malum invitum facere cogatur, tota mentis intentione, amoris radicibus ibi radicare studeat; atque aliorum mores, aut loci consuetudines, si contra divina præcepta non sunt, etiam si inutiles videantur, dijudicare refugiat. Lib. 1. Epist. 29.

Legitimam proinde causam mutationis aliam agnos-

cere non videtur Anselmus, nisi *peccandi necessitatem*, quam quis sibi imminere videt, si in Monasterio manere cogatur. Quam rationem S. Bernardus his verbis expressit: Nam si hæc (conversio morum & obedientia) "ibidem pro improbitate nimirum atque irreligiositate cohabitantium obtineri fortè nequierint, duce spiritu libertatis indubitanter suadeo transire ad alium locum, ubi non impediatur homo reddere Deo vota sua, quæ distinxerunt labia sua. Et rursus Epist. 7. ad Adamum Monachum; reddens rationem ob quam in suo Monasterio reciperet Monachos propria Monasteria deferentes, ait: "Hæc ratione illos suscipimus, quoniam non putamus esse malum, si vota labiorum suorum, quæ in locis suis potuerunt quidem promittere, sed nequaquam perfolvere Deo, qui ubique est, ubique cumque reddant.

VI. Si itaque Religiosus seu Monachus videat Communitatem suam adeo deformatam, ut nulla videat nec in Fratribus, nec Superioribus observantia Regularis exempla, sed è contrario continuas transgressiones, atque ad prævaricandum Regulam, quam vovit, incitamenta; ita ut, spectatâ suâ fragilitate, videat sibi moraliter impossibile esse, in tali Communitate posse vota labiorum suorum Deo dignè perfolvere, vitamque verè Religiosam agere, indubiè duce spiritu libertatis poterit, imò debet se à tali Communitate, si fieri potest, separare, tutioremque locum querere.

VII. Ex dictis satis apparet, quod suspecta ac multis incommodis obnoxia jam pridem visa fuerit Monachorum, qui loci stabilitatem promiserunt, & certam Regulam vivendi voverunt, mutatio, sive translatio ad aliud Monasterium sive Religionem, eo nimirum sensu, ut definant esse Monachi Monasterii, vel Congregationis, cui semel per professionem solemnem erant incorporati; atque unâ à Regula, cui se astrinxerunt, absolvantur, & alteri Monasterio incorporentur, alterique Regulæ & Religionis alligentur.

VIII. Juxta disciplinam modernam per Concilium Tridentinum Sess. 25. cap. 9. De Regulari. "Nemo Regularis cujuscumque facultatis vigore transferri potest ad laxiorem Religionem.

IX. Quin nec Superioris cujuscumque Regularis licentia, sed sola Pontificis ex justa causa dispensatio sufficit, quod & in praxi servari notat Fagnanus ad cap. cum dilecti de Renunt. "Echujusmodi licentiæ, ait, transeundi ad laxiorem Religionem, etiam legitimis subsistentibus causis, consueverunt concedi à Papa in signatura gratiæ, & à Sacra Pœnitentiaria, à qua conceduntur plerumque ad supplicationem Generalis vel Procuratoris Ordinis, & de utriusque Religionis consensu S. Pœnitentiariæ exhibitio, ut sæpius vidi observatum, ait Fagnanus; atque ita ipsi Superiores Regulares agnoscunt, se non habere potestatem super hoc dispensandi, cum pro ea obtinenda recurrant ad Sedem Apostolicam. Hæc ille num. 28.

X. Ulteriùs cum experienciâ constaret, nonnullos è Religiosis Mendicantibus ad alios Ordines, præsertim Monasticos convolare, fucatis quidem coloribus, asserentes id fieri ob frugem melioris vite aut arctioris observantiæ, sed reverà, ut liberiùs degerent, dignitatesque & Beneficia Monastica consequi valerent, & ex certis aliis causis honestati non consonis (ut loquitur Pontifex in Extravagante 1. De Regularib. in comm.) generaliter prohibitus fuit Fratribus Mendicantibus transitus ad alium quemcumque Ordinem non Mendicantium, excepto solo Ordine Carthusianorum, sine licentia Papæ; idque sub pena excommunicationis ipso facto incurrendæ & soli Papæ reservatæ. Distincta Extravagante.

XI. Dispensat autem sacra Pœnitentiaria super transitu ab Ordine strictiori ad laxiorem ob ægritudinem aut infirmitatem: quam esse solam justam causam dispensandi credit Fagnanus, additque: Quinimò bonæ memoriæ



memoriæ Antonius Cardinalis Carafa olim Signaturæ Sanctissimi Præfectus, in sua *Glossa manuscripta ad cap. 19. Sess. 25. De Regularib.* testatur, se nunquam vidisse in Signatura gratiæ concedi transitum ab arctiore ad laxiorem Religionem, nisi ob infirmitatem vel debilitatem proveniente ex observantia ipsius Regulæ arctioris, cum vir Religiosus non possit ipsius statuta servare.

Verum, ut etiam hæc causa sit justa, videtur expendendum esse, num incommoda, quæ sequerentur in Religione, à qua transitus petitur, ex relaxatione aliquali Statutorum aut Regulæ in gratiam illius, qui illa in omni rigore ob corporis infirmitatem servare non potest, tanta sint, ut præponderent incommodis, quæ sequi solent ex translatione Regularis ad aliam Religionem, præsertim laxiorem.

XII. Si quis autem, inspirante Spiritu Sancto, desideret, non fictè, sed sincerè ad frugem melioris vitæ transmigrare, eumque in finem Religionem arctiorem amplecti, nequaquam prohibendus, etiam sub prætextu, quod quibusdam Monachis & Canonicis, nec non Hospitalariis aut Templariis à Sede Apostolica sit indultum, ne postquam aliquis fuerit professus apud eos, ad alium locum *ipsis invitis*, arctioris etiam Religionis obtentu transire valeat: quia *ubi Spiritus Dei est*, ait Pontifex in *cap. 18. De Regularib. ibi libertas: & qui Dei Spiritu aguntur, non sunt sub lege, quia lex non est posita iusto.* 2. ad Cor. c. 3. v. 17. 1. ad Tim. c. 1. v. 9.

XIII. Porro ut hoc ex capite fiat transitus, ad sensum hujus Decretalis nequaquam est attendendum, uti observat Fagnanus, an Monasterium, ubi primò quis fecit professionem, à principio suæ fundationis fuerit strictioris Regulæ, quam Monasterium, ad quod fit transitus, sed an secundum Monasterium *modò* sit arctioris observantiæ. Itaque sive laxior vita oriatur ex transgressione Regulæ, sive ex inobservantia Constitutionum, à Religione, in qua remissiùs vivitur, potest quis licitè transire ad minorem meliùs observatam.

Idem observat Cardinalis De Luca *Discursu 38. De Regularibus*, atque rectè advertit à Canonistis, "quod *strictior* est Monasterium Religionis *laxioris*, in quo servatur Regula, quam illud *strictioris* Religionis, in quo Regula non servatur. Neque refert, ait, quod Regula sit stricta, si vita est larga, neque perfectio consistit in Instituto, sed in observantia.

XIV. Quia tamen Monacho certam Regulam professio manendum est in ejusdem Regulæ & Religionis observantia, si notabilis causa avocer, non immeritò post Joannem Andræam monet Fagnanus, transitum ad aliam Religionem sive Ordinem, ob disciplinæ collapsum, fieri non posse, nisi totus ordo sit collapsus, nec sub sit spes reformationis. Unde si Monasterium v. gr. S. Benedicti sine spe reformationis sit collapsum: nihilominus si plura Monasteria ejusdem Ordinis, saltem in patria vel Provincia reperiantur non collapsa, tunc minime licebit ad aliam Religionem transmigrare. Hæc ille ad *cap. SANE De Regularibus*, qui & ad *cap. LICET eodem num. 21.* juxta prædicta, ait, quempiam posse transire de arctiore Religione, in qua remissiùs vivitur, ad minorem Religionem meliùs observatam; uti docet S. Thomas 2. 2. q. 189. art. 8. ubi refert in Collationibus Patrum, Abbatem Joannem dicere de seipso, quod à vita solitaria, in qua professus fuerat, transit ad minorem, scilicet eorum, qui vivunt in societate, propter hoc, quod vita Eremitica cœperat declinare, & laxius observari.

XV. Si verò dubitetur, num secunda Religio sit arctior, necessarium videtur judicium Superioris, uti post alios Canonistas notat ibidem Fagnanus.

XVI. Adhuc ne zelo sanctioris vitæ Monachus decipiat, atque angelus satanæ se transformet in Angelum lucis, tenetur Monachus transire volens petere licentiam Superioris, eique causam transitus exponere,

Tom. I.

qui eam sedulò expendat, perspiciatque utrum reverà ex zelo sanctioris vitæ hunc transitum meditetur, nihilque sit quod hic & nunc eum transitum impediatur.

XVII. Si Superior licentiam transeundi neget, poterit quidem juxta juris communis dispositionem, movente Spiritu Sancto, transire; sed meritò hic prudentum atque expertorum judicium expetet, ne alias seipsum Monachus fallat, vel etiam zelo præcipiti magna in Religione scandala & contentiones excitet.

XVIII. Quare notat Cardinalis De Luca, "neque à laxiore ad strictiorem transeundi licentiam concedi sine licentia Sacre Congregationis Regularium, quæ audito Superiore primæ Religionis, id concedere solet, certas præscribendo Religiones, in quibus benevoli receptores inveniuntur, pro facti qualitate ac singulorum casuum circumstantiis. *Disc. 41. ad Concilium Trid.* Quod an extra Italiam obtineat, dubito. Quod hic dicitur, Sacram Congregationem hanc licentiam non annuere, nisi *audito Superiore primæ Religionis*, conforme est Regulæ Benedictinæ, quæ ait: *Ca-* veat autem Abbas, ne aliquando de alio noto Monasterio Monachum ad habitandum suscipiat sine consensu Abbatis ejus aut litteris commendatitiis: quia scriptum est: *Quod tibi non vis fieri, alteri ne feceris.* *Cap. 61.*

XIX. Cum verò per veram translationem Monachus à Monasterio sive Religione, in qua professionem emisit, absolvatur, & alteri Monasterio vel Religioni per professionem incorporetur; vitamque suam juxta normam vivendi in hac Religione aut Monasterio observatam instituere debeat; ipsaque Religio eum pro sua facta professione debeat agnoscere, etiam novum Novitiatum seu annum probationis præmittendum esse benè probat Fagnanus ad *cap. AD APOSTOLICAM De Regularibus*, & post ipsum Cardinalis De Luca *disc. 38. de Regularibus*, quitamen ibidem monet, "quod S. Congregatio passim dispensare solet, aliquo brevi termino contenta, quoties præsertim non agitur de transitu ad *strictiorem magisque asperam* vitam: quoniam rigor integri & continui anni, qui regulariter dispensari non solet, procedit, ubi agitur de imprimendo statum Regularem in genere, cum formali ac omnimoda mutatione status irretractabilis, de seculari in Regularem ac de libero in servum, seu de vivo in mortuum. Secus autem ubi, isto statu jam impresso, agitur de accidentali mutatione vitæ potius sub una, quam sub altera Regula.

XX. Monet nihilominus seculi nostri Monasticæ disciplinæ zelosus instaurator Abbas Trappensis (a) majorem exactioremque probationem meritò exigi in receptione Monachi transeuntis, quam in receptione aliqujus de seculo. "Et sanè, qui per experientiam novunt, inquit, difficilius esse reformare, seu potius totaliter immutare aliquem venientem ex aliquo Monasterio, quam si è medio seculo veniret, non dubitant, quin novus Novitiatu sit necessarius, non tantum, ut loquitur quidam Pontifex, ob bonum Postulantis, qui se obligat, sed etiam in securitatem Congregationis, quæ eum recipit. Qui de seculo immediate egreditur, est quasi tabula rasa, cui quidquid libuerit, insculpitur & imprimitur; essetque res insolita, ut is adeò esset præsumptuosus, ut non recipe-ret cum submissione & docilitate instructiones & præcepta in re, cujus hætenus nullam notitiam habet. At non idem dici potest de Monachis: hi veniunt ab observantiis suis Monasticis pleni principiis, præventionibus & imaginationibus falsis, habitibus ibidem contractis fere in perpetuum addicti, ad ea contradicenda atque carpenda, quæ nec suis judiciis, nec ideis de Religionis statu præconceptis conformia sunt, promptissimi. Tandem tam multa in eis prius sunt evertenda, quam fiant capaces eorum, quibus & mente & corde imbuendi sunt, ut tempus Novitiatus &

(a) Bourhill de Ranc.

L I

pro-

» probationis non tam contrahendum sit quam protrahendum. Equidem ex hujusmodi translationibus tam rarus est profectus, ut antiqua Instituta, quæ Ordini, Regularitati, ac paci studuerunt, iis aditum præcluserint, aut saltem eas, nisi quàm maximè præconsultè non admittant.

» Antiquis majorem admittendi facilitatem conferre potuit integra & non impedita libertas, pacem Congregationis turbantes dimittendi; sed jam cum non adsit amplius æqualis potestas, & etiam ab invitis Religiosi morum non integrorum, quantumcumque sese efferat eorum depravatio, retineri debeant, nulla cura, nullum studium, quo deceptio in ejusmodi Institutis evitetur, non est subeundum. Et dici potest, sanctum Benedictum, si nostris viveret diebus, perspexisset quàm raro in fines expectatos mutationes hujusmodi deveniant, non tantum tempus probationi Religiosorum extraneorum destinatum, ad unam diem diminutum non fuisse, sed potius eorum Novitiatum in annos duos protrahendum. » Hæc ille ad cap. 61. Reg. Bened.

## CAPUT VI.

Quid observandum à Regulari prætendenti Professionem suam fuisse invalidam.

1. Olim liberum fuit omni tempore allegare & probare nullitatem professionis.
2. Decretum Synodi Tridentinæ circa licentiam allegandi dictam nullitatem.
3. Nullitas professionis bodie proponi debet intra quinquennium à die professionis.
4. Id etiam procedit tametsi nullitas prætendatur ex impedimento perpetuo.
5. Per lapsum quinquennii non inducitur tacita professio.
6. Reclamatio post quinquennium admittitur, si impedimentum sit notorii facti permanentis.
7. Contra lapsum quinquennii non admittitur excusatio ignorantie.
8. Metus aut vis tametsi perpetua non admittitur contra lapsum quinquennii.
9. De stylo Curia Romanæ datur restitutio in integrum adversus lapsum quinquennii; & quâ formâ expediat?
10. In Gallia restitutio illa non admittitur.
11. Causa nullitatis debet tractari coram Ordinario & Superiore Regulari.
12. Quis hic dicatur Superior Regularis; & quis Ordinarius?
13. Synodus Tridentina Superiori Regulari adjungens Ordinarium, non recedit à jure communi.
14. Conventus prætendens nullitatem alicujus professionis, eam coram Ordinario idque intra quinquennium allegare debet.
15. In Gallia deduci debet coram delegatis per Rescriptum Apostolicum Judicibus in partibus.
16. Qui spontè habitum Religiosum dimisit, causam nullitatis allegans, non auditur antequam habitum resumpserit.
17. Neque hic attenditur, num justa causa fuerit habitum dimittendi.
18. Edictum Caroli V. contra Religiosos abicientes habitum Religiosum.

I. OLIM, uti notant Canonistæ ad cap. 1. de his, quæ vi metusve causæ fiunt, si professus, qui à Monasterio exiverat, justam causam timoris, seu nullitatis suæ professionis prætendebat & allegabat, ad suum Monasterium redire non compellebatur, nisi causâ prius deductâ atque decisâ.

II. At cum similis à Monasterio recessus atque infinita ac illimitata contra professionem semel emissam reclamandi licentia, varia secum traheret incommo-

da, Synodus Tridentina hisce obviare volens, statuit sess. 25. cap. 19. de Regularibus. "Quicumque Regularis prætendat se per vim & metum ingressum esse Religionem: aut etiam dicat, ante ætatem debitam professum fuisse, aut quid simile; velitque habitum dimittere quacumque de causâ, aut etiam cum habitu discedere sine licentia Superiorum, non audiat, nisi intra quinquennium tantum à die Professionis; & tunc non aliter, nisi causas, quas prætenderit, deduxerit coram Superiore suo, & Ordinario. Quod si antea habitum spontè dimiserit, nullatenus ad allegandum quacumque causam admittatur; sed ad Monasterium redire cogatur, & tanquam apostata puniatur; interim verò nullo privilegio suæ Religionis juvetur.

III. Tria hic statuit Synodus. Primò, ut Regularis prætendens professionem suam esse nullam ob vim metusve illatum, aut defectum ætatis, aut quid simile, debeat causas nullitatis allegare, & deducere intra quinquennium à die professionis, aliàs non audiendus.

IV. Cum verò Synodus nullam causam nullitatis excipiat, sed duabus expressis generaliter dicat, aut quid simile; id est, similiter inducens nullitatem professionis, non videtur distinctio facta à Synodo, inter impedimenta temporalia, & perpetua; uti bene probat Fagnanus ad cap. 1. de his, quæ vi metusve causæ fiunt; docet enim sententiam asserentem, invaliditatem professionis ex impedimento perpetuo etiam lapso quinquennio posse proponi, semper à S. Congregatione Regularium fuisse reprobata; ac discussio articulo respondisse, quod etsi impedimentum sit perpetuum, illud tamen deducendum fuisse infra legitima tempora.

Insuper refert, Gregorium XIII. ex sententia sanctæ Congregationis declarasse, Regularem elapso quinquennio non esse audiendum, tametsi professus alleget, vim & metum semper durasse.

V. Hinc ulterius infert Fagnanus, Synodi mentem haud fuisse, ut per lapsum quinquennii inducatur tacita professio, sed tantum, ut post tanti temporis silentium audientia negetur: Neque enim absurdum est, ut qui tam diu tacuit, deinceps non audiat.

VI. Si tamen impedimentum sit notorium facti permanentis, adeò ut nulla super ejus existentia aut non existentia quæstio moveri queat, sed ad oculum pateat; tunc post quinquennium proponi poterit; non quia perpetuum est, sed ob notorietatem facti permanentis: Ut v.g. si vir in habitu muliebri professionem emisserit in Monasterio Monialium; quo item casu, quemadmodum monet ibidem Fagnanus, non obstat quinquennium Concilii, propter periculum scandali, & peccati.

VII. Quinquennium autem ex verbis Synodi currit à die professionis; ideoque lapso quinquennio à die professionis vis ordinariâ, & juxta Decretum Synodi, Regularis causas nullitatis deducere volens, non est audiendus; tametsi ignorantiam nullitatis, aut impedimenti prætendat, aut fuisset aliunde impeditus, quominus ipsam causam nullitatis deducere potuerit. Quod & ipsa Synodus non obscure innuit, cum dicit: audiendum non esse, nisi intra quinquennium tantum à die professionis.

VIII. Huic conforme est, quod dicitur Gregorius XIII. ex sententia Congregationis Concilii declarasse, nempe eos, qui per vim & metum se Religionem professos prætenderent, nisi intra quinquennium reclamaverint, eo lapso non esse audiendos, tametsi allegarent vim & metum semper durasse. (a)

IX. Hunc tamen quinquennii lapsum non impedire, quin ex justa causa detur restitutio in integrum, plures Canonistæ contendunt; eamque opinionem confirmat praxis Curia Romanæ; uti notat Cardinalis De Luca,

(a) Disciplina, quæ hac de re in Ecclesia Gallicana observari solet, legitur in novis Cleri Gallicani Commentariis t. 4. col. 289. discurs.

*discurs. 41. de Regularibus*; monens ibidem, non pertinere ad Judices de hujus restitutionis in integrum concessione cognoscere vel judicare; cum id *privative* pertineat ad Papam; qui eandem restitutionem concedere non solet, ait, nisi prævia consultatione Sacrae Congregationis Concilii, cui frequentius commissiones super hujusmodi restitutionis petitione dirigi solent; licet quandoque, *sed vimini raro*, etiam hunc Congregationi Regularium directæ fuerint: ac propterea in una, vel altera Congregatione assumitur formalis disputatio, an constet necne de sufficienti causa dictæ restitutionis; istaque consultatione accedente, signatur commissio directæ præfatis Judicibus à Concilio demandatis.

X. Et hæc quidem juxta praxim Romanam; at in Gallia ubi Decretum Concilii Tridentini quoad hanc quinquennii præfixionem etiam Regio Decreto firmatum est, restitutio in integrum contra hunc quinquennii lapsum recipi non solet; neque executio Rescripti Pontificii cum clausula ejusmodi restitutionis admitti; nisi incasum admodum extraordinario, uti docet Brodeau in notis ad Lotier, *litt. C. n. 8.* ibidem referens plura Parlamentorum Judicata, quibus hujusmodi restitutiones abusive declaratae fuere; & latius prosequitur Carolus Fevret, *tract. de Abusu l. 5. c. 3.* Eradmodum notandum exemplum refertur in libro cui titulus, *Journal du Palais, tom. 7. p. 65.*

Monet insuper Fevretius ibidem, *num. 26.* non sufficere, intra quinquennium fuisse reclamatum; sed constare debere de reclamatione per instrumentum authenticum in scriptis; quemadmodum professio ipsa Religiosa per scriptum, non autem per testes probari debet; uti supra monuimus.

XI. Secundo, juxta Decretum Concilii Tridentini debet Regularis causas nullitatis, quas præten dit, deducere coram Superiore suo & Ordinario.

XII. Superior, de quo in Decreto, intelligitur Superior localis, id est, illius Monasterii, in quo professionem emisit, seu ubi à Superioribus collocatus fuerit: cum sub nomine Superioris regularis, inquit De Luca, *disc. 41. ad Concil. Trident.* veniat ille, qui est Prælati illius Monasterii, vel Conventus, non autem totius Ordinis.

Huic convenit Arrestum Parlamenti Parisiensis, quo declaratum fuit, Provinciale Minorum abusive processisse propria sua auctoritate ad declarationem nullitatis professionis alicujus sui Religiosi. *Fevret, dicto loco.*

Similiter Ordinarius habetur ad mentem Synodi, qui est Ordinarius loci, in quo situm est Monasterium, Regularis nullitatem deducens.

XIII. Porro Synodus ad majorem cautelam Superiori Regulari adjungens Ordinarium, non plane corrigit jus commune, uti bene observat Fagnanus ad *cap. Nullus de Regularibus*; "Quoniam de jure veteri, ait, „Monasteria subiecta erant Episcopo Diocesano, *can. Monasteria 18. q. 2.* „ & ad eum spectabat cura & sollicitudo Monachorum: unde ipse poterat nulliter professos ejicere, sicut poterat illos ad Religionem admittere. „ Hæc Fagnanus; ex his ulterius concludens, Concilium Tridentinum, dum jubet adhiberi Episcopum in judicio nullitatis professionis, esse favorabile, & late interpretandum; cum per illud reditus fiat ad jus commune.

XIV. Quamvis ergo Synodus Tridentina verbis expressis duntaxat loquatur de Regulari *subdito* volente nullitatem professionis deducere, nihilominus præten dit Fagnanus, juxta naturam correlativorum, quod si Religio ipsa seu Conventus contendat nullitatem professionis, eadem quoque deducenda sit coram Ordinario: quin & ex eadem ratione correlativorum, ac insuper ex eo quod sit professio quidam contractus ultro citroque obligatorius inter Professum & Monasterium, in quo consequenter utrimque æqualitas servanda est,

*Tom. I.*

conjicit, Monasterium seu Religionem teneri intra quinquennium causas nullitatis deducere; eoque elapso non amplius audiendum; quod & sanctam Congregationem censuisse testatur.

XV. Refert autem Fevret loco citato, *num. 28.* in terris Ecclesiæ, & quibusdam Provinciis, quas *Obedientia* vocant, causam hanc ad præscriptum Synodi Trident. peragi; at in Gallia usu receptum esse, ut professionis nullitatem præten dens, recurrere teneatur ad Pontificem, à quo obtineat Rescriptum, quo causa delegetur Judicibus *in partibus*; & si aliter fiat, processum tanquam abusivum rescindi. (a)

XVI. Tertio, mandat Synodus, ut, si Regularis antequam causam nullitatis coram Superiore suo & Ordinario deduxerit, habitum sponte dimiserit, nullatenus ad allegandam causam admittatur, sed ad Monasterium redire cogatur, & tanquam apostata puniatur; interim vero nullo privilegio suæ Religionis juvetur.

XVII. Porro ut ad Monasterium redire, habitumque assumere cogatur, donec causa integre deducta & finita sit, non attenditur, num iusta causa dimittendi habitum fuerit, vel non; uti monet De Luca citato *disc. 41. de Regularibus*. Mandat enim Synodus simpliciter, ut Regularis, qui sponte habitum dimisit, priusquam causa legitime deducta fuit, restituatur, ac si nunquam habitum dimisisset; ne alias, ait, „Ita Religioso sub hoc prætextu concedatur licentia vivendi extra claustra, durante lite; quæ ita in longum protrahi possit, „ quamvis agnosceretur, quod litis eventus futurus „ esset malus, dum ita obtineretur intentum vivendi „ interim in seculo.

XVIII. His consonat, quod Carolus V. Edicto anni 1535. Bruxellis edito, declarat. „Ne quis Apostatas „ Religiosos, aut sine licentia exeuntes recipiat aut hospitetur vel assistat; sed denuntiet Officiario loci, qui apprehensos restituat Monasteriorum præfectis, unde fugerunt; & si super dispensatione aut professione „ litigandum sit, Judex in habitu eos manere, & in alio „ quo loco Religioso interim degere jubebit. Zyp. in Jure novo, *tit. de Apostatis num. 9.*

(a) Nec Fevretius nec Van-Espen optime noverunt hæc de eo Ecclesiarum Galliarum disciplinam, cum docuerunt in Gallia usu receptum esse, ut Professionis nullitatem præten dens recurrere teneatur ad Pontificem, à quo obtineat rescriptum, quo causa delegetur Judicibus *in partibus*, & si aliter fiat, Processum, tanquam abusivum, rescindi. Neque enim in Gallia rescriptum necessarium est, ut Officialis habeat auctoritatem judicandi, an reclamationis quæ sit adversus solemnem Religionis Professionem sit legitima, & ut possit de validitate votorum decernere. Infinitæ prope sunt sententiæ, quas in eo genere Galli Officiales absque Summi Pontificis rescripto pronuntiant; cum autem earum multitudo defectum impediatur, indicabo duntaxat Opus, in quo illæ vel citantur vel transcrip tæ sunt. Legatur potissimum Collectio quæ edidit Mongeot Parisiis an. 1655.

In Diocesisbus Italiae & aliis, in quibus Concilii Tridentini Decreta disciplinam spectant, recepta sunt; Officiales sine ullo Sedis Apostolicæ rescripto, cognoscunt de valore & nullitate Professionis Religiosæ, id testatur Fagnanus in Caput, quod incipit: *Nullus de Regularibus & transcurtibz ad Religionem num. 27.* Quin & Zypæus Canonicus & Officialis Antverpiensis docet in Flandriæ Diocesisbus viros Religiosos teneri confugere ad auctoritatem Episcopi Diocesani, nec hunc indigere rescriptis, ut de eorum votorum valore vel nullitate Decretum ferat.

## CAPUT VII.

An Monachi contumaces & rebelles possint post professionem à Monasterio ejici, & à Religione abscondi?

1. *Olim licitum fuit, Monachum rebellem & incorrigibilem à Monasterio ejicere.*
2. *Tentanda omnia pro ejus emendatione priusquam ejiciatur.*
3. *Monachus ejiciendus induebatur veste seculari, & abscondebatur absolute à Religione; & à Superiorum Regularium cura & regimine solvebatur, & Episcopo subdebatur.*

L 1 2

4. Hæc



4. *Hæc disciplina etiam seculo IX. quin & XIII. obtinuit.*
5. *Hæc tamen disciplina paulatim mutari cepit: & quare?*
6. *Jus Decretalium non admittit ejectionem absolutam à Monasterio vel Ordine.*
7. *Jus Decretalium repugnat antiquis Monachorum Regulis.*
8. *Aliquando acriter disputatum, num jus Decretalium hac in parte esset in usu, & an conveniret in usum deduci?*
9. *Decretum Urbani VIII. circa ejectionem incorrigibilem, aliquo-usque veterem disciplinam renovans.*
10. *Num moribus nostris hoc Decretum sit receptum.*
11. *Circa Monachos Apostatas bodierna disciplina à primis Monachorum Regulis recedit.*
12. *Magna cura adhibenda à Superioribus, ut rebelles ad meliorem frugem reducant.*
13. *Veteres Monachorum Patres solliciti fuerunt, ne ovis morbida alias inficeret.*
14. *Merito exactius examen bodie circa recipiendos ad professionem, quam olim præmittitur.*

I. **M**ONACHOS incorrigibiles olim potuisse ejici à Monasterio, ex Monachorum Regulis manifestum est.

Et quidem S. Benedictus, *cap. 28. Regula*, præscribens modum, quem Superior in correctione Monachi inobedientis fervare debet, si omnibus adhibitis nihil profecerit, vult, ut à Congregatione abscindatur. "Si quis Frater frequenter correptus pro qualibet culpa, inquit, si etiam excommunicatus non emendaverit, acrior ei accedat correptio; id est, ut verberum vindicta in eum procedat. Quod si nec ita correxerit, aut forte, quod absit, in superbiam elatus, etiam defendere voluerit opera sua, tunc Abbas faciat quod sapiens Medicus. Si exhibuit fomenta, si unguenta adhortationum, si medicamina Scripturarum Divinarum, si ad ultimum unctionem excommunicationis, vel plagas virgarum, etiam si viderit nihil suam prævalere industriam, adhibeat etiam, quod majus est, suam & omnium Fratrum pro eo orationem; ut Dominus, qui omnia potens est, operetur salutem circa infirmum Fratrem. Quod si nec isto medio sanatus fuerit, tunc jam uratur Abbas ferro abscissionis, ut ait Apostolus: *Auferite malum ex vobis: 1. Cor. c. 5. v. 13.* Et iterum: *Infidelis si discedit, discedat: 1. Cor. c. 7. v. 15.* ne una ovis morbida omnem gregem contaminet.

II. Vult ergo Benedictus, ut quidem nihil à Superiore omittatur, quo Monachus ad obedientiam, & meliorem frugem, ac præcipue ad humilitatem reducatur; sed si pertinax atque rebellis perseveret, ne modicum fermentum totam massam corrumpat, eum ex Congregatione & Monasterio ejici præcipit.

Sanctus Isidorus vult Monachum inobedientem prius ergastulo coarctari, eoque ad obedientiam reduci: "Quod si tum in malo perseverans perduraverit, & prona voluntate poenitentiam agere noluerit, & sæpe ac sæpe contumax murmurator patule contra Seniores vel Fratres in facie perstiterit, & cum propinquis se vindicare maluerit, in conlatione deductus exiatur Monasterii vestibus; & induatur, quas olim adduxerat, secularibus, & cum confusionis nota à Monasterio expellatur, ut ceteri emendantur, dum fortassis solus talis correptione ille delinquens corrigitur. *Apud Menardum ad cap. 37. Conc. Reg. §. 4.*

III. Hinc elucet, Monachos rebelles & incorrigibiles à Monasterio non tantum fuisse ejectos, sed etiam veste Monachali exutos, & seculari indutos, à Monastica disciplina, & Abbatum ac Superiorum cura & regimine solutos; atque ita cum reliquis laicis Episcoporum ac Pastorum solitudini concreditos.

IV. Quod & seculo IX. obtinuisse sat aperte decla-

rant Patres Concilii Meldensis anno 845. decernentes *Canone 59.* "Ut Monachus de Monasterio, sine consultu vel præsentia Episcopi aut Vicarii ejus ad hoc regulariter deductus non ejiciatur: *cujus dispositione & autoritate de cætero vita & conversatio ejecti, ne perditus perpetuo fiat, si aliquo modo salvari potest, ordinari debet atque decerni.*

Quin & seculo XII. scripsit S. Thomas, *Quodlib. 12. q. fin.* "Quandoquidem Apostolus velit, ut auferatur malum de Communitatibus nostris, ne modicum fermentum totam massam corrumpat, justum est, ut abscindamus ac ejiciamus Monachum incorrigibilem & insolentem.

Nequaquam igitur repugnat professioni Monastica, quominus Monachi post emissam professionem propter inobedientiam & rebellionem à Monasteriis ejiciantur, ne contagio ipsorum reliqui inficiantur.

V. Verum cum experientia compertum fuerit, quod nonnulli Prælati ad ejiciendos suos Monachos essent proniores, atque exinde vagandi occasionem acciperent Monachi cum evidenti salutis suæ detrimento, nec non publico Fidelium scandalo, hinc disciplina circa hanc ejectionem mutari cepit.

Et quidem Gregorius IX. in *cap. fin. de Regularibus.* "Ut Præsidentes Capitulis celebrandis secundum Statutum Concilii Generalis, seu Patres Abbates, seu Priores fugitivos suos, & ejectos de Ordine suo solite requirant annuatim. Qui si in Monasteriis suis recipi possint secundum Ordinem Regularem, Abbates seu Priores eorum, monitione prævia per Censuram Ecclesiasticam compellantur ad receptionem illorum, salva Ordinis disciplina. Quod si hoc Regularis Ordo non patitur, auctoritate nostra provideant, ut apud eadem Monasteria in locis competentibus, si absque gravi scandalo fieri poterit, alioquin in aliis Religiosis Domibus ejusdem Ordinis ad agendum ibi poenitentiam, talibus vitæ necessaria ministrantur.

VI. Hæc Decretalis, dum mandat ejectos annuatim perquiri, necessario supponit (ut recte post alios Canonistas advertit Fagnanus ad dictum *cap. fin. num. 37. & 38.*) "de cætero illos ejici non posse, ita ut extra loca ipsorum vagentur, sed tantum ne stent cum aliis Religiosis; alioquin inutilis esset circuitus, ut cogendi essent Superiores Regulares ad recipiendos ejectos incorrigibiles, si statim iterum possent illos à Monasterio ejicere.... Præcipit ergo Gregorius, ut expulsi de cætero ita recipiantur, ut amplius ab Ordine expelli non possint, sed in locis competentibus intra idem vel aliud Monasterium detineantur ad agendam poenitentiam; quod clarius probatur communi intelligentia, ad *cap. Cum in Ecclesiis de majoritate & obedientia*, in verbis: *Alioquin de Fratrum consortio penitus excludatur*; non enim dixit, *incorrigibiles excludi debere à Monasterio, sed à consortio*, ita ut non stent cum aliis, sed recludantur in locis competentibus, ut hic præcipitur, ad agendam poenitentiam. Hactenus Fagnanus; qui & ibidem plures refert famosos Canonistas, qui notarunt, per hanc Decretalem expulsionem incorrigibilem à Monasterio vel Ordine esse sublatam; eamque Sententiam probatam esse à sancta Congregatione sub Pio IV. edito Decreto, & Procuratoribus Ordinum intimato, quo prohiberetur, ne quis Regularium impofterum ejiciatur à Monasterio, etiam si sit incorrigibilis, sed peccantes à Superioribus ignominia & carcere castigantur, & acrius etiam, si opus fuerit, pro modo delictorum puniantur.

VII. Non diffiteri equidem Fagnanus huic Decreto ac Decretali contrariari non tantum S. Benedicti, sed & Augustini, aliorumque Patrum Regulas, quæ satis clare permittunt omnimodam expulsionem incorrigibilem ex Religione.

VIII. Neque pariter dissimulat, acriter disputatum fuisse sub initium hujus seculi tempore Urbani VIII. num hæc Decretalis, nec non prædictum Congregationis

tionis Decretum usu recepta essent, conveniretque in usum deduci; prægnantesque rationes à Regularibus fuisse adductas, quibus suadebatur, expulsionem è Monasterio esse permittendam; quas ibidem etiam proponit Fagnanus; sed nec rationes deerant, quæ hujus Decretalis, & Decreti observantiam postulare viderentur.

IX. Omnibus perpenlis, S. Congregatio, probante Urbano VIII. inter cætera Decreta de Regularibus Apostatis & Ejectis statuit sequentia: "Adhæc, ut imposterum nullus legitime professus ejici possit, nisi sit vere incorrigibilis; vere autem incorrigibilis minime censetur, nisi non solum concurrant ea omnia, quæ ad hoc ex juris dispositione requiruntur, sublati in hac parte Statutis, & Constitutionibus cujusque Religionis & Ordinis, etiam à Sede Apostolica approbati & confirmati; verum etiam unus anni spatio in jejuniis, & penitentia probetur in carceribus: proindeque Religio privatos habeat carceres in qualibet saltem Provincia. Elapso autem anno si nihilominus non resipuerit, sed animo indurato in sua pervicacia perseveraverit, ne contagione pestifera plurimos perdat, tanquam pecus morbidum ac membrum putre tandem ejici possit. sed ab ipso meto Generali tantum, ex consilio, & assensu sex Patrum ex gravioribus Religionis eligendis in singulis Capitulis, vel Congregationibus Generalibus; tumque non nisi instructo secundum eorum stylum & Constitutiones processu, & plene probatis causis expulsionis ad sanctorum Canonum præscriptum.

X. Juxta hujus Decreti tenorem, revocata aliquatenus videtur pristina Monachorum circa incorrigibilium & rebellium Monachorum expulsionem disciplina; sed multum dubito, num moribus nostris hæc congruant; hancque etiam cum tanta moderatione expulsionem patiantur.

Ex quidem, teste Zypæo, in Jure novo, tit. De Apostatis, mandavit S. Congregatio Nuntio Belgii 29. Februarii 1608. ut Decretalem Gregorii IX. de qua supra, in his regionibus juberet, efficereque observari per Superiores Regularium.

Neque in Gallia hujusmodi expulsionem permitti, sat indicat Renatus Choppinus in suo Monastico, lib. 1. tit. 3. atque in contradictorio judicio declaratum fuisse, fas non esse Superiorem Monachum è Monasterio ejicere, aut ad trirèmes condemnare, refert Boniface, lib. 2. tit. 31. cap. 4.

XI. Quoad Apostatas jam notavimus, Edicto Caroli V. cautum fuisse, ne quis Apostatas Religiosos, aut sine licentia exeuntes recipiat, aut hospiterur, vel assistat; sed denuntiet Officiario loci, qui apprehensos restituat Monasteriorum Præfectis unde fugerunt.

Sat aperte significat Edictum, Religiosos Apostatas etiam invitos ac rebelles Monasteriorum Præfectis esse restituendos, ac in Monasterium retrudendos, quorum rursus à pristina Monastica disciplina nonnihil receditur.

Pristina enim disciplina nonnisi penitentes, & emendationem promittentes, qui à Monasterio propria voluntate se subtraxerant, readmittebat: atque illos, quos in sua Apostasia obstinatos videbat, à Monasterio repellebat.

"Frater (ait Regula Benedictina, cap. 29.) qui proprio vitio egreditur de Monasterio, si reverti voluerit, spondeat prius omnem emendationem vitii, pro quo egressus est; & sic in ultimo gradu recipiatur, ut ex hoc ejus humilitas comprobetur. Quod si denuo exierit, usque tertio ita recipiatur; jam postea sciens omnem sibi reversionis aditum denegari.

XII. Interim ex illa Patrum disciplina quisque sat intelligere potest, quam curam & sollicitudinem, ac prudentiam desideraverint ac requisierint Patres in Monasteriorum Præfectis, quo subditos suos ad obedientiam ac meliorem frugem quacumque via reducerent.

XIII. Discere quoque poterunt Monasteriorum Moderatores, ac Monasticæ disciplinæ Zelatores, quam solliciti fuerint Monachorum Patres, ut morbidas, atque putridas ac pene desperatas oves à suis gregibus separarent, scientes quam facile vel ab una infecta ove totus grex inficiatur.

XIV. Denique cum moderna disciplina non permittat, Monachos rebelles ipsamque Religionem quantumcumque turbantes expellere, & à Congregatione omnino dimittere, major merito hodie in recipiendis ad Monasticam professionem cura, diligentiusque atque exactius examen & probatio adhibenda sunt, quam olim, dum similes è Monasterio ejicere licebat, ut recte advertit & monet zelosissimus Monasticæ disciplinæ Abbas Trappensis in commentario ad cap. 61. Regulæ Benedictinæ; cujus verba supra cap. 5. retulimus.

## TITULUS XXVIII.

### DE VOTO OBEDIENTIÆ.

#### CAPUT I.

Qualis debeat esse Obedientia?

1. Præcipua virtus Monachorum est Obedientia.
2. Debea Magister Novitios præcipue instruere debet.
3. Qua ratione Obedientia dicatur primus gradus humilitatis?
4. Obedientia debet esse generalis.
5. Obedientia requirit plenam à voluntate Superioris dependentiam.
6. Debet esse sine mora.
7. Requiritur ut sit fervens, non tepida.
8. Debet exhiberi hilari ac prompto animo.
9. Debet verus Obediens renuntiare propriæ voluntati.
10. Tenetur etiam renuntiare proprio judicio.

I. DE Monachis sui temporis loquens S. Hieronymus epist. 22. ad Eustochium, ait: "Prima, apud eos confederatio est, obedire majoribus, & quidquid jusserint, facere." Similiter Sulpitius Severus Dialogi 1. cap. 11. "Præcipua, inquit, ibi virtus & prima est Obedientia.

II. Et Callianus Magistri Novitiorum officium describens, lib. 4. Inst. cap. 8. ait: "Hæc erit ejus sollicitudo & eruditio principalis, ut doceat juniorem primitus suas evincere voluntates; quem studiosè in his ac diligenter exercens, hæc illi semper imperare de industria procurabit, quæ senserit animo ejus esse contraria. Multis siquidem experimentis edocti tradunt, Monachum, & maxime juniores, ne voluptatem quidem concupiscentiæ suæ refrænare posse, nisi prius mortificare per obedientiam suas didicerint voluntates.

III. Primus humilitatis gradus est obedientia sine mora, ait S. Benedictus in Regula cap. 5. Non quidem Ordine, sed utilitate, uti notat Sparagodus cap.

13. Diadematis Monachorum : " Obedientia, ait, salus est omnium fidelium, obedientia genitrix est omnium virtutum, obedientia regni cœlorum inventrix est, cœlum aperiens, hominem de terra elevans, obedientia cohabitatrix est Angelorum, obedientia Sanctorum omnium cibus est; ex hac enim ablactati sunt, & per hanc ad perfectionem venerunt.

Cui convenit illud S. Ferreoli Uctensis Episcopi in Regula cap. 1. " Primum ut Monachus, quem proprie manet multas in se virtutes ædificare, obedientia in se collocet fundamentum. " Ut vero Obedientia Religiosa vera sit ac perfecta, requiritur.

IV. Primo, *Præceptis Abbatis in omnibus* (uti loquitur S. Benedictus cap. 4.) *obedire, etiam si aliter, quod absit, agat.* Vel ut cap. 7. dicit, " Pro Dei amore cum omni obedientia se subdere Majori.

" Nihil itaque recusandum est (inquit S. Columbanus in Regula cap. 1.) " obedientibus veris Christi discipulis, quamvis durum & arduum sit : sed cum fervore, cum letitia arripiendum est. Quia si talis non fuerit obedientia, non erit acceptabilis Deo qui ait : " *Et qui non accipit crucem suam, & sequitur me, non est me dignus.* " Mat. c. 10. v. 38. Et S. Benedictus c. 68. " Si cui Fratri aliqua forte gravia aut impossibilia injunguntur, suscipiat quidem jubentis imperium cum omni mansuetudine & obedientia. Quod si omnino virium suarum mensuram viderit pondus excedere, impossibilitatis suæ causas ei, qui sibi præest, patienter & opportune suggerat, non superbiendo, aut festinando vel contradicendo. Quod si post suggestionem suam in sua sententia Prioris imperium perduraverit, sciat junior ita sibi expedire, & ex charitate confidens de adjutorio Dei obediat.

V. Secundo, perfecta Monachi obedientia exigit, ut Monachus in omnibus à voluntate Superioris dependeat; nihilque sine ejus agat consensu. Hinc S. Benedictus cap. 49. suæ Regulæ, loquens de operibus supererogationis, vult ut " hoc ipsum quod unusquisque offert, prius Abbati suo suggerat, & cum ejus fiat oratione & voluntate : quia quod sine permissione Patris spiritalis sit, præsumptioni deputabitur & vanæ gloriæ, non mercedi. Ergo, ait, cum voluntate Abbatis omnia agenda sunt. " Et capite 67. vindictæ regulari vult subiacere eum, " qui præsumpsit quidpiam, etiam parvum, sine Abbatis jussione facere.

VI. Tertio, debet esse Obedientia sine mora. Hanc conditionem exponens S. Benedictus cap. 5. ait de veris obedientibus, " Mox ut aliquid imperatum à Majore fuerit, ac si divinitus imperetur, moram pati nesciunt in faciendo : de quibus Dominus dicit : *in auditu auris obediunt mihi.* Et item dicit Doctoribus : *Qui vos audit, me audit.* Ergo hi tales relinquentes statim quæ sua sunt, & voluntatem propriam deferentes mox ex occupatis manibus, & quod agebant imperfectum relinquentes vicino obedientiæ pede jubentis vocem factis insequuntur; & veluti uno momento prædicta magistri jussio, & perfecta discipuli opera, in velocitate timoris Dei, ambæ res communiter citius explicantur.

Benedicto congruens S. Columbanus, ait : " *Ad primum verbum Senioris omnes ad obediendum audientes surgere oportet.* Quia obedientia Deo exhibetur, dicente Domino nostro Jesu Christo. Luc. c. 10. v. 16. *Qui vos audit, me audit.*

Et S. Bonaventura : " Obediens non est, sed negligens, qui secundum expectat mandatum. Ut obedientia Religiosi Deo sit acceptabilis, debet esse prompta sine dilatione.

VII. Quarto, obediendum non tepide monet Regula Benedictina cap. 5. sed ferventer, solícite & diligenter : & hoc est ex charitate obedire. Charitas enim excitat fervorem & sollicitudinem. Unde cap. 71. dicitur : " Omnes juniores Prioribus suis omni charitate & solitudine obediant.

VIII. Quinto, obedientia exhibetur biliter, sive ut Regula Benedictina exponit; cum bono animo; " quia *HILAREM datorem diligit Deus*, 2. Cor. c. 9. v. 7. " Nam cum malo animo si obedit discipulus, & non solum ore, sed etiam in corde si murmuraverit, etiam si impleat jussionem, tamen acceptum jam non erit Deo, qui cor respicit murmurantis. " *Disso* cap. 5.

IX. Porro talis nequaquam erit Religiosa obedientia nisi prius propriæ renuntietur voluntati. Unde & S. Benedictus veros obedientes dicit, *voluntatem propriam deferentes.* Et inter instrumenta bonorum operum reponit, *voluntatem propriam odisse.* Et cap. 7. suæ Regulæ vult, ut *quis propriam non amans voluntatem desideria sua non delectetur implere.*

X. Nec tantum propriæ voluntati renuntiare, atque Superiorum se voluntati subicere tenetur obediens Religiosus; sed etiam proprio judicio renuntiando alienum sequi; juxta illud de veris obedientiæ Filiis dictum S. Benedicti, citato cap. 5. " *Non suo arbitrio viventes, vel desiderii suis & voluptatibus obedientes, sed ambulantes alieno judicio & imperio in cœnobiis degentes,* " Abbatem sibi præesse desiderant : " Vel ut ait cap. 72. " non quod sibi utile judicat sequatur, sed quod magis alii. " Atque hæc est illa priscis recentioribusque toties commendata OBEDIENTIA CÆCA; de qua latius capite sequenti.

## CAPUT II.

### De Obedientia cæca.

1. *Veri obedientes alieno judicio vivunt; & hinc obedientia cæca.*
2. *Obedientia an exigit, ut in omnibus obediatur Superioribus?*
3. *Interdum magna in obediendo discretione opus est.*
4. *Non semper Monachorum excusat præceptum aut licentia Prælati.*
5. *Qua ratione obedientia dicitur cæca?*
6. *In quibus obedientia debeat esse cæca?*
7. *In aliquibus cum magna discretione & discussione obediendum est.*
8. *Valde perversum est obedire Superioribus contra legem Dei aliquid præcipientibus.*
9. *Aliquorum obedientia merito dicenda inobedientia.*
10. *Quandonam voluntas Prælati suscipienda ut voluntas Dei.*
11. *Obedientia fiduciam conciliat Monacho in agendis, si Prælati sit talis, qualis esse debet.*
12. *Subinde major difficultas est, majusque meritum in refragando, quam obediendo Prælati.*

I. SANCTUS Benedictus de veris obedientibus ait : " *Non suo arbitrio viventes, & desiderii suis & voluptatibus obedientes, sed ambulantes ALIENO JUDICIO & imperio.* Cap. 5. Regulæ.

Cui congruit illud S. Gregorii in 1. Regum cap. 14. " Vera obedientia nec Præpositi interiora discutit, nec præcepta discernit, quia, qui omne vitæ suæ judicium Majori subdidit, hoc solo gaudet, si quod sibi præcipitur, operetur : *Nescit enim judicare, quisquis perfectè didicerit obedire* : quia hoc tantum bonum putat, si præceptis obediat.

Et Joannes Climacus Gradu 4. " Obedientia est inextinguibilis atque indiscussus morus, spontanea mors... " Obedientia est sepulchrum voluntatis, & excitatio humilitatis : nihil resistit, nihilque discernit, mortua in malis & in bonis apparentibus. " Ita legit editio Veneta.

Hinc illa à Patribus aliisque vitæ Monasticæ Magistris, tot encomiis celebrata obedientia cæca.

II. Quid igitur? Obediendumne indifferenter ac generaliter



neraliter Superiorum mandatis, nullumque subditis periculum obediendo imminere potest: adeo ut sine discussione aut examine, *cæcâ obedientiâ* in omnibus Prælatorum præceptis obtemperantes in suis actionibus sint omnino securi, quod nihil Dei voluntati contrarium faciant? Nequaquam sanè.

III. "Admonendi sunt subditi (ait S. Gregorius apud Gratianum 2. q. 7. *Can. 57.*) „ ne plus quam ex-  
„ pedit sint subiecti, ne cum student plus quam neces-  
„ se est hominibus subijci, compellantur vitia eorum  
„ venerari.

IV. Cui consonat quod Adamo Monacho, se ob præceptum Superioris, quod sequutus fuerat, excusare volenti respondit S. Bernardus. *Epist. 7.*

"Sed quid ad me, inquit Monachus? Ille videtur, cui mihi contradicere fas non erat. Non est discipulus super Magistrum. Docendus, non docturus, ejus lateri adhærebam. Sequi debui, non præire præceptorem auditor. „ Ad hæc exclamabat Doctor mellifluus: "O Monachum obedientissimum, cui ex quibuslibet Seniorum verbulis ne unum quidem iota prætervolet! Non attendit, quale sit, quod præcipitur, hoc solo contentus, quia præcipitur. Et hæc est obedientia sine mora. Si ita oportet, sine causâ legitur in Ecclesia: *Omnia probate, quod bonum est tenete.* 1. Thess. c. 5. v. 21. Si ita oportet, deleamus jam de libro Evangelii: *Estote prudentes sicut serpentes*, sufficiente quippe quod sequitur, *Et simplices sicut columbæ.* Mat. c. 10. v. 16. Nec dico à subditis mandata Præpositorum esse dijudicanda, ubi nil juberi deprehenditur divinis contrarium institutis, sed necessariam assero & prudentiam, quâ advertatur, si quid adversatur; & libertatem, quâ & ingenuè contemnatur.

Prudentia ergo Christiana etiam in obediendo necessaria est Monacho.

Et sanè quia omnis Superior homo est, isque peccatis & ignorantis obnoxius, quidni & in præcipiendo à lege Dei incommutabili recedere possit? Quod si contigerit, *indubitanter*, ut loquitur Bernardus, *pergendum in Petri sententiam: Quia oportet Deo magis obedire, quam hominibus.* Act. c. 5. v. 29.

V. Quâ ratione ergo *cæca* obedientia? Respondeo, *cæca* est, ad ea, quæ cupiditas seu amor proprius suggerit. Vera enim ac perfecta obedientia non solet discutere, aut inquirere, quæ contra Superiorum mandata amor proprius sive cupiditas suggerit, ut se à mandatis eximere possit; ut putâ, quod naturæ nimium dura & aspera, imò quodammodo *impossibilia*: quod alteri potius quam sibi id injungendum esset; quod importuno præcipiatur tempore; quod ultra Regulam; quod indifferetè; imò malo & averso animo, aliaque similia: Ad ista, inquam, *cæca* est perfecta obedientia, nihilque eorum sollicita attendere, aut discutere; Prælatorum judicio, tanquam Dei Ordinationi se subijciens.

VI. De his intelligi oportet illud Bernardi, tractatu De præcepto & dispensatione *cap. 10.* "Porro imper-  
„ fecti cordis & infirmæ prorsus voluntatis indicium est,  
„ Statuta Seniorum studiosius discutere; *hærrere ad sin-*  
„ *gula*, quæ injunguntur, *exigere de quibusque rationem;*  
„ & male suspicari de omni præcepto cujus causa latue-  
„ rit, nec unquam libenter obedire, nisi cum audire con-  
„ tigerit, quod *forte libuerit*: aut quod non aliter li-  
„ cere seu expedire monstraverit vel aperta ratio, vel  
„ *indubitata* auctoritas. Delicata satis imò nimis mole-  
„ sta est hujuscemodi obedientia. Non planè hæc illa  
„ est, quæ ex Regula traditur, *obedientia sine mora.*

VII. At cum de transgressione legis divinæ agitur, nequaquam vera obedientia *cæca* est; sed tota luminosa, & undequaque prospiciens & attendens utpotè ex luminosa Dei charitate Superioribus tanquam Deo obediens, sollicitè cavet, ne Superioribus obediens, Deo inveniat inobediens.

VIII. Sciunt hi quod ad Adamum Monachum dicebat S. Bernardus in citata *Epistola 7.* "Valdè autem  
„ perversum est profiteri te obedientem, in quo nosce-  
„ ris superiorem propter inferiorem, id est, divinam  
„ propter humanam solvere obedientiam. Quid enim?  
„ quod jubet homo, prohibet Deus, & ego audiam  
„ hominem, surdus Deo? Non sic Apostoli. Clamant  
„ quippe dicentes: *Melius est obedire Deo, quam ho-*  
„ *minibus.* Igitur facere malum quolibet etiam jubente,  
„ constat non esse obedientiam, sed potius inobe-  
„ dientiam.

IX. Illa ergo obedientia, quâ nonnulli se in omnibus sine ulla discussione Superiorum voluntati subijciunt; præsertim in his, quæ corruptæ naturæ & concupiscentiis magis favent, & ad Regulæ ac disciplinæ Monasticæ relaxationem tendunt; idque non raro ut sibi Abbatum aut Superiorum gratiam aut favorem concilient, sæpius potius *inobedientia*, quam obedientia dicenda erit; atque hic meritò applicari potest, quod Adamo Monacho similem obedientiam obtemperanti respondit S. Bernardus: "Vanissimam præsumptionem,  
„ turpissimam levitatem, crudelissimam dissensionem,  
„ *obedientia*, modestiæ, mansuetudinis nominibus velas,  
„ & velatis fordibus sacra illa vocabula maculas.

X. Itaque dicamus cum S. Basilio in *Regulis breviter disputatis quæst. 114.* "Quod si quid nobis imperatum  
„ sit, quod idem sit cum mandato Domini, adjuverve,  
„ illud tanquam voluntas Dei studiosius diligentiusque  
„ à nobis suscipi debet, idque servari convenit, quod  
„ dictum est, Eph. c. 4. v. 2. *supportantes invicem in*  
„ *charitate Christi.* Quoties verò aliquid, quod man-  
„ dato Domini aut repugnat, aut aliqua ex parte vitiet  
„ contamineve, facere ab aliquo iussi fuerimus, tunc  
„ commodè illud usurpabimus: *Oportet obedire Deo magis,*  
„ *quam hominibus.*

XI. Illud equidem indubitatum est, per obedientiam Religiosam conciliari fiduciam ac pacem internam, si Monachi nacti fuerint Superiorem, qui rectum iter ad Deum volentibus pergere (ut loquitur S. Basilius) sciat commonstrare, qui ornatus virtutibus sit, cujus universæ totius ipsius vitæ actiones testimonio sint, charitatem in eo erga Deum inesse, qui divinarum litterarum scientiam habeat, virum integrum, nec ulli distractioni indulgentem, ab avaritia abhorrentem, minimè libenter gerendis se negotiis admiscentem, quietum, amantem Deum, egentium studiosum, minimè iracundum, injuriarum immemorem, naturâ propensum ad eos docendos, qui ad ipsum accedant, quem gloria inanis non inflat, superbia non extollat, adulatio non frangat, severum atque constantem, cui denique nihil sit præstantius honore Dei. „ Tunc Monacho rectè dicitur: "Voluntatem tuam exuito, ac foras projicio: atque ubi hoc feceris, dede te illi, ut sincerissimum veluti vas quoddam existas, qui quæ in te infundantur virtutes, ad laudem Dei gloriamque ab omni vitio castas conserves.

XII. At è contrario si Superior scientiâ convenienti appareat destitutus, plus habens de mundi quam Religiosis spiritu, magis ad relaxationem quam Religiosam observantiam inclinatus; tunc indubiè non tantum prudentiâ ac discretione magnâ in obediendo; sed etiam non raro magnâ virtute & constantiâ opus erit, ut Superiorum voluntati & inclinationi non pareatur: quin & subinde difficilius erit in Monasteriis, quibus similes Superiores præfunt, Deo fideliter servire, & vota sua exactè persolvere, quam in Monasteriis reformatis ardua quæque ac aspera vitæ Monasticæ exercitia cum plena ac perfecta obedientia subire. (a)

(a) Sunt quidam alii casus, in quibus non teneretur Vir Religiosus Gallus obedire suo Generali, qui extra Regnum Galliarum versaretur; quales sunt illi, quos complectitur Arrestum Regium datum 8. Jan. an. 1676. En contextus *Vent & ordonne Sa Majesté, conformément à l'usage du Royaume, qu'aucune* *Sensence, Décret,*

## CAPUT III.

An obediendum Superiori aliquid contra vel supra Regulam præcipienti?

1. Quod ante professionem erat libertatis, post professionem fit necessitatis.
2. Superiori obediendum est juxta Regulam.
3. Promissio obedientiae fit, salva professione, sive secundum Regulam.
4. Abbas non potest suo arbitrio Regulam infringere.
5. Differentia eorum, quæ in Regula occurrunt.
6. In his, quæ ad substantiam Regulæ pertinent Superior dispensare nequit.
7. Vitam communem relaxare Superior non potest.
8. Superioribus eam auctoritatem sibi asserentibus credendum non esse, declaravit Clemens VIII.
9. Quædam in Regula præcipiuntur, quæ ad substantiam Regulæ non spectant.
10. Quomodo in his Superiores interdum dispensare possunt.
11. Obedere Superiori relaxanti aliquid de regula plus meriti habet, quam exteriori Regulæ observantiae insistere.
12. Superiori fas non est avertiorem vivendi normam suis præscribere, quam Regulam continetur.
13. Potest aliquando Superior aliquid subdito imponere, quod Regula non præscribit.
14. Id permittit S. Benedictus.
15. His non refragatur S. Bernardus.
16. Non facile recusanda obedientia, dum aliquid imponitur, quod supra Regulam videtur.

I. Quod de Regula S. Benedicti dixit S. Bernardus, id universum de omnium Ordinum Regulis dicendum, nimirum quod illa "omni homini proponitur, imponitur nulli: prodest, si devotè suscipitur & tenetur: non tamen, si non suscipitur, obest. Quod autem in voluntate est suscipientis, non in potestate proponentis, voluntarium meriti dixerim, non necessarium. Attamen hoc ipsum quod dico voluntarium, si quis ex propria voluntate semel admiserit, & promiserit deinceps tenendum, profectò in necessarium sibi ipse convertit; nec jam liberum habet dimittere, quod ante tamen non suscipere liberum habuit. Ideoque quod ex voluntate suscepit, ex necessitate jam tenebit: quia omnino necesse est eum redere vota sua, quæ distinxerunt labia sua, & ex ore suo aut condemnari jam aut justificari.

Uno verbo, quæ in Regula continentur, nec tamen à Deo aut Ecclesia præcepta sunt, non profitentibus quidem libera sunt, nec eos gravant non observata: cum tamen Profitentibus, aribidem Bernardus, in præcepta prævaricantibus, in crimina fiant.

II. Quemadmodum ergo non sufficit Religioso velle Superiori obedire, nisi unà & Deo obediat; quia, ut ait Bernardus loco citato cap. 14. "ut interior oculus verè simplex sit, duo illi arbitror esse necessaria, caritatem in intentione, & in electione veritatem; ita nec Superiori obediendum, nisi secundum Regulam imperet. Regulam enim quam professus est, tenetur Religiosus servare; & consequenter obedientiam ita exhibere Superiori, ut Regulæ votique non inveniatur prævaricator.

III. Quod & in ipsa professionis formula indicatum

*Ordonnance, Lettres citatoires, Commissions & autres Rescripts envoyés par les Gens d'armes des Ordres Réguliers, ne pourront être exécutés dans le Royaume, Pays & terres de son obéissance, qu'ils n'aient été autorisés par ses Lettres Patentes, scellées du grand Sceau. Enjoignant à tous les Provinciaux, sous les peines du Droit, de faire publier le présent Arrêt dans tous les Couvents de leurs Provinces, & de tenir la main à l'exécution d'icelui, selon sa forme & contenu.*

voluit Benedictus; cum obedientiam exigit, non simpliciter, sed secundum Regulam.

Hoc advertens S. Bernardus; ait: "Hic qui profiteretur, sponder quidem obedientiam, sed non omnino dam, sed determinatè secundum Regulam. " Et alibi: "Dico ergo Abbati per omnia obtemperandum, sed salva professione. " Epist. 7.

IV. Nequaquam ergo Abbati, aut Superiori obedientia exhibenda, si obediendo constitueretur Regulæ transgressor. Neque enim Abbatis est Regulam inverttere, aut ab ea pro suo recedere arbitrio. "Notum est, (ait Bernardus Epist. 7.) "solemniter ac regulariter profiteri quemque in præsentia Abbatis. In præsentia ergo tantum, non etiam ad nutum ipsius fit cuiusque professio. Testis proinde adhibetur Abbas non dator professionis; adiutor non fraudator adimplentionis; vindex non auctor prævaricationis. Quod igitur? Ponam in manu Abbatis quod absque ulla exceptione coram Deo & Sanctis ejus propria manu & ore firmavi, audiens ex Regula, si quando aliter fecero, à Deo me esse damnandum, quem irrideo? Si Abbas meus aut etiam Angelus de cælo contraria jussit, liberè recusabo hujusmodi obedientiam, quæ me transgressorem voti proprii, & pejerare faciat nomen Dei mei... Viderit denique Abbas meus quid sibi faciendum putet de eo, quod ex Regula ad ipsum specialiter dirigitur, ut præsentem Regulam in omnibus conservet; & item quod universaliter præcipitur, & nemo excipitur: ut omnes scilicet per omnia magistrum sequantur Regulam; nec ab ea teneantur devietur à quoquam. Ego sicut ipsum sequi decrevi semper & ubique magistrum, ut nequaquam à Regulæ, quam teste ipso juravi & statui custodire, deviem magisterio.

V. Sed numquid Abbas aliisve Regularis Superior in Regula dispensare potest, eique dispensanti à Subditis obedientia exhibenda? Pro hujus quæstionis elucidatione & resolutione prænotandum, quædam in Regula esse, quæ etiam inviolabili, & immobili lege Dei præcepta sunt; ut v. g. quicquid de amore Dei & proximi, de humilitate, mansuetudine cæterisque virtutibus Regula præscribit. Alia sunt, quæ quidem præcepto divino omnibus non sunt, sed tamen talia sunt, ut sine illis professio Religiosa, seu vota emissæ nequaquam servari queant.

VI. Quoad hæc nulla est Superiori dispensandi auctoritas; quia ipse non destructor professionis, sed vindex professionis constituitur: nec Regulam ipse destruere, sed conservare jubetur. Unde inter monita, quæ Abbati proponit S. Benedictus illud est præcipuum, ut præsentem Regulam in omnibus conservet. "Neque enim, ait Bernardus, Abbas supra Regulam est, cui semel & ipse spontaneè se professione submisit.

VII. Si ergo Abbatis alteriusve Prælati jussio servari nequeat sine manifesta relaxatione vel infractione votorum aut vitæ communis, quæ, ut ait Synodus Tridentina Sess. 25. De Regularibus cap. 1. "ad substantiam Regularis vitæ pertinent; & bases sunt & fundamenta totius Regularis disciplinæ, quibus non exactè conservatis, totum corrumpitur ædificium necesse est, nequaquam ei obediendum erit; sed dicere poterit subditus, quod in simili dixit Bernardus: "Liberè recusabo hujusmodi obedientiam, quæ me transgressorem voti proprii constituit, & pejerare faciat nomen Dei mei.

VIII. Hisce principiis insistent Clemens VIII. in Constitutione, quæ incipit, Nullus omnino, proposita vitæ communi, ad quam vi suæ professionis Regulares obligantur, pœnisque in non observantes decretis, monet universos, se à dictis pœnis nequaquam futuros immunes ob Superiorum quamcumque indulgentiam: "etiam si, ait, Superiores asseverent se ejusmodi dispensationes, aut licentias dare posse; quibus

„ quibus ea in re fidem minimè adhiberi volumus.

IX. Tertii denique generis praecepta in Regulis Monasticis occurrunt, quae quidem ad legis divinae, ipsiusque professionis Monasticae observantiam plurimum conducunt, atque pro facilitanda vororum impletione ordinatissime praescripta fuere, nequaquam tamen ita necessaria sunt, quin interdum sine illis non tantum lex divina, sed etiam ipsa Religiosa professio exactè observari queat; imò si ad litteram Regulæ semper deberent observari, nonnunquam legis divinae, aut professionis Monasticae impletioni plus obessent, quam prodesse, cujus generis sunt jejunia, vigiliae, aliaeque corporales exercitationes.

X. Haec, quia & per ipsam Regulam, cui & Abbas subiectus est, ordinata sunt, quamdiu charitati (cui augendae & fovendae unicè Regula subservit) militent, immobiliter fixa sunt, inquit S. Bernardus, immutarique omnino ne ab ipsis quidem Praepositis sine offensa possunt. At si contraria aliquando charitati visa fuerint, his duntaxat, quibus hoc posse videre datum est, & providere creditum est, nonne iustissimum esse liquet, ut quae pro charitate inventa fuerint, pro charitate quoque, ubi expedire videbitur, vel omittantur, vel intermittantur, vel in aliud fortè commodius demutentur? Haec Bernardus *Tractatu de Praecepto & Dispensatione cap. 2.* qui ibidem *cap. 4.* fusè ostendit, neque haec in Abbatis voluntate sita esse ut ejus serviant voluntati, sed magis charitati. „ Est proinde (pergit Bernardus) „ ut interdum Regulæ littera cedat pro „ tempore charitati, cum ratio necessitatis vel charitatis exegerit, absit tamen ut hominis cujuscumque subdatur voluntati. .... Arbitror namque sanctas illas observantias Praelatorum prudentiae & fidei creditas, non subditas voluntati.

Licet ergo Praelati nec in his externis atque corporalibus observantiis Regulam abolere aut mutare queant, possunt tamen pro temporum ac personarum circumstantiis in illis ex iusta causa dispensare, ut charitati subserviant. Neque in hoc Regulæ repugnant, sed obsequuntur; quae haec non quidem Praelatorum voluntati, sed providae dispensationi relinquunt.

XI. Proinde obedientia Religiosa, tamen si à Regula recedere non debeat, nec Praelatus Regulæ praevagationem sequi, tamen Praelato pro tempore aut personis ex rationabili causa in hisce dispensanti obsequi tenetur; imò & in hisce subinde locum habere potest caca obedientia: ac interdum plus meriti erit in obediendo, quam in arctiori ipsius Regulæ exteriori & litterali observantia.

XII. Porro sicuti Praelato fas non est, Regulam pro suo arbitrio relaxare, subditosque ab ejus observantia generaliter & in perpetuum eximere; ita nec illi fas est, ejus rigorem augere, atque subditos arctiori Regulæ subijcere.

„ Is, qui profitetur, (verbis loquor S. Bernardi) „ spondet quidem obedientiam, non tamen omnimodam, sed determinatè secundum Regulam, ... ut „ oporteat, qui praest, non fræna suae laxare voluntati super subditos: sed praefixam ex Regula sibi scire mensuram. ... Ergo Praelati jussio vel prohibitio non praetereat terminos professionis. Nec ultra „ extendi potest, nec contrahi citra. Nil me Praelatus „ prohibeat horum, quae promisi, nec plus exigit quam „ promisi. Vota mea nec augeat sine mea voluntate, „ nec minuat sine certa necessitate. .... Ponant ergo „ Praepositi metam obedientiae subiectorum ex votis laborum ipsorum, nec suorum desideriorum: monentes, eos non cogentes ad celliora; condescendentes eis „ cum necesse fuerit ad remissiora, non cadentes cum „ eis. *De Praecepto & dispensatione cap. 4. & 5.*

XIII. Verum hinc nullatenus consequens, Abbatem aliumve Superiorem non posse subinde in certis circumstantiis, & iustis de causis, vel in poenam delinquentis, vel pro exercitio virtutis huic illive Religioso injungere

Tom. I.

aliquod opus magis arduum, v. gr. jejunium prolixius, quam Regula praescribit.

XIV. In his rursus ipsa Religiosa obedientia elucere debet: quod & non obscure supponit S. Benedictus *cap. 68.* suae Regulæ, praecipiens, ut Monachus etiam obediat, si aliqua fortè *gravia* aut *impossibilia* injungantur; apertè satis innuens, illa à Praelato ultra Regulam imponi subinde posse.

XV. Dicta igitur S. Bernardi nequaquam accipienda sunt de Praepositis, qui iusta de causa in casu aliquo particulari aliquid ultra Regulam imponunt; sed de his, qui *generaliter* atque pro *omni* tempore, subditis suis duriores arctioresque vivendi normam, quam per Regulam praescripta est, imponere vellent; atque ita quodammodo alia ipsis Regula praescriberetur: quo casu locum haberet illud Bernardi, *Solam id à me exigi posse arbitror, quod promisi.*

XVI. Quoad ea verò, quae in particulari casu, atque certis de causis ultra Regulam subinde injunguntur, verificatur illud ejusdem Doctoris immediatè subjunctum: „ Perfecta obedientia legem nescit, terminis non ar- „ statur: neque contenta angustiis professionis, largio- „ re voluntate fertur in latitudinem charitatis. .... „ Quamquam nec istam Regula ipsa tacuerit, ubi mo- „ net, si fratri impossibilia injunguntur, ut *confidens* „ *de adjutorio Dei*, obediat *ex charitate*. In eadem de- „ nique Regula tertius humilitatis describitur gradus, ut „ *omni obedientia Monachus se subdat majori*. Dicens „ quippe, *omni*, non vult nos in obediendo mensurà „ esse contentos professionis, non attendere promissi „ debitum, non de pacto sumere modum; sed transire „ alacriter etiam votum, & obedire in omnibus. „ Huc usque S. Bernardus.

## CAPUT IV.

An Regularibus à praecepto Superiorum appellare liceat?

1. Quid agendum Religioso, qui credit sibi aliquid durius, aut supra vires à Superiore imponi?
2. Quomodo dura & quasi impossibilia subinde acceptare debeat Religiosus?
3. Olim incognita erat à praeceptis Superiorum appellatio.
4. Alexander III. scribit non admittendas appellationes à correctione Regulari: & quare?
5. Concilii Lateranensis sub Innocentio III. Decretum contra similes appellationes.
6. Appellatio à correctione Praelatorum de Jure communi non datur quoad effectum suspensivum.
7. Facultas appellandi impedit fructum correctionis Monasticae.
8. Nonnulli Ordines contra has appellationes specialibus Pontificum Bullis sibi providerunt.
9. Ordo Cisterciensis speciali privilegio munitus est contra appellationes ad Sedem Apostolicam.
10. Aliquando per Statuta Ordinum prohibita fuit appellatio à correctione sub pena excommunicationis.
11. Senatus Regius familia Statuta subinde in contradictorio Judicio probavit.
12. Innocentius IV. concessisse dicitur Ordini S. Benedicti, quod Superiores appellationi deservire non debeant.
13. In aliquibus casibus particularibus Parlamenta Regia solent Regularium appellationes admittere.
14. Moribus nostris à correctione Regulari appellatio ordinariè non admittitur.

I. CONTINGIT quandoque ut Religiosus credat, sibi à Praelato aliquid ultra vires, aut extra Regulam impositum: quid tum agere debeat, docet S. Benedictus

M m



dictus c. 68. *Regula*: " Quòd si omnino virium suarum  
" mensuram viderit pondus excedere, impossibilitatis  
" suæ causas ei, qui sibi præest, patienter & opportunè  
" suggerat, non superbiendo, aut resistendo, vel con-  
" tradicendo.

Admittit igitur in duris ac penè impossibilibus excu-  
sationem subditi; sed quæ fiat *patienter*, *opportunè*, non  
*superbiendo*, non *resistendo*, non *contradicendo*; sugge-  
ratque potius, quàm multà exaggeratione sibi displicere  
ostendat.

II. Post hæc subjungit Benedictus: " Quòd si post  
" suggestionem suam in sua sententia Prioris imperium  
" perduraverit, sciat junior ita sibi expedire, & ex cha-  
" ritate confidens de adjutorio Dei, obediat.

" Divino enim adjutorio (ait Haestenius *Disq. Mo-  
nast. lib. 6. tr. 2. disq. 7.*) " per obedientiam sic non-  
" nunquam possibile, quod erat impossibile per natu-  
" ram, facit namque gratia, quod abhorret natura;  
" adimplebit charitas, quod abhorret infirmitas.

III. Procul ergo abest à mente Patrum, ut Religio-  
sis, ubi credunt sibi durius aliquid, quàm oporteret,  
à suis Prælatiis impositum aut imperatum, non tantùm  
contradicendi, sed & à judicio Prælatorum appellandi  
sit indulta facultas, cujus, vigente avità Monachorum  
simplicitate, nec vestigium occurrit: Imò ubi illa ap-  
pellandi potestas à Monachis etiam usurpari cœpit,  
mox illa reprobata fuit, tanquam malum præsentissi-  
mum, quo discolori atque inobedientes Monachi se à  
correctione Prælatorum subtrahere, malitiamque suam  
liberius exercere possent.

IV. Et quidem seculo XII. Abbati S. Petri scribit Alex-  
ander III. " Ad nostram noveris audientiam perve-  
" nisse, quòd siquando subditos tuos vis pro suis excès-  
" sibus *secundum Regulam S. Benedicti*, & institutionem  
" tui Ordinis corrigere & castigare, ipsi ut *malitiam*  
" *suam liberius valeant exercere, ad remedium appella-*  
" *tionis confugiunt.* Quia verò remedium appellatio-  
" nis non idè est inventum, ut alicui à Religionis &  
" Ordinis observantia exorbitanti debeat in sua nequi-  
" tia patrocinium exhibere, mandamus, quatenus, si-  
" quando quilibet subditorum tuorum ad remedium  
" *appellationis* convolverit; non idè minùs cum jux-  
" ta tenorem mandati, quod in prædicta *Regula* con-  
" tinetur, & institutionem corrigas & castiges.

Hoc Alexandri responsum relatum in cap. 3. *De*  
*Appellat.* jus commune constituit.

V. Similiter Concilium Lateranense sub eodem Pon-  
tificæ celebratum advertens, quòd nonnulli " dum Su-  
" perioris sententiam & disciplinam Canonicam reformi-  
" dant, sine ullo gravamine appellationem obijciunt,  
" & ad defensionem iniquitatis usurpant, quod ad præ-  
" sidium innocentum dignoscitur institutum; voluit ob-  
" servari, ne Religiosi, cùm pro aliquo excessu fuerint  
" corrigendi: contra Regularem (sive ut alii legunt  
" *Regulam*) " Prælati sui & Capituli sui disciplinam  
" *appellare* præsumant, sed humiliter ac devotè susci-  
" piant, quod pro salute sua fuerit eisdem injunctum.  
" Cap. 26. *De Appellat.*

VI. Ex his aliisque juris textibus statuunt Canonistæ,  
à correctione Prælati Regularis non dari appellationem,  
saltem quoad effectum suspensivum, si limites corre-  
ctionis non excedat, neque tela judiciaria procedat in  
puniendo; ut latius exponit Fagnanus ad citatum Ca-  
pitulum 3.

VII. Et sanè quis non videat, omnem disciplinam  
Regularem pessumdari, omnemque correctionis fru-  
ctum impediri, si Subditis licitum sit passim à Superio-  
rum correctione appellare, atque per appellationem  
correctionis executionem suspendere?

VIII. Quapropter nonnulli Ordinum Superiores,  
ut se contra has appellationes firmius & efficacius mu-  
nirent, etiam specialibus Bullis & declarationibus à  
Sede Apostolica sibi providerunt; ut videre est apud  
Renarum Choppinum in *Monastico lib. 1. tit. 3. num.*

16. & Carolum Fevretium in tractatu de abusu lib. 9. c.  
2. num. 8.

IX. Refertur inter alia monumenta Bulla Alexandri  
III. quâ, auctoritate Apostolicâ conceditur & indulgetur  
Ordini Cisterciensi, " ut Abbates hujus Ordinis,  
" qui de aliquo crimine convicti, à Patribus Abbati-  
" bus secundum formam Ordinis depositi, suæ præ-  
" lationi cedere noluerint, *appellandi* ad Sedem Apo-  
" stolicam facultatem non habeant; districtius etiam  
" inhibemus, air Pontifex, ne Religiosus, aut Monia-  
" lis prætextu cujuslibet quæstionis, vel difficultatis in  
" Ordine emergentis, extra ipsum appellare præsu-  
" mant, decernentes eos, qui sic egerint, si sint Ab-  
" bates, sive Monachi, sive Conversi, vigori dicti Or-  
" dinis imbi introducto, omni appellatione cessante  
" subjacere.

Bonifacius VIII. anno 1296. eadem confirmavit his  
verbis: " Auctoritate vobis Apostolicâ indulgemus, ut  
" ad correctiones & punitiones Monachorum & Monia-  
" lium delinquentium infligendas, Prælati Ordinis ve-  
" stri, ad quos ea spectare noscuntur, liberè providere  
" valeant, secundum generalia facta, & facienda dicti  
" Ordinis Instituta: ita ut non liceat Monachis, Mo-  
" nialibus & Sororibus ab eisdem appellare.

X. Conformiter ad has aliasque Pontificum declara-  
tiones, nec non Patrum Regulas & jus commune, sæ-  
pius per ejusdem Ordinis Constitutiones ac Delibera-  
tiones cautum fuit sub pœnis gravissimis, ne quis, præ-  
sertim in materia correctionis & disciplinæ appellare  
audeat. Notanter in Capitulo generali anno 1223. di-  
ctum fuit: " Statuimus atque præcipimus in virtute obe-  
" dientiæ, ne quis de cætero in Ordine nostro vocem  
" *appellationis* emittat; excommunicamus etiam & ana-  
" thematizamus omnes tam Conventum, quàm perso-  
" nam, quæ contra Ordinis Instituta, seu contra obe-  
" dientiam taliter appellaverit, sciatque se statim in Ca-  
" nonem latæ sententiæ incidisse. Denique quicumque  
" contra præsentem Constitutionem appellare præsum-  
" serit; si sit Abbas, sciat se esse depositum; si Mo-  
" nachus aut Conversus, pœnam conspiratorum susti-  
" neat.

XI. Cùmque hæc admodum conducant, imò penè  
necessaria sint disciplinæ, quietique Monasticæ conser-  
vandæ, nequaquam facile eis derogari permittendum.

Unde cùm Generalis hujus Ordinis contra quandam  
sui Ordinis Abbatissam mandasset inquiri, ac ad pœnam  
condignam procedi; hæcque ad Sedem Apostolicam  
appellasset, & ab ea Rescriptum ad Judices in *Patribus*  
obtinuisset, qui de causa appellationis seu conjunctim,  
seu separatim cognoscerent & judicarent; à Promo-  
tore dicti Ordinis interjecta appellatione *tanquam ab*  
*abusu*, tam ab executione Rescripti Apostolici, quàm  
commissione uni è Judicibus factâ, Parlamentum Re-  
gium Dienne 4. Februarii 1551. declaravit, bene ap-  
pellatum; malè & injustè impetratum, & fulminatum  
fuisse prædictum Rescriptum per Abbatissam; atque  
Judicem delegatum vi illius malè processisse; uti refert  
Fevretius loco cit.

XII. Scribitur quoque, Innocentium IV. dedisse Bul-  
lam Ordini Benedictinorum anno 1252. in hæc verba:  
" Quia Monachi refugii disciplinæ frequenter obstacu-  
" lum interponunt; sicque hujusmodi appellationis  
" obtentu, remanent talium excessus impuniti, man-  
" damus quatenus illarum appellationum obtentu non  
" obstante, Superiores officii sui debitum exequi non  
" omittant.

XIII. Similiter Parlamentum Parisiense advertens,  
frequentes appellationes Monachorum ad Judices Re-  
gios plurimum nocere correctioni morum, atque discor-  
dium & indisciplinatorum audaciam fovere, solemnè  
Arresto 19. Octobris 1543. inhibuit universis Regulari-  
bus sub pœna arbitraria recurrere ad Judices Regios  
*subalternos* per viam *appellationis*; sed solum per viam  
requisitionis ac implorationis brachii secularis, idque  
dun-

duntaxat in casum seditionis, tumultus, aut gravis scandali: permittens nihilominus idem Supremus Senatus recursum ad suum Tribunal casu quo esset *clarus & notorius* abusus, infractio Legum & Ordinationum Regni, Arrestorum Curiae, Statutorum Ordinis per Regem probatorum, Canonum & Decretorum Conciliorum: quo casu & non alio, permittitur Regularibus habere recursum ad Senatum Supremum, idque vel via appellationis tanquam *ab abusu*, aut implorationis brachii secularis. Et siquando pro alio casu ad Curiam recursum haberent, Curia permetteret Superi-

bus cogere subditos ad obedientiam; atque contra rebelles ea correctione regulari uti, quae ipsis opportuna videretur.

XIV. Itaque siue spectemus pristinam Monasticam disciplinam, siue jus Decretalium, siue mores nostros, dicere possumus cum Renato Choppino, in *Monastico lib. 1. tit. 3. num. 16*. Sublatum est merito omnis appellationis ad Superiorem Judicem per fugium ab indicta poenali Cœnobitæ vitiorum emendatione, ne impunitatis spe irrita fierent Monasticæ Religionis præcepta, neglectisque iis regulares poenæ conductæ forent inutiles.

## TITULUS XXIX.

### DE VOTO PAUPERTATIS.

#### CAPUT I.

Abdicatio omnis proprietatis est essentialis Status Religiosi.

1. In omni professione Religiosa includitur votum paupertatis.
2. Abdicatio proprii est essentialis Monasticæ professioni.
3. Professio Monastica includit observantiam Consilii Evangelici de abdicatione rerum temporalium.
4. Quam rerum abdicationem Consilium Evangelicum exigit?
5. Monachus omnibus rebus temporalibus se nudare debet.
6. Monachus nihil vel minimi sibi appropriare potest.

I. TAMETSİ formula professionis Religiosæ usitata nullam paupertatis aut proprii abdicationis expressam mentionem faciat, votum tamen paupertatis in omni professione Religiosa includi, ipsumque paupertatis votum esse unum è tribus substantialibus votis Religionis, nemo dubitat.

II. Imo ipsa abdicatione proprietatis adeo annexa censetur Regulæ Monachali, ut contra eam nec Summus Pontifex possit licentiam indulgere, uti respondit Innocentius III. in *cap. 6. de Statu Monach.* "Proprii carentia (inquit Lupus *tomo 4. Schol. pag. 55.*) est Evangelicæ perfectionis ac Monasticæ professionis portio essentialis, ideoque clarum est, quod nec Summus Pontifex possit in ipsa dispensare.

Unde jam pridem ad Monachos dixit S. Basilius: *Si quis proprium esse dicit, absque dubio alienum se facit ab Electis Dei.* In regulis brevioribus *cap. 27.*

III. Nemo enim unquam dubitavit, quin Monachalis professio includeret Evangelicorum consiliorum observantiam; atque illud præsertim quod Christustantum assequendæ Evangelicæ perfectioni opportunissimum expressit his verbis: *Si vis perfectus esse, vade & vende omnia quæ habes, & da pauperibus.* Matth. 19. v. 21.

IV. Quibus verbis Christus eam rerum terrenarum abdicationem ab hujus consilii Evangelici observatore requisivit, qualis est illius, qui simpliciter res suas omnes venderet, ac earum pretium titulo simplicis & absolutæ donationis in pauperes effunderet, atque ita omnimodo se rebus omnibus terrenis plene exuens nihil sibi proprium retineret.

V. Hinc illud Cassiani in *Regula cap. 27.* "Qui convertitur, præ omnibus erudiri debet, ut nihil ei pecuniæ liceat possidere, sed ita se nudatum ex omni parte

Tom. I.

"cognoscat, ut præter tunicam, pallium, calciarium, (a)

"vel matulam suam nihil amplius habeat.

Et S. Benedictus: "Ne quis præsumat aliquid habere proprium, nullam omnino rem, neque codicem, neque tabulas, neque graphium, sed nihil omnino. Cap. 33. Reg.

VI. Itaque vi voti paupertatis Religiosus imprimis nihil sibi proprii, etiam vel minimi vendicare potest, neque rem quancumque tamen victui suo subservientem ita habere, ut de illa independentem à voluntate Superioris disponere prætendat. Unde illud S. Isidori in sua *Regula cap. 5.* "Monachi neque in suis cellulis, quidpiam quod ad victum, vel ad quamlibet rem aliam pertineat, sine regulari dispensatione habere vel possidere præsumant. (b)

(a) *See Souliers & son petit lit.*

(b) Id fufius pertractavit Eruditus Choppin in suo *Monast. l. 2. tit. 3. edit. 1624.*

#### CAPUT II.

Religiosi privati sunt omni jure successionis.

1. Jure Justinianæo Monachi vi suæ professionis à successione parentum non excluduntur.
2. Leges Justinianæ de Monachorum jure ad hæreditatem parentum jam pridem hic abrogatæ.
3. De immemoriali consuetudine Regni Gallia excludente Monachos à jure succedendi, testatur Guiselmus Benedictus.
4. Eiusdem consuetudinis testis est Rebuffus.
5. De simili Belgii consuetudine testantur Petrus Gudelmus & Franciscus Zypæus.
6. Hanc Belgii consuetudinem speciali Edicto firmavit Carolus V.
7. Succedendi incapacitas omnes generaliter viros Religiosos complectitur.
8. Non habet locum in obstrictis voto paupertatis, sed non Religiosis.
9. Quid circa Patres Societatis obtineat?
10. Dispensatio Papæ an Religiosum reddat successionis capacem?
11. Ob penuriam Monasteriorum aliquando parentes tenentur Monacho alimentaministrare.

I. INSPECTO Jure Justinianæo, si parentes testamentum faciant, eandem portionem hæreditatis, siue legitimam relinquere tenentur suo filio Monasterium ingresso & professo, quam illi assignare debuissent, si seculo mansisset. Si vero sine testamento parentes decederint, ipse eo modo parentibus succedit, quo successisset, si Monachus factus non esset: Nullo eis (ait Justinianus in *L. 56. Cod. de Episcopis & Clericis*) impeditur

M m 2

dimento

dimento ex sanctimoniali conversatione generando, sive soli, sive cum aliis ad successionem vocantur.

II. Hæ Justinianæ Sanctiones an unquam in Gallia aut hisce in Provinciis receptæ fuerint, non constat. Illud certum est, jam pridem sive per contrarias Leges sive per contrariam consuetudinem omnino fuisse abrogatas, ipsosque Monachos quoad successionem in bona parentum reputatos fuisse civiliter mortuos.

III. Hujus inveteratæ consuetudinis apud Gallos testis est Guilielmus Benedictus, qui à duobus circiter seculis scripsit, hanc tunc fuisse consuetudinem *immemorabilem*, quod Religiosi Parentibus non succedant. Ad cap. RAYNIUS & De Testam. cap. 220. & seq. 1.

Verba ejus sunt: "Et idem quod in Cordigeris (a) & Mendicantibus, ut Parentibus succedere non possint, servatur in præsentem Regno Franciæ ex ipsius generali consuetudine, de quolibet alio Religioso, etiam non Mendicante cujuscumque Ordinis existat; in quo Regno fuit *immemorabiliter* observatum, quod Religiosi nunquam suis ab intestato successerunt Parentibus patri nec matri; & minus cæteris eorum consanguineis; nec jura *suitatis* profitendo retinuerunt, & per consequens non succedunt.

"Nec pariter servatur *lex. fin. Cod. de Episcop. & Cler.* nec quod ibi dicunt Doctores, maxime Joannes Faber, quod Monachus jure *suitatis* transmittat in Monasterium hæreditatem paternam sicut filius in potestate patris tempore mortis constitutus illam transmittit in quoscumque hæredes: quoniam hæc omnia juris communis statuta in Regno Franciæ non servantur quoad Religiosos: quia non subest Imperatori, qui tales leges condidit. In quo Regno etiam Monasteria nunquam successerunt, nec succedunt: nec visum fuit unquam Monasteria succedere, nec successiones petere ex personis professorum viventium aut mortuorum, saltem quam obtinuerunt: nec etiam jure proprio tanquam loco filiorum existunt. Cum etiam vere Monasterium loco filii non sit, ut clare decidit Panormit. 15. *Constit. Felinus* magis plene 18. *col. in C. In præsentia & De probationibus*. Imo notorie eis & quibuscumque Religiosis partagium ab intestato petentibus à suis fratribus vel aliis Parentibus, in Cancellaria Regia litteræ denegantur, obstante eis generali Regni consuetudine.

IV. De eadem consuetudine testatur Rebuffus dicens: "Nullus Religiosus professus, quamvis filius vel propinquior cognatus sit, ex consuetudine Regni Franciæ potest suis succedere Parentibus vel consanguineis, nec Monasterium pro eo.. Ratio hujus consuetudinis esse potest, quia Religiosi pro mortuis habentur. Ideo non tenetur Pater in hoc Regno de consuetudine observata filium suum Religiosum hæredem instituere; vel aliquam ei ficto mortuo legitimam relinquere." In præmio ad *Constit. Reg. glossa 5. num. 22. & 24.*

Moribus Galliæ in hoc articulo plane conformes esse Belgii nostri mores & consuetudines, & quotidiana praxis ostendit, & Præctici Nostrates uno consensu testantur.

V. Et quidem Petrus Gudelinus in suo tractatu De Jure novissimo Lib. 6. cap. 10. variis propositis questionibus pro elucidatione Juris Justinianæ, deinde jus consuetudinarium more suo subjiciens, ait; "Magna pars superiorum questionum cessat moribus seu legibus harum Regionum & Regni Franciæ, utpote quibus is, qui professus est Religionem, adeo pro mortuo, adeo ex numero hominum civiumque per omnia sublaris habetur, ut sit deinceps omnis hæreditatis expertus atque incapax, nec legitima portio liberorum ipsi debeat, omnemque testamenti factionem etiam inter liberos amittat; ac succedant ei mox

(a) Cordigeri, *Porteurs de cordes* ou *Cordeliers*, sic dicti à S. Ludovico Francorum Rege propter Cordam seu Restem, qua cincti sunt.

"propinqui ipsius ab intestato, non secus quam si de vita migrasset; nihilque prorsus rerum ejus Monasterio, quod intrat, acquiratur, absque expressa dedicatione seu donatione.

Franciscus Zypæus in Notitia Juris Belgici Tit. De Episc. & Cler. num. 10. de hac Belgica consuetudine testatur his verbis: "Professus Religionem adeo pro mortuo est apud nos, ut omnis hæreditatis sit incapax, legitima liberorum ei non debeat, testamenti factionem etiam inter liberos non habeat, succedant ei propinqui qui ab intestato tanquam mortuo, nihil Monasterio cedat, nisi quod expresse donavit, legavit.

VI. Hanc Belgicam inveteratam consuetudinem speciali Ediçto firmavit Carolus V. 21. Februarii, anno 1588. ordinans & statuens, ut nulli Religiosi professi, neque ulla Monasteria aut claustra pro eis, se poterunt dicere hæredes in aliqua domo mortuaria, neque titulo successionis habere aut capere aliqua bona.

VII. Hæc vero succedendi incapacitas, & omnimoda exclusio omnes Religiosos voto paupertatis obstrictos comprehendit, quocumque etiam Sedis Apostolicæ privilegio vel indulto munitos; etiam Fratres & Sorores tertii Ordinis Sancti Francisci vulgo *De Penitentia*; si claustraliter, & instar Religiosorum in unum claustrum congregati vivant: quemadmodum judicatum fuisse Fevretius loco citato refert, & tradit Choppinus de S. P. Lib. 2. Tit. 8.

VIII. Monet tamen ibidem Choppinus eos non excludi à Parentum successionem, si certis votis aut regulis vivant extra claustrum in domo Parentum, aut inter seculares.

Eadem distinctio adhibenda circa Eremitas & Hospitalarios, uti videri potest apud Fevretium, & ab ipso citatis lib. 4. De Abusu cap. 7. n. 15.

IX. In admissione PP. Societatis in Regno Galliæ addita fuit clausula, quod Sodales hujus Societatis, tam hi qui tantum vota simplicia emisissent, quam alii, non poterunt acquirere in hoc Regno quæcumque bona immobilia quocumque titulo, sine Regis licentia: Item quod non poterunt Sodales ejusdem Societatis capere ullam successionem, sive directam sive lateralem, non magis quam cæteri Religiosi: in casum tamen quod Societate dimitterentur, in suum jus reintrent sicut ante.

Itaque juxta hanc Declarationem, post emissionem votorum simplicium Patres Societatis omnis successionis sunt incapaces; ea tamen limitatione, quæ in aliorum Ordinum Religiosis non obtinet, quod si post emissam Religionis vota dimittantur, rursus successionis capaces reddantur; & ita aliquo tempore post dictam Declarationem observatum fuisse refert Carolus Fevretius lib. 4. de Abusu cap. 7. num. 14. ibidem una monens, quod cum per experientiam constaret, multas familias turbari, & in multa graviæque incommoda incidere, dum paternorum bonorum facta divisione, & bonis nonnumquam distractis, ipsæque familia juxta statum bonorum instituta, tandem aliquis de eorum familia per plures annos in Societate professus post emissionem votorum simplicium dimittitur, & cum aliis ad successionem admitti prætendit; ac ipsam consequenter hæreditatis divisionem, & bonorum applicationem invertit, tandem, ait Fevretius, hæc moderatio adhibita fuit, ut si quis Societate dimittatur ante elapsum quinquennium ab emissionem votorum simplicium, is admittatur ad petendam successionem; secus vero si dimittatur elapso quinquennio à die professionis: idque, inquit Fevretius, hodie ubique observatur; ita ut de eo amplius non dubiteretur; annotatis pluribus Parlamentorum Regionum Arrestis, quæ idipsum confirmarunt. Quin & judicatum est anno 1631. Jesuitas dimissos à Societate qui absoluto biennali Novitiatu emisissent vota simplicia, non posse, exemplo aliorum Religiosorum, succedere; uti refertur apud Le Prestre Centur. 1. c. 28. in Annotationibus. (a)

(a) Legatur Declaratio quam Lud. XIV. dedit 16. Julii 1715. X. Tanta



X. Tanta est Religiosorum moribus nostris succedendi incapacitas, ut teste Masuero in sua Praxi tit. 32. num. 18. per consuetudinem Regni Franciæ, Papa non possit dispensare ut Monachus succedat, etiam dato quod factus sit Episcopus, & maxime in his, in quibus non habet jurisdictionem temporalem. Quapropter Rescripta Apostolica Religiosos à voto absolventia cum facultate succedendi, in Gallia nequaquam admittuntur. „ Quinimo, ait Durant. quæst. 13. licet ab executione „ hujusmodi dispensationis appellare ad Senatum tan- „ quam ab abusu. „ Videri potest Julianus Brodeau in notis ad Louëtium litt. C. n. 8. ubi allegat plura Arresta, quibus declaratum fuit, Milites Ordinis S. Joannis Hierosolymitani excludi à successione in hæreditatem, eo quod essent veri Religiosi.

Neque promotionem Monachi ad Episcopatum, illum reddere capacem successione in bona Parentum, non semel judicatum esse refertur in recentioribus Additionibus ad Cap. 27. Cent. 1. Claudii Le Prestre. (a)

XI. Si tamen Monasterium per injuriam temporis, aliove infortunio destrui, aut in ruinam cadere contingat, impotensque fiat Monachis necessaria subministrandi, æquitas sane hoc suadet, ut hi ad quos Monachi notabilis hæreditas devoluta est, eo casu illis in necessariis subveniant; atque ita in certis casibus & circumstantiis judicatum fuisse refert Torner litt. P. num. 85. condemnatosque hæredes Monachi ad aliquam annuam & alimentariam portionem Monacho subministrandam, attenta & paupertate Monasterii, & quantitate bonorum ad hæredes per professionem Monachi devoluta.

Decernit Jurisprudentiam quæ hac de re in Galliis observari debet circa Ex. Jesuitas.

(a) Itaque cum in Galliis Vir Religiosus ad Episcopatum evectus in bona parentum non possit succedere; opportunum quoque videtur, ut ejus parentes in ejus peculium non succedant, sed bona ipsius addici deberent pauperibus Dioceseos, cujus erat Episcopus; nihilominus Arresta vigent, quibus Episcopi, qui fuerat Religiosus, successio parentibus ejus adjudicata est.

### CAPUT III.

Paupertas Religiosa permittit bonorum etiam immobilium possessionem in communi; hodie necessaria amortizatio.

1. Monachi olim in Ægypto ex quotidiano manuali opere visitabant.
2. Opus manuale semper & ubique Monachis commendatum.
3. An prætextu orationis Monachus ab opere manuali excusandus sententia S. Augustini.
4. S. Benedictus opus manuum suis discipulis commendat.
5. Monachus non tantum sibi, sed etiam aliis opere manuum succurrere studeat: neque prætextu lætionis ab eo excusandus.
6. Varia Monachorum opera, quorum præcipuum aliquando fuit describere libros.
7. Seculo XII. S. Albertus in Regula opus manuum commendabat, & seculo XIII. S. Franciscus.
8. Aliqua etiam olim fuisse Monasteria, in quibus non è solo opere manuum Monachi visitabant.
9. Sanctus Benedictus supponit aliqua esse Monasteria, in quibus è solo opere manuum Monachi vivere non deberent.
10. Id ipsum indicat S. Augustinus.
11. Fideles multa offerebant Monasteriis in sustentationem Monachorum.
12. Tanta divitiarum copia ad Monasteria sensim devoluta est, ut etiam quadam deberent militiam Regibus præstare.
13. Seculo XI. summa fuit Fidelium ad fundanda & dotanda Monasteria propensio.

14. Collapsionem discipline in Ordine Cisterciensi ex abundantia divitiarum deplorat Alexander III.
15. Prohibita verum immobilium in Monasteria, & alia corpora vulgo manus mortuæ, translatio.
16. De prima hujus prohibitionis lege.
17. Constitutio Philippi Pulchri.
18. Edictum Caroli V.
19. Abbates se huic Edicto opposuerunt.
20. Edictum alterum Caroli V. quod hodie est in usu.
21. Quid Carolum ad hoc edendum moverit?
22. Quod hic statuit Carolus, etiam primis seculis ab Imperatoribus decretum fuit.
23. Quid intelligatur in Edicto Carolino per manus mortuam?
24. Ut aliquid censetur relictum manui mortuæ, debet esse relictum corpori ut corpori.
25. Quid proprie sit amortizatio?
26. In Gallia solus Rex amortizat.
27. Quæ bona in Brabantia censentur amortizata ex Concordato inter Carolum V. & Episcopum Leodiensem?
28. Amortizatio denegari non solet, quando Pastoribus aut Monasteriis de competentia non est provisum.
29. Quomodo incommotis ex translatione bonorum in manus mortuas oritur, occurratur?

I. COENOBITARUM seu Monachorum suo tempore per Ægyptum in communi videntium Institutum describens S. Augustinus de Moribus Ecclesiæ lib. 1. c. 31. ait: „ Nemo quidquam possidet proprium, nemo cuiquam onerosus est. Operantur manus ea, quibus & corpus pasci possit, & à Deo mens „ impediti non possit... Sane quidquid necessario vitui redundat (nam redundat plurimum ex operibus manuum & epularum restrictione), „ tanta cura egentibus distribuitur, quanta non ab ipsis qui distribunt comparatum est. Nullo modo namque fatagunt ut hæc sibi abundent, sed omni modo agunt, „ ut non apud se remaneat, quod abundaverit, usque „ adeo ut oneratas etiam naves in ea loca mittant, quæ inopes incolunt.

Et Theodoretus scribit: „ In Ægypto ferunt quedam esse Monasteria, quæ virorum habeant quinque milia opus facientium, Deumque interea laudantium, „ qui officio suo non solum victum parant necessarium, sed peregrinis etiam egentibus subveniunt. Hæc non obscure evincunt, Monachos Ægyptios nihil præter quotidianum opus manuum suarum unde visitarent habuisse; unde & quidam Solitarius apud Socratem lib. 4. bist. c. 23. dixisse fertur: Monachum qui opus non faceret, non secus ac alieni capidum, judicatum iri.

II. Sane opus manuum universis Monachis, tam per Occidentem, quam Orientem summopere commendatum fuisse, tum ex scriptis & historicis pristinis, tum Monachorum Regulis notum est.

III. Et quidem „ cum Carthagine cœpissent esse „ Monasteria (ait Hugo Menardus in Concord. Regul. cap. 55. §. 1.) „ orta inter Monachos contentione, an „ è re Monastica magis esset, aut animum duntaxat ad „ orationem & contemplationem appellere, & piorum „ Christianorum oblationibus vitam sustentare, juxta „ illud Evangelii; Matt. c. 6. Nolite solliciti esse quid manducetis aut bibatis: aut juxta Apostolum: Qui non „ laborat, non manducet, 2. Thessal. cap. 3. labore „ manuum victum sibi comparare: Aurelius Carthaginensis Antistes totam litem S. Augustini arbitrio permisit, qui obtemperans librum illum præstantissimum de Opere Monachorum composuit, atque ita, „ qui laborem manuum à Monachorum disciplina removendum esse contendebant, lite ceciderunt, ut ipse testatur cap. 1. ejusdem libri & lib. 2. Retractionum cap. 21.

IV. Utque veterum Orientalium Regulas omittam, S. Be-

S. Benedictus in Regula sua cap. 48. ait : " Otiositas inimica est animæ. Et ideo certis temporibus occupari debent Fratres in labore manuum; certis iterum horis in lectione Divina..... Si autem necessitas loci aut paupertas exegerit, ut ad fruges colligendas per se occupentur, non contristentur, quia tunc vere Monachi sunt, si labore manuum vivunt, sicut & Patres nostri & Apostoli.

V. Sanctus Isidorus Regulæ suæ c. 6. " Monachus semper operetur manibus suis, ut quibuslibet variis opificum artibus laboribusque studium suum impendat, sequens loquentem Apostolum, qui dicit : *Neque panem gratis manducavimus : sed in labore & fatigatione nocte & die laborantes.* Et iterum : *Qui non vult operari, non manducet.* 2. Thessal. c. 3. Deinde adducto exemplo Patriarcharum, Apostolorum aliorumque multorum summæ auctoritatis virorum, qui corporale opus fecerunt, unde vitam corporis sustentabant, subjicit : " Si igitur tantæ auctoritatis homines laboribus & operibus, etiam rusticis inservierunt, quanto magis Monachi, quos oportet non solum vitæ necessaria propriis manibus exhibere, sed etiam indigentiam aliorum laboribus suis reficere... Quis sic volunt vacare lectioni, ut non operentur, ipsi lectioni contumaces existunt, quia non faciunt, quod ibi legunt. Ibi enim scriptum est : *Operantes suum panem manducant.* Et iterum : *Ipsi enim scitis, quomodo oportet imitari nos : quia non inquieti fuimus apud vos, neque panem gratis ab aliquo manducavimus, sed in labore & fatigatione die & nocte operantes, ne quem vestrum gravaremus.* 2. Thessal. cap. 3. v. 7. & 8. Qui per infirmitatem corporis operari non possunt, humanius, clementiusque tractandi sunt : nec contra eos murmurandum est ab eis, qui vires laborandi habent; sed magis consulendum est eis, quos sciunt corpore infirmos. Ipsi autem, qui non possunt, eos qui laborant & possunt, meliores sibi felicioresque fateantur. Qui vero languidus est, & laborem operum corporaliu sustinere non potest, consulendum est illi, & ejus infirmitas temperanda est. Qui vero sani sunt, & fallunt, procul dubio dolendi atque lugendi sunt : quia non corpore, sed (quod pejus est) mente ægroti sunt : quique, etsi humanis oculis convinci non possunt, Deum tamen non fallunt. Tales igitur ferendi sunt, si ægritudo lateret; aut distringendi, si sanitas pateat. Monachi operantes, meditari aut psallere debent : ut carminis verbique Dei delectatione confortentur ipsum laborem. Si enim seculares opifices inter ipsos labores suorum operum amatorum turpiaque cantare non desinunt, atque ita horam suam in cantibus & fabulis implicant, ut ab opere manus non subtrahant : quanto magis servus Christi sic manibus operari debet, ut semper laudem Dei in ore habeat, & lingua ejus psalmis atque hymnis inserviat. Laborandum est ergo corpore, animi fixa in Deum intentione : sicque manus in opere implicanda est, ut mens non avertatur à Deo. Propriis autem temporibus oportet operari Monachum, & propriis, orationi, lectioni incumbere.

VI. Aliæ Patrum Occidentalium Regulæ idem passim inculcant, decernitque S. Ferreolus Episcopus Regulæ cap. 28. Monachum absque certis solemnitatibus, vel manifesta ægritudine diem sine operatione transigentem à convivio excludendum, jubente beato Apostolo : *Qui non laborat, non manducet.* Hic deinde varia Monachorum illius temporis opera recenset; atque inter cætera ait, *scribere esse præcipuum opus.* Nec sane dubium, antiquum & utilissimum Monachorum opus fuisse, libros scribere.

Id abunde testantur veteres Bibliothecæ Monasteriorum multis adhuc codicibus MSS. refertæ, in quibus scribendis Monachi defudantes doctrinam posteritati conservaverunt.

VII. Ex hæctenus allegatis habemus, Monachis ubi-

que commendatum fuisse opus manuale, illudque & S. Albertus seculo XIII. Fratribus Montis Carmeli in Regula multum commendans exemplo S. Pauli, concludit his verbis : *Hæc via sancta & bona; ambulate in ea.* Et S. Franciscus idem inculcat, ut capite quinto videbimus.

Insuper nequaquam obscurum est, plurimos Monachos ex opere manuum suarum victitasse.

VIII. Sed illud quoque constat; nonnulla etiam antiquius fuisse Monasteriorum claustra, in quibus non è solis Monachorum laboribus quotidianis Monachi sustentarentur, sed vel ex oblationibus parentum eorum, qui ingrediebantur, vel etiam ex bonis fidelium in sustentationem Monachorum ipsis Monasteriis donatis.

IX. Regula enim S. Benedicti, uti ex allegatis verbis patet, Monachos ad colligendas per se fruges obstringit sub hac expressa conditione, *Si necessitas loci, aut paupertas exegerit*, non obscure supponens, non semper loci necessitatem, aut paupertatem opus illud manuale à Monachis exigere.

Et capite 58. vult, ut Novitius ante professionem, res si quas habet, aut erogat prius pauperibus, aut facta solemniter donatione, conferat Monasterio, nihil sibi reservans ex omnibus. Et S. Isidorus cap. 4. Qui relicto seculo ad militiam Christi pia & salubri humilitate convertuntur, omnia sua primum aut indigentibus dividant, aut Monasterio conferant... Qui aliquid habentes in seculo convertuntur, non extollantur, si de suis facultatibus quodcumque Monasterio contulerunt, sed potius timeant, ne per hæc in superbiam labantur, & pereant, quibus melius esset, si divitiis cum humilitate in seculo persisterent, quam ut jam pauperes effecti, de earum distributione elatione superbiæ extollerentur.

X. Quin duobus ut minus seculis ante hos scribit S. Augustinus : " Quæ aliquid habebant in seculo, quando ingressæ sunt Monasterium, libenter velint esse commune." Epist. 109. cap. 4. (a)

Non tantum ergo ex labore manuum, sed etiam ex oblationibus eorum, qui Monasterium ingressi sua Monasterio obtulerant, Monachi vivebant.

XI. Nec Ingredientes duntaxat in sustentationem eorum, qui pauperes è seculo ad Monasteria divertebant, de suis rebus offerebant; sed vel præcipue ipsi Fideles Layci Monasteria ex bonis suis fundantes, vel fundata dotantes.

Sanctus Augustinus explicans Psalmum 103. dicit per Cedros Libani posse intelligi nobiles seculi, excelsi genere, opibus & honoribus : per Passeres vero, minus & parvos ac humiles hujus seculi, " id est, ait; sunt quidam servi Dei audientes in Evangelio, dimitte omnia tua, vel vende omnia tua, & da pauperibus, & habebis thesaurum in cælis, & veni & sequere me.

Quomodo hi pauperes tanquam Passeres nidificent in Cedris Libani, subjicit : " Etenim & Cedri Libani, nobiles & divites & excelsi hujus seculi, quoniam cum timore audiunt, *Beatus qui intelligit super egenum & pauperem*, attendunt res suas, villas suas, & omnes superfluas copias, quibus videntur excelsi, & præbent illas servis Dei; dant agros, dant hortos, ædificant Ecclesias, Monasteria, colligunt Passeres, ut in Cedris Libani nidificent Passeres. Ergo satiantur Cedris Libani, quas plantavit Dominus, & illic Passeres nidificabunt. Attendite totam terram si non ita est.

XII. Quanta fundorum ac divitiarum copia, tum per oblationes ingredientium, atque effusam fundatorum, aliorumque fidelium liberalitatem ad Monasteria sensim devoluta fuerit, notius est, quam probari debeat : in tantum, ut seculo IX. legamus, Abbatis plures ad eas divitias pervenisse, ut etiam ipsis Regibus

(a) Hanc Epistolam nuncupant Sancti Augustini Regulam; quicunque viri Regulares & Moniales Augustinum ut sui Ordinis vel Parentem vel Patronum agnoscant.

donæ

dona annua & militiam suppeditare deberent; uti videre est apud Labbeum *tomio 7. Conciliorum generalium col. 1513.* ubi refertur Constitutio Ludovici Pii edita circa annum 817. seu notitia de Monasteriis, "quæ in Regno, vel Imperio suo dona & militiam facere possunt, quæ sola dona sine militia, quæ verò nec dona nec militiam, sed solas orationes pro salute Imperatoris, vel filiorum ejus, & stabilitate Imperii.

XIII. Quæ fuerit seculo XI. Laicorum in Monachos liberalitas, & ad fundanda dotandaque Monasteria propensio, ex iis solis, quæ sub initio Ordinis Cisterciensis acta sunt, colligi potest.

Vix enim primum hujus Ordinis Monasterium, scilicet Molisimense, fundatum erat à S. Roberto Ordinis hujus Auctore, quin ex eo Monasterio Religiosi à Principibus in vicinia, ad nova in eorum fundis constituenda cœnobia petiti sint. Quin & adhuc vivente Molisimi primo Fundatore S. Roberto, ad tantas divitias ascendit, ut brevi sancta Molisimi initia collapsa sint, & ex nimia temporalium felicitate & abundantia remissior facta disciplina; tantà paulatim eam remissionem subsequente morum corruptelâ, ut quantumcumque S. Robertus exemplo & monitis anniteretur, revocari Monachi non possent ad pristinam integritatem. Vide Papebrochium in commentario prævio ad vitam S. Roberti §. 1. n. 7.

XIV. Quin & unius seculis spatio Ordo ille tantâ divitiarum affluentia auctus fuit; atque in illa affluentia à pristina vitæ sanctitate, & disciplinæ Monasticæ integritate adeò decidit, ut de illo hæc seculo XII. scribat Alexander III. "Recolentes qualiter hæc plantatio sancta, hæc vitis fructifera, hæc denique vinea Domini Sabaoth, sub primis Ordinis patribus pullulavit; & palmites longè latèque producens ad mortifera circumquaque venena pellenda protulit flores, & odores effudit; pervigili custodiâ custodiat eorum in omnibus inhærere vestigiis, per quos, cooperante Domino, in deserto hujus mundi flos hujuscemodi plantatus est honestatis. Hi enim Monasticæ frugalitatis contentissimi, optimum ponentes in paupertate principium, totius sufficientiæ affectui sunt complementum, Ecclesiæ cari, Episcopis & Prælati accepti, atque in conspectu Regum ac Principum famâ & merito gloriosi. Nunc autem, quod dolentes dicimus, & si non ab omnibus, neque in omnibus, à plerisque tamen, & in pluribus ab illa sancta institutione dicitur declinatum, in tantum, ut aliqui ex vobis primæ institutionis oblii penitus, vel ignorantes contra Ordinis vestri Regulam, villas, molendina, Ecclesias, & alia possident, fidelitates, (a) & hominia suscipiunt, justitarios, & tributarios tenent, & omne studium adhibent, ut termini eorum dilatentur in terris, quorum conversatio debet esse in cœlis. Læditur hinc Ordo penitus, & vitiatur, (nec est mutatio dexteræ excelsi,) quin imò potius de dextera transeunt in sinistram; qui cum, relicto seculo, sub paupertatis habitu Deo militare decreverunt, in negotiis denuò secularibus implicantur. Inde est, quod verbis ab iis, qui foris sunt, contentiones, & litigia suscitantur, & Abbatibus in causis forensibus occupatis, plurimum in commissis domibus & tepor Ordinis, & dissolutio nascitur charitatis, maxime quia charitas in paupertate plus proficit, & cupiditatis dedignata consortium, nisi illa restringatur, hæc tepefcit. Ideò sanctum, ac venerabile collegium vestrum precibus, & monitis, quibus possumus, exhortamur; quatenus domus illæ, quæ à prima sui origine in Ordine ipso sunt fundatæ, constitutis, & ordinatis terminis sint contentæ; nec velint inordinate ad ea manus extendere, quæ sine laboribus, & periculis multis, & demum sine criminibus, & magnâ confusione non poterunt retinere, "Cap. 3. de Statu monach.

XV. Cum verò continuò magis ad Monasteria, alia-

(a) Fidelitates, des Serments de fidélité.

que Corpora Ecclesiastica, bona devolverentur; idque non sine gravamine Principum & Laicorum: eò quòd bona sic ad Corpora illa devoluta eximerentur à variis oneribus, quibus Respublica sublevari, & Principis ærarium constari debet; tandem Principes huic ad Corpora Ecclesiastica bonorum devolutioni modum ponere debuerunt.

Et quidem Principes nostri edixerunt, ne res immobiles cujuscumque naturæ & conditionis in Monasteria, Capitula, aliaque Corpora, quæ vulgò *manus mortuas* dicuntur, quovis titulo transferri possent.

XVI. "Primum in Belgio Edictum prohibitorium, ait Antonius Anselmo in suo Triboniano Belgico *cap. 50. §. 6.* (quod ad manus meas pervenit) est Guidonis Comitis Flandriæ de anno 1293. Verùm illud promulgatum pro Flandris solis, & non pro Brabantis. Hæc ille; qui §. 7. dicit, "primò Religiosis & Monasteriis bona stabilia in Brabantia acquirere vetitum est in Tabulis Ducis Joannis de anno 1312. art. 12. "Extat *Vol. 1. Edictorum Brabantie Lib. 2. tit. 1. cap. 1.* Loquiturque generaliter de personis Ecclesiasticis.

XVII. Huic prohibitioni accessit deinde Constitutio Philippi Pulchri de 20. Sept. 1301. extans in citato volumine Edictorum *Lib. 2. tit. 3. cap. 4.* vetaturque Ecclesiasticis Brabantinis titulo emptionis acquirere bona immobilia sita in Brabantia, nisi sub conditione, quòd venditor aut ejus hæredes ea semper poterunt redimere.

XVIII. Cum verò, uti loco citato §. 8. notat Anselmo, hæc Constitutio usu recepta non esset, nova prohibitio de non acquirendo Ecclesiasticis facta est *art. 14.* in additione novi Introitus Caroli V. 26. Aprilis 1515. extatque in dicto volumine *Lib. 2. tit. 1. cap. 17.* quo cavetur, nulla bona seu allodialia, seu feudalia, seu emphyteuticaria, vel censualia posse vendi, transferri, aut cedi quacumque ex causa vel titulo in Monasteria, Hospitalia, Capitula, Collegia, aut alias Manus mortuas; nisi hujuscemodi translatio fieret de unanimi Principis & Magistratus Metropolis Civitatis, sub qua bona illa sita sunt, consensu.

XIX. Sed neque hæc Constitutio statim suum habuit effectum. Nam Abbates five Status Ecclesiastici Ordinum Brabantie, Libello supplice exposuerunt Consilio Brabantie, dictam Constitutionem à Civitatibus Brabantinis subreptitiè, ipsis inauditis, fuisse extortam; super quo libello ordinatum fuit, ut partes hinc inde summarie coram Commissariis audirentur; ac interim executio istius Constitutionis esset in suspensio, 26. April. 1516. Habentur literæ in allegato volumine Edictorum. *Lib. 1. tit. 4. cap. 2.*

XX. Verùm cum Abbates & Prælati eorumque Mandatarii causam non prosequerentur, tandem ad instantiam Fiscalium suspensio sublata fuit, proditque Constitutio Caroli V. per formam Edicti perpetui 19. Octobris 1520. relata in citato volumine Edictorum *lib. 1. tit. 4. cap. 4.* quâ statuitur, quòd nemo quocumque titulo, prætextu, vel colore, neque quacumque de causa, ratione, aut occasione, poterit quacumque rem immobilem sitam in Brabantia vendere, aut quocumque modo alienare in usum aut favorem alicujus Monasterii, Ecclesiæ, Collegii, Conventus, Hospitalis, vel personarum Ecclesiasticarum seu in *Manus mortuas*, sine expresso consensu Principis, Vassallorum, & Magistratus civitatis Metropolis sub cujus districtu bona erunt sita: quòdque nulli Prætores, Viri Feudales, Scabini, (a) Magistratus, aut alii Judices & Officiales intervenient, aut patientur hujuscemodi venditiones, cessiones vel permutationes in *Manus mortuas*, fieri; neque dicta Corpora Ecclesiastica in bona illa inhæredari.

Declarans insuper omnem hujuscemodi translationem

(a) Scabini, Echevins, ou Affecteurs du Prêtre ou du Bourgeois.

bono.



bonorum immobilium in dictas *Manus mortuas*, nullam & sine effectu.

Denique decernit, ut nulla bona immobilia per particularem & generalem successionem, vel testamentum, ordinationem, donationem, vel ab intestato, devolvantur vel cedant quibuscumque Monasteriis, Collegiis, Capitulis vel aliis Manibus mortuis; declarans quidquid in contrarium forsitan statueretur à quocumque & quacumque ex causa, nullum ac nullius effectus; utque in perpetuum tanquam nullum reputetur & habeatur.

XXI. In narrativa ipsius Constitutionis declarat, se ad hanc Constitutionem edendum impulsus fuisse, quod expendisset, tantam jam bonorum tam feudaliū, quā allodialium & aliorum copiam penes Corpora Ecclesiastica possideri, ut ex illis se honestè ac sufficienter intertinere possint. Attentā quoque magnā Ecclesiarum, Monasteriorum, Hospitalium, Conventuum, Capellaniarum & fundationum multitudine, per quam suos subditos & Vassallos multum gravari asserit.

Neque ergo in odium Ecclesiasticæ immunitatis aut libertatis hæc constituit Carolus V. aliique ante ipsum Principes nostri; sed ne cives & incolæ suis facultatibus exhaurirentur.

XXII. De hac Carolina Constitutione ita loquitur Tuldenus noster in Codice *Tit. De Sacrosanctis Ecclesiis num. 4.* "Veniit Edicto suo Carolus quintus bona immobilia Ecclesiis aliisque piis locis ultra acquiri abfque consensu Principis. Quod providentissimus Imperator neque sine magna ratione, neque sine exemplo constituit. Idem enim olim Imperator Nicephorus Phocas edixerat, Zonar. *Tom. 2. Annal.* alii qui Christiani Imperatores *lib. 20. & 27. C. Theod. De Episcopis & Cleric.* etiam D. Hieronymo laudante *lib. 2. ep. 12. Non de lege, inquit, conqueror, sed de causa, quā hanc legem meruimus.* Namque in sacri Officii reverentiam congestæ Majorum pietate opes penè causam reverentiæ imminuerant, quorumdam (ante salubrem Concilii Tridentini medellam) fastu, luxu, desidia. Nam, ut ait Salvianus *lib. 2. ad Eccles. Catbol.* "Nimīa profusione opum non suffulcitur Religio, sed evertitur.

XXIII. Pro intellectu hujus Carolinæ, quā hodie utimur, notandum, *manum mortuam* in hac materia appellari, "Ecclesiam, civitatem, Collegium (ait Pecquius *Tractatu De Amortizatione cap. 2.*) sive illud quodcumque Corpus, vel Ecclesiasticum, vel seculare, quod bonorum capax est. Ideo verò *manus mortua* hujusmodi Corpus appellatur, "quod quemadmodum, ait Pecquius, morientis hominis manus, id quod comprehendit, firmissimè conclusum tenet, neque facile remittit: sic etiam, quidquid Ecclesia seu Corpus istiusmodi semel acquirit, & in manum, hoc est, potestatem suam semel accipit, non nisi magna cum difficultate & solemnitate in commune hominum commercium deinde remittit, sed accumulando conservat.

XXIV. Ut ergo aliquid censeatur relictum *manui mortuæ*, debet illud esse relictum *Corpori* ut *Corpori*: nam si singulis de Corpore sit relictum, non censetur relictum *manui mortuæ*.

Hoc ex capite, si quis pauperes certæ urbis vel Parochiæ instituit hæredes, vel cognationi suæ annua cibaria reliquerit in sumptus studiorum, institutā fundatione in Collegio Academico, defendi probabiliter potest (ait Stockmannius *Decis. Brabantinā 4.*) non *manum mortuam*, seu Corpus aliquod vel Collegium esse vocatum, sed singulas personas esse vocatas certo ordine, inter quæ multum interesse ostendit *L. Cum SENATUS 20. ff. De rebus dubiis*, in verbis: *Nisi singulis legatur, hi enim non quasi Collegium, sed quasi certi homines admittentur ad legatum.* Hæc Stockmannius, qui & addit: "Unde & res immobiles sic relin-

"qui posse non improbabilius audiri sustineri in lite quapiam. (a)

XXV. Amortizatio juxta hodiernum loquendi usum nihil aliud est, quam indulgentia, dispensatio, & concessio facta iis, quos *manus mortuas* vocamus, bona immobilia acquirendi & possidendi.

XXVI. Hanc hodie in Gallia solus Rex indulget; uti testatur Paponius in suis *Arrestis Lib. 1. tit. 14. Arresto 1.* In his Regionibus Carolus V. in sua Constitutione cavet, Amortizationem non concedendam, nisi de expresse, unanimi, & communi assensu ipsius Principis, & Magistratūs urbis Metropolitice, sub qua bona amortizanda sita sunt.

XXVII. In Concordatis inter Carolum V. & Episcopum Leodiensem initis 10. Mart. 1541. *tit. 3. num. 1.* dicitur: "Illa bona tantum censi debent amortizata, quæ à jurisdictione seculari per Principem sunt exempta, litteris desuper ritè expeditis, vel quæ à 70. aut 80. annis tanquam amortizata per Ecclesiam possessa sunt.

XXVIII. "Diploma Amortizationis, (ait Anselmo in suo Triboniano Belgico *cap. 87. §. 2.*) vix negari solet, quando Principi cæterisque constat, Pastorb, seu Monasteriis non esse provisum de competentia.

XXIX. "Quia verò (pergit Anselmo) per hujusmodi concessionem Regi, vel Dominis loci damnum inferitur propter laudimia (b) & publicationes, seu confiscationes, & percas bona immobilia subducuntur è potestate seculari, adedque impositionibus gravari non possunt, sicut cætera bona in manibus Laicorum existentia: hinc pro obtinendo jure morticini (c) solent supplicantes Regi pro jure confiscationis offerre censum aliquem irredimibilem, & cum Domino loci ratione laudimiorum componere, & denique bona amortizanda subicere, & obnoxia reddere impositionibus, talliis, contributionibus, precariis aliisque oneribus, perinde ac si essent in potestate seculari. Hoc modo cessant incommoda, seu rationes, ob quas prohibitum est Ecclesiasticis & Monasteriis rurs acquirere.

Si quis plura scire desideret de hac Amortizationis materia, consulat Pecquium in tractatu *De Amortizatione bonorum*; & Zypæum in *Jure novo tit. De foro competenti*, & alios ab illis citatos.

(a) Hoc Legatum existimatur factum *manui mortuæ*, quia addicitur Collegio, quod est Communitas.

(b) Laudimium dicitur præmium, quod præstatur pro renovatione Emphyteuticæ. In *Long. legib. lib. 4. cod.*

(c) Morticini nomine intelligitur Tributum, quod Dominus post sui Vassalli mortem exigebat ab hæredibus defuncti.

## CAPUT IV.

### De Amortizatione iterum differitur.

1. Inquiritur origo Amortizationis.
2. Quid Reges Galli & Hispani hac de re sanxerint.
3. Dissidium hac de re inter Sedem Apostol. & Rempub. Venetam.
4. Hanc interdicto subjecit Paulus V.
5. Causa Reipubl. à Paulo Veneto propugnatur.
6. Probatur quod Respublica in sua lege de rebus Ecclesiæ non disposuerit.
7. Juramentum in alienatione bonorum immobilium.

I. CAPITIS præced. num. 26. dictum est acquisitionem bonorum immobilium fieri non posse à Communitatibus, quæ *Manus mortuæ* nuncupantur, nisi principis consensus accesserit, "Necessarius ille fuit ex quo sub finem secundæ stirpis Regum Francorum adventitia feudorum jura in mutationibus introducti cœperunt, Ait D. Ducange *Dict. verbo Admortizatio*:

„*mortizatio*: Nam ante ea tempora fundos liberè acquirere Ecclesiae, acceptis tantum à Regibus litteris „*Immunitatis*, soluto censu annuo, redditisque Domino feudali debitis servitiis pro quibuscumque possessionibus suis obnoxiiis, præter manum integrum, „qui ab omni redhibitione immunis erat, „*Janctum est*, inquit Carolus Magnus, ut unicuique Ecclesiae unus mansus integer absque ullo servitio attribueretur.

Mansus Ecclesiasticus dicitur ea agri portio, quæ ipsi Ecclesiae in dorem assignari solebat, vel presbytero Ecclesiae deservienti, cum aliquot mancipiis, quæ quidem portio ab omnibus oneribus immunis erat. Quo præcisè tempore quodlibet Ecclesiae bonum immobile fuerit *amortizationi* obnoxium, assignari non potest?

II. Galli & Hispani Reges diversis temporibus prohibuerunt, ne bona *immobilia* transferrentur in Monasteria aliaque Corpora Ecclesiastica, sive, ut vocant *manus mortuas*, nisi obtentis litteris amortizationis.

Non desunt, qui ausu temerario scribere & docere tentarunt Principes seculares similem legem ferendo suam excedere potestatem, eamque legem tanquam immunitati & libertati Ecclesiasticae contrariam omnino esse reprobendam.

III. Et quidem legitur, quod cum Respublica Veneta sub initium decimi septimi seculi similem legem edidisset, eam Paulus V. declaraverit per specialem Bullam, ut Ecclesiae libertati, & immunitati contrariam, atque per Rempublicam revocari mandaverit.

IV. Cum verò Respublica mandato Pontificis non parendum; editamque hanc legem nullatenus libertati aut immunitati adversam arbitraretur, imò eam conservationi Reipublicae planè necessariam; tandem idem Pontifex Rempublicam Ecclesiastico interdicto subiecit; cui interdicto tanquam subreptitiè vel obreptitiè à Pontifice extorto nullatenus obtemperandum censuit Respublica, omnibusque suis subditis tam laicis, quam Ecclesiasticis seu secularibus, seu regularibus vetuit sub gravissimis pœnis huic interdicto obtemperare; sed illud voluit, ut nullum atque invalidum ab omnibus haberetur, & ut tale publico edicto declaravit.

Hac occasione plures singulares tractatus editi leguntur, quibus æquitas & iustitia hujus legis solidissimè astruitur, & Principum auctoritas in ferenda simili lege vindicatur.

V. Plures ex his tractatibus inserti leguntur tomo 3. Monarchiae Imperii per Melchiorem Goldastum; atque inter alios doctissimus tractatus Pauli Veneri sub hoc titulo: *Considerationes censurarum Pauli V. Pontificis contra serenissimam Rempublicam Venetam*, ubi advertit, quod lex, quæ prohibet, ne quis laicorum *immobilia* sua bona ad Ecclesiasticos transferat, „nihil Ecclesiasticis præcipiat, sed laicis solummodo; & secularibus legem imponat, & quam injuriam facere „Princeps eo potest, dum subditis, ne cum hoc vel „illo certo hominum genere contractus ineant, prohibet? In omnibus enim regnis usitatissimum est, ut „prohibeatur, ne omnis generis merces aut exportentur, aut etiam sine discrimine inferantur, hoc itaque „fieri in offensionem exterorum? Non credo quemquam in hanc consequentiam assensurum; idque tantò magis, quando privati talem legem de suis ipsorum bonis statuunt, & in contractibus has condiciones inferunt, ne is, quicumque ipsis in societate est, commodum suum Ecclesiis vendere, aut alio quovis modo ad easdem alienare possit. Quomodo etiam „nonnulli, ut bona ab iis parta inter suos maneant, in testamentis præcavent, ne quid ad Ecclesias transferatur: & ita sanè omnes leges de fideicommissis „libertati Ecclesiae repugnant, dum scilicet bona in Ecclesiis relinquere prohibent.

VI. Post hæc probat, in hac lege Principem non disponere de rebus Ecclesiae, sive ad Ecclesiam jam spectantibus, sed de rebus suæ jurisdictioni planè subiectis; & eatenus sibi propriis disponere; ac propterea

Tom. I.

posse statuere, ne ad Ecclesiasticos, sive *manus mortuas* bona illa transferantur; præsertim quod per eam translationem quodammodo ejus jurisdictioni subtrahantur, nec jura Principis salva & integra esse possint.

Quapropter sicut privatus quisque potest præcavere, ne sua bona ad Ecclesiam transferantur citra violationem libertatis Ecclesiasticae, non dubium, quin idem liceat Principi, si ex ea translatione sua jura inverti prævideat.

VII. Non obstantibus iteratis iisque admodum rigorosis Principum edictis, vetantibus omnem bonorum *immobilia* quocumque titulo alienationem, & translationem in corpora Ecclesiastica, sive *manus mortuas*, nihilominus deprehensum fuit, plurima hujusmodi, suppositis aliorum privatorum hominum nominibus, in Monasteria, aliasque *manus mortuas* cum non exiguo Reipublicae detrimento transferri. Quare ad obvian- dum huius fraudibus, necessaria visa est nova rursus Principis ordinatio, quæ prodit 3. Decembris anni 1638, relata Parte 1. Edict. Brab. lib. 1. tit. 4. cap. 9. quæ inter cætera ad præveniendas fraudes, per quas nonnulli nomen suum supponebant in alienatione bonorum *immobilia*, quasi in ipsos bona illa *immobilia* transferrentur, cum tamen reverà hæc alienatio esset in commodum *manus mortuae*, injungitur tam venditoribus, quam emptoribus dictorum bonorum *immobilia*, ut in venditione & emptione, eorumque in hæredatione declarent sub juramento hanc alienationem non fieri *directè*, seu *indirectè* in commodum alicujus *manus mortuae*: utque in ipso actu in hæredationis fiat expressa mentio factæ hujus declarationis.

Dolendum sanè, quod Ecclesiasticorum, & Religiosorum quorundam nimia aviditas copulandi agrum agro, Principes coegerit, subditis suis simile juramentum imponere, eos periculo perjurii sæpius exponendo; ita ut hic meritò applicaretur, quod occasione similis legis suo tempore dixit sanctus Ambrosius: legem non reprehendo, sed doleo, quod talem legem meriti fuerimus. (a)

(a) Ut possit innotescere hodierna Francorum Jurisprudentia, legatur Edictum, quod Rex noster Ludovicus XV. dedit mense Augusto anno 1749. Refertur inter monumenta hujus voluminis sub littera L. pag. 917.

## CAPUT V.

Qui Ordines Mendicantes; & eorum specialis paupertas; ac quæ Religiosa Mendicitas.

1. Qui Religiosi dicantur Mendicantes?
2. Ordines Mendicantes olim redditus habere non poterant.
3. Aliqui sunt Mendicantes ex Regula, alii ex Constitutionibus.
4. Soli Franciscani sunt Mendicantes ex Regula.
5. Meritò S. Franciscus dicitur primus Mendicantium auctor.
6. Ordo S. Dominici in prima sua fundatione redditus in comuni possedit.
7. Similiter Ordo Eremitarum S. Augustini.
8. Ordo Carmelitarum dici non potest Mendicantium ex Regula.
9. Tempore editi libri Decretalium non videntur Ordines Eremitarum S. Augustini & Carmelitarum fuisse Ordines Mendicantes.
10. Hi Ordines videntur sensim Ordinibus Mendicantibus fuisse annumerati.
11. Circa medium seculi xii. videtur Ordo Carmelitarum Ordinem mendicantium institutum cepisse arripere.
12. Similiter circa idem tempus Ordo Eremitarum S. Augustini eam vitam normam capit imitari.
13. Ex Decreto Concilii Lugdunensis sub finem seculi xiii.

N n

xiii.

- xiii. constat hos Ordines necdum tanquam Ordines Mendicantes fuisse approbatos.
24. Decretum Concilii Lugdunensis mutilatum tempore Bonifacii VIII.
25. Ex illa mutilatione colligitur Ordines illos tunc fuisse tanquam Mendicantes probatos.
26. Ordo Minorum Ordinibus Mendicantibus annumeratus.
27. Ordo Societatis Jesu declaratur esse verè de Ordinibus Mendicantibus: & quo titulo?
28. Similiter Ordo Discalceatorum Ordo Mendicantium declaratur.
29. Ordines Mendicantes olim renuntiaverunt possessioni bonorum etiam in communi.
30. Creditum fuit hanc paupertatem Ordinibus illis maxime convenire: & quare?
31. Experientia postmodum docuit, quodd, multiplicato Religiosorum & Monasteriorum numero, difficile esset sine multis incommodis hanc paupertatem servare.
32. Imbecilliores & imperfecti difficulter molestias ex hac paupertate provenientes sustinere possunt.
33. Hi ut molestias & incommoda evadant, pro vitæ subsidii ad media inordinata recurrere ceperunt.
34. Id evincitur ex Epistolis S. Bonaventuræ.
35. Plures Ordines Mendicantes ceperunt etiam ante Concilium Tridentinum redditus in communi possidere.
36. Synodus Tridentina id omnibus concessit, exceptis Minoribus de observantia & Capucinis.
37. Synodus non vult plures recipi quàm ex redditibus Monasterii & consuetis elemosynis sustentari possunt.
38. Cur Minores de observantia & Capucini in Decreto Tridentino excepti?
39. Quid in publicatione Concilii Tridentini in Belgio circa prædictum Decretum fuerit notatum?
40. Licet Ordinibus Mendicantibus concessum sit possidere redditus in communi, non tamen desierunt dici Mendicantes à Mendicitate.
41. Quod S. Franciscus de Mendicitate dixit, id meritò pro norma Religiosæ Mendicitatis accipitur.
42. S. Franciscus noluit ut Fratres mendicarent, nisi deficientibus aliunde vitæ subsidii.
43. Ut Fratres à solitudine anxia vitæ necessariis acquiendis liberaret, voluit, ut non erubescerent in necessitate elemosynas ostiatim petere.
44. Petere aut accipere elemosynas extra necessitatem & ultra necessitatem, speciem furti reputavit Franciscus.
45. S. Franciscus tantùm voluit Fratres mendicare, dum ex labore manuum vivere non possunt.
46. Nicolaus III. declaravit à labore manuum exemptos, qui studiis aut Ecclesiasticis ministeriis obeundis vacant.
47. S. Thomas docet tribus titulis Religiosos posse ex elemosynis vivere.
48. Hodie penè solo titulo ministerii populo impensi Religiosi ad elemosynas petendas admittuntur.
49. Sine consensu civilis Magistratus agrè hic admittitur collectio elemosynarum.
50. Viventes elemosynis debent tanquam pauperes paucis esse contenti.
51. Non debent Ordines otiosos & non laborantibus gravari.
52. Cavere debent in elemosynarum collectione speciem avaritiæ, & turpis quæstus.
53. Sollicitè cavere debent vitia & abusus Quæstorum.

I. Hic dicuntur Mendicantes (ait Glossographus ad „Cap. Un. De Excessibus Prælat. in VI. in „Verbo, Mendicantes) quibus victum tribuit incerta „mendicitas: & qui redditus aut possessiones ex Regula vel Constitutionibus habere non possunt. Quæ

definitio accepta ex Cap. Unico §. CONFIRMATOS De Religiosis Domibus in VI. in quo dicitur, Ordines aliquos per Sedem Apostolicam confirmatos, & post Concilium Lateranense sub Innocentio III. institutos, „quibus ad congruam sustentationem redditus aut „possessiones habere professio sive Regula quælibet interdicit, sed per quæstum publicum tribuere victum „solet incerta mendicitas.

II. Si igitur jus commune inspiciamus, Religiosi, quos Mendicantes dicimus, nec incommuni redditus aut possessiones ad congruam sustentationem habere possunt, victumque tanquam pauperes ex elemosynis etiam, si opus fuerit nec ultro offerantur, ostiatim emendicatis accipere debent.

III. Duo verò, ut ex allegatis intelligitur, sunt hujusmodi Ordinum Mendicantium genera. Alii enim sunt tales ex Regula, alii verò ex Constitutionibus ipsi Regulæ, quam profitentur, postmodum adjectis.

IV. Prioris generis sunt soli Franciscani; quorum Regula à S. Francisco dictata, & ab Honorio III. probata in Constitutione, quæ incipit: *Solet annuere s. in Bull. Roman. cap. 6.* hæc habet: „Fratres nihil sibi „appropriant, nec domum, nec locum, nec aliquam „rem, sed tanquam peregrini, & advenæ in hoc seculo, „in paupertate & humilitate Domino famulantes, „dant pro elemosyna confidenter. Nec oportet eos „verecundari, quia Dominus pro nobis se fecit pauperem in hoc mundo. Hæc est illa celsitudo altissimi, quæ paupertatis, quæ vos carissimos fratres meos, hæredes & reges regni Cælorum instituit, pauperes rebus fecit, virtutibus sublimavit. Hæc sit portio vera, quæ perducit in terram viventium, cui, dilectissimi, mi Fratres, totaliter inhærentes, nihil aliud pro nomine Domini nostri in perpetuum sub cælo habere velitis.

Et rursus in suo Testamento, quod in Bullario Romano ipsi Constitutioni Pontificiæ subjicitur, de hac paupertatis professione ita loquitur: „Et ego manibus „meis laborabam & volo laborare, & omnes alii fratres mei firmiter volo quod laborent de laborio, „quod pertinet ad honestatem. Et qui nesciunt, dicant, non propter cupiditatem accipiendi pretium laboris, sed propter bonum exemplum, & ad repellendam otiositatem. Et quando non daretur nobis pretium laboris, recurramus ad mensam Domini, petendo elemosynas OSTIATIM.

V. Nullæ aliæ Monachorum Regulæ hujus abdicationis reddituum ac possessionum etiam in communi, aut mendicitatis ullibi meminere: ut meritò S. Franciscus primum hujus instituti fundamentum posuisse dicatur; atque primus Ordinum Mendicantium Fundator eo titulo jure merito dici queat.

Tamen si aliorum Ordinum, qui hodie Mendicantes dicuntur, institutio, Ordinem S. Francisci præcessisse potuerit, nonnisi tamen post institutum Ordinem S. Francisci, atque ab eo exaratam hanc Regulam, hoc vivendi institutum acceperunt: ac propterea Mendicantes non ex Regula sed ex Constitutionibus dicuntur.

VI. Et quidem Dominicani Regulam S. Augustini à suo Fundatore acceperunt; nec aliam hucusque receperunt, quæ de hac abdicatione reddituum aut mendicitate loquatur.

Unde & Ordinem Dominicanorum in suo exordio redditus ac fundos quin & decimas, & Ecclesias cum suis proventibus in communi possedisse, evidens est ex Bulla Honorii III. hujus Ordinis confirmatoriâ, quæ incipit: *Religiosam vitam.* Quin imò nonnisi quadrienio post Ordinis confirmationem in generali Conventu Bononiæ coacto, à Beat. Dominico aliisque Ordinis Fratribus omnium bonorum abdicatione facta est; & ne impoterum habere liceat, Constitutione editâ sanxerunt; atque tunc ex elemosynis, etiam Mendicato acquirendis, vivere ceperunt; idque ad exemplum & imitationem, ut dicitur S. Francisci.

VII. Simi-



VII. Similiter Eremitas S. Augustini eandem cum Dominicanis Regulam S. Augustini profitentes nequaquam Mendicantes ex Regula dici posse, compertum est.

VIII. Nec Ordo Montis Carmeli, sive Carmelitarum talis dici potest. Regula enim S. Basilii, sive Regula Albertina Regulæ Basilianæ conformis, quam hi primitus acceperunt & nunc profitentur, reddituum & bonorum immobilium in communi possessionem non prohibet: Imo ex ipsa Regula Albertina cap. 7. fat constat, Fratres Montis Carmeli primitus bona in communi possedisse.

IX. Quo vero tempore hi duo Ordines, nimirum Eremitarum S. Augustini & Carmelitarum, fuerint Ordinibus Mendicantibus annumerati, & tanquam tales à Romanis Pontificibus recogniti ac probati, non satis constat.

Illud fat constare videtur, tempore Gregorii IX. neutrum illorum Ordinum Mendicantibus fuisse annumeratum: quia uti observat Azorius *Institutionum Moralium parte 1. lib. 12. c. 23.* in toto libro Decretalium jussu hujus Pontificis collecto, solummodo referuntur duo Ordines Mendicantes, Prædicatorum scilicet & Minorum.

X. Verisimile est, hos Ordines sensim & citra ullam specialem & expressam Pontificiam Constitutionem Ordinibus Mendicantibus fuisse annumeratos.

XI. Siquidem Innocentius IV. in Bulla, qua Regulam à S. Alberto Fratribus Eremitis de Monte Carmelo traditam declaravit, & in aliquibus mitigavit, quæ incipit, *Quæ bonorem* 6. in Bull. Rom. cap. 13. testatur, Fratres Ordinis illius *medicare consuevisse*: "Ab esu carniū abstinere, nisi pro infirmitatis vel debilitatis remedio sumantur. Et quia, ait, oportet vos frequenter *medicare* itinerantes, ne sitis hospitibus onerosi, extra domos vestras sumere poteritis pulmentum coctum cum carnibus.

Plura in eadem Regulæ mitigatione contineri, quæ innuunt, jam tum Carmelitas (qui primum more Eremitico vixerant, atque adhuc *Eremitæ de Monte Carmelo* in Bulla Honorii III. Regulæ Albertinæ confirmatoria, dicebantur) ad vitam Cœnobicam, atque ad normam aliorum Mendicantium cepisse regulari; uti ex collatione Regulæ Albertinæ, quemadmodum in Bulla Honorii III. continetur, cum eadem Regula per Innocentium IV. mitigata & mutata, facile videri potest.

XII. Alexander IV. immediatus Innocentii IV. successor in Bulla, qua diversas Eremitarum Congregationes, quarum quædam S. Guillelmi, quædam S. Augustini Ordinum, nonnullæ autem Fratris Joannis Boni; aliquæ vero de *Fabali*, aliæ vero de *Britinis* censebantur, univit in unam Congregationem sub denominatione *Fratrum Eremitarum S. Augustini*, ejusque Regula, ac uniformis habitus delatione, ibidem §. 6. hæc habet: "Vos universos, & successores vestros à baculis & ferulis deportandis, & quod non cogamini ad recipiendas possessiones aliquas, vel habendas, decernens perpetuo liberos, & exemptos." Incipit Bulla, *Licet Ecclesiæ* 6. in Bull. Rom.

Refert insuper Azorius *Institutionum Moralium parte 1. lib. 12. c. 23.* ex S. Antonino, quod Innocentius IV. immediatus Prædecessor Alexandri IV. decrevisset jam dictos Eremitas sub variis nominibus & Ordinibus viventes in unum corpus redigere, ut more Prædicatorum & Minorum *cibomendicato* viverent, ad populum conciones haberent, penitentium confessiones exciperent, & cæteras functiones Ecclesiæ obirent; sed cum morte præventus perficere non potuerit, Alexander IV. ejus successor perfecit.

Ex his non obscurum est, circa hoc tempus, scilicet sub medium sæculi xiii. hos Ordines incepisse redditus ac possessiones etiam in communi abdicare; adque ad exemplum Fratrum Minorum & Prædicatorum ex elemosinis vivere; ac in cæteris quoque Mendicantium Institutum arripere.

Tom. I.

XIII. Hostamen Ordines inter Ordines Mendicantes specialiter nec eo tempore fuisse relatos, neque pro talibus à Sede Apostolica recognitos, indicat Gregorius X. in Concilio Lugdunensi an. 1274. celebrato; ubi Ordinum præcipue Mendicantium multiplicationem nimiam redarguens; ipsosque Ordines Mendicantes post Concilium Lateranense subinductos & S. A. approbationem necdum commeritos, censens supprimendos: atque una declarans, quod ad Prædicatorum & Minorum Ordines (quos evidens ex eis utilitas Ecclesiæ universalis proveniens perhibet approbator) præsentem non patitur Constitutionem extendi; de Eremitarum S. Augustini & Carmelitarum Ordinibus ita loquitur: "Cæterum Carmelitarum & Eremitarum Ordines, quorum institutio dictum Concilium generale præcessit, in suo statu manere concedimus, donec de ipsis aliter fuerit ordinatum. Intendimus siquidem tam de illis, quam de reliquis, etiam non Mendicantibus Ordinibus, prout animarum salutis, & eorum statui expedire viderimus, providere.

Ita habet Decretum à Gregorio X. in Concilio Lugdunensi editum, extatque tomo II. Conciliorum generalium col. 989. Ex quo non obscurum est, Gregorium X. concessisse quidem, ut hi Ordines in suo statu, prout tunc erant, permanerent, donec de ipsis aliter provideretur, sed nequaquam positive probasse, aut positive probatos credidisse.

XIV. Scio quidem in cap. unico §. SANE De Religiosis domibus in VI. ubi hoc Decretum refertur, pro his verbis, in suo statu, legi, in solido statu; sed scio quoque jam pridem Glossographum ad citatum Capitulum verbo, *In solido*, notasse: alias solito: "Et hoc, ait, detrahit Bonifacius (scilicet VIII. Sexti Decretalium Auctor) de Concilio Gregorii: sic enim dicebat littera, in suo statu volumus permanere, donec de ipsis fuerit ordinatum: Intendimus siquidem, &c., prout supra ex Concilio relatum est. Subjungit deinde Glossographus: "Et dicebatur quod Gregorius volebat aliquem de Mendicantibus dimittere, nisi Prædicatores & Minores: De non Mendicantibus tres, Cisterciensem, Ordinem Nigrorum, & de Templariis & Hospitalariis unum Ordinem facere." Hæc Glossa.

XV. Interim ex illa textus mutatione & mutilatione non obscurum est advertere, tempore Bonifacii VIII. id est, sub finem sæculi XIII. aut initium XIV. Ordines Carmelitarum & Eremitarum S. Augustini Ordinibus Mendicantibus fuisse stabiliter annumeratos, atque ut tales agnitos ac receptos; ideoque & ab eo tempore passim quatuor famosi Ordines Mendicantium recensituere; scilicet, Prædicatorum, Minorum, Eremitarum S. Augustini & Carmelitarum; de quibus loquens Synodus Colonienfis anno 1536. parte 4. cap. 7. ait: "Aliquot retro sæculis in Ecclesiam recepti sunt quatuor Mendicantium Fratrum Ordines, quo Parochorum in verbi Ministerio cooperarii forent.

XVI. His quatuor Ordinibus successu temporis plures accesserunt, atque inter Ordines Mendicantes recensiti. Ordinem S. Francisci De Paula vulgo *Minimorum*, inter Ordines Mendicantes comprehendendi specialiter Bulla declaravit Pius V. quæ incipit, *Apostolica Sedit* 49. in Bull. Rom.

XVII. Idem Pontifex per Bullam quæ incipit, *Dum indefessæ* 131. in Bull. Rom. Religionem Clericorum Regularium Societatis Jesu, esse vere de Ordinibus Mendicantibus declaravit; "Tum quia, ait, ipsa Societas Mendicans existit, quippe quæ ex ejus Instituto & Constitutionibus à Sede Apostolica confirmatis, bona stabilia possidere nequit, sed incertis elemosinis, fideliumque largitionibus & subventionibus vivit; tum quia non minus quam cæteri Mendicantes in excolenda vinea Domini assidue laborat.

XVIII. Carmelitarum Discalcearum Ordinem esse unum de quatuor Ordinibus Mendicantibus, scilicet,

N n 2

cet,

cet, Ordinem *Carmelitarum*, cujus Religiosi Regulam ab Alberto Patriarcha Hierosolymitano habitantibus in Monte Carmelo traditam & ab Innocentio IV. confirmatam, profitentur & observant, declaratur in Bulla Clementis VIII. quæ incipit, *Romanum Pontificem* 101. in *Bull. Rom.*

XIX. Ex hæcenus dictis habemus, Ordines Mendicantes, partim ex Regula, uti S. Francisci, partim ex Constitutionibus & consuetudine, jam pridem renuntiassent redditibus & possessionibus, non tantum in particulari, sed etiam *in communi*; ita ut nec ipsa *Communitas* redditus & possessiones, è quibus singuli sua necessaria acciperent, habere posset.

XX. Hanc paupertatem Ordinibus sive Religionibus Mendicantibus, quæ non tantum ad contemplandum, sed etiam ad *contemplata* aliis tradendum ordinantur, magis convenire docuit S. Thomas 2. 2. q. 187. art. 7. "Quia, inquit, illis Religionibus quæ ordinantur ad contemplata aliis tradenda, competit vitæ habere maxime ab exterioribus sollicitudinibus expe-  
diram. Quod quidem fit dum *modica*, quæ sunt *necessaria* vitæ, *congruo tempore* procurata conservantur.

Non dubium, quia, si vitæ necessaria suo tempore subministrarentur iis, qui ad contemplandum ac contemplata per prædicationem aliis tradendum sunt ordinati, sine minore sollicitudine, ac consequenter sine minore impedimento suis functionibus insistere possent. Nam, ut ait idem Doctor, possessiones communes multas sollicitudines ingerunt de ipsis conservandis, & custodiendis & excolendis.

XXI. Verum vix Ordinibus hæc exortis, & non nihil multiplicatis, visum fuit, quam difficile, quamque molestum sit, tantum Religiosorum numerum Fidelium elemosynis sustentari; adeo ut ex Matthæo Parisiensi ad an. 1258. in suo Monastico referat Dadinus Alteserra lib. 1. cap. 11. "Univerlitas insuper Parisiaca per Prædicatores & Minores non mediocriter est perturbata; tot autem Ordines exorti sunt, quod hi hos & è converso supplantant: *nec sufficit*, ut consuevit populus, eos *plebeis elemosynis* sustentare.

XXII. Insuper altissima illa paupertas, quæ nec *in communi* redditus possessionesque admittit; sed jubet vitæ necessaria à Fidelium mera liberalitate, quasi *mendicantibus* expectare, frequenter non exigua secum trahit incommoda ac molestias, quibus ferendis pene non sufficiunt etiam illi, qui ad vitæ Monasticæ perfectionem jam aliquatenus pervenerunt.

Unde S. Thomas in Opusculo 15. cap. 16. expresse fatetur, quod expediat propter eos qui non sunt *summa* perfectionis capaces, *communes* possessiones possideri. Hinc plurimæ inordinationes, & ipsa quoque Regularis disciplinæ collapsio tandem in multis Monasteriis secuta sunt.

XXIII. Cum enim multiplicatis Ordinibus Mendicantium Fratribus, cœpissent & imbecilliores minusque perfecti inter ipsos reperiri, qui molestias & incommoda, ex summa illa & utilissima paupertate provenientia, animo Christiano ferre non possent; comperit fuit, quod multi, ut se à molestiis ac indigentis eximerent, recurrerent ad media ab Instituto suo, & mente Patrum aliena, ac ipsius Religionis disciplinam enervantia, imo quæ ipsi populo ac Clero hos Ordines odiosos redderent.

XXIV. Et quod mirum, eodem seculo quo primum exorti fuerunt Mendicantes, ad Provinciales & custodes sui Ordinis scribit Seraphicus Doctor Bonaventura, tunc Ordinis Minorum Minister Generalis electus: "Perquirenti mihi causas, cur splendor nostri Ordinis quodammodo obscuratur, Ordo exterius inficitur, & nitor conscientiarum interius defœdatur; occurrit negotiorum multiplicitas, qua pecunia nostri Ordinis paupertati super omnia inimica avide petitur, incaute recipitur, & incautius contrectatur. Oc-

currit quorundam Fratrum otiositas, quæ sentina est omnium vitiorum; qua plurimi consopiti, monstrum quendam statum inter contemplativam & activam eligentes, non tam carnaliter quam crudeliter sanguinem comedunt animarum. Occurrit evagatio plurimorum, qui propter solatium suorum corporum, gravando eos per quos transeunt, non exempla post se relinquunt vitæ, sed scandala potius animarum. Occurrit importuna petitio, qua omnes transeuntes per terras adeo abhorrent Fratrum occursum, ut eis timeant, quasi prædonibus obviare. Occurrit ædificiorum constructio sumptuosa & curiosa; quæ pacem Fratrum inquietat, amicos gravat, & hominum perverlis judiciis multipliciter nos exponit. Occurrit multiplicatio familiaritatum, quam Regula nostra prohibet, ex qua suspiciones, infamationes, & scandala plurima oriuntur. Occurrit improvida commissio officiorum, qua Fratribus nondum usquequaque probatis, nec carne maceratis, nec spiritu roboratis, imponentur officia vix portanda. Occurrit etiam sepulturarum & testamentorum avida quædam invasio, non sine magna turbatione Cleri, & maxime Sacerdotum.

Similia deploravit idem sanctus Doctor in alia Epistola ad eosdem Provinciales & custodes Ordinis sui iterato data, & in Ordinis Annalibus ac temporis illius historiis latius relata.

Neque alii Mendicantium Ordines ab iis incommodis immunes fuisse, eorum chronica & antiqua monumenta, & iis eliminandis opposita Statuta, abunde evincunt.

XXV. Prudentiores autem proprius expendentes, aucto Religiosorum numero, nec non ipsius primo Religionis fervore, & Laicorum in eos affectu deserviente, difficulter posse sine magnis incommodis, absque communibus redditibus & possessionibus Ordinem ejusque disciplinam in sua puritate stare, consultius credidere, ut illi saltem Ordines, quibus non ex Regula, sed solum ex Constitutionibus vetitum erat *in communi* redditus & possessiones habere, ab his Constitutionibus non nihil recederent; atque ad Regulam, quæ redditus & possessiones *in communi* possidendas permittebat, redirent.

XXVI. Quod cum jam pluribus in Religionibus esset per licentiam Sedis Apostolicæ, vel Ordinis contrarias Constitutiones inductum, tandem Synodus Tridentina probavit, "concedendo omnibus Monasteriis, & Domibus, tam virorum quam mulierum, & Mendicantium exceptis Domibus Fratrum S. Francisci Capucinarum, & eorum, qui Minorum de Observantia vocantur, etiam quibus ex Constitutionibus suis erat prohibitum, aut ex privilegio Apostolico non erat concessum, ut deinceps bona immobilia possidere liceat." Sess. 25. De Reformat. Regul. & Monial. cap. 3. (a)

XXVII. Utque Synodus efficacius occurreret incommodis, quæ ex nimia Monasteriorum egestate, & necessariorum ad vitæ sustentationem carentia, nata sunt oriri, eodem Decreto sancivit: "In prædictis autem Monasteriis tam virorum quam mulierum bona immobilia possidentibus, is tantum numerus constitutur, ac imposterum conservetur, qui vel ex redditibus propriis Monasteriorum, vel ex consuetis elemosynis commode possit sustentari.

XXVIII. Ab hoc Decreto circa possessionem bonorum immobilium excipi voluere Capucini & Minores de observantia, eo quod non tantum eorum Constitutiones, sed ipsa S. Francisci Regula, quam profitentur, hujusmodi bonorum possessionem interdicit, eosque ad altissimam illam paupertatem adstringat.

(a) Eo Decreto primum offensus fuit supremus Parisiorum Senatus; sed cum Ordines Mendicantes in possessione quorundam bonorum immobilium jam versarentur, usum factum est, ut iis ordinibus sua bonorum possessio permitteretur. *Disc. sur la recept. du Conc. de Trente*, p. 41.

XXIX. Circa Decretum Tridentinum bonorum immobilium possessionem Monasteriis Ordinum Mendicantium permittens, prævic ad publicationem ipsius Concilii in Belgio, id notarunt Regia Consilia, non aliter admitti posse, ut Monasteria illa bona immobilia deinceps possideant, quam si ex *consensu Principis bona amortizentur*. Brabantii addiderunt, si id aliter accipiat, fore contra articulos inaugurationis, seu læti Introitus suæ Provinciæ, quibus custodiendis Regia Majestas jurejurando altringitur. Ita refert Antonius Anselmo in suo Triboniano Belgico cap. 32. §. 43.

XXX. Quantumvis vero Monasteriis Ordinum Mendicantium, exceptis Capucinis & Minoribus de Observantia S. Francisci, facta sit licentia possidendi bona immobilia in *communi*; atque ea facultate pleraque hodie utantur; nequaquam tamen propterea desierunt esse, & vocari Ordines Mendicantes.

Mendicantes quippe præcipue dicti sunt à *Mendicitate*, quam etiam hodie cum bonorum immobilium & reddituum in *communi* possessione tanquam partiale medium, quo sibi vitæ subsidium procurare queant, adhuc retinent.

XXXI. Porro sicuti nulla Monachorum Regula ante S. Franciscum vetuit bonorum reddituumque in *communi* possessionem, ita primus ipse Franciscus in sua Regula, *Mendicitatis* seu conquirendi eleemosynas *ostiatim* mentionem fecit; occasionemque nomenclaturæ *Mendicantium Fratrum* dedit.

Quidni igitur quod S. Franciscus de hac mendicitate dixit, pro norma Religiosæ Mendicitatis habeatur ac reputetur?

XXXII. Voluit S. Franciscus in sua Regula, ut Fratres, quibus dedit Dominus gratiam *laborandi*, laborent fideliter & devote; ita tamen ut per laborem sanctæ orationis & devotionis spiritum non extinguant, cui debent cætera temporalia deservire.

Insuper vult, "ut de mercede laboris, pro se & suis Fratribus necessaria corporis recipiant, & hoc humiliter sicut decet servos Dei, & paupertatis sanctissimæ sectatores.

Hæc cap. 5. ac tum cap. 6. subjungit: "Fratres nihil sibi approprient, nec domum, nec locum, nec aliquam rem, sed tanquam peregrini & advenæ in hoc seculo, in paupertate & humilitate Domino famulantes, vadant pro eleemosyna." Quasi diceret, si merces laboris vitæ necessariis non sufficiat, tunc Fratres tanquam peregrini & advenæ in hoc seculo vadant pro eleemosyna. Quod apertius indicat in suo Testamento.

Hic enim rursus non verbis duntaxat, sed suo exemplo Fratres ad laborandum excitans, dicit: "Et ego manibus meis laborabam & volo laborare, & omnes alii Fratres mei firmiter volo quod laborent de laborio, quod pertinet ad honestatem. Et qui nesciunt, discant, non propter cupiditatem recipiendi pretium laboris, sed propter bonum exemplum, & ad repellendam otiositatem.

XXXIII. Ut vero amplius Fratres à cupiditate & solitudine luari ex laborio suo acquirendi avocarer, §. sequenti subdit. "Et quando non daretur nobis pretium laboris, recurramus ad mensam Domini, petendo eleemosynas ostiatim.

Quasi diceret, laborem strenue manibus nostris; sed sine anxietate, & cupiditate lucri. Si enim contingat nobis non dari pretium laboris, tunc non erubescamus, ut tanquam peregrini & advenæ in hoc seculo in paupertate & humilitate Domino famulantes, vadamus pro eleemosyna confidenter, sive recurramus ad mensam Domini, petendo eleemosynas ostiatim.

Quare nequaquam obscurum est, S. Franciscum noluisse, Fratres recurrere ad mensam Domini petendo eleemosynas ostiatim, nisi dum jam omnibus rebus & facultatibus, etiam in *communi* abdicatis, ipsoque la-

loris pretio deficiente, necessariis vitæ subsidiis destituuntur.

XXXIV. Hinc illud ejusdem Patris legitur apophthegma 41. "Fratres quantoties hortabatur ut inanes discursus, & nimias sollicitudines in acquirendis vel colligendis eleemosynis vitarent, & omnino quæstus superfluos abhorrent, dicens: Fratres, petite tantum victui & vestitui necessaria. Ego de me fateor, & gratias ago Deo, quod nonquam fui fur aut latro eleemosynarum; semper enim minus accepi, quam me contingeret, ne alii pauperes sua sorte fraudarentur; quia contrarium facere semper furtum reputavi.

Nihil ergo superflui quæstus ex eleemosynis conquiri voluit S. Franciscus, ipsius mendicantis Religiosæ atque altissimæ illius paupertatis primus inter Monachorum Patres institutor; qui & furtum eleemosynarum aliis pauperibus debitarum esse reputavit, si quid præter victui & vestitui necessaria acciperetur.

XXXV. Adhæc manifestum est, S. Franciscum enixe commendasse Fratribus, ut *manibus laborarent*: & casu quo ex laborio pretium sufficiens victui & vestitui non acciperent, tunc in subsidium, tanquam pauperes & advenæ in hoc seculo, ad mensam Domini recurrerent, petendo eleemosynas ostiatim.

XXXVI. Verum Nicolaus III. in Cap. EXIIT De Verborum Significatione in VI. elucidans nonnulla dubia circa Regulam S. Francisci, quam ipse aliquando professus fuerat, & exponens verba illa Regulæ, quibus Fratribus labor MANUUM præcipitur, declarat: "Quod consideratis verbis prædictis & forma seu modo loquendi, sub quibus Fratres ad hujusmodi exercitium inducuntur, non videatur ea fuisse instituentis intentio, quod vacantes studio vel Divinis Officiis, & ministeriis exequendis manuali labori seu operationi subiceret, vel ad hoc illos arceret.

XXXVII. Et ante Nicolaum III. S. Thomas docuit, Religiosos posse ex eleemosynis vivere: primo propter necessitatem, quæ provenit vel ex corporis infirmitate, ex qua contingit, quod non possint sibi labore manuum victum quærere, vel si illud, quod ex opere manuum conquirunt, eis ad victum non sufficiat.

Secundo possunt juxta S. Thomam Religiosi ex eleemosynis vivere, si prædicent auctoritate Prælatorum, aut altari ministrant & Sacramenta administrent; vel etiam si studio Sacre Scripturæ ad communem utilitatem totius Ecclesiæ insistant.

Post hæc subdit S. Thomas, "Si vero aliqui sint Religiosi, qui absque necessitate & utilitate quam afferant, velint otiosi de eleemosynis quæ dantur pauperibus, vivere, hoc est eis illicitum. Unde S. Augustinus dicit in libro De Opere Monachorum: Plerumque ad hanc professionem servitutis Dei & ex conditione servili aliqui veniunt, & ex vita rusticana, & ex opificum exercitatione & plebeio labore, de quibus non apparet utrum ex proposito servitutis Dei venerint, an vitam inopem & laboriosam fingentes vacui pasci atque vestiri voluerint, & insuper honorari ab eis, à quibus contemni conterique consueverant. Tales ergo se, quominus operentur, de infirmitate corporis excusare non possunt. Præteritæ quippe vitæ consuetudine convincuntur." Et postea subdit: "Si nolunt operari, non manducent. Neque enim propterea ad pietatem divites humiliantur, ut pauperes ad superbiam extollantur. Nullo enim modo decet, ut in ea vita ubi Senatores sunt laboriosi, ibi sint opifices otiosi, & quo veniunt, relictis deliciis suis, qui fuerant prædiorum Domini, ibi sint rustici delicati." Hactenus S. Thomas 2. 2. q. 187. art. 4. in C. qui ibidem cum sibi objecisset in argumento, quod "Apostolus volebat vivere de sumptibus Fidelium, ut occasionem auferret pseudo-Apostolis, & ne scandalum poneretur infirmis, ergo videtur, quod propter eandem causam Religiosi de-

beant



„beant abstinere, ne de eleemosynis vivant. „ Responder, „ Quod quando apparet manifesta necessitas „ & utilitas; propter quam aliqui Religiosi de eleemo- „ synis vivant absque opere manuali, non scandalizantur ex hoc infirmi; sed malitiosi, more Phariseorum, quorum scandalum contemnendum Dominus „ docet *Matth. f.* Sed si non esset evidens necessitas & „ utilitas; posset exinde generari scandalum infirmis: „ quod esset vitandum.

Igitur juxta S. Thomam, cui & S. Bonaventura variis in locis consentit, Religiosi ex eleemosynis vivere possunt, tamen *manibus* non laborent, si pro Ecclesia spiritualiter ac utiliter laborent; atque hoc fere unico titulo hodie Fratres Mendicantes ad colligendas eleemosynas admittuntur.

XXXVIII. Moribus siquidem Belgii vicinarumque Provinciarum passim obtrunui, ut Religiosi ad civitates cum facultate eleemosynas ostiatim petendi, sive *quæstuandi*, ut ajunt, admittantur, modo veniant tanquam Parochialium Ecclesiarum & Ordinariorum Sacerdotum ac Ministrorum coadjutores & subsidiarii, & cum onere inferviendi populo in spiritualibus, ubi id necessitas postularit.

Neque extra civitates alii à Religiosis ad quæstuum sive ad eleemosynas quærendas admitti solent, nisi qui iis in locis stationes habentes, certis diebus ibidem Parochis in prædicatione aut Sacramentorum administratione assistunt.

XXXIX. Pro hoc notandum, quod hodie in hisce aliisque Provinciis ægre permitteretur, ut Religiosi etiam ex Ordine Mendicantium aliquo in loco eleemosynas colligerent vel peterent, nisi consentiente Magistratu loci. Neque licitum esse, sine consensu Regis, collectam aliquam publicam, etiam pro pauperibus, aut Religiosis, tametsi Bulla Pontificia munitis instituere in Gallia aliisque Regnis, ostendit Carolus Fevretius *lib. 3. de Abusu cap. 1. num. 18.* quod & in Belgio ægre permitteretur; præsertim si de notabili collecta ageretur.

XL. Porro quocumque titulo hæc Religiosa Mendicantis sive quæstatio instituitur, semper in illa observanda est moderatio & modestia, quam ipsi Ordinum Fundatores, & ipsæ Regulæ Religiosæ paupertatis & modestiæ requirunt.

Atque imprimis in hac eleemosynarum collectione ipsi Religiosi ex iis viventes, merito attendere debent, se tanquam *pauperes & advenas* in hoc seculo vivere; hancque esse præ cæteris Religionibus, Fratrum Mendicantium professionem; atque eo titulo *paucis*, tam in victu quam vestitu debere esse contentos.

Quod evidenter supponit S. Thomas 2. 2. q. 188. *art. 7. in C.* probans Religionibus institutis ad contemplandum & contemplata aliistradenda convenire, non habere possessiones in communi; quia minorem adfert solitudinem, dum *modica*, inquit, quæ sunt necessaria vitæ, congruo tempore procurata conservantur; non obscure supponens, quod Religiones hujusmodi *modicis* debeant esse contentæ.

Ad quæ reflectens S. Thomæ Commentator Cardinalis Cajetanus, ait, unam ex causis, ob quas experientia teste hodie plus solitudinis adferat, vivere ex eleemosynis, quam ex moderatis possessionibus, esse *minus Religiosorum sumptus*. „ Nam, inquit, quod triginta Religiosi hodie exigunt, paulo ante *centum* forte sufficiebat.

XLI. Uterius cum hodie pene solo titulo *laboris spiritualis* eleemosynæ à populo petantur; easque eo intuitu populus det, merito quoque Ordines illi attendunt, ne populus nimium gravetur sustentatione eorum, qui ad spirituales hunc laborem impendendum nullatenus conducunt. Quare, ut ait Cajetanus loco citato, „ non debent omnes ad harum Religionum „ professionem recipi, sed soli idonei ad officium prædicandi & confessiones audiendi, & ministri eorum „ necessarii.

Hac de causa Magistratus locorum in admissione Ordinum Mendicantium nonnumquam numerum admit-tendorum ad hunc Conventum limitant, ne alias excessivus eorum numerus administrandis populo spiritualibus haud necessarius, nimium oneri sit; uti supra notavimus.

XLII. Solicite insuper adlaborare debent, ut ita in hac eleemosynarum collectione se exhibeant, ut notam cupiditatis & avaritiæ non incurrant, ipsique populo suadeatur, prædicationem cæteraque spiritualia officia quæstus causa non institui.

Hac de re laudabile est Ordinis PP. Prædicatorum statutum: „ Cum prædicatores se tanquam veros Religiosos, & viros Apostolicos exhibere debeant, & „ nulli materiam scandali præbere, & ab omni specie „ mali abstinere, idcirco nullo modo debent permittere, ut dum actu prædicant, colligantur pecuniæ, „ sive pro domo, sive pro quacumque persona, ne notam cupiditatis, vel avaritiæ incurrant, & prædicationis officium in vilipendium veniat. Et ob id sub „ pœna excommunicationis mandatur omnibus fratribus, ne de cætero prætextu cujuscumque extranei „ quæstus, & indulgentiæ prædicandæ quovis modo „ discurrant, pretium, aut salarium, pro hujusmodi „ prædicationibus accipiant, vel ad hoc fratrem aliquem inducant. Et nihilominus tales divini verbi „ corruptores, qui labe cupiditatis, & quæstuarie illusionis splendorem nostræ Religionis offuscant, officio prædicationis, & bonis ad usum concessis, sint „ ipso facto privati, & per annum ad carceres deputentur. Poterunt tamen Prædicatores, & fratres Conventum commendare, & populo paupertatem, & necessitatem exponere, ut suo tempore eis eleemosynas conferat, & ad hoc adhortari. „ Hæc ex Summario Constitutionum, declarationum & ordinationum pro regimine Sacri Ordinis Prædicatorum, *parte 2. cap. 59.*

XLIII. Denique in hac quæstuatione se ita exhibere debent, ut suo modesto & religioso agendi modo ab odioso illo *quæstorum* hominum genere à Concilio Tridentino abolito se plane distinguant; non minis, aut fraudibus inducant Fideles ad eleemosynas, non petant tanquam debitum, aut solitum, neque ulla arte, etiam prætextu dicendi aliquas orationes, aut lucrandi certas indulgentias, aut aliter extorqueant pecunias aut alia bona, sed *simpliciter, pie, & modeste* petendo eleemosynam pro sustentatione Fratrum, accipiant tantum quod sibi sponte offertur, nec super iis eleemosynis ullam quovis nomine conventionem faciant, etiam in utilitatem ipsorum Monasteriorum, quemadmodum Pius V. & Gregorius XIII. ex sententia S. Congregationis Concilii Tridentini in simili quoad collectionem eleemosynarum ac intertentionem (a) Hospitalium responderunt; uti refert Fagnanus ad *Cap. Cum ex eo & De Penit. & remiss. num. 21. 22. & 23.*

(a) Entretien.

## CAPUT VI.

Omnia undecumque Religiosis obveniëntia in communes usus Fratrum sunt dispensanda.

1. Norma dispensandi Monasteriorum proventus recte desumitur è norma primorum Christianorum.
2. Inter primos Christianos omnia erant communia.
3. Erant communia ut in singulorum usus pro cujusque necessitate distribuerebantur.
4. Eandem dispensandi normam inculcat Regula S. Augustini; estque basis totius vitæ Monastica.
5. Augustino consonat S. Benedictus.
6. Quidquid à parentibus datur Religioso, debet dari Prælato ut in communes usus distribuatur.

7. S. Bene-

7. S. Benedictus voluit ut res alicui Religioso à parentibus donata, potius uni alteri per Abbatem detur: & quare?
8. Hanc proventuum in communes usus dispensandorum normam probat Synodus Tridentina.
9. Mentem Synodi Tridentinae exposuit Cleviens VIII.
10. Hanc Clementis declarationem & Constitutionem innovavit Urbanus VIII. ac novissimè Innocentius XII.
11. Synodus P. I. Cameracensis sequuta mentem Concilii Tridentini, declaravit omnia undecunque Religiosis obvenientia, ut communia esse dispensanda.

**L** BONA ac proventus Religiosorum in *communi* *ventium*, quos Cœnobitas dicimus, quomodo sint dispensanda, ostendit ipsa dispensationis norma, quam servarunt primi Christiani Hierosolymis in *communi* viventes, qui ipsam Cœnobarum vivendi rationem prælinearunt. Hanc Sacer Textus his verbis expressit: *Multitudinis autem Credentium erat cor unum & anima una: nec quisquam, eorum, quæ possidebat, aliquid suum esse dicebat, sed erant illis OMNIA COMMUNIA.* Act. 4. v. 32.

II. Asserit Sacer Textus, quodd nemo istius multitudinis aliquid *suum* esse diceret; id est, nihil sibi appropriaret, sed illis *omnia* essent *communia*; nimirum ut in *communem* multitudinis usum, non tanquam uni magis quam alteri propria, sed tanquam *omnibus* indifferenter *communia* dispensarentur; quemadmodum Scriptura in sequentibus exponit. *Quotquot enim, ait, possessores agrorum aut domorum erant, vendentes afferebant pretia eorum, quæ vendebant, & ponebant antepedes Apostolorum. Dividebatur autem singulis prout cuique opus erat.*

Capite 2. dixerat Auctor Sacer: *Omnes etiam, qui credebant, erant pariter, & habebant omnia COMMUNIA.* Ad quid erant *communia*? Exponit sacer textus addens: *Possessiones & substantias vendebant, & dividebant ea omnibus, prout cuique opus erat.* Act. 2. v. 44. & 45.

III. Erant ergo omnia illis *communia*, ut multitudini sive Congregationi illorum Fidelium seu Credentium in *communem* usum, sine respectu, à quo plura vel pauciora obvenissent, distribuerentur; imo *singulis* indifferenter prout *cuique* opus erat.

IV. Hæc est illa dispensandi norma, quam Patres tanquam vitæ Cœnobitæ primarium fundamentum, & totius disciplinæ Regularis basim in suis Regulis fortissimè inculcârunt.

In Regula, quæ S. Augustini dicitur, quamque hodie tum Canonici Præmonstratenses, & qui vulgò simpliciter *Canonici Regulares* dicuntur, tum Eremitæ S. Augustini, item Dominicani pluresque alii utriusque sexus Ordines profitentur, hæc habentur cap. 1. "Primum propter quod in unum congregati estis, ut unanimis habitetis in domo, & sit vobis anima una & cor unum in Deo, & non dicatis aliquid *proprium*, sed sint in vobis *omnia communia*, & distribuatur unicuique vestrum à Præposito vestro victus & regumentum, non æqualiter omnibus, quia non æqualiter valetis omnes, sed potius unicuique sicut opus fuerit. Sic enim legitur in Actis Apostolorum: *Quia erant ipsis omnia communia.*

Ecce Augustinus voluit, ut nullus aliquid haberet *proprium*, sed omnia essent *communia*; ita scilicet *commune* opponens *proprio*. Sed quare *omnia communia*? Ut distribuatur unicuique de Congregatione prout opus est; sive ut in *communem omnium usum* pro cuiuscumque necessitate omnia indifferenter dispensarentur.

Audiamus id Augustinum clariùs capite 8. suæ Regulæ exponentem: "Etiam cum quis suis filiis aut aliquâ necessitudine ad se pertinentibus in Monasterio constitutis, aliquam contulerit vestem, sive quodlibet

aliud inter necessaria deputandum, non occultè accipiat, sed sit in potestate Præpositi, ut in rem *communem* redactum, cui necesse fuerit, præbeatur.

Augustinus ergo communia esse omnia voluit, etiam à parentibus aut consanguineis alicui *particulari* de congregatione oblata, ut cui necesse fuerit præbeantur; id est, indifferenter dispensentur, tanquam toti Congregationi sive *omnibus communia*, nulli autem *peculiararia*.

V. S. Benedictum etiam audiamus: "Ne quis, inquit, præsumat aliquid habere *proprium*, nullam omnino rem, neque codicem neque tabulas, neque graphium, sed nihil omnino: quippe quibus nec corpora sua, nec voluntates suas licet habere in propria potestate: omnia verò necessaria à Patre sperare Monasterii: nec quidquam licet habere, quod Abbas non dederit aut permiserit. *Omniaque omnibus sint communia*, ut sicut scriptum est: *Nec quisquam suum aliquid dicat vel præsumat.*

Nulli aliquid *proprium* esse vult Benedictus, sed omnia *communia*; ut scilicet ex illis quisque omnia necessaria à Patre Monasterii speret; sive accipiat.

VI. Utque hanc communionem ampliùs persuaderet, mandat: "Ut si à parentibus Religioso quidquam deditum fuerit, non præsumat suscipere illud, nisi priùs indicatum fuerit Abbati, quod si iusserit suscipi, in Abbatis sit potestate, cui illud jubeat dari. Et non contristeretur Frater, cui fortè directum fuerit, ut non detur occasio diabolo." Cap. 54. *Regulæ*.

Ergo etiam filiis à parentibus directæ sive oblata, ita voluit esse *communia*, ut in potestate Abbatis sit, cui voluerit illa jubere dari.

VII. Et ne occasio diabolo detur, persuadendi scilicet filio Religioso, rem sibi à parentibus directam magis sibi, quam alteri esse debitam, neque omnibus planè communem, voluisse S. Benedictum potius alteri dari, quam filio, cui erat directæ, non obscurè citata verba Regulæ innuunt; & jampridem observavit Dionysius Carthusianus, dum citatis hinc Regulæ verbis subjicit: "Rursus ex hoc, quod rem alicui Monacho missam voluit S. Benedictus potius alteri datam, quam illi, concluditur quam *seriosè & integrè* volebat, omnem à suis proprietatem, peculiumque excludi." In *Traict. de reformat. claustr. art. 14.*

VIII. Hanc rerum omnium perfectam communionem in omnium Patrum Regulis, & Ordinum Constitutionibus expressam & enixè commendatam, Synodus Tridentina tanquam fundamentum ac basim totius Regularis disciplinæ ab omnibus Superioribus observari præcipit; eamque inter substantialia Regularis vitæ reponere non dubitavit: mandaturque Superioribus, ut omnis cura diligentiaque ab iis adhibeatur, ut ab illa non recedatur: "Cum compertum sit, ab eis non posse ea, quæ ad *substantiam* Regularis vitæ pertinent, relaxari: si enim illa, quæ *bases* sunt & *fundamenta* totius Regularis disciplinæ exactè non fuerint conservata, totum corruat ædificium necesse est." Sess. 25. de *Regularib. cap. 1.*

Post hæc subjicit cap. 2. tanquam ex priori Decreto consequens: "Nemini ergo Regularium, tam virorum quam mulierum, liceat bona immobilia, vel mobilia, cuiuscumque qualitatibus fuerint, etiam quovis modo ab eis acquisita, tanquam propria, aut etiam nomine Conventus possidere, vel tenere: sed statim Superiori tradantur, Conventuique incorporentur. Nec deinceps liceat Superioribus bona stabilia alicui Regulari concedere, etiam ad usum-fructum, vel usum, administrationem, aut commendam. (a)

Quasi diceret, vita Regularis requirit, ut omnia sint *communia*; id est, in usum communem totius Communitatis sive Fratrum dispensentur: igitur nemini Regularium quocumque prætextu licet aliqua bona tanquam

(a) Hoc Concilii Tridentini Decretum receptum est à Clero Gallicano, simulque confirmatum in ejus Comitibus Generalibus Meloduni habitis an. 1579. *lib. 23. cap. de reformat. Regularium*

pro-

propria aut etiam nomine Conventus possidere & tenere; sed ea Conventui incorporanda sunt, tanquam bona ipsius Conventus sive Congregationis, in usum Conventus & Congregationis dispensanda.

IX. Hunc Synodi Tridentinae sensum clariùs exposuit Clemens VIII. in Constitutione edita pro reformatione Regularium, quæ incipit, *Nullus omnino*, 60. in Bull. Rom. ubi §. 2. de hoc Concilii Decreto ita loquitur: " Quo Tridentini Concilii Decreta de paupertatis, voto custodiendo fideiùs observentur, præcipitur, ut nullus ex Fratribus, etiam si Superior sit, bona im- mobilia, aut pecuniam, proventus, census, elemosinas sive ex concionibus, sive ex lectionibus, aut pro Missis, tam in propria Ecclesia, quam ubicumque celebrandis, aliove ipsorum iusto labore & causa, & quocumque nomine acquisita, etiam si subsidia sanguineorum, aut piorum largitiones, legata aut donationes fuerint, tanquam propria, aut etiam nomine Conventus possidere possit; sed ea omnia statim Superiori tradantur, & Conventui incorporentur, atque cum cæteris illius bonis, redditibus, pecuniis ac proventibus confundantur, quod communis inde victus & vestitus omnibus suppeditari possit.

Manifestum est ex sententia Pontificis, Conventui bona incorporari, idem esse, atque omnia undecumque Religiosis obvenientia cum cæteris Monasterii seu Conventus bonis, redditibus, pecuniis, ac proventibus confundi, quod communis inde victus & vestitus omnibus suppeditari possit; sive ut verbo dicatur: ut omnia inter Regulares sint communia, & dividantur singulis prout cuique opus erit.

X. Citatam Clementis Constitutionem innovârunt Urbanus VIII. in Constitutione, quæ incipit, *Sacra Congregatio* 28. in Bull. Rom. ac Pontifex Innocentius XII. in Decreto edito 18. Julii 1695. hic enixè mandat, vitam communem juxta Decreta suorum Prædecessorum in Monasteriis observari; atque certos Conventus designari ad Novitios educandos, in quibus vita communis exactè observetur, uti suprâ tit. 25. cap. 2. unum. 22. annotavimus.

XI. Biennio post absolutam Synodum Tridentinam habita Synodus Provincialis Cameracensis, cui & plures, qui Synodo Tridentinae interfuerant, assisterunt, decrevit: " Ut omnis illa pecunia vel res quam Monachus vel Monialis acquirere labore sive industria, sive amicorum liberalitate, seu denique aliâ quâlibet occasione possit, Superiori tradatur, ita ut ad nutum ejus tanquam res communis expendatur., Tit. 8. cap. 10.

Nequaquam ergo dubitarunt hujus Synodi Patres, quin mens Synodi Tridentinae esset, ut res omnes Religiosis undecumque obvenientes, Superiori essent tradendæ eum in finem, ut tanquam res communes expendere-  
rentur.

## CAPUT VII.

Peculia Monachorum contrariantur voto paupertatis, & communi vitæ.

1. Describitur peculium servorum, cum quo peculium Monachorum in multis convenit.
2. Ostenditur quomodo hæc duo peculia conveniant.
3. Peculium Monachorum est separatam à proventibus Monasterii, sicuti peculium servorum à rationibus Dominorum.
4. Ubi habentur peculia, non possunt esse omnia communia.
5. Quomodo peculium servi rectè dicitur patrimonium servi; ita & peculium Monachi, ejus patrimonium bene dicitur.
6. Peculium Monachi rectè asseritur spectare ad Mona-

chum, licet proprietas civilis esset penes Monasterium.

7. Peculium & proprium in Monacho sunt synonyma.
8. Monachi peculia habentes reputantur proprietarii.
9. Reservationes reddituum vitalitiorum aut cujuscumque alterius rei in particulares usus voto paupertatis adversantur.
10. Rerum reservationes in particulares usus adversantur vitæ communi, quam Religiosi profitentur.
11. Sententia Christiani Lupi de similibus reservationibus.
12. Superiorum dissimulatio, aut dispensatio has reservationes licitas reddere nequit.
13. Reservationes illæ diametraliter professioni Religiosa opponuntur.
14. Subditi credere non debent Superioribus asserentibus se posse in vita communi dispensare.
15. Non eximuntur à vitio proprietatis, qui peculia tenent dependentem à voluntate Superiorum.
16. Licentia Superiorum facit subinde Religiosos liberiùs peccare.

I. **P**ECULIUM Monachorum, cuius frequenter in Regulis Monachorum & Canonibus Conciliorum mentio occurrit, in multis cum peculio servorum (de quo in Jure Romano multa dicuntur) convenit: imò ex hoc originem sumpsisse non difficile ex utriusque descriptione apparebit.

Peculium servorum ita definiri potest: " Patrimonium pusillum, quod servus Domini permissu separatim à rationibus Dominicis haberet., L. 5. ff. de peculio.

" Peculium (ait Florentinus in l. 39. ff. eodem) & ex eo consistit, quod parcimoniâ suâ quis paravit, vel officio meruit à quolibet sibi donari: idque velut proprium patrimonium servum suum habere quis voluerit.

II. Hæc quomodo conveniant peculio Monachorum, nequaquam obscurum est videre.

Quid enim aliud est peculium Monachorum, nisi aliqua pusilla pecunia, aut pusillus redditus, aliudve simile, quod Monachus parcimoniâ, vel proprio labore, aut parentum, consanguineorum, sive amicorum liberalitate sibi acquisivit, atque à rationibus Conventus permissu Superioris separatim, servat sive retinet in suos usus particulares, & non in communes totius Conventus sive Fratrum, tanquam rem omnibus ad usum communem expendendam.

III. Sicuti ergo peculium servi est separatim à rationibus seu proventibus Dominicis, ed quod permissu Domini in particulares usus servi sit concessum, ita & peculium Monachi à rationibus sive proventibus Monasterii verè dicitur separatim; ed quod reseretur in usus, non totius Conventus, quemadmodum reliqui proventus ipsius Conventus, sed in singulares hujus Monachi.

Hinc non difficulter intelligitur, quâ ratione peculia Monachorum vitam communem, quam Religiosa professio requirit, labefactent.

IV. Neque enim possibile est, inter illos Religiosos omnia esse communia, ut dividantur singulis prout cuique opus erit; sive ut ex illis tanquam ex rebus communibus victus & vestitus aliaque necessaria indifferenter subministrantur, ubi aliqua reservantur ad usus particulares hujus illiusve Monachi, & consequenter nec Conventui incorporantur, sive cum cæteris Monasterii redditibus ac proventibus confunduntur, ut in omnium usus indifferenter, prout cuique opus erit, dispenseantur.

Id rectè advertit pius ac eruditus Petrus Wallon-Capelle Prior Monasterii S. Winoci, dicens: " Quod alicui certo præfixum servatur, commune dici non potest.

V. Ulterius quemadmodum peculium servi rectè vocatur patrimonium; imo proprium patrimonium servi, tamen proprietas civilis (cujus servus Jure Romano est



est incapax) sit penes Dominum, quia tota militas & plenus usus est apud servum, ita quoque peculium Monachi rectè dicitur pusillum imò & proprium patrimonium Monachi, tamen ipsa civilis & nuda proprietas sit apud Monasterium: eò quòd peculii live redditus vitalitii aliarumque rerum plenus usus Monacho sit reservatus.

VI. Cum enim rerum temporalium utilitas unicè ferè in earum usu consistat, quidni res aliqua dicatur propria sive appropriata illi, cui ejus usus est appropriatus seu reservatus.

Neque rerum temporalium nuda proprietas vel possessio multum prodest aut nocet, sed earum usus. Quod jam pridem in Monachis notandum duxit Dionysius Carthusianus, dicens: "Magis nocet Religioso habere usum peculii sine proprietate civili, quam habere proprietatem sine usu. Proprietas namque in se non est peccatum, nec ad peccandum inducit, nisi per usum rei... Imò quantum ad progressum de malo in malum, parum aut nihil refert, an habetur usus sine proprietate, an cum proprietate." Tract. de Reformat. Claustr. art. 16.

VII. Meritò ergo peculium & proprium pro synonymis accipiuntur à Glossographo, qui in nota marginali ad cap. MONACHI de statu Monachi, ad verbum peculium apposuit hanc notam, id est PROPRIUM.

Idipsum præterito seculo in Conventu Canonicorum Regularium Congregationis Windesemensis, quidam ejusdem Congregationis Canonicus in sua contra proprietarios oratione notavit & expressit. "Quamvis, ait, secundum proprietatem vocum aliud sit peculium aliud proprium, in præsentia tamen materia, proprium semper pro peculio sumitur." Habetur hæc oratio ad calcem libri cui titulus, Regula S. Augustini cum Constitutionibus Canonicorum Regularium Capituli Windesemensis, &c. impressi Ultrajecti an. 1553. in qua fortissimè ipsa Religiosorum peculia retunduntur, omnesque prætextus præsciuntur.

Vidimus quoque capite præcedenti, quod Augustino omne id sit proprium, quod non est commune, ad hoc ut singulis de Congregatione ex eo distribuatur prout cuique opus erit; ideòque quodcumque reservatur in unius particulares usus, Augustino proprium dici.

VIII. Non mirum proinde si passim proprietariis, & vitam communem infringentibus annumerentur Religiosi, qui redditus vitalitios, aut pecunias aliasve res propriam industriam, labore, aut parentum vel amicorum liberalitate parvas, in suos particulares usus reservant.

"Proprietarii (inquit Directorium Colonienſe) similiter censentur, & contra vitam communem agere Religiosi, qui in proprios ac particulares usus, redditum aliquem sibi emunt, aut emptum retinent." Directorium hoc Ecclesiasticæ disciplinæ Colonienſis præsertim accommodatum, editum est à Domino Octavio Frangipano Mirtho Episcopo Tricaricensi, Apostolicæ Sedis per inferiorem Germaniam & Belgarum Provincias Nuntio; & à Sacra Facultate Theologica Lovaniensi probatum.

IX. Synodus P. I. Mechliniensis volens vota Religionis exactè observari, inter alia præcipit: "Pensionem autem vitales, aut redditus perpetuos nulli permittantur recipere, neque liceat eis ratione officiorum, vel ministeriorum pecuniam corradere, aut conservare, etiam si in pios usus convertere velint, sed omnia in communem usum convertantur." Tit. De Regular. cap. 2.

Nequaquam obscurum est, Synodum hanc supposuisse, voto paupertatis esse contrarium, rem quamcumque in usus particulares reservare, nec in communem usum convertere.

Similiter Synodus P. I. Cameracensis, ut "huic pestifero vitio (paupertatis) obviam eatur, omnibus omnium Ordinum Superioribus mandat, ut rescindant & aboleant prorsus universa illa emolumenta &

Tom. I.

"jura, quæ antiquo more quibusdam Monasteriorum Officialibus concedi solebant. Breviter, pergit Synodus, omnis illa pecunia, vel res quam Monachus vel Monialis acquirere sive labore, sive industria, sive amicorum liberalitate, seu denique quolibet alia occasione possit, Superiori mox tradatur: ita ut ad nutum ejus, tanquam res communis, expendatur. Tit. De Monasteriis capite 10.

Judicavit hæc Synodus, vitio proprietatis haud obviam iri, nisi omnis pecunia Monacho quocumque titulo obveniens Superiori mox tradatur, ut ad ejus nutum tanquam res communis expendatur: argumento haud obscuro, Synodum judicasse, reservationes pecuniarum aliarumque rerum ad usus particulares hujusmodi Religiosi, voto paupertatis & vitæ communi esse contrarias.

X. Viderunt id quoque Patres Ordinis Eremitarum S. Augustini, qui advertentes, quòd radix & fomes omnium ferè malorum sit PROPRIETAS, injungunt Superiori Generali sui Ordinis ut eam omnino eradicare procuret, "nulloque modo in nostra Religione, inquant, tolerari permittat, sed quòd juxta SS. Apostolorum morem & D. P. N. Augustini Regulam, communis omnibus vita, ac omnium rerum temporalium inter ipsos Fratres sit beata communitas, unde omnia bona profluentur prosperèque succedant." Part. 3. cap. 4.

Patenter supponunt hi Patres, nullatenus vitium proprietatis eradicari posse, nisi communis omnibus vita, & omnium rerum temporalium inter Fratres beata communitas, rerum reservationi ad usus particulares hujusmodi Religiosi è diametro repugnans, stabiliatur.

XI. Quapropter Christianus Lupus ejusdem Ordinis Professor, & quondam Prior Provincialis, tertiam classis proprietarios (de quibus Cassianus Monast. Instit. Lib. 7. cap. 14.) ait esse illos, qui omnia quidem sua Monasterio dant aut pauperibus, sed sibi aliquam reservationem pensionem aut censum. "Ipsum, ait, exordium est omnino vitiosum. Monastica quippè professio non est aliud, quam omnium temporalium abrenuntiatio, atque ita adversum illos rectè dixit in tercia collatione Abbas Paphnutius: Necdum Evangelium cum implet mandatum; qui omnino sibi adhuc ex suis facultatibus aliquid reservat." Et adjungit: "Sicut nonnulli tepidorum faciunt. Utroque pede claudicant: nec Monachum induunt, nec secularem deponunt." Hæc Lupus tomo 4. Schol. ad Can. 6. Tolosanum; qui deinde relatis variis vitiis ex hac pensionum aut censuum reservatione profluentibus, quæ ipsa Cœnobii pederentem ad universam formam omnis Monasticæ disciplinæ expertem transvertunt, inserit: "Quare quascumque professioni adjecta pensionis reservatione est adversa communi substantiæ, aut certè fada conditio, ideòque habenda pro non apposita. Eam Præfecti obligantur circumducere & in communem substantiam evocare. Nulla hinc dotalis elemosyna, nec similis quis humanæ infirmitatis palpo fucus valeat patrocinari.

XII. Si ergo hujusmodi peculiorum, vel pensionum reservationes adversæ sint professioni Religiosæ, utpote voto paupertatis & vitæ communi, contrariæ, sequitur, quòd eas nec Superiorum dispensatio vel indulgentia licitas reddere queat: "Cum compertum sit, ait Synodus Tridentina, ab eis (Superioribus) non posse ea, quæ ad substantiam Regularis vitæ pertinent, relaxari." Sess. 25. De Regularib. cap. 1.

XIII. Unde Synodus Audomarenſis habita præterito seculo sub Joanne Six, in hac Universitate quondam Majoris Collegii Theologorum Præfide, deplorans, ex quo in oblivionem abiit exemplum initio nascentis Ecclesiæ in Ananiam & Saphiram editum, invasisse pleraque Monasteria exitiosam rerum proprietatem, ex diametro Monasticæ professioni contrariam; præcipit, ut Præfecti & Præfectæ vigilent, si suarum

O o

que

que salutem consilium velint, ut exterminetur hæc pestis, curentque, ut, ablatis ab omnibus, iis omnibus rebus, quas ut proprias possident, victus & vestitus, cæteraque vitæ necessaria, æqualiter omnibus, pro indigentia uniuscujusque necessitate & Monasterii facultate, placide ac benigne ex *communi* thesauro ac penu subministrantur, non pecuniis æstimata ac compensata, sed ipsis rerum speciebus præsentia. Id enim, inquit, eis in virtute sanctæ obedientiæ Dei loco præcipimus, quam, id quod Superiores quidem ex officio prorsus curare tenentur, nullâ ipsis relicta dispensandi facultate, Religiosi verò, ex ea quam Deo fecerunt sponione, observare. Deinde postquam ostenderunt ex Cap. Cum ad Monasterium. De Statu Monach. quod nec Summus Pontifex possit super proprietate habenda cum Monacho dispensare, tanquam ex præcedentibus consequens subjiciunt: "Quare aboleatur ea consuetudo, quâ consueverunt Superiores Religiosis singulis annuam numerare aut permittere pensionem, atque ita redimere necessaria vitæ eorum: nec alicui pecunia permittatur, nisi pro injuncta à Prælato administratione; sed prorsus omnia in communem usum convertantur; ita ut impleatur à Religiosis, quod sibi imitandum sumpserunt, & ad quod Religione sempiterna se obligarunt (non potest res ista inculcari satis) illud primitivæ Ecclesiæ: Multitudinis credentium erat cor unum & anima una: nec quisquam, eorum, quæ possidebat, aliquid suum esse dicebat, sed erant illis omnia communia; dividebatur autem singulis pro ut cuique opus erat. Act. Ap. c. 4. v. v. 32. & 35.

XIV. Et ne Religiosi crederent se Superiorum auctoritate aut indulgentiâ posse reddi securos; aut temerè Superioribus dispensandi facultatem sibi asserentibus fidem haberent, Clemens VIII. in citata Constitutione, postquam declaravit, ac præcepit, ut res omnes undecumque & quacumque ex causa Religiosis obvenientes, cum cæteris Conventus redditibus, pecuniis, ac proventus confundantur, quo communis victus & vestitus omnibus suppeditari possit, addit, quod "Nulla quorumcumque Superiorum dispensatio, nulla licentia, quantum ad bona mobilia vel immobilia, fratres excusare possit, quominus culpæ & pænæ ab ejusdem Concilii Decreto impositæ, & ipso facto incurrendæ, obnoxii sint: etiamli Superiores asseverent se ejusmodi dispensationes aut licentias concedere posse: quibus in ea re fidem minimè adhiberi volumus.

XV. Ad quæ verba reflectens Fagnanus, ait: "His verbis improbantur opiniones illorum, qui asserunt Regulares excusari à proprietate, cum habent pecuniam de licentia Superioris, & dependenter ab eorum voluntate & nutu: jam enim patet non pendere à voluntate & dispensatione Superiorum, pergit Fagnanus, quin omnia sint confundenda cum cæteris bonis Monasterii pro communibus necessitatibus.

XVI. Non ineptè proinde Religiosis peculia ac pensiones suas vitalitatis auctoritate Superiorum vindicantibus respondit Petrus à Wallon - cappelle Prior Monasterii S. Winoci: "Utinam non ex consensu eorum & indulgentia fierent! Siquidem minus in Deum peccaretur. Nam per crudelem hanc dispensationem & conniventiam fit, ut sine ullo conscientiae scrupulo, ac proinde sine ullo poenitentiae remedio peccetur. (a)

(a) Bonorum Proprietatem in singulis Religiosis esse vitium immane, demonstrant duo monumenta, quæ integra transcripsit D. Van-Espen: primum inscribitur Statutum Capituli Generalis Cisterciensis, &c. alterum verò, Decretum Episcopi Tornacensis, &c. Extant ad calcem hujus voluminis, consignata sub littera K. pag. 921. De isto vitio plura dabit Dissertatio, cui titulum de Peculiaritate fecit D. Van-Espen, quæque inter varias Dissertationes ejusdem Auctoris primum locum obtinet. Habetur tom. II. 451.

## CAPUT VIII.

Omnibus ex *communi* Monasterii substantia necessaria subministranda, & quæ in horum usu observanda?

1. Vitio proprietatis occasionem dant Superiores vitæ necessaria non subministrantes.
2. Sanctus Benedictus omnibus vult necessaria dari, ut vitium proprietatis extirpetur.
3. Idem sollicitè inculcat S. Augustinus.
4. Palmarum fundamentum communitatis Monachalis est subministratio necessariorum.
5. Quid Synodi Tridentinæ & Synodorum Belgicarum de hac obligatione Superiorum Decreta?
6. Unica via eliminandi vitium proprietatis est necessariorum placida subministratio.
7. Ut huic obligationi satisfacere queant Superiores, voluit Synodus Tridentina, ut non plures quàm ex obventionibus ali possunt, recipiantur.
8. Hunc fuisse scopum Synodi ostenditur ex Bellarmino.
9. Multum conducit ad observantiam Regularem observantia dicti Decreti Tridentini.
10. Religiosi cavere debent, ne quidquam eorum, quæ ad usum conceduntur, possideant ut proprium.
11. Qui eo affectu possidet, coram Deo est proprietarius.
12. Ut veteres Monachi se ab eo affectu immunes ostenderent, dicere non poterant tunicam meam, tabulas meas, &c.
13. Quid ad præcavendum hunc affectum in Religiosis fecerit S. Theresia?
14. Quando meritò eodem, quo usa est, remedio utantur Superiores Religiosorum?
15. Cavere debet insuper Religiosus ne concessis ad usum utatur ut propriis.
16. Hoc præcipue cavendum in his, qui extra Monasteria morantur.
17. Prudentissimum circa hoc Canonicorum Præmonstratensium Decretum.

I. EXPERIENTIÀ semper compertum fuit, nullo ex capite vitium proprietatis tantum in Monasteriis sumere incrementum, quàm ex negligentia & duritia Superiorum subditis placide ac benigne vitæ necessaria, ex *communi* Monasterii substantia non subministrantur.

Hinc nihil tantopere in Patrum atque Conciliorum Regulis commendatum Superioribus, quàm ut cuique, prout opus est, ex *communi* Monasterii penu placide ac benigne suppeditent; tanquam efficacissimum vitio proprietatis arcendo ac extirpando remedium.

II. "Ut hoc vitium peculiare radicitus amputeretur (ait S. Benedictus in Regula cap. 55.)", dentur ab Abbate omnia, quæ sunt necessaria; id est, cuculla, tunica, pedules caligæ, brachile, cultellus, graphium, acus, mappula, tabula: ut omnis auferatur necessitatis excusatio.

III. Quàm sollicitè inculcet S. Augustinus, ut Prælati omnibus, non quidem æqualiter, sed pro cuiusque necessitate, victus & vestitus ex *communi* Monasterii substantia suppeditent, tota ejus Regula clamat.

IV. Synodus Tolosana anno 1056. jussu Viætoris II. Pontificis convocata, assistentibus tribus Archiepiscopis Arelateni, Aquensi & Narbonensi, aliisque Coepiscopis Canone 6. decrevit, "ut Abbates curam Monachorum, & Monasteriorum, exerceant, & eis victum & vestitum secundum Regulam S. Benedicti præbeant, & hoc agentes proprium eos habere nullatenus permittant.

Ad hunc Canonem notas suas apponens P. Lupus: "Ad eradicandam plenè proprietatis lepram, Canon, inquit, rectè addit, eis victum & vestitum præbeant. Hoc

„ Hoc enim est primum & palmare Monachalis com-  
„ munitatis fundamentum.

V. Synodus similiter Tridentina postquam vitium proprietatis à Monasteriis eradicandum esse monuit; mox etiam Superioribus præcipit, ut *nihil subditis, quod sit necessarium, denegetur.*

Quamque hac in parte Synodi nostræ Belgicæ solite monuerint Monasteriorum Prælatos, hæc binæ earum Decreta ostendunt.

Synodus Cameracensis apprimè intelligens omnia à se Decreta ad eliminandum proprietatis vitium fore inutilia & inefficacia, ni ex communi Monasterii proventu necessaria Religiosis suppeditentur, hæc suo decreto adijcere voluit: „ Tandem quo ea omnia facilius, „ diligentius, nec non absque tædio queant observari, „ præcipit Sancta Synodus cunctis cunctorum Mona- „ steriorum sexus utriusque Superioribus: quatenus se- „ cundum Regulam, ac Majorum instituta benigne, nec „ non placide subministrant omnia in universum, quæ „ suis subditis necessaria fuerint & convenientia, ne „ inferioribus præbeant ansam detrimenti voto pauper- „ tatis valde graviori; in qua quidem re, si negligentio- „ res extiterint, admoniti à suo Superiore omnino com- „ pellantur.

Eodem motivo Synodus P. I. Mechliniensis, cum pestiferum hoc proprietatis vitium penitus eliminandum censuisset, tanquam consequens præcipit, „ ut „ victus, vestitus, cæteraque vitæ subsidia singulis ex „ communi pro necessitate indigentiae, & Monasterii fa- „ cultatibus subministrantur. „ *Tit. De Regularibus cap. 2.*

VI. Non sine fundamento proinde supra nominatus Canonicus Regularis in Oratione coram Congregatione Canonicorum Regularium Windesemensis, volens Prælati ostendere excellentiorem & breviorē viam ad obviandum vitio *proprietatis*, hanc ostendit: „ ut facia- „ tis quæ fecit Dominus & discipuli ejus. Cum enim „ vidisset Jesus turbas esurientes, nec haberent quod „ manducarent, noluit ut irent in villas & vicos, & „ procurarent sibi; nec etiam voluit eos dimittere je- „ junos in domos proprias, ne deficerent in via; sed „ ait Discipulis suis: vos date illis quod edant. Ita, „ Venerandi Patres, vos date subditis vestris necessaria, „ ne opus habeant ab amicis quidquam emendicare. Si „ vestes, si cultellos, si devotos libellos, aut simile „ quid desideraverint, vos (si tamen superflua non quæsierint), in charitate emite illis: sic occasionem „ *proprietatis* amputabitis, & ex domibus vestris eli- „ minabitis.

„ Sed reperiuntur, proh dolor! Prælati parum cu- „ rantes, quid subditi faciant, aut unde sibi quæ deside- „ rant, acquirant: dummodo ipsi sua marsupia resolvere „ non cogantur, pecunias plus diligentes, quam Fra- „ trum animas Christi Sanguine redemptas. Hinc est „ quod Fratres sibi ipsis provideant. Hinc proprietates „ incrementum capit. Quæ ubi ingressa semel fuerit, „ multas secum trahit pedissequas, inobedientiam, in- „ temperantiam, ebrietatem, & id genus pestes alias.

VII. Ne vero Superioribus detur prætextus negandi subditis necessaria, eo quod Monasterii proventus communes omnibus non sufficiant, merito conformiter ad anteriores Canones & jus commune in *cap. 1. de Institut.* præcepit Synodus Tridentina, „ ut in Monaste- „ riis & domibus tam virorum quam mulierum, bona „ immobilia possidentibus vel non possidentibus, is *tan- „ tum* numerus constituatur, ac imposterum conserve- „ tur, qui vel ex redditibus propriis Monasteriorum, „ vel ex consuetis eleemosynis *commode* possit susten- „ tari. „ *Sess. 25. de Regularib. cap. 3.*

VIII. Quin etiam in formando hoc Decreto fuerit is Patrum Tridentinorum scopus, haud dubitavit Cardinalis Bellarminus, dum inter media extirpandi vitium proprietatis, reponit hujus Decreti maxime neces- sarii observantiam: „ Tunc enim Præpositi, ait, jure

*Tom. I.*

„ cogere poterunt ad omnem proprietatem fugiendam „ & execrandam, si Ordo ipse singulis ea præbeat om- „ nia, quæ singulis necessaria sunt. „ *De gemitu colum- „ bæ lib. 3. cap. 6.*

IX. Ob hæc aliaque, quæ exacta illius Decreti custo- dia à Monasteriis incommoda avertere posset, dixit Innocentius X. in Bulla quæ incipit, *Inter cætera* 23. in Bull. Roman. quod „ inter cætera quæ ad Regularem „ disciplinam instaurandam conservandamque Sacro- „ sancta Tridentina Synodus salubriter decrevit, illud „ semper præcipuum & maximi momenti habitum est, „ quo injungitur ut in singulis Monasteriis, & domibus „ regularibus is tantum numerus constituatur, & impo- „ sterum conservetur, qui vel redditibus propriis Mo- „ nasteriorum, vel consuetis eleemosynis commode „ possit sustentari.

Quantopere Pontifices allaboraverint, quotque De- creta iterato edita fuerint, ut hoc Concilii Tridentini Decretum exacte observaretur, colligi potest ex illis, quæ de hac re recitat Fagnanus ad *cap. RELATUM de Ne Clerici vel Monachi secularibus negotiis se immiscuant.*

X. Sed ne in ipso *necessarium* usu vitium proprieta- tis se immisceat, duo à Religioso observanda sunt, quæ Clemens VIII. in sæpius citata Constitutione his ver- bis expressit: „ Necorum quæ ad necessitatem concessa „ erunt, ullus quidquam possideat *ut proprium*, neque „ *ut proprio* utatur.

Primum igitur in his, quæ ad *necessitatem* Religioso conceduntur, cavendum est, ne quidquam eorum possideat *ut proprium*; id est, eo loco habeat, quasi in illud *aliquid juris præ aliis* de Conventu prætenderet; illud- que *ad nutum* Superioris sibi auferri, atque alteri appli- cari posse haud crederet.

XI. Quin Religiosus, qui hoc animo res sibi ad neces- sitatem concessas possidet, affectu *propriarius* sit, nemo ambigit. Hinc illud S. Augustini in sua *Regula cap. 8.* „ Si fieri potest, non ad vos pertineat, quod vobis in- „ dumentum pro temporum congruentia proferatur; „ utrum hoc *recipiat* unusquisque, *quod deposuerat, an „ aliud quod alter habuerat*: dum tamen unicuique, pro- „ ut cuique opus est, non negetur.

XII. Imo ut ab hoc affectu Monachi se ostenderent plane exemptos, jam pridem vitio vertebatur Monachis, si vel verbo dixissent, *tunicam meam, tabulas meas, graphium meum*; uti videre est in Concordia Regularum edita per Hugonem Menardum *cap. 42.* qui ibidem ad §. 18. ait: „ Non minima hæc hominis infir- „ mitas, ut qui in mundo multas opes & pretiosa quæ- „ que reliquerit, in clauistro ad nescio quas gerras & „ quilibet *animum* adjungat, quæ sane nos à Deo „ separant, cum illis affectu serviamus, non Deo; no- „ bisque illæ dominantur, non Deus. Quamobrem, „ ait, antiqui illi Patres id unum maxime studebant, „ ut animum discipulorum ab ejusmodi rerum affectu „ averterent: quemadmodum fecit S. Dorotheus, qui „ discipulum suum Dositheum elegantis cujusdam cul- „ telli usu prohibuit, quod animum ejus erga ejusmodi „ regulam propensum videret. Ut ipse Dorotheus in „ ejus vita refert.

XIII. Patrum spiritu plena S. Theresia in suis Con- stitutionibus c. 53. habet, „ ut si quam Sororum adver- „ terit Priorissa cuiquam rei; sive cellæ, sive cuilibet „ alteri rei cum affectu tenacius adherere, magna soli- „ tudine curet ab illa Sorore rem illam auferri: idque „ in omnibus Monasteriis, sive ea proprios habeant „ proventus sive non, exacte & cum rigore observetur. „ Hoc ipsa Superior solite exequatur, nec patiat „ ab aliis contra-iri; quod si factum fuerit, ipsa à Pro- „ vinciali severe puniatur.

XIV. Hoc saluberrimo remedio merito utentur Or- dinum quorumcumque Prælati & Superiores, dum ex modo agendi aut loquendi advertunt, aut non infun- date meruunt, ne quis subditorum rem aliquam sibi ad- „ *usum*



usum concessam, affectu proprietatis, sive ut propriam detineat, quemadmodum supra citatum Directorium Colonienſe moner; ac de hoc præ cæteris esse suspectos, qui aliqua pretiosiora aut elegantiora in usum suum habent, quam reliqui de Communitate, quæ non sine murmure resignare vellent; monetque, vel eo solo titulo res hujusmodi Religiosis esse auferendas, quia erga res minimas potest esse inordinatissimus affectus, qui sit peccatum mortale.

XV. Alterum in his, quæ ad necessitatem conceduntur, à Religiosis solicite cavendum est, ne concessis utantur ut propriis; sive ne utantur rebus suo usui & ad necessitatem conceditis, tanquam propriariis. Quod tunc facere censentur, si rebus illis utantur non tanquam alienis & ad necessitatem sibi concessis, sed de illis tanquam Domini & proprietarii libere disponant.

XVI. Hoc vero præcipue metuendum in his, qui extra Monasterium morantur, quorum conditio non permittit, ut necessaria sua quotidie à Superiore accipiant, sed requirit, ut aliqua pecuniæ summa eis credatur, quam in conquirendis sibi necessariis suo tempore expendant; qua occasione contingit, ut illa pecunia non tanquam pauperes & nihil proprii habentes, sed tanquam pleni domini & proprietarii in quoscunque usus etiam non necessarios, nec à Superiore intentos, utantur.

XVII. Prudentissime ergo Canonici Præmonstratenses in suis Constitutionibus *distinct. 2. cap. 23.* monuerunt "sui Ordinis Parochos, eorumque Capellanos, & quosvis alios foris aliquod Beneficium vel Officium obtinentes, ut memores sint se Religiosos esse, & tanquam pauperes nihil possidere." Cui Decreto tanquam consequens præcipiendo subnectunt, ut nulla notabilia dona sive Parentibus, sive quibuscunque absque suorum Prælatorum consensu largiantur; aliaque nonnulla adjuvantes, quæ pro usus illius restrictione servare possunt; quo fiat ut nec ipsi, utpote voto paupertatis obstricti, rebus ad usum concessis ut propriis utantur.

## CAPUT IX.

Quomodo bona Monasterii à Superioribus dispensanda?

1. Modum dispensandi præscribit norma Apostolica in Actibus Apostolorum descripta.
2. Hanc à Superioribus servari volunt Regula Monastica.
3. Superior singulorum necessitates sine personarum acceptione attendere debet.
4. Aegrorum sollicitam curam habere debet.
5. Præcipua radix peculiorum est neglecta cura infirmorum.
6. Providendum infirmis de necessariis, etiam si exinde Monasterium debita aliqua contrahere deberet.
7. Ita dispensandæ res Monachis à parentibus aut aliunde obvenientes, ne videantur bi plus juris habere quam reliqui de Communitate.
8. Periculum hujus persuasionis erit, si Superiores rerum illarum usum passim illis concedant, quibus illa obveniunt.
9. Statutum Canonicorum Regularium, quo huic periculo occurratur.
10. Ut necessitatibus singulorum ex communi Monasterii substantia queat provideri, congruit ut necessaria statui paupertatis sint commensurata.
11. Religiosi vi suæ professionis debent omnem in vestibus & suppellectile factum vitare.
12. Decretum Canonicorum Præmonstratensium de servanda modestia & paupertate Religiosa.

13. Difficile est in magna divitiarum affluentia paupertatem servare.

14. Collapsio disciplina & observantia Monastica ex affluentia divitiarum profuit.

I. **M**ODUM, quem in dispensandis bonis communibus inter primos Fideles (qui normam vivendi Cœnobitarum sive Religiosorum in communi viventium delineaverunt) Sacer Textus paucis his verbis expressit: *Distribuebatur singulis prout cuique opus erat*; hoc est, secundum uniuscujusque indigentiam.

II. Hanc dispensationis normam ut Prælati & Superiores servant, solicite Monachorum Regulæ inculcant. *Est ejus*, ait S. Basilii, *penes quem dispensandi munus est, illud exequi diligenter: DISTRIBUEBATUR SINGULIS PROUT CUIQUE OPUS ERAT.* In Regulis breviorib. resp. 131.

„Victus & regumentum (inquit S. Augustinus in Regula cap. 8.) „non equaliter omnibus distribuatur, „quia non equaliter valetis omnes, sed potius unicuique, sicut cuique opus fuerit: sic enim legitur in Actibus Apostolorum: *Quia erant ei omnia communia, & distribuebatur unicuique, PROUT CUIQUE OPUS ERAT.* Act. Ap. c. 2. v. 44. 45.

Quibus consonat illud S. Benedicti in Regula cap. 34. „Sicut scriptum est: *dividebatur singulis prout cuique opus erat.* Ubi non dicimus ut personarum, quod absit, acceptio sit, sed infirmitatum consideratio. Ubi qui minus indiget agat Deo gratias, & non contristetur; qui vero plus indiget, humilietur pro infirmitate, & non extollatur pro misericordia; & ita omnia membra erunt in pace.

III. Igitur Superior ut justam rectamque dispensandi normam teneat, debet singulorum conditiones & infirmitates considerare, atque ita singulis sine personarum acceptione ex communibus Monasterii proventibus, ad quos nullus præ alio plus juris habet, distribuere, *prout cuique opus fuerit.* „Non ab eo (ut loquitur de Abbate S. Benedictus cap. 2.) „persona in Monasterio discernatur, non unus plus ametur, nisi quem in bonis actibus & obedientia invenerit meliorem; æqualis sit ab eo omnibus charitas; una præbeatur omnibus secundum merita disciplina.

IV. Illud vero solicite in hac temporalium dispensatione attendere debent Superiores, ut ægrorum & infirmorum curam habeant, providentes ut nihil necessariis ipsis desit.

„Infirmorum (ait S. Benedictus cap. 36.) cura ante omnia & super omnia adhibenda est, ut sicut revera Christo, ita eis servietur, quia ipse dicturus est: *Infirmus fui, & visitastis me. Et, Quod fecistis uni de his minimis meis, mihi fecistis...* Matb. c. 25. v. 36. & v. 40. „Ergo cura maxima sit Abbati, ne aliquam negligentiam patiantur. Quibus Fratribus infirmis sit cella super se deputata, & servitor timens Deum, & diligens, ac sollicitus... Curam autem maximam habeat Abbas, ne à Cellariis, aut servitoribus negligantur infirmi: quia ad ipsum respicit, quidquid à discipulis delinquitur.

De Monachis sub Regula S. Pachonii viventibus scribit in præfatione ejusdem Regulæ S. Hieronymus: *Ægrotantes ministrorum sustentantur obsequiis, & ad omnem copiam præparatis cibis.*

„Ægrotantium cura, sive post ægritudinem rescindendum, sive aliqua imbecillitate etiam sine febribus, laborantium, uni alicui debet injungi (ait S. Augustinus in Regula) „ut ipse de Cellario petat, quod cuique opus esse prospexerit.

Sanctus Fructuosus in sua Regula cap. 7. vult, ut infirmi „tanto ministerio foveantur, ut nec propinquorum affectus, nec urbium delicias requirant; sed quod necesse habuerint, Cellarius & Præpositus provideant.

V. Et quid mirum, in omnium Ordinum Regulis & Con-

Constitutionibus adeo enixe commendari curam infirmorum! Experientia enim manifestum est, nullam esse Religiosis maiorem tentationem, privata peculia sibi corradendi, & conservandi, quam si videant, ex communi Monasterii penu infirmis necessaria non subministrari.

Unde citatum Directorium Colonienſe deplorans, quod "procul à voluntaria paupertate abessent, qui ut in lecto ægritudinis suæ non egeant, & penuriam aliam que paupertatis incommoda non sentiant, pecuniam corradunt atque seponunt, vel redditus vitales aut petuos habent, unde tempore ægritudinis & necessitatis suæ consolationem habeant, & se à moleſtiis paupertatis tueantur atque defendant. "Causam horum abusu in ipsos Prælatos refundere non dubitat. "Quorum, ait, immisericordia huic irreligiosæ solitudini, & nefariis ausibus occasionem dedit, & januam aperuit; ut qui famulos Dei, qui omnia propter Christum dereliquerunt, dum ægrotabant ita dereliquisse visi sunt, ac si eorum cura tum ad eos non pertineret.

VI. Merito proinde Patres Eremitæ S. Augustini in suis Constitutionibus parte 2. cap. 14. volunt, ut, "ſolite intendat Prior ne aliquid deſit infirmario, quod necessitati expedit infirmorum, etiamſi ob remedium eorum opus eſſet apud creditores magna debita contrahere, vel etiam bona Conventus diſtrahere & vendere; quando aliter medicari non poſſent.

VII. Attendere quoque tenentur Superiores; ut res quæ Religioſi vel ſua propria induſtria vel labore, aut Parentum ſive amicorum liberalitate acquirunt, ita in ipſorum Fratrum neceſſitates diſpenſentur, ne ex modo diſpenſandi ipſiſ Religioſis ingeratur opinio, quaſi plus juris ad harum uſum haberent ipſi, quorum induſtria & labore ſunt acquiſitæ, vel in quorum gratiam à Parentibus datae ſunt, quam cæteri de Communitate.

VIII. Huius vero perſuaſionis periculum erit, ſi advertant Superiores haud diſſiciliter uſum earum rerum concedere his, quorum labore partæ ſunt, aut in quorum gratiam à parentibus oblatae ſunt, tametiſi aliunde ſciatur, Religioſos illos præ cæteris illarum rerum uſu non indigere; imo eſſe interdum non paucos in communitate, quibus uſus earum rerum magis conveniret, quin & ſubinde eſſet neceſſarius.

IX. Hoc periculum ut præveniant Superiores, admodum eſt conveniens, ut ſæpius obſervent, quod in Constitutionibus Canonicoꝝ Congregationis Windheſemenſis legitur parte 2. cap. 7. "Quod ſi alicui noſtrum, veſtiſ aut cultellus auraliud quid miſſum fuerit, ad Priorem deferatur; & ex bona conſuetudine noſtri ei cui miſſum eſt, ſed alii potius detur.

X. Ut autem omnium neceſſitatibus provideri poſſit ex communibus Monasterii proventibus, multum juvare poterit, ſi neceſſariis diſpenſentur ſecundum quod ipſa profeſſio Religioſæ paupertatis requirit.

"Mobilium vero uſum (ait Synodus Tridentina) ita Superiores permittant, ut eorum ſuppellex ſtatui paupertatis, quam profeſſi ſunt, conveniat; nihilque ſuperflui in ea ſit. Seſſ. 25. cap. 2. de Regularib.

XI. Si omnibus in Chriſto baptizatis recte dixerit Auguſtinus: Quid tibi cum pompis ſeculi, quibus renuntiavi? nonne potiore ratione id Religioſis dicitur, qui præ reliquis Chriſti Fidelibus ſpecialiter paupertatem & mundi contemptum profitentur; ita ut diametraliter eorum profeſſioni videatur opponi, quidquid in eorum ſuppellectile aut Monasterii divitiis aut mundi faſtum præfert? Quod intelligens S. Benediſtus in Regula cap. 7. ait "Sexus humilitatis gradus eſt, ſi omni vilitate vel extremitate contentus ſit Monachus.

Vilitate, ait Hugo Menardus, in cibo & potu, veſtimento, calcario, & quocumque opere injuncto. Ad Concord. Regul. cap. 16. §. 1.

Et cap. 55. loquens S. Benediſtus de veſtibus Monachorum, poſt varias earum designatas ſpecies, ait:

"De quarum rerum omnium colore & groſſitudine non cauſentur Monachi, ſed quales inveniri poſſunt in Provincia, in qua habitant, aut quod vilius comparari poſſit.

Si Sanctus Thomas recte reſolvat, vilitatem veſtium Religioſis convenire, quia Religio eſt ſtatus paenitentiae & contemptus mundanae gloriae; quidni eadem conſequentia inferatur, vilem ſuppellectilem, humilia ædificia, cæteraque quæ mundana gloriae contemptum exhibent, Religioſis convenire?

Unde jam pridem S. Bonaventura ſui Ordinis Provinciales monuit, ut ſumptuoſitatem ædificiorum, "librorum ac ciborum ita ſtatuant amputare, ut à profeſſione excellentia vitæ obſervantia non diſcordet.

Et ante S. Bonaventuram, dixerat S. Bernardus de Ordine Cisterciensis: Ordo noſter abjeſtio eſt, humilitas eſt, voluntaria paupertas eſt. Epist. 142.

XII. Ut Patrum ac veterum ſtatuta de hac paupertate & moderatione in ſuppellectile ac toto vitæ genere exhibenda omittam, uam hic è noviffimis Canonicoꝝ Præmonſtratenſium ſtatutis adducam. Monent ipſi Ordinis ſui Prælatos, ut memores ſuæ profeſſionis, ac Ss. Patrum veſtigiiſ inhaerentes, modesta ſuppellectili & menſa, ac frugali victu ſemper utantur. In reliquo etiam vitæ genere, ac in tota ſua domo caveant, ut quid appareat, quod à ſancto paupertatis inſtituto ſi. alienum, vel quod non ſimplicitatem, Dei zelum ac contemptum vanitatum præ ſe ferat. Diſt. 2. cap. 4. §. 1. & 2.

XIII. Scio quidem difficile eſſe Religioſis & Abbatibus in magna illa divitiarum abundantia, quæ hodie in pluribus Abbatibus habetur, paupertatem in omni vitæ genere conſervare; nihilque vel in ſuppellectili, vel menſa, aut domo, vel comitatu habere, quod non paupertatem & mundanae gloriae contemptum præferat: Sed nec illud ignoro, quod in ipſam divitiarum copiam, Religioſæ diſciplinæ & perfectionis caſum & collapsiorem plures veri Religioſi reſuderint.

XIV. "Poſteaquam cenſus Monachi habere ceperunt & redditus (inquit Trithemius Homil. 7.) priſtina mox humilitatis ſtudia deſecerunt, crevitque paulatim cum divitiis, rerum temporalium ſuperbia. Quamdiu fuerunt pauperes Monachi Deum in veritate coluerunt, poſtea vero quando divitiis abundaſſe ceperunt, ſimplicitatem fugavit duplicitas: Integritas namque obſervantiæ regularis abundantiam perit rerum temporalium; ſed paulatim divitiis Monachorum puritatem Ordinis funditus extinxerunt.

Item Sermone 2. ad Monachos, cum dixiſſet, Ordinem Benediſtinum mirum in modum orbem illuſtraſſe, à ſuoque ſplendore tandem ſenſim decidiſſe, cauſam illius caſus aſſignans, ait: "Contulit Monachiſ Religio ſancta divitiis, donec matrem filia ſuffocavit. Nam ut Scriptura dicit: Omnes qui volunt divites fieri, incidunt in tentationes diaboli: ad Tim. c. 6. v. 9. incretaſtus eſt dilectus, & recalcitravit; impinguatus & dilatatus terrenis poſſeſſionibus, dereliquit inſtitutionis primæ ſancta ſtudia: abiit poſt vanitates falſas, quem copia rerum temporalium, divitiis ſpiritalibus inopem & miſerum fecit.

Sed de his latius infra ubi de cauſis collapsiōis diſciplinæ Monachicæ agetur.

## CAPUT X.

Titulus adminiſtrationis in ſimplici Monacho eſt pallium (a) proprietatis.

1. An in Cap. 2. De ſtatu Monachi. permittatur

(a) Pallium eo loci ſignificat prætextum, ſimulationem, diſſimulationem.

Mo.

*Monacho peculium de licentia Abbatis titulo administrationis:*

2. Sententia Glossæ.
3. Veteres Canonistæ docuerunt administrationem tantum posse concedi Officialibus.
4. Decretum Synodi Tridentina Veterum Canonistarum expositioni conforme.
5. Superiores non possunt bonorum stabilium administrationem simplici Monacho committere.
6. Synodus etiam vetat administrationem concedi simplici Monacho cum dependentia à voluntate Superioris.
7. Licentia Superiorum non reddit Monachum immunem à vitio proprietatis; nec fidem adhibere debet Superiori asserenti se talem licentiam dare posse.
8. Ostenditur Synodum Tridentinam non permittere, ut concedatur administratio simplici Monacho tametsi ad nutum Superioris revocabilis.
9. Nulla ex causa, nec ullo casu administratio simplici Monacho dari potest.
10. Dum conceditur simplici Monacho, constituitur in effectu usufructuarius.
11. Tametsi concedatur tantum dependenter à nutu Superioris.
12. Administratio concessa Officiali illum non facit proprietarium: Et quare?
13. Officialis potest constitui proprietarius, si proventus expendat in usus proprios.
14. Proprietarii erunt, si emolumenta seu jura recipiant & reservent in usus proprios.
15. Decretum Synodi Cameracensis contra jura Officialium.
16. Titulus administrationis pallium proprietatis aliquando erit, tametsi administratio committatur Officialibus Monasterii.
17. Diebus Dominicis proprietarii anathemate feriuntur.

**I.** CREDUNT nonnulli, Monachis permessa esse peculia titulo administrationis de consensu Abbatis aut Superioris, juxta illud quod ex Concilio Lateranensi refertur in cap. 2. *de Statu monach.* "Qui vero peculium habuerit, nisi ab Abbate fuerit ei proinjuncta administratione permittitur, à communione removeatur altaris."

Ergo, inquiunt, Monacho peculium habere licet, si ei ab Abbate injuncta fuerit administratio; atque ipso peculio utatur de licentia Abbatis, & dependenter ab ejus voluntate.

**II.** Verum, uti recte notat Glossa ad citatum Capitulum, Monachus potest habere peculium de licentia Abbatis, sed causa administrationis; id est (uti advertit Fagnanus ad dictum Capitulum num. 42.) propter officium administrandi, quia Officialis est Monasterii. Et Innocentius famosus & antiquus Canonista exemplificat in Officialibus puta *Vestiariis*, vel *Elemosynariis*.

**III.** Et Hostiensis in Commentario ad hunc textum expresse dicit, non comprehendendi nisi Officiales pro administratione temporalium deputatos. "Putat" ait, quia est *Vestiarius* vel *Elemosynarius*, vel *Cellarius*, vel alius quicumque certum habens officium, ratione cuius habet recipere & expendere in usus Monasterii sive Monachorum temporalia, sive sint pecuniæ vel quæcumque alia.

Idem asserit Joannes Andræas, additque, "Monachum non posse etiam de licentia Abbatis habere peculium, si ejus officium tantum versetur circa spiritualia; ut si sit Prior Clausstralis, Sacrista, vel quis alius audiens confessiones, vel tantum vacans observantiæ Regulari.

Verbo, juxta mentem Glossographi & veterum illorum Canonistarum, permittitur Monacho habere peculium, si ab Abbate sit constitutus Officialis Monasterii, qui vi sui officii administrationem habeat peculii in uti-

litatem Monasterii, nequaquam vero in utilitatem propriam.

**IV.** Hanc Doctorum responsionem tanquam menti Concilii Lateranensis consonam amplexa Synodus Tridentina sess. 25. c. 2. *de Regularib.* statuit: "Nec deinceps liceat Superioribus bona stabilia alicui Regulari concedere, etiam ad usumfructum vel usum, administrationem aut commendam. Administratio autem bonorum Monasteriorum aut Conventuum ad solos Officiales eorundem, ad nutum Superioris amovibiles, pertineat."

**V.** Nulli ergo Regularium, bonorum stabilium administrationem concedi à Superioribus posse declarat Synodus, sed solis Officialibus; idque dependenter & ad nutum Superiorum; id est, quod etiam illam administrationem possint illis Officialibus semper auferre.

**VI.** Unde, ut monet Fagnanus loco citato num. 49.) valde inepta est illorum interpretatio, qui asserunt Concilium hoc loco non prohibere administrationem, quam habent Regulares dependenter à voluntate suorum Superiorum. Siquidem verba Concilii non diriguntur in subditos, sed in Superiores tantum, ibi: (*nec deinceps liceat Superioribus*) unde cum improbetur administratio illa, quæ conceditur à Superioribus, sequitur evidenter ut proprie improbetur administratio, quam habent Regulares dependenter à voluntate eorundem Superiorum; nam si Superioribus non licet concedere alicui administrationem stabilium, ergo non pendet ab eorum voluntate efficere administrationem licitam, vel illicitam: sicuti videmus usum superfluum bonorum non fieri licitum ex eo, quod Regularis dicat: *Ego teneo immobilia superflua dependenter à voluntate meorum Superiorum, & ad eorum nutum*, quia Superiores non habent super hoc dispensandi facultatem.

**VII.** Testatur quoque ibidem num. 51. quod "consultata S. Congregatio, an propter talem dispensationem seu licentiam Superiorum possidentes vel tenentes bona immobilia, vel mobilia superflua, à culpa vel poena excusentur; responderit, non excusari neque à culpa, neque à poena ipso facto incurrenda; ac insuper, Superioribus asseverantibus hujusmodi se licentias posse concedere, fidem non esse adhibendam."

**VIII.** Præterea cum Concilium Tridentinum primo constituit Regulam negativam per hæc verba: *Non liceat deinceps Superioribus, &c.* ac deinde subiciat exceptionem à regula, dicens: *Administratio autem ad solos Officiales ad nutum amovibiles pertineat*: Si Concilium in dicta regula (ait Fagnanus loco citato num. 52.) "non prohibuisset simplici Monacho administrationem ad nutum; regula non differret ab exceptione, quia eodem modo esset permessa administratio ad nutum simplici Monacho, atque Officiali Monasterii, quod esset absurdum, quia de natura exceptionis est, ut sit contra regulam, & eam vitiet in calibus exceptis."

**IX.** Ex his aliisque argumentis ex ipso Decreto Tridentino desumptis concludit tandem Fagnanus num. 59. Administrationem bonorum stabilium, seu peculium, ex nulla causa & nullo casu Regularibus esse permittendam, solis Officialibus duntaxat exceptis.

Ratio vero diversitatis inter simplicem Monachum & Officialem quoad administrationem rerum temporalium nequaquam obscura est.

**X.** Dum enim simplici Monacho conceditur administratio, ea conceditur, ut proventus in suos particulares usus convertat; atque ita "in effectu potest dici usufructuarius bonorum, (ait Fagnanus num. 42.) nam cum possit de fructibus disponere, dicitur habere jus utendi & fruendi, & sic usumfructum. Nec refert quod non possit de illis disponere, nisi in honestos usus: nam nec Clerici seculares possunt erogare fructus superfluos Beneficiorum suorum, nisi in usus pios, & tamen in vita dicuntur usufructuarii."

**XI.** "Et



XI. " Et similiter , pergit Fagnanus , nihil refert „ quod administratio possit eidem auferri ad nutum Ab-  
 „ batis ; siquidem hoc non tollit , quin , durante admi-  
 „ nistratione , habeat jus utendi & fruendi . Unde pro-  
 „ prie dici potest usufructuarius *ad beneplacitum* .

„ Quapropter , infertidem , Titulus *administrationis*  
 „ nihil est aliud , quàm *palliamentum* quoddam ad coho-  
 „ nestandum *proprium* ; verè enim usufructuarius est  
 „ Dominus fructuum .

XII. At secus est in Officiali Monasterii , quia is con-  
 stituitur administrator in utilitatem Monasterii sive Com-  
 munitatis ; adedque de proventibus nequaquam dispo-  
 nere potest in usus proprios ; sed omnia convertere ac  
 dispensare debet in usus Monasterii , sive illos , ad quos  
 ejus officium seu administratio illum adstringit ; alio-  
 quin si in privatos suos usus impendat , nec furti , nec  
*proprietas* crimen evadet .

XIII. " Solicite etiam observabit Procurator (in-  
 quunt Constitutiones Canonorum Regularium Ca-  
 pituli Windeſemenſis parte 2. ) „ ut concedas tibi  
 „ pecunias in nullos quàm officii sui usus expendat ,  
 „ exactè ad id Prioris sui ordinationem & voluntatem  
 „ exequendo , ne alioquin *furti* judicio , & tanquam  
 „ *propriarius* condemnetur .

XIV. Quin nec Officiales immunes erunt à vitio  
 proprietas , si ipsi ratione suæ administrationis seu

officii aliqua jura accipiant , eaque non in communes ,  
 sed privatos suos usus reservent impendenda : cum non  
 minus illa , quàm alia quæcumque Religiosis quocum-  
 que titulo obvenientia debeant Conventui incorporari ,  
 ut in communes usus expendantur .

XV. Hinc Synodus P. I. Cameracensis tit. *De Regu-*  
*larib. cap. 10.* volens pestifero proprietatis vitio obviare  
 inter alia mandat : " Rescindant insuper Superiores &  
 „ aboleant prorsus universa illa *emolumenta* , & *jura* ,  
 „ quæ antiquo more quibusdam Monasteriorum Offi-  
 „ cialibus concedi solebant .

XVI. Si ergo Officialibus ad nutum Superiorum  
 etiam amovilibus , tantum possit concedi bonorum sta-  
 bilium administratio , ut proventus in usus *communes* ,  
 tanquam *Communitatis* Officiales administrent , facile  
 est videre , quod titulus administrationis non desinit esse  
 merum *palliamentum ad cobonestandum proprium* , si v.  
 g. administratio reddituum vitalitiorum Officialibus  
 quidem Monasteriorum committitur , non in commu-  
 nem Monasterii , sed in privatam illius , in cujus favo-  
 rem sunt reservati , utilitatem .

XVII. Ut à crimine proprietatis Religiosos deterreat  
 Concilium Montis-Pessulani habitum an. 1214. man-  
 dat Canone 19. ut in quolibet Monasterio , vel Cano-  
 nia Regulari , diebus Dominicis proprietarii in Capi-  
 tulo excommunicentur .

## TITULUS XXX.

### DE VOTO CASTITATIS.

#### CAPUT I.

Professio Religiosa includit votum Castitatis saltem im-  
 plicitè : & ad quid obliget ?

1. In pristinis Monachorum formulis professionis nulla  
occurrit expressa voti Castitatis mentio.
2. Etiam plures recentiores illius expressam mentionem  
non faciunt.
3. Primus illius expressam mentionem fieri voluit S.  
Franciscus.
4. Hodierna Franciscanorum formula votum Castitatis  
expressè continet.
5. Exemplo S. Francisci nonnulli Ordines ceperunt vo-  
tum Castitatis in formula professionis expri-  
mere.
6. Formula professionis Eremitarum S. Augustini bodie  
exprimit votum Castitatis.
7. Similiter formula Carmelitarum , licet Regula id  
non exprimeret ; quare , & quando exprimere cape-  
vit ?
8. Etiam Monachi , in quorum professionis formula vo-  
tum Castitatis non exprimitur , voto Castitatis ob-  
stringuntur ; & quomodo ?
9. Votum Castitatis duo includit.
10. Monachi Matrimonium contrahentes olim excommu-  
nicabantur.
11. An votum Castitatis olim dirimeret Matrimonium ,  
incertum ; at bodie certum est.
12. Ut votum Religionis dirimat Matrimonium , debet  
emitti in Religione per Sedem Apostolicam appro-  
batà.
13. Solemnitas voti , uti & efficacia ad dirimendum ,  
pendet à jure positivo.
14. Ipsa professio non dat voto illam efficaciam , sed po-  
sitiva Constitutio ei accedens.
15. Primum votum , quod emittunt Scholares Societa-  
tis Jesu , quodam sensu rectè dicitur solemne.

I. IN nullis Veterum Monachorum Regulis ; quin  
 nec in Benedictina , ulla expressa & specialis pro-  
 fessio sive promissio servandæ Castitatis sive con-  
 tinentiæ occurrit ; imò nec in hodierna Benedictino-  
 rum professionis formula Castitatis servandæ ulla men-  
 tio habetur .

II. De suo similiter Carthusiensium aliisque Ordini-  
 bus testatur Petrus Dorlandus : " Nos Carthusienses ,  
 „ sed & Cluniacenses , & Camaldunenses & Cisterci-  
 „ es & Canonici Regulares , nec paupertatis , nec Ca-  
 „ stitatis votum palam emittimus .

Neque in primigenia Carmelitici Ordinis Regula à  
 S. Alberto exaratà ulla Castitatis professio continetur ;  
 sed capite 1. dicitur duntaxat , quod Priori *obedientiam*  
 promittat quilibet aliorum , & *promissam* studeat operis  
 veritate servare .

III. Primus , qui Castitatis & paupertatis expressam  
 mentionem professionis formulæ adiecit , videtur fuisse  
 S. Franciscus ; qui capite 1. suæ Regulæ habet : " Re-  
 „ gula & Vita Fratrum Minorum hæc est , scilicet Do-  
 „ mini Nostri Jesu Christi sanctum Evangelium obser-  
 „ vare , vivendo in obedientia , sine proprio , & in CAS-  
 „ TITATE .

Deinde capite 2. ait : " Finito verò anno probatio-  
 „ nis , recipiantur ad obedientiam , promittentes vitam  
 „ istam & Regulam istam semper observare .

Ex quibus sat manifestè habetur , quòd juxta Regu-  
 lam S. Francisci Professuri promittere deberent , idque  
 verbis *expressis* , vivere in obedientia , sine proprio , &  
 in CASTITATE .

IV. His consonat hodierna formula professionis Fra-  
 trum Minorum , quæ hoc tenore exprimitur . " Ego  
 „ frater N. voveo & promitto Deo & Beatæ Mariæ  
 „ Virgini & Beato Francisco , ac omnibus Sanctis , &  
 „ tibi , Pater , tototempore vitæ meæ servare Regulam  
 „ Fratrum Minorum per Dominum Honorium Papam  
 „ confirmatam ; vivendo in obedientia , sine proprio , &  
 „ in CASTITATE .

V. Ordinis Minorum formulam tanquam clariùs &

expressius tria illa vota exprimentem, nonnulli alii Ordines postmodum imitati sunt; atque tria illa, vivere in obedientia, sine proprio, & in Castitate, in formula suae professionis exprimere ceperunt.

VI. Ita Fratres Ordinis Eremitarum S. Augustini expressè voverunt obedientiam, & vivere sine proprio, & in Castitate, secundum Regulam Patris Augustini usque ad mortem: quanquam ipsa Regula Augustini nullam professionem expressam Castitatis praescribat: quam nec Ordo Praedicatorum nec Canonicorum Regularium, tamen uterque Regulam Augustini profiteatur, in suae professionis formula exprimit. (a)

VII. Professioni Carmelitarum per Innocentium IV. in Constitutione, qua Regulam Albertinam declarat & mitigat, addita fuere haec verba: cum Castitate & abdicatioe proprietatis. "Verebantur enim (ait R. P. Papebrochius in commentario praevio ad vitam S. Alberti 8. Aprilis cap. 11. num. 115.) ne absque explicita trium Religiosorum votorum professione, negarent aliqui pro verè Religiosis habendos Carmelitas; ex vulgi scilicet imperiti sensu: Nam explicita trium votorum professio usitata non fuit in Monachatu veteri," additque, "quoddam ante Mendicantium tempora nunquam fuit tam clarè expressa trium votorum Religiosorum distinctio.

VIII. Num igitur veteres Monachi, atque etiam moderni, qui in suae professionis formula Castitatis mentionem non faciunt, CASTITATIS voto non obstringuntur? Omnino. Nam qui se Deo per susceptionem vitae Monachalis dedicat, vovetque, is se obstringit vivere secundum eam vivendi normam, quam vover.

Porro vita Monastica includit, ac semper includit essentialiter cœlibatum sive custodiam continentiae seu obligationem vivendi in Castitate; ita ut si cœlibatum destruas, ipsum Monachatum destruas.

Qui ergo Regulam ac vitam Monasticam olim vovebat, quique hodie eam vover, etiam consequenter vover vivere in Castitate; tamen si formula professionis votum Castitatis explicite non contineat; eò quod Regula & vitae norma, quam professus est, obligationem vivendi in Castitate essentialiter includat; juxta illud Innocentii III. in cap. CUM AD MONASTERIUM de Statu Monach. "Abdicatio proprietatis & custodia Castitatis adeo est annexa Regulæ Monachali, ut contra eam nec summus Pontifex possit dispensare.

IX. Duo verò includit votum Castitatis in Religione emissum. Primum, vivere in Castitate extra Matrimonium; sive omnia peccata seu interna seu externa contra Castitatem vitare; idque etiam ex voto: adeo ut, si Religiosus peccet contra Castitatem, non tantum committat simplex peccatum carnis; sed etiam contra votum; & votifragus sit.

Secundum, quod includit votum Castitatis, est abstinere à conjugio, & ab omni actu conjugali.

X. Unde jam pridem in Concilio Calchedonenensi can. 16. Decretum legitur: "Virginem, quæ se Domino Deo dedicavit, similiter & Monachos non licere matrimonio conjungi. Sin autem hoc fecisse inventi fuerint, sint excommunicati. Ostendendæ autem in eos humanitatis auctoritatem habere statuimus Episcopum ejus loci." Gratianus caus. 27. q. 1. can. 22.

XI. Num professio Monachalis, ipsumque votum Castitatis implicite saltem in professione Monastica contentum, etiam olim matrimonium contractum dirimeret, nullumque redderet, non æquè expeditum est.

Illud expeditum est, votum Castitatis sive explicite sive implicite in Religione approbata emissum, hodie matrimonium contractum dirimere; atque tale votum

ponere impedimentum dirimens; uti expressum est in cap. unico de Voto in vi.

XII. Hoc quoque ex eadem Decretali habetur, hodie illud votum duntaxat dici "solemne, ac ad matrimonium dirimendum efficax; quod solemnizatum fuerit per susceptionem sacri Ordinis, aut professionem expressam vel tacitam factam alicui de Religionibus per Sedem Apostolicam approbatis.

XIII. Constat insuper, hanc efficaciam votorum dirimendi matrimonium contractum, esse ex mero jure positivo.

Si enim præveniendi jus positivum, votum Castitatis à Monacho emissum efficaciam habuerit dirimendi matrimonium postea contractum, indubiè etiam illam efficaciam habuit votum Castitatis emissum in Religione per Sedem Apostolicam non approbatam.

Certum quippè est, ante seculum XIII. nequaquam receptum fuisse, ut nova Monachorum institutio à Sede Apostolica approbationem vel confirmationem habere deberet, uti suprâ tit. 24. cap. 2. notavimus.

Cum verò hodiè hæc efficacia solis votis in Religione per Sedem Apostolicam approbatam emissis tribuatur, manifestum est, hoc totum à jure positivo dependere. Unde illud Glossæ ad citatum Capitulum unicum: "Non est ipsum votum, quod matrimonium dirimit; sed est ipsa Constitutio Ecclesiæ.

XIV. Hinc quoque elicitur, non esse ipsam externam formam professionis seu emissionis, quæ faciat votum solemne ad hunc effectum dirimendi matrimonium; sed ipsa Constitutio positiva dans hanc efficaciam alicui voto, unâ illud reddit solemne ad hunc effectum; atque ita juxta modernam phrasim, vota dicuntur solemnia, quibus jus positivum similem vim attribuit: & hoc titulo rectè dicitur in allegato Capitulo unico, "quoddam voti solemnitas ex sola Constitutione Ecclesiæ est.

XV. Hinc consequens, quoddam propriè loquendo, votum primum in Societate, postquam à Gregorio XIII. in Bulla, quæ incipit, Ascendente Domino, efficax factum est ad dirimendum matrimonium, (a) non incongruè solemne dici possit; quamvis adhuc simplex vulgò dicatur, idèò forsan, quod non stabiliter statui alicui adstringat: eò quod post emissionem hujusmodi voti, possit adhuc à Societate dimitti, & à voto absolvi.

(a) Opinionem contrariam docuerat Dominus de Hericourt in prima & 2da editione, quam de Legibus Ecclesiasticis vernaculo idioma conscripsit; Motus rationibus R. P. Tournemine suam revocavit sententiam in responsionibus, quas dedit in observationibus quæ capiti editionis an. 1743. appositæ sunt. Ecce ejus contextus: ces vœux (il parle de ceux des Jésuites) forment un empêchement dirimant, suivant la Bulle de Grégoire XIII. Ascendente Domino, de l'année 1584. & suivant le Rituel de Paris, p. 344. Vide pag. 22. & 23. Observationum, quibus D. de Hericourt responsiones annexæ sunt; & Diaria Trevolitana 1723. pag. 1757.

## CAPUT II.

Mulierum ad claustra & Oratoria Monachorum ingressus quomodo vetitus?

1. Antiqua Patrum Regula omnem mulierum conversationem Monachis severè interdixit.
2. Quarumcumque mulierum ingressus in Monasteria Monachos vetitus.
3. Agerrimè tulit S. Gregorius mulierum in Monasteria ingressum; & vetuit Monachis habere Commatres.
4. Abbas permittens mulierem ingredi Monasterium festivitatis videndi causâ, penitentia subijcitur.
5. Interdum etiam excommunicandus dicitur.
6. Nonnullæ mulieres illustriores obtinuerunt licentiam intrandi Monasteriorum septa; at eam revocavit Pius V.

7. Gre-

(a) Id non est accuratè verum de omnibus Canonicis Regulibus; siquidem ii, qui in Galliis nuncupantur Canonici Congregationis Gallicanæ, expressam castitatis mentionem in suorum votorum formula efficiunt.

7. Gregorius XIII. Constitutionem Pii V. renovavit; & declaravit in illa omnes generaliter mulieres comprehendendi.
8. Decretum Eremitarum S. Augustini contra ingressum mulierum in Monasteria.
9. Olim etiam ad Ecclesias Monachorum mulieribus non patebat accessus.
10. Ea disciplina fuit seculo VII. in Monasterio Laubienfi.
11. Etiam seculo V. in Monasterio S. Bertini.
12. Ut mulieres à suis Oratoriis Monachi arcerent, Missas publicas in iis fieri noluerunt: Quid Missæ publicæ?
13. Hæc disciplina etiam usque ad seculum XIII. durasse videtur.
14. Hæc disciplina etiam bodie & populo & Monachis sæpe esset conveniens & utilis.
15. Dum mulieres ad Ecclesias Religiosorum admittuntur, curandum ut à Religiosis sint sejunctæ.
16. Laudabile quoad hoc PP. Prædicatorum Decretum.
17. Etiam si juxta modernam disciplinam liberior sit mulierum ad Ecclesias & Monasteria Religiosorum accessus, omnis tamen familiarior conversatio vitanda.
18. Salubre in hoc Eremitarum S. Augustini Decretum.

I. MULIERUM conversationem Monachis in Castitate vivere desiderantibus, & ad eam servandam vi suæ professionis adstrictis admodum periculosam existimantes Patres, omne, quantum possibile est, commercium mulierum Monachis interdixerunt.

“Familiaritatem omnium mulierum (ait vetus Patrum Regula, quam Lucas Holstenius *tertiam* vocat) tam parentum quam extraneorum pro custodienda vita, vel cavendis laqueis diaboli, ab omnibus Monasteriis vel culturis Monachorum; seu frequentationem Monachorum à Monasteriis puellarum, sicut Regula docet, prohibere censemus. Neque ulla mulier in interiori atrium Monasterii ingredi audeat. Quod si cum consilio vel voluntate Abbatis Monasterium vel cellulas Monachorum quædam fuerit ingressa, meritò ipse Abbas & nomen Abbatis deponat, & inferiorem se omnibus Presbyteris recognoscat, quia talis sancto gregi præponi debet, qui eos immaculatos Deo offerre procuret; non per quaslibet familiaritates diabolo sociare festinet.

II. Regula S. Cæsarii Episcopi Arelatensis, cap. 11. “Mulieres in Monasterio nunquam ingrediantur.” Et fortius alius Arelatensis Episcopus S. Aurelianus in Regula, cap. 15. “Mulieres verò, nec Religiosæ nec seculares, nullæ omnino, nec Abbatis, nec cuiuscumque Monachi mater, aut quælibet propinqua aut nota ad salutandum, aut ad orationem ingredi permittatur.

III. Quam ægrè tulerit S. Gregorius mulierum in Monachorum domos ingressum, colligi potest ex Epistola ejus ad Valentinum Abbatem, lib. 3. Epist. 40. in qua scribit: “Pervenit ad nos, quod in Monasterio tuo passim mulieres ascendunt, & quod adhuc est gravius, Monachos tuos sibi commatres facere, & ex hoc incautam cum eis communionem habere. Ne ergo hac occasione humani generis inimicus suus eos, quod absit, calliditate decipiat: idè hujus te præcepti seridè commonemus, ut neque mulieres in Monasterio tuo deinceps qualibet occasione permittas ascendere, neque Monachos tuos eas commatres sibi facere. Nam si hoc denuò ad aures nostras quocumque modo pervenerit, sic te severissimæ noveris ultioni subdendum; ut emendationis tuæ qualitate cæteri sine dubio corrigantur.

IV. Quin & jam pridem Antissiodorensi Concilio decretum fuit: “Si quis Abbas mulierem in suo Monasterio ingredi permiserit, aut festivitates aliquas ibi spectare præceperit; tribus mensibus in alio

Monasterio retrudatur, pane & aquâ contentus.” Can. 26.

V. Et Concilium Turonense II. Can. 15. “Ut mulier intra septa Monasterii nullatenus introire permittatur. Si Abbas in hac parte, aut Præpositus negligens apparuerit, qui eam viderit, & non statim ejecerit, excommunicetur.

Plures in hanc rem Canones refert Grat. *caus.* 18. q. 12.

VI. Cùmque nonnullæ mulieres, præcipuè illustrium familiarum à Romanis Pontificibus licentiam contra hanc Canonicam institutionem acceperint; atque hac licentiâ prætenderent sibi liberum in ipsa Monasteriorum etiam virorum septa patere introitum, Pius V. expendens periculum ex hujusmodi mulierum ingressu & conversatione Religiosis imminens, Constitutionem in forma Brevis edidit, quâ omnes hujusmodi licentias quocumque titulo, & quibuscumque mulieribus concessas revocavit & annullavit, “districte prohibentes, ait, mulieribus quidem prædictas facultates & licentias prætendentibus, sub excommunicationis latæ sententiæ pœna, Postquam harum literarum notitiam habuerint, à qua non possint nisi à nobis, aut à Romano Pontifice, qui pro tempore fuerit, absolvi, præterquam in mortis articulo, ne dictas domos & Monasteria ingredi audeant.

“Ipsis verò Monasteriorum & Conventuum Abbatibus, Præpositis, Prioribus, & aliis Præfidentibus quocumque nomine vocentur, & eorum Monachis, Canonicis, & Fratribus, sive mendicantibus, sive non mendicantibus, sub privationis officiorum, quæ in præsentia obtinent, & inhabilitatis impostæ ad illa & alia omnia, & suspensionis à divinis ipso facto, sine alia declaratione, incurrendis pœnis, ne eas introducere, admittere præsumant.

VII. Hanc Constitutionem rursus renovavit Gregorius XIII. in Constitutione, quæ incipit, *Ubi gratia*, 28. in Bull. Rom.

Cùmque postmodum dubitaretur, num hoc Decreto tantum comprehendere voluisset mulieres hujusmodi licentias habentes, respondit idem Pontifex, mentem suam fuisse, comprehendere omnes & quascumque mulieres alias tam in genere, quàm in specie. Habetur hæc declaratio in Bull. Rom. ad calcem citatæ Constitutionis.

Disciplinam hanc Patrum Regulis, atque Conciliorum & Pontificum Decretis expressam & firmatam, passim Ordinum Constitutiones inculcant; seridèque ac sollicitè conservari præcipiunt.

VIII. Et Constitutiones Eremitarum S. Augustini parte 2. cap. 13. de hac disciplina ita loquuntur: “Strictè prohibemus, ne aliquis frater Prælati vel subditi mulierem cujuscumque statûs, gradûs, Ordinis, conditionisve sit, quâcumque etiam dignitate ac præminentia præditam, etiam Comitissam, Marchionissam, aut Ducissam in Monasteria Fratrum Ordinis nostri introducere vel admittere præsumat, sub privationis officiorum, quæ in præsentia obtinuerint & inhabilitatis impostæ ad illa & alia omnia, ac suspensionis à divinis ipso facto sine alia declaratione, pœnis incurrendis, præterquam in casibus sequentibus. Videlicet; quando fiunt processiones, vel mortui sepeliuntur, ac etiam pro iis suffragia fiunt: tunc namque ad illa loca, in quibus dicta pia opera exercentur, accedere mulieribus licitum est; ita tamen quod porta, quâ intratur ab Ecclesia in claustrum, non claudatur ullo modo quamdiu mulieres intra steterint, quæ, eo finito, propter quod intraverunt, exire compellantur.

IX. Non tantum ingressus mulierum in interiora ipsorum Monasteriorum septa olim vetitus erat; sed etiam ab ipsis Ecclesiis sive Oratoriis Monachorum mulieres passim arcebantur; neque ad ea ipsis patebat ingressus.



X. Refertur à Fulcuino in libro de gestis Abbatum Laubiensium *cap. 1.* de S. Ursimaro Abbate Laubiensi, & Episcopo in *functoria* tantum prædicatione sacro (de quo Episcoporum genere vide Mabillonium in præfatione ad partem I. seculi III. Benedictinorum *num. 33. 34. & 35.*) quodd cum Ecclesiam Monasterii dedicasset anno 697. nolens "pollui cadaveribus mortuorum, fecerit aliam in honore B. Mariæ in montis vertice, cui subiacet prædictum Monasterium; ubi cœmeterium esset Fidelium, & ad quam conflueret populus. Nam illicitus, ut nunc quoque nisi certo tempore, apud aliam (Monasterii Ecclesiam) erat *familiarum* accessus. " Extat apud Mabillonium in Actis Benedictinorum seculo III. *parte 1. pag. 247.*

XI. In libro 2. *De miraculis S. Bertini Abbatis Sibi-  
viciensis* (a) narratur: "Adala nobilissima conjux Arnulfi Comitis, cum sæpissimè magis infirmitatibus esset, aggravata, cepit desiderare, ut in hoc Monasterio (S. Bertini) ei licentiam Monachi darent intrare, ut coram Altari S. Bertini pro salute sua deprecatura, liceret se prosternere. Hujus igitur rei causâ, ait auctor, advocatis venerabilibus Episcopis Wichrido Tarvenensis (b) Ecclesiæ Episcopo, & Folberto Cameracensis, denudavit eis desiderium suum, acceptâ etiam licentiâ à Monachis anno Nativitatis Domini 938. annoque quinto Ludovici Regis (c) feriâ secundâ Paschæ introduxerunt eam præfati Episcopi in eodem Monasterio, non sine tremore maximo: quoniam hoc illa prima facere præsumpserat, quod ante Reginarum nulla concupiscere vel audebat. " Apud Mabillonium loco citato *pag. 138.*

En seculo decimo quanta cum difficultate, & Episcoporum auctoritate huic Comitissæ ad Altare S. Bertini datus est accessus!

XII. Quid plura? cum notorium sit, plurimis seculis in more positum fuisse; imò & vice privilegii inter-  
dum in Fundatione cautum, ut Missæ publicæ, id est, ad quas populus conveniret, in Monachorum Ecclesiis non fierent; " ne scilicet (ut ait Gregorius *lib. 4. Epist. 43.*) " in fervorum Dei secessibus occasio præbeatur popularibus conventibus, & simplicioribus ex hoc animas plerumque, quod absit, in scandalum trahat: frequentior etiam introitus mulierum arceatur.

XIII. Hancque disciplinam, Missas publicas, sive ad quas esset publicus populi conventus, in Monasteriorum Ecclesiis non celebrandi, usque ad tempora S. Bernardi permanisse, ex Philippo Abbate Bonæ Spei *lib. De continentia Clericorum cap. 83.* observat Cardinalis Bona *lib. 1. Rerum Liturg. cap. 13. num. 3.* quin & Innocentium III. Veterum vestigiis insistentem prohibuisse, ne Diocesis Episcopus in Monasterio Carroffensi, cujus privilegia confirmabat, Missas publicas ageret.

XIV. Scio quidem contrariam Disciplinam hodie præsertim post exortos Ordines Mendicantes invaluisse, atque in Ecclesiis sive Oratoriis Monachorum publicas Missas, à conventu populi adstantis & offerentis iradictas, passim celebrari: at & illud scio, quod non raro magis cautum esset & populo & Monachis, si juxta disciplinam Patrum suorum, à suis Ecclesiis præcipue hi, qui ad instructionem populi specialiter non sunt vocati, publicum populi conventum arcerent. Populo quidem ut in matrice seu Parochiali Ecclesia à suis nutrentur Pastoribus; Monachis verò, ne secularium contagione polluerentur, aut in sua devotione saltem distraherentur.

XV. Similiter, quamvis horum temporum disciplina mulieres ad pleraque Religiosorum Ecclesias admittat, illud tamen sollicitè cavendum, ut quantum fieri potest, Religiosi à mulieribus sint sejuncti; neque psallentium choris intermiscantur.

(a) De Sibieu, aujourd'hui S. Omer.

(b) Théroienne.

(c) Louis d'Outremer Roi de France.

XVI. Qua de re prudenter in suis Constitutionibus caverunt PP. Prædicatores: " Mulieres Claustrum vel Oratorium, vel alias officinas nostras non ingrediantur, nisi in die consecrationis Ecclesiæ, & tunc licet eis ingredi Chorum & Claustrum. In Parasceve verò tantum Chorum intrare poterunt usque ad officium.

Quin ut Chorus à secularium conventu magis esset liber, decreverunt sequentia: " In Ecclesiis nostris debent esse intermedia, quæ dividunt Chorum à secularibus, & debent ubique ita esse disposita, ut Fratres Chorum ingredienti non possint à secularibus videri, nec ipsi seculares videre. Poterunt tamen aliquæ nostræ aptari, ut tempore elevationis Dominici Corporis aperiantur, & Sacramentum à secularibus adoretur. " In Constitutionibus editis per Petrum Martyrem *parte 1. cap. 16.*

XVII. Insuper quæcumque disciplinæ interveniret pro temporum varietate immutatio, illud tamen invariatur maner, omnem Religiosis, non minùs ac Clericis, familiariorem & non necessariam cum mulieribus conversationem esse interdiciam: ipsisque Superioribus sollicitè esse invigilandum: ut omnem similem conversationem rescindant, & occasionem præveniant.

XVIII. Qua in re notandæ Constitutiones Eremitarum S. Augustini, quæ *parte 2. cap. 13.* hæc habent: " In Ecclesia, seu ad ostium Conventus nullus Frater cum mulieribus loquatur sine licentiâ Prioris & sine socio à Priore assignato, qui audiat, & videat, nisi talis cum matre vel sorore carnali, seu alia muliere maxime sibi consanguinitate vel affinitate conjuncta loqueretur. In quo casu sufficit, quod socius videat, licet non audiat: excipimus tamen viros graviores & ætate maturiores. Omnia tamen supradicta quoad omnes Fratres servantur, quoties contigerit aliquem extra Monasterium egredi, ut cum mulieribus loquatur.

" Caveat autem Prior ne nimis frequenter eidem Fratri licentiam concedat cum eadem vel eisdem mulieribus colloquendi, vel eas ad proprias domos visitandi, nisi fortè talis persona esset tantæ scilicet auctoritatis & tam claræ famæ, quod ex ejus colloquutione potius Religioni nostræ honor quàm dedecus accederet.

" Fratres verò foras missi pro necessariis domui petendis, loqui poterunt cum mulieribus etiam alter sine altero, si tunc necessitas sic loqui exigit, intrare tamen domum ad sedendum vel confabulandum non licebit.

" Procurator & Fratres alii cum ad procurandum necessaria Fratribus vadunt, poterunt præsentem socio suo & vidente de hujusmodi cum muliere sola loqui, ita tamen quod cum una eademque muliere frequens non sit talis colloquutio.

### CAPUT III.

#### De Clausura Monialium vetante egressum Monialium.

1. Ab initio Ecclesiæ fuerunt nonnullæ mulieres in perpetua castitate viventes.
2. Pro conservanda castitate convenit secularium personarum fuga.
3. Egressus à Monasterio Monialibus jam pridem interdictus.
4. Quæ cura olim haberetur ut castitati Virginum extra Monasteria habitantium consuleretur.
5. Seculo V. Clausura Monialium nota fuit.
6. Fixa & generalis non fuit circa Monialium Clausuram disciplina ante seculum XIII.

7. *Constitutio Bonifacii VIII. circa Clausuram Monialium.*
8. *Decretum Concilii Tridentini eandem Constitutionem innovans.*
9. *Pius V. declaravit omnes quascumque Moniales Decreto Tridentino comprehendendi.*
10. *Idem Pontifex egrediendi licentiam nonnisi ex tribus causis concedi posse, edixit.*
11. *Vigore Concilii Tridentini Episcopus habet auctoritatem in omnia generatim Monasteria Monialium in his, quæ Clausuram concernunt.*
12. *Episcopus potest visitare Monasteria Monialium etiam Regularibus subiecta, quoad ea quæ Clausuram spectant.*
13. *Primus effectus Clausuræ est prohibitus egressus Monialium è Monasterio.*
14. *Quæ sit iusta causa dandi licentiam egrediendi, non determinavit Tridentinum: tres expressit Pius V.*
15. *Prima causa est, magnum incendium; & quid per illud intelligatur.*
16. *Quæ sit infirmitas ratione cujus egressus sit permitendus?*
17. *Causæ à Pio V. expressæ etiam in Synodis fuerunt probatæ.*
18. *An aliquando liceat indulgere egressum ob rationes à Pio V. non expressas.*

I. **A**B ipso Ecclesiæ exordio fuisse mulieres virginatatem servantes, etiam ipsa Acta Apostolorum testantur *Cap. 21. v. 9.* ubi de Philippo refertur: *Huic autem erant quatuor filię VIRGINES propbetantes.*

Idem confirmant Patrum de Virginibus multiplicia scripta; quibus suam erga illas specialem curam ac sollicitudinem expresseverunt.

„Nunc Nobis (ait S. Cyprianus *de disciplina & habitu Virginum*) „ad Virgines sermo est, quarum quo „sublimior gloria est, eo major & cura est. Flos est ille „Ecclesiastici germinis, decus atque ornamentum gratiæ „spiritalis, læta indoles, laudis & honoris opus integrum atque incorruptum; Dei imago respondens „ad sanctimoniam Domini, illustrior portio gregis „Christi. Gaudet per illas atque in illis largiter floret „Ecclesiæ matris gloriosa fecunditas: quantoque plus „copiosa virginitas numero suo addit, tanto plus gaudium matris augetur. Ad has loquimur, has adhortamur affectione potius quam potestate: non quod „extremi & minimi & humilitatis nostræ admodum „conscii, aliquid ad censuram licentiæ vindicemus; sed quod ad sollicitudinem magis cauti, plus de diaboli infestatione timeamus.

II. Inter cætera autem quæ pro custodia Virginitatis Patres suggessere, fuit hominum secularium, atque præcipue alterius sexus fuga, atque ab omni mundana & externa hominum conversatione sequestratio.

III. Et quidem, dum circa seculum IV. formari cœperunt Virginum Monasteria, cepit quoque eis egressus è Monasterio, si non totaliter, saltem extra necessitatis casus, & citra Superioris licentiam interdici.

Sanctus Basilius De Institutione Monachorum, inter alia præcepta seu regulas habet, „Egredi vero extra „Monasterium, præterquam ubi statutis temporibus „necessitas postulaverit, nemini licitum esto.

Ne vero crederetur, quæ ab eo tradita sunt, ad solos Monachos spectare, monet ea non tantum in Virorum, sed & Virginum Monasteriis esse servanda; atque in his eo accuratius, quanto in his majus est periculum. „Verum, ait, quoniam non Virorum modo Conventus „sunt, sed etiam *Virginum*, cætera quidem omnia „quæ hæcenus præcepta tradidimus, æque utrique „communia sunt. Unum tamen illud scire convenit, „longe accuratorem, maioremque in sceminarum vita „quam in virorum, disciplinam requiri, veluti vo-

Tom. I.

„luntariæ paupertatis virtutem, quierem atque silentium, obedientiam, studium in sorores, cautionem in „publicum prodeundi, diligentem quibuscum colloquium sit, animadversionem, parem inter ipsas mutuo „benevolentiam, & illud, quod nulla seorsim apud eas „conventicula sint. In his enim omnibus in virginum „vita accurandis, maiore quodam multo opus est studio. „Hæc Basilius de *Instit. Monach.*

Hinc lucet, quam solícite Basilius Virginibus clausuram Monasterii commendaverit.

De Monasterio Virginum in Thebaide, in quo seculo IV. vixit S. Euphrasia, legitur in hujus vita: „Nulla earum januas exibat. Erat autem janitrix per „quam responsa omnia fiebant matura. „Apud Bollandum ad 13. Martii.

IV. Eodem seculo in Concilio Carthaginensi III. *Can. 33.* decernitur: „Ut Virgines sacræ, cum parentibus, à quibus custodiebantur, privatæ fuerint, „Episcopi, vel Presbyteri, ubi Episcopus absens est, „providentia, gravioribus scæminis commendentur, „aut simul habitantes invicem custodiant: ne passim „vagando, Ecclesiæ lædant existimationem.

V. S. Cæsarius in Regula ad Virgines *cap. 1.* „Si quæ, „relictis parentibus suis, seculo renuntiare, & sanctum ovile voluerit introire, ut spiritualium luporum „fauces, Deo adjuvante, possit evadere, usque ad mortem suam de Monasterio non egrediatur, nec de Basilica, ubi ostium esse videtur.

VI. Qua sollicitudine Virginibus clausura omnibus seculis inculcata fuerit, speciali Tractatu novissime ostendit Joannes Baptista Thiers, qui tamen recte advertit, non semper nec ubique eandem fuisse circa clausuram sacrarum Virginum disciplinam; neque fuisse aliquam generalem Ecclesiæ legem, omnibus indifferenter Monialibus clausuram perpetuam imponentem ante Bonifacium VIII. qui sub finem seculi XIII. & initium XIV. Pontificatum gessit.

VII. Hic edita Constitutione quæ refertur in *cap. PERICULOSO, De Statu Regular.* in VI. generaliter omnibus Monialibus perpetuam clausuram imposuit. „Periculoso & detestabili quarundam Monialium statui (quæ honestatis laxatis habenis, & Monachali modestia, sexuque verecundia impudenter abjectis, extra sua Monasteria nonnumquam per habitacula secularium personarum discurrunt, & frequenter intra eadem Monasteria personas suspectas admittunt, in illius, cui suam integritatem voluntate spontanea devoverunt, gravem offensam, religionis opprobrium & scandalum plurimorum) providere salubriter cupientes, præfenti Constitutione perpetuo irrefragabiliter valitura, sancimus, universas & singulas Moniales præfentes atque futuras, cujuscumque Religionis sint vel Ordinis, in quibuslibet mundi partibus existentes, sub perpetua in suis Monasteriis debere de cætero permanere clausura: ita quod „nulli earum Religionem tacite vel expresse professæ, „sit vel esse valeat quacumque ratione vel causa (nisi „forte tanto & tali morbo evidenter earum aliquam „laborare constaret, quod non posset cum aliis absque „gravi periculo seu scandalo commorari) Monasteria „ipsa deinceps egrediendi facultas.

VIII. Hanc Bonifacii Constitutionem innovavit Synodus Tridentina *Seff. 25. de Regularibus cap. 5.* atque „universis Episcopis, sub obtestatione Divini iudicii, & interminatione maledictionis æternæ, præcipit, ut in omnibus Monasteriis sibi subiectis, ordinaria, in aliis vero Sedis Apostolicæ auctoritate, clausuram Sanctimonialium, ubi violata fuerit, diligenter restitui, & ubi inviolata est, conservari maxime procuret: inobedientes atque contradictores per Censuras Ecclesiasticas, aliasque pœnas, quacumque appellatione postposita, compescentes, invocato etiam „ad hoc, si opus fuerit, auxilio brachii secularis. Quod „auxilium ut præbeatur, omnes Christianos Principes

P p 2

„cipes hortatur S. Synodus, & sub excommunicationis pena, ipso facto incurrenda, omnibus Magistratibus secularibus injungit. Nemini autem Sanctimonialium liceat post professionem exire à Monasterio, etiam ad breve tempus, quocumque prætenu, nisi ex aliqua legitima causa, ab Episcopo approbanda: indultis quibuscumque & privilegiis non obstantibus.

IX. Pontifices Romani, signanter Pius V. & Gregorius XIII. dictam Bonifacianam Constitutionem, nec non hoc Concilii Decretum suis respectivè Bullis non tantum particulatim approbarunt, ac denuo innovarunt, sed aliquatenus etiam adauxerunt.

Etenim cum dubitari potuisset, num Synodus Tridentina suo Decreto comprehenderet Monasteria Monialium, in quibus clausura numquam fuit recepta, & quæ ex sua Regula aut Institutione ad clausuram non adstringuntur, Pius V. declaravit, „universas & singulas Moniales, præfentes atque futuras, cujuscumque Religionis, Ordinis vel Militiarum, etiam Hierosolymitanæ sint, quæ vel jam receptæ sint, vel imposterum in quibusdam Monasteriis sive Domibus recipiuntur, & tacite vel expresse Religionem professæ, etiam si *converse*, aut quocumque alio nomine appellentur, etiam si ex institutis, vel foundationibus earum regulæ ad clausuram non teneantur, nec unquam in earum Monasteriis, seu domibus, etiam ab immemorabili tempore ea servata fuerit, sub perpetua in suis Monasteriis, seu domibus debere de cætero permanere clausura, juxta formam dictæ Constitutionis fel. record. Bonifacii Papæ VIII. prædecessoris nostri, quæ incipit, *Periculoso*, in sacro Concilio Trident. approbatam, & innovatam, quam nos auctoritate præfata etiam approbamus & innovamus, in omnibus & per omnia, ac illam districte observari mandamus.

Insuper cum Synodus causam legitimam egrediendi Monasterium Episcopi judicio permisisset, Pius V. in determinationem ac generalitatem restringens, nulla occasione, nullove alio prætextu licentiam indulget, „nisi ex causa magni incendii, vel infirmitatis lepræ, aut epidemiæ, quæ tamen infirmitas, præter alios Ordinum Superiores, quibus cura Monasteriorum incumberet, etiam per Episcopum, seu alium loci Ordinarium, etiam si prædicta Monasteria ab Episcopo- rum & Ordinariorum jurisdictione exempta esse repellantur, cognita & expresse in scriptis approbata sit, à Monasteriis præfatis exire, sed nec in prædictis casibus extra illa, nisi ad necessarium tempus stare licere. (a)

X. Si ergo Bonifacianam Constitutionem, atque Decretum Synodi Tridentinæ, una cum Bulla Pii V. spectemus, in omnibus Monialium Monasteriis indistincte clausura erit servanda; atque per Episcopos partim ordinaria, partim delegata auctoritate, ubi recepta non fuit, aut violata, introducenda aut reducenda erit, & ubi hætenus inviolata mansit, solite conservanda.

XI. „Ex quo manifeste fundata dignoscitur (ait Stephanus Weyms) „Episcoporum, & Ordinariorum quoad clausuram hanc aliasque eo spectantia, jurisdictionio in cujuscvis Ordinis Moniales, etiam eas quæ à Regularibus reguntur, & alias sunt exemptæ. „Hæc ille ad Constitutiones 24. per Tridentinum innovatas, constit. 15. n. 11. quod & clare expressit Pius in citata Bulla *Cura Pastoralis*; & manifeste supponit §. 10. ejusdem Bullæ, qui ita habet: „Per hoc autem in Monasteriis exemptis, Ordinarii locorum, quoad alia, nullam credant sibi jurisdictionem vel potestatem aliquatenus attributam.

XII. Unde fertur declaratum à S. Congregatione Concilii 17. Julii 1597. „Episcopos posse Moniales

„Regularibus subiectas, in iis quæ clausuram concernunt, toties visitare, quoties vere cognoverint expedire.

Et Concilium Aquisgranense an. 1585. tit. de Visitatione, ait: „Monialium Monasteria Regularium juri curæ subiecta, Episcopi, quoad clausuram attinet, accurate visitent. Loca ipsa introspectent, atque è superiori etiam parte circumlustrent, & caute solerterque inspiciant prospectus omnes, aditus, & cætera denique omnia, quæ ad clausuram recte tuendam ullo quovis modo pertinent.

Atque ita in contradictorio judicio in Consilio Privato Regio Parisiensis pro Episcopo Podiensis contra Moniales S. Claræ, judicatum fuisse 26. Augusti 1563. refert Claudius Henrys in suis Decisionibus sive Arrestis *tomo 2. lib. 1. q. 1.*

XIII. Porro hujus clausuræ modus & effectus est, uti ex citatis Pontificum Bullis, & Decreto Concilii Tridentini constat, primo, ut Monialibus post professionem egredi non liceat Monasterii sui claustra sive interiora septa, etiam ad breve tempus, quocumque prætextu, nisi ex aliqua legitima causa, ab Episcopo approbanda, indultis quibuscumque & privilegiis non obstantibus, uti loquitur Tridentinum.

XIV. Quæ autem censenda sit *justa causa*, Synodus Tridentina non expressit; eamque judicio Episcopi permisisse videtur: at Pius V. nulla occasione aut prætextu egressum permittit, „nisi ex causa magni incendii, vel infirmitatis lepræ, aut epidemiæ.

XV. „Nomine magni incendii, ait Barbosa, intelligitur incendium ita magnum & evidens, ut certum sit, aut saltem probabile multum esse videatur, quod nisi Moniales omnes statim à Monasterio exeant, omnes simul sint morituræ ac consumendæ præ nimia exustione ignis.

XVI. „Sub nomine vero *infirmitatis lepræ*, ait idem, intelligitur infirmitas quædam adeo contagiosa, quod si ipsius radix & origo foras non ejiciatur, (hoc est Monialis eo morbo infecta,) cito omnes ejusdem Monasterii Sorores inficerentur..... Sub nomine denique *epidemiæ*, quantum ad præfens attinet propositum, intelligitur morbus quidam *pestiferus*, similiter ac eadem ratione contagiosus Communitati præjudicialis. „Hæc Barbosa lib. 1. *Juris Eccles. cap. 44.* post plures alios ibidem *num. 73.* relatos.

XVII. Et longo tempore ante Pium V. Synodus Moguntina an. 1549. c. 79. egressum non permittit, nisi fuerint *inevitabili necessitate compulsi, aut tali morbo infecti, unde ex contagione aliis periculum imminet.*

Synodus quoque Cameracensis D. an. 1550. inter causas concedendi egressum, reponit *morbum, quo cum aliis absque gravi periculo commorari non possit.*

XVIII. Credit nihilominus idem Barbosa post alios ab ipso citatos, quod non obstante restrictione Pii V. Moniales possint exire à Monasterio ex aliis causis similibus aut urgentioribus in Bulla Pii V. nominatim non expressis, v. g. tempore belli, cum periculum imminet invasionis à militibus, multaque incommoda sustinendi, nisi se in locum tutum recipiant.

Synodus Tridentina causam exitus ab Episcopo approbandam statuit; Pius V. vero vult, ut „infirmitas ratione cujus egressus permittitur, præter alios Ordinum Superiores, quibus cura Monasteriorum incumbet, etiam per Episcopum seu alium loci Ordinarium, etiam si prædicta Monasteria ab Episcoporum & Ordinariorum jurisdictione exempta esse repellantur, cognita & expresse in scriptis approbata sit. „Additque „Sed nec in prædictis casibus extra illa (Monasteria) nisi ad necessarium tempus stare liceat.

(a) Id quoque in Galliis & quidem clarius & strictius constat Declaratione, quam Rex noster Ludovicus XV. dedit. 10. Februarii 1742. articulo 2.



## CAPUT IV.

De Clausura vetante ingressum in Monasteria; quæ sit circa clausuram Belgica disciplina?

1. Per clausuram Monialium vetitus personarum extranearum in Monasteria ingressus.
2. Nullus Monasteria Monialium intrare potest sine licentia in scriptis obrenta; nec illa dari potest nisi in casibus necessariis.
3. Quando Episcopi aliive Superiores ingredi possint; & quid ab illis observandum?
4. Casus necessarii quibus ingressus annui potest, intelligi debent respectu Monasterii, non respectu Ingreddientis.
5. Synodus Cameracensis non permittit Episcopum ingredi nisi causa visitationis, aut necessitatis.
6. Non licet Sacellanis ingredi chorum Monialium, prætextu ibi celebrandi aut concionandi.
7. Neque in Vestitione, aut professione licitus est ingressus; nec personis necessariis, nisi cum magna cautela.
8. Per frequentiora ad cancellos colloquia violari clausura potest.
9. Ad Episcopum spectat huiusmodi colloquiis modum ponere, etiam in Monasteriis curæ Regularium subiectis.
10. Episcopus punire potest Regularem etiam exemptum ob colloquium cum Moniali.
11. Multum conducit ad conservationem clausuræ prohibitio colloquendi cum Monialibus.
12. Episcopis Belgii volentibus introducere clausuram multæ difficultates oppositæ.
13. Synodus Cameracensis rationes Monialium clausuram recusantium censet Pontifici exponendas.
14. Proponuntur rationes, quæ potuerunt introductioni clausuræ opponi.
15. Clausura non in omnibus Belgicis Monialium Monasteriis recepta.
16. Concilium Tridentinum quoad clausuram in Belgio in omni suo vigore non est receptum; uti nec Constitutio Pii V.
17. Multæ in Belgio sunt Moniales, quarum Institutum rigorem clausuræ non compatitur.
18. Non dubium per clausuram multis periculis occurrere.
19. Allaborare debent Superiores, ut in Monasteriis exterioris clausuræ rigori non subiectis, finis clausuræ habeatur.
20. Vetitus secularium personarum in Monasteria clausuræ non subiecta ingressus.
21. Omnis periculosa & suspecta conversatio generaliter Monialibus interdicenda.
22. Vetita Institutio conviviorum quibus intersint personæ extraneæ in Monasteriis Monialium etiam clausuræ non subiectis.
23. Egressus à Monasterio Monialibus quamvis clausuræ non adstrictis, concedi debet cum magna moderatione.
24. Septa Monasterii facta sunt, ut Moniales se junctæ à seculo vivant.
25. Circumspecti esse debent Superiores, dum egressum permittunt; Decretum Synodi Cameracensis circa egressum Monialium agris ministrantium.
26. Simile Decretum Archiepiscopi Mechliniensis pro nigris Sororibus.
27. Olim in plerisque Xenodochiis erant utriusque sexus Religiosi ad serviendum utrique sexui infirmo.
28. Laudabile hoc institutum, modo caveantur incommoda ex simultanea cobabitatione timenda.
29. Merito advocantur viri ut sexui virili ministrent.

30. Decretum Tridentinum de transferendis Monasteriis Monialium ad urbes.

31. Hoc Decretum hic effectum habere non potuit.

I. SECUNDUS effectus clausuræ Monialium est, prohibitio quarumcumque personarum extranearum ad Moniales accessus, quem hucce verbis expressit Bonifacius VIII. "Nullique aliquatenus inhonestæ personæ, nec etiam honestæ (nisi rationabilis & manifesta causa exstiterit, ac de illius, ad quem pertinuerit, speciali licentia) ingressus vel accessus pateat ad easdem: ut sic à mundanis conspectibus separatæ, omnino servire Deo valeant liberius, & (lasciviendi opportunitate sublata) eidem corda sua, & corpora in omni sanctimonialia diligentius custodire.

II. Synodus vero Tridentina vetat, quemquam "ingredi intra septa Monasterii, cuiuscumque generis, sexus, vel ætatis fuerit, sine Episcopi vel Superioris licentia in scriptis obrenta, sub excommunicationis pœna ipso facto incurrenda. Dare autem tantum Episcopus aut superior licentiam debet, ait Synodus, in casibus necessariis; neque alius ullo modo possit, etiam vigore cuiuscumque facultatis, vel indulti hætenus concessi, vel imposterum concedendi.

III. Hæc autem necessitas ingrediendi à Tridentino requisita, sic accepta & intellecta est, ut etiam ipsi Prælati tam seculares quam regulares, quibus cura & regimen Monasteriorum incumbit, ita demum auctoritate sibi ex officio attributa ingrediendi Monasteria Monialium uti possint, si id faciant in casibus necessariis, & à paucis illisque senioribus ac religiosis personis comitati, quemadmodum declaravit Gregorius XIII. in Bulla quæ incipit: *Dubiis*, edita pro maiore declaratione alterius Bullæ ejusdem Pontificis quæ incipit: *Ubi sacra* 28. in Bull. Rom. per quam revocatis quibuscumque licentis seu indultis, etiam à Romanis Pontificibus concessis, ingrediendi Monialium Monasteria, sub pœna excommunicationis ipso facto incurrendæ, prohibet ac interdicat "omnibus & quibuscumque personis Ecclesiasticis & Secularibus, ac etiam Ordinum quorumcumque etiam Mendicantium Regularibus, ne prætextu licentiarum ab Episcopis vel Superioribus quibus illas concedendi in casibus necessariis tantum ex Decreto Concilii Tridentini tribuitur, Monasteria ipsa Monialium pro libito, sed necessitatibus urgentibus duntaxat ingredi, neve Moniales sub eisdem pœnis illos aliter admittere præsumant.

IV. Casus necessarii, quibus Episcopis licet ingressum personarum secularium permittere, intelliguntur respectu Monasterii, non autem respectu ingreditis; siue necessitas debet se tenere ex parte Monasterii: uti sæpius declarasse sanctam Congregationem, testatur Fagnanus ad cap. CUM VIRUM, & De Regularibus, num. 20.

V. Ad citatam Gregorii XIII. Constitutionem respexisse apparet Synodus P. II. Cameracensis, an. 1586. tit. de Regularibus, cap. 14. ubi habet: "Sed nec ipsi Episcopi, aut eorum Vicarii, aut alii Superiores Monialium unquam ingrediantur septa clausuræ, nisi visitationis, aut alia necessaria causa, sub pœnis contra ingredientes à jure decretis.

VI. Præcedenti vero capite de Præfecto Monialium ita loquitur: "Præfectus quoque ejusmodi Monialium, seu ejus Capellanus, aut alius Sacerdos eam Ecclesiæ partem, ubi ipsæ psallunt, ne quidem prætextu ibidem celebrandi vel concionandi ingrediarur. Quod si quis ibi celebrare, aut concionari ausus fuerit, suspensionis à divinis, Præfecta quæ eum admiserit, excommunicationis pœnam ipso facto incurrant.

VII. Similiter cap. 12. vult: ut "ad eas (Moniales) nullus omnino aut viris aut mulieribus etiam illustribus, etiam in vestitionum aut professionum solemnitatibus pateat accessus, sed per cancellos, cum necessitas erit, colloquantur, exceptis tamen personis necessariis, utpote Confessario, (cum ad egrotantium Monialium

„ nialium, quæ ad confessionale accedere non possunt,  
 „ confessiones audiendas, aut sanctissimum Eucharistiæ  
 „ vel Extremæ Unctionis Sacramentum ipsis deferenda,  
 „ & similia charitatis officia iisdem ægrotis impertienda,  
 „ erit admittendus ) Medico, Chirurgo, bajulo vini  
 „ aut cerevisiæ, fabris, & similibus personis, quibus ta-  
 „ men non nisi in necessitate ingressus pateat, quos duæ  
 „ antiquiores Sanctimonialia comitentur.

VIII. Quod vero Synodus Cameracensis citato c. 12. nonnisi cum *necessitas* habuerit, etiam ad cancellos colloquia Monialium cum viris aut mulieribus permittat, omnino ad finem clausuræ obtinendum conducit.

Quis enim nesciat, ex hujusmodi colloquiis non tantum quietem atque tranquillitatem Monialium turbari, sed & corda earum humano & mundano pulvere conspurcari; quin & nonnunquam castitati earum periculum imminere, earumque integritatem violari.

IX. Hinc consequens est, per illa colloquia clausuram aliquatenus violari; & consequenter ad Episcopum pertinere, hujusmodi colloquutionibus modum ponere, etiam in Monasteriis regimini Regularium subiectis.

„ Ideoque cum Episcopus Bellunensis (a) olim tulisset S. Congregationi Concilii nonnullos abusus circa facultatem *alloquendi* Moniales Regularibus subiectas, S. Congregatio respondit, hoc caput, quod *clausuram*, ejus conservationem ac restitutionem respicit, ad Jurisdictionem Episcopi tanquam Sedis Apostolicæ delegati (b) pertinere. „ Hæc Fagnanus ad cap. QUANTO 2 De Privilegiis num. 13.

X. Cumque Gregorius XV. in Constitutione sua quæ incipit, *Inscrutabili* 18. in Bull. Rom. declaraverit, Episcopum punire posse Regulares etiam exemptos delinquentes circa *clausuram*, ex consequenti resolutum fuit ( uti asserit idem Fagnanus loco citato, num. 9. ) Regularem accedentem sine legitima licentia ad Monasterium Regularibus subiectum, ibique in loco *colloquiis* destinato cum Moniali colloquentem ab Episcopo puniri posse.

XI. Experientia enim docet (ait Fagnanus ad cap. QUANTO 2 De Privilegiis, num. 11.) ad clausuræ conservationem magnopere pertinere, ut Regulares ad Monasteria Monialium non accedant, nec cum *Monialibus colloquantur*, absque legitima licentia: idcirco enim tot prohibitiones sub gravibus penis hac in re à Sede Apostolica emanarunt; ergo Episcopus potest illos arcere, & contrafacientes punire. Et re vera maxime absurdum videtur, ut Episcopi gravissimo illo Decreto præcipiantur clausuram inviolatam custodire; & tamen nequeant ab illa arcere, quos ex- pedire judicaverint.

Hæcenus Fagnanus, qui & ibidem docet, Episcopum posse prohibere, ne quis sine sua, aut Commissarii sui licentia ad Monasteria Monialium etiam colloquendi causa accedat, ( quemadmodum decrevit Sanctus Carolus in sua Synodo P. VI. tit. De Monialibus ) atque eo Decreto Regulares quantumvis exemptos ligari; & contravenientes puniri ab Episcopo posse.

XII. Episcopos Belgii non parum sollicitos fuisse, ut conformiter ad Sacros Canones, nec non Concilii Tridentini Decretum & Apostolicas Bullas, clausura Monialium vel violata restitueretur, vel inviolata conservaretur, ex citatis Synodis & pluribus eorum Decretis manifestum est; at & illud constat, nec paucas nec leves ipsis oppositas difficultates, dum Moniales, quæ hæcenus clausuram non erant professæ, neque ex sua Regula ad illius rigorem astringebantur, ad rigorosam illam clausuram juxta Decretum Tridentinum & Pontificias Constitutiones, constringere voluerunt; quod

(a) Belluno Ville d'Italie.

(b) In Galliis Episcopus non agit ut Sedis Apostolicæ Delegatus; sed proprio jure utitur, ubi medetur abusu, quem Superior Monasterii exempti reformare negligit. Consule acta & novor Cleri Gallicani commissarios, t. 4. ubi de Reformatione Regularium agunt.

vel ex ipsa Synodo Cameracensi, quæ multa circa clausuram Monialium decrevit, manifestum est.

XIII. Immediatè post Decreta de clausura subdit cap. 16. „ Quia vero non pauca, neque leves in plerisque Monasteriis claudendis difficultates suboriuntur, „ supplex totius Synodi nomine libellus conficiatur, „ qui expressis omnibus & singulis incommodis difficultatibusque, nec non Monialium clausuram recusantium rationibus & argumentis diligenter expositis, „ Sanctissimo Domino nostro offeratur, rogeturque illius Sanctitas, ut hujus Provinciæ necessitatibus & „ incommodis pro sua paterna charitate peculiari aliquaratione providere, ac succurrere dignetur: habito „ autem ab illius sanctitate responso, & cum Reverendissimis Dominis Episcopis per litteras communicato, quæcumque ad hanc materiam pertinebunt, „ certius explicari poterunt.

XIV. Quæ fuerint rationes & argumenta ex parte Monialium proposita, atque ex Decreto Synodi per libellum supplicem Pontifici exhibita; aut quid ad libellum responderit Pontifex, hæcenus mihi assequi non licuit.

Verisimile vero est, rationes Monialium potissimum fuisse, quod in Belgio laudè ita militare videantur ea, quæ alibi clausuræ hujus rigorem exigunt, ut etiam propterea Moniales *clausuram* non professæ, neque vi Regulæ suæ ad eam obstrictæ, nihilominus ad eam suscipiendam constringi deberent; tanquam medium conservandæ castitati atque virginali integritati promissæ pene necessarium.

Si enim Belgici climatis constitutio, genius populi & mores gentis attendantur, non apparet eum clausuræ rigorem esse adeo necessarium, ut etiam Moniales ad clausuram non professæ, neque ad eam vi suæ Regulæ obstrictæ, invitæ ac reluctantes per Censuras & pœnas essent cogendæ: præsertim ubi etiam quædam ex sua fundatione ad ægrorum curam agendam destinantur, quæ cum rigorosa & arcata clausura nequaquam consistit.

Accedit quod hic in Belgio laudatæ matronæ intaminatæque Virgines plateas ac templum publice passim frequentent sine ullius offensa aut scandalo populi, ita quidem ut si quæ hic clausura Italica teneretur, proxima videretur infamiae & censuræ. Videmus insuper tot millia Beginarum ab aliquot jam seculis in Belgio sine illo clausuræ rigore caste & religiose viventium, quæ simplici voto castitatis adstrictæ sunt: tot item Virgines, quas Filias *devotas* vulgo vocant, in ædibus paternis, aut simul commorantes absque ulla clausura, sine periculo, scandalo aut opprobrio à Bonifacio indicatis, caste & devote viventes.

Hæc aliæque videntur Moniales nonnullæ contra introductionem rigorosæ clausuræ urissæ.

XV. Quidquid sit, certum & indubitatum est, nequaquam in omnibus Monasteriis Monialium hic in Belgio clausuram in omni suo rigore, qui in Constitutione Bonifacii & Decreto Concilii Tridentini expressus est, esse receptam, multaque Monialium Monasteria partim sub regimine Regularium, ut Cisterciensium, partim sub regimine Episcoporum, sine clausura tolerari, & vivere.

XVI. Unde Tridentinum, quoad clausuræ rigorem, hic in Belgio universaliter receptum negat Zypæus Consult. 9. de Regularibus, multo minus Constitutionem Pii V. notatque quidem in Synodo P. II. Mechliniensi Tit. de Regularibus, cap. 3. haberi, quod „ Sanctimonialia etiam *exempta* scire debeant, sibi non „ licere post professionem, etiam ad breve tempus, „ Monasterium egredi; nisi ob aliquam ex tribus causis „ expressis in Constitutione sanctæ memoriæ Pii V. „ hac de re edita, quæ *inviolabiliter est observanda*; „ sed observat, quod Synodus, cum Principi probanda offerretur, in iis articulis qui Principi fuerunt exhibiti, haberet, ut Episcoporum conscientie committeretur observantia clausuræ, qui eam urgerent, prout promptibus

*tudo, vel perversa Monialium permetteret.* Verum Romani substituerunt, ne Sanctimonialia egredierentur, nisi tribus ex causis in *Piana expressis*, eaque INVIOLABILITER observaretur. Hæc Zypæus, qui & inde iniert non constare, Constitutionem *Pianam* hinc esse debite placitam & publicatam.

XVII. Et revera si Bulla Pii V. hic esset ritè publicata & recepta, etiam clausura obstringeretur Moniales illæ, quarum fundatio cum clausura non consistit: nam dicta Bulla absolutissimas habet derogationes etiam *fundationum*, & tamen, ut observat Zypæus in *Jure Novo tit. de Regularib. num. 4.* "In infinitis per Belgium, Xenodochiis mulierum *Grisearum & Nigrarum*, ut vocant, Sororum Monasteriis, etiam reformatissimis, & sub Episcopis Religiosissimis æquè ut doctissimis, videmus clausuram eam non observari, quod earum fundatio & institutum cum ea incompatible sit.

XVIII. Hæc licet in Belgio ita tolerentur, neque Monialibus, quæ hætenus strictam clausuram non receperunt, scrupulus moveri debeat ex dictis Pontificiis Constitutionibus, "facendum tamen est, ut rectè advertit Zypæus loco citato, pericula multa per clausuram submoveri. Perire solet, qui amat periculum. Et quamvis de more gentis majus id minusve sit, meritò tamen & ibi vigilatur, ubi non est summum.

XIX. Quapropter & in Monasteriis strictæ ac rigorosæ clausuræ non subjectis, invigilare sollicitè debent eorum Superiores, ut eatenus clausura servetur, atque secularium conversatio cum Monialibus ita limitetur, ut ipsæ Moniales sine offensa, Religionis opprobrio, & scandalo populi vivere, à publicis ac mundanis conspectibus separatæ omnino Deo liberius servire, & eidem corda sua, & corpora in omni sanctitate custodire valeant.

XX. Hinc Synodus P. II. Cameracensis in dicto cap. 16. quo declaravit, aliqua Monasteria sine clausura permittenda donec Sanctissimus fuerit consultus, ait: "Interea verò in dictis Monasteriis, quæ clausuram non admittunt, observari curent Episcopi, ut nec viris, nec mulieribus intra loca regularia dictorum Monasteriorum pateat accessus.

XXI. Sanctus Augustinus lib. 1. de moribus Ecclesiæ cap. 23. de Sanctimonialibus in Ægypto sine rigore clausuræ suo tempore viventibus, loquitur "quæ habitaculis segregatæ ac remotæ à viris quàm longissimè decet, piâ tantum charitate illis junguntur & imitatione virtutis: ad quas juvenum nullus accessus est, neque ipsorum quamvis gravissimorum & probatissimorum senum, nisi usque ad vestibulum, necessaria præbendi, quibus indigent, gratiâ.

Itaque Episcopi alique Monasteriorum strictam clausuram non habentium, meritò impediunt omnem quamcumque periculosam ac familiariorem Monialium cum secularibus, aliisve etiam viris Religiosis conversationem, atque congressum.

XXII. Cum verò non parum periculosus multisque incommodis obnoxius sit congressus Monialium cum secularibus in conviviis; meritò Alphonsus Archiepiscopus Mechliniensis Decreto suo 19. Novembris 1679. inhibuit omnibus Monasteriis Monialium sive clausuræ subjectis, sive non subjectis, institui convivium in die professionis, vel vestitionis Monialium, aut occasione jubilæi aut mediæ jubilæi alicujus Monialis vel die Regalium, aut Patroni vel Patronæ, cum invitatione aut congressu personarum extranearum sive Laicarum sive Ecclesiasticarum, tamet si etiam consanguinitate conjunctæ fuerint.

XXIII. Quoad egressum, is sanè etiam in Monasteriis clausuræ non subjectis, cum magna cautela & moderatione permittendus erit.

Si ad Eustochium Virginem nullo claustro inclusam scribit S. Hieronymus: *Rarus sit egressus in publicum...* Nunquam causa deerit procedendi, si semper, quando necesse est, processura sis,.... Sorores tuæ cursitent &

quærant quomodo Christum hospitem suscipiant. Tu semel, sæculi onere projecto sede ad pedes Domini, & dic: *Inveni eum, quem quærebat anima mea: tenebo eum nec dimittam...* Cant. c. 3. v. 4. Semper te cubiculi sui secreta custodiant, semper tecum Sponsus ludat intrinsecus.... Cave ne domum ex eas, & velis videre filias regionis alienæ: quamvis fratres habeas Patriarchas, & Israel parente læteris. *Dina egressa corrumpitur.* Gen. c. 34.

Si hæc Hieronymus ad Eustochium in domo parentum commorantem scribat pro custodia castitatis, quidni potiori ratione ad Moniales dicta censeantur, quæ non tantum voto castitatis solemniter obstrictæ, sed etiam vi sui status & professionis specialiter à mundana conversatione sejunctæ sunt, nec nisi violentè quodammodo, & Ecclesia dissimulante ab omnimoda & absoluta clausura eximuntur.

XXIV. "Ad hoc enim sepra Monasterii vobis facta sunt (scribebat sæculo XI. S. Ivo Carnotensis ad Sanctimonialia Dunenses) ne mundani amatores intra claustra mundum fugientium recipiatis, ne ad publicum prodeatis, ac de corporali mundi visione tractis introrsum scedis imaginibus, atque expugnata intus virginitate, corpus quoque corruptioni subijci permittatis.

XXV. Valde ergo circumspecti, & parci esse debent Monasteriorum Directores, ut Monialibus egressum concedant, & si illum necessitate urgente concedant, eam adhibeant cautelam, quæ periculum aut scandalum ejusmodi egressui conjunctum præveniat.

Eam cautelam circa Moniales infirmis curandis ex fundatione aut instituto deputatas, observatam cupientes Patres Synodi P. II. Cameracensis, statuunt: "Religiosæ verò etiam Mendicantes, quæ ægrotorum ab immemorabili tempore, atque admodum ex fundatione ne agunt, solæ nunquam emittantur ad ægrotos, nec juniores quantum fieri potest, sed eæ, quæ Matris seu Præfectæ judicio probabuntur., *Tit. de Reg. c. 17.*

XXVI. Hæc cautio in omnibus passim Nigrarum atque Grisearum similiumque Monialium Constitutionibus occurrit.

Et signanter in Constitutionibus *Nigrarum* Sororum hujus Mechliniensis Diocesis à Jacobo Boonen Archiepiscopo Mechliniensi præscriptis, habetur: "Mater nunquam permittet aliquam Sororum solam ire ad infirmos, quæcumque sit, sed duas simul; quæ nunquam se mutuo possunt dimittere, sive vadant ad templum, sive forum, sive alio quocumque, & quando una Sororum in cubiculo infirmorum dormierit, tunc altera pro servitio infirmi invigilabit.

Quam ejus exacta observantia optanda sit, nemo non intelliget, qui expenderit pericula imminencia hisce Monialibus, dum solæ inter seculares in domo seculari versantur.

XXVII. Quæ pericula augentur in junioribus præcipuè, dum etiam alteri sexui inservire debent; ut propterea non sine magno fundamento Majores nostri Xenodochia ac domos leprosas fundantes, voluerint esse instituti religiosi utriusque sexus, ut utrique sexui ægrotis ministrarent. Tales sunt (ait Zypæus *Jure Novo Tit. de Regularib. num. 41.*) fundationes Xenodochii Antverpiensis, Lirani & aliorum.

Fundatio etiam *Leprosaria* extra mœnia hujus oppidi Lovaniensis vulgò *Ter Banck*, primitus fuit pro novem mulieribus, & novem viris, qui utrique sexui leprâ infecto servirent; ut patet ex Bulla Honorii III. quâ domum illam directioni Abbatis Villariensis subijcit; & inter monumenta hujus domus asservatur.

XXVIII. Indubie laudabile esset institutum, ut utrique sexui infirmo sui respectivè sexus personæ assisterent; modò tamen ipsi inservientes mulieres & viri ita essent separati & à se mutuo sejuncti, ut ex mutua cohabitatione nullum periculum, nullumque scandalum esset metuendum.

XXIX.



XXIX. Ex iis interim facile est intelligere, laudabiliter ac prudenter nonnullos Collegiorum Academicorum Moderatores advocare potius Viros aliquos Religiosos, quam mulieres, qui infirmis studiosis assistant.

XXX. "Et quia Monasteria Sanctimonialium extra mœnia urbis vel oppidi constituta, malorum hominum prædæ, & aliis facinoribus sine ulla sæpe custodia sunt exposita; curent Episcopi, & alii Superiores, si ita videbitur expedire, ut Sanctimonialia ex iis ad nova, vel antiqua Monasteria inter urbes vel oppida frequentia reducantur, invocato etiam auxilio, si opus fuerit, brachii secularis. Impedientes verò, vel non obedientes, per Censuras Ecclesiasticas parere compellant." Synod. Trident. Sess. 25. De Regularibus, cap. 5.

XXXI. Verùm cum de publicatione Concilii Tridentini in Belgio tractaretur, eumque in finem ad Consilia Regia ejus Decreta reformationis examinanda essent transmissa, circa hoc Decretum notatum fuit in litteris responforis ad Gubernatricem Belgii Margaritam Parmentensem: *Negant Consilia id in Belgio ad effectum perducere posse, ob sumptus ingentes, aliaque incommoda.* Ita refert Antonius Anselmo in suo Triboniano Belgico cap. 32. §. 45.

Unde etiam videmus plurima etiamnum hodie Sanctimonialium Monasteria extra mœnia urbis & oppidi; prudenter tamen invigilant Superiores, ut tempore bellorum tempestive ad urbes transferantur; ut hoc pacto saltem ab incommodis & periculis, de quibus Synodus Tridentina, eximantur.

## TITULUS XXXI.

### DE MONASTERIORUM SUPERIORIBUS.

#### CAPUT I.

Quid Abbates & Abbatissæ; & varia eorum distinctio?

1. Præfectis Monachorum & Canonicorum in communi viventium, nomen Abbatis generaliter datum.
2. In aliquibus Ecclesiis secularium Canonicorum nomen Abbatis mansit.
3. Quid propriè significet Abbas?
4. Quâ ratione nomen illud congruat Monasteriorum Præfectis.
5. Abbas semper meminisse debet, quid nomen illud significet.
6. Idem, qui dicitur Abbas, etiam aliquando vocatur Major.
7. Etiam olim Prælatus dicebatur, uti & bodie, sed aliâ ratione quàm olim.
8. Dictus quoque Præsul: & qua de causa?
9. Quid bodie nomen Præsulis indicare soleat?
10. Olim iidem, qui dicebantur & erant Abbates, etiam vocabantur Priores.
11. Olim omnium Monasteriorum Præfecti dicti sunt Abbates.
12. Quare recentiores Ordines nomen Abbatis rejecerint?
13. Præfecta Monialium dictæ Abbatissæ.
14. Sicut nomen Abbatis ita & Abbatissæ in quibusdam Religionibus rejectum.
15. Olim Monasteriorum Præfecti omnes erant perpetui.
16. Aliqui Ordines, qui perpetuos habuerant, posterioribus sæculis maluerunt temporales, uti & Ordines Mendicantes, & quare?
17. Abbates alii perpetui, alii Triennales.
18. Olim Abbates & Monachorum Præfecti, uni tantum Monasterio erant Præfecti, neque alteri Superiori Regulari subjecli.
19. Sæculo X. ceperunt constitui Abbates Generales.
20. Quid Pater Abbas, & quæ ejus auctoritas?
21. Recens est Abbatum Commendatariorum exordium.

**I.** COENOBII Præfectum atque Monasticæ Congregationis Caput veteres Monachi, & ipse S. Benedictus Abbatem nominarunt. Similiter Præfectis Canonicorum, dum in communi vivebant, atque Monasticam disciplinam aliquatenus tenebant; nomen Abbatis tributum legimus. Concilium Turo-nense II. can. 24. "Simili modo & Abbates Monasteriorum, in quibus Canonica vita antiquitus fuit, vel nunc videtur esse, sollicitè suis provideant Canonicis.

"Et Parisiense vi. can. 37. "Decet imò necesse est, ut Abbates Canonicorum attendant, ut quid Abbates vocentur.

II. Atque hinc factum, ut etiam postquam Canonici ad vitam singularem transierunt, in aliquibus Ecclesiis adhuc nomen Abbatis penes eorum primum Præfectum manserit, ut ostendit Molanus lib. 2. de Canonicis cap. 5. observatque non rectè colligi, Ecclesiam Canonicorum olim fuisse Monachalem, eò quòd nomen Abbatis Præfecto Canonicorum tribuatur.

III. Porro Præfectus seu Superior Congregationis Monasticæ sive Monasterii dictus fuit Abbas ab officio; quod singulari ratione inter Monachos debet esse paternum. Abbas enim lingua Hebraicâ & Siriacâ idem sonat quòd Latine Pater. Hieronymus in epist. ad Galatas cap. 4. "Abba Pater, Abba Hebraicum est, idipsum significans quod & Pater: & hanc consuetudinem in pluribus locis Scriptura conservat, ut Hebraicum verbum cum interpretatione sua ponat.

IV. Itaque jam pridem Monachorum Præfecti, Abbates sive Patres appellabantur, ut etiam ipsa expressione nominis, officii sui admonerentur. Nam, ut ait, Tertullianus lib. De oratione cap. 2. appellatio ista & pietatis est, & potestatis. Pietatis, quia Superiores instar parentum debent subditos tanquam filios diligere; Potestatis, quia eisdem peccantes corrigere & castigare debent.

Hinc S. Benedictus Abbatem monet, ut miscens terribus blandimenta; durum magistrum, pium Patris ostendat affectum. In Reg. cap. 2.

V. Hanc nomenclaturam inculcat & urget idem Sanctus Legislator, dicens: "Meminisse semper debet Abbas quod est, meminisse quod dicitur." In Reg. cap. 2. quod caput ita exorditur: "Abbas, qui præesse dignus est Monasterio, semper meminisse debet, quod dicitur, & nomen Majoris factis implere. Christi enim agere vices creditur in Monasterio, quando ipsius prænomine vocatur, dicente Apostolo: accipitis Spiritum adoptionis filiorum, in quo clamamus ABBA PATER." Rom. I. 8. v. 15.

VI. Interdum Abbas etiam Major dictus fuit, sumendo nomen illud substantivè, adeò ut ipsam dignitatem & præminentiam Abbatis denoter; atque ita accipitur in Regula Benedictina cap. 5. "Mox ut aliquis imperatum à Majore fuerit, ac si divinitus imperetur, moram pati nesciunt in faciendo.

In Regula Pachomii: "Ægrotantem absque concessu Majoris nullus audeat visitare." Et in Regula Magistrum: "Nam non venia Majoris ad ipsos pertineat, nisi penitentiae similis satisfactio ab eis æqualiter fuerit

„ fuerit operata. „ In his nomen *Majoris* pro Abbate sumi fas apertum est; unde etiam hodie apud Camaldulenses Eremitas, Monasterii Praefectus dicitur *Major*.

VII. Abbas quoque communiter vocatur *Praelatus*, quod subditis suis praefatur. Unde de Praeposito dicit Regula Benedictina; „ *Quantò Praelatus est cæteris, tantò eum oporteat soliciùs observare praecepta Regulae.* „ *Cap. 65.*

Hodie Abbates dicuntur *Praelati*, & Praelatis annuerantur tanquam quandam praerminentiam & dignitatem obtinentes, uti communiter observant Canonistae ad *cap. 2. de Judiciis*, quos citat Afcanius Tamburinus De Jure Abbatum *tom. 1. disp. 1. quaest. 3.*

VIII. Abbates etiam vocati sunt *Praesules*. „ Dicitur autem *Praesul* (inquit Haefsenus *lib. 3. tract. 5. disp. 2.*) „ quasi *praesultor*, qui in sacris praesiliebat: nam „ in omnibus pompis, ludisque Circensibus juvenes „ ibant in numerum saltantes, & subsilientes, qui Ludii, & Ludiones dicebantur, ut annotat Turnebus. „ *Praesul* dicebatur, qui primus erat inter Salios, id „ est, Martis Sacerdotes, à saliendo dictus. Onomasti- „ cum: *Praesul* *ῥαῖος*, id est, qui chorum instituit „ & ei cantu vel saltu praestit. Unde non ineleganti me- „ taphorà *Praesul* vocatur, qui cæteris in officio aut „ munere, praesertim Ecclesiastico, praestit.

IX. Moribus hodiernis *Praesul* nomen dignitatis sonat, & Abbatibus tanquam in dignitate constitutis tribuitur; quamquam non immerito Abbates attendant, qua de causâ eis hoc nomen primitus datum sit, atque opere complere satagant, quod nomine praefurunt.

X. Abbates subinde quoque *Priores* olim dicti fuere; sive *Priores* iidem fuere quod Abbates. Ita in Regula Benedictina aliisque nonnullis, *Priores* pro Abbate sumptos esse multis ostendit Haefsenus *lib. 3. tract. 6. disp. 2.* quasi *Prior* sive *primus* inter suos.

XI. Distinctio autem hodierna invaluit; ut in quibusdam Religionibus, Monasteriorum atque Congregationum primi Praefecti dicantur *Abbat*, *Praelati*, &c. in aliis verò vocentur *Priores*, *Guardiani*, *Rectores*, &c. sed ea distinctio suâ canitie veneranda non est. Ante enim recentiores Ordines seculo XI. & sequentibus exortos, omnium Monasteriorum Praefecti sive Capita dicebantur *Abbat* sive *Patres*; quæ voces officium Superioris in subditos convenienter exprimunt.

XII. Quod verò recentiorum Ordinum Fundatores nomen *Abbat* Monasteriorum Praefectis datum noluerint, inde contigisse apparet. Cum, disciplinâ Monasticâ sensim collabente, & unâ Monachorum humilitate & pietate imminutâ, cepissent Monasteriorum Praefecti, *Abbat* dicti, ad non exiguum tum in Ecclesia, tum in Republica eminentiæ gradum elevari, nomen quoque *Abbat* dignitatem & gradum eminentiorem sonare cepit; atque ita *Abbat* reputari pro personis in dignitate constitutis. Itaque recentiorum Ordinum sanctissimi Fundatores, omnem suis filiis superbiae ac fastûs occasionem eripere volentes, aliud eis nomen humilior & mundo abjectius inditum voluere.

XIII. Quemadmodum Monachorum summi Praefecti, *Abbat* seu *Patres* jam pridem dicti fuere, eadem ratione Monachorum seu Monialium Praefectæ *Abbatissæ* dictæ sunt: eò quod & ipsæ tanquam *Matres* erga sibi subditas sese exhibere debeant. Unde *Abbatissa* in Concilio Parisiensi VI. *Can. 39. Mater spiritualis* dicitur.

XIV. *Abbatissa* autem ad exemplum Abbatum coeperunt quoque sensim aliquam sibi dignitatis & eminentiæ secularis speciem arrogare; adeò ut *Abbatissa* nomen aliquid mundanæ excellentiæ præferre coepit; atque hinc contigisse apparet, ut posteriores Monialium Ordines, humilitatis causâ nomen *Abbatissæ* declinaverint, ipsasque Praefectas potius *Priorissas*, *Matres* aliove simili nomine appellandas censuerint.

XV. Antiquius Monasteriorum Praefecti sive *Abbat*es perpetui, sive ad vitam fuisse videntur; neque ullâ

*Tom. I.*

veteri Monasticâ Regulâ aut Constitutione, de Abbatibus aut *Abbatissis* triennialibus mentio fit.

XVI. Verum postremis hisce temporibus plures Congregationes & Ordines, qui hucusque perpetuos habuerant, maluerunt habere temporales; & quidem Congregationi Cassinensi Eugenius IV. & Alexander VI. concesserunt facultatem uniendi sub eadem Congregatione omnia ejus Monasteria, & Abbates in eis *ad tempus* creandi juxta determinationem Capituli Generalis & Diffinitorium; quorum Bullæ extant apud Tamburinum in appendice ad Tomum I. De Jure Abbatum; qui ibidem *Disp. 1. quaest. 3.* notat idcirco hoc factum fuisse, quia omnes ferè Abbatia & Praelaturæ Regulares excedentes valorem 200. florenorum auri de Camera, Clericis secularibus commendabantur; ad quod evitandum Congregationes Regulares nise sunt, illas *manuales* efficere, mediante indulto Apostolico; quia tunc „ Summus Pontifex non solet de illis providere; cum „ enim collatio debeat esse de sua natura perpetua, „ pa non solet providere de manualibus ad evitandum „ absurdum, quod provifus ab illo possit ab inferiori „ removeri.

Hac aliisque rationibus moti Mendicantium Ordinum & eorum, qui sub iis comprehenduntur Moderatores, suorum Ordinum Praelatos & Superiores ad tempus duntaxat constitui voluerunt, atque plerumque triennales constituerunt.

XVII. Itaque juxta hodiernam disciplinam, Abbates, Priores, alique Monasteriorum Praefecti, alii dicuntur *perpetui*, alii verò *temporales* seu etiam *triennales*.

Et quidem ex Constitutione Gregorii XIII. quæ incipit: *Exposcit*, *Abbatissæ* non nisi ad *triennium* eligi possunt; at in Belgio quoad hoc punctum Constitutio hæc recepta non est; sed passim eliguntur *Abbatissæ* perpetuæ. Triennales verò & perpetuos Abbates quoad dignitatem ac privilegia inter se non differre multis attruit Tamburinus loco citato; ita ut *Abbat*es triennales aut ad tempus gaudeant iisdem privilegiis, quibus *Abbat*es perpetui: nihilominus quoad jus nominationis Regiæ & electionis, inter hos esse differentiam infra ostendetur.

XVIII. Adhæc olim omnes Abbates erant *locales*, sive uni duntaxat Monasterio praepositi: atque unumquodque Monasterium suum duntaxat *Abbatem* ut Superiorem agnoscebat, ac illi tantum & non alteri subiciebatur & obtemperabat: „ Nec unus *Abbas* (ait „ Tamburinus De Jure Abbatum *tom. 1. disp. 3. quaest. 1.*) „ alteri *Abbat*i, sed omnes *Episcopis* locorum subditi erant juxta *can. Abbat*es, & *Can. Monasteria* 18. q. 2. atque ita observatum fuisse tempore „ SS. Basilii, Augustini, & Benedicti ex eorum Regulis „ arguitur.

XIX. Hæc disciplina penè intacta mansit usque ad seculum X. quando primum per S. Odonem Abbatem Cluniacensem ejusque Successores, infinita propemodum Monasteria sub unius *Abbat*is regimine se unierunt, & *Principi* Monasterio Cluniacensi subjecerunt; ex quo origines traxit Congregatio Cluniacensis; cuius Monasteriorum *Abbat*es *locales* *Abbat*i Cluniacensi tanquam *Abbat*i generali, ab eo tempore subiecti fuerunt.

Hanc Cluniacensem Congregationem seculo XI. & sequente secuta Camaldulensis Congregatio auctore S. Romualdo, Vallumbrosana auctore S. Joanne Gualberto, Cisterciensis auctore S. Roberto Abbate Molismensi, aliaque quamplures omnes unum Generalem constituerunt, cui singulorum Monasteriorum *Abbat*es subjicerentur.

Atque ita tandem *Abbatum localium & generalium* distinctio, quæ erat primitus ignota, invaluit.

XX. *Abbat*ibus Generalibus aliquomodo similes sunt, quos hodie vocamus *Patres Abbat*es. Dicitur enim *Pater Abbas*, Domus illius *Abbas*, quæ alteram genuit, sive Monasterii, à quo aliud Monasterium ortum habuit

qui *Abbas Majoris Ecclesie* dicitur apud Cistercienses in charta vulgo *Charitatis cap. 5.* Qui quidem Abbas jus superioritatis & visitationis habebat in Monasteriis, quæ genuerat, ut habent Institutiones Capituli generalis ejusdem Ordinis.

XXI. Recentior est Abbatum Titularium & Commendatariorum distinctio, atque ipsius disciplinæ Monasticæ declinantis furculus; uti infra ubi ex professo de Abbatibus Commendataris, quorum in Galia & Italia frequens usus est, ex professo tractabitur.

## CAPUT II.

De Priore Claustrali, Obedientiario, & Conventuali, eorumque differentiis.

1. *Qui olim dicebatur Præpositus, hodie dicitur Prior.*
2. *Hodie primus post Abbatem solet vocari Prior.*
3. *Priores alii hodie Claustrales, alii Conventuales.*
4. *Claustralis quis: & unde dicatur; & quis hodie Suprior?*
5. *Claustrali non absimiles Priores Obedientiarum: & bi unde dicti?*
6. *Quæ olim dictæ Obedientiæ?*
7. *Cellæ Obedientiariæ unde originem sumpserint?*
8. *Ab his Cellis originem habuerunt Prioratus forenses.*
9. *His Prioratibus præesse debet unus Prior.*
10. *Hujusmodi Prioratus uni soli Monacho tradi non potest.*
11. *Prioratus bi per Clericos seculares deserviri debent, si plures Monachi poni nequeant.*
12. *Priores horum Prioratuum dicti Obedientiarum & forenses; & debent esse amovibiles.*
13. *Prioratus illi ad firmam dari vetantur; & quid sit firma?*
14. *Abbatibus Monachis Prioratus dantes ad firmam, Simoniam committebant, & proprietatem fovebant.*
15. *Litteræ Pontificiæ, quibus conceditur Monachis facultas hujusmodi Prioratus in perpetuum possidendi, subreptitiæ judicantur.*
16. *Synodus Tridentina improbat dari Prioratus in perpetuum possidendos.*
17. *Priores Claustrales & Obedientiarum semper sunt ad nutum Abbatis amovibiles, tametsi non consueverint revocari.*
18. *Priores Conventuales etiam si sint tantum triennales, non possunt amoveri, nisi ex causa & servato juris ordine.*
19. *Minor causa requiritur, ut amoveatur Prior Conventualis, quam ut amoveatur Clericus à suo Beneficio.*
20. *Prior Claustralis sub Abbate Commendatario ad hujus nutum amoveri non potest.*
21. *Provinciales & Generales non sunt ad nutum amovibiles.*
22. *Priores Conventuales censentur in dignitate constituti.*
23. *Prior Conventualis potest delegari iudex à Sede Apostolica, sicut Claustralis.*

**I.** Qui olim apud Monachos *Præpositi* dicebantur, posterioribus seculis *Priores* dicti fuere.

Præpositus enim antiquitus dicebatur in Regulis Monachorum, qui curam Monasterii gerebat post Abbatem, atque ita accipitur in Regula S. Benedicti cap. 65. ubi præcipitur, " Ut Præpositus illa agat cum reverentia, quæ ab Abbate suo ei iuncta fuerunt, nihil contra Abbatis voluntatem aut ordinationem faciens."

Sicuti ergo, qui primam post Abbatem curam Monachorum agebat, olim *Præpositus* vocatus fuit, ita posterior ætas eum vocavit *Priorem*. Hinc illud in Statutis Lanfranci cap. 3. " Servatâ Abbati in omnibus reverentiâ, Prior, qui & Præpositus in Regula nominatur, honorabilior est reliquis Ministris Domus Dei."

II. Hac notione à tempore Petri Damiani *Priorem* dictum esse constat ex ejus Opusculis 13. c. 16. ubi ordine describens officia Monasterii, immediate post Abbatem subjicit *Priorem*, nullâ factâ mentione Præpositi; quod postea quoque (ait Haestenius lib. 3. tract. 6. disq. 2.) servatum videri potest in usu Cisterciensi, Ceremoniali Bursfeldensi, Constitutionibus Vallisolanis. (a) Quin & generaliter usus obtinuit, ut in Monasteriis Abbatialibus prima post Abbatem persona dicatur *Prior*.

III. Cùm verò, uti supra notavimus, in quibusdam Ordinibus & Congregationibus usus obtinuerit, ut primarius Monasterii Præfectus non dicatur *Abbas*, sed *Prior*, hinc etiam tandem invaluit, ut quidam Priores dicti fuerint *Claustrales*, quidam *Conventuales*.

IV. *Prior Claustralis* dicitur, qui curam Monasterii & Monachorum gerit sub Abbate; ita ut ipse Abbati sublit.

*Claustralis* dictus fuit hujusmodi Prior, tanquam ipsius *Claustrum* continuam curam agens. " Cùm enim (ait Haestenius loco citato) in aliqua parte *Claustrum*, sive peristylum, aut ambitus, Monachi communiter ad lectionem residerent, nec sine licentia *Claustrum* egrederentur; constitutus est, qui ex officio illis intenderet, dictusque *Prior Claustrum* vel *Claustralis*. Hinc Lanfrancus in statutis cap. 3. " *Prior Claustrum*, quocumque *Major* Prioreat, si fieri potest, in *Claustrum* semper, aut circa *Claustrum* debet semper esse, & ordinem *Claustrum* in omni sollicitudine servare."

Notandum hic dici *Priorem majorem*, qui Monasterio tanquam Caput & primarius Prælatas præest; quem hodie *Priorem Conventualem* dicimus: *Priorem* verò *Claustrum* dici illum, qui Prior illi *Majori* subest, & sub illo curam *Claustrum* agit; quem hodie *Supprior* dicere solemus. Nec enim juxta hodiernam disciplinam & modum loquendi *Prior Claustralis* sive *Claustrum* dici consuevit, nisi in Monasteriis, quibus præest Abbas *Regularis*; in Monasteriis verò, quibus præest Prior *Conventualis*, ille, qui sub tali Priore Monasterio præest, *Supprior* appellari solet.

V. Prioribus *Claustralibus* non absimiles sunt Priores *Obedientiarum*, sive etiam *Forenses*, ita dicti, quod in *Obedientiis* sive *Cellis* à principalibus Monasteriis dependentibus (quas etiam *Prioratus* recentior ætas vocavit) curam haberent Monachorum extra Monasterium sive *foris*, sub ipso tamen Abbate principalis Monasterii.

VI. " *Obedientiæ* dictæ fuerunt *Cellæ*, *Præposituræ*, & *grangie* (ait D. Du Cange in Glossario mediæ & infimæ latinitatis, Verbo: *Obedientia*) à Monasteriis dependentes, quod Monachi ab Abbate illuc mitterentur vi ejusdem *Obedientiæ*, ut earum curam agerent, aut eas deservirent."

Cellæ verò dicebantur Monasteriola, seu ut eas olim vocabant, *Abbatia*, quæ majoribus Abbatibus suberant.

VII. Cùm enim Monachi variis in locis prædia possiderent; eò interdum aliquot è suis mittebant, qui fruges colligerent, vel redditus reciperent, & ad Monasterium suo tempore deferrent; unde nonnunquam *Grangie* dictæ. Subinde verò ad eas destinati Monachi ut vitam solitariam agerent, vel denique *Cellæ* subinde ædificatæ propter nimium Monachorum numerum, ut ex Monasteriis eò mitterentur Monachi, aliisque identidem *pulsantibus* locum darent, uti notat Du Cange in citato Glossario, Verbo: *Cella*.

VIII. Ab istis cellis *Obedientiariis* originem duxere *Prioratus* rurales seu *Forenses*. Cùm enim interdum plures ad eandem *Obedientiam* sive *Cellam* mitti necesse esset; " Monachi *Obedientiarii* subinde capellas & Ecclesiolas ibi construxere, quod in iis sacrum peragerent Officium, & Monastica munia obirent, quibus præerat, qui *Prior* dicebatur. " Liber Ordinis S. Victoris Parisiensis cap. 51. " Fratres, qui ad obedientias

(a) Valladolid, Ville d'Espagne dans l'ancienne Castille.



„ commorantur singulis locis *tres*, si fieri potest, aut „ *duo* ad minus esse debent. In victu & vestitu & ton- „ sura à communi institutione non recedant: ad men- „ sam silentium teneant: in Ecclesia non loquantur: „ Completorium & in aestate & in hyeme tempestive „ dicant: per vias non discurrant, &c. In quocum- „ que loco ubi duo vel plures simul habitant, *unus* eo- „ rum, cui *Abbas* hoc injunxerit, inter eos *Prioris* of- „ ficiū agat, & ceteri obediant ei.

IX. Et in Concilio apud Montepessulanum à Petro Beneventano Legato Sedis Apostolicæ, à quinque Archiepiscopis & 28. Episcopis anno 1214. celebrato, statuitur *can. 30.* „ Ut si talis fuerit Prioratus, in quo *tres* „ Fratres vaneant commorari, tres ad minus Fratres ibi- „ dem ponantur, & unus ex iis *Prior* fiat, qui *curam* „ omnium habeat.

X. De his obedientiis seu Prioratibus loquitur Concilium Lateranense in *cap. 2.* „ *de Statu Monach.* „ Prioratus quoque seu obedientia pretii donatione nulli „ tradantur. „ Et in *cap. 3.* „ *de Capellis Monach.* Litteræ, quibus concessum dicebatur à Sede Apostolica Monachis quibusdam, ut in *singulis* ipsorum Prioratibus *singuli* Monachi commorentur, si pluribus non sup- „ perent facultates eorumdem, judicantur ab Apostolica Sede non emanasse: quia obviat Concilio Lateranensi, verant Monachos *singulos* extra Monasterium in Eccle- „ siis commorari, nulla facta ipsius Concilii Lateranensis mentione.

XI. Archiepiscopo Burdigalensi rescripsit Honorius III. „ Cum ad audientiam nostram pervenit, „ quod nonnulli Monachi lege tibi dicecesana subiecti, „ in quibusdam Prioratibus habitant *solitarii*, contra „ statutum generalis Concilii: Ideoque mandamus, qua- „ tenus ipsorum Abbates seu Priores, ut vel ipsos ad „ claustrum revocent, facientes in ipsis Ecclesiis defer- „ viri per Clericos seculares: vel alios Monachos eis- „ dem associant, cum quibus vitam possint ducere re- „ gularem, monitione præmissa, per Censuram Ec- „ clesiasticam compellas. „ Refertur in *cap. 4.* „ *De Capellis Monach.*

XII. Priores ergo in hisce Cellis seu obedientiis constituti, dicti fuere *obedientarii* seu *forenses*; erant- „ que *claustrales* in hoc similes, quod similiter ut hi, „ ab Abbate constituerentur, & ad *nutum* Abbatis essent „ amovibiles, sive revocari possent; imo nec ad vitam „ constitui poterant juxta Decretum Innocentii III. in „ *Cap. 6.* „ *De Statu Monach.* ubi dicitur: „ nec ali- „ cui committatur aliqua obedientia *perpetuo* possiden- „ da tanquam in sua sibi vita locetur, sed cum oportue- „ rit amoveri, sine *contradictione* revocetur.

XIII. Circa idem tempus Synodus Oxoniensis ait: „ Monachus Ecclesiam vel Monasterium vel quodli- „ bet prædium Ecclesiæ suæ non audeat retinere ad „ *firmam*.

„ Firma (ait D. Du Cange in citato Glossario, Verbo: „ *Firma*) „ est prædium seu villa alteri locata ad *certum* „ tempus, sub præstatione annua vel annonaria, vel re- „ rum ad victum necessariorum, vel denique pecuniaria. „ Hinc *datio ad firmam* pro contractu, quo sub annuo „ redditu fundi ad aliquot annos possidendi dantur.

XIV. „ Vacuas Cellas seu Præposituras Abbates elo- „ cabant suis Monachis atque ita Simoniam commit- „ tebant (ait Christianus Lupus) fovebantque proprie- „ tatem ac inobedientiam. Conductor enim Monachus „ gerebat se, non ut *manualem*, sed ut *firmum* ac *im- „ mobilem*, & tam quoad administrationem, quam ejus „ resignationem dependere volebat à voluntate Abba- „ tis. „ Hæc Lupus in Scholiis ad *Can. 6.* Concilii To- „ losani *tom. 4. pag. 77.*

XV. Deinde addit: „ Et Monachi & Regulares Cle- „ rici, quod Cellas aut Præposituras à suis Abbatibus „ aut Episcopis deinceps conducere, & ad vitam finem „ *firmi* retinere non possent, firmitatem illam ab Apo- „ stolica Sede flagitabant, & quandoque impetrabant:

Tom. I.

„ Et quidem suæ professionis qualitate suppressa. Om- „ nes hujusmodi gratias esse subreptitias, communis „ vitæ professioni ac paupertatis voto *substantialiter* ad- „ versas, ideoque nullas, declarat Pontifex, & ab om- „ nibus exsufflandas, in *Cap. 5. & 6.* „ *De Confirma- „ tione utili vel inutili.*

XVI. His consonat Synodus Tridentina *Sess. 25. cap. 2. de Regularib.* in verbis: „ Nec deinceps liceat Superio- „ ribus bona stabilia alicui Regulari concedere, etiam „ ad ulumfructum vel usum, administrationem aut com- „ mendam. Administratio autem bonorum Monaste- „ riorum, seu Conventuum ad solos Officiales eorum- „ dem, ad *nutum* Superiorum *amovibiles*, pertineat.

XVII. Ex his unanimi consensu concludunt Cano- „ nistæ, Priores *Minores*, quales sunt Claustrales & Obe- „ dientarii, aliosque Monasteriorum Officiales ad *nutum* „ & *beneplacitum* Abbatum esse amovibiles & revocabiles, „ (a) quemadmodum videre est apud Fagnanum ad *cap. CUM AD MONASTERIUM* „ *De Statu Monach. n. 23.* & sequentibus; ampliaturque *n. 37.* conclusionem, „ ut „ locum habeat non obstante, quod Priores manuales „ non consueverint revocari: quia cum sit in facultate „ Abbatis, si non sit usus tali facultate, consuetudo „ non introducit, cum in actibus *mere facultativis* „ non inducatur consuetudo.

XVIII. Priores autem Conventuales, qui ut su- „ pra dictum est, sunt Monasteriorum primarii præsertim „ & Capita, quique à Capitulo sive Congregatione eligi- „ & per Superiorem confirmari solent, nequaquam sunt „ ad *nutum* amovibiles. Et quamvis in pluribus Religio- „ nibus Præfecti Mendicantium sint triennales, tamen „ (ait Fagnanus ad *Cap. PER TUAS* „ *De Simonia n. 8.*) durante triennio removeri non possunt, nisi ex „ iusta causa, & juris ordine servato. Textus est clarus „ in *Cap. MONACHI* „ *De Statu Monach.* cujus hæc „ sunt verba: *Priores autem cum in Ecclesiis CONVEN- „ TUALIBUS per electionem Capitulum suorum fuerint „ Canonice instituti, nisi pro manifesta & rationabili causa* „ non mutantur.

XIX. Notat tamen ibidem Fagnanus ex *cap. QUALI- „ TER* „ *De Accusationib.* in mutatione Priorum & Præ- „ latorum Regularium, causam non requiri adeo gravem, „ sicuti exigitur ad privandum Clericos seculares suis dig- „ nitatibus & Beneficiis, sed quod ex levioribus causis ab „ administratione removeri possint.

XX. Et quamvis in Monasteriis habentibus Abbatem „ Commendatarium, ex usu Regni Gallia Prior intendens „ Regulari disciplinæ dicatur *claustralis*, quia tamen „ quoad disciplinam est Caput Monasterii, neque in his, „ quæ disciplinam Regularem concernunt ab Abbate „ Commendatario dependeat, etiam ab Abbate amoveri „ non potest; & ita non semel judicatum fuisse pro Priore „ Claustrali contra Abbatem Commendatarium, refert „ Joannes Torner in sua Collectione Arrestorum, *lit. A. cap. 9.*

XXI. Quod de Prioribus Conventualibus docuere „ communiter Canonistæ, idem obtinet in *Provincialibus*, „ qui à Capitulo provinciali; & *Generalibus*, qui à Capi- „ tulo generali eliguntur; ut nimirum durante termino „ sui regiminis sine causa & ordine judicii amoveri ne- „ queant.

XXII. Cum Priores *Conventuales* sint non secus ac „ ipsi Abbates Conventuum suorum quasi Prælati & Capi- „ ta: quin & vi suæ electionis seu institutionis *perpetui*, „ nisi ex speciali statuto aut præscripto Regulæ ad tempus „ duntaxat eligantur, etiam & ipsi in dignitate consti- „ tuti intelliguntur, secus vero Priores *Claustrales* & „ *Obedientarii*.

(a) Illud non est accurate verum quoad Priores Canonorum „ Regularium Congregationis Gallicanæ: Prior enim S. Genovefæ „ Parisiensis est *claustralis*, nec tamen est amovibilis ad *nutum* Abba- „ tis. Siquidem igitur à Capitulo generali ejusdem Congregationis, „ ut per triennium curam Domus gerat sub Abbate Regulari; duran- „ te triennio, Prior ab Abbate removeri non potest ad *nutum*, sed tan- „ tum iusta de causa, & juris ordine servato.

XXIII. Quapropter cum ex Constitutione Bonifacii VIII. in cap. *Statutum de Rescriptis* in vi. nullis nisi dignitate præditis, aut personatum obtinentibus, seu Ecclesiarum Cathedralium Canonicis, causæ auctoritate litterarum Sedis Apostolicæ, vel legatorum ejusdem committi possent, dictum est in *Clementina 2. de Rescriptis*, causas à Sede Apostolica delegari posse, Priori Conventuali, non autem *Claustali*; idque non alia de causa, nisi quod *Conventuales* in dignitate constituti intelligantur, secus *Claustales*, uti ad dictam *Clementinam* notant Canonistæ.

### CAPUT III.

#### De Auctoritate Prælatorum regendi & corrigendi Subditos.

1. *Abbates & Priores Conventuales sunt Monasteriorum Pastores.*
2. *Curam animarum habent.*
3. *In eligendis Prioribus Conventualibus mature procedendum.*
4. *Abbates & Priores debent Subditos verbo & exemplo instruere.*
5. *Debent ea esse doctrina instructi, ut omnibus prodesse possint.*
6. *Præcepto Divino illis mandatum est, Oves suas agnoscere & eas pascere.*
7. *Debent habere exactam subditorum notitiam; & quare?*
8. *Quomodo se diversimode ad omnes pro varietate dispositionis ipsorum habere debeant?*
9. *Debent continuo suis invigilare, ut notitiam habere queant.*
10. *Quid de hac Prælatorum vigilantia senserint Canonici Præmonstratenses?*
11. *Penes Abbates & corrigendi ac puniendi auctoritas.*
12. *Multa mala timenda, si hac auctoritate Superiores abutantur.*
13. *Prudentia hic præcipue in Superiore exigitur.*
14. *Primo, expendere debet qualitatem personarum, & qui durius increpandi?*
15. *Qui obsecrandi, & qui arguendi?*
16. *Correctio fit verbis aut verberibus; & quibus hæc ille impendenda?*
17. *Superiores in correctione considerare debent causam.*
18. *Tempus quoque attendendum est.*
19. *Superior modum in puniendo servare debet.*
20. *Superiori cavendum, ne nimis culpas subditorum dissimulet.*
21. *Paræ sunt pænæ Monastica.*
22. *Etiā pænæ corporales inter Monachos usitatæ.*
23. *Etiā carceris pænâ olim nota, sed bodie usitatior.*
24. *Excommunicatio usitata apud Monachos.*
25. *Qui ex Regula Benedictina excommunicationi subiecti?*
26. *Effectus excommunicationis Monastica.*
27. *Colloquens aut conversans cum excommunicato, incidit in excommunicationem.*
28. *Quam curam circa excommunicatos habere debeat Abbas?*
29. *Quomodo excommunicati reconciliatio fiat?*
30. *Etiā pro levioribus delictis excommunicatio infligita.*
31. *Excommunicatio non accipitur hic pro Censura Ecclesiastica.*
32. *Quid cum Monacho incorrigibili agendum remissive, & quare bodie frequentior incarcerationis usus?*

I. **A**BBATIBUS Regularibus, uti & Prioribus Conventualibus incumbere curam animarum, sive eos esse non tantum Patres, sed & quasi Pastores Religiosorum quibus præfunt, non tantum veteri discipuli-

næ, sed etiam modernæ conforme est. Hinc etiam Abbatæ & Prioratus à Canonistis, Beneficiis & dignitatibus *curam animarum* annexam habentibus annumerantur, in cap. *CUM IN CUNCTIS* & *de Electione*.

II. "Semper cogitet (Abbas) ait Sanctus Benedictus, quia *animas* suscepit *regendas*, de quibus & rationem redditurus est... Sciatque, quia qui suscipit *animas regendas*, præparet se ad rationem reddendam. Et quantum sub *cura sua* Fratrum se habere scierit numerum, agnoscat pro certo, quia in die iudicii ipsarum *omnium animarum* est redditurus Domino rationem." *Cap. 2. Regule.*

III. Ad institutionem Priorum Conventualium matura deliberatione procedendum esse monent Constitutiones PP. Eremitarum Sancti Augustini, hac addita ratione: "Nam licet omnia mature debeant Pater Præsidens & alii Diffinitorii Patres determinare, specialem nihilominus ac *præcipuam diligentiam* debent adhibere in institutione *Priorum*, quibus ex officio incumbit *cura animarum*, quæ est *ars artium & scientia scientiarum*, scientes nihil esse quod Religioni magis officiat, quam quod ad curam animarum assumantur indigni: necesse est enim, ut tales sint familiæ, quales earum existunt Priores." *Parte 3. cap. 7.*

IV. Imprimis ergo Abbates & Priores tanquam Pastores & animarum sibi creditarum Directores, debent verbo & exemplo suos instruere, & ad ipsam observantiam Regulæ & professionis Monasticæ incitare & urgere.

V. Unde Sanctus Benedictus postquam dixisset, Abbatem magnum onus, scilicet curam animarum in se suscipere, mox tanquam consequens infert: "Oportet ergo cum esse *doctum lege divina*: ut sciat, & sit, unde proferat nova & vetera." *Cap. 64. Reg.*

Et cap. 2. suæ Regulæ, idem ex eodem fundamento latius adstruit, dicens: "Ergo cum aliquis suscipit nomen Abbatis, duplici debet doctrina suis præesse discipulis; id est, omnia bona & sancta *factis* amplius quam verbis ostendat: ut capacibus discipulis mandata Domini verbis proponat; duris vero corde & simplicioribus, *factis* suis divina præcepta demonstret. Omnia vero, quæ discipulis docuerit esse contraria, in suis *factis* indicet non agenda; ne aliis prædicans, ipse reprobis inveniatur.

Sanctus Isidorus, cap. 2. Regulæ, ita de Abbate loquitur: "Iste se *imitandum* in cunctis operum exemplis exhibebit... Singulos autem hortamentis mutuis excitabit, alloquens cunctos, exhortans, vel edificans in eis, si quid eorum vitæ pro uniuscujusque gradu prodesse perspexerit.

VI. Quid plura? Synodus Tridentina, *sess. 23. cap. 1. de Reform.* supponit & declarat, præcepto divina mandatum esse omnibus, quibus animarum cura commissa est, oves suas agnoscere, verbi divini prædicatione, ac bonorum omnium operum exemplo pascere.

Ad hoc Decretum reflectentes Canonici Præmonstratenses anno 1630. edixerunt, ut "omnes Prælati (pro ut sibi à Domino mandatum atque commissum est), subditis suis, *tum verbis, tum factis* (si enim absint opera, parum efficient verba), vera dogmata, & vitæ perfectæ normam tradant." *Dist. 2. cap. 2. §. 7.* Et rursus eadem *dist. cap. 3. §. 1.* Prælatos monent, "ut ante omnia anxie caveant, ne vel scandalosa, vel alia qua statim suum minus decencia perpetrent, considerantes quod tot mortibus digni sint, quot ad subditos perditionis exempla transmittunt; sed econtra sic virtutibus studeant, ut eorum vitam quicumque intueantur, omnium virtutum exemplar ante oculos propositum habeant.

VII. Ut Abbates aliique Monasteriorum Superiores *boni Pastoris* partes rite expleant, necesse est, ut subditorum suorum exactam notitiam habere sciant. Nec enim oves recte pasci poterunt, nisi Pastor exactam earum notitiam habeat; alia enim, & alia pascua & alimenta

alimenta spiritualia conveniunt, aliter & aliter dispositis.

„ Non una eademque cunctis exhortatio congruit (ait Sanctus Gregorius in *Prologo 3. partis de Cura Past.*) „ quia non cunctos par morum qualitas attrahit. Sæpe namque aliis officiunt, quæ aliis profunt: „ quia & plerumque herbar, quæ hæc alia animalia nutriunt, alia occidunt: & lenis sibilus equos mitigat, „ catulos instigat. Et medicamentum quod hunc morbum unminuit, alteri vires jungit, & panis qui vitam „ fortium roborat, parvulorum necat. Pro qualitate igitur audientium formari debet sermo Doctorum, ut „ & ad sua singulis congruat, & tamen à communis „ edificationis arte nunquam recedat.

VIII. Quæ ad Pastores generaliter, dixit Sanctus Gregorius, jam dixerat ad Abbates Sanctus Benedictus, *cap. 2.*

„ Sciat Abbas quam difficilem & arduam rem suscepit, regere animas, & *multorum servire moribus...* Et „ alium quidem blandimentis, alium vero increpationibus, alium suasionibus: & secundum uniuscujusque „ qualitatem vel intelligentiam, *ita se omnibus conformet* „ & *aptet*, ut non solum detrimenta gregis sibi commissi non patiantur, verum in augmentatione boni „ gregis gaudeat. „ Et paulo supra, „ Tantumdem erit liber (Abbas) ut si inquieto, vel inobedienti gregi „ Pastoris fuerit omnis diligentia attributa, & morbidis „ earum actibus universa fuerit cura exhibita.

IX. Porro hæc omnia nullatenus præstare Superior poterit, nisi assidue, tanquam vigilans Pastor, omnibus suis attendat, ut per continuam vigilantiam non exteriora tantum, sed vel præcipue interiora, id est affectus ac animi morus ovium suarum exquirat; sicque oves suas agnoscat, quod præcepto quidem Divino, declarante Concilio Tridentino, mandatum est omnibus, quibus cura animarum commissa est.

X. Quid de memorata indefessa sollicitudine, ac continua super gregem vigilantia Prælati incumbente senserint anno 30. decimi septimi sæculi Præmonstratenses, ex statutis illo anno conceptis & evulgatis cognoscere licet. „ Qui Abbatialem functionem suscipiunt, inquirunt, „ quæ suarum sunt partium, agnoscere studeant; & „ intelligant se non ad propria commoda, ad divitias & luxum, sed ad labores & sollicitudines pro Dei gloria „ vocatos; & se obstrictos esse, ut attendant sibi, & „ gregi sibi commisso; ac proinde obligatos, juxta „ Apostolum, ut *vigilent, in omnibus laborent, ac ministerium suum implant* 2. Tim. c. 4. v. 5.

„ Omnes Prælati, prout omni jure obligantur, strictè resideant, ut suo gregi, cujus sanguis à Supremo Pastore de ipsorum manibus aliquando requiretur, „ *vigilanter intendere queant.*

„ Rarissime autem absint, nisi aliud officii eorum ratio postulet; quo in casu domui suæ bene prospiciant, ac assidue curent, ne subditi per eorum absentiam, „ aliquod detrimentum patiantur; scientes quod non sit admittenda Pastoris excusatio, si oves lupus comedit, & ipse earum custodiæ minime incumbens nescit.

„ Habeant cum Priore, aliisque Superioribus, de suorum moribus, profectu atque defectu, frequentes inquisitiones & collationes.

„ Sæpe Filios suos visitent, vel ad se vocent, eosque tanquam veri Patres, in spiritu lenitatis instruant, moneant, consolentur ac dum opus est, corripiant, „ oburgent atque castigant.

„ Vultum pecoris sui agnoscere studeant, & omnia interiora penetrare nitantur, quo facilius, & interiorum vitia extirpare, & virtutes inserere queant.

„ Hisce non contenti ulterius adjiciunt: „ pro sua ac subditorum salute, necessitatibus, atque profectu (prout sunt obligati) „ ardentes ac nunquam intermissas fundant preces.

XI. Penes Abbates & Priores Conventuales, qui

sunt Monasteriorum Capita & Pastores, esse auctoritatem subditorum excessus corrigendi & puniendi indubitatum est; atque omnes Regulæ Monasticæ illam auctoritatem Abbatibus jam pridem attribuerunt.

XII. Non minima sane officii Abbatis aliisque cujuscumque Superioris pars est, hac auctoritate rite fungendi. Utenim correptio subditorum cum fructu fiat, magna opus est prudentia & dexteritate; imo & discretione & charitate erga subditos.

Si enim hæc in Superiore desint, fortitudo quæ Superiori inesse debet, degenerabit in asperitatem, suavitas in remissionem, zelus in furorem; compassio vertetur in noxiam conniventiam; patientia sine discretionis audaciam & consuetudinem gignet peccandi.

XIII. Monet Abbatem S. Benedictus *cap. 64. Regulæ: Oderit vitia, diligat fratres. In ipsa autem correptione prudenter agat.*

Prudentia hæc requirit, ut Abbas in correptione hæc quatuor serio expendat & diligenter distinguat.

XIV. Primo, personarum, quibus correptio impendenda, qualitatem & conditionem consideret. Quam considerationem clarissime explicat S. Benedictus.

Apostolicam enim illam sententiam 2. ad Timoth. 4. *Argue, obsecra, increpa*, tribus hominum generibus ab Abbate vult applicari, *cap. 2. suæ Regulæ.*

*Indisciplinatos & inquietos*, ait, *debet Abbas Durius arguere.*

*Indisciplinati* proprie dicuntur, qui disciplinam recipere nolunt, sive qui nullatenus corrigi volunt.

*Inquieti* vero dici possunt, qui nullo loco quodammodo consistentes, continuo per Monasterium vagantur & cursant de uno loco ad alium. Hi quia suo exemplo & modo agendi alios provocant ad relaxationem, & ordinem perturbant, durius argui debent: uti latius exponit Hæftenus, *lib. 8. tract. 8. disp. 5.*

XV. Ad alterum genus personarum pergens Benedictus, ait: *Obedientes autem & mites, & patientes, ut in melius proficiant, obsecrare debet Abbas.*

Hi sunt, qui cum deliquerunt, mox aut intus moti à Spiritu, aut foris correpti ab homine, ad pœnitentiæ remedium confugunt.

De tertio hominum genere sic loquitur Benedictus: *Negligentes & contemntes, ut increpet & corripiat.*

XVI. Cum vero correptio vitiosorum verbis fieri possit & *verberibus*, quibus hæc illave impendenda sit subicit: „ Honestiores quidem atque intelligibiles animos prima vel secunda admonitione *verbis* corripiat: „ improbos autem & duos ac superbos, vel inobedientes, *verberum* & corporis castigatione ipso initio „ peccati coarceat.

XVII. Secundo, prudentia Superioris attendere debet causam, sive gravitatem culpæ: Nam, ut ait S. Benedictus *cap. 23. Secundum modum culpæ, excommunicationis, vel disciplinæ debet extendi mensura.*

Spestandum igitur quale peccatum sit, quod reprehenditur; an Communitati valde noxium, an relaxationi viam sternat; an malo exemplo & contagio alios inficiat; an ex consuetudine sæpius perpetratum, an vero rarius & ex infirmitate.

Culparum distinctio in leviores & graviore in Regulis Monasticis notissima est; & quæ leviores, quæ graviore reputandæ sint, passim indicatur.

XVIII. Tertio, considerat prudens Superior, quando corripiendum. Hoc intendit Benedictus cum Abbatem monuit *miscere temporibus tempora*: Quod explanans S. Bernardus *Sermone 2. De Refructu*, ait: „ Hæc beat mens nostra spiritum discretionis, ut miscens „ apte *temporibus tempora* opportune æmulari, & nihilo minus agnoscere sciat. Samaritanus sit custodiens „ & observans, quando oleum misericordiæ, quando vinum fervoris exhibeat.

XIX. Denique prudens Superior in corripiendo & puniendo modum servare debet, juxta illud Benedicti *cap. 64. „ In ipsa correptione prudenter agat* (Abbas)

„ & ne



„ & ne quid nimis : Ne dum nimis cupit eradere æruginem, frangatur vas : suamque fragilitatem semper „ suspectus (a) sit : memineritque *calamum quassatum non contendum*. Isai. c. 42. Mat. 12. In quibus non „ dicimus, ut permittat nutrir vitia : sed prudenter „ & cum charitate ea amputet, ut viderit cuique expedire, sicut jam diximus : & studeat plus amari, quam „ timeri. Non sit turbulentus & anxius : non sit nimis „ & obstinatus : non sit zelotypus, & nimis suspiciosus, „ quia nunquam requiescet.

XX. Sed dum timet Superior in correctione excedere, cavendum ne in alterum extremum labatur : nimiaque remissione sive indulgentia delinquat. Quare „ monet Abbatem S. Benedictus *cap. 2.* „ Neque dissimulet peccata delinquentium, sed mox ut cœperint oriri, „ radicatus ea, ut prævalet, amputet, memor periculi „ Heli Sacerdotis de Silo.

Hæc omnia evincunt, quam vere dixerit Benedictus : *Sciat (Abbas) quam difficilem & arduam rem suscepit, regere animas, & multorum servare moribus.*

XXI. Quemadmodum in Regulis Monasticis defectuum leviorum & graviorum varia distinctio occurrit, ita quoque magna pœnarum varietas passim legitur.

XXII. Et quidem præter pœnas leviores, quæ ad humiliationem sive confusionem Monachorum potissimum spectabant, vel ad aliquam mortificationem & pœnitentiam pertinebant, ut dierum aliquot jejunium, aut abstinentia à certo potu vel cibo, etiam corporales pœnæ usitatae erant. Nihil enim usitatus in Regulis Monasticis quam virgarum inflictio.

In Regula Pachomii, *art. 87.* de eo qui fratres ad peccandum sollicitat, & simpliciorum animos pervertit : *Separabunt*, ait, *eum extra Monasterium, & VERBERABUNT eum ante fores triginta novem* : id est, triginta novem plagis, idque juxta morem Judæorum, qui in flagellatione non excedebant numerum 39. plagarum; uti notat Menardus ad *Concord. Regul. cap. 30. 4.*

Apud S. Isidorum in Regula *cap. 17.* *Gravior culpa diuturna excommunicatione purgatur, & FLAGELLIS emendatur.*

In Regula Benedictina crebra hujus pœnæ fit mentio; Et quidem *cap. 28.* vocat *acriorem correctionem, id est, VERBERUM vindictam & PLAGAS VIRGARUM* : & *cap. 23.* vocat *vindictam CORPORALEM.*

XXIII. Subinde etiam carcere includebantur; & quidem vinculis nonnunquam constricli, uti legitur in Regula S. Fructuosi *cap. 16.* *VINCULISQUE arctatus ferreis, CARCERALI sex mensibus angustia maceretur.*

In recentioribus tamen Ordinum Constitutionibus frequentior quam in pristinis Monachorum Regulis incarcerationis mentio occurrit, cujus ratio infra notabitur.

XXIV. Præter has pœnas corporales, frequens & in Regula præsertim Benedictina notissima erat *excommunicatio*; de qua multis capitibus suæ Regulæ dissimulat Benedictus.

XXV. „ Si quis frater contumax, aut inobediens, „ aut superbus, aut murmurans, aut in aliquo contrarius existens sanctæ Regulæ, & præceptis Seniorum „ suorum contemptor repertus fuerit (ait Benedictus *cap. 23.*) „ hic secundum Domini nostri præceptum „ admoneatur semel & secundo secrete à Senioribus „ suis. Si non emendaverit, objurgetur publice coram „ omnibus. Si vero neque sic correxerit, si intelligit „ qualis pœnas sit, *excommunicationi* subjaceat.

(a) Iste modus loquendi, suam fragilitatem semper suspectus sit, nonnihil obscuritatis involvere videtur; has dissipat tenebras hujus rectas conversio, quam è Latino in Gallicum idioma fecit D. de Vere his verbis. *Qu'il ne perde jamais de vue sa propre fragilité, & qu'il se souvienne qu'il est défendu d'achever de briser le roseau qui est déjà ébranlé.* Règle de S. Benoît, p. 195. édit. 1689.

XXVI. Deinde *cap. 25.* ait : „ Si autem Frater, „ qui gravioris culpæ noxa tenetur, suspendatur à mensa simul & ab Oratorio; nullus ei Fratrum in ullo „ jungatur confortio neque in colloquio. Solus sit ad „ opus sibi injectum, persistens in pœnitentiæ luctu, „ sciens illam terribilem Apostoli sententiam, dicens : „ 1. Cor. c. 5. v. 5. *Traditum hujusmodi hominem sathanæ in interitum carnis, ut spiritus salvus sit in die Domini.* Cibi autem refectionem solus percipiat, „ mensura, vel hora, qua præviderit ei Abbas competere. Nec à quoquam benedicatur transeunte, nec „ cibus qui ei datur.

Sanctus Fructuosus loquens de Monacho excommunicato, *cap. 14.* decernit : „ Ut in solo pane & aqua in „ vespere post cœnam Fratrum medium accipiat paximatum, & non ad satietatem aquam, & hoc ab „ Abbate *exsuflatum non sanctificatum.* Nimirum hoc est, quod Benedictus dixit : *Neque benedicatur cibus, qui ei datur.*

*Paximatum*, cujus hic fit mentio, videtur fuisse panis *bis coctus & siccus*; de quo consule Menardum ad *Concord. Regul. cap. 31. §. 17.*

XXVII. In tantum Fratrum separationem ab excommunicatis urgit S. Benedictus, ut *cap. 26.* decernat : „ Si quis Frater præsumpserit sine iussione „ Abbatis fratri excommunicato quolibet modo se „ jungere, aut loqui cum eo, vel mandatum ei „ dirigere, similem fortissimum excommunicationis vindictam.

XXVIII. Porro quia omnis hæc pœna tendit unicè in emendationem ac correctionem excommunicati, declarat S. Benedictus *cap. 27.* quam sollicitus esse debeat Abbas circa excommunicatos, ex quo discere possunt Superiores, quam curam & affectum erga delinquentes & infirmiores Fratres exhibere debeant. „ Omni solitudine curam gerat Abbas, inquit, circa delinquentes fratres; quia *non est opus sanis medicus, sed male habentibus.* Mat. c. 9. v. 12. Et ideo uni debet „ omni modo, ut sapiens medicus : immittere synpæctas, id est Seniores sapientes fratres, qui quasi secrete consolentur fratrem fluctuantem, & provocent ad humilitatis satisfactionem : & consolentur eum, ne „ abundantiori tristitia absorbeat; sed sicut ait Apostolus : *Confirmetur in eo charitas, & oretur pro eo ab omnibus.* Magnopere enim debet solitudinem gerere Abbas, & omni sagacitate & industria curare, ne „ aliquam de ovibus sibi creditis perdat. Noverit enim „ se infirmarum curam suscepisse animarum, non super „ sanas tyrannidem : & metuat Prophetæ comminationem, per quem dicit Deus : *Quod crassum videbatis, (a) assumebatis; & quod debile erat projiciebatis.* Ezech. c. 34. v. 3. & 4. Et Pastoris boni pium imitetur exemplum, qui relictis nonaginta novem ovibus in montibus, abiit unam ovem, quæ erraverat, „ quærere, cujus infirmitati in tantum compassus est, „ ut eam in sacris humeris suis dignaretur imponere, „ & sic reportare ad gregem. „ Mat. c. 18.

XXIX. Quomodo tandem excommunicatus, si se emendaverit, reconciliandus esset, exponitur, *cap. 44.* Regula Benedictina : „ Qui pro gravioribus culpis ab „ Oratorio & à mensa excommunicatur, hora qua opus „ Dei in Oratorio celebratur, ante fores Oratorii prostratus jaceat, nihil dicens, nisi tantum posito in terra capite stratus pronus omnium de Oratorio exeuntium pedibus se projiciat. Et hoc tamdiu faciat, usque dum Abbas judicaverit satisfactum esse. Qui dum „ iussus ab Abbate venerit, volvat se ipsius Abbatis, „ deinde omnium vestigiis, ut orent pro ipso. Et tunc „ si jusserit Abbas, recipiatur in Choro, vel in ordine, „ quo Abbas decreverit, ita sane, ut Psalmum, & lectionem, vel aliud quid non præsumat in Oratorio

(a) In vulgata editione legitur *Quod crassum erat occidebatis. Quod infirmum fuis non consolidastis.*

„ im-

„imponere (a) nisi iterum Abbas jubeat. Et in omnibus horis, dum compleretur opus Dei, projiciat se in terra in loco, in quo stat, & sic satisfaciatur, usque dum ei jubeat iterum Abbas, ut quiescat jam ab hac satisfactione.

Hic notandum, quod excommunicatus paulatim & per partes communioni & officiis restituatur; in quantum nimirum viderit Abbas illum sensim magis humiliatum & poenitentem.

XXX. Subjicit deinde S. Benedictus: „Qui verò pro levibus culpis excommunicantur tantum à mensa, in Oratorio satisfaciunt usque ad iussionem Abbatis: tamdiu hoc perficiant, usque dum benedicat, & dicat, sufficit.

XXXI. Porro cum Benedictus etiam pro levioribus culpis excommunicationem infligendam supponat, admodum verisimile est, neque apud Benedictum, neque alios pristinos Monachorum Patres, excommunicationem sumptam esse pro Censura Ecclesiastica, sive propriè dictà excommunicatione majori; qua Monachus ab ipso corpore Ecclesiæ abscissus censeretur; quam non nisi pro gravissimis criminibus infligi posse in confesso est; & infra parte 3. titulo de Censuris latius ostenditur.

Accedit quod cap. 24. mensuram excommunicationis velit extendi juxta modum culpæ, quod excommunicationi propriè dictæ applicari nequit; quæ simpliciter excommunicatum à corpore Ecclesiæ rescindit.

Adhuc cum Abbates olim essent laici, non apparet, quâ ratione Censuras Ecclesiasticas à potestate Clavium dependentes infligere potuissent.

Verisimilius proinde est, hujusmodi excommunicationes tantum fuisse aliquas pœnas Regulares Monachis inflictas ad propriam & aliorum emendationem & præcautionem.

Nihilominus quia per illas Monachi separabantur à reliquorum consortio, & oratione, pro magna sanè habebatur pœnâ; & qui illâ mulctabantur, sathanæ tradi videbantur; eò quod jam reliquorum oratione & consolatione destituti, viderentur sathanæ insidiis magis expositi. Ut latius exponit & ostendit Josephus Mege in Commentario ad caput 25. Regulæ Benedictinæ.

Quod tamen hodie Abbates aliive Monasteriorum Prælati excommunicationem majorem, quæ sit Censura Ecclesiastica, ferre possint, ostendemus, dum de Censuris Ecclesiasticis agemus; ubi unâ Regulæ observandas notabimus.

XXXII. Si Frater excommunicatus, neque excommunicatione, neque corporali correctione emendetur, potest Abbas juxta præscriptum Regulæ Benedictinæ & aliarum Regularum, à Monasterio illum ejicere & abscindere, quemadmodum supra Titulo 27. cap. 7. probavimus; ubi tamen unâ observavimus, hanc disciplinam moribus hodiernis esse mutatam; neque posse Superiores hodie Monachos incorrigibiles à Monasterio rescindere; sed esse erga stultos coercendos; uti & apostatas, si ad Monasteria reducuntur; quemadmodum rectè observasse Boëtium observo, cujus verba hic addo: „Oportet supplere hodie ubicumque invenitur in Regula, Monachus projiciatur vel expellatur à Monasterio: id est retrudatur in ergastulum, sive in carcerem, sive in aliud Monasterium ad agendam poenitentiam transmittatur.

Hinc non obscurum est, cur in posterioribus Regulis frequentior incarcerationis mentio fiat, quam in antiquis; dum olim rebelles & incorrigibiles à Monasterio expelli, & à Religione abscindi poterant, (b)

(a) Iste contextus, quem vox imponere obscurum facit, Gallicæ fidei sic creditus est à D. de Vert. Il n'enconnera point de pœnaumes, & il ne dira ni leçons ni aures priores semblables, si l'Abbat ne lui en donne un ordre exprès. Règle de S. Benoît, p. 132. édit. de 1689.

(b) Legatur hac de re Renatus Choppin, Monasticon lib. 3. tit. 3. n. 17. Refert plurima Arresta, quæ Superioribus Regularibus vetant, ne suos Religiosos criminis cujuslibet reos à suis Monasteriis vel Ordinibus ejiciant; solius est Magistratus civilis

## CAPUT IV.

Quandonam Superior debeat petere consilium vel consensum Capituli; & qui Capitulum constituent?

1. Regimen Abbatis ex præscripto S. Benedicti est Monarchicum.
2. Abbati opus est consilio.
3. Consiliarios ab Abbate adhiberi vult S. Benedictus.
4. In rebus arduis totam Congregationem consuli vult Benedictus.
5. Ad Congregationem spectant tam laici, quàm Clerici.
6. Ex Regulis Monasticis tam laici, quàm Clerici in Capitulis suffragium habent; quod & nunc in Ordine S. Francisci obtinet.
7. Seculo XIV. admitti ceperunt ad Capitulum soli, qui in Ordine Subdiaconatus sunt.
8. Ratio bujus Decreti.
9. Aliquando Regulares ad Ordines suscipiendos cogi debuerunt.
10. In quibus Ordinibus id præcipue contigerit.
11. Hodie nimis in Regularibus ad Ordines suscipiendos pruritus; & unde hæc mutatio?
12. Hodie in omnibus penè Monasteriis Fratres laici, & Clerici sacro Ordine non insigniti, suffragio etiam consultivo privati sunt.
13. In Monasteriis Monialium solæ Moniales Choristæ exclusis Conversis, Capitulum constituere solent.
14. Sorores Conversæ in Ordine S. Francisci manutentæ in electione Abbatissæ: & unde distinctio Sororum Conversarum & Choristarum?
15. Quando requiritur consilium aut consensus Capituli, debet Capitulariter dari.
16. Abbatis est, negotium Congregationi proponere: & quomodo proponendum?
17. Quomodo consilium Fratrum Abbas excipere debeat.
18. Quid Abbati faciendum audito Fratrum consilio.
19. Abbas cavere debet præformare suam opinionem.
20. Abbas consilium audire, non sequi tenetur.
21. Tenetur Abbas in omnibus sequi Regulam.
22. In casibus levioribus vult S. Benedictus adhiberi consilium Seniorum.
23. Qui nomine Seniorum intelligantur?
24. Hodie in plerisque Ordinibus regimen Superiorum est pro parte aristocraticum.
25. Quæ sint negotia graviora, quæ expediiri nequeunt sine consensu Capituli sive Congregationis.
26. An solus Abbas possit admittere ad professionem sine consensu Communitatis.
27. Abbas etiam hodie non tenetur habere consensum Capituli, nisi in casibus specialiter designatis.
28. Dum consensus Congregationis exigitur, non requiritur omnium.
29. Altus est nullus, si Abbas consilium non petierit, si petere teneretur, etiamsi sequi non deberet.

L REGIMEN Monarchicum institutum fuisse à sancto Benedicto, manifestum est ex cap. 65. suæ Regulæ.

Cum enim advertisset per ordinationem Præpositi, qui quasi secundus Abbas esse prætendebat, „scandala gravia in Monasteriis oriri, dum sunt aliqui, ait, ma ligno spiritu superbiæ inflati, exultantes se secundos Abbates esse, assumptes sibi tyrannidem, scandala nutriunt, & dissensiones in Congregationibus faciunt.

Deinde ut his aliisque incommodis obviam, subjicit:

ejusmodi reos à Monasterio educere, ut vel ad mortem vel ad Tréremes, &c. pro criminum gravitate condemnet. Consulatur quoque Papou. lib. 24. tit. 16. art. 4.

„ Ideo-

„ Ideoque nos praevidemus expedire propter pacis charitatisque custodiam, in *Abbatibus* pendere arbitrio ordinationem Monasterii sui: „ ita ut alii omnes, quocumque etiam officio fungantur, illi subditi, non aequales sint, nec parem cum eo magistratum gerentes.

II. Sed cum arduam & difficilem rem suscepit, scilicet *regere animas*, opus ipsi est consilio, ut videat, quae ei agenda sint. Nam ut ait Sapiens *Proverb. 13. Qui agunt omnia cum consilio, reguntur sapientia.*

III. Quapropter S. Benedictus postquam Abbati oneris sibi impositi gravitatem & agendorum difficultatem fuisse & distincte proposuit *cap. 2.* suae Regulae, capite sequenti subiungit de ejus *Consiliariis*, sive quos in consilium adhibere debeat; & quae in experendo consilio ab Abbate, & quae à *Consiliariis* sunt observanda.

„ Quoties aliqua praecipua agenda sunt in Monasterio, inquit, convocet Abbas omnem Congregationem, nem, & dicat ipse unde agatur. Et audiens consilium Fratrum, tractet apud se; & quod utilius judicaverit, faciat.

IV. Imprimis vult S. Benedictus in rebus praecipuis tractandis per Abbatem convocari omnem Congregationem; id est, omnes, qui sunt de Congregatione sive Monasterio; etiam *juniores*, quia, ait, *saepe juniori Dominus revelat, quod melius est.*

V. Cum ergo omnes tam laici, quam Clerici ad Congregationem pertineant; imò tempore S. Benedicti nulli aut pauci essent in Monasterio Clerici, manifestum est ex praescripto Regulae, tam *laicos*, sive ut hodie loquuntur *Fratres conversos*, quam Clericos, seu ad *Chorum* professos, Congregationem sive Capitulum (quod in causis arduis congregari & consuli debet) constituisse; atque aequale suffragium habuisse.

VI. Neque in antiquis Monachorum regulis, neque recentioribus, ut S. Francisci, ulla hujus distinctionis inter Fratres laicos & Clericos mentio fit.

Quamvis Novitia sit distinctio inter Monachos ad chorum professos, & *Fratres*, quos dicimus *Conversos*, qui ad obeunda opera manualia recipiuntur; nihilominus quidam è Monachis olim *conversi* dicebantur; nimirum hi, qui ad provecam usque aetatem secularem vitam duxerant & postmodum vitam monasticam amplectebantur; & morum *conversionem* proficentes ab ea *conversi* appellati: iique distinguebantur hac appellatione ab iis, qui *ab infantia* in Monasteriis enutriti, eandem vitam amplexati erant; atque inde *nutriti*, sive *oblati* propter oblationem parentum de ipsis factam dicebantur, uti observat du Cange in Glossario mediae & infimae latinitatis, verbo: *conversi*; atque de his *nutritis* & *conversis* agi apud sanctum Anselmum in libro *de similitudinibus cap. 78.* ex ipso contextu manifestum est: quapropter rectè notavit dictus Auctor, errasse Haestenum, qui credit ibidem agi de his, quos hodie fratres *conversos* dicimus, qui & *laici* dicuntur, & à Monachis ad *Chorum* professis distinguuntur; quos non nisi circa seculum XII. Hortum habuisse observat Claudius Fleury in historia sua *Eccles. lib. 63. num. 58.* qui occasionem hujus distinctionis inde ortam credit, quod *laici* litteras non discerent, & lingua latina vulgaris esse desisset; atque ita *laici* idioma latinum non callentes, officio divino, quod latine peragebatur, inidonei essent.

Quidquid sit de origine, indubitatum est, distinctionem modernam inter *laicos* sive *conversos*, & professos ad *Chorum* prout haec in plerisque Monasteriis est in usu, recentioris disciplinae esse; quoddamque in ratione Monachatus non distinguantur; sed omnes eodem vinculo, iisdemque votis Religioni sint adstricti.

Unde etiamnum hodie in Ordine Fratrum Minorum Fratres *laici* concurrunt, & suffragium habent cum aliis Clericis in electione *Discreti*; modo tamen à *quinque* annis professionem emisierint; cum illi, qui Ordine Sa-

cro sunt insigniti, suffragio gaudeant, tametsi *duobus* tantum annis sint professi. *Cap. 7. §. 3. Constit.*

VII. Haec disciplina, quae omnes indifferenter ad Congregationem sive Capitulum admittebat, primum mutari cepit seculo XIV. quando sub nomine Concilii Viennensis in *Clementina. Ut II. De Aetate & qualitat. Ordinand.* decretum fuit: „ Ut nullus de cetero in hujusmodi Ecclesiis (*Cathedralibus vel Collegiatis, secularibus vel Regularibus*) vocem in Capitulo habeat, „ etiam si hoc sibi ab aliis liberè concedatur, nisi saltem „ in *Subdiaconatus* Ordine fuerit constitutus.

VIII. Ratio Decreti in praefatione exprimitur: „ Ut „ ii., qui Divinis in *Cathedralibus vel Collegiatis, secularibus vel regularibus* sunt mancipati Officiis vel „ mancipabuntur impofterum, ad *suscipiendos Sacros* „ Ordines *propensius inducantur.*

IX. Hic obiter notandum, eo tempore in quibusdam Ecclesiis *Regularibus* Religiosos ita fuisse morosos in suscipiendis *Sacris* Ordinibus, ut etiam poenis ad id adigi deberent; quod & indicat aliud sub nomine ejusdem Concilii Decretum in *Clementina Ne in Agro De Statu Monach.* quo decernitur: „ Ad ampliationem „ autem cultus Divini statuimus, quod Monachi *quilibet* ad monitionem Abbatis se faciant ad omnes Ordines *Sacros* (excusatione cessante legitima) *promoveri.*

X. Nomen *Abbatis* insinuat, hoc Decretum potissimum Monachos *Abbatiales* spectasse: utpote qui aliunde divitiis abundantes, nihil è susceptione Ordinis Sacri lucri aut commodi sperarent, malebant orii delicias, quam Ordine Sacro initiati Divinis Officiis peragendis vacare. Unde ad hoc Decretum reflectens Christianus Lupus, ait: „ Post ablatum per divitiis opus manuum, „ ceperunt Monachi ab otio invadi, ideoque sacro saltem ministerio adversus illud muniendos Pontifex judicavit. „ Ad *Can. 6. Calced.*

XI. Hodie verò postquam ex susceptione Ordinis Sacri aliquod emolumentum, uti ex celebratione Missarum apud Mendicantes, vel aliqua Praerogativa haberi cepit, tantus est ad Sacros Ordines pruritus, ut nullus penè nisi aetate destitutus ad eos non ascendat; imò ascendere ambiat; idque ferè nullà capacitaris habità ratione; ut meritò hodie desiderarentur Decreta, quibus à Sacris Ordinibus suscipiendis arcerentur; uti *infra parte 2. Titulo De Sacramento Ordinis* ostendetur.

XII. Itaque post hoc Viennensis Concilii Decretum, ac praesertim sequentem ejusdem innovationem per Synodum Tridentinam *Sess. 22. cap. 4. De Reformat.* ceperunt in plerisque Religionibus Fratres *Laici* alique Sacro Subdiaconatus Ordine non insigniti, à Congregationibus Capitularibus excludi, & suffragio activo etiam consultivo privari.

XIII. Cum verò in Monasteriis virorum Fratres *Laici* seu *Conversi* à Congregationibus Capitularibus essent exclusi, solique Clerici seu ad *Chorum*, ut aiunt, *professi*, Congregationem sive Capitulum conficerent, horum exemplo in Monialium Monasteriis sub eisdem Regulis militantibus, sensim etiam primò recepta fuit distinctio Sororum *Laicarum* seu *Conversarum*, & Sororum *Choristarum* sive ad *Chorum* professorum; ac dein Sorores illae *Laicae* à Congregationibus Capitularibus excludi ceperunt, prout hodie in plerisque Monasteriis excluduntur.

XIV. Quia tamen omnes Moniales seu *Laicae* seu *Choristae*, verè sunt de Congregatione seu Conventu, nec ullum Ecclesiae Decretum sic hanc exclusionem probans, meritò Senatus Parisiensis anno 1642. per sententiam manutenuit Sorores *Laicas* seu *Conversas* Ordinis S. Clarae sive Urbanistas, in possessione dandi suum suffragium in electione Abbatis, uti refertur in appendice ad Opera *Claudii Le Prestre pag. 86.* narraturque discursus Advocati Regii in favorem Sororum *Conversarum*; qui inter alia notabat, primum nullam fuisse inter Sorores eandem Regulam professas differentiationem,



tiam, sed successu temporis eam distinctionem esse inductam potius ex necessitate divitiarum, quam meritorum aut aliâ rationabili consideratione; ut nimirum solæ pauperes admittantur tanquam *Converse*, divites verò ad *Cborum*: tamen subinde illæ capaciores sint præ his, ut Divinis Officiis occuparentur, & hæc manualibus operibus exercerentur. Hi, qui Monasteriis intendunt, expendere poterunt, quid in hisce fieri conveniat.

Ut ad Regulam Benedictinam, à qua nonnihil defleximus, redeamus, dicit ab Abbate convocandam *Congregationem*.

XV. Pro quo notandum, quòd si negotium aliquod sit *Capitulariter* tractandum; sive ut *consilium* Capituli audiatur, sive *consensus* obtineatur, tunc debeant omnes *Capitulariter* congregati audiri, & consilium aut consensum suum dare; neque sufficiat, si *singuli* audiantur & suffragium suum singuli privatum deponent; imò actus sic expeditus ob defectum non *congregati* Capituli esset nullus; ut communiter docent Canonistæ relati à Tamburino De Jure Abbatum *tom. 3. disp. 1. quest. 2. num. 25.*

XVI. Deinde ait Benedictus: *Dicat ipse, unde agatur.* Hoc est, negotium ipse Abbas proponat, idque juxta modernam disciplinam Præsidenti Congregationi competere solet.

Ita autem proponat, ut meri proponentis partes agat; & suam *propriam* celet *sententiam*, ait Haestenius *lib. 3. tract. 5. disp. 6.* "Ne fortè assentatores ei placere studentes, ejus potius sequantur voluntatem, quam rei utilitatem: aut ne timidiore metu displicendi, verum dicere vereantur. Vitabit proinde, ne quis in unam magis, quam in alteram partem propensum ejus animum percipiat."

XVII. Pergit Benedictus: "*Audiat consilium Fratrum*, scilicet *omnium*, qui Congregationem constituunt." Audiendi autem benigne, patienter, sine molesta interruptione, concessio loquendi spatio & libertate, nec verbo aut signo alieniorem à quoquam animum ostendat, ait Haestenius.

XVIII. Audito omnium consilio, *trahet apud se*, ait Benedictus, id est, singulorum sententias & rationum momenta expendat, examinet & ponderet; nec enim semper quod plures sentiunt, hoc melius. Proinde ubi negotium non dependet à pluralitate suffragiorum, quæ numeranda sunt, Abbas non tam numeret sententias, quam aequâ lance appendat. Ac præcipue attendat illud monitum Tobiae ad filium suum: *Omni tempore benedic Deum, & pete ab eo ut vias tuas dirigat, & omnia consilia tua in ipso permaneant.* Tobiae 4.

XIX. Ut verò aequâ lance consilia Fratrum appendat Abbas, necesse est, ne uni potius quam alteri opinioni ex humana aliqua ratione adhæreat, quousque Fratrum consilia audiverit; quod rectè expressit S. Dorotheus *Dost. 7.* his verbis: *Nihil decretum & præfixum in mente, vel sensu habeat.* Si enim antequam consilium petit, aliquam animo agglutinatam opinionem habeat, vix unquam ullo Fratrum consilio, quamvis salubri, ab ea deducetur.

XX. Post expensa Fratrum consilia, *quod utilius judicaverit*, ait Benedictus, *faciat Abbas.*

Hæc manifestè supponunt, ex præscripto Regulæ Benedictinæ non competere Monachis in rebus tractandis, nisi solum votum *consultivum*; ultimam verò decisionem pendere à *solo Abbate*: adeoque regimen Abbatibus, ut supra monuimus, à S. Benedicto fuisse institutum *monarchicum*.

Quod ulterius in verbis sequentibus inculcat, dicens: "Sic autem dent Fratres *consilium* cum omni humilitatis subiectione, ut non præsumant procaciter defendere, quod eis visum fuerit; sed magis in Abbatibus pendear *arbitrio*, ut quod salubrius *judicaverit*, ei cuncti obediant."

*Tom. I.*

XXI. Ne tamen Abbas hac sua auctoritate abutatur, & subditis graviora, quam professio eorum exigit, imponat, addit: "In omnibus igitur *omnes* magistrum sequantur *Regulam*, neque temere ab ea declinetur à quoquam."

Et ne quis ambigat, num sub hac generali expressione comprehendatur ipse Abbas, mox subjungit: "Ipse tamen Abbas cum timore Dei, & observatione *Regulæ* omnia faciat, sciens, se procul dubio de omnibus judiciis suis æquissimo judici Deo rationem redditurum."

XXII. Totius Congregationis *consilium* expeti vult S. Benedictus; si *præcipua* agenda sint in Monasterio; hoc est, in causis *gravioribus*: "Si quæ verò, ait, *minora* agenda sunt in Monasterii utilitatibus, *Seniorum* tantum utatur consilio, sicut scriptum est: *Omnia fac cum consilio, & post factum te non panitebit.* Ecclesiastici c. 32. v. 24."

XXIII. Qui hic per *Seniores* intelligantur, non determinat Benedictus. Cardinalis à Turrecremata *Tract. 15. incap. 3. Regulæ*, ait: "Senior hoc loco non semper videtur notare senectutem ætatis, aut prioritatem conversionis: quia quandoque in multis hujusmodi nec abundat consilii maturitas, nec rerum experientia. Sed Seniores credimus hic prudentiores & magis expertos, appellandos, secundum illud *Tobia c. 4. v. 19. Consilium à Sapiente require.*" Verum quia invidiosum sæpe est, relictis professione senioribus, designare alios tanquam prudentiores, & magis discretos; hinc apud quosdam in usu est, consulere seniores secundum *Ordinem* professionis.

In aliis nonnullis Ordinibus eliguntur *Assistentes*, aut *Discreti*; quorum *consilio* vel *assensu* Superiores omnia agant; de quorum electione & auctoritate singulorum Ordinum Constitutiones consulendæ & sequendæ sunt.

XXIV. Illud insuper ex omnium penè Ordinum & Congregationum Constitutionibus, etiam eorum, qui sub *Regula Benedictina* militant, intelligi potest, hodie ob depravatos hominum mores, ac naturæ humanæ corruptionem, & quia (ut ait Afcianus Tamburinus loco citato *questo 2. num. 2. & 3.*) non omnes, qui regunt, esse possunt Augustini aut Benedicti, nec subditi Possidii, factum esse, ut Religiones loco *Monarchiæ* absolutæ, cum ea simul *Aristocratiam* amplexatæ sint: imò ferè omnes Religiones tam *Mendicantium*, quam non *Mendicantium*, regimen *Aristocraticum* elegerunt, relictò *Monarchico*, ait Tamburinus; qui ibidem relatis variorum Ordinum Constitutionibus ostendit, eorum regimen esse *Aristocraticum*.

XXV. Atque inter alia recitat ex Joanne Trithemio aliqua, quæ Abbas non tantum sine consilio, sed nec sine *consensu* Monachorum exequi potest: ut sunt v. g. "Res Monasterii immobiles, agros, prata, & alia hujusmodi vendere. Secundò dicit, quod non potest recipere ad professionem Monachum sine *consensu* Conventus. Tertiò, quod non potest Monasterium gravare pignoribus, & aliis cautionibus, magnam summam recipiens pecuniarum super bona Monasterii, absque evidenti necessitate, & Fratrum suorum *consensu*. Quartò, quod non licet Abbati dimittere Monachum ad aliud Monasterium ejusdem Ordinis, sine prædicto *consensu*. Quintò, non potest aliqua Statuta ipsis imponere, quæ se ultra Regulam extendant, nisi *consentiant* Monachi. Sextò, non potest aliquem ad *Confraternitatem* spirituales totius Monasterii accipere, nisi concurrant Monachi subditi. Septimò, non potest præbendarios perpetuos recipere ad Monasterium, sine *voluntate* Conventus. Deinde subdit hæc verba: Sunt & alii casus, in quibus, si non est semper necessarium, est tamen honestum, ut sine Fratrum suorum assensu Abbas, eorum nihil attentet. In disciplina autem conservanda potest Abbas, sine ipsorum consensu, vel voluntate, si

R r

" tamen

„ tamen expedit, limites Regulæ non omittens, agere, „ prout sibi melius visum fuerit expedire.

Quæ hic asserit Trithemius sine consensu Monachorum à solo Abbate expediti non posse; etiam hodie in plerisque Religionibus cum consensu totius Congregationis expediti consueverunt.

XXVI. Inter ea, quæ per Abbatem de consensu Congregationis expedienda sunt, ex Ascanio Tamburino notata refertur receptio & admissio Novitii ad professionem.

Verùm si inspiciantur sola verba Regulæ Benedictinæ, videtur quoddam admissio ad professionem soli Abbati competat de consilio Congregationis: quod & supponere videtur Josephus Meige in Commentario ad hanc Regulam; unâ tamen asserens, quod jus commune hac in parte Regulæ Benedictinæ derogaverit; & auctoritatem Abbatis restrinxerit: ita ut hodie non tantum consilium, sed & consensum Congregationis habere debeat; atque non tantum ex constitutionibus totius Ordinis, prout existimasse videtur Trithemius, & post eum Ascanius Tamburinus; sed etiam ex jure communi receptio & admissio Novitii ad professionem esset una ex causis gravioribus, quæ sine consensu Congregationis per solum Abbatem absolvi non possent: quâ in re Ordinum & Monasteriorum constitutiones, & continuata praxis maximè sunt attendenda.

Contingere enim potest, ut alicujus Congregationis, aut Provinciæ Monasteria pressius, & constantius Regulæ Benedictinæ adhæserint; atque conformiter ad Regulam Abbatibus hac in re pristina auctoritas fuerit conservata.

Quidquid sit de hac Abbatum auctoritate, hoc certum est, quod Abbas tanquam Pater suorum Monachorum, non nisi summâ cum prudentia hac suâ auctoritate, in admittendis Novitiis ad professionem sine consensu sui capituli, uti debeat: quandoquidem similis admissio ad professionem vix fieri queat, sine charitatis & unionis inter fratres detrimento; ac notanter si ex parte Abbatis carnalem aliquem erga Novitium affectum in hac ad professionem admissione concurrere circumstantiæ ostendant.

XXVII. Quia tamen ex sua institutione Abbatum regimen est monarchicum, nec nisi consilium etiam in rebus arduis expetere debet ex præscripto Regulæ, dicendum, quod consensus Capituli sive Congregationis ad validitatem actus non exigatur, nisi in casibus à jure vel Constitutionibus Ordinis specialiter expressis; quemadmodum Episcopus consensum sui Capituli habere non debet, nisi in casibus à jure designatis; uti supra titulo 8. cap. 4. num. 5. notavimus.

XXVIII. Illud insuper notandum, quod dum consensus Congregationis requiritur, non omnium de Congregatione requiratur; sed ordinariè sufficiat major pars totius Congregationis; aut etiam interdum sufficiat præsertim in electionibus, major pars comparata ad alias partes, quæ alios elegerunt, nisi aliquo statuto aliud fuerit expressum.

XXIX. Denique licet Abbas aliæve Superior in casibus, in quibus tantum debet requirere consilium, non teneatur consilium datum sequi; tamen actus esset nihilominus nullus, si à Capitulo aut Congregatione debitè convocata consilium non expetisset; uti docent communiter Canonistæ, quos citat Ascanius Tamburinus loco citato quasito 8. num. 1.

## CAPUT V.

De Cura temporalium Abbatibus incumbente; & Officialibus ab ipsis constituendis.

1. Cura temporalium primariè Superioribus Monasteriorum incumbit.

2. Superior dispensare debet sine acceptione personarum in usus Communitatis.
3. Superiores tantum sunt Dispensatores, & finem à Fundatoribus præfixum attendere debent.
4. Monitum Synodi Cameracensis.
5. Quibus debeantur bona Monasterii, quæ necessitatibus Religiosorum supersunt.
6. Prælati utentes rebus Monasterii ut propriis, censendi sunt proprietarii.
7. Alienatio rerum Monasterii soli Abbati vetita, etiam si sint annexa mensuræ Abbatiali.
8. Superiores tenentur reddere computum suæ administrationis.
9. An Episcopus interveniat computui?
10. Superiores ita circa temporalia versentur, ut spiritualia non negligant.
11. Superiores temporalibus curandis deputant Officiales.
12. Præcipuus inter hos Cellerarius, sive Procurator; & qualis eligendus?
13. Cavendum ne Procurator ita circa temporalia versetur, ut exercitia spiritualia omittat.
14. Periculosum est in Procuratorem constitui, qui in virtute non est multum exercitatus; & quare?
15. Convenit, ut negotia Monasterii multum distrabantur committantur secularibus.
16. Officiales in administratione temporalium dependent à Superiore Monasterii.
17. Potest Abbas eorum auctoritatem restringere vel ampliare.
18. Cavenda in administratione temporalium species avaritiæ.

I. PRÆCIPUAM rerum temporalium inspectionem & superintendentiam esse penes Abbates aliosque Monasteriorum primarios Præfectos, eosque esse præcipuos rerum illarum dispensatores, tam ex Sacris Canonibus, quam Regulis Monasticis constat.

„ Universa (ait Gelasius Papa in can. NULLAM caus. 18. q. 2.) „ quæ vel ad Divini cultus reverentiam, „ vel ad utilitatem Monasterii pertinent, Abbatis solitudo, ad quem potestas tota pertinere convenit, „ debeat adimplere.

Regula Benedictina pluribus locis, ac signanter cap. 2. 32. 33. 54. & 57. hanc in dispensandis rebus temporalibus auctoritatem in Abbate manifestè supponit, quam Regula S. Augustini non obscurè expressit, ubi ait: „ Non dicatis vos aliquid habere proprium, sed „ sint vobis omnia communia; & distribuatur unicuique vestrum à Præposito vestro.

„ Circa hæc Abbatum aliorumque Superiorum dispensandi ac regendi res temporales potestatem plura observanda sunt.

II. Imprimis Superiores in rebus communibus dispensandis tenere debent normam sibi in Actis Apostolicis his verbis præformatam: c. 2. & c. 4. Dividebatur autem singulis prout cuius opus erat: hoc est, ut sine personarum acceptione singulis Religiosis distribuatur prout cuique opus erit; de qua dispensandi normâ egimus tit. 29. cap. 5. & 7. atque insuper in hac dispensatione eam tenere moderationem, ut ea, quæ Religiosis ad necessitatem dantur, limites paupertatis Religiosæ non excedant; uti eodem titulo cap. 8. ostendimus.

III. Cum verò rerum proventuumque Monasterii sola dispensatio Abbatibus concedita sit, non autem eorum ipsis data sit proprietas, tenentur ipsi Abbates se tanquam fideles dispensatores & administratores, nequaquam verò ut proprietarios aut rerum dominos exhibere; ac per consequens in rebus illis dispensandis semper præfixum habere finem, quem ipsi Fundatores, qui hanc eis dispensationem crediderunt, intenderunt.

IV. De hoc puncto seriò monet Abbates & Abbatissas Synodus P.I. Cameracensis, titulo De Monasteriis cap. 16. „ Cæterum monet S. Synodus, Abbates, Abbatissas, & alios Monasteriorum Præfectos, & Præfectas,

tas, ut sui meminere officii, seque non esse dominos bonorum Monasterii, imo ne fructuum quidem; sed tantum dispensatores & administratores: neque se pro libitu dispensare posse, sed secundum intentionem Ecclesie & piorum Fundatorum. Proinde valde reprehensibile esse eorum factum, qui ex bonis, vel etiam fructibus Monasterii sui ditant propinquos, vel amicos suos. Itemque eorum, qui superfluum & nimis fastuosum habent famulitium & comitatum, nimium equorum numerum, quique nimium splendide & sumptuose ædificant, præsertim ædificia non sacra.

V. Hoc Decretum innovans ejusdem Provinciae Cameracensis Synodus Diocæsana Audomarensis sub Joanne Six anno 1585, addit: "Id quod necessariis usibus, superfluit, debetur Pastoribus, quibus tenuius quam oportet provisum est, debetur alendis pauperibus, ædificandis Dei templis, augenda ornamendaque Christianæ Reipublicæ, & similibus finibus.

Deinde monet Prælatos, ut meminerint, nec se à voto paupertatis absolutos: sed bonorum communium duntaxat dispensatores esse.

VI. Et revera si Prælati bona Monasterii non tantum non fideliter dispensent, sed tanquam propriis in quolibet usus pro arbitrio suo utantur, & de his disponant; non tantum injustitiam, quemadmodum alii rerum temporalium dispensatores, sed proprietatis & voti infractionis rei reputabuntur coram Deo; uti apposite jam pridem notavit Petrus à S. Audomaro vulgo Wallon-Capelle, l. 2. *Instit. Monast. cap. 9.* "Quoad dispensationem rerum temporalium ipsis (Prælati) commissam, inquit, iis casibus quibus contingit dispensationem dominorum temporalium furtum in sua dispensatione committere opere vel voluntate, peccatum proprietatis incurrunt. Proprietarii igitur sunt, infert dictus Auctor, imo fures & sacrilegi, non minus quam Judas Mulos Christi expilans, quoties sacculatibus Christi & Ecclesie utuntur, vel possident tanquam proprias: quod maxime cavebat S. Augustinus, ipso teste: Cum datur mihi vestis pretiosa, ait, vendo eam, ut quia vestis non potest esse communis, pretium communcetur. Maxime vero proprietarii sunt, pergit Auctor, "quando iis abutuntur in statuendis sibi magnificis monumentis, aut celebribus exequiis, vel anniversariis sibi præfigendis, magnis Ecclesie sumptibus, in erigendis superbis ædificiis, eisque decorandis tapetibus variisque picturis, in luxu, in exquisitioribus cibis & vinis prenotis, mensæ superfluo apparatu, in vasis argenteis & aureis, in ludis, in alenda multitudine famulorum, canum, equorum, &c.

Non immerito ergo notavit Joannes Hesselius in *De calogum cap. 147.* Præfectis Monasteriorum speciale periculum imminere peccandi vitio proprietatis, propter temporalium dispensationem eis creditam.

VII. Adhæc, quia sola administratio & dispensatio Abbati credita est; idcirco adinstar aliorum administratorum nullam habet auctoritatem bona immobilia, aut etiam pretiosiores res mobiles sine consensu Conventus alienandi; quod & locum habere quoad bona mensæ Abbati specialiter addicta, iis in Monasteriis, in quibus bona inter Conventum & Abbatem sunt divisa, notat Renatus Choppinus l. 2. *Monasticon tit. 2. num. 16.* refertque sæpius in judicio contradictorio ita fuisse declaratum.

VIII. Sicuti administratores & Curatores rerum alienarum tenentur suæ administrationis & curatellæ reddere rationes sive computum, ita "in multis Ordinibus (uti observat Zypæus *consult. 6. De Regular.*) Regula, Constitutiones aut mores habent, ut Abbates & Abbatisse quotannis coram Conventu computum faciant,

IX. Insuper decrevit Gregorius XV. in Constitutione quæ incipit, *Inscrutabili* 18, in Bull. Rom. "Sed & Tom. I.

administrantes bona ad eadem Monasteria Sanctimonialium, ut præfertur, etiam Regularibus subiectarum, pertinentia, sive Regulares extiterint, sive seculares quomodolibet exempti, Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas, reddere teneantur, ad idque juris remediis cogi, & compelli queant.

Sed (uti monet Zypæus, citata Consultatione) ea Bulla nondum hic omnino recepta est: Et Abbas S. Vedasti contra Episcopum Atrebatensem Concilii Mechliniensis judicio obtinuit, ne illam ibi via regia possit exequi.

Neque hactenus in Belgio usu obtinere videmus, ut Episcopi computibus Monasteriorum exemptorum interveniant; at illorum, quæ sub Episcopi directione & auctoritate consistunt, Episcopus per se, aut per suum Commissarium, idque frequentius intervenire solet.

X. Abbatibus aliisque Monasteriorum Superioribus administrationem habentibus, serio expendendum illud S. Benedicti monitum *cap. 2. Regula n. 7.*: "Ante omnia ne dissimulans aut parvipendens salutem animarum sibi commissarum, non plus gerat sollicitudinem de rebus transitoriis, terrenis atque caducis; sed semper cogitet, quia animas suscepit regendas, de quibus rationem redditurus est. Et ne causetur de minori forte substantia, meminerit scriptum: *Matt. c. 6. & Luc. c. 12. "Primum quaerite Regnum Dei, & justitiam ejus, & hæc omnia adjicientur vobis.*" Et iterum: "Nihil deest timentibus eum. *Pl. 33. v. 10.*" Sciatque, quia qui suscepit animas regendas, præparat se ad rationem reddendam.

XI. Ne autem Abbates & Superiores, quibus cura spiritualis Monasterii incumbit, nimium se debeant temporalibus negotiis immergere, passim in Regulis, Constitutionibus Monasticis, & Synodorum Decretis cautum fuit, & moribus comprobatum, ut rebus temporalibus administrandis & curandis aliqui inferiores Officiales à Superioribus deputentur.

XII. Inter hos præcipuus reputatur, qui in Regula Benedictina *cap. 31.* dicitur *Cellarius*, vel uti alii legunt, *Cellarius*, atque idem est, qui hodie in quibusdam Monasteriis *Oeconomus*, *Provisor* vel *Procurator* appellatur.

Qualis esse debeat Cellarius dicit S. Benedictus: Eligatur, ait, de Congregatione sapiens, maturus moribus, sobrius, non multum edax, non elatus, non turbulentus, non injuriosus, non tardus, non prodigus, sed timens Deum, qui omni Congregationi sit sicut Pater. Curam gerat de omnibus: sine jussione Abbatis nihil faciat. Quæ jubentur custodiat; fratres non contristet. Si quis frater ab eo forte aliqua irrationabiliter postulat, non spernendo eum contristet, sed rationabiliter cum humilitate male petenti deneget. Animam suam custodiat, memor semper illius Apostolici: *quia qui bene ministraverit, gratum bonum sibi acquirit.* 1. Tim. c. 3. v. 13.

XIII. Ad hæc verba: *animam suam custodiat*, addunt Patres Congregationis Cassinensis *num. 2.* "Cellarii non sic se immergant temporalibus, quin vacent spiritualibus, sed sic transeant per bona temporalia, ut non amittant æterna.

Eundem in finem monent Bursfeldenses, *Dist. 2. c. 5.* Cellarius quamvis exemplo Martine circa multa sollicitari & turbari necesse habeat, non tamen se prorsus à Conventualibus alienare, aut silentium & quietem cellæ penitus abjicere & abhorre; sed potius quantum sinit opportunitas, necessariis expeditis, ad opus Dei & Conventum, sed & ad cellam, tanquam ad quietissimum & tutissimum portus sinum recurat, ut legendo, orando, meditando turbulenta animi sui motus ex cura & dispositione exterioris surgentes, sedare possit, & spiritualibus consolationibus refrigerari.



Eadem iisdemque pene verbis habent Constitutiones Canoniarum Regularium Capituli Windesheimensis parte 2. cap. 38. & Constitutiones Eremitarum S. Augustini parte 3. cap. 17.

Canonici quoque Præmonstratenses in ultimis suis Constitutionibus monent Abbates, ne Oeconomum seu Proviforem alium constituent quam Sacerdotem, nisi gravis premat necessitas, adducta hac ratione: *Quia in ruinam agitur, qui nondum in virtute benedictus, suæ libertati relinquitur.*

XIV. Ante omnia ergo in electione eorum, qui administrandis temporalibus præficiuntur à Superioribus attendendum, ut præficiendi in omni virtutum genere in tantum sint exercitati, & in charitate adeo fundati & radicati, ut merito confidere liceat, quod interiorum curam per exteriorum occupationem non minuent, atque exteriorum providentiam, interiorum sollicitudine sedulo curabunt: qui, ut de Gerardo ait S. Bernardus, non petulant (ut assolet) in eo officio detineantur affectu, sed solo intuitu charitatis; qui quantum in ipsis est, semper optent quietem, sibi intendere, Deo vacare, nec implicitos tenent, nisi timor Dei, voluntas Fratrum, ac studium obediendi. Nisi enim solitudine piisque Religionis exercitiis, quibus anima pascitur, & mens à terrenis ad cælestia revocatur, multum afficiantur; magnopere verendum, ne sensim, illis neglectis, rerum terrenarum curis implicentur: atque ita paulatim gustum rerum spiritualium amittentes, tandem sub habitu Religionis cor seculare inveniant. Quod vel eo magis in Officialibus metuendum, quia ipsis, ob varia quæ in temporalium administratione occurrere solent negotia, major præ reliquis Fratribus concedi debet absentiandi ab ordinariis Religionis exercitiis libertas: per consequens nisi tantum in Religione profecerint, ut non timore ad ea pietatis exercitia adigendi sint, sed spiritu charitatis ad illa agantur; non parum timendum, ne libertate illa abutantur.

XV. Porro ne Procurator Monasterii nimium distrahatur, ac vagandi nimiam occasionem habeat, provide decernitur, in Constitutionibus Eremitarum S. Augustini loco citato: "Potest etiam in principalioribus Conventibus Procurator secularis constitui pro illis negotiis, quæ per laicum tractari poterunt, ad evitandos nimios discursus Procuratoris Religiosi, & ne etiam habitus nostræ sacræ Religionis in locis indecentibus quandoque compareat. Optandum sane, ut id in omnibus Monasteriis præferat Abbati, in quibus negotia sæpius in iudiciis, & foris agenda occurrunt, observaretur.

XVI. His Officialibus concedita administratio non impedit, quin penes Abbatem & Superiores remaneat primaria ipsa cura; atque ipsi Officiales in hac administratione ab ipsis debeant.

De Cellerario ait S. Benedictus: *Sine iussione Abbatis nihil faciat. Item: Omnia mensurate faciat, & secundum iussione Abbatis.*

XVII. Quin non obscurum est, quod ex præscripto Regulæ Benedictinæ liceat Abbati Cellerarii potestatem ampliare aut restringere; plura aut pauciora ei committere; ait enim: "Omnia quæ ei injunxerit Abbas, ipse habeat sub cura sua: à quibus cum prohibuerit, non præsumat.

XVIII. Dicit insuper S. Benedictus cap. 57. Regulæ, ut si quid ex operibus artificum Monasterii aliquid vendendum sit, illi, quibus cura vendendi facta est, videant, ne in ipsis pretiis subrepat avaritiæ malum; sed semper aliquantulum vilis detur, quam ab aliis secularibus datur, ut in omnibus glorificetur Deus.

Indubie monitum hoc S. Benedicti à Superioribus & Officialibus Monasteriorum merito attendendum; ut hoc pacto in administratione rerum temporalium omnem avaritiæ speciem apud homines seculares evadant.

## CAPUT VI.

De usu Pontificalium Abbatibus indulto.

1. Pontificalium usus quo tempore ab Abbatibus postulari, vel impetrari caperit?
2. Querela Sancti Bernardi de Abbatibus qui multo pretio sibi Pontificalia impetrarunt.
3. Usus Pontificalium in Ordine Præmonstratensi & Congregatione Bursfeldensi olim prohibitus.
4. Usus Pontificalium competit Abbatibus jure privilegiario.
5. Quæ singulis competant, ex tenore privilegiorum judicandum.
6. Usus Baculi ante alia Pontificalia Abbatibus competit; & quare?
7. Quid Sudarium baculo appensum indicet; & qui illud appensum habeant?
8. Pontificalibus non contenti etiam Benedictionem solemnem impartendi auctoritatem impetrarunt.
9. Solemniter benedicendi auctoritas olim Pontificalium usui non erat annexa.
10. Inter Pontificalia hodie reponitur collatio Ordinum, quamvis ea usui Pontificalium non sit annexa.
11. Potestas conferendi Tonsuræ & Lectoratum Abbatibus asseritur Canone Synodi Nicænæ II.
12. Synodus Nicæna nullam mentionem fecit specialis & sollemnis Benedictionis Abbatialis.
13. Tempore hujus Synodi nondum nota erat sollemnis hodierna Abbatum Benedictio, nec distinctio inter Abbates & Priores Conventuales.
14. Gratianus Canonem referens, Benedictionis Abbatialis mentionem addit.
15. Canon ex Gratiano in Decretis relatus, pro jure communi receptus est.
16. Hinc invaluit, Monasterii Præfectum non posse Tonsuram & Ordines conferre, nisi sit Abbas solemniter benedictus.
17. Error Gratiani mutationi disciplinæ occasionem dedit.
18. Synodus VII. non permittebat Monasteriorum Præfectis Ordinem conferre, nisi solis Monachis sibi subiectis.
19. Abbates potestatem suam paulatim extenderunt.
20. Decretum Synodi Tridentinæ potestatem Abbatum restringens.
21. Juxta hoc Decretum Abbas non potest Tonsuram Monachis alterius Monasterii conferre etiam de consensu Abbatis, nec secularibus habentibus Dimissoriales sui Episcopi.
22. Abbates jurisdictionem quasi Episcopalem habentes, sive nullius Diocesis, comprehenduntur Decreto Concilii Tridentini.
23. Qui censeantur Abbates nullius Diocesis?
24. Simplex exemptio Monasterii non facit illud esse nullius Diocesis.
25. Abbates non possunt citra speciale privilegium solemniter benedicere populo, nisi in Ecclesiis sibi pleno jure subiectis.
26. Neque alia Pontificalia extra dictas Ecclesias exercere.
27. Præfente Episcopo, Abbas solemniter benedicere non potest; & quare?
28. Abbates in Synodis cum Episcopis comparentes quibus mitris uti possint?
29. Usus Pontificalium in Abbatibus metiendus ex tenore privilegii.
30. Abbates Pontificalibus cum humilitate uti debent.

I. INCERTUM est quo tempore ornamenta Pontificalia ex privilegio Romani Pontificis fuerint

rim Abbatibus indulta; sat constat, ante seculum septimum, aut octavum nullum huiusmodi privilegium per Romanos Pontifices fuisse Abbatibus concessum; sed demum seculo nono, aut decimo similia privilegia per Romanos Pontifices cepisse concedi: postquam scilicet auctoritate falsarum decretalium sibi plenitudinem potestatis asseruerunt; atque ea potestate prætulerunt, se posse aliis communicare, quæ Episcopis erant propria.

Quin & credit Christianus Lupus, inter Pontifices primum fuisse Joannem XVIII. (a) qui dederit Abbatibus usum Pontificalium sub initium seculi XI.

Hoc præterea notandum est, quod primitus non omnia, sed quæ minora reputabantur, duntaxat Abbatibus fuerint indulta; puta sandaliorum, Dalmaticæ & Chirothecarum usus; uti observavit vir eruditus Joannes Mabillonius in præfatione ad primam partem seculi VI. Benedictinorum num. 54. ibidem inter alia observans, quod Leo IX. qui sedit sub medium seculi XI. indulserit Richerio Abbati Cassinensi, ad exemplar suorum prædecessorum, usum sandaliorum, Dalmaticæ, nec non Chirothecarum.

Insuper notat quod idem Pontifex eundem usum Pontificalium tribuerit Warmino Abbati sancti Arnulphi, exceptis (ait) Chirothecis.

Hæc ostendunt, primitus in concedendo Pontificalium usu Pontifices admodum fuisse moderatos atque Leonem IX. existimasse usum Chirothecarum quid amplius, quam sandaliorum, aut Dalmaticæ.

Hoc sat constat inter ornamenta illa externa Pontificalia semper enituisse usum mitræ, quem Abbatibus serius communicatum fuisse credit Mabillonius; primumque fuisse Egellinum Abbatem sancti Augustini, prope Cantuariam, cui Alexander II. usum mitræ indulgit; ob ipsius (ait) Romanorum alumni & Anglorum Apostoli dignitatem.

II. Seculo XII. nonnullos Abbates ex privilegio sedis Apostolicæ usos fuisse mitræ, annulo atque sandaliis, testatur S. Bernardus tract. de Mor. & Off. Episc. c. 9. simul asserit hoc privilegium à ditioribus Abbatibus vel Monasteriis in Curia Romana fuisse impetratum; quandoquidem ipse Bernardus aperte redarguat Abbates, quod similes prærogativas non tantum labore, sed & pretio sibi comparent. Postquam enim graviter reprehendisset Abbates, qui sub obreptu libertatis privilegia emancipationis, sive exemptionis à jurisdictione Episcoporum in Curia Romana, non sine multo labore & pretio impetrabant; tandem verum & genuinum in hisce impetrandis Monachorum scopum esse ambitionem & superbiam sat exinde lucere scribit: " Multo (ait) labore, & pretio Apostolicis, licis adeptis privilegiis per ipsa vindicant insignia Pontificalia, utentes & ipsi more Pontificum mitræ, annulo, atque sandaliis.

" Sane si attenditur (pergit Bernardus) rerum dignitas, hanc Monachi abhorret professio, si ministerium, solis liquet congruere Pontificibus; profecto esse desiderant, quod videri gestiunt, meritoque nequeunt esse subiecti, quibus jam ipso se comparant desiderio. Quid si & nomen eis conferre privilegiorum posset auctoritas, quanto putas auro redimerent, ut appellarentur Pontifices. Quo ista, o Monachi! ubi timor mentis, ubi rubor frontis? quis unquam probatorum Monachorum tale aliquid aut verbo docuit, aut reliquit exemplo. Hæc Bernardus de Abbatibus sui temporis.

Illud habetur ex verbis sancti Bernardi, quod suo tempore Abbates non tantum multo labore, sed & pretio usum insignium Pontificalium, obtinerent; quod & de sui temporis Abbatibus testatur Thomas Cantipratanus lib. 1. de Apibus cap. 6. ubi de infulis

(a) Alii asserunt fuisse Joannem vigesimum; constat à Joanne XV. usque ad Joannem XX. feriem Pontificum huiusce nominis esse valde obscuram. Quare non patet quis fuerit ille Joannes?

loquens ait: " Secundum statuta Ecclesiæ fere, solis Episcopis uti licet: abusive tamen quidam Abbates de novo in magna pecuniæ mole vis utuntur.

III. Quid de mitræ, annulo & sandaliis olim cogitatum fuerit in Ordine Præmonstratensi, declarat statutum, quod ineunte XIII. seculo Concilia hujus Ordinis Generalia confecerunt. In eo Decreto Abbatibus Præmonstratensibus prohibitus fuit usus Pontificalium ornamentorum: nedum illud sedi Apostolicæ displicuerit, imo laudatum probatumque est in litteris, quas Innocentius III. ad Ordinem Præmonstratensem direxit; in iis habemus Innocentium III. usum hunc Pontificalium in Abbatibus existimasse contrarium humilitati religiosæ, & incentivum esse superbix, & ambitionis, ideo & statutum, quo is usus inhibetur, in favorem esse Religionis; utpote ad subtrahendam dissolutionis materiam conveniens, ac præterea merito Apostolico communiendum præsidio. Verba ejus sunt: " Quæ in favorem Religionis ad subtrahendam dissolutionis materiam sunt provide instituta, firma debent, & illibata servari, & ne infringi valeant, Apostolico præsidio communiri. Significasti siquidem nobis, quod communi consilio Abbatum vestri Ordinis statueritis, quod nullus Abbatum vestrorum mitræ vel chirothecis utatur; ne forsitan ex ipsis supercilium elationis assumat, aut sibi videatur sublimis, cum his uti se viderit, quæ Pontificibus, & majoribus Ecclesiæ Prælati à Sede Apostolica sunt concessa. Nos igitur institutionem ipsam sicut à vobis provide facta est & recepta, auctoritate Apostolica confirmamus, & præsentis scripti pagina communitimus, statuentes, ut si quæ forsitan Ecclesiæ laxioris Ordinis vestram voluerit regulam profiteri, huiusmodi Pontificalibus, etiam si ea prius habuerit, ulterius non utatur, imo potius humilitatem servet, & in ea statuta vestri Ordinis imitetur.

Similiter Abbates Congregationis Bursfeldensis non ablimilem de hoc usu Pontificalium ideam habuisse verba constitutionis probant: " Nemo (inquiunt c. 28.) ex Abbatibus nostris etiam Apostolico suffultus privilegio, mitræ, & cæteris huiusmodi insignibus, & apertis Pontificalibus uti præsumat: hæc enim licet interdum simplici animo rationabiliter fieri possint, tamen à lippientibus & ad judicandum pronis curiosis vanitati magis, quam religiosæ simplicitati deputari solent.

Insuper ex supra relatis verbis Innocentii III. constat, usum Pontificalium in Ordine Præmonstratensi tunc temporis assumptum fuisse in quibusdam monasteriis relaxatæ disciplinæ; rejectum vero fuisse in Monasteriis reformatis; ut proinde mirum non sit, quod labentibus seculis relaxata in plerisque Monasteriis regulari prorsus disciplina, usus Pontificalium assumptus fuerit & toleratus. (a)

Et sane legimus jam pridem nonnullos Abbates hunc Pontificalium usum modestiæ causa & ad suorum reprimendam superbiam, etiam ultro oblatum vel indultum, recusasse.

Refert Mabillonius in præfatione ad primam partem seculi VI. Benedictinorum, Leonem IX. sandaliorum usum obtulisse Gervino Abbati Certulensi; sed ille (ait) ut insigniter modestus erat, hæc ornamenta recusavit.

Refert & post Baronium Christianus Lupus, Urbanum II. sub finem seculi XI. Beneventano Petro Abbati Monasterii Cavenfis concessisse usum mitræ: At ille uti noluit ad reprimendam superbiam aliorum Abbatum.

IV. Constat tamen Pontificalium usum successu

(a) Epistola Innocentii numeratur 197. in lib. 1. Epistolarum hujus Pontificis. Constitutiones autem Congregationis Bursfeldensis citavit Renatus Choppin l. 1. Monast. tit. 2. n. 18. Sed plura dedit Tamburinus, l. 1. de Jure Abbatum, disp. 20. quæst. 1.

tem-

temporis, ac præcipue ſeculo XV. & ſequenti omnium pene Congregationum Abbatibus ſenſim fuiſſe indultum; ut reſatis ſingularum Congregationum ſpecialibus privilegiis oſtendit Aſcanius Tamburinus l. 1. de *Jure Abb. diſp.* 20. q. 1.

Ad hæc certum eſt (uti etiam notat Tamburinus ibidem diſp. 21. quæſt. 1.) Pontificalium inſignium exercitium & uſum Abbatibus ex jure *privilegiario* competere, non autem *ratione dignitatis*. Unde nullus Abbatum uti poteſt Pontificalibus inſignibus, niſi jus *privilegiarium* oſtendat; quod ſat evidenter expreſſit Pontifex in cap. *Ut Apoſtolice, De Privilegiis* in VI. in verbis: „ Ut Apoſtolice Sedis *benignitas* quæ nonnullis Abbatibus, aliſque Præſatis, quibus non competit ex propria dignitate, conceſſit in Eccleſiarum ſuarum gloriam & honorem, quod mitra & aliis Pontificalibus uti poſſint, provideat, ne inde, &c.

Ad quæ verba reſectens Tamburinus poſt Panormitanum alioſque Canoniſtas, ait: „ Ex quibus plane expreſſe probatur, Abbatibus non ratione *dignitatis*, Pontificalium inſignium uſum & exercitium, ſed jure *privilegiario* competere.

V. „ Unde provenit, ait idem Tamburinus, ut non omnes Abbates eadem habeant inſignia: ſed alii plura, alii vero pauciora juxta *tenorem* privilegiorum, & prout à Sede Apoſtolica eis indultum fuerit, ideo ſi unum quodque privilegium percurramus, quo Pontificalia hæc Monachorum Religionibus conceſſa ſunt, inveniemus aliquibus ſolius *Baculi* uſum, aliis vero majora conceſſa fuiſſe, quæ omnia ex privilegiis colligi poſſunt.

VI. Inter Pontificalia hic enumerat Tamburinus *Baculi* uſum, atque hujus ſolius uſum aliquibus Abbatibus privilegio Sedis Apoſtolice conceſſum.

Verum Benedictus Hæſtenus lib. 3. *Diſquiſitionum Monach. tract.* 5. *Diſquiſit.* 5. poſtquam oſtendit, jam pridem variis nominibus appellatum fuiſſe *Inſigne* quod hodie *Baculum* aut frequentius *Pedum* dicimus, tandem quærit, „ An ex veteri Monachorum conſuetudine Abbatibus reſectus, an ex ſimilitudine & participatione quadam Episcopalis ſolicitudo, auctoritatiſque eis ſit communicatus.

Quidquid ſit de hac quæſtione, hoc ſat conſtat, *Baculum* Paſtorales Abbatibus competiſſe, antequam alia Pontificalia inſignia, ut ſunt *mitra*, *annulus*, *ſandalia* & ſimilia, ipſis fuerint communicata.

Unde S. Bernardus aliique ejus temporis Scriptores, dum loquuntur de inſignibus Pontificalibus, quæ Abbates à Sede Apoſtolica ſolicitabant, nequaquam *Baculum* enumerant; quem quaſi jure *Paſtorali* Abbatibus competere ſupponunt.

Hinc quoque videmus, Abbatibus, imo & Abbatiſſis, nullam aliorum Pontificalium communicationem præter *Baculum* Paſtoralem competere.

Admodum veriſimile eſt, hoc ornamentum primitus fuiſſe *ſimplex Abbatiale*, ſive Paſtorale ornamentum; at ſucceſſu temporis *Pontificalibus* fuiſſe annumeratum.

VII. Hoc addendum, Abbatiali *Baculo* appendi jam pridem ſolitum fuiſſe *ſudarium*; ad differentiam (ait Gavantus in Rubricis Miſſalis parte 1. tit. 9.) *Baculi* Episcopalis. Quod etiam in Actis Eccleſiæ Mediolanenſis exprimitur; ibi enim inter varias de ſuppelleſtile Eccleſiaſtica inſtructiones legitur hæc titulo *De Baculo Paſtorali*: „ Oratio aut ſudario non ornatur, ſi Episcopalis eſt; quo *Inſigni Abbatialis* ab illo *diſtinguitur*. „ Pag. 523. edit. anni 1683.

Notat quoque Hæſtenus, hoc ſudarium ſeu velamen appendi ſolitum in ſignum *ſubjectionis*; quemadmodum mulieri datur velamen ſupra caput, *ſubjectionis* indicium ſub viro: Quare Abbatiſſæ etiam hodie *Baculo* hujusmodi *velamen* appenſum habent; at Abbates *exempti*, uti obſervat Hæſtenus, hoc *ſudarium* prætermittunt. Additque: „ Significat porro hoc *ſudarium* multo labore & ſudore Dominicum gregem paſci.

VIII. Sed nec ornamentis Pontificalibus contenti, ut etiam adiſtar Pontificum *ſolemni* populo *benedictionem* impendere, & Ordines conferre, aliaque Pontificalia ſive Episcopalia exercere poſſent, ſolicitarunt.

IX. Neque enim privilegio utendi ornamentis Pontificalibus primitus annexa erat ipſa *ſolemnis benedictio*, uti ex S. Bernardo maniſeſtum eſt. Ipſe enim adverſus inſulatos Abbates declamans, ait: *Cur non & ſacros Ordines celebratis, & datis benedictiones in populis?* Tanquam abſonum plane ſupponens, quod Abbates darent benedictiones in populis.

X. Inter Pontificalia, quæ Abbatibus competere ſolent, etiam hodie numeratur poteſtas conferendi *Tonſuram Clericalem* & minores Ordines; quamvis ipſe uſus Pontificalium ornamentorum ſecum non trahat hanc poteſtatem, ut notant Doctores ad cap. *Abbatibus de Privilegiis* in VI. & declaravit S. Congregatio apud Fagnanum ad cap. *Quanto* & *De conſuet.* num. 30.

XI. Hanc poteſtatem Abbatibus jam pridem competiſſe compertum eſt ex *Canone* 14. Synodi Nicenæ II. ſive ſeptimæ; in quo dicitur; „ *Lectoris* autem manuum impoſitionem licet in proprio Monasterio etiam ſoli unicuique *Præſecto* facere; ſi ad ejus præfecturam ab Episcopo *manuum impoſitio* fiat ipſi *Præſecto*, qui ſcilicet & ipſe eſt *Presbyter*.

XII. His verbis reſertur hic Canon apud Baſamoneſem & alios Græcos commentatores; è quo non obſcurum eſt, eo tempore omnibus Monasteriorum *Præſectis* licuiſſe *Lectoratum* in ſuo Monasterio conferre, modo manuum impoſitionem ab Episcopo accepiſſent; id eſt, modo *Presbyteri* ab Episcopo eſſent ordinati. Neque enim de alia manuum impoſitione hic agi, & coartatus Canonis ſatis inſinuat, & Baſamoneſem cæterique Græci Commentatores uno conſenſu ſupponunt.

XIII. Et revera tempore hujus Synodi, id eſt, ſeculo VIII. nondum *ſolemnis* illa, quæ poſtmodum una cum Pontificalium uſu invaluit, Abbatum benedictio fiebat, neque diſtinctio Abbates inter & Priores Conventuales alioſve ſimiles Monasteriorum *Præſectos* nota erat: uti ſupra notatum eſt.

XIV. Gratianus hunc Canonem *Diſt.* 69. *Can.* 1. ita reſert: „ *Lectoris* autem manus impoſitione licentia eſt Abbati ſolummodo in proprio Monasterio faciendi, ſi dumtaxat eidem Abbati manus impoſitio, facta noſcatur ab Episcopo, *ſecundum morem præſentium Abbatum*, dum conſtet illum eſſe *Presbyterum*.

Qua lectione non obſcure ſpecialis Abbatum benedictio ab ipſa *Presbyterali* ordinatione diſtincta inſinuat. At omnibus notum eſt, quam parum Gratiano in relatione Canonum ſidendum; quamque frequenter ab ipſo originali Canonum textu recedat. Et quidem ad hunc Canonem monent Correſtores Romani, hæc verba, *ſecundum morem præſentium Abbatum* non eſſe in Græco Canone.

XV. Innocentius III. ſequutus Gratianum & neglecto textu originali ipſius Canonis, reſcribens Archiepiscopo Rothomagenſi, ipſum Canonem eiſdem verbis, quibus apud Gratianum extrabat, reſtulit: quod præſcriptum relatum in Decretales Gregorii IX. in Cap. *Cum contingat* & *De aetate & qualitate præſentium Abbatum*, partem juris communis (a) conſtituit.

XVI. Hinc uno conſenſu conſeſſere Decretalium Interpretes, duo neceſſaria eſſe, ut jure communi Abbas ſit fundatus in collatione *Tonſuræ* & Minorum Ordinum; Ordinem ſcilicet *Presbyteratus*, ac inſuper benedictionem *ſolemni* Abbatialem.

Unde juxta modernam diſciplinam, ſi quis non ſit Abbas *ſolemni* benedictus, *Tonſuram* conferre nequit, niſi ſpeciali & expreſſo privilegio Sedis Apoſtolice ſit munitus.

(a) In Italia, non autem in Galliis, ubi Gratiani Decretum auctoritatem legis non habet.

Quapropter



Quapropter cum quæreretur à Sacra Congregatione Cardinalium, an Generalis Ordinis Sylvestrinorum facultatem haberet conferendi Tonsuram & Minores Ordines, responsum fuit, teste Fagnano, de iure ipsi hanc facultatem non competere: " Nam, ait Fagnanus, ex  
" juris communis dispositione ad hoc ut Abbas suos  
" subditos Ordinibus Minoribus initiare valeat, duo  
" necessariò requiruntur, id est, ut sit *solemniter bene-*  
" *dictus*, & sit Presbyter, ut statutum est in *Can. QUO-*  
" *NIAM* 69. *Dist. 8. Cap. CUM CONTINGAT De etate*  
" *& qualitat. Præficiend.* " Hæc ille ad *Cap. QUANTO* &  
" *De consuetud. num. 20. & 21.*

XVII. Hic obiter nota, quòd error Gratiani mutationi disciplinæ occasionem dederit; ut nimirum facultas dandi Tonsuram & Lectoratum cuilibet Monasterii Præfecto, modò Presbyter esset, ex Decreto Synodi septimæ competens, ad solos Abbates *solemniter benedictos* restricta sit: quod & in nonnullis aliis disciplinæ punctis contigisse, in Commentario ad Canones notatum fuit; ac notanter ad *Can. 6. Calchedonen-*  
*fem.*

XVIII. Hæc autem facultas juxta dictum Canonem Synodi VII. limitata erat ad Monasterium cujuslibet Abbatis; sive quòd cuilibet Abbati in proprio Monasterio tantummodo liceret ea facultate uti.

XIX. At Abbates continuò magis ad Pontificalem auctoritatem dignitatemque aspirantes, hac limitatâ facultate non contenti, ejus extensionem à Sede Apostolica sensim extorserunt; atque imprimis obtinuerunt, ut non tantum in proprio Monasterio suis subditis Tonsuram conferre possent, sed *omnibus*, in quos Ecclesiasticam & quasi Episcopalem jurisdictionem obtinent: obtinent insuper sæpenumero privilegiis, omnibus indifferenter eam impartienti, ut videre est in *Cap. ABBATES De Privilegiis in VI.*

XX. Cùm autem hæc extensio non parùm Episcopale regimen, & Hierarchicum ordinem turbaret, Synodus Tridentina *Sess. 23. cap. 10. De Reform.* primitivam disciplinam renovans, statuit: " Abbatibus ac aliis  
" quibuscumque quantumvis *exemptis*, non liceat im-  
" posterum, intra fines alicujus Diocesis consistenti-  
" bus, etiam si *nullius* Diocesis, vel exempti esse di-  
" cantur, cuiquam, qui Regularis subditus sibi non sit,  
" Tonsuram, vel Minores Ordines conferre: nec ipsi  
" Abbates, & alii exempti aut Collegia vel Capitula  
" quæcumque, etiam Ecclesiarum Cathedralium, litem  
" teras dimissorias aliquibus Clericis secularibus, ut ab  
" aliis ordinentur, concedant, sed horum omnium ordi-  
" natio, servatis omnibus, quæ in hujus sanctæ Synodi  
" Decretis continentur, ad Episcopos, intra quorum  
" Diocesis fines existant, pertineat: non obstantibus  
" quibuscumque privilegiis, præscriptionibus, aut consue-  
" tudinibus etiam immemorabilibus.

XXI. Ortâ difficultate super intellectu hujus Decreti inter Episcopum Cathanientem, & Monachos Ordinis S. Benedicti Congregationis Cassinensis, Sacra Congregatio auditis utrimque rationibus, inhærendo anterioribus ejusdem Congregationis resolutionibus, resolvit die 23. Novembris 1641. " Abbates Regulares *Benedi-*  
" *ctos* ejusdem Congregationis Cassinensis, seu alterius  
" Congregationis vel Ordinis aut Instituti, habentes  
" etiam *jura Episcopalia*, seu quasi Episcopalia, usumque  
" Mitræ, baculi, & benedicendi, ac facultatem primam  
" Tonsuram, & Minores Ordines conferendi,  
" non posse dictam primam Tonsuram, nec alios Ordines  
" Minores, nisi *suis* subditis *Regularibus* conferre,  
" non autem Regularibus alterius Congregationis,  
" Ordinis, vel Instituti, etiam si habeant litem dimissorias  
" suorum Superiorum, & consensum Ordinariorum,  
" intra quorum Diocesim fines ipsi Regulares ordinandi  
" existant; & multò minus personis secularibus,  
" etiam habentibus litem dimissorias à suis Ordinariis.  
" Ac propterea inhibuit Archiepiscopis, Episcopis, & aliis  
" Prælatibus inferioribus, ut in futu-

rum concedere non debeant supradictas litem dimissorias  
" hujusmodi Abbatibus directas, nec ab istis recipi. Quod si  
" secus fiat, tam concedentes, quàm ordinantes à collatione  
" Ordinum suspensi remaneant, præter alias poenas arbitrio  
" ejusdem Congregationis reservatas.

XXII. Hætenus Fagnanus ad *Cap. AQUA* & *De consecrat. Ecclesie* num. 19. referens idipsum rursus anno 1658. à Sacra Congregatione responsum. Atque ita per Synodum Tridentinam derogatum est, citato *Cap. Abbatibus*, in quantum ibidem conceditur Abbatibus, Tonsurare illos omnes etiam *non Regulares*, in quos jurisdictionem Ecclesiasticam & quasi Episcopalem obtinent, ut etiam advertit Fagnanus ad *Cap. CUM INTER VOS* &  
*De sent. & re judicata* num. 6.

XXIII. Abbates Ecclesiasticam & quasi Episcopalem jurisdictionem habentes, sunt illi, qui distinctum habent territorium, sive quasi separatam Diocesim nulli Episcopo subiectam, neque in *nullius* Episcopi Diocesi consistentem; in qua tanquam Ordinarii omnem Episcopalem jurisdictionem exercent; atque Ordinarii in illo territorio reputantur; dicunturque Abbates *nullius* Diocesis, quorum non semel in Synodo Tridentina mentio occurrit; & de quibus latè Fagnanus ad *Cap. CUM CONTINGAT* & *De foro competentis*; ibidem num. 35. monens, quòd quotiescumque Abbates, vel alii inferiores Prælati habent territorium *separatum*, illud dicitur esse *nullius* Diocesis; ita ut nec in Diocesi, nec de Diocesi alterius censeri possit, sed sit proprium territorium, respectu cujus etiam ipsi, *Diocesani* vocantur.

XXIV. Deinde num. 39. notat, simplicem & ordinariam exemptionem non eximere à Diocesi: ideòque esse incompatibilem cum statu *nullius* Diocesis; cùm constituti in hoc statu non agnoscant ullum Diocesenum Episcopum, in cujus Diocesi consistent, & à cujus jurisdictione sint exempti; sed habeant ipsi propriam quasi Diocesim, sive territorium extra omnem Episcopi Diocesim constitutum; in quo ipsi ordinariam jurisdictionem exercent, & quasi Ordinarii reputantur; adeò ut etiam de causis matrimonialibus & criminalibus cognoscere queant, non obstante Decreto Concilii Tridentini *Sess. 24. cap. 20. De Reform.* uti latè probat Fagnanus ad *Cap. ACCIDENTIBUS* & *De Excessibus Prælat.*

XXV. Cùm verò Abbates passim usum Pontificalium ornamentorum, atque una ipsa munia Episcopalia obtinendi auctoritatem, obtentu privilegiorum sibi arrogarent; ac eisdem cum vilipendio & imminutione dignitatis & auctoritatis Episcopalis uterentur, Alexander IV. in *Cap. 3. De Privilegiis in VI.* declaravit, quòd " Abbates, quos Sedes Apostolica in exhibitione *ben-*  
" *edictionis* super populum speciali privilegio insigni-  
" vit, in Ecclesiis, quæ ad eos pertinent, *pleno jure*,  
" quando in eis Divina Officia celebrant, possint post  
" Missarum solemnias, & vespertinas ac matutinas Lau-  
" des benedictionem *solemnem* super populum largiri.  
" Alibi autem *publicè*, aut per vias, civitates, castra  
" & villas, populis & plebibus *benedictionem* facere vel  
" impartiri non valeant: nisi hoc eis *expresso* Apostolico  
" privilegio sit concessum.

Hinc colligunt Canonistæ, Abbates, quibus *simpli-*  
" *citer* privilegium impartendi *solemnem* benedictionem  
" datum est, quantumcumque etiam generaliter loquatur  
" privilegium, illam non posse extra Ecclesias *pleno*  
" *jure* sibi subiectas impartiri, nisi id in privilegio specia-

liter sit expressum.  
XXVI. Idem à paritate seu identitate rationis statuendum censent de quocumque usu Pontificalium: eò quòd usus Pontificalium non secus ac *op.* benedictio  
" solemnialis, jurisdictionem seu auctoritatem quamdam  
" in utente demonstrat. Unde sicut Episcopis non licet  
" Pontificalibus extra propriam Diocesim uti; quemad-  
" modum suprà *titulo 16. cap. 2.* ostensum fuit, ita nec  
" Abbatibus.

Abbatibus extra Ecclesias pleno sibi jure subjectas, id est, in spiritualibus & temporalibus; uti exponit Glossa ad citatum Capitulum 3. ibidem quoque notans, hoc privilegium Abbatum, "non extendi extra Monasterium ipsius Abbatis, & loca sibi pleno jure subjecta," nam, ait, istud privilegium tendit in diminutionem auctoritatis Episcopalis: ideo debet strictè interpretari, ut minus lædat.

XXVII. Adhæc, jure communi privilegium solenniter benedicendi locum non habet præsentè Episcopo; uti jam pridem notavit Joannes Andræas in additione ad Glossam in Capit. 3. De Privilegiis in VI. Rationem assignat Tamburinus De jure Abbatum tomo 1. Disput. 21. quæst. 9. quia minor non debet majorem benedicere; subditque: Juri etiam communi consona sunt quamplurima privilegia per Sedem Apostolicam Abbatibus concessa, ut possint in Ecclesiis pleno jure sibi subjectis populum benedicere, & in his addita est clausula. *Dummodo in benedictionibus hujusmodi aliquis Antistes, vel Sedis Apostolicæ Legatus præsens non fuerit.* Vide quoque Choppinum lib. 1. Monast. tit. 2. num. 18. ibi referentem privilegium simile Pauli III. in favorem Vallischolearium, cum eadem clausula, additâ tamen hac disjunctivâ: *Vel si præsens fuerit, ejus ad id expressus accedat assensus.*

XXVIII. Uteriuscùm Episcopi offenderentur, quòd in Synodis Abbates mitrati ab Episcopis in habitu non distinguerentur, Clemens IV. de consilio suorum Fratrum statuit Cap. 6. De Privilegiis in VI. ut Abbates & "alii, quibus mitræ usus est ab eadem Sede (Apostolica) concessus, exempti quidem in Provincialibus Conciliis & Episcopalibus Synodis (quibus nonnulli eorum interesse tenentur) mitris tantummodo *auriferis* (non tamen aureas vel argenteas laminas aut gemmas habentibus) uti possint: Non exempti vero *simplicibus* & *albis* ac *planis* utantur, in aliis vero locis exemptis & non exemptis mitris liceat illis uti, prout concessa eis ab eadem Sede indulta permittunt.

XXIX. Ex hac Decretali aliisque statuunt Canonistæ, Abbatibus nulla ornamenta Pontificalia jure suæ dignitatis competere; sed tantùm ex speciali privilegio; atque ipsum privilegii tenorem esse inspiciendum, ut de usu ejus judicari queat: nihilque Abbatibus in hoc usu licere, nisi quod in ipso privilegii tenore expressè est comprehensum. *Inspiciendus est*, ait Glossa, *tenor privilegii & servandus.*

XXX. Ex hæcenus dictis intelligi potest, Pontificalium usum ab Abbatibus, in quorum Monasteriis hæcenus non est receptus, non esse ambiendum; & ubi receptus est, magna cum simplicitate & cautione esse assumendum.

## CAPUT VII.

De Abbatibus Laicis & Commendatariis; & horum origine & Juribus.

1. Ecclesiam commendare, est idem quod custodiendam dare.
2. Commendarum olim usus probatus quoad Ecclesias Pastore destitutas.
3. Commendæ illæ non erant in commodum Commendatarii, sed Ecclesiæ Commendatæ.
4. Exempla hujusmodi Commendarum quoad Ecclesias Cathedralis & Parochiales apud veteres nota.
5. Idem prædictis contigit circa Monasteria.
6. Hæ Commendæ sensim in perpetuas, & in commodum Commendatarii commutatae sunt.
7. Monasteria ceperunt etiam Laicis tradi; & Laici Abbates constitui.
8. Etiam Belgii nostri Abbatia Laicis sic datae fuerunt.

9. Nobiles hæc Monasteria obtinentes, se Abbates dicebant; atque hinc Abbi-comites.
10. Hi Abbates constituebant Decanos, qui curam spirituales Monasteriorum haberent.
11. Episcopi Imperatoribus exponunt, quanto cum animarum suarum periculo Monasteria Laicis concedant.
12. Postulant Viros Religiosos Monasteriis præfici; & ne ob paucorum nequitiam loca sacra Laicis committantur.
13. Discrimen salutis eorum, qui res Ecclesiæ inutiliter dissipant.
14. Quomodo ob necessitatem temporis permittantur Canonici & Sanctimonialium Monasteria Laicis committi.
15. Consecraria ex hæcenus dictis.
16. Quâ ratione se Reges tuentur contra Episcopos?
17. Adhuc seculo decimo erant Abbates seculares; & qualis esset Monasteriorum sub illis Abbatibus status.
18. Abbatia à Patre in filium quasi hereditario jure transibant.
19. Abusus hic duravit usque ad regnum Hugonis Capeti.
20. Episcopi ceperunt, præsertim seculo undecimo & duodecimo, Monasteria in Commendam retinere subventionis gratia.
21. Prætextu reformationis ceperunt Episcopi & Cardinales Monasteria habere in Commendam.
22. Apparuit reformandi studium merum fuisse prætextum insaniendi proventus Monasteriorum in proprios usus.
23. Monasteria & Ecclesiæ Cathedralis à Pontificibus dabantur Clericis secularibus in perpetuas Commendas.
24. Quibus motivis ad eas concedendas Pontifices interdum inducerentur.
25. Quæ mala ex hujusmodi Commendis orta sint?
26. Clemens V. omnes hujusmodi Commendas improbat.
27. Constitutionem Clementis V. non habuisse effectum suum constat ex libello Durandi Concilio Viennensi oblato.
28. Usus Commendarum incrementum accepit, durante schismate inter Pontifices decimo quarto seculo.
29. Seculo quinto decimo Commendarum usus sub quibusdam conditionibus, & intuitu quarundam personarum probari videbatur.
30. Refertur quid in hac re à Leone X. in Concilio Lateranensi decretum sit.
31. Qualiter ex præscripto Leonis X. Commendatarii proventus Monasteriorum percipere valeant.
32. Post hoc Leonis X. Decretum, Commendarum usus per Italiam passim invaluit.
33. In Gallia per Concordata inter Franciscum I. & Leonem X. Commendæ Monasteriorum videbantur sublatae.
34. Quâ ratione post Concordatum, in Gallia usus Commendarum manserit?
35. Usus Commendarum in Gallia etiam hodie perseverat.
36. Ob auctoritatem Concilii Tridentini à Commendis libera manent Abbatia, quæ sunt Ordinum Capita.
37. Commendæ hodiernæ dantur in utilitatem Commendatarii, antiquæ vero in utilitatem Ecclesiæ.
38. Pristinæ Commendæ erant ad tempus; hodiernæ perpetuæ.
39. Pristini Commendatarii non poterant de proventibus Ecclesiæ Commendatæ disponere; sicut hodierni.
40. Hodierni Commendatarii censentur veri Titulares.
41. Solus Papa Beneficium Regulare Clerico seculari in Commendam dare potest.

42. *Commendæ hodiernæ cum aliis Beneficiis permutari possunt, & per mortem Commendatarii Beneficiam vocat.*
43. *Commendatarius factus Religiosus non potest sine nova collatione Beneficium retinere.*
44. *Alii Commendatarii etiam jurisdictionem in Monachos quoad disciplinam regularem exercent.*
45. *In Gallia eam non habent Commendatarii, nisi sint Cardinales.*
46. *Nonnulli Ordines speciali privilegio obtinuerunt, quod Commendatarii jurisdictionem exercere nequeant; nec Officiales Clausuales destituere.*
47. *Quæ cautio in provisione Commendarum adhibeatur, ut Monachis & Monasterio de necessariis provideatur?*
48. *Quæ cautio adhibita à Leone X., quæ non observatur.*
49. *Ut magis cautum esset Monasteriis Commendatis, ordinata est separatio mense Abbatialis à Conventuali.*
50. *Quem locum inter Abbates Titulares, & alios dignitatem habentes, habere debeant Commendatarii?*
51. *Commendatarii tenentur aliquatenus ad normam vitæ Regularis suam instituere.*
52. *Breve Sixti IV. ad Ducem Brabantiae, quo eum à datione Commendarum debortatur.*
53. *Abbates Belgii se Commendis opposuerunt: & Principes nostri promittunt, quod Commendas non permittent.*
54. *Quæ media maximè efficacia ad Commendas excludendas?*

I. **COMMENDÆ** à verbo *commendare*, originem suam ducunt. Commendare verò propriè significat *deponere* sive *custodiæ* alicujus committere, sive commendare. Unde Ecclesiam alicui commendare, est Ecclesiam alicui custodiendam committere. Quapropter Ecclesiam habere in *commendam*, idem sonat, quod habere Ecclesiam suæ *custodiæ* commissam sive depositam.

II. Hoc sensu antiquissimus est, ac probatissimus in Ecclesia *Commendarum* usus. Cùm enim interdum contingeret, ut Ecclesiæ vacanti non statim de Pastore aut Rectore provideri posset, ne interea ob defectum Rectoris Ecclesia detrimentum pateretur, cura illius alicui Episcopo aut Clerico committeretur, qui ad tempus illi intenderet.

III. Hic non in *summ*, sed in Ecclesiæ utilitatem Ecclesiam commendatam accipiebat, seu ut curam ejus ageret atque quantum in se esset, electionem novi Pastoris promoveret; neque ut fructus & emolumenta Ecclesiæ in suum usum acciperet; at ea tanquam fidelis Administrator, seu *Commendatarius* aut *Depositarius* Pastori futuro servaret; unicè intentus, ne, vacatione durante, Ecclesia detrimentum pateretur, ipsique populo spiritualia non deessent.

IV. Similium *Commendarum* plurima in Epistolis Sancti Gregorii exempla occurrunt; atque de hisce intelligendum, quod sub nomine Leonis IV. refertur apud Gratianum: "Qui plures Ecclesias retinet, unamquidem *titulatam*, alteram verò sub *Commendatione* retinere debet." *Can. 3. caus. 21. q. 1.*

V. Quod circa Ecclesias Cathedralis, & Parochiales primitus contigit, id quoque nonnunquam circa Monasteria evenit; ut nimirum cura eorum ad tempus alicui commendaretur; qui illis non in suam, sed duntaxat Monasteriorum utilitatem, ad tempus intenderet, atque commendata haberet.

VI. Verùm sicuti lapsu temporis Commendæ Ecclesiarum Cathedralium & Parochialium sensim in *perpetuas* commutatae sunt; idque non tam in Ecclesiarum utilitatem, quam Commendatariorum emolumentum; atque Clericis pro pallio regendi pluralitatem Beneficiorum subservierunt, (utl infra *parte 2. tit. De pluralitate Beneficiorum ostenditur*) ita circa Monasteriorum commendas contigit; ut scilicet injuriâ temporis in *per-*

Tom. I.

*petuas* transiverint: atque Laicis & Clericis occasionem dederint, provenius Monasteriorum titulo *Commendarum* sibi appropriandi; atque *Abbatum* nomen usurpandi.

VII. Circa seculum octavum & nonum provenitus non tantum Abbatiarum, sed ipsas Abbatis à Regibus & Imperatoribus datas fuisse Laicis, ut etiam nomen Abbatum sibi arrogarent, ex Historiis & Conciliis illorum temporum est manifestum.

Legi possunt Epistolæ Lupi Ferrariensis, signanter 11. 24. & 42. in quibus deplorat Monasteriorum provenitus à Fundatoribus in Monachorum & pauperum usus ac eleemosynas destinatos, à Laicis possideri ex largitione Regum. Testatur Amoinus, *lib. 5. De gestis Francorum, cap. 24.* Carolum Calvum filio suo Carolomanno plurimas dedisse Abbatis; quem propterea vocat Amoinus, *plurimorum Monasteriorum Abbatem*; quin & de eodem testatur, quod, ut quosdam sibi conciliaret, iis Abbatias, sicut erant, *integras* dederit; quibusdam de Abbatia Marciana *quam dividerat, beneficiola* dederit; refertque ibidem ab eodem Rege Carolo datam fuisse Abbatiam Sancti Mauriti Comiti Bosoni. Etc. 36. De Ludovico Caroli filio & hærede hæc refert: "Ludovicus autem accepto nuntio in Andriaca villa de morte patris sui Caroli, quos potuit, conciliavit sibi, dans eis *Abbatias*, & Comitatus ac villas, secundum *uniuscujusque* postulationem."

VIII. De Isaac Comite Cameracensi scribit in suo Chronico Baldericus, *lib. 1. cap. 70.* "Comes *Abbatium* beati Humberti possidebat, ipsamque regionem, ac locupletem Abbatiam sanctissimi Gaugerici, cum omnibus appendiciis sibi *beneficiatam* de regio jure tenebat."

In Diplomate Caroli Calvi, quo confirmat donationem prædiorum factam Monasterio Sancti Bavonis in civitate Gandensi, apud Miræum, in Codice piarum donationum, *cap. 18.* hæc habentur. "Carissimus fidelis noster Adelmus Comes, qui & *largitu* nostro *Rector* Monasterii Sancti Petri & Sancti Bavonis, quod vocatur *GRAND*, super fluvium *SCHALD*, siti, &c."

IX. Hi autem Comites ex beneficentia Regum Abbatias obtinentes, etiam se Monasteriorum *Abbates* nuncupabant; atque hinc in antiquis monumentis passim dicuntur *Abbatcomites*, vel *Abbicomites*; uti videre est apud D. Du Cange in Glossario, verbo: *Abbicomites*.

X. Hi verò *Abbates* nihil nisi temporalia Abbatiarum desiderantes, & ambientes, statuebant *Decanos* (quos hodie *Priores* dicimus) qui curam Monachorum haberent, ut est apud Continuatores Amoini, *cap. 42.*

XI. Quanta ex hac Laicorum Abbatum usurpatione Monasteriis, tum in temporalibus, tum spiritualibus ruina inferretur, abunde testantur & probant seculorum illorum historiae, nec non summorum Pontificum atque Episcoporum adversus illas usurpationes querelæ.

Illustre illius ruinae testimonium reddunt Episcopi anno 844. in Synodo apud Theodonis villam congregati, cui Drogo Metensis Episcopus præfedit. Hi Apostolico zelo succensi, Lothario, Ludovico, & Carolo Calvo Imperatoribus intrepidè exponunt, se dolere, "Sacrum Monasticum Ordinem à Deo inspiratum, & ab ipsis Apostolis fundatum, seu à nominatissimis ac sanctissimis Patribus ex cultum; atque à vestris, aiunt, piæ memoriæ prædecessoribus propagatum, & quædam etiam loca specialis venerabilia, contra omnem auctoritatem ac rationem, ac Patrum vestrorum seu Regum præcedentium consuetudinem, *Laicorum* curæ & potestati, in maximo vestro periculo; & illorum perditione, & Dei ac Sanctorum non modicâ ad irascendum provocatione vos commississe, dolemus."

XII. Deinde obsecrant, ut tam magnam offensam & justam reprehensionem, atque periculosam sine exemplo præcedentium præsumptionem ab animabus suis, & felicitate sui regni pellant; postulantes, "ut

S 3.

„ vixit



„ viris ex Clericali, & Ecclesiastico vel Monastico Ordine Religiosis, seu & in suo sexu feminis Deo dicatis atque edoctis, & in Schola Christi devotis, loca venerabilia, atque Ordinem sacrum ad custodiendum, & providendum committant, qui & *quæ Dei sunt Deo, & quæ sunt Cæsaris Cæsari reddant.* Matt. c. 22. Marci c. 12. Luc. c. 20. Qui, inquit, si minus perfecte & in divina religione, & in reipublicæ utilitate profecerint, aut corripiantur, aut meliores & utiliores in locis eorum substituantur; & non propter *pravorum nequitiam* Ordo Religionis, & loca sacratissima, quibus licitum non est, committantur.

XIII. Tum vivaciter Principibus ob oculos ponunt discrimen salutis, quod ipsis ex illa horribili rerum Ecclesiasticarum dissipatione ac profanatione immineret; asseruntque quod *peccata populi comedant*, „ qui contra auctoritatem divinam res Ecclesiasticas indebitè pervadunt, & nec intercessionis ope, nec prædicationis consilio, vel quocumque divino auxilio, pro peccatis eorum, quæ eas dederant, laborant, nec pio operi ad quod fides fidelium eas tradiderat, inservire permittunt.

XIV. Considerantes verò eas esse temporum ac rerum conditiones, ut nec Principum auctoritate omnia ad rectum ac integrum Ordinem reduci possent, dicunt, quædam dissimulanda, quædam etiam gemenda & usque ad tempus perferenda. „ Et ideo, aiunt, *cap. 5.* de Canonicorum Monasteriis & Sanctimonialium, quæ sub eadem forma vivere dicuntur, consideravimus, sicut Apostolus Paulus dicit, *secundum indulgentiam* 1. Cor. c. 7. v. 6. non secundum imperium, ut si propter imminentem Reipublicæ necessitatem, Laicis interim committuntur; Episcopi providentiâ in cuius Parochia consistunt, adjuncto sibi aliquo Abbate viro religioso, studeatur qualiter restauratio locorum, & studium ac custodia officii & Religionis, atque subsidium temporalis necessitatis in eisdem locis degentibus, juxta qualitatem & quantitatem moderationis, adhibeatur & ministretur. Et qui eadem loca tenuerint, eis inde, sicut & de aliis Christianæ Religionis negotiis, pro Christi & vestra reverentia obediatur.

XV. Ex his intelligimus, seculo nono non solum virorum, sed & mulierum Monasteria à Laicis fuisse occupata.

Secundò, quòd Episcopi non probaverint, Laicis bona Monasteriorum dari, eo prætextu seu motivo, quòd Præfeti seu Prælati rebus Monasterii abutantur; aut minus religiose conversentur. Nec enim ob *paucorum pravitatem, debent eis, Ordo Religionis aut loca sacratissima, quibus licitum non est, committi.*

Tertiò, habemus quòd ex illo abusu, ædificia Monasteriorum jacerent destructa; studium ac custodia Officii Divini & Religionis periisset, & temporalia subsidia Monachorum defecissent.

XVI. Sub idem tempus frequentes fuere coactæ Episcoporum Synodi, quæ omnes in hanc Latcorum sacrilegam usurpationem acerrimè insurrexerunt; nec tamen remedium integrum adferre potuerunt; cùm Principes dicerent, res Ecclesiasticas sublatas ex integro se restituere non posse, *ne sua Reipublicæ militiam defraudare viderentur*, ut est in Epistola Nicolai I. ad Odonem Episcopum Beluacensem, in qua hæc præterea habentur: „ Non est leve ante oculos summi Judicis discrimen religiosis locis & Monasteriis Deo dicatis seculari præficere potestatem, & ei contradere Pastoralis curæ sollicitudinem, qui quid sit Pastor ignorat, nec quærît lucrum animarum, sed pecuniæ censum; nec ut in Divinis cultibus servitium impendatur, sed ut suis usibus ad dominationis votum deferviat.

XVII. Neque seculo decimo Abbates hosce secularis defuisse palam facit Concilium Trosseianum (a) ha-

(a) Trosseium, ut observat Jacobus Sirmondus, Vici nomen est paucis millibus distans ab Augusta Sueavorum; ubi alia seculo

bitum ab Archiepiscopo Rhemensis ejusque Suffraganeis, inter quos erat quoque Episcopus Cameracensis, qui & eidem Concilio subscripsit.

Itaque, *cap. 3.* vivis coloribus miserum, ac planè deplendum Monasteriorum statum describens hæc Synodus, eum potissimum Abbatibus secularibus attribuit. „ Respectum siquidem timoris Dei habentibus, ait, „ auditu lugubre, dictu nefas, actu dignoscitur horribile, quando contra omnem paratum, (a) & totius Christianæ Religionis auctoritatem & consuetudinem, in Monasteriis regularibus Laici in medio Sacerdotum, & cæterorum Religiosorum, ut Dominiac Magistri residentes, velut Abbates de illorum vita & conversatione ac Regula sibi penitus ignota, perverso ordine dijudicant. Quæ pro certo abominatio illa est, quam Dominus in Evangelio præsignat, dicens: *Cum videritis abominationem desolationis stantem in loco ubi non debet, qui legit, intelligat.* Mat. 24. Marc. 13. Deinde adiungunt: „ Censemus igitur, ut status Monasteriorum inviolatus, juxta antiquam Regulæ traditionem & Canonum constituta, servetur: & ut Abbates sint Religiosæ personæ, & regularem novèrint disciplinam.

XVIII. At nec Conciliorum statuta, nec Episcoporum exhortationes, & comminationes, Monasteria è manibus Comitum & Latcorum liberare potuerunt: Nam Robertus Comes Parisiensis seculo decimo cupiditate magis ductus (ait Amoinus, *lib. 5. cap. 41.*) quam de cora animarum sollicitus, *Abbatiam Sancti Germani* accepit, seque *Abbatem* vocitari fecit. Roberto mortuo, Hugo ejus filius *Abbatis* nomen sumpsit, ait Amoinus *ibidem*, *cap. 42.* enumerans quoque Decanos, qui sub Hugone Abbate curam Monachorum gesserunt.

Transivit dicta Abbatia quasi jure hæreditario & successione usque ad Hugonem Capetum, qui ut refertur, speciali Spiritus Sancti instinctu eidem Abbatiae renuntiavit in favorem Gualonis, qui eandem sanctissimè rexisset fertur.

XIX. Quin de hoc Hugone Capeto legitur: „ *Pierate Regnum stabilivit, Ecclesiis Monasteriisque jus electionis & redditus à Carlovingiæ familiæ postremis Regibus usurpatos, publicarum necessitatum specie, restituit; & quantum in novi Principatus exordiis fieri poterat, à Proceribus restitui curavit.* Quam ob rem *Ecclesiæ sanctæ amator* appellatus fuit, „ ut docet fragmentum Historiæ Aquitanicæ apud Duchesnum, *tom. 4. pag. 80.*

Quidquid sit post hujus Hugonis imperium non legitur, à Laicis Monasteria ulterius occupata fuisse, neque Laicis à Principibus Abbatias fuisse concessas; atque ita ab eo tempore abusus cessasse videtur.

XX. Verùm Episcopi subinde vel propriâ auctoritate, vel auctoritate Romani Pontificis sibi Abbatias titulo *commende* vel administrationis adhuc retinebant: quod circa seculum XII. & XIII. frequentius contigit. Cùm enim sub id tempus Terra sancta ab infidelibus occuparetur, multi Episcopi suis Ecclesiis deturbati fuere, qui consequenter tunc erant quasi Episcopi *titulares in partibus*; quibus propterea in sustentationem Pontifices alios Episcopos vel Monasteria in *commendam* perpetuam concedebant.

XXI. Post hæc, cùm disciplina Monastica in multis tum Monachorum, tum Canonicorum Monasteriis multum esset collapsa; vira communis penè ubique defuisset; bona Monasteriorum dilapidarentur; Abbates Regulares viverent, non ut Monachi aut Canonici paupertatem professi, sed ut Comites aut Barones; suosque consanguineos & familiares ex bonis Monasterii ditare studerent; jamque bona Monasterii, & bona Ab-

batie decimo habita sunt Concilia, quæ Flodoardus in Chronico commemorat.

(a) *Omne paratum*, id est, *omne Jus*, vel *omne id quod decet.*

batie

bariae essent in pluribus Monasteriis divisa, hisque uterentur Abbates tamquam pleni domini: hinc occasionem arripere Cardinales, alique Praelati auctoritate apud Pontifices & Reges pollentes, postulandi ea Monasteria sibi in commendam dari, praetextu ea reformandi & restaurandi; atque ita Monasteria à Laicorum manibus erepta, in Cardinalium, Praelatorum, ac Clericorum manus devenerunt praetextu commendae seu administrationis, speciosiori, ut apparebat, titulo, sed haud feliciori fortuna.

XXII. Mox quippe apparuit reformandi atque restaurandi studium, non fuisse nisi merum praetextum deglutendi Monasteriorum proventus. Monasteria enim sic commendata non restaurabantur aut reformabantur, sed magis continuo collabebantur, & deformabantur. Hoc enim unicum agebant Abbates illi Commendatarii, ut ampliores proventus haberent; quo fiebat, ut parum aut nihil Monachis intertinendis, Divino Officio celebrando, hospitalitati exercendae, pauperibus sublevandis, fabricae Monasterii sustinendae aut reparandae relinquerent.

XXIII. Quam frequens esset sub initium seculi XIV. commendarum usus, declarat Clemens V. in Constitutione edita anno Pontificatus sui II. id est anno 1305.

In hac Constitutione imprimis fatetur Pontifex, se in primordio sui Pontificatus, nonnullis Clericis & personis Ecclesiasticis, religiosis & secularibus, diversorum Ordinum Monasteria destituta suis Pastoribus, sub commenda, vel custodiae seu curae, vel guardiae aut administrationis titulo nomineve duxisse perpetuo, ad vitam seu ad certi temporis spatium committenda.

XXIV. Deinde subiungit, quae ipsum ad concedendas has commendas impulerint: "Ex antiqua notitia Regum, Praelatorum, Magnatum & aliarum nobilium personarum Ecclesiasticarum & secularium mores; ac ipsorum aliquibus, tum quia in terris morantes eorum gradum huiusmodi promotionis habuimus, tum quia solitae ad eos amicitiae affectibus ducebamur: aliquibus vero ex assuetudine Romanorum Pontificum liberalitate, quam in suis exercere soliti sunt novitatibus, volentes honoris & liberalitatis affluentia complacere; ad eorum importunas tamen & multiplicatas precum instantias, &c.

Refertur haec Constitutio in Extrav. 2. De Praebendis in Communib. Ex qua hoc primum discimus, Pontifices agnoscere, se homines esse, & in suis actionibus interdum etiam humanis affectibus subiacere; neque velle, suas particulares actiones esse normam aliis agendi.

XXV. Deinde in eadem Constitutione narrat, quod mala ex huiusmodi commendis provenientia haud satis perspexerit, quousque ipsum infirmitate satis periculosa visitavit Omnipotens; tum enim à negotiorum utcumque discussione semoti, ait "ad hoc sub diligenti examine direximus aciem nostrae mentis, demumque propeximus evidenter, quod Ecclesiarum & Monasteriorum eorundem cura negligitur, bona & jura dissipantur ipsorum, ac subiectis eis personis & populis spiritualiter plurimum & temporaliter derogatur, eisque redundant ad noxam, quae dicebantur cedere ad profectum.

XXVI. Post haec, malis hisce remedium adferre cupiens, "Omnes & singulas promissiones huiusmodi per nos, ut praemittitur, factas, ait, quibuscumque cujuscumque Ordinis, dignitatis aut status: sed etiam S. E. R. Cardinalibus quocumque modo vel tempore factae noscantur, auctoritate Apostolica ex nunc ex certa scientia revocamus, cassamus, & annullamus, & decernimus de cetero non habere aliquam roboris firmitatem.

XXVII. Hanc ordinationem non habuisse operatam executionem, sat manifestum est ex libello reformationis à Durando vulgo Speculatore Episcopo Mimatensi, Consilio Viennensi quatuor annis post dictam ordina-

Tam. I.

tionem exhibito, in quo part. 2. tit. 21. deplorat, quod Cardinales "Ecclesias etiam Cathedrales & ultramarinas sub diversis coloribus faciant commendari. Ex hac peste etiam noviter, inquit, introductum est contra jura, quod Prioratus Conventuales, & alia Beneficia Ecclesiastica consueverunt regi per Monachos & alios Regulares, Domini Cardinales, ac si Beneficia secularia nequaquam sufficiant, sibi & suis faciunt assignari, quanquam non efficiantur Monachi, &c. Ex quibus in dictis Prioratibus & Beneficiis Regularium perit in totum Regularis observantiae disciplina: cum non sit inter eos, qui corrigat, non sit qui doceat, &c. Fraudatur hospitalitas in dictis Prioratibus & Beneficiis consueverunt, & jura ac bona Prioratuum huiusmodi dissipantur.

XXVIII. Hunc Commendarum usum neque auctoritate Concilii Viennensis abolitum fuisse, sed lapsu temporis praesertim durante schismate, quod incepit ab Urbano VI. usque ad Martinum V. majus continuo incrementum & firmiores radices egisse, ex actis illorum temporum constat.

Referente Cardinali Papieusi Epist. 93. respondit Paulus II. (qui obiit an. 1471.) Cardinali Portuensi exaggeranti mala ex commendis promanantia, credere se à Pontificatu Calixti (qui 10. circiter annis ipsum praecesserat) in eam diem, amplius quam QUINGENTA Monasteria esse jam commendata.

XXIX. Tantum adest, ut post haec, maxime in Italia & Gallia, commendae minus frequentes fuerint, ut etiam usus earum jam palam, si non omnino probari, saltem sub quibusdam conditionibus, ac intuitu quarundam personarum tolerari posse videretur.

XXX. Leo X. in Concilio Lateranensi anno 1514. in Bulla reformationis Curiae Sess. 9. publicata, primo deplorat, quod "ex commendis Monasteriorum (ut magistra rerum experientia saepius docuit) Monasteria ipsa tam in spiritualibus quam in temporalibus graviter laedantur, quippe quorum aedificia, partim Commendatariorum negligentia, partim avaritia & incuria collabuntur, & indes Divinus cultus in his magis diminuitur, passimque obloquendi materia personis praesertim secularibus praebetur, non absque dignitatis Apostolicae Sedis diminutione, à qua commendae huiusmodi proficiscuntur.

Indemnitati Monasteriorum consulere volens, verat quidem Monasteria hactenus non commendata cuiquam posse commendari, hanc tamen subjiciens clausulam: "Nisi pro conservatione auctoritatis Apostolicae Sedis, & ad occurrendum malitiis eam impugnantium, pro temporum qualitate aliter nobis de Fratrum nostrorum consilio visum fuerit expedire.

Ea vero Monasteria, pergit, quae commendata fuerint, cum per eorum cessum vel decessum, quibus erant commendata, commendae huiusmodi cessaverint, Cardinalibus dumtaxat ac personis qualificatis & bene meritis, commendari possunt.

XXXI. Postmodum subjicit quasdam modificationes, sub quibus huiusmodi Commendatarii proventus Monasteriorum percipiant: ut scilicet cujuscumque conditionis Commendatarii, etiam si Cardinales fuerint, "si mensam habuerint separatam, ac seorsim à mensa Conventuali, quartam suae mensae partem pro instauracione fabricae, seu pro ornamentis, vestibus, paramentis emendis sarcinendisque, aut pauperum alimonia, aut sustentatione, ut major exigit ac suadebit necessitas; si vero mensa fuerit communis, tertiam omnium fructuum dicti Monasterii sibi commendati partem pro supra dictis oneribus supportandis, & sustentatione Monachorum, omnibus aliis deductis oneribus, impartiri teneantur. Ac litterae, quae super Monasteriorum huiusmodi commendis expediantur, cum clausula hoc ipsum specificè exprimente debeant expediri.

S s 2

Alio-

„ Alioquin, si aliter expediantur, nullius sint roboris vel momenti.

XXXII. Hic tandem videmus Commendarum usum intuitu certarum personarum, ac sub certis quibusdam modificationibus permitti, aut saltem tolerari; earumque concessionem iudicio Sedis Apostolicæ reservari; unde & post hoc Concilium usus Commendarum per Italiam sine ulla interruptione usque modo subsistit.

XXXIII. At in Concordatis inter eundem Pontificem & Franciscum I. anno 1515. initis, ipse Commendarum usus plane sublatus apparet. (a)

In his enim cavetur, quod Rex vacatione Monasterii occurrente, Religiosum ejusdem Ordinis in ætate 23. annorum ad minus constitutum, Sedi Apostolicæ nominare teneatur; quod si Rex nominaret Presbyterum secularem, aut Religiosum alterius Ordinis, tunc Pontifex aliquem nominare possit; quod ipsas commendas palam excludit. Nam si Pontifex Clericum secularem in Abbatem aut Priorem instituere posset, quia specie nominationem Regiam respiceret eo solo titulo, quod Presbyterum secularem nominasset? Quin ipsum Concordatum expresse declarat, quod casu quo libera collatio ad Pontificem spectare continget, provisi qualitates ante expressas habere debeant in verbis: *Prioratus vero personis, ut refertur, qualificatis dumtaxat conferri libere possint.*

Deinde pro majore præmissorum robore subjicit Pontifex: „ Electiones autem nec non provisiones per nos & successores nostros contra præmissa pro tempore factas, nullas, irritas & inanes esse decernimus.

XXXIV. Verum quia Concordatum hoc Regem inter & Pontificem sive Sedem Apostolicam dumtaxat initum est, etiam utriusque consensu ab eo recedi nihil vetat. Unde etiam post hoc Concordatum, usus Commendarum in Regno Galliarum usque modo perdurat; atque Rex ad pleraque Abbatis & Prioratus Clericos seculares in Commendatarios perpetuos nominat & Papæ præsentat; quibus Papa commendas annuendo, à Concordato communi consensu recedi videtur; & nunc longo temporis usu quodammodo videtur recessum.

Et quidem Rebuffus quadraginta circiter annis post dictum Concordatum, Commendarum quidem abusus late describit, eas tamen in Gallia & Italia communiter receptas supponit; ac stylum in earum collatione servari solitum exponit.

XXXV. Quin & Commendarum usum tam firmiter stabilitum & profundas radices egisse viderunt Episcopi Gallicani etiam post Concilium Tridentinum, ut de earum totali abolitione desperarent, unice propterea solliciti, ut dum totaliter aboleri non possent, saltem abusus, quantum possibile esset, rescinderentur.

„ Nihil nisi desiderium nobis superest (inquiunt Patres Concilii Rhemenis anno 1583. *Tit. de Regularibus*) ut Abbatibus Prioratibusque non nisi Regularibus spectatæ virtutis & per electionem conferantur. Quod à Deo optimo maximo supplicibus votis contendimus, ut ad id excitare dignetur Dominos nostros Sanctissimum Romanum Pontificem & Regem nostrum Christianissimum.

Quæ pro bono usu Commendarum Synodi præscripserint, mox dicentur, si antea disciplina moderna, præsertim Regni Galliarum, circa Commendas & Commendatarios Monasteriorum expressa sit.

XXXVI. Itaque tam in Gallia, quam in Italia Commendarum usus usque modo quoad Abbatis & Prioratus Conventuales, quibus Abbates & Priores perpetui Regulares alias præfici solebant, perdurat; si ea sola pene exceperis, quæ Ordinum Capita sunt; idque

(a) Observandum est, quod Bulla Concordatorum Romæ data fuerit an. 1516. & Francisci Regis Lincor patentes pro eorum executione non nisi 22. Martii 1517. data fuerint. Omnium exemplarium, quæ Concordata continent, haud scio an ullum sit accuratius ac magis completum, quam illud quod reperitur in Conciliorum Collectione, quam adornavit P. Labbe. Consule rom. 14. col. 358.

ob Decretum Concilii Tridentini Sess. 25. cap. 21. *De Reform.* quemadmodum observat Fagnanus ad Cap. CUM AD NOSTRAM 2. *De Elect.*

Creditum enim fuit, quod Concilium in priore parte, ubi de Monasteriis inferioribus agit, non loquatur præceptive, sed consultive: eo quod utatur verbo *confidit*: At in posteriori parte agens de Capitibus Ordinum, loquatur præceptive, utendo verbo *teneantur*.

Quidquid sit de hac Concilii interpretatione, illud certum est, quod Romani Pontifices qui pleraque Monasteria S. Benedicti & Cisterciensis Ordinis (uti ibidem refert Fagnanus) dederunt in commendam secularibus Clericis, non commendaverint Monasterium Cassinense, quod est caput illius Congregationis: nec Monasterium Cistercii, quod est caput Ordinis Cisterciensis.

XXXVII. Porro commenda juxta hodiernum stylum & praxin, multum à commendis antiquis cognitis, & à Sacris Canonibus jam pridem probatis, distant.

Commendæ enim antiquæ concedebantur principaliter in favorem Ecclesiarum; ut scilicet, Ecclesiæ Pastore viduata interea de Rectore esset provisorum: commendæ vero nostri temporis, ait Fagnanus, sunt principaliter non in favorem Ecclesiæ, sed personæ, ut ex fructibus sustentari valeat. Quapropter ubi olim in concessionis diplomate causa his verbis reddebatur: *Ut Ecclesia interea recte atque ordine administraretur, cum vobis commendamus*; hodie hoc tenore exprimitur „ *ut commodius sustentari valeas, de alicujus subventionis auxilio providere cupientes, tale Monasterium auctoritate Apostolica concedimus & commendamus, &c.*

XXXVIII. Pristinæ commendæ tantum erant ad tempus, pro tempore nimirum vacationis, quemadmodum hodie solent esse *deservitura* Ecclesiarum Parochialium vacantium: hodiernæ vero perpetuæ sunt; id est, ad vitam Commendatarii juxta clausulam diplomatis: *Per te quamdiu vixeris tenendum & possidendum.*

XXXIX. Commendatarii ad exemplum dictorum Deservitorum olim non poterant de fructibus Ecclesiæ commendatæ disponere; nec præter moderata alimenta quidquam percipiebant: at moderni libere de proventibus Beneficii Commendati adinstar veri Beneficiarii & Titularis disponunt juxta consuetam formulam diplomatis Pontificii: „ Ita quod durante commenda hujusmodi de fructibus, redditibus & proventibus Monasterii *disponere & ordinare valeas*, sicuti veri Abbatibus aut Priores ipsius Monasterii, qui fuerunt pro tempore ordinare potuerunt, & etiam debuerunt; alienatione tamen bonorum immobilium & pretiorum forum mobilium ipsius Monasterii tibi penitus interdicta.

Hinc hodie Commendatarius potest præsentare ad Beneficia; item eligere & conferre (ait Rebuffus in Praxi Benefic. *Tit. De Commendis*) sicut alius, qui titulum habet, quia præsentare, eligere & conferre est fructus Beneficii.

Locare etiam potest fructus, ait Rebuffus, & possessiones sicut habens titulum. „ Uno verbo, moderni Commendatarii quoad perceptionem fructuum eorumque administrationem sunt per omnia similes veris Titularibus.

XL. Quin & „ Commendatarii hodie pro veris Titularibus habentur (ait Fagnanus ad cap. IN ECCLESIIIS 2. *De Capellis Monach. mun. 5.*) tam in Galliis, quam extra, & jura omnia de Abbatibus & Prioribus loquentia habent etiam locum in hisce Commendatariis.

Commenda quoque rationem veri tituli habet; & pro titulo reputatur.

XLI. Cum ergo Clerici seculares de jure Beneficium Regulare in titulum possidere nequeant juxta Regulam, *Regularia Regularibus*; & tamen Commenda per-



perpetua pro titulo reputetur; solus Papa similem Commendam dispensative concedere potest; unde juxta Canonistas commenda hodierna est provilio Papæ dispensatoria: & via providendi per commendam dicitur extraordinaria & dispensatoria.

Ut tamen jura aliquatenus servari viderentur, Papa Clericis secularibus in Commendam dare mavult Beneficia Regularia, quam in titulum.

XLII. Hinc ulterius contingit, quod, licet olim Commenda adinstita hodiernæ deservitura, permutari cum alio Beneficio non posset, hodie tamen non secus ac verum Beneficium cum alio Beneficio permutari possit: quia, ait Rebuffus loco citato num. 53. "reputamus Commendam verum titulum, & sic permutari potest. Unde sæpius vidi Beneficium commendatum permutari cum alio in titulum, etiam coram Ordinario." Hæc ille: qui ibidem num. 51. quoque observat, quod in Francia per mortem Commendatarii impetretur vacans Beneficium, sicut si tenuisset in titulum.

XLIII. Cum vero juxta Canonistas, mutatio tituli semel collati non fiat sine nova collatione, hinc praxis Galliæ habet, quod si Commendatarius profiteatur in Monasterio cujus est Commendatarius, illud Beneficium, quod habebat in commendam, sine nova provisione non transeat in titulum; neque illud tanquam regulare retinere queat; sed Beneficium vacare censeatur, non secus ac si secularis Clericus obtinens Beneficium in titulum, professionem Regularem emisisset; & tanquam vacans, mox à professione Commendatarii de novo possit conferri, uti post Louetium tradit Frevetius, lib. 2. de Abusu, cap. 6. num. 25.

XLIV. Ulterius, "Commendatarius Monasterii perpetuus licet non sit professus Regulam Ordinis, cujus est Monasterium, habet tamen (ait Antonius Faber, in Cod. lib. 1. tit. 2. de fin. 34.) in Monachos eandem jurisdictionem, quam haberet si ex vero titulo Beneficium possideret: quia pro vero Prælato & Titulario habetur, etiam quod ad hoc, quandoquidem Commenda ipsa est titulus dispensatorius: nec inter Commendatarium & Titularium Ecclesiæ Rectorem effectus ipso quidquam interest, sed nominis tantum fore." Hæc ille, qui & ibidem asserit, Commendatarium posse jurisdictionem in Monachos exercere, tamen si in eodem Monasterio sit aliquis ex Monachis Prior Claustralis; quin & Priorem illum ad nutum Commendatarii esse amovibilem: testaturque anno 1591. in Senatu Sabaudie pro Abbate Ambroicensi Commendatario, qui jurisdictione sua in Monachos usus fuerat ad morum correctionem, judicatum fuisse contra Monachos, qui ab illa correctione tanquam ab abusu appellaverant ad Senatum; ac rursus anno 1617. contra eosdem Monachos: "Hoc tamen, ait, adhibito æquissimo temperamento, ut non aliter jurisdictionem hanc exercere posset Commendatarius, quam si in Beneficio ipse resideret, & ordinarius Prælati, ejusve Vicarius abesset, cujus sane jurisdictionem præcipuam conservari, & salvam esse convenit, ut Commendatarii jurisdictio tantum subsidiaria esse videatur.

XLV. Hæc vero aequalitas seu jurisdictio in Monachos de moribus Gallie Abbatibus Commendatariis, exceptis solis Cardinalibus (a) non competit: Sed omnis jurisdictio & correctio, ac omnia disciplinam interiorem Monasterii spectantia ad Priorem Claustralem spectant; nec iis Abbas Commendatarius se immiscere potest, uti sæpius à Senatu Regio conformiter ad art. 11. Decretorum Aurelianensium judicatum fuisse, refert Joannes Tournet, litt. A. num. 9. ipsaque No-

viuorum ad habitum & professionem receptio, ad Priorem Claustralem, non ad Commendatarium spectat; neque Priorem illum Commendatarius remove potest; alioquin, ait Tournet, Abbas Commendatarius semper revocaret Priorem utilem Monasterio, quod non esset ferendum.

Quinimo si Commendatarius obtinisset indultum à Sede Apostolica cognoscendi de disciplina regulari, esset locus appellationi tanquam de abusu ab executione hujusmodi Rescripti, inquit Frevetius loco citato, num. 26. (a)

XLVI. Refert insuper Fagnanus ad cap. EDO CERI De Rescriptis, Breve Innocentii X. quo ad instantiam Generalis Ordinis Cisterciensis, statuitur, "non licere Commendatariis, Priores, Superiores aut Officiales Claustrales instituere ac destituere, visitare Monachos, eosdemque corrigere, nec facultates eisdem in litteris Apostolicis (scilicet provisionis Commendarum) concessas & expresse, ad ea quæ institutum regulare concernunt, ac tenore prælibatorum privilegiorum, & sacri Concilii dispositione Monastico regimini relinquuntur, trahi posse, ac debere." Hæc in illo Brevis quod ibidem integrum refertur; additque Fagnanus: "Similes litteræ expeditæ fuerunt pro Monachis Camaldulensibus, sub die 20. Martii 1657.

XLVII. Ut vero Monasterium non destituatur convenienti numero Monachorum, neque divinum servitium intermittatur, hospitalitas ac consuetæ elemosynæ non negligantur, nec Monasterii fabrica collabatur, in litteris Commendarum adjici solet hæc clausula: "Volamus autem, quod propter hujusmodi commendam, divinus cultus, ac solitus Monachorum & Ministrorum numerus in dicto Monasterio N. nullatenus minuat: sed illius ac dilectorum filiorum Conventus ejusdem congrue supportentur onera consueta," &c. XLVIII. Deinde juxta Decretum Concilii Lateranensis sub Leone X. supra relatum, injungitur Commendatariis, etiam Cardinalibus, ut si mensam habuerint separatam à Conventuali, quartam suæ mensæ, alias tertiam partem omnium proventuum Monasterii, impartiri teneantur pro instauratione fabricæ, seu pro ornamentis, vestibus & paramentis emendis sarcinisque, aut pauperum alimonia, aut sustentatione, ut major exigeret aut suaderet necessitas.

Hæc laus referuntur à Rebuffo loco citato, qui & num. 18. sic concludit: "Ex his constat Papam velle, ut cultus divinus non diminuat, & onera consueta solvantur: ut patet in litteris commendæ. Sed, ait, nihil sit à multis. Ostendens, quod ratione istarum commendarum, Monasteria tam in spiritualibus, quam temporalibus prorsus collabantur; qui extranei, ait, qui istas Abbatis possident, nil nisi luc & lanam querunt, id est, utilitatem.

XLIX. Porro Gregorius XIII. in sua Constitutione quæ incipit Suprema 18. in Bull. Rom. edita pro Ordine Cisterciensi, ut securius ipsis Monachis ac Monasterio de proventibus annuis cautum sit, §. 9. statuit, ut in Monasteriis omnibus commendatis vel commendandis, "ubi non fuerit, instituat mensa Conventualis ab Abbatiali mensa distincta & separata, cum annuis fructibus, redditibus, & proventibus, juxta Monasteriorum ipsorum facultates competentibus, & honestis, pro sufficienti Conventus & Monachorum, aliorumque Religiosorum ejusdem Ordinis numero, in unoquoque ex ipsis Monasteriis per ipsos Generalem, & ceteros Ordinis ipsius Superiores, aut eorum Vicarios ordinando; quam quidem mensam, quia etiam ædificiorum, & locorum ad disciplinam monasticæ observationem pertinentium, scilicet templorum, ornamentorum, localium, librorum Eccle-

(a) Id Jura hodie in Galliis non competit Abbatibus Commendatariis, qui dignitate Cardinalitia fulgent. Etenim omni jurisdictione in Monachos excederunt; ut agnovit Magnum Consilium Arreco, quod in gratiam Religiosorum Aquilencium dedit 30. Martii 1695.

(a) Auctor novorum Commentariorum Cleri Gallicani, t. 4. tit. 2. c. 1. col. 1090. &c. fusius exponit, quæ spectant obligationes Commendatariarum, eorum jura circa administrationem honorum Monasterii, prerogativas honorificas, &c. saltem in Galliis.

„ sasticorum, dormitorii, refectorii, aliorumque locorum regularium, nec non Monasteriorum clausuræ necessarii, & ordinarii reparationibus faciendis obligati & obstrictam esse volumus, ut in ea instituenda expensarum annuarum ad hæc necessarium ratio habeatur, statuimus, & mandamus, ac ad eandem mensam sic instituendam, congruosque redditus assignandos ipsi Commendatarii omnino teneantur, & ad id etiam per Censuras Ecclesiasticas, fructuum, reddituum, & proventuum sequestrationes, & alia opportuna juris remedia cogi possint, & debeant.

L. In Concilio Rothomagensi anno 1581. orta est difficultas, an Abbates Commendatarii in Synodis Provincialibus recipiendi essent inter Abbates ad sedendum & deliberandum: Item, inter Dignitates ac Procuratores Capitulum Cathedralium mota est lis contra Abbates Regulares & Commendatarios, de præeminentia in processione, sessione, & deliberatione. Difficultatibus ad Sedem Apostolicam delatis, ab eadem responsum est, quoad primam: *Commendatarios inter Abbates recipiendos esse.* Ad secundam: *Canonicos Cathedralium Ecclesiarum præferendos esse, quando capitulariter procedunt: Abbates benedictos, & qui usum Mitre habent, præcedere Commendatarios: post hos locum obtinere dignitates: & post dignitates collocandos esse Procuratores.*

LI. Eadem Synodus expendens, Commendatarios quodammodo in locum Regularium succedere, atque proventus Monasteriorum tanquam Beneficiatos & Ecclesie Ministros percipere, eisdem monet: „ Ut quamvis ad regularem observantiam non obligentur, ne tamen sint sine iugo atque omni regula, decet eos medium statum atque ordinem sequi ac ostendere inter regulares & seculares Clericos in vestitu, in victu, & in omni ornatu. Tonsura utantur ampliori quam Sacerdotali, habitu propius ad regularem accedente: nec existiment sibi commendatum Monasteriorum regimen ad luxum & prodigalitatem, aut ad augendum rem suam, & consanguineorum familiam, sed ad piam & justam alienarum rerum dispensationem, & quarum non habent proprietatem, Deoque de omnibus reddendam esse rationem.

LII. Sub finem seculi XV. via sterni videbatur, ut & in Belgio Commendarum usus introduceretur. Quod advertens Theodoricus Abbas Parcentis totius Ordinis Præmonstratensis in Curia Romana Agens, à Sixto IV. impetravit *Breve* ad Carolum Ducem Burgundie & Brabantie, in quo relatis variis incommodis, quæ ex Commendarum usu ipsa Monasteria tam in spiritualibus, quam temporalibus paterentur, dicit: „ se Commendis hujusmodi quæ non nisi ob gravem Ecclesiarum necessitatem, ac in illarum favorem, cum alias instaurari nequirent, admittendæ noscuntur, finem imponere cupere; atque propositi sui esse, quantum cum adjutorio Dei posset, ab hujusmodi *Commendis* & concessionibus penitus abstinere; „ ac deinde ad Ducem se convertens, ait: „ Et sicuti plerisque aliis Principibus Catholicis, quibus pari modo scribimus, Excellentie tue notum esse volumus, eandem exhortantes in Domino, ac requirentes, ut sacras nobiscum Religiones confovens, ac conscientie tue consulens, quæ in supplicando super hujusmodi commendis, non parum gravari creditur, nosque & te à multis molestis eximens, commendas hujusmodi à nobis petere amplius non fatigeris, & nobis desuper scribere nolis: quin potius talia petentium ambitiones, sic pro tempore refellas, ut nemo nos & te desuper inquietare præsumat.

Subjungit deinde hæc merito notanda: „ Et ne suggestionibus quorundam movearis, quod propter religiosarum personarum forte corruptos mores, eorum loca secularibus commendanda veniant, easdem personas & loca tam in capite quam in membris reformare, & corrigere multo satius est, quam in commendam & direptionem dare: ad quod faciendum

„ operam adhibere, & diversis per orbem Religionibus, scribere decrevimus.

Datæ sunt hæc literæ 2. Martii 1476. & juxta copiam authenticam servatam in archivo Parcenti editæ sunt in Chronologia Parcenti, cap. 14.

Post hæc eodem capite subjicitur Bulla ejusdem Pontificis, qua declarat, liberam electionem Abbatum Ordinis Præmonstratensis spectare ad singulos Conventus; neque Abbatis Ordinis illius sub ullis quantumvis generalibus reservationibus Apostolicis, etiam in Regulis Cancellariæ expressis, comprehendere; omnesque *Commendas* illarum Abbatiarum quacumque auctoritate concedendas, nullas & irritas declarat.

LIII. Verum, ut refertur in dicta Chronologia, Lucas Episcopus Sabinicensis, in partibus Belgii Nuntius Apostolicus cum potestate Legati à latere, & Philibertus, titulo *Sanctæ Lucie in Silice* Presbyter Cardinalis Matiscronensis, ita subreptitæ & obreptitæ Romæ agere sciverunt, ut, præscriptis Bullis non obstantibus, eodem anno 1476. à Sixto IV. impetraverit Episcopus Sabinicensis Abbatiam *Sancti Michaelis*, & Cardinalis Matiscronensis Abbatiam *Tongerloensem* sibi dari in *Commendam*.

Hic exurgens Ordo Præmonstratensis, ac signanter Theodoricus Abbas Parcentis, causam Ordinis sui prosequens, totis viribus se opposuit, quibus & Ordines Brabantie, Duces & Principes patriæ se junxerunt; omnique studio & via *Commendatarios* à capiendâ possessione dictarum commendarum impedire studuerunt; uti fulius ibidem narratur: referturque quomodo tandem post quatuor annorum concertationem, nec non septem Bullas in favorem dicti Episcopi Sabinicensis ab eodem Pontifice datas, emanaverit Bulla, qua declaratur, in Bullis datis Episcopo Sabinicensi non fuisse sufficienter derogatum privilegiis Ordinis Præmonstratensis; adeoque Episcopo Sabinicensi per reservatorias, & alias Bullas nullum jus in Monasterio Sancti Michaelis administrationem unquam quæsitum fuisse, vel quæri potuisse; & eadem *Commenda* prout de facto processit, cassatur, revocatur, irritatur & annullatur; & Sabinicensi perpetuum silentium imponitur. Integra Bulla ibidem refertur, additque auctor *Chronologia*; „ Eodem anno 1480. aliam Bullam emisit Pontifex, qua annullavit *Commendam* Abbatie *Tongerloensis* datam Cardinali Matiscronensi.

Sic *Commendarum* memoria in Belgio quievit usque ad annum circiter 20. decimi seculi, quando (ut narratur in citata Chronologia) Carolus V. Erardo à Marca Episcopo Leodiensi addixit primam vacantem Abbatiam dare in *Commendam*; cumque fors cecidisset super Abbatiam Sancti Michaelis Ordinis Præmonstratensis Antverpiæ, Carolus ad eam vacantem nominavit dictum Episcopum Leodiensem; cui nominationi fortiter resistunt Conventuales dictæ Abbatie, memores eorum, quæ ob *Commendam* datam Episcopo Sabinicensi à quadraginta circiter annis facta essent; ac inter alia Carolo exposuerunt, ipsum in suo læto introitu Abbatibus addixisse & promississe, nunquam Abbatiam aliquam dandam in *Commendam*. Quibus aliisque tandem effectum, ut agente Rege & Episcopo condescendente, mediante aliqua notabili pensione, Episcopus à præfensione Abbatie destiterit, & is qui electus à Conventu fuerat, Abbas institutus sit.

Nam ab eo tempore aliquid ultra pro introducendis *Commendis* in Belgio tentatum sit, nescio; hoc scio, Principes nostros in suo læto Introitu, articulo 56. promittere, „ quod nullas Abbatis, Prælaturas, aut Dignitates Brabantie dabunt in *Commendis*, nec jubebunt „ aut sinent dari ullo modo.

LIV. Ut hoc jus sibi illibatum conservent Abbatis & Monasteria, Abbatesque Laicos & Commendatarios excludant: nihil efficacius aut convenientius, quam ut in ipsis Monasteriis habeatur perfecta bonorum omnium, ac proventuum communio; rejecta distinctione seu

seu separatione mensæ Abbatis à Conventuali: quæ distinctio (ut observat P. Thomassinus, De Disciplina Ecclesiæ, parte 4. lib. 2. cap. 3.) pro magna parte occasionem Commendis subministravit. Deinde ut juxta leges Ecclesiæ, intentionem Fundatorum, necnon Regulas professionis Monasticæ, proventus Monasteriorum ita moderatè Abbates utantur, ut in omni ipsorum suppellectile, aut domo nihil appareat à professione pauperum alienum, vel quod mundi factum redoleat: & quod reliquum fuerit in Christianam hospitalitatem, & pauperum alimoniam impendant: ut hoc pacto reipsa ostendant, bona Monasteriorum esse *patrimonium pauperum*, quod sine sacrilegio in usus profanos impendi non potest.

## CAPUT VIII.

Discutitur Decretum Concilii Tridentini, sessione 25. cap. 21. relatum.

1. Exponitur status questionis.
2. Conc. Trid. indistinctè videtur prohibere, ne Monasteria vacatura in Commendam Clericis secularibus conferantur.
3. Mens Patrum Tridentinorum exponitur.
4. Forma, quam præscripserunt, ut Monasteriis vacaturis providebatur, satis indicat Concilii scopum.
5. Auditores de Rota restituti senserunt in exponendo Decreto & ad mentem Concilii Tridentini proximè accesserunt quàm Cardinales Concilii interpretes.

I. NUMERO 36. Capitis præcedentis observatum est, quòd in Italia usus Commendarum, etiam post Concilium Tridentinum ibidem publicatum & receptum, perseveret, ac passim omnes Abbatiæ dentur in Commendam Clericis secularibus, si sola Monasteria, quæ *Ordinum Capita* dicuntur, exceperis, idque conformiter ad resolutionem Cardinalium super interpretatione Decreti Concilii Tridentini sess. 25. cap. 21. de Regularibus, quæ declaravit per hoc Decretum vetari in Commendam dari Monasteria, quæ sunt *Ordinum Capita*: quoad reliqua verò Monasteria nequaquam positivè vetitum esse, ea in Commendam Clericis secularibus concedi: sed id conscientiæ, & judicio Romani Pontificis committi, uti refert Prosper Fagnanus cap. præcedenti citatus.

II. Verum si textus Concilii Tridentini ritè exponatur, non obscurum apparebit per hoc Decretum Concilii Tridentini absolute & indistinctè ac generatim vetari *vacatura* Monasteria, quæcumque ulterius in Commendam Clericis secularibus dari.

Imprimis in hoc Decreto deplorat Concilium; "Quòd pleraque Monasteria, etiam Abbatiæ; Prioratus, & Præposituræ, ex eorum, quibus commissæ fuerunt, administratione non levia passa fuerint, tam in spiritualibus, quam in temporalibus detrimenta.

Post hæc declarat Concilium, "cupere se ut hæc Monasteria ad congruam vitæ Monasticæ disciplinam revocarentur.

Porro adverterunt Patres, uti in ipso Decreto significant: "Quòd adeò dura, difficilisque ejus esset temporis conditio, ut nec statim omnibus, nec commune ubique, quod optaret, remedium possit adhiberi.

III. Cùm igitur Patres attenderent ob hanc duram ac difficilem temporis conditionem nec omnibus, nec ubique remedium quod optarent, adferri posse, ut nimirum Monasteria tum temporis, Clericis secularibus commodata possent statim & ubique commendatariis illis eripi & regularibus in titulum conformiter ad sacros Canones & Patrum Regulas assignari, curam

illius Romano Pontifici committendam censuit Synodus, "confidens, quod ipse pro sua pietate & prudentia curaturus sit, quantum hæc tempora ferre posse viderit, ut iis, quæ nunc commodata reperiuntur, & quæ suos Conventus habent, regulares personæ ejusdem Ordinis, expressè professæ, & quæ gregi præire & præesse possint, præficiantur.

Ex his evidens est Synodum Tridentinam in hac priori parte Decreti duntaxat loqui de Monasteriis, quæ tunc in Commendam à Clericis secularibus possidebantur, & quæ sic possessa, non videbantur obduram difficilemque temporis conditionem, statim omnibus & ubique Commendatariis illis auferri posse; & ad regulares personas Ordinem expressè professas transferri. Unde satius duxit Synodus curam providendi his ita Commendatis Monasteriis Romano Pontifici committere, ut ipse pro sua pietate & prudentia provideret.

Hæc autem difficultas cùm non occurreret quoad Monasteria etiam hætenus Commodata, quæ per cessum, vel decessum Commendatariorum vacare contingeret, Synodus quoad similia *vacatura* seu *vacantia* Monasteria decrevit in verbis: "Quæ verò *imposterum* vacabunt, non nisi regularibus spectatæ virtutis & sanctitatis conferantur.

Planum est ex textu Decreti, Synodum in priori parte loqui de solis Monasteriis, quæ tunc in Commendam possidebantur, atque iis providendi curam confidisse Romano Pontifici, atque verbum illud *confidit*, non nisi ad similia commodata Monasteria referri posse.

In altera verò periodo, quæ incipit ab his verbis: *Quæ verò*, evidenter Synodus loquitur de Monasteriis imposterum vacaturis atque ibidem modum præscribens, quo iis providendi desiderat, evidenter *præceptivè* non autem *consultivè* loquitur in verbis: *Regularibus spectatæ virtutis & sanctitatis conferantur*.

IV. Præterea nequaquam obscurum est periodum, quæ præscribitur forma providendi Monasteriis imposterum vacaturis, omnino sensum perfectum habere; neque verbum illud *confidit* ullatenus posse referri ad Decretum in posteriori hac periodo expressum; sed in hac Decreti parte sive periodo absolute mandatur, ut Monasteria *imposterum vacatura*, *regularibus spectatæ virtutis & sanctitatis conferantur*.

Cùm autem inter Commodata Monasteria reperiuntur quoque quædam Monasteria, quæ essent *capita* & *Primates* Ordinum, voluit Synodus ut hæc non tantum, cùm in posterum per cessum vel decessum Commendatariorum vacare contingeret, Regulares personæ iis præficerentur, sed insuper voluit Synodus: "Ut teneantur illi, qui in præfenti ea in Commendam obtinent, nisi sit eis de Regulari successore provisum, infra sex menses Religionem illorum Ordinum propriam solemniter profiteri, aut iis cedere; aliàs Commendæ prædictæ ipso jure vacare censentur.

Non itaque in hac periodo Synodus loquitur de Monasteriis vacaturis, sed de Monasteriis, quæ in Commendam possidebantur.

Igitur à verbis & mente Patrum Concilii Tridentini alienum est, quòd Synodus sola Monasteria, quæ sunt *capita* & *Primates* Ordinum, præceperit, dum ea vacare contingeret, ulterius in Commendam non dari, uti conformiter ad quoddam Decretum Congregationis Cardinalium prætendit Fagnanus supra relatus.

Sed (ut ex verbis Decreti probatum est) Synodus voluit, ut quæcumque Monasteria *imposterum vacatura*, Regularibus spectatæ virtutis & sanctitatis conferantur.

V. Non dubium proinde, quin conformius ad textum Concilii Tridentini processerint Domini de Rota dam, referente Prospero Fagnano ad cap. *Cum ad nostrum* de Elect. num. 10. declararent hanc periodum: *quæ*



quæ verò impoſterum vacabunt, regularibus ſpectata virtutis & ſanctitatis conferantur, habere ſenſum perfectum, ne de cætero alicui non regulari conferantur.

Ut proinde hæc Congregationis Cardinalium interpretatio non immerito reputari poſſe videatur ex iis, per quas Decreta Concilii Tridentini nonnunquam in alienum ſenſum inflexa reperiuntur, de quibus loquitur Zypæus *Conſ. 1. de Elect. n. 6.* ibidem propterea monet, Decreta Concilii Tridentini hic in Belgio eſſe recepta, prout verba ſonant, non autem juxta interpretationes Cardinalium. Denique ex his pateſcit, praxin Belgii, quæ ſimiles Commendas non agnoſcit neque admittit, eſſe ſat conformem Decreto Concilii Tridentini.

## CAPUT IX.

## De Electione &amp; Nominatione Superiorum.

1. *Regule Monachiſtica Monachis dant liberam electionem Abbatis.*
2. *His conſonat lex Juſtiniani.*
3. *Canones etiam hunc electionem Monachis deferunt.*
4. *Jure Decretalium electio ſpectat ad Monachos.*
5. *In electione Abbatum ſervanda forma præſcripta in Cap. QUIA PROPTER & De Elect.*
6. *Quæ forma ſervanda in electione Abbatiffæ?*
7. *Qui Prælati eligendi juxta formam præſcriptam in Cap. QUIA PROPTER?*
8. *Quomodo eligendi Abbates & Abbatiffæ temporales?*
9. *An Concilium Tridentinum derogaverit formæ præſcriptæ in dicto Cap. QUIA PROPTER?*
10. *Decretum Concilii Tridentini ſuper forma electionis.*
11. *Electio cenſetur ſecreta, licet Episcopus aliquos deputet ad excipienda vota.*
12. *An publicatio voti, poſt vel ante electionem, reddat electionem nullam ex mente Concilii Tridentini?*
13. *Quibus competat electio vel nominatio Superiorum, petendum etiam eſt ex Regulis & Conſtitutionibus ſingulorum Ordinum.*
14. *In Italia vigore Regule Cancellariæ pleraque Abbatia ſunt Pontifici reſervatæ.*
15. *Regula Cancellariæ non concernit niſi Beneficia Regularia perpetua.*
16. *In Gallia vi Concordati Rex nominat ad Abbatis viros.*
17. *Concordatum non comprehendit niſi viros Prælatos, qui habent titulum perpetuum.*
18. *Hoc titulo Abbatia triennales à nominatione Regia ſunt exemptæ.*
19. *Priores Cartuſianorum etiam exempti.*
20. *Similiter & Celeftinorum.*
21. *Ordinis Sanctiſſimæ Trinitatis quoque ſunt exempti; & quare?*
22. *Videtur ſeparatio menſæ Abbatialis à Conventuali occaſionem dediffe nominationi Regis.*
23. *Verba Concordati non comprehendunt Monasteria Monialium; uſu tamen ad illa extenditur Concordatum.*
24. *Nominatio Regia non extenditur ad Abbatiffas triennales.*
25. *Neque ad Abbatiffas Ordinis Sancti Franciſci; & quare?*
26. *In quo diſciplina Belgica cum jure Gallicano in hac parte conveniat.*
27. *Principes Belgii Monasteriis ſapiens liberam electionem addiderunt.*
28. *Difficultas orta inter Principem & Abbatem occaſione indulti Leonis X.*
29. *Compromiſſum fuit in arbitros.*
30. *Pendente controverſiâ inita Concordata ſuper forma providendi vacantiſ Abbatibus.*

31. *Quomodo hodie juxta hanc formam in electione & nominatione procedatur?*

**U**T Monachi ſuum eligant Abbatem, antiquorum Patrum Regulæ, nec non Eccleſiaſtica ac Civiles Sanctiones jam pridem præſcripſerunt.

Regula Benedictina *cap. 64.* "In Abbatis ordinatione illa ſemper conſideretur ratio, ut hic conſtituatur, quem ſibi omnis concors Congregatio ſecundum timorem Dei, ſive etiam pars, quamvis parva, Congregationis ſaniori concilio elegerit. Vitæ autem merito, & ſapientiæ doctrinâ eligatur, qui ordinandus eſt, etiamſi ultimus fuerit in ordine Congregationis.

Unum circa citatum locum notandum, vocem *parva* ibidem accipi pro voce *minor*; *Helleniſmus* (ait Vir eruditus Hugo Menardus ad Concord. Reg. *cap. 5. §. 1.*) poſitivus pro comparativo. *Ideſt minor* comparatione ad totam Congregationem eligentium, uti rectè notat & explicat Joſephus Mege in Commentario ad *cap. 64.* Regulæ Benedictinæ.

II. Huic legi Benedictinæ planè conformis eſt ſanctio Juſtiniani Imp. in *L. 47. Cod. de Episcopis & Clericis*: "Sacris noſtris legibus exiſtimavimus oportere & hanc addi; quæ ex virtute non autem ex temporibus Religioſas Abbatis ſeu præfecturas tribuit: ita videlicet ut in piis Monasteriis aut alceſteriis, non omni modo mortuo Abbate, vel Abbatiffa, is vel ea, qui vel quæ tempore antiquior eſt, aut ſecundus, ſecundæ deinceps eligatur. Conſentimus enim naturæ, neque omnes ſimiliter bonos, neque omnes in æquo facienti malos; ſed quem utique & vita optima, & mores honeſti & circa pium exercitium conſtantia, & commune reliquorum Monachorum complimentum, aut maxima eorum pars idoneum ad hoc putaverit, & Sacris Evangeliiſ propoſitis elegerit, ad præfecturam vocari.

III. Electionem Abbatis ab Eccleſia Monachis deferri ſat maniſeſtum eſt ex Canonibus relatis à Gratiano *cauſ. 18. q. 2.* ubi notat Gloſſa, quod hæc ſit ſecunda pars quæſtionis à Gratiano per 7. Canones probata, quod de jure communi ad Monachos tantum ſpectat electio Abbatum.

IV. Gloſſam uno conſenſu ſequuti Canoniſtæ docent, de jure communi, etiam Decretalium, electionem Abbatum ſpectare ad Monachos illius Monasterii, cui Abbas eſt præficiendus; idem & in Priori Conventuali, qui in ſuo Monasterio eſt, quaſi Abbas (uti ſuprà dictum fuit) & Abbatiffis reſpectu Monialium obtinere aſſerunt.

V. Quin & in electione Abbatum, qui ſcilicet verè intitulari, hoc eſt, *perpetui* ſunt, obſervandam eſſe formam electionis præſcriptam in *cap. QUIA PROPTER & De Elect.* communiter aſſerunt; & latè probat Fagnanus ad dictum Capitulum.

VI. Eandem formam ſervari quoque volunt in electione Abbatiffarum, hoc uno excepto, quod electio Abbatiffæ debeat fieri à duobus Collegii partibus, nullâ habitâ collatione zeli ad zelum, nec meriti ad meritum, juxta *cap. INDEMNITATIBUS §. SANE De Elect. in VI.* quæ collatio quamvis per dictum *cap. QUIA PROPTER* requiri videatur, eò quod requiratur major & ſanior pars, hodie tamen in deſuetudinem abiit; ſolentque in electionibus vota numerari, non ponderari; niſi ob aliquod Canonicum impedimentum, alicujus votum annullari queat.

VII. Hæc forma electionis in dicto Capitulo QUIA PROPTER, generaliter ſervanda eſt in electione ad omnes dignitates tam Regulares, quàm ſeculares, per quas eorum poſſeſſores conſtituuntur, ac dicuntur *Sponſi Eccleſiæ*, & per quorum obitum Eccleſia dicitur *vidua*: quales reputantur inter Regulares, Abbates & Abbatiffæ; item Priores & Prioriffæ Conventuales, eas dignitates in titulum *perpetuum* & ad vitam obtinentes: uti notat Fagnanus ad dictum Capitulum. De forma

ma hujus electionis agemus infra *parte 2.* ubi de electione ad dignitates tractabimus.

VIII. Abbates verò & Abbatissæ *temporales* aliique Officiales Monasteriorum titulum perpetuum non habentes, non reputantur *Sponsi Ecclesiæ*, nec per ipsorum mortem Ecclesia dicitur *viduata*; "ideoque (ait Fagnanus) in eorum electione non sunt necessariae formæ hic (in Capitulo *QUIA PROPTER*) præfixit, sed sufficiunt singulares consensus Capitularium dummodo præstentur in communi, & omnibus collegialiter congregatis, & electio fiat à majori & saniore parte Capituli." Hæc ille.

IX. Ostendit quoque ibidem Fagnanus, Concilium Tridentinum *Sess. 25. cap. 6. De Regularibus*, præscribens formam in electione Regularium observandam, non derogare Constitutioni Concilii Lateranensis, de qua in sæpius citato *cap. QUIA PROPTER*; sed hanc etiamnum hodie observari debere in electione Abbatum *perpetuorum & intitulatorum*; formam verò à Concilio Tridentino præscriptam in electione aliorum Superiorum Regularium: quod etiam insinuassee videtur Concilium ad vocem *Abbatum* addendo vocem *temporalium*.

X. Vult ergo Concilium *Sess. 25. De Regularib. cap. 6.* "In electione Superiorum quorumcumque, Abbatum *temporalium* & aliorum Officialium, ac Generalium, & Abbatissarum, atque aliarum Præpositarum, quo omnia rectè & sine ulla fraude fiant.... omnes supradictos eligi debere per vota *secreta*: ita ut singulorum eligentium nomina *nunquam publicentur*. Nec imposterum liceat, Provinciales, aut Abbates, Priores aut alios quoscumque titulares ad effectum electionis faciendæ, constituere, aut voces & suffragia absentium supplere. Si verò contra hujus Decreti Constitutionem aliquis electus fuerit, electio irrita sit: & is, qui ad hunc effectum se in Provinciale; Abbatem aut Priorem creari permiserit, deinceps ad omnia officia in Religione obtinenda, inhabilis existat: facultatesque super his concessæ eo ipso abrogatæ censeantur, & si imposterum aliæ concedantur, tanquam subreptitiæ habeantur.

XI. Reputatur electio *secreta* ad mentem Concilii, licet Episcopus aut Capitulum designaverit aliquos, qui omnium eligentium vota secreto exciperent, modo postea nomina singulorum eligentium non publicentur: atque ita censuit Sacra Congregatio, quod in electione Abbatissarum, de qua in *cap. 6. Concilii Tridentini*, possit Episcopus cum suo Vicario vel Secretario, vel alio ab ipso assumpto vota singulorum Monialium *ortenus* expressa audire; apud Garciam De Benef. *parte 5. cap. 4. num. 190.* & huic resolutioni praxis hodierna conformis est. Solent enim Episcopi Archipresbyteros aliosve Commissarios deputare, qui in electione Superiorum excipiant Monialium suffragia; eaque in scriptum redacta *secreto* Episcopo mittuntur, qui iis visis & computatis, electionem publicat & confirmat, nullà facta votorum publicatione.

XII. Quinimò si aliquis eligentium vel ante electionem diceret, quem esset electurus; vel post electionem factam publicaret, quem elegisset, non propterea electio delineret esse *secreta* & valida, uti à S. Congregatione resolutum esse refert Garcias loco citato *num. 196.* quia aliàs in potestate particularium esset, electionem Canonicam sibi non placentem irritare.

Sed neque publicationem votorum factam post electionem ac confirmationem ritè peractam; electionem irritare rectè notat Zypæus *Tit. De electione num. 8.* "Quamquam enim, ait, id sit adversus intentionem Concilii, in verbis: *nunquam publicentur*; tamen extra causam finalem est illius Decreti, in verbis: *Quo omnia rectè & sine ulla fraude fiant.* Is finis cum electione ritè facta confirmatæque obtentus sit, eam, quæ ex post facto accidunt, infectam seu nullam redere nequeunt.

Tom. I.

XIII. Hactenus dicta de jure *Conventus* in electione Abbatum & Abbatissarum ac aliorum Superiorum, procedunt de *jure communi*; à quo per speciales Constitutiones & consuetudines in aliquibus Ordinibus non nihil recessum est; dum electionem seu designationem transtulerunt ad Generalem Ordinis, vel ad Provincialem cum suis Diffinitoribus seu assistentibus, uti videri potest ex singulorum Ordinum usu, & particularibus Constitutionibus.

XIV. Adhæc in Italia Abbatum & Priorum *perpetuorum & intitulatorum* electio hodie ferè cessat, postquam per *regulam 2. Cancellariæ Pontificis* sibi reservat omnia *Monasteria virorum valorem annuum ducentorum florenorum auri communi æstimatione excedentia, nunc quomodocumque vacantia, & imposterum vacatura.*

XV. Hanc regulam non comprehendere Monasteria, quæ ex indulto Apostolico sunt *manualia*, notat Alcanius Tamburinus *De Jure Abbatum tom. 1. disput. 5. quæst. 2.* Neque de illis Pontifex providere solet: Unde cum Abbatissæ in Italia passim sint *triennales* ex Constitutione Gregorii XIII. non consuevit Pontifex de Monasteriis Monialium providere.

XVI. In Gallia vigore Concordatorum, vacantibus Monasteriis & Prioratibus *verè electivis*, videlicet in quorum electionibus forma Capituli *QUIA PROPTER* servari, & confirmationes electionum hujusmodi solemniter peti consueverunt, *Conventus* ad electionem seu postulationem Abbatis seu Prioris procedere non possunt; sed Rex, illorum occurrente vacatione, Religiosum ejusdem Ordinis in ætate 23. annorum ad minus constitutum infra sex menses à die vacationis Sedi Apostolicæ nominat; ut per Sedem Apostol. Monasterio vacanti de persona nominata provideatur.

XVII. Cum autem Concordatum tantum loquatur de Monasteriis *verè electivis*, in quorum electionibus servatur forma *cap. QUIA PROPTER*, & quorum confirmationes solemniter peti consueverunt, deducitur, Concordatum non comprehendere nisi *Abbatem & Priorem*, qui sunt veri *Prælati*, id est, juxta Rebuffum, quorum obitu Ecclesia est *viduata* Pastore, de quibus supra. "Unde si probetur, ait, quod Prior habet, alium supra se, non dicitur Ecclesia *viduata*: ergo in illo non habebit locum, dictum, *cap. QUIA PROPTER*, nec consequenter Concordatum.

Adhæc, uti supra notatum est, Abbates & Priores non censentur *Sponsi Ecclesiæ*, per quorum obitum Ecclesia *viduata* dicitur, nisi in *titulum* eumque *perpetuum* dentur; unde etiam Concordatum intelligendum esse, post Rebuffum tradit Choppinus *lib. 1. Monast. tit. 1. num. 5.* "cum civili moderatione de *perpetuitate*, jurisque perpetui Sacerdotis, non de *temporariis* Ecclesiæ dignitatibus, quæ *vivo* abrogari possint aliquando, ex statuta Ordinis regula ac disciplina.

XVIII. Hoc titulo à Regia nominatione quædam Monasteria Ordinis Benedictini Congregationis Casæ exempta sunt, "quod *triennii* lege teneantur sacræ ejusmodi potestates, nec ultra *triennum* vulgò pro-

ducantur. Similiter ibidem testante Choppino, *Gulielmitæ* seu *Albi Mantelli* Priorem sibi eligunt, eò quod in Ordine Priores sint *triennales*.

XIX. Regia insuper ad Sacrosanctas Potestates nominatio non procedit in Carthusiensi ejusque Primatu *Conventus* Monastici, ait Choppinus. "Nam etsi is Primatus purè demandetur Cœnobitæ, nec præfinitum in tempus: abrogari tamen huic ex causâ potest à summo Ordinis Præsule, post inspecta lustrataque regionatim ejusdem familiæ Cœnobia. Singulorum adhæc *Conventuum* Præfecti ita decernunt statuunt, quæ de profanis Monasterii redditibus annuis, ut nihil *proprium*, sed *communem* in usum omnia referant: quorum etiam proventuum ratiocinia quotannis medio in cœtu sacrorum sodalium excutiantur, & dispunguntur.

XX. In

XX. In Ordine Cœlestiorum, " qui Conventibus singulis præficiuntur, haud nominantur à Principe, quasi *Priores Conventuales*, juxta cit. §. *Monasteriis* in Concordatis (ait Choppinus ibidem num. 7.) sed legitimis suffragiis designantur à Monastico Provinciali Magistratu. „ Rationem illius subjicit: „ hi sacro Sodalitio præfunt *nuda* temporarii officii auctoritate verius, quam *Beneficii Ecclesiastici*: nec *privatim* suos faciunt fructus Monasticorum prædiorum.

XXI. Ex hisce non obscurum est, Choppinum haud dubitasse, eos solos Prioratus, sive Abbatis Regiæ nominationi subjacere, qui instar *Beneficii Ecclesiastici* possidentur; & vi quorum ipsi Priores partem proventuum quasi sibi *propriam* administrant ac dispensant. Unde probans Ministros Ordinis SS. Trinitatis vulgò *De redemptione captivorum*, esse à Regia nominatione exemptos, inter alia adducit dicti Ordinis regulam, qua præcipitur: „ Omnes res undecumque licite veniant in tres partes dividantur æquales: & in quantum duæ partes sufficiunt, exequantur ex illis opera misericordiae, cum sui ipsorum, & eis necessariò famulantium moderata sustentatione: tertia verò pars reservetur ad redemptionem captivorum, qui sunt incarcerati pro fide Christi à Paganis, vel dato pretio rationabili pro redemptione ipsorum, vel pro redemptione Paganorum captivorum: ut postea rationabili commutatione redimatur Christianus pro Pagano.

Deinde his relatis subjicit: „ Unde elicias, Cœnobii cuiusque Magistrum seu Ministrum potius vulgò dictum, omnia habere cum Sodalitio communia, nec fructuarii instar *Beneficarii* profanos templi redditus privatim dispensare. „ Quasi diceret, non mirum si Ministri hi nominationi Regiæ non subjacent, cum non instar *Beneficarii* proventus dispensent.

XXII. Quare credendum est, quod separatio mensæ Abbatialis à Conventuali occasionem dederit non tantum introducendis Commendis; sed etiam nominationi Regiæ: dum per hanc divisionem, Abbates facti sunt quasi *Beneficarii*, & Abbatias & Prioratus transferunt in Dignitates & Beneficia, quibus annexum esset jus percipiendi certos proventus: quanquam jam introducta nominatione, etiam extensa fuerit ad Abbatias, quæ hanc divisionem non fecerunt: uti & in Commendis contigit.

XXIII. Monialium Monasteria Concordato non comprehendendi post Rebuffum notat Choppinus num. 11. Quapropter vi Concordati, Regiæ nominationi nulla Monialium Monasteria subjacent, uti etiam in contradictorio judicio per Senatum Regium aliquando judicatum esse refert Choppinus; qui tamen observat, sensum nominationem Regiam ad Abbatias Monialium esse extensam, Regemque personas Monasterio præficiendas Pontifici nominasse, quamvis ipsi Pontifices ægrè ejusmodi nominationem admittere voluerint. „ Ideò vidi (inquit Rebuffus ad Concordata pag. 559. edit. Paris. (1664.) quasdam nominationes per Regem factas, in quibus dicebat Papa, providemus tali N. dummodo Monialium majoris & sanioris partis consensus inter venerit. „ Quin & postquam nominatio Regia invaluit, adhuc tamen, teste Choppino, in litteris provisioni à Pontifice additur hæc clausula: *Dummodo consensus majoris partis Monialium accedat.*

XXIV. Ulterius, sicuti Regis nominatio vigore Concordati non respicit Abbates aut Priores *temporales*; ita nec Concordati extensio postea facta ad Monasteria Monialium comprehendit Abbatissas, aut Priorissas *temporales*, quemadmodum observat Rebuffus.

XXV. Adhæc, usum illum Regiæ nominationis ad Virginum Monasteria „ benignè interpretari sunt Judices (ait Choppinus Lib. 1. *Monast. tit. 1. num. 11.*) ex animo sensuque Principis non habere locum in muliebribus Franciscanæ factæ Monasteriis. Quam enim horum Magistræ, titulo decorantur Abbatum feminarum, communibusque nunc fruuntur

possessionibus, parando victui idoneis: haud propterea utique à Franciscanis Constitutionibus descivere, quæ singulis proprium quidvis abnuerint rerum profanarum. Nil quippe Monastica Antistes particulare sibi sumit ex communi fundorum Ecclesiæ proventu, ac redditu: verum annui & ordinarii illorum fructus communem in mensam Conventus haud dubiè inferunt & infumuntur.

Hic rursus videmus, Choppinum exemptionem horum Monasteriorum à Regia nominatione in hoc refundere, quòd nulla in Ordinis istius Monasteriis *mensa Abbatialis* à Conventuali fuit nota *divisio*.

XXVI. In Belgio, quoad Monasteria Regiæ nominationi non obnoxia, praxis ac usus congruit cum usu Regni Gallicani, non autem per omnia, quoad Monasteria seu virorum seu mulierum Regiæ nominationi obnoxia.

XXVII. Prælaris enim sive Abbatibus Brabantiae multoties à Principibus libera electio juxta sanctiones Canonicas & Ordinum Constitutiones, eorumque privilegia addicta fuit.

XXVIII. Porro circa initium decimi sexti seculi Carolus V. à Leone X. obtinuit indultum, ut in his Ditionibus Belgicis nullus ad Dignitates Abbatiales aut quorumcumque Monasteriorum, etiam per Priores aut Præpositos regi & gubernari solitorum, regimina per Pontificem aut Sedem Apostolicam, seu ejus Legatos & Nuntios præfici; nec illis de quorumcumque personis quovis modo provideri possit: nisi, ait Pontifex, habitis prius per Nos, aut Sedem Apostolicam, intentionem & consensum, tuis de personis ad hujusmodi dignitates & regimina promovendi. Itaque expressum in Bulla prout habetur parte 1. Edictorum Brabantiae lib. 1. tit. 7. cap. 2. & in citata Chronologia Parcensis; at credo legi debere: *intentione & consensu tuis*: ut sit sensus: *Nisi habitis prius per Nos aut Sedem Apostolicam intentione & consensu tuis*, de personis, &c.

Vigore hujus Bullæ cum instinctu quorundam suorum Ministrorum vellet Carolus, neglecta Religiosorum liberâ electione nominare personas sibi *gratas* ad dignitates Abbatiales; unanimiter Abbates & Abbatissæ, Præpositi ac Priores Conventuales se opposuerunt; allegantes tum vi suarum foundationum, tum titulo variorum privilegiorum ac immemorialis consuetudinis, Religiosis competere liberam electionem suorum respectivè Abbatum, Abbatissarum, Præpositorum, & Priorum; neque huic juri electionis per Bullam ullatenus esse derogatum; imò Bullam in corroborationem ac præfervationem istius juris in favorem Monasteriorum à Carolo fuisse sollicitam & impetratam; quemadmodum hæc omnia latius deducuntur in Compromisso, quo de consensu Caroli & Abbatum & aliorum hæc difficultas quibusdam arbitris commissa fuit 12. Feb. 1521. Habetur *parte 4. Edictorum Brabantiae lib. 4. tit. 1. cap. 6.*

Verum cum quæstio hæc ob varias difficultates per arbitros non decideretur, tandem sub Philippo II. Caroli immediato successore inita est Concordia super modo Monasteriis vacantibus de Abbatibus providendi: quæ saltem *provisionaliter* quousque quæstio principalis coram arbitris indecisa pendens terminaretur, observari deberet. Cum autem quæstio nec hæcenus decisa fuerit, is modus providendi *provisionalis* quasi in absolutum transiit, atque hodie juxta illum proceditur. Impressa est hæc Concordia in dicta *parte 4. Edictorum loco citato cap. 12.*

XXIX. In hac Concordia promittit Princeps, quòd, siquando aliquam Abbatiarum vacare contigerit, mitteret aliquos Commissarios, duos nimirum ex Abbatibus Brabantiae ejusdem Ordinis quatenus reperiantur, & quos judicaverit magis idoneos, aut alterius Ordinis, illis deficientibus, unâ cum aliquo alio tertio Commissario (qui hodie esse solet Cancellarius Consilii Brabantiae) qui Commissarii super idoneitate & qualitate



litate Religioforum ejusdem Monasterii diligenter inquirent, ac informationem suam Principi cum suo *adviso* (id est *judicio*) remittant, ac deinde eum, ait Princeps, quem maxime idoneum inveniemus, si quis modo idoneus reperiatur, desumemus, habitatione tam adviciorum Commissariorum, quam vitæ conversationis & idoneitatis electorum, idque ex depositionibus eligentium, ex quibus constabit, quis ex electis in spiritualibus & temporalibus sit magis idoneus: "Et caui quo (pergit Princeps) aliquod Canonicum seu legimum obtulerit impedimentum contra hujusmodi electos seu, ut præfertur, Religiosos designatos, curabimus novam informationem capi, tam super ejusdem Monasterii, quam aliorum ejusdem Ordinis in Brabantia successive Religiosis, ad finem ut ex designatis desumamus seu approbemus, quem reperiemus magis idoneum.

XXX. Itaque juxta normam hujus Concordiæ, qua hodie hic utimur, Religiosi coram Commissariis Regiis aliquos in Abbatem eligunt, sive proponunt, idque ordine illo, quo eos ad Prælaturam digniores credunt, atque tres ex illis pluralitate suffragiorum electos, solum Commissarii suo adjuncto, super designatorum capacitate & meritis, judicio, Principi proponere; è quibus Princeps unum designat, qui Religiosis Capitulariter congregatis per Episcopum vel alium Superiorem, auctoritatem confirmandi seu installandi habentem, proponitur; atque ab ipsis per quandam imaginem seu speciem electionis in Abbatem recipitur.

XXXI. Eadem forma servari solet in designatione & electione Abbatissarum; sultinentque, Principem vi prædictæ Concordiæ non posse nominare nisi unam ex electis & propositis à Monialibus.

## CAPUT X.

## De Confirmatione &amp; Benedictione Abbatum.

1. *Abbatess electi vel nominati debent à Superiore confirmari.*
2. *Abbatess à suo Episcopo confirmandi; nisi sint exempti.*
3. *Interdum Abbates & Superiores electi una censentur confirmati.*
4. *A quo confirmatio postulanda juxta Concordata Germaniæ.*
5. *In Gallia Abbates à Rege in vim Concordati nominati, tenentur à Sede Apostolica confirmationem habere.*
6. *In Belgio aliquando questio suborta fuit circa Abbates à Rege nominatos.*
7. *Uso obtinuit, ut Abbates in Belgio confirmentur, juxta jus commune & Ordinum particularia privilegia.*
8. *Quomodo Abbatum confirmatio & provisio expediat juxta styllum Curie Romanæ.*
9. *Ex taxa Camere Apostolicæ constat, Abbatias Belgicas plerasque esse consistoriales.*
10. *Abbatess in vim provisionis Apostolicæ possessionem non accipiunt sine placito Regio.*
11. *Solemnis Benedictionis Abbatialis nulla in Regulis Monasticis mentio.*
12. *Verisimiliter una cum Pontificali usu invaluit.*
13. *Benedictio solennis non facit Abbatem.*
14. *Etiam hodie sine illa benedictione potest esse verus Abbas.*
15. *Ante benedictionem vocatur simpliciter Abbas.*
16. *A quo benedicendus Abbas?*
17. *Ritus in multis convenit cum ritu consecrationis Episcopalis.*
18. *Promittit fidelem verum Monasterii dispensationem.*
19. *Traditur ei Regula ad regendum Monasterium.*
20. *Abbatissæ etiam solemniter benedicuntur; & regere Monasterium juxta Regulam promittunt.*

Tom. I.

21. *Abbatissæ spirituale & temporale regimen Monasterii committitur.*

L. **A**BBATES aliosque Monasteriorum Superiores, qui vel per electionem Conventus, vel per nominationem Regiam constituuntur, necessario à Superiore confirmandos esse, priusquam se administrationi immisceant, uno consensu tradunt Canonistæ ad *cap. QUALITER & De Electione*.

II. Jure communi Abbates *non exempti*, postquam à suo Conventu fuerint electi, ab Episcopo Diocessano, cui *immediate* subjiciuntur, confirmandi sunt; uti communiter tradunt Canonistæ ad *cap. STATUIMUS & De Suppl. neglig. Prælat.* Exempti vero confirmationem petere debent à Pontifice; quando scilicet exempti *immediate* sunt Papæ subjecti; "Secus autem (ait Alcanius Tamburinus *De Jure Abbatum* *tom. 1. diff. put. 6. quest. 2. num. 2.*) si Abbas habet alium Prælatum *medium* cui subest, prout Abbates & Prælati locales habentes Abbatem & Præsidentem *Generalem* vel *Provincialem* à quo confirmentur.

III. Deinde Abbates & Prælati locales, qui non per electionem *Conventuum* eliguntur, sed à Generali cum diffinitorio constituuntur, non indigent confirmatione, uti recte ibidem *num. 4.* monet Tamburinus: "Quia quando ad eundem spectat electio & confirmatio eodem jure, tunc eo ipso, quod eligit, etiam confirmare censetur. (a)

Hinc in Italia Abbates *perpetui*, qui à Pontifice *consistorialiter* designantur, nulla alia indigent confirmatione.

IV. Concordata Germaniæ concedunt, quod in Monasteriis *immediate* subjectis Sedi Apostolicæ fiant Canonice electiones, quæ ad *dictam Sedem* deferantur, quas etiam, ait Nicolaus V. ad tempus Constitutionis, felices recordationis Nicolai Papæ III. quæ incipit *Cupientes*, expectabimus, & elapso dicto termino, si non præsentata, vel si præsentata minus Canonice fuerint, providebimus, & si Canonice fuerint, *confirmabimus*. . . Et in Monasteriis *dictæ Sedi immediate non subjectis* & aliis regularibus Beneficiis, super quibus pro *confirmatione*, vel provisione ad *dictam Sedem* non consuevit haberi recursus, electi, seu illi, quibus providendum est, pro *confirmatione* & provisione hujusmodi ad Curiam Romanam venire non tenebuntur.

V. In Gallia vigore Concordatarum Rex nominat personas ad Monasteria vacantia Sedi Apostolicæ; ut ab hac Sede *provisionem* accipiant; quæ provisio pro confirmatione reputatur. Quare quoad Abbatias & Prioratus Regiæ nominationi subjectos, *confirmationes* seu provisiones à Sede Apostol. peti & obtineri debent.

VI. In Belgio aliquando questio fuisse legitur, num Abbates per Regem designati à Sede Apostolica *confirmationem* sive provisionem obtinere tenerentur: eo quod in indulto Caroli V. Philippi II. & Alberti Archiducis, de nominando ad primarias Ecclesiarum dignitates habeatur, *quod sic nominati à Sede Apostolica obtinebunt confirmationem*; sed quoad primas dignitates seculares post Episcopales quoad hoc punctum indultum non est receptum: nec enim ullus à Rege ad hujusmodi dignitatem nominatus, confirmationem à Sede Apostolica petit. Quoad Abbatias vero, Principes hoc indulto uti non videntur, sed jure quo prius potiebantur; ut nimirum Monasteriis quidem sua maneat Canonica electio, hoc tamen temperamento, ut eligant, quem Princeps, prius facta inquisitione juxta supra citata Concordata, sibi *gratum* & maxime idoneum designaverit.

(a) Observandum est Abbates triennes confirmatione non indigere, ut res suorum Monasteriorum spirituales & temporales possint administrare; istud enim jus statim ab eorum electione illis competit.

T 1 2

VII.

VII. Unde moribus Belgii, Abbatum confirmatio peti, & obtineri consuevit juxta jus commune, & particulares cujusque Ordinis Constitutiones & privilegia. Paucissima autem, eaque à jurisdictione Ordinariorum exempta Ordinis Benedictini Monasteria, à Sede Apostolica provisionem seu confirmationem petere consueverunt.

VIII. Provisio Abbatiarum excedentium valorem annuum ducentorum florenorum auri de Camera expeditur consistorialiter, sive in Consistorio Cardinalium, idque prævia informatione ac propositione, quæ in Cathedralium Ecclesiarum provisione servari consuevit: uti expresse declaravit Gregorius XIV. in sua Constitutione, quæ incipit: *Onus Apostolica*, de qua supra tit. 14. cap. 3. actum fuit; ubi & ritus informationis latius descriptus fuit.

IX. Ex taxa autem Abbatiarum & Monasteriorum, quam exhibet Alcanius Tamburinus ad calcem tomi primi De Jure Abbatum, ad exemplar libri *Sacri Collegii, & Reverendissima Camera Apostolica*, patet, Abbatias Belgii omnes futuras Consistoriales, si earum provisio Romæ peteretur: taxa enim illarum ibidem notata, multum excedit valorem annuum ducentorum florenorum auri de Camera.

X. Circa Abbatias, quarum provisio à Sede Apostolica habenda est, notandum, quod licet Pontifex in Consistorio det provisionem, nequaquam tamen in vim istius provisionis, possessionem Abbatiae aut ejus administrationem accipere queat provixus, ante expeditionem Bullarum; & priusquam placetum Regium hisce in partibus accesserit, quemadmodum in provisione Cathedralium Ecclesiarum obtinere supra tit. 14. cap. 5. ostensum est.

XI. De solemnibus, quæ hodie in usu est, Abbatum benedictione nihil in Regulis Monasticis, aut antiquis historicis, aut Ecclesiasticis monumentis occurrit.

Meminit quidem Canon 14. Synodi VII. Abbatum, qui ab Episcopo manus impositionem acceperunt: sed uti bene notant ad dictum Canonem Balsamon, Zonaras aliique Græci Commentatores, tantum sermo est de impositione manus, qua Abbas in Presbyterum ab Episcopo fuit ordinatus. Unde errat Glossa dum ad *Can. 1. dist. 69.* apud Gratianum *banc manus impositionem pro benedictione Abbatiali accipit.*

XII. Admodum verisimile est, solemnem illam Abbatum benedictionem, quæ ad Episcopalem consecrationem non parum accedit, invaluisse, quando Abbates cum ornamentis Pontificalibus ad ipsam quodammodo Pontificalem sive Episcopalem eminentiam, ac dignitatem ascendere coeperunt.

XIII. Quidquid sit, illud certum est, benedictionem illam solemnem non constituere aut efficere Abbatem; nec ita necessariam esse hanc benedictionem in Abbate, uti est consecratio in Episcopo. Unde seculo XI. scripsit S. Ivo Carnotensis: *Promotionem Abbatibus non facit Episcopalis Benedictio, sed Fratrum communis electio.*

XIV. Adhæc Alexander III. in cap. 1. §. *De Suppl. negl. Pralat.* concessit Cisterciensibus, ut "si Episcopus tertio cum humilitate, ac devotione, sicut convenit, requisitus, Abbates benedicere renuerit, licet Abbatibus proprios Monachos benedicere, & alia, quæ ad hoc officium pertinent, exercere." Ex quo conficitur, benedictionem nullatenus esse Abbati constituendo necessariam.

Quin nec hodie Abbates triennales benedicuntur (ait Tamburinus De Jure Abbatum tom. 1. disput. 11. quest. 3.) & tamen gaudent prærogativis, quibus benedicti.

XV. Notantque ulterius Canonistæ, electum & confirmatum, tamen necdum benedictum, vocari simpliciter Abbatem in citato cap. 1. & cap. 13. §. *De Accusationibus*; idemque de stylo Cancellariæ Romanæ servari scribit Oldradus consil. 14. subdens, Abbatibus Be-

neficiis vacare post adeptam possessionem ante benedictionem.

XVI. Benedictionem de jure communi Abbates accipere debent à proprio Episcopo, uti notatur in citato cap. 1.

Martinum V. Abbatem S. Pancratii de Florentia Congregationis Vallis Umbrosæ; & Eugenium IV. Congregationi Cælestinorum concessisse privilegium, ut à quocumque maluerint Antistite gratiam & communionem Sedis Apostolicæ habente, benedictionem accipiant, refert Tamburinus loco citato questione 10.

Et teste Choppino lib. 2. *Monast. tit. 1. num. 7.* per Bullam Innocentii VIII. Cistercienses habent privilegium speciale pro Abbate capite Ordinis, ut possit novis Abbatibus & Abbatissis sui Ordinis sacræ benedictionis munus impendere, citra Episcopi auctoritatem, edita Bulla an. 1484.

Deinde hoc privilegium extendit Clemens VIII. per Bullam 24. Julii 1599. concedendo Abbati Capiti Ordinis Cisterciensis constituendi ac delegandi Abbates Commissarios per Provincias cum potestate benedicendi novos Abbates & Abbatissas sui Ordinis: quo privilegio etiamnum hodie utitur in Belgio Ordo Cisterciensis.

XVII. Ritus hodiernus benedicendi Abbates, pene per omnia coincidit cum ritu consecrationis Episcopalis, referturque in Pontificali Romano, in quo hæc duo notanda occurrunt.

XVIII. Primo, quod inter articulos examinis hic reconsecratur: *Vis res Monasterii tibi commissi fideliter custodire, & in usus Ecclesiæ, Fratrum, Pauperum & Peregrinorum distribuere?* Respondet Benedicendus: *Volo.*

XIX. Secundo, ubi Episcopo consecrando traditur liber Evangeliorum, Abbati traditur Regula sui Ordinis, his verbis: *Accipe Regulam à Sanctis Patribus traditam, ad regendum custodiendumque gregem tibi à Deo creditum, quantum Deus ipse te confortaverit, & fragilitas humana permiserit.*

XX. Abbatissæ etiam solemniter benedici consueverunt ritu in Pontificali descripto, in quo inter cætera hæc noranda sunt.

Primum, quod Prælatus benedicens tradat electæ Abbatissæ Regulam, dicens: "Accipe Regulam à Sanctis Patribus traditam, ad regendum custodiendumque gregem tibi à Deo commissum, quantum Deus ipse te confortaverit, & fragilitas humana permiserit. Accipe gregis Domini maternam providentiam, & animarum procuracionem; & per divinæ legis incedendo præcepta, sis ei Dux ad cælestis hæreditatis palatia."

XXI. Deinde absoluta benedictione Prælatus eam inthronizat, dicens: "Accipe plenam & liberam potestatem regendi hoc Monasterium, & Congregationem ejus, & omnia quæ ad illius regimen interius & exterius spiritualiter & temporaliter pertinere noscuntur."

Ex his videmus, Abbatissæ regimen non tantum exterius & temporale, sed & interius ac spirituale; quin & procuracionem animarum committi.

## CAPUT XI.

Quis Ordo & ætas in Superioribus Regularibus requiratur?

1. Abbates olim non erant Presbyteri.
2. Hanc disciplinam supponit Conventus Aquisgranensis seculo IX.
3. Non refragatur huic disciplinæ Regula Benedictina.
4. Gratianus censuit ex Regula Benedictina Abbates debere esse Presbyteros.
5. A mente Regulæ aberravit Gratianus.
6. Alius Gratiani error.

7. Ad disciplinam sui temporis respexisse videtur Gratianus.
8. Jure Decretalium Abbates tenentur ad Presbyteratum promoveri.
9. Idem est de Priori Conventuali.
10. Hodie cura animarum requirit Sacerdotium: & quare?
11. Jure communi requiritur ætas 25. annorum in Abbate & Priore.
12. Per Concordatum Gallicanum recessum est ab hoc jure communi.
13. Qua ratione in Gallia Abbates compellantur ad suscipiendum Presbyteratum?
14. Quæ ætas jure communi in Abbatissa & Priorissa requiratur?
15. Concilium Tridentinum requirit annum 40. completum.
16. Quid Concilium Tridentinum velit dum in Monasterio non reperitur, quæ has qualitates habeat?
17. Quandoquid ex alio Monasterio eligi possit vel debeat?
18. In electione Superiorum magis ad merita quam ad ætatem attendendum.

**O**LIM non omnes Abbates Presbyteros fuisse ex antiquis Monachorum Regulis & vitis sã manifestum est; unde jam pridem sine ulla hæsitacione Rupertus Abbas l. 2. in Regulam Benedictinam cap. 10. postquam loquutus esset de disciplina requirente in Abbate Presbyteratum, ait: *Olim non ita erat: multi Abbates erant, qui sacros Ordines non habebant.*

Ad quæ aliaque reflectens Hugo Menardus in appendice 3. ad cap. 23. Concordiæ Regularum, ait: "Quare quorundam Recentiorum opinioni suffragari non possum, qui dicunt Abbatem teneri ad Sacerdotium ex Regulæ S. Benedicti instituto."

Deinde refert plura exempla Abbatum, qui nunquam Presbyteri fuerunt; atque inter alia S. Eugendi qui nunquam ad hunc Ordinem promoveri voluit: "& cum de hoc Ordine suscipiendo sollicitaretur, dixit, utilis multo esse Abbati propter juniorum ambitionem liberum à Sacerdotio præesse fratribus."

II. Hanc pristinam disciplinam non obscure supponit Conventus generalis Abbatum anno 817. Aquisgranorum Ludovico Pio habitus ad reformationem Monachorum, ubi c. 62. dicitur: "Ut Abbas, Præpositus, vel Decanus, quamvis Presbyteri non sint, Lectoribus benedictionem tribuant."

III. Neque his refragatur, quod ex Regula Sancti Benedicti, Abbas animas regendas suscipiat, atque ita curam animarum habeat; quæ videtur Sacerdotium supponere; ita ut communiter tradant Canonistæ, Beneficium curam animarum annexam habens exigere in Beneficiato, ut saltem ad Sacerdotium intra tempus à jure definitum promoveatur. Verum regimen animarum, de quo S. Benedictus, comprehendebat quidem omnem auctoritatem & jurisdictionem in Monachos, statuendi, præcipiendi, corrigendi, puniendique, quantum saluti Monachorum, & disciplinæ Monasticæ congruit; sed Eucharistiæ, pœnitentiæ, aliorumque Sacramentorum administrationem, quæ Ordinem Sacerdotalem exigunt, non complectebatur; quo sensu etiamnum hodie Abbatissis, necnon quibusdam Superioribus laicis, ut apud Cellitas seu Alexianos, cura seu regimen animarum & spiritualis jurisdictio absque potestate Clavium competere dicitur, uti late probat Zypæus Resp. 10. de Regular. & quoad Abbatissas, manifeste supponit Pontificale, eis animarum procuracionem incumbere, ut capite præcedenti notatum est.

IV. Gratianus tamen censuisse videtur, quod ex præscripto Sancti Benedicti Abbas deberet ad Sacerdotium promoveri; eo quod Abbatissæ sit egredientibus Fratribus Benedictionem impartiri; quam non nisi à Sacerdote dari posse credidit Gratianus. Verba ejus sunt, subiecta Canonis 39. caus. 16. q. 1. "Superiori auctoritate

non prohibentur Abbates Sacerdotes fieri: cum beatus Benedictus jubeat Abbatem Fratribus egredientibus, & regredientibus Benedictionem dare: quod non nisi Sacerdotum est."

V. Verum ut notat Hæftenus in prolegomeno 18. §. 11. in vitam S. Benedicti, Gratianus hic à sensu ac mente Patrum aberravit, dum credidit Benedictiones, de quibus in Regulis Monasticis, non nisi à Presbyteris dari potuisse. Nam, uti bene monet Hæftenus, hæ Monastica observantiæ, uti & benedictiones Ministrorum & Lectorum mensæ nullam cum Sacerdotali Ordine habent connexionem, nec ab eo dependent. Pater nas potius has dixerim, ait Hæftenus, quibus abeuntes vel redeuntes prosequuntur filios.

Plura ibidem ait Hæftenus, quibus etiam ex ipsa Regula Benedictina evincit, Benedictiones hujusmodi non fuisse Presbyterales; multisque ostendit, Abbates ex præscripto Regulæ non debuisse esse Presbyteros, atque contrariis argumentis occurrit.

VI. Notat insuper Hæftenus ibidem, Gratianum multum aberrare, ac sibi quasi contradicere, dum eodem loco ait, *Lectorem Evangelii cum subsequente oratione dicere, Sacerdotalis esse officii*: cum ipsemet Dist. 25. Can. PERFECTIS ex Isidoro scripserit, ad Diaconum pertinere Evangelium prædicare. Nam sicut Lectoribus vetus Testamentum, ita Diaconis novum prædicare præceptum.

VII. Cæterum Gratianus benedictiones Monasticas, atque lectionem Evangelii asserens esse officii Sacerdotalis, forsan ad disciplinam sui temporis reflexit; eo quippe tempore Abbates plerique Presbyteri erant. Immo in Synodo Pictaviensi sub finem sæculi undecimi decretum erat canone 7. "Ut Abbates, Decani & Præpositi, qui Presbyteri non sunt, Presbyteri fiant, aut Prælationes amittant."

VIII. Hic Canon postmodum relatus in Decretales Gregorii IX. in c. 1. & de Ætate & qualitat. Ordinand. partem juris communis constituit.

Hinc nullus dubitat, quin juxta Juris communis dispositionem atque hodiernam disciplinam, Abbates Regulares & Titulares debeant esse Presbyteri, aut infra annum ad Presbyteratum, quemadmodum alii Dignitatem aut Beneficium cum cura animarum annexa possidentes, promoveri.

IX. Quod de Abbatibus hic statuitur, idem quoque in Priore Conventuali juxta modernam disciplinam ex eadem ratione obtinere receptum est: utpote cui non minus, quam Abbati cura animarum imminet; atque ita Beneficiis curatis annumeratur: quæ Presbyteratum requirere nullus ambigit.

X. Curam enim animarum hodie involvere potestatem Clavium aliaque à Sacerdotali caractere dependentia, receptum est; nec illi proprie curam animarum juxta modernam phrasim habere censetur, qui vi sui muneris non debent Sacramenta & cætera à Clavibus & Sacerdotio dependentia suis subditis administrare; quamvis alias sano sensu curam animarum habere dici possint; ut supra est expositum.

XI. Ulterius, quamvis in Regula Benedictina aut aliis Regulis Monasticis non determinetur ætas Abbatum aut Priorum Conventualium, hodie tamen ex jure communi, nec Prioratus Conventuales, uti nec Abbatissæ, sunt conferendi aut committendi cuicumque, nisi annum 25. attigerit; Clemen. 1. §. CÆTERUM De statu Monach. quæ est ætas legitima ad Sacerdotium. Priore ergo disciplina quoad Sacerdotii necessitatem in Abbate stabilita, consequens erat, & hanc introduci.

XII. Hinc Rebuffus reflectens, quod vi Concordati Rex Galliæ possit ad Abbatiam nominare Regularem in 23. dumtaxat ætatis anno constitutum, non dubitat concedere, non tantum esse derogatum Juri communi quoad ætatem, sed etiam per consequens dispensatum censeri in susceptione Sacerdotii: ut nimirum illud infra



infra annum conformiter ad Jus commune suscipere non teneantur. Ad Concordata titulo *De Regia & Prælat. Nominatione §. Monasteria*, Verbo: *viginti trium annorum*; ibidemque addit, quod de Jure communi requireretur, quod Abbas esset Sacerdos: "tamen hodie, ait, consuetudo se habet in contrarium... sed non est secundum Lucam, Abbatibus fructus devorare, & Deo non servire, & non promoveri (ad Sacerdotium) & tales sunt Deo exactam rationem reddituri, sed conscientias eorum oneramus.

XIII. Huic abusu obviam itum est Decreto Blesensi art. 9. quocavetur, ut Abbates & Priores Conventuales, qui ætatem legitimam attigerint, teneantur intra annum ad Ordinem Presbyteratus promoveri à tempore provisionis computandum: quod si infra biennium subsequens non fuerint promoti ad illum Ordinem, Beneficia per ipsos obtranta declarabuntur vacantia & impetrabilia; ac insuper cogentur restituere fructus perceptos impendendos in pios usus. *Le Prestre Cent. 2. cap. 78. in Annotationibus. (a)*

Ibidem quoque in corpore notat, pro obinendo simplici Prioratu Regulari sive in titulum sive in Commendam, requiri ætatem 14. annorum; tametsi nullus Ordo requiratur, sed simplex Tonsura sufficiat; & ita sæpius judicatum fuisse asserit.

XIV. In Abbatissa & Priorissa Conventuali jure communi in *cap. INDEMNITATIBUS De Elect. in VI.* requiritur ætas 30. annorum completorum; neque per Concordata Galliarum huic articulo derogatum esse monet Rebuffus loco citato; quia Concordata non loquuntur de Monialibus.

XV. Concilium Tridentinum *Sess. 25. cap. 7. De Regularibus*, vult, ut, "Abbatissa & Priorissa, & quocumque alio nomine appelletur, eligatur non minor

(a) Hanc obligationem suscipiendi Sacerdotii Gallis Abbatibus & Prioribus Commendatariis esse impositam, sub iisdem pœnis declaravit Arrestum Consilii Magni datum 27. Martii an. 1623.

„ annis quadraginta, & quæ octo annis post expressam professionem laudabiliter vixerit.

Requiri annum quadagesimum completum post Garciam probat Fagnanus ad *cap. CUM IN CUNCTIS De Elect. num. 123.*

XVI. „Quod si his qualitatibus non reperiatur in eodem Monasterio, pergit Synodus, ex alio ejusdem Ordinis eligi possit. Si hoc etiam incommodum Superiori, qui electioni præest, videatur; ex iis qui in eodem Monasterio annum trigessimum exceßerint, & quinque saltem annis post professionem recte vixerint, Episcopo, vel alio Superiore consentiente, eligatur.

XVII. Refert autem Fagnanus ad *cap. CUM IN CUNCTIS De Elect. num. 114.* quod si reperiatur in Monasterio Monialis quadragenaria cum qualitatibus à Synodo requisitis, tunc non possit eligi ex alio Monasterio etiam ejusdem Ordinis. Sin autem talis in ipso Monasterio minime reperiatur, tunc etiam poterunt de consensu Episcopi aut Prælati electioni præsentis, eligere aliam, quæ trigessimum annum exceßerint, & quinque annis saltem post professionem recte vixerit. Quod si nec talis in proprio Monasterio reperiatur, nec quadragenaria in alio Monasterio ejusdem Ordinis, tunc poterunt ex alio Monasterio ejusdem Ordinis eligere, quæ trigessimum ætatis annum expleverit, & ad præscriptum Decreti Tridentini professæ sit. Nulla tamen, ait, minoris ætatis eligi poterit, sed postulanda à Sede Apostolica; idque ob prohibitionem in citato *cap. Indemnitatibus.*

XVIII. Cæterum in electione Abbatum & Abbatissarum præcipue ad merita & capacitatem attendendum est, quemadmodum optime expressit S. Benedictus in Regula, & Justinianus in sua Sanctione; quorum verba capite nono *num. 1. & 2.* relata sunt; neque certa ætas, aut tempus professionis jure positivo præscripta fuerunt, nisi quia credebatur, quod hæc conducere, ut melius de capaciore provideretur Monasteriis.

## TITULUS XXXII.

### DE REGULARIUM REFORMATIONE ET VISITATIONE.

#### CAPUT I.

Præcipue causæ collapsæ disciplinæ Monasticæ recensentur.

1. Omnia humana mutabilitati obnoxia.
2. Ordines etiam sanctissime instituti eam senserunt.
3. Prima causa relaxationis peculiaritas.
4. Hæc eradicanda est.
5. Recessus à paupertate in victu, vestitu, ædificiis, & suppellectile, disciplinæ Monasticæ exitialis.
6. Hic recessus trahit ad Monasteria homines carnales.
7. Facit ut in admissione ad Religionem humana multa intercurreant.
8. Similis ad Religionem introitus & admissio relaxationi Religionis occasionem subministrat.
9. Secularium hominum ad Monasteria confluxus Monasticam disciplinam labefacit.
10. Omnis orationis Religionis spiritum extinguit.
11. Hæcque & alia multa oriri solent ex divitiarum affluentia.
12. Ex rerum temporalium nimia abundantia collapsam Monasticam disciplinam plures deplorarunt.
13. Rerum temporalium abundantia non omnino repugnat cum perfectione vitæ Monasticæ.

14. Est tamen difficile utramque simul componere.
15. Quid ad obviandum periculis orituris ex hac abundantia, statuerit Ordo Cartusianorum.
16. Ordines Mendicantes omnem rerum temporalium possessionem ideo abdicarunt.
17. Penuria eorum Ordinum ex nimia Fratrum multiplicatione orta, plures relaxationi causas dedit.
18. Prima est negotiorum multiplicitas.
19. Secunda, evagatio nimia.
20. Tertia, affectata amicitia & familiaritas cum divitibus & Magnatibus sæculi.
21. Quarta, occupatio jurium Parochialium.
22. S. Bonaventura restrictum voluit numerum Fratrum; uti & primi Capucinarum Patres.
23. Penuria facit, ut plures non satis probati ad Religionem admittantur; quod Monasticæ disciplinæ exitiale est.
24. Regularum interpretationes & mitigationes, disciplinæ rigorem relaxandi occasionem dederunt.
25. Secularium confessiones excipere Ordinum Mendicantium prolapsioni occasionem dare potest.
26. Applicatio ad functiones Hierarchicas bisce Ordinibus relaxandi materiam subministrare nata est.

I. "ÆTERNA lex (ait Lipsius l. 1. de Constantia cap. 16.) "à principio dicta omni huic „ mundo, nasci, denasci, oriri, aboriri: „ nec

„nec quidquam stabile aut firmum arbiter ille rerum esse voluit, præter ipsum. „ *Apud quem, teste Apostolo, non est transmutatio nec vicissitudinis obumbratio.* Jac. c. 1. v. 17.

II. Hanc rerum humanarum vicissitudinem ac mutabilitatem experti quoque fuere quotquot etiam sanctissimi instituti sunt Monachorum atque Religiosorum Ordines.

Quis nescit, quam sancta fuerint Ordinum illorum initia! quam bonum per Ecclesiam universam sparserint odorem! quam sancti Patres illorum, ac etiam horum filii vixerint! Sed nec hoc ignoratur, à perfectione & sanctitate sua Ordines illos sensim ad magnam subinde prolapsos fuisse deformitatem; cujus prolapsionis pendet sunt testimonia, quot de rebus Monasticis sunt Scriptores.

Illi consuli poterunt. Nos hic eorum testimoniis omisiss, causas præcipuas collapsionis & defectionis Monasticæ disciplinæ breviter annotabimus; ut qui reformationi Monasteriorum intendere ac invigilare jubentur, causas & radices collapsæ disciplinæ intelligentes, iis tollendis & eradicandis præcipue incumbant & allaborent.

III. Harum facillè præcipua jam pridem reputata est *peculiaritas*, sive vitium *proprietas*.

Et quidem Sanct. Gregorius l. 10. *epist.* 22. mandat Episcopo Mariano, ut *peculiaritatem* à 4. aut 5. Monachis, in quibus hætenus corrigi minimè potuit, studiosissimè compescat, & Monasterium à tali peste mundare festinet: „Quia, ait, si illic peculiaritas à Monachis habetur, neque concordia, neque charitas in Congregatione eadem poterit permanere.

Si autem concordia & charitas à Congregatione Monastica exulet, sanè quid exurget nisi confusa Babylon, & vitiorum spelunca?

Unde Dionysius Carthusianus tractatu *De Reform. claustr.* art. 16. dans rationem cur Patres Monachorum proprietatem sive peculium tam rigorosè prohibuerint, ait: „Consideraverunt enim, quòd ex proprietate seu peculio tanquam ex venenosa radice multa peccata proveniunt, ut puta contumacia, superbia, contentio, partialitas, avaritia, vanagloria, invidia, mendacium, luxuria, occupatio infructuosa, cura superflua, multiplex dissolutio, varia mentis distractio, acedia, negligensque Divini Officii persolutio, atque similia.

IV. Pluribus hæc ibidem prosequitur Dionysius, utl videri poterit in Dissertatione mea Canonica *de peculiaritate*, parte 1. cap. 3. §. 5. ibi plura eam in rem referuntur.

Qui igitur reformationi intendunt ante omnia allaborare debent, ut vitium hoc radicibus evellant, occasionemque peculiaritatis Monachis adimere studeant; juxta ea, quæ tum in citata Dissertatione, tum supra titulo 29. notavimus.

V. Exitialis quoque Monasticæ disciplinæ est recessus à paupertate religiosa in victu, vestitu, suppellectile, ædificiorum structuris & ornatu, totoque vitæ genere.

Dum enim semel à paupertate ac simplicitate Monastica in his desectitur, facillè ad delicias & excessus in cibo & potu, molliem in vestibus, seculi pompam & fastum in suppellectile, superfluitatem in ædificiis; & à Christiana hospitalitate ad secularia & mundana convivia & epulas devenitur.

Hæc verò ubi semel invaluerint, sensim omnem paupertatis, simplicitatis nec non mortificationis & penitentiae spiritum in Monachis extinguunt; ac de spiritualibus carnales & mundanos efficiunt: quemadmodum de similibus suo tempore dixit S. Bernardus in Apologia ad Guillelmum Abbatem.

VI. Ulterius, dum in Monasteriis mensa lautè instructa, ædificia ut Principum penè palatia, suppellex superba habentur; natum est fieri, ut Monasteria hu-

jusmodi non tam ambient illi, qui rejectis pompis ac deliciis mundi, Christo pauperi in paupertate & humilitate vivere desiderant, quàm illi, qui commodè & laute vivere volunt; ac sub Christo paupere quaerunt; quod in seculo invenire non possunt.

Hinc deinde fit, ut plures in similia Monasteria irrepant, „ quos non traxit Divina vocatio ad humilitatem „ Christi (verba sunt Bellarmini l. 2. cap. 6. *de Gemitu columbae*) „ sed carnalis affectus, qui mentem excæcat, „ duxit illos, vel ad vitam commodiorem, cum essent „ pauperes, vel ad honores ambiendos in Religione, „ cum in seculo non invenerunt, quæ viâ possent ascendere: vel alio humano consilio vestem induerunt, „ sed mores non mutaverunt.

VII. Quin & ipsa quotidiana experientia docet, quòd Monasteria hujusmodi secundum seculum commoditatibus & apparatus externis instructa repurent pro non exiguo, etiam juxta mundi æstimationem, beneficio, quod multâ sollicitatione & amicorum interpellatione interdum obtinendum est, alicujus ad Religionem admissionem: in tantum, ut non rarò hic humanæ plures considerationes intervepian.

VIII. Hujusmodi autem ad Religionem introitus & admissiones, quid aliud, quàm ipsius Monasticæ disciplinæ integram ruinam parere possunt.

Senferant malum illud seculo IX. Monachi Fuldenses, supplicantes idcirco Carolo Magno, ut „ nullus ante „ probationem suscipiatur, neque corpori Monasterii „ societur: ne fortè, inquiunt, aliquis propter *commoda terrena* potius quàm propter *æternæ vitæ amorem* se sociare voluerit; & receptus inhonesto suo „ more conturbet fratres.

IX. Adhæc dum ita omnia in Monasteriis splendent & abundant; atque à Monastica paupertate, frugalitate & simplicitate receditur, quantus ad Monasteria hominum mundanorum confluxus? qui ipsis Monachis non tantum quietem adimunt, sed suâ visitatione, conversatione & colloquiis spiritum seculi inspirant, eosque totos seculares efficiunt; ut de Monachis propterea non rarò verificari queat illud Prophetæ Regii: *Commixti sunt inter gentes, & didicerunt opera eorum.* Psalm. 105. v. 35.

X. Quàm facillè insuper in Monasteriis hisce orationis ac meditationis spiritus extingatur, probè intelligit, qui novit, quàm parum cum abundantia ac deliciis in cibo & potu aliisque corporis oblectamentis hujusmodi spiritus consistat. Spiritu verò orationis semel refrigerante, etiam ipsa religio refrigerat necesse est; ut bene & fusè ostendit Joannes De Lezana *de Reform. Regularium* cap. 3. & 4.

XI. Hæc aliaque, ut sunt otium, evagandi libertas, rerum temporalium cura, atque de hisce cum hominibus secularibus tractandi usus; imò & lites ac forenses contentiones sustinendi & prosequendi necessitas, Monasticæ disciplinæ adeò exitialis, unde primitus orti solent, nisi ex ipsa divitiarum & rerum temporalium nimia affluentia? è qua & ipsos Abbates Laicos & Commendatarios progenitos esse supra vidimus.

Hinc jam pridem à multis animadversum est, ipsam divitiarum affluentiam, Monasticam disciplinam avitæque pietatem in multis Ordinibus extinxisse.

XII. Quid hac de re dixerit Trithemius supra tit. 29. cap. 7. n. 14. notatum est: Cui adde Arnoldum Abbatem Lubicensem in supplemento Helmoldi l. 3. cap. 2. „ Crevit possessio, & evanuit religio, siquidem ex „ *temporalium abundantia*, dum ceperunt carnaliter „ vivere, ceperunt etiam carnaliter sapere; refriguit „ charitas, subintravit mundialitas.

Quid mollem ac dissolutam Monachorum vitam, luxum & ornatum in vestibus & suppellectile, splendidum Prælatorum apparatus, nec non luxum & abusum in templis & ædificiis, à S. Bernardo tam acriter exagitatum, in Ordinem Benedictinum invexerat, nisi ipsa rerum temporalium abundantia?

Quid

Quid rursus Ordinis Cisterciensis, qui tanquam *vis fructifera*, & *Vinea Domini Sabbathi sub primis suis Prioribus pullulaverat*, & *palmites suos longè lateque producens ad mortifera pellenda circumquaque venena flores protulit*, ut loquitur Alexander III. quid, inquam, Ordinis hujus sanctitatem labefactavit, nisi ipsa rerum temporalium affluentia? quemadmodum idem Pontifex deplorat in epistola ad Abbates Cistercienses relata in cap. 3. *De Statu Monach.* & supra tit. 29. cap. 3. num. 14. exhibita.

XIII. Ex his nequaquam tamen concludendum, divitias, multarumque rerum temporalium abundantiam nullatenus cum integritate disciplinae Monasticae, ipsoque spiritu Religionis posse consistere.

“ Certè multas opes olim possedit Ordo S. Benedicti in quibusdam Monasteriis (ut notat Mabillonius in præfatione ad primam partem seculi IV. Benedictinorum num. 143.) sed eis rectè uti sunt, ait, Majores nostri. In Cœnobio Cluniacensi unâ die septemdecim millia pauperum congruâ stipe donati sunt, ut legitur apud Udalricum lib. 3. *Consuetudinum Cluniacensium*, cap. 12.

Nostri quoque ætas conspiciat Monasteria in magna rerum temporalium copiâ, summam austeritatem & paupertatem, cum summa in pauperes effusione & Christiana hospitalitate conjunctam, servantia; atque per totam Europam vitæ Monasticæ perfectionis odorem spargentia.

XIV. Negari tamen nequit, quin summæ difficultatis, magnæque perfectionis sit, inter divitias, eam tenere moderationem, ut à paupertate & simplicitate Monastica non devietur, easque omnes supra memoratas collapsiois & dissolutionis causas totaliter evitare.

Unde, qui reformandæ Monasticæ disciplinae intendunt, nequaquam abundantiam divitiarum desiderare debent; & si adsit, multum ac præcipuè satagere, quomodo dissolutionum rivulos ex hac abundantia divitiarum tanquam ex infecto fonte emanantes, occludere vel exsiccare queant.

XV. Hoc expenderunt primi Ordinis Carthusiensis Fundatores, de quibus refert Robertus Montensis in supplemento Sigeberti ad an. 1133. “ Carthusienses præ cæteris continentes, pesti avaritiæ, quâ plurimos sub religionis habitu laborare videmus, terminos posuerunt, dum certum numerum hominum, (id est, colonorum seu feudatiorum) animalium, possessionum, quem eis prætergredi nullo modo liceat, statuerunt. Et de eisdem Jacobus à Vitriaco in historia Occidentis l. 2. cap. 18. “ Habent autem certum animalium numerum & certas metas possessionum, quibus *mediocriter austeram* vitam valeant sustentare.

XVI. Similiter S. Franciscus aliique Ordinum Mendicantium Patres videntes ex ipsa rerum temporalium possessione, præcipuè Monasticæ disciplinae relaxationem & dissolutionem promanasse, omnem rerum temporalium possessionem non tantum in particulari, sed etiam in communi, suis interdixerunt, uti supra notatum fuit: ut ita occasiones relaxationis à divitiarum abundantia profluentes in ipsa radice amputarent.

XVII. Verùm ea est rerum humanarum instabilitas, ut nec hi Ordines in ea paupertate fundati, diu ipsam relaxationem & casum evitare potuerint; quin & ipsa paupertas, quam pro firmanda ac fortiter stabilienda disciplina Patres sanctissimè ordinârunt, causas relaxationis subministravit.

Cùm enim Ordines illi sensim multiplicarentur, modusque certus & moderatus in recipiendis Fratribus non servaretur, eorum paupertas, & necessariorum defectus, & quæ hinc consequuntur molestiæ, eos ad conquirenda vitæ subsidia etiam cum relaxatione disciplinae quodammodo coëgit.

XVIII. Hinc “ illa (quam ordine primam inter cau-

“ sas collapsiois Ordinis sui exprimit S. Bonaventura in Epist. 2. ad Provinciales sui Ordinis) negotiorum multiplicitas, quâ pecuniâ (ait ipse Doctör) nostri Ordinis paupertati super omnia inimica; avidè petitur, incautè recipitur, & incautè contrectatur.

XIX. Ex eadem multiplicatione Fratrum, & exinde proveniente mediorum temporalium penuria, profluebat quoque “ evagatio plurimorum, qui propter solatium suorum corporum (ait Doctör Seraphicus) gravando eos, per quos transeunt, non exempla potius se relinquunt, sed scandala potius animarum.

XX. Inde ulterius cum divitibus ac Magnatibus hujus seculi familiaritas nimia: adeò ut vix 30. annis ab ipso FF. Minorum & Prædicatorum exortu de quibusdam eorumdem Ordinum scribat Matthæus Parisiensis Monachus Benedictinus, ad ann. 1235. “ Erant enim Magnatum consiliarios & Nuntii, etiam Domini Patres Secretarii, nimis in hoc gratiam sibi secularem comparantes. Testaturque idem auctor Pontificem itidem Fratribus torvo vultu dixisse: “ Quid est hoc, Fratres? quò prorumpitis? Nonne professi estis paupertatem spontaneam, ut discalceati & inglorii, peragrantes vicos & castella & loca remotiora, prout opus Dei exigit, Verbum Dei humiliter seminetur? Præsumitis jam, invitis dominis, feudorum mansiones vobis usurpare. Jam videtur in magna sui parte Religio vestra expirare.

XXI. Ulterius, paupertatis ac necessitatis sublevandæ prætextu in Ordinem paulatim invecata est, ut ibidem deplorat Bonaventura, sepulcrarum & testamentorum avida quædam invasio, non sine magnaturbatione Clerici & maxime Sacerdotum. Sic in alia ad eosdem Provinciales epistola scribit: “ Sed & sepulcrarum ac testamentorum litigiosa & avida quædam invasio cum exclusionem illorum, ad quos animarum cura spectare dignoscitur, non modicum nos Clero toti fecit exosos, sicut experientiâ docente percepimus.

XXII. Has similesque dissolutionis Ordinum Mendicantium causas & occasiones, quidni Fratrum nimie multiplicationi, & ex ea profluenti necessariorum defectui adscribamus; ut propterea S. Bonaventura in citata epistola his abusibus remedia adhibere volens, inter alia Ordinis sui Provincialibus præcipit: *Restringatis receptionem multitudinis; quia modis omnibus volo, quòd constitutio de receptione stricte servetur.*

Quare in illa reformatione Fratrum Minorum, quæ Ordini Capucinatorum originem dedit, in primis illius Constitutionibus hæc habentur: “ Statuimus ut Conventus familiæ septimum vel octavum Fratrum numerum non excedant præterquam in magnis civitatibus; ubi decem vel duodecim circiter Fratres commode habitare poterunt. In reliquis urbibus aut oppidis non amplius, quàm septem vel octo Fratres commorentur: ob id potissimum ut perfectius & sine impedimento, Regula ac sancta paupertas observentur. Ealiquidem erat S. Patris Francisci voluntas, ut in chronico Ordinis habetur; ut pauci duntaxat Fratres in locis degerent.

XXIII. Præterea temporalium rerum penuria, nec non Ordinem multiplicandi studium, fecit, ut phœres haud sat probati & exercitati ad Ordinem recipiendam, vel ex multis contra præcipitaram ac indiscretam admissionem, Ordinum illorum, nec non Pontificum Decretis, variis temporibus editis cognoscitur, quæ supra tit. 25. cap. 2. num. 16. notata sunt. Præcipuè verò præcipitanter, & sine sufficienti examine admittebantur, à quibus temporalia suis Monasteriis obventura sperabant; ut hoc pacto suæ inopiæ consulerent.

Quod notavit S. Bonaventura. Scribens enim, quòd Simonia committeretur à recipientibus ad Ordinem; “ si personam recipiant amore penuriæ, ita quòd si possent illam pecuniam habere sine persona illa, non recipere personam; sed ut habeant pecuniam, personam



„sonam recipiunt,“ subjicit: „Ethocplerique faciunt etiam ex *mera inopia*, optantes aliquem venire cum pecunia quem reciperent, ut eorum inopia repararetur, vel debita contracta. De talibus dicit Ecclesiasticus: *propter inopiam multi deliquerunt. cap. 27.* Hæc Bonaventura in Apolog. *quest. 18.*

Hi porro haud sat probati, & ex humana aliqua consideratione facilius, quam oportebat admitti, rigorem Regulæ non ferentes, eam per subtiles interpretationes mitigare studebant.

XXIV. Hisce interpretationibus, quæ omnes ad rigorem Regulæ mitigandum tendebant, accesserunt mitigationes & privilegia successu temporis à Sede Apostolica importunè sæpius impetrata, quibus à Regulæ ipsius rigore sensim recedebatur, uti videre est in *cap. Exult. De P. S. in Pl. Clem. LXVI*; item Extravag. Joannis XXII. *Quorundam*, & *Quia nonnumquam eodem titulo*; in quibus de difficultatibus & mitigationibus Regulæ Franciscanæ agitur; qualia & superaliorum Ordinum Regulis Romanorum Pontificum Bullæ & Brevia extant in Bullario Romano.

Regulæ suæ ac Ordinis collapTIONem ex illa glossa & interpretationum inventionem prævidens Franciscus, in suo Testamento omnibus suis Fratribus Clericis & Laicis præcepit per obedientiam, „ut non mitigent glossas in Regula, neque in istis verbis, dicendo, ita voluit intelligi: sed sicut Dominus dedit mihi simpliciter, ait, & purè dicere, & scribere Regulam & ista verba, ita purè & simpliciter sine glossa intelligatis; & cum sancta operatione observemus utque in finem.

XXV. Allegatis prolapsionis causis, non immerito tanquam non minima accensenda est, secularium utriusque sexus confessionum exceptio; cui functioni Fratres nonnumquam non satis in virtute ac vita religiosa exercitari & soliditate perfecti, dum ipsi à peccatorum fordibus alios purgare volunt, nonnumquam contingit, ut plus ipsi inficiantur, quam poenitentes ipsorum operâ expurgentur. Quare in Ordinum Constitutionibus nihil adeò sollicitè inculcatur, quam ut non nisi admodum probati & ætate jam proveci ad secularium, præsertim mulierum, confessiones excipiendas admittantur.

Imò ut hoc à Fratribus periculum averterent, primi Ordinis Capucinatorum Patres, à Gregorio XIV. impetrarunt Bullam, quâ omnibus Ordinis Fratribus quacumque dignitate vel auctoritate suffutis interdictum fuit secularium quorumcumque etiam Clericorum confessiones excipere; prout refertur in Bulla Clementis VIII. quæ incipit, *Aliis* 82. in Bullario Romano, quâ dictam Gregorii XIV. Constitutionem nonnihil mitigat, & moderatur, nimirum, „ut Minister generalis ejusdem Congregationis Capucinatorum & diffinitores in capitulo generali congregati, & in eodem capitulo tantum, quibusvis ejusdem Congregationis Religiosis, ad confessiones audiendas approbatis, prout ipsis Ministro generali & diffinitoribus videbitur, licentiam audiendi secularium utriusque sexus confessiones usque ad novi capituli generalis celebrationem & non ultra, & sic de capitulo generali in capitulo generale concedere respectivè possint & valeant.

XXVI. Adhæc quis nescit, quàm multas hæc Hierarchiarum functionum occupatio hisce Mendicantium Ordinum Religiosis subministraverit, cum secularibus & mundanis hominibus conversandi occasiones, ipsius Religionis sævissimas pestes!

Quot hic non habentur evagandi & egrediendi occasiones & prætextus, imò & necessitates, quæ tamen sine dispendio vitæ religiosæ rarò contingunt.

„Religiosum & honestum Monachum (ait Sanctus Thomas à Villa Nova *Serm. 2. in Dominica 1. Quadr.*) sub charitatis prætextu, ad pacem inter fratres com-

ponendum, ad solatium infirmis exhibendum, & alia pietatis opera exercenda extra Cœnobium ducit Satan: ut sic per plateas vagantem, libidine inficiat; curiositate fauciet; ambitione insilet; curis secularibus disturbet, & à devotionis fervore distrahendo re-  
pesciat & infrigidet.

Quàm solliciti fuerint Monachorum Patres, ne faciliè à Conventu Fratres egrederentur; quotque præcautionibus usi sint, ostendimus, *suprà tit. 27. c. 4.*

Singulari sanè titulo Religiosis congruit illud Augustini *l. 19. de Civitate Dei, cap. 19.* „Otium sanctum quærit caritas veritatis; negotium justum suscipit necessitas charitatis. Quam sarcinam si nullus imponit, percipiendæ atque intuendæ vacandum est veritati: si autem imponitur, suscipienda est propter caritatis necessitatem.

Interim expendant hi, quibus reformandi & corrigendi cura & auctoritas credita est, quâ ratione hisce relaxationis causis & occasionibus pro tempore & loco occurrere aut mederi possint; ipsamque Religionem collapsam ad pristinam perfectionem reducere (qui est unicus reformationis scopus, ut infra videbitur) vel integram conservare, & contra prolapsionis pericula munire queant.

## CAPUT II.

Ad quos reformandi auctoritas pertineat?

1. *Olim Episcopi & Abbates reformationi Monasteriorum intendebant.*
2. *Præcipua penes Episcopos erat auctoritas.*
3. *Juxta bodiarnam disciplinam prima correctio Monachorum est penes Abbates; & his negligentibus, penes Episcopos.*
4. *Episcopus solus procedere non potest; sed assumptis Religiosis ejusdem Ordinis.*
5. *Abbates Commendatarii non habent auctoritatem reformandi disciplinam Regularem.*
6. *Statuta circa disciplinam Regularem fieri possunt sine interventione Abbatis Commendatarii, secus circa temporalia.*
7. *Sæpius ad effectum reformationis necessaria est Principum auctoritas.*
8. *Auctoritate Ludovici Pii multa pro reformatione Monastica disciplina facta.*
9. *Principes olim mittebant suos legatos ad inspiciendum statum Monasteriorum.*
10. *Parlamentum Regium aliquando compellit Episcopum, ut nominet Confiliarium Regium, qui reformationi præsit.*
11. *Senatus quomodo nominat subinde personas pro reformandis Monasteriis.*
12. *A Senatu Regio Superiori Regulari mandatum ut ad reformationem procedat, adjuncto Consiliario Regio.*
13. *Episcopis aliisque Reformatorebus adjunguntur interdum à Senatu Regio præter Consiliarios certæ personæ Regulares.*
14. *Aliquando injunctum fuit Episcopis, ut Consiliariis aut aliis personis reformandi curam darent.*
15. *Quando Superior non est Regnicola, injungitur ut committat Vicarios.*
16. *Non minor hodie, quàm olim in hac re Principum auctoritas; & Synodus Tridentina curam Principum hac in parte excitat.*
17. *Reformationis executio non suspenditur per appellationes.*
18. *Generales Ordinum in Regno non residentes, sine licentia Regis ad reformandum non admittuntur.*
19. *Delegatus ad reformandum non potest alium subdelegare.*

I. SI pristinam Monasticam vivendi normam attendamus, reformationem Monasteriorum tum penes Episcopos, tum Abbates fuisse; atque hos illosque indifferenter Ordinum ac Monasteriorum reformationi intendisse, constabit.

Et quidem seculo IX. Episcopos Abbatesque reformandis Monasteriis; atque ad pristinam disciplinam reduendis, in ipsis etiam Synodis intentos legimus.

In Concilio Moguntino anno 813. in secunda Turma confedisse dicuntur " Abbates ac probati Monachi Regulam S. Benedicti legentes, atque tractantes diligenter, qualiter Monachorum vitam in meliorem statum, atque augmentum cum Dei gratia perducere potuissent.

II. Quæ autem post discussionem Regulæ reperta sunt pro observantia disciplinæ Monasticæ opportuna, Synodi, quæ præcipuè ex Episcopis constabat, auctoritate decreta fuerunt.

Simili auctoritate usi fuere Episcopi in Conciliis sub idem tempus coactis, non dubitantes, quin præcipua reformandi Monasteria auctoritas sibi competeret, juxta illud Concilii Arglatenis apud Gratianum *caus. 18. q. 2. can. 17.* " Monasteria vel Monachorum disciplina ad eum pertineant Episcopum, in cujus sint territorio constituta.

III. At inspectâ disciplinâ in Decretalibus Gregorii IX. expressâ, Abbatibus ac Ordinum Regularium Moderatoribus prima reformandi ac corrigendi Monachos cura & auctoritas incumbere videtur; ut colligitur ex *cap. QUANTO de Officio Ordinarii*; ubi dicitur, tum demum correctionem Monachorum delinquentium circa disciplinam & regulam Monasticam, pertinere ad Episcopum, si ipsi Prælati sive Abbates post factam ab Episcopo monitionem neglexerint: quod hic notat Glossographus, dicens: " Nota quod correctio Regularium primo pertinet ad Prælatos ipsorum, & si Prælati sunt negligentes, tunc Episcopi eos corrigant secundum quod hic dicitur.

Sicuri Monachorum correctio, Abbatibus aliisve Prælati negligentibus, ad Episcopum spectat, ita & reformatio Regularium, saltem quoad non exemptos.

IV. " Hoc autem Episcopus potest, ait Rebuffus, " vocatis aliquibus Abbatibus & Religiosis reformatis: " sed non solus, ut fuit dictum in Senatu contra Episcopum Carnotensem, qui solus processerat contra Religiosos Sancti Patris (a) anno 1526. die 13. mensis Decembris. " Hæc ille in Commentario ad Concordata *pag. 557.* Verbo: *Reformatis*, edit. 1664.

Imò in negotio reformationis assumendos esse Religiosos ejusdem Ordinis, & eandem regulam professos, cujus sunt Monasteria reformanda, docet Panormitanus ad *cap. EA QUÆ de Statu Mon.* atque ita judicatum fuisse 9. Martii anno 1473. refert Fevretius *l. 3. de Abusu cap. 4. (b)*

V. Porro sicuti Abbates Commendarii in his, quæ disciplinam Monasticam ac observantias Regulares concernunt, nullam planè habent auctoritatem nisi fuerint Cardinales, uti supra *tit. 31. cap. 7.* notatum est; sed tota illorum directio est penes Priores Clausuales, ita quoque reformatio Monasteriorum, quantum ad disciplinam modumque vivendi, ad solos Superiores Regulares pertinet, exclusis Commendatariis.

VI. Unde cum anno 1581. quædam Abbatia certa

(a) Id est S. Petri. Anno 1551. Senatus Parisiensis Arrestum dedit, quo Religiosorum hujus Abbatia reformatio decreta est, cui Ludovicus de Guillard Episc. Carnotensis deinde allaboravit, adjutus à duobus Monachis Ordinis S. Benedicti.

(b) Diversis tamen temporibus plurima in Galliis Arresta data sunt, quibus reformationis cura commissa est viris, qui ejusdem Ordinis non erant, aut quierant Clerici seculares. Inter plurima, quæ in novis Cleri Gallicani Collectaneis occurrunt ejusmodi Arresta, celebre illud est, quod à Consilio Senatus Regis die 15. Nov. 1669. exiit, ut Ordo Celestinatorum in Galliis reformaretur A. D. de Contes Decano Ecclesie Parisiensis. D. Porcher Doctore Sorbonico, N. Abbate de Prieres, & Patre L'Allemand S. Genevæ Priore & Parisiensis Universitatis Cancellario.

statuta pro stabilienda suorum Monasteriorum reformatione edidissent sub hoc titulo: *Statuta & reformationes Congregationis Benedictinorum exemptorum, & Abbatiarum trium Provinciarum Senonensis, Turonensis & Bituricensis à Sancta Sede dependentium*, interjectâ appellatione tanquam *ab abusu* per quosdam Abbates Commendatarios ad Supremum Regis Parlamentum, à quibusdam dictorum statutorum articulis, dictum fuit per arrestum 30. Octobris 1583. rectè statutum fuisse quoad ea, quæ concernunt statum spirituales Religiosorum, Regulam & disciplinam Monasticam: quoad verò concernentia temporalia Monasterii, malè, abusive & nulliter fuisse statutum; idque rectè, ait Fevretius, quia ad statuendum aut ordinandum quidpiam circa temporalia, consensus Abbatum Commendatariorum requiritur.

VII. Porro frequenter contingit, ut Episcoporum & Prælatorum reformandi studium & labor sint sine fructu, nisi Principes manum adjutricem addant.

Quod sciens piissimus Imperator Ludovicus cognomento Pius, in diplomate de Ordine in Monasterio S. Dionysii ejus auctoritate per Episcopos restituito, ita loquitur: " Quapropter sapientissime Sacerdotes Domini, quorum id officii esse noveramus, admonere curavimus, ac nostram principalem auctoritatem adjutricem, ad eorum ministerium juxta voluntatem Dei exequendum, promptè exhibuimus: ut quidquid in Ordinibus Ecclesiasticis, vel in quacumque persona emendatione dignum invenirent, pastoralis auctoritate, postpositâ quâlibet torporis negligentia, vel personarum acceptione, incunctanter corrigere, & ad statum rectitudinis perducere decertarent. " *Tomo 7. Concil. col. 1774.*

VIII. De hoc Ludovico inter alia refert Amoinus *de Gestis Regum Francorum, l. 5. cap. 9.* " Itidemque constituit Deo amabilis Imperator Benedictum Abbatem, & cum eo strenuè Monachos per omnia vitæ, qui per omnia Monachorum euntes redeuntesque Monasteria, uniformem traderent cunctis Monasteriis (tam viris quàm Sanctimonialibus sceminis) vivendi secundum regulam S. Benedicti, incommutabilem morem.

Eodem pietatis zelo " anno quarto sui imperii idem Imperator, Aquilgrani in Palatio cum pluribus Monachis Conventum faciens (ait Leo Ostiensis Monachus Benedictinus in Chronico Cassinensi. *l. 1. c. 16.*) utilissima nostri Ordinis observationi septuaginta duo generalia Capitula constituit. " Deinde subjicit de his Capitulis dictus auctor: " Quæ omnia apud nos perinde ferè ac Regula S. Benedicti observantur.

Extant hæc Capitula apud Labbeum *tomo septimo Conciliorum ad annum 817.* & apud Haestenum ad calcem Disquisitionum Monasticarum, eruditis notis illustrata.

IX. Ulteriùs, ad promovendam Monasteriorum reformationem mittebant Imperatores suos Legatos, quos *Missos* dicebant, qui Monasteria adirent; quæque esset Monachorum vita & conversatio diligenter inspicerent: quemadmodum in Capitularibus Regum Francorum videmus, atque Capitulario quintum anni 806. *cap. 4.* habet: " Ut prædicti *Missi* per singulas civitates ..... diligenter inquirent de conversatione singulorum, vel quomodo emendarum habeant, quod iustissimum de eorum lectione, & cantu, cæterisque disciplinæ & Ecclesiasticæ Regulæ pertinentibus.

Hæc Principum auctoritas non minor est hodie quàm olim fuit, nec minus etiam hodie necessaria, ut reformatio executionem sortiatur.

X. " Parlamentum in hoc Franciæ Regno (ait Rebuffus loco citato) " concessit & compellit Episcopum, ut creet Vicarios generales certos *Consiliarios* Clericos, qui faciant statuta & alia ad reformationem pertinentia, ut vidi sæpius, inquit, servari in hoc Senatu.

XI. Testa.

XI. Testatur quoque Joannes Tournetius in sua collectione arrestorum *Littera A. artic. 9.* quod, incidente quaestione & materia reformationis, Senatus Regius consueverit ad hoc deputare unum de Consiliariis suis, vocatis seu adjunctis uno vel duobus ejusdem Ordinis Religiosis, qui subinde per ipsam Curiam nominantur; subinde vero eorum electionem ipsi Consiliario deputato committit.

XII. Anno 1513. 18. Novembris evocatus ad Curiam Regiam Provincialis PP. Prædicatorum Provinciae Franciae, cui insinuat arrestis Curiae super reformatione Prioratus Pisciensi eidem injunctum fuit ab eadem Curia, dictae reformationi diligentissime incumbat, eamque absque ulla dissimulatione aut fictione perficiat; quod ni faciat, Curia providebit; utque efficacius aut convenientius reformationem exequi valeat, ipsaque reformatio pleniorum fortiorum effectum, Curia unum de suis Consiliariis adjunxit; qui secum accipiat unum de Clericis Camerae Computum, cui exhibeantur computus temporalium ipsius Prioratus. Ita refertur à Pitheco *tomo 2. Libertatum Ecclesiae Gallicanae cap. 34. art. 11.* Et rursus (ut *art. 12.* dicitur) 20. Decembris 1520. eidem Provinciali per Curiam Regiam mandatum fuit, ut indilate ad dicti Monasterii reformationem realiter procedat, eamque indilate perficiat, ac de ejus perfectione Curiam informet ante festum Purificationis proximum; utque ad executionem ejusdem reformationis viriliter pergat, ipsosque Religiosos dicti Prioratus ad ejusdem observationem modo ac forma in arresto Curiae expressis compellat; deputans dicta Curia unum de suis Consiliariis, qui eidem reformationi assistat, ac manum adjutricem concedat.

XIII. Item eodem anno 1520. injunctum fuit per arrestum Parlamenti Tholosani Archiepiscopo Tholosano reformare Conventum PP. Augustinianorum dictae Civitatis Tholosanae, in eum finem ipsi adjungendo Inquisitorem Fidei, Guardianum Conventus Minoritarum extra muros dictae civitatis, & Priorem Carmelitarum ejusdem civitatis; deputans idem Parlamentum duos Consiliarios, qui ipsi Archiepiscopo ejusque Officialibus in facienda reformatione assistant: injungendo Officialiis & Magistratui Tholosanis porrigendi manum adjutricem pro executione reformationis.

Similiter injunctum fuit Priori Sancti Martini in Campis, ut titulo Vicarius sibi per Abbatem Cluniacensem dati, procederet ad reformationem Collegii Cluniacensis in civitate Parisiensi, advocatis sibi in consilium Abbate S. Victoris, Priore Cælestinorum, & Vicario S. Germani, conformiter ad arresta ante hac data, adjuncto uno Consiliario. Ita per Curiam resolutum 1529.

XIV. Et anno 1532. cum Episcopus Silvanectensis exposuisset, se non esse sufficientem, ut reformationem cujusdam Conventus Ordinis S. Augustini sibi à Curia injunctam perficiat, dictum fuit, ut aliquos ex Consiliariis Regis suos pro facienda reformatione Vicarios constituere, qui tum reformationem in ea qualitate praescriptam, auctoritate Regia observari juberent. *Art. 20.*

Quin interdum injunctum fuit Episcopo, ut aliquibus Religiosis per Curiam designatis committat potestatem reformandi Monasterium in capite & in membris. *Art. 21.*

Testatur Rebuffus in Concordatis *t. de Regia ad Prælatum nominatione §. 1.* in verbo *reformatis*, se pluries in Galliis vidisse Senatum Regium ex officio extra ordinem cognoscere de reformatione Monasteriorum & solere compellere Episcopum Diocesenum, ut creet Vicarios Generales quosdam Senatores Clericos, qui edant statuta & alia, quae pertinent ad reformationem.

Similiter in Belgio nostri Principes eorumque Magistratus nequaquam dubitarunt, sibi jus esse Monasticae ac regulari disciplinae conservationi, & restorationi intendere, & suam, ad eam conservandam, aut restaurandam, auctoritatem impendere.

*Tom. I.*

Et quidem cum circa annum 1556. Principi innotuisset, in quadam Abbazia disciplinam Monasticam admodum esse collapsam, gravesque abusus irrepsisse, adeoque reformatione omnino opus esse, Princeps ad vacantem hanc Abbaziam novum Abbatem nominando, ipsi nominato instructionem pluribus articulis constantem dedit, secundum quam, ipse se & Religiosos suos reformare teneretur, sub poena destitutionis quantum ad se; & sub poena translationis ad aliud Monasterium reformatum, vel poena carceris, quantum ad Religiosos, si in his, quae in hac instructione continebantur, non obedierint.

Huic instructioni in hæc verba consensit & subscripsit nominatus Abbas: "Supra scriptam instructionem, & articulos in ea contentos ex jussu Regiae Majestatis mihi exhibitos ego N.... ab eadem Majestate Sua ad dignitatem Abbatialem Monasterii N.... nominatus promitto in verbo Sacerdotis cum omni diligentia observare, & observari facere, executione nique fideliter mandare. Actum Bruxellis die 27. mensis Augusti anno 1556. ego Frater N.... fareor ita esse, & manu propria hoc scripsi anno 1683. Simile regulamentum à Consilio privato Bruxellis praescriptum fuit alteri Abbati N... in Belgio.

Et rursus circa annum 1702. cum Principi innotuisset quoddam Monasterium Canonorum Regularium tam in spiritualibus, quam in temporalibus, admodum collapsum atque in multis indigere reformatione, per supremum suum Senatum Brabantiae provisionale praescripsit regulamentum, quo tam circa administrationem temporalium, quam circa spiritualia exercitia impostum regi deberet. Tria hæc regulamenta exhibentur in appendice monumentorum, ad calcem hujus vol. sub litt. L. pag. 922.

XV. Ad praxim Gallorum redire iterum non pudeat. An. 1543. Curia Regia informata de dissolutione cujusdam Conventus PP. Augustinianorum, injunxit Generali Ordinis, ejusve Commissario residenti ultra Montes, ut Vicarios suos designet duos ejusdem Ordinis notabiles & reformatos Religiosos, qui secum adjunctis quatuor aliorum Ordinum Religiosis in Arresto designatis, aut saltem duobus ex illis, reliquis impeditis, ad integram illius Monasterii reformationem procedant; atque statuant & ordinent, quae eum in finem necessaria videbuntur; adjunctis pro faciliore executione duobus Consiliariis Regiis. Ibidem *art. 25.*

XVI. Plura similia Parlamentorum arresta, ac Regia mandata super reformatione, ejusque forma, nec non executione & confirmatione reformationis, referuntur tum in citato tomo Libertatum Ecclesiae Gallicanae *cap. 34.* tum à Joanne Tournetio loco supra indicato; è quibus patet, non minorem nunc esse Principum ac Magistratum curam & auctoritatem circa negotium reformationis, quam olim fuerit. Quae Principum cura in reformationis negotio promovendo menti & desiderio Synodo Tridentinae plane consonat, quae hortatur Principes, atque in virtute sanctae obedientiae praecipit, ut Episcopis & aliis Prælati in reformationis executione suum auxilium & auctoritatem impendant, quoties requisiti fuerint. *sess. 25. cap. ult. de Regular.*

XVII. Intelligimus quoque ex hæcenus indicatis Parlamentorum arrestis, quod juxta hodiernum stylium, ipsa reformatio per appellationem etiam tanquam *ab abusu*, nequaquam suspendatur. Passim enim in Arrestis Curiarum in negotio reformationis additur expressa clausula, quod reformatio suum fortiter effectum, non obstante oppositione aut appellatione quacunque.

XVIII. Patet insuper, quod Generales Ordinum Romae residentes, ad reformationem seu visitationem Monasteriorum in Gallia procedere nequeant, nisi de consensu Regis; neque Vicarios, nisi Regnicolas deputare queant, uti videre est *tomo 2. Libertatum Ecclesiae Gallicanae cap. 33* ac signanter *art. 45. & cap. 34. art.*

V V 2

31.



31. 36. 39. Eadem est Belgii nostri notoria praxis. (a)  
 XIX. Notat quoque Tournetius, quod Commissarii  
 super reformatione *Reformatores* alios subdelegare ne-  
 queant; atque ita ex Joanne Gallo q. 18. iudicatum  
 refert; quod etiam juri communi conforme est: eo  
 quod in hac delegatione præsumatur electa industria  
 personæ; quæ sane nec mediocris in hoc negotio requi-  
 ritur.

(a) Nemo arbitretur his Arrestis à Regibus Francorum sibi  
 arrogatam fuisse potestatem Ecclesiam regendi, vel Monasteriis  
 ubi de spirituali Jurisdictione agitur, tradendi leges: suam tan-  
 tum interposuere auctoritatem; ut Regulæ, quas Ecclesia viris  
 Religiosis dedit, executioni mandarentur. Cum enim Deus Tuto-  
 res curandis populorum bonis Reges instituerit: religionem certe,  
 quæ nihil est in omni honorum genere præstantius, Regum Tute-  
 læ ante omnia commendavit. Hinc adeo summa iis divinitus de-  
 lata potestas est, quæ & Reipublicæ cum imperio præsent, & es-  
 sent Ecclesiæ præsidio; ut eadem auctoritate & sua jura sancirent,  
 & divina tuerentur; *haberetque Rex celestis*, quod ait Sixtus III.  
 Pontifex, *terrarum Reges suo numini fœderatos.*

### CAPUT III.

#### De Congregationibus & Capitulis Regularium.

1. Multis seculis ignota fuit plurium Monasteriorum in  
 unum corpus adunatio.
2. Seculo IX. aliqua illius species fuit: sed evanuit.
3. Prima Congregatio fuit Cluniacensis, exorta seculo  
 decimo.
4. Quantopere aucta fuit hæc Congregatio?
5. Monasterio Cluniacensi bujus Congregationis capiti  
 præest tanquam Abbas Commendatarius Cardinalis  
 Bullionius; cujus auctoritate prodit Breviarium  
 reformatum Cluniacense.
6. Quædam circa hoc Breviarium observata.
7. Seculis sequentibus ad exemplum bujus Congrega-  
 tionis, plures institutæ sunt.
8. Exordium Congregationis Bursfeldensis; cui & Mo-  
 nasteria Belgica nonnulla subiecta sunt.
9. Hæc Congregatio à reformatione originem sumpsit.
10. Describitur origo Congregationis Windesemensis Ca-  
 nonicorum Regularium.
11. Unde nomen acceperit?
12. In humilitate & paupertate fundata fuit; & multa  
 Belgica Monasteria complectitur.
13. Ordines Mendicantes qua ratione dici queant Con-  
 gregationes?
14. Plurium Monasteriorum in unam Congregationem  
 unio servit ad reformationem.
15. Ordo Cisterciensis instituit Capitulum generale.
16. Capitula generalia ad reformationem sunt opportuna;  
 eaque celebrari voluit Concilium Lateranense IV.
17. Nomine Priorum, qui Capitulis intervenire debent,  
 qui intelligantur?
18. Decretum Concilii Lateranensis sæpius innovatum.
19. Decretum Concilii Tridentini de redigendis Mona-  
 steriis in Congregationes.
20. In Ordinibus Mendicantibus duplicis generis sunt Ca-  
 pitula communia.
21. Quoties hæc Capitula instituenda sunt?
22. Præter Capitula generalia habenda etiam Capitula  
 quotidiana.
23. Hæc Capitula haberi solebant à Canonicis & Mona-  
 chis post recitatam Primam.
24. In his Capitulis legebatur Martyrologium.
25. Deinde Versus Pretiosa cum subsequentibus precibus;  
 & quare?
26. Sequabatur lectio Regula; quæ bodiæne lectioni Bre-  
 via ad finem Primæ recitari solite, respondet.
27. Versus Pretiosa & sequentia proprie ad Primam non  
 pertinent.
28. Regula in Capitulo etiam exponebatur; quod & juri  
 communi conforme est.

29. Quomodo se habere debeant Monachi tempore lectio-  
 nis Regula.

30. Capitula hæc præcipue pro defectuum ac abusuum cor-  
 rectione & reformatione habenda.

I. PER septem secula ignota fuit plurium Monaste-  
 riorum in unam Congregationem seu Corpus  
 adunatio, quæ unum ac eundem Præfectum sive Ab-  
 batem generalem recognoscere; sed singula Monaste-  
 ria ab invicem erant omnino discreta ac separata, pro-  
 prios suos habentia Abbates & Rectores; idque sub  
 eadem, vel sub diversa Regula; nullatenus sibi mutuo  
 aut uni subiecta, (a)

II. Primus seculo nono fuit Benedictus Abbas Ania-  
 nensis, cui Ludovicus Pius plura Monasteria sub Regula  
 S. Benedicti militantiæ regenda commisit; quibus omni-  
 bus ipse loco Abbatis Primarii præfess: atque hic prima  
 plurium Monasteriorum adunationis seu unionis vel  
 Congregationis species enituit; sed quæ cito evanuit.  
 Mortuo enim Benedicto Aniano: eadem illa Monasteria,  
 quæ sub ipso tanquam primario Abbate aliquousque uni-  
 ta fuerant, rursus translata sunt ad proprios Rectores,  
 qui hanc Benedictinæ Congregationis veluti primam  
 ideam violarunt, & ad diversos ritus iterum redacti  
 sunt, uti observat Mabillonius in præfatione ad seculi  
 quarti Benedictinorum partem 1. v. 26.

III. At seculo decimo fundato per Guilelmum Ar-  
 vennæ Comitem Monasterio Cluniacensi in Burgun-  
 dia, S. Odo, secundus ejusdem Monasterii Abbas, re-  
 formationem strenuam Ordinis Benedictini aggressus,  
 plurima Monasteria Cluniacensi Monasterio adunavit,  
 ut unum corpus constituerent; atque ritus & discipli-  
 nam Cluniacensis Monasterii sequerentur; ipsique  
 Cluniacensem Abbatem pro suo Primario Abbate re-  
 cognoscerent.

De hoc Odone scribit Glaber Rodolfus lib. 3. hist.  
 cap. 5. "Hic in tantum hujus instituti (Benedictini)  
 " propagator exiit, ut à Beneventana Provincia, quæ-  
 " que habebantur in Italia, & in Galliis usque ad Ocea-  
 " num mare potiora Monasteria, illius ditioni gratula-  
 " rentur esse subiecta.

Illum à studio reformationis, & Ordinis propaga-  
 tionis mirifice deprecatur Petrus Venerabilis Abbas Clu-  
 niacensis lib. 6. Epist. 17: una describens miserandam  
 Monasticæ disciplinæ collapsum tempore Odonis;  
 adeo ut dicat: *In cunctis pene Europæ nostræ finibus,*  
*de Monacho, præter Tonfuram & habitum nihil* " In-  
 " tituit ille Divino operi fere tunc solus, & Cluniaci  
 " prima jaciens fundamenta, post huc illucque Reli-  
 " gionis semina, quamdiu advixit, ferere non ces-  
 " savit.

IV. Reformationem atque Monasteriorum sub Clu-  
 niacensi adunationem Odonis successores continuo pro-  
 moverunt, ac propagarunt, in tantum, ut infinita pene  
 Monasteria sensim huic Congregationi se univert, &  
 Abbati Cluniacensi subjecerint; quæ omnia recen-  
 sentur in Bibliotheca Cluniacensi sub hoc titulo: *Catalogus*  
*Abbatiarum, Prioratuum & Decanatum, mediate &*  
*immediate Abbatie seu Monasterio Cluniacensi subiecto-*  
*rum.* In hac quoque Bibliotheca referuntur Pontificia  
 ac Regia diplomata, quibus hæc Congregatio variis  
 temporibus firmata, ac privilegiis & rebus tempora-  
 libus aucta fuit; ac insuper varia Statuta, quæ in variis  
 hujus Congregationis seu Ordinis generalibus conveni-  
 bus edita fuere.

V. Hæc prima videtur fuisse sub Regula S. Benedicti  
 instituta Congregatio, sive plurium Monasteriorum sub  
 uno Abbate Cluniacensi adunatio; quæ hodie dicitur  
 Congregatio, vel etiam Ordo Cluniacensis; cui modo

(a) Auctor Historiæ Ordinum Religiosorum 2. 1. p. 158.  
 arbitrat Sancti Pachomium, qui obiit an. 348. existisse patrem  
 plurium Monasteriorum, quæ in unam Congregationem ante an.  
 348. adunata fuerunt. Enumerat 7. Monasteria quibus tanquam  
 Superior generalis præfuit. Non igitur ignota fuit per septem  
 secula plurium Monasteriorum adunatio.

tanquam Abbas Commendatarius praeest Eminentissimus Cardinalis Bullionius, (a) sub cuius nomine & approbatione anno 1683. prodit novum & reformatum *Breviarium Monasticum ad usum sacri Ordinis Cluniacensis*: in quo Breviario praecipue observatum fuit, ut Officium Divinum ad Regulam S. Benedicti, & veterem ac probatum Ecclesiae morem, ac Patrum mentem diceretur.

VI. Atque hinc nonnulla à Breviario Romana ac rithodierno, etiam Benedictinorum, diversa occurrunt; ut v.g. quod in Officio tridui ante Pascha canteretur *Psalmus, Venite, & Hymnus*, item versiculus, *Gloria Patri*; quod tempore Adventus & Quadragesimae canteatur, *Te Deum laudamus*, quorum haec sola ratio est, quia illa S. Benedicti Regulae consona sunt.

Insuper ea Psalmorum servata distributio, ut singulis hebdomadibus omnes recitentur: in quo non tantum mens S. Benedicti servata, sed & pristinus Ecclesiae mos retentus est; ut hac ratione Psalterium Scripturae Sacrae quasi compendium, Clericis & Monachis familiare redderetur; quod ut etiam memoriter scirent, jam pridem Synodus Nicæna II. *Can. 2.* delideravit.

Hoc insuper observatum, ut omnia fere, tum in Responsoriis, Antiphonis, Versibus, aliisque ex Scriptura Sacra sint desumpta; quod in Ecclesia jam pridem usitatum fuisse sat constat; adeo ut in Concilio Colonienfi I. *cap. 6.* haec legantur: "Cum olim à Sanctissimis Patribus institutum fuit, ut *sola Scriptura Sacra* in Ecclesia recitarentur, nescimus qua incuria acciderit, ut in eorum locum successerint alia cum his neutiquam comparanda," &c.

Cura quoque fuit, ut per annum tota Scriptura legeretur, & si quando Scriptura occurrens in choro legi non posset, legeretur in refectorio.

Denique studium sedulum impensum fuit, ne quid falsi aut de falsitate suspecti in Sanctorum festis adferretur; quod Ecclesiae menti conforme esse, & Divini Officii maiestati congruum alibi ostendimus. Cetera in compilatione huius Breviarii observata breviter in praefatione exponuntur.

VII. Post hanc Cluniacensem Congregationem, plures sub Regula S. Benedicti exortae sunt Congregationes sive Ordines, quorum Monasteria in unum corpus adunata uni *supremo* Moderatori subijciuntur; ut Ordo Camaldulensis, auctore S. Romualdo; Vallis-Umbrosus, auctore S. Joanne Gualberto; Cisterciensis à S. Roberto Abbate Molismensi primum institutus, à Stephano ejus successore auctus, ac demum à S. Bernardo Abbate Clarevallesi mirum in modum propagatus. Aliae deinceps plurimae sequentibus seculis exortae fuerunt, tam sub S. Benedicti, quam Basilii, Augustini & Francisci Regulis militantes Congregationes, quas post Miræum in *Originibus Monasticis*, recenset Alcanius Tamburinus De Jure Abbatum *T. 2. q. 24.*

Inter has sub S. Benedicti ac Augustini Regula militantes Congregationes, duae sunt admodum famosae, & per Germaniam ac Belgium late diffusae; nimirum una Benedictinorum, quae dicitur *Bursfeldensis*, altera Canonicorum Regularium, quae vocatur *Windesemensis*.

VIII. Bursfeldensis demum seculo XV. initium sumpsit; nimirum post finitam Synodum Constantiensem anno circiter 1420. à qua Synodo Joannes Rodius Abbas Cenobii S. Mathiae apud Treviros Visitator generalis per Germaniam constitutus, seipsum imprimis ac Monasterium suum reformavit, & Decretorum à se editorum confirmationem à Romano Pontifice impetravit; uti refert Aubertus Miræus in *Originibus Monasticis Lib. 2. cap. 25.* originem & progressum huius Congregationis his verbis exponens. "Inter cetera ve-

ro Ordinis huius Monasteria *Bursfeldia*, pauperculum Saxoniae Cenobium, Reformationis Decreta primum suscepit anno millesimo quadringentesimo trigesimo septimo, & in *Reinhausen*, aliaque vicina aliquot Saxoniae Monasteria derivavit. Mortuo deinde Joanne Rodio, *Joannes Hagensis*, Abbas Bursfeldensis, qui in Monasteriis aliquot veterem disciplinam jam instaurarat, agente *Jacobo Trevirensi* Archiepiscopo, successor illi datus est. Sed cum nollet is pauperculum Bursfeldense suum Cenobium relinquere, alius in Rodii locum ut generalis Reformatore est susceptus, sed exiguo admodum fructu. Itaque temporibus illis in Germaniam venit *Nicolaus Cusanus*, Cardinalis, & Sedis Apostolicae Legatus, qui *Joannem Hagensem* pietatis opinione celebrem ad se evocatum generalem Ordinis Reformatorem pronuntiavit. Quo factum est, ut idem Cusanus conventum seu Capitulum, ut vocant, annum pro conservatione Reformationis institueret, Praesidis seu Praefecti domicilium è sancti Mathiae Trevirensis Cenobio Bursfeldiam transferret omniaque Reformationis Decreta à Romano Pontifice curaret approbanda.

IX. Deinde *capite 26.* Catalogum Monasteriorum huic Congregationi variis temporibus unitorum subijcit, inter quae plura è Belgicis sunt; una notans annum quo singula Congregationi accesserunt.

Hic observa, Congregationem hanc à reformatione sumptisse exordium; sive Monasteria reformationem desiderantia in unam Congregationem coaluisse. Unde de hac nascente Congregatione loquens Trithemius, ait: "Haec est quae carnem castigat, vitia fugat, abstinentiam colit, pauperes pro posse largiter sustentat. O Sancta Monachorum unio in qua charitas imperat, humilis subiectio obtemperat, obedientia militat, castitas sancta triumphat, oratio vigilat, perseverantia bonorum operum fructificat." Haec Trithemius *De viris illustribus Ord. S. Benedicti cap. 12.*

X. Seculo XIV. fuit in Oppido Daventriae quidam Gerardus vulgo *De Groot*. Hic zelo Religionis excitatus, Conventum Clericorum Daventriae collegit, inter quos erat Florentius Radivini Daventriae Episcopi Vicarius, cujus suasionibus, "iidem Clerici, probante Gerardo, vitam communem inter se statuerunt, quam postea summa cum laude non modico tempore tenuerunt: quin & considerantes communem vitam esse viam ad eam vitae perfectionem assequendam, quae vigeat in primitiva Ecclesia, quaeque summopere laudatur in Actis Apostolorum, illud vitae communis institutum perpetuo tenere sub obedientia ejusdem Domini Florentii, excepta solenni professione Votorum, communi Decreto firmaverunt, victum, vestitum, & cetera necessaria labore manuum in communi procurantes.

Haec ex Joanne Buschio in Chronico Capituli Windesemensis refert Gabriel Pennotus in historia Canonicorum Regularium *lib. 2. cap. 63.* qui ibidem subdit: Cum autem praefatus vir Venerabilis Gerardus animadverteret, illud vitae genus, quod sub nullo instituto regulari à Sede Apostolica probato esset fundatum, diu subsistere non posse, maxime quod in senescentibus sibi haberet nonnullos ex Ordinibus Mendicantium, morti proximus Fratribus suis persuasit, ut Ordinem Canonicorum Regularium assumerent: "Quia, inquit, quiebat, non multum à vestra jam devota conversatione videtur discrepare, nisi quod in illo professi servant ex professione & voto, vos sine voto servatis charitatem & tria vota substantialia.

XI. Defuncto Gerardo, Florentius una cum aliis huius Congregationis Fratribus consilium ipsius Gerardi de constituendo Monasterio & assumendo Ordine Canonicorum Regularium, sedulo cogitare ac deliberare coeperunt: ac tandem omnibus expensis locum opportunum prope Swollam, *Windesem* nuncupatum, nacti, ibidem de consensu Episcopi Trajectensis anno

(a) Scribat Doctissimus Van-Espen exeunte XVII. seculo: quo tempore Cardinalis Bullionius Ordini Cluniacensi praeerat Abbas Generalis; cui successit Cardinalis ab Alvernia: hodie, id est, anno 1750. huius Ordinis Abbas Generalis habetur Eminentissimus Cardinalis Rupertus cardinalis Archiepiscopus Bituricensis.

1386. Monasterium ædificare cœperunt; quod adjuvantibus collata pecunia viris piis, anno sequenti absolutum fuit, atque mox in eodem Monasterio sex de Fratribus Daventriensibus sub Gerardo Magno pie institutis, Ordinem & Regulam Canonico Regularium professi sunt: atque in summa paupertate ac humilitate vitam Regularem instituentes, plura sensim Monasteria ipsis reformationis causa, unita fuere; atque in unam Congregationem seu Capitulum, quod à loco fundati primi Monasterii *Windelemense* nuncupatur, coaluerunt.

XII. Unde recte notavit Pennotus, hujus amplissimæ Congregationis exordia humilia quidem fuisse secundum seculum, sed alta secundum Deum, in humilitate, & paupertate profunda & asperitate fundata.

Catalogum Monasteriorum, quorum plura in Belgio sita sunt, huic Congregationi sive Capitulo unitorum, exhibet Miræus in *Origimibus Canonico Regularium* cap. 13.

XIII. Ordines Mendicantes aliique postillos instituti, in unum Corpus sub uno Capite coadunati sunt, & tot dici possunt Congregationes seu Corpora, quot Ordines; licet & ipsi tamen in plures particulares quasi Congregationes seu Capitula soleant per Provincias dividi; ita tamen, ut hæ Congregationes seu Capitula simul in unam generalem Congregationem sive Capitulum sub uno generali Ministro conveniant.

XIV. Porro unio illa Monasteriorum in unum Corpus seu Congregationem ad disciplinam Monasticam, aut regimen Monasteriorum rite ordinandum & conservandum, vel collapsum restaurandum, maxime conveniens & opportunum apparuit; eo præcipue titulo, quod frequentius in unum convenientes Monasteriorum Superiores, communi consilio deliberare, & communi opera ac studio allaborare in bonum ipsius Religionis melius & efficacius valeant.

XV. Unde Cisterciensis Congregatio seu Ordo in sua primigenia Constitutione (quæ vulgo dicitur, *Charta charitatis*) probata ab Eugenio III. in Constitutione quæ incipit: *Sacro sancta Romana* 2. in Bull. Rom. (cui ipsa *charta charitatis* subijcitur) statuit, "ut omnes Abbates de Ordine nostro, singulis annis ad generale Capitulum Cisterciense omni postposita occasione, conveniant; illis solis exceptis quos corporis infirmitas retinuerit: qui tamen idoneum nuntium delegare debebunt, per quem necessitas remotionis eorum valeat Capitulo nuntiari. Et illis item exceptis, qui in remotioribus partibus habitantes eo termino venient, qui eis fuerit in Capitulo constitutus. Quod si quis, alia quacumque occasione quandoque remanere à nostro generali Capitulo præsumpserit, pro culpa veniam petat, nec sine gravi animadversione transeat.

Hujus Capituli generalis meminit S. Bernardus *epist.* 28. ad Petrum Abbatem Cluniacensem scribens: "Decretum est mihi ultro non egredi Monasterio, nisi ad *Conventum Abbatum* apud Cistercium.

Refert Matthæus Parisiensis ad annum 1151. "In Capitulo Cisterciensi statutum est, ne de cætero aliqui novam construerent Abbatiam, quia numerus Abbatiarum illius Ordinis usque ad quingentas excrevit.

Et in capite *NUPER* de *Decimis*, fit mentio Constitutionis factæ per Abbates Ordinis in generali Concilio congregatos, ne de cætero Fratres ipsius Ordinis emanat possessiones; de quibus decimæ Ecclesiis debeantur, &c.

XVI. Cum vero deprehenderetur, hæc Capitula in Ordine Cisterciensi instituta, & annuatim celebrari solita, admodum convenientia esse disciplinæ Monasticæ sustinendæ, aut collapsæ rursus restaurandæ, Concilium Lateranense IV. sub Innocentio III. desiderans, disciplinam in multis Monasteriis & Ordinibus non parum collapsam restaurari, & primævam Regulam re-

formari, statuit: "Ut in singulis regnis sive Provinciis fiat, de triennio in triennium (salvo jure Diocesano Pontificum) *commune* Capitulum Abbatum, atque Priorum, Abbates proprios non habentium, qui non consueverunt tale Capitulum celebrare: ad quod universi convenient præpeditioem Canonici non habentes, apud unum de Monasteriis ad hoc aptum.

Additque deinde Concilium: "Hoc ipsum Regulares *Canonicos* secundum Ordinem suum volumus & præcipimus observari.

Et quia Cistercienses præ cæteris erant in celebrandis hisce Capitulis magis experti, ordinat Concilium: "Advocent autem in hujusmodi novitatis exordiis duos Cisterciensis Ordinis Abbates ad præstandum sibi consilium & auxilium opportunum, cum sint in hujusmodi Capitulis celebrandis ex longa consuetudine plenius informati.

XVII. Nomine Priorum in Decreto Concilii Lateranensis, videntur intelligi omnes illi Piores, qui curam animarum in Monasterio sustinent; nec alium in eodem Monasterio Superiorem in regimine immediato Monasterii agnoscunt; quales sunt Piores *Conventuales*: de quibus supra *tit.* 30. *cap.* 3.

XVIII. Hanc Concilii Lateranensis Constitutionem plures Pontifices, ac inter alios Benedictus XII. in Constitutionibus pro reformatione Benedictinorum, & Canonico Regularium; & Clemens V. in *Clem. NE IN AGRO* §. *fin. de Statu Monach.* expresse innovarunt, & observari mandarunt.

XIX. Denum Synodus Tridentina perpendens non obstante prædicta Concilii Lateranensis Ordinatione, ejusque iterata innovatione, multa esse Monasteria admodum deformata, & de quorum reformatione nulla spes superesse videretur, quamdiu ab omni Congregatione ac Capitulo, præsertim si etiam ab Episcoporum jurisdictione & visitatione essent exempta; voluit, ut Monasteria omnia, quæ generalibus Capitulis aut Episcopis non subsumunt, nec suos habent Ordinarios regulares Visitatores, sed sub immediata Sedis Apostolicæ protectione ac directione regi consueverunt, teneantur infra annum à fine præsentis Concilii, & deinde quolibet triennio sese in Congregationes redigere, juxta formam Constitutionis Innocentii III. in Concilio generali, quæ incipit, *In singulis*: ibique certas Regulares personas deputare, quæ de modo & ordine, de prædictis congregationibus erigendis, ac statutis in eis exequendis deliberent & statuunt: Quod si in his negligentes fuerint; liceat Metropolitanis, in cujus Provincia prædicta Monasteria sunt, tamquam Sedis Apostolicæ delegato, eos pro prædictis causis convocare. Quod si intra limites unius Provincie non sit sufficiens talium Monasteriorum numerus ad erigendam Congregationem, possint duarum vel trium Provinciarum Monasteria unam facere Congregationem., *Sess.* 25. *cap.* 8. *De Reform.*

XX. Hæc Capitula sive comitia in Ordinibus Mendicantibus, aliisque recenter institutis sub uno Præfecto generali, solent esse duplicis generis: alia nimirum *generalia*, ad quæ omnium Provinciarum Præfecti & Deputati conveniunt, atque universum Ordinem repræsentant; & in quibus totius Ordinis generalis Præfectus eligi consuevit.

Alia vero *Provincialia*, ita nuncupata, quia ad illa conveniunt soli Monasteriorum Præfecti & Deputati, unius Provincie. Ordinum enim Mendicantium aliorumque sub eadem forma viventium Monasteria, dividuntur in varias Provincias; atque unicuique Provincie, unus præficitur, dictus *Provincialis*, tamquam totius Provincie moderator.

In Ordine autem Benedictinorum & Canonico Regularium, quorum Monasteria ex prima institutione sunt magis à se mutuo distincta, tantum habetur unius generis Capitulum generale, nimirum omnium Monasterio-



nafteriorum singularum Congregationum, in quas tandem Monasteria illa se redegerunt, & univerunt.

XXI. Qua formâ & ritu hæc Concilia sint celebranda, ex singulorum Ordinum Constitutionibus præcipue peti debet. Hoc unum monet Concilium Lateranense, & novissimè Tridentinum, ut saltem de *triennio* in *triennium* commune Capitulum habeatur; id est, ut ultra triennium non differatur; nequaquam improbens Ordinum illorum Constitutiones, aut consuetudines, frequentiore Conciliorum illorum celebrationem præscribentes.

Unde cum dubitatum esset, an ob hoc Decretum Concilii Lateranensis & Tridentini aliquid esset immutandum in iis Religionibus vel Congregationibus Monachorum, in quibus Capitula celebrantur *singulis annis*, & Præsides eliguntur *annales*, responsum fuit à S. Congregatione; nihil esse immutandum; imò retinendos esse Præsides *annales*, ne si *triennales* fierent, etiam forsitan Capitula non amplius singulis annis haberentur, quæ fieri potissimum solent pro electione Præsidis; " & tamen, inquit, quis neget frequentiam Capitulum Congregationem prodesse ad regularem disciplinam vel conservandam, vel ubi collapsa est, reparandam? „ Apud Fagnanum ad *cap. in singulis De Statu Monach. num. 12. (a)*

XXII. Præter Capitula generalia & Provincialia, jam pridem usitata fuisse tam apud Monachos, quam Canonicos in communi viventibus Capitula quotidiana, tum ex Conciliis, tum Monachorum Regulis & Constitutionibus notissimum est, uti ex mox dicendis patebit.

XXIII. Hæc verò Capitula haberi solebant post Primam absolutam, priusquam ad sua opera Fratres diverterent. Unde in Constitutionibus Congregationis sive Capituli Bursfeldensis *Dist. 1. cap. 4. legitur: Omni tempore, Primâ regulari finitâ, itur ad locum capitularem.*

XXIV. In hoc Capitulo primò legi consueverat Martyrologium. In Synodo Aquisgranensi anno 817. *cap. 69. Ut ad Capitulum primitus Martyrologium legatur, & Radulphus De Rivo Decanus Tungrensis enumerans, quæ suo tempore, id est, seculo XV. in Capitulo, quod fit post Primam, legebantur, dicit: Primò, memoria Sanctorum in recitatione Martyrologii. De Canonum observantia propof. 14.*

XXV. Sequebatur deinde, eodem Radulpho teste, Versus *Pretiosa cum Capitulo Sancta Maria.* Quod & citatus Canon Aquisgranensis significat, ubi post allegata verba subiungit: *Et dicatur Versus.*

Post hæc, uti scribit Radulphus, & ante ipsum Amalarius Fortunatus, " quia tunc ad labores diurnos præparari debemus, adduntur preces congruentes, dicendo ter, *Deus in adjutorium.* Deinde ter *Kyrie eleison. Pater noster cum Versu Respice, & oratione Dirigere.*

XXVI. Tandem sequebatur lectio Regulæ, uti in dicto Canone Aquisgranensi præscribitur; & seculo VII. Monachi Fuldenfes supplicantes Carolo M. ut liceat eis orationum & psalmodiæ modum tenere, quem Patres eorum habuerunt, inter olim usitata refe-

rent: *Manè quando in unum convenimus, CAPITULUM in REGULA coram fratribus legebatur. L. 3. antiq. Fuld. cap. 12.*

Hæc quotidiana lectio Regulæ non dissonat à mente S. Benedicti, qui *cap. 64. Regulæ, ait: " Hanc autem Regulam sæpius volumus in Congregatione legi, ne quis fratrum se de ignorantia excuset.*

Ab hac lectione alicujus Capituli ex Regula, postmodum locus ipsius confectus, Capitulum dictus fuit, ut observat Hæftenus *l. 8. disquis. Monast. tract. 1. disq. 1. unâ observans, hanc lectionem Regulæ, respondere lectioni Brevi, quæ hodie juxta ritum Breviarii Romani dicitur in fine Primæ. Cùmque diceretur olim sub finem confectus, sive post preces alias in Capitulo recitatas, faciliè intelligitur, antiquæ illius disciplinæ vestigium esse, quod etiamnum hodie in rubrica Breviarii Romani præscribitur, hanc brevem lectionem dicendam ad absolutionem Capituli.*

XXVII. Obiter quoque hic observat, multisque probat Hæftenus, lectionem Martyrologii, versum *Pretiosa & reliqua, quæ sequuntur in Breviario Romano post orationem Primæ, consuetamque clausulam Benedictamus Domino, non esse propriè partem Primæ, sed recentior, Capitulis quotidianis, præsertim apud Canonicos abolitis, per modum appendicis adjecta esse, uti etiam testatur Durandus *l. 5. Divin. Off. cap. 5.**

XXVIII. Nec tantum legebatur Regula in Capitulo, sed ut eam præcipue juniores intelligerent, à Superiore erat exponenda.

Unde Clemens V. in *Clem. NE IN AGRO §. SANE de Statu Monach. ait: " Regula quoque cùm in Capitulo legitur, ab illo, qui præest ipsi Capitulo, vel alio, cui hoc ipse injunxerit, propter juniores vulgariter exponatur. „ Id ipsum mandat Benedictus XII. in Constitutione super reformatione Monachorum S. Benedicti *cap. 5.**

His conformes sunt Constitutiones Capituli Bursfeldensis, quæ præcipiunt: " Lector, finitâ lectione Regulæ, præstent librum Præsidenti omni tempore. At ille omnibus expeditis, exponat lectionem Capituli, si expositione indigerent.

XXIX. Ad hanc autem Regulæ lectionem, pium admodum ac utile exercitium tradit Trithemius in *Ex. Monast. tract. 3. consid. 2. " Dum lector, ait, passum (a) unum de more ex regula recitat, devotus Conobita in corde dicat: Adjuva me, dulcissime Domine JESU CHRISTE, ut secundum hanc normam servi tui Benedicti religiosè possim vivere, & in tuo sanctissimo servitio fideliter permanere. Deinde cogitet, quoniam, sicuti regula bonis & devotis ad profectum quotidie legitur, sic tepidis, malis, seu negligentibus, ut sint inexcusabiles, ad damnationis cumulum recitatur. Denique noverit se ad fidelem conatum obligari omnium, quæ regula continet, quemadmodum tenor professionis habet.*

XXX. Ultimus isque præcipuus Capituli actus est, culparum ac defectuum Monachorum ultronea confessio & agnitio (de qua latè tractat Hæftenus *l. 8. Disq. Monast. tract. 2.*) atque earum correctio & abusu reformatio.

In citata Benedicti XII. Constitutione *c. 5. postquam dictum esset, quod per quotidianam & ordinariam factionem Capituli regularis fortificatur & durat nervus Monasticæ disciplinæ; statutumque ut quotidie hujusmodi Capitulum habeatur, subiungitur: " In quo priusquam ad quævis alia procedatur, plenè (secundum Regulam Monasticam & Ecclesiarum, Monasteriorum Conventualium & aliorum locorum præfatorum consuetudines approbatas) Monachorum seu Fratrum excessus, transgressiones, & negligentia corrigantur, ac de disciplina & reformatione regulari agatur in illo.*

Similiter in ejusdem Pontificis Constitutione totius

(a) Passus, Passage ou Versus de la Règle.

Ordinis

(a) His, quæ dicta sunt de Capitulis Generalibus Ordinum Regularium, non erit supervacaneum addere Edictum quod Ludovicus XI. Gallorum Rex dedit 3. Septembris 1476. quodque direxit ad Supremum Parisiorum Senatam, & ad Magistratus aliarum Urbium sui Regni, his verbis. *Nous vous mandons & commandons... que vous faires crier & publier à son de trompe & cri public... Que nul Abbé, Prieur, Religieux ou autre de quelque état, qualiré, nation ou condition qu'il soit, ne soit tant ost ou hardi d'aller au Chapitre des Abbates de Cîteaux, Cluni, la Grande Chartreuse, n'a aucun des autres Chapitres Généraux ou Provinciaux hors de nosdies Roynumes & obissance, & ce sur peine; C'est à sçavoir aux dits Religieux de Cluni & de Cîteaux de non avoir, ne jamais obtenir, ne posséder aucun Bénéfice en nosdies Roynume, de bannissement de nosdies Roynume..... Et aux dits Religieux Mandans sur peine dudit bannissement, & d'extirper, de jeter & mettre hors de nosdies Roynume sous les Religieux de l'Ordre de ceux, qui feront le contraire.*

Ordinis Canoniorum Regularium S. Augustini; post ordinatum Regulare Capitulum præcipitur §. 7. "In quo antequam ad tractanda alia procedatur, Canoniorum excessus, transgressiones & negligentiae corrigantur, ac de disciplina & de reformatione regulari tractetur salubriter & agatur, nullo ibidem proterve aut clamose, seu irreverenter se habere quomodolibet præsumente.

Similia passim in aliorum Ordinum Constitutionibus occurrunt, quæ si sedulo observarentur, appareret, Capitula hæc ad conservandam vel restaurandam Monasticam disciplinam morumque correctionem pie utiliterque esse instituta.

## CAPUT IV.

### De Visitatione Monasteriorum.

1. Frequens Visitatio multum ad conservandam disciplinam Monasticam conducit.
2. Visitatio Monasteriorum pluribus seculis ad Episcopos pertinuit.
3. Etiam seculo IX. eadem erat Episcoporum auctoritas.
4. Exemptio Monasteriorum Visitationi Episcoporum obicem injecit.
5. In Capitulis debent designari Visitatores.
6. Quando nam Episcopus Monasteria immediatè Sedi Apostolicæ subiecta visitare possit?
7. Monasteria Commendata etiam exempta, quando ab Episcopo visitari possint?
8. Exemptio non se extendit ad functiones hierarchicas.
9. Monasteria, quibus cura animarum personarum secularium imminet, Episcoporum Visitationi subiacent.
10. Constitutio Gregorii XV. pro faciliiori hujus Decreti executione.
11. Beneficia curata Monasteriis exemptis unita subiecta Visitationi Episcoporum.
12. Confraternitates personarum secularium erectæ in Ecclesiis Regularium, Episcoporum Visitationi subiacent.
13. A quibus visitanda Monasteria Monialium?
14. In Capitulis generalibus designandi Visitatores Regulares.
15. Hi Visitatores cumulatim cum Episcopo concurrunt.
16. Synodus Lateranensis volens Visitatores designari, etiam de non exemptis loquitur.
17. Synodus Tridentina non præcipit, omnia Monasteria in Congregationes redigi, & Visitatores Regulares accipere.
18. Monasteria Episcopis subiecta possunt in Congregationem redigi, & habere Visitatores Regulares.
19. Habere Visitatores Regulares non est sufficiens argumentum exemptionis.
20. Generales & Provinciales Ordinis etiam visitare tenentur.
21. Si sint extranei solent in Galliis petere veniam Principis.
22. In Regno Gallie tenentur constituere Vicarios Regnicolas.
23. Generales exteri suorum Ordinum Monasteria in Belgio sita non possunt visitare sine licentia Principis.

I. Duo sunt præcipui disciplinæ Monasticæ axes: Capitulorum exacta & crebra celebratio, in quibus Monachorum culpæ & defectus discutiuntur & emendantur, & visitatio frequens Monasteriorum, cap. In singulis de Statu Monach.

His duobus axibus in suis primordiis sustentatus fuit Ordo Cisterciensis, si Cæsario l. 1. cap. 1. de Initio Cisterciensium credimus hæc scribenti: "Quid est visitatio? Disciplinæ conservatio. Duo enim Primitivi

Patres instituerunt ad vitiorum correctionem & charitatis conservationem, videlicet generale Capitulum, & singulis annis visitationem Monasteriorum.

II. Primis seculis, quibus incognita erat Monasteriorum vel Monachorum à jurisdictione Episcoporum exemptio, Episcopis visitandi Monasteria suæ Diocesis, tam virorum, quam mulierum, cura incumberebat.

Hinc illud apud Gratianum ex Synodo Aurelianensi: "Non semel, sed sæpius in anno Episcopi visitent Monasteria Monachorum; & si aliquid corrigendum fuerit, corrigatur." Can. 29. caus. 18. q. 2.

Et in Canone præcedenti ex S. Gregorio l. 7. Epist. 18. refertur: "Visitandi exhortandique gratia ad Monasterium, quoties placuerit, ab Antistite civitatis accedatur: sed sic charitatis officium illic Episcopus impleat, ut gravamen aliquod Monasterium non incurrat."

III. Quin & seculo IX. Concilium Tullense jus visitandi Monasteria ipsis Episcopis competere supponit, ubi Can. 9. statuit: "Ut Congregationes Canoniorum & Monachorum ac Sanctimonialium, secundum Canonicam Institutionem à propriis Episcopis strenuè visitentur, & eorum religio & habitus exquiratur."

IV. At labentibus seculis exorta Monasteriorum ac Regularium à jurisdictione Episcoporum exemptione, ceperunt Monasteria exemptionis privilegio munita visitationem Episcoporum rejicere, atque ab ea se exemptos prætere; utpote, quæ superioritatem aliquam & jurisdictionem in visitante respectu visitati requirit.

V. Cumque experientia ostenderet Monasteria ita exempta paulatim defectu debitæ visitationis in summam dissolutionem prolabi, ipsosque Abbates ab omni penè correctione exemptos pro libitudo dominari, ac ipsam Monasterii substantiam dilapidare, Concilium Lateranense sub Innocentio III. statuit, ut in Capitulis generalibus, quæ de triennio in triennium celebrari mandant, (de quibus capite præcedenti actum est) ordinentur religiosæ ac circumspectæ personæ, quæ singulas Abbatis ejusdem regni ac Provinciae, non solum Monachorum, sed etiam Monialium, secundum formam sibi præfixam, vice Sedis Apostolicæ studeant visitare, corrigentes & reformantes, quæ correctionis & reformationis officio viderint indigere.

VI. Quod Decretum probans Synodus Tridentina, decernit: Quod si Monasteria, quæ generalibus Capitulis aut Episcopis non subiacent, nec suos habent Ordinarios Regulares Visitatores, sed sub immediata Sedis Apostolicæ protectione ac directione regi consueverunt, si nec, instante Metropolitano, in Congregationem se redegerint, neque Capitulis generalibus subdiderint, Episcopis, in quorum Diocesis sita sunt, tanquam Sedis Apostolicæ delegatis subdantur. Sess. 25. cap. 8. De Regul.

VII. Ulterius Synodus Tridentina considerans Episcopis primario ac quasi naturaliter ipsam Monasteriorum curam, atque ex ea resultantem visitandi auctoritatem incumbere, decernit Sess. 21. cap. 8. De Reformat. "Ut si quæ sint Monasteria commendata, etiam exempta, & si vigeret in iis regularis observantia, provideant Episcopi paternis admonitionibus, ut eorum Regularium Superiores juxta eorum regularia instituta debitam vivendi rationem observent, & observari faciant, & sibi subditos in officio contineant, ac moderentur. Quod si admoniti intra sex menses eos non visitaverint, vel correxerint; tunc iidem Episcopi, etiam ut Delegati Sedis Apostolicæ eos visitare possint & corrigere, prout ipsi Superiores possent, juxta eorum instituta: quibuscumque appellationibus, privilegiis, & exemptionibus penitus remotis, & non obstantibus."

VIII. Deinde quia Regularium exemptio ultra regularem disciplinam, & ea, quæ Regulares ut tales concernunt,

concernunt, non extenditur; neque ad hierarchica sine confusione hierarchiæ divinitus institutæ extendi potest, (ut infra parte 3. titulo *De Exemptionibus Regularium* ostendetur) etiam Monasteria quacumque exemptione munita quoad hierarchica Episcoporum visitationem recipere tenentur.

IX. Hinc Synodus Tridentina *Seff. 25. cap. 11. De Regul.* decrevit: "In Monasteriis seu domibus virorum seu mulierum, quibus imminet animarum cura personarum secularium, præter eas, quæ sunt de illorum Monasteriorum seu locorum familia, personæ, tam regulares, quam seculares, huiusmodi curam exercentes subsint *immediatè* in iis, quæ ad dictam curam, & Sacramentorum administrationem pertinent, jurisdictioni, *visitationi* & *correctioni* Episcopi, in cuius Diocesi sunt sita.

X. Pro Decreti huius elucidatione, atque faciliiori & efficaciori ejus executione edita est Constitutio à Gregorio XV. quæ incipit, *Inscrutabili* 18. in Bull. Rom. in qua inter cætera §. 4. hæc habentur: "Maturâ de liberatione nostrâ, & ex certa scientia, ac de Apostolicæ potestatis plenitudine, hac generali ac perpetuâ valiturâ Constitutione decernimus, statuimus, & declaramus, ut deinceps tam regulares, quam seculares, quomodolibet exempti, sive animarum curam personarum secularium Monasteriis, seu domibus regularibus, aut quibuscvis aliis Ecclesiis, vel Beneficiis sive regularibus, sive secularibus incumbentem exercent; sive alias Ecclesiastica Sacramenta, aut unum ex illis ministrent sine prævia Episcopi licentiâ & approbatione, sive quoquomodo in dictæ curæ exercitio, aut in eorumdem Sacramentorum, vel alicujus ex illis administratione de facto, absque ulla auctoritate se ingerant, in his, quæ ejusmodi curam seu administrationem concernunt, omnimodæ jurisdictioni, visitationi, & correctioni Diocesani Episcopi, tanquam Sedis Apostolicæ delegati, *plene* in omnibus subiciantur.

XI. Eodem fundamento, Beneficia curata Monasteriis annexa seu unita, ab Ordinario loci visitanda esse, non obstante ipsorum Monasteriorum quacumque exemptione, declaravit Synodus Trident. *Seff. 7. cap. 7. De Reform.*

Plura Regia Edicta, & Parlamentorum Arresta, quibus Episcopis jus visitandi Ecclesias Parochiales Monasteriis *exemptis* unitas; aut etiam ipsas *Ecclesias Regulares*, quibus cura personarum secularium incumbit, asseritur, referuntur in actis Cleri Gallicani *tom. 1. tit. 2. cap. 12.*

XII. Confraternitates personarum secularium erectas in Ecclesiis Regularium, tamen *exemptis* Episcopus jure Ordinario visitare potest; quin & earum facella, & oratoria quantum ad administrationem Confratrum attinet; ut decisum à S. Congregatione refert Fagnanus ad *cap. GRAVE* 2. *De Officio Ordinarii num. 46.*

XIII. Quoad Monialium Monasteria statuitur in *Clem. ATTENDENTES De Statu Monach.* "ut singula Monialium Monasteria per Ordinarios, *exempta*, videlicet, quæ ita Sedi Apostolicæ subiciuntur, quod nulli alii subiecta noscuntur, *Apostolicæ: non exempta* verò, *ordinariâ* auctoritate, ac *exempta* alia per alios, quibus subsunt, annis singulis debeant visitari.

His conforme est Decretum Tridentinum *Seff. 25. cap. 9. De Regularib.* quo decernit, ut "Monasteria Sanctimonialium Sedi Apostolicæ *immediatè* subiecta, etiam sub nomine Capitulum sancti Petri, vel sancti Joannis, vel aliis quomodocumque nuncupentur; ab Episcopis tanquam Sedis Apostolicæ Delegatis gubernentur, non obstantibus quibuscumque, Quæ verò à Deputatis in Capitulis generalibus, vel ab aliis Regularibus reguntur, sub eorum cura & custodia relinquantur.

Quomodo Episcopi vi Concilii Tridentini visitare possint Monasteria Monialium, quantumvis *exempta*, & à Regularibus regi solita, circa ea, quæ clausuram ejusque custodiam concernunt, supra *tit. 30. c. 3. n. 11. 12.* notatum fuit.

XIV. Præter Episcopos, naturales quodammodo Monasteriorum in suis Diocesisbus consistentium Visitatores, sunt insuper Visitatores Regulares à Capitulis generalibus seu Provincialibus designandi; quemadmodum ex verbis Concilii Lateranensis supra relatis constat.

XV. Hi Visitatores nec per Visitationem Episcoporum à sua visitatione excluduntur; ut nec ipsi Visitationem Episcopi, quoad Monasteria illi subiecta, aut circa ea, in quibus Monasteria etiam *exempta* Episcopis subiciuntur, impedire possunt: & ita judicatum fuisse anno 1602. refert Tournetius in sua collectione Arrestorum *Lit. A. cap. 11.* idque conformiter ad jus commune.

XVI. Synodum enim Lateranensem in hac Constitutione non tantum de Monasteriis *exemptis*, sed etiam de *non exemptis* sive jurisdictioni ac Visitationi *Ordinarii* *immediatè* subiectis loqui, dubitari non sinunt, tum verba in initio Decreti apposita: *Salvo jure Diocesano Pontificum*, tum hæc finalia: "Porro Diocesani Episcopi Monasteria *sibi subiecta*, ita studeant reformare, ut cum ad ea prædicti Visitatores accesserint, plus in illis invenient, quod commendatione, quam quod correctione sit dignum.

XVII. Sed rectè advertit Zypæus *consult. 1. De Censibus num. 16.* quod Synodus Tridentina, licet velit à Monasteriis in Congregationem redactis observari formam à Concilio Lateranensi in Capitulo *in singulis* præscriptam, non tamen jubeat omnia generaliter Monasteria etiam *non exempta* & *Ordinarii* *Visitationi* *subiecta*, quemadmodum Synodus Lateranensis voluit, in Congregationes redigi; sed duntaxat Monasteria, quæ Episcopis *non subsunt*, nec suos habent *Ordinarios* Regulares Visitatores; sed sub *immediatâ* Sedi Apostolicæ protectione ac *directione* regi consueverunt.

Quare hodie multa, etiam in Belgio sunt Monasteria, præcipuè mulierum, Episcopis *immediatè* subiecta, nulli Congregationi Regularium unita; neque ullos Regulares Visitatores habentia.

XVIII. Nullatenus tamen repugnat juri communi, nec Concilio Tridentino Monasteria in Congregationem esse redacta, & consequenter Visitoribus à Capitulis generalibus designatis subiecta, & tamen unâ Episcoporum jurisdictioni ac Visitationi subijci. Nec enim Synodus Tridentina venit, ut monet Zypæus, Monasteria Episcoporum jurisdictioni ac Visitationi subdita, in Congregationem redigi, ipsosque Regulares Visitatores ab eadem Congregatione accipere: licet idipsum quoad similia Monasteria non mandaverit.

XIX. Itaque Monasteria esse in Congregationem redacta, atque Visitoribus Regularibus subiecta, nullum est exemptionis argumentum; neque titulus sufficiens, ut Episcopus à visitatione excludatur; ut infra parte 3. titulo *De Exemption.* latius ostendetur.

XX. Insuper, "Abbates, qui sunt Ordinum Capita, ac cæteri prædictorum Ordinum Superiores Episcopis non subiecti, quibus est in alia inferiora Monasteria Prioratusque legitima jurisdictio, eadem illa sibi subdita Monasteria & Prioratus, suo quisque loco atque ordine, ex officio *visitent* (ait Concilium Tridentinum *Seff. 25. capite 20. de Regular.*) etiam si *commendata* existant. .... Teneanturque quicumque prædictorum Ordinum Monasteriis præsint, prædictos Visitatores recipere, & illorum ordinationes exequi.

Unde in omnium passim Ordinum Mendicantium, iisque communicantium Constitutionibus, injungitur, Ordinum illorum Generalibus & Provincialibus, ut Monasteria sibi subiecta sollicitè visitent.



XXI. Sed quia Ordinum istorum Generales ferè solent esse Itali, aut saltem extranei, suam in Galliis visitationem, utpote jurisdictionis aliquam speciem præferentem, sine consensu Principis facere non permittuntur; videmusque passim quòd priusquam ad Francorum Provincias veniant, ipsum Principem aut ejus Ministros certiores reddant; ejusque beneplacitum expectant, cujus plura exempla referuntur *tomo secundo Libertatum Ecclesiæ Gallicanæ, cap. 33. (a)*

XXII. Refert insuper Fevretius *l. 3. de Abusu cap. 5. §. 12.* quòd in Gallia, Generales Ordinum extra regnum residentes, debeant constituere Vicarium generalem regnicolam, qui Monasteriis in Gallia sitis intendat: atque ita non semel judicatum fuisse testatur. Idem testatur Brodaus in notis ad Louvrium *litt. D. n. 49.*

XXIII. Eadem quoque in Provinciis Belgicis Jurisprudencia observatur: legitur quòd anno 1593. Generalis Ordinis Cisterciensis in Gallia residens, desiderans visitare Monasteria sui Ordinis in Belgicis partibus sita, jussit per duos Prælatos à Principe facultatem illam visitandi postulare, quam facultatem Princeps reformationem Monasteriorum impedire nolens benigne annuit, eà tamen conditione, quòd Generalis in ipso actu visitationis deberet secum adhibere duos Prælatos ejusdem Ordinis hiæ in Provinciis residentes.

Cùmque anno 1551. quidam Religiosi Ordinis FF. Prædicatorum in Gallia residentes, sine Regio Placito tenuissent quædam in his partibus Monasteria ejusdem instituti visitare: Regina Hungariæ Belgii gubernatrix (*b*) eosdem visitatores ad se evocavit, eisdemque ulteriorem visitationem interdixit: quorum per litteras acriores die 6. Junii horum Monasteriorum Provinciam & Religiosos reddidit certiores; unà, sub pœna regie indignationis, seriò inhibens ullos visitatores Gallos aut alios imposterum admittere, nisi prius eis de placito & consensu suæ majestatis constiterit. Anno 1616. Belgii Gubernator similes scripsit litteras 27. Junii ad Abbates Truncinensem juxta Gandavum ac sanctorum Cornelii & Cypriani Ninovæ Ordinis Præmonstratensis super eo quòd sui Ordinis Generalem etiam sine prævio Regis placito ad visitationem admisisset. Extant hæ litteræ sub *litt. M.* inter monumenta ad calcem hujus voluminis posita. *pag. 925.*

Adhæc praxis Belgii in hoc conformis est praxi regni Galliæ (de qua *num. 22.*) quòd Generales Ordinum extra has Provincias residentes, nullam possint per se in Monasteria, aut Religiosos harum Provinciarum auctoritatem, aut actum jurisdictionis exercere; sed teneantur in hiæ partibus constituere Commissarium Generalem, qui nomine eorum Monasteriis, quæ in hiæ Provinciis sita sunt; intendat; quemadmodum videmus Ordinem Cisterciensem, nec non Præmonstratensem suum respectivè habere Commissarium Generalem, eò quòd horum Ordinum Generales habeant fixam residentiam in Regno Galliæ.

(a) Undecimo die Ap. 1680. exiit Consilio Regis Francorum, Arrestum, quo prohibetur Franciscanis Conventualibus S. Bonaventuræ, ne in suis Conventibus patiantur residere Religiosos sui Ordinis, nisi sint Galli & subditi Regis; permittit tamen Rex ut in iisdem Conventibus suam figant residentiam extranei Franciscani modò licentiam scripto exaratom à Rege obtinuerint; insuper decernit Doctores, qui suos Gradus in Regni facultatibus non receperunt, excludendos è prærogativis, quas Statuta Ordinis Franciscani Doctoribus in Galliis concedunt. Inde concluditur nullum Franciscanum posse ad Dignitates sui Ordinis in Gallia promoveri, nisi Gallus sit; aut si extraneus est, nisi consensu Regis sit unitus. Acta Cleri Gallicani *t. 4. col. 575.*

Arresto, quod Parlamentum Aquarum Sextiarum dedit 30. Maii 1628. statutum fuit ut Domibus Carmelitarum Provincia non alii præsentent Priores quàm Regnicolæ. Act. Cleri Gall. *col. 663. r. 4.*

(b) Hæc erat Maria Austriacæ, Imperatoris Caroli V. Soror.

## CAPUT V.

## De Scopo &amp; Forma Visitationis &amp; Reformationis.

1. *Scopus Visitationis est corrigere & reformare Monasteria in spiritualibus & temporalibus.*
2. *Hic scopus exprimitur in formula delegationis Visitatoris Apostolici.*
3. *Idem patet ex Ordinum Constitutionibus.*
4. *Visitatores eligendi, qui sunt observantiores strictioris disciplinæ.*
5. *Forma Visitationis petenda ex singulorum Ordinum Constitutionibus; & qualem præscribat Congregatio Bursfeldensis? & quid in hac præcipue notandum?*
6. *Visitatorum auctoritas ex singulorum Ordinum Constitutionibus plurimùm dependet.*
7. *Visitatorum Apostolicorum ex Pontificum diplomate petenda auctoritas.*
8. *Quomodo fiat bodie Visitatorum Monialium deputatio per Episcopos?*
9. *An acta Visitatorum Regularium per appellationem suspendantur?*
10. *Reformationis scopus est Regulæ restauratio.*
11. *Monachi ultra Regulam, quam professi sunt, non sunt constringendi.*
12. *Omnes jam pridem factæ Reformationes unicè ad Regulæ restaurationem factæ. Ostenditur exemplo Cisterciensium.*
13. *Exemplo Patrum Capucinatorum.*
14. *Exemplo item Patrum Discalceatorum.*
15. *Nihil aliud intendit in sua Reformatione Synodus Tridentina.*
16. *In reformando distinguenda essentialia Religionis ab accidentalibus.*
17. *In his moderatius, quàm in illis procedendum.*
18. *Interior Reformatio præcedere debet exteriorem.*
19. *Monasteria solùm exteriùs reformata faciliè deformantur.*
20. *Reformatio suaviter & pedetentim introducenda.*
21. *Reformationes Ordinum ab uno passim Monasteria inchoatæ.*
22. *Ad formandam Reformationem conducit Monasteriorum in unam Congregationem adunatio.*
23. *Ex Reformatione ortæ sunt pleræque Congregationes.*
24. *Ostenditur origo Congregationis quatuor Abbatiarum Belgicarum.*
25. *Ex articulis & actis hujus Congregationis ostenditur, hanc Congregationem ad stabiliendam Reformationem institutam esse.*
26. *Quà ratione pro firmanda Reformatione Congregationes in distinctos Ordines transiverint?*
27. *Extensio & multiplicatio Reformationis frequenter Reformationi retinendæ nocet, eamque destruit.*

I. SCOPUS visitationis expressit Honorius III. in *cap. fin. de Statu Monachorum*, his verbis: "Cùm Visitatores secundùm Statutum generalis Concilii ordinati à generali Capitulo Abbatum processerint ad visitationis officium exequendum, de statu Monasteriorum & observantiis regularibus diligenter inquirent, & tam in spiritualibus, quàm in temporalibus corrigant & reforment, quæ corrigenda viderint: ita tamen quòd Monachos delinquentes per Abbatem loci corrigi faciant, eisque injungi pœnitentiam salutare juxta beati Benedicti Regulam, & Apostolica Instituta, non secundùm normam prava consuetudinis, quæ quasi pro lege, in quibusdam Ecclesiis inolevit.

II. Et in formula facultatis visitandi Monasteria Monialium ex delegatione Apostolica apud Barbosam interfor-



formulas Episcopales form. 44. injungitur Visitatori, ut "de ipsorum Monasteriorum statu, ac ipsarum Monialium vita, & moribus, regularibus institutis, ac Monasticae disciplinae observantia diligenter inquirant, ac super his & quibuscumque abutibus, nec non criminibus, excessibus & delictis, si quae deprehenderit, processus faciat, informationes quascumque sumat, & quaecumque in praemissis & circa ea necessaria, seu quomodolibet opportuna fuerint, faciat, gerat & exequatur.

III. Hic est visitationis ac reformationis scopus, quem Visitatores praeculis praecipue habere debent, & singulorum Ordinum Constitutiones, diversis quidem verbis, sed eodem plane sensu exprimunt inculcantque: ut nimirum Visitatores tam in spiritualibus, quam in temporalibus Provinciam reformare, & ad debitum modum vivendi redigere conentur; uti loquuntur Constitutiones Eremitarum S. Augustini parte 3. cap. 12.

IV. Merito ergo monent Patres Capituli seu Congregationis Bursfeldensis, ut "singulorum Monasteriorum Visitatores maturiori deliberatione, altiorique consilio tales deputentur, qui districtiorem regularis disciplinae promovere & efficaciter conservare possent praesumuntur. Ex illorum quippe idoneitate, diligentia, & fidelitate, inquit, directio & observatio totius observantiae non mediocriter dependere creditur. Et rursus de visitatione loquentes, dicunt: "Visitatores esse convenit Religionis praecipuos zelatores, moribus maturos & discretos; nec non circa exemplum actum visitationis suae, multum sollicitos & circumspectos. In Constitut. dist. 1. cap. 2. & 3.

Unicus ergo Visitorum scopus effe debet, ut videant, num tam in spiritualibus quam temporalibus Monasteria juxta Regulam ac laudabiles Constitutiones regantur; & quidquid his contrarium invaluisse intelligant, corrigere & reducere ad normam Regulae & regularis observantiae studeant. (a)

V. Circa formam & modum in visitatione servandum, Ordinum singulorum Constitutiones praecipue attendendae sunt, quae formam modumque visitationis latius, prout Ordini magis convenire videbatur, exprimere solent. Illud in omnibus pene saltem in substantia praescribitur, quod in Constitutionibus Bursfeldensibus his verbis exprimitur: "Quod quidem Fratres per Visitatores moneantur atque in virtute sanctae obedientiae ipsis praecipiantur, ut de Abbate, de Priore, vel de seipsis, Fratres invicem, de Conversis etiam, ac totius domus statu, quidquid super iis, de quibus interrogati fuerint, accusatione dignum, vel emendatione cognoverint, nullatenus amore vel odio, seu timore cujuscumque, veritate suppressa, singuli edoceant evidenter. Eadem Abbas loci Fratres sua auctoritate praecipiat, addita tamen hac clausula: "Alias indiscrete nemo constringatur, ut pote per extorsionem juramenti, aut excommunicationem: nisi forsitan quis deprehendatur, malitiose veritatem celans. Clausula hodie non immerito notanda: cum non raro videamus, subditorum conscientias, etiam in levibus ac modicis materiis exactiōne juramentorum, & censurarum comminatione nimium constringi & vexari.

VI. Potestas seu auctoritas Visitorum rursus non parum a Constitutionibus & consuetudine singulorum Ordinum dependet; quae nonnunquam limites aut formam, quos in statuendo aut decernendo observent, praescribunt.

Sic videmus in Constitutionibus Eremitarum S. Augustini parte 3. cap. 12. statutum: "Cum autem ad determinationem visitationis ventum fuerit, si aliquas novas ordinationes relinquere voluerint custodiendas, debent primo super his cum Priore & quatuor Patribus deputatis, vel duobus in minoribus Conventibus

(a) Eadem est mens Edicti Blesensis dati an. 1579. art. 30.

Tom. I.

conferre, & eorum sensui, qui noverunt plenius statum domus & patriae, fidem adhibere.

Item cap. 11. dicunt: "Ad officium Prioris Provincialis pertinere saltem semel in anno omnes Conventus tam Fratrum quam Monialium suae Provinciae personaliter visitare, & in eis corrigere ac reformare, quae secundum Regulam S. Augustini, & Constitutiones ac ordinationes sui Ordinis, ac diffinitiones tam generalis Capituli, quam Provinciae invenerit corrigenda ac reformanda. Deinde addunt: "Nihil tamen poterit Prior Provincialis praecipere toti Provinciae sub poena sanctae obedientiae vel excommunicationis, nisi de consilio & assensu Diffinitorum. Idem intelligi volumus de Provinciae Visitoribus.

VII. Si qui sint per speciale diploma Pontificum, aut litteras Regias, vel per Episcopum deputati alicujus Monasterii, vel Provinciae Visitatores, eorum auctoritas & potestas ex ipso litterarum tenore dignosci debet.

VIII. Docet quotidiana praxis ab Episcopis deputari, qui Monasteria, praesertim Monialium, visitent, non quidem ut ipsi sua auctoritate aliquid statuunt aut decernant, sed acta visitationis fideliter ac secreto ad Episcopum mittant; qui iis visis & examinatis, statuat ac decernat, prout convenire judicaverit. Quales deputati dici consueverunt *Commissarii* potius quam *Visitatores*: cujus generis nonnunquam & à Rege deputari contingit, praesertim ut circa temporalia Monasteriorum inquirant & referant.

IX. Decreta ac ordinata in visitatione ejus sunt auctoritatis ac firmitatis, ut nulla appellatio aut ad Superiorem recursus, eorum suspendat executionem, quemadmodum supra titulo 17. cap. 4. circa acta visitationis Episcoporum ostensum est; modo tamen nec circa materiam, nec circa modum limites visitationis excederint Visitatores. Nam si hos limites excedi contingat, nonnunquam etiam Regularium appellatio effectum suspensivum habebit; quemadmodum notat Zypaeus Consult. 1. De Majorit. & Obed. & Resp. 1. De Appellat.

X. Scopus reformationis idem esse debet qui visitationis, idemque Reformationum studium. Quid enim est reformatio, nisi deperditae formae restauratio? Forma autem sive norma vivendi Monachorum, est ipsa, quam professi sunt, *Regula*; adeoque reformatio Monastica non aliud sonat, quam formae illius vivendi deperditae restorationem.

Unde, ait Haeftenus in notis ad Canonem 1. *Conventus Aquisgranensis* anni 817. ad calcem Disquisitionum Monasticarum: "Qui colapsam Monasticam vitae disciplinam meditantur restaurare, primo omnium in ipsam Regulam, seu *primigeniam formam* oculos conjiciunt, ut ad ejus amissum, quidquid vel hominum negligentia vel temporum malignitate dilapsum fuerit, postliminio revocetur.

XI. Et sane uti post Glossographum in *Canone INTEGRITAS caus. 33. q. 1.* tradunt Canonistae, Monachi *inviti* non possunt compelli ad districtiorem vitam, quam Regula praescribit: quia ea res est magis voti, quam praecipti; magis liberae voluntatis, quam coactionis.

XII. Pervolvantur omnium Ordinum reformationes, & primae Regulae restorationem intentam fuisse facile reperietur.

De S. Roberto ejusque Sociis, qui Ordinis Benedictini reformationi (unde Cisterciensium Ordo exortus est) initium dederunt, scribit auctor *Exordii Magni lib. 1. cap. 24.* "Regulam B. Benedicti in loco illo ordinare, & unanimiter statuerunt tenere, rejicientes à se quidquid Regulae refragabatur. Sicque *restituti* nem Regulae supra cunctum vitae suae tenorem ducentes, tam in Ecclesiasticis, quam in ceteris observationibus, Regulae vestigiis sunt adaequati & conformati. Quare in ipsa sui Ordinis *charta* fundamentali,

tali, quam *charitatis* vocant, articulo primo præscribitur : *Regula D. Benedicti observetur sine nova sensu, sine mutatione aliqua.*

XIII. Utque antiquiores Ordinem varias reformationes præteream, quid sæculo decimo sexto aliud intenderunt, Mathæus Baschius alique, qui reformationi unde Ordo Capucinorum exortus est allaborarunt. nisi genuinam Regulæ S. Francisci, rejectis mitigationibus diversis temporibus adjectis, observantiam? uti ex Constitutione Clementi VII. quæ incipit : *Religionis zelus.* 21. in Bullario Romano, manifestum est.

XIV. Similiter S. Theresia reformando Ordinem Carmeliticum, unde originem habet Ordo Carmelitarum Discalceatorum, quid voluit, nisi primævam Regulam S. Alberti Patriarchæ Hierosolymitani, rejecta illius mitigatione per Eugenium IV. facta, reducere? uti late refertur in Constitutione Gregorii XIII. quæ incipit : *Pia consideratione.* 64. in Bull. Rom. in qua relata mitigatione Eugenia, dicit, hosce Fratres huic mitigationi ac relaxationi renuntiassent, atque *primitivam* Regulam observare : Unde Clemens VIII. hunc Ordinem eximens ab omnimoda dependentia & subjectione Patrum Carmelitarum, qui à dicta mitigatione dicuntur *Mitigati*, voluit, ut hujus Generalis impostum vocaretur, *Præpositus Generalis Discalceatorum sive PRIMITIVORUM, videlicet PRIMITIVAM Regulam Ordinis B. Mariæ de Monte Carmelo observantium*, in Constitutione quæ incipit : *Pastoralis.* 23. in Bullario Romano.

XV. Quid plura? cum ipsa etiam Synodus Tridentina reformationi Regularium intenta hoc unum præ oculis habuerit; hocque unum Superioribus reformationi invigilantibus præceperit, ut in hoc sedulo incumbant, ut "omnes regulares, tam viri, quam mulieres, ad Regulam quam professi sunt, præscriptum, vitam instituant, & componant; atque in primis, quæ ad suæ professionis perfectionem, ut obedientiæ, paupertatis, & castitatis, ac si quæ alia sunt alicujus Regulæ & Ordinis peculiaria vota & præcepta, ad eorum respectivè *essentiam*, nec non communem vitam, victum, & vestitum pertinentia, fideliter observent.

XVI. Porro in hoc reformationis negotio, plura notanda & observanda sunt.

Imprimis distinguenda sunt. quæ ad Religiosæ professionis perfectionem, ut obedientiæ, paupertatis, & castitatis, ac si quæ alia sunt alicujus Regulæ & Ordinis particularia vota & præcepta, ad eorum respectivè *essentiam*, nec non communem vitam, victum & vestitum conservanda pertinent, ab his quæ minus principalia, & quasi *accidentaliter* sunt; & sine quibus ipsa Religiosæ professionis perfectio absolute, licet forsitan difficilior, obtineri & conservari potest : uti non obscure distinguit Synodus Tridentina loco citato.

XVII. Si quid circa priora collapsum sit, omnimodo Superiores ad ejus reformationem intendere tenentur, nihilque omittere, quod huic reformationi conveniens & opportunum judicaverint : quia, ut ait Synodus Tridentina "si illa, quæ bases sunt & fundamenta totius Regularis disciplinæ, exacte non fuerint conservata : totum corruat ædificium necesse est.

Si circa posteriora vero, id est, *accidentaliter*, minusque necessaria ad Religiosæ professionis perfectionem assequendam, aliquid relaxatum sit; atque in his ipse rigor Regulæ nonnihil mitigatus fuerit, major potest esse Superiorum moderatio in reductione ipsius Regulæ : præsertim si hæc mitigatio longo usu, aut forsitan etiam auctoritate Sedis Apostolicæ aliquando probata sit.

XVIII. Secundo, ut vera reformatio Ordinis alicujus aut Monasterii rite fiat, & stabiliatur, oportet primum & ante omnia, Superiores allaborent, ut verbo & exemplo subditos doceant & inclinent, ut vo-

luntarie & affectuose mores suos ad Regulæ præscriptum componant; atque ita prius reformationi interioris hominis studeant, quam ad exteriores Regulæ austeritates cogant.

Si enim solum reformatio circa exteriora quædam fiat, atque ad eam *inviti* quodammodo poenarum forsitan metu, aliove humano motivo constringantur, non vera, sed simulata quædam erit reformatio; nec stabilis, utpote carens firmo fundamento, erit : Perruptis enim & disjectis humanis illis vinculis sive claustris, quibus ad exteriorum illorum aliqualem observantiam Monachi constringebantur, rursus ad laxitates recident; & ubi impune poterunt, ab exteriori illa se reformatione eximent, & ad ea quibus animus afficitur, relabentur.

XIX. "Quis enim confidat firmum & stabile permansurum, quod ab *invito* laxitatem aucupante pendet?," ait pius Joannes Midotius in Commentario communitatis Norbertinæ *antiqui rigoris* pag. 99. edit. 1633. Qui ibidem subjicit : "In quo si me ratio deficeret, id tamen abunde comprobant exempla Ordinum, qui reformationem captarunt ab ista tantum exteriori observantia regulari. Meminisse enim potes (ita loquitur ad suum Ethiconem) eorum qui à viginti quinque annis tentarunt suorum reformationes, ob idque severe regularem observantiam juxta Ordinis instituta suis edixerunt, frequentiores congressus cum secularibus, itiones crebras ad amicos & mansiones diutinas, certam religiosæ puritatis perniciem planissime vetuerunt, cælestium rerum meditationem, & corporis afflictationes desuetudine omittas ad reliquam Regulæ observantiam addiderunt. Diceret nullum hoc sæculo specimen aliud reformationis sanctius vel religiosius excogitatum. At quam diuturna stetit hæc pulchra species reformationis? Semestris ut maximum, sensimque observantia revoluta est ad consuetudinem.

XX. Tertio, si de reformatione alicujus Ordinis agatur, ea non simul ad omnes sed pederentim introducenda : Neque enim facile Religiosi alicujus Ordinis omnes & simul reformantur, aut à mitigata disciplina, solitaque vivendi norma abducuntur : sed pederentim ab ea monitionibus & suasionibus suaviter abducendi sunt.

Uti enim advertit citatus auctor, "quia potissimum in animo consistit, isque liber & voluntarius ad reformationem adferendus est, neque omnibus tantum quam cæleste quoddam beneficium inest, aut contrariio affectu obsistente inesse potest, fit ut universus aliquis Ordo ex tot hominibus sensu affectuque diversis compositus, simul statim restitui non possit, singulorum animis non ferentibus hanc morum reformationem & veluti repastinationem.

XXI. Hinc videmus, reformationes Ordinum, passim ab uno Monasterio inchoatas, sensim ac pederentim ad plura Monasteria propagatas; imo & unius Monasterii reformationem subinde non ab omnibus : sed à quibusdam duntaxat, ac præsertim junioribus, laxiori disciplina necdum assuetis, primo fuisse susceptam : ipsosque Abbates aliove Superiores etiam ipsam laxiorem disciplinam in Senioribus dissimulasse & tolerasse.

XXII. Ulterius, ut firmior esset Monasteriorum reformatio, jam pridem opportunum visum fuit, ut Monasteria eodem spiritu animata, & sub eadem severiori disciplina militare desiderantia, se in unam Congregationem redigant; ut ita communia inter Capitula Conventusque celebrantia communi opera & consilio reformationem, ipsamque puriorem disciplinam fovere & integram servare possent.

XXIII. Hinc ex reformatione Congregationem Cisterciensem, Bursfeldensem, & Windesemensem originem habuisse capite 2. notavimus; atque nostra pene ætate ortum habuit unio sive Congregatio quatuor Abba-



Abbatium sub nomine & patrocinio Beatæ Mariæ, scilicet S. Dionysii juxta Montes in Hannonia, S. Adriani Gerardimonte, affligementis juxta Alostum, & S. Giffeni.

XXIV. Anno enim 1625. in Monasteriis S. Dionysii & S. Adriani suscepta fuit reformatio, quæ paulo post ad Monasterium Affligementense transiit, quando Cornelius Jansenius S. T. Doctor & Sacrarum Litterarum Professor Regius in hac Lovaniensi Academia, ac postmodum Ipresium Episcopus, piam illam ac nunquam satis laudatam orationem de interioris hominis reformatione ibidem pronunciavit.

Hæc verotri reformata Monasteria, ut se in suscepta reformatione firmarent, anno 1628. univerunt se, & in Congregationem redegerunt; cui se anno 1643. Abbas S. Giffeni cum suo Monasterio adjunxit.

XXV. Quod vero hæc Congregatio ad stabiliendam reformationem unice facta fuerit; solamque stabilitatem reformationis in hac unione ob oculos habuerint ipsius Congregationis Auctores, ex conditionibus & articulis ipsius unionis fat manifestum est.

Acta unionis sic incipit: "Ad stabiliendam reformationem introductam seu inchoatam in Monasteriis SS. Petri & Pauli Affligementis, S. Dionysii in Borgueroia, & S. Adriani Gerardimonte Ordinis S. Benedicti, Prælati eorundem Sequentes articulos conceperunt, & exacte in perpetuum observare promiserunt.

Deinde articulo primo statuitur: "Singulis annis Capitulum celebrabitur, in quo conveniant præfati Prælati nec non Deputati singulorum Conventuum; ita tamen quod soli Prælati sint habiuri vocem decisivam, alii tantum consultivam.

Quid vero in hisce Capitulis præcipue tractandum sit, sequenti articulo declaratur: "Tractabitur autem & ordinabitur in eisdem Capitulis de iis, quæ pertinent ad felicem statum præfatorum Monasteriorum, & exactam observantiam dictæ reformationis, juxta Regulam S. Patris Benedicti & Constitutiones seu declarationes super ea editas, & cum Regula impressas Tulli apud Simonem Belgrand anno 1625. quatenus nimirum concernunt ritus, mores, observantiasque Monasticas, & exceptis capitibus & articulis Constitutionum seu declarationum, qui tangunt jurisdictionem, regimen, exemptiones, & alia ejusmodi, textu Regulæ non specificè determinata.

Articulo V. hæc habentur: "Visitatores in prædictis Capitulis à Prælati deputandi singulis saltem annis aut sæpius, si ita visum fuerit, prædicta Monasteria visitabunt, & corrigenda absque mora secundum Regulam, & præfatas Constitutiones seu declarationes supra receptas, debite corrigent.

Articulus decimus habet: "Nihil umquam fiet aut statuatur, quod directe aut indirecte vergat in detri-

mentum reformationis, pro cujus conservatione omnes strenue semper laborare tenebuntur.

Quæ omnia evincunt, unicum scopum institutionis hujus Congregationis fuisse, per eam firmius susceptam reformationem stabilire, & conservare atque promovere.

Ut vero ostendant, se nolle per hanc unionem subterfugere correctionem & vigilantiam Ordinariorum, articulo II. hanc expressam adjiciunt clausulam: "Per hæc omnia nihil intenditur, neque unquam quovis modo aut prætextu quidquam attentabitur, vel contra Jus Principis, vel contra jurisdictionem, sive auctoritatem Ordinariorum, neque etiam Archiepiscopi Mechliniensis, tanquam Prælati Monasterii Affligementis. Sed omnia eorum jura & auctoritas (non modo Abbates confirmandi aut benedicendi, sed etiam Monasteria visitandi, defectus corrigendi, & quæcumque alia ad ipsorum jurisdictionem & officium pertinentia faciendi) integra & illibata manebunt, qualia erant ante reformationem: hoc unico excepto, quod nihil in ejusdem reformationis detrimentum dicti Ordinarii neque Archiepiscopus ut Prælati Affligementis agere vel pati poterunt.

XXVI. Denique, quia admodum difficile, imo pene impossibile est, ut in una Congregatione ac Conventu laxioris ac strictioris observantiæ Monachi concorditer vivant; aut reformatio stabilis maneat in Monasteriis, si illa à Superioribus non reformatis dependeat, idcirco Congregationes Monasteriorum reformatorum se paulatim à dependentia ac subjectione non reformatorum eximere studuerunt, atque Superiores suæ Congregationis accipere; quemadmodum & in recentioribus etiam nonnullis, ut Capucinis, Discalceatis, aliisque plurimis visum est; qui propterea tandem in Ordinem plane non reformato seu mitigato distinctum transierunt, & à Sede Apostolica per speciales Bullas ab omnium Superiorum non reformatorum subjectione & dependentia subtrahi sunt.

XXVII. Sed sicuti difficile est integrum Ordinem collapsum simul reformare; atque ab inveterata vivendi norma ad strictiorem reducere; ita quoque summa difficultatis est, Congregationem aut Ordinem jam multiplicatum in primævo reformationis spiritu conservare. Cum enim Ordo aut Congregatio est Conventibus multiplicata, natum est fieri ut sensim nonnulli irreperant, qui spiritu reformationis destituuntur; quique laxiorem vivendi disciplinam strictiori præferant; eamque sensim in alios etiam propagent juxta illud Apostoli: *Modicum fermentum totam massam corrumpit.* Gal. c. 5. v. 9. Quod maxime verendum in illis Ordinibus & Congregationibus, quorum Monasteria ita inter se uniuntur, sibi que conjunguntur, ut Religiosi passim de uno ad aliud migrent: tunc enim contingit, ut si aliquot Monasteria reformationis spiritum destituantur, etiam alia facile per communicationem corrumpantur.

## TITULUS XXXIII.

### DE QUASI-REGULARIBUS.

#### CAPUT I.

##### De Patribus Oratorii.

1. Sanctus Philippus Nervius sermones ad populum instituens Congregationi Oratorii initium dedit.
2. Postulatur à Florentinis ut Ecclesia eorum curam suscipiat.

3. Philippus postulatis annuens Congregationis fundamenta ponit.
4. Quam vivendi normam tenuerint primi Congregationis Patres.
5. Congregatio hæc specialem sibi Ecclesiam assignari petit, & suam Congregationem à Sede Apostolica confirmari.
6. Erigitur Congregatio auctoritate Sedis Apostolicæ; & Ecclesia Parochialis eidem unitur.
7. Eidem conceditur facultas condendi statuta.

8. Quam-

8. Quando prima Congregatio Oratorii plene formata?
9. Hæc Congregatio primitus specialia statuta non habuit.
10. Sub initium hujus seculi statuta collecta sunt, & à Paulo V. confirmata.
11. Institutum hoc in Belgium aliasque Provincias propagatum.
12. In Gallia alia Congregatio Oratorii instituta, & à Paulo V. probata.
13. Petrus Berullus hujus Congregationis Generalis institutus, & quæ ejus auctoritas?
14. Huic impartitur Pontifex auctoritatem, Congregationem ubique Terrarum instituendi, & statuta condendi; vel mutandi.
15. Hæc Congregatio à Neriana independens in varias Provincias propagata.
16. Cura Jacobi Boonen Archiepiscopi Mechliniensis hujus Congregationis fundamenta hic posita sunt.
17. Accersitus à Gallia P. Bourgoïn qui recenter institutas domos visitaret, & formaret.
18. Epistola Archiepiscopi ad Superiores domorum, ut Visitatori obediant.
19. Visitator hic à Gallia missus domos Oratorii Provincia Mechliniensis in unam Congregationem univit.
20. Hæc Congregatio amplectitur institutum Congregationis Gallicanæ; est tamen ab ea independens.
21. Nulla alia Congregatio hujus instituti est à Gallicana independens.
22. Domus instituti Neriani nullam inter se habent communionem; nec Congregationem Generalem constituunt.
23. Congregatio Oratorii nulla votæ religionis, aut professionem religiosam in suis alumniis agnoscit.
24. Præcipuus scopus Congregationis est, alumnos suos functionibus Sacerdotalibus applicare: & quid Neriana hic præstet?
25. Congregatio Gallicana suos vult ad omnia munia Sacerdotalia obeunda esse paratos.
26. Vult ut hæc munia suscipiantur, & exerceantur ad nutum & arbitrium Episcoporum.
27. Describitur status Congregationis Gallicanæ & Belgicæ.
28. Regimen Congregationis quoad personas & res ipsas spectat ad Præpositos, & primario residet in Congregatione.
29. Quando, & qua forma indicenda Congregatio?
30. A Congregatione eligitur Præpositus, & duo Assistentes: Quæ horum auctoritas?
31. Præpositi est Superiores domorum constituere & mutare.
32. Ipsius est novos ad Congregationem admittere.
33. Præpositi est domos visitare; novas erigere non potest.
34. Cujus sit statuta condere?
35. Singularium domorum sunt immediati Superiores, iique triennes.
36. Quod horum officium?
37. Quomodo domus sibi mutuo in temporalibus succurrere debeant?
38. Quid Superiores præcipue inculcare debeant?
39. Ad Superiores spectat inferiorum Ministrorum deputatio.
40. Tempus institutionis supplet vices novitiatus.
41. Institutionis tempore elapso, probati Congregationi incorporantur; & quis hujus incorporationis effectus?
42. De Fratrum laicorum incorporatione.
43. Incorporati pro libitu à Congregatione recedere possunt; sed non facile inviti dimitti.
44. Incorporati retinent rerum suarum dominium; & liberam de iis disponendi facultatem.
45. An divites de proventibus communibus domus vivere possint?
46. Disciplina vivendi ostendit, institutum Oratorii merito dici Quali-Regulare.

I. **S**ANCTUS Philippus Neri Presbyter Romanus, annis aliquot in Ecclesia sancti Hieronymi crebros ad populum sermones, & exhortationes, magno cum fructu & populi concursu habuit; atque nonnullos discipulos, qui in hoc opere assidebant, adscivit.

II. Deinde circa annum sexagesimum quartum decimi seculi cives Florentini ejus fama excitati, illum conveniunt postulantes, ut Ecclesiæ suæ in Urbe Romana, quæ Sancti Joannis Baptistæ nomine celebris haberetur, curam susciperet.

III. Philippus post maturam rei discussionem, & cum Deo factam consultationem, Florentinorum precibus annuit, sibi que id placere dicit; cupere tamen aliquot à suis discipulis Sacerdotio primum initiari; seque præterea à templo S. Hieronymi haudquaquam recessurum eidem significat. Accipiunt Florentini conditionem, domum ad habitandum attribunt: stipendium unde vivant, offerunt. Tres igitur à suis Philippus Sacris initiari facit; inter quos unus erat Cæsar Baronius ob Annalium Ecclesiasticorum editionem toti orbi notissimus.

Cum his tribus ad Sacerdotium promotis, quibus alii duo se junxerunt, Philippus se ad domum à Florentinis assignatam contulit, communem victum instituit, atque Congregationem instituere aggressus est. Hæc ex vita ejusdem Sancti scripta per Antonium Gallonium, & descripta per Papenbrochium ad 26. Junii.

IV. Deinde cap. 8. num. 89. vitam occupationesque dictorum Sacerdotum ita persequitur: "Qui Patres, unanimes in Domino ambulantes, magno cum animorum fructu in Christi vinea excolenda apud Florentinos pro viribus laborare cœperunt: accedentium confessiones audire: Eucharistiæ Sacramentum, qui per Sacerdotium poterant, ministrare: à prandio ad Ecclesiam S. Hieronymi se recipere, ut ubi de more sermones de rebus piis ad multitudinem facerent. Dominicis diebus, præter Oratorii sermones quotidianos, modo Baronius, modo Bordinus in æde sacra Florentinorum, populo qui aderat cupidissime audiente, è suggestu concionabatur. Quibus rebus breviter factum est, ut tam Sacerdotum numerus, quam confluentium ad eum locum multitudo mirifice au-geretur.

Deinde num. 90. ait: "Hoc quidem vivendi genere plures annos usi sunt Patres, eadem domo viventes, seque suæque Divino obsequio & animarum lucro tradentes. Erat omnium marsupium unum, communis mensa, eaque sobria ac frugalis: oratio & meditatio plurima: Sacerdotibus, qui illis initiis quinque erant, rem Divinam facientibus, ceteri aut quotidie, aut alternis diebus cœlesti pane reficiebantur. Id vitæ institutum ita multis probatum est, ut plerique ingenii doctrinæque præstantes, cum Sacerdotes tum laici, ultro sese in Patrum contubernium contulerint: non enim omnes religionis vinculis se astringere omnino audent. Hæc igitur fuere nostris hominibus Congregationis initia.

V. Porro cum maximus hujus Congregationis fructus continuo magis se manifestaret, nec tamen hæc nuseffet ei firmitas, nullaque propria Ecclesia, tandem circa annum septuagesimum quintum à Gregorio XIII. petierunt hujus Congregationis Sacerdotes, ut Ecclesiam Beatæ Mariæ à Valli Cellæ huic Congregationi assignare, ac in perpetuum unire vellent; atque in ea Congregationem Presbyterorum & Clericorum secularium de Oratorio nuncupandam, erigere & instituere.

VI. Huic petitioni annuens Gregorius, per Bullam quæ incipit, *Copiosus* 101. in Bull. Rom. in prædicta Ecclesia Congregationem Presbyterorum & Clericorum secularium de Oratorio nuncupandam auctoritate Apostolica

stolica perpetuo erexit & instituit: illique Congregationi sic erectæ & institutæ præfatam Ecclesiam cum onere curæ animarum Parochianorum, aliisque omnibus & singulis oneribus & honoribus ac annexis, nec non omnibus bonis & proventibus auctoritate Apostolica concessit & assignavit.

VII. Insuper eidem Congregationi illiusque Rectori ac Presbyteris & Clericis pro tempore existentibus liberam concessit facultatem, ut pro salubri statu & directione ejusdem Congregationis, illiusque personarum, quæcumque honesta & rationabilia Statuta & Ordinationes de novo edere, aut edita limitare aut mutare valeant; quæ à Sede Apostolica approbata ab omnibus inviolabiliter observari deberent.

VIII. Huic Congregationi sic institutæ & probatæ non statim se junxit Philippus. Scribit enim Antonius Gallonius cap. 10. num. 126. "Quamquam Philippus omnium, quæ à suis alumnis apud Vallicellam gerantur, auctor esset & dux; non tamen ita subito habitationem templi S. Hieronymi ut defereret, induci potuit; id enim multis annis post, Petri Donati Cæli Cardinalis operâ impetratum est: anno scilicet 1583. Atque tunc primum Congregationis Corpus, ætius re vinculo colligatum, totum integrum, capite cum membris conjuncto, conspici cœpit.

IX. Statuta aliqua, vivente Philippo, Congregationi præscripta fuisse non legitur. "Etenim Philippus omnium consilia pro cujusque ingenio, solitus paterno moderari affectu, satis habuit ad pietatem simul inflammatos in ipsa rerum humanarum despicientia amore ferventiores videre suos & quæ diuturnâ experientia ad probitatem assequendam, Deumque promerendum eis placere noverat, & indes prodesse, tanquam à Domini spiritu probare & confirmare.

X. Hæc ille, qui circa annum 1612, illa, quæ ipse Philippus Nerius hac ratione condenda curavit, vel ab ejus institutione inter Congregationis hujus homines consuetudine recepta, ac deinceps perpetuo servata erant, in unum collegit, atque in septemdecim capita distinxit: quæ Paulus V. post cognitionem aliquam auctoritate Apostolica etiam approbavit, illisque omnibus & singulis perpetuæ & inviolabilis Apostolicæ firmitatis robur adjecit, anno 1612. per Bullam, quæ incipit: *Christi Fidelium*. 92. in Bull. Rom.

Hæc sunt Congregationis de Oratorio vulgò *Nerianæ* Statuta, quæ prædictæ Bullæ Paulinæ inseruntur; & referuntur à Miræo inter Regulas & Constitutiones Clericorum in Congregatione viventium unâ cum præfatione Collectoris, è qua præfatione superiora verba accepta sunt.

XI. Hæc Congregatio, quæ primum fundamentum Romæ in Ecclesia B. Mariæ à *Vallicella* accepit, longè latèque sensim suos palmites extendit non tantum per Italiam, sed in Belgium usque.

Hujus enim Congregationis *Oratoria*, id est, quæ Statuta normamque ejus vivendi tenent, atque filias Congregationis *Nerianæ* se profitentur, hæc in Belgio enumerat Miræus:

Apriscollensè in Brabantia ab Alberto & Isabella Belgarum Principibus fundatum ac dotatum; cum onere Parochiali. Duacensè in Gallo-Flandria ab Hermanno Ottembergio Episcopo Atrebatensi fundatum anno 1626. Cerviensè in Hannonia cum onere Parochiali. Branienfè in Hannonia etiam cum onere Parochiali.

XII. Alia Congregatio sub nomine *Oratorii Jesu Christi Domini Nostri*, sub initium 17. seculi instituta, & à Paulo V. per Bullam, quæ incipit: *Sacrofancta Romana Ecclesiæ*. 91. in Bull. Rom. approbata est.

In hac Bulla ad postulationem Mariæ Reginæ Francorum & Henrici Parisiorum Episcopi, Pontifex erigit & instituit unam Congregationem sub nomine *Oratorii Jesu Christi Domini Nostri*, in honorem, ait, *orationum*, quas in diebus carnis suæ fudit; ut illi qui

Congregationem ipsam ingredientur, eundem Jesum Christum pro nobis in *oratione* positum & pernoctantem reverentur, atque etiam instituti, ad quod vocati sunt, moneantur, & præsertim semper hanc præcipuam omnibus, communem & omni tempore congruentem Officii eorum partem, quæ in orationibus pro populo, ac in Dei laudibus celebrandis versantur, habeant.

XIII. Adhæc cum dicta Regina & Episcopus à Pontifice petissent, ut Petro de Berulle Presbytero Parisiensi (cujus ministerium felici progressui & directioni ipsius Congregationis utile futurum confidebant) cura erectionis & institutionis committeretur, Pontifex illorum precibus hac in parte annuens, eundem Petrum in Præpositum generalem hujus Congregationis deputat & assumit.

XIV. Impartitur itidem Pontifex auctoritatem dicto Petro, ut hanc Congregationem tam in civitate Parisiensi, quam in omnibus aliis civitatibus, oppidis, terris, & locis, ad quæ à locorum Episcopis vocatus fuerit, & non aliàs instituat.

Ipsi unâ dans facultatem condendi nova Statuta pro felici directione & statu Congregationum opportuna; factaque, edita & condita quoties pro rerum ac temporum qualitate & vicissitudine, seu aliàs videbitur, corrigendi, immutandi, alterandi, aliaque omnia, & singula à similibus Congregationum, nec non quorumcumque Ordinum approbatorum Constitutoribus, aut aliis Superioribus etiam generalibus, de jure vel consuetudine sive ex privilegio aut aliàs quomodocumque fieri & exequi solita, faciendi & exequendi.

XV. Hæc Congregatio Oratorii Jesu Christi Domini Nostri planè independens à Romana, quæ à suo primo sancto Institutore dicitur *Neriana*, mox non tantum per Galliam, sed hoc etiam Belgium nostrum propagata fuit. Domos ac familias à Congregatione progenitas recenset Miræus loco citato, sub titulo: *Congregatio Jesu Christi à Petro Berullo Cardinale instituta*, cap. 3.

XVI. Ad Belgium quidem, rogante ac instante zelotissimo ac nominatissimo Mechliniensium Archi-Præfule Jacobo Boonen, missus fuit à Petro Berullo tunc S. R. E. Cardinale, Pater Franciscus Bourgoing cum uno alterove Congregationis hujus Patribus, qui sub auctoritate prædicti Archi-Præfulis prima Lovanii anno 1626. Oratorii fundamenta posuerunt; quæ postmodum Mechliniam anno 1629. deinde Bruxellas, aliaque loca vicina propagata sunt.

XVII. Ut verò novellæ plantæ incrementum majus acciperent, atque adinstar Congregationis Gallicanæ dirigerentur, eodemque spiritu animatæ cohererent, dictus Mechliniensium Archi-Præfuit Superioribus Domorum Lovaniensis & Mechliniensis significavit datis litteris 21. Octobris 1631. quod præfatus Pater Bourgoing (qui à Generali Congregationis Gallicanæ Visitator generalis constitutus fuerat) dederit facultatem & auctoritatem, easdem domos sicut quoad spiritualia, quam temporalia, quoad personas & res, visitandi; ac in visitatione corrigendi, immutandi, statuendi & ordinandi, prout judicaverit; idque, quantum poterit, conformiter Constitutionibus Congregationis generalis in Gallia habitæ; quæ omnia latius continentur in dictis litteris Archi-Episcopi Mechliniensis, quas hic ex originali, quod asservatur in domo Lovaniensi, subjiciam.

XVIII. "Jacobus Dei & Apostolicæ Sedis gratiâ, Archiepiscopus Mechliniensis, omnibus & singulis Presbyteris & Clericis Congregationis Oratorii D. N. Jesu Christi, Domorum Lovaniensis & Mechliniensis nostræ Diocesis, Gratiâ, Benedictionem, & Pacem in Christo Jesu, qui est pax nostra.

"Cum jam pridem plurimi in hac nostra Belgica, & peculiariter in hac nostra Diocesi, ad primum aliquod Sacerdotum in Congregatione viventium Institutum adspirare præ se ferrent, qui propriæ perfectioni Sa-



„ sacerdotali incumbendo, fervorem antiquæ pietatis in  
 „ Clero renovare, ac velut ignem, quem Dominus  
 „ misit in terras, accendere pro viribus studeant; il-  
 „ lud autem Institutum à fel. mem. Eminentissimo Car-  
 „ dinali Petro de Berulle cœptum, & in Galliis, Bur-  
 „ gundia & aliis in locis longè latèque cum bono Chri-  
 „ sti odore jam propagatum, maximè nostris desideriis  
 „ conveniens esse cerneremus; utpote cujus sit pro-  
 „ prium functiones Ordini Sacerdotali essentialiter con-  
 „ venientes & sibi à Reverendissimis Hierarchis præ-  
 „ scriptas exercere, eisdemque Reverendissimis in il-  
 „ larum exercitio obedire, & ad illorum nutum præstò  
 „ esse, nec non & alios Sacerdotes in usu scientiæ & in  
 „ pietatis exercitiis instituere, atque omnem pro modu-  
 „ lo suo operam Pastoribus aliisque curam Animarum  
 „ habentibus impendere, & opem ferre; ad præfatum  
 „ Cardinalem, velut ad fontem, unde Congregationis  
 „ illius spiritus manavit, recurrendum esse, cum bonâ  
 „ eorum, ad quos spectat, veniâ duximus. Qui qui-  
 „ dem nostris benignè votis annuens Reverendum ad-  
 „ modum Patrem Franciscum Bourgoing unum è pri-  
 „ mis hujusce spiritualis ædificii vivis lapidibus, atque in  
 „ multis aliis probatum, cum uno aut altero suæ Con-  
 „ gregationis in has partes, rei hujusce causa, desti-  
 „ navit. A quo, sub nostra auctoritate, prima, Lo-  
 „ vanii, Oratorio Fundamenta posita, & postmodum  
 „ Mechliniæ, & aliis in locis collocata fuerunt, adeo  
 „ ut felicioris & amplioris indies progressus major spes  
 „ affulgeat. Cùm insuper à Reverendissimo Patre Ge-  
 „ nerali dictæ Congregationis in Gallia factâ potestate,  
 „ tanquam primus ejusdem Assistentis & Visitator Ge-  
 „ neralis ad universas domos, non sine fructu & reno-  
 „ vatione animorum, idem P. Bourgoing nuper mis-  
 „ sus fuerit, & postmodum habita sint ejusdem Con-  
 „ gregationis generalia Comitia, in quibus multa ad  
 „ bonum illius regimen & ordinationem constituta fue-  
 „ runt. Ut hæ novellæ plantæ in agro nostro, divinâ  
 „ irrigante gratiâ, incrementum, ad Christi Domini  
 „ gloriam, accipiant; & quatenus opportunum sit,  
 „ ad instar ejusdem Gallicæ Congregationis, dirigantur,  
 „ eodemque spiritu animatæ cohæreant, eidem  
 „ Reverendo Patri Superiori Domorum Lovanien-  
 „ sis & Mechliniensis nostræ dictæ Diocesis, easdem tam  
 „ quoad spiritualia, quam temporalia, quoad perso-  
 „ nas & res nostrâ Auctoritate, visitandi, & in Visita-  
 „ tione corrigendi aut immutandi, quæ correctione,  
 „ aut immutatione indigere judicaverit, nec non sta-  
 „ tuendi & ordinandi, quantum fieri poterit, confor-  
 „ miter Constitutionibus dictæ Congregationis gene-  
 „ ralis in Gallia habitæ, aliæque monita & Statuta pia,  
 „ & patriæ moribus convenientia dandi, omnia à no-  
 „ bis postea videntia, ac probanda, & confirmanda  
 „ facultatem concedimus; ac singulos & omnes dicti  
 „ Oratorii in hac nostra Diocesi in Domino plurimum  
 „ exhortamur, ut in ejus honorem, qui fuit *obediens*  
 „ *usque ad mortem*, hanc visitationem, debita cum  
 „ animorum submissione & devotione suscipiant, &  
 „ omnia in illa, ut suprà, statuta & ordinata humiliter  
 „ observent. Ita Deus & Pater Domini nostri Jesu  
 „ CHRISTI benedicat vos in omni benedictione spiri-  
 „ tuali in cœlestibus in CHRISTO Jesu. Datum Lov-  
 „ nii nostræ Diocesis sub manu & Sigillo nostris, an-  
 „ no Domini millesimo sexcentesimo trigésimo pri-  
 „ mo, die vigesima primâ Octobris. Rev. P. Fran-  
 „ ciscus Bourgoing. Jacobus Archiepiscopus Mech-  
 „ linien- De Mandato Illustriss. & Reverendiss. Do-  
 „ mini Archiepiscopi, Tim. Hojus Secret. 1631.

XIX. Post varias visitationes, in quibus etiam pia  
 valde ac utilia exercitia & ordinationes pro directione  
 Domorum illarum præscripsit; nec non post habitas  
 multiplices deliberationes, tandem anno trigésimo  
 quarto decimi septimi sæculi visum fuit dicto Patri  
 Bourgoineo, nec non Mechliniensium Archiepiscopo,

& Antonio Triest Gandensium Antistiti (in cujus etiam  
 Diocesi nonnullæ Congregationis Oratorii Domus ere-  
 ctæ erant) particularem Congregationem ex omnibus  
 Domibus seu familiis in Diocesi Mechliniensis & Ganda-  
 vensi, aut etiam aliis Archiepiscopo Mechliniensis suf-  
 fraganeis, jam institutis aut posthac instituendis erige-  
 re; prout dictus Bourgoineus erexit, probantibus di-  
 ctis Prælati; eique Constitutiones decem capitibus  
 comprehensas præscripsit; quibus & hodie hæc Con-  
 gregatio utitur & regitur.

XX. Voluit quidem ut in omnibus, quantum fieri  
 posset, esset hæc Congregatio conformis Congrega-  
 tioni Gallicanæ, ejusque spiritu animaretur; sed eam  
 tamen in regimine à Congregatione Gallicana indepen-  
 dentem esse voluit.

Unde in dictis Constitutionibus habetur c. 4. “ Do-  
 „ mus *Oratorii Domini* Jesu erectæ vel erigendæ in  
 „ Provincia Mechliniensis, constituent simul unam Con-  
 „ gregationem à nulla alia dependentem.

XXI. Et quidem hæc unica est Congregatio à Gallica  
 progenita, ejusque vivendi normam imitata, quæ ab  
 ea sit independens.

Sunt enim & aliæ Congregationes ejusdem Instituti,  
 quæ è pluribus particularibus domibus sive familiis  
 unam Congregationem constituunt; atque unum Præ-  
 positum Congregationis habent, qualis in Hannonia est  
 Congregatio Montensis; sed omnes hæc à Congrega-  
 tione Gallicana dependent, atque Præpositum hujus  
 Congregationis pro suo Generali agnoscunt; à quo  
 etiam Præpositi singularum Congregationum confirma-  
 tionem accipere debent: scilicet Præpositus Congrega-  
 tionis Provinciae Mechliniensis, ut infra dicitur.

XXII. Hæc dependentia & unio minor est inter Do-  
 mos, quæ normam vivendi Congregationis Romanæ  
 sive Nerianæ sequuntur.

Hæ enim Domus omnes separatim & per se inde-  
 penderent planè à se mutuò per suos respectivè im-  
 mediatos Superiores reguntur, sine ulla ab alia dependen-  
 tia aut mutua unione; idèoque nec ulla harum domo-  
 rum sive familiarum nota communia aut generalia com-  
 mitia; nullusque generalis Præpositus aut Superior, qui  
 omnibus familiis intendat.

XXIII. Congregationi Oratorii tam Romanæ, quam  
 Gallicanæ, atque ab his progenitis Congregationibus  
 commune est, quòd Congregationi adscripti, nullo  
 Religionis voto, aut religiosâ professione Congrega-  
 tioni obstringantur; sed in simplici ac primævo statu  
 Sacerdotali ac Clericali vivant; imò nec ulla similia  
 vota Congregatio admittere queat; sed “ ipsa Congre-  
 „ gatio in primævo & puro statu Sacerdotii, quale  
 „ Christus Dominus instituit, & in Ecclesia sua reli-  
 „ quit, nihil addendo, vel detrahendo, perpetuò sit  
 „ permanens, ad eò ut quocumque loco & tempore &  
 „ Congregationis Conventu, nulla in ea *professio* sive  
 „ *vota* admittantur: & casu, quo aliqui *professionem* emit-  
 „ tere vel admittere vellent, quamvis essent plures nu-  
 „ mero, ipso tamen factò è corpore Congregationis se-  
 „ parati erunt, & bona quælibet & cujuscumque natu-  
 „ ræ ac domos, cæteris, qui in primævo instituto ac purè  
 „ Sacerdotali, licet pauciores numero remanserint, re-  
 „ linquere tenebuntur. “ Ita Constitutiones Congre-  
 gationis Belgicæ cap. 2. quæ iisdem penè verbis in Sta-  
 tutis Nerianis exprimuntur cap. 4.

XXIV. Presbyterorum verò hæc Congregatio potis-  
 simum instituta fuit, ut in communi viventes functioni-  
 bus Sacerdotalibus fructuosius & cum majore populi  
 ædificatione incumbere possent.

Nerianæ seu Romanæ Congregationis scopus sive spi-  
 ritus fuisse videtur, Parochialis alicujus Ecclesiæ curam  
 agere, eamque dirigere; nequaquam verò omnibus in-  
 differenter Sacerdotalibus functionibus applicari.

Hinc in Congregationis statutis c. 8. legitur: “ Cùm  
 „ sint multi in Ecclesia Dei, qui audiendis Monialium  
 „ confessionibus aut dant operam, aut dare optinè pos-  
 „ sint;

„ sint; propterea ne quis ab instituto Congregationis  
 „ nostræ proprio possit abduci, statutum est, ne no-  
 „ strorum aliquis sese obliget aut dedat confessionibus  
 „ audiendis, moribus reformandis, rebusque earum  
 „ gerendis. Idem dicimus de Seminariis, Collegiis,  
 „ Congregationibus, Societatibus, aut aliis Universi-  
 „ tatibus, rebusque earum quomodolibet tractandis.  
 „ Hinc passim domus seu familiæ hujus Neriani instituti  
 „ uni Ecclesiæ Parochiali regendæ præfectæ sunt, eamque  
 „ jure Parochiali regunt; nullas præterea hierarchicas  
 „ functiones obeuntes.

XXV. At Congregationis Gallicanæ, & Belgicæ ab  
 „ ea progenitæ præcipuum Institutum est, ut illis adscrip-  
 „ ti omnibus quibuscumque functionibus hierarchicis,  
 „ ad quas ab Episcopis locorum vocabuntur, applicen-  
 „ tur.

Unde in Constitutionibus Congregationis nostræ Bel-  
 „ gicæ sive Provinciæ Mechliniensis, unus è præcipuis  
 „ finibus institutæ Congregationis assignatur, „ ut omnia  
 „ quæ sunt Sacerdotum munia & functiones, ex fonte  
 „ gratiæ & Spiritu Christi summi Sacerdotis & Sacer-  
 „ dotii institutoris peragat: hinc Congregatio gratiæ  
 „ spiritum & institutum *Catholicum* seu *universale*, non  
 „ autem ad certas aliquas functiones limitatum, habet.  
 „ Cap. 8.

Deinde tanquam consequens subjicitur: „ Proinde  
 „ mores regionis & ritus Ecclesiæ loci, in quo fundata  
 „ est, quantum potest & decet, sequitur, ac etiam om-  
 „ nia planè munia Ordini Sacerdotali aut Pastoralis offi-  
 „ cio convenientia (uti sunt SS. Sacramentorum admi-  
 „ nistratio, prædicandi, exhortandi, catechizandi mu-  
 „ nus, juventutis institutio, Monialium directio, &  
 „ hisce similia) exercere potest, & sese ad ista ministe-  
 „ ria paratam exhibere debet.

XXVI. Has autem functiones non nisi ad arbitrium  
 „ & nutum Episcoporum exercendas ac subeundas eadem  
 „ Congregatio proficitur, his verbis in citato capite 8.  
 „ expressis: „ Ad illas porro functiones obeundas, nul-  
 „ lam Congregatio facultatem, jurisdictionem aut po-  
 „ testatem sibi vindicat, aut propriam habet à summo  
 „ Pontifice, sed omnimodam accepit à Reverendissimis  
 „ Dominis Episcopis, ita ut ipsi non tantum impediendi,  
 „ prohibendi, interdicens; sed etiam præcipiendi,  
 „ injungendi, & in virtute sanctæ obedienciæ ad  
 „ exercenda dicta munia Sacerdotalia & Pastoralia, ubi  
 „ & quæ expedire videbuntur, obligandi erga Con-  
 „ gregationem, & singulos ex ea, auctoritate polleant.  
 „ Intendit namque Congregatio, quantum in se est,  
 „ normam vitæ Sacerdotalis ad primævam Christi Do-  
 „ mini institutionem continuâ priorum & puriorum  
 „ temporum praxi observatam reducere, ac ad origi-  
 „ nem sui revocare principii, & votum seu promissio-  
 „ nem obedienciæ, quam Sacerdotes in consecratione  
 „ emittere solent, quasi renovare, & in praxim om-  
 „ nino reducere. Ut sicut Religiosi postmodum in Ec-  
 „ clesia magno ejus bono exorti, ex vi votorum suo-  
 „ rum, Prælati suis per omnia obediunt, ita sint in  
 „ hac Congregatione è Clero simul viventes, qui Re-  
 „ verendissimis Dominis Episcopis in usu sui Ordinis  
 „ omnino & immediatè subjaceant, eisque ex amore  
 „ ejus, qui Patri suo *obediens fuit usque ad mortem*, ad  
 „ Philip. c. 2. v. 8. planè submittere se debeant: unde  
 „ ipsi Reverendissimi Domini Episcopi plures ad manum  
 „ semper habeant operarios, quibus ad omnia munia  
 „ prædicta uti possint ad nutum.

XXVII. Quare in ipsa præfatione harum Constitu-  
 „ tionum declaratur, quod hujus Congregationis, sta-  
 „ tus firmus & perpetuus alius non est, *Quam Insti-  
 „ tutum Sacerdotum vel ad Sacerdotium aspirantium  
 „ simul & in communi viventium, sub directione Præ-  
 „ positum sive Superiorum, & sub plena auctoritate  
 „ & Jurisdictione Illustrissimorum seu Reverendissi-  
 „ morum Hierarcharum: quorum principale & præ-  
 „ cipuum institutum sit perfectioni Sacerdotali tota*

Tom. I.

„ liter incumbere, & in humilitatis spiritu ac piæ vitæ  
 „ studiis Altissimo famulatum exhibere, singulasque  
 „ actiones & functiones Ordini Sacerdotali propriè  
 „ convenientes, sibi à Reverendissimis præscriptas &  
 „ non aliàs amplecti, nec non Sacerdotum & aliorum  
 „ ad Sacros Ordines aspirantium in usu præsertim sci-  
 „ entia & in pietatis exercitiis institutioni vacare,  
 „ &c.

XXVIII. Porro hæc omnimoda in exercitio functio-  
 „ num Sacerdotalium ab Episcopis dependentia nequa-  
 „ quam impedit quominus directio, „ sive regimen  
 „ Congregationis quoad personas, bona, & domus ad  
 „ ejusdem Præpositos spectet: cujus quidem directio-  
 „ nis potestas primaria in ipso corpore sive Conventu  
 „ Congregationis legitimè convocata, cui etiam Præ-  
 „ positus Congregationis suberit, & in quo pluralita-  
 „ tem suffragiorum tenebitur sequi, residere decernit-  
 „ ur. „ Ita Constitutiones Belgicæ cap. 2.

XXIX. Convocatio verò Congregationis juxta dictas  
 „ Belgicas Constitutiones fieri debet uno quoque trien-  
 „ nio de consensu Episcoporum, loco & die indicen-  
 „ dis ab ejusdem Patre Præposito, neque ultra tres men-  
 „ ses post expletum triennium prorogari potest.

Penes Congregationem legitimè convocata est jus  
 „ eligendi Præpositum Congregationis; „ Qui debet  
 „ pro hac Mechliniensis Diocesi per Archiepiscopum  
 „ confirmari; imò & pro Provincia, petito tamen  
 „ prius consilio Episcopi Ordinarii ejus, qui electus erit,  
 „ si is alterius, quam Mechliniensis Diocesis in hac  
 „ Provincia fuerit. „ cap. 4.

XXX. Præter Præpositum, à Congregatione legiti-  
 „ mè convocata & congregata ex pluralitate suffragiorum,  
 „ eliguntur duo *Assistentes*, qui Præposito in negotiis di-  
 „ rigendis assistant.

Hi unà cum Præposito in omnibus deliberationibus  
 „ circa res *temporales* jus habent vocis *decisivæ*: „ Quo-  
 „ ad spiritualia verò, directionem, ordinem, politiam  
 „ & regulas, & res hujusmodi, etiam exteriores, *con-  
 „ sultivæ* solum.

XXXI. Solius item Præpositi est, Superiores domo-  
 „ rum ab Episcopis loci approbandos constituere, vel  
 „ destituere, seu deponere & mutare, quandocumque  
 „ judicaverit: idem tamen ex causa faciendi jus est etiam  
 „ penes Congregationem convocata.

XXXII. Item ejusdem Præpositi est, quos à Deo vo-  
 „ cari viderit, admittere; & alia omnia circa personas,  
 „ domos, spirituale profectum & bona Congregatio-  
 „ nis, ex consilio tamen Assistentium peragere.

XXXIII. Præterea quamvis Congregatio à visitatio-  
 „ ne Episcopi non eximatur, nihilominus quoad ea,  
 „ quæ sunt directionis, jus etiam visitandi ad Præposi-  
 „ tum Congregationis spectat; qui à visitatione dome-  
 „ stica per se, vel alium nunquam prohiberi potest;  
 „ eamque ad minimum unoquoque triennio instituere  
 „ debet.

Novas domos erigere solus Præpositus non potest;  
 „ sed id ad Episcopos loci Ordinarios spectat.

XXXIV. Nova statuta quoque & leges condere ad  
 „ solam Congregationem convocata spectat, postmo-  
 „ dum ab Episcopis confirmanda: potest tamen Præpo-  
 „ situs mandata & ordinationes ad tempus seu usque ad  
 „ proximam convocationem servandas, ad omnes domos,  
 „ modò his Constitutionibus ac Episcoporum auctoritati  
 „ nihil detrahant, destinare.

XXXV. Præter generalem Congregationis Præpo-  
 „ situm, penes quem omnium domorum totiusque Con-  
 „ gregationis cura & directio quædam eminens residet,  
 „ sunt insuper singularum domorum sive Conventuum  
 „ immediati Superiores: quorum tempus Superioritatis  
 „ triennio concludi debet; & ad secundum triennium  
 „ tantummodo & non ultra prorogari potest.

XXXVI. Horum proprium officium est „ personas  
 „ & domos suæ curæ commissas tam quoad spirituale  
 „ statum, quam quoad temporalium administrationem

Y y

„ diri-

„dirigere & conservare, & quantum in se est, pro-  
„movere. „ *Cap. 6.*

Quoad temporalem tamen domorum statum aut exteriorem earum faciem, nihil innovare aut mutare, vel contractum aliudve negotium notabile res temporales spectans concludere, sine auctoritate Præpositi Congregationis possunt.

XXXVII. Licet singulæ domus seu familiæ suæ habere soleant bona separata; tamen quia in unam Congregationem omnes sunt unitæ, ut unitas spiritûs per charitatis vinculum conservetur, & fortius colligeretur, monentur Superiores domorum, „ ut studeant & se „ invicem charitate complecti, atque etiam quando „ secundum Deum se posse judicabunt, præsertim „ cum domus certis & perpetuis redditibus fundatæ „ erunt, aliqua domibus magis indigentibus subsidia „ temporalia præstare ex iis, quæ honestæ & modestæ suarum sustentationi & intertentioni superesse possent.

XXXVIII. In spiritualibus studium Superiorum eò præcipue collimare debet, ut Spiritum vitæ Jesu Christi D. N. Sacerdotis in æternum, in suis excitent; atque intendant maxime Animarum profectui & perfectioni, occurrendo omnibus impedimentis, succurrendo infirmitati & necessitatibus singulorum: denique firma in illis solidæ virtutis, veræque pietatis fundamenta jacent & stabiliunt.

XXXIX. Ad domorum Superiores præterea pertinet, inferiores quoscunque singularum suarum respectivè domorum ministros sive officiales instituere, & mutare prout judicaverint; & illis in eorum exercitio superintendere, eosque dirigere, atque defectus supplere.

XL. Quia Congregatio *Oratorii* nulla Religionis vota, nullamque religiosam professionem agnoscit, idcirco nec propriè *novitiatum* habet; ne tamen haud probati Congregationi incorporarentur, probationis tempus præmitti quoque voluit, quod *institutio* dicitur; eò quod illo durante in exercitiis pietatis, aliique ad Congregationem spectantibus functionibus *institui* debeant, & probari.

Hoc *institutionis* tempus ex præscripto Congregationis Belgicæ extenditur ad triennium cum trimestri, ad honorem ejusdem spatii vitæ conversantis Jesu Christi in terris, quo suos Apostolos formavit atque instituit.

XLI. *Institutionis* tempore elapso, si reperti sint tales, qui Congregationi judicentur convenire, „ Sacer- „ dotes vocem activam habebunt, atque omnes censentur *incorporati*: nec poterunt quacunque occasione à Congregatione dimitti, nisi ob causam valde notabilem, quæ de novo acciderit, & talis à Patre Præposito Congregationis, nec non à tribus Patribus domorum, in quibus illi habitarent, iudicata sit, vel ab ipso solo, si res communicari non possit. „ *Cap. 9.*

XLII. Fratres verò *servientes* sive Laici debent scripto declarare, se nullâ spe mercedis velle servire: atque per duos ut minus annos conversari & servire debent in habitu seculari, & tunc vestiri poterunt, & post duos alios annos censentur *incorporati*: nec dimitti poterunt nisi ob rem valde gravem, & modo, quo Sacerdotes, aut ad Sacerdotium aspirantes. Poterit tamen Præpositus dispensare ut citius vestiantur, vel etiam tempus prorogetur. *Cap. 10.*

XLIII. Porro quamvis jam *incorporati*, à Congregatione nisi ob gravem causam inviti dimitti nequeant, ipsi tamen nullâ assignatâ causâ semper pro libitâ à Congregatione recedere possunt.

XLIV. Adhuc cum nullum paupertatis votum emittant, per hanc *incorporationem* nihil perdunt aut amittunt de suis juribus, gradibus, Beneficiis, aut bonis temporalibus; de quibus etiam liberè, non secus ac alii Clerici seculares disponere possunt.

XLV. Si, qui tamen redditus sufficientes vel ex Beneficiis, vel ex patrimonio habent, merito tantum in commune conferent, quantum eorum necessitatibus impendi debet, ne aliâ ex proventibus communibus in usum pauperum destinatis viventes, suum censum cum aliorum detrimento augere velint.

Qua de re in Statutis Congregationis *Nerianæ cap. 8.* hæc leguntur: „ Quicumque admittuntur in Congregationem, sciant cujuslibet anni redditus expendendos in bonos, quos ipsi judicaverint, usus, neque quidquam cumulandum: ne quis scilicet à nostra Congregatione ullam curam ponat in divitiis parandis: imò verò ex censu pro suis cuicunque facultatibus in commune commodum Congregationis liberè conferendum est. Quod à nostris adèò servatum est hætenus, ut si quis ob inopiam id non præstiterit, vel præstare intermiserit, statim atque de suo abundantior quoquo modo factus est, pecuniam pro rata portione dare ac solvere non destiterit. Ita eis conveniens ac consentaneum semper visum est stipendiis propriis militare, & à rebus etiam Congregationis tanquam ab alienis abstinere, quibus ipsa debet, imprimis non habentes unde vivant, sustentare suos.

Hæc planè consona sunt regulis, quas in rebus temporalibus dispensandis observare debebant Canonici in communi viventes (quorum vivendi normam Congregationis hujus Presbyteri æmulantur). quarum summarium *cap. 107.* in Synodo Aquisgranensi expressum ita habet: *Cum quo damno animæ suæ ab Ecclesiâ, quæ pauperes pascit, accipiunt illi, qui sibi de suo suffi- riant.*

Porro sicuti Canonici in communi viventes, licet non essent verè *Regulares*, utpote voto paupertatis non adstricti, tamen quasi *Regulares* reputabantur; atque propterea eorum domus tunc *claustra*, *Monasteria* & *Abbatia* dicebantur; & eorum Superiores *Abbat*es; quidni ob earundem vivendi rationem Monasticæ disciplinæ multum similem, Sacerdotes *Oratorii* dicantur quasi *Regulares*?

Unde videmus, quod etiam subinde quasi pro Regularibus aliquatenus reputentur; atque in eorum admissione ipsi Magistratus adjiciant modificationes similes iis, quæ Regularium admisioni adjici consueverunt; cujus exemplum suprâ *Tit. 24. cap. 3. n. 16.* relatum est.

XLVI. Hætenus tamen dicta sufficienter ostendunt, Institutum *Oratorii* nullatenus dici posse institutum *Religiosum*, prout id hodie accipitur, utpote ipsa Religionis substantialia vota non agnoscens. Si tamen vivendi disciplina in ipsis Constitutionibus præscripta, & hucusque observata attendatur, apparebit, eam esse planè conformem cum disciplina Clericorum & Canonicorum in communi viventium, quam Synodus Aquisgranensis anno 816. expressit; & compendiosè descripti in Dissertatione Canonica de Instituto Canonicorum *parte 3. cap. 6. §. 2.*

## CAPUT II

### De Canonissis.

1. *Canonissarum Belgica Collegia.*
2. *Judicium Miræi de Canonissarum origine.*
3. *An bodierna Collegia Canonicarum fuerint Monasteria duplicia Sanctimonialium & Monachorum.*
4. *An Canonissæ bodierne successerint Sanctimonialibus? & quo tempore primum audiri cepit nomen Canonicarum?*
5. *Canonissæ in Synodo Aquisgranensi Sæculo IX. Regula præscripta; sed ab his multum desceverunt bodierne.*



6. *Canonica, de quibus Synodus Aquisgranensis, votum perpetuæ castitatis & stabilitatis emittebant.*
7. *Disciplinam plane Regularem & communem vivendi normam observabant; neque ignobiles excludebantur.*
8. *In Canonicarum Monasteria, virorum introitus solite cavetur.*
9. *Evant Sanctimonialibus similiores, quam hodiernis Canonicis.*
10. *In quo à veris Monialibus differrent?*
11. *Quamdiu disciplina hæc inter Canonicas fuerit servata?*
12. *Ad exemplum Canonicorum videntur Canonica seculo XII. & XIII. ad vitam singularem transiisse.*
13. *Exemplo Canonicorum ceperunt Canonica se à voto castitatis eximere.*
14. *Ad exemplum Canonicorum singulariter viventium, Canonica dista sunt seculares.*
15. *Canonicarum secularium meminit seculo XII. Bonifacius VIII.*
16. *Quomodo seculo XIII. ad vitam secularem transiissent Canonica; & quæ earum vivendi norma?*
17. *Ad Collegia Canonicarum hodie nonnisi nobiles puellæ admittuntur.*
18. *Ad nuptias transire possunt, excepta Abbatisa, & quibusdam Officialibus: & quæ hujus exceptionis ratio?*
19. *Quis hodiernus Canonicarum vestitus?*
20. *Canonicæ hodie Collegiis Canonicarum adjunctæ; quod eorum officium?*
21. *Unde contingat Canonicos à Canonissis despici?*
22. *Abbatisa aliquando jurisdictionem in Clericos exercet.*
23. *De Jurisdictione Abbatisæ Collegii Canonicarum Nivellensis.*
24. *Qualis data sit, & hodie competat Collegio Canonicarum Montensi.*
25. *Malbodiensium Canonicarum Jurisdictio.*
26. *Canonica seculares ex mente Fundatorum debent etiam canonicæ vivere.*
27. *Eas reformari seculo XVI. desideravit Synodus Colonienfis.*
28. *Quid in illis observatum voluerit Synodus Augustensis?*
29. *Collegium Canonicarum, abjecta vita seculari, ad Regularem transiit.*
30. *Collegia Canonicarum reputantur corpus Ecclesiasticum.*
31. *Abbatisæ horum Collegiorum ad Synodos vocantur.*
32. *Collegia hæc solent esse sub immediata Principis protectione; & consequenter sine ejus consensu visitare nequeunt.*

**H**ABEMUS hic in Belgio nostro nonnulla Canonicarum sive Canonicarum Collegia, quæ una cum aliis in Germania & Lotharingia fundatis & hodie extantibus recenset Miræus ad calcem notarum in Regulam Canonicorum. Et in notis ad caput 13. *Cod. Donat.* de Canonissis Belgicis, hæc habet: "Canonicarum nobili stirpe progenitarum, quæque ad nuptias transire possunt, Collegia in Hannonia sunt duo, Montense, & Malbodiense: totidem in Comitatu Namurcensi, Andennensi & Monasteriensi, & unum in Brabantia Nivellense, omnium apud Belgas (ut arbitror) antiquissimum.

II. De origine Canonicarum hæc scribit idem Autor libro de Collegiis Canonicorum cap. 19. "Non sum

nescius multos contendere olim Canonicarum istarum, ut cæterarum virginum Collegia, si non omnia, saltem pleraque voto seculæ castitatis perpetuæ solita obstringere, etsi id ipsæ Canonica ægre forsitan admittant.

III. Vir eruditus Joannes Mabillonius de Canonicarum exordio differens, contendit in plerisque Canonicarum

Tom. I.

nicarum Collegiis primitus fuisse ordinatas *Sanctimonialiter* sub Regula S. Benedicti; iisque Monachos Prefectos; atque ita primitus fuisse *duplex* Monasteria, scilicet Sanctimonialium & Monachorum. "Quemadmodum, ait, in Belgica provincia successerunt Collegia *Canonicarum* Monachabus, ita & Monachis *Canonicorum* Conventus: ut sicut primitus Monachi Monachabus, ita postmodum Canonici Canonicabus Sacramenta administrarent. Puellas in illis Cœnobiiis degentes (pergit Mabillonius) velo consecratas & voto castitatis obstrictas fuisse, clarius est, quam ut probatione indigeat.

IV. Hæc ille in præfatione ad seculum II. Benedicti. 32. qui & alibi asserit: "Ante seculum IX. inauditum fuit in Galliis Canonicarum nomen & institutum: audiri primum cœpit in Concilio Cabilonensi (anno 813. habito) quod Sanctimonialibus à primæva religione deficientibus, & Canonicas sese jactantibus, primum *instructionem* pro Sanctimonialibus, quæ se *Canonicas* vocant, cap. 53. ac sequentibus præscripsit. Notanda capitis 53. hæc verba, "Libuit namque huic sacro Conventui quasdam admonitiunculas breviter iis *SANCTIMONIALIBUS* scribere, quæ se *CANONICAS* VOCANT: quoniam hæc quæ sub *Monastica* regulæ norma degunt, totius vitæ suæ ordinem in eadem quam profitentur regula scriptam habent. "Novum ergo, inquit Mabillonius, tum erat Canonicarum nomen, nova Religio, quibus Concilium dictat regulas, quas Ludovicus Augustus anno post tertio, in Concilio Aquisgranensi (in quo sua Canonicæ, & sua Canonicabus regula condita est) explicari curavit. "In observationibus præviis ad vitam S. Gertrudis ad an. 658. sec. II. Benedictinorum.

Itaque si Mabillonio credimus, circa seculum IX. quædam Sanctimonialium Monasteria in Canonicarum Collegia, quemadmodum nonnulla Monachorum in Canonicorum Capitula, degenerarunt.

V. Quidquid sit de hac Mabillonii opinione, id satis constat, Canonicas quibus in Synodo Aquisgranensi anno 817. Regula præscripta fuit, multum in vivendi disciplina ab hodiernis Belgicis Canonicabus fuisse diversas.

VI. Imprimis Canonica de quibus Synodus, non secus ac reliquæ Sanctimoniales, *perpetuo* castitatis vinculo obstringebantur; uti constat ex cap. 8. *Regulæ*; ubi præcipitur, ut non facilis ab Abbatissis detur ingressus iis, qui Monasteria expetiverint: "Quia, ait, postquam se Domino in hac militia devinxerint, nequaquam sibi licitum erit propriis uti consiliis, nec secularibus penitus implicare posse negotiis; nec frequentiam virorum, aut colloquutionem familiarem absque causa inevitabili habere debent. Proinde continentur prius arcana cordis sui, simulque super adnotatas SS. Patrum sententias assidua meditatione perlegant, ne inconsulte & minus caute *vinculum continentia* & virginitatis arripientes, redeant post satan, & fiant sicut canis reversus ad vomitum.

VII. Debebant in Monasteriis *jugiter* residere. Vestibus *nigris* utebantur. Omnes in *communi* dormitorio, sed singulæ in singulis lectis dormiebant. In refectorio quotidie *pariter* reficiebantur, nisi cum infirmitas, aut ætatis imbecillitas id facere prohibuisset. Omnes *sibi* charitatis officio vicissim *serviebant*. Illis in refectorio comedentibus & silentium religiose tenentibus, continuatim legebatur lectio. Ad collationem quotidie veniebant: & hanc institutionem seu Regulam sive aliarum scripturarum lectiones perlegebant, & de animæ suæ salute petrabant. ubi etiam delinquentes juxta modum delicti corripiebantur: uti hæc omnia constant ex cap. 10. *Regulæ*: ex quo pariter intelligitur, quod non tantum nobiles, sed & ignobiles in Canonicarum Cœnobiis admitterentur. *Nobiles genere*, ait, *nequaquam ignobilioribus se præferant, scientes quia personarum acceptor non est Deus.*

Y y 2

VIII.

VIII. Sedulo curabatur, ut virorum ad Monasteria Canonicarum non pateret accessus; omnisque virorum familiaritas & conversatio caveretur *cap. 19. 20. & 26. Regulæ. Quin & capite 27.* decernitur, ut "Presbyteris, qui ipsis Missarum solemnia celebrare debent, extra Monasterium sit locus, & Ecclesia, ubicumque ministris suis habitent, & Divinæ servitutis obsequium expleant: & non nisi statuto tempore Monasterium ingrediantur puellarum, & cum eis Diaconus tantum & Subdiaconus, qui scilicet & viræ honestate clarescant, & non se, sed JESUM CHRISTUM amare cupiant; nec sua querant, sed quæ JESU CHRISTI: & non amplius ibi immorentur, nisi in Missarum celebrationibus ad Sanctimonialibus publice faciendis, quibus rite & devoto celebratis, illico foras egrediantur. Sanctimonialibus namque velo ante posito, ut moris est, Horas Canonicas & Missarum solemnia celebrent. Sed & hoc caveant, ut nulla illarum cum ipsis Presbyteris, eorumque ministris aliquam sermocinationem familiarem habeat. Si qua igitur peccata sua Sacerdoti confiteri voluerit, id in Ecclesia faciat, ut ab aliis videatur, sicut in dictis SS. Patrum continetur: exceptis infirmis, quibus in domibus id facere necesse est.

IX. Hæc omnia satis ostendunt, Canonicas, quales Regula Aquisgranensis describit, multum ab hodiernis in vivendi norma fuisse distinctas; magisque Sanctimonialibus & Monialibus, quam modernis Canonicabus fuisse similes; unde etiam passim Sanctimonialibus; earumque Collegia Monasteria vocantur.

X. Differabant autem à veris Sanctimonialibus, quod paupertatem five rerum suarum abdicationem non voverent; sed tamen ante ingressum (siquidem facultates suas nolent offerre Ecclesiæ) ita jubebantur disponere, ut ad vitam tendentes æternam, nullam earum occasione patiantur perturbationem: utque remota quarumcumque forensium rerum occupatione, suum liberius & quietius possint custodire propositum. *Capite 9. Regulæ.*

XI. Quanto tempore hæc vivendi norma apud Canonicas viguerit incertum est. Illud notat Aubertus Miræus, Collegium Canonicarum Nivellesse (quod inter Belgica Canonissarum Collegia videtur antiquissimum) in communione honorum, ac possessionum usque ad annum 1059, persistisse: "quo anno, ait, prædixit illius Ecclesiæ in tres portiones, Henrico IV. Imperatore agente fuerunt divisa: In Xenodochium, in Beneficium Abbatissæ, & in Præbendas 72. Fratrum ac Sanctimonialium. Divisionem istam Lotharius Imp. anno 1136, approbavit. Hæc Miræus in notis ad calcem Indicis Collegiorum Canonicarum, qui habetur in Codice Regularum, qui & utrumque illud diploma transcripsit in Notitia Eccles. Belgii *cap. 89. & 147.*

Hinc habemus, quod circa seculum XI. proventus Canonicarum cœperint dividi; atque in præbendas degenerari; ac consequenter paulatim magis magisque à disciplina Sanctimonialium seu Monialium recedere.

XII. Imo admodum verisimile apparet, quod sicuti Canonici circa seculum XII. & XIII. desertam vitam communi transierunt ad vitam singularem, ita quoque Canonicæ circa idem tempus à vita communi transire cœperint ad vitam singularem.

De Monasteriensi S. Petri Collegio Canonicorum 10. & Canonissarum 15. scribit Miræus: "Relicta vita communi anno 1282. ad proprietariam transierunt.

XIII. Quemadmodum Canonici vi sui Canonicatus non existimant se voto perpetui celibatus contrungi, solamque Clericalem Tonsuram sufficere crediderunt; atque dimisso Canonicatu posse transire ad statum Matrimoniale: ita sensim quoque invaluit, ut Canonicæ à voto perpetuæ castitatis se exemerint; liberumque sibi esse existimant, statum Matrimoniale, relictam vitam Canonicam, assumere.

XIV. Porro sicuti Canonici post dimissam vitam

communem, & arreptam singularem, dicti fuere *Seculares*, ad distinctionem eorum, qui vivunt sub certa Regula in communi; ita Canonicæ post transitum ad vitam singularem dici cœperunt *Canonicæ seculares*.

Recte proinde notasse videtur Molanus *lib. 1. de Canonicis c. 15.* talem fuisse seculo IX. "Canonicarum proportionem erga Sanctimonialibus, seu Monachas, qualis erat Canonicorum erga Monachos, licet sicut Canonici à veteri illa Regulæ disciplina plurimum recesserunt, ita & Canonicas hac in parte sequaces habuerunt.

XV. De his Canonicabus secularibus, seu vitam singularem agentibus, disceptatur in *c. 43. §. penult. de Elect. in 6.* cujus auctor est Bonifacius VIII. qui sedebat sub finem seculi XIII. declaratque formam præscriptam in Electione Abbatissarum & Præfectarum Monialium, etiam servandam in illis (Monasteriis) "ubi sunt juxta quarundam Provinciarum consuetudinem mulieres, quæ nec propriis renuntiant, nec professionem faciunt Regularem, sed vivunt ut in secularibus Ecclesiis Canonici," Vocanturque in Rubrica Decretalis *Canonicæ seculares*.

Cæterum una declarat Bonifacius VIII. quod per hanc suam Constitutionem, earum statum, Ordinem & Regulam nolit nec intendat approbare; quæ eadem clausula legitur in Clementina ATTENDENTES, de Statu Monachorum, ubi mulieres illæ expresse dicuntur *Canonicæ seculares*, & ut *seculares Canonici vitam ducunt*.

XVI. Qua ratione ad exemplum Canonicorum secularium cum vita singulari, ad secularem quodammodo, seculo XIII. transissent Canonicæ, narrat illius temporis non contemnendus Historicus Cardinalis De Vitriaco in Historia Occid. *cap. 13.* "Ad imitationem & exemplum prædictorum Canonicorum (secularium) in partibus Hannoniæ & Brabantiae, & in quibusdam Theutonicorum & Alemannorum Provinciis sunt mulieres, quas Canonicas seculares seu Domicellas appellant. Non enim Moniales nominari volunt, sicut Canonici seculares Monachi non dicuntur. Hæc siquidem adeo personas accipiunt, quod non nisi filias militum & nobilium in suo Collegio volunt recipere; religioni & morum nobilitati seculi nobilitatem præferentes. Purpura autem & bysso, & pellibus griseis, & aliis jocunditatis suæ vestibus induuntur, circumdatæ varietatibus, cum torris crinibus & ornatu pretioso circumamictæ..... Pellibus autem agnitis quantumcumque subtilibus & delicatis utuntur..... Clericorum autem & puellarum & juvenum fervorem etiam sibi ministrantium cinctæ obsequio in domibus propriis honorifice & splendide epulantur, nec desunt mensæ eorum consanguinei in primo gradu sibi propinqui, quos cognatos suos appellant. In dormitorio autem juxta Ecclesiam suam de nocte quiescunt... Sunt autem in iisdem Ecclesiis pariter Canonici seculares in diebus festis & solemnibus ex altera parte chori cum prædictis Domicellis canentes, & earum modulationibus æquipollenter respondere studentes.... Similiter in Processionibus compositis & ornatæ Canonici ex una parte & Domicellæ ex alia parte concinentes procedunt. Quædam ex ipsis postquam diebus plurimis de Christi patrimonio vixerunt, relictis Præbendis & Ecclesiis, carioribus sibi personis matrimonio copulantur.

Quod de sui temporis Canonicabus scribit Vitriacus, hoc pene totum de hodiernis Belgicis Canonicabus verificatur.

XVII. De Nivellesibus scribit in sua descriptione Belgii Guicciardinus: Nec in sodalium hoc admittitur, nisi magnatum & virorum Principum filiae, quæque quadruplæ minimum nobilitatis membra paterni simul & materni stemmatis numerent. Idem de Canonicarum Montensium & Malbodensium & aliis Belgicis Collegiis testatur, & notoria praxis docet, nullas scilicet

fiet in harum sodalium, nisi nobilitate insignes admitti.

XVIII. Similiter quod de transitu ad statum matrimonialem scribit Vitriacus, etiam de nostris Guicciardinus asserit; nimirum iis licere, oblata occasione, & pro arbitrio nubere; exceptis Abbatissa & Officialibus, quæ perpetuæ castitatis voto altringuntur; exemplo forsan Canonicorum, inter quos Decanus aliique in dignitate constituti, ad Sacros Ordines, usque annexum votum castitatis, suscipiendos constructi esse solent.

XIX. Velles & ornatum nostratum Canonicarum ita describit Guicciardinus de Nivellensibus differens: „ Mane quidem & dum Religioni operantur, cultu „ spirituali, sive Ecclesiastico, sed qui nobiles deceat, „ & ut ipsæ sunt, candido pellibusque pretiosis fustul- „ to; à meridie vero, seculari, ut vocant, veste, & „ serico vel id genus materiæ, nobilium puellarum in „ morem, ornatae. „ Pag. 253.

XX. Habebant Presbyteros, qui Canonicabus sacra ministrarent; eaque exequerentur, quæ Ordo Ecclesiasticus sexui femineo non permittit.

Hi primitus etiam ex communibus Monasterii bonis alebantur; at dum Canonicæ ad vitam singularem transiere, etiam ipsi Presbyteri sensim in Canonicos seculares transferunt; atque hinc hodie duplex Capitulum, alterum Canonicarum, & alterum Canonicorum.

Hi Canonicæ, ait Miræus in notis ad Regulam Canonicarum, „ in Sanctimonialium Canonicæ viventium „ templis Missarum solemnia celebrant; & habent li „ insuper sua propria ac peculiaria templa, in quibus ho- „ ras Canonicas cantant, & alia sacra munia obeunt.

Quibusdam etiam diebus solemnioribus, in templis cum Canonicabus divinum Officium peragunt; & in supplicationibus procedunt; uti de Canonicis sui temporis retulit Cardinalis De Vitriaco.

XXI. Illud notat Molanus. Passim hujus ordinis „ Canonicæ, suos confratres in Præbendis, pares in „ dignitate, propter Sacerdotium, longe superiores, „ vix alio loco habere dignantur, quam ut Sacellanos „ suarum generosarum Dominationum, quamvis quæ- „ dam inter eas sint nuptiarum expectatrices & solici- „ tatrices. Quod, ait, ex eo capite fieri arbitror, quia „ Abbatissæ jurisdictioni subsumt. „ Lib. 1. De Canonicis cap. 15.

XXII. De jurisdictione Abbatissæ in suas Canonicas & Clericos habemus Decretalem Honorii III. in Cap. DILECTA & De Majoritate & Obed. ex qua quoque intelligimus, quod Abbatissa Clericos suæ jurisdictioni subiectos propter inobedientias & culpas eorum officio beneficioque suspenderet; mandatque Pontifex Abbati S. Michaelis Abradensis Diæcesis; „ quæ „ tenus dictas Canonicas & Clericos, ut Abbatissæ „ præfate obedientiam & reverentiam debitam impen- „ dentes, ejus salubria monita & mandata observent, „ monitione præmissa per censuras Ecclesiasticas, ap- „ pellatione remota, compellat.

XXIII. Abbatissæ Canonicarum Belgicarum similiter Clericos suæ jurisdictioni subiectos esse prætendunt; atque de Abbatissa Nivellensi refert Guicciardinus. „ Est autem hæc ipsa Antistita, non sacri tan- „ tummodo hujus Collegii caput, verum etiam Domina „ spiritualis simul & temporalis, ut vocant, Nivellæ „ & territorii ejus, haudquaquam exigui. „ Pag. 253. edit. 1652.

XXIV. Collegio Canonicarum Diva Gualtrudis præesse voluit, ait Guicciardinus, Abbatissam, & luculentam profecto ditionem, cum civili pariter „ atque sacra jurisdictione & amplissima potestate ex „ patrimonio suo attribuit.... Factum deinde, ut „ lapsu temporis, Abbatialis, ut sic dixerim, dignitas, „ & Imperatoris Romani in eam jus hereditate obve- „ nerit Hannoniæ Comiti Balduino. Ex quo tempore „ Comites successores in hunc usque diem sunt An-

„ tistites seculares, Patroni, custodes, Judices, Pro- „ tectores ac defensores dictæ ædis divæ Gualtrudis, „ personarum in ea degentium, & bonorum Collegio „ relictorum, quibus & sine ullo prorsus obstaculo ha- „ tenus perfruuntur, & Antistitæ suas regendi vices „ mandant. Quæ ex legibus in æternam memoriam „ tam insignis Fundationis tantam habet Auctoritatem „ ac præminentiam, ut succedente novo Hannoniæ „ Comite, ipsa eum (ut coram nuper spectavimus in per- „ sona Philippi Regis) magna solemnitate suscipiat, ac „ in Comitatus & dignitatis Abbatialis, aliorumque bo- „ norum à Collegio dependentium possessionem im- „ mittat: ipso contra jurejurando se obstringente ad pri- „ vilegia omnia, immunitates, exemptiones, consue- „ tudines, & possessiones templi atque Cænobii Divæ „ Gualtrudis conservandas. „ Pag. 456.

XXV. De Malbodiensi Canonicarum Collegio loquens Guicciardinus, dicit: „ Est autem & penes „ illas Canonicas suprema in oppidum & territorium „ ejus jurisdictio, sic ut civilem simul & criminalem „ iustitiam administrent. Gaudent insuper eo privi- „ legio, ut signare possint quotannis definitam quam- „ dam & certam summam mitarum (ita nuncupant „ minutissimum illud ex plumbo monetæ genus Divæ „ illius effigiem præferens) quarum duodecim singulos „ valent denarios sive (ut vulgo loquimur) grossos „ Flandriæ. Et exponitur quidem plumbea ista mone- „ tula per totam quam late patet Hannoniam, usque „ ad ipsam Bruxellam, sic ut nemini liceat eam desu- „ gere. „ Pag. 469.

XXVI. Cæterum sicuti Canonicorum ad vitam singularem transitus, nullatenus ipsos Canonicos exemit, quin juxta suam institutionem Canonicæ vivant; uti latius supra tit. 7. cap. 4. ostensum fuit; ita nec similis Canonicarum à vita communi ad vitam singularem transitus efficere potest, quin juxta mentem Fundatorum, quamdiu de proventibus Ecclesiasticis vivunt, se divino cultui consecrent. Certum quippe & indubitatum est, proventus illos non alium in finem illis Collegiis Canonicarum attributos, quam ut puellæ in illis susceptæ, & ex illis viventes, cultui Divino vacent, & Canonicæ & regulariter vivant.

Hodie vero præter Divini Officii, sive Horarum Canonicarum per solutionem nihil pene de vita Canonicali & Religiosa in vivendi ratione apud Canonissas nostrates superest, de reliquo instar puellarum nobilium secularium, sed ex bonis & proventibus Ecclesiasticis viventes.

Hi ad quos horum Collegiorum cura & regimen pertinent, despiciere possunt, num similis vivendi disciplina conformis sit menti ac voluntati Fundatorum, & utrum Ecclesia vitam illarum singularem tolerans, eam quoque vivendi rationem permittat.

XXVII. Eas reformari desiderabat Synodus Colonien- „ sis an. 1536, habita, atque in Ordinem & quamdam „ Ecclesiasticam disciplinam revocari „ Vitam, conversa- „ tionem ac mores Canonissarum, quæ seculares ob id „ appellantur, quod perpetuæ castitatis, ac reliqua vo- „ ta Monastica non emittant, reformari omnino duci- „ mus necessarium. Nam vitam agunt plures nimio li- „ centiosam, ac plerisque scandalosam. Quæ ut in or- „ dinem & Ecclesiasticam quamdam disciplinam, quoad „ fieri potest, revocentur, nobis cum visitationem ag- „ grediemur, curandum est.

XXVIII. Circa idem tempus Synodus Augustensis cap. 12. voluit, ut „ Canonissæ continentia studium „ nulla voti solemnitate obstrictum sectantes, com- „ mune habeant dormitorium, habitu modesto, mundo „ & castitatis indice utantur. Magna quoque instituit „ sui commoda (ait Synodus) ex mensæ communione „ perciperent: si contra inveteratum apud eas morem „ adduci ad hoc possent: quod ut faciant, eas in Do- „ mino hortamur.

XXIX. Canonissarum vitæ laxioris genus cum iniquius



iniquius ferrent puellæ Monasterii Horreensis apud Treveros, abjecto Canonicarum indumento & vitæ genere, ad S. Benedicti leges se revocarunt anno 1494. Eximio sane exemplo & hortatu D. Joannæ de Bertlein Abbatissæ (ait Mabillonius loco citato) quæ avitam Ordinis Monastici disciplinam veritate & morum corruptela collapsam reduxit.

XXX. Tametsi Canonicæ hodiernæ à vita communi transierint ad vitam singularem; & à Sæctimonialibus, aut Canonicis quasi Regularibus factæ sint *seculares*, nihilominus reputantur etiamnum hodie Corpus *Ecclesiasticum*; nam ut recte notat Bertrandus Loth in suis Resolutionibus Belgicis tract. 9. q. 2. art. 2. "Præfens horum Collegiorum status est, ut sint Ecclesiæ Collegiales" "seculares, & tales agnoscantur ab Ordinariis locorum;" "Capitula habeant & Ecclesias, quæ non sunt nomina" "laica. Visitantur auctoritate Ecclesiastica, vitæ institutum ab eadem recipiunt, & ordinationes, cum opus est. In Processionibus non tantum inter Ecclesiasticos procedunt, Sacerdotes, Sacellanos producunt & Canonicos de suo Collegio; sed & supra reliquum Clerum supereminet, dignissimum locum sustinente ipsa Abbatissa, pædo, Prælatorum Ecclesiasticorum insigni, ante lato.

XXXI. Quapropter Abbatissæ horum Collegiorum, etiam ad Synodos, non secus atque aliæ Abbatissæ Regulares, & Capitula Ecclesiarum Collegiarum vocantur. Et quidem Synodo Provinciali Cameracensi anno 1565. subscribunt: "Margaretæ De Hinkaert Abbatissæ de Malbodio, Joannes de Rametz Procurator. Margaretæ De Noyelles Abbatissæ de Nivella Alphonsus Deylæren U. J. Licentiatu Procurator. Domicellarum Capituli Sanctæ Valdetrudis Montensis Simon Bosquet Procurator.

XXXII. Hæc Collegia pleraque à Regibus fundata, etiam sub *immediata* Regis protectione esse reputantur: ideoque juxta Decretum Synodi Tridentinæ Sess. 22. cap. 8. de Reformat. ab Episcopis sine Principis licentia visitari non posse. Declarando enim quod Episcopi habeant jus visitandi Hospitalia, Collegiaquecumque ac Confraternitates laicorum, etiam quas scholas, sive quocumque alio nomine vocant, subjicit hanc exceptionem: *Non tamen quæ sub Regum IMMEDIATA protectione sunt, sine eorum licentia.*

### CAPUT III.

#### De Beguinis.

1. Quo tempore incæperint Beguinæ, incertum.
2. Seculo XIII. erant mulieres quæ dicebantur Beguinæ.
3. Mulieres illæ etiam seculo XIV. videntur vixisse sicut hodiernæ Devotariæ in domibus privatis.
4. Quædam illarum simul habitare, & sub certis legibus vivere cæperunt.
5. Ecclesias Parochiales frequentabant & Presbyteris Parochialibus erant subjectæ; nec proprium Parochum habebant.
6. Habebant Directores & Directrices sicut hodiernæ Devotariæ.
7. Interdum ex speciali privilegio dabatur Capellanus, salvo jure Ecclesiæ Parochialis.
8. Hodie plerisque Beghinagiis est proprius Parochus.
9. Olim Beguinæ à suis Directoribus & Directricibus normam vivendi accipiebant.
10. Primitus nullam professionem emittebant: Quæ hodierna professionis formula?
11. Vivendi disciplina in singulis pene Congregationibus olim erat diversa; hodie secus.
12. Quo tempore Beghinagia pleraque instituta; & quis primus Fundator?
13. Seculo XIV. institutum hoc non modicas subiit vexationes.
14. Varii illis adscripti errores, & status eorum damnatus; atque hinc & Belgicæ vexatæ fuerunt.

15. Joannes XXII. declaravit non omnes Beguinæ in damnatione comprehendi.

16. Idem præcepit, ut Belgicæ Beguinæ à vexatione Episcopi tutarentur.

17. In Gallia institutum Beguinarum desit, & quare?

18. In quibus Beguinarum institutum & moderna vitæ disciplina conveniat cum Regulari.

19. Qua ratione Beguinæ censeri possint statum assumpsisse; idque potiore ratione, quam Eliæ devotæ.

I. **Q**uo tempore Beguinæ, quarum hodie in Belgio & vicinis aliquibus Provinciis magnus est numerus, initium sumplerint; ac præsertim ad eam, quam modo observant vivendi normam, redactæ sint, non parum obscurum est.

II. De S. Ludovico Rege Galliarum scribit Thomas Cantipratanus lib. 2. de Apibus cap. 29. num. 40. "Rex devotissimus Ludovicus, in tantum amplectitur virginæ dignitatis pudicitiam sectantes, ut Parisiis collegerit Beguinarum maximam multitudinem, ut se in humilitatis obsequiis exerceat & salute.

Et de Philippo Monmiralio testatur ibidem cap. 38. quod octo Monasteriorum Ordinis Cisterciensis Fundator exstitit, "exceptis, ait, Congregationibus Begbinarum, quas ad quinque millia & eo amplius in diversis locis in Christi servitio mancipavit.

Quam vivendi rationem hæ mulieres, quæ Beghinæ hodie dicuntur, tunc tenebant, incertum est.

III. In Extrav. RECTA RATIO de Relig. domibus inter communes, cujus auctor est Joannes XXII. dicitur: "In multis mundi partibus plurimæ sunt mulieres, quæ vulgo Beguinæ vocatæ, segregatæ, quandoque in parentum domibus, aut suis, interdum vero in aliis, aut conductis sibi communibus domibus simul habitantes.

Similiter idem Pontifex in litteris ad Episcopum Cameracensem, quas refert Miræus lib. 1. Diplom. Belg. cap. 91. testatur, quod relatione fide digna didicerit, plurimas esse in civitate & Diocesi Cameracensi mulieres, Begbinas simpliciter nuncupatas, "quæ in sancta & solida simplicitate viventes, aliquæ proprias, aliquæ parentum, aliquæ conductas, vel sibi communes, & cum honesta familia domos inhabitantes, aliquæ vero, rerum cogente defectu, simul in iisdem domibus & diversis Beghinagiis, ad majorem castitatis observantiam, commorantur.

Ex his aliisque monumentis recte colligit Petrus Coens Canonicus Antverpiensis in Disquisitione historica de Origine Beghinarum sect. 3. non tantum eas, quæ in Congregationibus seu Beghinagiis habitabant, sed omnes Devotarias tunc fuisse vocatas communiter Begbinas.

IV. Illarum quædam successu temporis sibi fecerunt Congregat. & ordinationes, ac elegerunt Magistras, etiam antequam designatis locis simul in communi habitarent.

Cui consonat quod ex Petro Herentalio refertur in magno Chronico Belgico ad annum 1207. "Multæ mulieres tam senes quam juvenes, contempto seculo, cum suis delectationibus, sponso qui in cælis est servire desiderantes, fecerunt sibi Congregationes simul commorantes, & vocabantur Begbinæ.

V. In citata Extravag. Joannis XXII. uti & in ejusdem litteris ad Episcopum Cameracensem de his mulieribus Begbinis refertur: "Vitas deducunt honestas, Ecclesias de nocte frequentant, Diocesanis locorum & Parochialium Ecclesiarum reverenter obediunt.

VI. Hinc constat, Begbinas illas subjectas Presbyteris Parochialibus, nec tunc proprium Parochum habuisse. Si Petro Coensio credimus in dicta Disquisitione sect. 5. n. 2. "Habebant mulieres istæ & puellæ sparsim per civitates, & habebant Directores & directrices, quæ zelo pietatis eum vivendi modum promovebant.

Sic scribit Thomas Cantipratanus lib. 2. de Apibus cap. 30. §. 31. Vidi sanctum virum magistrum Guidonem Presbyterum Beghinarum in Nivella. Et cap. 54. §. 10. memi-

meminit Elizabeth de Gravio apud Nivellam in Brabantia *magistra* 2000. *Beghinarum*; cui tamen, uti observat Coensius, nullum tunc Nivellæ esset Beginagium; sed Beghinæ habitarent sparsim per civitatem, ut ea de causa necesse fuerit, ibidem multiplicare Parochias.

VII. Ex archivis Capituli Antverpiensis profert Coensius loco citato *num. 4.* fragmentum litterarum Episcopi Cameracensis de anno 1315. per quas Beghinis Antverpiensibus, "de gratia *speciali*, usque ad revocationem concessit, ut in Capella *infirmarum* Beghinagii dicti loci possent Missas & alia Divina Officia facere celebrari per Sacerdotes, quorum Ecclesiæ debitis propter hoc officiis non frustrentur, *salvo jure Parochiali*.

Et anno 1239. Episcopus Cameracensis concedens licentiam construendi Valencenis in vico de *Salice* Hospitali pro Beghinis unâ indulget, quod "Capellanus qui in dicto Hospitali deserviet, omnibus tam manentibus in ipso Hospitali, quam aliis Religiosis mulieribus, quæ *Beghinæ* dicuntur, in vico eodem & vicinia commorantibus, quæ per consilium Capellani ipsius Hospitalis Religiosum tenebunt propositum, Ecclesiastica Sacramenta poterit ministrare, ubi quæ celebrabitur solemniter Divinum Officium, &c... His autem omnibus salvis, Presbyter S. Nicolai in omnibus personis prædictis curam Parochialem habebit, &c. Ibidem *num. 6.*

VIII. Cum verò multiplicatis Beghinis videretur inconveniens, imò & periculosum, quod earum tanta multitudo quotidie per civitatem transire deberet ad Ecclesiam Parochialem. Beghinagiorum Fundatores, quin & sensim ipsæ Beghinæ ab Episcopis postulârunt, & obtinuerunt separationem Beghinagii, sive Ecclesiæ suæ à Parochia; nec non proprios Pastores Parochiarum Pastoribus non subiectos, neque ab his dependentes, quales hodie pleraque Beghinagia habent.

IX. Quemadmodum hodiernæ mulieres, quas *Devotarias* dicimus, tamen etiam plures simul in una Congregatione vivant, non solent ab Episcopis, sed à suis Directoribus aut etiam à suis Magistrabus statuta & normam vivendi accipere; ita & Beghinæ primitus à suis Pastoribus & Magistrabus vitæ normam accipiebant.

In litteris Episcopi Cameracensis, quibus communicatur Bulla Joannis XXII. (de qua supra) conceditur, ut Beghinæ sub *obedientia Magistrarum* in habitu griseo, humili & honesto remaneant, nullâ statutorum factâ mentione; ut non obscurum sit, tunc temporis nulla adhuc fuisse Beghinarum statuta specialia, sed in vivendi norma à directione & voluntate Magistrarum & Directorum dependisse, sicuti hodie filiæ illæ, quas *Devotarias* dicimus.

X. Notat Coensius *sect. 2. num. 17.* quod primitus Beghinæ, quemadmodum hodie nostræ Devotariæ, nullam solerent professionem facere, sed solâ vestium mutatione, & cum aliis communi habitatione fierent Beghinæ: atque posterioribus duntaxat temporibus præscriptam esse hodiernam professionis formulam, quæ his verbis exprimitur: *Ego N. promitto tibi D. Parochiano & Magistrabus nunc existentibus & futuris obedientiam & castitatem, tam diu ac in Curia Beghina habitabo.*

XI. Cum verò vivendi disciplina penderet à singularum Congregationum Directoribus & Directricibus, varia erat penè singularum Congregationum vivendi norma; quam diversitatem minus convenientem iudicans Archiepiscopus Mechliniensis Hauchinus sub finem decimi sæculi, "ex variis ordinationibus selegit puncta utiliora & convenientiora, quibus omnes *namque*, salutariter & virtuosè in ejusmodi Congregatione possent conservari & perseverare, renovans & annullans omnes præcedentes ordinationes & statuta, quæ Beghinagia in communi concernebant, unde & habitum, quem modo gestant, votum quod emittunt,

præscripsit; quæ etiam in aliis quibusdam Dicecesibus absque Ordinatione proprii Episcopi fuerunt acceptata vel iis conformia ab Ordinariis, prout ab Illust. D. A. Bergis Antverpiæ, fuere proposita, ita ut Illust. D. Hauchinus saltem in Brabantia, merito dici possit Patriarcha Beghinarum, cum Institutum istud eo modo reformavit, & ad majorem perduxit perfectionem, quam antea ibidem unquam habuit, & Beghinagia Dicecesis istius, quæ prius propter diversitatem Statutorum erant quasi diversi instituti, fecit esse ejusdem & unius moris.

Ex hæcenus dictis facile est colligere, Beghinæ sensim, nec ubique eodem tempore ad eam vivendi rationem, quam hodie plerisque in locis observant, pergitisse.

XII. Pleraque in Belgio ac locis circumvicinis Beghinagia seculo XIII. & XIV. erecta fuisse, ex fundationum monumentis ostendit Coensius in sæpius allegata *Disquisitione sect. 4.* creditque omnium antiquissimum esse Leodiensè Institutum, ut ipse putat, à quodam Lamberto *Le Begues* vel *Begge*, de quo in Belgii Chronico legitur ad *an. 1168.* "Apud Leodium electus est in Episcopum Radulphus: ille Præbendas & Beneficia per Udelinum carnificem vendebat, ad quem propter hæc multi confluebant, contra quod homo quidam publicè prædicavit, & quidem sine malitia. Prælati indignati, per Episcopum capi illum faciunt, & ducentes per Ecclesiam, unguibus impingunt: ipse verò prophetando dixit: heu, heu, dies venient cum subtus altare B. Mariæ porci terram effodient, quod post accidit. Vocatur ille Lambertus *Begghe*, à cujus nomine adhuc Beghinæ vocantur, quia primus invenit Ordinem Beghinarum, & eis primum castitatis normam verbo & exemplo prædicavit.

XIII. Quidquid sit de Beghinagii Leodiensis antiquitate, aut Beghinarum primo Auctore, aut earum origine, illud certius est, quod seculo XIV. non modicas aut leves hoc Institutum subierit difficultates; eò quod nonnullæ mulieres, præsertim in Alemannia dictæ Beguinæ, & viri earum Institutum æmulantes dicti *Begardi* apud Sedem Apostolicam fuissent infamati, quasi de Summa Trinitate & Divina essentia disputarent & prædicarent, ac circa articulos fidei & Ecclesiastica sacramenta opiniones Catholicæ fidei contrarias introducerent, & multorum simplicium animas in diversos errores inducerent.

XIV. Errores illis adscripti referuntur in *Clementina* Ad nostram *De Hæreticis*, & in *Clementina* Cum de quibusdam *De Religiosis Domibus*, sub nomine Concilii Viennensis, ubi erroribus Beguinarum relatis, earum status damnatio his verbis exprimitur: "Nos tam ex his, quam ex aliis de ipsarum opinione sinistra frequenter auditis, eas merito suspectas habentes, statum earundem sacro approbante Concilio perpetuò duximus proscribendum, & à Dei Ecclesia penitus abolendum: eisdem & aliis mulieribus quibuscumque sub pœna excommunicationis, quam in contrarium facientes incurrere volumus ipso facto, injungentes expressè, ne statum hujusmodi dudum fortè ab ipsis assumptum quoquo modo scelerentur, vel ipsum aliquatenus de novo assument.

Ob hanc damnationem Belgicæ Beghinæ etiam à nonnullis in criminis suspensionem vocatæ fuerunt; aded ut Antverpiæ (referente Zypæo in *Jure novo tit. De Regularibus num. 9.*) omnia earum bona Fiskales Rationatores arripuerint.

XV. Sed cum habitâ informatione intellexisset Joannes XXII. immediatus Clementis V. (sub quo Concilium Viennense celebratum fuerat) successor, multas esse in variis mundi partibus Beghinæ nullatenus de prædictis erroribus suspectas, editis litteris declaravit, hæc sub prohibitione aut abolitione prædictis non contineri: "Locorum Ordinariis nihilominus injungentes, ut eas sub prætextu hujusmodi nullatenus molestari

„lestari permittant. Et si quid forsitan ex hoc in bonis „aut juribus, à quibuscumque contra eas attentatum „est hæcenus, vel attentari contigerit in futurum: per „illos prædictos Ordinarios auctoritate nostrâ in sta- „tum reduci debitum volumus: invocato ( si opus „fuerit) auxilio brachii secularis.

Refertur in *Extrav. RATIO RECTA De Religiosis Do-  
mib. in Comm.*

XVI. Præter hanc generalem declarationem, etiam specialibus litteris ad Episcopos Cameracensem, Leodiensem, & Ultrajectinum (quibus penè totum Belgium tunc temporis in spiritualibus parebat) id ipsum declaravit; uti monet Zypæus loco citato *num. 10.* addens in litteris, ut factâ inquisitione in mores & religionem Beghinarum, suarum respectivè Diocesium, si tales invenirentur, quales in dictâ *Extravagante* describuntur, non paterentur innocentes cum nocentibus ad paria judicari, sed ab omni molestia eximerent: molestatores, si qui fuerint, per Censuram Ecclesiasticam, appellatione remotâ, compescendo.

Episcopi inquisitione factâ ipsas passim tutati sunt; atque ab eo tempore Beghinæ hic in Belgio pacificè vivere, ac indies magis magisque multiplicari, & ad uniformem atque regularem quamdam vivendi normam redigi cœperunt.

XVII. Non eadem fuit Beghinarum fors in Gallia. Cùm enim (ait D. Du Cange in suo Glossario, verbo „*Beghinæ*) Beghinarum institutum haberetur contemptui, sensim desiit, & in earum locum succedere „Sorores *tertiæ Ordinis S. Francisci*, quibus indidem „traditæ in urbibus Galliæ earum ædes.

Neque mirum videbitur, eam fuisse in Gallia Beghinarum sortem, qui attenderit, Philippum Pulchrum Galliarum Regem præcipuum fuisse Concilii Viennensis (in quo Beghinarum abolitio decreta erat) promotorem, ejusque particulare interesse postulasse, ut ejus Decreta executioni mandarentur; ideoque, uti notat Thomassinus in *Disciplina Ecclesiastica parte 4. lib. 1. cap. 62. §. 11.* fieri facillè potuisse, Philippum Pulchrum omnes Beghinarum Congregationes abolevisse, ut Clementi V. & Concilio Viennensi faveret.

XVIII. Norma vivendi Beghinarum, earumque institutum hodiernum in Belgio, mixtum, ac medium quodammodo est inter Regulare & seculare, sive laicum.

Imprimis si vestes & habitum consideremus, is planè à laicali est diversus; atque Religioso vestitui conformis; solentque pleraque veste nigrâ uti; atque capitis velamento instar Monialium.

Secundò, professionem aliquam, votumque castitatis & obedientiæ saltem temporaneum; ritu etiam quodam solemnè sub formula superiùs relatâ, instar Monialium emittunt.

Tertiò, leges & ordinationes vivendi ab Ordinariis locorum non secùs ac Moniales accipiunt; atque eorum visitationi æquè ac Moniales subjacent. Parochum quoque proprium ferè ubique habent, cujus directioni & curæ subduntur.

Fatendum nihilominus, etiam modernum Beghinarum vivendi genus in multis à Religioso Monialium instituto discrepare.

Primò, nullum votum Religionis *perpetuum* emittunt, sed tantùm *temporaneum* castitatis & obedientiæ, non diutius astringens, quàm Beghinæ manere volunt; ita ut omni horâ liberè exire & ab omni voto se eximere, atque matrimonium contrahere possint.

Secundò, paupertatis votum nullum, ne quidem temporaneum faciunt; sed etiam Beghinæ existentes, manent rerum suarum proprietariæ, capacesque acquirendi & retinendi, non secùs atque aliæ mulieres laicæ & seculares; iisque liberè utuntur, & tam inter vi-

vos, quàm mortis causâ pro suo arbitrio de illis disponunt.

Tertiò, licet pleræque in Beghinagiis muro & clauastro nocturno vallatis habitent, proprias tamen ac separatas ædes inhabitant; in quibus rem domesticam administrant; quasi laicæ & seculares matres-familias, mensam, suppellectilem, totamque domesticam æconomiam pro suo arbitrio influentes. Unde vita communis inter eas quoque exultat.

Quartò, clausuram Monialium non servant sed liberè exeunt, atque per civitatem sua negotia & rem familiarem procurant; consanguineos familiaresque invisiunt, & domos civium frequentant, nisi quoddam certis legibus quoad dies & horas exeundi & redeundi libertas, per ordinationes & statuta in plerisque Beghinagiis nonnihil limitata & restricta sit.

Quintò, nullam certam Regulam à Sede Apostolica probatam profitentur; atque hoc ex capite juxta Decisionem Concilii Lugdunensis in *cap. 1. De Religiosis Domibus* in 6. earum institutum Ordo Religiosus vel status Religiosus dici nequit.

Hoc sensu accipiendum, quod Joannes XXII. in allegata *Extravagante*, de Beguinis in diversis mundi partibus piè & ab erroribus immunem vitam agentibus dicit: „Cæterùm statum *Beguinarum* hujusmodi, quas „esse *permittimus*, nullatenus ex præmissis intendimus „*approbare*, „ id est tanquam novum Ordinem seu statum Religiosum.

Neque enim dubium est, Beguinarum vivendi rationem haberi ab Ecclesia & à Romanis Pontificibus (qui illis multa jam pridem privilegia ac immunitates concesserunt, quæ in earum archivis etiamnum hodie reperiuntur) tanquam laudabilem; & eatenus probatam, ut institutum illud sequentes salutem suam securè queant operari.

XIX. Adhæc nec illud negandum, quòd licet susceptio habitus Beguinarum, aut earum professio non efficiat eas verè *Religiosas*; neque dici queant assumpsisse propterea statum omnino *fixum* & immutabilem, uti est status religiosus, tamen quia per habitus illius assumptionem se à seculo & mulierum secularium vestitu & vivendi ratione ac contubernio separant, atque ad aliquod particulare vitæ institutum transferunt; idque ea intentione, ut toto vitæ tempore in eo permaneant; tamen si absolute possint sine peccato ad seculum & communem secularium vivendi rationem reverti, etiam verè dici potest, Beguinæ eatenus *statum* seu vitæ conditionem assumpsisse; & ita vulgò creditur, filias professione Beguinarum emissâ ad *statum* pervenisse: ac propterea si consuetudo aut testator aliquid detulerit Filiabus cùm ad statum aliquem pervenerint, id debetur Filiabus factis Beguinis, nisi ex circumstantiis appareat, quòd consuetudo vel testator per *statum*, intellexerit statum *Religiosum*, vel statum *Matrimoniale* sive omnino *stabilem* & *fixum*: uti latius deducit Zypæus *Resp. 14. De Regularibus*.

Denique certum est, Beguinæ potiori ratione dici posse ad statum etiam Ecclesiasticum pervenisse, quam filias, quas hodie *Devotarias* sive *Spirituales* dicimus; utpote nullam professionem castitatis etiam ad tempus, saltem publicè ac vi sui instituti emittentes; neque à secularium contubernio, & vivendi communi vulgari instituto æquè ac Beguinæ se separantes; neque in Congregationem sub obedientia Superiorum se redigentes, sed quæ vi sui instituti possunt etiam inter seculares aut privatim, uti maluerint, vitam vulgarem in celibatu sine ullo voto agere; idque in veste à veste Religiosa planè disparata, & à vulgari honestarum matronarum parùm diversâ: ubi è contrario vestis *Beguinarum* ad vestem Religiosam proximè accedit.





JURIS  
ECCLESIASTICI  
UNIVERSI  
PARS SECUNDA.  
DE REBUS.

SECTIO I.<sup>(a)</sup>  
DE SACRAMENTIS.

TITULUS PRIMUS.  
DE SACRAMENTIS  
IN GENERE.

CAPUT PRIMUM.  
DE SACRAMENTORUM ESSENTIA, NUMERO, ET DIVISIONE.

1. *Varia significationes vocis Sacramenti.*
2. *Quid propriè hodie dicatur Sacramentum; ejusque definitio.*
3. *Quid de Sacramentorum institutione eorumque numero habeat hodierna Fidei professio?*
4. *Quid doceat Synodus Tridentina?*
5. *Quoad numerum conveniunt Ecclesia Latina & Græca.*
6. *Quando inciperint Sacramenta explicari per formas & materias?*
7. *Unde hæc explicandi methodus initium habuerit?*
8. *Quæstiones hîc moveri solitæ Theologis relinquuntur.*
9. *Divisio Sacramentorum in necessaria & voluntaria; & quomodo hîc Canonistæ à Theologis differant?*
10. *Sacramenta alia imprimèntia characterem, alia non imprimèntia.*
11. *Quid sit character?*
12. *Sacramenta alia reiterabilia, alia non reiterabilia.*
13. *Patres, dum dixerunt quædam Sacramenta iterari non posse, etiam characterem imprimi dixerunt.*
14. *Explicantur Decretalia sub titulo De Sacramentis non iterandis.*
15. *Olim Sacramenta non iterabilia rursus conferebantur, dum rationabiliter de eorum validitate dubitabatur; idque sine expressione conditionis.*

(a) Ut Volumina hujus Operis commodius distribuuntur, Partis secundæ divisio in quatuor Sectiones opportuna viderur: levis illa mutatio methodo, quam prudens D. Van-Espen sibi præscripsit, non nocebit.

16. Quando invaluerit forma conferendi sub conditione?  
 17. Quando nam Sacramenta characterem imprimunt & præcipue Baptismus, sint sub conditione reiteranda?  
 18. An baptizati ab Hæreticis sint hodie rebaptizandi sub conditione?

**V**OCIS Sacramentum variae sunt tam apud profanos, quam Ecclesiasticos Auctores, significationes.

Primo quidem significat juramentum, divino testimonio firmatum, ut in *Authentica SACRAMENTA PUBERUM, Cod. Si adversus vendit*. Secundo, sumitur pro secreto sive arcano sacro, prout id accipit Apostolus ad Ephesios 1. *Ut notum faceret Sacramentum voluntatis suae*, id est, arcanum suae voluntatis circa prædestinationem Electorum. Tercio, extenditur etiam ad designanda mysteria, licet non sint sacra. Ita apud Joannem in sua Apocalypsi cap. 17. res illæ occultæ significatæ per *bestiam & mulierem*, vocantur *Sacramentum bestie & mulieris*. Quarto, Sacramentum interdum sumitur pro abstracto à Sacramentis propriè dictis, & à Sacramentalibus, quales sunt caeremoniæ in Sacramentorum administratione adhiberi solitæ. In hac significatione legitur apud Augustinum lib. 2. *de peccat. meritis* cap. 26. Quinto, accipitur subinde pro ipsa *Missarum* liturgia, ut nonnullis adductis testimoniis notat Du Cange in Glossario, verbo, *Sacramentum*.

II. Denique vox *Sacramentum* jam pridem à Patribus, & hodie communiter accipitur pro Sacramento propriè dicto; definiturque in *Can. 32. Dist. 2. De Consec.* sub nomine S. Augustini: *Invisibilis gratia visibilis forma*. Verùm, ut sat innuunt Correctores Romani ad citatum Canonem, hæc definitio apud Augustinum iis verbis expressa non reperitur; sed in libro de catechizandis rudibus cap. 26. hæc leguntur: "De Sacramento sanè quod accepit, cum ei benè commendatum fuerit, signacula quidem rerum divinarum esse visibilia, sed res ipsas invisibiles in eis honorari. In Epistola autem 166. hæc: Si autem malus est, operatur per illum Deus visibilem Sacramentum, ut formam, ipse autem donat invisibilem gratiam." Hæc Augustinus. Ex quibus locis (inquiunt Correctores Romani) videntur colligi potuisse vulgata ista Sacramenti definitio.

Hodie à Theologis sequentis Catechismi Romanum traditur communiter hæc Sacramenti definitio: *Invisibilis gratia visibile signum ad nostram justificationem institutum*.

Definitionis illius expositionem latè post citatum Catechismum prosequuntur passim Theologi Scholastici, præsertim, qui ex professo de Sacramentis scripserunt.

III. Fidei professio à Pio IV. præscripta, & hodie ubique per Ecclesiam Catholicam recepta, de Sacramentorum institutione & numero habet: "Profiteor quoque septem esse verè & propriè Sacramenta novæ legis, à Jesu Christo Domino nostro instituta, atque ad salutem humani generis, licet non omnia singulis, necessaria, scilicet Baptismum, Confirmationem, Eucharistiam, Pœnitentiam, Extremam Unionem, Ordinem & Matrimonium: illaque gratiam conferre."

IV. Hæc quoad Sacramentorum institutionem, eorumque numerum, & gratiæ infusionem, suis Canonibus *Seff. 7. De Sacramentis*, ita expressit Synodus Tridentina: "Si quis dixerit Sacramenta novæ legis, non fuisse omnia à Jesu Christo Domino nostro instituta; aut esse plura, vel pauciora, quam septem, videlicet Baptismum, Confirmationem, Eucharistiam, Pœnitentiam, Extremam Unionem, Ordinem, & Matrimonium; aut etiam aliquod ho-

rum septem non esse verè & propriè Sacramentum; anathema sit," *Can. 1. & Canone 6.* ait: "Si quis dixerit Sacramenta novæ legis non continere gratiam quam significant, aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ vel justitiæ, & notæ quædam Christianæ professionis, quibus apud homines discernuntur fideles ab infidelibus, anathema sit." Rursus *Canone 7.* "Si quis dixerit, non dari gratiam per hujusmodi Sacramenta semper, & omnibus, quantum est ex parte Dei, etiam si ritè ea suscipiant, sed aliquando & aliquibus, anathema sit." Denique *Canone 8.* "Si quis dixerit, per ipsa novæ Legis Sacramenta ex opere operato non conferri gratiam, sed solam fidem Divinæ promissionis ad gratiam consequendam sufficere, anathema sit."

V. Quoad numerum Sacramentorum nobiscum consentiunt Græci, tametsi ab Ecclesia Latina schismate divisi; ut ex professo ostendit Petrus Arcudius de *Concordia Ecclesiæ Occidentalis & Orientalis in septem Sacramentorum administratione*; ubi lib. 1. cap. 2. hæc habet: "Sacra Mysteria seu Sacramenta tot esse numero apud Græcos, quot apud Latinos, nimirum septem, nemo unquam (quidquid dicant utriusque gentis communes hostes hæretici nostri temporis) in dubium revocavit. Horum enim sunt paginæ plenæ Sanctorum Patrum tam Græcorum quam Latinorum. Tamen enim numerum Sacramentorum antiqui Auctores non expresserint, expressuri sanè, si suo ævo Sacramentarii extitissent, res tamen ipsas, ubi sese offert occasio tractant. Et usus Ecclesiæ Orientalis hoc idem clarè confirmat. Sed & posteriores Græci, abhinc tamen multis annis ad nostra tempora, hunc numerum docent; atque testantur. Simeon Archi Episcopus Thessalonicensis, qui librum integrum eumque satis prolixum de septem Ecclesiæ Sacramentis edidit, sic habet: Septem sunt dona Spiritus S. teste Esaiâ c. 11. septem item Ecclesiæ Sacramenta, quæ ab eodem Spiritu S. vim operandi habent, quæ nimirum sunt Baptisma, Chrisma, Communio, Manducatio Impositio, Matrimonium, Pœnitentia, & Sanctum Oleum."

Hæc Arcudius, qui plura ibidem Græcorum testimonia producit, uti & Leo Allatius de *Ecclesiæ Occidentalis atque Orientalis perpetua consensione* lib. 3. cap. 16. qui insuper aliqua profert ex Synodis quibusdam Constantinopolitanis, & Græcis auctoribus, quibus probat, Græcos nobiscum in septenario Sacramentorum numero consentire.

VI. Quoad effectum Sacramentorum, quomodo & quando gratiam producant, multa disputant Theologi; uti & circa materiam & formam Sacramentorum varias quæstiones movent; quæ præcipue circa seculum XII. aut XIII. exoriri & mirum in modum excrescere cœperunt. Nam si Morino credimus, non nisi circa illa tempora Sacramenta per materias & formas explicari cœperunt. "Primus Scholasticorum," ait, quem legi, qui hæc Sacramenta explicandi methodum amplexus est, & docuit, Guilelmus est Antiodorensis, qui scribebat paulò post annum Christi 1215." Hæc Morinus *De SS. Ordin. parte 3. exercit. 1. cap. 3. num. 6.* additque num. 10. ante hæc tempora, Theologos totam hæc Sacramentorum materiam explicasse "per verba *Signi & rei sacræ* seu *invisibilis*, dicentes Sacramentum constare signo & re sacrâ seu invisibili. Per *signum* intelligebant, quod postea per *materiam* significatum est; atque etiam quod per *formam*, quidquid scilicet sensibus percipitur. Per *rem sacrâ* seu *invisibilem*, effectum Sacramenti, gratiam scilicet sanctificantem. Hic est apud Antiquos frequentissimus explicandi modus; unde illa definitio, *Sacramentum est invisibilis gratiæ visibilis forma*. Formam vocant speciem, quæ sensibus percipitur."

VII. Notat

VII. Notat autem ibidem Morinus *num* 3. istam explicandi Sacramenta rationem à Philosophia Peripatetica natam esse; utpote quæ rerum naturas sub his nominibus formæ & materiæ inquirere & examinare solet. Hac ergo Philosophia (quæ circa seculum XII. scholas intravit) Doctores Theologi imbuti, eandem philosophandi rationem in Theologiam, atque potissimum in Sacramentorum doctrinam introduxerunt. „ Hinc, ait Morinus, potissima eorum cura fuit, „ definire quæ fuerint Sacramentorum materiæ, quæ „ formæ, & sub horum nominum insigniis principales de Sacramentis quæstiones efformare & „ tendere.

VIII. De quæstionibus illis circa Sacramenta in generali, tum singula in particulari, si quis instrui desideret, consulere poterit Theologorum Scholasticorum commentarios in S. Thomam, & particulares eorum de Sacramentis tractatus; neque enim hæc quæstiones, quæ nec ad externam Sacramenta administrandi rationem, neque Canonicam disciplinam spectant, movere aut discutere intendo; sed eas Theologis relinquo; contentus circa Sacramenta breviter proponere & discutere disciplinam quam Sacri Canonis, Synodalia Decreta, & Ritualia in eorum administratione servandam præscripserunt.

IX. Prima Sacramentorum divisio à Canonistis sequentis Gratiani ad Canonem 39. *caus.* 1. *q.* 1. & Pontificem in *Cap.* 8. *de Transactionibus*, statuitur; quod aut sunt *necessaria* aut *voluntaria*. Necessaria dicuntur esse quinque: scilicet, Baptismum, Confirmationem, Pœnitentiam, Eucharistiam, & Extremam Unctionem, quæ omnia ad particularem cujusque profectum (ait Paulus Lancelottus in Institutionibus Juris Canonici *lib.* 2. *tit.* 2. *§.* 1.) sunt principaliter instituta. Rationem vero, cur dicantur *necessaria*, assignat ibidem Lancelottus: „ Quia sine „ interitu salutis æternæ prætermitti & contemni non „ possunt, „ Vel ut aliis verbis expressit Glossa ad citatum Capitulum 8. „ Quia sine illis homo salvari „ non potest, si ex contemptu omittuntur, & haberi „ possunt.

„ Voluntaria dicuntur, quæ sine salutis dispendio pro „ cujusque arbitrio recipi possunt & refutari, inquit „ Lancelottus; qualia sunt Ordo sacer & Matrimonium: & hæc ad totius Ecclesiæ profectum & subsidium principaliter pertinent.

Hinc ille versiculus à Canonistis relatus:

*Ordo voluntatis, thorax est, dux quinque necesse.*

Quem exponens Panormitanus ad Rubricam tituli Decretalium *De Sacramentis non iterandis*, ait: „ Per quæ „ patet quod Ordo & Matrimonium sunt *voluntatis*; „ reliqua *necessitatis*: quod est dicere, nolens ordinari „ vel uxori bene potest esse in statu salutis; sed reliqua quinque contemni non possunt.

Theologi vero necessitatem *absolutam* considerantes; nullum Sacramentum præter Baptismum necessarium vocare solent; eo quod hoc solum sit, sine cujus susceptione saltem in voto, homo salvari nequit.

X. Ulterius Sacramenta à Canonistis & Theologis dividuntur in ea, quæ *characterem* imprimunt, & ea quæ illum non imprimunt. Quam divisionem sat aperte stabilivit Synodus Tridentina *Sess.* 7. *De Sacramentis in genere* Canone 9. anathema pronuntians in eum, qui dixerit in tribus Sacramentis, Baptismo scilicet, Confirmatione & Ordine non imprimi characterem.

XL Quid sit ille *character*, qui in tribus illis Sacramentis imprimi dicitur, à quatuor circiter seculis anxie & copiose à Theologis Scholasticis inquiri cæpit, uti notat Morinus *De SS. Ordinatu. parte* 3. *exercitat.* 3. *cap.* 1. una observans, plures ingenue falsos, nihil apud Patres aut in antiquis Canonibus de hoc characterem solidi occurrere; sed ad ipsius Ecclesiæ auctoritatem, quæ characterem illum agnoscit, esse recur-

Tom. I.

rendum; atque præcipue ab antiquis Scholasticis recursum fuisse ad Decretalem Innocentii III. in *cap.* Majoribus *de Baptismo*, ubi expressis verbis dicitur, in Baptismo *characterem* imprimi.

Verum in quo consistat hujus characteris essentia, non determinavit Innocentius III. ipsaque Synodus Tridentina simpliciter quoque dixit, imprimi per dicta Sacramenta *Characterem in anima, hoc est, signum aliquod spirituale & indelebile*.

Quid vero sit *signum* illud, inter Theologos & Canonistas non convenit. Verisimilius est, aliud dicere noluisse Synodum, nisi quod per hæc Sacramenta imprimatur in anima ens quoddam morale, quale solet imprimi dum quis ad dignitatem aut conditionem aliquam *stabilem & permanentem* assumitur; ut exempli gratia, ad dignitatem Regalem, Doctorem, &c. In horum enim adeptione & collatione accedit ipsi accipienti hujusmodi dignitatem vel conditionem quoddam ens morale, ratione cujus perpetuo reputetur Rex, Doctor, &c.

Unde non male Joannes Doujatius in notis ad Institutiones Lancelotti *lib.* 2. *tit.* 2. *§.* 3. loquens de hoc signo ait: „ Hoc signum tria Sacramenta, Baptismus, Confirmatio & Ordo, ideo, ni fallor, imprimere censetur in anima susipientium, quod per ea homines specialiter ad Dei cultum destinentur.

XII. Ex ipsa divisione Sacramentorum in ea quæ imprimunt *characterem*, & ea quæ illum non imprimunt, profuit alia divisio; scilicet in Sacramenta quæ reiterari possunt, & ea quæ reiterari non possunt. Imo ipse character, uti jam descriptus est, supponit per Sacramenta quæ illum imprimere dicuntur, aliquem *stabiliter & firmiter*, ad conditionem aliquam & functiones Ecclesiasticas deputari vel assumi: adeo ut ipse character vel ideo impressus credatur, quia per Sacramentorum illorum susceptionem aliquis stabiliter & permanentem ad aliquam conditionem & functionem est deputatus.

Id non obscure innuit Synodus Tridentina citato Canone 9. dum ex ipsa impressione characteris mox inferit: *Unde ea iterari non possunt*.

XIII. Quapropter Augustinus dum frequenter urget ipsam indelebilitatem Baptismi, ipsumque Baptismum neque per schisma, neque per apostasiam amitti; licet nomine *characteris* non utatur, tamen idem quod nomine *characteris* significatum voluit postmodum Ecclesia, sufficienter expressit; atque signanter *lib.* 1. *de Baptismo contra Donatistas cap.* 1. apud Gratianum *Can.* 40. *Dist.* 4. *De Consecrat.* dicens: „ Nullus autem „ illorum negat habere Baptismum etiam Apostatas, „ quibus redeuntibus, & per pœnitentiam converfis „ dum non redditur, amitti non potuisse judicatur. „ Sic & illi qui per sacrilegium schismatis ab Ecclesiæ „ communione discedunt, habent utique Baptismum, „ quem priusquam discederent acceperunt. Nam & „ ipsi, si redeant, non eis iterum datur. Unde ostenditur illud, quod acceperant in unitate positi, non „ potuisse amittere ab unitate separatos.

Similiter *Professio fidei* nullam *characteris* mentionem facit; sed simpliciter credere jubet, *Baptismum, Confirmationem, & Ordinem sine sacrilegio iterari non posse*; supponens, satis indicari *characteris* impressionem, dum ea reiterari non posse definit.

XIV. Porro in Decretalibus extat titulus *De Sacramentis non iterandis*; vel ut in aliquibus codicibus habetur, *De Sacramentis iterandis vel non*.

Refertur sub hoc titulo responsum Innocentii III. super dubio ipsi ab Episcopo Helienfi proposito: „ Utrum scilicet permitti debeat ministrare, qui sine „ manuum impositione fuerit ad Ordinem Subdiaconiatus assumptus. Et si Confirmationis Sacramentum „ in eo debeat iterari, qui per errorem fuit non „ chrismate, sed oleo delinitus. „ Ad quod breviter respondendum duxit Innocentius, *quod in talibus non*



*est aliquid iterandum, sed CAUTE supplendum, quod INCAUTE fuerat prætermisum.*

Conformer Gregorius IX. in *cap. 3. §. eod.* ait: „Presbyter & Diaconus cum ordinantur, manus impositionem tactu corporali (ritu ab Apostolis introducto) recipiunt: quod si omisum fuerit, non est aliquatenus iterandum, sed statuto tempore, ad hujusmodi Ordines conferendos, *caute* supplendum, quod per errorem extitit prætermisum.”

Nequaquam obscurum est, Innocentium III. in hoc suo responso, uti & Gregorium IX. attendisse ad Theologiam Scholasticam, quæ seculo XI. invalescere jam cœperat, & de materia & forma, aliisque ad Sacramenta spectantibus multa scrupulose inquirebat, quorum nihil aut parum apud antiquos Patres legitur: quod hisce, aliisque hujus ætatis Pontificibus sat familiare fuisse eorum Decretales & responsa evincunt.

XV. Supposuisse tam Innocentium III. quam Gregorium IX. Sacramenta in casibus sibi propositis nequaquam *invalide* fuisse collata, vel inde evincitur, quod ea reiteranda non dicant; sed solummodo supplendum, quod incaute fuerat omisum.

Neque enim unquam dubium fuit, quin Sacramenta, etiam Baptismi, Confirmationis & Ordinis iterum essent conferenda, si rationabiliter de eorum *validitate* dubitabatur; imo simili casu antiquitus ea sine ulla expressione conditionis reiterata fuisse, multa evincunt.

Et quidem ex Concilio Carthaginensi V. ubi *Can. 5.* legitur apud Gratianum *Can. 3. Dist. 4. De Consecrat.* „Placuit, ait Synodus, de infantibus, quoties non inveniuntur *certissimi* testes, qui eos baptizatos esse sine dubitatione testentur, neque ipsi sunt per ætatem idonei de traditis sibi Sacramentis respondere, absque ullo scrupulo eos esse baptizandos: ne ista trepidatio eos faciat Sacramentorum purificatione privari.

Idem habetur ibidem *Can. 112. & 113.* ex Sancto Leone: *Quoniam*, ait, *non potest in iterationis crimine venire, quod omnino factum esse nescitur.* Vel ut alio loco: *Conferendum eis videtur quod collatum esse nescitur: quia non temeritas intervenit presumptionis, ubi est diligentia pietatis.*

XVI. Quo autem tempore invaluerit, Sacramenta hæc non iterabilia reiterari sub expressa conditione si suscepta non sunt, non omnino constat; illud sat verisimile, eam administrandi formulam invaluisse, postquam responsum Alexandri III. de quo in *cap. 2. §. De Baptismo*, Decretalibus Gregorii IX. fuit insertum; ac pro jure communi in scholis prælectum: in quo responso dicitur: „De quibus dubium est, an baptizati fuerint, baptizantur his verbis præmissis: *Si baptizatus es, non te baptizo: sed si nondum baptizatus es, ego te baptizo*, &c.

Juxta hanc Decretalem tandem à Canonistis & Theologis Scholasticis hæc baptizandi formula recepta fuit; ac Ecclesiarum Ritualibus passim præscripta.

Rituale Romanum sub titulo De forma Baptismi, ita habet: „Cum Baptismus iterare nullo modo liceat, si quis sub conditione sit baptizandus, ea conditio explicanda est hoc modo: *Si non es baptizatus, ego te baptizo in nomine Patris, & Filii, & Spiritus Sancti.*

XVII. Deinde monet Rituale: „Hac tamen conditionali forma, *Non passim* aut *leviter* uti licet; sed *prudenter*, & ubi *re diligenter* pervestigata, *probabilis* subest dubitatio, infantem non fuisse baptizatum.

Eodem pene tenore hanc formulam expressit Rituale nostrum Mechliniense, eandem moderationem in ejus usu præscribens; una tamen designans *probabilem* dubitationem ordinarie esse, quando infans ab oblietrice baptizatus dicitur; facile enim ab illa vel

turbatione, vel ignorantia erratur, & aliquid essentialiter omittitur.

XVIII. Deinde ulterius subjungit: „Et quia nostri temporis Hæretici pro insatiabili suo in Ecclesiam odio, Sacramentorum formas plerumque invertunt, materiam contemnunt, aut legitimam intentionem non habent, merito Baptismus, ab eis collatus, de nullitate suspectus haberi debet. Proinde ab eis baptizati sub conditione baptizentur, ac omnia cæremonia suppleantur.

Nonnulli, qui propius Hæreticorum hodiernorum baptizandi modum investigarunt & observarunt, non probant eam in rebaptizandis ex illorum hæresi ad Ecclesiam revertentibus facilitatem. Et quidem Patres Concilii Rothomagensis anno 1581. fatentur in plerisque Diocesium hujus Provinciæ locis, morem fuisse, ut baptizati ab Hæreticis, præsertim à Calvinistis, redeuntibus ad Ecclesiam iterum baptizarentur sub conditione: „Quia dubitabant nonnulli de valore Baptismi ab hujusmodi Hæreticis collati, eo quod non haberent intentionem baptizandi in remissionem peccatorum. Verum quoniam illa formula baptizandi sub conditione fuit introducta propter Baptismata occulta, & de quibus non apparebat, nec uni mulieri seu alteri privatim baptizanti credi debeat. Contra vero constabat Calvinitas in cœtu publico baptizare in forma verborum & materia à Christo instituta, nec de hoc facto ambigi poterat: vetamus abluionem repeti cum quibuscumque verbis à Calvinismo aut aliis hæresibus similiter baptizantibus ad nostras Ecclesias transeuntibus, ne de anabaptismo redarguamur.

Hætenus Concilium Rothomagense titulo *De Sacramentis num. 2.* cujus verba pene exscripsit & adoptavit Concilium Aquisense anno 1585. titulo *De Sacramento Baptismi.*

Quid vero circa Baptismum ab Hæreticis collatum agendum sit; quidve pro certo aut dubio habendum sit, ut Baptismus aliave Sacramenta characterem imprimentia sub conditione iterari queant præcipue Episcoporum est judicare & præscribere.

## CAPUT II.

Quæ in Sacramentorum administratione servanda; & quis eorum præcipuus Minister.

1. Pastores ut semper sancte Sacramenta administrare queant, sancte vivere debent.
2. Quomodo ante eorum administrationem se preparare debeant.
3. In administratione Sacramentorum eorum effectus & usus exponendus?
4. Nec tantum suscipientium, sed & adstantium ratio habenda.
5. In quorum Sacramentorum administratione id præcipue faciendum?
6. Pastores ad Sacramenta administranda semper debent esse parati.
7. An Pastor teneatur administrare peste infectis?
8. Quare cæremonia in administratione Sacramentorum adhibeantur?
9. Quid de cæremoniis credendum tradat Synodus Tridentina; & moderna Fidei professio?
10. Cæremonia pro arbitrio privatorum immutari nequeunt.
11. Illæ adhibenda juxta præscriptum librorum Ritualium, qui illum in finem sunt conscripti.
12. An liceat à Ritibus præscriptis recedere prætextu quod contrarii sint conformiores primitivæ Ecclesiæ discipline?
13. Episcopi subinde libros Rituales revidere debent.
14. Decreta circa administrationem Sacramentorum potissimum ad Parochos diriguntur.

15. *Parochus in sua Parochia est ordinarius Sacramentorum minister.*

16. *Nullus in aliena Parochia, aut alienis Parochianis Sacramenta administrare potest.*

17. *Parochus qua ratione dicatur proprius Sacerdos, Pastor, aut Curatus?*

I. **C**UM in Ecclesia Dei nihil sanctius, aut utilius, „ nihil excellentius, aut magis divinum habetur, quam Sacramenta ad humani generis salutem à Christo Domino instituta (ait Rituale Romanum) Parochus, vel quivis alius Sacerdos, ad quem eorum administratio pertinet, meminisse imprimis debet, se *sancta* tractare; atque omni fere temporis momento ad tam *sancta* administrationis officium paratum esse oportere. Quamobrem illud perpetuo curabit, ut integre, caste pieque vitam agat: nam et si Sacramenta ab impuris coinquinari non possunt, neque à pravis ministris eorum effectus impediri; impure tamen & indigne ea ministrantes, in æternæ mortis reatum incurrunt.

Eadem Pastoribus & Sacerdotibus enixe commendant Synodi nostræ tum Provinciales, tum Diocesanae Belgicæ; *Ne dum aliis calum aperiant, ipsi sibi viam mutant ad gehennam*, ait Synodus Biscoducensis sub Masio Episcopo titulo 2. cap. 1.

II. Censuit insuper Cameracensis D. anno 1567. monendos Pastores omnes, ut Sacramenta administraturi, summa animi devotione Omnipotentis Dei implorent auxilium, quo in illis plane divinis functionibus mundam rectamque mentem afferant. „ Quin & addit Rituale Romanum: „ Ipse vero (Parochus) antequam ad huiusmodi administrationem accedat, paululum, si opportunitas dabitur, orationi & sacræ rei quam acturus est meditationi vacabit.

III. Ut autem fidelis populus ad suscipienda Sacramenta majori cum reverentia atque animi devotione accedat, præcipit Synodus Tridentina Sess. 24. cap. 7. *De Reform.* „ Episcopis omnibus, ut non solum, cum hæc per se ipsos erunt populo administranda, prius illorum *vim & usum* pro suscipientium captu explicent, sed etiam idem à singulis Parochis, pie prudenterque, etiam lingua vernacula, si opus sit, & commode fieri poterit, servari studeant.

IV. Idipsum in suis passim Synodis, ac Ritualibus libris Episcopi sedulo inculcant; monentque, ut in administratione Sacramentorum non tantum suscipientium, sed etiam præsentium & adstantium ratio habeatur.

„ In administratione quorumcumque Sacramentorum, (ait Synodus P. II. Mechl. tit. 2. cap. 3.) vis & efficacia eorum, pro capto fumentum ac *præsentium*, sæpe à Pastoribus explicentur.

Similiter Synodus P. II. Cameracensis tit. 5. cap. 6. omnes qui administrant Sacramenta, illorum vim & usum, pro eorum qui sumplerint & *adjuvant* capacitare & intelligentia diligenter explicent.

Et Synodus Attrebatensis sub Francisco Richardoto titulo de *Sacramentis in genere* cap. 1. „ præcipit omnibus Pastoribus, ut in Sacramentorum administratione semper aliquid adferant ad explicandam institutionem & utilitatem Sacramenti; ex quo *præsentis* ædificationem aliquam capiant.

V. Quantumvis in omnium Sacramentorum administratione id faciendum injungatur Pastoribus, facilius tamen ac fructuosius id fieri posse videtur in administratione Baptismi, Eucharistiæ per modum Viatici, & Extremæ Unctionis; tum quod in horum administratione plures soleant adesse, tum quod major appareat, quam in aliorum administratione opportunitas.

Cum enim in ipso Baptismo infans renascatur; atque specialiter fiat professio vitæ Christianæ, & abrenuntiatio satanæ & pompæ seculi; opportunissimum videtur, tunc ipsis præsentibus in memoriam revocare,

quomodo & ipsi aliquando in Christo renati eam professionem emisissent & renuntiationem solemniter fecerint; expendantque num conformiter ad eam spouisionem hæcenus vixerint.

In administratione Viatici & Extremæ Unctionis ipsa hominis morientis præsentia attentionem majorem in ipsis adstantibus, præsertim consanguineis & familiaribus morientis, nata est conciliare.

VI. „ Pastores ad administranda Sacramenta vocati (ait Synodus P. II. Mechl. tit. 2. cap. 1.) officio suo fungi non tudent, *graviter* alioqui puniendi; *gravissime* vero, si quem ipsorum negligentia, sine Baptismo, Confessione, Sacro Viatico, aut Extrema Unctione, ex hac vita migrare contigerit.

Idem omnes passim Synodi inculcant, additque Synodus Antverpiensis sub Miræo, tit. 2. cap. 3. „ Ac ubi populus est numerosior, bis in die, mane circa horam septimam, & vespere sub Laudibus, in templo (Pastor) sese præsentem exhibeat omnibus opera illius uti volentibus.

VII. Cumque Pastor animam suam debeat ponere pro ovibus suis, concluditur, Pastorem neque ob periculum contagionis seu infectionis pestis posse subditiis suis negare administrationem Sacramentorum. si alius non adsit, qui ejus vices suppleat; quapropter an. 1668. judicatum fuit in Parlamento Parisiensi, Pastorem potuisse privari suo Pastoratu ob non administrata Sacramenta tempore pestis, ut refertur in opere cui tit. *Journal des Audiences* p. 3. lib. 4. cap. 1.

Hanc esse Pastorum obligationem tanquam notoriam supposuit & expressit Synodus P. II. Cameracensis tit. 5. cap. 10. „ Tamen quia experientia cognitum est, ait Synodus, eam esse multorum Parochianorum infirmitatem & pusillanimitatem, ut à proprio Parcho abhorreant, simul atque eundem alicui vel leviter de peste suspecto Sacramenta administrasse intelligunt, præcipit ut tempore pestis Capellani constituantur sumptibus ærarii publici, vel collectis singulorum Parochianorum, in quorum utilitatem evidenter hoc cedere intelligitur, qui Sacramenta dictis peste infectis, iisque solis administrent, quibus Capellani Episcopi dent curam animarum.

Quæ cura & cautio in administrandis Sacramentis, aliisque spiritualibus subsidiis impendendis adhibenda sit tempore pestis, fusc exposuit S. Carolus in sua Synodo Provinciali V. parte 2. Constitutionum; quæ merito ab Episcopis & Pastoribus huiusmodi occasione incidente consuli poterunt.

VIII. Ulterius ut major sit erga Sacramenta rudioris populi devotio & reverentia, jam pridem à primis Ecclesiæ sæculis ritus seu ceremoniæ quædam in Sacramentorum administratione adhiberi consueverunt; quibus & ipsi Sacramentorum effectus subinde explanantur, & populo sensibilibus proponuntur; mentemque Fidelium ad rerum divinarum contemplationem excitant.

Unde Synodus Tridentina Sess. 22. de *Sacrificio Missæ* cap. 5. postquam dixisset varias ceremonias, in Sacrificio Missæ ex Apostolica disciplina & traditione adhiberi, finem earum subijcit his verbis: „ Quo & majestas tanti Sacrificii commendaretur, & mentes fidelium per hæc visibilia Religionis & pietatis signa, ad rem altissimarum, quæ in hoc Sacrificio latent, contemplationem excitarentur.

IX. De his ritibus five ceremoniis definiit Synodus Tridentina Sess. 7. Can. 13. „ Si quis dixerit receptos & approbatos Ecclesiæ Catholicæ ritus in solemnibus Sacramentorum administratione adhiberi consuetos, aut contemni, aut sine peccato à ministris pro libitu omit- ti, aut in novos alios per quemcumque Ecclesiarum Pastorem mutari posse, anathema sit.

Professio fidei hæc habet: „ Receptos quoque & approbatos Ecclesiæ Catholicæ ritus, in supradictorum omnium Sacramentorum solemnè administratione, recipio & admitto.

X. Ritus hi tametsi ad ipsum Sacramentorum valorem vel substantiam non pertineant, possintque saluorum validitate omitti & mutari, imo pro temporum ac locorum diversitate ritus hi vari fuerint, & etiamnum sint; tamen sapienter Ecclesia declaravit, eos non posse arbitrio quorumcumque inferiorum Pastorum vel Ministrorum mutari aut de novo introduci: ne alias sub specie Religionis & pietatis, superstitione, aut avaritia, vel irreverentia in Sacramentorum administratione sensum immisceantur: quod aliquot ante Synodum Tridentinam seculis non infrequens fuit; ipsisque hæreticis, ritus Ecclesiasticos explodendi ac generatim rejiciendi prætextum dedisse videtur.

XI. Quapropter, absoluta Synodo Tridentina, varii ab Episcopis pro suis respective Ecclesiis seu Diocesis compositi fuere libri, quos vulgo *Ritualia* vel *Pastoralia* aut *Manualia* vocare solent.

Horum librorum scopum esse, præscribere ritus, quos in administrandis Sacramentis, & celebrandis Divinis Officiis Parochi alique Ecclesiæ ministri observent, non autem quæstionum Theologicarum aut dogmatum decisionem facere, indicat ipsa librorum nomenclatura, & in præfatione ad suum Rituale expressit Paulus V. his verbis: "His ita constitutis, restabat, ut uno etiam volumine comprehensi, sacri & sinceri Ecclesiæ Catholice ritus, qui in Sacramentorum administratione, aliisque Ecclesiasticis functionibus servari debent ab iis, qui curam animarum gerunt, Apostolicæ Sedis auctoritate prodirent, ad cujus voluminis præscriptum, in tanta Ritualium multitudine, sua illi ministeria tanquam ad publicam & obliatam normam peragerent, unoque ac fidei ductu inoffenso pede ambularent cum consensu.

XII. Quamvis non omnes ritus seu cæremoniæ in libris Ritualibus singularum Diocesium præscripti, ex Apostolica disciplina & traditione descendant; sed plures postremis Ecclesiæ temporibus sint introducti; imo nec omnes & singuli haberi debeant tanquam ab Ecclesia Catholica probati; nihilominus Parochis aliisque inferioribus ministris fas non est citra necessitatem privata auctoritate in publica Sacramentorum administratione, aut Divinorum Officiorum perfolutione à ritibus in Rituali vel Pastoralis suæ Diocesis præscriptis facile & passim recedere; eo etiam titulo, quod ritus contrarius puriori primitivæ Ecclesiæ disciplinæ videatur conformior; ne alias hæc licentia paulatim latius serpens, confusionem aliaque incommoda in ipsos sacros ritus, & Sacramentorum administrationem inducat.

"In administrandis Sacramentis (ait Synodus P. II. Mechl. tit. 2. cap. 1.) Pastoralis suæ Ecclesiæ Cathedralis omnes sequantur; & eo deficiente, Ecclesiæ Metropolitanæ, nihil temere addendo, demendo, vel immutando." Idipsum cæteræ quoque Synodi Belgicæ mandant; rationemque mandati hanc præmittit Synodus D. Cameracensis anno 1567. tit. *De Sacramentis* cap. 3. "In signis externis ac cæremoniis, ne quæ malevolis relinquatur offensio, utque juxta Apostoli sententiam, idipsum dicamus omnes, *perfecti in eodem sensu atque sententia*. 1. Cor. c. 1. v. 10.

XIII. Cæterum, sicuti Synodus Tridentina aliaque eam sequuntæ Synodi sæpius monuerunt Episcopos, ut suarum respective Ecclesiarum Breviaria & Divini Officii libros reviderent & expurgarent ab omni eo, quod cum Divini Officii majestate non convenire judicaretur, ita & Episcoporum est Rituales libros suarum Diocesium subinde revidere & diligenter examinare, num nihil in ritus, vel per negligentiam aut ignorantiam intrusum sit, quod pietatem ac reverentiam Sacramentis debitam minuat, aut saltem minus promoveat, vel etiam superstitionem aliquam redoleat; vel Fideles facile in superstitionem natum sit inducere. Ac denique expendant, an ritus aliqui hoc tempore induci haud possint, qui & usui ac instituto Sacramentorum sint conformiores, & ad pietatem & reverentiam erga Sacra

Mytheria in mentibus Fidelium excitandam convenientiores & efficaciores.

XIV. Ex citatis hætenus Synodorum ac Ritualium Decretis & monitis circa observanda & cavenda in administratione Sacramentorum illud perspicuum est, ea potissimum ad Parochos dirigi; hosque præcipue circa Sacramentorum administrationem instrui.

XV. Nec mirum, cum enim Parochus totius Parochiæ cura spiritalis incumbat, quemadmodum *parte 1. titulo 3. cap. 1.* ostensum fuit, etiam ipsi principaliter & jure ordinario competit Sacramentorum administratio ad exclusionem omnium aliorum inferiorum Sacerdotum: adeo ut si qui in ejus Parochia, aut ejus Parochianis Sacramenta administrarent, id non nisi ut ejus coadjutores & subsidiarii, ac de ipsius tacito vel expresso consensu facere censeantur.

Hoc Parochorum jus non obscure expressit Synodus Tridentina, monens Episcopos *Seff. 24. cap. 13. De Reformat.* ut pro tutiori animarum eis commissarum salute, distincto populo in certas propriasque Parochias unicuique *suum perpetuum peculiaremque Parochiam* assignent, qui eas cognoscere valeat, & à quo, ait, *solicite Sacramenta suscipiant.*

XVI. De hoc Parochorum jure haud dubitans Martinus Rythovius Episcopus Iprensis, qui Concilio Tridentino interfuerat, in sua Synodo anno 1577. *tit. 11. cap. 5.* ita loquitur: "Cum in omnibus rebus, pro pace & tranquillitate, sit certus ordo servandus, neque conveniat quempiam in alienam messem manum suam mittere; sed unusquisque super grege sibi credito vigilare debeat: Ordinamus ut nullus Sacerdos (cessante periculo & citra necessitatem) extra limites suæ Parochiæ, aut etiam in sua Parochia alienis Parochianis Sacramenta, absque proprii Pastoris consensu, aut nostra speciali licentia, administrare præsumat.

Idipsum iisdem pene verbis expressum est in Synodis Bulcoducensibus sub Merfio & Masio Præsulibus; Cameracensi anno 1567. item anno 1604. Audomarensi anno 1585. aliisque; adeo ut jure communi & etiam Belgico, Parochi sint *ordinarii* Sacramentorum ministri in suis respective Parochiis; & respectu suorum Parochianorum.

XVII. Hoc ex capite Parochus proprius Sacerdos respectu populi sibi commissi vocatur in *cap. OMNIS UTRIVSQUE SEXUS & De Penitentis & Remiss.* utpote cui jure proprio competit Sacerdotale officium populo impendere. Item antonomastice Pastor dici consuevit; utpote cui incumbat populum divini verbi prædicatione & Sacramentorum exhibitione spiritaliter pascere. Curatus quoque nonnunquam appellatur; eo quod cura populi ipsi primario incumbat.

Quomodo & quousque Sacramentorum, signanter Eucharistiæ & Pœnitentiæ administratio etiam aliis Sacerdotibus, præsertim Regularibus, sive vigore privilegiorum, sive consuetudinis, communicata fuerit; eaque in Ecclesiis Parochialibus, aut extra eas, ipsis tamen Parochianis exhibere sine licentia Parochorum liceat, tractando de singulis Sacramentis notabimus.

### CAPUT III.

De idiomate quo administrari possunt Sacramenta.

1. An conveniat preces Patrio idiomate recitari?
2. Quid S. Cyrillus Gentis Sclavonicæ Apostolus expressit fuerit in usu suæ linguæ.
3. Idiomata Patrium in divinarum officiorum recitatione non displicuit Joanni VIII. Summo Pontifici.
4. Duci Uratislao petenti ut in Bohemia Sclavonico idiomate Officium divinum recitaretur, negavit Gregorius VII.
5. Sententia D. Fleury historici exponitur.

6. Ab



6. Ab usu hodierno recedere non debent ministri sine superiorum licentia.  
7. Parochi tamen utiliter exponunt quid ritus significant, quid Ecclesia suis precibus impetrare velit.

I. **C**APITE precedenti, num. 3. 4. & 5. observatum est Synodum Tridentinam, aliasque Synodos mandasse omnibus curam animarum sustinentibus, ut in administratione Sacramentorum populo exponant eorum virtutem sive effectum; nec non quæ sint in suscipiendis necessaria, ut cum fructu ea suscipiant.

Cum igitur in precibus atque collectis, quas in administratione Sacramentorum & divinorum officiorum, celebratione Ecclesia præscribit in suis passim ritualibus, manualibus & libris ecclesiasticis recitandas, plurima occurrant, per quæ fideles in horum notitiam venire possent, quis ambigat, quin ad populi instructionem, atque excitandam pietatem, & erga sacra reverentiam plurimum valeret, si hæc lingua vernacula sive idiomatice patrio recitarentur, (a) quemadmodum pluribus seculis in Ecclesia usitatum fuit.

II. Idipsum expertus dicitur sanctus Cyrillus Apostolus Gentis Slavonicæ, de quo legitur in ejus vita apud Bollandum ad 9. Martii in secundis actis, pag. 22. Apostolicus (Adrianus II.) & reliqui rectores Ecclesiæ corripiebant beatum Cyrillum, cur videlicet ausus fuisset, in Slavonica lingua horas canonicas statuere. At ille humiliter respondens dixit: Attendite, vos fratres & Domini, sermonem Apostoli dicentis: *Loqui variis linguis nolite prohibere*. Securus ergo Apostolicam doctrinam (linguam) quam impugnatis instrui. At illi dixerunt quamvis Apostolus loqui variis linguis persuaserit, non tamen per hoc in ipsa, quam ita misisti, linguâ, divina solemnitas voluit decantari.

Cum autem propter hujusmodi institutionem plus & plus apud eos cresceret altercatio, beatus Cyrillus dictum Davidicum protulit in medium dicens: Scriptum est enim: *Omnis lingua laudet Dominum*; & si omnis spiritus laudando magnificat Dominum, cur me prohibetis sacrarum missarum solemnitas & horarum Slavonicè modulari? Siquidem si quivis semus illi populo aliter aliquando cum cæteris nationibus subvenire in lingua Græca, vel Latina, omnino, quæ reprehenditis non sanxissem: sed quia idiotas & viarum Dei totaliter eos reperi ignaros, solum hoc ingenium almistua sancti Spiritus gratia cordi meo inspiravit, per quod etiam *innumerum* populum Deo acquisivi. Quapropter, Patres & Domini cogitate consultius, si institutionis meæ normam hanc expediat immutare. At illi audientes, & admirantes tanti viri industriam, & fidem studiosâ deliberatione præhabita, statuerunt supradicto ordine & sermone, in illis partibus, quas beatus Cyrillus Deo acquisierat, sicut statuerat, canonicas horas cum missarum solemnitas ita debere deinceps celebrari.

III. Neque hanc missarum, & horarum canonicarum aliorumque divinorum officiorum decantationem, & recitationem, in idiomate Patrio ad populi ædificationem, displicuisse Joanni VIII. habetur ex ejus epistola sub idem pene tempus scriptâ ad Suantopulcon gloriosum comitem Moraviæ, in qua hæc scribit: Nec sanè fidei vel doctrinæ aliquid obstat, sive missas in Slavonica lingua canere, sive sacrum Evangelium, vel lectiones divinas novi & veteris testamenti bene translatis, & interpretatas legere, aut alia *horarum officia omnia* præstare, quoniam, qui fecit tres linguas principales Hebræam scilicet, Græcam, & Latinam, ipse creavit & alias omnes ad laudem & gloriam suam.

(a) Tridentinis Patribus visum est sess. 22. c. 8. usum præsentem non esse mutandum; saltem si agatur de liturgia. Perierunt nonnunquam principes, ut Patrio idiomate sacra mysteria celebrarentur, verum repulsi sunt.

Itaque nec sub finem sæculi IX. quando sedit Joannes VIII. vetita videtur fuisse divinorum officiorum lingua vulgari decantatio vel recitatio.

IV. Credit D. Claudius Fleury in sua historia Ecclesiastica lib. 63. num. 8. primam originem prohibitionis legendi sacram scripturam & ecclesiastica officia in lingua vulgari referendam esse ad tempora Gregorii VII. (b) qui postulanti Uratislao Regi, vel Duci Bohemiæ, ut divina officia lingua Slavonica apud gentem Sclavorum recitari possent, absolute renuit, & ut populi hac in parte postulatis Rex obssisteret, mandavit. Istius prohibitionis hanc rationem assignat, quod "omni-  
" potenti Deo sacram scripturam placuerit quibusdam  
" locis esse occultam, ne si ad liquidum cunctis pateat,  
" forè vilesceret, & subjaceret despectui, aut pravè  
" intellecta à mediocribus in errorem induceret.

V. Hoc à Gregorio hic positum prohibitionis fundamentum, nequaquam sat firmum visum fuit octo primorum seculorum Patribus, qui licet non ignorarent in sacris scripturis nonnulla obscuriora & abditiore contineri, nihilominus & sacram scripturam, necnon divina officia idiomate vulgari, & singulis populis proprio, legi & publicè recitari permiserunt, uti rectè notat D. Fleury loco citato, qui & suo discursu 3. historico num. 24. ait: "(c) Non moveor ratione, quæ prævadunt varii  
" moderni (veterem disciplinam recitandi divina officia  
" lingua vulgari, meritò abrogatam esse) ad confer-  
" vandam reverentiam religioni debitam: hæc enim  
" cæca reverentia, ait, non convenit nisi falsis religio-  
" nibus fundatis super fabulis & frivolis superstitioni-  
" bus. Vera religio tantò in majori pretio erit, quan-  
" tò melius nota fuerit. Idem pluribus ostendit Daniel Papebrochius in erudita dissertatione XVIII. in conatu suo chronico-historico vitæ Nicolai I. subiecta; in qua notat, quod Innocentius IV. etiam seculo XIII. permiserit cuidam Episcopo, ut conformiter ad consuetudinem apud Sclavos receptam, divinum officium in lingua ibidem usitatâ recitaret, hac subiecta ratione. *Quod sermonei, & non sit res sermoni subiecta.*

VI. Cum à veteri & Patrum disciplina hoc in puncto recessum sit, & jam in Ritualibus seu Manualibus auctoritate suâ Episcopi præscripserint, ut hæc preces dicantur lingua latina; summâ prudentiâ hic opus est; ne prætextu majoris utilitatis, aut pristina Patrum disciplinæ, ab hoc usu & Ritualium præscripto, Parochi, alique inferiores Ecclesiæ ministri sine legitima superiorum licentia recedant.

VII. Quin tamen vel ante vel post administrata Sacramenta parochi utiliter pro populi capta, quid per externos illos ritus & preces, Ecclesia significare, & à Deo impetrare velit, linguâ vernaculâ exponere queant, dubium non est.

(b) Obiit ille Pontifex summus an. 1085.

(c) Je ne suis point touché de sa raison, ait D. Fleury, qu'al-  
leguons plusieurs Modernes, de conserver le respect pour la Religion.  
Ce respect aveugle ne convient qu'aux fausses Religions, fondées sur  
des fables & des superstitions frivoles. La vraie Religion sera sou-  
jours d'autant plus respectée, qu'elle sera mieux connue. Textum  
Patrio idiomate conceptum ipse retulit. D. Van-Elphen.

## CAPUT IV.

An aliquid in Sacramentorum administratione  
exigi possit?

1. Populi devotioni officit, Sacerdotum ex Sacramentorum administratione quæstus captatio.
2. Primi Christiani omnium temporalium exactorem abesse volebant, sed voluntariè offerebant.
3. Eandem disciplinam Ecclesia semper retinuit.
4. Neque sub obtentu consuetudinis temporalia exigi permittit.
5. Quid circa hoc statuerint Synodi Belgica.

6. Nec titulo paupertatis hæc exactio permittitur.
7. Ecclesia vult retineri oblationum usum; nec vetat voluntariè oblata accipi.
8. Cavenda in oblationum receptione tacita exactio.
9. Sacramenta aequè promptè administranda pauperibus ac divitibus.
10. Cavendum, ne voluntaria Fidelium oblationes transiant in coactas.
11. Aliquando prohibita etiam ultronea temporalium oblatio in receptione Sacramentorum.
12. Quid voluerit observari S. Carolus?
13. Quomodo omnis turpis questus ejusque species in administratione necessariò cavendus.
14. Difficulus omnis mali species cavetur, dum Ministri ex oblatis in administratione Sacramentorum vivere debent.
15. Danda Ministris Ecclesie ea competentia, ut in administratione Sacramentorum oneri non sint Fidelibus.
16. Decimarum dandi eam competentiam obligatio.
17. Offerenda in Sacramentorum administratione aliquando à Superioribus taxata, & quare?
18. Sic taxata dici solent jura Pastoralia; & in administratione Matrimonii & sepulchris potissimum obtinent: & quare?
19. Videatur successisse in locum decimarum personalium.
20. Jura illa hic agrè sine consensu Regis imponi possunt.
21. Minus incommodi habebat decimarum personalium, quam bodierna jurium Pastoralium in administratione Sacramentorum solutio.
22. Laici ab impositione onerum per Judicem Ecclesiasticum, subinde ad Senatum Regium appellare possunt.
23. Vix jura illa sine offensione exigi possunt; & quid hic à Superioribus faciendum?
24. Circumspectè in horum jurium exactione Ministri Ecclesie se gerere debent.

**I.** **N**ihil est quod populi erga sacra Religionis nostræ Mysteria reverentiam & existimationem pietatemque ita minuat, quam si videat, ea à Sacerdotibus atque Ecclesie ministris ad questum torqueri; ipsosque ex eorum administratione commoda temporalia sibi aucupari.

Hinc nihil unquam magis exhorruit Ecclesia, quam pactiones, conventiones, atque exactiones cujuscumque rei temporalis in Sacramentorum administratione, quæ speciem Simonie, aut ut minus turpis questus apparentiam præ se ferre solent.

Abusum hujusmodi exeunte XIII. seculo notavit, & summopere deploravit Guillelmus Durandus Episcopus Mimatenlis, vulgo *Speculator*, in Tractatu de modo Generalis Concilii celebr. Parte secunda, rubrica

68. "Quod sepulture in multis locis vendantur, & in aliis pro baptismo, Pœnitentia, Eucharistia & aliis Sacramentis pecunia ex quadam pestifera consuetudine recipiatur, & levetur: neque profunt remedia super hoc constituta, pro eo quod multi ex majoribus columnis & Prælatibus Ecclesie in hoc peccant; & ideo quia ab his male agitur, facilè trahitur à subditis in exemplum.

Utinam nec hodie pestifera ejusmodi consuetudo exemplo similium Prælatorum firmaretur! qui Parochos ipsos aliosque Ecclesie ministros ad sordidum hunc questum ob defectum congruæ & honestæ competentie quodammodo cogunt.

II. De primis Christianis in suo Apologetico capit. 39. scribit Tertulianus: "Præsident probati quique Seniores, honorem istum non pretio, sed testimonio adepti: neque enim pretio ulla res Dei constat; etiam si quod arcæ genus est, non de honoraria summa quasi redemptæ religionis congregatur. Modicam uniusquisque stipem mensura die, vel cum velit, & si modò possit, apponit: nam nemo compellitur, sed spontè confert. Hæc quasi deposita pietatis sunt.

In antiquis, ac etiam Pamelii editionibus Operum Tertuliani, pro his verbis, non de honoraria summa, legitur, non de oneraria summa; sed priori modo legi in vetustissimo codice observat Rigaltius; quasi diceret:

"In nostris conventibus congregatur summa, quæ non sit tamen de honestamento religioni, nec ideo venalis aut redempta dici debet religio nostra. Hæc Rigaltius.

Primi ergo Christiani prompto animo offerebant, quæ Ecclesie Ministris pauperibusque sustentandis sufficiebant; sed pecuniæ quamcumque exactiorem in Sacramentorum aut aliorum sacrorum administratione exhorrebant.

III. Et licet in nonnullis disciplinæ articulis Ecclesia coacta fuit, aliquando à primitiva Patrum puriore disciplina nonnihil recedere, in hoc tamen articulo, eam semper retinuit disciplinam, ut omnem in ipsa Sacramentorum exhibitione temporalium exactiorem omnemque turpis questus speciem abesse voluerit.

IV. Seculo XII. Concilium Lateranense sub Innocentio II. Can. 2. pecuniam dari aut exigi pro quocumque Sacramento vetat, additque: "Et nec pro partu, nec sub obtentu alicujus consuetudinis ante vel post à quoquam aliquid exigatur, vel ipse (qui Sacramenta suscipit) dare præsumat: quoniam Simoniacum est.

Et rursus eodem seculo Concilium Lateranense III. sub Alexandro III. in Cap. 9. De Simonia, horribile nimis reputat, quod in quibusdam Ecclesiis pro Sacramentis aliquid requiratur. "Purant autem, inquit, plures ex hoc licere, quia legem mortis de longa consuetudine invaluisse arbitrantur, non attendentes, quod tantò graviora sunt crimina, quantò diutius infelicem animam tenuerunt alligatam.

Sub idem tempus Concilium Turonense prohibens pro Chrismanis aut olei receptione aliquam pretii exactiorem attentari, subjicit: "Nec sub obtentu cujusdam consuetudinis reatum suum quis tueatur: quia temporis diuturnitas non diminuit peccata, sed auger. Cap. 8. De Simonia.

V. His Conciliorum Decretis insistentes posteriores Belgii ac vicinarum Provinciarum Episcopi, omnem tum in suis Ritualibus libris, tum in Synodorum Decretis, temporalium exactiorem in Sacramentorum administratione proscripserunt; eaque gratis, & sine ulla questus specie dari jusserunt.

Cum Sacramenta Ecclesie (ait Synodus P. II. Cameracensis tit. 5. cap. 5.) non solum sine Simonie labe, verum etiam sine avaritie suspitione administranda sint, caveant omnes, ne in eorum administratione quidquam exigant directè vel indirectè.

Synodus D. Mechliniensis titulo 2. cap. 3. ait: "Sacramenta omnia liberè conferantur, nihilque omnino directè vel indirectè in eorum administratione exigatur.

Hæc hisque similia passim Synodi & libri Rituales inculcant.

VI. Et quia nonnulli paupertatis aut necessitatis prætextu hæc exactiões colorare prætendunt, plures Synodi expressè, & hunc prætextum, tanquam insufficientem rejiciunt.

Illud præterea diligenter caveant Parochi, omnesque alii, ad quos cujusvis Sacramenti administratio spectat, ne pro illis administrandis ab ullo, vel omnium rerum inope Sacerdote, verbis aut etiam signis quidquam prorsus vel minimum quovis modo petatur, exigaturve; ait Synodus Aquisgranensis anno 1585. tit. De Sacramentis.

Pro Sacramentorum ministerio, nullus Sacerdos, quamvis egens, verbis vel nutibus quidquam prorsus vel minimum petat, exigaturve; inquit Synodus Avenionensis anno 1594. tit. 11.

VII. Verùm dum adeò severè Sacramentorum Ministris omnis cuiuscumque rei temporalis exactio in administratione Sacramentorum vetatur, intentio tamen Ecclesiæ in hac prohibitione non est, laicos fideles à veteri & in Ecclesia probato oblationum & eleemosynarum usu etiam in ipsa Sacramentorum administratione retrahere; aut ipsis Ministris inhibere à Fidelibus liberali animo oblata accipere.

Quinimò Concilium Lateranense IV. sub Innocentio III. in cap. 42. *De Simonia*, sicuti vetat aliquid à Ministris in Sacramentorum ministerio exigi, ita pariter, vult laudabiles consuetudines aliquid offerendi à laicis observari.

Et Rituale Romanum Pauli V. postquam omnem exactiorem in Sacramentorum administratione proscripsit, immediatè subiungit: " Si quid verò nomine eleemosynæ, aut devotionis studio, *peracto* jam Sacramento, à fidelibus spontè offeratur, id licitè pro *consuetudine* locorum Minister accipere poterit.

Nonnulla verò in hac oblatorum receptione à Parochis aliisque Sacramentorum Ministris observanda sunt.

VIII. Primò, ne in similibus oblatorum receptione tacita saltem exactio, Simonia aut avaritiæ suspicionem ingerens, intercedat.

Tacita hujus exactiōis frequenter sunt rei, qui verbo aut factō eos arguunt avaritiæ aut inhumanitatis, qui post administrationem Sacramentorum nihil aut parùm offerunt. Quis enim ambigat, quin sic agendo cogant quodammodo Fideles ad dandum, dum negando, avaritiæ aut inhumanitatis notam sibi impingendam nōrunt.

IX. Secundò, sollicitè cavendum, ne Sacramenta majori promptitudine & hilaritate administrentur illis, à quibus plura offerenda sciuntur; facili enim major illa promptitudo & hilaritas, avaritiæ turpisque quæstus suspicionem insinuant.

X. Tertiò, cavendum est, ne gratuita oblationes ex devotione Fidelium procedentes, facili in præceptum & necessitatem vertantur; adeò ut si quis offerre prætermittat, avarus imò injustus audiat.

Hinc enim contingit, ut Fideles vel paupertate, præsertim occulta, vel expensarum gravitate territi, Sacramenta aut non suscipiant, aut saltem diutius, quàm oportet, differant. Quod hodie, prohi dolor! non raro circa susceptionem Viatici & Extremæ Unctionis evenire, nimis quàm manifestum est.

XI. Ob hæc aliæque ex oblatorum receptione pullulantia incommoda, quæ difficultat in totum præcaventur, olim Synodus Eliberitana decrevit: *Hi, qui baptizantur, ut fieri solebat, nummos in concham non mittant, ne Sacerdos, quod GRATIS accepit, PRETIO distrahere videatur.* Statuti illius rationem exposuit in Concilio Basileensi Julianus Cardinalis: " Apostolus præcipit ab omni specie mali abstinendum 1. Theff. c. 5. v. 22. Nonne gratis offerre, & eleemosynam dare est pium & charitatis opus? sed quoniam tempore Baptismi nummos projicere in concham præter debet speciem mali, emendari & aboleri iussit Ecclesia.

XII. Quin Sanctus Carolus, noluit, ut Presbyteri quamcumque rem pro administratione Sacramentorum acciperent; etiam sub obtentu eleemosynæ; ut omnem occasionem & notam avaritiæ adimeret; utque exactè per omnia observarent hæc verba: *Gratis accepistis, gratis date.* Matt. c. 10. v. 8.

XIII. Scio quidem hanc disciplinæ puritatem nec ubique vigere, nec in omnibus Ecclesiis hodie in præcepto esse, ut nimirum Ministri non possint, jam administrato Sacramento, gratis oblata recipere; ipsa tamen Sacra Ministerii functio omnes Ministros adstringit, ut in oblatorum receptione, eam servant moderationem, & agendi modum, ne avaritiæ, turpisve quæstus notam incurrando, Ministerium ipsorum

Tom. I.

vituperetur; & Sacramentis debita reverentia vilescat. Caveantque sedulò ne liberales fidelium oblationes tandem in suspectas exactiōes degenerent; quo fiat, ut vel fideles à Sacramentorum receptione retrahantur, aut diutius quam convenit, differant.

XIV. Multopere sanè dolendum, quod in multis Parochiis Belgicis Pastores, ac præcipuè Vice-Pastores adigantur ex oblationibus in Sacramentorum administratione fieri consuetis, victitare; neque aliunde ad honestè vivendum ipsis suppetat; hincque contingat, quod ipsa necessitate compellente, si non directè, & expresse temporalia in Sacramentorum administratione exigantur, *indirectè* tamen & *tacite* satis insinuetur dandi necessitas: adeò ut ipsis Laicis quasi persuasum sit, oblationes illas non esse voluntarias, sed se ad offerendum constrictos credant.

XV. Sanè dispiciendum est Episcopis aliisque Superioribus & Magistratibus, " ut Parochis Evangelii Prædicatoribus (verba sunt Synodi Colonienfis anno 1536. parte 8. cap. 2.) certa ac competens subministratio victus & vestitus fiat, idque ad eum modum, ne in administrandis Sacramentis quidpiam exigendo, oneri sint Parochianis, aut cibum vicatim discurrendo emendicare cogantur, quo nihil turpius aut fordidius.

XVI. Hoc quoque indubitatum est, quod Episcopi & alii decimas possidentes Prælati, eorumque Capitula & Monasteria " (ut loquitur Christianus Lupus Differt. 2. proemiali ad tomum 3. Scholiorum in Canonibus cap. 7.) rigidum coram Deo onus portent dandæ Parochis sustentationis integræ, & miseris plebes liberandi ab exactiōibus variis suspectis & offensivis, ad quas isti à necessitate coguntur.

XVII. Interim dum aliunde Parochis & Sacerdotibus Sacramentorum aliorumque spiritualium officiorum ministris sufficienter nequit succurri, cogunturque necessitate quodammodo ex oblatis vivere, non inconveniens visum est, ut Episcopi alique Superiores & Magistratus determinent sive taxent: quid à fidelibus Parocho aliisque Ministris in administratione Sacramentorum aliisque functionibus sit dandum.

Hoc quippe pacto contingit, ut Pastoribus aliisque Sacerdotibus adimatur occasio, conventiones pactiōnesque Simoniam aut saltem turpem quæstum redolentes cum Parochianis incundi.

Uterius per hanc Superiorum taxationem fit, ut Parochiani contra Parochum & Sacerdotes conqueri nequeant, quasi Parochianos injustis & excessivis juribus & exactiōibus gravent, dum id duntaxat petunt, quod Superiores iudicant à subditis in Parochorum & Ministrorum sustentationem solvendum.

XVIII. Hæc jura, quæ Pastoralia dici solent, potissimum in administratione Sacramenti Matrimonii, & sepulturis locum habent: ed quòd in his sine minoribus incommodis, & scandalo peti posse videantur.

Atque imprimis hic periculum non est, quòd ob jura solvi consuetæ & taxata Matrimonium differetur aut omittitur; neque in ejus dilatione multum incommodi esse consuevit; nec sepultura idèd omittitur; aut si forsitan non eà, quā aliàs pompa fiat, nihil aut parum inde incommodi timendum; quemadmodum (ut antè monuimus) timendum est, dum Viaticum aut Extrema Unctio, propter oblationes & expensas faciendas, differtur, aut etiam omittitur: unde nunquam legitur, quòd aliqua jura in horum administratione solvenda, taxata aut præscripta fuerint.

XIX. Jura hæc in Funeralibus aut contractu Matrimonii solvi solita, & à Superioribus ad certam quantitatem taxata, videntur in locum decimarum personalium (quæ de jure communi debentur, & hodie passim in desuetudinem abierunt) successisse; ut sicuti laici eo titulo debebant de omni suo lucro decimas dare Sacerdotibus, ita vice illarum solvant jura illa vel viventes,

A 2 2



tes, dum Matrimonium ineunt, vel post mortem, dum sepeliuntur.

Hanc surrogationem in locum decimarum personalium non obscurè expressit Synodus Atrebatensis sub Francisco Richardoro titulo *de Sacramentis cap. 3.* Cum enim *cap. 2.* mandasset, ut Pastores in administratione Sacramentorum, " omnes avaritiæ fordes, & " quæstus inhonesti & reprobati suspiciones evitent; " ne mercedem (quasi in rebus sanctis & spiritualibus " commutatio ulla justa esse queat) vel caprent, vel " exigant fordide; " deinde capite sequenti subiungit: " Sed tamen ubi solidi fructus nulli sunt, aut exigui " Beneficiorum Curatorum; & minores quàm sufficiant alimonie Pastorum: si populus se durum & " avarum præbeat, nec liberaliter pro suo quisque " modulo aliquid conferat Pastoribus Sacramenta ministrantibus; agi debet cum Majestate Regia, ut " iisdem Pastoribus greges necessaria commodè provideant, sive per decimas personales, quas certum est " cessisse consuetudini laudatæ, quâ populus pro administratione Sacramentorum liberaliter honorarium ali- " quod impendere solebat; sive aliâ quavis ratione: " alioqui valde esset inhumanum laborem pastoralis officii requirere sine justa mercede. & sublata omni ratione parandi victus & vestitus.

XX. Præterea in hoc Decreto notandum, quòd dicitur, agi debere cum Majestate Regia, ut laici ad similia jura solvenda cogantur. Sciebant quippe hujus Synodi Patres, agrè permitti in Belgio vicinisque Provinciis, ut temporalia hujusmodi onera laicis citra consensum & auctoritatem Regis imponantur; neque facile ad eorum solutionem se constingere patiantur, nisi consensum Regis accessisse constiterit. (a)

Hinc teste Antonio Anselmo in suo Triboniano Belgico, *cap. 33.* cum de publicatione Concilii Tridentini hic tractaretur; eumque in finem ad Consilia Regia reformationis Decreta expendenda missa essent, *ad cap. 4. Sess. 21. De Reformat.* ubi datur Episcopis facultas novas Parochias erigendi, & si necesse fuerit *compellendi* populum ea subministrare, quæ sufficient ad vitam Sacerdotum sustentandam "*communis* nota " fuit, compulsionem illam populi, & exactionem fieri non posse sine *auctoritate Regia*, neque hanc jurisdictionem Ecclesiasticis Judicibus unquam competuisse.

XXI. Quamvis, ut dictum est *num. 19.* jura in funeralibus & contractu Matrimoniali solvi solita, probabiliter successerint in locum decimarum *personalium*, illud tamen incommodi habent hæc jura præ decimis *personalibus*, quòd horum jurium exactio, & perfolutio facilius nata sit ingerere speciem simoniæ aut turpis quæstus, quàm perfolutio & exactio decimarum *personalium*, eò quòd prædicta jura solvantur & exigantur cum respectu ad *singulas* sepulturarum aut matrimoniorum celebrationes, eaque ratione suspensionem facile ingerant; ea perfolvi vel exigi quasi pretium exhibitum ministerii divini.

Decimæ verò personales, non secus atque hodiernæ decimæ prædiales & mixtæ solvebantur & exigebantur sine respectu ad *singulas* functiones Ecclesiasticas: neque plus minusve solvebatur aut exigebatur, sive sacra illa sæpius vel rarius administrata essent. Proinde

(a) Jus Canonicum decernit cogi posse laicos ad jura pecuniaria Ministris Ecclesiæ solvenda, quæ usu veteri sunt legitime determinata. Ita *cap. Ad Apostolicam l. 5. Decretalium. tit. 3.*

nulla ex earum solutione vel petitione suspicio oriri nata erat, functiones has intuitu retributionis temporalis impendi: quam non raro horum jurium exactio & receptio ingerere solet.

Hinc ulterius sequitur, quod imputatio decimarum personalium in competentiam Pastorem non esset obnoxia iisdem incommodis, quibus esse solet imputatio dictorum jurium in dictam competentiam: hæc enim jurium illorum imputatio quodammodo Pastores cogit ad *rigidam* horum jurium exactionem, quæ vix sine suspitione simoniæ, vel ut minus turpis quæstus, fieri solet.

XXII. De Sacerdotis honorario ex funerarii Sacrificii opera agendum apud prophanum Judicem, & non apud Ecclesiasticum, judicatum fuisse anno 1532. refert Renatus Choppinus *lib. 2. de Sacra politia tit. 2. num. 2.* & pluribus confirmat Carolus Fevretius tractatu *De Abusu lib. 4. cap. 8.* asseritque Senatum Regium solere improbare & cassare suspectas ac minus honestas exactiones, quæ in sacrorum administratione fiunt tamen si longâ consuetudine firmatas; & à sententia Judicis Ecclesiastici similes exactiones adjudicante, *tantum ab abusu* ad Senatum Regium laicos appellare posse.

Decanus & Capitulum Ecclesiæ Cathedralis Engolismensis tanquam Pastores Primitivi cujusdam Ecclesiæ Parochialis condemnaverant Parochianos, ad solvendum quid modicum pro vino quoties communicarent, interjectâ per Parochianos appellatione *tantum ab abusu*, dictum fuit per Parlamentum Parisiense anno 1551. malè & abusive judicatum.

XXIII. Cæterum, quacumque auctoritate jura illa sint taxata, nemo non scit, quàm difficulter illa sine omni fidelium scandalo, & offensione exigantur: & quàm facile horum exactio nata sit populo ingerere suspicionem Sacramenta aliaque sacra officia à Sacerdotibus intuitu retributionis administrari; ipsorumque Sacerdotum quæstui Sacra subservire; dum vident, illa non nisi constitutâ mercede administrari; idque eo majore, quo solemnius administrantur.

Hinc non difficulter intelligitur, Superioribus tum Ecclesiasticis, tum secularibus allaborandum esse, ut quantum rerum conditio patitur, Pastoribus aliisque Ecclesiæ Ministris ita de temporalibus provideatur, ut ab ejusmodi scabiosis & suspectis jurium exactionibus abstinere queant: quod nec difficile esset, si proventus Ecclesiastici iis, qui in Vineâ Domini laborant, juxta mentem Ecclesiæ & Fundatorum assignarentur: de quo latius infra ubi de Decimis & bonis Ecclesiæ tractabitur. (b)

XXIV. Denique ex dictis concludant Pastores alique Ecclesiæ Ministri, quòd, dum ob temporum duritiem aliunde quàm ex his juribus necessaria vivendi media non suppetunt, in horum jurium & oblationum receptione aut petitione, eam saltem servare studeant moderationem & circumspeditionem, ne avaritiæ turpissime quæstus notam incurrant, quâ ipsorum apud laicos ministerium vituperetur, & Sacramentorum aliorumque Sacrorum usus vilescat. (c)

(b) Addendus quoque est tractatus, quem Doctissimus Vossius elucubravimus de *jure Parochorum ad Decimas & Oblationes* &c. tractatus iste suum obtinet locum inter dissertationes ab eodem auctore elaboratas.

(c) Consule quod autor noster hæc de se scripserit *parte 2. sect. 4. tit. 7. c. 4. n. 43. 44. &c.*

# TITULUS II.

## DE BAPTISMO.

### CAPUT I.

De Necessitate, Forma & Materia Baptismi; quomodo hæc adhibenda?

1. *Primum & maxime necessarium Sacramentum est Baptismus.*
2. *Dicitur aliorum Sacramentorum janua.*
3. *Innocentius III. dubitavit num Ordo à non Baptizato susceptus esset invalidus: aliqua Sacramenta ab illo valide recipi posse credidit.*
4. *Credidit tutius Ordines à tali susceptos reiterandos.*
5. *In quo fundata fuerit resolutio Innocentii.*
6. *Non temere de suscepto Baptismo dubitandum.*
7. *Describitur Baptismus Fluminis.*
8. *Per Baptismum Fluminis quis salvari potest?*
9. *Patrum sententiis acquiescendum.*
10. *Quid sit Baptismus Sanguinis?*
11. *Solus Baptismus Fluminis habet rationem veri Sacramenti.*
12. *Forma Baptismi Latinorum.*
13. *Forma Græcorum nonnihil in verbis diversa; camque ut sufficientem probat Ecclesia Latina.*
14. *Expositio Cap. 1. de Baptismo.*
15. *Materia Baptismi aqua naturalis.*
16. *Quæ censenda aqua naturalis?*
17. *Extracausam necessitatis cum dubio liquore baptizari non potest.*
18. *Ritus adhibendi aquam in Baptismo non ubique est idem.*
19. *Ecclesia Græca olim usa fuit Immersione; & eam bodierna eorum Ritualia præscribunt.*
20. *Idem ritus etiam apud Latinos aliquando usitatus fuit.*
21. *Ritus baptizandi per immersionem multis seculis in Ecclesia Latina perseveravit.*
22. *Baptizare per immersionem non spectat ad valorem Baptismi, sed ad disciplinam.*
23. *An per infusionem, an per immersionem Baptismus sit conferendus, pendet à consuetudine & præscripto Ecclesiarum.*
24. *Debet aqua sic adhiberi ut sit ablutio, non aspersio.*
25. *Aqua sic infundenda, ut ipse Baptizandus censeatur vere ablutus.*
26. *Quæ censenda pars notabilis vatione ejus Baptizandus dicatur ablutus.*
27. *Quomodo Græci aquam infundant.*
28. *Trina immersio multis Canonibus olim præcepta fuit.*
29. *Licet trina immersio videatur ab Apostolis descendere, non spectat tamen ad essentiam Baptismi.*
30. *Aliquando præceptum ut unica fieret immersio, & quare?*
31. *Regula quæ in hac discipline diversitate tenenda est.*

I. **P**RIMUM inter Sacramenta numeratur Baptismus, de quo in Symbolo fidei Constantino-politano dicitur: 1. *Confiteor unum Baptisma in remissionem peccatorum.* Et Synodus Tridentina: *Si quis dixerit. Baptismum liberum esse, hoc est, non necessarium ad salutem; anathema sit, Sess. 6. De Baptismo. Can. 4.*

II. Quin & jam pridem à Theologis dicitur, Baptismum esse januam aliorum Sacramentorum: id est, alia

Sacramenta ad sui valorem requirere prævie in fuscipiente Baptismum: quod sequutus Bonifacius VIII. in cap. 2. *De Cognat. spirituali* in VI. vocat Baptismum Sacramentorum *fundamentum & januam reliquorum.*

III. Tempore Innocentii III. id est, seculo XIII. ineunte, dubium fuisse, an non baptizatus, qui tamen crederet se baptizatum, non posset *valide* ordinari, manifestum est responso ipsius Innocentii in cap. 3. *De Presbytero non baptizato*; ubi ipse Pontifex multa adducit, quæ validitatem Ordinis ita suscepti evincere videbantur; atque inter alia tanquam certum supponere apparet, quod "illud non sit generaliter verum, neque de novis, neque de veteribus Sacramentis, quod Baptismus sit *fundamentum* illorum, quoniam & Sacramentum Conjugii & Eucharistiæ à non baptizatis recipi potest.

IV. Post hæc subjungit: "Quia vero in Concilio apud *Compendium* legitur constitutum, si quis in Presbyterum ordinatus deprehenderit se non baptizatum, baptizetur, & iterum ordinetur: nos circa latorem præsentium in hoc dubitabili casu quod tutius est sequentes, mandamus, quatenus ipsum per singulos Ordines, usque ad Sacerdotium promovere procures, & permittas eum in Sacerdotio ministrare, quia non intelligitur iteratum, quod ambigitur esse factum: nec male de Sacramento sentitur, cum illud non Religionis contemptus, sed articulus necessitatis excludit.

Ex his haud obscurum est, Innocentium de validitate suscepti Ordinis à non baptizato dubitasse; neque credidisse, Baptismum esse fundamentum omnium Sacramentorum.

V. Adhæc sat pater, Innocentium dubium suum de invaliditate Ordinis, suamque resolutionem de iterando Ordine fundasse in quodam Decreto Concilii apud *Compendium*; quod refertur sub nomine illius Concilii apud Gratianum *caus. 1. qu. 1. Can. 60.*

Verum adverterunt Eruditi, hoc Decretum in nullo Concilio apud *Compendium* reperiri. Extat autem *lib. 6. Capitularium Regum Francorum c. 94.* neque antiquior ejus fons reperitur.

Ea Criticorum animadversio satis ostendit Innocentium III. usum fuisse auctoritate Gratiani sine discussione; quod quidem non tantum in superiori responsione sed in plurimis aliis contigisse videtur: neque enim summus Pontifex solebat discutere, num à Gratiano relata, essent genuina vel authentica. Hinc ulterius contigit (uti in hoc opere sæpius notatum) plura sensim, post evulgatas & receptas has decretales Innocentii III. & aliorum Pontificum, qui similiter sine examine, Decreto Gratiani usi sunt, à Canonistis & Theologis pro indubitatis fuisse recepta, quæ vel Patribus fuerant ignota, aut saltem nondum determinata.

VI. Ut vero scrupulosis anxietatis, & dubitationis occasionem adimat Innocentius, addit: "Et certe de illo qui natus de Christianis parentibus, & inter Christianos est fideliter conversatus, iam violenter præsumitur, quod fuerit baptizatus, ut hæc præsumptio pro certitudine sit habenda, donec evidentissimis foris argumentis contrarium probaretur.

VII. Dicit præterea Innocentius in citato Capitulo 3. "Quod quis non solum per Sacramentum fidei, sed per fidem etiam Sacramenti efficitur procul dubio membrum Christi.

Illud autem quod dicit *Fidem Sacramenti* per quam quis efficitur membrum Christi, vocari solet *Baptismus Flaminis*, de quo verbis Augustini dicitur apud Gratianum in *Can. 34. Dist. 4. De Consecrat.* "Invenio non tantum passionem pro nomine Christi, id, quod ex Baptismo deerat, posse supplere, sed etiam *fidem*, conversionemque cordis, si forte ad celebrandum Mysterium Baptismi in angustiis temporum succurri non potest. Neque enim latro ille pro nomine Christi crucifixus est, sed pro meritis facinororum suorum: nec quia credidit passus est, sed dum patitur, credidit. Quantum itaque valeat etiam sine visibili Sacramento Baptismi, quod ait Apostolus ad Rom. c. 10. v. 10. *Cordè creditur ad justitiam, ore autem confessio fit ad salutem*; in illo latrone declaratum est. Sed tunc impletur invisibiliter, cum Mysterium Baptismi non contemptus Religionis, sed articulus necessitatis excludit. (a)

VIII. De eodem Flaminis Baptismo agit Pontifex in *cap. 2. De Presbytero non baptizato*, respondens Cremonensi Episcopo: "Presbyterum, quem sine unda Baptismatis extremum diem clausisse significasti, quia in S. Matris Ecclesiae fide, & Christi nominis confessione perseveraverit, ab originali peccato solutum, & celestis patriæ gaudium esse adeptum asserimus incunctanter.

Antonius Augustinus in notis ad primam collectionem Decretalium, ad hæc verba: *Esse adeptum*, ait: "Potuisse adipisci, malim. Quid enim si alicujus oculi peccati reus mortuus est? Quod si non satisfecit pro aliis etiam confessis?

IX. Post hæc Episcopum remittit ad libros SS. Augustini & Ambrosii, addens hanc notandam sententiam: "Sopitis igitur questionibus Doctorum, *Patrum sententias teneas*, & in Ecclesia tua iuges preces, hostiasque Deo offerri jubeas pro Presbytero memorato.

X. Præter Baptismum *Flaminis*, meminit quoque Augustinus in citato *Canone 34.* & in *Canone 37.* Baptismi vulgo vocatur *Baptismus Sanguinis*; qui consistit in morte pro Christo tolerata, sive *Martyrio*; in quo proprio sanguine pro Christo fuso fidelis abluitur, antequam præ angustiis temporis aliove impedimento vivificis Baptismi undis regeneretur; de quo in dicto *Canone 37.* sub nomine Augustini: "Catechumenum quamvis in bonis operibus defunctum vitam æternam habere non credimus, *excepto Martyrio*, ubi tota Baptismi Sacramenta complentur. Et apertius ipse Augustinus *lib. 3. De Civitate Dei cap. 7.* "Quicumque etiam non percepto regenerationis lavacro pro Christi Confessione moriuntur; tantum eis valet ad dimittenda peccata, quam si abluerentur sacro Fonte Baptismatis.

XI. Verum licet ex his sufficienter constet, Baptismum *Flaminis* (qui in perfecta peccatorum detestatione ex Dei amore, & desiderio recipiendi Sacramentum Baptismi consistit) & Baptismum *Sanguinis* supplere vices Sacramenti Baptismi, nihilominus certum est, neutrum esse Sacramentum; neque verum Baptismum de quo loquitur Christus, dum ait: *Nisi quis renatus fuerit ex aqua & Spiritu Sancto, non potest introire in regnum Dei.* Joan. 3. v. 5. Et rursus: *Euntes docete omnes gentes, Baptizantes eos in nomine Patris, & Filii, & Spiritus Sancti.* Matth. 28. v. 19.

Hic Baptismus aquæ, sive *Fluminis* est proprie dictus Baptismus; atque solus rationem veri Sacramenti novæ legis habet; appellaturque communiter, Sacramentum *Regenerationis*; eo quod per illum homo spiritualiter regeneretur, sive *renascatur*; constituaturque *Filius Dei*; & de hoc solo Baptismo hoc titulo tractabitur.

XII. Formam hujus Sacramenti clare expressit Christus, dum *Matthæi 28.* in jam relatis verbis Apostolos

(a) Hoc S. Augustini testimonium à Gratiano desumptum est ex *lib. 4. S. Doctoris de Baptismo. cap. 22.*

jussit baptizare in nomine *Patris, & Filii, & Spiritus Sancti.*

Unde Ecclesia Latina jam pridem hac forma usa fuit: *Ego te baptizo in nomine Patris, & Filii, & Spiritus sancti*: quæ extat in Sacramentario S. Gregorii; & in veteri ordine Romano paulo post tempora S. Gregorii composito. (a)

XIII. Ecclesia Græca, uti legitur in eorum Rituali apud Jacobum Goar, pag. 355. utitur hac forma: *Baptizatur servus Dei N. in nomine Patris, & Filii, & Spiritus sancti, nunc & semper, & in secula seculorum. Amen.*

Hanc formam tanquam sufficientem probavit Eugenius IV. in Decreto Unionis Armenorum, quod extat in appendice Concilii Florentini tom. 13. Concil. col. 5291. "Quoniam, ait, cum principalis causa, ex qua Baptismus virtutem habet, sit S. Trinitas, instrumentalis autem sit Minister qui tradit exterius Sacramentum; si exprimitur actus, qui per ipsum exercetur ministrum, cum S. Trinitatis invocatione perficitur Sacramentum.

Itaque invocationem Sanctæ Trinitatis atque ipsarum Personarum distinctam expressionem in ipsa Baptismi collatione juxta Christi verba & mandatum Ecclesia observavit; eamque ad essentiam ac validitatem Baptismi necessariam supposuit, minus sollicita quibus præcise verbis ipse actus Ministri exprimeretur de quo nec Patribus cum hæreticis fuisse contentionem legimus: modo tamen (uti loquitur Eugenius IV. in citatis verbis) sufficienter exprimaturs actus qui per ipsum exercetur Ministerium.

XIV. Unde credendum est, quod Pontifex (b) *cap. 1. De Baptismo*, dicens, "quod si quis puerum ter in aquam immerferit in nomine Patris, & Filii, & Spiritus Sancti, Amen, & non dixerit, EGO BAPTIZO TE in nomine Patris, & Filii, & Spiritus Sancti, non est puer baptizatus; eam invaliditatem non refundat in omissionem illorum formalium verborum, *Ego baptizo te*; cum illa verba Græci non adhibeant, sed in hoc potius, quod actus qui per Ministerium exercetur, non censeretur sufficienter expressus.

XV. Quemadmodum ex verbis Christi *Matth. 28.* ad Apostolos dictis, Ecclesia intellexit, invocationem SS. Trinitatis, & trium divinarum Personarum distinctam expressionem esse necessariam in Baptismo; ita ex verbis Christi ad Nicodemum *Joan. 3.* *Nisi quis renatus fuerit ex aqua & Spiritu sancto non potest introire in regnum Dei*, intellexit, fideles esse regenerandos sive baptizandos in vera ac naturali aqua.

Unde à quodam Episcopo interrogatus Innocentius III. "Utrum parvuli sint pro Christianis habendi, quos in articulo mortis constitutos propter aquæ penuriam, & absentiam Sacerdotis, aliquorum simpliciter in caput ac pectus ac inter scapulas pro Baptismo salivæ conspersione linivit? Respondit Innocentius in *cap. 5. De Baptismo*: "Quod cum in Baptismo duo semper, videlicet verbum & elementum necessario requirantur, juxta quod de verbo Veritas ait: *Euntes in mundum universum predicate Evangelium omni creaturæ, & baptizate omnes gentes in nomine Patris, & Filii, & Spiritus S.* Eademque dicat de elemento: *Nisi quis renatus fuerit ex aqua & Spiritu S. non intrabit in regnum celorum*; dubitare non debes, illos verum non habere Baptismum, in quibus non solum utrumque prædictorum, sed eorum alterum est omissum.

Et Synodus Tridentina *Sess. 7. Can. 2. de Baptismo*: "Si quis dixerit, aquam veram & naturalem non esse de necessitate Baptismi, atque ideo verba illa Domini Nostri JESU CHRISTI: *Nisi quis renatus fuerit*

(a) Circa septimum seculum in lucem prodierit Ordo Romanus creditur.

(b) Pontifex ille, de quo agitur, erat Alexander III. qui obiit an. 1181.



„ ex aqua & Spiritu sancto, ad metaphoram aliquam „ detorsit, anathema sit.

XVI. Quæ vero dicenda sit vera & naturalis aqua, ex communi & vulgari loquendi usu judicandum est; neque extra casum necessitatis adhibendus est liquor, de quo dubium sit, num sit vera ac naturalis aqua, prout hæc communiter & vulgariter intelligitur: tametsi subtiliter philosophando speculative defendi posset, liquorem illum essentialiter ab aqua naturali non differre.

XVII. Ubi cumque vero morale aliquod dubium subest, num liquor aliquis sit vera ac naturalis aqua (extra casum necessitatis ubi alius haberi nequit) nequaquam adhibendus est: imo si Pastor aquam veram & naturalem habere posset, tametsi cum evidenti periculo vitæ, nequaquam posset cum liquore dubio, tali casu infantem baptizare; sed deberet tunc juxta Christi mandatum, animam suam ponendo pro ovibus suis, aquam veram ac naturalem comparare; ne alias salutem æternam illius infantis periculo exponat: uti recte advertit, & multis prosequitur Farvacquius De Baptismo cap. 2. q. 2. casu 4. §. 1. & 2.

XVIII. Quo ritu aqua adhiberi debeat, an per immersionem, ita ut ipse baptizandus aqua immergatur; an per infusionem sive asperionem; ut nimirum aqua infundatur ipsi baptizando, non una olim fuit, nec hodie est omnium Ecclesiarum disciplina.

XIX. In Ecclesia Orientali jam pridem immersionem usitatum fuisse, constat ex Cyrillo Hierosolymitano catechesi mystagogica 2. ubi alloquens recenter baptizatos, ait: „ Et confessi estis salutarem confessionem, & mersi ter in aqua, rursus emeristis: atque ita per hæc symbola triduanam Christi significatis sepulturam. „ Meminit quoque Sanctus Chrysostomus Homil. 6. in Epistolam ad Colossenses. IMMERSIONIS in Baptismo adhibita; quin & hodie cum baptizandi ritum Euchologia sive Ritualis Græcorum præscribunt; atque post expressam formam Baptismi monitum subnectitur: *Unaqueque prolutione demergens & educens eum ex aqua.*

Ad hæc verba reflectens Jacobus Goar in notis ad Rituale Græcorum pag. 365. num. 24. ait: *Antiquus IMMERSIONIS mos hic annotatur.*

XX. Quin & in Ecclesia Latina hunc immersionis ritum multis seculis usitatum fuisse diffiteri non possumus. Et quidem seculo II. ordinarium solitumque fuisse testatur Tertullianus libro de Corona militis cap. 3. ubi relatis nonnullis quæ Baptismum præcedunt, ait: *Dehinc ter mergitamor.* Imo adeo constans erat hic baptizandi ritus, ut quidam dubitasse videantur de valore Baptismi per infusionem collati; uti colligere est ex questione à Magno proposita S. Cypriano: „ Quæsisisti (ait S. Cyprianus Epist. 77. ad Magnum) etiam Fili „ charissime, quid mihi de illis videatur, qui in infirmitate & languore gratiam Dei consequuntur, an habendi sint legitimi Christiani, eo quod aqua salutari non loti sint, sed perfusi.

XXI. Et quidem ritus ille multis seculis etiam in Ecclesia Latina perseveravit, uti videre est apud Auctores qui de Divinis Officiis scripserunt; adeo ut S. Thomas etiam suo tempore judicaverit, tutius esse baptizare per modum IMMERSIONIS: quia, ait, hoc habet communis usus 3. parte q. 66. art. 7.

Constat tamen ex ipso Sancto Thoma ibidem art. 8. quod eodem tempore ritum infusionis seu asperionis nonnulli adhibere inciperent.

XXII. Imo licet ritus immersionis esset communis, ac in omnibus passim Ecclesiis usitatus, tamen eum non esse de essentia Baptismi satis indicabant, qui de ejus usu scribebant.

Walfridus Strabo seculo IX. scribit: „ Notandum „ autem, non solum mergendo, verum etiam desuper „ fundendo, multos fuisse baptizatos, & adhuc posse „ ita baptizari, si necessitas sit, sicut in passione B.

Laurentii quemdam urceo allato legimus baptizatum. „ Hoc etiam solet evenire, cum provectiorum granditas corporum in minoribus vasis hominem tingi „ non patitur. „ Libro de Rebus Eccles. cap. 26.

Similiter S. Cyprianum validum existimasse Baptismum illius qui tantum esset perfusus, patet ex responsione ipsius ad questionem sibi à Magno propositam; dum ait: *Unde aparet ASPERSIONEM quæque aquæ inslar lavacri salutari obtinere.* Quam resolutionem tamquam suo tempore certissimam, amplectitur & probat S. Augustinus lib. 6. contra Donatistas cap. 7.

Unde etiam Græci quamvis ex præscripto suorum Ritualium deberent baptizare immergendo; tamen teste Jacobo Goar loco jam citato, infusione sapius utuntur.

XXIII. Itaque ritus ille immersionis annumerandus est punctis disciplinæ, quæ pro temporum & locorum varietate mutari & variari possunt: quod etiam Rituale Romanum Pauli V. notat, & singularum Ecclesiarum consuetudinem hic esse retinendam mandat. „ Baptismus licet fieri possit aut per infusionem aquæ aut per „ immersionem, aut per asperionem; primus tamen vel „ secundus modus, qui magis sunt in usu, pro Ecclesiarum consuetudine retineantur.

XXIV. Cæterum circa infusionem observandum, eam debere esse talem, ut revera moraliter & vulgariter loquendo, Baptizandus censeatur ablutus; unde Pastoralis Mechliniensis loquens de aqua in Baptismo adhibenda, ait: „ Eam vero adhibeat Baptizans in „ notabili quantitate, sic ut ablutio, non asperio „ rito censeatur.

Nullatenus ergo probandum, quod Pastor tempore pestis, veritus infici peste, infantem recenter natum ex matre peste infecta aspergillo baptizaret; eo fere modo, quo Sacerdotes in templis populum aspergunt aqua lustrali; quam praxim late improbat Farvacquius cap. 5. q. 4. casu 2.

XXV. Uterius infusio aquæ ita adhibenda est, ut ipse baptizatus dicatur vere ablutus; ideoque imprimis monet Pastoralis Mechliniensis, ut Baptizans sit sollicitus, ut ablutio non tantum fiat in capillis, sed in cute. Deinde requiritur, ut abluta sit pars aliqua notabilis, ratione cujus ipse baptizandus moraliter dici queat ablutus.

XXVI. Quæ vero sit dicenda notabilis pars, vix aliter quam ex communi Ecclesiæ praxi & piorum fidelium fide determinari potest; censeturque communi existimatione talis pars ipsum caput infantis: neque aliud membrum hodie saltem in Ecclesia Latina ablui solet; sed nec alterius solius membri ablutionem extra casum necessitatis permittit Rituale Romanum, dicens: „ Nemo in utero matris clausum baptizari debet. Sed „ si infans caput emiserit, & periculum mortis imminet, baptizetur in capite; nec postea si vivus evaserit, erit iterum baptizandus. At si aliud membrum emerferit, quod vitalem indicet motum, in illo „ si periculum impendeat, baptizetur, & tunc si natus „ vixerit, erit sub conditione baptizandus eo modo, „ quo supra dictum est: Si non es baptizatus, ego te „ baptizo in nomine Patris, &c. Si vero ita baptizatus „ deinde mortuus prodierit ex utero, debet in loco „ sacro sepeliri.

XXVII. Jacobus Goar ubi testatur Græcos hodie interdum per infusionem baptizare una monet: „ Quoad „ enim licuit observare puerum sedentem in vase, vel „ pelvi, ad cubitum profundo, ter superinfusa non modicæ quantitatis aqua calida purificat. Vel certe ne „ aquæ copia obruatur, & forte nimiam eporet, prout „ num positum, & sinistra in ventre sustentatum, Sacerdos capite & toto corpore salutaribus aquis abluit „ & lustrat.

XXVIII. Trinam mersionem olim usitatum fuisse constat ex S. Augustino aliisque Patribus quos refert Gratianus Dist. 4. de Consecratione Can. 78. & sequentibus;

tibus; quin & Canone 50. vulgo *Apostolorum*, relatus à Gratiano ibidem *Can. 79.* vult ut "si quis Presbyter aut » Episcopus non *trinam* merfionem unius mysterii celebret, sed *semel* mergat in Baptismate, deponatur.

Quin & ibidem apud Gratianum *Can. 82.* sub nomine Pelagii Papæ ad Gaudentium refertur: "Multi » sunt qui in nomine *solummodo* Christi una etiam merfione se afferunt baptizare. Evangelicum vero præceptum ipso Deo, & Domino Salvatore nostro Jesu » Christo tradente, nos admonet in nomine Trinitatis, » *trina* etiam merfione sanctum Baptisma unicuique tribuere, dicente Domino Discipulis suis: *ite; baptizate omnes gentes in nomine Patris, & Filii, & Spiritus sancti.* Mat. c. 28. v. 19.

XXIX. Hæc aliaque à Gratiano relata testimonia sufficienter evincunt, *trinam* merfionem jam à primis seculis fuisse usitatam, atque ex Apostolica quodammodo traditione descendere; at eam spectare ad essentiam Baptismi nequaquam evincunt: imo non nisi ad disciplinam (circa quam varia potest esse Ecclesiastica consuetudo) pertinere sine ulla dubietate respondit S. Leandro Hispalensi Episcopo Sanctus Gregorius lib. 1. *Epist. 41.* referturque à Gratiano loco citato *Can. 80.* » De *trina* merfione baptismatis, nihilo responderi verius potest, quam quod ipsi sensistis, quia in una fide » nihil officit S. Ecclesiæ consuetudo diversa: Nos autem quod tertio mergimus, triduanæ sepulturæ Sacramenta, signamus: ut dum tertio infans ab aquis » educitur, resurrectio tridui temporis exprimat. » Quod si quis forte etiam pro Summæ Trinitatis veneratione existimet fieri, neque illud aliquid obstitit » baptizandos semel in aquis mergere, quia dum in tribus Personis una substantia est, reprehensibile esse nullatenus potest, infantem in Baptismate vel ter, vel semel immergere: quando & in tribus merfionibus » Personarum Trinitas, & in una potest Divinitatis singularitas designari.

XXX. Circa idem tempus Patres Concilii Toletani IV. intelligentes inter Sacerdotes summas esse de *trina* vel *simplici* merfione contentiones; atque Arianos ex *trina* illa merfione arguere *trinitatem essentia* in Personis, auctoritate S. Gregorii freti decreverunt *Can. 6.* » Propter vitandum schismatis scandalum, vel hæretici dogmatis usum, *simplicem* teneamus Baptismi merfionem; ne videantur apud nos, qui tertio mergunt, » hæreticorum probare assertionem, dum sequuntur » & morem. Et ne forte sit dubium hujus *simplicis* mysterii Sacramenti.... videat in eo unitatem » Divinitatis, & Trinitatem Personarum ostendi: » Unitatem dum *semel* immergimus; *Trinitatem*, » dum in nomine Patris, & Filii, & Spiritus Sancti » baptizamus.

In antiquo Sacramentario Gallicano, quod ex antiquo Codice manuscripto Monasterii Bobiensis edidit vir eruditus Joannes Mabillonius *tomo 1. Musæi Italici* (quem Codicem scriptum ante annos mille ex characteribus conjicit Mabillonius) extat formula Baptismi his verbis expressa *pagina 324.* *Baptizo te in nomine Patris, & Filii, & Spiritus sancti, UNAM habentem SUBSTANTIAM, ut habeas vitam æternam, partem cum Sanctis.*

Si Sacramentarium illud compositum sit ad usum Ecclesiæ Gallicanæ ante annos mille; adeoque circa seculum VII. quo dictum Toletanum Concilium habitum fuit, mirum non est, si hæc verba, *unam habentem substantiam*, ad vitandum Arrianorum errorem addenda censuerint, sicuti Patres Toletani eodem motivo *simplicem* merfionem adhiberi voluerunt.

Interim hic notare possumus, Ecclesiam interdum rixus aliquos quantumvis antiquitate venerandos mutare, ubi id ob nascentes errores magis convenire judicet.

XXXI. Pastores vero alique inferiores ministri in his observare debent regulam, quam in similibus tradit

S. Augustinus *Epist. 54. n. 2.* ad Januarium: "Nec » disciplina ulla est in his melior gravi prudentique » Christiano, quam ut eo modo agat, quod agere » viderit Ecclesiam, ad quam forte devenerit. Quod » enim neque contra fidem, neque contra bonos mores » esse convincitur, indifferenter est tenendum, & » propter eorum, inter quos vivitur, societatem, servandum est.

## CAPUT II.

Discutitur illorum verborum: *ego te Baptizo*, necessitas ad constituendam Baptismi formam.

1. *Dubium hac de re Pontii Claromontani.*
2. *Mauritius Ep. Parisiensis dubium solvit.*
3. *Stephanus Ep. Tornacensis dubium primo fovere videtur.*
4. *Summo deinde studio amplectitur Clausulam, ego te Baptizo.*
5. *Ex dubio Pontii & responso Stephani concluditur laicos in casu necessitatis solitos olim fuisse baptizare absque prædicta clausula.*
6. *Relata in corpus Decretalium Decretali Alexandri III. creditum est validum non esse baptismum sine his verbis: ego te Baptizo.*
7. *Nemini, cum baptizat, fas est ea omittere.*

I. SUPERIORI Capite num. 14. leviter perstricta est quæstio de necessitate horumce verborum, *ego te baptizo*, in Baptismi administratione proferendorum; quocirca non erit superfluum eam profundius discutere, ac primo examinare, quis huic movendæ occasionem dederit.

Duodecimo seculo Pontius Episcopus Claromontanus dicitur consuluisset Mauritium Episcopum Parisiensem, & Stephanum S. Genovefæ Abbatem, qui post modum fuit Episcopus Tornacensis, de quodam puero, "qui cum natus esset, nec posset Sacerdos ad » baptizandum eum congrue reperiri, Pater ejus immerit eum aqua dicens: *In nomine Patris, & Filii, & Spiritus Sancti*: Additque. Et hæc est pessima » consuetudo in terra nostra, ut in talis necessitatis » articulo dicant: *In nomine Patris, & Filii, & Spiritus sancti*, nec totam expriment verborum formam, » quæ debet exprimi in baptismo, quod *undique* vocant. » Quærit igitur Episcopus, utrum baptismus sic collatus sit validus, vel utrum puer postea debeat » baptizari?

II. Super hoc per Episcopum Claromontensem proposito dubio, respondit Mauritius Episcopus Parisiensis: » Quia in quem modum forma baptismi tradi vel recipi » debeat, scripturarum divinarum auctoritate & sanctorum Patrum testimonio traditum habemus in hunc modum, scilicet: *Ego te baptizo in nomine Patris, & Filii, & Spiritus sancti.* Et tanta est verborum vivacitas, ut nihil immutari, nihil innovari oporteat, nisi vero tota hæc verba simul à quocumque, & quacumque lingua proferantur, baptismum esse non credimus. Quia ergo sicut litterarum vestrarum testimonio cognovimus, præsentium lator in submerfione filii sui, *ego te baptizo*, siluit, & tantum, *in nomine Patris, & Filii, & Spiritus sancti*, protulit, baptismus non fuit, & ideo puer ille baptizandus est, quia baptismum nunquam suscepit.

III. Stephanus vero, quantumvis Episcopi Parisiensis auctoritati plurimum deferens, ejus opinioni difficulter se refragari audere profiteretur, tamen referbere non veretur, sibi videri baptismum in necessitate collatum sub hac formula: *In nomine Patris, & Filii, & Spiritus sancti*, esse validum, neque infantem sub ea formula baptizatum, esse rebaptizandum: "Quia, » inquit, qui Sacramentum Baptismi instituit, formam » tradidit baptizandi: ite, inquit, docete omnes » gentes

„gentes, baptizantes eos in nomine Patris, & Filii, & Spiritus sancti: qui baptizandi sibi potestatem retinuit in hac forma, ministerium aliis concessit: Nemo „dixerit, pergit Stephanus, quia quod dicitur, *Ite docete omnes gentes*, vel Sacramenti obtineat substantiam, vel exprimat formam. Teneamus quod „sequitur, *baptizantes eos in nomine Patris, & Filii, & Spiritus sancti*, nondum ibi legi, *baptizantes eos* „& dicentes, *Ego te baptizo in nomine Patris, & Filii, & Spiritus sancti*. Si baptizare intingere, & „baptismus intinctio est, quid aliud sunt, *baptizantes*, nisi intingentes? Intingendo ergo cum intentione „baptizandi, si proferat quod veritas jubet, id est: *In nomine Patris, & Filii, & Spiritus sancti*, baptizasse videtur, & formam à Christo traditam complavisse.

Post hæc adductis in hanc sententiam plurium Patrum, ac signanter sancti Augustini testimoniis, quibus relatis, ita concludit: „Vides, Pater, quia solis verbis „Evangelicis consecratur baptismus, nusquam in toto „Evangelio lego; *Ego te baptizo in nomine Patris, & Filii, &c.* sed tantum, *baptizantes eos in nomine Patris, & Filii, & Spiritus sancti*.

IV. Quantumvis autem crederet, tum scripturarum, tum Patrum auctoritate suam opinionem de validitate baptismi in necessitatis articulo, omisiss his verbis: *ego te baptizo*, collati, sufficienter probarem; fatetur nihilominus, clausulam hanc, *ego te baptizo*, eo etiam tempore fuisse inductam, & præscriptam: Clausulam „enim (ait) quæ à baptizantibus debet, & solet dici, „scilicet, *ego te baptizo*, summa reverentia deosculor, summo studio amplector; eam mater Ecclesia sic „induxit, ut esset de *solemnitate ministerii*, non de „*substantia sacramenti*: nam si aliud dixerimus, absque medio confitebimur damnatos, quos in necessitatis articulo à laicis novimus baptizatos. Hoc enim „dicere solent, qui litteras ignorantes, parvulos „*daſant* in nomine Patris, & Filii, & Spiritus sancti, in quibus verbis eandem virtutem inesse, quam in latinis syllabis, idem significantibus, & credimus & færemur.

Ex his habemus, eo tempore receptam & præscriptam fuisse hodiernam baptismi formulam: *Ego te baptizo in nomine Patris, &c.* eamque in solemnibus baptismis à sacerdotibus fuisse usitatam, quin & præceptam impendi.

Unde licet crederet Stephanus, hæc verba, *ego te baptizo*, non pertinere ad *substantiam baptismi*, scribere tamen non dubitat, „arguendos vehementer, & „pœnitentiâ afficiendos sacerdotes, qui vel per negligentiam, aut imperitiam aliquid omiserunt de verborum solemnibus dignitate.

Neque ignorabat vir hic tum eruditione, tum sanctitate celebris, nefas esse sacerdotibus, à præscriptis & receptis formulis recedere, aut eas mutare sub prætextu, quod hæc formulæ in Evangelio aut sanctis Patribus non reperiantur expressæ, nec ad substantiam sacramenti pertinere dignoscantur.

V. Insuper ex hac Stephani responsione & Pontii Claromontensis Episcopi proposito dubio habetur, laicos in casu necessitatis absque caremoniis præscriptis infantem immergentes, sive baptizantes, solitos fuisse uti simplici invocatione sanctissimæ Trinitatis, sine expressione horum verborum, *Ego te baptizo*. (a)

(a) Ea agendi ratio niti videtur auctoritate Theologorum, qui circa XII. seculum vixi sunt negasse hæc verba, *ego te baptizo*, ad valorem baptismi esse necessaria. Hos inter Theologos appellatur Præpositivus, qui 4. parte suæ summæ sic distinet de forma baptismi: *Quæri solet utrum verba hæc in nomine Patris, &c. sufficiant, an hoc verbum, Baptizo, sit de essentia Sacramenti; Magistri nostri omnes dixerunt, quod hoc sufficit, in nomine Patris & Filii & Spiritus sancti. Præpositivo suffragatur Petrus Cantor cuius de Sacramentis summa Parisiis in Bibliotheca Sancti Victoris asservatur Manuscripta. Eandem quoque opinionem propugnasse videtur est Hugo à Sancto Victore l. 2. pag. 6. c. 13. De Sacramentis si.*

Interim quia moderna forma: *Ego te baptizo, in nomine Patris, &c.* ubique in solemnibus baptismis adhibebatur, & à sacerdotibus adhiberi præceptum erat, admodum probabile est Maurinum Episcopum Parisiensem, more scholasticorum, credidisse, eam formulam, quam videbat, ex eunte XII. seculo, jam receptam, scripturarum & sanctorum Patrum testimoniis esse traditam: quantumvis nec scriptura, nec Patres ullibi hæc verba: *Ego te baptizo*, pro forma baptismi requisivisse legantur.

Eodem verisimiliter fundamento, Alexander III. in decretali, in textu citato, respondit: Quod si puer *tertio in aquam* immersus fuerit *sub hac formula: in nomine Patris, &c. non sit baptizatus, si baptizans non dixerit, Ego te baptizo*.

VI. Postquam autem hæc decretalis Alexandri III. relata fuit inter decretales Gregorii IX. communi canonistarum & theologorum scholasticorum consensu creditum fuit baptismum sine horum verborum, *Ego te baptizo* expressione, invalidum esse.

Nec dubium, quin ad hanc Alexandri III. decretalem; necnon ad receptam in Ecclesia latina formulam baptizandi cum hisce verbis, *Ego te baptizo*, respiceret Eugenius IV. in suo decreto pro Armenis, dicens: „Principalis causa, ex qua baptismus virtutem habet, „est sanctissima Trinitas. Instrumentalis autem est „minister, qui tradit exterius Sacramentum; si ex- „primitur alius, qui per ipsum exercetur ministerium, „cum sanctissimæ Trinitatis invocationis perficitur Sacramentum.

Non enim obscure innuit, expressionem actus ministerialis in baptismis requiri ad ejus effectum; adeo sollicitè requirens ut actus, qui per ministerium exercetur, exprimat.

VII. Et quamvis, his non obstantibus, aliqui dubitaverint, utrum hæc verba, *Ego te baptizo*, ad substantiam pertineant baptismi, cum nec iis etiamnum hodie utantur Græci, uti superiori Capite num. 13. dictum est, nec in Evangelio aut sanctis Patribus hæc verba occurrant, uti notavit Stephanus Tornacensis; nihilominus indubitatum est fas non esse Sacerdotibus ea in solemnibus baptismis, imò nec laicis in necessitate baptizantibus omittere; eosque sollicitè instruendos & monendos, ut servatâ formulâ hodie receptâ, *Ego te baptizo in nomine Patris, &c.* baptizent, nihilque ex prædictâ formulâ intermittant.

dei. Mirum igitur videri non debet, quod Petrus Claromontanus dubius hæserit de valore baptismi absque his verbis, *Ego te baptizo*, collati.

### CAPUT III.

#### De Ministro, loco, & tempore administrandi Baptismi.

1. Ordinarius Minister Baptismi olim fuit Episcopus.
2. Olim Episcopi per se Baptismum conferebant.
3. Quomodo Parochi hodie jus baptizandi ab Episcopo accipiant?
4. Parochi hodie sunt ordinarii Ministri Baptismi.
5. Baptizare solemniter nemo potest sine consensu Parochi.
6. Presbyteris & Diaconis administratio Baptismi delegari potest; non autem inferioribus.
7. In casu necessitatis etiam laici baptizare possunt.
8. An laicus bigamus, aut qui Baptismum suum integrum non habet, in necessitate baptizare possit?
9. Mulier in necessitate potest baptizare.
10. Hæretici valide baptizant.
11. An Baptismus collatus à non Christiano seu non baptizato sit validus?
12. Quilibet homo in casu necessitatis potest baptizare.

13. Nemo



13. *Nemo seipsum potest baptizare.*
14. *Olim ferè in sola Ecclesia Cathedrali Baptismus solemniter dabatur.*
15. *Olim Ecclesie Baptismales distinctæ à Parochialibus.*
16. *Unde factum ut Parochiales factæ sint pleræque Baptismales?*
17. *An in domibus privatis Baptismum administrare liceat?*
18. *Antiquitus tempus Paschatis & Pentecostes administrando Baptismo præstitutum erat.*
19. *Consuetudo extra illud tempus conferendi Baptismum aliquando improbatæ.*
20. *Quare illud tempus administrationi Baptismi sit conveniens.*
21. *Multis seculis hæc disciplina viguit; semper tamen exceptus fuit casus necessitatis.*
22. *Quomodo hæc disciplina sensim abrogata fuerit?*
23. *Baptismus infantium nullo prætextu differendus.*
24. *Quid pro conservanda pristina disciplina decreverit S. Carolus?*
25. *Plura hodie adhuc supersunt veteris ritus vestigia.*

I. ORDINARIUS Baptismi minister imprimis est Episcopus; tanquam populi sibi commissi primarius & ordinarius Pastor. "Dandi (Baptismi) jus" habet (ait Tertullianus lib. de Baptismo cap. 16.) "summus Sacerdos, qui est Episcopus, dehinc Presbyteri & Diaconi, non tamen sine Episcopi, auctoritate."

Et S. Hieronymus contra Luciferianos: "Sine Christmate, & Episcopi jussione, neque Presbyter, neque Diaconus jus habent baptizandi."

Quin & seculo VIII. Synodus Veronenfis Can. 8. decrevit, "ut omnes Presbyteri, qui in Parochia sunt, sub potestate Episcopi esse debeant, & de eorum ordine nullus Presbyter præsumat in illa Parochia baptizare, vel Missas celebrare sine jussione Episcopi."

Hinc evidens ex sententia Patrum, solis Episcopis jure proprio & ordinario competere collationem Baptismi.

II. Et quidem olim Episcopi per se Baptismum conferre solebant. De S. Ambrosio scribit in ejus vita S. Paulinus: "Erat etiam in rebus Divinis implendis fortissimus, in tantum, ut quod implere solitus erat circa baptizandos, quinque postea Episcopi à tempore quo decessit, vix implerent."

Dixitque suo tempore S. Hieronymus de Episcopis generaliter: *Dant Baptismum, Catechumenos erudiunt.* In cap. 3. Sopbonia.

III. Sed nec hodie Baptismum solemniter & extracatum necessitatis conferre licitè possunt Presbyteri, nisi potestate ab Episcopo accepta, & in ipsos ex plenitudine Sacerdotii Episcopalis derivata; hæc tamen modernam inter & pristinam disciplinam intercedente differentiâ: quod juxta modernam, Parochi accipiant quidem curam animarum ab Episcopo, & peream jus administrandi Sacramenta; sed eâ acceptâ, illa tunc independentem ab Episcopo, ac quasi jure proprio & ordinario, id est. jure sui Officii & Beneficii Parochialis administrent: ubi econtra olim Presbyteri quantumvis curam animarum exercentes à jussione Episcopi, in ipsa Sacramentorum administratione continuè dependent.

IV. Quapropter hodie Parochi sive Presbyteri Parochiales sunt in suis respectivè Parochiis ordinarii Ministri Baptismatis; illudque jure proprio & ordinario ministrant.

Unde ait Pontificalis Romanum Pauli V. "Legitimus quidem Baptismi Minister est Parochus, vel alius Sacerdos à Parocho vel Ordinario delegatus."

V. Et Pastorale Mechliniense: "Jure datum est Sacerdotibus baptizare, sed id in aliqua Parochia, aut alienos Parochianos exequi non licet, nisi de Parocho, aut Ordinarii licentia."

Nulli ergo Presbytero, Diacono, aut Clerico sive seculari sive regulari licet baptizare cum consuetis caeremoniis, & extracatum necessitatis in aliqua Parochia sine licentia Parocho aut Episcopi; quam tamen licentiam Episcopus in præjudicium Parocho, nec dare solet, nec facile dare debet.

VI. Presbyteris & Diaconis officium baptizandi in ipsa Ordinatione assignatur, atque ad baptizandum quodammodo destinantur: Quandoquidem Episcopus ordinans ad Sacerdotem dicat: *Sacerdotem oportet ferre, benedicere, præesse, prædicare, & BAPTIZARE.* Et in Diaconi Ordinatione: "Diaconum oportet ministrare ad altare, BAPTIZARE, & prædicare." Quare his Baptismi solemnibus administratio delegari potest; secus dicendum de inferioribus Clericis aut laicis.

Quin cap. 1. & De Clerico non ordinato ministrante, sub nomine Hormisdæ Papæ refertur: "Si quis baptizaverit, aut aliquod Divinum Officium exercuerit, non ordinatus, propter temeritatem abjiciatur de Ecclesia, & numquam ordinetur."

VII. Sine caeremoniis & in casum necessitatis non tantum Presbyteris, Diaconis, & Clericis, sed & laicis jus est baptizandi; illudque jus eis aperte vindicat Tertullianus libro de Baptismo cap. 17. *Alioquin etiam laicis jus est dandi Baptismi.* Quod enim, ait, ex æquo accipitur, ex æquo dari potest.... Proinde & Baptismus, æque Dei census, ab omnibus exerceri potest.

Et Augustinus apud Gratianum Dist. 4. De Consecrat. Can. 21. "In necessitate cum Episcopi, aut Presbyteri, aut quilibet Ministrorum non inveniuntur, & urget periculum ejus qui petit, ne sine isto Sacramento hanc vitam finiat, etiam laicos solere dare Sacramentum, quod acceperunt, solemus audire."

VIII. Sed hæc non de omnibus laicis intelligi inferuare videtur vetus Canon 38. Eliberitanus; qui à ministrando Baptismo etiam in necessitate, arcere videtur laicum, qui suum Baptismum integrum non habet, aut bigamus est. Verba Canonis sunt: "Peregrè navigantes, aut si Ecclesia in proximo non fuerit, posse Fidelem, qui Lavacrum suum integrum habet, nec sit bigamus, baptizare in necessitate infirmitatis positum Catechumenum; ita ut si supervixerit, ad Episcopum eum perducatur, ut per manus impositionem proficere possit."

Ut hic Canon intelligatur, notandum cum Viro erudito Albaspinæ Episcopo Aurelianensi in notis ad hunc Canonem, per illa verba: *Qui Lavacrum suum integrum habet* id indicari, "quod quis post lavacrum non peccavit, neque penitentiam ullam subierit: quod peccato post Baptismum commissio, omnium, ut ita loquar, gratiarum ac beneficiorum quæ acceperat, jacturam faceret: ideoque Baptismum ejus qui deliquisset, non integrum aut incorruptum videri amplius; quod ex illo Divinæ gratiæ, qua instructus erat, quasi gradu excidisset."

Sicuti ergo juxta pristinam Patrum disciplinam nullus bigamus, aut penitens, hoc est, qui enormi peccato Baptismum violasset, ad Sacerdotium promoveri poterat, aut Sacerdotale officium exercere; ita nec laicum bigamum aut penitentem ad hujus muneris Sacerdotalis exercitium admittendum censent Patres Eliberitani; uti observat Albaspinæ, & post illum Franciscus Le Roy Antecessor Andegavensis, in suis Institutionibus Juris Canonici, lib. 2. tit. 3. De Baptismo; una monentes, "nec illud ita intelligendum, quasi ab eo laico Baptismus conferri non possit, qui solus etiam in necessitate occurrat bigamus, & penitens: sed ut ex multis laicis ibi præsentibus, ille solus baptizari possit, qui adhuc integrum Lavacrum habeat, & non sit bigamus."

Hic obiter nota, quantam vitæ innocentiam Patres desideraverint etiam in laico, ut vel necessitate quodammodo cogente aliquod Sacerdotale munus obire possit.

IX. Mulieres à baptizandi officio excludere videtur Canon

Canon Concilii Carthaginensis IV. apud Gratianum *Dist. 4. De Consecrat. Can. 20.* "Mulier quamvis docta, & sancta, viros in Conventu docere, vel aliquos baptizare non presumat.

Verum ex ipso contextu satis intelligitur, quod sicut ibidem agitur de publica instructione; ita quoque agatur de solemnibus & publica administratione Baptismi, idque extra casum necessitatis. Unde jam pridem ad citatum Canonem hanc clausulam adjecit Gratianus: *Nisi necessitate cogente*; remittens ulterius ad *Can. SUPER QUIBUS CAUS. 30. q. 3.* ubi refertur hoc, sub nomine Urbani, Vitali Presbytero Brixienfi datum responsum: "Hoc videtur nobis ex sententia respondendum: ut & Baptismus sit, si instante necessitate femina puerum in nomine Trinitatis baptizaverit.

Hoc responsum post Eugenium IV. in Decreto pro Armenis amplectitur Ecclesia Catholica; censetque etiam mulierem *validè* baptizare posse. (a)

X. Quoad Hæreticos, an Baptismus ab iis in forma legitima & secundum intentionem Ecclesiæ collatus esset validus, tempore S. Cypriani magnas fuisse motas difficultates notum est; nimirum Cypriano & Episcopis Africanis hujusmodi Baptismum invalidum sustinentibus, de quo est *Can. 70. caus. 1. q. 1.* apud Gratianum: Verum vicij sententia Stephani, & Cornelii Romanorum Pontificum, aliorumque Baptismum validum esse asserentium; eamque tanquam indubitatam suo tempore tradidit S. Augustinus, è cujus scriptis desumpti sunt Canones 28, 29. & 34. *Dist. 4. De Consecrat.*

XI. De infideli autem vel Judæo, qui in Christum nunquam credidit, qui nec Baptismum acceperit, etiam ipse Augustinus dubius hæsit. "Et hæc quidem alia quæstio est (ait libro 2. contra Epist. Parmeniani cap. 13.) utrum & ab iis, qui nunquam fuerunt Christiani, possit Baptismus dari: nec aliquid temerè inde affirmandum est sine auctoritate tanq. Concilii, quantum tantæ rei sufficit.

Quin & seculi IX. Bulgaros de validitate Baptismi à Judæo vel Pagano collati dubitasse, ex Epistola Nicolai I. ad consula Bulgarorum colligitur. In ea enim, ait Pontifex: "A quodam Judæo, nescitis utrum Christiano, an Pagano, multos in patria vestra baptizatos asseritis; & quid de illis agendum sit consulitis. En hæsitatio Bulgarorum; cui responder Pontifex: Hi profecto si in nomine sanctæ Trinitatis, vel tantum in Christi nomine, sicut in Actibus Apostolorum legitur, baptizati sunt (unum quippe idemque est, ut S. Ambrosius exponit) consistat eos non esse rebaptizandos. Apud Gratianum *Dist. 4. De Conf. Can. 24.*

Post hoc Pontificis responsum ab omnibus creditum est, etiam infideles si de cætero essentialia Baptismi adhibeant, *validè* Baptismum conferre; illudque tanquam Ecclesiæ doctrinam in instructione pro Armenis expressit Eugenius IV. *In casu necessitatis*, inquit, etiam PAGANUS baptizare potest.

XII. Hinc omnia passim Ritualia & Pastoralia monent, Baptismi Ministrum, quoties infans in vitæ periculo versatur, esse *quemlibet* hominem; quod si plures, qui baptizare possint, adsint, ordinem inter illos servandum præscribit Rituale Romanum his verbis: "Si adsit Sacerdos, Diacono præferatur, Diaconus Subdiacono, Clericus laico, & vir feminae; nisi, ait, pudoris gratiâ deceat feminam potius quam virum baptizare infantem non omnino editum, vel nisi melius femina scierit formam & modum baptizandi. "Quod ultimum non raro contingit in concursu alicujus vulgaris laici cum obstetricæ; quæ solet & debet esse magis de forma baptizandi instructa, ut infra dicemus.

Ordinem in Rituali Romano præscriptum, iisdem plane verbis exhibet quoque Pastorale Mechliniense. (b)

(a) Id observandum est adversus Calvinum, qui in suo *Antidoto* negat laicos & feminas posse in casu necessitatis baptizare.

(b) Idem quoque præscribunt aut supponunt alia Diocæsan Ecclesiæ Occidentalis Ritualia: At de Græcorum & Orientalium Ecclesiis.

XIII. Tamen à ministrando Baptismo in casu necessitatis nemo repellatur, nequaquam tamen quemquam posse seipsum baptizare respondit Innocentius III. in *cap. 4. De Baptismo*: resolvitque Judæum, qui in mortis articulo existens, nec alius adesset, qui ipsum baptizaret, in aquam seipsum immergit, dicendo: *Ego me baptizo in nomine Patris*, &c. denuò ab alio esse baptizandum; cum inter baptizantem & baptizatum debeat esse discretio.

XIV. Quemadmodum primis seculis penè soli Episcopi Baptismum solemnem conferebant; atque Baptismi soli Ministri *Ordinarii* reputabantur, ita in sola Ecclesia Cathedrali seu Episcopali, vel certe Baptisterio illi Ecclesiæ juncto, Baptismus *solemnis* administrabatur: notatque Christianus Lupus, quod olim sola principalis Ecclesia habuerit Baptisterium. *De Africana Ecclesia appellat. cap. 28.*

Illius vestigium hodie visitur Florentiæ in Italia. In ea enim civitate (ut observat Du Cange in Glossario, Verbo: *Baptisterium*) "è regione maximi templi Ecclesia est rotunda S. Joanni Baptista sacra: Hanc *Baptisterium* appellant, tota & hæc marmorea, habens januas, quas æneæ valvæ operis egregii occludunt. In medio illius Ecclesiæ Baptisterium è marmore lucidissimo visitur, in quo Florentini omnes Baptismi lacrum percipiunt, neque alibi quisquam, præterquam in hoc Baptisterio aquis salutaribus tingitur. Quæ quidem adnotare libuit, tanquam veteris moris institutum; cum olim in civitatibus, in Ecclesiis tantum Cathedralibus, aut iis adjunctis Baptisteriis Baptismus conferretur, in quibus etiamnum supersunt ejusmodi Baptisteria, tamen nulli ferè usui.

XV. Multiplicato postmodum Fidelium numero, etiam in una eademque civitate plura *Baptisteria* constructi cæpere; non tamen nisi in principalioribus Ecclesiis, aut prope eas, quas propterea *Baptismales* dixerunt, *Can. 54. & 55. caus. 16. q. 1.* ad distinctionem earum Ecclesiarum etiam Parochialium, quæ *Baptisterio* carebant; quemadmodum etiamnum hodie in aliquibus civitatibus plures cernuntur Ecclesiæ Parochiales *Baptisterio* destitutæ.

Et quidem in civitate Leodiensi, licet sint triginta circiter Ecclesiæ Parochiales, tamen nonnisi quinque sunt *Baptismales*; atque earum una, quæ Cathedrali juncta est; quæ forsàn olim ipsius Ecclesiæ Cathedralis *Baptisterium* constituerebat.

XVI. Dum sequentibus seculis Parochi facti sunt *ordinarii* Ministri Baptismi; illudque ministerium penè totum ad illos fuit devolutum; tunc quoque contigit, ut omnes passim erectæ Parochiales Ecclesiæ *Baptisterium* acceperint; in quo omnes Parochiæ incolæ solemniter baptizarentur, & spiritaliter renascerentur; atque hoc titulo Ecclesiam Parochialem tanquam *matrem*, quæ in Christo ipsos genuit, recognoscerent & venerarentur. Hæc omnia fusius exponit & probat Josephus Vicecomes, in Observationibus Ecclesiasticis de antiquis Baptismi Ritibus *lib. 1. cap. 8. & 9.*

Itaque Parochiani singuli in sua respectivè Ecclesiâ Parochiali (si Baptismalis fuerit) baptizandi sunt; neque magis fas est aliquem in *aliena* Parochia, quam ab alieno Paracho baptizari.

XVII. Prohibuit autem Concilium Viennense statutum in *Clem. unica de Baptismo*; "Ne quis de cætero in aulis vel cameris, aut aliis privatis domibus, sed duntaxat in Ecclesiis, in quibus sunt ad hoc fontes specialiter deputati; aliquos (nisi Regum vel Principum, quibus valeat in hoc casu deferri, liberi extiterint, aut talis necessitas emerlerit propter quam nequeat ad Ecclesiam absque periculo, propter hoc accessus haberi) audeat baptizare. Qui autem secus præsumpserit, aut suam in hoc præsentiam exhibuerit, theologis id non omnino certum est: si quidem testatur Arcudius tract. de Bapt. c. 3. plurimos è Græcis Schismaticis contempnere, quod peccent laici, qui in casu necessitatis Baptisma conferunt, tali-

„ taliter per Episcopum suum castigetur, quod alii at-  
tentare similia non præsumant.

Hanc Clementinam insequens Rituale Romanum ad-  
dit, quod dum in Principum domibus Baptismus con-  
fertur, „ id fiat in eorum Capellis, seu Oratoriis, & in  
„ aqua Baptismali de more benedicta. „ Adjungitque  
Pastorale Mechliniense: „ Et præmissis exorcismis &  
„ catechismo aliisque adhibitis caeremoniis in Pastoralis  
„ præscriptis.

XVIII. Olim solemnem Baptismo duo tempora scilicet  
Paschatis & Pentecostes præscripta fuisse, testis est  
Tertullianus libro de Baptismo cap. 19. scribens: *Diem  
Baptismo solemnem PASCHA præstat.* Et paulo post:  
*Exinde Pentecoste ordinandis lavacris latissimum spa-  
tium est.*

XIX. Cumque seculo IV. apud quasdam Ecclesias in-  
valuisset consuetudo baptizandi passim ac liberè in Nata-  
litiis Christi seu apparitionis, nec non Apostolorum  
seu Martyrum festivitibus, Siricius Papa scribens ad  
Himerium Tarraconensem cap. 2. non dubitat dicere,  
quod hæc consuetudo sit *improbabilis & emendanda con-  
fusio*, „ quæ, ait, à nostris Consacerdotibus (quod  
commoti dicimus), „ non ratione auctoritatis, sed so-  
„ la temeritate præsumitur. .... Cum hoc sibi privile-  
„ gium & apud nos, & apud omnes Ecclesias. Domi-  
„ nicum specialiter cum Pentecoste sua Pascha defendat,  
„ quibus solis per annum diebus ad fidem confluentibus  
„ generalia Baptismatis tradi convenit Sacramenta  
„ Deinde concludens ait: „ Hactenus erratum in hac  
„ parte sufficiat: nunc præfatam regulam omnes te-  
„ neant Sacerdotes, qui nolunt ab Apostolicæ Petræ,  
„ super quam Christus universalem construit Ecclesiam,  
„ soliditate divelli. „ Fragmentum hujus Epistolæ ha-  
betur *Dist. 4. De Consecrat. Can. 11.*

Cumque rursus seculo V. nonnulli Episcopi per Si-  
ciliam constituti in vigilia & die Epiphaniæ Dominicæ  
Baptismum conferre præsumerent, S. Leo in Epistola  
ad universos Episcopos per Siciliam constitutos, non  
dubitat asserere, ipsos ab *Apostolicæ institutionis con-  
suetudine discrepare*; ac se mirari, ipsos ac prædecesso-  
res ipsorum *tam irrationabilem novitatem usurpare po-  
tuisse.*

XX. Post hæc cap. 2. ostendit, servandam esse tem-  
porum ac mysteriorum distinctionem. Deinde cap. 3.  
docet, diem Resurrectionis Dominicæ sive Paschatis  
convenienter baptizandis fidelibus esse destinatum: Quia  
*apparet regenerandis filiis hominum & in Dei filios adop-  
tandis, illum diem esse & illud tempus electum, in quo  
per similitudinem formamque mysterii, ea, quæ geruntur  
in membris, his, quæ in ipso sunt capite gesta congrue-  
rent:* „ dum in Baptismatis regula & mors intervenit  
„ interfectione peccati, & sepulturam triduanam imi-  
„ tatur trina demersio, & ab aquis elevatio, resurgen-  
„ tis instar est de sepulchro.

Paschati „ additur etiam Pentecostes, ait Leo, ex  
„ Adventu Spiritus sancti sacra solemnitas, quæ de  
„ Paschalis festi pender articulo. Et cum ad alios dies  
„ alia festa pertineant, hæc semper ad eum diem, qui  
„ Resurrectione Domini est insignis, occurrit.

Tandem adductis nonnullis argumentis, quibus hanc  
disciplinam prober, concludit: „ His itaque, fratres  
„ charissimi, tot ac tantis existentibus documentis,  
„ quibus omni ambiguitate submota, evidenter agnos-  
„ citis, in electis baptizandis. .... *duo tantum tempo-  
„ ra, id est, Pascha & Pentecosten* esse servanda, hoc  
„ vestræ indicimus charitati, ut ab Apostolicis institutis  
„ nullo ulterius recedatis excessu. Quia inultum post  
„ hæc esse non poterit, si quisquam Apostolicas regu-  
„ las in aliquo crediderit negligendas.

Epistolam Leonis in plures partes divisam refert Gra-  
tianus citatâ *Dist. 4. Can. 12. 13. 14.* Ac deinde *Can. 15.  
17. & 18.* referuntur Decreta Concilii Gerundensis &  
Gelasii Papæ eandem disciplinam confirmantia.

XXI. His addi potest Epistola 4. Gregorii II. quæ

ostenditur, disciplinam duabus duntaxat his Festivita-  
tibus baptizandi adhuc seculo VIII. obtinuisse. Quin &  
seculo XI. eandem disciplinam superstitem fuisse probat  
Concilium Rothomagense anno 1072. *Can. 24.* decer-  
nens: „ Item juxta sanctorum Patrum Decreta, scilicet  
„ Innocentii Papæ, & Leonis, statuimus, ne generale  
„ Baptisma, nisi *Sabbato Pasche & Pentecostes* fiat.  
„ Hoc quidem servato quod parvulis, quocumque  
„ tempore, quocumque die petierint, regenerationis  
„ lavacrum non negligatur. Vigiliâ vel die Epipha-  
„ niæ ut nullus nisi infirmitatis necessitate, baptizetur,  
„ omnino interdiciamus.

Porro quod excipitur casus necessitatis, id jam pri-  
dem in Decretis Siricii ac Leonis cautum fuit, nimi-  
rum: „ Si qui *necessitate* mortis, ægritudinis, obfidio-  
„ nis, persecutionis, & naufragii urgentur, *omni* tem-  
„ pore debent baptizari: ut loquitur S. Leo in citata  
„ Epistola, & apud Gratianum dicta. *Dist. 4. Can. 16.*

Quia autem infantibus ordinariè morale periculum  
imminet, rectè hoc Concilium decernit, „ ut parvulis  
„ quocumque tempore, quocumque die petierint, re-  
„ generationis lavacrum non negetur.

XXII. Ulterius, quia tandem invaluit ut vix alii quàm  
infantes ad Baptismum veniant, hinc quoque factum  
est, ut, pristina disciplinâ totaliter penè abrogata, Bap-  
tismus etiam *solemnis* non tantum infantibus, sed etiam  
adultis conferri quovis tempore cæperit. Dicit tamen  
Rituale Romanum: „ Antiquum ritum (scilicet solem-  
ni caeremoniâ in Sabbato Sancto Paschæ, & Sabbato  
Pentecostes baptizandi) „ quantum fieri commodè po-  
„ test, in adultis baptizandis, nisi vitæ periculum im-  
„ mineat, retineri decet, aut certè non omnino præ-  
„ termitti, præcipuè in Metropolitanis aut Cathedrali-  
„ bus Ecclesiis.

Hoc desiderio retinendi pristini ritus Patres Concilii  
Redingensis (a) in Anglia anno 1279. censuerunt,  
„ declarandum vel statuendum, ut pueri per *octo* dies  
„ *ante Pascha*, & per dies totidem *ante Pentecosten* de  
„ matrum uteris nati, si absque periculo reservari va-  
„ leant, reserventur usque illa tempora (Paschatis &  
„ Pentecostes) baptizandi.

XXIII. Verum cum in tam tenera ætate vix sine pe-  
riculo aliquo infantes sine Baptismo per tot dies refer-  
vari possint, meritò Synodi nostræ, nec non libri Ri-  
tuales præscribunt, ut infantes quamprimum baptizen-  
tur; arque signanter Pastorale Mechliniense ait: Hor-  
„ tetur Parochus subditos suos, ut infantes non diffe-  
„ rant ad Baptismum offerre, ut saltem *intra triduum*  
„ à partu baptizentur; neque etiam ipsi puerulo Bap-  
„ tismum impendere differat, etiam si illegitimus sit,  
„ nec habeat fideiussorem pro alimentatione.

Synodus P. II. Cameracensis tit. 6. cap. 2. vult, ut  
„ Parochi pro pueris baptizandis vocati, quanto bre-  
„ viorem poterunt, præstent horam, quâ puer ad Ec-  
„ clesiam deferatur, eaque ad Ecclesiam se conferant:  
„ quod si propter ipsorum moram puer sine Baptismo  
„ moriatur, graviter puniantur.

Et Synodus Diœcesana Cameracensis anno 1567. tit.  
*De Baptismo* cap. 1. injungit Pastoribus, „ ut studiosè  
„ fideles doceant, eisque nostra etiam, ait, auctoritate  
„ injungant, ut *quod citius & commodius* possint, proles  
„ suas regenerandas Ecclesiæ offerant. Nec suscepto-  
„ rum quorumvis vel absentia vel morâ, Baptismum  
„ sine licentia Parochi differant diutius, quàm ad *secun-  
„ dum* diem à partu. Neque hujus rei gratiâ infantes  
„ per *laicas* personas baptizari procurent, nam illud  
„ maximo salutis periculo non caret; istud verò extra  
„ necessitatem factum, ut Ecclesiæ traditioni est contra-  
„ rium, ita irregularitatis censurâ castigatur.

Eadem reliquæ Belgicæ Synodi passim inculcant;  
præsertim, ne ob susceptorum absentiam aut moram  
Baptismus differatur, aut per laicas personas conferatur.

XXIV. Sanctus Carolus veteris disciplinæ, nec  
(a) *Reding* aut *Reading*, urbicula ad Tamesim fluvium sita.

non



non Apostolici instituti tenacissimus, non ignorans vetus fuisse ac religiosum institutum, Baptismum in festis Paschalibus in Ecclesia Cathedrali solemniter conferre, ut hujus instituti memoria, quantum sine infantium periculo fieri posset, conservaretur, in suo Concilio P. IV. parte 2. §. 2. statuit: "Si qui infantes intra alius cujus urbanæ Parochialis Ecclesiæ fines à Sabbato sancto, usque ad Sabbatum in albis, & à Sabbato item vigiliæ Pentecostes, usque ad Sabbatum proximum nati, baptizandi sunt; ad Cathedralem Ecclesiam cui pro observantiæ officio, proque veteris instituti usu, statim illis hebdomadis hoc tribui debet, deferantur; si modo cuiquam ob mortis periculum, in Parochiali Ecclesia, quæ propius adest, Baptismum statim administrare necesse non sit.

Hæc Carolus, qui ibidem præscribit quod Fontis Baptismalis benedictio in vigilia Paschatis & Pentecostes, frequenti Sacerdotum & Cleri ad Ecclesiam Cathedrali conventu & solemniter ritu sit peragenda.

XXV. Hæc Fontis Baptismalis illis diebus benedictio, veteris moris conferendi his diebus Baptismatis est vestigium; uti & lectio Prophetiarum tunc fieri solita; indicans catechismum Catechumenorum, qui immediate ante Baptismum prælectione Scripturarum instruebatur.

Similiter orationes quæ tempore Paschali pro Renatis fonte Baptismatis specialiter funduntur; ac signanter quod per totam octavam Paschatis & Pentecostes in Canone Sacerdos orans dicat: *Pro his quoque quos regenerare dignatus es ex aqua & Spiritu sancto, manifesta sunt pristinae disciplinae relicta vestigia.*

## CAPUT IV.

### De Ritibus Baptismi.

1. Pristina Ecclesiæ disciplina aperit bodiernorum rituum originem.
2. Plures olim fuisse Catechumenorum ordines.
3. In primo ordine Catechumeni catechizabantur.
4. Sacra Scriptura ipsis compendiose exponebatur.
5. Explorabatur quo motivo ad fidem Christianam accederent.
6. Aliter rudiores, aliter eruditiores instruebantur.
7. Describitur secundus Catechumenorum ordo, qui Audientes dicebantur.
8. Tertius Catechumenorum ordo, qui Orantes vel Genuscentes dicti sunt.
9. In tertio ordine constituti & peccantes interdum ad secundum rursus retrudebantur.
10. Catechumeni secundi ordinis occidere debebant ex Ecclesia ante Catechumenos tertii ordinis.
11. Catechumeni suos habebant speciales Catechistas.
12. Origo bodierni Catechismi, & qua ratione à pristino differat.
13. Catechumeni in tertio ordine exercitati per suos Catechistas baptizandi Episcopo offerebantur, & nominatorum dabantur.
14. Quid hæc nominum datio?
15. Quartus ordo Catechumenorum, qui Competentes dicti.
16. Quo die nomina danda?
17. Catechumeni Competentes dicti Electi.
18. Per signum crucis & manus impositionem ad hunc ordinem admittuntur.
19. Hujus ritus etiam hodie supersunt vestigia.
20. Symbolum Fidei competentibus tradebatur, & exponebatur.
21. Etiam hodie hic ritus inter Cereemonias Baptismi superest.
22. Catechumeni ante Baptismum debebant reddere Symbolum; & quid hæc redditio Symboli?

Tom. I.

23. Hæc redditio Symboli etiamnum inter ceremonias Baptismi superest.
24. Non tantum circa fidem, sed vivendi præcepta Catechumeni instruebantur & examinabantur.
25. Illud examen potissimum instituebatur, quando Catechumeni erant in quarto gradu.
26. Vita mutationem æque ac fidei professionem publice Catechumeni profitebantur.
27. Hodie similis quoque sit professio.
28. Dies Baptismi annue recolendus.
29. Catechumeni exorcismis, crucis signationibus & orationibus exercebantur.
30. Exorcismi & exsufflationes super infantes dicuntur.
31. Manus impositio antiquissima.
32. Ritus illi adhuc in Ecclesia perseverant.
33. Catechumeni utebantur minutis Sacramentis; & quare?
34. Sacramentum Catechumenorum erat sal.
35. Quid hodie huic ritui respondeat?
36. Catechumeni demum ad Baptismum admittuntur, quando sufficienter erant probati.
37. Idem hodie in adultis observandum.
38. Recenter baptizati induebantur veste alba.
39. Vestis hæc totum corpus tegebat.
40. Veste illa utebantur per septem dies Paschales.
41. Quid hodie de hoc ritu observetur?
42. Neophytis sive recenter baptizatis dabantur ardentes cerei.
43. Gestabant hos cereos per septem dies.
44. Hodie etiam datur candela accensa.
45. Olim Neophyti post susceptum Baptismum statim confirmabantur.
46. Hodie cbrismantur à Sacerdote in vertice.
47. Neophytis etiam antiquitus dabatur S. Eucharistia.
48. Dabatur quoque Neophytis lac & mel.
49. Etiam adultis illud dabatur.
50. Quid Mysterii hæc mellis & lactis gustatio denotaret?
51. Propter recenter baptizatos voluit Ecclesia dies Paschales esse dies lætitiæ.
52. Eo etiam bodierna lætitiæ signa tempore Paschali tendunt.

I. COMPLURA quæ hodie circa baptizandos, aut recenter baptizatos ex præscripto Ecclesiæ peraguntur, facilius percipientur, si attendamus disciplinam, quam olim in baptismo adultorum, extra calum necessitatis Ecclesiæ observavit.

Hinc quippe facile intelligemus, quid plerisque hodiernis ritibus occasionem dederit, quæ circa illos sit ac fuerit vera Ecclesiæ intentio; & qua ratione etiam hodie pristinam Ecclesiæ disciplinam, si non secundum litteram, & exteriorem corticem, saltem juxta ejus spiritum ac interiorem quasi medullam, servare possimus.

II. Plures primitus fuisse eorum, qui ad Baptismum disponebantur, classes sive ordines, in quibus sensim ad Christianismum & Baptismum disponebantur, & gradatim quasi ascendebant.

III. Dum enim homini pagano seu gentili desiderium aliquod divinitus injiciebatur convertendi se ad Christianismum, primum privatim in domo circa vanitatem & superstitionem paganismi, nec non ipsa prima Christianismi principia ac fundamenta edocbatur; illudque munus Diaconi aliive inferiores Clerici obibant.

Hinc ille tractatus S. Augustini de Catechizandis rudibus, scriptus ad postulationem cujusdam Diaconi Carthaginensis hujusmodi instructionibus occupati; uti ex his Augustini verbis intelligimus: "Petisti à me, Frater Deo gratias, ut aliquid ad te de Catechizandis rudibus, quod tibi usui esset, scriberem. Dixisti enim, quod sæpe apud Carthaginem, ubi Diaconus es, ad te adducuntur, qui fide Christiana primitus imbuti endi sunt.

B b b 2

IV.

IV. In hoc tractatu Augustinus modum perutilem & concinnum instruendi live Catechizandi rudiores præscribit, atque imprimis vult, ut catechizando historia veteris Testamenti breviter exponatur; ut ex hac ipsa historia Catechizandus ad Christum ejusque Ecclesiam ducatur.

„ Nequaquam tamen propterea integram sacram Scripturam debemus memoriter reddere, vel nostris verbis, ait, omnia quæ his continentur voluminibus (Sacra Scripturæ) narrando evolvere & explicare; quod nec tempus capit, nec necessitas postulat: sed cuncta *summatim generatimque* complecti; ita ut eligantur quædam mirabilia quæ suavius audiuntur.

Quare veteris Testamenti expositio convertendis ad Christum & Ecclesiam conveniat, subjungit: „ Neque enim ob aliud ante adventum Domini scripta sunt omnia quæ in Sanctis Scripturis legimus, nisi ut illius commendaretur adventus, & futura præsignaretur Ecclesia, id est, populus Dei per omnes gentes quod est corpus ejus; adjunctis atque adnumeratis omnibus Sanctis, qui etiam ante adventum ejus in hoc seculo vixerunt, ita credentes eum venturum esse, sicut nos venisse.

V. Monet deinde *cap. 5.* à Catechista diligenter inquirendum, quo motivo Catechizandus moveatur ad fidem Christianam suscipiendam. „ Si enim, ait, aliquod commodum expectando ab hominibus, quibus se aliter placitum non putat, aut aliquod ab hominibus incommodum devitando, quorum offensionem aut inimicitias reformidat, vult fieri Christianus; non fieri vult potius quam fingere.

Hæc merito attendunt, qui hodie convertendis & instruendis hæreticis incumbunt; utpote qui non raro spe commodi alicujus temporalis consequendi ad fidem Catholicam amplectendam desiderium aliquod ostendunt, vel potius fingunt.

VI. Ulterius, *cap. 5.* ostendit Augustinus, aliter idiotas, aliter eruditiores Paganos esse Catechizandos; pluraque alia deinde præscribit, quæ tractatus illius utilitatem præsertim pro illis qui Catechizandis populis occupantur, evincunt; probantque pristinum Catechizandi modum multo sublimiorem fuisse hodierno.

VII. Postquam autem per hanc privatam instructionem aliquosque essent de Religione Christiana instructi, tum ad publicas instructiones, quæ in Ecclesia per Episcopum habebantur, accedebant; atque inde *Audientes* dicebantur; tumque primum proprie *Catechumeni* vocari poterant; „ Quia (ait Isidorus *lib. 8. De Origine vocum cap. 14.*) Catechumenus dictus pro eo, quod adhuc doctrinam fidei audit, necdum tamen Baptismum percepit. „ Quare & à Latinis Patribus Catechumenus passim *Auditor* vel *Audiens* nuncupatur; uti notat & probat Hugo Menardus in notis ad Sacramentarium S. Gregorii *pag. 129.*

VIII. Postquam vero Catechumeni in hoc ordine aliquo tempore perseverassent; & in excipiendis publicis instructionibus diligentes fuissent; animumque ad amplectendam fidem Christianam testari ad altiorem gradum ascendeant, ubi participes confortesque fiebant orationum, & exorcismorum, qui super Catechumenos fundebantur; quem in finem in genua in ipsa Ecclesia procumbebant, inde *Orantes* vel *Genusflectentes* appellati.

IX. Duplicis hujus Ordinis Catechumenorum, scilicet *Audientium* & *Genusflectentium* meminit *Can. 5.* Neocesariensis, qui ex versione Gentiani Herveti ita habet: „ Catechumenus sin Dominicum ingrediens, in Catechumenorum Ordine steterit, is autem peccat: si genu quidem flectens, audit, non amplius peccans. Sin autem etiam audiens adhuc peccet, excludatur.

Hunc Canonem sic exponit Aristenus: „ Nonnulli modo accedunt; quocirca & ut imperfectiores post

Scripturarum & Evangeliorum *auditionem* statim emittuntur. Alii autem ante tempus aliquod adven- runt, & perfectiores evaserunt: quare post Evangelium & preces pro Catechumenis factas expectant, & dum dicitur, *Catechumeni, capita vestra Domino flectite*, *GENUSFLECTUNT*. Perfectiores itaque, ut qui bona Dei verba prægustarunt, si lapsi fuerunt, *stationi* sua moventur, & cum *Audientibus* collocantur; si autem & cum *Audientes* sint, peccant, ab Ecclesia perfecte expelluntur.

Hanc Aristeni expositionem eruditiores Canonum Interpretes, tum Græcicæ Latini, communi consensu amplectuntur; agnoscuntque ex mente hujus Synodi, Catechumenum in altiori gradu, scilicet *Genusflectentium*, constitutum & ibi peccantem, rursus ad inferiorem, quasi in pœnam retrudi; qui vero in primo gradu Catechumenorum, id est, *Audientium* constitutus in peccatum labitur, ab Ecclesia perfecte, sive absolute pellatur, seu non amplius tamquam Catechumenus admittatur.

In eundem sensum accipiendus *Canon 14. Nicænus*: „ De Catechumenis, qui lapsi sunt, visum est & sanctæ magnæ Synodo, ut ii tribus tantum annis *Audientes*, postea *orent* cum Catechumenis.

X. Insuper hic observant Canonum Commentatores *Catechumenos Audientes*, sive primi ordinis, tantum potuisse lectioni Scripturarum interesse, ac ea finita mox exire debuisse, at vero *Genusflectentes* mansisse quousque à Diacono diceretur: *Quicumque Catechumeni discedite*.

XI. Catechumeni vero in *Audientium* aut *Genusflectentium* classe suos interim Magistros seu Catechistas habebant, qui eosdem in fide & vita Christiana instruerent; atque eorum profectui, modoque vivendi invigilarent. „ Optatum inter Lectores *Doctorem Audientium* constituimus, „ ait S. Cyprianus *Epist. 24.*

XII. Hinc collige, originem hujus Catechismi, qui inter cæremonias Baptismi hodie reponitur; eumque primitus fuisse verum Catechismum seu instructionem Catechumenorum vel baptizandorum.

XIII. Dum convenienti tempore in hisce gradibus essent exercitati, judicarenturque idonei, qui Baptismum accipere possent, à suis Catechistis ad Episcopum ducebantur; atque testimonium de Catechumenorum scientia & vita reddentes, ac quodammodo spondentes (unde *Sponsores*, vel etiam *Fidejussores* dicti) illos ad Baptismum præsentabant; quando & una Catechumeni nomina sua dabant; ut nimirum annotarentur inter illos, qui jam proxime ad suscipiendum Baptismum erant destinati seu *electi*.

XIV. De hac *nominum datione* frequens in pristinis Canonibus & Patribus mentio occurrit: „ Baptizandi *nomen suum dent*, ac diu sub abstinentia vini & carni ac manus impositione crebra examinati, Baptismum percipiant, „ ait Synodus Carthag. IV. *Can. 85.*

Sanctus Augustinus multis locis *dationis nominum* meminit; atque lignanter libro *De Fide & operibus*, ubi ait: „ Quod autem sit per omne tempus, quod in Ecclesia salubriter constitutum est, ut ad nomen Christi accedentes, Catechumenorum nomen accipiant: hoc fit multo diligentius & instantius his diebus, quibus *competentes* vocantur: cum ad percipiendum Baptismum *sua nomina* jam *dederunt*.

XV. Datis nominibus, Catechumeni in perfectiore & superiore classe collocabantur; dicebanturque *competentes*, ut ex relatis S. Augustini verbis constat.

Sanctus Isidorus *lib. 2. De Ecclesiast. Officiis cap. 21.* Competentes dicit, „ qui jam post doctrinam fidei, post continentiam vitæ, ad gratiam Christi percipiendam festinant: ideoque appellantur *competentes*, id est *gratiam Christi petentes*.

Eandem rationem nomenclaturæ insinuat Augustinus libro *De fide & operibus cap. 6.* dicens: „ Cum „ fontis

„ fontis illius Sacramenta peteremus atque ob hoc competentes etiam vocaremur.

XVI. Quo tempore, & die nomina danda essent, varia fuit pro varietate temporum & Ecclesiarum disciplina.

Initium Quadragesimæ primitus ad hoc ordinatum fuisse, non obscure innuit S. Augustinus *Sermone* 13. ad Neophytos: „ Per omnem Quadragesimam vacaverunt (Competentes) orationibus & jejuniis, in sacco & cinere dormierunt, futuram vitam peccatorum suorum confessione quaerentes.

Sub idem tempus ad Episcopum Tarraconensem scribit Siricius Papa: „ Generalia Baptismatis tradi convenit Sacramenta, his dumtaxat electis, qui ante quadragesima dies nomen dederint, & exorcismis, quotidianisque orationibus atque jejuniis fuerint expiati.

In Ordine Romano, qui circa tempora S. Gregorii scriptus creditur, hoc tempus ad quartam feriam hebdomadae quartæ Quadragesimæ contractum est; uti videre est sub titulo *De Denuntiatione scrutinii ad Electos*.

De hac varietate consule Notas ad Sermonem 212. Augustini in editione novissima Parisiensi.

XVII. Quidquid sit de varia in hoc puncto Ecclesiarum disciplina, id constat, Catechumenos in hoc Competentium ordine constitutos, etiam vocatos fuisse Electos tamquam jam ad Baptismum proxime suscipiendum adscriptos; imo jam inter Fideles computatos; uti docet S. Isidorus loco citato, ubi ipsos Audientes asserit esse quasi hospites & vicinos Fidelium; de foris, ait, audiunt Misteria, audiunt gratiam, sed adhuc non appellantur Fideles. „ Competentes autem (pergit Isidorus) jam petunt, jam accipiunt, jam Catechizantur, id est, imbuuntur instructione Fidei & Sacramentorum. Istitis enim salutare Symbolum traditur, quasi commonitorium Fidei, & sanctæ confessionis indicium, quo instructi agnoscant, quales jam ad gratiam Christi exhibere se debeant.

XVIII. Ad hanc ultimam classem per crucis signum ac manus impositionem recipiebantur, quemadmodum testatur Augustinus *lib. De Peccatorum Meritis & Remiss.* cap. 26. „ Nam & Catechumenos secundum quemdam modum, per signum crucis & orationem manus impositionis puto sanctificari.

Et clarius libro *De Catechizandis Rudibus* cap. 26. ubi ex professo dicit, quod postquam Catechizatus, est instructus, ac interrogatus, an quæ audivit credat, atque observare desideret, si responderit, ait, solemniter utique SIGNANDUS est, & Ecclesiæ more tractandus.

XIX. Hujus ritus etiam hodie superest memoria; quia juxta Rituale Romanum, post factam exorcizationem & varias preces suas super infantem, tandem prævie ante introductionem in Ecclesiam, signat Sacerdos infantem in fronte signo crucis, & imponit manum super caput infantis.

XX. His itaque Catechumenis non tantum prima Religionis rudimenta sive elementa tradebantur, quemadmodum incipientibus, sed etiam abstrusiora mytheria, quæ passim infidelibus occultabantur. Atque imprimis Fidei Symbolum Competentibus tradebatur, & exponebatur.

Id aperte tradit S. Augustinus *lib. 1. Retractat.* cap. 17. ubi rationem reddens scripti à se libri *De fide ac symbolo*, ait: In quo de rebus ipsis ita differitur, ut tamen non fiat verborum illa contextio, quæ tenenda memoriter competentibus traditur: quasi diceret, in exponendo Symbolo non facta est illa verborum contextio, quæ solet esse dum Symbolum traditur ad discendum Competentibus; quam contextionem ipse Augustinus in tractatu *De Symbolo ad Catechumenos* observavit; ubi & in ipso limine hunc ritum ita exponit: „ Accipite, Filii, Regulam fidei, quod Symbolum di-

citur. Et cum acceperitis, in corde scribite, & quotidie dicite apud vos: antequam dormiatis, antequam procedatis, vestro symbolo vos munite. Symbolum nemo scribit ut legi possit: sed ad recensendum, ne forte deleat oblivio, quod tradidit diligentia, sit vobis codex vestra memoria. Quod audituri estis, hoc credituri, & quod credideritis, hoc etiam lingua redituri; ait enim Apostolus, ad Rom. c. 10. v. 10. corde creditur ad justitiam, ore autem confessio fit ad salutem. Hoc est enim symbolum, quod recensuri estis & reddituri.

XXI. Huic traditioni Symboli responder, quod hodie ad præscriptum Ritualis Romani, cum fuerint ingressi Sacerdos, infans & Susceptores, efficitur: Sacerdos procedens ad fontem cum Susceptoribus conjunctim clara voce dicit Symbolum; si autem adultus fuerit baptizandus, tum is cum Sacerdote illud recitat.

XXII. Quod hic & alibi sæpius de redditione Symboli dictum est, id significat ritum multis seculis usitatum, recitandi publice ac solemniter ipsum Symbolum ante Baptismi susceptionem per modum cujusdam professionis fidei.

Totum hunc redditionis ritum, & rationem exponit S. Augustinus *lib. 8. Confess.* cap. 2. ubi loquitur de Victorino nobili Rhetore Romano, qui cum primo se Christianum esse occulte Simpliciano Episcopo Mediolanensi intimasset, sed palam profiteri erubescerebat, tandem hortatu dicti Episcopi, deposito timore, subito dicit Simpliciano: „ Eamus in Ecclesiam, Christianus volo fieri. At ille non se capiens lætitia perrexerit cum eo. Ubi autem imbutus est primis instructionum Sacramentis, non multo post etiam nomen dedit, ut per Baptismum regeneraretur, mirante Roma, gaudente Ecclesia.

Post hæc subjicit Augustinus: „ Denique ut ventum est ad horam profitende fidei, quæ verbis certis, conceptis, retentisque memoriter, de loco eminentiori in conspectu populi fidelis Romæ reddi solet ab iis, qui accessuri sunt ad gratiam tuam, oblatum esse dicebat Victorino à Presbyteris ut secretius redderet, sicut nonnullis, qui verecundia trepidaturi videbantur, offerri mos erat; illum autem maluisse salutem suam in conspectu sanctæ multitudinis profiteri.

Hæc ergo Symboli redditiō erat quædam publica fidei professio; de qua etiam loquitur S. August. *Sermone* 58. & 59. ult. edit.

XXIII. Huic redditioni Symboli sive professioni fidei, responder illa professio fidei, quam immediate ante Baptismum ad interrogationem Sacerdotis facit baptizandus per se, si sit adultus; per Susceptores vero, si fuerit infans.

XXIV. Nec tantum circa fidem cura & sollicitudo Pastorum & Episcoporum vertebatur, sed vel maxime circa præcepta ac principia vitæ Christianæ, morumque disciplinam solliciti erant Pastores; ut de illis ipsi Catechumeni ante Baptismum rite essent instructi; ipsique constaret, Catechumenos sincere diabolo ejusque operibus renuntiasse, ac Christum induisse; caventes vel maxime ne Baptismum indignis nec à peccatis suis debite conversis annuendo, darent sancta canibus.

Hæc de re librum integrum *De Fide & Operibus* scripsit S. Augustinus, in quo ex professo ostendit, non tantum fidem, sed etiam morum doctrinam esse tradendam ante Baptismum; multisque probat & invictissime adstruit, peccatis prius esse renuntiandum, vitamque mutandam, quam quis ad Baptismum (extra casum necessitatis) admittatur; atque cap. 6. hæc habet: „ Vi- deamus unde agitur, id est, utrum ad percipiendum Baptismum sic admittendi sunt homines, ut nulla ibi vigilet diligentia, ne Sanctum canibus detur: usque adeo ut nec apertissimi adulterii perpetratores & ejus perseverantiæ professores, à Sacramento tantæ sanctitatis videantur arcendi: quo sine dubio non admitte- rentur, si per ipsos dies, quibus eandem gratiam per-

cepturi,



„ cepturi, suis nominibus datis, abstinentia, jejuniis,  
 „ exorcismisque purgantur, cum suis legitimis & veris  
 „ uxoribus se concubituros profiteretur, atque hujus  
 „ rei, quamvis alio tempore licite, paucis ipsis solem-  
 „ nibus diebus nullam continentiam servaturos. Quo-  
 „ modo igitur ad illa sancta recusans correctionem adul-  
 „ ter admittitur, quo recusans observationem non ad-  
 „ mittitur conjugatus?

Ex hoc Augustini discursu insuper discimus, Catechu-  
 menos tempore Catechumenatus, abstinentia, jejuniis,  
 exorcismisque exercitatos ac purgatos; & etiam conju-  
 gatos actu conjugali abstinuille.

XXV. Hoc quoque ibidem indicat Augustinus, ex-  
 ercicia illa Catechumenorum, ac Pastorum circa Cate-  
 chumenos sollicitudinem, nec non scrutinium sive exa-  
 men super eorum fide & vitæ mutatione potissimum in-  
 stituta fuisse eo tempore, quo in hoc gradu *Competentium*  
 versabantur, quod inferius adhuc apertius declarat, di-  
 cens: „ Quod autem fit per omne tempus, quo in Ec-  
 „ clesia salubriter constitutum est, ut ad nomen Christi  
 „ accedentes Catechumenorum *gradus* excipiat. „ (hoc  
 „ est, uti notant Operum Revisores, ipse *gradus* Catechu-  
 „ menorum eos *excipiat* qui ad Christi nomen accedunt)  
 „ hoc fit multo diligentius & instantius his diebus, qui-  
 „ bus *Competentes* vocantur, cum ad percipiendum  
 „ baptismum sua *nomina* jam dederunt.

In veteri Ordine Romano circa tempora S. Gregorii  
 scripto dicitur, „ præscribuntur septem scrutinia Cate-  
 chumenorum à die quo *nomina* data sunt, usque ad  
 „ Vigiliam Paschalis, qua Baptismus conferendus erat.

XXVI. Porro sicuti Catechumeni per Symboli reci-  
 tationem publice suam profitebantur fidem; ita quoque  
 vitæ suæ mutationem testabantur, renuntiando publice  
 diabolo ejusque operibus ac pompis.

Unde in hæc verba S. Pauli ad Timotheum 1. *Tim. c. 6.*  
*v. 12. Apprehende vitam æternam, in qua vocatus es,*  
*confessus bonam confessionem coram multis testibus,* scri-  
 bit S. Hieronymus: „ Confessus es bonam confessionem  
 „ in Baptismo, *renuntiando seculo & pompis ejus* coram  
 „ multis testibus, coram Sacerdotibus, vel Ministris,  
 „ Virtutibusque cælestibus.

Hunc renuntiandi morem ex traditione ad nos dima-  
 nasse asserit S. Basilius libro *de Spiritu Sancto cap. 27.*  
 „ Ter immergi hominem unde est traditum? Reliqua,  
 „ item quæ sunt in Baptismo, veluti *renuntiare satanae*,  
 „ ex qua scriptura habemus? nonne ex privata &  
 „ arcana traditione?

Sanctus Ambrosius libro *de Iuitiandis cap. 2.* „ In-  
 „ gressus es regenerationis sacrarium; repete quid in-  
 „ terrogatus sis, recognosce quid responderis. *Renun-*  
 „ *tiaſti diabolo & operibus ejus, mundo & luxuriæ ejus*  
 „ ac voluptatibus.

XXVII. Huic renuntiationi respondet hodierna re-  
 nuntiatio, quam Catechumenus vel per se vel per Sus-  
 ceptores ad interrogationem Sacerdotis pronuntiat.

XXVIII. Sed quia hæc professio plerumque hodie  
 in infantia fieri solet per Susceptores, monet S. Carolus  
 in sua Synodo VI. *cap. 8.* ut Parochus & Confessarius  
 cohortationis officio in id incumbant, ut Fidelium unus-  
 quisque annue recolat diem suum Baptismatis, atque  
 eo potissimum die, „ sancte sese excitet ad præcla-  
 „ ram illam sponſionem & Christianam professionem,  
 „ quam in sacro lavacro per sponſores solemniter edidit.  
 „ Repete, inquit Sanctissimus Pater noster Ambrosius,  
 „ quid interrogatus sis, recognosce quid responderis. *Renun-*  
 „ *tiaſti diabolo & operibus ejus: mundo & luxuriæ*  
 „ *ejus ac voluptatibus: memor esto sermonis tui, & nun-*  
 „ *quam tibi excidat tuæ series cautionis.*

XXIX. In hoc quoque Catechumenorum gradu  
 frequentiores erant orationes & exorcismi, iisque ad-  
 junctæ manuum impositiones, ut iis mediantebus Cate-  
 chumeni à vitiis contractis in Gentilitate amplius pur-  
 garentur, & ad Baptismum digne suscipiendum dispo-  
 nerentur.

Unde Augustinus libro *de Fide & operibus cap. 6. num.*  
 9. ait: „ Vel non intueamur alios, qui per singulos an-  
 „ nos ad lavacrum regenerationis accurrunt, quales  
 „ sint ipsis diebus, quibus catechizantur, *exorcizantur*,  
 „ scrutantur, quanta vigilantia conveniant, quod studio  
 „ ferveant, qua cura pendeant?

XXX. Exorcismos & exsufflationes etiam super in-  
 fantes baptizandos suo tempore dici solitos fuisse, testa-  
 tur Augustinus; atque ex illo Ecclesiæ ritu probat, Ec-  
 clesiam agnoscere infantes peccato originali obnoxios  
 nasci. Sic enim scribit ad Sixtum Presbyterum *Ep. 194.*  
*num. 43. ult. edit. „ Circumſtipantur enim & Divina-*  
 „ *rum auctoritate lectionum, & antiquitus tradito &*  
 „ *retento firmo Ecclesiæ ritu in Baptismate parvulorum,*  
 „ *ubi expertissime demonstrantur infantes, & cum exor-*  
 „ *cizantur, & cum ei se per eos, à quibus gestantur,*  
 „ *renuntiare respondent, à diaboli dominatione libe-*  
 „ *rari.*

Et infra *num. 46.* „ Quid ad hoc respondeant, quod  
 „ *exorcizantur & exsufflantur* infantes; hoc enim pro-  
 „ cul dubio fallaciter fit, si diabolus eis non dominatur.  
 „ Si autem dominatur, & ideo non fallaciter *exorcizan-*  
 „ *tur & exsufflantur*, per quid dominatur, nisi per pec-  
 „ *catum* (a) princeps utique peccatorum?

XXXI. Manuum impositionis quoque super Cate-  
 chumenos frequens est apud Veteres mentio. „ Non  
 „ uniusmodi est sanctificatio, nam Catechumenos se-  
 „ cundum unum suum quemdam modum per *signum*  
 „ *Christi*, & orationem sub *manus impositione* puto san-  
 „ ctificari: „ ait Augustinus *lib. 2. de Baptismo Parvul.*  
*cap. 37.* Plura testimonia id ipsum probantia notat Du  
 Cange in suo Glossario, verbo: *Manus impositio.*

Per *signum Christi* in citatis verbis intelligere Augu-  
 stinum *signum Crucis*, perspicuum est; & ipsos Cate-  
 chumenos *CRUCE* signari solitos fuisse pluribus locis  
 testatur. Et quidem *lib. 1. Confessionum.* ubi suæ inter  
 Catechumenos relationis mentionem faciens, ait: *Signa-*  
*bar jam signo CRUCIS ejus.*

XXXII. Hinc facile intelligimus, quam immerito  
 Hæretici ritus nostros Baptismi, qui potissimum in exor-  
 cismis, exsufflationibus, manuum impositionibus, cru-  
 cis signationibus, & orationibus variis consistunt, tan-  
 quam novos & quasi superstitiosos explodant: cum eos  
 videamus jam pridem à Patribus fuisse adhibitos & no-  
 bis traditos.

XXXIII. Catechumeni in quarto ordine (b) con-  
 stituti, jamque Baptismo proximi, minutis quibusdam  
 Sacramentis, sive Sacramentalibus utebantur: ut ni-  
 mirum per ea ad vera Ecclesiæ Sacramenta suscipienda  
 paulatim disponentur, quemadmodum exponit Vir  
 eruditus Gabriel Alaspinaeus *lib. 2. Observat. cap. fin.*  
 „ Inter cæteros ritus, ait, quibus olim formabantur Ca-  
 „ techumeni, *minutis* quibusdam Sacramentis uteba-  
 „ tur Ecclesia, non solum ut Myſteriorum rudes Eu-  
 „ charistiæ paulatim assuescerent, sed etiam ut vitæ  
 „ Christianæ semina, quæ in ipsa auditione animis com-  
 „ biberant, horum Sacramentorum usu foverent. Nam  
 „ quamvis Corporis Christi perfecta illi (c) & omnino  
 „ formata membra non erant, utcumque tamen ei ad-  
 „ hærebant, Christianitatisque spiritum quodammodo  
 „ ducere incipiebant.

XXXIV. Sacramenti Catechumenorum meminit  
 S. Augustinus libro *De Catechizandis Rudibus cap. 26.*  
 „ De Sacramento *sane* (scilicet salis,) ait, quod accipit  
 „ (Catechumenus) cum ei bene commendatum fuit,  
 „ signacula quidem rerum divinarum esse visibilia, sed  
 „ res ipsas invisibiles in eis honorari; nec sic habendam  
 „ esse illam speciem benedictione sanctificatam, quem-

(a) Diabolus eo loci vocatur *peccatum*, quia autor est peccati.  
 (b) Sunt Theologi qui arbitrantur non extitisse olim nisi tres  
 classes Catechumenorum, tam. *Audientium*, tam. *Genusſtudenti-*  
*um*, tam. *Competentium*; 4am. Classem admittit noster Autor,  
 quia videtur distinguere gradum *Competentium* à gradu *Electorum*,  
 dum alii utrumque non fecerunt.

(c) Scilicet Catechumeni qui in quarta classe versati dicantur.

„ admo-

„ admodum habetur in usu quolibet: dicendum etiam  
„ quid significet & sermo ille, quem auditur, quid in  
„ illo *condiat*, cuius illa res similitudinem gerit.

Notant hic eruditi Operum Augustini Revisores, Lovanienſem editionem legere, *condatur*; sed ipsi notant:  
„ Verius MSS. & Am. *CONDIAT*. Nam agitur hic, in-  
„ quiunt, de Sacramento *salis*, quo Catechumenus  
„ initiatur. Huc pertinet illud Augustini libro 1. *Conf.*  
„ cap. 11. *Et signabar jam signo crucis ejus, & condie-*  
„ *bar ejus sale, jam inde ab utero Matris mee.* Ipsa  
„ est, quam hic dixit *speciem benedictione sanctificatam*:  
„ adeoque paulò supra, loco *sanè* legendum videtur,  
„ *salis*.

Per Sacramentum ab Augustino intelligi *salem* Catechumeno tradi solitum, probat quoque Concilium Carthaginense III. cui ipse Augustinus interfuit, *Canone* 5, hæc decernens: „ Item placuit ut per solemnissimos  
„ Paschales dies Sacramentum Catechumenis non de-  
„ tur, nisi *solutum sal*, quia si Fideles per illos dies Sa-  
„ cramentum non mutant, nec Catechumenis oportet  
„ mutari.

XXXV. Hic habemus originem benedictionis *salis*, quæ hodie in collatione Baptismi fieri debet, atque in os infantis immitti sub hac verborum formula: *N. Accipe SALEM sapientiæ: propitiatio tibi sit in vitam æternam.*

XXXVI. Catechumeni jam sufficienter probati & instructi ad Baptismum admittebantur: Nam ut ait *Canon*, 2. Nicænus, *Catechumeno tempore opus*; ut scilicet ritè disponatur: „ Quid enim agit totum tempus, quo Ca-  
„ techumenorum locum & nomen tenent, nisi ut au-  
„ diant, quæ fides, & qualis vita debeat esse Christia-  
„ nis, ut cum *seipsos probaverint*, tunc de Mensa Do-  
„ mini manducant, & de Calice bibant, inquit Augu-  
„ stinus lib. *De Fide & bonis Operibus* cap. 6.

XXXVII. Nec minus hodie ipsi baptizandi *adulti* præviè probandi sunt quamolim; utrum scilicet in fide sint sat instructi, & vitam anteriorem reverà detestentur. Hoc probè intelligentes & expedites duo zelosissimi decimi septimi seculi Præfules, Franciscus Episcopus Heliopolitanus & Petrus Episcopus Berytenſis, qui in Tunchini & Cochinnæ regnis multo cum fructu Evangelium annuntiârunt, quasdam ediderunt Instructiones, quas Cardinalis Bona jussu Congregationis de propaganda fide recensens, Apostolico spiritui scriptas fuisse testatur; easque ejusdem Congregationis Typographus Romæ evulgavit.

In his conqueruntur Prælati illi, de quibusdam Missionariis, qui de numero potiùs, quàm de virtute à se baptizatorum gloriantes, *obvios quosvis, vix explorata illorum voluntate, unâ aut altera instructione contenti, sacro Baptismi fonte abluunt.*

Post hæc declarant sibi visum esse, „ Catechismi tem-  
„ pus non breviori quàm quadraginta dierum spatio  
„ vulgò definire, nec alios ad Baptismum admittendos  
„ esse, nisi qui ante quadraginta dies nomen dederint.  
„ Cum enim experientiâ, quæ sacris Canonibus con-  
„ sona est, satis notum sit, diuturniorem moram esse  
„ perutilem ad obtinendam in Christiana fide perseve-  
„ rantiam; diutius probari debent rudiores, & obtru-  
„ sioris tardiorisque Ingenii servi, & qui temporalis  
„ pœnæ vitandæ gratiâ fidem amplecti velle videntur  
„ aut sperant aliquid lucri & commodi se consecutoros  
„ ex eo quod Christiani fiant: li denique, qui levis &  
„ inconstantis animi signa aliqua dederunt.

Declarant præterea, Missionarios, qui passim tempus illud præoccupant, fidei Christianæ & animarum salutis plurimum nocere. „ Enim verò, inquiunt, comproba-  
„ tum est experientiâ Christianos peiores non inveniri,  
„ quàm qui ante competentem instructionem ad Baptis-  
„ mum admissi sunt; quippe quâ facilitate Christo no-  
„ men dederunt, eadem ut plurimum nuntium ei remittunt.

Tertiò, declarant Missionarios non posse ad Baptis-

mum admittere Catechumenos tametsi in fide benè instructos, & eum ardentè petentes, nisi antè ex bona conversatione exploratum sit, eos pristinis vitiis acriminibus renuntiasse, moresque verè Christianos induisse.

Nolunt quoque ad Baptismum admitti Gentiles, quantumvis emendationem vitæ spondeant, nisi ante illius susceptionem *operibus*, non verbis tantum suam emendationem probaverint. „ Sicut à sacro Baptismatis fonte  
„ te rejiciendi sunt (inquiunt) qui vitiis ac peccatis  
„ obstinatè adhærent: ita populi ab eo expellendi, qui  
„ nolunt interioris conversionis signa *operibus* dare: cum  
„ inde pateat, infectam peccati amore voluntatem ad-  
„ huc gerere.

Denique declarant, nullam esse habendam rationem nonnullorum, qui de Baptismatis dilatione conqueruntur, quasi propter inopinatos casus, Catechumenos morti ac proinde æternæ damnationi exponant.

Hæc omnia latius videri possunt apud Gasparem Juveninum in Commentario historico & dogmatico De Sacramentis *Dissert. 2. quest. 7. cap. 2. art. 2. (a)*

XXXVIII. Baptizati è fonte Baptismatis educti vestibus albis induebantur, de quo ritu testatur Cyrillus Hierosolymitanus *Catechesi myst. 4.* ejus ritus rationem reddens: „ Exutis vestibus antiquis, & iis, quæ secun-  
„ dùm spiritum *albæ*, indutis, perpetuò jam in albis  
„ incedere oportet. Non hoc ideo dicimus, quasi alba  
„ te semper vestimenta habere necesse sit; sed quòd his,  
„ quæ verè alba, splendida, & spiritualia sunt, vestiri  
„ te oporteat.

Ejusdem ritus meminit S. Ambrosius libro *De Initiandis* cap. 7. „ Accepistis (ait ad recentè baptizatos)  
„ post hæc vestimenta *candida*, ut esset indicium, quod  
„ exueritis involucrum peccatorum, indueritis inno-  
„ centiæ casta velamina. „ Gratianus *Dist. 4. de Consec.*  
„ *Can. 92.* Et Canone præcedenti idem adstruitur auctoritate Rabani Mauri; pluresque ejus mysticæ rationes redduntur.

Infinita sunt penes omnes omnium seculorum tam Latinos, quàm Græcos Scriptores, hujus ritus testimonia.

XXXIX. Vestem hanc totum corpus baptizati tegisse, ac propterea baptizatos exteriori habitu totos albos & candidos apparuisse, innuunt non obscurè omnia illa Patrum testimonia, quibus testantur simpliciter & indefinitè, baptizatos accepisse *vestem candidam*; quòd *induerentur* vestibus albis; quòdque dicerentur *Nivei, Albi, Candidi*: quæ omnia dici non potuissent, nisi ipsi baptizati *vestem* toti corpori congruentem accepissent.

Ad recentè baptizatos sermonem habens S. Augustinus in Vigiliis Paschalibus, ita loquitur: „ Infantes isti,  
„ quos cernitis exterius *dealbatos*, interiusque munda-  
„ tos, qui *candore vestium* splendorem mentium præ-  
„ figurant, &c., *Serm. 123.* ex edit. Benedictionum, qui ibidem notant, *infantes* dictos fuisse novissimè baptizatos etiam ætate majores.

XL. Vestem hanc in omnibus penè Ecclesiis septem diebus retinebant Neophyti; id est, eà in Sabbato sancto egredientes de fonte Baptismatis induebantur, & Sabbato sequenti eam deponebant. Hujus disciplinæ luculentus testis est S. Augustinus *Sermone* 157. de Dominica in Octava Paschalis: „ Paschalis solemnitas, ait,  
„ hodierna festivitate concluditur, & ideo *bodie* Neophytorum *habitus commutatur*, ita tamen, ut *candor*,  
„ qui de habitu deponitur, semper in corde teneatur.

Quare septem has dies, *albas* vocabant teste Rabano libro 2. *De Instit. Cler. cap. 39* „ Alios septem dies in  
„ memoriam ejusdem Resurrectionis Dominicæ con-  
„ gruis festivitate subjungens, quos septem dies, *albas*  
„ vocitamus propter eos, qui in sancta nocte baptizati,

(a) Juveninus loco citato observat circa Baptismi collationem vim antiquorum Canonum his etiam temporibus adhuc vigere; quavis ritus eorum externus multis abhinc seculis non obtineat.

„ *albis*

„*albis per totam hebdomadam utuntur vestibus.* Nequaquam etiam obscurum est, ex allatis testimoniis, Neophytos seu recenter baptizatos *vestem candidam* integris illis septem diebus tanquam ordinariam & vulgarem vestem detulisse: nec tantum in Ecclesia, sed ubique cum ea incessisse; quod & aliis testimoniis confirmat Vicecomes dicto loco cap. 14.

XLII. Hodie ex præscripto Ritualium imponitur capiti recenter baptizati *lintheolum candidum* loco vestis albae, sub hac verborum formula: *Accipe vestem candidam, quam immaculatam perferas ante tribunal Domini nostri JESU CHRISTI, ut habeas vitam aeternam.*

XLIII. Neophytis olim cereos traditos fuisse in manibus refert Cyrillus Hierosolymitanus *Catechesi* 1. *mysag.* & ejusdem meminit S. Gregorius Nazianzenus *Orat.* 40. *De Baptismo*: ubi Baptismi caeremonias describens, in earum numerum gestationem cerei quoque reponit: & *oratione* 39. de baptizatorum luminibus loquens, ait: „Baptismus porro *luminum* nomine appellatur; quod purget & illustret. Quo etiam fit, ut *scilicet* eo tempore in laetitiae signum accendamus.

Et seculo IX. scripsit Amalarius Fortunatus *lib.* 1. *De Eccles. Officiis* cap. 26. „Clamante voce Sacerdotis, ut descendat virtus Spiritus Sancti in aquam, *ceri* Neophytorum deponuntur in aquam. Quare hoc? Nisi ut demonstraretur modò *cerus* signare Spiritum Sanctum.

XLIII. Cereus septem diebus, quemadmodum veste candida Neophytos olim usos fuisse, clarè expressit seculo VIII. (a) scribens Alcuinus *De Divinis Officiis*, cap. *De Sabbato in albis*; ubi postquam dixisset, quod Neophyti septem diebus *vestibus albis* uterentur; id est, à *Sabbato Sancto* usque ad *Sabbatum in albis*, subjicit: „Ita nostri baptizati, extinctis peccatis praeeritis, ducuntur quotidie ad Ecclesiam, *columna cerei* illuminata praecedente eos.

XLIV. Hodie Sacerdos dat Neophyto vel Patrino candelam accensam, dicens: *Accipe lampadem ardentem, & irreprehensibilis custodi Baptismum tuum: serva Dei mandata, ut cum Dominus venerit ad nuptias, possis occurrere ei una cum omnibus Sanctis in aula caelesti; habesque vitam aeternam & vivas in secula seculorum.*

XLV. Post susceptum Baptismum statim baptizati Chrismate ab Episcopo in fronte ungebantur; sive confirmabantur. „Oportet (ait Canon 48. Laodicens) eos, qui illuminantur (sive, ut legit Dionysius Exiguus, *qui baptizantur*) post Baptisma iungi super caelesti Chrismate, & esse regni caelestis participes.

Hujus disciplinae apud primæ & mediæ ætatis Scriptores Græcos & Latinos infinita sunt & obvia testimonia, quæ citat Menardus in notis ad Sacrament. Gregorii pag. 144. additque: „Nec ungebatur Neophytus in *vertice* à Presbytero, cum ejusmodi unctio instituta sit ob defectum Episcopi. „Quinimò, ut rectè advertit Gabriel Albaspinæus *lib.* 1. *Observat.* cap. 25. „Nemo Christiani nomen olim fortiebatur, nemo *perfectus* existimabatur Christianus, qui dono Spiritus sancti confirmatus & donatus non esset.

Hocque est, quod Canone 39. Eliberitano dicitur: „Gentiles si in infirmitate desideraverint sibi manum imponi; si fuerit eorum ex aliqua parte vita honesta, placuit, eis manum imponi, & fieri Christianos.

Idipsum Cyrillus Hierosolymitanus *Catechesi* 3. *Mysag.* evidenter expressit, dicens: „Hujus sancti Christumatis dono accepto, merito appellamini Christiani: veram efficientes appellationem in ipsa regeneratione; ante enim quam hæc gratia vobis donata esset, non eratis propriè digni eo nomine, sed pergentes eo usque progressi estis, ut efficeremini Christiani.

Plura in hanc rem adducit Christianus Lupus in notis ad librum Tertulliani *De Præscriptionibus* cap. 41.

XLVI. Hodie Neophytus à Presbytero cum Chrismate ungitur in vertice; (quæ unctio, uti suprà ex

(a) Alcuinus obiit an. 784:

Menardo notatum est, olim non fiebat) his verbis: *Deus Omnipotens Pater Domini nostri Jesu Christi, qui te regeneravit ex aqua & Spiritu sancto, qui dedit tibi remissionem omnium peccatorum, ipse te linat CHRISMATE salutis in eodem Christo Jesu Domino nostro in vitam aeternam.*

XLVII. Post Confirmationis Sacramentum Neophytis collatum, etiam Eucharistiæ participes efficiebantur. Quem ritum evidenter expressit S. Ambrosius libro *De Initiandis* cap. 8. & aliorum veterum testimoniis asserit Hugo Menardus loco cit. pag. 106. ostenditque; non tantum adultis, sed & infantibus recens baptizatis Sacram Eucharistiæ datam fuisse; quod & August. pluribus locis expressit; quamvis nunquam crediderit, Eucharistiæ summptionem infantibus necessariam esse ad salutem, ut rectè probat Cardinalis Bona *lib.* 2. *Rerum liturgic.* cap. 12.

XLVIII. Datum quoque fuit Neophytis *lac & mel*: cujus ritus non obscurè meminit Tertullianus libro *de Corona militis*, cap. 3. ibi referens quid in Baptismate ageretur, ait: *ter mergitum amplius aliquid respondentes, quàm Dominus in Evangelio determinavit. Inde (ex aqua) suscepti LACTIS & MELLIS concordiam prægustamus.* Ejsdem ritus meminit quoque *lib.* 1. contra Marcionem, dicens quod per LACTIS & MELLIS societatem Christus suos infantes lactet.

Hinc illud Canonis 40. in Codice Ecclesiæ Africanæ: „Primitiæ verò, *lac & mel*, quod uno die solemniissimo ad infantium mysterium, solet offerri, quamvis in altari offerantur, suam tamen habeant propriam benedictionem, ut à Sacramento Dominici Corporis & Sanguinis distinguantur.

XLIX. Hæc verbaad *mysterium infantium*, non significant, *lac & mel* solis infantibus, & non adultis recenter baptizatis datum fuisse; sed quod daretur Neophytis ad indicandum mysterium infantie; hoc est, ut per hoc indicaretur recenter baptizatis, quod per Baptisma omni malitiâ & dolo depositis, debeant semper infantium simplicitatem conservare, juxta illud S. Petri ad Neophytos: *Quasi modò geniti infantes sine dolo lac concupiscite.* 1. Petr. c. 2. v. 2.

L. In antiquo Ordine Romano extat specialis benedictio *lactis & mellis*, his verbis: „Benedic Domine has creaturas lactis & mellis, & pota famulos tuos fonte perenni, qui est spiritus veritatis, & nutri eos de hoc lacte & melle. „Deinde subjungit: „Tu enim Domine promissisti Patribus nostris Abraham, Isaac, & Jacob, dicens: Introducam vos in terram repromissionis, terram fluentem *lac & mel*. „Quibus verbis indicatur alia ratio mystica, nimirum quod baptizati, relicto Ægypto, id est, gentilitate, ingrediantur in Ecclesiam, terram fluentem lacte & melle; id est, omnibus deliciis spiritualibus.

Tandem subjicitur oratio, quæ indicat, *lac & mel* fuisse in unum commixta. „Conjunge Domine famulos tuos spiritu charitatis & pacis, sicut conjunctum est hoc *lac & mel*, in Christo Jesu Domino nostro.

LI. Propter recens baptizatos Ecclesia in festis Paschalibus ingentia lætitiæ signa jam pridem exhibuit; ut propterea objicienti cuidam: „ipsum Dominum post *lavacrum* statim tentationes circumsteterunt, quadraginta diebus jejuniis functum: „Ergo & nos, à *lavacro* potius jejunare oportet, responderit Tertullianus libro *de Baptismo* cap. 20. Et quis enim prohibet, nisi necessitas gaudii & gratulatio salutis. Et auctor Sermonis 163. de tempore inter sermones Augustini; nunc 168. in appendice ad romum 5. operum Augustini, ait: „Hic igitur dies est, Dilectissimi, quem fecit Dominus, ut audistis, celsior cunctis, lucidior universis, in quo sibi novam plebem, ut ipsi videtis, regenerationis spiritu conquirit, in quo singulorum mentes gaudii & exultatione perfudit.

LII. Neque lætitiæ signa in Officio Divino tempore Paschali aliò tendere, quam ad demonstrandum gaudium



dium de nova generationis prole, jam pridem expressit Rupertus Abbas lib. 7. *De Divinis Officiis* cap. 11. ubi ait: "Quia nox illa sacratissima, in qua jam, ut dictum est, primâ resurrectione resurgunt, qui baptizantur, novi Ecclesiæ filii, protinus tanquam de sacris libris directa nostra certatim organa persultant, alleluia." (Et mox infra.) "Hoc alleluia sicut & reliquum hujus diei Officium, maximè baptizatorum est exultatio, eod quod primâ, ut dictum est, resurrectione jam confurrexerunt cum Christo.

Pluribus hæc profectur Josephus Vicecomes de antiquis Baptismi ritibus lib. 5. cap. 48. ostenditque in signum majoris gaudii ac lætitiæ spiritualis, septem dies Paschales Festos olim fuisse; uti & Pentecostales; atque exinde apud nos etiamnum hodie Octavas superesse.

## CAPUT V.

## De Patrinis &amp; Obstetricibus.

1. Catechista Catechumenorum olim dicti Sponsores.
2. Interdum etiam Susceptores dicti.
3. Quando alius in Baptismo, alius in Catechismo Susceptor adhibitus fuerit, incertum.
4. Primitus soli viri in Baptismo virorum, & solæ mulieres in Baptismo mulierum adhibebantur: & quare?
5. Quando, & quare hæc disciplina mutata?
6. Susceptorum officium olim fuit Neophytos ad Baptismum præsentare.
7. Hi ipsos baptizatos egredientes à fonte Baptismatis suscipiebant: & quid huic ritui hodie respondeat?
8. Qui curam Neophytorum ante Baptismum habuerant, eam post Baptismum continuare debebant.
9. Hodie Patrinorum officium circa curam baptizatorum fere unice versatur.
10. Monitum Concilii Colonienfis de hac obligatione; eamque omnes Synodi Belgicæ inculcant.
11. Pastores attendere debent, quos in Patrinos admittant.
12. Qui ab hoc munere rejiciendi?
13. Eligendi potius, qui animæ prolium, quàm qui inopias consulere possunt.
14. Patrini non desuntur suo munere dando munusculum.
15. Quid circa muneris dationem Edictis Caroli V. hic in Belgio decretum fuerit?
16. Parochi alique Ecclesiastici & Monachi non facile officium Patrimi assumere debent; & quare?
17. Parentes olim suos proles offerebant ad Baptismum.
18. Quomodo, & quare id fuit vetitum?
19. Epistola supposita in Papæ Deusedit mutata discipline occasionem forsan dedit.
20. Obstetrices ad procurandum Infantibus Baptismum concurrunt; & quid de his decreverit Synodus Mechliniensis?
21. Obstetrices non admittendæ, nisi à Pastore loci examinate & instructæ.
22. Synodorum Decreta confirmarunt Principes; voluntque in earum admissione ut interveniat Magistratus loci.
23. Obstetrices quam curam adhibere debeant circa proles ex illegitimo concubitu, earumque matres.
24. Obstetrices instruendæ circa formam & materiam Baptismi.
25. Quid agendum, si mulier gravida antequam pariat moriatur, ut proli Baptismus conferri queat?

I. EX dictis capite præcedenti intelligi potest, olim nonnullos fuisse instructioni & directioni Catechumenorum specialiter intendentes; qui ipsos Cate-

chumenos, eodem tempore Baptismi inisteret, ad Episcopum adducerent, sive præfarent, à Tertulliano *De Baptismo* cap. 18. Sponsores, & ab aliis frequenter *Fidei iussores*, aut etiam *Fidei iudices*, tanquam qui de fide ac sufficiente instructione Catechumenorum fidem darent vel sponderent, vel subinde Offerentes dictos, eod quod Catechumenos ad Baptismum offerrent.

II. Nonnunquam & Susceptores appellabantur, eod quod Catechumenos ex aquis Baptismalibus exeuntes susceperent, abluerent, & vestirent. Hinc illud S. Basilii ad Posthumianum *Epist.* 128. "Primo Baptismate initiatus es ad pietatem: utinam te à sacro fonte levassim!"

Et in antiquo Ordine Romano post datum Baptismum, subiungitur: "Et sint parati, qui eos susceperunt cum lintis in manibus eorum, & accipiant ipsos à Pontifice & Presbyteris vel Diaconis, qui eos baptizant."

III. Gratianus sub nomine Higinii Papæ *Dist.* 4. *De Consecrat.* Can. 100. refert: "In Catechismo & in Baptismo & in Confirmatione unus Patrimus fieri potest; si necessitas cogit. Non est tamen consuetudo Romana: sed per singulos singuli suscipiunt."

Si Decretum hoc Higinio Papæ, qui sedit seculo II, adscribi posset, exinde haberemus, etiam antiquitatem in Baptismo & in Catechismo diversos fuisse Patrinos, sive Susceptores. At cum omnibus vel parum eruditis hodie compertum sit, Decretum illud Higinio Papæ adscribi non posse, nihil pro hujus disciplinæ antiquitate ex illo elici potest. Sed nec apud pristinos Scriptores, aut in antiquis Canonibus quidquam occurrit, quod vel insinuet, antiquitus solitum fuisse, alium in Baptismo, alium in Catechismo Patrimum adhiberi.

Quin tamen interdum contingeret, ut alius instructioni Catechumeni præficeret, eumque ad Baptismum offerret; ac alius tempore Baptismi accederet, qui eum de aquis Baptismatis emergentem susceperet vel laveret; & curam illius post Baptismum susceperet, dubitari nequit: sed nulla de eo specialis lex aut disciplina apud antiquos occurrit. (a)

IV. Cumque frequens esset adultorum Baptismus; ac toti penè nudi immergerentur aquis Baptismatis, etiam plerumque viri viros, & mulieres feminas de Baptismo suscipiebant; ut colligitur ex antiquo auctore Constitutionum Apostolicarum lib. 3. cap. 16. ubi ait: "Deinde aut tu Episcopo aut Presbyteri tuus, qui sub potestate tua est, facta super eos nominationem sacræ invocationis Patris, & Filii, & Spiritus sancti, baptizabis. Ac virum quidem suscipiat Diaconus, mulierem verò Diaconissa, ut honestè & à quibus decet fiat signum intractum."

Quin & olim mulieres electas fuisse, quæ etiam mulierum baptizandarum instructioni, ac Catechismo præficerent; omniaque peragerent circa Neophytas mulieres, quæ Diaconi circa Neophytos viros; multis offendit Morinus de SS. Ordin. parte 3. *Exercit.* 12. cap. 3.

V. Postquam verò Baptismus adultorum rarior, & parvulorum frequentior esse cæpit, ipseque Baptismus per infusionem aut immersionem alicujus duntaxat partis corporis conferri, etiam mulieres in Matrinis mulierum: & viri in Patrinis puellarum admissi sunt.

VI. Horum susceptorum munus sive officium multa olim complectebatur.

Primum, ut ex Patribus notissimum est, & observat Josephus Vicecomes de antiquis Baptismi ritibus lib. 1. cap. 35. horum munus erat, Neophytos ante Baptismum fidei mysteriis imbueri; vitæque Christianæ normam docere; atque sufficienter instructos Episcopo ad Baptismum offerre.

(a) Tres habuit Patrinos Philippus Ludovici VII. Francorum regis filius, scilicet Hugonem Sancti Germani Parisiensis Abbatem, Herveium Abbatem Sancti Victoris & Odonem Sancti Genovefi Abbatem. Tribus Patrinis adjunctæ sunt tres Commatres nimirum Constantia Ludovici Regis Soror, & Dux viduæ Parisinæ. Legatur historie Lud. VII. apud Chesniam t. 4.

Hinc forsân hodiernus ritus in administratione Baptismi habet, ut juxta præscriptum Ritualis Mechliniensis Presbyter baptizaturus interroget Patrinos; *Quid petitis?* quod non obscure innui videtur, *Patrinorum* esse, baptizandos ad Baptismum offerre.

VII. Post hæc, ut jam dictum est, hi ipsos baptizatos à fonte Baptismatis egredientes suscipiebant, & complectebantur; vesteque candidâ operiebant; & propterea *Susceptores* dicebantur.

Hujus ritus vestigium in hodiernis Ritualibus apparet, ubi præscribitur, ut tempore, quo infans baptizatur, Sacerdos *jubeat Patrinum vel Matrinam vel utrumque (si ambo admittantur infantem suscipere) APPONERE MANUM baptizando*: quasi nimirum hoc pacto ipsum infantem de fonte suscipere & levarent.

Imò hac sola manuum impositione verum Patrinum effici; ac contrahi cognationem spirituales inde resultantem communiter creditur; qua de re latius infra ubi de impedimento Matrimonii ex hac cognatione spiritali resultantem agitur.

VIII. Qui verò ipsos baptizandos ante Baptismum instruxerant, & tanquam sat instructos & ritè dispositos Episcopis baptizandos obtulerant; seque quasi *Pædæ* pro rectâ illorum fide, & vitæ Christianæ desiderio constituerant, illos non mox à suscepto Baptismo deserebant, sed in suam curam recipiebant; ut hoc pacto sponsonem suam liberarent; quod vel præcipue cum infantes baptizarentur, exigebatur.

Seculo IX. Concilium Parisiense VI. lib. 1. cap. 19. eandem obligationem in Patrinis & parentibus naturalibus agnoscit: " Ut parentes, ait, filios suos, & *patrini* eos, quos de fonte lavacri suscipiunt, erudire summopere studeant, illos, quia eos genuerunt, & eis à Domino dati sunt; & illos, quia pro eis *fidejussores* existunt.

IX. Cum verò hodie infantum Baptismus hic frequens sit; imò ferè solus administretur, etiam officium Susceptorum seu Patrinorum potissimum in eo versatur, ut baptizatis infantibus, cum ad ætatem legitimam & usum rationis pervenerint, curam omnem impendant; ut in fide Catholica ritè instruantur; & innocentiam baptismalem integram conservent.

X. " Susceptores infantis (Patrini qui dicuntur) meritò admonentur (ait Synodus Colonienfis anno 1536. parte 7. cap. 4.) quòd ipsi sint, qui Ecclesiæ nomine, & in Ecclesiæ fide Christi parvulos offerant per Baptismum, ac se propemodum pro parvulis *fidejussores* constituent, nomine parvuli respondentem: quem etiam postquam adoleverit, Symbolum simul & Orationem Dominicam edocere, atque vitam Christo ac professione in Baptismo factâ dignam perpetuò agere, saltem ubi id necessitas poscere videbitur, cohortari non omittent.

Similiter Synodus Buseoducensis sub Masio ejusdem Urbis Episcopo tit. 3. cap. 6. vult, ut " moneant Patres, ut quicumque viri, quæcumque feminae proles de sacro fonte spiritualiter susceperint, cognoscant se fidejussores pro iis apud Deum existisse, & idèd super eos sollicitudinem veræ charitatis impendant, & admoneant, ut castitatem custodiant, virginitatem usque ad nuptias servent, cantica turpia vel luxuriola ex ore non proferant, non superbiant, non invidiant, à maledictio & perjurio linguam custodiant, &c. quæ fusè persequitur Augustini *Serm. de Resurrect.* ad quem Pastores remittimus.

Sermo, ad quem hæc Synodus remittit, aliquando inter Sermones S. Augustini relatus fuit; sed in ultima Operum Augustini revisione tanquam supposititius in appendicem tomi quinti rejectus est; constituitque ibid. Serm. 168. notantque eruditi Revisores, partem posteriorem, in qua citata verba continentur, Cæsarii Arelatensis stylium referre.

Quidquid sit, hæc Patrinorum obligationem omnes

passim Synodi Belgicæ inculcant; Patrinofque de illa à Pastoribus seriò monendos volunt.

XI. Quia autem Susceptores sponsores sunt pro iis, qui baptizantur, fidei ac vitæ Christianæ, quam illis debent, rectè instruantur, & Paternam in se curam Spiritualium filiorum antè & post Baptismum suscipiant necesse est: " videant Pastores (verba sunt Synodi Audomarenfis ann. 1585. tit. 3. cap. 6.) quibus rellas Christi oviculas credant: caveantque ne quofvis ad hoc Officii genus admittant, & parentes moneant, ne quofvis promiscuè eligant; verum eos tantummodo, de quibus probabile fiat, fore ut præstent, id quod promittunt. Alienum enim est, recens in Christo renatis oviculis ejusmodi in Christo parentes aut dare aut admittere, de quorum paterna sollicitudine spes verosimilis non concipiatur.

XII. Deinde tanquam consequens inferit: " Rejiciantur proinde ab hoc munere quicumque hæretici, quicumque excommunicati, quicumque notoriè criminosi & scandalosè viventes; rursum ii, qui ipsimet nesciant ea, quæ docere oporteat Neophytum, & qui per ætatem aut mentis inopiam ipsi notitiam non habent fidejussionis ejus, ad quam se offerunt, denique alii quicumque à quibus fidei liberationem, exonerationemque verosimiliter non expectant.

Idem inculcat Synodus Mechliniensis anno 1609: & addit: " *Eadem cautio sit de Commatribus*; cui & aliæ Synodi passim conveniunt.

XIII. Monet autem citata Synodus Bursfeldensis cap. 7. " Fideles in Baptismo filiorum suorum eos potius Patrinos & Matrinæ eligant, qui eorum *animæ* consulere, quàm quæ *inopia* subvenire possint.

XIV. Et quia " persuadent sibi quidam (ait citata Synodus Audomarenfis cap. 7.) sponsoni suæ se fecisse satis, si munus aliquod post Baptismum offerant baptizati parentibus, quod quasi ad educationem institutionemque proles serviat: idcirco consultum foret abrogare prorsus illam munerum offerendorum consuetudinem, quemadmodum Edicto Cæsarei aliquando cautum fuit, si temporum iniquitas pateretur. Interim rectè faciant in Patrinis electi, si non tam *munera* offerre, quàm promissorum meminisse curent, *muneribus* nequitiam redimendorum: ita fieri, ut idonei Patrini & quærantur & inveniantur.

XV. Edictum Cæsareum, cujus meminit Synodus, editum est à Carolo V. 7. Octob. 1531. ubi art. 12. præcipitur omnibus cujuscumque status aut conditionis, ne eligant in Patrinos suarum prolium aliquos, ut ab iis munus aliquod accipiant, imò si quid à Patrinis offeratur, vetat illud à parentibus proli baptizata accipi; inhibens insuper Patrinis aliquid dare sub pœna dupli illius quod datum est; nisi essent proles pauperum & miserabilium personarum. Habetur libro 1. Edictorum Flandriæ pag. 751.

Verùm hujus Edicti rigorem idem Carolus edito Decreto anno 1545. art. 3. nonnihil mitigavit, permittens dare munusculum trium florenorum non excedens, Habetur eodem libro Edictorum pag. 782.

Licet hoc Edictum hodie non observetur, interim ex his omnibus apparet sollicitos fuisse & Ecclesiæ & Reipublicæ Magistratus, ut Parentes in electione Patrinorum potius attenderent, qui spiritualiter, quàm qui temporaliter prolibus prodesset possent, nec in electione Patrinorum spe munerum excæcarentur.

Addit nihilominus prædicta Synodus: " Porro prohibere id nolumus, quin subveniant tenuioris fortunæ puerperis Patrini ii, quibus res lautior est, quinimo modis omnibus id probamus & desideramus.

XVI. Instructio seu Decreta pro Pastoribus civitatis & Diocesis Leodiensis per Episcopum Vigiliarum (a) & Nuntium Apostolicum in visitatione Apostolica anno 1613. evulgata, inter alios ab officio Patrini exclusi (a) Biseglia urbs Regni Neapolitani in Apulia.

dendos recenser eos, de quibus constat, vel est verisimile, quod hoc officium *passim* præstare nequeant, ut qui, ait, curæ Pastoralis, vel alia vitæ professione prohibentur, cujusmodi sunt "Pastores, & omnes utriusque sexus Religiosi, ut in Religiosis disponit Capitulum IN BAPTISMATE De Consecratione Dist. 4. quæ ratio militat etiam in aliis Ecclesiasticis, ut pruden- ter consideravit Synodus Mediolanensis II. Decretis 17. Hoc idem docet Catechismus Romanus; nam quanto minus istis involvuntur curis Pastores, tanto melius cum illis agitur.

Canon, cujus auctoritate uritur hoc Statutum, est 103. apud Gratianum De Consecrat. Dist. 4. qui incipit: *Non licet*; estque Canon 25. Synodi Anaphiodorensis habitæ anno 578.

Declarat Synodus Gandensis tit. 3. cap. 8. innovata in Decretis evulgatis per Episcopum Triest, sub Monachis etiam comprehendit *Monasteriorum Præfectos*, ut *per se*, ita quoque *per Procuratorem*, infantem à sacro fonte suscipere prohibeantur.

De Parochis vero hæc habet: "Et ne Parochi aliquæ curam animarum gerentes, onus hujusmodi suscipiant, peroptamus; & nisi rogati ex causa gravi id præstare debeant, quatenus opus est, inhibemus.

XVII. Parentes olim proles suas præcipue parvulas ad Baptismum obtulisse evidens est ex S. Augustino, Epist. 98. ad Bonifacium Episcopum, ubi ita scribit num. 6. "Illud autem nolo te fallat, ut existimes reatus vinculum ex Adam tractum aliter non posse dirumpi, nisi parvuli ad percipiendam Christi gratiam à Parentibus offerantur. Sic enim scribens dicis, ut sicut parentes fuerunt auctores ad eorum poenam, per fidem parentum identidem justificentur: cum videas multos non offerri à parentibus, sed etiam à quibuslibet extraneis, sicut à Dominis servuli alii quando offeruntur.

Evidenter hic supponitur, ordinarie parentes filios suos solitos fuisse offerre ad Baptismum, alias inepta fuisset Bonifacii hæsitatio, & non satis congrua Augustini responsio.

Idipsum clarioribus verbis expressit S. Cæsarius Arelatensis Episcopus sæculo VI. *Homilia* 12. inter editas à Stephano Balusio, ubi post expressam professionem fidei & renuntiationem diaboli in Baptismo fieri consuevit, subiicit: "Quod quia infantes *per se* minime profiteri possunt *parentes ipsorum* pro eis *fidei iussores* existunt.

XVIII. Pluribus id probat Iosephus Vicecomes De antiquis Baptismi ritibus lib. 1. cap. 33. hoc una observans, quod nunc consuetudo illa *penitus* abrogata sit.

"Causam, cur id factum fuerit, ait Iosephus, apud Patres non reperi; si conjecturis utendum, existimo fuisse, vel ut admonerentur Fideles eam *spiritualem* educationem à carnali longe distare, vel ut Mysteriorum fidei Christianæ peritioribus illa Provincia demanderetur: cum parentes in maxima rerum divinarum ignorance versari sæpe contingat.

Verisimilius crediderim, parentibus officium Patrini in Baptismo proprii filii fuisse interdictum, postquam cognatio spiritualis, atque ex ea resultans impedimentum Matrimonii inter Patrum & baptizati matrem inductum fuit; cujus cognationis & impedimenti apud pristinos Auctores mentio nulla occurrit.

XIX. Meminit quidem illius impedimenti Epistola quæ sub nomine *Deusdedit* Papæ, fæto functi an. 676. extatque apud Gratianum *caus.* 30. q. 1. *Can.* 1. sed eam Epistolam falsam, ac illi Pontifici suppositam eruditius omnibus compertum est; & moner Labbæus in nota marginali ad hanc Epistolam *tomo* 5. Conciliorum *Col.* 1638. Hæc tamen supposititia Epistola non obscure indicat hujus impedimenti saltem aliquod initium tunc fuisse: unde & post sæculum VII. videmus in Conciliis hujus impedimenti mentionem fieri; ac

Tom. I.

nominatim in Concilio Moguntino an. 813. statuitur: "Nullus *proprium filium* aut *filiam* de fonte Baptismi suscipiat: nec *Commatrem* ducat uxorem, filiolam, nec illam, cujus filium, vel filiam ad Confirmationem duxerit: ubi autem factum fuerit, separentur. *Can.* 55. sed de his latius infra, ubi de impedimentis Matrimonii agetur.

XX. Cum obstetrices non parum concurrant ad Baptismi administrationem infantibus procurandam, non erit importunum etiam de illis hic agere, de quibus ea de causa etiam Synodi tractare solent. Et quidem Synodus Provincialis II. Mechliniensis cap. 7. Prohibet singulorum locorum Magistratibus, ne quam "ad obstetricandum parturientibus admittant, nisi prius à Curato loci ubi obstetrix moratur, testimonium sincere & Catholice fidei habeat, professionemque fidei coram Archipresbytero suo faciat, nec non materiam formamque Baptismi testimonio ejusdem Curati probe calleat; & ultra consuetum juramentum, jure etiam, quod infantes à se suscipiendos quantocius, vel saltem intra tres dies, baptizare curabit; aut si obstentibus parentibus vel amicis id efficere non possit, mox Pastori loci eos denuntiet.

XXI. Similiter Synodus Provincialis Cameracensis secunda tit. 6. cap. 11. "mandat, ut nullæ mulieres deinceps ad hujus officii exercitium admittantur, nisi prius per Pastorem loci examinatae, & si opus sit, instructæ fuerint. Rogentur autem Magistratus, ut inter cætera ab iisdem obstetricibus juramentum exigant, quod pueros baptizandos, ante diem tertium omnino Parochis denuntiabunt.

XXII. Decreta utriusque Synodi Provincialis illarum Provinciarum Synodi Diocesanæ recipiunt & renovant; insuper & ipsi Principes Belgii Synodorum Decreta suis respective Edictis pro confirmatione Synodorum Provincialium Cameracensis & Mechliniensis editis, probaverunt: additque præterea Edictum Principis ad Synodum Mechliniensem art. 8. "Eas ab Officiali & Magistratu loci debere admitti ad id muneris; qui tamen nullas admittant, nisi prævie bene sint instructi de earum capacitate & religione, idque per attestationem scriptam Pastoris, in cujus Parochia morantur.

XXIII. Si aliquando contingat prolem illegitimam adferri ad ædes patris nolentis eam pro sua agnoscere, talis proles, inquirunt Decreta Gandensia sub Antonio Triest 1650. cap. 11. nullo pacto ibidem deposita relinquetur, nisi deferens eam curaverit baptizari. Quare Pastores frequenter moneant obstetrices aut alias Mulieres quæ parturientibus vel ex charitate vel lucri causa assunt, ut huic nostro Decreto sese conforment, ac insuper ne officio suo fungi & puerperas adjuvare differant causa eliciendi nomen patris, quando ex illicito concubitu conceperunt.

XXIV. Et quia experientia docet, obstetrices aliasque mulieres interdum parvulos in necessitate baptizantes errare in forma & ritu, & forte in materia Baptismi, mandat idem vigilantissimus Præsul (quod merito ubique observetur) in prædictis Decretis cap. 12. Parochis, ut sæpius pro concione & in Catechismo singula ad baptizandum requisita, clare & distincte explicant, ita ut facile omnes intelligant, aquæ naturalis perfusione super parte nuda & vivente principali, & simul formæ pronuntiatione à Christo Domino institutæ, hujusmodi Sacramentum à baptizante & formam ita pronuntiante conferri.

XXV. Præterea, cum summum discrimen sine Baptismo discedendi immincat proli, si mulier gravida priusquam pariat, moriatur, monuit jam pridem Synodus Colonienfis 1280. cap. 4. "Ut si certum sit quod mulier prægnans moriatur, teneatur os ejus apertum: & cum magna cautela uterius ejus aperiarur: & si infans vivus fuerit, educatur & baptizetur: "

C c c 2

Hoc



Hoc ipsum iisdem verbis reperitur inter antiqua Decreta Diocesis Cameracensis, renovata in Synodo Cameracensi anno 1550.

Porro cum non raro contingat, nullum in Parochia reperiri, aut saltem hic & nunc haberi posse, qui peritiam modumque convenientem aperiendi uterum, absque periculo excindendi infantem habeat, oportet ut ipsimet Pastores, præcipue rurales hujus rei aliquam notitiam à perito aliquo Medico accipiant, qua subinde, cogente necessitate, uti possint.

## CAPUT VI.

### De Purificatione post partum.

1. *Lex Mosæica quid præscripserit mulieribus parturientibus?*
2. *Divæ Virgo huic legi se ex humilitate subjecit; atque hinc Festum Purificationis.*
3. *Solebant mulieres honorare puerperium Divæ Virginis; quod inibuit Synodus VI.*
4. *Quid agerent Fideles?*
5. *Quare id inibuit Synodus: & quid puerperium ad mentem Synodi?*
6. *Mulieres Novi Testamenti legi Purificationis non subiectæ, & quare?*
7. *Pium tamen est, ut mulieres à partu aliquo tempore ab ingressu Ecclesiæ abstineant; & hodie mulieres Catholicæ aliquo tempore abstinent; & nonnisi purificatæ intrant.*
8. *Purificatio fieri debet in Ecclesia Parochiali; & à proprio Parocho.*
9. *Sententia Sacræ Congregationis Cardinalium super hoc jure Parochorum.*
10. *Sententia hæc de mandato Episcopi Antverpiensis publicata, cum inibitione facta Regularibus mulieres purificandi.*
11. *Decretum Synodi Cameracensis huic sententiæ conforme.*
12. *Quo ritu mulieres in templum introducantur?*
13. *Ex ritibus patet purificationem fieri ad exemplum Divæ Virginis.*
14. *Mulieres solent Sacerdoti unum offerre: & quare?*
15. *Mulieres numquam possunt extra Ecclesiam aut per substitutas purificari.*

I. **J**UXTA legem Mosæicam, de qua *cap. 12. Levitici*, „Mulier, si suscepto semine pepererit masculum, immunda erit septem diebus, juxta dies separationis menstruæ. Et die octavo circumcideretur infantulus: Ipsa vero triginta tribus diebus manebit in sanguine purificationis suæ. Omne sanctum non tanger, nec ingredietur in Sanctuarium, donec impleantur dies purificationis suæ. Sin autem feminam pepererit, immunda erit duabus hebdomadibus juxta ritum fluxus menstrui, & sexaginta sex diebus manebit in sanguine purificationis suæ. Cumque expleti fuerint dies purificationis suæ, pro filio, sive pro filia, deferet agnum anniculum in holocaustum, & pullum columbæ sive turtorem pro peccato, ad ostium tabernaculi testimonii, & tradet Sacerdoti, qui offeret illa coram Domino, & orabit pro ea, & sic mundabitur à profluvio sanguinis sui. Ista est lex parientis masculum aut feminam. Quod si non invenerit manus ejus, nec potuerit offerre agnum, sumet duos turtures vel duos pullos columbarum, unum in holocaustum, & alterum pro peccato, orabitque pro ea Sacerdos, & sic mundabitur.

Mulier interea ingredi sanctuarium seu templum non poterat, donec impleantur dies purificationis.

II. Diva Virgo, etsi huic legi non subiecta, quia

non suscepto semine pepererat; nihilominus voluntarie & ex humilitate se subicere voluit; eamque legem subivit: uti legitur *Lucæ 2*. Atque hinc originem sumpsit festum Purificationis B. Mariæ Virginis; quod circa tempora Justiniani Imperatoris institutum fuisse notat Baronius in notis ad Martyrologium ad diem 2. Februarii.

III. Occasione hujus festi consuetudo ex quadam plebeia ignorantia invaluerat seculo VII. ut hoc die homines placentas sive similes coquerent, ac sibi mutuo mitterent, bonoris scilicet prætextu PUERPERII impollutæ Virginis Matris, ait Canon 79. Synodi VI. sive Trullanæ, adjungens: *Statuimus, ut deinceps nihil tale fiat à Fidelibus.*

IV. Exponens hunc Canonem Zonaras, ait: „Nonnulli, se in eo semper Virginis ac Dei Matris honori, aliquid deferre existimantes, die qui sanctam Christi Natalis Festivitatem proxime consequitur, quædam facere soliti sunt, ex eis quæ in aliarum quoque mulierum puerperio agi consueverunt.

Mulieres autem consueverant propter periculi & doloris evasi gaudium, convivia cum ferculis & placentis facere.

V. Hoc ergo cum etiam in honorem Virginis agerent; atque ita indicarent, Divam Virginem ad instar aliarum mulierum puerperio fuisse obnoxiam, Patres Synodi sextæ id præsentis Canone fieri prohibent: „Absque puerperio editum ex Virgine Divinum Partum esse, consistentes, ut qui sine semine constitutus sit: idque toti gregi annuntiantes, eos qui ex ignorantia faciunt, quod non decet, correctioni subicimus.

Puerperium (de quo in præsentis Canone) est (ait Zonaras) emissio fetus, quam doloris sensus ac profluvium sanguinis comitantur: quibus quidem malis nullatenus obnoxiam fuisse Deiparam credimus.

VI. Porro sicut Deipara ob rationem jam dictam legi purificationis subiecta non fuit; similiter mulieres novi Testamenti, tametsi puerperio omnibusque quæ illud consequuntur, non secus ac mulieres veteris Testamenti subiectæ, hac lege ceremoniali non constringuntur: quia, ut ait Innocentius III. in *Cap. unico de Purificatione post partum*. „Licet secundum legem Mosæicam certi dies determinati fuissent, quibus mulier post partum à templi cessaret ingressu, lex per Moysen data est, gratia & veritas per JESUM CHRISTUM facta est. Joan. c. 1. v. 17.

Hinc ulterius infert & respondet Archiepiscopo Armachano in Hibernia, „quod postquam umbra legis evanuit & illuxit veritas Evangelii: si mulieres post prolem emissam actura gratias Ecclesiam intrare voluerint, nulla proinde peccati mole gravantur, nec Ecclesiarum est eis aditus denegandus, ne poena illis converti videatur in culpam.

Et sub nomine S. Gregorii refertur *Can. 2. Dist. 5*. „Si mulier eadem hora, qua genuerit, actura gratias intrat Ecclesiam, nullo pondere peccati gravatur.

VII. Addit nihilominus Innocentius III. in citata Decretali: „Si tamen ex veneratione voluerint aliquid, quamdiu abstinere, devotionem earum non credimus improbandam.

Unde & hodie mulieres sive ex quadam erga Ecclesiam ac Divina mysteria, quæ in ipsa peraguntur, veneratione, sive exemplo Divæ Virginis, quæ ex humilitate legi se subdidit, cui non erat subiecta, etiam consueverunt ad tempus aliquod ab ingressu Ecclesiæ abstinere; nec in eam intrare, nisi se Sacerdoti præsentaverint, & ipse precibus aliquibus præmissis introduxerit, juxta ritum præscriptum in modernis Ritualibus sub titulo: *Ordo introducendi mulierem in Ecclesiam post partum*.

VIII. In Synodo P. II. Mechliniensis *tit. 3. cap. 8*. dicitur: „Puerperæ, cum à puerperio domum exeuntes, se ad Ecclesiam contulerint, à proprio Parocho juxta probatissimam Ecclesiæ consuetudinem purificentur.

Hæc

Hæc Synodus patenter supponit, ritum hunc purificationis in Ecclesia Parochiali, atque à proprio Parocho esse celebrandum; quod & generalis Belgii consuetudo confirmat; atque Sacra Congregatio Cardinalium nuper probavit. (a)

IX. Cum enim in civitate Antverpiensi nonnulli Regulares in suis Ecclesiis mulieres ad purificationem post partum admitterent; ac ea de re Pastores civitatis illius ad sacram Congregationem querelas detulissent, prodit Sententia hujus tenoris.

„ Conquerantur Parochi civitatis Antverpiensis quod non obstante contraria consuetudine, nec non „ Constitutione Synodi Provincialis, per sacram Congregationem recognita, & per Sedem Apostolicam „ approbata, Regulares Mendicantes functionibus Pastoralibus se immisceant: & præsertim audeant in suis „ Ecclesiis mulieres post partum ad purificationem admittere: addebant quo, à Domino Episcopo Antverpiensi, utpote Regulari, hujusmodi præjudiciis per „ Regulares illatis minime consuli. Quare ab Apostolica Sedis auctoritate subsidium ac tutelam suppliciter „ petentes, quærebant: An prædictis Regularibus civitatis Antverpiensis liceat in propriis Ecclesiis mulieres „ post partum ad purificationem admittere.

„ Die 18. Novembris M. DC. LXII. sacra Congregatio Eminentissimorum S. R. E. Cardinalium Concilii Tridentini Interpretum, utraque parte audita, „ censuit, prædictis Regularibus civitatis Antverpiæ non licere. *Signatum* I. Episcopus Sabiniensis Cardinalis Scachetti Præfatus, & C. de Vechiis Ep. Clus. S. R. C. Secret. & à latere impressum erat sigillum præfati „ Cardinalis Præsidis in rubro pane. (b)

X. Hæc sententia ex mandato Episcopi Antverpiensis publicata fuit, ac per publicum programma locis consuetis affixa 20. Novembris 1663. per Petrum Van den Perre tunc Episcopi officialem; una vigore auctoritatis sibi commissæ, „ inhibens præfatis Regularibus, ne „ deinceps aliquas mulieres post partum ad purificationem admittant: mulieribus autem puerperis injungens, ut juxta sententiam præmissam ad Ecclesias suas „ respective Parochiales pro purificatione se conferant, „ ut ibidem, juxta probatissimam Ecclesiæ consuetudinem, „ nem à proprio Parocho benedicantur.

(a) Eadem consuetudo viget quoque in Galliis: in earum Ecclesiis vetus est ille mos, ut constat antiquo Rituali Catalaunensi, & Lemovicensi, ubi ritus mulieris post partum purificationis describitur. Consule Doctissimum Edmundum Martene Benedictionum de Antiquis Ecclesiæ ritibus t. 2. p. 378. 382. Edit. Antverp. an. 1736.

(b) Hoc decretum reperitur integrum ad hujus voluminis finem, littera N. designatum. Pag. 926.

XI. Quod hic à sacra Congregatione declaratum fuit, etiam in Synodo P. II. Cameracensi, tit. 6. cap. 13. decretum fuerat his verbis: „ Prima vice qua mulieres à puerperio domum exeunt, juxta antiquam „ Ecclesiæ consuetudinem ad Ecclesiam recta se conferant, gratias acturæ Deo pro beneficio puerperii, & „ ut à proprio Pastore, seu ejus vicem gerente, & non „ ab alio purificentur.

XII. Sicut autem in festo Purificationis Deiparæ solent Fideles cereos accensos in manibus portare, ita quoque mulier purificationem faciens, candelam accensam in manibus habet.

Sacerdos introducturus mulierem porrigit stolam ex collo dependentem manui mulieris, dicitque: *Ingrederere templum Dei, & adora Filium Beatæ Mariæ Virginis, qui tibi fecunditatem tribuit prolis.*

XIII. Ex hac formula, uti & ex precibus à Presbytero recitandis haud obscurum, hanc mulierum purificationem ad exemplum purificationis Divæ Virginis institui: unde Pastorale Mechliniense etiam monet, quod si Missa celebretur, aptissime huic laudis officio congruat *Missæ de Purificatione beatæ Mariæ, quæ incipit: Suscepimus.*

XIV. Omnibus cæremoniis ac precibus absoluris, Sacerdos præbet mulieri osculandam Crucem libri Sacramentalis dicendo: *Dominus det tibi suam pacem;* responder Minister: *Et vitam æternam.*

Inter osculandum solet mulier nummum aliquem ipsi libro per modum oblationis imponere, qui in usum Sacerdotis & Ministri, pro locorum consuetudine, cedere consuevit.

Hac oblatione imitari voluere puer mulieres Christi parentes, de quibus legitur: *Et postquam impleti sunt dies purgationis ejus, tulerunt illum in Jerusalem, ut sifterent eum Domino, sicut scriptum est in lege Domini: quia omne masculum adaperiens vulvam, sanctum Domino vocabitur, & ut darent Hostiam secundum quod dictum est in lege Domini. par turturum, aut duos pullos columbarum.* Lucæ 2. vers. 22.

Circa has oblationes merito expendent & observabunt Parochi alique Sacerdotes ea, quæ circa oblationes in administratione Sacramentorum fieri consuetas observanda notavimus.

XV. Pastorale Mechliniense deinde monet: Si contigerit mulierem adversa valetudine, certo tempore purificationis impediri, differatur purificatio, donec utrumque restituta, in Ecclesiam ingredi possit, etiam si mortis immineat periculum, quia purificatio extra Ecclesiam faciendâ non est, neque substituenda alia „ mulier purificandâ in locum defunctæ puerperæ.

## TITULUS III.

### DE SACRAMENTO CONFIRMATIONIS.

#### CAPUT I.

Qui confirmandi, & quomodo instruendi; & quo tempore confirmandi?

1. Quæ de hoc Sacramento credenda proponat Synodus Tridentina?
2. Hoc Sacramentum variis nominibus olim appellatum fuit.
3. Olim non vocabatur Confirmatio; unde hoc nomen derivatum sit?
4. Olim recenter baptizatis dabatur Sacramentum Confirmationis.
5. Quomodo, & qua occasione hæc disciplina apud Latinos desierit?

6. Quare conveniens Ecclesia judicavit parvulos non mox à suscepto Baptismo confirmare?
7. Baptizati olim non credebantur perfecti Christiani ante Confirmationem.
8. Quæ esset illius ratio: & quare hodie dicantur Christiani?
9. Synodi Belgicæ passim requirunt in confirmando ætatem ut minus 7. annorum.
10. Quomodo confirmandi, instruendi, & præparandi?
11. Populus de dignitate, vi, & effectu hujus Sacramenti à Parochis instruendus.
12. Pueri confirmandi testimonium Parochi adferre debent de sufficienti instructione.
13. Olim hoc Sacramentum conferebatur in Paschate & Pentecoste; quod & hodie fieri optavit S. Carolus.
14. Epif.

14. *Episcopus agrum non confirmatum invisere & confirmare debet.*  
 15. *Episcopus Parochos tempestive monere debet, quando hoc Sacramentum conferre intendit: & quid hic observavit S. Carolus.*

I. **SYNODUS Tridentina** Sess. 7. de Confirmatione, Can. 1. ait: "Si quis dixerit Confirmationem baptizatorum otiosam caeremoniam esse, & non potius verum & proprium Sacramentum, aut olim nihil aliud fuisse, quam catechesim quamdam quoad adolescentiae proximi fidei suae rationem coram Ecclesia exponebant: anathema sit.  
 Deinde Can. 2. "Si quis dixerit injurios esse Spiritui Sancto eos, qui sacro Confirmationis Chrismati virtutem aliquam tribuunt: anathema sit.  
 Insuper eadem Sessio de Sacramentis in genere Can. 9. anathemate percutit eum, qui diceret in hoc Sacramento non imprimi characterem in anima, hoc est, signum quoddam spirituale & indelebile, unde illud iterari non possit.

Hæc Ecclesiæ dogmata contra modernos & nobis vicinos Hæreticos, ex Patribus & pristinis Ecclesiæ Canonibus adstructa videri possunt apud Theologos, qui ex professo de hac materia contra Hæreticos scribunt.

II. Illud singulariter pro intellectu Canonum notandum, hoc Sacramentum multis diversisque nominibus olim dictum fuisse.

Imprimis apud veteres frequenter vocatur simpliciter *manus impositio*; quia licet in omnibus pene ritibus Ecclesiasticis fieret *manuum impositio*; specialiter tamen huic Sacramento tribuebatur, quod in Actibus Apostolorum c. 8. per *manuum impositionem* esset expressum. Hoc nomine appellabatur à S. Augustino, lib. 3. contra Donatistas, cap. 6. Item à S. Isidoro, lib. 2. De Offic. Eccl. c. 26. Amaralio Fortunato lib. 1. de Off. Eccl. c. 27.

Dicitur etiam nonnumquam *Supercaeste Chrisma*; ut in Can. 48. Laodicæno ubi dicitur; "Quod oportet eps qui illuminatur, post Baptisma inungi Supercaesti Chrismate, & esse regni Christi participes.

III. Olim hoc Sacramentum frequentius *Chrismatio* à Chrismate, vel etiam *manuum impositio* dicta fuit, quam *Confirmatio*; quo nomine apud Veteres non occurrit designatum.

Quod indicare videtur Innocentius III. in Cap. unico §. 4. de sacra Unctione; una indicans unde Confirmationis nomen derivatum sit. "Per frontis Chrismationem, ait, manus impositio designatur; quæ alio nomine dicitur *Confirmatio*: quia per eam Spiritus Sanctus ad augmentum datur & robur.

Cui congruit instructio ab Eugenio IV. data Armenis, ubi effectum hujus Sacramenti exponens, ait: "Effectus hujus Sacramenti est, quod in eo datur Spiritus Sanctus ad robur, sicut datus est Apostolis in die Pentecostes, ut scilicet Christianus audacter confiteatur nomen Christi.

IV. Ut vero hic effectus Christianis non deesset, forteque redderentur ad fidem, quam in Baptismo professi erant, generose ac libere verbo & opere profitendum, olim in more positum fuit, ut baptizati mox accepto Baptismo confirmarentur; ut titulo præcedente cap. 4. monuimus, & clare citatus Canon Laodicænus indicat.

Et apud Latinos Tertullianus de Baptismo, cap. 7. ait: "Exinde egressi de Lavacro perungimur benedicta Unctione de pristina disciplina, qua ungi oleo de cornu in Sacerdotium solebant... Dehinc manus imponitur, per benedictionem advocans & invitans Spiritum Sanctum.

Hujus pristinae disciplinae innumera sunt tum apud Veteres, tum apud Recentiores obvia testimonia; quæ recitat Hugo Menardus in notis ad Sacramentarium S. Gregorii pag. 144. additque quod, hac durante disciplina, non ungebatur Neophytus in vertice à Presby-

tero, cum hujusmodi unctio instituta sit ob defectum Episcopi.

Hæc disciplina, scilicet confirmandi Neophytos mox post datum Baptismum adhuc hodie servatur in Ecclesia Græca, ut ex eorum Rituali colligitur, & probat Jacobus Goar in notis ad Rituale pag. 367. & propterea nec aliam Chrismatis unctionem adhibent.

V. Quando disciplina confirmandi Neophytos, sive Sacramentum Confirmationis una cum Baptismo conferendi in Ecclesia Latina desierit, incertum est.

Admodum verisimile est, quod quamdiu frequens fuit adultorum Baptismus, etiam hæc perduraverit disciplina. Nec enim dubium, quin Ecclesia semper optaverit, ut Christiani in Christi militiam ingressi, spiritualibus armis ad pugnam instruerentur; & robur spirituale ad pugnandum in hac Christiana militia per Sacramentum Confirmationis acciperent.

Hinc in moderno Rituali Romano sub titulo De Baptismo adultorum, præscribitur: *Si adfit Episcopus, qui id legitime præstare possit, ab eo NEOPHYTI Sacramentum Confirmationis intiantur.*

Dum vero Baptismus adultorum desinere cœpit; atque solus pene infantum invaluit, ipsum Confirmationis Sacramentum conjungi Baptismi dationi paulatim desit.

VI. Visum enim fuit satius esse Sacramentum Confirmationis differre in eam ætatem, in qua Baptizati ratione utentes majori cum fructu illud accipere possent; maxime, quia parvulis usum rationis non habentibus nondum cum hoste pugnandum est: neque si morte præveniantur, ob ejus defectum salutis dispendium incurrunt; cum jam per Baptismum regenerati à peccato originali generatione carnali contracto, sint liberati.

VII. Sed dicit quis, observat & probat Vir eruditus Gabriel Albaspinæus Episcopus Aurelianensis, lib. 1. Observ. cap. 25. quod nemo Christiani nomen olim fortiebatur, nemo perfectus existimabatur Christianus, qui dono Spiritus Sancti confirmatus & donatus non esset.

Quod ipsum inlinuat Canon 39. Eliberitanus, dicens: "Gentiles si in infirmitate desideraverint sibi manus imponi, si fuerit eorum ex aliqua parte vita honesta, placuit eis manus imponi, & fieri Christianos.

Hic per *manus imponi*, intelligi *Confirmari*, multis ostendit ad hunc Canonem nominatus Episcopus Aurelianensis, citans etiam Cyrillum Hierosolymitanum Catechesi 3. Mystagogica, qui similiter docet per Chrismationem Neophytos primum fieri Christianos: "Hujus Sancti Chrismatis dono accepto, ait, merito appellamini Christiani: veram efficientes appellationem in ipsa regeneratione: ante enim quam hæc gratia vobis donata esset, non eratis proprie digni eo nomine, sed pergentes eo usque progressi estis, ut efficeremini Christiani.

VIII. Ut verum sit, olim Neophytos seu recenter Baptizatos nequaquam fuisse dictos Fideles, aut perfectos Christianos; vel etiam simpliciter Christianos, priusquam Confirmationis Sacramentum acceperint; id non propterea contigit, quod ante Confirmationem non crederentur per Baptismum vere in Christo regenerati; sed quia ante Sacramenti Confirmationis susceptionem nondum omnibus armis spiritualibus instructi videbantur, quibus Jesu Christi milites instructos ad prælium oportebat, ideoque sicut milites seculi non habentur pro perfectis militibus quousque armis idoneis sint instructi, ita nec Neophyti illi perfecti ac veri milites Christi seu Christiani reputabantur; quamvis revera jam essent per Baptismum regenerati & militiae Christi adscripti, imo Christum induissent, & cum illo surrexissent.

Adhæc olim dum Confirmatio jungebatur Baptismo, nulla Chrismatio nisi sola Sacramentalis Neophyto impendebatur: Cum vero à Chrismate dicamur Christiani, proprie eo nomine appellari ante hanc Chrismationem non poterant.

Hinc



Hinc postquam Chrismatio Sacramentalis Baptismo jungi debet, introducta est Chrismatio *ceremonialis*, quæ Neophytus non *in fronte*, sed *in vertice* à Presbytero *Chrismate* ungitur, ut observat Hugo Menardus in notis ad Sacramentarium S. Gregorii pag. 144. Unde hodie Christiani dicimur, non à Chrismatione Sacramentali, quæ ab Episcopo *in fronte* ungitur, sed à Chrismatione *ceremoniali*, quæ immediate post Baptismum in vertice à Presbytero ungitur sive chrismamur. (a)

IX. Passim Synodi Belgicæ juxta modernam Ecclesiæ disciplinam requirunt, ut confirmandi saltem *septennio* non sint minores; " ut melius (ait Synodus Mechliniensis anno 1609. *tit. 4. cap. 4.*) suscepti Sacramenti memores esse possint; nisi ex rationabili causa Confirmationi aliud videatur.

Idem passim inculcant aliæ Synodi; adduntque conformiter ad Pontificale Romanum, ut non admittantur ad hoc Sacramentum, nisi ritè instructi & dispositi.

X. Parochis præcipit Synodus Audomarensis, ut subditos suos sedulo moneant, " quod pueros suos Confirmationis Sacramento nondum insignitos, qui quidem sextum superaverint ætatis annum, ad illud reverenter suscipiendum præparent, edoctos orationem Dominicam & Symbolum Apostolorum, quantum fert ætas atque capacitas, jejunos, si permittat valetudo, confessione expiatis, si doli sint capaces, corporis habitu & capite imprimis mundos.

Idipsum omnes Synodi uno consensu inculcant, monetque S. Carolus in suis Instructionibus de Confirmatione pag. 420. edit. 1683. " Illud verò maxime hortabitur (Parochus) ut cum hoc Sacramento Spiritus Sancti gratia uberrimè conferatur, ad eam consequendam se jejuniis, elemosynâ, qui per facultates possunt, aliisque pietatis officiis & operibus parent: atque imprimis frequentiori & ardentiori religiosæ orationis studio devotè sese exerceant, exemplo SS. Apostolorum; qui dum expectarent Spiritum Sanctum, perseverantes erant in oratione & jejuniis. Act. c. 1.

XI. Ut verò fideles sint de hoc Sacramento amplius instructi; ac convenientem ideam concipiant; præcipitur Parochis, ut " de dignitate, vi, & effectu hujus Sacramenti subditos suos sæpè diligenterque instruant, maxime sub id temporis, quo illud Episcopus in iis locis administraturus est. Ita Synodus Mechliniensis P. II. tit. 4. cap. 1. idipsum aliæ Synodi similiter inculcant; monetque Synodus Bulcoducensis sub Massio, tit. 4. c. 9. ut id præstent præsertim in festis Pentecostes; & quodcumque Episcopum ad ipsorum locum venturum esse audiunt.

Dum Parochi populum de hisce instruere volent, meritò legent jam citatas instructiones S. Caroli, in quibus piè & fuse ejus effectus & dignitas, aliæque eò pertinentia explicantur.

XII. Ut confirmandorum curam rectè gerere possint Parochi multum conferunt Episcopi, qui neminem confirmare volunt, nisi qui testimonium à suo Parocho attulerit; quemadmodum edito Decreto 6. Febr. 1681. declaravit Alphonsus de Bergues Archiepiscopus Mechliniensis.

XIII. Quamdiu hoc Sacramentum ipsi Baptismo quodammodò conjunctum fuit, etiam nonnisi in Paschate & Pentecoste, seclusâ necessitate, conferebatur; & licet mutata disciplinâ, Episcopo liberum sit etiam alio tempore hoc Sacramentum conferre, tamen ingratè meritò S. Carolus in suo Concilio IV. parte 2. titulo de Sacramento Confirmationis, ne statâ Pentecostes solemnitate id præstare prætermittant; adjungitque in Concilio V. eodem titulo, ut " non solum sacris solemnibus Pentecostes diebus, sed etiam (si ita

(a) Ex dictis colliges nullam olim ætatem ad excipiendam Confirmationis Sacramentum definitam esse; sed nihil adeo majori sollicitudine præcavebant antiqui, quam ne segues aut pigri hac in re invenirentur.

" civitatis suæ ingens frequentia, multitudoque postulat) & Paschæ Resurrectionis tempore, & in Adventu sacro Domini, & quoties visitationem obibit, Sacramentum Confirmationis ministret: & ob eam causam, ut Concilio provinciali quarto cautum fuit, ad ministrandum sæpè accurret, quibus in locis Dilectis opus erit.

XIV. Post hæc monet: " Quod si quis cum periculose ægrotat se Chrismatis Sacramento confirmatum non esse meminerit, ac propterea id sibi ministrari petat; tunc Episcopus, si eo loci est, ubi ille ægrotat, ne sine hoc Sacramento discedat, cum charitate paterna inviset, & ritè confirmet.

Insuper in suis Instructionibus inter cætera à Parochis circa hoc Sacramentum observanda, præcipit: Ægrotos præterea nondum confirmatos designabit, eoque Archiepiscopo denuntiabit, ut ne ingravescente morbo, sine hoc Sacramento discedant.

Ex his constat, quam ideam de fructu hujus Sacramenti concepisset hic zelosissimus Archi-Præsul; quamque sollicitos esse debere Episcopos ostenderit, ut nemo hoc Sacramentum destitueretur.

XV. Volunt quoque Synodi, ut Episcopus Sacramentum hoc administraturus, diebus aliquot ante moneat Parochos, ut populum interea pro ejus digna susceptione disponere, & specialiter instruere valeant; voluitque S. Carolus, eum in finem ab Episcopo Litteras Pastorales, ad Parochos dandas; & quibus ipsi, quæ potissimum iis incumbant, haurire queant, easque populo publicè prælegant: ita habetur in Concilio Mediolanensi IV. part. 3. tit. de Visitatione: & in Instructionibus præcipit, (merito ab omnibus Parochis æmulandum: ) " Paucis ante ministrationem diebus, Parochus, in cujus Parochia hujus Sacramenti ministratio indicitur, primò orationem publicam instituet; ut sui divinæ gratiæ dona uberrimè recipiant.

## CAPUT II.

## De Ministro Confirmationis, &amp; de Chrismate.

1. *Primis seculis solos Episcopos fuisse Ministros Confirmationis malè adstruitur ex Epistola Eusebii Papæ.*
2. *Probatum testimonio Innocentii I.*
3. *Presbyteri apud Græcos etiam hodie hoc Sacramentum administrant; neque hanc disciplinam Ecclesia Romana improbat.*
4. *An eam Innocentius III. improbaverit?*
5. *Etiam in Ecclesia Latina Presbyteri dispensatorè administrare possunt.*
6. *Neque contrariam asseruit Eugenius IV. aut definivit Synodus Tridentina.*
7. *Si positâ reservatione positivâ posset Presbyter confirmare.*
8. *Disciplina, quæ solis Episcopis dat auctoritatem confirmandi, occasionem dedit sejungendi confirmationem à Baptismo.*
9. *Episcopi curare debent, ne quis ex eorum negligentia sine hoc Sacramentis discedat.*
10. *Incommoda ex hujus Sacramenti dilatione nata sequi.*
11. *Chrismatis benedictio soli Episcopo competit.*
12. *Primitus Episcopus omni tempore Chrisma conficere poterat.*
13. *Quandonam invaluerit ut in Cena Domini Chrisma esset conficiendum?*
14. *Olim Presbyteri à suis Episcopis Chrisma accipiebant.*
15. *Hodie singulis annis; secus olim Chrisma renovandum.*
16. *Quomodo hodie ex præscripto Synodorum Chrisma accipiat: & renovari debeat?*

17. Ali-

17. *Aliquando Archidiaconi Chrysma distribuant; & in illius distributione pecuniam exigebant.*

I. SOLUM Episcopum hujus Sacramenti Ministrum esse, nec ab aliis quàm ab Apostolis eorumque successoribus Episcopis unquam peractum fuisse, aut administrari posse, claris testimoniis declarat Epistola, quæ sub nomine Eusebii Papæ refertur apud Gratianum *Dist. 5. De Consecrat. Can. 4.* "Manus quoque impositionis Sacramentum magnâ veneratione tenendum est, quod ab aliis perfici non potest, nisi à summis Sacerdotibus, nec tempore Apostolorum ab aliis, quàm ab ipsis Apostolis legitur, aut scitur peractum esse: nec ab aliis quàm ab illis, qui eorum tenent locum, unquam perfici poterat, aut fieri debet. Nam si aliter præsumptum fuerit, irritum habeatur & vacuum & inter Ecclesiastica nunquam reputabitur Sacramenta.

Verùm nōrunt hodie eruditi, quàm exigua sit hujus ac duarum aliarum Epistolarum, quæ sub nomine hujus Pontificis extant, fides, de quibus in nota marginali ad earum primam intrepidè pronuntiat Labbæus: *Confictæ ac spurie omnes*: & deinde de hac, quæ ordine tertia est, notat: *Tota conficta est.* T. I. Conc.

II. Hoc ergo testimonio prætermisso, aliud habetur, licet nonnihil posterius, certius tamen, nimirum Innocentii I. in Epistola ad Decentium, *cap. 3.* "De configurationis verò infantibus manitutum est, non ab alio quàm ab Episcopo fieri licere. Nam Presbyteri, licet sint Sacerdotes, Pontificatus tamen apicem non habent. Hæc autem Pontificibus solis deberi, ut vel consignent, vel Paracletum Spiritum tradant, non solum consuetudo Ecclesiastica demonstrat, verùm & illa lectio Actuum Apostolorum, quæ asserit Petrum & Joannem esse directos, qui jam baptizatis traderent Spiritum Sanctum.

Hoc Innocentii testimonio utuntur communiter Auctores de Officiis Ecclesiasticis scribentes, ut probent Episcopum esse hujus Sacramenti ministrum.

Nequaquam tamen hinc inferre licet, Episcopum ita esse à Christo designatum ministrum, ut ea potestas nullo casu inferioribus Presbyteris communicari possit.

III. Nam Græci non tantum olim, sed etiam hodie eam auctoritatem in Presbyteris agnoscunt; hique baptizatos Chrysma in fronte consignant; eamque praxim Ecclesiam Latinam non improbasse, ex iis, quæ in Concilio Florentino acta sunt, non obscurum est.

In hujus quippe Concilii conclusione Eugenius IV. inter alias quæstiones hanc ordine sextam Græcis proposuit: *Quare Pontifices non inungerent sacro chrysmate, sed Sacerdotes; cum hoc Pontificibus sit datum?* Et ita tum subditur in textu: *Hæc à Latinis objecta Mytyliensis canonice omnia, legitimèque dissolvit.*

Hinc patet, quod etiam tempore hujus Concilii, Græci Sacerdotes confirmarent. Secundò, quod super ea praxi disputatum fuerit. Tertiò, quod Græci suæ disciplinæ Canonicas rationes dederint; atque Latinorum argumentis satisfecerint. Quartò, quod Eugenius IV. aliquæ Latini Episcopi acquieverint; nec Græcos ad aliter confirmandum adegerint; neque de nullitate Confirmationis sic collatæ scrupulum moverint.

IV. Contrarium prorsus his videtur responsum Innocentii III. in *cap. 4.* "De consuetudine, ubi eam praxim Græcorum omnino improbare videtur; atque Confirmationem à Presbyteris etiam Constantinopoli collatam pro invalida habere.

Verùm omnis difficultas evanescet, si consulatur ipsa Decretalis Innocentii, prout extat in tertia Decretalium collectione apud Antonium Augustinum; è qua eam desumpsit Raymundus omisâ voce *Latinis* ad vocem *Presbyteris*; quæ ostendit Innocentium tantum respondisse de Presbyteris *Latinis* Constantinopoli degentibus; quibus præcipit ut consuetudinem Ecclesiæ Latinæ

sequantur. Hic obiter notent Canonistæ, quàm utile, imò necessarium sit, interdum ad veteres Decretalium collectiones habere recursum; uti monui & pluribus ostendi in commentario ad Canones.

V. Cæterum tamen si disciplina Ecclesiæ Latinæ habeat, ut soli Episcopi hoc Sacramentum administrent, quin tamen Presbyteri subinde extraordinariè & absente Episcopo, dispensatoriè id ministerii exercere queant, evidenter jam pridem probavit S. Gregorius.

Scripsit ipse Episcopo Calaritano in Sardinia lib. 3. *Epist. 9.* "Presbyteri baptizatos infantes signare sacro in frontibus chrysmate non præsumant: sed Presbyteri baptizatos ungant in pectore, ut Episcopi possint modum ungere debeant in fronte." Apud Gratianum *De Consecrat. dist. 4. Canon. 19.*

Cùm verò intellexisset Gregorius quosdam à Sardinia hoc responso scandalizatos fuisse, rescribit eidem Episcopo in hæc verba: "Pervenit quoque ad Nos quoddam scandalizatos fuisse, quod Presbyteros chrysmate tangere in fronte eos, qui baptizati sunt, prohibemus. Et nos quidem secundum usum veterem Ecclesiæ nostræ fecimus. Sed si omnino hac de realiqui contristantur, ubi Episcopi defunt, ut Presbyteri etiam in frontibus baptizatos chrysmate tangere debeant, concedimus." *Epist. 26.* ejusdem libri; & refertur à Gratiano, *Dist. 95. Can. 1.*

Observatu digna sunt hæc epistolæ verba: *Nos quidem secundum usum veterem Ecclesiæ nostræ fecimus*: tacite innuens aliam esse Ecclesiæ Orientalis consuetudinem, se autem scripsisse Episcopo Calaritano in prioris Epistola, ut procederet juxta consuetudinem Ecclesiæ suæ, id est, Romanæ; quæ Presbyteris non permittebat baptizatos sacro chrysmate in frontibus consignare.

Sed cùm hinc offenderentur Sardi, in hac Epistola (quæ ad priorem refertur,) permittit Gregorius, *ubi Episcopi defunt, ut Presbyteri etiam in frontibus baptizatos Chrysmate tangere debeant.*

VI. Itaque non dubitavit Gregorius, quin Presbyteri etiam subinde esse possent hujus Sacramenti ministri; quod & supposuit Eugenius IV. dum in Instructione pro Armenis dixit: *Legitur tamen aliquando per Apostolicæ Sedis dispensationem simplicem Sacerdotem Chrysmate per Episcopum consecrato hoc administrasse Sacramentum Confirmationis.*

Unde Synodus Tridentina *Can. 3. De Confirmatione*, dicens, Ministrum hujus Sacramenti esse Episcopum, expressè ad vocem *ministrum* addidit, *ordinarium.*

VII. Plura in eadem rem vide apud Franciscum Farvacquium, De Sacramento Confirmationis, *cap. 4. §. 4. §. 1. 3. & 4.* Et quæstione 5. ostendit, seposita reservatione, posse etiam in Ecclesia Latina Presbyterum ex sola Episcopi commissione confirmare juxta illud Synodi Toletanæ I. "Statutum est Diaconum non chrysmare, sed Presbyterum absente Episcopo; præsentem verò, si ab ipso fuerit præceptum." *Can. 20.*

VIII. Quidquid sit, certum est juxta modernam Ecclesiæ Latinæ disciplinam, quam & à seculo IV. in usu fuisse, testis est Innocentius I. solis Episcopis fas esse hoc Sacramentum conferre; quæ disciplina verisimiliter occasionem dedit sejungendi Confirmationem à Baptismo.

Cùm enim invaluisset Baptismus infantum isque à Presbyteris plerumque conferretur, contigit, ut hi potestate confirmandi destituti, Confirmatio differretur quousque præsentia Episcopi haberetur; quæ, populo Christiano multiplicato, cùm frequenter ad longum tempus expectaretur, tandem conveniens visum fuit, differri quousque baptizati usum rationis attigissent.

IX. Quia ergo ad Episcopos pertinet hoc Sacramentum administrare, debent quoque hi omni curâ invigilare, ne quis ex eorum negligentia hoc Sacramento diutius quàm oportet, destituatur; quemadmodum multis ostendit Farvacquius loco citato in sua *Charitate*; optatque;

optatque, " ut Episcopi omnes tam vigiles sint ad ministrandum omnibus Confirmationis Sacramentum, quam alacres & expediti sunt ad suscipiendum, (ut iam non sollicitandum!) sublimioris Cathedræ fastigium. Certè (pergit Farvacquius) Armacanus Primas Hiberniæ, lib. 9. cap. 30. non dubitat asseveranter scribere: *Qui Sacramentum Confirmationis retardant, sine quo plurimi suorum subditorum ab hac luce recedunt, graviter valde coram Deo delinquent.*

X. Ex hac insuper Episcoporum mora in administrando hoc Sacramento contingit, tantam subinde multitudinem confirmandorum concurrere, ut vix confusio tempore administrationis vitari queat; nequeatque Episcopus notitiam convenientem de confirmandis accipere: circa quæ non inutiliter consulunt Episcopi, quæ in suis Instructionibus præscripsit S. Carolus, titulo *De Modo procedendi ad sumendum Confirmationis Sacramentum*; in Actis Ecclesiæ Mediolanensis pag. 421. edit. 1683.

XI. Sicuti ipsius Confirmationis Ministrum ordinarium solum Episcopum agnoscit Ecclesia Latina, ita nec *chrismatis* conficiendi, sive benedicendi alium ministrum agnoscit; nec jam pridem agnovit; de quo præter plures Canones Africanos apud Gratianum, *Caus. 26. quest. 6. Can. 1. & 2.* hæc habet Canon 20. Concilii Toletani I. sub initium sæculi V. " Quamvis pene ubique custodiat, & absque Episcopo Chrisma nemo conficiat; tamen quia in aliquibus locis, vel Provinciis, Presbyteri dicuntur Chrisma conferre, placuit hæc die nullum alium, nisi Episcopum Chrisma facere, & per Diocesim destinare.

XII. Quod verò in eodem Canone subijcitur: *Episcopo sancti OMNI TEMPORIS licere Chrisma conficere*, manifestè evincit, nequaquam eo tempore adhuc stabilitam modernam disciplinam, quæ vult ut Chrisma tantum *feria v. ante Pascha*, sive in *Cena Domini*, ab Episcopo conficiatur.

Hinc quoque ostenditur supposititiam esse Epistolam, quæ sub nomine Fabiani Papæ (qui sedet circa initium sæculi III.) ad omnes Orientales Episcopos extat, & de qua hoc fragmentum refert Gratianus, *Dist. 3. de Consecrat. Can. 18.* " Litteris vestris inter cætera insertum invenimus, quosdam regionis vestræ Episcopos à vestro nostroque ordine discrepare, & non per singulos annos in *Cena Domini* Chrisma conficere. Erant verò, qui talia excoGITANT, & mente vesana potius quàm rectè sentientes, hæc audent. Sicut enim ipsius diei solemnitas per singulos annos est celebranda, ita ipsius S. Chrismatis confectio per singulos annos est agenda, & de anno in annum revocanda & fidelibus tradenda: quia novum Sacramentum est per singulos annos, & jam dicto die innovandum, & vetus in sanctis Ecclesiis cremandum. Ista à sanctis Apostolis & successoribus eorum accepimus & vobis tenenda mandamus.

XIII. Videtur autem sæculo VII. præfens disciplina de conficiendo Chrismate in *Cena Domini* invaluisse, nam illius mentio fit in Sacramentario S. Gregorii, & antiquo Ordine Romano, aliisque, qui circa ea tempora de Divinis Officiis scripserunt.

XIV. Prædictus Canon Toletanus, vult, ut de singulis Ecclesiis ad Episcopum ante diem Paschæ Diaconi destinantur, aut Subdiaconi, ut confectum ab Episcopo Chrisma possint accipere.

Erin Concilio Carthaginensi IV. *Can. 36.* apud Gratianum *Dist. 95. Can. 4.* " Presbyteri, qui per diversas Ecclesias regunt, non à quibuslibet Episcopis, sed à suis; nec per juniorem Clericum, sed aut per seipsum, aut per illum, qui Sacrarium tenet, ante Paschæ solemnitatem Chrisma petant.

XV. Addit Gratianus post particulam *sed*, OMNI ANNO; idque forsan more suo inflectendo Canonem ad sui temporis disciplinam, quæ Chrisma singulis annis renovari volebat; quæque etiam hodie obtinet: nisi

Tom. I.

dicere malimus cum Stephano Baluzio in notis ad hunc Canonem Gratiani, mendum hic esse in editionibus Gratiani, & pro omni anno legendum *omni*.

XVI. Hodie non singuli Parochialium Ecclesiarum Rectores per se aut alium, Chrisma accipiunt ab Episcopo; sed Archipresbyteri id pro suis respectivè Districtibus accipere solent; qui illud Rectoribus Ecclesiarum distribuunt, aut in civitatibus Chrisma solemniter ad Ecclesiam primariam sive matricem defertur, ad quam inferiores Ecclesiæ accedentes id quærere solent.

Synodus Mechliniensis P. II. tit. 2. cap. 6. ait: Non modò Archipresbyteri singulis annis ab Ordinario suo, vel, Sede vacante, à Vicario Generali, sacrum Chrisma & sacra Olea tempestivè petant, & per Sacerdotem, Diaconum, vel saltem Subdiaconum, in mundis & honestis vasculis (scilicet stanneis aut argenteis, nullo modo verò cupreis, testaceis aut vitreis) ad locum residentie suæ ferri curent: sed Pastores etiam singuli quotannis ab Archipresbytero suo, vel ex ea Ecclesia unde consueverunt, per se aut alium Sacerdotem, non autem illo inferiorem, in similibus vasculis Sacrum Chrisma, sanctaque Olea ferre non omittant; iisque receptis, veteribus non utantur: sed quidquid ex illis superfuerit, si liquidum, lampadi, quæ lucet ante Venerabile Sacramentum infundatur; sin autem bombyci, vel gossipio immixtum fuerit, super piscinam comburatur.

Huic consonat Synodus P. II. Cameracensis tit. 5. cap. 8. & 9. atque hodiernam in requirendo ac deferendo sacro Chrismate disciplinam Belgicam hæc Synodi expriment.

XVII. Sæculo IX. Parochos ab Archidiaconis aliquando Chrisma accepisse testis est Hincmarus Rhemensis in Capitulis anno 877. Archidiaconis datis cap. 5. ubi una vetuit ne à Presbyteris, dum pro Chrisma accipiendo veniunt, eulogias exigant.

Et in Concilio Cabilonensi II. anno 813. *Can. 16.* apud Gratianum *caus. 1. quest. 1. Can. 106.* statutum, ut sicut pro dedicandis Basilicis, & dandis Ordinibus nihil accipiendum est, ita etiam pro balsamo, sive luminaribus emendis, nihil Presbyteri Chrisma accepturi dent.

Idem in Concilio Toletano XI. Braccarensi II. & Triburiensi decretum fuit; quorum Canones refert Gratianus loco citato *Can. 101. 102. & 103.* ad quod reflectens Innocentius III. reprobatur consuetudinem quorundam Episcoporum Provincie Cantuariensis, exigendi certam pecuniæ quantitatem pro Chrismate, idque per anticipatam solutionem; ne viderentur pro Chrismate accipere. Refertur in cap. 36. de Simonia.

## CAPUT III.

### De Ritibus Confirmationis.

1. Antiquus est ritus manus imponendi.
2. Manus impositio aliquando sumpta pro Confirmatione.
3. Ecclesia Romana nunquam rejecit manus impositionem.
4. Confirmandus Chrismate ungitur in fronte.
5. Unde Chrisma conficiatur?
6. Incertum est, an unctio Chrismatis spectet ad essentiam Confirmationis.
7. Quam convenienter Balsamum adhibeatur, remissivè.
8. Confirmandus apud Latinos ungitur in fronte, apud Græcos in pluribus partibus corporis.
9. Unctio fit adhibito signo crucis.
10. De verbis in unctione proferendis non convenit inter Græcos & Latinos; nec formula unctionis pertinet ad substantiam Sacramenti.

D d d

11. Ob



11. Ob formulam unctionis bodiernam Latinorum invaluit nomen Confirmationis.
12. Ritus percussione post factam unctionem, quid significet?
13. Episcopus confirmato pacem impertitur.
14. Hodie etiam assumuntur Patrimi; quorum antiquitas mentio non occurrit.
15. Quales in Patrimos adhibendi; & quis electus habendus?
16. Quod eorum officium?
17. Cavendum, ne per horum Patrimorum adhibitionem nimis multiplicentur impedimenta Matrimonii.
18. Quae in administratione servanda modestia.
19. Quid nominis mutatio significet?

I. **IMPRIMIS** Apostolicus est ritus *manuum impositio* super confirmandos, de quo in Actibus Apostolorum c. 8. Oraverunt pro ipsis, ut acciperent Spiritum Sanctum.... Tunc imponebant manus super illos & accipiebant Spiritum sanctum.

Eundem ritum apud Patres passim expressum & adhibitum videmus: falsumque quod Innocentius III. dixerit eum in *Chrismationem* esse mutatum; quasi Ecclesia Romana (ut clamant Hæretici) abrogato ritu Apostolico solâ Chrismatione uteretur.

II. Scribit quidem Innocentius III. in cap. unico §. 4. *De sacra unctione*: Per frontis chrismationem manus impositio designatur: quæ alio nomine dicitur Confirmatio; nequaquam dicere voluit, *manus impositionem* separari à Chrismatione; sed tantum, quod frontis Chrismatio designet sive significet illud idem, quod olim simpliciter dicebatur *manus impositio*; & hodie alio nomine vocatur Confirmatio.

Idem dicere intendit Eugenius IV. in Instructione pro Armenis, dicens, quod Apostoli per *manus impositionem* darent Spiritum Sanctum, & loco illius impositionis datur in Ecclesia Confirmatio, nimirum, Sacramentum, quod Apostolorum tempore dicebatur *manuum impositio*, hodie dicitur Confirmatio.

III. Neque Ecclesiam Romanam rejecisse *manuum impositionem* in administratione hujus Sacramenti, sat manifestum est ex Pontificali Romano, ubi præscribitur, ut Episcopus orationem recitet *extensis versus Confirmandos manibus*; sive ut legitur in Sacramentario S. Gregorii *Levata manu*; quibus idem reipsâ indicatur, ac si diceretur, *impositis super Confirmandos manibus*; iis, siquidem tribus formulis idem ritus significatur, nempe oratio, quam quis fundit super eo, quem *manu* indicat. Quid enim est aliud *manus impositio* (ait Augustinus lib. 3. de Baptismo cap. 16.) quàm ORATIO SUPER HOMINEM?

IV. Ultra *manuum impositionem* & orationem super confirmandos, ungitur confirmandus Chrismate in fronte.

De hac unctione frequens est apud Antiquos mentio; & plura apud Theologos obvia sunt testimonia; quæ una quoque ostendunt, jam pridem orationibus Chrisma fuisse benedictum; nec non magnam unctioni efficaciam datam fuisse. Unus pro omnibus S. Cyrilli Hierosolymitani locus sufficit *Catechesi 3. Mystagoga* his verbis conceptus: "Quemadmodum panis Eucharistiae post S. Spiritus invocationem, non amplius est panis communis, sed est Corpus Christi: sic & sanctum hoc unguentum, non amplius est unguentum nudum, neque (si quis ita appellare malit) commune, postquam jam consecratum est, sed est Chrisma Christi, quod adventu Spiritus Sancti per ipsius Divinitatem energiam habet. Quo fronti & alii sensus corporis tui symbolicè inunguntur: & corpus quidem isto visibili unguento perungitur, anima verò Sancto vivifico Spiritu sanctificatur.

V. Chrisma hodie conficitur ex oleo olivarum & balsamo, de quo ita loquitur instructio pro Armenis. "Secundum Sacramentum est Confirmationis, cujus

"materia est chrisma confectum ex oleo, quod significat nitorem conscientiae, & balsamo, quod significat odorem bonæ famæ, per Episcopum benedicto.

VI. Nequaquam tamen certum esse num Chrismatis unctio ipsi Sacramento sit essentialis, ita ut illâ omisâ esset tanquam nullum reiterandum Sacramentum, sat manifestum est ex responso III. in cap. 1. *De Sacramentis non iterandis*; nam ad quæstionem, num "Sacramentum Confirmationis in eo debeat iterari, qui per errorem fuit non chrismate sed oleo delinitus? non respondit Innocentius, Sacramentum esse iterandum tanquam nulliter collatum, sed cautè suppleendum, quod incautè fuerat prætermisum; ut fieri solet, dum quædam non ad essentiam requisita per errorem omisâ sunt.

Cæterum hoc indubitatum est, hodie licitum non esse, sine vero chrismate hoc Sacramentum conferre.

VII. Quàm convenienter balsamum hic adhibeatur, & quomodo virtutes homini Christiano necessarias, nec non pinguedinem cælestis gratiæ, quæ per hoc Sacramentum infunditur, designet; pulchrè explicat Sanctus Carolus in suis Instructionibus, De Sacramento Confirmationis parte 4. Actorum Ecclesiæ Mediolanensis, pag. 419.

VIII. Signatur autem in fronte; idque ritu antiquissimo: Nam Sanctus Cyrillus Hierosolymitanus verbis suprâ relatis immediatè subjungit: "Ac primum quidem fronti illinitur; ut eum absterget à vobis pudorem, quem primus homo transgressor perpetuè circumferebat: simulque efficiat, ut possitis vultu non velato gloriam Domini intueri.

Subdit post hæc Cyrillus: "Deinde verò aures unguntur, ut ad audiendum divina mysteria aures accipiat: de quibus Isaias dicebat c. 50. v. 4. Et addidit mihi Dominus aures ad audiendum: Et Dominus in Evangelio Luc. c. 8. v. 8. Matth. c. 11. v. 15. Qui habet aures audiendi, audiat. Postea nares: ut divinum recipientes, ait, unguentum, dicatis: Christi gratus odor est Deo, in his, qui salvantur. Tum verò & pectus inungitur; ut indui thoracem justitiæ, fortiter adversus insultus diaboli consistatis.

Hæc Cyrillus *Catech. 3. Mystag.* conformiter ferè ad disciplinam Græcorum, qui hodie ungunt baptizatum non tantum in fronte, sed & in oculis, & in naribus, & in utraque aure & pedibus. Ita Euchologium editum à Jacobo Goar, pag. 356.

IX. Conveniunt Græci & Latini, quod signent sive ungant adhibito signo crucis. Hic appositè exponet Patrochus, ait Sanctus Carolus, "illo crucis signo, quo Christus Dominus triumphavit, Christianum hominem, in cujus fronte dum confirmatur, in numerum adscribi fortissimorum ejus militum.

X. Chrisma per modum crucis fronti confirmandi illiniens Episcopus, ritualino dicit: Signote signo crucis & confirmo chrismate salutis in nomine Patris, & Filii, & Spiritus Sancti.

Quo tempore hac formulâ Ecclesia Latina uti cœperit, incertum est; hoc certum est, Græcos hac formulâ nec olim usos fuisse, neque hodie uti; creduntque plures (a) formam hodiernam Græcorum esse: Signaculum doni Spiritus Sancti: Neque Ecclesiam Latinam Confirmationem ritu Græcorum ita factam improbare, certum quoque est, formulam illam Latinorum primis decem seculis notam non fuisse, neque ullum auctorem ante seculum XII. illius meminisse, ac consequenter dici non posse formam essentialem hujus Sacramenti; ut latius ostendit Farvacquius in Opusculo de hoc Sacramento, cap. 3. quæst. 2. ubi §. 2. monet, quod mens Eugenii IV. in Instructione pro Armenis non fuerit

(a) Theologi, de quibus loquitur D. Van-Espen, sunt Arcudius, Goar, &c. At Doctissimus Samborius alique complures censent formam Confirmationis apud Græcos esse eam orationem, quæ in eorum Euchologiis unctionem Neophyti præcedit, quæ sic incipit, Benedictus es Domine, &c.

essent a'et Sacramentorum formas, sed ad summum assignare formas ordinarias in Ecclesia Latina utitas; ut ita Armeni de ritu Ecclesiæ Romanæ essent instructi.

XI. Non dubium, quin post addita hæc verba: *CONFIRMO te chrismate salutis*, Sacramentum hoc vulgari nomine *Confirmationis* nuncupari cœperit; quo nomine nunquam vel raro apud Veteres nuncupatum legitur; quibus tamen verbis & nomine convenienter præcipuus Sacramenti effectus recte indicatur; qui est spiritualis *Confirmatio* sive roboratio ad resistendum diabolo, & fortiter standum pro Evangelio & Christi nomine; quemadmodum loco citato exponit Sanctus Carolus.

XII. Ubi frontis inunctio peracta est, Episcopus confirmatum leviter in *maxilla cadit*. Non perantiquam esse eam cæremoniam, probat silentium omnium Auditorum, qui de Officiis Ecclesiasticis seculo IX. & X. scripserunt; illius tamen rationem piam hanc assignat Sanctus Carolus: " Ut sciat homo Christianus, se jam militem esse, cujus pugna & victoria eluceat in patiendis injuriis, non illis inferendis: deinde se in Christiana militia constitutum esse, in qua non hujus vitæ iucunditates, & commoda quærat, sed incommoda potius, atque adeo mala multa patienter ferat: ac præterea intelligat officii sui esse in acie stare; relaque unde veniant observare; ita ut quamvis illis telorum ictibus corpus, honor, opesque lædantur, anima tamen nullo pacto offendatur.

XIII. Demum pacem impartitur confirmando Episcopus ritu antiquo; utpote cujus meminit pristinus Ordo Romanus seculo VII. conscriptus.

Pacem dari ostendit Parochus, ait S. Carolus, " ut intelligant se gratiæ cœlestis plenitudinem, & pacem, quæ exsuperat omnem sensum, consecutos esse.

XIV. Denique juxta hodiernum Ecclesiæ Latinæ morem in hoc Sacramento, non secus ac Baptismo, adhibentur *Patrini & Matrini*; atque ratione susceptionis etiam hic cognatio spiritualis constituens impedimentum, etiam dirimens matrimonium, contrahitur.

Quod apud Veteres horum Patrinatorum mentio non fiat, mirum apparere non debet: quandoquidem, uti supra monuimus, pluribus sæculis hoc Sacramentum à Sacramento Baptismi vix separaretur; ideoque admodum verisimile est, disciplinam adhibendi speciales Patrinos seu Sponsores, vel susceptores Confirmationis incepisse, postquam Confirmatio desit unam cum Baptismo administrari. Dum enim conjunctim conferebantur Confirmatio & Baptismus, credebantur Patrini sive Sponsores pro utroque intervenire; unde contigit, ut facta separatione, etiam separatim adhiberi cœperint Patrini; ut ita antiquus ritus manera videretur.

XV. Synodus Audomarensis anno 1583. *titul. 4. cap. 5.* ne Patrinatorum hæc adhibitio in Confirmatione

reddatur inutilis, voluit, " ad id muneris non quoslibet, absque discrimine adsumi, sed ejusmodi omnino, qui ut spirituales parentes & possint & velint eorum, quos ad Confirmationem obtulerint, paternam curam gerere eosque instruere, quomodo adversus visibiles & invisibiles salutis hostes, sit dimicandum certandumque viriliter. Habeatur itaque delectus & ratio talis, qualem Patrinatorum in Baptismo habendam esse præscripsimus.

Et Synodus Mechliniensis P. II. *tit. 4. cap. 2.* declarat, " eos qui in Baptismo Patrini esse non possunt, nec hic esse posse.

XVI. Synodus Cameracensis P. II. *tit. 7. cap. 1.* vult, ut Parochus Patrinatorum officium exponat populo; " nempe quod eorum puerorum, quos susceperint tanquam filiorum spiritualium curam gerere, eosque prima fidei rudimenta docere debeant, si ea ignorent.

Addit hæc Synodus, ut singuli puerorum ab aliquo præsentandi adducantur, " mares quidem ait, quoad fieri poterit à viris, & puellæ à mulieribus.

XVII. Synodus Bulcoducensis, tam sub Mefsio, quam Masio, monet consulendum parentibus, ut pro præsentantibus seu tenentibus assumant, quantum fieri poterit, consanguineos aut affines, aut eos qui in sacris Ordinibus constituti sunt. Rationem addit Synodus sub Masio: *Ne multiplicentur matrimonii impedimenta.* Id ipsum monent Decreta Diœcesis Gandensis sub Antonio Triest, *tit. 4. cap. 2.*

XVIII. " Dum Sacramentum hoc ministratur (ait Synodus Bulcod. sub Masio, *cap. 7.*) " non modo qui illud suscepturi sunt, quique eos offerunt, sed quot quot etiam præsentantes sancto illi ministerio adiunt, sancte pieque orent, ac summa animi intentione spectent, quod in illa solemnii ministerii celebritate peragitur: tum vero mente reputent cœlestia illa Spiritus Sancti dona, quæ illius Sacramenti virtute Fidelibus impenduntur: imprimisque tacita meditatione videant, quas in illis progressionem habeant, & an vitam agant tanta cœlestium donorum ubertate dignam.

Hoc laudandum suum Decretum, & hodie merito sæpius inculcandum, desumpsisse videtur Synodus ex Concilio V. Mediolanensi sub Sancto Carolo, *cap. 8.* ubi ad verbum exhibetur.

XIX. Addit deinde clausulam quæ nominis mutationis in hoc Sacramento fieri solitæ rationem indicat: " Ut qui hætenus non ad normam Christi Domini vitam iustituit, jam abiecto nomine ejusmodi, deponitoque veteri homine, & antiqua socordia, rursusque novo ac sancto suscepto nomine, virilem in sancte agendo constantiam perpetuo deinde præstet.

## TITULUS IV.

### DE SACRAMENTO EUCHARISTIÆ.

#### CAPUT I.

De Materia, Forma & Ministro hujus Sacramenti.

1. Quid de hoc Sacramento habeat moderna professio fidei?
2. Quid Synodus Tridentina?
3. Contentio inter Patres Tridentinos occasione tertii Canonis.
4. Materia Eucharistiæ est verus panis triticæus; & vinum de vite.

Tom. I.

5. Non refert quæ sit species vini, modo sit vinum de vite.
6. Græci utuntur pane fermentato; an eo etiam Latini aliquando usi fuerint?
7. Agnoscunt Latini utrumque esse materiam sufficientem.
8. Quisque debet servare in usu panis consuetudinem & præscriptum suæ Ecclesiæ.
9. Forma hujus Sacramenti sunt verba quibus Christus illud consecrat.
10. Non iisdem verbis in omnibus Liturgiis exprimitur forma consecrationis Panis.

D d d 2

11. Pa-

11. *Varietas est in forma consecrationis Calicis.*
12. *Forma hodierna consecrationis Latinorum præsertim Calicis integra, non est de essentia Sacramenti.*
13. *Forma hodierna necessario ab omnibus exacte servanda.*
14. *Forma consecrationis Calicis non continetur quoad omnia in Scriptura; est tamen conveniens.*
15. *Solus Sacerdos potest hoc Sacramentum conficere.*
16. *Diaconi aliquando hoc Sacramentum populo distribuunt.*
17. *Diaconi id faciebant ut Ministri Sacerdotum.*
18. *Distributio Calicis magis propria fuit Diaconis, quam Panis consecrati.*
19. *Quamdiu hæc disciplina duraverit; & quæ hodie illius vestigia?*
20. *Hodie soli Presbyteri distribuunt; & quidem soli Pastores jure ordinario.*
21. *Aliquando Religiosis vetitum fuit Eucharistiam sine consensu Parochi populo distribuere.*
22. *Hodie, excepta Communione Paschali, in omnibus passim Ecclesiis, & ab omnibus Presbyteris distribuitur.*
23. *Unde hæc licentia invaluerit?*
24. *Quæ hinc incommoda?*

I. **E**UCHARISTIA VOX Græca, proprie Latine significat *gratum actionem*: quare Sacramentum Corporis & Sanguinis Christi dictum est Sacramentum *Eucharistiæ*, vel simpliciter *Eucharistia*, à facto Salvatoris; qui illud instituendo *gratias egisse* Patri, Evangelistæ & Paulus testantur.

De hoc Sacramento habet hodierna fidei professio: „ Profiteor in sanctissimo Eucharistiæ Sacramento, esse „ vere, realiter & substantialiter Corpus & Sanguinem, una cum anima & divinitate Domini nostri Jesu „ Christi, fierique conversionem totius substantiæ panis in corpus, & totius substantiæ vini in Sanguinem, „ quam conversionem Catholica Ecclesia *Transubstantiationem* appellat. Fateor etiam sub altera tantum specie totum atque integrum Christum, verumque Sacramentum sumi.

II. Hæc à Pio IV. hujus formulæ professionis auctore desumpta fuerunt ex Canonibus Concilii Tridentini, *sess.* 13. ubi tres sequentes Canones in hanc rem editi sunt.

Primus: „ Si quis negaverit in sanctissimæ Eucharistiæ Sacramento contineri vere, realiter & substantialiter Corpus & Sanguinem, una cum anima & divinitate Domini nostri Jesu Christi, ac proinde totum Christum: sed dixerit tantummodo esse in eo, ut in signo, vel figura, aut virtute: anathema sit.

Secundus: „ Si quis dixerit in sacrosancto Eucharistiæ Sacramento remanere substantiam panis & vini, una cum Corpore & Sanguine Domini nostri Jesu Christi; negaveritque mirabilem illam & singularem conversionem totius substantiæ Panis in Corpus, & totius substantiæ vini in Sanguinem, manentibus dumtaxat speciebus panis & vini; quam quidem conversionem Catholica Ecclesia aptissime *Transubstantiationem* appellat: anathema sit.

Tertius: „ Si quis negaverit in venerabili Sacramento Eucharistiæ sub unaquaque specie, & sub singulis cujusque speciei partibus; separatione facta, totum Christum contineri: anathema sit.

III. Circa tertium Canonem observat Pallavicinus, *lib.* 12. *Hist. Concilii Trident.* cap. 2. num. 15. „ Cum hic Canon à Patribus delectis ita fuisset conformatus: „ Si quis dixerit, sub qualibet specie; & sub qualibet ipsius parte non contineri totum Christum, sit anathema; „ Joannem Æmilianum Hispaniensem, Tudætanum „ Antistitem monuisse, ut adjiceretur, *facta separatatione*; si quidem variabant sententiæ, an Christus esset sub qualibet particula hostiæ integræ; atque ita effectum est.

Veritatem horum dogmatum contra nostri temporis Hæreticos varii Theologi doctissimis tractatibus ex Scriptura & Traditione solidissime adstruxerunt, atque præ cæteris eruditus Auctor operis Gallici cui titulus: *Perpétuité de la Foi*.

IV. Materia hujus Sacramenti, prout exprimitur in Decreto Eugenii IV. pro Armenis (quod extat tom. 13. Concil. General. pag. 529.) est *panis triticeus, & vinum de vite*.

Quid sit *panis triticeus*, quid *vinum de vite*; perendum ex vulgari æstimatione & judicio. Unde omillis Philosophorum, aut aliorum subtilibus de his disputationibus, numquam pro materia hujus Sacramenti aliud adhibendum, extra casum necessitatis, nisi illud quod juxta vulgare & commune judicium habetur & dicitur proprie *panis triticeus, & vinum de vite*.

V. Quæ sit species vini parum refert; modo revera sit *vinum de vite*: & uti advertit Cardinalis Bona *lib.* 1. *Rerum Liturg.* cap. 23. num. 1. „ nulla unquam de vino inter Catholicos quæstio fuit; omnes enim *vini* nomine audito, illud statim mente concipiunt, quod ex uvis exprimitur, & hominibus in potum exhibitur.

VI. De pane vero, pergit Cardinalis Bona, inter Orientales & Occidentales acerrimæ moræ sunt lites; nam Orientales *fermentato* utuntur, & hunc solum legitimum esse materiam hujus Sacramenti affirmant; Occidentales autem in *azymis* conficiunt, utentes tamen *fermentato* non damnant. Adhærent Latinis in usu azymorum Maronitæ & Armenii, sed quo tempore his uti cæperint præter morem cæterorum Orientalium difficile est invenire. Hæc ille, qui ibidem post Jacobum Sirmondum sustinet, etiam Ecclesiam Latinam multis sæculis usam fuisse pane *fermentato*; nec nisi post schisma Photianum usum azymorum introductum: econtra vero Christianus Lupus, tom. 3. Scholiorum, Dissertatione de Actis Leonis IX. cap. 7. & sequentibus, & post ipsum eruditus Mabillonius in singulari Dissertatione *De pane Eucharistico, azymo & fermentato*, multis ostendere volunt; usum *Azymorum* in Ecclesia Latina antiquissimum esse, & multis sæculis schisma Photianum antecessisse.

VII. Quidquid sit de hac facti quæstione, multis difficultatibus intricata, illud sit certum, utrumque panem, tam *azymum*, quam *fermentatum* esse veram & sufficientem hujus Sacramenti materiam; ipsamque diversum usum esse unum è punctis disciplinæ, de quibus recte dixit S. Anselmus Cantuariensis: „ Quoniam multæ sunt diversitates, quæ non in substantia Sacramenti, neque in virtute ejus, aut fide discordant, neque omnes in unam consuetudinem colligi possunt: æstimamus eas potius pro pace concorditer tolerandas, quam discorditer cum scandalo damnandas. Habemus enim à sanctis Patribus, quia si unitas servatur charitatis in fide catholica, nihil officit consuetudo diversa. „ Hæc ille in Responsione ad Vaulerandi querelas cap. 1.

VIII. Illud quoque certum est, unumquemque teneri hac in re ritum & morem suæ Ecclesiæ servare; adeoque juxta modernam disciplinam, Presbyteros in Ecclesia Latina non posse uti pane *fermentato*: imo eo utentes *graviter* peccaturos; ita quidem ut qui id scienter perpetrasset, officio & Beneficio privandum esse, ex Cap. finali & De Celebrat. Missarum concludant Canonistæ.

IX. De forma hujus Sacramenti instructio pro Armenis loquitur his verbis: „ Forma hujus Sacramenti sunt verba Salvatoris, quibus hoc confecit Sacramentum. Sacerdos enim in persona Christi loquens, hoc conficit Sacramentum.

Omnes sive Orientales, sive Occidentales, tam antiquas, quam modernas Liturgias in hoc conspirare notat Vir eruditione celeberrimus Benignus Bosluet Episcopus Meldensis in explicatione quarundam difficultatum



tim circa preces Sacrificii Missae n. 45. quod ipsa Consecrationis vis ipsis verbis Christi à Sacerdote prolatis adscribatur: quamvis non eodem modo ubique proficerentur.

X. Forma consecrationis panis in Liturgia Ambrosiana edita à Pamelio est: *Hoc est enim corpus meum quod pro multis confringetur.*

Forma consecrationis panis in Liturgia Graecorum exprimitur his verbis: *Hoc est corpus meum quod pro vobis frangitur.* Et in Missali antiquo Mozarabum, quod olim erat Hispanorum exprimitur hac formula: *Hoc est corpus meum: quod pro vobis traditur.*

XI. Forma consecrationis calicis in Graecorum Liturgiis haec est: *Hic est Sanguis meus novi Testamenti, qui pro vobis & multis effunditur in remissionem peccatorum.* Ita Liturgia S. Basilii & S. Chrysostomi; Liturgia S. Jacobi post verbum effunditur, addit, & datur.

Ambrosiani ritus formula consecrandi calicis in Liturgia à Pamelio edita haec est: *Hic est enim sanguis meus.*

In recentioribus quidem Missalibus ritus Ambrosiani, quibus hodie utitur Ecclesia Mediolanensis, eadem est formula consecrationis tam panis quam vini cum Romana: quia multi ritus Ordinis Romani in Ordinem Ambrosianum à recentioribus induci sunt, ait Mabillon. lib. 1. De Liturgia Gall. c. 2. n. 8. qui & ibidem c. 4. n. 3. notat, eandem fuisse Mozarabicam formulam: at & hanc & illam nonnihil seculo X. immutaram fuisse, magisque Romanae accommodatam: cujus mutationis occasionem ex Ambrosio Morales (a) refert Baronius ad annum 918.

Exstat hoc Missale Mozarabicum apud Mabillonium in citato tractatu de Liturgia Gallicana in appendice, ubi & dicta consecrationis verba leguntur, pag. 448.

XII. Ex his facile est intelligere: non omnia quae in hodierna Romana consecrationis, praesertim Calicis formula (qua universa hodie Ecclesia Latina utitur,) occurrunt, esse plane necessaria pro validitate consecrationis: quandoquidem videamus hodie Ecclesiam Orientalem, & olim plures Ecclesias etiam Latinas alia formula usas fuisse; unde S. Thomas non aliam consecrationis formam agnovisse videtur, tanquam necessariam pro validitate Sacramenti, nisi hanc: *Hoc est Corpus meum.* Et, *Hic est Sanguis meus;* 3. part. 9. q. 78. art. 1. & 3. concluditque proinde: "Quod si Sacerdos sola praedicta verba praefert cum intentione conficiendi hoc Sacramentum, perficeret hoc Sacramentum."

XIII. Nihilominus quia hodierna Ecclesiae Latinae formula consecrationis usitata, scilicet Panis: *Hoc est enim Corpus meum;* Et Calicis: *Hic est Calix Sanguinis mei, novi & aeterni Testamenti, mysterium fidei, qui pro vobis & pro multis effundetur in remissionem peccatorum,* extat in omnibus Missalibus; atque à pluribus seculis in Ecclesia Latina religiose observata fuit, nemo ab ea vel in minimis recedere potest; atque graviter delinqueret, graviusque castigatione dignus esset Sacerdos, qui vel scienter, vel negligenter, eam sive quidquam omitendo, sive addendo, aut alio quovis modo immutaret, aut mutilaret.

XIV. Praedicta quidem formula Calicis; "non est in Scriptura sacra, nec in Liturgiis, (ait Menardus ad Sacrament. S. Gregorii pag. 19.) extat tamen in versione Codini: estque optima, quia continet sensum aliarum formularum, quae sunt apud Evangelistas & Sanctum Paulum." Hae illae, qui ibidem notat, haec verba: *Mysterium fidei,* non extare in antiquo Ordine Romano.

Quaestiones plures, quae tum inter ipsos Theologos; tum etiam inter Catholicos & Haereticos circa materiam & formam hujus Sacramenti agitantur, hic non attingo; utpote quae vel disciplinam Ecclesiasticam non tangunt, vel minoris momenti sunt, & ab ipsis Theologis sufficienter excussae.

(a) Hanc occasionem tenet Ambros. Morales Chron. Hispan. l. 13. c. 47.

XV. Si ipsius Sacramenti consecrationem seu consecrationem spectemus, ejus Minister est Sacerdos legitime ordinatus: solisque Sacerdotibus competere hujus Sacramenti consecrationem, non obscure indicat, Canon 18. Nicenus; dum arguit Diaconos, quod quibusdam in locis Eucharistiam darent Presbyteris: "Quod ait, nec Canon, nec consuetudo tradidit, ut qui offerendi potestatem non habent, his qui offerunt, dent Corpus Christi."

Dicens enim, Diaconos non habere potestatem offerendi, sed eam Presbyteris competere; non obscure significat; nec Diaconis conficiendi Eucharistiam potestatem competiisse: quia consecratio Eucharistiae non nisi in ipsa Sacrificii oblatione, etiam antiquitus fieri solebat.

XVI. Si vero Eucharistiae jam confectae administrationem, sive distributionem spectemus; eam aliquando etiam Diaconis competiisse sat innuit, citatus Canon 18. Nicenus. Cum enim prohibeat dumtaxat Diaconis eam Presbyteris administrare; idque hac ratione: "quod neque Canon neque consuetudo tradidit, ut qui offerendi potestatem non habent, his qui offerunt, dent Corpus Christi;" sat insinuat inferioribus Clericis & Laicis Diaconos potuisse distribuere Eucharistiam.

Et sane ante Nicenam Synodum hanc Diaconorum functionem clare exprellit Justinus Martyr. Apol. 2. "Et iis quae cum gratiarum actione consecrata sunt, unusquisque participat, eademque ad eos qui absunt, Diaconis dantur perferenda."

XVII. Haec vero Diaconi faciebant, tanquam Episcoporum & Sacerdotum Ministri. Diaconus enim Graece, Latine minister dicitur, eo quod Episcopis & Presbyteris ministraret, ut supra parte 1. tit. 1. cap. 3. notavimus. Unde auctor Constitutionum Apostolicarum lib. 8. cap. 28. ait: "Oblatione vero à Presbytero aut Episcopo facta, ipse Diaconus dat populo, non tanquam Sacerdos, sed tanquam qui ministrat Presbyteris."

Hac de causa jam pridem in Concilio Carthagenensi IV. Can. 38. apud Gratianum, Diff. 93. Can. 18. decretum fuit: "Praesente Presbytero, Diaconus Eucharistiam Corporis Christi populo, si necessitas cogat, jussu eroget."

XVIII. Nota, hic agi de datione Corporis Christi; qua indicatur datio Eucharistiae, sub specie Panis. Dispensatio enim Sanguinis Dominici sub speciebus Vini specialius ac frequentius in omnibus passim Ecclesiis Diaconis competit; atque de hac sola loquitur Sanctus Cyprianus, libro De Lapsis, dicens: "Ubi vero foemnis adimpletis Calicem Diaconus offerre praesentibus coepit, &c." Hinc & illud à Sancto Laurentio Diacono dictum ad Xystum Papam: "Experire utrum idoneum ministrum elegeris, cui commissi Dominici sanguinis dispensationem;" Apud Sanctum Ambrosium, lib. 1. De Officiis, cap. 41.

XIX. Quamdiu hic dispensandi usus per Diaconos in Ecclesia duraverit, incertum est. Admodum verisimile est, eam desisse, quando Communio Laicorum sub specie Vini desit; id est, circa seculum XII. aut XIII. Vettigium nihilominus hujus disciplinae esse videtur, quod Diaconus in Missa solemni juxta hodiernum ritum, offerat cum Presbytero celebrante, Calicem, atque una cum celebrante verba oblationis pronuntiet; non autem Panem; ideoque & in oblatione Calicis dicitur pluraliter: *Offerimus,* cum in oblatione Panis dicatur singulariter, uti notat Cardinalis Bona lib. 2. Rerum Liturg. cap. 9. num. 5.

XX. Caeterum hodie soli Presbyteri Eucharistiam administrant. Et quidem cum soli Episcopi ac Parochi vicariae animarum sibi jure ordinario incumbentes habeant jus administrandi Sacramenta, ut supra titulo 1. observavimus, & aperte declarat Synodus Tridentina, Sess. 24. cap. 13. De Reformatione consequens est, non omnibus

nibus Presbyteris, sed solis Parochis competere, Eucharistiam jure ordinario suis respective Parochianis administrare; eosque esse sicuti aliorum Sacramentorum, Baptismi, Pœnitentiæ, Extremæ Unctionis & Matrimonii, ita & hujus Sacramenti ordinarios Ministros.

XXI. Conformiter ad hoc Parochorum jus decernitur in *Clementina I. De Privilegiis*, quod "Religiosi, qui Clericis aut Laicis Sacramentum Eucharistiæ ministrare, non habita super his Parochialis Presbyteri licentia speciali præsumpserint, Excommunicationis incurrant sententiam ipso facto, per Sedem Apostolicam dumtaxat absolventi: quos etiam locorum Ordinarii (postquam de hoc eis constiterit) excommunicatos faciant publice nuntiari, donec de absolutione ipsorum ipsis super hoc fuerit facta fides, nullo Religiosis super hoc exemptionis, vel alio privilegio suffragante.

Insecuta hanc Clementinam declaravit Synodus Moguntina anno 1549. *parte 1. Can. 27.* "Nulli Religioso (etiãsi ad confessiones audiendas, ut præmittitur admissus fuerit) licere volumus cuiquam laico Sacrosanctæ Eucharistiæ Sacramentum, sine speciali consensu Parochi, ad cujus curam ille pertinet, porrigere.

XXII. His tamen non obstantibus non tantum Religiosi, sed quicumque Presbyteri, etiam seculares, solent passim sine ulla speciali Parochialis Presbyteri licentia, quibusvis perentibus Eucharistiam, saltem extra tempus Paschale, administrare: & illi quidem in Monasteriorum suorum Ecclesiis; & hi in Sacellis aut Ecclesiis, in quibus publice conveniente populo Missas celebrandi facultas est. Quæ consuetudo verisimiliter invaluit, postquam etiam in Religiosorum Ecclesiis & aliis Sacellis publicæ Missæ, id est, ad quas populus admittitur, celebrari ceperunt.

XXIII. Cum enim communio sit quasi pars ipsius Sacrificii, consequens visum fuit, quod ubi Sacrificio interesse liceret, ibi & Communionem accipere possent; atque ita tandem jus Ecclesiæ Parochialis ad solam Communionem Paschalem, & Parochorum ad hujus, nec non Viatici administrationem redactum creditur.

XXIV. Cæterum sicuti ex Parochialis officii neglectu plurima incommoda nata sunt oriri, uti verbis S. Caroli ostensum est *part. 1. tit. 3. cap. 10.* ita hæc libera & generalis à quocumque Sacerdote, & ubique accipiendæ Eucharistiæ libertas, secum nata est trahere inter alia incommoda, Sacramenti illius multiplicem profanationem; dum scelestis quibusque & etiam notoriis peccatoribus, via aperta est, sine ullo repulsio- nis metu ad Sacram Eucharistiam accedendi. Quid enim facilius est, quam neglecto Parochiali Presbytero, cui ejus vita nota esse posset, ad alium aliquem ignorum Presbyterum recurrere, atque ab eo Eucharistiam petere & accipere?

Quis non videat, quam parum efficacia sint futura, durante hac consuetudine, quæcumque de repellendis publicis & notoriis peccatoribus à Sacra Communionem in Synodis tories decreta fuerunt? Episcopaliique Prælati, quibus disciplinæ Ecclesiasticæ conservatio, & restauratio (præsertim quæ ad dignam Sacramentorum susceptionem exigitur aut saltem multum conducit) specialiter incumbit, expendere poterunt, quid secundum temporum & locorum conditionem fieri aut statui expediat, ut hisce incommodis occurrere possit.

## CAPUT II.

Qui ad Communionem admittendi, qui repellendi?

1. Eucharistia semper considerata ut cibus spiritualis.
2. Recenter baptizatis etiam infantibus olim data.

3. Hæc disciplina seculo XI. adhuc vigeat in Ecclesia Latina; & hodie viget apud Græcos.
4. Synodus Tridentina hanc disciplinam non improbat; sed Eucharistiam infantibus non esse necessariam docet.
5. Hodie pueri non admittendi, ni ad usum rationis per- tigerint, & rite sint instructi.
6. In pueris admittendis ad Communionem non tantum scientiæ, sed præcipue probitatis ratio habenda.
7. Quæ ratio in præparandis pueris ad primam Communionem servanda.
8. Quæ cura adhibenda circa pueros, qui pene ad ætatem convenientem pervenerunt.
9. Consultum ut pueri prævie aliquoties Parocho fuerint confessi.
10. Ecclesia semper fuit sollicita, ne indignis Eucharistia detur.
11. Olim ante Communionem alta voce dicebatur à Diacono, Sancta Sanctis.
12. Hodie Paroebus sæpius monere debet populum, quæ præparatione accedere debeat.
13. A Sacra Communionem indigni repellendi.
14. Si notorie & publice indigni sint, etiam publice repellendi.
15. Hi repellendi, nisi de eorum penitentia constet; & scandalo satisfecerint.
16. Etiãsi Sacramentaliter confessi; & absolutionis obtentæ testimonium habent.
17. Non tantum nominatim in Ritualibus expressi sunt repellendi sed quicumque peccatores publici.
18. Qui revera sunt conversi, sed bacillus non est nota conversio, occulte, non publice admittendi.
19. Qui publici peccatores communi & vulgari acceptione dicantur?
20. A mente Ecclesiæ recedunt, qui hic requirunt notorietatem juris.
21. Ex hac restrictione inutilia redduntur Decreta Ecclesiæ in hac materia.
22. Minus verendum quod hic excedent Paroebi, quam quod deficient: & quare?
23. Opus tamen est quadam Christiana prudentia.
24. Hodie damnatis ad mortem in quibusdam Ecclesiis datur S. Eucharistia.
25. Alia olim fuit disciplina: & quæ hujus ratio?
26. Quid circa occultos peccatores ad Communionem accedentes observandum?

I. SEMPER in Ecclesia considerata fuit Eucharistia tamquam cibus & potus spiritualis, quo in Christo spiritualiter renati, vitam hanc spirituales alere, confortare & conservare deberent.

II. Hac consideratione multis seculis usitatum fuit, ut mox post collatum Baptismum etiam ipsa Sacra Eucharistia, tamquam spirituale alimentum recenter in Christo renatis porrigeretur; ut supra *titulo 2. cap. 2.* monuimus. Idque adeo generaliter observabatur, ut & ipsis pueris in tenera & infantili ætate baptizatis Eucharistia daretur.

Hujus disciplinæ plurima eaque evidentissima testimonia extant, præsertim apud Patres sex aut septem primorum seculorum. Imo in ipso S. Gregoriæ Sacramentario *titulo De Sabbato Sancto*, de infantibus baptizatis dicitur: "Qui etiam non prohibentur *lactari* ante Sacram Communionem, si necesse fuerit."

Quod & præscribitur in veteri Ordine Romano, qui ipso Gregorio recentior putatur.

III. Hanc disciplinam dandi Sacram Communionem infantibus adhuc seculo XI. viguisse in aliquibus Ecclesiis Latinis, innuit non obscure Hugo à S. Victore, qui eo seculo scripsit: "Pueris recens natis idem Sacramentum in specie *Sanguinis* est ministrandum digito Sacerdotis, quia tales naturaliter fugere possunt."

Apud

Apud Græcos eadem etiamnum hodie disciplina fervatur, ut ex modernis eorum Ritualibus sive Eucharistiae colligitur, testaturque Græcorum ritum peritissimus Arcudius lib. 3. *De Sacram. Eucharist. cap. 11.*

IV. Ecclesia Latina tamen nec antiquam Latinorum Patrum disciplinam, nec modernam Græcorum improbet, nihilominus ob reverentiam tanto Sacramento debitam, contrariam disciplinam seculo XII. & sequentibus sensim inductam, in Synodo Tridentina declaravit merito esse retinendam; ipsosque infantes nullâ necessitate obligari ad sacram Communionem; ac per consequens declarat, contrariam antiquorum praxim, ad disciplinam duntaxat pertinuisse. Verba Synodi sunt *Sess. 21. cap. 4. De Communione*: "Denique eadem sancta Synodus docet parvulos usu rationis carentes nulla necessitate obligari ad Sacramentalem Eucharistiam Communionem: siquidem per Baptismi lavacrum regenerati, & Christo incorporati, adeptam jam filiorum Dei gratiam in illa ætate amittere non possunt: neque ideo tamen damnanda est antiquitas, si eum morem, in quibusdam locis aliquando servavit. Ut enim sanctissimi illi Patres facti probabilem causam pro illius temporis ratione habuerunt: ita certè, eos nulla salutis necessitate id fecisse, sine controversia credendum est.

V. Conformiter ad hoc Decretum & disciplinam jam ab aliquot sæculis in Ecclesia Latina stabilitam, Ritale Mechliniense à Jacobo Boonen Archiepiscopo revivum, & in aliquibus emendatum, de parvulorum Communionem hæc habet: "Pueri ad primam Communionem non admittantur, nisi prius diligenter examinati & instructi, eaque discretionem & ætatem sint, ut dijudicare possint Corpus Christi. Addebatur in veteri Manuali sub Hovio: "Communiter ætas huic rei apta esse solet ab anno decimo usque ad decimum quartum: sed illud in hodierno delerum, relictumque iudicio Parochi aut Confessarii sive Directoris, qui judicet, quæ ætate pueri Communionis sint capaces; cum alii citius, alii multò ferius signa capacitatis ostendant.

VI. Favendum quidem citæ Communioni, ut ejus virtus malitiam ætatis præveniat; sed habitâ ratione non solum capacitatis & instructionis ipsorum; verum etiam & maxime probitatis ac pietatis, bonæ indolis atque educationis.

Unde Ritale Romanum in pueris ad sanctam Communionem admittendis, non tantum requirit ut habeant cognitionem hujus Sacramenti; sed insuper gustum exigit; qui sine probitate ac pietate in suscipiente non habetur: "Iis etiam, ait, qui propter ætatis imbecillitatem nondum hujus Sacramenti cognitionem & gustum habent, administrari non debet.

VII. Ut autem pueri ritè ad sacram Communionem disponantur, statuit sanctus Carolus in sua Synodo Diocesana XI. ut "Parochi singulis mensibus semel certa constituta die, pueros, qui annos novem attingunt, ad Ecclesiam evocent: sigillatimque ad rectam confitendi rationem instruant regulis in Sacramentali libro traditis: illos autem, qui decennium attigerint, hebdomadæ septuagesimæ initio accersant, & sigillatim instruant, atque erudiant ad cognitionem, cultumque sanctissimi Sacramenti Eucharistiae: doceantque quàm humiliter & religiosè reverenterque ad eam sumendam accedant, ex regulis item præscriptis ejusdem libri sacramentalis.

Deinde post pauca: "Cum de pueris deliberatur, qui ad sacram Communionem accedunt, Parochus quidem perquirat etiam à parentibus, de eorum pietate, & ingenii præstantia, usuque rationis.

VIII. Adhæc in instructionibus pro administranda Eucharistia monet Parochum, ut cum noverit pueros ad decem annorum ætatem venisse, ita ut capaces sint, qui intra aliquod tempus Communionem excipiant:

"Prima potissimum quadragesimæ hebdomadæ, vel si melius visum fuerit in Nativitatis festis, & hiemis tempore maxime in villis, pro eorum commoditate, qui alio tempore pecoribus invigilant, animarum statum cognoscendo incumbat, & ut valuerit, eos, qui ad supradictam ætatem pervenerint, aut singulos, aut multos simul cogat, ut supra dictum est, ad instructiones audiendas. Qui autem ex iis capaces fuerint, proximo Paschate communicaturi segregentur; dimissis in aliud tempus aliis, ut novam circa eos diligentiam adhibeat.

IX. Insuper vult, ut Parochus "moneat se neminem ad primam Communionem admitturum, nisi præter supradictam instructionem, eum ter aut quater audierit confitentem.

Excipe tamen ab hac prævia trina aut quaterna confessione adolescentem solum alteri Confessario confiteri, qui testimonium suæ capacitatis & ad communium sufficiens, peccataque ter aut quater confessum fuisse, à Confessore; qui timoratus & pius aliunde habeatur, attulerit. Interea tamen, ait, ut suo satisfaciatur, debito, Parochus eum interroget: an sit capax, examinet; deficientibusque in hac parte suppleat; & si capacem invenerit, poterit ei sanctam Eucharistiam impartiri; licet in hoc casu ter aut quater non audierit in confessione; cui Confessoris attestatio supplebit. In Actis Mediol. pag. 601.

Hinc patet quantam in Parocho sollicitudinem requisierit sanctus Carolus, ut pueri ritè ad primam Communionem, à qua sequentes non raro dependent, disponerentur; eamque curam principaliter Parocho incumbere judicaverit.

X. Porro sicuti Ecclesia sollicita fuit, ut renati in Christo hac spiritali alimonia vitam suam spiritualem nutrent & foverent, ita non minus sollicita fuit, ne contra Domini præceptum *Sanctum daretur canibus*; Matt. c. 7. v. 6. & ne quis indignus ad Sacramentum accedens, *judicium sibi manducaret & biberet, non dijudicans Corpus Domini*, 1. Cor. c. 11. v. 29.

XI. Hac de causa jam pridem usitatum fuit, ut ante Communionem *Diaconus magnâ voce, terribili clamore*, (ut loquitur S. Chrysostomus) *tangam præco manum tollens in altum, stans excelsus, & omnibus manifestus*, clamaret SANCTA SANCTIS: quasi diceret, *Si quis non est Sanctus, non accedat. Non solum*, inquit, *à peccatis purus, sed etiam Sanctus. Sanctum enim non facit solum liberatio à peccatis, sed etiam præsentia Spiritûs, & bonorum operum copia. Non solum*, inquit, *volo vos à cano esse liberatos, sed albos esse & speciosos.* Hæc ille, Homil. 17. in cap. 9. Epistolæ ad Hebræos.

XII. Quamvis ritus ille jam à multis sæculis, saltem in Ecclesia Latina in defuetudinem abierit; nihilominus juxta hodierna Ritualia, ac Synodorum decreta Parochus tanquam alter præco populum sæpius admonere debet, quâ præparatione, & quantâ animi religione ac pietate, & humili etiam corporis habitu ad tam divinum Sacramentum debeat accedere. Ita post Ritale Romanum, Ritale Mechliniense.

Quæ animi dispositio requiratur, ut quis fructuosè, & frequenter communicet, Theologorum est à Patrum Scriptis examinare, & determinare. Illud ad disciplinam externumque forum aliquatenus spectat, qui per Parochos aliosve Sacerdotes à Sacra Communionem, etiam inviti & reluctantes repellendi & excludendi sint.

XIII. Juxta invariabile Christi præceptum in Apostolorum personis datum omnibus Ecclesiæ Pastoribus, *Nolite dare sanctum canibus*, invariata hæcenus mansit Ecclesiæ disciplina, ut pastores, quantum in ipsis est, & ipsa temporum, personarum ac locorum conditio patitur, allaborare debeant: ne administrando hoc Sanctissimum Sacramentum contra Domini præceptum *dant sanctum canibus*. Matt. c. 7. v. 6.

XIV. Atque hinc imprimis non tantum pristina sed etiam moderna disciplina Ecclesiæ vult, ut à sacra Com-



Communione repellantur publici & notorii peccatores, tamen etiam publice eam petant.

XV. Modernum Rituale Romanum de his ita loquitur: "Arcendi sunt (à sacra Communione) publice indigni, quales sunt excommunicati, interdicti, manifesteque infames; ut meretrices, concubinarij, fornicatores, magi, sacrilegi, blasphemi, & alij ejus generis publici peccatores, nisi de eorum poenitentia & emendatione constet, & publico scandalo prius satisfecerint."

XVI. Rituale Mechliniense iisdem penè verbis loquitur, nisi quòd addat: *Etiam si fuerint Sacramentaliter confessi*. Idipsum passim & Synodi Belgicæ inculcant. Synodus Cameracensis D. anno 1604. tit. 5. cap. 3. Ritualium & Synodorum mentem quasi exponens, ait: "Publicæ meretrices, usurarii, & alij quilibet peccatores notorii, etiam sanctissime confessi, ad publicam Sacramentorum perceptionem non admittantur nisi publice poenitentiam egerint; aut ex ipsorum bona conversatione, aliove legitimo modo, de vitæ emendatione publice constet."

Huic consonat Decretum S. Caroli in Instructionibus pro Pastoribus, pro administranda in suis Ecclesiis Eucharistia. "Neminem peccatis publicis irremittit ad Communionem excipiet (Parochus) nisi prius scandalo publico satisfecerit, etiam si absolutionis, à Poenitentiis aut Confessoribus etiam regularibus, acceptæ testimonium produxerit." In Actis Ecclesiæ Mediolanensis pag. 601. edit. 1683.

XVII. Ex his perquam manifestum est, non tantum nominatim in Ritualibus expressos, tanquam publicos peccatores à Communione arcendos; sed quoscumque, modò publici & notorii peccatores verè dici queant: quod & ratio & ipse contextus Ritualium sufficienter evincunt.

XVIII. Adhæc ex hisce Decretis constat, nequaquam sufficere, quòd hujusmodi publici notorii peccatores sint Sacramentaliter, etiam sanctissime confessi; & absolutionis acceptæ testimonium habeant, ut publice ad sacram Communionem admittantur; nisi publice scandalo satisfecerint, aut publice de eorum vitæ emendatione constet; ne scilicet eorum ad sacram Communionem admissio, scandalo sit iis, quibus hætenus eorum emendatio incognita est. Unde de hisce publicis peccatoribus, qui reverà conversi sunt; sed tamen nondum eorum conversio publice nota est, addit Manuale Cameracense: *occulte ipsis dari poterit (Communion) si iis, qui adsunt, nota sit eorum conversio*.

XIX. Qui nomine publicorum peccatorum veniant, ex communi hominum æstimatione potissimum desumendum est, qui pro publico habent, quod quovis modo publice constat. Publicum enim, ut post Bartholum aliosque Canonistas notat Fagnanus ad Cap. vestra de Cohabitat. Cleric. & mulier, num. 52. est illud quod omnibus patet: item illud, quod ponitur in porta Ecclesiæ. "Ad hoc tamen, ait Fagnanus, ut aliquid dicatur publicum, non requiritur, ut ipsius notitia singulorum auribus inculcetur, sed satis est, quod publice sit actum. (a)"

XX. Cum ergo Ritualia atque Synodalia Decreta velint, universim publicos & notorios peccatores à Communione repelli, manifestum est, à verbis & mente Ecclesiæ omnino deviare, qui hujusmodi peccatores non prius volunt esse repellendos, quam per sententiam Judicis sint ut notorii peccatores declarati. Quasi non possent per notorietatem facti esse verè notorii & publici peccatores, antequam per sententiam tales essent declarati. Num forsan scandalum non esset; aut sanctum non daretur canibus, si notoriis peccatoribus notorietate facti administraretur publice Eucharistia: quam-

vis necdum per sententiam Domini Officialis ut tales condemnati essent?

XXI. Deinde si sententia Judicis super notorietate requiratur, priusquam notorii & publici peccatores à Communione sint repellendi, facile quisque intelliget, inutilia ac sine executione futura omnia illa de arcendis publicis peccatoribus Decreta, qui expenderit, quam difficile sit, quamque sumptuosum ac tædiosum, vel unam hujusmodi sententiam obtinere; quamque facile sit futurum, ut hujusmodi perditissimi homines litem ad longum tempus; imò ad finem vitæ protrahant; ipsosque Pastores vexent, & tædio afficiant.

XXII. Neque verendum est, ne Parochi aut Sacerdotes sint nimis proclives ad repellendos à S. Communionem publice petentes; aut forsitan nimis leviter tanquam notorios & publicos peccatores à Communione arceant, qui tales reverà non sunt. Scitur enim quàm soleant hac in parte plerique esse repidi & timidi ob difficultates & obloquia, quæ hinc sibi imminere prævident: ut propterea tot iteratis Decretis opus fuerit, ut pastorum zelus excitaretur; nullum verò Synodale Decretum hætenus reperiatur, quo eorum nimius zelus reprimatur.

XXIII. Illud tamen negare nolim, & in Pastoribus & Sacerdotibus prudentiam Christianam requiri; atque non raro expedire, ut dum publicos aliquos ac notorios peccatores in sua Parochia habent, Superiores consulant; & quid agendum sit ab iis expectant.

XXIV. Damnatu ad mortem debet dari Eucharistia, ait Pastorale Mechliniense; addit tamen: *Sed id fiat ante diem supplicii*.

Ejusdem disciplinæ testis est S. Carolus, in Concilio V. Mediolanensi part. 1. tit. 9. hæc decernens: "Reus capitis damnatus, quo die pro viatico sanctissimum Corpus Domini sumpsit; Christo redemptori, qui pro illius etiam anima sanguinem in ara crucis profudit, à piis Judicibus Magistratibusque illo ipso sanguine redemptis tribuatur. ut ne eo die supplicio afficiatur, multis in locis piæ & laudatæ consuetudinis est. (a)"

XXV. Aliam fuisse pristinam disciplinam, sat notorium est; eamque etiamnum hodie vigere in Gallia & Hispania asserit Gaspar Juenin Presbyter Oratorii in suo Opere de Sacramentis Dissert. 4. q. 6. cap. 4. ubi hujus disciplinæ varias rationes adfert; nec non unde originem habuerit inquirat; atque inter alias ex Dominico Soto hanc allegat: "Et fortassis ortus hujusmodi consuetudinis fuit, ait, quòd cum damnati ad mortem à Communione Reipublicæ abscindantur, in signum hujus abscissionis negatur eis Sacramentum Communionis tanquam Reipublicæ hostibus."

Quidni verisimilius vera illius disciplinæ causa fuerit, quòd hujusmodi publice de scelere perpetrato convicti, & per sententiam ut tales declarati, non crederentur, publice satisfecisse, ut ad sacram Communionem admitterentur.

XXVI. Quoad occultos peccatores Parocho sic præcipit Rituale Romanum: "Occultos verò peccatores, si occultè petant, & non eos emendatos agnoverit, repellat; non autem si publice petant, & sine scandalo ipsos præterire nequeat." Idem habet pastorale Mechliniense. Manuale Cameracense similiter decernit, occultum peccatorem, si publice petat, quando sine scandalo præteriri nequit, repelli non posse; arcendum verò si occultè petat; additque: *Et monendus ne publice petat*.

(a) Non solum apud Italos sed etiam apud Germanos ea est consuetudo, ut reis ultimo supplicio damnatis Eucharistia Communione conferatur. Mor ille Hispanis & Gallis communis quoque olim extitit; sed in utroque Regno abrogatus est, ac potissimum in Gallia an. 1396. Edicto quòd eodem anno dedit Rex Carolus VI. quodque integrum refert Fontano l. 1. Constitut. Regum Franciæ. tit. 68. p. 660.

(a) Ad calcem hujus vol. excarata legitur resolutio Doctorum Lovaniensium circa repulsionem publicorum peccatorum à Sacra Communione: sub littera O. pag. 926.

CAPUT III.

De Communionem Paschali.

1. *Primis seculis Fideles quotidie communicabant.*
2. *Seculis posterioribus Communio rarior esse cepit, & ad tam urgeri debuerunt.*
3. *Aliquando præceptum fuit ut ter in anno communicarent.*
4. *Sæculo XIII. Synodus Lateranensis præcepit, ut ad minus in Paschate communicarent.*
5. *Decretum hoc probavit Synodus Tridentina, frequentiores tamen Communionem desiderans.*
6. *Quæ regula pro frequentiore Communionem servanda remissivæ.*
7. *Ex præcepto positivo Ecclesiæ sola Communio Paschalis necessaria, & quid dicatur tempus Paschale.*
8. *Hæc Communio in Ecclesiâ Parochiali faciendâ.*
9. *Nou satisfit huic præcepto per Communionem in Ecclesiâ Regularium quantumvis privilegiatorum: & quid de famulis laicis Monasteriorum?*
10. *Sanctus Carolus de hac obligatione communicandi in Parochia populum monendum censuit.*
11. *Aliquando statutum fuit, ut nullus intra tempus Paschale Communionem, præter Parochum, administrare posset.*
12. *Hic rigor, quomodo remissus?*
13. *Hoc præcepto, qui teneantur?*
14. *An ægri teneantur?*
15. *Tempus Paschale, de consilio proprii Sacerdotis rogari potest: & quis bodie censetur quoad hoc proprius Sacerdos?*
16. *Pana non communicantis in Paschate.*
17. *Canonis Lateranensis & Mechliniensis obscuritas ejusque executio difficilis.*
18. *An Parochus propriâ auctoritate hanc panam infligere queat?*

I. In primordiis Ecclesiæ certum atque exploratum est, omnes Fideles, quorum erat cor unum & anima una, quotidie perseverasse in communicatione fractionis panis; ut Acta Apostolorum c. 2. & c. 4. testantur: nec ullus sacris mysteriis interesse permittabatur, nisi qui offerre poterat, & de oblatis participare; quam consuetudinem diu perfluisse evidens est, ait Cardinalis Bona lib. 2. *Rerum Liturg. cap. 17. n. 2.* "Nam ex Justiniano Apol. 2. ex Constitutionibus Apostolicis lib. 8. cap. 20. ex Dionysio cap. 3. *Ecl. Hierarchie*, & aliis constat, Pontificem, consecratis Mysteriis, sumplisse Eucharistiam, & singulis præsentibus tradidisse, sive per Diaconos, sive per seipsum.

Quotidianam Communionem suo tempore adhuc Romæ viguisse, testatur Sanctus Hieronymus Epist. 5. ad Pammachium, his verbis: "Scio Romæ hanc esse consuetudinem, ut Fideles semper Christi Corpus accipiant, quod nec reprehendo, nec probo. Augustinus Epist. 52. ult. edit. hac de re varias fuisse in Africa consuetudines scribit.

Ex quibus colligimus, in Ecclesiâ Latina etiam usque ad seculum quintum, in aliquibus saltem Ecclesiis quotidianam fuisse Eucharistiæ sumptionem.

II. At fervore Fidelium postea refrigescente, rarior esse cepit Eucharistiæ sumptio, gustusque hujus spiritualis alimonie deficere, ut qui tanquam famelici ad hunc cibum accurrebant, debuerint tandem tanquam ægri ad medicamenta non tantum invitari, sed & urgeri, imò & penis quodammodo constringi; idque non ut quotidie; sed ut saltem in præcipuis festivitibus hoc divino alimento reficerentur.

III. In Synodo Agathensi sæculo VI. decretum est, Can. 18. "Seculares, qui in Natali Domini, Pascha, & Pentecoste non communicaverint, Catholici non

credantur, nec inter Catholicos habeantur." Apud Grat. *Dist. 2. De Consec. Can. 19.*

In Concilio Turonensi III. anno 813. Can. 50. legitur. "Et si non frequentius, vel ter laici homines communent, nisi forte quis majoribus quibuslibet criminibus impediatur.

Refert hæc Gratianus sub nomine Fabiani Papæ, *dist. 2. De Consecrat. Can. 16.* additis his verbis: *In Pascha videlicet, & Pentecoste & Natali Domini*; sed Decretum hoc Fabiano falsò adscribi agnoscunt eruditi; neque disciplinam hanc sapere ætatem Fabiani, qui sub initium sæculi III. vixit, nimis notorium est: quod ex capite rectè quoque notavit Ferdinandus de Mendoza in Commentario ad Concilium Eliberitanum lib. 1. cap. 6. Gratianum falsò, Canonem 21. *dist. 2. De Consec.* quo referuntur verba Synodi Agathensis supra relata, adscribere Concilio Eliberitano: "Nam tempore hujus Concilii, ait Mendoza, fervente adhuc antiqua nacentis Ecclesiæ devotione, non ter in anno, sed quotidie communicasse solitos Hispanos, testis est D. Hieronymus in Epist. 28. ad Lucinium Baticum.

IV. Illud ex allegatis Canonibus fat constat, sæculo IX. laicos constrictos fuisse ter in anno communicare. Quàm diu hæc disciplina duraverit incertum est; hoc constat, quod labente per universum orbem pietatis studio, tandem Ecclesiâ coacta fuerit præceptum suum ad annuam communionem restringere, de qua in Concilio Lateranensi relato in cap. OMNIS UTRIVSQUE SEXUS. De Penit. & Remiss. statutum est: "Omnis utriusque sexus Fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & injunctam sibi poenitentiam propriis viribus studeat adimplere, suscipiens reverenter ad minus in Pascha Eucharistiæ Sacramentum: nisi forte de proprii Sacerdotis consilio ob aliquam rationabilem causam, ad tempus ab hujusmodi perceptione duxerit abstinendum: alioquin & vivens ab ingressu Ecclesiæ arceatur, & moriens Christianâ careat sepulturâ.

V. Hunc Canonem præ oculis habens Synodus Tridentina declarat *Sess. 13. Can. 9. De Eucharistia*: "Si quis negaverit, omnes & singulos Christi Fideles utriusque sexus, cum ad annos discretionis pervenerint, teneri singulis annis, saltem in Paschate ad communicandum, juxta præceptum sanctæ Matris Ecclesiæ, anathema sit.

Verùm Synodus probans ac innovans prædictam Concilii Lateranensis ordinationem, declarat quidem, adstringi omnes Christi Fideles præcepto positivo Ecclesiæ, ut minus semel in anno in Paschate communicare; sed tamen alio in loco declarat, votum suum fuisse, ut Christi Fideles frequentius ad Sacram Communionem accedant; imò ut in singulis Missis Fideles adstantes non solum spirituali affectu, sed sacramentali etiam Eucharistiæ perceptione communicent. *Sess. 22. cap. 6. De Sacrificio Missæ. (a)*

VI. Variæ regulæ, quas Parochi aliquæ animarum Directores in suadenda frequentiore aut rariore Communionem sequi debent, ex sanctis Patribus à Theologis assignari solent: & nuper aliquas expressit Innocen-

(a) Ut Concilii Tridentini mens de frequenti Communionem exponeretur, plurimi scriptores ore & calamo defudrunt, unum appellare SS. Papam Benedictum XIV. satis erit; extat ejus testimonium lib. 7. de Synodo Diocesana cap. 12. pag. 282. & 283. exaratum his verbis. "Hæc perpenderit Sapientissimi Tridentini Patres, duobus à se editis decretis, fideles hortati sunt ad sanctissimæ Communionis frequentiam, sibi in votis esse demonstrant, ut quilibet tantâ eminent morum integritate, ut dignè possit etiam quotidie Christi carnibus pasci: consilio tamen abstinuerunt ab universali regula hac de re tradenda; cum satis exploratum haberint eam unice desumi posse à cujuslibet peculiari statu, devotione & charitate. Peccem profecto, si expositioni tam clare, tam sapienti, comites alius Concilii Tridentini interpretationes tentarem addere.

tius XI. in Decreto circa *Communione[m] quotidianam* edit. 12. Februarii 1679.

VII. Itaque ſpectando ipſum ſolum poſitivum Eccleſiæ præceptum, huic juxta modernam diſciplinam ſatiſfit ſemel ad minus communicando in Paſchate; ſive tempore Paſchali, quod comprehendere hebdomadam ſanctam & Octavam Paſchatis ex mente Concilii declaravit Eugenius IV. in Bulla. quæ incipit: *Fide digna* 20. in Bull. Rom. quam declarationem ubique nunc ſervat Eccleſia; ita ut quis Eccleſiæ præcepto de *Communione Paſchali* ſatiſfeciffe cenſeatur, modò intra quindenam Paſchalem incipientem à Dominica *Palmarum* & ſinientem in Dominica *in Albis*, communica-  
verit.

VIII. Hæc Communio Paſchalis in propria Parochia fieri debet; quemadmodum hodierni libri Rituales & Synodorum Decreta uno conſenſu declarant; eamque eſſe mentem Concilii Lateranenſis evidenter ſupponunt: ipſaque moderna Eccleſiæ praxis offendit.

“ Quilibet annos diſcretionis habens communicare debet ut minimùm in Paſchate in Eccleſia ſua *Parochiali*, „ ait Synodus P. II. Mechlinienſis *tit. 7. cap. 5.*

IX. Synodus Antverpienſis ſub Mureo *tit. 7. cap. 3.* inſuper declarat, quòd non ſatiſfaciant communicantes in aliis Eccleſiis quorumcumque etiam Ordinum *privilegiatorum*. Addit Synodus Buſcoducentis ſub Maſio *tit. 7. cap. 17.* Ut declaravit ſacra Congregatio: Atque poſt hæc tanquam conſequens inſert: “ Laici proinde ſamuli, quicumque Regularium Monafteriis operam navant, tametsi in illis habitent, ſtato Paſchatis tempore in ſua quique Eccleſia Parochiali ſacram communionem ſumant, niſi ex ſpeciali concordia aliud ipſis ſit permiſſum. „ Idem habet S. Carolus in Concilio Mediol. V. *parte 1. cap. 9.*

X. S. Carolus veritus ne quis tempore Paſchali extra propriam Parochiam communionem accipiens, præcepto Eccleſiæ non ſatiſfaceret, in Concilio ſuo Provinciali II. *tit. 1. Decreto 12.* ſtatuit, ut Parochi, “ Singulis diebus, cùm in Paſcha Reſurrexerit Dominus noſtri Jeſu Chriſti Sacramentum Eucharistiæ adminiſtrabunt, antequam illud cuiquam præbeant, ad populum converſi denuntient, ut ſi quis eorum, qui adſunt, Parochiæ ſuæ incola non eſt, ad ſuam quique *Parochialem* Eccleſiam abeat, ubi quemadmodum Canonum ſanctionibus juſſum eſt, eotempore ſacram Eucharistiā ſumat.

XI. Legitur in Synodo Avenionenſi habita à trium Provinciarum, ſcilicet Arelatenſis, Ebredunenſis, & Aqueſis Episcopis anno 1337. *Can. 4.* ſancitum, quòd “ Curati nulli Parochiano ſuo, cujuſcumque conditionis vel ſexûs exiſtat in feſto Paſchæ, nec in octo diebus immediate præcedentibus & octo ſubſequentibus, concedant licentiam recipiendi, niſi ex cauſa infirmitatis, nec etiam alicui conferendi vel adminiſtrandi Sacramentum Eucharistiæ extra Eccleſias ſuas Parochiales, vel alias Eccleſias, ubi per ipſos Curatos miniſtrari extitit conſuetum.... Prælati autem ſic præſens ſtatutum diligenter obſervent, ut alicui, niſi ex cauſa rationabili, recipiendi Sacramentum prædictum illo tempore, alibi quam in Parochiali Eccleſia, licentiam non concedant. „ Hoc ſtatutum iſdem verbis recepit, & obſervari præcepit Synodus Biterrenſis celebrata ab Episcopis Provinciæ Narbonenſis anno 1351.

XII. Quamvis circa adminiſtrationem Eucharistiæ tempore Paſchali extra Eccleſiam Parochialem non videatur ille rigor eſſe in uſu, nihilominus ſi ex conditione perſonæ aliſque circumſtantiis non conſtet, perſonam ſacram communionem poſtulantem, jam ſatiſfeciffe, aut certè ſatiſfacturam præcepto de communionem Paſchali in Parochiali faciendâ, meritò Sacerdos ſeu regularis ſeu ſecularis ante adminiſtrationem communionis eam de hoc præcepto inſtruet, & ut in ſua Parochia communice[m], monebit.

XIII. Hoc præcepto tenentur omnes generaliter Chriſti Fideles utriuſque ſexûs, ubi ad annos *diſcretionis* pervenerint: quare & pueri, quando ad eos ætatis annos pertigerunt, & ad ſacram communionem ſat inſtructi & probati ſunt, huic præcepto ſatiſfacere debent. Unde in Congregatione Archipreſbyterorum Diceſis Mechlinienſis aſſiſtente Domino Archiepſcopo an. 1663. reſolutum fuit, ut “ tempore quadrageſimæ Paſtores inſtruant pueros, qui annos diſcretionis attingerunt, aut aliàs tanti Sacramenti ſuſcipiendi capaces viſi fuerunt, ut in proximo Paſchate, vel in feſto Aſcenſionis Domini, aut alio oportuno die *primam* communionem reverenter & cum debita animi & corporis præparatione ſumant in *Parochia*, aut alibi de conſenſu proprii ipſorum Paſtoris.

XIV. De infirmis ita loquitur Paſtorale Mechlinienſe conformiter ad Rituale Romanum: “ Aegrotis quæ Parochialibus, etiamſi communionem extra præſcriptos Paſchales dies ſumpſerint, in Paſchalibus diebus (Parochus) illam deferet ac miniſtrabit.

Si tamen appareat paulò poſt expletos dies Paſchales infirmum in eo futurum ſtatu, ut ipſe communicaturus ad Eccleſiam accedat, tunc ipſe Parochus tempus Paſchale prorogare poterit.

XV. Porro Eccleſia omnes Chriſti Fideles ad communionem ita demum adſtringit, “ Niſi forte de conſilio proprii Sacerdotis, ob aliquam rationabilem cauſam ad tempus ab ejus perceptione duxerit abſtinentem.

Si enim Paſtor aliòſve ſpirituális Medicus judicet; hætenus ſacrum hoc alimentum ægro non convenire: idque potiùs mortem, quàm vitam allaturum, abſit ut pia Mater Eccleſia filios ſuos ſimili caſu ad ſacram communionem cogere intendant; mavult enim ut diutius abſtinendo dignè accedant, quàm præcipitanter accedendo iudicium ſibi manducant & bibant.

Vult ergo Eccleſia, ut filii ſui non ex ſocordia & negligentia, aut contemptu ſacram communionem ultra annum differant; at ſi ex conſilio prudentis Medici ſive Directoris abſtineant, ut ſe ad eam eſcam majori cum fructu & reverentia ſumendam interea præparent, procraftinationem huiusmodi non reprobat; ſed potiùs laudat.

Quamvis certum ſit per proprium Sacerdotem in Canone *Omnis utriuſque Sexûs*, intelligi proprium cujuſque Parochum, nihilominus juxta modernam Eccleſiæ diſciplinam, quicumque in Paſchate habet poteſtatem excipiendi confeſſionem, etiam habet poteſtatem tempus communionis Paſchalis reſpectu ſui poenitentis prorogandi: utpotè qui ſolus poſſit iudicare, quid huic poenitenti conveniat: ac per conſequens hodie moleſtari non poteſt propter omiſſam communionem Paſchalem, qui ſe probato Confeſſario confeſſum, ejuſque conſilia ſequutum eſſe offendit.

XVI. Poena autem non communicantis in Paſchate eſt, ut *vivens ab ingreſſu Eccleſiæ arceatur, & moriens Eccleſiaſtica careat ſepultura.*

Ex tenore verborum, quo poena exprimitur, nequaquam obſcurum eſt, hanc poenam non eſſe *latæ*, ſed duntaxat *ferendæ* ſententiæ. Quod & ſat manifeſtè ſignificat Synodus P. II. Mechlinienſis, decernens: “ Qui huic mandato Eccleſiæ non obedierint, vel in Paſchate à Parochia abſuerint, & reverſi intra octo dies non docuerint ſe alibi in Paſchate communicaffe, mox Epſcopo denuntientur, ut ejus iudicio, niſi legitimam excuſationem attulerint, & vivi ab ingreſſu Eccleſiæ arceantur, & mortuis Eccleſiaſtica denegetur ſepultura.

Idem iſdem penè verbis decernit Synodus P. II. Cameracenſis, *tit. 9. cap. 6.*

XVII. Fatendum tamen eſt, verba, quibus Concilium poenam expreſſit, eſſe ambigua, utrum ſcilicet *latæ*, an *ferendæ*, ſententiæ. Quod & obſervavit Du Caſſe, Archidiaconus & Officialis Condomenſis in ſuo



suo Tractatu de Jurisdictione Eccles. tom. 1. cap. 9. §. 9. nam. 15. Asseritque in quibusdam Ecclesiis eam accipi ut lata sententiae, in aliis vero ut ferenda, atque ibidem exponit praxim Ecclesiae Gallicanae, qua Officialis Episcopi, contra Parochianum de neglecta communione Paschali delatum procedere debeat; una monens, officium Parochi esse iteratis vicibus monero & exhortari ipsos defectuosos, ut se ad Communionem rite praepararent, & ad eam se praesentent, priusquam ipsos ut defectuosos Episcopo ejusve Officiali denuntiet.

Et sane Parochi in hac defectuosorum delatione seu denuntiatione, magna prudentia & moderatione uti debent; quia coactio illa judicialis per censuras canonicas, aliasve poenas, quibus similes defectuosi ad sacram Communionem adiguntur, plus subinde nocet, quam prodest ipsorum saluti, & magis in scandalum quam in adificationem aliorum cedere potest, dum ex modo vivendi, aliisque circumstantiis vident ad sacram communionem adigi eum, qui nulla antea vitae emendationis signa hactenus praebuit; neque de criminibus, aut de vita parum christiana antea publica poenitentiae opera ostendit.

Et licet jam pridem sancti Patres fideles ad sacram communionem hortarentur; imo ut ad eam saepius per annum accederent, non tantum monuisse, sed & praecipisse reperiantur; nequaquam tamen legimus quod ante hoc Concilii Lateranensis decretum ad eam sub comminatione censurarum fuerint adacti.

XVIII. Synodorum Lateranensis & Mechliniensis Decreta insuper non obscure supponunt, nequaquam penes Parochos esse auctoritatem, aliquem ob omisam Communionem Paschalem vivum ab Ecclesiae ingressu arcendi, sed dumtaxat deferendi ad Episcopum, qui rematurius examinata hominem delatum vel absolvat vel ad poenam in Canone decretam condemnet.

Neque enim in sepultura illud est timendum sacrilegium quod verendum ex admissione publicorum peccatorum ad sacram Communionem, Praeterea cum non ita ordinarie sit notorium; neque tam facile populo innotescere queat, num quis Communionem Paschalem non fecerit; aut forsitan eam omiserit de consilio alicujus Confessarii, aut consensu Parochi, etiam eo ex capite minus timendum est scandalum, si quispiam ad sepulturam admittatur, etsi Communionem Paschalem vivum omiserit, quam si notorius criminis, antequam publice satisfecerit, ad sacram Communionem admittatur.

## CAPUT IV.

### De Communione Infirmorum.

1. Olim infirmis, & in mortis periculo constitutis data fuit Eucharistia.
2. Eucharistia danda moribundis hodie dicitur Viaticum.
3. Vox Viaticum olim aliter quam hodie accepta.
4. Multum a sensu Canonum aberrant, qui per Viaticum credunt semper intelligi Eucharistiam.
5. Hodie duplex est infirmorum Communio Eucharistica, una per modum Viatici; altera ex devotione.
6. Inter utramque notatur differentia quoad jejunium a communicante servandum.
7. Altera differentia quoad formam distribuendi.
8. Utriusque Communionis solus Parochus est minister.
9. Privilegia Regularium ad administrationem hujus Communionis se non extendunt.
10. Synodi Belgicae juxta hoc Parochis asserunt; illudque Regularibus non competere declarant.
11. Pana decreta in Regulares occulte deferentes Eucharistiam infirmis.
12. Parochus semper debet esse paratus Eucharistiam infirmis administrare; etiam noctu.

Tom. I.

13. Eucharistia solius adorationis causa ad infirmum non deferenda.
14. Quid faciendum Parocho, si infirmus Viaticum sumere nequeat.
15. Aegrotus instruitur a Parocho, quomodo debeat spiritualiter sumere.
16. Eucharistia ad infirmum publice deferenda est.
17. Idem observandum, quando per modum devotionis sumenda est.
18. Eucharistia non est occulte deferenda, quia infirmus morbum occultare vult.
19. Populus monendus, ut Sacramentum ad infirmum deferendum comitetur.
20. Multum in hac re potest pastorum zelus.
21. Quid hic statuerit S. Carolus?
22. Indulgentiae concessae iis, qui comitantur.
23. Confraternitates erigendae, quarum Sodales Sacramentum afficient.

I. Jam pridem S. Eucharistiam aegris administratam fuisse probat imprimis Epistola Synodica Ecclesiae Africanae ad Cornelium Papam, inter Epistolas Cypriani est ordine 54. quae est de pace lapsis danda maturius ob persecutionem ingruentem; quibus eam ob causam Communionis sacrae munimentum concedunt Patres, ut tuti contra adversarium essent, licet revera infirmi corpore non essent, ita scribentes: "Nunc non infirmis, sed fortibus pax necessaria est, nec morientibus, sed viventibus communicatio a nobis danda, ut quos excitamus & hortamur ad praelium, non inermes & nudos relinquamus, sed protectione sanguinis & Corporis Christi muniamus: & cum ad hoc fiat Eucharistia, ut possit accipientibus esse tutela, quos tutos esse contra adversarium volumus, munimento Dominicae saturitatis armemus.

Hic manifeste supponitur, morientibus datam fuisse Eucharistiam; quod & Canon 13. Nicenus supponit, ubi ait: "In summa autem de quolibet excedente, id est, moribundo, & Eucharistiae participationem perente Episcopus cum examinatione oblationem impertiat.

II. Eucharistia quae morituris administratur hodie Viaticum dicitur; imo nomine Viatici hodie unice ipsa communio Eucharistica morituris administrata intelligitur; secus apud veteres.

III. Hi enim omnia nomine Viatici comprehendebant, quaecumque morientibus prodesse possent, ut securus, totiusque in alteram vitam proficiscantur.

Unde quidquid poenitentes aut Catechumenos morti proximis communioni Ecclesiae restituere, atque Deo reconciliare poterat, Viatici nomine comprehendebatur. Unde Baptismus, Confirmatio, Absolutio, Extrema Unctio, imo & bona opera morituris impetrata, nomine Viatici veniebant; uti notat & late probat Vir eruditus Gabriel Albaspinæus Lib. 1. observat. cap. 1. una tamen notans, Eucharistiam etiam antiquitus, cum daretur poenitenti ad mortem praecipitanti, venisse nomine Viatici; imo tutissimum, absolutissimum & potentissimum Viaticum reputatum esse: nequaquam tamen maxime necessarium; sed hujus nominis venisse absolutionem respectu Poenitentium, & Baptismum respectu Catechumenorum.

IV. Hinc idem auctor credit per ultimum & necessarium Viaticum, de quo in patre Caecilius 13. Niceni, non intelligi Eucharistiam, sed reconciliationem ostenditque, a sensu antiquorum Canonum non minus aberraturos, qui ubicumque Viatici nomen occurrit, eederent ibidem de Eucharistia sermonem esse; quam qui in pristinis Canonibus Eucharistiam significari putarent, ubicumque vocem communionis reperirent; eo quod haec juxta modernam phrasin pro sola communionem Eucharistica sumatur; cum olim esset vox generalis, complectens omnes species communionis, quibus aliquis quocumque modo communioni fidelium aut Sacramentorum restituebatur; quod cum fieret potissimum per Eucharistiam,

E e e 2

ebaristiam,

eharistiam, per illam dicebatur quis *perfectissime* communioni restitui, eaque communio *perfectissima* appellabatur, ut multis ostendit Albalpinus, *lib. 1. Obs. c. 1.*

Hæc si rite expendantur, constabit, non modo conveniens, sed pene necessarium esse, pro assequendo genuino Canonum sensu, ut quis aliqualem saltem habeat notitiam mutaræ vocum & verborum, pro temporum & locorum varietate significationis; quemadmodum latius ostendi in tractatu Historico - Canonico, ubi de *mediis perveniendi ad veram & utilem sacrorum Canonum scientiam* disserui.

V. Hodie nomine *Viatici* venit Eucharistia non cuivis infirmo administrata, sed ea sola, quæ datur, cum probabile est, quod eam amplius sumere non poterit, uti loquitur Ritale Romanum. Præcipit enim, ut „horretur Parochus infirmum, ut sacram Communionem sumat, etiamli *graviter non agrotet*, aut mortis „periculum non imminet; maxime si festi alicujus celebritas id foveat; neque ipse illam administrare recusabit. „Deinde subjungit: „pro *Viatico* autem ministrabit, cum *probabile* est, quod eam *amplius* sumere „non poterit. Quod si æger, sumpto *Viatico*, dies aliquot vixerit, vel periculum mortis evaserit, & communicare voluerit, ejus pro desiderio Parochus non deerit.

His consonant Ritale Mechliniense, aliaque passim moderna Ritualia; atque hinc invaluit duplex infirmorum communio, alia *devotionis*, alia per modum *Viatici*.

VI. Inter utramque hæc notatur diversitas; quod „possit quidem *Viaticum* brevi morituris dari non jejunis... Cæteris autem infirmis, qui ex *devotione* in ægritudine communicant, danda sit Eucharistia ante omnem cibum & potum. „Ita Pastorale Mechliniense, & Ritale Romanum, quod postremum addit: „Non aliter ac cæteris fidelibus, quibus nec etiam per modum medicinæ ante aliquid sumere licet.

Permittit tamen Manuale Cameracense: „In periculo mortis constitutus communicare potest *non jejunis*, etiam *pluries* in eadem infirmitate, si periculum pluribus diebus perseveret, nec possit æger permanere jejunis. (a)

VII. Similiter aliam formam distribuendi Eucharistiam per modum *Viatici*; aliam per modum *devotionis* Ritualia præscribunt.

Dum enim infirmo datur per modum *Viatici*, dicit Sacerdos: *Accipe Frater (vel Soror) VIATICUM Corporis Domini nostri Jesu Christi, qui te custodiat ab hoste maligno, & perducat ad vitam æternam.* Si vero non per modum *Viatici* datur, dicit more ordinario; *Corpus Domini nostri Jesu Christi custodiat animam tuam in vitam æternam.* Ita passim hodierna Ritualia. Num hæc duplex infirmorum communio etiam Antiquis nota fuerit, nescio; nullum saltem hujus distinctionis in antiquis Canonibus vestigium hæcenus reperi.

VIII. Illud utrique communioni infirmorum commune est, quod etiam juxta modernam disciplinam à Parocho ad infirmos Eucharistia deferenda, atque à solo Parocho infirmis distribuenda sit: nullusque Sacerdos extra casum necessitatis, sive secularis, sive Regularis eam ad domos infirmorum deferre sine Parochi licentia possit.

IX. Quapropter privilegia data Regularibus distribuendi sacram Communionem, etiam quibuscumque Fidelibus, intelligi de administratione in propriis suis Ecclesiis, post Canonistas notat Augustinus Barbosa *De Officio Parochi, parte 2. cap. 20. num. 8.*

(a) Intervallum plurium dierum intercedat necesse est, ut æger in eodem loco graviter decubens pluries communice non jejunis. Ritale Parisiense dies decem inter utramque Communionem per modum *Viatici* præscribit. „Quod si per aliquod „tempus in eodem periculo constitutus remaneat, vel postquam „periculum mortis evaserit, denovo, in illud incidat, & sacram „*Viaticum* iterum devote petat; annuet ipsi Parochus, dum „modo saltem dies decem ab altera *Viatici* suspensione intercesserint. „Ita Ritale Paris.

X. Illudque Parochorum jus non obscure supponunt Ritualia & Synodi, dum semper ad Parochos verba dirigunt ubicumque de infirmorum communionem loquuntur; atque nonnullæ nominatim declarant, Regularibus eam esse veritam. „Sciant Regulares nec ullo „tempore deferre posse publice, aut *privatim* Eucharistiam ad ægros extra septa Monasterii sui, „ait Synodus Namurcensis anno 1659. *tit. 6. cap. 6. Et cap. 7.* subjicit: „Multominus *Viaticum* secularibus aut „Ecclesiasticis in mortis articulo existentibus, saltem „non nisi cum licentia & de consensu expresso nostro „(Episcopi) vel Vicarii nostri generalis, aut Pastoris „loci extra casum necessitatis. „Hæc ibi citata ad marginem Constitutionem Gregorii XV. anno 1622. data, ac deinde capite sequenti pœnas in contravenientes decernit: „Si qui ex illis præsumpserint præmissis „contravenire, sciant se subiacere censuris, & tam „per subtractionem eleemosynarum Cleri, quam „ademptionem Stationum eos cogendos iri ad observationem eorum.

Et Archiepiscopus Mechliniensis in Decreto evulgato 6. Februarii 1680. *art. 9.* ait: „Cum juxta Decretum Concilii Tridentini, *Sess. 24. cap. 13. De Reformat.* solis Parochis comperat, ratione suæ curæ, administrare Sacramenta suis respective Parochianis, „districte inhibemus, ne ullus Sacerdos *secularis* aut „*Regularis*, cujuscumque Ordinis aut instituti sit, tam sit temerarius, aut potestatis suæ immemor, ut „occulte ferat Sacramentum *Eucharistiae* aut Extremæ „Unctionis ad aliquem infirmum, aliumve cujuscumque fuerit conditionis, eos admonentes ut minerint pœnarum & censurarum per Ecclesiam decretarum contra eos, qui contraveniunt Decretis dicti Concilii.

XI. Censuræ, quarum in hoc Decreto, & citata Synodo Namurcensi sit mentio, sunt excommunicatio quæ in *Clementina I. de Privilegiis*, decernitur in Regulares, qui Clericis aut laicis Sacramentum *Eucharistiae* ministrare, non habita super hoc Parochialis Presbyteri licentia speciali, præsumpserint. Cum enim privilegia data Regularibus dumtaxat concernant administrationem Eucharistiae in propriis Ecclesiis & Monasteriis, manet decreta censura in illos, qui eam ultra privilegiorum tenorem, administrant extra proprias Ecclesias & septa Monasterii; atque ita quoque ad interrogationem Pastorum civitatis Antverpiensis responderunt die 23. Junii 1664. quatuor Doctores Theologi Lovanienses, nimirum Gerardus Van Wern, Jacobus Pontanus, Joannes Simich, & Andreas Laurent; una addentes: posse, imo & teneri Episcopum, prohibere delationem *occultam* hujus Sacramenti, sub pœnis in dicta Clementina expressis; signanter quando leviores pœnæ judicantur non sufficere ad obviandum efficaciter abusibus contrariis, (a)

XII. Parochus autem omni tempore paratus esse debet administrare infirmis hoc Sacramentum, tam post prandium, quam ante, tam noctu, quam interdiu. Monet tamen Ritale Romanum, *noctu hoc Sacramentum deferri non debere, nisi necessitas urgeat.* Et Synodus Buscoducensis sub Masio, *tit. 7. cap. 15.* arguit abusum, tunc frequentem, deferendi Eucharistiam ad ægros *sub vesperam*: monendumque vult populum, ut, quantum fieri potest, non nisi jejni hoc Sacramentum ægri percipiant, nec expectent tempus ultimæ necessitatis. „Numquam tamen Pastor, (inquit Synodus,) „tempore nocturno aut alias quantumvis importuno „vocatus, cum id infirmi status postulat, ab officio „faciendo se excuset, *gravissime puniendus*, cujusculpa infirmus non mutatus Sacramentis à vita excesserit. Idem habet Synodus Antverpiensis sub Miræo, *tit. 7. cap. 7.*

XIII. „Cavendum autem imprimis esse monet Ri-

(a) Vide hanc responsionem sub littera O. inter monumenta quæ huic volumini finem imponunt.

„tuale

„uale Romanum, ne ad indignos cum aliorum scan-  
„dalo deferatur, quales sunt publici usurarii, concubi-  
„narii, notorie criminosi, nominatim excommunicati  
„aut denunciati, nisi sese prius sacra confessione pur-  
„gaverint, & publicæ offensionis, prout de jure satis-  
„cerint.

XIV. Monet insuper Synodus Buscoducensis sub  
Malio tit. 7. cap. 13. „ Sacra Communio ad ægrotum  
„non deferatur nisi ad eum, qui vere eam sump-  
„turus est. „ Et Manuale Cameracense nec deferri  
vult Sacramentum ad adorandum, seu devotionis seu  
cujusvis rei prætextu ad ostendendum. Ratio hujus præ-  
cipua videtur, quia Sacramentum neque ad hoc insti-  
tutum est, neque hanc consuetudinem habet Ecclesia  
Dei. Si vero (ait Synodus) aliquando fiat, ut dum  
ad eum Parochus venit, morbi vi ita illum affectum  
inveniat, ut eam tunc illi recte administrare non  
possit, cum aliis qui adsunt, sancte oret: & si ægrotus  
optet, aperta pixide, liceat ostendere adorandum.  
Pastorale Mechliniense, uti & Manuale Cameracense  
dicunt, simili casu, exhibendum esse Sacramentum  
ad adorandum, sed, inquiunt, non detur ad oscu-  
landum.

XV. Utrumque etiam Manuale monet, Parochi tunc  
officium esse, ut ægrum doceat, quo pacto possit illud  
spiritualiter sumere, id est, fructum & utilitatem ejus  
consequi, nimirum per ejus desiderium & votum, ac  
fidem vivam, quæ per dilectionem operatur; conso-  
lando cum his Augustini verbis: *Credet & manducasti.*  
Tractatu 25. in cap. 6. Joan.

XVI. Quo ritu olim ad ægros Eucharistia fuerit  
delata non satis est expeditum. Illud constat ex præ-  
scripto Honorii III. in cap. SANE & De Celebrat.  
Missarum, mandari Sacerdoti, ut „ eam in decenti  
„habitu superposito mundo velamine ferat, & referat  
„manifeste ac honorifice ante pectus cum omni reve-  
„rentia & timore, semper lumine præcedente, cum  
„sit Candor lucis æternæ, ut ex hoc apud omnes fides  
„& devotio augeatur.

Quod publicam seu manifestam delationem attinet,  
eam non tantum moderna Ritualia sive Manualia, sed  
& Synodi uno consensu urgent & inculcant; additque  
nostro Pastorale Mechliniense: „ Non enim toleranda  
„est eorum licentia & abusus, qui sine gravi necessitate  
„sub clamide occulte sine lumine & honore illud  
„deferunt.

XVII. Idque observandum esse, sive per modum  
Piatice sive devotionis causa deferatur, ex ipsorum De-  
cretorum expressione & ratione perquam manifestum  
est; ideoque Synodus P. II. Mechliniensis postquam  
decrevit, ut „ Pastores & quicumque alii Sacerdotes  
„venerabile Corporis Christi Sacramentum ad ægro-  
„tos, aut alios nunquam perferant, nisi decenter & re-  
„verenter ornati itola & superpelliceo, &c. „ addit:  
„Idque observetur, etiam si infirmus frequentius in ægri-  
„tudine sua Piaticum salutis sibi deferri petat, alioquin  
„pœna arbitraria punientur.

Statuta Synodalia Antverpiensia sub Sonnio anno  
1570. publice deferri volunt Eucharistiam, *quandocum-  
que extra Ecclesiam administranda est.*

Et in Congregatione Archipresbyterorum Diœcesis  
Mechliniensis coram ipso Episcopo anno 1663. articulo  
15. decretum fuit: „ Numquam deferatur Venerabile  
„in occulto ad infirmos, sed semper palam cum debita  
„reverentia, & accensis luminaribus: qui secus fecerit  
„citra necessitatem inevitabilem, correctioni arbitrarie  
„subjacebit. „ Deinde articulo 26. „ Si autem Religio-  
„sialiqui exempti id præsumpserint attentare, non tan-  
„tum per promptam subtractionem elemosynarum  
„& stationum, sed etiam per alia opportuna juris re-  
„media procedetur contra eosdem.

Similiter Episcopus Gandensis edito Decreto 17.  
Maji 1668. præcepit omnibus suæ Diœcesis Pastori-  
bus aliisque Sacerdotibus, „ ne nunquam sive noctu

„sive interdiu sanctissimum Eucharistiæ Sacramentum  
„clanculum & latenter ad infirmum deferant, qua-  
„cumque tandem de causa; nisi, ait, à Nobis aut  
„Archipresbytero nostro prius examinanda & appro-  
„banda. „ Post hæc mandat, ne ullus Regularis,  
„cujuscumque Ordinis aut Instituti, sibi arroget Eu-  
„charistiam latenter cuivis infirmo conferre extra septa  
„sui Monasterii, nequidem ut ex devotionis commu-  
„nicetur.

Hoc Decretum cum quidam è Clero tum seculari  
tum Regulari ægre reciperent; eique nescio quæ obje-  
cerent, illud solidissime tum ex sacris Canonibus, tum  
Synodorum Decretis stabilivit Ignatius Gillemans Cathedra  
Ecclesiæ Gandensis Canonicus & Archipres-  
byter in Epistola ad amicum Pastorem; in qua etiam  
ad longum refert resolutionem Doctorum Lovanien-  
sium supra citatam.

XVIII. Synodus P. II. Cameracensis „ improbat  
„abusum eorum, qui sanctam Eucharistiam ægris,  
„qui morbum dissimulare volunt, seu alio quocum-  
„que prætextu occulte sine lumine, & sine honore de-  
„ferunt, nisi, ait, de expressa Episcoporum licentia id  
„faciant. „ Tit. 9. cap. 2.

XIX. Deinde cap. 3. subjungit: „ Admodum etiam  
„indecens est, quod solus Pastor cum Clerico suo  
„præeunte, ut plurimum ad ægros deferendum hoc  
„Sacramentum procedat, aut pauci ex populo sequan-  
„tur. Quare sæpe populum suum moneant Parochi,  
„ut frequens hoc sanctissimum Sacramentum profe-  
„quatur, maxime ii qui sunt Confratres Sodalitatum  
„Corporis Christi, quas optaret S. Synodus ubique per  
„Episcopos erigatque institui.

Post hæc cap. 4. „ Antequam autem ad ægros defera-  
„tur, certis campanæ pulsibus signum detur, ut fide-  
„les, quibus vacat convenire possint.

XX. Instructio & Decreta generalia pro Pastoribus  
civitatis & Diœcesis Leodiensis facta per Antonium  
Albergatum Nuntium Apostolicum in visitatione Apo-  
stolica anno 1613. habent: „ Cum deferatur Venera-  
„bile Sacramentum ad infirmos, Pastor pulsandam  
„curet campanulam; qua deputati Scholæ ad Eccle-  
„siam congregentur, ut illud debita cum reverentia,  
„& honore comitentur, nec umquam prodeat, nisi  
„associatus ad minus à sex viris si commodè haberi  
„poterunt, cum luminaribus accensis, nec super hoc  
„excusationes essent adducendæ, nec est credibile  
„quin populus monitus à Pastore de gravitate negotii,  
„& de mandato sanctissimi, non sit plene pariturus.  
„Si enim debitam adhibere voluerit diligentiam, cer-  
„tum est Pastores in hoc genere à populo libenter ad-  
„modum omnia obtenturos esse.

Verissime id prædixisse horum Decretorum aucto-  
rem ostendit concursus populi, atque luminis copia in  
delatione Eucharistiæ iis in locis, in quibus Pastorum  
zelus in excitanda populi pietate ac reverentia erga hoc  
augustissimum Sacramentum elucet.

XXI. Sanctus Carolus in Concilio Mediolanensi VI.  
tit. 9. vult, ut „ Parochus hortetur & curet, ut unus-  
„quisque Paterfamilias præsertim dato campanæ Paro-  
„chialis signo, quo sacre Eucharistiæ ad ægrum defo-  
„rendæ significatio fit, sine mora in Ecclesiam Paro-  
„chiam conveniat, vel alium de familia digniorem  
„mittat, ad illam cerei candelæve lumine prosequen-  
„dam. Si quando autem is, qui Paterfamilias est, per  
„necessariam occupationem non potest, saltem certum  
„aliquem hominem, vel filium natu majorem, vel  
„denique famulum, aliumve mittat, qui id pietatis  
„officium præstet. Atque eam ob causam domi etiam  
„omnis Paterfamilias perpetuo funale cereum, aut  
„candelam unam, pluresque habeat, quæ ad id pietatis  
„opus officiumque usui sint.

Eadem pene habet Synodus Iprensis sub Rithovio  
tit. 14. cap. 9. Et cap. 10. addit: „ Quotquot autem  
„Sacerdotem deferentem hoc venerabile Sacramentum  
„con-



concomitantur, omnes, tam eundo, quam redeundo à fabulis abstinant; sed pro salute infirmantis, devota mente, Dominum Deum deprecantur.

XXII. "Arque ut id fiat cum summa religione, populus pro concione moneatur & excitetur, eique inculcetur, nos omnibus & singulis Fidelibus umbellam hujusmodi deferentibus, vel devote comitantibus quadraginta dierum indulgentias impertiri, ait, Antonius Triest Gandensium Antistes in statutis Synodalibus anno 1605. tit. 6. cap. 6.

Similes indulgentiarum passim in Decretis Synodalibus & Episcopalibus adducuntur, additque Synodus Namurcensis anno 1604. tit. 6. cap. 14. quod si qui impediti comitari nequeant, in domibus suis saltem pro salute corporali & spiritali ipsius ægroti Dominum deprecari teneant, 20. dierum indulgentias habebunt.

XXIII. Ad hæc optant Synodi nostræ in omnibus Ecclesiis Parochialibus saltem celebrioribus erigi Confraternitates SS. Sacramenti; quarum Sodales specialiter honori & cultui hujus sanctissimi Sacramenti intendant; atque ipsum Sacramentum quoties ad infirmos deferatur, per se, vel per alium, legitimo impedimento occurrente, devote associant, juxta articulum erectioni hujusmodi Confraternitatis inseri solitum.

Confraternitates hujusmodi in pluribus Ecclesiis Belgicis sub finem præteriti seculi, nec non hoc seculo sunt institutæ & à Sede Apostolica, aut Ordinariis locorum probatæ, ad normam hujusmodi Confraternitatis primitus institutæ in Urbe, (a) in Ecclesia Domus Beatæ Mariæ super Minervam Ordinis Fratrum Prædicatorum, quam probavit Paulus III. 1. Julii 1539. Bulla, quæ incipit *Dominus Noster* 20. in Bull. Rom. In hac Bulla articulus de associatione Eucharistiæ deferendæ ad infirmos exprimitur his verbis §. 4. "Ac quod Rector cujuslibet ex Ecclesiis prædictis (Parochialibus), seu illius locum tenens, quotiescumque esset necessarium Sacramentum hujusmodi alicui infirmo ministrari, & ad illius domum deferri, campanam suæ Ecclesiæ certis ictibus pulsari facere teneretur, ad hoc ut Confratres vicini Parochiæ illius Ecclesiæ se moneri & convocari ad associandum Sacramentum ipsum cognoscerent, & per se ipsos associarent si legitimo impedimento detenti non forent, alioquin per unum de suis dignioribus familiaribus Sacramentum prædictum ad domum dicti infirmi, facibus accensis associari & comitari facere tenerentur.

(a) Quoties in nostro Autore vox illa (Urbs) sola reperitur, toties Roma intelligi debet: secutus ille est loquendi modum à Romanis & Canonistis usurpatum; qui summum Pontificem vocant Episcopum Urbis & orbis, id est Romæ & terræ universæ.

## CAPUT V.

### De Circumgestatione & expositione Eucharistiæ.

1. Incertum quo tempore inciperint Processiones cum Venerabili.
2. Primitis decem seculis ignota.
3. An aliqua apud Græcos nota sit?
4. Non videtur cum solemnitate Corporis Christi incipisse.
5. Videtur seculo XIV. sensim invaluisse.
6. In quibusdam Ecclesiis citius, in aliis serius recepta.
7. Sub initium seculi XV. erat usitata.
8. Probat hunc Processionis ritum Synodus Tridentina.
9. Episcoporum est has Processiones dirigere.
10. Olim extra Missam etiam in Ecclesia Latina Venerabile palam populo adorandum non proponebatur.
11. Incertum an primitus Venerabile palam in processione portaretur.

12. Non videtur ante recepta Ostensoria palam delatum fuisse.

13. Qua ratione ex usu processionum profuixerit publica Venerabilis expositio?

14. Ritus hic expositionis licet recentior, non est tamen improbandus.

15. Eucharistiam posse adorandam exponi sequitur ex reali Christi præsentia.

16. Pænet Episcopum est auctoritas hanc expositionem dirigendi.

17. Sacra Congregatio declaravit, nec Exemptos posse sine licentia Episcopi Eucharistiam palam exponere.

18. Idem declaravit Clerus Gallicanus.

19. Sententia Synodi Catanensis de hac Episcoporum auctoritate.

20. Regulares etiam exempti acceptare non possunt fundationes cum onere exponendi Venerabile, nisi accedat licentia Episcopi.

21. Cavendum ne nimia expositionis frequentia minuat reverentiam.

22. Querela Joannis Gropperi de nimia frequentia; quæ & hodie verificari posset.

23. In oratione 40. horarum non semper exponendum Venerabile, & contrarius hodiernus usus an probandus?

24. Non exponendum in Ecclesiis, in quibus prævidetur non servanda convenient reverentia.

25. Convenienter & cum decenti ornatu Venerabile exponendum.

26. Instruendus populus quo mentis affectu coram Venerabili exposito consistere debeat.

**L. Q**UANDO in Ecclesia sanctissimum Eucharistiæ Sacramentum publice per plateas solemniter pompa circumferri, ipsæque processionibus sive supplicationibus cum Venerabili frequentari cœperint, valde obscurum & incertum est.

II. Hoc expeditum est, primitis decem seculis hujusmodi processionibus sive circumgestationibus Eucharistiæ fuisse penitus ignotas. Nec publicas processionibus istiusmodi coheruisse cum disciplina antiquæ Ecclesiæ, etiam notat Christianus Lupus in Tractatu *De sacris processionibus* cap. 2. "Ista namque disciplina, ait, Sacrosanctam Eucharistiam rigidissime abscondebat, non Judæis dumtaxat ac Gentilibus, sed etiam Catechumenis ac Pœnitentibus.

III. Insuper constat has solennes processionibus cum Venerabili nunquam notas fuisse, nec hodie esse in Ecclesiis Græcorum: unde hujus ceremoniæ seu ritus nulla in eorum Ritualibus mentio occurrat; hoc uno excepto, quod species aliqua Processionis apud illos frequentetur, similis illi quæ apud nos fieri solet in die Parasceves, dum Sacra Hostia pridie consecrata; & in parvo altari ad hoc specialiter adornato reposita, processionaliter præcedentibus luminaribus, & Clero populoque comitantibus deferretur ad summum altare, ut ibi per Sacerdotem Missam Præsanctificationum celebrantur sumatur.

Græci enim omnibus diebus Sabbati & Dominicis quadragesimæ per Sacerdotes aut Diaconos ferunt in modum processionis ipsa Præsanctificata sive hostiam præconsecratam ex parvo Altari, quod Propositionis vocant, ad summum Altare: sed Diaconus vel Presbyter illa gestat imposita capiti & longo velo contecta: quemadmodum in Ecclesia Latina in die Parasceves Hostia fertur imposita calici velo contecta & involuta. Præter hanc processionem nulla apud Græcos legitur, in qua Eucharistia vel occulte vel aperte circumferatur.

IV. Plures credunt, hodiernas cum Venerabili processionibus institutas fuisse, & in Ecclesia Latina originem habuisse sub Urbano IV. qui anno 1264. solemniter.

lemnitatem Corporis Christi feriâ V. post octavam Pentecostes celebrandam instituit, aut saltem jam in Ecclesia S. Martini in civitate Leodiensi institutam per omnes Ecclesias celebrari voluit: editâ Bullâ, quæ incipit *Transiturus*; quæ à Joanne XXII. sub nomine Clementis V. in Concilio Viennensi inserta est in lib. 3. Clement. cap. unico tit. 16. *De Reliquiis & Veneratione Sanctorum*.

Verùm in Bulla, quæ Urbanus, prædictam festivitatem instituit, nulla hujusmodi processionis mentio occurrit. Deinde Urbanus peculiare indulgentias concedit iis, qui vel uni ex horis Canonicis, quas spectant recentius, interfuerint, nullas tamen concedit iis, qui processionibus assistunt. Indicium sanè haud obsecum, processionem tunc temporis nondum notam fuisse.

Deinde S. Thomas, qui dicitur jussu Urbani IV. SS. Sacramenti Officium composuisse, de hac processione non loquitur; cum tamen de omnibus Officii Divini partibus differat, hanc utique non prætermittitur, si instituta fuisset: utpote quæ partem Officii Divini nec exiguum nec levis momenti constituisset.

Sed & auctores, qui sub idem tempus de instituta hac solemnitate per Urbanum IV. scripserunt, de processione silent: ut & ipse Urbanus in Bulla, quæ incipit *Scimus*, inscripta Evæ reclusæ S. Martini Leodiensis; scribit quidem se festivitatem Corporis Christi instituisse; at de institutione Processionis nihil. Extat hæc tom. 11. Concil. col. 817.

Itaque non apparet institutionem processionis Urbani IV. adscribi posse; neque illam tunc temporis adhuc partem illius solemnitatis constituisse.

V. Verisimile est, eam seculo XIV. paulatim invaluisse; atque non simul in omnibus Ecclesiis; sed in aliquibus citius, in aliis ferius fuisse institutam, ad solemnitatem institutione festivitatis augendam.

In Concilio Senonensi habito anno 1320. loco 1. hæc habentur: "Circa verò processionem solemnem, quæ dictâ quintâ feriâ fit à Clero & populo in delatione *dicti Sacramenti* (Corporis & Sanguinis Domini) his diebus, cum quodammodo divina inspiratione introducta videatur, nihil quoad præfens injungimus, devotioni Cleri & populi relinquentes.

VI. Evidens hinc est, eo tempore in Ecclesia Senonensi notam fuisse solemnem processionem Venerabilis Sacramenti, eandemque in Ecclesia Tornacensi anno 1325. notam fuisse, ex actu Capitulari dictæ Ecclesiæ probat Joannes Baptista Thiers in Dissertatione *De expositione Venerabilis lib. 2. cap. 1.* ut & in Ecclesia Carnotensi anno 1330. ex quadam charta ejusdem Ecclesiæ, idipsum ibidem probat.

Quod ergo scribit Donatus Bossius Jurisconsultus Mediolanensis in Chronico ad annum 1492. "Anno Domini millesimo quadringentesimo quarto, vigesima nona Maii, die Jovis, Corpus Christi *solemniter*, ut postea factitatum est, per Papiam urbem circumferri coëptum," nequaquam probat tunc in Ecclesia primum hujusmodi circumgestionem inchoatam (ut colligit Guebrardus) sed solummodo, quod ante illud tempus Papiæ instituta non fuisset.

VII. Quidquid sit, processionem cum Venerabili sub initium seculi XV. fuisse usitatam sat innuit Martinus V. in Bulla, quæ incipit: *Ineffabile*, 12. in Bull. Rom. Post duplicatas enim indulgentias, quas Urbanus IV. dederat iis, qui Officio Divino in festo Corporis Christi interessent, subjicit: "Illi præterea, qui processionibus, in quibus ipsum vivificum Sacramentum dicto festo juxta præfatarum Ecclesiarum ritus deferretur, continuò secuti fuerint, centum dies singulis annis de injunctis eis poenitentis misericorditer relaxamus.

VIII. Synodus Tridentina de hoc processionum usu tum in Ecclesia Latina recepto & stabilito *Sess. 13. cap. 5. De Eucharistia*: "Declarat piè & religiosè admodum in Dei Ecclesiam indultum fuisse hunc morem,

ut singulis annis peculiari quodam & festo die præcellum hoc & Venerabile Sacramentum singulari veneratione ac solemnitate celebraretur, utque in processionibus reverenter & honorificè illud per vias, & loca publica circumferretur.

IX. Cum verò hæc processionibus præcipue institutæ sint ut debitus honor Venerabili Sacramento exhibeatur; atque populi erga idem Sacramentum devotio magis excitetur, Episcoporum ac Pastorum est invigilare, ne per eam frequentiam populi devotio & reverentia defervescat; nil processionibus illis admisceatur, quod debitum cultum hujus Sacramenti imminuat, aut in illius vilipendium tendat, vel oculos Fidelium offendere, vel ab adoratione hujus Sacramenti eorum mentem avocare possit, quemadmodum latius parte 1. tit. 16. cap. 9. agendo de auctoritate Episcoporum in dirigendis & inducendis precibus publicis, ostendimus.

X. Una cum processionum ritu, credunt nonnulli, etiam publicam expositionem Venerabilis solius adorationis causâ originem accepisse. Illud satis compertum, Eucharistiam multis seculis etiam in Ecclesia extra ipsius sumptionem & Missarum solemnitas publicè populo ad adorandum expositam non fuisse.

XI. Hoc non proinde compertum est, num in ipsis Processionum initiis, Venerabile Sacramentum ita circumgestaretur, quemadmodum hodie moris est, an verò, quemadmodum in processione diei parasceves fieri solet, velo aliquo coopertum portaretur; quod verisimilius credit Joannes Baptista Thiers in citata Dissertatione; creditque ex primævo illo usu, adhuc in quibusdam Ecclesiis superesse quasdam processionibus, in quibus Sacramentum occultè sive contextum circumfertur: quin asserit necdum elapsos esse 120. annos, à quibus in omnibus Galliæ Ecclesiis, etiam in processione *solemni* Festi Corporis Christi Sacramentum visibiliter delatum sit.

XII. Certum quippe apparet, Sacramentum visibiliter non fuisse delatum ante usum *Ostenforiorum*; hæc verò multò recentiora esse ipsis processionibus omnes agnoscunt: neque eorum mentio reperitur in aliquo Concilio aut Decreto alicujus Pontificis vel Episcopi ante Concilium Colonienſe anno 1452. in quo statuitur, "quod deinceps ipsum sanctissimum Sacramentum, nullatenus visibiliter in quibuscumque *Monstrantiis* ponatur aut deferatur, nisi in Sanctissimo Festo Corporis Christi cum suis octavis semel in anno, in qualibet civitate aut oppido, seu Parochia, vel ex singulari indulto Ordinarii; aut aliis pro pace aut alia necessitate imminente, ex indispositione rempublicam prægravante.

Hinc constat, seculo XV. *Ostenforiorum* sive *Monstrantium* usum, saltem in aliquibus Ecclesiis, reperi tum fuisse; atque ipsum Sacramentum in illis positum fuisse visibiliter in processionibus delatum; sed num eodem tempore etiam extra processionibus in altari ad adorandum publicè expositum fuerit, non perinde compertum est.

XIII. Admodum verisimile est, ut notat Joannes Baptista Thiers in citata Dissertatione pag. 225. publicam & visibilem Sacramenti expositionem ex ipsius visibili in processione circumgestionem originem sump sisse.

Cum enim usus invaluisse, ipsum Sacramentum in plateis & Ecclesiis in processione exponendi; haud inconvenientis visum fuit, illud quoque in altari aliove eminentiori loco extra tempus processionis ad adorandum visibiliter exponere; idque primum durante Officio Divino aut ejus aliqua parte in *Festo Corporis Christi*; deinde integro illo die; postmodum per ejus octavam; ac tandem nonnullis aliis diebus & solemnitatibus; atque ita sensim ad modernam disciplinam delapsi sumus.

XIV. Quamquam ergo agnoscere debemus, ritum hunc publicè ac visibiliter ad adorandum Sacramentum

tum Eucharistiæ exponendi esse recentiorē, illud tamen expeditum est, ritum hunc nihil ipsius Eucharistiæ institutioni, aut fidei Ecclesiæ Catholicæ contrarium continere; imò ejus legitimum usum ex ipsa fide Ecclesiæ probari.

XV. Supposita enim reali ac substantiali præsentia Christi in hoc Sacramento, consequens est ipsum non minùs hic sub speciebus *Panis & Vini* jam gloriosum latentem cultu Latriæ adorari posse, quam eum Apostoli viventem & mortalem adoraverunt.

Hinc Synodus Tridentina *Sess. 13. De Eucharistia*, eùm *capite 4.* asseruisset realem præsentiam Christi in Eucharistia, tanquam consequens infert *cap. 5.* "Nul-  
lus itaque dubitandi locus relinquitur, quin omnes  
Christi fideles pro more in Catholica Ecclesia semper  
recepto Latriæ cultum, qui vero Deo debetur, huic  
sanctissimo Sacramento in veneratione exhibeant.  
Et Canon 6. ait: " Si quis dixerit in sancto Eucha-  
ristiæ Sacramento Christum Unigenitum Dei Filium  
non esse cultu latriæ etiam externo adorandum; at-  
que ideo nec festiva peculiari celebritate venerandum,  
neque in processionebus secundum laudabilem & uni-  
versum Ecclesiæ ritum & consuetudinem, solemniter  
circumgestandum, vel non publice, ut adoretur populo  
proponendum, & ejus adoratores esse idololatrias;  
anathema sit.

XVI. Porro sicuti Episcoporum est, publicas Venerabilis Sacramenti circumgestationes aliasque processiones ordinare & dirigere, ut & devotioni populi, & reverentiæ huic Sacramento debitæ subserviant; ita quoque penes Episcopos est auctoritas, hanc publicam Eucharistiæ expositionem ordinare atque dirigere: adeò quidem ut nec Regulares quantumvis exempti, Venerabile sine Ordinarii sive Episcopi licentia, seu alia ex causa quam ab Episcopo probata, in suis Ecclesiis publice exponere queant.

XVII. Hanc Episcoporum auctoritatem non semel probavit S. Congregatio Cardinalium; atque signanter, cum anno 1644. super publica hac expositione quaestio incidisset inter Archi Episcopum Burdigalensem & Patres Dominicanos, re delatà ad sacram Congregationem & ritè examinatà, missum fuit ad Cardinalem Grimaldum Nuntium Apostolicum in Gallia, & pereundem publicatum Decretum tenoris sequentis; " Con-  
gregatio Concilii censuit non licere Regularibus,  
etiam in eorum Ecclesiis Sanctissimum Eucharistiæ  
Sacramentum publice adorandum exponere, nisi ex  
causa publica, quæ probata sit ab Ordinariis.

XVIII. Conformiter ad hanc declarationem; & ipsam auctoritatem Episcopalem, quā intendere jubentur Episcopi omnibus, quæ ad populi devotionem ab Ecclesia sunt ordinatæ, declaravit Clerus Gallicanus anno 1655. nullos exemptos sive seculares sive Regulares posse exponere palam SS. Sacramentum, illudve deferre in publicis processionebus, nisi in solemnitate SS. Sacramenti aut diebus devotionum extraordinariis pro publicis causis indictis & per Episcopum approbatis, obtentæque ejus permissione. (a)

XIX. Utque plura Synodorum Decreta his consona omittam, anno 1661. Synodus Cataneënsis, cui præsidebat Michael Angelus Bona dies Episcopus Cataneënsis quondam totius Ordinis FF. Minorum Generalis, hoc notabile in hac materia Decretum emisit *Sess. 1. cap. 4. num. 72.* " Regulares quid in propriis Ecclesiis circa expositionem SS. Eucharistiæ facere possint, docentur à decisione S. Congregat. ritus, quam omnino observari præcipimus sub multa interdicti Ecclesiæ, & Superiorum suspensionis. Nimirum ne sine speciali Sedis Apostolicæ privilegio, quod nobis ostendere teneantur, illam exponant absque causa, quam approbare ad nos spectat; & quidem illa publica esse

(a) Huic declarationi adjungi potest, quod Clerus Gallicanus in Comitibus Generalibus ann. 1625. & 1635. decreverat de causis publicis, quæ ad Eucharistiæ expositionem requiruntur.

debet, non verò privata. .... Quare Superiores omnes Regularium jubemus, intra mensem ab hujus Synodi publicatione nobis demonstrare, quibus temporibus Synaxim in populorum conspectu dare hæcenus consueverunt velintque impotterum, ut nos causas recognoscamus, & facultatem litteris obsignatam impertiamur; qui negligentes fuerint, annuam suspensionem incurrant à divinis. Declaramus præterea nemini Regularium licere extra claustra quacumque occasione, nobis infestis & non approbantibus cum Eucharistia processionem instituere.

XX. Addit insuper Clerus Gallicanus, fas non esse Ecclesiasticis sive Regularibus sive secularibus, exemptis vel non exemptis, se obligare per contractum vel conventionem quacumque publicè & in aperto exponere Venerabile; aut recipere ullam foundationem eum in finem; nisi ex ordinatione, aut consensu Episcopi Diocesani. In Actis Cleri Gall. *tom. 1. tit. 2. cap. 4. art. 21.*

Hanc Cleri declarationem & ordinationem ut justam an. 1665. probavit Consilium Sanctius Regis Francorum una declarans, fas non esse PP. Dominicanis sine licentia Episcopi Eucharistiæ in suis Ecclesiis palam populo exponere. In causa Episcopi Trecoriensis contra Dominicanos urbis Morlæ; ut latius refert Thiers *lib. 5. cap. 10.*

XXI. Illud imprimis in hac expositione ab Episcopis & Ecclesiarum Prælati attendendum, ne ejus frequentia minuat reverentiam.

Hinc Synodus P. I. & II. Mechliniensis volens ut extra Festum Corporis Christi ejusque octavam rarius & non nisi in arduis causis pacis & publicæ necessitatis vel utilitatis Venerabile in processionebus circumferatur, hanc allegat rationem: Ne nimia frequentia minuat reverentiam.

Sanctus Carolus in sua Synodo Diocesana, II. ait: Sanctissima Eucharistia, ne quavis causâ, sed publice tantummodo, eaque gravi exponatur.

Et rursus in instructionibus Sacramentalibus titulo *De exponenda Sacra Eucharistia in oratione quadraginta horarum*, statuit: " Coram Sanctissima Eucharistia oratio 40. horarum in Ecclesiis fiat, ubi Archi-Episcopus statuerit, & quando id concesserit. Ne quavis causâ tamen Eucharistia palam & aperte exponatur, sed publice tantum eaque gravi: aliis verò de causis orationem licebit instituere, sed non Sacramento aperte exposito.

Plura Synodorum atque Episcoporum Decreta, quibus hæc publica Eucharistiæ expositio restringitur ad causam publicam per Episcopum approbandam, adducuntur in sæpius allegata Dissertatione Joannis Baptistæ Thiers *lib. 2. cap. 5. & sequentibus.*

Inter cætera allegat hic auctor dicto *cap. 5.* querelam Joannis Gropperi Archiepiscopi Colonienfis Consiliarii omnibus ob præclara sua merita notissimi, de frequentiori Eucharistiæ expositione. " Venerabile Sacramentum, ait, in processionebus nimis crebrò circumfertur, & populo plus nimio & plerumque palam spectandum exhibetur. Hæc præterquam quod piis & Deum timentibus non probentur, hæretici & improbi quique offendicula inde nascentia ad suas hæreses & improbitates stabiliendas ac tuendas arripiunt.

Post hæc concludit: " Utinam Deus ea corrigat, iisque ut ea corrigant, inspiret, qui ex ratione suæ ætationis suæ corrigere jure obligantur!

XXII. Si hodie viveret Gropperus, quid non diceret, dum quotidie etiam ex levissimis & privatis causis in omnibus passim Ecclesiis Venerabile exponi videmus; imò ad cujuslibet penè, nescio quam devotionem, Missas votivas cum expositione Venerabilis, modò sat pingue stipendium offeratur, celebrari conspiciamus. Ex hac frequentia, quam exigua sit populi in conspectu Venerabilis devotio & reverentia, atque exterior religionis cultus, omnibus notum est.



XXIII. Adhæc, ex præcatis S. Caroli instructionibus apparet, nequaquam ex mente hujus zelosissimi Præfultis, Sacram Eucharistiæ palam exponendam esse in omni 40. horarum oratione; quod nec pridem usitatum fuisse in simili oratione, tametsi ex causa publica instituta, probat Thiersius lib. 3. cap. 9.

Hodie verò invaluit, ut nunquam penè in aliqua Ecclesia oratio instituat, quin una expositio Venerabilis adjungatur: quo fit, ut frequenter cum magno scandalo, & SS. Sacramenti vilipendio & irreverentia, per majorem diei partem Venerabile uno alterove præfente, quasi ad ostentationem, expositum maneat: quod haud dubiè sæpius maledictionem pro benedictione in populum attrahere natum est.

XXIV. Præterea, si juxta Synodum Tridentinam in Decreto de evitandis & observandis in celebratione Missarum, Sacerdos Missam inchoare nequeat, "nisi prius, qui interfunt, decenter composito corporis habitu, declaraverint se mente etiam, ac devoto cordis affectu, non solum corpore adesse, quidni & Episcopi iis in Ecclesiis, eoque tempore Eucharistiæ palam exponi merito verarent, in quibus prævident, & experientiâ notum est eam non esse hominum ad Ecclesias illas convenientium devotionem & reverentiam, quæ tanto Sacramento conveniat: imò multas passim in conspectu Venerabilis insolentias committi; confabulationes, aliæque subinde pejora frequentari.

XXV. Multum quoque ad excitandam populi devotionem & reverentiam erga Venerabile conducit, quod exponatur convenienti cultu & ornatu.

In Concilio IV. Mediolanensi, part. 2. cap. 3. statuit S. Carolus, ut dum Venerabile exponendum est, "Processio in exponendo sanctissimo Sacramento per Ecclesiam agatur, Litanis statisque antiphonis, præ-

bus & orationibus, tum cereis accensis: iidemque in eo reponendo servetur.

Vult autem ut huic processioni non minus quam sex Clerici, licet ex alia Ecclesia essent advocandi, cum accensis cereis assistant.

"Cerei præterea in altari accensi ad summum decem; minimum verò sex decenti crassitudine, ac longitudine colluceant.

Hic videmus, etiam in cereorum accensione moderationem voluisse S. Carolum: sciebat enim in similibus ipsum quoque excessum populi devotionem nonnunquam impedire, atque reverentiam imminuere.

Instructio pro Pastoribus civitatis & Diocesis Leodiensis edita per Antonium Albergatum Nuntium Apostolicum in visitatione Apostolica anno 1613. pag. 29. decernit, ut sanctissimum Sacramentum, "debita cum reverentia honoretur, nunquam populo adorandum exponatur, quin sint accensa ad minus sex luminaria circa ipsum; multò enim melius est, ait, ut non ita frequenter exponatur, & tunc cum debita reverentia, quam ut frequentius & sine debito obsequio, & reverentia significatione id fiat; ut cum nostra animi commotione multis in locis exponi vidimus, & invenimus.

Conformia Synodorum & Episcoporum Decreta plurima citat sæpius allegatus Thiersius, lib. 3. cap. 8.

XXVI. Plurimum ad excitandam populi solidam devotionem valebit, si sedulo instruat, quomodo & qua de causa Venerabile palam exponatur: ut oimrum Christus ibidem sub speciebus panis verè & realiter præfens, ut verus Deus pro nobis homo factus, cultu Latriæ adoretur; atque specialis memoria passionis ejus recolatur: majorique quasi fiducia præfente Advocato nostro ad thronum gratiæ accedamus.

## TITULUS V.

### DE CELEBRATIONE MISSARUM.

#### CAPUT I.

De varia Missæ significatione; nec non Liturgiarum & Cæremoniarum diversitate.

1. Missa dicitur à missione seu dimissione populi.
2. Missa Catechumenorum à dimissione Catechumenorum.
3. Missa fidelium à dimissione populi.
4. Missa olim in varia significatione etiam accepta.
5. Missa bodie sumitur pro integra sacrificii incrementi celebratione.
6. Quid de Missa sic accepta habeat Synodus Tridentina & professio fidei?
7. Circa dogmata nulla est Ecclesiarum Catholicarum varietas, secus circa ritus.
8. Christus simpliciter sacrificium illud celebravit, sicuti in Scriptura est expressum.
9. Dedit potestatem Apostolis eorumque successoribus ritus ordinandi & immutandi.
10. Hæc potestate usa est Ecclesia, dum à jejunis Eucharistiæ sumi voluit.
11. Quo ritu Apostoli Missam celebraverint?
12. Refertur ritus Missæ à Justino descriptus.
13. Ex descriptione hujus Liturgiæ convincitur falsitas Liturgiarum, quæ sub nomine Apostolorum circumferuntur.
14. Pace Ecclesiæ redditæ plures ritus & cæremoniæ additæ fuerunt.

Tom. I.

15. Unde Ecclesiarum in cæremoniis varietas?
16. Mediolanensis Ecclesia speciali Liturgiâ utitur, eamque retineri voluit S. Carolus.
17. Hispani singulare officium habuere, quod Mozarabicum dicebatur.
18. Quo tempore Hispani, hoc officio abrogato, receperint Romanum; & quid de antiquo superfit?
19. Ordo Gallicanus diversus fuit à Romano usque ad tempora Caroli magni.
20. Quis fuerit antiquus ille ritus, inquit Cardinalis Bona.
21. Missalia Gallicana divulgavit in suo de Liturgia Gallicana opere Mabillonius; & quid in illo contineatur?
22. Ipse ritus Ecclesiæ Romanæ non semper fuit idem.
23. Varietas rituum non officit unitati Fidei.
24. Unusquisque ritus suæ Ecclesiæ servare debet; nec privatâ auctoritate ab iis recedendum.
25. Optandum ut periti cæremoniarum Magistri constituerentur.
26. Ex eorum ignorantia multa à Patrum antiquitate aliena inducta sunt.
27. Quædam ex Missa privata contra ordinem in Missam publicam irreperunt.
28. Multa bodie in cæremoniis habentur pro lege, quæ ex abusu irreperunt.
29. Unde plura in Missis privatis sint obscura?
30. Ex mutatione disciplinæ, & Missæ abbreviatione magna in cæremoniis obscuritas & perturbatio orta est.

F f f

I. No-

I. **N**OMEN *Missæ* esse Latinum derivatum à *missione* sive *dimissione* populi, multis ostendit Cardinalis Bona, *Lib. 1. Rer. Liturg. cap. 1. §. 6.* atque ita accipi in Concilio Carthagenensi IV. *Can. 84.* ubi dicitur: "Episcopus nullum prohibeat usque ad *Missam* Catechumenorum, neque Hæreticum, neque Judæum, neque Gentilem Ecclesiam ingredi & audire verbum Dei." Hoc est usque ad *missionem* Catechumenorum, qui post habitum sermonem ante offertorium, clamante Diacono, *Catechumeni recedite*, exhibant.

II. Et Augustinus *serm. 49. cap. 8. De Verbis Domini*, dum dicit: "Ecce post sermonem sit *Missæ* Catechumenorum, manebunt fideles, venietur ad locum orationis: quid aliud significatum voluit, quam post sermonem, *missionem* seu *dimensionem* fieri Catechumenorum.

Unde S. Isidorus, *lib. 6. De orig. vocum, cap. 16.* "*Missæ* est tempore Sacrificii, quando Catechumeni foras mittuntur, clamante Levita: *Si quis Catechumenus remansit, exeat foras*: & inde *Missæ*, quia Sacramentis Altaris interesse non possunt, qui nondum regenerati nascuntur.

III. Porro sicuti *Missæ* Catechumenorum dicta fuit à *missione* sive *dimensione* Catechumenorum; ita & *Missæ* Fidelium nomen accepit à *missione* sive *dimensione* Fidelium, clamante similiter Diacono: *Ite, Missæ est*.

Id non obscure indicatur in Sacramentario S. Gregorii apud Pamelium, ubi descripto Officio feriæ VI. Parasceves, tandem in fine dicitur: *Deinde communicat ipse & omnis Clerus, & fiunt Missæ*. Ubi quoque ad marginem monet Pamelius: "Ex postrema hac clausula colligere est, cur *Missæ* nuncupetur, nempe à *dimittendo* populo.

Eodem sensu sumitur à Cassiano, dum *cap. 13. lib. 2. Instit.* ita inscribit: *Quare post Missam nocturnam dormire non oporteat*: id est, post *missionem* Monachorum à nocturnis Officiis.

IV. Quamvis *Missæ* primitus dicta fuerit à *missione* seu *dimensione*, nihilominus hoc etiam constat, varias fuisse jam pridem *Missæ* significationes; neque nomen *Missæ* in eadem significatione ubique fuisse acceptum.

*Missam* pro quovis Ecclesiastico Officio, quod in ædibus sacris peragebatur, interdum sumptam fuisse, præsertim in regulis Monachorum, ostendit Cardinalis Bona, *lib. 1. Rerum Liturg. cap. 2. num. 3.* & latius Du Cange in Glossario, verbo *Missæ*.

*Missæ* quoque Catechumenorum olim accepta fuit & hodie communiter accipitur pro ea parte Liturgiæ, quæ *Missam* Fidelium antecedit: id est, ab introitu usque ad lectionem Evangelii ejusque expositionem inclusive. Similiter *Missæ* Fidelium sæpius appellata ea Liturgiæ pars, quæ sequitur *Missam* Catechumenorum usque ad finem.

Adhæc *Missæ* frequenter sumitur pro festo alicujus Sancti, ut ostendit Du Cange loco citato; notatque verisimiliter inde à Germanis, *Missæ* nomen inditum *nundinis* publicis, quæ ad alicujus Sancti festum vel Ecclesiam celebrari solent. Verbi gratia, *Frankfurter-misse*, *Strasburger-misse*, idem valet ac *Frankfordienses*, & *Argentoratenses* *nundinæ*.

V. Denique sumitur *Missæ* pro tota Sacrificii divini celebratione, quatenus comprehendit utramque scilicet Catechumenorum & Fidelium *Missam*: quæ acceptio posterioribus seculis adeo invaluit & hodie communis est, ut recentiores, ait Bona, vix aliam agnoscant hujus nominis significationem. Notatque hinc Theologum magni nominis errandi occasionem accepisse, dum solum nostri temporis usum attendens, quoties apud Cassianum & Benedictum *Missæ* nomen invenit, illud de Sacrificio *Missæ* intellexit: "ex quo sequeretur (ait Bona) pluries in die, imò etiam post prandium, Sacrificia olim à Monachis oblata; quia etiam post Vesp-

peras & Completorium S. P. Benedictus sua illa phrasi utitur: & *Missæ* sint, & *Missæ* fiant. Hoc autem errore nihil absurdius.

Interim hoc titulo de *Missæ* tractaturi, eam in hodierna vulgari significatione pro ipsa Sacrificii divini integra celebratione accipiemus.

VI. De *Missæ* ita sumpta, id est, pro incruento Altaris Sacrificio definivit Synodus Tridentina: "Si quis dixerit in *Missæ* non offerri Deo verum & proprium sacrificium, aut quod offerri non sit aliud, quam nobis Christum ad manducandum dari; anathema sit.

Item: "Si quis dixerit illis verbis: Hoc facite in meam commemorationem, Christum non instituisse Apostolos Sacerdotes: aut non ordinasse, ut ipsi alii, quæ Sacerdotes offerrent corpus & sanguinem suum; anathema sit.

VII. Circa hæc dogmata; atque ipsam Sacrificii essentiam unus semper fuit omnium Ecclesiarum, tam Orientalium quam Occidentalium consensus, uti latè ostendunt Theologi, qui ex professo varietatem horum dogmatum, atque *Missæ* Sacrificii contra hæreticos nostri temporis adstruxerunt.

At circa ritus & modum peragendi ipsius Sacrificii varia fuit, tam pro temporum, quam locorum diversitate disciplina.

VIII. Neminem latet, Christum Sacrificium illud incruentum in ultima Cœna instituisse, illudque celebrasse eo modo, quem apud tres Evangelistas Matthæum, Marcum & Lucam, nec non in prima Epistola Pauli ad Corinthios descriptum legimus.

IX. Verùm etiam Christus Discipulis præcepit in ipsa institutione Sacrificii, ut quod à se factum fuerat, idem & ipsi deinceps in suam commemorationem facerent; certum tamen est, ipsum Apostolis suis, totique Ecclesiæ, in eorum persona, potestatem auctoritatemque dedisse, ea omnia in augustissimi hujus Mysterii ritibus seu cæremoniis addendi, demendi, immutandi, quæ illius dignitati, & populorum devotioni pro temporum & locorum diversitate, magis congruere judicarent.

De hac Christi intentione ita certus erat Paulus, ut eà sibi tradita potestate in Corinthiorum Ecclesia uti se posse significet, cum ad eam scribit: *Cætera autem cum venero disponam. 1. Cor. c. 11. v. 34.*

X. Persuasum quoque erat Augustino, Ecclesiam accepisse plenam mutandi hos ritus potestatem; eaque usam esse sine temeritate aut arrogantia asserit, quando voluit, Eucharistiam à jejuniis accipi; quam à Christo Apostolis non jejuniis, sed jam sumptâ cœnâ porrectam noverat. "Erised (ait) non præcepit, quo deinceps ordine sumeretur, ut Apostolis, per quos Ecclesiæ dispositurus erat, servaret hunc locum." *Epist. 54. §. 8.*

XI. Quænam ipsi Apostoli circa modum ritusque peragendi Sacrificii, post Christum addiderint aut immutaverint, varia admodum fuit & antiquorum atque recentiorum scriptorum opinio seu potius conjectura.

De Liturgiæ sive ritu celebrandi incruentum *Missæ* Sacrificium tempore Apostolorum aut certe eorum, qui ipsis immediate successerant, & ab ipsis instructi fuerant, nullum apparet luculentius & certius testimonium, quam illa Liturgiæ descriptio, quamvis breviter contracta, quæ Christianos crudelissimo persecutionis tempore, id est, circa medium seculi secundi usos fuisse testatur, qui eodem tempore vixit, S. Justinus Martyr in *apologia* 2. quam ipse ethnicis Imperatoribus sub idem tempus obtulit. Neque enim credibile est, multas Liturgiæ tempore Justiniani post Apostolos factas fuisse additiones, aut immutationes; cum non longo post Apostolica tempora intervallo apologiam scripserit. Is enim à proximis decessoribus suis, ex quibus non pauci Apostolos audierant & viderant, accipere potuit, quæ qualisque fuerit, cui sæpius interfuerant, eorum Liturgiæ. Deinde per durissimam persecutionem-

secutionum tempora Christianis non licuit in iis, quæ ab Apostolis acceperant, maxime vero in rebus Liturgicis plurima addere vel immutare. Adde, his primis persecutionum Ecclesiæ temporibus Christianos multo scrupulosis iis inhæsisse, quæ Apostoli scriptis suis, viva voce, exemplo, ac per manus ipsius tradiderant.

XII. Liturgiam sui temporis ita delineat Iustinus: *Die solis*, id est, die Dominica, omnes qui in oppidis vel agris morantur, conveniunt in eundem locum: qui, cum nondum essent edificata Christianorum templa, vel Ecclesiæ, domus quædam privata esse debebat. Deinde omnibus coactis, commentaria Apostolorum aut scripta Prophetarum; quantum per tempus licet, leguntur.

Post lectiones ac "lectore quiescente, Prædicens orationem, qua populum instruit, & ad eorum quæ pulchra sunt, imitationem adhortatur, habet. Tum simul confurgimus omnes, & precesiones fundimus; & sicuti jam diximus, finitis precesionibus nostris, panis offertur & vinum & aqua. Consimiliter Præpositus ipse, quantum potest, vota & gratiarum actiones effundit; & populus fauste acclamat, dicens: Amen. Et distributio communioque fit eorum, super quibus gratiæ sunt actæ, cuique præsentis; absensibus autem per Diaconos mittitur.

XIII. Hactenus Liturgia à Iustino descripta prout seculo II. à Christianis fiebat: quæ si conferatur cum Liturgiis, quæ sub nomine SS. Jacobi, Matthæi & Marci extant, facile apparebit, eas tam esse à simplicitate Liturgiæ à Iustino exhibitæ remotas, ut licet nullum aliud suppeteret argumentum, quo probaretur Liturgias illas non posse Apostolis illis adscribi, hoc unum sufficeret; uti doctè ac solide ostendit Vir eruditus Nicolaus Le Nourry Monachus Benedictinus Congregationis Sancti Mauri, in suo apparatu ad Bibliothecam maximam veterum Patrum, *Dissertat. 2. cap. 2. §. 10.*

XIV. Illud equidem constat, pace Ecclesiæ reddita, ipsa Missarum solemnitas sensim majori cum pompa cæpisse celebrari; plurimæque pro temporum ac locorum conditione esse addita & immutata.

XV. Et quidem; quia dispares diversarum Nationum mores & ingenia diversos ritus & cæremonias, ut in politicis, ita & in Ecclesiasticis exigunt, hinc in ritibus magna Ecclesiarum varietas; præsertim quia nullo exstante de his Christi vel Apostolorum præcepto, libera potestas Episcopis relicta erat, id sentiendi & discernendi, quod unicuique salva fide magis expediens videbatur.

Quis nescit, quanta sit, & jam pridem fuerit inter Græcos & Latinos in his diversitas; quamque horum Liturgiæ diversæ: quanta rursus inter ipsas Orientales Ecclesias rituum varietas; quemadmodum ostendit Cardinalis Bona lib. 1. *Rerum Liturg. cap. 9.*

Fuisse jam pridem etiam in Ecclesia Latina varias Liturgias diversarum gentium ac regnorum, notorium est.

XVI. Quis enim nescit, aliam fuisse & hodie esse Liturgiam Ambrosianam, qua usæ jam pridem fuit, & nunc utitur Ecclesia Mediolanensis, à Liturgia Ecclesiæ Romanæ?

Liturgiam hanc Ambrosianam edidit Jacobus Pamelius tomo primo Liturgicorum. Ordinem autem Missæ Ambrosianæ compendiosè refert Cardinalis Bona loco citato cap. 10. Porro ex ibidem relatis facile videri poterit, quæ hanc inter & Romanam Liturgiam intercedat varietas. S. Carolus veteris Ambrosiani ritus conservandi zelo, in Synodo sua Diocesana III. *Decreto 20.* statuit: "Ne Sacerdos ullus qui ritu Ambrosiano Missæ sacrum facere debet, id (Missam) per quadragesimam sextis feriis, ne in Regularium quidem Ecclesiis faciat, etiam vel funeris, vel exequiarum, vel alterius cuiusvis rei oblata causa." Et in Synodo XI.

Tom. I.

huius antiquæ consuetudinis hanc reddit rationem: "quod illa dies plena mæroris sit ob acerbißimam Christi passionem; Sacrificium vero spirituale populi præferat letitiam." Tum statuit, "ut illis diebus Crux in Altari-solemni ritu adoranda exponatur, & concio de passione habeatur.

XVII. Hispaniam pridem distinctum à Romano Officium, sive ritum Missarum habuisse, in confesso est: dictumque fuit Officium illud Mozarabicum: quia cum Arabes Hispaniam pene omnem occupassent, Christiani Mixtarabes, & corrupto vocabulo Mozarabes, id est, mixti cum Arabibus dicti sunt: atque inde Officium eorum Mozarabicum.

XVIII. Quo tempore Officium illud compositum sit, incertum est. Nonnulli credunt, S. Isidorum Hispalensem illius auctorem; alii vero cum Cardinale Bona illud esse Isidoro antiquius existimant. Quidquid sit, illud indubitatum est, ritum illum diu in Hispania viguisse, neque ante tempora Gregorii VII. id est seculum XI. ritum Romanum, abrogato Mozarabico, fuisse inductum. Extant ea de re variz Epistolæ Gregorii VII. à quibus constat, quanta difficultate id tandem hic Pontifex obtinuerit. Et primum quidem à Sancto Rege Navarra & Arragonum, quem propterea laudat libro 1. *Epist. 63.* ac deinde in Regno Castellæ, rem illam promoveente Constantia Alphonsi Castellæ Regis uxore, quæ in Gallia enutrita, Romano Officio à tempore Caroli Magni illic recepto assueta erat; qua de causa ipsum Regem laudat lib. 9. *Epist. 2.* hæc inter cætera scribens: "Noverit excellentia tua dilectissima, illud unum admodum nobis, imo clementiæ divinæ placere, quod in Ecclesiis Regni tui, Mauris omnium S. Romanæ Ecclesiæ Ordinem recipi, & ex antiquo more celebrari feceris.

Tuncigitur in Hispania Romana ritus, abrogato Mozarabico, receptus fuit; qui tamen teste Roderico Toletano lib. 6. *De rebus Hispaniæ cap. 26.* in aliquibus Monasteriis aliquanto tempore custoditus fuit. Et ne tantæ antiquitatis ritus omnino interiret, Franciscus Ximenius Cardinalis, & Archiepiscopus Toletanus superiori seculo Missale Mozarabicum recudi iussit, instituto Sacerdotum Collegio, à quibus Divina Officia ritu illo usque in hodiernum diem celebrantur in Sacello quod in majori Toletana Ecclesia edificavit.

Ritum hunc compendiosè rechart Cardinalis Bona cap. 11. multaque notanda in illo occurrunt. Inegram Missam exhibuit Jacobus Pamelius tomo 1. Liturgicorum; & Vir eruditus Joannes Mabillonius in appendice probationum ad Liturgias Gallicanas pag. 440.

XIX. Ordinem Missæ Gallicanæ olim diversum fuisse à Romano, manifestum est ex secunda interrogatione Augustini Anglorum Apostoli proposita S. Gregorio: "Cur, cum una sit fides, sunt Ecclesiarum cõtinentes tam diversæ: & altera cõtinentudo Missarum est in Romana Ecclesia, atque altera in Gallicanæ Ecclesiis teneretur?

Hanc diversitatem minime negans Gregorius, scribit: "Mihi placet, ut sive in Romana, sive in Gallicana, sive in qualibet Ecclesia aliquid invenisti, quod plus omnipotenti Deo possit placere, sollicite eligas... Non enim pro locis res, sed pro rebus loca nobis amanda sunt.

Hunc ritum conservasse Ecclesias Gallicanas usque ad tempora Caroli Magni notat Mabillonius in præfatione ad Libros tres de Liturgia Gallicana; ibidem una inquirens, quæ fuerit huius mutationis causa.

XX. Quis fuerit antiquus Ordo Gallicanus sollicite inquirere cæpit Cardinalis Bona; ac multa tandem inquisitione facta, notas nonnullas huius Ordinis ex antiquis Scriptoribus & Canonibus indicavit; atque insuper duo antiqua Missalia. unum Bibliothecæ Vaticanæ, alterum serenissimæ Suecorum Reginæ indicavit; quæ collata cum notis veteris Ordinis Gallicani, pro genuinis antiquis Missalibus, quibus Ecclesia Gallicana ante

F f f 2

ante



ante receptum Ordinem Romanum usa fuit, habenda esse ostendit.

XXI. Hac duo Missalia integra anno 1683. protulit in lucem Josephus Thomasius Clericorum Regularium in Urbe Presbyter, tertio Missali addito; quod itidem ad priscum Gallicanæ Ecclesiæ ritum pertinere existimavit.

Deinde Vir rerum sacrarum studiosissimus Joannes Mabillonius libros tres composuit & evulgavit anno 1685. *De Liturgia Gallicana*, quorum tertius completitur prædicta tria Missalia Gallicana à Thomasio jam ante publicata: additis hinc inde eruditis notis. Primum illorum vocat *Gothico-Gallicanum*: eo quod in usu fuerit apud Gallos *Gothorum* imperio subiectos, nempe apud Septimanos vel Novem-populanos. Hoc Missale exaratum fuisse ante annos nongentos, post Cardinalem Bona asserit Mabillonius in prologo ad librum tertium *num. 4.*

Secundum Missale vocatur, *Francorum*; idque præcipue ob mentionem *regni Francorum*, quæ in benedictione Regum non semel occurrit: tertium Missale vocatur, *Gallicanum vetus*.

Multa de antiquitate, ac ordine illorum Missalium discunt in citato prologo Mabillonius, asseritque; in primo scilicet *Gothico*, contineri purum Ordinem Gallicanum: in aliis vero Ordini Gallicano aliqua ex Ordine Romano admixta esse.

Præter tria hæc Missalia exhibet Mabillonius antiquum Ecclesiæ Gallicanæ *Lectionarium*, quod à se repertum dicit in Luxoviensi Benedictinæ Congregationis sancti Vitonis percelebri Monasterio, litteris Franco-Gallicis seu Merovingicis ante annos mille scriptum. Continet vero Lectiones Prophetiarum, Epistolarum, & Evangeliorum per totum annum in Missa, & in aliis majorum solemnitatum Officiis recitandas.

Hoc *Lectionarium* una cum eruditis, ac perquam utilibus notis & observationibus ad ejus antiquitatem demonstrandam, ac usum ejus vindicandum Ecclesiæ Gallicanæ, nec non obscuriora quædam illustranda, & pro veterum rituum notitia simul constituit librum secundum Mabillonii.

In primo libro, postquam de variis Ecclesiæ Latinæ Liturgiis breviter actum est, Gallicanæ indicia, veræque notæ asseruntur, expenduntur, & probantur. Deinde facta ejusdem Liturgiæ Gallicanæ cum Mozarabica comparatione, totam ejus seriem ex Gregorio Turonensi aliisque priscis monumentis eruit & illustrat. Deinde vetus sacræ suppellectilis apud Gallos, Ecclesiarumque forma & apparatus describitur. Denique tam in exordio, quam fine libri ostendit ex antiquis Liturgiis Gallicanis, eandem fuisse eo tempore Gallorum de Sacra Eucharistia & Missæ Sacrificio fidem & persuasionem, quæ hodie est.

Evulgavit insuper ipse Mabillonius veterem Codicem sub nomine *Sacramentarii Gallicani* parte 2. tomi 1. Musæi Italici; quem invenisse se scribit in Bibliotheca percelebris & perantiqui Monasterii Bobiensis; eumque scriptum esse asserit ante annos mille, & quidem Litteris majusculis: variisque argumentis contendit, ibi contineri ritum Gallicanum præter Canonem, qui Romanus est: atque inde conjicit, Gallos prius Romanum Canonem, quam integrum Romanum Missæ ritum suscepisse.

Plurima admodum notanda & utilia circa ritus Ecclesiasticos reperiet, qui dictos libros viri eruditi pervolvere voluerit: quibus libri duo Cardinalis Bona de *Rebus Liturgicis* magna quoque eruditione conscripti, addi merito poterunt, ut rituum Ecclesiasticorum plena notitia habeatur.

XXII. Non tantum Ecclesiarum Orientalium, nec non particularium Occidentalium in ritibus & à se invicem & à Romana jam pridem fuit discrepantia; sed nec ipsa Romana Ecclesia eundem semper ritum retinuit, ut cuilibet notorium erit, si recentiores & ho-

diernos ritus, cum antiquioribus Missæ Ordinibus Ecclesiæ Romanæ contulerit: & nonnullis in exemplum adductis ostendit Mabillonius in Commentario prævio ad *tomum 2. Musæi Italici*, qui veteres Ordines Ecclesiæ Romanæ, cum aliis nonnullis antiquis monumentis eo pertinentibus complectitur.

XXIII. De hac rituum diversitate dici potest, quod jam pridem de variis Ecclesiarum consuetudinibus dixit S. Augustinus *Epist. 36. ad Catulanum*: "In his rebus, de quibus nihil certi statuit divina Scriptura, mos populi Dei vel instituta Majorum pro Lege tenenda sunt: de quibus si disputare voluerimus, & ex aliorum consuetudine alios improbare, orietur interminata luctatio."

Item, quod Sanctum Ambrosium in simili materia sibi respondisse refert Augustinus *Epist. 54. num. 3.* "Ad quam forte Ecclesiam veneris, ejus morem serva, si cuiquam non vis esse scandalo, nec quemquam tibi."

XXIV. Itaque singularem Ecclesiarum ritus, atque caeremonialia live Ritualia servanda sunt; neque Presbyteris aliisve Ecclesiæ Ministris privata auctoritate ritum præscriptum immutare licet; eo etiam prætextu, quod contrarius ritus pristinae Ecclesiæ disciplinæ esset conformior; videreturque magis ad excitandam populi devotionem, nec non explicanda Mytheria aptior & convenientior.

"Novæ caeremoniæ nullæ in Ecclesiis recipiantur sine Episcopi judicio," ait Synodus P.I. Cameracensis *tit. De cultu & caeremoniis cap. 6.*

Similiter Synodus P.II. *tit. 3. cap. 7.* "interdicit quibusvis Sacerdotibus, ne quidquam in officio Missæ, maxime in Canone, etiam prætextu pietatis intermiscere, aut novas caeremonias inducere præsumant."

XXV. Et capite primo præceperat, ut "deputent quamprimum Episcopi cum suis Capitulis viros aliquos in Officio Divino, ac caeremoniis ad illud pertinentibus exercitatos, qui imprimis caeremonias ipsas scripto mandent, ac etiam dictorum veterum usum repurgationi, & novæ editioni incumbant, quibus peractis, non liceat dictis Parochialibus, & in eisdem Beneficialibus, etiam privatim uti alio usu quam Ecclesiæ Cathedralis."

Oportandum ut periti essent caeremoniarum Magistri, qui non tantum modernorum, sed & antiquorum rituum veram ac germanam notitiam haberent.

XXVI. Ut enim recte animadvertit & deplorat harum rerum notitia excellens Joannes Mabillonius in commentario prævio ad *tom. 2. Musæi Italici cap. 21.*

"Qui novos sacrorum rituum libros novissimis temporibus scripserunt, mirum est quantum sibi tribuerint in pervertenda venerabili antiquitate, cujus institutiones, nedum institutionum rationes, omnino ignorabant. Cumque quod suo tempore fieri cernebant, id omnibus retro seculis semper actitatum fuisse autumarent, probabiles ut sibi videbantur, receptæ novitatis rationes adinvenerunt, quæ penitus veterum sententiis non raro adversantur."

Nonnulla illius exempla ibidem profert Mabillonius; & plura in suo opere *De Rebus Liturgicis* Cardinalis Bona; ac signanter *lib. 2. cap. 7. §. 3.*

XXVII. Inter alia observat Bona ibidem quod antiquitus cum Evangelium in ambone legebatur, erantque in templo distincta loca pro viris & mulieribus, Diaconus verteret se adversus meridiem ad partem *virorum*: at nunc se vertat ad aquilonem, partem *mulierum*; eamque mutationem ex Missis privatis ex quodam abusu in Missas publicas irrepsisse notat ex Micrologo de *Eccles. observat. cap. 9.*

XXVIII. Deinde subjicit hoc generale monitum: "Hinc patet quam verum sit, quod à nobis in hoc tractatu sæpius inculcatur, multa hodie pro lege haberi in his, quæ pertinent, ad Ecclesiasticas observationes, quæ sensim ex abusu irrepsērunt, quorum originem

» cum

„ cum recentiores ignorarent, varias conantur congruentias, & mysticas rationes invenire, ut sapienter instituta vulgo persuadeant. Porro isti, ut scite Hieronymus de Origene dixit, ingenii sui ad inventiones faciunt Ecclesiae Sacramenta.

XXIX. Sicuti nonnulla in Missam publicam & solemnem à Missis privatis sensim introducta sunt, quæ nullatenus illis conveniunt; ita quoque non pauci ritus seu caeremoniae in Missis privatis adhiberi soliti, difficulter intelliguntur, ac ipso Sacrificio parum convenientes videntur, eo quod primitus non pro Missis privatis, sed publicis instituti sint. Uti enim advertit Cardinalis Bona lib. 1. cap. 23. §. 2. „ Ab initio sic sacrificium principaliter institutum fuisse, ut publice ac solemniter fieret, Clero & populo adstante, offerente, ac communicante, ipse tenor Missæ, & veteris Ecclesiae praxis evincunt.

XXX. Adhæc ritus Missæ eo tempore plerique ordinati præscriptique fuisse, quando adhuc populus oblationes suas inter Missarum solemnia solemniter offerebat, & quando non tantum spiritualiter, sed etiam sacramentaliter communicabat: quando item frugum aliorumque benedicendorum benedictiones in ipsa Missa peragebantur: quæ dum partim abolita, partim, repescente successu temporis populi fervore, ne Missa prolixior esset, ab ea sejuncta fuerunt, magna rituum obscuritas, quin & perturbatio contigit; uti monet Cardinalis Bona lib. 2. cap. 14. §. 5.

## CAPUT II.

## De Missa publica sive Parochiali.

1. Missa publica olim dicta à conventu populi cum suo Pastore.
2. Conventus hic unitatem Ecclesiae representat.
3. Qui à Missa publica sive Parochiali se absentabat, ab Ecclesiae unitate recedere credebatur.
4. Nullus alienum Parochianum ad Missarum solemnia recipere potest.
5. Ante seculum XIV. de obligatione frequentandi Missam Parochialem dubitatum non legitur.
6. Seculo XV. exorta super hac obligatione controversia, declaratum est, populum de jure teneri Missam Parochialem frequentare.
7. Synodus Tridentina eandem obligationem supposuit; & Synodi Belgicæ expresserunt.
8. Missæ peculiare ita in publico fieri vetantur, ne populus à Missa Parochiali abstrahatur.
9. Missæ fundationum & confraternitatum ita celebrandæ, ut per eas à Parochiali non abstrahatur populus.
10. Officia in Cathedralibus & Collegiatis Ecclesiis, & Monasteriis ita ordinanda, ut populus à Parochiali officio non impediatur.
11. Missa Parochialis statuta hora semper celebranda.
12. Non differenda aut acceleranda ad nutum Nobilium.
13. Ut populus magis ad frequentationem Parochiae excitetur, decretum, ut Parochialis majores campanas habeat.
14. Olim etiam juridice contra absentes à Missa Parochiali procedebatur.
15. Hodie fere solis monitionibus.
16. Missa Parochialis specialiter pro populo offertur.
17. Antiquitus instructio populi pars erat Missæ Parochialis.
18. Synodus Tridentina vult, ut inter Missarum solemnia fiat Parochiarum instructio.
19. Hodie in Ecclesiis ruralibus id observatur; atque observari voluit S. Carolus.
20. Canones urgentes Missæ frequentationem, una urgent auditionem Verbi Dei in Parochia.

21. Potissimum ob concionem in Missa Parochiali habendam ejus frequentatio urgetur.

I. Missa publica dicta est jam pridem non à loco; quia & olim in cryptis, abditisque locis agebatur; sed à conventu populi circumstantis, offerentis, & communicantis, ait Cardinalis Bona, lib. 1. *Rerum Liturg. cap. 13. num. 3.*

De hac Missa loquitur Sanctus Gregorius, lib. 4. *Epist. 43.* vetans in Monasteriis Monachorum, „ Missas „ publicas per Episcopum fieri; ne in servorum Dei „ secessibus occasio præbeatur popularibus conventibus „ & simpliciores ex hoc animas pierumque, quod ab „ sit, in scandalum trahat; frequentior quoque introitus mulieribus arceatur.

Et lib. 4. *Epist. 46.* scribit Felici Episcopo Pisaren- si, cum ipsi mandatum esset, ut locum sive Oratorium Monasterii absque Missis publicis dedicaret, ad se delatum esse, quod nihilominus Cathedrali posita Sacra illic publice Missarum solemnia celebrentur. „ Quod si verum est (ait Gregorius) his vos hortamur assatibus, ut „ omni excusatione cessante, Cathedralam vestram exinde amoveri modis omnibus faciatis, nec denuo illic „ Missas publicas peragatis.

Similiter lib. 2. *indict. 10. Epist. 9.* Item lib. 7. *indict. 2. Epist. 72.* vult Oratorium Monasterii absque Missis publicis solemniter consecrari; ita ut in eodem loco nec futuris temporibus baptisterium construatur, nec Presbyter constituatur Cardinalis, id est, Parochus, ut ostendimus *part. 1. tit. 22. cap. 1.*

II. Hinc haud obscurum est, antiquitus Missas publicas dictas fuisse illas, ad quas populus una cum suo Pastore conveniebat.

Cum enim una sit Ecclesia Catholica, quæ ex singulis particularibus Ecclesiis coalescit, eodem vivens spiritu, iisdemque sub eodem Pastore communicans Sacramentis; etiam quæque particularis Ecclesia Parochialis una est, quæ suo modo generalem illam sanctorum fidelium communionem representat, Pastorem habens proprium, à quo regi debeant membra singula, foveri, ac nutrir, ut *part. 1. tit. 3. cap. 1.* ostensum est.

III. Itaque vetat S. Gregorius in Oratoriis Monasteriorum Presbyterum Cardinalem ordinari, aut Missas publicas celebrari, hac quoque inter alias ratione, uti notat eruditus Revisor Operum S. Gregorii in notis ad *Epist. 9. lib. 2. indict. 10.* quia verebatur, ne per alias Missas extra Matrem Ecclesiam celebratas, distractis populis, unitas tam sancta solveretur.

Eadem Sardicenis Concilii *Canone 15.* mens fuisse videtur, dum vult, ut Episcopus, si quando necesse est, eum ruri morari, accedat ad proximum locum, in quo Presbyter est, ne sine ECCLESIA videatur facere diem Dominicum.

Et *Canone 14.* dum dicit, in superiore Concilio constitutum fuisse, ut si quis Laicus in ea, in qua commoratur civitate tres Dominicos dies, id est, per tres septimanas non celebrasset conventum, communionem privetur; ibidem per conventum intelligere conventum populi ad publica Missarum solemnia, ubi una cum suo Presbytero, sive Pastore populus congregatus; quasi unam Ecclesiam constituit, communiter tradunt Canonistæ, & expresse supponit S. Carolus in Concilio suo VI. Mediolanensi, ex illo Canone obligationem frequentandi Missam Parochialem adstruens.

Ad hunc quoque Canonem indubie reflexit Synodus VI. *Can. 80.* decernens, „ ut si Clericus in Civitate „ agens tribus diebus Dominicis in tribus septimanis „ una non conveniat, deponatur; laicus vero segregetur.

IV. Huic obligationi ut satisfaceret, jam pridem in Concilio Nannetensi cautum fuit *Can. 1.* „ Ut Dominicis & Festis diebus Presbyteri antequam Missas celebrent, plebem interrogent, si aliter Parochianus „ in

„ in Missa sit, qui proprio contempto Presbytero ibi  
 „ Missam velit audire. Quem si invenerit statim ab  
 „ Ecclesia ejiciant, & ad suam Parochiam redire com-  
 „ pellant.

Refertur hoc Decretum apud Gratianum, *caus. 9. quæst. 2. Can. 4.* ac inde relatum in Decretales Gregorii IX. in *cap. 2. De Parochiis*, partem juris communis constituit.

In Concilio Nannetensi *Can. 5.* additur: „ ut nullus  
 „ Presbyter alterius Parochianum, nisi in itinere fuerit,  
 „ vel placitum ibi habuerit, ad Missam recipiat.

V. Et sane hæc obligatio tam perspicue Sacris Cano-  
 „ nibus expressa est, ut ante seculum XIV. aut XV. vix  
 „ dubitatum fuisse legatur; an de jure tenerentur fideles  
 „ diebus Dominicis & Festis Missarum solemnibus in pro-  
 „ pria Parochia interesse. At seculo XIV. & XV, non-  
 „ nulli Fratrum Mendicantium cœperunt prætereire juri  
 „ illi, per privilegia Ordinibus illis à nonnullis Pontifici-  
 „ bus indulta, esse derogatum.

VI. Ac signanter suscitata fuit hæc controversia sub  
 „ finem seculi XV. in Germania, ac præsertim in oppido  
 „ Estingenfi Diocesis Constantiensis, inter Parochos &  
 „ nonnullos Ecclesiarum Prælatos ab una, & nonnullos  
 „ Prædicatores, Minorum & Carmelitarum Ordinum  
 „ Professores ex altera parte. Controversia delata ad Six-  
 „ tum IV. qui ex ordine Minorum ad Pontificatum fue-  
 „ rat assumptus, partibus utrimque coram Commissariis  
 „ auditis, atque rationibus utrimque allegatis mature dis-  
 „ cussis tandem anno 1478. 17. Junii, Sixtus IV. quæsti-  
 „ onem decidit, edita Constitutione quæ incipit, *Vices*  
 „ *illius*, relata in Corpore Juris in *Extravag. 2. De Treu-*  
 „ *ga & Pace in communibus*, ubi inter alia ordinat: „ Ut

„ Fratres Mendicantes non prædicent, populos Paro-  
 „ chianos non teneri audire Missam in eorum Parochiis  
 „ diebus Festis & Dominicis; cum jure *cautum* sit, illis  
 „ diebus Parochianos *teneri* audire Missam in eorum  
 „ Parochiali Ecclesia, nisi forsan ex honesta causa ab  
 „ ipsa Ecclesia se absentarent.

Hic notandum, Pontificem nequaquam per hanc  
 „ Constitutionem jus *novum* voluisse condere; sed sim-  
 „ pliciter declarasse; ita de jure *cautum* esse, neque huic  
 „ juri per privilegia, uti Fratres Mendicantes prætende-  
 „ bant, esse derogatum: ideoque in fine addit, hanc de-  
 „ clarationem esse servandam, *non obstantibus Constitu-*  
 „ *tionibus & Ordinationibus Apostolicis, ac PRIVI-*  
 „ *LEGIIS eisdem Fratribus in genere vel in specie con-*  
 „ *cessis.*

VII. Huic juri insistens Synodus Tridentina *sess.*  
 „ *22. Decreto de observandis & evitandis in celebratione*  
 „ *Missæ*, dicit: „ Moneant (locorum Ordinarii) etiam  
 „ eundem populum, ut frequenter ad suas Para-  
 „ chias, saltem diebus Dominicis & majoribus Festis  
 „ accedat.

Synodi Belgicæ passim id ipsum urgent; monetque  
 „ Namurensis anno 1639. *tit. 3. cap. 27.* „ Parochiani,  
 „ etsi vicini alicui Capellæ sub finibus Parochialis ex-  
 „ structæ, præcipuis anni Festivitatibus & in Domini-  
 „ cis Ecclesiam parochialem frequentare non omit-  
 „ tant; qui vero tribus continuis Dominicis ab illa se  
 „ absentaverint, admoneantur primum à suis Pastori-  
 „ bus, & si monitionem contempserint, ad nos defe-  
 „ rantur. (a)

VIII. Et quidem sub nomine S. Augustini legitur  
 „ apud Gratianum, *Dist. 1. De Consecrat. Can. 52.* „ Et  
 „ hoc attendendum est, ut Missæ peculiare, quæ per  
 „ dies solemnes à Sacerdotibus fiunt, non ita in publi-  
 „ co fiant, ut propter eas populus à publicis Missarum

(a) Ex distis concluditur jure tum veteri tum novo teneri  
 „ fideles interesse Missæ Parochiali diebus Dominicis & Festis;  
 „ quapropter Clerus Gallicanus in Comitibus quæ Parisiis an. 1655.  
 „ habita sunt sequens decretum edidit. „ Fideles Festis diebus &  
 „ Dominicis, aut saltem ex tribus Dominicis altera, jure te-  
 „ nentur sistere se præsentibus Missæ Parochiali; ad hujus vero legis  
 „ observationem, adhibitis etiam Ecclesiæ Censuris ab Episcopis  
 „ compelli possunt.

„ solemnibus, quæ hora tertia canonice fiunt, abstra-  
 „ hatur.

Hæc quidem per errorem tribui Augustino; & esse  
 „ desumpta è Capitulari S. Theodulphi Episcopi Aure-  
 „ lianensis, *cap. 45.* quod circa annum 797. editum fuit;  
 „ notarunt Correctores Romani, at illud interim con-  
 „ stat hic de Missa parochiali agi; atque Missas peculia-  
 „ res vetari in publico fieri, ne ab ea populus abstra-  
 „ hatur.

IX. Concilium Senonense, anno 1528. *cap. 15.* vult  
 „ ut si quæ Missæ ex tenore foundationis dici debeant die  
 „ Dominico, *non dicantur, nisi post Missam Parochialem.*  
 „ Deinde monet Episcopos, non facile admittant funda-  
 „ tiones Capellarum, quibus ordinatur celebratio Mis-  
 „ sæ die Dominica, ea potissimum hora qua populus  
 „ universus convenire debet ad audiendum divina, præ-  
 „ ceptaque Dei & Ecclesiæ.

Concilium Rothomagensis, anno 1581. *tit. De Cura-*  
 „ *torum & Parochorum Officiis, num. 23.* hæc decernit.  
 „ Quoniam videmus multos adduci ad præceptorum  
 „ Ecclesiæ & ministrorum ejusdem contemptum, non  
 „ facile admittantur foundationes & erectiones Capella-  
 „ rum & fraternitatum, in quibus ordinatur *celebratio*  
 „ *Missæ* Dominico die, *et potissimum hora*, qua populus  
 „ universus convenire debet ad audiendum divina præ-  
 „ cepta Dei & Ecclesiæ. In Missis vero charitatum at-  
 „ que aliarum fraternitatum ab antiquo eo die conti-  
 „ tutarum, nec aqua nec panis benedicantur: & inter  
 „ illarum Missarum solemnia moneatur, non esse præ-  
 „ termittendas Missas Parochiales propter assistentiam  
 „ in ea Missa, quæ ex devotione & consilio celebratur.  
 „ Quisquis vero Presbyter in alia Missa quam Para-  
 „ chiali aquam & panem benedixerit, sit suspensus à  
 „ divinis.

X. Quin in Concilio Turonensi, anno 1585. *cap. 15.*  
 „ cautum est „ ne pretextu divinorum Officiorum, quæ in  
 „ aliis Ecclesiis quam parochialibus celebrari solent, re-  
 „ vocari aut distrahi possint, majorem Missam & Vespé-  
 „ ras in Ecclesiis Cathedralibus, Collegiatis & Monaste-  
 „ riis post parochiale Officium peractum, tantum debe-  
 „ re inchoari decernimus. Quod ut fiat commodius,  
 „ Episcopi seu eorum Officialis, ipsis Rectoribus seu  
 „ paræcis certas horas, quibus majorem Missam & Ves-  
 „ peras in suis Ecclesiis celebrare teneantur, ita præscri-  
 „ bant, ut paræcialibus divinis peractis, ipsi paræciani  
 „ ad Cathedrali & Collegiatis, aliasque Monasterio-  
 „ rum Ecclesias, ad divina in his audienda, pro sua de-  
 „ votione se transferre valeant.

Conformiter ad hos Canones & Ecclesiastica Decreta  
 „ anno 1574. declaravit Officialis Metropolitæ Seno-  
 „ nensis, Presbytero fas non fuisse, tempore Missæ Pa-  
 „ rochialis in eadem Ecclesia celebrare Missam *privatam*,  
 „ contradicente Parocho, quam sententiam Parlamentum  
 „ Parisiense confirmavit; quantumvis allegaretur & pro-  
 „ baretur contrarius usus in omnibus Ecclesiis ejusdem ci-  
 „ vilitatis; uti post Renatum Choppinum refert Fevretius  
 „ De abusu *lib. 3. capite 1.*

XI. Insuper ut populus ad Missam Parochialem fre-  
 „ quentandam incitetur, decretum est, ut Parochi statuta  
 „ eaque populo commodiori hora Missam Parochialem  
 „ diebus præsertim Dominicis & festis celebrent. „ In  
 „ omnibus pagistorius Provinciæ Missa *Parochialis* Do-  
 „ minicis & festis diebus *certa & eadem* hora semper  
 „ fiat, quacumque ratione in contrarium non obstante,  
 „ sub poena arbitraria; „ ait Synodus P. II. Mechl. *tit.*  
 „ *12. cap. 6.*

Hanc horam pro Diocesi Mechliniensi determinans  
 „ Synodus Diocesana anno 1609. *tit. 11. cap. 6.* „ Man-  
 „ dat ut à Festo Paschæ usque ad Festum S. Remigii, seu  
 „ Kalendas Octobris, Missa Parochialis celebretur hora  
 „ octava, vel circiter, à Kalendis vero Octobris usque  
 „ ad Pascha, hora nona.

Eandem horam per totam Provinciam servari voluit  
 „ Synodus P. I. Cameracensis titulo, *De Cultu, Ceremo-*  
 „ *niis*



niis & Officio Divino, cap. 15. & innovavit Synodus P. II. tit. 3. cap. 10. "Eamque uniformiter & exactè per totam Provinciam, quacumque in contrarium allegatione non obstante, mandat observari, sub pœna suspensionis à Divinis ipsis Parochis contravenientibus infligenda, nisi fortè superveniente Concionatore horam servare nequeant.

XII. Monet Synodus Turonensis, anno 1583. cap. 8. ut Missam Parochialem Parochi celebrent hora convenienti; "nec priùs aut tardiùs celebrent hi, quibus incumbit, etiam Nobilium, aut aliarum personarum favore aut precibus, minis seu comminationibus in contrarium non praevalituris.

Et Synodus Bituricensis, anno 1584. tit. 23. can. 8. ait: "Non celebretur Missa Parochialis ad nutum Nobilium aut Laicorum, sed consuetà & opportuna hora.

XIII. Eodem motivo, nimirum promovendi officium sive Missam Parochialem, jam pridem constitutum, ut Ecclesia Parochialis plures, easque majores campanas habeat, quarum pulsù populum ad officium convocet: Regularium verò Ecclesiarum, & particularia sacella sive oratoria unam tantum campanulam habeant. Extrav. Un. de officio Custodis in Comm. quam in Concilio Mediolanensi IV. part. 1. tit. De Campanis, innovat Sanctus Carolus his verbis: "Parochialis Ecclesia, si campanas tres grandiore scilicet, mediam, & minimam habere non possit, saltem duas, ubi fieri potest, habeat, easque distincto soni concentu inter se rectè consentientes, pro varia divinorum Officiorum, quæ sunt, ratione & significatione. Simplex Ecclesia, Oratoriumve, unam tantum campanulam habeat, ut Joannis XXII. Pontificis Constitutione sancitum est.

XIV. Ex his patet, quanta fuerit sollicitudo Pastorum, ut populus ad Missam Parochialem accederet: quin & olim in more fuisse, ut qui à Missa Parochiali abessent, etiam juridicè coram Episcoporum Officialibus puniendi convenirentur, constat ex variis Synodorum Decretis; & signanter ex concordato inito anno 1542. inter Episcopum Cameracensem & Consiliarios Regios Hannoniæ, quo conventum est; quòd "qui Missam Parochialem non audient, impolterùm non citabuntur, nisi qui abfuerint diebus solemnibus, aut abesse consueverint sine excusatione legitima, unde malum exemplum aut scandalum oriatur.

XV. Citatio juridica ob omisam Missam Parochialem hodie fieri non solet; neque censuris multisve ad frequentationem populum urgere solent Episcopi; sed monitionibus contenti, populo tum in suis Decretis, tum per Parochos aliosque Concionatores obligationem & fructum inde provenientem proponere consueverunt; conformiter ad Synodum Tridentinam, quæ vult, "ut Episcopi moncant populum, ut frequenter ad suas Parochias saltem diebus Dominicis & majoribus festis, accedant.

XVI. Ut autem faciliùs intelligatur, qua ratione tantopere Missa Parochialis præ cæteris commendata fuerit, ipsiusque frequentationem tantopere urserint, notandum, quòd ipsa Missa Parochialis primariò sit instituta, ut in illa unius particularis Ecclesiæ populus unà cum suo Pastore adunatus, uno animo, unoque spiritu Deum oret atque Sacrificium offerat; atque Parochus specialiter pro populo preces & sacrificium ad Deum dirigat.

XVII. Præterea ex mente Ecclesiæ, in Missa Parochiali non tantum Evangelium legi aut cantari debet, sed etiam explanari, & à Parcho populus instrui; sive ipsa concio Missæ Parochiali jungi debet.

Veteris enim instituti est; ut mox Evangelio recitato ipsius sequatur explanatio, quam hodie concionem

dicimus. "Hic mos (ait Bona lib. 2. Rerum Liturg. cap. 7. n. 6.) „nunquam interrupta serie ab initio Ecclesiæ usque ad nostra tempora servatus est, ut proxime post Evangelium sermo sive homilia vel tractatus ad populum haberetur.

XVIII. Hunc morem non obscurè supposuit Synodus Tridentina Sess. 22. cap. 8. De Sacrificio Missæ: "mandans Pastoribus & singulis curam animarum gerentibus, ut frequenter inter Missarum celebrationem vel per se, vel per alios ex iis, quæ in Missa leguntur aliquid exponant, atque inter cætera Sanctissimi hujus Sacrificii mysterium aliquod declarent, diebus præsertim Dominicis & festis.

Atque generaliter Sess. 24. cap. 7. de Reform. præcipit, ut Episcopi curent, ut Parochi "inter Missarum solemnia ac divinorum celebrationem sacra eloquia & salutis monita vernaculâ linguâ singulis diebus festis vel solemnibus explanent.

Itaque supposuit Synodus Tridentina, inter Missarum solemnia à Parochis sacra eloquia populo esse explananda; atque ita conciones Parochiales debere fieri in ipsa Missa Parochiali; ut sicuti lectio Evangelii, ita ejusdem explanatio partem quodammodo Missæ constituat.

XIX. Ita videmus in omnibus Parochiis ruralibus concionem immediatè post Evangelium haberi; idque ut ubique servaretur S. Carolus desiderabat. "Curent Episcopi, quod veteris Ecclesiæ instituti est, sermone neminem concionem ubique inter Missarum solemnia potissimum haberi, sive ab illo eodem Sacerdote, qui Missam tunc celebrat, canitve; sive ab alio habeatur. Concil. Mediol. IV. parte 1. tit. De Verbi Dei prædicatione.

XX. Nequaquam proinde mirum videri debet, in sacris Canonibus atque Pontificum Decretis frequentius urgeri obligationem frequentandi Missam Parochialem, quam obligationem audiendi Verbum Dei in Parochia. Cum enim instructio populi sive explanatio Evangelii juxta Ecclesiæ institutum, esset pars quædam Missæ; urgendo Missam Parochialem etiam urgebatur auditio Verbi Dei in Parochia.

XXI. Unde Episcopi urgentes Missæ Parochialis frequentationem, ejusque utilitatem, eam potissimum ex instructione à Parcho fieri solitâ petunt.

Atque signanter anno 1594. Archi Episcopus Cameracensis & Episcopus Atrebatensis in suis Litteris Pastoralibus declarantes, quòd Fideles ipsi subditi obligarentur & tenerentur audire Missam Parochialem in Dominicis & festis solemnibus, nisi ob legitimum aliquam causam se absentaverint; quodque consuetudo à mille & amplius annis frequentandi Missam Parochialem fuerit custodita magno cum animarum profectu & consolatione, Ecclesiæ disciplinæ manutenzione, Ecclesiarum Parochialium decenti ordine & decore, tandem fideles suos alloquentes subjiciunt: "In quibus comparentes ultra per solutionem servitii Deo à vobis debiti, Sancto nimirum Missæ Sacrificio interfessendi, Dei verbo reficimini; insuperque instruimini quomodo debeatis vos regulare tam erga vos ipsos, familiamque vestram, quam proximum vestrum: annuntiato vobis per Pastorem in particulari, quomodo vos ipsos per totam hebdomadam dirigere debeatis: Quæ scita, jejunia & abstinentiæ sint observandæ: Quæ peculiare preces, quæ erga infirmos, captivos, aliosque afflictos misericordiæ opera sint exercenda; ubi publicationem matrimoniorum intelligitis, quæ de impedimentis respondere possitis, & similia multa, quæ vestræ instructioni, & in bonos Christianos educationi deserviant.

## CAPUT III.

## De Missa privata.

1. Missa privata, quæ hodie dicatur?
2. Quæ dicatur solemnis.
3. Olim Missa Legitima dicebatur, cui aderant offerens & communicans præter Sacerdotem.
4. Missa primitus instituta, ut assistentes etiam communicarent; solique communicantes interesse sinebantur.
5. Disciplina communicandi quomodo ad solos Altaris Ministros redacta?
6. Optat Ecclesia, ut assistentes Missæ Sacrificio etiam Sacramentaliter communicent.
7. Parochi meritò allaborant, ut populus volens communicare, intra Missam communicet.
8. Ostendendum populo tempus legitimum communicandi esse post Communionem Sacerdotis.
9. Orationes specialiter recitantur pro communicantibus in Missa.
10. Communio est, quasi pars ipsius Sacrificii.
11. Communio in Ecclesiis per XII. secula vix extra Missarum solennia populo distributa.
12. Rituale Romanum hanc disciplinam expressit: uti & S. Carolus.
13. Retinetur in omnibus communitatibus Ecclesiasticis.
14. Antiquitus præter communicantes requirebatur assistentia populi, ut Missa diceretur publica.
15. Seculo IX. invaluerant Missæ privatae, quæ solitariae dictæ, & in Monasteriis primum frequentate fuerunt.
16. Hæc à pluribus Synodis reprobata.
17. Missæ illæ dicebantur à solo Sacerdote, nemine assistente aut ministrante.
18. Videntur Veteres voluisse, ut plures assisterent Missæ; & quare?
19. Duo Ministri etiam in Missis privatis aliquando requisiti videntur.
20. Petrus Damianus solitarias Missas propugnavit.
21. Ex argumento Damiani consequens videtur solo jure positivo Ministrum in Missa requiri.
22. Missa solitariae hodie prohibita; & privatae hodie jussu frequentiores.
23. Antiqui Canones volunt adhiberi Clericum; quod & functio requirere videtur.
24. Synodi Belgicæ id ipsum non obscure requirunt.
25. Carolus aperte requisivit.
26. Voluit Clericum probatum.
27. Insuper requisivit ut ministraret in habitu Clericali & decenti; quod & aliæ Synodi requirunt.
28. Clericus Missæ assistens non debet aliis intendere.
29. Mulieribus vetitum Missæ ministrare, vel ad altare accedere.
30. Indignum, quod Missæ assistant pueri etiam immorigeri ac petulantes.
31. Sanctitati ac dignitati Sacrificii hic usus repugnat.
32. Sacrificium per hujusmodi pueros profanatur.
33. Usus hic repugnat Synodi Tridentinæ.
34. S. Carolus voluit per Ministrum Missæ incompósitos moneri.
35. An conveniat Sacerdotem Missam celebrare cum Ministro immorigero & sordido?
36. Non convenit ut similis Minister suppleat in Missa vices populi.
37. Hic abusus scandalizat Hæreticos, & exiguum de Missæ Sacrificio ideam in Catholicis arguit.
38. In hoc abusu patet, quid possit mala consuetudo.
39. Unde hic abusus originem habeat; & quomodo etiam pueris mercenariam de Missa ideam imprimat.
40. Episcopi huic abusui abolendo meritò incumbunt.

I. **M**ISSA privata hodie communiter dicitur illa, quæ fit sine cantu & solemnî pompa, à solo Sacerdote, uno alterove ministro Sacerdoti respondente & assistente; sive in publico sive privato loco fiat; sive plures sive pauci vel etiam nulli intersint, aut etiam communicent.

II. Missa verò solemnîs prout huic privatæ opponitur, hodie vocatur omnis illa, quæ fit cum cantu & aliquali saltem solemnî cæremoniæ apparatu; tametsi etiam pauci assistant, & nemo præter Sacerdotem celebrantem communicet.

Veteres verò, ut Missa diceretur solemnîs ac publica, huic exteriori pompæ addebant frequentiam populi offerentis & communicantis, ait Bona lib. 1. Rerum Liturg. cap. 13.

III. Hæcque Missa, cui nimirum populus assistebat, & communicabat. Legitima vocabatur. Imò teste Walafrido Strabone libro de Rebus Eccles. cap. 22. "Fatum est, illam esse Legitimam, cui intersunt Sacerdos, respondens, offerens, atque communicans; sicut (ait) ipsa compositio precum evidenti ratione demonstrat. (a)

IV. Quantum ad communicantes. Certum est, Missam primitus sic institutam; omnesque orationes ita esse ordinatas, ut non tantum Sacerdos, sed & adstantes communicare supponantur; imò antiquitus soli ferè communicantes Sacrificio Missæ interesse sinebantur.

"Sciendum est (inquit Micrologus De Eccles. observ. c. 51.) juxta antiquos Patres, quod soli communicantes divinis Mysteriis interesse consueverunt, unde & ante oblationem juxta Canones jubebantur exire Caechumeni, & pœnitentes: videlicet, qui nondum se paraverunt ad communicandum. Hoc quoque ipsa Sacramentorum innuit confessio; in qua Sacerdos non pro sola sua oblatione & communicatione, sed & aliorum rogat, & maximè in oratione post communionem pro solis communicantibus orare videtur. Nec propriè communicatio dici potest, nisi plures de eodem Sacrificio participant.

Idipsum pluribus adstruit Cardinalis Bona loco citato; additque lib. 2. cap. 17. num. 2. Hanc consuetudinem diu persistisse evidens est.

V. Sensim verò deservescente fidelis populi fervore, communio illa quotidiana sub singulis Missis redacta est ad solos sacros Ministros altari assistentes; atque hinc etiamnum hodie (notat Bona l. 2. cap. 17. u. 2.) "In Missa solemnî retenta est ab aliquibus Ecclesiis communicio Ministrorum, quæ Romæ nunc permanet in insignioribus Basilicis, & ubi desierat, Apostolicæ visitationis Decreto restituta est. Sapientissimo sane consilio, ne in desuetudinem abeat antiquissimus Ecclesiæ ritus, sine quo vix possunt intelligi, quæ in liturgicis orationibus quotidie recitantur.

VI. Quin optandum sit, quemadmodum & Synodus Tridentina optavit, ut fideles Missæ assistentes quotidie etiam sacramentaliter communicarent; atque etiam fatendum sit, orationes & ritus Missæ supponere, plures esse cum Sacerdote communicantes. dubitari nequit: perperam tamen hinc infertur, Sacrificii Missæ integritati quidquam deesse, si excepto Sacrificante nullus communicet; aut Missas, in quibus solus Sacerdos Sacramentaliter communicat, illicitas esse; ideoque abrogandas; "siquidem illæ quoque Missæ (ait Synodus Tridentina Sess. 22. de Sacrificio Missæ cap. 6.) verè communes censeri debent: partim quod in eis populus

(a) Iste Walafridi Locus ita intelligendus est, quod ubi desunt Fideles Communicantes, Missa non sit legitima quoad finem secundarium, spirituale nempe populi fidelis nutritionem; sed non negat eam tunc esse absolute legitimam, cum per eam Deo Cultus supremus exhibeatur, & preces fundantur pro populo, ad quem finem præcipue institutum fuit Sacrificium.

„ *Spiritualiter* communicet: partim verò, quòd à publico Ecclesiæ Ministro non pro se tantum, sed pro omnibus fidelibus, qui ad Corpus Christi pertinent, celebrentur.

VII. Ut tamen ad antiquum morem & ab Ecclesia multis seculis servatum, atque etiam hodie desideratum, pro temporum & populi conditione rediri possit: eatenus saltem ut in Missis solemnibus præsertim Parochialibus, semper aliqui de populo communicarent, Parochii in hoc saltem merito incumbere, ut Sacra Communio sine rationabili causa extra Missarum solemnia in Ecclesia non distribueretur; sed postquam Sacerdos communicavit, ipsa quoque Communio populo communicare volenti daretur.

VIII. Neque difficile erit praxim hanc introducere, eamque populo persuadere, si ostendatur, „ tempus „ legitimum communicandi esse ante ultimam orationem, quæ dicitur *ad complendum*: quia ejus petitio „ maximè est pro iis, qui communicant, „ ut loquitur Walafridus Strabo loco citato *cap. 22.* Oratio, quæ à Walafrido dicitur *ad complendum*, hodie vocari solet, *Post-Communio*, utpote post Communionem dicenda.

IX. Imprimis itaque populo dicendum, quòd ex mente Ecclesiæ illa oratio specialiter recitetur pro iis, qui communicaverunt; ut & hæc, quam, postquam omnes communicaverunt, dicit Sacerdos sub silentio: *Quod ore sumpsimus, pura mente capiamus, & de munere temporali fiat Nobis remedium sempiternum*; quemadmodum monet Rodolphus Decanus Tungrensis, *De Canonum observantia, proposit. 23.* addens: „ Quæ „ utique orationes non pro his, qui *communicaturi* sunt, „ sed qui jam *communicaverunt*, juxta proprietatem sui „ nominis agunt: ergo & *ante ipsas* communicare non „ negligunt, quicumque earundem orationum benedictione fovendi desiderant.

X. Uterius populo exponendum, quòd ipsa Communio sive participatio Sacramenti partem quodam modo Sacrificii constituat: ideòque summopere conveniens esse, ut dum una cum Sacerdote Sacrificium offerunt, etiam una de Sacrificio *Sacramentaliter* communicando participent.

XI. Hinc indubiè factum, quòd duodecim & amplius seculis constanter sit observatum, ut in Ecclesiis sacra Communio extra Missarum solemnia non distribueretur.

Et si fides Morino *lib. 8. De Penit. cap. 14. num. 2.* „ Nec in Ecclesia conservabatur Corpus Christi alium „ in finem, quam propter infirmos, una scilicet ex „ pane consecrato particula. Quocirca sanis non erat „ extra sacrificii actionem communicandi locus. Consuetudo moderna Corpus Christi propter fidelium „ communionem reservandi *recens* est, à *Monachis mendicantibus* primum introducta, deinde ab aliis „ plerisque usurpata, quæ nondum tamen *Romani ritus rubricas* expungere potuit.

XII. quòd de *rubricis* hic asserit Morinus, verissimum esse evincit *rubrica* Ritualis Romani Pauli V. quæ *titulo de Sacramento Eucharistiæ* hæc præscribit: „ Communio autem populi intra Missam statim post „ communionem Sacerdotis celebrantis fieri debet, ( nisi „ si quando ex *rationabili* causa post Missam sit accipienda ) cum orationes, quæ in Missa post communionem „ dicuntur, non solum ad Sacerdotem, sed etiam ad „ alios communicantes spectent.

Hujus ritus venerandam antiquitatem, atque utilitatem haud ignorans S. Carolus, in Concilio V. Mediolanensi *part. 1. tit. 9.* statuit: „ Hoc institutum quod „ *antiquissimi ritus* est, Sacerdos religiosè servet, ut *intra* „ *Missarum solemnia*, postquam scilicet Sanguinem ipse „ sumpsit, fidelibus sacram communionem ministret.

XIII. His addere poterit Parochus, etiam hodie in omnibus Ecclesiasticis Communitatibus ritum illum servari; ut communio præcipuè Conventualis intra Missarum solemnia distribuat.

Tom. I.

XIV. Præter communicantes requirebant insuper antiqui populi frequentiam & assistentiam, ut Missa diceretur solemniter, & publice. Unde Missæ illæ ipsis erant *publicæ*, in quibus una cum Episcopo aut Pastore populus conveniebat, tametsi etiam sine cantu fierent, quo sensu eas frequenter accepit S. Gregorius, dum verat in Monasteriis *publicas* Missas eo fine, ne in servorum Dei secessibus occasio præbeatur popularibus conventibus; ut pluribus ostensum capite præcedenti.

Hoc sensu Missæ, quæ in Monasteriis etiam cum cantu & exteriori pompâ, atque circumstante Monachorum conventu fiebant, *privatæ* dicebantur.

XV. At seculo IX. invaluit aliud genus Missæ privatæ: quæ à quibusdam *solitaria* dictæ fuerunt; ed quòd Sacerdos solus etiam nemine ministrante aut præsentente *solitariè & privatim* eas perageret.

Hæc primum in Monasteriis à Monachis frequentatæ sensim etiam ad Presbyteros seculares transferunt.

XVI. At hæc, ubi primum invaluerunt, à pluribus improbatæ fuerunt, tanquam primario Missæ instituto, ritibusque Ecclesiasticis parum consonæ. Concilium Moguntinum anno 813. *Canone 43.* „ Nullus Presbyter, ut nobis videtur, *solus* Missam cantare valet „ rectè. Quomodo enim dicit, *Dominus vobiscum*, vel „ *sursum corda* admonebit habere, & alia multa his similia, cum alius nemo cum eo sit?

Et fortius circa idem tempus Concilium Parisiense VI. *lib. 1. cap. 48.* Irrepsit in plerisque locis, partim „ incuriâ partim avaritiâ reprehensibilis usus, & congruâ emendatione dignus, ed quòd nonnulli Presbyterorum sine Ministris Missarum solemnia frequent: quod nec verba Domini Salvatoris, quibus mysteria Corporis & Sanguinis sui Discipulis celebranda tradidit; nec Apostoli Pauli documenta declarant; nec etiam in ipsis Actis Apostolorum, si enucleatim legantur, ita fieri debere ullo modo invenitur. Unde conveniendus imò interrogandus nobis videtur hujusmodi Corporis & Sanguinis Domini solitarius consecrator, quibus dicit: *Dominus vobiscum*, & à quo illi respondetur: *Et cum spiritu tuo*: vel pro quibus supplicando Domino inter cætera: *Memento Domine & omnium circumstantium*, cum nullus circumstet, dicit? Quæ consuetudo, quia Apostolicæ & Ecclesiasticæ auctoritati refragatur, & tanto mysterio quamdam dehonorationem irrogare videtur, omnibus nobis in communi visum est, ut deinceps hujusmodi usus inhibeatur; provideatque unusquisque Episcoporum, ne in sua Parochia quisquam Presbyterorum, Missam solus celebrare præsumat, & si hanc definitionem subvertendo transgressus fuerit, Canonica correctioni subiaceat.

Simile Decretum Concilii Nannetensis refertur apud Yvonem *parte 3. cap. 7.* additque: „ Quapropter illa „ periculosa superstitio, maximè à Monasteriis Monachorum exterminanda est. Provideant autem Prælati, ut Presbyteri in cænobiis & aliis Ecclesiis *cooperatores* habeant in celebratione Missarum.

XVII. His aliisque Decretis relatis concludit Bonæ *lib. 1. cap. 13. num. 5.* „ Rejctæ itaque & reprobatæ „ fuerunt Missæ *solitaria*, quæ à solo Sacerdote nemine adstante & respondente dicebantur, hac potissimum ratione, quia absurdum visum est, quòd Sacerdos diceret *Dominus vobiscum*, *Sursum corda*, *Gratias agamus*, cum nullus responderet: aut invitaret ad adorandum dicens *Oremus*, nemine præsentente, qui secum oraret; & in Canone memoriam faceret omnium circumstantium, cum nemo adesset.

Quin si verba prædictorum Canonum, necnon orationes atque ritus Missarum propius attendantur, videntur præcipuè intendisse Patres, ut Missa publice, pluribus assistentibus & circumstantibus diceretur.

XVIII. Et quidem Gratianus Decretum suum scribens seculo XII. *Dist. 1. De Consecrat. Canon. 61.* refert Decretum sub nomine Soteris Papæ: „ Hoc quoque „ sta-

G g g

„ sta-



„statutum est, ut nullus Presbyterorum Missarum solemnia celebrare præsumat, nisi duobus præsentibus, sibi que respondentibus ipse tertius habeatur: quia cum pluraliter ab eo dicitur (*Dominus vobiscum*) & illud in secretis (*Orate pro me*) aptissime convenit, ut ipsius respondeatur salutationi.

Decretum hoc nonnulli Anacleto Pipæ adscribunt, at neutri adscribi posse rectè notavit Bona loco citato: „ed quoddam nihil magis alienum à praxi & spiritu illius sæculi, quam *solitaria* Missæ celebratio; nec puto, ait, voluisse sanctos illos editâ lege tollere abusum, qui nonnisi post aliquot secula inter Monachos irrepsit.

XIX. Nihilominus ex suppositio hoc Decreto non obscurum est, aliquos circa tempora illius suppositi Decreti dubitasse num Missa, uno ministro assistente, ritè celebrari posset; quod & Bona ibidem annotavit.

Quin observat Boetius Epo ad cap. 1. *De vita & bonest. Cleric. num. 7.* „Sanè nostratibus olim in Sacris etiam quotidianis & inferioribus vel secundariis, id est non summis, insolentissimum fuisset visum, si Sacerdos ullus, absque duobus inservientibus & respondentibus (altero ad Altaris cornu dextrum, altero ad sinistram constituto,) celebrasset.

XX. Non tamen defuerunt, qui *solitarias* has Missas propugnarent, atque Sacerdotem tamen *solum* esset; posse omnia etiam pluraliter ad circumstantes dicta veraciter enuntiare. Et præ reliquis B. Petrus Damiani in Opusculo ad Leonem *inclusum* sive Eremitam quod intulavit *Dominus vobiscum*, quo pluribus ostendere conatur, quoddam Sacerdos in Missa possit veraciter dicere *Dominus vobiscum*, aliaque similia; atque sibi etiam respondere, æquè quàm Clericus privatim Horas Canonicas recitans, potest similia pronuntiare, & sibi ipsi respondere.

XXI. Ex quo consequens esset, quoddam nisi Decreta positiva obstarent, non minùs liceret Sacerdoti sine Ministro, Missam facere, quàm privatim Horas Canonicas persolvere: quam sequelam ut legitimam non obscurè quoque agnoscit Cardinalis Bona.

XXII. Quidquid sit, hoc certum est Missas has *solitarias*, quæ à solo Sacerdote, nemine præsentem aut ministrante, dicebantur, pristinis sæculis ignoras fuisse; privatas verò olim rariores quàm hodie; hasque posterioribus sæculis nimium esse multiplicatas, ut infra notabitur.

Ad hæc constat, juxta modernam disciplinam ob reverentiam Sacrificii vetitum esse (saltem extra casum necessitatis) sine Ministro seu assistente Missam celebrare; atque ad minus unum requiri ministrum Sacerdoti celebranti assistentem.

XXIII. Cum autem dubitari nequeat, quin hæc functio, nimirum ministrandi ac respondendi Sacerdoti in Missæ Sacrificio, sapiat aliquo modo conditionem functionis Ecclesiasticæ, tribuatque jus ad ipsum altare accedendi; jam pridem creditum fuit, eam Clericalem esse, solisque Clericis committendam.

Unde antiquus Decreti Gratiani Glossographus commentans Canonem 61. *Dist. 1. De Consecrat.* ubi dicitur, ut nullus Presbyterorum Missarum solennia celebrare præsumat, nisi duobus præsentibus, sibi que respondentibus, quærit. „Numquid necessarium est, ut sint duo Clerici, aut numquid duo laici, aut unus Clericus & alter laicus, aut alter masculus, & alter feminâ sufficerent? Respondet: „Satis videtur quoddam debent esse duo Clerici.

XXIV. Antiqua Statuta Diocesis Cameracensis renovata in Synodo Diocesana anno 1550. *tit. De Eucharistia*, habent: Nullus sine CLERICO celebrare præsumat.

Nonne id ipsum Synodi Belgicæ quodam modo supponunt, dum non alia de causa exigunt in Ecclesiarum Parochialium custodibus statum & Tonfuram Clericalem, nisi quod Custodes tanquam Ecclesiæ ministri,

teneantur Parocho in celebratione Missarum, & reliquis functionibus pastoralibus assistere & ministrare? uti parte 1. *tit. 4. cap. 1. & 2.* ostensum fuit.

XXV. Id ipsum apertius declaravit S. Carolus, dum statuit in sua Synodo Diocesana IV. *Decreto 28.* „In Missæ etiam sacro, non laico, sed Clericus, qui altari ministret, semper adhibeatur.

Deinde subjungit: „In omni igitur Parochiali Ecclesiâ illum talem Parochus habeat, ut est Provincialis; nec nostris Conciliis præscriptum.

Nec tantum in Ecclesiis Parochialibus, sed etiam Capellis & Oratoriis Clericum, qui Sacerdoti ministret constitutum esse vult; & nisi similis Clericis fuerit, verat in iis ab ullo Sacerdote celebrari, nisi, ait, *huius rei facultatem NOMINATIM SCRIPTO expressam a nobis impetrarit.*

XXVI. Sed quia inter Clericos nonnunquam inveniuntur, qui huic sacræ functioni obeundæ aut digni, aut convenientes non sunt, decrevit ipse Carolus ibidem: „Clericus ne Sacerdoti in altare ante ministret, quàm in illius ministerii functione ritè instructus sit, & ab eo (Magistro caeremoniarum) probatus.

Et paucis interjectis: Nec verò Ecclesiasticus homo, Cantoris, Sacristæ Custodis, Clerici in Missæ Sacro ministrantis munus, aliamve Ecclesiasticam functionem in quavis Ecclesia suscipiat; nisi illius uniuscujusque muneris in ea Ecclesia gerendi à nobis facultatem scriptam quotannis renovandam, vita etiam at moribus à nobis probatus, impetrarit.

XXVII. Neque ipso Carolo suffecit, ut Minister esset Clericus, atque circa suum ministerium, vitam, moresque probatus; sed insuper voluit, ut vestitu exteriori se tanti ministerii dignum ministerium exhiberet. Unde in Concilio Mediolanensi IV. *part. 2. cap. 10.* voluit, ut „Clericus Sacerdoti ministrans semper indutus sit superpelliceo puro & mundo eoque non laceo, neque ulla alia ratione indecenti; si contrafecerit, tum ipse, tum Sacrista, tum Ecclesiæ præfectus, tum Sacerdos etiam, qui sibi ministrare permiserit, plebatur arbitrato Episcopi.

Similiter Concilium Aquisense anno 1585. titulo *De celebratione Missæ*, decernit: „in celebratione Missæ Sacerdos ne se conferat ad altare, nisi Clericum indecenti habitu, & cum superpelliceo mundo cum manicis, sibi inservientem habuerit. Quibus verò in locis propter inopiam Clericus ita commode haberi non poterit, caveat, ne celebret absque hujusmodi Clerico, nisi facultatem ab Episcopo in scriptis impetraverit.

Synodi Belgicæ injungentes custodibus, ut parati sint quacumque hora Parocho celebranti, etiam privatim assistere in habitu decenti & superpelliceo induti, sat indicant, se quoque desiderare habitum Clericalem & honestum in Ministro Sacrificii. Decreta Synodorum videri possunt superius, *tit. 4.*

XXVIII. Sanctus Carolus addidit in Concilio Mediol. VI. „Clericus, qui in Missæ Sacrificio ministrat, dum eam functionem obit, ne preces horarias, neque aliud quidquam de libro aliove officio recitet; sed toto intimæ pietatis studio ad ministerium attentus sit, quod tunc piè religiosèque exequi debet. „Titulos, quæ ad Missam pertinent.

XXIX. Si laicos huic functioni adhibere ægrè tulerint Concilia, multò minùs mulieres adhibendas esse nemo non intelligit.

Scitur jam pridem dictum fuisse, non oportere mulierem ad altare ingredi, Canone 44. Laodicensi.

Et sæculo V. ad Episcopos Lucaniæ scripsit Gelasius I. „Impatienter audivimus tantum divinarum rerum subtilis despectum, ut feminæ sacris Altaribus ministrare referantur. *Epist. 9. cap. 26.*

Id ipsum prohibet Concilium Nannietense *Can. 3.* idque secundum Canonum auctoritatem. Et sæculo XIII. ad Othonem Cardinalem Tusculanum scribit Innocentius

tus IV. "Mulieres autem servire ad altare non audeant, sed ab illius ministerio omnino repellantur. *Epist. 10. cap. 14.*

Synodus Iprensis sub Rithovio tit. 15. cap. 2. expresse statuit, ut non permittantur in altari ministrare celebrantibus feminae, *quantumvis religiose.*

Antiqua Decreta Cameracensis in Synodo Diocesana anno 1550. renovata loco citato "præcipiunt sub pœna 20. solidorum Parisienſium, ne quis Presbyter permittat altari, vel circa altare, mulierem insistere, dum divina celebrantur.

Novissime quoque Synodus Namurcensis sub Wachendonck tit. 6. cap. 11. "Inhibet omnibus mulieribus tempore celebrationis Missæ vel Laudum, quæ celebrantur cum Venerabili Sacramento, se inter sepimenta vel cancellos altarium illorum sistere propter reverentiam Sacramenti, ne & Sacerdos celebrans, aut alias Venerabile tenens, earum aspectu tentetur, sub pœna publicæ admonitionis aut alia simili.

Plurima sunt & Synodorum & Episcoporum Decreta, quibus inhibetur mulieribus accessus ad altaria, præsertim dum ipsa Divina in illis celebrantur; quæ consequenter ostendunt, omnino alienum à mente illorum esse, ut mulier quæcumque ipsi Sacerdoti celebranti in altari assistat.

XXX. Ostendunt præallegata Decreta, quam indignum sit, ut actioni functionive tam sanctæ ac sublimi in ministrum hodie, non laicus modo, sed nescio quis vilissimus ac immorigerus puerulus, seu juvenis adhibeatur; quem nec honestiores laici, imo opifices sibi ministrum adſciscere vellent.

Imo adeo apud plerosque viluit Missæ Sacrificium, ut vel laicum honestiorem quasi pudeat, sibi quæ dederit verat, Sacerdoti in Missæ celebratione ministrare; illudque quodammodo proprium puerorum, aut famulorum credatur.

XXXI. Si sanctitati ac dignitati alicujus actionis merito respondeat sanctitas & dignitas Ministrorum; non obscurum erit colligere, quam alienum sit à sanctitate hujus actionis, admittere pueros seu juvenes, qui, non dico nullam vitæ morumque sanctitatem, sed è contra magnam deformitatem frequenter præ se ferunt.

XXXII. Si sancta sancte sint tractanda; quid indignius, quam in ministrum tam sancti mysterii admittere pueros, qui nullam hujus functionis ideam habentes, omnia quæ agunt, aut dicunt, sine ullo pietatis sensu, aut cordis affectu tanquam psittaci nihil intelligentes, aut alio distracti enuntiant, aut intra dentes sæpe balbutiunt?

XXXIII. Synodus Tridentina non vult à Sacerdote Missam celebrari, "nisi prius, qui intersint decenter composito corporis habitu declaraverint se mente, ac devoto cordis affectu, non solum corpore adesse.

Hæc si in assistentibus indifferenter requirat; an minus forsan in ministrante, qui propius Sacerdoti assistit; atque tanquam minister Sacerdotis magis ad Sacrificii oblationem, tanquam actionem concurrat;

XXXIV. Imo S. Carolus vult, ut "cum Sacerdos ad altare accesserit Sacrificium Missæ facturum, Clericus, qui tunc illi ministraturus est, ubi alius non sit qui tunc hoc officium præstare possit, circumſpiciat adstantes; & si quempiam animadverterit marem vel feminam in composito corporis habitu, vel alias cum injuria vel irreverentia sanctissimi illius Sacrificii interesse, moneat graviter.... Missa vero inchoata, si quid hujusmodi fiat, hoc idem officium admonendi itidem ille minister Clericus præstet modeste & graviter., Concil. Mediolanense IV. parte 2. cap. 10.

Noſtro hoc seculo si vixisset Carolus, vidissetque nullum pene nisi pueros aut viliores homines in Missæ ministros adhiberi, cavisset profecto hoc monendi officium illis committere; quin potius designasset, qui

*Tom. I.*

removendis repellendisquæ à sacris altaribus hujusmodi immorigeris ac vilibus ministris invigilassent.

XXXV. Quandoquidem ob hujus Sacrificii sanctitatem ac reverentiam Sacerdos ex præscripto Concilii Tridentini Missam celebrare nequeat, nisi prius qui intersunt, externo habitu ostendant, se mente ac devoto cordis affectu adesse, an licitum erit Sacerdoti Missam celebrare priusquam adſit ministraturus, qui externo corporis habitu declarat, se mente, ac devoto cordis affectu adfuturum & ministraturum?

XXXVI. Adhæc, Minister Sacrificii Sacerdoti respondentens, vices totius populi supplet; & publici Ecclesiæ Ministri partes agit.

Porro an quidquam indecentius, quam ut nomine Ecclesiæ sive fidelis populi, in actione adeo sublimi deputentur vilissimi quique pueruli, aut juvenes, qui nec quid agatur intelligunt, nec attendunt.

XXXVII. Quis sane infidelium, aut Hæreticorum non putet esse actionem ludicram, aut vilissimam quamdam tragediam, dum videt Sacerdotem, cum nescio, quo immorigero, ac verba vix balbutiente puero, in altari alternam Psalmum & orationes recitantem; ipsam confessionem facientem, aliaque agentem? Quis unquam infideli aut hæretico persuadebit, ibi actionem sublimissimam, & qua ipsa Religio Christiana sanctior rem aut digniorem non habet, peragi?

XXXVIII. Imo ni abusus hic adeo invaluisse; atque Fidelium fides ob multiplicatam Missarum circa hujus actionis dignitatem ac sublimitatem pene elanguisset, etiam ipsis Catholicis indubie hic abusus appareret execrandus & intolerabilis, urpote ipsum Sacrificium in summam profanationem ac vilipendium adducens.

XXXIX. Sane si ullibi hic verificatur, quod mala consuetudo sive corruptela, nisi citius eradicetur, in privilegium & jus assumatur, ac pro lege venerari incipiat. *Can. 3. Dist. 8.*

Neque hic abusus aliunde, quam ex nimia Missarum privatarum multiplicatione; & mercenario multorum Sacerdotum celebrandi modo originem & incrementum habuisse certum est; atque inde una quasi invaluit, quod sæpius nec pueri illi ad ministrandum haberi queant; ni & ipsi munusculo aliquo alliciantur; imo quidam ex ipsa Missæ assistentia, non secus ac Sacerdotes ex celebratione quæritum aucupentur & sollicitè quarant: atque ita ab infantia quasi mercenariam ideam de divinis Officiis & functionibus concipiant.

XL. Episcopi alique Ecclesiarum Prælati & Pastores facile ex his perspicere poterunt, quam merito totis viribus conentur hunc abusum, ipsi Missæ Sacrificio adeo indignum, & ipsum Sacrificium profanantem & quasi risui hæreticorum exponentem, penitus eradicare; attendentes, "ut non nisi gravissime, & ut summum quoddam totius Ecclesiæ negotium celebretur hoc Sacramentum, neque quilibet etiam nullius sensus puerulus ad ministrandum admittatur: ut loquitur Petrus de Soto, *De Sacrament. Eucharist. lect. 15.*

## CAPUT IV.

De Oblationibus populi inter Missarum solemnia.

1. Oblationum usus antiquus.
2. Quis oblationum ritus in Ordine Romano?
3. Seculo VI. præcipitur panis & vini oblatio.
4. Ex pane oblato Eulogiæ populo distribuuntur; in quarum locum successit Panis benedictus.
5. Formula benedicendi Eulogias.
6. Panis benedictus sumebatur olim ex pane à populo oblato pro consecratione.
7. Hodie pro Pane benedicto offertur specialis panis.
8. Hic Panis est symbolum unionis; & non nisi in Missa Parochiali offerendus?

G g g 2

9. Quo

9. Quo affectu offerendus?
10. Qua ratione Panis hujus oblatio juribus honorificis adscribitur?
11. Occasione prerogativæ in præsentatione Panis benedicti controversia mota.
12. Olim Eucharistia consecrabatur ex pane & vino oblato à populo.
13. Hodie etiam hujus ritus extat memoria.
14. Oblatio panis & vini mutata in denarios.
15. Primitus hi in usum pauperum cedebant; postea in usum Sacerdotis.
16. Paulatim usus oblationum pene defecit; & quæ defensionis ratio?
17. Usus oblationum instauratum voluit Sanctus Carolus.
18. Quibus motivis populus ad usum oblationum excitandus, & quo affectueas facere debeat?
19. Notorie criminosi oblationes non recipiendæ.
20. Prudenter hodie in hoc procedendum.
21. Rejiciendi publice à sancta Eucharistia non semper repellendi ab offerendo.

**I.** UT populus ad ipsius incruenti Sacrificii oblationem se concurrere amplius ostenderet; atque una cum Sacerdote sacrificium offerre, vetus in Ecclesia Christianorum mos fuit, qui ad Missarum solemniam conveniebant, suam unusquisque partem sacrificii offerret.

Ad hunc ritum non obscure alludit Sanctus Cyprianus libro *De Operibus & Eleemosyna*, dicens: "Locuples & dives es; & Dominicum celebrare te credis, quæ in Dominicum sine Sacrificio venis, quæ partem de sacrificio, quod pauper obtulit, sumis."

Hæc verba Cypriani expendens vir eruditus Nicolaus Rigaltius, scribit: "Sacrificia dicit eleemosynas in usus fidelium collatas. Inter eleemosynas erant panes per Eucharistiam sacrandi. De panibus autem istis quandoque dives parvus & sterilis, hoc est, qui nihil contulerat in eleemosynam, fumebat Eucharistiam. Quod pudendum esse, ait Cyprianus."

II. Plurima sunt pristini illius moris apud Antiquos testimonia; eumque per plura secula in Ecclesia perdurasse, evincit antiquus Ordo Romanus post tempora Sancti Gregorii conscriptus; in quo legitur. "Transit Sacerdos ad suscipiendas oblationes. Interim Cantores cantant offertorium cum versibus, & populus dat oblationes suas, id est, panem & vinum, & offerunt cum fanonibus candidis, primo masculi, deinde femine. In Ordine Romano II. apud Mabillonium *tom. 2. Musæi Italici*, pag. 47. notatque pag. 54. Fanones hic accipi pro panno oblongo ad offerendas, recipiendasve oblationes."

III. Quin & hujus ritus tanta fuit apud Majores nostros religio, ut dum sub finem seculi VI. deprehendissent Patres Concilii Maficonensis II. Christianos nonnullos ad Missarum solemniam accedere, nullam admoventes hostiam, decreverint *Can. 4.* "Ut in omnibus Dominicis diebus Altaris oblatio ab omnibus viris & mulieribus offeratur tam panis quam vini, ut per has oblationes, & peccatorum suorum fascibus (a) careant, & cum Abel, vel cæteris iuste offerentibus promereantur esse consortes."

IV. Hunc ritum indicare quoque videtur Concilium Nannetense (quod seculo IX. celebratum creditur) *Can. 9.* Presbytero mandans, ut de oblationibus quæ offeruntur à populo & consecrationi supersunt, partes incisas habeat in vase nitido, quas post Missam illis distribuatur, qui non communicarunt. Quas particulas Canon *Eulogias* vocat; quarum vices hodie in nonnullis Ecclesiis supplet panis benedictus: quem in locum *Eulogiarum* successisse omnes agnoscunt; ut propterea dixerit Honorius Augustodunensis in *Gemma cap. 47.* panem illum vocari *Eulogiam*.

(a) Fascibus, id est onere vel congeie.

V. Benedicebantur *Eulogiæ* hac formula, quæ in dicto Canone præscribitur. "Domine sancte, Pater omnipotens æterne Deus, benedicere digneris hunc panem tua sancta & spiritali benedictione, ut sit omnibus salus mentis & corporis, atque contra omnes morbos & universas inimicorum insidias tutamentum. Per Dominum nostrum Jesum Christum Filium tuum panem vitæ, qui de Cælo descendit, & dat vitam ac salutem mundo, & tecum vivit & regnat, &c."

VI. Præterea ex hoc Canone patet, *Eulogias* sive panem benedictum olim desumptum esse ex panibus oblati pro consecratione, quod & apud Græcos servatum fuisse testatur Cabasilas in expositione Liturgiæ *cap. ult.* "Sacrificio peracto, ait, Sacerdos oblatum panem, ex quo sacrum panem abscidit, in multa divinum tradit fidelibus: ut qui sanctus sit, eo quod Templo fuerit dedicatus & oblatus. Illi autem cum reverentia suscipiunt, & dextram deosculantur."

VII. Postquam vero hodiernæ illæ graciles & rotundæ hostiæ pro consecratione confici cæperunt, Parochiani, aut unus pro omnibus, panem offerre cæperunt, qui per Parochum benedictus, Parochianis inter Missarum solemniam distribuitur in signum communionis; sive ut tesseram, quam Christiani à suo Parocho accipiunt, in signum fraternæ communicationis in fide & charitate.

VIII. Cum autem hæc unio & confederatio specialiter esse debeat inter fideles unius Parochiæ; utpote unam quasi Ecclesiam constituentes, etiam hoc unitatis & charitatis symbolum in solis Ecclesiis Parochialibus, sub Missa Parochiali distribuendum est. V. Concil. Rothomag. 1581. *tit. 9. n. 23.*

IX. Oportundum esset, ut nobiles alique, tum in recipiendo, tum offerendo panem benedictum, meminissent, panem hunc esse vicarium sacrosanctæ Eucharistiæ, ideoque à sanctis Patribus appellari *αντιδωδον*, & ita cum humilitate accipiendum, uti monet Franciscus le Roy Antecessor Aurelianensis, in tractatu *De Juribus honorificis in Ecclesia lib. 1. cap. 12.*

X. Hic ostendit insuper eodem loco, hujus panis oblationem & acceptionem juribus honorificis eatenus annumerari, quod nobiles, alique honoratiores personæ in illius præsentatione & receptione aliqua prerogativa gaudeant; quod & asserit Matthias Mareschal in suo tractatu gallico *Des Droits honorifiques, titulo De distributione panis benedicti*; testaturque, "panem benedictum ordinarie præsentari Toparchis, Nobilibus, Officialibus aliisque secundum gradus & officii prerogativam; quantumvis rationi magis consonum videretur, eum distribui primo occurrenti, quemadmodum sacra Eucharistia distribui solet, cujus hic panis est quoddam symbolum." Hæc ille.

XI. Occasione prerogativæ nonnumquam quæstiones litesque oriri notat idem Matthias; ac signanter sub initium hujus seculi quæstionem fuisse super præsentatione hujus panis inter uxorem Patroni & Parochianos; illa sustinente sibi privative comperere vice sui mariti prerogativam præsentandi panem benedictum; quod & ipsi per tres sententias conformes adjudicatum fuit.

XII. Insuper ex citato Canone Nannetensi constat ipsam Eucharistiam ex pane quem populus offerebat, fuisse confectam, quod & indicat Sacramentarium sancti Gregorii apud Pamelium *pag. 179.* Postquam enim præcepit cantari Offertorium, ait: "Et offeruntur à populo oblationes & vinum, è quibus in altari ponuntur; ut *sacventur*."

Item Ordo Romanus loco citato, ait: "Archidiaconus accipiens oblatas ponit tantas super altare, quantæ possunt populo sufficere."

XIII. Quin & nonnullæ, quæ etiamnum hodie extant in Missali, orationes *secrete*, quæ olim dicebantur *super oblata*, hunc morem evidenter supponunt; ac præ cæteris oratio *secreta* dicenda Dominica V. post Pen.



Penteosten, his verbis expressa. "Propitiare, Domine, supplicationibus nostris: & has oblationes famulorum famularumque tuarum benignus assume; ut quod singuli obtulerunt ad honorem, singulis proficiat ad salutem."

XIV. Quo tempore populus desierit panem & vinum in Missa offerre, incertum est. Hoc constat, quod tempore Honorii Augustodunensis moris jam esset, loco panis sive farinae denarios offerri; creditque Honorius, mutationis hujus originem rariori Fidelium communioni adscribendam. "Quia, ait, populo non communicante, non erat necesse, panem tam magnum fieri, statutum est, eum in modum denarios formari; & ut populus pro oblatione farinae denarios offerret." In Gemma animæ, cap. 58.

XV. Addit deinde Honorius: "Qui tamen denarii in usum pauperum, qui membra sunt Christi, cedent, vel in aliquid quod ad hoc sacrificium pertinet."

Verum, ut advertit Christianus Lupus *Dissertatione 2. proœmiali ad tomum 3. Schol. in Canones cap. 11.* Hæc puritas, quod non esset Apostolicæ legis, & quod priorum oblationum emolumentis aut non possent, aut nollent privari Sacerdotes, non diu permansit: uti antea panis & vinum & farina, ita & hi denarii illis pedetentim appropriari ceperunt. Et hæc fere ubique est hodierna disciplina, ut oblato denarii inter Missarum solemnia ad altare cedant Sacerdoti, nisi alio titulo alteri competere ostendantur: sed de hoc jure latius infra, ubi de Decimis aliisque Ecclesiasticis proventibus agitur.

XVI. Illud hic insuper monet Christianus Lupus, quod, postquam denarii oblato in usum Sacerdotum cedere ceperunt, "hinc obavitam populi, de Clericavitiis & nimis proventibus calumniam, defecerit paulatim etiam denariorum oblatio, contracta fere ad solam Missam in exequiis defunctorum. Accedens (pergit Lupus) Ecclesiarum, Altarium in eadem etiam Ecclesia, Sacerdotum, plurium quotidie in eodem quoque Altari Missarum multiplicatio istam contractionem strenue adjuvit."

XVII. Hunc oblationum morem & institutum ab Apostolorum tempore ad nos devolutum; at injuria temporum pene abrogatum, variæ Synodi posterioribus his temporibus restituendum decreverunt: atque præ cæteris Synodus Mediolanensis IV. sub sancto Carolo parte 2. cap. 15. declarat: "Oblationum institutum quo gravius his temporibus à fidei doctrinæ, quæ Catholicæ hostibus exagitur, & languescente pietatis studio, quo magis à Fidelibus negligitur, hoc diligentius servari, atque ad executionis usum, ubi intermissum est, revocari convenit, cum præsertim & ad divinum cultum pertineat, & populis salutare sit, ad expiandaque peccata utile."

Postea monet Episcopos, ut omni modo curent: "ut in solemnitatibus Domini, diebusque Dominicis ac Festis item, quos coli, aut præcepti, aut consuetudinis est, omnis Christianus aliquid, prout sua quisque pietate devotioneque maluerit, Deo offerre procuret, idque in Ecclesia vel Cathedrali, cum ad Missæ Sacrificium, quod solemniter celebratur, vel in Parochiali cum Parocho convenierit."

Quo gratius autem Deo sit quod offerunt, ad præstandum accedant *Fideles intima animi pietate, spiritali hilaritate, sanctæ charitate, omni que Christianæ devotionis testificatione.*

XVIII. Hujus quoque instituti restitutionem multum urgit Synodus Colonienfis, anno 1549. cap. 20. declaratque illud pene totum abire cepisse in desuetudinem, hominibus piis causam & originem offerendi ad Altare ignorantibus, & impiis cupiditate Sacerdotum usum illum introductum calumniose asserentibus.

Quapropter præcipit Verbi Divini Concionatoribus, ut populo veritatem rei istius & utilitatem exponant;

hortenturque omnes sequi Majorum studia, ut vel exigui munusculi oblatione suam pro rebus à Deo acceptis ostendant gratitudinem.

En primum motivum, quo populus ad hunc ritum excitandus est.

Deinde subjungit alterum motivum: *Quo etiam preces Ecclesiæ in eos conquadrant.* Certum enim est, jam pridem Ecclesiam voluisse specialem in Missa memoriam offerentium fieri; atque plures etiamnum recitari orationes ad offerentes specialiter directas; uti capite sequenti latius ostendetur.

Præterea monet Concionatores, "ut inculcent eis, quod Deus non tam ad dona, quam ad voluntatem & mentem piorum respiciat: quamquam locupletes & divites convenit esse liberaliores, quo gratitudinis signum de se amplioris præbeant, & testentur se à Deo ad Dei honorem & cultum, habere quidquid habent."

Merito hic præmonuit Synodus, ut hæc populo proponantur & inculcentur à Concionatoribus, illis præsertim, qui de oblationibus populi non participant, ad cupiditatis speciem tollendam.

XIX. Denique S. Carolus paternarum traditionum atque Canonicae disciplinæ zelosissimus conservator, & instaurator, in citato Concilio IV. decrevit: "ab iis oblationes ne recipiantur, ut antiquo Canone ventum est, qui scilicet inter se iniquo animo dissidentes, inimicicias exercent, qui usurarii, meretrices, facrilegi, raptores, quive alio nomine publice notorieque criminoli sunt."

Canon antiquus, cujus hic meminit S. Carolus, est Canon 93. Concilii Carthaginensis IV. relatus apud Gratianum *Dist. 9. Can. 2.*

XX. Tametsi oprandum esset, ut juxta mentem Ecclesiæ, purioremque ejus disciplinam, hujusmodi notorii & scandalosi peccatores ab altaribus removerentur, nec ad offertorium admitterentur; nihilominus magna prudentia & moderatione opus est, ut Parochi præsertim ac inferiores Presbyteri eam disciplinam, ubi plane abolita est, revocent, meritoque priusquam quidquam attentent, Episcopos, aliosque Superiores consulant; qui & sacris Canonibus ab una parte; & temporum, personarum conditione, aliisque circumstantiis ab altera parte rite expensis, judicent, qualiter expediat, Canonicam hanc disciplinam esse executioni mandandam.

XXI. Neque illud dubium est, quin publici ac notorii peccatores nonnumquam ad offerendum oblationes ad altare admittendi sint; tametsi ad sacram Eucharistiam nullatenus essent recipiendi, imo publice etiam rejiciendi, ob evidens periculum sacrilegii in hac admissione, non item in illa concurrens, nec non ob majus scandalum ex admissione ad sacram Eucharistiam, quam ex admissione ad offerendum verisimiliter oriturum.

## CAPUT V.

De Honorario Missæ, & de quibus ejus occasione populus instruendus.

1. Unde factum est, ut Denarius extra Missam Sacerdoti offerri cæperit?
2. Quo tempore hoc captum sit?
3. Pecuniaria elemosyna seculo IX. nota fuit.
4. Ex hac elemosyna paulatim invaluit, ut laici voluerint Missas speciales pro se celebrari, quod initio vetitum videtur.
5. Idipsum erroris arguit Walafridus Strabo.
6. Olim arbitrio Sacerdotis relictum, utrum unum pro multis, an singula pro singulis offerentibus Sacrificia celebraret.
7. Hodie prohibitum plura honoraria à pluribus accipere; & uno Sacrificio satisfacere.

8. Sacri-

8. *Sacrificium quod hodie pro offerente Honorarium, specialiter offertur, pluribus commune est.*
9. *Propositum dubium circa prohibitionem accipiendi plura honoraria pro uno Sacrificio.*
10. *Hodie non minus quam olim, Sacrificium infiniti valoris est.*
11. *Olim offerentes in Missa non petebant speciales pro singulis Missas.*
12. *Offerentes Honoraria hodie volunt celebrari pro se speciales Missas.*
13. *Sacerdotes ea lege Honoraria accipientes tenentur pro singulis Missas singulas celebrare.*
14. *Decretum Alexandri VII. in materia Honorarii.*
15. *Resolutio S. Congregationis in eadem materia.*
16. *Decreta Pontificum & resolutiones S. Congregationis infidelitatem & avaritiam Sacerdotum duntaxat feriunt.*
17. *Idipsum seculo XIII. ostendit Archiepiscopus Cantuariensis.*
18. *Conciliatur doctrina Walafri Strabonis cum censuris Pontificum.*
19. *Non minus hodie quam olim Sacrificium pluribus Missis assistentibus pro ratione devotionis prodest.*
20. *Honorarium hodiernum est quedam oblationis species, & ita à populo offerendum.*
21. *Monendus est, ne nimium fidat multitudini Honorariorum.*
22. *Ut quis sit particeps Sacrificii, quid requiratur?*
23. *Sacrificium non applicatur pro solo Sacerdotum arbitrio.*
24. *Quæ fuerit occasio eam opinionem imputandi Ecclesiæ?*
25. *Pauperes aque ac divites Sacrificii participes esse possunt.*
26. *Quid operetur specialis Sacerdotis applicatio?*
27. *Plus prodest devote Missæ assistere, quam curare pro se specialiter celebrari.*
28. *Ecclesia præcepit Missæ interesse, sed nunquam præcepit curari Missas speciales celebrari.*

I. **C**UM invaluisset vice panis & vini offerri in Missa denarios, idque in usum Sacerdotis celebrantis, tandem visum est, idipsum, quod in Missa offerre licebat, quoque ante vel post Missam offerri posse.

Itaque dum jam sensim oblatio inter Missarum solemniam pene cessasset, atque in Missis præcipue privatis oblatio parum nota esset, tunc qui pro se specialiter tanquam offerente Missam celebrari, & orari volebat, id oblato denario à Sacerdote postulabat, atque hinc ille denarius, quem hodie Honorarium aut stipendium Missæ vocamus.

II. Quo tempore denarii in Missa oblato in usum Sacerdotum cedere cœperint, & quando cessante oblatione in Missa, denarius extra Missam Sacerdoti offerri ab his, qui pro se Missam celebrari petebant, incertum est.

Sæpius laudatus Joannes Mabillonius in præfatione ad primam partem seculi III. Benedictinorum num. 62. fatetur oblationi panis & vini à laicis antiquitus fieri solitæ, successisse elemosynam pecuniariam Presbytero factam, quam stipendium vocant, videturque ipsi id fieri ceptum seculo VIII. saltem in Missis privatis, non tamen ubique passim ante seculum XII.

III. Pecuniariam elemosynam satis aperte designat Chrodegangus Metensis Episcopus, in regula Canoniorum scripta sub initium seculi IX. cap. 32. Et seculo XI. pecuniam in usum Sacerdotis, etiam extra Missarum solemniam, oblatoam fuisse testatur Petrus Damiani, lib. 5. Epist. 15. at hujusmodi pecuniæ oblatæ admissionem & in Clerico & in Monacho tunc male oluisse, advertit Christianus Lupus. Vide Dissertationem meam De pensionibus.

IV. Hinc factum, (ait Mabillonius,) ut laici obmodicam stipem singulas quique missas sibi arrogarent.

Hunc usum introduci ceptum reprehendere videtur Eugenius Papa II. in Concilio Romano anno 826. cap. 17. "Presbyteri nullius blandiantur aut suadeantur sermonibus, ut non omnium ad se concurrentium in quibuslibet sacris locis oblationes ad Missarum solemnitates recipiant: quia cum mediatores Dei hominumque existant, in exercendis voris relaxandisque peccatis largissimam debent orationem peragere." Idipsum repetit Leo IV. in Synodo Romana.

V. Eodem tempore Walafri Strabo nascentem ejusmodi morem erroris arguit in libro De rebus Eccles. cap. 22. "Sed & in hoc error non modicus videtur, quod quidam se non posse aliter plenam commemorationem eorum facere pro quibus offerunt, nisi singulas oblationes pro singulis offerant, vel pro vivis & defunctis non simul æstimant immolandum, cum vere sciamus unum pro omnibus mortuum, unum panem esse & sanguinem, quem universalis Ecclesia offert. Quod si cui placet, pro singulis singulatim offerre: pro solius devotionis amplitudine, & orationum augendum delectatione id faciat, non autem pro stulta opinionatione, qua puter unum Dei Sacramentum, non esse generale medicamentum.

VI. His Walafri Strabonis verbis relatis, ait Cardinalis Bona, lib. 2. Rerum Liturg. cap. 8. num. 7. "Hætenus ille, cujusque Sacerdotis arbitrio seu devotioni relinquens unum pro multis offerentibus Sacrificium, aut singula pro singulis celebrare. Nostorum vero temporum alia conditio est, alii mores: nec ullus ignorat, quid de hac re ab Apostolica Sede Statutum sit.

Finalibus his verbis indicari, quæ tum sub Urbano VIII. tum Alexandro VII. in hac materia decreta fuerint, haud obscurum est.

VII. Et quidem sacra Congregatio Cardinalium super interpretatione Concilii Tridentini, auctoritate Urbani VIII. anno 1625. declaravit: "Ubi pro pluribus Missis, etiam ejusdem qualitatis celebrandis stipendia quantumcumque incongrua & exigua, sive ab una sive à pluribus personis collata fuerint, aut conferuntur in futurum Sacerdotibus, Ecclesiis, Capitulis, Collegiis, Hospitalibus, Societatibus, Monasteriis, Conventibus, Congregationibus, domibus, ac locis piis quibuscumque tam secularibus quam Regularibus, sacra Congregatio sub obtestatione divini judicii mandat ac præcipit, ut absolute tot Missæ celebrentur, quot ad rationem attributæ elemosynæ præscriptæ fuerint, ita ut alioquin ii, ad quos pertinet, suæ obligationi non satisficiant; quin imo graviter peccent, & ad restitutionem teneantur.

VIII. Quid igitur? probavitne Urbanus VIII. ita pro uno offerri posse Missæ Sacrificium, ut illi soli & non aliis pluribus prodest; aut pro uno solo, reliquis exclusis, offerri possit, quod errorem non modicum, & opinionem stultam esse, dixit Walafrius? nequaquam sane. Nec enim minus Sacrificium Missæ hodie, quam olim, etiam illud quod ratione accepti stipendii à Sacerdote pro aliquo particulari sub stricta, ut vocant, intentione, celebratur pro omnibus fidelibus Christianis, vivis atque defunctis offertur. Nec minus in Missis illis, quas accepto stipendio, pro aliquo particulari celebrat Sacerdos, quam in aliis liberæ, ut ajunt, intentionis, à Sacerdote instituitur memento vivorum & mortuorum, ubi Sacerdoti liberum manet, non obstante stricta intentione, specialem aliquorum memoriam facere; quin ex præscripto Missalis subjicit: Et omnium circumstantium quorum tibi fides cognita est, & nota devotio, pro quibus tibi offerimus, &c.

Unde & Synodus Tridentina docens, Missas nullas esse proprie privatas; sed omnes censendas esse communes,

*munes*, hanc inter ceteras rationem reddit: "Quod à publico Ecclesiæ Ministro non pro se tantum, sed pro omnibus fidelibus, qui ad corpus Christi pertinent, celebrentur." *Sess. 22. De Sacrificio Missæ, cap. 7.*

IX. Cur ergo Sacerdos à pluribus *honorarium* sive *stipendium* accipiendo non satisfacit, *unum* pro omnibus Sacrificium offerendo: quemadmodum olim dum oblatio panis & vini in Missa fieri solebat, uno eodemque Sacrificio pro pluribus offerentibus oblato satisfaciebat? Num forsitan qui hodie *specialiter* pro se petunt, *dato stipendio*, Missam celebrari, aliquid plus de Sacrificio participant, quam olim participabant *offerentes* in Missa: vel offerentes plus participabant, si pauci quam si plures offerrent?

X. Sicuti ipsum Sacrificium Missæ semper fuit quantum ex parte Christi primarii offerentis, & Hostiæ oblatæ infiniti valoris; ita semper incertum fuit, quantum ex illo infinito cuique offerenti, aut adstanti applicaretur; quidve ipsa Sacerdotis celebrantis intentio in hac fructus Sacrificii applicatione, ex mero Dei beneplacito dependente, valeret.

XI. Primitus ergo fideles sua munera offerentes, non petebant Missam *specialiter* pro se celebrari; sed sufficere credebant, si Missæ Sacrificio devore conjungerentur; atque una cum Sacerdote ipsum Sacrificium offerrent; divinæ Misericordiæ confidentes, Sacrificii fructum sibi applicandum pro ratione Sacrificii & dispositionis.

XII. At alia est hodierna offerentium *honoraria* sive *stipendialis* Missarum intentio. Hi enim ea mente & conditione *stipendia* offerunt, ut tot Missæ, quot dantur *stipendia specialiter* pro se vel alio quem nominant, celebrentur & *specialiter* applicentur.

XIII. Et licet incertum sit, quid hæc specialis applicatio valeat; imo sub sola intentione *generali* stando non minus sæpe apud Deum mereatur, quam *particularius* exigendo; uti monet Pius Gersonius *tract. De Solicit. Eccles.* nihilominus Sacerdotes *honoraria* ea intentione & lege à Fidelibus oblata accipientes, ipsius quasi iustitiæ leges infringere; suamque avaritiam proderent, si intentioni Fidelium non satisfacerent: hancque solam injustitiam, atque Sacerdotum avaritiam suo Decreto Urbanus VIII. merito jugulavit; nihil de valore Sacrificii pro pluribus oblato; aut de efficacia applicationis ipsius Sacerdotis definens.

XIV. Eodem imo majori fundamento hanc, quam quorundam Sacerdotum fordida avaritia & cæca cupiditas parturiverat, opinionem damnavit Alexander VII. anno 1665. "Non est contra iustitiam pro pluribus Sacrificiis stipendium accipere & Sacrificium *unum* offerre; neque etiam est contra *fidelitatem*, etiamsi promittam, promissione etiam juramento firmata, danti stipendium, quod pro nullo alio offeram."

XV. Similiter proposito dubio Sacre Congregationi: An cum Ordinarius præscripserit eleemosynam congruam juxta qualitatem loci, personarum ac temporum, Sacerdotes accipientes stipendium minus congruum, teneantur Missas illis ab offerente præscriptas celebrare? Respondit S. Congregatio: *Teneri.*

Item, cum quaesitum esset ab eadem Congregatione; An Sacerdotes qui tenentur Missas celebrare ratione Beneficii, seu Capellæ, legati aut salarii possint etiam manualement eleemosynam pro Missis votivis, aut Defunctorum, recipere, & unico Missæ Sacrificio utriusque oneri satisfacere?

Respondit Congregatio: "Sacerdotes quibus diebus tenentur Missas celebrare ratione Beneficii, seu Capellæ, legati, aut salarii, si eleemosynas pro aliis etiam Missis celebrandis susceperint, non posse eadem Missa utrique obligationi satisfacere."

XVI. Hæc aliaque sententiarum monstra, quæ sacrilega Sacerdotum quorundam aviditas adinvenit, si

quis una cum censuris hisce attendat, facile intelliget, Pontificum in censurandis propositionibus mentem duntaxat fuisse, injustitiam & avaritiam Sacerdotum, Fidelibus Laicis imponentium, refrenare.

XVII. Quod & non obscure sæculo XIII. (quando Honorarium Missæ jam invaluerat) ostendit Archiepiscopus Cantuariensis anno 1281. in suis Constitutionibus *Can. 2.* decernens: "Nullus plura recipiat annalia celebranda, quam habet Socios celebrantes; illo casu excepto, in quo procurans suffragia fieri pro Defuncto, *consentit expresse* Defuncti memoriam alii, vel aliis copulari. Nec credat celebrans se dicendo Missam unam posse satisfacere pro duobus, pro quo utroque *promisit specialiter* & in solidum celebrare."

XVIII. Quod ergo suo tempore dixit Walafridus, *errorem non modicum, & stultam opinionem* esse illorum, qui prætendebant, non posse satisfieri pluribus Offerentibus, nisi pro singulis singulæ Missæ celebrarentur: ideo dixit, quia tum temporis nondum invaluerat mos hodiernus dandi stipendium Sacerdoti *ea lege*, ut pro dante *specialiter* Missam celebraret, sed oblatio simpliciter fiebat; ea duntaxat conditione, ut in Sacrificio *specialis* commemoratio fieret in ordine Offerentium.

Cum ergo ex parte Offerentium nihil esset, quod ad singulas Missas pro singulis Offerentibus celebrandas cogeret; nihil quoque impeditur quominus uno Sacrificio, quod ex parte Sacrificii est infiniti valoris, omnibus satisfaceret. At postquam populus incœpit offerre Honorarium, sive stipendium Sacerdoti, ea lege, ut pro se *specialem* Missam celebraret, iustitiæ leges refragantur, ut uno Sacrificio, contra fidem, saltem tacite datam, pluribus satisfiat.

XIX. Manet ergo etiam hodie verum, quod Missæ Sacrificium, quantum est ex parte Christi primarii Sacrificantis, & Hostiæ oblatæ, sit infiniti valoris; atque Fidelibus assistentibus cum proportionem devotionis & fidei fructus illius communicetur æqualiter, sive pauci, sive multi assistant.

XX. Deinde hoc quoque indubitarum est, hodiernum Missarum *stipendium* esse considerandum, ut voluntariæ cuiusdam oblationis speciem; in locum oblationis in Missa primitus fieri solitæ, surrogatam.

Instruendus ergo est populus, ne *honorarium* illud habeat tanquam pretium Sacrificii, sed ut voluntariam oblationem; qua Deum tanquam rerum temporalium auctorem recognoscens, una cum Sacerdote Sacrificium offerre, & ipsius Sacrificii, ac signanter precum quæ pro offerentibus funduntur, particeps esse mereatur.

XXI. Monendus insuper est populus, ne in numero aut magnitudine *honorariorum* nimium confidat; quasi eorum sola oblatione virtutem Sacrificii consequatur: cum non tam ad oblationum magnitudinem, quam offerentis affectum respiciat Deus.

Unde post alios dicit Petrus De Soto De Sacrificio Missæ *lect. 7.* "intentionem Sacerdotis offerentis & applicationem ejus prodesse quidem, sed juxta *dispositionem* illorum pro quibus offertur: Non enim quantum celebrans aut intendit, aut vult, consequitur is pro quo celebrat, sed quantum *sua fides & devotio* digna vel capax est."

XXII. Quapropter Synodus Tridentina *Sess. 22. De Sacrificio Missæ cap. 2.* docens hoc Sacrificium esse vere propitiatorium; per ipsumque fieri, ut misericordiam consequamur, & gratiam inveniamus in tempore opportuno, hanc requirit conditionem: *Si vero corde & recta fide; cum metu & reverentia, contriti ac penitentes ad Deum accedamus.*

Et S. Thomas ait: "Hoc Sacrificium, quod est memoriale Dominicæ passionis, non habet effectum nisi in illis, qui conjunguntur huic Sacramento per fidem & charitatem." *3. parte q. 79. art. 7. ad 2. Et art. 5.* Quamvis hæc oblatio (Sacrificii) ex sui quantitate sufficiat



„sufficiat ad satisfaciendum pro omni poena; tamen sit  
„satisfactoria illis, pro quibus offertur, vel etiam of-  
„ferentibus secundum qualitatem devotionis, & non  
„pro tota poena.

Populus ergo sapientius monendus, ut potius satagat  
fidem & charitatem piumque cordis affectum in se exci-  
tare, quibus ipsi Sacrificio jungatur, quam accumula-  
re nummos, quibus multa Sacrificia pro se offerri pro-  
curet.

XXIII. Hinc ulterius inculcandum populo, falsam  
omnino esse opinionem, quam per calumniam Eccle-  
siae imputant haeretici, & non pauci e Catholicis, si  
non verbis saltem suo agendi modo probare videntur:  
quod „Missam ejusmodi actum externum esse sentia-  
„mus, quem Sacerdos suo arbitratu, quibus velit seu  
„vivi seu mortui accommodare queat, etiam si nulla  
„fide, nullaque voluntate praeditus sit. Quia quidem  
„ex hoc Sacrificio ad se utilitatem redire volunt, ejus-  
„modi sint oportet, qui ad divinam sperent misericor-  
„diam, alioqui citra propriam fidem & devotionem  
„aliena actio neminem salvum & beatum facere potest,  
„& Ecclesia Dei hac sua Sacrosancta victimam homini  
„impio non nisi haec conferre aliquid potest quam  
„ut precibus illius causa id agat apud Deum, ut pro  
„sua clementia hujusmodi hominum corda convertat.

XXIV. Haec Michael Episcopus Merseburgensis  
concione 17. De Sacrificio Missae, apud Georgium Ca-  
sanderum in consultatione de articulis religionis ad Im-  
peratores Ferdinandum I. & Maximilianum II cap. 24.  
ibi pluribus ostendit, hanc opinionem falso Catholicis  
affingi.

XXV. Ex his quoque facile intelligent pauperes,  
se posse non secus ac divites esse Sacrificii participes;  
modò ferventi charitate & viva fide Sacrificio jungan-  
tur; memores quod Sacerdos specialiter memoriam  
agens omnium circumstantium, addat: *Quorum tibi fi-  
des cognita est & nota devotio.* Quibus rursus evinci-  
tur, ut notat Cajetanus, „applicationem hujus Sacri-  
„ficii non sola intentione, sed devotione adjuncta per-  
„fici: cujus rei ratio sit, quia in Sacrificiis & oblatio-  
„nibus, quantitas devotionis magis pensatur quam rei  
„oblatae.

XXVI. Quid igitur? Nihil operatur intentio sive  
applicatio Sacerdotis? Respondet Petrus De Soto loco  
citato: „Intentio quidem celebrantis, maximè quando  
„ille Deo gratus est, multum prodest, sed nihil deter-  
„minati tamen haberi potest, nec id opus est inquiri:  
„cùm procul dubio magis valeat devotio accedentis.  
„Sacerdos verò hanc applicationem applicans (ut lo-  
„quuntur) isti aut illi, hoc agit, ut eos Deo com-  
„mendans, ipsi estimationem valoris relinquat, &  
„hoc quidem tam in ipso Sacrificio, quam in suis, quas  
„vel ex Ecclesiae ordinatione, vel voluntate propria  
„Deo fundit, precibus.

XXVII. Inde hanc sine ulla hæsitatione format con-  
clusionem: „Unde non est dubitandum, melius & uti-  
„lius esse fidelibus, adstare Sacrificio Missae, & fide &  
„devotione illi conjungi, quam curare ut pro se sapius  
„celebretur.

Et licet Sacerdos etiam pro absentibus orare & Sa-  
crificium offerre queat; nihilominus indubitatum est;  
& constat ex precibus, quæ tempore Sacrificii dicun-  
tur, Missam specialiter pro circumstantibus, sive prae-  
sentibus offerri; ipsosque fideles praesentes unâ cum  
Sacerdote offerre; adeo ut ipse Sacerdos conversus ad  
populum dicat: *Orate Fratres; ut meum ac VESTRUM  
Sacrificium acceptabile fiat apud Deum Patrem omnipot-*

*entem.*  
XXVIII. Hinc Ecclesia à suis primordiis rigidè man-  
davit fidelibus, diebus Dominicis festisque Missarum  
solemnibus devotè assistere; at nullibi mandavit, ut quis  
Missam pro se celebrari curet. Neque haecenus ullus  
unquam asseruit, neque asserere cum aliqua veri specie  
posset, unius esse hominibus divitiis, etiam sepositâ

lege positivâ, jubere diebus Dominicis & festis Missam  
pro se celebrari, quam illi devotè assistere.

## CAPUT VI.

Quid Sacerdotes in receptione Honorarii servare de-  
beant; & quæ incommoda ex Honorario pro-  
fluant?

1. Honorarium accipi debet à Sacerdote ut oblatio volun-  
taria.
2. Honoraria habenda sunt ut alia bona Ecclesiastica.
3. Indignum est, ut honoraria habeantur ut verum pro-  
fanarum pretia.
4. Cavendum Sacerdoti, ne de his Honorariis mercari  
videatur.
5. Nihil pro Missis exigendum.
6. Synodi Tridentina Decretum contra conventiones su-  
per Honorariis Missarum.
7. Decretum Synodi Mechliniensis contra similes stipula-  
tiones.
8. A Missae celebratione abesse debet animus mercena-  
rius.
9. Modus agendi aliquorum Sacerdotum indicat Missas  
ad quæstum celebrari.
10. Indicium animi mercenarii in Sacerdotibus.
11. Secundum illius indicium.
12. Nonnunquam mercenario modo pro ratione stipendii  
major vel minor est Missae solemnitas.
13. Indecens est, quod ex Honorariis Missarum Sacerdo-  
tes vivere debeant.
14. Hinc contingit plures non solo pietatis affectu Mis-  
sam celebrare.
15. Verendum ne bodie plures ex humano affectu ad Al-  
tare accedant.
16. Plures bodie videntur ordinari Sacerdotes, ut ex  
Missis vivant.
17. Ob Honoraria Sacerdotes facile se Divitiarum obsequio  
cum vilipendio Sacerdotii addicunt.
18. Quod remedium contra hos abusus.
19. Sanctus Franciscus veritus Missas quæstuaras, tan-  
tùm unam celebrari voluit.
20. Sanctus Ignatius Honoraria accipi noluit.
21. Monasteria omne etiam sponte oblatum Honorarium  
respuentia meritò laudanda.

I. **H**ODIERNUM Missarum honorarium speciem quam-  
dam esse voluntariæ oblationis, atque in locum  
oblationum successisse capite præcedenti ostendimus;  
consequenter, sicut Laici illud tanquam Deo acceptam  
oblationem Sacerdoti offerre debent, ita quoque illud  
Sacerdotes non tanquam pretium Missae, sed ut volunta-  
riam oblationem grato animo accipere tenentur: unâ-  
que ostendere, se velle Deo voluntariè sacrificare. „Et  
„si quando nihil aut aliquid minus liberali animo hono-  
„rarii loco eis donatum fuerit, non in hoc contristen-  
„tur, minimèque aliquod indignationis dent indicium;  
„quin potius ut ostendant se magno liberalique ani-  
„mo gratis dare quod gratis acceperunt; ab omni  
„cogitatione & desiderio muneris ac honorarii se sem-  
„per contineant; & si quando aliquid accipere cogant-  
„tur, illud quamvis exiguum lætiori lubentiorque  
„animo accipiant, quam paupercula illa vidua æram mi-  
„nuta duo, quæ sola habebat, in gazophylacium  
„mittebat. „Ita Directorium Ecclesiasticæ discipli-  
„næ, Colonienfi præsertim Ecclesiæ accommodatum  
sub finem decimi sexti sæculi per Octavium Frangipa-  
num Mithum Episcopum Tricaricensem Sedis Apo-  
stolicæ per Germaniam inferiorem & Belgarum Pro-  
vincias Nuntium; nec non per Facultatem Theologi-  
cam Lovaniensem approbatum, lib. 1. tit. De Divinis  
Officiis num. 53.

II. Hinc consequitur, honoraria hæc tanquam Fide-  
lium



Fidelium oblationes in sustentationem Ministrorum Ecclesiae Deo factas, non secus ac alias oblationes & decimas, bonis Ecclesiasticis esse annumerandas; uti recte docet Boetius Epō apud Duacenses olim SS. Canonum Primarius Antecessor, ad cap. 1. De Testamentis num. 80. adeoque falsam esse Doctorem de his Honorariis ideam, qui ea quasi patrimonialibus Clericorum accensent, atque à proventibus vere Ecclesiasticis distinguunt.

III. Pejorem adhuc de Honorariis his ideam formant illi, qui asserere non erubescunt, quod stipendia Missarum ad modum pretii verum habeant medium, infimum & summum: considerantes sane illa non tanquam voluntarias fidelium religiosas oblationes; sed ut quædam profanarum rerum pretia. Quo quid turpius, ne dicam abominabilius cogitari potest!

IV. Cavendum autem Sacerdotibus, ne suo modo agendi, eam se de stipendio sive Honorario Missarum ideam habere ostendant; conventiones directe aut indirecte super hisce Honorariis inuendo.

De qua infami mercatura quorundam Sacerdotum ita anno 1324. conqueruntur Patres Synodi Toletanae Can. 6. " Multa mentis amaritudine concitatur, gravisque doloris aculeus perfodit mentem nostram, intelligentes, quod aliqui Presbyteri detestanda & abominabili ambitione cœcati, pro Missis per eos celebrandis pecuniam exigunt, & super hoc ac si vellent vendere rem profanam, impudenter mercantur: quandoque etiam publice qui eas faciunt celebrari, æstimantes, quod ex eorum facto pernicioso vendant gratiam Dei, quæ in Sacramento Missæ confertur, vel verius ipsum Deum, qui nobis sub specie dicti Sacramenti se exhibet, pecunia posse vendi.

V. Post hæc abominandum hunc abusum ex sordida Sacerdotum avaritia promanantem extirpare volentes, subiungunt: " Verum cum dictum Sacramentum super omnia pretiosum, sit liberaliter sicut cætera Sacramenta celebrandum: districtius prohibemus, ne aliquis Presbyter pro Missis celebrandis pecuniam exigat, vel rem aliam temporalem; sed grate accipiat, si aliquid per facientem Missas celebrari oblatum sibi charitative fuerit, absque pacto & conventionem quancumque: Qui vero contrarium fecerit, à celebratione Missæ per annum noverit se suspensum, & alias pro tam gravi excessu ad arbitrium proprii Episcopi puniendum.

VI. Synodus Tridentina advertens, Sacerdotes cupiditate excoecatos nequaquam à profano illo mercimonio cessare, injunxit Episcopis, ut è medio tollant, quidquid avaritia contra reverentiam Sacrificii Missæ induxit; atque imprimis, " ejusvis mercedum conditiones, pacta, & quidquid pro Missis novis celebrandis datur; nec non importunas atque illiberales elemosynarum exactiones potius quam postulationes, aliaque hujusmodi quæ à Simoniaca labe, vel certe à turpi quæstu non longe absunt, omnino prohibeant. In Decreto De observandis & evitandis in celebratione Missæ.

VII. Decreto Synodi Tridentinae satisfacere cupiens Synodus P. I. Mechliniensis tit. De Decanis cap. 11. " Pastoribus & quibuscumque Sacerdotibus inhiere sub pœna suspensionis, ne per se vel alium, directe vel indirecte stipulentur pro Missis votivis, ad piorum postulationem celebrandis, sed quod eis sponte oblatum fuerit, accipiant.

VIII. Dum vero Synodi adeo sollicitè cavent, ne quæ conventio aut illiberalis elemosynarum exactio; aliunde turpem quæstum sapiens, occasione celebrationis Missarum interveniat; quid aliud voluerunt, nisi generaliter præcavere, ne Sacrificium Missæ, mercenario & sordido modo à Sacerdotibus tractetur, seu potius profanetur? quod & ipsa ratio clamat; ac dignitas & sanctitas Sacrificii expostulant.

" Quod si enim fatemur (ait Synodus Tridentina loco citato) nullum opus adeo sanctum ac divinum à Christi fidelibus tractari posse, quam hoc ipsum tremendum Mysterium, quo vivifica illa hostia, quæ Deo Patri reconciliati sumus, in Altari per Sacerdotes quotidie immolatur; satis etiam apparet, omnem operam & diligentiam in eo ponendam esse, ut quanta maxima fieri potest interiori cordis munditia & puritate, atque exteriori devotionis ac pietatis specie peragatur.

IX. Si hodiernum plurimorum Sacerdotum, præsertim tenuioris fortunæ inter Seculares, & inter Regulares, quorum Monasteria hisce Missarum honorariis visitant, modum agendi vel leviter attendamus, prohi dolor! verendum ne & hodie verissimum sit, quod jam pridem deploravit Alvares Pelagius, lib. 2. De Plantæ Ecclesiæ, art. 5. quod tot dicantur Missæ quæstuarie, ut apud populum vel Clerum Corpus Domini jam vilescat.

Nonne plurimos hodie conspiciamus Sacerdotes ad domos mortuarias cursitare, ubi stipendia, præsertim pinguiora se accepturos sperant; non secus atque opifices ac mercenarii quique, operum suorum pinguiores mercedes venantur?

X. Quam paratos & obvios reperies Sacerdotes plurimos ad Missæ Sacrificium quacumque hora, & quocumque loco, tametsi etiam parum opportunis & canonicis, celebrandum, si congruentia ad ipsorum placitum offerantur Honoraria! e contra quam difficiles & refractarios habebis, ut hora & loco quantumvis populo maxime opportunis, & subinde fere necessariis, Missam celebrandam suscipere velint, si Honoraria congrua desint! quasi Sacerdotes ordinari non tam essent ad offerendum Sacrificium tanquam Ministri Ecclesiæ, ad devotionem & ædificationem fidelium, quam ut ex celebratione Missarum sibi comparent Honoraria sive stipendia, atque ex iis vivant. Unde similes Sacerdotes parum attendere solent, num celebratio Missarum tempore aut loco magis congruis fiat, modo hoc loco aut tempore celebrando majus Honorarium accipere possint. Quid hæc nisi mercenarium Sacerdotum illorum animum in Missarum celebratione indicant?

XI. Ad hæc non paucos conspiciamus, tam è Secularibus quam Regularibus, mercenariorum seu opificum more, stipendia Missarum pro mensura laboris & temporis in earum celebratione impendenda taxantes atque commensurantes.

Quid hodie familiarius, quam majora taxari stipendia, dum in hoc illove Altari celebrantur; eo quod ob quamdam devotionem populi erga certam Imaginem vel Sanctum, plura ad illud Altare petantur fieri Sacra? Quo fit ut pluribus Sacerdotibus concurrentibus ad celebrandum, nonnumquam tempore aliquo sit expectandum, ob quam expectandi moram, Sacerdotes illi quasi mercenarii, Missæ celebrationem ampliori stipendio compensatam volunt.

Si Ecclesiæ utilitas postulet, ut certis destinatisque horis Sacra legantur, nonne videmus, quod more mercenariorum majus stipendium requiratur, quam si libertas hora quacumque celebrandi Sacerdotibus illis relinquatur? Quo quid evidentius, in oblatione Sacrificii non tam inspicere, quid hic & nunc postulet utilitas Ecclesiæ, quam quid exigat quantitas stipendii.

Suulterius similes Sacerdotes requirantur, ut ad dissimulatam aliquam Ecclesiam celebrandi gratia accedant, nonne mox ut quidam bajuli aut nuntii volent stipendium labori inieris, & tempori impendendo præcise esse proportionatum?

XII. Nec hic Sacerdotum sistitur mercenarius animus. Eo enim hodie mercenarius ille taxandi modus devenit, ut ipsa Sacrificii Solemnitas, non jam à Festi solemnitate atque Ecclesiæ præscripto, sed à quantitate stipendii persoluti aut persolvendi desumenda videatur.



Quid hodie frequentius, quam Missæ Sacrificium pro cuiusque privato affectu, nulla publica causa aut Festi solemnitate occurrente, solemnissime peragi, modo stipendium pro ratione solemnitatis, more mercenario à Ministris illis taxatum, offeratur? e contra si desit huiusmodi stipendium, occurrat quantumvis magna festivitas, non ritus sollemnis, sed ritus simplicior stipendio proportionatus habebitur. Quinimo, in nonnullis Ecclesiis conspiciamus, per similes mercenarios Ministros, ipsum ritum ab Ecclesia præscriptum nonnumquam truncari, & sæpe mutilari: quia stipendium ipsorum iudicio, quo nonnisi stipendium ponderatur, non correspondet labori, quem Sacrificii decantationi cum integro ritu peragendi impendere deberent? O mercimonia!

XIII. Dicer forsitan non nemo, quid mirum si honoraria, stipendiave Missarum tam anxie à nonnullis Sacerdotibus quaerantur; nec faciles se ad celebrandum, nisi hæc adsint, præbeant; cum vel ipsi, vel ipsorum Conventus majore ex parte ex hisce honorariis stipendiisve vivere cogantur? Haud dissiteor, ita in more positum esse: Sed quis & illud non deplorat, imo exhorrescat, ipsum tremendum divinisimumque, atque Religionis nostræ augustissimum Mysterium, eo esse vilitatis redactum, ut ceu quoddam opificium victui quotidiano parando subservire debeat?

Quis ambigat, quin temporalia modo mercenario & sordido facile ex Missarum celebratione sint quaesituri, qui Missæ celebratione tanquam medio ad vitæ necessaria parandam coguntur?

XIV. Atque hinc contingit, quod Sacerdotes ex Missarum honorariis victitantes, ex humano potius affectu, aut consuetudine, aut sane ex necessitate vitæ subsidia consequendi, quam devotionis affectu, & Spiritus sancti impulsu quotidie ad Missam celebrandam accedant.

XV. Imo si horum Sacerdotum ratio agendi propius attendatur, verendum ne cum Patribus Synodi Colonienſis anno 1536. *parte 2. capit. 10.* dicere etiam hodie debeamus: "Terret nec immerito, nos sermo  
" Dominicus, qui verat nos sanctum dare canibus,  
" & margaritas nostras projicere ante porcos, dum  
" quosdam leviculos Sacerdotes, illotis manibus pedibusque, ut in Proverbio est, audacius in hæc sacratissima Mysteria, quam in profana irrumpere commperimus. Quales sunt, *Qui humano affectu tantum  
" Et potius ex more, quam devotionis ardore ad Altare  
" accedunt, quorum polluta es mens & conscientia,  
" quos merito horrendum Evangelii exemplum (quod  
" Joannis decimo tertio legimus in hæc verba: Et postquam accepisset buccellam introivit in eum Satanas,  
" & cætera quæ sequuntur) ad meliorem vitæ frugem, altioremq; tanti mysterii contemplationem  
" revocaret.*

An non magna cum Sacrificii irreverentia hodie conspiciamus, Sacerdotes vitam otiosam, imo multis defectibus, ne dicam criminibus obnoxiam agentes, necessitate victum quaerendi ex stipendiis Sacrorum quodammodo compulsos, accedere ad quotidianum Sacrificium, non secus fere atque opifices ad opus suum manuale lucelli causa indies properare solent?

Non dubium quin & hodie verum sit, quod olim dixit Sanctus Augustinus, *Omnem conditionem includere bonos & malos, esseque Clericos perinde falsos ac Monachos. Sunt, ait, & Monachi falsi, & nos novimus tales, sed non perit fraternitas pia propter eos, qui profitentur quod non sunt; tam sunt enim Monachi falsi, quam Clerici falsi & fideles falsi; & tamen nonne inviti hodie videmus, quod in plerisque Monasteriis nulla bonos inter & malos, veros & falsos*

fratres intercedente differentia, omnes frequentissime, si non quotidie, tremendis Altaribus assistant, quin assistere jubeantur: in illis præsertim Congregationibus, quibus vivere ex Sacrorum stipendiis in more positum est. O quot exinde non timenda sacrilegia?

XVI. Hi plerumque sunt à Sacerdotibus illis, de quibus ad Nepotem suum scribit Cardinalis Bellarminus: "Plurimi ordinari cupiunt pro utilitate sua, non  
" Ecclesiæ, & de celebratione Missæ faciunt artem depa-  
" ne lucrando: Unde Sacerdotium contemptibile red-  
" ditur, & Ecclesia scandalis scatur.

Nec hæc tantum in ordinatione Sacerdotum secularium metuenda; sed & Regularium, præsertim illorum Ordinum, qui ex honorariis Missarum victum quaerere solent: omnesque, modo ætatem Sacerdotio prærequisitam attrigerint, ad Sacerdotium mittere consueverunt; atque Sacerdotes ordinatos honorarii quotidiani lucrandi causa, ad quotidianum Sacrificium quodammodo adigunt. Sed de hoc latius infra tit. 9. ubi de Ordine agetur.

XVII. Ex hoc quoque Sacerdotum mercenario agendi modo evenit, ut Sacerdotes se magnatibus & divitibus quibusque celebrandi causa Capellanos constituant; quos hi ut servos admittunt, nec honestius plerumque tractant, quam artifices, qui ad opera sua elocanda spe mercedis invitantur; gloriosum autumantes, inter famulos seu pedisequos suos, non tantum vile aliquod hominum genus; sed ipsos quoque Sacerdotes numerare. At de hoc abusu latius capite 8. ubi de Oratoriis domesticis agitur.

XVIII. Hæc aliaque, quæ ex hodiernis Missarum stipendiis profluunt; ipsumque Missæ sacrificium horrendum in modum profanant, vileque ac contemptibile Catholicis pariter & A Catholicis reddunt, Ecclesiarum Prælati, ac præcipue Episcopi ex mandato Synodi Tridentinæ omnibus viribus, tanquam abusum vere magnum & execrandum eradicare tenentur; omniaque remedia adhibere, quæ eum in finem subservire queunt. Inter media autem illud non minimum videtur, ut neminem ad Sacerdotium admittant, quem verisimiliter intelligunt, eo præcipue sine Sacerdotio iniuriandum præsentari, ut vel sibi, vel Communitati suæ ex celebratione Missarum victum conquirat; atque ita verendum sit, ne ex celebratione Missarum faciat artem de pane lucrando. De quo latius infra, titulo *De Ordine.*

XIX. Profanationem hanc aliaque incommoda veritus Sanctus Franciscus, teste Alvarez Pelagio, "voluit  
" quod in quocumque loco Fratres contenti essent una  
" Missa, præsciens, Fratres se velle iustificare per  
" Missas, & ad quæsum eas educere: sicut videmus hodie fieri. Hæc ille loco supra citato.

XX. Similiter Sanctus Ignatius Societatis Fundator, parte 6. Constitutionum cavet: "Omnes qui sub obedientia sunt Societatis meminerint, se gratis dare debere, quæ gratis acceperunt, nec postulando, nec  
" admittendo stipendium, vel elemosynas ullas, quibus  
" Missæ, vel confessiones, vel prædicationes, vel  
" lectiones, vel visitationes, vel quodvis aliud officium ex iis, quæ Societas juxta nostrum Institutum exercere potest, compensari videntur: ut sic majori cum  
" libertate possit & proximorum ædificatione, in divino servitio procedere.

XXI. Unde & Christianus Lupus in Dissertatione 2. præmiali ad tomum 3. *Schol. cap. 11.* ait: "Reformata quædam, omnem etiam sponte oblatum denarium  
" refutantia, Monasteria sunt plurimum laudanda, &  
" orandus est Deus, ut ad omni saltem coactioni renuntiandum nos promovere, atque ita casta Parrum  
" corda in nos reducere dignetur.



CAPUT VII.

De Anniversariis & Missarum Foundationibus,  
eorumque Reductione.

1. *Primis Seculis anniversaria dies obitus celebrata; sed an annuatim recurreret incertum.*
2. *Seculo IX. anniversaria annuatim recurrentia nota fuere.*
3. *Anniversaria Regum & Abbatum celebrabantur in Monasteriis.*
4. *Anniversaria jam pridem cum Missa & Psalmorum cantu peracta.*
5. *In die anniversaria antiquitus campanæ etiam pulsabantur; & elemosynæ pauperibus distribuebantur.*
6. *Occurrente anniversario Monachis & Canonicis refectio dabatur.*
7. *Apud Canonicos hæc refectio in denarios Canonicis presentibus distribuendos conversæ sunt.*
8. *Anniversaria olim pro Fundatoribus & Benefactoribus fieri solebant; nec quidquam speciale pro eorum celebratione assignabatur.*
9. *Hodie pro celebrante, Ministris & etiam Ecclesiæ fabrica certa summa relinqui solet.*
10. *Qua celebritate anniversaria celebranda, pendet præcipue à Fundantium voluntate.*
11. *Anniversaria nunc valde multiplicata; & unde?*
12. *Accesserunt Missarum multarum foundationes.*
13. *Foundationis Missæ quotidianæ meminit Alexander III. eamque nonnihil restringit.*
14. *Foundationes Missarum quotidianarum non facile admittendæ sunt.*
15. *Missarum quotidianarum celebratio injuncta uni Sacerdoti ignota olim fuit.*
16. *Tempus quo illa injunctio caperit.*
17. *Qui Capellaniæ cum onere Missæ quotidianæ habet, an debeat quotidie Missam celebrare?*
18. *Obligatus ratione Beneficii ad celebrandum, satisfacit dando substituto conveniens Honorarium.*
19. *Potesne semper possessor simplicis beneficii sub onere Missarum sibi retinere partem fructuum, dum alteri Sacerdoti committit celebrationem Missarum?*
20. *Qui accipit Honorarium pro Missa, non potest alteri eam committere, parte Honorarii retenta.*
21. *Quæ disparitatis ratio.*
22. *Qui Beneficii etiam simplicis fructus percipit, debet se ut Ecclesiæ Ministrum exhibere.*
23. *Nulla Capellaniarum cum solo onere celebrandi Missarum utilitas esse solet.*
24. *Debet Fundatorum mens impleri; & quis soleat esse defectus.*
25. *Anniversaria & Missæ fundatæ, frequenter admodum negligenter peraguntur.*
26. *Quæ Pastorum circa hæc cura esse debeat?*
27. *Qui animo mercenario bis officiis interesse censeantur? quibus distributiones dandæ?*
28. *Vitandus animus mercenarius in persolvendis anniversariis.*
29. *Unde factum ut omnibus foundationibus Missarum satisfieri non potuerit.*
30. *Synodus Tridentina dat Episcopis facultatem anniversaria & Missas reducendi ad minorem numerum: & quare?*
31. *Sacerdotes privata auctoritate ea reducere non possunt.*
32. *An Episcopi extra Synodum habeant illam facultatem?*
33. *Decretum Sanctæ Congregationis potestatem Episcoporum restringens, in Belgio non receptum.*

Tom. I.

34. *Reductiones faciendæ prævio examine; & auditis quorum interest.*
35. *Episcopus in reductione non tam utilitatem privatorum, quam augmentum divini cultus attendere debet.*
36. *Non multum urgendi Fideles ad Missarum foundationes, præsertim à Presbyteris; & quare?*
37. *Si Fundator voluerit Missam certo loco aut tempore fieri, voluntas servanda est.*
38. *Potest Episcopus has condiciones interdum tollere aut mutare.*

I. **A** PRIMIS seculis defunctorum extremum diem annua celebritate cultum fuisse, testis est Tertullianus, *De Corona Militis cap. 3. Oblationes pro Defunctis, pro Natalitiis annua die facimus.*

Et apud Cassianum, *Collat. 19. cap. 1. legitur: "Nam prioris Abbatis, qui eidem Cœnobio præfuerat, anniversaria depositio solemniter celebrabatur."* Plura ibidem vide apud Gazæum in notis.

An vero anniversaria illa Officia semel tantum, an perpetuo recurrent, non aulim affirmare, ait Mabillonius in præfatione in primam partem seculi III. Benedictinorum, num. 101.

II. In Vita Sancti Eigilis Abbatis Fuldenis scribit Candidus Monachus: "Simili namque consilio atque Fratrum nostrorum de hac luce defunctorum in Natale sancti Ignatii Martyris Christi, qui paulo inferius ab hac anniversaria numeratus, propter intercessionem tanti Patroni, in Missarum celebratione, psalmodiis & oratione sancta celebrari sancivit. Hujus rei si quidem Constitutio, dum cunctæ Congregationi prælest, ac deinde si placeret, interrogatum fuisset, respondebatur ab omnibus: Placet. Sed ne cui fortasse hæc celebratio superstitiosa, & cassa esse videatur, legat collationes Sanctorum Patrum, & ibi reperiet hujus Festivitatis exemplum.

Ex his non obscurum est, similia Anniversaria ut minus seculo IX. quo dictus Sanctus vixit, nota fuisse.

III. Unde & eodem seculo Synodus Pistensis multorum Episcoporum & Abbatum ratas habuit refectioes, quas Hilduinus Abbas constituit Dionysianis Monachis in Festivitatibus Sanctorum, quorum corpora in eodem loco sunt humata, atque ANNIVERSARIO Dagoberti Regis ex Auriaco. Deinde subdit: "Caritates etiam in Anniversariis Regum & Abbatum de cellario Abbatibus juxta solitum accommodantur. Item refectioes, Fratribus de rebus Ecclesiæ ac thesauri, veluti Hilduinus ordinaverat subministrandas, hoc est in Purificatione sanctæ Mariæ, Assumptione ejusdem, Nativitate, Missa sancti Petri Apostoli, Anniversarii Hludovici Imperatoris, Festivitate omnium Sanctorum, dieque depositionis suæ decernimus." Habentur Tomo 8. Concil. General. col. 756.

Quin & sub initium ejusdem seculi in Conventu Abbatum Aquisgranensium cap. 73. decretum est, "ut pro Abbatibus defunctis anniversarium fiat Officium.

Scribit quoque circa idem tempus Amalarius, lib. 3. *De Ecclesiæ Officiis, cap. 44. "Anniversaria dies ideo repetitur pro Defunctis, quoniam nescimus qualiter eorum causa habeatur in alia vita.*

IV. Quo ritu Anniversaria hæc antiquitus celebrarentur, incertum est. Hoc satis constat, non eodem ritu, nec eadem celebritate ubique fuisse peracta.

Ex verbis supra à Vita S. Eigilis relatis patet, quod Anniversarium Sturmii Abbatis Fuldenis, in celebratione Missarum Psalmodiis & Oratione celebrari sanciverit peragi S. Eigilis Abbas.

Illud quidem Anniversarium etiam ante Eigilis Decretum, fuisse à Monachis Fuldenis celebratum, sed minus solemniter, evincit eorum libellus supplex Carolo Magno oblatum, in quo dicunt: Pro Sturmio quoque Abbate in ANNIVERSARIA obitus die, unam

H h h 2

Vigi-

*Vigiliam & unum Psalterium per singulos annos legimus.*

V. Apud Ordericum Vitalem, libro 3. *historiæ* refertur, Osbernium Abbatem Uricensem constituisse *generale anniversarium* singulis annis fieri pro patribus & matribus, pro fratribus & sororibus omnium Monachorum Cænobii Uricensis. "Anniversarium vero de quo loquimur, (ait Vitalis,) sexto Kalendas Junii sic agitur. *Omnia signa sero & mane* ad Officium defunctorum *diu pulsantur*, volumen mortuorum super Altare dissolutum palam expanditur: & deprecatio prius pro defunctis, postea pro vivis parentibus & benefactoribus cunctis Fidelibus Deo offertur. Missa vero matutinalis ab Abbate celebriter canitur: ab elemosynario autem tot *pauperes*, quot Monachi sunt, ipsa die in Cænobio colliguntur.

Hinc habemus, nequaquam recens esse, quod omnia signa, id est, campanæ sero & mane ante Officium diu pulsantur.

Uterius habetur, quod in die anniversaria specialiter elemosynæ in pauperes distribuerebantur.

VI. Hoc quoque jam pridem in usu fuisse videtur, ut die anniversaria recurrente, Fratribus refectio amplior daretur, uti supra ex Synodi Pistenfis Decreto vidimus. Et verbis è vita S. Eigilis supra relatis ab auctore subjicitur: "Eadem vero die ob reverentiam tantæ solemnitatis, secundum congruentiam Monasticæ vitæ ad *visum* fratrum *cultius* quid solito *jucundius* que fieri demandavit.

Apud Miræum in Donationibus Belgicis, tom. 1. p. 388. cap. 62. occurrit diploma Godefridi Barbat Ducis Brabantie, quo fit donatio Collegio Canonico-um Lovanii in Ecclesia Sancti Petri de Rode cum universa dote sua, ea adjecta lege, "ut in anniversario Domini Ducis, quandocumque occurreret, Fratres simul essent in *charitate*: & si res aliquando ad ea concreveret in anniversariis uxoris ejusdem Ducis Domine Idæ (a) & matris ejus Aleidis similis ageretur *letitia*.

Si quis Capitulorum & Monasteriorum antiqua monumenta revolvat, plura ejusmodi anniversaria reperiet; habenturque in Collegiis Academicis pleraque defunctorum præsidum & Benefactorum anniversaria cum refectione Communitati ea die danda; quam vocabulo barbaro *pitantiam dicere consueverunt*.

Quin & in regno Hispaniæ seculo XI. usitata fuisse convivia defunctorum, ad quæ tum Laici, tum Clerici conveniebant, colligitur ex Synodo Coyacensi (b) habita in Hispania, anno 1050. in qua legitur hoc pium Decretum, *Can. 5.* "Clerici & Laici, qui ad convivia defunctorum venerint, sic panem defuncti comedant, ut aliquid boni pro ejus anima faciant; ad quæ tamen convivia vocentur *pauperes & debiles* pro anima defuncti.

VII. In Collegiis Canonico-um posterior ætas has refectiones, in denarios inter Canonicos celebrationi anniversariorum assistentes distribuendos ubique fere convertit; quarum distributionum mentio fit in *Cap. Unico de Clericis non residentibus in VI.* Decernit ibidem Bonifacius VIII. id quod statutum erat de distributionibus Horarum Canonico-um, *De distributionibus etiam pro defunctorum anniversariis, largiendis observandum*.

VIII. Antiquitus anniversaria illa nonnisi pene pro Fundatoribus & Benefactoribus agebantur; neque aliqua certa ac determinata summa, quæ Celebranti & Ministris in honorarium cederet, assignari solebat.

IX. At postquam Missarum honoraria invaluerunt, etiam pro celebrandis anniversariis *honoraria* Sacerdoti celebranti, & Ministris assistentibus assignari cœperunt;

(a) Ida fuit prior uxor Godefridi Barbat, eam alii Sophiam non recte nuncupant.

(b) Tarraconensis Hispaniæ olim oppidum, nunc pagus Valentia dictus prope Ovetum Urbem Asturiz, ut testatur Mariana.

idque pro ratione celebritatis qua celebranda sunt; insuper nummus aliquis ipsi Fabricæ Ecclesiæ pro impensis in Sacrificium & ornamenta faciendis constitui.

X. Porro celebritas anniversariorum, necnon relictorum vel in pauperes, vel Ministros Ecclesiæ aliæ pia opera distributio dependent à Fundatorum voluntate & arbitrio, quæ illorum prima lex esse solet.

XI. Sicuti cuilibet particulari liberum tandem fuit, dato Honorario; sibi *specialem* Missam juberi fieri; ita quoque eadem ratione invaluit, ut quisque potuerit *speciale anniversarium* fundare; atque hoc pacto postremis hæc seculis anniversaria in immensum excrevere.

XII. His accessere insuper crebræ Missarum foundationes, quæ vel quotidianam, vel plures per mensem, aut hebdomadam vel annum, pro ratione stipendiorum, & voluntate fundatorum Missas requirunt.

XIII. Foundationis Missæ quotidianæ mentio occurrit in *cap. 11. §. De præbendis*: ubi narratur, quod Præpositus & Capitulum Ecclesiæ Collegiæ Insulensis in Flandria, communi voluntate cuidam Sacerdoti Præbendam unam dedissent in Ecclesia sua, ita quod *Missam de Sancta Maria* (nisi corporis infirmitate gravatus sit,) debeat *quotidie* celebrare, & Ecclesiam nonnisi communi tam Præpositi, quam Capituli assensu posset deserere, vel cuiquam præbendæ illius *anniversarium* delegare. Pontifex Alexander III. interpellatus hanc concessionem hoc tenore firmavit: "Quam si quidem institutionem eatenus confirmamus, ut prædictus Sacerdos, nisi infirmitate corporis fuerit impeditus, *assidue* debeat obsequium suum impendere Ecclesiæ memoratæ, & quanto frequentius potest (*salva bonæ nestate sua, & debita devotione*) Missarum solemniam celebrare: nec sibi liceat hoc illi subtrahere: sive causa voluptatis, sive se ad aliam Ecclesiam transferendo.

XIV. Hujus restrictionis, *salva bonestate sua & debita devotione*, ratio notanda est, quam ex Panormitano assignat Prosper Fagnanus his verbis: "Quia talis institutio præberet multoties occasionem seu materiam peccandi, cum facile non contingat sacerdotem *quotidie* devotum existere ad celebrationem."

Hæc sane ratio si ab Episcopis & Prælati attendetur, agnoscerent indubie similes Missarum foundationes, nec facile admittendas, nec sacerdotibus quibuscumque esse committendas; cum paucissimi reperiantur, præsertim inter illos qui solent hujusmodi Missarum celebrationem suscipere, ea devotione & pietate, ut quotidie sint dispositi digne sacris altaribus adstare & meruendum sacrificium offerre.

XV. Hinc pluribus seculis hujusmodi Missarum quotidianarum celebratio, uni Sacerdoti injecta, ignota fuit.

Habetur quidem ex antiquis formulis foundationum ac dotationum Monasteriorum & Ecclesiarum, quod fundatores solerent bona sua in Monasteriorum foundationem aut dotationem pro remedio animæ suæ, aut parentum suorum offerre, nullus tamen determinatus Missarum numerus expressus reperitur pristinis illis seculis.

Quin nec legitur primis Ecclesiæ seculis, vel in Monachorum regulis, vel in aliqua Episcoporum Synodo injectum fuisse Presbyteris *quotidie* Missæ sacrificium offerre.

XVI. Primum de hac quotidiana Missæ celebratione decretum occurrit in quodam Concilio Compostellano, anni, 1056. quod ex schedis Antonii Augustini annalibus suis inseruit Baronius ad eundem annum, & prout expressum ibidem fuit, insertum legitur *tom. 9. Conciliorum Generalium* pag. 1087. ut proximè fides hujus Concilii unice innitatur prædictis schedis Antonii Augustini.

In hoc Concilio inter alia, quæ ad Disciplinam Ecclesiasticam

clasticam conservandam spectant, illud sanctum legitur: *Ut Sacerdotes omnes*, Episcopi atque Presbyteri Missam quotidie celebrarent.

Ad hoc statutum reflectens Mabillonius in Praefatione ad secundam partem seculi VI. Benedictinorum num. 95. ait: "Hæc prima de hac re constitutio legitur, & quidem id maxime probandum, si modo Sacerdotum omnium mores tanti mysterii dignitati & sanctitati responderent, abesset sordidus quæstus, & lex consuetudinis, quæ in trivialem usum degenerat.

Neque eandem Missarum multitudinem à Sancto Francisco seculo XIII. probatam fuisse sufficienter indicavit idem Sanctus, dum iussit fratres suos in suis Ecclesiis una Missa esse contentos, uti hoc tit. cap. 6. num. 19. dictum est.

XVII. Quamvis usus fundandi Missas quotidianas deinceps obtinuerit, censet tamen Fagnanus num. 8. ad cap. 11. de præbendis "statutum vel pactum quo Sacerdos obligatur ad celebrandum unam Missam quotidie & de uno Sancto non adeo stricte esse intelligendum, ut singulis diebus absque ulla intermissione, vel semper de illo Sancto celebrare teneatur; sed hanc interpretationem admittere, ut illam celebret quanto frequentius poterit, *salva honestate & devotione*, prout ejusmodi ordinationem & pactum hactenus perat & moderatur Pontifex.

Imo quia onus quotidie celebrandi gravius visum fuit, Cælestinus Pontifex Præbendam illam in duas divisit, uti testatur Innocentius III. Lib. 2. Registri pag. 487. his verbis: "Verum prædecessor Papa memoratus, uni Presbytero esse nimis onerosum attendens, divina singulis diebus celebrare, Præbendam ipsam divisit in duas.

Verum pro resolutione hujus Decretalis notandum, quod Presbyter, cui hæc Præbenda cum onere Missæ quotidianæ erat assignata, ex vi institutionis esset obligatus eam Missam quotidie *per se* celebrare; uti colligitur ex finali hac clausula: *Velcuiquam Præbenda illius anniversarium delegare*; & communiter notant Canonistæ, concluduntque ad hunc casum, resolutionem seu moderationem Pontificis esse restringendam.

Si enim in fundatione aut institutione *expresse* cautum non sit, Presbyterum fundatione gaudentem debere *per se* Missam celebrare, potest tamen, quoties ei videbitur abstinere, atque *per alium* oneri satisfacere; & consequenter cum hic cesset ratio illa *bonestatis* à Pontifice pro fundamento restrictionis assumpta, cessat quoque ipsa moderatio.

XVIII. Quæsitum aliquando fuit à Congregatione sub Urbano VIII. "An Rector Beneficii, qui potest *per alium* celebrare, teneatur Sacerdoti celebranti, dare stipendium ad rationem reddituum Beneficii. Respondit: Satis esse, ut Rector Beneficii, qui potest Missam *per alium* celebrare tribuat Sacerdoti celebranti eleemosynam congruam secundum morem civitatis, vel provinciae, nisi in fundatione ipsius Beneficii aliud cautum fuerit.

XIX. Ita Congregationis Cardinalium declaratio speciem iustitiæ præfert, si præter onus Missarum, aliud officium sive onus ipsi beneficiato in fundatione sit injectum, ratione cujus proventus beneficii percipiat.

Si vero huic beneficio nullum onus præter celebrationem Missarum annexum est, ipse fundator proventus hos reliquisset censetur in Honorarium Missarum, adeoque hujus beneficii proventus, vicem Honorarii in singulis Missis ex mente fundatoris habere videntur, atque propterea circa proventus similis beneficii idem apparet statuendum, quod circa Honoraria Missarum, quæ pro singulis Missis à fidelibus offerri consueverunt Presbyteris.

Igitur non apparet quo titulo hic beneficiatus retinendo sibi partem proventuum hujus beneficii, com-

mittendo alteri Sacerdoti celebrationem Missarum, ab iniustitia magis eximeretur, quam Sacerdos qui partem honorarii sibi pro Missa celebranda oblato retineret, & partem duntaxat illius alteri Sacerdoti Missam celebranti daret.

Cum enim fundator beneficii non requisierit, nisi certarum Missarum celebrationem, sat innuit intentionem suam fuisse, ut proventus fundationis cederent Missis illas celebranti, non secus ac alius qui offert Honorarium Sacerdoti Missam celebraturo.

XX. Sin autem Sacerdoti oblata fuerit eleemosyna major solita, pro celebratione Missæ, si per alium jubet Missam celebrari, tenetur eandem *integram* celebranti dare; nec ullam illius partem sibi retinere potest, ut eadem Congregatio interrogata respondit. Habenturque prædicta dubia cum responsis, tomo 4. Bull. Rom. pag. 90. & 91.

XXI. Dictum est num. 18. à Congregatione Cardinalium definitum fuisse, quod satis sit ut Rector Beneficii, qui potest per alium Missam Beneficii celebrare, tribuat Sacerdoti eleemosynam congruam secundum morem civitatis vel provinciae; quamvis eadem Congregatio decreverit Sacerdotem, cui data est eleemosyna major solita, pro celebratione Missæ, teneri, eandem integram conferre alteri Sacerdoti, qui pro ipso hanc Missam celebraret. Ratio hujus diversæ decisionis videtur fuisse, quod in priori casu Fundator non assignaverit redditus annexos Capellaniam præcise pro stipendio sive honorario Missarum; sed simpliciter fundaverit Capellaniam, eique assignaverit dotem cum onere aliquot Missarum celebrandarum; atque ita videatur titulo Beneficii, exsoluto hoc onere, posse fructus excrecentes retinere. In posteriori vero casu; quia eleemosyna *unice* offertur Sacerdoti pro celebratione Missæ; si illam alteri committat, nullus superest titulus legitimus, quo posset sibi partem eleemosynæ applicare: unde lucrum tale vocat S. Congregatio *dammabile lucrum*.

XXII. Quidquid sit, illud constat, quod qui hujusmodi Capellaniam possidet, atque titulo Beneficii fructus sibi applicat, considerare consequenter debeat, Beneficium omne dari propter officium *cap. fin. de Rescriptis in VI.* ac proinde etiam se exhibere debere tanquam Ministrum Ecclesiæ; officium ipsi Ecclesiæ præstare: neque bona Ecclesiæ, ut sunt omnium Beneficiorum etiam simplicium proventus, otioso consumere posse.

XXIII. Qui vero vitam modumque agendi similium Capellanorum vel Beneficiorum expendit, facile videbit, quam parum utilitatis & ædificationis ex hujusmodi fundationibus provenire soleat, quodque fere ad nihil valeant, quam ut otiosos, ne dicam scandalosos Clericos faciant, & nutrant; quamque proinde merito in Concilio Tridentino plures operaverint similia Beneficia extinguere, aut aliis uniri, vel aliter reformari; de quo latius infra ubi de Beneficiis agitur.

XXIV. Adhæc, similium beneficiorum possessores etiam attendere debent, se onera à Fundatoribus imposita ita debere adimplere, ut non verbis dumtaxat; sed menti atque intentioni Fundatorum plene satisfacere studeant.

Qua in re haud satisfaciunt, qui, ut plures sibi fundationis proventus retinere queant, Sacerdotibus Sacra illa celebranda, aliave onera exsolvenda committunt, quos viderint minoribus Honorariis onera illa velle exolvere; nihil aut parum solliciti, qualiter onera illa à similibus Sacerdotibus sint exsolvenda; imo probe noverint, Sacerdotes illos mercenario modo, non secus atque opifices sua opera, sacra illa ministeria peracturos. Et hinc fit, ut occasione hujus fundationis, præter mentem fundatoris, plus interdum maledictionis, quam benedictionis & in Ecclesiam & Fundatores accersatur.

XXV.



XXV. Insuper quia sacra illa aliaque divina officia similibus Sacerdotibus, qui ex stipendiis Missarum vivunt; atque de Missarum celebratione quasi artem de pane lucrando faciunt, committuntur, sit ut plerumque plane perfunctorie & irregulariter peragantur; piaque Fundatorum voluntas, dum exterius adimpleri videtur, revera tamen negligatur. Ipsi enim indubie, & ut animæ suæ consulere, ipsaque Ecclesia ædificaretur, hæc Officia devote ac reverenter & modeste, prout officiorum illorum dignitas requirit, celebrari voluere.

Unde merito Synodus Tridentina *Seff. 25. in Decreto De Purgatorio*, mandavit Episcopis, "Curent ut fidelium vivorum suffragia, Missarum scilicet sacrificia, orationes, eleemosynæ aliaque pietatis opera, quæ à fidelibus pro aliis fidelibus defunctis fieri consueverunt, secundum Ecclesiæ instituta pie & devote fiant, & quæ pro illis ex testatorum foundationibus, vel alia ratione debentur, non perfunctorie, sed à Sacerdotibus, & Ecclesiæ Ministris, & aliis qui hoc præstare tenentur, accurate & diligenter persolvantur.

XXVI. In Decretis Synodalibus Diocesis Gandensis sub Antonio Triest *tit. 11. cap. 11. statuitur*: "Pastores sedulo advigilabunt, & strenue adlaborabunt, ut vigiliae & exequiæ fidelium defunctorum, solemniter, tractim, & graviter & devote decantentur, sub gravi multa in eos decernenda, qui in Officiis hujusmodi fuerint defectuosi.

Si hoc Decretum ubique observaretur, sperari posset, quod solito majori cum fructu atque fidelium ædificatione hæc divina Officia exsolverentur; ipseque populus veriore ac religiosiore de hisce Officiis ideam conciperet; nec tantum ut mundo aliquousque satisfaceret, & se à vexis Sacerdotum eximeret (quemadmodum non raro hodie fit,) sed animo voluntario, & pia plane intentione Vigiliis, exequias aliaque Officia celebrari postularet.

XXVII. Canonici quoque & Clerici sat ostendunt, quo animo hisce divinis Officiis intersint, qui Offertorio absoluto & distributionibus acceptis seu lucratis, mox, quasi flagellis abacti, Ecclesiam deserunt: quos ut compesceret Synodus P. II. Cameracensis *tit. 14. cap. 7. decrevit*, ut illud, quod Clero obfunus, aut exequias defunctorum datur, iis qui eidem Officio ab initio usque ad finem adfuerint, distribuatur.

Et Synodus D. Mechliniensis *tit. 11. cap. 10. privari vult distributionibus illos*, "qui in Missis votivis & anniversariis, quæ ex fundatione sine commendationibus canuntur, ante primam collectam, in Vigiliis vero ante finem secundi Psalmi Vesperarum; & in commendationibus ante initium Psalmi IN EXITU usque ad finem non intersunt.

Sacerdotes & Clerici, qui Officia hæc omittunt, mox ut honoraria seu stipendia consueta deficiunt, sat ostendunt, quo affectu hæc Officia persolvant & frequentent. De quo latius supra actum est. *Parte 1. tit. 7. cap. 8.*

XXVIII. Merito laudat Pæresius de Lava in tractatu suo de Anniversariis & Capellanis *lib. 1. cap. 15. Canonicos Ecclesiæ Compostellanæ*, in qua ita adimplentur Anniversaria illa, pro quibus unum dipondium datur cuilibet præbendato, etiam Canonico, ac si magna quantitas distribuere, cujus exemplo (ait) reliquæ Ecclesiæ deberent facere, dum tamen non egeant, sed habeant sufficientes redditus ad sui sustentationem.

Hoc enim modo agendi ostenderent Canonici, se non mere intuitu temporalium distributionum sive animo mere mercenario hæc divina officia celebrare, & iis assistere.

XXIX. Postremis hisce seculis numerus Missarum potissimum multiplicatus fuit, postquam honorarium sive Denarius Missarum invaluit; eo quod offerentes

singuli velint pro se specialem Missam fieri. Eadem quoque ratione factum, ut anniversaria atque Missarum fundationes in tantum tempore Concilii Tridentini excrevisent; ipsæque Ecclesiæ & Monasteria tot Missis onerata deprehenderentur, ut iis omnibus persolvendis non sufficerent.

Ulterius postquam invaluit Missarum bonorarium; atque una populus voluit tot Missas celebrari, quot darentur bonoraria, etiam multi requirebantur Sacerdotes & Ministri qui illis foundationibus satisfacerent.

Cum vero successu temporis fundationum redditus vel essent deperditi, vel decrescere pecuniarum valore, & rerum pretio contra excrecente, contingit, ut vix invenirentur Sacerdotes, qui fundationum onera velent suscipere.

XXX. Duplici hoc titulo continebat, uti deplorat Synodus Tridentina *Seff. 25. cap. 4. De Reformat.* ut deperirent piæ testantium voluntates; & eorum conscientias, ad quos prædicta spectant, onerandi occasio daretur.

Igitur "Sancta Synodus cupiens hæc ad pios usus relicta, quo plenius & utilius fieri potest, impleri, facultatem dat Episcopis, ut in Synodo Diocesana, itemque Abbatibus & Generalibus Ordinibus, ut in suis Capitulis Generalibus, re diligenter perspecta, possint pro sua conscientia in prædictis Ecclesiis, quas hac provisione indigere cognoverint, statuere circa hæc; quidquid magis ad Dei honorem & cultum atque Ecclesiarum utilitatem viderint expedire.

XXXI. Decretum hoc sat ostendit, Sacerdotibus non licere privata auctoritate onera Beneficiis aut foundationibus imposita reducere vel immutare; sed id quoad Ecclesias seculares spectare ad Episcopos.

Quapropter anno 1639. Synodus Namurcensis *tit. 3. cap. 31. conformiter ad Decretum Synodi Tridentinæ statuit*: "Nullus propria auctoritate reducat Missas, anniversaria, & alia quæcumque onera suis Beneficiis incumbantia.

Deinde *cap. 32. addit* "Et quia intelligimus plures pauciora sacra exonerare, quam primæva ipsorum Beneficiorum institutio requirit; mandamus, ut de illorum reductione nos doceant intra trimestre.

XXXII. Quin si verba Synodi Tridentinæ attendantur, reducendi aut immutandi has pias fundationes potestas Episcopis, non nisi in Synodo Diocesana competere videtur; uti etiam notat Garcias De Beneficiis *parte 7. cap. 1. num. 135. addit tamen num. 138.* "Verum esse tamen, quod in aliquibus Episcopis patibus non sit usu receptum hoc Decretum Concilii Tridentini: Semper enim fiunt (inquit) sine Synodo reductiones, non tantum Missarum, Capellaniarum, sed etiam anniversariorum & dotationum Ecclesiarum.

Notoria & quotidiana Belgii praxis evincit, Episcopos has reductiones absque Synodis, sua ordinaria auctoritate facere; vel quod credant quoad hanc formam præscriptam Synodum Tridentinam hic non fuisse usu receptam; vel quod putent eam sibi facultatem jure communi competentem, à Synodo Tridentina non fuisse ademptam, dum Synodi Diocesanae non habentur.

Quidquid sit, hoc constat, quod sive Synodi Tridentinæ Decretum, sive juris communis dispositio attendatur, hanc Episcoporum potestatem generaliter ad Missas, anniversaria aliaque pia opera extendi; tametsi etiam post Concilium Tridentinum, & in limine fundationis constituta sint; uti recte notat Zypæus *Consult. 1. De Celebratione Missarum*, & quotidiana praxis confirmat.

De eadem non receptione in aliquibus Ecclesiis testatur Diana *tomo 1. tract. 14. resol. 3. Et resol. 4. dicit Abbates & Generales Religionum nullatenus posse reducere absque Capitulo generali*: "Quia (ait) Episcopi id facere possunt ex jure communi; neque quoad

„cos

„ eos Concilium statuit jus novum, sed statuit antiquum jus servari: quo vero ad Abbates & Generales jus novum constituit.

XXXIII. Extrat quidem Decretum S. Congregationis editum anno 1625. probante Urbano VIII. in quo art. 1. „ districte prohibet atque interdicat, ne Episcopi in „ Diocesana Synodo, aut Generales in Capitulis generalibus, vel alias quoque modo reducant onera ulla „ Missarum celebrandarum, aut post idem Concilium „ imposita, aut in limine foundationis; sed pro his omnibus reducendis, aut moderandis vel commutandis, „ ad Apostolicam Sedem recurratur.

Sed ut notat Zypaeus in citata consultatione num. 7. utitur S. Congregatio vocabulis, *prohibet atque interdicat*; quæ Concilii Tridentini non declarationem, sed novi juris constitutionem indicant: „ Et ut in Italia, ait, facilius est ad S. Sedem accessus, adeoque Decreti non „ incommoda observatio; ita in diffitis regionibus odiosa est Concilii restrictio; nec hactenus hic recepta; „ nisi forsan apud Regulares, ad quos à suis Superioribus Roma talia mitti solent.

XXXIV. Requirit autem Synodus, ut reductio hæc fiat *re diligenter perspecta*: id est, prævio diligenti examine, num causa reductionis aut mutationis sufficiens sit.

In hac reductione si qui sunt Patroni Foundationum, aut alii interesse habentes, necessario audiendi: & si quæ opponenda habent examinari. Unde prævie ad publicationem Synodi Tridentinæ in Belgio, ad citatum cap. 4. hæc à Consiliis Regis Hispaniarum annotata fuerunt: „ Relinquitur arbitrio Episcoporum, Abbatum, &c. ut ob tenuitatem elemosynarum, statuatur de numero Missarum, uti judicaverint expedire. Visum Consiliis, vocandos & audiendos esse Pastores, „ Magistros Fabricæ, aliosque quorum interesse ex probabili causa poterit. (a)

XXXV. Permittit autem Synodus, ut *re diligenter perspecta*; id est, præmisso diligenti examine, & auditis quorum interest, Episcopi possint „ statuere circa hæc, quidquid magis ad Dei honorem & cultum, atque Ecclesiarum utilitatem viderint expedire.

Itaque ex mente Synodi, Episcopi in hac reductione & dispositione, non tam ipsorum particularium Sacerdotum, qui è stipendiis Missarum, aut proventibus foundationum emolumentum quaerunt, utilitatem, quam Dei honorem & cultum, atque Ecclesiarum utilitatem attendere debent.

Unde si Episcopus videat, ob multitudinem Missarum & anniversariorum celebrandarum, non ea qua decet reverentia ac devotione & modestia hæc peragi; atque insuper ob hanc Missarum celebrandarum multitudinem, plurimos ineptos & otiosos, mercenariosque Sacerdotes ordinari, quidni Missarum foundationes reducere, aut in alia pia convertere poterit? si inde videat Missas, licet pauciores, majore cum reverentia, modestia ac pietate celebrandas; numerumque Sacerdotum illorum otiosorum diminuendum: cum id ad honorem & cultum Dei, atque utilitatem Ecclesiarum expedire, nemini ambiguum esse possit.

(a) Quæ in eo numero dicta sunt, spectant Jurisprudentiam in Belgio & Hispanis observandam. Quæ in Gallis exercetur non multum ab illa recedit. Quamvis Concilium Tridentinum permittat Episcopis foundationes reducere, ab iis tamen exigit ut in Diocesana Synodo id fiat. Quod si Praefules absque suis Synodis licentiam foundationes reducere sibi vendicaverint; ea agendi ratio nedum supremis Galliarum Senatibus offenderit; imò ab ipsis probata est; plurimis enim Arelis foundationum reductiones quas Episcopi absque suis Synodis pregerant, confirmarunt: Quod si nullus fiat oppositio, tunc reductio revocatur ad actus qui sunt jurisdictionis voluntariae: At si quandam intercedat oppositio, tunc ejus mediorum cognitio ad Officialis tribunal deferatur, ut de iis suum pronunciet judicium, antequam Episcopus suum de reducenda aut conservanda integra foundatione Decretum conficiat. Quod ea reductio fieri non possit absque Episcopi Diocesani consensu constat Arresto quod prolatum est à Sanctiori Regis Galliarum Consilio 26. Jan. 1644. Consule T. 6. novorum Collect. Cleri Gallicani Col. 1121.

XXXVI. Incommoda quæ ex hac multiplicatione Missarum & foundationum nascuntur, facile quoque persuadent, Parochos aliosque, quibus incumbit procurare quæ magis ad honorem Dei & Ecclesiarum utilitatem spectant, non debere ipsos Fideles multum ad hujusmodi Missarum foundationes (quæ fere ad nihil serviunt, nisi ut mercenarios Sacerdotes nutrant) incitare: quod vel eo etiam titulo merito cavent Parochi, ne suadendo anniversaria, aliasve similes foundationes, avaritiæ turpissime quæstus suspicionem incurrant.

Quod prævidens Antonius Albergatus Episcopus Vigiarius & Nuntius Apostolicus, in instructione quam anno 1613. pro Pastoribus Civitatis & Diocesis Leodiensis edidit, pag. 40. dedit hoc Monitum: „ Caveant Pastores in suadendis anniversariis mortuorum, ne in avaritiæ notam incidant.

XXXVII. Si Missarum fundatio requirat, ut Missæ certa hora, certoque loco, vel ad determinatum altare celebrentur, circa ea etiam voluntatem Testatoris servandam esse declaravit Sanctus Carolus in Concilio Mediolanensi IV. parte 2. tit. Quæ pertinent ad SS. Missæ Sacrificium, statuens: „ Quicumque Sacerdos in altari „ certo Missam celebrare debet, si in alio celebravit, „ ne, quod debet, præstissse censetur; nisi Episcopi „ alteriusve, cui ille id curæ commiserit, jussu, consensu, & permissione aliquando fecerit.

XXXVIII. At si Episcopus videat Missas certis locis, aut horis celebrandas, convenientius ad populi ædificationem, ac Dei cultum alio loco & tempore celebrari, facilius in his mutationem aliquam facere poterit, eo quod ipsa fundatio in suo principali hic ordinarie non alteretur: atque non minus Fundatori, imò magis ordinarie profint Missæ celebratæ in loco & tempore convenientiori, quam si juxta Foundationis tenorem in locis designatis, sed minus convenientibus populi ædificationi, & cultui divino celebrarentur.

Sic Sanctus Carolus voluit ut in Capellis aut Oratoriis infra limites Parochiæ diebus Festis nonnisi una Missa privata, eaque in aurora, ante Missam Parochialem celebraretur, additque: „ Quod si die Festo „ etiam per illud Missæ Sacrificium quod in aurora fit „ populus à Parochiali avocetur, tunc Episcopus illud „ etiam Festo die post Missam Parochialem celebrari „ jubeat.

## CAPUT VIII.

### De Oratoriis privatis sive domesticis.

1. Jam pridem quadam loca pro Missarum celebratione destinata.
2. Fideles unum in locum conveniebant.
3. Qui se è conventu hoc separabat, unitatem Ecclesiæ seindere censebatur.
4. Olim vetitum est extra publicum conventum ad Missam convenire.
5. Sanctio Justiniani contra privatos conventus.
6. Exerescere turba Sacerdotum Ditiores caperunt habere Capellanos domesticos.
7. Quam indigne habiti bi Capellani à suis Dominis.
8. Nobiles hac occasione Ecclesias Parochiales deservabant.
9. Hic abusus labentibus seculis multum crevit, & unde?
10. Altaria portatilia, quæ seculo XIII. invaluerunt, abusum hunc propagarunt.
11. Decretum Synodi Tridentinæ contra privata Oratoria.
12. Privilegium datum Mendicantibus utendi altari Vitico sublatum.
13. An Episcopi bodie possint concedere licentiam celebrandi in Oratoriis privatis?

14. *An Synodus Trident. ademerit Episcopis auctoritatem dandi licentiam celebrandi in Oratoriis domesticis?*
15. *Abusus celebrandi in Oratoriis privatis jam pridem reprobatus.*
16. *In his concedendis parci debent esse Episcopi.*
17. *Quæ in iis designandis Episcopo inquirenda?*
18. *Danda sine præjudicio Ecclesiæ Parochialis.*
19. *Etiā facultas celebrandi in his Oratoriis, ad certos dies restringi solet.*
20. *Diebus solemnioribus ad Ecclesiam Parochialem accedendum.*
21. *Quæ persone in his Oratoriis Missam audire possint.*

I. **A**B ipsis Apostolorum temporibus fuisse loca specialiter deputata celebrandis Missarum solemnibus, non obscure indicat ipse Apostolus, ipsum Eucharistiæ sumendam ritum & populi ad eam celebrandam conventum describens *I. ad Corinth. cap. 11. Convenientibus*, ait, *vobis in Ecclesiam audio scissuras esse inter vos. Et paucis interjectis: Nunquid domos non habetis ad manducandum & bibendum, aut Ecclesiam Dei contemnitis?* Hic Ecclesiam accipi pro loco ad quem Fideles sacra Mysteria celebraturi accederent, hancque privatis domibus ibidem opponi, non obscurum est: eumque locum ita exponunt SS. Basilii in regulis brevioribus interrogat. 301. & Augustinus quest. 57. in *Leviticum*.

Ejusdem disciplinæ testis est Sanctus Justinus Martyr, *Apol. 2.* ubi ritum celebrandi divina Mysteria seculo secundo describens, ait: "Solis qui dicitur die, omnium qui vel in oppidis, vel ruri degunt, in eundem locum cum conventus sit, & commentaria Apostolorum, aut scripta Prophetarum quoad tempus fert, leguntur. Deinde lectore quiescente, Præsidens orationem, quæ populum instruit, habet.

II. Ad unum ergo locum Fideles conveniebant, ut in unam quasi Ecclesiam coadunati, ipsa Unitatis mysteria convenientius agerent, atque orantes facilius exaudirentur.

"Corpus sumus (ait Tertullianus) de conscientia religionis & disciplinæ unitate & spei fœdere. Coimus ad Deum quasi manu facta precationibus ambiamus. Hæc vis Deo grata est." *In Apolog. cap. 39.*

III. Hinc qui se à conventu publico, ac loco huic conventui deputato separabant; atque particulares conventus instituebant, unitatem quodammodo Ecclesiæ scindere; seque ab unitate separare putabantur.

IV. Unde Synodus Gangrensis *Can. 6.* anathemate percellit Eustathii affectas, qui publicum Fidelium cœtum contemnentes, extra Ecclesiam privatim conveniebant, ac sacra mysteria celebrabant. (a)

Et subidem tempus Synodus Laodicensis, *Can. 58.* decrevit. "Quod non oportet in domibus fieri oblationes ab Episcopis vel Presbyteris.

V. Multis quoque contra privatos hos conventus egit seculo VI. Justinianus Imperator in suis Constitutionibus Novellis, atque signanter *Novella 58.* ait, omnibus interdiximus magnæ hujus civitatis (Constantinopolis) habitatoribus, magis autem etiam totius nostræ ditionis, in domibus suis habere quasdam quasi orationum domos: & in his sacra celebrare mysteria: " & hinc fieri quædam Catholicæ & Apostolicæ traditioni extraordinaria. Sed siquidem domos ita simpliciter aliqui habere putant oportere in sacris suis, orationis videlicet illius gratia, & nullo celebrando penitus horum quæ sacri sunt mysterii, hos eis permittimus.

(a) Quisnam ille fuerit Eustathius, incertum est. Arbitratur Baronius ad an. 361. num. 45. &c. esse mendum in textu Concilii & Loco Eustathii legendum esse Eustadium, quem Monachum Hæreticum fuisse asserit S. Epiph. hæresi 40.

VI. Verum cum sensim labentibus seculis continuo magis exaceresceret numerus Sacerdotum, Missæque multiplicarentur, potentiores ditioresque, quibus non libebat certa determinataque hora, ipsis subinde minus commoda ad Ecclesias Parochiales Missarum solemnia cum reliquo vulgo audituri accedere; illicque per longius temporis spatium, in Missarum solemnibus quæ & concionem comprehendebant, permanere, facile Sacerdotem reperire potuerunt, qui ipsis in aliquo Oratorio aut Sacello domibus ipsorum propinquo, pro eorum nutu & commoditate, tanquam alter quidam famulus mercede conductus, celebraret.

VII. Quam hi Sacellani domestici seu conductarii frequentes fuerint, quamque indigne habiti à suis Dominis Seculo IX. vel unius Sancti Agobardi Archiepiscopi Lugdunensis testimonium evincit. Hic in tractatu *De privilegio & jure Sacerdotii, cap. 11.* ita scribit: "Increbuit consuetudo impia, ut pene nullus inveniri anhelans, & quantulumcumque proficiens ad honores & gloriam temporalem, qui non domesticum habeat Sacerdotem, non cui obediat, sed à quo incessanter exigat licitam simul atque illicitam obedientiam, non solum in divinis Officiis, verum etiam in humanis; ita ut plerique inveniantur, qui aut ad mensas ministrent, aut saccata vina misceant, aut canes ducant, aut caballos, quibus feminae sedent, regant, aut agellos provideant. Et quia tales de quibus hæc dicimus, bonos Sacerdotes in domibus suis habere non possunt, (nam quis esset bonus Clericus qui cum talibus hominibus dehonefari nomen & vitam suam ferret?) non curant omnino quales Clerici illi sint, quanta ignorantia cæci, quantis criminibus involuti; tantum ut habeant Presbyteros proprios, quorum occasione deferant Ecclesias, seniores, & officia publica. Quod autem non habeant eos propter religionis honorem, apparet ex hoc, quod non habent eos in honore. Unde & contumeliose eos nominantes, quando volunt illos ordinari Presbyteros rogant nos aut jubent, dicentes: Habeo unum Clericum, quem mihi nutrive de servis meis propriis, aut beneficialibus, sive pagensibus; aut obtinui ab illo vel illo homine, sive de illo vel illo pago. Volo ut ordines eum mihi Presbyterum. Cumque factum fuerit, putant ex hoc quod majoris ordinis Sacerdotes non eis sint necessarij, & derelinquunt frequenter publica officia & prædicamenta.

VIII. Subidem tempus Concilium Ticinense: "Quidam Laici & maxime Potentes ac nobiles, quos studio suum ad prædicationem venire oportebat, juxta domos suas Basilicas habent, in quibus divinum audientes Officium, ad majores Ecclesias rarius venire consueverunt, & dum soli afflicti & pauperes veniunt, quid aliud quam ut mala patienter ferant illis prædicandum est? Si autem divites, qui pauperibus injuriam facere soliti sunt, venire non renuerint, admoneri utique possent, ut eleemosynis peccata sua redimerent, ut à fluxu rerum temporalium se abstinerent. Admonendi sunt igitur Potentes, ut ad majores Ecclesias ubi prædicationem audire possint, conveniant, & quantum dono Omnipotentis Dei divitiis & honoribus cæteros antecedunt, tanto ad audiendum præcepta conditoris sui alacrius festinent.

IX. Porro hic abusus sequentibus seculis, jam invalescente Missarum Honorario; atque cum illo Sacerdotum de hoc Honorario pene victitantium multitudo, incredibile quantum acceperit incrementum, quantaque hinc Ecclesiarum Parochialium, atque Verbi Divini neglectus; atque Sacrificij, & Sacerdotij contemptus & vilipendium; uti ex historiis atque Conciliorum Decretis illorum temporum constat.

X. Adhæc cum seculo octavo cœpisset Altarium portatiliū sive Viaticorum usus (nec enim ante illud seculum agnitus fuit, ut monet Joannes Thiers in Dissertatione *De præcipuis Altaribus cap. 2.*) tandem seculo



culo XIII. à Sede Apostolica privilegia im petrari cœperunt, utendi hujusmodi *Altaribus*, atque ubicumque locorum, etiam locis Deo non dedicatis, celebrandi.

Et quidem Honorium III. Fratribus Prædicatoribus & Minoribus indulgisse, ut ubicumque fuerint, sine Parochialis juris præjudicio, cum Altari *Viatico* valeant celebrare, ipse Honorius testatur in *cap. 30. § De Privilegiis*, declarans eam indulgentiam sic interpretandam, ut ea etiam sine licentia Prælatorum uti queant.

Similia Privilegia & Regulares & Seculares tum à Sede Apostolica, tum à propriis Episcopis impetrantes, Missas passim in locis privatis & sæpius parum dignitati ac reverentiæ Sacrificio convenientibus celebrabant.

XI. Synodus Tridentina mandans Episcopis, ut ea omnia prohibere, atque è medio tollere sedulo curent, quæ vel avaritia, idolorum servitus, vel irreverentia, quæ ab impietate vix sejuncta esse potest, vel superstitio, veræ pietatis falsa imitatrix à tanti Sacrificii dignitate aliena induxit, inter cætera vetat: "Ne patiantur *privatis* in domibus, atque omnino *extra Ecclesiam*, & ad divinum tantum cultum dedicata oratoria, ab eisdem Ordinariis designanda & visitanda, Sanctum hoc Sacrificium à Secularibus, aut Regularibus quibuscumque peragi.... Non obstantibus *privilegiis*, *exemptionibus*, *appellationibus* ac *consuetudinibus* quibuscumque. Sess. 22. in decreto *de observandis & evitandis in celebratione Missæ*.

XII. Imprimis textus Concilii manifeste evincit, sublatum esse privilegium indultum Prædicatoribus & Minoribus utendi Altari *Viatico* sive *portatili*, uti post Barbosa *De Officio Episcopi parte 2. Allegat. 23.* alioque docet Fagnanus ad *cap. 19. in his § De Privilegiis*.

XIII. Quin & ibidem cum Barbosa aliisque nonnullis præten dit Fagnanus, Concilium hoc Decreto admissæ auctoritatem Episcopis concedendi licentiam celebrandi quacumque de causa in *domibus privatis*, tametsi in illis essent extructa Oratoria ad divinum tantum cultum destinata; eamque interpretationem sæpius secuta est Sacra Congregatio, inquit *num. 18.* easque declarationes refert Azorius Institut. Moralium *lib. 10. cap. 26.* quem citat Zypæus titulo *De Celebrat. Missarum num. 8.* qui tamen huic sententiæ non acquiescens, subjungit: "Certe, salva Sedis Apostolicæ censura, locus hic tantum est ad abusus extirpandos eorum, qui id sua auctoritate præsumunt, quos ne patiantur, monentur Episcopi, sed ea verba (*non patiantur*) si ad rigorem examinentur, non inferunt, ut permittere non possint; vel derogationem auctoritatis Episcopis competentis, ne id queant, ubi iusta ex causa id permittendum censuerint.

Hæc ibidem latius prosequitur Zypæus; cujus interpretationem Belgii vicinarumque Provinciarum Episcopi notorie amplectuntur; concedentes licentiam celebrandi in Oratoriis privatis quantumvis in *domibus privatis* extructis.

XIV. Quod Synodus Tridentina nullatenus per suum decretum voluerit Episcopis eam facultatem adimere; sed duntaxat abulibus remedium adferre; evidenter suppositum sanctus Carolus Concilii Tridentini præcipuus director & fidelissimus executor; quippe in suo Concilio Mediolanensi *I. parte 2. titulo, quæ pertinent ad celebrationem Missæ*, expressit, quæ in annuendis similibus privatis & domesticis oratoriis, per Episcopos sint observanda & examinanda, prout superius retulimus. Hæc palam evincunt sanctum Carolum non dubitasse, quin penes Episcopos post Synodum Tridentinam salva esset auctoritas similia oratoria concedendi.

Hinc habetur quam merito monuerit Zypæus, decreta reformationis Concilii Tridentini hic in Belgio fuisse publicata & recepta, *prout, sonant*, non autem juxta interpretationes Romanas, live quæ sub hujus

Tom. I.

Congregationis Cardinalium nomine quotidie prodeunt, & circumferuntur, ut in hujus operis decursu non semel notavimus.

Hoc tamen Zypæi assertum, de receptis Concilii Tridentini decretis, *prout sonant*, intelligendum est ad exclusionem interpretationum dictæ Congregationis, non autem cum exclusionem modificationum, quæ decretis hujus Concilii, auctoritate Principis, pro faciliore eorum executione, appositæ fuere in ejus publicatione, uti & ex textu Zypæi manifestum est.

XV. Quanta moderatione & cautione uti debeant Episcopi in concedendis oratoriis domesticis, jam notavimus. Porro quia hæc oratoria domestica plerumque à potentioribus & ditioribus ex quadam innata superbia, quæ singularitatem, & à reliquis distinctionem appetit, sollicitè quærentur, hinc videmus hunc abusum jam pridem invaluisse: extatque ea de re Decretum Concilii Parisiensis anni 829. *Can. 47.* contra hunc abusum, etiam consuetudine quorundam sacerdotum introductum, qui, relictis Basilicis Deo dicatis, in domibus Missarum celebrationem contra divinam auctoritatem & Canonicam institutionem facere præsumunt. Additque Concilium: "Et hoc similiter ad Episcoporum cultum pertinere perspicuum est.

Hinc ulterius concludit, necesse esse ut unusquisque Episcoporum hujusmodi temerariam consuetudinem à Parochia sua penitus amoveat.

Nequaquam ambiguum est, si abusus & corruptelæ, quæ sub obtentu consuetudinis hodie circa celebrationem Missarum invaluerunt, rite expendere, facile intelligerent Episcopi, etiam frequenter ad eorum culpam abusus hos pertinere: eo quod illis obviandis aut extirpandis non satis allaboraverint, uti & tanti mysterii sanctitas requirit, & Synodus Tridentina ipsis injunxit.

Post hæc prædictum Concilium Parisiense monet ipsos laicos, non esse sui officii, ut, relictis Basilicis Deo dicatis, & Episcopali auctoritate contempta, ad libitum suum in domibus vel certis ædiculis, quas juxta domos suas construunt, & pallis exornant, altaria erigi faciant, & Missarum celebrationes Presbyteros facere compellant.

Quin & hic legitur monitum illud, quod & in sua Synodo postmodum dedit Martinus Rithovius Episcopus Iprensis, supra relatum, scilicet, *fatiis illis esse Missam non audire, quam eam ubi non licet, nec oportet, audire*.

XVI. Constat mentem Synodi Tridentinæ fuisse, ipsam Sacrificii reverentiam, nec non Ecclesiæ disciplinam multis ritibus requirere, ut Episcopi admodum parce nec nisi necessitate, gravibusque de causis & cautelis licentiam celebrandi Missam in Oratoriis domesticis indulgeant.

Intentionis Concilii Tridentini, cui interfuerat, perquam conficius Martinus Rithovius; momentumque hujus disciplinæ expendens in Synodo sua anno 1577. *tit. 15. cap. 4.* relata ordinatione Concilii Tridentini, subjicit: "Quæ quidem ordinatio, ut pro rei gravitate, fideiorem observationem habeat, mandamus omnibus Presbyteris nobis subditis, ne quis, prætextu antiquorum Statutorum aut consuetudinibus, extra Ecclesiam, aut intra hujusmodi Oratoria deinceps Missam celebrare præsumat: Injungentes omnibus Pastoribus, & Presbyteris, ne deinceps dictæ ordinationi Concilii Tridentini contraveniant: & etiam Laicis quibuscumque, ne per aliquos Presbyteros etiam exemptos, in suis ædibus Sacrosanctum Missæ Officium, aliqua ratione celebrari patiantur, aut petant; in pœnam arbitrarie correctionis. Pastores autem subditos suos, qui morbo detenti, Ecclesiam visitare non possunt, doceant; ut pia devotione, suas preces jungant cum illis, qui corporali præsentia divinis Officiis interfunt. Et, ut ad excitandam devotionem, observent divinatorum Officiorum tem-

l i i

"pora,

„pora, vel campanarum pulsus, per quem significatio Sacrorum, quæ in Templis peraguntur, & ubi corpore adesse non possunt, corde, & piis orationibus se præsentent statuunt.

Deinde his notandis verbis concludit: „Quod dum Religiose faciunt, & obedienter Ordinationibus parent, per quas antiqui Canones in usum revocantur, plus in vera pietate proficiunt, quam, si ex privata devotione, ad domesticas Missas importune consensum extorqueant, vel sub prætextu Privilegii, irreligiosam singularitatem foveant.

Sanctus Carolus in Concilio Mediolanensi I. part. 2. tit. Quæ pertinent ad celebrationem Missæ, ait: „Oratorum autem ædificationem, aut usum ne facile, sed magna de causa permittant iidem Episcopi.

XVII. Dum vero hæc Oratoria necessitate, magis causa exigente, concedenda videbuntur, vult Sanctus Carolus loco citato, ut Episcopi in iis designandis, vel probandis, hæc servant.

„Ne sint in interiorum ædium partibus, in quibus domini, vel familia frequentius versentur, sed commode & honesto loco, à cubiculis, tricliniis, & ab aula separato, ad templi formam & regulam propius accedant. Nec ita angusta sint, ut qui Missam audierint, ad ostium aut fenestram stare cogantur, aut denique ibi sacris interesse, ubi promiscue profanum aliud quod exerceatur, quod fieri omnino prohibemus.

XVIII. Ulterius ne populus per hæc Oratoria à frequentatione Parochialis Ecclesiæ nimium distrahatur, addi consuevit de stylo curiæ Romanæ, & etiam hodierno Episcoporum, quod hæc concessio fiat sine præjudicio Ecclesiæ Parochialis, uti notat Barbosa *De Officio Episcopi, parte 2. Alleg. 23.* Et in formulario Episcopali quod extat ad calcem ejusdem operis, refertur num. 85. formula facultatis construendi oratorium simplex in quo celebretur cum hac clausula: *Sine Parochialis Ecclesiæ præjudicio.*

Ut vero hæc clausula melius servaretur, voluit etiam Sanctus Carolus loco citato, ut „cui id permixtum fuerit, is eo rarius utatur, ne distracti homines illa commoditate, Ecclesiam Dei minus frequentent; quod exemplo etiam noceat aliis.

XIX. Ad hæc de stylo ordinario in concessione Oratoriorum & Capellarum excipi solent præcipuæ per annum Festivitates; ut nimirum non liceat tunc ibidem celebrare; idque conformiter ad vetus Decretum Synodi Agathensis apud Gratianum, *Dist. 1. De Consecrat. Can. 35.* quo decernitur: „Si quis extra Parochias, in quibus legitimus est ordinariusque conventus, Oratorium in agro habere voluerit, reliquis festivitibus, ut ibi Missas audiat, propter fatigationem familiæ iusta ordinatione permittimus. Pascha vero, Natali Domini, Epiphania Domini, Ascensione Domini, Pentecoste, & Natali Sancti Joannis Baptistæ, & si qui maximi dies in festivitibus habentur, non nisi in Civitatibus, aut in Parochiis audiant. Clerici vero, si qui in festivitibus, quas supra diximus (nisi jubente sive permittente Episcopo) Missas celebrare voluerint, Communionem priventur.

Hic nota, Parochias sive Parochiales Ecclesias esse proprie loca illa, in quibus legitimus ordinariusque conventus habetur.

XX. Secundo notandum, mentem Ecclesiæ semper fuisse, ut saltem diebus solemnioribus, Ecclesia Parochialis non deferatur; tamen etiam cum aliqua incommoditate frequentatio fieri deberet: cui & conforme est ipsum Decretum Synodi Tridentinæ præcipiens Episcopis, ut „moneant populum, ut frequenter ad suas Parochias, saltem diebus Dominicis & majoribus Festis accedant.

Unde Synodus Namurcensis an. 1639. tit. 3. cap. 27. „Parochiani etiam vicini alicui Capellæ sub finibus Parochialis extructæ, præcipuis anni Festivitatibus

„& Dominicis, Ecclesiam Parochialem frequentare non omittant, qui vero tribus continuis Dominicis ab illa se absentaverint, admoncantur primum à suis Pastoribus, & si monitionem contempnerint, ad Nos deferantur.

XXI. Denique stylus hodiernus addit in concessionibus hujusmodi Oratoriorum, ut alii præterquam servitio personæ, cujus intuitu Oratorium conceditur, necessarii, ibidem audientes Missam, ab obligatione eam in Ecclesia audiendi per hoc non liberentur.

## CAPUT IX.

Quædam observanda & cavenda pro reverentia Sacrificii.

1. Perniciosum est, ignotos & vagantes Sacerdotes ad Missas celebrandas admittere.
2. Jam pridem vetitum, Clericum externum sine litteris commendatitiis admittere.
3. Postremis seculis id magis necessarium: & quare?
4. Decretum Synodi Tridentinæ de non admittendo ignoto Sacerdote sine litteris commendatitiis.
5. Quid Synodi Belgicæ decreverint circa ignotos Sacerdotes?
6. Sanctus Carolus voluit litteras commendatitias non esse nimis antiquas: & quare?
7. Ex Decreto Sancti Caroli nullus potest ad sua Sacella aut Oratoria admittere Sacerdotem sine licentia Episcopi.
8. Decretum de non admittendis Clericis ignotis etiam obtinet in Ecclesiis Regularium.
9. Hoc Decretum à jure communi non discrepat.
10. Nullus ex aliena Diocesi admittendus sine litteris Ordinarii sui.
11. Litteræ hæc non tantum Ordinum susceptorum; sed & vitæ morumque testimonium perhibere debent.
12. Parochi admittere non debent quoscunque Sacerdotes Litteris Episcopalibus munitos.
13. Sine Parochi licentia nullus in Ecclesia Parochiali celebrare potest.
14. Jus Parochi per Sententiam Regiam firmatum.
15. Notorie criminosus ad ministerium Altaris non admittendus.
16. Non admittendus nisi vita emendata maculam eluserit.
17. Si pridie temulentus, aut in notorium crimen lapsus se ad celebrandum obtulerit, ob scandalum castigandus.
18. Qui pridie impudicitiam etiam secretam commisit, ad celebrandum se præsentare non potest, tamen si confessus.
19. Nullus malæ famæ ad Divina celebranda admittendus.
20. Sacerdotes solum quæstum sectantes ad celebrandum non recipiendi.
21. Merito à Divinis repellendi notorii aleatores, & tabernarum frequentatores.
22. Sacerdos Missam celebrare non potest, nisi adstantes externo habitu rite dispositi appareant.
23. Quid hac in re statuerit sanctus Carolus?
24. Ad excitandam populi devotionem exponenda à Parocho quæ in Missa aguntur.
25. Scopus hujus instructionis est, ut populus instructus se jungat Sacerdoti, & voto id agat, quod Sacerdos ministerio.
26. Menti Ecclesiæ conformius est attendere iis quæ in Missa aguntur, quam ex libro preces recitare.
27. Simultanea plurium Missarum in eadem Ecclesia celebratio minus conveniens: & quare?
28. Vetitum ne inter Missarum solemnia adhibeatur cantus, non satis gravis.

29. *Hodierna Musica parum gravis; & de hac querela Cardinalis Bona.*
30. *Ecclesia quæ hætenus Muscam non admisit, laudantur.*
31. *Quod Episcoporum ac Pastorum circa hæc Officium?*
32. *Attendendum ne organa quid lascivi sonent.*
33. *Idem est de tintinnabulis; & quomodo contravenientes puniendi?*
34. *Omnes actiones seculares ab Ecclesiis arcendæ.*
35. *Penes Episcopos est summa auctoritas abusus in Missarum celebratione occurrentes tollendi.*
36. *Prælati Ecclesiarum non debent abusus permittere, quia jam inoluerunt.*
37. *Quam perniciosum sit argumentum; quod à tolerantia aut facto Prædecessorum petitur.*

I. SEMPER omnibus persuasum fuit, quam perniciosum, malique exempli esset, si Sacerdotes & Clerici de una Ecclesia ad aliam transeuntes & vagantes, indifferenter ad sacra Mysteria celebranda admittantur; quam inde natum sit fieri, pessimos quosque perditissimosque homines in sacra involare, eaque profanare.

II. Hinc jam pridem à primis Ecclesiæ seculis cautum fuit, ne quis Clericus externus & ignotus sine litteris commendatitiis sui Episcopi recipiatur.

Canon 41. Laodicensis ita habet: "Quod non oportet eum, qui est sacratus vel Clericus sine canonicis litteris iter ingredi.

Et apertius Canon 13. Calchedonensis vetat: "Externos Clericos & ignotos in alia civitate sine proprii Episcopi commendatitiis litteris nusquam ullo modo ministrare." Apud Gratianum, *Dist. 71. Can. 7.* Sed per errorem & contra fidem textus Græci originalis pro ignoto legit *Lectori*, uti recte notat Cujacius ad *cap. 5. de Clericis non resid.*

III. Postremis hæc seculis, postquam invaluit titulus *Patrimonii*, quo solo plures ordinantur, nullius particularis Ecclesiæ servitio *adstricti*, multo magis hæc disciplina necessaria fuit.

Cum enim hi nulli Ecclesiæ essent adstricti, liberior ipsis de una ad aliam Ecclesiam discurrendi videbatur indulta libertas: atque hinc facile fiebat, ut immorgeri, quin & multis titulis notorie infames, Ecclesiam, in qua noti erant, deferentes, ad aliam ubi eorum vita ignorabatur, aut ubi scirent Pastores minus esse vigilantes, aut disciplinæ Ecclesiasticæ observantes, convolverent; ibique se in Ecclesiastica munia intruderent: ipsumque Missæ Sacrificium multis modis profanarent.

IV. Hæc advertens Synodus Tridentina statuit, *Sess. 23. cap. 16.* "Nullus Clericus peregrinus, sine commendatitiis sui Ordinarii Litteris, ab ullo Episcopo ad divina celebranda & Sacramenta administranda admittatur.

Adhæc volens Synodus, ut in Sacrificio Missæ omnis irreverentia vitetur, mandavit Episcopis, ut "singuli in suis Diocesis interdicant, ne cui vago & ignoto Sacerdoti Missas celebrare liceat." In Decreto, *De observandis & evitandis in celebratione Missæ.*

V. His Synodi Tridentinæ Decretis obsequi volentes Episcopi, in suis respectivè Synodis prohibuerunt, Sacerdotem exterum & ignotum ad Missam celebrandam admitti, nisi litteris testimonialibus Episcopi instructum.

Synodus P. I. Mechliniensis, tit. *De Ministris Ecclesiæ*, cap. 8. "Præcipit etiam Pastoribus, & Ecclesiarum Rectoribus, ne quem vagum & ignotum Sacerdotem, sine licentia Episcopi sui Diocesanum scriptis obtenta, ad celebrationem Missarum, aut Sacramentorum administrationem admittant, sub poena duorum florenorum per Pastores seu Rectores incur-

Tom. I.

renda, & vagorum Sacerdotum correctione arbitraria: Episcopi autem prædictam licentiam non concedant, nisi visis litteris Sacerdotii & commendatitiis, & testimonialibus Episcopi vel Vicarii loci ultimæ residentia eorum.

Et Synodus P. II. tit. 12. cap. 16. "Vago ac ignoto Sacerdoti, etiam Regulari Missam celebrare non liceat, nisi ostensis testimonialibus vel commendatitiis litteris sui Ordinarii.

VI. Prævidens Sanctus Carolus Sacerdotum mores vitamque nonnunquam temporis successu vel immutari, aut certe amplius innotescere & manifestari, in Concilio Mediolanensi l. part. 2. tit. 7. decernit: "Clericis alienæ Diocesis rei divinæ faciendæ facultatem ne permittat Episcopus: nisi ostendant litteras testimoniales seu dimissorias Ordinarii sui, duobus, tantum mensibus ante, si in provincia, si extra provinciam in Italia, quatuor, sex vero, si extra Italiam datas: vel si antiquiores sint, afferant etiam scriptum testimonium de vita, & moribus ab iis Ordinariis, in quorum Diocesi post illud tempus aliquamdiu permanserint.

VII. Quin & ibidem præceperat: "Nemo Clericus vel Læcus in suis secularibus Ecclesiis, Capellis, vel Oratoriis quamvis ab Ordinario probatis, etiam si juris Patronatus sint, quemquam secularem vel regularem Sacerdotem celebrare patiatur, qui scriptum celebrandi testimonium, singulis sex mensibus renovandum, ab Episcopo non impetraverit.

VIII. In Concilio III. Mediolanensi tit. 11. declarat: "Quod primo Concilio Provinciali interdictum est, ne peregrino Sacerdoti sine dimissoriis, testimonialibusve litteris Missæ Sacrum facere liceat, id est veritum sit in Regularium etiam cujuscvis Ordinis Ecclesiis.

IX. Hoc Decretum nec à mente Concilii Tridentini, nec à jure communi discrepat: licet enim plures Regulares, præsertim Ordinum Mendicantium, gaudere dicantur privilegio exemptionis; eoque titulo prætendant Ecclesias etiam suas esse à jurisdictione Episcopi exemptas: Indubitatum tamen est, Episcopum posse præcipere, ne quis sacerdotum secularium exterorum sine sua licentia in scriptis obtenta celebret in oratoriis, vel Ecclesiis Regularium etiam exemptionum, & mandare superioribus dictorum locorum, ne quemquam sacerdotem sine prædicta licentia ad celebrandum admittant. Uti post Barbosam aliosque ab eo citatos tradit Du Cassé Archidiaconus & Officialis Condomensis in suo tractatu de Jurisdictione Ecclesiastica tom. 1. cap. 7. §. 7. num. 11.

Cum enim ad curam Episcopi spectet occurrere scandalis & irreverentiis, quæ ex admissione promiscua similium sacerdotum ad celebrandum nata sunt obvenire, nequaquam exemptio huic curæ Episcopi obstaculo esse potest.

X. Synodus Burdigalensis anno 1583. tit. 5. vetat ab Ecclesiarum Rectoribus, quemquam vagum ac ignotum ad celebrandum admitti, nisi prius diligenter explorata Ordinarii licentia & facultate. Deinde adjungit: "Nullumque pariter alienæ Diocesis admittant, nisi acceptas ab Ordinario suo litteras, sibi concessæ facultatis, & antea vita, morumque ac religionis testes adhibeat: quæ vetustiores non appareant, quam quæ intra annum scriptæ sunt.

Celebrata anno 9. decimi septimi seculi Synodus Narbonensis cap. 20. non vult ab Episcopis facultatem celebrandi concedi Clericis alienæ Diocesis, nisi visis litteris Ordinum Clerici, & attestations proprii Episcopi, super vita & moribus eo anno concessis.

XI. Hætenus adducta Decreta manifeste evincunt, litteras Episcopales, non tantum requiri, ut testes scriptorum Ordinum; sed vel præcipue ut testes probæ vitæ & bonorum morum: ipsosque Episcopos has litte-



ras haud annuere posse, nisi præmissa & facta diligenti inquisitione super vita & moribus Sacerdotum dimit-tendorum.

Si ea cautione in litteris expediendis procederent Epifcopi; neque ullus Sacerdotum in Ecclesiis, live secularibus live regularibus sine hujusmodi litteris, conformiter ad sacros Canones & Synodorum Decreta, ad celebrandum admitteretur, quam multi scandalosi, otiosi ac vagabundi Sacerdotes ab Altaribus arcerentur; quantæque irreverentiæ per similes Sacerdotes in sacrificio Missæ committi solitæ, vitarentur.

XII. Porro quia litteræ hæc testimoniales, nonnumquam facilius quam oportet conceduntur, aut subreptitæ vel obreptitiæ impetrantur, nequaquam Parochi alique Ecclesiarum Præfecti omnes quoscumque Sacerdotes hujusmodi litteris munitos ad celebrandum admittere debent.

Quid enim si aliunde vita scandalosa Parocho vel Rectoribus innoscat; nullusque titulus aliunde sit, qui Sacerdoti huic jus celebrandi in tali Ecclesia tribuat, indubie poterit, imo & non raro debebit ad celebrando repelli.

Ad hæc Canones quidem vetant quempiam extraneum & ignotum sine litteris Episcopi ad celebrandum admitti, sed nequaquam Parochis aut Ecclesiarum Rectoribus præcipiunt, ut omnes hujusmodi litteris instructos in suis Ecclesiis ad celebrationem admittant.

XIII. Imo cum Parochus sit quasi caput Parochiæ, & primarius & ordinarius Ecclesiæ Rector, nullus (ni speciali aliquo titulo munitus) potest in Ecclesia Parochiali sine speciali licentia Parochi sacras quascumque functiones obire.

Hinc Synodus Namurcensis anno 1639. tit. 3. cap. 43. ait: "Nullus aliquod officium in aliena Ecclesia, sine Pastoris ejusdem loci licentia, facere præsumat.

Eodem fundamento Synodus P.I. Cameracensis, tit. De Ministeriis Ecclesiasticis, cap. 9. voluit, ut "qui præsumunt fabricis Ecclesiarum, nullos Sacerdotes admittant ad suffragia & sacrificia legatorum piorum causa præstanda; nisi ab Episcopo, aut ejus Vicario probatos, & ad id ministerium destinatos Pastoris voluntate. Cui, quod ad officium Ecclesiasticum pertinet, pareant: ne per licentiam aditus improbis & vagis ad Ecclesias concedatur cum detrimento & scandalo publico.

Denique, addit Synodus: "Et qui admissi fuerint, Pastorem adjuvent in cultu & Officio divino.

Si nulli ad celebrandas fundatas Missas & anniversaria admitterentur, nisi cum onere juvandi Pastores in officio Pastoralis, quam multi otiosi Sacerdotes ab Ecclesiis removerentur!

XIV. Cum anno 1672, quidam in suo testamento ordinasset Missam pro refrigerio animæ suæ solemniter celebrari in Ecclesia Parochiali per Patres Carmelitas; disputatumque esset; num vi hujus testamentariæ dispositionis Carmelitæ essent admittendi ad celebrandam Missam illam, judicatum fuit à Parlamento Parisiensi, id in Ecclesia Parochiali Carmelitas non posse sine Parochi licentia. Uti refertur, part. 3. Journal des Audiences, lib. 6. cap. 29.

XV. Præterea ut irreverentia vitetur, præcipit Synodus Tridentina Episcopis, "neminem qui publice & notorie criminosus sit, aut sancto Altari ministrare, aut Sacris interesse permittant.

XVI. Decretum hoc quoad primam partem innovans Sanctus Carolus in Concilio I. Mediolanensi, tit. 5. ait: "Sacerdotes qui publice & notorie criminosi fuerint, à celebratione arceantur, nisi emendata vita sceleris maculam eluerint.

XVII. Synodus P.I. Cameracensis, tit. De Cultu, Ceremoniis & Officio Divino, cap. 2. vult, ut "qui cumque ad celebrandum se obtulerit, ac pridie temulentus, insolensve fuerit, aut crimen ullum notum admisit, à Rectore Ecclesiæ castigandus non modo

propter crimen admissum, sed & propter scandalum, & irreverentiam illatam Sacramento denuntiatur Episcopo, aut ejus Vicario, vel Officiali. Rector vero si denuntiare neglexerit, tanquam tanti sceleris dissimulator puniatur.

Subjicit deinde notandam hanc rationem: "Est enim valde præposterum & indignum, quod velint Sacerdotes omnem à laicis reverentiam huic Sacramento exhiberi: nec ipsi tamen moribus & religione sua exhibendam declarent.

XVIII. Addit ejusdem Provinciæ Synodus Diocesana Audomarensis anno 1583. tit. 6. cap. 2. nec confessione prævia hujusmodi Sacerdotes ad celebrandum se præsentare præsumant, qui pridie, quancumque SECRETAM impudicitiam admiservint.

XIX. Præcitata Synodus Burdigalensis, "Sacerdotes aut quoscumque alios, publice & notorie criminosos, rem divinam facere, vel ad altare ministrare prohibendos censet, nisi qui ad meliorem frugem redierint, & morum vitæque pristina commutatione facta, præteritorum scelerum veniam meruerint, eamque ab Ordinariis suis impetraverint.

Namurcensis Synodus anno 1639. tit. 3. cap. 4. præcipit: "Nullus mala fama, Pastori in Divinis Officiis assistat.

XX. Quod hic Synodus Tridentina, aliaque subsequentes decrevere, illud Carolus V. in formula reformationis ejus nomine anno 1548. publicata expresserat; atque præter publicis criminibus infames, etiam solum quæstum sectantes ad celebrationem Missæ non admittendos censuit.

XXI. Quis ambigat, horum Sacerdotum, Clericorumque generi adscribendos, quos publice notorieque popinas frequentare; aleis, illicitisque lusibus, cum magno populi scandalo vacare videmus. Merito proinde Episcopi alique Ecclesiarum Prælati secum expendant, num sacris Canonibus obtemperent, dum similes Sacerdotes sacris Altaribus continuo adflare vident, & silent.

XXII. Uterius pro reverentia tanti Sacrificii vult Synodus Tridentina, ut Sacerdos non aliter Missam celebrare incipiat, "nisi prius, qui intersint, decenter composito corporis habitu, declaraverint se mente etiam, ac devoto cordis affectu, & non solum corpore adesse.

XXIII. Sanctus Carolus Decretum hoc renovans, & executioni mandari volens, in Concilio Mediolanensi IV. part. 2. t. 10. præcipit, ut Clericus Missæ Sacrificio ministraturus aliufve cui hoc munus incumbit, mox ut Sacerdos ad Altare accesserit, circumspiciat modeste adstantes; & si quempiam animadvertit marem vel feminam incomposito corporis habitu, aut alias contra præscriptas regulas Provincialibus nostris Conciliis cum injuria vel irreverentia sanctissimi illius Sacrificii interesse, moneat graviter ut opus erit: neque Sacerdos ante Missæ initium faciat, quam omnes qui adsunt, quemadmodum Tridentino Concilio curæ Episcopi commissum est, decenter composito corporis habitu declaraverint se mente etiam ac devoto cordis affectu, non solum corpore adesse. Missa vero jam inchoata, si quid ejusmodi fiat, hoc idem officium admonendi itidem ille Minister Clericus præstet modeste & graviter. Si quis vero ab iis de ejusmodi monitis non resipuerit, quamprimum eorundem cura deferatur ad Episcopum, ut jure cum eo efficacius agatur.

XXIV. Ut vero populus majori cum reverentia & attentione ad ea, quæ in Missa aguntur, assistat, uberiorque Sacrificii fructum percipiat, præcipiunt passim Synodi nostræ, conformiter ad Synodum Tridentinam, Sess. 26. De Sacrificio Missæ cap. 8. "Pastoribus & singulis curam animarum gerentibus, ut frequenter inter Missarum celebrationem vel per se, vel per alios, ex iis quæ in Missa aguntur, aliquid expo-

„ exponant; atque inter cætera sanctissimi hujus Sa-  
„ crificii mysterium aliquod declarent, diebus præfer-  
„ tum Dominicis & Festis.

XXV. Porro scopus Synodorum est, ut Fideles  
Missæ assistentes; eaque, quæ à Sacerdote aguntur,  
intelligentes, iis sint intenti, „ & voto id agant, quod  
„ Sacerdos agit ministerio; ut scilicet discant & ipsi  
„ suam totiusque Christiani orbis salutem tam salutaris  
„ & gratæ hostiæ interventione & Christi Jesu meritis,  
„ Deo Patri commendare: „ uti loquitur Concilium  
Moguntinum anno 1549. cap. 58.

Et antiqua Atebatensis statuta renovata in Synodo  
anno 1570. sub Francisco Richardoto, qui Tridentino  
interfuit, volunt de his populum instrui, ut *Religio-*  
*sus* & libentius quæcumque Sacerdotes in Missa agunt,  
*observet.*

Idem aliæ quoque Synodi innuunt, desiderantes  
populum instrui de his quæ in Missa aguntur, ut quæ  
in illa geruntur debita cum attentione perpendat, quem-  
admodum loquitur Synodus Namurcensis anno 1659.  
tit. 16. cap. 1. vel ut *majori reverentia sacris intendat,*  
ut exprellit Synodus Cameracensis anno 1567. tit. De  
*Eucharistia*, cap. 4.

XXVI. Neque dubium est quin populo utilius sit, &  
menti Ecclesiæ conformius; ipsique Sacrificio conven-  
ientius, intendere iis quæ in Missa aguntur, quam pre-  
ces alias, quantumvis pias, sed Sacrificio Missæ haud  
respondentes è libro legere.

Quapropter Synodus Rhemenfis anno 1583. tit. De  
*Eucharistia* num. 5. præcipiens ut laici *preces bonarias*  
tempore divini Officii non nisi submissa voce recitent,  
addit: „ Qui tamen inter eos doctiores, reique Chri-  
„ stianæ peritiores extiterint *præclarior* agent, si loco  
„ precum ex scripto recitandarum, à præfatione, qua  
„ pertractantur mysteria, animo defixo mentisque fer-  
„ vore complectantur atque contemplantur.

XXVII. Formula reformationis jussu Caroli V.  
scripta, & anno 1550. evulgata, dicit: „ Neque sub  
„ sacro solemnium convenit, ut coram populo eodem le-  
„ gantur etiam Missæ speciales, quibus huc illuc popu-  
„ lus *distrahatur*, avoceturque ut nulli Sacro *satis in-*  
*tendat.*

Idipsum in executionem hujus formulæ circa idem  
tempus Synodi Moguntina & Colonienfis anno 1549.  
ordinarunt: atque sub initium decimi septimi seculi Sy-  
nodus Sylvæducentis sub Masio tit. 11. cap. 9. judicavit  
plane conveniens, ut in Ecclesiis Monasteriisve, ubi est  
magna Missarum frequentia, singulæ *distinctis* horis le-  
gantur: „ Ne, ait, simultanea illa plurimorum celebra-  
„ tium turba decori Domus Dei, aut mysteriorum ve-  
„ nerationi aut gravitati aliquid decedat.

XXVIII. Si ea omnia inter Missarum solemnium ca-  
venda sint, quæ populum ab hac sancta actione, alio  
distrahere possent, quis non videt, quam merito Syno-  
dus Tridentina arceri præcipiat „ ab Ecclesiis mul-  
„ cas eas, ubi sive organo, sive cantu *lascivum* aut  
„ *impurum* aliquid miscetur.

Synodus P. I. Cameracensis, tit. De Cultu & Ce-  
remoniis, cap. 3. de musica in Missa adhibenda agens,  
statuit, ut quæ in Missa ad eruditionem & doctrinam  
Fidelium leguntur aut canuntur, ut Epistola, Evange-  
lium & Symbolum, ita legantur aut canantur, ut præ-  
sentes, *distincte* exaudire singula verba possint. „ Qua-  
„ re, ait, in Symbolo canendo placet nec organa nec  
„ musicam adhiberi; nisi sit simplex, ac talis ut singu-  
„ la verba sine repetitione possint intelligi. Quæ vero  
„ ad laudes pertinent, ut sunt Hymni, *Gloria in ex-*  
*celsis*, *Sanctus*: in his musica locum habeat: sed nec  
„ lasciva, nec choreis potius, quam choro congruens,  
„ sed gravis & movens pios affectus.

Fortius hunc abusum proseripsit Synodus P. I. Mech-  
linienfis an. 1570. tit. De Officio & Cultu divino, c. 10.  
„ Cohibeant Episcopi Cantores, Organistas, Campa-  
„ narios, & alios quoscumque à lasciva, militari, &

„ quavis indecora musica in cantu, organis & campa-  
„ nis, sub poena decem stuferorum (a) ad pios usus  
„ arbitrio Episcopi applicanda. Et si semel puniti non  
„ abstinerint, poena carceris aut alia arbitraria ple-  
„ stantur.

Synodus P. II. Mechlinienfis an. 1607. t. 12. c. 7. mo-  
net, ut „ gravissimum, & quæ ad pios affectus moveat  
„ musica, Officio divino adhibeatur, non etiam lasciva  
„ vel secularis.

XXIX. Cardinalis Bona, tractatu De Divina Psal-  
modia, cap. 17. §. 3. advertit, musicam sæpius fuisse  
mutatam; at illud ab antiquis observatum esse, nunquam  
ab aliqua gente mutatam fuisse musicam, quin & ipsa in  
deterius mutata sit.

Post hæc multorum auctorum relatis sententiis re-  
stantium, Musicam veterem fuisse *vivitem*, recentio-  
rem vero *effratam* & *effaminatam*, tandem concludit  
his verbis: „ Has veterum sententias eo libentius  
„ transcripsi, quo magis hodiernæ Musicæ deplora-  
„ bilis status innotescat: fastidit ætas nostra concen-  
„ tum gravem & stabilem, amatque modulos quos-  
„ dam, quibus in frustra concisus cantus distiliat & ener-  
„ vetur.

XXX. Musicæ & Musicorum parum gravem, &  
ad pietatem haud conducentem sonum multis deplorat  
nominatissimus Gandensium Antistes Wilhelmus Lin-  
danus in *Panopl. Evang. lib. 4. cap. 78.* ac tandem  
relata hodierna musicæ confusione & infractione,  
dicere non veretur: „ Illarum magis constantiam ad-  
„ mitor Ecclesiarum, quæ istum prævidentes divini  
„ cultus abusum, semel Musicam illam choro malue-  
„ runt excludere; uti Trajectensis, & quod audio, Lug-  
„ dunensis, quam illarum veneror magnificam, quam  
„ ipsi & putant & jactant adeo majestatem, qua Dei  
„ chorum omni phonaforum syntagmate, vocum  
„ omnis generis discrimine, imo & tubarum clangore,  
„ cornutorum stridore, alioque strepitu vario, nequid  
„ præternittere videantur, quod cantici verba semel  
„ obscurer, sensumque sepeliat, & obruat, sibi præ-  
„ clare gloriantur adimplessè.

XXXI. Episcopi atque Prælati, qui Musicam in  
Officio divino retinendam autumant, videant, ut „ pro  
„ illo Musices genere, quod nunc passim Ecclesias oc-  
„ cupat, aliud introducatur & gravius, & rebus ipsis  
„ convenientius: & si non, ut oportet, pronuntiationi  
„ quam cantui vicinior, saltem rebusque canuntur ap-  
„ tius atque accommodatior; „ uti loquitur Lindanus  
loco citato. Vel ut in Concilio Mediolanensi I. parte 2.  
cap. 51. S. Carolus: „ Cantus & toni graves sint, pii ac  
„ distincti, & Domui Dei, ac divinis laudibus accom-  
„ modati; ut simul & verba intelligantur, & ad pietatem  
„ Auditores excitentur.

XXXII. Synodus P. II. Mechlinienfis verbis supra  
relatis subjungit: „ Similiter & organa, & quæcum-  
„ que instrumenta Musica, tam in processionibus quam  
„ in Ecclesiis, modulatione sua *lascivas* cantiones non  
„ imitentur.

XXXIII. Deinde capite sequenti: „ Tintinnabula  
„ quoque & campanas ad harmoniam quamdam pul-  
„ santes, ejusmodi pulsatione turpes, inhonestas vel  
„ scandalosas cantiones non expriment, vel imitentur,  
„ sed potius hymnorum, & canticorum Ecclesiæ mo-  
„ dulationes. Et sicubi necesse fuerit cum Magistratu  
„ desuper agatur.

Idem de tintinnabulis habet Synodus P. I. Came-  
racensis loco citato cap. 15. addens: „ Si quis non  
„ paruerit, puniatur; ut qui multis labendi occasio-  
„ nem præbuerit, & in re Sacris dicata, spurca & in-  
„ honesta attulerit.

XXXIV. Denique Synodus Tridentina omnem  
irreverentiam à locis sacris remotam desiderans, præ-  
missis addidit: „ Item seculares omnes actiones, vana  
„ atque adeo profana colloquia, deambulationes,  
(a) Stuferus, id est, solidus, un sou.

„ stre-

» ſtrepitus, clamores arceant: ut domus Dei vere domus orationis eſſe videatur ac dici poſſit.

Multa pro executione hujus Decreti obſervanda propoſuit S. Carolus in Concilio IV. Mediolanenſi parte 1. cap. 17. cujus hic eſt titulus: *De profano uſu à ſacris locis tollendo.*

XXXV. Ut autem hæc omnia facilius executioni mandari queant, Synodus Tridentina vult, ut Epifcopi etiam tanquam Sedis Apoſtolicæ Delegati corrigant, ſtatuant, prohibeant, & mandent ea, quæ opportuna videbuntur; atque ad ea inviolate ſervanda cenſuris Eccleſiaſticis, aliſque pœnis fidelem populum compellant, non obſtantibus privilegiis, exemptionibus, appellationibus ac conſuetudinibus quibuſcumque.

XXXVI. Verendum, ne plures Eccleſiarum Prælati in reſcandis abuſibus, qui hoc titulo notati ſunt, ſegniores reddantur vulgari illo, ſed admodum pernicioſo argumento: Hoc jam diu ita obſervatum fuit; hoc Prædeceſſores noſtri toleraverunt; cur nos illis volumus eſſe ſapientiores aut meliores? ſufficit nobis vivere, ut illi vixerunt.

Pernicioſum ſane argumenti genus, quo deteſtandi, maximique abuſus, cum ſemel invaluerint, juſtificari poterunt.

XXXVII. Nonne hoc ſpecioſo argumento jam

pridem nonnulli juſtificare, ac retinere contenderunt *feſtum ſatuorum*; « ubi videbar populus Sacerdotes & Clericos Divini Officii tempore larvaros, monſtruoſos vultibus, aut in veſtibus mulierum, aut lenonum vel hiſtrionum choreas ducere, in choro cantilenas inhoneſtas cantare, offas pingues ſupra cognu Altaris juxta celebrantem Miſſam comedere, ludum taxilorum exarare, thurificare de fumo ſterido ex corio veterum ſotularium, (a) & per totam Eccleſiam currere.

Ita hanc celebrationem deſcripſit Facultas Theologica Pariſienſis in Epiftoſa Prælatiſ & Capituliſ Eccleſiarum Regni Galliæ inſcripta, & in appendicem operum Petri Bleſenſis relata pag. 782. qua ipſos multis argumentis, ad hunc abuſum longa conſuetudine & multarum Eccleſiarum praxi inolitum, tollendum movere conatur; atque inter alia argumentum à tolerantia & ſaſto Prædeceſſorum præveniens, tale de illo judicium depromit: « Nolite ſubdolas hominum voces audire ſic dicentium: Prædeceſſores noſtri, qui erant notabiles viri reputati, iſtud permiferunt, ſufficit nobis vere ut ipſi: procul dubio iſtud argumentum *diabolice* eſt; *infernalis* hæc perſuaſio: vos illorum exitium ignoratis, an bonus an malus fuerit.

(a) Genus Calceamentorum.

## TITULUS VI.

### DE SACRAMENTO POENITENTIÆ.

#### CAPUT I.

De variis Nominibus, Partibus, Forma & Effectu hujus Sacramenti.

1. Sacramentum olim dictum Sacramentum reconciliationis.
2. Secundo, Confessionis.
3. Tertio, Absolutionis.
4. Quarto frequenter, Manus impositio.
5. Quinto, Communio seu Pax.
6. Sexto, Secunda post naufragium tabula.
7. Septimo, Laborioſus Baptismus.
8. Octavo, olim & bodie frequentissime, Sacramentum Poenitentiae.
9. Quid ſignificet apud veteres etiam Etbnicos poenitere?
10. Quem facti ſui poenitet, is punit in ſe quod fecit.
11. Definitio poenitentiae à Gratiano & Canoniſtis tradita.
12. Quid de hoc Sacramento habeat Decretum Eugenii IV. & quid ejus prima pars, ſive Contritio?
13. De Confessione, ſecunda hujus Sacramenti parte.
14. Etiam circumſtantiae peccatorum exprimendae; & quare?
15. Quare confessio præcipue requiratur?
16. De ſatisfactione, tertia parte hujus Sacramenti.
17. Ratio Divinae juſtitiae exigit, ut difficilius dimittantur peccata poſt Baptiſmum, quam ante commiſſa.
18. Juſtitia Divina non permittit, ut ordinarie ſine ulla ſatisfactione peccata remittantur.
19. Satisfactiones habent vim ſuam ex meritis Chriſti.
20. Forma hujus Sacramenti.
21. Effectus ejusdem.
22. Varia quaſtiones circa præmiſſa omittuntur.

I. SACRAMENTUM hoc jam pridem diverſis nominibus appellatum fuit.

Primo quidem dictum fuit Sacramentum *reconciliationis*; nimirum ab effectu; eo quod homo virtute hujus Sacramenti Deo reconciliatur.

II. Secundo, Sacramentum *confessionis*, à parte conſpicua & ante remiſſionem peccati, ſive reconciliationem neceſſaria; qua peccator ſua peccata Sacerdoti aperire atque *confiteri* debet.

III. Tertio, Sacramentum *absolutionis*, ab actu Sacerdotis formam Sacramenti proferentis cum dicit: *Ego te absolvo*, &c.

IV. Quarto, antiquitus frequenter dictum fuit: *manuum impositio*, à caeremonia externa. Saepius enim in decurſu agenda poenitentiae ipſis Poenitentibus manus imponebantur ab Epifcopis & Presbyteris; idque vel dum orationes ſuper poenitentes fundebantur, vel abſolutione donabantur. Ita accipitur in Can. 76. Concilii Carthaginenſis IV. « Si continuo creditur moriturus, reconcilietur per *manus impositionem*.

Porro cum & in aliis Sacramentis manus impositio fieret, atque inde etiam nomine *manus impositionis*, præſertim Sacramentum Confirmationis indicaretur, ne ex nominis identitate confuſio oriretur, dicere ſolebant hoc Sacramentum, *manuum impositionem reconciliationariam*, uti videre eſt in Can. 3. Concilii Arauſicani I. (a)

V. Quinto, dictum fuit *Communicatio* ſive *Communio* & *Pax*, eo quod lapſi per poenitentiae actionem & abſolutionem Sacerdotis reſtituerentur Communioni, &

(a) Sunt inter Theologos qui docent manuum impositionem eſſe partem eſſentialem in Sacramento Poenitentiae; hi ſunt Guilelmus Althodorenſis lib. 4. *ſumma* & Vincentius Bellocacenſis lib. 8. *Speculi Hiſtor.* c. 43. Alexander Halenſis 4. parte *ſumma* q. 5. *memb.* 1. art. 1. Guillelmus Pariſienſis de *Pauis*. p. 461. Quidquid ſit de ea opinione quæ multis tamen veterum Patrum testimoniis nititur; agere imprudenter & pericula poenitentibus afferre videntur conſeſſarii, qui dum abſolutionem poenitentibus imperant, manus iis imponere non curant.



Eucharistiæ percipiendæ facultati, atque ad eam dignè sumendam præpararentur.

VI. Sexto, *Secunda post naufragium tabula* sæpe à Patribus vocatur; eamque nomenclaturam tanquam huic Sacramento convenientem probavit Synodus Tridentina *Sess. 6. cap. 14. De Justificatione*, his verbis: "Qui verò ab accepta justificationis gratia per peccatum exciderunt, rursus justificari poterunt, cum, excitante Deo, per pœnitentiæ Sacramentum, merito Christi amissam gratiam recuperare procuraverint. Hic enim justificationis modus est lapsi reparatio, quam secundam post naufragium deperditæ gratiæ tabulam SS. Patres aptè nuncuparunt.

VII. Septimò, à Patribus dicitur *laboriosus Baptismus*; quam rursus appellationem huic Sacramento convenire dixit Synodus Tridentina *Sess. 14. cap. 2. De Pœnitentia*; rationem illius dictionis præmittens; eò quòd ad vitæ novitatem & integritatem in Baptismo acquisitam, & per peccatum amissam, "per Sacramentum Pœnitentiæ sine magnis nostris stribus & laboribus, divinà id exigente iustitiâ, pervenire nequaquam possumus." Quod nuper à Patribus fusè ac solide adstruxit Vir eruditissimus Joannes Oplatrius in speciali tractatu de *laborioso Baptismo*.

VIII. Denique hoc Sacramentum & olim & hodie frequentius & usitatus, apertissimeque dicitur Sacramentum Pœnitentiæ, à contritione, quæ primum locum inter actus Pœnitentiæ habens, dicitur animi dolor ac detestatio de peccato commisso, cum proposito non peccandi de cætero, ut docet Synodus Tridentina citata *Sess. 14. cap. 4.*

IX. Pœnitere enim apud Latinos auctores etiam Ethnicis dicitur, cum quæ ipsi fecimus, aut quæ de nostra voluntate, nostroque consilio facta sunt, ea nobis post incipiunt displicere, sententiamque in his officiis nostram demutamus: ut latius prosequitur Morinus de administratione Sacramenti Pœnitentiæ *lib. 1. cap. 1.* notatque, hanc esse vulgatissimam apud probatissimos Linguae Latine quosque auctores significationem; atque inde concludit, etiam juxta Ethnicos auctores, Pœnitentiam duo complecti, consilii sive sententiæ mutationem & animi dolorem propter factum aliquod inde consequens.

Post hæc subjungit: Tertium addi debet, quod ex utroque necessario videtur emanare, cautio scilicet, ne postea idem consulat, aut exequatur. Vix enim aliquem facti sui serio pœnitet, qui etiam sibi non proponat ab eo imposterum abstinere, & incommoda ex priori consilio & facto exorientia impedire, & à se avertere.

Lactantius *lib. 6. cap. 24. Institutionum* hæc tria significata complectens, ait: "Is quem facti sui pœnitet errorem suum pristinum intelligit. Ideoque Græci melius & significantius *μετάνειν* dicunt, quam nos possumus resipiscitiam dicere. Resipiscit enim ac mentem suam quasi ab insania recipit, quem errati piget, castigatque seipsum dementiæ, & confirmat animum ad rectius vivendum; tum illud ipsum maxime caver, ne rursus in eisdem laqueos inducatur.

X. Dolor autem ille, qui pœnitentiæ semper comes est, si exardescit, eo animum facti pœnitentem ducit, & impellit, ut pœnas à seipso sumat; quemadmodum ibidem notat & probat Morinus; subditque: "Hinc appositè admodum ad geminam hanc pœnitentiæ significationem, quæ omnibus auctoribus Ecclesiasticis ab ipsis Ecclesiæ incunabulis familiarissima & acceptissima fuit. S. Isidorus in exhortatione ad Pœnitentiam, hanc nobis tradit istius nominis etymologiam. A pœnitentia Pœnitentia nomen accepit, quasi Pœnitentia, dum ipse homo pœnitendo quod malè admisit.

XI. Et apud Gratianum *Diff. 3. De Pœnitentia, Can. 4.* auctor libri de vera & falsa Pœnitentia sub nomine S. Augustini: "Continuè dolendum est de pec-

cato, quod declarat ipsa dictionis virtus. Pœnitere enim est pœnam tenere, ut semper puniat in se ulciscendo quod commisit peccando.

Ex his hanc definitionem à Canonistis & Theologis communiter probatam, elicit Gratianus: Pœnitentia itaque est vindicta semper puniens in se quod dolet commississe.

Hinc manifestum est, convenientissimè hoc Sacramentum à contritione tanquam præcipua sua parte, Pœnitentiæ nomen mutuasce.

XII. De hoc Sacramento habet Decretum Eugenii IV. pro Armenis: "Quartum Sacramentum est Pœnitentia cujus materia sunt actus Pœnitentis, qui in tres distinguuntur partes. Prima est cordis contritio, ad quam pertinet, ut doleat de peccato commisso cum proposito non peccandi de cætero.

De prima hac parte latius agit Synodus Tridentina *Sess. 14. De Pœnitentia cap. 4.* declaratque quòd fuerit, quovis tempore ad impetrandam veniam peccatorum hic contritionis motus necessarius; & in homine post Baptismum lapsio ita demum præparat ad remissionem peccatorum, si cum fiducia divinæ misericordiae, & voto præstandi reliqua conjunctus sit, quæ ad ritè suscipiendum hoc Sacramentum requiruntur.

Declarat præterea, hanc contritionem non solum cessationem à peccato, & vitæ novæ propositum & inchoationem, sed veteris etiam odium continere. Quod ibidem multis Scripturæ testimoniis confirmat.

Post hæc duplicem contritionem asserit. Unam charitate perfectam, Alteram imperfectam; quam & Attritionem nuncupat; atque utriusque effectum exponit.

XIII. Secunda pars in Decreto Eugenii "est oris Confessio; ad quam pertinet, ut peccator omnia peccata, quorum memoriam habet, suo Sacerdoti confiteatur integraliter.

Hanc partem fusius exponit Synodus Tridentina loco citato *cap. 5.* declarans imprimis hanc integram peccatorum confessionem à Christo esse institutam, & omnibus post Baptismum lapsis jure divino necessariam existere.

Cum enim Sacerdotes in hujus Sacramenti administratione sustineant personam judicis, constat, judicium hoc, incognitâ causâ, illos exercere non posse, nec æquitatem quidem in pœnis injungendis servare posse, si in genere duntaxat, & non potius in specie, ac sigillatim sua ipsis peccata declararentur. Atque hinc concludit Synodus, oportere à pœnitentibus omnia peccata mortalia, quorum post diligentem sui discussionem, conscientiam habent, in Confessione recitari, etiam si occultissima illa sint, & adversus duo ultima Decalogi præcepta commissa.

Quod ipsum Judicis officium exigit, id ipsam & Medici munus, (quod & hic Sacerdotes spiritualiter exercere debent) requirit: "Si enim, ait Synodus, erubescat ægrotus vulnus medico detegere, quod ignorat, medicina non curat.

XIV. Ex his rectè colligit præterea Synodus etiam eas "circumstantias in Confessione exprimendas esse, quæ speciem peccati mutant, quòd sine illis peccata sua neque à pœnitentibus integrè exponantur; nec judicibus innotescant: & fieri nequeat, ut de gravitate criminum rectè censere possint, & pœnam, quam oportet, pro illis pœnitentibus imponere.

XV. Quæ hoc capite Synodus pro austruenda necessitate Confessionis adducit, ostendunt, quod finis Confessionis omnium peccatorum Sacerdoti factæ, non sit sola & nuda Confessio sive revelatio peccatorum; sed remedium morbis spiritualibus convenientium applicatio, quibus anima curationi disponatur, & disposita per reconciliationem perfecte sanetur. ut loquitur Morinus loco citato *lib. 1. cap. 5. num. 9.* atque per consequens, omnia in Confessione esse aperienda, per quæ ipse Sacerdos tanquam medicus spiritualis veniat in convenientem notitiam vulnerum animæ; possitque conve-

convenientia medendis vulneribus pharmaca præscribere & applicare.

XVI. Tertia pars, ait Eugenius in suo Decreto, est „*satisfactio* pro peccatis secundum arbitrium Sacerdotis; quæ quidem præcipue fit per orationem, jejunium & eleemosynam.

De hac parte agit Synodus Tridentina citatâ sessione cap. 8. declaratque imprimis, falsum omnino esse, & à verbo Dei alienum, culpam à Domino nunquam remitti, quin & universa etiam poena condoneretur. Perspicua enim & illustrata in sacris Litteris exempla expériuntur, quibus præter divinam Traditionem, hic error quàm manifestissimè revincitur.

XVII. Ulterius dicit, „quod & divinæ justitiæ ratio exigere videatur, ut aliter ab eo in gratiam recipiantur, qui ante Baptismum per ignorantiam deliquerint; aliter verò, qui semel à peccati & dæmonis servitute liberati, & accepto Spiritûs sancti dono, scienter templum Dei violare, & Spiritum sanctum contristare non formidârint.

XVIII. Præterea monet Synodus, „& Divinam Clementiam decere ne ita nobis absque ulla satisfactione peccata dimittantur, ut occasione accepta peccata leviora putantes, velut injurii, & contumeliosi Spiritui sancto, in graviora labamur, thesaurizantes nobis iram in die iræ. Procul dubio enim magnopere à peccato revocant, & quasi fræno quodam coercent hæc satisfactoriæ poenæ, cautioreque & vigilantiores in futurum Pœnitentes efficiunt; medentur quoque peccatorum reliquiis; & vitiosos habitus, malè vivendo comparatos, contrariis virtutum actionibus tollunt. Neque verò securior ulla via in Ecclesia Dei unquam existimata fuit ad amovendam imminentem à Domino poenam, quàm ut hæc Pœnitentiæ opera homines cum vero animi dolore frequentent. Accedit ad hæc, quod, dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficientia est, conformes efficiamur, certissimam quoque inde arrham habentes, quod si compatimur, & congrificabimur.

XIX. Ne verò videretur effectum illum humanis meritis tribuere, declarat, satisfactiones nostras & opera poenitentiae omnem suam efficaciam & meritum accipere ex meritis Christi. „Neque verò, ait, ita nostra est satisfactio hæc, quam peccatis nostris exsolvimus, ut non sit per Christum Jesum..... Facientes fructus dignos Pœnitentiæ, qui ex illo vim habent, ab illo offeruntur Patri, & per illum acceptantur à Patre. Ut autem optatum effectum in peccatoribus satisfactiones à Sacerdotibus injunctæ fortiantur, ipsis peccatis & personis convenientes sint oportet; de quo latius infra cap. 3. & 4.

XX. Decretum Eugenianum post expressas tres partes hujus Sacramenti, de forma ejusdem subjicit: „Forma hujus Sacramenti sunt verba absolutionis, quæ Sacerdos profert, cum dicit: *Ego te absolvo*, &c.

Similiter Synodus Tridentina docet, Sacramenti Pœnitentiæ formam, in qua præcipue ipsius vis sita est, in illis „Ministri verbis positam esse: *Ego te absolvo*, &c. quibus quidem de Ecclesiæ Sanctæ more preces quædam laudabiliter adjunguntur: ad ipsius tamen formæ essentiam nequaquam spectant, neque ad ipsius Sacramenti Administrationem sunt necessariae. „*Sess. 14. De Sacram. Pœnit. cap. 3.*

XXI. Effectus hujus Sacramenti est absolutio à peccatis, „ait Decretum Eugenianum. Et Synodus Tridentina citato cap. 3. „Sanè verò res & effectus hujus Sacramenti; quantum ad ejus vim & efficaciam pertinet, reconciliatio est cum Deo, quam interdum in viris piis, & cum devotione hoc Sacramentum percipientibus, conscientiæ pax, ac serenitas cum vehementi Spiritûs consolatione consequi solet.

XXII. Plurimæ tum circa singulas supra enumeratas

Sacramenti partes, tum circa formam, effectumque quæstiones à Theologis Scholasticis agitantur, quas, utpote à proposito meo alienas (a) Theologis relinquo; pluresque à Veteribus ignotas, & à Recentioribus moveri ceptas recitat Morinus, *Lib. 8. cap. 2. 3. & 4.*

(a) Inter quæstiones, quas Theologi movent de partibus Pœnitentiæ, ea potissimum eminet, quæ de necessitate amoris Dei super omnia in Sacramento Pœnitentiæ differit; porro amoris Dei necessitas est fundamentum *Juris Ecclesiastici*, de quo pertractat auctor noster; amoris enim Dei præceptum, quod primum in jure naturali & Evangelico obtinet locum, eandem quoque sibi vindicat in jure Ecclesiastico: cum ergo hoc postremum jus dependeat ab utroque priori jure; Auctor noster, ut suarum decisionum auctoritas stabiliretur, debebat saltem amoris Dei necessitatem in Sacramento Pœnitentiæ vindicare, nec illam assertionem cum aliis quæstionibus, quas à suo proposito alienas dixit, confundere; nihil enim juri magis repugnat, quàm si æterna justitia, quæ Deus est, super omnia non diligatur, aut negligatur.

## CAPUT II.

### De publica, solemnî & privata Pœnitentia.

1. *Quid Pœnitentia publica?*
2. *Pluribus seculis pro peccatis occultis pœnitentiam publicam impositam fuisse credit Morinus; & primum hujus argumentum.*
3. *Secundum Morini argumentum.*
4. *Tertium ejusdem argumentum.*
5. *Quartum argumentum.*
6. *Pro peccatis occultis pœnitentia tametsi publica, non tamen publicè imponebatur; nec Pœnitens publicè reconciliabatur.*
7. *Simplices Presbyteri poterant, inconsulto Episcopo, peccatores occultos reconciliare.*
8. *Utrumque probatur ex Concilio Carthaginensi III.*
9. *Peccator occultus per censuras ad agendam publicam pœnitentiam cogi non poterat.*
10. *Plures nullius gravioris criminis rei ultro pœnitentiam publicam amplectebantur.*
11. *Magna Veterum de utilitate pœnitentiæ publicæ estimatio.*
12. *Ex impositione pœnitentiæ publicæ pro peccatis occultis non sequebatur infractio sigilli.*
13. *Circa seculum VIII. disciplina imponendi pœnitentiam publicam pro peccatis occultis, capit desinere.*
14. *Sensim hæc disciplina mutata fuit.*
15. *Postquam pro peccatis occultis capit agi pœnitentia publica, adhuc magnus erat Pœnitentium numerus; & quare?*
16. *Per censuras aliæque media publici peccatores ad publicam Pœnitentiam cogeantur.*
17. *Studium & constantia Episcoporum ad conservandam, aut reducendam pœnitentiam publicam pro peccatis publicis.*
18. *Multis seculis Pœnitentia etsi occulta ad Canonum Pœnitentialium præscriptum imponebatur.*
19. *Usque ad seculum XII. non fuit nota distinctio inter publicam & solemnem Pœnitentiam.*
20. *Hujus distinctionis origo.*
21. *Quæ hodie dicatur Pœnitentia solemnîs: & quæ publica, & quæ privata?*
22. *Plura olim omni Pœnitentiæ publicæ competentia ad solemnem restricta.*
23. *Primo, quod à solo Episcopo imponeretur.*
24. *Secundo, quod semel duntaxat imponi posset.*
25. *Tertio, quod qui eam egerant à Clericatu dejicerentur, aut ad illum promoveri non possent.*
26. *Pœnitentiam publicam à solemnî distinctam, à Presbytero imponi posse docent Canonista.*
27. *Publicam Pœnitentiam pro peccatis publicis imponendam esse multis ostenditur.*

28. *Idip.*

28. *Idipsum probavit Synodus Tridentina.*
29. *Conformia sunt bodierna Ritualia & Concilia.*
30. *Qualiter bodie debeant Presbyteri Pœnitentiam publicam imponere pro peccatis publicis?*
31. *Qualis esse debent species Pœnitentiæ publicæ?*
32. *Pœnitentiam solemnem ab Episcopis etiam bodie Ecclesia imponi optat.*
33. *Quid circa banc statuerit S. Carolus?*

I. PUBLICA Pœnitentiâ dicitur, quæ in facie Ecclesiæ palam & publicè peragitur.

Hanc primis sex seculis unicè ferè impostam fuisse notat Morinus lib. 4. *De Administratione Sacramenti Pœnitentiæ* c. 10. §. 5. nullumque ante seculum septimum usum fuisse, ait, Pœnitentiæ *privatæ Canonice*; cùm omnia crimina graviora Pœnitentiâ publicâ punirentur, minùs graviora Sacerdotis arbitrio & consilio.

II. Publicam hanc Pœnitentiam etiam pro peccatis *occultis* primis sex Ecclesiæ seculis juxta sacros Canones actam, & à Sacerdote, cui peccatum secretò detectum fuerat, impostam fuisse, contendit Morinus libro 5. capite 9. idque tribus potissimum argumentis ex antiqua disciplina eruit.

Primo, quia certum est, pœnitentias Canonibus illorum temporum expressas, & pro singulorum criminum gravitate præscriptas, fuisse pœnas *publicas*, easque palam & in facie Ecclesiæ peragendas: cumque in Canonibus illis nulla occurrat publicorum ab occultis criminibus distinctio; sed indifferenter crimina exprimantur, indicium est, de utrisque Canones illos indifferenter quoque intelligendos esse.

III. Secundum argumentum ex veteri disciplina erutum ita proponit Morinus: "Sequitur antiquos Patres de publicis criminibus curam tantum gessisse, de occultis verò nullam. Si enim Canones illi de peccatis publicis intelligendi sunt, de occultis homicidiis, fornicationibus, &c. nulli amplius super sunt. Atqui crimina, ejusmodi sexcenta perpetrantur occultè, dum unum aut alterum publicè deprehenditur. Consequenter igitur gravissimorum animi morborum sanationem antiquos Patres prorsus neglexisse; quod cogitare nefas est, nedum dicere. Si Pœnitentiæ rationem tantum haberent pœnarum, tolerari forsan hoc posset. Verùm cùm medicamentorum rationem potissimum induant, hancque rationem Patres præ cæteris præferant, dici non potest ulcerum tam pestiferorum nisi publicè & in propatulo serperent (quod quam rarissimè, & vix contingit,) curationem deservisse, susque deque habuisse, & delictibus tantum venialibusque peccatis sanandis curiosos fuisse & sollicitos.

IV. Tertium argumentum Morini hoc est: "Si crimina quis spontè enuntiasset, minori tempore in Substratione, Auditione, &c. commemoraturum, quam si accusatus & convictus esset. Plerique enim Canones, & Patrum pleraque dicta hanc legem Reis criminum dicant, cujus rei testimonia multa legere potes lib. 2. cap. 6. Si crimina ponas publica pro specie istarum legum explananda, quæ ratio fingi potest istius temperamenti? Si crimen publicum est, jam convictio per se facta est. Ipsa facti, ut ita dicam, notorietas, convictioni æquivaluit. Delatus tergiversari non potest. Imò ne delatore quidem opus habet Episcopus, cùm ponatur crimen publicum & notorium; sed monitore, ac ne monitore quidem: cùm eo casu Episcopus solâ muneris peragendi conscientia stimulat publicum peccatorem, & resipiscentem Pœnitentiâ castigare possit.

V. His argumentis plura ex Sanctis Patribus testimonia eandem disciplinam adstruunt subijcit Morinus ibidem cap. 9. & sequentibus; & denique cap. 11. speciale argumentum desumit ex Canonibus, qui Clericos in crimen quantumvis occultum lapsos, non modò ab officio suspendebant; sed etiam deponebant, ita ut

Tom. I.

per aliquot seculorum spatia, ab omni spe restitutionis deicerentur. "Non video, ait, qua ratione idem de publica Laicorum Pœnitentiâ dici non debeat. Si consulendum honori & famæ, id sanè factum potius oportuit Clericis, quàm Laicis. (a)

VI. Non diffitetur tamen Morinus, multiplicem fuisse inter pœnitentiam publicam impostam pro peccatis publicis, & eandem impostam pro peccatis occultis differentiam.

Pro peccatis publicis ac notoriis, quæ totam Ecclesiam commovebant, manus imponebantur ab Episcopo vel Presbytero publicè in medio Ecclesiæ ante *absidem*, hoc est in gremio navis Ecclesiæ. *Absis* enim vel absida est sanctuarium Ecclesiæ. Eaque manus impositio eo ritu fiebat, tam in pœnitentiæ impositione, quàm pœnitentis absolutione, seu reconciliatione.

Dum verò *occulta* erant crimina, necesse non erat, publicè in medio Ecclesiæ per manus impositionem pœnitentiam imponere; aut pœnitentem actâ pœnitentiâ publicè reconciliare: Sed sicuti peccata illa *secretò* Sacerdoti aperiiebantur, ita quoque *secretò* pœnitentia imponebatur, & reconciliatio fiebat.

VII. Hinc altera consequebatur differentia; quòd publicè pœnitens ob crimen *occultum*, actâ pœnitentiâ publicâ, *secretò* posset, *inconsulto* Episcopo, à Presbytero reconciliari. Secus verò pœnitens ob peccatum *publicum*. Hic enim cùm non nisi publicè reconciliari posset, etiam sine speciali Episcopali licentia (nisi extrema necessitas licentiæ perendæ tempus intercluderet) à Presbytero reconciliationem obtinere nequibat. Interdictum enim erat Presbyteris, pœnitentem publicè reconciliare.

VIII. Utrumque non obscurè indicat Canon. 32. Concilii Carthag. III. qui in duas partes divisus refertur à Gratiano *caus.* 26. q. 6. *Can.* 14. Et q. 7. *Can.* 5. verba Canonis sunt: "Ut Pœnitentibus secundum differentiam peccatorum Episcopi arbitrio pœnitentiæ tempora decernantur, & ut Presbyter, *inconsulto* Episcopo, non reconciliet pœnitentem: nisi absentia Episcopi necessitate cogente. Cujuscumque autem Pœnitentis publicum & vulgatissimum crimen est, quod universam Ecclesiam commoverit, ante *absidem* manus ei imponantur.

IX. Altera differentia eaque notabilis erat. Cùm publicum erat peccatum, ad agendum publicè pœnitentiam peccatores excommunicatione & omnimodâ ab Ecclesia expulsiōe cogi poterant. At cùm peccatum erat occultum, Pœnitentiæ publicæ actio erat *spontanea*, hoc est, ad eam cogi non poterant ullâ excommunicatione, aut Sacramentorum publicâ denegatione. Peccatori equidem ejusmodi *secretò* confitenti, nisi Pœnitentiam Canonicam agere veller, reconciliationem *secretò* denegabat Sacerdos, sed quod ultra in eam ageretur, nihil habebat.

X. Neque verò soli *occulti* gravium criminum rei publicam pœnitentiam sibi à Sacerdotibus *secretò* impostam & indictam *spontanea* quadam voluntate suscipiebant, & publicè cum aliis pœnitentibus, etiam *graviorum* criminum reis peragebant; sed & leviorum duntaxat aut nullorum criminum sibi conficii, eam *alio* amplectebantur; quemadmodum notat Morinus lib. 5. cap. 7.

(a) Si publica pœnitentiâ eo loci quatuor gradus, quos inferius enumerat Auctor noster, complectebatur, certum est omnia crimina in omnibus circumstantiis non fuisse olim publicè pœnitentiæ obnoxia. V. G. Mulieres adulteræ, quæ delicti conscientia stimulantè vulnus suum Sacerdoti aperiiebant, non ante vulgi oculos juxta Ecclesiæ Canones, pœnitentiâ defungebantur, sed occultè ne hujus flagitii suspensa aut à viris acciperentur inclementiis, aut ad iudices delatæ capitali supplicio afficerentur; quod observat S. Basiliius Episc. ad Amphil. Canone 34. Diffiteri tamen non possumus, quin plurima extiterint peccata lethalia occultè commissa, quæ publicè pœnitentiæ fuerunt subiecta. Hoc de re consulatur Tertullianus de Pœnitentiâ & pudicitia. Basiliius Episc. ad Amphilocho. Gregorius Nyssenus Episc. ad Lectorem complurisque alii patres vetustissimi, quibus adjungere non pigeat Marianum Victorium in libello de antiquis Pœnitentiis.

K k k

XL



XI. Ex hac praxi deducit ibidem Morinus, quanta fuerit de Pœnitentiæ publicæ utilitate Veterum æstimationis. Verba ejus sunt: "Quanta fuerit antiquitus Pœnitentiæ publicæ æstimationis, quàm efficax auxilium ad dolorem de peccatis concipiendum, & de iis remissionem obtinendam, asserere judicata sit, nullo mihi videtur illustriore argumento demonstrari posse, quàm eâ consuetudine, quæ præsertim in Hispania viguit, illius spontè suscipiendæ & agendæ, nullâ præcedente criminum atrocium conscientia, nullâ criminum publicorum, aut occultorum confessione publicâ, nedum convictione.

XII. Hinc ulterius deducitur, Pœnitentiam publicam pro peccatis occultis potuisse sine ullo sigilli confessionalis periculo imponi & peragi. Ipsa enim Pœnitentiæ impositio secretò à Sacerdote fiebat; & publica Pœnitentiæ actio erat etiam innocentibus, nullorumque criminum reis communis: ac per consequens, crimen occultum ex actione Pœnitentiæ publicæ haud facillè concludi poterat. Si tamen præviderent Patres ex impositione Pœnitentiæ publicæ crimen occultum revelandum iri; tunc pœnitentias publicas in privatas, ob revelationis periculum, commutasse monet Morinus lib. 5. cap. 8. num. 20. Ita enim Pœnitentias publicas usurpabant, ut privatis & secretis virtutem non adimerent.

XIII. Disciplina imponendi pœnitentiam publicam pro peccatis occultis in Ecclesia Latina perseveravit usque ad finem seculi septimi aut initium seculi octavi, si Morino credimus lib. 7. cap. 1. atque ab eo tempore vulgari cœpit commune atque hodie ab omnibus receptum axioma: *De peccatis publicis publicè; de occultis occultè esse pœnitendum.*

XIV. Hoc autem observat Morinus, quòd mutatio illa facta non sit physico more in momento temporis, aut Concilii generalis alicujus Decreto, sed paulatim, & tacito quodam Ecclesiarum consensu. Atque hinc factum, ut alibi seriùs, alibi citiùs hæc mutatio recepta fuerit.

XV. Quamvis jam receptâ hac distinctione inter peccata publica & occulta, defierit pœnitentia publica pro peccatis occultis, magnus tamen seculis aliquot sequentibus numerus pœnitentium publicorum, velle, loco, victu, luctu, torâque vitæ diætâ à Fidelibus divisus in Ecclesia remansit, ut ostendit Morinus loco citato cap. 2. Et cap. 3. demonstrat, quàm sollicitè & diligenter providerent illorum seculorum Episcopi, non modò ut peccatorum publicorum, quæ per varias Diœcesis parccias perperrabantur, cognitio illos non lateret, sed etiam ut occulta ipsos non effugerent. Ea enim disciplina & cautione in iis inquirendis utebantur, ut difficile esset crimina occulta, nedum publica, eorum solertiam & sollicitudinem effugere. Quamobrem hoc? Non peccantium odio, sed amore & studio; non ut malum malo medicarentur, sed ut optimi Medici, sanitatis ægrotorum desiderantissimi. Omnis enim eorum cura & sollicitudo eò tendebat, ut vulnera per crimen animæ illata curarentur, ne mors Pœnitentiam præveniens animæ ut corporis interitum afferret.

XVI. Post hæc cap. 4. & 5. probat, Episcopos per censuras, ac subinde etiam per invocationem brachii secularis peccatores publicos ad agendam publicam pœnitentiam adegisse.

Nec id mirum videbitur, si attendatur, atrociora crimina non rarò publicè, & cum gravi populi scandalo à potentioribus & opulentioribus seculi perperrari: atque hos præ aliis difficiliùs ad agendam publicam pœnitentiam pro commissis criminibus & datis scandalis induci posse.

Unde & legimus, quòd dum Patres Concilii Cabilionensis II. anno 813. deprehendissent, agere pœnitentiam juxta antiquam canonicam constitutionem in plerisque locis ab usu recessisse, neque antiqui moris ordinem reconciliandi servari, hæc decreverunt

Can. 25. "Ut à Ludovico Imperatore impetretur adjutorium, qualiter si quis publicè peccat, publicâ mulctetur pœnitentiâ, & secundum ordinem Canonum pro merito suo excommunicetur, & reconcilietur.

Discant Episcopi exemplo horum Patrum, non mox abjiciendum esse studium reducendi canonicam Patrum sanctissimam disciplinam circa pœnitentiam publicam pro peccatis publicis, dum conspiciunt hanc disciplinam totaliter vel Pastorum negligentia, vel incuria collapsam, imò quodammodo abolitam, & in consuetudinem abiisse.

XVII. Legitur quoque, quòd dum Episcopi pro gravitate criminum & publico scandalo pœnitentias publicas injungere pro debito sui officii, & zelo Ecclesiasticæ disciplinæ voluerunt, criminum rei hujusmodi Pœnitentias refugientes, ipsos subinde Principes contra Episcopos suscitarent, ac tandem seculo X. & sequentibus, ad curiam Romanam refugerint, ut illic absolutionem criminum sine Pœnitentia publica obtinerent, quam à suo Episcopo obtinere non poterant.

Exemplum occurrit in vita sancti Dunstani Archiepiscopi Cantuariensis, qui fedit seculo X.

Legitur quòd hic sanctus Præsul Comitum quemdam præpotentem, qui cognatam suam illicito sibi matrimonio copulaverat, quem cum semel, secundò, & tertio redarguisset; tandem contumacem, & perseverantem in incestu, à liminibus Ecclesiæ ut publicum incestuosum exclusit.

Hunc Dunstani agendi modum typho superbiæ inflatus Comes non ferens, regem adiit adversus Dunstanum, ipsum impiæ & immoderate severitatis accusans; precaturque, ut regis sanctione à Tyrannide (ut ipse aiebat) Dunstani liberaretur.

Rex autem nimis facilis ad credendum, Dunstano mandavit, ut hominem citò ea, quam duxerat, in pace manere sineret, & à quibus ipsum suspenderat, liminibus sacris restitueret.

Hoc audito dolebat Dunstanus, religiosissimum regem per mendacem hominis linguam ante rei inquisitionem & examinationem esse seductum.

Interim Dunstanus, ut regis postulatis, salvâ tamen disciplinâ, satisfaceret; hominem ad satisfactionem, tam pro commisso crimine, quàm & propter injustam sui criminationem apud Principem terræ factam, paulò duriùs increpat, cupiens modò ad pœnitentiam & correctionem cor illius emollire. Sed Dunstanus videns se nihil proficere, sed hominem magis furere, zelotissimus hic Præsul, nequaquam regis mandatis contra Ecclesiasticam disciplinam obsecuturus, hominem illum non tantùm à liminibus Ecclesiæ exclusum retinuit, sed & insuper à fidelium communione exclusit.

Tunc ille seipso deterior effectus, immani est furore correptus, & nihil eorum, quæ possidebat, alicujus esse momenti reputans, ad hoc solum se totum studebat impendere, ut Dunstano excitaret scandalum, & Christianæ legis jugum, quo à sua libidine coercebatur, sibi faceret alienum. Legatos itaque suos Romam destinavit, & talibus assuetis quorundam Romanorum corda, & ora in suam causam largo munere, largiori sponse permutavit.

"Quid inde? (pergit historicus) Præsul Apostolicæ Sedis Joannes XIII. Dunstano, peccatori homini, condescendere verbis ac litteris, mandat, & eum Ecclesiæ gremio integrè conciliare monet, hortatur, imperat.

His mandatis Apostolicis Vir sanctus hæc reposuit: "Equidem cum illum, de quo agitur, sui delicti pœnitentiam gerere videro, præceptis D. Papæ lubens parebo; sed ut ipse in peccato suo jaceat, & immunis ab Ecclesiastica disciplina nobis insultet, & exinde gaudeat, nolit Deus.

"Avertat etiam Deus à me, ut ego causâ alienius mortalis hominis, vel pro redemptione capitis mei post-

„postponam legem quam servandam statuit in sua Ecclesia idem Dominus Jesus Christus Filius Dei.

Hæc omnia latius referuntur tom. 9. Conciliorum Generalium colum. 700. ac una refertur, qualiter tandem hic Comes intelligens inflexibilem Dunstani pro disciplina Ecclesiastica constantiam, pœnitentia ductus, abdicato illicito conjugio, pœnitentiæ sibi cultum imposuerit, ac tandem in Generali Angliæ Concilio per Dunstanum indicto, ritu publici pœnitentis, nudis pedibus, laneis indumentis, se ad Dunstani pedes proolverit atque ab eo, instantibus Episcopis, absolutionem obtinere meruit.

Hinc discant Episcopi, alique Ecclesiæ Pastores, quid possit Pastoralis pro Ecclesiastica disciplina perferans, & ad restaurandam pœnitentiam publicam non timida constantia.

XVIII. Jam vero qui ritus in impositione nec non actione pœnitentiæ publicæ observati fuerint, præsertim à seculo septimo usque ad duodecesimum, late exponit Morinus capite 7. & sequentibus; atque capite 21. 22. & 23. probat, multis seculis, etiam postquam invaluit pœnitentia *occulta*, sive privata pro peccatis *occultis*, semper impositas fuisse pœnitentias *Canonicas* pro peccatis *occultis*; sive secundum Canones pœnitentiales, non secus atque pro peccatis publicis; atque ita Pœnitentiam privatam à pœnitentiæ publicæ impositione & actione per solius solemnitate omissionem discrepasse. Confessio igitur peccatorum *occultorum* secreta erat: omne pœnitentiæ exercitium *secreto* & extra faciem Ecclesiæ agebatur, & absolutio secreta: at ipsa opera pœnitentiæ exercitiaque juxta Canonum præscripta imponebantur. Neque enim minus curandis peccatis occultis, quam publicis invigilabant Ecclesiæ Pastores: ideoque remedia utrisque curandis indifferenter suis Canonibus præscribebant.

XIX. Cum autem pœnitentia publica semper quibusdam externis ritibus ac solemnitatibus vestita fuerit, multis seculis omnis pœnitentia publica etiam *solemnis* reputata fuit; nec primis seculis distinctio inter publicam & solemnem pœnitentiam nota fuit: quin si Morinus lib. 5. cap. 25. credimus, ante seculum XIII. hæc distinctio incognita fuit; atque primum illo currente seculo recipi cœpta.

XX. Credit Morinus Theologos Scholasticos distinctionis hujus occasionem sumpsisse ex varia disciplina circa pœnitentiam publicam, quæ variis temporibus à Patribus decreta fuit: quam cum in Canonibus apud Graicorum *distinctione* 50. suo aspectu expressam viderent; nec attendentes, qua ratione omnia quæ dicebantur, uni eidemque pœnitentiæ publicæ possent pro varietate temporum & locorum applicari; pœnitentiam publicam in solemnem & non solemnem distinguere cœperunt; atque hac distinctione Canones apparenter sibi contrarios conciliare.

„Aberrationis istius causa, non postrema (ait Morinus ibidem num. 14.) fuit Gratiani in discernendis „Autoribus, eorumque ætate cœcutientia, quæ eruditorum nemini ignota est. Hinc sæpius apud eum præpostera diversorum Canonum concordia, qui temporum distinctione nullo negotio vere & pie conciliari poterant. Hunc secuti Scholastici & Canonistæ, „Decreta & Canones variorum seculorum uni & eidem „tempori tribuerunt, & reconciliationem, quæ obvi- „am sæpe occurrebat, in transversum egerunt.

XXI. Quidquid sit, apud Canonistas atque Theologos Scholasticos receptissima hodie est, Pœnitentiæ in tres species distinctio; nimirum solemnem, publicam & privatam.

De triplici hac pœnitentiæ specie agens Cardinalis Hostiensis in Summa, titulo *De Pœnitentiis & Remissionibus*, ait: „Proprie dicitur illa solemnitas quæ fit „in capite quadragesimæ cum illa solemnitate de qua „habes *Dist. 50. Can. IN CAPITE*. „In hoc citato Canone sub nomine Synodi Agathensis describitur ritus

Tom. I.

impositionis publicæ pœnitentiæ, eodem fere modo quo in hodierno Pontificali Romano descriptus habetur. Unde & notant Correctores Romani: „Sententia „vero hujus capitis magna ex parte habetur in Pontificali & Ordine Romano: „Pœnitentia hoc ritu imposita, à Canonistis hodie communi consensu dicitur *solemnis*.

„Publica proprie dicitur illa, inquit Hostiensis, quæ „fit in facie Ecclesiæ, non cum prædicta solemnitate, „sed quando injungitur peregrinatio per mundum cum „baculo, & pera benedictis.

Verum pœnitentia publica etiam merito dicitur, quæ fit in facie Ecclesiæ, tamen prædictus ritus non addit. Publica enim proprie appellatur, ab eo quod in publico fiat.

„Privata autem Pœnitentia dicitur illa, quæ quotidie fit à iustis, & quæ saltem semel in anno est facienda, quando scilicet aliquis solus & secrete Sacerdoti confitetur, „ait Hostiensis.

XXII. Recepta hac inter solemnem & publicam pœnitentiam distinctione, plura ex his quæ pœnitentiæ publicæ jam olim tributa erant, Canonistæ ad solemnem restrinxerunt; eique soli convenire crediderunt.

XXIII. Imprimis cum pristinis Canonibus cautum esset, pœnitentiam à solo Episcopo; vel à Presbyteris de Episcopi speciali consensu imponi; id ad pœnitentiam *solemnem* restrinxerunt Canonistæ, hancque à solo Episcopo imponi posse asserunt; eaque sententia etiam hodie recepta est: cum tamen Canones de omni *publica* pœnitentia saltem pro peccatis *publicis* imponenda loquerentur. Vide Fagnanum ad *cap. MANIFESTA & De Pœnit. & Remiss. num. 5.*

XXIV. Ulterius cum in nonnullis Canonibus dictum reperirent, Pœnitentiam publicam reiterari non posse, illud huic *solemni* Pœnitentiæ appropriarunt; cum tamen pluribus seculis saltem in Ecclesia Latina omni publicæ Pœnitentiæ commune fuerit, juxta illud S. Augustini Epistola ad Macedonium. „Cautè salubriterque pro- „vitum est, ut locus illius humillimæ Pœnitentiæ *semel* „in Ecclesia concedatur, ne medicina vilis minus utilis esset ægrotis, quæ tanto magis salubris est, quanto minus contemptibilis fuerit.

Hanc disciplinam in Ecclesia Latina usque ad seculum VIII. durasse ostendit Morinus lib. 5. cap. 28.

XXV. Præterea ad hanc *solemnem* Pœnitentiam pertinere crediderunt Canonistæ, quod Canones dicunt, Clericos pœnitentes Ordinibus suis nec post actam Pœnitentiam publicam restitui; nec Laicos ad Ordines promoveri posse: cum id de qualibet Pœnitentia publica, juxta Canonum præscripta intelligeretur; non quidem ratione Pœnitentiæ, sed ratione criminis commissi ex mente Patrum; uti infra titulo *De Irregularitate* ostendetur, ac una dicitur, quæ fuerit Canonistis errandi occasio.

XXVI. Pœnitentiam publicam, ut à *solemni* distinguitur; id est, quæ quidem in facie Ecclesiæ seu publice peragitur; sed sine solemnitate, in citato Canone *In Capite*, & Pontificali Romano descripta, à Presbytero etiam sine speciali mandato Episcopi, pro peccatis publicis imponi posse communiter tradunt Canonistæ, conformiter ad *Cap. 1. & De Pœnit. & Remiss.* ubi dicitur: *Manifesta peccata non sunt occulta correctione purganda.*

XXVII. Et sane pœnitentiam publicam pro peccatis *publicis* non tantum ipsa Ecclesiastica disciplina, sed ratio naturalis ipsaque Divina iustitia exigere videtur.

Quid enim rationi iustitiæque divinæ congruentius, quam ut pœnitentia sit peccatis proportionata; adeoque publica pro publicis peccatis?

Adhæc cum per peccata publica plerumque aliis scandalum generetur; dum videntes publice peccata committi, ad eadem etiam committenda provocantur, nisi pœnitentiæ alicujus timore coercantur, ratio

K k k 2

exigit

exigit ut quos publice peccando ad peccandum incitavit, publice poenitendo à peccatis revocet.

Denique dum pro peccatis publicis agi poenitentiam populus non videt, idèa de peccatorum magnitudine adeo paulatim minuitur, ut nisi per manifesta poenitentiae publicae exempla aliquando magnitudo peccatorum eorum oculis objiciatur, futurum sit, ut sine ulla timore peccata committant; atque peccata alioquin gravia, appareant levia aut nulla.

Hinc illud Apostoli I. ad Timoth. c. 5. v. 20. *Peccantes eorum omnibus argue, ut & ceteri timorem habeant.*

XXVIII. Hoc Apostolicum monitum assumens Synodus Tridentina Sess. 24. cap. 8. *De Reformat.* declarat: "Quando igitur ab aliquo publice, & in multorum conspectu crimen commissum fuerit, unde alios scandalo offensos commotosque fuisse non sit dubitandum; huic condignam pro modo culpae poenitentiam publice inungi oportet; ut quos exemplo suo ad malos mores provocavit, suae emendationis testimonio ad rectam revocet vitam. Episcopus tamen publicae hoc poenitentiae genus in aliud secretum poterit commutare, quando ita magis judicaverit expedire.

Ex his verbis evidens est, voluisse Synodum, pro peccatis publicis, & in conspectu multorum commissis poenitentiam publicam à Confessariis esse imponendam; eatenus saltem, ut publico scandalo satisfiat; utque eo pacto peccator, quos exemplo suo ad malos mores provocavit, suae emendationis testimonio ad rectam revocet vitam.

XXIX. His conforme est quod decernitur in Rituali Romano & Pastoralis Mechliniensis titulo *De Sacramento Poenitentiae*: "Videat autem diligenter Sacerdos.... ne absolvat eos qui publicum scandalum dederunt, nisi publice satisfaciant & scandalum tollant.

Sanctus Carolus in primo suo Concilio Mediolanensi, titulo *Quae pertinent ad Sacramentum Poenitentiae*, decernit: "Idem (Confessarii) quemadmodum à Sancta Tridentina Synodo jussu est, publicae poenitentiae genus, nisi data ab Episcopo facultate, secretum alia poena commutare audeant.

XXX. Igitur eatenus saltem hodierna Ecclesiae disciplina Poenitentiam publicam retineri, & à Presbyteris imponi vult, ut per eam scandalum per publicam peccata datum reparetur; utque sua poenitentia peccator eos quos exemplo suo ad malos mores provocavit, suae emendationis testimonio ad rectam revocet vitam, eamque Poenitentiam pro peccatis publicis ac notoriis à Presbyteris ita imponendam censuit Synodus, ut soli Episcopo facultatem tribuat, publicae hoc Poenitentiae genus in aliud secretum, quando ita magis judicaverit expedire, commutandi.

XXXI. Quod vero genus Poenitentiae hic requiratur, non expressit Synodus; sed illud Confessariorum prudentiae permisit; qui criminis, personae, loci & temporis conditione diligenter expensa, judicent quae Poenitentia publica pro scandalo reparando imponenda sit: qua in re ne subinde praecipiti zelo aberrer Confessarius, nonnunquam expediet, Superiores aliosque peritiores consulere.

XXXII. Quod vero ad Poenitentiam publicam omnibus illis ritibus externis vestitam, quam solemnem vocant Canonistae, attinet, eam à Patribus utiliter praescriptam, atque cum fructu non exiguo impositam agnoscit Ecclesia; atque etiamnum hodie ipsis Episcopis in Pontificali exhibet, ejusque ritum exacte describit, ut pro temporum, locorum atque criminum gravitate & personarum qualitate eam reducant.

XXXIII. Huic Ecclesiae voto obsequens S. Carolus in Concilio Mediolanensi III. titulo *De iis quae ad poenitentiae Sacramentum pertinent*, statuit: "Studeat Episcopus ad sacrorum Canonum & Tridentini Concilii

praescriptum, pro publicorum delictorum gravitate ratione, & publicam & solemnem poenitentiam in usum revocare. Quos vero ita solemniter poenitere oportet, mense ante quadragesimae initium ad se per Parochos deferri curret, ut primum ineunte quadragesima illi poenitentia affici, tum die cenae Domini Ecclesiae reconciliari possint stato solemni ritu.

Hoc Decretum rursus renovavit in Concilio Mediolanensi V. utque utriusque Concilii Decretum eam executionem habeat, in Synodo sua Dioecesana II. voluit, ut si qui tale facinus commiserint, ut poenitentia publica & solemni satisfacere debeant, eorum nomina Parochi mense ante quadragesimae initium ad nos deferant, ut ineunte quadragesima ex instituto Ecclesiae rite ea poenitentia imponatur.

Solemni ergo poenitentiam à solis Episcopis imponi vult, quando ipsi pro gravitate delicti & scandali dati, temporum atque personarum conditione, non politica, sed juxta Evangelicas & Ecclesiasticas regulas expensa, imponendam judicaverint.

### CAPUT III.

#### De Canonibus & Libris Poenentialibus.

1. Quid proprie Canon Poenentialis?
2. Eorum usus antiquissimus: & quare?
3. In determinandis Poenitentiis admodum circumspecti & solliciti erant olim Episcopi.
4. Insigniores etiam Episcopi non audebant soli aliquid determinare; sed alios consulebant.
5. Exemplum in Episcopis Africanis.
6. Alterum in Clero Romano.
7. Argumentum hujus disciplinae suppeditant praeconia Conciliorum Canones.
8. Epistola Canonica S. Gregorii Thaumaturgi & Petri Alexandrini non leve argumentum subministrant.
9. Omnium fecundissima est hanc in rem Epistola Canonica S. Basilii.
10. Pontifices etiam saepius super poenitentia imponenda consulti, & ejus exemplum ex Gratiano.
11. Ex cura Patrum circa poenitencias orti sunt Canon Poenentialis.
12. Qua ratione mediis seculis compositi Libri Poenentialis?
13. Horum librorum descriptio.
14. Ex praescripto horum librorum Presbyteri poenitencias imponere debebant.
15. Episcopi sedulo invigilabant, num juxta Canones poenitentia imponeretur.
16. Pro assequenda Canonum poenentialium notitia intelligendi 4. Poenitentium gradus.
17. Quatuor hi gradus recitantur.
18. Descriptio primi gradus.
19. Hic gradus erat extra templum.
20. Quid in hoc gradu agerent Poenitentes?
21. In hoc gradu existentes, nondum erant proprie Poenitentes.
22. Hic gradus non ubique, nec semper inter gradus poenitentiae computatus.
23. Descriptio secundi gradus poenentialis.
24. Quo loco hic gradus confisteret.
25. Quae Poenitentium in hoc gradu exercitia.
26. In hoc gradu nulla super Poenitentes manus impositio aut oratio; nec opera poenentialia eis imponebantur.
27. Qua ratione auditio Scripturae sacrae huic gradui Poenentiali esset propria.
28. Quid per admissionem ad primum & secundum gradum consequeretur peccator?
29. Tertii gradus poenentialis descriptio.



30. In hoc gradu crebra fiebant super Pœnites manus impositiones & orationes.
31. Quo tempore hæ fierent?
32. In hoc gradu imponebantur opera corporis afflictiva.
33. Hic gradus proprie pœnitentialis; & in illo existentes, proprii Pœnites fuerunt.
34. Quarti gradus descriptio.
35. In hoc existentes manebant toto Sacrificii tempore.
36. Non tamen poterant offerre; vel communicare.
37. Plura hominum genera ad hunc gradum redigebantur.
38. Quanto tempore in unoquoque gradu subsistendum?
39. Episcopi tempus abbreviare poterant.
40. Poterat Episcopus, omisso inferiori gradu, collocare pœnitentem in altiori gradu.
41. Præcipuus scopus œconomice pœnitentialis; erat, ut sciretur, an peccator vere esset conversus.
42. Episcopi diligenter observabant modum agendi Pœnitentium; & monebant Presbyteros ut sincerum de Pœnitentibus testimonium redderent.
43. Quomodo citra dispensationem Pœnites de uno ad alium gradum ascenderent.
44. Quando Canones Pœnitentiales ceperint abrogari?
45. Quæ occasiones abrogationis.

**I. CANON** Græce, Latine *regula* nuncupatur, ait Isidorus apud Gratianum *Dist. 3. Can. 1.* Hinc Canones Ecclesiastici proprio & Antiquis usitato modo loquendi, sunt regulæ morum Directrices, non unius; sed plurium Ecclesiæ Præfulum consensu præscriptæ.

Itaque Canones Pœnitentiales sunt *regula*, quibus Pontifices, Concilia, atque SS. Patres pœnitentia peragendæ normam peccatoribus præscripserunt; opera pœnitentia & laboriosa cuique crimini proportionata & opportuna decernendo, ac iungendo.

II. Horum usus antiquissimus est, & ab ipsis prope modum Ecclesiæ incunabulis exordium sumpsit.

Cum enim Patribus esset persuasum, pœnitentias convenientes peccatis impositas plurimum ad sanationem peccatoris, & remissionem criminum valere, ut variis Patrum testimoniis ostendit Morinus *lib. 3. De Administr. Sacr. Pan. cap. 12.* magnopere solliciti fuerunt Episcopi, ut scirent, quæ qualesque pœnitentiæ singulis quibusvis criminibus congruerent.

III. Utque in re tanti momenti, à qua ipsius animæ curatio potissimum dependet, securius procederent, nihil fere circa hanc rem pronuntiabant aut statuebant, quod antea à multis Episcopis serio deliberatum & examinatum non esset.

Quapropter, "quoties peccatum aliquod novum occurrebat, aut peccati nova species vel magni momenti circumstantia, toties in unum conveniebant Episcopi, & scrupulose admodum inquirebant, quo pœnitentiæ genere peccatum illud esset expiandum: & re deliberata & definita singulis Perocis suis id quod communi consensu statutum erat significabant, ut Episcopi omnes & Presbyteri crimen illud iuxta Canonem recens conditum pœnitentia imposita curarent. Tanto studio cavebant, ne reconciliationem cum indignis communicarent!

IV. Hæc Morinus *lib. 6. cap. 14.* qui ibidem addit: "Videre est insignes & doctissimos Episcopos, emergente aliquo novo crimine, hærentes qua pœnitentia esset eluendum, jubentelque criminis Reos tantisper apud se flere, orare, jejunare, donec Episcopi convenientes deliberassent, quo pœnitentiæ medicamine essent sublevandi & curandi. Videre est alios in ejusmodi casu suspensos nihil de pœnitentia statuentes, donec à vicinis Episcopis responsum tulissent.

"Nec ista (ait Morinus) diligentia tribus tantum aut quatuor seculis in Ecclesia viguit, sed undecim integris ita constanter perduravit, ut de ea nihil prorsus remissum fuerit.

V. Antiqui hujus moris locupletissimus testis est S.

Cyprianus in variis suis Epistolis, ac signanter *Epistola 53.* ubi sex Episcopi eum consulunt, an tuto post trienni pœnitentiam iis reconciliatio concedi posset, qui fortissime coram Magistratu & populo frequente tormento passi fuerant, & vicerant, deinde à Proconsule tenti, & gravissimis pœnis diutissime excruciat, tandem ceciderant, & gloriam priore certamine partam maculaverant. Neque tamen de hac re Cyprianum consulunt, sed etiam rogant, ut cum aliis Episcopis quaestionem illam communicet.

Verba Cypriani sunt "Quoniam tamen scripsistis, ut cum pluribus Collegis de hoc ipso plenissime tractem, & res tanta exigit majus & impensius de multorum collatione consilium, & nunc omnes fere inter Paschæ prima solemnia apud se cum fratribus demorantur, quando solemnitati celebrandæ apud suos satisfecerint, & ad invenire ceperint, tractabo cum singulis plenius, ut de eo quod consuluitis, figatur apud nos, & rescribatur vobis firma sententia, multorum Sacerdotum consilio ponderata.

VI. Hujusmodi plurima inter Epistolas Cypriani testimonia illius disciplinæ occurrunt; atque inter alia etiam testimonium Cleri Romani tempore Cypriani, Sede vacante per mortem Fabiani Papæ, ita ad ipsum Cyprianum de causâ lapsorum scribentis; "Quamquam nobis in tam ingenti negotio placeat, quod tu & ipse tractas, isti prius; Ecclesiæ pacem sustinendam; deinde sic collatione consiliorum cum Episcopis, Presbyteris, Diaconis, Confessoribus, pariter ac stantibus Laicis facta, Lapsorum tractare rationem.

Hæc Clerus Romanus *Ep. 31.* inter Epist. Cypriani.

Et ne horum lapsorum interim cura ac salus neglecta prorsus videretur, moderamen quidem aliquod excogitarunt, sed iterum nonnisi de consilio plurimum Episcoporum, ut liquet ex subsequenibus: "Cujus temperamenti moderamen hic tenere quærentes diu, & quidem multi, & quidem cum quibusdam Episcopis vicinis nobis & appropinquantibus, & quos ex aliis provinciis longe positus persecutionis istius ardor ejecerat, ante Constitutionem Episcopi nihil innovandum putavimus, sed lapsorum curam mediocriter temperandam esse credimus, ut interim dum Episcopus dari à Deo nobis sustinetur, in suspensio eorum, qui moras possunt dilationis sustinere, causa teneatur.

VII. Eiusdem diligentie ac sollicitudinis argumenta insignia sunt singuli fere Canones Eliberitani, Ancyran, Nycæni, Concilii Arelatensis I. In his enim pæne omnibus agitur de pœnitentia certis criminibus imponenda; criminum variae species, circumstantiæ, peccantium voluntas, necessitas, occasio discutuntur, & unicuique speciei circumstantiæ aggravatæ aut sublevatæ analogæ pœnitentia à Patribus injungitur; ut pluribus annotavi in Commentario ad Canones præfatum *Ancyranos*.

VIII. Argumentum quoque non leve suppeditat Epistola Canonica S. Gregorii Thaumaturgi. Hic interrogatus à vicinis Episcopis, quæ pœnitentia certis criminibus imponenda esset in eorum Diocesisibus occasione incursionis Barbarorum, perpetratis, illis hæc Epistola responderet; eosque modum pœnitentiarum doceret: ac præterea Presbyterum à se bene instructum ad eos ablegat; una addens, nonnullis peccatis pœnitentiam se definire non audere, sed expectandam Episcoporum Synodum, ac interim criminum reos ab Ecclesia pellegendos. Sic scribit *Can. 5.* "Propterea ergo Fratrem & consenem nostrum Euphrosynum ad vos misimus; ut secundum formam, quæ hic est, & ipse similiter det, & quomodo accusationes admittere oporteat, & quos à precibus abdicare. Et *Can. 7.* de quodam speciali crimine loquens, ait: illius criminis reos, etiam ab auditione arcere oportet, donec de iis, congregatis Sanctis, aliquid commune visum fuerit, & ante eos Sancto Spiritui.

Insigne

Insigne quoque istius disciplinae exemplum est Epistola Canonica S. Petri Alexandrini constans 14. Canonibus, in quibus singulae species lapsorum examinantur, & singulis poenitentia conveniens assignatur; ut eam formam universae Patriarchatus Alexandrini Ecclesiae teneant.

IX. Sed nihil est in hanc rem praeclearius aut fecundius, quam Epistola Canonica S. Basilii continens 85. Canones, qui, vix uno excepto, nihil aliud spectant, quam poenitentias singulis peccatis injungendas. Id autem fecit S. Amphilochoi Iconiensis Episcopi interrogatis stimulatus, qui à tanto & tam celebri viro edoceri volebat, quibus poenis peccata curari possent: Non enim à seipso vir alioquin magnus id audebat statuere.

X. Pontifices quoque saepe consulti sunt, quae poenitentia nonnullis criminibus esset imponenda & agenda, ut peccator reconciliationem à Deo, & ab Ecclesia mereretur: "Tanti enim aestimatum est ab Antiquis (ait Morinus lib. 6. cap. 15. num. 7.) dignam & sceleribus aequam Poenitentiam agere, ut non modo Episcopi quorum erat Poenitentiam dictare, sed etiam ipsi criminum rei doctissimos quosque & in Canonum lectione optime versatos diligenter consulerent, ut eorum consilio, & ductu Canonicam Poenitentiam agere ejusque omnes molestias perpeti possent. Pontificem autem adibant, non ut relaxationem, nedum immunitatem à poenitentia Canonibus instituta obtinerent; Hoc erat saeculis illis inauditum; sed ut eam integre, & juxta Canonum placita, mentemque praestarent. Fixum enim erat eorum animis, poenitentiam, ejusque labores omnes auxilia Dei impetrare, quibus peccatores adjuvi multo facilius, securius, & efficacius ad gratiam Dei & remissionem peccatorum obtinendam disponebantur.

Exemplum insigne illius consultationis, & Pontificii responsum refertur apud Gratianum *Caus. 12. quæst. 2. Can. 17.* & plura à Morino loco citato.

XI. Ex his perquam manifestum est, summam jam pridem fuisse Patrum curam & studium, ut quibusque criminibus convenientes & dignas poenitentias, atque peccatorum remedia praescriberent; eaque certis Canonibus seu regulis exprimerent, qui à poenitentia praescripta *Poenitentiales* dicti fuere.

XII. Cum vero sensim hi Canones ac Patrum praescriptiones & responsa de poenitentia imponendis multiplicarentur; atque in Canonum collectionibus nonnulla intercurrerent quae alio spectabant; nec non in Patrum Tractatibus sparsim multa de remediis peccatorum immiscerentur, opportunum visum fuit, pro majore inferiorum Presbyterorum (ad quos circa saeculum VIII. impofitio poenitentiae, praesertim pro peccatis occultis devolvi coeperat) commodo, Canones illos in certum ordinem & compendium colligere; certosque libellos, nihil nisi hujusmodi Canones continentes componere; ut ita unusquisque Presbyter in promptu semper haberet regulam poenitentiae imponendae. Hi libelli à materia subjecta vulgo dicti fuere *Poenitentiales*; multaque in illis pro commoditate Presbyterorum occurrebant quae in Canonibus deerant.

XIII. Haec exponit Morinus in Praefatione ad libros Poenitentiales; atque una horum librorum utilitatem adstruit; eosque lib. 6. cap. 14. num. 17. ita describit.

Omnes hae collectiones quotquot sunt, inquit Morinus ibidem num. 17. "nihil aliud sunt quam praecedentium Canonum, & sententiarum Paternarum collectiones inter se tantum differentes, quod & ordinem varium sequuntur, & varias librorum, titulorum & capitulum distinctiones. Quum enim quaestioni propositae responderent, nihil de suo proferunt, sed nudos Canones, & nuda Patrum verba afferunt. Annis 1160. nullus doctor privatus inventus est qui aliter

de poenitentia & remediis, quibus peccata per Sacramenta poenitentiae puniuntur & curantur; scribere tentaverit.

XIV. Libri hi Poenitentiales auctoritate Episcoporum probati & evulgati, Presbyteris inferioribus tradebantur; ut juxta quod in illis erat praescriptum, Poenitentias imponerent, & Poenitentes dirigerent.

Unde in Ordine ad celebrandam Synodum circa saeculum X. compilato, inter ceteras admonitiones Episcoporum ad Presbyteros una haec erat: "Feria IV. ante Quadragesimam plebem ad confessionem invitare, & ei juxta qualitatem delicti Poenitentiam injungere, non ex corde, sed sicut in *Poenitentiali* scriptum est.

Quod hic dicitur, non ex corde, idem est ac si diceretur non ex animi sui motu, non ex impetu quodam mentis & voluntate, sed prout in *Poenitentiali* scriptum est; uti recte exponit Vir eruditus Stephanus Balusius in notis ad art. 57. lib. 1. Reginonis, ubi citatus Ordo refertur.

Et formula visitationis Episcopalis art. 95. interrogare jubet: "Si habeat Poenitentiale Romanum, vel à Theodoro Episcopo, vel à Venerabili Presbytero Beadaeditum, & secundum quod ibi scriptum est, interroget confitentem, & confessio poenitentiam imponat." Apud Reginonem lib. 1.

XV. Episcopi autem multum solliciti erant & invigilabant ne Sacerdotes aliter quam juxta *Canonicam auctoritatem* poenitentiam imponerent; quemadmodum ex Concilio saeculo IX. celebratis videre est; atque signanter Parisiensi VI. anno 829. quod lib. 1. cap. 32. praecipit ut unusquisque Episcoporum in sua Parochia instruat Presbyteros "qualiter & confitentium peccata audire, discereque inquirere, eisque congruum modum poenitentiae secundum *Canonicam auctoritatem* noverint imponere." Ratio quam reddunt notatu dignissima est: "Quoniam hactenus eorum incuria & ignorantia multorum flagitia manserunt impunita.

XVI. Pro assequenda horum Canonum (quorum tanta per undecim circiter saecula in Ecclesia fuit veneratio; atque constans saltem in Ecclesia Latina usus) exactiore notitia, nonnulla necessario notanda, atque exponenda sunt.

Primum, in hisce Canonibus frequenter occurrit mentio diversorum graduum sive ordinum vel stationum per quos poenitentes gradatim quasi ascendeant, priusquam omnimoda ac perfectissima communioni restituerentur.

XVII. Communiter autem quatuor gradus assignantur; quos expressit Canon qui vulgo Canonibus Epistolae Canonicae S. Gregorii Thaumaturgi subicitur, atque jam pridem ex ipsis Canonibus Gregorii collectus videtur. Porro primus graduum ibidem occurrentium dicitur *Fletus*, secundus *Auditio*, tertius *Substratio*, & quartus *Consistentia*.

XVIII. Primus gradus in citato Canone describitur his verbis: "Fletus seu luctus est extra portam Oratorii; ubi peccatorem stantem oportet Fideles ingredientes orare ut pro se precentur.

XIX. Ex hac descriptione planum est, Fletum stationem fuisse extra Ecclesiam; quod & non obscure docet S. Basiliius Can. 56. dicens: *Debet quatuor annis DEFLEARE stans EXTRA fores Oratorii.* Et Can. 75. *Triennio DEFLEAT stans ad fores domus oratoriae.*

Idipsum pluribus confirmat Morinus lib. 6. cap. 2. asseritque num. 1. in omnibus antiquis Ecclesiis Baptismalibus aream quamdam fuisse & spatium ante templum & ejus vestibulum, in qua collocata erat statio fletuum; nec ultra progredi fas illis erat.

XX. Quid in hac statione agerent poenitentes indicat citatus Canon S. Gregorii Thaumaturgi in his verbis: *Ubi peccatorem stantem oportet Fideles ORARE, ut pro se precentur.* Et S. Basiliius citatis verbis Canonis 56. subnectens: *Et fideles ingredientes rogans ut pro eo precentur, suam iniquitatem pronuntians.*

Hæc

Hæc evincunt, in hoc gradu Pœnitentes duo præcipue egisse: nimirum peccata sua publicè ac palam confiteri, seu iniquitatem suam pronuntiare; atque Fidelibus Ecclesiis ingredientibus adgeniculari, ut pro ipsis apud Deum, Episcopum ac Clerum intercederent, quatenus ad Pœnitentiam recipi possent.

XXI. Neque enim stantes in hoc gradu adhuc propriè erant pœnitentes; sed dumtaxat orabant & gemitabant, ut possent ad pœnitentiam admitti: quare hic gradus potius quoddam præambulum erat ad Pœnitentiam quam verus Pœnitentiæ gradus. Unde nihil ad hos pertinebat Missa Catechumenorum: nullæ super eos orationes recitabantur; imò ne ad prædicationem quidem admittebantur; utporè è templi vestibulo exclusi.

XXII. Hac de causa nonnulli auctores & Canones etiam veteres hunc gradum non annumerant gradibus Pœnitentiæ; quin & monet Morinus hanc stationem eatenus fuisse Græcis propriam, & in Ecclesia Latina septem ut minùs sæculis incognitam, in quantum sumitur pro certa statione, cui ex Ecclesiæ mandato Pœnitentes certo tempore adstringebantur. Ac insuper monet ipse Morinus lib. 4. cap. 16. num. 5. quòd ante Novatum *Fletus* non esset statio Pœnitentialis, in qua certo tempore manere juberentur; licèt nonnulli extra fores Ecclesiæ etiam tunc Fidelium preces postularent, utad Pœnitentiam recipi mererentur; sed *voluntariè*, ac sine determinatione temporis id faciebant.

XXIII. Secundus gradus dicitur *Auditio*, qui in citato Canone S. Gregorii Thaumaturgi his verbis describitur: "Auditio est intra portam in Narthece, ubi oportet eum, qui peccavit, stare usque ad Catechumenos, & illincegredi. Audiens enim Scripturas & doctrinam ejiciatur, & precatione indignus censetur."

XXIV. Locus hujus Stationis erat porta Ecclesiæ seu porticus magnis Ecclesiæ portis connexa. Notandum autem monet Morinus lib. 6. c. 3. n. 2. "antiquarum Ecclesiarum portis ædificium quoddam conjunctum semper fuisse, quod vestibulum *προπύλαιον, πρόθυρον* & *πρόναος* meritò dici potest; qualevisitur in omnibus antiquis Romanis Ecclesiis quod ingentibus columnis marmoreis innititur, quæ Constantinianum opus manifestissimè arguunt, & nonnullæ operà unius aut vix alterius post Constantinum sæculi. Huic ædificio similia videre est in singulis fere Galliarum rusticorum Ecclesiis: sed ea nunc profanis inserviunt usibus, quos in Ecclesiis religione ducti exercere non audent.

Quæ de Ecclesiis Galliæ asserit, idem de Belgicis quoque dicendum. In his enim simile ædificium passim habetur; atque in illis mulieres post partum venientes ad Ecclesiam purificationis causâ tantisper subsistunt, quousque Parochus eas in Ecclesiam introducat. (a)

XXV. Exercitia verò Pœnitentium in hac Statione erant, diligenter audire lectionem Scripturæ sacræ, ejusque interpretationem sive sermonem: quod significat citatus Canon Thaumaturgicus, verbis suprà allegatis subdens: *Audiens Scripturas & doctrinam ejiciatur, & precatione indignus censetur*. Hæc desumpta apparent ex Can. 75. Basilii qui ait: *Scripturam ac doctrinam Audiens ejiciatur, & oratione indignus habeatur*.

Ex his duo elicit Morinus lib. 6. cap. 3. num. 5. uti & Cardinalis Bona lib. 1. *Rerum Liturg.* cap. 17. Primum, exercitia horum pœnitentium propria, & publicè ipsis imposita fuisse, diligenter auscultare Scripturam sacram ejusque expositionem.

XXVI. Alterum, nullas manuum impositiones, unâ exceptâ, quæ fiebat in ipsa ad hanc Stationem admissione, nullasque orationes expiatorias aut alterius generis super eos specialiter fusas fuisse: ut nec opera pœ-

(a) Ritus iste Purificationis Mulierum observari solet non in Belgio tantum, sed in quibusdam Provinciis Vicinioribus, ac etiam in Germania.

nalìa ac laboriosa ipsis imposita, quæ erant tertiæ stationis specialia exercitia; ut infra dicetur. Si quæ verò à pœnitentibus in hac Statione suscipiebantur, ea voluntariè ex Spiritus fervore obibant: sed in hac, uti & *Fletum* statione imperata non lego, ait Morinus lib. 6. cap. 5. num. 4.

"Auditio enim (pergit Morinus) in secundum pœnitentiæ gradum constituta est veluti opprobrii causâ, ut ad eum relegati pœnitentes fidei rudimenta iterum edocerentur, non secus ac infimæ classis Catechumeni. Ea enim non didicisse censebantur, qui regenerationis lavacro abluti gravissimis sceleribus iterum sese polluerant; necdum digni censebantur, quibus opera laboriosa ad promerendam Dei gratiam & redimenda peccata imperarentur. Fundamenta Dei, quæ tam malè & negligenter didicerant, in eorum animis iterum jacere necessarium judicabatur.

XXVII. Verum quidem est, quòd ad audiendam lectionem Scripturæ sacræ ejusque expositionem præter Pœnitentes in hac Statione admissi fuerint etiam Ethnicis, Judæis, Hæreticis, Catechumeni aliique hujusmodi generis homines juxta Canonem Carthaginensem: "Episcopus nullum prohibeat ingredi Ecclesiam, & audire Verbum Dei sive Gentilem, sive Hæreticum, sive Judæum usque ad Missam Catechumenorum: sed in nullis nisi Pœnitentibus, qui *Audientes* dicebantur, *auditio* hæc Scripturarum rationem *Stationis Pœnitentialis* habebat: Nam aliis, ut ibi starent in pœnam aut Pœnitentiam injunctum non erat.

Hi enim voluntariè ac sine ullo Ecclesiæ mandato ibidem consistebant, & Verbum Dei audire permittebantur. Pœnitentes verò ex mandato Episcopi ibi manebant, certo temporis spatio iis constituto; tenebantur. que huic Stationi adesse quoties fiebat Synaxis, & ibidem subsistere donec voce Diaconi ejicerentur: uti latius prosequitur Morinus lib. 6. cap. 4. n. 5.

XXVIII. Porro, cum per admissionem ad hanc Stationem, uti & ad Stationem *Fletus* reciperentur graviorum criminum rei in numerum Pœnitentium; atque *Fletus* & *Auditio* in pœnitentiam imponerentur; etiam in ipsa Stationum assignatione eis manus adjunctâ oratione imponebantur: & insuper in gravissimis delictis, propter quæ peccator ab Ecclesia pulsus & excisus fuerat, per hanc Pœnitentiæ impositionem *excommunicationis* vinculo solvebatur; & qui ad Ecclesiam non pertinebat, quique cum ea nullo Religioso commercio devinciebatur, per eam Pœnitentiæ impositionem incipiebat ad Ecclesiam pertinere, eique curæ esse, jusque ad communionem, etiam perfectissimam recipiebat, quæ ab eo tempore si periculo mortis urgebatur, illi denegari non debebat. Ita Morinus lib. 6. cap. 5. num. 2. Atque hinc apparet, non fuisse gravium criminum reis infructuosam ad hæc Stationes admissionem; tametsi ipsa Stationum exercitia etiam non Pœnitentes obire possent.

XXIX. Tertius gradus seu Statio vocabatur *Substratio* vel *Subjectio*, de qua hæc leguntur in citato Canone Thaumaturgico: *Subjectio autem, seu Substratio est, ut intra portam templi stans cum Catechumenis egrediatur*.

Dicebatur autem Substratio sive Subjectio, eò quòd tempore hujus Stationis essent quasi continuò sub manu Episcoporum & Sacerdotum tanquam rei & humilitati, prostrati, sive subjecti.

XXX. Toto quippe tempore hujus Stationis fiebant crebræ manuum impositiones super Pœnitentes; juxta illud Felicis Papæ III. *Epist.* 7. "Tribus annis inter Audientes sint; septem autem annis *subjaceant* inter Pœnitentes *manibus* Sacerdotum." Et illud Concilii Carthaginensis IV. *Can.* 80. "Omni tempore jejunii *manus* Pœnitentibus à Sacerdotibus imponantur."

Plura testimonia hujus disciplinæ refert Morinus lib. 6. cap. 8. qui cap. 9. multis probat, huic manuum impositioni semper conjunctam fuisse orationem: ideòque quem-



quemadmodum crebra erat super Pœnitentes durante hac Statione manuum impositio, sic quodque frequens super iis fundebatur oratio; ut scilicet per eas ad veram cordis contritionem & pœnitentiam excitarentur & promoverentur.

XXXI. Hac autem manuum impositio & oratio super Pœnitentes fiebat post lectionem Scripturarum, & sermonem habitum ad populum. His enim absolutis voce Diaconi ejiciebantur *Audientes*, alique qui hinc interesse potuerant; quibus ejectis, sub manum Episcopi succedebant hujus Stationis Pœnitentes; atque oratio ipsi propria recitabatur: hisque peractis etiam ipsi, jubente Diacono, dimittebantur; eaque dimissione facta, Fidelium Missa inchoabatur.

XXXII. Nec tantum impositio manuum atque frequens oratio super pœnitentem ad curanda expiandaque peccata in hac Statione fiebant; sed longe acriora & austeriora pro uniuscujusque vulneris ratione, & pœnitentis conditione medicamenta applicabantur. Imponebantur enim in hac Statione pœnitentibus varia opera laboriosa & corpus ac corporis pravos affectus exterminantia, privatim exercenda. Quanti verò essent hi pœnitentiae labores, & quam dura opera pœnitentia ostendit Morinus *lib. 6. cap. 11.* notatque antiquos Patres *interitum carnis* apud Apostolum ubi dicit se incestuosum Corinthium tradidisse *Satanae in interitum carnis*, intellexisse, de interitu per pœnitentiae labores. *1. Cor. c. 5. v. 5.*

XXXIII. Quia in hac statione præcipue peccatores per crebras manuum impositiones, orationes, & propria opera Pœnitentiae purgabantur, hinc hac statio propriè erat *Pœnitentialis*; atque ideo (ait Morinus) in Ecclesia nunquam non viguit; cum aliæ Stationes tantum discipline causâ fuerint adjectæ. Ubi verò erat rarus Stationum *Fletus & Auditionis usus*, ut in Occidente, & ubique ante Novatiani hæresim, tota Pœnitentia in hac statione peragebatur, teste Morino *lib. 6. cap. 8.* ac propterea soli in hac Statione Consistentes dicebantur propriè *Pœnitentes*.

XXXIV. Quarta Statio dicta fuit *Consistentia*, de qua in Canone Thaumaturgico: "Congregatio sive Consistentia est, ut cum Fidelibus consistat, & cum Catechumenis non egrediatur: Postremo est participatio Sacramentorum.

Id ipsum clarius expressit S. Basilii *Can. 75.* "Postquam pœnitentiae fructus dignos ostenderit, decimo anno in Fidelium orationes suscipiatur, sine oblatione; & cum duobus annis unâ cum Fidelibus ad orationem subsisterit, sic deinceps dignus habeatur boni communioni.

Et Felix III. in citata Epistola 7. *De Consistentibus*, ait: "Duobus annis oblationes modis omnibus non sinantur offerre, sed tantum secularibus in oratione sociantur.

XXXV. Hac descriptione docemur, Consistentes jus habuisse, unâ cum Fidelibus orationi assistendi, id est, Sacrificio & omnibus, quæ ad Sacrificium pertinent ritibus, usque ad finem; neque cum Pœnitentibus sive Substratis potuisse dimitti: atque ab hac cum Fidelium assistentia *Consistentes*, sive simul *sistentes* dicti fuere.

XXXVI. Alterum ex illa descriptione habemus, quod *Consistentes* cum Fidelibus quidem Sacrificio assisterent, sed *absque oblatione*; id est, quod ipsorum munera seu oblationes ad altare non reciperentur. Moris olim fuit, ut Fideles omnes, nisi extremâ paupertate premerentur, ad Missarum solemniam sua munera in altari offerrent; eaque oblatione quodammodo Sacrificio communicarent; ut titulo præcedenti ostendimus.

"Pœna igitur, qua mulctabantur Consistentes; hæc erat (inquit Morinus *lib. 6. cap. 17. num. 6.*) quod munera eorum ut Fidelium non acciperentur; unde consequens erat, eos Corpori Christi non communicare. Quibus enim non licebat offerre, unde Corpus & Sanguis Christi consecrarentur, his non

judicabant licere ipsum Corpus & Sanguinem manducare & bibere. Quapropter ista sunt equipollentia communicare precibus sine oblatione, & non communicare Corpori Christi.

XXXVII. Quæ pluribus ibidem adstruit Morinus, qui *capite 18.* ostendit, plura horum genera hanc Stationem complexam fuisse: illos tamen præcipue ad hanc Stationem spectasse, qui tanquam Pœnitentes, inferiores Stationes absolverant; atque tandem ad hanc ascenderant: "Imò propter illos (ait) in *pœnitentialem* Stationem instituta fuit hæc antiqua Censura, ut post toleratas graves molestias pœnitentiae, aliquanto tempore experirentur Patres, an iis liberari vitam ducerent Fidei dignam, atque possent illis tutò credere Christi Corpus & Sanguinem.

XXXVIII. Quanto tempore in una Statione sive Gradu esset subsistendum, ex gravitate criminis Canones plerumque determinabant. Ordinariè tempus *Substationis* prolixius erat, quam aliarum Stationum; eod quod in hac præcipue ipsi Pœnitentes purgarentur; ipsaque esset propria statio *pœnitentialis*.

XXXIX. Notandum autem tempora atque exercitia istarum stationum Canonibus ita fuisse præfixa, ut tamen in Episcopi esset potestate, attentâ vitâ, conversatione Pœnitentium, eorumque in peragenda pœnitentia fervore, ea contrahere aut mutare, atque humanius agere.

Hanc Episcopi auctoritatem his verbis expressit Canon 5. Ancyranus: "Statuimus autem ut Episcopi modo conversationis examinato potestatem habeant, vel utendi *clementiâ*, vel plus temporis adjiciendi. Antè omnia autem, & præcedens vitâ, & quæ consecrata est, examinetur, & sic eis *clementia* impertiat.

Eandem auctoritatem Canon 12. Nicænus; item Canon ultimus Trullanus alique plures, quos citat Morinus *lib. 1. cap. 13.* attribuunt.

XL. Ex his Canonibus quoque evincitur, in potestate Episcopi fuisse, Pœnitentem ex inferiori Statione, prætermittâ mediâ, ad superiorem transferre: cum videret pœnitentem in ea Statione ita conversatum, & ita ferventer pœnitentiam peregissem, ut de ejus conversione dubitare nequiret. Ita ab *Auditione ad Consistentiam* transire permittit Canon 12. Nicænus (a), "qui cumque & metu & lacrymis, & tolerantia & bonis operibus, conversionem & opere & habitu ostendunt." Hæc latius profequitur Morinus *lib. 6. cap. 19.* & breviter expressit Auctor Canonis 86. *De Pœnit. Diff. 1.* apud Gratianum: "Ipsa tempora pœnitentiae pro fide & pro conversatione Pœnitentium abbrevianda præcipiunt, & pro negligentia prote-

landa. XLI. Hujus indulgentiæ primum ac originarium fundamentum nos docet paucis verbis S. Gregorius Nyssenus in Epistola ad Leroium, de hujus indulgentiæ causis doctissime differens; "Quemadmodum enim (inquit) porcis margaritas projicere est vitium, ita & pretiosâ margaritâ privare eum, qui jam per alienationem à vitio & purgationem homo factus est, absurdum est.

Monet hic Gregorius Leroium, Pœnitentiam Canonicam ita moderandam esse per Episcopos, ut si videant quod peccatores, "diligentiori conversatione usi fuerint & vitâ ad id quod bonum est reditum ostenderint, liceat ipsis pro Ecclesiasticæ œconomiae utilitate, tempus contrahere & celerius ad conversionem deducere; ut in eadem Epistola loquitur *cap. 4.* Pœnitentialem enim œconomia licet etiam alios fines haberet, unus tamen è præcipuis erat, ut per eam peccator à vitiis suis expurgaretur, & Sacerdotibus de vera ejus conversione constaret. "Ut quid temporis

(a) Vide quid noster Auctor dixerit in suis Scholiis ad Canonem 12. Conc. Nicæni Dissert. de Syn. Nicæna.

mora? " (petit Morinus *lib. 6. cap. 16. num. 6.*) Tot Pœnit. Stationes, tam longa duratio, tot corporis afflictationes? Ut experirentur an vera esset animi conversio, & eò vehementiæ pervenisset, quæ desiderabatur. Si brevi tempore ista contritio erat Episcopo comperta, quod ex animi zelo & ardore in constanter subeundis in unaquaque pœnitentiæ statione præscriptis laboribus innoscebat, breviori quoque tempore reconciliabatur Pœnitens.

Quod ibi multis adductis ac Canonum testimoniis confirmat. " Non negabant peccatoris compunctionem tam ardentem & inflammatam esse posse (ait Morinus *ibid. cap. 17. num. 4.*) ut uno momento perfectam à Deo peccatorum remissionem obtineret, & omnesque inferorum pœnas exstingueret; sed hoc & rarum esse, & sibi quando contingeret, incognitum esse profitebantur. Idè ut Pœnitentium conversionem explorarent, atque illius inflammationem Pœnitentes à Deo promererentur, opera varia injungebant, quibus diligenter peractis eos purgatos esse & sanatos, Deo œconomiam Ecclesiasticam approbante, non dubitabant; atque ut verè tales à Deo habitos reconciliabant, & communione donabant.

XLII. Hinc Episcopi Pœnitentium conversationem, mores, vitæque institutum, tum per se, tum per alios diligenter toto pœnitentiæ curriculo explorabant, ut ex his de interiore animi conversione judicium formarent.

Solicité propterea monebant Presbyteros ac Diaconos, quos pœnitentibus dirigendis ac invigilandis præficiebant, ne de pœnitentis in peragenda pœnitentiâ diligentia, munere aut gratia inducti testimonium falsum ferrent. Seculo IX. Hincmarus Archiepiscopus Rhemenfis in Capitulis datis Presbyteris *art. 13.* " Nemo Presbyterorum à quocumque Pœnitente aut gratiam, aut favorem, aut munus suscipere præsumat, ut minus dignè Pœnitentem ad reconciliationem adducat, & ei testimonium reconciliationis ferat, & quocumque livorè alium quemlibet digniùs Pœnitentem à reconciliatione removeat, quia hoc Simoniacum, & Deo & hominibus abominabile est.

Quin & in visitationis Episcopalis formula hæc interrogationis faciendæ est *articulus 38.* " Si aliquem minus dignè pœnitentem favoris aut familiaritatis aut consanguinitatis gratiâ ad reconciliationem adducat aut ei testimonium reconciliationis ferat.

Id ipsum vetatur in *Cap. 14.* *De Sim.* sub nomine Alexandri III. pronuntiaturque *Simoniacum* esse.

XLIII. Si Episcopus inspectis pœnitentis conversione & modo peragenda pœnitentiâ nihil deprehendisset, quod ipsum ad indulgentiam inclinaret, pœnitens tempora pœnitentiæ in unaquaque Statione absolvere debebat; atque tempore unius Stationis absoluto ad Superiorem Stationem quasi suo jure ascendeat; nec poterat denegari, nisi novi criminis reus fuisset peractus; ut fieri etiam nunc videmus in Clericorum ab officio vel Ordinibus suspensione, ubi elapso tempore limitato cessat ipso jure suspensio; nec ulla opus est ad peragenda cessationem accedat solemnitas. Ita Morinus *lib. 6. cap. 5. num. 6.*

XLIV. Canonum Pœnitentialium usum & rigorem in Ecclesia Latina integrum perseverasse usque ad initium seculi duodecimi observat Morinus; at " hoc seculo ineunte, pœnitentiæ exterioris severitas decreverat, minui & obsolescere cœpit & consequenter cum ea severitatis adminicula, scilicet antiqui illi ritus publici, tam qui pœnitentiæ actionem, quam qui pœnitentium reconciliationem spectabant. " Ita Morinus *lib. 10. cap. 16. num. 1.* monetque *num. 2.* " Numquam juris rigor auctoritate Ecclesiasticâ remissus est; sed in privatis causis & justis rigoris species in aliam frequenter commutata, plurimis occasionem dedit Pontificum Beneficio ad præposteram relaxationem abutendi.

Tom. I.

XLV. Occasiones plures hujus relaxationis Canonum Pœnitentialium assignat Morinus; quarum præcipuæ fuere; commutatio pœnitentiarum Canonicarum cum opere aliquo laborioso propter evidentem aut apparentem Ecclesiæ utilitatem, qualis erat susceptio armorum contra Infideles aut Hæreticos.

Ex hac verò altera orta est, nimirum remissio alicujus partis Pœnitentiarum Canonicarum ob collatum denarium in reparationem, aut ædificationem alicujus Ecclesiæ, aliudve opus pium; quin & ad refectionem pontium, itinerum aliarve res seculares hæc remissio extensa fuit. Quomodo autem hæc ex priori orta sit; & qua ratione ex utraque, præcipuè tamen ex posteriore Canonum Pœnitentialium relaxatio & abrogatio sequuta sit, titulo sequenti *cap. 1.* paucis ostenditur.

Tandem hisce accessit, ut notat Morinus *Libr. 10. cap. 25. num. 1.* redemptionum antiquarum facilitas, quam tum unusquisque Sacerdos arbitrio suo commutare continuavit; unde factum est more hominum solito, ut ex facilibus facillimè redderentur.

" Deinde Confessorum ordinariorum universalis sententia eodem seculo prævalens, Pœnitentias quas cumque in foro conscientiæ Sacerdotum arbitrio esse intelligendas, ultimam operi (abrogationi Canonum Pœnitentialium) coronidem imposuit. " Hæc Morinus, quibidem ex auctoribus seculi XIII. hanc suam assertionem aditruit; ostendens, quod quidem Pœnitentia Canonica eo tempore adhuc Pœnitentibus à Confessariis proponeretur; sed jam inciperent magnâ auctoritate in ea remittenda & relaxanda uti; atque ulterius progrediendo, tandem invaluerit ea opinio, quod Pœnitentiæ imponendæ arbitrio Sacerdotum essent relicta; nec consequenter ipsos amplius Canonibus esse obstrictos.

## CAPUT IV.

De remissiori Canonum Pœnitentialium disciplina.

1. *Neglectus Canonum Pœnitentialium fuit occasio multorum abusuum.*
2. *Quærelæ Conciliorum Toletani III. & Parisiensis.*
3. *Quædam statuuntur remedia.*
4. *Invitis Conciliorum monitis, negliguntur Canones Pœnitentiales.*
5. *Proponuntur remedia, ut abusus, qui in administratione Sacramenti Pœnitentiæ irrepserunt, reformentur.*
6. *Vetus praxis in prioribus Ecclesiæ seculis observata.*
7. *Directio pœnitentium publicorum committebatur Diaconis & Presbyteris, reconciliandi auctoritatem non habentibus.*
8. *Guillelmi Parisiensis hæc de re sententia.*

I. SUPERIORI Capite *num. 45.* enumeratæ sunt occasionēs, quæ relaxationi pœnitentialium Canonum originem dederunt. Experientia satis docuit, quantum in illis exequendis extiterit Presbyterorum defectus, quantaque animarum perniciēs; dum neglectis sibi præscriptis Canonibus, sive regulis, tentarent ex corde, seu pro suo arbitrio & affectu pœnitentias & vulnèrum remedia præscribere, & pœnitentes reconciliare.

II. De his ita conqueritur Concilium Toletanum III. anno 589. Can. 11. " Quoniam (ait) comperimus per quasdam Hispaniarum Ecclesias, non secundum Canones, sed cœdissimè homines pro suis peccatis agere pœnitentiam, ac quoties peccare libuerit, toties à Presbyteris se reconciliari postulent.

Et unde hæc tam perniciofa præsumptio? Non aliunde quam ex neglectu Canonum, uti ex verbis Concilii habetur. " Idè (ait) pro coercenda tam execrabili præsumptione, à sancto Concilio jubetur,

L I I

„ ut

„ ut secundum formam *Canonum antiquorum* detur „ pœnitentia.

Similiter Patres Concilii Parisiensis anno 829. *lib. 1. cap. 32.* deplorant, quod multi sacerdotum, partim incuria, partim ignorantia, *modum pœnitentiæ*, reatum suum confitentibus, secus quam Canonica decernant, imponunt . . . . . & ob id non vulnera peccatorum curant; sed potius foventes palpant, incidentes in illud propheticum: *Vae quæ consulunt pulvillos sub omni cubito manus, & faciunt cervicalia ad decipiendas animas. Ezech. c. 13. v. 18.*

III. Ut huic pernicioso abusu mederentur, statuerunt, „ ut Presbyteri, etiam imperiti, ab Episcopis „ sint instituendi solerti studio, qualiter & confitentium peccata discretè inquirere, ipsisque congruum „ modum, secundum *Canonicam auctoritatem*, pœnitentiæ imponere noverint.

Necessitatem hujus instructionis subjiciunt: „ Quoniam hæcenus eorum incuria, & ignorantia multorum flagitia remanserunt impunita; & hoc ad animarum ruinam pertinere dubium non est.

Monent præterea Sacerdotes, qui aut muneris, aut amoris, aut timoris, aut favoris causâ, tempus modumque pœnitentiæ ad libitum pœnitentium indicunt, audiant, quod Dominus per Ezechielem Prophetam terribiliter dicat: „ Hæc dicit Dominus Deus: Quia „ locuti estis vana, & vidistis mendacium: ideo ecce „ ego ad vos, dicit Dominus Deus: Et erit manus mea „ super Prophetas, qui vident vana, & divinant mendacium: in concilio populi mei non erunt, & in „ scriptura domus Israël, non scribentur, nec interram „ Israël ingredientur, & scietis, quia ego Dominus „ Deus. *Ed quod deceperint populum meum dicentes: Pax, & non est pax. Et post non multa. Cum caperent animas populi mei, vivificabant animas eorum, & violabant me ad populum meum propter pugillum bordei, & fragmen panis, ut interficerent animas, quæ non moriuntur, & vivificarent animas, quæ non vivunt, mentientes populo meo credenti mendaciis. Ezech. c. 13.*

IV. Quis igitur miretur, tam exiguos hodie apparere hujus Sacramenti salutares effectus, verasque pœnitentium conversiones, quando tandem pristinis sanctorum Patrum regulis sive Canonibus, modum & tempus pœnitentiæ præscribentibus, penitus abjectis & oblitteratis, pœnitentiæ etiam pro enormibus criminibus imponendæ, factæ sunt arbitrariæ; & cuivis confessorio permittitur *ex corde* sive suo arbitrio pœnitentias imponere, nullo ad Canones pœnitentiales habito respectu.

Accedit, plurimos ex hisce esse, qui ex pœnitentium oblationibus, favore, & amicitia sibi aut communitati suæ emolumentum sperant: ideoque numerum pœnitentium ambiunt, pœnitentesque, ne ad alios divertant, palpant & iis adulantur.

Nonne hinc contingit, ut hodie verissime dici possit, etiam pro gravissimis peccatis & criminibus, homines *facillimè* pœnitentias agere; & quoties peccare libuerit, toties à Presbyteris reconcilientur, si reconciliari postulent.

V. Si Episcopi alique Ecclesiæ superiores existant, quod attentâ præsentis temporis dispositione, & disciplinæ Ecclesiasticæ collapsione, non esset conveniens reducere pristinam Canonum pœnitentialium disciplinam; ipsique Presbyteris præcipere, ut juxta Canones pœnitentiales, non autem *ex corde* pœnitentias imponant; nihilominus muneris Episcopalis est, ut saltem, quantum in ipsis est, Presbyteros, antequam ad excipiendas fidelium confessiones admittant, solerti studio instituant, vel instructos noverint qualiter & confitentium peccata discretè inquirere; ipsisque congruum modum pœnitentiæ secundum *Canonicam auctoritatem* imponere noverint, uti Episcopos monuit Concilium Parisiense.

Præterea exemplo sancti Caroli Presbyteros mo-

neant, ut Canones pœnitentiales bene noverint, quin præcipiant, ut examinandi interrogentur: *An Canones pœnitentiales ritè teneant?*

Deinde ut hujus sancti præfulsi exemplo Presbyteris ostendant, quàm utilis sit horum Canonum notitia, prout hæc latius exponam *cap. 6.* hujus tituli, & fusius exposuit vir clarissimus Claudius Fleury in suo discursu 2. historico num. 8.

Uterius Patres Concilii Parisiensis deprehendentes, abusum leviores & incongruas pœnitentias imponendi, & reconciliationem pœnitentium nimium præcipiendi provenire partim ex incuria, partim ex ignorantia, hancque vel inde maximè provenire, quod uterentur *quibusdam codicillis contra Canonicam auctoritatem scriptis*, quos *pœnitentiales* vocant, declarant „ quod ipsis omnibus in commune salubriter visum sit, ut unusquisque Episcoporum in sua Parochia eosdem *erroneos codicillos* diligenter perquirat, & inventos igni tradat, ne per eos Sacerdotes imperiti homines decipiant. Indubiè si Episcopi sedulo attenderent in codicillos sive libros prælegi solitos in seminariis & collegiis Theologorum his, qui ad munus Confessariorum aliquando obeundum destinantur, facillè indubiè deprehenderent plures ex illis non secundum *auctoritatem Canonicam* scriptos, nec minùs Theologis perniciosos, quàm codicillos illos, quos Concilium Parisiense igni tradendos declaravit, ne aliàs Sacerdotes hisce utentes, homines deciperent.

Similes libri si è manibus Theologorum eriperentur, nec ipsis prælegi sinerentur, sed his substituerentur libri *Canonicam sanctorum Patrum normam* in hujus Sacramenti administratione continentes, sperandum esset quod & sensim Patrum saluberrima disciplina pœnitentialis restitueretur; atque Sacerdotes ad præscriptum Concilii Tridentini: „ Quantum spiritus & „ prudentia suggererit, pro qualitate criminum & „ pœnitentium conditione saluare & convenientes „ satisfactiones injungerent; haberentque præ oculis, „ ut satisfactio, quam imponunt, non sit tantùm ad „ novæ vitæ custodiam, & infirmitatis medicinam, „ sed etiam ad præteritorum peccatorum vindictam & „ castigationem.

Non parum quoque conducet, si Episcopi solerti circumspectione, & moderatione utantur in approbandis his, quos verisimile est hoc munus Confessarii expetere, quo sibi vel communitati suæ directè vel indirectè emolumentum temporale obvenitur sperent.

Nihil enim est perniciosius in hujus Sacramenti administratione, quàm si à ministris hujus Sacramentali quod temporale quovis prætextu directè vel indirectè quaeratur aut speretur, ut pluribus ostenditur *cap. 5. hujus Tituli.*

VI. Ignoratum Antiquis Ecclesiæ seculis fuisse illud vitium, constat ex diligentia, quâ integrum satisfactionis publicæ pensum à pœnitentibus exegerunt olim Præfules. Quamdiù perdurârunt artificiales publicæ pœnitentiæ classes, absolutio Sacramentalis pœnitentibus non conferabatur nisi in exitu substationis, seu postquam pœnitentes decurrerant tres priores stationes, scilicet, Auditionem & substationem.

Huic Praxi suæ tamen fuerunt exceptiones; scilicet dabatur absolutio ante expletam satisfactionem, 1. mo. Cum mortis periculum urgebat, 2. do. Ut Pœnitentes subeundo martyrio idonei redderentur; id docet Epist. 54. S. Cypriani ad Cornelium. 3. tio. Remittebatur pars quædam pœnitentiæ publicæ cum ex ea Indulgentia ingens aliquod bonum in Ecclesiam redundabat. Id colligitur ex modo, quo summus Pontifex Cornelius se gessit erga eos, qui in persecutione lapsi fuerant. Hæc de re consulari Ep. 52. S. Cypriani ad Antonianum.

VII. Ut Episcopis innotesceret, quâ ratione pœnitentes publici classes publicæ pœnitentiæ decurrerant, seligebantur Presbyteri & Diaconi, qui pœnitentium curam, durante pœnitentiæ peragenda tempore, gererent, ipsi.



ipsisque sedulo invigilarent, & eorum in peragendis pœnitentiis zelum fervoremque attenderent: ut exinde de eorum sincera conversione iustum iudicium ferre, atque Episcopo ut vere conversos pro obtinenda reconciliatione præsentare tuto possent.

Certum quidem est, solis Episcopis, spectata ætatis illius disciplina, publice pœnitentium sacramentalem & plenam reconciliationem fuisse reservatam. Sed nec hoc negari potest, Presbyteros & Diaconos, quibus pœnitentiam cura, & directio ab Episcopis demandata esset, non parum ad conversionem & reconciliationem pœnitentium concurrisse: adeo ut quodam modo dici posset, ipsam pœnitentiæ agendæ rationem, & modum hinc Presbyteris & Diaconis fuisse creditum, Reconciliationis Sacramentalis impendendæ auctoritate Episcopis reservata.

VIII. Simile quid etiam seculo XII. in usu fuisse, testatur Guilielmus Parisiensis Episcopus in tractatu de Sacramento Pœnitentiæ dicens, quod confessio ita possit dividi, ut alius audiat ad CONSILIUM ET INJUNGENDAM PœNITENTIAM SALUTAREM, alius autem BENEDICTIONEM SACERDOTIALEM, & ABSOLUTIONEM faciat super pœnitentem.

Hoc autem licitum est (ait) "Ubi Sacerdos simplex, & sanctarum litterarum ignarus: ibi enim potest advocare socium tanquam consiliarium & assessorem sibi in iudicio pœnitentialem: Si enim in iudicio Forensi, & seculari hoc licet, ne erretur in illo, quanto fortius in isto iudicio, ubi error incomparabiliter perniciosior? Cum enim Diaconus claves non habeat, & scientiam medicinæ Cælestis habeat, non est dubitandum defectum Sacerdotum in hoc ipsum posse & debere supplere.

Quod hi Sacerdotes & Diaconi, quos ad consilium & ad imponendam pœnitentiam adhiberi vult Episcopus Parisiensis, similes sunt illis, quos dirigendis pœnitentibus jam pridem Episcopi impendebant. Notavit quoque Edmundus Richerius tom. 2. defensionis suæ cap. 3. num. 56. relatis enim verbis Guilielmi Parisiensis, ex illis hoc notabile haberi notat: scilicet confessionem dividi posse; ita ut uni Sacerdoti aut etiam Diacono medicinalis, & directiva fiat confessio, deinde Sacramentalis & absolutoria, alteri Sacerdoti, qui pœnitentem reconciliat: "Profecto (ait) tempore primivæ Ecclesiæ pœnitentiarius Presbyter, de quo loquitur Socrates, pœnitentes ad veram confessionem & pœnitentiam dirigebat, & exhortabatur, qui postea ab illis Sacerdotibus reconciliabantur, & ad sacram Synaxim admittebantur.

## CAPUT V.

De moderna circa Pœnitentias imponendas disciplina; & quis hodie Canonum pœnitentialium usus;

1. Modernam disciplinam circa imponendas pœnitentias expressit Synodus Tridentina: & pœnitentiarum fructum.
2. Quales debeant esse pœnitentiæ.
3. Quid in pœnitentiis imponendis attendendum.
4. Pœnitentiarum imponendarum determinatio arbitrio Sacerdotum committitur; & eatenus moderna disciplina à pristina differt.
5. Hodierna disciplina consentit veteri, si scopus Canonum pœnitentialium attendatur.
6. Quomodo Synodus Tridentina geminam Patrum disciplinam Sacerdotibus proposuerit.
7. Etiam hodie Confessarii sunt spirituales animarum medici.
8. Ut tanquam medici facilius in morbum inquirere queant, Fideles tempestive ad confessionem urgendi.

Tom. I.

9. Confessarius more periti medici conditionem vulnorum, & ægrotum diligenter attendere debet in pœnitentiis imponendis.
10. Confessarii in pœnitentiis injungendis omnem speciem quæstus fugere debent.
11. Si Missa celebranda, aut aliena restituenda, hac par Confessarium fieri non convenit.
12. Confessarius etiam Judicis partes sustinet.
13. Debet ideo gravitatem criminum sedulo attendere.
14. Hoc officium monet Confessarium ab omni temporalium expectatione debere esse alienum.
15. Quomodo munera excacaverint olim falsos Prophetas.
16. Synodi Belgicæ monent Confessarios ut à temporalium spe caveant.
17. Merito Confessarii expendant, quæ cura in decernendis pœnitentiis adhibita olim fuit.
18. Multis titulis hodie Confessarii conveniens Canonum Pœnitentialium notitia primo ut judicent de gravitate.
19. Secundo, ut facilius pœnitentes ad suscipiendas impositas pœnitentias inducant.
20. Tertio, ut statuunt, quando protrahenda, quando acceleranda absolutio.
21. Quarto, ut sint Sacerdotibus regulæ directivæ pro pœnitentiis præscribendis.
22. Quid de horum notitia senserit Corporis Canonici Collector.
23. Quam utilem horum scientiam judicaverit Sanctus Carolus?
24. Canones Pœnitentiales editi à S. Carolo.

I. MODERNAM Ecclesiæ disciplinam, nec non fincerum pœnitentiarum seu satisfactionum spiritum, quem in ipsis etiam Canonibus Pœnitentialibus sibi Patres propositum habuere, expressit Synodus Tridentina Sess. 14. cap. 8. De Sacramento Pœnitentiæ.

Imprimis harum pœnitentiarum seu satisfactionum multiplices fructus præmittit; atque inter alios, hunc; Quod "magnopere à peccato revocent, & quasi fræno quodam coerceant hæ satisfactoriæ pœnæ, cautiore, que & vigilantiores in futurum Pœnitentes efficiant; medeantur quoque peccatorum reliquiis, & vitiis habitus male vivendo comparatos contrariis virtutum actionibus tollant.

II. Ut vero pœnitentiæ à Sacerdotibus impositæ illum salutarem in Pœnitentibus effectum operentur, docet, quales debeant à Sacerdotibus pœnitentiæ imponi. "Debent ergo Sacerdotes Domini (inquit) quantum spiritus & prudentia suggesserit, pro qualitate criminum & Pœnitentium qualitate salutaris & convenientes satisfactiones injungere: ne si forte peccatis conniveant, & indulgentius cum Pœnitentibus agant, levissima quædam opera pro gravissimis delictis injungendo, alienorum peccatorum participes efficiantur.

III. Deinde instruit Sacerdotes, quid præcipue in determinandis pœnitentiis attendere debeant. "Habeant autem præ oculis (ait) ut satisfactio, quam imponunt, non sit tantum ad vitæ novæ custodiam, & infirmitatis medicinam, sed etiam ad præteritorum peccatorum vindictam & castigationem.

IV. Hoc Decretum ostendit, eatenus saltem hodiernam Ecclesiæ disciplinam à pristina discrepare; quod hæc obstringeret Sacerdotes, pœnitentias seu satisfactiones imponere prout hæ in Canonibus & libris pœnitentialibus erant expressæ, quemadmodum capite tertio ostensum fuit: idque ante absolutionem tam eas, quæ necessariæ erant ad acquirendam cordis conversionem, eamque Sacerdoti probandam, quam quæ requirebantur ad satisfactionem pro culpa & pœna, ad eradicandos vitiosos habitus, &c.

At moderna disciplina Sacerdotes ab exacta & exteriori

riori Canonum Pœnitentialium observantia eatenus absolvit, ut non constringantur, pœnitentias Canonibus præscriptas imponere, sed earum determinatio Sacerdotum prudentiæ & arbitrio committatur, tam quoad eas quæ necessariae sunt ante absolutionem pro acquirenda debita dispositione & eam Sacerdoti probandam, quam quoad eas, quæ necessariae post absolutionem (de quibus specialiter Synodus Tridentina) ad satisfaciendum Deo pro pœna temporali aliisque effectibus in Decreto Synodi Tridentinae expressos.

V. Ostendit præterea Decretum illud, modernam disciplinam à pristina non discrepare, si non tam exteriorem Canonum Pœnitentialium rigorem attendamus; sed interiorem eorum spiritum, seu scopum, quem in his Canonibus condendis, atque eorum exactam observantiam urgendo Patres habuerunt.

Quid enim aliud in his omnibus Patres intenderunt; nisi ut Sacerdotibus per hos Canones ostenderent, quæ pœnitentiæ singulorum peccatorum gravitati convenirent; quæque essent his illisve animæ vulneribus medendis, nec non in futurum præcavendis convenientiores. Et ne Sacerdotes in imponendis pœnitentiis aberrarent, eos ad Canonum illorum observantiam constringebant.

VI. Dum ergo Synodus Tridentina in allegato Decreto præcipit Sacerdotibus, pro qualitate criminum, & Pœnitentium facultate salutes & convenientes satisfactiones injungere; atque præ oculis habere, ut satisfactio, quam imponunt, *non sit tantum ad novæ vitæ custodiam & infirmitatis medicinam, sed etiam ad præteritorum peccatorum vindictam & castigationem*, ipsam genuinam Patrum disciplinam, quoad pœnitentias post absolutionem injungendas, quam in figendis & exequendis Canonibus Pœnitentialibus intenderunt, expressit; atque eatenus hodierna per Synodum Tridentinam stabilita disciplina Patrum disciplinæ consona est: idemque modernus & pristinus Ecclesiæ spiritus.

Et sane non minus hodie, quam olim Confessarii sunt spirituales animarum medici.

VII. Unde seculo XIII. postquam jam Canonum pœnitentialium exterior rigor & observantia magna saltem ex parte desierat, dixit Concilium Lateranense sub Innocentio III. in Capitulo OMNIS UTRUSQUE SEXUS: *De Pœnit. & Remiss.* "Sacerdos autem sit discretus & cautus, ut more periti medici super infundat vinum & oleum vulneribus sauciati, diligenter inquirens & peccatorum circumstantias & peccati; quibus prudenter intelligat, quale debeat ei præbere consilium, & cujusmodi remedium adhibere, diversis experimentis utendo ad salvandum ægrotum.

VIII. Porro ut Confessarius tanquam spiritualis medicus facilius & animæ vulnera, & qualitatem ac conditionem ægri perspecta habere, atque cum otio examinare & curare queat, morient Synodi nostræ, ut qui rarius confiteri solent, & tamen in Paschate ad Sacram Communionem accedere intendunt, sub initium quadragesimæ, aut saltem ante Dominicam *Lætare* ad Confessionem accedant.

Antiquam consuetudinem consistendi in initio quadragesimæ continuari, vel in usum revocari peroptamus, ait Synodus Gandensis anno 1610. *Tit. 5. capite 5.* innovata per Decreta Synodalia sub Antonio Triest. *Titul. 5. capite 9.*

Synodus Sylvæducentis sub Mettlo *Tit. De pœnit. Sacramento capite 3.* præcipit Parochis, ut "adhortentur & inducant eosdem (Parochianos suos) ut tempore quadragesimali statim in principio, vel saltem ante Dominicam *Lætare* proprio Sacerdoti, aut ejus vicem gerenti confiteantur, & nihilominus circa Festum Paschæ illud idem reiterent, antequam ad Sacram Eucharistiæ assumptionem accedant.

Idipsum in sua Synodo rursus renovavit Gisbertus Masius *Tit. 6. cap. 5.* atque aliæ Synodi Belgicæ passim inculcant.

IX. Diligenter ergo adinstar periti medici Confessarius, & animæ vulnera & ægri conditionem ac spirituale temperamentum examinare & attendere debet; ut iis rite expensis non unam eandemque omnibus, iisque plane disparatis morbis medicinam applicet; sed singulis eam, quæ iis medendis conveniat.

Hinc monet Synodus Audomarensis *Tit. 7. cap. 13.* ut "Confessarii confessione audita injungant Pœnitentibus salutes Pœnitentias, peccatis commissis (ait) quantum fieri potest, *contrarias*. Pro peccato itaque luxuriæ, jejunium præcipiant & abstinentiam; pro avaritia, eleemosynam, pro furto, aut rei alienæ detentione primo restitutionem, deinde orationes & eleemosynam, pro ira mansuetudinis opera, pro superbia, humilitatis; pro peccatis spiritualibus meditationes, orationes & similia, prout observaverint Pœnitentium saluti expedire posse.

Hæc omnia latius proponit & inculcat S. Carolus in Instructionibus pro Sacramento Pœnitentiæ; quæ habentur in Actis Ecclesiæ Mediol. pag. 433.

X. Adhæc Confessarius adinstar Medici spiritualis, ita sua spiritualia pharmaca præscribere debet, ut ostendat, se illa unice ad ipsius ægri salutem procurandam præscribere; nihilque se in eorum præscriptione lucri querere.

Hæc de re ita loquitur S. Carolus in Instructionibus Confessariorum *parte 2. cap. 8.* "Ut liberior sit Confessarius in exequendo officio, quod illi cum Pœnitente est, majoreque apud eundem in auctoritate habeatur in decernendis iis omnibus, quæ ad Pœnitentis salutem referuntur, non solum fugiet studiose avaritiam, sed etiam *omnem ejus vel minimam suspicionem*.

XI. Deinde pro fugienda omni specie lucri nominatim in Pœnitentiis injungendis, subjungit: "Cum Pœnitenti jubebit ut Missæ Sacrificium faciat uspiam peragi, *nec directe nec oblique* significet quasi velit ipse celebrare, vel in sua Ecclesia aut Monasterio curare celebrari.

Idem faciat, pergit S. Carolus, in satisfactionibus iis, cum pœnitens vel debita incerta reddere pauperibus, vel pro votorum commutatione aliquidolvere debet.

Tandem ut Confessarius omnem vel speciem avaritiæ subterfugiat, cum monendum censuit, "ut neque pecunias aliave, quæ à pœnitente restituenda sunt propriis Dominis in se provinciam reddendi assumat, nisi necessitas id requirat, ut videbatur hoc modo pœnitens non prodatur, quod cum erit ab eo factum, curet ut is, cui rem restituit, chirographum suum in testimonium e tributur, ut illud pœnitenti consignet, ac plane eo modo procedat, ut *omnem speciem ac signum avaritiæ subterfugiat*.

XII. Nec tantum Medici sive medentis officio Confessarius in pœnitentiis imponendis fungi debet juxta allegatum, Concilii Tridentini Decretum; sed etiam Judicis punientis sive vindicantis & castigantis.

Neque enim pœnæ satisfactoriæ, declarante Concilio, tantum debent esse ad medicinam vulnere, sed etiam ad præteritorum peccatorum vindictam & castigationem; "Nam Claves Sacerdotum non ad solvendum duntaxat, sed & ad ligandum concessas, etiam antiqui Patres & credunt & docent," ait eodem loco Concilium.

XIII. Hoc judicis officium ut rite exerceant, debent imprimis prudenter & circumspecte gravitatem criminum & Pœnitentium qualitatem discutere; iisque discussis, tanquam integri ac incorrupti judices solvere & ligare; majorem vel minorem pœnitentiam injungendo: "ne si forte peccatis conniveant, & indulgentius cum Pœnitentibus agant, levissima quædam opera pro gravissimis delictis injungendo, alienorum peccatorum participes efficiant," uti loquitur Synodus Tridentina.

XIV.

XIV. Ex hoc quoque iudicis officio Confessariis incumbente, id est statuendum, admodum cavendum Confessariis, ne à Pœnitentibus occasione Confessionis quidquam temporale accipiant, aut sperent. Præterquam quod id, ut minus speciem aliquam Simonie aut saltem turpis quæstus præferat, illud etiam constat ipsa veritate teste, *Munera excæcare oculos Sapientum & mutare verba iustorum.*

Hinc de filiis Samuelis testatur sacer Textus. 1. *Regum* cap. 8. *Declinaverunt post avaritiam acceperuntque munera;* ac dein tanquam consequens subiicit: *Et perverterunt iudicium.*

XV. Nonne hæc fuit excæcatio, quæ jam pridem pseudo-Prophetas induxit, ut falsa prophetarent & populum seducerent, pacem dando, quam Dominus non dederat? "Hæc dicit Dominus Deus (ait Ezechiel cap. 13.) vix qui confuunt pulvillus sub omni cubito manus: & faciunt cervicalia sub capite universæ ætatis ad capiendas animas, & cum caperent animas populi mei, vivificabant animas eorum.

Quæ porro tam perversi iudicii ratio? Audi Prophetam: " & violabant me ad populum meum, ait, *propter pugillum bordæ & fragmen panis,* ut interficerent animas, quæ non moriuntur, & vivificarent animas quæ non vivunt, mentientes populo meo credenti mendaciis. *Ezech. c. 13.*

Si munera aliæque temporalia olim prophetarum iudicium perverterint, & eorum verba mutaverint; num forsan minus efficacia hodie illa censebimus ad oculos Sacerdotum excæcandum, eorumque iudicium pervertendum?

XVI. Merito proinde monuit in suis Ordinationibus Episcopus Gandensis anno 1629. *tit. 3. cap. 2.* " Caveant etiam Confessarii, ne quæ commoda temporalia, sibi vel suis (occasione Confessionis) à pœnitentibus aucupentur; neque convenit, ut ipsorum temporalibus bonis administrandis se misceant.

Idem in suis Ordinationibus habet Gaspar Nemius Episcopus Antverpiensis *tit. De Sac. Pœnit. num. 13.* Item Synodus Namurcenfis anno 1659. *tit. 5. cap. 16.* Verbo: " ad audiendas Confessiones, non inani gloria, non luctu cupiditate, non curiositate, non denique ullo humano affectu ductus; sed salutis fidei procuranda studio inflammatus accedet;," ut loquitur S. Carolus loco citato.

Plura hanc in rem videri possunt in Tractatu meo *De Simonia circa Beneficia & administratione Sacramentorum parte 1. cap. 7.* ubi una ostendi, qui de hac munerum, aut temporalium expectatione merito habeantur suspecti; ac dein §. 3. monui, quam periculosum sit, multisque incommodis obnoxium, quod Sacerdotes cogantur vivere ex honorariis à Pœnitentibus oblati; quodque pro Pœnitentium numero etiam augeantur temporalia vitæ subsidia.

XVII. Si secundum modernam Ecclesiæ disciplinam, atque invariabiles Evangelii regulas, Sacerdotes debent hodie non secus ac olim, pro qualitate criminum & pœnitentium facultate, salutare & convenientes satisfactiones injungere, convincitur, quam merito ipsi etiam Confessarii reflectant ad eam curam & sollicitudinem, quam jam pridem Patres in discernendis ac statuendis Pœnitentiis & peccatorum remediis adhibuerunt, quam capite tertio exhibuimus; eo fine ut Confessarii intelligant, quam moderate, & circumspecte ipsi in his procedere debeant; cum nec in scientia, nec vitæ sanctitate Patribus istis comparari queant.

XVIII. Hactenus dicta insuper ostendunt, quod tamen Confessarii hodie non adstringantur ad imponendas pœnitentias juxta præscriptum Canonum Pœnitentialem, horum tamen notitia non uno titulo sit etiamnum hodie perutilis.

Primo quidem, ut ex horum notitia aliquosque possint de criminum gravitate iudicare.

Si enim non tantum in certis casibus aut singularibus

circumstantiis, sed constanter & ubique uni peccato præ alio gravior ac diuturnior pœnitentia imposita deprehendatur, pro indubitato erit, ex mente Patrum, illud præ hoc gravius esse: cum temper fixum fuerit & indubitatum, pœnitentias, sepositis particularibus circumstantiis, secundum gravitatem criminum esse imponendas.

Exempli gratia, dum in omnium temporum ac locorum Canonibus & libris pœnitentialibus videbitur pro fornicatione etiam simplici, non minorem unquam, sed frequentissime majorem, quam *annalem* pœnitentiam, in jejuniis aliisque carnem cruciantibus operibus peragendam; fuisse impositam; pro ebrietate vero, etiam in homine Ecclesiastico, atque etiam cum aliqua circumstantia aggravante, 40. duntaxat dierum, aut in Laico 15. aut 7. dierum, nequaquam dubium esse poterit, quin fornicationem multo graviorem quam ebrietatem Patres & Concilia Canonum illorum auctores existimaverint.

XIX. Secundo, notitia horum Canonum utilis erit; ut ipsis peccatoribus ostendatur ( ut etiam monet celebris ille Canonum interpret Antonius Augustinus in præfatione ad libros pœnitentiales à se evulgatos ) quam pœnitentiam & vindictam illis peccatis olim Patres imposuerint; ut ita levius ferant pœnitentias leviores & modum leviores, quibus nunc cum illis agitur; videbuntque verissimum esse quod observat Eminentissimus Aguirius *Dissert. 8. ad Concil. Tolet. III. num. 159.* " Satisfactiones imponi solite hoc tempore ante vel post absolutionem pro gravius peccatis (etiam ab iis Confessariis qui *rigidi* habentur, & *crudelitatis* inculari solent, tanquam *conscientiarum carnifices*) non æquant ne centesimam quidem partem ejus pœnitentiæ, quam imponebant Canones illi nec penes durationem, nec secundum acerbiter: ut patet bit consideranti.

XX. Tertio, hi Canones ostendent, quomodo de acceleratione vel procrastinatione reconciliationis, non tam ex verbis, quam operibus pœnitentium statuendum sit. Ut enim *Canone 12. Nicæno* cavetur Episcopus de iis pœnitentibus aliquid humanius statuere, & tempus pœnitentiæ contrahere poterit iis, qui *lacrymis, tolerantia & bonis Operibus conversionem & Opere & habitu ostendunt.* E quibus quoque facile constabit ut loquitur Aguirius, " quam injuste & imprudenter ii (delicati peccatores) criminantur Confessarios (quamvis doctos, pios, ac notæ prudentiæ) nolentes absolutionem impendere statim, sed illam differentes domas, vel dies saltem, juxta prudens ipsorum iudicium.

XXI. Serviet denique horum Canonum notitia, ut sint ipsi Sacerdotibus regulæ directivæ, in quibus tanquam in speculo videant, quæ Pœnitentiæ ex mente SS. Patrum his illisve peccatis convenientes judicæ fuerint; ac tum ipsi pro conditione temporum, personarum aliarumque circumstantiarum iudicent, qualiter has Pœnitentias moderari aut mutari oporteat.

XXII. Unde nullatenus horum Canonum notitia tanquam inutilis rejicienda.

Et quidem qui ad studiosæ Juventutis instructionem, Corpus Canonicum compilavit, ad ealtem Decreti Gratiani Canones Pœnitentiales exhibet cum hac epigraphæ: *Canones Pœnitentiales quorum notitia viris Ecclesiasticis est VALDE NECESSARIA: sunt enim regulæ DIRECTIVÆ ad Pœnitentias imponendas.*

XXIII. Notitiam horum Canonum præterito seculo non inutilem credidisse zelosum ac sanctorum Canonum scrutatorem & instauratorem S. Carolum, patet ex ejus Concilio I. *parte 2. tit. 6.* ubi ait: *Confessores Canones Pœnitentiales bene noverint.* Et in Concilio V. *parte 3. §. 2.* præcipitur, ut examinandi interrogentur: *An Canones Pœnitentiales rite teneant.*

Fructus qui ex horum Canonum notitia hauriendi sunt,



sunt, non uno loco exposuit: "Patres docuerunt (ait) in præfatione ad Canones pœnitentiales à se editos) quam necessaria admodum sit Sacerdotibus Canonum pœnitentialium scientia. Etenim si omnia quæ ad pœnitendi modum pertinent, non prudentia solum ac pietate, sed iustitia etiam metienda sunt; certe norma hæc è Canonibus Pœnitentialibus sumatur oportet. Sunt namque ii quasi regulæ quædam, quibustum ad culpæ commissæ gravitatem recte dignoscendam, tum ad imponendam pro illiusratione veram Pœnitentiam Sacerdotes Confessarii dirigantur, aut ibi singula, & quæ ad peccati magnitudinem & quæ ad pœnitentis statum, conditionem, ætatem, intimumque cordis contriti dolorem, pertinent, accurate perpenderit; tum demum pœnitentiam iudicio ac prudentia sua moderentur.

Et alibi postquam monuit, quod in imponenda pœnitentia Confessarius prudens esse debeat, ne forsitan aut leviores, aut graviore & diuturniores, quam oportet, imponat, pro remedio non errandi, subiungit: "Ideo Sacerdos Canones pœnitentiales consulat, quibus licet cum prudentia, discretione & modo, pro pœnitentis contritione, qualitate, statu, aliisque circumstantiis uti debeat, observandi tamen sunt, ita ut iuxta eos, quasi traditam sibi regulam, Sacerdos segerat, prout expedire ei visum fuerit; & quando pœnitentiam Canonum rigori omnino conformem non imponet, eam tamen pœnitenti significabit, ut ad contritionem eum moveat, & leviozem inunctam pœnitentiam ipse ardentius exequatur; motus scilicet ex hodiernæ Ecclesiæ benignitate, qua antiquioris disciplinæ rigor mitigatur.

XXIV. Ut vero facilius horum Canonum notitiam haurire possent Confessarii, illos ex variis Conciliis & Canonum Collectionibus iuxta ordinem Decalogi disponi curavit; atque una cum instructionibus pro Sacramento Pœnitentiæ evulgavit; & hodie habentur in Actis Ecclesiæ Mediolanensis parte 4. has Canonum collectiones Confessarii merito consulunt, & expendent.

## CAPUT VI.

### De Ordinario Pœnitentiæ Ministro.

1. Olim soli Episcopi Pœnitentes reconciliabant.
2. Hæc auctoritas multis seculis ipsis competiit quoad peccatores publicos.
3. Præcipua cura circa Pœnitentes Episcopis incumbat.
4. Hi Diaconos & Presbyteros invigilandis Pœnitentibus delegabant.
5. Postquam pro peccatis occultis capta est agi pœnitentia occulta, pœnitentium reconciliatio ad Presbyteros devolvi magis capit.
6. Seculo VIII. & sequentibus Presbyteri erant frequentiores Pœnitentiæ ministri.
7. Non omnibus Presbyteris, sed fere solis Parochis respectu suorum Parochianorum hæc auctoritas competeat.
8. Pluribus seculis absolutio ab alieno Sacerdote sine licentia proprii habita fuit nulla.
9. Idem supponit Concil. Lateran. sub Innocentio III.
10. Seculo XIII. capit dari facultas excipiendi Confessiones Fratribus Mendicantibus; & sensum aliis Presbyteris.
11. Creditum fuit, Fidelibus liberum esse eligere unum ex his Presbyteris in Confessarium.
12. Quomodo hæc privilegia & facultates concessa sint sine præiudicio proprii Sacerdotis.
13. Post concessa hæc privilegia & facultates, mansit obligatio consistendi semel in anno proprio Sacerdoti.
14. Id declaravit Martinus IV.
15. Declaratio Concilii Basileensis conformis.
16. Id ipsum in contradictorio iudicio decisum per Xystum IV.

17. Eandem obligationem agnovit S. Carolus.
18. Synodus Atrabatenfis id ipsum declarat.
19. Non tantum à Laicis; sed & Clericis Synodi Belgicæ id exigunt; & quis sit singulorum proprius Sacerdos declarant.
20. Hanc obligationem fuisse declaravunt Archiepiscopus Cameracensis, & Episcopus Atrabatenfis.
21. Quid de hac obligatione sentiat Ecclesia Gallicana?
22. Sententia Archiepiscopi Rhenensis super hoc iure Parochorum.
23. Ratio huius juris & disciplina.
24. An ubique hoc Parochi æque urgere debant?
25. Parochi baud facile licentiam alteri Sacerdoti consistendi negare possunt; eorumque moram Episcopus supplere potest.

I. PRÆCIPUAM circa pœnitentes curam; nec non reconciliandi potestatem olim fuisse penes Episcopos dubitari nequit.

Sanctus Cyprianus *Epistola 11.* conquerens de quibusdam Presbyteris, qui pœnitentes ante actam pœnitentiam, contempta Canonica disciplina reconciliabant, inter alia reprehendit quod se inconsulto id facerent. Verba ejus sunt: "Audio quosdam de Presbyteris nec Evangelii memores, nec quid ad nos Martyres scripserint cogitantes, nec Episcopo bonorem Sacerdotii sui & Cathedræ referantes, jam cum lapsis communicare cepisse, & offerre pro illis, & Eucharistiam dare, quando oporteat ad hæc per ordinem perveniri. Nam cum in minoribus delictis, quæ non in Dominum committuntur, pœnitentia agatur iusto tempore, & exomologesis fiat, inspecta vita ejus qui agit pœnitentiam, nec ad communicationem venire quis possit, nisi prius illi ab Episcopo & Clero manus fuerit imposita, quanto magis in his gravissimis & extremis delictis caute omnia & moderate secundum disciplinam Domini observari oportet?

Perpicuum hinc est, Cyprianum existimasse, reconciliandi præcipuam auctoritatem fuisse penes Episcopum; Presbyterosque eam sine auctoritate Episcopi dando, Canonicam disciplinam infregisse: quod etiam Morinus advertit, addens: "Exigebat enim Ecclesiæ disciplina, ut publicæ pœnitentiæ rei ab Episcopo, aut illius jussu reconciliarentur. " *Lib. 9. Cap. 23. num. 7.*

II. Hanc disciplinam pluribus seculis perseverasse, ut publici saltem criminosi & pœnitentiæ publicæ subiecti, non nisi ab Episcopo ejusve jussu reconciliarentur, constat ex *Can. 3. Concilii Carthaginiensis II.* ubi legitur: "Ab universis Episcopis dictum est: Chrismatis consecratio, & puellarum consecratio, à Presbyteris non fiant, vel reconciliare quemquam in publica Missa Presbyteris non licere; hoc omnibus placet. Apud Gratianum *caus. 26. quæst. 6. Can. 1.*

III. Hinc pristinis illis seculis summa Episcoporum vigilantia & cura fuit de pœnitentibus, toto tempore pœnitentiæ; ut intelligerent, an opera pœnitentiæ quemadmodum erant imposita ipsi Pœnientes exequerentur; item quo animi affectu, diligentia, perseverantiaque pœnitentiam peragerent.

Ad hanc vigilantiam excitat Episcopos Synodus Nicæna *Can. 12.* "In his omnibus examinare convenit propositum & speciem pœnitentiæ; quicumque enim & timore & lacrymis, & tolerantia & bonis operibus conversionem reapse non specie tenus demonstrant, hi impleto auditionis tempore quod præfixum est, merito orationum communionem habebunt, postmodum vero liceat Episcopo humanius aliquid de his statuere.

Pluribus hæc prosequitur Morinus *Lib. 6. cap. 16.* ostenditque, hanc in Episcopis vigilantiam & curam necessariam fuisse, ut de conversione, & dispositione iuste judicare possent, atque dignoscere, qui citius, qui tardius ad reconciliationem essent recipiendi.

IV. Ob-

IV. Observat præterea; quòd cum Episcopi non possent *per se* convenientem de omnibus pœnitentibus curam agere, Diaconos Presbyterosque delegisse, qui Pœnitentibus invigilarent; atque opportuno tempore statum vitamque ipsorum ad Episcopum referrent.

V. Hæc Episcoporum auctoritas in pœnitentis imponendis, moderandis, & tandem pœnitentibus reconciliandis, post seculum septimum sensim Presbyteris magis communicari cepit.

Cum enim post seculum septimum pro peccatis occultis desit imponi pœnitentia publica, unâ quoque vulgatum fuit, pœnitentiam occultorum criminum Presbyteris concessam; publicorum verò Episcopis reservatam. Quo magis ergo labentibus seculis pœnitentia publica desit; atque pœnitentia occulta & privata facta frequentior, etiam auctoritas pœnitentias imponendi & Pœnitentes reconciliandi ad Presbyteros magis magisque devolvi cepit; adeo ut tandem nonnisi *solemnis* pœnitentia Episcopis reservata remanserit; ut *cap. 2.* notatum fuit.

VI. Hinc videmus, libros pœnitentiales, nec non Canones pœnitentiales octavo & sequentibus seculis conditos, præcipue ipsos Presbyteros, tanquam pœnitentiæ ministros respicere; cum antiquiores Canones ferè solos Episcopos instruant, atque dispensatores pœnitentiarum supponant.

VII. Verùm hæc auctoritas non omnibus Presbyteris ita competebar, ut omnes indifferenter Presbyteri indistinctè quoslibet pœnitentes reconciliare possent; sed erat penes solos illos Presbyteros, qui specialiter ad curam animarum tanquam *proprii* Sacerdotes erant populo præpositi & deputati.

Sicuti enim his solis Sacramentorum & Divini verbi dispensatio respectu populi sibi concediti competebar; ita quoque iis solis pœnitentiarum impositio & Pœnitentium reconciliatio concedita erat.

VIII. Imò pluribus seculis obtinuit, ut confessio facta alieno Sacerdoti, & absolutio ab illo sine licentia proprii Sacerdotis obtenta, invalida reputaretur. Neque ulli eotempore licebat præter proprium Sacerdotem alium Confessarium, à quo validè absolveretur, eligere; nisi speciali privilegio esset munitus, quemadmodum in *cap. fin. De Pœnit. & Remiss.* dicitur: "Ne pro dilatione pœnitentiæ periculum imminet animarum, *permittimus Episcopis* & aliis Superioribus, nec non minoribus Prælatiis exemplis, ut etiam præter sui Superioris licentiam providum & discretum sibi possint eligere Confessorem.

Ad hunc textum rectè notat Glossographus: "Sic ergo videtur, quod Episcopi vel alii inferiores Prælati exempti ante istam permissionem non poterant se subicere alicui Confessori sine licentia Superioris: quia nullus Clericus sine licentia sui Episcopi potest eligere iudicium non sui iudicis, personæ vel rerum; ergo multò minùs iudicium animæ, quod majus est.

Hujus Decretalis cum auctor scribatur Gregorius IX. apparet, adhuc seculo XIII. hanc disciplinam viguisse; ut quisque suo proprio Sacerdoti sive Superiori confiteri deberet; nec sine hujus licentia alteri fas esset.

IX. Idipsum non obscure supponit Concilium Lateranense sub Innocentio III. sub initium illius seculi celebratum in *cap. OMNIS UTRISQUE SEXUS & De Pœnit. & Remiss.* Cum enim statuit, ut omnis utriusque sexus fidelis, postquam ad annos discretionis pervenerit, omnia sua solus peccata confiteatur fideliter, saltem semel in anno proprio Sacerdoti: & injunctam sibi pœnitentiam studeat pro viribus adimplere; nonnullis de perceptione Eucharistiæ, & hujus Decreti promulgatione interjectis, subjicit: "Si quis autem alieno Sacerdoti voluerit iusta de causa sua confiteri peccata, licentiam priùs postulet & obtineat à proprio Sacerdote, cum aliter ille ipsum non possit solvere vel ligare.

Finalis hæc clausula satis patenter supponit, secundum

disciplinam illius temporis, alieno Sacerdoti non fuisse potestatem solvendi vel ligandi sine licentia proprii Sacerdotis: cum aliàs ineptè à Concilio hæc ratio adduceretur, ad probandum, licentiam proprii Sacerdotis esse necessariam, ut quis alieno Sacerdoti confiteri posset. (a)

X. At exortis hoc & sequenti seculo Fratribus Mendicantibus, concessum iis fuit à variis Pontificibus, ut Fidelium ad eos accedentium confessiones liberè excipere, iisque convenientes pœnitentias, & debitè dispositis absolutionem impartiri valerent; quibus etiam ipsi Episcopi eandem facultatem dare ceperunt: quam & ad alios quoque Presbyteros, nullam specialem curam animarum habentes, extenderunt.

XI. Vigore horum privilegiorum, ac Episcopalis auctoritatis ceperunt Fratres Mendicantes, atque alii Presbyteri seculares nullam curam animarum habentes, omnium indifferenter fidelium ad se accedentium, pro tenore privilegii & auctoritatis Episcopalis, confessiones excipere; persuasumque fuit fidelibus, sibi liberum esse, hujusmodi Presbyteris etiam sine licentia proprii Sacerdotis confiteri; atque validè & licitè ab iis reconciliari.

XII. Verùm quemadmodum in privilegiis communiter saluum censetur *jus tertii*; ita quoque Pontifices & Episcopi hæc privilegia & facultates Regularibus aliisque Presbyteris concessa voluere, salvo *jure Parochi* sive proprii Sacerdotis; cui titulo curæ animarum sibi conceditæ competit *jure suo* sive ordinario Sacramenta populo sibi subiecto administrare.

Sed quia juxta Ordinationem Concilii Lateranensis populus non videtur, saltem ex præcepto Ecclesiæ adstrictus nisi *semel in anno* sua peccata confiteri; non videbatur *juri* proprii Sacerdotis aliquid detractum; si permitteretur populo ex devotione alieno Sacerdoti confiteri, si modò semel confiteretur in anno proprio Sacerdoti, sicut nihil detractum videbatur *juri* Ecclesiæ Parochialis, licet Fidelibus indulgeretur in Ecclesiis Regularium Sacram Eucharistiæ sumere, modò *semel in Paschate* in Ecclesia Parochiali communicarent.

XIII. Ne ergo *juri Parochi* sive proprii Sacerdotis videretur per privilegia aut licentias generales Mendicantibus concessas derogatum, non semel declararunt Pontifices & Episcopi, ita liberum esse Fidelibus confiteri quoties voluerint Presbyteris Regularibus legitime approbatis, ut tamen annuè semel proprio Sacerdoti confiteantur, aut alieno de *hujus licentia*.

XIV. Imprimis Martinus IV. anno 1281. in Bulla quâ Fratribus Minoribus impartitur licentiam excipendi Fidelium confessiones, expressè declarat, quòd ii, qui Fidelibus confitebuntur, suis Presbyteris Parochialibus confiteri, saltem *semel in anno*, prout Concilium generale statuit, teneantur, quodque iidem Fratres eosdem diligenter ad hæc & efficaciter secundum datam eis à Domino gratiam exhortentur.

XV. Referente Augustino Patricio in Historia Concilii Basileensis, inter cæteras Mendicantium assertiones à Concilio damnatas, erat hæc. "Fratres Mendicantes, etiam non præsentatos Ordinariis, omnium Confessiones posse audire, illosque, qui apud ipsos sint confessi, non obligari etiam *semel in anno* confiteri proprio Sacerdoti, nec petere confitendi vaniam." *cap. 137. Extat tom. 13. Concil. col. 1608.*

XVI. Rursus seculo XV. Sixtus IV. in Extrav. Vices De Treuga & pace in Communib. præcipit, ut ipsi Mendicantes desistant prædicare, quòd Parochiani non sint obligati, saltem in Paschate proprio confiteri Sacerdoti: Quia (ait) de jure tenetur Parochianus saltem in Paschate proprio confiteri Sacerdoti.

Post hæc subjungit Pontifex: "Per hoc tamen ipsi

(a) Legi possunt, quæ de eo Canone Auctor noster retulit. 4. in suis observationibus ad Canones Concilii 4. Lateranensis de Sacramentis

„ Fratres Mendicantes non censeantur exclusi, quominus secundum *juris communis & privilegiorum* eis concessorum dispositionem confessiones audire & poenitentias injungere valeant.

Ex sententia igitur Pontificis, ipsa Privilegia Fratrum Mendicantium non intelliguntur, nisi cum hac clausula, *salvo jure Parochi* ad *annuam* confessionem suorum Parochianorum secundum Ordinationem Concilii Lateranensis.

Hanc privilegiorum expositionem utpote æquitati ac juri communi consonam, Synodi & Episcopi passim in suis Decretis expresserunt; nec aliter Regularium approbationes, tametsi illimitatas intelligendas declararunt.

XVII. Sanctus Carolus in Concilio Mediol. I. *parte 2. cap. 6.* ait: „ Innocentii III. Constitutionem in generali Concilio editam, quæ sancitum est, ut Fideles saltem semel in anno *proprio* Parocho peccata sua confiteantur, inviolatè omnes servant.

Non ergo sufficit Sancto Carolo, quod Fideles semel in anno confiterentur Confessario ab Episcopo legitime approbato; sed voluit, ut *proprio* Parocho semel in anno confiterentur juxta Constitutionem Concilii generalis.

XVIII. Synodus Atrebatensis sub Francisco Richardo an. 1570. ita statuit: „ Pastores diligenter considerent ovilia sua, & inscribant singulos, qui (semel in anno saltem) confessi fuerint peccata propria, idque *proprio* Sacerdoti aut alteri idoneo, qui hujus rei *potestatem* habeat ab ipso *Pastore*, ut intelligat & planè cognoscat in suis gregibus, an sint aliqui, qui hoc sanctum Ecclesiæ præceptum negligant, quos tenebitur notare & deferre. „ *De Sacramento Penit. cap. 2.*

Quid evidentius quàm Synodi hujus Patres supponere, Parochianos semel in anno teneri confiteri *proprio* Pastori; aut alteri de Pastoris speciali licentia.

XIX. Synodus Audomarenensis anno 1583. *tit. 7. cap. 2.* mandat districtè observari *Canonem* OMNIS UTRIVSQUE SEXUS, ac deinde *cap. 5.* declarat, illum non de solis laicis, verùm etiam de Clericis, & omnibus, qui in Ordinibus constituti sunt, sive sacris, sive non sacris intelligendum esse, ac tandem *cap. 6.* quis sit singulorum *proprius* Sacerdos ad mentem dicti Canonis exponit his verbis: „ Proprium autem Sacerdotem illum intelligi declaramus, cujus curæ quisque propriè subiectus est. Sic Parochus *proprius* Sacerdos est Parochianorum suorum, tam Sacerdotum ac Clericorum Parochiæ subservientium, aut in Parochia habitantium, nec ad certam Ecclesiam pertinentium, quàm laicorum. Sic Archipresbyterum seu Decanum Christianitatis cujusque loci, *proprium* Sacerdotem esse & agnosci volumus Pastorum sui decanatus, sic Archipresbyterum civitatem, *proprium* Sacerdotem, ut Pastorem sui decanatus, ita & cæterorum Archipresbyterorum sive Decanorum Christianitatis. Eorum, qui dignitatem, Canonice Beneficium, vel officium, in Ecclesiis Collegiatis nobis subditis obtinent, *proprius* Sacerdos est is, cui ratione dignitatis animarum cura incumbit, aut ubi hujusmodi non est, cui nos id muneris crediderimus, Monachorum, est Prælati. Singuli itaque, juxta præscriptum hoc, *proprium* suum Sacerdotem agnoscant; aliquoties annis singulis, & ut minimùm semel, suo quique confitentes.

Idipsum de Canonicis & Capellanis in Ecclesiis Collegiatis præcipit Synodus Cameracensis anno 1567. *tit. De Penit. cap. 8.* ut nimirum saltem semel in anno confiteantur suis Decanis aut Præpositis tanquam *propriis* Pastoribus, videlicet in Paschate, aut saltem eo tempore alteri confitendi *licentiam* impetrent.

Idem non tantùm à Canonicis & Capellanis, sed & Pastoribus aliisque Clericis observari vult Synodus Budocensis sub Metio *Tit. De Penit. Sacram. cap. 4.*

Similiter Synodus Iprensis sub Rithovio idipsum inculcat; addit ab omnibus hac ratione: *Non enim minus Ecclesiasticos, quàm laicos obligat dictum Capitulum OMNIS UTRIVSQUE SEXUS.*

Similia in aliis Synodis Belgicis sub idem tempus celebratis leguntur; additque Synodus Tornacensis anno 1574. *Tit. De Sacram. Penit. cap. 3.* „ Et ob id nullus Sacerdos regularis vel secularis, etiam privilegii Apostolici prætextu, tempore quadragesimæ, poenitentium confessiones excipere præsumat, nisi de impetrata à Pastore licentia, eidem innoverit.

XX. Demum sub finem præcedentis seculi, occasione cujusdam controversiæ inter Parochos & Fratres Mendicantes in civitate Duacensi; & Brevis Clementis VIII. hac de causa missi ad Nuntium Apostolicum Bruxellis residentem, Archiepiscopus Cameracensis & Episcopus Atrebatensis litteris suis Pastoralibus datis 26. Februarii 1594. id est, biennio post emanatum Breve Clementis VIII. scripserunt: „ Juxta laudabilissimam consuetudinem observatam in Cameracensi Diecepsi nostra, & per totam Rhemensem Provinciam, unde antea dependebat; huc etiam additis Synodalibus nostris, nostrorumque Prædecessorum Decretis; quorum aliqua trecentis annis & amplius vetusta sunt; obligati cunctis confiteri semel in anno, scilicet pro Paschate *proprio* vestro Curato vel alii de ejus licentia: ut post Pascha rationem nobis, prout per præfata Decreta tenetur, de defectibus reddere valeat.

Hæc in litteris Archiepiscopi Cameracensis, quibus ad verbum respondent litteræ Episcopi Atrebatensis; hoc solo excepto quod pro his verbis: *Et per totam Rhemensem Provinciam, unde antea dependebat* in litteris Atrebatensis habeatur: *Et per totam Provinciam Cameracensem, quondam Provinciam Rhemensem unde ante Dieceps nostra dependebat.*

Declarant præterea, huic præcepto & consuetudini per *Sanctissimum Dominum nostrum Papam* (Clementem VIII. intelligunt) vel *Prædecessores ejus, minimè derogatum fuisse.* Quod latius ostendit Bonaventura Balleau in suo Theophilo Parochiali *part. 4. art. 15.*

XXI. Quid de hac disciplina censeant Episcopi Ecclesiæ Gallicanæ, præterquam quod eam in omnibus pendè suis respectivè Synodis stabiliant, dignoscitur ex declarationibus, quas non semel Clerus Gallicanus edidit; ac signanter novissimè anno 1665. in generali Congregatione Cleri habita Parisiis, eam his verbis expressit: „ Juris obligatio, qua Fideles *tenentur confiteri* & communicare semel in anno, præscripta à Concilio Lateranensi sub Innocentio Papa III. confirmata in Concilio Trident. & explicata à S. Carolo in priore Synodo Mediol. religiosè observari debet. Quamobrem curabunt Fideles, ut Paschatis tempore *confiteantur*, & communicent in *sua Parochia*, nisi ab Episcopo, generali illius Vicario vel Parocho, extra Ecclesiam confiteri permisi fuerint.

XXII. Conformiter ad has Cleri Gallicani declarationes, nec non Decretum Concilii Provincialis Rhemenensis anni 1583. *tit. De Penitentia*, orta super hoc jure Parochorum controversiâ in civitate Ambianensi, atque per appellationem causâ devolutâ ad Archiepiscopum Rhemensem tanquam Metropolitanum, hic per sententiam definitivam 22. Martii 1687. declaravit: „ Quod hæc obligatio confitendi *proprio* Parocho, aut ab eo petendi & obtinendi licentiam confitendi alteri Sacerdoti, intelligenda sit de confessione annua, ad quam omnes utriusque sexûs Fideles tenentur infra quindenam Paschalem, conformiter ad usum Ecclesiæ Gallicanæ; & signanter hujus Provinciæ (Rhemensis) ad satisfaciendum præcepto Ecclesiæ expresso in Canone *Omnis utriusque sexûs* Concilii Lateranensis IV. Quod Canon Concilii Provincialis Rhemenensis interpretatus juxta usum constantem illius Provinciæ, taliter obliget utriusque sexûs Fideles, ut iis licitum non sit influendi confessionem suam *annuam* omni alteri „ Sacerdoti



Sacerdoti sive seculari sive regulari, etiam legitime & indefinitè approbato, sine speciali licentia sui Parochi aut Episcopi Diœcesani; qui Episcopus eam cum cognitione causæ dare potest, recusante Parocho; imò & concedere in certis casibus, & ob rationes ipsi notas & bonum conscientiarum, illis, qui in his casibus non habuerint recursum ad Parochum, quem ordinariè Fideles suo Parocho debent, sed directè se Episcopo præsentarunt. Quòdque Confessarii seu seculares seu regulares etiam legitime & indefinitè approbati nequeant absolvere illos, qui ad satisfaciendum annuæ confessioni per Concilium Lateranense præceptæ, non petissent & obtinuissent licentiam specialem sui Curati aut Episcopi modo supra descripto.

XXIII. Rationem hujus disciplinæ jam pridem exposuit S. Bonaventura in Tractatu, *Quare Fratres Minores prædicant*: "Primo quidem ut Pastor cognoscat in quo statu quilibet sibi commissorum sit, ut saltem sciat medicinam ei competentem exhibere, instructionis, correctionis, consolationis. Secundò, ut noscat quibus possit corpus Christi indulgere, vel quos à Sacramentis arcere. Deinde ut discernantur obediens à negligentibus vel hæreticis; per observantiam talis statuti.

XXIV. Cæterum cum præceptum annuæ confessionis juxta Canonem OMNIS UTRIUSQUE faciendæ proprio Sacerdoti in pluribus Belgii hujus Diœcesibus, nec ab Episcopis nec à Pastoribus urgeatur, neque à tempore immemoriali aliquod speciale Decretum super hujus præcepti observantia emanavit, apparet, Fideles illarum Diœcesium per tacitum Prælatorum & Pastorum consensum, hætenus ab ea obligatione solutos; saltem quousque Episcopi & Superiores eam novis Decretis urgebunt.

Inferioribus verò Curatis in hujusmodi Diœcesibus hanc disciplinam sive obligationem privatâ auctoritate urgere, & introducere non convenit; ne aliàs silentibus aut secus sentientibus Episcopis, plus destruant, quàm ædificent; ipsasque Parochias suæ curæ commissas sine fructu turbent, animosque Fidelium inquietent.

At ubi Episcopi hætenus eam disciplinam urgent ac tuentur, suisque Decretis stabiliunt, & Fideles ei obedire, & inferiores Curati aliique Confessarii seu seculares seu regulares se illis conformare tenentur.

XXV. Ne verò stante hac disciplinâ conscientia subditorum nimium constingatur, præcipiunt passim Synodi, ne Parochi postulantibus licentiam alteri confidendi eam faciliè negent.

De hac licentia in sua Synodo Diœcesana XI. ita loquitur S. Carolus: "In Diœcesi autem & generatim & sigillatim Parochus se facilem præbeat in consentiendo Parochialibus suis, de quibus nulla sit suspicio, eos medicinæ vitandæ causâ Parochi judicium subterfugere, ut ad alios Confessarios à nobis testimonio scripto probatos se conferant, qui peccatorum suorum confessionem audiant. Imò verò eam facultatem spontè sigillatim offerre debet iis, qui lites, controversias, dissensionesve secum exercuerint, exerceant, de iis præsertim rebus, quæ ad munus spirituale Parochialis curæ non attinent. Quâ in re si Parochus defuerit, tunc Vicarius foraneus facultatem concedat, ut alios Confessarios adire possint. Verùm ne idem Vicarius foraneus & Parochus generatim consensiat, eos, à quo voluerint Confessario audiri, sed ab eo, quem ipse, vel Parochus, vel Vicarius maluerit; vel ab illo, quem è pluribus piis & peritis ab eodem Parocho & Vicario propositis, Pœnitens ipse sibi delegerit.

Quin & istud constat, ipseque Carolus in præallegatis verbis expressit, si Parochus in concedenda licentia justo morosior fuerit, Episcopum ejusve Vicarium eam licentiam dare, & defectum Parochi supplere posse; quin & interdum eam licentiam dare iis, qui eam à Parocho non petierunt.

Tom. I.

## CAPUT VII.

De jure Parochorum, & Mendicantium Privilegiis ubi de Confessionibus excipiendis agitur.

1. Parochis jure proprio competit suorum Parochianorum confessiones audire.
2. Gersonii sententia.
3. Huic conforme videtur Decretum Concilii Tridentini Sess. 21. cap. 4.
4. Primum de Confessionibus cujuslibet Christiani audiendis concessum ad Greg. IX. auctorem refertur.
5. Innocentius IV. Mendicantibus confessariis novâ Bullâ patrocinator.
6. Dissidia inde orta inter Pastores & Mendicantes.
7. Bonifacius VIII. discordiam sedare aggreditur.
8. At spes sua ipsum fefellit, si Benedicto XI. credatur.
9. Ipse Benedictus nedum ignem extinxerit, novâ Bullâ illum aluit.
10. Eam abrogavit Clemens V.
11. Ejus successores suis constitutionibus litem non definiunt.
12. Parochorum causam suscepit Gersonius.
13. In Concilio Trident. plurimi præsules petierunt ut hæc Mendicantium privilegia revocarentur.
14. Obliterant Superiores Generales ordinum regularium.
15. Curia Romanæ intererat, ut eorum privilegiis patrocinaretur.
16. Inter eorum Patronos emicuit S. Thomas.
17. Horum Privilegiorum defensor acerrimus fuit Rogerius Cbonnoe.
18. Fundamentum, quo nitebatur illa defensio.
19. Cardin. de Luca ardens patronus Privilegiorum, quæ Regularibus concessa sunt, movebatur eo principio: Papa est ordinarius ordinariorum, &c.
20. Quid senserit D. Fleury Historicus?
21. Abytonis, qui IX. seculo floruit, sententia exponitur.
22. Necessitas confitendi proprio Episcopo vel Parocho intacta mansit usque ad XIII. seculum.
23. Eam agnovit Innocentius IV.
24. Fuerunt nonnulli Theologi, qui docuerunt esse iterum faciendâ Parocho confessiones, quæ alieno Sacerdoti peractæ antea fuerant.
25. Quid de ea opinione senserint Benedictus XI. & Joannes XXII.

I. OBSERVATUM est superiori capite num. 7. quoddam jus excipiendi confessiones parochianorum annexum sit beneficio parochiali, ipseque parochus sive curato competat jure ordinario; non secus ac jus annuntiandi verbum Dei vel alia Sacramenta administrandi.

Hinc sequitur, hoc jus excipiendi confessiones suorum parochianorum sibi confiteri volentium parochus non magis adimi posse, quàm jus annuntiandi verbum Dei, vel cætera Sacramenta administrandi, aut functiones ad curam animarum spectantes exercendi.

II. Idipsum jam pridem notavit Cancellarius Universitatis Parisiensis Joannes Gersonius in sermone contra bullam Mendicantium; in quo asserit, imprimis curatos succedere in locum 70. discipulorum, quemadmodum Episcopi succedere dicuntur in locum 12. Apostolorum, ipsosque curatos esse in Ecclesia minores Prælatos, & Episcopos majores Prælatos.

Ex his tanquam consequens infert: "Quod de ordinatione essentiali & stabili sanctæ Ecclesiæ æque bene est status curatorum, sicut ille Prælatorum, Cardinalium, Archiepiscoporum: imò verò sicut status ipsius Papæ, quamvis non sit adeò perfectus. Sequitur (pergit Gersonius) Papam hunc statum

M m m

„ de-

„destruere, aut annihilare non posse: cum hic status non proveniat ex sua positiva ordinatione, sed sine medio ex Dei ordinatione.

His positis concludit: „Ad curatos pertinet jus audiendi confessiones suorum parochianorum, aut procurare ut audiantur, & committendi, si Presbyter non est, aut si minus sufficiens.

Sequitur (pergit) „Papam aut alterum non debere auferre illam potestatem, aut jus ipsis curatis, ab illis ipsis placito & voluntate, saltem expediens non est.

Igitur ex sententia Gersonis, non tantum est curatis jus audiendi confessiones suorum parochianorum; nec curato sine legitima causa potest adimi; sed insuper si ad eos audiendum non sit capax, ob defectum ordinis presbyteralis, aut si minus sufficiat, ipsius est procurare ut audiantur, & jus committendi.

III. Hic Gersonis assertio conforme est Decretum Concilii Tridentini Sess. 21. cap. 4. de Reformat. quo injungitur Episcopis, „ut in omnibus Ecclesiis Parochialibus, in quibus populus ita numerosus sit, ut unus rector non possit sufficere Ecclesiasticis Sacramentis ministrandis, & cultui divino peragendo, cogant rectores vel alios, ad quos pertinet, sibi tot Sacerdotes ad hoc munus adjungere, quot sufficiant ad Sacramenta exhibenda, & cultum divinum celebrandum.

Evidens est Concilium supposuisse, ad rectores Parochialium Ecclesiarum pertinere sibi adjungere tot Sacerdotes, in casu, quo ipse solus non sufficiat, quot sufficiunt Sacramentis ministrandis & cultui divino peragendo. Ad Episcopos vero pertinet cogere Rectores seu Parochos, ut in casu non sufficientiae tot sibi adjungant Sacerdotes, quot ipsis sunt necessarii; & in casu negligentiae defectum Parochorum legitime supplicant, Sacerdotes mittendo.

Verum est, Concilium supponere etiam ad alios posse spectare jus & obligationem adjungendi, Sacerdotes in adiutorium parochi (a); sed ex contextu sufficienter constat, jus illud primario Episcopis deferri; verum aliis primitivis pastoribus non competere, nisi alio speciali accedente titulo, uti supra part. 1. tit. 3. cap. 2. notavimus.

IV. At Romani Pontifices arbitrati sunt sibi jus competere concedendi cuilibet Presbytero licentiam excipiendi Fidelium confessiones. Id satis constare videtur privilegiis, quae mendicantibus religiosi hac de re contulerunt.

Primus, qui simile Privilegium dedit, videtur fuisse Gregorius IX. scribit enim Matthaeus Parisiensis ad annum 1246. quod Fratres Praedicatorum impetraverint à Papa Gregorio IX. (qui specialiter eorum fautor erat) *INAUDITUM privilegium, hoc etiam ipsis temporibus novum.*

Bullam sive privilegium hoc exhibet ibidem Parisiensis, datum Anagninae IV. Kalend. octob. Pontificatus sui anno 1. id est anno 1227.

In hac Bulla mandat omnibus Praelatis per Angliam constitutis, „ut Fratres Praedicatorum benigne recipiant, & populos sibi commissos sedulo admoneant,

(a) Anno 1700. 14. Julii. Cardinalis Noallius à Supremo Parisiorum senatu obtinuit Arrestum adversus Nicolaum Coignet Sancti Rochi Parisiensis Pastorem: illud autem declaratur nullum repeteri abusu in instrumentis, quibus Card. Noallius concedebat Presbyteris Ovein, Nouet, & Joanni Nouet licentiam audiendi Confessiones in Ecclesia Sancti Rochi, quamvis Parochus eos recipere renueret. Ut hujus Arresti motivum innoteat; notandum est, quod cum querela ad Card. Noallium delata fuisset adversus Pastorem incuriam & confessoriorum paucitatem in ejus Parochia, admonitus Sancti Rochi Pastor, ut Confessarios ex Sacerdotibus approbatis assumeret, sui Archiepiscopi monitis obtemperare renuit. Quapropter cum Praefatus Eminentissimus querelas iterum adversus confessoriorum paucitatem accepisset, ad media, quae jus suppeditat, confugit, coegitque viis justitiae, ut aiant, Pastorem ut admitteret tres praedictos Sacerdotes, qui confessiones in Parochia S. Rochi audirent.

„ut ex ore ipsorum verbi Dei semen devotè suscipiant, & confiteantur: Cum ipsis (inquit) auctoritate nostra liceat confessiones audire, ac poenitentias injungere.

V. Cum autem nonnulli Praelati Anglicani Fratres Praedicatorum in hujus privilegii usu turbare viderentur, scilicet hos Fratres sine sua licentia ad praedicationis officium, vel confessiones excipiendas admittere renuentes, Fratres hi recursum habuerunt ad Innocentium IV. qui mox à sua ad Pontificatum assumptione, scilicet anno 1243. Bullam expedivit in favorem horum Fratrum, inscriptam Episcopis Vintoniensi, Vigornienfi, & Norwicensi, quibus mandat, ut dictos Praelatos auctoritate Apostolica compefcant, iisque praecipiant ut juxta *Apostolica scripta* Fratribus Praedicatoribus permittant libere fidelium confessiones excipere. Bullam hanc exhibet ibidem historicus praefatus.

Post haec narrat idem historicus quantà insolentia Fratres huius privilegii muniti sese erga Praelatos, & ordinarios pastores gesserint: atque fideles à propriis pastoribus abstrahere, & ut sibi confiterentur inducere studuerint. Ut & hinc factum sit, prout subjicit idem auctor: „*Quod multi praecipue Nobiles, & Nobilium uxores, spectis propriis Sacerdotibus & Praelatis, ipsis Praedicatoribus confitebantur. Unde non mediocriter viluit Ordinarii dignitas & conditio, & de tanto sui contemptu, non sine magna confusione, doluerunt.*

„Nec sine evidenti causa (inquit Historicus) videbant hunc ordinem Ecclesiae, jam enormiter perturbari, quem constat, longis retroactis temporibus, in Deo placita simplicitate ambulantes, multos de seculo migrantes Deo praesentasse Sanctos, de quorum sanctitate nefarium iudicio dubitare. Videbant desuper, Parochianos suos audacter jam peccare, & impudenter, scientes se coram Presbytero proprio non erubescere, sua enormia peccata confitendo; quod magnum reputatur periculum, cum rubor & confusio pars sit maxima & potissima poenitentiae. Dicebantque susurrantes peccaturi ad invicem: *Perpetremus, quae nobis voluptuosa videntur, & placentia; aliquibus enim Praedicatorum vel Minorum per nos transitum facientibus, quos nunquam vidimus vel nunquam visuri sumus, cum consummatum fuerit quod desideramus, sine aliqua molestia confitebimur.* Et sic contemptis Ordinariis, & eorum disciplinis, peccatum copiosius exuberavit.

VI. Haec dissidia inter Praelatos & Parochos ab una, & Fratres Ordinis Praedicatorum & Minorum ex altera partibus, occasione ejusmodi Privilegiorum, non tantum fuisse in Anglia, sed etiam sensim in reliquis christiani Orbis regiones se diffudisse testatur Bonifacius VIII. sub finem hujus seculi XIII. in Constitutione, quae incipit, *super Cathedram*, relata inter Extrav. communes, sub titulo de Sepulturis.

VII. In hac enim Constitutione declarat Pontifex: „Quod ab olim inter Praelatos & Rectores, seu Sacerdotes, ac Clericos Parochialium Ecclesiarum per diversas mundi provincias constitutos ex una parte, & Praedicatorum & Minorum Ordinum Fratres ex altera, gravis & periculosa discordia extitit suscitata super praedicationibus fidelium populis faciendis, eorum confessionibus audiendis, poenitentis injungendis eisdem, & tumulandis defunctorum corporibus, qui apud Fratrum Ecclesias sive loca noscuntur eligere sepulturam.

Hanc gravem, & periculosam discordiam hac sua Constitutione, „intendens paternae sollicitudinis studio (ut ipse loquitur) prorsus evellere, ac omnimodè submovere, nullis unquam temporibus futuris, favente Domino, suscitandam. „Plura circa tria haec discordiae semina constituit; ac signanter super articulo de audiendis fidelium confessionibus, & injungendis poenitentis statuit, ut Superiores Ordinum illorum „se conferant per se vel per Fratres, quos ad „hoc

» hoc idoneos fore putaverint, humiliter petitori à  
» Prælati, ut Fratres, qui ad hoc electi fuerint, in  
» eorum civitatibus & Diœcesibus confessiones sub-  
» ditorum suorum confiteri sibi volentium, audire  
» libere valeant, & huiusmodi confitentibus ( prout  
» secundum Deum expedire cognoverint ) pœnitentias  
» imponant salutare, atque eisdem absolutionis bene-  
» ficiū impendere de licentia, gratia, & beneplacito  
» eorūdem.

» Et si eidem Prælati ( pergit Pontifex ) peritam licen-  
» tiam Confessionum huiusmodi audiendarum concess-  
» erint, illam præfati Magistri, Ministri & alii cum  
» gratiarum recipiant actione: dictæque personæ sic ele-  
» ctæ, commissum sibi officium exequantur.

Post hæc subiungit: "Quod si forte jam dicti Prælati  
» quemquam ex dictis Fratribus præsentatis eisdem, ad  
» huiusmodi officium nolent habere, vel non ducerent  
» admittendum; eo amoto, vel subtracto, loco ipsius  
» similiter eisdem præsentandus Prælati, possit & de-  
» beat alius surrogari. Si vero iidem Prælati præfatis  
» Fratribus ad Confessiones ( ut præmittitur ) audien-  
» das electis huiusmodi exhibere licentiam recusarint,  
» nos ex nunc ipsis, ut Confessiones sibi confiteri vo-  
» lentium, libere liciteque audire valeant, & eisdem  
» pœnitentias imponere salutare, atque eisdem abso-  
» lutionis beneficium impertiri gratiose concedimus de  
» plenitudine Apostolicæ potestatis.

VIII. Bonifacius hac sua Constitutione sperabat hanc  
» gravem & periculosa discordiam omnino evellendam;  
» sed spes sua ipsum fefellit, si Benedicto XI. ejus in Pon-  
» tificatu successori credimus.

Hic enim Benedictus XI. ad Pontificatum ex Ordine  
» Fratrum Prædicatorum assumptus, ut hæc dissidia ex-  
» tingeret, novam edidit Constitutionem, quæ incipit,  
» *Inter cunctas*, relatam inter Extravagantes communes  
» sub titulo de Privilegiis.

In hac sua Constitutione præfatur, quod debeat,  
» quantum ex alto permittitur, pacem inferere, scan-  
» dala remove, iurgiorum remove materiam, &  
» intelligere super egenum & pauperem, quia non in  
» finem oblitio erit pauperum, & patientia pauperum  
» non peribit in finem.

Quæ finalia verba evidenter Fratres Mendicantes, &  
» quorum Ordine erat assumptus, respiciunt.

Post hæc subiungit: "Sane dudum bonæ memoriæ  
» Bonifacius VIII. prædecessor noster quandam spe-  
» cialem inter Prælatos, Rectores, seu Sacerdotes &  
» Clericos Partecialium Ecclesiarum, ex parte una; &  
» Prædicatorum ac Minorum Ordinum Fratres ex altera  
» super faciendarum prædicationum, audiendarum  
» Confessionum per eosdem Fratres, ac de eis relictis;  
» & de funeralibus canonicæ portionis articulis, Con-  
» stitutionem edidit, certum his modum imponens,  
» prout in eadem Constitutione plenius continetur. Sed  
» (inquit) pro ea, quam intendebat, quiete, turbatio  
» mota est, pro concordia sunt suborta dissidia, & pul-  
» sulate inquietudines pro tranquillitate nascuntur. Sic-  
» que dum ansam solvisse se credidit, nodum ligasse  
» videtur, & septem uno hydræ amputato capite ful-  
» citasse.

» Nec mirum (pergit Benedictus) quia plerumque  
» pariunt novitates discordiam, præsertim dum ab eo,  
» quod diu æquum visum est, per novam Constitu-  
» tionem receditur: nec quare recedatur, utilitas evi-  
» dens vel alia causa subest.

» Ipse autem cupiens, "ut gregi cura eo plenior impen-  
» datur, quo amplior in agro Domini operariorum  
» numerus operatur, super egenum (ait) intendentes  
» & pauperem, ac novitatem removens per eandem  
» Constitutionem inductam, hanc ipse novam Con-  
» stitutionem, sive Extravagantem, Bonifacii VIII. Ex-  
» travagantis abrogatoriam, evulgavit.

Evidens est hunc Pontificem credidisse, & publice  
» per suam Extravagantem declarasse, ex Constitutione

Tom. I.

Bonifacii VIII. qua ipse Bonifacius credebatur gravi  
» & periculosa discordiæ finem imponendum, pro con-  
» cordia fuisse suborta scandala, & pullulasse inquietudines  
» pro tranquillitate.

Insuper ex relatis verbis hujus Extravagantis Benedi-  
» cti XI. intelligitur, hunc Pontificem existimasse, Boni-  
» facium per suam Constitutionem modificando & intra  
» suos limites Ordinum Prædicatorum & Minorum Privi-  
» legia reducendo, non satis intellexisse super egenum &  
» pauperem: ipse autem per Constitutionem suam, am-  
» pliando hæc Privilegia, intendat intelligere super egenum  
» & pauperem, scilicet Fratrum inopiæ & paupertati ope  
» horum Privilegiorum succurrendo.

IX. Ut igitur Fratribus ampliorem favorem im-  
» pendar, atque hac ratione intelligat super egenum &  
» pauperem, hac sua Constitutione declarat, "quod  
» libere AUCTORITATE APOSTOLICA absque  
» licentia Diœcesanorum & aliorum Prælatorum inferio-  
» rum Exemptorum, & non Exemptorum. quibus sub-  
» sunt qui ad consistendum accedunt, audiant, eis peccata  
» sua confiteri volentes.

» Ut autem (ait Pontifex) Diœcesanis honor debitus  
» reservetur, præcipimus, ut Provinciales, Priores Præ-  
» dicatorum, & Ministri Minorum Ordinum præfato-  
» rum, per se vel alios, verbo vel scripto, eis signifi-  
» cent se Fratres ad huiusmodi Confessionum audien-  
» darum, & pœnitentiarum injungendarum officium  
» elegisse, & non nominando, aut coram ipsis sitendo  
» eos, nec illorum numerum exprimendo, petant hu-  
» militer à Diœcesaniseisdem, quod iidem electi Fratres  
» de ipsorum beneplacito, & licentia dictum possint in  
» eorum civitatibus & Diœcesibus intra eis determina-  
» tos fines officium exercere. Quod si denegent, vel  
» intra triduum non concedant, ex tunc iidem Fratres  
» nihilominus Auctoritate eadem huiusmodi officium  
» exequantur. Datam vero licentiam per Diœcesano-  
» rum mortem nolumus terminari.

Imprimis probat hæc Constitutio, quod & à plu-  
» ribus annotatum est, similia Privilegia à Fratribus sol-  
» licitata, & per Pontifices indulta fuisse, ut per ea  
» Fratrum necessitatibus in temporalibus succurreretur:  
» quod & Fidelibus perniciosum, & Fratribus admodum  
» periculosum esse non ambigitur, & à multis deplora-  
» tum fuit.

Atque inter alios jam pridem per Richardum Archi-  
» episcopum Armachanum in *Defensorio Curatorum* cor-  
» ram Innocentio VI. notatum est, quod & eo titulo salu-  
» brius & tutius sit Parochianis confiteri proprio Sacerdo-  
» ti, sive Curato, quam Fratribus Mendicantibus, quod  
» hi à suis pœnitentibus temporale subsidium expectantes,  
» congruas pœnitentiis injungere non audeant, ne pœ-  
» nitentium in se affectum amittant.

Præterea quis non videt, per hanc Constitutionem  
» dictos Fratres, qui duntaxat in subsidium Prælatorum  
» & Parochorum Ordinariorum sunt instituti, & ut tales  
» ab Ecclesia admitti, ad præcipuas Hierarchicas ac Pasto-  
» rales functiones, & à quibus rite administratis, recta  
» animarum directio præcipue dependet, independentem  
» à licentia Prælatorum & Pastorum Ordinariorum ad-  
» mitti.

X. Non mirum proinde quod Clemens V. hujus Be-  
» nedicti XI. immediatus successor hanc Constitutionem  
» omnino cassaverit, & præfatam à Bonifacio VIII. edictam  
» innovaverit; "ut pote quæ (teste hoc Pontifice Clemen-  
» te V.) ut probavit effectus, nedum pacis ab Auctore  
» speratæ fructum non attulit, quin imo discordiæ pro  
» qua sedanda processerat, fomentum non modicum  
» ministravit. Hæc Clementis V. Constitutio extat in  
» Clementina, dudum de Sepulturis.

XI. Verum sicut per Constitutionem Bonifacii VIII.  
» dissidia & scandala non fuerunt extincta, ita nec per hanc  
» Clementis V. Bonifacianæ Constitutionis confirmatori-  
» am; uti probant succedentium Pontificum pro his dissi-  
» diis extinguendis editæ Constitutiones & Bullæ.

M m m 2

Atque



Atque inter alios Alexander V. ex Ordine Minorum anno 1409. ad Pontificatum assumptus, Bullam emisit, quæ incipit, *Regnans in calis*; Fratribus Mendicantibus non minus favet quam Benedicti XI. Constitutio. De Bulla Alexandri V. loquens Natalis Alexander in Historia Ecclesiastica seculi XV. in vita hujus Pontificis, asserit quod Fratres Prædicatores & Carmelitæ palam professi sint, hanc se in seipsos impetratam fuisse, nec eam approbare; "Fratres vero Minores de Alexandri V. exaltatione intemperantius exultantes, ejusque in Ordinem suum amore & benignitate abusi, pernaciores fuerunt; quibus juncti Augustiniani, cum Privilegiis nova illa Constitutione collatis cedere nolent, Edicto Regio, publica Praconum voce, Parochis prohibitum est gravi multa, ne ipsos in Ecclesiis Confessiones audire, aut Conciones habere sinerent.

XII. Bulla hæc, utpote Statum Hierarchicum non parum perturbans, multum offendit Episcopum & Academiam Parisiensem; quorum causam suscepit celeberrimus ejus ætatis Doctor Joannes Gersonius in sermone quem coram populo habuit; extatque inter ejus Opera sub hoc titulo: *Sermo factus ad populum Parisiensem ex parte Universitatis super facto Bullæ Mendicantium anno 1409.*

In hoc sermone asserit in Ecclesia à Deo institutum Ordinem Hierarchicum ex Prælati majoribus, ut sunt Papa & Episcopi, & minoribus qui sunt curati, nec posse hunc à Deo institutum Ordinem inverti, quemadmodum ibidem exponit; atque una quæ sint jura Prælatorum, signanter Minorum Prælatorum sive Curatorum describit, ostenditque hæc per Fratres Mendicantes sive Privilegiatos infringi non posse.

XIII. Dissidia & discordias inter Prælatos & Mendicantes etiam post Constitutionem Alexandri V. perseverasse; imo nec tempore Concilii Tridentini, Prælatorum querelas contra hæc Privilegia cessasse, ex Actis & Historia hujus Concilii evincitur: quin & constat plures ex Patribus instituisse, ut auctoritate Concilii hæc Privilegia totaliter revocarentur, ut scilicet his Privilegiis revocatis, Fratres Mendicantes reducerentur ad primævam suam institutionem, ad quam reducti ipsi ut auxiliares & subsidiarii Prælatorum & Pastorum Ordinariorum in functionibus Hierarchicis, plenarie subderentur Prælati & Parochis.

XIV. Porro ex Actis & Historia Concilii Tridentini & hoc intelligitur, postulatæ Privilegiorum revocationi restituisse non tantum Ordinum illorum Generales, eorumque Patronos; sed vel præcipue Curiales Romanos: qui & hanc revocationem urgentes, ut Sedis Romanæ & Autoritatis Pontificiæ adversarios palam tradebant.

XV. Nec sane mirum apparebit, Curiam Romanam, hisce Fratrum Mendicantium Privilegiis conservandis favisse, si attendatur per Privilegia, plenitudinem Potestatis Pontificiæ stabiliri: quin & ipsa Privilegia, signanter in quantum per illa indulgetur Fratribus excipere Confessiones Fidelium; & eis annuntiare verbum Dei in Episcoporum Diocesis & Curatorum Parochiis, sine eorum licentia, huic plenitudini potestatis & jurisdictionis tanquam basi & fundamento inniti.

Vidimus enim Pontifices, in concessione horum Privilegiorum, eam de plenitudine Potestatis Pontificiæ impendisse.

Et quidem Bonifacius VIII. in Extravagante supra *Cathedram*, & renovata per Clementinam, dudum, postquam præscripsit modum, quo Fratres debeant per Superiores Ordinum ad audiendas Confessiones electi, Episcopis præsentari atque licentia ad audiendas Confessiones peti, subjungit: "Et si iidem Prælati præfatis Fratribus ad Confessiones (ut præmittitur) audiendas electis, hujusmodi exhibere licentiam recusarint: "Nos (ait) ex nunc ipsis ut Confessiones

"sibi confiteri volentium libere liciteque audire valeant, & eisdem poenitentias imponere salutares, atque eisdem absolutionis beneficium impertiri, gratiosè concedimus de plenitudine Apostolica potestatis.

Uterius nec ignorabant Pontifices, quod Fratres Mendicantes his Privilegiis muniti, eam plenitudinem Pontificiæ Potestatis & jurisdictionis, tanquam suorum Privilegiorum basim & fundamentum, eodem quo sua Privilegia zelo & studio propugnaturi essent.

Et sane videmus quotquot in defensionem horum Privilegiorum scripserunt, eam in Pontifice plenitudinem potestatis supposuisse & asseruisse, ac in fundamentum & basim Privilegiorum assumplisse.

XVI. Et inter alios S. Thomas in opusculo contra Guillelmum de sancto Amore, propugnans Privilegia Fratrum Mendicantium, signanter de audiendis Confessionibus, pro fundamento ponit cap. 3. §. 14. *Quod Papa habeat immediatam Jurisdictionem in omnes Christianos.*

Deinde postquam dixit Christum esse proprie dictum Sponsum Ecclesiæ, monet, quod ministri Ecclesiæ tantum dicantur Sponsi, in quantum vicem veri Sponsi gerunt; & ideo (ait) Papa, qui obtinet vicem in tota Ecclesia, (sponsus) Universalis Ecclesiæ dicitur: Episcopus autem suæ Diocesis, Presbyter autem suæ Parochiæ.

Planum est S. Thomam asserere voluisse Papam habere immediatam jurisdictionem in omnes Christianos, qualem habet Episcopus in Christianos suæ Diocesis, & Curatus in subditos suæ Parochiæ: idcirco juxta D. Thomam Papa dici potest Sponsus Universalis Ecclesiæ tanquam vicem gerens veri sponsi in tota Ecclesia, quemadmodum Episcopus dicitur sponsus suæ Ecclesiæ, & Presbyter suæ Parochiæ.

Hoc posito fundamento, consequens est in Papa esse plenitudinem Pontificiæ Potestatis, eo sensu quod totam & Universalem Ecclesiam ex omnibus particularibus Ecclesiis constantem, habeat pro sua Diocesi, atque ad omnes illas ejus Pastoralis sollicitudo & auctoritas se extendat, ac si immediate ipsi essent, tanquam Episcopo & Pastori subjectæ; uti eam potestatis Apostolicæ plenitudinem exposuisse Innocentium III. ostendimus 1. parte, tit. 19, cap. 8.

Ex his ulterius concludere poterat S. Thomas, quod sicut potest Episcopus Presbyteris dare licentiam audiendi Confessiones per totam suam Diocesim, similiter possit Papa eam dare per totam Ecclesiam, tanquam per suam Diocesim.

Habemus plura opuscula Sancti Bonaventuræ quibus hæc Fratrum Mendicantium Privilegia ruetur, in quibus etiam plenitudinem potestatis Pontificiæ exemplo Sancti Thomæ pro fundamento assumit, asserendo à Papa emanatam omnem jurisdictionem Ecclesiasticam, uti observat D. Fleury lib. 84. *Hist. Eccles. n. 43.*

XVII. Similiter Magister Rogerius Chonnoé Ordinis Fratrum Minorum, suscipiens defensionem privilegiorum, sive Fratrum Mendicantium contra defensorium Curatorum Richardi Archiepiscopi Armachani, pro fundamento defensionis assumptis, & supposuit eam in Papa potestatis Apostolicæ plenitudinem.

Hæc Rogerii defensio constat octo capitibus, atque primo capite, ut omnem tollat æquivocationem, præmittit distinguendam esse duplicem potestatem ligandi & solvendi in foro poenitentiarum. "Quædam est (ait) quæ confertur ex vi Ordinis Sacerdotalis, vel Ordinationis in Sacerdotem. Et hæc potestas est in omnibus Sacerdotibus æqualis... perpetua & inamissibilis, sicut character Ordinis Sacerdotalis: & est causa, remota ab actu & exercitio, quod magis proprie dicitur potentia quam potestas.

"Alia est (inquit) Potestas jurisdictionis quæ requirit relationem super plebem aliquam vel personam,

"tan-

„ tanquam super materiam, in quam tam prima quam  
„ secunda debeat exerceri. Unde sicut Faber vel Artifex  
„ quicumque non potest operari nisi habeat materiam  
„ in qua operetur; sic nec Sacerdos potest quemquam  
„ solvere vel ligare, nisi sibi ministretur materia supra  
„ dicta. Quam materiam *solum Papa* mediate vel im-  
„ mediate tribuit Sacerdotibus, vel aufert, sicut suae  
„ placuerit voluntati tanquam ille in quo *solo* hujus-  
„ modi plenitudo Potestatis *extra de usu Pallii ad*  
„ *honorem*.

XVIII. Et rursus *cap. 2.* ponit pro regula, eaque  
tam per se nota, quod ejus (ait) impugnator esset *igne*  
vel *gladio puniendus* scilicet, „ quod in Hierarchia  
„ Ecclesiastica semper est, aut debet esse sub Christo  
„ Summus Princeps, in quo Ecclesiae plane secundum  
„ *se tota refidet auctoritas, jurisdictio seu potestas*, à qua  
„ in reliquos Praesidentes quoscunque mediate vel  
„ immediate omnis Ecclesiastica jurisdictio quam obti-  
„ nent, sine sui detrimento juxta Summi Pontificis  
„ arbitrium derivatur.

Hinc tandem effectum est, ut hæc de plenitudine  
Potestatis Apostolicæ opinio, quasi articulus fidei ab  
ipsis proponi cœperit, & contrarium sustinentes pro  
Hæreticis reputari, & ut tales *igne* vel *gladio* puniendi  
proclamari, uti ex Rogerio jam vidimus, idque Curia  
Romana applaudente.

Dicitur enim & in hac Curia eam de plenitudine  
Potestatis Pontificiæ opinionem pro indubitata & quasi  
fidei esse receptam.

XIX. Et quidem Card. de Luca *tom. 15. in Relatione*  
*Curiae Romanae* referens opiniones in hac Curia receptas  
ponit *Discursu 2. num. 37.* hoc summarium: *Papa est*  
*Ordinarius Ordinariorum, eosque prævenire valet.*

Hoc summarium in textu exponens & prosequens  
ait: „ Quamvis item nonnulli Episcopi alique Prælati  
„ & Magistratus ultra montes, quorum aliquibus,  
„ ubi etiam schismatis macula obijci non valeat, aliqua  
„ tamen *proximitas* forte congruere videtur, *antiquas*  
„ *retineant opiniones* super aequalitate eorum potestatis  
„ in propria Diœcesi cum Papa, qui non possit citra  
„ casus appellationis & recursum in eorum potestatis  
„ ac jurisditionis exercitio se ingerere, eosque impe-  
„ dire, quasi quod quilibet dicatur Pontifex in propria  
„ Diœcesi. Attamen (ait) eodem themate retento,  
„ conclusivè scilicet insinuandi opiniones in Curia,  
„ tam firmas ac receptas. Hæc opinio pariter damnata  
„ est, atque receptum, quod Papa tanquam Ordina-  
„ rius Ordinariorum, à quo omnis Episcoporum juris-  
„ dictio ordinaria immediate descendit, concurrere  
„ potest cum quolibet Ordinario.

Quin hic Cardinalis per Episcopos & Prælatos ac  
Magistratus *ultra montes*, quos saltem *proximitatis*  
*schismati* forte argui posse scribit, intellexerit Episco-  
pos & Prælatos atque Magistratus Gallicanos dubitari  
nequit, utpote qui præ cæteris eam in Pontifice *plenitu-*  
*dinem potestatis & jurisditionis* constanter negent;  
cumque ut *Ordinarius Ordinariorum*, à quo omnis  
jurisdictio ordinaria in Episcopos aliosque Prælatos de-  
riveretur, recognoscere renuant: imo contrariam opi-  
nionem tanquam *basim & fundamentum libertatum*  
Ecclesiæ Gallicanæ tuerentur & propugnant.

At hoc notatu dignum est, quod licet hic Cardinalis  
& in Curia Romana Patronus non vereatur aliquali *schis-*  
*matismis*, aut saltem ejus *proximitatis* macula aspergere  
Gallicanos Antistites & Magistratus ob defensionem di-  
cæ opinionis, fieri nihilominus debuerit per hos Præ-  
latos vel Magistratus non esse inductas novas opiniones,  
sed quod *antiquas opiniones retineant*.

XX. Notare quoque non dubitavit Vir clarissimus  
& in Disciplina Ecclesiastica versatissimus Claudius Fleu-  
ry, hanc de *plenitudine Potestatis Pontificiæ* opinio-  
nem in fundamentum Privilegiorum à S. Thoma, aliis-  
que Privilegiorum Propugnatoribus assumptam, esse  
novam.

Referens enim per Compendium Apologiam, quam  
S. Thomas in defensionem Fratrum Mendicantium op-  
posuit libello Guillelmi de S. Amore; relatisque verbis S.  
Thomæ supra citatis, quibus hanc plenitudinem pote-  
statis Pontificiæ expressit, monet *libro 84. suæ Historiæ*  
*num. 42.* has opiniones fuisse novas. *Ces maximes tou-*  
*chant l'autorité du Pape étoient nouvelles.*

XXI. Nec sub initium sæculi noni fuisse opinionem  
quod Pontifex Romanus posset Episcopalem Auctorita-  
tem in omnibus Diœcesibus exercere, puta quod posset  
alienos Parochianos sine licentia proprii Episcopi absol-  
vere, constat ex Capitulari Ahytonis Episcopi Basileen-  
sis ad suos Presbyteros directo *anno 821.*

Postquam enim eos monuit, qualiter seipsos & ple-  
bem sibi commissam caste & juxta regereatque in Religio-  
ne divina confirmare debeant, subiungit *cap. 18.* „ Et  
„ hoc omnibus fidelibus denuntiandum ut qui devotio-  
„ nis causa ad limina beatorum Apostolorum pergere  
„ cupiunt, domi confiteantur peccata sua, & sic profi-  
„ ciscentur, quia à proprio Episcopo suo aut Sacerdote  
„ ligandi aut exsolvendi sunt, non ab extraneo.

Manifestum est Ahytonem existimasse, idcirco fide-  
libus proficiscentibus Romam ad limina Apostolorum  
esse inveniendum, ut domi confiteantur proprio Epif-  
copo aut Sacerdoti: eo quod Romæ Episcopus aut Sa-  
cerdos esset extraneus: quod & notavit D. Fleury in  
sua Historia lib. 46. num. 15. relatis enim verbis Ahy-  
tonis subdit, „ Hic sub nomine Episcopi extranei mani-  
„ feste comprehensus est Papa, sicut cæteri Episcopi. „  
*Ici sous le nom d'Evêque étranger le Pape est manifestement*  
*compris comme les autres.*

XXII. Præterea ex Ahytonis Capitulari evincitur, eo  
tempore eam viguisse disciplinam, quod fideles teneren-  
tur proprio Episcopo aut Sacerdoti sua peccata confiteri,  
nec alieno aut extraneo posse sine illius licentia: quam  
disciplinam usque ad sæculum XIII. perdurasse notavi-  
mus num. 7. & 8. capituli præcedentis.

XXIII. Cur expediat potius proprio quam alieno  
Sacerdoti confiteri docuit Innocentius IV. in Bulla  
quæ incipit, *Et si animarum*, ubi inter alia incommo-  
da quæ sequuntur ex eo, quod Fratres Mendicantes  
Parochianos ad Confessiones sibi faciendas indifferen-  
ter recipere, hoc addit: „ Sicque eorum prædicti  
„ Sacerdotes qui curam suscipiendo, ipsorum suam pro  
„ eis animam obligant, dum sibi taliter subrahuntur,  
„ statum eorum ignorantes non possunt, quod in eis  
„ est, agrotum sanare, nec consolidare infirmum, nec  
„ alligare contractum; & sic dum cura commissæ non  
„ adhibentur remedia invalescentibus morbis usque ad  
„ interemptionem, læsio debacchatur, & iidem Sacer-  
„ dotes nullam possunt de sic pereuntibus animabus su-  
„ premo Judici reddere rationem.

Uterius in hac Bulla monet Pontifex: „ Quod ex re-  
„ cursu ad Fratres Confessionis causa, relicto proprio  
„ Parocho, non tantum indevotio & contemptus in po-  
„ pulo prodeunt contra proprios Sacerdotes, verum  
„ etiam *erubescencia* quæ est magna pars pœnitentiæ,  
„ tollitur, dum quis non proprio Sacerdoti quem ha-  
„ bet continuum & præsentem, sed alieno & aliquan-  
„ do transeunti, ad quem difficilis & quandoque im-  
„ possibilis est recursus, sua crimina confitetur.

Nobiles & divites ex libero hoc recursum ad Fratres  
Mendicantes sibi ignotos, occasiones liberius peccandi  
accepisse deplorarunt Prælati Angliæ, uti superius no-  
tavimus.

XXIV. Quin & fuere nonnulli qui asseruerunt, quod  
ex mente Concilii Lateranensis in Canone, *omnis utri-*  
*usque sexus* fideles teneantur saltem semel in anno confi-  
teri proprio Sacerdoti omnia sua peccata, etiam illa quæ  
antea fuissent confessi alieno Sacerdoti: idque ob ratio-  
nes ex sancto Bonaventura & Innocentio IV. jam addu-  
ctas, ac notanter, ut per hanc omnium peccatorum  
Confessionem à proprio Sacerdote haberetur exactior  
de statu spiritali Parochiani notitia.

XXV.

XXV. Et licet Joannes XXII. hanc opinionem, in quantum fidelibus imponit necessitatem reiterandi Confessionem peccatorum, reprobaverit in Extravagante, quæ incipit, *Vas electionis* sub tit. *De Hæreticis inter Communes*, eandemque opinionem etiam repro-  
basse videatur Benedictus XI. in Constitutione quæ incipit: *Inter cunctas* (ut supra diximus) Nihilominus hic Pontifex in eadem Constitutione declarare non dubitavit, salubre esse ut Parochianus omnia sua peccata proprio Sacerdoti confiteatur, in verbis: "Cæterum licet (sicut prædicatur) de necessitate non sit iterum eadem confiteri peccata, tamen propter erubescen-  
tiam, quæ magna est poenitentiae pars, ut eorumdem peccatorum iteretur confessio, reputamus salubre: *districte injungimus ut Fratres ipsi confitentes attente moneant. Et in suis Prædicationibus exhortentur, quod suis Sacerdotibus saltem semel confiteantur in anno asse-*  
*rendo id ad ANIMARUM PROPECTUM PROCU- DUBIO PERTINERE.*

## CAPUT VIII.

De Approbatione Confessariorum, & ejus Limitatione ac Revocatione.

1. *Primis seculis Presbyteri non erant ordinarii Ministri Sacramentorum.*
2. *Qua ratione Presbyteri ceperint functiones obire iure ordinario?*
3. *Obtinentes Beneficia Curata jure ordinario seu proprio administrant Sacramentum Poenitentiae.*
4. *Parochiale Beneficium obtinens ex Decreto Concilii Tridentini vi sui Beneficii excipere potest Confessiones.*
5. *Ratio hujus Decreti; & ea obtinet in omni Beneficio Curato.*
6. *Dimisso Beneficio Curato, expirat facultas audiendi Confessiones.*
7. *Curatum Beneficium possidens non est approbatus per totam Diocesim.*
8. *Sandus Carolus supposuit Parochum titulo sui Beneficii extra Parochiam non posse excipere Confessiones.*
9. *Vi consuetudinis Parochi sine speciali Episcopi approbatione excipiunt Confessiones extra Parochiam; & in quo hæc consuetudo fundata?*
10. *Etiā in quibusdam Ecclesiis Parochi unius Diocesis possunt excipere Confessiones in alia Diocesi sine speciali Episcopi approbatione.*
11. *In quo hæc consuetudo fundata; & quare de ea interdum inquirendum?*
12. *Presbyteri non habentes Beneficium Curatum sine approbatione Episcopi, Confessiones excipere nequeunt.*
13. *Approbatus in una Diocesi non potest in alia Diocesi vi hujus approbationis Confessiones excipere.*
14. *Propositio contrarium asserens censurata.*
15. *Nec sine hac approbatione Confessiones excipere potest in Monasteriis exemptis.*
16. *Presbyter quantumvis doctus & capax non potest excipere Confessiones, nisi recipiat approbatus.*
17. *Approbatio Presbyterorum non habentium Beneficium Curatum, pro arbitrio Episcopi limitari potest.*
18. *Contraria assertio censurata.*
19. *Hæc limitatio etiam procedit quoad personas.*
20. *Solent excipi in Belgio Moniales.*
21. *Regulares sine Episcopi approbatione nequeunt excipere Confessiones Monialium Regularibus subditarum, ex Constit. Gregorii XV.*
22. *Dubia occasione hujus Constitutionis; & eorum resolutio.*
23. *Possunt quacumque personæ a generali approbatione excipi.*

24. *S. Carolus excepit Clericos; & quare?*
25. *Potest etiam approbatio limitari ad locum; & quomodo ea auctoritate usus sit S. Carolus.*
26. *Quomodo approbatio semel data possit revocari?*
27. *Auctoritatem Episcopalem in limitanda & revocanda approbatione etiam Regularium, speciali Edicto roboravit Rex Gallia.*
28. *An Vice-Pastorum approbatio tam facile revocari queat, quam aliorum?*

I. PRIMIS Ecclesiae seculis præcipuam auctoritatem & curam imponendi ac moderandi Poenitentias; nec non Poenitentes reconciliandi fuisse penes Episcopos, ostendimus capite sexto.

Imo hæc auctoritas ita propria erat Episcopis, ut non nisi auctoritate & licentia ab his accepta, Presbyteri inferiores quicumque Poenitentias injungere, atque Poenitentes reconciliare possent.

Quin pluribus seculis, sicut in aliis Ecclesiasticis functionibus, ita in hac Presbyteri non nisi *Delegata* quasi ac *Vicaria* auctoritate Episcoporumungebantur.

II. Postquam vero labentibus seculis Beneficiorum Ecclesiasticorum tituli erecti fuerunt, ceperunt Presbyteri, qui Beneficia Curata obtinebant, functiones Beneficiis illis annexas jure ordinario; sive jure suorum Beneficiorum seu titulorum obire; atque functionum illarum dici Ministri Ordinarii.

III. Cum igitur præcepto divino mandatum sit omnibus, quibus animarum cura commissa est, oves suas agnoscere, atque Sacramentorum administratione pascere, ut loquitur Tridentinum Sess. 23. cap. 1. *De reform.* etiam jure divino quodammodo mandatum censetur Sacerdotibus quibus cura animarum commissa est, Fidelibus hoc Sacramentum administrare.

Cum vero juxta modernam Ecclesiae disciplinam Presbyteri Beneficium Parochiale aliudve Curatum in titulum possidentes censeantur habere curam animarum jure ordinario, seu vi sui tituli Beneficialis, etiam reputantur hujus Sacramenti Ordinarii Ministri; sive habere auctoritatem excipiendi confessiones eorum, ad quos cura animarum Beneficio annexa se extendit.

IV. Unde Synodus Tridentina Sess. 23. cap. 15. *De Reformatione*, decernens, nullum Presbyterum etiam Regularem posse confessiones secularium audire, nec ad id idoneum reputari, nisi ab Episcopo approbationem obtineat, excepit tamen: *Nisi Parochiale Beneficium obtineat*: qua exceptione ostendit, Presbytero Parochiale Beneficium obtinenti, nullam specialem approbationem Episcopi necessariam esse, ut confessiones excipere queat. (a)

V. Neque ratio obscura est: Quandoquidem enim hujusmodi Beneficium obtinendo una curam animarum annexam obtineat, etiam cum cura animarum auctoritatem administrandi hoc Sacramentum accepisse censetur; idque eodem titulo sive jure, quo ipsam animarum curam accepit, scilicet jure ordinario.

Et licet Synodus loquatur duntaxat de habentibus Beneficium Parochiale; idem nihilominus eadem ratione & fundamento obtinet in quocumque Beneficio sive Dignitate seculari & regulari, cui vera & interna cura animarum incumbit: ut hi qui hujusmodi Beneficia aut dignitates obtinent, & curam animarum iis annexam acceperunt, censeantur una accepisse facultatem excipiendi confessiones eorum ad quos eorum cura se extendit; atque eatenus ordinarios hujus Sacramenti Ministros reputari; neque speciali approbatione ad confessiones excipiendas indigere: quod notoria praxis in Decanis Canonicorum nec non Abbatibus, Prioribus Conventualibus aliisque similibus ostendit.

(a) Laudatum Concilii Tridentini Decretum vim habet in Gallia, ut patet ex Synodis, Rothomagensi an. 1581. Eurd. galensi an. 1583. Aquisani an. 1585. Tolosana 1590. Narbonensi 1609. & ex Generalibus Cleri Gallicani Comitibus an. 1625. 1635. 1645. &c. Legantur nova ejusd. Cleri collectanea, Tomo 5. tit. 5. part. 1.



VI. Porro cum hæc auctoritas excipiendi Confessiones profluat ex ipsa cura animarum Beneficio Parochiali aut Curato annexa, si curam animarum per dimissionem Beneficii aliove titulo habere definat, auctoritatem quoque excipiendi Confessionem à cura animarum unice dependentem amisisse censetur; quod in terminis tradit Piafeci in praxi Episcopali *parte 2. cap. 1. num. 10.*

VII. Similiter quia cura animarum non se extendit ultra limites Parochiæ aut personarum, in quas vi sui Beneficii curam accepit, neque auctoritas excipiendi confessiones in consequentiam illius competens se ulterius extendere potest: etiam nullatenus vi sui Beneficii Curati dicendus est habere facultatem excipiendi Confessiones per totam Diocesim.

Unde interrogata S. Congregatio, "An provisorius de Parochiali per concursum, censendus sit approbatus idoneus minister ad audiendas Confessiones in illa Diocesi, in qua illam Parochialem obtinet? Respondit: Censeri duntaxat in ea civitate vel oppido ubi sita est Parochialis; non autem passim per totam Diocesim." Apud Piafecium ibidem.

VIII. Sanctus Carolus dans facultatem Parochis, ut tempore Paschali aliorum Parochorum ministerio ad audiendas Confessiones uti possent, declavit in Synodo sua Diocesana XI. "Id de Parochis tantummodo intelligi, quibus *extra Parochiæ propriæ* fines ad audiendas confessiones probatis, in scriptis *facultas* data est.

Hic manifestè supponit, S. Carolus, facultem excipiendi confessiones Parocho vi suæ Curæ pastoralis competentem, extra fines propriæ Parochiæ non extendi; tamen etiam alterius Parochi consensus accedat.

IX. At cum jam passim invaluisset, ut Presbyteri tam Seculares quam Regulares etiam nullum Beneficium Curatum habentes, simpliciter approbati ad audiendas Confessiones, haberentur approbati per totam Diocesim, ac possent in omnibus Parochiis Diocesis, saltem de consensu Parochorum Confessiones excipere; consuetudine tandem ac tacito Episcoporum consensu invaluisse videtur, quod Parochiale Beneficium obtinens, in vim illius censeretur approbatus ad audiendas Confessiones per totam Diocesim, & in omnibus Parochiis hujus Diocesis de solo consensu Parochorum; tamen nullam specialem approbationem ad audiendas Confessiones ab Episcopo obtinuerit, præter eam, quæ cum ipsa cura animarum data fuit.

Apparebat enim iniustum, quod Vice-Pastores alique inferiores Presbyteri ad Confessiones audiendas, etiam duntaxat ad certum tempus, approbati, possent per totam Diocesim ea facultate uti de solo Parochorum aut aliorum, quorum interest consensu, Parochi verò hujus Sacramenti *ordinarii* Ministri auctoritatem haberent adeo arctatam.

Hinc passim Parochus unius Parochiæ advocare solet vicinos Parochos, ut sibi in Confessionibus audiendis subsidio sint; ique publicè Confessiones in aliorum Parochiis excipiant; tamen nullam specialem approbationem habeant: quam praxim non obscurè probavit Synodus Namurcenis anno 1659. *Tit. 5. cap. 7.* permittens "Pastoribus, qui in aliorum veniunt auxilium, tempore Indulgentiarum, vel Turni, Confraternitatum, aut aliâ iustâ causâ, etiam audire Confessiones in illorum Ecclesia Parochiali.

X. Quin ulterius addit: "Prout etiam Pastores, qui in alia Diocesi approbati sunt; quod similiter locum habebit in Ecclesiis Regularium. Videant tamen, ut ii, quos in subsidium admittent, apti sint, scientes conscientiam suam desuper onerari.

Cæterum cum hæc Parochorum facultas excipiendi Confessiones extra fines propriæ Parochiæ & personarum sibi non subditarum, non profluat ex ipsa Cura Pastoralis, sed ex consuetudine tacito consensu Episcoporum probata; si de hac consuetudine & tacito E-

piscoporum consensu alibi sit dubium, merito Episcopi & Archi-Presbyteri de ea consuluntur; ne aliàs ipsum Sacramentum vitio nullitatis exponatur.

Hæc tamen inquisitio præcipuè requiritur de Parochis ex aliena Diocesi adventantibus. Major enim difficultas est, ut Parochus alienæ Diocesis sine ulla Episcopi Diocesani approbatione admittatur ad excipiendas Confessiones de sola Parochi aut Superioris Regularis licentia; quemadmodum Synodus Namurcenis permittere videtur. Neque enim id passim receptum videtur, neque pro recepto habendum, nisi de Episcoporum consensu satis constet.

XI. Ante Concilium Tridentinum Parochis jus fuit cuicumque Presbytero nec Parochiale Beneficium habenti, nec per Episcopum specialiter ad audiendas Confessiones approbato, dandi licentiam excipiendi Confessiones suorum Subditorum, quemadmodum hodie Parochus potest dare licentiam cuilibet Presbytero assistendi Matrimonio, administrandi Viaticum, &c. ut communiter docent Canonistæ, & satis indicat *Cap. OMNIS UTRUSQUE SEXUS*, dum præter licentiam proprii Sacerdotis nihil requirit, ut Fideles alteri Sacerdoti confiteri queant.

Proinde non ita absolum apparet, si Episcopi Parochis permitterent licentiam assumendi in subsidium ad Confessiones audiendas non quemlibet Presbyterum, sed Parochum, qui ut ordinarius hujus Sacramenti minister admissus est, saltem in sua Parochia: quia tamen hæc à consuetudine & Episcoporum consensu dependet, de his antea inquirendum priusquam quidquam in praxim deducatur.

XII. Quoad Presbyteros seu seculares seu regulares Beneficium Parochiale non habentes, decernit Synodus Tridentina, "Nullum etiam regularem posse confessiones secularium etiam Sacerdotum audire, nec ad id idoneum reputari, nisi ab Episcopo per examen, si illis videbitur esse necessarium, aut aliàs idoneus judicetur, & approbationem obtineat.

Ex hoc Decreto manifestum est, Synodum quoad approbationem & examen, hic per omnia Presbyteros seculares & regulares Beneficium Parochiale non habentes æquiparare; ita ut eadem in utrisque requirantur; atque æqualiter in hoc puncto ab Episcopis dependeat; & excipiendi confessiones auctoritatem accipere debeant, idque *privilegiis, & consuetudine quacumque etiam immemorabili non obstantibus*; ut in fine sui Decreti declarat Synodus.

XIII. Cum verò Presbyteri nullam in populum jurisdictionem sive Clavium potestatem vi sui Beneficii habentes, eam juxta Decretum Concilii Tridentini accipere debeant ab Episcopo vigore approbationis ab ipso obtentæ; ipsa autem Episcopi jurisdictio se ultra fines suæ Diocesis non extendat, consequens est; nec Episcopum per suam approbationem eam ultra suam Diocesim extendere posse; & consequenter, quod approbatio Episcopi, quantumcumque generaliter & illimitatè concessa, nequeat approbatum idoneum reddere ad confessiones excipiendas extra Diocesim; quandoquidem ad confessiones audiendas & absolutionem impendendam requiratur in Sacerdote jurisdictio seu potestas Clavium in Penitentem, quam extra limites suæ Diocesis, & in non suos subditos Episcopus dare non potest.

XIV. Quapropter merito in generali Cleri Gallicani Conventu constante ex 10. Archiepiscopis, 73. Episcopis, pluribusque Abbatibus, aliisque Prælati, damnata fuit hæc quorundam assertio: "Regulares Ordinum Mendicantium semel approbati ab uno Episcopo ad confessiones audiendas in sua Diocesi, habentur pro approbatis in aliis Diocesis, nec nova indigent Episcoporum approbatione.

Eandem postmodum in suo ad Henricum Episcopum Andegavensem misso Decreto reprobat Alexander VII. tanquam *falsam, & saluti animarum perniciosam*.

XV. Quin eodem nixu fundamento, declaravit S. Ca.

S. Carolus: " Ne in Monasteriis quidem & locis, ubi  
" Regulares spiritualem temporalemque jurisdictionem  
" habent, quisquam Sacerdos etiam *regularis & exemptus*  
" confessiones audiat; nisi primum ab Episcopo,  
" *intra cujus Diocesis fines* ea Monasteria locaque sunt,  
" ad id probatus fuerit.

XVI. Ulterius cum regularis Presbyter æquè ac secularis per approbationem accipere debeat jurisdictionem ad excipiendas Confessiones necessariam, sequitur, quòd nec ille quantumvis doctus & capax ad excipiendas Confessiones auctoritatem habere censendus sit, nisi reipsa approbationem obtinuerit; tametsi etiam *injustissimè* ab Episcopo eam negari supponatur; quod fat clarè expressit Pius V. in Bulla, quæ incipit *Romani Pontificis* 133. in Bullario Romano, declarans, nec Lectores Theologiæ posse Confessiones excipere, nisi prius ab Episcopo approbationem obtinuerint. Et Alexander VII. in Decreto die 24. Septembris 1665. inter varias propositiones hanc ordine 13. damnavit: " Satisfacit præcepto annuæ Confessionis, qui confitetur  
" Regulari, Episcopo præsentato, sed ab eo *injustè* reprobato.

" Hinc fit ut si aliquis Doctor, vel in Sacra Theologia Professor licentiam petierit, & *injustè* ei negetur, non censeatur approbatus; ita post alios citatos resolvit Barbosa De Officio Episcopi *Allegat. 25. num. 15.*

XVII. Sicuti Presbyteri seculares Beneficium Parochiale seu Curatum non habentes, nullam ordinariam seu Beneficio annexam jurisdictionem habent, vi cujus Confessiones excipere queant; sed solam *Delegatam* sive *Vicariam*; similiter Presbyteri Regulares, etiam Mendicantes, nulli Beneficio Parochiali præfecti, solam jurisdictionem *delegatam* per approbationem Episcopi accipiunt.

Jurisdictionis autem *Delegatæ* ea est natura, quòd pro arbitrio ac voluntate Delegantis restringi ac limitari ad tempus, personas, atque materiam possit.

Huic notissimo juris principio innixi Episcopii alique Prælati Clerum Ecclesiæ Gallicanæ constituentes; sæpius in suis generalibus Conventibus declararunt, quòd  
" Regulares, qualiacumque privilegia aut immunitatem obtendant, Secularium Confessiones audire non poterunt, quin Episcopi Diocesani examen subierint, & ab ipso, vel ejus Generali Vicario fuerint approbati, *æ quorum nutu & arbitrio pendebit iis vel temporariam, vel perpetuam Confessiones excipiendi facultatem facere, vel sub quacumque restrictione placuerit concedere.*

Quo & anno 1650. idem Clerus Gallicanus per litteras circulares significavit omnibus Episcopis; ut *quemadmodum in Italia, quin & Romæ, & plurimis aliis Provinciis & Diocesibus observatur, posthac nulli Regulari detur facultas excipiendi Confessiones nisi ad certum tempus limitata*: hac insuper formulâ admissionis Regularium ad excipiendas Confessiones, & annuntiandum Verbum Dei præscriptâ: *N. Ecclesiæ N. Episcopus, dilecto nobis in Christo N. Ordinis vel Societatis N. Presbytero, salutem & benedictionem. Cum multo Jesu Christi missis nos cogat, ut undequaque ad auxilium nostrum operarios advocemus, teque Charissime Frater, pium & doctum examine noverimus, aptumque ut sub nostri regiminis magisterio procurandæ fidelium salutis inservias, Verbo Dei prædicando, administrandoque Penitentiae Sacramento admoveere statuimus. Ad (hic debet exprimi tempus) præsentibus post illud tempus non valiturus; eâ tamen conditione, ut à casibus nobis reservatis non absolvas.*

XVIII. Cum verò non obstante hac perspicuâ jurisdictione; atque iteratâ totius Cleri Gallicani declaratione; nec non notoriâ praxi, etiam Ecclesiæ Romanæ, quidam in Diocesi Andegavensi sustinere veriti non essent hanc assertionem: *Ubi Concilium Tridentinum est receptum, non possunt Episcopi RESTRINGERE vel LIM-*

*TARE approbationes, quas Regularibus concedunt ad Confessiones audiendas*; eam primum Clerus Gallicanus censuravit; ac postmodum Alexander VII. in citato Decreto ad Episcopum Andegavensem, *falsam, temerariam, scandalosam, in hæresim & schisma inducentem, Sacro Concilio Tridentino, & Sedis Apostolicæ injuriosam* declaravit.

XIX. Quemadmodum Judex delegans suam jurisdictionem, illam ad certas personas restringere potest; ut nimirum Judex delegatus non nisi inter certas personas jus dicere queat; ita quoque Episcopi potestatem clavium seu jurisdictionem Presbyteris delegando, eam quoad personas limitare & restringere possunt.

XX. Hac auctoritate passim utuntur Episcopi, dum declinant in suis respectivè Synodis ac Ritualibus, sub generali approbatione non comprehendere *Moniales* claustrum servantes, ad quas formulæ generales, & ordinariæ approbationes ad confessiones audiendas minimè extenduntur; nisi clarè & expressis terminis ad eas extendantur; ut loquuntur Decreta Synodalia Diocesis Gandensis sub Antonio Triest. *tit. 5. cap. 3.*

XXI. " Confessarii sive Regulares, sive seculares, etiam *generaliter* approbati, non immisceant se audiendis confessionibus Monialium etiam sibi *subditarum*, nisi ad id habeant *specialem* facultatem, juxta Constitutionem Gregorii XV. editam anno 1622. Ita Synodus Namurcensis anno 1659. *tit. 5. cap. 1.*

Constitutio Gregorii XV. cujus meminit hæc Synodus, incipit *Inscrutabili* 18. in Bullar. Rom. atque in illa §. 5. decernitur: " Confessores verò, sive seculares, sive Regulares quomodocumque *exempti*, tam *Ordinarii*, quàm *extraordinarii*, ad confessiones Monialium, etiam *regularibus subjeclarum*, audiendas nullatenus deputari valeant, nisi prius ab Episcopo *Diocesano* idonei judicentur, & *approbationem*, quæ gratis concedatur, obtineant.

XXII. Occasione hujus Constitutionis quædam dubia Congregationi Cardinalium fuere proposita; quæ una cum resolutione Congregationis subnectuntur ipsi Constitutioni in Bullario Romano; quorum nonum, decimum & undecimum his verbis erant proposita

Nonum " An Regulares generaliter ab Episcopo approbati ad Confessiones personarum secularium audiendas, censeantur etiam approbati ad audiendas Confessiones Monialium sibi subjeclarum?

Decimum: " An Regularis ad audiendas Confessiones Monialium unius Monasterii ab Episcopo approbatus, Confessiones Monialium alterius Monasterii audire possit?

Undecimum: " An Confessores Regulares extraordinarii semel ab Episcopo deputati, & approbati ad audiendas Monialium Confessiones pro una vice infra annum ad præscriptum Sacri Concilii Tridentini; possint virtute dictæ approbationis, pluries tanquam Confessores extraordinarii, earumdem Confessiones audire absque nova Episcopi licentia?

His propositis dubiis respondet S. Congregatio in hunc modum: " Ad IX. Regulares generaliter ab Episcopo approbati ad Confessiones personarum secularium audiendas, nequaquam censi approbati, ad audiendas Confessiones Monialium sibi subjeclarum, sed egere quoad hoc speciali Episcopi approbatione.

" Ad X. Regularem ad audiendas Confessiones Monialium unius Monasterii ab Episcopo approbatum, minimè posse audire Confessiones Monialium alterius Monasterii.

" Ad XI. Confessores extraordinarios semel deputatos, atque approbatos ab Episcopo ad Monialium Confessiones pro una vice audiendas, haud posse pluries in vim approbationis ejusmodi illarum Confessiones audire: sed ab Episcopo toties esse approbandos, quoties casus deputationis contigerit.

XXIII. Sicut Monialium; ita & aliarum personarum confessio à generali hujusmodi approbatione excipi

epi potest: modò eam Episcopi sufficienter exceptam declarent.

Ita in quibûsdam Diœcesibus ac signanter Antverpiensi, non tantùm Monialium clausuram servantium, sed & Begginarum, à generali & ordinaria facultate audiendi Confessiones excepta est.

XXIV. Constat quoque hac eadem auctoritate usum fuisse S. Carolum, deputando certos ac speciales Confessarios ad audiendas Clericorum Confessiones; uti videre est in Synodo Diœcesana IV. *Decreto* 24.

Hoc S. Caroli institutum si Episcopi sequerentur, deputando speciales Confessarios eruditione, prudentiâ ac pietate præcellentes, qui Clericorum Confessiones exciperent, non dubium, quin paulatim Clerum suum Diœcesium multò reformatiorem viderent. Nemo quippe ignorat, quàm magno auxilio sint boni Confessarii ipsis Pœnitentibus ad vitæ emendationem & progressum in virtutibus. Unde monet Synodus Tornacensis anno 1585. *Tit. De Sacram. Pœnit. cap. 2.* ut Sacerdotes bonum probatumque eligant Confessarium, cùm bonus Confessarius, ait, magno sit auxilio ad obtinendam veram contritionem, & seriam vitæ emendationem. Neque illud quis inficiabitur, magnâ prudentiâ, & eruditione opus esse, ut quis non tantùm bonos Christianos; sed bonos Clericos, Christianorum futuros magistros, formare queat.

XXV. Eadem auctoritate possent Episcopi secularium & regularium approbationes limitare quoad loca, ut v. g. non possent in domibus privatis infirmorum Confessiones excipere; aut saltem nonnisi habitâ Parochorum licentiâ, vel ut minùs eo præmonito; quemadmodum in Institutionibus Confessariorum præscribit S. Carolus, "Regulares ad infirmos audiendos convocati (ait) si ex temporis angustia aliud non potuerint, hujus infirmi Pastorem adeant, quæ spectant ad ejus statum seiscitaturi, ut diligentius illum examinent, utpotè in hoc vitæ termino constitutum, à quo salus aut æterna damnatio pender: quòd si ante confessionem Pastorem convenire tempus non fuerit, saltem post eam quamprimùm Confessor adeat, ut ambo de infirmi necessitatibus, eoque spiritualiter adjuvando statuant.

XXVI. Quemadmodum ex natura jurisdictionis delegatæ est penes Episcopos auctoritas, jurisdictionis illius usum limitandi ac modificandi; ita ipsis eadem ratione competit facultas, eam jurisdictionem revocandi vel suspendendi.

De hac auctoritate minimè dubius S. Carolus in Synodo sua Mediolanensi VI. *De his, quæ ad Sacram. Pœnit. pertinent*, statuit, "ut Episcopus à confessionibus audiendis suspendat aut omnino amoveat Confessarios etiam regulares jam approbatos, quos pro suæ timoratæ conscientiæ religione viderit in eo munere non ita sincerè integreque, & cum ædificatione se gerere, quemadmodum & tanti ministerii illis committi sanctitas & animarum salus deposcit, quæ suæ fidei conceditæ sunt.

XXVII. Episcopalem hanc licentiam tam limitandi, quam revocandi Confessariorum jurisdictionem auctoritate Regiâ nuper roboravit, stabilivitque Rex Christianissimus edito Decreto mense Aprili anno 1695. & à Parlamento Regio probato, concernente jurisdictionem Ecclesiasticam, cujus articulus II. hic est: "Presbyteri seculares & Regulares, non poterunt administrare Sacramentum Pœnitentiæ, sine obtenta licentiâ ab Archiepiscopis aut Episcopis, qui illam poterunt limitare quoad loca, personas, tempus & casus, uti convenire judicaverint; & eam revocare, etiam ante elapsum terminum, ex causis, quæ ad eorum notitiam post datam licentiam pervenerunt, nec eas exprimere debebunt; ita ut dicti seculares & Regulares in excipiendis Confessionibus continuare non possint sub quocumque prætextu, nisi in casu extremæ necessitatis, quousque obtinuerint novam licentiam; quin &

Tom. I.

subierint novum examen, si prædicti Archiepiscopi aut Episcopi judicent necessarium; volens; ut dictæ licentiæ sine expensis dentur; atque ordinationes, quæ factæ fuerint per Archiepiscopos vel Episcopos super hac materia executionem habeant, non obstante omni ni appellatione *simplici vel tanquam ab abusu*, tamen sine ejus præjudicio.

Articulo sequenti declarat, "sub articulis præcedentibus non comprehendi *Curatos* sive seculares sive regulares, qui concionari & Sacramentum Pœnitentiæ in suis Parochiis administrare poterunt.

XXVIII. Vice-Pastores hic in Belgio non solent quidem habere verum titulum Beneficii, ratione cujus dici possent habere curam animarum jure ordinario seu proprio; attamen cùm revera cura animarum ipsis incumbat ratione Vice-Pastoratus; atque ipse Vice-Pastoratus sit species officii Ecclesiastici aliquatenus ad naturam Beneficii accedentis; non videtur ipsa facultas excipiendi Confessiones tam facilè & pro nutu Episcopi Vice-Pastoribus adimi posse, uti aliis Presbyteris secularibus seu Regularibus, nullum hujusmodi speciale officium cum cura animarum habentibus; cùm adimendo alicui facultatem excipiendi Confessiones, quodammodo priveretur suo officio seu Vice-Pastoratu, cui sine hac facultate satisfacere nequit.

## CAPUT IX.

### De Reservatione Casuum.

1. *Quid reservatio casuum.*
2. *Duplex hodie casuum reservatio; & quid Episcopalis?*
3. *Quid Papalis?*
4. *Utilitas reservationis casuum; & in Ecclesiâ jam pridem usitata.*
5. *Hæc reservatio non est tantùm quoad externam politiam.*
6. *Olim omnia graviora crimina Episcopis erant reservata.*
7. *Hodierna Episcopalis reservatio minor est, quàm antiquitus fuit.*
8. *Primis seculis reservatio Papalis non aequè nota.*
9. *Discutitur, quo tempore cæperit invalescere quorundam criminum absolutio Papæ reservata independentè ab Episcopis.*
10. *Circa seculum XI. capit absolutio Pœnitentium ad Papam deferri.*
11. *Etiam subinde aliquorum criminum absolutio ipsi reservari.*
12. *Ratio illius factæ reservationis.*
13. *Primitus nemo à casibus reservatis Papæ absolvebatur, nisi eum personaliter adiret; & hinc à peccatis retrahere reservatio.*
14. *Qui à personali accessu excusarentur?*
15. *Quando potestas absolvendi à casibus reservatis Papæ communicari cæperit.*
16. *De reservationibus Papalibus latius remissè.*
17. *Reservatio criminum pertinet ad populi Christiani disciplinam.*
18. *Primò, quia incutit horrorem criminum.*
19. *Secundò, quia minuit facultatem veniæ.*
20. *Tertiò, quia majoribus morbis animæ curandis præficit peritiores Medicos.*
21. *Cavendum ne reservationes nimium multiplicentur.*
22. *In criminibus reservandis temporum & locorum conditio attendenda.*
23. *Hanc attendit Sanctus Carolus.*
24. *Quàm moderati fuerint etiam seculo XIII. Episcopi in danda facultate absolvendi à casibus reservatis.*
25. *Etiam seculo XIII. habebant facultatem absolvendi à casibus reservatis, restrictam ad eos, qui ad Episcopos*

N n n



- copos ejusve Pœnitentiariorum accedere non poterant.
26. *Reservationes suo frustrantur effectu, dum facultas absolvendi à reservatis facile communicatur.*
  27. *Privilegia Ordinibus, aut Ecclesiis concessa, non dant facultatem absolvendi à casibus reservatis Episcopo.*
  28. *Regulares nequeunt absolvere à casibus reservatis sine speciali licentia Episcopi; & contraria assertio censurata.*
  29. *Nulla privilegiorum auctoritate id possunt.*
  30. *Non obtentu cujusquam Confraternitatis.*
  31. *Facultas absolvendi à reservatis Papæ non infert facultatem absolvendi à reservatis Episcopo.*
  32. *Episcopi possunt hanc facultatem restringere ad certos casus.*
  33. *Unde bauriendi notitia casuum reservatorum.*
  34. *Moderatè utendum facultate absolvendi à reservatis.*

I. **R**ESERVATIO casuum juxta modernam phrasim dicitur ea, quæ nonnulla graviora peccata majoribus Ecclesiæ Prælati reservantur, ita ut inferiores ea remittendi potestatem non habeant; nisi hæc potestas ipsis specialiter data fuerit.

II. Reservatio alia dicitur Episcopalis, alia Papalis seu Pontificia.

Prior est, quæ ipsi Episcopi quædam peccata sibi vel generaliter per totam Dioccesim & respectu omnium generaliter Confessariorum, reservant; ita ut nulli inferiores Confessarii quantumvis indefinitè & illimitatè approbati, ab iis Sacramentaliter absolvere queant sine speciali facultate; vel specialiter respectu hujus illiusve Confessarii, aut pro quadam suæ Diocesis parte reservant.

Sicut enim Episcopus potest Presbyterorum tam secularium, quam regularium, præsertim Parochiale Beneficium non habentium, approbationem ad tempus limitare; ita eandem quoad materiam sive peccata restringere potest.

III. Reservatio Papalis sive Pontificia, est illa, quæ nonnulla atrociora crimina Papæ reservantur, ut nullus ab iis præter Papam aut ab eo potestatem habentem, absolvere ordinariè queat.

IV. De hac casuum reservatione, atque Pontificum & Episcoporum auctoritate loquens Synodus Tridentina *sess. 14. cap. 7. De Pœnitentia*, declarat: "Magis noperè ad Christiani populi disciplinam pertinere, Sanctissimis Patribus nostris visum est, ut atrociora quædam & graviora crimina, non à quibusvis sed à summis duntaxat Sacerdotibus absolverentur. Unde meritò Pontifices Maximi pro suprema potestate sibi in Ecclesia universa tradita, causas aliquas criminum graves suo potuerunt peculiari judicio reservare. Neque dubitandum est, quando omnia, quæ à Deo sunt, ordinata sunt, quin hoc idem Episcopis omnibus in sua cuique Diocesi, in ædificationem tamen, non in destructionem liceat, pro illis in subditos tradita supra reliquos inferiores Sacerdotes auctoritate, præsertim quoad illa, quibus excommunicationis censura annexa est.

V. Et Canone II. "Si quis dixerit, Episcopos non habere jus reservandi sibi casus, nisi quoad externam poenitentiam, atque idèò casuum reservationem non prohibere, quominus Sacerdos à reservatis verè absolvat; anathema sit.

Igitur Synodus non tantum in Pontifice, sed & in Episcopis hanc auctoritatem agnovit, & ab omnibus agnoscendam esse definivit.

VI. Quod Episcopos attingit, jam pridem penè omnia graviora peccata ipsis reservata fuisse non sine fundamento asseritur.

Constat enim, pluribus seculis penes solos Episcopos fuisse poenitentium publicorum reconciliationem; neque Presbyteris inferioribus fas fuisse Poenitentes re-

conciliare, nisi vel Episcopo absente ac necessitate urgente; vel ex speciali Episcopi delegatione; quemadmodum capite 3. ostensum est.

Cum verò de gravioribus quibuslibet peccatis multis seculis poenitentia publica acta fuerit (uti cap. 2. dictum fuit) etiam graviorum criminum absolutio Episcopis reservata censebatur.

VII. Dum autem sensim poenitentia publica pro occultis agi desiit; etiam occultorum criminum absolutio Presbyteris concedita fuit; publicorum verò, pro quibus publica poenitentia erat peragenda, absolutio Episcopis longo tempore reservata fuit; ut proinde reservatio quorundam criminum sive casuum hodie ab Episcopis fieri solita, nonnisi exigua sit pristinae auctoritatis Episcopalis particula.

VIII. De reservatione Papali non idem per omnia dici potest. Nam uti notat Ludovicus Thomassinus *de disciplina Ecclesiastica parte 4. lib. 1. cap. 71. num. 1.* pluribus seculis penes Episcopos fuit plena ac omnimoda auctoritas absolvendi in foro poenitentiali cujuscumque, quantumvis enormis, sceleris reos; neque iis seculis ulla erat reservatio Papalis in foro illo poenitentiali nota.

IX. Incunte undecimo seculo nondum ubique invaluerant casus summo Pontifici in orbe christiano reservati: Criminum aliquorum absolutio non ita tunc Romano Pontifici erat reservata, ut extra casum necessitatis ab his absolvendi nec Episcopus sine licentia Pontificis haberet auctoritatem, tamen constat eo tempore plures criminum reos Romam pro obtinenda à Romano Pontifice poenitentia & criminum relaxatione se contulisse.

Legitur enim in Actis Concilii Lemovicensis anni 1031. quòd quidam coram Patribus dixerit. "Vidi nuper de Episcopo Engolismensi, qui præsens est, quòd dico; quòd quidam ex suis Parochianis excommunicatus ab eo, dum satisfacere noller, non poterat impetrare ab eo poenitentiam, qui sine licentia sui Episcopi Papæ Romano subripuit poenitentiae legem, & litteras ex nomine ejus Episcopo demulit in Cœna Domini, quibus Episcopum rogabat Apostolicus, quatenus illi poenitentiam, quam imposuerat affirmaret.

Post hæc subjungitur: "Episcopus verò intelligens fraudem, ait homini: Versa vice quod ego debueram petere ab Apostolico, Apostolicus postulari à me. Non credere possum Mandatum hoc ab eo exortum: hoc tibi nihil utile est; & donec aut à me, vel ab hujus Sedis Archiepiscopo, me jubente, accipias poenitentiam, permane in Excommunicatione, & ejecit eum foras de Ecclesia.

Patres hujus Synodi probantes resolutionem hujus Episcopi, dixerunt: "Hoc ab ipsis Apostolicis cautum tenemus, ut Parochiano suo Episcopus, si poenitentiam ponit, eumque Papæ dirigat, ut judicet, utrum sit, an non, poenitentia digna pro tali reatu: potest eam confirmare auctoritas Papæ aut levigare, aut super adjicere; judicium enim totius Ecclesiæ in Apostolica Romana Sede constat.

Item. Si Episcopus Parochianum suum cum testibus vel litteris Apostolico ad poenitentiam accipientem direxerit, ut multoties pro gravissimis fieri solet reatibus, in quibus Episcopi ad dignam bæsitant poenitentiam imponendam, hinc talis licenter à Papa remedium sumere potest: nam, *inconsulto* Episcopo suo, ab Apostolico poenitentiam, & absolutionem nemini accipere licet. Hæc fusiùs narrantur tom. 9. Concil. General. pag. 908. & seq.

Ex his habetur, quòd Episcopi eo tempore crediderint, fas non esse Parochianis, *inconsulto* Episcopo, ad Romanum Pontificem recursum habere pro obtinenda etiam gravissimorum criminum poenitentia aut absolutione.

Hinc consequens est Episcopos nequaquam credidisse,

se. etiam gravissimorum criminum pœnitentiam imponendam, aut eorum absolutionem Romanis Pontificibus reservatam, quandoquidem nemini suorum Parochianorum pro quocunque crimine permitterent inconsulto Episcopo ad Romanum Pontificem habere recursum.

Fatentur quidem Episcopi quod Parochiani cum restibus vel litteris ad pœnitentiam accipiendam Apostolico subinde dirigantur: verum id non faciebant Episcopi ob defectum potestatis absolvendi hos criminum reos; sed duntaxat quia subinde *hæsitabant* qua pœnitentia familia crimina essent punienda: subjungitur enim in Actis, "ut multoties pro gravissimis fieri solet reatibus, in quibus Episcopi ad dignam *hæsitant* pœnitentiam imponendam.

X. Sensim sine sensu post initium seculi undecimi cœperunt Episcopi nonnullos graviorum criminum reos ad Sedem Apostolicam mittere, idque vel ut à Pontifice reconciliarentur; vel ut à Pontifice Pœnitentia imponeretur; qua demum peracta ab Episcopis absolverentur.

XI. Nec tantum in particulari aliquo casu Pœnitentes ad Sedem Apostolicam mittebant; sed subinde etiam generali Decreto criminis alicujus reos non ab Episcopis aut Archiepiscopis, sed à solo Pontifice absolvendos decernebant. Hoc vero hac ratione factum videtur; ut hac reservatione difficilior esset obtinendi à crimine commisso absolutionem occasio, atque hac difficultate à crimine committendo retraherentur.

De Concilio Londinensi habito anno 1143. à Wilhelmo Wintoniensi Episcopo, loquens Matthæus Parisiensis asserit, sancitum ibi esse, & generaliter constitutum, "ne aliquis, qui Ecclesiam, cœmeteriumque violaverit, vel in Clerico, aut viro Religioso manus injecerit violentas, ab alio quam ipso Papa possit absolvi.

XII. Rationem hujus Decreti præmisit his verbis expressam: "Nullus enim honor vel reverentia ferebatur Dei Ecclesiæ vel ejus Ordinatis, à prædonibus, secularibus, sed æque Clerici & laici capiebantur, redimebantur, & in vinculis tenebantur.

Idipsum testatur Rogerius in Annalibus, qui relato superiori Decreto addit: "Unde Clericis aliquantulum serenitatis vix tandem illuxit: "Hæc tum Matthæi Parisiensis, tum Rogerii testimonia extant tomo 10. Concil. general. Col. 1033.

XIII. Qua ratione difficultas obtinendæ absolutionis nata esset retrahere à committendo crimine Sedi Apostolicæ reservato facile apparebit, si attendatur, quod juxta disciplinam illius temporis, nemo à Pontifice absolutionem impetraret, nisi personaliter Pontifici se fitteret & ab eo Pœnitentiam accepisset; adeo ut vel ipsa itineris fatigatio pars Pœnitentiæ judicaretur. Exemplum suppeditat Epistola incerta Ivonis Carnotensis. Quidam nobilis audacia inaudita mutilaverat quemdam Religiosum Presbyterum; imposuerat ei Ivo 14. annorum Pœnitentiam, quam susceperat nobilis: sed cum in decursu Pœnitentiæ iterato instisset, ut pro sua adversus quemdam suum inimicum defensione sibi liceret arma portare, Ivo tandem eum ad Pontificem Romanum pro indulgentia obtinenda remisit; "reservantes itaque hanc indulgentiam Apostolicæ moderationi ad Apostolorum eum limina direximus, quatenus & fatigatione itineris hujus peccatum suum diluat, & apud pietatis vestræ viscera misericordiam, quam Deus vobis inspiraverit, inveniat.

XIV. Hac quoque de causa qui personaliter Pontificem adire non poterant, ut v. g. Mulieres, valetudinarii & similes, ab Episcopis absolvi poterant à censuris alias Pontifici reservatis, v. g. pro violenta injectione manuum in Clericum. Cap. 6. & 13. à De Sent. Excom.

XV. Quo tempore Pontifices absolutionem à casibus sibi reservatis inferioribus Presbyteris & Confessa-

riis delegare cœperint, incertum est. Hoc constat, quod seculo XV. pius ac doctus Gersonius desideraverit, ut hæc absolvendi facultas pluribus fuisset communicata; quo intelligitur, eo adhuc tempore parce datam esse. Verba ejus sunt: "Saltem det facultatem Papa absolvendi transgressores Superioribus Monasteriorum & Ecclesiarum, ut quando dederit Dominus spiritum compunctionis, inveniant promptum remedium, & non in desperationis præcipitium ruant, pro difficultate Papam vel suam Curiam adeundi. "Apud Thomasinum pag. 4. lib. 1. cap. 70. num. 11.

Verum ut notavit Thomassinus, fateri oportet, quod indulgendo, quod pio affectu desideravit Gersonius, & facilitando absolutionem illorum enormium criminum Papæ reservatorum, dirutum fuerit, quod de veteri pœnitentia supererat; rupta sunt fræna, quæ sceleratos refrænabant; atque præcipua ac fundamentalis ratio harum reservationum destructa est.

XVI. Cæterum de his reservationibus Papalibus, quomodo scilicet postremis hæc seculis fuerint multiplicatæ; Episcoporum, atque præsertim quoad crimina occulta, & aliorum inferiorum Confessariorum circa illas auctoritate, aliisque eo pertinentibus latinus agitur parte 3. ubi de *Censuris Papæ reservatis* tractabitur.

XVII. Docet Synodus Tridentina in citato Decreto, Magnopere ad Christiani populi disciplinam pertinere jam pridem Patribus sanctissimis visum esse, ut "atrociora quædam & graviora crimina, non à quibusvis; sed à *summis* duntaxat Sacerdotibus absolverentur. (a)

XVIII. Hic autem reservationis effectus habetur primo ex eo, quod per criminum quorundam reservationem, populo criminum horror aliquis major obijciatur, dum ea ob sui enormitatem *summis* Sacerdotibus reservata intelligit; atque ab iis absolvendi auctoritatem inferioribus Confessariis subtractam.

XIX. Secundo, dum populus intelligit crimen aliquod reservatum, ac per consequens eodem semel involutum, non posse per obvium quemcumque Confessarium ab eo absolvi; sed pro absolutione obtinenda ad Episcopum aliumve speciali auctoritate insignitum recurri, eique conscientiam suam pandere debere, natum est fieri, ut à crimine illo committendo aliquatenus saltem retrahatur. Notum enim est quod sicut facilitas veniæ est incentivum delinquendi; ita e contrario difficultas veniæ minuat facilitatem peccandi.

XX. Denique magnopere ad populi Christiani disciplinam pertinet, ut morbis spiritualibus periti medici, atque congruentia pharmaca & remedia adhibeantur.

Cum vero compertum sit morbos, quo graviore sunt, peritiores requirere medicos, atque majore cum discretionem remedia esse applicanda; etiam hoc titulo reservatio ad populi Christiani disciplinam pertinet, quod graviora crimina, quæ sunt graviora animæ vulnera, non omnibus indifferenter spiritualibus Medicis curanda committantur; sed his curanda reserventur, qui præ reliquis peritiores in applicandis remediis, & morbis spiritualibus curandis creduntur.

XXI. Ex his non obscurum est colligere, ad assequendum scopum & finem reservationum à Patribus & Ecclesia intentum, requiri imprimis in reservandis criminibus non modicam discretionem; ac imprimis ut non ita reservationes multiplicentur; ut ex multiplicatione tandem earum auctoritas vilescat; nec ipsa reservatio consequenter ulterius peccatorum reservatorum enormitatem persuadeat, aut horrorem peccatorum incuriat.

XXII. Insuper ut jam notatum est, præcipuus re-

(a) Per hæc verba à *summis* Sacerdotibus Episcopos professio intellexit Concilium, cujus Decretum confirmavit summi Pontifices, Greg. XIII. an. 1577. Clemens VIII. an. 1601. Paulus V. an. 1617. Urbanus VIII. an. 1624. Alexander VII. an. 1659. Clemens X. an. 1670. Quibus adde Clerum Gallicæ tum in Conciliis Provincialibus tum in suis generalibus Comitibus.

reservationum finis est populum à peccatis per difficultatem obtinendæ absolutionis tanquam quodam fræno cohibere. Cum ergo populus uno tempore, & uno loco ad certum peccatum sit proclivior quam altero, sequitur, quod subinde ad populi Christiani disciplinam magnopere pertinebit, unum idemque peccatum uno tempore, & uno loco reservari, quod alio tempore aliove loco reservationem non exigit: eo quod hoc tempore, vel hoc loco non ea sit ad hoc peccatum populi proclivitas, & peccati hujus frequentia, ut ab eo hoc reservationis fræno cohiberi debeat aut conveniat.

XXIII. Hanc in reservandis casibus Episcoporum prudentiam ac discretionem ut necessariam supposuisse S. Carolus ostendit ejus Decretum Concilio V. Mediolanensi *cap. 10.* his verbis expressum: "Cum pro temporum varietate casuum reservationem ab Episcopo aliquando mutari expediat, quo planius illos casus ei reservatos Confessarii Sacerdotes perpetuo norint, eos Episcopus singulis annis, vel in Synodo Diocesana, vel ineunte Januario promulget, ita ut quæ illorum casuum reservatio proxime facta est, vim habeat, quoad altera fiet.

XXIV. Adhæc ut hic effectus reservationum facilius & efficacius obtineretur, jam pridem Episcopi raro admodum, & paucis facultatem à reservatis absolvendi indulgebant: sed sicuti eorum absolutionem sibi reservabant, ita quoque volebant, ut criminum rei à se absolutionem acciperent.

In Concilio Arelateni anno 1260. *Can. 16.* legitur, quod propter *imbecillium & impotentium & pauperum occupationes & penuriam*, aliquando per villas & oppida confluxissent Episcopi *Pœnitentiariorum* suos in quadragesima destinare, qui eos à casibus, qui *Majoribus reservantur* absolverent: indicium haud obscurum, inferioribus Confessariis per villas & oppida constitutis facultatem à reservatis absolvendi non fuisse communicatam: neque Pœnitentiariorum ab Episcopis destinatos potuisse quoslibet à casibus reservatis absolvere; at dumtaxat illos, qui per impotentiam aut penuriam ad Episcopum facile accedere non poterant; quod ipsa Synodus clarissimis terminis in fine sui Canonis expressit: "Nec Prælati, ait, super casibus sibi reservatis, ad Parochiam nos suos Pœnitentiariorum destinant, nisi eos, qui *commode* suos Prælatos *adire non possunt*."

XXV. Rursus ejusdem Provinciæ Synodus quinquennio post priorem, id est, anno 1265. congregata, postquam *Can. 12. & 13.* plures casus Episcopis reservatos enumerasset, tandem in fine Canonis 13. inhibet, quod illi qui confessiones audiunt, se intromittere non debeant de absolutionibus peccatorum (reservatorum) nisi personæ quæ in aliquos prædictorum casuum inciderint, fuerint adeo senes vel valetudinariæ, quod ad Episcopos, vel eorum Pœnitentiariorum, venire non possint, vel nisi fuerint in mortis articulo constitutæ. Et tunc eis nihilominus injungatur, quod si recuperaverint sanitatem, pro prædictis se debeant Episcoporum aspectibus præsentare.

XXVI. Et sane nisi Episcopi in deleganda hac potestate admodum fuerint moderati; ut eam non nisi paucis, iisque pietate, eruditione atque prudentia præcellentibus communicent, ipse reservationum usus omni suo frustrabitur effectu; quemadmodum hodie multis in locis nullum pene ejus fructuum & effectum videmus.

XXVII. Cum vero nequaquam præsumendum sit, privilegia, sive personis Regularibus sive secularibus, vel confraternitatibus aut Ecclesiis à Sede Apostolica indulgeri cum disciplinæ Ecclesiasticæ, atque auctoritatis Episcopalis destructione aut immutatione; nequaquam verisimile est, privilegia à Sede Apostolica emanasse, quibus potestas absolvendi à casibus Episcopis reservatis sub generalibus terminis Confessarius indulgeretur.

XXVIII. Unde inter propositiones damnatas ab Alexandro VII. anno 1665. hæc ordine 12. refertur: "Mendicantes possunt absolvere à casibus Episcopis reservatis, non obtenta ad id Episcoporum facultate."

Et rursus in Decreto ad Episcopum Andegavensem idem Pontifex hanc propositionem; "Regulares habent potestatem absolvendi seculares à peccatis Episcopo reservatis, etiam si ab Episcopo auctoritas illa ipsis indulta non fuerit," damnavit, ut *falsam, auctoritati Episcoporum & Sedi Apostolicæ injuriosam*.

Eandem & Conventus Gallicanus in causa Episcopi Andegavensis jam ante reprobaverat.

XXIX. Quin & S. Carolus Synodo Mediolanensi 111. tit. 8. prohibens, "ne Confessarii Regulares, eorum peccatorum, quorum *absolutio* Episcopo reservata est, vinculis irretitos Pœnitentes absolvant. Addit: "Quemadmodum à Sede Apostolica declaratum est, id eis non licere, *quavis privilegiorum suorum auctoritate*."

Deinde in Concilio Mediolanensi V. *cap. 10.* ait: "Ab iis vero casibus (reservatis) proxime promulgatis, si quis Confessarius *cujusvis ordinis* sine facultate scripta, ab Episcopo data, aliquem absolvere attentarit, *excommunicationis* pœnam ipso facto subeat."

XXX. Et infra: "Ne facultatum, privilegiorumque jure quæ cuicumque etiam Rosarii, & cruce signatorum Scholæ, confratriæ, collegiove, etiam laicorum, quæve collegis, confratribusve in eo adscriptis ante, vel post Concilii Tridentini confirmationem, concessa sunt; Confessarius, *cujusvis ordinis* sit, ab iis casibus, quos sibi Episcopus in sua Diocesi reservaverit, pœnitentes sine illius facultate absolvat. Si contrafecerit, suspensionem à divinis ipso facto incurrat."

XXXI. Neque Confessarii habentes specialem facultatem à Pontifice absolvendi à casibus reservatis Sedi Apostolicæ, propterea censendi sunt habere facultatem absolvendi à reservatis Episcopo; tamen si reservati Episcopo essent quoque inter casus reservatos Sedi Apostolicæ.

Pontifex enim dans eam licentiam, tantum concedit licentiam ab illis casibus absolvendi *ut sibi* reservatis; Episcopalem vero reservationem tangere non præsumitur, ut Episcopis sua integra maneat auctoritas; & ita habet Clemens X. in Bulla quæ incipit *Superna*; & Innocentium X. declarasse Jacobo Boonen Archiepiscopo Mechliniensi testatur Bosco *Tomo 4. Disp. 8. De Ministro Pœnit. Sect. 5. concl. 11.*

XXXII. Porro sicuti Episcopi possunt facultatem absolvendi restringere & modificare; ita quoque licentiam absolvendi à reservatis, & quoad personas & casus. Quin & declarare, quoddam speciale peccatum ob sui gravitatem non comprehendit sub generali licentia absolvendi à reservatis: quemadmodum in Congregatione Archipresbyterorum anno 1663. *art. 65.* declaravit Archi-Episcopus Mechliniensis, quod "nullus Confessarius (extra mortis articulum) etiam si alias habeat potestatem absolvendi à casibus reservatis, absolute possit à peccato quolibet mortali & externo contra castitatem, si forte id contingeret (quod Deus avertat) complicem in eodem secum peccato, absolute: Quem proinde casum Illustrissimus Dominus respectu Confessarii complicis in casus reservatos refert, subtrahendo omnem ad id jurisdictionem, imo etiam declarando, neminem ad istiusmodi casum censeri approbatum; & approbationes hætenus generaliter datas ita se restringere, & pro restrictis haberi velle & quatenus opus est, ad istum omnino revocare restrictionis modum, statim à publicatione hujus Decreti, quam vult quamprimum fieri per Archipresbyteros in Congregatione Pastorum, atque ipse Illustrissimus Dominus Religioforum etiam Superioribus curabit intimari."

XXXIII.



XXXIII. Cæterum qui sint casus in singulis respecti-  
ve Diœcesibus reservati, videri poterit ex Synodis, &  
Pastoralibus seu Ritualibus singularum Diœcesium;  
præcipue vero ac certius ex litteris approbationis Con-  
fessariis dari solitis, in quibus casus tunc *reservati* refe-  
runtur. Conveniens autem erit, ut casuum illorum  
habita notitia, etiam subinde Parochus populo notificet  
casuum illorum reservationem; ut vel inde gravitatem  
criminum illorum concipiat; & horrorem aliquem de  
peccatis illis populo incuriat. (a)

XXXIV. Merito autem monet Synodus Gandensis  
tit. 5. cap. 6. ut "qui à casibus reservatis absolvendi  
potestatem accepit, non ad destructionem, sed ad  
ædificationem ea utatur, exponendo Pœnitentibus  
gravitatem peccatorum, & convenientes satisfactio-  
nes, prout spiritus suggererit, prudenter injungendo.  
Idipsum innovatum est in Decretis Synodalibus sub An-  
tonio Triest tit. 5. cap. 11.

XXXV. An quilibet Sacerdos in casu extremæ neces-  
sitaris jus habeat absolvendi ab omnibus casibus reser-  
vatis, diu multumque à Theologis disputatum est;  
eam difficultatem solvisse videtur facultas Theologica  
Lovaniensis an. 1565. in explicatione articulorum, qui  
ipsi eodem anno propositi sunt. En ejus verba in ex-  
plicatione 3. articuli pag. 100.

"Jure divino jurisdictionem habet quilibet sacerdos  
quemlibet absolvendi ab universis peccatis in casu  
necessitatis. Nam cum Christus in necessariis non  
defuerit, Ministrum Sacramenti Pœnitentiæ insti-  
tuendo, sicut providit quod in mortis periculo,  
à quolibet etiam excommunicato, hæretico, & schif-  
matico quilibet cum fructu baptizari posset, non  
obstante quacunque censura aut prohibitione: ita

"etiam disposuit quod in eodem casu à quolibet Sacer-  
dote, licet hæretico aut excommunicato, possit à  
peccatis absolvi, imo debeat ei confiteri, & petere  
absolutionem, cum utrumque sit necessitatis Sacra-  
mentum, & jure divino præceptum. Propter quod  
probabilior est sententia Petri de Palude distinct.  
25. in 4. Sent. q. 1. & Sylvestri in verbo *Confessor*.  
1. §. ult. quod ab excommunicato hæretico & præ-  
ciso liceat suscipere Sacramentum Pœnitentiæ, sicut  
Baptismum, quamvis non Sacram Eucharistiam,  
juxta cap. capit. *Hermenegildus* 24. q. 1. c. ult. quod  
desumptum est ex 3. lib. Dialogorum beati Gregorii  
c. 13. probabilior, inquam, est, quam sententia Glos-  
sæ dist. 32. *Præter hoc* in fine, facientis differentiam  
inter Sacramentum Baptismi & Pœnitentiæ in casu  
necessitatis, quoad quætionem unde derivetur talis  
Jurisdictio, & quomodo, an mediate, an vero im-  
mediate à Christo: ad quam tamen, probabilior  
sententiam accedere videtur Gratianus cap. *ita Do-*  
*minus*, dist. 19. & Major in cap. *subdiaconis*. 24. q.  
1. & B. Thomas. 3. parte. quæst. 82. art. 7. ad 2. &  
in 4. sent. dist. 19. q. 1. art. 2. nam præcepta & Or-  
dinationes Ecclesiæ semper cedere oportet, quando  
concurrunt cum præceptis Christi contrariis. Nulla  
igitur censura impedire potest, quin ab hæretico  
& excommunicato absolutio Sacramentalis accipi  
possit & debeat, sicuti & Baptismus in necessitate  
..... modo tamen seductionis non imminet  
verisimile periculum, ut respondet Joannes Ca-  
preolus. (a)

(a) Ista desumpta sunt ex Epistola quam D. Van-Espen con-  
scripsit die 7. Maji an. 1699. ad Rev. Patrem Elterlin Canoni-  
cum Regularem; hic à nostro auctore inquisierat, an Sacerdos  
quilibet excommunicatus jus habeat in casu necessitatis absolvendi  
ab omnibus casibus reservatis. Hæc Epistola asservatur in Biblio-  
theca Sæuæ Genovetæ.

(a) Quos casus Superiores Regulares reservare possint, docet  
Clemens VIII. in Decreto quod incipit *Suavissimus*, dato 26.  
Maji 1593.

## TITULUS VII.

### DE INDULGENTIIS.

#### CAPUT I.

De variis Indulgentiarum Speciebus sive Formulis.

1. Indulgentiæ olim dictæ remissiones.
2. Unde hoc nomen derivatum?
3. Prima species Indulgentiæ ex Apostolo.
4. Quam Apostolus Indulgentiam concesserit; & quare?
5. Describitur secunda Indulgentiæ species.
6. Tertia species Indulgentiæ ad preces Martyrum; & quomodo moribundis daretur?
7. Quomodo eis prodesset?
8. Etiam sanis & bene valentibus dabatur.
9. Quarta species Indulgentiæ propter opus laboriosum susceptum; & quæ hujus formula?
10. Insigne hujus exemplum sub Urbano II.
11. Potius erat Pœnitentiæ commutatio, quam indulgentia.
12. Quare plurimi mallent hoc opus laboriosum suscipere, quam Canonicam pœnitentiam agere.
13. Quomodo hæc indulgentia occasionem dedit abrogationi Canonum pœnitentialium?
14. Quinta species Indulgentiæ ex præcedenti orta.
15. Formula hujus Indulgentiæ; & quomodo hæc Indulgentia sensim extensa?
16. Hæc Indulgentia dicta à sua origine relaxatio pœnitentiarum Canonicarum, & quare?

17. Hujus Indulgentiæ usus demum seculo XI. capit.
18. Episcopi mox admodum liberales fuere in concedenda hac Indulgentia.
19. Non extat hujus Indulgentialis formulæ monumentum ante seculum XI.
20. Quidam credunt similem Indulgentiam concessam à S. Gregorio; sed erroneè.
21. Quæ erroris occasio?
22. Nonnulli credunt concessam à Leone III. auctoritate Epistolæ S. Ludgeri.
23. Hujus Epistolæ fictio ostenditur.
24. Indulgentia falso adscripta Sergio II. & quæ falsitatis origo?
25. Indulgentia S. Sylvestro sine fundamento adscripta.
26. Nullus Catholicus asserit usum Indulgentiarum primum seculo XI. cepisse; sed fatentur verum quod Tridentinum dixit; & professio fidei exprimit.
27. Multa circa Indulgentias à Theologis moventur & traduntur; sed pauca certitudinem fidei attigunt.

I. NOMEN Indulgentia derivatur à verbo *indul-*  
*gere*, atque idem valet, quod aliquid remitte-  
re seu relaxare. Unde quod hodie phrasi  
Ecclesiæ dicitur *Indulgentia*, olim frequentius diceba-  
tur *remissio*; atque inde titulus Decretalium *De Pœni-*  
*tentiis & Remissionibus*.

Et

Et in Capit. 4. *De Pœnit. & Remissionibus*, scribit ad Archi-Episcopum Cantuariensem Alexander III. „ Quod autem consulisti, utrum *remissiones*, quæ fiunt in Dedicationibus Ecclesiarum, aut conferentibus ad ædificationem Pontium, aliis pro sint quam his, qui remittentibus subsunt. Hoc volumus Tuam Fratritatem tenere; quod cum à non suo iudice ligari nullus valeat, vel absolvi, remissiones prædictas prodesse tantummodo arbitramur, quibus ut pro sint, proprii iudices specialiter indulerunt.

Hic à Pontifice vocari *remissiones*, quæ hodie dicuntur *Indulgentiæ*, evidens est ex ipso contextu.

II. Videtur autem Ecclesia nomen hoc derivasse ab usu veterum Imperatorum & Juris Consultorum: siquidem illi *Indulgentiam* solemnem proprioque vocabulo appellant *remissionem* generalem criminum, quam aliquando Principes sæculi publicæ lætitiæ causæ faciebant; quemadmodum videri potest in Codice Theodosiano titulo *De Indulgentiis criminum*; ac nominatim videre est in *lege 3. Indulgentiam* fuisse *remissionem* criminum, quoad solam prænam legibus debitam. Hoc pluribus ostendit Bellarminus lib. 1. *de Indulg. cap. 1.*

Plures hujus Indulgentiæ Ecclesiasticæ species sive formulæ, aliæ antiquiores, aliæ recentiores, occurrunt.

III. Prima eaque antiquissima est illa, qua usus est Apostolus erga incestuosum Corinthium; his verbis expressa: „ Sufficit illi, qui ejusmodi est, objurgatio hæc, quæ fit à pluribus; ita ut è contrario magis *donetis & consolemini*, ne forte *abundantiori tristitia absorbeatur*, qui ejusmodi est. Propter quod obsecro vos, ut *confirmetis* in illum *charitatem*.... Cui autem aliquid donastis, & ego: Nam & ego quod donavi, si quid donavi, propter vos in persona Christi, ut non circumveniamur à sathana: Non enim ignoramus cogitationes ejus. „ 2. *Corinth. 2.*

De quo hic loquitur Apostolus, est incestuosus ille Corinthius, quem ob fornicationem, qualis nec inter gentes audiebat, commissam, tradiderat sathana in interitum carnis, ut spiritus salvus esset in die Domini nostri Jesu Christi; quemadmodum in priorē sua Epistola ad Corinthios *cap. 5.* scripserat.

Hunc igitur vult à Corinthiis in gratiam ac communionem nunc recipi; non quod jam *totaliter* satisfecisset, atque pœnam tanto crimini debitam *integram* persolvisset; sed ei indulgeri voluit, quod agendum supererat, *ne abundantiori tristitia absorbeatur*: „ Nam „ quamvis peccatum confessus fuerit, ipsiusque *pœnituerit*: ostendit tamen eum, non tam pœnitentiæ opera, quam gratia & beneficio veniam consequi, „ ait S. Chrysostomus *Homilia 4. in Epistolam 2. ad Corinth.* Et subdit: „ ob idque, ait, *DONETIS & consolemini*. „ Et quod sequitur, idem declarat. „ Non enim, inquit, quod id promereatur, nec quod eam, quam par sit, pœnitentiam præstiterit: sed quia *infirmus* est, idcirco hoc peto. Unde etiam subjungit, „ *Ne forte abundantiori tristitia absorbeatur, qui est ejusmodi*. Quæ verba sunt hominis magnæ pœnitentiæ testimonium ipsi tribuentis, nec eum in desperationem ruere sinentis.

IV. Itaque ob incestuosi hujus infirmitatem; & ne diuturniori ac acerbiori pœnitentia gravatus *abundantiori tristitia absorbeatur*; atque forsan in *desperationem* adigatur, voluit Apostolus ei aliquid donari sive *indulgeri*, ut nimirum illum ante *peractam totalem* pœnitentiam, in gratiam & communionem recipiant.

V. Secunda species Indulgentiæ, est de qua loquitur Synodus Nicæna *Can. 11.* & Ancyra *Can. 4. & 5.* alique veteres Canones decernentes, ut Episcopi modo conversationis ipsorum Pœnitentium considerato, potestatem habeant, vel *clementia* utendi, vel plus temporis adjiciendi: quemadmodum titulo præcedenti *cap. 3.* ostensum est.

Licuit ergo, uti recte Suarez *Disp. 49. de Indul. sect. 3. n. 1.* „ Episcopi ex Canonicis pœnitentiis pu-

blicis, quæ pro diversis criminibus imponi solebant, aliquid Pœnitentibus remittere, si eorum vita & laudabilis conversatio id mereretur. „ Hæc ille, qui ibidem facit ex illis Canonibus, pro adstruendis Indulgentiis nihil amplius *efficaciter* elici posse. Quin tamen hæc Episcoporum remissio seu relaxatio aut mitigatio dici possit quædam species Indulgentiæ, dubitari nequit: cum revera pœnitentibus per Episcopos aliquid remitteretur sive indulgeretur.

VI. Tertia species Indulgentiæ occurrit apud Veteres & præsertim apud S. Cyprianum; quæ dabatur ab Episcopis ad preces & intercessionem Martyrum.

De hac Indulgentia hæc scribit S. Cyprianus *Epist. 15.* „ Si quis libello à Martyribus accepto de sæculo excederent, exomologesi facta, & manu eis in pœnitentiam imposita *cum pace* sibi à Martyribus promissa ad Dominum remitterentur. „ Hoc est, lapsi in idolatriam, etiam si *vita durante Pœnitentes non fuerint, nec pœnitentiam petierint*, si periculo mortis urgente, pœnitentiam cum lacrymis & magno affectu desideraverint, eis hæc *indulgebatur*; manu in pœnitentiam imposita *cum pace*, id est, reconciliati ad Dominum dimittebantur, si modo libellis Martyrum essent muniti. Hoc æconomice sive per Indulgentiam in favorem Martyrum decretum fuisse scribit Cyprianus.

VII. Neque id exiguum erat Martyrum privilegium. Juxta Canonicam enim disciplinam illius ætatis, qui sanus pœnitentiam neglexerat, eam nec in vitæ periculo constitutus accipiebat, sed sine reconciliatione è vita migrabat; uti late probat Morinus *lib. 9. cap. 24.* ibidem ostendens, quod ante hoc æconomicum ac dispensatorium Decretum nunquam moribundis illis *pax* seu *reconciliatio* data fuerit ab Episcopis, qui sani nunquam pœnitentiam egerant, aut petierant: at illud primum in favorem lapsorum & Martyrum à S. Cypriano & Episcopis Africanis, ac postmodum à Clero Romano inductum fuisse.

VIII. Nequaquam tamen hoc solum fuit Martyrum privilegium; neque hæc sola Indulgentia, intuitu precum & libellorum Martyrum Pœnitentibus data. Certum enim est, etiam sanis ac bene valentibus pœnitentibus ob preces Martyrum, concessam fuisse aliquam indulgentiam; uti ex epistolis S. Cypriani probat Morinus *lib. 9. cap. 26.* & ostenditur capite sequenti, ubi exponendum erit, qua cautione & moderatione hæc Indulgentia ab Episcopis daretur; & quid à Martyribus observatum vellent in datione Libellorum.

IX. Quarta species Indulgentiæ dici potest illa pœnitentiarum sive pœnarum remissio, quæ sæculo X. fieri cepit intuitu alicujus operis laboriosi propter evidentem aut apparentem Ecclesiæ utilitatem suscepti.

Indulgentia illa proponi solebat hac fere formula: „ Qui hoc opus egerit, aut ut peragatur, pro viribus „ annixus fuerit, peccatorum omnium remissionem „ consequatur.

Magnum illud opus fere semper fuit, arma contra Ethnicos, Hæreticos, aut Schismaticos ferre; vel si ipse per se ferre non posset, suis sumptibus alere qui ferret.

X. Insigne & memorabile hujus Indulgentiæ sive remissionis exemplum fuit expeditio Hierosolymitana, hortante Urbano II. à Gallis anno 1096. suscepta; & descripta à Guillelmo Tyrio *De Bello Sacro*; qui libro 1. relata exhortatione Urbani II. ad hanc expeditionem suscipiendam, subjicit verba, quibus suam exhortationem finiebat Pontifex: „ Nos autem misericordia Dei „ & Beatorum Apostolorum Petri & Pauli auctoritate „ consisti, fidelibus Christianis qui contra eos arma susceperint, & onus sibi hujus peregrinationis assumpserint, immensas pro suis delictis pœnitentias relaxamus: Qui autem in vera pœnitentia decesserint, & peccatorum indulgentiam, & fructum æternæ mercedis se non dubitent habituros.

Hæc exhortatio habita fertur à Pontifice in Concilio Claromontano, in quo etiam hic Canon conditus est:

est. "Quicumque pro sola devotione, non pro honoris vel pecuniæ adeptione, ad liberandam Ecclesiam Dei Hierusalem profectus fuerit, iter illud pro omni penitentia ei reputetur.

Hanc Indulgentiam seu remissionem plures sequentes Pontifices confirmarunt, ut ostendit Morinus lib. 10. capite 19.

XI. Si hujus expeditionis labores, expensæ, itineris molestiæ, patriæ familiæque abdicatio, aliæque his adjuncta incommoda expendantur, facile apparebit, quod expeditio hæc longissimis Pœnitentiis non immerito æquiparari possit; ac proinde, qui hanc expeditionem Pœnitentiis Canonicis permutabant, non *χρυσέα χαλκίον*, (a) sed paria paribus rependebant.

XII. Quia tamen hanc expeditionem suscipere omnis generis homines, etiam innocentissimi, ex sola devotione, aut spiritu voluntariæ pœnitentiæ, tegebatur hoc titulo ipsa criminis confessio, quæ aliis Pœnitentiæ Canonice præsertim publice peragendæ annexa videbatur; ac propterea peccatores publici hanc expeditionem præ Canonica pœnitentia eligeabant.

Ad hæc notum est: quàm multos ad suscipiendas peregrinationes, quantumvis laboriosas & periculosas ac dispendiosas incitet curiositas; præsertim si specie religionis insuper velari queat; ipsæque peregrinationes etiam ab honestioribus suscipiantur, & laudentur, imò tanquam ad opus admodum pium suscipiendum Superiorum exhortatio accedat.

Denique si hominum secularium genius attendatur, videbatur, quomodo sese militiæ potius, tametsi cum summo discrimine magnisque incommodis, addicant, quàm duriusculam aliquam pœnitentiam à Sacerdotibus impositam acceptare, & sub Sacerdotum directione peragere velint.

Hæc si quis expendit, non miratur adeò ingentem multitudinem hanc expeditionem suscepisse, exhortantibus præsertim Pontificibus & Episcopis, atque omnium peccatorum & integræ pœnitentiæ remissionem addicentibus; ut de hac multitudine scribens S. Bernardus Ep. 246. dicat: "Vacuantur Urbes & castra; & penè jam non inveniunt, quem apprehendant septem mulieres virum unum, adeò ubique viduæ vivis remanent viris.

XIII. Hinc ulterius colligitur, quâ ratione hæc indulgentia sive potius Pœnitentiæ Canonice commutatio, occasio fuerit abrogationis pœnitentiæ Canonice, & Canonum Pœnitentialium, dum plerique, omisâ Canonica Pœnitentiâ, expeditionem hanc suscipiebant.

Sed hæc abrogatio majus incrementum adhuc cœpit, quando ea remissio etiam facta fuit, iis, qui cum legitime impediti personaliter ad expeditionem non pergebant, saltem militem suis sumptibus eò mittebant, & alebant. Quis enim hos sumptus ferre non maluisset, quàm multorum annorum laboriosam illam pœnitentiam ad præscriptum Canonum subire?

XIV. Ex hac Indulgentia altera sequuta est remissionis seu Indulgentiæ species sive formula.

Cum enim jam invaluisset & persuasum esset, licere integram pœnitentiam remittere, & omnium peccatorum remissionem dare iis, qui pecuniam contulissent in expeditionem contra Infideles aut Hæreticos, non apparebat, cur non liceret quoque integram aut saltem partem pœnitentiæ remittere illi, qui eleemosynam conferret in aliud pium opus; verbi gratiâ, ædificationem aut reparationem Ecclesiæ, Monasterii, hospitalis alteriusve ædificii Ecclesiastici.

XV. Formula hujus Indulgentiæ erat: "Qui denarium in ædificationem aut reparationem hujus Ecclesiæ, aut Oratorii contulerit, tertiam, vel quartam, &c. partem pœnitentiarum imponendarum illi in Domino relaxamus.

Ita refert Morinus lib. 10. cap. 20. num. 2. qui & ibidem monet, quod eodem tempore extensa fuerit ista (a) Id est, non aurea pro æreis permutabant.

relaxatio ad res seculares, Pontium, itinerum, rerumque similium refectionem.

Denique Indulgentia hæc extensa fuit ad alia pietatis opera; verbi gratiâ, visitationem alicujus Ecclesiæ cum obligatione ibidem orandi ad intentionem concedentis Indulgentiam, & tenorem Bullæ indulgentialis.

XVI. Notat Morinus, quod hæc relaxatio merito dici possit causa remissarum & tandem obsoletarum pœnitentiarum Canonicarum. Quis enim longissimis & durissimis pœnitentiis noctu diuque incumbere velit, qui uno denario, aut etiam obolo juxta Episcopi mandatum erogato, tertiæ Pœnitentiarum Canonicarum parti summâ quadrantis satisfacit, & triplicato denario totam summam albo expungit? Quidquid subtiliter dicatur, & disputeretur, hoc axiomate posito difficillimè Pœnitentiæ Canonice actio persuadebitur, cum ad se ab ea redimendum tam facile & parabile unicuique præstò semper sit remedium. Stupidissimus quisque ad hanc consequentiam intelligendam idoneus est. Quis verò, quæ contra subtiliter opponi possunt, animò capit? Hoc paucis post demonstravit experientia, & in hunc usque diem demonstrat.

XVII. Hactenus Morinus lib. 10. cap. 20. num. 3. qui & num. 8. advertit, hunc remissionum usum demum circa tempora Petri Cantoris, id est, circa medium sæculi XII. ortum habuisse; "brevis tamen, licet multi contradicerent, alii variè de iis, earumque effectibus dubitarent, magnos progressus fecisse. Nec hoc creditu difficile est, cum lucrum temporale, & maxima commoda in Ecclesiarum fabricas, & Episcopos hinc redundent.

XVIII. Advertit insuper ex verbis Petri Cantoris, privatos Episcopos certatim hanc consuetudinem statuisse; sed cum scribebat Cantor, Romanos Pontifices eam, quantum ille rescire potuit, nondum vulgò usurpasse, & pœnitentiæ actionem huic relaxationi longè prætulisse.

XIX. Circa epocham exortæ hujus indulgentialis formulæ Eruditi passim Morino assentiuntur; atque fatentur nullum authenticum illius monumentum sæculo duodecimo antiquius hactenus repertum esse.

XX. Scribit quidem Guilelmus Altfiodorensis in summa lib. 4. tract. 6. cap. 9. bis verbis "Sanctus Gregorius instituit Romæ ejusmodi relaxationes, (nimirum quæ dantur visitantibus Ecclesiis Stationum) & si aliquis est Romæ per quadragesimam, habet de relaxationibus plusquam quadraginta annos. Plures celebres Scholastici id ipsum post Altfiodorensē scripserunt; & in probationem hujus indulgentialis formulæ adduxerunt.

Sed uti advertit Morinus apud S. Gregorium ista nunquam occurrunt, nec quid aliud quod aliquatenus id confirmet. Et si hujusmodi Indulgentiarum formula usitata fuisset tempore S. Gregorii, indubiè ob suam commoditatem & utilitatem frequentissima fuisset; cum tamen nec eo tempore, nec multis antè & post sæculis ulla memoria, ullum vestigium, ulla umbra illius occurrat.

Ad auctoritatem Scholasticorum, qui fidem Altfiodorensis secuti sunt, responderi: "Quis nescit, quâ critice valeret in antiquis operibus discernendis & disponendis plerique istorum sæculorum auctores?

XXI. Admodum verisimile est hunc Scholasticos vulgarem, qui tunc erat, errorem sequutos fuisse.

Cum enim sæculo XIII. Pontifices soliti essent dare aliquas Indulgentias, Ecclesiis Stationarias visitantibus; atque apud Joannem Diaconum legeretur, Sanctum Gregorium Stationes per Basilicas vel beatorum Martyrum cimiteria ordinasse, vulgus ex præsentibus de præteritis judicans, supposuit, Sanctum Gregorium Stationes ordinando, etiam Indulgentias concessisse; quemadmodum à posterioribus Pontificibus factum viderat.



Scholastici, qui facta non examinabant juxta regulas historiae aut critices, sed ad sua principia Theologica, facile recipiebant quicquid vulgò credebatur, modò principijs suis Theologicis haud repugnaret.

XXII. Nonnulli cum Baronio credunt à Leone III. sub initium seculi IX. Indulgentias similes concessas: idque ex fide Epistolæ S. Ludgeri Episcopi Monasteriensis, quæ extat ad calcem vitæ Sancti Ludgeri ad diem 26. Martii apud Bollandum: in qua scribitur, Leonem III. anno 803. venisse ad Carolum Magnum, multas Ecclesias, Capellas & Altaria consecrasse, ubique Indulgentias concedendo; ac dein Leonem Papam cum Carolo Imperatore *Verdum* se contulisse, ac ibidem S. Swibertum in Catalogum Sanctorum retulisse: *Obtulit autem, ait, idem Sanctus Papa eidem Ecclesiæ SPECIALES INDULGENTIAS cunctis Fidelibus celebrantibus festum S. Swiberti, & ad Divina confluentibus.*

XXIII. Verùm hujus Epistolæ fides ob varia, quæ in ipsa occurrunt, apud Eruditos non tantùm vacillat; sed uno penè consensu judicatur conficta, & S. Ludgero ab aliquo recentiore supposita.

Imprimis enim ipsa S. Swiberti Canonizatio eo modo & ordine enarratur, quo nunc & ab annis quadringentis celebrari solet. Certum est autem, hanc celebritatem trecentis & minùs annis post Leonem III. cepisse: usque ad illud tempus enim simplex admodum erat Canonizationis ritus; de quo vide dicta *parte 1. tit. 22. cap. 1. (a)*

Adhæc auctor hujus Epistolæ sæpius recitat Episcopos, Archiepiscopos, Cardinales & Proceres Pontifici assidentes, sed semper primo loco Cardinales collocat contra morem illius temporis & seculorum sequentium, ait Morinus *lib. 10. cap. 20. num. 11.* qui ibidem plura illius Epistolæ suppositionis indicia allegat, arque ex iis statuere non dubitat, "eam esse confictam ante trecentos annos, aut ut maximè quadringentos, nomine S. Ludgeri ab aliquo Verdenſi Monacho in sui Monasterii commodum & gloriam.

XXIV. Pro antiquitate harum Indulgentiarum allegat quoque Baronius aliique eum sequuti quemdam antiquum marmorèum lapidem, qui Romæ in Ecclesiâ SS. Sylvestri & Martini extat; in quo lapide insculptum legitur, à Sergio Papa varia Sanctorum Corpora ibidem fuisse recondita; additurque: "Et dictus Pontifex concessit singulis ad hanc Ecclesiam venientibus, in festivitibus istorum Sanctorum *tres annos & tres quadragenas de vera Indulgentia.*

Verùm cum in lapide non notetur æra positionis aut insculptionis; quis dicer, hunc lapidem positum fuisse, aut sculpturam factam tempore ejus Pontificis? aut si lapis aliquis positus fuerit, & inscriptio facta; quis scit, an successu temporis lapide trito, & litteris exesis, lapis renovatus & inscriptio alia insculpta non fuerit; præsertim, quia Anastasius Bibliothecarius in vita hujus Pontificis referens hunc Pontificem, Ecclesiam in meliorem & pulchriorem statum à fundamentis perfecisse; atque in eadem ipsum plura Sanctorum (quorum nomina exprimit) corpora condidisse; nullam tamen Indulgentiarum facit mentionem; nec non alia nonnulla ita refert, ut non obscurum sit, manu recentiore nonnulla addita fuisse ab eo, qui lapidem posuit, & inscriptionem cudidit: quemadmodum pluribus probat R. P. Papebrochius in Propyleo ad Acta Sanctorum mensis Maii *Dissert. 17.*

XXV. Indulgentiæ plenariæ, quæ à S. Sylvestro concessæ dicuntur viuitantibus Ecclesiam Lateranensem, nullam apud eruditos fidem merentur.

Quid enim Sylvester Papa ad ornatum Basilicarum Romanarum suo tempore & suafu structurarum contulerit, fusillimè prosequitur Anastasius Bibliothecarius; sed nec hic nec alius fide dignus Historicus, antiquus aut novus meminit Indulgentiæ plenariæ, quam omnibus ad Lateranensem Basilicam venientibus largitus sit; quemadmodum in magna tabula Basilicæ istius hodie inscriptum est. Argumentum sanè, tamen negativum, vel solùm sufficiens ad falsitatem illarum Indulgentiarum convincendam; licet nec alia positiva desint illius falsitatis argumenta.

Anastasius enim, qui omnia donaria à Sylvestro Basilicæ isti collata retulit, potestne præsumi rationabiliter, fuisse silentio præteritus donarium hoc plenariarum Indulgentiarum, tantò quam aliorum donariorum pretiosiorum thesaurum?

Firmum itaque manet Morino, quem Eruditiores plerique hodie sequuntur, ante seculum saltem XI. hujusmodi formulas Indulgentiarum nec Episcopis, multò minus Romanis Pontificibus usitatas fuisse.

XXVI. At hinc nemo concludat, Morinum ullumve Catholicum credere, Indulgentiarum usum duntaxat seculo XI. in Ecclesiâ notum fuisse; aut potestatem concedendi Indulgentias ab Episcopis & Pontificibus illo seculo usurpatam.

Omnes enim Catholici libenter fatentur: Indulgentiarum potestatem à Christo in Ecclesiâ relictam fuisse; illarumque usum Christiano populo maximè salutarem esse, uti habet hodierna Professio Fidei; atque unà cum Synodo Tridentina in Decreto de Indulgentiis, eos damnant, qui aut inutiles esse asserunt, vel eas concedendi in Ecclesiâ potestatem esse negant.

Verùm quâ formâ, & modo concessæ jam pridem fuerint; aut quando primùm hæc aliave formula usitari cæperit, ad disciplinam historiamque, nequaquam ad fidem pertinere dicunt.

XXVII. Similiter de causa ex parte dantis; de dispositione ex parte lucrantium aliisque similibus, jam pridem, uti & hodie multæ, præsertim à Theologis quæstiones, salvâ fide agitantur & discutuntur; quæ quia ad dogmata magis, quam ad disciplinam, aut historiam spectant, eas, ne falcem in messem alienam mittam, Theologis relinquo; intra materiam disciplinæ & historię me concludens: præsertim quia pauca quæ à Scholasticis in hac materia Indulgentiarum agitantur aut traduntur, ad certitudinem Fidei & doctrinam Ecclesiæ Catholicæ pertinent; uti ostendit Veronius in *Regula Fidei* à Wallenburgicis probata & adoptata, ac sufficienter insinuat Episcopus Meldensis (a) in Expositione doctrinæ Ecclesiæ Catholicæ à variis Cardinalibus, Episcopis & Prælati, nec non speciali *Brevi* Innocentii XI. probata ac laudata, in qua de Indulgentiis tanquam doctrinam Ecclesiæ Catholicæ hæc duntaxat proponit: "Cum aspera peccatoribus & laboriosa opera injungit, iique illa submisso animo subeunt, ea dicitur satisfactio: cum autem propter eximiam Pœnitentium pietatem, aliave bona opera, quæ iis ipsa præscripserit, è debita aliquid ipsis pœna remittit, ea dicitur indulgentia. Nihil aliud de Indulgentiis credendum proponit Tridentina Synodus, quàm potestatem eas conferendi à Christo Ecclesiæ concessam esse, earumque usum esse salutarem. " Additque: "retinendum illum, adhibita tamen moderatione, ne nimia facilitate Ecclesiastica disciplina enervetur. " Unde patet Indulgentiarum dispensandarum modum ad disciplinam pertinere.

(a) Id est, Doctissimus Benignus Bossuet.

(a) Legatur quoque quid hæc de re scripserit Eruditus Pontifex Benedictus XIV. opere quod de Canonizatione sanctorum scripsit, quod absolvit, antequam Pontificia dignitate insigneretur.

CAPUT II.

Iterum discutiuntur variae Indulgentiarum species, earum effectus & incommoda exponuntur.

1. De Diuturnitate temporis, quo viguit indulgentia species Concilio Nicano & Ancyrano exposita.
2. Seculo IX. inclinante invaluit usus Canonicas penitentias redimendi precibus & elemosynis.
3. Species indulgentiarum & penitentiarum seculo XI. XII. &c. usitatae.
4. Antiquis Patribus ignota.
5. Penitentiam publicam antiquis Canonibus statutam extinxerunt.
6. Hujus mutationis rationes fusiùs expositae à Guillemo Parisiensi.
7. Brevius relata à D. Fleury historico cum ejus observationibus.
8. Antiquitas indulgentiarum stationariorum discutitur.
9. In Concilio Tridentino de materia indulgentiarum disputatum est.
10. Quid hac de re definitum fuerit.
11. Doctissimi Bossuet Episc. Meldensis sententia refertur.
12. Limites, quibus contineri debent Theologi, ubi de indulgentiis disputant.

I. SUPERIORI capite num. 5. exposita est indulgentiarum species quam Patres Nicani & Ancyrani suis canonibus quarto seculo expresse- runt. Ea quoque sequentibus proximè seculis nota fuisse videtur: sub medium seculi noni adhuc in usu fuisse constat ex Synodo Regiaticina, seu potius in urbe Regia Ticino celebrata anno 850. uti praefert titulus tom. 8. Conciliorum generalium col. 61. in qua cap. 7. decernitur, quòd " oporteat per oppida singula villasque curam gerere Presbyteros, qualiter Penitentes impositam sibi abstinentiae formam custodiant, & utrum elemosynam largiantur, vel aliis remissionem peccatorum promerentibus piis operibus inserviant, & quae cordis contritione vel lamentatione seipsos afficiant, ut hac consideratione penitendae tempus rationale possit accipere terminum, & vel extendatur, si penitens negligenter injuncta prosecutus est, vel brevior, si desideranter veniae placationem studuit promereri.

Si haec erga penitentes hodie esset Presbyterorum cura & vigilantia, eaque moderatione tempora penitentiae, ejusque opera abbreviarentur, indubiè major appareret indulgentiarum & penitentiarum fructus, scilicet vera peccatorum conversio.

II. Verùm ea Presbyterorum vigilantia in imponendis & exigendis penitentiis sensim sine sensu deferbuit. Labente seculo IX. invaluit usus canonicas penitentias redimendi, piis quibusdam operibus, quales erant preces vocales, elemosynae pauperibus datae: redemptionem factam precibus & elemosynis recenset Concilium Triburiense an. 895. celebratum. De iis Abbas Regino in veteri collectione quam Morinus manuscriptam vidit, haec habet: " Si quis non potuerit jejunare, & habuerit unde possit redimere; si dives fuerit, pro septem hebdomadibus det solidos viginti: si non habuerit tantum unde dare possit, det solidos decem, si autem multum pauper fuerit, det solidos tres.... pro uno mense quod in pane & aqua penitere debet aliquis, psalmos decantet mille ducentos genu flexo, & si non genu flexo, mille sexcentos & octoginta.."

III. Ea penitentiarum redemptio dedit occasionem redimendi peregrinationibus satisfactionem publicam; quapropter exeunte seculo undecimo adaequata satisfactionis canonicae relaxatio, iis indulta est, qui pere-

grinationem seu expeditionem Jerosolymitanam contra Saracenos aggredierentur.

Circa XII. seculum penitentia publica redimi coepit pecuniis ad aedificationem templorum datis. Hac viâ Mauritius Episcopus Parisiensis ingens illud, quod Parisiis templum visitur, B. Virgini Mariae extruxit. Onere etiam penitentiarum Canonicarum levabantur qui in propria cute flagellationibus caedebantur, aut qui aliis pecunias dabant, aut eos precabantur, ut isti pro ipsis se flagro verberarent. Hac de re legatur vita S. Dominici Loricati quam Petrus Damianus auctor coë- taneus elucubravìt: testatur enim quòd B. Dominicus aliorum penitentiam trium aut amplius annorum redimeret seipsum flagellando, ita ut uno quoque die semel aut bis psalterium recitaret, sibi utraque manu acciduando continua flagella. Id enim Petrus Damianus asserit cap. 7. ubi expresse docet novam penitentias computandi rationem, & quomodo quinquaginta vel centum annorum satisfactiones paucis diebus redimerentur. (a)

IV. Ecclesia permiserat quidem arbitrio & discretioni Episcoporum abbreviare tempora penitentiae, vel ejus opera mitigare, aut in alia commutare, prout id saluti penitentium pro eorum conditione congruere videretur, exemplo Apostoli rogantis Corinthios mitius & indulgentius agere cum incestuoso, ne nimia tristitia absorberetur: sed ut pro uno eodemque opere omnibus indifferenter penitentibus partialis vel totalis penitentiae remissio sive indulgentia addiceretur, pristinis Patribus fuit ignotum, & uti observavit Dominus Claudius Fleury in suo sexto discursu historico num. 2. id & disciplinae penitentiali in Ecclesia haecenus conservatae, erat contrarium.

V. Antea observaverat Morinus L. 10. de penitentia, quòd formula indulgentialis, quae penitentiae remissio promittebatur, his, qui elemosynas conferrent in pium aut etiam publicum aliquod opus, vel Ecclesias certis diebus visitarent, praescriptas preces ibidem recitaturi, fuerit canonicarum penitentiarum omnimoda abolitio, & Canonum penitentialium obliteratio.

VI. Rationes, quibus ejus temporis Doctores eam indulgentialem formulam haecenus ignotam sustinerent, exponit Guillelmus Episcopus Parisiensis in tractatu de Sacramento Ordinis cap. 13. tom. 1. operum pag. 551. Edit. Londinensis anni 1674.

Imprimis pro fundamento harum indulgentiarum ponit: " quòd cujus potestas est Penitentiales satisfactio- nes injungere, ejusdem est eas augere, minuire, & mutare, prout ad Dei honorificentiam & ad animarum salutem & ad publicam & specialem utilitatem viderit expedire. "

Hòc praemisso fundamento concludit " Quare & penitentialem afflictionem in elemosynas & orationes, & in omne quod Deo magis acceptum viderit esse, licitum est Praelato, suaeque potestatis est & officii mutare, prout ipsi penitenti aut Ecclesiae, de qua est, aut civitati, aut patriae, aut toti Ecclesiae viderit expedire. "

Post haec descendens ad ea, quae in litteris sive formulis indulgentialibus, fidelibus pro demerenda indulgentia injungi solebant, puta elemosynas in aedificationem vel refectionem, vel etiam ornatum alicujus Basilicae, &c. subjicit: " Manifestum est, quòd & major honor Deo sit, majorque utilitas animabus, ut sacrificiis & orationibus assidue succurratur, Sanctorum suffragia, qui quaecumque voluerint, apud Deum possunt, die ac nocte ab eis impetrentur, in qua incessanter hostes invisibiles impugnantur, caeteraque bona, quae numeravimus & nominavimus, ibi sine intermissione animabus impendantur, ma-

(a) Quae num. 2. & 3. relata sunt de redemptione penitentiarum, ea fuerunt excerpta ex Epistola quam D. Van-Espen die 21. Octobris 1699. ad R. P. Esterlin scripsit ut legitur in autographo, quod in Bibliot. Sanctae Genovefae asservatur.

„ jor, inquam, est honor Deo, majorque animabus  
 „ utilitas, quam quantacumque afflictionum pœnitentia-  
 „ tialium carnificina: Episcopalis ergo potestatis & of-  
 „ cii est, carnificalem illam afflictionem quantacum-  
 „ que sive pro parte, sive pro toto, sicut expedire vi-  
 „ derit, in hujusmodi bonum vel simile vel etiam al-  
 „ terius modi, quod publica requirit utilitas, commu-  
 „ tare amplius, quia omnis servus bona Domini sui  
 „ in honorem ipsius & gloriam, & regni vel domus  
 „ suæ utilitatem tenetur expendere, & ubi majorem  
 „ vel honorem, vel utilitatem, vel amicos videt, ibi  
 „ largiùs, cum ejus fidei commissæ sit eorum dispensa-  
 „ tio, additiones aut diminutiones, commutationes  
 „ & relaxationes pœnitentialium satisfactionum Præla-  
 „ tis indubitanter commissæ sunt: manifestum ergo  
 „ est ad eos pertinere ut bona ista, quæ nominavimus,  
 „ expendant largiùs aut parciùs, prout negotia vel o-  
 „ pera ex pravitate vel magnitudine divini honoris,  
 „ spiritualisque utilitatis plus aut minus requisierint:  
 „ & propter hoc, quia maximus Dei honor est in terra  
 „ Christiana Religio maximaque animarum utilitas &  
 „ privata & publica: certum est, quod pro ea plantan-  
 „ da, conservanda, amplianda & defendenda, neces-  
 „ se habent hujusmodi expendere præfati servi Dei de  
 „ prænominatis bonis quicquid prædictæ necessitates  
 „ requirunt: necesse ergo habent relaxationes, dimi-  
 „ nutiones, commutationes pœnitentiarum facere,  
 „ quantumcumque requirit plantatio, conservatio, am-  
 „ plicatio defensionisque Christianæ Religionis sive ul-  
 „ tra mare, sive in Provincia, sive alibi ubicumque:  
 „ & hæc est causa propter quam largissimæ indulgentiæ  
 „ fiunt ab Ecclesia pro subsidio terræ sanctæ, & gene-  
 „ raliter contra inimicos Fidei & Christianæ Religio-  
 „ nis. Amplius, Si Rex vel Princeps bellum habeat,  
 „ dat potestatem ducibus suis perquirendi & condu-  
 „ cendi bellatores, dignisque stipendiis remunerandi.  
 „ Quia ergo Rex regum & Dominus dominantium  
 „ Christus bellum habuit à tempore, quo cepit Eccle-  
 „ sia, bellum, inquam, non solum spirituale, sed etiam  
 „ litterale, seu corporale sive materiale contra hære-  
 „ ticos & alios christianæ Religionis inimicos, videli-  
 „ cet Paganos, & à tempore Machometi Saracenos,  
 „ necessariò dedit potestatem ducibus tuis, id est, Præ-  
 „ latis, perquirendi bellatores materiales, & congruis  
 „ stipendiis remunerandi. Quid autem est prædicare  
 „ indulgentias, & promittere hujusmodi bellatoribus,  
 „ nisi eos perquirere & conducere Regi Regum Chri-  
 „ sto Domino? Et quid est pœnitentias eis injunctas  
 „ remittere, nisi partem aliquam stipendiorum eis da-  
 „ re? Quemadmodum stipendia peccati mors, sicut  
 „ legitur 6. ad Rom. sic stipendia hujusmodi bellato-  
 „ rum pro maxima & nobilissima sui parte, remunera-  
 „ tio æterna erit. .... Indulgentiæ autem, quæ fiunt  
 „ pro Basilicis vel ampliandis, vel quolibet alio modo  
 „ meliorandis, etiam propriam probationem habent:  
 „ cum enim quilibet Sanctorum majoris incomparabi-  
 „ lis gratiæ sit apud Deum, quam quilibet servus ma-  
 „ lus apud dominum suum, vel etiam amicus apud  
 „ amicum. Manifestum autem est impetrare unum  
 „ quemque servum gratiosum à domino suo, vel ami-  
 „ cum ab amico: innumeras ergo remissiones peccato-  
 „ rum & pœnitentiarum inestimabiliter veneratoribus  
 „ ac cultoribus suis à largissimo bonorum omnium lar-  
 „ gitore Deo Sanctos impetrare verisimile est. Et si  
 „ isti ex igniculo dilectionis & stilla benevolentiæ ita sol-  
 „ liciti sunt pro necessitatibus charorum suorum, quan-  
 „ tò fortius Sancti ex camino charitatis, quo toti ar-  
 „ dent, & diluvio redundantissimo benevolentæ, quo  
 „ toti defluunt, solliciti erunt pro necessitatibus libe-  
 „ volorum seque venerantium atque colentium. ....  
 „ Indulgentiæ verò, quæ fiunt pro pontibus ædifi-  
 „ candis, pro viis sternendis, sive pro pavimentis sive  
 „ faciendis aut meliorandis illam habent rationem per  
 „ se propriam. Quia ergo licet unicuique Dispensa-

„ tori conducere operarios ad agenda opera domini  
 „ sui: Dispensatores autem in domo Dei magna, quæ  
 „ est Ecclesia, Prælati sunt: licet ergo Prælati condu-  
 „ cere operarios ad præfata opera quocumque pretio,  
 „ quo cum eis convenerint, sive indulgentiarum & re-  
 „ missionum, sive alterius cujuscumque rei: laboran-  
 „ tibus autem in hujusmodi operibus possunt Prælati  
 „ Ecclesiarum dare indulgentias, quas viderint expedire.  
 „ Communis autem ratio seu probatio de indulgentiis  
 „ istis & eis, quæ sunt Benefactoribus Religiosorum,  
 „ est ipsa communicatio; serviunt enim hujusmodi pe-  
 „ regrinantibus, & aliis propter pias causas iter agen-  
 „ tibus.

VII. Rationes in justificationem harum indulgentia-  
 rum per Guillelmum Parisiensem brevi compendio re-  
 ferens D. Claudius Fleury in suo quarto discursu histo-  
 rico num. 16. reflectit, quod “ (a) si hæ rationes ef-  
 „ sent solidæ, debuissent movere sanctos Episcopos  
 „ priorum seculorum, qui Ecclesiæ præfuerunt, & de-  
 „ terminaverunt pœnitentias canonicas: sed (ait) hi lon-  
 „ giùs prospiciebant & comprehendebant ipsi, Deum  
 „ infinitis plus honorari per morum puritatem, & vir-  
 „ tutem Christianorum, quam per constructionem &  
 „ decorationem templorum materialium, cantum, cæ-  
 „ remonias, & omnem cultum exteriorem, qui non  
 „ est nisi cortex Religionis, cujus anima & essentia est  
 „ virtus.

„ Cum autem, (pergit idem Historicus) (b) major  
 „ numerus Christianorum non conservet innocentiam  
 „ baptismalem, hi sapientissimi Pastores ab Apostolis  
 „ instructi, summo studio inquisierant media opportu-  
 „ niora & efficaciora ad lapsos peccatores convertendos  
 „ & à relapsu præservandos.

„ Porro utiliora remedia non invenerunt, quam si  
 „ ipsi Pœnitentes cogerentur pro perpetratis delictis se-  
 „ ipsos voluntariè punire in proprio corpore per jeju-  
 „ nia, vigiliis, solitudinem, silentium & omnium oble-  
 „ tamentorum refectionem; ipsæque eorum piæ reso-  
 „ lutiones oratione & veritatum æternarum meditatio-  
 „ ne firmarentur; ac denique exercitia hæc per longa  
 „ temporum spatia protraherentur, ut interea de solida  
 „ conversione securitas haberetur.

„ Nec dubium. quin hæc à Patribus præfixa pœni-  
 „ tentiæ tempora & pia exercitia directius tenderent ad  
 „ veram cordis conversionem & humiliationem, & con-  
 „ sequenter magis ad gloriam Dei, (cui præ cæteris  
 „ placet cor contritum & humiliatum) quam elemo-  
 „ syna in ædificationem aut ornatum Ecclesiæ alicujus  
 „ materialis, collata.

„ Et sanè si experientiæ credamus, nunquam Chri-  
 „ stiani sanctiores fuere, quam dum pœnitentiæ canonici-  
 „ cæ maximè viguerunt: ubi è contra nunquam fuerunt

(a) Ces raisons, si elles étoient solides, auroient dû toucher les saints Evêques des premiers siècles, qui avoient établi les pénitences canoniques; mais ils portèrent leurs vues plus loin. Ils comprenoient que Dieu est infiniment plus honoré par la pureté des mœurs & la vertu des Chrétiens, que par la construction & l'ornement des Eglises matérielles, le chant, les cérémonies, & tous le culte extérieur, qui n'est que l'écorce de la Religion, dont l'âme & l'essentiel est la vertu.

(b) Comme les Chrétiens, pour la plupart, ne sont pas assez beaux pour conserver l'innocence baptismale; ces sages Pasteurs, instruits par les Apôtres, avoient étudié sous les moyens possibles de relever les pêcheurs, & de les préserver des rechûtes, & n'avoient point cru de meilleurs remèdes, que de les engager à se punir eux-mêmes en leurs propres personnes, par des jeûnes, des veilles, la retraite, le silence, le retranchement de tous les plaisirs; d'affermir leurs bonnes résolutions par la prière & la méditation des vérités éternelles; enfin, de continuer ces exercices pendant longtemps pour s'assurer de la solidité des conversions. .... Ces pratiques rendoient plus directement au salut des âmes & par conséquent à la gloire de Dieu, que des aumônes pour le bâtiment & la décoration d'une Eglise. Enfin croyons-en l'expérience: jamais les Chrétiens n'ont été plus saints que lorsque les pénitences canoniques ont été le plus en vigueur, jamais ils n'ont été plus corrompus, que depuis qu'elles sont abolies.

„ magis



» magis corrupti quam ab eo tempore quo pœnitentia  
» lis disciplina abolita fuit.

Hæc ille; qui & in suo sexto discursu historico ostendit quam parum conveniret pœnitentibus in compensationem pœnitentiarum canonicarum injungere iter Hierosolymitanum sive susceptionem militiæ: recteque reflectit, quod sancti Patres inter opera pœnitentiæ injunxerint pœnitentibus cessationem ab armis & militia.

VIII. Canonicarum pœnitentiarum raritati, vel etiam oblivioni contulerunt indulgentiæ *stationariæ*: earum origo antiquior non videtur XIII. Seculo. Nam quod de communi vulgi errore circa indulgentias *Stationarias* per sanctum Gregorium concessas notavit Morinus, ut *num. 21. cap. præcedentis* retulimus, pluribus prosecutus est Daniel Papebrochius in suo conatu chronico-historico *Dissert. 17. Subjuncta vitæ Sergii II.* ubi præterea notat quod postquam communem vulgi errorem de Indulgentiis *Stationariis* per sanctum Gregorium concessis, amplexi essent Theologi Scholastici, » mirum non sit si disciplinis ipsorum conformatos » Pontifices, etiam in eo puncto (quod alioquin non » Theologicum, sed Historicum erat) sua auctoritate pertraxerint, eo tempore quo nemo adhuc applicabat animum eruderandis Antiquitatibus Ecclesiasticis, sacrarumque caeremoniarum originibus illustrandis.

Hinc ulterius concludit, nec mirum esse quod Bonifacius VIII. Pontificatus sui anno 3. Christi autem 1298. non dubitaverit in hunc modum scribere « frequenti considerationis indagine perlustramus, & intra claustra pectoris sollicita meditatione discutimus, qualiter Doctor optimus, Ecclesiæ sanctæ lumen beatus Gregorius dum adhuc in terris gereret vices Christi, Patriarchalibus, & aliis ejusdem urbis Ecclesiis primo (prout tradit *Antiquitas*) & alii postmodum Romani Pontifices..... de Apostolicæ Sedis liberalitate munifica diverforum tenorum *Stationarias indulgentias* concesserint,»

Porro evidens est Bonifacium non dubitasse, quin à sancto Gregorio institutæ non tantum essent *Stationes*; sed & visitantibus Ecclesiis *Stationarias Indulgentias* fuisse ab ipso concessas.

Hinc dicimus, uti recte ibidem advertit Papebrochius, « Pontifici etiam frequentis considerationis indagine aliquid perlustranti, & intra claustra pectoris sollicita meditatione discutienti in iis quæ pure historica sunt, obrepere posse quidquam.

IX. Aliæ sunt Indulgentiarum species, quarum antiquitatem libere discutiunt Theologi, sicut eadem libertate plurimas de Indulgentiarum materia movent quæstiones; nam paucæ admodum fidei certitudinem attingunt; inde contigisse verisimile est, durante Concilio Tridentino, materiam *Indulgentiarum* sæpius & acriter inter Theologos & Patres Concilii fuisse agitatam; plurimasque fuisse super ea exortas difficultates; præsertim unde effectus Indulgentiarum esset petendus, & quis earum esset effectus.

Ob Patrum & Theologorum dissensiones contigit quod in hac materia Indulgentiarum nihil definitum, nullumque decretum editum legatur ante instantem finem & conclusionem Concilii; postquam « Episcopus Mutinensis Patres monuit, si de Indulgentiis tractationem instituere vellent eum in modum, quo de justificatione tractatum esset, causis omnibus consideratis, & quæstionibus excussis, rem fore longam admodum & difficilem, multumque temporis desiderantem: neque enim caput illud satis dilucide explicari posse, nisi prius illud constitutum sit, an sint absolutiones, an vero compensationes & suffragia: & utrum pœnas tantum à Confessore impositas remittant, an quascumque debitas. Idem an thesaurus qui fundamenti loco subternitur, ex solis Christi meritis constet, an vero opus sit insuper meritis Sanctorum: an dari possint sine ulla acci-

Tom. I.

» pientis opera; an ad mortuos etiam se extendant, » & alia non minoris difficultatis.

X. « Verum ad hæc determinanda (pergebat Episcopus) Ecclesiæ earum concedendarum potestatem habere, semperque eas concessisse, quodque per quam utiles sint fidelibus eas digne percipientibus, tanta disputatione opus non esse: constat enim auctoritatem eas concedendi in sacris Litteris haberi, usum continuatum ex Traditione Apostolica & Conciliorum auctoritate, totiusque materiæ dilucidam cognitionem ex concordia doctrina Theologorum Scholasticorum. Hisce de rebus conscribi posse Decretum nullis difficultatibus obnoxium. » Ita refertur ab Historico Concilii Tridentini, qui & addit. « Hæc sententia » magno coronæ assensu accepta est, deputatusque ipse » est cum aliis Episcopis & Fratribus ad Decretum in » hanc sententiam formandum, adjuncta ad abusus » tollendos provisione.

Et sane Decretum Concilii manifeste probat juxta mentem & monitum hujus Episcopi, Patres Concilii doctrinam de Indulgentiis ita expressisse, ut à quæstionibus & difficultatibus in hac materia Indulgentiarum, præsertim quoad earum effectum seu valorem inter Theologos agitatis, omnino abstinerent.

XI. Hoc indubie intelligens Doctissimus Bossuet Episcopus Meldensis in sua expositione fidei, tanta moderatione locutus est de hac materia Indulgentiarum, ut dicere non dubitaverit quod nihil aliud de Indulgentiis credendum proponat Tridentina Synodus, quam potestatem eas conferendi à Christo Ecclesiæ concessam esse, earumque usum esse salutarem.

Quin ex verbis hujus Episcopi Meldensis c. 1. n. 27. relatis manifestum est ipsum existimasse Indulgentiam unice consistere in condonatione sive remissione pœnitentiæ, in satisfactionem criminum pœnitentibus impositæ, quæ est illa species Indulgentiæ cujus meminere Canones Nicæni, Ancyranæ, alique veteres Canones, de qua specie Indulgentiarum actum est *num. 5. cap. 1.*

XII. Nec mirum; quandoquidem nec in Decretali quæ refertur in *cap. 14. De Pœnitentiis & Remissionibus*, sub nomine Innocentii III. in Concilio Lateranensi, aperte dicatur Indulgentiam in hac pœnæ sive pœnitentiæ remissione proprie consistere: præfigens enim terminos intra quos Auctoritas Episcoporum in concedendis Indulgentiis se continere deberet, expresse declarat, ut tempus ibidem præfixum de injunctis pœnitentiis indulta remissio non excedat. Si Theologi Controversiæ se intra hos limites continerent, minor ipsis esset cum adversariis in hac materia difficultas.

### CAPUT III.

#### De Moderato Indulgentiarum usu.

1. Apostolus magna usus moderatione in concessione Indulgentiæ.
2. Hanc sequuta pristina Synodi.
3. Ne hic excederent Episcopi Pœnitentibus sedulo invigilabant.
4. Ut moderatio hæc servaretur, jubentur Martyres, priusquam dent libellos statum Pœnitentium expendere.
5. Arguuntur Martyres, qui sine prævio examine libellos tradunt.
6. Martyres de disciplina Ecclesiæ per Diaconos instruebantur.
7. Libelli non dandi nisi iis, qui erant satisfactioni proximi.
8. Non omnibus libellos Martyrum habentibus Indulgentia dabatur.
9. Episcopi libellos Martyrum examinabant; & non nisi

nisi pravia matura discussione, Indulgentia dabatur.

10. Indulgentia extra casum imminentis mortis, non nisi sedata persecutione, & post mortem Martyrum dabatur; & quare?
11. Hæc species Indulgentiæ quando deserit?
12. Seculo XII. ceperunt Episcopi aliqui in dandis Indulgentiis excedere; & quæ ratio excessus?
13. Romani Pontifices in dandis Indulgentiis etiam seculo XII. moderationem tenuerunt.
14. Indulgentiæ aliquot centenorum aut millium annorum fictitiæ.
15. Romani Pontifices applicationem Indulgentiarum aliquando commiserunt Episcopis: & quare?
16. Morini reflexio in Gelasii Epistolam modeste confutatur.
17. Concilium Lateranense culpatur excessum Indulgentiarum.
18. Episcoporum auctoritas in dandis Indulgentiis per Concilium restricta.
19. Concilium excitavit Episcopos ad moderationem exemplo Pontificum Romanorum.
20. Ostenditur Pontifices etiam seculo XIII. parce dedisse Indulgentias; sed sensim fuisse liberaliores.
21. Ostenditur exemplo Indulgentiarum concessarum in canonizatione Sanctorum.
22. Sixtus IV. Indulgentias nimias à se & à Prædecessoribus indultas restrinxit; & quare?
23. Quare agre debita moderatio in usu Indulgentiarum obtineri potuerit?
24. Moderationem juxta veterem usum servari voluit Synodus Tridentina.
25. Synodi nolunt adhiberi fidem libellis promittentibus plurimas Indulgentias ex levissimis causis.
26. Merito Parochi hodie de his populum monent.
27. Hallucinantur & nocent peccatoribus, qui tempore Indulgentiarum pro gravibus peccatis imponunt leves penitentias.
28. Regula Cancellariæ volens exprimi Indulgentias anteriores.
29. Quomodo hæc regula mutata?
30. Regula Cancellariæ vetans dari Indulgentias adinstar.
31. Congregatio Indulgentiis concedendis & examinandis præposita.

I. **A**POSTOLUM Paulum Corinthio incestuoso Indulgentiam dedisse ostendimus capite primo: „at non nisi post afflictionem Pœnitentiæ tam gravem, ut ex ea desperationis periculum metueretur, illi Corinthio residuum donat Pœnitentiæ,” ait Estius in IV. *Sentent. Dist. 20. §. 10.* Unde intelligitur, quanta moderatione hæc Apostolica Indulgentia concessa fuerit.

II. Eam attendentia antiqua Concilia declararunt quidem, Episcopis esse potestatem dandi Pœnitentibus Indulgentiam seu remissionem: at cum summa moderatione & circumspectione eam concedendam monuerunt.

„Statuimus ut Episcopi, modo conversationis examinato, potestatem habeant vel utendi clementia, vel plus temporis adjiciendi,” ait Synodus Ancyra *Can. 5.* additque: „Ante omnia autem & præcedens vita, & quæ consecuta est, examinetur, & sic eis clementia impertiatur.

Idipsum indicat Canon 12. Nicænus, permittens iis Pœnitentibus Indulgentiam concedi, sive humanius cum illis agi, „quicumque & metu & lacrymis & tolerantiâ, & bonis operibus, conversionem opere & non tantum habitu ostendunt (a)

Recte proinde Estius post supra citata verba imme-

(a) Integrum Canonem & ejus sensum diserte exponit noster Auctor in sua Dissert. de Nicæna Synodo Scholion in 12. Canonem.

diatè subjungit: „Et vetera Concilia statuunt circa „cos Pœnitentes humanius aliquid cogitandum, qui „cum omni tempore & lacrymis perseverantibus conversationem bonam ostendissent.

III. Hinc tanta jam pridem fuit Episcoporum vigilantia ac diligentia, ut modum conversandi, peragendique statutam Pœnitentiam ipsorum Pœnitentium probe noscerent. Idcirco Presbyteros vel Diaconos constituebant, qui continuo Pœnitentibus invigilarent, eorumque curam agerent, atque statuto tempore de conversatione & statu Pœnitentium sine odio aut humano affectu sincerum testimonium Episcopis darent: quo Episcopi intelligerent quam clementiam seu indulgentiam attento modo conversationis & statu Pœnitentium, dare conveniret.

IV. Hæc moderatio ut servaretur in largiendis Indulgentiis ad preces Martyrum, imprimis Episcopi volebant, ut Martyres lapsorum personas & criminum qualitates diligenter expendere, antequam Indulgentiæ beneficium pollicerentur, sive libellos darent.

Unde ad Martyres scribit Cyprianus *Epist. 10.* „Oro vos quibus possum precibus, ut Evangelii memores, & considerantes quæ & qualia in præteritum „Antecessores vestri Martyres concesserint, quam solliciti in omnibus fuerint, vos quoque sollicite & „caute petentium desideria ponderetis. Ipsorum quoque „delictorum genera & qualitates cogitetis; ne si quid „abrupte & indigne vel à vobis promissum, vel à nobis „factum fuerit, apud Gentiles quoque ipsos Ecclesia „nostra erubescere incipiat.

V. Cum quidam Lucianus & ipse unus de Confessoribus fide quidem calidus & virtute robustus, minus tamen Dominica lectione fundatus (ut de ipso scribit Cyprianus *Epist. 23.*) his non attentis, promiscue sine examine lapsis pacem dedisset, graviter à Cypriano reprehenditur; ut & à Clero Romano *Ep. 30.* inter Epistolas Cypriani; ubi & istam quorundam Martyrum seu Confessorum imprudentiam, & lapsorum qui illa abutebantur temeritatem acriter increpat.

VI. Et quia sub sævissima Deciana persecutione tempore S. Cypriani, magna esset copia Confessorum, hoc est, qui fidei causa in carceribus detinebantur, etiam plures idiotæ, nec litteras callentes, & disciplinæ Ecclesiasticæ plane ignari inter illos inveniebantur; ideoque erant Diaconi ad carceres commeantes, qui Martyrum desideria consiliis suis, & Scripturarum præceptis gubernarent; teste Cypriano *Epist. 10.* ne Martyres temere nec satis moderate hos libellos Indulgentiarum annuerent.

Eandem ob causam in libellis nominatim designari volebant à Martyribus, quibus pacem seu Indulgentiam dari rogarent. „Sed & illud (ait eadem Epistola 10.) ad „diligentiam vestram redigere, & emendare debetis, „ut nominatim designetis eos, quibus pacem dari desideratis: audio enim à quibusdam sic libellos fieri ut „dicatur: *Communicet ille cum suis.* Quod numquam „omnino à Martyribus factum est, ut incerta & caeca „petitio invidiam nobis postmodum cumulet: late „enim patet quando dicitur; *ille cum suis* & possunt „nobis vicini & triceni, & amplius offerri, qui propinqui & affines & liberti ac domestici esse asseverentur „ejus, qui accipit libellum.

VII. Deinde hæc notanda subjicit: „Et ideo peto, „ut eos, quos ipsi videtis, quos nostis, quorum penitentiam satisfactioni proximam conspiciatis, designetis „nominatim libello, & sic ad nos fidei ac disciplinæ „congruentes litteras dirigatis.

En quanta circumspectione & moderatione hos Indulgentiarum libellos à Martyribus dandos esse judicaverint Patres.

VIII. Nec tamen omnes qui Martyrum libellos accipiebant, ideo Indulgentiam seu pacem consequabantur.

Martyres enim pacem lapsis non concedebant, sed Episc.

Episcopis duntaxat pro lapsis supplicabant; ut ad suas preces & desideria Indulgentiam lapsis dare vellent.

IX. Porro Martyrum desideria & preces Episcopi discutiebant, examinabantque, num his pro quibus Martyres rogabant, ob honorem & reverentiam Martyrum, eorumque preces & merita, aliquid esset indulgendum; atque antea actam poenitentiam *pax* danda foret.

Ad plebem suam scribit adversus quosdam Presbyteros Martyrum libellos exequi, & Indulgentiam dare aulos S. Cyprianus exul: "Audiant, quæso, patienter nostrum consilium, expectent regressionem nostram, ut cum ad vos per Dei misericordiam venerimus, convocati Coepiscopi plures, secundum Domini disciplinam & Confessorum præsentiam, Beatorum Martyrum litteras & desideria examinare possimus." *Epist. 12.*

Rationem assignat in litteris ad Clerum suum: "Hoc enim & verecundiæ & disciplinæ & vitæ ipsi omnium nostrum convenit, ut Præpositi cum Clero convenientes præsentem, & stantium plebe, quibus & ipsis pro fide & timore suo honor habendus est, disponere omnia consilii communis religione possimus." *Epist. 13.*

Tanta circumspeditione procedendum esse in elargiendis his Indulgentiis credit Cyprianus, "ut censet nec à se solo Primæ totius Africanæ Dioceseos; ideoque nec à quovis alio Episcopo Indulgentias dandas, sed à Synodo; & quidem præsentem Clero & stantium plebe," uti advertit Lupus in citata Dissertat. proemiali cap. 7.

X. Ulterius verisimile est, Indulgentias has datas non fuisse, nisi sedata persecutione seu pace Ecclesiæ data, extra casum necessitatis; nec libellos Martyrum vim habuisse ante eorum obitum. Hoc non obscure indicat Cyprianus *Epist. 10.* in qua quorundam Presbyterorum temeritatem exaggerat, quod "contempta Domini Lege & observatione, quam Martyres & Confessores tenendam mandant, ante extinctum persecutionis metum communicant cum lapsis, & offerant, & Eucharistiam tradant.

Metuebant enim sæviente persecutione Indulgentias dare, ne spe Indulgentiæ consequendæ minus generose & fortiter tormenta Tyrannorum sustinerent; atque facultas veniæ, incentivum esset delinquendi.

Ante mortem Martyrum similiter difficulter eas dabant: eo quod à morte & merito Martyrum vim suam libelli & preces Martyrum præcipue acciperent.

XI. Hæc interim Indulgentiarum species, uti monet Morinus *lib. 9. cap. 27. num. 8.* cum Martyribus defecit, "Ab eo enim tempore ut Ethnicorum persecutiones desierunt, sic & Indulgentiarum libelli: imo Ecclesiæ monumenta post S. Cyprianum nihil huiusmodi commemorant.

XII. Moderationem magnam in dandis Indulgentiis ab Episcopis servatam fuisse usque ad seculum XI. satis est in comperto; nec vix ullæ de Indulgentiarum excessu ante illud seculum querelæ apud Antiquos extant.

At jam exorta & invalescente circa hoc seculum quinta Indulgentiarum specie, capite primo exposita, vix conveniens moderatio servari potuit; idque ob lucrum ex istius speciei Indulgentiis proveniens; adeo ut sensim ex nimia harum Indulgentiarum extensione summa disciplinæ Ecclesiasticæ collapsio, & poenitentialis satisfactionis enervatio sequuta fuerit, uti ostendit Morinus *lib. 10. cap. 20.* quam tamen facilitatem, & effusiores Indulgentiarum concessionem nec Ecclesia, nec ipsi quoque Romani Pontifices probabant.

XIII. Romani enim Pontifices etiam seculo XI. & XII. in elargiendis Indulgentiis moderatos & parcos fuisse variis testimoniis ostendit Baronius. Et quidem ad annum 1177. relatis Indulgentiis unius anni concessis ab Alexandro III. in dedicatione majoris Altaris in Ecclesia Ferrariensi, subjicit: "Quibus videas usum ejus temporis concedendi per Pontifices Romanos

Indulgentias, quæ unius anni terminum non excederent, præterquam in expeditione terræ sanctæ, ut constat ex aliorum etiam Pontificum diplomatibus.

XIV. Hæc Baronius, qui deinde quasi consequens subinfert: "Quibus redarguuntur scripta, quibus proditur, concessum ab eodem Pontifice primis Dominicis singulorum mensium Anconitanis tantum Indulgentiarum, quantum arenæ possent capere ambæ manus simul junctæ.

Hic obiter nota, quam à disciplina & moderatione etiam eo seculo à Pontificibus servata, sit aliena Indulgentiarum in annos centenos aut millenos liberalitas; quam & absurdam & Sedi Apostolicæ minime adscribendam, sed vel *mere commentitiâ* vel *imprudenter extortâ* asserere non dubitat Estius in IV. *Sent. Dist. 20. §. 20.*

Similiter Dominicus Soto in IV. *Sentent. Dist. 21. articulo 1. quæst. 2.* dicit: "Quinimo solent nonnumquam divulgari Indulgentiæ, quibus remittuntur quinque annorum millia aut plura poenitentiae, & quadragenæ totidem. Ad hoc prima fronte responsio dari posset cum Gersono Cancellario Parisiensi in suo tractatu de *absolutione Sacramentali*, atque in alio de *Indulgentiis*, quod istæ portentosæ Indulgentiæ non emanant à Papa, sed sunt *Quæstorum impostura*. Quare præfatus Doctor eas *irridet*. Et revera tam inmodicus excessus non est ferendus: nam audies nonnumquam Indulgentias viginti mille annorum & ampliores.

Hactenus ille, qui deinde nonnullis interpositis quaerit: "Quid de Indulgentiis *centum* aut *mille* annorum? Dicendum (ait) quod huiusmodi *portentosa* numquam Papa concedere cogitavit.... Præterquam quod vultatenus negari potest, quin Indulgentiarum Quæstiones, cum sint homines non nimis ad religionem attendentes, *deridenda* nonnumquam prædicent, qui ideo essent publica auctoritate cohibendi.

XV. Refert insuper Baronius ad annum 1118. Epistolam Gelasii Papæ II. ad *Exercitum Christianorum*, qua Indulgentiam concedit omnibus aliquod conferentibus in exercitus hujus sustentationem cum hac clausula: "Secundum laborum & beneficiorum suorum Ecclesiæ impenforum quantitatem, ad *Episcoporum arbitrium* in quorum Parochiis degunt, poenitentiarum suarum remissionem, & Indulgentiam consequantur." Litteræ Pontificis una cum litteris Episcopi Cæsaraugustani, quibus has Indulgentias publicavit, habentur *tom. 10. Concil. General. col. 820.*

Hæc ostendunt, Romanos Pontifices etiam seculo XII. & partiales duntaxat Indulgentias dedisse & insuper earum determinationem arbitrio Episcoporum commisisse, "Non abs re scæpe, cum paria non sint omnium scelera & merita, sanitas & infirmitas," inquit Morinus *lib. 10. cap. 23. n. 7.*

XVI. Verissima profecto esset Morini reflexio & Epistolæ Gelasii convenienter applicata, si Gelasius in moderanda vel extendenda hac Indulgentia vel remissione voluisset poenitentium singulorum conditionem, seu *sanitatem & infirmitatem*, necnon *scelerum gravitatem* attendi, atque ita his mature consideratis, conformiter ad sacros Canones, tempora poenitentiae contrahi, vel extendi auctoritatem Episcoporum scripsisset.

Verum Gelasius hanc scribens epistolam post indutam quartam speciem formulæ indulgentialis (de qua *cap. 1. n. 9.*) duntaxat in hac moderatione Indulgentiarum per Episcopos attendi voluit *laborem & elemosynarum quantitatem*, quæ in refectiorem Ecclesiarum & sustentationem Clericorum in partibus Saracenorum consistentium conferretur: "Ceterum qui pro eodem Domino in servitio vel *laborant* vel *laboraverint*, & qui præfatae urbis Ecclesiæ à Saracenis & Moabitibus dirutæ, unde *reficiatur*, & Clericis ibi Deo famulantibus, unde *passantur aliquid donant vel donaverint*, secundum *laborem suorum & beneficiorum suorum Ecclesiæ impenforum quantitatem*, ad *Episcoporum arbitrium*, in quorum Parochiis



„*Parochiis degunt, penitentiarum ſuarum remiſſionem*  
„*& indulgentiam conſequantur.*

Hanc Epistolam Gelasii Papæ, Episcopi Hispaniæ in Synodo congregati, recognoverunt atque Indulgentiam à Gelasio propositam probarunt, eidem in hunc modum subscribentes: *banc absolutionem facio & confirmo.*

Cum his literis Gelasii per Episcopos dicta forma signatis miserunt per suas respectivè Dioceses suos Archidiaconos, qui eleemosynas fidelium colligerent, uti ex Hieronymo Blanca in Commentariis rerum Arragonensium refert Baronius ad annum 1118.

Proinde nequaquam obscurum est, hanc esse formulam indulgentialem, quæ sub finem seculi XI. sedente Urbano II. induci cœpit, ac tandem labentibus seculis dicta fuit Indulgentia *Quæstuaria à Quæstoribus*, qui hac formula indulgentiali ad fordium quæstum abutebantur. De quibus cap. 4. agitur.

XVII. Ineunte seculo XIII. in concedendis Indulgentiis Pontifices specialem moderationem tenuisse; sed Episcopos nonnullos non parum in iis concedendis justo liberaliores fuisse testatur Concilium Lateranense IV. sub Innocentio III. in cap. 14. *De Penit. & Remiss.* his verbis: „*Quia per indiscretas & super-*  
„*fluas Indulgentias, quas quidam Ecclesiarum Prælati*  
„*facere non verentur, & claves Ecclesiæ contemnuntur,*  
„*& penitentialis satisfactio enervatur: decernimus,*  
„*ut cum dedicatur Basilica, non extendatur*  
„*Indulgentia ultra annum, sive sub uno solo sive à*  
„*pluribus Episcopis dedicetur, ac deinde in anniversario*  
„*dedicationis tempore 40. dies de injunctis penitentiis*  
„*indulta remissio non excedat. Hunc quoque*  
„*dierum numerum Indulgentiarum litteris præcipimus moderari,*  
„*quæ pro quibuslibet casibus aliquoties*  
„*conceduntur, cum Rom. Pontifex, qui plenitudinem*  
„*obtinere potestatis, hoc in talibus moderamen consueverit observare.*

Hic videmus, Concilium improbasse effusorem Episcoporum in dandis Indulgentiis liberalitatem; eo quod per indiscretas & superfluas indulgentias *claves Ecclesiæ contemnuntur, & penitentialis satisfactio enervetur.*

XVIII. Ut hunc excessum Episcoporum præpediret Concilium, Episcoporum in Indulgentiis dandis auctoritatem restrinxit ad annalem Indulgentiam in Ecclesiarum dedicatione; & in aliis ad 40. *dierum*; quæ restrictio & hodie servatur. Ante hanc enim restrictionem, Episcopi dare poterant *plenariam* Indulgentiam; at ex illo tempore *plena* Indulgentia fuit Summo Pontifici reservata, ait Lupus loco citato pag. 638.

XIX. Denique constat, ad eam moderationem Concilium Episcopos incitasse exemplo Pontificis; dum pro ratione injunctæ moderationis addit: „*Cum Romanus*  
„*Pontifex, qui plenitudinem habet potestatis hoc in talibus moderamen consueverit observare: „ Constat*  
„*& eam in Pontificibus moderationem probasse, dum eam imitandam Episcopis proposuit.*

XX. Et sane Pontifices adhuc seculo XIII. in Indulgentiis largiendis non modicam moderationem servasse, ex variis illius temporis diplomatibus habetur.

Urbanus IV. instituens Festum Venerabilis anno 1264. tametsi maximo desiderio in celebritatem illius festi ferretur, ultra *centum dierum* tamen Indulgentiam horis Canonicis illius festi interessentibus non concessit. Has Indulgentias Martinus V. seculo XV. duplicavit: quas rursus ejus immediatus Successor Eugenius IV. duplicavit per Bullam quæ incipit *Excellentissimum* 6. in Bull. Rom.

XXI. Seculo XIII. primum cœperunt dari Indulgentiæ in canonizatione Sanctorum; at quam parce! Primus qui eas concessisse legitur, fuit Honorius III. qui anno 1225. in canonizatione S. Laurentii Archiepiscopi Dublinensis „*omnibus vere penitentibus &*  
„*confessis qui ad Ecclesiam ubi corpus ejusdem sancti*  
„*requiescit, in die solemnitatis ejusdem, vel infra*  
„*octavas cum devotione accesserint ejus orationum*

„*suffragia petitori, viginti dies de injunctis sibi penitentibus & confessis sepulchrum hujus Sancti in festivitate ipsius usque ad octavum diem cum reverentia visitantibus annum unum de injuncta eis penitentia relaxavit.* Bulla quæ incipit, *Cum dicat.* 4. in Bull. Rom. similem concessit in canonizatione S. Dominici; at paulo post in canonizatione S. Elisabeth ad annum addidit *dies quadraginta.*

Clemens IV. in canonizatione S. Hedwigis Ducissæ Poloniæ anno 1267. sepulchrum ejus visitantibus in die festivitatis ejusdem *annum unum & quadraginta dies;* accedentibus vero ad prædictam sepulchrum infra ejusdem festi *octavas, centum dies* de injuncta sibi penitentia relaxavit. Bulla quæ incipit *Exultat.* 9. in Bull. Rom.

Calixtus III. seculo XV. in canonizatione S. Vincentii Ferrerii accedentibus ad sepulchrum & Ecclesiam hujus Sancti, *septem annos & totidem quadragenas* de injunctis eis penitentibus relaxavit: uti habetur in Litteris à Pio II. expeditis quæ conficiunt primam Bullam hujus Papæ in Bullario Romano. His addidit Sixtus IV. eodem seculo in canonizatione S. Bonaventuræ, *Dominici singulis per annum dies centum.* In Bulla quæ incipit *Superna* 21. Bull. Rom.

Deinde Leo X. in canonizatione S. Francisci De Paula anno 1519. in loco sepulchræ die depositionis suæ, videlicet 2. Aprilis Officio divino devote assistentibus perpetuo duraturam *quadraginta annorum totidemque quadragenarum* Indulgentiam condonavit.

Insuper dedit Indulgentiam *plenariam* omnibus qui ipsi Officio divino ipsius solemnem canonizationis adstiterant; qualem nullus ante hunc Pontificem hujusmodi causa dedisse legitur. Quod autem hic Pontifex concessit assistentibus solemnem canonizationis Officio, hoc subsequentes tandem extenderunt ad visitantes Ecclesias Sanctorum, uti hodie passim observari videmus.

Hinc perspicuum est, Pontifices etiam seculo XIII. moderatos fuisse in concedendis Indulgentiis; sed illud manifestum est, sensim eorum in concedendis Indulgentiis liberalitatem crevisse; verissimumque esse quod notavit Christianus Lupus, posteriores Pontifices in largiendis Indulgentiis *longe liberaliores* fuisse prioribus; loco supracitato pag. 145.

XXII. Indulgentias nimias & extensas tum à se, tum suis à Prædecessoribus concessas, sive importunitate multorum extortas deplorans Sixtus IV. plurimas revocavit; atque moderationem quandam adhibuit in *Extravag. 5. De Penit. & Remiss. in communib.* præmissa hac ratione, „*ne cuiusvis Indulgentiæ, remissio,*  
„*sonis, vel facultatis obtentu Christi Fideles pro-*  
„*cliviores ad illicita imposterum committenda red-*  
„*dantur; aut facilitas veniæ eis peccandi tribuat in-*  
„*centivum.*

XXIII. At cum ex Indulgentiis præsertim quintæ speciei, quæ concedebantur iis, qui in ædificationem, vel utilitatem hujus illiusve Ecclesiæ vel Hospitalis vel Monasterii denarium obtulissent, notabile lucrum in Monasteria, Ecclesias, Hospitalia, aliosque de collectis illis participantes redundaret; non facile dictu, quam difficile fuerit, omnem in earum largitione & usu excessum cohibere.

XXIV. Synodus Tridentina non tantum abusus qui in usum Indulgentiarum ex Quæstorum avaritia & fraudibus irrepleverant, quorum occasione insigne hoc Indulgentiarum nomen ab Hæreticis blasphemabatur, emendatos & correctos voluit; sed insuper, „*in his*  
„*concedendis moderationem juxta veterem & probatam*  
„*in Ecclesia consuetudinem adhiberi cupit; ne nimia*  
„*facilitate Ecclesiastica disciplina enervetur.* „ In Decreto *De Indulgentiis.*

Notandum tamen est quod Patres Tridentini non

non ignorarent Episcoporum auctoritatem concedendi Indulgentias à tempore Concilii Lateranensis sub Innocentio III. anno 1215. restrictam fuisse ad dies 40. excepto solo die Consecrationis Ecclesiae, quo ipsis permittitur unius anni Indulgentiam concedere; quare non videtur, quod Patres in suo Decreto, tam respexerint ad Episcopos, quorum auctoritas intra moderatos terminos sciebatur conclusa, quam ad Romanam Curiam, à qua non ea moderatio, quam Synodus exoptabat adhiberi, servabatur in his Indulgentiis concedendis.

Cum ergo Synodus velit *moderationem* in his concedendis juxta *veterem & probatam* in Ecclesia consuetudinem adhiberi, nemo non intelligit. quanta in iis dandis moderatio ex mente Synodi etiam hodie sit servanda; nam jam ostensum est, quam moderati fuerint Veteres in Indulgentiis dispensandis.

XXV. Hinc merito Synodus P. I. Cameracensis tit. De Indulgentiis, praecipit, ut Parochi populum suum „ diligenter admoneant, ne circumforaneis quibusdam, aut etiam impressis libellis temerè fidem „ adhibeant, qui ex levibus, vanis, & superstitiosis „ causis exorbitantes Indulgentias pollicentur: cum Indulgentiae non nisi ex piis, & rationabilibus causis „ concedi debeant.

De eadem re suos pios filios monitos voluit Synodus P. I. Mechliniensis tit. De Indulgentiis, additque: „ Potissimum, si promissiones contineat certorum effectuum, periculorum scilicet evitacionem, à gladiis, „ à tormentis, ab aquis, à peste, aut liberationem certam à purgatorio; quemadmodum & Missis quibusdam, & precibus certo numero recitandis affixas, „ alicubi videre licet.

XXVI. Quam conveniens, imò necessarium sit, ut Parochi conformiter ad haec Synodalia Decreta populum de his saepius moneant, haud difficile agnosceret, qui vel paulisper reflectit ad omnes illos Confraternitatum circumforaneos libellos, repletos Indulgentiis penè quodidianis, iisque vel plenariis, vel centenorum aut millium aliquot annorum, tam pro vivis, quam pro defunctis; idque levissimis ex causis, etiam frequenter cum promissione certae liberationis ex purgatorio; vel non discedendi ex hac vita sine confessione & poenitentia, alijsve similibus privilegiis: per quae passim fideles procliviores ad illicita committenda, aut tardiores rediunt ad faciendos dignos fructus poenitentiae.

XXVII. Ulterius cum certum sit, juxta veterem & probatam consuetudinem, Indulgentias jam pridem datas fuisse prout merita & fervor Poenitentium merebatur, Synodus Tridentina declarans Indulgentias juxta *veterem & probatam* consuetudinem dandas esse, sat insinuat, Indulgentias esse concedendas cum ea moderatione ut opera poenitentiae non negligantur; ne alias per Indulgentias *Disciplina Ecclesiastica enervetur*. Unde merito dicit Christianus Lupus in citata Dissertatione cap. 8. „ Poenitentiales Presbyteri, qui tempore Indulgentiae pro gravibus peccatis imponunt leves poenitentias hallucinantur insigniter, & peccatoribus plurimum nocent. Quod major eis poenitentia imponitur, eo sunt viciniores satisfactioni, & ad Indulgentiae fructum aptiores.

XXVIII. Pro moderatione Indulgentiarum videtur jam pridem confecta Regula Cancellariae, quae erat 57. Innocentii VIII. nunc verò est 53. solita jam pridem his verbis exprimi: „ Item voluit, quod in litteris Indulgentiarum ponatur, quod si Ecclesiae seu Capellae „ vel alias aliqua Indulgentia fuerit *per ipsum* concessa, „ de qua inibi specialis mentio facta non sit, hujusmodi litterae sint nullae.

Notat enim Alphonsus antiquus Regularum Cancellariae Glossator, quia Papa „ si sibi fuisset facta mentio „ de alia Indulgentia, fortè illam non dedisset, saltem non ita de facili.

At si Indulgentia aliqua data sit eidem Ecclesiae à

Prædecessoribus hujus Pontificis secundum Indulgentiam concedentis; credit Alphonsus, & post eum Joannes Choquier, & alii ab eo citati, litteras Indulgentiae non esse nullas, licet prioris Indulgentiae jam concessae mentio *specialis* facta non sit, ob verba Regulae *per ipsum*, quae regulam restringere videntur ad Pontificem Indulgentiam *secundam* concedentem.

XXIX. At hodie in regula illa prout à summo Pontifice Innocentio XII. promulgata est, praedicta verba *per ipsum* non habentur, ut etiam notavit R. P. H. H. Plettenbergius in *Notitia Congregationum & Tribunalium Curiae Romanae* pag. 468. Ideo forsitan expuncta, ut major in Indulgentiis moderatio servetur; nec facile plures, etiam sub praetextu, quod à diversis Pontificibus indultae sint, in eadem Ecclesia aut Capella habeantur: atque ita aliquando paulatim perficeretur, quod aggressus fuerat Clemens VIII. de quo Baronius, relatà antiqua Indulgentiarum moderatà formà, ita scribit: „ Ad quam laudabilem antiquam formam S. „ D. N. Clemens VIII. non sine divino instinctu effusus nimis Indulgentiarum concessionem restringere „ aggressus est; sunt enim potius remissiores vastae Indulgentiarum laxitate Fideles. „ Haec ille ad annum 847.

XXX. Altera Regula Cancellariae 54. habet: „ Item „ voluit idem D. N. quod litterae super Indulgentiis „ non expediantur *ad instar*, nisi specificentur.

*Ad instar*, nimirum aliarum Indulgentiarum aliis Ecclesiis, locis aut personis concessarum, super quibus non vult Pontifex expediri litteras, nisi Indulgentiae antea concessae specificentur; tum ne nimidum multiplicentur Indulgentiae, tum ut praecaveantur fraudes, quae facile in hujusmodi generalitate irrepunt.

XXXI. Clemens IX. anno 1669. instituit novam Congregationem Cardinalium & aliorum Praelatorum, „ cum facultate omnem difficultatem ac dubietatem in „ Indulgentiis emergentem, quae ad fidei dogma non „ pertineat (circa graviora & difficiliora Romano Pontifice prius consulto) expediendi. Abusus quoque, „ qui irrepsisse possent, iudicii tamen formam planè „ postposita, corrigendi & emendandi..... Falsas, „ apocryphas indiscretasque Indulgentias typis imprimi „ vetandi, impressas recognoscendi & examinandi; „ & ubi Pontifici retulerit, ejus auctoritate rejiciendi..... Ac in Indulgentiis concedendis *moderationem* „ fieri adhiberi, omniaque pie, sanctè & incorruptè „ fieri curandi. „ In Constit. quae incipit: *In ipsi* 36. in Bull. Rom.

#### CAPUT IV.

De Abusu Quaestorum Eleemosynarum; eorum abolitione; & de quaestu in usu Indulgentiarum vitando.

1. Quaestores unde dicti; & quo potissimum tempore caperint?
2. Formula litterarum hujusmodi Quaestoribus dari solitarum.
3. Quaestores non admittendi nisi ostensis litteris, & juxta earum tenorem.
4. Quae à Quaestoribus cavenda ex Decreto Concilii Lateranensis.
5. Quaestores subinde falsum Religionis habitum assumebant.
6. Referuntur multiplices illorum Quaestorum excessus.
7. Decretum Concilii Viennensis contra Quaestores.
8. Hoc Decretum effectum non habuit; & quare?
9. Quaestores à Joanne XXIII. missi in Belgium.
10. Quanti essent eorum abusus tempore exorta haeresis Lutherana.
11. Horribilem & infamem eorum mercimoniam, & mala ex ea provenientia proponit Conventus Principum Germaniae.

12. *Decretum Synodi Tridentinae, quo usus Quæstorum aboletur, & ratio hujus Decreti.*
13. *Omnes Indulgentiæ, pro quibus manus adjunctrices essent porrigendæ; aut quæ quæstuandi dant facultatem, revocata.*
14. *Ecclesia voluit arceri omnem quæstum ab Indulgentiarum usu.*
15. *Indulgentiæ hodie per Episcopum adhibitis duobus de Capitulo publicari & recognosci debent.*
16. *Id obtinet in omnibus Indulgentiis, quæ locis quibuscumque, etiam exemptis, concessæ sunt.*
17. *Elemosynæ & charitatis oblata sine ulla mercede colligenda; & à quibus?*
18. *Quid S. Carolus ad hunc effectum decreverit?*
19. *Monendus populus non esse necessariam pecuniæ dationem pro lucranda Indulgentia.*

I. "ELEMOSYNARIA Indulgentia post institutum ab Urbano II. sacrum bellum cepit admodum frequentari, (ait Christianus Lupus in Dissert. De Peccatorum & satisfactionum Indulgentiis cap. 4.) Dari cepit omnibus, qui sanctum illum Domini exercitum suis elemosynis adjuverant. Extendi item ad sustentanda pauperum hospitalia, reparandas Basilicas, aliasque causas similes. Et tam à Romano Pontifice, quam ab aliis Episcopis instituti sunt Prædicatores, qui per singula oppida & pagos adjuverant Indulgentias suis concionibus, & penitentium oblationes colligerent. Et hos ista ætas titulavit *elemosynarum Quæstores*, ac Prædicatores *quæstuarios*.

II. De his loquitur Concilium Lateranense IV. sub Innocentio III. in cap. 14. *De Penit. & Remiss.* expressâ ibidem formulâ litterarum Apostolicarum, quæ hujusmodi elemosynarum Quæstoribus à Sede Apostolica dari consueverant; erat autem hæc: "Quoniam (ut ait Apostolus Rom. c. 14. v. 10.) omnes stabimus ante tribunal Christi, recepturi prout in corpore gessimus, sive bonum fuerit, sive malum: oportet nos diem messionis extremæ, misericordiæ operibus prævenire, ac æternorum intuitu seminare in terris, quod, reddente Domino, cum multiplicato fructu recolligere debeamus in cælis, firmam spem fiduciamque rectam tenentes: quoniam (teste Apostolo 2. Cor. c. 9. v. 6.) qui parcat seminat, parcat & metet: & qui seminat in benedictionibus, de benedictionibus & metet vitam æternam. Cùm igitur ad sustentationem fratrum & egenorum ad tale confluentium hospitale, propriæ non suppeditant facultates; universitatem vestram monemus & exhortamur in Domino, atque in remissionem vobis injungimus peccatorum, quatenus de bonis vobis à Deo collatis pias elemosynas, & grata eis charitatis subsidia erogetis: ut per subventionem vestram ipsorum inopiæ consulari, & vos per hæc bona & alia, quæ, Domino inspirante, feceritis, ad æterna possitis gaudia pervenire.

III. Forma autem idcirco imprimitur, ut ex illa Episcopi litteras falsas à veris discernere possent. Quidam enim, testante Concilio, se alios mentiendo abusiones nonnullas in sua prædicatione proponebant. Unde Quæstores admitti prohibet, nisi prius litteras veras exhibeant: Et tunc præter id quod continebitur in ipsis litteris, nihil populo proponere permittantur.

IV. Deinde addit: "Qui autem ad quærendas elemosynas destinantur, modesti sint, & discreti, nec in tabernis, aut in aliis locis incongruis hospitentur; nec inutiles faciant aut sumptuosas expensas, caventes omnino ne falsæ religionis habitum gestent.

V. Notanda sunt verba: alios se mentiendo ne falsæ Religionis habitum gestent. "Quod populum in largas elemosynas circumscriberent, isti Parasiti assumebant Monasticum habitum: Simulabant Curios, & ex alienis peccatis vivebant Bacchanalia: " ait Lupus loco citato.

VI. De Quæstorum illorum excessibus in Clem. 2. De Penit. & Remiss. sub nomine Concilii Viennensis refertur: quoddam "non sine multa temeritatis audacia, & deceptione multiplici animarum, Indulgentias populo motu suo proprio de facto concedant, super votis dispensent, à perjuriis, homicidiis, & peccatis aliis sibi confitentes absolvant, malè ablata & incerta (datâ sibi aliquâ pecuniæ quantitate) remittant, tertiam aut quartam partem de penitentis inunctis relaxent, animas tres, vel plures parentum, vel amicorum illorum, qui elemosynas eis conferunt, de Purgatorio (ut asserunt mendaciter) extrahant & ad gaudia Paradisi perducant, benefactoribus locorum, quorum Quæstores existunt, remissionem plenariam peccatorum indulgeant, & aliqui ex ipsis eos à pœna & à culpa (ut eorum verbis utamur) absolvant.

Hæc autem omnia; quemadmodum monet Concilium; ut simplices decipiant, & aurum subtili vel fallaci potius ingenio extorqueant ab eisdem.

VII. Hos omnes excessus cohibere studuit dictum Concilium, atque inter alia districtè prohibuit, "ne Quæstores aliqui (nisi Apostolicas vel Ditecesani Episcopi litteras exhibuerint) quomodolibet admittantur, nec permittantur (cùm solùm ipsis competat Indulgentias sibi concessas insinuare populo, & charitativa postulare subsidia suppliciter ab eodem) ulatenus ipsi populo prædicare, nec aliud exponere, quàm quoddam in litteris continebitur supradictis. Litteras quoque Apostolicas Ditecesani Episcopi (ne quid fraudis committi valeat per easdem) antequam admittant Quæstores ipsos, examinent diligenter.

VIII. At frustraneum & sine effectu fuit hoc Decretum. Hoc enim hominum genus ad quæstum unicè intentum, simili repagulo cohiberi non potuit.

"Nec soli quorundam hinc inde Episcoporum, sed etiam Romanorum Pontificum Quæstores commiserunt gravissimos abusus, "inquit Christianus Lupus loco allegato.

IX. Et quidem inter articulos contra Joannem XXIII. in Synodo Constantiensi allegatos erat hic ordine 23. "Dominus Joannes Papa Nicolao Mercatori in Legatione existenti concessit, indulgit, & commisit, ut idem Nicolaus quibuscumque hominibus utriusque sexûs ad suæ libitum voluntatis deputare posset Confessores. Et quoddam hujusmodi Confessores deputati absolvere possent à pœna & à culpa, certis tamen pecuniis taxatis mediantribus. Quas quidem præsentas Indulgentias idem Mercator publicavit & publicari fecit in certis locis, Civitatibus & Villis, utpote Trajecti, Mechliniæ, Antverpiæ, & alibi, de quibus maximas pecuniarum summas exhauserat & extorsit, Christi fideles seducendo, ac statum & vitam totius Ecclesiæ Catholicæ enormiter scandalizando.

X. Quàm horribilis esset Quæstorum illorum excessus tempore exortæ hæresis Lutheranae, narrat Joachimus Camerarius de Bello Smalcaldico: "Venales proponebantur defunctorum animæ, quas licebat redimere certo soluto pretio, & peccatis suis quicquid qualibuscumque hanc veniam impetrare poterat numeratâ pecuniâ, quantum Institor petebat. Ac nummi collecti ab illis negotiatoribus infumebantur in varias voluptates, cùm de Germanorum stolidorum opibus animo illi quieto delicatissimè viverent. Hæc autem mercatura vocabatur venia peccatorum.

XI. Has Quæstorum nundinationes sub idem penè tempus exposuit Conventus Norimbergensis (a) in sua ad Adrianum VI. Legatione; asserique, quoddam Indulgentiarum Buccinatores "Laudes suis meritis occinerent; miras & inauditas condonari per emptitias

(a) Conventus iste habitus est an. 1522. de quo vide Morizgum c. 22.



„has condonationes, nedum noxas præteritas, aut futuras viventium; sed & functorum vitæ, existentium in purgatorio igne, modò muneretur aliquid, modò tinniat dextra. „ Post hæc, quid ex hac mercimonia natum sit oriri subdit: „ Atque his mercedum nundinationibus, simul & spoliata est ære Germania, & Christi pietas extincta, quando quilibet pro pretii, quod in has merces expenderat, modo, peccandi impunitatem pollicebatur. Quod enim malorum amplius jam horrebunt mortales, quando sibi peccandi licentiam ac impunitatem, nedum in vita, sed & post obitum, ære licet immodico, comparari posse à nundinatoribus illis Indulgentiariis, semel persuasum habent? Maxime Germani, quibus hos veræ pietatis fucos, sub religionis persona, nihil non persuaderi difficile est, ut ingenio planè ad pietatem credulo est Germania.

XII. Cumque Patribus Tridentinis hi Quæstorum excessus nimis quàm noti essent; atque ab ipsis materiam hæresi Lutherana præbiam esse scirent; ipsique sat persuasum esset, à diversis Conciliis adversus horum abusus adhibita remedia fuisse frustranea; eorumque malitiam & fraudem, ita quotidie magno Fidelium omnium scandalo & querela excrefcere, ut de eorum emendatione nulla spes amplius relicta videretur, unanimi consensu decretum est, „ ut posthac in quibuscumque Christianæ religionis locis eorum nomen, atque usus penitus aboleatur; nec ad officium hujusmodi exercendum ullatenus admittantur, non obitanti- bus privilegiis, Ecclesiis, Monasteriis, Hospitalibus, piis locis, & quibusvis, cujuscumque gradus, status, & dignitatis personis, concessis, aut consuetudinibus, etiam immemorabilibus. „ *Sess. 21. cap. 9. De Reformat.*

XIII. Cum non obstante hoc Concilii Decreto, nonnulli prætextu Indulgentiarum certis Ecclesiis, Hospitalibus & Monasteriis per Romanos Pontifices concessarum, lucrum ex illis quærere pergerent, Pius V. „ omnes & singulas indulgentias etiam perpetuas, & peccatorum remissiones quibuscumque Ecclesiis, Hospitalibus, Monasteriis, Confraternitatibus aliisve piis locis etiam per ipsum aliosve Romanos Pontifices, sub quibuscumque tenoribus & formis, ac cum quibusvis clausulis & Decretis, etiam motu proprio & ex certa scientia, ac ex quibusvis etiam urgentissimis causis, etiam causâ redemptionis captivorum & alias quomodolibet concessas; pro quibus manus sunt porrigendæ adiutrices, & quæ quæstuarii facultatem quomodolibet continent, auctoritate Apostolicâ perpetuò revocavit, cessavit, irritavit, & annullavit, ac viribus vacuavit. „ Constat. quæ incipit, *Etsi Domini* 30. in Bull. R. Est & alia ejusdem Pontificis Constitutio, quæ incipit, *Quam plenam* 99. in Bull. R. qua similem abusum in quibusdam Hispaniarum Ecclesiis adhuc vigentem reprobat.

XIV. Ex Decreto Concilii, & hisce Pontificiis Constitutionibus non obscurum est præcipuum Ecclesiæ in abrogatione Quæstorum scopum fuisse, omnem quæstum ab Indulgentiarum usu arcere, „ ut tandem cælestes hos Ecclesiæ thesauros (indulgentiarum) non ad quæstum, sed ad pietatem exerceri omnes verè intelligant, „ ut in citato Decreto loquitur Synodus Tridentina.

XV. Ut autem fidelis dispensentur, mandat, Indulgentias aut alias spirituales gratias deinceps per Ordinarios locorum, adhibitis duobus de Capitulo, debitis temporibus publicandas esse.

Synodus P. II. Mechliniensis tit. 6. expresso hoc Tridentino Decreto, addit: „ Quod ab eis (Episcopis) erit diligenter observandum, summâ in illis indulgentiis recognoscendis adhibita diligentia.

XVI. Sanctus Carolus in Concilio Mediol. V. parte 1. tit. De Indulgentiis, conformiter ad citatum Tridentini Decretum declaravit: „ Ne cuivis Rectori Ecclesiæ

Tom. I.

etiam exemptæ quovis modo, neque ulli ordini Regularium, neque cuiquam scholæ, confratriæ, etiam Rosarii & Cruce signatorum, locive pii Collegio, prætextu, causave vel privilegiorum etiam antiquorum, vel indulgentiarum, quas sibi quovis modo concessas, etiam instar Ecclesiarum locorumque piorum, confratriarumve Urbis Romæ habet, liceat illas ipsas in suis Ecclesiis promulgare; sed, ut Decreto Trid. cavetur, per Episcopum adhibitis duobus de Capitulo, illæ quot annis publicentur atque evulgentur.

Si hoc exactum examen præviè ad publicationem Indulgentiarum ubique ab Episcopis institueretur, spes esset, majorem futuram in earum publicatione moderationem; atque illæ exorbitantes, quæ in multis Confraternitatum libellis, multisque Ecclesiis proponuntur, rescinderentur.

XVII. Addit insuper Synodus Tridentina eodem hoc Decreto: „ Quibus (Episcopis adjunctis duobus de Capitulo) etiam elemosynas atque oblata sibi charitatis subsidia, nullâ prorsus mercede acceptâ, fideliter colligendi facultas datur.

XVIII. Hoc Decretum innovavit Sanctus Carolus in Concilio Mediolanensi V. loco suprâ citato; ac unâ omnem quæstus faciendi speciem in hac materia remotam cupiens, cavit: „ Ne Indulgentiarum litteræ; inscriptione vel earum nomine exaratæ, eo loco, ubi capsa ad elemosynam colligendam apparata est, etiam extra Ecclesiam proponantur, affiganturve, sed vel in altari majori vel in alio, ubi Indulgentiæ causâ, statio, oratiove, constituta est.

XIX. Deinde addit: „ Ac proinde statis iis diebus, quibus Episcopus Indulgentiam promulgandam decreverit, cum fideles ad elemosynam Ecclesiæ, locovè pio tribuendam, ubi illius Indulgentiæ celebritas agitur, Parochus, Concionatorve excitabit, doceat simul diligenter, ejus consequendæ causâ non esse necessariò præstitutam elemosynæ largitionem; ut cælestem eum Ecclesiæ thesaurum, spiritualiaque munera exponi omnes intelligant, non ad quæstum, sed ad peccatorum satisfactionem, & ad pietatis exercitationem. Si verò aliquando Episcopi concessu capsa in quam elemosyna fidelium conficiatur, palam ponatur, intrus in Ecclesia loco longè ab altari, ubi Indulgentiæ statio agitur, decorè collocetur.

## CAPUT V.

### De Jubilæo.

1. Primus hujus formulæ Indulgentialis Auctor creditur Bonifacius VIII.
2. Formula Indulgentialis ex præscripto Bonifacii.
3. Conditiones pro lucranda Indulgentia à Bonifacio requisitæ.
4. Qui plus participant? & quid per plenissimam Indulgentiam intelligatur?
5. Bonifacius VIII. non concessit Indulgentiam nisi personaliter Basilicas Apostolorum visitantibus.
6. Annum Jubilæi Clemens VI. contraxit ad annum quinquagesimum.
7. Clemens in sua Bulla Indulgentiæ adstruit thesaurum Indulgentiarum.
8. Cui thesauri hujus dispensatio à Christo credita sit, explicat.
9. Rationes contracti Jubilæi ad annum quinquagesimum.
10. Extensa Indulgentia à Clemente ad aliquos personaliter non visitantes Basilicas.
11. Quanta hominum multitudo ad lucrandas Indulgentias Romam pervexerit.
12. Annum Jubilæi rursus contraxit Urbanus VI. ad annum trigesimum tertium, & indixit.
13. Boni-

P p p

13. Bonifacius IX. successor Urbani Jubilæum ab Urbano indictum celebravit, sed plures illud non agnoverunt; & quare?
14. Romana Ecclesia reductionem Urbani VI. non admisit.
15. Sixtus IV. reductionem Pauli II. Jubilæi ad annum 25. probavit: & illo anno omnes alias Indulgentias suspendit.
16. Quomodo Bonifacius IX. Indulgentias Jubilæi etiam ad alias Ecclesias extenderit? & quare hæ Indulgentiæ à nonnullis parùm æstimarentur.
17. Sub medium sæculi XV. Indulgentia hæc nondum generaliter omnibus Ecclesiis communicabatur.
18. Primus extensionem fecisse legitur ad omnes Ecclesias Paulus II.
19. Sub medium sæculi XV. nondum Confessariis facultas absolvendi à reservatis, aut commutandi vota per Bullam Jubilæi data.
20. Usque ad sæculum XVI. Jubilæum non dabatur aliis Ecclesiis, nisi anno Jubilæi Romæ absoluto.
21. Sixtus V. primus videtur Jubilæum extra annum sequentem annum Jubilæi Romani dedisse; & quomodo subsequentes eum secuti?
22. Conditiones in hodierna Jubilæi forma præscriptæ.
23. Populus à Parocho instruendus quomodo hæ conditiones implenda.
24. Datur libera electio Confessarii approbati, idque cum facultate absolvendi à reservatis & vota commutandi.

I. FAMOSA admodum Indulgentiæ species est, quæ Jubilæum vocari solet; eaque omnium largissima æstimatur.

Hujus Indulgentialis formulæ monumentum hætenus non reperitur antiquius Constitutione Bonifacii VIII. quæ refertur in Extravagante ANTIQVORVM, *De Pœnitentiis & Remiss. in Communib.*

Dicit quidem Pontifex in hac Constitutione: "Antiquorum habet fida relatio, quod accedentibus ad honorabilem Basilicam Principis Apostolorum de Urbe, concessæ sunt magnæ remissiones & Indulgentiæ peccatorum; sed quia harum Indulgentiarum olim concessarum non reperitur authenticum & sufficiens testimonium, hætenus hic Pontifex Bonifacius VIII. habetur primus hujus Indulgentialis formulæ promulgator.

II. In hac Constitutione Bonifacius VIII. ait: "Nos de Omnipotentis Dei misericordia, & eorundem Apostolorum ejus (Petri & Pauli) meritis & auctoritate confisi, de Fratrum nostrorum consilio, & Apostolicæ plenitudine potestatis, omnibus in præfenti anno millesimo trecentesimo à festo Nativitatis Domini nostri Jesu Christi præterito proximè inchoato, & in quolibet anno centesimo secuturo ad Basilicas ipsas accedentibus reverenter, verè pœnitentibus & confessis; vel qui vere pœnitebunt, & confitebuntur in hujusmodi præfenti & quolibet centesimo secuturo annis, non solum plenam, & largiorem, imò plenissimam omnium suorum concedemus & concedimus veniam peccatorum.

III. Post hæc, conditiones lucranda Indulgentiæ exprimit his verbis: "Statuentes, & qui voluerint hujusmodi Indulgentiæ à nobis concessæ fieri participes: si fuerint Romani, ad minus triginta diebus continuis seu interpolatis, & saltem semel in die: Si verò peregrini fuerint aut forenses, simili modo diebus 15. ad Basilicas easdem accedant, Romanos ad 30. peregrinos ad 15. visitationis dies adstrinxit: quod nempe ad Urbem laboriosa peregrinatio sit in partem satisfactionis computanda.

IV. Hoc deinde monet: "Unusquisque tamen plus merebitur, & Indulgentiam efficacius consequetur, qui Basilicas ipsas amplius & devotius frequentabit.

Dum ergo dixit, se non plenam, aut largiorem duntaxat, sed & plenissimam Indulgentiam dare; idem est, ac si dixisset, omnem possibilem; atque unumquemque eò amplius de ea percepturum, quo se magis per devotam Basilicarum visitationem ad lucranda Indulgentia præparaverit.

Antiquus Glossographus querens, quomodo ista se compatiantur, PLENAM, LARGIOREM & PLENISSIMAM. Responder: "Dico Papam interpretatum fuisse in Consistorio, me præfente, hanc Indulgentiam adeò plenam, prout Clavium potestas se extendit.

V. Hanc Indulgentiam Bonifacius VIII. iis solis concessit, qui recurrente centesimo anno personaliter ipsas Basilicas Principis Apostolorum reverenter & devotè visitarent, nullà alterius Basilicæ, aut absentium, qui ipsam iter suscipere, aut perficere non possent, factà mentione.

VI. Necdum à prima Indulgentia Bonifaciana anni quinquaginta erant elapsi, cum Clemens VI. ad instantiam & supplicationem Romanorum, qui de hac re ad eum nuntios miserant, mutaverit magnum Jubilæum de anno quinquagesimo in quinquagesimum, quod Bonifacius VIII. voluerat esse de centesimo in centesimum; atque ita Clemens VI. anno 1350. voluit esse Jubilæum; cum juxta Constitutionem Bonifacii annus Jubilæus tantùm recurrisset anno 1400. voluitque Clemens VI. ut imposterum de quinquagesimo in quinquagesimum annus Jubilæus semper recurreret.

Extat diploma hujus Jubilæi in Extrav. UNIGENITUS *De Pœnit. & Remiss. in Communib.*

VII. In hac ante omnia fusè ostenditur, Ecclesiæ relictum esse thesaurum ex meritis Christi constantem: "Ad cujus quidem thesauri cumulum beatæ Dei Genitricis, omnium Electorum à primo Justo usque, ad ultimum merita adminiculum præstare noscuntur.

VIII. Deinde dicit, quod Christus "hunc thesaurum non in sudario repositum, non in agro absconditum, sed per beatum Petrum cœli Clavigerum ejusque Successores suos in terris Vicarios commisit Fidelibus salubriter dispensandum: ex propriis, & rationabilibus causis, nunc pro totali, nunc pro partiali remissione pœnæ temporalis pro peccatis debita, tam generaliter quàm specialiter (prout cum Deo expedire cognoscerent) verè pœnitentibus & confessis misericorditer applicandum.

IX. His expositis, adducit rationes contracti temporis indicendi Jubilæi. Primò, quod Jubilæum Judæorum non quovis anno centesimo duntaxat, sed quovis quinquagesimo recurreret; ipsumque fuisse imaginem Jubilæi Christiani.

Secundò, quod "numerus quinquagenarius in Testamento veteri ex Legis datione, in Novo ex visibili Spiritus Sancti in Discipulos missione, per quem datur remissio peccatorum, singulariter honoratur.

Tertiò, quod vellent, "quamplurimos ejusmodi Indulgentiæ fore participes, cum pauci multorum respectu propter vitæ hominum brevitate valeant ad annum centesimum pervenire.

X. Præterquam quod Jubilæum ad annum quinquagesimum reduxerit Clemens VI. addidit insuper: "ut ii etiam, qui pro ea consequenda ad easdem Basilicas & Ecclesiam accedent, at post iter arreptum impediti legitimi, quominus ad urbem illo anno valeant pervenire, aut in via, vel prætaxato numero dierum non completo, in urbe decesserint, verè pœnitentes & confessi, eandem Indulgentiam consequantur. Atque ita rursus hoc titulo Indulgentiam Bonifacii extendit, qui iis tantùm, qui personaliter, & quidem præfinito numero dierum, Basilicas Apostolorum visitassent, Indulgentiam concesserat.

XI. De hac Clementis liberalitate agens magnum Chro-

Chronicum Belgii, scribit: "Anno illo Jubilæo à Cle-  
mente VI. instituto & publicato per totam Christiani-  
tatem, innumerabilis populus utriusque sexus tur-  
matim Romam perrexit pro Indulgentiis impetrandis.  
Cujus tanta fuit multitudo, sicut quidam ex peregrin-  
antibus narravit, ut *quotidie* intra dictum annum  
5000. peregrinorum intrantes & exeuntes Romæ  
computarentur." Hæc ibi.

XII. Rursus anno quinquagesimo à celebratione  
Jubilæi nondum expleto Urbanus VI. (à quo famosum  
ac diuturnum schisma Avenionense incepit) tempus  
Jubilæi contraxit ad annum trigessimum tertium; ita  
enim de eo scribit Theodoricus A Niem *lib. 1. De  
Schismate, cap. 88.* "Urbanus ultimo anno Pontifica-  
tus annum Jubilæi abbreviavit, scilicet ad singulos  
triginta tres annos, & constituit quod tunc anno  
Domini millesimo trecentesimo octogesimo octavo in  
festo Natalis Domini inciperet annus Jubilæus in  
Urbe, & duraret per annum inclusive. Prout & fa-  
ctum fuit. Sed ipse Urbanus illum non vidit: Quia  
prius ab hac luce migravit. Et innumerabiles pere-  
grini toto illo anno, postquam incepit Jubilæus,  
præsertim de Allemannia, Hungaria, Polonia,  
Bohemia, Anglia, & aliis Regnis ac Provinciis,  
quæ fuerunt de obedientia Urbani, ad Urbem vene-  
runt: Unde & maxima offerentia Ecclesiis & Basilicis  
Urbis per visitatores data fuerunt, sed residuum &  
major pars ad manus Bonifacii IX. & quorundam  
aliorum devenit.

XIII. Idipsum quoque refertur in magno Chroni-  
co Belgii, *pag. 300.* addique de Bonifacio IX. Suc-  
cessore Urbani VI. "Anno Pontificatus Bonifacii pri-  
mo, juxta ordinationem Domini Urbani Papæ VI.  
& ex hujus approbatione, plurimi qui obedientiam  
Bonifacio præstabant, pro Indulgentiis anni Jubilæi  
consequendis de universis mundi partibus ad Urbem  
Romanam confluerunt. Illi vero, qui de Regno  
Franciæ erant, & alii ejus obedientiam repudiantes,  
hoc anno pro hujusmodi Indulgentiis Roman non  
venerunt, sed juxta primam ordinationem Clemen-  
tis VI. anno Domini millesimo quadringentesimo,  
in maxima multitudine pro eisdem Indulgentiis  
obtinendis Romam venientes Limina Sanctorum  
visitabant.

Grasabatur enim eo tempore schisma; sedentibus  
duobus, qui se pro Pontifice gererent; altero Romæ  
scilicet Bonifacio IX. altero Avenione in Gallia Petro  
de Luna qui dicebatur Benedictus XIII. huncque ut  
solum legitimum Pontificem Galli & alii nonnulli  
agnoscebant; atque Urbanum & Bonifacium pro in-  
trusis Pontificibus habebant; ideoque alterarum ab ipsis  
Jubilæum non agnoscebant.

XIV. "Quin & post Concilium Constantiense &  
extinctum schisma, etiam Romana Ecclesia abiecit  
illam Urbani novitatem, rediitque ad Decretum  
Clementis VI. Et ita fuit usque ad Paulum II. qui  
Jubilæi Indulgentias esse voluit quovis anno vigesimo  
quinto." Hæc Lupus loco citato.

XV. Reductionem à Paulo II. factam confirmavit  
Sixtus IV. cujus Constitutio refertur in *Extrav. QUÆ-  
ADMODUM, De Penit. & Remiss. in Communi.*  
atque una omnes quascumque Indulgentias etiam  
plenarias adinstar Jubilæi quibuscumque Ecclesiis aut  
locis extra Urbem, & sub quacumque forma à Sede  
Apostolica non concessas, durante anno Jubilæo sus-  
pensas esse voluit, nec interim alicui suffragari. Et ita  
etiamnum hodie vivimus.

XVI. Verum Bonifacius IX. non tantum probavit  
reductionem Jubilæi ad annum trigessimum tertium fa-  
ctam per Urbanum VI. sed insuper anno Jubilæi Romæ  
absoluto, easdem Indulgentias per modum Jubilæi ad  
alias civitates extendit, de quo in citato Chronico  
Belgii hæc leguntur *pag. 333.* "Postquam annus Jubi-  
læus juxta Constitutionem Urbani, & approbationem

istius Bonifacii transiit, Dominus Bonifacius unum  
annum sub anni Jubilæi urbis Romæ Indulgentia-  
rum forma, Colonienfi civitati concessit. Ita ut ve-  
nientes Coloniam, vel ibidem habitantes, isto anno  
mediante visitantes certas Ecclesias ad hoc directas  
cum oblationibus suis, possent consequi Indulgentias,  
quæ visitantibus urbem Romanam in anno  
Jubilæo concessæ erant, videlicet plenissimam re-  
missionem omnium peccatorum. Quo anno elapso,  
similis annus ab eodem Bonifacio sub eadem forma  
concessus est civitati Magdeburgensi. Et ad utramque  
hanc civitatem missus est Collector Papæ, qui cer-  
tam partem recepit oblationum. Deinde Indulgentias  
similes concessit visitantibus alias nonnullas civitates  
Germaniæ ad certos menses. Unde in Misnia &  
Praga ex hujusmodi concessione concursus magnus  
populorum fuit. Deinde idem concessit multis locis  
Allemanniæ, ut visitantes certas istorum locorum  
Ecclesias consequerentur Indulgentias similes, quæ  
erant quondam concessæ tali vel tali loco, seu tali  
Ecclesiæ, quæ in ipso privilegio concessionis expri-  
mebantur. De quibus locis vel Ecclesiis fama vul-  
gariserat, quod ea veles visitantibus concessæ olim  
essent à Sede Apostolica Indulgentiæ plenissimæ.  
Prædictæ vero Indulgentiæ non solum concedebantur  
in locis insignibus, sed in villis etiam non muratis,  
& in Monasteriis vel Ecclesiis sitis in campis. Et in  
omnibus privilegiis concessionum prædictarum pone-  
batur clausula: *Porrigentibus manus adiutores.* Ita ut  
hujusmodi Indulgentias, nisi qui ipsis locis vel Ec-  
clesiis manum porrigeret adjuvicem, nemo consequi  
posse videretur.

Subjicit denique auctor: "Unde quidam conces-  
siones hujusmodi non magni faciebant, ut quas lu-  
cro magis, quam ex zelo, tum institutas à Papa sus-  
picabantur.

Illud equidem constat nullum extare vestigium ex-  
tensionis hujus Indulgentiæ sive Jubilæi ad alias civi-  
tates ante Bonifacium IX. unde & communiter ipse  
hujus extensionis auctor reputatur.

XVII. In citato Belgii Chronico *pag. 380.* legitur:  
"Anno 1450. sedente Nicolao V. fuit annus Jubilæus  
Romæ, & magnus populus ex omni natione perrexit  
Romam pro Indulgentiis.

Deinde paucis interjectis prosequitur: "Anno se-  
quenti Dominus Nicolaus Papa ad instantiam illustris  
Ducis Burgundiæ Philippi, unum annum, sub anni  
Jubilæi urbis Romæ Indulgentiarum forma, concessit  
oppido Mechlinienti, ita ut venientes Mechliniam,  
vel ibidem habitantes, si illo anno durante certas  
Ecclesias ad hoc decretas cum oblationibus suis visita-  
rent, consequi Indulgentias omnium peccatorum  
possent.

Ex his discimus, quod Nicolai V. tempore (id est  
sub medium seculi XV.) "Jubilæa Indulgentia nec-  
dum ad omnes civitates, oppida & pagos extendere-  
tur sequenti anno, sed duntaxat ad unam Regni aut  
Provinciæ civitatem; & quidem ad preces Regias,  
ac de singulari gratia; uti recte reflectit Lupus  
loco allegato, *pag. 652.*

XVIII. Hanc generalem ad omnes Ecclesias exten-  
sionem primus fecisse creditur Paulus II. ann. 1464.  
ad Pontificatum assumptus, qui ad Indulgentias &  
Gratias dandas facillimus esse cœpit; adeo ut videmus  
ex nimia sua facilitate pœnitentialem disciplinam non  
parum lædi, suam liberalitatem moderari debuerit per  
Constitutionem quæ refertur in *Extrav. 3. De Penit.  
& Remiss. in Comm.*

XIX. Refert præterea Belgici Chronici Compilator,  
*pag. 380.* & sequenti; quod sub dicto Nicolao V.  
eodem anno 1451. venerit in Allemanniam tanquam  
Papæ Legatus Nicolaus Cusanus Cardinalis; atque  
omnibus qui in terminis suæ legationis habitabant,  
postquam ad ipsos pervenerat, vere contritis &



confessis, & qui ad cistas in diversis Germaniae Ecclesiis de consilio suo & loci Episcoporum ordinatis certam pecuniae summam juxta bonorum suorum facultatem voluntarie in pios patriae illius usus mox convertendam contribuerunt, concesserit *Jubilaeum*, id est, plenam omnium peccatorum remissionem..... " Ut autem

" omnem Clerum & devotum populum suae Legationis

" redderet aptum ad hujusmodi Indulgentias prome-

" rendas, certos Confessores in civitatibus constituit,

" qui sine pecunia, auctoritate Sedis Apostolicae, etiam

" in casibus *reservatis* confitentes absolverent, dicens,

" non esse absolutos, nec Jubilaei gratiam promereri,

" qui suis Confessoribus contra mandatum dare quid-

" quam praesumerent.

Hinc colligitur, nec tempore Cardinalis Cusani litte-  
ris Jubilaei insertam fuisse hodiernam clausulam, qua  
omnibus Confessariis sit facultas absolviendi à casibus re-  
servatis, & commutandi vota, paucis exceptis.

Quae omnia evincunt, etiam in hac Indulgentiarum  
specie locum habere, quod capite praecedenti notavi-  
mus, nimirum, in concedendis Indulgentiis postero-  
res Pontifices longe fuisse liberaliores.

XX. Haec tamen nullus Pontificum Jubilaei  
Indulgentiam ad alias Ecclesias extenderat, nisi tan-  
tum in anno qui sequebatur immediate annum Jubilaei  
Romae absolutum: ut qui Romae Indulgentias lucrati  
non essent, ex speciali gratia eas in suis Ecclesiis lucrari  
posset; neque nota erat alia indictio generalis Jubilaei  
ex quacumque causa.

XXI. Primus qui Jubilaeum indixit initio suae as-  
sumptionis ad implorandum Dei auxilium pro bono  
regimine Reipublicae Christianae, videtur fuisse Six-  
tus V. qui mox à sua ad Pontificatum assumptione,  
Bullam Jubilaei publicavit; extatque in Bullario Ro-  
mano *tomo 2. pag. 490.* neque alia anterior hujus-  
modi Jubilaei indictio in Bullario occurrit; monetque  
simpliciter Angelus Cherubinus Bullarii Collector:  
" Similem inductionem omnes fere Pontifices promul-  
" gare solent, eas tamen praeterii, hac duntaxat pro  
" exemplo retenta, & alia addita Pauli V. " Quibus  
haud obscure innuit, hanc inductionem à Sixto V. pri-  
mum factam, à sequentibus Pontificibus in exemplum  
sumptam esse.

Nec tantum in initio Pontificatus ad implorandum  
Divinum auxilium; sed etiam aliis ex causis subse-  
quentes Pontifices generale Jubilaeum indixerunt; uti  
& modernus Pontifex Innocentius XII. iterato publi-  
cavit, & ad omnes Ecclesias misit.

XXII. Forma ac conditiones Jubilaei in Bulla Sixti  
V. expressae, eadem sunt, quae hodie in Bullis Jubilaei  
exprimi solent: ut vel inde quoque verisimile sit, ip-  
sum primum subsequenter Pontificibus exemplum  
dedisse. Imprimis assignantur duae hebdomadae, in  
quarum altera conditiones requisitae impleri debent;  
nimirum ut quis intra hebdomadam illam tribus diebus  
jejundet; elemosynam, quantum pro sua facultate visum  
fuerit, in pauperes eroget; atque unam ut minus Ec-  
clesiam ex designatis ab Ordinario visitet; atque ibi-  
dem oret, ad finem in Bulla expressum; peccata sua  
omnia humiliter & contrito corde confiteatur, & Eu-  
charistiam devote accipiat.

XXIII. Circa modum & rationem haec fructuose  
adimplendi, populus à Parochis, occasione occurrente,  
rite instruendus est; atque cum in finem Parochis con-  
ducere poterunt litterae Pastorales, quas Sanctus Caro-  
lus scripsit & emisit occasione Jubilaei concessi à Gre-  
gorio XIII. Ecclesiae Mediolanensi anno 1576. post  
quam scilicet anno praecedenti qui erat *annus 25.* jam  
pro tertia vice seculo illo recurrens, annus *Jubilaeus*  
*Romae* erat absolutus. Nec enim adhuc haec Indul-  
gentiae Jubilaei alio tempore aliis Ecclesiis fuerant  
concessae. Extant haec litterae in actis Ecclesiae Mediola-  
nensis, *pag. 936.*

XXIV. Adhuc ut fideles ad praedicta omnia pera-

genda magis idonei efficiantur, conceditur omnibus  
Fidelibus, ut possint hac vice, vigore Jubilaei eligere  
Confessarium, sive secularem, sive regularem ab Ordina-  
rio approbatum, qui audita ejus Confessione, possit  
eum à quibuscumque criminibus, quacumque ratione  
reservatis, ac etiam à sententiis, censuris & poenis Ec-  
clesiasticis per eum quomodolibet incurris, injuncta ei  
pro culpa modo poenitentia salutari, absolvere in foro  
conscientiae duntaxat; ac quaecumque per eum emissa  
vota (praeterquam castitatis & Religionis) in alia pietatis  
opera commutare valeat.

Plures occasione hujus potestatis Confessariis factae  
quaestiones praesertim apud Theologos Scholasticos  
movenrur; quarum decisio ibidem videri poterit.

## CAPUT VI.

De Bullis ad consequendam Jubilaei indulgentiam con-  
cessis à Bonifacio VIII. & Clemente VI.

1. *Discutitur origo formula indulgentialis.*
2. *Momentum de illius origine à Bonifacio allatum non bene convenit cum historia Jubilaei.*
3. *Hac historia refertur.*
4. *Ineunte anno 1300. circa valorem indulgentiae, quae anno quolibet centesimo conferri debebat, nihil adhuc fuerat determinatum.*
5. *Promulgata Bulla Antiquorum die 22. Februarii 1300. incredibilis hominum multitudo Romam fluxit.*
6. *Discutitur quid de antiquitate indulgentiae centesimi anni in ea Bulla fuerit insinuat.*
7. *Infirmum videtur testimonium, quo Bonifacius VIII. nititur.*
8. *Ipse non meminit Jubilaei judaici sed Clemens VI.*
9. *Clemens Moyses amulus Jubilaeum ad an. 50. reduxit.*
10. *Ad preces populi Romani facta est illa mutatio.*
11. *Inde nomen Jubilaei datum indulgentiae plenariae anni quinquagesimi in Ecclesia.*
12. *De thesauro indulgentiae cuius meminit Clemens VI. nihil certi ex antiquitate habetur.*
13. *Sententia Veronii Jesuitae refertur.*
14. *Primus Episcopis relicta est integra indulgentiarum concessio.*
15. *Vigilius Papa à Theodeberto Rege consultus faveat huius Episcoporum juri.*

I. **H**is quae de Indulgentia Jubilaei jam dicta sunt,  
quaedam addere non erit supervacaneum. Ob-  
servandum est hujus Indulgentialis formulae auctorem ef-  
se Bonifacium VIII. quantumvis in sua Bulla asserere  
non dubitet, quod "*Antiquorum habeat fida relatio,*  
" quod accedentibus ad honorabilem Basilicam Princi-  
" pis Apostolorum de Urbe concessae sint magnae re-  
" misiones & indulgentiae peccatorum.

II. Verum quam infirma fuerit haec, de qua loquitur  
*Antiquorum fida relatio*, cujus auctoritate hanc indul-  
gentialem formulam tanquam *Antiquitati* notam promul-  
gavit, & à novitate vindicare voluit Bonifacius,  
intelligitur ex Historia institutae hujus indulgentialis  
formulae descripta per Jacobum Cardinalem sancti  
Georgii ad *velum aureum*, qui eo tempore Romae prae-  
sens erat.

III. Scribit hic, quod " *finiente seculo XIII. &*  
" *instante seculo XIV. id est anno trecentesimo supra*  
" *millesimum increbuerit in Urbe Romana rumor qui*  
" *pollicebatur, tantam fore ejus anni vim, ut ad Basi-*  
" *licam Principis Apostolorum Petri pergentes, omnium*  
" *plenissimam peccatorum lutionem sortirentur.*

Hujus rumoris confectus Pontifex Bonifacius  
VIII. verustorum evolvi librorum monumenta edixit,  
sed in his nihil ejus quod quaerebatur, inventum.

Interim

Interim advenit prima dies anni hujus trecentissimi supra millesimum, nihilque præter solitum decurrente die illo visitur; at demum sub mediam noctem, seu ut loquitur Historicus, ad mediam fere noctis intempestæ silentium, ipsi Romani ad sacram Basilicam beati Petri frequentes properant: oppressi altaria stipant, alternatimque se, ut vix accedere fas esset, impediunt, quasi ea brevi inienda die expirare, gratiam vel majorem autamarent.

„His actis initiis (ait Historicus,) indies civium „exteriorumque fides & speregrinatio augeri cœpit, „quibusdam prima centesimi die omnium culpæ „sordes deleri asserentibus; cæteris annorum indulgentiam fore, sicque fere usque ad trimestre tempus, „similiter die, qua toti orbi venerabilis revelatur „effigies vulgo *Sudarium*, seu *Veronica*, (quæ incidit „in Dominicam post Epiphaniam) longe plus solito „compactis turbis convenirent, utrimque dubii sperantes erant.

Itaque usque ad hunc diem *dubii hærebant*, etiam Romani circa centesimi anni indulgentiam, Interim Pontifex Bonifacius VIII. „ut erat ingenio vigilans, „refertusque solertia, conservabat hæc omnia, confrens in corde suo: suoque more præsentia, dum „haud prohibebat, frequentiam acceptam conjiciebat, „venientiumque firmabat votum.

IV. Itaque hæcenus Pontifex circa hujus indulgentiæ valorem nihil determinaverat, eo quod in vetustorum librorum monumentis nihil de hac indulgentia *Jubilæi* reperisset, interim tamen devotioni populi favebat.

Pontifice autem sic dubio hærente, & populi Romani devotionem, & exteriorum advenientium votum fovere desiderante, accessit tandem „vix præteritorum testis, qui (inquit Historicus) peregrinationis „sux centum & septem asseverans annos (multis „eodem Præfule Bonifacio VIII. coram adscitis) „adstrueret meminisse Patrem alio centesimo anno „Romæ, quousque, quem secum detulit agricola, „sufficit victus, ob Indulgentiam moratum, sese admonuisse ut si quod non putaret, advenisset futuro „centesimo anno, Romæ nequaquam puer adesse pigritaret, nobisque idem sciscitantibus intulit quin „quaque ejusdem anni die illi centum annorum Indulgentiam lucrificari posse, ob quam peregrinaturus „acceserat.

Si fides huic testi esset, sola *centum annorum Indulgentia* anno centesimo promissa fuerat: „Ateodem „Historico teste, Romæ plenissime culpas dilui apud „Gallos vulgatum, tanti ævi duos adhuc testes Diæcesis „Bellovacensis, pluresque alios Italici soli superesse, „qui meminissent, nobis assertum.

His factis informationibus, Pontifex convocavit Collegium Cardinalium, atque de eorum consilio confecta fuit famosa illa Bulla quæ incipit *Antiquorum*, relata inter Extravagantes communes; citata est Superius c. 5.

V. Publicata fuit hæc Bulla Romæ in festo Cathedræ sancti Petri Antiochiæ 22. Februarii 1300, atque summo plausu à Romanis recepta.

Incredibilem porro hominum multitudinem non modo ex Italia, Sicilia, Sardinia, Corsica, sed & ex Gallis, Hispania, Anglia, Germania, Hungaria concurrisse, nec solum juvenes ac vegetæ ætatis, sed etiam septuagenarios & infirmos qui lecticis deferrebantur, confluisse scribit dictus Cardinalis.

Tradit his conformia Joannes Villanus Florentinus lib. 8. cap. 36. additque tantam fidelium multitudinem Romam convenisse, ut præter Romanos ducenta peregrinorum millia in urbe viderit, quibus omnia necessaria abunde suppeditabantur.

Hæc fusius narrat Odoricus Raynaldus ad annum 1300. qui & addit ex Annalium Colmariensium Scriptore, quod tantus fuit factus concursus Romam, ut

*sapius una die egressi sint triginta milia hominum, pariterque ingressi.*

VI. In hac Bulla asserit Bonifacius VIII. quod „*Antiquorum* habeat *fida relatio*, quod accedentibus ad honorabilem Basilicam Apostolorum de urbe, concessæ „sint magnæ remissiones & indulgentiæ peccatorum.

Nequaquam obscurum est eam *Antiquorum fidem relationem* referri ad relationem eorum peregrinorum excedentium ætatem centum annorum, qui ætatem puerilem in præcedenti anno ducentesimo supra millesimum agentes, simile aliquid intellexisse se affirmabant.

VII. Verum quam infirmum sit hoc testimonium ex auditu similium hominum datum ad requisitionem Pontificis & populi, id enixe desiderantium, nemo non videt, præsertim de re, quæ nemini potuerat fuisse ignota, & cujus tamen nulla apud temporis illius historicos, aut in vetustis Pontificum regestis aut epistolis memoria occurrebat, atque notanter Innocentii III. qui ipso anno ducentesimo supra millesimum Pontifex erat, & cujus registra in quibus ejus epistolæ & acta per annos singulos descripta continebantur, & in Bibliotheca Vaticana asservabantur, hujus remissionis peccatorum aut populi ad eam lucrandam ad Basilicam Principis Apostolorum concursus non meminerunt. (a)

Mirum videri non debet, quod tam infirmis innixa depolitionibus relatio, ut *fida* per Pontificem relata fuerit, cum aliunde constet, hunc Pontificem Bonifacium VIII. sat fuisse facilem, ut sine discussione vulgi opinionem sequeretur, ut ex Papebrochio supra cap. 2. hujus tit. num. 8. notatum est circa indulgentias Stationarias.

Illud nihilominus observandum est Bonifacium VIII. equidem declarare, quod *Antiquorum fida relatio* habeat, quod accedentibus ad Basilicam Principis Apostolorum concessæ sint *magnæ remissiones & indulgentiæ peccatorum*, sed nequaquam declarare num essent *plenariæ*, an vero duntaxat *centum annorum*, de quo nec *Antiquorum* relatio, nec populi rumor conveniebat.

VIII. Præterea notandum, Bonifacium in hac Bulla non meminisse *Jubilæi Judæici*, sed primus fuit Clemens VI. qui in Bulla siue Extravagante; quæ incipit *Unigenitus*, hujus *Jubilæi Judæici* exemplum adduxit, ut inde occasionem caperet, anno quinquagesimo post datam à Bonifacio hanc Bullam indulgentialem, rursus renovandi, atque declarandi (idque ad instantes preces populi Romani) quod hæc *Plenaria* indulgentia non tantum de centesimo in centesimum annum recurreret, ut edixerat Bonifacius, sed de quinquagesimo in quinquagesimum.

IX. Verba Clementis VI. referre opus est. „Nos, „inquit, attendentes quod annus *quinquagesimus* in lege „Mosaicæ (quam non venit dominus solvere, sed „spiritualiter adimplere) *Jubilæus* remissionis & „gaudi, sacerque dierum numerus, quod lege sit remissio, censebatur, quodque ipsi quinquagenarius numerus in testamentis, veteri quidem ex legis datione

(a) Non ita censet Benedictus XIV. Summus Pontifex in sua epistola Encyclica de *preparatione* ad annum universalis *Jubilæi* 1750. Nostra non interest, inquit, longiorem sermonem hic atterere de frequentiori Regum, Episcoporum atque Ecclesiæ prælatorum, nec non fidelium pene omnium accessu ac assiduis ad limina Apostolorum peregrinationibus, cum Provinciam hanc universam præoccupaverint celebres aliquot eruditi, nimirum Onuphrius Panvinus, Jacobus Gretserus, &c. enumeratis quibusdam aliis auctoribus, eorum probat sententiam eruditus Pontifex Formula Marculi qui floruit seculo VII. S. Chrysostomi, Eginardi, & Nicolai I. qui vivebat IX. seculo. En Nicolai I. testimonium desumptum ex Epist. 8. ad Michaellem Imperatorem. „Tanta „millia hominum protectioni ac intercessionem Beati Apostolorum „Principis Petri ex omnibus finibus terræ properantium sese quotidie conferunt, & usque in finem vitæ suæ apud ejus limina „seculi mansura proponunt, ut, &c. Hæc satis demonstrant in vetustis Pontificum litteris etiam IX. seculo, multitudinem fidelium venisse Romam ut Apostolorum limina colerent, atque indulgentiarum thesauros sibi compararent.

„ne,

ne, novo, ex visibili Spiritus sancti in discipulos missione, per quem datur peccatorum remissio, singulariter honoratur: quodque huic plura & grandia divinarum adoptantur mysteria Scripturarum: & clamorem peculiaris populi nostri Romani, videlicet, hoc humiliter supplicantis, ac nos ad instar Moyfi, & Aaron per proprios & solemnes nuntios, ad hoc destinatos specialiter orantis pro toto christiano populo, & dicentis: *Domine, aperi eis thesaurum tuum fontem aquae vivae*; desiderantes benignius exaudire, non quidem ut sicut illius Israelitici populi indurati cesset murmuratio, sed ut istius praedicti populi & cunctorum fidelium augeatur devotio, fides splendeat, spes vigeat, charitas vehementius incalescat: volentesque quam plurimos hujusmodi indulgentiae fore participes, cum pauci multorum respectu propter vitae hominum brevitatem valeant ad annum centesimum pervenire, de Fratrum nostrorum consilio praedictam concessionem indulgentiae ex supra scriptis, & aliis iustis causis ad annum quinquagesimum duximus reducendum.

X. Non mirum sane Populum Romanum tam instantem apud Pontificem instituisse, ut terminus hic ad quinquagesimum annum contraheretur, cum non ignoraret quantus fuisset ob hanc evulgatam indulgentiam per Bonifacium VIII. ad urbem concursus, quantaque ejus occasione pecuniae moles Romanis obvenisset, non dubitans quin idem contingeret per hanc indulgentiae publicationem,

XI. Praeterea quia Clemens VI. in hac Extravagante in motivum hujus contractionis assumpsit Jubilaeum de quinquagesimo in quinquagesimum annum recurrens, admodum verisimile est, demum ab edita hac Extravagante, huic indulgentiali formulae nomen Jubilaei adhaesisse.

XII. De indulgentiarum thesauro, cujus meminit Clemens VI. in Extravagante *Unigenitus*, nulla mentio occurrit ante seculum XII. in ordine ad valorem & effectum indulgentiarum: à pluribus enim observatum est quod circa hoc tempus, invalescente Theologia Scholastica, coeperit inter Theologos disputari & inquiri, unde petendus esset indulgentiarum effectus; quodque hac occasione hujus thesauri meminerint, & eum impenderint, ut adstruerent indulgentiarum valorem, atque inter ceteros Alexander de Hales & Albertus Magnus. (a)

XIII. Quapropter merito observat Veronius in sua *Regula fidei*, quidquid de hoc thesauro ejusve applicatione ad effectum indulgentiarum passim asseritur ad fidei dogma non spectare, quandoquidem nihil fidei

certitudinem attingere possit, nisi à Deo fuerit revelatum, idque constet vel Dei verbo scripto, vel non scripto, ex Traditione Apostolica, ad nos transmissio,

XIV. Clemens VI. postquam asseruit conformiter ad quorundam Theologorum Scholasticorum tunc invalescentem opinionem, fructum sive effectum indulgentiarum petendum esse ex applicatione thesauri constantis ex meritis Christi, subjunxit, quod Christus hunc thesaurum per beatum Petrum caeli clavigerum, ejusque successores suos in terris Vicarios commiserit fidelibus salubriter dispensandum.

Verum quemadmodum ante seculum undecimum vel duodecimum nullam invenimus factam mentionem de applicatione hujus thesauri ad effectum seu fructum Indulgentiarum, ita nec reperitur apud veteres ulla mentio de hujus thesauri dispensatione specialiter à Christo commissà beato Petro, ejusque Successoribus Romanis Pontificibus ejus in terris Vicariis.

Sed hæc opinio demum verisimiliter invaluit, postquam invaluit opinio, notanter in Curia Romana de plenitudine potestatis & jurisdictionis in Romano Pontifice, de qua tum *part. 1. tit. 19. cap. 7.* tum *part. 2. tit. 6. cap. 6.* latius actum est.

Et quantum ad hanc materiam Indulgentiarum, ilud certum est usque ad seculum XIII. plenam fuisse penes Episcopos concedendi Indulgentias auctoritatem, ac demum per Innocentium III. factam restrictionem, uti notatum est supra *cap. 3.*

Praeterea & hoc negari nequit, quin Indulgentiarum sive remissionum concessio potius Episcopis in suis respective Diocesisbus dispensanda conveniret, quam per Romanum Pontificem, dum hæ Indulgentiae, seu remissiones fiebant ad praescriptum Canonum Nicenorum, Ancyranorum, aliorumque, quemadmodum per novem & amplius secula facta fuit, ut in *cap. 1.* notatum est.

Cum enim vix possibile sit, ut Romanus Pontifex, tum de facti seu criminis qualitate, necnon vita & conditione peccatoris sive poenitentis in remoris partibus agentis, rite ac plene sit informatus, satius visum est, modum poenitentiae pro gravitate criminis determinandum, necnon ejusdem mitigationem vel condonationem seu indulgentiam Episcopis respectu suorum respective subditorum relinquere.

XV. Id & seculo VI. vidit & judicavit Vigilius Papa. Hic consultus à Theodeberto Galliarum Rege, cujusmodi poenitentia illius possit purgari delictum, qui cum uxore fratris sui illicitum praesumpsit inire conjugium? Scripsit Vigilius ad sanctum Caesarium Episcopum Arelatensem his verbis: "Charitas tua, totius facti qualitate, ac poenitentis ipsius compunctione perspecta, praedictum gloriosum Regem filium nostrum, & de temporis observatione non omitat instruere, & ne ulterius tale aliquid praesumatur instantem exposcat

Rationem hujus commissionis hanc praemittit Pontifex: "Qua (sicut charitatem tuam bene nosse confidimus) modus poenitentiae praesentium potius Sacerdotum inspectioni committitur, ut juxta commissionis meritum, veniae quoque possit indulgeri remedium, tuæ hoc potius estimationi credimus relinquendum.

(a) Theologi inter articulos fidei Indulgentiarum Thesaurum collocant. Unum laudabo Juveninum *quaest. 9. de Indulgentiarum virtute c. 2. conclusionem 1.* quæ his concipitur verbis. *Fide certum est admitti debere in Ecclesia Thesaurum, qui constet ex meritis superabundantis satisfactionis, quam Christus Deo Patri pro hominibus exhibuit.* Quod est de fide, debet referri ad Christum Auctorem: quapropter Thesaurus Indulgentiarum suam Christo refert originem, notus ergo fuit sanctis Patribus, qui fidei sequentes extiterunt, unde Conc. Tridentinum loquens de quibuslibet Indulgentiis, in his concedendis moderationem juxta veterem & probatam in Ecclesia consuetudinem adhiberi cepit. Quod supponit antiquius ab Ecclesia agnitum fuisse Indulgentiarum Thesaurum, & ejus applicationem quoad effectum fuisse cognitam.





# TITULUS VII.

## DE SACRAMENTO EXTREMÆ UNCTIONIS.

### CAPUT I.

#### De Materia, Forma & Partibus inungendis.

1. *Extrema Unctio est verum Sacramentum.*
2. *Effectus hujus Sacramenti.*
3. *Materia oleum ab Episcopo benedictum.*
4. *Quando oleum benedicatur; & quo ritu à Parochis accipiat?*
5. *Quomodo oleum benedictum sit servandum; & annis singulis renovandum?*
6. *Apud Græcos oleum etiam à Presbyteris benedicatur.*
7. *Quæ hujus disciplinæ origo?*
8. *Ecclesia Latina hanc disciplinam Græcorum non improbat.*
9. *Quâ ratione Synodus Tridentina dixerit materiam esse oleum ab Episcopo benedictum.*
10. *Forma hujus Sacramenti ex Decreto Eugenii IV. & Synodi Tridentinæ, & præscripto Ritualium.*
11. *Hæc forma non est necessaria ex Institutione Divina.*
12. *Eam nunquam adhibuit Ecclesia Græca.*
13. *Ecclesia Latina multis seculis eandem ignoravit, & forma indicativa fuit usæ.*
14. *Forma Ambrosiana erat indicativa; atque usque ad præteritum seculum in quibusdam Ecclesiis Latinis talis usitata fuit.*
15. *Usus antiquus formæ indicativæ non repugnat Decreto Concilii Tridentini; neque eam Synodus improbat.*
16. *Christus nullam specialem formam hujus Sacramenti instituit.*
17. *Partes inungendas Apostolus Jacobus non expressit.*
18. *Non constat primis seculis plures corporis partes fuisse inunctas.*
19. *Seculo VI. moris fuisse videtur pectus tantum inungere.*
20. *Seculo VII. ceperunt plures inungi; sed non eadem ubique.*
21. *Aliquando moris fuit, ut pars magis affecla inungeretur: & quæ hujus ratio, & quare postea vetitum?*
22. *Circa ritum inungendi pridem fuit Ecclesiarum varietas.*
23. *Synodus Tridentina Ecclesiæ Romanæ ritum probando, aliarum Ecclesiarum alios ritus non reprobat.*
24. *Quæ partes ex præscripto Ritualis Romani inungendæ?*
25. *An ultra quinque sensuum organa aliæ partes sint necessariò inungendæ?*
26. *Quomodo hodie in partium Unctione forma pronuntianda?*
27. *In morbis contagiosis & morte imminente quid servari velit Manuale Cameracense?*
28. *Non faciliè omittenda inunctio quinque sensuum organorum.*

**S**YNODUS Tridentina Sess. 14. De Sacramento Extreme Unctionis, inter alia definit *Can. 1.* " Si quis dixerit Extremam Unctionem non esse verè & propriè Sacramentum à Christo Domino nostro institutum, & à beato Jacobo Apostolo pro-

mulgatum; sed ritum tantum acceptum à Patribus, aut signum humanum; anathema sit.

II. Deinde *Can. 2.* effectum hujus Sacramenti adstruit his verbis: " Si quis dixerit, Sacram Infirmorum Unctionem non conferre gratiam, nec remittere peccata, nec alleviare Infirmos; sed jam cessasse, quasi olim tantum fuerit gratia curationum; anathema sit.

III. Eugenius IV. in Instructione pro Armenis materiam hujus Sacramenti dicit esse Oleum Olivæ per Episcopum benedictum. Idem docet Synodus Tridentina citatâ Sess. cap. 1. ubi relatis verbis Jacobi Apostoli ex Epistola Canonica cap. 5. *Infirmatur quis in vobis? inducat Presbyteros Ecclesiæ, & orent super eum UN- GENTES eum oleo in nomine Domini: & oratio fidei salvabit infirmum; & alleviabit eum Dominus; & si in peccatis sit, dimittentur ei;* Immediate subjicit? " Qui- bus verbis, ut ex Apostolica Traditione per manus acceptâ, Ecclesia didicit, docet materiam, formam, proprium Ministerium & effectum hujus salutis Sa- cramenti. Intellexit enim Ecclesia, materiam esse Oleum ab Episcopo benedictum.

IV. Oleum hoc dictum *Infirmorum* semel in anno juxta ritum Ecclesiæ Latinæ benedicatur ab Episcopo inter Missarum solemnias, feriâ quintâ in Cœna Domini.

Illud quoque annis singulis, eodem ritu, quo sacrum Chrisma (de quo supra tit. 3. cap. 3.) Parochi singuli accipiunt: nec Sacramentum hoc sine Oleo sic benedicto administrare possunt.

V. Unde passim Ritualia conformiter ad Rituale Romanum præcipiunt: " Habeat Parochus loco nitido & decenter ornato in vase argenteo seu stanneo, diligenter custoditum Sacrum Oleum Infirmorum, quod singulis annis feriâ quintâ in Cœna Domini ab Episcopo benedictum, veteri combusto, renovandum est. Id tamen si fortè infra annum aliquo modo ita deficiat, ut sufficere non posse videatur, neque aliud benedictum haberi queat, modico oleo non benedicto in minori quantitate superinfuso, reparari poterit.

VI. Testatur Jacobus Goartius in notis ad Rituale Græcorum, pag. 436. notâ 22. " Cùm Sacerdotalis sit ministerii ægrotos Oleo Sacro linire, usu consentiente factum esse, ut non à Græcis Pontificibus, sed à Sacerdotibus consecratum, & quoties urget necessitas renovatum & recens benedictum huic Sacramento conferendo proferatur.

VII. Benedicit quidem & ipse Episcopus ritu Græcorum feriâ quintâ in Cœna Domini, Sacrum Oleum; sed mox post factam benedictionem, totum Oleum benedictum consumitur: nam more Græcorum, " cuncti accessuri ad Sacram Sinaxim in peccatorum expiationem sese ungentes offerunt; & Episcopus ipse primus omnium æconomi manu unctionem suscipit; quem deinde omnes alii sequuntur, & ab Episcopo unguuntur, " ait ibidem Goartius.

Hac itaque unctione quantumvis tantum ætremonialiter cùm oleum totum consumitur, facultatem illud denud consecrandi privato cuicumque Parocho ipsi Pontifices tacitè, ex antiquo more videntur remittere. Ita Goartius.

VIII. Quidquid sit de origine hujus moris, hoc constat, Ecclesiam Latinam nunquam improbatse hanc Græcorum consuetudinem: imò eam sat apertè probavit

vir Clemens VIII. in sua instructione ad Episcopos Latinos, quâ inter cætera dicit: "Non sunt cogendi Presbyteri Græci Olea Sancta, præter Chrisma, ab Episcopis Latinis Dicoësanis accipere: cum ejusmodi Olea ab eis, in ipsa Oleorum & Sacramentorum exhibitione, ex veteri ritu conficiantur & benedicantur."

IX. Hinc ulterius statue, Synodum Tridentinam non eo sensu, Oleum ab Episcopo benedictum materiam hujus Sacramenti reputasse, quasi ex institutione divina sine hujusmodi Oleo conferri hoc Sacramentum valide non posset; sed duntaxat, eam esse veram & sufficientem; ac etiam necessariam, spectatâ scilicet Ecclesiæ Latinæ consuetudine.

X. Formam hujus Sacramenti hanc esse dicit Decretum Eugenii IV. *Per istam Sanctam Unctionem & suam piissimam misericordiam indulgeat tibi Dominus quidquid per visum deliquisti.* Et similiter in aliis membris.

Eandem assignat Synodus Tridentina citato cap. 1. eamque omnia Ritualia proponunt & à Sacerdotibus exactè observari præscribunt: neque aliam hodie agnoscit Ecclesia Latina.

XI. Cæterum quod circa materiam suprâ notatum est, id quoque circa hanc formam notandum; nimirum, eam non ita huic Sacramento ex Institutione Divina esse essentiali, ut sine illa nunquam Sacramentum valide conferri posset aut potuisset.

XII. Imprimis certum est, Ecclesiam Græcam nec hodie uti, nec unquam usam fuisse hac formulâ: & tamen Ecclesia Latina nunquam de validitate collati hujus Sacramenti cum forma à Græcis usitata, ipsis questionem movit.

XIII. Adhæc constat, in Ecclesia Latina hanc formam antiquitus usitatam non fuisse. Et quidem in Sacramentario Sancti Gregorii apud Hugonem Menardum pag. 251. legitur sub hoc titulo, *Oratio ad infirmum unguendum*: "Inungo te de Oleo Sancto, sicut unxit Samuel David in Regem & Prophetam. Operare, creatura Olei, in nomine Patris omnipotentis: ut non lateat illic spiritus immundus, neque in membris illius neque in medullis, neque in ulla compagine membrorum: sed in te habiter virtus Christi altissimi, & Spiritus Sanctus per eundem."

Ad quæ verba reflectens ipse Menardus in notis, pag. 332. ait: "Olim forma hujus Sacramenti fuit *indicativa*, ut hic apparet, (quamvis hic appelletur *Oratio*, sed improprie, verè etenim Oratio non est) & clarè constat ex Codicibus manuscriptis Ratoldi, & Tiliano Monasterii Sancti Remigii, & Manuali excuso Ecclesiæ Sueffionensis, quæ *indicativam* habent, *deprecatoriam* ignorant." Hæc ille, qui contextum dictorum Codicum exhibet pag. 336. & sequentibus; in quibus nulla forma *deprecatoria*, quæ sit nostra hodierna, sed sola *indicativa* occurrit.

XIV. Ostendit insuper Menardus ibidem, formam Ambrosianam relatam à Sancto Bonaventura esse *indicativam*; eamque à Bonaventura, aliisque antiquis Scholasticis non fuisse improbatam; adeoque crediderint, formam *deprecatoriam* non esse de substantia hujus Sacramenti ex Institutione Divina; idque supposuisse Facultatem Theologicam Parisiensem, dum anno 1633. permisit sustineri publicè hanc positionem: *Etiam unica Olei unctione in necessitate, verbisque indicative prolatis perfici posse.* Sententiam Menardi probat quoque Morinus *De Administratione Sacramenti Penitentiae*, lib. 8. cap. 16. & novissimè Joannes Launoïus in speciali libro *De Sacramento unctionis infirmorum*: qui ulterius probat, à multis Ecclesiis illustrioribus formam *indicativam* usque ad proximè elapsum seculum retentam fuisse; ac tandem ubique *deprecatoriam* assumptam. Unâ exponens quomodo sensim hæc mutatio contigerit.

XV. "Neque hæc doctrina (ait Menardus) adversatur Concilio Tridentino, cum ait *Seff. 14. cap. 1. Formam deinde esse illa verba PER ISTAM UNCTIONEM*, &c. nam Concilium *deprecatoriam* non

ira adstruit, ut rejiciat *indicativam*, quam olim in usu fuisse, luce meridianâ clarius est; ut nec ita adstruit per illa verba, *per istam unctionem*, ut destruat formam Græcorum, quæ licet *deprecatoria* sit, ejusmodi verba non tamen agnoscit.

Et revera, Synodum Tridentinam non improbasse formam *indicativam* probat allegatus Launoïus; idque ex variis Manualibus, in quibus exhibetur forma *indicativa*, editis post declarationem factam à Synodo Tridentina; & quidem ab Episcopis, qui ipsi Synodo interfuerant.

XVI. Notat insuper Launoïus, Christum nullam specialem formam hujus Sacramenti instituisse; sed eam instituendi libertatem Ecclesiæ suæ reliquisse. Meminit quidem Jacobus Apostolus *Orationis & Unctionis*; sed quibus verbis Oratio fundenda; & quomodo aut quæ verborum formâ perficienda sit Unctio, non determinat: quare hæc arbitraria esse credidit Ecclesia: ideoque unusquisque in his Ecclesiæ suæ morem sequi tenetur.

XVII. Hæc Ecclesiarum varietas non tantum circa verba, quibus Orationes & Sacra Unctio exprimi debent, intercessit; sed etiam circa partes corporis inungendas magna fuit Ecclesiarum diversitas: eò quod Jacobus Apostolus nullam partem corporis unguendam in particulari designaverit.

XVIII. Plurimos tam veteres, quam recentiores libros Rituales & Sacramentarios, hanc diversitatem manifestè ostendentes, profert Launoïus in citato libro sub hoc titulo: *Explicata Ecclesiæ traditio circa partes corporis, quæ unguuntur in Sacramento Extreme Unctionis cap. 1. Et cap. 2. Observat. 1.* ex allegatis monumentis concludit, nullum apud primorum seculorum auctores repariri testimonium, quo probetur, antiquitus plures corporis partes inunctas fuisse.

XIX. Qui Sancti Eugendi vitam scripsit, tantum unius partis, scilicet *pectoris*, inunctæ meminit. "Vocato, ait, uno ad se de Fratribus, cui cum libertate peculiari olim etiam perungendi infirmos opus injunxerat, secretissimè quoque sibi *pectusculum* petiit (ut *moris* est) inungi." Ergo tunc *moris* erat, *pectusculum* tantum inungere. Quod & in præfatione ad primum seculum Benedictinorum, observat Mabillonius num. 97. Vixit autem Sanctus Eugendus seculo VI.

XX. Deinde *Observat. 2.* ex præallegatis libris Ritualibus concludit Launoïus, post tempora Sancti Gregorii paulatim invaluisse, ut plures corporis partes inungerentur; sed non eadem in omnibus Ecclesiis; imò in aliquibus quasdam debuisse inungi, quas in aliis inungi vetitum erat.

XXI. Constat in pluribus Latinis Ecclesiis visum fuisse, eam esse unguendam corporis partem, quæ *majori dolore* cruciaretur. Sic in Codice Tiliano apud Menardum pag. 340. legitur: "Et sic perungant singuli Sacerdotes infirmum de Oleo sanctificato, cruce faciendi in collo & gutture & pectore, & inter scapulas, seu in loco ubi dolor plus imminet."

Hæc autem unctio suam habet rationem in Jacobi Apostoli verbis: *Et alleviabit eum Dominus*; sed anni jam plures sunt, cum hæc unctio ubique planè desiit: ne forsân videretur Unctio hæc Sacri Olei ad medicinam corporis magis, quam animæ adhiberi.

XXII. Circa ritum unguendi infirmum, non eadem quoque fuit semper Ecclesiarum disciplina: nam in quibusdam sub *unica* verborum formula omnes partes inungebantur; in aliis *singulae* partes sub *diversa* verborum formula. In aliquibus etiam uno Sacerdote ungentre, alius formam proferebat; ut notat Menardus pag. 332.

XXIII. Unde prudenter processit Synodus Tridentina, dum aliarum Ecclesiarum ritum non reprobando simpliciter definivit: "Si quis dixerit *Extremæ Unctionis* ritum & usum, quem observat Sancta Romana Ecclesia repugnare sententiæ beati Jacobi Apostoli; ideoque

ideoque eum mutandum, posseque à Christianis absque peccato contemni; anathema sit. „ Can. 3.

XXIV. Quoad partes inungendas, ritum hodiernum Ecclesiae Romanae exhibet Rituale Pauli V. his verbis. „ Quinque verò corporis partes præcipue ungi debent, quas veluti sensuum instrumenta homini natura tribuit, nempe oculi, aures, nares, os & manus; attamen pedes etiam & renes unguendi sunt; sed renium unctio in mulieribus, honestatis gratiâ, semper omittitur: atque etiam in viris, quando infirmus commodè moveri non potest. Sed live in mulieribus, live in viris, alia corporis pars pro renibus ungi non debet.

XXV. Quoad quinque partes corporis, quæ sunt præcipua sensuum instrumenta Rituali Romano consentiunt nostra Belgica, sed nullum præter hæc inungendum membrum præscribit Manuale Cameracense: & indubiè horum unctio ad validitatem Sacramenti sufficit. Unde Pastorale Mechliniense, tamen si ultra inunctionem horum quinque membrorum, requirat etiam inunctionem pectoris & pedum, disertè tamen monet: Prioribus partibus inunctis, Presbyteri animus quiescat, quod jam infirmus receperit Sacramentum. Et in morbis contagiosis, & peste grassante dicit, posse inungi tantum organa quinque sensuum.

XXVI. Quoad formam in ipsa partium unctione pronuntiandam vult Rituale Romanum, ut eandem ac integram formam ad singulorum membrorum unctionem Sacerdos pronuntiet; monetque „ dum oculos, aures & alia corporis membra, quæ paria sunt, Sacerdos ungit, caveat ne altero eorum inungendo, Sacramenti formam prius absolvat, quam ambo huiusmodi paria membra inunxerit.

Pastorale novum Mechliniense, tamen si in morbis contagiosis & peste grassante permittat tantum quinque sensuum organa inungi, vult tamen ad singulas unctiones dici integram formam, sensui, qui inungitur accomodatam.

XXVII. Cameracense Manuale in morbis contagiosis ac peste grassante, atque insuper etiam morte urgente, permittit, ut „ ungantur celeriter quinque sensuum organa in capite, dicendo semel: Per istam Unctionem & suam piissimam misericordiam indulgeat tibi Dominus quicquid deliquisti per visum, auditum, &c. „ Quin & addit hoc Manuale: „ Quod si tantum sit contagi vel mortis periculum, ut nec consuetæ partes ungi. nec illa forma pronuntiari possit; ungitur organum sensus magis ad unctionem expolitum, dicendo: Per istam sanctam Unctionem, &c. quicquid deliquisti per quinque sensus tuos.

Uterius ad virandum contagium adjicit idem Manuale: „ In rabidis ungatur pars ori vicina, ne saliva, quæ inficiendi vim habet, tangatur. In pestiferis uti licebit virgâ oblongâ oleo tinctâ, quæ deinde comburatur, aut servanda purgetur.

XXVIII. In variis Diocesis moris est, ut etiam extra periculum contagii, unctio fiat non pollice, sed virgula.

Interim ex citato Manuali Cameracensi colligitur, ab Auctoribus illius Manualis creditum non fuisse, alicujus determinatæ partis unctionem ad Sacramenti validitatem requiri: At quia hoc certum non est, haud facile Sacerdotes quinque sensuum organorum inunctionem ob infectionis periculum, præsertim si propinquum non sit, omittere possunt; præcipue iis in locis ubi Ritualia licentiam omittendi expresse non tribuunt.

## CAPUT II.

Quibus & quando hoc Sacramentum administrandum?

I. Solis infirmis, ex sententia sancti Jacobi, & Traditione Ecclesiae.

Tom. I.

2. Id confirmat Synodus Tridentina.
3. Quam gravis debeat esse infirmitas, incertum.
4. Non requiritur extrema omni convalescentiæ spe destituta.
5. Græci extremam non requirunt.
6. Hodierna Ecclesiae Latina disciplina requirit eam, quæ morale mortis periculum ingerit.
7. Non sufficit morale mortis periculum; nisi adsit infirmitas.
8. An mulieribus in partu graviter laborantibus?
9. Quomodo pueris administrandum?
10. Amentibus quomodo dandum?
11. Infirmis sensu & ratione destitutis quomodo administrandum?
12. Nequaquam differendum quousque infirmus sit sensibus destitutus.
13. A Parochis monendi Fideles, ne nimium hoc Sacramentum differant.
14. Olim stulta fuit persuasio, quod hoc Sacramento suscepto fas non esset infirmo condere testamentum.
15. Evellenda persuasio, de adempta spe convalescentiæ post susceptum hoc Sacramentum.
16. Aliquando persuasum fuit, non licere conjugatis post semel acceptum hoc Sacram. uti matrimonio.
17. Item non licere vesci carnibus.
18. Ob vulgare deliramentum sensim hoc Sacramentum dilatum fuit ad extremum mortis articulum; & Viatico postpositum.
19. Deliramenta hæc invaluerunt, ed quod Extrema Unctio reputata esset pro solemni penitentia.
20. Infirmus ungendus cinere & cilicio operiebatur.
21. Fusus ostenditur deliramentorum præfatorum origo.
22. Extrem - Unctio tanquam Penitentiae complementum credebatur olim Viatico præmittenda.
23. Hic Ritus præscribitur in Sacramentario Sancti Gregorii.
24. Ritus usque ad annum 1000. ubique retentus.
25. Etiam seculo XIII. perduravit, & in Belgio notus.
26. Demum circa finem decimi sexti seculi aut decimo septimo mutatus.
27. Inquiritur causa mutati ritus.
28. Hodie etiam ex præscripto Ritualium Viaticum Sacrae Unctioni præmittendum.
29. A præscripto suorum Ritualium inferiores Presbyteri facile recedere non possunt.
30. Episcopis expendendum, num & quousque pristina disciplina revocanda.

I. EX Epistola Apostoli Jacobi, ad quam, quidquid de vera hujus Sacramenti natura dicitur, tanquam in certam regulam transferendum est, nequaquam obscurum est, solis infirmis corpore hoc Sacramentum esse administrandum: nam de his solis loquitur, dicens: SI QUIS INFIRMATUR in vobis, inducat Presbyteros, &c.

Quapropter constans fuit Ecclesiae, præsertim Latinae traditioni, non nisi ægris hoc Sacramentum exhibendum esse.

Innocentius I. in Epistola ad Decentium, cap. 8. relatis verbis Apostoli Jacobi: Si quis infirmatur in vobis, &c. subnectit: „ Quod non est dubium de Fidelibus ægotantibus accipi, vel intelligi debere, qui sancto Oleo Chrisimalis perungi possunt: quo ab Episcopo confecto, non solum Sacerdotibus; sed omnibus Christianis uti licet in sua, aut suorum necessitate ungendis.

II. Traditioni huic & Apostoli Jacobi verbis inherens Synodus Tridentina Sess. 14. cap. 3. De Extrema Unctione, declarat, „ esse hanc Unctionem infirmis adhibendam; illis verò præsertim, qui iam periculosè decumbunt, ut in exitu vitæ constituti videantur; unde & Sacramentum exeuntium nuncupatur.

III. Quam gravis autem corporis infirmitas requiratur,



ratur, ut ad mentem Apostoli Jacobi, Sacramentali hac unctione infirmus inungi queat, faciliè determinari nequit: quia simpliciter & indefinitè dicit: *Si quis INFIRMATUR in vobis, inducat Presbyteros, &c.*

IV. Hoc sat videtur expeditum, non eam infirmitatem requiri, quæ extrema sit, nullam reconvalescentiæ penè spem relinquens; sed *gravem* sufficere.

De Sancto Eugendo, cujus supra meminimus, refertur, quod cum unctionem sibi impetiri petiit, ultra sexagenariam ætatem sex ferè mensibus *inæqualitate* corporis laborasset, adhuc tamen corpore firmus, quod *nunquam Canonico usque ad horam defuisset cursu, nec bis in die fesso corpusculo coactus fuerit aliquid impetiri.*

V. Notat Goartius ad Rituale Græcorum pag. 432. apud Græcos moris esse, ut ægri plurimi unctionem Sacram accepturi, " aliorum manibus & ope ad Ecclesiam se deferri faciant; ibique plurimum nonnunquam dierum spatio in Catechumenæis jaceant, pernoctent, morentur & Sacram tandem unctione sibi remedium exposcant. " Indicium, Græcos non credere, *extremam* planè infirmitatem ad suscipiendum unctionis Sacramentum esse necessariam.

VI. Quidquid sit de pristino Ecclesiæ usu, quoad gravitatem infirmitatis in ungendo requisitam; hodie saltem in Ecclesia Latina, requiritur infirmitas *periculosa*; & quidem talis, ut ob eam videatur morale mortis periculum imminere.

D. Rituale Romanum ait: " Debet autem hoc Sacramentum infirmis præberi, qui cum ad usum rationis pervenerint, tam graviter laborant, ut *mortis periculum* imminere videatur, & iis, qui præ senio deficiunt, & in diem videntur morituri, etiam sine alia infirmitate.

VII. Pastorale Mechliniense præscribit: " Nemini, qui *gravi* morbo affectus non sit, Sacramentum unctionis dare licet, quamvis *periculum mortis* adeat, vel quia periculosam navigationem parat, vel quia prælium initurus sit, à quo certa mors illi impendeat; vel etiam capitis damnatus ad supplicium *pereretur.*

Non ergo sufficit imminens *mortis periculum*; sed requiritur; ut hoc vi *morbi* immineat: conformiter ad verba Sancti Jacobi: *Si quis infirmatur, &c.*

VIII. Idipsum expressit Rituale Romanum, item Sanctus Carolus in suis Instructionibus Extremæ unctionis, additque: *Neque mulieribus in partu laborantibus.* Manuale tamen Cameracense vult hoc Sacramentum administrari *femine in partu deficientibus*: adjungitque: " Rabidis; peste infectis; lethali ter vulneratis; ex hausto veneno periclitantibus; etiam dum adhuc *robusti* sunt, si postea suscipiendæ unctionis opportunitatem non habent.

IX. *Non ministretur pueris rationis usum non habentibus*, ait Rituale Romanum: idem habet Pastorale Mechliniense; unà tamen monens: " Secus de pueris periculose ægrotantibus, qui peccati mortalis, ac confessionis capaces sunt, licet sint solum octo aut novem annorum, & quamvis nunquam communicaverint; ita tamen, ut si eos mori contingat, non sint eorum parentes urgendi ad exequias more adultorum.

X. " Amentes, qui ab ipso ortu nunquam fuerunt mentis compotes, ungendi non sunt, " ait Pastorale Mechliniense. " Amentes autem & furiosi (ait idem Pastorale) habentes interdum rationis usum, si eo potissimum tempore piam animi significationem dederunt, aut hoc Sacramentum petierunt, licet postea in furorem, aut insaniam incidant, ungendi sunt, nisi tanta sit frenesis, ut infirmus aliquid contra reverentiam Sacramenti facere posset; quo casu non ungantur, nisi periculum rollatur omnino.

XI. " Infirmis autem, qui dum sanà mente & integris sensibus essent, illud petierunt, seu verisimiliter pe-

tiissent, seu dederint signa contritionis (ait Rituale Romanum) etiam si deinde loquelam amiserint, vel amentes effecti sint, vel delirent, aut non sentiant, nihilominus præbeatur.

Dicit Pastorale Mechliniense: " Quamvis non petierit; si tamen erat bonæ vitæ, quia non præsumitur immemor suæ salutis in morte plus quam in vita. Unde præsumitur, quod petat, vel quod petiisset, si advertisset; & quod petere voluit, sed non potuit.

XII. Itaque juxta modernam disciplinam, signanter Ecclesiæ Latinæ, Sacramentum Extremæ unctionis dandum non est, nisi infirmitas tanta fuerit, ut *mortis* periculum vi istius infirmitatis imminere videatur; hæc tamen infirmitatis gravitas non eousque extendenda est; nec administratio hujus Sacramenti tam diu differenda est, ut vel nulla omnino spes convalescentiæ supersit; aut ipse infirmus sensibus & ratione destitutus sit, uti expressè inculcant Synodi nostræ.

XIII. Parochi ægros sæpè invisant, hortenturque *ne ad extremum* Sacramenti hujus susceptionem differant; ac potius *sensibus rationisque usu adhuc integris*, illud sibi administrari petant, ut ita uberiores ejus fructum percipiant, " ait Synodus P. II. Mechliniensis tit. 8. cap. 1.

XIV. Idipsum passim omnes Synodi præcipiunt; uti & illud quod dicta Synodus Mechliniensis immediate subjicit cap. 2. " Falluntur, qui existimant, suscepto hoc Sacramento vel testamentum conditi non posse, vel spem convalescendi ob id imminui; ideò que Pastores contrarium subinde populum doceant. Etsi fortè alicubi usu introductum sit, ut testamentum à susceptione hujus Sacramenti conditum non subsistat, declarat hæc Synodus ejusmodi consuetudinem pro corruptela habendam esse, utpote causam, cur tam salutaris Sacramenti susceptio, ad extremum vitæ spiritum à plerisque differatur; iique interim effectus Sacramenti non percipiant, & sæpe etiam sine eo moriantur.

Communis atque vulgaris hæc de adempta facultate condendi testamentum opinio in hoc Belgio fuisse videtur; quandoquidem omnes passim Synodi moneant, ut stultam hanc opinionem convellant: hacque forsitan Synodorum monitione effectum, ut hodie contrarium sit persuasum, & quotidie testamenta post hujus Sacramenti susceptionem ab infirmis fieri videamus; nec ullus eo titulo invaliditatis arguere testamenta præsumat.

XV. Utinam æquè è mente Fidelium evulsâ esset altera de adempta omni spe convalescentiæ stulta opinio, quâ etiamnum hodie contingit, ut frequenter hoc Sacramentum ad extremum usque vitæ spiritum differatur; atque hinc ulterius fiat, ut sine ullo devotionis affectu, non raro sine omni effectu recipiatur.

XVI. Observat Joannes Mabillonius in Præfatione ad primum seculum Benedictinorum num. 100. quod sæculo XIII. invaluisse, præsertim in Britannia, stulta opinio, quod uxoris post susceptam Sacram unctionem non liceret reverti ad opus conjugale; eamque superstitionem ad alia nonnulla erroris capita sensim prolapsam.

Richardus Episcopus Sarisberienfis in Constitutionibus editis anno 1217. cap. 68. ait: " Dicant etiam, ac denuntient confidenter Sacerdotes, quod post susceptum hoc Sacramentum licitum est reverti *ad opus conjugale.* " Habetur tom. 11. Concil. general. col. 264. Idipsum reperitur in Constitutionibus cujusdam Anonymi editis anno 1237. & habetur eodem tomo col. 550.

XVII. Synodus Wigorniensis anno 1240. cap. 19. hæc inter alia habet: " Sunt autem quidam, ut audimus, qui post perceptionem hujusmodi Sacramenti sanitati pristinæ restituti nefas reputant, vel uxores suas cognoscere, vel carnes comedere, vel etiam aliâ qua ratione nudis pedibus ambulare. Horum autem errorum

» errorem utpote doctrinae sanæ contrarium execra-  
» mur, & eos excommunicationibus & monitionibus  
» duximus esse corrigendos.

Has erroneas vulgariū opiniones rursus anno 1287. Synodus Exoniensis, & anno 1307. Synodus Wintoni-  
ensis acriter convellunt; ut vel inde appareat, eas opi-  
niones altas radices in mentibus vulgariū egisse.

XVIII. Ad iterata hæc Decreta reflectens Mabil-  
lonius dicit, verisimile esse, « ob ea vulgi delira-  
» menta Unctionem infirmorum in *mortis articulum*  
» reservari coepisse; ac sensim usum in omnes Ecclesias  
» fuisse propagatum. » Cui forsitan & stulta opinio de  
adempta facultate condendi testamentum non parum  
contulit.

Credit quoque Mabilionius ex hac vulgi perversa  
opinionē factum esse, ut seculo XIII. contra hactenus  
observatam disciplinam Sacrae Unctioni Viaticum præ-  
missum fuerit.

XIX. Prædicta autem deliramenta hinc ortum suum  
habuisse videntur, quod veteres habuerint Sacram Un-  
ctionem pro complemento *Pœnitentiæ*: adeo ut propte-  
rea Græci etiam sani Sacra Unctione utantur in pœniten-  
tiæ signum & peccatorum expiationem, ut multis docet  
Goartius in notis ad Rituale Græcorum pag. 432. quā-  
vis eam non ut Sacramentalem, sed ut *cæremonialem*  
duntaxat à sanis adhiberi credat.

XX. Hinc verus quoque cæremonia pœnitentialis in  
exhibitione huius Sacramenti, in quibusdam Ecclesiis  
adhibita, signandi scilicet ægrum signo crucis *ex cinere*;  
atque imponendi *segro cilicium*.

In antiquo Codice Rotaldi Abbatis apud Menardum in  
notis ad Sacramentarium Sancti Gregorii pag. 337. in ri-  
tu Unctionis dicitur: « Tunc Sacerdos facit crucem *ex*  
» *cinere* super pectus ejus, & imponit *cilicium* desuper,  
» dicens: Si quis infirmatur, agat *pœnitentiam*, etiam  
» ex necessitate, quia misericors est.

Idipsum habent alii veteres Sacramentarii libri editi  
ibidem à Menardo; quibus Joannes Launoius addit  
Librum Pontificalem MS. Ecclesiæ Cameracensis, in  
quo ritus Unctionis describitur; atque inter alia, Bene-  
dictio *cineris*, Benedictio *cilicii* & nonnullæ Orationes,  
ac dein dicitur: « Tunc Sacerdos facit crucem *ex cinere*  
» cum aqua super pectus ejus, & imponit *cilicium*  
» desuper.

De hoc ritu in pluribus Ecclesiis olim religiose at  
non ubique uniformiter observato, ex libris Ritua-  
libus late agit citatus Launoius sub titulo: *Explicata*  
*vetus Ecclesiæ traditio circa usum CINERIS & CILICII*  
*in infirmis, & circa lectum seu stratum cinere respersum*  
*in morituris*. Advertiturque ex Breviario Romano, S. Ca-  
rolum se huic disciplinæ submisisse: de ipso enim le-  
gitur: « Mediolanum reversus, ingravescente morbo,  
» *cinere* ac *cilicio* coopertus, & oculis in Crucifixi ima-  
» ginem defixis, migravit in cælum.

XXI. Cum ergo Extrema Unctio jam pridem repu-  
rata fuerit pro pœnitentiā; quin & quidam ritus in  
*solemnis* pœnitentiæ impositione adhiberi solitus hic  
quoque adhiberetur; quidni hinc sensim aliquibus per-  
suasum fuisse credamus, confessionem carniū, actum  
conjugalem, & similia vetita esse post impositionem hanc  
quasi publicam pœnitentiā; quandoquidem consta-  
ret, similia Pœnitentibus fuisse jam pridem interdicta,  
ut multis ostendit Morinus lib. 7. cap. 10. & sequen-  
tibus.

Quidquid sit de horum deliramentorum & falsarum  
opinionum origine seu fundamento; duo tamen certa  
sunt.

XXII. Primum, quod Extrema Unctio reputata fue-  
rit ut complementum pœnitentiæ; atque ad reliquias  
peccatorum abstergendas efficax, juxta illud S. Jacobi:  
*Et si in peccatis fuerit, remittentur ei.*

Alterum quod reputaretur, Sacramentum hoc conve-  
nienter post Sacramentum Pœnitentiæ suscipi; ut si quæ  
peccatorum reliquiae superessent, Sacra hac Unctione

abstergerentur; atque ita majore cum puritate Viati-  
cum Corporis & Sanguinis Domini ab infirmo sume-  
reretur.

XXIII. Unde in Sacramentario S. Gregorii apud Me-  
nardum post recitatas preces & Unctionem infirmi, sub-  
ditur: *Deinde communicet cum Corpore & Sanguine*  
*Domini*. Ad quæ verba notat Menardus pag. 334.  
» Ita in Codice Rotaldi & Ratoldi & Tiliano, & S. Re-  
» migii & S. Germani à Pratis. in quibus datur Eucha-  
» ristia post ipsam Unctionem. Quod valde notandum  
» est: quia olim ungebatur infirmus antequam sume-  
» ret Viaticum Corporis & Sanguinis Domini. » Hæc  
ille, qui hanc disciplinam ibidem pluribus adstruit; at-  
que latius prosequitur Joannes Launoius sub titulo:  
*Explicata vetus Ecclesiæ Traditio de data infirmis post*  
*Unctionem Eucharistia*.

XXIV. Prima parte hujus tituli profert Launoius  
monumenta & exempla, quæ hanc traditionem adstruant  
ab anno 700. usque 1000. atque inter cætera *Canonem*  
» Concilii Aquilgranensis anno 836. celebrati: « Si  
» quis infirmitate depressus fuerit, ne confessione atque  
» oratione Sacerdotali nec non *Unctione* sanctificati  
» *Olei* per ejus negligentiam careat; denique si finem  
» urgentem perspexerit, commendet animam Christiā-  
» nam Domino Deo suo more Sacerdotali, cum ac-  
» ceptione Sacrae Communionis.

Hic videmus, non tantum Unctionem datam ante  
Sacram Communionem; sed insuper, datam jam Unctio-  
ne, demum Sacram Communionem fuisse datam, si  
ulterius Sacerdos *finem urgentem perspexerit*.

XXV. Parte secunda sui tituli refert Launoius Scrip-  
torum testimonia, eandem traditionem adstruentia ab  
anno millesimo ad millesimum trecentesium: ac inter  
cætera monumenta adfert antiquum Librum Pontifi-  
calem MS. Ecclesiæ Cameracensis, ubi in Ordine ad  
visitandum infirmum primo ponuntur orationes à Sa-  
cerdote recitandæ, deinde ipsa Unctio infirmi, quæ  
absoluta sequitur oratio: « Domine Sancte Pater om-  
» nipotens, æterne Deus te fideliter deprecamur, ut  
» accipientifratrī nostro Sacrosanctum Corpus & San-  
» guinem Domini nostri Jesu Christi Filii tui, tam  
» corporis quam animæ sit salus. Per eundem Domi-  
» num nostrum, » &c.

Hoc hic referendum credidi, ut appareat, etiam in  
Belgio nostro pridem hanc disciplinam viguisse.

XXVI. Tertia parte refertur ex Ritualibus praxi  
quarundam Ecclesiarum, probans eandem disciplinam  
ab anno millesimo trecentesimo ad annum millesimum  
sexcentesium; atque ibidem notat, in plerisque  
Ecclesiarum Gallicanarum Ritualibus five Manualibus,  
etiam decimo sexto seculo excusis, veterem ordinem  
ministrandi Sacramentum Unctionis ante Viaticum,  
fuisse servatum; at illum mutatum fuisse in plerisque  
illis Ritualibus, decimo septimo seculo recusis. Unum  
tamen Manuale Cenomanensis Ecclesiæ, quod anno  
1608. recusum est, antiquum ordinem retinuisse  
observat.

Ex his constat, in multis Ecclesiis etiam usque ad XVII.  
seculum, aut saltem finem XVI. perseverasse praxim dan-  
di Sacram Unctionem ante Viaticum; at eam in aliqui-  
bus Ecclesiis mutari coeptam seculo XIII. ac tandem  
sub finem XVI. aut initium XVII. seculi ubique pene in  
Ecclesia Latina mutatum esse ordinem; atque Viaticum  
Unctioni præmissum fuisse.

XXVII. Putat autem Launoius, quod « ad illam  
» mutationem plurimum valuit male percepta *Extrema*  
» Unctionis notio, quæ quorundam è Schola Theo-  
» logorum animis *Extremum* Sacramentum objecit. At  
» profecto sonat tantum Unctionem quæ in genere  
» Unctionis *Extrema* est, non quæ *Extremum* Fidelium  
» Sacramentum. » Hæc ille observ. 5. ad citatum titu-  
lum; qui dein observ. 6. ostendit, apud veteres nullum  
occurrere testimonium quo probetur, Sacram hanc  
Unctionem fuisse dictam *Extremum* Sacramentum.

Launoio consentit Mabillonius in citata præfatione num. 98. asserens, *Extremam* vocari cæptam sub finem sæculi XII. idque antequam Unctio Viatico posterior esset: ut proinde nomenclatura illa. Viatico eam postponendi occasionem aliquam dedisse potuerit.

XXVIII. Tamen occasio mutati ritus non nihil obscura sit; ac forsitan non una fuerit in omnibus Ecclesiis, illud tamen constat, ritum illum præmittendi Sacram Unctionem Viatico in omnibus Ecclesiis Latinis, solis Cisterciensibus & paucis forsitan Ecclesiis exceptis, desuisse; contrariumque ordinem non tantum consuetudine invaluisse; sed etiam in plerisque Ritualibus & Synodis præscriptum.

Rituale Romanum Pauli V. sub initium decimi septimi sæculi de hoc ritu præmittendi Viaticum Unctioni, tanquam jam generali Ecclesiæ consuetudine recepto loquitur, hæc statuens; "In quo illud imprimis ex generali Ecclesiæ consuetudine observandum, ut si tempus, & infirmi conditio permittat ante *Extremam Unctionem* Pœnitentiæ & *Eucharistiæ* Sacramenta infirmo præbeantur. (a)

Pastorale Mechliniense præscribit: "Licet Sacramentum *Extremæ Unctionis* regulariter post Pœnitentiæ & *Eucharistiæ* Sacramenta ministrari debeat, ei tamen qui ob insaniam, furorem vel alium morbum, hæc Sacramenta recipere non potest, conferenda est *Extrema Unctio* sine prævia confessione aut communionem.

Similia aliarum Ecclesiarum Ritualia præscribunt; atque hodiernum ritum à veteri diversum stabiliunt.

XXIX. Hæc Ritualium præscripta oportet, ut inferiores Presbyteri sequantur; nec facile hic recedendum quasi antiqua disciplina ipsius Sacramenti institutioni videatur conformior; eo quod institutum sit ad tollendum peccatorum reliquias; & consequenter ad disponendum infirmum, ut fructuosius Sacrum Viaticum recipiatur; quia cum hic de puncto disciplinæ agatur, non facile Presbyteris inferioribus à consuetudine suæ Ecclesiæ, præsertim jam in Ritualibus libris auctoritate Superiorum stabilita, recedendum est. Si tamen infirmus aliquis de veteri Ecclesiæ disciplina instructus, desideraret sibi ad abstergendas peccatorum reliquias, ante Viaticum administrari hoc Sacramentum, etiam posset infirmi desiderio interdum satisfieri; modo non timeretur inde Fidelium scandalum aut Superiorum offensio; quemadmodum non ita pridem duo hujus Academiæ eximii Doctores ex Ordine Eremitarum S. Augustini, Christianus Lupus & Franciscus Farvacquius optime de antiqua Ecclesiæ praxi instructi, sibi ante Viaticum dari *Extremam Unctionem* postularunt, & obtinuerunt.

XXX. Episcopi autem alique Prælati, quibus disciplinæ conservatio & restauratio præcipue incumbit, expendere possunt, quid pro locorum & temporum conditione retinendum aut mutandum vel restaurandum sit; illud attendentes, per antiquam disciplinam dandi Sacram Unctionem ante Viaticum, futurum esse, non tantum, quod infirmi à reliquiis peccatorum expurgati, cum majore puritate, majorique fructu Viaticum sint recepturi; sed insuper futurum sit, quod

(a) Ecclesia Parisiensis superiori sæculo Eucharistiam infirmis conferebat ante *Extremam Unctionem* ut constat ex ejus Rituali quod an. 1651. prælo mandatum est, verum à plurimis annis hunc mutavit ritum ut veterem eo sequeretur modo. 1. Curandum est, inquit recentius Rituale, ut quantum status aegroti permiserit *Extremam Unctionem* Sacramenti Pœnitentiæ administrationi præcedat. 2. Conveniens est, ut cum diversis temporibus *Extrema Unctio* & *Eucharistia* infirmo præbendæ sunt, *Eucharistiam* sequatur *Extrema Unctio*, si tamen devotio infirmi aliud postulerit, id ei concedatur. 3. Ut quoties cum oleo infirmorum Viaticum ad aegrotum deferatur, antequam, æger Viaticum sumat, inungatur à Sacerdote. 4. Si periculum adsit ne infirmus sine Viatico decedat, statim Viaticum ante Unctionem administratur.

In omnibus Ecclesiis Germaniæ Catholice, Viaticum ante *Extremam Unctionem* more Romano administratur.

*Extrema Unctio* non differatur usque ad extremum vitæ spiritum, & frequenter negligatur.

Etenim non est dubium, quin pristina Ecclesiæ disciplina administrandi hoc Sacramentum ante Viaticum videretur congruentior primariæ rationi instituti hujus Sacramenti, quæ est abstergere reliquias peccatorum, purioremque reddere infirmum ad sumendum Viaticum. (a)

Oportundum esset ut revidendis Ritualibus antiquis adhiberentur viri qui veterem Patrum disciplinam, & veram Rituum ac cæremoniæ rationem, & originem perfectam haberent.

Nec enim dubium, quin ex ignorantia in pluribus antiquæ disciplinæ articulis, à pristina & meliori Patrum disciplina sit recessum, plurimæque in ritus & cæremonias irrepsissent, quæ parum aut nihil ad devotionem populi excitandam, vel ad majorem erga res sacras venerationem conciliandam conferant: imo ipsos ritus ac cæremonias, spectata moderna Ecclesiæ disciplina, ita obscurarunt, ut vix, quid per eas intendat Ecclesia, intelligi queat; atque ad sensus mysticos à cuiusque judicio pendentes sit recurrendum.

(a) Suis quoque momentis nititur usus conferendæ *Eucharistiæ* ante *Extremam Unctionem*; vide Bellarminum l. 2. de *Arte bene vivendi* c. 7. Cæterum in Sacramentorum dispensatione quisque tenetur sequi ritum, qui suis temporibus obtinet in Ecclesiis, cujus est minister.

### CAPUT III.

De Ministro, Ritu, & Iteratione hujus Sacramenti.

1. Ministros hujus Sacramenti esse Presbyteros docet S. Jacobus, & traditio Ecclesiæ.
2. Idipsum declarat Synodus Tridentina.
3. Sanctus Jacobus plures Presbyteros inducit; unde & ritu Græcorum plures interveniunt.
4. Nec tantum interfunt, sed etiam inungunt.
5. Etiam in Ecclesia Latina plures adhibiti.
6. Sæculo XII. dubitatum, an plures requirerentur; unum sufficere resolutum est.
7. Conveniens est, ut plures interveniant; & quare?
8. Sanctus Carolus desideravit ut plures intervenirent.
9. An conveniat, ut solus Parochus cum Custode preces recitet?
10. Regulares Presbyteri sine licentia Parochi administrare non possunt.
11. Solus Parochus hodie est ordinarius Minister.
12. Monere debet populum ut tempestive petant administrari.
13. Interdum ultro infirmum adire & monere debet.
14. Quam periculosum Parochis si ejus culpa negligatur.
15. Nec tempore pestis administratio negligenda; & an danda cum manifesto vitæ periculo?
16. Parochus delaturus Sacrum Oleum superpelliceo & stolae indutus sit oportet.
17. In delatione S. Olei nola pulsari non potest; & quare?
18. An lumen præferendum?
19. Ante delationem Sacri Olei campana pulsanda; & quare?
20. Eundo & redeundo à fabulis abstinendum; & orationi instandum.
21. Monendus populus ad orandum, eo quod effectus hujus Sacramenti singulariter orationi ascribatur.
22. Manus infirmo, Unctione peracta imponitur.
23. Infirmo cereus ardens porrigitur.
24. Imago Crucifixi datur.
25. Quando bi duo ritus verisimiliter adhiberi capti? Et quid occasione illorum adstantibus dicendum?
26. Ritus veteres in administranda Monachis *extrema unctio*ne, observati.
27. Olim etiam in Ecclesia Latina in eodem morbo hoc Sacramentum reiterabatur.

28. Ne-



28. Neque vedangendi Græci qui etiam hodie reiterant.
29. Antiquorum opinio seculo XI. quod nullatenus etiam in diverso morbo iterari posset; & quod fundamentum?
30. Contraria sententia ut probabilior sustinebatur.
31. Sententia Magistri Sententiarum & Altissiodorensis.
32. Sanctus Thomas reiterationem tantum permittit, si morbus aut periculum sit diversum.
33. Eadem sententia posteriorum Scholasticorum.
34. Quid Synodus Tridentina senserit?
35. Invaluit sententia S. Thomæ, & eam passim Ritualia præscribunt.
36. Aliquando etiam hodie in eodem morbo reiteratur.
37. Damnata praxis non reitrandi hoc Sacramentum infra annum, tametsi status morbi fuerit mutatus.
38. Quæ circa reiterationem hujus Sacramenti statuta sunt, ad disciplinam spectant.
39. Circa hæc quisque suæ Ecclesiæ præscriptum sequi debet.
40. Parochus in dubio magis in reiterationem inclinare debet.

I. HUIUS Sacramenti Ministros sat patenter expressit Jacobus Apostolus, dicens: *Si quis infirmatur in vobis inducat Presbyteros Ecclesiæ, & orent super eum ungentes eum Oleo in nomine Domini.*

Unde Innocentius I. respondens Decentio Episcopo Eugubino cap. 8. repetens jam relata verba Apostoli, subdit. "Cæterum illud superfluum videmus adjectum, ut de Episcopo ambigatur, quod Presbyteris licere non dubium est. Nam idcirco Presbyteris dictum est, quia Episcopi aliis occupationibus impediti, ad omnes languidos ire non possunt.

Tam constans igitur eo tempore erat persuasio, Presbyteros esse hujus Sacramenti Ministros, ut dubitaret Decentius, num Episcopus & illud administrare posset.

Porro evidens est Innocentium ibidem de veris & legitime ordinatis Presbyteris loqui; ipsumque non dubitasse, quin Jacobus Apostolus de hujusmodi Presbyteris loqueretur; quemadmodum & omnia tam Græcorum, quam Latinorum antiqua & recentiora Ritualia intellexerunt uno consensu ministros hujus sacræ Unctionis, nominando Presbyteros seu Sacerdotes; idque auctoritate Apostoli Jacobi.

II. Unde contra nostri temporis Hæreticos definivit Synodus Tridentina Sess. 14. Can. 4. De Extremæ Unctione: "Si quis dixerit, Presbyteros Ecclesiæ, quos Beatus Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed ætate seniores in quavis communitate; ob idque proprium Extremæ Unctionis ministrum non esse solum Sacerdotem: Anathema sit.

III. Cum vero Jacobus non unum Presbyterum ad infirmum induci velit, sed plures, dicendo: *inducat Presbyteros*; videntur in administratione hujus Sacramenti, non unus duntaxat, sed plures Presbyteri adhibendi.

Et quidem Græcorum ritu, septem Presbyteri hoc peragunt; aut si copia tot Presbyterorum desit ad minus tres adhiberi debent; quapropter titulus Officii Olei Sancti in eorum Ritualibus apud Goartium pag. 408. his verbis exprimitur: *Officium Sancti Olei decantatum a septem Sacerdotibus congregatis in Ecclesia; aut in domo.* Deinde relato Officio pro infirmo ante Sacram inunctionem recitando, nec non oratione in ipsa Unctione dicenda, subjicitur in Ritualibus: "Hæc oratio ab unoquoque Sacerdotum dicitur, postquam dixerit Evangelium & orationem, cum videlicet infirmum oleo perungit.

IV. Hic nota, Græcorum ritu, non tantum plures Sacerdotes in hujus Sacramenti administratione adesse, ut simul pro infirmo precentur; sed ut etiam in eadem

infirmis, nec non ejusdem temporis tractu, plures, id est, septem eorum Sacerdotes, easdem infirmis partes, Oleo Sacro, repetitaque debita verborum forma, perungant, quemadmodum id ipsum observat Goartius pag. 438.

V. Neque Græcorum duntaxat; sed & Latinorum praxis jam pridem fuit, ut plures Presbyteri ad Sacram Unctionis ministerium vocarentur; atque simul pro infirmo orarent.

In veteri Codice Sacramentarii S. Gregorii apud Menardum pag. 253. dicitur: *MULTI Sacerdotum infirmos perungunt insuper in quinque sensus.* Et in Codice Tiliario apud Menardum in notis ad Sacramentarium Gregorii legitur: "Imponunt manus super infirmum omnes Sacerdotes, jubente, vel tantum permittente Episcopo, quia Canonicus sic ordo docet.

VI. Quin & seculo XII. dubitasse videtur Episcopus Carnotensis, num Sacerdos uno tantum Clerico præsentem infirmum inungere posset; uti colligitur ex Decretali Epistola Alexandri III. ad dictum Episcopum, apud Antonium Augustinum in prima Decretalium Collectione lib. 5. tit. 27. cap. 9. ubi hæc leguntur: "Quæsitum à nobis tua Fraternitas, utrum Sacerdos uno Clerico tantum præsentem infirmum debeat inungere... Nos itaque duximus respondendum, Sacerdos uno præsentem Clerico, & etiam solus infirmum ungere potest." Fragmentum Epistolæ continens responsum Pontificis refertur in Cap. 14. de U. S.

VII. Ex his duo habemus, unum, jam pridem apud Latinos, & hodie etiam apud Græcos, plures Sacerdotes in administratione hujus Sacramenti intervenisse. Alterum, nequaquam tamen plurium Sacerdotum concursus ita necessarium esse, quin unus solus valide hoc Sacramentum administrare queat.

Utrumque expressit S. Thomas lib. 4. contra Gentiles cap. 73. "Quia hoc Sacramentum (Unctionis) perfectæ curationis effectum habet, & in eo requiritur copia gratiæ, competit huic Sacramento quod multi Sacerdotes inter sint, & quod oratio totius Ecclesiæ ad effectum hujus Sacramenti coadjuvet. Unde Jacobus dicit: *Inducat Presbyteros Ecclesiæ; & oratio fidei sanabit infirmum*; si tamen unus solus Presbyter adsit, intelligitur hoc Sacramentum perficere in virtute totius Ecclesiæ, cujus Minister existit, & cujus personam gerit.

Non dubium quin, institutioni hujus Sacramenti esset convenientius, ut plures Sacerdotes & Clerici ad infirmum inungendum accederent: ut ipsa plurium Sacerdotum simul convenientium oratio fidei efficacius impetraret, & infirmo gratiam accelleret.

VIII. Hinc S. Carolus in Concilio IV. Mediolanensi parte 2. capit. 6. monet Parochum, ut "id Extremæ Unctionis Sacramentum ministraturus, quot commode potest, Presbyteros & Clericos adhibere studeat superpelliceo indutos: qui ipsum & ministrantem & precantem, pietatis orationisque studio in eo ministerio adjuvent.

Optandum sane esset, ut Episcopi & Parochi excitarent Sacerdotes & Clericos, ut officium hoc pietatis infirmis, quando occasio se offert, & aliis necessariis negotiis non impediuntur, impenderent; atque sua pietate & precibus hujus Sacramenti uberiorem gratiam in infirmum quodammodo attraherent.

IX. Sane cum juxta Jacobi Apostoli verba, non tantum S. Unctioni; sed & orationi fidei effectus Sacramenti tribuatur; atque propterea ex præscripto Ecclesiæ, etiam multo plures in hujus, quam aliorum Sacramentorum administratione, preces recitandæ sint, doleandum est, unum duntaxat Sacerdotem cum Clerico seu custode adhiberi; eosque non raro has preces seu formulas quasdam sibi præscriptas sine intimo pietatis affectu, & fidei ardore recitare: ut merito dubitetur, num ex parte ipsorum dici queat oratio fidei, quam

S. Jacobus requirit; & an non merito adscribi queat defectui *orationis fidei*, quod hujus Sacramenti tam exiguus appareat fructus. Licet enim Sacramentum suum operetur effectum ex opere operato, ut loquuntur, dubitari tamen nequit, quin pietas atque fides ministrantium & adstantium, ac multorum adunata & charitate fideque fervens oratio non parum conferant, ut uberiorem effectum in suscipiente habeat.

Hic quoque obiter reflectendum, quam merito in Synodis sapienter decretum sit, ut in custodes Ecclesiarum Parochialium eligantur pietate ac morum probitate insignes; uti supra *parte 1. tit. 4. cap. 2.* annotavimus; quandoquidem ipsi sint, qui una cum Sacerdote preces in administratione hujus Sacramenti pro infirmo recitare solent.

X. Secundum modernam disciplinam non quilibet Presbyter est hujus Sacramenti Minister, sed soli Parochi; in tantum ut in *Clem. 1. De Privilegiis* decernatur, quod "Religiosi, qui Clericis aut Laicis Sacramentum *Unctionis Extreme*, non habita super hoc *Parochialis* Presbyteri licentia *speciali*, ministrare præsumunt, excommunicationis incurrant sententiam ipso facto, per Sedem Apostolicam duntaxat absolventi; quos etiam locorum Ordinarii (postquam de hoc eis confiterit) excommunicatos faciant publicenuntiari, donec de absolutione ipsorum eis fuerit facta fides, nullo Religiosis eisdem super hoc *exemptionis*, vel alio privilegio suffragante.

XI. Insuper Synodi, ac Ritualia alium hujus Sacramenti ministrum (excepto casu necessitatis) quam Parochum non agnoscunt; omniaque Decreta, ac instructiones omnes ad Parochos diriguntur.

Sanctus Carolus in Synodo Mediol. V. *parte 1. tit. 11.* expresse habet: "Ne alius Sacerdos, nisi Parochus hoc Sacramentum ministret. Si porro is impeditus aut alias in mora est, mortisque periculum instat, tunc Sacerdos alius ministret licet." Et Catechismus Romanus *parte 2. De Sacramento Extreme Unctionis §. 21.* ait: "Neque tamen ex Ecclesiæ Decreto cuivis Sacerdoti; sed proprio Parocho qui jurisdictionem habet, sive alteri cui ille hujus muneris fungendi potestatem fecerit, hoc Sacramentum administrare licet."

XII. Imprimis autem monent, ut "Parochi ægrotos sæpe invitant, hortenturque, ne ad extremum Sacramenti hujus susceptionem differant; at potius sensibus rationisque usu adhuc integris, illud sibi administrari petant, ut ita uberiorem ejus fructum percipiant; uti loquitur Synodus P. II. Mechl. *tit. 8. cap. 1.* & aliæ passim Synodi inculcant.

XIII. Quin, ubi infirmum esse resciverit Parochus de quo veretur, ne forte negligentia aut malignitate domesticorum aut propinquorum non munitus Sacramenti moriatur, adeat ædes infirmi, etiam non vocatus, eumque ad suscipienda Sacramenta excitare conetur; quemadmodum habet Synodus Bulcoducensis sub Masio *tit. 8. cap. 2.* aliæque plures.

XIV. "Ut vigilanter Pastor hoc Sacramentum infirmis impendat (ait citata Synodus Bulcoducensis *cap. 4.*) non tantum officii sui ratio eum excitare debet, sed etiam exemplum B. Malachiae Episcopi, de quo scribit Bernardus in ejus vita, quod cum ad nobilem feminam Oleo Sacro ungendam vocatus esset, & illa tamen sine hoc Sacramento expirasset; ita Vir Sanctus consternatus est, ut juxta eam stans, pro Oleo Sacro, largissimo lacrymarum imbri mortuam perfuderit, totaque nocte gemitibus consumpta, non prius animo quietem restituerit, quam defuncta ad vitam revocata gratia hujus Sacramenti, quam caruerat, frueretur."

XV. Neque tempore pestis aut alterius morbi contagiosi hujus Sacramenti administrationem negligendam esse passim Ritualia & Synodi indicant, ritum & cautionem designantes, quibus morbis hujusmodi infectis administrari possit.

Imo contrariam opinionem, quæ alicubi invaluerat, quod peste infecto ministrari non deberet, tanquam perniciosum errorem reprobatur Synodus Namurcensis anno 1639. *tit. 14. cap. 9.* dicens, "Saluti subditorum nostrorum consulere volentes, ordinamus, ut Pastores suis subditis pestilentia correptis, quamvis Sacramenta Pœnitentiæ & Eucharistiæ eis administrent, riant, non omittant etiam Extremam Unctionem illis dare, si id absque manifesta vitæ periculo præstare possint."

Deinde *cap. 10.* "Qui autem peste afflatus, non est confessus, nec potest confiteri, Pastor teneatur illi Extremam Unctionem, etiam cum periculo vitæ dare."

Ideo indubie, quod priori casu, ipsa Confessio & absolutio quodammodo vices Extremæ Unctionis, saltem quoad remissionem peccatorum, & Viaticum quoad infusionem gratiæ suppleverint; posteriore vero casu, ipsa Extrema Unctio tanquam species Pœnitentiæ, defectum Confessionis & Sacramenti Pœnitentiæ supplere aliquo modo debeat.

XVI. Cum juxta modernam praxim, non nisi post Viaticum, & in gravi valde infirmitate Sacra Unctio conferri soleat; nec ægri illam in Ecclesia (quemadmodum olim frequenter fiebat) sed domi suæ decumbentes accipere consueverint; ideoque Sacrum Oleum per Sacerdotes ad ædes decumbentium sit deferendum, pro reverentia ipsius Sacri Olei & Sacramenti, in plebrique Synodis & Ritualibus statutum est, ut Sacerdos ægrotum uncturus, indutus sit superpelliceo & stola, comitante & præcedente Custode, similiter superpelliceo induto.

XVII. Ut tamen populus sciat, Sacro Oleo non deberi eum cultum adorationis, qui exhibetur Eucharistiæ, monent Synodi uti & Ritualia, ut dum Sacrum Oleum solum deferitur, Custos Sacerdotem præcedat, sed sine *Nola*; cujus sonitu populus ad adorationem Eucharistiæ excitari & moneri solet.

XVIII. Quin & Synodus Namurcensis anno 1639. *titul. 14. cap. 1.* vult quidem "ut Parochum Sacrum Oleum infirmorum ad ægrotos deferentem Matricularius detecto capite comitetur; sed addit: "Non tamen LUMEN, aut *nolam sonantem* præferat, nisi simul deferatur Sanctissimum Sacramentum Eucharistiæ."

Quod de vetita *luminis* gestatione ante Sacrum Oleum hic decernitur, hodie non observatur; imo in plebrique Synodis & Ritualibus expresse decernitur, ut Custos lumen præferat. In numero tamentædarum aliove externo cultu convenit, ut sit differentia in delatione Eucharistiæ & Sacri Olei, ut inde populus intelligat, alium plane cultum & reverentiam Eucharistiæ, quam Sacro Oleo exhibendum esse.

XIX. Adhæc monent Synodi, ut cum Sacrum Oleum ad infirmum deferendum est, "campana aliqua pulsetur ex Parochiis, cujus sono omnes intelligant, deferendum Extremæ Unctionis Sacramentum, moventurque Fideles, ut hoc signo dato, se ad Ecclesiam conferant, & Sacerdoti se jungant, pro salute ægri cum eodem deprecaturi; & ad hoc opus charitatis, etiam propositis Indulgentiis, ubi expedire judicaverit Episcopus, invitentur: cæteri, quibus non vacat, erigant saltem animum in celum, & pro salute decumbentis aliquam oratiunculam offerant Deo; extrema enim hac necessitate, fidelium precibus ægri maxime indigent, & iisdem maxime juvantur."

XX. Ita Synodus P. II. Cameracensis *tit. 12. cap. 1.* quod & in aliis Synodis scilicet Rhemenſi an. 1564. & Tolofana 1590. &c. Statuitur, additurque, ut tam eundo quam redeundo à fabulis omnes abstineant, devoti in fundendis precibus pro salute infirmi, uti loquitur Synodus Iprensis sub Rithovio *tit. 17. cap. 21.* monetque Pastorem Mechliniensem, ut inter eundem Parochum

rochus recitet Psalmum *Miserere*, aut alios ex Pœnitentialibus, vel Psalmum *Beati immaculati in via*.

XXI. Opportunè hic monebit Parochus ipsos Fideles, ut meminerint, effectum hujus Sacramenti singulariter adscribi *orationi fidei*, juxta illud Jacobi Apostoli: *Et oratio fidei salvabit infirmum*; ac propterea sperandum sit, quòd quò ferventiùs orationi instabunt, tantò uberiores fructum ex hoc Sacramento infirmus sit accepturus.

XXII. Ex præscripto Pastoralis Mechliniensis, post peractam Unctionem, Sacerdos manum suam super caput infirmi ponens, aut, si id horror morbi vetat, versus infirmum elevans, orationem ibidem præscriptam recitare jubetur.

Hic in datione Extremæ Unctionis ritus publicæ Pœnitentiæ apparet. Scitur enim crebras manuum impositiones & orationes, tum in ipsa Pœnitentiæ datione, tum in ejus decursu, atque Pœnitentium reconciliatione intervenisse.

XXIII. Ex præscripto ejusdem Pastoralis, Unctione peractâ, porrigit Sacerdos infirmo *cereum ardentem*, dicens: "Accipe lampadem ardentem, custodi Unctionem tuam, ut cum Dominus ad judicandum venerit; possis occurrere ei cum omnibus Sanctis, & vivas in secula seculorum."

XXIV. Post hæc addit: *Addibere debet infirmo imaginem Crucifixi, ut in eam oculos conjiciat, cum salubri confidentia in Passionis merita*; adjiciens orationes binas hic recitandas.

XXV. Hi ultimi ritus, qui mortem admodum vicinam designant, verisimiliter adhiberi cœperunt, postquam Extrema Unctio non nisi morti valde vicinis dari cœpit: neque enim in Rituali Romano aut Manualibus aliarum Diocesium hi ritus occurrunt.

Interim occasione horum rituum, & aliorum, quæ in administratione hujus Sacramenti interveniunt, occasio admodum opportuna datur Parocho, piam ac salutarem exhortationem, præsertim de morte, extremo judicio, & ratione vitæ præteritæ danda, ad circumstantes habendi, quemadmodum suprà tit. 1. cap. 2. non. 5. dictum est.

XXVI. Monachi ordinis Sancti Benedicti videntur olim habuisse quosdam speciales ritus, dum suis infirmis extremam Unctionem conferrent. Edmundus Martene, Monachus Benedictinus à Congregatione sancti Mauri tom. 3. de Ritibus Ecclesiasticis cap. 15. Ordine 13. profert Ritum vel Ordinem inungendi Monachos infirmos ex Codice manuscripto Abbatiae Sancti Audoeni Rhotomagensis, annorum (ut ipse putat) circiter 400.

Ex hoc Ordine habetur quòd inunctio partium seu membrorum sub eadem penè formula verborum fieret, quæ hodie usitata est; sed illud speciale occurrit, quòd ad singulas membrorum unctiones decantaretur Antiphona cum Psalmo.

Præterea ex eodem Ordine patet quòd ex ætate adhuc ipsa Unctio præmitteretur Viatico.

Post datum autem Viaticum seu sacram Communione dicitur in eodem Ordine: "Offertur ei Crux ad adorandum & osculandum; deinde osculatur cum Sacerdos, & reliqui omnes per ordinem, ad quam osculationem quisque Fratrum petit ei duas venias, alteram quidem ante osculum, alteram vero post."

Itaque si huic Codici fides sit, notus fuit Ritus offerendi Crucem osculandam infirmo, etiam eo tempore, quo sacra Unctio præmitteretur Viatico.

Cum verò nulla fiat in illo Ordine mentio porrectionis cerei, verisimile est hunc Ritum esse recentiorum, saltem in aliquibus Ecclesiis.

XXVII. In Codice sancti Remigii (quem circa annum millesimum scriptum credidit Hugo Menardus, & ex quo ordinem ad visitandum infirmum in suis notis ad Sacramentarium sancti Gregorii publicavit)

hæc leguntur: "Et septem dies vel multò plures, si necessitas fuerit, tam de communione, quam de alio officio circa infirmum fiat."

Hugo Menardus in notis ad Sacramentarium Gregorii pag. 335. reflectens ad citata verba, ait: "Ubi de alio officio significatur de Unctione, quam Mathæus Galeus restrinxit ad partes laborantes, quia, ut vult, Sacramentum non repetebatur. Verum (pergit Menardus) id quod ait; non repeti olim solitum Extremæ Unctionis Sacramentum in eodem videlicet morbo, non videtur probabile, quia verba, quam de alio officio, sunt generalia, nec possunt restringi ad Unctionem membrorum affectuum."

XXVIII. Hanc expositionem & sententiam Menardi referens & probans Jacobus Goartius in notis ad Rituale Græcorum pag. 440. observat, Græcos non mereri acrem alicujus reprehensionem, quamvis in eodem morbo septem diversi Sacerdotes infirmum sacro Oleo perungant; atque ita Sacramentum iterare videantur: cum aliquando id & apud Latinos servatum fuerit.

XXIX. Verum seculo IX. opposita planè opinio aliquorum circa iterationem hujus Sacramenti orta est; nimirum, hoc Sacramentum semel susceptum nullatenus iterari posse; eò quòd Extrema Unctio (species esset solemnæ Pœnitentiæ; quæ cum juxta Canonum antiquorum rigorem repeti non posset, nec Unctionem repeti posse credebant.

Horum unus fuit Sanctus Ivo Carnotensis Episcopus, qui Epist. 255. scribit: "Unctionem verò, quam semel accepisti non æstimo repetendam. Unctio enim infirmorum publicæ Pœnitentiæ Sacramentum est, quam non esse repetendam, sicut nec Baptismum, testatur Augustinus, testatur Ambrosius."

Sub idem tempus Goffridus Abbas Viadocinensis, lib. 11. Epist. 19. ad ipsum Ivonem scribens, conquirit quòd quasdam consuetudines sive institutiones in Monasteriis quidam Monachi sibi pro lege vindicent, quas ratio nullatenus admittit, nec Sanctorum quilibet Patrum invenit, sed insipientium hominum consuetudo infirmat. "Et ut cætera taceamus, ait, in hoc, ut nobis videtur, non mediocriter errant, quòd Unctionem infirmorum, cum à sancta Catholica & Apostolica Sede Sacramentum vocetur, & cum nullum Sacramentum iterari debeat, iterandam putant."

XXX. Verum cum certum sit, nonnulla Sacramenta iterari; atque ipsam etiam publicam & solemnem Pœnitentiam iterari posse, si ipsum rigorem disciplinæ seponas, plures fuere circa idem tempus Doctores, qui Unctionem infirmorum iterari posse, non secus atque Sacramentum Pœnitentiæ, sustinebant; ramenti & ipsi faterentur, aliquos dubitare.

Alanus Porretanus De Maximis Theologiæ num. 113. "Sunt, qui dicunt de hoc Sacramento, quòd iterari non possit, sicut nec Baptismus; sed quia Sacramentum Pœnitentiæ est, & pœnitentia iterari potest, probabile est hoc Sacramentum iterari posse."

XXXI. Magister Sententiarum lib. 4. Distinct. 23. fatetur, suo tempore quæsitum fuisse ab aliquibus, an hoc Sacramentum iterari posset; eò quòd Augustinus dicat, Sacramentum non iterandum, & Sacramento non faciendam esse injuriam: "Sed, ait Magister, hoc dicit, ubi agit de Sacramento Baptismi, Confirmationis & Ordinationis, quæ nullatenus sunt repetenda, quia semel tantum & non sæpius datur Baptismus, Confirmatio & Ordinatio. Sacramentum verò Altaris & Pœnitentiæ & Conjugii sæpe iterari videtur, quia sæpe Sacramentum Corporis percipitur, frequenter Pœnitentia agitur, conjugium sæpe contrahitur. Quare ergo Unctio similiter iterari non potest? Si morbus non revertitur, medicina non iteratur: si verò morbus non potest cohiberi, quare medicina debet prohiberi? Sicut oratio iterari potest, ita & Unctio iterari posse videtur."



Guillelmus Antissiodorensis lib. 4. *Summa tract. 7. cap. 11.* concedit, quod quodcumque invalefcit morbus, iteranda sit medicina; & quia sæpè invalefcit morbus, docet sæpè iterandam esse Extremam Unctionem.

XXXII. S. Thomas in supplemento *quest. 33. art. 1.* resolvit, iterari posse; "quia sanitas corporis & mentis, quæ est effectus hujus Sacramenti, potest amitti, postquam fuerit per Sacramenta effecta, idèd hoc Sacramentum sine sui injuria potest iterari.

Videtur hic indicare S. Thomas, Sacramentum hoc iterari posse, si effectus, id est, sanitas corporis, semel obtenta, rursus amittatur, hoc est, non eodem morbo durante, sed alio superveniente.

XXXIII. Clarius id dixit Richardus à S. Victore in *IV. Sent. Dist. 23. art. 11. quest. 6.* resolvens, "hoc Sacramentum circa eundem infirmum, eadem infirmitate, respectu ejusdem infirmitatis status, iterari non debere.... In eadem infirmitate in numero possumus esse status diversi, in quorum quolibet infirmus est in notabili & probabili periculo mortis. Idèd cum infirmo nullum imprimat effectum indelebilem, potest & debet eidem homini pluries conferri, vel pro diversis infirmitatibus, vel pro ejusdem infirmitatis diversis statibus." Hæc ille.

Idipsum docet Durandus additâ hac ratione: "Extrema enim Unctio non solum respicit infirmitatem absolventem, sed statum infirmitatis, qui quoties iteratur sive in eadem infirmitate, sive in diversis, potest & Unctio iterari.

XXXIV. Synodus Tridentina *Sess. 14. cap. 3. De Extrema Unctione*, doctrinam de iteranda Unctione amplexa, docet: Quod si infirmi post susceptam hanc Unctionem convalescerint, iterum hujus Sacramenti subsidio juvari poterunt, cum in aliud simile vitæ discrimen inciderint. Aneodem morbo, eodemque infirmitatis statu durante iterari possit, Synodus non determinat; cum id à disciplina pendere sciret.

XXXV. Interim moderna disciplina in Synodis ac Ritualibus recentioribus præscripta, S. Thomæ, atque Scholasticorum, qui ipsum sequuti sunt opinioni, penè per omnia conformis est.

Synodus P. II. Cameracensis *tit. 11. cap. 4.* ait: "Nec unâ ægritudine, etiam ad plures menses durante, eidem sæpius conferri debet, quamvis in diversis ægritudinibus liceat.

Pastorale Mechliniense ita habet: "Infirmus periculose decumbens, in una infirmitate, semel tantum unguendus est; quod si post susceptam Unctionem convalescerit, quoties postea in idem vitæ discrimen inciderit, toties hujus Sacramenti subsidio juvari poterit.

XXXVI. Sed quid, si infirmus non quidem omnino convalescerit; sed morbus ita remiserit, ut mortis discrimen evasisse videatur; at post Unctionem susceptam, adhuc eodem morbo durante, quamvis remissio, rursus in vitæ discrimen relabatur. an Sacra Unctio reiterari poterit? Omnino: quia status morbi mutatus fuit; & aliud mortis discrimen obvenit.

Hunc casum claris terminis resolvit Manuale Cameracense editum anno 1562. "Animadvertat Sacerdos administraturus infirmis Sacramentum Extremæ Unctionis, sæpius iterari posse, etiam in eadem infirmitate ad diversos periculorum casus, post intervalla aliquanti temporis incidentes, quoties videlicet nunc remittente, nunc rursus ingravescente, periculum mortis imminere creditur.

Et Manuale Ecclesiæ Rhemensis (cui olim Ecclesiæ Cameracensis erat suffraganea) quod ex Decreto Concilii Rhemensis anno 1585. prodit, hæc habet: "Denique, potest hoc Sacramentum iterari, & quidem in

"eadem infirmitate, quandoquidem quis est in articulo mortis, modò sit casus diversus, ut qui in hydropisi, aut longa febris, postquam evasit periculum, rursus post aliquot menses de vita periclitatur.

His consonum apparet Concilium Tridentinum, docens hoc Sacramentum iterari posse, cum in aliud simile vitæ discrimen inciderint infirmi; non requirens, ut id vitæ discrimen ex alio planè morbo proveniret.

Synodus Namurcensis anno 1639. *tit. 4. cap. 8.* vult, ut in eadem ægritudine, etiam ad plures menses perdurante, nemini hoc Sacramentum sæpius conferatur; additâ tamen hac notandâ exceptione: *Nisi peritorum iudicio, status morbi mutatus fuerit.*

XXXVII. Synodus Iprensis sub Rithovio *tit. 17. cap. 3.* declarat in quacumque gravi infirmitate posse iteratò administrari; ac deinde tanquam consequens subjicit; "Proinde consuetudinem, secundum quam non consuevit hoc Sacramentum intra annum secundo suscipi (etiamsi altera gravis obveniat infirmitas) tanquam noxiam abrogamus.

Plura diversarum Ecclesiarum Manualia seculo decimo sexto evulgata præscribebant, non posse hoc Sacramentum reiterari pro eadem infirmitate, etiamsi intra annum status ejusdem ægritudinis varius esse queat; atque sæpius in mortis discrimen reincidere possit infirmus.

XXXVIII. Hinc patet, quod quæ circa reiterationem hujus Sacramenti variis temporibus & in variis Ecclesiis statuta & servata sunt, magis ad disciplinam, quam ad dogma aut essentiam Sacramenti pertineant.

Hoc imprimis satis innuebant illi, qui sacram Unctionem reiterari non posse contendebant eo titulo, quod esset Sacramentum *Penitentiae publicæ*; ac per consequens, sicut rigor Canonicus hanc iterari non permittebat, ita nec illam esse iterandam.

Ad hæc plures Synodi & libri Rituales vetantes reiterationem in eadem infirmitate, hanc reddunt rationem ad disciplinam, non dogma spectantem: *Ne Sacramentum illud vilescat.* Ita legitur in Statutis Synodalibus Archiepiscopatus Senonensis anno 1524. evulgatis; & Episcopatus Carnotensis evulgatis anno 1526. & recitantur à Launoio, *pag. 360. & 361.*

XXXIX. In his itaque unusquisque Ecclesiæ suæ legem & consuetudinem sequi debet; aliàs si disciplina non obstar, absurdum non esset, pluries in eadem etiam infirmitate eodemque infirmitatis statu, hoc Sacramentum juxta antiquum Ecclesiæ Latinæ, & hodiernum Græcorum morem conferre; "quia (ut notat Hugo Menardus loco citato) non cessante morbo, homine adhuc existente in peccatis; ob peccata saltem venialia, quæ nobis quotidie obrepunt, quia *septies in die cadit justus*, (a) jure posset hoc Sacramentum sæpius in eodem morbo repeti, ipsi causis manentibus, ob quas ipsum Sacramentum conferri solet.

XL. Ex his discat Parochus, ab iteratione hujus Sacramenti se non debere scrupulose abstinere ob periculum nullitatis Sacramenti: sed duntaxat, ne in disciplinam jam stabilitam impingat: adedque si dubium sit, num forsân morbi status ita fuerit mutatus, ut etiam juxta modernam disciplinam reiterari queat, magis pro reiteratione inclinandum; eò quod hæc reiterationo conformior sit veteri Ecclesiæ consuetudini, tum quod per eam novum ipsi infirmo subsidium spirituale sperari possit.

(a) Observandum est, quod in *cap. 24. prov. v. 13.* unde iste contextus derivatus est, non legatur *in die*: Simpliciter dicitur, *septies enim cadit justus.* In Luca c. 17. legitur quidem: *Si sepies in die peccaveris*, sed conditionaliter, & ejus verba possunt intelligi de homine peccatorum mortalium reo, non autem de justo.

## TITULUS IX.

## DE SACRAMENTO ORDINIS.

## CAPUT I.

## De Materia &amp; Forma hujus Sacramenti.

1. Plures in Ecclesia dari Ordines etiam minores, definit Synodus Tridentina.
2. Ordo verum est Sacramentum.
3. Quomodo definitio Synodi Tridentina verificetur quoad Ordines minores?
4. Ordines quatuor minores non semper, nec ubique fuerunt.
5. Non sunt immediatè & propriè à Christo instituti.
6. Non habent rationem Sacramenti; nec id Tridentina Synodus definit.
7. Materia Ordinis ex Decreto Eugenii IV.
8. Eugenii mens non fuit essentialis & planè necessarias formas & materias assignare.
9. Traditio instrumentorum in Ordinatione Presbyteri apud Græcos incognita.
10. Neque semper à Latinis adhibita.
11. Idem dicendum de traditione Evangelii in Ordinatione Diaconi.
12. Verba, quibus fit traditio instrumentorum non potest dici forma planè necessaria.
13. Traditio instrumentorum primitus post Ordinationem facta fuit; & quare?
14. In collatione Ordinum minorum traditio instrumentorum citius facta, quam in collatione majorum.
15. Quæ hodie pro forma & materia præscribuntur exactè observanda.
16. Certum non est, an Ecclesia non possit aliquid requirere ut essentialis, quod olim essentialis non fuit.
17. Unctio in Ordinatione est tantum ceremonialis; nec semper fuit adhibita.

I. SYNODUS Tridentina Sess. 23. Can. 2. De Sacramento Ordinis, ait: " Si quis dixerit, præter  
" Sacerdotium non esse in Ecclesia Catholica  
" alios Ordines & Majores & Minores, per quos ve-  
" luti per gradus quosdam in Sacerdotium tendatur;  
" anathema sit.

II. Deinde Canone 3. " Si quis dixerit, Ordinem,  
" sive Sacram Ordinationem, non esse verè & propriè  
" Sacramentum à Christo Domino institutum, vel esse  
" figmentum quoddam humanum excogitatum à viris  
" rerum Ecclesiasticarum imperitis, aut esse tantum  
" ritum quemdam eligendi ministros Verbi Dei, & Sa-  
" cramentorum; anathema sit.

III. Quod hic Synodus definit, præter Sacerdotium esse in Ecclesia alios Ordines & Majores & Minores, quoad Majores semper verificatum fuit in Ordine Diaconatus, quem Majoribus Ordinibus tam Latina quam Orientalis Ecclesia semper annumeravit; at quoad Ordinem Subdiaconatus, verum quidem erat tempore conditi hujus Canonis, saltem in Ecclesia Latina, eò quod hæc & Subdiaconatum Majoribus & sacris Ordinibus jam à quatuor ut minùs sæculis annumerasset; tamen Ecclesia Latina primis circiter decem aut undecim sæculis inter Minores Ordines, quemadmodum & hodie Ecclesia Græca, habuisset Subdiaconatum; uti ostensum est suprà parte 1. cap. 3.

IV. Tempore conditi Canonis præter Sacerdotium  
Tom. I.

& alios Majores Ordines, fuisse in Ecclesia Latina quatuor Minores receptos notorium est; licet in Ecclesia Græca unus solus ex illis quatuor, nimirum *Leitoratus* notus sit; uti annotat Morinus *De SS. Ordinibus* parte 3. *Exercit. 11. cap. 1.* & fusiùs probat *Exercit. 14. cap. 1.* nunquam tres illos Minores Ordines apud Græcos collatos, aut Ordinibus fuisse annumeratos.

Ostendit præterea Morinus citatà *Exercit. 11.* etiam in quibusdam Ecclesiis Latinis aliquando pauciores, aliquando plures Ordines Minores collatos fuisse, imò olim apud Latinos, saltem in aliquibus Ecclesiis non secus ac hodie apud Græcos, *Cantoratus* seu *Psalmistatus* fuisse Ordinem Minorem; uti & *Fossariorum* (qui mortuorum corpora curabant) Ordinem olim in quibusdam Ecclesiis celebrem fuisse; qui tamen à multis sæculis desit.

V. Ex his concludit Morinus post antiquos Scholasticos, Subdiaconatum atque Minores Ordines non esse à Christo neque ab Apostolis immediatè institutos; sed ab Ecclesia, crescente Fidelium multitudine pro locorum & temporum necessitate & opportunitate esse constitutos: quamvis tamen non distineatur, eos eatenus posse dici juris divini, aut institutionis Apostolicæ, in quantum illi Minores Ordines eminenter & formaliter in Diaconatu continebantur; atque postmodum crescente Fidelium & Ministrorum numero, de Diaconatu istos Ordines ab Ecclesia deductos fuisse, ut quædam munia ex illis, quæ primitus obire solebant Diaconi, specialibus Ministris delegarentur.

Illud paucis verbis expressit Gratianus *Dist. 21. l. 6.* " vitas autem ab Apostolis ordinatos legimus, quorum maximus fuit beatus Stephanus, Subdiaconos & Acolythos procedente tempore Ecclesia sibi constituit.

VI. Minores Ordines cum nec à Christo, nec ab Apostolis primitus fuerint instituti, illos quoque nec Sacramenta esse, nec rationem Sacramenti habere posse, concludit Morinus.

Neque id refragatur allegato *Canoni 3.* Synodi Tridentinæ; quia veritas hujus Canonis subsistit, tamen etiam solus *Presbyteratus* esset Sacramentum & rationem Sacramenti haberet; quia tunc etiam verum esset, quod Ordo sive sacra Ordinatio esset verè & propriè Sacramentum, à Christo Domino institutum: & consequenter, contrarium asserentes meritò damnarentur; uti in dicto Canone damnantur.

VII. Quæ verò sit hujus Sacramenti materia aut forma, Synodus Tridentina non expressit; at Eugenius IV. in Decreto pro Armenis de hoc Sacramento loquens, ait: Cujus materia est illud per cuius traditionem confertur Ordo: sicut Presbyteratus traditur per calicis cum vino, & patenæ cum pane porrectio: nem: Diaconatus verò per libri Evangeliorum dationem: Subdiaconatus verò per calicis vacui cum patena vacua superposita traditionem; & similiter de aliis per rerum ad ministeria sua pertinentium assignationem. Forma Sacerdotii talis est: Accipe potestatem offerendi sacrificium in Ecclesia pro vivis & mortuis, in nomine Patris, & Filii, & Spiritus sancti; & sic de aliorum Ordinum formis prout in Pontificali Romano latè continentur.

VIII. Hic tursus observandum est, quod Eugenius IV. in hoc Decreto seu instructione mens non fuerit, *essentials* & à Christo institutas materias & formas Sacramentorum assignare; sed ad summum, formas

R r r

&amp;

& materias ordinarias in Ecclesia Latina tunc usitatas; ut hoc Decreto Armeni de ritu Ecclesiæ essent instructi.

IX. Sanè traditionem illam instrumentorum, cujus meminit Eugenius non posse dici materiam *essentialem* Ordinum; ita ut sine illa nunquam potuissent, aut etiamnum hodie possent validè Ordines conferri, evidenter, ut apparet, evincit Morinus, idque duobus potissimum argumentis.

Primò quidem ex ritu, quem Ecclesia Græca semper servavit & hodie servat. Certum est, Ecclesiam Latinam, Presbyteros Græcos, ritu Græcorum ordinatos, semper habuisse, & hodie habere pro legitimè & validè ordinatis Presbyteris; atque Sacerdotium ab ipsis eo ritu collatum, ut *verè & propriè* dictum Sacramentum.

Certum autem est, apud Græcos in Ordinatione Presbyterorum semper fuisse, & hætenus esse incognitam illam instrumentorum traditionem in Decreto Eugenio expressam; uti ex eorum Ritualibus antiquioribus & recentioribus, nec non Auctoribus, qui de ritu Græcorum scripserunt, manifestum est.

Ex quibus per evidentem consequentiam deducitur, hanc instrumentorum traditionem non posse dici materiam *essentialem* à Christo institutam, ita ut ex Christi institutione validitas Sacramenti ab ea dependeret.

X. Alterum argumentum non minùs concludens suppeditat pristinus Ecclesiæ Latinæ sacrarum Ordinationum ritus. Si enim consulantur Rituales libri Ecclesiæ Latinæ; itemque Auctores, qui ante seculum X. scripserunt, atque ritum Ordinationum apud Latinos tunc usitatum exactissimè descripserunt, videbitur, nullam tunc temporis in Ordinatione Presbyterorum traditionem instrumentorum intervenisse; cum nullum istius traditionis vestigium occurrat. Argumentum ut apparet, evidens, hanc traditionem, materiam *essentialem* hujus Sacramenti tunc reputatam non fuisse; cujus nec in Ritualibus, nec in exactioribus rituum descriptionibus mentio fit. Alia nonnulla positiva argumenta, quibus ostenditur multis seculis, etiam apud Latinos in Ordinatione Presbyterorum, incognitam fuisse instrumentorum traditionem hodie usitatam, & ab Eugenio tanquam *materiam* hujus Sacramenti expressam, allegat Morinus loco citato.

XI. Quod de traditione instrumentorum in Ordinatione Presbyterorum dictum est, idem de traditione libri Evangeliorum in Ordinatione Diaconorum (quam similiter pro materia hujus Ordinis assignat Eugenius) dicendum est.

Observat etiam Morinus *Exercitat. 9. cap. 1. num. 4.* quòd antiqui omnes Rituales nongentorum annorum spatio scripti, nec Dalmaticæ, nec *traditionis Evangeliorum* mentionem faciant. "Vix sexcenti sunt anni" (inquit) cum in Ordinatione Diaconi *Evangelium* tradi ceptum est.

Adhæc, Ecclesia Græca traditione hac in Ordinatione Diaconi nec olim usâ fuit, nec hodie utitur; & tamen nemo de validitate Ordinis Diaconatus ritu Græcorum à Græcis collati, dubitat; eamque etiam Ecclesia Romana ut validam & legitimam agnoscit.

XII. Eisdem argumentis, quibus ostenditur, traditionem instrumentorum neque Presbyteratus, neque Diaconatus materiam *essentialem* à Christo institutam constituere posse, evincitur quoque, verba, quibus instrumenta illa hodie traduntur, non posse dici *formam* *essentialem* horum Ordinum; quandoquidem æquè certum sit, illa verba non fuisse adhibita, nec hodie adhiberi in illis Ecclesiis, quæ instrumentorum traditionem vel olim non agnoverunt, vel etiam ne hodie agnoscunt: quia verba illa tantummodò ipsi traditioni instrumentorum, tanquam quædam formulæ, subserviunt.

XIII. Videtur primitùs hæc instrumentorum traditio facta fuisse post Ordinationem, ut hac traditione

indicaretur, quid vi Ordinationis susceptæ ipsis Ordinatis agendum esset.

Hugo à sancto Victore, qui à sexcentis circiter annis scripsit, *lib. 2. De Sacrament. fidei, part. 3. cap. 12.* De Presbyteris, ait, *Accipiunt & calicem cum vino, & patenam cum hostiis de manu Episcopi.* Rationem subjungit: *Quatenus bis instrumentis potestatem se accepisse agnoscant, placabiles Deo hostias offerendi.*

Similiter Magister sententiarum, *lib. 4. Dist. 24.* cum dixit, quod Presbyteri accipiant etiam calicem cum hostiis, eandem rationem reddit: *ut per hoc sciant, se accepisse potestatem placabiles Deo hostias offerendi.*

XIV. Simili ratione in Ordinatione Subdiaconorum, & collatione Minorum Ordinum, *instrumenta*, quibus eorum ministerium exprimeretur, porrecta fuisse, admodum verisimile; quamquam ritus tradendi instrumenta in horum Ordinum collatione multis seculis, saltem apud Latinos fuerit usitatus, antequam in Ordinatione Presbyterorum, aut Diaconorum esset notus; uti ostendit Morinus *Exercitat. 11. cap. 5.* ibidem inquirens hujus moris diversitatem; unâ monens, nec in Subdiaconatus, nec minorum Ordinum collatione in Ecclesia Græca, traditionem instrumentorum unquam factam esse; sed hos Ordines, non secus ac Presbyteratum & Diaconatum, per *impositionem manuum* fuisse collatos.

XV. Quamvis autem hætenus dicta abundè evincant, traditionem instrumentorum non posse dici *formam* *essentialem* Ordinum; ita ut illa *semper* fuisset necessaria, aut nunc ubique ita requireretur, ut defectu illius Ordo *invalidè* censeretur collatus; tamen in his omnibus cum omni exactitudine servanda sunt singularem Ecclesiarum Ritualia; nec quidquam omittendum, eo prætextu quòd illud cærimoniale duntaxat videatur; præsertim, quòd licet satis constet, traditionem *Instrumentorum*, & verba ei respondentia, aliaque recentior in Ordinum collatione adhibita, non posse dici *semper* fuisse materias aut formas *essentiales* à Christo institutas; tamen certum non est, an postquam ab Ecclesia communiter præscripta sunt, & recepta cum reliquis, quæ antiquitus semper adhibita sunt, non constituent *nunc* materiam & formam *essentialem*, à qua validitas Ordinis dependeat.

XVI. "Quamobrem enim (ait Morinus *Exercit. 7. cap. 6. num. 2.*) non poterit Ecclesia Sacramento Ordinis, ut sæpe fecit Sacramento Matrimonii, novas pro materia & forma conditiones apponere, quarum prævaricatio Sacramentum reddat irritum & nullum? cum Christus nullam materiam aut formam hujus Sacramenti, non secus ac Matrimonii in specie definiverit.

XVII. De Unctione in Ordinatione Episcoporum & Presbyterorum adhiberi solita, ait Synodus Tridentina *Can. 5.* "Si quis dixerit Sanctam Unctionem, quæ Ecclesia in Sancta Ordinatione utitur, non tantum non requiri, sed contemnendam & perniciosam esse similiter & alias Ordinis cærimonias; anathema sit.

Hic à Synodo, Unctionem inter cærimonias reponi satis evidens est. Et meritò; nam eam nec in Episcoporum nec Presbyterorum Ordinatione unquam adhibuit Ecclesia Græca; & Ecclesia Latina, præsertim in Ordinatione Presbyterorum non semper adhibuit, imò plures Ecclesiæ satis serò eam admiserunt; uti ostendit Morinus, *De SS. Ordin. Exercitat. 6. cap. 1. & 2.*

## CAPUT II.

A quo Ordines recipiendi.

1. *Semper Ordinum collatio Episcopo delata.*

2. *Jus*



2. Jus hoc Episcopis Patres uno consensu tribuerunt.
3. Eugenius IV. & Synodus Tridentina Episcopum Ordinationis Ministrum dixerunt.
4. Id de Ordinaria potestate intelligendam; non de extra-ordinaria seu delegata.
5. Episcopi jus Ordinationis ultra suas Dioceses extendere non possunt.
6. Episcopus olim alienum Clericum ordinare non poterat titulo Originis aut Domicilii.
7. Titulus originis aut domicilii olim vix attendebatur.
8. Unicus pene titulus Ordinationis erat alicujus in Clerum adscriptio.
9. Hodie Beneficium Clericum Ecclesiae adstringit, uti olim Ordinatio.
10. Ratione Beneficii hodie quis ab Episcopo ordinari potest.
11. Clericus Beneficiatus hodie, secus ac olim, triplici titulo, Beneficii, Originis & Domicilii, ordinari potest.
12. Triplex hic titulus probatus per Decretalem Bonifacii VIII.
13. Episcopus Originis idem est qui Nativitatis.
14. Non attenditur origo seu nativitas paterna; sed propria Ordinandi.
15. Quis Episcopus Domicilii; & olim hic titulus parum notus.
16. Quando quis Domicilium habere censetur?
17. Commoratio longi temporis in aliquo loco non sufficit.
18. Exemplum in Academicis.
19. Aliquando quis dicitur habere Domicilium sufficiens ad suscipienda aliqua Sacramenta, & non ad suscipiendos Ordines.
20. Ordinarie potior habenda ratio Originis, quam Domicilii; & quare?
21. Decretum sancti Caroli ad praeveniendam fictam domicilii electionem.
22. Ratione Beneficii dicitur proprius Episcopus in cuius Diocesi Beneficium est situm, licet alius sit Collator.
23. Indifferens est, quale sit Beneficium; modo veri Beneficii rationem habeat.
24. Licet non sufficiat in proventibus pro titulo Ordinationis.
25. Si plura in diversis Diocesibus possideat, poterit à diversis ordinari.
26. Beneficium impetratum ad subterfugiendum examen proprii Episcopi non sufficit.
27. Episcopi in Gallia optant solum Episcopum Originis pro Ordinatione Ordinarium reputari; & quare?
28. An hoc Episcoporum votum laudandum?
29. Aliquando convenit, Clericum ab Episcopo Beneficii ordinari.
30. Quocumque titulo quis sit proprius Episcopus, potest etiam dare Dimissoriales.
31. Noluit Synodus Tridentina, ut Episcopi alienos subditos ordinarent; sed quo titulo constituatur proprius non definiuit.
32. Episcopi Titulares hoc Decretum violabant; & quomodo occursum?
33. Ex Decreto Synodi Tridentinae nullus ordinari potest; nisi à proprio Episcopo.
34. Id etiam procedit quoad primam Tonsuram.
35. Nullus potest ordinari vigore rescripti Apostolici, nisi Ordinarii sui testimonio commendatus.
36. Etiam Regulares à proprio Episcopo ordinandi.
37. Bulla Pii V. contrarium insinuans ad terminos Concilii Tridentini reducta.
38. Regularium Superiores debent suos mittere pro Ordinibus suscipiendis ad proprium Episcopum; & qui habendus eorum proprius?
39. Quomodo nonnumquam hic fraus committatur.

Tom. I.

40. Possunt ad aliam mittere, si proprius non ordinet; & quae hic cautio adhibenda?
41. Quae fraudes hic possint intervenire.
42. Quae mala ex huiusmodi fraudibus timenda.
43. Decretum Innocentii XII. circa Ordinationes.

I. **A** PRIMIS Ecclesiae seculis, tam apud Latinos, quam Graecos, ut ordinarium huius Sacramenti ministrum habitum fuisse Episcopum, manifestum est ex Canonibus & Patribus; qui ubi de Ordinatione, praesertim Presbyterorum ac Diaconorum, loquuntur, ejus ministrum non nisi Episcopum agnoscunt.

II. Et quidem Sanctus Epiphanius Aërium Hæreticus annumerans, quod Episcopos ad eandem cum Presbyteris sortem redigeret, atque æque his ac illis ordinandi jus vindicaret; errorem illum soliditatis arguit, eo præcipue titulo, quod Episcopalis ordo Patres Ecclesiae generet per Ordinationem; Presbyteralis Filios dumtaxat Ecclesiae per Baptismum; ac deinde hos Ordines ita inter se comparat; "Siquidem unus Ordo (Episcopalis) palis) ad gignendos Patres præcipue pertinet: huius enim est, Patrum in Ecclesia propagatio: Alter, cum Patres non possit, Filios Ecclesiae, lotionis generatione produxit, non tamen Patres aut Magistros." Hæresi 56. alias 77. n. 3. & 4.

Has prærogativas unanimi consensu Patres passim Episcopali Ordini tribuunt; & quidem nonnulli ita loquuntur, quasi hoc solo jure Episcopi Presbyteris eminerent: Sola quippe Ordinatione superiores illi (Episcopi) sunt, atque hoc tantum plusquam Presbyteri habere videntur (a), ait Chrysostomus, Homil. 11. in Epist. 1. ad Timoth. ad cap. 3. Et Hieronymus, Epist. 85. ad Evagrium: Quid facit Episcopus, excepta Ordinatione, quod Presbyter non faciat?

Quanquam sciam etiam alias prærogativas Episcopis supra Presbyteros competere, ac olim competisse; ac citata Patrum dicta commoda interpretatione mollienda: nihilominus hæc evincunt, Patribus indubitatum fuisse, Ordinationem Episcopis propriam esse.

III. Recte proinde dixit Eugenius IV. in Instructione pro Armenis: Ordinarium Minister huius Sacramenti est Episcopus.

Similiter Synodus Tridentina, Sess. 23. cap. 4. De Ordine; "Docet Episcopos Presbyteris superiores esse; ac Sacramentum Confirmationis conferre; Ministros Ecclesiae ordinare; atque alia pleraque peragere ipsos posse: Quarum functionum potestatem reliqui inferioris Ordinis nullam habent."

IV. De Ordinaria potestate hic loqui Synodum, non est dubitandum: cum optime novissent Patres Tridentini Abbates jure saltem privilegiato, ministros Ecclesiae inferiores ordinare; Ordines nimirum Minores conferendo; de quo jure part. 1. tit. 31. cap. 6. Notum quoque erat Patribus, multos à Theologis & Canonistis sustinere, nec sine fundamento, Presbyterum posse auctoritate delegata ordinare Diaconum, quin & Presbyterum, juxta illud Glossæ ad Can. 4. Dist. 5. De Consecr. Ordinatus Ordinem quem habet, confert, Papa delegante. Quod ex antiquis Canonistis & Scholasticis latius prosequitur Morinus, De SS. Ordin. part. 3. Exercitat. 4. cap. 3.

V. Hoc interim habetur, Ordinarium Ordinationis Ministrum esse Episcopum. Sed quia singulorum Episcoporum auctoritas & potestas ab ipsis pene Ecclesiae exordiis, certis terminis circumscripta fuit; atque confusionis evitandæ causa statutum, ne quis in alienos terminos suam extenderet jurisdictionem; sed suis singuli essent limitibus contenti, uti part. 1. tit. 16. cap. 5. dictum est, tanquam consequens jam pridem decretum

(a) Græce legitur; πλεονεκτησις, id est, plus habere; si ad litteram fiat interpretatio; ut Doctissimus Pater de Montfaucon ita vertit, atque hinc tantum videtur Presbyteris præstare.

R r r 2

fuit,

fuit, ne quis Episcopus alterius Episcopi Ecclesiam turbaret, jura Ordinationis sine ejus licentia in alienos subditos exercendo.

Synodus Nicæna *Can. 16.* postquam vetuit, Presbyteros aut Diaconos à suis Ecclesiis sine Episcopi licentia recedere, subjungit: "Si quis autem ad alium" (Episcopum) pertinentem audaciter invadere, & in sua Ecclesia ordinare tentaverit, non consentiente Episcopo, à quo discessit is qui regulæ mancipatur; ordinatio hujusmodi irrita comprobetur. (a)

Similiter in Synodo Sardicensi, suggerente Orio, unanimi sententia Patres dixerunt: "Et hoc Universi constitimus, ut quicumque ex alia Parochia voluerit, alienum ministerium sine consensu Episcopi ipsius, & sine voluntate ordinare, non sit rata ejus Ordinatio. Quicumque autem hoc usurpaverit, à Fratribus & Co-Episcopis nostris, & admoneri debet & corrigi. Rationem Decreti præmiserant: "Quia ex his contentionibus solet nasci discordia, & ideo prohibet omnium sententia, ne quis hoc facere audeat.

De hac disciplina seculo V. ita loquitur Synodus Venetica: "Episcopus quoque ab aliis Episcopis ordinatos Clericos, sine permisso eorum, à quibus fuerint ordinati, promovere ad superiorem Ordinem non præsumat, ne concordiam fraternam injuria illata contaminet.

Infiniti pene sunt Canones antiqui, & recentiores hanc disciplinam stabiliētes, quos ordine seculorum servato, refert Franciscus Hallier, *De SS. Electionibus & Ordinationibus, part. 2. Sect. 5. cap. 3. art. 1. §. 1.*

VI. Sed quid si Clericus unius Ecclesiæ, ex alia Diocesi oriundus esset; aut forsitan alibi domicilium haberet, nonne ab Episcopo *Originis* aut *Domicilii* ad altiorē gradum promoveri poterat; etiam sine licentia Episcopi, cujus Ecclesiæ per Ordinationem erat adscriptus? Nequaquam: Id enim pristina Patrum disciplina non admittebat.

Hoc ipso enim, quo quis in Clericum aut Ministerium Ecclesiæ ordinabatur, mox ei Ecclesia vinculo perpetuo, nec sine voluntate Episcopi solubili, alligabatur, & in subditum Episcopi illius Ecclesiæ transibat; ut amplius nec originis, nec domicilii ratio haberetur: credebaturque Clericum nec alibi, quam in sua Ecclesia, cui servire tenebatur, domicilium habere.

VII. Imo, uti advertit, & multis exemplis probat Hallierius loco citato §. 4. olim in Ordinatione vix *Domicilii* aut *Originis* ratio habebatur; nec poenam ullam decretam reperimus in Episcopum, qui alienum *Laicum* in Clericum suum ordinasset; adeo ut omnes Canones eo tendere viderentur, ne quis alienum Clericum seu Ministerium ab Ecclesia cui addictus erat, abstraheret; atque per Ordinationem suæ Ecclesiæ adscriberet.

VIII. Præcipuus ergo titulus, ratione cujus quis proprius Episcopus quoad Ordinationem, juxta pristinam patrum disciplinam existimabatur, erat alicujus in Clerum adscriptio; qua semel facta, licebat huic Episcopo Clericum hunc ad superiores Ordines promovere: alius vero nullus, sine hujus licentia, illum ordinare poterat.

IX. Porro, quemadmodum olim ipsa Ordinatio Ordinum certæ Ecclesiæ adstringebat: ita hodie Beneficii Ecclesiastici adeptio Clericus Ecclesiæ, in qua est titulus ipsius Beneficii, adscriptus censetur; & Clericus seu Minister illius Ecclesiæ reputatur.

X. Itaque sicuti antiquitus Ordinatio subiciebat Ordinum Episcopo illius Ecclesiæ, ad quam ordinatus erat, ita hodie Beneficium subicit Clericum Episcopo, sub cujus Diocesi situm est Beneficium; habeturque eatenus proprius ipsius Episcopus, ut ab illo tanquam proprio Episcopo ad Ordines superiores promoveri

(a) Hunc Canonem doctè & dilucide exponit D. Van-Elpen in sua dissertatione de Concilio Nicæno, Canone 16.

queat: cum notabili tamen differentia inter modernam & pristinam disciplinam.

XI. Pristina enim disciplina, non nisi unicum ipsius Clerici, alicui Ecclesiæ per Ordinationem adscripti, proprium Episcopum agnoscebat; ita ut nullus alius Episcopus citra hujus licentiam posset jure ordinario Clericum ad superiores Ordines promovere; at moderna disciplina, præter titulum Beneficii agnoscat insuper duos alios titulos, scilicet *Originis* & *Domicilii*; in tantum ut ratione omnium trium titulorum quis dici queat eodem tempore, & respectu ejusdem Clerici proprius Episcopus: atque per consequens queat Clericus Beneficiatus tres habere Episcopos proprios, ut à quolibet illorum sine alterius licentia ad Ordines promoveri valeat.

XII. Quo præcise tempore hæc mutatio disciplinæ incœperit, incertum est; hoc constat, nullum reperiri Canonem, nullamque Decretalem qua hic triplex titulus probeatur, ante Decretalem, Bonifacii VIII. relatum in *cap. 3. De Temporib. Ordinatis*, in VI. Sedit autem Bonifacius sub finem seculi XIII. & initium seculi XIV.

In hac Decretali, dicit Bonifacius VIII. "Cum nullus Clericum Parochiæ alienæ, præter Superioris ipsius licentiam debeat ordinare: Superior intelligitur in hoc casu Episcopus, de cujus Diocesi est is, qui ad Ordines promoveri desiderat, oriundus; seu in cujus Diocesi Beneficium obtinet Ecclesiasticum, seu habet (licet alibi natus fuerit) Domicilium in eadem.

XIII. Episcopus originis, de quo in citata Decretali, dicitur Episcopus loci è quo ipse Ordinandus est oriundus, hoc est, originem habet, sive natus est; quemadmodum sat indicat ipse Pontifex, quando loquens de *Domicilio*, ponit hanc parenthesis: *licet alibi natus sit*; quibus verbis manifeste idem indicat, quod ante dixerat de *origine*, ita ut juxta Pontificem eadem sint, natum esse, & oriundum.

Quapropter, tametsi olim major soleret esse respectus ad locum ubi quis esset *Baptizatus* seu spiritualiter *regeneratus*, quam in quo esset carnaliter natus seu generatus; tamen hodie spectata hac Decretali, si contingeret, aliquem uno loco esse natum, & alio *Baptizatum*, videretur potior ratio habenda quoad susceptionem Ordinis, Episcopi *nativitatis*, quam Baptismi.

XIV. Similiter, tametsi leges habere videantur pro loco originis filii illum, in quo pater ejus natus est l. 6. §. 1. *Ad Municipalem*. Tamen verius est, juxta hanc Decretalem, per Episcopum originis intelligi Episcopum loci in quo ipsemet Ordinandus originem habuit, sive natus est; non autem loci è quo pater ejus oriundus est. Unde Nicolaus Garcias, *De Beneficiis, part. 7. cap. 9. num. 25.* postquam dixit, de stylo Curiae verbum *oriundus* accipi pro *orto*, tanquam consequens docet, quod *oriundus* de aliqua civitate est, qui natus est in illa civitate, non in qua pater ejus natus fuit: Neque in Gallia, uti monet Hallierius, *part. 2. sect. 5. cap. 3. art. 3. §. 2. Paternæ originis*, quoad Ordines recipiendos ulla solet haberi ratio; ideoque monet, tutum non esse, quod quis ad Episcopum loci *nativitatis paternæ* pro suscipiendis Ordinibus accedat; si nullo alio titulo is proprius Episcopus sit: quod & in Belgio merito attenditur; quia nec hic originis paternæ rationem haberi videmus; maxime quia nec cum Decretali Bonifacii VIII. congruere videtur.

XV. Episcopus *Domicilii* censetur Episcopus ejus loci in quo Ordinandus *Domicilium* habet.

Hic titulus olim parum notus erat; uti notat Hallierius loco citato *art. 4. §. 1.* qui deinde §. 2. ostendit, qua ratione, necessarium fuerit posterioribus seculis magis, quam olim remittere Ordinandos ad Episcopum *Domicilii*; atque hinc tandem legem Ecclesiasticam natam, quæ Episcopum *Domicilii* pro proprio Episcopo Ordinationis agnoscat,

Ur vero quis hoc titulo Episcopum pro Ordinibus suscipiendis accedat, requiritur, ut revera *Domicilium* in ejus Diocesi fixum habeat.

XVI. Quando vere quis Domicilium alibi fixisse censetur, explicant Imperatores in *L. CIVIS Cod. de Incolis* dum ajunt: "In eodem loco singulos habere Domicilium non ambigi, ubi quis larem, rerumque ac fortunarum suarum summam constituit: unde rursus non sit discessurus, si nihil avocet: unde cum profectus est, peregrinari videtur; quo si redit, peregrinari destitit."

XVII. Ur vero quis hujusmodi domicilium fixum firmumque elegisse censetur, potius ab animo atque circumstantiis, quam à temporis spatio desumendum est.

Fieri enim potest, ut quis pluribus annis in loco aliquo moretur, nec tamen eo in loco domicilium fixum firmumque habere credatur, ratione cujus posset ab Episcopo illius loci ad Ordines promoveri.

XVIII. Exemplum est notorium in degentibus studiorum causa in Academia; quin & in nonnullis Professoribus inferiorum præsertim scientiarum, qui multis subinde annis continuo in Academia morantur; sed tamen *fixum firmumque* domicilium non videntur habere; eo quod ea sit professionum illarum conditio, ut aliquot annorum curriculo absoluto, eam deferere & alio migrare Professores soleant; nec eo animo videantur suscipi, ut perpetuo in ea functione persistant.

Unde nec Professores Humaniorum litterarum, nec Philosophiæ; neque Pædagogum Regentes vel Regentes solent pro Ordinibus recipiendis Archiepiscopum Mechliniensem, in cujus Diocesi Universitas Lovaniensis est constituta, pro Ordinibus accipiendis recurrere; neque credo, eos facile hoc solo titulo recipiendis.

XIX. Quin nec commoratio in aliquo loco sufficiens sit, ut quis dicatur ibidem habere *domicilium* ad suscipienda alia Sacramenta, v. gr. Communionem Paschalem, quin & Matrimonium contrahendum, semper sufficit pro constituendo *domicilio* sufficiente ad recipiendos Ordines. Firmius enim magisque fixum domicilium videtur pro recipiendis Ordinibus requiri, uti loco citato notat Hallierius, & quotidiana praxis in juventute Academica evincit.

XX. Cæterum, quia *domicilii* probatio difficilis est; nec facile vera *domicilii* electio à ficta ac simulata discerni potest, merito laudat Hallierius loco supra indicato §. 9. Episcopos Galliæ, quod "ab Ordinatione Clericorum qui alibi nati sunt, sibi temperare soleant, non quod ut opinor (ait) id sibi interdictum puerent, sed quod originis probatio facilior sit & expeditior, ad cujus proinde Episcopum remittunt, nisi in extranea quis patria, vel extra paternum domicilium fortuito natus sit, quo casu *domicilii*, quod originis locum quodammodo obtinet, rationem habent, & Ordines eis conferunt, qui apud eos *domicilium* habuerint."

Hæc Hallierius, qui ibidem notat, jus originis multum præponderare juri domicilii: Quod jus originis naturale sit, jus domicilii tantum civile; jus originis necessarium, jus domicilii voluntarium; hoc variabile & temporarium, illud immutabile.

XXI. Sicuti commoratio plurium etiam annorum non sufficit, ut quis habere censetur fixum firmumque domicilium; ut ratione illius possit ab Episcopo aliquo ordinari; ita nec ea semper requiritur, ut verum domicilium in aliquo loco figatur. Potest enim aliquis sine mora temporis ad aliquem locum vere migrare; ibique animo semper manendi, larem, rerumque ac fortunarum summam constituere; atque ita firmum fixumque domicilium eligere; sed quia similis subitanea domicilii electio fraudibus & fictionibus obnoxia est, nisi temporis mora juvetur, merito S. Carolus in

Concilio IV. Mediolanensi parte 2. tit. 8. decrevit, ne quis ratione *domicilii* ab Episcopo ordinetur, nisi ut minus decem annis in eodem loco commoratus esset; volens, "ut suscepturus Tonfuram vel Ordines probet, se vel origine, vel Beneficio Ecclesiastico, quod in Diocesi obtinet, vel DECENNALI *domicilio*, vel, alia quavis legitima ratione Diocesano esse."

XXII. Titulo Beneficii, *proprius* Episcopum constitui illum, in cujus Diocesi Beneficium situm est, manifestum est ex citata Decretali Bonifacii VIII. eumque titulum ex veteri disciplina originem traxisse supra notavimus.

Nec refert si Beneficii hujus provisio seu collatio spectet ad alium Episcopum; modo revera titulus Beneficii sit in Ecclesia huic Episcopo subiecta; sive quod Beneficium quoad Episcopalia Jurisdictioni Episcopi subjiçatur; ita Garcias *De Beneficiis* parte 2. cap. 4. num. 15.

XXIII. Adhæc, attentis verbis ipsius Decretalis, indifferens est, quale sit Beneficium; an simplex; an cum cura animarum; an requirens residentiam, an eam non requirens; an multos, an paucos proventus annexos habeat; modo tamen sit verum Beneficium, & in titulum Beneficii possideatur.

XXIV. Imo licet Beneficium adeo esset tenue in proventibus, ut non esset sufficiens pro *titulo* Ordinationis, nihilominus, si sit verum Beneficium, valebit ut ratione illius efficiatur subditus Episcopi, cui Beneficium illud subjiçitur, atque possit ab illo tanquam *proprio* Episcopo ordinari, etiam ad titulum alterius Beneficii aut patrimonii.

XXV. Quin si plura Beneficia in diversis Diocesibus possideat, habebit & ratione Beneficii tot *proprius* Episcopos à quibus ordinari possit, etiam sine Dimissorialibus, quot possidet Beneficia.

XXVI. Si tamen ex circumstantiis appareat, Beneficium esse tantum impetratum, ut subterfugiat, proprii Episcopi examen, & alieno se subjiçiat, Beneficium ita impetratum eum non subjiçere Episcopo illius Beneficii, non semel, declaravit S. Congregatio: uti refert Fagnanus his verbis: "Clericus primæ Tonfuræ, qui Beneficium obtinet in alia Diocesi, etsi promoveri possit ad minores Ordines ab Episcopo Beneficii *quantumvis tenuis*, ad præscriptum capitis cum nullus. tit. De Temporibus Ordinationum in sexto, tamen si illud Beneficium sibi fraudem contraferri curavit, ut eludat examen ac iudicium sui Ordinaris, censetur male promotus, & remanet suspensus ab executione Ordinum tanquam ordinatus à non suo Episcopo juxta caput 8. Sess. 23. ut Sacra Congregatio declaravit."

XXVII. Episcopi Gallicani animadvertentes, ex multiplici titulo quo quis *proprius* Episcopus efficitur, occasionem suppeditari Clericis ineptis in Sacros Ordines involandi; & Episcoporum, quibus vita illorum nota est, & quorum examen subire metuunt, subterfugendi, in generali Conventu Cleri Gallicani anno 1657. declaraverunt: "Vix dignosci posse, quantum annorum ad domicilium figendum requiratur, & vix posse rationem haberi Episcopi Beneficii; cum non ita jam (ut olim) quique Clerici Ecclesiæ suæ affigantur: cum Beneficio renuntiare sine sui Episcopi consensu, cum plura possidere possint in variis Diocesibus, quo Clericis evagandi & elevandæ obedientiæ ansa præberetur, Decretum Bonifacii VIII. de *tribus* Episcopis *propriis* vix in Gallia receptum unquam fuisse; porro expeditissimum jam esse, ut Episcopus proprius non esset, nisi unus à quo posset ordinari. Denique decretum est, monendos hortandosque Episcopos, ne quos ordinarent, nisi ex suis Diocesibus oriundos, (a)"

Hæc declaratio offendit, Episcopos Gallicanos præ-

(a) Hæc leguntur in novis Cleri Gallicani Collectionibus 2. 5. tit. 7. pars. 3. col. 477. 478.

cupiam



cipuam rationem haberi voluisse Episcopi *originis*: eo quod hic titulus non sit ita mutabilis: neque tot „ fraudibus subiectus, sicut titulus *Domicilii* aut *Beneficii*.

XXVIII. Hanc Episcoporum Galliae declarationem & consuetudinem, quæ licentiam ordinandi passim ad unum Episcopum *originis* restringit, nec licentiam à variis Episcopis recipiendi Ordines passim indulget, non improbat Hallierius; „ tamen exoptat quam „ maxime, neminem qui Beneficium relidentiam requirens, præsertim vere curatum habet, absque ejus, „ in cujus Diocesi tale Beneficium obtinet, licentia „ à quopiam ordinari: posset enim ille, quem forte ad „ Beneficium non admisit, ab Ordinatione, si indignus „ esset, rejicere; posset & eundem si post obtentum „ Beneficium aliquid refectione dignum fecisset, vel „ olim fecisse de novo deprehenderetur, ab Ordinatione „ repellere, qui sine ejus licentia ordinatus Ecclesiae „ scandalo & infamiae futurus est.

XXIX. Et sane, si quis in aliqua Ecclesia Beneficium possideat, eique jam notabili tempore deservierit; atque ex conditione Beneficii aut aliunde sufficienter pateat, eum perpetuo eidem deservitutum, omnino rationi ac pristinae disciplinae consentaneum est, ut is non nisi ab Episcopo Beneficii ordinetur. Similis enim Clericus, cum titulo Beneficii, perpetuo vinculo quasi Ecclesiae illi censetur alligatus, rationem Canonum, qui adeo enixe vetarunt, alienum Clericum à quovis Episcopo ordinari, hic locum habere non obscurum erit, si, quæ supra de his Canonibus dicta sunt, expendantur.

XXX. Quocumque autem titulo sive *Beneficii*, sive *Domicilii*, sive *Originis* constituatur proprius Episcopus, habebit licentiam non tantum conferendi Ordines; sed etiam dandi *Dimissoriales*, dispensandi super *interstitiis*, aliaque faciendi quæ passim ab Episcopis circa Sacras Ordinationes respectu suorum subditorum licent, uti post alios docet Barbosa De Potestate Episcopi *parte 2. allegat. 4.* & quotidiana praxis probat.

XXXI. Synodus Tridentina nihil circa titulum, quo quis *proprius* Episcopus efficitur, mutavit aut definiit; sed id non uno Decreto stabilire studuit, ut nullus ab alieno Episcopo, nisi de proprii licentia, ordinetur.

Imprimis *Seff. 6. cap. 5. De Reformat.* statuit: „ Nul- „ li Episcopo liceat, cujusvis privilegii prætextu, Pontificalia in alterius Diocesi exercere, nisi de Ordina- „ rii loci expressa licentia, & in personas eidem Ordina- „ rio subiectas.

XXXII. Huic Decreto nonnulli Episcopi mere Titulares fraudem facientes, „ Cathedram collocabant „ in aliquo loco *nullius* Diocesis; atque ibi quoscum- „ que ad se venientes, etiam suorum Episcoporum „ seu Prælatorum Litteras commendatitias non habere- „ rent, Clericali charactere insignire, & ad Sacros „ etiam Presbyteratus Ordines promovere præsumebant; quo plerumque fiebat (ait Synodus Trident. „ *Seff. 14. cap. 2. de Reformat.*) ut minus idonei, & „ rudes ac ignari, & qui à suo Episcopo tanquam „ inhabiles & indigni rejei fuerunt, ordinati, nec „ divina Officia peragere, nec Ecclesiastica Sacramenta „ recte valeant ministrare.

Incommoda quæ hic notat Synodus, hodie etiam difficulter evitantur ob libertatem adeundi plures Episcopos pro Ordinibus recipiendis, quemadmodum ante indicavimus.

Synodus ut iis occurrat, decernit: „ Nemo Episcoporum, qui Titulares vocantur, etiam in loco „ *nullius* Diocesis, etiam exempto, aut aliquo Monasterio cujusvis Ordinis resederint, aut moram traxerint, vigore cujusvis privilegii sibi de promovendo quoscumque ad se venientes pro tempore „ concessi, alterius subditum, etiam prætextu familia-

„ ritatis continuæ commensalitatæ suæ, absque sui „ proprii Prælati expresso consensu, aut Litteris dimissoriis, ad aliquos sacros aut minores Ordines, „ vel primam Tonsuram promovere seu ordinare valeat.

XXXIII. Cum autem incommoda supra recitata non minus mentienda sint, si unicuique liceat à quocumque *vero* & non Titulari Episcopo ordinari, quam si à Titulari, Synodus suum Decretum extendens, statuit generaliter *Seff. 23. cap. 8. De Reformat.* ut „ Unus- „ quisque à proprio Episcopo ordinetur. Quod si quis „ ab alio promoveri petat, nullatenus id ei, etiam cu- „ jusvis generalis aut specialis rescripti vel privilegii „ prætextu, etiam statutis temporibus permittatur; nisi „ ejus probitas ac mores Ordinarii sui testimonio commendentur; si secus fiat, Ordinans à collatione Ordinum per annum, & ordinatus à susceptorum Ordinum executione, quamdiu proprio Ordinario videbitur expedire, sit suspensus.

XXXIV. Tametsi Synodus hoc Decreto specificè non exprimat *Tonsuram* Clericalem, tamen quia generaliter vult, unumquemque à proprio Episcopo ordinari, etiam sub illa generalitate comprehendisse videtur ipsam *Tonsuram*: cum eam suscipiens, etiam, in latiore saltem significatione, dicatur *ordinari*. Et ratio quæ vetat quempiam in alienum subditum Pontificalia exercere, etiam in collatione *Tonsuræ* Clericalis militat: quod scilicet, exercitium Pontificalium sit species jurisdictionis, saltem voluntariæ, quæ in non subditum exerceri nequit.

XXXV. Adhæc, quia Synodus Tridentina etiam suo Decreto excludit *cujusvis generalis vel specialis rescripti* prætextum, „ consulta S. Congregatio Concilii „ Interpres, an qui facultatem à Sede Apostolica obtinuit, ut possit ordinari ab alio quam à suo Ordinario, debeat nihilominus probitatem suam, & mores Ordinarii sui testimonio comprobare? Respondit ita „ debere, prout Signatura Gratiæ jamdudum solita est „ in hujusmodi facultatibus ponere clausulam, *De Licentia Ordinarii*, cujus testimonio mores & probitas „ commendentur. „ Ita Fagnanus ad *cap. Cum secundum de Præbendis, num. 54.*

XXXVI. Decreti prædicti generalitas; nec non expressa clausula, *etiam cujusvis generalis vel specialis privilegii prætextu*, sat ostendunt, Synodum voluisse non tantum seculares, sed etiam *Regulares* quocumque privilegio munitos suo Decreto comprehendere.

Deinde *cap. 10.* ejusdem Sessionis, nec Abbati permittit, *Regulari* cuicumque Tonsuram aut Minores conferre, *quinon sit ejus subditus*; sed horum omnium Ordinationem ad Episcopos intra quorum Diocesis fines existunt, pertinere vult. Quo satis ostendit, *Regularium*, qui Abbatibus illis non subdunt, Ordinationem ad Episcopos, *intra quorum Diocesis terminos existunt*, pertinere; idque ut subdit Synodus, *non obstantibus quibusvis privilegiis, præscriptionibus aut consuetudinibus etiam immemorabilibus.*

XXXVII. Indulsi quidem Pius V. Constitutione sua quæ incipit: *Et si Mendicantium* 41. in Bullario Romano, Fratribus Mendicantibus, quod Sacros Ordines à quolibet Antistite, gratiam & communionem Apostolicæ Sedis habente, Ordinarii loci licentia minime requisita, in locis seu domibus Fratrum hujusmodi sive alibi recipere possent, sed Pii V. immediatus successor Gregorius XIII. hanc Constitutionem Pii V. reduxit ad terminos Juris communis & Concilii Tridentini, per Bullam quæ incipit: *In tanta* 9. in Bull. Rom. atque omnia ita esse voluit, quo futura essent, si Litteræ illæ Pii V. non emanassent; *ad quam dispositionem & decisionem, summeque integrum statum, ac terminum illa omnia* (ait) *reducimus.*

Itaque attentâ hac reductione, ad terminos Juris communis & Concilii Tridentini, hodie *Regulares* non possunt ab Episcopis ordinari, etiam in suis domibus sine

sine licentia Diocesano, ut rectè advertit Barbosa, *De Officio Episcopi, parte 2. Allegat. 4. num. 61.*

XXXVIII. Postmodum emanavit Declaratio, quædam Sacræ Congregationis Concilii Tridentini Interpretis, probata à Clemente VIII. quæ declaratum est: „Superiores Regulares posse suo subdito itidem Regulari, qui prædictis qualitatibus requisitis Ordines suscipere voluerit, Litteras dimissorias concedere, ad Episcopum tamen Diocesano, nempe illius Monasterii, in cuius familia ab iis, ad quos pertinet, is Regularis positus fuerit.

Hic duo declarantur: Primum, Regularem pro Ordinibus suscipiendis non posse à Superioribus suis mitti, nisi ad Diocesano suum.

Secundum, Diocesano Regularium censei Episcopum illius Monasterii, in cuius Diocesi situm est Monasterium, in quo Regularis Ordinandus collocatus fuit ab iis, ad quos pertinet; ita scilicet ut de familia illius Monasterii censeatur; siue incorporatus sit illi Conventui; adeoque verè dicatur jam esse de illo Conventu seu familia, ac ibi secundum disciplinam Regularium, qui Conventum de voluntate Superiorum mutare subinde solent, verè dicatur ibi habitare & domicilium habere.

XXXIX. Unde Superiores Regulares, qui subditos suos mittunt ad certos Conventus ea duntaxat intentione, ut ab Episcopis illorum Conventuum ordinari queant; mox eosdem Ordinatos ad priores Conventus revocaturi, indubiè Concilio Tridentino, & Constitutionibus Pontificiis fraudem faciunt; ac reverà subditos à non Diocesano Ordines suscipere permittunt; quandoquidem evidens sit, Regulares sic ad alios Conventus euntes, priorem Conventum reverà non deserere, neque familiam mutare; sed de familia seu Conventu priori manere; ac per consequens, Episcopo hujus Conventus subjectos.

Itaque Regulares censentur esse de Diocesi Episcopi, in qua situm est Monasterium, in quo verè habitant, siue cuius familiæ sunt incorporati; etiam si aliunde sint oriundi, juxta *cap. 3. §. RELIGIOSI, De Temporibus Ordinatis. in VI.* neque alium Diocesano siue Ordinarium habere censentur: eò quòd per professionem Religiosam, *origini* quodammodò renunciaverint.

Si tamen de Regularibus agatur, qui Beneficiorum sunt capaces, non apparet, quare non possint quoque titulo Beneficii Regularis promoveri ab Episcopo in cuius Diocesi situm est Beneficium.

XL. Additur deinde in citata Declaratione Congregationis: „Etsi Diocesano abfuerit, vel non esset habiturus Ordinationes, ad quemcumque alium Episcopum, dum tamen ab eo Episcopo, qui Ordines contulerit, examinatur quoad doctrinam; & dum ipsi Regulares, non distulerint de industria concessionem dimissorias in id tempus quo Diocesano, vel abfuturus, vel nullas habiturus Ordinationes esset. Verum cum à Superioribus Regularibus, Episcopo Diocesano absente, vel Ordinationes non habente, Litteræ dimissoriæ dabantur, in eis utique hujusmodi causam absentiae Diocesani Episcopi, vel Ordinationum ab eo non habendarum, exprimendam esse; quod qui non fecerint, officii, & dignitatis seu administrationis, ac vocis activæ, & passivæ privationis, ac alias arbitrio ejusdem S. D. N. Papæ reservatas pœnas, incurrunt.

Declaratione illà relata, subdit Hallierius loco citato: „Hanc, ni fallor, moderationem & interpretationem Tridentinæ Synodi Regularium importunæ flagitationes extorserunt, cui tamen ne sic quidem parere aliqui ipsorum volunt.

XLI. Quidquid sit de hoc Hallierii asserto, fraudem apertam illi declarationi faciunt, & menti Pontificis contraveniunt, qui credidit & asserunt, Superiores posse *ex industria* differre dationem dimissorias suis subditis usque ad id tempus, quo Episcopus sit absens,

vel nullas habiturus sit Ordinationes. „In quocumque casu, in quo Regulari Prælato constat, subditos suos esse, & quantum ad mores, & quantum ad doctrinam, sufficienter idoneos, & tamen habeat unde probabiliter timeat fore, ut ab Episcopo rejiciantur: quia tunc rationabiliter movetur, & verè utitur jure suo, non faciet contra Decretum Clementis VIII. si expectet tempus, in quo non sunt habendæ Ordinationes in Diocesi, ut subditos suos extra Diocesim dimittat Ordinandos.

Ita nuperus Auctor Consultationum Canonarum, *Consult. 3. resolut. 6. n. 809.*

XLII. Quo posito, quid sequitur, nisi quòd quancumque Superior probabiliter timeat fore, ut ab Episcopo non sint admittendi ad Ordines, quos ipse præsentandos duxerit (hos enim & quantum ad mores & quantum ad doctrinam sufficienter idoneos judicat) tunc non faciet contra Decretum Clementis VIII. si expectet tempus, in quo non sunt habendæ Ordinationes in Diocesi, ut subditos suos extra Diocesim dimittat Ordinandos; siue quod secundum modernam praxim loquendo idem est, si probabiliter timeatur fore, ut ab Episcopo non omnes indifferenter Regulares, præsertim Mendicantes, ætatem & certum in Religione tempus habentes, admittantur.

Quid enim notius, quàm omnes planè Regulares, si illos, quos Laicos vocant, excipias, mox ut ætatem atigerint, certoque tempore in Religione vixerint, Ordinibus sacris, & quantum ad mores & quantum ad doctrinam sufficienter idoneos à Superioribus judicari?

Si hoc non sit fraudem facere Declarationi & Ordinationi Pontificis, nescio quid tandem erit fraudem facere; sed de hac aliisque similibus fraudibus, quibus nonnulli se conantur subducere examini suorum Episcoporum, qui secundum suum genium rigidiores videntur, fufius egi in libello cui titulus: *Repagulum Canonicum adversus nimiam exemptionum à jurisdictione Episcoporum extensionem §. 10. 11. &c.*

XLIII. His aliisque incommodis, quæ ex recurſu ad varios Episcopos pro Ordinibus suscipiendis oriuntur, medendis, summus Pontifex Innocentius XII. Constitutionem edidit, quæ incipit, *Speculatores*; quæ penè omnia, quæ tunc ex declaratione S. Congregationis; tum Decretis Episcoporum circa proprium Episcopum relata sunt, confirmantur; unde textum Constitutionis, quo hæc exprimuntur, hic apponendum credidi.

„Decernimus, ac declaramus, nulli Episcopo seu cuiusvis loci Ordinario, tametsi Cardinalatus honore fulgeat, licere externum quempiam, ac sibi ratione Originis, seu Domicilii, juxta modum inferius declarandum, legitimè contracti, non Subditum ad Clericalem Tonfuram promovere. cuiusvis Beneficii Ecclesiastici ei statim ac Tonfurâ hujusmodi insignitus fuerit, seu ad quod is à Patronis jam præsentatus, seu nominatus fuerit, prætextu, etiam si Beneficium prædictum de novo eâ expressè adjectâ lege fundatum fuisse constiterit, ut quis immediatè post Clericalem characterem susceptum ad illud instituat; præterea Clericum, qui legitimè jam à proprio Episcopo ad eandem Clericalem Tonfuram, seu etiam ad minores Ordines promotus fuerit, non posse ab alio Episcopo ratione, ac titulo cuiuscumque Beneficii in illius Diocesi obtenti, ad ultiores Ordines promoveri, nisi ante eorumdem susceptionem Testimoniales litteras proprii Episcopi tam Originis, quàm Domicilii super suis Natalibus, ætate, moribus, & vita sibi concedi obtinuerit, easque Episcopo ordinanti in actis illius Curiae conservandas exhibuerit. Licet verò Clericus ratione cuiusvis Beneficii in aliena Diocesi obtenti, subijci dicatur jurisdictioni illius Episcopi, in cuius Diocesi Beneficium hujusmodi situm est, eam tamen de cætero hac in re inconcussè servari volumus Regulari, ut nemo ejusmodi subjectionem ad effectum suscipiendi

„cipiendi Ordines acquirere censeatur; nisi Beneficium prædictum ejus sit redditus, ut ad congruam vitæ sustentationem sive juxta Taxam Synodalem, sive, eâ deficiente, juxta morem Regionis pro promovendis ad Sacros Ordines, detractis oneribus, per se sufficiat, illudque ab Ordinando pacificè possideatur, sublata quacumque facultate supplendi quod deficeret fructibus ejusdem Beneficii cum adjectione Patrimonii etiam pinguis, quod ipse Ordinandus in eadem, seu alia quavis Dicecesi obtineret; ac Episcopus sic Ordinans tam de prædictis Testimonialibus litteris, quam de redditu Beneficii hujusmodi expressam in consueta collatorum Ordinum attestatione mentionem facere debet. Cæterum, Subditus ratione Originis in tantum sit, ac esse intelligatur, qui naturaliter ortus est in ea Dicecesi, in qua ad Ordines promoveri desiderat, dummodo tamen ibi natus non fuerit ex accidenti, occasione nimirum itineris, Officii, Legationis, Mercaturæ, vel cujusvis alterius temporalis moræ; seu permanentiæ ejus Patris in illo loco; quo casu nullatenus ejusmodi fortuita natiuitas, sed vera tantum, & naturalis Patris origo erit attendenda. Quod si quis tanto temporis spatio in eo loco, in quo ex accidenti, sicut præmittitur, natus est, moram traxerit, ut potuerit ibidem Canonico aliquo impedimento irretiri, tunc etiam ab Ordinario ejus loci litteras Testimoniales, ut supra, obtinere, illasque Episcopo Ordinanti per eum in collatorum Ordinum testimonio similiter recensendas, præsentare teneatur. At si Pater in alieno loco, ubi ejus filius natus est, tandiu, ac eo animo permanferit, ut inibi verè Domicilium de jure contraxerit, tunc non origo Patris, sed Domicilium per Patrem legitimè, ut præfertur, contractum pro Ordinatione ejusdem filii attendi debeat. Subditus autem ratione Domicilii ad effectum suscipiendi Ordines is duntaxat censeatur, qui, licet alibi natus fuerit, illud tamen adeò stabiliter constituerit in aliquo loco, ut vel per decennium saltem in eo habitando, vel majorem rerum, ac bonorum suorum partem cum instructis Adibus in locum hujusmodi transferendo, ibique insuper per aliquod considerabile tempus commorando, satis superque suum perpetuè ibidem permanendi animum demonstraverit; & nihilominus ulterius utroque casu se verè & realiter animum hujusmodi habere jurejurando assermet. Si quis tamen à propriæ Originis loco in ea ætate discesserit, quâ potuerit alicui Canonico impedimento obnoxius effici, etiam Ordinarii suæ originis testimoniales litteras, ut supra, afferre debet, ac de illis expressa similiter mentio in susceptorum Ordinum litteris facienda erit.

### CAPUT III.

#### De Litteris Dimissorialibus.

1. *Quæ essent apud Veteres Litteræ Dimissoriales?*
2. *Harum Litterarum mentio occurrit in antiquis Canonibus; sed alio sensu, quam hodie accipiuntur.*
3. *Litteræ Dimissoriales hodie dantur, ut quis ab alieno Episcopo ordinetur.*
4. *Dare Litteras Dimissoriales propriè ad Episcopos pertinet.*
5. *Olim quibusdam inferioribus Prælati facultas dandi Dimissoriales competit.*
6. *Synodus Tridentina hanc facultatem sustulit.*
7. *Decretum S. Congregationis conforme.*
8. *Auctoritas dandi Dimissoriales competens Capitulo, Sede vacante, per Synodum Tridentinam restricta.*
9. *Pena in contravenientes decreta.*
10. *Episcopus confirmatus non consecratus, potest dare*

*Dimissoriales; & Archiepiscopus ante receptionem Pallii.*

11. *Facultas hæc ab Episcopis delegari potest.*
12. *Synodus Tridentina desiderat, ut Episcopi per se Ordines conferant.*
13. *Jare communi in litteris Dimissorialibus exprimens causa, ob quam Episcopus non ordinet; sed hodie non observatur.*
14. *Non est conveniens, ut Episcopus passim suos alii mittat.*
15. *Synodus Tridentina non vult dari Dimissoriales, nisi jam probatis.*
16. *Synodi posteriores idem inculcant.*
17. *Justitia eorum Decretorum.*
18. *Interdum examen aliis delegandum; & quæ cautio à S. Carolo hic adhibita?*
19. *Studentium in Academia examen sæpe aliis committitur; & quid hic præcipue attendendum?*
20. *Synodus Tridentina videtur ultra examen Ordinarii etiam requirere examen alieni Ordinantis vigore Dimissorialium.*
21. *Idque in aliquibus Diæcesibus observatur.*
22. *Sacra Congregatio declaravit, id esse arbitrium.*
23. *In Belgio non solet secundum examen institui.*
24. *Merito attendunt Episcopi, à quo Dimissoriales concessæ sint.*
25. *Sanctus Carolus noluit sine necessitate Dimissoriales dari.*
26. *Noluit eas dari, nisi pro Ordinibus unâ ordinatione recipiendis.*
27. *Vult in iisdem præscribi tempus intra quod Ordines sint suscipiendi.*
28. *Dimissoriales ad tempus vel certos Ordines restrictæ, quando expirant?*
29. *Litteræ Dimissoriales per mortem Episcopi non expirant.*
30. *Concessæ à Capitulo, Sede vacante aut Vicario, durant etiam extinctâ eorum potestate.*
31. *Poterit novus Episcopus Litteras Dimissoriales à Capitulo datas revocare.*

I. **LITTERARUM Dimissorialium** sive *Dimissorialium* frequens est etiam apud Veteres mentio; sed alio nonnihil sensu, quam hodie accipiuntur.

Antiquitè enim ferè ejusmodi litteræ non dabantur, nisi Clericis, qui ad aliam Ecclesiam mittebantur non reversuri.

Cùm enim secundum disciplinam illius temporis, Clerici omnes vi suæ ordinationis adstringerentur certæ Ecclesiæ, à qua sine consensu Episcopi recedere non poterant; si Clericus ad aliam Ecclesiam transire velleret, petebat ab Episcopo *dimissionem*; si Episcopus consensiebat, expediebantur litteræ, quibus significabatur, quod Episcopus hunc Clericum à vinculo, quo Ecclesiæ suæ tenebatur, abolveret, atque à se *dimitteret*; alterique Episcopo eum cederet; jusque omne quod in eum habebat, in alterum transferret: atque hæc propriè dicebantur Litteræ *Dimissoria*, à verbo Latino *dimittere*.

II. Hoc sensu Litteræ *Dimissoria* accipiuntur à Concilio Carthaginensi I. *Can. 5.* litteras has idèd solum requirens, ne alienus Episcopus alterius Clericum usurperet; id est, suæ Ecclesiæ adscribat, & alteri eripiat, ut “nullus omninò Clericus in quocumque sit gradu, potestatem habeat sine proprii Episcopi scripta”; *Dimissoria* in alienæ Ecclesiæ catalogum referri.

Hæc *Dimissoria* requiruntur, non ut Clericus ab alio Episcopo simpliciter ordinetur; sed ut in alienæ Ecclesiæ catalogum referatur; quod fieri mores illorum temporum non permittebant, nisi ab Ecclesia cui priùs fuerat adscriptus, *dimitteretur*; quod fiebat mediante *Dimissoria*.

III. Hodie verò vulgari nomine Litteræ *Dimissoria* live



sive *Dimissoriales* vocantur, quibus Clerici non absolute à suis Ecclesiis dimittuntur; sed quibus ad alium Episcopum, Ordinem suscipiendorum causa duntaxat *dimittuntur*; seu quibus facultas sit alicui à non suo Episcopo Ordines suscipiendi; ita ut Episcopus in eum Clericum pristinum jus & auctoritatem sibi retineat; nec à se *dimittat*, nisi ad hunc solum effectum, ut ab alieno Episcopo, Ordinem in litteris expressum suscipiat.

IV. Sicuti autem Episcopi sunt Ordinarii Ordinum Ministri; atque ad ipsos *proprie* spectat Ministrorum Ordinatio & electio, ita quoque semper ad Episcopos primario spectavit, & hodie spectat *Dimissoriales* litteras dare.

„ Inferiores Prælati, Religiosi vel alii, nisi eis, quod „ suos Clericos, aut subditos, possint à quo voluerint „ Episcopo facere ordinari, à Sede Apostolica *specialiter* sit indultum, vel Officialis Episcopi (cùm ad „ hoc se ipsius officium non extendat) hujusmodi nequeunt licentiam impertiri. „ *Cap. 3. De Temporib. Ordinatis in IV.*

Hic supponit Pontifex, Episcopis jure ordinario competere facultatem dandi litteras *Dimissoriales*; inferioribus verò non nisi ex speciali Sedis Apostolicæ indulto; quemadmodum etiam indicatur in *Cap. 8. De officio Archid.* ubi mandatur Episcopo, ut „ interdiciat Archidiacono suo, ne sine conscientia sua & „ auctoritate litteras suas promovendis concedat Clericis.

Ad quæ reflectens Glossographus, ait: „ Et ita patet: quod Archidiaconus non potest dare commendatitias (litteras) ad Ordines suscipiendos, sed solus „ Episcopus.

V. Subjicit tamen Glossographus hanc exceptionem: „ Si Episcopus absens esset extra Parochiam suam, & „ necessitas vel utilitas Ordinandorum immineret, tunc „ posset illos præsentare aliis Episcopis, per quos ordinantur: quia absente Episcopo supplet vices; sic & „ Archipresbyteri; & hoc intelligo (ait) si Archidiaconus habet hoc de *Consuetudine*, alias non, nisi haberet *speciale* mandatum.

Ex his quoque non obscurum est, olim nonnullis inferioribus Prælati, ut Archidiaconis, Archipresbyteris, vel Abbatibus, sive per indultum, sive per consuetudinem, facultatem hanc fuisse communicatam.

VI. Verùm Concilium Tridentinum *Sess. 23. cap. 10. De Reformat.* postquam interdixit Abbatibus, ac aliis quibuscumque quantumvis exemptis, cuiquam qui *Regularis subditus* sibi non sit, Tonsuram vel Minores Ordines conferre, subdit: „ Nec ipsi Abbates „ & alii exempti, & Collegia, vel Capitula quæcumque, etiam Ecclesiarum Cathedralium Litteras *Dimissorias* aliquibus Clericis secularibus, ut ab aliis ordinantur, concedant, sed horum omnium Ordinatio, servatis omnibus, quæ in hujus sanctæ Synodi Decretis continentur, ad Episcopos intra quorum Diocesis fines existant, pertineat: non obstantibus quibuscvis „ privilegiis, præscriptionibus aut consuetudinibus, etiam immemorabilibus.

Hoc Decreto auctoritatem dandi *Dimissoriales* competentem Prælati inferioribus, vel ex privilegio vel consuetudine vel præscriptione esse revocatam, nequaquam obscurum est. (a)

VII. Unde cùm Capitulum Antverpiense obtinuit

(a) Monitum velim lectorem in Comitibus Cleri Gallicani habitis an. 1657. statutum fuisse, ut admoneretur Nuntius Apostolicus, litteræque scriberentur ad exorandum summum Pontificem, ut prohiberet tanquam subreptitias impetrationes Rescriptorum, quibus permittebatur, ut quis attonderetur in aliena Diocesi: deque ut Encyclicis Litteris Episcopi Regni omnes invitarentur ad eos Tonsuræ Ordinibusque arendos, qui istiusmodi rescripta proferrent; nisi, ut sancitum est à Concilio Tridentino, litteras afferrent Episcopi Diocesani testimoniales de vita, moribus & Doctrina. Vide quoque Acta Comitiorum Cleri Gallicani an. 1635. & 1665.

set privilegium à Leone X. quo dabatur facultas dandi *Dimissoriales* de promovendo etiam extra tempora; eaque auctoritate, non obstante Decreto Concilii Tridentini, uti veller Capitulum; quæstione per Episcopum Romam delatâ, & S. Congregationi propolitâ, rescriptum est ad Episcopum, Sacram Congregationem censuisse: „ Facultatem concedendi *Dimissorias* litteras Capitulo ademptam esse Decreto *cap. 10. Sess. 23.* Litteræ exstant apud Zypæum in Jure novo *tit. de Officio Ordinarii, num. 20.*

VIII. Quia, Sede vacante, Capitulum succedit in jurisdictionem Episcopalem, jam olim obtinuit, ut Capitulum, Sede vacante, *Dimissorias* ad suscipiendos Sacros Ordines statim à morte Episcopi dare posset; at Synodus Tridentina per Decretum sub Paulo III. editum *Sess. 7. cap. 10. De Reformat.* hanc Capituli auctoritatem aliquatenus restrinxit, uti supra *parte 1. tit. 9. cap. 2.* notavi. (a)

IX. Ulterius pœnam interdicti Capitulo, si Decretò contraveniat, comminatur: & insuper ut „ Ordinati, „ si in Minoribus Ordinibus constituti fuerint, nullo „ privilegio Clericali, præsertim in criminalibus, gaudeant: in Majoribus verò, ab executione Ordinum, „ ad beneplacitum futuri Prælati, sint ipso jure suspensi.

Hanc pœnam Synodus *Sess. 23. cap. 10. De Reformat.* „ ad illos, qui easdem litteras non à Capitulo, „ sed ab aliis quibuscvis, in jurisdictione Episcopi loco „ Capituli, Sede vacante, succedentibus, obtinerent „ contra Decretum sub Paulo III. mandat extendi. „ Concedentes autem *Dimissorias* contra formam Decreti, ab Officio & Beneficio per annum sint ipso „ jure suspensi.

X. Cæterùm, quia concessio *Dimissorialium* ad Ordines suscipiendos, non ad ea, quæ jurisdictionis sunt, pertinet; nemo ambigit, quin Episcopus electus & confirmatus, licet nondum consecratus, *Dimissorias* dare queat; eò quod post confirmationem, etiam ante consecrationem Episcopus exerceat omnia, quæ sunt jurisdictionis, quemadmodum *parte 1. tit. 14. cap. 5.* ostensum est. Idem esto iudicium de Archiepiscopo ante acceptum *Pallium* Archiepiscopale, sine quo Ordines conferre nequit, licet quæ jurisdictionis sunt exercere valeat; uti similiter *parte 1. tit. 10. cap. 7.* probatum est.

XI. Eadem ratione facultas dandi *Dimissorias* Vicariis seu Officialibus Episcoporum competere potest, modò Episcopi eam specialiter ipsis delegaverint. Hanc auctoritatem in Provincia Colonienfis competiisse Officialibus supposuit Synodus Colonienfis anno 1536. *parte 1. cap. 29.* prohibens, „ Ne Officiales Litteras *Dimissorias*, quæ vulgò *Licenciatorie* Ordinandi vocantur, alicui temerè concedant: illarum enim præter „ tu, qui suæ rudicitatis & incitiæ sibi consci sunt, „ norum Vicariorum in Pontificalibus disquisitionem „ subterfugiunt, ac aliò migrant, ubi nullus Canonice traditionis respectus habetur.

Idipsum supposuit Synodus Moguntina anno 1549. *cap. 14.* dicens: „ Commissariis nostris ferid inhibemus, ne imposterùm alicui Litteras *Dimissorias* sine „ magna & necessaria causa, quam bene exploratam „ habere debent, concedant.

Profectò cùm à certa ac Canonica Ministrorum electione & sublimatione præcipuè rectum Ecclesiæ regimè & populi salus dependeat, Episcopi summa circumspectione in ea procedere debent, neque temerè aut faciliè aliis Ordinationem suorum Ministrorum credere.

(a) Observandum est, Episcopali Sede vacante, non nisi completo vacationis anno, Capitulum posse Latcos ad Tonsuram & Clericos ad Ordines dimittere; quamquam intra vacationis annum potest litteras *dimissorias* concedere illis, quos jura *Arbitrari* dicunt: seu qui ratione Beneficii tenentur intra annum sub Beneficii periculi certo quemdam Ordinem suscipere.

XII. Et quidem Synodus Tridentina *Sess. 23. cap. 3. De Reformat.* vult, ut "Episcopi per semetipsos Ordines conferant: quod si ægritudine fuerint impediti, subditos suos non aliter, quàm jam probatos, ad alium Episcopum ordinandos dimittant.

Quamvis Synodus non exprimat nisi causam ægritudinis, ob quam suos ad alium Episcopum mittere queat, nequaquam tamen aliæ graves & necessariae causæ exclusæ censentur, quibus legitimè prædeditus Episcopus, ad alium Episcopum Ordinandos dimittat; quemadmodum expressit Concilium Mediolanense III. sub S. Carolo tit. *Quæ pertinent ad Sacramentum Ordinis.*

XIII. Et quidem Clemens IV. in *cap. De temporibus Ordinatis. in VI.* non vult aliquem Ultramontanum ab Episcopo Italo ordinari, nisi in Litteris Dimissoriis causa legitima contineatur, quare illum Episcopus originis nolit aut nequeat ordinare.

Unde jam pridem creditum fuit, & S. Carolus observavit, quod in Litteris Dimissoriis deberet exprimi causa, ob quam Episcopus proprius ordinare nequeat aut nolit; quod tamen nec in Gallia nec in Belgio observatur, ut advertit Rebuffus in *Præxi Benef.* titulo *De formula Dimissoriarum num. 28.*

XIV. Interim ex Decreto Synodi Tridentinæ sat intelligitur, mentem Ecclesiæ nequaquam esse, ut Episcopi passim suorum subditorum Ordinationes aliis committant, quasi rem ipsis nimis molestam, aut nimis vilem; quod planè à pristinis ac Sanctis Episcopis remotissimum fuisse, multis exemplis probat Hallierius *part. 2. sect. 3. cap. 3. num. 11. § 5.*

XV. Si verò iusta fuerit causa mittendi subditum ad alienum Episcopum pro Ordinibus suscipiendis, meritò addit Synodus Trident. *non aliter quàm probatos mittendos esse*; id est, Dimissoriales dandas non esse, nisi jam probatis, quod & alio loco sufficienter expressit; vetans aliquem ab alieno Episcopo ordinari, etiam cujusvis generalis aut specialis rescripti aut privilegii prætextu, nisi ejus probitas ac mores Ordinarii sui testimonio commendentur. *Sess. 23. cap. 8. De Reformat.*

XVI. Has Concilii Tridentini Sanctiones explicans S. Carolus in Synodo sua Mediolanensi III. titulo, *Quæ pertinent ad Ordinis Sacramentum*, ait: "Infirmâ valetudine, aliâve justâ causâ impeditus Episcopus, si statos Sacros Ordines habere non potest, & aliquem propterea Clericum suum ad alium Episcopum mittere velit, à quo alicui Ecclesiastico Ordini adscribatur; testimonialibus litteris ei datis, hæc adscribat, & testata faciat, vitæ imprimis & morum probitatem, doctrinam, quâ idoneus, examine habito judicatus est, Ecclesiasticum Ordinem, quo est proximè initiatus, tum præterea natales, aut dispensationem, si quam super illis obtinuerit: si verò majori Ordini adscribendus est, ætatem item, & titulum sufficientemque censum Beneficii, vel pensionis, vel patrimonii quod ille habet.

Et Synodus P. II. Mechliniensis *tit. 9. cap. 5.* Episcopi subditos suos non nisi jam probatos & examinatos ad alium Episcopum dimittant, juxta Decretum Concilii Tridentini.

XVII. Justissima sanè Constitutio. Cum enim nemini magis nota esse debeat, quàm proprio Pastori & Episcopo sufficientia ac capacitas sui subditi; atque ipsius maximè intersit, ne quis inidoneus è suis subditis, & in suæ Dioceseos Clerum ordinetur; nihil sanè justius, quàm ut ejus testimonium requiratur, ut appareat, an ipse, qui ad Ordines suscipiendos subditum suum mittit, de ipsius capacitate, antequam mittat, firè sit instructus; atque de ea testetur.

XVIII. Quia tamen interdum contingere potest, ut Ordinandus à Diocesi, aut civitate Episcopali sit absens; nec sine magno incommodo ad Episcopum personaliter pro examine accedere possit, hanc cautio-

nem addidit S. Carolus in sua Synodo Mediolanensi V. parte 3. de *Initiandis Ordinis Sacramento*, ut "hoc casu liceat examen illud speciatim Episcopo delegare, in cujus Diocesi illi morantur: at verò tunc Litteras dimissorias ne des, antequam examinis facti litteras ab eo acceperit, cui illud delegavit.

XIX. Ita hodie non rarò solent concedi Litteræ Dimissoriae Studentibus in Academia, præsertim remotis à suis Diocesibus, hac insertâ clausulâ, si prævio examine à suo Præside Collegii, aut aliis in litteris designatis idonei judicentur; in quo hæc cautio præcipuè necessaria est, ut Episcopi examen illud non committant, nisi iis, quorum sufficientia & integritas probè ipsis fuerit nota; & de quibus securi sint, quod non nisi benè idoneis testimonium capacitatis sint daturi.

XX. Viderur insuper Synodus Tridentina *Sess. 7. cap. 11. De Reformat.* præter examen proprii Episcopi ad alienum mittentis, nec non illius de sufficientia ordinandi testimonium, insuper requirere examen ipsius Episcopi Ordinantis; cum expressè statuat, "Facultates de promovendo à quocumque non suffragentur, nisi habentibus legitimam causam, ob quam à propriis Episcopis ordinari non possint, in litteris exprimentam, & tunc non ordinentur, nisi ab Episcopo in sua Diocesi residente, aut pro eo Pontificalia exerceente, & diligenti prævio examine.

XXI. Et conformiter ad hoc Decretum, etiam à propriis Episcopis examinatos, iterum examinari ab Episcopo ordinaturo, Mediolani & Neapoli, ex Bonacina & Quaranta refert Hallierius loco citato §. 6. dicique & in Gallia se id ab aliquibus vidisse observari.

XXII. De hac quæstione consulta S. Congregatio, "An scilicet, Episcopus Ordinans alienos subditos seculares cum dimissoriis proprii Episcopi alferentis, eos examinatos fuisse, & idoneos repertos, hujusmodi attestationsi deferre teneatur, vel etiam possit eosdem Ordinandos examinare; Sacra Congregatio censuit, esse arbitrium, & idèd posse, sed non teneri., Apud Fagnanum ad *cap. Cum secundum de Prabendis num. 56.*

XXIII. Conformiter ad hanc resolutionem, solent hic Episcopi dimissorialibus & attestationsi proprii Episcopi deferre, atque sine novo examine ordinare; prædictum Decretum Concilii Tridentini intelligentes de his, qui facultates de promovendo non à proprio Episcopo, sed à Sede Apostolica obtinuerunt.

XXIV. Addit tamen meritò Fagnanus ibidem *num. 57.* quod si Episcopus alienus sciret, cum, qui habet Dimissoriales esse criminofum, peccaret ordinando: quia reverà manus imponendo indigno, etiam Sacramentum indignè administraret. Quare laudandi Episcopi, qui non adeò faciles sunt, ut admittant dimissoriales, dum sciunt, Episcopum in concedendis Dimissorialibus & Ordinandis admodum facilem esse, ac quosvis passim se præsentantes ad Sacros Ordines admittere.

XXV. Ne occasione concessarum litterarum Dimissorialium fallantur Episcopi; eò quod interdum contingat, ut vel hominis mores mutantur, vel quod de illius vita antea minus notum erat atque exploratum, id postea pateat, quò fiat, ut quem Episcopus aliquando Sacro Ordine dignum judicavit, illum ipsum postmodum inveniat indignum, ut ulteriore Ordine insigniatur, meritò voluit Sanctus Carolus in Synodo sua Mediolanensi IV. titulo *Quæ pertinent ad Sacramentum Ordinis*: imprimis, ne "Episcopus cuiquam, antequam Sacre Ordinationis tempus proximè inter, Litteras hujusmodi testimoniales Dimissoriasve pro Ordinibus ab alio Episcopo suscipiendis, sine necessaria causâ unquam concedat.

XXVI. Secundò, "Neque item iisdem litteris facultatem det plures Ordines suscipiendi, quàm illos ipsos tantum, quos uno eodemque tempore ab eo suscipi

„fufcipi voluerit, ac per sacros Canones Conciliaque licuerit.

XXVII. Tertio, „Præfinit præterea in illis ipsis certum fufcipiendi Ordinis, cui quifquam adfcribendus est, tempus, menftrum fcilicet vel bimeftrē vel longius, ut pro loci diftantia, pro aliave ejufmodi caufa opus efle viderit.

Hæc oftendunt quanta cautione in dandis litteris dimifforialibus procedendum judicaverit S. Carolus; ne occasione hujufmodi litterarum indignus quifpiam ad Ordines promoveretur. Epifcopi has cautiones pro locorum perfonarumque conditione adhibere poterunt; ubi eas vel neceffarias vel convenientes in eundem finem judicabunt.

XXVIII. Subjicit deinde S. Carolus: „Quo præfinito tempore tranfacto, eas litteras eo nomine à fe concessas, ei impofterum nihil fuffragari nihilque roboris habere iifdem litteris declarat: Quas etiam Can- cellario Epifcopali ab illo, cui concessæ funt, reddi decernat.

Verum licet hæc declaratio in litteris eflet omiffa, nihilominus, fi Dimifforiales reftrictæ funt ad certum tempus, intra quod ad Ordinem promoveri teneatur, tempore præfinito elapfo, litteræ illæ fuum amittunt valorem & effectum; quia cum facultas feu mandatum non fit nifi ad tempus, etiam ultra tempus extendi nequit.

XXIX. Si autem litteræ Dimifforiæ funt fine præfinitione temporis, tunc eatenus perpetuæ funt; ut nec per mortem Epifcopi revocatae cenfeantur, uti tradit Rebuffus in praxi Benef. titulo *De Formula Dimifforium num. 39.* & communiter Canoniftæ, atque praxis moderna probat.

XXX. Addit præterea Rebuffus num. 43. Nec etiam, fi gratia ifta fufcipiendi Ordines ab alieno Epifcopo concessa fit à Capitulo, exspirabit, finita Capituli potestate; quia gefta à Capitulo valida funt, & durant fi recte facta funt. Idipfum plurimis citatis docet Barbosa, *De officio Epifcopi parte 2. Allegat. 7. n. 24.*

Quod de Dimifforiis datis à Capitulo, Sede vacante, concessis dicitur; idem dicendum de concessis à Vicario Epifcopi, eas nimirum durare etiam extincta potestate Vicarii; uti exprefse notat Hallierius loco citato § 8.

XXXI. Hæc de validitate Dimifforiarum five ab Epifcopo, five à Capitulo vel Vicario concessarum non procedunt, fi Epifcopus eas re integra, id est, ante Ordinem fufceptum revocaverit. Unde Rebuffus postquam dixerat, litteras Dimifforias nec per mortem Epifcopi, nec per extinctam potestatem Capituli efle effectum fuo evacuat, immediate fubjungit num. 44. Poterit tamen Epifcopus revocare ea, quæ nondum funt fortita effectum: quam opinionem Rebuffi probans Barbosa dicto loco num. 25. ait: „A novo enim An- tiftite revocari poffunt per edictum omnes & quæcumque à prædecefforibus Præfulibus, vel Capitulo, Sede vacante, concessæ. (a)

(a) Cleras Gallicanus in Comitiffis anni 1657. hortatur Epifcopos recens promotos, ut ejufmodi litteras à fuis Decefforibus aut à Capitulo concessas revocent: deinde ut tempus figant, quo litteræ à fe concessæ vim habituræ funt, v. g. trium, quatuor, quinque vel fex menfium.

## CAPUT IV.

### De Examine Ordinandorum.

1. Epifcopo cito manus imponere vetitum.
2. Quid fit cito manus imponere?
3. Ordinandi primum probandi.
4. Synodus vult Ordinandos examini Epifcoporum fubjacere.
5. Decretum hoc etiam Regulares comprehendit.
6. In omni Congregatione folent efle boni & mali.

Tom. I.

7. Major perfectio requiritur in Presbyteris, quam in Monachis.

8. Non omnes qui Professionem Religiofam emiserunt, ad Ordines Sacros admittendi.

9. Examen Ordinandorum primario ipsi Epifcopo competit.

10. Si jus examinandi Ordinandos alicui competit, non cenfetur exclusus Epifcopus.

11. Officiales alique inferiores Prælati examen aliquando fibi vindicarunt, & quid hic decreverit Synodus Colonienfis.

12. Convenit Epifcopum in examine efle præfentem.

13. Epifcopus examen aliis delegare potest.

14. Epifcopus ultra Examinatores ordinarios, potest alios assumere; & præcipue à Canonicis Cathedralibus.

15. Non adstringitur Epifcopus Canonicos Cathedrales assumere.

16. Examinatores quales efle debeant?

17. Monita S. Caroli ad Examinatores.

18. Examen imprimis infitueundum circa vitam Ordinandorum.

19. Ordinandi mense ante Ordinationem fe fiftere debent Epifcopo; & quare?

20. Nomina Ordinandorum publice populo proponenda; idque conforme veteri difciplinæ.

21. Pristinam difciplinam exprimit Pontificale.

22. Huic pristinæ publicationi fuffecit bodierna per Parochum fieri folita.

23. Hæc publicatio potiffimum fit, ut de vita Ordinandorum exactior notitia habeatur.

24. Proclamationes fieri mandant Synodi Belgicæ.

25. Volunt ifta fieri infiar Bannorum Matrimonialium.

26. Decretum Synodi Leodienfis praxi bodiernæ conforme.

27. Non folent bodie Ordinandi mense ante Ordinationem Epifcopum adire; quod tamen eflet conveniens.

28. Populus à Parocho monendus de harum Proclamationum scopo.

29. Excitandus ut pro Ordinandis oret; & quam hic follicitus fuerit S. Carolus.

30. Populus monendus ad quid jejunia Quatuor Temporum infituta.

31. Ordinandi aliquo die ab Epifcopo designando examini fe fiftere debent.

32. Examen circa mores ipforum quomodo infitueundum; & quid de Seminariffis?

33. Quam difficulter habeatur exacta notitia eorum qui extra Seminarium morantur.

34. Non femper deferendum testimonialibus Directorum.

35. Regularium testimoniis non femper fidendum.

36. Quanto fe periculo exponant, qui paffim quorumcumque testimoniis credunt.

37. Qualiter fuper fcientia examen infitueundum?

38. Quæ figillatim inquire voluerit S. Carolus?

39. Voluit ut Examinatores fibi certam formulam examinandi proponerent.

40. Examen unius horæ an fufficere queat?

41. Exercitia fpiritualia Ordinationi præmittenda; & quis horum fcopus?

I. DICTUM est ab Apostolo omnibus Epifcopis in perfona Timothei, *Manus cito nemini impofueris, neque communicaveris peccatis alienis.* 1. ad Timoth. 5. v. 22.

II. „ Quid est autem, cito manus imponere (ait S. Leo Epifol. 87. capit. 21.) nifi ante ætatem maturitatis, ante tempus examinis, ante meritum laboris, ante experientiam difciplinæ, Sacerdotalem honorem tribuere non probatis.

Et ante Leonem Sanctus Chryfoftomus prædicta verba Apostoli exponens *Honul. 16. in Epifl. ad Timoth.*



motu ait: " Quid est illud, rito? Non exprima probatione, nec secunda, nec tertia, sed ubi confidetur ratio diuturna præcessit, exactissimaque discussio, tunc imposito manus.

III. Jubet rursus in eadem Epistola cap. 3. Apostolus, ut Ordinandi probentur primum, & sic ministrent.

Hinc toties in pristinis Canonibus præceptum, ne Episcopi cito manus imponant; sed prius exacte probent & examinent vitam, mores, aliasque Ordinandum qualitates.

IV. His insistens Synodus Tridentina, neminem, nisi prævia exacta de vita ac moribus inquisitione, & præmissio super ejus doctrina examine, ordinari voluit; uti pluribus capitibus Sess. 23. de Reformatione, expressum est; ac signanter cap. 12. ubi postquam ætatem singulis Sacris Ordinibus præscriptam exposuit, subjicit:

" Sciant tamen Episcopi, non singulos, in ea ætate constitutos debere ad hos Ordines assumi: sed dignos duntaxat, & quorum probata vita senectus sit. Regulares quoque nec in minore ætate, nec sine diligenti Episcopi examine ordinentur; privilegiis quibuscumque quoad hoc penitus exclusis.

V. Voluit igitur Synodus generaliter omnes, non tantum Seculares, sed & Regulares, ante Ordinationem examini Episcopi esse subiectos; ut nimirum Episcopus examinare queat, num digni sint ad Ordines promoveri; ne alias contra præceptum Apostoli alicui citomanus imponendo, peccatis alienis communicet: " Neque enim, ut præcatis verbis subjungit Chrysostomus, ea res periculo caret: eorum, quæ ille peccaverit, tu quoque penam dabis, qui initium dedisti etiam præcedentium delictorum.

VI. Vita quidem Religiosa ex suo instituto, atque regulariter acta plurimum valet, ut quis ad Sacros Ordines disponatur; at notum est illud Augustini Ep. 132. " Omnem conditionem includere bonos & malos, esseque Clericos proinde falsos ac Monachos. Sunt & Monachi falsi, & nos novimus tales: sed non perit fraternitas pia per eos, qui profitentur quod non sunt; tam enim sunt Monachi falsi quam Clerici falsi, & fideles falsi.

VII. Notum quoque est, non omnem, quæ Monachis sufficeret perfectio, ad Sacros Ordines, præsertim Presbyteratus sufficere: Multo major, inquit S. Chrysostomus, vitæ integritas huic (Presbytero) quam illis (Monachis) necessaria. Hinc illud Augustini, Aliquando bonus Monachus vix bonum facit Clericum. Lib. 2. De Sacerdot. c. 2.

Quibus consonat illud Doctoris Angelici: " Ordines Sacri præexigunt sanctitatem: sed status Religionis est exercitium quoddam ad sanctitatem consequendam: unde pondus Ordinum imponendum est parietibus jam per sanctitatem desiccatis, sed pondus Religionis desiccet parietes, id est, homines ab humore vitiorum. 2. 2. q. 189. a. 1. ad 3.

VIII. Quapropter SS. Patres, etiam in primo Religionis Monasticæ fervore, non omnes passim ad Ordines Sacros promovendos judicabant, sed quos morum gravitas, & vitæ ac fidei institutio sancta commendat, ut loquitur Siricius Papa. Ep. 1. c. 13. Unde ad Aurelium scribit Augustinus: Cum ex his qui in Monasteriis permanent, non tamen nisi probatiores atque meliores ad Clerum assumere soleamus. Et Sanctus Gregorius Candido Episcopo scribens, ut de Monasteriis in sua Diocesi positis cum consensu Abbatis aliquos accipiat in Presbyteros ordinandos, hoc monitum subjungit: " Sed illius præ omnibus estote solliciti, ut vitam actusque eorum, qui in hoc sunt officio constituendi, subtiliter debeat inquirere, & tunc eos, si digni fuerint, ordinare. Lib. 5. Epist. 27.

IX. Cum ad Episcopum spectet Ordinandis manus imponere; atque juxta Apostolum, si manus cito imponat, ipse communicet peccatis alienis, quid mirum si

abique in Sacris Canonibus & Patribus prima examinationis cura ipsi Episcopo imponatur & deferatur; utpote cujus præcipue interest; ne indigni promoveantur. Hinc illud Innocentii III. in Cap. VENERABILEM & De Electione: " Est enim regulariter & generaliter observatum, ut ad eum examinatio personæ pertineat, ad quem impositio manus spectat.

Adhæc cum Episcopo totius populi cura & Diocesis regimen primario incumbat, quid æquius aut justius, quam ut Episcopus examinet ac inquirat in illos, qui per sacram Ordinationem in Ministros & cooperatores Episcoporum assumendi sunt?

X. Unde si in aliqua Ecclesia sit consuetudo, quod Archidiaconus Ordinandos examinet, nequaquam tamen excluditur Episcopus, ut etiam ab Archidiacono examinatos rursus de novo examinet, uti docet Glossographus ad cap. ACCEPIMUS & De Ætate & qualitate Ord. verbo: Examinari.

XI. Seculo decimo sexto invaluerat in quibusdam Diocesisbus Provinciæ Colonienfis, ut in Scholasticos Cathedralium Ecclesiarum, in aliis vero in Prælatos alios cura examinationis Ordinandorum relegata esset; itaque examinandi jus esset quæsitum, & majora quam cæteris Canonicis stipendia ab Ecclesia decreta.

Verum plerique Scholastici, & illi penes quos erat examinandi potestas, jura quidem sua ruebantur, nec tamen docebant juventutem nec examinabant: Officiamque & curas alias aliis, non multo melioribus examinadoribus interdum delegabant: quo fiebat, ut alio in alium hanc curam transferente, aut nullæ aut perfunctoriæ & admodum frigidiæ fierent examinationes Ordinandorum; uti deplorat Synodus Colonienfis anno 1549. titulo De altero medio ad reformationem necessario cap. 2. Cui malo ut mederetur subjungit: " Quem defectum supplere cupientes, & examen ad sua principia, hoc est, ad Episcopos revocare, quibus ex lege divina incumbit nemini cito manus imponere, matura deliberatione præhabita, declaramus, Episcopos non debere ejusmodi examinationibus (quando non ignorant eas perfunctorie factas) statim acquiescere, & inquisitionis specie, quam ex reliquiis antiqui moris retinent, in altari cum rogant utrum sint digni, justi & sancti, putare se satis fecisse; atque ita inutiles & indignos homines, nonnunquam etiam sceleratos, ab aliis forte (quos ea cura non admodum tangit) dignos judicatos, Sacris illis Ordinibus contra conscientiam propriam insignire. Eaque de causa requirimus Provinciæ nostræ Episcopos in Domino, ut vel ipsimet huic suo muneri satisfaciant, vel curam illam imponant viris piis, doctis, & de Ecclesiæ profectu sollicitis, quorum diligentia sit eis explorata, nisi certissimo experimento cognoverint Scholasticum, vel eum ad quem hoc pertinet, diligentiam talem, cui merito fident, adhibuisse.

XII. Hic supponit Concilium, examen Ordinandorum proprie ac primario ad Episcopum spectare; unde S. Carolus in sua Synodo Mediolanensi V. parte 3. titulo De Examinandi ratione, examinationis initium fieri vetat, nisi præsentibus adsint Episcopus vel Vicarius ipsius. Et in Synodo Mediolanensi IV. parte 2. titulo Quæ pertinent ad Sacramentum Ordinis, præscribit, ut id Episcopus, quantum sibi per occupationes licet, maxime curet, ut cum experimentum examenve de iis instituitur, qui Ordinibus præsertim Majoribus iniiriandi, quique Ecclesiis Parochialibus præficiendi sunt, ipse præsens in eo examine adsit.

XIII. Supponit insuper Concilium posse subinde aliquibus esse jus aliquod examinandi Ordinandos; quod & juri conforme est. Nam de jure Archidiaconorum est, examini Ordinandorum interesse, uti supra parte I. tit. 12. cap. 1. num. 14. & 15. ostensum est.

Bulla quoque erectionis novorum Episcopatum in Belgio, vult, ex senioribus Graduatibus Canonicis duo

in Theologia, & unus in iure Canonico Graduatium cum Archidiacono curam habeant examinandi promovendos ad Sacros Ordines.

XIV. Ulterius Concilium Colonienſe ſupponit, quod licet quibuſdam ſpecialiter impoſita ſit cura examinis, nihilominus penes Episcopum maneat auctoritas aliquos ſibi coexaminatores aſſumere.

Hos vero examinatores præcipue de gremio Cathedralis Eccleſiæ aſſumendos eſſe ſat inſinuavit jam pridem Concilium Nannetenſe cap. 11. apud Gratianum *Diſt. 24. Can. QUANDO*, dum dixit: Examinatores à Latere ſuo eligere debere Episcopum. Qui enim à Latere Episcopum dicuntur, niſi Canonici Eccleſiæ Cathedralis? Hi quoque Clerum & Senatum Eccleſiæ reſ præſentant; quare ſicut olim cautum fuit, ne Episcopis ſine Clericorum ſuorum Concilio Clericos ordinet *Can. EPISCOPUS Diſt. 24.* ita conſentaneum apparet, ut potius Canonici Cathedralis, quam alii in Examinatores (cæteris paribus) aſſumantur.

XV. Non apparet nihilominus Episcopo adempta libertas aſſumendi Examinatores Ordinandorum, etiam non Canonicos Cathedralis. Synodus Tridentina *Seſſ. 23. cap. 7. De Reformat.* ſimpliciter dixit: "Episcopus autem ſacerdotibus & aliis prudentibus, peritis divini legis, ac in Eccleſiaſticis functionibus exercitatis ſibi adſcriptis, Ordinandorum genus, perſonam, ætatem, institutionem, mores, Doctrinam & fidem diligenter inveſtiget & examinet." Nulla hic Canonorum Cathedralium aut aliorum Clericorum aut ſacerdotum ſpecialis prærogativa quoad hoc examen inſinuat; ſed arbitrio Episcoporum, Examinatorum electio apparet eſſe concedita; & ita probat praxis hodierna Belgii.

Quamquam monuimus *num. 13.* per bullam erectionis novorum Episcopatum in Belgio fuiſſe ſtatutum, ut tres ad minus à Canonicis Cathedralibus, quos *Graduatos* dicimus, una cum Archidiacono curam examinandi Ordinandos ſubirent; dicentem Bulla: "Ex ſenioribus præſatis Canonicis duo in Theologia, & unus in iure canonico Graduat, una cum Archidiacono curam habeant examinandi promovendos ad ſacros Ordines & admittendos ad curam animarum, quacumque illi auctoritate proviſi fuerint."

Porro Synodus Tridentina deferens Episcopis electionem Examinatorum ad ſacros Ordines promovendorum, huic Statuto nequaquam derogaviſſe cenſetur: quandoquidem certum ſit generale Decretum, quale eſt hoc Decretum Concilii Tridentini, non derogare ſpecialibus Statutis, præſertim in limine foundationis expreſſis, cuius generis eſt Statutum, prædictos Canonicos Graduat ad examen Ordinandorum vocans, utpote in ipſa erectione ſeu foundatione novorum Episcopatum expreſſum.

XVI. Dotes Examinatorum à Synodo Tridentina expreſſæ, etiam in Concilio Nannetenſi loco citato occurrunt. Gemina Synodus ſtatuit, ut Episcopus in Examinatores eligat Sacerdotes & alios prudentes viros *gnaros divina legis, & exercitatos in Eccleſiaſticis functionibus.*

Longe antea S. Gregorius ſcripſerat Adeodato Episcopo *lib. 2. Epiſt. 48.* "Si quando de his recipiendis (nempe ad ſacros Ordines) tractari neceſſe eſt, graves expertoſque viros conſiliis veſtris adhibete participes, & cum eis communi de hoc deliberatione penſate."

XVII. Monet autem univerſos Examinatores S. Carolus in ſua Synodo Mediolanenſi V. parte 3. tit. 2. "ut quicumque ſint, noverint, ſibi munus adeo grave committi, ut ſi negligenter, aut male ſeulo modo geſſerint, Deo imprimis culpæ in comunere admiſſæ exactam rationem reddituri ſint."

"Quare non ſpe, non metu, non præmio, non perſonarum ratione, non aliquo affectu ducti, muneris ſibi commiſſi curam gerant."

"Propoſito ſibi imprimis timore Dei, ne quemquam, quem indignum norint, probent: ruruſ,

"experimento, periculoſe factò, idoneum dignumque comperiunt, ne rejiciant. Itaque graviter, mature, prudenter, recteque tum de probando, tum de rejiciendo deliberent."

"Cum in locum convenerint, ubi moris eſt, Clericorum experimentum fieri, priuſquam aggrediantur, à ſtata prece, orationeque congregationum uſui præſcripta, quam de libro pronuntiet, qui examini præſidet, initium faciant, hoc pie intimeque precantes, ut Dei ope inprimis illud recte, prudenter, divinæque voluntati congruenter conſiciant."

XVIII. Examen hoc imprimis inſtiti debet ſuper vita & moribus ipſorum Ordinandorum, quemadmodum ſtatuit Synodus Tridentina *Seſſ. 23. cap. 7. De Reformat.* ut nimirum expendant, an tales ſint Ordinandorum mores, ut eorum probata vita ſenectus ſit, uti loquitur Synodus Tridentina dicta *Seſſ. cap. 12.* vel uti de Ordinandis in Presbyteros ait Synodus eadem ſeſſione *cap. 14. Ita pietate ac caſtis moribus conſpicui, ut præclarum bonorum operum exemplum, & vitam morum ab iis poſſint expectari:* vel uti loquitur Pontificale in Ordinatione Presbyterorum; *quod odor vitæ eorum ſit delectamentum Eccleſiæ Chriſti; ut prædicatione atque exemplo ædificent domum, id eſt, familiam Dei.*

An promovendorum in Diaconos ea ſit vitæ integritas, ut ipſes ſit, illos futuros tales, qui tanquam veri ſucceſſores Ordinis Levitici, *Eccleſiam Dei velut Tabernaculum portare, & munire debeant ornatu ſancto, prædicatu divino & exemplo perfectò;* uti ad Ordinandos Diaconos loquitur Pontifex ordinans.

Si promovendorum ad Subdiaconatum talis ſit vita, ut de iis ſperari queat, *ut ſi humana fragilitate contingat in aliquo fideles maculari, præbenda ſit ab iis aqua cæleſtis doctrina, qua purificati ad ornamentum altaris, & cultum divini Sacrificii redeant.*

XIX. Ut vero Episcopus de vita ac moribus ipſius Ordinandi facilius inſtruat, vult Synodus Tridentina citata ſeſſione *cap. 5.* ut "hi qui ad ſingulos Majores Ordines erunt aſſumendi, per menſem ante Ordinationem Episcopus adeant, qui Parocho, aut alteri, cui magis expedire videbitur committat, ut nominibus, ac delictis eorum, qui volent promoveri, publice in Eccleſia propoſitis, de ipſorum Ordinandorum natalibus, ætate, moribus, & vita à fide dignis diligenter inquiret; & litteras teſtimoniales, ipſam inquisitionem factam continentes, ad ipſum Episcopum quamprimum tranſmittat."

Si juxta tenorem huius Decreti, Ordinandi menſe uno ante Ordinationem ſe Episcopo liſterent, indubie id plurimum conducere, ut Episcopi ſe prævie ante Ordinationem de moribus, atque capacitate, cæterisque Ordinandorum qualitatibus informare poſſent.

XX. Quod vero Synodus velit, nomina ac deſideria eorum, qui Ordinandi ſunt, per Parochum, aut alium cui Episcopus commiſerit, publice in Eccleſia proponi, id priſtinæ diſciplinæ conforme eſt. Jam pridem enim Patribus uſitatum fuit, nomina promovendorum ad Eccleſiaſticum Miniſterium publice populo proponere; eorumque teſtimonium de Ordinandorum vita ac converſatione exquirere, teſte Cypriano *Epiſt. ad Clerum & plebes in Hiſpania;* ubi docet, *Ordinationem non niſi ſub populi aſſentis conſcientia fieri oportere, ut plebe præſente, vel detegantur malorum crimina, vel bonorum merita prædicentur.*

Hinc illud Concilii Carthaginenſis IV. *Can. 23.* apud Gratianum *Diſt. 24. Can. 6.* "Episcopus ſine Conſilio Clericorum ſuorum Clericos non ordinet, ita ut civium conniventiam, & teſtimonium quærat."

XXI. Patrum diſciplinam hodiernum Pontificale in Presbyterorum Ordinatione, exprimit his verbis: "Quoniam, fratres chariſſimi, reſtori navis & navigio deferendis eadem eſt vel ſecuritatis ratio, vel communis timoris; par eorum debet eſſe ſententia, quorum

"rum

rum causa communis existit. Neque enim fuit frustra à Patribus institutum, ut de electione illorum, qui ad regimen altaris adhibendi sunt, consulatur etiam populus: quia de vita, & conversatione præsentandi, quod nonnunquam ignoratur à pluribus, scitur à paucis, & necesse est, ut facilius ei quis obedientiam exhibeat ordinato, cui assensum præbuerit ordinando. Horum siquidem Diaconorum, in Presbyteros, auxiliante Domino, ordinandorum conversatio (quantum mihi videtur) probata & Deo placita existit, & digna (ut arbitror) Ecclesiastici honoris augmento. Sed ne unum fortasse, vel paucos, aut decipiat assensio, vel fallat affectio, sententia est expetenda multorum. Itaque quid de eorum actibus aut moribus noveritis, quid de merito sentiat, libera voce pandatis; & his testimonium Sacerdotii magis pro merito, quam affectione aliqua, tribuatis. Si quis igitur habet aliquid contra illos, pro Deo, & propter Deum, cum fiducia exeat, & dicat; verum tamen memor sit conditionis suæ.

XXII. Verum cum adverterent Patres Tridentini, hanc populi consultationem inter ipsa Ordinationis solemnia ex præscripto Pontificalis fieri solitam, tandem factam esse mere cæremonialem, aliam prævie ante Ordinationem fieri voluit publice in Ecclesia. Unde Synodus Iprensis sub Rithovio *tit. 18. cap. 6.* postquam egit de inquisitionibus per hujusmodi publicam nominum in Ecclesia denuntiationem, addit: Quæ inquisitiones eo pertinere creduntur, ut aptius juxta Pontificalia cohæreant, quæ de testimonio populi, in Ordinibus, ex veteri consuetudine requiruntur.

XXIII. Hæc sat ostendunt, mentem Ecclesiæ in hac nominum proclamatione esse, ut omnes admonerentur, si quid contra Ordinandos notabile opponendum sciant, illud manifestent, arque ita de vita & conversatione, nec non de reliquis ad Ordines requisitis necessaria & justa informatio haberi queat.

Neque illum Ecclesiæ scopum obscure expressit Synodus Tridentina, dum satis insinuat, hanc nominum publicam in Ecclesia propositionem fieri, ut Episcopus de Ordinandorum natalibus, ætate, moribus ac vita diligenter à fide dignis inquirere valeat.

De hoc Ecclesiæ scopo non dubius S. Carolus, voluit, ut hæc nominum publicatio fieret à Parocho, ab eo cui Episcopus id negotii dederit, publice die festo inter solemnia, in Ecclesia Cathedrali & Parochiali propria, & in illa quoque, in cujus finibus postremo domicilium habuerit, & præterea ubi Episcopus censerit.

XXIV. Synodus P. II. Mechliniensis *tit. 9. cap. 3.* vult, ut "siant proclamationes promovendorum ad singulos Ordines Majores juxta Decretum Concilii Tridentini, & qui de iis non docuerint, rejiciantur.

Synodus P. I. Cameracensis *tit. de Ministeriis Eccles. cap. 3.* similiter requirit, ut "Dominica die ante, si-  
ve per mensem ante Ordines futuros, aut prius, Pastores Ecclesiarum nominatim denuntient populo eos, qui promoveri velint ad Sacros Ordines, ut liceat opponere, si quid vitii deprehendi possit, & hujus proclamationis factæ adferant testimonium Ordinandi.

XXV. Fusius ejusdem Provinciæ Synodus Diocæsana Audomarenensis *tit. 9. cap. 6.* "Curent autem, & ipsi, à Parocho loci domicilii sui, nomina sua ac desiderium, tribus diversis Dominicis aut festis diebus publice in Ecclesia proponi, ubi ad formam Bannorum Matrimonialium, omnibus & singulis sub excommunicationis pœna mandetur, ut si quod noverint Canonicum impedimentum, ob quod illi à suscipiendis Ordinibus repelli, aut non admitti debeant, statim denuncient, sive illud malum & Ecclesiæ Ministris indignam conversationem concernat, sive aliud quilibet. Quibus legitime peractis, cu-

rent etiam litteras testimoniales Parochi, hujusmodi inquisitionem & bannorum proclamationem factam continentes, quamprimum ad nos transmitti, cum declaratione an aliquod impedimentum, ob quod ad sacros Ordines admitti non debeant, denunciatum sit, nec ne.

Similiter Rithovius Episcopus Iprensis in sua Synodo *tit. 18. cap. 5.* mandat, "nomina ac desideria Ordinandorum, tribus distinctis Dominicis, aut Festivis diebus publice in Ecclesia proponi; utque Parochus aut alius cui Episcopus commiserit, "omnibus & singulis (ad formam bannorum matrimonialium) sub pœna excommunicationis mandet; ut si quod noverint Canonicum impedimentum, ob quod Ordinandi, à suscipiendis Ordinibus repelli debeant, statim denuntient.

XXVI. Et Synodus Leodiensis anno 1618. *tit. 8. cap. 4.* præcipit, ut "Ordinandi teneantur Parochum suum ante adire, curaque, ut populo suo ad Missarum solemnia quodam die Dominico, vel festivo congregato, idipsum denuntiet, ut si quis sit, qui contra natalia, ætatem, vel mores ipsorum quid habeat, Pastori suo quamprimum indicet: litterasque testimoniales ejusmodi publicationis factæ, & nullius impedimenti reperti secum deferat.

Post hæc exprimit illos qui ordinari prohibentur, atque inter alios, "qui rudes & ignari sunt: Qui lapsi sunt post Ordinem susceptum: Ebrietati, gulæ aut impudicitiae dediti: Qui in adolescentia mæchati fuerint.

Hæc Synodus volens, ut Ordinandi Parochum proprium adeant, cœrentque ipsi ut nomina sua per Parochum proponantur, hodiernam fere praxim expressit. Neque enim solent hodie nomina Ordinandorum ab Episcopo ad Parochum mitti, imo frequenter ipsi Ordinandi usque ad extremos dies Ordinationem præcedentes, plane ignoti sunt Episcopis, sed ipsimet Ordinandi nomina sua in scedula descripta publice proponenda Parocho exhibere; Neque etiam Parochi Testimoniales de inquisitione aut publicatione facta ad Episcopum mittere, sed Ordinandis simplex publicationis factæ testimonium dare solent; quod ipsi postmodum Episcopo exhibent, ut etiam dicta Synodus fieri vult.

XXVII. Dubium tamen non est, quin convenientius, & Decreto Concilii Tridentini conformius esset, ut Ordinandi uno ante Ordinationem mense Episcopum adirent, & nomina sua darent, ac tum Episcopus nomina ipsorum ad Parochum aliumve quem huic rei aptiorem novisset, publicanda mitteret, cum obligatione de vita ac moribus Ordinandorum diligenter inquirendi.

XXVIII. Hoc interim ex Synodis allegatis constat, scopum harum denuntiationum seu proclamationum esse, ut etiam populus de vita ac moribus Ordinandorum testimonium dare queat. Quare populus subinde monendus, ut libere Parocho aliiſve, quibus magis opportunum videbitur, pandat, si quæ vitia Ordinandorum noverit; ostendendo quantum malum populo & Ecclesiæ ex indignorum Ordinatione imminet; quodque forsan ipsis imputabitur, si vitia ex humana aliqua consideratione vel timore celantes, inidonei aut vitiosi ordinentur.

XXIX. Insuper occasione hujus publicationis nominum Ordinandorum, Parochus excitet populum, ut specialiter oret, quatenus Deus dignos mittat operarios in messem suam; & Ordinandis ministerium suum adimplendi gratiam infundere dignetur.

Hæc de causa S. Carolus in suo Concilio Provinciali II. *tit. 1. Decreto 21.* jussit, "ut Dominico die, qui statur quatuor temporum jejunia, quibus Ordinis Sacramentum administratur, antecedit, Parochi in sua unusquisque eorum Parochiali Ecclesia, supplicationes, litaniaeque pie ac religiose vel intus habeat, vel prosequente fidelium multitudine foris Ecclesiam, sicut



„ sicut moris, obeat; ut Dei, Sanctorumque ope implorata, tum Episcopus in eorum delectu, quibus Ordines conferet, Spiritus sancti lumine illustretur: tum illi, quibus conferuntur, in vitæ sanctitate, doctrina, religiosisque virtutibus proficiant.

Et rursus ejusdem supplicationis indicendæ meminit in Concilio Mediolanensi IV. part. 2. tit. 8. *Impedimento irretiti bi sunt*; moneretque iterum, populum ad orandum esse excitandum, atque preces publicas instituendas, „ quibus unusquisque secum mente reputans, „ quam pauci operarii in messe multa sunt, hoc Deum „ toto corde exoret, ut qui *Dominus est messis, ipse mittat operarios in messem suam*..... Quod ut eo „ nomine Deum populus supplex sæpius oret; id illum „ singulis Dominicis diebus per mensem ante sacræ Ordinationis tempus, crebrâ cohortatione Parochi intra „ Missarum solemnia præmontant.

XXX. Adhæc merito monebunt Parochi in promulgatione jejuniorum *quatuor temporum*, ea potissimum instituta esse ab Ecclesia, ut hac piâ corporis castigatione, & pœnitentiæ operibus, à Deo digni Ecclesiæ Ministri impetrentur; ideoque jam pridem in Ecclesia institutum, extra hæc jejuniorum tempora Ordinationes fieri non posse; adeo ut contrariam consuetudinem tanquam abusum & corruptelam jam pridem reprobaverit Alexander III. scribens ad Episcopum Herfordiensem in cap. SANE. *De temporibus Ordinatur.*

XXXI. Post hæc Synodus Tridentina *sess. 23. cap. 7. De Reformat.* Antiquorum Canonum vestigiis inhærendo, decernit, „ ut, quando Episcopus Ordinationem, nem facere disposuerit, omnes, qui ad sacrum ministerium accedere voluerint, feriâ quartâ ante ipsam Ordinationem, vel quando Episcopo videbitur, ad civitatem evocentur. Episcopus autem Sacerdotibus „ & aliis prudentibus viris, peritis divinæ legis, ac in Ecclesiasticis functionibus exercitatis, sibi adscitis, „ Ordinandorum genus, personam, ætatem, institutionem, mores, doctrinam, & fidem diligenter investiget & examinet.

Hoc Decretum desumptum est ex Concilio Nannetensi in *Can. Quando Dist. 24.* atque conformiter ad hoc Decretum, solent ordinandi in feriâ 4. aut 5. ante diem Ordinationis evocari ad civitatem Episcopalem, ut ibidem examen subeant ad præscriptum Concilii Tridentini. Quoad ætatem difficultas esse non solet; hæc enim extracto ex Registro Baptismali facile probari potest.

XXXII. Circa institutionem, mores, cæterasque personales qualitates Ordinandorum, major difficultas est; hęcque diligentior atque exactior requiritur investigatio atque circumspectio.

Imprimis eorum, qui in Seminariis Episcopalibus educantur, si Episcopus eam, quæ necessaria est, in vitando ac curando suo Seminario curam impendat (de qua infra titulo 11.) poterit aliqualem notitiam habere: multumque indubiè hic adjutorii habebit Episcopus, si eruditum, pium atque in disciplina Ecclesiastica exercitatum Seminarium suum Rectorem adeptus sit; qui convenientem de sanctitate atque morum integritate in Ordinandis requisitâ ideam habeat: cujus testimonialibus litteris de moribus Ordinandi securè fidem adhibere queat.

XXXIII. At illorum, qui vel in Academiis aut parentum domibus hætenus habitârunt; atque antehac Episcopo parùm noti fuerunt, maxima sæpius oritur difficultas; ut de moribus vitæque integritate Episcopi sufficienter instruantur, ut securè ipsis manus imponere possint.

Neque enim similes alia solent adferre morum vitæque rectè actæ argumenta, nisi vel Præsidum seu Rectorum suorum respectivè Collegiorum, aut Parochorum testimonia; quibus hi testantur, Ordinandos esse tales quoad mores & vitam, ut eos ad Ordinem suscipiendum capaces judicent.

XXXIV. Verùm quid ex his testimoniis securitatis ordinariè habere poterunt Episcopi, nisi apprimè noverint, Præsides aut Parochos esse tales, quæque sint eruditionis, prudentiæ & pietatis, ut merito confidant, quod nulli hujusmodi testimoniales sint daturi, nisi iis, quos sciunt qualitates Ordinibus sacris necessarias habere.

Alias quis nescit, quàm fragile sæpe sit argumentum, quod hujusmodi litteris testimonialibus innititur?

Quis enim ausit negare, plures hodie juvenuri formandæ in Collegiis Academicis præesse; itemque Parochos quamplurimos, qui aliam eamque multò inferiorem ac viliorē, imò planè diversam de morum integritate vitæque sanctitate in Ordinandis requisita ideam habent, ab illa, quam in Sacris Canonibus & suo Pontificali Ecclesia expressit?

Nonne plures videmus hujusmodi juventutis Magistros, omnibus passim ad Sacros Ordines litteras testimoniales annuere, modò annorum trium aut quatuor studium perfecerint, & saltem ab exterioribus gravioribusque criminibus se continuerint; parum attendentes, num ea sint vitæ morumque integritate, quæ Ministerium Ecclesiæ decent?

XXXV. Frequenter nec certius de Ordinandorum Regularium meritis & idoneitate ad Sacros Ordines requisitis, argumentum habebunt Episcopi ex testimonio Superiorum.

Quàm multos enim videmus Monasteriorum præsertim eorum, quæ ex Missarum honorariis victitare solent, Superiores, qui suos Religiosos, mox ut debitam ætatem attigerint, ad sacrum etiam Presbyteratus Ordinem mittunt; atque testimoniales litteras concedunt? Cùm tamen certum sit, nec ipsi dubitare possint, quin in omni communitate sint, qui non ita pietate ac castis moribus sunt conspicui, ut præclarum bonorum operum exemplum & vitæ monita ab iis possint expectari; quemadmodum in promovendis ad Presbyteratum requirit Synodus Tridentina *sess. 23. cap. 14. De Reformat.*

Certitudinem de idoneitate Ordinandorum ex testimonio hujusmodi nullam sibi formare potest Episcopus, nî credat, omnes in Monasteriis illis professos, ubi ætatem legitimam attigerunt, ea pietate & castis moribus esse conspicuos ut Sacris initiari queant.

Hoc expendens Hallierius dicere non dubitavit: „ Non adeo Superiorum Regularium fidei credendum „ est, ut quos illi tanquam dignos obtulerint, absque „ ullo alio examine, atque discussione ad Sacros Ordines Episcopi recipiant..... maximè cùm notum, „ sit, inquit, totius Monasterii interesse, ut quam „ plurimos Ordinibus Sacris initiatos habeat; & facile „ probi etiam & boni, insitâ hominibus omnibus cupiditate Ordinis sui gloriam promovendi (qua Regulares præ cæteris maximè flagrant, quod Ordinis sui „ amplificationem & ornamentum ad Dei gloriam & „ Ecclesiæ utilitatem spectare præsertim arbitrentur) „ facile, inquam, hac cupiditate ducti abripiantur, „ ut levis de suis censeant, quàm par sit, & in pondere, & pondere judicent suorum industriam, ac „ dotes magnificè; Sacerdotii, & reliquorum Ordinum Ecclesiasticorum dignitatem tenuiter æstimant. „ De SS. Ordinatur. in *append. ad sect. 1. §. 3.*

XXXVI. Hæc satis probant, quàm leviter procedant Episcopi; quantoque periculo quasi ultro se exponant, manus citò aliquibus imponendi, & communicandi peccatis alienis, qui nullâ præviâ de Ordinandis, eorumque Superioribus & Præfectis inquisitione, omnes, quantum ad mores vitæque integritatem & castitatem, tanquam sat probatos admittunt, qui qualemque suorum Superiorum & Præfectorum testimonium adferunt; tametsi sciant, aut facile scire possint, quàm hi faciles sint in dandis hujusmodi testimoniis.

XXXVII. Examen verò Ordinandorum, coram Episc.

Episcopo circa scientiam, ferè unice institui solet: idque non rarò sit perfectoriè, propositis per Examinatores quæstionibus nonnullis sterilibus ac speculativis, v.g. quot sint filiae superbiae; quot partes potentiales temperantiae, aliisque similibus; quem examinandi modum pro merito exagitat eruditus auctor notatum in *Epistolam 26. lib. 13. S. Gregorii Nota 4.* additque: "Conferem primò quidem inquirendum esse de moribus, tum de prudentia, de sensu communi, an sciendi modum habeant, an lectioni Scripturarum Sacrarum vacent, quodnam sit eorum Canonum studium, an sint & doceri & docere habiles?"

Hic examinandi modus si conferatur cum his, quæ in Concil. Mediol. V. *part. 3. t. 2. De examinandi ratione*, à S. Carolo traduntur, apparebit, examinandi rationem ibidem præscriptam, non esse à modo examinandi jam descripto multum diversam; atque inter alia vult de omni Ordinando inquire; an in orationis sanctæ studio sit usque versatus? Quibus meditationibus instructus Deum tacitus oret? Qui orationis modus? Qui illius fructus, quæve utilitates? Quot quibusve partibus illa constet? Quæ regulæ præparationis ad orationem?

XXXVIII. Deinde in examine Ordinandorum in Presbyteros inter cætera hæc sigillatim studiosè perquiri voluit. An piè & fideliter in ministeriis antea factis se gesserint? An spectatâ pietate, atque castis moribus? An præclarum bonorum operum exemplum, & vitæ monita ab eo expectari possint?

Post hæc nonnullis inquirendis circa Sacrificium Missæ propositis, subjungit. "Cum verò à cæteris omnibus, ut præscriptum paulò antè est, qui Clericali militiæ adscribuntur, de vitæ spiritualis sanctiorisque institutis, atque exercitationibus perquiratur, tum maxime ab iis, qui vel Sacerdotio initiantur... A quibus omnibus & singulis, cum ad examen veniunt, præter cætera, quæ ad sanctæ spiritualis vitæ usum pertinent, ea maxime explorentur, quæ de orandi modo, deque omni sanctarum meditationum caelestiumque contemplationum exercitatione ab aliis, qui in eo genere religiosè se exercuerunt, tradita sunt."

XXXIX. "Ut autem Examinatores certam sibi formulam proponant (inquit) qua illorum, qui examinantur & litterarum doctrinam, & vitæ Clericalis disciplinam, & rei Ecclesiasticæ peritiam experiantur, in omni experimenti, examinisveratione, sacris Bibliis, Catechismo Romano imprimis; Concilio Tridentino, sacrorum Canonum Decretis, & aliis Pontificiis Constitutionibus, Synodisque tum Provincialibus, tum Diocesanis utantur, unde suas interrogationes hauriant, quibus, prout est illorum ingenii capus, explorent eorumdem & scientiam & Ecclesiasticarum rerum notitiam atque usum."

Synodus Tridentina *Seff. 23. cap. 7. De Reformat.* requirens ab Episcopo assumendos in Examinatores, Viros prudentes, peritos divinæ legis, ac in Ecclesiasticis functionibus exercitatos, nonne sat insinuat, in hisce præcipuè examen Ordinandorum instituendum?

XL. Interim ex hætenus dictis non difficulter intelligitur, quam parùm juvare possit examen unius mediæ aut etiam integræ horæ, ut plena ac conveniens de Ordinandorum capacitate & idoneitate hauriatur notitia; quamque temerè ad Ordinationem vi hujusmodi examinis procedatur, nisi Episcopus jam præviè circa Ordinandos se informaverit; aut saltem eam habeat securitatem de Præfectis ac Directoribus Ordinandorum, ut meritò horum testimoniis deferre queat.

XLI. Ut autem se ad sacros Ordines meliùs præparent, magnâque discretionem se adstringant, voluit S. Carolus in Concilio Mediolanensi *I V. part. 2. tit. 8.* ut "Subdiaconatum suscepturus, quò diligentius vitæ perpendat rationem, cui se, illum suscipiendo, sanctè

obstringit; ac proinde de re totâ accuratius deliberatâ, puriori mente ardentiorique animi voluntate, ad rem tanti momenti accedat, priusquam eo sacro Ordine iniuetur, aliquem semotum locum adeat, ubi ab omnibus curis & occupationibus liber, cum omnis antea factæ vitæ suæ diligenti conscientia discussionem peccata ritè confiteatur: tum in salutaribus meditationibus, aliisque spiritualibus exercitationibus totus versetur, duce & moderatore sibi adhibito, religioso viro, earum usu perito, quem Episcopus imprimis probavit."

In illis autem, vel mense, vel longiori, breviorive tempore persistat, prout de moderatoris consilio Episcopus expedire censuerit. Quas item exercitationes, eodem præscripto, & modo, eo tempore Diaconi, cum ad Sacerdotii gradum accessuri sunt, piè ineant ac præstent."

Hæc spiritualia exercitia plures Synodi Belgicæ etiam præscribunt; & signanter Synodus Namurcensis anno 1659. *tit. 8. cap. 5.* decernit: "ante quemlibet Ordinem Majorem quilibet Ordinandus in loco aliquo à secularibus remoto, per novem dies continuos exercitiis spiritualibus se fideliter probet, ibique antea factæ vitæ exomologesim faciat, & per sacras meditationes, & pias orationes Dei voluntatem exquirat, & ad Sacrum Ordinem suscipiendum se præparet."

Sed quia illa pietatis exercitia multum dependent à pietate & prudentia Directoris, hinc meritò addidit S. Carolus, ut agantur sub Directore, quem Episcopus imprimis probavit."

## CAPUT V.

### De Ordinum Interstitiis.

1. Ordinum interstitia olim nota.
2. Adhibita ut Ordinandi probarentur.
3. Varia circa moram temporis; quæ intercedere debebat, Ecclesiarum disciplina.
4. Antiquitus etiam necessaria erant inter Minores Ordines.
5. Ordines etiam Minores non conferebantur, nisi illi qui actualiter functiones erat peracturus; nec duo eidem simul conferri poterant.
6. Interdum quis, omisso Ordine Minore, suscipiebat Majorem; nec tamen per saltum promotus censebatur.
7. Hodie Ordines Minores requiruntur ante Majores, non tantum ad probationem; sed quasi ad integritatem Ordinis.
8. Ordines Minores bodie conferuntur, licet Ordinatus nunquam functionibus illorum sit applicandus.
9. Si quis, Ordine Minore omisso, ad Majorem sit promotus, dicitur promotus per saltum; & debet omnis suppleri.
10. Quæritur, quo tempore invaluerit necessitas præmittendi sacris Ordinibus Minores Ordines.
11. Minores Ordines non requiruntur pro validitate superioris Ordinis.
12. Optat quoque bodie Ecclesia, ut Ordinati incumbant aliquo tempore Minoribus Ordinibus, priusquam ad Majores promoveantur.
13. Inter Sacros Ordines requiritur interstitium unius anni.
14. Annus non intelligitur Civilis, sed Ecclesiasticus.
15. Episcopus, & Capitulum Sede vacante, possunt dispensare.
16. Episcopus ordinandum vigore Dimissorialium non potest dispensare.
17. In hac dispensatione præcipuè attendendum, num Ordinandi sint sufficienter probati.
18. Quomodo in pluribus bodie dispensandi ratio obtineat.

19. Duo Sacri Ordines nec ex dispensatione Episcopi uni eodem die conferri possunt.
20. Ordines Sacri extra statuta tempora, nec dispensante Episcopo, conferendi.
21. Corollarium ex precedentibus.

**I.** ANTIQUA Ecclesiae lex est, ut uno inferiore Ordine suscepto, aliqua temporis mora interponatur, priusquam ad ulteriorem ascendatur; neque è Laico mox ad supremum Sacerdotii gradum quis sublimetur, sed gradatim à minore ad maiorem ascendat.

**II.** Unde in Concilio Sardicensi *Can. 10.* Hosius Episcopus dixit: "Hoc quoque necessarium existimo, ut cum omni cura & omni diligentia examinetur; ut si quis dives, vel ex foro Scholasticus Episcopus fieri dignus habeatur, non prius constituatur, quam Lectoris & Diaconi & Presbyteri ministerium peregerit: ut in unoquoque gradu, si dignus existimatus fuerit, ad Episcopatus fastigium per progressionem possit ascendere. Habebit autem uniuscuiusque Ordinis gradus non minimi scilicet temporis longitudinem, per quod & fides, & morum probitas, & constantia & moderatio possit cognosci: & ipse divino Sacerdotio dignus existimatus maximum honorem assequatur.

Hæc temporum intervalla, quibus in inferioribus Officiis est sistendum, antequam ad superiores ascendatur, posterior ætas Ordinum *interstitia* nuncupavit.

**III.** Circa moram temporis, quæ inter hæc temporum intervalla intercedere debet, licet non eadem semper & una fuerit omnium Ecclesiarum disciplina, illam nihilominus, quæ ab Ecclesia præscripta erat, religiosè servandam esse, tam Pontifices, quam Concilia frequenter sanxerunt; quorum plura Decreta referuntur apud Gratianum *Distinct. 77.*

**IV.** Nec tantum inter Sacros sive majores; sed & minores Ordines, hæc temporum intervalla religiosè servabantur; ut ex relatis Decretis apud Gratianum videri potest; imò ipsa quodammodo temporis illius disciplina aliud fieri vix permittere poterat.

**V.** Pristinis enim illis seculis, nemo etiam minore Ordine initiabatur, nisi ut illius functiones *actualiter* exerceret, & tanquam Ostiarius v. g. aut Acolytus Ecclesiae ministraret. Et cum singulorum Ordinum essent diversæ functiones, nemo eodem tempore duobus initiabatur; quia inconveniens visum fuisset, duobus Ordinibus aliquem insignire, qui non nisi unius Ordinis functionibus esset applicandus.

**VI.** Quare ea erat uniformis omnium Ecclesiarum praxis, eaque multis seculis invariata, quod Ordinum etiam Minorum collatio eum duntaxat in finem fieret, ut quis functionibus Ordini annexis applicaretur; si vero iudicaretur aliquem altiorum Ordinem mereri, nec in Minore esse probandum, Minor Ordo omittebatur; eodemque omisso ad Majorem promovebatur; neque taliter promotus dicebatur *per saltum* promotus; aut Ordo omissus priusquam in superiore Ordine suscepto ministrare posset, suppleri debebat; quemadmodum latè & solidè probat Morinus *De SS. Ordinationibus parte 3. Exercit. 11. cap. 2.*

**VII.** At recentior ac moderna disciplina, Ordines inferiores non tantum requirit, ut quis eorum functionibus applicetur & insilatur; sed insuper ut necessariò prærequisitos ad maiorem Ordinem; ita ut Ordini superiori aliquid quasi deesse videretur, si, omisso inferiore, esset collatus.

**VIII.** Hinc si etiam Ecclesiae necessitas aut utilitas postulet, ut quis simplex Clericus repente ad Sacerdotium promoveatur; sciaturque, illum nunquam inferiorum Ordinum functionibus applicandum, nihilominus omnibus inferioribus Ordinibus erit initiandus, quantumvis eodem die, antequam Sacerdotio initiari queat.

**IX.** Et quidem si, vel uno omisso, promoveretur, *per*

*Tom. I.*

*saltum* promotus censeretur; atque de huiusmodi promotis agitur sub titulo Decretalium *De Clerico per saltum promoti*, & in Concilio Tridentino *Sess. 23. cap. 14. De Reformat.* ubi dicitur: "Cum promotis *per saltum* si non ministraverint, Episcopus ex legitima causa possit dispensare: nimirum ut in Ordine suscepto ministraret, postquam Ordinem omisum suscepit; ut colligitur ex *cap. Unico* & *De Clerico per saltum promoti*.

**X.** Quamvis invalida non sit sacrorum Ordinum susceptio, etiam si his non præmittantur Minores Ordines, constat tamen eum graviter peccare, qui in Ecclesia Latina eos omittit. Quo autem tempore hodierna necessitas præmittendi *omnes* quatuor Minores Ordines susceptioni sacrorum Ordinum invaluerit, & quæ ejus inducendæ fuerit occasio vel fundamentum, non omnino constat.

Illud admodum verisimile est multum ad eam persuasionem contulisse Epistolam Decretalem ab Isidoro vulgò *Mercatore* confictam, & Caio Papæ suppositam, quæ extat integra tom. 1. Conciliorum General. *column. 925.* ubi in margine notat Labbæus: *Supposita ab Isidoro Mercatore.*

In hac ficta Decretali sub nomine dicti Pontificis, ab omnibus servari mandatur, ut ad Ordines Ecclesiasticos sic ascendant, in Ecclesia, cui ordinari mereantur; id est, si quis Episcopus esse mereatur, sit primò Ostiarius, deinde Lector, &c.

Hoc fragmentum sub nomine Caii Papæ Decreto Gratiani insertum *Distinct. 77. Can. 1.* tanquam authenticum passim receptum fuit, creditumque quoddam etiam à primis Ecclesiae seculis, Ordines omnes, etiam Minores, reliquis essent præmittendi.

Quin & sensim auctoritate huius Decretalis creditum fuit, superiorum Ordinum validitatem dependere à susceptione inferiorum, etiam Minorum Ordinum: ac tandem constitutum & receptum fuit, quoddam promotus ad superiorem Ordinem, omisso vel uno ex Minoribus censeretur promotus *per saltum*, eoque titulo irregularitatem contraxisset.

Hinc indubiè profluxit deploranda hodierna disciplina Ecclesiasticæ circa Minores, imò & sacros Subdiaconatus & Diaconatus Ordines collapsio.

Effectum quippe inde est, ut hi Ordines non suscipiantur, ut ad eos promoti functiones eorum obeant, atque per eorum Ordinum exercitia probentur, ac iidem probati ad altiores promoveri digni inveniantur, ut ætate Patrum & vigente pristina disciplinâ fieri consueverat: sed duntaxat ut quasi quidam ritus ad validitatem Presbyteratus aut Episcopatus spectantes.

Idipsum circa alia plurima disciplinae puncta & opinioniones à Canonistis & Theologis communiter hodie receptas occasione fictarum Decretalium contigisse, in decursu huius operis notatum est.

**XI.** Cæterum quatuor Minores Ordines ex Christi instituto non requiri pro integritate aut validitate Superioris Ordinis indubiatum est: quandoquidem pluribus seculis non omnes hi Ordines noti fuerint in Ecclesia Latina, nec etiam hodie sint in Ecclesia Græca.

Quod igitur *num. 9.* observatum est, quoddam Synodus Tridentina *Sess. 23. cap. 14. de Reformat.* permittens Episcopis dispensare cum promotis *per saltum*, modò in Ordine suscepto non ministraverint, loquatur etiam de promotis, vel uno Minore Ordine omisso; quoddamque hic Ordo omissus supplendus sit, dicendum est Synodum in hoc processisse conformiter ad opinionem & praxim eo tempore in Ecclesia Latina receptam.

**XII.** Verum tamen hodierna disciplina collationem inferiorum Ordinum prærequirit, tanquam partes quodammodo integrales Ordinis superioris, nihilominus etiamnum hodie optat Ecclesia, ut Ordinibus illis insigniantur, qui functionibus Ordinum illorum incumbant, atque certo tempore in illis probentur, priusquam ad altiores assumantur.

T t t

Quid



Quid Synodus Tridentina, ac Synodi Belgicæ de *interstitiis* inter Minores Ordines servandis dixerint, sufficienter expositum est *suprà parte 1. titulo 1. cap. 2.* quare hic duntaxat de *interstitiis* servandis inter Sacros Ordines dicendum.

XIII. Synodus Tridentina *Sess. 23. cap. 13. De Reformat.* ait: "Promoti ad Sacrum Subdiaconatus Ordinem, si per annum saltem in eo non sint versati, ad altiorum gradum, nisi aliud Episcopo videatur, ascendere non permittantur.

Et *cap. 14.* agens de assumendis ad Ordinem Presbyteratus, "Et hi sint, qui non modo in Diaconatu ad minus per annum integrum, ni ob Ecclesiæ utilitatem ac necessitatem aliud Episcopo videatur, ministraverint, &c.

Itaque ex Dispositione Concilii Tridentini, cui praxis hodierna Ecclesiæ est conformis, inter Sacros Ordines requiritur ut minus unius integri anni interstitium.

XIV. Annus hic non intelligitur civilis constans integris duodecim mensibus; sed Ecclesiasticus, verb. gr. à vigilia Paschæ hujus anni usque ad vigiliam Paschæ anni sequentis; tamen si contingeret, ob mobilitatem festi Paschalis nondum duodecim integros menses à susceptione ultimi Ordinis Sacri effluxisse: quemadmodum communiter tenent Canonistæ, ut videtur est apud Barbosam De Potestate Episcopi *part. 2. Allegat. 15. num. 2.* & notoria praxis comprobatur.

XV. Tribuit autem Synodus Episcopis potestatem dispensandi super his interstitiis, modò utilitas ac necessitas Ecclesiæ suæ dispensationem postulent.

Hanc eandem potestatem esse penes Capitulum, Sede vacante; et quòd in jurisdictionem Episcopi succedat; & hæc dispensandi auctoritas jurisdictionis Episcopalis esse censeatur; uti & in Vicarium Capituli, observat Barboza loco citato *num. 6.* & quotidiana praxis ostendit.

XVI. Episcopus autem, cui vigore litterarum Dimissorialium facta est potestas aliquem sibi non subditum ordinandi, illum ordinare nequit non observatis interstitiis, nisi proprius Episcopus dispensaverit, & in litteris Dimissorialibus id expresse. Hic enim Episcopus cum tantum possit in hunc non suum subditum potestatem exercere vigore litterarum Dimissorialium, tenetur ejus tenorem observare, nec quidquam sibi arrogare potestatis ultra illam, quæ litteris expressa est.

XVII. Porro quia hæc *interstitia* jam pridem, uti & hodie præscripta sunt, ut Ordinandi in functionibus inferiorum Ordinum probentur, atque ex eorum recta administratione pateat, num ad altiorum gradum promoveri mereantur, juxta illud Apostoli de Diaconis *Tim. c. 3. v. 13.* *Qui enim bene ministraverint, gradum bonum sibi acquirunt*, præcipue hic attendendum erit Episcopis, num promovendi ad sacros Ordines sint sufficienter probati.

XVIII. Quid enim si per plures annos in Seminariis aut Collegiis Academicis fuerint versati; seseque idoneos ad sacros Ordines etiam Presbyteratus multis argumentis probaverint, tamen vel ob defectum tituli, vel ob aliam rationabilem causam, suscipere Ordines sacros distulerint? cum his indubiè facilius Episcopi dispensare poterunt: et quòd finis interstitiorum jam haberi supponatur. Accedit, quòd cum hodie Subdiaconatus functiones ad solam publicam in Missa solemnè Epistolæ decantationem, & Diaconatus ad Evangelii decantationem penè sint redactæ, nulla aut admodum exigua hodie haberi potest probatio capacitatis seu idoneitatis pro Ordinibus Superioribus ex functionibus Subdiaconatus vel Diaconatus, quæ non eadem à Clericis aut Theologis in Seminariis Episcopalibus vel Collegiis Academicis studentibus, & nondum hisce Ordinibus insignitis, haberi queat.

Igitur præcipua cura Episcoporum in conferendis Ordinibus, & in dispensando super interstitiis esse debet, ut intelligant, an Ordinandi satis sint ipsi quo-

cumque modo probati; ut securè eis manus imponere possint.

XIX. Dispensatio Episcopalis super interstitiis non est usque tamen se extendere potest, ut nullum inter Ordinem sacrum jam susceptum & suscipiendum temporis intervallum intercedat, eodemque die plures conferantur: quia Synodus Tridentina citato *cap. 13.* expresse decernit: "Duo Sacri Ordines *non eodem die*, etiam Regularibus conferantur, privilegiis ac indultis quibusvis concessis, non obstantibus quibuscumque.

XX. Adhæc "ad Subdiaconatum, nisi in quatuor temporibus, aut Sabbato sancto, vel Sabbato ante Dominicam de Passione, nulli Episcoporum, præterquam Romano Pontifici, licet aliquem ordinare, *Cap. 3. De Temporibus Ordinandi.* Quod de Subdiaconatu dicitur in hac Decretali, id generaliter de sacris Ordinibus asseritur in *cap. 4. eod.*

Verum notandum has Decretales esse Alexandri III. qui sedit sub medium sæculi XII. quando Pontifices plurima sibi reservare ceperunt, quæ prioribus sæculis, præsertim ante invectas falsas Decretales, & receptum Gratiani Decretum omnibus Episcopis erant communia, ut iis pro utilitate vel necessitate suarum respectivè Ecclesiarum uterentur.

Optandum esset, ut per has similesque reservationes labentibus sæculis inductas canonicæ disciplinæ firmata esset observantia, & rarior ab ea recessus haberetur, ut omnibus appareret has reservationes esse inductas, ut Canonum fidelior haberetur custodia, & rarior eorum relaxatio.

XXI. Itaque cum Episcopus extra statuta hæc tempora Ordines sacros conferre nequeat; ac insuper vetitum sit, eodem die duos sacros Ordines dare, consequens est, quòd non obstante Episcopi dispensatione, debeat is, qui uno die horum temporum ordinatus est, expectare alterum proximum tempus Ordinationum, ut ulteriorem suscipere possit.

Hinc moris est, ut recurrant ad Sedem Apostolicam pro speciali dispensatione, qui vel extra statuta tempora Ordinationum ordinari volunt, vel uno eodemque plures sacros Ordines suscipere intendunt.

## CAPUT VI.

### De Titulo Ordinationis.

1. Ecclesia, cui in Ordinatione Clericus adscribebatur, olim dicebatur ejus Titulus.
2. Titulum mutare non poterant.
3. Ordinari sine Titulo, erat ordinari sine adscriptione alicui Ecclesiæ.
4. Ordinari ad Titulum, & ad certam Ecclesiam olim coincidebant.
5. Titulus Ordinationis olim publicè coram populo denuntiabatur.
6. Disciplina hæc nullum alium Titulum agnoscens duravit usque ad sæculum XII.
7. Concilium Lateranense loquens de Titulo, aliquam patrimonii mentionem primum fecit.
8. Concilium Lateranense pristinam disciplinam labefactare non intendit.
9. Occasio recedendi à pristina disciplina ex Decreto Concilii Lateranensis sumpta.
10. Verisimile dictum Decretum Titulo patrimoniali initium dedisse.
11. Sæculo XIII. planè diversa de Titulo Ordinationis idea à pristina invaluit; quæ & hodie obtinet?
12. Decretum Synodi Tridentinæ circa Titulum Ordinationis.
13. Synodus Tridentina Titulum patrimoniale duntaxat ut extraordinarium agnovit.
14. Synodus Tridentina non vult in Titulo solùm attendi, an sufficiat ad bonam sustentationem.

15. *Requirendo Titulum beneficiale una voluit pristinam disciplinam reducere.*
16. *Quomodo intentioni Ecclesie non semper satisfaciunt Episcopi, ad Titulum beneficiale ordinantes.*
17. *Qua ratione aliquando magis satisfaciunt, ordinantes ad Titulum patrimonii.*
18. *Quid nomine Beneficii hic intelligatur?*
19. *Fundatio alicujus Missæ quando pro Titulo servire possit?*
20. *Quid veniat nomine patrimonii?*
21. *Quomodo Beneficium censeatur vere & pacifice possideri, ut pro Titulo admittatur?*
22. *Quandonam patrimonium fidei possideatur?*
23. *Qui fidei patrimonium pro Titulo supponit, habetur pro Ordinato sine Titulo.*
24. *Furamentum Ordinandorum de vera Tituli possessione.*
25. *Quibus speciale perjurii periculum imminet.*
26. *Ad occurrendum fraudibus circa Titulos patrimoniales, quid statuerit S. Carolus?*
27. *Ut quis ordinetur ad Titulum patrimonii, non sufficit habere patrem divitem.*
28. *Pater cogi potest ad assignandum filio Titulum.*
29. *Patrimonium assignandum super re certa.*
30. *Requiritur Titulus sufficiens ad sustentationem Ordinandi.*
31. *Quid sufficiat aut requiratur, relinquatur determinationi Episcopi.*
32. *Magna requiritur in hac determinatione circumscriptio.*
33. *Periculosum aliquid generaliter pro Tituli sufficientia determinare.*
34. *Nonnulli Episcopi iusto rigidiores.*
35. *Quid in Tituli determinatione præcipue attendendum?*
36. *In Titulum Honoraria Missarum non imputanda.*
37. *Titulus alienari vetitus.*
38. *Furamentum Ordinandorum de non alienatione Tituli.*
39. *Edicta Principum de non alienandis Titulis.*
40. *Prohibitio alienationis intelligitur, salvo jure tertii.*
41. *Redditus redimibilis in Titulum assignatus potest redimi; sed reapplicandus.*
42. *Titulus patrimonialis an alienari queat mox adepto Beneficio?*
43. *Filius mortuo patre, an bona in Titulum data retinere queat?*
44. *Quæ sit pena sine Titulo Ordinatorum?*
45. *An Ordinati sine Titulo irregularitatem incurrant, si ministrent in Ordine suscepto?*
46. *De obligatione Episcopi providendi Ordinato de necessariis.*
47. *Unde contingat Episcopos esse plus sollicitos de titulo Ordinandi quam de ejus idoneitate.*

**I.** **T**ITULUS Ecclesiasticus olim dicebatur Ecclesia, ad quam deservendam ordinabantur Diaconi aut Presbyteri; ita ut in ea stabilitatis promissionem facere tenerentur, & ab ea recedere non possent.

II. Hinc Capitulare datum in Synodo, cui interfuit Bonifacius Apostolicæ Sedis Legatus circa annum 744. cap. 5. "De Sacerdotibus qui suos titulos absque licentia Episcopi dimittunt aut dimiserunt, statutum est, ut tamdiu à communione habeantur alieni, quousque ad suos titulos revertantur.

In Canonibus Isaac Episcopi Lingonensis seculo IX. legitur titulo 10. cap. 2. "Ut Presbyteri qui in titulis consecrantur secundum Canones, antequam ordinentur, promissionem stabilitatis loci illius faciant.

Synodus Rhemenfis anno 813. Can. 20. "Ut Presbytero de minore titulo ad majorem non liceat transmutare.

Addit sub idem tempus Synodus Turonensis III. cap.

14. *Sed in eo permaneat ad quem ordinatus est.*

Neque alio sensu accipiebatur in Synodo Londinensi Tom. I.

anno 1125. ubi statuebatur: "Nullus in Presbyterum, nullus in Diaconum nisi ad certum titulum ordinetur: qui vero absolute fuerit ordinatus, sumpta careat dignitate.

III. Jam enim pridem Canone 6. Concilii Chalcedonensis vetitum erat; aliquem absolute vel simpliciter ordinare; Canonis verba sunt: "Placuit nullum absolute ordinari, nec Presbyterum, nec Diaconum, nec omnino aliquem eorum, qui sunt in Ordine Ecclesiastico, nisi specialiter in Ecclesia civitatis, vel pagi, vel martyrio, vel Monasterio, is qui ordinatur, destineretur. Eos autem qui absolute ordinantur, decrevit Synodus irritam ac invalidam habere ejusmodi manuum impositionem, & nusquam exercere ac operari posse ad ejus qui ordinavit, injuriam.

Hic ordinari absolute opponi Ordinationi ad certam Ecclesiam, sive Oratorium vel Monasterium cui ipsa Ordinatione alligeretur, ut ibidem functiones Ordinis sui obeat, ipsæ Canonis contextus sufficienter probat.

Vigente disciplina, qua Clericus Ordine sacro insignitus certæ Ecclesiæ adscribebatur, nulla erat questio de titulo, sive Ecclesiastico, sive Patrimoniali, è quo Ordinandus honestam sustentationem vitæ haberet: illaque omnia juramenta quæ Ordinandos frequenter periculo perjurii exponunt, aliæque circa titulos Ordinationis exorientes difficultates fuerunt ignota.

Proinde vel hoc motivo Episcopi merito allaborarent, ut pristina illa Patrum disciplina in usum revocaretur; quod & menti Patrum Concilii Tridentini conforme videtur, dum statuerunt Sess. 23. cap. 16. de Reformat. Vestigiis Canonis VI. Concilii Chalcedonensis inhærendo, ut nullus imposterum ordinetur, qui illi Ecclesiæ aut pio loco, pro cujus necessitate aut utilitate assumitur, non adscribatur, ubi suis fungatur munibus. (a)

IV. Unde ad titulum promoveri olim idem sonabat, quod alicui Ecclesiæ in ipsa Ordinatione adscribi, aut eidem intitulari.

Antiqua admonitio Synodalis: "Res & facultates quas post diem Ordinationis vestræ acquiritis, ad Ecclesiam ad quam titulati estis, pertinere sciatis. Et Rutherii Veronensis Episcopi Epistola Synodica ad Presbyteros: "Nullus Ecclesiam ad quam titulatus est, relinquat, & ad aliam questus causa migrat. Ita quoque habetur in Capitularibus Caroli M. lib. 3. cap. 5. Adde Concilium Placentinum anno 1095. cap. 15.

Itaque antiquitus ordinari ad titulum nihil aliud erat, quam ordinari ad certam Ecclesiam, sive alicui Ecclesiæ intitulari seu adscribi ad hoc, ut Ordinis suscepti functionibus incumberet.

V. Hic autem titulus sive Ecclesia cui quisque Ordinandorum adscribebatur, in ipsa Ordinatione publice denuntiabatur: cujus denuntiationis formula in antiquo Ordine Romano exprimitur his verbis: "Ascendit lector ambonem, & elevata voce legat Brevem in aures populi continentem: Agnoscat caritas vestra, quia ille & ille advocatur in tali officio vel in tali gradu: si quis habet contra hos viros aliquam querelam, exeat confidenter propter Deum & secundum Deum, & dicat.

Quod si nullus aliquid opponeret, tunc vel ab Episcopo, vel ab Archidiacono pronuntiatio hæc coram populo fiebat: De domo sanctæ Mariæ eligimus Petrum in Presbyterum ad eundem Titulum, vel in Diaconum aut in Subdiaconum in tali Ecclesia. Istiusmodi publicationis & intitulationis meminit Glossa ad cap. 54. de Elect. Verbo, Intitulatum.

VI. Hæc disciplina quæ alium titulum non agnoscebat, nisi Ecclesiam cui Clerus per Ordinationem adscribebatur, in ea perpetuo ministraturus, duravit usque ad seculum XII. ita ut toto illo tempore, cum de titulo Ordinationis agebatur, nunquam mentio pa-

(a) Vide quid D. G. Van-Espen de istis Ordinationibus dixerit tomo 3. Scholion in Canonem VI. Chalcedonensem.

trimonii aut proveniunt, unde Ordinandus sustentationem accipere posset, ullibi fieret.

VII. Primo, Concilium Lateranense sub Alexandro III. habitum an. 1179. de *titulo* Ordinationis aliquam mentionem *Patrimonii* fecit. Refertur Decretum in *cap. EPISCOPUS* & *De Præbendis*, his verbis: "Episcopus si aliquem sine certo titulo, de quo necessaria vitæ percipiat, in Diaconum vel Presbyterum ordinaverit: tamdiu ei necessaria subministrat, donec in aliqua Ecclesia ei convenientia stipendia militiæ Clericalis assignent. . . . Nisi talis Ordinatus de sua vel paterna hæreditate, subsidium vitæ possit habere."

VIII. Sat manifestum est, Concilium Lateranense hoc suo Decreto nequaquam voluisse, pristinam & tot Canonibus stabilitam disciplinam de non ordinandis Presbyteris aut Diaconis *sine titulo*, id est *sine adscriptione certæ Ecclesiæ*, revocare aut immutare; sed duntaxat pœnam decernere in Episcopos *sine titulo* ordinantes; nimirum, quod ipsi tenerentur hujusmodi Clerico tamdiu necessaria subministrare, donec in aliqua ei Ecclesia convenientia stipendia militiæ Clericalis assignent. Sed quia æquum non videbatur obligare Episcopum, ad subministrandum necessaria Clerico *sine titulo* ordinato, qui sufficientia habebat ex patrimonio, addidit Concilium hanc exceptionem: *Nisi forte talis, qui ordinatur, extiterit, qui de sua vel paterna hæreditate subsidium vitæ possit habere. (a)*

IX. Interim quia Concilium nullam aliam pœnam contra Ordinantes *sine titulo* decrevit, nisi quod Ordinantes Clericis sic ordinatis necessaria subministrare tenerentur; atque ab hac pœna etiam ex Decreto Concilii eximerentur, si Clericus sic ordinatus aliunde haberet vitæ sufficientis subsidium, paulatim creditum fuit Ordinationes *sine titulo* licitas esse, modo Ordinandis de sufficienti vitæ subsidio foret proviſum.

X. Quare non sine fundamento creditur, hoc Decretum Concilii occasionem & originem dedisse titulo *Patrimoniali*, nec non mutationi disciplinæ per undecim sæcula circa titulum Ordinationis religioſe observatæ; tamen si id præter intentionem Concilii accidisse videatur. Vide Ludovicum Thomasinum *De Disciplina Ecclesiæ parte 4. lib. 2. cap. 2.*

XI. Quidquid sit, hoc negari nequit, titulum patrimonii à sæculo XIII. passim invaluisse, atque titulum Ordinationis non amplius acceptum fuisse pro Ecclesiæ cui Ordinandus adscriberetur, eum in finem, ut ibidem stabiliter functiones Ordini proprias obiret; sed pro proveniendis à quibus ipse Ordinandus honeste vivere possit: adeo ut dum hodie de titulo tractatur, hoc unum bene examinetur, an Ordinando sat proviſum sit, ut honeste vivere queat; ne alias incidat in incommoda, quæ ex penuria & necessariorum defectu oriri contingit.

XII. De titulo Ordinationis sic sumpto agit Synodus Tridentina *Sess. 21. cap. 2. De Reformat.* decernitque: "Cum non deceat eos, qui Divino ministerio adscripti sunt, cum Ordinis dedecore mendicare, aut sordidum aliquem quæstum exercere: compertumque sit, complures plerisque in locis ad sacros Ordines nullo fere defectu admitti; qui variis artibus ac fallaciis confingunt, se Beneficium Ecclesiasticum, aut etiam idoneas facultates obtinere: statuit sancta Synodus, ne quis deinceps Clericus secularis, quamvis alias sit idoneus moribus, scientia & ætate, ad sacros Ordines promoveatur, nisi prius legitime constet, eum Beneficium Ecclesiasticum, quod sibi ad victum honeste sufficiat, pacifice possidere. Id vero Beneficium resignare non possit, nisi facta mentione, quod ad illius Beneficii titulum sit promotus; neque ea resignatio admittatur, nisi constet, quod aliunde vivere commode possit: & aliter facta resignatio nulla sit. Patrimonium vero, vel pensionem obtinentes ordinari

(a) Vide quid noster auctor de eo Canone differuerit, Dissert. in Conc. Lateranense III. Schol. in Can. 5. & Can. 14.

posthac non possint, nisi illi, quos Episcopus judicaverit assumendos pro necessitate vel commoditate Ecclesiarum suarum; eo quoque prius perspecto, patrimonium illud, vel pensionem vere ab eis obtineri, taliaque esse, quæ eis ad vitam sustentandam satis sint.

Ex hoc Decreto patet, Synodum quidem agnovisse duos titulos Ordinationis, *Beneficialem* scilicet & *Patrimoniam*; non eodem tamen modo.

XIII. Nam decernendo, ne quis deinceps Clericus secularis ad sacros Ordines promoveatur, nisi prius legitime constet, eum *Beneficium Ecclesiasticum* pacifice possidere, satis indicat, titulum Beneficii esse titulum *ordinarium*; eumque solum ut talem agnosci à Synodo; Patrimoniam vero, tanquam *extraordinarium*; ad quem nullum ordinari permittit, nisi quem Episcopus admittendum judicaverit pro *necessitate* vel *commoditate* Ecclesiæ suæ.

Hinc colligit Fagnanus ad *cap. EPISCOPUS* & *De Præbendis num. 24.* Synodum Tridentinam sustulisse dispositionem *cap. Tuis* & *ead.* in quantum ibi concedebatur, *indifferenter* ordinari ad titulum *Patrimonii* vel Beneficii: "Nam, ait, hodie solum Beneficium est titulus *legitimus* ad sacros Ordines, patrimonium vero non nisi *dispensative*, quemadmodum alias etiam declaravit S. Congregatio Concilii interpret. (a)

XIV. Inde ulterius concludendum, Synodum Tridentinam non voluisse, in titulo Ordinationis solum attendi, utrum Ordinandus habeat sufficientis vitæ subsidium. Id enim æque ex patrimonio, quam ex Beneficio haberi potest: sed insuper, ut Clericus alicui Ecclesiæ vi sui tituli adscriptus esset, ubi *stabiliter* functionibus sui Ordinis incumberet; quemadmodum Patrum disciplina religioſe servavit; quæ Clericos otiosos & vagantes nulli speciali Ecclesiæ adscriptos exclusos volebat.

XV. Per Beneficium autem ex moderna disciplina Clericus constituitur minister specialis illius Ecclesiæ in qua ipsum Beneficium est fundatum; atque ita Synodus decernendo nullum ordinandum, nisi qui Beneficium Ecclesiasticum possidet, una censetur decrevisse, nullum esse ordinandum, nisi certæ Ecclesiæ tanquam illius Minister foret inscriptus: quod postmodum *Sess. 23. cap. 16. De Reformat.* apertius declaravit, ubi "inhærendo vestigiis sexti Canonis Concilii Chalcedonensis, statuit, ut nullus impoſterum ordinetur, qui illi Ecclesiæ, aut pio loco, pro cuius necessitate aut utilitate assumitur, non adscribatur, ubi suis fungatur muneribus, nec incertis vagetur sedibus."

XVI. Porro cum hodie plura sint Beneficia, quæ vel non requirunt residentiam, aut personaleſervitium, aut adeo exiguum, ut Clerici ea obtinentes, pene tota die otiosi esse, aut incertis sedibus vagari queant, nullatenus Episcopi mentem Decreti assequuntur, qui quoslibet, etiam Beneficium Ecclesiasticum habentes ordinant; si ulterius non examinent, num Ordinatus vi sui Beneficii ita censebitur Ecclesiæ adscriptus, quod ibi convenienter ad suam vocationem muneribus Ecclesiasticis fungetur, nec incertis sedibus vagabitur.

XVII. Econtrario, si Episcopus Clericum, nullum quidem Beneficium habentem; sed doctum, pium, & non obscura vocationis ad statum Ecclesiasticum signa præferentem; quemque paratum videt ad obeundas functiones Pastorales aut Ecclesiasticas, quas ipsi imponere Superiores judicaverint, ad sacros Ordines solo titulo *Patrimonii* admittat vel assumat; haud dubium,

(a) Hic lector advertat Decretum, quod de titulis à Conc. Tridentino latum est, fuisse in Galliis promulgatum à Synodis Provincialibus, Rhemenſi 1564. Rothomagenſi 1581. Burdigalenſi an. 1583. Turonenſi 1583. Aquisgranenſi 1590. Tolosanæ 1590. Edicto Bleſenſi, art. 7. Plurima leguntur Arreſta Supremorum Senatuum, quibus titulorum patrimonialium necessitas Clericis ad Sacerdotium promovendis asseritur, ubi Beneficium sufficiens deest. Consule hæc de re nova Cleri Gallicani Collectanea t. 5. tit. 7. pars. 3. n. 59. 60. &c.



quin hic ipsam Decreti mentem, & Ecclesiae intentionem assequatur.

Et sane, plurimos hodie videmus Seminariorum & Collegiorum Academicorum alumnos ad titulum *Patrimonii* ordinatos, qui strenue & in magnam Ecclesiarum utilitatem functionibus Ecclesiasticis, vel tanquam Vice-Pastores, vel Confessarii, aliove titulo incumbunt: ita ut nullatenus titulus *Patrimonii* sit reprobatus, modo hoc unum caveatur, ne passim eo titulo otiosi ac vagabundi in sacros Ordines involent; quod jam pridem Ecclesia praevidere voluit, dum neminem *absolute* ordinari voluit; uti supra notatum est.

XVIII. Ceterum in Decreto Concilii Tridentini nomine Beneficii venit *verum* Beneficium, quod nimirum in *titulum perpetuum* per Canonicam institutionem obtinetur.

Unde ad titulum Vicariae *temporalis*, aut alicujus foundationis Missarum, vel alterius officii ad *nutum amovibilis*, neque in titulum dari soliti, nemo potest promoveri tanquam ad titulum *Beneficii*; imo nequidem pro titulo Ordinationis servire potest, quamdiu manet in terminis *amovibilitatis ad nutum*: quia per huiusmodi officium, tametsi opimos proventus haberet annexos, non satis consultum esset Ordinato de sufficienti vitae subsidio: cum illi *ad nutum* alterius posset auferri. Neque ipse Episcopus aliquem ordinando ad huiusmodi Vicariam, foundationem, aut officium, potest illud ex temporali seu amovibili facere *perpetuum* sive *inamovibile*, uti recte advertit Barbosa *De potestate Episcopi part. 2. Allegat. 19. num. 15.*

XIX. Si tamen fundatio Missarum alteriusve officii Ecclesiastici ad aliquem pleno jure spectaret, ut si v.g. ipsemet fundasset ea conditione, ut pro suo arbitrio Sacerdotem ei praeficeret, non apparet, cur de consensu huiusmodi Fundatoris non posset huiusmodi fundatio in titulum Ordinationis admitti. Hoc ipso quippe, quo eam in titulum assignat, censetur eam non ad tempus duntaxat, sed *in perpetuum* ipsi Ordinando assignare. Et licet per hoc in Beneficium non transiret, nec consequenter in titulum *Beneficiale* assumi possit, saltem ut *titulus Patrimonialis* admitti poterit.

XX. In hac quippe materia, *Patrimonii* vocabulo intelligitur, non solum quidquid ex bonis patris filio obvenit, verum etiam omne quod aliunde, & quavis ex causa illi delatum est; quia satisfcit intentioni Decreti Concilii Tridentini, undecumque habeat victum, ne mendicet. Barbosa loco allegato n. 52.

XXI. Ut quis ad titulum Beneficii ordinetur, requiritur, ut illud *vere* & non *fide* possideat, idque *pacifice*; id est, sine ulla lite, sive quod nullam patiatur controversiam sive juris, sive facti super ipso titulo Beneficii, in iudicio vel extra iudicium; Barbosa loco citato num. 16. tametsi esset aliqua difficultas aut controversia super aliqua parte proventuum etiam maiore; quia equidem verum manet, ipsum Beneficium *pacifice* possideri. Posset tamen fieri, quod tanta pars proventuum esset controversa, ut Beneficium in titulum admitti non deberet; non quia *pacifice* non possideatur; sed quia dubium & controversum est, num *sufficiens* sit ad honestam Ordinandi sustentationem.

Synodus P. II. Mechliniensis tit. 9. ait: "Nemo ad Ordines ad titulum Beneficii quantumvis opimi promoveatur, nisi Canonicam institutionem, & *pacificam* possessionem antea obtinuerit.

XXII. Similiter ut titulo *patrimonii* quis ordinetur, requiritur, ut patrimonium *vere* & non *fide* possideat, sive quod revera tanquam *proprium* illud habeat; ut proventus illos libere sibi suisque usibus applicare queat. *Fide* autem possidere censetur, qui illud accepit ea conditione tacite vel expresse adiecta, quod illud quidem in titulum Ordinationis supponere & affectare queat, sed quod numquam proventus illius accipiet, at illos integros aut maiorem illorum partem danti relinquet.

XXIII. Ordinatus autem ad titulum *patrimonii* ex simili *fide* donatione procedentis, "non manet securus in conscientia, imo revera esset tanquam ordinatus sine titulo, & incurreret poenam suspensionis positam contra ordinatum sine titulo, per Constitutionem Sixti V. contra Clericos male promotos;" ita post alios citatos Barbosa citata *allegatione* 19. num. 57. qui deinde addit ex Garcia De Beneficiis, *parte 2. cap. 5. num. 169.* "Si tamen pactum & conditio in patrimonio ad sit de illo reddendo cum Ordinatus habuerit Beneficium sufficiens, vel alias, unde vivere possit, nulla tunc incurritur suspensio, cum non sit contra mentem & dispositionem Concilii Tridentini.

XXIV. Ut praedictis fraudibus obviarent Episcopi nostri in suis respective Synodis statuerunt, ut "juret quilibet Ordinandus ad titulum patrimoniale, aut beneficiale, quod titulum, quem pro futura sua promotione exhibet, *vere* & sine ulla fraude possideat." Ita Synodus P. II. Mechliniensis, t. 9. c. 8.

Synodus P. II. Cameracensis tit. 10. cap. 4. proponit formulam juramenti praestandi ab iis, qui *patrimoniali* titulo ad Ordines sunt promovendi, juxta quam Ordinandus inter alia jurat; "Quod in acquisitione bonorum meorum patrimonialium, ad quorum titulum sum promovendus ad Sacros Ordines, nulla fraus aut dolus intercessit, quodque illa vere possideo.

XXV. Singulare hic imminet periculum Clericis tenuioris fortunae, qui a consanguineis suis interdum emendicant, aut ex quadam compassione aut respectu aliquo humano accipiunt bona aliqua in titulum, vel a parentibus bona omnia aut maiorem partem eorum, etiam consentientibus aliis prolibus sat indigentibus, in titulum assumunt; facile enim hic si non expressa, saltem tacita promissio intervenit, de non convertendis proventibus illorum bonorum in proprios usus; ita ut duntaxat *fide* & specie tenus bona illa in ordinandum transferantur.

XXVI. Sanctus Carolus in suo Concilio Mediolanensi IV. *parte 2. cap. 8.* voluit, ut Beneficium vel census in titulum assignatus etiam a Parocho publice in Ecclesia proponeretur ante Ordinationem; idque potissimum in ea Parochiali Ecclesia, intra cujus limites major ejus census sive Ecclesiastici, sive alterius generis pars posita est.

XXVII. Ulterius quia requiritur ut *patrimonium* in titulum assignandum *vere* possideatur ab ordinando, non sufficit, quod ordinandus habeat partem divitem, amplamque ex successione paterna haereditatem expectet; sed requiritur ut aliquam bonorum partem a Patre sibi in titulum assignatam habeat, & *vere* possideat; uti post alios notat Barbosa loco citato numero 60. & late Fagnanus ad cap. EPISCOPUS & De Praebendis numeris 26. 27. & 28.

XXVIII. Si autem filius Ordines assumere intendat; atque ad eos vocatus videatur, pater autem titulum dare recuset, poterit ad eum assignandum cogi, non secus atque ad dandam dotem filiae nubere volenti; quemadmodum aliis citatis monet Barbosa ibidem num. 63.

XXIX. Patrimonium vero in titulum assignandum constitui debet super re certa: si enim esset res incerta, sciri non posset, num annui proventus essent sufficientes honestae sustentationi Ordinandi: unde nullus potest promoveri titulo lucri quod ex industria acquirere posset; puta quod sit Musicus, Magister Grammatices, &c. & ita saepius decusum, ait Barbosa ibidem num. 57.

XXX. Adhuc non quodcumque Beneficium aut quaecumque patrimonium pro titulo Ordinationis sufficit; sed requirit Synodus Tridentina, ut tam illud, quam hoc sit sufficiens in proventibus & valore, quod Ordinando ad victum honeste sufficiat; ita ut periculum non sit, quod defectu necessarij vitae subsidij, cum Ordinis dedecore sit mendicaturus, aut sordidum aliquem quaestum exerciturus.

XXXI.

XXXI. Quantum autem requiratur ad honestam illam sustentationem, non expressit Synodus; neque generaliter determinari poterat: quandoquidem uno loco, unove tempore aliqua sufficere queant, quæ alio loco aliove tempore non sufficerent. Merito ergo hanc determinationem Synodus permittit Episcopis; illud generaliter injungendo, ut nullum admittant, nisi Beneficium, aut patrimonium, pensionemve habeat, quæ *ad vitum honeste sufficiant*, aut talia quæ eis *ad vitam sustentandam satis sint*; atque hoc pacto provideant, ne Ordinati cum Ordinis dedecore mendicare, aut sordidum aliquem quæstum, urgente vivendi necessitate, exercere cogantur.

XXXII. Unde ipsi Episcopi hic magna circumspectione procedere debent, ut rite & diligenter expendant Beneficii proventus, ac præcipue ipsius patrimonii conditionem; attendentes conditionem temporis, loci, nec non circumstantias omnes, ob quas ipse valor Beneficii, ipsiusque patrimonii decrescere, aut proventuum solutio deficere possit; atque ita ipsos Ordinandos ad egestatem redigendos, cum sequela eorum incommodorum, quæ per tituli sufficientiam averti desideravit Synodus Tridentina.

Utinam non videremus hodie Sacerdotes seu titulo Beneficii seu patrimonii ordinatos; cum Ordinis dedecore quasi mendice vivere, & sordidum quæstum exercere; idque non in rebus profanis; sed maxime sacris, v.g. Missarum celebratione!

XXXIII. Requirant Episcopi Beneficium aut patrimonium, quod annue etiam ad trecentos florenos æstimatur & taxetur, si communi æstimatione sint contenti, nonne frequenter continget, quod vel proventus injuria temporum, vel aliunde decrescant, vel solutio deficiat; atque ita Clerici eo titulo ordinati necessariis vitæ subsidiis destituantur?

Quid ergo remedium, cum vix amplior titulus requiri posse videatur? Sane si Episcopi nullum ordinarent, præsertim ad titulum *patrimonii*, nisi quem judicarent pro necessitate aut commoditate Ecclesiarum suarum assumendum; id est, quem scirent, quod tanquam Minister Ecclesiæ posset & vellet militare & operari, non tam solliciti esse deberent de valore tituli; hujusmodi enim facile per Episcopos servitio Ecclesiæ, unde honeste vivere possent, applicarentur.

XXXIV. Hinc Episcopi nonnulli in admittendis & exigendis titulis interdum iusto rigidiores apparent, præsertim respectu Clericorum, quos vident eruditione, pietate, aliisque dotibus Clericalibus adeo insignes, ut nullus fundatus videatur subesse metus, quod hi defectu necessariorum cum Ordinis dedecore mendicare aut sordidum aliquem quæstum exercere cogentur; ubi e contrario, per nimis rigorosam in his titulis exactiorem, sæpius defraudant Ecclesiam optimis & strenuissimis operariis.

XXXV. Itaque in titulorum præfixione & exactiōne primum & ante omnia ad hoc allaborare debent Episcopi, ut præcaveatur omnis vilis & sordida mendicitas, & qualiscumque sordidus quæstus in Ecclesiæ Ministris, quapropter sollicite cavere debent, ne quocumque titulo admittant ad sacros Ordines, quos admodum verisimile est non alium in finem Ordines expetere, nisi ut de celebratione Missarum faciant artem de pane lucrando, qui est quæstus longe sordidissimus.

XXXVI. Quare procul à mente Synodi Tridentinæ aberrant Episcopi, qui in supplementum tituli computant honoraria, quæ ordinatus in Presbyterum ex celebratione Missarum lucrari poterit; cum hac computatione ipse Ordinandus quodammodo adigatur ad sordidum quæstum exercendum: dum scilicet cogitur ex celebratione Missarum ceu quodam opificio vitæ necessaria quærere, sive de *celebratione Missarum facere artem de pane lucrando*.

XXXVII. Ut autem titulus Ordinationis sit firmus & perpetuus; nec unquam contingat, Ordinan-

dum in eam penuriam incidere, ut ea quasi cogente cum Ordinis dedecore ad mendicitatem redigatur, aut sordidum aliquem quæstum exercendum, statuit Synodus Tridentina, quod Beneficium in titulum Ordinationis assignatum & admissum resignari non possit, nisi facta mentione, quod ad illius Beneficii titulum Resignans sit promotus: neque ea resignatio admittatur, nisi constiterit, quod aliunde vivere commode possit; & aliter facta resignatio nulla sit.

De patrimonio similiter & pensione in titulum datis eodem capite decrevit Synodus: "Atque illa deinceps sine licentia Episcopi alienari aut extinguere, vel remitti nullatenus possint; donec Beneficium Ecclesiasticum sufficiens sint adepti; vel aliunde habeant, unde vivere possint."

XXXVIII. Synodi Belgicæ pro efficaciore executione hujus Decreti, decreverunt, ut "juret Ordinandus, quod titulum non resignabit, vel alienabit, nisi ei de alio titulo sufficienti sit provisum; neque tunc quidem aliter, quam cum scitu & consensu sui Episcopi, in litteris ipsius resignationis exprimendo: item quod titulum illum, qui in locum prioris tituli successerit, absque simili consensu non resignabit vel alienabit." Ita Synodus P. II. Mechliniensis tit. 9. cap. 8. Similis formula juramenti præstandi ab iis, qui ad titulum patrimonii ordinantur, extat in Synodo P. II. Cameracensi t. 10. c. 4.

Et capite 3. desiderat Synodus Cameracensis, ut impetretur à Regia Majestate seu Consilio Regio Edictum, quo fraudibus eorum, qui titulos patrimoniales, contra juramentum à se præstitum, sæpe alienant, occurratur.

XXXIX. Huic Synodi desiderio satisfacere volens Philippus II. in Edicto ad eam Synodum art. 10. voluit, "omnes alienationes, obligationes, oppignorationes, donationes, aut dispositiones hujusmodi bonorum in titulum assignatorum esse nullas, nulliusque valoris, nisi reservato usufructu, & libero usu horum bonorum, durante vita naturali eorum qui ad Ordines sacros titulo patrimonii promoti fuerunt. (a)"

Idipsum statuerunt Principes nostri in Edicto ad Synodum Mechliniensem art. 11. & 12. utque fraudibus obvium, volunt insuper, ut in instrumento tituli vel Ordinum, bona patrimonialia in titulum assignata specificentur.

XL. Porro hæc alienationis prohibitio ita intelligenda est, ut tamen tertio præjudicium non generetur; neque bona in titulum assignata naturam vel conditionem suam mutant in præjudicium tertii.

Unde si bona in titulum assignata subjaceant retrahendi gentilitio; aut certe ante assignationem pignori seu hypothecæ fuerint subiecta, etiam postquam in titulum fuerint assignata, eisdem conditionibus manent subiecta, poteruntque à proximioribus consanguineis retrahi; aut à creditoribus evinci, non secus ac si non fuissent in titulum data.

XL I. Similiter redditus redimibilis in titulum assignatus, non fit irredimibilis; sed liberum semper manet debitori redimere, sive capitale refundere; quod & Zypæus advertisse videtur, monens: "Cum redditus in titulum assumitur, cavere debet, si fiat redemptio, ex Episcopi judicio disponatur."

XL II. Si pater bona filio in titulum assignaverit, poterit filius, patre mortuo, eam retinere; neque ea in divisionem hæreditatis veniunt; imo si filius se à paterna hæreditate abstineat, poterit ea sibi retinere; tamen multum portionem hæreditariam fratrum vel sororum excedant: at si ad hæreditatem concurrere velit, illa aut saltem eorum æstimationem conferre debere verisimilius est, exemplo dotis, & donationis propter nuptias, quas conferendas esse nemo dubitat.

XL III. Formula juramenti à Synodo Mechliniensi præscripta sat innuit, patrimonium in titulum Ordinationis (a) Id pro Gallis Edicto Anselianensi an. 1560. declaratum est.

tionis

tionis assignatum, non esse liberum, aut liberè alienari posse hoc ipso, quo Ordinatus Beneficium Ecclesiasticum fuerit affectus; sed insuper requiri, ut de consensu Episcopi titulus patrimonii sit exoneratus, & titulus Beneficii surrogatus; idque esse conforme Decreto Concilii Tridentini, multis probat Fagnanus ad *Cap. EPISCOPUS* & *De Præbendis* num. 46. & addit: "Hanc interpretationem sæpius videri sequutam fuisse S. Congregationem; quia aliquando censuit Decretum Concilii Tridentini, dum prohibet resignationem Beneficii, ad cuius titulum, quis fuit ordinatus, non comprehendere resignationem illius Beneficii, quod postea consequutus est Clericus jam promotus ad titulum patrimonii, sed patrimonium ipsum manere *inalienabile*."

XLIV. Synodus Tridentina in fine sui Decreti addidit hanc clausulam: *Antiquorum Canonum penas super his innovando*.

Antiqui Canones relati apud Gratianum *Dist. 70*. Ordinationes Clericorum *sine titulo* irritas, ac vacuas esse ad injuriam ipsius ordinantis decernebant; quemadmodum ipse quoque Innocentius III. in *cap. 16*. & *De Præbendis*, notavit his verbis: "Licet autem Prædecessores nostri Ordinationes eorum, qui *sine certo titulo* promoventur, in injuriam ordinantium *irritas* esse voluerint & *inanes*," &c. Hinc nonnulli crediderunt, ex Decreto Concilii Tridentini antiquorum penas innovante, ordinatos *sine certo titulo* esse à Sacris Ordinibus suspensos, & si ministraverint, futuros irregulares.

Verum quia per citatum *cap. 16*. & *De Præbendis*, pena suspensionis per antiquos Canones inflicta abrogata erat; communi penè Canonistarum consensu receptum fuit, Synodum Tridentinam antiquos Canones duntaxat intellexisse eas Decretales, quæ Episcopum obligant ad subministrandum vitæ necessaria Ordinato *sine titulo*; de qua obligatione agitur in *cap. 2. 4. & 16*. & *De Præbendis*, & in *cap. 36. eod. in VI*. Hancque sententiam, proposito dubio, sanctam Congregationem Concilii interpretem amplexam esse, testatur Fagnanus ad *cap. CUM SECUNDUM APOSTOLUM* & *De Præbendis*, numero 63.

XLV. Unde cum quidam *sine titulo* ad Ordines promoti ministrassent; quaesitumque fuisset, an irregularitatem propterea incurrissent, respondit sancta Congre-

gatio, Oratores quidem minimè debuisse ad Sacros Ordines absque titulo sufficientis Beneficii vel patrimonii promoveri, debuissentque observare, quod providè statutum Decreto, *cap. 2. Sess. 21*. Cæterum Ordinatos ante felicitis record. Sixti V. Constitutionem hac de re editam, nequaquam propterea esse suspensos neque irregulares, tametsi in susceptis Ordinibus ministraverint; uti refert Fagnanus ibidem num. 64.

Constitutio Sixti V. cujus meminit sancta Congregatio, incipit, *Sanctum & salutare* 40. in Bull. Romano, arque in ea Clerici *sine titulo* sufficientis Beneficii aut patrimonii ad Sacros Ordines promoti, declarantur perpetuò suspensi ab executione dictorum Ordinum, & si in eis ministraverint, irregulares. Sed quoad hunc articulum postmodum Clemens VIII. hanc Constitutionem Sixti V. reduxit ad terminos Concilii Tridentini per Constitutionem, quæ incipit, *Romanum Pontificem* 30. in Bull. Romano.

Si tamen Clericus fictis instrumentis, alijsve fraudibus decepisset Episcopum ordinantem, falsum titulum supponendo & fingendo, eo casu juxta antiquos Canones Clericum suspensum fore ab executione susceptorum Ordinum; eamque penam quoad hunc casum à Synodo Tridentina innovatam esse, multis probat Fagnanus loco citato; arque ita aliquando respondisse sanctam Congregationem refert num. 68.

XLVI. De obligatione Episcopi subministrandi Clerico *sine sufficienti titulo* ordinato & egenti, vitæ necessaria; & quando ejus hæredes, aut successores etiam teneantur; & quibus titulis ab hac obligatione eximi interdum possit, satis latè tractat Fagnanus ad dictum *cap. CUM SECUNDUM APOSTOLUM*, qui, casu incidente, consuli poterit.

XLVII. Idem Canonista probat, quòd Episcopus, qui *sine titulo* ordinavit, non tantum ad alimenta Ordinando præstanda teneatur, sed & ejus successor: quin & subinde ejus hæredes ad ea subministranda urgeri possint.

Quidni & inde contingere dicamus, quod quidam Episcopi admodum soleant esse solliciti & anxii de titulo Ordinationis ejusque sufficientia, ut scilicet se, suosque hæredes ab hac obligatione, ejusve periculo eximant securosque reddant, quos interim parum sollicitos & anxios videmus circa mores & doctrinam, aliasque qualitates Ordinandorum.

## TITULUS X.

### DE IRREGULARITATE EJUSQUE SPECIEBUS.

#### CAPUT I.

##### De Irregularitate in genere.

1. Quomodo apud Veteres nota Irregularitas?
2. In quo præcipuè antiquitùs fundata Irregularitas?
3. Multis seculis solum crimen causa fuit Irregularitatis.
4. Qua ratione collapsio disciplinæ modernis Irregularitatibus occasionem dederit.
5. Descriptio Irregularitatis.
6. Quare dicatur impedimentum Canonicum?
7. Hodie non contrahitur Irregularitas, nisi in casibus in jure expressis.
8. Non nisi certa & determinata sunt crimina, quibus Irregularitas est annexa.
9. Irregularitas crimini annexa, non censetur contracta nisi crimine consummato.

10. Irregularitas directè tantum concernit suspensionem Ordinum eorumque usum.
11. Antiqui Canones huic discipline occasionem dedisse videntur.
12. Irregularitas, in quo distinguatur à Censura.
13. Proprium est Irregularitati, quòd per penitentiam non tollatur.
14. Id consonum est pristinae disciplinæ.
15. Irregularitas non semper supponit culpam.
16. Irregularitas ferè per solam dispensationem tollitur.
17. Duplex species Irregularitatis.

I. VERBUM illud *Irregularitas* in antiquis Canonibus non occurrit, ait Francisc. De Roye Antecessor Andegavensis in Institutionibus juris Canonici lib. 3. cap. 16. sed cum regulas præscripserint, ex quibus innotescat, quinam ordinari possint, vel non, hi, qui ab iis regulis alieni sunt, sive qualitates in regulis præscriptas non habent, dicebantur à regula



tur à regula *alieni*; uti legitur in *Can. 17. Nicano*, ubi decernitur, quod si quis Clericus inventus fuerit usuras ex mutuo sumere, vel turpe lucrum sectari, & *Clero deponatur*, & sit *ALIENUS à CANONE*; uti vertit Her-vetus; vel ut legit Dionysius Exiguus: *Dejiciatur à Cle-ro*, & *ALIENUS existat à REGULA*.

Quid vero est aliud, *alienus à Canone vel Regula*, nisi *irregularis*, sive secundum Regulam non probatus; vel à Regula devius.

Adhuc eadem Synodus *Can. 9.* loquens de quibusdam Presbyteris sine examine ordinatis, & peccata ante Ordinationem commissa confitentibus, ait: *Tales Regula non admittit*. Quid his verbis aliud indicat, quam Presbyteros illos esse *irregulares*; sive quod Regula eos ad Ordines non admittat, sive ex Regula seu Canone excludantur.

II. Specialiter autem notandum, quod post relata verba immediate subjicit dictus *Canon 9. Quia quod irreprehensibile est, Catholica defendit Ecclesia*: quasi diceret, quod *irreprehensibile* est recipit ac tuetur Ecclesia.

Hinc non obscurum est, Synodum irregularitatem præcipue fundasse in præcepto Apostoli volentis ordinandum in Episcopum esse *irreprehensibilem* & *sine crimine*. 1. Tim. c. 3. v. 2.

III. Et revera multis seculis irregularitas sive exclusio à Sacris Ordinibus, eorumve functionibus, unice fere in crimine ejusque suspitione constitit; omnisque ille censebatur *irregularis*, qui non erat *irreprehensibilis* & *sine crimine*; ipsumque crimen commissum irregularem constituerebat committentem; hoc est, eum à Sacris Ordinibus in perpetuum arcebat, si nondum iis esset initiatus; aut si jam initiatus esset, à functionibus illorum suspendebat: adeo ut nec acta poenitentia restitueretur: atque ita revera irregularis censebatur; uti infra capite 6. ostendetur.

IV. At cum sensim labentibus seculis disciplina circa admittendos reos alicujus criminis, præsertim oculi, nonnihil fuit relaxata; persuasumque tandem fuit, crimine per Poenitentiam & Sacramentalem absolutionem remisso, sublatum esse impedimentum; atque ipsum reum posse libere ad Sacros Ordines promoveri, aut ad susceptorum functiones restitui, coacta fuit tandem Ecclesia, hanc libertatem ex disciplinæ pro-lapsione progenitam restringere: nonnullaque crimina defectusque nonnullos notare, quæ per Poenitentiam quidem eatenus aboleri possint, ut quis ad justitiam, & cum communibus Fidelibus usus Sacramentorum restituitur, ita tamen ut qui illis semel fuerint inquinati à Sacris Ordinibus eorumque functionibus perpetuo maneat exclusi.

Qui itaque ob hujusmodi crimen aut defectum à Sacris Ordinibus aut eorum functionibus excluduntur, hodie dicuntur *irregulares*; & simile impedimentum vocatur *irregularitas*.

V. Unde irregularitas communiter definitur, *Impedimentum canonicum acceptionem Ordinum Ecclesiasticorum, aut aliquem eorum usum directe impediens, etiam post Poenitentiam*.

Emmanuel Gonzales in Commentario ad Capitulum 4. de Clericis Excomm. minist. num. 5. monet, cam in hac significatione à nullo Pontifice fuisse usurpatam ante Innocentium III.

Quidquid sit, de Epocha usurpatæ hujus vocis *irregularitas*, illud admodum verisimile est, circa tempora Innocentii III. demum invaluisse, quæ modernam disciplinam in materia irregularitatis constituunt; & inter quæ nonnulla sunt à pristina Patrum disciplina dissona: uti sæpius notatum est & adhuc observabitur.

Nec id mirum videri debet: certum enim est, circa seculum XII. & XIII. post evulgatum Decretum Gratiani in multis circa sacros Ordines, Ministrorum electionem, necnon eorum qualitates, à pristina Patrum disciplina sensim recessum esse, multaque introducta,

& hodie esse recepta, notanter à tempore Alexandri III. & Innocentii III. quæ pristina Patrum ætas ignoraverat; ac signanter in hac materia irregularitatis: uti inferius notabitur.

VI. Irregularitas dicitur impedimentum *canonicum*, id est, Jure Canonico seu Ecclesiastico inductum. Cum enim jam per disciplinæ collapsionem eo deventum esset, ut etiam gravissimorum criminum rei post actam dignam de crimine poenitentiam, & absolutionem à Sacerdote obtentam, ad Sacros Ordines promoveri, aut eorum functionibus restitui possent, nullum amplius ratione criminum aut defectuum videbatur post peractam poenitentiam superesse impedimentum; visum itaque fuit, omne hujusmodi impedimentum adscribendum esse positivo Ecclesiæ Decreto; quo ipsa declarat, huic illive crimini aut defectui obnoxios *in perpetuum* à Sacris Ordinibus eorumve functionibus esse exclusos.

VII. Hinc ulterius pro regula invaluit, irregularitatem sive hujusmodi impedimentum non censi contra-ctum, nisi in casibus à jure expressis; quæ regula sat aperte probatur à Pontifice in *cap. 18. De Sentent. Excommunicat. in VI.* ubi respondet Pontifex, quod „ is qui in Ecclesia sanguinis aut seminis effusione pol-luta, vel qui præsentibus majori excommunicatione „ nodatis scienter celebrare præsumpsit, licet in hoc „ temerarie agat, irregularitatis tamen laqueum non „ incurrit: „ Adducta hac expressa ratione: *Cum id non sit expressum in jure*.

Itaque si non ostendatur, jure positivo huic delicto vel defectui irregularitas annexa, non debet hujus delicti reus se pro irregulari gerere, neque ut talis reputari. Si autem constet alicui delicto vel defectui irregularitatem esse annexam, sed *dubium* sit, num quis simile delictum admiserit, eo casu propter *dubium* contractæ irregularitatis, tenetur se pro irregulari gerere, atque ab Ordinum susceptione, vel eorum functione, stante hoc dubio, abstinere: atque de hoc casu intelligi debere responsum Pontificis in *cap. 12. de Homicidio*, & in *cap. 5. de Cler. Excomm. minist.* asserit Franciscus de Roye in *inslit. juris Canon. lib. 3. cap. 16.*

Porro rationem suæ decisionis allegat Pontifex: *Quia in dubio oportet sequi partem tutiorem*.

Aliam insuper rationem conciliandi prædictos textus ex Fagnano adducam infra *cap. 7. num. 22. & 23.* ibidemque ex eodem Auctore notatum est, quam turpiter à regula in citatis Decretalibus assumpta & probata ab Innocentio III. recesserint quidam Casuistæ, ut suam de Probabilissimo opinionem tuerentur contra evidentem à Pontificibus expressam regulam; quod *in dubiis semita sit tutior eligenda*.

Pro intellectu hujus regulæ, videri quoque possunt, quæ conformiter ad reflexiones Prosperi Fagnani notavi, & exposui in dissertatione ad hanc regulam: *in dubiis semita tutior est eligenda*, quæ integra habetur inter Dissertationes post tertiam partem hujus operis editas.

VIII. His per transennam dictis de semita tutiore in observanda irregularitate; constat hodie vix posse dubium moveri circa crimina, quæ irregularitatem pariunt; certa illa sunt & determinata, quibus nimirum jus ipsum eam expresse annectit: neque ab uno ad alterum ob ejus forsitan majorem vel æqualem gravitatem argumentum duci potest, quandoquidem juxta modernam disciplinam, crimen non pariat irregularitatem, nisi id in jure sit expressum.

IX. Hinc ulterius inferitur, quod si alicui crimini v.g. homicidio aut mutilationi annexa sit *irregularitas*, hæc contracta non censeatur, nisi *reipsa* homicidium vel mutilatio sit sequuta; tametsi adfuisset plena voluntas & exterior conatus; cujus executio etiam casu quasi fortuito fuisset impedita.

X. Dictum fuit in descriptione: receptionem Ordinum, aut aliquem eorum usum *directe* impediens; eo quod irregularitas *primario ac directe* tendat ad impediendam

pediendam Ordinum receptionem, vel eorum usum impediendum.

Unde cum hodie Beneficia & Ordines, eorumque functiones sint planè disparata; neque Ordo supponat Beneficium; ipsumque Beneficium sine Ordinum usu haberi & retineri possit; etiam receptum est, irregularitatem, quamvis priveret usu & exercitio Ordinum, non tamen privare Beneficio, nisi specialiter in jure fuerit expressum, quemadmodum de homicidio per Assassinos perpetrato decernitur in cap. 1. De Homicidio in VI.

XI. In antiquis quidem Canonibus, ubi de hoc impedimento agitur, tantum Ordinum & eorum usus fit mentio; at notandum quòd Beneficia juxta disciplinam illius temporis sacris Ordinibus essent necessariò annexa: Nam rectè advertit Franciscus de Roye loco citato, "cùm olim Ordines & Beneficia simul omninò conferrentur, eadem irregularitas ad utrumque simul etiam præcludebat aditum.

Postquam ergo Beneficia ab ipsis Ordinibus separari, atque eorum provisio ab ipsa Ordinatione sejungi cæpit; ipsaque disciplina, quæ utramque confundeat, jam esset obliterata, cæpit quoque ipsa irregularitas ad solos Ordines restringi; eò quòd Canones de solis Ordinibus loquerentur: atque ita tandem receptum est contra pristinam disciplinam, quòd irregulares suis Beneficiis non censeantur privati, nec ab eorum functionibus suspensi, modò ab Ordinum functionibus abstineant.

XII. Deinde quia irregularitas directè ac primariò tendit ad impediendam Ordinum susceptionem, aut eorum usum; idè species *censuræ* non reputatur. Quia licet Censura etiam impediatur Ordinum susceptionem & usum; non tamen directè ac primariò ad hoc infligitur; nec directus ac primarius est hic Censurarum effectus, sed duntaxat indirectus & per consequentiam: v.g. Censura impedit Ordinum functiones quatenus sunt communicatio quædam fidelium, ut *excommunicatio*: aut quatenus sunt officia quædam Ecclesiastica; hoc est, à personis Ecclesiasticis exercenda, ut *suspensio*: aut quatenus sunt usus Sacramentorum, ut *interdictum*: at sola irregularitas directè eas impedit, quatenus illæ functiones specialiter spectant ad exercitium Ordinum.

XIII. Denique dicitur in descriptione irregularitatis, *etiam post penitentiam*; quia proprium est irregularitati, etiam ex crimine contractæ, quòd crimine per penitentiam remisso, nihilominus maneat irregularitas, impediens Ordinum susceptionem aut eorum usum.

XIV. Id conforme est pristinæ disciplinæ. Licet enim crederent Patres, graviora quoque crimina per penitentiam deleri; atque post remissionem peccatorum ad justitiam redire, & sine crimine esse; nequaquam tamen credebant, eos, qui hujusmodi crimina commiserant, mox à peracta penitentia & obtenta reconciliatione, dici posse *irreprehensibiles* & *sine crimine* ad sensum Apostoli requirentis ut Ordinandus in Episcopum sit *irreprehensibilis* & *sine crimine*.

Quòd ergo irregularitas maneat, etiam postquam crimina, ex quibus hæc orta est, per penitentiam sunt deleta; atque ipse reus ratione commissorum criminum impediatur ad Sacros Ordines ascendere, aut in illis ministrare, pristinæ disciplinæ reliquiæ sunt, uti infra cap. 6. latius ostendetur.

XV. Neque tantum ob crimina incurritur irregularitas; sed ob defectus quosdam tum corporis tum mentis ea contrahitur; licet hi defectus ex nulla culpa contracti sint, neque ullam in subiecto culpam arguant; eò quòd defectus illi vel naturale impedimentum Ordinum executioni ponant vel aliquam indecentiam annexam habeant, ob quam Ecclesia non judicat passim hujusmodi defectuosos ad Ecclesiastica Ministeria admittendos.

XVI. Sive autem ex defectu, sive ex crimine oria-

Tom. I.

tur irregularitas, semper parit impedimentum ad Ordines suscipiendos, aut in susceptis ministrandum; neque illud impedimentum per penitentiam, sed nonnisi per dispensationem ordinariè & propriè tollitur.

XVII. Duplex igitur est irregularitas, altera ex defectu, altera ex crimine orta; & utraque varias sub se species complectens: præcipuas magisque hodie usitatas duntaxat proponam, ac primùm, quæ ex defectu, dein quæ ex crimine oriuntur.

## CAPUT II.

### De Irregularitate ex Bigamia.

1. *Apostolus vult Episcopum & Diaconum esse unius uxoris virum.*
2. *Quis sit sensus Apostoli?*
3. *Quare Apostolus voluerit Episcopum esse unius uxoris virum?*
4. *Secundæ nuptiæ nunquam reprobatae: licet eas contrahentibus subinde penitentia fuerit imposita.*
5. *Patres Græci Bigamum non putarunt, qui ante Baptismum plures habuit uxores: & quare?*
6. *Irregularitatem ex nuptiis cum vidua, unde desumunt Patres Græci?*
7. *Sanctus Hieronymus Græcis consentiens.*
8. *Innocentius I. aliam rationem hujus irregularitatis esse credidit.*
9. *Augustinus Innocentio consentit; & uterque credidit Bigamiam ex nuptiis ante Baptismum contractis oriri; & quare?*
10. *Sanctus Augustinus non in ratione morali, sed mystica hanc irregularitatem fundavit; & quæ hæc ratio?*
11. *Eandem probavit Sanctus Leo.*
12. *Exponitur quomodo in defectu Sacramenti hæc Bigamia ex Sententia Sancti Augustini consistat.*
13. *Fundamentum irregularitatis ab Augustino assignatum sensim ubique receptum.*
14. *Sententiam Augustini fusiùs expressit & probavit Innocentius III.*
15. *Bigamus hodie habetur, qui duas successivè cognovit uxores, quævis ante Baptismum.*
16. *An extra hunc casum vera detur Bigamia, incertum est.*
17. *Datur Bigamia interpretativa æquivalens veræ Bigamiae.*
18. *Talis est Bigamia orta ex iteratis nuptiis nulliter contractis à constitutis in Ordine Sacro.*
19. *Similis est Bigamia ex nuptiis invalidis cum vidua.*
20. *Similis Bigamia oritur ex matrimonio cum unica, sed ab alio prius corrupta; at hodie in usu non est.*
21. *Contrahens validè cum vidua quoad effectus Juris est verus Bigamus.*
22. *Olim Bigami tantum à Sacris Ordinibus excludebantur.*
23. *Hodie ab omni Ordine, etiam primâ Tonsurâ excluduntur.*
24. *Id quoque obtinet in Bigamo ex nuptiis cum vidua; nec ad ullum Ministerium Ecclesiasticum admittuntur Bigami.*
25. *Bigami etiam à Ministerio quoruncunque Ordinum ante susceptorum suspenduntur.*
26. *Episcopus hodie nec cum Bigamo interpretativo dispensare potest.*
27. *Nequidem ad Minores Ordines, aut Beneficia simplicia.*
28. *Quare potius cum criminosis, quàm cum Bigamis licet Episcopis dispensare?*
29. *Disciplina bodierna circa Bigamos est rigidior quàm pristina erat.*
30. *Olim facilius cum Bigamis, quàm cum criminosis*

U u u

dispens-

dispensatum fuisse, præsertim ex sententia Græcorum.

31. Quid sit Bigamia similitudinaria, & unde dicta?  
32. Antiquis patribus incognita: nec recentiores Canonistæ de ea conveniunt?

I. APOSTOLUS in prima sua Epistola ad Timotheum cap. 3. describens qualitates in Episcopis ac Diaconis necessarias, inter alia dicit: *Oportet ergo Episcopum irreprehensibilem esse, unius uxoris virum.* Deinde de Diaconis loquens: *Diaconi sint unius uxoris viri.* Et rursus in Epistola ad Titum cap. 1. præcipiens Tito ut constituat per civitates Presbyteros, ait: *Si quis sine crimine est, unius uxoris vir.*

II. Verus ac genuinus sensus hujus Apostolici præcepti verbis allegatis expressi, est: *Oportere Episcopum esse unius uxoris virum*, id est, oportere, ut si uxorem habeat aut habuerit, non tamen secundam acceperit, sed unam tantum, sive eam habuerit, sive adhuc habeat. Sic enim & paulò post vult, *eum filios habere subditos cum omni castitate*, id est, si filios habeat, ut subditi sint: ita Estius in Commentario ad citata verba Epistolæ ad Timotheum; eumque sensum à plerisque Patribus traditum esse ibidem notat multisque ostendit hunc sensum esse menti & textui Apostoli conformem; unà advertens, quòd propter hanc Apostolicam hoc sensu intellectam sententiam, Ecclesia Bigamos à Sacris ordinibus semper excluderet; Bigamos utique intelligens eos, qui, priore uxore mortuâ, duxissent secundam.

III. Si ipsum Apostoli contextum, sive in Epistola ad Timotheum, sive in ea ad Titum propius expendamus, apparebit, Apostolum hic præcipuè præ oculis habuisse incontinentiam seu ejus suspensionem; hancque tanquam fundamentum hujus irregularitatis considerasse. Dum enim scribens ad Timotheum, dicit: *Oportet ergo Episcopum irreprehensibilem esse, unius uxoris virum. sobrium, prudentem, ornatum, pudicum*, quid aliud intendit, nisi exprimere vitia, à quibus immunem volebat Episcopum; & virtutes, quibus eum instructum oporteret? Idem vult cum de Diaconis loquitur. Describens enim virtutes Diaconis necessarias, & vitia, à quibus eos immunes esse oporteat, inter alia addit: *Diaconi unius sint uxoris viri: qui filiis suis bene præsent, & suis domibus.*

Nec id obscurius expressit in Epistola ad Titum, ubi exponens quis in Episcopum ordinandus sit, ait: *Si quis sine crimine est, unius uxoris vir, filios habens fideles, non in accusatione luxuriæ, aut non subditos.* c. 1. v. 6.

Nonne hic liquet, scopum Apostoli fuisse, omne crimen, & criminis præsertim incontinentiæ seu luxuriæ suspensionem ab ordinando Episcopo removere? adeò ut à filiis remotam voluerit luxuriæ accusationem; ne filiorum luxuria patrem in suspensionem adducat.

Et quia non tantum ab Episcopis aut Diaconis incontinentiæ omnis vel levis suspicio abesse debebat; sed & à feminis, quæ in ministerium Ecclesiæ eligebantur, idè & hanc conditionem in Vidua eligenda requirit. *Vidua eligatur non minus sexaginta annorum, quæ fuerit unius viri uxor, in operibus bonis testimonium habens,* &c. 1. ad Timoth. 5.

Unde ad verba Apostoli reflectens S. Chrysostomus homiliâ 2. in Epistolam ad Titum, ait: "Calligat hoc ipso etiam impudicos, dum non eos permittit post secundas nuptias ad Ecclesiæ regimen, dignitatem, que Pastoris assumi."

Eadem ferè fuit omnium Græcorum Patrum sententia; quibus & nonnulli à Latinis consensere, ut mox ex verbis eorum citandis apparebit.

IV. Quamvis enim tam Græci, quam Latini Patres secundas nuptias nunquam crediderint illicitas, persuasum nihilominus iis erat, quòd tam viri quam mulieres nuptias iterantes, insolitè ac immoderatè in luxu-

riam libidine ferrentur, aux ut minus illius suspensionem non levem ingererent.

Hinc Bigamis sive nuptias iterantibus jam pridem penitentiam Canonicam impositam, præsertim apud Græcos legimus.

Synodus Neocæsariensis Can. 3. "De his, qui in plures nuptias inciderunt, tempus quidem præstitutum manifestum est, sed conversatio eorum, & fides tempus abbreviat."

Priorem Canonis partem exhibet Gratianus causa 31. q. 1. Can. 8. his verbis: "Qui frequenter uxores ducunt, & de his, quæ sæpius nubunt, tempus quidem penitentiae his manifestum constitutum est: sed conversatio, & fides eorum tempus abbreviat."

Hæc lectio sat innuit, hic de veris Bigamis, id est, qui successivè plures duxerunt legitimas uxores, agi, quemadmodum & de his agit Canon. 7. ejusdem Synodi, statuens; "Ne Presbyter in nuptiis ejus, qui Digamus efficitur, convivetur. Cum enim requirat, penitentiam Digamus, quis erit Presbyter, qui ed quòd sit convivio acceptus, nuptiis assentiatur?" Hoc est (ait Zonaras ad hunc Canonem) "qui fieri potest ut penam à Digamo exigere non pudor sit ei, qui Digami factum à se non improbari, cum nuptiis secundis ipse interfuerit, satis ostendit."

His Canonibus de veris Bigamis seu Digamis agi; uno consensu docent Græci Canonum Commentatores; ipseque Baronius fatetur ad annum 313. num. 91. agnoscens Bigamis penitentiam aliquam impositam fuisse: "Non quòd (ait) secundum matrimonium contrahendo peccent, sed quòd suam ipsi incontinentiam manifestent; & Bigamiam, quæ in humanæ infirmitatis remedium instituta est, licentiùs usurpent."

V. Græci itaque hanc rationem moralem, nimirum incontinentiam ejusve suspensionem, tanquam fundamentum hujus irregularitatis statuebant; atque inde tanquam consequens ulterius inferebant, Matrimonium in ipsa gentilitate, sive ante susceptum Baptismum contractum, non ponere hanc irregularitatem; eumque ad sensum Apostoli habendum unius uxoris virum, qui post Baptismum unam duntaxat habuit, licet alteram ante Baptismum habuisset: ed quòd per Baptismum omnis macula contracta deleatur; atque è veteri novus homo regeneretur.

Canon. 16. Apostolorum ita habet: "Qui post Sanctum Baptismum duobus conjugii fuerit implicatus, vel habuerit concubinam, non potest esse Episcopus, vel Presbyter vel Diaconus, vel omnino ex numero Sacerdotali."

Duo ex hoc Canone habemus. Primum, quòd irregularitatis fundamentum non obscurè in ipsam incontinentiam seu ejus suspensionem reponat; cum eum, qui duobus conjugii implicatus fuit, confert cum habente concubinam.

Uterius, cum tantum eum irregularem pronundet, qui post Sanctum Baptismum duobus conjugii implicatus fuit, sat innuit, conjugii ante Baptismum contracti rationem habendam non esse: quod & Balsamon annotavit, dicens: "Eum, qui post Sanctum Baptismum Digamus fuerit vel fornicatus sit, prohibet Canon fieri Episcopum, vel Sacerdotale quidpiam exercere. Quæ enim ante Baptismum admitta sunt omnis generis peccata prætermittit, cum factus sit novum opus solà gratiæ Sancti Spiritus."

Idem notat Zonaras scribens: "Divinum Lavacrum Sancti Baptismatis omnes credimus abluere sordes ipsius Baptizatis illitas ante Baptismum, nullumque peccatum quod ante Baptismum ab aliquo fuerit patratum, prohibet ad Sacerdotium promoveri Baptizatum, Quòd si post Baptismum scortatus fuerit, aut nuptiis duplicibus adhæserit, indignus qualicumque Sacerdotio judicatur."

VI. Græci itaque hujus irregularitatis rationem defuentes ex incontinentia, ejusque suspensione; irregula-



gularitatem quoque proveniente ex conjugio cum vi-  
dua desumendam crediderunt ex incontinentia ejusve  
suspicionem, nimirum ipsius mulieris nuptias iterantis,  
quam per mulierem in maritum aliquo modo redunda-  
re supponebant.

Unde hanc irregularitatem non fundabant in his Apo-  
stoli verbis, *unius uxoris vir*; sed potius in his quæ idem  
Apostolus subiungit: *Filios habens fideles, non in accu-  
satione luxuriæ*. Ep. ad Tit. c. 1.

Licet enim peccata filiorum non imputentur paren-  
tibus in culpam, si ipsi in iis dissimulandis aut fovendis  
nullam culpam habuerint, tamen (ut notat Sanctus  
Hieronymus in citata verba Apostoli) tam sanctum  
nomen Sacerdotii est, "ut nobis etiam ea, quæ extra  
nos sunt posita, reputentur, non quod propter vitia  
nostra Episcopum non fiamus, sed quod propter filiorum  
incontinentiam ab hoc gradu arcendi sumus. Qua  
enim libertate possumus alienos filios corripere, &  
docere quæ recta sunt, cum nobis statim possit, qui  
fuerit correptus, ingerere, *ante doce filios tuos*... Non  
itaque justus polluitur ex filiorum vitiis, sed libertas  
ab Apostolo Ecclesiæ principe reservatur, quod talis  
fiat, qui non timeat propter vitia liberorum extra  
neos reprehendere.

Itaque sicuti Apostolus incontinentiam liberorum  
credidit redundare in Patrem; atque libertatem adim-  
mere reprehendendi incontinentes, & docendi quæ  
recta sunt, eadem ratione uxoris maculam, suspicio-  
nemve incontinentiæ cum eodem effectu redundare in  
maritum; atque maritum ad Sacerdotium irregularem  
reddere existimant.

Hanc creditam fuisse fundamentalem hujus irregu-  
laritatis rationem, sat aperte indicat Canon 18. Aposto-  
lorum: "Qui viduam accepit, (a) vel ejectam, vel me-  
reticem, vel servam, vel mimam seu scenicam, non  
potest esse Episcopus, vel Presbyter, vel Diaconus,  
vel omnino ex numero Sacerdotali.

Hunc Canonem commentatus Balsamon, ait "Nota  
præsentem Canonem: vult enim non solum eum, qui  
est sacratus esse modestum & continentem, sed etiam  
ejus conjugem: & ideo mulieres, quæ hic comprehen-  
duntur, prohibuit cum sacratis hominibus matrimo-  
nio jungi, utpote quod eas continenter vivere non  
credatur, propter earum sordes & improbitatem.

VII. Sanctus Hieronymus multo tempore apud Græ-  
cos versatus, & eorum principis instructus, in hoc  
quoque articulo Græcis adhæsit; atque irregularitatem  
Bigamiæ in hac morali ratione fundatam credidit. Unde  
in Epistolam ad Titum scribit: "Quod autem ait,  
*unius uxoris vir*, sic intelligere debemus, ut non om-  
nem monogamum digamo putemus esse meliorem,  
sed quod is possit ad monogamiam & continentiam  
cohortari, qui sui exemplum præferat in docendo. Quasi  
diceret, ideo vult Apostolus, ut Episcopus sit  
*unius uxoris vir*, ne alias non possit ad continentiam  
cohortari, qui iteratione nuptiarum, ipse non sit præ-  
ferat continentiæ exemplum.

Hinc mox conformiter ad Græcorum sententiam di-  
cit: "Multi supersticiosius magis quam verius, etiam  
eos qui cum *Gentiles* fuerint, & unam uxorem ha-  
buerint, qua missa, post Baptismum Christi alteram  
duxerunt, putant in Sacerdotio non legendos; cum  
utique, si hoc observandum sit, illi magis ab Episco-  
patu arceri debeant, qui vagam per meretrices ante  
exercentes libidinem, unam regenerati uxorem acce-  
perint, & multo detestabilius sit fornicatum esse  
cum pluribus, quam digamum reperiri, quia in alio  
infelicitas matrimonii est, in alio ad peccandum  
prona lascivia.

Idem fufius adstruit, & contrarium sustinentes accer-

(a) Qui viduam accepit, *ὁ χήραν λαβών*. Hic canon lege Mo-  
saica fundatus videtur, qua Sacerdotibus prohibetur, ne vidu-  
am, nec dimissam, nec profanam, nec meretricem ducant, sed  
purgam Virginem. Levit. cap. 21. v. 13. & 14.

rime perstringit in Epist. 83. ad Oceanum, atque inter  
alia hanc format conclusionem: "Si Baptismus novum  
hominem facit, & ex toto novum creat, nihilque in  
eo veteris hominis reservatur, non potest novo im-  
putari, quod in veteri quondam fuit." Sententia  
Hieronymi refertur apud Gratianum *Dist. 26. Can. 1.*  
& *Caus. 28. q. 3. Can. 1.*

VIII. Patres Latini plerique attendentes licitum  
secundarum nuptiarum usum, nec ita ad incontinentiæ  
suspicionem eisdem annexam reflectentes, crediderunt  
ab Apostolo in hoc præcepto non incontinentiam, sed  
ipsam nuptiarum iterationem simpliciter fuisse confi-  
deratam.

Innocentius I. in Epistola ad Victricium Episcopum  
Rothomagensis cap. 6. postquam dixit Clericum non  
esse ordinandum, qui secundam duxit uxorem, subjicit:  
"Ac ne ab aliquibus existimetur, ante Baptismum, si  
forte quis accepit uxorem, & ea de seculo recedente,  
alteram duxerit, in Baptismo esse dimissum, satis er-  
rat a regula: quia in Baptismo peccata remittuntur,  
non acceptarum uxorum numerus aboletur.

Hæc satis ostendunt, Innocentio visum fuisse, irre-  
gularitatem simpliciter ex plurali uxorum numero esse  
desumendam; atque ei suffecisse ut quis revera habeatur  
Bigamus, si probetur, ductam ante Baptismum fuisse  
veram uxorem.

IX. Eandem sententiam amplexus est Sanctus Au-  
gustinus, libro *De bono conjugali cap. 18.* "Propterea  
Sacramentum nuptiarum temporis nostri, sic ad  
unum maritum (ait) & unam uxorem redactum est,  
ut Dispensatorem Ecclesiæ non liceat ordinari, nisi  
*unius uxoris virum*. Quod acutius intellexerunt, qui  
nec eum qui Catechumenus, vel Paganus habuerit  
alteram, (a) ordinandum esse censuerunt: Ratio-  
nem addit: "De Sacramento enim agitur, non de pec-  
cato: nam in Baptismo peccata omnia dimittuntur.  
Sed qui dixit: Si acceperis uxorem non peccasti, & si  
nuperit, non peccavit, & quod vult faciat, non  
peccat, si nubat; satis declaravit, nuptias nullum esse  
peccatum: Propter Sacramenti sanctitatem sicuti fe-  
mina etiam si catechumena fuerit vitata, non potest  
post Baptismum inter Dei virgines consecrari; ita non  
absurde visum eum qui excessit uxorum numerum  
singularem, non peccatum aliquod commisisse; sed  
normam quamdam Sacramenti amisisse; non ad vitæ  
bonæ meritum, sed ad Ordinationis Ecclesiasticæ  
signaculum, necessariam.

X. Hic videmus, Augustinum hanc irregularitatem  
non in aliquam incontinentiæ labem refudisse, sed in  
quemdam Sacramenti defectum; eo quod contrahens  
secundas nuptias quamdam Sacramenti normam amisisse  
visus sit.

Quæ sit hæc Sacramenti norma, dein subjicit:  
"Ac per hoc sicut plures uxores antiquorum Patrum  
significaverunt futuras nostras ex omnibus gentibus  
Ecclesias uni viro subditas Christo, ita noster An-  
tistes unius uxoris vir significat ex omnibus gentibus  
unitatem uni viro subditam Christo: quæ tunc per-  
ficietur, cum revelaverit occulta tenebrarum, & ma-  
nifestaverit cogitationes cordis, ut tunc laus sit uni-  
cuique à Deo. Nunc sunt manifestæ, sunt latentes  
dissensiones, etiam salva charitate, inter eos qui  
unum & in uno futuri sunt: quæ tunc utique nullæ  
erunt. Sicut ergo Sacramentum pluralium nuptiarum  
illius temporis significavit multitudinem futuram  
Deo subjectam in terrenis omnibus gentibus: sic

(a) Superius num. 5. D. Van-Espen observavit apud Græcos ir-  
regularem eum duxerat habitum fuisse qui post Baptismum duo-  
bus conjugis implicatus fuit, nec conjugii ante Baptismum contra-  
cti rationem esse habendam: at num. 9. in Ecclesia Latina ea distin-  
ctio admittitur non erat tempore S. Augustini; nec deinceps recepta  
videtur ut claret ex Fagnano quem auctor noster inferius num. 13.  
citavit. Quapropter Latinis persuasum fuit eum esse bigamum, qui  
successive primum & secundum inierit matrimonium, quamvis an-  
te Baptismum primas contraxerit nuptias.

„ Sacramentum nuptiarum singularum nostri temporis significat unitatem omnium nostrum subjectam Deo futuram in una cœlesti civitate.

XI. Mysticam hanc Augustini rationem non obscure probavit Sanctus Leo *Epistola* 1. *cap.* 3. editionis Quenellianæ; inter rationes præcepti Apostolici, de non ordinando Episcopo, nisi fuerit *unius uxoris* vir, adducens hanc: quod si in Sacerdotibus etiam in veteri Testamento figurabatur *Christi & Ecclesiæ* spirituale conjugium, illud vel magis servandum in novo.

XII. Cum enim secundæ nuptiæ hanc perfectam unitatem Christi cum Ecclesia, tanquam unici cum unica immaculata sponsa repræsentare nequeant; utpote non *unius* cum *unica* immaculata sponsa, videtur Sacramentum secundarum nuptiarum aliquem defectum pati, seu quandam *Sacramenti normam amisisse*; nimirum vim repræsentativam istius conjunctionis seu conjugii spiritualis Christi cum Ecclesia.

In hoc ergo defectu hanc irregularitatem positam esse credidit Augustinus; indecens existimans, ut is esset Sacramentorum dispensator, qui ipse in suscepto Sacramento defectum patiebatur.

XIII. Hæc irregularitatis fundamentalis ratio à tanto Doctore proposita, sensim ita invaluit, tantoque præsertim in Ecclesia Latina, applausu recepta est, ut nequaquam dubitatum sit, quin hinc omnis Bigamiæ irregularitas esset desumenda; atque ratio illa moralis ab incontinentia ejusve suspitione, quasi ad hanc irregularitatem impertinens, neglecta quodammodo fuerit; nulla-que tandem reputata vera & proprie dicta Bigamia, nisi quando vere defectus hic Sacramenti occurrit.

XIV. Hanc sententiam expressit Cælestinus III. in *cap.* 5. *De Bigamis non ordinandis*. Consultus enim à Metensi Episcopo, an is qui mulierem ab alio ductam, sed nondum cognitam matrimonialiter sibi copulavit, valeat ad Sacerdotium promoveri? Ita respondit: „ Quod cum duo sint in conjugio, videlicet „ consensus animorum; & commixtio corporum, „ quorum alterum significat charitatem, quæ consistit „ in spiritu inter Deum & justam animam, ad quod pertinet illud, quod dicit Apostolus 1. Cor. c. 6. *Qui adhaeret Deo, unus spiritus est cum eo*. Reliquum vero designat conformitatem, quæ consistit in carne inter „ Christum & Ecclesiam, ad quod pertinet illud quod „ Joannes Evangelista testatur c. 1. *Verbum caro factum est, & habitavit in nobis*, profecto conjugium illud, quod non est commixtione corporum consummatum, non pertinet ad illud conjugium designandum, quod inter Christum & Ecclesiam per Incarnationis mysterium est contractum, juxta quod Paulus exponens illud quod dixerat Protoplastus Gen. c. 2. *Hoc nunc os ex ossibus meis, & caro de carne mea; & propter hoc relinquet homo patrem & matrem, & adhaerebit uxori suæ, & erunt duo in carne una*: statim subjungit, Eph. c. 5. *hoc autem dico magnum Sacramentum in Christo & Ecclesia*. Cum ergo propter Sacramenti defectum inhibetur sit, ne Digamus, aut maritus viduæ præsumat ad Sacros Ordines promoveri, quoniam nec illa est unica unici, nec iste unus unius: profecto ubi deficit inter hujusmodi conjuges commixtio corporum, non deest hujusmodi signaculum Sacramenti. Unde is, qui mulierem ab alio viro ductam, sed minime cognitam duxit uxorem, quia nec illa, nec ipse carnem suam divisit in plures, propter hoc impediri non debet, quin possit ad Sacerdotium promoveri.

XV. In hoc itaque hodie Canonistæ conveniunt, veram ac proprie dictam Bigamiam esse, cum quis diversis temporibus successive habuit & cognovit duas legitimas uxores, etiam prius non corruptas, quamvis utramque vel alteram habuerit ante Baptismum; ita Fagnanus ad *cap.* NUPER A NOBIS *De Bigamis non ordinandis num.* 3.

XVI. An extra hunc casum contrahatur vere ac pro-

prie dicta Bigamia, inter Canonistas non convenit; eo quod hoc solo casu vere ac proprie Sacramentum cum prædicto defectu contractum videatur, & sic contrahens *Bigamus*, id est, duarum uxorum vir proprie dici queat.

XVII. Quidquid sit, hoc constar, aliquos tanquam Bigamos repellere, & pro Bigamis reputari, qui tamen vere Bigami non sunt; sed duntaxat juris interpretatione pro talibus habentur; diciturque hæc Bigamia communiter *interpretativa*.

XVIII. Hujusmodi Bigami *interpretativi* omnium consensu reputantur Clerici, qui in Sacris Ordinibus constituti, more nuptiali secundas in contubernium sibi mulierculas adjunxerunt; cum quibus an dispensare posset, consultit Innocentium III. Episcopus Ratisbonensis, cui responderet Pontifex, articulum illum difficultate non carere, ac propositis in utramque partem argumentis, tandem resolvit: „ Nos autem in hac „ quæstione tibi respondemus, quod cum hujuscemodi Clericis, qui quantum in ipsis fuit, secundas mulieres sibi matrimonialiter conjunxerunt, tanquam cum Bigamis non liceat dispensari, licet in veritate Digami non existant, non propter Sacramenti defectum, sed propter affectum intentionis cum opere subsecuto. „ Responsum Pontificis habetur in *cap.* 4. *De Bigamis non ordinandis*; ad cujus elucidationem merito legitur integra Epistola quæ est 66. *lib.* 2. editionis Baluzii; ibi ipse casus, prout supra est expressus; refertur; qui in ipsa Decretali est omisus: & pro Ratisbonensi legitur *Pratistaviensi*.

XIX. Similiter convenit inter omnes Bigamiam *interpretativam* duntaxat incurri, si quis *invalidè* cum *vidua* contraxerit, juxta responsum ejusdem Pontificis in *cap.* 6. *eod.* ubi decidit, quod Subdiaconus qui de facto duxit *viduam* in uxorem, „ profecto Bigamus non existit; sed nec viduæ potest *in veritate* dici maritus, cum inter ipsum & illam non fuerit vinculum maritale contractum: cum eo tamen (ait) contra doctrinam Apostoli, tanquam cum marito *vidua* dispensare non licet, non propter Sacramenti defectum, sed affectum intentionis cum opere subsecuto.

Hæc ratio cum etiam obtineat in nuptiis quibuscumque cum impedimento *dirimente* initis, decisio quoque eadem obtinere debet; unde & in his Bigamiam *interpretativam* intervenire communiter tradunt Canonistæ; & probat Fagnanus loco citato *num.* 43.

XX. Similis Bigamia contrahitur, si quis contrahat & consumet matrimonium cum *unica*, sed prius ab alio licet extra matrimonium, *cognita*, *Can.* 2. *Dist.* 33. At monet Vir eruditus Janus à Costa Antecessor Aurelianensis in Summario ad titulum *De Bigamis*, „ Quod, quamvis meretricem quis duxerit, vix ex „ novo jure definire possimus, maritum contrahere „ irregularitatem.

XXI. Illud à Canonistis controversitur, num contrahens *valide* matrimonium cum *vidua*, censendus sit *verus* Bigamus, an vero duntaxat *interpretativus*; eo quod revera non videatur *plurium uxorum* maritus, neque in plures carnem divisisse; nihilominus *verum* esse Bigamum, post alios citatos pluribus probat Fagnanus loco allegato *num.* 12. & sequentibus.

Sed an *verus*, an *interpretativus* Bigamus sit dicendus, parum videtur referre: cum satis constet, illum qui matrimonium contraxit cum vidua, hodie æque, quoad omnes juris effectus haberi pro Bigamo; ac illum, qui successive duas habuit uxores.

XXII. Olim Bigami etiam *veri*, tantum à Sacris Ordinibus exclusi videntur; eo quod Apostolus non nisi de Episcopis (sub quibus & Presbyteri comprehenduntur) & Diaconis loqueretur.

Et quidem in *Can.* 3. Concilii Toletani I. relato apud Gratianum *Dist.* 34. *Can.* 18. legitur: „ Lector si vi- „ duam alterius uxorem acceperit, in lectoratu permaneat, aut si forte necessitas fuerit, Subdiaconus fiat, „ nihil

„ nihil autem supra. Similiter & si Bigamus fuerit., Tunc enim temporis Subdiaconatus necdum inter Ordines Sacros numerabatur, uti *parte 1. tit. 1. cap. 3.* notatum est.

XXIII. Concilium Lugdunense sub Gregorio X. edidit Decretum relatum in *cap. Unico De Bigamis in VI.* quo declarat, „ Digamos omni privilegio Clericali esse nudatos, & coercionem fori secularis additos: Consuetudine contraria non obstant. „ Additque: „ Ipsi quoque sub anathemate prohibemus de ferre Tonfuram vel habitum Clericalem.

XXIV. Dicit autem Concilium: *Altercationis antiquæ dubium præsentis declarationis oraculo decedentes.*

Notat vero Glossographus *altercationum* Doctorum fuisse super *Canone Quisquis Dist. 84.* ubi ex Epistola Siricii Papæ refertur, „ Quisquis Clericus aut viduam, aut certe secundam uxorem duxerit, omni Ecclesiastica dignitate privilegio mox nudetur, Laica sibi tantum communione concessa. Et per illud: nudetur, videbatur non esse privatus, sed privandus: præiens ergo Constitutio declarat hoc: „ Ita ille.

Quia ergo Canon *Quisquis* loquitur tam de eo qui viduam, quam qui binas successive uxores duxit, etiam Constitutio pro illius declaratione edita, de utriusque intelligi debet; & ita hodie obtinet. Tamen maritus viduæ, quam duarum successive uxorum, omni privilegio Clericali censetur nudatus.

Neque hodierna disciplina Bigamum etiam ob contractum matrimonium cum vidua, ad ullum Ordinem vel Minorem, ejusve functiones; ullumve Beneficium Ecclesiasticum admittit; imo nec ad ulla quantumvis infima Ecclesiæ ministeria eos admittendos sat insinuat Synodus Tridentina *Sess. 23. cap. 17. De Reformat.* Permittens enim quod si ministeriis quatuor Ordinum Minorum exercendis Clerici cælibes præsto non erunt; suffici possint etiam conjugati vitæ probatæ, addit hanc cautionem, *dummodo non Bigami*; quo ostendit, etiam nec ad horum Ordinum exercitia Bigamos esse admittendos: quemadmodum & Synodi Belgicæ, tametsi conjugatos in Custodes Ecclesiarum Parochialium admittant, Bigamos tamen excludunt; uti supra *part. 1. tit. 4. cap. 2.* notatum est.

XXV. Imo non tantum juxta modernam disciplinam Bigami ab Ordinibus excluduntur, sed & „ Ordinatiores eorum, potestare & officio ordinandi; & „ Ordinati si ad sacros Ordines fuerint promoti, eis ideo sunt privandi, quia in Digamis contra Apostolum dispensare non licet, ut debeant ad Sacros Ordines promoveri, vel in eis, si promoti fuerint, remanere. „ Ita respondit Pontifex in *cap. 2. de Bigamis non ordinandis.*

Hinc habemus; Bigamum non tantum ab Ordinibus suscipiendis repelli; sed etiam prohiberi in susceptis ministrare.

XXVI. Ulterius uno consensu hinc concludunt Canonistæ Episcopum non posse dispensare cum Bigamo, nequidem ut in Ordine Sacro jam suscepto ministret; quod & in Bigamia interpretativa (ut si Subdiaconus nulliter contrahat matrimonium cum vidua) obtinere decidit in *cap. finali de eod.*

XXVII. Quin communis est Canonistarum opinio, quam sequitur, & pluribus adstruere conatur Fagnanus ad *cap. Super eo de Bigamis non ordinandis*, Episcopum cum Bigamo nequidem ad minores Ordines, aut simplicia Beneficia dispensare posse; atque ita declarasse Sixtum V. refert ibid. *num. 46.* idque præcipue eo fundamento, quod Episcopis contra Apostolum dispensare non liceat.

XXVIII. Verum idem Apostolus etiam prohibet *criminosos* in Episcopos & Diaconos assumi; & tamen Episcopis licet cum *criminosi* dispensare, quemadmodum expresse respondit Innocentius III. in *cap. 6. de Bigamis non ordinandis*, circa Sacerdotem in fornicationem prolapsum; ideoque pari & fortiori ratione,

videtur Episcopis concedenda dispensandi facultas cum Bigamo: quia minus inordinatum apparet, Bigamum, qui contrahendo secundas nuptias non peccavit, quam prolapsum in fornicationem ad Ordines promoveri.

XXIX. Huic argumento cum Glossa responder Fagnanus loco citato *num. 9. & 10.* „ Criminosus post peccatum, actam poenitentiam restitutus videtur in pristinum statum, & incipit esse quod non fuit, *cap. Ferrum. cap. Ponderet, & cap. Domino sancto, 30. distin. & ideo* „ cum talibus dispensatur. Sed Bigamus non prohibetur promoveri propter crimen, sed propter Sacramenti defectum, ut in *cap. Debitum; infra eodem C. Acutus, 26. Dist.* quia carnem suam divisit in plures ab unitate recedendo, & hoc Sacramentum amplius restitui non potest per aliquam satisfactionem, cum non sit crimen; & ita aliud consideravit Apostolus, cum dixit non Bigamum; & aliud consideravit, dum dixit, non criminosum.

XXX. Verum num hæc ratio sat fundata sit, si verus sensus Apostoli attendatur, non sine fundamento ambigitur.

Un enim in textu probatur est, Apostolus, dum dixit: Episcopus eligatur *unius uxoris vir*, intendit, ut omnis vel levis incontinentiæ suspicio ab eo, qui ordinandus esset in Episcopum, abesset.

Quis vero dubitet, hanc incontinentiæ suspensionem, majorem esse in eo, qui publice in crimen carnis est prolapsus, quam qui duas successive uxores duxit: atque facilius suspensionem incontinentiæ purgandam in simili Bigamo, quam in hujusmodi prolapsio.

Hinc admodum verisimile est, pristinos Patres, præsertim Græcos, potius dispensaturos fuisse cum Bigamo, quam cum simili criminoso, sive in crimen carnis prolapsio. Interim illud indubitatum mentem Ecclesiæ esse, ut Ordinandus ab omni incontinentiæ suspicionem sit liber.

XXXI. An antiqui Patres cum Bigamis similitudinis dispensaverint, prius examinandum est quam definiendum. Bigamia similitudinaria nomen suum mutuavit à similitudine quadam intercedente inter matrimonium carnale, & matrimonium spirituale, quod per solemnem voti professionem contrahi dicitur inter virginem voventem se Christo, & ipsum Christum; atque ita attentans matrimonium carnale cum simili virginitatis voto obstricta, videtur matrimonium attentare cum ea quæ spiritualiter Christo nupsit: & si ipsi Monachi vel Presbyteri voto solemniter obstricti cum virgine matrimonium carnale attentarent, iterare nuptias quodammodo viderentur; ideoque quadam similitudine deducta, à carnali matrimonio, Bigami similitudinarii dicti fuere.

Hanc bigamiam similitudinariam Canonistæ desumpsisse videntur ex *Canone 24. caus. 27. quest. 1.* ubi refertur Canon 18. Synodi Ancyranæ ex versione Isidori, diciturque; quotquot virginitatem pollicitam prævaricatae sunt, professione contempta, inter Bigamos, id est, qui ad secundas nuptias transierunt, haberi debent.

Unde & notat Glossa quod repellantur ab Ordine sicut Bigami.

Verum merito dubitari potest, utrum Patres Synodi Ancyranæ hoc Canone intenderint, voventes, & suum votum violantes quali Bigamos, ad effectum irregularitatis haberi.

Si enim Canonis verba juxta temporis illius disciplinam expendantur, verisimilius apparebit similes voventes ad classes Bigamorum rejici, in ordine ad poenitentiam subeundam per Canones veris Bigamis, sive nuptias iterantibus injunctam; quod & aperte indicat versio Græcorum hujus Canonis (cui congruit versio Gentiani Herveti) quæ habet: „ *Quicumque virginitatem profitentes professionem suam irritam reddunt; ii Bigamorum definitionem implent.* Quibus verbis non aliud significari videtur, quam quod similes voti fragi



fragi teneantur definitionem, sive tempus poenitentiae definitum & Bigamis praefixum adimplere.

Hinc Theodorus Balsamon in Commentario Canonum hujus Synodi, ita hunc Canonem interpretatur: „Eos, qui suam Deo professionem, votumque de virginitate servanda irritum reddunt, Patres Bigamorum definitioni, hoc est, poenae subijciunt.

In eundem sensum hunc Canonem commentatus est Zonaras; additque: „Definitionis enim nomine Canonem, & Constitutionem intelligit, ut quaecumque nimirum de Bigamis constituta, ac decreta sunt, ab iis quoque servantur, ac nonnisi lapsi decem annoadmittantur. (a)

Haec igitur similitudinaria Bigamia, potius ex interpretatione Canonistarum, quam ex genuino Canonis sensu originem suam habere videtur, utpote qui ad sui temporis disciplinam respicientes, solam irregularitatem, non autem poenitentiam Bigamis inflictam noverant, ac proinde reputabant votifragos, dum ad classem Bigamorum rejectos videbant, non in ordine ad poenitentiam, sed in ordine ad contrahendam irregularitatem Bigamorum, Bigamis comparari.

XXXII. Unde, & non mirum apud veteres, nullam hujus Bigamiae similitudinariae mentionem fieri. Monet Fagnanus ad cap. NUPER & De Bigamis, nec hodie inter Doctores convenire, num hic dici queat Bigamia; atque nonnullos credere hujusmodi votifragos nuptias contrahentes esse quidem irregulares, non ex ulla specie Bigamiae, sed propter praesumptionem incontinentiae, & ad majorem sacri Ordinis reverentiam: Alios vero affirmare, tales nulla ratione esse irregulares, sed solum suspensos tanquam notorie criminosos; ac tandem concludit, sibi videri hanc quaestionem fere esse inutilem; cum parum interfit, an ministrare aut promoveri non possint tanquam similitudinarii Bigami, an vero ut irregulares & suspensi; quandoquidem etiam inter omnes conveniat, Episcopum super hujusmodi Bigamia dispensare.

(a) In editione Lovaniensi n. 30. & 31. hujus capitis desiderantur.

### CAPUT III.

#### De Irregularitate ex defectu Natalium.

1. Haec irregularitas multis seculis incognita.
2. Tempore Gratiani nondum nota fuisse videtur.
3. Non ubique eodem tempore recepta.
4. Innocentius III. originem retulit ad seculum XI.
5. Circa seculum XI. plures Canones & statuta edita ad exclusionem illegitimorum.
6. Ob Cleri incontinentiam his Canonibus opus fuit; & quare?
7. Jure Decretalium stabilita irregularitas.
8. Primum actum fuit de excludendis filiis Presbyterorum.
9. Tandem generaliter irregularitas extensa ad omnes illegitimos.
10. Haec irregularitas etiam hodie excludit à Minoribus Ordinibus & Beneficiis simplicibus.
11. Prima inductae irregularitatis ratio petita ex dignitate Sacerdotum.
12. Secunda ratio ad reprimendam quorundam incontinentiam.
13. Tertia ob periculum incontinentiae in filiis, & successione hereditariae.
14. Irregularitas haec tollitur per dispensationem; & qualiter Episcopus dispense?
15. In quibus solus Pontifex cum illegitimis dispense?
16. Non omnis species illegitimitatis est aequae turpis; & pro obtinenda dispensationis species exprimenda.

17. Dispensatus ad obtinendum Beneficium, unicum tantum potest obtinere.
18. Qui semel obtinuit dispensationem, debet bujus in secunda facere mentionem.
19. Dispensatio restringenda; nec comprehendit nisi expressa.
20. Specialiter inordinatum est, ut Filius illegitimus habeat Beneficium in Ecclesia, in qua Pater habuit.
21. Decretum Concilii Tridentini circa eundem Articulum.
22. Synodus Tridentina excludit filium, etiam à simplici Beneficio, quod Pater habuit.
23. Etiam si persona media fuerit inter patrem & filium.
24. Non potest quocumque modo filius illegitimus ministrare in Ecclesia, in qua Pater unquam Beneficium habuit.
25. Nec ad hoc dispensatio quantumvis generaliter concepta se extendit.
26. Dispensatio contra hoc Decretum haud facile annuenda.
27. Modus tollendi hanc irregularitatem est Religiosa Professio.
28. Ratio cur tollatur hoc modo irregularitas.
29. Illegitimi in Religione Professi non egent dispensatione pro sacris Ordinibus; secus si tantum sint Novitii.
30. Illegitimus per Religiosam Professionem non fit capax Praelaturae.
31. Solus Pontifex hic dispensat; & quis sit stylus Penitentiariae?
32. Per subsequens Matrimonium tollitur defectus natalium.
33. Fallit si inter Parentes tempore conceptionis fuerit impedimentum dirimens.

I. IN pristinis Conciliorum Canonibus aut Pontificum Decretis non legitur illegitimos ab Ordinibus aut Ecclesiasticis functionibus seu ministeriis ob solum defectum natalium fuisse exclusos; modo ceterae doctores ad Sacerdotium requisitae ipsis non deessent. Nec enim parentum vitia aut merita, sed propria merita aut demerita in assumendis ad Ecclesiae munia attendenda esse credebant; quemadmodum multis Veterum Patrum testimoniis adstruit Gratianus *Dist. 56.* ubi postquam Canon primo praemisit hoc quasi summarium: *Presbyterorum etiam filii ad sacra officia non sunt admittendi*, immediate post recitatum hunc Canonem Concilii Claramontani sub Urbano II. *Presbyterorum filios à sacris Altaris ministeriis removemus*, subjungit: „Sed hoc intelligendum est de illis, qui paternae incontinentiae imitatores fuerunt. Verum si morum honestas eos commendabiles fecerit, exemplis & auctoritatibus, non solum Sacerdotes sed summi Sacerdotes fieri possunt.

II. Videtur ergo Gratianus supponere, quod filii illegitimi à sacris Altaris ministeriis non essent excludendi, si paternae incontinentiae imitatores non fuerint; & consequenter, quod solus natalium defectus neminem sacris Altaris ministeriis excluderet, aut irregularem faceret.

III. Quidquid sit de mente Gratiani & disciplina eo tempore vigente, hoc factum constat, quod irregularitatem ex solo defectu natalium Ecclesia dudum ignoraverit, uti recte etiam notavit Christianus Lupus *tomo 3. Schol. pag. 79.* „Etenim, ait, inter Nicephori Confessoris Canones habemus & hunc. „*Qui ex concubina, scorto, Digamis aut Trigamis nati sunt, si virtutibus praediti appareant, & sint Sacerdotio digni, ordinantur.* Extant Canones *tomo 9. Bibliothecae sanctae.*

Quando haec irregularitas primum inducta sit, haud constat; videtur non ubique eodem tempore, sed in aliis Ecclesiis citius, in aliis sensus introducta & recepta.

IV. Innocentius III. primos hujus irregularitatis auctores videtur supposuisse Urbanum II. & Synodum Pictaviensem: Andreæ enim Lundensi Episcopo ac Danorum Metropolita, & suo per Septentrionem Legato, interroganti: " Si Presbyterorum filii sint indifferenter ad Sacros Ordines promovendi, " respondit: " De Presbyterorum filiis, tam ex Decreto *Urbani secundi*, quam ex Concilio colligitur *Pictaviensi*, quod ad sacros non sunt Ordines promovendi, nisi aut in Cœnobis, aut in Canonica Regulari religione fuerint conversati. " *Lib. 4. Epist. 118.*

Tam Canon Urbani II. (relatus à Gratiano *Dist. 57. Can. 1.*) quam Canon Concilii Pictaviensis (relatus in *Cap. 1. De Filiis Presbyterorum*) editi sunt circa finem seculi undecimi; atque ita ad illud tempus hujus irregularitatis initia retulisse videtur Innocentius III.

V. Hoc equidem non ambiguum est, imprimis circa hæc tempora plures Canones, nec non plurimarum Ecclesiarum statuta ad exclusionem illegitimorum edita esse. " Eo namque tempore, (ait Christianus Lupus *pag. 79.*) Duces & Comites suos passim ex ancillis bastardos violenter intrudebant in Sacras dignitates, atque ita fervili simul & adulterino sanguine sedabant Ecclesias. Adversum illos solemni juramento se adstrinxerunt plura Capitula, de nullis deinceps in suum Collegium admittendis *Bastardis*, nullisque servis, nisi ex Ecclesiæ suæ familia legitime natis.

VI. Ad hæc constat, eo tempore vitio incontinentiæ supra modum Clerum fuisse infectum; ac præsertim Anglicanum, ut patet ex *Epist. 99. & 102. Paschalis II.* sub idem tempus scriptis, ut & notat Vir eruditus Franciscus Florens in commentario ad *Cap. 6. De jure Petronatûs*, una observans pleraque Decretales, quæ tum sub titulo *De Clericis conjugatis*, tum sub titulo *De Filiis Presbyterorum* extant, pertinere ad Angliam: " Ex quibus colligimus (ait) quamvis sæpius in Anglia, Conciliis & Apostolicis Constitutionibus prohibita fuerint Matrimonia, vel potius contubernia eorum, qui in Sacris erant constituti, prævalente tamen corruptelâ, non obtemperatum.

Hi verò nefandi ac impudici Sacerdotes, omnibus artibus filios suos in Ecclesias, quasi jure hæreditario intrudebant; fiebatque tandem ipsum Dei Sanctuarium, quasi hæreditarium.

VII. Si quis attenderit varia Ecclesiarum statuta, quæ ad exclusionem illegitimorum seculo XII. & sub initium seculi XIII. condita sunt; nec non dubia occasione hujus irregularitatis Pontificibus proposita; atque ipsorum Pontificum super illis responsa, ac signanter Innocentii III. in *Cap. 5. De Electione*, in tertia collectione apud Antonium Augustinum, facillè videbit, quod non videatur hæc irregularitas firmiter & generaliter stabilita ante ultimam Decretalium collectionem factam & evulgatam auctoritate Gregorii IX. quæ pro jure communi Ecclesiastico, uno consensu recepta fuit.

In hac Collectione *Titulus 17. libri* ita inscribitur: *De Filiis Presbyterorum ordinandis vel non*: At in prima Decretalium apud Antonium Augustinum, additur: *Nec in paternis Ecclesiis tolerandis*. In quodam manuscripto legitur, ut notatur in margine Corporis Canonici editionis Antverpiensis apud Meursium: *De Filiis Presbyterorum & aliis illegitime natis ordinandis vel non*.

VIII. Quidquid sit de hac tituli varia inscriptione; hoc satis constat, primum ac præcipue in Conciliis actum fuisse de excludendis filiis Presbyterorum; ideoque mirum non est, si horum tituli inscriptio præcipue meminerit. Ad hæc expeditum est, maxime curæ fuisse, ne filii Presbyterorum simul cum parentibus in eadem Ecclesia tolerarentur; ad quod ipsa tituli inscriptio in antiqua Decretalium collectione respexit.

IX. Denique ex Decretis & responsis Pontificum; nec non Canonibus Conciliorum in Decretales Gre-

gorii IX. relatis, patescit, non solum filios Presbyterorum & spurios; sed quoscunque illegitimos tandem irregulares fuisse declaratos. " Ut filii Presbyterorum, & ceteri ex fornicatione nati, ad Sacros Ordines non promoveantur, ait *Cap. 1. De Filiis Presbyterorum ordinandis vel non*.

Et in *Cap. fin. eod.* Archiepiscopo Turonensi scribit Gregorius IX. " Nimis in tua Provincia Ecclesiæ deformatur honestas, ex eo quod filii Sacerdotum & alii non legitime nati ad Dignitates & Personatus, & alia Beneficia curam animarum habentia, sine dispensatione Sedis Apostolicæ promoventur.

Imò etsi procreati essent ex legitimo Matrimonio; sed tempore illo, quo conjuges se mutuo consensu voto, to solemni castitatis obstrinxerant, irregulares censentur. *Cap. 14. eod.*

X. Nec tantum ad sacros Ordines, & majora Beneficia; sed ad primam Tonsuram, Minores Ordines & simplicia quæcumque Beneficia, hæc irregularitas paulatim extensa est; uti expressè habetur in *Cap. 1. De Filiis Presbyterorum in VI.*

XI. Triplex hujus inductæ irregularitatis causa communiter à Canonistis post Glossam in *Cap. fin. De Filiis Presbyterorum in VI.* assignari solet. Prima petitur ex Sacri Ordinis prærogativa seu dignitate: quam etiam tangit S. Thomas in IV. *Sentent. Dist. 25. art. 11. quæst. 3.* " Ordinati (ait) in quadam dignitate præ aliis constituntur... Et quia obscuratur hominis claritas ex vitiosa origine, ideo etiam de illegitimo thoro nati à susceptione Ordinum repelluntur.

XII. Secundam rationem jam pridem expressit in sua doctissima præfatione S. Ivo Carnotensis, dicens: " Quidam Romani Pontifices decreverunt, ne filii Presbyterorum assumerentur ad Presbyteratum, non quod personarum acceptio apud Deum alicujus sit momenti: vel natura, quæ omnium par est genitrix, ab aliquo possit reprehendi, vel filius pro iniquitate patris condemnari.... Sed ad reprimendam quorundam Presbyterorum incontinentiam, vel turpitudinem aliorum continentiam.

XIII. Tertia ratio petitur ex incontinentia, quæ in filio timetur juxta illud vulgare: *Septem solet similis filius esse patri*. Qua ratione utitur Sixtus V. in Constit. contra illegitimos edita (de qua infra) §. 1. in verbis; *Illegitimè genitos, qui ut plurimum parentum vitia & incontinentiam imitari solent, &c.*

Unde in formula dispensationis super hac irregularitate, juxta stylum Curiae Romanæ inseritur hæc clausula: *Si ipse paternæ incontinentiæ imitator non sit, sed bonæ conversationis & vitæ.*

Addi merito posset periculum successionis quasi hæreditariæ in Ministeria Ecclesiastica; quam ad excludendos filios Presbyterorum ab omni Ecclesiastico Ministerio non parum consideratam fuisse; imò & primam huic irregularitati originem dedisse, sat verisimile est.

XIV. Irregularitas hæc tolli potest, primò per dispensationem. Unde S. Thomas verbis supra allegatis hanc exceptionem immediate subicit: *Nisi cum eis dispensetur; & tantò est difficilior dispensatio, quantò origo est turpior.*

Juxta hodiernam disciplinam quoad Minores Ordines ac simplicia Beneficia Episcopus dispensare potest, *Cap. 1. De Filiis Presbyterorum in VI.* ubi dicitur: " Is, qui defectum patitur natalium, ex dispensatione Episcopi licite potest (si ei aliud Canonicum non obstat) ad Ordines promoveri Minores, & obtinere Beneficium, cui animarum cura non imminet, dummodò sit tale, super quo per ipsum Episcopum valeat dispensari.

Per finalem clausulam intendit excipere Beneficia, quibus non imminet quidem cura animarum; sed tamen aliunde excepta sunt; ut sunt *Personatus*, aliaque Beneficia *majora*, tametsi curam Animarum propriè dictam annexam

annexam non habeant; ad quæ Episcopi dispensatio se non extendit *Cap. fin. De Filiis Presbyterorum*.

Imò teste Rebuffo in *Praxi Benef. parte 1. titulo De Dispensatione super defectu natalium num. 12.* "servat" stylus Curiae Romanae, ut Episcopus nullo modo in Præbendis Ecclesiae Cathedralis dispenset cum illegitimo, propter honorem & præminentiam illius Ecclesiae.

XV. Itaque quoad sacros Ordines & majora Beneficia nec non curam animarum habentia, solus Pontifex hodie dispenfat *Cap. fin. De Filiis Presbyterorum & Cap. eod. in VI.* ubi verbis mox citatis subjicitur: "Ad Ordines quoque Majores vel Beneficia curam animarum habentia, super quibus nequit Episcopus dispensare, sine dispensatione Sedis Apostolicæ promoveri non potest." In margine autem notatur: "In aliquot antiquis codicibus ita: *Vel Beneficia, super quibus nequit*, absque illis verbis: *Curam animarum habentia*. Quæ lectio verior apparet; cum multa sint Beneficia, quæ curam animarum annexam non habent, super quibus Episcopus dispensare nequit, & consequenter in illis Pontificis dispensatio requiritur.

XVI. Suprà ex sancto Thoma intelleximus, dispensatione quidem hanc irregularitatem tolli, addita hac cautione: *Et tantò est difficilior dispensatio quantò origo est turpior.* Putà, si adulterini fuerint, vel ex stupro, incestu, aut sacrilego actu nati, difficilior erit dispensatio, quàm si ex simplici fornicatione.

Idipsum expressit non obscure Innocentius III. in *Cap. 10. De Renuntiatione*, ubi adducto loco Scripturæ *Exodi cap. 20. Ego sum Deus zelotes, vindicans peccata Patrum in filios, usque in tertiam & quartam generationem, in his, qui oderunt me*, "id est (ait) qui contra me paternum odium imitantur;" Subjicit dein hanc conclusionem cum subjecta moderatione: "Unde patet, quòd illis, qui paterna vitia non sentunt, propriæ possunt in talibus suffragari virtutes, illo discretionis adhibito moderamine, ut inter *Notbos & Manzeres, Naturales & Spurijs* distinguatur.

Unde de Strylo Curiae "qualitates spuriæ veniunt in dispensatione exprimendæ, alioqui legitimatio vel dispensatio nulla est," ait Rebuffus loco citato *num. 61.*

XVII. Adhæc, quia hæc dispensatio tanquam à jure exorbitans restringenda est, ut loquitur Pontifex in *cap. 1. De Filiis Presbyterorum in VI.* infertur ibidem, quòd "ille, cum quo per Sedem Apostolicam dispensatur, ut non obstante natalium defectu valeat ad Beneficium, etiam si curam animarum habeat, promovetur; nequeat prætextu hujusmodi dispensationis, nisi unicum Beneficium obtinere.

XVIII. Rursus in *cap. 2. eod. in VI.* ex eodem fundamento declaratur, quòd si cum aliquo à Sede Apostolica fuerit dispensatum, ut non obstante hac irregularitate possit ad omnes Ordines promoveri, & Beneficium etiam cum cura animarum obtinere; si postmodum obtineat aliam dispensationem, ut *duo vel plura* Beneficia similem curam habentia possit recipere, & ea simul retinere, nisi rursus hic defectus fuerit expressus, & super eo dispensatum, hæc secunda dispensatio nulla est & nullius momenti, velut per subreptionem obtenta; "cùm non sit verisimile Sedem Apostolicam cum illo prædictum patiente defectum voluisse, si hoc fuisset expressum, eidem in pluralitate Beneficiorum hujusmodi dispensare.

XIX. Ex eodem principio rectè infert Rebuffus loco suprà allegato *num. 47.* "quòd si Papa simpliciter dispenset, ut Ordines sumere possit, intelligatur de Minoribus, non de Majoribus.

Ulterius *num. 48.* quòd "dispensatus ad Ordines etiam Sacros, non censetur dispensatus, ut Beneficium habeat. Dispensatus illegitimus simpliciter, ut possit habere Beneficium, non poterit habere cura-

tum (ait Rebuffus ibidem *num. 51.*) quia major idoneitas in illis requiritur: idè oportet exprimere in dispensatione & præbendas & Canonicatus in Ecclesia Cathedrali.

Insuper "est exprimendum, quòd etiam Dignitates habere possit, aliàs dispensatio non extenditur ad eas; imò etiam si expressum fuerit, quòd Dignitates obtinere possit, adhuc non poterit obtinere Dignitates curatas: idè hoc quoque exprimendum erit in dispensatione." Rebuffus ibidem *num. 52.*

XX. Si Beneficium sit situm in eadem Ecclesia in qua Pater ministrat, vel ministravit, id necessariò exprimendum; eò quòd difficilior dispensetur, ut illegitimus Beneficium habeat in eadem Ecclesia, in qua Pater ministrat, vel aliquando ministravit. Quare & id ob specialem inordinationem in variis Canonibus & Pontificum Decretis vetitum fuit. In *cap. 15. De Filiis Presbyterorum*, scribit cuidam Innocentius III. "Filiis Canonorum Præbendas in eisdem Ecclesiis conferri non sinatis, quarum sunt Canonici patres eorum." Rationem notandam subjicit: "Cùm indecorum sit, ut in Altaris officio illegitimus filius impudico patri ministret, in quo *Unigenitus Dei Filius* æterno Patri pro salute humani generis *victimatur*. Et ex Concilio Lateranensi sub Innocentio III. refertur in *cap. 16. eod.* "Ad abolendam pessimam (quæ in pluribus inolevit Ecclesiis) corruptelam, firmiter inhibemus, ne Canonorum filii, maxime spurii, Canonici fiant in secularibus Ecclesiis, in quibus instituti sunt Patres eorum.

XXI. Plura sunt in hanc rem Pontificum & Conciliorum Decreta, quæ innovans & in aliquibus amplians Synodus Tridentina *Seff. 25. cap. 15. De Reformat.* edicit: "Ut paternæ incontinentiæ memoria à locis Deo consecratis, quos maxime puritas sanctitatisque decet, longissimè arceatur; non liceat filiis Clericorum, qui non ex legitimo nati sunt matrimonio, in Ecclesiis, ubi eorum Patres Beneficium aliquod ecclesiasticum habent, aut habuerunt, quodcumque etiam dissimile, Beneficium obtinere, nec in dictis Ecclesiis quoquo modo ministrare, nec pensiones super fructibus Beneficiorum, quæ parentes eorum obtinent, vel alias obtinuerunt, habere.

XXII. Hoc Decretum non tantum filios illegitimos Presbyterorum, sed generaliter Clericorum, excludit à Beneficiis quibuscumque, etiam simplicibus, quæ Patres eorum habuerunt; quod & ante editum hoc Decretum edixerat Clemens VII. in Constitutione, quæ incipit: *Ad Canonum Conditorum* 30. in Bull. Rom.

XXIII. Adhæc, sat manifestum est, vi hujus Decreti, Filium illegitimum non posse admitti ad Beneficium in Ecclesia, in qua Pater habuit aliquod quodcumque, tamen etiam *media persona* intercesserit; id est, post Patrem tertius aliquis illud Beneficium possederit; & ita declarasse Sacram Congregationem Concilii Interpretem testatur Fagnanus ad *cap. AD EXTRE- PANDAS De Filiis Presbyterorum num. 11.* idque expressè decreverat Clemens VII. in citata Constitutione cum derogatione Decretalis Alexandri III. in *cap. 7. eod.* ubi filium illegitimum ad Beneficium Patris admittebat, modò Patre defuncto, *media intercesserit persona*, cui illud Beneficium fuisset collatum.

XXIV. Quin ex Decreto Concilii Tridentini non potest filius illegitimus quodcumque Beneficium, etiam dissimile, obtinere in Ecclesia, in qua Pater non tantum de præfenti habet, sed *velunquam* habuit qualecumque Beneficium: quin nec Vicariam aut aliquod officium etiam manuale obtinere; eò quòd vetet non solum, ne filius ullum quodcumque etiam dissimile Beneficium obtinere queat; sed addit: *Nec in dictis Ecclesiis quoquo modo ministrare.*

XXV. Itaque illegitimus, quantumvis generaliter ad quæcumque Beneficia etiam curata & majora dispensatus, nullum equidem Beneficium, quod Pater quocumque



quocumque modo possider, imò nec aliud licet dissimile, & simplex in eadem Ecclesia habere. vi istius dispensationis potest; sed specialis hæc dispensatio exigitur.

XXVI. Dispensationem, ut filius illegitimus & pater in eadem Ecclesia simul Beneficia possideant, non esse annuendam, sat insinuat Synodus, dum verbis antè citatis subjicit: "Quòd si in præsentem pater & filius in eadem Ecclesia Beneficia obtinere reperiantur, cogatur filius suum Beneficium resignare, aut cum alio permutare extra Ecclesiam intra trium mensium spatium; aliàs ipso jure eo privatus existat, super iis, quacumque dispensatio subreptitia censeatur.

XXVII. Alium modum purgandi seu tollendi hunc defectum natalium, saltem quoad Ordines recipiendos, expressit jam pridem Synodi Pictaviensis relatus in cap. 1. *De Filiis Presbyt.* qui postquam declaravit, filios Presbyterorum cæterosque ex fornicatione natos ad sacros Ordines non promovendos, subnectit hanc exceptionem: *Nisi aut Monachi fiant, aut in Congregatione Canonica regulariter viventes*: vel ut alia lectio habet, *vivant.*

Eandem exceptionem fecit in suo Decreto Urbanus II. relato apud Gratianum *Dist. 56. Can. 1.* illiusque meminit S. Ivo in Præfatione ad suum Decretum; rationem illius indicans, verbis suprâ relatis hæc subiiciens: "Sed quia ex iis quasdam personas, non tantum religiosas, sed etiam Ecclesiæ Dei necessarias esse cognoverunt, Decretum suum temperaverunt: & ita genitos, quorum conversatio in Monasteriis vel religiosis Ecclesiis probata fuerit; non solum ad Presbyteratum, sed etiam ad summum Sacerdotium promoveri permiserunt.

XXVIII. Ratio ergo hujus exceptionis ex mente Ivonis erat, quòd suspicio *incontinentiæ* ex paterna incontinentia profuens, per professionem & conversationem religiosam ablata videatur.

Adhæc, quia professio Religiosa reddit professum incapacem Beneficii secularis, periculum non erat, ne per admissionem filiorum illegitimorum Beneficia fierent hæreditaria; quòd præcipue huic irregularitati inducendæ occasionem dedit.

XXIX. Quidquid sit, certum est juxta modernam disciplinam, per professionem Religiosam tolli hanc irregularitatem saltem quoad sacros Ordines; neque illegitimos sic professos indigere ulla dispensatione, ut possint sacros Ordines, etiam Presbyteratum suscipere; non tamen sufficere Novitium, sed requiri emissam Professionem; eò quòd hæc tantum constituat *Regulam* sive Religiosum, ut notat Fagnanus ad cap. 1. *Ur Filiis Presbyt. n. 13.*

XXX. Tametsi ipsa Religiosa professio illegitimos reddat capaces ad suscipiendos sacros Ordines, nequaquam tamen ipsam tollit irregularitatem; quasi ipsum Professum totaliter & per omnia legitimaret; sed tantum effectum ipsius irregularitatis quoad exclusionem à Sacris Ordinibus suspendit; manente alio irregularitatis effectui in suo vigore, in quantum ipsos Professos adhuc excludit à *Prælaturis*, ut dicitur in citato Canone Synodi Pictaviensis relato in cap. 1. *eodem in verbis: Prælationes vero nullatenus habeant.*

Ex quo eliciunt Canonistæ, Professionem non habilitare illegitimum ad *Prælationes* obtinendas: idque indistinctè sive in eisdem, sive in aliis Monasteriis, sive in Ecclesia seculari sive regulari, ut post alios notat Fagnanus loco citato *n. 19.*

XXXI. Monet quoque ibidem Fagnanus *num. 22.* quòd cum illegitimis Regularibus ad Prælaturas & Dignitates solus Papa dispenser; " & ita Sacra Pœnitentia, (ait) dispensat in utroque foro cum Regulari ad quascumque Dignitates & officia suæ Religionis, quamvis consueverint apponere clausulam, non tamen ad Generalatum.

XXXII. Efficacissimus tandem modus purgandi

Tom. I.

defectum natalium est subsequens parentum Matrimonium. De quo in cap. TANTA *Qui filii sint legitimi*, ubi Exoniensi Episcopo rescribit Alexander III. "Tanta est vis Matrimonii, ut qui antea sunt geniti, post contractum Matrimonium legitimi habeantur.

Neque refert, an medium Matrimonium intercesserit; hoc est, si parens post susceptum filium illegitimum inierit Matrimonium cum tertia; quâ mortuâ, demum contrahit cum illa, à qua suscepit filium illegitimum, hic filius legitimus efficitur: & quidem ita legitimatur, ut ab initio nativitatis legitimus fuisse singatur; sive juris fictione habeatur, ut uno consensu tradunt Canonistæ.

Per hanc legitimationem ipse natalium defectus quasi in radice tollitur, ideòque legitimatus pro legitime nato reputatur ob subsecutum Matrimonium, habeturque capax non tantum ad Ordines & Beneficia minora, sed etiam ad majora & Prælaturas.

XXXIII. Non tamen hæc legitimitatio procedit quoad natos ex adulterio aut incestu; & generaliter quoad natos ex parentibus, inter quos tempore copulæ erat impedimentum dirimens; ut communiter docent Canonistæ moti verbis citati Capituli Tanta: "Si autem vir, vivente uxore suâ, aliam cognoverit, & ex ea prolem susceperit, licet post mortem uxoris eandem duxerit, nihilominus spurcius erit filius.

## CAPUT IV.

### De Irregularitate ex defectu lenitatis.

1. Ecclesia vult suos Ministros à sanguinis effusione esse alienos; & quare?
2. Olim Episcopi pro damnatis ad mortem intercedebant; & ad quid ea intercessio tenderet?
3. Mansuetudinem Sacerdotibus convenire etiam Gentiles viderunt.
4. Judicium sanguinis exercere indignum est Sacerdotibus.
5. Variis Canonibus vetitum Clericis sententiam sanguinis proferre, aut ad eam concurrere.
6. Neque id possunt ut Delegati Principis.
7. Clerici officium, cui judicium sanguinis annexum est, habere non possunt.
8. An Prælati jurisdictionem temporalem habentes possint per suos Officiarios judicium sanguinis exercere?
9. An Episcopus Clericum degradatum tradens Brachio seculari, efficiatur irregularis?
10. Olim efficaciter intercedere debebat, ne morte afficeretur; & quomodo hæc efficacia intelligeretur?
11. Quid hodie obtineat?
12. Vetitum Clericis adesse ubi vindicta sanguinis exercetur.
13. Clericus si præsens aliquo modo in sanguinis judicium influat, irregularis efficitur.
14. An Notarii, Grapharii & similes in causa sanguinis sint irregulares?
15. Quid de Advocatis & Assessoribus?
16. An testes fiant irregulares?
17. Quomodo indirectè & remotè ad judicium sanguinis concurrentes, non fiant irregulares?
18. An accusantes de crimine capitali fiant irregulares? si mors sequatur?
19. Quæ requirantur, ut Clericus hic evadat irregularitatem; & an semper necessaria aliqua protestatio?
20. An exterior protestatio semper sufficiat?
21. In Galliis & Belgio inutilis est illa protestatio?
22. Hodie protestatio Episcopi est tantum ceremonialis.
23. Retinetur ea protestatio ut pristina disciplina spiritus refricetur.
24. An accusans evadat irregularitatem, si persequatur injuriam alteri illatam?

X x x

25. Etiam

25. Etiam Laici hanc irregularitatem incurrunt.  
 26. Irregularitas non incurritur, nisi mors aut mutilatio veipsa sequuta sit.  
 27. Testes à Judice compulsi hodie in Gallia irregulares non sunt.  
 28. Neque etiam Grapharii.  
 29. Super hac irregularitate solus Pontifex dispensat; & quæ dispensationis formula?

I. SEMPER Ecclesia suis Ministris commendavit animi mansuetudinem ad exemplum Christi, qui hanc præ cæteris, ut à se discerent, Discipulis proposuit, dicens. *Mat. c. 11. Discite à me, quia MITIS sum & humilis corde*; Unde inter qualitates, quas in Episcopis & Diaconis requirit Apostolus, hæc una est, *Non percussorem*, ad *Tim. c. 3. ad Tit. c. 1.*

Cùm autem mansuetudini specialiter ac directè contrarietur sanguinis humani effusio; idè ab hac Sacerdotes omnino alienos esse desideravit Ecclesia, imitans in hoc Magistrum suum Christum, qui passim in scripturis non vult mortem peccatoris, sed magis ut convertatur & vivat.

II. Hinc olim Episcopi unicè solliciti erant, ut quos ob sua scelera reos mortis scirent, à morte vindicaret; eosque per penitentiae labores ad Christum reducerent, vitamque non tantùm temporalem, sed & æternam procurarent, quod evincunt crebræ illæ Episcoporum apud seculi iudices pro reis intercessionibus; de quibus variis locis agit S. Augustinus, ac signanter *Epistola 153. ad Macedonium*, ibidem unà ostendens, Ecclesiam non querere impunitatem criminis, sed correctionem criminosi, “ desiderans hanc vitam temporalem, non ut temporaliter vivat, sed ut spiritualiter per penitentiam resurgat. Morum porro corrigendorum, ait, nullus alius quàm in hac vita locus est: Nam post hanc vitam quisque id habebit quod in hac conquiescit. Idè compellimur humani generis charitate intervenire pro reis, ne istam vitam sic finiant per supplicium, ut, eà finitâ, non possint finire supplicium.

III. Quin & ipsi Gentiles subinde viderunt, quàm hæc mansuetudo Sacerdotibus conveniret, quæ eos non ad occidendum peccatores, sed ad convertendum incitaret.

Suetonius refert, Titum Imperatorem accepisse summum Sacerdotium, ut hoc pacto nullius mortis subscibere cogereur, fideliter illum hoc propositum servasse, & malle se mori professum fuisse, quàm ab eo recedere. “ Pontificatum maximum idè se professus accipere, ut puras servaret manus: præstitit fidem; nec auctor post hæc cuiusquam necis, nec conficius, quavis interdum ulciscendi causâ non deesset: sed periturum se potius, quàm perditurum adjudicans.

IV. Itaque iudicium sanguinis exercere, sententiamque mortis in aliquem proferre, indignum Sacerdotio judicavit Ecclesia: “ Quomodo enim Ecclesia judicare debet fundendum sanguinem alienum, quæ à primo ortu suo iussa est fundere sanguinem proprium? ” ait Ivo Carnotensis *Epist. 246.*

V. In Concilio Toletano VI. *Can. 31.* legitur: Sæpe Principes contra quoslibet majestatis obnoxios Sacerdotibus negotia sua committunt. Quia verò à Christo ad ministerium salutis electi sunt, ibi consentiant Regibus fieri iudices, ubi iurejurando supplicii indulgentia promittitur, non ubi discriminis sententia præparatur. Si quis ergo Sacerdotum contra hoc commune consilium discussor in alienis periculis extiterit, reus effusi sanguinis apud Christum, & apud Ecclesiam, perdat proprium gradum. Apud Gratianum *caus. 23. q. 8. Can. 29.* & deinde ex Concilio Tolet. XI. refertur Canone sequenti. “ His, à quibus Domini Sacramenta tractanda sunt, iudicium sanguinis agitare non licet. Et idè magnopere talibus excessibus prohibendum est: ne indiceret præ-

sumptionis moribus agitati, aut quod morte plectendum est, sententiâ propriâ judicare præsumant aut truncationes quibuslibet personis inferant per se, aut inferendas præcipiant. Quod si quisquam immemor horum præceptorum aut in Ecclesiæ suæ familiaris, aut in quibuslibet personis tale aliquid fecerit, concessi Ordinis honore privetur, & loco: sub perpetuo quoque damnationis teneatur ergastulo religiosus. Cui tamen Communio ex hac vita exeunti non est neganda propter Domini misericordiam; qui non vult peccatoris mortem, sed ut convertatur, & vivat.

Hujus Canonis meminit Alexander III. in *cap. 5. de Clericis vel Monachi secularibus negotiis se immisceant*, scribens Archiepiscopo Cantuariensi. “ Clericis in sacris Ordinibus constitutis, ex Concilio Toletano iudicium sanguinis agitare non licet. Unde prohibemus, ne aut per se truncationes membrorum faciant, aut iudicent inferendas. Quod si quis tale quid fecerit, honore privetur & loco.

Concilium Lateranense sub Innocentio III. in *cap. 9. eod. tit.* “ Sententiam sanguinis nullus Clericus dicat, aut proferat; sed nec sanguinis vindictam exerceat, aut ubi exerceatur, interlit.

Hinc primò statue, quòd Clericis vetitum sit, iudices esse in causâ sanguinis, aut sanguinis vindictam exercere, quòdque ex eo iudicio irregulares fiant.

VI. Neque ab irregularitate exemptus erit, si iudicium huiusmodi exercuerit in qualitate Delegati Principis, ut colligitur ex *cap. 4. de Raptoribus*; ubi Archiepiscopo Panormitano respondit Alexander III. quòd si Rex Siciliæ quosdam Sarracenos malefactores ipsi aliisque Episcopis puniendos commiserit, “ possit eos pecuniariâ penâ mulctare & etiam flagellis afficere, eâ, ait, moderatione adhibita, quòd flagella in vindictam sanguinis transire minimè videantur. Si verò ita gravis fuerit excessus, quòd mortem vel truncationem membrorum debeant sustinere, vindictam reserves Regiæ potestati.

VII. Quapropter in citato *cap. 5.* vetatur “ sub terminatione anathematis, ne quis Sacerdos habeat officium Vicecomitis aut Præpositi secularis.

Synodus Oxoniensis anno 1222. *Can. 7.* renovans Decretum Concilii Lateranensis addit: “ Clerici Beneficiarii aut in Sacris Ordinibus constituti non sint Seneſchalli, aut Ballivi talium administrationum, nec jurisdictiones exerceant seculares, præsertim illas, quibus iudicium sanguinis est annexum.

Ex quo non obſcurum est, huiusmodi officia præcipuè Clericis vetita fuisse ob iudicium sanguinis annexum.

VIII. Hinc aliquando dubitatum fuit, num Episcopi & Abbates, quibus fas non est, ne quidem ut Delegatis aut Commissariis Principis iudicium sanguinis exercere, quin nec administrationes, aut officia, quibus tale iudicium annexum est, habere aut exercere possint, si tamen ipsi jurisdictionem temporalem habeant, possint suis Ballivis causas criminales committere. Dubium tandem resolvit Bonifacius VIII. in *cap. fin. de Clericis vel Monachi secularibus negotiis se immisceant in VI.* “ Episcopus seu quicumque alius Prælatum, vel Clericus, jurisdictionem obtinens temporalem: si homicidio aut alio maleficio ab aliquibus in jurisdictione sua commisso, Ballivo suo, aut alii cuicumque injungat, ut super hoc veritatem inquirens, iustitiæ debitum exequatur, irregularis censeri non debet: quavis ille Ballivus vel alius contra malefactores ad penam sanguinis processerit, iustitiâ mediantem. Rationem subdit: “ Nam licet Clericis causas sanguinis agitare non liceat, eas tamen (cùm jurisdictionem obtinent temporalem) debent & possunt, metu irregularitatis cessante, aliis delegare.

Hodie Episcopi alique Prælati non solent aliquam in particulari causâ suis Ballivis aut Officiariis delegare, sed simpliciter constituunt Ballivos, eosque perpetuos,

petuos, qui jure sui officii jurisdictionem, præsertim *criminales*, sine ulla ipsius constituentis interventione exercent: unde hic minor est metus incurrendæ irregularitatis.

IX. Major difficultas apparet, quando Episcopus Clericum degradatum tradit Curiae seu Brachio seculari, quem scit sic traditum morte afficiendum. Videtur enim Episcopus hoc in casu propinquius ac magis directe in sanguinis effusionem influere; & ad sanguinis iudicium concurrere.

Innocentius III. in *cap. 27. de V. S.* scribens Episcopo Parisiensi, resolvit, Clericum convictum de crimine falsi per Episcopum posse Curiae seculari tradi puniendum, addita hac cautione: "Pro quo tamen debet Ecclesia efficaciter intercedere, ut citra mortis periculum circa eum sententia moderetur.

X. Hæc intercessio *efficax* nequaquam erit, nisi ipsa sic degradatus Clericus, & Curiae seculari traditus, mortis periculum evadat.

Sed quia frequenter similis intercessio eam efficaciam non habet, similis traditio ab Episcopo facienda difficultate carere non videbatur; unde & ipse Innocentius fateretur, quod ejus prædecessores super hoc consulti non idem omnes sentierint: *Cum quidam Antecessorum nostrorum super hoc consulti diversa responderint.*

Sane jam pridem Episcopi ipsos criminosos quadam Christiana violentia à manibus iudicum & executorum rapiebant, ut eis vitam corporalem, & poenitendi tempus procurarent; nec unquam eos, qui ad Ecclesiam confugerant, aut ejus auctoritati suberant, laicæ potestati tradebant, nisi facta cautione, quod eos mortis supplicio non afficerent.

Quare & ipse Innocentius in citata Decretali, post relecta verba subjungit: "Pro illo falsario scelerato, quem ad mandatum nostrum capi fecisti, hoc tibi duximus consulendum, ut in perpetuum carcerem ad agendam poenitentiam ipsum includas.

XI. Hodie Episcopi Clericos degradatos pro enormi crimine tradunt Curiae seculari, tamen mortis sententiam in eos esse prolatam, & mox à facta degradatione eos morte plectendos certo sciunt; idque citra metum irregularitatis, modo exterius *intercedant*, quamvis noverint, intercessionem plane inefficacem futuram; idque auctoritate Decretalis Bonifacii VIII. in *cap. 2. de Homicidio in VI.* (de qua infra) receptum videtur.

XII. Concilium Lateranense non tantum declarat, vetitum esse Clerico, sententiam sanguinis proferre, dictare, aut sanguinis vindictam exercere, sed insuper, *ubi exercetur*, interesse.

Verum ut notant post Glossam Canonistæ, si Clericus in loco, ubi vindicta sanguinis exercetur, tanquam *merus* spectator ex curiositate forsitan interlit, nullatenus ad vindictam sanguinis concurrere, propterea irregularis non efficitur. Verba Glossæ sunt: "Sed si *interest* tantum, numquid propter hoc efficitur irregularis, ut propter hoc deponatur? Non videtur quod debeat deponi; sed alias debet puniri, quia interfuit contra præceptum.

Hæc opinio communi hodie disciplinæ consona est. Meliores enim magisque regulares Clerici existimant quidem, si non omnino illicitum, saltem minus statui suo esse conveniens, hujusmodi spectaculis interesse; at interessentes sola hac Præsentia fieri irregulares nemo credit.

XIII. At si interessendo Clericus in ipsam sanguinis vindictam sive sententiam aliquo modo influat, aut ad eam concurrat, facile hinc irregularitatem contrahet; atque ita respondit Innocentius III. Episcopum Albiganensem irregularitatem incurrisse, quia in iudicio sanguinis non tantum præsentiam corporalem, sed & auctoritatem præstiterat. *Cap. 10. de Excessibus Prælatorum.*

Idecirco moderna praxis habet, ut si in Parliamentis Regis causa criminalis agitur, ipsi Consilarii Eccle-

Tom. I.

siastici se subtrahant; ne forsan sua præsentia in ipsam sanguinis sententiam influere videantur.

XIV. Uterius Concilium Lateranense addit: "Nec quisquam Clericus litteras scribat aut dicat, pro vindicta sanguinis destinandas. Unde in Curia Principum hæc sollicitudo non Clericis, sed Laicis committatur.

Ex his verbis Concilii concludunt Canonistæ, Notarios, Grapharios, Actuarios aliosque similes in causa sanguinis fieri irregulares; eo quod ad ipsam sanguinis sententiam ejusve executionem concurrant.

XV. Advocatos quoque & Assessores in causa sanguinis, si contra reum postulent, vel consulant, similiter ratione incurrere irregularitatem communi calculo docent; atque jam pridem declaravit Concilium Londinense celebratum à Cardinale Ortho Bono Sedis Apostolicæ Legato anno 1268. *Can. 6.* declaratque, officium *Advocationis* aut *Assessoris* in causa sanguinis exercentes, ipso facto ab officio suspensos, aliisque poenis castigandos.

XVI. Porro quia testes ad condemnationem criminosis proxime videntur concurrere, Clericos in causa criminali contra reum testimonium ferre citra irregularitatis periculum non posse expeditum est; imo plures credunt, Clericum non evadere irregularitatem, si testimonium tulerit in causa *directe* tendente ad mortem sive membrorum mutilationem; tamen illud non dixerit nisi reluctans, & à Judice compulsus; præceptum enim Judicis, & merus etiam cadens in constantem virum, sunt actus (inquiunt) accidentales & extrinseci qui non considerantur, sed ipse concursus tantum, qui hic *directe* & *per se* tendit ad deformationem.

Verum plures, notanter ex Pragmaticis, ac inter alios Du-Casse in sua Praxi Jurisdictionali *tom. 1. cap. 3. num. 5.* testes deponentes in causa sanguinis non fieri irregulares sustinet; creditque id non tantum procedere ex particulari consuetudine regni Galliæ; sed nec de jure hanc testium irregularitatem fundatam.

Uterius ibidem asserit ex recepta regni Galliæ consuetudine observari, Clericos posse compelli, etiam coram Judice Laico testimonium ferre in causa sanguinis; quantumvis fateatur id contrarium variis Canonibus apud Gratianum relatis, quos non observari in regno Galliæ asserit: additque in eodem regno neminem reputari pro proxime influente in mortem reorum, nisi Judicem, partemque criminalem, sive Officium publicum criminaliter agentem, & executorem sententiæ criminalis.

Conformiter ad hanc regni Galliæ praxim, asserit *tom. 2. cap. 8. §. 3.* Officialem posse expedire Monitoriales, quibus cogantur testes etiam deponere in causa criminali; neque Officialem effici irregularem, licet ex depositione testium mors sequatur.

Praxi regni Galliæ, saltem quoad testes, ut nimirum Ecclesiastici teneantur, etiam in causa sanguinis, coram Judice Laico testimonium perhibere, citra metum incurrendæ irregularitatis, praxim Belgicam, ac notanter in comitatu Flandriæ, conformem esse pluribus probatur in Arresto sexagesimo nono inter Arresta collecta per Dominum Laury.

Et sane, quia hæc, aliæque plures irregularitates, jure duntaxat positivo, aut interdum etiam consuetudine sensim sunt inductæ, nihil obstat, quin & contraria consuetudine possint abrogari vel restringi; notanter dum nimia irregularitatis extensio justitiæ complemento, & publicæ tranquillitati conservandæ obiculum esset, prout in hac specie irregularitatis facile contingeret, si ob periculum irregularitatis Clerici testes esse non possent.

XVII. Qui nimis irregularitatem extendunt, docent tamen cum Gallis, quod si non directe, in causa sanguinis testatus sit Clericus, si tantum remote, & exinde per occasionem ad sententiam sanguinis deventum sit; aut aliqua criminis indicia, sed remota, &

X x x 2

non



non directe, ad accusationem tendentia dederit, non propterea censere irregularis; tamen ex illis indicibus crimen detectum fuerit, & sententia sanguinis sequuta, quemadmodum in simili casu resolvitur in *cap. TUA NOS §. AD ULTIMUM* & *De Homicidio*.

Eodem fundamento respondit Innocentius III. cuidam Episcopo, quod contra quosdam laicos contumaciter recusantes solvere decimas, implorare possit Regiam potestatem, "tamen ad solutionem ipsarum vix absque sanguinis effusione valeant coarctari. Quia (inquit) si te hujusmodi querimoniam simpliciter deponente, Rex in eosdem rebelles traditam sibi exercuerit potestatem, eorum erit duritiae aut malitiae imputandum." *Cap. 1. §. De Homicidio*.

Similiter qui hortatur & monet Magistratus, ut in malefactores pro officii sui debito invigilent, atque pro merito in illos advertant, non propterea irregularis fit, licet occasione istius exhortationis seu monitionis aliqui essent morte affecti, alias non afficiendi, quia hic concursus nimium remotus est, quam ut ratione illius auctor in mortem hanc concurrere censere.

XVIII. Major sane difficultas est, si quis aliquem coram Magistratu de gravi injuria & delicto accuset, atque reparationem injuriae postulet; hacque occasione accusatus morte afficiatur; cum propinquius multo, quam in priore casu ad hanc sanguinis sententiam concurrat, ipsumque iudicem excitet & promoveat.

De hoc casu agit Pontifex in *cap. 2. De Homicidio*, in VI. dicens: "Prælati vel Clerici quibuscumque, qui de laicis suis malefactoribus querelam penes secularem judicem deponentes, petunt emendam sibi fieri, & provideri, ne contra eos talia de cætero præsumantur, protestando expresse quod ad vindictam, seu poenam sanguinis non intendunt, imputari non debet: quamvis alias in tali casu de jure debeat poena sanguinis irrogari, si iudex mortem illis inferat iustitia exigente."

Rationem subjicit: "Alioquin si Prælati aut Clerici propter metum hujusmodi (quia iudex ad poenam sanguinis posset procedere) de suis malefactoribus taliter conqueri non auderent, daretur plerisque materia trucidandi eosdem, & ipsorum bona libere prædandi."

XIX. Ut ergo decisio hujus Decretalis obtineat, atque Clericus qui hujusmodi querimoniam deposuit, irregularitatem evadat, requiritur.

Primo, ut ipse Clericus accusans protestetur expresse, quod ad vindictam seu poenam sanguinis non intendat.

Credunt communiter Canonistæ; hoc in casu pro evitanda irregularitate adeo esse necessariam hanc expressam protestationem, ut licet revera accusans habeat animum plane alienum & aversum à morte aut mutilatione accusati, equidem irregularis, etiam coram Deo constituatur, si hanc protestationem omiserit, quemadmodum notat Covarruvias ad *Clement. SIMPLICIOSUS, part. 2. §. 1. n. 2.*

Sed quid, si omnes circumstantiæ clament, accusationem unice ad reparationem damni illati à Clerico institui, an ipsa protestatio necessaria dicatur? Non apparet. Ad quid enim ipsa protestatio; nisi ut Clericus ostendat, se à sanguinis effusione & vindicta alienum: quod dum ipsæ circumstantiæ patenter ostendunt, protestatio superflua videtur.

Neque enim fas est credere, Pontificem aut Ecclesiam hanc exteriorem & verbalem protestationem proposuisse, tanquam formulam quamdam, qua posita abstergeretur irregularitas; & qua omissa incurreretur irregularitas, uti nonnullis persuasum fuit.

XX. Uterius eidem illi concluderunt, mediante exteriore illa verbali protestatione, Clericum evadere irregularitatem; tamen animum habeat protestationi contrarium.

Verum quidem est Clericum exterius ita protestan-

tem, in foro exteriori non posse pro irregulari haberi ob animum protestationi contrarium; eo quod de occultis & in solo animo latentibus Ecclesia non judicet: dubitari tamen non posse videtur, quin Pontifex sinceram protestationem, non autem aliquam duntaxat fucaram verborum formulam requisierit.

Quare non male notavit Cardinalis Hostiensis in Summa ad titulum *De Homicidio*, §. 5. "Quod si intentio nostra erat, ut ad mortem damneretur, irregulares essemus, quibuscumque verbis fuerit intentio velata, licet per Ecclesiam non prohibeamur, nisi constet per confessionem vel probationem, vel quia nihil volebamus, sed aperte hoc dicebamus."

XXI. Recte monet Du-Casse Archidiaconus, & Officialis Condomensis in sua Praxi Jurisdictionali, tom. 1. cap. 3. num. 5. protestationem illam in Regno Galliae esse inutilem, eo quod ad solos Officiarios publicos pertineat agere ad vindictam publicam, seu sanguinis: privati vero tantum possint agere civiliter, ad suum interesse, quæ ratio etiam obtinet in Belgio aliisque passim Provinciis.

Scitur enim quod non tantum in Gallia, sed passim ubique receptum sit, solum Officiarium publicum posse criminaliter ad vindictam publicam agere: privatos vero duntaxat pro suo privato interesse.

Unde videtur quod dici queat hanc protestationem hodie & in Belgio inutilem reputandam, præsertim cum certum sit, eam protestationis formulam, posterioribus seculis inductam fuisse, una cum pluribus aliis, quæ Theologi Scholastici, necnon recentiores Canonistæ Decretalibus scrupulosius inherentes in hac materia irregularitatem contra veterem Patrum disciplinam induxerunt.

XXII. Interim ex ea plurium opinione, quod requiratur prædicta protestatio, & ut mera formula exterius prolata sufficiat, ut evitetur hoc in casu irregularitas, tandem hoc invaluit, intercessionem Episcopi pro Clerico degradato & Curiae seculari tradendo sufficere, etiam si sciatur, eam omni effectu frustrandam, ipsumque degradatum certo morte afficiendum.

XXIII. Equidem cum hæc irregularitas ex jure positivo humano dependeat, potuit Ecclesia irregularitatem tollere, tamen ea protestatio aut intercessio, quæ ex mente primitus instituentium debuit esse sincera & efficax, tandem desierit in quandam externam duntaxat formulam; quæ equidem retineri desiderat, ut pristina disciplina, & spiritus hujus irregularitatis memoria saltem maneat, & Ecclesiae Ministris refricetur.

XXIV. Notant ulterius Canonistæ, quod hæc protestatio non eximat Clericum accusantem ab irregularitate ad mentem Decretalis Bonifacii VIII. ubi ipse eum accusavit pro furto vel injuria non sibi sed alteri illata: quasi Constitutio prædicta cap. 2. tunc locum habeat, cum accusatio proponitur pro injuria ipsi accusanti illata, aut saltem suis & propinquis, ita Felinus ad *cap. POSTULASTI* & *De Homicidio*; quem refert & sequitur Covarruvias loco citato: addens tamen hanc opinionem ita posse intelligi, quod "nihilominus Clericus protestatione facta possit absque metu irregularitatis delictum aliquod præcogitatum & denique tractatum in grave reipublicæ dispendium, aut proximi damnum, caute deferre ac denuntiare in medelam potius, quam ad punitionem."

XXV. Nec tantum Clericos hæc irregularitas spectat, sed etiam laicos; eatenus saltem quod si in causa sanguinis sententiam tulerint; aut ad eam concurrerint eo modo quo nunc expositum fuit, fiant irregulares ad Ordines, quin & Tonsuram Clericalem suscipiendam citra dispensationem.

XXVI. Hoc tamen notandum, neque Clericos, neque Laicos irregularitatem incurrere ob concurrentiam in causa sanguinis, nisi reipsa sententia sanguinis executioni mandata fuerit; id est, mors aut mutilatio ipsius criminosi fuerit sequuta; neque refert, quo even-

eventu, aut etiam fraude vel maleficio executio sententiae fuerit impedita: uti ex dictis capite primo facile potest intelligi.

XXVII. Uterius quia hæc irregularitas à jure positivo humano depender, quid mirum si non ubique eodem cum rigore observetur. Et quidem testes à jure compulsi ferre testimonium in causa criminali, non censentur irregulares secundum Jurisprudentiam Gallicanam, moreque & usum hujus Regni Gallicani: quia causa proxima mortis reorum non habentur, sed remota duntaxat, ait R. P. Natalis Alexander in Theologia dogmatica & morali Tractatu De Sacramento Ordinis cap. 4. art. 9. num. 1. additque; "Idem esto de Notariis judicium; sed aliarum Ecclesiarum discipline ac moribus (ait) Gallicani mores non præjudicant.

XXVIII. Refert quoque Julianus Brodeau in notis ad Louetium litt. B. n. 1. judicatum in Senatu Regio consultis classibus anno 1523. Scribam seu Graphiarium criminalem: qui per plures annos signaverat, & pronuntiaverat plurimas sententias sanguinis; earumque executioni interfuerat, non incurrisse irregularitatem; ac potuisse sine ulla dispensatione Beneficium Ecclesiasticum obtinere. Rationem subdit Brodeus; "Graphiarus non fundit sanguinem neque effusionis causa est; nihil confert de suo, non est nisi simplex judicis minister.

XXIX. Solus Pontifex in hac irregularitate dispensat; uti notat Pyrrhus Corradus in Praxi dispensationum lib. 5. cap. 2. ubi & formulam dispensationis refert, in qua nihil speciale occurrit; sed committitur simpliciter Ordinario, ut cum Oratore dispense, si preces veritate niti comperierit, " & dummodo Orator reperitur idoneus, vitæque ac morum probitas aliaque merita sibi suffragentur, nec aliud obstat Canonum impedimentum; & quod de cætero à limitibus abstinere.

## CAPUT V.

### De Irregularitate ex defectu corporis.

1. Hæc irregularitas nota in veteri Testamento.
2. Lex vetus quoad hunc articulum abolita.
3. Primis Ecclesiæ seculis ignota.
4. Patres in ordinandis Sacerdotibus parum attendebant vitium corporis.
5. Etiam seculo IV. irregularitas ex solo vitio corporis non desumpta.
6. Pontificum Decreta, quæ soli corporis defectui irregularitatem adscribere videntur.
7. Aliquando dubitatum, an macula in oculo non causaret irregularitatem.
8. Non videntur Pontifices soli defectui corporis adscribere irregularitatem.
9. Patiens defectum corporis potest in Altari ministrare, si scandalum non timeatur.
10. Defectuosus ad functiones Altaris admittitur, si sine irreverentia possit.
11. In scandalum & irreverentiam hæc irregularitas refunditur; præcipue jure Decretalium.
12. Quis defectus superveniens impediat executionem Ordinum.
13. Quis defectus inducat irregularitatem, Episcopi est judicare.
14. Auctoritas Episcopalis in hoc puncto fundatur in antiquo Canone.
15. Quæ hic ab Episcopo attendenda?
16. Eminentia in doctrina & moribus aliquando supplere potest.
17. Rescriptum de dispensatione super hoc defectu semper ad Episcopum dirigitur à Curia Romana.

18. Tantum per seipsum de defectu judicare potest Episcopus.

19. Potest illud judicium peragere independenter à rescripto Curia Romana.

20. Specialis clausula in dispensatione super defectu oculi Canonis.

I. Hæc irregularitas notissima fuit in veteri Testamento, eo quod Levitici cap. 21. v. 18. & 19. dictum esset à Domino ad Moysen: "Loquere ad Aaron: Homo de femine tuo per familias, qui habuerit maculam, non offeret panes Deo suo, nec accedet ad ministerium ejus: si cæcus fuerit, si claudus, si parvo vel grandi, vel torto naso, si fracto pede, si manu, si gibbus, si lippus, si albuginem habens in oculo, si jugem scabiem, si impetiginem in corpore, vel herniosus.

II. Verum hæc aliaque plura Populo Judaico præscripta, una cum veteri lege desierunt; atque in Sacerdotibus novæ legis, non tam corporis, quam mentis & animæ vitia expendenda lex nova præscripsit; voluitque Christus non ex una Tribu, sed ex omni Gente optimos quosque eligi in Sacerdotes; uti jam pridem recte notavit Auctor Constitutionum vulgo Apostolicarum lib. 6. cap. 23. "Pro una Tribu Sacerdotali (ait) jus sit ex unaquaque Gente optimos quosque ad Sacerdotium eligere, neque corporum vitia contemplari, sed religionem & vitam.

III. Narrat Sozomenus lib. 6. hist. cap. 30. de quodam sancto Anachoreta Ammonio, quod cum capiendus esset, ut Episcopus ordinaretur, nec rogando persuadere potuisset iis qui ad ipsum capiendum venerant, ut abirent, abscissa sibi Auricula: "Abite, inquit, posthac enim, ne quidem si vellem, Sacerdotis talis lex me ordinari finit. Integri enim corporis Sacerdotem constitui oportet.

Post hæc subjicit Sozomenus: "Illi digressi, postquam intellexerunt, Judæis quidem hæc observanda esse; Ecclesiam vero de corpore non curare, dummodo Sacerdos integer sit moribus, denuo redierunt, eum comprehensuri, tum ille juravit, se linguam quoque sibi præcisurum, si vim facere tentassent.

Eandem historiam narrat Palladius in historia Lausiaca cap. 12. additque, "Fuisse Episcopum qui viris illis dixerat, Ecclesiam legi veteri in hoc puncto non esse subiectam; seque paratum ordinare virum bonæ vitæ etiam naso amputato. Hæc lex (inquiebat) in usu sit apud Judæos; mihi autem si vel truncatis naribus adduxeritis, qui sit bonis moribus, ego eum ordinabo.

IV. Et si consulamus antiquos Canones, facile videbitur, Patribus persuasum fuisse, parum de corporis defectibus curandum in electione Sacerdotum, ubi de eorum bonis moribus, ac necessariis qualitatibus ad Sacerdotii functiones rite obeundas constat.

Canon 76. vulgo Apostolorum, ait: "Si quis vel oculo orbarus, vel femore obarsus, Episcopatu autem dignus sit, fiat. Non enim corporis damnum eum polluit, sed animæ inquinatio." Et rursus Canon 77. "Qui autem est surdus & cæcus, ne sit Episcopus; non ut pollutus, sed ne Ecclesiastica impediantur. (a)

Hinc manifestum est, juxta disciplinam his Canonibus expressam, defectum corporis non ponere impedimentum Ordinis, etiam Episcopatus, sive irregularitatem; nisi talis sit defectus, qui defectuosum incapax reddit functionibus Ordini annexis obeundis: quod & Balsamon & Zonaras in Commentariis ad hos Canones observarunt; una notantes differentiam inter

(a) D. Van-Elpen securus est Gentiani Hervetii computum; in enumeratione Canonum juxta Guillelmum Beveregium, dicuntur prædicti Canones 77. & 78. Consule quid de eorum sensu D. Van-Elpen dixerit tomo 1. in suis ad utrumque Canonem Scholiis.

veterem & novam legem; quod "illa exigeret consecra-  
 "tos ipsorum Ministros, integros esse corpore; notam-  
 "que nullam habentes: ac nemo parte corporis aliqua  
 "deformatus, aut mutilatus admitteretur ad Sacerdo-  
 "tium. Sed etiam post Sacerdotium, si cui Sacerdotum,  
 "membri vel particulæ cujusquam mutilatio contigerit,  
 "Sacerdotio multabatur. At iis, qui consecrandi sunt  
 "apud nos (ait Zonaras) mutilatio corporis impedi-  
 "mento non annumeratur. Animam nempe requiritur  
 "habere puram sine vitio & forde. Vel ut loquitur  
 "Balsamon: Animam puram & integram volunt om-  
 "nes habere, non autem corpus.

V. Innocentius I. ad Felicem Nucernianum scribens,  
 ait: "Qui partem cujuslibet digiti sibi ipsi volens ab-  
 "scidit, hunc ad Clerum Canones non admittunt. Cui  
 "vero casu aliquo contigit, dum aut operi rustico cu-  
 "ram impendit, aut aliquid faciens se non sponte per-  
 "cussit, hos Canones præcipiunt & Clericos fieri, &  
 "si in Clero fuerint reperti, non abjici. In illis enim  
 "voluntas est iudicata, quæ sibi ausa fuit ferrum injice-  
 "re: in istis vero casus veniam meruit.

Patet Innocentium sæculo IV. irregularitatem non  
 desumpsisse ex mero & simplici corporis defectu, sed  
 ex ausu temerario, quo sibi ferrum inferre, & seipsum  
 mutilare ausus fuit.

Itaque nec Ecclesia Latina eo tempore defectum cor-  
 poris pro irregularitate habebat.

Verum nonnulla posteriora Decreta defectuosos cor-  
 pore irregularibus annumerasse videntur.

VI. Apud Gratianum *Dist. 55. Can. 3.* refertur ex  
 Concilio Romano sub Hilario Papa sæculo V. "Pœni-  
 "tentes, vel infirmi litterarum, aut aliqua membrorum  
 "damna perpeffi ad sacros Ordines aspirare non aude-  
 "ant. Quisquis autem talium Consecrator extiterit,  
 "factum suum ipse dissolvat.

Et *Canone 13.* ibidem refertur ex Epistola Gelasii I.  
 "Illi cui erutus est oculus, non possunt secundum Ca-  
 "nones Sacerdotii jura concedi. Neque enim aliquid ei  
 "prodest, quod oculum invitus amisit, cum nec vo-  
 "lens quisquam oculum amisisse credendus est, nec sa-  
 "cratissimos Canones aliquem casum in amissione ocu-  
 "li, qui ad Sacerdotium adipiscendum non impedi-  
 "ret, suis excepisse regulis invenimus: sed hoc tan-  
 "tummodo ad prohibitionem sufficere videmus Pa-  
 "tribus, ut qui careret oculo, Sacerdotii officium adi-  
 "pisci non possit.

Si hæc Decreta simpliciter ac generaliter, prout so-  
 nant, accipiantur, videntur hanc irregularitatem ad  
 defectum corporis, tametsi usum Ordinis non impe-  
 dientem, extendere. Quis enim nescit, uno tantum-  
 modo oculo orbatum, aut cæcum, posse interdum Or-  
 dinis etiam Sacerdotalis functiones aliquas rite obire?  
 Unde ob hosce forsitan simileque Canones, nonnulli  
 circa hanc irregularitatem iusto rigidiores atque scrup-  
 ulosiores fuisse videntur.

VII. Et quidem aliquando dubitatum fuisse, an  
 irregularis non esset, qui *maculam in oculo* haberet; at-  
 que super eo dubio consultum Alexandrum III. intel-  
 ligitur ex ejusdem responso quod refertur in *cap. 2.*  
*De corpore vitiatis.* Simile dubium propositum fuisse  
 Honorio III. colligitur ex *cap. 1. De corpore vitiatis*,  
 in quinta compilatione Decretalium per Innocentium  
 Cironium.

VIII. Attentis vero responsis Pontificum ad propo-  
 sita dubia, facile intelligi poterit, Pontifices non existi-  
 masse defectum corporis constituere aliquem irregu-  
 larem, nisi vel culpa defectum patientis interveniret;  
 vel defectus hujusmodi sit, ut vel absolute ipsum de-  
 fectuosum ad obeundas functiones Ordinis reddat in-  
 capacem; aut saltem ratione illius periculum notabile  
 irreverentiæ aut scandali substat.

IX. In *cap. 1. De corpore vitiatis*, de Presby-  
 tero qui cum notabili sua culpa partem digiti amiserat,  
 responderet Alexander III. "Quod cum ipse non per-

"diderit tantum de digito, quin *sine scandalo* possit so-  
 "lemniter celebrare, satis potes post peractam pœni-  
 "tentiam cum eo misericorditer agere, & permittere  
 "ipsum in suo Ordine ministrare, licet ejus excessus  
 "gravis admodum extiterit.

Manifestum est, Pontificem pro excessu commisso  
 convenientem quidem ante Ordinis executionem à Pres-  
 bytero peractam voluisse pœnitentiam; sed ea peracta,  
 nullam judicasse habendam rationem defectus digiti;  
 eo quod non perdidisset tantum de digito, quin *sine*  
*scandalo* posset *solemniter* celebrare.

X. Et Honorius III. de quodam Monacho, super cu-  
 jus dexteræ pollicem barra quædam fortuito deciderat,  
 atque ungulam avullerat ab eo, responderet Episcopo En-  
 golismensi, "quatenus si ad frangendam Eucharistiam  
 "sit in pollice ipso potens, & aliud Canonicum non  
 "obstat, propter deformitatem hujusmodi non di-  
 "mittat, quin eum ad Ordinem promoveat Sacerdotis."  
*cap. fin. De Corpore vitiatis.*

Hinc rursus patet, Pontificem supposuisse omnem ir-  
 regularitatis rationem esse petendam ex deformitate,  
 quæ Ordinis executionem impediret.

XI. Extat sub nomine Eugenii Papæ Decretalis in *cap.*  
*2. De Clerico agrotante*, & habetur in appendice ad  
 Concilium Lateranense III. sub Alexandro III. *parte 26.*  
*cap. 15.* sub hoc titulo, *Eugenius Papa primus Sarenfi*  
*Episcopo.* Quidquid sit de veritate tituli, ac Auctore  
 Decretalis, in ea interim refertur: "Presbyterum, cu-  
 "jus duos digitos cum medietate palmæ à prædone ab-  
 "scissos significasti, Missam non permittimus celebra-  
 "re. Rationem subiungit: "Quia nec secure propter  
 "debilitatem, nec sine scandalo propter deformitatem  
 "membri fieri posse confidimus.

Non igitur in ipsum simpliciter corporis defectum  
 irregularitatem, siue suspensionem à celebratione Missæ  
 refundit; sed in *deformitatem* quæ *sine scandalo*, & *de-*  
*bilitem* quæ *sine periculo* celebrationem permittere  
 non videntur; unde & addit: "Ipsum autem cæteris  
 "officiis Sacerdotalibus fungi minime prohibemus."  
 Cur ita? Quia hæc officia secure sine periculo non ob-  
 stante debilitate manus, & *sine scandalo* non refragante  
 deformitate, obire poterat.

Quisquis igitur sensus sit Canonum, qui sub nomine  
 Hilarii & Gelasii à Gratiano referuntur, interim ex  
 his aliisque Decretalibus concludunt Canonistæ, juxta  
 modernam disciplinam, vitium siue defectum corporis,  
 qui sine culpa patientis accidit, non inducere irregulari-  
 tatem quoad Ordines suscipiendos; nisi talis fuerit de-  
 fectus, ut vel simpliciter impediatur executionem Ordinis;  
 aut eam corporis deformitatem annexam habeat, ut fun-  
 ctiones Ordinis secure & sine periculo, aut offensione  
 populi peragere non sineret.

XII. Defectus autem corporis post Ordines susceptos  
 superveniens, ex communi Canonistarum sententia,  
 conformiter ad relatas Decretales, non inducit irregu-  
 laritatem, nisi quoad illos Ordines & eas functiones,  
 quæ ob defectum illum secure & sine periculo, & sine  
 scandalo peragi nequeunt.

XIII. Quis vero defectus hujusmodi deformitatem  
 inducat, ut sine periculo aut scandalo Ordinis executio  
 permitti nequeat; ut ea ratione aliqua irregularitas vel  
 quoad Ordinem suscipiendum aut susceptum subesse  
 censenda sit, hoc potest ipso facto melius perpendi, quam  
 aliquo statuto exprimi, ait Glossa ad *cap. 2. De Cleri-*  
*co agrotante*, verbo, *Deformitatem*.

Judicare autem & determinare in particulari casu,  
 quæ sit notabilis aut levis deformitas, & an hic & nunc  
 ob talem deformitatem periculum aut scandalum per  
 Ordinis executionem sit timendum, judicio Episcopi  
 determinandum esse, uno consensu concludunt Cano-  
 nistæ sequenti Glossam in *cap. 2. De Corpore vi-*  
*tiatis*: ita ut non sufficiat arbitrium Confessarii vel  
 alterius Prælati inferioris; uti post alios citatos docet  
 Barbosa de potestate Episcopi *part. 2. Allegat. 42.*  
*num.*



num. 60. qui & ibidem addit: "Respectu Regularium ad eundem Episcopum id declarare competit, non autem ad Superiores regulares, nisi eisdem expresse à Sede Apostolica delegaretur.

XIV. Auctoritatis Episcopalis quoad hanc determinationem, argumentum suppeditat *Can. 3. Dist. 33.* ubi decernitur, quòd hi, qui aliquando corporis incommoditatibus in terram elisi fuerunt, tamdiu erunt, ab officii sui Ordine & loco suspensi, quousque unius anni spatio per discretionem Episcopi inveniantur ab incurfu dæmonum liberati: "Vel ut verior lectio habere videretur, *alieni.*

Non absimile hujus auctoritatis argumentum occurrit in *Can. 2. caus. 7. q. 2.*

XV. In hac determinatione tempus, locum & personam ejusque dotes merito Episcopus attendit.

Neque enim dubium est, quin uno loco defectus aliquis posset esse offensionem, & non alio, ubi hujusmodi defectus vel est frequentior, aut minùs attenditur, Idem dicendum de tempore.

Persona quoque plurimùm attendenda. Potest enim contingere, ut defectus corporis in uno impediret debitam executionem Ordinis, & non alio: eò quòd is sit aliorum membrorum vigor, ut debilitatem aut defectum alterius supplere queat.

Exempli gratia, carens oculo sinistro, sive *Canonis*, ut vocant, communiter habetur irregularis quoad Ordinem Sacerdotii suscipiendum aut Missæ celebrationem post Ordinem susceptum; "si quis tamen carens vili, vâ virtute in oculo sinistro sive *Canonis*, & tantâ polleat virtute in dextro, ut sine deformi faciei conversione possit legere *Canonem*, non est irregularis, aut post alios Barbosa loco citato num. 31.

XVI. Similiter indubitatum est, quòd adeò possint eminentes esse in aliquo qualitates seu quoad mores, seu quoad doctrinam & zelum, ut defectus corporis, qui alias offensionem populi pareret, ob hæc eminentes qualitates non causaret; aut si, quæ forsitan offensio timeretur, ea meritò ob bona, quæ ex Ordinatione & promotione hujusmodi defectuosi sperantur, negligi deberet.

XVII. Aliquando super aliquibus defectibus corporis per hodie dispensationes in Curia Romana praxis quotidiana docet, monetque Pyrrus Corradus in praxi dispensationum lib. 3. cap. 6. num. 19. quòd dum conceditur dispensatio super hac irregularitate in Dataria Romana, hæc nunquam inscribatur seu committatur Vicario seu Officiali Episcopi, sed semper ipsi Episcopo; idque ob textum cap. 2. *De Corpore vitiatæ*, qui Episcopo auctoritatem cognoscendi & judicandi de defectu corporis tribuit. "Quod quidem (ait Corradus) adeò inconcussè observatur, ut cum sacra Penitentiaria Apostolica ex facultate sibi tradita, dispensat cum Religiosis profellis, corpore vitiatæ, nunquam alteri quam Ordinario illius loci, ubi orator professus est, referibat: dando illi facultatem cum illo dispensandi super corporis vitio seu defectu, cum illis limitationibus, & clausulis, quibus utitur Cancellaria Apostolica; sed gratis quoad omnia.

XVIII. Clausula verò præcipua, quâ utitur Cancellaria Romana in hac dispensatione, hæc est: "Committatur Ordinario, qui, inspecto per seipsum, & considerato diligenter dicto defectu, si talis non sit, nec ex eo proveniat tanta deformitas, quæ scandalum generet in populo aut divinis impedimentum præstet, super quo ejusdem Ordinarii conscientia oneretur; cum eodem oratore, dummodo ad id reperiatur idoneus, vitæque ac morum probitas, & virtutum merita sibi suffragentur, nec aliunde ei obstat impedimentum, dispense.

XIX. Claret ex Pyrrho Corrado dispensationis litteras super defectu corporis, semper dirigi ad Episcopum ejus, qui defectum patitur, ut ipse per seipsum defectum inspiciat, & de eo judicet: & si, eo inspecto, ju-

dicet, non esse talem, ut offensionem notabilem in populo sit pariturus, aut impedimentum in Ordinis exercitio, tunc Auctoritate Apostolica ipse dispense.

Verùm indubitatum apparet, quòd Episcopus, etiam nullo impetrato à Romana Curia Rescripto, judicare possit, utrum defectus corporis talis sit, qui vel scandalum generaret in populo, vel obeundis functionibus sacrorum Ordinum impedimentum præstet.

Scitur enim, non omnem defectum corporis parere irregularitatem, sed eum duntaxat, qui vel executionem Ordinis omninò impedit, vel saltem sine scandalo exequi non patitur.

Dum igitur judicio Ordinarii constiterit, quòd defectus corporis talis non sit, non videtur, quo ex capite exigereetur ulterior dispensatio, præsertim cum obtentâ dispensatione, nihilominus ipsius Ordinarii judicio deferatur, num defectus sit talis, qui executionem Ordinum impediatur, aut scandalum parere possit.

XX. Cum autem hujusmodi dispensatio petitur super defectu oculi *Canonis*, ne ipse patiens legendo Canonem vertat se ad populum, volens oculum dextrum versus Canonem dirigere, additur in formula dispensationis hæc clausula: *Et quoties Missam celebrabit, tabellam Canonis in medio altaris tenere debeat.*

## CAPUT VI.

### De Irregularitate ex crimine.

1. Ordinandi ex sententia Apostoli debent esse sine crimine.
2. A quo tempore debuerint esse sine crimine.
3. Post actam penitentiam non admittebantur olim ad Ordines.
4. Non penitentia, sed crimen excludebat Penitentes ab Ordinibus.
5. Crimen olim etiam ab exercitio Ordinis suscepti excludebat.
6. Crimen occultum etiam olim irregularitatem inducebat.
7. Hæc disciplina necdum seculo XI. totaliter erat abrogata.
8. Pontifices seculo XI. eam disciplinam adhuc probaverunt.
9. Episcopis erat potestas dispensandi, si crimen esset occultum.
10. Seculo IX. capit invalescere distinctio inter crimen publicum & occultum; & quæ ejus occasio?
11. Hæc distinctio à Gratiano proposita & probata.
12. Gratianum sequuti Canonistæ eam distinctionem probaverunt.
13. Publica crimina ob infamiam hodie inducunt speciem irregularitatis.
14. Id intelligitur tam de infamia facti, quam juris.
15. Moderna disciplina prolapsos in crimen occultum non admittit ad Ordines, nisi post actam penitentiam.
16. Graviora nonnulla crimina etiam occulta irregularitatem inducunt.
17. Super irregularitate ex crimine occulto Episcopus dispensare potest.
18. Quod hic dicatur occultum?
19. An sufficiat quòd factum sit materialiter notum?
20. An deductum ad forum contentiosum semper habendum sit pro publico?
21. Ecclesia mens non est, quòd criminosi etiam occulti à sacris Ordinibus repelli non possint.
22. Synodus Tridentina permisit Episcopis, ut occultos criminosos ab Ordinibus repellant.
23. Synodus Tridentina correvit Decretales.
24. Potest Episcopus etiam criminosum occultum suspendere.

25. *Interdum ab Episcopo recusante ad Ordinem admittitur, datur recursus ad Pontificem.*  
 26. *Hujusmodi recursus non facile admittendus.*  
 27. *Improbatur Fagnani sententia, quæ num. 23. & 24. relata est.*  
 28. *Nec arridet Sacra Congreg. decisio num. 25. relata.*

I. **A**POSTOLUS Tito discipulo suo præscribens, quod per civitates Presbyteros constituere deberet, inter cæteras qualitates in his requisitas reponit: *Si quis SINE CRIMINE est.* Et deinde paucis interpositis: *Oportet Episcopum SINE CRIMINE esse, sicut Dei dispensatorem.* Ad Tit. c. 1. v. 7.

Rursus ad Timotheum scribens: *Oportet Episcopum IRREPREHENSIBILEM esse.* Et infra de Diaconis loquens: ait: *Et hi probentur primum: & sic ministrent, NULLUM CRIMEN habentes.* 1. Tim. c. 3. v. 2. & 10.

II. Hunc Apostolicum Canonem in Ministrorum electione & Ordinatione præliis sequuti SS. Patres, irregulares, sive à sacris Ordinibus eorumque usu exclusos censebant, qui non essent *sine crimine*; sive requirebant *nullum crimen habentes*; id est, qui nullo crimine innocentiam Baptismalem maculassent; quamvis jam per penitentiam crimen eluissent.

“Non eo tantum (inquit S. Hieronymus) quo ordinandus est tempore, sine ullo crimine sit, & præteritis maculas novâ conversatione diluerit; sed ex eo tempore, quo in Christo renatus est, nullâ peccati conscientia mordetur.

III. Ante Hieronymum disciplinæ hujus testis est Origenes adversus Celsum tanquam indubitatum & notorium asserens, quod Christiani, lapsos in crimen carnis rursus resipiscences, haud secus quam redivivos recipiant, tandem post longiorem melioris meriti approbationem, quam cum primum ad religionem discendam admitterentur. Attendamus nunc cautionem qua similes admitterentur. “Ea tamen conditione (ait) ut quoniam lapsi sunt, excludantur impossibilitatem ab omnibus Dignitatibus & Magistratibus Ecclesiasticis.

Hinc istud Carthaginensis IV. Can. 64. “Ex Pœnitentibus quantumvis sit bonus, Clericus non ordinetur.

IV. Circa idem tempus scripsit Siricius Papa *Epist. 1. cap. 14.* “Illud quoque nos par fuit providere, ut sicut penitentiam agere cuiquam non conceditur Clericorum, ita & post penitentiam ac reconciliationem, nulli unquam Laico liceat honorem Clericatus adipisci: qui quamvis sint omnium peccatorum contagione mundati; nulla tamen debent gerendorum Sacramentorum instrumenta suscipere, qui dudum fuerint vasa vitiorum.

Hæc non tantum ostendunt, Pœnites ab Ordinibus fuisse exclusos, sed insuper, quod non ipsa pœnitentia, at ipsum crimen, ob quod pœnitentia agebatur, ipsis ad Ordines aditum præcluserit: quod etiam adversus Morinus dicere non dubitavit: “Criminum reos, vel penitentiam agentes ab Ordinibus Ecclesiasticis prohiberi, apud Veteres æquipollebant. (a)

V. Nec tantum quoad Ordinum susceptionem, gravium criminum rei olim habebantur irregulares, ita ut nec per penitentiam & reconciliationem irregularitas tolleretur; sed etiam irregulares erant quoad Ordinum jam susceptorum usum; in tantum, ut qui, Ordine suscepto, in crimen esset prolapsus, in perpetuum ab Ordinibus suscepti usu exclusus haberetur.

Hanc disciplinam multis adstruxi & latè exposui in Dissertatione De Canonicorum Instituto parte 2. cap. 2. atque imprimis §. 2. eam pluribus pristinis Canonibus, & Patrum testimoniis præsertim S. Cypriani & Basilii adstruxi. Deinde §. 3. eam à S. Gregorio multis locis expressam & inculcatam fuisse; ac signanter lib. 3. Ep. 26.

(a) Legatur hæc de re Morinus lib. 5. de Sacram. Pœnitent. c. 18.

scribente Januario Episcopo Calaritano; ubi una testatur, hanc irregularitatem sacris Canonibus jam pridem fuisse firmatam: “Pervenit etiam ad nos (ait) quoddam de sacris Ordinibus lapsos vel post penitentiam, vel ante, ad Officii sui ministerium revocari, quod omnino prohibemus, & in hac re sacratissimi Canones contradicunt. Qui igitur post acceptum sacrum Ordinem lapsus in peccatum carnis fuerit, sacro Ordine ita careat, ut ad ministerium ULTERIUS non accedat.

Verba Gregorii retulit Gratianus *Dist. 50. Can. 9.* ibid. *Can. 10. & 11.* alia ejusdem Pontificis verba in eam rem subjiciens.

Eodem loco eandem disciplinam à S. Martino Papa in Epistola ad S. Amandum Episcopum Trajectensem fortiter inculcatam demonstravi: in qua præ cæteris hæc notanda: “Nam qui semel post suam Ordinationem in lapsum ceciderit, deinceps jam depositus erit, nullumque gradum Sacerdotii poterit adipisci: sed sufficiat lamentationibus, & fletibus assiduus quousque ad vitam in eadem penitentia perdurare, ut commissum delictum divina gratia extinguere valeat.

VI. Hanc porro irregularitatem non tantum publicè; sed & occultè in crimen, præsertim carnis prolapso incurrisse; neque distinctionem inter publicam & occultam crimina pristinis Patrum seculis notam fuisse, observatum fuit.

VII. Imò nec seculo XI. eam ubique adhuc receptam fuisse probavimus §. 7. ex B. Petro Damiani in opusculo quod *Gomorrubianum* intitulavit, ubi multis agit adversus illos Ecclesiarum Rectores, qui prolapso in occultissimum pollutionis crimen post ætam penitentiam ad Ordines promoveri; aut in susceptis ministrare posse asserabant. “Ut nobis videretur (ait cap. 3.) valde præposterum est, ut consuetudinaliter hæc peccata contagione scædatis, vel ad Ordinem provehi; vel in gradu persistere audeant jam promoti. Quia & rationi contrarium & Canonicis Patrum Sanctionibus probatur adversum. Deinde adductis nonnullis Veterum ac signanter S. Gregorii testimoniis, concludit: “Patet profectò, quia quem dignum morte crimen abjecerat, quælibet religiosa vita subsequens, ad suscipiendum Ecclesiasticum gradum Ordinem non reformatur; nec valet ad obtinendum honoris culmen assurgere, qui in mortalis culpæ barathrum non ambigitur cecidisse.

Post hæc cap. 4. conclusionem suam multis adstruit argumentis, ac dein cap. 5. probat, quod in reprobum sensum lapsi sint, qui post hoc vitium (pollutionis) habere sacrum Ordinem concupiscunt.

VIII. Opusculum suum obtulit Petrus Damiani Leoni IX. Papæ; eumque enixè rogavit, ut adscitis spiritalibus ac prudentibus viris opusculum dignetur examinare, ipsique super his Capitulis ita respondere, ut omnem de nostro pectore (ait) dubietatis scrupulum tollat.

Pontifex verò ita respondit, ut satis appareat nondum eo tempore distinctionem inter peccata publica & occulta fuisse generaliter receptam, aut à Pontifice probatam, ut ex ipso contextu responsi videri potest, quem in citato §. retuli: una cum responso Urbani II. in quo hæc scribit: “De Presbyteris, Diaconis & Subdiaconis, qui post acceptum Ordinem in aliud quod crimen lapsi fuerunt, sive palam sive clam, constat quidem per Canonum sensum ab Ecclesiasticis eos officiis inhiberi: Tuæ tamen prudentiæ discretionique committimus, utrum eorum aliqui, qui tamen infamiae notâ non fuerint aspersi, necessitate Ecclesiæ urgente, & ipsorum sancta conversatione promerente, in suis gradibus recuperari debeant. Hoc autem secundum indulgentiam dico, non secundum imperium.

Hic manifestè supponit Pontifex, juxta Canonum sensum, lapsos in crimen ab omni Ordinum usu in perpetuum,

perpetuum, etiam post actam poenitentiam esse exclusos, sive *palam* sive *clam* crimen commissum foret; eamque disciplinam necdum tunc fuisse abrogatam.

IX. Ex hoc interim responso videmus, quod dispensandi facultas Episcopis attribueretur, ut necessitate Ecclesiae urgente, & sancta quorundam conversatione promerente, lapsi in crimen functionibus Ordinis restituerentur; modò nulla infamia essent aspersi; id est, si crimen esset *occultum*.

X. Et sanè à seculo nono circiter quædam inter crimina *occulta* & *publica* distinctio adhiberi cepit; idque occasione trium Epistolarum, quas Pseudo-Isidorus Calixto I. Sancto Gregorio ad Secundinum, & S. Isidoro ad Massanum supplicavit; quemadmodum latè ostendi in citata Dissertatione §. 4. & 6.

Cùm enim in antiquis Canonibus & Patribus legere-  
tur, prolapsos in crimen ab Ordinum usu in perpetuum esse seclusos; in his verò Epistolis (quarum fictio seu suppositio nondum detecta erat) diceretur, lapsos *post actam poenitentiam* restitui suis functionibus posse, ut hæc conciliarentur, adhibita fuit hæc distinctio, ut lapsi quidem publicè seu *palam* in crimen perpetuò exclusi conferentur; at lapsi *occultè* sive *clam* post peractam condignam poenitentiam, & obtentam à Sacerdote criminis remissionem, ad Ordinum suorum functiones redire possent.

XI. Gratianus alios Canonum Collectores sequutus varios Canones & Patrum sententias, quæ lapsos indistinctè à functionibus Ordinum excluderent, retulit; unà referens quoque fictitias illas Epistolas, quas more suo ad concordiam revocare volens hanc distinctionem assumpsit, eamque his verbis expressit: "Possunt sic distingui præmissæ auctoritates. Quorum enim crimina *manifesta* sunt, ante vel post Ordinationem, à SS. Ordinibus deiciendi sunt: quorum autem peccata *occulta* sunt, & satisfactione secreta secundum Sacerdotis edictum purgata, in propriis Ordinibus remanere possunt." *Dist. 50. post Can. 23.*

XII. Præunte autem Gratiano, hæc distinctio passim à Canonistis recepta & tradita fuit; atque ita sensim in Ecclesiae quodammodo disciplinam transiit.

Itaque juxta modernam disciplinam, crimina *publica* sive manifesta, pristinae irregularitati obnoxia manent; ut qui ante vel post Ordinationem ea commiserint, à sanctis Ordinibus deiciendi sint; hoc est, à functionibus Ordinum suspendendi, neque ad Ordines suscipiendos admittendi. Rationem, ineunte XII. seculo, dedit S. Ivo, qui etiam probans dictam distinctionem, atque conformiter ad illam censens, Clericum lapsum posse restitui, addit hanc cautionem: "Si tamen *publicam* non egerit poenitentiam. Talibus enim ideò Clericatus denegatur, quia ab insidiatoribus divinis Sacramentis pro hujusmodi derogatur, & simplicium animus aut scandalizatur, aut infirmatur.

XIII. Ipsa ergo publica & manifesta crimina ipsum criminis irregularem faciunt, eò quod sine scandalo, multorumque offensione, ob *infamiam* ex crimine contractam sacris ministrare nequeat.

Unde tamen juxta modernam disciplinam, non nisi quædam speciatim in jure expressa crimina propriè irregularitatem inducant; tamen *publica ac manifesta* crimina ratione infamiae, qua ipsum reum aspergunt, speciem irregularitatis causant: juxta *cap. 87. De Regulis Juris in VI.* "Infamibus portæ non pateant Dignitatum."

XIV. Hanc regulam non tantum de infamia juris, sed etiam *facti* intelligendam esse norant Canonistæ, sequuti Glossam ad dictam Regulam, Verbo: *Dignitatum*, ubi eam de utraque infamia interpretatur: "Cùm dignitatibus participare non debeant infames, quæcumque infamia; citantque antiquiorem Glossam marginalem addit: "Et ut dicit, non solum impedit præfici: sed etiam facit removeri à Dignitatibus habitis."

Tom. I.

Et in *cap. fin. De Testibus*, dicitur, quod "accusati de crimine, nisi prius se probaverint innocentibus, à susceptione Ordinum repellantur." Quod non est, nisi qui à pendente accusatione sunt infames infamia facti, inquit Avila *De Censuris, part. 7. Disp. 4. dub. 5.*

XV. Ulterius quoad prolapsos in crimen *occultum*, tamen ex moderna disciplina, propriè non sint irregulares, tamen nec hodierna disciplina eos ad Ordines admitti aut Ordinibus restitui permittit, nisi *post actam* tanto crimine *dignam poenitentiam*; sive postquam per poenitentiam crimen eluerint; quemadmodum pluribus ostendi in allegata Dissertatione §. 8. ubi dein §. 9. probavi, non uno titulo crimina à Sacerdotibus commissæ esse graviora & acerbiora poenitentia eluenda, quam eadem à laicis perpetrata: ac deinde subsequenti §. 10. prolapsorum Sacerdotum quantumvis *occultè*, restitutionem, etiam juxta hodiernam disciplinam, debere esse *tardam*; eò quod ipsorum conversio solet esse tarda.

XVI. In præcitato responso Urbani II. verbis allegatis subnectitur: "Si quem verò, quod absit, aut post acceptum officium contigerit, peremptorio quolibet eorum, quæ in lege morte multantur, sive *palam*, sive *clam*, occupatum crimine inveniri, eos maxime qui adhuc mundo vivunt, ab omni eos Altaris ministerio sequestramus."

Licet ergo Urbanus permitteret *secundum indulgentiam* nonnullos in crimen *clam* prolapsos, necessitate Ecclesiae urgente, & ipsorum sancta conversatione promerente, Sacris Ordinibus restitui; id tamen in gravioribus quibusdam criminibus non admittendum declarat; quod modernæ disciplinæ non parum conforme est.

Tamen enim moderna disciplina permittat nonnullos in crimen *occultum* prolapsos post actam poenitentiam & absolutionem obtentam ad Ordines ascendere, aut Ordinum functionibus restitui; nonnulla tamen crimina sunt, quæ quantumvis *clam* & *occultè* sint commissæ, irregularitatem nihilominus inducunt; ipsosque criminum reos constituunt irregulares etiam post peractam poenitentiam, & obtentam à Sacerdote absolutionem.

XVII. Hoc evidenter supponit Synodus Tridentina, *Seff. 24. cap. 6.* ubi declarat, quod "liceat Episcopis in irregularitatibus omnibus & suspensionibus ex *delicto occulto* provenientibus, excepta eâ, quæ oritur ex homicidio voluntario, & exceptis aliis deductis, ad forum contentiosum, dispensare."

XVIII. Quod dicatur delictum *occultum*, ut super irregularitate ex illo proveniente Episcopus dispensare queat, aliquando dubitatum fuit; nec eadem est Doctorum opinio; uti videre est apud Barbosam *De Officio Episcopi parte 2. Allegat. 39. n. 21.* Verius apparet, quod *occultum* hic dicatur, quod *probari* non potest, sive quod planè latet, nec periculum est, ne id facile in publicum prodeat: atque ita post alios resolvit Garcias *De Beneficiis parte 7. cap. 11. n. 46.* asseritque *n. 47.* id sæpius à S. Congregatione resolutum, atque signanter responsum esse. "Absolutus vel dispensatus à proprio Episcopo in materia delicti perpetrati coram duobus vel tribus testibus, quod tamen *non fuit notorium*, non est tutus in conscientia; quia Concilium utitur termino *occulti*, quod propriè loquendo dicitur, quod probari non potest *cap. VESTRA De Cohabitat. Clericor. & Mulierum*; at per duos testes probari potest, & Verba Concilii intelligi debent secundum proprietatem."

Eandem opinionem sequitur & adstruere nititur Fagnanus *ad cap. VESTRA De Cohabit. Cleric. & mulierum*: sed eum ex professo refutare conatur Du Casse in Praxi sua Jurisdictionali *tom. 1. cap. 10. §. 2.* sustinens, crimen etiam posse esse *occultum*, licet commissum in præsentia duorum vel trium testium, quorum testimonio in judicio probari posset; modò non sit

Y y y

publi-



*publicum & notorium*; asseriturque eam esse opinionem communem, quam in eo præcipue fundat, quod Concilii Tridentini intentio fuerit, restringere auctoritatem dispensandi ad crimina *occulta*: quod indecens & scandalosum crederet, ut Sacerdos, qui *publicè & notoriè* in grave crimen esset prolapsus, permitteretur sacris ministrare: quod scandalum non æquè timendum est, dum crimen est *occultum*, tametii duobus aut tribus notum esset, qui de eo in judicio depromere possent.

Fatetur quidem dictus Auctor, esse quasdam sacræ Congregationis declarationes Fagnani opinioni faventes; sed notat, has declarationes in Gallia vim legis non habere, nec ejus esse ponderis, ut in praxi se illis Episcopi conformare debeant.

Quod de non receptis his Cardinalium declarationibus in Regno Galliarum notavit hic Auctor, id & de Belgio dici potest: uti enim non semel ex Zypæo, *Consultatione 1. de Elect. num. 6.* notavimus, Concilium Tridentinum in Belgio fuit receptum sine respectu ad has declarationes, præsertim quæ ipsam Auctoritatem Ordinariorum magis restringere videntur, quam textus Concilii Tridentini exposcit.

Et sanè re penitus ponderatâ, verisimilior apparet opinio, quam contra Fagnanum propugnat Du-Casse, præsertim, quod Episcopis non sit neganda dispensandi auctoritas, nisi plenè probetur eam ipsis esse ademptam.

XIX. Si factum, ex quo orta est irregularitas *materialiter* quidem notum sit, sed *occultum formaliter*, sive in quantum est delictum, tunc Episcopum vi hujus Decreti posse dispensare communi consensu tradunt Doctores apud Barbosa in Collectaneis ad citatum *cap. 6.* Concilii Tridentini *n. 30. & n. 33.* exemplificat "in irregularitate proveniente ab excommunicato celebrante, quando excommunicatio est occulta, licet celebratio sit manifesta." Plura exempla refert *De Officio Episcopi parte 2. Alleg. 39. n. 37. & sequentibus.*

XX. Si delictum fuerit deductum ad forum contentiosum, sed hæcenus probari non potuit, atque eatenus adhuc maneat *occultum*; si tamen judicium nondum sit absolutum, neque sententia absolutoria pronuntiata, non poterit Episcopus in vim hujus Decreti super irregularitate ex simili delicto proveniente dispensare, ob clausulam in Decreto additam; *exceptis aliis deductis ad forum contentiosum*; & ita à Sacra Congregatione responsum esse testatur Garcias loco citato *num. 47.*

At verò si judicium sit finitum, & sententia absolutoria defectu probationis sequuta, Episcopum posse dispensare ibidem tradit Garcias *n. 48.* quia manet occultum; & quia non fuit deductum ad forum contentiosum *cum effectu*, ex quo non fuit probatum. Quare aliud esset, si judicium quidem sit absolutum, sed reus per sententiam punitus, quia reverà & cum effectu fuit deductum ad forum contentiosum: uti rectè notat Garcias *num. 49.* Excepit Synodus irregularitatem proveniente ex homicidio voluntario; de qua exceptione tractabimus capite sequenti.

Præcipua hodie ac frequentius occurrentia delicta, quibus irregularitas annexa est, sunt Simonia, homicidium & hæresis. De irregularitate ex priore resultante agetur sub titulo *De Simonia circa Beneficia*; de secunda *part. 3.* aliquid dicitur; de tertia verò specie, *capite sequenti.*

XXI. Interim observandum, quod licet Ecclesia juxta modernam disciplinam, non omnibus criminibus, præsertim *occultis*, irregularitatem annectat, nequaquam tamen Ecclesiæ mentem esse, Episcopos debere criminosos, licet *occultos*, hoc est, quos ut tales probare judicialiter non possunt, ad Sacros Ordines admittere; quod ipsa Synodus Tridentina sat clarè expressit.

XXII. *Sessio 14. de Reformatione*, in præmio do-

cet: "Cum propriè Episcoporum munus sit, subditorum omnium vitia redarguere: hoc illis præcipue cavendum erit, ne Clerici præsertim ad animarum curam constituti, criminosi sint, neve inhonestam vitam, ipsis conniventibus, ducant. Nam si eos pravis & corruptis moribus esse permittant, inquit Synodus, quo pacto laicos de ipsorum vitiis redarguent, qui uno ab eis sermone convinci possent, quod Clericos ipsis patiantur esse deteriores? Quæ etiam libertate laicos corripere poterunt Sacerdotes; cum tacitè sibi ipsi respondeant, eadem se admisisse, quæ corripunt?"

Ut autem Episcopi id faciliùs exequantur, declarat Synodus *cap. 1.* "Cum honestius ac tutius sit subiecto, debitam Præpositis obedientiam impendendo, in inferiori ministerio deservire, quàm cum Præpositorum scandalo, graduum altiorum appetere dignitatem, ei, cui ascensus ad sacros Ordines à suo Præposito, ex quacumque causa, etiam ob occultum crimen, quomodolibet, etiam extrajudicialiter, fuerit interdictus: aut qui à suis Ordinibus, seu gradibus, vel dignitatibus Ecclesiasticis fuerit suspensus, nulla contra ipsius Prælati voluntatem concessa licentia de se promoveri faciendo; aut ad priores Ordines, gradus, & dignitates, sive honores restitutio suffragetur."

XXIII. Vigore hujus Decreti, est Episcopo attributa auctoritas prohibendi suis subditis assensum ad SS. Ordines quomodolibet, extrajudicialiter ex quacumque causa, etiam ob *occultum* crimen. "Unde ex sententia sacræ Congregationis corrigitur dispositio *cap. Ex Tenore* & *De Temporib. Ordinatis* in ea parte, in qua decernitur, criminolum *occultum* tantummodo commonendum, sed non prohibendum, ascendere ad superiorem Ordinem." Ita Fagnanus ad citatum Capitulum *n. 12.* qui deinde *n. 16.* refert *cap. Ad Aures* & *cod.* "Quod permittit Superioribus Regularibus prohibere subditos jam promotos, ne ascendant ad altiores gradus, ex sententia S. Congregationis fuisse ampliatum à Concilio ad Clericos seculares."

XXIV. Notat quoque Fagnanus ad dictum *cap. Ad Aures num. 7.* "In dicto *cap. 1. Sess. 14.* fuisse cessam Episcopis auctoritatem etiam suspendendi criminosos occultos ab Ordinibus, seu gradibus, vel dignitatibus: nam etiam verba illa, (Ex quacumque causa, etiam ob occultum crimen, &c.) non sunt apposita, nisi in priori parte dicti *cap. 1.* ubi agitur de interdictione; tamen censeri debent repetita etiam in sequenti, ubi agitur de suspensione."

XXV. Ne autem Episcopaliique Prælati hac auctoritate abutantur, atque sine iusta causa pro suo arbitrio, prætextu *occulti* criminis à Sacris Ordinibus impediatur, aut suspendantur, "Sacra Congregatio re ad Gregorium XIII. delatâ edidit decisionem; quæ postea perpetuò obtinuit in Dataria, videlicet: Quotiescumque Ordinarius recusaverit quemquam ordinare, committendum esse Metropolitanò, vel viciniore Episcopo, ut ab eodem Ordinario priùs exquirat, cur recusaverit; quo causam legitimam non allegante, liceat illi eundem recusatum ordinare." Hæc Fagnanus *ibid. num. 22.*

XXVI. Verùm Synodus Tridentina sufficienter insinuat, hujusmodi recursum non faciliè esse admittendum, nec Ordinarium faciliè in similibus turbandum; quandoquidem ad faciliorem sui Decreti executionem expressè addat: "Nulla contra ipsius Prælati voluntatem concessa licentia de se promoveri faciendo; aut ad priores Ordines, gradus & dignitates, sive honores, restitutio suffragetur."

Accedit ipsius Decreti ratio in principio expressa: "Cum honestius ac tutius sit subiecto, debitam Præpositis obedientiam impendendo in inferiori ministerio deservire, quàm cum Præpositorum scandalo graduum altiorum appetere dignitatem."

XXVII.

XXVII. Quæ n. 23. 24. & 25. ex Fagnano relata sunt, ea historice duntaxat exposuimus, non ea mente ut approbentur. Ac primo quidem quod retulit Fagnanus num. 23. & 24. scilicet per sanctam Congregationem Cardinalium declaratum fuisse, Episcopum posse in vim decreti Concilii Tridentini, Sess. 14. cap. 1. de Reformat. suspendere Clericum ab Ordinibus susceptis, aut dignitatibus adeptis; eorumve functionibus, ob crimen occultum soli Prælati notum, idque etiam extrajudicialiter; nec Decreto Concilii, nec sanctis Canonibus conforme est.

Imprimis evidens est, ex contextu cap. 1. Sess. 14. Concilii Tridentini, quod Concilium non intenderit determinare, qua forma esset procedendum in suspensione ab Ordinibus susceptis, aut ab Ordinum susceptorum functionibus, vel muniis Beneficio aut Dignitati annexis: sed duntaxat declarare, quod dum alicui ascensus ad sacros Ordines a suo Prælati fuit interdictus, aut a suis Ordinibus seu gradibus vel dignitatibus Ecclesiasticis fuit suspensus, nulla contra ipsius Prælati voluntatem concessa licentia de se promoveri faciendo; aut ad priores Ordines, gradus & dignitates, sive honores, restitutio suffragetur. Supponitur hac in causa Prælati juxta Canones processisse.

Cum itaque admissio ad sacros Ordines frequenter sit gratiosa, sive dependeat a mero beneplacito ipsius Prælati, non mirum, quod Concilium in priori parte dicat, dispositionem sui Decreti etiam habere locum, dum ascensus ad sacros Ordines, quacumque ex causa, etiam ob occultum crimen, quomodolibet, etiam extrajudicialiter alicui interdictus fuit, nimirum eo casu quo admissio ad sacros Ordines a solo beneplacito Prælati dependet.

In secunda vero parte, ubi Concilium loquitur de suspensione ab Ordinibus susceptis, aut dignitatibus adeptis, vel eorum functionibus, ex professo videtur Concilium omisisse prædictas clausulas, etiam ob occultum crimen, quomodolibet etiam extrajudicialiter: eo quod suspendere aliquem ab Ordinibus jam susceptis aut dignitatibus adeptis, vel functionibus hæc annexis, requirat Ordinem judicarium, non secus atque omnis alia censura, & consequenter ferri non potest ob crimen mere occultum; utpote quod in judicio probari non potest.

XXVIII. Secundo nec approbari debet sacræ Congregationis decisio, quam ex Fagnano n. 25. retulimus: non diffitemur in Curia Romana styllum invaluisse, quod si Episcopus aliquem ordinare recusaverit, hic possit querelam de hac recusatone ad Pontificem instituere; quodque ex stylo Curie Romanæ committatur Metropolitanæ, vel viciniore Episcopo, ut ab eodem Ordinario exquirat rationem recusatone, quo causam legitimam non allegante, liceat Metropolitanæ aut viciniore Episcopo eundem recusatum ordinare.

Verum an hæc sacræ Congregationis resolutio, & ei innixa Curie Romanæ praxis textui & menti Synodi Tridentinæ sit conformis, non sine fundamento ambigi potest.

Ac imprimis certum est, quod tempore Synodi Tridentinæ a nullo nisi a Romano Pontifice, & in Curia Romana dari possit licentia de se promoveri faciendo contra ipsius Prælati voluntatem.

Igitur cum Synodus simpliciter & indefinite decreverit, ut nulla licentia contra ipsius Prælati voluntatem de se promoveri faciendo suffragetur, dubitari merito potest, num Synodus hanc licentiam in Curia Romana obtentam aut obtinendam excludere non voluerit, sive non suffragari.

Ad hæc experientia docet, quod vigilantiores Episcopi frequentius per illas licentias de se promoveri faciendo, & recursus ad Datariam Romanam, non raro vexentur, & quodammodo cogantur admittere ad Ordines sacros, quos indignos probe noverunt, eo quod

Tom. I.

defectus non sint quidem adeo notorii, ut probari in judicio possint, vel adeo enormes, ut impedimentum canonicum pariant, sed tamen sat graves, ut ob hos merito a sacris Ordinibus repellantur.

Unde optandum esset, ut Curia Romana similes recursus non admitteret; neque similes licentias expediret; potiusque Episcoporum conscientie Ordinationem suorum subditorum consideret, prout Synodus Tridentina optasse videtur: notanter cum certum sit, melioribus seculis hujusmodi recursus fuisse ignotos.

## CAPUT VII.

### De Irregularitate ex homicidio.

1. Homicidium reputatur enormissimum crimen.
2. Homicidium semper inducit irregularitatem.
3. Notissima fuit hæc irregularitas.
4. Etiam ex homicidio ex quadam quasi necessitate commissio.
5. Ob defensionem vitæ etiam perpetrato.
6. Ex Penitentiali Romano Presbyter occidens in defensionem vitæ irregularis efficitur.
7. Capit disciplina circa hanc irregularitatem paulatim relaxari; sed quando, incertum est.
8. Clemens 8. excepit homicidium ob necessariam vitæ defensionem.
9. Ex decisione illa Clementis non conficitur, tale homicidium esse omnino licitum.
10. Decisio Clementis non comprehendit homicidium ob defensionem honoris, aut bonorum temporalium.
11. Neque commissum in defensionem liberorum aut parentum.
12. Quid de homicidio in defensionem patriæ?
13. Omne Homicidium causat irregularitatem, nisi expresse excipiatur.
14. Homicidium inducit irregularitatem modo sit voluntarium, saltem indirecte; & quandonam sit tale?
15. Ut de hac voluntarietate statuatur, expendendum, num actio ob homicidium fuisset omittenda.
16. Ostenditur exemplo Clerici Venatoris & Chirurgi.
17. Hæc regula stabilitur auctoritate Bonifacii VIII.
18. Ex hoc principio plures casus resolvi possunt.
19. Quomodo homicidium actioni connexum esse debeat, ut actio ideo esset omittenda, generaliter determinari nequit.
20. Non requiritur, ut homicidium sit natum sæpius sequi, quam non sequi.
21. Non sufficit etiam quod natum sit frequentius sequi.
22. In dubio an homicidium fuerit voluntarium, debet se gerere pro irregulari.
23. Fundamentum hujus regulæ, & quomodo hoc fundamentum plures non sat attendant.
24. Decreta Synodi Trident. de hac irregularitate.
25. Quod dicatur homicidium voluntarium ad mentem Synodi.
26. Synodus optat, ut cum homicida voluntario non dispensetur; nec Episcopus dispensare potest.
27. Pontifex in homicidio voluntario ad obtinenda Beneficia aut Ordines difficulter dispensat.
28. Quomodo expediatur dispensatio quoad Beneficia jam obtenta, aut Ordines susceptos.
29. Modernæ dispensationis Stylus videtur primitus respexisse homicidium involuntarium.
30. Quomodo hodie expediatur dispensatio super homicidio casuali, & perpetrato in defensionem vitæ?
31. Episcopus potest dispensare in homicidio non voluntario & occulto; & quod sit non voluntarium?

Y y y 2

32. Quid

32. *Quid Concil. Trident. quid Galli sentiant de eo, qui ab irregularitate hæresicos dispensari debet?*

I. **I**NTER gravissima crimina reputatum fuisse homicidium sat constat; & quidem è tribus illis fuisse, ob quæ in aliquibus Ecclesiis, etiam in fine vitæ absolutio negata fuerit, scitur. Juxta S. Basilium *Epist. Can. 3. ad Amphil. Can. 56.* "Qui sua sponte interfecit, & postea pœnitentia ductus est, 20. annis Sacramento non communicabit. Viginti autem anni (ait) sic in eo dispensabuntur. Debet quatuor annis desistere stans extra fores Oratorii, & fideles ingredientes rogans, ut pro eo precentur, suam iniquitatem pronuntians. Post quatuor autem annos inter auditores recipietur, & quinque annis cum ipsis egredietur: septem autem annis cum iis, qui in substructione orant, egredietur. In quatuor annis solum stabit cum fidelibus, sed non erit oblationis particeps. Iis autem expletis, erit Sacramentorum particeps.

Et *Can. 57.* "Qui non voluntarie interfecit, undecim annis Sacramentis non communicabit. Undecim autem anni sic in eo dispensabuntur. Duos quidem annos deslebit, tres autem annos (a) inter auditores perseverabit, in quatuor substratus, & anno solum consistet, & deinceps ad Sacramenta admittetur.

II. Cum itaque homicidii crimen adeo enorme, tantique temporis pœnitentia eluendum jam pridem visum fuerit, etiam laicis, quis miretur, si ob hoc crimen laici à sacris Ordinibus exclusi, & Clerici ab eorum executione suspensi, imo & depositi fuerint? Idque ad normam præcepti divini olim populo Judaico insinuat, *Exodi cap. 21. Si quis per industriam occiderit proximum suum, & per insidias: ab altari meo evelles eum;* quæ referuntur & quali canonizantur in *cap. 1. De Homicidio.*

Quin & *Can. 55.* Sancti Basilii decernitur: "Qui se latronibus adversos objiciunt, si sint quidem extra Ecclesiam, ab omni communione arcentur: Si sint autem Clerici, à gradu deponuntur.

III. Adeo nota atque vulgata fuit irregularitas ex hoc crimine resultans, ut cuidam Episcopo scribere non dubitet Joannes VIII. apud Gratianum *Dist. 50. Can. 4.* "Miror minus doctam scientiam tuam Sacerdotem putare post perpetratum homicidium posse in Sacerdotio ministrare; imo (quod est ineptius) nobis suadere velle, ut ipsi tali præsumptioni præbere mus assensum. Quis enim tam demens, tamque perverſi sensus, tale quid æstimaret, vel post quantamcumque pœnitentiam concedendum, cum omnino sit Canonice disciplinæ contrarium? Debet ergo Sacerdotio privatus, lacrymarum fonte flagitium tam immane diluere, ut talibus saltem remediis curatus, salutis possit invenire suffragium.

IV. Nec tantum homicidium per insidias & industriam seu animo plane deliberato ac voluntario, doloque malo perpetratum hanc irregularitatem jam pridem induxit; sed & illud quod ex quadam quasi necessitate & involuntarietate perpetratum erat.

Jam enim vidimus, quod juxta Canones à S. Basilio editos Clericus, qui se latroni objiciens; sive se defendendo occidit, à gradu deponatur.

V. Et ex Nicolao I. apud Gratianum *Dist. 50. Can. 6.* "De his Clericis, pro quibus consulisti, scilicet qui se defendendo, paganum occiderunt, si postea per pœnitentiam emendati possint ad gradum pristinum redire, aut ad altiore confcendere; scito nos nullam occasionem dare, nec ullam tribuere eis licentiam quemlibet hominem quolibet modo occidendi. Verum si contigerit, ut Clericus Sacerdotalis Ordinis

» saltem paganum occiderit, multum sibi consulit, si  
» ab officio Sacerdotali recesserit: satiusque est illi in  
» hac vita Domino sub inferiori habitu irreprehensi-  
» biliter famulari, quam alta indebite appetendo, dam-  
» nabiliter in profundum demergi.

Ad hunc Canonem reflectens Joannes Dartis SS. Canonum in Academia Parisiensi Professor in commentario ad distinctionem quinquagesimam Decreti Gratiani, ait:  
» Clericus homicida non restituebatur, ne quidem si se  
» defendendo, Paganum occidisset.

Consultus quoque seculo undecimo exeunte Hildebertus Episcopus Metensis à Sancto Ivone Carnotensi, de Sacerdote, qui aliquem pro vitæ suæ defensione occiderat; an Sacerdotio impolterum fungi permittendus esset, respondit Hildebertus *Epist. 60.* "Non videtur Sacerdotem reum sanguinis oportere deinceps ministrare, quamvis tuendæ salutis necessitate homicidium incurrerit. Concluditque, quod si similis casus in sua Diocesi contigisset, ipse *verum ad Apostolicam misisset audientiam.*

VI. Ex Pœnitentiali Romano legitur in *cap. 2. De Homicidio*: "Si sine odii meditatione, te tuaque libe-  
» rando, hujusmodi diaboli membra (furem aut latro-  
» nem) interfecisti (secundum indulgentiam dico, prop-  
» ter imaginem Dei) si aliquid jejungere volueris, bonum  
» est tibi: & elemosynam fac largiter. Si Presbyter  
» eadem fecerit, non deponatur: tamen quamdiu vi-  
» vit, pœnitentiam agat.

VII. Quantumvis hic non deponatur Presbyter, qui ob vitæ suæ defensionem alium occidit; quia tamen vita sua durante pœnitentiam agere tenetur, apparet quod ab executione Ordinis Sacerdotalis tota sua vita, tanquam pœnitens abstinere debuerit; atque ita juxta pristinam disciplinam ex tali homicidio irregularitatem incurrerit; quamvis satis quoque constet, aliquid *secundum indulgentiam* jam cœpisse circa hanc disciplinam relaxari.

Quando autem hæc relaxatio cœperit, certo statui nequit: quia ut recte monet Ludovicus Thomassinus *De disciplina Ecclesiæ parte 4. lib. 2. cap. 25. num. 10.* hujusmodi libri pœnitentiales quotidie novas recipiunt pro temporum varietate, & disciplinæ mutatione additiones; adeoque certo sciri nequit, quo tempore hic articulus Pœnitentiali Romano fuerit insertus.

VIII. Deinde subjungit Thomassinus: Itaque dici potest, Papam Clementem V. fuisse primum, qui claris terminis decidit, hujusmodi occisorem non esse irregularem, in *Clem. Unica De Homicidio*: "Nullam  
» (ait) ex hoc irregularitatem incurrat, qui mortem  
» aliter vitare non valens, suum occidit vel mutilat  
» infaurem.

IX. Quidquid sit, hoc sat constat, ex hac declaratione seu Constitutione Clementis V. nullum præjudicium generari opinioni Theologorum, contententium, licitum non esse privata auctoritate occidere vitæ infaurem, juxta illud Augustini *lib. 1. De Civitate Dei cap. 21.* "His exceptis, quos vel lex justageneraliter; vel ipse fons justitiæ Deus specialiter occidi jubet, quisquis hominem vel seipsum, vel quemlibet occiderit, homicidii crimine innectitur. Et *Epist. 47.* De occidendis hominibus, "ne ab eis quisque occidatur, non mihi placet consilium; nisi forte sit miles, aut publica functione teneatur, ut non pro se hoc faciat, sed pro aliis, vel pro civitate ubi etiam ipse est, accepta legitima potestate, si ejus congruit personæ.

X. Id quoque expeditum est, hanc Clementis decisionem ultra casum expressum minime extendendum, ideoque homicidium non pro defensione vitæ, sed famæ, honoris, aut rerum temporalium hac Constitutione non comprehendi; neque homicidam vi hujus Decretalis immunem esse ab irregularitate, uti satis bene probat Fagnanus: notatque omnes passim consentire, occidentem pro defensione rerum temporalium non

(a) In textu Græco editionis 1730. legitur; τρία ὅς ἐτη, melius quam in editionibus vetustis, in quibus legitur; τρία μὲν ἐτη; id est, tres quidem annos.



non evadere irregularitatem. Ad cap. INTERFECISTI  
De Homicidio.

XI. Glossographus ad citatam Clementinam ad verbum, *suum*, ait: "Hæc littera innuit, secus in illo, qui occiderit volentem occidere patrem, filium, conjugem, vel personam conjunctam, quam aliter juvare non poterat. Quod verum puto: quasi casus ille non includatur sub necessitate inevitabili, sed evitabili. Hæc ille. Quæ quidem Glossa fere ab omnibus recipitur, uti ex Navarro refert Fagnanus ad cap. 24. De Homicidio num. 3.

XII. Quin et si ipsa patriæ, imo & fidei defensio concurreret, nequaquam tamen Clericum arma sumentem & aliquem interficientem, ab irregularitate similis defensio eximeret; quemadmodum fat aperte deciditur in cap. 24. De Homicidio, ubi Honorius III. refert Pelagium Presbytero, his verbis: "Petio tua nobis exhibita continebat, quod cum inimici dominiæ Crucis, ac blasphemi nominis Christiani, castrum quoddam in quo morabaris, graviter invasisent; exeuntibus inde habitatoribus, tam Clericis, quam laicis contra eos, ac vicem configentibus, hinc inde occisi quam plurimi exiterunt. Unde cum pro eo quod aliquos percussisti, irregularitatem metuas incurrisse: Mandamus, quatenus si de interfectione cuiusquam in illo conflictu tua conscientia te remordet, à ministerio altaris abstinere reverenter: cum sit consultius in hujusmodi dubio abstinere, quam temere celebrare.

Hic enim agebatur de necessaria patriæ defensione, cum hostes castrum graviter invasisent; & tamen deciditur, Pelagium Presbyterum esse irregularem, si cum conscientia remordeat, quod in conflictu aliquem occiderit. Ita Fagnanus ad citatum Capitulum num. 1. ubi late ostendit, irregularitatem contrahi ex occisione in bello etiam iusto, & defensivo; modo tamen non tanta concurrat inevitabilis necessitas, ut concurrat necessaria defensio propriæ vitæ, atque ita sit casus expressus in citata Clementina.

XIII. "Cum enim regula sit (ait) quod irregularis efficiatur, qui aliquem interficit "aut mutilat, nec ab hac regula reperiantur excepti, nisi casus furiosi, infantis seu dormientis, & illius qui mortem aliter vitare non valens suam occidit vel mutilat invalem, ut in dicta Clementina stabimus regulæ, quamdiu non probatur exceptio.

Hæc de causa Synodus Budensis celebrata per Philip-pum Episcopum Firmanum Sedis Apostolicæ Legatum de assensu plurimorum Archiepiscoporum, Episcoporum aliorumque Prelatorum anno 1279. decrevit Can. 7. "ne Clerici bellicis actibus se involvant vel impliceant, nisi forte pro Ecclesiarum suarum, & patriæ defensione, non ad impugnandum vel propulsandum, sed ad defensionem tantum, si necessitas eos compellat: & tunc in propriis personis non pugnent.

XIV. Nec tantum homicidium voluntarium directe, id est, animo deliberato, & animo directo commissum inducit irregularitatem; sed etiam voluntarium indirecte sive in causa, ut ajunt, sive quod non est quidem directe & ex proposito intentum seu volitum, sed indirecte seu in causa, ut ajunt, quia posuit ejus causam, quam oportuisset omittere, ne homicidium illud sequeretur.

Ut enim homicidium sit voluntarium in causa requiritur, ut causam illam hic & nunc concurrentibus præsentibus circumstantiis debuisset omittere, ne homicidium sequeretur.

XV. Hinc ulterius concluditur, homicidium non semper esse voluntarium in causa, quandocumque sequitur ex causa sive actione illicita: neque semper esse mere casuale aut plane involuntarium, etsi præter intentionem directam sequatur ex actione ex se licita.

Potest enim contingere, actionem quidem aliquam esse de se illicitam, adeoque absolute fuisse omit-

dam; sed tamen non ideo omitti debuisset, ne ex ea sequeretur homicidium; ipsumque homicidium huic actioni adeo remote aut infrequenter esse connexum, ut nullatenus ob ejus periculum omitti debuerit; homicidiumque ex ea sequutum mere casuale respectu ipsius agentis, sit reputandum.

XVI. Exemplum obvium est in Clerico venatore. Si enim inter venandum cogitans occidere feram, occidat hominem; idque omnino præter intentionem, ac nihil simile prævidens, aut prævidere valens, homicidium non censetur ei voluntarium in causa; nec consequenter incurrit irregularitatem. Licet enim venatio Clerico sit illicita, eamque omittere debuisset; nequaquam tamen ei interdicta est ob periculum homicidii; nec ob periculum homicidii eam omittere debuit potius Clericus, quam laicus.

Clericus vero chirurgiam contra Canonum interdicta exercens, si inde mors alicujus sequatur, tamen si præter intentionem, irregularis judicatur, atque homicidium ipsi voluntarium in causa esse; eo quod chirurgia Clericis ob periculum mutilationis & occisionis specialiter sit interdicta, atque consequenter ob id omitti debuisset.

XVII. Huic fundamento innititur resolutio Pontificis in cap. 3. De Homicidio in VI. "Quod is, qui mandat aliquem verberari, licet expresse inhibeat, ne occidatur ullatenus, vel membro aliquo mutiletur, irregularis efficiatur, si mandatarius fines mandati excedens mutilet vel occidat: quia mandatum hoc omittit, ne hoc sequeretur; cum hoc evenire possit, se debuerit cogitare, ait Pontifex.

Si tamen in primo casu tales essent circumstantiæ, ut salus proximi, ipsaque Christiana charitas requirent hic & nunc Clerici operam, indubie fieri posset, quod Clericus ob periculum illud, operam suam nequaquam deberet omittere; ipsaque proinde mors inde præter intentionem sequuta ipsi ne quidem esset voluntaria in causa, nec per consequens irregularis esset censendus.

XVIII. Ex eodem principio judicandum erit de variis casibus, de quibus à Canonistis ac Theologis quaeritur, an homicidium ex actione aliqua sequutum sit voluntarium in causa, inducatque irregularitatem. Expendendum enim erit, an actio, sive ex se fuerit licita sive illicita, in hisce circumstantiis fuerit omittenda ob periculum homicidii; adeo ut qui in talibus circumstantiis actionem illam ob hoc periculum non omittit, censetur indirecte velle ipsum homicidium, quod ex sua actione sequutur prævidebat, aut prævidere debebat.

XIX. Quomodo autem homicidium præcise debeat esse conjunctum alicui actioni; aut quoties ex aliqua actione natum sit sequi, ut propterea actio illa debeat omitti; aut si ponatur & homicidium sequatur, hoc censetur esse voluntarium in causa, generaliter & pro omnibus casibus determinari nequit.

XX. Hoc imprimis certum est, nullatenus requiri, ut homicidium sit voluntarium in causa, quod illud natum sit frequentius sequi ex illa actione, quam non sequi. Fieri enim potest, quod actio aliqua deberet omitti ob periculum homicidii, tamen si ex centum & amplius vicibus homicidium illud non semel ex illa actione natum esset sequi: eo quod actio nullam aut exiguam habens utilitatem, atque sine difficultate omissibilis, etiam ob minimum homicidii periculum esset omittenda.

Exemplum sit. Ponatur conclave capax continere ducentos homines; sciaturque autem de facto unicum duntaxat ibidem esse; sed quo loco consistat, nescitur; si quis sciens hic unum esse, sed nescius quo loco; atque eo non obstante sine causa, sed petulanter projiciat grandem lapidem ex fornice, nesciens quo loco sit casurus, si incidat in hominem ibi consistentem eumque occidat, erit ipsi hæc occisio voluntaria in causa; eo quod ille jactus lapidis in his circumstantiis fuisset omittendus ob periculum occisionis.

XXI. Econtrario fieri potest, ut actio aliqua in certis

certis circumstantiis adeo necessaria sit, tantique momenti, ut licet homicidium frequentius ex ea sequi soleat, quam non sequi, nihilominus ob periculum illud omitti *non debeat*, imo nec possit; ac per consequens nec homicidium sequutum censeatur voluntarium *in causa*; quemadmodum recte observat eximius D. Huygens in suis Observationibus brevibus *De Actibus humanis cap. 4.* ubi docte ac solide observat ea, quæ notari debeant, ut aliquid dicatur voluntarium *in causa*; & unde illa voluntarietas potissimum desumenda sit; quæ si rite expendantur, facilem ostendent methodum resolvendi difficultates, quæ in hac materia à Canonistis moventur.

XXII. Hoc hic interim notandum, quod licet juxta dicta *cap. 1.* irregularitas non incuratur, nisi in casibus à jure expressis, nihilominus tamen, si dubium sit, num quis reus fuerit homicidii aut mutilationis, debeat se pro irregulari gerere, & ut talis ab executione SS. Ordinum abstinere; quemadmodum decidit Pontifex in *cap. 12. § De Homicidio*, huic innixus principio, *quod in dubiis semitam debeamus eligere tutiorem*; & in *cap. 5. § De Clerico excomm. nunt.* eodem adducto principio: *Quia in dubiis via est eligenda tutior.*

XXIII. Ratio hujus decisionis esse videtur, quod regula *cap. 1.* assignata procedat in foro externo; hoc est, quod in foro illo nullus debeat censeari irregularis, nisi ob factum, cui de jure annexa est irregularitas: neque ut talis haberi, nisi factum illud intervenisse probetur: at ipse, cui sua nota esse debet conscientia; atque seipsum juxta eam judicare, tenetur in dubio semitam tutiorem eligere; id est, eam dubii partem, quæ periculo peccandi minus est obnoxia; quemadmodum exponit Fagnanus ad citatum Capitulum 12. *ibid. num. 7.* deplorans, quod insignem "hanc factorum Canonum regulam de electione *tutioris* partis, complures ex recentioribus Theologis ita extenuent, ut fere ad nihilum redigere videantur. Quidam enim affirmant electionem tutioris partis non esse in præcepto, sed in consilio tantum: quidam dicunt eam habere locum tantummodo in dubio facti, vel personæ, non autem in dubio juris: quidam in dubio juris præctico non autem speculativo: alii vero opinantur eam regulam esse restringendam ad limites hujus Decretalis, ita ut non procedat nisi in materia irregularitatis: alii demum putant eam non habere locum in opinionibus: nam cum utrimque sunt opiniones æque probabiles, aut una probabilis, & alia probabilior, contendunt licere unicuique eligere quamcumque opinionem etiam omittit probabilior, & tutiore. Sed has omnes opiniones uti improbables, & minime consonas dispositioni sacrorum Canonum, latissime confutavimus in tractatu nostro *De opinione probabili*, quem posuimus in *cap. Ne innitatis, supra de Constit. præsertim à num. 44.* Hæc ille. (a)

Merito contra perniciosam hanc Probabilistarum doctrinam citatus Fagnani Commentarius confutatur.

Synodus Tridentina duobus locis hujus irregularitatis meminit, atque enormitatem criminis, & dispensationis super irregularitate ex crimine hoc proveniente difficultatem proponit.

XXIV. Primo *Sess. 14. cap. 7. De Reformat.* ait: "Cum etiam qui per industriam occiderit proximum suum, & per insidias, ab altari avelli debeat; qui sua voluntate homicidium perpetraverit, etiam si crimen id, nec ordine judiciario probatum, nec alia ratione publicum, sed occultum fuerit, nullo tempore ad sacros Ordines promoveri possit; nec illi aliqua Ecclesiastica Beneficia, etiam si curam non habeant ani-

marum, conferri liceat: sed omni Ordine, ac Beneficio & Officio Ecclesiastico perpetuo careat

Deinde *Sess. 24. cap. 6. De Reformat.* declarans, licere Episcopis dispensare in irregularitatibus omnibus & suspensionibus ex delicto occulto provenientibus, addit hanc clausulam: *Excepta ea quæ oritur ex homicidio voluntario, & exceptis aliis deductis ad forum contentiosum delictis.*

XXV. Juxta prius Decretum, qui sua voluntate homicidium perpetravit, tamen si illud occultum fuerit, inhabilis declaratur ad Ordines sacros suscipiendos, aut Beneficia quæcumque obtinenda; utque omni Ordine, ac Beneficio & Officio Ecclesiastico careat, decernitur.

Homicidium voluntarium, de quo hic loquitur Synodus, plerique intelligunt homicidium per industriam insidias & ex proposito perpetratum, atque ita decisum referunt Garcias *De Beneficiis part. 7. cap. 11. n. 44.* & Barbosa *De officio Episcopi part. 2. Allegat. 39. num. 49.* qui & dicunt, resolutum à sacra Congregatione, quod si quis mandaverit aliquem verberari cum expresso mandato de non occidendo, aut mutilando, si mandatarius fines mandati excedens occiderit; aut mutilaverit, mandantem quidem incidisse in irregularitatem, sed tamen non censeari voluntarium ad sensum Concilii Tridentini. Imo si quis volens occidere Joannem, occiderit Petrum, esse quidem irregularem, non tamen homicidam voluntarium de quo Concilium: quia scilicet hunc non per industriam & per insidias occidit: quod tamen requiri volunt, ut habeatur homicida voluntarius, de quo in Decreto Concilii Tridentini, & in facti specie resolvit Zypæus, *Consult. Unica de Homicidio.*

XXVI. Quidquid sit, hoc satis constat, Synodum Tridentinam optasse, ut cum homicida voluntario nec ad Sacros Ordines nec ad Beneficia dispenseretur; sed ut omni Ordine, ac Beneficio & Officio Ecclesiastico perpetuo careat.

Hic imprimis excludi omnem Episcopalem dispensationem, etiam ad Ordines minores, ac Beneficia etiam simplicia, compertum est.

XXVII. Et quamvis Pontificia dispensatio non censeatur omnino exclusæ, ob enixam tamen Synodi voluntatem, ut hujus criminis reus omni Ordine & Beneficio perpetuo careat: Pontifex "in dispensationibus hujusmodi concedendis, non parum difficilem se red- dit: nimisque ab eis abhorret; cum abominabile sit, quod effundens sanguinem humanum, offerat sanguinem Christi & Hostiam immaculatam, vel officium Deo ad Altaris ministerium præstet, ait Pyrrhus Corradus in Praxi dispensat. *lib. 5. c. 1. num. 3.* Et Fagnanus ad *cap. Henricus § De Clericis pugnantis in duello n. 41.* dicit, se non meminisse cum promovendis, in homicidio voluntario unquam fuisse dispensatum.

XXVIII. Si petatur dispensatio super homicidio quoad Ordines susceptos, aut Beneficia de facto obtenta, solet supplicare juxta stylum Curie remitti ad Congregationem super interpretatione Concilii Tridentini; uti notat Pyrrhus Corradus loco citato *num. 13.* "Ubi ipsæ supplicationes proponuntur, discutiuntur & plene examinantur, ut inde discernatur, an gratia sit concedenda vel deneganda: quod si videatur concedenda remittitur supplicatio ad *Datariam*, cum his verbis in illius calce apposis, scilicet: *videtur concedenda, si Sanctissimo videbitur.*

Hæc Pyrrhus Corradus, qui & ibidem monet, postmodum Papa annuente expediri commissionem Ordinario, quæ ei potestas sit cum Oratore dispensandi; eumque ad Ordines promovendi, vel in susceptis, rehabilitandi, juxta tenorem commissionis.

In hac delegationis formula solet apponi hæc clausula: Si narrata vera deprehenderit, *Oratorem, imposita ei aliqua penitentia salutari, & attenta pace, ut præfertur, habita absolvat, secumque, dummodo ad*

(a) Consultatur quoque D. Van-Espen in sua dissertatione ad Regulam; in *Dubii semita tutior est eligenda*, &c. Et ad explanationem illius Regulæ Juris; in *pari delicto vel causa, prior est sententia possidentis.*

ad id repèriatur idoneus, vitæque ac morum probitas, ac alia virtutum merita, sibi aliàs suffragentur, nec aliud Canonicum sibi obstat, ad Beneficia & Ordines; (vel simplicia duntaxat, vel etiam majora; item minores vel majores Ordines, prout exprimitur) dispenset pro suo arbitrio.

Pax cujus hic fit mentio, intelligitur illa, quæ facta est inter homicidam & hæredes defuncti; quædemum factâ, solet Pontifex dispensare.

XXIX. Porro hic dispensationis stylus primùm inductus apparet ad expediendam dispensationem, seu potius commissionem dispensandi super homicidio quasi casuali, & involuntario, conformiter ad Decretum Concilii Tridentini in allegato cap. 7. ubi de dispensatione in hujusmodi homicidio hæc habet: " Si verò homicidium non ex proposito, sed casu, vel vim vi repellendo, ut quis se à morte defenderet, fuisse commissum narretur; quam ob causam etiam ad sacrorum Ordinum & Altaris ministerium, & Beneficia quæcumque ac dignitates jure quodammodo dispensatio debeatur, committatur loci Ordinario, aut ex causa Metropolitano, seu viciniori Episcopo, qui non nisi causâ cognita, & probatis precibus ac ratis, nec aliter dispensare possit.

XXX. Quamvis de jure non videatur ulla irregularitas incurri, si reverà homicidium sit omninò casuale, aut contigerit vim vi repellendo, ut quis se à morte defenderet, juxta Clementinam unicam de homicidio; adeoque nulla dispensatio requiri videatur: tamen quia de enormi ac scandaloso admodum crimine agitur; & faciliè aliqua in his culpa aut excessus intercurrit, voluit Synodus, ut etiam hic interveniret species aliqua dispensationis, cujus executio Ordinario delegaretur; quæ vel irregularitas, si quæ forsân intervenisset, tolleretur, vel saltem omnibus ritè examinatis, declararetur, nullam irregularitatem fuisse contractam: quam tamen declarationem ab Episcopo fieri non vult Synodus, nisi

ex commissione Pontificis; atque hoc sensu verum est, quòd nec qui casu, vel vim vi repellendo homicidium commiserit, sine licentia Pontificis ad Ordines promoveriqueat; quemadmodum notat Pyrrhus Corradus n. 13. additque: " Quamvis aliquibus Nuntiis, præcipuè Hispaniarum consuevit per summum Pontificem tribui facultas dispensandi super irregularitate contracta ex homicidio casuali, etiam publico.

XXXI. Et id quidem si homicidium publicum fuerit, aut ad forum contentiosum deductum: quia si homicidium omninò occultum sit, tunc Episcopus sine ulla delegatione aut commissione speciali Pontificis poterit dispensare, modò homicidium non sit voluntarium, juxta Decretum Synodi Tridentinæ, Sess. 24. cap. 6. de Reformat. permittens Episcopis dispensare in irregularitatibus omnibus ex delicto occulto provenienti-bus, solâ illa exceptâ, quæ oritur ex homicidio voluntario. Voluntarium autem non esse, quod sit casu aut vim vi repellendo ob necessariam vitæ propriæ defensionem, expeditum est: quin voluntarium hic accipi eodem sensu, quo accipitur, cap. 7. Sess. 14. resolvit post plures alios Lypæus, Consult. unica De Homicidio: ideòque si voluntarium non fuerit ad sensum dicti cap. 7. & occultum sit, posse Episcopum dispensare.

XXXII. Quoad dispensationem irregularitatis, quæ ex hæresi provenire solet, id statuit Conc. Trident. Sess. 24. c. 6. de reformatione. " Idem & in hæresis crimine in eodem foro conscientia, eis tantum (id est Episcopis) non eorum vicariis sit permissum dispensare. " Notandum est hanc Concilii exceptionem: (eis tantum non eorum Vicariis sit permissum) in Gallis locum non habere; passim enim non solum Episcopi, sed eorum Vicarii generales, Pœnitentarii, imò & in nonnullis Diocœsibus Presbyteri, quos Vicarii generales subdelegarint, absolvunt ab hæresi. Vigere eam consuetudinem Rothomagi aliisque in locis fidem facit Sambovius t. 2. casum conscientia p. 330.

## TITULUS XI.

### DE SEMINARIIS CLERICORUM.

#### CAPUT I.

##### Origo & scopus Seminariorum.

1. Antiqua sunt Clericorum Collegia sub directione Episcopi.
2. Decretum Synodi Toletanæ IV. de Institutione bonorum Collegiorum.
3. His Collegiis respondent Scholæ à Carolo Magno institutæ.
4. Ludovicus Pius ad institutionem similium Scholarum urget Episcopos.
5. Similiter Concilium Parisiense.
6. Seculo XI. hæ Scholæ ubique flaccescere, & totaliter interire ceperunt.
7. Inflationem earum petierunt Episcopi in Synodo Tridentina.
8. Synodi Tridentinæ Decretum de erigendis Clericorum Seminariis.
9. Scopus Seminariorum ex mente Synodi.
10. Alumnus Seminariorum frequenter eorum finis exponendus.
11. Ratio institutorum Seminariorum à S. Carolo exposita.
12. Doctrinæ, ac præcipuè pietati acquirenda incumbendum.

13. Nulli in Seminario educandi, nisi ad operandum in Ecclesiasticis functionibus.
14. Sanctus Carolus volebat educari simplices Sacerdotes.
15. Ad Seminarium admissi interdum ad expensarum restitutionem adstringuntur, si in statu Ecclesiastico non perseverent.
16. Seminariorum alumni ab omni Beneficiorum ambitione debent esse alieni; idque ipsis maximè inculcandum.
17. Quæ à Confessario Seminarii præcipuè inculcanda.
18. Qualis esse debeat Seminarii Confessarius.

**O**LIM fuisse Collegia sive Monasteria, in quibus sub Episcoporum directione juniores Clerici instruebantur, & è quibus tanquam Seminariis Ministros Ecclesiæ Episcopi assumebant, manifestum est ex Possidio in vita sancti Augustini cap. 11. ubi scribit, Augustinum factum Episcopum, Monasterium Clericorum extruxisse, è quo ceu quodam Seminario ad varias Ecclesias viros doctos & exercitatos mittebat: quòdque plures Episcopi, excitati exemplo Augustini, familia extruxerint.

De hoc suo Clericorum Monasterio pluribus egit sanctus Augustinus ad populum Hipponensem, Ser-mone 49. & 50. De Diversis; modum & institutum vivendi, quod tenere propofuerat, exponens; tum decla-



declarans, quodd statuisse, nullum ordinare Clericum, qui non secum in hoc Monasterio sive Collegio vivere voluisset.

II. De similibus Clericorum Collegiis sive Monasteriis agit Synodus Toletana IV. *Can. 23.* apud Gratianum, *caus. 12. q. 1. Can. 1.* " *Prona est omnis aetas ab adolescentia in malum*, Nihil enim incertius quam vita adolescentum: ob hoc constituendum oportuit, ut si, qui in Clero puberes aut adolescentes existunt, omnes in uno conclaviatrii commorentur: ut lubricæ ætatis annos non in luxuria, sed in disciplina Ecclesiasticis agant, deputati probatissimo seniori, quem magistrum doctrinæ & testem vitæ habeant. Quod si aliqui ex his pupilli existunt, à Sacerdotali tutela foveantur, ut vitæ eorum à criminibus intacta sit, & res ab injuria improborum.

III. Hisce Clericorum Collegiis respondent Scholæ, quas institui voluere Carolus Magnus, ejusque Successores, reformandæ Ecclesiasticæ & Clericalis disciplinæ intenti. In his adolescentes ad Clerum aliquando promovendos sacris Litteris & Canonicis institutis sub Episcoporum regimine imbui, & ritè institui volebant.

De Carolo Magno ita loquitur Concilium Cabilonenfe II. anno 813. *Can. 3.* " Oportet etiam ut sicut Dominus Imperator Carolus, vir singularis mansuetudinis, fortitudinis, prudentiæ, justitiæ & temperantiæ, præcepit, Scholas constituent, in quibus & litteræ, solertia disciplinæ & sacre Scripturæ documenta discantur, & tales ibi erudiantur, quibus merito dicatur à Domino: *vos estis sal terra*: & qui cōdimentum plebibus esse valeant, & quorum doctrinā non solum diversis hæresibus, verum etiam Antichristi monitis, & ipsi Antichristo resistatur, & merito de illis in laude Ecclesiæ dicatur: *mille clypei pendent ex ea, omnis armatura fortium*.

IV. Et Capitulare Ludovici Pii anno 823. admonitionem generalem continens ad utriusque Ordinis homines, cum instructione Missorum Dominicorum, quos Imperator in diversas Provincias destinabat, de his scholis ad Episcopos ita loquitur: " Scholæ sanè ad filios & ministros Ecclesiæ instruendos, edocendos, sicut nobis præterito tempore ad Attineacum promissistis, & vobis injunximus, in congruis locis, ubi necdum perfectum est, ad multorum utilitatem & profectum à vobis ordinari non negligantur.

V. Ex Concilio Parisiensi III. *lib. 1. cap. 30.* refertur in Additione II. ad Capitularia Regum Francorum *cap. 5.* " Inter nos pari consensu decrevimus, ut unusquisque Episcoporum in scholis habendis & ad utilitatem Ecclesiæ militibus Christi præparandis & educandis, abhinc majus studium adhiberet. Et in hoc uniuscujusque studium volumus probare, & quando ad Provinciale Episcoporum Concilium ventum fuerit, unusquisque Rectorum Scholasticos suos eidem Concilio adesse faciat, quatenus & cæteris Ecclesiis noti sint, & ejus solers studium circa divinum cultum omnibus manifestum fiat.

Hæc omnia scholas Episcopales, id est, ab Episcopis institutas, atque ab eorum regimine ac directione dependentes spectant; de quibus latius Joannes Filescus *De sacra Episcoporum auctoritate cap. 15. §. 2.*

VI. Scholæ sive Collegia Episcopalia, in quibus juvenus ad statum Ecclesiasticum sub cura atque regimine Episcoporum formabatur, circa seculum XI. multum cœperunt flaccescere; tum ob varias Academias seu scholas publicas tunc erigi cœptas, tum injuriam temporum & desidiam Prælatorum: ita ut difficile esset ab anno millesimo usque ad Concilium Tridentinum proximè elapso seculo celebratum, præter scholas publicas, aut quasdam privatas in Monachorum vel Canonicorum Regularium Monasteriis, alias scholas Episcopales invenire, in quibus juvenus ad munia Ecclesiastica obeunda disponderetur, ut notat Ludovicus Tho-

massius *De Disciplina Ecclesiæ part. 4. lib. 2. cap. 35. num. 1.*

VII. Hunc defectum Scholarum advertentes zelosiores Episcopi, huicque magna ex parte defectum bonorum Pastorum imputandum æstimantes, in Synodo Tridentina instaurationem hujusmodi Scholarum postularunt; eorumque vorum, ut medium reformationi Cleri opportunum comprobatum est; " adeo ut complures affirmarent, ubi nullus alius fructus ex eo Concilio decerptus fuisset, solum hunc labores & incommoda compensaturum; quippe unicum adjuvmentum, quod efficax ad reparandam collapsam disciplinam agnoscebatur: cum certa sit regula, in omni Republica tales haberi cives quales educantur: Ita refert Pallavicinus in hist. Concilii Trident. *lib. 22. cap. 8. num. 3.*

VIII. Hunc in finem Synodus Tridentina *sess. 23. cap. 18.* " Statuit, ut singulæ Cathedrales, Metropolitane, atque his majores Ecclesiæ, pro modo factum & Diocesis amplitudine certum puerorum ipsius civitatis & Diocesis, vel ejus Provinciæ, si ibi non reperiantur, numerum in Collegio, ad hoc prope ipsas Ecclesias, vel alio in loco convenienti ab Episcopo eligendo alere ac religiosè educare, & Ecclesiasticis disciplinis instituere teneantur.

IX. Vult autem Synodus, ut Episcopus ex pueris hic educatis & formatis " partim cum ei opportunum videbitur, Ecclesiarum ministerio addicat, partim in Collegio erudiendos retineat, aliosque in locum educationis sufficiat, ita ut hoc Collegium Dei Ministrorum perpetuum *Seminarium* sit.

His verbis horum Collegiorum scopum expressit Synodus, ut nimirum ita in illis pueri nutrantur, & instituuntur, ut tandem in Ecclesiæ Ministros & operarios evadant; & Collegia sint reverà Ministrorum Ecclesiæ *Seminaria*; quod nomen ipsis à Synodo Tridentina inditum hæctenus retinetur.

X. Sanctus Carolus præcipuus Seminariorum instaurator, cujus normam & exemplum Episcopi, qui Seminararia instituerunt, penè in omnibus sequuti sunt, in suis Institutionibus Seminariorum *part. 3. cap. 1.* de hoc Seminariorum scopo agens, ante omnia præmittit: Adolescentes, qui singulari Dei Beneficio sunt delecti, ut in Seminario instituuntur, id potissimum intelligere debent, cujus gratiâ Concilii Tridentini Decreto Seminararia instituta sint; & intelligentes, sæpius animo repetere, omnesque nervos intendere; ut illud, divina ope suffragante, ad animarum salutem, ad Ecclesiæ utilitatem, & Pastorum solatium consequantur.

XI. Deinde rationem institutionis Seminariorum subjungit: " Sunt igitur ea potissimum de causa Seminararia erecta, ut in iis boni strenuique operarii ad curationem animarum, quas suo sanguine pretiosissimo Christus redemit, instituuntur; & si quidem adolescentibus (qui ob ætatem, cum tenera sit, & proclivior ad voluptates, & flexibilis etiam ad bonarum rerum impressiones admittendas, in operibus virtutum erudiri debent) ut eam vitæ perfectionem adipiscantur, quæ in iis, qui Doctores populorum futuri sunt, elucere debet, & severioribus disciplinæ legibus coercendi.

XII. Post hæc infert, quodd cum duo præcipuè in Sacerdote & Pastore requirantur, probitas videlicet ac doctrina, earum utraque in Seminariis sit comparanda.

" At sicut probitatis major est necessitas (ait) quam doctrinæ; sic illis in ejus studio magis est elaborandum: cum præsertim acquisitio virtutum, in uniuscujusque assiduitate & industria, potius quam in Rectorum, aut præceptorum diligentia sit posita; ita ut nisi quis laborem adhibeat, non multum aut nihil illi aliorum vigilantia sit profutura.

" Quamobrem unusquisque sit ea mente ac voluntate, idque sibi quotidie proponat, ut omnino velit

„ in

„ in bonum Ministrum pro hujus Ecclesiæ Mediola-  
„ nensis adjumento evadere; seque Deo juvante, pu-  
„ rum ab omni peccati labe conservare; sic enim affe-  
„ ctus, multò faciliùs doctrinæ cognitionem accipiet,  
„ majorem tum suo, tum cæterorum emolumento; Bene-  
„ ficii magnitudinem agnoscens, quòd illi tam præ-  
„ clara sit oblata facultas, toto animo singulis diebus  
„ Deo se offerat; rogetque ut se ad prædictum finem  
„ idoneum efficiat operarium.

Martinus Rithovius Episcopus Iprensis in sua Synodo  
anno 1577. tit. 23. cap. 5. postquam normam docendi  
& instituendi juventutem in Seminario proposuit, sub-  
jicit: „ Omnis autem institutio in hac Schola, cõprin-  
„ cipaliter dirigatur, ut qui instituendi suscipiuntur,  
„ in timore Dei foveantur; & in bona voluntate mini-  
„ steriis Ecclesiasticis sese mancipandi confirmentur: ut  
„ cum ætate ac litterarum scientia ad virtutum & gra-  
„ tiarum proficiant incrementa, jactaque in eis semina,  
„ tandem in agro Domini fructus referant copiosos.

XIII. Imò unicum esse Seminariorum scopum, ut  
in eo operarii in messem Dominicam mittendi formen-  
tur, ita Carolo persuasum erat, ut declarat, „ quòd si-  
„ quis decursu temporis de statu mutando consilium  
„ caperet, etiam si de Religione ingredienda cogitaret,  
„ de eo Reverendissimum Archiepiscopum, vel Recto-  
„ rem certiores faciat. Peccaret enim (ait) si in Se-  
„ minario hoc animo viveret, in alium finem consu-  
„ mens, quod ad operarios solam pro hujus Ecclesiæ  
„ auxilio sustentandos est constitutum.

XIV. Eundem in finem monet parte 1. cap. 2. quòd  
sint, qui aliquà ratione non ostendunt, se idoneos Sa-  
cerdotes ad animarum curam evadere posse, è Semina-  
rio dimittantur: „ Cùm (ait) non ea de causa sit initi-  
„ tutum, ut in eo simplices Sacerdotes sibi tantum uti-  
„ les futuri educantur.

XV. In nonnullis quoque Diocæsis, ingrediens  
Seminarium juramento promittere debet, „ se nun-  
„ quam ad aliam vitæ rationem discessurum, sed per-  
„ petuò Ecclesiæ Christi fideliter inserviturum in eo  
„ gradu & ordine, quàm reverendissimo Domino Epif-  
„ copo ipsi assignabitur; „ ita Synodus Burdigalensis  
anno 1583. De institutione & legibus Seminariorum,  
quæ extant ad calcem Synodi tom. 15. Concil. genera-  
lium pag. 992. additque, „ quòd in ipso ingressu te-  
„ nebitur duos ex propinquis suis Episcopo sistere, qui  
„ pro eo caveant ac fidejubeant, se pensionem illius  
„ persolutores pro tempore, quo in Seminario vixerit,  
„ si in ordine & statu Ecclesiastico perseverare nolit:  
„ nisi aliud justa de causa Episcopo visum fuerit.

XVI. Quamvis autem Seminariorum alumni ad sta-  
tum Ecclesiasticum & curam animarum destinantur,  
ipsi tamen ab omni ambitione & aviditate Beneficiorum  
& rerum temporalium alieni esse debent; sæpe animo  
repetentes, quod in ipsa Tonfuræ Clericalis susceptio-  
ne verbis fuere professi: Dominus pars hereditatis meæ  
& calicis mei, tu es, qui restitues hereditatem meam mi-  
hi: quasi dicerent, se in militia Christi non aliam hære-  
ditatem seu partem vel mercedem, quàm Dominum  
experere aut expectare.

Unde monet S. Carolus parte 1. cap. 1. ut „ detur  
„ opera præcipuè in sermonibus & confessionibus, ut  
„ omnis ex Clericorum mentibus, sitis & aviditas Be-  
„ neficiorum tollatur; ac proinde videatur, ut ea dere-  
„ ne ipsi quidem inter se colloquantur; ac iis sæpius in-  
„ culcetur, quàm aversi ab omni rerum humanarum  
„ cogitatione, Ecclesiastici ordinis homines in via Do-  
„ mini ambulare debeant.

XVII. Monet quoque Seminarii Confessarium: Str-  
„ deat in omnium mentibus maximum animarum ze-  
„ lum, propriæ voluntatis abnegationem, veram obe-  
„ dientiam, paternam charitatem inferere; internas-  
„ centia optimorum Beneficiorum, vel divitiarum de-  
„ sideria, salutaribus monitionibus extinguat, quosli-  
„ bet etiam iis de rebus sermones prohibeat; solam

Tom. I.

„ denique illis Dei gloriam, & animarum salutem pro-  
„ curandam esse doceat, & expetendam.

Hæc parte 2. cap. 4. quod De officio Confessarii in-  
scribitur, atque ante omnia præmittit; „ Confessarius  
„ Seminarii illud secum reputet, ex se rectaque sui mu-  
„ neris administratione pendere eorum, qui in Semi-  
„ nario vivunt, in omni virtute progressum.

„ Quare turpe sibi fore, nisi ita vivat, & in omni vi-  
„ tæ parte ita se gerat, ut ex ipsius vita moribusque,  
„ omnis virtutis atque officii exempla peti possint.

„ Pietate, mansuetudine, humilitate, prudentiâ,  
„ charitate, officii sui dignitatem sustineat, auctoritatem  
„ tueatur.

„ Familiæ totius pax & concordia ejus curæ sit: quare  
„ animorum offensiones, si quæ suboriantur, sedare  
„ confestim omni ratione studeat.

„ Vitam, & mores uniuscujusque, quantum fieri pos-  
„ sit, exploratos habeat; ut vel ad officium revocare  
„ errantes, vel in via Domini incitare ingressos possit.

Merito hæc attendunt Seminariorum & Collegiorum  
intendentes, ut sollicitè pios, zelosos atque eruditos  
suis alumni Confessarios procurent; cùm inde magna  
ex parte Seminariorum & Collegiorum fructus depen-  
deat.

## CAPUT II.

Qui ad Seminarium admittendi?

1. Quales ad Seminarium admittendi ex Decreto Synodi Tridentinæ.
2. In admittendis magis morum probitatem, quàm ingenium, attendi voluit S. Carolus; rigidumque examen institui.
3. Decretum Synodi Cameracensis circa admittendos.
4. Pauperes sumptibus Seminarii admittendi, divites propriis sumptibus.
5. Qui se pauperes esse mentiti sunt, è Seminario expellendi.
6. Ad quæ ex Decretis Synodalibus Belgicis Seminaristæ se obstringere debeant.
7. Cura spiritualis Seminariorum primariò Episcopis est commissæ.
8. Episcopus in directione Seminarii duos Canonicos in consilium adhibere debet.
9. Scopus visitationis Seminariorum per Episcopum instituenda.
10. Forma visitationis quam tenuit S. Carolus.
11. Quid Seminaristæ à S. Carolo institutis fuerit oppositum?
12. Singulis Seminaristis præficiendus Rector sive Præses.
13. Hujus officium describitur.
14. Synodus Tridentina supponit in Seminaristis esse plures diversarum scientiarum magistros.
15. In Seminaristis S. Caroli quales essent, & in Belgicis esse soleant?
16. Synodi Belgicæ Theologiæ studiosos ad Seminarium admitti duntaxat desiderant.
17. Fructus Seminariorum præcipuè dependet à Professoribus.

I. SYNODUS Tridentina in suo de erectione Semina-  
riorum Decreto vult, ut „ in hoc Collegio reci-  
„ piantur, qui ad minimum duodecim annos, & ex le-  
„ gitimo matrimonio nati sunt, ac legere & scribere  
„ competenter noverint, & quorum indoles & volun-  
„ tas spem afferat, eos Ecclesiasticis ministeriis perpe-  
„ tuò inservituros.

II. Sanctus Carolus volens è Seminaristis fructum am-  
plum colligere, sciensque quàm faciliè à malis & dysco-  
lis corrumpantur etiam boni, inter alia monuit parte 1.  
cap. 9. Institutionum Seminaristæ, quòd „ maxima cau-  
„ tio adhibenda sit in eo præcipuè, ut idonei Clerici

Z z z

in

„ in Seminarium recipiantur : neque solum ingenium,  
 „ & habilitas ad studia litterarum , functionesque Ec-  
 „ clesiasticas exercendas spectentur, sed multò magis  
 „ *morum ac disciplinæ* in singulis ratio habeatur. Qua-  
 „ les enim (ait) ii fuerint, qui admittentur, tales  
 „ prorsus è Seminario fructus existent.

Normam examinis quam in admittendis ad Semina-  
 rium teneri voluit, subjicit; quam meritò Episcopi alii-  
 que, quibus admittendorum ad Seminaria cura incum-  
 bit, expendunt & inibunt.

III. Synodus P. II. Cameracensis *titulo 21. cap. 10.*  
 de receptione studiosorum, hæc habet: „ Studiosi sint  
 „ omnes viginti annorum, pietate & eruditione com-  
 „ mendabiles, & habito delectu ingeniorum & doctri-  
 „ næ, ad Seminarium per concursum à singulis Episcopi-  
 „ copis in suis Diocesisbus cum dictis Capituli & Cleri-  
 „ ci deputatis, aut eorumdem subituris celebrandum  
 „ assumantur, & pauperum filii ac commendati à con-  
 „ tribuentibus dicto Seminario præ cæteris paribus aliis  
 „ præferantur, sintque ex legitimo matrimonio nati,  
 „ non claudi, non in manibus aut alia corporis parte  
 „ notabilem defectum habentes. Quòd si aliqui sint,  
 „ qui integram bursum contribuant, habebunt jus præ-  
 „ sentandi idoneum sine concursu.

IV. Synodus Trident. „ Pauperum filios præcipuè  
 „ eligi vult, nec tamen divitum excludit, modò suo  
 „ sumptu alantur, & studium præ se ferant, Deo &  
 „ Ecclesiæ inserviendi.

V. Synodus Rhemenfis anno 1583. *titulo De Semi-  
 nariis, num. 12.* voluit: „ Si fraude aliqui divites fue-  
 „ rint in Seminarium introducti, & post professionem  
 „ egestatis tales fuerint reperti, expellantur, tanquam  
 „ mentiti Spiritui Sancto, & egenorum hæreditatem  
 „ invadere non veriti, sumptus jam factos pro ratione  
 „ temporis Seminario refundere cogantur.

VI. Similia occurrunt in Synodis Belgicis. Synodus  
 P. II. Cameracensis *tit. 21. cap. 17.* ait: „ Singuli au-  
 „ tem studiosorum in sua ad dictum Seminarium assump-  
 „ tione jurent se, cum idonei invenientur, id muneris  
 „ in Ecclesia Dei subituros, quod suus Episcopus illis  
 „ injungendum existimaverit; alioquin refundent sumptus,  
 „ quos fecerint in Seminario, pro quo dabunt si-  
 „ de jussu, promittentque cum ad pinguiorem for-  
 „ tunam devenierint, se memores futuros accepti bene-  
 „ ficii, & in communem ejusdem Seminarii utilitatem  
 „ aliquid liberaliter elargituros.

Diocæsana Mechliniensis anno 1609. *tit. 20. cap. 4.*  
 „ vult quoque, quòd singuli in sua ad Seminarium as-  
 „ sumptione declarabunt, se habere animum ad statum  
 „ Ecclesiasticum; & insuper promittent se, cum idonei  
 „ invenientur, id muneris in Ecclesia Dei subituros,  
 „ quod nos ipsis injungemus, aut refuturos expensas,  
 „ quibus Seminarium affecerint. Et *cap. 5.* Promittent  
 „ etiam, si ad pinguiorem fortunam devenierint, se in  
 „ memoriam accepti beneficii Seminarium de bonis suis  
 „ temporalibus adjuturos.

Denique *cap. 6.* declarat, „ quòd simul atque per  
 „ ætatem, scientiam, & aliàs idonei fuerint, ut fiant  
 „ Subdiaconi, Diaconi, & Sacerdotes, ad eisdem Or-  
 „ dines se component & *jussi* suscipient, & in susceptis  
 „ diligenter ministrabunt.

Similia in aliis Synodis passim statuuntur, & injun-  
 guntur.

VII. Curam Seminarii, atque auctoritatem præscri-  
 bendi leges & vivendi modum Synodus Tridentina  
 Episcopis committit; utpote quorum præcipuè interest,  
 ut strenui operarii in Seminariis formentur.

Postquam enim nonnulla, quæ tum ad instructionem  
 juventutis, tum ad morum disciplinam ac pietatem  
 formandam conducere possunt, præmiserat, subjun-  
 git: „ Quæ omnia, atque alia, ad hanc rem opportu-  
 „ na, & necessaria, Episcopi singuli cum consilio duo-  
 „ rum Canonicorum seniorum & graviorum, quos  
 „ ipsi elegerint, prout Spiritus Sanctus suggererit, con-

„ stituent: eaque ut semper observentur, sæpius visi-  
 „ tando operam dabunt. Dycolos, & incorrigibiles,  
 „ ac malorum morum seminatores acriter punient: eos  
 „ etiam, si opus fuerit, expellendo: omniaque impe-  
 „ dimenta auferentes, quæcumque ad conservandum  
 „ & regendum tam pium & sanctum institutum vide-  
 „ buntur pertinere, diligenter curabunt.

Hinc manifestum est, Episcopi directioni ipsum spi-  
 rituale Seminarii regimen, atque puerorum educatio-  
 nem & formationem esse præcipue concredita.

VIII. Vult quidem Synodus ab Episcopo eligi duos  
 Canonicos seniores & graviores, de quorum consilio  
 in hoc spirituali Seminarii regimine procedat; & eorum  
 consilium petere & audire tenetur; sed sequi non jube-  
 tur: potestque Episcopus eorum consilio adhibito sta-  
 tuere, & declarare, quæ providentia sua magis expe-  
 dire judicaverit; quemadmodum declarasse S. Congre-  
 gationem refertur ad calcem Decreti Concilii Tridenti-  
 ni *De Seminariis*; extat quoque apud Zerolam in praxi  
 Episcopali *parte 1. Verbo, Seminarium.*

IX. Scopus visitationis Episcopalis esse debet, asse-  
 qui ipsius Seminarii, tam quoad temporalia, quàm spi-  
 ritualia perfectam notitiam; ac præcipuè ipsorum pue-  
 rorum sive alumnorum mores, profectum in studiis &  
 pietate; quemadmodum in instructionibus Seminarii à  
 S. Carolo præscriptis deducitur *parte 1. cap. 8.* quod  
*De Visitatione* inscribitur; ubi inter cætera statuitur,  
 ut „ hebdomadà Resurrectionis, ac circiter festiva-  
 „ tem Nativitatis B. V. Reverendissimus Archiepiscopus,  
 „ pus, adhibitis in consilium Deputatis, generalem  
 „ visitationem habeat; in qua deliberet, quæ ad Cle-  
 „ ricorum ejusdem Seminarii institutionem, discipli-  
 „ nam, mores, studiorum progressionem, rerumque  
 „ temporalium administrationem attinent.

Deinde ut Archiepiscopus „ certior fiat à Rectore de  
 „ disciplina & moribus cujusque, ac singulos separatim  
 „ alloquatur: quæ sit eorum mens, quis sensus, quàm  
 „ in vocatione itabilis, inquirat, ac si quid aliud præ-  
 „ ter vocare scire voluerit.

X. De ipso S. Carolo in ejus vita legitur, quòd bis  
 per annum institueret generalem Seminarii sui visita-  
 tionem; eamque aded exactam, ut ipsèmet annotaret  
 singulorum studentium ætatem, parentes, patriam,  
 patrimonium, qualitates tam corporis, quàm spiritus,  
 atque eorum in scientiis progressum; ut ipsos pro ra-  
 tione scientiæ faceret de una ad alteram classem ascen-  
 dere; eosque pro cujusque capacitate ministeriis suæ  
 Diocesis applicaret. Præ cæteris autem se informabat,  
 quis esset studiosorum progressus in pietate, in Ora-  
 tione mentali, exercitio virtutum Clericalium; item  
 de ipsorum tentationibus, & anxietatibus & pœnis in-  
 terioribus; ut tepidiores ad fervorem excitaret: reti-  
 neret verò, qui zelo præcipiti & indiscreto ultra suas vi-  
 res progredi volebant; si quos videbat tentationibus  
 quibusdam agitados, & quasi ad lapsum propensos,  
 eos fortificare & animare satagebat. Verbo: omnibus  
 omnia factus, omnes lucrari satagebat; & quos suavitatem  
 ac benignitatem, crebrâque monitione lucrari non pote-  
 rat, pœnitentiarum impositione tandem probabat; aut  
 ad aliud Seminarium mittebat, vel alicui bono Sacer-  
 doti confidebat, qui eum in domum suam reciperet,  
 & specialem curam ageret.

XI. Hæc Goudæus Episcopus Venciensis in vita S.  
 Caroli Gallicè conscripta *lib. 1. cap. 12.* qui fusiùs zelum  
 hujus Archipræfulis in directione Seminariorum ibidem  
 enarrat; atque unâ notat, quòd ut primùm hoc pium  
 opus aggressus fuisset Carolus, diabolus prævidens  
 fructum ex hac recta Seminariorum institutione pro-  
 venturum, rumorem spargere cœperit hæc Seminaria  
 esse carceres, quibus Carolus teneret juvenes inclusos;  
 quodque fierent hæctici ex nimis vigiliis, jejuniis, &  
 occupationibus seu exercitationibus spiritus: atque hic  
 rumor multos adolescentes ab ingressu primùm retra-  
 xisse: At illius fallitate sensim detectâ, non tantum pau-



pauperum, sed & magnatum & divitum proles admitti postulasse; atque admillionem ipsam beneficii loco reputasse.

Hinc discant Episcopi alique Seminariorum & Collegiorum directores, à recta & pia juventutis instructione disciplinaque, ob hujusmodi malevolorum rumores, non esse desistendum, aut remittendum.

XII. Verum quia Episcopi, variis Ecclesiæ negotiis distracti, nequaquam possunt per se semper Seminaristis intendere, ac Seminariorum curam habere, singulis Seminariis necessarius visus est Præfectus aliquis, quem S. Carolus in suis Institutionibus vocat *Rectorem*, nos vero plerumque *Præsidentem* Seminarii vocare solemus.

Huic primaria post Episcopum & sub Episcopo cura & directio Seminarii incumbit, atque ab illo dependere solet ipsius Seminarii bona vel mala disciplina & institutio.

XIII. In sæpe citatis Institutionibus Sancti Caroli parte 2. cap. 2. de Rectore scribitur: "Illud sæpius Rector animo repetat, quam grave suis humeris onus incumbat; cum ab eorum, qui in Seminario vivunt, recta institutione, totius Diocesis reformatio pendeat.

"Quapropter, ut qui illius fidei commissi sunt, eos è Seminario fructus percipiant, quos Ecclesia sancta, ac Tridentinum præcipue Concilium sibi proposuit, quam diligentissime curet, ut in seipso eas ad vivum virtutes exprimat, quas in Clericis requirit; ita ut qui illi subiecti sunt, in eo tamquam in speculo expressam videant ejus vitæ imaginem, quæ illis omni studio sit effingenda: memineritque, exemplum vivam esse doctrinam: nec ipsi minus cum taceat, quam cum loquatur, esse alios ad pietatem incitandos.

"Divinæ imprimis gloriæ amplificationem, Clericorum in omni virtute perfectionem semper ante oculos habeat, & ad eum finem omnes cogitationes referat, & curas.

"Studeat, ut quæ ad spiritualem progressum spectant, recte atque ordine administrantur; ut quotidiana, aut alias statæ exercitationes, nisi necessaria de causa, non intermittantur.

"Curam omnium Collegiorum ejusdem Seminarii primam & præcipuam habeat. Hæc S. Carolus latius ibidem officium Rectoris sive Præsidis Seminarii describens.

Synodus P. II. Cameracensis tit. 21. cap. 9. vult, ut Seminarium ipsum uni Rectori seu Præsidenti committatur. . . . qui sit Sacerdos sacræ Theologiæ aut Doctorum Doctor aut Licentiatum.

XIV. Præter Rectorem sive Præsidentem, cui primaria sub Episcopo Seminarii Cura & directio incumbit, debent insuper esse plures inferiores Officiales & Magistri, qui juventuti tum erudiendæ, tum instituendæ intendant. Et quidem Synodus Tridentina volens, ut admissi ad Seminarium, grammatices, cantus, computi Ecclesiastici, aliarumque bonarum artium disciplinam discant: Sacram Scripturam, libros Ecclesiasticos, homilias Sanctorum, atque Sacramentorum tradendorum, maxime quæ ad confessiones audiendas videbuntur opportuna, & rituum ac cæremoniarum formas edificant, sæpè patenter declarat, se desiderare, ac quasi supponere, in Seminario futuros Professores non tantum qui sacram Scripturam, & Theologiam prælegant; sed & qui Grammatices aliarumque bonarum artium fundamenta tradant; uti recte notavit Zypæus Consult. 3. De Magistris num. 8.

XV. In Seminario Sancti Caroli non tantum Theologiæ; sed & humaniorum ac Philosophiæ Professores fuisse, ex institutionibus Seminarii patet; atque idcirco & Præfectus studiorum erat, qui rei literariæ præficeret, & curaret, ut juvenes leges Seminarii ad studia spectantes inviolate servarent, de quo parte 2. cap. 5. dictarum Institutionum.

Tom. I.

Hic in Belgio licet in quibusdam Seminariis etiam habent pueri studiis humanioribus incumbentes, nequaquam tamen hæc scientiæ in Seminariis tradi solent; sed passim ad lectiones, quæ aliis in Scholis habentur, exeunt; & humanioribus absolutis pro ediscenda Philosophia ad Academias mittuntur.

XVI. Quin ad Belgica Seminaria fere soli illi admittuntur, qui humanioribus & Philosophia absolutis, idonei sunt, ut studio Theologico se addicant; quod & ex mente Synodorum esse, haud obscurum est.

Præterquam enim quod de sola Theologia tradenda in Seminariis fere mentio fiat, eam in admittendis ad Seminaria ætatem requirunt, ut satis appareat desiderari adolefcentes, qui studia humaniora abolverint.

Synodus P. II. Cameracensis requirit, ut Seminarii studiosi sint omnes viginti annorum. Synodus Diocesana Mechliniensis tit. 20. cap. 3. vult, ut ad Seminarium non assumantur, nisi sint saltem octodecim annorum.

XVII. Hoc notorium & quotidiana experientia comprobatum est, à pietate ac zelo Professorum maxima ex parte dependere Seminariorum fructum; ac è Seminariis plerumque haberi Sacerdotes ac Pastores Professoribus tum in pietate, tum doctrina & zelo animarum similes: ut propterea curandum sit Episcopis aliisque, qui Seminariis intendunt, ut Professores pietate, eruditione ac zelo animarum præstantes præficiant, si Pastores iis qualitatibus instructos desiderent.

### CAPUT III.

Media temporalia Seminariis fundandis impendenda.

1. Primum medium à Synodo Tridentina suggestum.
2. Secundum medium ab eadem Synodo probatum.
3. Idem in Synodis Belgicis comprobatum.
4. Hæc media non videntur habuisse successum in Belgio.
5. Tertium medium in Synodo Tridentina probatum; illudque convenientius, nimirum Beneficiorum simplicium incorporatio.
6. Quare conveniat Beneficia simplicia Seminario uni?
7. Quid de unionem Beneficiorum ad collationem Episcoporum pleno jure spectantium?
8. Quid de Beneficiis Patronatus Laici; præsertim in Belgio?
9. Synodus Tridentina vult difficultatem super unionem Beneficiorum judicio Episcopi terminari.
10. An à judicio Episcopi aliquando appellari queat?
11. In Seminariorum fundatione hodie intervenire solet auctoritas Regia; & quare?
12. Quatuor Deputati quorum concilio in administratione temporalis Seminarii Episcopus uti debet.
13. Hi à Deputatis pro administratione spirituali distincti; & quomodo in Synodis Belgicis fuerint sex deputati nominati.
14. Habent duntaxat votum consultivum.

I. SYNODUS Tridentina enixe desiderans Seminariorum erectionem, & juventutis in eisdem efformationem; una tamen considerans magnitudinem sumptuum, qui ad Collegii fabricam instituendam, ad mercedem præceptoribus & ministris solvendam, & ad alendam juventutem necessarii sunt, tria media, è quibus hi sumptus haberi possent, proposuit.

Primum, ea quæ ad instituendos vel alendos pueros in aliquibus Ecclesiis & locis destinata sunt, eo ipso Seminario applicata censeantur.

Hoc medium ante omnia impendi oportere, mandat Synodus P. I. Mechliniensis; nec alterius medii meminit; sed erigendi Seminarii certam rationem à Synodo Diocesana constituendam decernit.

Z z z z

II.

II. Secundum medium à Synodo Tridentina suggestum consistit in applicatione alicujus portionis ex fructibus integris mensæ Episcopalis, & Capituli; & in pensione super fructibus seu proventibus Dignitatum, Personatum, Officiorum, Præbendarum, Abbatiarum, Prioratum, etiam Hospitalium in titulum conferre solitorum; item generaliter super proventibus omnium Congregationum & communitatum Ecclesiasticarum, solis Ordinibus Mendicantibus, & Fratibus S. Joannis Hierosolymitani exceptis.

III. Synodus P. I. Cameracensis conformiter ad hoc medium à Concilio Tridentino propositum, præcipit, „ Ut quamprimum fieri possit, modus constituatur, „ facta omnium Beneficiorum, atque eorum omnium „ quorum Decretum Concilii Tridentini *Sess. 23. cap. 18.* mentionem facit, æstimatione, quo ad hæc Seminaria ponenda & constituenda, sufficiens contributio fiat.

Et deinde Synodus P. II. Cameracensis rursus mandat: „ Ut provideatur de sumptibus ad supradiçta, nec non „ ad studiosorum alimoniam necessariis, singuli Episcopi cum dictis suis Deputatis quamprimum fieri poterit, portionem aliquam ex omnibus Beneficiis (ubi hæcenus detracta non est) detrahant; quæ in solos usus Seminarii convertatur. *Tit. 21. cap. 18.*

Hujus medii meminit quoque Synodus P. II. Mechlinensis *tit. 21. cap. 1.* præcipitque, ut „ sexagesimus „ denarius, aut plus minusve, prout videbitur Episcopo, cum consilio eorum, qui ex Decreto dicti Concilii Tridentini eidem sunt adjungendi, è bonis Ecclesiasticis in qualibet Dicecesi in hunc usum applicetur.

Et in sua Synodo Dicecesana anno 1609. Archiepiscopus Mechliniensis, „ ex omnibus & singulis bonis Ecclesiasticis, quæ secundum sacrum Concilium Tridentinum ad contributionem pro Seminario tenentur, circiter sexagesimum nummum annuatim contribuendum censuit, & contribui mandavit; donec alia ratione ita Seminario provifum esse constiterit, ut prædictam portionem in totum, vel ex parte remittendam esse judicaverit.

IV. Num hæc Synodorum & Episcoporum Decreta quoad applicationem hujus medii, aliquem habuerint effectum dubito. Hoc fat constat, generalem executionem istius medii, prout à Synodo Tridentina fuit propositum, non exiguis difficultatibus esse obnoxium. Quis enim nescit, quam difficulter, præsertim hisce in Provinciis, Capitula, Abbatiæ, Monasteria, Hospitalia aliaque similia corpora permittent, ut sola Episcopali auctoritate, aut etiam Ecclesiastica quacumque auctoritate pars proventuum annuatim ipsis auferatur, & Seminario Episcopali attribuitur: testaturque Zypæus *Consult. 3. de Magistris num. 5.* „ hic detractionem per injuriam temporum ex proventibus Ecclesiasticis usquequaque fieri non potuisse.

V. Tertium medium à Synodo Tridentina propositum consistit in unione simplicium Beneficiorum: illudque tanquam convenientissimum variis modis extendit.

Imprimis concedit aliquot Beneficia simplicia, cuiuscumque qualitatibus & dignitatis fuerint, vel etiam præstimonialia vel præstimonialia portiones Seminario applicari & incorporari.

Permittit autem hanc incorporationem fieri *etiam ante vacationem*; sine tamen cultus divini, & illa obsequii præjudicio.

Uterius vult, ut incorporatio locum habeat, etiam si Beneficia sint *reservata*, vel *affecta*.

Declarat præterea, nec hanc incorporationem per resignationem ipsorum Beneficiorum, uniones & applicationes suspendi, vel ullo modo impediri posse; sed omnino, quacumque vacatione, etiam si in Curia effectum suum sortiantur, & quacumque Constitutione non obstante, posse uniri.

Hæc satevincunt, enixam fuisse Synodi mentem, ut hoc medio Episcopi uti possent.

VI. Et si cum hæc Beneficia nec residentiam, nec aliquod personale Officium requirere soleant, exigua ex his utilitas aut fructus in Ecclesiam redundare contingit: ut propterea inter articulos nomine Caroli IX. Galliarum Regis in Concilio Tridentino oblatos hic esset vigesimus quartus: „ Cumque plura sint Beneficia, in quibus contra „ Beneficiorum institutionem invaluerit depravata consuetudo, ut qui ea possident nullo teneantur concionandi, Sacramenta administrandi, aut alio onere Ecclesiastico, Episcopus cum consilio Capituli his Beneficiis curam aliquam spiritualem imponat, aut si utilis videatur, ea Beneficia vicinioribus parochialibus Ecclesiis uniat: Beneficium enim sine officio esse neque debet, neque potest.

VII. Hæc Beneficiorum unio & incorporatio facile & sine oppositione fieri poterit, si Beneficiorum collatio *pleno* jure ad Episcopum pertineat: at si ad alium collatio, vel præsentatio spectet, difficulter hic admittetur unio, nisi ipse Collator aut Patronus, alique interesse habentes legitime fuerint interpellati & auditi; quemadmodum in unionibus observandum esse Canones præscribunt.

VIII. Quin si ipsa Beneficia fuerint Patronatus laici, nequaquam admittetur unio; nisi ipsius Patroni consensus accedat.

In ipsa Concilii Tridentini in Belgio promulgatione apposta fuit ad dictum *cap. 18.* hæc nota: „ Committitur Episcopis cura erigendi Seminarii pro institutione adolescentum in disciplinis Ecclesiasticis, etiam cum incorporatione & applicatione fructuum Beneficiorum juris Patronatus laici, & Hospitalium, & decimarum secularibus competentium. „ Deinde quædam præscribuntur observanda in collationibus Beneficiorum quæ scholasticæ dicuntur. Monent hic rursus, tangi jus Patronatus, decimas laicorum, & fundationes Regias.

Qua nota fat indicant, *consensum laicorum* esse necessarium; quemadmodum notarant ad *cap. 5. Sess. 21.* ubi de unionibus agitur, & hæc nota apposta fuit: „ Potestas sit Episcopis ex iustis causis, uniones faciendi Ecclesiarum & Beneficiorum. Sed monent Consilia Regia, opus esse placito Regio, & consensu Patronorum laicorum.

IX. Ut vero facilior esset Decreti executio, voluit Synodus, „ ut si vel pro unionibus, seu proportionum taxatione, vel assignatione, & incorporatione, aut qualibet alia ratione aliquam difficultatem oriri contingerit, ob quam hujus Seminarii institutio vel conservatio impediretur, aut perturbaretur; Episcopus cum supra deputatis, vel Synodus Provincialis, pro regionis more, pro Ecclesiarum & Beneficiorum qualitate, etiam supra scripta, si opus fuerit, moderando, aut regendo, augendo, omnia & singula, quæ ad felicem hujus Seminarii profectum necessaria & opportuna videbuntur, decernere ac providere valeat.

X. Hic apparet, Episcopum circa uniones, assignationes, & taxationes cum plenaria & amplissima potestate judicem constitui; nihilominus si Episcopus, vel uniendo, vel taxando, aliove modo decernendo, videatur aliquid contra juris ordinem, & perperam decrevisse, hæc quæstio non coram ipso Episcopo ejusve tribunali erit agitanda; sed coram legitimo iudice superiore; quemadmodum in casu occurrente respondit, & solide ostendit Zypæus *Resp. 1. de Magistris*.

XI. Porro ad evitandas difficultates, nec non ad faciliorem operis executionem, Episcopi Seminaria extruere intendentes solent implorare auctoritatem Regiam; atque Litteras Regias impetrare, quibus & ipsa Seminarii constructio probetur; nec non insuper auctoritas uniendi Beneficia; aut certas pensiones super quibusdam Beneficiis imponendi conceditur; quarum

Littera-

Litterarum plura exemplaria extant in actis Cleri Gallicani tom. 1. tit. 1. cap. 5. (a)

XII. Ut tamen Episcopi in hac Seminariorum extruptione, & mediorum applicatione securius, ac majore cum circumspeditione procedant, Synodus Tridentina præcipit, ut Episcopi hæc omnia agant cum consilio duorum de Capitulo, quorum alter ab Episcopo, alter à Capitulo eligatur. Itemque duorum de Clero civitatis, quorum quidem alterius electio similiter ad Episcopum, alterius vero ad Clerum pertineat.

XIII. Hi quatuor distincti sunt ab illis duobus Canonicis senioribus & gravioribus à solo Episcopo eligendis, quorum consilio, quæ ad disciplinam Seminarii spectant, ab Episcopo ordinanda sunt.

Sex illos Deputatos in Synodo Diocesana, partim à se, partim à Capitulo & Clero electos pronuntiavit Archiepiscopus Mechlinensis tit. 20. cap. 1. & 2. Duos quidem " quorum consilio in constituendis regulis, electione puerorum singulorum introducendorum, discipulorum expulsiōne, Magistris constituendis, visitatione ac similibus semper utatur.

Quatuor vero aliorum Deputatorum " consilio in tota temporali administratione, Beneficiorum unionibus, cæterisque hujusmodi utatur.

Similiter Episcopus Namurcensis anno 1659. in sua Synodo tit. 21. cap. 8. 9. & 10. sex Deputatos eundem in finem electos declaravit.

XIV. Hi omnes Seminarii Deputati habent votum duntaxat consultivum, non decisivum; & quamvis eorum consilium Episcopus requirere teneatur, non tamen sequi jubetur; uti decilum refert Barbosa in Collectaneis ad cap. 18. Sess. 23. Concilii Trident.

(a) Ad Constituenda Seminarium litterarum Regium necessitas probatur Edicto, quod Rex Ludovicus XV. Gallis dedit mense Augusto an. 1749.

## CAPUT IV.

### De Collegiis Academicis.

1. Olim etiam fuerunt Scholæ publicæ.
2. Erigere Scholas publicas pertinet ad supremam potestatem.
3. Synodus Parisiensis seculo IX. erectionem hujusmodi Scholarum postulavit.
4. Cur hæ Scholæ dictæ Universitates?
5. Varia Privilegia & prærogativa his Scholis concessa.
6. Ad has Scholas plures viri eruditi, & major copia studiorum solent consuevere.
7. In Universitatibus, & signanter in hac Lovaniensi varia erecta Collegia, & quare?
8. Collegia hæc suos speciales habent proventus, diversimode impendendos.
9. Ad Collegia, sumptibus Collegii alendi, ordinarie non nisi pauperes admittendi.
10. Præter Præsidentem Collegii sint & Collegiorum Provisores, & quod horum officium?
11. Disciplina Collegiorum præcipue dependet à Præsidente.
12. Norma vivendi præscripta Collegiorum non absimilis disciplinæ Seminariorum.
13. Ostenditur exemplo Collegii Adriani VI. sive Pontificii.
14. A quo, & quando hoc Collegium fundatum?
15. Quis huic præsit? & qui admittendi?
16. Examen quod circa admittendos instituitur.
17. Non convenit ut Fundatores passim consanguineis suis dent prærogativam ad Bursas.
18. Judicium Tilmanni Clerici de Fundatoribus Bursarum cum consanguineorum prærogativa.
19. Admissi ad Collegium per exercitia spiritualia se recolligunt; quæ in decursu Theologico sapius reiterant.

20. Quæ hujus Collegii exercitia quotidiana ante meridiem?

21. Quæ pomeridiana?

22. Plures habentur hebdomadatim lectiones collegisticæ.

23. Quæ sint specialia exercitia diebus Dominicis & Festivis?

24. Commestiones & potationes non frequentantur.

25. Quomodo ad Ordines accedant?

26. Episcopi capaciores ad Collegia Academica mittere solent; & quare?

27. Quid in hac Missione Episcopi attendere debeant?

I. PRÆTER Scholas Episcopales sive Seminarium, in quibus Clerici aut ad Clerum assumendi instruebantur & erudiebantur, jam pridem etiam institutæ fuere Scholæ publicæ; non quidem in singulis civitatibus, sed quibusdam duntaxat celebrioribus; idque suprema auctoritate.

II. " Regium plane munus est (ait Choppinus lib. 3. De Domatio Gallico tit. 27. num. 1.) Scholasticas Universitates instituere, non Procerum Galliarum inferiorum. Et sane in partibus Regaliorum recensendis, hanc non transmissit Raphael Confil. 162. Barbatias, Baldus. Unde si vel Regius frater, cui fiducia lege data sit amplissima civitas, publici in ea Musei restitutionem, reformationemque mandarit nonnullis, puto Regiæ auctoritatis jus imminutum.

III. Unde anno 829. Patres Concilii Parisiensis ad Ludovicum Pium Imperatorem sermonem convertunt, eum exhortantes, ut tres Scholas publicas, quas Carolus pater ejus inchoaverat, perficere dignaretur. " Similiter etiam (inquiunt) obnixè ac suppliciter vestræ Celsitudini suggerimus, ut morem paternum sequentes, saltem in tribus congruentissimis imperii vestri locis Scholæ publicæ ex vestra auctoritate fiant, ut labor patris vestri ac vester per injuriam (forte incuriam) quod absit, labefactando non depereat: quoniam ex hoc facto & magna utilitas, & honor sanctæ Dei Ecclesiæ, & vobis magnum mercedis emolumentum & memoria sempiterna accrescet.

Hic agi de Scholis publicis, quas hodie Academiæ seu Universitates dicimus, ex ipso contextu sat manifestum est, & multis ostendit Cæsar Bulaeus in historia Universitatis Parisiensis ad annum 829.

IV. Hæ Scholæ dictæ fuerunt publicæ, quod passim omnes artes & scientiæ in illis traderentur; nec tantum Clericis aut ad Clerum assumendis, prout Scholæ, Episcopales sed omnibus indifferenter adolescentibus paterent; atque inde paulatim universitates, id est, Scholæ universales dici cœperunt.

V. His Scholis, eorumque Professoribus & Scholaribus varia tum à Principibus, tum à Romanis Pontificibus privilegia data fuerunt; nec non mercedes sive honoraria etiam à publico Principis ærario, aut civitatum attributa fuerunt; æqualia huic nostræ Universitati tum Pontificum, tum Principum liberalitate plurima, eaque valde ampla privilegia indulta fuerunt: quæ in Fastis Academicis ipsius Universitatis Lovaniensis refert Andreas Valerius. Hujusmodi privilegiis & juribus scholæ Episcopales gaudere non solent.

VI. Privilegiis hisce, nec non constitutis honorariis, hæ Scholæ sive Academiæ instructæ, facile doctiores atque capaciores, tam Professores quam Scholares ad se alliciunt; quin & Principibus curæ esse solet, ut hæ Scholæ in omni scientiarum genere florent, & emineant; ideoque Scholæ publicæ in scientiis doctrinaque tradendis privatas qualque Scholas multo antecellere consueverunt.

Unde de Academiis loquens Morinus De SS. Ordin. parte 3. Exercit. 13. cap. unico, num. 14. ait: " Institutæ Academiæ sunt ad quas velut ad studiorum & scientiarum emporia undique concursus est, in quibus doctrina Christiana perfectius, diligentius & splen-



„splendidius, quam in Collegiis & Seminariis Clericorum tradita est.

VII. Ut autem non tantum scientia, sed & optimis moribus & disciplinis juventus Academica institueretur, erecta fuere in ipsis Academiis specialia Collegia, ad quæ cum quodam delectu juvenes admitterentur, & sub speciali Magistrorum cura in morum disciplina imbuendi traderentur.

Hujusmodi Collegiis præ reliquis Academiis abundat hæc nostra Lovanientis.

Præter Collegia docendæ Philosophiæ atque juventuti Philosophicæ, nec non linguis ac litteris historiæque ac politicæ scientiæ tradendis deputata, plura sunt superiorum Facultatum alumni destinata; quæ Seminariis Episcopalibus, præcipue ea quæ Theologicæ Facultatis alumni destinata sunt, admodum similia sunt; adeo ut nonnulla quoque illorum *Seminaria* dici consueverint.

VIII. Imprimis Collegia hæc non secus atque Episcoporum Seminaria, suos habent speciales proventus, quibus & Collegii Rector seu Præses & alumni, quos *Bursarios* vocant, aluntur; estque horum conditio, pro Collegiorum conditione & fundatione alia atque alia. „Sunt Collegia, in quibus certa pecuniaria summa annua ex fundatorum dispositione alimentariis præberetur, quæ si alimentis non sufficit, de suo addant necesse est, quod victui deest. Sunt alia in quibus ex institutione alimenta, focus, lumina, aliæque quædam similia accedunt. „Ita Andreas Valerius in *Fastis Academicis studii Generalis Lovanientis*, p. 286. edit. 1650.

IX. Porro quemadmodum ad Seminaria Episcopalia, sumptibus Seminarii alendi, soli pauperum filii admittendi sunt, ita omnibus fere Collegiis ex fundationis, vel dotationis lege commune est, ut solos *pauperes* ad Bursas admittant, ipsique Collegiorum proventus in pauperum usus impendi debeant; nec id duntaxat in Collegiis Theologiæ Studiosis destinatis, sed & pro Jurisperitis aliarumque scientiarum Studiosis fundatis, verum est.

De Joanne de Winckele Fundatore Collegii Winckeliani Juris alumni destinati, refertur in citatis *Fastis Academicis* pag. 300. „Studentes seu Bursarios Winckelius pater assumi voluit *pauperes*, quibus in studio Juris alendis Scholisque continuandis, parentes commode dare aut suppeditare annue non possint.

Similiter de Eustachio Chapuys Collegii Saubaudici, studiosis tam Juris, quam Theologiæ communis, fundatore, in eisdem *Fastis* pag. 310. legitur. „Hæc redies instituit *pauperes* Bursarios per eum in Collegio Lovanii erecto & fundato pro tempore futuros, ipsumque Collegium pro perpetua ejus fundatione, dotatione, & intertentione, sive prædicti Collegii provisores, nomine & ad opus eorundem *pauperum*, &c.

Si Collegiorum pervolvantur & examinentur fundationes & dotationes, apparebit, passim omnium fuisse mentem, Bursas non nisi pro *pauperibus*; hoc est, qui, attentis omnibus, commode à parentibus in studiis alii non possent, fundatas esse; atque ita Fundatores voluisse, bona sua Christi pauperibus in bonum Ecclesiæ & Reipublicæ impendi; ac propterea proventus illos posse dici *Patrimonium Christi*.

Ut proinde non immerito Franciscus Hovius, qui anno 23. sæculi XVII. fundans Collegium, voluerit illud institui cum hac inscriptione: *Patrimonium Christi*; atque intrinsecus ad ingressum Collegii scribi aut insculpi hæc verba: *De stercore erigens pauperem*. „*Fasti Academicis* pag. 328.

X. Præter Præsidem sive Regentem, penes quem studiorum & morum directio & correctio, totiusque familiæ cura immediate residet, habent singula Collegia suos particulares Provisores, vel ab ipsis Funda-

toribus designatos, vel ab Universitate, aut certis Facultatibus pro tempore eligendos.

Horum munus est: stans anni temporibus Collegia visitare, in mores ac studia Bursariorum inquirere, imo & horum adversus Præsidentem querelas audire, examinare casus difficiliore, majorisque momenti negotia una cum Præsidente resolvere, rationes administrati Collegii quotannis exigere & audire. Quin & Præsidentem constituendi auctoritas penes Provisores esse consuevit, nisi in ipsa fundatione aliter cautum sit; ex hac enim dependet plurimum ipsa Provisorum auctoritas, præsertim circa Præsidis electionem bursariorumque admissionem.

Disciplina in Collegiis servanda dependet partim ex generalibus legibus Universitatis; partim ex singulorum Collegiorum statutis ac ordinationibus, tum à Fundatoribus, tum à Provisoribus aliisque Superioribus pro varia Collegiorum & temporum conditione, præscriptis.

XI. Cæterum sicuti Seminariorum bona malave disciplina præcipue non dependet à legibus, sed ab exacta rectaque harum executione; ita circa disciplinam Collegiorum contingit.

Hinc ulterius fit, ut quemadmodum Seminariorum recta institutio maxime habetur à provida Rectoris aliorumque, quibus eorum Regimen commissum est, vigilantia; ita quoque Collegiorum recta institutio unice fere à Præsidentum vigilantia dependet: ut propterea qui Collegia bene regi ac institui desiderant, ante omnia solliciti esse debeant, ut providus, prudens, doctus, piusque Præses præficiatur, qui legum ac statutorum executionem verbo & exemplo urgeat & persuadeat.

XII. Statuta legesque Collegiorum præsertim Theologiæ studiosis destinatarum, si attendantur, apparebit, disciplinam normamque regiminis, saltem quoad præcipua puncta, esse non absimilem disciplinæ, quam Seminariis Episcopalibus jam pridem Canones præscribere, & S. Carolus in suis servatam voluit; neque horum Collegiorum disciplinam minus aptam & convenientem esse formandis Ecclesiæ ministris & Pastoribus, quam Seminariorum, si modo rite servetur.

XIII. Et ne fusior sim, quam præfens hoc meum institutum permittit in recensendis omnium Collegiorum statutis & legibus, aut eorum vivendi disciplina, unius duntaxat Collegii Pontificii (quod per viginti tres circiter annos continuos pro domicilio habui & habere pergo, cujusque propterea disciplina regimenque, atque instituendæ juventutis norma perfectius mihi perspecta est) disciplinam referam.

XIV. Collegium vulgo *Pontificium* dicitur à primo suo Fundatore Adriano VI. Pontifice Maximo, qui illud anno 1523. erigi jussit; relicta cum in finem domo aliisque nonnullis quæ ante Pontificatum sibi comparaverat; quemadmodum suo testamento declaraverat; utri videri potest in *Fastis Academicis* pag. 304. ubi plura ad hanc fundationem spectantis, nec non dotationes sive Bursarum fundationes quæ primæ fundationi accesserunt, referuntur.

XV. Anno circiter 1677. huic Collegio præfectus est eximius Vir Gummarus Huygens Doctor Theologus, à doctrina, eruditione, morum integritate, & in agendis prudentia, & regendo suavitate & moderatione singulari atque conversandi affabilitate omnibus notus.

Ad hoc Collegium soli admittuntur, qui studio Theologico incumbere, idque animo statum Ecclesiasticum assumendi intendunt.

XVI. In assumptione serium circa capacitatem, indolem, moresque admitti postulantium examen à Præsidente instituitur; præsertim cum de assumendis ad Bursas, sive sumptibus Collegii alendis tractatur.

Hic vel maxime sollicitus esse debet Præses, ut sine ulla personarum acceptione, magis merentibus, &

de quibus major spes affulget, ut in strenuos Ecclesiæ operarios evadant, distribuantur; hoc teneatur frequenter ingemiscere quod nonnulli Bursarum Fundatores nimium carni & sanguini indulgentes, consanguineis suis, tametsi sæpè exiguae capacitatis & expectationis prærogativas dederint; atque hinc impediatur, capacissimos quosque promovere & assumere.

XVII. Fundatores Bursarum, qui consanguineis suis, etiam cum extensione ad multos gradus & nullis penè terminis circumscriptam prærogativam tribuunt, merito attendunt, quod si eas ex bonis Ecclesiasticis fundent, reipsa suos consanguineos quodammodo hæredes faciant.

Uterius ex illa, præsertim illimitata consanguineorum prærogativa ad Bursas Theologis destinatas, contingit, quod frequenter inepti planè, nec ullatenus à Deo vocati studio Theologico, & statui Ecclesiastico à parentibus, commodo harum Bursarum allectis, applicentur, imò quasi intrudantur; atque ita fundatores plus subinde Ecclesiæ per similes foundationes obisint, quam profint.

XVIII. D. Tilmannus secundus Præses Collegii Adriani VI. qui obiit 1550. 3. Oct. inter alia sic habet: "Si Præsides & Provires velint Collegio prospere esse de concordia & perseverante disciplina, caveant suscipere foundationes Bursarum ad ullos de sanguine aut patria adstrictas, nisi fortè, cæteris paribus aut parum discrepantibus, ita quod Præsides habeat illarum sicut aliarum, collationem & dispositionem."

XIX. Admissi ad Collegium sive expensis Collegii; sive sumptibus parentum alendi, per dies aliquot ad locum exercitiis spiritualibus destinatum se retrahunt; ut de vitæ Clericalis ratione, studioque Theologico ritè instruendis seriò delibent; & per sanctas Meditationes se præparent, & specialiter instruuntur.

Quod ipsum ab admittendis ad Seminarium observari voluit Sanctus Carolus; eodem modo, ait, quo ex Constitutione nostra consueverunt, qui ad majores Ordines sunt promovendi.

Quin S. Carolus vult, ut "transacto vacationum tempore, reversi in Seminarium exercitationes spirituales, unius saltem hebdomadæ spatio illi inquant Clerici, quibus à Rectore jussum fuerit."

Licet circa exercitationes spirituales in decursu Theologico instituendas, nulla sit in hoc Collegio specialis lex; nec soleant à Præsidente ad eas urgeri priusquam sacris Ordinibus sint initiandi, nihilominus is fere mos invaluit, ut plerique annis singulis aut circiter has spirituales exercitationes repetant.

XX. Quotidiana tum studiorum, tum pietatis, aliarque communia exercitia hac ferè ratione & ordine instituuntur.

Manè ad mediam horæ quartæ excitatur, & ad horam quintam omnes in Sacellum Collegii conveniunt; ibique per semi-horam meditationi seu orationi mentali vacant: hanc immediatè subsequitur Sacrum, cui omnes assistunt. Hoc finito, retrahunt se singuli ad sua cubacula, ibique studiis incumbunt quousque tempus lectionum publicarum, aliave exercitia scholastica aliò vocent.

Diebus tamen Sabbathinis solet, finito Sacro, per Præsidentem haberi aliqua brevis exhortatio de iis, quæ præcipuè Theologis & Clericis conveniunt; ac præsertim ut ipsi necessitatem, utilitatemque orationis inculcet; nec non ut omnis ex ipsorum animis sitis & aviditas Beneficiorum tollatur, & ostendatur, quàm inordinatum ac turpe sit, ut in militia Christi lucra sæculi quaerantur.

Ad mediam post undecimam rursus ad Sacellum conveniunt, ibique per quadrantem meditationi sive orationi mentali vacatur; quâ finitâ, ad mensam accedunt, & sub initium prandii aliquid è Sacra Scriptura prælegitur.

XXI. A sumpto prandio recreationis tempus datur usque ad horam secundam, quando ad publicas rursus lectiones aut studia se retrahere debent. Media ante septimam iterum ad Sacellum conveniunt usque ad horam septimam, meditationi & recollectioni vacantes.

Diebus Sabbathinis cantantur Laudes; atque initium semper fit à Litanis Lauretanis D. Virginis.

Horâ septimâ ad mensam cœnaturi accedunt, atque iterum initium fit à lectione Sanctæ Scripturæ; & sub finem aliquid ex alio pio libro à Præsidente designando legitur.

Post cœnam vacatur usque ad mediam ante nonam; horâ verò nonâ liberum est se quieti dare.

XXII. Præter lectiones & exercitationes publicas, habentur in hoc Collegio hebdomadatim tres lectiones domesticæ, nimirum feriâ secundâ, quartâ, & sextâ, præter disputationes, quas antiquo vocabulo *Sabbathanales* dicimus, quæ feriâ quintâ instituuntur.

XXIII. Diebus Dominicis & Festivis præter jam dicta exercitia pietatis, habetur horâ octavâ matutinâ concio per unum Baccalaureum, cui Præsides semper assistit, sedulo in defectus advertens, quos mox, finitâ concione, concionanti corrigendos exponit. Concionem sequitur solemne Sacrum.

Post meridiem horâ secundâ decantantur vespere, & circa sextam Completorium: quo finito, fit concio per unum è junioribus, sive non Baccalaureis: ei quoque Præsides interest, ut defectus observe & corrigat.

Diebus solemnioribus, totum Officium etiam matutinale solemniter decantatur, ipso Præsidente officiante; omnesque non Sacerdotes sacra Synaxi sub Sacro reficiuntur.

Quin & diebus Dominicis Festisque, semper plures sub Sacro communicare consueverunt; aded ut singulis saltem duabus tribusve hebdomadis plerique ad sacram Communionem accedant; plures etiam singulis octiduis.

Insuper diebus, quibus Venerabile asservatur, tota nocte duo solent per horas successivas coram eodem orare, atque per totam octavam Venerabilis diu noctuque duo ut minis semper sunt coram Venerabili superpelliceo induti orantes.

XXIV. Commestrationes, potationesque pomeridianæ hic non permittuntur, nec dissimulantur; at si quis amico honoris aut benevolentiae causâ haustum cerevisiæ subinde propinare velit, hoc ei à Præsidente benignè, & cum discretionem indulgetur.

XXV. Plerique ita sunt instituti, ut nec ad sacros Ordines, nec ad Ecclesiasticas functiones, nisi Præsidente præmonente & movente, accedant; scientes ex crebris monitionibus, quàm periculosum sit sine legitima vocatione in ministeria Ecclesiæ se intrudere.

Hanc Collegiorum Academicorum disciplinam si quis attenderit; atque unâ expendat, quantò felicius & doctius doctrina Theologica in publica Universitate, quàm particularibus Episcoporum Seminariis tradi soleat, non mirabitur, si doctiores, apriorisque operarii & Pastores è Collegiis Academicis, quàm è privatis Seminariis prodire soleant.

XXVI. Quare etiam ipsi Episcopi majoris capacitatis & spei adolescentes ad Universitates potiùs mittere consueverunt, quàm in suis Seminariis retinere.

Synodus Namurcensis anno 1604. tit. 3. cap. 5. ait: "In dicto autem Seminario remanebunt donec studia bonarum litterarum absolverint, postea ad Universitatem studii generalis sumptibus ejusdem Seminarii mittentur illi, de quibus sper sit, quòd in Philosophiæ & sacre Theologiæ studiis insignem fructum facient, quòd Ecclesiæ Dei utiliores esse possint."

Similiter Ernestus Episcopus & Princeps Leodiensis anno 1603. erigens Seminarium seu Collegium in hac Academia, vulgò dictum *Leodiense*, in ipsa Statutorum præfatione narrat, "necessarium esse, propter vicinorum ac passim gliscentium hæreticorum vastas  
" sub-

„subrilesque Religionis Catholicae depravationes; tum  
 „propter diversarum Parochialium Ecclesiarum inop-  
 „pidis praesertim ac famosioribus Dicecesis suae locis  
 „amplitudinem, praeter *Seminarium* in civitate Leo-  
 „diensi erectum; aliud etiam in vicina Lovaniensi Aca-  
 „demia instituere; in quo, qui *majoris expectationis*  
 „fuerint, diligentius in studio Theologico institueren-  
 „tur, & hujus suae institutionis, graduum Scholasti-  
 „corum susceptione, publicum testimonium confe-  
 „querentur. „*Fasti Academici pag. 320.*

XXVII. Sed ut Episcopi hac in missione prudenter  
 procedant, primum inquirant, necesse est, quae sit Col-  
 legiorum, ad quae suos mittere cogitant, disciplina;  
 quis Praeses, qui Directores. Notum quippe est, non  
 esse omnium Collegiorum eandem disciplinam: hanc  
 quae unice pendet à Praesidio minore vel majore vigilan-  
 tia & capacitate, morumque probitate dependere.

## CAPUT V.

### De Scholis puerorum.

1. Olim frequentes fuere puerorum Scholae.
2. Synodi Belgicae earum instaurationem urserunt.
3. Volunt impendi auxilium Magistratuum, & provi-  
deri, ut gratis doceatur.
4. Propter pauperum pueros instituta Scholae Dominica-  
les.
5. Omnes Clerici in Parochia degentes ad juvandum Pa-  
rochum invitandi.
6. Scholae Dominicales ad quid praecipue institutae?
7. Etiam in his Scholis rudimenta litterarum tradenda.
8. Principum Edicta super institutione harum Scholarum.
9. Optandum ut diebus Dominicis & Festis pauperes do-  
cerentur legere & scribere.
10. Cura habenda de Magistris Scholarum.
11. Debeat hi emittere professionem fidei; & coram quo?
12. Non assumendi nisi probatae vitae.
13. Magistri non assumendi nisi cum approbatione Scho-  
lastici.
14. Quis habeat jus admittendi aut approbandi Magi-  
stros in locis ubi deest Scholasticus.
15. Quae attendenda circa jus assumendi Magistros.
16. Primaria cura Scholarum Scholasticis incumbit;  
eisque visitare saepius debent.
17. Quis esse debeat hujus visitationis scopus?
18. Quomodo Magistri se circa pueros habere debeant.
19. Scholastici specialiter invigilare debent, ne pueri à  
Magistris aut Confodalibus corrumpantur; & mas-  
culi à puellis separentur.
20. Cura Scholastici circa Scholas Parochi curam non  
tollit.

I. TAM Ecclesiastico, quam politico Magistratui jam  
 pridem curae fuit, Scholas erigere, in quibus à  
 tenera aetate pueri elementa litterarum & Religionis do-  
 cerentur.

In Decretalibus Greg. IX. cap. 3. „*De vita & bo-  
 nestate Clericorum*, refertur sub nomine Concilii Nan-  
 nerensis: „Ut quisque Presbyter, qui plebem regit,  
 „Clericum habeat, qui secum cantet epistolam & le-  
 „ctionem legat, & qui *Scholas* possit tenere, & mo-  
 „nere suos Parochianos, ut *filios* suos ad fidem dis-  
 „cendam mittant ad Ecclesiam, quos ipse cum omni ca-  
 „stitute erudiat.

Sub idem ferè tempus ad suos Parochos scribit Theo-  
 dulpheus Episcopus Aurelianensis: „Presbyteri per vil-  
 „las & vicos Scholas habeant, & si quilibet fidelium  
 „suos *parvulos* ad discendas litteras eis commendare  
 „vult, eos suscipere & docere non renuant, sed cum  
 „summa charitate eos doceant.

II. Cum his postremis temporibus ex neglectu ha-  
 rum Scholarum crassa in populo ignorantia, & morum

corruptela ex neglecta tenerae juventutis educatione de-  
 prenderetur, curae fuit Episcopis, & Magistratibus  
 etiam Civilibus, ut ubique per civitates & pagos *Scho-  
 lae* instituerentur ad instructionem & efformationem  
 puerorum.

Synodus P. I. Cameracensis *titul. De Scholis, cap. 1.*  
 ait: „Cum non minore cura parentes proles suas in-  
 „stituere, quam nutrire, ac fovere debeant; æquum  
 „est Ecclesiam liberos, quos Christo per lavacrum re-  
 „generationis peperit, omni disciplinā, ac salutaribus  
 „præceptis erudire. Docet enim Scriptura *Ecclesiastici*  
 „c. 7. v. 25. *Filii tibi sunt? illos erudi*; neque enim  
 „iusta crementa juventus ad capeiendam virtutem sus-  
 „cipere facile potest, nisi à pueritia iis doctrinis im-  
 „buatur, quibus robur capere ad pietatem, & religio-  
 „nem colendam possit. Quod quia plerisque locis par-  
 „tim parentum incuria, partim Pastorum negligentia  
 „contemptum est, excusso timore divino, multorum  
 „temeritas, audacia & peccandi licentia crevit. Quare,  
 „ut huic malo semel occurratur, statuit sancta Synodus:  
 „Id curent Episcopi, ut quamprimum Scholae in urbi-  
 „bus, oppidis, & pagis Dicecesium suarum, si collap-  
 „sae fuerint, restituantur: si conservatae, colantur, &  
 „augeantur.

Similiter Synodus P. I. Mechliniensis, *tit. De Schol-  
 is, cap. 2.* decrevit, „ut curent Episcopi, ut quam-  
 „primum in oppidis & pagis suarum Dicecesium Pa-  
 „rochiales Scholae, si collapsae sint, restituantur; si  
 „conservatae, colantur & augeantur: sed praeter Paro-  
 „chiales, non admittantur multae.

III. Rursus Synodus P. II. Mechliniensis eandem  
 erectionem & instaurationem urget; vultque, ut ubi-  
 cumque Scholae adhuc requiruntur, „agant Archi-  
 „presbyteri cum Magistratibus & Praefectis locorum,  
 „ut ex mox erigantur, simulque rationem ineant, ipsis  
 „Ludimagistris de annuis stipendiis providendi. „*Tit.*  
 „20. cap. 1.

Idipsum omnes Synodi uno consensu desiderant,  
 & vehementer urgent: optatque Synodus Namurcensis  
 anno 1604. *tit. 2. cap. 1.* hujusmodi stipendium Ludi-  
 magistro assignari, „quo mediante, si fieri potest, do-  
 „ceantur *gratis*; sic enim fiet, ut à parentibus pueri  
 „lubentius ad Scholas mittantur.

IV. Quia autem „multos inopia prohibet, ne filios  
 „in Scholis litterariis enutrient, quorum tamen salutis  
 „habenda est ratio, cum sint & ipsi in Christi corpore  
 „& familia: „ait Synodus P. I. Cameracensis *cap. 2.*  
 „hæc subjiciens. „Quamobrem diebus festis; & maxi-  
 „mè Dominicis, expleto Vespertino Officio, jubet san-  
 „cta Synodus Ludimagistros docere eadem rudimenta  
 „fidei & catechismi pro captu, & ingenio juventutis,  
 „quæ litteras non didicit. Nec non subinde per vices  
 „interrogare, ut sciatur an proficiat, atque huic nego-  
 „tiam in pagis, quam oppidis Pastores incumbant,  
 „aut Sacellani, aut Clerici, seu matricularii. Parentes  
 „si suos mittere negligent, moneantur; moniti, nisi  
 „pareant, Magistratui deferantur. Pastores verò, aut  
 „Ludimagistri, si id contempserint, ab Episcopo corri-  
 „gantur: & quantum fieri possit, in Scholis puerilibus  
 „puellae separentur à pueris.

Similium Scholarum necessitatem, earumque institu-  
 tionem passim urgent & praescribunt Synodi Belgicae;  
 additque Synodus P. II. Cameracensis *cap. 4.* ut in his  
 „locis ubi dictae Scholae commodè institui non pote-  
 „runt, Parochus ipse à prandio commodiore ante vel  
 „post Vesperas horā, pueros campanae pulsū convo-  
 „catos, ex parvo Catechismo, qui ad hoc pro tota  
 „Provincia imprimetur, prima fidei rudimenta doceat,  
 „eumque memoriter ab iis recitari faciat.

V. Desiderans autem Synodus hoc aded pium ac  
 necessarium instructionis exercitium non intermitteri,  
 addit *cap. 6.* „Ut autem ipsi etiam Parochi succurra-  
 „tur, omnibus Sacerdotibus & Clericis, qui intra fi-  
 „nes Parochiae degunt, praecipit hæc sancta Synodus,  
 „ut



„ ut eum in hoc sancto munere, pro sua quisque virili, „ adjuvent.

VI. Hæ Scholæ *Dominicales*, quarum frequens occurrit mentio in Synodis nostris, respondere ferè videntur catechizationi puerorum, quæ diebus Festis & Dominicis in Parochiis rectè institutis, per Parochos eorumve Vice-Pastores fieri solet, de qua latè actum est suprâ *part. 1. tit. 3. cap. 4.*

Eti hæ Scholæ (ait Synodus P. I. Mechliniensis *cap. 2.*) „ non propriè instituantur ad litteras discendas, aut ar- „ tem scribendi atque legendi, poterit nihilominus ju- „ ventus in his doceri, postquam in prædictis utcumque „ instituta fuerit.

VII. Synodus P. II. Mechliniensis *cap. 5.* præcipit, ut Scholæ *Dominicales* frequentantes, non tantum doceantur legere & scribere, verum etiam & quidem præcipuè, instituantur in rudimentis fidei.

Hoc Decreto fat ostenditur, quòd tempore hujus Synodi, id est, sub initium decimi septimi seculi, in his Scholis pueri præcipuè docerentur legere & scribere, neglectâ instructione in rudimentis fidei: quod Synodus reprobat; nequaquam tamen vetat, in utriusque pueros instrui: licet posterius merito tanquam præcipuum majorisque momenti priori præferat.

VIII. Principes nostri in Edicto ad hanc Synodum *art. 19.* injungunt omnibus suis Officialibus, Magistratibus & Vasallis, ut in erigendis Scholis *Dominicalibus* assistant Episcopis eorumve Deputatis; tum etiam in conquirendis pecuniis necessariis ad dictam erectionem, ac insuper pro annuo stipendio Magistrorum & Magistrarum.

Hic rursus non obscure innuitur, in his Scholis non tantum fidei rudimenta, sed & litterarum tradenda esse per Magistros & Magistras.

IX. Quapropter licet præcipuo scopo harum Scholarum satishi videatur per Pastorum pomeridianas puerorum catechizationes, in Parochiis benè institutis fieri solitas diebus Festis & Dominicis; nihilominus fatendum est, admodum laudabile esse, & harum Scholarum instituto conforme, si pauperes etiam legeredocentur: cum indubitatum sit, quòd magno subsidio esse possit ipsis pauperibus piorum librorum lectio, ut circa Religionis nostræ mysteria ritè instruantur, & in pietate foveantur.

X. Ut verò optatus fructus Scholarum seu quotidianarum, seu *Dominicalium* habeatur, prima cura habenda circa Magistros & Magistras; à quorum pietate & capacitate præcipuè dependet bona juventutis institutio & instructio.

XI. Imprimis jubentur Magistri & Magistræ in sua admissione emittere professionem fidei Catholicæ juxta formam in Synodis expressam: idque iis in locis ubi est Scholasticus, in manibus *Scholastici*; alibi verò in manibus Decani Rualis, ut statuit Philippus II. in Edicto ad Synodum Cameracensem *art. 4.*

Idipsum expressit Synodus P. II. Mechliniensis *tit. 1. cap. 3.* At Edictum Principum nostrorum ad hanc Synodum *art. 1.* jungit Archi-Presbytero primarium loci Officiale Regium; ut & hic in receptione Professionis fidei interveniens auctoritatem habere videatur. Interim in similibus locorum consuetudines præcipuè attendendæ sunt: quemadmodum de juramento Aduocorum Ecclesiarum, & Magistrorum mensæ pauperum, monuimus suprâ *part. 1. tit. 5.*

XII. Quantum autem ex assumptione Magistrorum dependeat, non ignorantes Patres Synodi Cameracensis anni 1550. „ in virtute sanctæ obedientiæ, & sub „ interminatione divini judicii districtè præcipiunt, & „ inhihent omnibus & singulis Prælati & Capituli „ ac aliis, qui in Diocesi Cameracensi Magistros & „ Rectores Scholarum recipiunt seu assumunt, ne quem „ quam in Magistrum recipiant seu assumant, nisi de „ cujus vita, integritate, scientia, moribus, ac conver- „ satione, plenam habeant notitiam, & qui perverso

Tom. I.

rum dogmatum fermento minimè fuerit conspersus.

Consentiunt & reliquæ Synodi præcipientes, ut non alii in Præceptores assumantur. quam qui probatæ sunt fidei, vitæ & doctrinæ. Edictum Principum nostrorum ad Synodum Mechliniensem *art. 1.* nulli concedendam licentiam docendi juventutem decernit, nisi de cujus bona vita, religione, sufficiencia & doctrina omnimoda satisfactio habetur.

XIII. Ut autem in Magistrorum admissione securius procedatur, decretum est tum Synodorum, tum Principum Edictis, ut nullus ad docendum pueros sive in Scholis quotidianis, sive *Dominicalibus*, admittatur iis locis ubi est *Scholasticus*, nisi præviâ ejus approbatione. Ita habet Edictum Caroli V. datum Bruxellis die 29. Aprilis anno 1550. & habetur in primo volumine Edictorum Flandriæ *lib. 1. Rubricâ 7.*

Et in citato Edicto Principum ad Synodum Mechliniensem *art. 1.* dicitur, nemini licitum esse Scholas tenere ad instruendum pueros, sive masculos, sive puellas, nisi præviâ licentiâ Scholastici, si ibidem aliquis sit.

Hoc Jus Scholastici, non tantum quoad Scholas ordinarias & Parochiales; sed & *charitatis*, id est, in quibus pauperes *gratis* docentur, non semel in judicio contradictorio firmatum est, ac notanter in Parlamento Parisiensi 23. Jan. 1680. pro Scholastico Ambienensi contra ejusdem civitatis Parochos; ut refertur in compilatione quadam Arrestorum, cui titulus *Journal des Audiences*, *tom. 4. lib. 3. cap. 4.*

XIV. Ubi verò Scholasticus deest, juxta citatum Caroli V. Edictum, nullus ad instructionem puerorum admitti potest, nisi præviâ admissione & approbatione primarii Officialis loci, & Parochi Ecclesiæ Parochialis infra cujus fines residere intendit. Edictum verò Principum ad Synodum Mechliniensem *art. 1.* requirit licentiam Archi-Presbyteri seu Decani Rualis & primarii Officialis.

Synodus Antverpiensis sub Miræo *tit. 9. cap. 2.* cum præcepisset in pagis instrui Scholas, subiungit: „ Lu- „ dimagister constituatur a Pastore, Magistratu & Pri- „ maris, Parochiæ Incolis (qui curabunt de necessa- „ rio stipendio ei provideri) cum consensu Decani Ru- „ ralis.

XV. Cæterum circa jus assumendi, aut præsentandi Magistros aut Magistras Scholarum, lex foundationis, & consuetudo loci plurimum attendenda sunt; quemadmodum de nominatione vel electione Aduocorum & Magistrorum mensæ pauperum alibi notatum est.

XVI. Certum nihilominus est, Scholastico tanquam Scholarum Magistro generali curam & superintendentiam Scholarum civitatis & sibi subiectarum primario incumbere.

Hinc passim Synodi præcipiunt, ut Scholæ sæpe visitentur à *Scholasticis* Cathedralium & Collegiatarum Ecclesiarum; ita Synodus P. II. Cameracensis *tit. 2. cap. 2.* Synodus P. II. Mechliniensis *tit. 20. cap. 4.* vult, ut „ Scholæ Scholasticis Capitulorum subiectæ, ab iis „ dem Scholasticis, cæteræ omnes ab Archi-Presbyteris, vel aliis ab Ordinario deputatis, singulis sal- „ tem *semestribus* feriò visitentur.

XVII. Scopus hujus visitationis esse debet, ut sciatur, an juvenus ritè instituat; quis sit puerorum in litteraria scientia, & scriptionis peritia profectus; an Magistri Magistræve instruendæ, erudiendæque juvenuti sedulo se impendant; modum convenientem, prudentiamque in regenda juventute teneant; quos libros pueris prælegant, aut legendos tradant, aut legere permittant; an nulli prælegantur, qui turpe aut obsecum quid contineant, aut bonis moribus, vel fidei Catholicæ adversum; curentque, ut librillegantur, qui pueris pietatem & morum honestatem instillent: qua de re frequentes sunt Synodorum monitiones.

XVIII. Ulterius monet citata Synodus Antverpiensis *cap. 3.* „ Habeant autem rationem Ludimagistri, ut „ tenera ætas in pietate & morum modestia institua- „ tur;

A a a a

„tur; ideoque ad catechizationem discipulos suos deducant, eosque ibi existentes in disciplina contineant; & ipsimet præceptores pro capto discipulorum suorum diebus Sabbathi post meridiem fidei nostræ rudimenta explicant. Diebus Dominicis & Festis ad Missam parochialem, atque ut minimum quater in anno simul ad Confessionem Sacramentalem deducant; ipsique Magistri bono vitæ suæ exemplo discipulos ad virtutem provocent, & ab omni tabernarum frequentatione, aliisque levitatibus abstineant. Ubi autem consuetudo Laudes Beatæ Mariæ quotidie, vel saltem Sabbatho decantandi à Scholaribus intermissa est, quamprimum restituatur.

XIX. Et quidem prima Scholastici, aliorumque Scholis superintendentium ac visitantium sollicitudo & studium esse debet, ne tenera ætas in Scholis vel ab ipsis Magistris, vel sociis corrumpatur; sed in Baptismali innocentia, quantum fieri potest, conservetur.

Hunc quoque in finem optant Synodi nostræ, ut tam in Dominicalibus, quam in aliis quibuscumque Scholis masculi à viris, & puellæ à mulieribus tantum instruantur: ubicumque tamen id obtineri non poterit, saltem locis & interstitiis masculi à puellis separantur. Ita Synodus P. II. Mechliniensis tit. 20. cap. 3. Similiter Synodus Cameracensis anno 1604. tit. 2. cap. 2. ait. „Easdem Scholas in oppidis præsertim & aliis locis celebrioribus simul non frequentent pueri & puellæ; sed viri masculis, feminae puellis, quantum fieri potest, instruendis præfint.

Cumque Scholasticus Ambianensis visitando Scholas, deprehendisset, nonnullos Ludimagistros ad suas Scholas admittere puellas; & Ludimagistras admittere masculos, querelâ delatâ ad Parlamentum Parisiense, declaratum fuit 5. Jan. 1677. vetitum esse viris admittere puellas, & foeminis admittere masculos; idque antea non semel judicatum fuerat; uti refertur ad calcem citati capitis libri cui titulus *Journal des Audiences*.

XX. Quamvis Scholarum visitatio præcipue ruralium, & quæ Capitulorum Scholasticis non subsunt, Decano Rurali in Synodis sit commendata, nequaquam Parochis earum cura adempta est; quæ ipsis jure quasi naturali incumbit.

Quin citata Synodus Antverpiensis cap. 1. vult, ut Scholæ in pagis sint in loco aliquo juxta Templum; rationem subjiciens: „Ut tam Præceptores quam discipuli frequentissime à Pastoribus aliisque visitari, observari, & in Religionis nostræ initiis commodius exerceri possint.

Synodus P. I. Cameracensis tit. De Scholis cap. 5. „In omnibus Parochiis sint, qui doceant primam juventutem, maxime in his, quæ numerosam plebem habent: Pastorque singulis mensibus diligenter inquireat, quantum proficiat pueritia: idque maxime provideat, ut à teneris imbuatur timore & amore Domini, ne corrumpatur ullâ licentiâ, aut doctrinâ; quæ nec Religioni, nec bonis moribus respondeat.

## TITULUS XII.

### DE SPONSALIBUS ET MATRIMONIO.

#### CAPUT I.

Quomodo Sponsalia contrahenda; & quod circa illa Parochorum officium?

1. Sponsalia propriè significant Sponsalia de futuro.
2. Horum Definitio.
3. Olim Matrimonio præmitti solita; & meritò bodie præmittuntur.
4. Sponsalia publicè coram Parocho contrahenda.
5. Potius coram Parocho Sponsæ, quam Sponsi, & quare?
6. Quo loco Sponsalia contrahenda; & qualiter desponsandi debeant esse dispositi?
7. De Testium & Consanguineorum præsentia in celebratione Sponsalium requisita.
8. Quæ per Parochum à desponsandis inquirenda?
9. Formula contrahendorum Sponsalium.
10. Consuetudo contrahendi publicè coram Parocho Sponsalia non videtur universalis.
11. Consuetudo hæc laudabilis, & meritò conservanda.
12. Sponsalia clandestina licet illicita, sunt tamen valida.
13. Sponsalia impuberum de jure valida sunt.
14. A Parocho hic non admittenda.
15. Desponsati intra breve tempus debent ad Matrimonium procedere; & quare?
16. Monendi Desponsi ne simul habitent; aut familiarius simul conversentur.

I. SPONSALIORUM sive Sponsalium nomen, tametsi diversimodè præsertim apud Jurisconsultos sumatur; atque subinde Sponsalia de præsentii, etiam veniant nomine Sponsalium; & ante consummationem Matrimonii, vir & uxor dicantur *Sponsus* &

*Sponsa*, nihilominus magis propriè ac frequentius in Legibus & Canonibus accipitur pro Sponsalibus de futuro; neque hodie alia est Sponsalium significatio. Sponsalia enim de præsentii sunt ipsum Matrimonium ratum non consummatum; nec hodie nomine Sponsalium significari tolet; nisi expressè addatur, de præsentii; censeturque quasi particula alienans, quasi nomen *Sponsalium*, ad alienam significationem transferens.

II. Sponsalia propriè dicta, sive de futuro dicuntur in Canone 3. caus. 30. q. 5. *Futurarium nuptiarum promissio*, & in l. ff. De Sponsalibus: *Mentio & repromissio nuptiarum futurarum*; quæ quidem definitio ostendit, tantò Sponsalia differre à nuptiis, quantum spes distat à re ipsa, ut notat Cujacius in recitationibus ad titulum Codicis De Sponsalibus.

III. Olim apud Romanos ferè semper Sponsalia nuptias præcedebant, uti testatur Jurisconsultus in l. 2. ff. De Sponsalibus: „Sponsalia (ait) dicta sunt à spondendo: Nam moris fuit Veteribus stipulari & spondere sibi uxores futuras.

Nec tantum apud Romanos Gentiles, sed & Christianos & Catholicos hæc fuit olim consuetudo, ut nuptiis Sponsalia præmitterentur; quare in libris Juris Canonici Sponsalia Matrimonio præmitti ubique videmus; ac si supponeretur; hæc tanquam præambula ipsum Matrimonium præcedere debere.

Unde & ipsum Pastorale Mechliniense, ubi de Sacramento Matrimonii Parochos instruere intendit, antea de Sponsalibus agere voluit, monetque: „Matrimonii Sacramentum, iustas ob causas ex Ecclesiæ consuetudine, præcedere debent Sponsalia.

IV. Sponsalia hæc tanquam præambula, ac quasi initialia Matrimonii, juxta mentem Ecclesiæ etiam publicè, non clandestinè coram Sacerdote ineunda sunt.

Et quidem juxta Manuale Cameracense, „Sponsalia à nemine, præterquam à Parocho alterutrius „Def.

„ Desponsandorum, vel ejus Vicario seu alio de ipsius „ vel Ordinarii *licentia*, sunt celebranda. (a)

Idipsum passim omnia Ritualia insinuant; Parochum ubique legitimum ac ordinarium Sponsalium Ministrum, coram quo Sponsalia ineunda sint, supponentia.

V. Notat insuper Rituale Mechliniense, quod dum Desponsandi sunt diversarum Parochiarum coram Pastore Sponsæ Sponsalia iniri consuevisse. Merito, tum ob honestatem quamdam; honestius siquidem est, ut Sponsus videatur Sponsam in sua Parochia quærere, quam econtra: tum ad vitandas æmulationes inter Parochos. Quapropter siue in Sponsalibus siue in Matrimonio hæc consuetudo mutari non debet: Neque tamen Parochus Sponsæ nimis esse difficilis debet ad aliud ob rationes permittendum.

VI. Synodus P.I. Cameracensis titulo *De Matrimonio*, cap. 6. vult, ut „ Sponsalia loco ac tempore fiant „ commodo, id est, non in cœnopoliis, aut tabernis „ potatoriis; sed in loco sacro: non post dissolutas „ comperationes, cureturque, ut & Sponsus & Sponsa „ sobrii, non ebrii, neque alias mente capti Sponsalia „ ineant.

Illius Ecclesiæ Manuale magis specificè locum Sponsalium designans, ait: „ Non aliter quam publice, aut „ alibi quam in Ecclesia, vel sacra Capella, vel Cœme- „ terio fiant. „ Addit Mechliniense: *Aut alio publi- co seu honesto loco; minime vero in cauponis.*

Deinde monet Parochum, *Videant num desponsandi sobrii sint, ac animo bene deliberato.* Nequaquam igitur recentes à poritatione, & nugis procatoriis ad Sponsalia admittendi.

VII. Requirit insuper Ritualia, ut adsint ad mi- nus duo testes; imo vult Mechliniense, „ videat Sa- „ cerdos, an adsint utriusque partis parentes, aut alii „ eorum nomine, sine quibus temere procedere non „ debet.

VIII. Inquirat præterea, an contracturi Catholici sint, scientes nostræ fidei rudimenta, & an confirmati sint, an sciant interesse aliquod impedimentum Cano- nicum.

Quia Sponsalia ob connexionem cum Matrimonio res quasi Sacra censetur, & ad Sacramentum proxime disponens, ac quodammodo ipsius Sacramenti inchoa- tiva ab Ecclesia reputantur; volunt Ritualia, ut Sacer- dos illa celebraturus, stola seu ornamento Officii sit in- dutus, ut loquitur Rituale Mechliniense.

Addit deinde idem Rituale, ut ubi de omnibus jam dictis certior factus est, futurum Sponsum interroget: *Venisti hic tua libera voluntate, à nullo coactus nec ulli alii alligatus, ut promittas te ducturum in legitimam uxorem N. quam hic manu tenes?* Sub eadem verborum formula deinde Sponsam interrogare debet.

Hoc merito notandum, ut hæc aliæve interrogatio- nes non instituantur aut proponantur, modo plane per- functorio, & tanquam cæremoniales quædam formulæ, ad quas vix attendi solet: sed ita, ut desponsandi ad omnia attentè reddantur, jubeanturque serio singula expendere; præsertim si Parocho suspicio aliqua non infundata sit, quod aliqua subsint, quæ ipsa Sponsalia, aut futurum Matrimonium impedire, aut etiam invali- dum reddere possent.

IX. Ad interrogata affirmative respondentes despon- sandi, fidem sibi mutuo faciunt hac formula idiomaticè vulgari expressa. *Ego in præsentia adstantium promitto me daturum fidem meam tibi N. quam hic manu teneo. Et te ducturum in legitimam uxorem meam, si non obstitit aliquod Canonicum impedimentum.*

Simili promissione à Sponsa facta, subjungit Sacerdos:

(a) Sunt plurimæ Dioceses, in quibus non viget mos ineundi Sponsalia coram Parocho in facie Ecclesiæ, V. G. in Italia, in Occidentia, &c. Quapropter in Rituali Romano nulla sit mentio de sponsalibus in facie Ecclesiæ ineundis: unusquisque ritum suæ Diocesis sequatur.

*Et ego tanquam Minister Ecclesiæ Dei ejus nomine, hæc vestrum mutuam promissionem accepto & approbo.*

X. Hæc sunt publica ac legitima Sponsalia, quæ Ma- trimonio ob iustas causas ex consuetudine Ecclesiæ præ- mitti debere censet Rituale Mechliniense; de quibus tamen nihil Rituale Romanum; ut sat verisimile sit, consuetudinem præmittendi Sponsalia cum his cæremoni- niis, non esse universalem.

XI. Interim *iustæ causæ* istius consuetudinis esse pos- sunt hæc & similes. Ut conjugandi tempore aliquo ante- quam sint Matrimonium contracturi, nomen suum dent Ecclesiæ seu ejus Ministris; quo interea de eorum qualitatibus, atque de his quæ in contractu Matrimo- niali requiruntur inquiri possit: uti olim pro Baptismo nomen suum dabant Catechumeni; pro absolutione obtinenda poenitentes; & pro Ordinibus adhuc hodie vult Ecclesia ut antea nomen suum dent Candidati. Deinde ut de eorum consensu constet, antequam pro- cedatur ad proclamationes. Denique ut obvietur Spon- salibus seu promissionibus clandestinis, unde plurima oriuntur incommoda; quæque propterea multum dif- fuaderi debent utriusque sexus juventuti.

XII. Porro quamvis Ritualia, Sponsalia publice ce- lebrari exoptent, atque clandestina improbent, nequa- quam tamen ea invalida aut non obligatoria existimant. Imo Manuale Cameracense postquam dixit Sponsalia à nemine præterquam à Parocho alterutrius Desponsan- dorum vel ejus Vicario, seu alio de ipsius, vel Or- dinarii licentia esse celebranda, immediate subjicit: *Et si aliter facta irrita non sunt.*

Cumque nonnulli crederent ex Sponsalibus clan- destinis nullam oriri obligationem; sed ea ex Decreto Concilii Tridentini esse irrita nullamque obligatio- nem inducere, Synodus Diocesana Mechliniensis huic errori occurrere volens Decretum seu declarationem edidit his verbis: „ Cum Sponsalia de futuro à sacro „ Concilio sint relicta intacta, atque ita relicta in ter- „ minis & dispositione Juris communis, præterquam „ quod per copulam carnalem non transeant in Matri- „ monium, certum est, ea esse valida & servari debe- „ re, etiam si coram Parocho & Testibus contracta non „ fuerint.

Ut ergo de *validitate* & obligatione Sponsalium statu- tur, inspicendum est etiam hodie jus commune.

Hoc jure autem Sponsalia contractibus, qui solo consensu ineuntur, annumeranda sunt, utpote quæ ad actus *validitatem* solum consensum externe sufficien- ter expressum requirunt. Unde juxta jus commune Sponsalia nihil aliud sunt, quam futurarum nuptiarum promissio.

Sicuti autem in contractibus civilibus *solo consensu* constantibus requiritur, ut de consensu illo externe sufficienter constet: ipsorumque validitas ab illo unice dependet, neque attenditur consensus *mere* internus nullo signo exteriore expressus; ita quoque circa Spon- salium validitatem unice attendi debet consensus ex- terne manifestatus, insuper habito consensu *mere* in- terno soli Deo cognito, quique hominibus innoscere nequit: ac per consequens non permittit humana socie- tas, ut ab illo dependeant contractus, qui inter ho- mines ineuntur.

XIII. Si jus commune spectemus, impuberum Sponsalia valida sunt, toto titulo Decretalium *De Des- ponatione impuberum*; atque ad eorum validitatem suffi- cit ætas septem annorum; imo & minor, si malicia suppleat ætatem; id est, si usus rationis ætatem illam præveniat, ut multis probat Thomas Sanchez loco ci- tato, *Disp. 16.*

XIV. Verum hodie Sponsalia saltem publica, quæ coram Parocho ritu præscripto contrahuntur inter im- puberes sine Superiorum auctoritate, non sunt admit- tenda, atque ætatem in Desponsandis quæ proxime ad Matrimonium sufficit, sat aperte requirunt Ritualia & Synodi.



XV. Manuale enim Cameracense expresse vult mone-  
ri Desponsatos, ut infra *quadragesima* dies ad Matrimonium  
promissum procedant, alioquin deferendi ad Offi-  
cialem nempe postquam adhuc moniti fuerint.

Similiter Synodus Audomarenfis tit. 10. cap. 4.  
» Præcipiant Parochi eis, quos ad Sponsalia contra-  
» henda admittunt, ut intra *quadragesima* dies proximos  
» (nisi Canonicum impedimentum obveniat) Matrimo-  
» nium ipsum contrahant, nec diutius illius solemni-  
» ficationem differant, absque nostra aut Curiae nostrae  
» licentia.

Synodus Diocesana Mechliniensis tit. 9. cap. 5.  
» præcipit, ut "Parochi Sponsalia coram se contrahentes  
» admoncant; ut ad periculum incontinentiae, aliaque  
» inconvenientia evitanda, intra *sex septimanas* post  
» factas proclamationes, si Canonicum impedimentum  
» denuntiatur non fuerit, ad Matrimonii solemnisa-  
» tionem procedant." Idem habet Synodus Buscodu-  
» centis sub Masio tit. 10. cap. 6. insuper addens: "Et si  
» præscripto tempore non processerint, eos Curiae no-  
» strae infinuet. (a)

Hæc manifeste indicant, supponi Desponsandos in  
ea esse ætate; ut infra tempus illud ad Matrimonium  
procedere possint: quamvis Sponsalia ab impuberibus  
inita non irritent, aut absolute reprobent; quare nec  
ea quæ de jure communi circa desponsationem impu-  
berum decreta sunt, hodie abrogata sunt; sed quia  
hujusmodi Sponsalium usus rarior est, sufficit, casu  
aliquo occurrente, consulere Commentatores Decreta-  
lium ad titulum *De Desponsatione impuberum*.

XVI. Monendos insuper volunt Desponsos confor-  
miter ad Synodum Tridentinam Sess. 24. cap. 1. *De Refor-  
matione Matrimonii*, "ne ante contractum Matrimo-  
» nium sub eodem tecto simul habitent, aut carnale  
» commercium mutuo habeant; " uti loquitur Rituale  
Mechliniense: vel ut disertius Manuale Cameracense:  
» Honestè se gerant, nec in eadem domo cohabitent:  
» aut simul maneant: " vel quemadmodum ait Synodus  
Audomarenfis tit. 10. cap. 4. "Ne ita cum altera alter  
» versetur, ut fornicationis periculum aut suspicio  
» esse possit.

Merito sane inhihentur Desponsis ea, quæ aliis ve-  
rita non sunt: eo quod hæc jam tanto ipsis periculosiora  
sint, quo magis crescit affectus & spes propediem Ma-  
trimonio potiendi, & securitas à dedecore, quod non-  
dum desponsati timent.

Itaque serio à Parochis dehortandi sunt Desponsi ab  
omni eo quod ipsis hætenus non licuit, nec proinde  
adhuc licet. Nec tantum timor inferni, amorque puri-  
tatis ipsis inculcandus; sed etiam infamiae metus, nec  
non periculum infauti Matrimonii, quod sæpe accidit  
ob impuritates istas præcedentes. Cæterum notum est,  
has etiam in Belgio, præsertim inter homines tenuio-  
res, esse non parum frequentes; quapropter seriam ad-  
modum oportet esse hanc monitionem.

(a) Rituale Parisiense hortatur, ut quam primum poterunt  
sponsi & sponsæ matrimonium iniant, si sint puberes, nec ultra  
annum differant.

## CAPUT II.

### De Vinculo Sponsalium, eorumque Dissolutione.

1. *Sponsalia solo consensu contracta pariunt obligationem ad contrahendum Matrimonium.*
2. *An Desponsi absolute sint cogendi ad contrahendum Matrimonium?*
3. *An per censuram cogi debeant?*
4. *Aliquando ob scandala aliaque incommoda desisten- dum à coactione.*
5. *Quomodo de his judici constare debeat?*
6. *Judex in his prudenter procedere debet.*

7. *In Gallia Judex Ecclesiasticus cogere non potest per censuras vel condemnare ad dotandum.*

8. *Nequidem incidenter de dote aut alimentatione cog- noscere potest.*

9. *Officialis Episcopi non potest condemnare alternative Duc vel dota.*

10. *Quid circa hæc in Belgio obtineat?*

11. *Sponsalia solo consensu inita, mutuo consensu dissol- vuntur.*

12. *Fallit regula in Sponsalibus impuberum; Et quare?*

13. *Sponsalia sæpius etiam sine mutuo consensu dissol- vuntur.*

14. *Ad dissolvendum Sponsalia non sufficit superveniens causa, quæ retraxisset à Sponsalibus contrahendis.*

15. *Quid præcipue attendendum ut sciatur, an ob su- perveniens aut detectam circumstantiam dissoluta sint Sponsalia?*

16. *Nonnulla sunt quæ impedivissent contrahi Sponsalia, Et non dissolvunt contracta.*

17. *Attendenda conditio personarum.*

18. *Attendendus modus initorum Sponsalium.*

19. *Sponsalia subinde dissolvuntur duntaxat ex parte unius.*

20. *Interdum tantum effectus ad tempus suspenditur.*

21. *Per absentiam unius dissolvuntur subinde*

22. *Quid circa dissolutionem Sponsalium bodie in Belgio requiratur?*

I. SICUTI ea est omnium contractuum, qui solo con-  
sensu perficiuntur, natura & conditio, ut mox à  
præstito consensu obligationem pariant ipsosque con-  
trahentes ad contractum adimplentionem adstringant;  
ita quoque Sponsalia mox ut vel solo consensu, sive  
verbis sive nutibus sive signis externis sufficienter ex-  
terius expresso, contracta sunt, obligationem pariunt,  
ipsosque contrahentes obligant, ut tempore debito,  
quod promissum est, impleant, id est, nuptias pro-  
missas contrahant.

Unde in Cap. 2. §. *De Sponsalibus*, scribit Pontifex:  
» Præterea hi, qui de Matrimonio contrahendo pure,  
» & sine omni conditione fidem dederunt, commonen-  
» di sunt, & omnibus modis inducendi, ut fidem  
» præstitam observent.

II. Post hæc tamen subjungit Pontifex: "Si autem se  
» ad invicem admittere noluerint: ne forte dererius inde  
» contingat, ut talem scilicet ducat, quam odio habet;  
» videtur, quod ad instar eorum, qui societatem inter-  
» positione fidei contrahunt, & postea tandem sibi re-  
» mittunt, hoc possit in patientia tolerari.

Ex hoc textu nonnulli credunt, vi promissionum  
Matrimonialium seu Sponsalium obligari quidem pro-  
mittentem etiam ex *justitia* ad contrahendum Matrimo-  
nium, & promissionem adimplendam; sed tamen  
*absolute* renitentem per censuras non esse cogendum,  
ne invitatus ad Matrimonium cogatur. Quod clarius in-  
dicare videtur Pontifex in cap. 17. §. *ead.* Interroga-  
tus enim, "qua censura mulier compelli debeat, quæ  
» jurisjurandi religione neglecta nubere renuit, cui se  
» nupturam interposito juramento firmavit; " respon-  
dit: "Quod cum libera debeant esse Matrimonia, *mo-  
» nenda* est potius, quam *cogenda*, cum coactiones  
» difficiles soleant exirus frequenter habere.

III. Verum quidem est, Pontificem in cap. 10.  
§. *ead.* respondisse, quod si is, qui jurejurando ali-  
quam in uxorem ducere promisit, *monitis* Episcopi  
non acquieverit, *Ecclesiastica censura* eum compellat,  
ut ipsam in uxorem recipiat, & maritali affectione  
pertractet; sed tamen addit hanc parenthesis: *Nisi ra-  
tionabilis causa obstiterit.*

Ad hanc parenthesis reflectens Cujacius in exposi-  
tione hujus Decretalis, ait: "Exempli gratia, rationa-  
» bilis causa est, si illo coacto ad peragendas nuptias  
» prospiciatur periculum aliquod grande discordiæ &  
» odii acerbioris.

Itaque

Itaque aliud non videtur hic velle Pontifex, quam iudicem omni modo adiri debere, ut promissionem suam, praesertim juramento firmatam, partes adimplerent; idque etiam per censuram; nisi perspicitur, quod haec coactio difficile exitus sit habitura, ut propterea merito ab illa absoluta coactione absteineatur, & contraveniens suae promissioni in patientia toleretur; ut loquitur Pontifex in cap. 2. §. 2. eod.

IV. Hanc interpretationem & conciliationem textuum probat quoque Thomas Sanchez *De Matrimonio lib. 1. disputat. 29.* rationem ulteriorem assignans cur eo casu merito à coactione iudex absteineat; "quia iudicis est (ait) compellere ubi fini Matrimonii expediret (ex fine enim desumenda est necessitas) sed in eo casu non expedit fini Matrimonii cogere, sed potius mutuum obsequium, quod ipsius finis est, impediatur... Item quia tunc iudex coactionem denegans, auctori favet; vitat enim ipsius grave damnum, ut si petenti proprium gladium ad se necandum iudex denegaret. Tandem, quia expedit, Ecclesiam minus malum permittere, ut majus vitet; majus autem malum est scandala & perpetuas inimicitias oriri, quam fidem Sponsalium frangere; iuste igitur Ecclesia hoc permittit, gratia illud vitandi.

V. Haec ille, qui deinde num. 6. notat, necesse non esse, ut iudici constet iudice de scandalo, ob quod à coactione desistat; sed sufficere ut iudex ex circumstantiis, quas praeculis habet, prudenter arbitretur ea scandala secutura esse: totum enim id negotium arbitrio & prudentiae iudicis videtur esse commissum.

VI. Insuper num. 7. monet, id esse concedendum primae sententiae (id est illi, quae ait non esse cogendum, sed si monitis non acquieverit, relinquendum, cujus Auctores citat num. 2.) "Iudicem prudenter debere procedere absque strictissima coactione, ne consensus requisitus ad Matrimonium deficiat: quare si sponsum ita obstinatum esse videat, ut libere Matrimonio consentire repugnet, monitione potius, quam coactione utatur.

VII. Cum autem vix sperari queat prosper successus Matrimonii, dum alterutra pars per censuras similesque poenas ad contrahendum plane invita & coacta accedit, hodie receptum esse in Gallia testatur Claudius De Blondeau in Bibliotheca Canonica, verbo *Matrimonia* pag. 87. edit. 1689. "Quod si de initis Sponsalibus sive facta promissione constet, iudicem Ecclesiasticum pronuntiare posse, fidem esse exsolvendam, & Matrimonium contrahendum; quod si Sponsus recuset, ipsi esse imponendam poenitentiam, aut erogationem elemosynae ob fidem violatam: sed ad dotandam vel intertinendam sponfam cogere sponsum non posse, etiamsi id olim fieret per excommunicationem. Dissolvit autem Desponsos (ait) & permittit, ut ad damnum & interesse agant coram iudice seculari. (a)

VIII. Observat quoque Choppinus *De Sacra Politia lib. 2. tit. 1. num. 15.* "usu receptum non esse in Gallicis Tribunalibus Rescriptum Clementis III. in Cap. De PRUDENTIA & De Donat. inter virum & uxorem, Pontificiae notiois esse iura dotium, perinde ac nuptialis sponsonis, iudicioque terminata Matrimonii controversia, dotis cognitionem in Praetorio Episcopi superfore. At moribus nostris (ait) vinculo tenus connubiali Praefulum est profanis jus reddere, tanquam de Ecclesiastico Sacramento. Eo autem sanctis nullum superest de dote iudicium, nec de nuptialis quidem muneris restitutione, tametsi conjugaliu pactionum arrhabonis & appendicis ius iudicium.

(a) Extat consultum Supremi Senatus Parisiensis, datum an. 1645. quo rescissa fuit Sententia Officialis Andegavensis qui damnaverat Margaritam Coudrier ad solvendam fidem, quam de matrimonio contrahendo dederat, poena censurarum Ecclesiasticarum interposita.

IX. Unde si Officialis Sponsum condemnaret non simpliciter ad contrahendum Matrimonium; sed alternative *duc* vel *dota*, censeretur abuti sua iurisdictione, atque per appellationem tanquam ab abusu sententia cassaretur, uti tradit Carolus Fevretius tractatu *De Abusu lib. 3. cap. 1. num. 16.* quia in Gallia nullo modo potest iudex Ecclesiasticus, ne quidem *accessorie*, de dote cognoscere; refertque anno 1604. solemnem Arresto Parlamenti Divionensis cassatam sententiam Officialis Cabilonensis, qua condemnatus fuerat sponsum ad ducendam sponfam, aut assignandam competentem dotem, prout intra octiduum elegeret, dictumque fuit per Curiam, Officialem tantum posse cognoscere de validitate & observantia promissionis nuptialis; non autem de dote: unde & citationes in causa dotis, deflorationis, suscepcionis partus, alimentorum, & similes declarantur abusivae; uti ibidem notat Fevretius.

X. Juxta Concordata inter Carolum V. & Episcopum Leodiensem potest iudex Ecclesiasticus *incidenter* de dote, vel donatione propter nuptias cognoscere; cum aditus super divortio, actor in libello *principaliter* concluderet ad divortium propter adulterium, & consecutive ad lucrandam vel perdendam dotem vel donationem propter nuptias. Similiter & de alimentis, quae per virum aut mulierem peti contigerit, pendente divortii causa, vel de tractamento alterius eorundem cognoscere poterit iudex Ecclesiasticus, si haec coram eo incident, vel judicialiter petantur. Ita praedicta Concordata tit. 2. §. 3. & 5. Habentur *parte 1. Edictorum Brabantiae lib. 1. tit. 1. cap. 8.*

Notat praeterea Zypaeus in Jure Novotitolo *De Foro competentis* num. 8. quod licet juxta citata Concordata, cum sine praevio contractu agitur de dote constituenda inter laicos, solus iudex secularis cognoscat, separatum tamen super *emenda* (*Amende* ou *satisfaction*) tantum deflorationis in Brabantia coram Ecclesiastico actio institui possit; atque ita non semel à Senatu Brabantiae fuisse iudicatum testatur, etsi secus in Gallia juxta Paponium *lib. 1. tit. 5. art. fin.* Quod ad Sacramentum Matrimonii eatenus spectat (ait Zypaeus) quatenus alternative deflorans ducere aut dotare cogitur, & semper fere quaeritur quod ex his debeat.

Notat quoque Thomas Sanchez loco supra citato num. 10. quod si non disputetur de validitate Sponsalium, sed Sponsalia certa sint, atque de iis constet, potest iudex secularis ad ea compellere, quamvis juramento confirmata non sint: sicut cogit ad aliorum contractuum fidem non violandam.

XI. Sponsalia quae solo consensu inita sunt, & haecenus solo partium consensu subsistunt, etiam solo utriusque consensu solvi possunt, juxta illud vulgatum: nihil tam naturale, quam unumquodque dissolvi eo modo, quo colligatum est. *L. 35. ff. De Regulis Juris*; quod & procedit, tametsi juramento firmata sint: quia juramentum ipsam naturam contractus non immutat *Cap. 2. §. De Sponsalibus*; ubi id exemplo societatis juramento firmatae decidit Pontifex.

XII. Fallit nihilominus haec regula in Sponsalibus impuberum, quae ex positiva Juris dispositione dissolvi, etiam mutuo consensu, non possunt, nisi postquam ad annos pubertatis pervenerint *Cap. 8. §. De Dispensat. Impuberum*, idque statutum est, ob instantiam & levitatem puerorum, ne quotidie nova contrahant sponsalia, & rursus ab iis resiliant.

XIII. Ulterius sponsalia puberum licet ab initio valida, frequenter ex causa superveniente, etiam praeveniendo mutuum consensum solvuntur; tametsi juramento fuerint firmata, quemadmodum Januensi Archiepiscopo respondit Innocentius III. in *Cap. 25. de Jurejurando*, solvi hujusmodi Sponsalia, si Sponsa fuerit fornicata, "quoniam (ait) in illo juramento talis debet conditio subintelligi, si videlicet illa contra regulam desponsationis non venerit, Idem esse si mu-

si mulier post contracta Sponsalia fieret non tantum leprosa, sed etiam paralytica, vel oculos aut nasum amitteret, seu quidquam ei turpius eveniret, manifeste supponit ibidem Pontifex.

XIV. Pro quo tamen notandum, non sufficere ad dissolutionem Sponsalium, quod superveniat aut degatur talis circumstantia, quæ si præcisa fuisset, Sponsalia inita non fuissent: quia certum est, multa posse sufficere, ut contractus nondum initus, iniri non deberet, nec iniri conveniret; quæ nullatenus tamen sufficiunt, ut contractum dissolvant: eo quod contractu nondum inito plena sit libertas non contrahendi: quæ libertas non subest, postquam contractus fuit perfectus.

XV. Itaque ut judicetur, an ob supervenientem aut detectam aliquam circumstantiam, Sponsalia censeantur esse soluta; ipsique Desponsi aut alteruter eorum ab obligatione soluti, expendendum, an tales personæ secundum prudens iudicium talibus verbis, & in talibus circumstantiis consensum ante datum censeantur extendisse ad casum quo talia superveniunt. Si censeantur extendisse ad casum quo talia superveniunt, Sponsalia non solvantur. Si non censeantur extendisse ad istum casum, dicendum est, quod solvantur.

XVI. Hinc non difficile est colligere, multa posse etiam sine ulla culpa alterutrius supervenire, quæ Sponsalia dissolvant, sive ex parte sponsæ sive sponsi. Item quædam etiam esse, quæ quidem præcisa impedivissent Sponsalia contrahi, quæ tamen supervenientia jam inita Sponsalia non dissolvant.

XVII. Adhæc, non difficulter intelligitur, quod dum de dissolutione Sponsalium agitur ob supervenientem aut detectam aliquam circumstantiam, expendendas esse conditiones & qualitates personarum: quandoquidem dubitari nequeat, quin ex diversitate personarum natum sit contingere, ut consensus in Sponsalia censeatur, vel non censeatur extensus ad casum, quo similia supervenissent, aut detecta fuissent.

XVIII. Illud quoque expendendum, quibus verbis, & quomodo Sponsalia inita sint. Quo enim verba fortius exprimunt voluntatis firmitatem atque constantiam; ut si iuramentum quoque accedat; quo insuper magis præmeditate majorique cum solemnitate, eo difficilior ordinariæ dissolvuntur; & consensus ad plura postea supervenientia fuisse extensus merito præsumitur.

Hæc omnia secum expendere, & prudenti iudicio expendenda committere debet, ut quis à Sponsalium obligatione se in conscientia coram Deo solum existimet. Si autem coram iudice in foro exteriori agatur, hæc iudici expendenda & ponderanda erunt, uti late deducit Zypæus *Consult. 1. de Sponsalibus*, ubi ostendit, admodum difficulter ex parte sponsi dissolvi Sponsalia, si ultra promissionem defloratio sponsæ secuta sit.

XIX. Verum & hoc norandum, quod etsi ratione alicujus supervenientis circumstantiæ solvantur Sponsalia ex parte unius, non propterea semper solvi ex parte alterius. Ita fornicatio sponsi tollit obligationem ex parte sponsæ, non tamen eam tollit ex parte sponsi: sed hic Sponsalia adimplere tenetur, si ipsa velit. Idem in paupertate, lepra, infamia, & similibus supervenientibus locum habere potest.

XX. Sponsalia de futuro solvi, licet illicite, per Matrimonium cum secunda, tanquam per fortius vinculum, deciditur in *Cap. 32. de Sponsalibus*; eatenus nimirum, quod Matrimonium, non obstantibus Sponsalibus prius initis, subsistat; & secundam hanc uxorem habere debeat.

Sed licet ipsa Sponsa mox à contracto Matrimonio per Sponsum à Sponsalibus liberetur, possitque libere cum alio contrahere; nequaquam tamen ex parte

Sponsi Sponsalia plane soluta sunt; sed duntaxat pro tempore durantis huius Matrimonii effectus ipsorum suspenditur: atque ideo Matrimonio per mortem uxoris soluto, rursus reviviscunt; & si Sponsa velit, Sponsus in vim Sponsalium eam ducere tenetur: uti post Basilium Pontium advertit Zypæus in *Jure Novo tituli. De Sponsalibus num. 8.*

Similiter, si alteruter Desponsatorum ingrediatur Religionem, mox ab ingressu, etiam ante professionem, solvuntur Sponsalia ex parte non ingredientis; ut nimirum liberum ei sit cum alio contrahere; sed ex parte ingredientis tantummodo suspenduntur, quamdiu in Religionem permanferit; sed si eam deseruerit, reviviscit ex parte ipsius obligatio: ut recte notavit Andreas Vallesius ad hunc titulum §. 4. num. 2.

XXI. Sponsalia quoque ex parte solius Sponsæ, solvantur, si Sponsus patriam deserat, & se ad alias partes transferat, ita respondit Pontifex in *Cap. 5. de Sponsalibus*. Quanti temporis autem absentia requiratur, ut hoc titulo Sponsa libera censeatur à promissione sua, nullibi determinatur; sed arbitrio iudicis relinquitur; nisi certum tempus, intra quod Matrimonium contrahi debeat, Sponsalibus adjectum sit: eo enim elapso, certum est, Sponsalia ulterius non obligare. *Cap. 22. de Sponsalibus.*

XXII. Inspecto jure communi, ad solutionem Sponsalium non requiritur sententia iudicis, aut solemnitas aliqua, præter utriusque Desponsatorum consensum. Ritualia Belgica autem nolunt Sponsalia propria Desponsatorum auctoritate solvi.

„ Non consentiant Parochi (ait Ritale Mechlinien-  
„ se) ut illi qui in ætate legitima constituti Sponsalia  
„ contraxerunt, se mutuo ab ejusmodi promissione fu-  
„ turarum nuptiarum propria auctoritate absolvant;  
„ sed illos spiritualis Curie Promotori denuntient: ut  
„ causa per Episcopum ejusve Officialem discussa, si ea  
„ secundum juris dispositionem legitima sit, ab ejusmo-  
„ di promissione absolvantur.

Idem habet Manuale Cameracense. Et Synodus Cameracensis anno 1604. *tit. 11. cap. 9.* ait, „ Sponsalia  
„ contracta non dirimant Parochi, sed rei cognitionem  
„ ad Officialem nostrum remittant. „ Idipsum habent  
Synodi Andomarensis *tit. 10. cap. 18.*

Hæc vero intelligi oportet de Sponsalibus publicis & coram Ecclesiæ Ministro rite solemniter contractis: quibus dum Ecclesia semel manum apposuit, nihil, se inconsulta, fieri permittit. Impeditur etiam hoc pacto levitas, quæ aliter in re tam gravi, & frequenter non sine scandalo aliisque incommodis interveniret.

### CAPUT III.

#### De Proclamationibus seu Bannis Matrimonialibus.

1. Quid significet vox Bannum.
2. Bannum jam pridem in Ecclesia Gallicana sumptum fuit pro Proclamatione Matrimoniali.
3. Proclamationes illæ in aliquibus Ecclesiis receptæ, extensæ sunt ad omnes per Concilium Lateranense.
4. Earum usum probavit Synodus Tridentina.
5. Proclamationes faciendæ post contracta Sponsalia ante contractum Matrimonium.
6. Scopus Proclamationum requirit, ut fiant in Parochiis utriusque contrahentis.
7. Quid ex præscripto Synodorum & Ritualium observandum, dum Desponsi sunt diversarum Parochiarum, Decanatum, aut Episcopatum.
8. Quod servandum, quando Desponsi domicilia mutarunt, aut plura habent domicilia.
9. Quibus diebus fieri debeant?
10. Debent fieri quando populus est maxime attentus, & voce intelligibili.



11. *Populus monendus ut impedimenta etiam occulta re-  
velet.*
12. *Idque etiam si judicialiter probari nequeant; inter-  
dum tamen revelatio omittenda.*
13. *Desponsi in confessione de impedimentis interrogandi;  
cavenda tamen revelatio confessionis.*
14. *Synodus Tridentina non irritavit Matrimonium,  
omissis Proclamationibus, contractum.*
15. *Neque in Gallia hujusmodi Matrimonium est invali-  
dum.*
16. *Synodus Tridentina permittit Episcopis dispensare  
super Proclamationibus.*
17. *Unicam causam dispensandi expressit Synodus Tri-  
dentina.*
18. *Duplicem cautionem addit Synodus; quarum una  
hic in Belgio non observatur.*
19. *Synodus Tridentina desiderat, ut Episcopi in conce-  
denda dispensatione sint admodum moderati.*
20. *Quæ fuerit in his concedendis moderatio S. Caroli.*
21. *An ad evitanda maleficia concedenda dispensatio?*
22. *Quid in Gallia circa hanc dispensationem habeant  
Edita Regia, & quæ sit praxis?*
23. *Operandum ut raro dispensaretur; idque innuunt Sy-  
nodi Belgicæ.*
24. *Qua cautione Parochi testimonium dare debeant pro  
obtinenda dispensatione.*
25. *Perniciosus est abusus, dispensare indifferenter sine  
gravi causa super omissione Proclamationum.*
26. *Hunc abusum abolere posse ostendit praxis plurimum  
Dioecesium; nec non praxis Hæreticorum in Pro-  
vinciis Unitis.*
27. *Quid circa hæc Parochi facere debeant?*

I. Hujus vocabuli *Bannum*, non una, sed multi-  
plex apud Scriptores, & in antiquis tabulis est  
notio, ait D. Du Cange in Glossario, verbo, *Bannum*;  
sed potissimum *Bannum* trino significato ut plurimum  
accipitur. Ac primum quidem pro Edicto publico; rur-  
sum pro multa judiciaria; tertio pro districtu ac juris-  
dictione. Quas notiones ibidem latius expendit, & ex  
veteribus Scriptoribus & monumentis deducit citatus  
Auctor.

II. Itaque *Bannum* jam pridem, præsertim in Ec-  
clesia Gallicana, acceptum fuit pro Proclamatione seu  
Edicto, quo Matrimonium proclamatur, sive edicitur,  
ut si quis futuro Matrimonio, quod publice proclama-  
tur, aliquid opponendum sciat, edicat sive opponat,  
quemadmodum manifestè insinuat Innocent. III. in  
cap. 27. *De Sponsalibus*, rescribens Episcopo Belua-  
censi, præsertim si legatur Decretalis, ut extat in ve-  
teri collectione apud Antonium Augustinum, ubi hæc  
leguntur: "Sanè quia contingit interdum, quodd ali-  
quis, quibus volentibus contrahere Matrimonium, *Ban-  
nis*, ut tuis verbis utamur, in Ecclesiis, *secundum*  
consuetudinem Ecclesiæ Gallicanæ editis, &c. Quæ  
postrema verba omisit Raymundus, à quibus interim  
post Cujacium elicit Filescus libro *De Origine Para-  
chiarum* cap. fin. Proclamationum seu *Bannorum* ma-  
rimonialium institutum ab Ecclesia Gallicana ad cæte-  
ras manasse.

III. Quidquid sit, illud constat, quodd tempore Con-  
cilii Lateranensis sub Innocentio III. celebrati, usus  
Proclamationum seu *Bannorum* matrimonialium tan-  
tùm in quibusdam Ecclesiis esset notus: ac demum ad  
omnes Ecclesias per Decretum hujus Concilii in cap. 3.  
*De clandestina Desponsatione*, sit extensus.

Intelligens enim Concilium, frequenter contingere,  
ut contrahendo clandestinè, ob occultum dirimens im-  
pedimentum, Matrimonia nulliter contraherentur, *spe-  
cialem* quorundam locorum consuetudinem (ait)  
ad alia generaliter prorogando, statuimus, ut cùm  
Matrimonia fuerint contrahenda, in Ecclesia per Pres-  
byteros proponantur competenti termino præfinito,

ut intra illum, qui voluerit, & valuerit, legitimum  
impedimentum opponat.

IV. Synodus Tridentina similiter desiderans occur-  
rere multiplicibus incommodis, quæ ex Matrimoniis  
clandestinis quotidie oriebantur, dicti sacri Concilii La-  
teranensis vestigiis inhærendo præcipit, "ut imposte-  
rum antequam Matrimonium contrahatur, ter à pro-  
prio contrahentium Parocho tribus continuis diebus  
festivis in Ecclesia inter Missarum solemnias publice  
denuntietur, inter quos Matrimonium sit contrahen-  
dum.

V. Vult Synodus, Proclamationes fieri antequam  
Matrimonium contrahatur, id est, postquam Sponsalia  
jam publice & coram Parocho contracta sunt; aut si  
clandestinè inita sint, saltem Parocho de consensu in  
Matrimonium sufficienter constet.

"Quando aliter quàm coram proprio Parocho Spon-  
salia contracta sunt, Matrimonii denuntiationes non  
antè ab eo fiant, quàm ipsimet sponsus & sponsa id  
exigant, aut coram assensum præbeant. Qui quidem  
assensus, si non ejusdem Parochiæ sint, à proprio cu-  
jusque Parocho cognosci, atque alteri ab altero testi-  
monii litteris significari debet: Hæc Synodus Dioe-  
cesana Mechliniensis tit. 9. cap. 9.

VI. Cùm scopus harum Proclamationum seu Ban-  
norum sit, detegere impedimenta Matrimonii contra-  
hendi, meritò requirit Synodus, ut non tantùm illæ  
fiant ab alterutrius contrahentis Parocho, sed à Contra-  
hentium, id est, utriusque proprio Parocho, si Desponsi  
diversæ Parochiæ fuerint; quod expressè notavit Ri-  
tuale Romanum, & nostra Ritualia Belgica nec non  
Synodi fieri præcipiunt. (a)

VII. Vult Synodus P. II. Mechliniensis tit. 10. cap. 3.  
"Quandocumque Matrimonium contrahere volentes  
sunt diversarum Dioecesium, Decanatum, vel Pa-  
rochiarum, Parochus unius ad Matrimonii solemn-  
isationem non procedat, nisi & omnes proclamationes  
in Ecclesia sua fecerit, nullumque intellexerit Cano-  
nicum impedimentum; & similiter Parochum alterius  
Desponsorum omnes tres proclamationes fecisse, &  
nullum Canonicum impedimentum denuntiatum esse  
ex testimonio ejusdem Pastoris certò cognoverit, vel  
de dispensatione Ordinarii ipsi constiterit. Etsi fortè  
signaturam illius Pastoris non noverit, & testimoniales  
sibi exhibitas de falso suspectas habeat, exigat testi-  
monium saltem unius personæ fide dignæ, quodd testi-  
moniales illæ sint scriptæ vel subsignatæ manu ejus,  
à quo scriptæ vel subsignatæ esse dicuntur: vel si hu-  
jusmodi testimonium haberi non possit, exigat jura-  
mentum ab altero Desponsorum, quem testimoniales  
illæ concernunt, quodd eas à Parocho suo acceperit,  
vel ab eo scriptas esse sciat. Et si quem hic perjurum  
esse, aut crimen falsi committere contigerit, is gra-  
vissimè puniatur.

Similia habet Rituale; addit tamen: "Si verò Des-  
ponsi sint diversorum Episcopatum aut Decanatum,  
corroborandæ erunt litteræ Parochi illius, qui Matri-  
monium non solemnifabit, Episcopi aut Decani Chri-  
stianitatis testimonio.

VIII. Ut verò finis proclamationum obtineatur,  
meritò obtinet Synodus Dioecæsa Mechliniensis tit. 9.  
cap. 8. "Si Matrimonium contracturi in Parochia, in  
qua est moderna eorum habitatio, brevem moram tra-  
xerint, ita ut ibidem non sint satis noti; etsi ibidem Ma-  
trimonio jungi possint, nihilominus in Parochia, in  
qua priùs habitârunt, ubi verisimilius est fore ut impe-  
dimenta sciantur, denuntiationes omnes fieri volumus.

Hæc Synodus, ubi & in margine notatur, Congre-  
gationem Concilii Tridentini ita respondisse. Sanè  
menti Concilii Tridentini conforme esse, ut si quis plura  
habeat domicilia in diversis Parochiis, fiant denuntia-  
tiones in ea, in qua diutius habitat, & principalem

(a) Vide quid hac de re Gallis præscripserit Ludovicus XIV.  
in suo Edicto an. 1697.

habet

habet larem, vel potius in ea, in qua verisimilius est sciri impedimenta, pluribus citatis auctoribus resolvit Barbosa *De officio & potestate Episcopi, parte 2. Allegat. 32. num. 11.*

IX. Denuntiationes seu proclamationem Synodus Tridentina fieri vult diebus festis; idque in Ecclesia inter Missarum solemnias; quando nimirum solet esse major populi concursus; ut ita Matrimonium contrahendum magis innotescat, & impedimenta facilius detegantur, qui est hujus Decreti scopus.

Unde eas fieri posse alio die, quam festo, si ob aliquam solemnitatem in Ecclesia celebrandam, quamvis sine festo in populo, magnus ad Ecclesiam fiat populi concursus, resolvit Barbosa aliique ab eo citati dicta *Alleg. 32. num. 15.* & sat patenter supponit Synodus P. II. Mechliniensis tit. 10. cap. 2. præcipiens, proclamationes fieri Dominicis, vel Festis diebus sub summo Sacro, vel concione, aut sub frequenti populi conventu.

X. Debent ergo ad mentem Synodi fieri sub concione, aut in Missa, quando ipse populus solet esse frequentior; idque voce & idiomate intelligibili: qua de re anno 1663. in Congregatione Archi-presbyterorum Mechliniensium præfidente Archi-episcopo, hæc resoluta sunt art. 20. "Proclamationes publicæ, quæ ad Matrimonium contrahendum prærequiruntur, fiant in initio concionis aut post lectum in ea Evangelium, aut alio non minus commodo tempore, alia tamen semper & intelligibili voce, expresse nomine usitato Desponsandorum, & caveatur, ne illa alterentur, aut in aliud idioma inflectantur sub poena arbitraria.

XI. Cum hæc proclamationes unice tendant ad impedimentorum detectionem, Parochi est, frequenter monere populum, ut si quæ impedimenta, etiam occultata sciat, ipsi Parocho saltem revelet; ne alioquin ex silentio & occultatione reus reddatur omnium malorum, quæ ex Matrimonio cum impedimento, præsertim dirimente contracto, nata sunt oriri.

XII. Neque excusatur quis à revelatione eo solo titulo, quod illud subesse in judicio probare non possit: quia equidem hujusmodi manifestatio impedimenti Parocho occasionem dare potest ulterius inquirendi; qua inquisitione forsan ita detegat impedimentum, ut etiam in judicio probari poterit.

Adhæc, licet forsan impedimentum nunquam sic esset detegendum, ut judicialiter probari posset; nihilominus conducet ejus manifestatio, ut Parochus accipiat inde occasionem sedulo monendi Desponsatos, de longa illa peccatorum aliorumque incommodorum catena, cui se innectunt, qui cum impedimento dirimente contrahunt: qua monitione forsan fiet, ut ipsi contrahentes, aut alter eorum impedimenti conscius illud fateatur; atque ita Matrimonium impediatur.

Accedit, quod vel unius etiam testimonium de impedimento sufficere soleat ad impediendum Matrimonium, & juxta dispositionem juris in cap. 22. *De Testibus*, & cap. 12. *De Sponsalibus*, idque ob periculum peccati quod ex Matrimonio sic contrahendo timeatur: de quo latè Sanchez *de Matrimonio l. 1. disp. 71.*

Possit nihilominus contingere, ut occulti impedimenti manifestatio fieri non deberet; si scilicet ex ipsa manifestatione gravissima mala merito timeantur; nulum verò aut valdè exiguum bonum ex revelatione speretur: quod ex circumstantiis prudenti judicio metiendum est.

XIII. Monet quoque Synodus Audomarensis tit. 10. cap. 10. ut sub finem confessionis, quæ solemnisationi Matrimonii præmitti solet, "Parochus ultro prænitentem tem roget, an nulla sciat impedimenta. Non tamen (ait) quod à Parocho revelanda aut aperienda ali quando sint peccata prænitentis, aut ea, per quæ in peccatorum illius noticiam veniatur: sed quod adduci ed & persuaderi prænitens possit, ut aut aperiat ipse, aut aperiiri permittat, proposito ipsi, æternæ

salutis suæ hinc pendens, discrimine. Nam si huic adduci non potest, neganda quidem ipsi est absolutio à peccatis, sed à Matrimonio, etiam si forte illud verè non ineat, invitus repellendus non est, quando res non nisi ex confessione nota est.

XIV. Quantumvis autem Synodus Tridentina enixè desideret, ne Matrimonia sine præviis hujus Proclamationibus contrahantur; noluit tamen ab iis validitatem Matrimonii dependere; neque earum omissionem impedimentum dirimens esse, uti declaravit Sancta Congregatio Concilii Tridentini Interpres: & unanimes consensu fatentur Doctores, estque conformis ipsa quotidiana praxis; uti novissime ostendit Gerbekus Doctor Sorbonicus in suo Tractatu Gallico, *De Potestate Ecclesiæ & Principum circa impedimenta Matrimonii.*

XV. Ostendit quoque in Gallia Matrimonia contracta sine præviis proclamationibus aut legitima dispensatione, haberi pro validis, non obstante articulo 40. Editi Blesensis, quo ita decernitur: "Ad occurrendum abusibus & damnis, quæ ex Matrimoniis clandestinis oriuntur decrevimus & decernimus, quod subditi nostri, cujuscumque status, qualitatibus & conditionibus existant, contrahere valide non poterunt, sine publicis Bannorum proclamationibus cum competenti temporis intervallo: id enim intelligendum esse, valida non esse quoad effectus civiles, ex variis Auctoribus Gallicis, nec non Parlamentorum Arreftis ostendit pag. 500. & sequentibus, edit. 1696. (a)

XVI. Post hæc subjungit Synodus Tridentina: "Quod si aliquando probabilis fuerit suspicio, Matrimonium malitiosè impediri posse, si tot præcesserint denuntiationes, tunc vel una tantum fiat, vel saltem Parocho, & duobus vel tribus testibus præsentibus Matrimonium celebretur. Deinde ante illius consummationem denuntiationes in Ecclesia fiant, ut, si aliqua subsint impedimenta, facilius detegantur: nisi Ordinarius ipse expedire judicaverit, ut prædictæ denuntiationes remittantur, quod illius prudentiæ & judicio sancta Synodus relinquit.

Hoc Decreto permittit Synodus dispensationem super denuntiationibus ipsi Ordinario, id est, Episcopo Diocesano; quem hoc loco per Ordinarium intelligi, non autem alios inferiores Prælatos, jurisdictionem quasi Episcopalem habentes, ostendit Fagnanus ad cap. 3. *De clandestina Despons.* atque ita à sacra Congregatione, probante Gregorio XIII. responsum fuisse testatur.

XVII. Unam duntaxat causam dispensationis expressit Synodus, nimirum cum advertitur periculum, Matrimonium malitiosè impediendum, si tanto tempore differendum sit, quousque tres denuntiationes præcesserint.

XVIII. Addit nihilominus duplicem limitationem Synodus. Una, ut tunc saltem una denuntiatio præcedat; altera, ut periculum tale sit, ut nec tantillo tempore differri queat, permittatur sine prævia denuntiatione Matrimonium solemnizari; sed ante illius consummationem denuntiationes in Ecclesia fiant. At posterior cautio hic in Belgio non solet adhiberi, teste Zypæo titulo *De Sponsalibus*, num. 10. dicitque, quod non audiverit unquam, post contractum jam Matrimonium proclamationes fuisse factas.

XIX. Adhæc, tamen dubitari nequeat, quin præter causam expressam, crediderit Synodus posse alias causas occurrere, quæ dispensationem in una aut pluribus, aut etiam omnibus proclamationibus requirant, cum id relinquit judicio ipsius Ordinarii; nihilominus sat ostendit, Ordinarium debere esse admodum moderatum in relaxandis hujus proclamationibus. Et profectò, qui attenderit incommoda, quæ clandestina Matrimonia

(a) Hanc questionem fuscè ac eruditè pertractavit auctor Collectaneorum Cleri Gallicani *tom. 5. tit. 8. pars. 3. à col. 1114.* usque ad col. 1121. vide quoque Dictionarium Arreftorum, verbo, *Bans de Mariage.*

frequenter

frequenter adferunt, haud difficulter agnosceret, quod sicuti iustissimâ ratione has proclamationes præmitti voluit Ecclesia, ita quoque merito velit, summam in dispensando servari moderationem.

XX. Sanctus Carolus in Concilio V. Mediolanensi *part. 3. cap. 17.* solam causam in Synodo Tridentina expressam pro legitima agnoscit; ac dein subjicit: "At verò si hæc causa non subest, quam ob rem illas remittat, ea certè sola quod instat sacri Adventus Quadragesimæ tempus, neque necessaria est, nec verò cum ratione consentiens." Rationem notandam subiiciens: "Cum præsertim eo sacro tempore, qui jam Matrimonio juncti sunt, ab illius usu abstinere potius conveniens sit, nedum Sponsos unâ conjungi."

XXI. Synodus Rothomagensis, anno 1581. titulo *De Matrimonio*, advertens dispensationes super proclamationibus frequentius peti ad favenda maleficia, quæ in celebratione nuptiarum nonnunquam dicuntur intervenire, eam causam ut sufficientem rejiciens, medium aptius "contra maleficia suggerit, & ut dignè hoc Sacramentum recipiant, hortatur conjuges, ut antequam contrahant, vel saltem triduo ante consummationem Matrimonii sua peccata diligenter confiteantur, & ad sanctissimum Eucharistiæ Sacramentum accedant. Sacerdos verò, ne ullum det maleficiis locum, cautius & circumspicius se gerat."

XXII. In Gallia Edicto Blesensi *art. 40.* cautum est, quod Bannorum non poterit obtineri dispensatio, nisi post primam promulgationem factam; idque solum propter aliquam urgentem & legitimam causam, & ad requisitionem præcipuorum & proximorum parentum ipsorum contrahentium.

Quamvis hic rigor hodie nonnihil sit mitigatus; atque ob necessariam causam nonnunquam in omnibus tribus denuntiationibus Episcopi dispensent: nihilominus si parentes alique interesse habentes prætendant, non fuisse legitimam causam remittendi omnes Proclamationes, admittitur appellatio *tantum ab abusu*, ob contraventionem Edicto Regio; ut post Carolum Fevretium *lib. 5. cap. 2. num. 31.* notat Gerbesius in citato tractatu *p. 508.* unâ observans, raro admodum super tribus denuntiationibus dispensari; tuncque etiam cautè, ut si forsitan super data dispensatione lis intentata fuerit, rationes proferre Ordinarii queant, quibus justam fuisse dispensationem doceant.

XXIII. Optandum esset (ait Gerbesius) ut conformiter ad Edictum Blesense, publicatio Bannorum fieret, & dispensatio non concederetur, nisi ad requisitionem primariorum & proximorum parentum: id esset medium aptissimum, ad præveniendum Matrimonia clandestina filiorum familias, quæ frequenter adeo turbant familias, atque rixis & litibus intrincant.

Synodi Belgicæ tam enixè præcipiunt Parochis, has denuntiationes præmitti, ut non sit obscurum, quod earum publicationem summi momenti esse existimarent; & per consequens, non nisi *gravi* de causa in illis esse dispensandum supposuerint.

XXIV. Ad calcem Manualis Pastorum compendiosè complectentis Canones & ritus Ecclesiasticos pro administrandis Sacramentis juxta usum Pastoralis Mechliniensis, extat formula ad scribendum testimonium pro iis, qui egent dispensatione super proclamationibus antenuptialibus; unâ cum quibusdam reflexionibus ad instructionem Pastorum, quas cum ipsa formula hic apponendas censui, ut ex his appareat, quanta cum cautione ad dispensationem secundum regulas hic præscriptas sit procedendum.

Formula testimonii hæc est: "Facta per me infra scriptum Rectorem Parochialis Ecclesiæ loci de.... Districtus.... Diocesis N. diligenti inquisitione apud personas fide dignas super libertate N. N. & N. N. subditorum prædictæ Parochialis, cupientium inter se ritè contrahere Matrimonium, scio & testificor eos ad id esse liberos, & ab eo non prohiberi per aliquod

Tom. I.

Canonicum impedimentum. Insuper ipsos esse boni nominis & famæ, & in Catholica fide quam profitentur, esse sufficienter instructos, ut per examen deprehendi: denique eorundem Parentes consentire in prædictum prætensum Matrimonium, prout ex ore eorundem Parentum coram didici. Et quia prædicti nupturientes excurrunt, ut gratiam dispensationis obtineant, & allegant pro causa quod, &c. Fidem facio causam illam reverà subesse. Datum, &c."

"Dicitur supra apud personas fide dignas, quia non oportet stare dicto ipsorum nupturientium, qui soli in propria causa non sunt idonei testes; sed necessum est audire & examinare eorum parentes, propinquos, con-

domesticos, vicinos, dominos, ac alios similes. Dicitur præterea eorundem parentes consentire: debet de hoc consensu constare, parentes personaliter audiendo, quando id fieri potest, vel eos, qui parentum loco sunt. Aut, si nupturientes sint sui juris, exprimat."

"Dicitur demique, & allegant pro causa: Causa hæc non debet esse inutilis, sed concludens, & debet D. Pastor de ejus veritate testari, & nupturientes examinare num sint Catholici, confirmati, & num easciant, quæ scitu sunt necessaria ad salutem. Si nesciant, debet eos desuper instruere, & non dimittere pro petenda dispensatione prædicta. nisi ea calleant."

"Quod si nupturientes diversarum sint Parochiarum, eorundem respectivi Pastores debent se conformare super prædictis."

XXV. Si hæc toties iterata Ecclesiæ mandata, nec non mala, quæ ex omissione proclamationum oriuntur, ferid attendantur, apparebit facilem illum, qui in quibusdam Diocesisbus inolevit, dispensationum usum esse summum ac perniciosum abusum, nullâ consuetudine, quæ potius corruptela dicenda est, justificandum; ipsique Episcopis omnino allaborandum esse, ut tam nocivus abusus tollatur, atque regulæ Ecclesiæ toties iteratæ & inculcatæ ferventur.

XXVI. Neque id adeo difficile esse, ostendit non tantum multarum Diocesium praxis, nunquam, aut raro admodum super denuntiationibus, saltem omnibus, dispensandi; sed & exemplum vicinorum Hæreticorum, qui quamvis se nec Synodi Tridentinæ, nec aliarum Catholicarum Synodorum Decretis subiectos agnoscunt, nihilominus ad præcavenda incommoda ex Matrimonio clandestinis nata oriri, politica ordinatione anno 1580. *art. 3.* caverunt, ne aliter consistant nuptiæ, quam si tribus publicis Proclamationibus, à Magistratu loci, singulis diebus Dominicis intercedentibus, post causæ cognitionem concessis in Ecclesiis, & suggestu in facie Ecclesiæ, aut si Reformati non sint, è Curia loco publicationi destinato, coram Magistratu pactum connubiale certis solemnibus consummeretur. Ita Simon Van Leeuwen J. C. Batavus, in sua Censura forensi *lib. 1. cap. 14. num. 1.* qui dein *num. 2.* addit: "Quorum proclamationum præcipuus effectus est, ut interea quicumque voluerit, & valuerit legitimum impedimentum exponere, se Matrimonio contrahendo opponat. Quod ut magis innotescat, non solum eo in loco, in quo sponsus aut sponsa degunt: sed etiam in quo uterque vel alteruter natus aut educatus est, vel ubi per annum & diem proximum fixum habuerint domicilium, publicatio illa fieri debet, ne si sponsus vel sponsa peregrè advenierint, fraus aut fallacia committatur."

Si hi prætensi Reformati, solis incommodis ex nuptiis clandestinis orituris permoti, adeo sollicitè has proclamationes præmitti velint; nec cum aliquo cujuscunque conditionis dispensare soleant, uti notorium est: indignum sanè & scandalosum Episcopos nonnullos, tot etiam Ecclesiæ sanctionibus restrictos, adeo faciles esse in remittendis proclamationibus, ut leges Ecclesiæ tantum pauperibus, & infimæ quasi plebi præscriptæ videantur; imò, quod pudet dicere, sola nummi

B b b b

carentia



carentia ad observantiam legis constringere videatur.

Interim cum frequenter Parochi non possint huic abusu totaliter occurrere; sed id præcipue ab Ordinariis eorumque Officialibus dependeat, ipsi interim saltem solliciti sint, ut juxta Synodorum & Ritualium suorum præscriptum, non nisi causâ cognitâ, & cum magna cautione testimonia pro obtinenda dispensatione expediant, ut si quis in dispensatione committatur abusus, is ipsis equidem imputari nequeat.

Deinde Parochus ut sollicitus pro Legum Ecclesiasticarum executione Zelator, subditos suos sæpius ad hujus legis observantiam adhortetur; exponendo rationes ob quas Ecclesia tam feridè has denuntiationes præmitti voluerit: quàm periculosum & Deo ingratum sit, in ipsa Sacramenti susceptione Leges Ecclesiasticas infringere; neque ipsam dispensationem si causâ legitimâ destituta sit, ipsos in totum semper excusare. Denique persuadendo honestioribus, ut se huic legi subjiciant; ut ita suo exemplo alios ad ejus observantiam alliciendo, & ostendendo Legem Ecclesiæ non tantum pauperibus & infimæ plebi esse præscriptam, benedictionem ampliorē à Deo accipere mereantur.

#### CAPUT IV.

##### De Matrimonio & Consensu Matrimoniali.

1. *Matrimonii definitio.*
2. *Matrimonium legitimum.*
3. *Matrimonium ratum tantum.*
4. *Matrimonium consummatum.*
5. *Matrimonium ratum inter Fideles verum Sacramentum.*
6. *Definitio Matrimonii in Decreto pro Armenis, quomodo accipienda.*
7. *Quæ sit causa efficiens Matrimonii?*
8. *Consensus Matrimonialis per signa exprimi potest.*
9. *Non faciliè admittenda hujusmodi expressio; & quare?*
10. *Etiā inter absentes potest celebrari.*
11. *Requiritur mandatum speciale.*
12. *Mandatarius ad contractum matrimonialē alium substituere non potest.*
13. *Consensus revocatus, etiā si revocatio non sit intermata.*
14. *Dissuadenda Matrimonia per Procuratores.*
15. *Matrimonio conditio adjici potest, & quid conditio de presenti, aut de præterito operetur?*
16. *An contractus Matrimonialis sub conditione de futuro contingenti, ante eventum conditionis sit Matrimonium?*
17. *An eventiente conditione consensus sit renovandus?*
18. *Quem effectum habeant conditiones turpes aut impossibiles contractui Matrimoniali adjectæ?*
19. *Ad validitatem Matrimonii non requiritur consensus Parentum.*
20. *In Belgio Matrimonium invitis parentibus contractum est validum; & quid in Gallia?*
21. *Hujusmodi Matrimonia Ecclesia detestatur.*
22. *Pena in filios-familias sine consensu parentum decreta in Gallia.*
23. *Qui Edictis penalibus non comprehendantur.*
24. *Quomodo puniendi Sacerdotes hujusmodi Matrimonio assistentes.*
25. *Edicta Principum nostrorum contra Similia Matrimonia.*
26. *Consensum parentum iudex supplere potest; & quis sit is iudex?*
27. *Quod sit Parochorum officium in dissuadendis Matrimoniis inmundis sine consensu parentum.*
28. *Non semper illicitum contrahere invitis parentibus, dum irrationabiliter sunt invitati.*

29. *Monendi parentes, ne sine iusta causa denegent consensum.*

30. *Quid Parocho agendum post contractum Matrimonium invitis parentibus?*

I. **MATRIMONIUM** generaliter sumptum definitur in cap. 11. *De Præsumpt.* Maris & feminae conjunctio individuum vitæ consuetudinem retinens; eaque jam ante tradita erat à Justiniano in *Institutis De Patria Potestate* §. 1.

II. Matrimonium generaliter sic sumptum tripliciter distinguitur. Aliud dicitur legitimum, id est, secundum leges Gentium legitime contractum, non autem in fide Christi, quale est Judæorum & Infidelium.

III. Aliud Matrimonium *ratum*, id est in Ecclesia approbatum, quod inter Christi Fideles legitime contrahitur: quam distinctionem aperte ponit Pontifex in cap. 7. *De Divortis*, dicens: " Nam etsi Matrimonium *verum* inter Infideles existat, non tamen est *ratum*: Inter Fideles autem verum & *ratum* existit: quia Sacramentum fidei, quod semel est admissum, nunquam amittitur; sed *ratum* efficit conjugii Sacramentum, ut ipsum in conjugibus illo durante per-  
duret.

IV. Si postquam Matrimonium legitime contractum est, conjunctio carnalis interceperit, jam Matrimonium à consummatione operis Matrimonialis dicitur *consummatum*.

Quamvis Matrimonium *ratum* etiam ante consummationem sit verum Matrimonium, nihilque ipsi desit ad rationem Matrimonii; nihilominus per consummationem accipit quamdam perfectionem, quantum ad significationem; redditurque vinculum Matrimonii magis indissolubile, ut infra titulo *De Divortis* ostenditur.

V. Matrimonium *ratum* inter Fideles esse verum Sacramentum nemo Catholicorum dubitat, idque tanquam indubitatum exposuit Eugenius IV. in Decreto pro Armenis, dicens: " Septimum est Sacramentum Matrimonii, quod est signum conjunctionis Christi & Ecclesiæ secundum Apostolum dicentem Eph. c. 5. v. 32. *Sacramentum hoc magnum est, ego autem dico in Christo & Ecclesia.*

Et Synodus Tridentina Sess. 24. Can. 1. *De Sacram. Matrimonii*, ait: " Si quis dixerit Matrimonium non esse verè & propriè unum ex septem legis Evangelicæ Sacramentis à Christo Domino institutum, sed ab hominibus in Ecclesia inventum; neque gratiam conferre, anathema sit.

Hæc dogmata contra nostri temporis Hæreticos, qui negant Matrimonium esse verum Sacramentum, aut gratiam conferre, adstructa, & ex Patribus & Scriptura deducta, videri possunt apud Theologos, præsertim illos, qui ex professo contra Hæreticos puncta Fidei Catholicæ adstruxerunt.

VI. Porro definitio jam data, ut passim notant Theologi & Canonistæ, non exprimit aut declarat causam efficientem Matrimonii, nec ejus substantiam, sed tantum effectum, qui sequitur & promanat à præcedenti causa; societatem nimirum perpetuam omnis vitæ, quam Tertullianus libro *ad uxorem*, conjunctum appellat, & individuum ulum, corporum & animorum conjunctionem individuum.

VII. Causa igitur efficiens & perficiens Matrimonium est mutuus contrahentium consensus, ut sicuti Sponsalia de futuro contrahuntur solo consensu in nuptias futuras, ita Matrimonium per consensum de presenti in nuptias perficitur, juxta Regulam Juris; *Nuptias non concubitus, sed consensus facit* L. *NUPTIAS ff. De Regulis Juris*. Unde Pontifex in cap. 23. *De Sponsalibus*, tanquam indubitatum suæ resolutionis fundamentum assumit, quod *sufficiat ad Matrimonium*

monium solus consensus illorum, de quorum quarumque conjunctionibus agitur.

Quod autem dicit Eugenius IV. in citato Decreto pro Armenis: "Causa efficiens Matrimonii, regulariter est mutus consensus per verba de presenti expressus; nullatenus sic intelligendum, quasi aliquando alia esset causa efficiens Matrimonii quam mutus consensus; sed quod is consensus non semper sit exprimendus per verba: ideoque vocatur regulariter non refertur ad mutuum consensum, sed refertur ad consensum per verba de presenti expressum."

VIII. Sicuti enim in aliis contractibus consensus non verbis duntaxat, sed etiam signis & nutibus exprimi & manifestari potest; similiter & in contractu Matrimoniali; quemadmodum dicitur cap. 13. *De Sponsalibus*, ibi respondet Pontifex, surdum & mutum posse Matrimonium contrahere: Cum quod verbis non potest, signis valeat declarare.

IX. Verum quia signa frequenter dubia & æquivoca sunt, nec tam clare consensus per illa, quam per verba exprimi potest; hinc non nisi necessitate quodammodo cogente, signa admittenda aut adhibenda sunt. Imo ut certius de consensu constet, claram & nullis ambiguitatibus aut æquivocationibus obnoxiam verborum formulam in contractu Matrimoniali adhibendam passim Ritualia præscribunt; à qua nec Parochi recedere, nec ut alia forma contrahatur, permittere possunt: quantumvis alio modo etiam per sola signa expressus consensus Matrimonium validum constituat; si aliud Canonum non obstat impedimentum.

X. Cum Christus elevando contractum Matrimoniale ad rationem Sacramenti, nihil immutaverit de natura contractus, consequens est, quod ad instar aliorum contractuum, qui consensu ineuntur, possit & hic inter absentes per litteras, aut per Mandatarios sive Procuratores perfici; quod ultimum inter Principes non raro contingit.

XI. Sed quia hic de re summi momenti tractatur, Procurator non aliter censetur idoneus ad Matrimonium contrahendum, quam si ad hoc mandatum habet speciale, uti declaratur in cap. fin. *De Procuratoribus* in VI.

XII. Et quamvis alias is, qui constituitur ad negotia Procurator, alium dare possit, in hoc tamen casu (propter magnum quod ex facto tam arduo posset periculum imminere) non poterit deputare alium, nisi hoc eidem specialiter sit commissum. Ita Pontifex in citato Capitulo finali.

XIII. Quin & ibidem tanquam in hoc contractu omnino singulare addit: "Sane si Procurator ante quam contraxerit, à Domino fuerit revocatus: contractum postmodum Matrimonium ab eodem (licet tam ipse, quam ea, cum qua contraxit, revocationem huiusmodi penitus ignoraverint) nullius momenti existit, cum illius consensus defecerit, sine quo firmitatem habere nequivit."

XIV. Ex his satis apparet; qua ratione Matrimonia per Procuratores, & inter absentes multis difficultatibus possunt esse obnoxia; ut proinde consulendum sit, ut inter presentes fiant; nec Parochi propria auctoritate huiusmodi Matrimonia admittere debeant; attento quod nec inter Theologos omnino conveniat, num hæc Matrimonia veram Sacramenti rationem habeant.

XV. Si solam rationem contractus in Matrimonio spectemus, etiam conditiones & modos ad instar aliorum contractuum adicipi patitur.

Conditiones quidem de præterito vel presenti si adjiciantur, ipsum consensum non suspendunt; sed si verum sit quod exprimitur, consensus adest; si falsum sit, consensus deest; & consequenter Matrimonium non est: exempli gratia, si sponsus dicat, accipio te in uxorem si nobilis sis, vel si hoc illudve fecisti aut non fecisti.

Tom. I.

XVI. Quoad conditionem de futuro contingenti, exempli gratia, si pater consenserit, certum est, quod si hæc per modum veræ & proprie dictæ conditionis sit adjecta, consensus matrimonialis suspendatur; & per consequens, Matrimonium non censeatur contractum ante conditionis eventum.

Quia autem repugnare videtur, ut quis contrahat Matrimonium requirens consensum de presenti, atque translationem mutuum corporum; & tamen in futurum à conditionis incerto eventu suspendatur consensus; credunt nonnulli, hoc casu Sponsalia de futuro contracta esse potius quam Matrimonium; atque ita Emanuel Gonzales Sacrorum Canonum in Universitate Salmanticensi Professor in Commentario ad cap. 3. *De Conditionibus appositis*; siquidem (ait) non adest consensus de presenti, sed de futuro pendens à conditionis eventu. Idipsum non obscure tradit sanctus Thomas in 3. part. *quæst. 47. art. 5.* ubi loquens de Matrimonio contracto per verba de presenti, sed sub conditione de futuro quæ sit contingens, ut datio pecuniæ vel acceptatio parentum, ait: "Et tunc idem est iudicium de tali consensu, sicut de consensu qui fit per verba de futuro, unde non facit Matrimonium."

XVII. Cum certum sit, contractum per conditionem appositam suspendi, & eatenus sapere naturam Sponsalium de futuro; credunt aliqui quod, eveniente conditione, requiratur novus consensus; præsertim hodie post Concilium Tridentinum, coram Parocho & testibus renovandus; quod affirmat post plures citatos Gonzales loco citato; quod licet in rigore verum non videatur, tamen non est dubium, quin in praxi hoc tutius sit; præcipue si conditio longo temporis intervallo post contractum eveniat; ut merito dubitari queat, num primus consensus adhuc virtualiter perseveret.

XVIII. Conditiones turpes & impossibiles, propter favorem Matrimonii, pro non adjectis habendas esse constituit Pontifex in cap. fin. *De Conditionibus appositis*.

Porro hæc Decretalis intelligenda videtur, de conditionibus apposis, non proprie conditionaliter, sed ut modus quidam. Si enim contrahentes absolute voluissent suum consensum ab eventu conditionis turpis suspendi, non appareret, qua ratione posset ante eventum hujus conditionis dici verum Matrimonium; cum hoc sine consensu contrahentium haberi nequeat; quemadmodum constat ex cap. 26. *De Sponsalibus*.

Similiter quod in eadem Decretali dicitur de conditionibus substantiæ Matrimonii repugnantibus; has scilicet Matrimonium invalidum reddere, etiam de conditionibus modaliter potius, quam conditionaliter expressis intelligendum; & juri mere positivo, saltem quoad aliquas conditiones, adscribendum videtur.

Cæterum plura de consensu conditionato addere non est visum: tum quod raro Matrimonia sub conditione ineantur; & merito ob difficultates & quæstiones inde orituræ dissuadeantur; neque à Parocho, ut coram se ineantur, admittenda; vel ab ipso consulatur Episcopus.

XIX. Præter consensum ipsorum contrahentium, aliorum consensum, nequidem parentum, etiam respectu filiorum familias, quantumvis *minorennum*, requiri ad validitatem Matrimonii declarat Synodus Tridentina, anathemate damnans eos, "qui falso affirmant, Matrimonia à filiis familias sine consensu parentum contracta irrita esse, & parentes ea rata vel irrita facere posse. *Sess. 24. cap. 1. De Reformat. Matrim.*"

XX. Quapropter hic in Belgio Matrimonia filiorum familias invitis aut non consultis parentibus pro validis habentur; quamvis in Gallia, si Regia Edicta in rigore verborum accipiantur, huiusmodi Matrimonia invalida videantur; saltem si probari queat, quod *seductio*, quæ speciem *raptus* præfert, intercesserit; quemadmodum deducit Claudius De Blondeau in Bibliotheca Canonica,

B b b 2

nonica,

nonica, verbo, *Mariages*, pag. 84. ut ita invaliditatem Matrimonii non refundant in defectum consensus parentum; sed in crimen *raptus*; quod esse impedimentum dirimens ipsa Synodus Tridentina agnoscit. (a)

XXI. Illud equidem constat, quod similia Matrimonia filiorum sine consensu parentum contracta, sancta Dei Ecclesia ex iustissimis causis semper detestata sit atque prohibuerit, uti loquitur Synodus Tridentina dicto cap. 1.

Nequaquam proinde menti Ecclesiae contrariantur Principum leges, dum hujusmodi Matrimonia etiam suis legibus prohibent; atque contrahectes, aut ad ea quomodolibet concurrentes puniunt, quin & effectibus civilibus similia Matrimonia evacuant: sed potius Ecclesiae obsecundant, & ejus sanctiones suis legibus adjuvant.

XXII. Henricus II. Rex Galliae Edicto suo anni 1556. art. 1. statuit, quod filii-familias qui contraxerint, aut contrahent impofterum Matrimonia clandestina, invitatis, aut infcisiis patre & matre, poterunt propter commissam hanc ingratitude, vituperium & contemptum suorum dictorum parentum, transgressionem legis divinae, & laesam honestatem publicam a suis respective parentibus exhaereditari, & excludi ab eorum successione, absque spe alicujus querelae adversus hujusmodi exhaereditationem recipiendae. Quin & liberum sit parentibus revocare omnes & singulas donationes liberis suis factas. Insuper liberi sic juncti Matrimonio, in casum hujusmodi exhaereditationis declarantur incapaces omnium jurium & emolumentorum, vi matrimonialium contractuum, & testamentorum, legumve aut consuetudinum municipalium beneficio illis alias quarendorum.

Insuper decernit, ut liberi infcisi aut invitatis parentibus juncti, & quicumque operam, aut consilium hujusmodi Matrimoniis perficiendis praestiterint, subijciantur poenis arbitrariis statuendis pro casus exigentia per Judices Regios; ad quos horum cognitionem pertinere vult; & quorum conscientiam onerat.

XXIII. Declarat tamen, quod non intendat hoc suo Edicto comprehendere Matrimonia contracta a filiis-familias excedentibus annos triginta; aut filiabus excedentibus annos viginti quinque, modo saltem requisiverint consilium parentum. Similiter si eorum mater tranfierit ad secundas nuptias, sufficiet ejus consilium expetere.

XXIV. Per Edictum Henrici III. an. 1579. Blesis editum art. 40. inhibetur Parochis, Vicariis aliisque qui solemnisationi Matrimonii assunt, ut si conjungendi sint filii familias, aut aliorum potestati subiecti, ad solemnisationem procedere, nisi ipsis constet de consensu parentum, tutorum aut curatorum, alias puniendi ut fautores criminis raptus.

XXV. Eadem pene Edictis Caroli V. 4. Oct. 1540. & Philippi IV. 29. Novemb. 1623. pro Belgicis hisce Provinciis decreta sunt; ac praesertim Edicto posteriore; quo decernitur, "ut filii familias minores 25. annis, qui infcisi aut invitatis parentibus, & omnes minores, qui sine consilio & consensu proximorum consanguineorum, paterni & materni lateris, & tutorum seu curatorum cujuscumque sint qualitatibus, contraxerint, incapaces sint omnium lucrorum quae directe, vel indirecte alter ab altero petere posset, per conventiones, donationes inter vivos aut causa mortis, testamenta, successiones, consuetudinem, seu alium quemcumque modum; declarando irritas quascunque conventiones & donationes in alterutro utilitatem pactas; eaque dispositio vigeat, quamvis postea parentum consensus superveniat.

Possint hujusmodi etiam filii familias a patre & matre exhaereditari, nec recipiatur querela sub praetextu legitimae dotis, alimentationis, aut consuetu-

(a) Id docte expositum est ab auctore *Colloquiorum Cleri Gallicani* t. 5. tit. 8. pars. 3. col. 1108. 1109. &c.

"dinariae devolutionis, quoad bona profecta a latere superstitis, qui ex eis filio inobedienti jus adimere poterit; non aliis tamen, quibus ex eadem devolutione jus aliquod debitum sit.

Habetur prius Edictum part. 1. *Edictorum Flaudriae* lib. 3. Rubrica 1. Posterius vero part. 2. lib. 3. Rubrica 1.

Non comprehenduntur hoc Edicto filii familias majores 25. annis, dummodo consilium parentum requisierint; quod etiam a matre, quae ad secundas nuptias transivit, requiri sufficit.

Itaque juxta Edicta haec, licet Matrimonia filiorum familias etiam minorennium sine consensu parentum non sint irrita seu invalida in ratione Sacramenti, verumque vinculum Matrimonii inter taliter conjugatos consistat, sunt tamen quodammodo nulla quoad effectus civiles, quibus vi horum Edictorum destituuntur.

XXVI. Neque effectus hos hujusmodi Matrimonia obtinebunt, tamen praetendatur, contractis jam nuptiis, parentes *irrationabiliter* contradixisse, nisi iudex ipse jam prius de hac irrationabilitate cognoverit & pronuntiaverit; atque ita auctore iudice Matrimonium celebratum fuerit.

Edictum enim Caroli ad quod & Edictum Philip. IV. se refert, dissentium ad censuram judicis remittit, qui rationes exiger; quae si legum non fuerint, Magistratus parentum officium supplebit, & auctoritate sua contrahendi facultatem faciet; & tunc poenae eximitur quod auctore iudice fit.

Sub Magistratu seu iudice, tam Ecclesiasticum, quam civilem intelligi vult Zypaeus in Notitia juris Belgici titulo *De Sponsalibus* num. 8. quod eo magis (ait) apud nos rationabile est, si apud Batavos Ministri Haeretici hac in parte vicem Magistratus obeant, quemadmodum testatur Grotius in *Isagoge* ad Jus Hollandicum lib. 1. part. 5.

Quidquid sit, cum hic praecipue agatur de validatione Matrimonii quoad effectus *mere civiles*, & de observantia aut contraventione Regionum Edictorum, consultius est, & Judicis Regii auctoritatem interponere, quod & Zypaeus agnoscit, verbis supra relatis subjungens: ad "vitandas tamen calumnias suasero, ut civilis" etiam Magistratus iudicium interveniat.

XXVII. Ut autem infaustus his filiorum Familias Matrimoniis occurratur, Parochi saepius ostendere debent, quam grave sit, atque ipsi divino praeepto de honorandis parentibus directissime oppositum, in re tanti momenti negligere parentes, nec eorum desiderio obsequi.

Adhaec, ut parentes consulantur, non tantum debita erga parentes reverentiam exigere, sed etiam bonum ipsorum filiorum, quos in defectu uxoris non raro excacerat libido, praecipitantia, & juvenilis incircumspectio; ac insuper utriusque familiae discordia, aliaeque innumera, quae ex Matrimoniis hujusmodi oriri solent mala, & quod sicuti Matrimoniorum contractuum pessimum est initium, ita quoque infaustus esse soleat progressus & finis.

XXVIII. Ostendendum quoque filiis, non esse licitum semper invitatis parentibus contrahere Matrimonium, quantumvis etiam *irrationabiliter* essent inviti: eo quod non raro mala sequutura ex hujusmodi Matrimoniis, invitatis parentibus contractis, sint majora, quam bonum ex Matrimoniis illis sperandum.

XXIX. At dum de his monentur filii, una quoque parentes instruendi sunt de culpa, quam incurrunt, si consensum suum negando, aut protelando prolium suarum Matrimonia ex motivis humanis saepius insufficietibus, ac parum Christianis, causa sint quod proles in pessima quaeque ruant.

XXX. Contracto autem Matrimonio, Parochi erit, pacem inter filium & parentes conciliare; atque filium ad satisfactionem; & veniae postulationem, & patrem ad benignitatem & indulgentiam inflectere; atque



atque Sancti Ambrosii modum agendi cum Silinnio, quo invito filius uxorem duxerat, imitari. Patrem filio jure iratum agnovit Ambrosius, filium ad Officium revocavit, & ad veniam rogandum, adducit, patrem filio reconciliavit, ejusque ac nurus benevolam susceptionem Silinnio gratulatus, *Epist. 64.* quæ à Parochis merito in simili occasione legeretur.

Prædicta fere brevi Decreto comprehendit Synodus Colonienfis anno 1536. *part. 7. cap. 43.* Postquam dixit, "optandum esse, ut Canon Evaristi Pontificis (apud Gratianum *caus. 20. quæst. 5. Can. 1.*) Concilio generali renoveretur, tollanturque illa clandestina Matrimonia, quæ invitis parentibus ac propinquis Veneris potius quam Dei causa contrahuntur: Nam quanta ex his clandestinis Matrimoniis mala suboriantur in aperto est. Deinde addit: "Quantum fieri potest, cavebit Parochus, ne liberos citra parentum auctoritatem conjungat. Quod si parentes negligentes fuerint, aut in admittendo Matrimonio jam contracto rigidiores negatores, admonebit eos, ut liberos maturæ ætatis elocent, neve vinculo jam per Ecclesiam indissolubili pertinacius oblectentur.

### CAPUT V.

Coram quo Matrimonium contrahendum.

1. Olim coram Sacerdote nuptiæ contraherentur.
2. Cur Ecclesia voluerit publice coram Sacerdote Matrimonium contrahi?
3. Decretum Conc. Trid. contra Matrimonia clandestina.
4. Vi illius Decreti præsentia Parochi aut alterius Sacerdotis de ejus licentia requiritur ad validitatem Matrimonii.
5. Sufficit Parochus alterutrius contrahentium.
6. Parochus proprius, intelligitur Parochus domicilii.
7. Unde æstimandum sit, an quis certo loco domicilium habeat?
8. Potest quis duplicem Parochum proprium habere.
9. Qui censeantur nullum domicilium, neque proprium Parochum habere?
10. An carentes proprio domicilio debeant contrahere coram Parocho loci, in quo tempore contrahendi Matrimonii consistunt?
11. Quid si alteruter Desponsorum proprium Parochum habitationis habeat, an coram eo contrahendum?
12. Decretum Synodi Tridentinae circa Matrimonia Vagabundorum.
13. Quid circa hæc ab Ordinariis & Parochis observata velint Synodi Belgicæ.
14. Si ex consuetudine aut statuto sit aliquis proprius Vagabundorum Parochus, coram eo erit contrahendum.
15. Milites ubi domicilium habere censeantur?
16. Quid de Militum Matrimonio hic in Belgio; & quis pro milite habendus?
17. Assistentia Parochi non est actus jurisdictionis proprie dictus; & quæ inde consecutaria?
18. Potest auctoritatem assistendi alteri Sacerdoti delegare.
19. Quomodo & quando hæc auctoritas dari debeat?
20. An Vice-Pastores, Deservitores, aut Vicarii amovibiles possint alteri licentiam assistendi dare?
21. Ordinarius per totam Diocesim assistere, & alteri licentiam assistendi dare potest: & quis babeatur Ordinarius?
22. An invito Parocho dare queat alteri licentiam?
23. Requiritur præsentia testium; eaque simultanea cum Parocho.
24. Non requiruntur testes omni exceptione majores; & quare?
25. Præsentia Parochi debet esse moralis.
26. Matrimonium initum coram Parocho reluctante & invito, potest esse validum.

27. Nec ignorantia, nec impossibilitas præsentiam Parochi supplet.
28. Matrimonium contractum in articulo mortis coram Parocho & testibus, subinde est invalidum in Gallia quoad effectus civiles.
29. Matrimonia clandestina non sunt invalida in locis, in quibus Decretum Concilii Tridentini non est promulgatum.
30. In his vicinisque Provinciis sufficienter est publicatum.
31. Defectum Parochi generalis quædam necessitas supplere potest, etiam in locis ubi Decretum est publicatum.
32. Matrimonia Acatolicorum coram Magistratu aut Ministro Acatolico in Provinciis Confederatis reputantur valida.
33. Prima ratio ab incommotis.
34. Secunda ex morali impossibilitate.
35. Tertia ratio ex fine ipsius Decreti.
36. Quod obtinet in Matrimonio utriusque partis Acatolica, etiam obtinet si altera duntaxat sit Acatolica.
37. Sententia Doctorum Parisiensium de validitate similium Matrimoniorum.
38. Fortiter resistendum Matrimoniis partis Catholicae cum Acatolica.
39. Sine licentia Vicarii Apostolici non licet Missionariis hujusmodi Matrimonio assistere.

I. Jam pridem moris fuisse, ut Christianorum nuptiæ non nisi cum benedictione Sacerdotali, ac ipso Sacerdote Ecclesiæ nomine eas probante contraherentur, disertis verbis expressit Tertullianus libro *De Pudicitia*. "Ideo penes nos (ait) occultæ quoque conjunctiones, id est, non prius apud Ecclesiam professæ, juxta mæchiam & fornicationem judicari periclitantur.

Et ante Tertullianum Martyr Ignatius Epistola ad Polycarpum: "Decet vero, ut ducentes uxores & nuptiæ juxta Domini præceptum sint, non autem ad concupiscentiam.

Legitur quoque in Capitularibus Regum Francorum lib. 7. cap. 179. "Prius conveniendus est Sacerdos, in cujus Parochia nuptiæ fieri debent in Ecclesia coram populo. Et ibi inquirere una cum populo ipse Sacerdos debet, si ejus propinquas sit, an non, aut alterius uxor, vel sponsa vel adultera. Et si licita & honesta omnia pariter invenerit, tunc per consilium & benedictionem Sacerdotis, & consultu aliorum bonorum hominum eam sponsare & legitime dotare debet.

Idipsum legitur in Canonibus Isaaci Episcopi Lingonensis tit. 5. Can. 6. & anno 909. in Synodo Trossiana sub Heriveo Archiepiscopo Rhemenfi capite 8. renovatum fuit.

II. Rationem vero cur occultas conjunctiones venter easque publice coram Sacerdote fieri vellent, præmittunt: "Quia sæpe in nuptiis clam factis gravia peccata tam in Sponsis aliorum, quam & in propinquis five adulterinis conjugis, & quod pejus est dicere, consanguineis adcreverunt & adcumulantur.

Ob hæc aliæ gravissima incommoda ex clandestinis Matrimoniis oriri solita, semper Ecclesia ea detestata est; iteratisque Decretis, etiam sub gravissimis poenis prohibuit.

III. At Synodus Tridentina animadvertens, prohibitiones illas, propter hominum inobedientiam jam non prodesse; ac insuper perpendens gravia peccata & incommoda, quæ ex hujusmodi clandestinis conjugis quotidie oriuntur; præsertim vero eorum, qui in statu damnationis permanent, dum priore uxore, cum qua clam contraxerant relicta, cum alia palam contrahunt, & cum ea in perpetuo adulterio vivunt; cui malo cum

ab Ecclesia, quæ de occultis non judicat, succurri non possit, efficacius aliquod remedium adhibendum censuit: arque præter publicas denuntiationes, quas juxta modum supra cap. 3. descriptum, præmitti voluit, insuper declaravit & statuit: "Qui aliter quam præsentente Parocho, vel alio Sacerdote de ipsius Parochi seu Ordinarii licentia, & duobus vel tribus testibus Matrimonium contrahere attentabunt, eos sancta Synodus ad sic contrahendum omnino inhabiles reddit: & hujusmodi contractus irritos & nullos esse decernit, prout eos præsentis Decreto irritos facit & annullat.

IV. Quantumvis etiam non obstante Decreto Concilii Tridentini disputetur inter Theologos, an Parochus sit verus Minister Sacramenti Matrimonii, an vero ipsi contrahentes; atque verisimilior videatur sententia affirmantium hos esse Ministros: nihilominus illud certum est, Parochi alteriusve Sacerdotis de Parochi seu Ordinarii licentia adeo necessariam assistentiam, ut ni assistat, ex Decreto Concilii Tridentini non illicitum duntaxat, sed & invalidum sit Matrimonium.

V. Cum Synodus simpliciter requirat præsentiam Parochi, non *Parochorum*; neque exprimat, an viri, an mulieris, receptum est, si Desponsi sint diversarum Parochiarum, alterutrum contrahentium Parochi præsentiam sufficere; & ita sanctam Congregationem declarasse refert Fagnanus ad cap. QUOD NOBIS DE cland. eique moderna & notoria praxis suffragatur.

Consuetudo in multis locis habet, ut potius coram Parocho mulieris, quam viri Matrimonium contrahatur: quæ consuetudo in honestate fundamentum habet, adeoque est merito servanda, uti supra cap. 1. circa Sponsalia notatum est.

VI. Est autem proprius Parochus, qui vi Decreti Concilii Tridentini Matrimonio assistere debet, is, in cuius Parochia alter domicilium habet, ait Rituale Mechliniense; & communis praxis suffragatur.

Non sufficit ergo Parochus *originis*, sed requiritur Parochus *domicilii*, sive illius Parochiæ, in qua tempore contracti Matrimonii, alter saltem contrahentium morabatur, ut juxta vulgarem & communem modum loquendi, ibi domicilium habere, sive habitare censetur; quamvis non ita fixum, nec eo animo, ut eo loco perpetuo manere intenderet.

VII. Imo quis domicilium sufficienter ad hunc effectum habere censendus est, tamen eo animo ibidem moretur, ut post certi temporis lapsum inde sit recursurus; quin & ipsa negotia ob quæ ibidem moratur id aperte significant: uti in Scholaribus Academicis manifestum est. Licet enim hi duntaxat pro tempore studiorum Academicum Domicilium eligant; quia tamen pro eo tempore, juxta communem & vulgarem loquendi modum, in Academia habitare dicuntur, Parochus Parochiæ, in qua pro eo tempore morantur, proprius ipsorum Parochus in ordine ad contrahendum Matrimonium habetur.

Econtrario, si quis tantum recreationis, aut litis alteriusve negotii prosequendi causa in aliquo loco, tamen si notabili etiam tempore, subsistat, non propterea ibi Domicilium elegisse censetur: eo quod juxta moralem modum loquendi ibidem habitare non judicetur. Ex vulgari itaque æstimatione, & loquendi modo multum dependet, ut definiatur, ubinam quis Domicilium dicendus sit habere, ut coram Parocho loci Matrimonium valide contrahere queat. Et quidem in particularibus casibus ex circumstantiis concurrentibus facilius & securius id determinari potest, quam per generalem aliquam regulam definiri aut describi.

VIII. Hoc constat, quod subinde quis possit in duabus Parochiis eodem tempore habere domicilium; si nimirum juxta moralem loquendi modum in utraque sic familiam instituat, ut utrobique juxta moralem & vulgarem loquendi modum habitare censatur; licet

in uno forsan loco frequentius personaliter resideat, quam in altero.

IX. Cum proprius Parochus dicatur à domicilio habitationis, consequens est, quod hi qui tale domicilium non habent, nec proprium quoque Parochum habere censendi sint.

Porro qui hujusmodi domicilio carent, dicuntur *Vagantes* seu *Vagantes*, & incertas sedes habentes. Unde tales etiam habendi sunt, qui pristinum domicilium deferentes, navigant, vel iter faciunt, quærentes ubi se collocent: Hi enim domicilio carentes, eatenus Vagantes dicuntur, & incertas sedes habentes: uti notat Sanchez lib. 3. De Matrimonio, disp. 25. num. 2. qui dein num. 3. notat, etiam & illum merito posse *vagantem* appellari, qui relicto suo domicilio iter facit ad locum, in quo domicilium constituere destinavit, eo quod hætenus pro eo tempore quo est in itinere, nullum domicilium habeat; utpote priore deserto, & secundo nondum occupato.

X. Cum igitur Tridentina Synodus exigit ad validitatem Matrimonii præsentiam proprii Parochi habitationis sive domicilii, non apparet, qua ratione in vagis sive vagabundis illis hoc Decretum in omni suo rigore servari queat, quandoquidem hi, ex supposito, proprio Parocho habitationis seu domicilii careant.

Concludendum ergo apparet, quod dum hoc Decretum respectu vagantium non potest quoad omnia exacte servari, eo quod proprii Parochi præsentia haberi nequeat; saltem servetur quantum potest: uti notat Zypæus Conf. 7. De Sponsalibus.

Hinc consequens est, quod dum vagabundi non possunt coram suo proprio Parocho contrahere, saltem contrahere debeant in præsentia Parochi loci, in quo tempore contrahendi Matrimonii consistunt; neque possint eo loco coram alio Parocho, aut Sacerdote sine licentia Parochi loci Matrimonium inire. Quin & ipsa Synodus Tridentina Sess. 24. cap. 7. De Reformat. Matrim. fat ostendit: Vagabundos coram Parocho debere contrahere, ubi Parochus præcipit, ne illorum Matrimoniis intersint, nisi servatis iis quæ ibidem præscribuntur; cui & communis praxis consonat.

XI. Ulterius, si supponatur Sponsus esse vagabundus sive omni domicilio destitutus, Sponsa autem domicilium fixum habeat, & consequenter proprium Parochum habitationis, videtur coram hoc Parocho contrahendum: eo quod sic Concilio Tridentino satisfieri queat, quod requirit præsentiam proprii Parochi.

Dum enim vagabundi coram Parocho loci, in quo tempore contrahendi Matrimonii reperiuntur, contrahunt, nequaquam in rigore coram proprio Parocho habitationis contrahunt; & eatenus ob necessitatem à Decreto Concilii receditur: qui recessus admittendus non apparet, dum alteruter contrahentium proprium habitationis Parochum habet: eo quod hoc casu Decreto Concilii Tridentini satisfieri queat, contrahendo coram proprio Parocho Sponsæ non vagabundæ.

XII. Synodus Tridentina advertens, quod multi qui vagantur & incertas habent sedes, prima uxore relicta, aliam & plerumque plures illa vivente, diversis in locis ducant, omnes ad quos spectat, paterne monet, ne hoc genus hominum vagantium ad Matrimonium facile recipiant, Magistratus etiam seculares hortatur, ut eos severe coercerent. Parochis autem præcipit, ne illorum Matrimoniis intersint, nisi prius diligentem inquisitionem fecerint, & re ad Ordinarium delata, ab eo licentiam id faciendi obtinuerint. Citato cap. 7.

XIII. Decreti hujus executionem Synodus Belgicæ nro consensu urgent, vultque Synodus P. II. Mechliniensis tit. 10. cap. 6. ut licentia ab Ordinario obtrineatur in scriptis; neque ea licentia sine causa cognitione & maturâ deliberatione detur.

Synodus P. II. Cameracensis tit. 11. cap. 5. vult; ut ignoti, & qui certas sedes non habent, non admittantur

„tantur ad contrahendum Matrimonium, nisi prævius  
„attestationibus Pastoris, ubi novissimam fecerint re-  
„sidentiam, aut aliorum fide dignorum, quorum si-  
„gilla vel signaturæ sint Pastori, coram quo contra-  
„here volent, bene notæ, aut sufficienti aliorum de-  
„positione apud eundem comprobata.

Non dubium ergo summâ circumspeditione, & non  
nisi auctoritate Superiorum, à Parochis hujusmodi  
Matrimonia esse solemnizanda. Sed tamen quia in hoc  
Decreto nulla clausula irritans apposta est, si Parochus  
neglectis iis, quæ à Synodis sunt præscripta, Matrimonio  
adstiterit, *validum* erit Matrimonium; quamvis Para-  
chus graviter deliquerit, & à Superiore pro merito  
castigandus sit; ut post Sanchez notat Zypæus in Jure  
novo tit. De Sponsalibus, num. 13.

XIV. Advertit quoque Zypæus Conf. 7. De Sponsa-  
libus, quod omnia Concilii in citato cap. 7. verba sint  
prohibitiva, non permissiva libertatis alicujus quoad va-  
gos; aut concessiva jurisdictionis quoad Parochos.

Hinc ulterius concludit: „Si qua in civitate peculia-  
„ris ac proprius constituatur vagorum hujusmodi Pa-  
„rochus, coram aliis ibi contractum Matrimonium  
„erit irritum, tanquam non coram proprio contra-  
„ctum, cum is ibi exstet.

XV. Milites nomine vagorum non veniunt, ed quodd  
ordinariè domicilium propriumque Parochum habere  
censeantur. Et quidem miles domicilium habere dicitur,  
Ubi meret (a) si nihil in patria possideat. L. 23. §.  
1. ff. Ad Municipalem.

Multi autem ex hodiernis militibus in patria nihil pos-  
sident, adeoque ii, ubi merent, domicilium habere vi-  
dentur; & sic faciliè ibi Parochum ut proprium sortiri,  
ubi in prædiis, aut aliter morantur, non tamen per  
modum transitus. L. HÆRES ABSENS §. PROINDE  
ff. de Judiciis. Ita Zypæus Consult. 2. num. 7. De Off.  
Ordinarii.

XVI. Milites in exercitu Regis Catholici hinc in Bel-  
gio militantes habent suos respectivè Cohortium aut le-  
gionum Cappellanos Castrenses, qui ipsis Sacramenta  
ministrant juxta datam ipsis facultatem à Vicario A-  
postolico ad Exercitus Regios per Breve Apostolicum  
constituto.

Quare nec dubium, Quin milites in exercitu actu ex-  
istentes coram suis respectivè Capellanis tanquam pro-  
priis Parochis Matrimonium contrahere possint. (b).

Inter concordata Ordinarii 23. Jan. 1595. inita,  
& denud in Septembri anno 1628. inter Archiepisco-  
pum Mechliniensem ut Delegatum exercitus, & Episcopos  
Comprovinciales renovata, relatum est, ut Pa-  
rochis liberum sit administrare Sacramenta omnibus  
„divertentibus ad suas Parochias, & sepulturas in iis  
„morientibus, salvo iuribus: Non licebit tamen Para-  
„chis assistere militibus seu personis de exercitu Matri-  
„monium contrahere volentibus; nisi tanquam Præ-  
„sidiarii in eorumdem Parochorum Parochiis resi-  
„deant. „ Ita Zypæus, Consult. 2. De Officio Ordinarii  
n. 1. qui ibidem Breve Apostolicum Delegationis ad  
Exercitus Regios discutit; & sub eodem titulo in Jure  
novo plures dictorum Concordatorum articulos refert;  
nec non de militum Matrimoniis in Belgio latè tractat,  
Consult. 14. De Sponsalibus. Ibi specialiter examinat,  
quandonam hodie aliquis pro milite habendus sit, ut  
jure militari gaudeat; atque rectè monet num. 19.  
„Si quis non animo militandi per collusionem nomen  
„dederit, ut contra interdictum forsitan Ordinarii à  
„Castrensi Sacellano conjungatur Matrimonio, & mox  
„quasi à militia mittatur, dicendum erit reverà quodd  
„simulata militia verum effectum veri & proprii Pa-  
„rochi ei non potuerit producere, adeoque nec Sa-  
„cellanus Castrensis Matrimonio ritè & ratè præesse;  
„nec ille validè conjungi.

(a) Ubi meret, le lieu de sa garnison, où le Soldat reçoit sa solde.

(b) Vide Decretum Archiepiscopi Mechliniensis ad hujus toni  
calcem inter monumenta positum sub littera P.

XVII. Parochi assistentia ad validitatem Matrimo-  
nii à Synodo Tridentina requisita, non est propriè  
actus jurisdictionis, sed simpliciter actus Pastoralis,  
quemadmodum administratio aliorum Sacramentorum;  
unde & *validum* erit Matrimonium, si Parochus assistat  
Matrimonio sui Parochiani in aliena Parochia, etiam  
renitente ac reclamante Parocho istius Parochiæ; quin  
& in alieno Episcopatu invito Episcopo; ut post alios  
notat Barbosa, De Officio Episcopi part. 2. Alleg. 32.  
num. 95. ibidem quoque notans, Parochum quan-  
tumvis excommunicatum, suspensum, aut interdictum  
posse *validè* Matrimonio assistere; ed quodd maneat  
verus Parochus; nec assistendo actum jurisdictionis  
exerceat.

XVIII. Sicuti Parochus alteri Sacerdoti administra-  
tionem Sacramentorum, tanquam eorum Ordinarius  
Minister, delegare potest; ita quoque alteri Sacerdoti  
facultatem assistendi Matrimonio suorum delegare; ut  
evidenter supponit Synodus Tridentina in verbis, *vel  
alio Sacerdote de ipsius Parochi licentia*.

Ex contextu Synodi manifestum est, facultatem hanc  
non posse à Parocho concedi nisi Sacerdoti; unde post  
Navarrum, aliosque resolvit Barbosa loco citato n. 13.  
Matrimonium de licentia Parochi tempore pestis coram  
Acolyto contractum esse nullum.

XIX. Sufficit autem quocumque modo, sive voce,  
sive scripto data fuerit hæc licentia; modò reverà data  
sit tempore illo, quo Matrimonio assistitur; nam si eo  
tempore defuisset, licet Parochus postmodum licentiam  
daret, aut assistentiam ratam haberet, nihilominus in-  
validum est Matrimonium: „Nam et si (ait Barbosa  
„ibidem n. 129.) regulariter rati habitio retrahatur  
„& mandato comparetur, Reg. RATIONATIONEM  
„cum vulgaribus, De Regulis Juris in VI. tamen ubi  
„lex vel statutum præsentiam requirit corpoream, ra-  
„ti habitio sequens non sufficit ad actum validandum.

At inter alios monet Zypæus Consultatione 2. num. 11.  
de Officio Ordinarii, à nonnullis in dubium vocari, utrum  
sufficienter data sit licentia Sacerdoti assistendi matri-  
monio, si Parochus illi dederit facultatem administra-  
di omnia Sacramenta. Ad tollendam hanc ambiguita-  
tem, convenit, ut Parochus eam licentiam concedere  
intendens, *specialem* licentiam assistendi matrimonio  
concedat, vel si eam concedere non intendat, etiam  
id ipsum exprimat, dum alteri Sacerdoti curam suæ Pa-  
rochiæ committit; ut ita tollantur dubia de validitate  
matrimonii, quæ ex ambigua delegatione, sive com-  
missione alteri Sacerdoti à Parocho facta, oriri pos-  
sunt.

XX. Hanc licentiam, an etiam dare queant Vice Pa-  
stores, dependet ab auctoritate, quam à Parocho ac-  
ceperunt; ni enim hæc subdelegandi potestas specia-  
liter ipsis sit data, eà etiam uti non debent: quia cum  
ipsorum licentia administrandi Sacramenta tantum sit  
*delegata & vicaria*, ea propriè non delegat: cum Dele-  
gatus de jure communi subdelegare ordinariè non possit.  
Deservitor tamen aut Vicarius etiam amovibilis alteri  
Sacerdoti licentiam dare potest; quia, ut inquit Can-  
onistæ, delegatus est ad *universalem causarum*, cui  
subdelegandi auctoritas competit: atque ita in praxi  
servatur.

XXI. Quia Episcopus per totam suam Diocesim  
manet unà cum Parochis tanquam subsidiariis ordina-  
riis Sacramentorum Minister; etiam ipse non tantum  
Matrimonio assistere, sed & alteri Sacerdoti licentiam  
assistendi dare potest; quemadmodum & Synodus Tri-  
dentina declarat in verbis: *Vel alio Sacerdote de ipsius  
Parochi aut ORDINarii licentia*.

Nomine Ordinarii hinc intelligitur Episcopus Diœce-  
sis, in qua contrahentes domicilium habent, iique om-  
nes, qui in auctoritatem & jurisdictionem succedunt; ut  
Capitulum, Sede vacante: Vicarius generalis Episcopi,  
& etiam Capituli, Sede vacante: nisi horum auctoritas  
specialiter in hoc puncto restricta sit.



XXII. Potest quidem Ordinarius hanc licentiam alteri Sacerdoti etiam invito Parocho delegare; at id ratò, & non nisi urgente de causâ faciendum: eò quòd per hanc delegationem Parocho assistentia matrimonialis jure ordinario competens adimatur; ideòque jure suo quasi spoliatur, dum hæc licentia alteri datur.

XXIII. Præter præsentiam Parochi alteriusve Sacerdotis de Parochi seu Ordinarii licentia, necessaria est ad validitatem Matrimonii ex præscripto Synodi Tridentinæ, duorum aut trium testium præsentia; quæ *simultanea* debet esse, nec sufficit *successiva*, quia Tridentinum copulativè exigit præsentiam Parochi & testium, per dictionem *et*, quæ copulat; uti post plures citatos advertit Barbosa *num. 137*.

Juxta Ediçtum Blesense *art. 40*. requiruntur in Gallia *quatuor* testes; sed quoad hunc numerum testium, articulum illum in nulla Regni Provincia receptum fuisse, testatur Juenin *pag. 989*. unde passim & ibidem receptum est, duos ad validitatem Matrimonii sufficere.

XXIV. Qualitatem testium nullam expressit Synodus Tridentina; neque posteriores Synodi aut Ritualia aliquam requirunt. Unde admittuntur in testes quicumque mentis compotes, atque intelligere apti quid agatur; viri & mulieres, etiam proximi consanguinei contrahentium, sine exceptione, quæ hic non habet locum: secus in aliis negotiis ubi requiruntur testes *omni exceptione majores*.

Ratio autem cur Synodus constitutionem non restrinxerit ad testes omni exceptione majores, fuisse potest, ne obtentu *exceptionum* multoties Matrimonia irritarentur; aut saltem in dubium vocarentur.

XXV. Præsentia Parochi & testium requiritur non corporalis duntaxat, sed moralis, ita ut sciant & intelligant, quid agatur, ipsiusque Parochi atque testium testimonio Matrimonium probari possit, eoque pacto occurrî incommotis ex Matrimoniis clandestinis metuentis.

Quare licet Parochus corporaliter esset præsens; sed non intelligeret aut adverteret, quid ageretur, invalidum esset Matrimonium defectu præsentiae Parochi; tamen si malitiosè intelligere aut advertere detrectasset. Quia equidem eo casu verum est, non eam fuisse præsentiam Parochi, ut de Matrimonio coram se contracto testari posset; quacumque demum ratione id factum sit; uti probat Zypæus, *Consult. 3. De Sponsal.*

Similiter insufficiens erit Parochi præsentia, si contrahentes Matrimonium essent retro aliquem parietem, vel Parochus cæcus esset; quia licet verba audiret & intelligeret, non posset securè & certò testari, hos in individuo contraxisse; cum ipsos non vidisset, vox autem faciliè fallere posset; & ita post alios docet Barbosa.

XXVI. Præsentia autem moralis sufficit, tamen si Parochus invitatus ac planè reluctans præsens fuerit, modò omnia eo modo coram ipso gesta sint, ut certum de iis testimonium dare queat. Idem erit, si alium in finem & per dolum eò vocatus fuerit; aut casualiter ibidem præsens sit, aut etiam quasi transeat: Barbosa ibidem *num. 85. & 88*. Quæ enim ultra moralem præsentiam Parochi & testium requiruntur, tamen si ordinariè citra grave peccatum non omittantur, omissa nihilominus Matrimonium non irritant: ut in his obtineat illud vulgatum: *Multa fieri prohibentur, quæ tamen facta tenent*.

XXVII. Hæc Parochi testiumque præsentia adeò necessaria est pro validitate Matrimonii, ut nec *ignorantia* etiam *invincibilis* ejus defectum supplere queat; uti nec *privati* alicujus necessitas: ideòque Matrimonium sine Parochi testiumque præsentia contractum in articulo mortis, aut tempore belli, aut pestis, licet Parochi præsentia haberi nequeat, invalidum esse post alios resolvit Barbosa *num. 147*.

XXVIII. Quin & Matrimonia contracta in articulo mortis etiam in præsentia Parochi & testium ab iis, qui hucusque in concubinato vixerunt, & proles illegitimas

procrearunt, habentur in Gallia pro *invalidis* ad effectus civiles, per Ediçtum Ludovici XIII. anni 1639. de quo videri potest Carolus Fevretius in *Tractatu De Abusu lib. 5. cap. 2. num. 43*.

XXIX. Quæ hætenus dicta sunt de necessitate præsentiae Parochi & testium, & *invaliditate* Matrimonii ex ejus defectu resultante, obtinent in locis, in quibus ipsum Tridentinum Concilium quoad hoc punctum publicatum fuit. (a)

Decernit quippe Concilium in fine sui Decreti, "ut hujusmodi Decretum in unaquaque Parochia suum robur post *triginta* dies habere incipiat, à die *primæ publicationis* in eadem Parochia factæ, numerandos.

Hic fat ostendit Synodus, se noluisse Decretum vim suam habere ad *irritandum* Matrimonium iis in Parochiis, in quibus publicatum nunquam fuit, quacumque tandem ratione publicatio impedita fuerit.

XXX. In hisce vicinisque Provinciis & Regnis, si Angliam & Poloniam exceperis, Concilium Tridentinum sufficenter quoad hoc Decretum promulgatum esse, ostendit eximius D. Huygens in suis observationibus, *De Sacramento Matrimonii, cap. 36*. neque de Gallia quoad nullitatem Matrimonii clandestini ex defectu præsentiae Parochi & testium, ulla hodie videtur vel minima dubitandi ratio amplius subesse.

Cum ergo in omnibus penè locis hic circumjacentibus publicatio Concilii Tridentini sufficenter facta sit; atque ita nullitas Matrimonii clandestini habeatur, admodum rari incidunt casus contracti Matrimonii in loco, ubi Concilium non est publicatum, ab incolis loci, in quo illud publicatum fuit, aut econtra: qui ubi occurrerint, consuli poterit citatus eximius Auctor, qui casus illos solidè ibidem resolvit; atque inter alia rectè advertit *num. 13*. quòd hoc Concilii Decretum non afficiat personas ratione loci, ad quem divertunt, vel per quem transeunt; sed ratione loci, in quo habitant, ac propterea incolas loci, in quo Decretum est publicatum, non posse validè contrahere clandestinè in loco diversorii, vel transitus, ubi non est publicatum.

XXXI. Porro quod supra dictum est, nec *necessitatem* supplere defectum Parochi, id expressè restrinxi ad necessitatem *particularem*; nam si generalis aliqua & inevitabilis necessitas fuerit, etiam Concilii Decretum cessabit; uti notatum fuit ob similem inevitabilem necessitatem, Vagantes posse contrahere coram Parocho loci, in quo consistunt duntaxat, & non habitant; eò quòd Parochum domicilii non habeant.

Hæc ratione fertur Congregatio Cardinalium declarasse: "Quòd ubi etiam constat Decretum Concilii esse publicatum, vel aliquo tempore in Parochia tanquam Decretum Concilii observatum, sed Parochialis Ecclesia utpote vacans proprio Parocho careat, & Cathedralis itidem Episcopo atque Capitulo habentibus à Concilio facultatem alium Sacerdotem ad id delegandi; nullusque alius ibi sit, qui vices Parochi aut Episcopi suppleat, Matrimonium valere absque præsentia Parochi: servatâ tamen in eo, in quo potest, formâ Concilii, nempe adhibitis saltem duobus testibus." Apud Zypæum titul. *De Sponsalibus, num. 16*.

XXXII. Matrimonia A catholicorum coram Magistratu politico, aut Ministro A catholico contracta etiam in illis locis, ubi Decretum Concilii Tridentini aliquando fuit publicatum, esse valida, etsi nec desit copia Parochi Catholici, neque sic conjunctos ad Ecclesiam Catholicam redeuntes, esse urgendos coram Parocho consensum matrimonialem renovare, non tantum in Gallia & Germania, sed in Provinciis Confoederatis, ubi Calvinistæ dominantur, jam à sexaginta decem

(a) Clandestinitas, quæ nihil aliud est quam defectus præsentiae Parochi & testium, est impedimentum dirimens Matrimonium.

& amplius annis communiter receptum fuit; (a) atque toto quasi orbe spectante pro validis reputata fuere, quemadmodum nuper in quadam Dissertatione sub titulo Theses *De Sponsa duorum*, ostendit eximius D. Martinus de Swaen in hac Academia Sacrae Theologiae Doctor; eorumque validitatem solidè adstruit, profertque varias easque urgentissimas rationes, ob quas merito Pontificibus & Episcopis visum sit, Decretum Concilii Tridentini non comprehendere Matrimonia A catholicorum in Provinciis confederatis, sub temporali dominio Hæreticorum constitutis.

XXXIII. Prima ratio petitur ab utilitate Ecclesiae & salute animarum. Si enim Matrimonia A catholicorum coram Magistratu Politico, vel Ministro A catholico contracta, sint invalida, sequetur, " nullum conjugatum Calvinistam posse ad fidem Catholicam converti & Ecclesiae Catholicae reconciliari, nisi aut de-  
" ferat uxorem hæreticam converti nolentem, & nisi  
" agnoscat se hucusque in materiali saltem fornicatione  
" cum putatitia sua uxore vixisse; vel nisi illa consen-  
" tiant (quod rarè hodie contingere videmus) de novo  
" inire contractum conjugalem coram Presbytero. "  
Hæc ille §. 5.

" Quantum conversioni A catholicorum hæc senten-  
" tia ponat impedimentum; & quantam contra Catho-  
" licos persecutionem excitare nata sit, (pergit Swanius)  
" nemo est, qui non percipiat. Econtra autem si valida  
" censeantur Matrimonia coram A catholico Magistratu  
" vel Ministro Calvinistico in fœderato Belgio inita,  
" cessant incommoda enarrata, & conversioni A catho-  
" licorum ostium aperitur.

Refert deinde eximius Auctor, hanc rationem purpuratis Patribus exposuisse magnum illum ac nominatissimum Præsulem Episcopum Castoriensem per Provincias confederatas Vicarium Apostolicum, cùm anno 1671. Romæ negotia suæ missionis ageret; eosque respondisse, *non convenire ut questio illa à sancto Officio definiatur, verum statueret ipse, quod crederet animarum sibi creditarum saluti maximè expedire.* Eteodem anno respondit eidem Antistiti Pœnitentiaria Romana, sententia, quod Matrimonia A catholicorum in Belgio fœderato inita coram Magistratu vel Ministro Calvinista, deberent haberi *valida*.

Quanto autem studio & zelo præfatus Præsul post suum ex Urbe reditum Pastoribus suis subditis inculcare conatus sit, hujusmodi Matrimonia habenda esse pro validis, multis ostendit Swanius.

XXXIV. Secundam rationem pro validitate hujusmodi Matrimoniorum petit citatus Auctor ex eo, quod moraliter sit impossibilis observatio Decreti Concilii Tridentini de contrahendo Matrimonio coram *Parocho Catholico* inter A catholicos, quamdiu in his Provinciis Religio A catholica dominatum tenet: quam moralem impossibilitatem multis iisque solidissimis rationibus evincit.

XXXV. Tertia ratio pro validitate horum Matrimoniorum desumitur ex scopo ipsius Decreti Concilii Tridentini, qui est, ut incommoda ex Matrimoniis clandestinis, quæ in foro externo probari non poterant, provenientia evitarentur. Scopus autem hic in Provinciis hæc obtinetur, dum Matrimonia publicè coram Magistratu vel Ministro A catholico & testibus contrahuntur; idque non aliter quàm præviis tribus distinctis publicis proclamationibus; adeò ut non minùs apud ipsos A catholicos, quàm apud Catholicos exulcent Matrimonia clandestina, ideòque sine Decreti cessante, non apparet ratio, cur ejus observantia urgeri debeat, præsertim cum maximis illis incommodis, quæ ex urgendâ hac observantiâ sequerentur; ut latius videre licet apud Swanium; nec non eximium D. Huygens, qui in suis Observationibus *De Sacramento Matrimonii*,

(a) Ut illa computatio accurata quodammodo censetur, advertendum, quod D. Van-Espen illum peregerit exeunte XVII. seculo, cùm suum jus Ecclesiasticum elaboraret.

horum Matrimoniorum validitatem si niliter adstruit, & argumentis in contrarium adduci solitis responderet; atque signanter notat ex Swanio, resolutionem Cardinalium datam Sasboldo Vicario Apostolico, relata à Zypæo titulo *De Sponsalibus* num. 16. quâ dicta Matrimonia declarantur *invalida*, emanasse id temporis, quo Rex Catholicus nullum adhuc jus liberæ Reipublicæ Provinciis illis cesserat; atque nullius adhuc Religionis pacificum, nisi solius Catholice, indulgeret exercitum, exturbans ubicumque poterat Ministros A catholicos. Quidnî pro hoc tempore declarare poruit sancta Congregatio Decretum Concilii Tridentini, etiam A catholicos obligare; cùm nec tunc subessent, nec timerentur incommoda illa, & observantiæ impossibilitas, quæ hodie mutato politico regimine, & publico Religionis exercitio, ex necessitate observantiæ istius Decreti orirentur; uti fusiùs exponit Swanius §. 6.

XXXVI. Quod de validitate Matrimonii A catholicorum coram Magistratu vel Ministro Hæretico dictum est; id quoque obtinere, tamen si altera pars contrahentium sit Catholica, multis solidisque argumentis evincit Swanius §. 7. (a)

Si enim Matrimonia sint *valida* contracta coram Magistratu vel Ministro Hæretico, dum utraque pars est A catholica, etiam *valida* dicenda videntur, tamen si una pars duntaxat sit A catholica; eodem argumento, quo Matrimonium contractum in loco ubi Decretum Concilii Tridentini non est publicatum, esset *validum* clandestinè in initum, licet una tantum pars in loco isto domicilium haberet, altera verò in loco, in quo Decretum est publicatum, & ita decisum fuisse à sancta Congregatione refert Wamefius *Consilio Can.* 530.

Plura argumenta pro validitate hujusmodi Matrimonii adducit ibidem Swanius, dicitque se non ita pridem ex amplissimo D. Van Heussen Provicario Ultrajectino, Viro rerum Provinciarum istarum apprime gnaro, didicisse sequentia. " Primò, quod Presbyteri de Clero eos, qui coram Ministro, vel Magistratu A catholico conjuncti sunt, & quorum pars altera est A catholica, passim non soleant de novo conjugere.

" 2. Quod constet, plures ex Religiosis, & inter illos etiam PP. Societatis eidem sententiæ, praxique se conformare.

" 3. Quod constet, similia conjugia ante tempora illust. Castoriensis (quamvis non ita universaliter) uti *valida* fuisse habita.

" 4. Quod præfatus Præsul post suum ex Urbe, id est, Romæ reditum (accidit is an. 1671.) expositis S. Congregationi sententiæ suæ in hoc motivis, acceptoque ab eadem responso, faceret ipse, *quod magis in his regionibus congrueret*, praxim jam dictam efficacius frequentiusque promoveret.

" 5. Quod Matrimonia memorata ab A catholicis, dum juxta Patriæ leges & consuetudines sunt contracta, similiter tanquam *valida* reputentur.

XXXVII. Quin & §. 8. testatur quatuor Doctores & Pastores Parisienses consultos ab Episcopo Castoriensi respondisse, quod Hæretici iis in locis Franciæ, ubi liberè habitare permittuntur, & ubi sui exercitii liberam habent Ecclesiam, Matrimonio jungantur coram Pseudo-Ministris suis, non coram Parochis, quos Pseudo-Ministros patitur Ecclesia vicem Parochorum illis gerere hac in parte. Si verò hi ad fidem Catholicam convertantur, ad S. Communionem vel Sacramentalem absolutionem admittantur, etiam si non celebraverint de novo Matrimonium coram proprio Parocho. Uterius, si alter convertatur, altera in hæresi manente, non negetur converso S. Communio vel absolutio

(a) Quod si Matrimonium illud in Galliis celebratur, invalidum erit, ut constat Edicto quod Ludov. XIV. dedit an. 1680, nisi ante Matrimonii celebrationem dispensatio obtenta fuerit.

C c c c

in

in Francia, donec ambo compareant coram Parocho; neque liceat converso ad fidem deferere partem hæreticam, & alteri nubere; etsi hæc nolit coram Parocho consensum renovare. Denique non sit invalidum Matrimonium contractum non coram Parocho, sed tantum coram Pseudo-Ministro, tamen altera pars esset Catholica.

XXXVIII. Resolutioni tamen casus finalis merito addunt hanc salutarem clausulam: *Ceterum non licet, & gravissimè Catholicus peccat.* Neque enim ullus negat, quin Catholici gravissimè peccare soleant, cum hæreticis Matrimonia ineundo; hæcque Matrimonia ob multiplicia incommoda, ac præsertim præsentaneum periculum perversionis ad hæresim & parti Catholicæ, nec non prolihus imminens, esse planè detestanda; atque Parochos debere merito sollicitos esse, ut tum in concionibus, & Confessionibus, tum privatis colloquiis exponant gravitatem peccati, quod in contrahendis hujusmodi Matrimoniis incurritur, & ut quibuscumque motivis similia Matrimonia dissuadere conentur; quemadmodum, motiva plura allegando, ostendit Swanius §. 10. qui dein §. 11. exponit, quam graviter Sacerdotes delinquant; & qua pœnâ puniantur, qui partem Catholicam cum Acatolica conjunxerunt, vel ut in Ecclesia Acatolicorum à Ministro conjungerentur, suaserunt, vel permiserunt, dum potuerunt impedire.

XXXIX. Testatur insuper §. 10. fuisse aliquando ex mandato Congregationis Cardinalium prohibitum omnibus Pastoribus ac Missionariis, ne ullo modo Matrimonio conjungerent personas, quarum altera esset hæretica, ac tam urgentes ex parte Missionis allegatas fuisse rationes, ut in benigniorem sententiam haud rursus post insecti sese passi fuerint Cardinales; concedentes ut obtentâ licentiâ Vicarii Apostolici, Pastores alique Missionarii personas disparis religionis coram Ministro, aut Magistratu Acatolico juxta patriæ mores & statuta conjunctas, in præsentia sua demum conjungant. Hinc veritum Missionariis, ne id sine licentiâ Vicarii attentent. "Prohibemus (inquiunt Constitutiones) sub pœna suspensionis ab Officio Missionis, omnibus Missionariis, ne quis personas, quarum altera est Acatolica, nobis inconsultis, & sine speciali nostro consensu, præsumat conjungere." Deinde addunt: "Sæpe deterreant Pastores, alique Missionarii plebem Catholicam, ne conjugii jugum ducant cum infidelibus, nec cum illis velint unum corpus fieri, cum quibus non possunt fieri unus spiritus."

## CAPUT VI.

### De Ritibus contrahendi Matrimonii.

1. *Matrimonium certis ritibus celebrari vetus est institutum.*
2. *Ritus hi ad essentiam Matrimonii non spectant; non tamen temerè negligendi.*
3. *Monendus Populus ne Matrimonium, iis neglectis, contrahat: atque cum in finem ritus populo exponendi.*
4. *Laudabilis est ritus celebrandi Matrimonium in Ecclesia.*
5. *Hic ritus licet non universalis, à Synodo Tridentina non improbat.*
6. *Ritus Vinculum Matrimoniale designans describitur.*
7. *Formula à contrahentibus & Parocho pronuntianda, qua contractus Matrimonialis exprimitur.*
8. *Benedictio & traditio Annuli nuptialis.*
9. *Vetus Annuli usus; & ad quid primum introductus?*
10. *Mystica Annuli significatio.*
11. *Benedictio Sacerdotalis super novos Desponsos.*
12. *Missæ celebratio in aliquibus locis est vice Benedictio-*

*nis; & olim non nisi intra Missarum solennia fiebat benedictio.*

13. *Osculum pacis Desponsis dandum.*
14. *Olim Fideles inter Missarum solennia, se mutuo osculabantur; & quomodo hic ritus mutatus?*
15. *Benedictio Desponsorum post Missam; & recitatio Evangelii super eosdem.*
16. *Plerique ritus desiderantur in Rituali Romano; eos tamen non improbat.*
17. *Parochi sequi debent ritus in suis respectivè Ritualibus præscriptos.*
18. *Monendi novi Conjuges ut exemplo Tobie ab usu Matrimonii se aliquo tempore temperent.*
19. *Monendi quoque de licito Matrimonii usu; sed parè & bonè.*
20. *Annotatio Matrimonii à Parocho faciendâ.*
21. *Quid circa conservationem Registorum Editio Principum nostrorum cautum.*
22. *In celebratione nuptiarum indecoræ saltationes, & excessiva convivia vitanda.*
23. *Quid pro moderandis conviviis nuptialibus per Principes Belgii statutum.*

I. MATRIMONIA apud Christianos etiam primis seculis quibusdam sacris ritibus, precibusque coram Sacerdote celebrata fuisse expeditum est; sed hi ritus precesque varii fuere pro locorum & temporum varietate; uti & hodie non omnium est in his Ecclesiis uniformitas; quam varietatem agnoscens Synodus Tridentina vult, ut Sacerdos in conjungendis Sponsis utatur verbis juxta receptum uniuscujusque Provinciæ ritum. *Sess. 24. cap. 1. De Reformat. Matrimonii.*

II. Hi quidem ritus ac preces ad essentiam non spectant Matrimonii; nec earum omissio validitatem ejus impedit: eas tamen omittere citra necessitatem aut legitimam dispensationem omnino illicitum est.

Uterius, quia ab Ecclesia instituti sunt, Matrimonia benedictionem accersere solent; & eorum temeraria omissio & profanus contemptus maledictionem in ipsos contrahentes, ipsumque Matrimonium non raro accersere.

III. Monendi proinde Fideles, ne clandestinè & prætermis præscriptis ab Ecclesia ritibus Matrimonia inire præsumant.

Hoc ut persuadeatur, multum conducit, ostendere, plerosque ritus hodie adhiberi solitos, non esse recenter inventos & institutos; sed ex Antiquorum traditione ad nos pervenisse.

IV. Primò, in Belgio hodierna consuetudo habet, ut Matrimonium, quemadmodum alia Sacramenta, in Ecclesia celebrari debeant.

An olim quoque ipsum Matrimonium in Ecclesia celebratum fuerit, non perinde constat.

Legitur quidem antiquitus Matrimonia in facie Ecclesiæ, aut coram Ecclesia fuisse contracta; sed sciendum, Ecclesiam ibi sumi pro congregatione seu cætu Fidelium; ideoque Matrimonia in facie Ecclesiæ celebrari, idem valet, ac publice coram cætu Fidelium celebrari; hujusmodique Matrimonia clandestinis conjunctionibus opponebantur.

Quidquid sit, non dubium, quia laudabilis sit Ecclesiarum Belgicarum hæc consuetudo; eamque retinendam præcipit Synodus D. Mechliniensis anno 1609. tit. 9. cap. 6. "Laudabilis est hujus nostræ Diocesis consuetudo (ait) quod Matrimonia & in Ecclesia, quæ Sacramentorum proprius locus est, & inter Missarum solennia contrahantur. Quare eodem sacrum Concilium Tridentinum ejusmodi consuetudinem retineri vehementer optet, præcipimus, ne quis absque speciali nostra licentiâ ei contravenire audeat."

Idipsum decernit Synodus Antverpiensis sub Miræo, tit. 10. cap. 9. additque, *potissimum diebus Dominicis & Festis.* Ac deinde: "Nullus autem Pastor sub gravi pœna post meridiem Matrimonium solemnizare præsumat."



„mat. „ Et cap. 6. proscrit juvenum quorundam insolentias, quæ etiam in ipso templo circa novos Desponsos contingere solebant.

Synodus Audomarenfis, tit. 10. cap. 12. ait: „ Sane igitur cum sit res (Matrimonium) non contrahatur nisi in Ecclesia, nequaquam in privatis ædibus quantumvis honestis.

V. Advertit Zypæus titulo *De Sponsalibus*, num. 19. quod „ Concilium Tridentinum benedictionem quidem in templo suscipi mandet, non æque Matrimonium ibi contrahi: adeo ut Sacra Congregatio censuerit, Ordinarium non posse prohibere, quin Matrimonia domi celebrentur, servata Concilii forma, referente Sanchez, lib. 3. disp. 15. num. 20. aliisque: sed id quidem pro iis regionibus non improbo (ait Zypæus) ubi virgines raro in publicum prodeunt, sed in liberioribus genibus, ut sunt nostræ Belgicæ, probare non possum; ubi quidem usus hætenus obtinuit; ut non extra templi parietes Matrimonia solemniscuntur. Hæc ille, qui ibidem ostendit, hunc usum in his regionibus esse laudabilem; atque referendum inter laudabiles consuetudines, quas Synodus Tridentina retineri voluit.

VI. Sponsis Ecclesiam ingressis, atque utroque per Parochum specialiter & singillatim interrogato, utrum venerint huc libera sua voluntate, & à nullo coacti ad contrahendum inter se Matrimonium, & utroque respondente affirmative, tunc Sacerdos juxta Rituale Mechliniense, conjunctis dextris amborum, & stola involutis, cum signo crucis, invocata SS. Trinitate dicat: *In nomine Patris, & Filii, & Spiritus Sancti; inchoetur mysterium.*

Ex Isidoro refert Gratianus, caus. 30. q. 5. Can. 7. „ quod nubentes post benedictionem vitta invicem quasi uno vinculo copulantur, videlicet ideo fit, ne conjugalis unitatis disrumpant.

Vittam hanc fuisse candido purpureoque colore variegatam testatur ibidem Isidorus; mysticam horum colorum rationem subjiciens: „ Candor (ait) ad mundiciam vitæ, purpura ad posteritatem sanguinis designandam addibetur: ut hoc signo & continentie lex tenenda ab utroque ad tempus admoneatur; & post hæc reddendum debitum non negetur.

VII. Post hæc præmissa monitione de indissolubili Matrimonii vinculo, monet primo Sponsum, ut secum & intelligibiliter pronuntiet formam contractus Matrimonialis; sive verba distincte consensum Matrimoniale exprimentia: quibus pronuntiatis, eadem proponit Sponsæ pronuntianda; ac dein data scutrimque fide, dicit Sacerdos: *Et ego tanquam Dei Minister, vos in Matrimonium conjungo: In nomine Patris, &c.*

Ita Rituale Mechliniense; quibus fere consonat Rituale Romanum. Et quamvis nec verba à Contrahentibus, nec formula à Sacerdote pronuntianda, sint de substantia Matrimonii; (a) sufficiatque & hodie consensum Matrimoniale, etiam sine verbis coram Parocho nulla verba proferente, neque Matrimonium confirmante, imo positive improbante, præstari, ut validum sit Matrimonium: tamen nec Parocho licet his omisissis, aut alia forma Matrimonium solemnizare, aut ei consensum præbere, alias graviter puniendus; uti & Contrahentes præscriptos ritus contemnentes.

VIII. Sequitur ex præscripto Ritualium, benedictio annuli secundum formam in Rituali cujusque Diocesis præscriptam. Rituale Romanum præscribit, ut Sponsus annulum benedictum de manu Sacerdotis acceprum imponat digito annulari sinistrae manus Sponsæ, Sacerdote dicente: *In nomine Patris, & Filii, & Spiritus Sancti.*

(a) Hæc sane rejiciuntur à Theologis, qui Sacerdotem Ministrum Sacramenti Matrimonii nuncupant, quique hujus Sacramenti formam essentialem constituunt in his vel similibus verbis; ego vos, &c. à Sacerdote prolatis.

Tom. I.

Ex præscripto Pastoralis Mechliniensis, Sacerdos postquam annulum aspersit aqua benedicta, infert illum digito annulari dextræ manus Sponsæ, aut alteri secundum morem loci, dicendo: *Accipe annulum fidei Matrimonialis, in nomine Sanctissimæ Trinitatis, ut illum portans, sis armata virtute cælestis benedictionis, & proficiat tibi ad salutem æternam.*

IX. Antiquissimus est annuli usus apud Veteres. Et quidem tam apud Romanos, quam apud Hebræos moris fuisse, ut in omni pactione loco arrhæ annulus daretur, ex Plinio & Historia Sacra Genesis 38. observat Baronius ad annum 57. atque ex hujusmodi usu fluxisse videtur (pergit Baronius) ut cum spondentur nuptiæ, Sponsus loco arrhæ, Sponsæ det annulum.

Annuli Sponsalitii meminit quoque Tertullianus in Apologetico cap. 6. ubi exponens pristinam mulierum Christianarum modestiam; ait: „ Cum aurum nulla norat præter unico digito, quem Sponsus oppignorat, rasset *pronubo annulo.*

Meminit quoque hujus annuli Clemens Alexandrinus in Pædagogo suo Christiano lib. 3. cap. 11. asseritque, quod daretur uxori non ornatus gratia, sed ut obsignaret quæ domi erant. In signum nimirum curæ rei domesticæ: in quem quoque finem claves novæ nuptiæ tradi solitas testatur Festus. Obsignari enim solitas penarias arcae ne surriperentur à servis, ex Plinio notat Baronius loco citato: Observans insuper, annulos sponsalitios olim apud Romanos fuisse plerumque ex ferro; unde & Tertullianus de habitu mulierum cap. 15. generatim dicit: *Nam & annuli ferro fiunt.*

X. Apud antiquos Christianos annulis sponsalitiiis insculptum fuisse signum fidei, quod est Hieroglyphicum amoris & concordie, monet ibidem Baronius.

Hanc annuli significationem non obscure insinuat Nicolaus I. in responsis ad Bulgaros apud Gratianum Caus. 30. q. 5. Can. 3. „ Postquam arrhis Sponsam sibi Sponsus per digitem fidei annulo insignitum despondit.

Et apertius Isidorus, apud Gratianum ibidem Can. 7. „ Quod in primis nuptiis annulus à Sponso Sponsæ datur, sit hoc nimirum vel propter *mutuæ fidei* signum, vel propter id magis, ut eodem pignore eorum corda jungantur. Unde & quarto digito annulus idem inferitur, quod in eo vena quædam (ut fertur) sanguinis ad cor usque perveniat.

Eandem mysticam annuli significationem indicat formula traditionis annuli ex Pastoralis Mechliniensis supra relata. Et in ejus benedictione dicitur juxta Rituale Romanum: „ Benedic, Domine, annulum hunc, quem nos in tuo nomine benedicimus, ut quæ cum gestaverit, *fidelitatem integram* suo Sponso tenens, in pace & voluntate tua permaneat; atque in *mutua charitate* semper vivat.

XI. Post annuli benedictionem & traditionem, sequitur Sacerdotalis Benedictio; quam flexis genibus ante Altare à Sacerdote noviter conjuncti suscipere debent.

Quamvis formulæ Benedictionis nuptialis quæ hodie extant in Ritualibus sint recentioris ævi; atque in variis Ecclesiis diversæ, ipsa tamen Sacerdotalis Benedictio antiqua est, & apud Christianos jam pridem usitata.

Hujus Benedictionis meminit Clemens Alexandrinus loco citato loquens de comis fictitiis mulierum quasi benedictionem impredientibus, ait: „ Cui autem manum imponit Presbyter, cui autem *Benedicit*? Non mulieri, quæ est ornata, sed *alienis capillis*, & per hoc alii capiti.

Synodus Carthaginensis IV. Can. 13. apud Gratianum Caus. 30. q. 5. Can. 5. ait: „ Sponsus & Sponsa cum benedicendi sunt à Sacerdote, à parentibus suis & paranympis offerantur.

Plures ibidem Canones, qui hujus benedictionis meminerunt, recitat Gratianus; licet forsitan non tam antiqui

C c c c a

antiqui

antiqui sint, quam sunt Auctores quorum nomina referunt.

XII. Benedictione absoluta ex præscripto Pastoralis Mechliniensis, "novi conjuges honestiori loco collocati, audiunt Missam, orantes Deum pro Matrimonii iam iniit prospero successu.

Rituale Romanum indicat, Missam duntaxat celebrandam, si nuptiæ sint benedicendæ; atque ita ipsam Missæ celebrationem esse vice benedictionis. Post benedictionem enim *annuli* immediate subjicit: "His expletis, si benedicendæ sint nuptiæ, Parochus Missam pro Sponso & Sponsa, ut in Missali Romano, celebret, servatis omnibus quæ ibi præscribuntur. Neque alterius benedictionis meminit.

Et sane pridem benedictio nuptiarum intra Missarum solemniam, "fiebatur post *Orationem Dominicam*, & omnia alia quæ intra Missarum solemniam olim benedicebantur, uti clarum est ex nostris Sacramentariis, inquit Hugo Menardus in notis ad Sacrament. pag. 414. qui primus edidit ex Codice Rhemensi exarato circa annum millesimum, *Actionem* seu Missam propriam *nuptialem*, in qua inter alia dicitur: "Et dicis *Orationem Dominicam*, & sic eam (Sponsam) benedixit, his verbis: *Deus qui mundi crescentis exordium*. &c.

Hujus veteris ritus vestigium est, quod in Pastoralis Mechliniensis præscribitur: "Dicto *Pater noster*, Sacerdos antequam dicat; *Libera nos quesumus Domine*, stans in cornu Epistolæ versus Sponsam & Sponsam ante Altare genuflexos, dicit super eos sequentes *Orationes*: "Hæ enim *Orationes* locum pristinae benedictionis supplent.

Ad Benedictionem Sacerdotalem seu potius benedictionem Ecclesiæ ministerio Sacerdotis impertientiam, nec non ipsam Missæ Sacrificium in nuptiarum benedictione celebrari consuetum, non obscure alludit Tertullianus lib. 2. ad *Uxorem* cap. 8. dicens. "Unde sufficiamus ad enarrandam felicitatem ejus Matrimonii, quod Ecclesia conciliat; & confirmat *oblato*, & obignat benedictio.

Ad hæc verba, confirmat *oblato*, reflectens Vir eruditus Nicolaus Rigaltius, ait: "Cum ab Ecclesiæ Præpositis conjugium, ut Septimius dixit, conciliatum solemniter die Ecclesiæ sistitur, communibus fidelium votis inter Sacrificiorum *Orationes* benedicendum.

XIII. Addit præterea Pastoralis Mechliniensis: "Minister celebrantis, *osculum* pacis à sacrificante acceptum deferit primum Sponso, ac deinde Sponsæ (cum gratiarum actione, ac mutua charitatis desiderio illud accipit in signum charitatis ac perpetuæ pacis Christi cum Sponsa sua Ecclesia) & postea ordinate cæteris in honorem nuptiarum præsentibus.

Osculi nuptialis meminit Tertullianus libro *De Velandis Virginitibus* cap. 11. Nec dubium quin sibi mutuo olim Sponsi osculum darent.

XIV. Fideles enim in ipsa sacra Synaxi se mutuo osculo salutasse, seu pacem dedisse, multis ostendit Cardinalis Bona lib. 2. *Rerum Liturg. cap. 16.* & concludit: "Signum igitur, mutua dilectionis, & pacis, erat osculum inter Christianos, à quo procul aberat omnis suspicio impuri effectus.

Deinde paucis interpositis, subjungit: "Veteri tandem simplicitate in malitiam degenerante, subtrahum paulatim est osculum, & ejus vice mos introductus porrigendi tabellam cum Crucis vel Christi imagine, quam superioris seculi Scriptores *oscularium* vocant, de quo vocabulo agit Spelmannus in Glossario.

XV. Absoluta Missa postquam novis Conjugibus, ac toti populo communis fuerit impensa Missæ benedictio, priusquam Sacerdos incipiat Evangelium Sancti Joannis, adducendi sunt novi Conjuges ad Altare ex præscripto Pastoralis Mechliniensis, ad quos conversus

Sacerdos dicit: "Deus Abraham, Deus Isaac, & Deus Jacob sit vobiscum: & ipse impleat benedictionem suam in vobis, ut videatis filios filiorum vestrorum usque ad tertiam & quartam generationem; & postea vitam æternam habeatis sine fine, &c.

Ex ejusdem Pastoralis præscripto Sacerdos legere debet Evangelium S. Joannis *In Principio erat Verbum*, super novos conjuges; atque lectum Evangelium Crucis impressione signatum exhibere utrique osculandum.

XVI. Pleræque hæ sacrae caeremoniæ, & iteratae Benedictiones desiderantur in Rituali Romano; ibi brevis admodum formula solemnizandi Matrimonium habetur, subjiciens propterea hanc cautionem Synodi Tridentinae: "Cæterum, si quæ provinciæ aliis, ultra prædictas, laudabilibus consuetudinibus & caeremoniis in celebrando Matrimonio utuntur, eas Sancta Tridentina Synodus optat retineri.

XVII. Parochi igitur in hisce præscripta Ritualium suorum sequi debent; ac frequenter ostendere populo salutarem usum harum caeremoniarum; ac signanter efficaciam precum & Benedictionum, quæ nomine Ecclesiæ super novos conjuges funduntur; quodque merito timeant, qui iis contemptis contra Ecclesiæ præscriptum Matrimonia ineunt, ne maledictionem pro benedictione in se & proles suas accersant.

Deinde hic notandum, Benedictiones in Ritualibus præscriptas duntaxat primas nuptias concerpere, uti infra ubi de secundis nuptiis agitur, latius dicitur; ratioque illius diversitatis assignabitur.

XVIII. Matrimonii solemnizatione absoluta monet Pastoralis Mechliniensis Parochum, ut novos conjuges egregie etiam coram populo hortetur, ut ad exemplum Tobiae, & sacrorum Canonum consilium, propter reverentiam Sacramenti & Benedictionis bido vel triduo orationibus vacent, & castitatem servent, ut sic tanquam filii Sanctorum conjugium Christianum cum Dei timore consummantes, sciant uterque *vas suum possidere in sanctificatione & honore, non autem in passione desiderii, sicut gentes quæ ignorant Deum*. 1. Thess. c. 4. v. 5.

Ex Concilio Carthaginensi IV. *Can. 13.* refert Gratianus *caus. 30. q. 5. Can. 5.* "Qui (Sponsus & Sponsa) cum acceperint Benedictionem, eadem nocte pro reverentia ipsius benedictionis in virginitate permaneant.

Glossographus reflectens ad hæc verba: *PRO REVERENTIA*, ait, Ergo non erit peccatum si aliter fiat: quod coincidit cum eo, quod Pastoralis dixit, *ad sanctorum Canonum CONSILIUM*.

XIX. Recte quoque monet Synodus Audomarensis s. 10. c. 17. Parochos, ut novos conjuges "instruant, ubi res postulat, verecunde & modeste, ut non existiment, sibi quidvis inter se licere, nec se habere mutuam corporum potestatem, ita ut quidvis alteri liceat, cum alterius corpore; nec enim aliud corporis nomine Apostolum intelligere 1. Cor. c. 7. v. 4. ubi ait: *Mulier sui corporis potestatem non habet, sed vir: similiter autem & vir sui corporis potestatem non habet, sed mulier*; quam membra ad generationem à natura deputata, quibus utantur eo modo, quo ex naturæ institutione generationi serviunt, non alio: Nam si alio, non conjuges, sed virum quidem uxoris adulterum, mulierem autem mariti meretricem esse, quod quodam loco ait D. Augustinus.

Poterit hic servire Parocho quod habet S. Franciscus Salesius in Introductione ad vitam devotam *parte 3. cap. 39.* ubi pie & caste exponit, quomodo conjuges se circa actum conjugalem gerere debeant.

XX. Ut contracti Matrimonii certa semper fides haberi queat, mandat Synodus Tridentina *Seff. 24. cap. 1. De Reformat.* ut "habeat Parochus librum, in quo conjugum & testium nomina, diemque & locum contracti Matrimonii describat; quem apud se diligenter custodiat.

Hoc Decretum renovans Synodus P. II. Mechliniensis tit. 10. cap. 7. addit: "Et quotannis in visitatione Archi-presbytero exhibeant. Qui quidem liber ubi jam completus fuerit, servabitur in archivis Ecclesiae.

XXI. Edicto perpetuo Principum nostrorum anni 1611. art. 20. mandatur Magistratibus quorumcumque locorum, ut quotannis accipiant exemplum sive copiam (ut vocant) authentizatam cum registro Parochiali in quo notantur Baptismata, Matrimonia, & Sepulturae, omnium eorum quae hoc toto anno occurrunt; quod exemplum Pastor ipsi Magistratui dare tenebitur, ut in sua quisque Magistratus respective archiva referat, diligenterque custodiat. Insuper ut Magistratus pagorum confici jubeant duo exempla, quorum alterum mittant ad superiorem sui territorii judicem, ut ibidem reservetur; idque sub poena arbitraria in negligentes. Volentes dictis registris eorumque exemplis plenam fidem adhiberi absque ulteriore probatione: cum nimirum de aetate, conjugio, morte, promotione ad Ordines, provisione beneficiaria, seu secularis officii collatione, & restitutione agetur; de quibus in ipso articulo mentio fit. (a)

Ad hoc Edictum reflectens Zypæus titulo *De Parochiis* num. 6. ait, "quod valde expediret, omnes Episcopi, copi sua saltem auctoritate Pastoribus mandarent, & exequerentur, ut in archivis Episcopalis hujusmodi exemplaria reservarentur.

XXII. Mandat denique Synodus Tridentina Sess. 24. cap. 10. *De Reformat. Matrimonii*, curent Episcopi, ut nuptiae ea quae decet modestia & honestate fiant; sancta enim res est Matrimonium, & sancte tractandum.

"Nuptias solemnibus conviviis, saltibus, secenis, sedare potius quam ornare, est abusus antiquus à Gentilibus devolutus in Ecclesiam," ait Christianus Lupus in Scholiis ad *Can. 24. Trullanum*; quo Canone cavetur, "si quis Clericus ad nuptias vocetur, quando ad deceptionem comparata ludicra ingressa fuerint, surgat & discedat, Patrum nostrorum sic jubente doctrina.

(a) Id in Gallia sancitum est Edicto, quod Ludov. XIV. dedit an. 1667. quod quidem Ludov. XV. renovavit in sua Declaratione 9. Aprilis an. 1736.

Et antiquior Synodus Laodicæna *Can. 53.* statuit, quod non oportet Christianos ad nuptias venientes se turpiter & indecore gerere, vel saltare, sed modeste cenare & prandere, ut decet Christianos.

Rursus Synodus Agathensis anno 506. *Can. 39.* injunxit sacris hominibus, "ut nuptiarum evitent convivia, nec his ceteribus admisceantur, ubi amatoria cantantur & turpia, aut obsceni motus corporum choreis & saltationibus efferuntur, ne audius aut obtutus sacris mysteriis deputati turpium spectaculorum atque verborum contagione polluantur." Apud Gratianum *Dist. 34. Can. 19.*

Synodus Coyacensis in Dicecesi Ovetensi anno 1050. celebrata, sub Ferdinando Rege primo Castellæ qui cognominatus est Pius, presentibus omnibus Episcopis & Optimatibus ejusdem Regni *Can. 5.* ait: "Presbyteri ad nuptias causa edendi non eant, nisi ad benedicendum.

Cum nec in hodiernis conviviis nuptialibus leges sobrietatis & honestatis Christianæ per omnia servari soleant, etiamnum Canonum ratio manet; atque singulariter hæc convivia à Parochis & Sacerdotibus evitanda sunt; ut necrogati accedant.

XXIII. Quia in hæc conviviis instruendis magnus excessus, præsertim in pagis, committi solet, per nimiam ad ea convivia solitam personarum invitationem; Carolus V. Edicto 7. Octobris 1531. art. 28. cavet, ut si qui convivium nuptiale instruere velint, non poterunt ad illud vocare nisi proximiores consanguineos utriusque conjugatorum; neque numerus personarum excedere queat numerum viginti; nec convivium illud protrahi possit ultra ipsum diem nuptiarum & sequentem ulque ad tempus pomeridianum. Habetur *parte 1. Edit. Flandriæ lib. 3. Rubrica 1.*

Hoc Edictum renovatum est 10. Decembris 1611. sed extensum ad quadraginta paria, sub poena quod tam sponsi quam convivæ mulctam 20 florenorum incurrant: cum declaratione, quod Magistratibus, aut Officiariis facultas desuper dispensandi tributa non sit, & dispensantes ipsi ad 25. florenos mulctentur. Iterum Edicto ult. Decemb. 1613. Principes idem veterum restricto numero ad 32. paria cum prorogatione ad secundum diem, sub poena 20. florenorum, quam sponsi incurrant pro numero, aut tempore excedente.

## TITULUS XIII.

### DE IMPEDIMENTIS MATRIMONII.

#### CAPUT I.

Penes quem sit auctoritas inducendi Impedimenta Matrimonii.

1. Quid nomine impedimenti hic intelligatur; & quod duplicis generis sit?
2. Impedimenta Matrimonii etiam apud Gentiles nota fuisse.
3. Magistratum civilium est leges Matrimonii incutere præscribere.
4. Qua ratione hodie competat Ecclesiæ Matrimonia ordinare.
5. Hæc compendiose expressit S. Thomas.
6. Ex sententia S. Thomæ juxta diversos fines, diversorum jurisdictioni subjacet Matrimonium.
7. Sequitur, quædam esse quæ jure naturæ impediunt & dirimant Matrimonium.

8. Consuetudinem est, Magistratum Politicum posse statuere impedimenta Matrimonii.
9. Certum est, Principes Gentiles quoad suos subditos Gentiles, posse inducere impedimenta etiam dirimentia.
10. Principibus etiam Catholicis competit auctoritas statuendi impedimenta impediencia.
11. An etiam dirimentia quoad subditos Catholicos? Opinio Sanchez.
12. Quid sentiat Petrus Soto?
13. Principum auctoritatem in statuendis impedimentis Matrimonii, adstruit Gervasius Doctor Sorbonicus.
14. Hæc auctoritate à multis seculis usi non sunt Principes Catholici.
15. Non tamen potestas ipsis Principibus absolute adempta videtur.
16. A multis seculis invaluit, ut sola Ecclesiæ inter Catholicos statuerit impedimenta dirimentia.
17. Hæc potestate à primis seculis usa fuit Ecclesiæ.
18. Hanc



18. *Hanc potestatem habuit Ecclesia independentem à concessione Principum secularium.*
19. *Potestas Ecclesie corrigendi leges civiles.*
20. *Definitio Synodi Tridentinae circa auctoritatem Ecclesie statuendi impedimenta.*
21. *Consuetudine induci possunt impedimenta Matrimonii.*

**I**MPEDIMENTORUM nomine hic intelligitur, quidquid Matrimonium jure reddit nullum aut illicitum.

Nonnulla enim sunt, quae ipsum contractum Matrimoniale non tantum reddunt illicitum, sed & invalidum ac nullum; vocanturque impedimenta *dirimentia*, eo quod *dirimant* seu irritent Matrimonia cum similibus impedimentis contracta.

Alia sunt, quae Matrimonia quidem contrahi prohibent; sed contracta non *dirimunt*, vel *irritant*; dicunturque impedimenta *impedientia*.

II. Similia impedimenta non tantum apud Christianos; sed etiam apud Infideles & Gentiles nota semper fuerunt.

Ut enim contractus Matrimonialis finem, ad quem à natura ordinatus est, obrineret, sollicitus fuere Gentes etiam lumine fidei destitutæ, suis legibus contractum hunc sic circumscribere, ne extra finem à natura præscriptum exorbitaret. Hinc tot Romanorum Principum circa ætatem, qualitatem cæteraque ad Matrimonium spectantia leges; quæ etiam hodie in Corpore Juris adhuc leguntur.

III. Uterius, quia Matrimonium ad bonum politicum quoque ordinatur: atque ex Matrimoniis convenienter aut inconvenienter initis multum dependet bonum politicum, seu Reipublicæ tranquillitas aut turbatio, indubie Magistratus Civiles prospicere debeat, ut Matrimonia sic ineantur, ut bonum politicum & regimen Reipublicæ inde non patiatur, nec tranquillitas familiarum turberetur.

IV. Denique, quia Matrimonium Christianorum per Christum ad Sacramenti dignitatem & efficaciam fuit elevatum; ac jam etiam ordinatur ad sanctificationem Fidelium, quidni ad Ecclesiam spectet providere, ut per Matrimonium hunc finem Fideles assequantur?

V. Hæc omnia brevi compendio comprehendens Sanctus Thomas, ait: "In quantum igitur ordinatur ad bonum naturæ, quod est perpetuitas speciei, dirigitur in finem à natura inclinante in hunc finem, & sic dicitur esse naturæ officium: in quantum vero ordinatur, ad bonum politicum, subjacet ordinationi legis civilis; in quantum igitur ad bonum Ecclesie ordinatur, oportet, quod subiaceat regimini Ecclesiastico. *Lib. 4. contra Gentes cap. 78.*

VI. Et rursus ibidem: "Considerandum est, quod quando aliquid ad diversos fines ordinatur, indiget habere diversa dirigentia in finem, quia finis est proportionatus agenti: generatio autem humana ad multa ordinatur, etiam ad perpetuitatem Ecclesie quæ in fidelium collectione consistit; unde oportet quod hujusmodi generatio à diversis dirigatur: in quantum igitur ordinatur ad bonum naturæ quod est perpetuitas speciei, dirigitur in finem à natura inclinante in hunc finem, & sic dicitur esse naturæ officium: in quantum vero ordinatur ad bonum politicum, subjacet Ordinationi legis civilis: in quantum igitur ordinatur ad bonum Ecclesie, oportet quod subiaceat regimini Ecclesiastico.

VII. Hoc principio præsupposito, evidenter sequitur, jure naturæ quædam posse requiri, sine quibus Matrimonium vel *illicite* vel *invalidè* ineatur; eo quod sine his finis à natura intentus haberi nequeat: quapropter nemo dubitat quin quædam sint, quæ jure naturæ Matrimonia impediunt & annullent.

VIII. Similiter si juxta S. Thomam, Matrimonium, in quantum ordinatur ad bonum politicum, subjacet

Ordinationi legis civilis; consequens est, posse per civilem legem seu Magistratum statui quædam impedimenta, quæ sunt necessaria aut convenientia, ut Matrimonium hunc finem assequatur; unde etiam verbis supra relatis subjicit hanc conclusionem: "Ideo ex qualibet dictarum legum naturæ, humanæ & divinæ, potest persona effici ad Matrimonium illegitima.

IX. Atque imprimis Principes *infideles* poruisse & hodie adhuc posse statuere impedimenta non tantum impedientia; sed etiam *dirimentia* inter subditos suos *infideles*, omnes agnoscunt: eo quod hujusmodi Matrimonia maneat etiam hodie contractus *mere* civiles.

X. Adhæc, Principes seculares Catholicos & quoad subditos suos Catholicos posse statuere impedimenta *impedientia*; ita ut ob has Principum Ordinationes *illicite* cum hisce impedimentis Matrimonia contrahantur, quin & contravenientes puniri, atque effectibus civilibus, Matrimonio alioquin annexis privari queant, indubitatum est; & praxis hodierna circa nuptias filiorum familiarum sine consensu parentum initas evincit.

XI. Quinimo (uti recte notat Sanchez De Matrimonio *lib. 7. Disputat. 3. num. 2.*) "absque dubio dicendum est, posse Principem secularem ex genere & natura suæ potestatis, Matrimonii impedimenta *dirimentia* fidelibus sibi subditis ex justa causa suis legibus indicare. .... Ratioque potissima est, cum potestas Regia ad tranquillitatem & bonum Reipublicæ tuenda potissimum sit instituta: ejus est, id quod ad hunc finem obtinendum desideratur, providere: quale est circa Matrimonia ineunda sancire, illa impediendo vel irritando: unde enim maxime pendent tranquillitas & recta Reipublicæ gubernatio.

"Nec obstat (ait Sanchez) Principis secularis potestati, Matrimonium esse Sacramentum: quia ejus materia est contractus *civilis*, qua ratione perinde potest ex causa justa illud irritare, ac si Sacramentum non esset: reddendo personas inhabiles ad contrahendum, & sic illegitimum & invalidum contractum.

XII. Petrus Soto *lect. 4. De Matrimonio*, eodem fundamento ex S. Thoma assumpto, hanc auctoritatem Principibus secularibus asserit: "Nec debent (ait) Prælati Ecclesie gravate suscipere, si quod temporali paci viderint necessarium, seculares Principes statuunt. Nec est cur se illis opponant: sed permittant potius Matrimonium legibus humanis ordinandum, cum officium humanum sit: & addant postea ipsi, si videbitur, quod ad bonum Religionis pertinet.

Deinde subjicit hanc clausulam: "Quamquam civiles leges in his omnibus ex pietate certe & voluntate Principum facile cesserint Ecclesie, ut jam nullum censeatur Matrimonium illegitimum, quod Ecclesia tale non judicat.

XIII. Hanc positionem Petri Soto nuperrime latius exposuit atque adstruere studuit Gerbesius Doctor Sorbonicus in Tractatu *De Potestate Ecclesie & Principum super impedimentis Matrimonii*, in cuius secunda parte duo præcipue evincere conatur.

Primo, Principibus etiam Catholicis inter subditos suos Catholicos competere potestatem statuendi impedimenta *dirimentia*; & Principes ea potestate per aliquot secula usos fuisse. Secundo, neque hanc potestatem ullatenus repugnare potestati, quam Ecclesia semper habuit similia impedimenta statuendi.

XIV. In tertia parte sui tractatus adstruit secundam partem assertionis Petri Soto; nimirum, quod ex pietate & voluntate Principum, *exercitium* ponendi impedimenta *dirimentia* jam sit penes solam Ecclesiam; live quod jam nullum censeatur Matrimonium illegitimum, quod Ecclesia tale non judicat: creditque circa seculum sextum cæpisse causas matrimoniales, præsertim quæ *vinculum* matrimoniale ex ratione Sacramenti resultans concernebant, ad tribunal Ecclesie cæpisse remitti; quod tempore Caroli M. & sequentium Imperatorum frequentius factum; donec tandem

ad disciplinam modernam, quæ circa seculum XII. stabilita fuisse videtur, deventum fuit; ut ipsi Principes nihil amplius circa *vinculum* Matrimonii suâ auctoritate statuerent; sed integrum illius usum Ecclesiæ permitterent; ipsique pro impedimento dirimente susciperent, quod ipsa ut tale declarasset.

XV. Hanc esse modernam à seculis aliquot stabilitam Disciplinam, non uno argumento evincit; ac dein *cap. 4.* docet, eam disciplinam ex pietate & voluntate Principum descendente nullum inferre præjudicium Principum auctoritati inducendi impedimenta Matrimonii: quantumvis à potestatis hujus exercitio quoad subditos suos Catholicos abstineant; idque rursus conformiter ad doctrinam Petri Soto, qui verbis mox relatis immediatè subjicit: "Non tamen propterea vel legi vel consuetudini Reipublicæ hoc auferendum est, ut illegitimos aliquos reddere, si velint, possint: sed potius, si opus foret, confirmandum esset ab Ecclesia.

XVI. Quidquid sit, hoc constat, jam à pluribus seculis Ecclesiam, & quidem privatè & cum exclusione Principum secularium, (a) impedimenta *dirimentia* inter Catholicos ordinasse; eaque pro temporum & locorum circumstantiis, nonnunquam extendisse, vel limitasse, aut etiam relaxasse; ac per consequens negari non potest, quin Ecclesia hac potestate à primis seculis pacificè usâ fuerit.

XVII. Quòd jam pridem hac potestate Ecclesia usa fuerit, sat apertè innuit *Canon. 26.* vulgò Apostolorum: "Ex iis (ait) qui non ductâ uxore ad Clerum promoti sunt, jubemus, si velint, uxorem ducere, Lectores & Cantores solos: sive ut legit Dionysius Exiguus: *Sed Lectores Cantoresque tantummodo.*

Et licet Canones hi tribui nequeant Apostolis tanquam eorum auctoribus, eos tamen admodum antiquos, & primis seculis collectos fuisse, negari non posse videtur; ut pluribus ostendi in dissertatione in Canones Apostolorum; huncque Canonem tanquam Apostolorum non tantùm citant, sed & tanquam fundamentum sui Decreti assumpserunt seculo VII. Patres Concilii Trullani; signum, quod tunc temporis indubitata Canonis hujus auctoritas haberetur: "Quoniam in *Apostolicis Canonibus* dictum est (inquiunt *Can. 6.*) eorum, qui non ductâ uxore in Clerum promoven- tur, solos Cantores & Lectores posse uxorem ducere; & nos hoc servantes decernimus, &c.

Siricius Papa Epistolâ ad Himerium Tarraconensem *cap. 6.* scribens de nonnullis Monachis, qui abjecto sanctitatis proposito nuptias ambibant, ait: *Quod & publica leges & ECCLESIASTICA JURA condemnant.* Ergo supponit Siricius jam tum seculo IV. dum hæc scribebat, *Ecclesiastica jura* hujusmodi sacrilegas nuptias condemnantia, fuisse stabilita.

Similiter eodem seculo scribens ad Diodorum S. Basilii de viduo, qui sororem mortuæ suæ uxoris duxerat, atque hujusmodi Matrimonium reprobans, ait: "Principio igitur, quod in ejusmodi rebus maximi momenti est, morem, qui apud nos est, obicere possu-

mus, quòd is legis vim habeat; propterea quòd sanctiones istæ à sanctis viris nobis sunt traditæ.

XVIII. Plura alia antiquitatis testimonia & exempla, quæ Ecclesiæ potestatem ponendi impedimenta Matrimonii evincunt, per omnia secula deducit Gerbesius in citato tractatu *parte 1. cap. 4.* ostenditque hanc auctoritatem non accepisse Ecclesiam à Principibus secularibus, sed à Christo, eamque jure proprio à primis seculis usque ad hæc tempora semper hac auctoritate usam fuisse; eamque quodammodo necessariam esse, ut Ecclesiæ Pastores providere queant, quòd Fideles Matrimonium ita ineant, ut Sacramenti effectum, & finem ejus spirituales assequantur; quod argumentum doctè & solidè proponit & explicat *cap. 2.* unâ tamen ostendens, quòd hæc Ecclesiæ auctoritas, nec non auctoritatis exercitium nullatenus elidant aut diminuant auctoritatem Principum in decernendis circa Matrimonia suorum subditorum iis, quæ ad bonum politicum & tranquillitatem Reipublicæ convenire, judicaverint; sed has duas potestates optimè convenire, modò utraque ad finem suum unicè collimet, & intra ea, quæ ad finem illum conducunt, se contineat.

XIX. Illud tamen fatetur, pluribusque exemplis demonstrat, penes Ecclesiam esse auctoritatem, leges civiles corrigendi, si forsân quidquam contra jus divinum aut naturale in illas irrepserit; quemadmodum circa leges permittores divortium, quoad vinculum, ob conjugis diuturniorem absentiam, contigisse infra ostendimus.

XX. Igitur filum traditionis infsecuta Synodus Tridentina rectè anathema dixit in eum, qui dixerit, "Ecclesiam non potuisse constituere impedimenta *dirimentia*, vel in iis constituendis errasse.

XXI. Porro si jure Ecclesiastico positivo impedimenta dirimentia constitui queant, nihil etiam obstat, quominus longâ consuetudine, quæ vim legis habet, similia induci possint; illudque non obscure innuit Pontifex in *cap. 1.* *De Cognatione spirituali*, respondens, filios & filias ante vel post compaternitatem genitos simul posse conjungi; *nisi consuetudo Ecclesiæ, quæ scandalum generet, aliter se habere noscatur.* (a)

Ex quo ulterius consequitur, quòd secundùm diversas Ecclesiarum consuetudines, possint quoque esse varia impedimenta Matrimonii. Sed tamen, quia non faciliè inducuntur impedimenta dirimentia ob multa incommoda, quæ ex dissolutione contracti Matrimonii vel ejus nullitate nata sunt oriri, etiam impedimenta per consuetudinem inducta potius impedimenta, quàm dirimentia judicanda sunt: nî manifestè appareat, ea pro dirimentibus esse recepta, & ut talia vulgò haberi.

(a) An. 1634. Clerus Gallicanus in Comitibus declaravit veterem esse consuetudinem in Galliis & legitimâ præscriptione stabilitam, ut Regis solum principes, præsertim viciniore coronæ hæredes non possint sine Regis consensu Matrimonium contrahere.

## CAPUT II.

An impedimentum, quod Matrimonio jam contracto supervenit illud dirimat. Iterum exponitur jus Principum in apponendis impedimentis.

1. Statuitur quid de ejusmodi impedimentis sit sentientium.
2. Sententia Gregorii II. vel III. exponitur circa impotentiam, quæ uni è conjugatis supervenit.
3. Adversatur Evangelicæ & Apostolicæ doctrinæ, ut Gratianus docet.
4. Gratiani doctrinam amplexi sunt Theologi & Canonistæ.
5. Gregorii II. responsum conforme est menti Bonifacii summum Pontificem consultantis.
6. Locutum fuisse ex Cathedra Gregorium probabile est.
7. Prin-

(a) Illud in Galliis non accuratè diceretur. Constat enim plurimis ultimorum Regum Edictis jus apponendi impedimenta dirimentia à Monarchis Francorum decimo septimo seculo fuisse exercitum. Unum laudabo Edictum quod Lud. XIV. an. 1697. dedit. Ante illud tempus, in quibusdam Galliarum Diocesisibus, quatuor menses habitationis in ead. parocchia requirebantur; in cæteris verò sex menses, ut quis coram Parocho ejusd. domicili posset validum contrahere Matrimonium. At Lud. XIV. Edicto anni 1697. declaravit ad contrahendum validè Matrimonium, domicili non esse sufficiens, nisi per sex menses in eadem vel diversa Parochia contrahentes habitaverint. si essent ejusd. Diocesis; per annum verò, si essent diversæ Diocesis. Quapropter auctor Conferentiarum Paris. de Matrim. 1. 3. l. 4. confer. 5. §. 1. edit. 1715. observat his verbis *le domicile de six mois, ou d'un an, pour être réputé Paroissien, doit empêcher ces sortes de Mariages (contraires à cet article) ou doit même les regarder comme nuls, parcequ'ils sont faits en fraude de la Loi par un Curé, qui n'est pas le propre Curé des Parties.*

7. Principes seculares declarare non possunt dirimi Matrimonium per impedimentum subsequens.
8. Quaestioni de jure principum in apponendis impedimentis adduntur quaedam non superflua.
9. An olim, an hodie sit auctoritas, penes principes inducendi impedimenta Matrimonium dirimentia.
10. Sententia Petri Soto hac de re exponitur.
11. In Gallia dicuntur Reges semper habuisse auctoritatem apponendi impedimenta.
12. Paucis controversitur origo juris quod Ecclesia habet apponendi impedimenta.

I. Quid dictum est superiori capite, Matrimonium contractum cum impedimento dirimente, esse nullum, sive impedimenta dirimentia Matrimonium dirimere, id intelligi debet de impedimento, quod erat inter desponsos tempore initii Matrimonii: non autem de impedimento post contractum Matrimonium superveniente.

Indubitatum enim est, impedimentum quantumvis dirimens, post contractum Matrimonium superveniens, nequaquam Matrimonium contractum dirimere.

II. Legitur quidem Gregorius II. rescripsisse Bonifacio Episcopo Moguntino: "Quod proposuisti; si mulier infirmitate correpta non valuerit viro debitum reddere, quid ejus faciat jugalis? Bonum esset, si sic permaneret, ut abstinentiae vacaret; sed quia hoc magnorum est, ille, qui se non poterit continere, nubat magis: non tamen subsidii opem subtrahat ab illa, quam infirmitas praepedit, non detestabilis culpa excludit." Integra epistola extat tom. 6. Concil. General. colum. 1448. & citata verba apud Gratianum causa 32. quaestione 7. Can. 18. sub nomine Gregorii III. sed Jacobus Sirmundus in nota huic Epistolae subiecta observat, eam non esse Gregorio III. sed Gregorio II. adscribendam.

Farendum est, Gregorium five II. five III. sapienter resolvisse, ob impedimentum impotentiae, quod mulieri, stante Matrimonio, infirmitate correptae supervenerat, eatendū Matrimonium dissolvi, ut si vir ejus se non possit continere alteri nubere queat.

III. Idipsum jam pridem notavit Gratianus, qui & propterea ad hunc Canonem monere non dubitavit: *Illud Gregorii sacris Canonibus, imò & Evangelicæ & Apostolicæ doctrinae penitus invenitur adversum.*

Ex antiquis Glossographis ad citatum Canonem Gratiani, verbo *adversum* sibi obijciens quoddam Leo IV. dicta Gregorii minoris (id est II. vel III.) sine exceptione mandavit tenenda, responderet: *sed illud in aliis, in quibus bene dixit: Evidenter supponens Gregorium in hoc responso non bene dixisse.*

IV. Hanc Gratiani, atque Glossographi sententiam uno consensu amplexi sunt Theologi & Canonistae sustinentes Matrimonium legitime contractum, nequaquam dissolvi ob alterius conjugis impotentiam supervenientem; neque liberum esse alteri conjugi ad alias nuptias, vivente conjugē impotente, transire.

V. Ex praefatione hujus Epistolae Gregorii ad Bonifacium insuper habemus, Bonifacium postulasse à Gregorio Papa, non quid ipse Gregorius tanquam Doctor particularis de capitulis in Epistola propositis sentiret; *sed qualiter teneat vel doceat hac sancta Apostolica, Romana Ecclesia.* Praeterea ex eadem Praefatione habetur, Gregorium conformiter ad postulationem Bonifacii respondisse: Relato enim praedicto Bonifacii postularo, subiungit: "Bene satis, quia beatus Petrus Apostolus, & Apostolorum & Episcoporum principum extitit: & consulenti tibi de statu Ecclesiae, non ex nobis quasi ex nobis, sed ejus gratia, qui aperit os mutorum, & linguas infantium facit disertas, qualiter tenere debeas Apostolici vigoris doctrinam, dicimus."

VI. Expendere poterunt Theologi, num Gregorius non sit dicendus super capitulis à Bonifacio propositis, respondisse ex Cathedra? Praeterea cum hic Bonifacius

à Gregorio II. missus esset ad convertendos populos, ubicumque eos reperiret, uti habetur ex Epistola III. hujus Pontificis: ut proinde, dum sic scripsit ad Bonifacium, scripsisse censeatur ad universos, ad quos instruendos Bonifacium miserat; & consequenter voluisse ab universis teneri circa dissolubilitatem Matrimonii ob superveniens impotentiae impedimentum, quemadmodum tenendum responderat ad Bonifacium.

VII. Quod si summi Pontifices jus non habeant declarandi impedimento superveniente post contractum Matrimonium, hoc esse irritum; nec principes seculares possunt sibi illud privilegium vindicare; quippe illa declaratio foret contraria Evangelicæ & Apostolicæ doctrinae, quae immota manet, à jure enim quod continet, nemo potest dispensare.

VIII. At non eadem occurrit difficultas si agatur de impedimentis, quae antecedunt Matrimonium, & de jure quod in iis apponendis tribuitur principibus secularibus. Num. 12. &c. superioris capitis ea quaestio perpensa est: quaedam addere juvat, quae non erunt superflua.

IX. Ex Petro Soto aliisque num. 12. cap. praeced. citatis probatum est, jam pridem auctoritatem inducendi impedimenta dirimentia Matrimonia fuisse penes Principes seculares; quod & notavit Christianus Lupus in *Dissert. 1. Proemiali cap. 10. praefixa tom. 3.* Scholiorum in Canones: "Etenim (ait) Matrimonium, non solum est Christianum Sacramentum, sed & civilis contractus, unde dirimentia impedimenta statuere dudum sibi arrogarunt ac reservarunt Christiani Romanorum Augusti: posterioribus dumtaxat seculis Ecclesia fuit nata istam potestatem: hinc antiqui Patres & Canones raro istorum impedimentorum, utpote ad suam potestatem non spectantium, ex professo meminerunt."

X. Itaque ex sententia hujus auctoris, primaria auctoritas inducendi impedimenta dirimentia Matrimonium residet penes ipsos Principes seculares, utpote ad quorum jurisdictionem ipsum Matrimonium tanquam contractus civilis praecipue pertineat; ita ut non nisi (si huic auctori credimus) auctoritatem inducendi similia impedimenta Ecclesia posterioribus seculis nata videatur.

Quapropter, quod num. 17. probatum fuit, Ecclesiam à primis seculis possuisse impedimenta Matrimonii, ex sententia hujus auctoris intelligi debet, de impedimentis duntaxat impediens, non autem dirimentibus Matrimonium.

Et sane aliud est, Regulas praescribere fidelibus, juxta quas ipsum Matrimonium oporteat à Christianis honeste & juxta Legem Evangelicam contrahi; & aliud est ipsum contractum civilem irritum reddere: vel ea praescribere, quae cum etiam in foro externo invalidum & sine effectu redderent.

Quis enim ambigat, quin Ecclesia, ejusque Episcopi & Pastores potuerint fidelibus praescribere, eosque instruere, quomodo de rebus suis temporalibus juxta legem justitiae & charitatis disponere debeant; vel quid justitia & charitas Christiana ab ipsis in hac dispositione requiratur, licet contractus ipsos civiles irritos reddere, aut legem eos dirimentem praescribere nunquam sibi asseruerint Pastores Ecclesiae; sed id Principibus secularibus reliquerint, ad quorum jurisdictionem has rerum temporalium dispositiones proprie spectare sciebant.

XI. In Gallia ministri Regii auctoritatem inducendi impedimenta dirimentia penes Reges semper fuisse, & etiamnum hodie esse acerrimè propugnant tanquam jus coronae Principis indivulsum annexum.

Unde cum quidam Theologus Parisiensis in thesibus vespertinis, hanc auctoritatem negasse videretur; inferendo hanc propositionem: *Non audiendus quisque hanc potestatem Ecclesiae eripit, ut Principibus secularibus eam attribuat.* De hac thesi tanquam auctoritatem



ritati Regiæ & doctrinæ Ecclesiæ Gallicanæ opposita, querelas ad Parlamentum detulit Procurator Regius; eâque occasione Advocatus Regius amplum discursum pro adstruenda hac Regia auctoritate, coram Regio Parlamento pronuntiavit.

Hic discursus integer unâ cum discursu Præsidis Parlamenti insertus habetur in notis Gallicis super Concilio Tridentino pag. 316. Editionis 1706.

XII. Quidquid sit de hac Gallorum opinione, nequaquam dubitamus, quin Ecclesia habeat auctoritatem similia impedimenta inducendi, prout per Concilium Tridentinum definitum est. *Can. 4. de Sacramento Matrimonii.*

Sed & hoc fatendum est, Concilium non definivisse, utrum ex Christi institutione, vel utrum ex Principum indulgentia tacita vel expressa, hæc auctoritas inducendi impedimenta dirimentia Ecclesiæ competat: quod postremum post Petrum Soto num. 12. relatum creditur videretur Christianus Lupus num. 9. & 10. hujus capitis.

### CAPUT III.

De Impedimentis impediens; ac signanter de tempore clauso, & Ecclesiæ interdicto.

1. Olim frequens erat graviorum criminum penitentia, perpetua Matrimonii interdictio.
2. Quadam species incestus inter ea crimina computata.
3. Item, mulieris adulterium; & uxoricidium.
4. Crimina penitentia publicæ subiecta saltem temporale impedimentum inducebant.
5. Aliquod hujus disciplinæ vestigium superest in Hispania.
6. In plerisque orbis partibus impedimenta impediens ex crimine abolita sunt.
7. Hodierna impedimenta impediens.
8. Impedimentum temporis clausi provenit ex positivo Ecclesiæ interdicto.
9. Interdum aliud est à iudice, aliud à lege; hujus species est tempus clausum.
10. Celebratio nuptiarum diebus penitentia conveniens non videtur.
11. Varietas Ecclesiarum circa hoc impedimentum proveniebat ex varietate circa tempora jejuniorum.
12. Decretum Concilii Tridentini de hoc impedimento.
13. Synodus Tridentina novas nuptiarum prohibitiones non induxit.
14. Tempore clauso vetitæ solennes nuptiarum benedictiones; item nuptialia convivia.
15. An traditio uxoris ad domum viri tempore clauso sit vetita?
16. Quid de actu conjugali; & qualiter de hoc coram populo differendum?
17. An contractus Matrimonialis sit simpliciter vetitus tempore clauso?
18. In hoc impedimento Ordinarius dispensare potest.
19. Hoc impedimentum aliquando fuit dirimens; at hodie tantum impediens.
20. Interdictum iudicis ponit impedimentum impediens.
21. Interdictum Episcopi, aut etiam Synodi Provincialis non irritat Matrimonium.
22. Iudex ob suspicionem impediens dirimentis inter desponsos interdicens, non ponit impedimentum dirimens.
23. Parochus contra interdictum assistit validè, licet etiam specialiter ei esset interdictum.
24. Quid de Vicario aut Deservitore?

**L** IMPEDIMENTA impediens, quæ nimirum Matrimonium contrahi impediunt; sed contractum non irritant, plura leguntur in antiquis Canonibus.

Tom. I.

Erat enim hæc pœna olim in Ecclesia frequentissima, ut qui atrox aliquod crimen admisissent, nuptiis impedirentur; ne vel ipsi delicatius viverent, vel ex illorum stirpe infecta filii ejusdem criminis suspitione notari nascerentur, ait Ferdinandus Mendoza De Confirm. Concilio Eliberitano lib. 2. cap. 21.

II. Hujusmodi crimen erat incestus cum sua privigna, sive filia uxoris in alio Matrimonio procreata; ut habetur in cap. 3. *De eo, qui cognovit consanguineam uxoris suæ*; & in *Can. 20. caus. 32. q. 1.* additurque: "Seu cum duabus fororibus, aut si qua cum duobus fratribus, seu cum patre & filio, si quis relictam fratris, si quis neprem, aut novercam, aut nurum, aut consobrinam, aut filiam avunculi, aut ejus relictam, aut privignam polluerit, eos disjungi, & ulterius nunquam conjugio copulari præcipimus."

III. Rursus Canone 22. dicitur, quod adultera nuba nunquam, etiamsi mortuus fuerit vir ejus: omnibus tamen diebus vitæ suæ acerrima penitentia lamenta persolvat.

Videmus quoque occisori uxoris suæ inter cætera penitentia exercitia injungi, uxorem NUNQUAM ducere *Can. 8. caus. 33. q. 2.*

IV. Uno verbo, crimina publicæ penitentia subiecta, Matrimonii impedimentum, saltem pro tempore peragenda penitentia secum trahebant, *Can. 12. caus. 33. q. 2. & Can. 5.* eodem. in quo Nicolaus I. ita argumentatur: "Interfectores suarum conjugum sine iudicio..... quid aliud habendi sunt, quam homicidæ, ac per hoc ad penitentiam redigendi? Quibus penitus conjugium denegatur."

V. Ad hanc disciplinam reflectens Mendoza loco citato, eamque confirmans auctoritate Leonis M. & Concilii Toletani VI. *Can. 8.* subjicit: "Quod & hodie observatur in his, qui ob crimen violatæ Religionis, ab Inquisitoribus hæreticæ pravitatis perpetua penitentia puniuntur."

VI. In Gallia verò, uti & in plerisque orbis Christianæ Provinciis, impedimenta impediens ex crimine provenientia, penè nota non sunt, quemadmodum notat ex Cabassutio Gaspar Juenin De Sacramento Matrimonii *quæst. 7. cap. 13. art. 3.* neque in Belgio ullus eorum usus esse noscitur.

VII. Hinc hodierna impedimenta impediens his solent versiculis exprimi:

*Ecclesiæ vetitum, nec non tempus feriatur.  
Atque catechismus, sponsalia, jungito votum.  
Impediunt fieri, permittunt juncta teneri.*

De Sponsalibus titulo præcedenti cap. 1. actum est: de Catechismo autem agitur unâ cum cognitione spiritali: De Voto verò prout impedimentum impediens constituit, tractabitur ubi de voto solenni sive dirimente Matrimonium agitur.

VIII. Tempus feriatum ex sola prohibitione Ecclesiæ impedimentum Matrimonii constituit; neque enim jus naturale aut divinum contractum matrimonialem ad ullos dies adstringit; aut dies ullos, quibus nuptiæ celebrari non possunt, definivit; sed circa hæc omnis disciplina à positivo Ecclesiæ Decreto dimanat: idcirco quod sit tempus hoc impedimentum constituens, ex positivo Ecclesiæ interdicto desumendum est.

IX. Quare cum aliqua interdicti queant, vel per legem generalem, vel per particulare iudicis vel Superioris præceptum aut sententiam: inde passim Canonistæ concludunt, Interdictum Ecclesiæ circa Matrimonium intercedere posse vel per legem seu Canonem, vel per iudicem seu superiorem Matrimonium contrahere prohibentem.

Per legem seu Canonem, quando generaliter omnibus certo tempore Matrimonium seu nuptiæ celebrari vetantur; vocarique hodie solet *tempus clausum.*

X. Quemadmodum Patribus jam pridem visum fuit, quod penitentibus nec actus conjugalis, nec nuptiarum

D d d

rum

rum celebratio conveniret, ita nec hæc diebus poenitentiae & luctus convenientia judicarent.

Synodus Laodicensis *Can. 52.* ait: "Non oportet in Quadragesima, aut nuptias vel quælibet natalitia celebrare." Apud Gratianum *caus. 33. q. 4. Can. 8.* qui ibidem alios nonnullos in eandem rem refert.

XI. Quin & ibidem refert *Can. 10.* ex Concilio Ilerdensi: "Non oportet à Septuagesima usque in Octavas Paschæ, & tribus hebdomadibus ante festivitatem sancti Joannis Baptistæ, & ab Adventu Domini usque ad Epiphaniam nuptias celebrare. Quod si factum fuerit, separentur.

Ad hunc Canonem reflectitur in *Cap. 4. De Feriis*, ubi quæstio proponitur, quomodo tres hebdomadæ ante festum S. Joannis, de quibus in citato Canone, essent computandæ; responditque Pontifex, consuetudinem singularum Ecclesiarum in hac computatione esse sequendam.

Pro intellectu hujus Decretalis & responsi Pontificis notandum, olim ante festum S. Joannis Baptistæ fuisse speciem quamdam quadragesimæ; at variam pro diversitate Ecclesiarum, de qua tractat Filescius in suo opusculo *De Quadragesima Christiana, cap. 3.*

Quia verò varia erat in variis Ecclesiis circa tempora jejuniorum disciplina; erat quoque circa tempus clausum, sive Feriatum, quo nuptiarum celebratio interdiceretur, varia disciplina: Nam hæc illi quasi correpondebat.

XII. Synodus Tridentina *Sess. 24. De Reformat. Matrim. cap. 10.* eam Ecclesiarum varietatem ad uniformitatem reduxit; ac unâ Canonum rigorem quoad prolixitatem temporis clausi nonnihil mitigavit. "Ab adventu Domini nostri Jesu Christi (ait) usque in diem Epiphaniæ, & à feria quarta Cinerum usque in Octavam Paschæ inclusive antiquas solemnium nuptiarum prohibitiones diligenter ab omnibus observari sancta Synodus præcipit; in aliis verò temporibus nuptias solemniter celebrari permittit.

Cumque hanc Ecclesiæ prohibitionem Hæretici nostri temporis tanquam superstitionem rejicerent, Synodus Tridentina *Can. 11.* eadem Sessione eum Hæreticorum errorem proscrispsit, his verbis: "Si quis dixerit, prohibitionem solemnitatis nuptiarum certis anni temporibus superstitionem esse tyrannicam, ab Ethnicorum superstitione profectam... anathema sit.

XIII. Notandum, quod Synodus Tridentina nullam hoc suo Decreto novam prohibitionem induxerit; sed tantum antiquas solemnium nuptiarum prohibitiones, certis temporibus suo Decreto expressis, diligenter ab omnibus observari præcepit. Unde pro intellectu hujus Decreti ad antiquas prohibitiones potissimum recurrendum sit.

Igitur ex ipsis antiquis Canonibus eruendum est, quid nomine solemnium nuptiarum intelligat Synodus Tridentina.

XIV. Hanc difficultatem discutiens post alios Theologos & Canonistas Prosper Fagnanus ad *Cap. CAPELLANUS De Feriis, ait num. 6.* Conveniunt omnes, his temporibus prohibitas esse nuptiarum benedictiones, de quibus habetur *Can. Aliter, caus. 30. q. 5. ibi: Sacerdotaliter, ut mos est, cum precibus & oblationibus à Sacerdote benedicetur.* Et in Concilio Trident. *cap. 1. ibi: Benedictionem in templo suscipiendam.*

Deinde *num. 7.* ait: "Similiter nuptialia convivia his temporibus Feriarum prohiberi, satis constat ex *Can. Nec uxorem, caus. 33. q. 4. ibi: nec convivia facere.*" Hæc ille.

XV. Et ulterius *num. 7.* "Sed & traductionem uxoris ad domum viri his temporibus esse interdictam, satis liquet ex dicto Canone *Nec uxorem*, nam illa verba, *nec uxorem ducere*, communiter exponuntur, id est *Traducere*.... Rationem reddit D. Thomas in *IV. Sent. Dist. 32. q. 1. art. 5. quæst. 4.* Quis quando novæ sponsæ traducuntur, animus

conjugum magis ex ipsa novitate ad curam carnalium occupatur, & ideo in nuptiis consueverunt signa multa lætitiæ dissolutæ ostendi, & propter hoc illis temporibus, in quibus homines præcipue debent se ad spiritualia elevare, prohibitum est nuptias celebrari.

XVI. Nec tantum traductionem, quæ fit cum solemnitate; sed quamcumque traductionem uxoris ad domum viri temporibus hæc vetitam esse, sustinet; idque potissimum eo fundamento, quod temporibus illis vetita sit *Matrimonii consummatio*; ut ibidem fuscè adstruere conatur; atque pluribus pro hac opinione adductis auctoribus concludit: "Ex quibus patet hanc esse unanimem Canonistarum sententiam, quam etiam tenuerunt ex Theologis Petrus de Palude, Cardinalis Cajetanus, S. Antoninus & alii relati à Sanchez; eamque probavit S. Congregatio Concilii: Nam propositio dubio, an Matrimonium coram Parocho quocumque tempore contrahi possit? Sacra Congregatio censuit, posse contrahi Matrimonium quocumque tempore; sed temporibus comprehensis in *Cap. 10. Sess. 24. De Reformat. Matrim.* nuptiarum solemnitates, traductiones ad domum, & carnalem copulam prohiberi." Hæc Fagnanus.

Quidquid sit de hac sententia, attentâ Canonum antiquorum rigorosâ expressione, hoc certum est, hodie dictis temporibus nequaquam vetitum esse actum matrimonialem, sed ad summum consilii esse eis temporibus abstinere; ut mente elatiore & à carnalibus voluptatibus magis liberâ vacent orationi & pietatis exercitiis; qua de re interdum suos subditos Parochus monere potest; at magnâ cautelâ hic opus est, præsertim coram multitudine, cui homines carnales solent esse immixti, qui spiritualia hæc minimè intelligentes, sed carnalia sapientes, faciliè monitionem hanc in risum converterent; & occasionem libidinosa quæque effutiendi inde arriperent.

XVII. Adhæc, quamvis inspectis nudis verbis Canonum & Concilii Tridentini non appareat, temporibus designatis absolutè esse vetitus contractus matrimonialis coram Parocho & testibus, sine solemnî benedictione aliisque pompis aut solemnitatibus; quemadmodum multis probat Sanchez *De Matrimonio lib. 7. disp. 71.* nihilominus de consuetudine Belgii non solennes nuptiæ duntaxat, sed etiam simplex contractus matrimonialis vetitus censetur. Hanc consuetudinem clarè supponit Synodus P. II. Mechliniensis *tit. 10. cap. 8.* ubi statuit: "Tempus clausum diligenter observetur: & si quando ex legitima causa aliqui ad Matrimonium tunc contrahendum per *Ordinarium* admittantur, abstinendum tamen erit à solemnitatibus nuptialium conviviorum, choreis, sponfarum publicis traductionibus, & similibus, quæ temporis sanctitati repugnant; à quibus similiter abstinendum erit, etsi Matrimonium antea contractum fuerit, sub pœna arbitraria.

Ratio hujus inductæ consuetudinis ea fuisse videtur, quod Belgica consuetudo in Synodis sæpius probata habeat, nuptias semper eodem tempore esse in Ecclesia publicè benedicendas, quo contrahuntur; uti titulo præcedenti *cap. 4.* dictum est: ideoque cum Canones & Synodus Tridentina tempore clauso fieri benedictiones nuptiarum prohibeant, consequens visum fuit, etiam prohibitum esse contractum matrimonialem in regionibus, ubi contractus ille sine hujusmodi benedictione iniri vetatur.

XVIII. Supponit insuper citata Synodus, contra hanc temporum prohibitionem per *Ordinarium* dispensari posse; quod quotidiana etiam praxis probat; quamvis de jure communi *Ordinarium* dispensare non posse, nonnulli sustineant; uti advertit Zypæus post Sanchez in *Jure novo*, titulo *De Matrimonio contracto contra Interdictum Ecclesiæ n. 6.*

XIX. Ulterius consuetudo non tantum Belgica, sed & universalis Ecclesiæ, ita hanc prohibitionem interpretatur,

CAPUT IV.

De Impedimento erroris & conditionis.

1. Error alius antecedens, alius concomitans.
2. Aliquando error est circa personam, aliquando circa qualitatem.
3. Error circa personam semper dirimit Matrimonium.
4. Error qualitatis non solet Matrimonium dirimere.
5. Error qualitatis quando censetur redundare in personam.
6. Error qualitatis facilius in Sponsalibus; quam in Matrimonio censetur redundare in personam; & quare?
7. Ob errorem qualitatis hodie non solent Matrimonia dirimi.
8. Condicio servilis apud Romanos dirimebat Matrimonium, si voluntas Dominorum non adesset.
9. Multis seculis idem impedimentum agnovit Ecclesia.
10. Qua occasione mutata est disciplina circa impedimentum conditionis servilis.
11. Impedimentum hoc usque ad seculum XII. videtur durasse.
12. Hodie conditio servilis non dirimit, nisi error interveniat.
13. Error conditionis servilis dirimit Matrimonium, etiam non redundans in personam.
14. Belgium servos non agnoscit.

I. **D**UO hæc impedimenta simul jungi & explicari solent, eo quod alterum sub altero quodammodo contineatur; error namque generatim hic sumptus etiam errorem conditionis comprehendit.

Pro intellectu impedimenti *Erroris* notandum errorem esse duplicem: nimirum *antecedentem*, & *concomitantem*, uti Theologi loquuntur; vel ut Jurispe ita loqui amant, dantem causam contractui, & in eum incidentem.

*Antecedens* enim vocatur, qui est causa actus; ita ut si erratum non esset, revera actus politus non fuisset; unde eleganter Jurisconsulti, hunc errorem, si cum dolo conjunctus fuerit, vocant *dolum dantem causam* contractui.

*Error concomitans* dicitur, qui non inducit ad agendum, sed ita concomitatur actum, ut eo non existente, propterea non fuisset omisus, atque ita recte appellatur à Jurisconsultis *error incidens*; & dolo conjunctus, dolo *incidens*.

II. Porro error in Matrimonio contingere potest, vel circa personam, vel circa qualitatem personæ, vel ejus conditionem.

Error circa personam est, quando unus Contrahentium errat in persona cum qua contrahere intendit; credens nimirum per errorem aliam esse personam cum qua contrahit, quam revera est.

III. Error hic circa personam omnium consensu dirimit Matrimonium *jure naturæ*; etiam si error non sit conjunctus cum ullo dolo partis alterius; idque sive sit *antecedens*, seu dans causam contractui; sive solum *concomitans* sive *incidens* in contractum.

Licet enim error *incidens* non causet absolute & positive *involuntarium*; impedit tamen fuisse tempore contractus positive voluntarium consensum in personam, quia non potuit actu fuisse volitum, quod ignoratum & incognitum fuit.

Ut autem Matrimonium sit *jure naturæ* validum, non sufficit, quod in personam consensisset, si novisset eam fuisse præsentem; sed requiritur, ut *positive* consenserit, & cum ea contraxerit.

IV. Error qualitatis est, quando in certa qualitate personæ

pretatur, ut Matrimonium quidem *illicite* contra eam ineatur; sed non *invalidè*; id est, ut constituat quidem impedimentum *impediens*, sed non *dirimens*; quamvis ex Antiquis nonnulli aliter censuerint, uti monet Glossa ad Canonem 7. *caus. 33. quest. 4.* quin & Christianus Lupus tomo 4. Scholiorum in Canones pag. 43. ait: „Quod contractum extra tempora conjugium fuerit „olim *substantialiter nullum*, fateor cum S. Petro Damiani. „Hic rursum apparet, quid etiam consuetudo circa impedimenta Matrimonii valeat; possitque de dirimente facere impediens.

XX. Quemadmodum Canones nuptias celebrari certis temporibus jam pridem vetuerunt; ita ob causas varias intercurrentes, potest judex Ecclesiasticus Matrimonium inter certas personas ad tempus saltem interdiceret; de quo interdicto agitur sub titulo Decretalium *De Matrimonio contracto contra interdictum Ecclesiæ*.

Hæc judicis prohibitio si justa fuerit, indubie servanda est; & ei contraveniens puniendus; sed tamen ipsum Matrimonium non irritat, quemadmodum deciditur in cap. 1. 2. & 3. dicti tituli: „Licet enim (ait Cap. 2.) contra interdictum Ecclesiæ ad secunda vota transire non debuerint, non est tamen conveniens, ut ob id solum Sacramentum conjugii *dissolvatur*; alia tamen poenitentia eis debet imponi, quia contra prohibitionem Ecclesiæ id fecerunt.

XXI. Si Episcopus aut etiam Synodus Episcopalis, vel Provincialis Matrimonium quacumque formula verborum interdixerit, *interdictum* quidem *illicitum* reddere Matrimonium, non tamen *invalidum*, apud omnes in confesso est: eo quod juxta modernam Ecclesiæ disciplinam, nemo Pontifice inferior impedimentum *dirimens* inducere queat. (a)

XXII. Si judex ob fundatam suspicionem consanguinitatis alteriusve impedimenti dirimentis inter conjungendos intercedentis, conjungi vetuerit, donec cognitum fuerit an impedimentum subsistat, si contra interdictum conjuncti sint, poterunt indubie per pœnas, imo interdictum & censuras adigi, ut à se mutuo separentur, quouique legitime cognoscatur, utrum eorum Matrimonium possit & debeat jure stare, ut respondit Pontifex in citato cap. 3.

Synodus P. II. Mechliniensis tit. 10. cap. 4. vult, ut „impedimento aliquo denunciato, vel Matrimonio Desponsorum oppositione aliqua facta, non prius ad „ulteriores proclamationes aut Matrimonii solemnizationem Parochus procedat, quam re ad Ordinarium, „vel Vicarium ejus aut Officiale delata, ab eodem intellexerit quid facere debeat.

XXIII. Ulterius contra hoc interdictum illicite Matrimonio assistet Parochus; si tamen adstiterit, Matrimonium coram eo & testibus contractum, non obstante hoc *interdicto* validum erit, nisi aliud impedimentum dirimens inter contrahentes subsistere inveniat.

Imo tamen si Episcopus *specialiter* inhibuisset, ne huic Matrimonio individuo Parochus assisteret; nec ulli alteri Sacerdoti licentiam assistendi daret; nihilominus validum erit Matrimonium coram Parocho, aut Sacerdote ab eo delegato, contra Episcopi interdictum contractum; uti post Sanchez *De Matrimonio Lib. 3. Disp. 32.* advertit Zypæus loco citato num. 7.

XXIV. Idem erit tamen si tantum esset Vicarius ad nutum amovibilis, modo tamen esset loco Parochi ad integram curam animarum; quemadmodum declarasse S. Congregationem refert Sanchez ibidem; idque ideo, quia non obstante hac simplici prohibitione manet delegatus ad curam animarum & loco Parochi; cui consequenter competit jus assistendi Matrimonio; alius esset, si Episcopus non tantum simpliciter interdiceret assistere huic Matrimonio; sed eum utpote ad nutum amovibilem; à cura animarum amoveret, uti recte monet Zypæus loco allegato.

(a) Hanc prærogativam soli summo Pontifici non tribuunt Galli; requirunt insuper Cleri Gallicani & Principis consensum.



personæ erratur : v. g. creditur esse nobilis, qui est ignobilis, aut dives qui est pauper, &c.

Hic error ordinarius sive sit antecedens, sive incidens, non dirimit Matrimonium, nisi annexum habeat errorem personæ; sive ut vulgo loquuntur, *redundet in personam*.

Dum enim error duntaxat versatur circa aliquam qualitatem personæ, nullatenus tollit consensum matrimonialem; sive consensum circa substantialia contractus matrimonialis. Cum enim talis qualitas non sit necessaria ad contractum matrimonialem, nec essentialiam ejus intret, error hic relinquit sufficiens voluntarium circa essentialia ipsius contractus; adeoque ipsum contractum defectu necessarij consensu involuntarium reddere nequit.

V. Si autem error ille impediret una consensum in personam, tunc indubie ipsum Matrimonium dirimeret, non tanquam error qualitatis; sed tanquam error personæ; diciturque hic error qualitatis redundare in personam.

Tunc autem error circa qualitatem dicitur redundare in personam, quando animus contrahentis sic fertur incertam qualitatem ut implicite nolit personam, si ipsi desit qualitas in qua errat. Exemplum assignat S. Thomas in IV. *Sent. Dist. 30. quest. 1. art. 2. ad 5.* si Principi offeratur filia tanquam primogenita & hæres Regni. Solet enim illius animus ita ferri in hanc qualitatem, ut, si circa illam sit error, nolit istam personam, vel potius quia juxta prudens judicium judicari debet, quod censeatur noluisse illam filiam hac qualitate destitutam: nam in hujusmodi, dum exterius nihil exprimitur, potius examinandum est, quid juxta prudens judicium quispiam censeatur nolle, aut velle, quam quid re ipsa nolit aut velit.

VI. Quandam autem juxta prudens judicium quis censeatur non velle personam, si huic desit qualitas circa quam errat, frequenter est incertum.

Hoc porro certum est, censendum esse juxta prudens judicium, multo facilius contrahentes sponsalia aliove civiles contractus suspendere suum consensum ab aliqua qualitate personæ aut rei, quam contrahentes Matrimonium.

Ratio hujus differentiae est: quod cum Matrimonium sit contractus completus, qui consensum de presenti & absolutum præfert, difficillime admittat conditiones hujusmodi implicitas: secus quoad sponsalia de futuro: quæ cum exprimant tantum consensum in actum futurum, facilius conditiones tales admittunt.

Adhæc cum Matrimonium sit contractus ex natura sua indissolubilis, & maximi momenti, haud facile præsumendum, quod contrahentes voluerint ab aliqua qualitate accidentali consensum suum dependere.

VII. Neque hodie ob errorem qualitatis Matrimonia dissolvi videmus; quin autem consuetudo Regionis hic quoque attendenda sit, non dubium; cum contrahentes præsumantur se consuetudini loci conformare; & contractus ex ipsa consuetudine recepta interpretationem accipere soleant.

VIII. Conditio quæ inter impedimenta Matrimonii refertur, intelligitur conditio *Servilis*.

Apud Romanos hæc conditio Matrimonium eo sensu dirimebat; ut *Servitus* sive conditio servilis contractum Matrimoniale dirimeret; atque inter personas conditionis servilis non Matrimonium, sed contubernium esse censebatur *L. 14. ff. De ritu Nuptiarum*; maxime vero si *ignorantibus* aut *invitis Dominis* Matrimonium contraheretur.

IX. Cum autem Ecclesia nata & adulta sit in Imperio & Republica, non Respublica in Ecclesia, ut loquitur Optatus Milevitanus, ipsa quantum fieri poterat, se legibus Reipublicæ conformabat: ne ipsa lex Evangelica Rempublicam turbare videretur.

Hinc primitus Ecclesia conjugia inter personas conditionis servilis pro nullis habuit; atque dirimi per-

misit, si consensus Dominorum non intervenisset; ut est apud Gratianum *Caus. 29. q. 2. Can. 8.* ubi ex Concilio Cabilonenfi II. refertur: "Nobis visum est, ut conjugia Servorum non dirimantur, etiam si diversos Dominos habeant, sed in uno conjugio permanentes, Dominis servant suis: & hoc in illis observandum est, ubi legalis conjunctio fuit, & per voluntatem Dominorum." Et apertius S. Basilius in Epistola Canonica ad Amphilochoium *Can. 42.* "Quæ sine iis, qui habent potestatem, sunt Matrimonia, sunt fornicationes. Vivente ergo patre vel Domino, ii qui conveniunt, non sunt ab accusatione liberi, donec conjugio Domini annuerint; tunc enim firmitatem accipit conjugium."

Hic videmus quomodo Ecclesia impedimentum dirimens per leges inductum, etiam probaverit, quemadmodum supra notavimus.

X. Ex dictis constat, pluribus seculis Ecclesiam, conformiter ad Leges civiles, Matrimonia servi cum ingenua, aut ingenui cum serva reputasse irrita, licet error conditionis servilis nullus intervenisset: at circa seculum XII. impedimentum hoc coepisse refundi in errorem conditionis servilis.

Huic mutationi disciplinæ occasionem dedit Apocryphum Decretum, quod sub nomine Lucii Papæ retulit Gratianus *causa 29. quest. 2. Can. 1.*

Hoc enim Decreto æque indissolubile pronuntiatur Matrimonium servorum, ac ingenuorum; quod Decretum conciliare volens Gratianus cum aliis quæ ejusmodi Matrimonia irrita supponebant, distinctionem adhibuit inter scienter & ignoranter cum personis servilis conditionis contrahentes.

Hac Gratiani auctoritate permoti Pontifices, ea distinctione in suis responsis passim usi fuere: quæ postmodum in Decretales Gregorii IX. relata, Canonistas, necnon Theologos Scholasticos permoverunt eadem distinctione uti; atque ita sensim hæc distinctio recepta fuit.

Ex hoc intelligitur, quantæ auctoritatis fuerit decretum Gratiani; ut per distinctionem ab ipso primum propositam, tandem impedimentum dirimens inter personas conditionis servilis, etiam *invitis* dominis per leges civiles primitus inductum, & tandem etiam ab Ecclesia probatum & receptum fuerit restrictum ad casum, quo circa conditionem servilem error intervenisse probatur.

XI. Videtur impedimentum servilis conditionis durasse usque ad seculum XII. aut circiter: Nam in *Cap. 1. de Conjugio Servorum*, refertur consultatio Archiepiscopi Salisburgensis super Matrimoniis Servorum, quæ *invitis* & contradicentibus Dominis contrahuntur; responsumque Adriani Papæ in hæc verba: "Sane juxta verbum Apostoli, sicut in Christo Jesu, neque liber, neque servus est à Sacramentis Ecclesiæ removendus, ita nec inter servos Matrimonia debent ullatenus prohiberi: & si contradicentibus Dominis & *invitis* contracta fuerint, nulla ratione sunt propter hoc dissolvenda. Debita tamen & consueva servitia non minus debent propriis Dominis exhiberi."

Quamvis in nostra hodierna Decretalium collectione non notetur, quis fuerit hic Archiepiscopus Salisburgensis, qui Papam consultuit, in appendice tamen ad Concilium Lateranense sub Alexandro III. *part. 45. cap. 7.* exprimitur Eberardus, qui rexit dictam Ecclesiam ab anno 1145. usque ad annum 1164. uti notavit Gonzales in notis ad hoc Capitulum.

XII. Hinc patet eo tempore nondum ubique indubitatum fuisse, num inter personas servilis conditionis consisteret Matrimonium, *invitis* Dominis: una tamen constat illud impedimentum jam tum coepisse abrogari, & hodie certum est, conjugia hujusmodi valere; ea tamen moderatione, quæ in hac Decretali adjicitur: "Debita tamen & consueva servi-

„tia non minus debent propriis Dominis exhiberi. XIII. Et hoc quidem si personæ conditionis servilis inter se contrahant; aut etiam una libera & altera serva, modo illa non fuerit *ignara* conditionis servilis.

Si enim error sit circa *conditionem*; hoc est, si filia libera conditionis contrahat cum homine *Servo*, quem credebatur esse *liberum*, huiusmodi error, licet non redundet in *errorem personæ*, dirimit Matrimonium; liberumque est parti deceptæ postquam error detectus est, aliud Matrimonium contrahere, quemadmodum respondit Innocentius III. in *Cap. fin. eod.*

Hanc dirimendi vim huic *errori* jure mere positivo competere, una est Canonistarum & Theologorum opinio: & verisimiliter Legum Romanarum & antiquorum Canonum, quæ servorum conjugia ægre admiserunt, reliquæ sunt.

XIV. Quidquid sit, hodie hoc impedimentum in hisce ac vicinis Provinciis parum usui venit; eo quod servos hic non agnoscamus; imo servos in Gallia & Belgio beneficiis regionis liberos fieri, notat Zypæus in Notitia Juris Belgici *titulo De servis num. 5. (a)*

(a) Anno 1252, Margarita Belgarum Princeps, & ineunte XIV. seculo Ludov. X. Rex Galliarum servis omnibus libertatem in suis ditionibus dederunt. Deinde tum in Gallia tum in Belgio mos nullum agnoscendi servum consuetudine potius quam lege aliqua invaluit.

## CAPUT V.

### De Impedimento Voti & Ordinis.

1. *Canones semper improbarunt Matrimonium contra votum castitatis initum.*
2. *Idipsum per leges improbatum.*
3. *Virginum aut Monachorum Matrimonia non videntur olim fuisse invalida.*
4. *Sanctus Augustinus ea esse valida sustinuit.*
5. *Quid hic senserit S. Bernardus?*
6. *Ex hodiernis moribus non recte judicatur de Monachis primæ ætatis.*
7. *Quando caperit distinctio inter votum simplex & solemne ad dirimendum Matrimonium?*
8. *Gratianus videtur dedisse occasionem huic distinctioni.*
9. *Seculo XII ea distinctio cepit recipi.*
10. *Nondum definitum erat, in quo consisteret solemnitas voti ad dirimendum Matrimonium.*
11. *Id definiit Bonifacius VIII.*
12. *Hodie externa solemnitas non sufficit ad dirimendum Matrimonium.*
13. *Qua ratione solemnitas voti sit ex sola Constitutione Ecclesiæ.*
14. *Recte definiit Synodus Tridentina vota solemnia dirimere Matrimonia.*
15. *Synodus non definiit quo ex capite Ordo dirimat Matrimonium.*
16. *Rationes morales ob quas Matrimonium Clericis sit interdictum.*

**L**TAM mulieribus, quam viris voto castitatis obstrictis, semper interdictum fuisse Matrimonium, in quantum ipsæ usus Matrimonialis contrarius est voto castitatis, extra dubium est.

„Si nupserit virgo non peccat, non illa virgo quæ semet Dei cultui dedicavit. Harum enim si qua nupserit, habebit damnationem, quia primam fidem irritam fecit,“ ait S. Hieronymus apud Gratianum *Dist. 27. Can. 5.*

Et Synodus Calchedonenfis *Can. 16.* „Si qua virgo se dedicavit Deo, similiter Monachus, non licet eis nuptiis jungi, si vero inventi fuerint hoc facientes, maneat excommunicati. Statuimus vero eis posse

fieri humanitatem; si ita probaverit Episcopus loci.“ Ita apud Gratianum *caus. 27. q. 1. Can. 22.* ex versione Ildori.

II. Ipsi quoque Principes Christiani nuptias Virginum Deo sacratarum exhorruerunt, variasque pœnas adversus sollicitantes nuptias huiusmodi virginum decrevere, quæ leguntur in Codice Theodosiano *lib. 9. tit. 25.* Imperatoris Joviniani lata de hac re Constitutio refertur his verbis in Codice Justiniano *lege 5. De Episcopis & Clericis*: „Si quis non dicam rapere, sed attentare tantum, jungendi causa Matrimonii, sacratissimas virgines ausus fuerit, capitali pœna feriat.“

Relata est hæc lex à Gratiano *De Penitentia Dist. 1. Can. 6.*

Num vero Matrimonia cum huiusmodi virginibus voto castitatis obstrictis, fuerint non tantum illicita; sed insuper *invalida*, non æque certum est.

III. Primis seculis ea nequaquam irrita fuisse satis dilucide indicare videtur Innocentius I. Epistola ad Victricium Rothomagentem, scribens, non esse admittebam ad penitentiam mulierem religiosam, quæ post fidem Deo promissam ad nuptias convolverat, nisi *post viri obitum*; idque indubie, ne penitentia cedat in Matrimonio illi injuriam: tunc enim publice penitentibus actum conjugalem exercere non licebat. Verba Innocentii sunt: „Quæ Christo spiritualiter nupserunt, & velari à Sacerdote meruerunt, si postea vel publice nupserint, vel se clanculo corruerint, non eas admittendas esse ad agenda penitentiam, nisi is, cui se junxerant, de seculo recesserit.“

Et citatus Canon Calchedonenfis, virginibus illis & Monachis nequaquam injungit separationem à conjugibus; sed hoc unum præcipit, ut penitentia addicantur, de qua loci Episcopus, prout prudentia suggererit, aliquid possit remittere.

Similiter Sanctus Leo, qui Synodo Calchedonenfi per suos legatos præfuit, interrogatus à Rustico Episcopo Narbonensi de Monachis, qui uxores acceperunt, non respondit, eos ab uxoribus separandos; sed publice penitentia satisfactione purgandos. Verba Leonis ex *Epist. 2.* referuntur à Gratiano *caus. 20. q. 3. Can. 1.*

IV. In Africa fuisse videntur tempore S. Augustini nonnulli, qui huiusmodi virginum Matrimonia non nuptias, sed adulteria esse assererent; at his se opposuit Augustinus libro *De bono viduitatis cap. 10.* scribens: „Proinde qui dicunt talium nuptias non esse nuptias, sed potius adulteria, non mihi videntur diligenter & acute considerare quid dicant.... Fit autem per hanc minus consideratam opinionem, qua putant lapsum à sancto proposito sceminarum, si nupserint, non esse conjugia, non parvum malum, ut à maritis separentur uxores, & cum volunt eas separatas redere continentia, faciunt maritos earum adulteros veros, cum, suis uxoribus vivis, alteras duxerint. Quapropter non possum quidem dicere à proposito meliorilapsas, si nupserint, feminas, adulteria esse, non conjugia: sed plane non dubitaverim dicere, lapsus & ruinas à castitate sanctiore, quæ vovetur Deo, adulteriis esse peiores.“

Evidentius videtur, quam ut probari debeat, Augustinum hic agere de feminis, quæ castitatem Deo vovissent: Unde Gratianus compendium verborum S. Augustini hoc modo expressit: „Quidam nubentes post eorum asserunt adulteros esse: ego autem dico, quod graviter peccent qui tales dividunt.“ *Dist. 27. Can. 2.* Ad hunc Gratiani Canonem norant Correctores Romani: „Verba propria hujus capitis non sunt inventa apud B. Augustinum; sententia tamen habetur in libro bello de bono viduitatis. Integrum locum Augustini retulit ipse Gratianus *caus. 27. quest. 1. Can. 41.*“

V. Hanc fuisse Augustini sententiam etiam ipse S. Bernardus agnovit; eaque occasione dignam tanto Doctore protulit resolutionem libro *De præcepto & dispensat. cap. 17.* Monachi nonnulli postulaverant à S. Ber-

S. Bernardo instrui, cur vel B. Greg. nescio, "quem  
" Venantium, habitum Monachalem, quem pie sus-  
" ceperat, impie rejecerat; non solum resumere non  
" coegit, sed etiam omnem legitur indulsisse commu-  
" nionem Apostatae perduranti: vel S. Augustinus con-  
" jugii legi votum quodammodo subijciat continentiae:  
" ita ut in libro de Virginitate asserere videatur, ne cæ-  
" libis quidem vitæ propositum copulæ posse præscri-  
" bere conjugali, quominus *indissolubile* maneat, etiam  
" quod à continentibus fallente diabolo, fracto sancti-  
" tatis voto initum fuerit Matrimonium.

Huic dubio reponit Bernardus: "Et adhuc nihil ad  
" præsens certius breviusque respondendum occurrit,  
" nisi quod ita sancti Antistites sapuerunt: rectene?  
" ipsi viderint. Nam ego in sensibus actibusque illustri-  
" um Patrum cautus profecto sum omnino non aliud  
" æstimare, quam quod 1. Cor. c. 4. Beato Apostolo  
" teste *queritur jam inter dispensatores, ut videlicet fi-  
" delis quis inveniat*. Certus sum enim sive in suo  
" abudaverint sensu, sive in Dei spiritu: sicut & in  
" cæteris, ita & in his ambos extitisse fideles, illum  
" in dispensando quod præ manibus erat, istum inscri-  
" bendo quod senserat.

Quæstionem hanc ævo S. Bernardi agitatam multis  
præterea argumentis probat Joannes Mabillonius in no-  
tis ad hunc Bernardi textum in editione operum novissi-  
ma anni 1690.

VI. Locus S. Gregorii de Venantio, cujus hic men-  
tio fit, habetur in *Epistola* 33. *Lib. 1.* observatque ibi-  
dem eruditus Notator, quod S. Gregorius tam fuerit  
indulgens Venantio, ut S. Bernardus ex isto exemplo,  
quasi ex cautibus scrupulosis vix enavigaverit; ac tum  
subijcit hoc notandum monitum: "Certe qui Mona-  
" chos & Virgines primæ ætatis ex hodiernis moribus  
" æstimaunt, tota errant via.

VII. Ex pœnitentiali Theodori Cantuariensis refert  
Gratianus citata *Dist. 27. Can. 3.* "Si Vir *simplex* vo-  
tum Virginitatis habens adjungitur uxori, postea non  
" dimittat uxorem, sed tribus annis pœniteat.

Notant Correctores Romani, hanc vocem *simplex*  
abesse ab omnibus manuscriptis. Eam additam esse juxta  
disciplinam illius ætatis, quando jam distinctio inter vo-  
tum *simplex* & *solemne* invaluerat, admodum verisimi-  
le est: idque conformiter ad notam quam ipsemet Gra-  
tianus ad calcem hujus distinctionis adjecit. "Hic di-  
" stinguendum (ait) quod voventium alii sunt *simpli-  
" citer* voventes, de quibus Augustinus & Theodorus  
" locuti sunt: alii sunt, quibus post votum, benedictio  
" accedit consecrationis, vel propositum religionis,  
" de quibus Hieronymus, Nicolaus & Calixtus scrip-  
" serunt.

Hujus distinctionis sub nomine voti *solemnis* & *simpli-  
cis*, nulla apud Veteres mentio habetur; quo vero tem-  
pore votum castitatis Matrimonia dirimere, atque vota  
alia *solemnia*, alia *simplicia* dici cœperint; illisque vis  
Matrimonia dirimendi; his tantum impediendi data sit,  
admodum incertum atque obscurum est.

Verisimile est, hæc sensim invaluisse; neque ubique  
eodem tempore; sed alibi citius, alibi serius.

VIII. Credit non sine fundamento Basilii Pon-  
tius *De Matrimonio lib. 7. cap. 17.* nullum Cano-  
nem declarasse Matrimonium *irritum*, à Monacho aut  
Moniali initum post votum Religionis emissum ante  
*Canonem 7.* Concilii Romani sub Innocentio II. anno  
1139. relatum apud Gratianum *causa 27. quæst. 1.*  
*Can. 40.* in quo decernitur: "Quatenus Canonici  
" Regulares, Monachi, atque conversi professi, qui  
" sanctum transgredientes propositum, uxores sibi co-  
" pulare præsumperint, separentur: hujusmodi nam-  
" que copulationem, quam contra Ecclesiasticam re-  
" gulam constat esse contractam, *matrimonium* non  
" esse censemus: qui etiam ab invicem separati, pro  
" tantis excessibus condignam pœnitentiam agant. Id-  
" ipsum quoque sanctimonialibus feminis, si (quod

" abest) nubere attentarint, observari decernimus.

Porro quia præsens Canon nullitatem Matrimonii  
nequaquam refundit in voti *solemnitatem*, sed in hoc  
quod hujusmodi copulationem, sive conjunctionem  
contra *Ecclesiasticam Regulam* constat esse contractam;  
dubitari posset, num eo adhuc tempore ab Ecclesia  
Romana distinctio inter votum *solemne*, & *simplex*  
castitatis, ad effectum dirimendi Matrimonium re-  
cepta fuerit.

Hoc interim constat, quod Gratianus, qui aliquot  
annis post hunc editum Canonem, Decretum suum  
compilavit, eam inter votum *solemne* & votum *sim-  
plex*, quoad effectum dirimendi Matrimonium adhi-  
buerit; idque ut textum Sancti Augustini desumptum  
ex libro de *Bono viduitatis*, qui Matrimonia à voven-  
tibus contracta valida esse declarat, cum præsentem Ca-  
none Concilii Romani conciliaret.

Relato enim hoc Canone & textu Sancti Augustini,  
pro utriusque conciliatione remittit Lectorem ad *distin-  
ctionem 27.* sui Decreti, ubi ad calcem *Canonis 8.* hanc  
inter *solemniter*, & *simpliciter* voventes differentiam  
adhibendam esse monuerat.

IX. Ex relata solutione Gratiani, non obscurum est  
ante medium sæculi XI. quo floruit Gratianus, cœ-  
pisse recipi eam distinctionem votorum inter *solemnia*  
& *simplicia*. Unde & eodem & sub initium sequentis  
sæculi de validitate Matrimonii contra votum castitatis  
initi, interrogati Romani Pontifices, juxta hanc vo-  
torum distinctionem, tanquam indubitanter tunc re-  
ceptam responderunt; uti videre est in *cap. 4. 5. & 6. 2.*  
*Qui Clerici vel Voventes, &c.*

X. Verum cum nondum sit aperte definitum esset,  
in quo ipsa solemnitas voti, qua votum illud à voto  
*simplici* quoad effectum dirimendi Matrimonium di-  
stinguatur, frequentes fuere quæstiones super validi-  
tate aut invaliditate Matrimonii contra votum castita-  
tis contracti, uti videre est in responsis Pontificum,  
quæ tum sub titulo *De Regularibus*; tum sub titulo,  
*qui Clerici vel Voventes Matrimonium contrahere possunt*,  
referuntur.

XI. Has difficultates & quæstiones tandem diremit  
Bonifacius VIII. in *cap. unico De Voto & voti re-  
demptione in VI.* declarans, "illud solum votum debere  
" dici *solemne*, quantum ad post contractum Matrimo-  
" nium dirimendum, quod solemnizatum est per sus-  
" ceptionem sacri Ordinis, aut per professionem Re-  
" ligiosam.

Hoc Bonifacii responsum relatum in Corpus Canonici-  
cum, hodie pro jure communi receptum est; constituit-  
que modernam Ecclesiæ disciplinam.

XII. Hinc deducitur, votum virginitatis etiam  
emissum sub certa verborum formula, atque exhibitis  
externis cæremoniis, etiam publice in Ecclesia in ma-  
nibus alicujus Prælati, non dirimere Matrimonium;  
neque ad hunc effectum dici solemnizatum, nisi emis-  
sum sit in aliqua Religione per Sedem Apostolicam  
approbata; tametsi alias ratione istarum externarum  
cæremoniarum, præsertim si & *perpetuum* esset, recte  
dicatur *solemne*; atque indubie ante hanc Decretalem  
Bonifacii votum *solemne* dictum fuisset.

Uterius inde consecutarium est, quod, tametsi forsitan  
ante editam Bonifacii Decretalem, saltem aliquot sæ-  
culis omne votum *solemne* diremerit Matrimonium,  
hodie nullum dirimat vi hujus solemnitatis, nisi ad  
hunc effectum solemnizatum fuerit per susceptionem  
Sacri Ordinis, aut per professionem expressam vel ta-  
citam factam alicui de Religionibus per Sedem Aposto-  
licam approbatis.

XIII. Quod ergo in principio suæ Decretalis asserit  
Bonifacius, solemnitatem voti ex sola Constitutione  
Ecclesiæ esse inventam, præcipue procedit ad hunc ef-  
fectum dirimendi Matrimonium; uti supra *parte 1. tit.*  
*30. cap. 1.* ibi quoque notavi, votum *simplex* Scho-  
larium S. J. quoad hunc effectum esse solemnizatum à  
Gre.



Gregorio XIII. per Bullam, quæ incipit, *Ascendente Domino*. (a)

XIV. Ex his facile intelligitur, quodd licet primis seculis nec votum Monachorum, nec votum annexum Ordini sacro diremisset Matrimonium, nihilominus postquam per Ecclesiam efficacia dirimendi votis illis facta fuit, negari eis non possit ea efficacia: ni una velimus Ecclesiæ negare potestatem inducendi impedimenta dirimentia; ideoque meritò Synodum Tridentinam Sess. 24. *Can. De Reformat. Matrimonii*, pronuntiasse: " Si quis dixerit Clericos in Sacris Ordinibus constitutos, vel Regulares, castitatem solemniter professos, posse Matrimonium contrahere, tractumque *validum* esse, non obstante lege Ecclesiastica, vel voto; & oppositum nil aliud esse, quàm damnare Matrimonium, posseque omnes contrahere Matrimonium, qui non sentiunt se castitatis, etiam si eam voverint, non habere donum, anathema sit: cùm Deus id rectè petentibus non denegat, nec patiatur nos supra id quod possumus tentari.

XV. Expressè in suo Canone Synodus Tridentina usa est hac alternativà: *lege Ecclesiastica vel voto*; ed quodd inter Doctores Catholicos quæstio esset, num Ordo Sacer dirimeret Matrimonium, *ex voto*, an *ex lege Ecclesiastica*; nec hanc quæstionem, quæ parum utilitatis haber, decidere voluerit; hoc unum sufficere arbitrata definire, Ordinibus Sacris initiatos teneri ad servandam castitatem; atque Matrimonium ab iis initum esse invalidum.

XVI. Hoc magis refert scire, quodd Ecclesia jam à primis Ecclesiæ seculis Clericis, præsertim in Sacris Ordinibus constitutis nuptias interdixit; ne rerum temporalium sollicitudine, ac carnalibus desideriis voluptatibusque implicati, à Divinis Officiis & Ecclesiasticis ministeriis (quibus vi suæ vocationis mancipati sunt) impediuntur & retrahantur; quasi ad Clericos verbis Apostolicis diceret Ecclesia: *Volo vos autem sine sollicitudine esse. Qui sint uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & divisus est.* 1. Corinth. 7.

Hanc Ecclesiæ mentem non obscure expressit Alexander III. in cap. 2. *De Clericis conjugatis*, in prima compilatione Decretalium apud Antonium Augustinum, ubi rationem Matrimonii Clericis interdicti reddit his verbis: " Quoniam uxori, cùm divisi sint, & eos cogitare oporteat, quomodo uxoris placere valeant & servire, obsequiis non solummodo possunt intendere divinis. " Vel ut paucioribus expressit cap. 3. *in eodem*: " Quodd simul voluptatibus & carnalibus desideriis, ac Divinis & Ecclesiasticis obsequiis vacare non valeant.

Hinc facile intelligit Canonum diligens scrutator, Clericos illos, qui à nuptiis abstinent, sed secularibus negotiis, ac sensualibus desideriis sese immergunt, licet verba Canonum externamque disciplinam tenere videantur, ipsam tamen sententiam & rationem Canonum negligentes, revera in ipsos Canones dici posse impingere.

Hanc aliasque rationes congruentiæ fusius deducit D. Huygens in suis Observationibus titulo *De Matrimonio* cap. 2.

(a) Ex-Jesuitæ, ante suum à Societate egressum, fuerunt vel Scholares vel Conjugatores; si de consensu Superioris Generalis egressi sint, Possunt ad nuptias convolare, modò Sacris Ordinibus non sint insigniti. An in Galliis alicujus hereditatem adire possint? Consultatur hac de re declaratio quàm Lud. XIV. dedit 16. Julii an. 1715.

## CAPUT VI.

### De Impedimento Consanguinitatis & Affinitatis.

1. Quo sensu consanguinitas hic sumatur?
2. Quid linea, quid gradus?
3. Quid linea recta; & quotuplex?
4. Quid linea collateralis?
5. Ostenditur, quæ sit æqualis, quæ inæqualis.
6. Regula pro dignoscenda distantia in linea recta.
7. Regula pro linea collateralis.
8. Regula hæ non procedunt secundum computationem Civilem; & quæ hic servanda.
9. Verisimile est, Ecclesiam primitus usam fuisse computationem Civilem.
10. Seculo XI. diversitas computationis nota fuit; sed necdum ubique recepta, neque extra quæstionem.
11. Primitus non videtur Ecclesia extendisse hoc impedimentum ultra gradus à legibus præscriptos.
12. Quando impedimentum ultra hos gradus extensum sit.
13. Videtur circa seculum VIII aut IX. capisse extendi ad septimum gradum.
14. Sed gradus computabantur juxta computationem Civilem.
15. Postmodum computari ceperunt juxta computationem Canonicam; & ita impedimentum extensum fuit.
16. Extensionem hanc restrinxit Concilium Lateranense ad quartum gradum.
17. Quartus gradus hic intelligitur juxta computationem Canonicam.
18. Primus gradus consanguinitatis in linea laterali ponit impedimentum jure naturæ.
19. In ulteriore gradu tantum jure positivo.
20. Ratio inducti hujus impedimenti petita à propagatione concordie & caritatis.
21. Altera ratio petita ab honestate & reverentia præcipue militat in linea recta.
22. Matrimonium inter consanguineos in linea recta est jure naturæ vetitum.
23. Quid affinitas; & unde dicta; & quâ ratione contrahatur?
24. Triplex genus affinitatis describitur.
25. Olim omnia tria genera affinitatis Matrimonium dirimebant; hodie primum duntaxat.
26. Affinitatis nulli proprii sunt gradus; & unde desumit debent conjunctio Affinum inter se?
27. Circa impedimentum consanguinitatis & affinitatis ex conjunctio licita & matrimoniali nihil innovavit Synodus Tridentina.
28. Canon Synodi Tridentinæ de hoc impedimento.
29. Decretum Synodi Tridentinæ restringens impedimentum affinitatis ortæ ex fornicatione ad secundum gradum.
30. Decretum intelligitur etiam de impedimento impediante; & Sponsalibus de futuro.

I. CONSANGUINITAS sumitur hic pro vinculo personarum ab eodem stipite propinquo descendendum; vel quarum una descendit ab altera, carnali conjunctione contracto.

Ut intelligantur, quæ de impedimento consanguinitatis Canones velleges decernunt, attendi debent lineæ & gradus consanguinitatis.

II. Per lineam intelligitur series personarum, quæ sunt ejusdem sanguinis participes, Gradus verò generationis progressus, sive distantia consanguineorum inter se per unum generationis progressum: sive potius est habitudo distantium personarum, quâ propinquitatis distantia inter personas duas vel plures discernitur.

cernitur. Linea duplex est, recta & collateralis, sive transversalis.

III. Recta dicitur illa, juxta quam plures personæ ita ab uno stipite mediata vel immediate carnali generatione descendunt, ut una sit ab altera genita; veluti filius à patre; nepos à filio, &c.

Dividitur hæc linea in descendantium & ascendentium lineas, nam licet reipsa sint una eademque linea, ea tamen ratione distinguuntur, quod linea ascendentium dicatur, quia à genitis ad progenitores progredimur, illorum stipitem quærendo; numerando patrem, avum, proavum, & alios.

Linea vero descendantium dicitur illa, qua descendimus à progenitoribus ad progenitos; scilicet à patre ad filium, nepotem, pronepotem, & ceteros.

IV. Linea collateralis sive transversalis est illa, secundum quam variae personæ ab uno stipite mediata vel immediate proveniunt, ipsæ tamen personæ à se invicem non descendunt. Quare filii Joannis, qui sunt fratres, inter se lineam collateralem constituunt, quia unus frater non descendit ab alio, sed ambo immediate ab ipso patre procedunt.

V. Hæc linea collateralis duplex est: una nimirum *aqualis*, quæ est inter personas *aqualiter* distantes à communi stipite. Alia *inaqualis*, inter personas *inaqualiter* à communi stipite distantes.

Inter duos fratres est linea *aqualis*; quia ambo *aqualiter* à communi stipite, scilicet patre distant. Patruus autem & consobrinus sunt in linea *inaquali*; quia distant à communi stipite *inaqualiter*: consobrinus scilicet secundo gradu à suo avo; patruus utpote filius hujus avi, tantum primo gradu.

VI. Ut sciatur, quoto gradu consanguinei se contingant, vel quo gradu inter se distent, triplex regula assignari solet. Una pro linea *recta*, & duæ pro linea *collaterali*.

Regula pro linea *recta* seu ascendentium & descendantium, est: quot sunt personæ, de quibus quæritur, computatis intermediis, una dempta, tot sunt gradus inter eas.

Si ergo quæras, quo gradu distet proavus à pronepote, numerandæ imprimis sunt persona proavi & persona pronepotis; ac dein avi & patris, per quos descendit pronepos, quæ cum faciant quatuor personas, una dempta nimirum personâ proavi communi stipite, remanent *tres*, ac ita conficitur, proavum & pronepote esse in tertio gradu lineæ rectæ.

VII. Circalinearum collateralem *aqualem*, hæc regula servanda est: quoto gradu distant à communi stipite, tanto distant inter se, vel mutuo contingunt.

In linea autem *inaquali*, hæc est collateralium in linea *inaquali*: quoto gradu *remotior* distat à communi stipite, tanto distant inter se.

Hæc ex declaratione arboris consanguinitatis, quæ habetur in Decreto Gratiani ad calcem *q. 5. caus. 35. ubi* & hæc regulæ fusiùs exponuntur.

VIII. Id quoque in hac declaratione notatur, regulas assignatas pro computandis gradibus in linea collateralis, tantum procedere secundum Canones, non autem secundum leges civiles.

Juxta leges civiles enim, eadem regula servatur in linea collateralis, sive *aquali* sive *inaquali*, quæ juxta Canones assignatur pro linea *recta*; ut scilicet tot sint gradus, quot sunt personæ, quousque perveniatur ad communem stipitem, qui communis stipes subdicitur: adeoque juxta hanc computationem civilem, etiam in linea *collaterali* unaquæque persona facit unum gradum; cum tamen secundum Canones duæ personæ tantum faciant unum gradum. Unde duo fratres secundum computationem civilem sunt in secundo gradu; quia computato communi stipite scilicet patre, sunt *tres* personæ; & consequenter una dempta, scilicet personâ patris tanquam communi stipite, manent equidem *duæ* personæ. Juxta computationem Canonicam ve-

ro contingunt se in *primo* gradu; quia uterque uno duntaxat gradu distat à communi stipite, scilicet *patre* adeoque inter se non nisi uno gradu distare possunt juxta computationem Canonicam.

IX. Admodum autem verisimile est, quod Veteres computaverint gradus, non juxta dictam computationem Canonicam, sed juxta computationem civilem. Ecclesia enim in similibus solita fuit regulas suas legibus Imperii conformare; ne videretur jura Imperii subvertere velle: & ita observat Cujacius ad *cap. penult. de Consang.*

X. Quando hæc computatio à civili distincta invaluerit, incertum est: eam seculo undecimo notam fuisse colligitur ex Epistola Alexandri II. apud Gratianum *caus. 35. q. 5. Can. 2.* in qua redarguit quosdam, qui contendebant etiam juxta Canones computationem graduum instituendam modo à legibus præscripto; asseritque, discussam "quæstionem in Lateranensi Consistorio, convocatis ad hoc opus Episcopis & Clericis, atque iudicibus diversarum Provinciarum; denique diu ventilatis legibus & sacris Canonibus distinèdè, invenisse ob aliam causam, alteram *legum* fieri, alteram Canonum computationem..... Hæc igitur de causa, quia hæreditates nequeunt deferri nisi de una ad alteram personam, idcirco curavit secularis Imperator in singulis personis singulos præfixere gradus. Quia vero nuptiæ sine duabus non valent fieri personis, ideo sacri Canones duas in uno gradu constituere personas.

Potest in eadem rem videri ejusdem Epistola ad Clericos Neapolitanos, quæ extat *tomo 9. Concil. general. col. 1134.* Hinc habemus eo seculo computationem harum diversitatem nondum ubique receptam, nec extra quæstionem fuisse; una tamen satis colligitur, eam eo tempore invaluisse ac communiter probatam fuisse. Idipsum indicat opusculum octavum Beati Petri Damiani, quod inscribitur, *De Parentela gradibus*; in quo fusè contra quosdam Jurisperitos contendit, gradus consanguinitatis in linea collateralis computandos esse juxta supra expressam computationem Canonicam.

XI. Porro sicuti in computandis consanguinitatis gradibus, Ecclesia se videtur primis seculis conformasse legibus Imperialibus; ita nec consanguinitatis impedimentum ultra gradus à legibus præfixos extendisse apparet.

Id non obscure innuit S. Augustinus, *lib. 15. De Civitate Dei, cap. 16.* scribens: "Experti etiam sumus in connubiis *consobrinarum*, etiam nostris temporibus propter gradum propinquitatis fraterno gradui proximum, quam raro per mores fiebat, quod fieri per leges licebat; quia id nec divina lex prohibuit, & nondum prohibuerat *lex humana*."

Hic Augustinus supponit, nuptias consobrinarum, quantumvis minus honestas, aliquando licitas fuisse; quia id nec divina lex prohibuit, & nondum prohibuerat *LEX HUMANA*.

Quod autem dicat Augustinus: *NONDUM prohibuerat lex humana*, reflexisse videtur ad legem à Theodosio seniore latam, ne inter consobrinos inirentur Matrimonia; cujus legis meminit Sanctus Ambrosius, *lib. 8. Epist. 66.* "Nam Theodosius Imperator etiam patrueles fratres & *CONSOBRINOS* vetuit inter se conjugii convenire nomine, & severissimam pœnam statuit, si quis temerare ausus esset fratrum pia pignora. Honorius Theodosii filius eam quoque legem memorat in *Lege unica Cod. Theod. Si nuptiæ ex rescripto petantur*; uti rectè ibidem notat Jacobus Gothofredus; una observans legem 19. *Cod. de Nuptiis*, quæ nuptias consobrinorum permittit, non esse Honorii; sed solius Arcadii, qui Theodosio patri in Orientis Imperium successerat, Honorio Occidentis Imperium moderante; quamvis dicta lex *5.* tam Honorii quam Arcadii nomen præferat.

Inaque

Itaque NONDUM *lex humana* prohibuerat conjugia consobrinorum; quia *lex Theodosii nondum* edita fuerat; at cum libros de Civitate Dei Augustinus scriberet, iam *lex hæc* evulgata erat; ideoque verbis supra relatis subiungit: "Verum quis dubitat, honestius hoc tempore *consobrinorum prohibita* esse conjugia."

Itaque videtur Augustinus à legum prohibitione desumpsisse prohibitionem conjugiorum inter consanguineos; nec eam ultra legis prohibitionem extendisse.

Hinc quisque faciliè intelligit, quid censendum de Decretis, quæ sub nomine primorum Pontificum Fabiani, Calixti, & Julii referuntur apud Gratianum. *caus. 35. q. 2.* ubi impedimentum hoc, etiam ultra consobrinos extenditur.

XII. Quo verò tempore impedimentum consanguinitatis ultra præfixum à legibus Imperatorum gradum extendi cœperit, incertum est; illud sat certum sensim ea impedimenta invaluisse; nec ubique eodem tempore recepta fuisse.

Responsio sancti Gregorii ad sextam interrogationem Augustini Anglorum Apostoli non obscure supponit, ætate Gregorii impedimentum hoc ad septimum gradum fuisse extensum: quod & apertius indicat *Epist. 32. lib. 12.* ejusdem Pontificis.

Verum, "prædictam responsionem si quis ex varietate lectionum, ex contextûs inæqualitate, ex doctrinæ merito prudenter attenderit, de Auctore forsân dubitabit, ait eruditus operum sancti Gregorii Revisor, in notis ad hanc responsionem; qui & de citata *Epist. 32.* hoc iudicium subiicit: "Verum, quàm sit corrupta & deformata, clarum est ex multis interpolationibus & repetitionibus inutilibus, quas Lector studiosus & prudens inter legendum observabit. Ideò à quibuscumque reprobata est, tanquam Gregorio magno indigna.

Hoc momentum quod à Petro Guffanvilleo in notis ad Epistolam S. Greg. allatum est, non arridet eruditus Monachus Benedictinis Congregationis sancti Mauri in accurata Editione Operum sancti Gregorii, ubi hanc Epistolam sancto Gregorio vindicant; credunt enim rationes à Guffanvilleo in contrarium adductas, leviores esse, quàm ut vel dubiam reddant Epistolam sancti Gregorii ad Augustinum. Lector rationes utrimque adductas poterit expendere.

XIII. Quidquid sit, hoc interim vel ex supposititiis Epistolis primorum Pontificum à Pseudo-Isidoro circa seculum VIII. aut IX. confictis, & in Decretum Gratiani postmodum relatis intelligitur, circa tempus Pseudo-Isidori impedimenta consanguinitatis ad septimum gradum cœpisse extendi: sed an etiam eodem tempore graduum computatio fieret juxta computationem Canonicam supra descriptam, an verò juxta computationem civilem, non sat expeditum est.

XIV. Verisimile est, primitus computatos fuisse secundum leges; & consequenter Matrimonium tantum fuisse vetitum usque ad quartum gradum inter inæquales; uti notat Cujacius ad *cap. penultimum* *De Consanguinitate*, quod & indicat supposititia Epistola Calixti I. apud Gratianum, *caus. 35. q. 2. Can. 2.* quæ postquam dixit consanguineorum conjunctiones veritas, tandem subiungit: "Eos autem consanguineos dicimus, quos Divinæ, & Imperatorum Romanorum atque Græcorum leges consanguineos appellent, & in hæreditatem suscipiant, nec repellere possunt.

Et ibidem, *Can. 1. ex Concilio. Meldensi* dicitur: "De affinitate *consanguinitatis* per gradus cognationis placuit usque ad septimam generationem observare. Nam & hæreditas rerum per legales instrumentorum diffinitiones sancita usque ad septimum gradum protendit hæredum successionem. Non enim succederent, nisi eis de propagine cognationis deberetur.

Hæc probatio ex successione legali in hæreditatem

Tom. I.

desumpta inefficax planè & à scopo aliena fuisset, nisi gradus conformiter ad legum præscriptum computati fuissent.

XV. Interim seculo undecimo invaluit computatio Canonica; & septimus gradus, de quo in præcatis Epistolis juxta eam computationem accipi cœpit; idque præcipuè auctoritate præallegatæ responsionis & Epistolæ sancti Gregorii; uti videre licet apud Petrum Damiani in citato opusculo; atque ita impedimentum consanguinitatis in linea collateralis tandem ad septimum gradum juxta computationem Canonicam, & decimum quartum juxta computationem civilem extensum fuit; idque tempore Alexandri III. pro jure receptum fuisse, non tantum quoad consanguineos, sed etiam affines, constat ex Decretali hujus Pontificis in *cap. 1. De Consanguinitate*.

XVI. Porro Concilium Lateranense sub Innocentio III. perpendens hanc impedimenti extensionem absque gravi incommodo non posse observari, voluit, ut "prohibitio copulæ conjugalis quartum consanguinitatis gradum de cætero non excedat: quoniam in ulterioribus gradibus jam non potest absque gravi dispendio hujusmodi prohibitio generaliter observari. Hac Constitutione relata in *cap. 8. De Consanguinitate*, hodie utimur.

XVII. Indubitatum est, quartum gradum hic sumendum esse juxta computationem Canonicam; unde resolvit Gregorius IX. in *cap. fin. De Consanguinitate*: "Vir, qui à stipite quarto gradu, & mulier, quæ ex alio latere distat quinto, secundum regulam approbatam, qua dicitur: Quoto gradu remotior distat à stipite, & à quolibet per aliam lineam descendens ab eodem; licitè possunt matrimonialiter copulari.

XVIII. In primo gradu consanguinitatis lineæ collateralis Matrimonium illicitum esse, non tantum jure humano positivo, sed naturali, non pauci contendunt, ipsique Augustinus *lib. 15. De Civitate Dei, cap. 16.* fatetur, etiam Gentiles lumine naturali hujusmodi conjugia exhorruisse: "Quod humano genere crescente, & multiplicato (ait) etiam inter impios Deorum multorum falorumque cultores sic observari cernimus, ut etiam si perversis legibus permittantur fraternalia conjugia, melior tamen consuetudo ipsam malitiam exhorretelcentiam, & cum sorores accipere in Matrimonium primis humani generis temporibus omnino necuerit, sic aversetur, quasi nunquam licere potuerit.

XIX. In ulteriori gradu lineæ collateralis, Matrimonium hodie *solo Jure Ecclesiastico* vetitum esse, & contractum dirimi expeditum est, supponitque evidenter Innocentius III. in *cap. 8. De Divortio*, respondens, infideles, qui in secundo aut tertio consanguinitatis gradu contraxerunt, si ad fidem convertantur, non esse separandos: eò quod "in præmissis gradibus à Paganis quoad eos Matrimonium licitè sit contractum, qui Constitutionibus Canonicis non arctantur.

XX. Cur verò jam pridem, tum per leges, tum per Canones inter consanguineos conjugia vetita fuerint, tradit Augustinus loco citato. "Habita est enim (ait) ratio rectissima charitatis, ut homines, quibus esset utilis atque honesta concordia, diversarum necessitudinum vinculis necerentur; nec unus in una multas haberet, sed singulæ spargerentur in singulos; ac sic ad socialem vitam diligentius colligandam plurimæ plurimos obtinerent. Pater quippe, & socer duarum sunt necessitudinum nomina. Ut ergo alium quisque que habeat patrem, alium socerum, numerosius se charitas porrigit.

XXI. Hæc Augustinus, cujus fragmentum est apud Gratianum, *caus. 35. q. 1. Can. 1.* qui ibidem hanc rationem conciliandæ concordie per familias pluribus exponit, ac dein aliam adjungit his verbis: "Non solum secundum ea, quæ disputavimus, propter multi-

E e e e

» plica-



„plicandas affinitates, ne habeat duas necessitudines  
 „una persona, cum duæ possint eas habere, & nume-  
 „rus propinquitatis augeri; sed etiam quia nescio quo-  
 „modo inest humanæ verecundiæ quiddam naturale  
 „atque laudabile, ut cui debet causâ propinquitatis  
 „reverendum honorem, ab ea contineat, quamvis  
 „generatricem, tamen libidinem, de qua erubescere  
 „videmus & ipsam pudicitiam conjugalem.

XXII. Hæc posterior ratio potissimum obrinet in  
 linea recta seu ascendentium & descendentium; inter  
 quos etiam in omni gradu Matrimonia illicita & inva-  
 lida esse, atque semper fuisse jure naturali, expeditum  
 est, juxta illud Nicolai I. in Responsis ad Consultatio-  
 nes Bulgarorum *cap. 39.* „Inter eas personas, quæ pa-  
 „rentum liberorumque locum inter se obtinent, nup-  
 „tiae contrahi non possunt, veluti inter patrem & filiam,  
 „vel avum & nepotem, matrem & filium, aviam &  
 „nepotem, & usque *ad infinitum.*

XXIII. Ut varia fuit circa consanguinitatis impedi-  
 mentum disciplina; ita & circa affinitatis.

Affinitas secundum Canones, est personarum proxi-  
 mitas ex copula carnali proveniens, & omni carens  
 parentela. Et dicitur *affinitas*, quasi duorum ad unum  
 finem unitas, eo quod duæ cognationes diversæ per co-  
 pulam copulantur, & alter ad alterius cognationis finem  
 accedit.

Juxta Canones affinitas contrahitur non tantum per  
 actum matrimoniale licitum, sed etiam per fornicati-  
 onem aut aliâs illicitum, *cap. 8. & 9.* „*De eo, qui cog-  
 novit consanguineam uxoris suæ.*

XXIV. Olim triplex erat affinitatis genus, quod  
 copiose & sat clarè exponit Glossa ad *cap. 8.* „*De con-  
 sanguinitate*; sufficereque exemplo sequenti paucis ex-  
 ponere: Uxor fratris mei est mihi consanguineis que  
 meis affinis in primo genere affinitatis: mortuo verò  
 fratre meo, si illa alteri nubat, hic secundus ejus mari-  
 tus erit mihi meisque consanguineis affinis in secundo  
 genere affinitatis: & rursus, mortua uxore fratris mei,  
 si hic secundus ejus maritus aliam uxorem duxerit, illa  
 rne cæterosque consanguineos meos contingeret in tertio  
 affinitatis genere: nam copula addita copulæ efficit hæc  
 diversa genera affinitatis.

XXV. Hæc tria genera affinitatis olim Matrimoniis  
 impedimento fuisse docent Canonistæ, atque secundo  
 & tertio generi occasionem dedisse videntur Decreta,  
 quæ sub nomine Fabiani Papæ & Paschalis II. referuntur  
 à Gratiano, *caus. 35. quæst. 3. Can. 3. & 22.* quæ  
 sola à Canonistis in hanc rem allegari solent. Quidquid  
 sit, tria illa genera aliquando impedimentum dirimens  
 Matrimonium fecisse, evidenter supponit Concilium  
 Lateranense in citato *cap. 8.* declarans, quod prohibi-  
 tiones de conjugio in secundo & tertio affinitatis genere  
 minime contrahendo, difficultatem frequenter indu-  
 cant, & aliquando periculum pariant animarum; ac  
 dein subjungit: „Constitutiones super hoc editas sacri  
 „approbatione Concilii revocantes, præsentis Consti-  
 „tutione decernimus, ut sic contrahentes de cætero  
 liberè copulentur.

Unde juxta hoc Decretum impedimentum affinitatis  
 ad primum genus affinitatis restrictum est; neque ulla  
 hodie habetur ratio secundi aut tertii generis affinitatis.

XXVI. Porro affinitatis propriè nulli sunt gradus,  
 ut ait Jurisconsultus in *L. 4. §. Gradus ff. De Gradibus*,  
 quia cum nullæ sint affinium generationes, etiam nulli  
 gradus propriè haberi possunt; nam juxta generatio-  
 nes gradus institui solent, ut observat Cujacius ad ti-  
 tulum *De Consanguinitate*: sed gradus affinitatis, si qui  
 sunt, ex ipsa cognatione sive consanguinitate desu-  
 muntur.

Eo enim gradu affinitatis quis alteri partium jungi-  
 tur, quo alteri per consanguinitatem junctus est, &  
 mulier eo gradu est affinis consanguineis viri, quo vir  
 illis est junctus gradu consanguinitatis.

Hinc qui marito est consanguineus in linea recta

descendentium aut ascendentium, in eadem linea cen-  
 setur affinis ejus uxori; idque eodem gradu affinitatis,  
 quo attingit maritum per consanguinitatem, idem est  
 quoad lineam collateralem.

XXVII. Circa impedimentum consanguinitatis,  
 aut affinitatis, quæ oriuntur ex conjunctione licita & matri-  
 moniali, nihil innovavit Synodus Tridentina; adeoque  
 secundum juris communis dispositionem, manet im-  
 pedimentum consanguinitatis in linea recta in infinitum;  
 quoad lineam verò collateralem usque ad quartum  
 gradum juxta computationem Canonicam simili-  
 ter, & quoad affinitatem ex conjunctione legitima ma-  
 trimoniali.

XXVIII. Pronuntiavit autem Synodus anathema  
 in eum, qui dixerit, „eos tantum consanguinitatis &  
 „affinitatis gradus, qui Levitico exprimuntur posse im-  
 „pedire Matrimonium contrahendum, & dirimere  
 „contractum; nec posse Ecclesiam in nonnullis illorum  
 „dispensare, aut constituere, ut plures impediunt &  
 „dirimant.

XXIX. Impedimentum quod propter affinitatem  
 ex fornicatione contractam inducebatur, & Matrimo-  
 nium contractum dirimebat, Synodus Tridentina,  
*Sess. 24. cap. 4. De Reformatione Matrimonii*, „ad eos  
 „tantum, qui in primo & secundo gradu conjungun-  
 „tur, restringit: in ulterioribus verò gradibus statuit,  
 „hujusmodi affinitatem Matrimonium postea contra-  
 „ctum non dirimere.

XXX. Quamvis Synodus tantum loquatur verbis  
 expressis de hoc impedimento quatenus *dirimit* Matrimo-  
 nium, tamen Pius V. in suo Motu proprio inci-  
 piente *Ad Romanum*, edito anno 1566. die 20. Au-  
 gusti declaravit, prædictam affinitatem ultra secundum  
 gradum nec dirimere, nec *impedire*; ut refert Fag-  
 nanus ad *cap. NON DEBET* „*De Consanguinitate*,  
*num. 19.*

Refert quoque ibidem, *num. 18.* Sacram Congrega-  
 tionem censuisse, „hujusmodi restrictionem ad pri-  
 „mum & secundum gradum, extendi etiam ad Spon-  
 „salia per verba de futuro contracta; adeo ut nisi in  
 „primo & secundo gradu hujusmodi affinitatis non  
 „dirimantur.

## CAPUT VII.

De Impedimento Cognationis Legalis & Spiritualis,  
 nec non publicæ honestatis.

1. Cognatio legalis unde orta; & cur ita dicta?
2. Rationes, quæ suadent conjunctos hac cognatione Ma-  
 trimonio non jungendos.
3. Apud Romanos quousque impedimentum hoc exten-  
 sum?
4. Quando solutâ adoptione maneat impedimentum.
5. Impedimentum hoc legibus inductum recepit Ecclesia.
6. Synodus Tridentina nihil circa hoc impedimentum  
 immutavit.
7. Impedimentum cognationis spiritualis ad exemplum  
 hujus inductum.
8. Probatum auctoritate Nicolai I.
9. Hujus impedimenti meminit Justinianus; rationem-  
 que illius assignat.
10. Synodus Trullana hoc impedimentum probavit.
11. Qua ratione hoc impedimentum paulatim fuerit ex-  
 tensum.
12. Hoc non ex lege divina, sed merè positiva oritur.
13. Cur Synodus Tridentina hoc impedimentum judica-  
 verit restringendum?
14. Ad summum duas personas ad suscipiendum infan-  
 tem adhiberi voluit.
15. Inter quas personas ex Decreto Synodi Tridentina  
 spiritualis cognatio contrahatur.

16. Quid

16. Quid de conjugibus prolem alienam vel propriam suscipientibus?
17. Parochus baptizaturus inquirere debet, qui in Patris nos designati sint; & hos solos admittere.
18. Quid si hæc à Parocho sint omissa; item, quid si plures quam duo admissi sint?
19. Quid de designato & admissio à solo Parocho?
20. Suscipiens per procuratorem contrahit cognationem spirituales.
21. Videtur sublatum impedimentum, quod olim ex Catholismo oriebatur.
22. Summa cura conservandi sunt libri Baptismales.
23. Quæ de cognatione spirituali orta ex Baptismo decreta, eadem obtinent in illa quæ ex Confirmatione.
24. Ecclesia hanc cognationem inducens, ostendit à suscipiente curam suscepti habendum.
25. Ratio impedimenti publicæ honestatis.
26. Impedimentum hoc oritur ex Matrimonio rato, & Sponsalibus de futuro.
27. Oritur ex Matrimonio olim ad septimum, hodie ad quartum gradum extenditur.
28. Quousque olim extensum, si ex Sponsalibus de futuro oriebatur.
29. Restrictio hujus impedimenti per Synodum Tridentinam.
30. Synodus tantum loquitur de Sponsalibus de futuro.
31. Nihil immutavit quoad impedimentum ex Matrimonio rato.
32. Etiam ex Matrimonio nullo oritur hoc impedimentum.
33. Ex Sponsalibus quavis ratione nullis non oritur hoc impedimentum; secus si ab initio fuerint valida.
34. Ex Sponsalibus validis non conditionatis, oritur tantum impedimentum usque ad primum gradum.

I. COGNATIO legalis oritur ex adoptione, qua quis liberos naturales non habens, alienum sibi in filium adoptat.

Adoptionis istius usus jam pridem apud Romanos utilissimus fuit; variæque de ea in Jure Romano extant Imperatorum Leges & Jurisconsultorum Responsa.

Cognatio autem quam adoptio parit, civilis, legitima, seu legalis, ad differentiam cognationis naturalis, appellatur L. 4. §. 2. ff. De gradibus; quia sola lege adoptio nititur & actus est mere civilis.

II. Cum autem per legem ideo inducta esset adoptio, ut is, qui natura filius non erat, filius per legem efficeretur adoptanti, seu potius potestate Legum naturam quodammodo supplente, filius fingeretur adoptatus; consequens visum fuit, ut nec inter hos per Matrimonii vinculum alia connexio seu necessitudo intercedere deberet.

Hic quoque militare credebatur illud Augustini capite præcedenti relatum: "Nescio quomodo inest humanæ verecundiæ quidquam naturale atque laudabile, ut cui debet causa propinquitatis reverendum bonorem, ab ea contineat quamvis generatricem, tamen libidinem, de qua erubescere videmus, & ipsam pudicitiam conjugalem.

III. Itaque jam pridem & apud Romanos, hæc civilis cognatio impedimentum Matrimonii contrahendi inter adoptantem & adoptatam, & generaliter inter omnes personas, quæ per adoptionem liberorum & parentum loco sunt, induxit, idque etiam soluta adoptione per emancipationem. L. 17. & 55. ff. De Ritu Nuptiarum.

Uterius, etiam impedimentum hoc Leges extendunt ad adoptatum & filias naturales adoptantis; quasi jure fraternitatis, quod inter adoptatum tanquam filium Legalem adoptantis, & hujus proles naturales intercedit; hac tamen differentia, quod hoc fraterni-

Tom. I.

tatis impedimentum solvatur, soluta per emancipationem adoptione, dicta L. 55. §. 1. quia post emancipationem (ait) extraneus intelligitur.

IV. Soluta adoptione nuptiæ non permittuntur, ut dictum est, inter eos, qui parentum liberorumque loco aliquando fuerunt, quia hac soluta, manet pudoris & honestatis ratio quæ impedit similes nuptias §. 1. Inst. De Nuptiis; quæ pudoris ratio non æque militat inter collaterales, postquam per adoptionem quæ sita fraternitas aliave ex transverso cognatio, eadem soluta adoptione evanuit: nec tanta religione colenda memoria fratris alteriusve cognati olim adoptivi, quam eorum, qui loco parentum aliquando fuere.

V. Hoc impedimentum à legum auctoritate primum inductum, Ecclesia quoque recepit; ejusque mentio fit apud Gratianum in Can. 6. caus. 30. quest. 3. & in cap. unico & De Cognatione legali, ubi ex responsis Nicolai I. ad Consulta Bulgarorum refertur: "Si qua per adoptionem mihi soror esse cœperit, quamdiu durat adoptio inter me & ipsam nuptiæ consistere non possunt.

VI. Quod responsum ex Legibus Civilibus sumptum esse evidens est; neque legitur, Ecclesiam circa hoc impedimentum aliquid mutasse; sed illud prout legibus decretum erat, recepisse apparet: nec Synodus Tridentina quidquam hic innovavit, uti monet Cujacius ad titulum Decretalium De Cognatione legali; creditque etiam hodie, fraternitatem legalem constituere impedimentum dirimens; nimirum durante adoptione; quemadmodum Legibus constitutum erat, & ipse Nicolaus I. respondit.

VII. Ad hujus cognationis legalis imitationem & exemplum comparata est cognatio spiritualis; atque impedimentum Matrimonii ex ipsa profluens.

Sicut enim Adoptans Adoptatum sibi in locum filii assumit & habet; ita quoque Susceptor, sive Patrinus recipit Baptizatum in filium suum spirituales; id est, ut illi Patris spiritualis loco sit, sive ejus curam spirituales tanquam alter Pater gerat, quemadmodum supra tit. 2. cap. 5. ostensum est.

VIII. Unde de hac cognatione, & ex ea resultante impedimento ita loquitur Nicolaus I. in citatis Responsis ad Consulta Bulgarorum cap. 2. "Ita deligere debet homo eum, qui se suscipit ex sacro fonte, sicut patrem. Quinimo quanto præstantior est spiritus carne, quod illud spiritale est patrociniū, & secundum Deum adoptio, tanto magis spiritualis pater in omnibus est à spiritali filio diligendus... Nulla vero inter eos & filios eorum consanguinitas est, quoniam spiritus ea quæ sanguinis sunt nescit: caro enim secundum Apostolum Gal. 5. Concupiscit adversus spiritum, & spiritus adversus carnem: hæc sibi invicem adversantur. Est tamen alia inter eos gratuita & sancta communio, quæ non est dicenda consanguinitas, sed potius habenda spiritalis proximitas. Unde inter eos non arbitramur esse quodlibet posse conjugale connubium; quandoquidem nec inter eos qui natura & eos qui adoptione filii sunt, venerandæ Romanæ leges Matrimonium contrahi permittunt.

Deinde tanquam consequens infert: "Si ergo inter eos non contrahitur Matrimonium, quos adoptio jungit; quanto potius à carnali oportet inter se contubernio cessare, quos per cœleste Sacramentum regeneratio sancti Spiritus vincit? Longe igitur congruentius filius patris mei vel frater meus appellatur is, quem gratia divina, quam quem humana voluntas, ut filius ejus, vel frater meus esset, elegit; prudentiusque ab alterna corporis commixtione fecernimur, quoniam Spiritus sanctus sua nos charitate coadunavit, quam si vel carnalis necessitudo, vel invicem nos mirabile cujusdam corruptibilis hominis arbitrium copulasset.

Hoc responsum Nicolai I. extat apud Gratianum, caus. 30. q. 3. Can. 1. atque hinc intelligitur, Ponti-

E e e e 2

ficem

ficem cognationem legalem, & exinde ortum impedimentum in confirmationem hujus impedimenti assumpsisse.

IX. Hujus impedimenti seculo VI. meminit Justinianus in *L. 26. Cod. de Nuptiis*; ubi "ea persona omnimodo ad nuptias venire prohibenda declaratur, quam aliquis, sive alumna sit, sive non, a sacro suscepit Baptismate." Ratio subjungitur: "Cum nihil aliud sic inducere potest paternam affectionem, & justam nuptiarum prohibitionem, quam hujusmodi nexus, per quem, Deo mediante, animæ eorum copulatae sunt."

X. In Ecclesia Græca hanc cognationem spirituales, & ex hac resultans impedimentum Matrimonii, notam fuisse seculo VII. manifestum est ex *Canone 53. Synodi VI. in Trullo*, ubi Patres dicunt. "In nonnullis autem locis cognovimus quosdam, qui ex sancto & salutari Baptismate infantes suscipiunt, postea quoque cum matribus eorum viduis Matrimonium contrahere: statuimus, ut imposterum nihil fiat hujusmodi. Si qui autem post præsentem Canonem hoc facere deprehensi fuerint, ii quidem ab illicito Matrimonio desistant: deinde & fornicatorum poenis subiciantur."

Rationem sui Decreti præmiserunt. *Quoniam spiritualis affinitas corporum conjunctione major est.*

XI. Ubi autem persuasum fuit, hanc spirituales affinitatem esse majorem corporum conjunctione; ipsumque suscipientem & susceptum esse adinstar patris & filii adoptivorum, difficile haud fuit, hoc impedimentum paulatim adinstar impedimenti ex cognatione carnali & legali profluentis extendere; quemadmodum sensim extensum fuisse tum ex Canonibus relatis apud Gratianum, *caus. 30. q. 3.* tum ex Decretalibus sub titulo *De Cognatione spirituali*, videre est.

XII. Et quidem sub nomine Zachariæ & Deusediti Pontificum, extat Decretum apud Gratianum loco citato, *Can. 3.* "Quod non oporteat filiam, quam de sacro fonte suscepit aliquando, filio suo in Matrimonium tradere: hac subiecta ratione: *Quia in Divina sententia Germani esse inveniuntur.*"

Hujus Canonis auctoritate aliquando usus Celestinus III. respondit, hujusmodi Matrimonium esse dirimendum, licet ambo 30. annis pariter line quaestione mansissent; quia diuturnitas temporis non minuit, sed auget peccata; *cap. De Cognatione spirituali*, in secunda compilatione Decretalium apud Antonium Augustinum.

Verum; ut recte advertit Cujacius ad titulum *De spirituali cognatione*, nusquam id reperies in *Lege Divina*. Reperies quidem in veteri lege Longobardorum, *lib. 2. tit. 8.* ne susceptus audeat filiam susceptoris uxorem ducere, *quia spirituales germani esse noscuntur*; sed in *Lege Divina* nusquam.

Et revera hanc omnem cognationem atque exinde resultans impedimentum esse ex jure mere positivo, sat ostendit varia, quæ diverso tempore, & in diversis Ecclesiis circa hæc fuit, disciplina.

XIII. Synodus quoque Tridentina nullam hic Divinam Legem, quæ impedimentum hoc induxisset, aut ad certas personas extendisset, agnoscens, illud contra jam pridem stabilitam disciplinam in multis restrinxit; eo quod "doceret experientia, propter multitudinem prohibitionum multoties in casibus prohibitis ignoranter contrahi Matrimonium: in quibus vel non sine magno peccato perseveratur, vel ea non sine magno scandalo dirimuntur, ut loquitur *cap. 2. Sess. 24. De Reformat. Matrimonii.*"

XIV. His incommotis occurrere volens Synodus statuit, "ut unus tantum, sive vir sive mulier, juxta sacrorum Canonum instituta, vel ad summum unus & una baptizatum de Baptismo suscipiant."

Pluribus seculis usitatum fuisse, ut non nisi viri

viros, & mulieres mulieres de fonte Baptismañs susciperent, notatum est *tit. 2. cap. 5. num. 4.* ut proinde merito hoc salubre Synodi Tridentinæ Decretum exacte servetur.

XV. Post hæc subjicit Synodus: "Inter quos ac Baptizatum ipsum, & illius patrem & matrem, nec non inter baptizantem ad baptizatum, baptizatique patrem ac matrem tantum spiritualis cognatio contrahatur."

Hoc Decretum hodie ubique receptum est, ipsamque modernam Ecclesiæ disciplinam circa cognationem spirituales ex hoc Decreto metiri debemus.

Hinc contra dispositionem veterum Canonum, & *cap. 1. De cognat. spirituali*, hodie valet Matrimonium contractum inter filiam suscipientis & baptizatum, uti censuit sacra Congregatio apud Fagnanum ad dictum *cap. 1. num. 4.* neque ultra personas in Decreto expressas impedimentum extenditur: vultque Synodus P. II. Mechliniensis *tit. 10. cap. 5.* subinde moneri populum, nullam omnino cognationem spirituales contrahi inter susceptorem & susceptricem; nec etiam inter baptizatum vel susceptum & suscipientis conjugem. Quod & expresse declaravit Pius V. in Constitutione quæ incipit *Ad Romanum 14.* in Bull. Rom.

XVI. Inde consequens, nihil obitare, quominus duo conjuges levant eundem de fonte: sed si alter conjugum propriam utriusque prolem levaret vel etiam baptizaret, cognationem hanc contraheret cum altero, quæ conjugii usum impediret, saltem donec Ordinarius dispensasset: excipitur autem casus necessitatis juxta responsum Joannis VIII. in *Can. 7. caus. 30. q. 1.* quod tamen in fornicario qui propriam prolem in necessitate baptizaret, non procedere, probat Fagnanus ad *cap. 2. De Cognat. spirit. num. 8. & sequentibus*; huncque consequenter cum fornicaria matre prolis baptizatae valide contrahere non posse.

XVII. Ulterius statuit Synodus Tridentina: "Parochus, antequam ad Baptismum conferendum accedat, diligenter ab iis, ad quos spectabit, sciscitetur, quem vel quos elegerint, ut baptizatum de sacro fonte suscipiant; & eum vel eos ad suscipiendum tantum admittat, & in libro eorum nomina describat: doceatque eos quam cognationem contraxerint; ne ignorantia ulla excusari valeant. Quod si alii ultra designatos Baptizatum tetigerint, cognationem spirituales nullo pacto contrahant; Constitutionibus in contrarium facientibus, non obstantibus."

XVIII. Hæc quidem à Parochis diligenter servanda sunt; attamen si neglecta fuerint, nullusque in particulari designatus fuerit, & nihilominus infans de sacro fonte susceperint & baptizatum tetigerint, cognationem esse contractam verisimilius est. Quin si plures, quam duo contra Synodi præscriptum tenent aut suscipiunt baptizatum, omnes contrahere cognationem, resolvit post alios, Barbosa in Collectaneis Doctorum ad citatum *caput 2. Concilii Tridentini num. 38.* & ita sanctam Congregationem respondisse testatur Fagnanus ad *cap. 1. De Cognat. spirituali, num. 5.*

XIX. Si parentes nullum designaverint, nec etiam præsentem sint, atque Parochus aliquem, forsan fortuito præsentem, in patrinum assumpserit, eum, si baptizatum susceperit, contrahere cognationem spirituales expeditum est: imo si designatum à parentibus Parochus non admittat, & alium casu ingredientem in Ecclesiam vocaverit, ut baptizandum puerum susceperet ac tangeret, cum eo spirituales cognationem contrahi resolvit Ludovicus Beia apud Barbosam loco citato *num. 41.*

XX. Nonnumquam contingit, ut quis per procuratorem seu mandatarium infantem de fonte suscipiat; quo casu aliquando inter Doctores disputatum fuit, à quo cognatio spirituales contraheretur, an à mandante, an à mandatario & immediate tangente: sed de consuetudine universali receptum est, cognationem contrahi



trahi a mittente, non vero a procuratore: quia quæ agit procurator, non agit proprio nomine, sed nomine mittentis: tum quia mittens fuit designatus, non vero procurator. Ita post alios Canonistas doctissimos refert Barbosa, *De Officio Episcopi, part. 2. Allegat. 30. num. 50.*

XXI. Cum Synodus Tridentina tantum velit contrahi cognationem inter eos qui infantem de fonte levarunt, apparet etiam sublatum esse impedimentum impediens, quod per assensum in *Catechismo* seu instructione ante Baptismum olim contrahatur juxta *cap. 2. De Cognatione spirituali in VI.* maxime ob generalia verba in fine Decreti à Synodo Tridentina adjecta; *omnibus inter alias personas hujus cognationis spiritualis impedimentis omnino sublati.*

Unde recte monet Zypæus in *Jure Novo* ad titulum *De Cognat. spirituali*, cum pueri domi baptizati sunt, & postea suppleantur preces & solemnities in Ecclesia, Patrinus hic tantum adhiberos, in libro baptizatorum non esse simpliciter ut Patrinos describendos; sed ut *Patrinos Catechismi.*

XXII. Quamvis Concilium Tridentinum immutaverit cognationis spiritualis species quæ impedimentum dirimens pariunt, non defunt tamen adhuc difficultates quæ in conscientias scrupulos legitimos possunt injicere. Quotidie occurrunt dubia circa consanguinitatem inter baptizatos, & susceptores, vel baptizatorum parentes contractam; necnon super natalibus vel ætate baptizatorum, quorum probatio & certitudo vix aliunde, quam ex Libris seu Registris, quæ dicuntur *Baptismalia* haberi potest: merito proinde tam Ecclesiasticis quam civilibus decretis & sanctionibus injunctum fuit Parochis, ut diligenter singulorum baptizatorum, necnon parentum & patrinorum & marinarum nomina, diemque baptismi in libro annotent. Insuper injungitur Parochis, ut si qui forte ex illicito concubitu nati sint, etiam eos ut tales in ipso, sive Registro baptismali designent.

Uterius ut hæc Registra fidelius conserventur, & ad illa facilior pateat accessus, Principes nostri signanter in Edicto perpetuo de anno 1611. *art. 20.* ordinarunt, ut Magistratus quorumcumque locorum, quotannis exemplum desumant ex Registris Parochialibus, in quibus notantur baptismata, & in Archiva sua referant; alterumque ad superiorem territorii judicem transmittant.

Hæc si sedulo observarentur, quantæ evitarentur difficultates, & lites, aliæque incommoda!

XXIII. Quæ de cognatione contrahenda in Baptismo decrevit Synodus Tridentina, eadem servari voluit in ea cognatione, quæ ex Confirmatione contrahitur; ut scilicet hæc extra confirmantem & confirmatum, illiusque patrem & matrem ac tenentem non egrediatur.

Præterea quæ ad restringendum hoc impedimentum ex susceptione in Confirmatione proveniens, decreverint Synodi nostræ Belgicæ, quosque in Patrinos eligi desiderant, retulimus supra *titulo 3. c. 5.*

XXIV. Cæterum, quia jam pridem Ecclesia hoc impedimentum & hanc spirituales cognationem, præsertim in Baptismo ideo induxit, quod Patrinus credatur fieri quasi pater spiritualis suscepti; satis insinuat, curam spirituales à suscipiente tanquam patre ipsi suscepto tanquam filio esse impendendam; de qua latius actum supra *titulo 2. cap. 5. & titulo 3. cap. 3.*

XXV. Non tantum ob conjunctionem carnalem & exinde ortam consanguinitatem impediri Matrimonium; sed etiam ob quamdam honestatem & reverentiam, quæ ab una persona alteri debetur, supra ostensum est ex Augustino; ac insuper notatum, ob eam rationem manere impedimentum inter filium adoptatum & uxorem adoptantis post solutam adoptionem: quia inhonestum videtur, nuptias intercedere inter personas quæ aliquando inter se parentum & filiorum loco fuerunt.

Hac ratione inductum quoque fuit impedimentum, quod vulgo dicitur *publica honestatis.*

XXVI. Oritur hoc impedimentum ex duobus; nimirum Matrimonio rato non consummato, & Sponsalibus de futuro. Licet enim nulla intervenerit conjunctio carnalis, atque ita proprie consanguinitas orta dici nequeat; tamen quia per Matrimonium mulier facta est vera uxor mariti; & per Sponsalia Desponsi saltem imperfecte jam conjuncti censentur, & quasi inchoarint contractum matrimonialem; minus honestum visum fuit, ut maritus cum consanguineis suæ uxoris quamvis nondum cognitæ, aut sponsus cum consanguineis sponsæ suæ nuptias contraheret.

XXVII. De hoc impedimento agit Gratianus, *caus. 27. q. 2.* atque inter alia Decreta profert unum sub nomine Julii Papæ, quo dicitur: "Si quis desponsaverit uxorem, vel subtrahaverit, & sive præveniente die mortis, sive irruentibus quibusdam aliis causis minime eam cognoverit, neque ejus superstes frater, neque ullus de consanguinitate ejus, eandem sibi tollat in uxorem ullo umquam tempore."

Si authenticum esset hoc Decretum, de antiquitate hujus impedimenti ambigi non posset; sed cum Eruditissimis hodie sit persuasum, esse supposititium, nihil inde certi haberi potest; uti nec ex aliis, quæ eam in rem allegat Gratianus, eo quod nihilo magis authentica sint. Illud sit certum, impedimentum hoc, in quantum ex Matrimonio rato oritur, se extendisse olim ad septimum gradum, exemplo impedimenti affinitatis; atque una cum hoc per Concilium Lateranense censeri restrictum ad quartum gradum.

XXVIII. Ortum vero ex Sponsalibus de futuro similiter olim se extendebat ad eundem gradum, modo essent *pura & certa*; id est, cum *certa & determinata* persona, licet quavis ratione *invalida*; & dummodo non essent nulla ex *defectu consensus*. oriebatur impedimentum efficax ad impediendum & dirimendum sequentia Sponsalia vel Matrimonia, *cap. unico, De Sponsalibus in VI.*

XXIX. At Synodus Tridentina edocta per experientiam de incommodis ex multitudine impedimentorum provenientibus, hoc quoque impedimentum limitavit; decrevitque citata *Sess. 24. cap. 3.* "Justitiæ publicæ honestatis impedimentum, ubi Sponsalia quacunque ratione *valida non erunt*, sancta Synodus prorsus tollit, ubi autem valida fuerint, primum gradum non excedant: quoniam in ulterioribus gradibus jam non potest hujusmodi prohibitio absque dispendio observari."

XXX. Synodus hic agere de Sponsalibus proprie dictis sive de futuro, edita speciali Constitutione quæ incipit *Ad Romanum 62.* in Bull. Rom. declaravit Pius V. "Attendentes (ait) quod Sponsaliorum appellatione, qua dictum Concilium utitur, non nisi improprie Matrimonium verbis de presenti conceptis contractum continentur; quodque agitur de correctione juris veteris, quo casu secundum proprietatem verborum dumtaxat procedendum est, præsertim cum longe majorem rationem prohibitionis in Matrimonio per verba de presenti contracto, quam in Sponsalibus de futuro vigere à nemine dubitatur."

XXXI. Nihil ergo circa impedimentum *publica honestatis* proveniens ex Matrimonio rato non consummato, innovavit Synodus Tridentina; ideoque ex pristino jure illud etiam hodie extenditur ad quartum gradum: ita ut, qui Matrimonium contraxerit cum Catharina, ea mortua ante consummationem, non possit valide contrahere citra dispensationem cum illa quæ Catharinam in quarto consanguinitatis gradu attingebat.

XXXII. Quin & hinc ulterius deducitur, hodie ex Matrimonio quavis ratione *nullo*, præterquam *defectu consensus*, oriri hoc impedimentum: quandoquidem jure veteri oriretur, & Synodus Tridentina nihil circa

circa hoc impedimentum, quatenus ex contracto Matrimonio oritur mutaverit: & hanc sententiam multis adstruit Fagnanus ad cap. AD AUDIENTIAM & De Sponsalibus.

Quoad impedimentum hoc ut proveniens ex Sponsalibus de futuro in duobus, jus commune correxit Synodus Tridentina.

XXXIII. Primo quidem contra Decretalem Bonifacii VIII. in cap. unico De Sponsalibus in VI. sublatum prorsus est hoc impedimentum ex Sponsalibus nullis, non tantum defectu consensus, sed quavis etiam alia ratione.

Sed quid, si valida quidem ab initio fuerint, sed mutuo consensu postmodum dissoluta? Cum revera fuerint Sponsalia valide contracta; adeoque verum fuerit, ipsos fuisse Desponsos, non apparet ex mente Synodi, ea posse comprehendi sub Sponsalibus invalidis, nec consequenter impedimentum publice honestatis ex hujusmodi Sponsalibus ortum, à Synodo esse omnino sublatum: atque ita non semel resolvit sanctam Congregationem testatur Fagnanus loco citato num. 29. ac signanter 6. Julii anno 1658. Quae resolutione ad Sanctissimum cum rationibus hinc inde deductis, & recentioribus ejusdem Congregationis in hac materia responsis, ipse Sanctissimus die 10. ejusdem mensis prædictam Congregationis resolutionem probavit, eandemque jussit in dubium deinceps non revocari.

XXXIV. Secundo, quoad Sponsalia valida restrinxit Synodus hoc impedimentum ad primum gradum; cum jure communi extenderetur ad quartum: ideoque Sponsus hodie potest contrahere cum consanguinea Sponsæ in secundo gradu.

Et quidem ut oriatur hoc impedimentum etiam usque ad primum gradum, requiritur, ut sint Sponsalia absoluta & valida, id est non conditionata, quorum effectus suspenditur à conditionis eventu; cum revera non sint absolute Sponsalia ante conditionis eventum. Barbosa in Collectaneis Doctorum ad citatum cap. 3. Synodi Tridentinae num. 10.

## CAPUT VIII.

### De Impedimento Criminis.

1. Adulterium apud Romanos impedimentum fuit.
2. Augustinus videtur Adulterium pro impedimento agnovisse.
3. Etiam seculo IX. idem obtinuisse verisimile est.
4. Gratianus non videtur intellexisse Canonem Concilii Triburienfis.
5. Gratianus Canones generaliter de Adulterio loquentes restrinxit.
6. Gratiani auctoritas fecit ut hæc restrictio pro jure sit recepta.
7. Eam insinuat Alexander III.
8. Innocentius III. eam pro jure habuit.
9. Adulterium dirimit, si sibi mutuo fidem dederint.
10. Ignorantia potest eatenus excusare, ut non oriatur impedimentum dirimens.
11. Alter casus quo Adulterium hodie dirimit Matrimonium.
12. Homicidium quandomodo dirimat Matrimonium?
13. Hæc impedimenta sunt juris positivi.
14. Quomodo de his populus monendus?

**M**ULTA olim crimina impedivisse Matrimonium, supra notatum fuit. Inter hæc autem fuisse Adulterium, dubium non est; neque illud solum impedivisse, sed & diremisse Matrimonium inter adulterum & adulteram, non obscure indicat Novella Justiniani 134. cap. 12. quod & apud Romanos cautum fuisse, colligitur non obscure ex l. 11. §. 11. &

l. 40. ff. Ad L. Juliam de Adulteriis. Unde ad dictam l. 40. notat Gothofredus: *Mulier nubere potest ei, cum quo Adulterii tantum insimulata est, non convicta.*

II. Idipsum probare videtur Augustinus, lib. 1. De Nuptiis & concupiscentia, cap. 10. ubi ita legitur: „Marito mortuo cum quo verum connubium fuit, fieri verum connubium non potest cum quo prius Adulterium fuit.

Refert quidem Gratianus caus. 31. quest. 1. Can. 2. hunc textum Augustini sine negatione, sed perperam, uti post Correctores Romanos noravit Cujacius ad cap. 1. & De eo qui duxit in Matrimonium quam polluit per Adulterium; ubi quoque observat, juxta antiquos Canones, mulierem quæ sciens se præbuit alieno marito, nunquam potuisse cum eo Matrimonium inire.

III. Et quidem multis seculis eam disciplinam viguisse verisimile est ex Can. 40. Concilii Triburienfis anno 895. in quo generaliter definitur: „Non licet ergo, nec Christianæ religioni oportet, ut ullus ea uratur in Matrimonio, cum qua prius pollutus est adulterio.

IV. In illo quidem Canone specialis casus proponitur & deciditur; nimirum quo adulteri sibi mutuo fidem dederant, interposito juramento de ineundo Matrimonio post mortem alterius legitimæ partis; sed post decisionem casus, prædictam generalem conclusionem Patres subjiciunt: quod non advertens Gratianus, fragmentum Canonis tantum referens, hanc ei epigraphen præfixit: *Post mortem viri non potest adulterum in conjugium ducere, qui, viro vivente, JURAMENTUM sibi futurarum nuptiarum præbuit.*

V. Quin & Canonibus generaliter loquentibus ipse Gratianus hanc restrictionem adhibendam censuit: „Si nihil in mortem viri machinatus fuerit, vel si vivente viro fidem adulteræ non dedit, se sumpturum eam sibi in conjugem, si viro ejus superviveret. „Habetur post Can. 3. caus. 31. q. 1.

VI. Cum autem circa seculum XII. & XIII. auctoritas Decreti Gratiani ita invaluisse, ut vix aliunde, quam ex illo desumerentur quæ questionibus disciplinæ decidendis servire possent, tandem hæc restrictio Gratiani pro jure invaluit; uti observat Cujacius loco citato.

VII. Hinc Alexander III. seculo XII. hanc restrictionem non obscure admittit in cap. 1. & De eo qui duxit in Matrimonium, quam polluit per adulterium, dicens: „Licet in Canonibus habeatur, ut nullus copulet Matrimonio, quam prius polluerat adulterio, & illam maxime cui fidem dederat uxore sua vivente; vel quæ machinata est in mortem uxoris, &c.

VIII. Sed apertius subsequentes Pontifices eam admisere: quin & definierunt, legitimum esse Matrimonium adulteri cum adultera, post mortem legitimæ uxoris, „nisi alter eorum in mortem uxoris defunctæ fuerit machinatus, vel, ea vivente, sibi fidem dederit, de Matrimonio contrahendo. „Uti respondit & definiit Innocentius III. in cap. 6. & eod. quæ definitio & responsum pro jure hodie recepta sunt.

IX. Itaque juxta modernam disciplinam, adulterium generaliter non dirimit Matrimonium cum adultera initum, sed his duntaxat casibus.

Primo, si sibi fidem dederint de contrahendo Matrimonio; vel si de facto Matrimonium initum sit, licet sciretur alter conjugum adhuc vivere; sive id contigerit ante vel post commissum adulterium; uti deciditur in cap. fin. & eod.

X. Si autem mulier ignoraverit, adulterum junctum esse Matrimonio, non prohibetur eo casu Matrimonium, mortua uxore, cum eo contrahere cap. 7. & eod. quia non intervenit *furva*le adulterium. Immo, si de facto contractum sit Matrimonium, licet nulliter ob prius Matrimonium mariti adhuc subsistens; si tamen mulier, quæ

quæ hoc Matrimonium ignorabat, in secundo manere velit, vir ab ea recedere non potest, *cap. 1. & eod.* quia dignum non est, ut vir, qui scienter contra Canones venerat, lucrum de suo dolo reportet.

XI. Alter casus, quo non subsistit Matrimonium inter adulterum & adulteram, est, si vel maritus adulter aliquid machinatus fuerit in mortem conjugis suæ; vel mariti adulteræ, ut cum ea contrahere posset; vel adultera in mortem sui mariti, vel uxoris adulteri, *cap. 3. & eod.*

XII. Homicidium quoque dirimit Matrimonium sine adulterio, dum scilicet vir aut uxor cum tertio conspiravit in mortem suæ compartis: quo casu si fuerit mors sequuta non poterit superstes cum tertio illo Matrimonium inire, *cap. 1. & De conversione infidelium*; licet alter esset infidelis, & ad ejus conversionem patrata esset talis occisio, & initum Matrimonium: Cum tale damnum tali lucro Ecclesia compensare non velit.

XIII. Impedimentum adulterii etiam juncta machinatione in mortem mariti adulteræ esse tantum juris positivi, colligitur ex Matrimonio Davidis cum Bethsabee; illud tamen rectè inductum est, ut hoc saltem pacto hujusmodi scelera cohiberentur, dum scirent, his criminibus ad Matrimonia pervenire non posse.

XIV. Merito subinde, sed tamen castè & prudenter, populus de hoc monendus; præcipue de adulterio cum promissione; quia natum est, ut frequentius usu veniat. Et generatim subinde saltem moneantur, ut si adulterium aut homicidium intervenerit, tunc inquirent, an impedimentum non sit.

## CAPUT IX.

### De Impedimento ex Cultûs disparitate.

1. Quinam dicantur dispares cultu?
2. Rarus bodie hic impedimenti hujus usus.
3. Impedimentum hoc olim incognitum.
4. Hoc impedimentum consuetudine videtur introductum.
5. Justa de causa Ecclesia hoc impedimentum probavit.
6. Matrimonia Catholici cum Hæretica apud Græcos fuerunt jam pridem invalida.
7. Ecclesia Latina ejusmodi Matrimonia non habet pro irritis.
8. Parochi à similibus Matrimoniis detertere debent ob periculum perversionis.
9. Secundò, ostendere debent Parochi periculum ex istis Matrimoniis prolihus imminens.
10. Insuper quàm facile pars Catholica ab Acatolica perverti possit.
11. Cur Ecclesia potius Matrimonium cum non baptizato quàm cum Hæretico irritum fecerit?
12. Quomodo Matrimonium Catholici cum Hæretica aliquando permitti possit.

I. CULTûs disparitas hic non accipitur pro quavis in religione disparitate; quasi dispares in cultu conferentur, qui diversam profitentur religionem, v.g. Catholicam & Calvinisticam seu Lutheranam; sed soli & omnes illi dicuntur hic dispares cultu, quorum unus est validè baptizatus, & alter non est validè baptizatus; tamen etiam ambo profiterentur eandem Religionem Catholicam; modò unus eorum esset tantum baptizatus, alter verò adhuc esset Catechumenus: si autem uterque sit baptizatus, quantumvis disparem religionem profiteantur, nequaquam inter ipsos, juxta vulgarem & jam receptum modum loquendi, est disparitas cultûs.

II. Cum hodie præsertim hisce in Regionibus pauci sint non baptizati, & pauciores, qui cum non baptizatis

conjugia inire prætendant, rarus admodum est in hisce Regionibus hujus impedimenti usus.

III. De hoc inter omnes passim convenit, hoc impedimentum multis sæculis fuisse incognitum; atque olim inter dispares cultu eo modo sumptos, constituisse verum Matrimonium; taleque fuisse Matrimonium Sanctæ Monicæ matris Sancti Augustini cum Patricio viro ethnico non baptizato; quod narrat ipse Augustinus, *lib. 9. Confess. cap. 9.* nec quidquam scribit, unde colligatur Matrimonium improbalie.

IV. Hoc insuper sat communiter receptum, hoc impedimentum non aliquo positivo Ecclesiæ Decreto, sed jure quodam consuetudinario esse introductum; atque hinc deducitur, consuetudine impedimenta dirimentia induci posse: quod & exprimitur in *cap. 1. & De Cognatione spiritali*; ubi respondet Alexander III. inter certas personas ibidem expressas conjugium iniri posse, nisi consuetudo Ecclesiæ, quæ scandalum generet, aliter se habeat.

V. Illud negari nequit, quin iustissimis de causis Ecclesia hoc impedimentum receperit; semperque visum esse, hujusmodi conjugia multis incommodis solere esse obnoxia; quæ fusè & eleganter jam pridem descripsit Tertullianus, *lib. 2. Ad uxorem, cap. 2.*

VI. Quoad Matrimonia baptizatorum, quorum una partium est Catholica, altera vero hæretica, apud Græcos jam pridem invalida fuisse videntur juxta *Can. 72. Trullanum*, quo decernitur: "Non licere virum orthodoxum cum muliere hæretica conjungi, neque verò orthodoxam cum viro hæretico copulari: sed & si quid ejusmodi à quopiam factum apparuerit, irritas nuptias existimare, & nefarium conjugium dissolvi. Neque enim ea, quæ non sunt miscenda misceri, nec ovem cum lupo, nec peccatorum sortem cum Christi parte conjungi oportet. (a)"

Hæc conjugia invalida hic declarari norant Balsamon & Zonaras in notis ad hunc Canonem: "Nam qui simul ita vivunt (ait Zonaras) ut eorum animi in iis, quæ ad fidem pertinent, contrario modo affecti sint, quo pacto eos in aliis rebus convenire posse, quibus piam arbitretur? Quorumque sensus in iis, quæ sunt fidei, quorum prima est atque præcipua ratio, minime congruunt, quo pacto inter se æquis animis in reliqua vitæ societate communicabunt."

VII. Quamvis Ecclesia Latina nullum impedimentum saltem dirimens hætenus statuerit, quo Matrimonium Catholici cum hæretica irritetur, nihilominus jam pridem ob plura ex similibus Matrimoniis sequi nata incommoda, ea improbat, & hodie improbat; ac novissimè conformiter ad mentem Ecclesiæ Episcopus Castoriensis per Provincias confederatas Vicarius Apostolicus hoc edidit Decretum: "Prohibemus sub poena suspensionis ab officio Missionis omnibus Missionariis, ne quis personas, quarum altera est Acatolica, nobis inconsultis & sine speciali nostro consensu, præsumat conjungere."

VIII. Deinde in eodem Decreto sive Constitutionibus additur: "Sæpe deterreant Pastores alique Missionarii plebem Catholicam, ne conjugii jugum ducant cum infidelibus, nec cum illis velint unum corpus fieri, cum quibus non possunt fieri unus spiritus."

Motiva, quibus Parochi fideles à similibus Matrimoniis deducant, desumi imprimis possunt ex periculo perversionis, non tantum prolihus, sed & nepotibus & pronepotibus subinde in multas generationes imminente ex hujusmodi Matrimonio cum persona Acatolica.

IX. Et quidem advertendum, periculum prolihus imminens non satis præcaveri per juramentum & promissiones conjugis hæretici, si quidem Ministri Acatolici facile dicturi sunt istiusmodi juramenta non esse tantum non servanda; sed & servari illicitè. Ac

(a) Hunc Canonem fusius exposuit Auctor noster in suis Schæhis ad Canones Concilii Quini-Sexti. *Canone 72.*

cedit



cedit non leve periculum hæreticæ educationis prolibus immineas, etiam vivente parente Catholico, seu à blanditiis matris hæreticæ, seu à minis Patris hæretici, potissimum iis in locis, ubi penes A catholicos est suprema potestas. Et quod semper adest, exemplum parentis hæretici; nec non quotidiana de hæresi colloquia, & de fide quæstiones & contentiones, quæ nata sunt, si non extinguere, saltem imminuere fidem Catholicam, ipsasque proles in fide Catholica vacillantes & flaccidas reddere.

X. Ostendi insuper potest, non infrequenter etiam parti Catholicæ perversionis periculum imminere; eò quòd tam arcta conjunctio, qualis est matrimonialis, soleat mores partis hæreticæ facillè derivare in partem Catholicam; atque sensim parte Catholicâ ex naturali erga compartem affectu, & morum imitatione non-nihil excæcatâ, incipiat hæresis ipsi minùs horrida apparere: sicque minùs ab hæresi abhorre; & tandem ut comparti placeat, eam amplecti: præsertim quòd qui hujusmodi Matrimonia ineunt, non soleant ab hæresi esse tantopere alieni: quia si multum eam exhorruissent, nolissent tam arcto vinculo personæ hæreticæ jungi.

XI. Plura alia motiva ex incommodis & infaustis similibus Matrimoniorum effectibus desumenda, facillè Parochis, præcipuè in Provinciis ubi frequentiora esse consueverunt talia Matrimonia, per quotidianam experientiam occurrent, nec dubium, quin reperient, non raro ex Matrimoniis personæ Catholicæ cum A catholica eadem incommoda oriri, quæ suo tempore Matrimonia Fidelis cum Infideli secum trahere, dixit Tertullianus loco suprâ allegato: potius tamen Ecclesia induxit, aut induci passa est impedimentum dirimens Matrimonium Fidelis cum Infideli, seu baptizati cum non baptizata, quàm Catholici cum Hæretici: eò quòd faciliùs sciri queat, quis non sit baptizatus, quàm quis dicendus ac reputandus sit Hæreticus.

XII. Adhæc, licet incommoda, quæ Matrimonia Catholici cum Hæretici comitari solent, non evincant, simile Matrimonium semper jure naturæ esse illicitum; eò quòd queant esse circumstantiæ, quæ sperari faciant tanta bona ex simili Matrimonio; aut hujusmodi necessitas concurrat, ut prævaleant incommodis, quæ timeantur, nihilominus hoc concludunt, similia Matrimonia ut plurimum etiam jure naturali esse illicita: prudenterque positivo Decreto inferioribus Parochis seu Missionariis esse interdictum, ne istiusmodi Matrimonii assistant; nisi priùs Episcopus consenserit. (a)

(a) D. de Hericourt de Legibus Eccles. part. 2. num. 48. Edit. an. 1743. arbitratur Matrimonium quòd Catholicus cum hæretico in Galliis contraxit esse invalidum: nititur articulo Edicti quod an. 1680. dedit Ludovicus XIV. ubi de ejusmodi Matrimoniis legitur. *Declarans vel Mariages, non valablement contractés. Quod intelligi debet de Hæreticis notoriè declaratis.*

## CAPUT X.

### De Metu.

1. Quid metus, & an causet involuntarium?
2. Qua ratione in actione ex metu interveniat involuntarium?
3. Quis sit metus cadens in virum constantem?
4. Quis dicendus metus levis?
5. Metus levis non est facillè attendendus.
6. Quid considerandum in metu?
7. Quis censendus sit hic & nunc metus gravis, à judice determinandum; & unde?
8. Qualiter judex hic procedere debeat?
9. Metus gravis reddit Matrimonium nullum.
10. Impedimentum hoc potius juri naturali, quàm positivo adscribendum.
11. An metus de se levis aliquando irritet Matrimonium?

12. In his Provinciis non facillè ob præsumptum metum Matrimonia invalida declaranda; & quare?
13. Quid Parocho agendum, si metum subesse suspicetur?
14. Metus gravis voluntarius in causa non dirimit Matrimonium.
15. Debet esse incussus ad Matrimonium contrahendum.
16. Non refert, à quo fuerit incussus.

I. **M**ETUS est, inquit Jurisconsultus in l. 1. ff. *Quod metus causâ gestum est*; instantis, vel futuri periculi causâ mentis trepidatio.

Metus non causat absolutè involuntarium; quia qui ex metu aliquid agit, voluntariè id agit, ut illud quod metuit, evadat. Exempli gratiâ, qui ex navi ejicit merces ob periculum naufragii, voluntariè eligit ejectionem mercium, ut evitet imminens naufragium; ipsamque ejectionem mercium prælegit potius, quàm sustinere periculum naufragii, eamque electionem voluntariè facit; id est, cum plena advertentia rationis, ac deliberatione voluntatis.

II. Advertendum tamen, quòd is, qui metu adactus aliquid agit, licet id voluntariè agat, ideòque coacta voluntas sit, ut loquuntur Jurisconsulti, nihilominus & illud certum est, in actione metu elicitâ intervenire quoddam involuntarium contrarium libertati.

Qui enim ob instans aut prævisum aliquod malum sibi imminens quidquam agit, non facturus nisi illud malum sibi immineret, non omninò liberè; sed ab imminente illo malo quasi adactus, hoc præ alio eligit.

III. Et quidem si malum imminens sit hujusmodi, ut hominem alioquin prudentem, & in rebus agendis non levem moveret, ut faceret istud quod aliàs non fecisset, si periculum illius mali non adfuisset, dicitur is egisse ex metu gravi seu prudenti: dicitur is metus vulgò metus *cadens in virum constantem*, in cap. 4. *De his, quæ vi metusve causâ*, & cap. 15. & 28. *De Sponsalibus*.

IV. Si verò malum imminens sit adeò leve, aut periculum illius ita remotum, aut tam parum verisimile, ut nullum virum prudentem & constantem moveret ad faciendum, quod factum est, dicitur id factum ex metu levi & vano; neque jura illius rationem haberi voluerunt.

V. Unde scribit Jurisconsultus in l. 6. ff. *Quod vi metusve causâ gestum erit*; "Metum autem non vani hominis, sed qui merito & in hominem constantissimum cadat, ad hoc Edictum pertinere dicemus." Edictum nimirum Prætoris, de quo in l. 1. ff. *ead.* *Quod metus causâ gestum erit, ratum non habeo*. Deinde eodem fundamento dicitur in l. 7. ff. *ead.* "Proinde si quis meticulosus rem nullam frustra timuerit, per hoc Edictum non restituitur: quoniam neque vi, neque metus causâ gestum est."

Similiter in citato cap. 28. respondet Pontifex: "De illato metu est cum diligentia inquirendum, & si talis metus inveniat illatus, qui potuit cadere in constantem virum, erunt non immerito audiendæ." Sat innuens, ob metum levem & vanum neminem audiendum.

VI. Itaque rectè ait Covarruvias *De Matrimonio*, part. 2. §. 4. num. 5. "Virim interpretor prudentem, qui sciat eligere minus malum ob majoris mali periculum evitandum."

Hinc infert num. 6. "Non esse metum cadentem in virum constantem, nec excusare, si quis etiam ad evitandam mortem eligeret peccare mortaliter: imprudens enim esset omninò, qui mallet mortaliter peccare, quàm mortem ipsam corporis subire."

Inde ulterius pater, metum aliquem posse de se ac simpliciter consideratum esse *metum gravem*, & qui moveret virum prudentem, si comparetur ad unam actionem, & tamen non esse talem comparatum ad aliam actionem.

Quis enim ambigat, quin metus imminens mortis

ris sit metus, qui merito moveret virum prudentem ad eligendam amissionem notabilis summæ pecuniæ; qui tamen non sit sufficiens, ut eundem moveat ad peccandum mortaliter.

VII. Similiter & personarum sexum, conditionem, aliasque circumstantias expendendas esse, ut judicetur, an hic & nunc fuerit metus gravis, an levis, dubium non est: atque communiter tradunt Canonistæ post Glossam, in *cap. CUM DILECTUS* & *De iis, quæ vi metusve causâ*, arbitrio iudicis relinquendum esse, quinam metus dicatur cadere in constantem virum. „Iudex enim (ait Covarruvias *num. 15.*) ut ipse intelligo, arbitrabitur, an vir prudens & constans eligeret potius idagere, quod timoris causâ sit, quam periculum quod imminet subire.

VIII. Ex quo dein *num. 16.* infert: „Iudex arbitrio proprio decernere debet, non ita anxie, atque strictè hanc eligendi prudentiam exigendam esse in feminis, quibus à natura inest minor animi vigor, corporisque fortitudo: sed considerandum esse, quid femina constans eligeret, pensatâ naturali feminarum prudentiâ. Aliquid enim cogeret feminam, etiam constantem, ad eligendum id, quod vir constans minimè eligeret.

IX. His præmissis, indubitatum est, metum gravem seu cadentem in *virum constantem*, non tantum contractum matrimoniale subicere legi rescissionis, sive metu adactum, contractum matrimoniale officio iudicis rescindi petere posse; quemadmodum in aliis contractibus metu iniuris iura statuunt; sed ipsum Matrimonium dirimere, sive Matrimonium ex simili metu initum esse nullum; ut aperte supponitur in *cap. 15. & 28. De Sponsalibus*, & *cap. 2. De eo, qui duxit in Matrimonium, quam polluit per adulterium*. Ratio indicatur in *cap. 17. De Sponsalibus*, cum libera debeant esse Matrimonia, & coactiones difficiles soleant frequenter exitus habere.

X. Illud hæc notandum, Pontifices in citatis Decretis non inducere impedimentum *dirimens*; sed resolvere simpliciter, Matrimonia per metum inita esse *invalida*; adeoque impedimentum illud supponere. Et reverà cum contractus matrimonialis sit præ cæteris contractibus mutui amoris & dilectionis conjunctio, etiam præ cæteris exigit quamdam libertatem, atque omnem coactionem abhorret: præsertim quia semel validus & perfectus quamdam habet indissolubilitatem: neque adinstar aliorum contractuum rescindi facile potest: ut proinde merito hoc impedimentum non soli juri positivo; sed naturali adscribendum sit.

XI. Porro quamvis metus de se *levis*, neque aptus ut virum aut etiam mulierem prudentem ad eligendum Matrimonium moveret, queat subinde in aliqua persona metulosa causare involuntarium, seu libertatem adimere, hujus tamen rationem Ecclesia habere non solet; ne alias passim *invalida* prætendi possent Matrimonia; & quia „non facile Ecclesia, quæ non judicat de occultis, præsumit, aut probatum habet spontaneum consensum defuisse ex leviusculo metu, quamvis à parte rei aliud sit; „ait Zypæus, *Consult. 1. De iis, quæ vi vel metu*: qui addit: „Quando tamen reverà ex iudicio viri prudentis constaret, levem licet causam, verè tamen gravem metum incussisse, tantumque ut spontaneum consensum defuisse commoustraret, non dubitem Matrimonium pro irritato haberi: quia certè nihil interest, quo metu quis compulsus sit, dum constar compulsus esse.

XII. Non facile tamen judicandum est, ob levem metum consensum spontaneum & sufficientem defuisse; neque præsertim hisce in Regionibus, facile Matrimonium, ob metum præsentem nullum declarandum; cum juxta Ritualia non antea conjungendi sint, quam interrogati à Parocho, an venerint ad contrahendum suâ voluntate, & à nullo coacti, responderint affirmativè.

Tom. I.

XIII. Si tamen Parocho suspicio suboritur, quòd metus ab alterutra parte subesset, poterit non tantum in ipso actu conjunctionis, modo prædicto interrogando; sed vel maximè præviè id examinare; purà dum uterque examinatur seorsim, an sciat scitu necessaria; aut aliâ occasione, quæ Parocho convenientior videbitur.

Hanc inquisitionem commendat Synodus P. I. Mechliniensis, titulo *De Sponsalibus*, *cap. 2.* his verbis: „Quia coactæ nuptiæ tristem plerumque & luctuosum habent exitum, diligenter inquirent Pastores, an Matrimonium contracturi sponte & animo deliberato, non vi aut metu parentum, amicorum aut aliorum coacti ad Matrimonium procedant, Quòd si invenerint aliquem vel aliquam ex contrahentibus coactum ad contrahendum, nullo modo ad conjunctionem eorum procedere audeant; neque alteri vices suas committant, sub pœna suspensionis ab officio & beneficio.

XIV. Metum gravem dirimere Matrimonium, quia impedit spontaneum ac liberum consensum supra notavimus; unde si ipse sponsus causam metus voluntariè posuerit, ita ut metus proveniat ex *causa* ab ipso metum patiente, voluntariè *posita*; metus *justè* ob illam causam incussus Matrimonium non irritabit. Exempli gratiâ, si iudex carcerem aliamve pœnam minetur juveni, nò contrahat cum puella, quam sub promissione Matrimonii stupravit; & ipse juvenis ex metu compingatur pœnæ Matrimonium contrahat cum illa, aliàs non contrahatur, Matrimonium erit validum; quia voluntarium, quod fuit in ponendo actu, qui comminatæ pœnæ & metui causam dedit, supplet si quid forsitan modò circa voluntarium in contractu matrimoniali deesset.

XV. Adhæc requiritur ut metus sit incussus in finem Matrimonii consensus extorquendi: aliter enim vis directâ non fit huic contractui: v. g. si quis metu inferni, vel mortis aliundè imminenti aliquam ducit; (vel ut sapè fit) metu incontinentiæ, paupertatis, &c. validum est Matrimonium.

XVI. Illud autem non refert, à quo inferatur, an ab altero contrahentium; an à tertio v. g. à parentibus, modò injustè & directè ad extorquendum Matrimonium: sed quòd per metum taliter incussus reverà spontaneus consensus impediatur; quod aperte supponit prædictum Decretum Synodi Mechliniensis. (a)

(a) Qui in Galliis personas sibi subditas per vim seu metum gravem adigunt ad contrahenda Matrimonia, illi excidunt gradu nobilitatis, hincque rei criminis raptus, ut constat Edicto Blesensi.

## CAPUT XI.

### De Impedimento Raptus.

1. Plures pœnæ per leges Romanas contra Raptorem.
2. Etiam in Belgio.
3. Ex lege Justiniani Raptus videtur fuisse impedimentum perpetuum.
4. Id ipsum indicant Capitularia Regum Francorum.
5. Videtur quod olim nunquam licitum aut validum fuit inter Raptorem & raptam.
6. Aliquando relaxatum fuit hoc impedimentum.
7. Quid statuerit circa hoc impedimentum Synodus Tridentina?
8. Qua ratione dicatur per Synodum Tridentinam indultum novum impedimentum.
9. In quibus Decretum Tridentinum discordet à pristina disciplina.
10. Quæ sint pœnæ contra Raptum ex Decreto Concilii Tridentini.
11. In quibus hæc pœnæ locum habeant.
12. Synodus Tridentina videtur loqui de raptu, qui violentiam adjunctam habet.

F F F F

13. In

13. In Gallia etiam attenditur Raptus seductionis sine violentia.

14. Hic Raptus frequentior, & quando Matrimonium dirimat?

I. QUAM graves acerbæque pœnæ olim per leges Imperiales contra raptum decretæ fuerint, videri potest in legibus Constantini Magni ejusque filii Constantii, nec non Gratiani, quæ referuntur in Codice Theodosiano, lib. 9. tit. 24. De Raptu Virginum vel Viduarum; nec non in L. unica Cod. Justin. cod. tit. quas passim interpretes ac signanter Gothofredus, ad citatum titulum Codicis Theodosiani latè explicant; notatque speciatim Gothofredus, quod Constantinus Magnus, ut omnis via obstrueretur ad hoc crimen committendum, neque Raptæ consensu, neque parentum ratihabitione, patientiâ, silentio hoc crimen elui voluerit; aut raptum hoc patrocinio sustineri, Raptoresque denique ea spe sibi blandiri.

II. Hic in Belgio olim gravissimis pœnis quoque raptus puniebatur; uti ex antiquis Principum nostrorum tabulis cognosci potest, quas recitat Zypæus ad titulum De Sponsalibus, num. 25.

III. Sed quod ad præsentem materiam, nimirum impedimenti Matrimonii, propius accedit, Justinianus in citata Lege unica decrevit: "Nec sit facultas raptæ virginis vel viduæ vel cuilibet mulieri, raptorem in suum sibi maritum exposcere, sed cui parentes voluerint (excepto raptore) eam legitime copulent Matrimonio: quoniam nullo modo, nulloque tempore datur à nostra Serenitate licentia eis consentire, qui hostili more in nostra republica Matrimonia student sibi conjungere. Oportet etenim, ut quicumque uxorem ducere voluerit, sive ingenuam, sive libertinam, secundum nostras leges, & antiquam consuetudinem; parentes, vel alios, quos decet, petat, ut cum eorum voluntate fiat legitimus conjugium."

Quin ibidem Justinianus voluerit esse impedimentum perpetuum, nullo quantumvis spontaneo consensu ipsius raptæ abolendum; inter raptorem & raptam, evidens est.

IV. Ipsa quoque Regum Francorum Capitularia idipsum indicant. Legitur enim lib. 6. cap. 69. "Si quis alterius sponsam, virginem aut viduam necdum desponsatam rapuerit, vel furatus fuerit, placuit ut five eam postea sponsaverit, sive dotaverit, seu non, sive cum parentum ejus voluntate quocumque commento ipsam accipere vel tenere potuerit. nunquam illam uxorem habeat; sed raptori aut furi auferatur, & proximis suis alio viro, tempore congruo, si ipsa hoc malum non consenserit, nuptura legibusque acceptura reddatur." Et lib. 7. cap. 395. "Placuit, ut hi, qui rapiunt feminas vel furantur, aut seducunt, ut eas nullatenus habeant uxores, quamvis eis postmodum conveniat, aut eas dotaverint, vel nuptialiter cum consensu parentum suorum acceperint." Extat apud Gratianum, Caus. 36. q. 2. Can. 11. sed sub nomine Concilii Aquisgranensis; notantque Correctores Romani idipsum Decretum inveniri in Concilio Rhemensis Trosleiano cap. 8.

In Synodo Regiaricina sive Ticinensi anno 850. cap. 10. decernitur, quod puellæ, "ipsis, à quibus raptæ sunt, legitimæ demum uxores nullatenus esse possint."

V. Ex his aliisque nonnullis Canonibus seculis septimo & sequentibus editis, credunt nonnulli, raptum fuisse saltem, in quibusdam Ecclesiis impedimentum dirimens perpetuum inter raptorem & raptam; adeo ut nec per spontaneum consensum raptæ, tametsi à rapta in loco tuto, & extra potestatem raptoris constituta præstius fuisset.

VI. Quidquid sit, illud constat, seculo undecimo & sequentibus impedimentum hoc relaxatum fuisse; atque Matrimonium inter raptorem & raptam validum reputatum, modò consensus raptæ intervenisset; res-

ponditque conformiter ad hanc disciplinam Innocentius III. in cap. 7. De Raptoribus: "Rapta puella legitime contrahet cum raptore, si prior dissensio transeat postmodum in consensum: & quod at tē displicuit, tandem incipiat complacere."

VII. Synodus Tridentina expendens quàm parùm fidendum sit consensui, quem puella, quamdiu est in potestate raptoris, præfert, decernit Sess. 24. cap. 6. De Reformatione Matrimonii; Inter raptorem & raptam, quamdiu ipsa in potestate raptoris manserit, nulum posse consistere Matrimonium.

VIII. Itaque juxta hoc Decretum subsistit impedimentum dirimens inter raptorem & raptam, quamdiu hæc manet in potestate raptoris; ut quamvis eo tempore puella reverà consentiret in Matrimonium cum raptore, nihilominus Matrimonium sic contractum esset nullum; licet Jure Decretalium fuisset validum: atque hoc ex capite dicitur à Synodo Tridentina, novum impedimentum dirimens hic inductum.

IX. Quod verò permittit Synodus Tridentina, si rapta à raptore separata, & in loco tuto & libero constituta, illum in virum habere consenserit; eam raptor in uxorem habeat: eatenus à Lege Justinianæ & Canonibus supra relatis recedit, à quibus jam tempore Synodi recessum erat.

X. Addit quoque Synodus pœnas: ut nimirum "raptor ipse, ac omnes illi consilium, auxilium aut favorem præbentes, sint ipso jure excommunicati, ac perpetuo infames; omniumque dignitatum incapaces; & si Clerici fuerint, de proprio gradu decedant. Teatur præterea raptor mulierem raptam, sive eam uxorem duxerit, sive non duxerit, decenter arbitrio judicis dotare."

XI. Tridentina Synodus hic duntaxat loqui videtur de rapto in ordine ad Matrimonium contrahendum, ut fufius probat Sanchez, lib. 7. De Matrimonio, Disp. 13. num. 4. hoc unà monens, num. 10. "His pœnis locum esse, quamvis rapta causâ Matrimonii non sit perducta ad locum destinatum, sed in ipso itinere relinquitur raptor; quod delictum hoc raptoris in ipsa abductione consummetur, & tunc perfectè irrogetur Matrimonii libertati injuria: nec consilium spectet, ut raptor in aliquo loco jam raptam constituerit, vel eam duxerit: sed tantum ut rapuerit causâ Matrimonii, illamque sub suam potestatem reponerit."

XII. Quia Synodus permittit Matrimonium raptæ cum raptore, si illa in loco tuto ac libero extra potestatem raptoris consentiat, creditur à plerisque, Synodum tantum hoc Decreto comprehendisse raptum, qui ipsi raptæ violentiam infert; & quo ipsa cum renitu & violentia corporali rapitur causâ contrahendi Matrimonium; neque esse raptum ad mentem Synodi, si quis aliquam vel aliquem minorennem blanditiis, amatoriis incitamentis ac lenociniis seducat, ut consentiat, & inficiis aut etiam invitis parentibus Matrimonii contrahendi causâ recedat, eò quod ipsi seductæ nulla violentia illata videatur; ipsaque licet mediis inhonestis ac fallacibus inducta, reverà consenserit: hæcque interpretatio hæc in regionibus recepta videtur; neque hujusmodi Matrimonia invalida habentur.

XIII. In Gallia verò duplicem raptum distinguunt; alterum scilicet per violentiam, sive per vim apertam; rapiendo violentè personam causâ Matrimonii contrahendi; alterum verò vocant per subornationem sive seductionem; huncque frequentiore & periculosiore dicunt, committiturque quando raptor corrumpit, & seducit mentem & spiritum personæ raptæ, & per lenocinii & incitamenta libidinis, aliæ allicitia inhonestæ motiva, & occultas ac artificiosas sollicitationes & praxes inducit ad consensum matrimoniale.

XIV. Raptus hic subornationis sive seductionis locum non habet in omni genere personarum, sed tantum in filiis familias minoribus, qui magis sunt subiecti sedu-

ctioni



tionem, & ob auctoritatem parentum quibus subsunt, non creduntur potuisse seduci, nisi eos circumveniando & corrumpendo eorum mentem, quemadmodum latius deducit Claudius Blondeau in sua Bibliotheca Canonica, pag. 82. editionis anni 1689. ibidem adstruens:

Raptum hunc esse ex usu Ecclesiae Gallicanae impedimentum, ipsisque parentibus jus esse agendi ad nullitatem hujusmodi Matrimoniorum. (a)

(a) In Gallia seductio locum non habet ultra annum 25. id constat Editio Blasensi.

## TITULUS XIV.

### DE DISPENSATIONIBUS MATRIMONIALIBUS.

#### CAPUT I.

De usu Dispensationum Matrimonialium; & cui Auctoritas dispensandi competat.

1. Impedimenta jure humano inducenda possunt auctoritate humana tolli.
2. Imperatores in impedimentis à se inductis dispensant.
3. Canon Synodi Tridentinae auctoritatem dispensandi adstruunt.
4. Ecclesia primitus parce admodum dispensabat.
5. Romani Pontifices veterum Canonum custodes & executores.
6. Qua occasione per dispensationes ceperint à praescripto canonum recedere?
7. Primus fere dispensavit Innocentius III.
8. Facilius semper fuit dispensatio super Matrimonio jam contracto. quam contrahendo.
9. Decretum Synodi Tridentinae circa dispensationes super impedimentis Matrimonii.
10. Regula à Synodo Tridentina praescripta ad Romanum Pontificem diriguntur.
11. Ex mente Synodi raro dispensandum praesertim super Matrimonio contrahendis.
12. Dispensatio non nisi ex justa ratione, & causa cognita concedenda.
13. Auctoritas dispensandi super impedimentis dirimentibus, fere soli Sedi Apostolicae competit.
14. Auctoritas dispensandi competens Episcopo Leodiensi.
15. An eadem competat Episcopis Belgii?
16. Quando Episcopi possint dispensare in Matrimonio cum impedimento dirimente nulliter contracto.
17. Quandoque dispensandi reservatio Papae facta dicenda sit cessare?
18. Episcopus dispensat super impedimento superveniente jam Matrimonio contracto.
19. Quid de impedimentis impediens tantum?

**I**N his quae juris humani sunt, nonnumquam auctoritate eorum qui legem tulerunt, dispensari posse, nemo unquam dubitavit; atque de hac dispensatione recte scripsit ad sanctum Anselmum Cantuariensem Paschalis II. Epist. 42. "Dispensationis modus, sicut Beatus Cyrillus in Epistola Ephesine Synodi loquitur, nulli unquam Sapientum displicuit. Novimus enim sanctos Patres nostros, & ipsos Apostolos, pro temporum articulis, & qualibus personarum dispensationibus usos." Plura in hanc rem videri possunt apud Gratianum, Caus. 1. quæst. 7.

Porro inter impedimenta Matrimonii plura hodie esse & jam pridem fuisse, solo jure humano inducta superiori titulo ostensum fuit. Hæc itaque eadem auctoritate, qua constituta sunt, vel generaliter tolli, vel in particularibus circumstantiis suspendi posse, ut Ma-

Tom. I.

trimonium, non obstante hoc impedimento, licite & valide contrahi queat, nemo dubitaverit, nisi qui inficiari audeat, eum qui legem tulit, posse legem tollere, aut, iusta causa interveniente, dispensare.

II. Quapropter Imperatores dum nuptias inter certas personas lege generali veruerunt, eas ex iusta causa inter hujusmodi personas permittere posse non dubitarunt.

Inter tutorem & pupillam Jure Romano vetitæ erant nuptiæ, toto titulo Codicis, *De Interdicto Matrimonio inter pupillam & tutorem*; interveniente Principis auctoritate seu dispensatione, nuptiæ inter pupillam & tutorem iniri poterant, ut manifestum est ex penult. Cod. dicto titulo.

Similiter, ut præcedenti titulo cap. 6. notatum est, lege Theodosiana vetitæ erant nuptiæ consobrinorum, eas tamen impetrari potuisse Rescripto Principis, ostendit *Lex unica, Cod. Theod. Si nuptiæ ex rescripto petantur*; notatque Gothofredus in Commentario ejusdem legis; una observans, S. Ambrosium, Epist. 66. fat aperte testari, hujusmodi nuptias à Principe impetrari potuisse.

III. Nemo ergo auctoritatem dispensandi Ecclesiae negabit, qui auctoritatem statuendi impedimenta ei competere agnoscit; ut proinde merito Synodus Tridentina eodem Canone anathemate feriat eos, qui negant Ecclesiam in nonnullis impedimentis dispensare posse, quo damnat negantes Ecclesiam posse constituere, ut plures gradus consanguinitatis & affinitatis impediant & dirimant Matrimonium, quam qui Levitico exprimuntur.

IV. Fatendum quidem est, Ecclesiam olim in hoc, quemadmodum in aliis disciplinæ articulis, raro admodum dispensare solitam fuisse. Aegre enim Patres à fixis semel Regulis sive Canonibus recedi permittebant.

Et quidem si Christiano Lupo credimus, etiam seculo X. "nulla tunc etiam Regia vel Augusta, licet in sexto duntaxat, aut septimo sanguinis vel affinitatis gradu, vel ignoranter contracta, longe minus contrahenda Matrimonia dispensabantur, sed cuncta dirimebantur juxta rigorem sacrorum Canonum." Ejusmodi dispensationes adeo tunc ignorabat Ecclesia (pergit Lupus) ut Francus quidam Roma redux, similem sibi datam asseverans à Gregorio III. Pontifice, ac ejus vigore præterdicens inire Matrimonium, gravissime scandalizavit omnem Galliam, & à nostro Apostolo Bonifacio, credere id recusante, consultus Zacharias Pontifex responderit. *Abstine ut Prædecessor noster hoc ita credatur præcepisse. Nec enim ab hac Apostolica Sede illa diriguntur, quæ contraria esse Patrum sive Canonum institutis reperiuntur.*

V. Ea regula erat Rom. Pontific. pristinis seculis adeo infixa, ut scribere non dubitaret Zozimus Papa contra Statuta Patrum condere aliquid vel mutare, nec hujus quidem Sedis potest auctoritas: apud nos enim inconvulsis radicibus vivit Antiquitas, cui Decreta Patrum sanxere reverentiam. Apud Gratianum caus. 25. quæst. 1. Can. 6.

F f f f a

Et

Et Hormisdas ibidem relatus *Can. 9.* "Prima salus est, rectam fidei regulam custodire, & à Constitutis Patrum nullatenus deviare.

Et sicuti Romana Ecclesia prima est aliarum Ecclesiarum, ita & prae cæteris Canonum executricem & custodem se esse jam pridem gloriabatur.

"Confidimus (ait Gelasius ibidem *Can. 1.*) quod nullus jam veraciter Christianus ignoret uniuscujusque Synodi Constitutum, quod Universalis Ecclesiae probavit assensus, nullam magis exequi Sedem prae cæteris oportere, quam primam, quae & unam, quamque Synodum sua auctoritate confirmat, & continua moderatione custodit.

Huic Canonum hoc summarium praeposuit Gratianus: *Constitutum Synodi, quod Universalis Ecclesiae probavit assensus, Romanam Sedem servare oportet.*

Proinde nec tunc temporis Pontifices, neque seculo XII, Gratianus dubitarunt, quin & ipsi Romani Pontifices Constitutum Synodi, quod Universalis Ecclesiae probavit assensus, Romanam Sedem servare oportere.

Quare nec Gratianus asserere dubitavit, quod *Ministri sacrorum Canonum & Decretorum Pontificum, sint summi Pontifices.*

Quamdiu hæc fuit Romanorum Pontificum persuasio, illibata permanit sacrorum Canonum custodia, & vix quoque fuit circa excessum dispensationum audita querela.

VI. At postquam seculis posterioribus invaluit, quorundam Jurisperitorum opinio: Romanum Pontificem, Canonibus aut Decretis Ecclesiasticis, etiam Conciliorum Generalium, non ligari, nec constringi posse; hacque tandem opinione à Romanis Pontificibus probata & recepta, mirum quanta facilitate ceptum sit, à præscripto Canonum recedi, & contra eos dispensationes à Romanis Pontificibus impetrari, quemadmodum ex querelis contra hunc excessum virorum piorum hisce posterioribus seculis depositis, abunde constat; & etiam hodierna praxis, seu potius abusus nimium evincit.

VII. Ab impedimentis Matrimonii fere primus dispensavit Innocent. III, ait Christianus Lupus; "Othonis IV. & Philippi pro Imperio Germanico horrenda bella quis ignoret? Post Philippi cadem lucidum erat Othonis jus, verum Philippi filia obviabat. Hinc omnibus pacificandis Othonis cum ista filia conjugium convenire censuerunt Imperii Proceres ac Episcopi, quin & ipsi Apostolicæ Sedis Cardinales Legati; sed obstabat quartus consanguinitatis gradus. (a) Hinc tandem ad totius Imperialis Cleri & populi preces dispensavit laudatus Pontifex, ea tamen lege, ut duo amplissima Monasteria Otho fundaret, omneque Imperium largis elemosynis & ferventibus orationibus istud Ecclesiasticæ disciplinæ vulnus compensaret. Ita habes apud Arnoldum Abbatem Lubecensem in Chronico Sclavorum. Otho de sancto Blasio addit, quod Cluniacensis & Cisterciensis Ordinis Abbates eandem compensationem per varia suorum Monachorum pia opera complere promiserint, istudque Canonis vulnus acceperint in suas conscientias, & quod spondere Otho debuerit singularum omnium Ecclesiarum defensionem, ac resurrectionem sacri belli. Rima facta facile dilatur, tandemque crevit in grande foramen, imo & in apertam portam.

VIII. Hæc tamen, uti monet idem auctor, intelligenda præcipue de dispensatione impedimentorum ad contrahendum Matrimonium; nam ante Innocen-

(a) Quartus erat consanguinitatis gradus secundum modum computandi à Canonistis observatum; septimus autem, gradus juxta computum à legum peritis inventum; ut notavit P. Barre in sua Allemaniz Historia tit. 5. pag. 573. edit. Paris. 1748. Otho & Beatrix filia Philippi septimo consanguinitatis gradu erant juncti, inquit Struvius per. 7. p. 442. not. 35.

tium III, multas dispensationes concessas fuisse fateatur; at "hæc omnes fuerunt (ait) non prævix ad contrahendum, sed duntaxat posteriores male contracti Matrimonii toleratrices dispensationes: Adeoque dispensationes prævix initiavit Innocentius III. ac ejus successores viam ampliarunt.

Et revera Ecclesiam semper fuisse faciliorem in dissimulanda infractione Canonum, ubi jam infractione contigerat, nec sine magnis incommodis in totum reparari poterat, aut poena infracti Canonis urgeri, quam in concedenda Canonis nondum infracti contraventione, ex historiis & Pontificum ac Conciliorum Decretis est manifestum.

IX. Synodus Tridentina perpendens, quod frequentius legem solvere, exemploque potius, quam certo personarum rerumque delectu, petentibus indulgere, nihil aliud sit, quam unicuique ad leges transgrediendas aditum aperire, ut loquitur *Sess. 25. cap. 18. De Reformat.* reformationi Matrimonii intenta, avitam Patrum disciplinam in concedenda dispensatione super impedimenti reducere, quantum temporum conditio patiebatur, voluit, statuens, *Sess. 24. cap. 5. De Reformat. Matrimonii:* "Si quis intra gradus prohibitos scilicet enter Matrimonium contrahere præsumpserit, separetur, & spe dispensationis consequendæ careat; idque in eo multo magis locum habeat, qui non tantum Matrimonium contrahere, sed etiam consummare ausus fuerit. Quod si ignoranter id fecerit, si quidem solemnitates requisitas in contrahendo Matrimonio neglexerit; eisdem subiciatur poenis: non enim dignus est, qui Ecclesiæ benignitatem facile experitur, cujus salubria præcepta temere contempsit. Si vero solemnitatibus adhibitis impedimentum aliquod postea subesse cognoscatur, cujus ille probabilem ignorantiam habuit; tunc facilius cum eo & gratis dispensari poterit. In contrahendis Matrimoniis vel nulla omnino detur dispensatio, vel raro; idque ex causa, & gratis concedatur. In secundo gradu numquam dispensetur, nisi inter magnos Principes, & ob publicam causam.

X. Cum tempore Concilii Tridentini dispensandi auctoritas in pluribus materiis, ac signanter super impedimenti dirimentibus Matrimonium, esset ad Sedem Apostolicam devoluta, sive Sedi Apostolicæ reservata, non sine fundamento docet, multisque probat Dominus Du-Casse in suo Tractatu de Jurisdictione Ecclesiastica tom. 1. cap. 10. §. 5. post Thomam Sanchez lib. 3. *De Matrimonio disp. 45. n. 3.* Synodum Tridentinam, regulas in materia dispensationis, ac notanter super impedimenti Matrimonii præscriptas, ad Romanum Pontificem præcipue direxisse; ut ipse tanquam fidelis dispensator conformiter ad has regulas, sua in dispensando auctoritate uteretur.

Unde non sine fundamento asserit Vir clarissimus Ludovicus Dupin, de antiqua Ecclesiæ disciplina in Præloquio Dissertationis 6. "Se non satis mirari posse Petrum de Marca Parisiensem Archiepiscopum, virum aliquem acerrimi judicii, pronuntiasse controversiam hanc (de Superioritate Concilii Generalis supra Pontificem) nullius esse ad disciplinam Ecclesiasticam, libertatesque Ecclesiæ Gallicanæ vindicandas momenti; nam, (ut hic auctor reflecit) Si Romanus Pontifex Conciliis etiam Generalibus Superior statuatur, Concilia sua auctoritate spoliantur, Canones in irritum mittuntur, & omnia ad unius Pontificis nutum & arbitrium revocantur.

"Uterius (ait) si Papa sit supra Concilium, sequitur eum Summum esse Monarcham & Dominum, ipsumque ex animi sui arbitrio posse Canones abrogare.

XI. Dum regulas in materia dispensationis ad Romanum Pontificem dirigit Synodus Tridentina, ostendit simul se voluisse inherere Patrum regulis; ut nunquam aut raro infringendi Canonis licentia daretur,

retur, adeoque numquam aut raro, idque ex causa & gratis, dispensatio, præcipue in secundo gradu, super contrahendis concederetur: facilius autem super *contractis invalide*, cum aliquo impedimento, si nimirum cum ignorantia non affectata, aut non culpabili istius impedimenti contracta fuerint.

XII. Hinc ulterius patet; ex mente Synodi etiam hic servandam esse regulam, quam eadem Synodus postmodum *Sess. 25. cap. 18.* expressit, atque omnibus intimatam voluit, his verbis: "Sciant universi sacratissimos Canones exacte ab omnibus, & quoad ejus fieri poterit, indistincte observandos. Quod si urgens justaque ratio, & major quandoque utilitas postulaverit, ut cum aliquibus dispensandum esset, id causa cognita, ac summa maturitate atque gratis, à quibuscumque, ad quos dispensatio pertinebit, erit præstandum, aliterque facta dispensatio subreptitia censetur.

XIII. Quibus vero dispensandi auctoritas super impedimentis Matrimonii comperat, nec in Canonibus, imo nec in Decretalibus Gregorii IX. determinatur; neque legitur aliquo Decreto generali auctoritas hæc Episcopis adempta, & Pontifici reservata.

At consuetudine tandem invaluit, & moderna habet disciplina, ut si agatur de impedimentis dirimentibus, & de Matrimonio cum tali impedimento contrahendo, soli Pontifici dispensatio competat; nisi Episcopi ostendant, speciali consuetudine, aut privilegio dispensandi auctoritatem sibi competere.

XIV. Ecclesia Leodiensis prætendit sibi competere auctoritatem dispensandi in quarto & in tertio hinc inde gradu consanguinitatis, quemadmodum colligitur ex instrumento appellationis interjectæ per Syndicum Episcopi & Vicarii Leodiensis, à Decretis Nuntii Apostolici 7. Aprilis 1606. ubi *art. 10.* his verbis utitur: "Quod adhuc Episcopi Leodienses habeant antiquissimam & immemorabilem consuetudinem dispensandi ex causis legitimis in quarto Matrimonii gradu, & in tertio hinc inde; si imminens appareat periculum defectionis partium ad vicinos fidei hostes, mutuae inter necionis parentum & amicorum inter se, ob corruptam puellam; & partes non habeant media recurrendi ad Urbem. Quod hujusmodi dispensandi consuetudo in publicatione Concilii Tridentini, fuerit Illustrissimo & Reverendissimo Episcopo Vercellensi piæ memoriæ in his partibus Nuntio Apostolico, per Livinum Torrentium tunc Vicarium Leodiensem, postea Episcopum Antverpiensem factum, exposita, & per eundem Illustrissimum & Reverendissimum Nuntium laudata & approbata. Quod hujusmodi consuetudo habeat vim privilegii, & indulti Apostolici, atque à privilegio & indulto Apostolico initium sumpsisse censenda sit. Quod Episcopatus & Ecclesia Leodiensis ob sui splendorem, & antiquitatem, perpetuamque in fide Catholica constantiam, Ecclesiæ Romanæ filia dicta, alias multis à sancta Sede adornata sit privilegiis, & prærogativis supra alios communes Episcopatus.

XV. Hæc ex Zypæo in Jure novo, titulo *De eo qui cognovit consanguineam uxoris*, num. 3. additque: "At vero non audio vicinos aliquos Episcopos eodem jure, privilegio, aut consuetudine uti, non eos quidem, qui noviter in Belgio instituti sunt, intra eos limites, qui à finibus Diocesis Leodiensis, per Paulum IV. abscissi sunt 4. Idus Maji 1559. cum toto eo jure, auctoritate & prærogativis, quibus anteriores Episcopi, in locis dimembratis uli fuerant, quod forte tamen possent, & an aliquando expediret, perpendi potest; imo hodie Archiepiscopus Mechliniensis in locis primum Leodiensi Episcopo subjectis dispensat.

XVI. Quoad Matrimonia cum impedimento dirimente præcedentibus proclamationibus bona fide contracta; cum super iis Synodus Tridentina declaret, fa-

cilius & gratis dispensari posse, nec exprimat per quem; videbatur Episcopis competere hæc auctoritas; eo quod juxta regulam à Canonistis communiter probatam, quando dispensandi auctoritas à Canone conceditur, neque exprimitur à quo dispensandum sit, censetur Episcopo data dispensandi facultas. Nihilominus, quia totus contextus Decreti Synodalis ad Pontificem refertur, communiter creditur, & hic Synodum dispensationem soli Pontifici deferre; sicque consuetudine Decretum hoc explicatum esse notat Sanchez, *De Matrimonio, lib. 8. disput. 6. num. 19.* Si tamen Matrimonium sit publicum, impedimentum autem occultum, & sit scandalum in separatione, nec ad Pontificem pateat aditus, inopia aut alia justa causa impediens, Episcopum dispensare posse docet post alios Sanchez, *lib. 2. disput. 40. num. 3.* & ita consuetudine invaluisse monet Gerbesius in tractatu de Auctoritate Ecclesiæ & principum in constituendis impedimentis, p. 533.

XVII. Ea opinio huic inniditur fundamento, quod credatur cessare reservatio jure duntaxat mere positivo inducta, dum charitas, aut necessitas proximi id exigit: quemadmodum omnem casum & censurarum reservationem, sive Episcopalem, sive Papalem cessare non ambigitur, si charitas, vel necessitas proximi, seu salus animarum, quæ suprema lex est, id exigat.

Quidni igitur dicamus generaliter, & hanc reservationem cessare, atque Episcopis liberam esse dispensandi auctoritatem, si salus animarum seu charitas aut necessitas proximi id requirant.

XVIII. Notat Gerbesius loco superius citato, quod si impedimentum jam Matrimonio contracto superveniat, nec dissolvat quidem Matrimonium; sed ejus usum impediatur; ut v.g. cognatio spiritualis ex Baptismo vel Confirmatione; vel affinitas ex incestu. Episcopos esse in possessione super his dispensandi; eamque auctoritatem in Episcopis Canonistas agnoscere.

XIX. Super impedimentis *impedientibus tantum*, Episcopos generaliter dispensare posse; si duo exceperis, scilicet sponsalia cum tertia persona contracta, & votum perpetuæ castitatis, notat Gerbesius loco citato, pag. 543. eosque esse in pacifica possessione; neque Canonem aut usum contrarium esse, qui dispensationem Papæ reservet.

## CAPUT II.

Sub qua forma hodie Dispensationes Matrimoniales in Curia Romana expediri, & cui committi soleant.

1. *Olim in forma gratiosa, hodie in commissoria dispensationes Matrimoniales expediri solent.*
2. *Quare dispensandi reservationes visa sint olim odiosa?*
3. *Quandonam dispensationes in forma commissoria, & gratiosa, suum sortiantur effectum?*
4. *Quid fieri expediret ut fideles non gravarentur illarum dispensationum petitione?*
5. *Commissarii Apostolici debent narrata in litteris earumque contenta mature expendere.*
6. *Dataria committere solet litteras dispensationum Ordinario: Nomine Ordinarii venit etiam Officialis Episcopi.*
7. *Delegatio non solet fieri Episcopo & Officiali, sed alteri duntaxat.*
8. *Non exprimitur nomen proprium Ordinarii; & quare?*
9. *Litteræ directæ Officiali, non possunt expediri per Episcopum.*
10. *Commissio facta Ordinario non transit ad Capitulum, Sede vacante, aut ejus Officialem.*
11. *Sede vacante, non diriguntur ad Officialem Capituli.*
12. *Si contrahere volentes sint diversa Diocesis, utriusque Dioc.*



*Diacepsi in supplica exprimenda; & litteræ diriguntur ad Ordinarium mulieris.*

13. Cui inscribantur Litteræ dispensationum expeditæ in Penitentiaria.

I. **O**LIM dispensationes matrimoniales in Romana Curia, causæ cognitione, narratorumque verificatione præcedente, in forma *gratiosa* ut plurimum concedebantur: & quidem, ut *utrior*, ita & *tutior* erat illarum usus, ait Pyrrhus Corradus à Paulo V. in Collegium Officialium earumdem dispensationum in ipsa Cancellaria Apostolica aliàs cooptatus, Rescriptorumque S. Penitentiariæ muneris deputatus, *lib. 7. Praxis dispensat. cap. 1. num. 1.* qui deinde subjicit: "At quoniam difficile, valdeque incommodum id comperiebatur, optimâ profectò ratione ita sacri Canones sancivere, ut omnes dispensationes extra ipsam Curiam committantur *Ordinariis* locorum in forma communi sive *commissoria* dirigerentur, qui non nisi causis in partibus verificatis, tum demum Apostolica auctoritate dispensarent."

II. Duobus abhinc circiter seculis in forma *commissoria* potius quam *gratiosa*, Romæ expediuntur dispensationes. Ratio hujus agendi rationis hæc est: cum difficile admodum sit, de negotiis in distitis Provinciis occurrentibus, Romanam Curiam, Summosque Pontifices ritè informari, & plenam ac sufficientem accipere negotiorum illorum notitiam; propterea visum est, dispensationes potius in forma *commissoria* quam *gratiosa* expedire: quare faciliè intelligitur, meritò reservationes causarum & dispensationum, quas recentior ætas, contra pristinas Ecclesiæ regulas induxit, semper reputatas fuisse odiosas; & contrario, æquam semper visam esse Patrum regulam, quæ singula negotia in suis respectivè Provinciis, ubi orta sunt, terminari voluit, & singulis Episcopis auctoritatem integram permisit gubernandi Ecclesiam sibi commissam, & incidentia negotia Ecclesiastica, in ædificationem populi sibi commissi, dijudicandi & terminandi.

Unde nec pristinis Ecclesiæ seculis nota fuit formula *commissoria*, qua causarum discussio, aut examen factorum pro obtinenda dispensatione allegatorum, à Curia Romana Ordinariis locorum committeretur; quasi tota auctoritas penes unum Romanum Pontificem resideret, Episcopi verò & Ordinarii, non nisi tanquam Pontificis delegati & Vicarii, hujusmodi negotia, & quidem juxta tenorem commissionis, & auctoritate Pontificiâ absolvere, aut dispensare possent.

III. Verùm cum tempore Concilii Tridentini omnem penè dispensandi auctoritatem sibi assereret Curia Romana, intelligerentque Patres Tridentini in prædicta Curia sine ulla penè narratorum notitia, seu verificatione, dispensationes relaxari, huic abusui, quantum temporis conditio, & Romanæ Curie pro tuenda sua auctoritate & recepta praxi zelus patiebatur, occurrere volentes, præscribendum censuerunt, ut dispensationes *extra* Curiam Romanam concedendæ, suum saltem ultimum complementum non essent habituræ, nisi prius Ordinarii locorum narrata esse vera cognoscerent.

Id enim ostendit Decretum Concilii Tridentini *Seff. 22. cap. 5. De Reformat.* quo sancitum est, ut dispensationes quacumque auctoritate concedendæ, si extra Romanam Curiam committendæ erunt, committantur *Ordinariis* illorum, qui eas impetraverint; eæ verò, quæ gratiosè concedentur, suum non fortiantur effectum, nisi prius ab eisdem, tanquam Delegatis Apostolicis, summariè tantum & extrajudicialiter cognoscatur, expressas preces subreptionis vel obreptionis vitio non subiacere.

IV. Cum itaque Ordinarii, sive eorum Officiales jubeantur examinare, & discutere veritatem narratorum, atque judicare, num causæ, seu rationes dispensandi in litteris expressæ, reverà subsint; indubiè

facilius esset, ut conformiter ad avitam Patrum disciplinam, integra auctoritas dispensandi Episcopis (prout in *num. 2.* observatum fuit,) ad ædificationem Ecclesiæ, & salutem fidelium permitteretur: & ita quoque fideles sumptibus & difficultatibus sublevarentur, quibus per recursum ad Curiam Romanam pro obtinendis hisce litteris commissionis non parum gravantur.

V. Quidquid sit de hoc voto restaurandæ antiquæ Patrum Disciplinæ; hodie conformiter ad Concilii Tridentini Decretum ex moderno stylo Curie Romanæ dispensationes matrimoniales sive in Dataria, sive Penitentiaria petantur, non solent concedi nisi in forma *Commissoria*, sic nuncupata, eò quod dispensandi auctoritas alteri committatur auctoritate Apostolica; idque sub certis conditionibus. Ideoque, ut rectè monet Corradus *lib. 7. c. 1.* falluntur Commissarii sive Ordinarii, quibus Bullæ seu Litteræ dispensationum mittuntur, "dum tantæ rei pondus non æstimantes, expositâ (per Oratores) quâ par est diligentia, veritate, niti negligunt edoceri, Pontificem dispensasse contenti: cum reverà non dispensaverit, sed ipsis dispensandi auctoritatem certis sub conditionibus demandaverit; quæ nisi, ut jubetur, impleræ fuerint, quidquid superstruxerint, corruet."

VI. Si Litteræ dispensationum expediantur in Dataria, tunc conformiter ad allegatum Decretum Concilii Tridentini, dispensandi auctoritas committitur Ordinario.

Sub nomine *Ordinarii* juxta hodiernum stylum Curie Romanæ venit non tantum Episcopus; sed etiam Vicarius Generalis Episcopi; qui est idem, quem in Belgio vicinisque Provinciis Officialem Episcopi dicimus, uti supra *parte 1. titul. 12. cap. 4.* notavimus; & monet Corradus *lib. 2. cap. 4. num. 15.*

VII. Notat Corradus *lib. 7. cap. 4. num. 37.* quod Cancellaria Romana nunquam soleat committere has Litteras Episcopo & ejus Vicario *in simul*. Quin, imò (ait) hujusmodi dispensationes nunquam committuntur alternativè; scilicet Episcopo sive ejus Vicario, sed uni tantum eorum, sicut docet notorius stylus.

VIII. Adhæc nunquam in delegatione consuevit exprimi nomen proprium Episcopi, aut Vicarii sive Officialis; ut non tam personæ, quam dignitati vel tribunali facta appareat. Unde mortuo Officiali ante expeditionem Litterarum, poterit ejus successor sine nova delegatione eas exequi; idque per totum orbem servari & practicari testatur Corradus loco citato *num. 36.*

IX. Quia tamen hæc delegatio tota dependet ex ipso tenore Rescripti Apostoli, nemo in vim illius procedere potest, nisi cui expresse dirigitur. Unde si Vicario seu Officiali inscripta sit, non poterit expediri per Episcopum etiam ipso Vicario ab officio remoto, ait Corradus *n. 40.* quin & addit *n. 44.* "hæc etiam locum sibi vindicare, etiam si contingat, ipsum Vicarium creari in Episcopum ejusdem Diocesis, vel quocumque alio modo desinat esse Vicarius, quia adhuc cessat commissio respectu suæ personæ, & sic transit in suum successorem in Vicariatu."

Stylus iste profluxit ex persuasione Curialium Romanorum, quod totalis dispensandi auctoritas ita sit in persona Romani Pontificis, ut Episcopi, dum ipsi hæ litteræ diriguntur, reputandi sint simplices Romani Pontificis Mandatarii, aut Vicarii, seu delegati, nullâ habitâ ratione primigeniæ auctoritatis dispensandi in Episcopo semper remanentis; & ratione, cujus non dubium, quin Synodus Tridentina ad Ordinarios voluerit dispensationes extra Curiam Romanam exequentes dirigere; utpote quibus, præveniendò positivam reservationem, auctoritas dispensandi quodammodo naturaliter competit.

X. Corradus *num. 10.* & *sequentibus* monet, commissionem factam Episcopo aut Officiali ejus, non transire, Sede vacante, in Capitulum aut Vicarium, sive Officia-

Officiale Capituli; idque ex notoria praxi Curiae Romanae. " Unde si Litterae dispensationis directae Vicario seu Officiali Episcopi, exequerentur per Vicarium Capitularem, Sede Episcopali vacante, deputatum, executio esset nulla, nullumque Matrimonium vigore talis dispensationis contractum, ait Corradus num. 13.

XI. Attento stylo Curiae & Cancellariae, Sede Episcopali vacante, non diriguntur hae dispensationes Vicario Capituli, quia de illo Papa non confidit, sed Episcopo viciniori, sive ejus Vicario in spiritualibus generali.

XII. Praeterea monet Corradus lib. 7. cap. 5. num. 25. quod notorius stylus Curiae Romanae requiratur, ut si Oratores seu supplicantes pro dispensatione sint diversae Diocesis, utraque Diocesis necessario exprimat in supplica; Litterae autem dirigantur ad Ordinarium *Oratricis*, ut illas exequatur; cumque ipsius Papae ejusque Cancellariae sit, semper committere eandem executionem Ordinario *Oratricis*, nisi utriusque Diocesis fieret expressio, ubi Oratores ex duabus Diocesis orti essent, posset contingere, Litteras ipsas dirigi non *Oratricis*, sed Oratoris Ordinario contra mentem ipsius Papae; ac propterea earum executor, si hujusmodi stylum ignoret, perperam Litteras ipsas exqueretur; ita Corradus *ibid.*

XIII. Haec quidem quoad commissiones dispensationum, quae pro utroque foro expediuntur in Dataria aut Cancellaria; at quae pro foro conscientiae tantum expediuntur in Penitentiaria, committuntur & diriguntur Confessario Magistro in Theologia vel Decretorum Doctore ex approbatis ab Ordinario, ab Oratore eligendo; quemadmodum notavi supra parte 1. tit. 23. cap. 4. ubi & clausulam hanc latius exposui.

### CAPUT III.

De Formula Litterarum Dispensationum; & quomodo se Delegatus informare debeat de impedimento allegato.

1. Tres partes Litterarum dispensationum; & quid singulae contineant?
2. Proponitur formula delegationis.
3. Delegatus inquirere debet de veritate narratorum.
4. Quomodo continget commissarios facilius quam oportet dispensare?
5. Haec informatio ex mente Pontificis non perfunctorie facienda.
6. Instrumenta pro examine testium evincunt quam seria esse debeat informatio.
7. Delegatus occasione dispensationis nihil etiam ultra oblatum potest accipere.
8. Nihil quoque pro mercede laboris, aut sigillo accipi potest.
9. Non potest Delegatus deferre nude assertioni Oratorum.
10. Delegatus examen testium alteri committere potest.
11. Tenetur Delegatus inquirere utrum impedimentum verè fuerit expressum.
12. Si expressus sit gradus remotior pro proximior, Litterae sunt invalidae; licet per ignorantiam sit factum.
13. Subinde Litterae erunt invalidae etiam si impedimentum majus pro minore fuerit expressum.
14. Juxta stylum Curiae, expressio consanguinitatis pro affinitate reddit dispensationem invalidam.
15. Si consanguinitas procedat ex duplici stipite, id exprimendum est.
16. Quid? si secundus gradus consanguinitatis pro tertio sit expressus.
17. Si duo subsint impedimenta, quomodo exprimenda?

18. An sufficiat exprimere gradum remotiorem, quando est inaequalitas gradus?

19. Quid potissimum inquirendum circa expressionem cognitionis spiritualis?

20. Inquisitio fieri debet super quocumque impedimento allegato.

21. Si inter consanguineos ante executionem Litterarum copula intercesserit, ab executione supersedendum est.

I. LITTERAE dispensationum matrimonialium, primò continent ipsam commissionem dispensandi auctoritate Apostolica super impedimento. Postmodum sequitur altera pars, quae vocatur *Narrativa*, in qua exprimuntur, quae ab Oratoribus seu supplicantibus Pontifici exposita fuerunt; ac dein sequitur tertia pars Litterarum, quae *Dispositiva* dicitur; continetque gratiam, quam Pontifex Oratoribus facere intendit; ac una conditiones in executione hujus gratiae à Commissario servandae.

II. Primò ergo dicit, quod certam de narratis notitiam habentes ipsi Commissario (de quo in *his specialibus in Domino fiduciam obtinemus*, ait) " per Apostolica scripta mandantes, quatenus deposita per te *omni spe cujuscumque muneris aut praemii*, etiam *sponte oblati*, à quo te omnino abstinere debere monemus, te de praemissis diligenter informes; & si per informationem eandem preces veritate niti repperis, super quo tuam conscientiam oneramus, tunc cum eisdem (Oratoribus N. & N.) auctoritate nostra *dispenses*. . . . Volumus autem, quod si spera monitione nostra hujusmodi, aliquid muneris, aut praemii occasione dictae dispensationis exigere, aut oblatum recipere temerè praesumpseris, excommunicationis latae sententiae poenam incutras.

III. Ex hac dispositiva intelligimus, auctoritatem dispensandi committi imprimis sub conditione, sive obligatione inquirendi, seu accipiendi informationem de veritate eorum, quae Pontifici in supplica per Oratores exposita fuerunt; quae his verbis exprimitur: Mandamus quatenus deposita, &c. *Te de praemissis diligenter informes*.

Haec autem informatio per Commissarium fieri debet tam super omnibus in narrativa contentis; id est, an vera sint, quae tum circa impedimenta, vel circa causam & motiva dispensandi ab Oratoribus proposita fuerunt; sive quod idem est, an preces veritate nitantur; dein si quae Pontifex addat, & velit verificari; etiam super his informatio sumi debet.

IV. Porro Commissarius ad hanc informationem vel executionem litterarum procedere nequit, nisi prius litterae commissionis in Curia Romana, solutis taxis pecuniariis, fuerint levatae, & Commissario exhibitae.

Hinc est, quod Ministris hujus Curiae nihil de taxis istis decedat, tamen si narrata & contenta litterarum coram Commissario verificari nequeant; & consequenter nec ob defectum hujus verificationis, Commissarius dispensare queat, ipsaeque litterae dispensationis sic obrentae suo careant effectu: imò nec novae litterae dispensationis, quibus vitium priorum tollatur, expediuntur vel relaxantur, nisi rursus juribus & taxis solutis.

Hinc & natum est contingere, ut Commissarii importunitate Oratorum, ob factas expensas, & novas faciendas, victi, ad dispensationem nonnunquam procedant, licet precum veritas in libello supplici enunciata juxta tenorem Bullae commissionis non sit sufficienter probata.

V. Quod haec informatio non perfunctorie; sed summam cum circumspectione & studio fieri debeat, imprimis indicat Pontifex, dum expresse mandat, ut se diligenter informet.

Deinde

Deinde addendo *super quo conscientiam tuam oneramus*, sat indicat, seriò hoc negotium peragendum esse.

VI. Adhæc instructiones pro examine testium, qui producuntur pro contrahendis Matrimoniiis, iive verificatione eorum, quæ in Litteris dispensationum verificanda sunt, sufficienter evincunt, quàm serium examen Sedes Apostolica in hisce requirat.

Primus articulus habet: "Testis moneatur de gravitate juramenti, in hoc præsertim negotio *perimendo*, in quo divina simul ac humana Majestas læditur ob rei, de qua tractatur, importantiam & gravitatem.

Hic articulus, qui supponit, testes, priusquam testimonium dent, debere præstare juramentum de dicenda veritate; nec non rei gravitatem testibus exponi jubet, manifestum facit, quàm anxie de veritate inquirendum sit; quod & alii articuli non minùs ostendunt, quos refert Pyrrus Corradus lib. 7. cap. 6. num. 22. &c.

VII. Et ne Commissarius forsitan spe lucri lactatus, aut muneribus excæcatus, non eà, qua par est maturitate ad informationem procedat, aut capta informatione in formando judicio super precum veritate aberrer, speciali clausulâ suprà expressâ, vultum ab omni munere aut præmio etiam *sponte* oblato abstinere, sub pœna excommunicationis lætæ sententiæ; imò si dispensatio fuerit data in *forma pauperum*, apponitur quoque pœna nullitatis absolutionis & dispensationis per hæc verba: *Et nihilominus absolutio & dispensatio hujusmodi à Te faciendâ prædictâ, nullius sint roboris vel momenti.*

Speciale autem est in dispensationibus matrimonialibus, quoddam apponatur hæc clausula; nam istæ reputantur cæteris dispensationibus graviores; & in eisdem magis imminet periculum, ne corrumpatur iudex executor, ait Corradus, lib. 7. cap. 8. num. 11.

VIII. Refert ibidem num. 14. respondisse sanctam Congregationem, quoddam "pro dispensationibus matrimonialibus non licebat Episcopo sive ejus Vicario quidquam recipere, nec ratione sigilli, vel alicujus alterius rei; quapropter Decretum illud, quod solet poni in Litteris dispensationum matrimonialium, ut nihil muneris aut præmii *sponte* oblato accipi possit pro illarum executione, ita intelligendum esse, ut neque Ordinarius ipse, nec Vicarius ejus quidquam pro *mercede* laboris, quem in ea re susceperent, capere possent.

IX. Itaque per hanc clausulam, *Te de præmissis diligenter informes*, "prohibet omninò summus Pontifex (inquit Corradus num. 29.) Executori, ne super narratis velit stare assertioni ipsorum Oratorum contrahentium. Debet insuper ipse Delegatus perpendere qualiter ipsorum testium: "Nam (uti advertit Corradus num. 3.) ut plurimùm deponunt per unum eundemque præmeditatum sermonem, cum præcisa verba per ipsos sponfos testibus suggeruntur, qui à veritatis tramite sæpe solent deviare.... Quia clausula prædictâ non ad ornatum Litterarum apponitur, ut dicebat quidam Jurisconsultus; sed ut per eam intelligat Delegatus, se debere procedere super hoc cum *pede plumbeo*: quia tantum negotium committitur conscientie suæ.

X. Tamen si in hac commissione electa sit industria personæ, neque possit Officialis alteri auctoritatem dispensandi delegare, ut ostendit clausula, *tuum conscientiam oneramus*, examen tamen testium alteri delegari potest, quemadmodum observat Corradus num. 41. sed quia admodum periculosum est hoc examen, hujusmodi examen committi debet alicui viro integritatæ fidei & bonitatis, ait idem num. 45. monet quoque idem Auctor lib. 8. cap. 1. n. 19. quia complures sunt Dioceses talis amplitudinis, ut non sit facilis accessus ad Officialem Episcopi, consuetudine introductum esse in Curiis Ecclesiasticis, ut committatur etiam Parocho Oratorum, ut exequatur dictas Litteras; ac

etiam juramentum, si opus sit, ab Oratoribus recipiatur: ut contingit, dum dispensatio petita est ob copulam præcedentem.

XI. Debet ergo Commissarius inquirere, num preces sive allegata Oratorum in supplica Pontifici pro obtinenda dispensatione oblata, veritate nitantur; id est, an expressio impedimentorum, super quibus dispensatio petitur, & causâ, ob quam petitur sint secundum veritatem expressa. Neque enim Commissarius, juxta tenorem Rescripti Apostolici ad dispensationem procedere potest, nisi præviâ informatione diligenti reperarit, *preces veritate niti.*

Itaque si super impedimento consanguinitatis aut affinitatis postulata sit dispensatio; inquirendum erit, num gradus consanguinitatis aut affinitatis, quo sponsi se invicem attingunt, sincerè & veraciter sit expressus; ut hinc appareat, num quoad hanc expressionem *preces veritate nitantur*; neque ipsum Rescriptum ratione hujus expressionis subreptionis vel obreptionis argui queat.

XII. Si ergo Oratores dixerint, quoddam se contingant in tertio consanguinitatis aut affinitatis gradu; deprehendatur autem per informationem ipsos esse in secundo gradu consanguineos aut affines, non poterit Commissarius vi hujus Rescripti procedere ad dispensationem; eò quoddam reperiat preces veritate non niti.

Neque referret, tamen si ipsi Oratores inculpabiliter ignoraverint se in secundo gradu esse consanguineos: quia similis ignorantia sufficere potest, ut Oratores non arguantur de malitiosa expressione & deceptione; sed efficere nequit, ut verum sit, *preces veritate niti*; aut censeri debeat dispensatum in impedimento *secundi* gradus consanguinitatis aut affinitatis: cum super hoc dispensatio nequidem fuerit postulata; sed tantum super impedimento *terti* gradus, quod diversum est à priori; præsertim quoddam quod gradus conjunctior est, eò difficilior sit dispensatio, urgentioresque causæ requirantur.

XIII. Quinimò quamvis impedimentum expressum sit gravius, atque super eo rariùs & difficiliùs soleat dispensari, quàm super eo, quod revera subesset, sed expressum non fuit, Rescriptum carebit suo effectu, nec poterit Commissarius procedere; si impedimentum omisum sit diversæ speciei ab expresso, nec sub hoc includatur; tamen si etiam sciretur, quoddam Pontifex fuisset dispensaturus, si impedimentum omisum fuisset expressum: quia non sufficit, quoddam Pontifex fuisset dispensaturus aut dedisset auctoritatem dispensandi, si hoc illudve factum esset; sed requiritur, ut reipsâ dispensandi super hoc impedimento auctoritatem dederit.

XIV. Unde licet faciliùs soleat dispensari in affinitate quam consanguinitate in paritate gradus; nihilominus si expressus sit tertius gradus consanguinitatis pro tertio gradu affinitatis, subreptitia censetur dispensatio; neque poterit Commissarius dispensare; dicitque Corradus lib. 7. cap. 5. num. 72. quoddam similes Litteras dispensationum perperam exequantur; cum totum id sit etiam contra mentem Papæ, ac notorium Curie ipsius stylum.

XV. Si Oratores expresserint simpliciter secundum aut tertium consanguinitatis gradum, *subreptitia* censetur dispensatio, si deprehendatur, impedimentum illud provenire ex duobus stipitibus; sive quoddam se contingant in gradu expresso ratione duplicis conjunctionis; quo casu in effectu est duplex impedimentum, cum tamen fuerit expressum tanquam simplex sive unum; uti latius exponit Corradus loco citato num. 70.

XVI. Docet quoque ibidem num. 94. & sequentibus, quoddam si per errorem expressus sit secundus gradus consanguinitatis pro tertio non esse procedendum; idque potissimum ob consuetum modum & stylum summi Pontificis, "nempe quia diversimodè eas (dispensationes) concedit, ut videlicet, si in remotioribus putat in quarto seu tertio & quarto gradibus, eas mandat expediri per officium minoris gratiæ. Si in non tam remotioribus



remotioribus, puta in tertio; per Cancellariam. (a) Si in secundo, seu primo & secundo, per Præfecturam Brevium, & sub annulo Piscatoris, sicut alias diximus, ac propterea juxta qualitatem graduum præfatorum, diversa Officia cum diversis Officialibus sunt constituta. Unde cum mens Pontificis ea sit, & Litteræ dispensationis non alias, quam per suos Officiales distinctos, distinctaque Collegia constituentes, expediantur, profecto cum sic inveteratus stylus obtinuerit, si Litteræ ipsæ præter dictum stylum ac morem, & observantiam Romanæ Curie expediantur, tanquam suspectæ de falso erunt rejiciendæ.

XVII. Insuper si duo intercedant impedimenta, atque super utroque quidem postulata sit dispensatio; sed separatim ac diverso tempore; utraque dispensatio erit subreptitia: eo quod utraque dispensatio ita fuerit impetrata, ac si unum duntaxat impedimentum subesset; cum tamen duplex subesset. Duo autem impedimenta simul concurrentia fortius ligant, & difficilioris sunt dissolutionis.

XVIII. Si dictum sit, Oratores se contingere tertio gradu; postmodum autem deprehendatur, quod se contingant secundo & tertio, non poterunt Litteræ dispensationis propter proximioris gradus hujusmodi non expressionem, de subreptionis vel obreptionis vitio, seu intentionis defectu notari; sed in omnibus & per omnia suffragari; ut declaravit Pius V. in Constitutione, quæ incipit *Santissimus* 13. in Bull. Roman. revocata contraria declaratione Pii IV. Si tamen expressus esset simpliciter secundus gradus, dum se contingunt in primo & secundo. Litteræ haberentur subreptitiæ ex dicta Constitutione Pii V. eum casum expressè excipienti, addita hac ratione; Cum in eo Sanctitas sua nunquam dispensare intendat. Vide latius Sanchez lib. 8. Disp. 24. num. 25. Ubi etiam ostendit Matrimonium contractum in vim dispensationis, in qua proximior gradus non est expressus (modò non sit primus) esse validum; tametsi Litteræ declaratiæ, quarum meminit Pius V. non sint obrentæ.

XIX. Eodem fundamento, si dispensatio postulata sit supercognitione spirituali, inquirendum erit, num rectè expressum sit, unde hæc cognatio orta sit, sive proveniat. Si enim subesset *Filiatio*, seu quoddam Oratorum unus alterum de fonte levasset, & tantum esset expressa *Comparentitas*, subreptitia esset dispensatio; eo quod impedimentum ex filiatione proveniens, sit aliud quam proveniens ex comparentitate: multoque difficilius in illo, quam in hoc dispenseretur: testaturque Corradus, lib. 8. cap. 8. num. 15. Paulum V. semper recusasse dispensare super impedimento *Filiationis* spiritualis. Refert quoque Fagnanus ad cap. fin. de *Cognat. spirit.* cum in casu occurrente Congregatio exhibuisset dispensationem annuendam super *Filiatione* spirituali, relata ad Gregorium XIII. sententiâ, Sanctitas sua noluit dispensare: subditque Fagnanus: "Et quamvis nonnunquam post tempora Gregorii XIII. dispensatum fuerit ob dotis incompetentiâ cum illius sufficienti augmento; non tamen est iudicandum *exemplis*, nec quod aliquando factum est, sed quod fieri debet, est spectandum.

XX. Hactenus dicta de informatione circa expressionem impedimenti consanguinitatis & affinitatis, observanda quoque circa alia seu dirimentia seu impedientia impedimenta; ut nimirum diligenter se informet Commissarius, num circa expressionem impedimenti *preces veritate nitantur*; nihilque veri omisum, aut falsi expressum sit, quod dispensationem subreptitiam vel obreptitiam reddere possit.

XXI. Si inter consanguineos, aut affines, vel etiam conjunctos spirituali cognitione copula intercesserit,

(a) An Cancellariæ Romanæ auctoritas circa impedimentorum matrimonialium dispensationem in Gallias agnoscat, docet Auditor Conser. Paris. 2. 1. 1.

ea necessariò erit exprimenda; alias eâ omisâ, dispensatio censetur subreptitiè impetrata, ut non semel sancta Congregatio declaravit apud Pyrrhum Corradum lib. 8. cap. 1. n. 37. qui & addit, id etiam sibi locum vindicare, quamvis copula prædicta habita fuerit post Litteras dispensationis seu mandati de dispensando obtentas, nondum à Delegato executioni demandatas, asseritque eo casu opus esse Litteris in forma *perinde valere*, priusquam ad executionem priorum Litterarum Delegatus procedere possit.

## CAPUT IV.

De Causis Dispensationis; & Informatione super veritate earum.

1. *Informatio à Delegato instituenda etiam est circa causam dispensationis.*
2. *Plures causæ cum suis formulis in Curia Romana admittuntur.*
3. *Causa ob angustiam loci, qua formula exprimitur.*
4. *Formula causæ ob incompetentiâ dotis.*
5. *Eadem causa cum clausula cum augmento.*
6. *Item cum clausula pro indotata.*
7. *De causa vulgò dicta, Pro Oratrice excedente viginti annis.*
8. *Causa communiter nuncupata, Pro Belgis.*
9. *Pro verificatione causarum attendendæ formularum Expressiones; harum verò sensus ex stylo Curie Romanæ.*
10. *Veritas causæ requiritur tempore executionis Litterarum.*
11. *Tenor Litterarum dispensationis super impedimento cum adjuncta copula, aut familiariori conversatione.*
12. *De causa dispensationis super voto castitatis.*
13. *Quid Delegatus dispensato imponere debeat?*
14. *Qui vigore hujus dispensationis uxorem duxit, et mortua aliam ducere nequit.*

I. NON tantum circa allegatum impedimentum verificari debet Commissarii informatio; sed etiam circa causam pro obtinenda dispensatione allegatam; utrum scilicet, & quoad illam *preces veritate nitantur*.

Ut autem exactior notitia omnium eorum, quæ hinc verificari debent, & narratorum veritas habeatur; causas famosiores, & magis ordinarias, unâ cum suis formulis, quibus juxta stylum Curie Romanæ proponi consueverunt, proferam, breviterque exponam.

II. Hoc unum prænotandum, plures variaeque causas, ob quas dispensationes matrimoniales judicantur indulgendæ, jam pridem in variis Congregationibus hunc in finem habitis, esse admittas, ac suis specialibus formulis expressas; neque alias præter probatas, nec sub alia expressione seu formula à Curia Romana admitti solere.

III. Prima eaque una ex frequentioribus causis, cum quibus conceduntur dispensationes matrimoniales, præsertim in gradibus consanguinitatis seu affinitatis remotioribus, est *ob angustiam loci*, ait Pyrrhus Corradus lib. 7. cap. 5. n. 34. Exprimitur hæc causa sub hac formula. *Quod cum dicta Oratrix in dicto loco, propter illius angustiam, virum sibi non consanguineum vel affinem paræ conditionis, cui nubere possit, invenire nequeat*, cupiunt, &c.

Si sint consanguinei in gradibus proximioribus v. g. secundo aut tertio, superior formula non sufficit, sed tunc post verba *nubere queat*, addenda sequens clausula: *Et si extra dictum locum nubere cogeretur, dos, quam ipsa habet, non esset competens, neque sufficiens, ut cum ea virum, cui juxta statum sui conditionem nubere possit, invenire valeret.*

IV. Secunda causa, eaque hodie sat usitata, dicitur *ob Incompetentiam dotis* sequenti formula exprimi solita: *Quod cum dicta Oratrix dotem habeat minus competentem, juxta statum sui conditionem, cum qua virum sibi non consanguineum vel affinem parvis conditionis, cui nubere possit, invenire nequeat, & dictus Orator illam cum dicta minus competente dote, uxorem ducere intendat, cupiunt, &c.*

V. Interdum post verba *uxorem ducere*, additur hæc clausula: *Illiusque dotem, usque ad quantitatem, secundum dictæ Oratricis qualitatem, competenter augere intendat.* Diciturque hæc causa sic expressa: *propter dotem cum augmento; & requiritur hoc augmentum, ut obtineatur dispensatio, in quibusdam gradibus proximioribus, puta in secundo & tertio tantum; etiam si hujusmodi gradus duplicentur seu multiplicentur ex diversis stirpibus, quemadmodum monet Pyrrhus Corradus lib. 2. cap. 2. num. 37.*

VI. Subinde initulatur hæc causa: *Pro indotata*; quando Oratrix dicitur *indotata*; & dicitur quod Orator eam sic *INDOTATAM* ducere; ac usque ad quantitatem, secundum dictæ Oratricis qualitatem *EX INTEGRO* dotare intendat.

Non poterit Commissarius dispensare vigore Litterarum cum causa sic expressa, nisi prius re ipsa Oratrix ex integro doretur, si sit *pro indotata*; vel augeatur, si fuerit, *propter dotem cum Augmento*. Solet enim in Litteris adjici: *Et postquam dictæ Oratricis dos competenter aucta fuerit: vel in causa pro indotata: Postquam dicta Oratrix ex integro dotata fuerit, ut præfertur.*

VII. Tertia causa hodie usitata vocatur, *Pro Oratrice excedente vigesimum quartum annum* exprimiturque hac formulâ: *Quod dicta Oratrix vigesimum quartum annum & ultra suæ ætatis agens, hactenus virum parvis conditionis, cui nubere possit, non invenit, cupiunt, &c.*

“ Hæc causa (ait Corradus loco citato num. 28.) passim admittitur pro obtinenda dispensatione in quibuscumque gradibus; nec tamen sufficit super aliquo ex proximioribus, puta secundo, seu primo & secundo; & eo magis admittitur, quod magis tempus effluxit ab ætate Oratricis ad contrahendum Matrimonium.

Monet tamen Corradus ibidem num. 87. hanc causam non admitti in muliere vidua, quæ velit ad secundas nuptias convolare; sicut docet notoria praxis Curie Romanæ.

VIII. Quarta causa vulgò dicta, *Pro Belgis*, exprimitur his verbis: *Quod cum dicti Oratores orthodoxæ fidei cultores existant, ac Deo dante, sub obedientia sanctæ Romanæ Ecclesiæ vivere & mori intendunt, & in illis partibus, in quibus multi sunt Hæretici, non possint animos singulorum explorare, & qui Catholicam Religionem verè profitentur, internoscere: ac propterea, ne contingat eos cum Hæreticis Matrimonium contrahere, cupiunt, &c.*

IX. Quæ pro veritate causarum prædictis formulis propositarum verificanda sint, ex attenta formularum lectione & consideratione facillè potest intelligi. Nequaquam tamen dubitandum, quin multum attendi debeat, quomodo prædictas formulas intelligat Curia Romana; quidque pro verificatione earum requirere soleat. Quamdiu autem de praxi Curie Romanæ certò non constet, tenenda erit proprietas verborum, quibus formulæ sunt conceptæ. Unde merito monet Corradus, non esse eligendum in Vicarium seu Officialem Episcopi, cui Rescripta dispensationum dirigi solent, qui saltem non mediocrem Rescriptorum illorum notitiam habeat, vimque ac efficaciam clausularum novit.

Indubie convenit pro executione hujusmodi Litterarum consulere, qui specialiter praxim Curie Romanæ

referunt; ac notanter sæpè citatum Pyrrhum Corradum, qui praxim & stylum illius Curie non mediocriter calluisse ac sat fideliter retulisse videtur; licet in doctrinalibus parum solidus sit, & ad laxitatem propendat.

X. Hoc commune est omnibus prædictis causis, quod pro verificatione causæ requiratur, ut vera sit tempore executionis. sive tempore, quo Vicarius seu Officialis auctoritate Apostolica ad dispensationem vigore Rescripti Apostolici procedit; & nisi eo tempore subsit veritas causæ, licet subfuerit tempore supplicationis, aut confecti Rescripti, Commissarius dispensare non poterit, uti latè probat Garcias, *De Beneficiis, parte 6. cap. 2. num. 284.*

XI. Interdum autem contingit, dispensationem peti, ubi copula carnalis, aut familiarior conversatio inter consanguineos intercessit.

Supplica pro simili dispensatione obtinenda concipi solet hoc tenore: *Exponunt N. & N.... Quod ipsis alias scientibus se tertio consanguinitatis gradu invicem esse conjunctos, Orator prædictus, non quidem peccandi datâ operâ, ut crimine admissio, hæc causa foveat S. V. & Sedem Apostolicam ad misericordiam & gratiam erga ipsos faciliores reddendi; sed solum vesana libidine victus, Oratricem cognovit. Cum autem, Pater Sancte, nisi Matrimonium inter dictos Oratores contrahatur, dicta mulier diffamata & innupta remaneret, graviaque exinde scandala possent verosimiliter exoriri, cupiunt, &c.*

Tum subijcitur dispositiva supra relata, ac inter alia, *diligenter se informet, an preces veritate nitantur, antequam dispense; insuper additâ hac speciali cautione ex usitato stylo Curie Romanæ: Et recepto ab iis (Oratoribus) juramento, quod sub spe facilius habenda dispensationis incestum hunc (idem est de familiore & suspecta conversatione) non commiserint.*

XII. Quando petitur dispensatio super voto castitatis ad contrahendum Matrimonium, causa frequentius exprimi solet hac formulâ: *Quod Orator ita stimulis carnis agitur, ut continentiam servare posse non speret; ac propterea Matrimonium contrahere desideret.*

Indubie hæc allegata impossibilitas moralis servandi castitatem intelligitur ex mente Pontificis, si ea revera periret, postquam occasiones peccandi vitavit; jejunia aliaque corporis afflictiva opera ex præscripto docti ac pii Confessarii, aliaque pro servanda castitate convenientia remedia adhibuit; cum aliis iusta dispensationis causa non esset.

XIII. In dispositiva injungit Pontifex Commissario, ut si ei de præmissis constiterit, eorum prædictum dicto Oratori, ad hoc “ ut Matrimonium SEMEL duntaxat legitime contrahere possit, in frequentiam Confessionis Sacramentalis peccatorum suorum; singulis scilicet mensibus, semel, vel quoties tibi videbitur, ac in alia pœnitentiæ opera per te injungenda; inter quæ sint, etiam aliqua, quæ quotidie facere teneatur, ad eum finem ut ea adimplens, meminisse semper possit obligationis, qua hujusmodi voto adstringebatur, prout secundum Deum ipsius animæ salutem expedire judicaveris, secumque desuper dictum votum, dispensando, dictâ auctoritate commutes.

XIV. Denique additur hæc clausula finalis: *Quod si dictus Orator mulieri, cum qua contrahet, supervixerit, maneat postea celebs, & eodem voto ut prius obligatus.*

Per hæc quidem verba clariùs declaratur, Oratorem ipsum ex vi hujus dispensationis, non posse nisi semel uxorem ducere; unde si supervixerit, non potest aliam uxorem ducere sine nova dispensatione, uti notat Pyrrhus Corradus lib. 8. cap. 10. qui tamen observat, quod si Matrimonium tantum fuerit contractum & non consummatum, dispensatio non videatur habuisse effectum; adeoque possit vigore ejusdem dispensationis aliam uxorem ducere: quia non tam matrimonialis contractus, quam ipsa consummatio hic attenditur.

## CAPUT V.

De Dispensatione super Matrimonio cum impedimento dirimente contracto.

1. Matrimonio cum impedimento dirimente contracto, necessaria dispensatio.
2. Si scienter ita contractum fuerit, id in supplica exprimi debet.
3. Exprimendum quoque si consummatum fuerit.
4. Omissio solemnitatum exprimenda est.
5. Etiam si de licentia Ordinarii omissa essent.
6. Consummatio Matrimonii ante detectum impedimentum, an exprimenda?
7. Perseverantia in usu Matrimonii, detecto impedimento, specificè exponenda.
8. Causa ordinaria hujus dispensationis cum sua formula; quæ tamen non semper admittitur.
9. Matrimonium nulliter contractum, obtenta dispensatione, de novo contrahi debet.
10. Non sufficit si ad interrogationem alicujus se mutuo agnoscant pro conjugibus.
11. Ut de novo contrahatur, an utrique parti innotescere debeat Matrimonii invaliditas?
12. Si dispensatio obtenta sit in Dataria, Matrimonium de novo contrahendum est coram Parocho & testibus.
13. An idem faciendum, si pro foro conscientie duntaxat obtenta sit in Penitentiaria?

I. **I**NTERDUM Matrimonium cum impedimento dirimente de facto quidem, sed nulliter contrahitur; quo casu necessaria est dispensatio, ut Matrimonium sic contractum validetur; & conjuges Matrimonio uti queant.

II. Pro cujus dispensationis praxi sciendum, quod si scienter contraxerint cum impedimento dirimente, illud necessario sit in supplica exprimendum: eo quod hæc scientia difficiliorem reddat dispensationem: imo Synodus Tridentina Sess. 24. cap. 5. De Reformatione Matrimonii, vult quod "si quis intra gradus prohibitos scienter Matrimonium contrahere præsumperit, separetur, & spe dispensationis consequendæ careat.

III. Si insuper Matrimonium consummatum fuerit, id quoque exprimendum erit; quia consummatio Matrimonii dispensationem difficiliorem facit, juxta clausulam in Decreto Concilii Tridentini verbis jam citatis subjectam: "Idque in eo multo magis locum habeat, qui non tantum contrahere, sed etiam consummare ausus fuerit.

IV. Quod si ignoranter cum impedimento dirimente contractum sit Matrimonium, siquidem solemnitates requisitas in contrahendo Matrimonio, v. g. proclamationes prævias, neglexerit, id omnino erit exprimendum, eo quod ratione hujus neglectus, contrahentes spe consequendæ dispensationis carere velit Synodus Tridentina; volens eos iisdem pœnis subjici, quibus subjectos declaraverat contrahentes scienter cum impedimento dirimente: "Non enim dignus est, qui Ecclesiæ benignitatem facile experietur, cujus salubria præcepta temere contemplit," ait Synodus Tridentina.

V. Quinimo si de licentia Ordinarii sint omissæ proclamationes præviæ, nihilominus id exprimendum; & si non esset expressum, Rescriptum esset subreptitium, idque juxta receptum styli Curie Romanæ, uti monet Pyrrhus Corradus lib. 8. cap. 4. num. 8.

VI. Quando etiam ignoranter Matrimonium cum impedimento dirimente contractum est, si consummatum fuerit etiam ante detectum impedimentum, nihilominus consummatio erit exprimenda; ita de

Tom. I.

stylo & praxi receptum, ait Corradus lib. 8. cap. 4. num. 29.

VII. Detecto impedimento, si persisterint in usu Matrimonii, hoc specificè erit exprimendum: quia difficiliorem reddit dispensationem, ita persistentia in actu matrimoniali post detectum impedimentum insinuante quod nequaquam alieni fuerint à contrahendo scienter cum impedimento dirimente.

VIII. Causa ordinaria dispensationis super Matrimonio contracto cum impedimento dirimente solet exprimi per hanc formulam: Cum autem, si divortium inter eos fuerit, gravia exinde scandala possint verisimiliter oriri.

Hanc causam minime sufficientem ad dispensandum cum eis, qui scienter contraxerunt & consummarunt Matrimonium cum impedimento in secundo consanguinitatis, aut affinitatis gradu, declaravit Paulus IV. dicens: "Absolutiones & dispensationes hujusmodi ex prætextu prædicto," (nimirum quod ex divortio gravia scandala inter eos & eorum consanguineos & affines possent verisimiliter oriri) "etiam si proles ex Matrimonio sic contracto subsequuta fuerit, nullatenus, sed solum ex causa urgentissima pro bono publico & à jure considerata, per Nos tantum & non alium approbanda concedemus, & quod dispensationes ex alia causa nostris temporibus exulabunt: & quod nobis licere non patimur nostris successoribus indicantes." Extat integra Bulla apud Corradum lib. 8. cap. 3. num. 5.

IX. Potestatem autem dispensandi tribuit Pontifex ea cautione, ut Matrimonium inter se de novo publice, servata forma Concilii Tridentini contrahere, illudque in facie Ecclesiæ solemnizare, & in eo postmodum remanere libere & licite valeant.

Cum enim Matrimonium contractum ratione impedimenti dirimentis fuerit nullum ac invalidum; necessario debet de novo de utriusque consensu renovari, seu de novo contrahi: eo quod prior contractus nullus fuerit.

X. Hinc consequens est, dispensatione obtenta, non sufficere, quod Parocho interrogante mulierem, num hic sit suus maritus, & virum, num hæc sit sua uxor, uterque affirmative respondeat: quia hæc dicendo, non contrahitur de novo Matrimonium; sed potius declaratur, quod sit inter ipsos Matrimonium; atque in eo persistere intendant: præsertim si impedimentum fuerit utrique parti ignotum.

XI. Et quia de novo contrahere debent Matrimonium, necessario utrique parti invaliditas prioris Matrimonii nota sit oportet: alias enim consensus in novum Matrimonium, saltem non ea, quæ requiruntur, libertate habebitur. Facile enim continget, in Matrimonium consentire aliquos, si prius Matrimonium nesciant invalidum; aut etiam tantum de eo dubium esse sciant, qui haud consentirent, si certo scirent Matrimonium esse invalidum. Quapropter si certa sit Matrimonii invaliditas, etiam ut talis utrique conjugum proponenda est, priusquam de novo Matrimonium contrahant.

XII. Vult insuper Pontifex, ut Matrimonium publice & servata forma Concilii Tridentini contrahatur; nimirum coram Parocho & testibus. Et recte. Cum enim hic agatur de dispensatione pro utroque foro super impedimento non occulto, nisi secundum Matrimonium publice, dicta forma servata iniretur, sed clam inter solos conjuges renovaretur consensus Matrimonialis; incommoda, quibus Synodus Tridentina annullando Matrimonia clandestina occurrere voluit, ex simili Matrimonio clandestine contracto oriri facile possent.

Primum enim Matrimonium publice contractum probari posset nullum, ob impedimentum dirimens; secundum vero probari non posset; utpote, uti supponitur, inter solos contrahentes privatim & occulte

G g g g a

con-



contractum: atque ita liberum esset alteri partium con-  
volare ad alias nuptias, non obstante hoc Matrimonio,  
valide, sed clandestine contracto; neque etiam per  
Ecclesiam seu Judicem separari posset, defectu proba-  
tionis hujus secundi Matrimonii.

XIII. Num idem statuendum sit, si impedimentum  
fuerit tale, ut solis contrahentibus innotescat; nec aliis  
facile innotescere potest, neque in foro exteriori probari;  
super quo dispensatio petitur in Pœnitentiaria pro foro  
conscientiæ tantum, capite septimo dicitur.

## CAPUT VI.

### De Dispensatione in forma pauperum.

1. Dispensationes in forma pauperum sic dictæ à pau-  
pertate Oratorum.
2. Quomodo hæc qualitas in litteris exprimitur?
3. Debet esse ex parte utriusque; & testimonio fide dig-  
no probari.
4. Formula attestationis super paupertate à Parocho ex-  
pediendæ.
5. Quid circa paupertatem observare debeat Parochus?
6. Quid circa impedimentum quod allegatur?
7. Valde circumspiciti esse debent Parochi in danda hæc  
attestatione.
8. Quo tempore paupertas Oratorum verificanda?
9. Hæ dispensationes concedi solent ob incestum præ-  
vium, aut ejus suspensionem.
10. Si post indictam separationem aut obtentum Decretum  
copula intervenerit, novis litteris opus est.
11. Oratoribus ob incestum prævium imponenda pœniten-  
tia publica.
12. Qualis debeat esse pœnitentia publica?
13. Oratori injungendum, ut operam suam in aliquod pi-  
um opus conservet.
14. Hæc pecunia redimi nequit.
15. Speciales clausulæ dispensationis in forma pauperum.
16. Ad dispensationem non procedendum, nisi peracta  
Oratori imposita pœnitentia.
17. Delegatus non potest dispensare, si prævideat ex dis-  
pensatione oritura scandala.

I. **INTERDUM** expediuntur in Curia Romana dispen-  
sationes in forma pauperum, ita dictæ, quod non-  
nisi pro pauperibus hujusmodi dispensationes expedian-  
tur.

II. Unde in ipsis litteris dispensationis expresse sup-  
ponitur & exprimitur hæc Oratorum qualitas, his ver-  
bis: *Qui pauperes, & miserabiles existunt, & ex labore  
& industria sua tantum vivunt.*

III. Et quidem ad implendam hanc dispensationem,  
requiritur paupertas & miserabilitas utriusque, scilicet  
tam Oratoris quam Oratricis, ait Pyrrhus Corradus *lib.*  
*8. cap. 5. num. 3.*

Debet autem hæc qualitas, quæ extrinseca est, pro-  
bari; neque admittitur sola Oratorum assertio, in Cu-  
ria Romana; sed solet in his proferri testimonium Pa-  
rochi alteriusve fide digni.

IV. In libello nuper Leodii impresso sub hoc titu-  
lo: *Manuale Pastorum compendiose complectens Canones  
& Ritus Ecclesiasticos, pro administrandis Sacramentis  
juxta usum Pastoralis Meebliniensis pag. 192.* extat for-  
mula ad scribendum testimonium pro iis, qui egent dis-  
pensatione Sedis Apostolicæ, titulo paupertatis, tenoris  
sequentis: "Ego infra scriptus Rector Parochialis Eccle-  
siæ loci de N. sub districtu Diocesis N. scio & testi-  
ficor NN. & NN. subditos præfatæ Parochialis Ec-  
clesiæ esse orthodoxæ Romanæ fidei cultores, verum  
adeo pauperes, ut de suis labore & industria tantum  
vivant. In cujus fidem subscripsi hac.... Mensis....  
Anni...."

V. Post hæc subjicitur duplex monitum. Primum su-

per veritate ipsius paupertatis: "Attestatio hæc non est  
in ista forma expedienda, nisi ejus contenta nitantur  
veritate, & hæc habeatur, vel ex particulari notitia  
ipsiusmet Pastoris attestantis, vel ex testimoniis fide  
dignorum testium. Si omissa fuerit particula *tantum*,  
non utilis est attestatio ad finem qui intenditur.

VI. Alterum monitum concernit gradus affinitatis  
aut consanguinitatis, qui inter Oratores intercedere di-  
cuntur. "Necessum etiam est (ait) ut Pastor antequam  
relaxet testimonium, quod Oratores sunt consanguini  
nei vel affines in tali vel tali gradu, exacte sit infor-  
matus de hujusmodi gradu, & quamdam ejus habeat  
certitudinem. Alias pauperes Oratores, expeditis  
Bullis juxta vitiosam gradus expressionem, incidunt  
in varia incommoda.

VII. Admodum circumspiciti esse debent Parochi  
in hujusmodi testimoniis expediendis, singulasque par-  
ticulas serio & attente expendere, atque mature exa-  
minare, num prædicta formula per omnia, uti sonat,  
verificari queat.

Cum enim hæc formula semper inferatur, & coram  
Commissario, priusquam ad dispensationem procedere  
queat, verificari debeat; si tunc quoad omnes suas par-  
tes verificari nequeat, dispensatio in simili forma ob-  
tenta suo effectu carebit; frequenter non sine multis  
impetantium incommodis.

VIII. Notandum, quod juxta hodiernum stylum  
non sufficiat paupertas & miserabilitas Oratorum tem-  
pore supplicationis; sed ea adesse & probari debet, dum  
litteræ dispensationis à Commissario Apostolico exi-  
muntur & executioni mandantur, uti observat Corra-  
dus loco citato *num. 30.*

IX. Hæ dispensationes solent expediri ob incestum  
prævium aut ejus vehementem suspensionem, ne ob co-  
pulam jam inter eos quovis modo subsequutam, aut il-  
lius suspensionem ortam, contingat eos cum animarum  
jactura, & cum gravi scandalo in simili copula, aut  
ejus suspensione perseverare; ipsaque Oratrix infamata  
& innupta remanere cogatur.

Quapropter in litteris in hac forma expeditis injun-  
gitur Executori seu Commissario, ut Oratores *ab in-  
vicem separet*, idque sive agatur de contracto, sive con-  
trahendo Matrimonio.

X. Quin in hac specie dispensationis singulare est ex  
declaratione Pauli V. ut si durante hac indicta separatione,  
aut ante obtentum Decretum dispensationis Oratores se-  
rursus carnaliter cognoverint, de novo recurrendum  
sit ad Sedem Apostolicam pro litteris *perinde valere*; uti  
monet Pyrrhus Corradus *lib. 8. cap. 5. num. 38.* ubi &  
lare de hujusmodi litteris discurret; variasque earum,  
pro varietate casuum, formulas proponit.

XI. Ulterius in hac dispensatione speciale est, quod  
Oratoribus ob incestum prævium per Executorem sive  
Commissarium debeat imponi *pœnitentia publica*, quod  
ita in litteris exprimi consuevit. *Eam illis pœnitentiam  
publicam imponas, quæ alios deterreat à similibus com-  
mittendis.*

XII. Non exprimitur quidem species pœnitentiæ  
publicæ; sed ea pro personarum, locorum ac criminis  
circumstantiis determinanda relinquitur Commissario;  
ita tamen publica esse debet, ait Corradus *lib. 8. cap. 6.  
num. 7.* "Ut omnibus fere loci seu oppidi, aut civitatis,  
ubi ipsos Oratores hujusmodi pœnitentiam peragere  
contingit, innotescat.

Testatur quoque ibidem *num. 9.* consuetudine in-  
troducitur, ut pro hujusmodi incestu & excessibus, in  
pluribus mundi partibus tale scelus perpetrantibus, vi-  
gore dictarum litterarum injungatur, ut dum Missa so-  
lemnis decantatur in Ecclesia Parochiali Oratorum, in  
suis manibus teneat unusquisque ipsorum candelam ac-  
censam.

Hinc apparet, Ecclesiam Romanam in ea esse opi-  
nionem, quod delicta publica etiam pœnitentia publica  
sint expianda; eatenus saltem, ut scandala reparentur;  
& alii

& alii à similibus committendis deterreantur, conformiter ad Decretum Concilii Tridentini *Seff. 24. cap. 8. De Reformat. de quo latius supra tit. 6. cap. 2.*

XIII. Occurrit deinde in hac specie dispensationis hoc singulare, quod Oratori injungi debeat à Commissario, ut operam suam fabricæ, vel in aliud servitium aliqujus Ecclesiæ vel pii loci, tribus saltem mensibus conferat.

Hæc pœna imponitur in casu hujusmodi dispensationis, tam civilibus, quam vilibus personis, ut docet quotidiana praxis, ait Corradus loco citato *num. 15.*

XIV. Monet quoque ibidem *num. 16.* pœnam illam pecunia redimi non posse, nec per alium persolveri; etiamsi vellet solvere pecuniam alicui volenti dictam pœnitentiam pro ipso peragere: "Quod quidem (ait) optima ratione servatur; quia juxta dictum Isidori nullam reus pertimescit pœnam, quam scit pecunia posse redimere, per textum in *Canone PAUPER caus. 11. q. 3.* Debent enim, qui tale scelus perpetrarunt castigari pœnitentiis salutaribus & afflictivis, quæ non debent in aliud gravamen commutari; cum non sint res quæ delinquant, sed ipsæ personæ; & sic non debent puniri bursæ, ubi sunt homines puniendi: quia crimina non sic debent transire impunita.

XV. Ex dictis Corradi mirum suboriri debet, quod incestum, qui in divitiis non est crimen minus, quam in pauperibus; imo ab illis nonnumquam committitur majori cum scandalo, Curia Rom. nulla imposita corporis afflictiva pœnitentia ab omnibus divitiis pretio statuto redimi permittat: neque injungatur Commissario, ut Oratori ob prævium incestum pœnitentia corporis afflictiva nullo pretio redimenda imponatur.

Similiter si, teste Pyrrho Corrado, Pontifex clausulam hanc, *nec scandalum sit ex eo oriturum*, in litteris dispensationis in forma pauperum, expressam velit, ut ostendat enixam suam esse voluntatem, dispensationem non esse concedendam, si prævideatur ex ea dispensatione scandalum oriturum, uti inferius *n. 17.* est observatum, mirum videri debet, cur eandem clausulam exprimendam non censuerit Curia Romana in ordinaria formula dispensationis: quandoquidem non magis ex dispensatione in forma pauperum, scandalum sit timendum, quam ex dispensatione expedita in forma ordinaria; neque minus scandalum ex hac, quam ex illa dispensatione prævium, præcavendum sit.

XVI. Cum dispensationis litteræ obtentæ fuerint, non poterit Commissarius ad dispensationem procedere, nisi publica pœnitentia, juxta præscriptam formam integre peracta; "etiamsi Orator, quoad operam suam conferendam, voluit præstare quantumcumque idoneam cautionem de ea conferenda post contractum Matrimonium (inquit Corradus ibi *num. 53.*) quia sicut Ordinis susceptio non debet concedi Clerico in publica pœnitentia existenti; ita ad Matrimonium transire non permittitur, ipsa pœnitentia durante, ut habetur in Concilio Arelatensi II. *Can. 21.*

XVII. Denique in litteris hujusmodi dispensationis speciali modo committitur dispensatio arbitrio Executoris; post enim peractam pœnitentiam publicam, operamque præstitam; *demon* (ait Pontifex) *si tibi expediens videbitur, quod dispensatio hujusmodi sit eis concedenda; nec scandalum sit ex eo oriturum.*

Itaque post omnia injuncta juxta tenorem litterarum peracta, committitur arbitrio Executoris, an dispensari conveniat; ac præcipue an sine scandalo dispensatio concedi queat.

Et quamvis dispensatio quæcumque suspendi, imo Matrimonium impediri debeat, si sine scandalo fieri nequeat; ideoque etiam si prædicta clausula non esset in litteris appositæ, nihilominus subintelligeretur, voluit hic tamen Papa exprimi, ut magis dignoscatur sua enixa voluntas, ait Pyrrhus Corradus *lib. 8. cap. 6. num. 64.*

## CAPUT VII.

De Dispensatione pro foro conscientie expedienda per Pœnitentiarium.

1. Delegatus debet se super veritate contentorum in Bulla informare.
2. Quomodo hæc informatio fieri debeat?
3. Quid? si ex informatione non innoteat falsitas narratorum, sed aliunde Delegato nota sit.
4. Dispensatio in solo foro interno suffragatur.
5. Commissarius dispensare nequit, nisi prius audita Oratoris Sacramentali Confessione.
6. Impedimentum debet esse occultum: & quando dicitur occultum?
7. Debet inquiri quod incommodum sit secuturum, si non dispensetur.
8. Matrimonium de novo contrahi debet, sed prius de nullitate Matrimonii utrique parti constare debet.
9. Hic magna circumspectione Commissarius uti debet.
10. Consensus Matrimonialis non est renovandus coram Parocho & testibus.
11. Dispensatio hæc in solo foro conscientie prodesse potest.
12. Quam secreto hic omnia peragenda sint.
13. Qua ratione invalida censetur dispensatio, si litteræ dispensationis Oratori restituantur.

I. DE forma & inscriptione dispensationum, quæ in Pœnitentiaria Romana expediuntur, aliqua diximus *parte prima tit. 23. cap. 4.* ubi de Pœnitentiario & Pœnitentiaria Romana egimus; hic pauca duntaxat specialia in hac dispensatione occurrentia notabimus.

Clausula specialis occurrit, modum inquirendi super veritate narratorum continens, his verbis exprimi solita: *Si ita esse per diligentem Oratoris examinationem, ac post monita & consilia opportuna illi præstita, inveneris.*

II. Non debet ergo Delegatus se super veritate allegatorum informare auditis testibus; quemadmodum contingit in dispensatione obtenta in Dataria, quæ etiam pro foro externo valet, sed sufficit, ut Delegatus diligenter examinet Oratores pro veritate expolitorum, idque prævis monitis & consiliis opportunis; è quibus scilicet ipsi Oratores percipiant momentum hujus examinis; quod à sincera vel non sincera expositione narratorum dependeat validitas vel invaliditas dispensationis, & inde consequens etiam validitas aut invaliditas Matrimonii; atque hinc ulterius dependeat, num forsan tota vita durante non sint victuri in perpetuo incestu cum evidenti periculo æternæ damnationis.

III. Sed quid? si ex Oratoris examine ac interrogatione falsitas precum non deprehendatur; aliunde tamen illa Delegato innoverit. Nullatenus dispensare poterit: dispensando enim contingeret, quod forte conjuges, aut alter eorum in perpetuo viverent incestu.

Accedit, quod cum hic petatur dispensatio occulte, nullum sit inconveniens si privata & occulta sciencia Delegatus utatur; præsertim cum præsumendum sit, Pontificem nolle dispensationem indulgere, quando revera causa dispensationis allegata non subsistit.

IV. Tertia clausula exprimitur hac formula: *Ita quod hujusmodi dispensatio & absolutio in foro judicario nullatenus suffragetur.*

Quapropter, si vel per Superiorem ex officio, vel à quocumque privato Matrimonii validitas in quæstionem ducatur, nullatenus dispensatio in Pœnitentiaria

tiaria obtenta suffragabitur; sed quaestio discutienda & terminanda erit, ac si nulla dispensatio intervenisset.

V. Ex stylo hodierno additur: *Audita prius Oratoris Sacramentali Confessione, eundem hac vice in forma Ecclesiae consueta, & injuncta ei poenitentia absolvat.*

Per hanc clausulam jam sublatum est dubium olim à Doctore Pyrrhus Corradus Lib. 7. cap. 7. num. 12. "Non sufficit illud esse occultum, tantummodo tempore impetrationis dispensationis super eo; sed opus est, quod nullus adit timor, quod aliquo modo possit fieri publicum in futurum; alias enim major Poenitentius remitteret supplicationem ad Datariam, ut Oratores petant secum dispensari in utroque foro; quia non occultum, sed manifestum dicitur, quod potest probari, per gloss. in cap. VESTRA, in verbo NOTORIUM De Cohab. Cler. & mul. Impedimentum autem occultum dicitur, quando non publice constat, nec facile constare potest, ac periculum non est, ut in foro externo detegatur.

VI. Altera clausula in omnibus dispensationibus à Poenitentiaria emanantibus est: *Dummodo impedimentum ex praemissis proveniens sit occultum.*

Pro intellectu hujus clausulae observandum quod dicit Pyrrhus Corradus Lib. 7. cap. 7. num. 12. "Non sufficit illud esse occultum, tantummodo tempore impetrationis dispensationis super eo; sed opus est, quod nullus adit timor, quod aliquo modo possit fieri publicum in futurum; alias enim major Poenitentius remitteret supplicationem ad Datariam, ut Oratores petant secum dispensari in utroque foro; quia non occultum, sed manifestum dicitur, quod potest probari, per gloss. in cap. VESTRA, in verbo NOTORIUM De Cohab. Cler. & mul. Impedimentum autem occultum dicitur, quando non publice constat, nec facile constare potest, ac periculum non est, ut in foro externo detegatur.

VII. Post hæc eodem contextu in formula subditur: *Et separatio inter latorem & dictam mulierem fieri non possit absque scandalo; ex cohabitatione vero de incontinentia probabiliter timendum esse tibi visum fuerit, aliudque Canonicum non obstat impedimentum.*

dictio dummodo præcedens, cum qua hæc clausula connectitur, facit, ostendit, mentem Committentis esse, ut non dispensetur, nisi præmissa verificentur.

VIII. Sequitur deinde in formula: *Cum eodem latore, ut dicta muliere de nullitate prædicti consensu certiorata, sed ita caute, ut latoris delictum nusquam detegatur, Matrimonium cum eadem, & uterque inter se de novo, secreta ad evitanda scandala, praemissis non obstantibus, contrahere, & in eo postmodum remanere licite valeant, misericorditer dispenses.*

Ex hac clausula patet primo, quod si impedimentum uni duntaxat partium notum sit, nequeat Matrimonium de novo contrahi, nisi prius altera pars de nullitate prioris consensu sit certiorata. Ratio illius facile colligi poterit ex dictis capite 5. num. 11.

IX. Magna hic prudentia ac circumspectio opus est: unde merito Executor hic non tantum humana, sed vel maxime Divina consilia & auxilia adhibebit; recurrendo ad Patrem luminum, ut eum lumine suo illuminet, quid in casu adeo perplexo agere debeat.

X. Pater quoque ex eadem clausula, consensum hic non esse publice renovandum coram Parocho & testibus, quemadmodum in casu dispensationis in Dataria expeditæ super impedimento non occulto, sed secreta inter partes renovari sufficiat; eo quod impedimentum sit occultum, & dispensatio pro solo foro interno. Imo hæc dispensatio non admittit, Matrimonium publice coram Parocho & testibus renovari vigore ipsius dispensationis: quia omnia vult secretissime peragi, neque incommoda; quæ ex clandestinis Matrimoniis timebantur, hic timeri possunt; ut bene notat Corradus Lib. 8. cap. 5. num. 43.

XI. Essentialis differentia hujus dispensationis in Poenitentiaria obtentæ, & dispensationis in Dataria expeditæ, in hoc consistit, quod hæc valeat pro utroque foro; illa vero pro solo foro interno, ut his verbis exprimitur: *In foro conscientiae, & in ipso actu confessionis TANTUM, & non aliter, neque ullo modo; ita quod hujusmodi absolutio & dispensatio in foro judiciali nullatenus suffragatur.*

XII. Ut omnis occasio utendi hac dispensatione in foro judiciali amputetur, additur: *Nullis super his adhibitis testibus, aut litteris datis, seu processibus confectis; Praesentibus laniatis, quas sub pena excommunicationis latae sententiae laniare tenearis, ita ut nullum illarum exemplum extet, neque eas latori restituas; quod si restitueris nihil ipsi praesentes litterae suffragentur.*

Nulli ergo omnino testes in actu dispensationis intervenire possunt; nec ullæ omnino litteræ etiam privatae qualescumque dari de dispensatione facta, multo minus processus judicialis confici, quibus quovis modo in foro externo hæc dispensatio probari posset. Et ne aliquod vestigium seu indicium externum dispensationis superesset, litteras ita laniari mandat, ut nullum exemplum extet.

XIII. Quod addit in fine, quod si latori restituantur litteræ dispensationis, ipsi eadem litteræ nihil suffragentur, subintelligitur in foro externo, uti post Sanchez De Matrimonio lib. 8. Disp. 34. num. 42. notat Marcus Paulus Leonis in Praxi Poenitentiariae parte 2. cap. 2. num. 88. ita ut si dictæ litteræ in prædicto foro exhibeantur, careant omni fide & probatione: quia illa est mens Magni Poenitentarii concedentis; nequaquam vero ut dispensatio facta frustretur suo effectu in foro conscientiae.

## CAPUT VIII.

Quæ circa dispensationes à Parocho populo exponenda.

1. Parochus merito monet oratores, ut expendant an sub sit justa causa petendi dispensationem.
2. Ostendit quam periculosum sit mediante dispensatione Matrimonium contrahere.
3. Dispensatio non semper reddit aliquem coram Deo securum.
4. An satisfaciant dicendo, Pontifex judicet utrum sit justa causa?
5. Instruendi quod non omnes causæ in Curia Romana admittantur.
6. Exponenda clausula litteris inferi solita: Si preces veritate nitantur.
7. Monendi de clausulis hujusmodi litterarum; necnon de juramento præstando.
8. Litteræ in forma pauperum singulariter exponendæ.
9. Notitia formularum & clausularum, quibus dispensationes concipiuntur, Parochis admodum convenient.
10. Episcopi mandant à Parochis eas subinde populo exponi.

I. IMPRIMIS Parochus intelligens, aliquos è suis Parochianis meditari dispensationem super impedimento Matrimonii à Sede Apostolica petere, utiliter eos monebit, ut serio expendant, an revera coram Deo sit justa causa dispensandi, id est, justa causa recedendi à Decretis & legibus Ecclesiae.

II. Ut autem efficacius ad id expendendum moveat, ostendet, quam periculosum sit statum aliquem assumere recedendo à regulis Ecclesiae. Nisi enim causa talis sit quæ Deo probeatur, verendum, ne ob hunc à regulis Ecclesiae recessum, ipsum Matrimonium etiam Divina benedictione frustretur: visumque non raro quam infelix fuerit exitus eorum, qui neglectis sacris Ecclesiae Ordinationibus vitæ conditionem elegerunt. Et quidem primum in Ecclesia Romana excitatum schisma, in ordinationem auctoris ipsius schismatis dispensative factam refundere non dubitavit Cardinalis Baronius, qui & illius occasione hoc notandum, & huic materiae appositum monitum subiungit: "At plane ex facto Novatiani apparet, quanto periculo quærat per dispensationem."



„dispensationem, quod est aliis Ecclesiasticis legibus interdictum.

Quam infaustus sæpe sit exitus Matrimoniorum, mediante dispensatione, præsertim in gradu admodum propinquo, contractorum, quotidiana experientia sat notum est.

III. Adhæc proponet Parochus, quod non semper coram Deo aliquis sit securus, licet dispensationem à Sede Apostolica obtinuerit, si legitima dispensandi causa desit. Neque hanc esse justam excusationem, qua plerique se securos existimant, dicentes: *Papa dispensavit, ipse viderit, ego sum immunis.*

Quia uti rectè monet Bellarminus *Epistola* ad Nepotem suum *Controv. 5.* „Hic cavillus securos multos reddit, tutum verò neminem: quoniam Papa non est Dominus, sed dispensator; ideoque qui iniquam dispensationem petit, iniquitatis causa est, & qui eam utitur, eadem semper irretitur iniquitate.

IV. Si forsitan dicant, num causa sufficiens subfit, Pontifici expendendum relinquimus, ejusque consilium expectamus; regei poterit, quod similibus olim dixit Bernardus *Epist. 1.* *Utinam non licentiam quasissetis, id est, non ut liceret, sed auferret.*

Verendum sanè, ne pluribus à Sede Apostolica dispensationem efflagitantibus, impropere queat illud quod verbis citatis subjungit Bernardus: „Malum in corde conceperant, opere tamen ausi non sunt adimplere nisi cum licentia. Conceperunt dolorem, sed non pepererunt iniquitatem, donec iniquo Papa conceptui præbisset assensum..... Quod tamen summum fecisse Pontificem nequaquam crediderim, nisi aut circumventum mendacio; aut importunitate victum.

V. Exponere quoque convenit dispensationem petere meditantibus, quomodo non sit satis, quòd causa aliqua forsitan de se sufficiens subfit, hæcque verificari possit; sed quòd verificanda erit una ex causis in Romana Curia admittis; idque cum formula, quæ in litteris dispensationis exprimi consuevit.

VI. Ostendendum insuper, quomodo potestas dispensandi ipsi Officiali delegari soleat sub hac conditione, si preces veritate nitantur: cujus conditionis effe-

ctus exponendus erit; atque demonstrandum, quomodo ipsa dispensatio sæpe periclitetur, quia hæc conditio impleri nequit; eò quòd preces, præbuit in litteris juxta stylum Curie expressæ sunt, verificari nequeant.

VII. Adhæc monendi sunt de aliis clausulis hujusmodi dispensationum litteris inferi solitis; nec non instruendi super præstando juramento, præsertim si dispensatio petatur ob incestum aut familiariorem conversationem præcedentem.

VIII. Denique cum frequenter contingat in Parochiis ruralibus dispensationem postulari in forma pauperum, convenit ut Parochus exponat clausulas speciales, quæ in Rescripto dispensationis in tali forma expedito inferi consueverunt ex solito stylo Curie Romanæ.

IX. Ex his facile intelligitur, formularum & clausularum, quæ hoc titulo propositæ & expositæ sunt, notitiam non tantum Officialibus, quibus executio litterarum dispensationum committi consuevit, sed & Parochis multum utilem, & quodammodo necessariam esse, ut nimirum ipsi subditis suis, quos mediante dispensatione contrahere velle sciunt, proponant ea omnia, quæ obtentâ dispensatione verificare ac facere renebuntur; eosque moneant, ut serio attendant priusquam supplicam suam Romam mittant, expensasque faciant, vel rumor de ineundo Matrimonio spargatur, num reverâ credant se ea omnia verificaturos, & quidem illâ certitudine, ut Matrimonium de nullitate non periclitetur; nec non juramenta præstanda cum veritate præstituros.

X. Unde, teste Pyrrho Corrado, nonnullis Episcopi in Synodo Diocesana ad hos errores vitandos mandare solent, ut, cum Parochi de prohibitis Matrimonii verba faciant, diligenter doceant & cautè demontrent, nullo modo censeri dispensatum, nisi verificatis narratis; ac præcipue, ut in supplicationibus curent verum exprimi (a)

(a) Plura dare poteris *Dissertatio Canonica* cui D. Van-Efpen fecit hunc Titulum *De Dispensationibus præsertim Matrimonialibus.*

## TITULUS XV.

### DE DIVORTIIS ET SECUNDIS NUPTIIS.

#### CAPUT I.

De Divortio quoad vinculum; & Conversione conjugatorum.

1. Divortium dupliciter sumitur.
2. Matrimonium legitimum non ratum facilius dissolvitur quàm Matrimonium ratum.
3. Matrimonium legitimum Infidelium non semper dissolvitur altero conjugum ad fidem converso.
4. Licet etiam cum impedimento dirimente fuerit contractum.
5. Potest conjux conversus ad alias nuptias transire, si alter veniat sine contumelia Creatoris converso cohabitare.
6. Hic tamen recipiendus, si convertatur ante transitum prioris ad alias nuptias.
7. Matrimonium ratum non consummatum, interdum quoad vinculum dissolvitur.

8. Jam pridem per professionem Religiosam Matrimonia credebantur dissolvi.
9. Id Alexander III. intellexit de Matrimonio rato non consummato.
10. In probationem hujus dissolutionis adducuntur exempla Sanctorum.
11. Dissolutionem hanc probavit Synodus Tridentina.
12. Efficacia dissolvendi Matrimonium ratum, non voto solemnem, sed professioni solemnem tribuitur.
13. Matrimonium consummatum juxta sacros Canones per professionem Religiosam non dissolvitur quoad vinculum.
14. Post consummationem Matrimonii non licet conjugi, altero invito, professionem Religiosam emittere aut continentiam vovere.
15. Qui sine consensu conjugis intravit Monasterium, ad eum redire compellitur.
16. De consensu mutuo licitum est conjugibus continentiam vovere & Religionem ingredi.
17. Uno conjugum Religionem ingrediente ordinariè alter etiam ingredi debet; & quare?

18. Sacri Canones non permittunt uxorem in Episcopum ordinari, nisi ejus uxor continentiam voveat, & vestem Religiosam assumat.
19. Ratio hujus disciplinæ.
20. Providendum ne uno conjugum Monasterium ingressus, alter de incontinentia fiat suspectus; aut ejus periculum incurrat.
21. In hac conjugum separatione convenit, ut interponatur auctoritas Episcopi.
22. Ob adulterium non dissolvitur Matrimonium quoad vinculum.

**I.** DIVORTIUM sumitur dupliciter. Primum quidem, idque frequentius, pro dissolutione Matrimonii quoad vinculum, diciturque hæc dissolutio propriè Divortium. Secundò, accipitur pro separatione conjugum quoad thorum & cohabitationem, durante interim adhuc Matrimonii vinculo; hæcque separatio conjugum impropriè Divortium appellatur.

II. Quoad divortium primo modo sumptum, indubitatum est, illud facilius admitti circa Matrimonium legitimum non ratum, quam circa Matrimonium ratum, licet non consummatum; quamvis & quoad Matrimonium ratum tantum aliquando admitatur.

Matrimonium legitimum non ratum, dicitur Matrimonium inter Infideles sive non baptizatos secundum eorum leges & instituta contractum.

III. Hoc Matrimonium rationem contractus civilis duntaxat habens, neque ad rationem Sacramenti hæcæus elevatur, indissolubilitatem ex Christi institutione non habet; altero tamen ad fidem converso, altero in Paganismo seu infidelitate remanente, separationem vetuit Ecclesia; ut per conversionem unius conjugis & alter salvari possit; cum juxta Apostolum 1. ad Corinth. 7. contingat, *sanctificari virum infidelem per mulierem fidem, & econtra.*

IV. Imò etsi inter ipsos Infideles tempore contractus matrimonialis intercesserit impedimentum dirimens, non tamen propterea conjux ad fidem conversus ab alio separari debet; modò impedimentum illud non à jure naturæ; sed à jure merè positivo inductum sit; super quo Ecclesia dispensat, "in favorem præsertim Christianæ Religionis & fidei, à cujus perceptione per uxores se deseri timentes viri, possunt faciliè revocari," ait Pontifex in cap. 8. *De Divortii.*

V. Addit tamen Pontifex hanc exceptionem: "Nisi post conversionem illa renuat cohabitare cum ipso, aut etiam si consentiat, non tamen absque contumelia Creatoris, vel ut eum petrahar ad mortale peccatum: in quo casu restitutionem petenti, quamvis de injusta spoliatione constaret, restitutio negaretur: quia secundum Apostolum 1. Cor. c. 7. v. 15. *Frater aut soror non est hujusmodi subiectus servituti: hoc est, poterit conjux fidelis tali casu transire ad novas nuptias.*

VI. Deinde subjungit Pontifex: "Quod si conversum ad fidem & illa conversa sequatur, antequam propter prædictas causas legitimam ille ducat uxorem, eam recipere compellitur.

Porro cum rarus circa hujusmodi Matrimonii dissolutionem casus incidat, plura dicere necesse non est; siquando casus occurrat, faciliè consuli poterunt Commentatores ad citatum cap. 8. & 7. eodem in titulo.

VII. Matrimonium ratum non consummatum, quamvis sit perfectum in ratione Matrimonii ante consummationem; faciliè solvi nihilominus quoad vinculum, quam Matrimonium ratum & consummatum, nemo Catholicorum dubitat.

VIII. Et quidem illud dissolvi per professionem Religiosam non obscurè expressum est apud Gratianum *Caus. 27. q. 2. Can. 26.* ibi ex Epistola Nicolai I. refertur hoc fragmentum: "Nam licet *Matth. 19. v. 6.*

scriptum sit, *quod Deus conjunxit, homo non separet.* Deus tamen, & non homo separat, quando divini amoris intuitu ex consensu utriusque conjugis Matrimonia dissolvuntur.

Hic quidem non sat clare exprimitur, num per Matrimonia, de quibus hic agitur, intelligantur rata tantum, an generaliter rata & consummata; sed Ecclesia hos aliosque Canones de hac dissolutione loquentes, de Matrimonio rato tantum intellexit; hocque per professionem dissolvi posse, nequaquam autem Matrimonium consummatum, declaravit.

IX. Alexander III. rescribens Salernitano Archiepiscopo in cap. 2. *De Conversione conjugatorum*, ait: "Verum post consensum legitimum de presenti, licitum est alteri, altero etiam repugnante, eligere Monasterium, dummodo carnalis commixtio non inter venerit inter eos: & alteri remaneat (si communitus continentiam servare voluit) licitum est ad secunda vota transire." Rationem subjungit: "Quia cum non fuissent una caro simul effecti satis, potest unus ad Deum transire, & alter in seculo remanere.

Idipsum rescripsit Brixienfi Episcopo in cap. 7. *eod.* dicens: "Quod Dominus in Evangelio dicit, non licet viro nisi ob causam fornicationis uxorem suam dimittere, intelligendum est secundum interpretationem Sacri Eloquii, de his, quorum Matrimonium carnali copula est consummatum.

X. Alexander III. in suæ resolutionis probationem adducit exempla Sanctorum, "dicens: *Sicut quidam Sancti de nuptiis vocati fuerunt;* ex quo non obscurè colligitur, Pontificem hic reflexisse ad ea, quæ habet Gratianus ad calcem allegati *Canonis 26.* ubi probans sponso posse sine mutuo consensu continentiam vovere, subjungit: "Ut enim refert Beatus Hieronymus, Macarius præcipuus inter Christi Eremitas, celebrato nuptiarum convivio cum vespere thalamum esset ingressurus, ex urbe egrediens transmarina petiit, & eremi solitudinem sibi elegit. Item Beatus Alexius Euphemiani clarissimi filius, similiter ex nuptiis divinâ gratiâ vocatus, sponsam deseruit, & nudus Christo famulari cepit. Horum exemplo patet, quod sponsi, sponсарum suarum non exquisito consensu, continentiam valent profiteri.

XI. His aliisque moti Patres Tridentini, dixerunt *sess. 24. Can. 6. De Reformat. Matrimonii*: "Si quis dixerit, Matrimonium ratum non consummatum, per solemnem Religionis professionem alterius conjugum non dirimi; anathema sit.

XII. Hanc efficaciam dirimendi Matrimonium ritè contractum Synodus non tribuit voto solemnî; sed *solemni professioni Religionis*: nec enim omne votum solemne hanc vim habet, quemadmodum quoad votum solemne Ordini sacro annexum declaraverat jam pridem Joannes XXII. in sua *Extravagante unica De voto*. Similiter licet vota emissâ à Patribus Societatis post probationem biennem fiant efficacia ad dirimendum Matrimonium contrahendum, non tamen dirimunt jam ante contractum, utl post alias notat Gonsales in Commentario ad cap. 2. *De Convers. Conjugat. num. 6.*

XIII. Si leges Civiles attendamus, non tantum Matrimonium ratum dissolvitur per professionem Religiosam, sed etiam consummatum. *Novellâ 23. cap. 40.* quam legem non obscurè indicat Sanctus Gregorius *lib. 9. Epist. 39.* eamque tanquam Legi Divinæ haud consonam rejicit: "Si enim dicunt (ait) Religionis causâ conjugia debere dissolvi, sciendum est, quia etsi hoc Lex humana concessit, Lex Divina tamen prohibuit. Per se enim Veritas dicit: *Quod Deus conjunxit, homo non separet.* Quæ etiam, ait *Matt. c. 5. v. 32.* *Non licet dimittere uxorem exceptâ fornicationis causâ.* Quis ergo huic cœlesti Legislatori contradicat? Scimus, quia scriptum est *Gen. c. 2. v. 24. Erunt duo in carne una.* Si ergo vir & uxor una caro sint, &

Religionis

„ Religionis causâ vir dimittit uxorem, vel mulier virum in hoc mundo remanentem, vel etiam fortasse „ ad illicita vota migrantem; quæ est ista migratio vel „ conversio, in qua una eademque caro & ex parte „ transit ad continentiam, & ex parte remanet in pollutione?

Idipsum reperit eodem libro *Epist.* 44. dicens: „ Quia etsi mundana lex præcipit, conversionis gratiâ, „ utrolibet invito posse solvi conjugium: Divina hoc „ tamen Lex fieri non permittit: „ Extant hæc S. Gregorii scripta apud Gratianum *Caus.* 27. q. 2. *Can.* 19. § 21.

Hanc S. Gregorii aliorumque Patrum sententiam amplexa Ecclesia, docet Matrimonium ratum & consummatum per professionem Religiosam non dissolvi; quin & vinculum Matrimonii inter Conjuges manere, tamen si de mutuo consensu uterque solemnem professionem Religiosam emisisset.

XIV. Ulterius hinc consequens est, Conjugem alterum non posse altero invito Religionem ingredi, aut etiam continentiam vovere, ita scilicet ut alter debito conjugali obillud vorum fraudari deberet invitus. Unde scribit S. Augustinus *Epist.* 127. ult. edit. „ Una sola „ causa esse posset, qua te id quod vovisti, non solum „ non hortaremur, verum etiam prohiberemus implere, „ si forte tua conjux hoc tecum suscipere, animi, seu „ carnis infirmitate recusaret. Nam & vovenda talia „ non sunt à conjugatis, nisi ex consensu & voluntate „ communi: & si præproperè factum fuerit, magis est „ corrigenda temeritas, quam persolvenda promissio. Gratianus *Caus.* 33. q. 5. *Can.* 6.

Et in *cap.* 5. § *De Conversione Conjug.* rescribit Alexander III. Strigoniensi Archiepiscopo: Nullus conjugatorum est ad sacros Ordines promovendus, nisi „ ab uxore continentiam profitente fuerit absolutus.

XV. Quin & idem Pontifex Pisano Episcopo respondit in *cap.* 3. § *eodem*, quod qui invitâ uxore intravit Monasterium ad eam redire compellatur; asseritque, votum sic emissum non tenuisse: „ Unde ratio „ ne voti (ait) ad Monasterium non tenetur redire, „ ulterius verò non poterit uxorem accipere: promissit enim se non exigere debim, quod in ejus potestate „ erat; & idèd quoad hoc tenuit vorum; non reddere „ autem, non erat in ejus, sed mulieris potestate. Idem respondit Cælestinus III. in *cap.* 12. § *eod.*

XVI. De consensu conjugis, alterum conjugem posse ad Religionem transire, aut continentiam vovere, indubitatum est: quod & in citata Epistola expressit S. Gregorius dicens: „ Si verò utrique conveniat continentem vitam ducere, hoc quis audeat accusare, „ quando certum est, quod omnipotens Deus, qui minorâ concessit, majora non prohibuit.

XVII. Verum cum sit periculosum sit, uxorem in seculo remanere, viro Religionem ingressa, Exonensi Episcopo scribit Alexander IV. in *cap.* 4. § *De Conversione Conjugat.* „ Cum sis præditus scientiâ litterarum, ignorare non debes Sanctorum Patrum Constitutioni esse contrarium, ut vir uxore suâ aut uxor viro ejus non assumente Religionis habitum, debeat „ ad Religionem transire. (Quia cum vir & uxor una „ caro sint, sicut docet Apostolus, non potest unus ad Deum converti, & alter in seculo remanere.) Inde est quod auctoritate Apostolica prohibemus, ne „ in Episcopatu tuo virum vel uxorem (nisi uterque „ ad Religionem migraverit) transire permittas. „ Ita legitur in prima Decretalium collectione apud Antonium Augustinum; Raymundus autem verba anulis inclusa omisit.

XVIII. Rursus idem Pontifex Strigoniensi & Coloniensi Archiepiscopo scribit in *cap.* 6. § *eod.* „ Fraternitati vestræ auctoritate Apostolica prohibemus, „ ne uxorum præsumatis in Episcopum ordinare, nisi „ uxor prius professâ continentiam, sacrum sibi velamen imponat, & religiosam vestem assumat.

Tom. I.

XIX. Ratio hujus additur in integra Decretali in prima Decretalium collectione: „ Quod si in quibuslibet Ecclesiasticis gradibus providenter, solerterque „ curandum est, ut in domo Dei nil sit inordinatum „ nihilque præposterum: multò magis laborandum „ est, ut in ejus promotione, qui super omnes gradus „ continetur, non erretur, Inde est quod Fraternitati „ vestræ, &c.

Ne uxoris incontinentia in Episcopi contumeliam vergat, eam ab omni periculo & suspitione incontinentiæ exemptam oportet; quare & jam pridem in Synodo VI. *Can.* 48. decretum fuit, ut „ uxor ejus, qui „ ad Episcopalem dignitatem promovetur, communi „ ni sui viri consensu prius separata, postquam in „ Episcopum ordinatus est ac consecratus, *Monasterium ingrediatur*, procul ab Episcopi habitatione „ extructum.

Uxor exgo illius, qui in Episcopum consecratus est, juxta sacros Canones Monasterium ingredi debere verisimilius est.

XX. De cætero, semper sollicitè providendum, ut uno conjugatorum Monasterium ingrediente aut continentiam vovente, alter cum periculo aut suspitione incontinentiæ in seculo non maneat: quod præcipuè Pontifices in suis Responsis præ oculis habuere.

Unde Priori & Fratribus Sancti Joannis scribit Alexander III. *cap.* 8. § *De Conversione Conjugat.* Uxor „ ratur sine licentia uxoris inter vos nullatenus recipiatur, quæ *integra opinionis* existat, ita quod „ nulla marito suspicio habeatur, eam ad secunda vota „ velle migrare, vel quod minus continenter debeat „ vivere: quæ si talis extiterit, marito ejus in confortio vestro recepto, ipsa publicè in conspectu Ecclesiæ continentiam professâ, in domo propria cum filiis suis & familia poterit permanere. Si autem talis „ fuerit, quæ suspitione non careat: voto continentiæ „ celebrato, à secularium hominum se conversatione „ removeat: & in loco religioso, ubi Deo serviat, „ perpetuò commoretur.

Præcipuè ergo providendum, ut incontinentiæ periculum & suspicio amoveantur; quod clarius innuitur in citato *cap.* 4. ubi verbis suprâ relatis immediatè subditur hæc cautio: „ Verum, si ita uxor senex est & „ sterilis, quod sine suspitione possit esse in seculo, „ dissimulare poteris, ut ea in seculo remanente, & „ castitatem promittente, ad Religionem transeat vir „ ejusdem.

Eadem cautio occurrit in Responsa Innocentii III. in *cap.* 18. § *eodem*.

XXI. Ut autem circa hæc prudenter procedatur, convenit, ut in hujusmodi conjugatorum separatione sententia sive judicium Episcopi interveniat, de quo ita legitur apud Gratianum *Caus.* 27. q. 2. *Can.* 23. „ Si vir & uxor divertere pro sola religiosa inter se consenserint vita, nullatenus sine Episcopi consensu „ fiat, ut ab eo singulariter proviso constituatur „ loco.

XXII. Olim quidem à nonnullis etiam Catholicis dubitatum fuisse, num ob adulterium alterius conjugis Matrimonij vinculum non dissolveretur, certum est; quamin rem videri possunt, quæ habet Gratianus *Caus.* 32. *quæst.* 7. & hodie ipsi Græci tenent Matrimonium per adulterium quoad vinculum dissolvi; quod & Oratores Veneti in Synodo Tridentina exposuisse scribit Cardinalis Pallavicinus *lib.* 22. *Historia Concilii Tridentini*, *cap.* 4. qui & postulârunt aliquam Canonis concepti moderationem, ne nimium offenderentur, & perpetuam ab Ecclesia Romana secessionem facerent Græci in Insulis Reipublicæ Venetorum subiectis commorantes; quod & obtinuerunt, quemadmodum ibidem fusius narrat Pallavicinus.

Canon Concilii Tridentini tandem reformatus ita sonat: „ Si quis dixerit, Ecclesiam errare cum docuit „ H b h b &



„ & docet, juxta Evangelicam & Apostolicam Doctrinam, propter adulterium alterius conjugum Matrimonii vinculum non posse dissolvi; & utrumque, vel etiam innocentem, qui causam adulterio non dedit, non posse, altero conjugate vivente, aliud Matrimonium contrahere; mcecharique eum, qui, dimissa adultera, aliam duxerit, & eam, quæ dimisso adultero, alii nupserit; anathema sit. *Seff. 24. Can. 7.*

Conformiter ad hanc Synodi œcumenicæ definitionem profiteamur, Matrimonium ob adulterium non dissolvi; nec posse innocentem, vivente adultero, ad alias nuptias transire; quamvis separationem fieri posse quoad thorum & cohabitationem fateamur, de qua capite sequenti.

## CAPUT II.

### De Separatione Matrimonii quoad thorum & cohabitationem.

1. Matrimonium Fidelium etiam consummatum variis de causis dissolvi potest quoad thorum.
2. Adulterium uxoris iusta est causa separationis.
3. Ratio hujus separationis.
4. Ecclesia in hac causa non agnoscit differentiam inter virum & uxorem.
5. Secundum Canones vir mulierem adulteram ante aulam penitentiam recipere non potest.
6. Acta penitentia potest vir recipere uxorem adulteram.
7. Nequaquam invitatus ad eam recipiendam adigi potest.
8. Interdum Lex ebaritatis ad recipiendum obligat.
9. An maritus propria auctoritate uxorem adulteram recipere queat, si separatio iudicis auctoritate facta fuerit?
10. Maritus adulterii conscius injuriam remisisse censetur, si eam cognoverit.
11. Maritus adulter non potest dimittere uxorem adulteram.
12. Separatio quoad thorum sit quoque ob brevissim alterius conjugis.
13. Aliquando dubitatum, num ob brevissim Matrimonium non dissolveretur quoad vinculum: at bodie certum est, non dissolvi.
14. Ob vitia corporis, an indicenda separatio?
15. Ob furtum aliudve simile crimen conjugis, an separatio facienda?
16. Ob sævitiam viri, potest mulier separationem petere.
17. Separatio ex causa adulterii ex se perpetua, alia vero temporales esse solent.
18. Separatio quoad thorum & cohabitationem à conjugate innocente non facile petenda.
19. Separatio quoad habitationem sine auctoritate Iudicis fieri nequit.
20. Causa separationis Iudici probari debet.
21. Quid? si conjux, qui certò novit nullitatem Matrimonii, à Iudice cogatur ad reddendum debitum sub pana excommunicationis.
22. Summa prudentia opus est in decernenda separatione.
23. Sententia separationis nunquam transit in rem iudicatam.
24. Facta separatione, adimenda conjugibus incontinentia occasio.
25. Ex Concordato inter Carolum V. & Episcopum Leodiensem, quæstio Divortii ad solum Iudicem Ecclesiasticum spectat.
26. Quid de alimentis coniugi decernendis?
27. Quis de dote & donatione propter nuptias lucranda aut petenda; item de divisione bonorum iudicare debeat?

I. QUAMVIS Ecclesia teneat Matrimonium Fidelium ratum & consummatum, esse indissolubile quoad vinculum; neque posse quacumque ex causa, etiam adulterii dissolvi quoad vinculum, fateatur tamen, Matrimonium etiam consummatum, non una ex causa dissolvi posse quoad thorum; ipsosque Conjuges separari quoad thorum & cohabitationem, salvo interim vinculo matrimoniali inter ipsos Conjuges ita separatos; quod Synodus Tridentina, *Seff. 24. Can. 8. De Reformat. Matrimonii*, definitur his verbis: „ Si quis dixerit, Ecclesiam errare, cùm ob multas causas separationem inter Conjuges quoad thorum, seu quoad cohabitationem ad certum incertumve tempus fieri posse decernit; anathema sit.

II. Adulterium uxoris esse causam legitimam separationis, posseque virum uxorem adulteram dimittere, nemo unquam dubitavit, ob claram sententiam Christi dicentis: *Omnis, qui dimiserit uxorem suam, excepta fornicationis causa, facit eam mœcham.* *Mat. c. 5. v. 32.*

De hac dimissione loquens Sanctus Augustinus *lib. 1. De Adulterinis Conjugiis, cap. 5.* ait: „ Licet iraque dimittitur Conjux ob causam fornicationis; sed magis rem vinculum prioris, propter quod sit reus adulterii, qui dimissam duxerit etiam ob causam fornicationis.

III. Causam dimissionis assignat S. Thomas in *IV. Sent. Dist. 35. q. 1. art. 1.* „ Dominus dimittere uxorem concessit propter fornicationem, in pœnam illius, qui fidem fregit, & in favorem illius, qui servavit; ut non sit adstrictus ad reddendum debitum ei, qui non servavit fidem.

IV. Porro utriusque conjugis hic par conditio est; neque majus in uxore, quam in marito crimen adulterii esse credit Ecclesia; quantumvis leges civiles plus viris, quam mulieribus indulgisse videantur; de quibus loquens Sanctus Ambrosius *lib. 1. De Abraham*, ait: Neque sibi blandiatur de legibus hominum, omne stuprum adulterium est, nec viro licet, quod mulieri non licet. „ Et Sanctus Hieronymus *Epist. ad Oceanum* acriter in has Romanorum leges insurgens, aperit dicit; alie sunt leges Cæsarium: aliud Papinianus, aliud Paulus noster præcipit; ac tandem concludit: *Apud nos quod non licet feminis, aequè nec licet viris.*

V. Quin & sacris Canonibus & Patrum Decretis jam pridem proditum est, virum conjugem adulteram, nisi pœnitentiam egerit, dimittere debere; ut pluribus adductis ostendit Gratianus, *Caus. 33. quæst. 1.* in cuius quæstionis titulo seu summario dicitur: „ Illa enim, quæ adulterii rea convincitur, nisi post peractam pœnitentiam in conjugii consortio retineri non debet. Et quidem in Pœnitentiali Sancti Theodori Cantuariensis legitur: „ Si quis uxorem suam scit adulteram, & non vult dimittere eam, sed in Matrimonio habere, tribus annis pœniteat, & quamdiu illam pœnitet, abstineat se ab illa. „ Vide *Canonem 6.* apud Gratianum loco citato, & notas Romanas. Ratio hujus discipline insinuat ibidem *Canone 1. Nam patronus turpitudinis ejus est, qui crimen celat uxoris.*

Unde Sanctus Augustinus *lib. 1. Retract. cap. 19.* quasi alibi dicta retractans, ait: „ Ubi dixi hoc permillum esse non iustum, non attendi aliam Scripturam dicentem: *Qui tenet adulteram, stultus & impius est.* „ *Prov. c. 18. v. 22.*

VI. Acta pœnitentiæ conjux conjugem adulteram potest recipere, & maritali affectu retinere, ut dicitur in *cap. 3. De Adulteriis*: „ Quod si mulier dimissa egerit pœnitentiam, & voluerit ad virum suum reverti, debet, sed non sæpè recipere peccatricem.

VII. Hic tamen rectè notat Glossographus: „ *Debet, debito honestatis, non necessitatis, quia etiam post pœnitentiam posset eam accusare de adulterio.* „ Admissio enim ab uno conjugum adulterio, facta est innocenti potestas in perpetuum ab ea quoad thorum divertiendi; atque in perpetuum liber manet à debito conjugum.

conjugali reddendo; potestque sine ejus consensu vitam Religiosam amplecti, vel ad sacros Ordines ascendere, uti deciditur in *cap. 15. & 16. De Convers. Conjug.*

VIII. Quin tamen lex charitatis nonnunquam exigit, ut vir conjugem adulteram poenitentem ac resipiscentem recipiat & sibi reconciliet; dubium non est; multisque probat Sanctus Augustinus *lib. 2. De Adulterinis Conjugiis, cap. 6.* & Joan. c. 8. v. 11. adductis verbis Christi ad mulierem in adulterio deprehensam; *Nec ego te damno, vade, deinceps noli peccare*, subjungit: "Quis non intelligat, debere ignoscere maritum, quod videt ignovisse Dominum amborum, nec se jam adulteram dicere, cujus poenitentis crimen Divina credit miseratione deletum." Idem prosequitur *cap. 9.* Apud Gratianum loco citato *Can. 7. & 8.*

IX. Hujusmodi autem reconciliatio cum adultera conjugis proprio iudicio & auctoritate fieri potest, quamvis divortii sententia à iudice lata sit; eo quod ad renuntiandum juri suo liberam quilibet habeat facultatem *cap. fin. De Crimine Falsi.* Si tamen adulterium notorium fuerit, cavendum, ne, si poenitentia & resipiscencia etiam notoriae non fuerint, scandalum detur; videaturque vir adulterium fovere, eique aliquo modo consentire.

X. Maritus uxori injuriam remisisse videtur, si post adulterium commissum, & à se cognitum, eam cognoverit, uti post Sanctum Thomam & Theologos ac Canonistas probat Sanchez, *lib. 10. De Matrim. Disputat. 14.*

XI. Similiter maritus adulter nequit ob adulterium uxoris eam dimittere; quod jam pridem docuit Sanctus Augustinus, *lib. 1. De Sermone Domini in Monte, cap. 28.* è quo sumptus est, *Can. 1. caus. 32. q. 6.* Nihil iniquius (ait) quam fornicationis causa dimittere uxorem, si & ipse convincitur fornicari. Occurrit etiam illud ad Rom. c. 2. v. 1. *In quo enim iudicatur alterum, te ipsum condemnas: eadem enim agis quae iudicatur.* Quapropter quisque fornicationis causa vult abjicere uxorem, prior debet esse à fornicatione purgatus. Quod similiter & de femina dixerim.

Hunc sequutus est Alexander III. in *cap. 4. De Divortiis*, & Innocentius III. in *cap. fin. De Adulteriis*, dicens: "Cum paria crimina compensatione mutua deleantur, vir hujusmodi fornicationis obtentu suae uxoris nequit consortium declinare."

XII. Separatio sive divortium quoad thorum & cohabitationem fieri potest, non tantum ob corporalem fornicationem, sed & ob spirituales; si scilicet alter conjugum in haeresim aut Paganismum labatur, uti dicitur in *cap. 6. De Divortiis*, & *cap. fin. De Convers. Conjugat.* atque communiter docent Canonistae.

XIII. Imo etiam quoad vinculum Matrimonium dissolvi ob haeresim alterius conjugis olim nonnullos asseruisse constat; & ita aliquem suorum Praedecessorum sensisse videri asserit Innocentius III. in *cap. 7. De Divortiis*: dogma tamen Catholicum, scilicet ob haeresim Matrimonium quoad vinculum non dissolvi, adstruit Innocentius; & contra nostri temporis Haereticos declaravit Synodus Tridentina, *Sess. 24. Can. 5. De Reformat. Matrimon.* "Si quis dixerit, propter haeresim aut molestam cohabitationem, aut affectatam absentiam à conjugē dissolvi posse Matrimonii vinculum; anathema sit."

XIV. Ob alia seu corporis seu animi vitia non facile admittenda conjugum separatio. "Si uxorem quis habet, at (ait Sanctus Augustinus) sterilem vel difformem corpore, sive debilem membris, vel caecam, vel surdam, vel claudam, vel si quid aliud, sive morbis, & doloribus languoribusque confectam, & quidquid (excepta fornicatione) cogitari potest vehementer horribile, pro fide & societate sustineat."

Apud Gratianum, *Caus. 32. q. 5. Can. 18.* Et *cap. pervenit. De Conjug. Leproforum*, dicitur, nec ob

Tom. I.

superveniētem lepram liberum esse dimittere conjugem.

XV. Et interrogatus Alexander III. "Utrum mulier pro latrocinio, aut quolibet alio crimine à viro suo debeat separari, & alii nubere; & de viro simili modo, utrum pro quolibet flagitio possit à conjugē dividi, & aliam sibi legitime Matrimonio copulare." Respondit: "Quod mulier pro furto, vel alio crimine ab eo separari non debeat."

Addit tamen hanc exceptionem: "Verum si conjugem suam ad maleficium traxerit, mulier à viro recedere poterit & separari; ita quod alii nubere non licebit; quia licet separentur, tamen semper conjuges erunt. In viris quoque praesentis sententiae forma servetur." Hæc in *cap. 2. De Divortiis*, praesertim si integra Decretalis, prout habetur in prima collectione Decretalium, legatur.

XVI. Similiter ob sævitiam conjugis alterius, divortium sive separationem alter conjux petere potest, ut constat ex *cap. litteras De Restitutione Spoliatorum*, ubi dicitur: "Si vero tanta sit viri sævitia, ut mulieri trepidanti non possit sufficiens securitas provideri, non solum non debet restitui; sed ab eo potius removeri. Idem deciditur in *cap. 8. eod.* additurque: "Si autem capitali odio ita mulierem vir persequitur, quod merito de ipso dissidat, alicui probæ & honestæ mulieri usque ad causæ decisionem custodienda studiosius committatur, in loco ubi vir, vel parentes ejus mulieri nullam possint violentiam inferre." In antiqua collectione Decretalium.

XVII. Inter has separationes, & eam quæ ratione fornicationis contingit, ea est differentia; quod hæc sola tanquam immediate perfluens ex violatione fidei conjugalis soleat esse perpetua; aliae vero duntaxat ad tempus, quousque malum vel incommodum, quod ex mutua cohabitatione, aut consortio maritali timeatur, cesset.

Hinc in citato *capitulo 13.* verbis supra relatis immediate subjungit hanc cautionem: "Alioquin sufficienti (si fieri potest) securitate provisa profecto videtur conjux ante causæ cognitionem restituenda marito: quia securitate hac praestita, cessat causa separationis."

XVIII. Porro cum ex separatione Matrimonii sive quoad thorum, sive quoad cohabitationem sæpe oriri soleant maxima incommoda, tam quoad ipsos conjuges quam liberos, totamque familiam, frequenter si non stricta justitia, charitas ipsa exigit, ut conjux innocens, & justam aliquin causam separationis habens, dissimulet, atque à separatione petenda absteat.

XIX. Adhæc, ne conjuges sæpius ob causas frivolæ, & cum publico scandalo sædus matrimoniale solvant, nequaquam propria auctoritate unus conjux ab altero divertere, præcipue quoad habitationem, potest; sed à iudice similis separatio probanda & decernenda est *cap. 3. De Divortiis*; & in *Can. 1. caus. 33. quest. 2.* damnantur qui uxores suas dimittunt, antequam apud Episcopos comprovinciales dissidii causas dixerint, & priusquam in iudicio damnentur.

XX. Iudici proinde causa separationis seu divortii legitime probanda est; neque sufficit, eam alteri conjugi esse certam, nisi ipsi iudici talis proberetur. Hinc contingit, ut maritus ad recipiendam conjugem à iudice juste subinde cogi possit, etiam sub pena excommunicationis; eique obedire quoad forum externum teneatur, quamvis adulteram esse certo sciat.

XXI. Quin fieri potest, ut conjux ad reddendum debitum conjugi à iudice adigatur, quamvis illud præstare in conscientia non possit; imo & sententiam excommunicationis patienter sustinere debeat. Fieri quippe potest, ut alteri conjugi certo constet Matrimonium

H h h h 2

mopium

monium publice in facie Ecclesiæ contractum, esse nullum ob impedimentum dirimens; sed occultum, quodque judici probari nequit: qui casus deciditur in *cap. 44. de Sententia Excommunicationis*.

XXII. Magna prudentia & moderatione in decernenda separatione conjugum; præsertim, si ex Matrimonio etiam proles suscitata sint, judex procedere debet; solerterque & causas separationis, & incommoda, tum conjugibus, tum prolibus, torique familiæ ex simili separatione timenda, attendere, & æqua lance inter se librare. Vide Zypæum, *Consul. 3. De Sententia & Rejudicata*.

XXIII. Hic & ostendit, sententiam divortii etiam quoad thorum & cohabitationem nunquam transire in rem judicaram; debereque judicem ex Officio sæpius monere conjuges, ut sibi concilientur; neque umquam hic officium judicis cessare, ut nocentem ad meliorem frugem, & reconciliationem cum conjuge sua inducat.

XXIV. Providere quoque debet judex, ut quantum possibile est, facta separatione, ipsis incontinentiæ periculum adimatur; neque publico cum scandalo vivant; quemadmodum deciditur in *Can. 1. caus. 32. quæst. 2.* & in *cap. 19. de Convers. Conjug.* ubi eam regulam tradit Gregorius IX. his verbis: „Mulieres vero quæ relicto maritali thoro, lapsæ carnis ceciderint, si mariti earum à te diligenter commo-  
„niti, eas ad frugem melioris vitæ conversas noluerint recipere propter Deum, in claustris cum  
„religiosis mulieribus studeas collocare, ut perpetuam poenitentiam ibi agant.

XXV. De divortio inter conjuges celebrando ex Concordato inter Carolum V. & Episcopum Leodiensem, *tit. 2. §. 2.* „Soliis judicis Ecclesiastici est cognitio: etiam si quæstio fœderis matrimonialis incidit  
„coram iudice seculari: quo casu judex secularis super sedere tenebitur, & hunc articulum (tanquam spirituale) ad judicem Ecclesiasticum, per eum infra anni spatium terminandum, remittere.

XXVI. Juxta idem Concordatum §. 3. „De alimentis forte, quæ per virum, aut mulierem peti-  
„contigerit; pendente divortii causa, vel de tractamento alterius eorumdem, cognoscere poterit judex  
„Ecclesiasticus, si hæc coram eo incident, vel incidenter petantur. Per hoc tamen non impediatur  
„alter conjugum quid horum coram iudice seculari petere; etiam iudicio divortii coram Ecclesiastico iudice pendente.

XXVII. De dote autem vel donatione propter nuptias lucranda vel perdenda, judex Ecclesiasticus non cognoscit, nisi incidenter duntaxat: ubi scilicet ob adulterium concluditur ad divortium, & consecutive ad lucrandam dotem. „Tamen si quæstio possessorii, pendens in Consilio Brabant. non suspendatur per quæstionem moram coram Ecclesiastico  
„super viribus vel non viribus contractum antenuptialium.

De divisione bonorum judex Ecclesiasticus qui cognovit de divortio, cognoscere non poterit, nisi ex pro- rogatione expressa partium, non procuratorum.

Quid circa hæc obtineat in Gallia late deducit Carolus Fevretius, tractatu de Abusu *lib. 1. cap. 4. num. 16. & 17.*

### CAPUT III.

#### De secundis Nuptiis.

1. Apostolus probat secundas Nuptias.
2. Patres pro Hæreticis habuerunt, qui secundas nuptias reprobant.
3. Quæ nuptiæ veniunt nomine secundarum?

4. Secunda nuptiæ demum licita sunt, priori Matrimonio per mortem alterius soluto.
5. Mulier ob diuturnam mariti absentiam ad secundas nuptias transire non potest.
6. Nec sufficit, si nesciat eum vivere.
7. Quomodo mulier de morte certa esse possit?
8. Legibus Romanorum vetitum erat mulieri intra annum luctus ad alias nuptias transire.
9. Rationes quibus leges hæc innitebantur.
10. Ecclesia credit mox à morte mariti, mulieri licitum esse transire ad alias nuptias.
11. Juxta sacros Canones mulier intra annum luctus nubens infamia non notatur.
12. Cessant quoque aliæ pænæ legales decreta in mulieres intra annum luctus nubentes.
13. Quid? si intra annum luctus non nubat, sed ex stupro pariat.
14. Qualiter pænæ secundarum nuptiarum abrogata.
15. Quo sensu iterantes nuptias à Patribus reprehensi?
16. Quare olim bigamis poenitentia imposita?
17. Presbyter olim prohibitus secundis nuptiis interesse: & quare?
18. Hodie Presbyter secundis nuptiis, præsertim si sint tales ex parte mulieris, benedictionem non impertit.
19. Commendata viduitas, non tamen improbanda iterata nuptiæ.

I. APOSTOLUS 1. ad Corinth. 7. v. 8. de Viduis ait: Dico autem non nuptis & viduis, bonum est illis si sic permanent, sicut & ego. Quod si non se continent, nubant. Et in prima ad Timotheum *cap. 5. v. 14.* De Viduis junioribus, dicit: *Polo ergo juniores nubere, filios procreare, matres familias esse, nullam occasionem dare adversario maledicti gratia.*

Denique generaliter in citato *cap. 7. v. 39.* Epistolæ ad Corinthios: *Mulier alligata est legi quanto tempore vir ejus vivit: quod si dormierit vir ejus, liberata est, cui vult nubat tantum in Domino.*

II. Ex his Apostoli clarissimis verbis uno consensu tradidere patres, conjuges, vinculo Matrimonii per mortem soluto, posse libere ad alias nuptias transire; unaque Hæreticis annumeraverunt, qui secundas nuptias tanquam malas & vitas reprobabant.

Unde Patres Synodi Nicænæ *Can. 8.* statuerunt, ut Hæretici, qui se Catharos sive Puros appellabant, ad Ecclesiam redeuntes, ante omnia in scriptis profiteri deberent, quod adhærebunt & sequentur Catholicæ Ecclesiæ Decreta, id est, & cum Bigamis se communicare.

Bigami autem sunt, qui secundas nuptias inierunt; cum his ergo communicare, erat secundas nuptias ipso facto probare.

III. Nomine secundarum nuptiarum intelliguntur non tantum illæ, quæ primas immediate sequuntur, sed & tertiæ, quartæ, & aliæ quæ sequuntur: neque ullas reprobat Ecclesia; Apostolus enim dicens 1. Cor. c. 7. v. 39. „Quod si dormierit vir ejus, non dicit, primus, vel  
„secundus, vel quotus, nec nobis definiendum est, quod non definit Apostolus. Unde nec ullas debeo  
„damnare nuptias, nec eis verecundiam numerositatis inferre, „ait Sanctus Augustinus, *libro De Bono Viduitatis. cap. 11.* apud Gratianum, *Caus. 31. q. 2. Can. 13.* Idem adstruitur ibidem *Can. 11.*

IV. Has secundas nuptias demum ut licitas agnoscit Ecclesia, si mulier sit soluta à lege viri, vel econtra: id est, si dormierit vir ejus; scilicet dormitione mortis: neque aliter quam per mortem corporalem vinculum Matrimonii rati & consummati dissolvi posse credit Ecclesia.

V. Unde quantumvis leges civiles ob captivitatem aut diuturnam absentiam mariti permiserint aliquando mulieri transire ad secundas nuptias, Ecclesia tamen ob nullam quantumvis diuturnam conjugis absentiam, conjugum



jugi transire ad secundas nuptias permittit; sed eam expectare jubet, quousque de morte conjugis certiorata fuerit.

Sanctus Basilius in Epistola Canonica ad Amphilo-  
chium *Can. 31.* ait: "Quæ, cum vir secessit, & non  
apparet, antequam de ejus morte certior facta sit,  
cum alio cohabitavit, mœchatur." Et *Can. 36.* "Mi-  
litum uxores, quæ, cum mariti ipsarum non appa-  
reant, nupserunt, eidem rationi subjiciuntur, cui  
eæ quæ propter maritorum peregrinationem ac ab-  
sentiam, reditu non expectato, nupserint. Sed res  
nonnullam hic veniam admittit, quod major sit mor-  
tis suspicio.

Plures eandem in rem Canones reperiuntur apud  
Gratianum, *caus. 34. q. 2.*

VI. Hinc interrogatus Clemens III. "de mulieri-  
bus quæ viros suos captivitaris vel peregrinationis  
causâ absentes ultra septennium fuerint præsolatæ;  
nec certificari possunt de vita aut morte ipsorum,  
licet super hoc sollicitudinem adhibuerint diligen-  
tem; & pro juvenili ætate seu fragilitate carnis hu-  
manæ nequeunt continere, petentes aliis copulari:  
respondit, "quod quantocumque annorum spatio ita  
remaneant, viventibus viris suis, non possunt ad alio-  
rum confortium Canonicè convolare; nec (ait) au-  
toritate Ecclesiæ permittas contrahere, donec cer-  
tum nuntium recipiant de morte virorum." *cap. 19.*  
*De Sponsalibus.*

Et universis Christianis in captivitate Saracenorum  
positis, scribit Lucius III. in *cap. 2. De Secundis Nup-  
tiis*, "ut nullus ex vobis amodo ad secundas nuptias mi-  
grare præsumat, donec ei firma certitudine constet,  
quod ab hac vita migraverit conjux ejus.

His insistens Synodus Diocesana Mechliniensis anno  
1609. *tit. 9. cap. 10.* decernit: "Cum ex longa con-  
jugis absentia non resultet certitudo de ejus obitu,  
& mors non præsumatur, sed probanda sit, (quili-  
bet enim vivere præsumitur) ad secundas nuptias  
convolare desiderans, Matrimonio non jungatur; nisi  
habita prius legitima certitudine de morte prioris  
conjugis; etiamsi non septem tantum, ut multis per-  
suasum est, sed etiam viginti, triginta & plures an-  
nos continuos eum abfuisse constiterit.

VII. Certitudinem ergo de morte conjugis requi-  
runt Canones, priusquam ad secundas nuptias transire  
conjux possit, aut Judex transitum permittere queat;  
at certum probationis genus non expriment; sed judi-  
cio & examini judicis permittitur, ut hic ex allatis testi-  
moniis aliisque concurrentibus circumstantiis judicet,  
num certitudo sufficiens habeatur de morte conjugis,  
ut secundæ nuptiæ permitti queant; uti resolvit Zy-  
pæus *Consult. 1. De Secundis Nuptiis.*

VIII. Matrimonio per mortem naturalem mariti  
soluto, adhuc integrum non erat juxta leges Civiles  
uxori superstiti mox ad secundas nuptias transire; sed  
jubebatur per annum defunctum maritum lugere, & à  
nuptiis abstinere; alias tam ipsa, quam maritus qui  
eam ducebat, nec non pater, qui eam nuptui collocabat,  
& pater mariti, cum posset filium prohibere, infamia  
notabatur *L. 1. & 11. §. 1. De his qui notantur in-  
famia.* Item *L. 1. & 2. Cod. De Secundis Nuptiis*, in  
quarum prima plures pœnæ in mulierem intra annum  
luctus nubentem decernuntur; & in secunda, annus  
qui juxta anteriores leges concludebatur intra decem  
mensium spatium, qui erat annus lunaris, extenditur  
ad annum solarem duodecim mensium.

IX. Plures sanæ nec contemnendæ fuere harum le-  
gum rationes. Prima quidem eaque præcipua, ut evi-  
taretur sanguinis turbatio, & ne frequenter incertum  
fieret, quis natæ prolis pater esset, an primus, an se-  
cundus maritus; quæ ratio occurrit in citata *lege 11.*  
*§. 1.*

Adhæc vèritatē sūnt mulieri mox à morte mariti al-  
teri nubere, ne alias suspicionem ingereret perpetrati,

viro adhuc vivente, adulterii, vel saltem de secundis  
nuptiis cogitasse cum eo, cui nubere adeo festinat.

Accedit reverentia, quam uxor debet memoriæ sui  
mariti: Nam ut Pompejus ad uxorem Corneliam ait  
apud Lucanum, *Ultima debet esse fides lugere virum*: præ-  
sertim quia commune est conjugum morientium votum,  
ne conjux superstes ad secundas nuptias transeat.

X. His tamen rationibus non obstantibus, Ecclesia  
credidit, conjugii superstiti mox à morte mariti liberum  
esse ad secundas nuptias transire, eo quod Apostolus  
simpliciter pronuntiet, mulierem, ut dormierit vir  
ejus, esse liberatam à lege qua viro tenebatur, ut cui  
velit, nubat.

XI. Hinc ulterius credidit, mulierem secundum In-  
dulgentiam sibi ab Apostolo datam, ad secundas nup-  
tias inter annum à morte viri transeuntem infamiæ no-  
tam non mereri, atque in terminis responderunt Urbanus  
III. & Innocentius III. in *cap. 4. & 5. De Secun-  
dis Nuptiis*. "Cum Apostolus dicat (ait Urbanus) *Mu-  
lier, viro suo mortuo, soluta est à lege viri sui, in Do-  
mino nubat, cui voluerit*: per licentiam & auctorita-  
tem Apostoli ejus infamia aboletur." Et Innocentius  
eadem Apostoli auctoritate adducta, ait: "Non debet  
legalis infamia sustinere jacturam, quæ licet post vi-  
ri obitum intra tempus luctus (licet unius anni spa-  
tium) nubat, concessa sibi ab Apostolo utitur pote-  
state, cum in his præsertim seculares leges non dedig-  
nentur sacros Canones imitari.

XII. Nectantur pœnæ infamiæ; sed eadem ratione  
omnes aliæ pœnæ contra viduas intra annum luctus  
nubentes Legibus Civilibus decretæ, hodie omnino  
sunt sublata; & ita judicatum refert Antonius Faber ad  
Codicem *Lib. 5. tit. 5. Definit. 1.* & ibidem nota 5. infer-  
tur: "Itaque non est deterior conditio viduæ intra an-  
num, quam post annum nubentis.

XIII. Idipsum notavit Guðelinus *Lib. 1. De Jure no-  
vissimo cap. 12.* ubi etiam ex Julio Claro monet, quod si  
mulier non quidem intra annum luctus nubat, sed luxu-  
riose vivat, & ex stupro pariat, eam hanc infamiam &  
alias pœnæ à Legibus decretas non evadere.

XIV. Insuper si quæ pœnæ in odium secundarum  
nuptiarum per Leges decretæ fuerunt, hodie sublatae  
sunt: at ea quæ non tam in pœnam iterantium nuptias,  
quam in favorem liberorum primi Matrimonii, aliave  
consideratione statuta sunt, etiamnum hodie in usu  
sunt; uti observat Guðelinus *loco citato*, & Zypæus in  
notitia Juris Belgici titulo *De secundis nuptiis*, "non  
enim (ait) mens D. Pauli fuit aliquid corrumpere ex  
publicis legibus, jura parentum & liberorum juste  
moderantibus.

XV. Porro quamvis Ecclesia secundas & ultiores  
nuptias nunquam improbaverit, semper tamen agno-  
vit, iteratas nuptias aliquam incontinentiæ suspicio-  
nem ingerere, ipsosque iterantes de ea nonnihil reddi  
suspectos. Hæc vero præsumptio fortior esse solet in iis,  
qui tertio, quam in iis qui secundo; ac rursus servata  
proportionem vehementior in iis qui quarto, quam qui  
tertio nuptias iterant. Hinc pridem Patres mitius cum  
Bigamis, quam cum Trigamis egerunt; hancque intem-  
perantiæ speciem increpantes asperioribus verbis usi  
fuerunt; trigamiam ipsam subinde *bonestam fornicatio-  
nem* vocantes; non secundas, tertias, quartas aut ul-  
teriores absolute improbant; sed incontinentiam toti-  
es nuptias iterantium redarguentes.

XVI. Eodem sensu accipiendi sunt Canones pœniten-  
tiam Bigamis sive nuptias iterantibus imponentes; atque  
inter alios Synodi Neocæsariensis *Canon 3.* qui ex versio-  
ne Isidori refertur apud Gratianum *Cauf. 31. q. 1. Can. 8.*  
his verbis: "De his, qui frequenter uxores ducunt, &  
de his, quæ sæpius nubunt, tempus quidem pœni-  
tentia his manifestum constitutum est, sed conversa-  
tio & fides eorum tempus abbreviat.

Hoc Canone pœnitentiam veris Bigamis imponi  
etiam Baronius agnoscit ad annum 314. *num. 91.* "Non  
quod

„ quod secundum Matrimonium contrahendo peccent  
 „ (inquit) sed quod suam ipsius incontinentiam ma-  
 „ nifestent, & bigamiam, quæ in humanæ imbecillitatis  
 „ remedium instituta est, licentius usurpent.

XVII. Prædicto Canoni Gratianus conjungit Ca-  
 nonem 7. ejusdem Synodi, quem his verbis expressit:  
 „ Presbyterum vero convivio *secundarum* nuptiarum  
 „ interesse non debere: Maxime cum præcipiatur se-  
 „ cundis nuptiis *penitentiam* tribuere: quis erit Pres-  
 „ byter, qui propter convivium illis consentiat nup-  
 „ tiis?

Hoc est, ait Zonaras ad hunc Canonem: „ Qui fieri  
 „ potest, ut pœnam à Digamo exigere non pudor sit ei,  
 „ qui Digami factum à se non improbari, cum nuptiis  
 „ secundis ipse interfuerit, satis ostendit.

XVIII. Quamvis hodie nulla pœnitentia iteranti-  
 bus nuptias imponatur; atque nuptiæ secundæ etiam  
 à Presbytero assistente probentur, nihilominus ostendit  
 Ecclesia, non æque secundas ac primas nuptias sibi pro-  
 bari, dum has & non illas à Sacerdote specialiter benedi-  
 ci jubet, *cap. 3. De secundis nuptiis*; & in *cap. 1. eodem*, vult Alexander III. Capellanum, qui Benedictio-


nem secundis nuptiis impendit, ab officio Beneficioque  
 suspensum, cum litterarum Episcopaliū testimonio  
 ad Sedem Apostolicam destinari.

Licet hæc pœna ac remissio ad Sedem Apostolicam  
 hodie non sit in usu, passim tamen moderna Ritualia  
 præscribunt, secundas nuptias non esse benedicendas;  
 præsertim si sint secundæ ex parte uxoris; hæcque se-  
 mel benedicta fuerit.

XIX. Viduitatem secundis nuptiis præferendam  
 esse, nec has tamen improbandas late probat Augusti-  
 nus libro de *Bono Viduitatis*, seu Epistola ad Julianam  
 Viduam, atque inter alia ibidem *cap. 4. num. 6.* scribit:

„ Quapropter hoc primum oportet ut noveris, bono  
 „ quod elegisti, non damnari secundas nuptias, sed in-  
 „ ferius honorari. Nam sicut bonum sanctæ Virginita-  
 „ tis, quod elegit filia tua, non damnat unas nuptias  
 „ tuas; sic nec viduitas tua cujusquam secundas.....  
 „ Nec ita extollas bonum tuum, ut quod malum non  
 „ est tanquam malum crimineris alienum: sed tanto  
 „ magis gaude de bono tuo, quanto magis vides, non  
 „ tantum illo devitari mala, sed quædam bona etiam  
 „ superari.





JURIS  
ECCLESIASTICI  
UNIVERSI  
PARS SECUNDA.  
DE REBUS.

SECTIO II.  
DE ECCLESIIS ET FESTIS.

TITULUS PRIMUS.

DE

ÆDIFICANDIS, CONSECRANDIS, ET REPARANDIS  
ECCLESIIS.

CAPUT PRIMUM.

DE SCOPO TEMPLORUM, ET EORUM ORNATU.

1. Loca cultui Divino destinata jam pridem dicta fuisse Ecclesia.
2. Christiani primitus loca hæc volebant vocare Tempia.
3. Primis Ecclesiæ seculis hujusmodi loca habuere Christiani.
4. Prima ratio exstruendi hujusmodi loca.
5. Secunda ratio.
6. Tertia ratio.
7. Sancti Patres credebant convenientius orationis causâ convenire ad Ecclesiam, quàm domi orare.
8. Ut scopus Ecclesiarum obtineatur, omnia ita disponenda, ut ad pietatem excitent.
9. Actiones profanae ab Ecclesiis arcenda.
10. Quid de arcendis profanis actionibus decreverint Synodi Belgica?
11. Neque in Cæmeteriis permittenda.
12. Nec mercatus rerum ad usum Ecclesiæ spectantium in Templis permittendus.
13. Non sunt permittendi pauperes elemosynarum causâ discurrere per Ecclesias.
14. Interior Templorum ornatus debet esse compositus ad excitandam populi devotionem.
15. Hinc receptus usus SS. Imaginum; & quomodo eum probaverit Synodus Tridentina?
16. Populus docendus, cultum Imaginibus non deberi ob earum materiam aut elegantiam.
17. Ne populus in hunc errorem & abusum incidat, aliquid quando certæ imagines tollendæ.



18. In hac amotione cum magna cautione & prudentia procedendum.
19. Imagines in Templis proponuntur ceu quidem idiotarum libri.
20. Quare historia Redemptionis, & Sanctorum in picturis proponantur?
21. Sollicitè cavendum, ne falsi dogmatis imagines in Ecclesiis proponantur.
22. Non semper tollendæ imagines aliquid falsi exprimentes.
23. An conveniat proponi imagines Sanctissimæ Trinitatis?
24. Superstitio in imaginibus vitanda.
25. Omnis lascivia & inbonestas in picturis & imaginibus sedulo cavenda.
26. Imagines Ethnicorum fabulas exprimentes à Templis tollendæ.
27. Nec in domibus aut hortis imagines lascivæ tolerandæ.
28. Imagines Divorum ita pingendæ, ut homines ad pietatem excitent.
29. Abusus est statuis D. Virginis aliorumque Sanctorum, profanum & levem ornatum adjicere.
30. Imaginibus & statuis Salvatoris historias Scripturæ exprimentibus, subinde aliquid minus bonestum immiscetur.
31. Nemo insolitam imaginem publicè colendam exponere potest sine approbatione Episcopi.
32. Quæ attendere debeant Episcopi, priusquam imagines probent.
33. Omnia in Templis ordinatè agenda sunt; hoc ut fieret, olim invigilabant Diaconi.
34. Hunc in finem olim Clericorum & Laicorum loca erant distincta.
35. Locus Clericorum hodie dicitur Chorus.
36. Solebat velo à reliqua parte Templi separari: & ejus hodie superstes vestigium.
37. Quomodo Laicis chorus parere debeat juxta SS. Canones?
38. Patronis hodie in choro locus competere solet.
39. Similiter & Magistratibus.
40. Mulieres ad chorus non admittendæ.
41. Convenit ut mulieres à viris in Ecclesia separate sint.

**I** ECCLESIA vox Græca propriè significans concionem sive Fidelium Congregationem, à temporibus Apostolorum frequenter etiam sumpta fuit pro Aede sacra, publico pietatis exercitio, & cultui Divino destinata; ut patet ex Apostolo 1. ad Corinthios cap. 11. v. 18. ubi ait: *Convenientibus vobis in ECCLESIAM audio scissuras esse inter vos.* Et paucis interjectis, scilicet v. 22. *Nunquid domos non habetis ad manducandum & bibendum, aut ECCLESIAM Dei contemnitis?* Hic Apostolum loqui de loco, ad quem Fideles conveniunt, evidens est, & ita locum post S. Basilium in *Regulis brevioribus* interrogat. 310. exponit S. Augustinus *quest.* 57. in Leviticum, dicens: "Ecclesia dicitur locus, quo Ecclesia congregatur. Nam Ecclesia homines sunt, de quibus dicitur, ut exhiberet sibi gloriosam Ecclesiam. Hoc tamen vocari etiam ipsam domum orationum, idem Apostolus testis est, ubi ait: Nunquid domos non habetis ad manducandum & bibendum, an Ecclesiam Dei contemnitis? Et hoc quotidianus loquendi usus obtinuit, ut in Ecclesiam confugere non dicitur, nisi qui ad locum ipsum parietesque prodierit, quibus Ecclesiæ congregatio continetur.

II. Quin & Christiani multo tempore loca, ad quæ orationis & cultus divini peragendi causâ conveniebant, Ecclesias potius, quàm templa dixere; imò à templi vocabulo sollicitè abstinere; ut non solum à ritibus

Ethnicorum, verum etiam à vocabulis se abhorre indicarent. Usus enim eo tempore obtinebat, ut templi nomine intelligeretur locus ad sacrificia & cultum falsis gentium Diis exhibenda destinatus; atque hoc sensu Octavius apud Minutium Felicem, Opratus Melivitanus; & Hieronymus negant, Christianos habere templa; uti monet Bellarminus lib. 3. *De cultu Sanctorum* cap. 4.

III. Porro loca jam pridem specialiter fuisse destinata, ad quæ Fideles convenirent orationis, Sacrificii incruenti offerendi, aliæque Religionis & pietatis opera peragendi causâ, non tantum ipse Apostoli locus superâ relatus; sed omnes pristini Scriptores manifestè evincunt; & pluribus probat Bellarminus loco citato; ibique notat, quatuor præcipuè de causis Ecclesias à Christianis fuisse extructas.

IV. Licet enim scirent, divinitatem loco non concludi, jamque horam venisse, de qua ad mulierem Samaritanam dixerat Salvator, quando veri adoratores adorabunt Patrem in spiritu & veritate, nam & Pater tales quærit, qui adorent eum. Spiritus est Deus, & eos, qui adorant eum, in spiritu & veritate oportet adorare. Joannis 4. v. 23. & 24. Nec non Apostolus: *Polo viros orare in omni loco levantes manus puras*, 1. ad Timoth. 1. v. 8. Sciebant tamen summam esse utilitatem imò & necessitatem, ut loca quædam essent specialiter deputata, ad quæ divina audituri unâ & oraturi Fideles convenirent; eò quòd hujusmodi loca ad cultum Divinum, orationemque specialiter dedicata, etiam speciali titulo præsentis ad pietatem excitent: præsertim dum omnia, quæ in locis illis aguntur, nec non torus eorum ornatus, composita sunt ad imprimendam majorem de Dei majestate ideam, & erga res sacras & Religionis nostræ mysteria reverentiam provocandam; omniaque decentius in locis sic ad usum sacrorum dedicatis & adornatis nata sunt peragi, quàm si quibuscvis locis, usibus profanis indifferenter subserviientibus agerentur.

V. Deinde omninò conveniens est, populum orationis & instructionis causâ in unum convenire: eò quòd piorum hominum frequentî consensu exciteretur animus, & objecto aliorum exemplo ad Dei cultum magis erigatur. Ut enim propius admoti tiones facibus ardent, iidem sepositi languescunt, sic in Christianorum ampliori conventu studium pietatis accenditur; in solitudine verò aliorum Fidelium exemplo destitutum sæpe remittitur.

VI. Denique Patribus indubiatum fuit, quòd in locis Deo ejusque cultui peculiariter consecratis; quæ propterea jam pridem *Domus Dei*, vel etiam *Domus Dei*, aut *Oratoria* sive *domus orationis* dicta sunt, Deus speciali modò preces & vota Fidelium benignus suscipiat & exaudiat; quemadmodum Salomoni in dedicatione templi Hierosolymitani promissum legitur. 1. 2. Paralip. 6. 7.

VII. Unde S. Chrysostomus *Homiliâ* 30. contra Anomæos Ecclesias contemnentes, dicentesque *orare domi possumus*; ita respondet: "Te homo decipis, & magno in errore versaris; nam etsi domi quoque detur orandi facultas, tamen fieri non potest, ut domi tam benè ores, quàm in Ecclesia. Et alibi: Et domi quidem orari potest: sic autem ut in Ecclesia, non potest. *Homil. 6. ad Populum Antioch.*

Sanctus Basilius libro de Baptismo cap. 8. de necessitate peragendi divina Mysteria in locis sacris, & divino cultui speciali titulo consecratis, hæc habet: "No bis periculum est malè obiti mandati; si loci rationem neglexerimus, maxime si Sacerdotii mysteria in locis profanis celebraverimus: propterea quòd ea res indicium haberet contemptus in celebrante, offendiculum quoque generaret.

VIII. Ut scopum seu finem Ecclesiarum, sive locorum ad divinum cultum dedicatarum populus assequeretur, admodum solliciti fuere Patres, ut omnia, quæ populum

populum ab oratione pietateque aut reverentiâ avocare possent, à locis illis arcerentur; omniaque ita disponerentur, ut nihil in iis occurreret, quod non pietati ac reverentiæ erga res sacras fovendæ conducere; eamque in populo excitaret.

IX. Hinc imprimis ut Ecclesia verè dicatur *Oratorium*, sive domus *Orationis*, & domus Dei, omnem ab ea abesse profanam actionem, tametsi aliàs de se non illicitam, voluerunt.

Synodus VI. vulgò Trullana *Can. 76.* " Quod non oportet intra sanctos ambitus cauponariam officinam, vel ciborum species proponere, vel alias venditiones facere, suam venerationem Ecclesiis fervantes. Salariorum enim noster & Deus, per suam in carne vivendi rationem nos instituens, non facere domum patris sui domum negotiationis iussit, qui etiam nummulariorum mentas effudit, & eos, qui factum commune faciunt, eiecit. *Joan. c. 2.*

Huic Canonis conformis est Canon 13. Synodi Exoniensis anno 1287. his verbis expressus: " Pius & misericors Dominus, qui dum pro peccatis nostris irascitur, misericordiam recordatur, templa dominica construi & divinis precibus consecrari voluit & præcepit: in quibus plebs fidelis ab omnibus fornicationibus & secularibus operibus abstinens, per oblationes & pacificas hostias, devotè præcipue orationis iram iudicis mitigaret, ipsius clementiam humiliter postulando. Quod idem omnium Dominus tam verbis, quam operibus, specialiter volens designare, flagello facto de funiculis ementes & vendentes eiecit de templo: asseverans domum suam domum fore orationis, & per tale commercium factam fuisse speluncam latronum. Ne igitur ubi delictorum est venia impetrandæ, delicta delictis gravius accumulentur: districtè prohibendo statuimus, ne in quibusdam Ecclesiis nostræ Diocesis, atriarum vel cæmeteriis, mercata seu placita secularia de cætero teneantur: nec ulla negotiationes quisquam exercere præsumat.

Post hæc Concilium Lugdunense sub Gregorio X. in *cap. 2. De Immunitate Eccles. in VI.* perpendens quod " deceat domum Dei sanctitudo; deceat ut cuius in pace factus est locus, ejus cultus sit cum debita veneratione pacificus, " edixit sequentia: " Cessent in locis illis Universitatum & societatum quarumlibet concilia, conciones (a) & publica parlamenta. Cessent vana & multò fortius scæda & profana colloquia, Cessent confabulationes quælibet. Sint potremo quæcumque alia, quæ Divinum possunt turbare officium, aut oculos divinæ majestatis offendere, ab ipsis prorsus extranea: ne ubi peccatorum est venia postulanda, ibi peccandi detur occasio, aut deprehendantur peccata committi. Cessent in Ecclesiis earumque cæmeteriis negotiationes, & præcipue nundinarum ac fori cuiuscumque tumultus, omnis in eis secularium judiciorum strepitus conquietetur, nulla inibi causa per laicos criminalis maxime agitur, sint loca eadem à laicorum cognitionibus aliena.

X. Synodi Belgicæ similiter omnem profanam actionem à locis sacris remotam volentes, imprimis statuerunt, ut Episcopi " deambulationes ac profana colloquia impediant; convivia quoque & negotiationes in loco sacro nullo modo admittantur. Proclamationes verò forenses non nisi extra templum & post Divinum Officium plenè absolutum fiant; atque ut laici ab his efficacius comprimentur, Magistratuum locorum assistentiam implorent Episcopi, ut etiam ipsorum auctoritate Ordinatio ad impediendum hujusmodi insolentias fiat & publicetur.

Hæc Synodus P.I. Mechliniensis titulo *De Divino*

(a) D. Van-Espen in suis observationibus in decreta, quæ sub nomine Gregorii X. in Concilio Lugdunensi facta dicuntur, notat concionum nomine hæc designari communem populi alienius congressum.

*Officio, cap. 10. & 11.* Et Synodus P. II. *titulo 12. cap. 9.* addens: " Ne in loco sacro ... etiam post Officium Divinum deambulet, sub poena arbitraria.

XI. Similia in omnibus passim Synodis occurrunt: nec ab ipsis templis; sed & eorum cæmeteriis tanquam locis sacris, profanas omnes actiones abesse volunt.

" Nec sine gravi injuria loci sacri tolerari potest, ut in cæmeteriis tripudietur, ideoque id districtè prohibemus, " ait Synodus Mechliniensis *tit. 11. cap. 17.* Deinde *cap. 18.* addit: " Liba quoque, placenta, & similia in cæmeteriis non vendantur: neque strues lignorum in iis fiant: & generaliter nihil in iis permittatur, quod loci religioni ac sanctitati repugnet.

XII. Notandum, quod citatus Canon Synodi VI. Trullanæ, uti & relatus Canon Synodi Exoniensis expressè adducant factum Christi ejicientis ementes & vendentes de templo; quo non obscurè innuunt, etiam Canonum horum prohibitionem spectare mercatum eorum, quæ in Sacrificium aut usum Ecclesiasticum cedere possent. Oves enim & boves aliaque, quæ in templo Hierosolymitano vendebantur, ad Sacrificia illius temporis pertinebant, ut monet Venerabilis Beda.

Hunc Canonum sensum expressit S. Carolus in Synodo sua P. I. *parte 2. cap. 57.* statuens: " Ne Clerici, aut alius quivis in Ecclesiis earumque cæmeteriis, atrio, vestibulo, aut porticu, foribusve, quidquam venale exponat, ne si ad usum quidem Sacrificii vel Ecclesiæ futurum sit. " Idipsum iisdem verbis decrevit Synodus Aquisgranensis anno 1585. pluresque alia Synodi.

XIII. Multum ad devotionem populi conciliandam conducere executio Decreti Synodi P. II. Mechliniensis *tit. 12. cap. 17.* " Pauperes per Ecclesias tempore Missarum, prædicationum aliorumve Divinorum Officiorum, mendicare seu eleemosynas petere non permittantur, sed ad valvas Ecclesiæ stare jubeantur: deputenturque ubique à Superioribus vel Administratoribus Ecclesiarum, qui pauperes mendicantes ab Ecclesiis arceant & expellant; & quidem, si necesse fuerit, sub certo honorario ex bonis mensarum pauperum persolvendo. " Adde, quæ habet S. Carolus in Actis Eccl. Mediol. *pag. 355.*

XIV. Ipse insuper interior templorum ornatus talis sit, oportet, ut ipsum populum ad solidam veramque pietatem ac sincerum Dei cultum excitare queat; atque ita hoc titulo templa dici queant, domus Dei & domus *Orationis.*

XV. Hunc in finem jam pridem usus sacrarum imaginum in templis seu Ecclesiis probatus fuit; atque novissimè contra nostri temporis Hæreticos retinendum esse declaravit Synodus Tridentina *sess. 25. in Decreto De Invocatione, Veneratione, & Reliquiis Sanctorum, & Sacris Imaginibus*; " non quod credatur inesse aliqua in iis Divinitas, vel virtus, propter quam sint colendæ; vel quod ab iis sit aliquid petendum; vel quod fiducia in imaginibus sit figenda; veluti olim fiebat in gentibus, quæ in idolis spem suam collocabant; sed quoniam honos, qui eis exhibetur, refertur ad prototypa, quæ illæ repræsentant: ita ut per imagines, quas osculamur & coram quibus caput aperimus & procumbimus, Christum adoremus, & Sanctos, quorum illæ similitudinem gerunt, veneremur.

XVI. Idipsum populo sedulo inculcari Synodi nostræ Belgicæ Parochis præcipiunt; vultque Synodus P. I. Cameracensis titulo *De Imaginibus cap. 3.* " Doceatur præterea populus imagini cultum nullum deberi aut propter materiam, aut propter elegantiam, aut propter pretium operis, aut propter quidvis aliud, quod sit in artificio, aut imaginis substantia; sed propter rem significatam, ad quam hic cultus & honos

„ præcipue refertur. Et sic admonendus est, animum  
„ orantis, aut venerantis in rem significatam referri:  
„ & non in signum; quod nec audit, nec videt, nec  
„ sentit.

XVII. Quare in Concilio Colonienfi anno 1452. celebrato per Dominum Nicolaum de Cusa Cardinalem & Legatum de latere per Alemanniam, comprobante Domino Archiepiscopo Colonienfi Theodorico, statutum fuit, ut „ si Ordinarii in visitationibus suarum  
„ Diocesum vel alias reperiant concursum populi ad  
„ aliquas imagines, cognoverintque informationem summaria recepta, populum amplius ad dispositionem  
„ figuræ talis imaginis, quam salvâ fide expediat, inclinari; quod tunc imaginem tollant, & alias omnino  
„ provideant, ne idololatriam committant. „ Habetur tom. 13. Concil. general. col. 1382.

Similiter Synodus Moguntina anno 1549. Can. 42. „ pravæ superstitioni viam præcludere volens; omnibus  
„ locorum Ordinariis injungit, ut si forte in territoriis suis ad imaginem aliquam concursus fieri, &  
„ homines ad ipsius imaginis figuram respectum habere, & quasi quamdam Divinitatis opinionem illi tribuere  
„ animadverterint, ipsam imaginem pro causæ qualitate aut tollant aut mutent, & aliam à prima  
„ notabili quantitate differentem reponant, ne rudis populus, in intellectu suo depressus, & cædendo per media  
„ corporalia ad Divina erigendus, spem suam contra  
„ Ecclesiæ intentionem, in corporali & quidem certâ imagine, privatâ phantasiâ atque in hæsiione collocet:  
„ quali in illa sit quædam necessitas, ut per eam, & non aliter, inducatur Deus & Sancti id facere quod  
„ petuntur.

XVIII. Monet tamen Synodus, & quidem iteratò in eodem illo Canone, ut in hac re procedant, „ adhibitis  
„ prius in consilium Theologis, & Christianarum antiquitatum scientissimis juxta ac pientissimis viris;  
„ ut sic salubri Ordinariorum providentiâ à pernicioso idololatriæ scelere populi præservetur simplicitas, „ ait Synodus.

XIX. Scopum seu finem imaginum jam pridem brevi verborum compendio expressit S. Gregorius lib. 7. Epist. 110. Sereno Episcopo Massiliensi inscripta: „ Idcirco enim pictura in Ecclesiis adhibetur, ut hi, qui  
„ litteras nesciunt, saltem in parietibus videndo legant, quæ legere in codicibus non valent. Tua ergo Fraternitas (ait) & illas servare, & ab earum adoratu populum  
„ prohibere debuit: quatenus & litterarum nescii haberent, unde scientiam historiæ colligerent: & populus in picturæ adoratione minimè peccaret. „ Idem laudus exponit lib. 9. Epist. 9. ad eundem Serenum.

Quin & usum imaginum supra usum librorum extollere videtur Synodus VII. sessione 6. dicens: „ Lectio  
„ enim minus nonnunquam recitatur in venerabilibus templis, imaginalis verò formatio vespere, mane & meridie tanquam in eis stabilita, narrat nobis & annuntiat  
„ veritatem gestorum. „ Habetur tomo 7. Concil. General. col. 539.

XX. Patrum ac Synodorum doctrinæ insistent Synodus Tridentina. monet in citato Decreto, „ illud diligenter doceant Episcopi, per historias mysteriorum nostræ  
„ Redemptionis, picturis, vel aliis similitudinibus expressas, erudiri, & confirmari populum in articulis  
„ fidei commemorandis, & assidue recolendis: tum verò ex omnibus sacris imaginibus magnum fructum  
„ percipi; non solum quia admonetur populus beneficiorum, & munerum, quæ à Christo sibi collata  
„ sunt; sed etiam quia Dei per Sanctos miracula, & salutaria exempla oculis fidelium subjiciuntur: ut pro  
„ iis Deo gratias agant, ad Sanctorumque imitationem vitam, moresque suos componant, excitenturque ad  
„ adorandum, ac diligendum Deum, & ad pietatem colendam.

Hæc verba expressit Synodus P.I. Cameracensis titulo De imaginibus cap. 4. dicens: „ Præterea admonetur

„ populus, imperitæ plebis causâ maximè positas esse  
„ imagines: ut illarum aspectu docti & moniti, patrocinium Divorum & pietatem in Christo conservemus,  
„ & eorum vitam imitemur.

XXI. Sicuti ergo Ecclesia semper admodum sollicita fuit, ne quid falsi in divino Officio aut publicè in Ecclesiis prælegeretur; ne ipsa lectio populo erroris occasionem præberet, uti supra *page 1. titulo 16. cap. 12.* ostensum est, ita quoque cavendum est; ne in ipsis picturis & imaginibus quidquam falsi exprimeretur, ne alias ex ipsis imaginibus seu idiotarum libris in falsitatem & errorem populus incidat; quemadmodum monet Synodus Tridentina vehementer cupiens, „ ut nullæ falsi  
„ dogmatis imagines, & rudibus periculosi erroris occasionem præbentes statuatur.

Hæc de causâ puerperium B. Virginis decumbentis & ægrotantis, non esse pingendum ostendit Joannes Molanus in Historia SS. Imaginum lib. 2. cap. 27. ed quod ex hujusmodi imagine facilè inducerentur rudiores in eum perniciosum errorem, quod Beata Virgo ad instar aliarum mulierum dolores partûs fuisset experta, & puerperium subiisset.

Et S. Carolus in Synodo Mediolanensi I. titulo 1. cap. 7. ait: „ Illud imprimis caveant Episcopi, ne quid  
„ pingatur, aut sculpatur, quod veritati Scripturarum, Traditionum, aut Ecclesiasticarum historiarum ad-  
„ versetur: ne cujus lectio prohibetur, ejus imago populo proponatur.

XXII. Verùm licet Episcopi & Parochi alique quibus cura incumbit, satagere debeant, ne quid falsi per imagines repræsentetur, vel ne alicujus erroris occasio populo detur; nihilominus subinde ob majora mala evitanda, & ne ex earum amotione quorundam infirmitas nimium turbaretur, expedire aliquas imagines jam positas tolerare, licet quæ in iis repræsentantur, non sint aded certa; imò sciantur etiam falsa; modò non talis sit falsitas, quæ nata sit in perniciosum errorem aut circa dogmata, aut mores populum inducere, quemadmodum ostendit Molanus loco citato cap. 28: monens, ut interim doceantur simpliciores, quid ex hujusmodi imaginibus sit discendum, quid non discendum.

Similiter ne ex inspectione imaginum in periculosum errorem rudiores incidant, vult Synodus Tridentina „ Quod si aliquando historias & narrationes Sacre Scripturæ, cum id indoctæ plebi expediat, exprimi & figurari contigerit: doceatur populus, non propterea  
„ Divinitatem figurari, quasi corporeis oculis conspici, vel coloribus aut figuris exprimi possit.

XXIII. Hic sat indicat Synodus, magnâ cautione imagines Divinitatem sive Sanctissimam Trinitatem sub corporali specie exprimentes, esse populo proponendas.

Et quidem multis seculis imagines SS. Trinitatis in Ecclesia Romana ignoras fuisse constat. Eas tempore Nicolai I. adhuc Ecclesiam Romanam ignorasse, notat ex ejus Epistola ad Michaelem Augustum Christianus Lupus tom. 2. Scholiorum in Canones pag. 1175. „ ad-  
„ ducit tamen (inquit) licet alio fine, rationem, ex qua postmodum Dei Patris imagines Romana Ecclesia admisit: Deus, qui est invisibilis & incorporeus, non  
„ per propriam substantiam Deitatis, sed per subjectam creaturam apparuit mortalium oculis: in forma Antiqui  
„ qui dierum. Hinc in eadem ipsum Ecclesia pingit. „ Quod quando cæperit, fateor me ignorare.

Similiter Vir eruditus Joannes Mabillonius in præfatione ad partem I. seculi IV. Benedictinorum §. 3. num. 19. reflectens ad definitionem Synodi VII. super cultu SS. Imaginum, inter alia notat, in illa definitione, nihil decerni de SS. Trinitatis, Dei Patris, aut Spiritus Sancti picturis, quas (ait) necdum etiam admittebat ætas illa.

Usum tamen earum nemo hodie improbat, modò ea adhibeatur moderatio, quam Synodus Tridentina requirit: ut nimirum primùm expendatur, an id indoctæ plebi expediat: & insuper populus ritè doceatur, non  
„ propte-



propterea Divinitatem figurari, quasi corporeis oculis conspici, vel coloribus, aut figuris exprimi possit. Videri poterit Molanus lib. 2. *Historia SS. Imaginum* cap. 3. & 4.

XXIV. Post hæc monet Synodus, ut omnis superstitio in imaginum sacro usu tollatur.

De hoc abusu tollendo scribit Molanus lib. 2. cap. 33. & 35. notatque quod "sicut Synodus Cameracensis sub Maximiliano Archiepiscopo primo celebrata, abominandam dicit esse vanitatem & superstitionem eorum, qui certo pollicerentur non ex hac vita migraturos sine penitentia & Sacramentis, qui hunc illumve ex Divis coluerint: sic etiam vanissimæ superstitionis arguendum est, si quid tale sacris imaginibus alicubi subscriptum habeatur.

Sed quid? si tale quidem imaginibus non sit subscriptum; sed historiae aut miracula ita repræsententur, ut ex ea repræsentatione populus in hanc abominandam vanitatem & superstitionem facile sit induendus: quemadmodum non raro contingere posse, haud difficile judicabit, qui attenderit imagines in facellis quibusdam depingi solitas.

XXV. Addit demum Synodus Tridentina: "Omnia denique lascivia vitentur; ita ut procaci venustate imagines non pingantur nec ornentur. .... Postremo, tanta circa hæc diligentia & cura ab Episcopis adhibeatur, ut nihil inordinatum, aut præpostere, & tumultuarie accommodatum, nihil profanum, nihilque inhonestum appareat; cum domum Dei deceat sanctitudo.

Hoc Decretum renovans Synodus P. II. Mechliniensis titulo 14. cap. 1. præcipit ut "curent diligenter Episcopi, ut in imaginibus tam sculptis, quam pictis loco sacro jam illatis, vel deinceps inferendis, nihil inordinatum, nihil profanum, nihil inhonestum appareat: neque in intima altarium tabula, vivorum effigies depingantur.

XXVI. Et Synodus P. I. titulo *De imaginibus*, vult, ut è templis & locis sacris tollantur imagines, sculpturae, ac aulæ quæ Gentilitatem, aut mendaces Ethnorum fabulas, Satyrorum, Faunorum, Sirenarum, Terminorum & Nympharum, ac id genus aliæ repræsentant. Similiter quæcumque figuræ lascivæ, procacæ, & obpudendam nuditatem, vel alias obscenæ & superstitionis, quæ Fidelium mentes à religione & devotione distrahunt, & sæpius graviter offendunt. Deinde cap. 2. subiungit: "Provideant præterea Episcopi, ne ad ornatum supplicationum Venerabilis Sacramenti, aut Reliquiarum quarumcumque, exponat quisquam ulla similes imagines, sculpturas aut aulæ, idque sub pœna arbitrio eorum infligenda; implorato etiam ad hoc, si opus sit, contra seculares auxilio brachii secularis.

XXVII. Nec tantum indecens esse ut huiusmodi picturæ aut imagines lascivæ habeantur in Ecclesiis, sed etiam in hortis aut domibus Ecclesiasticorum merito eadem Synodus cap. 3. iudicat; easque è domibus & hortis tolli jubet; & nisi Clerici obedierint, vult ut eurent Episcopi contra illos ad condignam punitionem procedi.

XXVIII. De lascivia vitanda in picturis ac statuis agit pluribus in locis Molanus in citata historia, ac signanter lib. 2. cap. 37. ubi adductis relatis verbis Concilii Tridentini, infert: "Ut ergo sacris Divorum imaginibus honor & veneratio major impendatur, oportet eas sic depingi, sculpi & effigurari, ut quosdam velut igniculos in hominum pectoribus succendant: omni levitatis atque lasciviæ, quod contentium oculos offendere queat, offendiculo sublato.

XXIX. Tum contra pictores & ornatores imaginum & statuarum, qui etiam ipsis imaginibus & statuis D. Virginis & aliorum Sanctorum ornatum levem & lascivum appingere aut adicere non verentur, sua exposita querela, concludit: "Quid commune Virgi-

Tom. I.

"ni sanctissimæ, pudicitæ numeris omnibus perfectæ atque expletæ, cum ornatu illo pene dixerim meretricio? Quid sanctis Martyribus, Christi que Confessoribus cum plusquam profano apparatu?

XXX. Rursus cap. 42. merito invehitur in pictores, qui Infantem Jesum nudum sculpunt aut pingunt. Quid enim (ait) in hac nuditate esse potest ædificationis? Atque utinam nulla hinc oriretur in parvulis destructio, nullum in pusillis scandalum? .... Certe si antiquas picturas consulere velint, facile advertent in eis Puerum Jesum decenter & honeste depictum esse, ac sese multum à Majorum simplicitate degenerasse.

Deinde nonnullis interpositis contra illos qui in hortis domibusque suis retinent picturas lascivas, subiicit: Quid est necesse in templo depingere David contemptem è fenestra Bethsabeam, & ad stuprum evocantem; aut amplectentem ad se delatam Sunamitam? Herodiadis filiam saltantem? Argumenta sumpta sunt è Divinis libris, sed in exprimendis feminis quantum admiscant artifices nequitie!

Refert quoque eodem capite ex Guilielmo Durando in *Rationali Divinorum Officiorum* lib. 1. cap. 3. "Græci utuntur imaginibus, pingentes illas, ut dicitur, solum ab umbilico supra & non inferius, ut omnis stultæ cogitationis occasio tollatur.

XXXI. Ut autem hæc in imaginum usu vitentur, & earum usus ad ædificationem populi reducat, statuit Synodus Tridentina, "nemini licere ullo in loco, vel Ecclesia, etiam quomodolibet exempta, ullam insolitam ponere vel ponendam curare imaginem, nisi ab Episcopo probata fuerit.

Insecuta hoc Decretum Synodus P. II. Mechliniensis titulo 4. cap. 1. decrevit: "Ne per falsi dogmatis imagines rudibus periculosi erroris occasio præbeatur, nulla unquam in Ecclesiis etiam exemptis insolita imago ponatur, nisi ab Ordinario prius approbata fuerit.

XXXII. Sanctus Carolus in Synodo Mediolanensi lib. 7. tit. 7. vult, ut "uniuscujusque imaginis os, corporis habitum & statum, ornatum, & locum inspiciendum curent Episcopi; ut hæc omnia ad prototypi dignitatem & sanctitatem apta sint & decora; atque ex imaginis inspectione pietas excitetur, nulla vero turpis cogitationis detur occasio.

Si Episcoporum Pastorumque cura & auctoritate procuraretur, ut nullæ imagines aut statuæ in Ecclesia ponerentur, nisi quarum inspectio ad pietatem virtutesque incitaret intuentes; ipsarumque imaginum propius ac legitimus usus populo frequentius exponeretur, spes esset, fore ut operatus & intentus ab Ecclesia ex imaginum usu fructus haberetur, & hæreticis earum legitimum usum culpandi prætextus ex quorundam abusu & indiscreto imaginum cultu accepto, subtraheretur.

XXXIII. Plurimum quoque ad decorem Divini Officii, nec non ad pietatem reverentiamque erga Divina mysteria excitandam & fovendam conducit, ut omnia ordinate peragantur in Ecclesiis.

Hunc in finem jam pridem erant Diaconi alique ministri, qui continuo invigilarent, monerentque, ut omnia suo tempore & loco debita cum reverentia & ordine fierent; quemadmodum de Diaconis parte 1. titulo 1. cap. 3. notatum fuit.

Eundem in finem distincta erant Latcorum & Clericorum, & mulierum ac virorum loca; nec hi illorum loca occupare; sed omnes suis locis consistere debant.

XXXIV. Clericorum locum à Latcorum separatim olim fuisse nonissimum est, neque laicis eum patuisse. "Ut laici secus altare in quo sacra mysteria celebrantur, inter Clericos tam ad Vigiliis, quam ad Missas penitus stare non præsumant: sed pars illa quæ cancellis versus altare dividitur, tantum choris psal-

lentium

l i i i 2

„lentium pateat Clericorum., ait Synodus Turonensis II. *Can. 4.* Recte addit Synodus, *tam ad Vigiliis, quam ad Missam*; ut significet quid per *sacra Myſteria* Patres intellexerint. Idipſum habemus in *Canone 69.* Synodi VI. ubi dicitur: „Nulli omnium liceat, qui quidem ſit in Laicorum numero, intra ſepta ſacri altaris ingredi.

XXXV. Locus Clericorum, quem ſubinde *Sacrarium*; ſubinde *Sancta Sanctorum*; & hodie communius, *Chorum* à *psallentium choris* dicimus, à Laicorum loco cancellis quibuſdam ſeparatus erat, ut ex citato *Canone Turonenſi* patet, & laus ostendit *Leo Allatius* in *Epistola de templis Græcorum*; & hodierna antiquarum Cathedralium & Collegiatarum Ecclesiarum ſtrutura ostendit.

XXXVI. Quin & velum quoddam ipſis cancellis obduſtum erat; quod non niſi certis temporibus pandebatur; uti in quibuſdam Monialium Monasteriis adhuc obſervatur. Videmus enim velum, quod earum locum ab Altari ſeparat, pandi cum ad *Canonem* in *Miſſa* perventum fuerit.

Huius veli meminit *S. Chryſoſtomus Homil. 6. ad populum Antiochenum*: „Cum vela videris retrahi, tuac ſuperne cœlum aperiri cogita, & Angelos deſcendere. Et meminit *S. Gregorius lib. 3. Epist. 30* nec non ſeculo XII. *Petrus Bleſenſis Sermone 11. in Quadrageſima*. Interponitur velum inter *psallentes* & populum, aliterius quidem & gratia ſignificationis, ſed ad hoc tamen, ut laſciviam tollat oculorum.

Hæc omnia renovantur in *cap. 1. 2. De vita & bonest. Cler.* ubi ſub nomine Concilii Moguntini reſertur: „Ut laici ſecus altare, quando ſacra Myſteria celebrantur, ſtare vel ſedere inter Clericos non præſumant; ſed pars illa quæ cancellis ab altari diſiſcit, tantum *psallentibus* pateat Clericis.

XXXVII. Addit deinde hanc clauſulam: „Ad orandum vero & communicandum laicis & feminis (ſicut moſ eſt) pateant *Sancta Sanctorum*. „Ita legitur in editis & vulgatis *Decretalibus Gregorii IX.* uti & in prima *Decretalium* collectione *Antonii Auguſtini*; notat tamen ibidem *Antonius Auguſtinus* apud *Ivonem parte 2. Decreti cap. 137.* eamque eſſe genuinam *Canonis* lectionem, multis adſtruit *Emanuel Gonzales* in notis ad citatum *Capitulum primum*; doctèque adverte, errorem natum „ex more antiquariorum notiffimo, non geminandi eandem litteram ſeu dictionem. Veres enim (ait) non geminabant litteram, ſed *ſicilicet* ſupra ponebant, ut ea nota leſtor admoneretur, duplicandum eſſe litteram; „cujus rei ignoratione vitia quamplurima in *Pandectis* reſederunt; quod pluribus ibidem adductis exemplis ostendit. Itaque cum hic eſſet geminanda dictio ad, eam geminandam eſſe notula quadam indicant, quod Recentiores non advertentes geminationem omiſerunt; & pro *ad adorandum*, poſuerunt *adorandum*.

Itaque Patres prohibent, ne laici ſecus altare, dum ſacra myſteria celebrantur, intra cancellos cum Clericis *psallentibus* ſtare aut ſedere audeant; ad adorandum vero *Corpus Domini*, & communicandum ſinunt, ut reſerato velo pateant *Sancta Sanctorum*; non ut ad communicandum accedant: ſed extra chorum exiſtentes communicent: quemadmodum hodie in nonnullis Monialium Monasteriis videmus obſervari, mox ad ipſum *Canonem Miſſæ* reſerari velum quo Monialium locus ab altare ſeparetur; tamen nec ad communicandum ad altare accedant.

XXXVIII. Hanc diſciplinam etiam poſteriores plures Synodi renovarunt; addita tamen aliqua moderatione quoad Eccleſiarum Patronos & alias illuſtiores perſonas. Synodus Wigornienſis anno 1240. *Can. 3.* „Ne laici ſtent in cancellis, dum celebrantur Divina, ſalva tamen reverentia Patronorum & ſublimium perſonarum. Plures citat *Franciſcus De Roſe* Antec

ceſſor Andegavenſis *libro 2. De Juribus honorificis in Eccleſia cap. 3.* qui poſtquam dixit: „Sed forte vel ſordidæ Clericorum adulationi; vel Patronorum inſolentia tribuendum eſt, quod etiam in choro poſſint habere fixa ſedia, quæ *S. Ambroſius Theodoſio Imp.* denegavit, & poſtea ſacri *Canones* ſoli conceſſerunt Imperatori, non etiam aliis quibuſlibet laicis; „deinde ſubjungit: „Eo jure utimur, ut qui Clericis Eccleſiam dederunt, & Canonica ſtipendia, honorabiliorem locum in ea teneant, ait *Chaffanæus* in *Catalogo Gloriæ Mundi parte 4. confiſ. 18.* Hæc ille.

XXXIX. Synodus Aqueſis anno 1585. titulo *De Choro* „præſentem Ordinis decorem ad Divina Majestatis obſequium revocare cupiens, decrevit, laicos homines (& multo minus mulieres) dum Divina celebrantur, intra cancellos chori nequaquam eſſe admittendos.... Laici vero nobiliores (ait) & qui vel Chriſtianiſſimi Regis Conſilarii & Officiales, aut ex Militaribus Ordinibus, aut Communitatibus Magiſtratibus fuerint, poterunt intra chorum admitti, ſi eo in loco Divinis Officiis intereſſe velint: ita tamen (ait) ut poſt Clericos ſedeant, nec inter Clericos ipſis ſedere liceat.

Quin tamen tanquam Patroni, aut etiam in qualitate Magiſtratus Regii habere queant ſubinde, vel ex conſuetudine, concordato, aliove jure, locum ante ipſos Clericos, dubium non eſt; & quotidiana praxis evincit.

XL. Feminæ vero (ait citata Synodus) cujuſcumque conditionis, & ſtatus ſint, nullo unquam tempore, nullave ex cauſa, dum Divina Officia celebrantur, aut verbum Dei prædicatur; denique iis horis, quibus Clerici tam ſeculares quam regulares in choro præſentes eſſe debent, intra eundem chorum, aliquemve ejus locum ſecretum etiam ſuperiorem admittantur.

Plures tum veteres, tum recentiores, etiam ex Synodis Belgicis *Canones*, verantes acceſſum mulierum ad altaria tempore Divini Officii, reſerant hac parte *tit. 5. cap. 3. num. 29.*

XLI. Ad decorem quoque Eccleſiarum; omnemque conſuſionem, & mali occaſionem tollendam jam pridem receptum fuit, ut alio viri, alio loco mulieres in Eccleſia conſiſtant.

*Sanctus Auguſtinus lib. 2. De Civitate Dei cap. 28.* ſcribit: „Populi confluunt ad Eccleſias calta celebrata, te, honeſta utriuſque ſexus diſcretione. „Plura in eam rem citat *Chriſtianus Lupus* *tom. 2. Schol. in Canones pag. 991.* hancque diſcretionem virorum à mulieribus tanquam conſtantem expreſſerunt, qui ſeculo decimo & undecimo de ritibus Eccleſiaſticis ſcripſerunt. „Diaconus (ait *Micrologus*) cum legit *Evangelium*, juxta Romanum ordinem in ambone vertitur ad meridiem, ubi & maſculi conveniunt; non ad aquilonem, ubi feminæ conſiſtunt.

Hæc diſciplina in pleriſque Parochialibus præſertim Ruralibus Eccleſiis hodie religioſe ſervatur; at in Eccleſiis civitatum nullus pene ordo retinetur; ſed maxima ac deploranda conſuſio in pleriſque Eccleſiis tempore Divinorum Officiorum videtur. Episcoporum aliorumque Prælatorum officium eſt, juxta ſacros *Canones* atque iterata Synodorum Decreta providere, ut omnia in templis ita ſint ordinata, ut veraciter dici queant *Domus orationis & domus Dei.*

## CAPUT II.

Abuſus vitandi in cultu ſanctarum imaginum.

1. Quid in earum cultu præcavendum?
2. Non eadem hac de re exiſtit Eccleſiarum diſciplina.

3. Prio

3. Prioribus seculis, nullus aut rarus fuit in Ecclesiis imaginum usus.
4. Ratio hujus discipline exponitur.
5. Observatio D. Fleury circa Russos ad fidem recens conversos.
6. Canon Concilii Eliberitani spectare videtur antiquam disciplinam circa imagines observatam.
7. Quarto seculo usus imaginum admitti cepit.
8. Apud Græcos seculo VIII. cultus sacrarum imaginum defensores acerrimos sibi vindicabat.
9. Cautiones quas illi adhibuerunt ne populus in cultum idololatricum incideret.
10. Ætate S. Gregorii Magni usum imaginum jam receperat Ecclesia Romana.
11. Cur sacræ imagines in Ecclesiis exponuntur.
12. S. Greg. reprehendit Episcopum qui sanctorum imagines fregerat.
13. Docet hunc Præsulem qua ratione suum populum dispersum propter fractas imagines ad unitatem revocare poterit.
14. Disciplinam circa sanctarum imaginum cultum à S. Gregorio observatam probant Galli, &c.
15. Huic disciplinæ adhaerent rejecta Synodi Nicænæ II. auctoritate.
16. Adversus hujus Concilii definitionem scriptum est opusculum & missum ad Papam Adrianum I. Synodi Nicænæ defensorem.
17. Huic scripto respondit summus Pontifex.
18. Concilium Francofordiense reprobatur Synodi Nicænæ definitionem, quæ ad Præsules Gallos directæ fuerat.
19. Ludovico Pio imperante Parisiis habetur Concilium, in quo definitio Nicænâ rejicitur.
20. Galli significarunt à se imagines in Ecclesiis admitti, non adorari.
21. In ea Sententia eos videtur confirmasse Epistola Imperatorum Græcorum.
22. Refertur hæc Epistola.
23. Ex ea conjicitur hujus Epistolæ auctores non rejecisse omnem cultum exteriorum imaginum.
24. Imaginum disciplinam in ea Epistola contentam Galli putaverunt conformem disciplinæ Sancti Gregorii Papæ.
25. Galli & hujus Epistolæ auctores eodem motivo permoti fuisse videntur.
26. In suis scriptis Galli intendebant præcavere scandalum pusillorum.
27. Hunc sibi proposuit suum auctor librorum Carolinorum.
28. Ea quoque mens extitit auctoris libelli, quem Lud. Pius ad Eugenium II. misit.
29. Ex dictis claret à Gallis bonariam imaginum adorationem non fuisse omnino rejectam velut per se illicitam.
30. Varietas circa cultum imaginum potest subsistere salva unitate & fide.
31. Certum non est quo tempore Galli, &c. Decretum septimæ Synodi de cultu imaginum receperint.
32. Inquiritur illud tempus.
33. Conjicitur ex Bertiniano Annalista inclinante nono seculo, Gallos colendis Græcæ ritu imaginibus nondum assuevisse.
34. Probabile est ritum hunc pedetentim invaluisse in Ecclesiis Gallicana, Germanica, &c.
35. Hic ritus ab omnibus tandem receptus est propter auctoritatem summi Pontificis.
36. In cultum imaginum magno cum fervore deinde effusi sunt Galli.
37. Abusus ex vulgi imperitia natus.
38. Quid ad eum reformandum observare convenit.
39. Ab imaginum cultu amovendus omnis turpis quaestus.
40. Inde pro maxima parte originem & progressum superstitiosus cultus imaginum sibi sumpsit.

41. Cavendus error Antropomorphitarum in exponendis imaginibus SS. Trinitatis.
42. Quid de iis imaginibus Concilium Trident. quid plurimi senserint Theologi exponitur.
43. Quid ex eorum opinione concludi potest?

I. DICTUM est cap. præced. num. 15. Synodum Tridentinam serio monuisse Episcopos, ut diligenter populum instruant de sanctarum imaginum cultu; ne alias populus in superstitiosum aut idololatricum cultum incidat.

Et sane jam pridem experientia docuit, quam difficile cultus omnis plane cultus irreligiosus sive superstitionem aut idololatriam aliquam redolens in hac imaginum & statuarum publica & externa veneratione præcaveatur, præsertim dum Sacerdotum turpis quaestus se immiscet, & vulgi ignorantia, aut nimia credulitas accedit.

II. Unde & scimus, varias in imaginum externo cultu jam pridem adhibitas cautiones; neque eandem omnium Ecclesiarum fuisse circa hunc cultum disciplinam; sed pro temporum & populi conditione variam.

III. Et quidem tribus ut minus seculis, nullum aut raram fuisse in Ecclesiis Christianorum sacrarum imaginum usum aut externum cultum fatendum est.

IV. Id autem eo creditur contigisse consilio, ne Gentilibus, aut etiam Judæis, occasio daretur suspicandi, Christianos idola, sive idololatriam, non tam deseruisse, quam immutasse.

Id jam pridem annotavit sanctus Agobardus Archiepiscopus Lugdunensis in Libro de imaginibus num. 19. scribens: "Si enim Sanctorum imagines, qui dum monum cultum dereliquerant, venerari juberentur, puro quod videretur iis, non tam idola reliquisse, quam simulacra mutasse."

Accedebat, quod per externum imaginum, & notanter statuarum cultum, recenter ad fidem Christianam à Gentilismo conversis occasio daretur, rursus in assuetum idololatricum cultum incidendi, sive ad eum revertendi.

V. Hanc in rem observatu dignum est quod narrat D. Fleury lib. 7. suæ Historiæ num. 54. quod Russi primo conversi à Gentilismo ad Christianismum per Monachos Corbieneses in Saxonia, rursus in Idololatriam & Gentilismum relapsi fuerint occasione cultus sancti Viti, ejusque imaginis, eamque vertisse in suum idolum, quod vocarunt *Suantovis*.

Occasione hujus eventus monet Vir Clarissimus: "Ita periculosum est idololatriæ recenter conversis proponere cultum Sanctorum, eorumque imaginum, priusquam plene fuerint instructi & radicati in notitia veri Dei."

VI. Vix dubium, quin ad eam primis seculis pene necessariam disciplinam & cautionem reflexerit Synodus Eliberitana statuens Canone 36. *picturas in Ecclesiis esse non debere; nec quod colitur, aut adoratur in parietibus depingi.*

VII. Verum postquam sub Constantino Magno, ac sequentibus Christianis Imperatoribus Gentilismus suas amittere cepit vires; ipsique Christiani adversus idololatriam sat instructi & roborati viderentur; sensim quoque sacrarum imaginum usus, earumque cultus apud Christianos admitti & recipi cepit: nec tamen ubique eodem tempore, nec pari ritu hic usus & cultus admissus, vel probatus fuisse scitur.

VIII. Et quidem scitur, apud Græcos saltem seculo VI. aut VII. usum & cultum sacrarum imaginum receptum fuisse; atque seculo VIII. ita fuisse probatum & stabilitum; ut & illarum partium sanctissimi Episcopi, eum adversus Iconoclastas, sive contrafactores imaginum, etiam cum profusione sanguinis asserere, & propugnare non dubitaverint.

IX. Sed & illud constat, quod hi acerrimi sacrarum ima-



imaginum propugnatores, omnem etiam studuerint adhibere cautionem, ne occasione usus aut cultus imaginum populus in cultum idololatricum incideret.

Hac de causa noluerunt admittere usum aut cultum *statuarum*, uti habetur ex Epistola sancti Germani Patriarchae Constantinopolitani ad Thomam Episcopum Claudopolitani: eo quod *statuae* nimiam cum idolorum simulacris similitudinem habere viderentur; & quasi ideam simulacrorum, oculis intuentium objicerent: asseritque Molanus in Historia sacrarum imaginum etiamnum hodie statuarum usum vel cultum apud Graecos non admitti.

Hoc exemplo docemur, subinde certarum imaginum, aut statuarum usum è templis esse amovendum, tamen si earum usus aut cultus in se non esset illicitus; si praevideatur ex earum usu & cultu periculum superstitiosi & idololatri cultus populo imminere.

X. Quo vero tempore usus sacrarum imaginum in Ecclesia Romana, cæterisque Latinae communionis Ecclesiis fuerit receptus, non satis constat. Hoc scitur, cum fuisse admissum ætate sancti Gregorii, uti patet ex binis ejus Epistolis ad Serenum Episcopum Massiliensem: è quibus quoque intelligitur, quæ fuerit eo tempore earum Ecclesiarum circa hunc usum disciplina.

In priore Epistola (quæ est 105. lib. 9. Editionis Benedictinorum) scribit sanctus Gregorius: "Præterea, indico dudum ad nos prævenisse, quod fraternitas vestra, quosdam *imaginum Adoratores* aspiciens, easdem in Ecclesiis imagines confregit, atque projecit. Post hæc subiungit: Et quidem zelum vos, ne quid manifestum adorari posset, habuisse laudavimus; sed frangere easdem imagines non debuisse judicamus.

XI. Rationem cur eas frangi, aut projici non judicaret, subjicit Gregorius: "Idcirco enim *pictura* in Ecclesiis adhibetur, ut si qui litteras nesciunt, saltem in parietibus videndo legant, quæ legere in codicibus non valent.

"Tua ergo fraternitas & illas servare, & ab earum *adoratu* populum prohibere debuit, quatenus & litterarum nescii haberent, unde scientiam Historiæ colligerent, & populus in *picturæ* adoratione minime peccaret.

Intelligens autem sanctus Gregorius, hunc Episcopum nequaquam ejus monitis acquiescere; sed in contrafractioe & amotione imaginum pergere; in tantum, ut maxima populi pars ob eam agendi rationem ab ejus se communionem abstinere, alteram ad eum Epistolam dedit, (quæ est 13. lib. 11. ex Editione Benedictinorum) in qua acrioribus eum verbis ob hanc contrafractioem, & amotionem imaginum redarguit, ipsum hortando ut usum imaginum tanquam populo utilem restituar, & ab *adoratu* earum ipsum abstrahat.

XII. Rursus in hac Epistola sanctus Gregorius Episcopum quidem laudat, quod imagines Sanctorum *adorare* vetuisset; sed quod *confregerit*, reprehendit; ac deinde subjicit: "Dic, Frater, à quo factum Sacerdote, aliquando auditum est quod fecisti? Si non aliud, vel illud te non debuit revocare, ut despectis aliis fratribus, solum te sanctum, & esse crederes sapientem? Aliud est enim (pergit Gregorius) *picturam* adorare, aliud per *picturæ* historiam, quid sit adorandum ad discere: frangi ergo non debuit, quod *non ad adorandum* in Ecclesiis; sed ad instruendas solummodo mentes nescientium fuit collatum.

Quandoquidem sanctus Gregorius huic Episcopo exprobrat, quod nullus Episcopus hætenus imagines confringendas aut ejiciendas de Ecclesiis crediderit, nequaquam obscurum est, ætate sancti Gregorii in omnibus Ecclesiis Gallicanis usum sacrarum imaginum fuisse receptum.

XIII. Post hæc hortatur Episcopum sanctus Gregorius, ut dispersum populum ad unitatem revocare omni studio satagat; eumque in finem populo dicat:

"Si ad hanc *instruccionem*, ad quam imagines *antiquitus* factæ sunt, habere vultis in Ecclesia, eas modis omnibus & fieri & haberi permitto.

"Atque indica (pergit Gregorius) quod non tibi ipsa visio Historiæ, quæ, *pictura* teste, pandebatur displicuerit: sed illa *adoratio*, quæ *picturis* fuerat incompetenter exhibitæ; atque in his verbis, eorum mentes demulcens, eos ad concordiam revoca: & si quis imagines facere voluerit, minime prohibe, *adorari* vero imagines modis omnibus veta. Sed hoc sollicite fraternitas tua admoneat, ut ex *visione* rei gestæ ardorem compunctionis percipiant, & in adoratione solius Omnipotentis sanctissimæ Trinitatis humiliter prosternantur.

XIV. Hanc à sanctissimo Pontifice circa imaginum usum & cultum expressam & probatam disciplinam, summo cum applausu amplexæ fuere Gallicana, aliæque Occidentales Ecclesiæ: atque per duo ut minus secula tenacissime retinuerunt; ut nimirum usum sacrarum imaginum ad instruccionem fidelium retinendum censuerint; sed ab earum *adoratu*, sive cultu omnino abstinendum existimarint.

XV. Et quidem huic disciplinæ circa usum sacrarum imaginum citra exteriorem adoratum, sive cultum, adeo constanter inhærendum existimarunt Galli, alique Latinae communionis Episcopi, ut nec auctoritate Synodi apud Nicæam, anno 787. celebratæ, nec auctoritate Romanæ Ecclesiæ, quæ conformiter ad Decretum hujus Synodi exteriorem cultum, & adorationem sacrarum imaginum admiserat, adduci potuerint, ut à sua disciplina recederent, & cultum, seu adorationem sacrarum imaginum probarent vel admitterent.

Cum enim circa annum 790. Adrianus I. Papa acta hujus Synodi, adjunctis litteris suis misisset ad Carolum Magnum, Carolus has litteras Adriani, necnon acta Synodi hinc annexa communicanda censuit Episcopis.

Episcopi litteris & actis examinatis & discussis, rescripserunt Imperatori, Synodum hanc nullatenus recipiendam, vel recipi posse, ea potissimum ratione, quod in hac Synodo statutum legerent: *Sacras imagines Christi, & Sanctorum, non secus atque ipsum pretiosæ Crucis typum & sanctorum Evangeliorum codicem esse adorandas & colendas.*

XVI. Quin & per Episcopos adversus hanc Synodum ejusque acta exaratum fuit Opusculum in quatuor Libros divisum, in quo singulatim acta hujus Synodi refutare conantur; ipsamque Synodum tanquam erroneam, non minus quam Synodum Iconoclastarum anno 745. sub Constantino Copronymo celebratam, rejiciunt & execrantur.

Hoc Opusculum sub nomine Caroli Magni missum fuit ad Adrianum I. ut ex eo intelligeret, quibus ex causis, acta hujus Synodi, quantum spectat ad cultum & adorationem imaginum, recipi & probari non possent: unaque significant, se hanc Synodum nullatenus pro Synodo *Oecumenica* reputare, utpote cui nulli, præter Legatos Adriani, Occidentales Episcopi interfuerant.

Hinc evidens est, Gallos eo tempore credidisse, Auctoritatem solius Papæ non esse sufficientem, ut juberetur aliquod Concilium sine consensu principalium Ecclesiarum recipi, uti notat D. Fleury in sua Historia Eccles. lib. 44. num. 58. "*Le mépris de ce Concile*" (inquit) *faisoit voir clairement que les François étoient persuadés que la seule autorité du Pape ne suffisoit pas pour faire recevoir un Concile sans le consentement des principales Eglises.*

XVII. Huic scripto respondit Adrianus per Epistolam Carolo Magno inscriptam, in qua Decretum Synodi Nicænæ adversus opposita Gallorum propugnat, at singulatim argumentis ipsorum respondet.

XVIII. Neque tamen hæc Epistola inclinare potuit Gallicanos, aliosque Episcopos, ut à recepta disciplina,

plina, de non adorandis imaginibus recederent: quin & anno 794. iussu Caroli Magni Francofurti ad Mænum convenientes trecenti circiter Episcopi, una cum Legatis Adriani Papæ, rursus ipsam Synodum Nicænam, de adorandis imaginibus, *Canone 2.* reprobârunt: verba Canonis sunt: "Allata est in medium quæstio  
" de nova Græcorum Synodo, quam de adorandis  
" imaginibus Constantinopoli fecerunt, in qua scriptum  
" habebatur, ut qui imaginibus Sanctorum, ita ut Dei-  
" ficæ Trinitati, servitium aut adorationem non im-  
" penderent, anathema judicaretur. Qui supra San-  
" ctissimi Patres nostri omnimodis adorationem & ser-  
" vilitatem renuentes contempserunt, atque consentien-  
" tes condemnaverunt.

Hoc Canone Patres Francofordienses indicare voluisse Acta sive Decretum de adorandis imaginibus Synodi Nicænæ II. indubitatum est: tamen loqui videantur de Synodo, quam Græci Constantinopoli fecerunt.

Uti enim rectè notavit Sirmundus: *Constantinopoli factam, sic intelligendum hoc loco, non quod in ea urbe, sed quod ab Imperatoribus Constantinopolitanis.*

Post hoc Synodi Francofordiensis Decretum nihil ulterius circa cultum sacrarum imaginum actum reperitur, regnante Carolo Magno, aut sedente Adriano I.

Verùm sub Ludovico Pio Caroli filio, & sedente in Cathedra Petri Eugenio II. quæstio hæc rursus revixit, idque, ut apparet, occasione Legatorum, quos Imperatores Græci Michael Balbus & Theophilus miserunt, & eorumdem Imperatorum ad ipsum Ludovicum scripserat Epistola.

XX. Cum enim dicti Imperatores instanter postularent, ut Ludovicus eorum Legatis, quos ad Eugenium II. Papam destinabant, suos Legatos adjungeret, qui communi consilio & operâ apud Pontificem de usu & cultu imaginum (super quo apud Græcos non mediocriter erat excitata contentio) tractarent: iussu Ludovici Pii, & de licentia Eugenii II. Papæ, Conventus Episcoporum Parisiis super cultu imaginum habitus est.

Porro in hoc Conventu rursus Decretum Synodi Nicænæ, de adorandis imaginibus rejectum fuit; multaque à Patribus collecta fuerunt adversus adorationem & cultum imaginum, & quibus iussu ejusdem Ludovici Pii quædam excerpta fuere, & ad præfatum Eugenium II. tunc Pontificem Romanum transmissa.

XX. His significabant Gallicani Episcopi se quidem sacras imagines recipere, & in Ecclesiis etiam admittere; sed earum *adorationem* nequaquam probare posse: imò tum ex Epistola Synodica ad Ludovicum, tum ex Synodalibus gestis, non obscurum est, in hoc conventu duris contra cultum & adorationem imaginum actum & declamatum fuisse, quàm sub Carolo Magno.

XXI. Admodum verisimile est, quod zelum Episcoporum Gallicanorum pro retinenda disciplina circa imaginum usum in litteris sancti Gregorii ad Serenum Massiliensem Episcopum expressâ, scilicet retinendas esse imagines in Ecclesiis, sed eas non adorandas, vehementer accenderit prædicta Epistola Michaelis Balbi & Theophili Græcorum Imperatorum ad Ludovicum Pium; quæ indictioni Conventus Parisiensis occasionem dederat.

XXII. In hac enim Epistola exponebant Imperatores, in quas impias superstitiones occasione cultus & adorationis imaginum tandem populi prolapsi essent: "Multi (inquiunt) de Ecclesiasticis & Laicis viris,  
" alieni de Apostolicis Traditionibus facti, & neque  
" paternos terminos custodientes, facti sunt inventores  
" malarum rerum. Primum quidem, honorificas &  
" vivificas Cruces de sacris templis expellebant, & in  
" earumdem loco imagines statuebant; ponebantque  
" lucernas coram eis, simul & incensum adolebant, at-  
" que eas in tali honore habebant, sicut honorificum &  
" vivificum lignum, in quo Christus verus Deus noster  
" crucifigi dignatus est propter nostram salutem.

" Psallebant & adorabant, atque ab eisdem imaginibus auxilium petebant: plerique autem linteaminibus easdem imagines circumdabant, & filiorum suorum de Baptismatis fonte *susceptrices* faciebant; alii religiosum habitum monasticum sumere volentes, religiosiores personas postponebant, qui prius commam capitis eorum suscipere solebant, adhibitis imaginibus, quasi in sinum earum decidere capillos illorum sinebant.

" Quidam verò Sacerdotum & Clericorum, colores de imaginibus radentes immiscuerunt oblationibus & vino, & ex hac oblatione post Missarum celebrationem, dabant communicare volentibus; alii autem Corpus Domini in manus imaginum ponebant, unde communicare volentes accipere fecerunt. Nonnulli verò spretâ Ecclesiâ, in communibus domibus tabulis imaginum pro Altariis utebantur, & super eas sacrum ministerium celebrabant, & alia multa his similia illicita, & Religioni nostræ contraria in Ecclesiis fiebant, quæ à Doctoribus & sapientioribus viris satis indigna esse videbantur.

" Post hæc subjungitur in Epistola: Propterea statuerunt Orthodoxi Imperatores & doctissimi Sacerdotes locale adunare Concilium, ad inquisitionem super his habendum; qui in idipsum convenerunt, sancto Spiritu inspirante: talia ubique communi consilio fieri prohibuerunt, & *imagines de humilioribus locis efferri fecerunt, & eas, quæ in sublimioribus locis positæ erant, ut ipsa pictura pro Scriptura haberetur, in suis locis consistere permiserunt, ne ab indoctioribus & infirmioribus adorarentur: sed neque eis lucernas accenderent, neque incensum adolerent, prohibuerunt: quemadmodum & nos nunc sentimus, & tenemus abjicientes de Ecclesia Christianos, qui hujusmodi malignis adinventionibus student.*

XXIII. Ex toto contextu hujus Epistolæ evidens est, Græcos Imperatores, & Episcopos hujus Epistolæ Auctores nequaquam existimasse, omnem honorariam adorationem & exteriorum sanctarum imaginum cultum *per se* esse superstitiosum, aut idololatricum, aut existimasse eos, qui imagines eâ adoratione *honoriâ*, sive cultu exteriori colunt, & venerantur, censendos esse idololatrias; sed duntaxat reputasse, eam sanctarum imaginum adorationem & cultum, prædictis superstitionibus occasionem præbuisse, & imperito vulgo occasionem dare posse in superstitiosum & idololatricum cultum incidendi.

Ut igitur fidelibus superstitiosi hujus cultus occasionem subtraherent, satius duxerunt, imagines ex humilioribus locis efferendas, & eas, quæ in sublimioribus locis positæ erant, permittendas; ut *ipsa pictura pro Scriptura haberetur, ne (inquiunt) ab indoctioribus & infirmioribus adorarentur.*

XXIV. Gallicani Episcopi probè intellexerunt, hanc Græcorum circa usum, & cultum sanctarum imaginum disciplinam in litteris Imperatorum expressam, eandem esse, quam sanctus Gregorius in litteris ad Serenum Episcopum Massiliensem, dixerat observandam, quamque in suis Ecclesiis hætenus conservabant.

XXV. Si attendantur, quæ Episcopi Gallicani dixerunt, circa adorationem & cultum sanctarum imaginum in Libris vulgò Carolinis, & in Epistola Synodica ad Ludovicum Pium, nequaquam obscurum erit, ipsos eodem fundamento permotos fuisse ad tuendam suam hætenus conservatam disciplinam, quo se permotos fuisse ad abolendam adorationem imaginum Græci asserbant, scilicet ad præveniendum scandalum pusillorum & imperitorum, sive superstitiosum & idololatricum cultum.

XXVI. Certum enim est, quod tamen Gallicani, alique Latine Communionis Episcopi, honorariam adorationem, exteriorumque cultum sanctis imaginibus impendendum non judicarent, nequaquam tamen omnem eam adorationem, aut cultum *per se* esse supersti-

persticiosum, aut idololatricum crederent; sed scandalum pusillorum, & imperiti vulgi duntaxat præcavere intenderent.

XXVII. Et quidem Auctor Opusculi Carolini lib. 2. cap. 16. postquam adstruere studuit, nec eam adorationem, *quæ in honorem transire dicitur illius, quem representat imago*, imaginibus Christi aut Sanctorum impendendam, eò quod per similem adorationem, adoratores imaginum, *omnem suæ credulitatis spem* in ipsis imaginibus & picturis collocent, immediate subiungit: "Nam etsi à *dofis* quibusque vitari possit hoc, quod illi in adorandis imaginibus exercent, qui videlicet non quid sint, sed quid inquant, venerantur; *indofis* tamen quibusque scandalum generant, qui nihil aliud in his, præter quod vident, venerantur & adorant.

Post hæc subiungitur: Unde cavendum est, ne Evangelicam sententiam subeant, qui tot pusillos ad scandalizandum impellunt: quoniam si is, qui unum de pusillis scandalizaverit, formidolosissimæ sententiæ subiacet, multò magis exitiabili ille ferietur severitate, qui penè omnem Christi Ecclesiam, aut ad adorandas imagines impellit, aut imaginum adorationem spernentes anathemati submittit.

Et rursus lib. 4. cap. 18. Non enim nos imagines in Basilicis positas *idola* nuncupamus, sed, ne *idola* nuncupentur, adorare eas, & colere, eisque servitium impendere recusamus: quoniam plerumque non res, sed causa rei pro scelere reputatur; dum videlicet multa, quibus bene potest uti, malè usà in flagitium convertuntur; sicque una eademque res bene utentibus est causa periculi.

XXVIII. Similiter Auctor Libelli, quem Ludovicus Pius misit ad Eugenium II. Papam, apertè significat honorariam adorationem, & exteriorem cultum sanctis imaginibus impendi, *per se* non esse supersticiosum, aut idololatricum, nequaquam tamen ad evitandum scandalum, esse admittendum.

Hinc cap. 7. fusè ostendit, quod iuxta Apostolum, etiam à licitis nonnunquam sit abstinendum *propter scandalum infirmorum*: eamque in rem, utpote ad præsentem materiam proximè accedens adducit factum Ezechiae Regis: "Legimus (ait) serpentem mortuus mortiferos poenam iustissimam peccatorum in ligno exaltato, atque prospecto aneo serpente sanatos, ut & populo subveniretur afflicto, & mors morte destructa, vel ut crucifixæ mortis similitudine signaretur; quem sanè serpentem propter facti memoriam reservatum, cum postea populus errans tanquam *idolum* colere cœpisset, Ezechias Rex, Religiosâ potestate Deo serviens, cum magna pietatis laude contrivit. (a)

XXIX. Ex his evidens est, Episcopos Gallicanos aliosque, adorationem honorariam, & externum cultum sanctis imaginibus non recusasse, quasi eum *per se* illicitum aut supersticiosum, seu idololatricum arbitrantur: sed quia hic cultus rudioribus, & imperitiis perniciosi erroris, & cultus idololatrici, vel superstitioni occasio esse posset, eam adorationem, sive cultum, nequaquam recipiendam arbitrabantur, neque à disciplina hætenus in suis Ecclesiis conservata, & à sancto Gregorio jam probata, recedendum.

XXX. Itaque varietas circa usum, & cultum sanctarum imaginum, quæ eo tempore inter Ecclesias intercedebat, Ecclesiarum illarum Communionem scidisse non legitur.

Neque enim ignorabant Romani Pontifices, & Episcopi, circa usum & cultum imaginum, variam posse esse, salvâ fide, Ecclesiarum disciplinam: "Nam, ut rectè notavit Dionysius Petavius lib. 15. Theolog. Dogmat. cap. 13. imagines ex earum rerum genere sunt, quæ indifferentes nominantur, hoc est, quæ ad salutem omnino necessariae non sunt, nec ad sub-

(a) Hoc factum legitur in Sacris Scripturis I. 4. Reg. c. 18.

stantiam ipsam Religionis attinent; sed in potestate sunt Ecclesiarum, ut eas vel adhibeat, vel ablegat; pro eo atque satius esse decreverit.

XXXI. Quo verò tempore Gallicana, cæteræque Occidentales Ecclesiarum honorariam adorationem, & exteriorem cultum sanctarum imaginum, conformiter ad Decretum VII. Synodi; nec non praxim Ecclesiarum Romanæ receperint, non æquè certum est.

XXXII. Hoc constat, circa medium seculi IX. quo tempore Anastasius Bibliothecarius Constantinopoli pro Concilio VIII. ageretur, & ibidem Synodum VII. à Græco in Latinum vertit, apud Gallos nondum Decretum VII. Synodi de adorandis imaginibus fuisse receptum, uti ipse Anastasius in Præfatione suæ versionis Latinæ præfixa testatur.

Ex hac Præfatione insuper habetur, quod Galli honorariam adorationem, & exteriorem cultum *Crucis*; necnon *Codici Evangeliorum* exhiberi permitterent; quem tamen nec Christi aut Sanctorum imaginibus impendendum esse iudicabant.

Hinc ulterius non obscurum est, Canonem III. Concilii VIII. quod inclinante seculo IX. sub Adriano II. ejusque Legatis præfidentibus habitum est, dirigi adversus Gallicanos, aliosque Episcopos, qui adorationem honorariam vivificæ Crucis typo, & codici Evangeliorum impendendam censebant, imaginibus tamen & picturis Sanctorum impendi non linebant.

Hoc enim Canone nominatim anathemate feriuntur, qui volebant icones Christi & imagines Sanctorum æquo honore colere, ac adorare, ac ipsum salutiferæ *Crucis typum*, & sanctorum Evangeliorum codicem.

XXXIII. Id sat intelligens Annalista Bertinianus, atque existimans justo acrius hic carpi Episcopos Gallicanos ad annum 872. ubi sermo de VIII. Synodo incidit, scribere non dubitavit: "In qua Synodo de imaginibus adorandis, aliter, quàm orthodoxi Doctores ante definiunt, & pro favore Romani Pontificis, qui eorum votis, de adorandis imaginibus annuit, & quædam contra antiquos Canones, sed & contra suam ipsam Synodum constituerunt, sicuti, qui eandem Synodum legerit, patenter inveniet.

Ad verba hujus Annalistæ reflectens Vir eruditissimus Joannes Mabillonius in Præfatione ad partem 1. seculi IV. Benedictinorum num. 47. observat, quod licet hæc paulò durius scribat Bertinianus Annalista: *sed tamen unde* (ait) *intelligamus Gallos nondum colendis Græcico ritu imaginibus adsuessisse.*

XXXIV. Quin tamen circa ea tempora ritus colendi & adorandi imagines, ac picturas Christi & Sanctorum, conformiter ad Decretum VII. Synodi, & disciplinam Ecclesiarum Romanæ pederentem in Ecclesiis Gallicanis, aliisque Latinæ Communionis invaluerit; verisimile est: idque auctoritate hujus VII. Synodi, quam Anastasius Bibliothecarius Latinè verterat, & in cujus Præfatione Gallos ad recipiendum cultum sanctarum imaginum vehementius hortatur, eosque potissimum hoc argumento urgens, quod cultus & adoratio honoraria sanctarum imaginum non videretur magis idololatræ, quàm vivificæ Crucis typo, aut Evangeliorum codici impenfa.

XXXV. Non dubium autem, quin ad inducendum hunc Eccl. Rom. ritum, qui in Gallia & in toto Occidente cœperat esse in usu, præcipuè valuerit Romani Pontificis auctoritas. Scitur enim à tempore Caroli Magni, post translatum imperium à Græcis in Francos, auctoritatem Romani Pontificis apud Principes illos plurimum invaluisse, atque sub idem tempus Romanos Pontifices multum allaborasse, ut Ritus Ecclesiastici, qui hætenus fuerant Romanæ Ecclesiarum proprii, in cæteris quoque Ecclesiis reciperentur.

XXXVI. Et quidem, ut rectè monet Mabillonius num. 47. tanto cum fervore Galli in cultum imaginum effusi



effusi sunt, ut magis retinaculo, quàm incitamento jam opus habeat vulgi Religio.

XXXVII. Et sanè non obstantibus multiplicibus Synodorum Decretis, ac notanter novissimi Concilii Tridentini saluberrimâ sanctione, tantus tamque multiplex hodie visitur vulgi & imperiti populi superstitionis, & quasi idololatriæ imaginum ac statuarum cultus, ut non videantur Episcopi Gallicani sine fundamento veriti fuisse, ne admittâ adoratione Imaginum, imperitum vulgus difficulter à supersticioso cultu, & adoratione incompetenti abstraheretur: ut propterea in disciplina à sancto Gregorio probata, & in suis Ecclesiis hæcenus conservata persistendum satius esse judicarent, ad præcavendum, & præveniendum fidelium scandalum, & superstitionum sanctarum imaginum cultum.

XXXVIII. Quid circa usum & cultum imaginum & picturarum, ac Statuarum Christi, & Sanctorum statui, & observari conveniat, ad præveniendum pusillorum & imperiti vulgi scandalum, & præcavendum earum superstitionum cultum, qui idololatriam sapere videtur, Romani Pontifices & Episcopi, quibus id Synodus Tridentina enixè commendavit, expendere poterunt: & interim Parochorum & Concionatorum est, populum de certo usu & cultu imaginum ritè instruere.

Numero 17. capituli præcedentis notavimus Synodum Coloniensem, necnon Moguntinam injunxisse locorum Ordinariis, ut si in visitatione deprehenderint, concursum ad certam imaginem; atque intelligant ex modo agendi, populum in ea imagine spem suam collocare, eam amoveant, aut alio modo provideant, quo huic abufui occurratur.

XXXIX. Non abfimile Decretum ad præcavendum superstitionum sanctarum imaginum cultum legitur in Concilio Rothomagensi anno 1445. can. 7. his verbis conceptum: "Item damnat modos illos, qui videntur, introduci gratiâ quæstus; denominando imagines, utpote, Notre-Dame de Recouvrance, Notre Dame de Pitié, de Consolation, de Grace, &c. Nam talia sunt occasio superstitionis in multis, quasi sit plus in una imagine, quàm in altera, abufores pœnâ arbitrarîâ compescantur. Sapienter notârunt hi Patres hanc sub variis nominibus sanctarum imaginum appellationem, multis superstitionis occasionem esse posse, quasi sit plus in una imagine, quàm in alia, ad certum effectum obtinendum.

Quis enim ambigat, quin proclive sit, ut imperitus populus credat, speciale nomen huic imagini inditum esse, ut significetur plus aliquid virtutis inesse huic imagini ad obtinendum effectum, quem inditum nomen præfert.

Præterea verissimè adverterunt hi Patres, similes modos certas imagines suis specialibus nominibus appellandi videri introduci quæstus causâ.

XL. Certum quippe est, quod multiplex ille superstitionis sanctarum imaginum cultus pro maxima parte, si non in totum, originem suam suumque progressum, & stabilitatem debeat turpi quæstui Sacerdotum, seu Secularium, seu Regularium, quem ex populari concursu & indifcreto populi ad certas imagines affectu venantur.

Imò nec dubium, quin extirpandis superstitionibus & abufibus circa imaginum venerationem, medium efficacissimum, & penè necessarium sit, omnem ex earum veneratione proveniente quæstum eliminare, qui directè, vel indirectè cedit in emolumentum Sacerdotum.

XLI. Est abufus vel potiùs error crassus vitandus, cum imagines sanctissimæ Trinitatis exponuntur: Memorabile est, quod de hæreticis humanam Deo figuram affingentibus Socrates l. 6. c. 7. & Sozonemus lib. 8. c. 11. historiæ Ecclesiast. referunt; scribunt enim extitisse Monachos rudes ac litterarum expertes, qui cum

præ imperitiâ sacræ scripturæ verba perperam interpretarentur, Deum esse corporeum finxerunt: quod si sacrarum litterarum ignorantia hunc errorem pepererit, à fortiori timendum est, ne ignorantia rudis populi occasione imaginum sanctissimæ Trinitatis Deum Patrem sibi fingat, ut venerabilem senem, & Trinitatem corpoream imaginetur.

XLII. Capite præcedenti num. 23. observatum fuit, quòd pluribus seculis, etiam post admissum usum imaginum Christi & Sanctorum, Ecclesia usum imaginum sanctissimæ Trinitatis, in quibus Deus Pater, & Spiritus sanctus corporali specie exprimerentur, ignoraverit: quòd nec Synodus Tridentina positivè & simpliciter earum usum probaverit; quòd & notavit Joannes Molanus lib. 2. Historiæ sanctarum imaginum, cap. 3. qui & ibidem monet, plures etiam è recentioribus Theologis sustinuisse, rudi populo nequaquam expedire, similes imagines sanctissimæ Trinitatis in Ecclesiis publicè exponere.

Similiter Cardinalis Bellarminus in controversia de cultu imaginum fatetur, nonnullos etiam inter Catholicos, puta Tostatum Episcopum Abulensem, Durandum, Pererium, admisisse cum Calvino, imagines Dei in templis non esse collocandas.

XLIII. Unde & concludit, non esse tam certum in Ecclesia, an sint faciendæ imagines Dei, sive Trinitatis, quàm Christi & Sanctorum: hoc enim docent omnes Catholici, & ad fidem pertinet.

Illud est in opinione, & doctissimi illi Fratres Wahlenburgici fatentur, Synodum Tridentinam nihil decidere super imaginibus Dei, & sanctissimæ Trinitatis, eò quòd super hoc puncto Doctores Catholici inter se essent divisi.

Hinc ulteriùs concludunt, quòd permissio conficiendi has imagines, non sit pars doctrinæ Catholicæ ab omnibus receptæ vel recipiendæ.

Perpicere poterunt Episcopi, quid circa hæc sanctissimæ Trinitatis imagines imperitiæ plebi conveniat, & quousque earum usus sit tolerandus.

### CAPUT III.

De ædificandis Ecclesiis, & quæ intervenire debeant.

1. Etiam sub Imperatoribus Gentilibus Ecclesiæ ædificata fuerunt.
2. Data pace Ecclesiæ, modus ædificandis Ecclesiis præfixus est.
3. Vetitum fuit ædificare sine auctoritate Episcopi.
4. Oratoria privata quomodo sine auctoritate Episcopi liceverit ædificare?
5. Quid Episcopus attendere debeat in admissione novæ Ecclesiæ?
6. Quid propriè nomine Oratorii significetur?
7. Quid nomine Capellæ?
8. Quo loco olim Oratoria Martyrum exstruerentur.
9. In admissione novæ Capellæ attendi debet, ne populus à Parochiali Ecclesia abstrahatur.
10. Sacella non ædificanda quæstus causâ.
11. Nova Ecclesia Parochialis ob præjudicium veteris sine rationabili causa construi nequit.
12. Causa legitima est, si populus sine magno incommodo ad Ecclesiam Parochialem accedere nequeat.
13. Ex mente Concilii Tridentini Episcopus potest exigere novæ Parochiæ erectionem, quando salus populi id exigat.
14. Non requiritur longinquitas aut discrimen viarum.
15. Quod censetur magnum incommodum, velinquitur arbitrio iudicis.
16. Probari non debet, Parochianos aliquando discessisse sine Sacramentis ob Ecclesiæ distantiam.

17. In erectione novæ Ecclesiæ Parochialis Rector veteris Ecclesiæ audiri debet.
18. Rescriptum Romanum pro erectione novæ Parochiæ in forma gratiosa à Belgis non recipitur.
19. Si sine justa causa consentire nolit, potest Episcopus consensum supplere.
20. Unde desumenda sustentatio Rectoris novæ Parochiæ ex Decreto Synodi Tridentinæ?
21. Unde Sacerdoti novæ Parochiæ providendum?
22. Ex decimis percipi debet, quod ad Ministrum novæ Parochiæ sustentandum requiritur.
23. Vetus Parochia, unde recens Parochia derivata est, remanet hujus Matrix Ecclesiæ.
24. Exponuntur jura, quæ Matrici Ecclesiæ debentur; & quæ non debentur.
25. Quid circa hoc Decretum observatum in Belgio?
26. In Belgio siue auctoritate Regis difficulter perficitur nova Parochiæ erectio.
27. Episcopus aliquando instare omnibus modis debet, ut nova Parochia erigatur.
28. Si nova Parochia erigi nequeat, per plurimum Sacerdotum adjunctionem Parochianis subinde succurrendum.
29. Interdum etiam per Capellæ exstruktionem.
30. In casu magni incommodi non facile omittenda novæ Parochiæ erectio.

I. ETIAM ante Imperatores Christianos fuisse Ecclesias ædificatas multis ostendit Cardinalis Baronius ad annum 57. atque idipsum evincunt Edicta Imperatorum Ethnicorum de Ecclesiis Christianorum demolendis promulgata, quorum meminit Eusebius lib. 8. cap. 1. additque Eusebius, jam à Christianis, prout indies numerus augetur Credentium, ampliores augustioresque antiquis illis esse excitatas Ecclesias. Verba ejus sunt: "Quo factum est, ut prisca ædificiis jam non contenti, in singulis urbibus spatiosas abipsis fundamentis extruerent Ecclesias.

II. Datâ verò pace Ecclesiæ; ipsis quoque Imperatoribus ad Christum conversis, tot passim ædificari ceperunt Ecclesiæ, ut ipsi primi Imperatores Christiani modum earum exstruktionem ponere sint coacti; quemadmodum ex variis eorum legibus & Edictis in Codice Theodosiano & Justiniano etiamnum hodie extantibus, patet.

III. Et quidem ea ædificationi Ecclesiarum lex posita est, ne quis eas absque consensu Diocesani Episcopi ædificet; quemadmodum Can. 4. Concilii Chalcedonensis cautum est, & à Gratiano caus. 18. q. 2. Can. 10. his verbis refertur: "Placuit igitur neminem aut ædificare, aut construere Monasteria, aut Oratorii domum sine conscientia ipsius civitatis Episcopi.

Idipsum pluribus confirmavit Justinianus Imperator, signanter Novella 67. cujus Rubrica habet: *Ut nullus fabricet Oratorii domos præter voluntatem Episcopi.*

Deinde cap. 1. ait: "Sancimus igitur præ omnibus quidem illud fieri, & nulli licentiam esse, neque Monasterium neque Ecclesiam, neque Orationis domum incipere ædificare, antequam civitatis Deo amabilis Episcopus orationem in loco faciat, & crucem figat, publicum processum illuc faciens, & causam manifestam omnibus statuens. Multi enim simulantes fabricare quasi Orationis domos, suis medentur languoribus, non orthodoxarum Ecclesiarum ædificatores facti, sed speluncarum illicitarum.

Hoc Justiniani Decretum, tam Imperatorum, quam Synodorum sanctionibus sæpius renovatum fuit; uti videre est lib. 5. Capitularium Regum Francorum, cap. 382. nec non apud Gratianum Dist. 1. De Consecrat. ubi plures eam in rem Canones refert.

IV. Notandum est tamen, quod eodem libro Capitularium cap. 383. dicitur: "Qui in domo sua Oratorium habuerit, orare ibi potest; tamen non audeat

in eo sacras facere Missas sine permissu Episcopi loci illius.

Illud quoque ex Synodo Aurelianensi recitat Gratianus Can. 33. Dist. 1. De Consecrat. "Unicuique Fidelium in domo sua Oratorium licet habere, & ibi orare: Missas autem ibi celebrare non licet: scilicet sine licentia Episcopi.

Sub Missarum celebratione comprehendi aliorum quoque Sacramentorum administrationem, elucet ex multis aliis Canonibus, ac signanter Canone 31. Synodi VI. qui habet: "Clericos, qui in Oratoriis, quæ sunt intra domos, Sacra faciunt, vel baptizant, hoc illius loci Episcopi licentiâ facere debere decernimus. Quare si quis Clericus hoc non sic servaverit, deponatur.

Neque etiamnum hodie vetitum est, in domibus quantumvis privatis construere Oratoria orationis causâ; modò nec Missæ, aut alia Officia publica, peragantur.

V. Porro Episcopus in admittendis novis Ecclesiis, primò examinare debet, num justa causa sit ædificandi Ecclesiæ; in quo examine alia attendenda sunt circa ædificationem Ecclesiarum Parochialium; alia circa novam exstruktionem Oratoriorum seu Sacellorum vel Capellarum.

VI. Oratorium propriè dicitur ædes, ubi oratur, sive locus orationi dicatus. Hinc illud Augustini Epist. 109. "In Oratorio nemo aliquid agat, nisi id, ad quod est factum, unde & nomen accepit." Vide latius Du Cange in Glossario, verbo *Oratorium*; qui notat: "Oratoria deinde dicta esse, Sacella Monasterii adjuncta, quæ non erant omnibus pervia uti Ecclesiæ, & in quibus Collectas celebrare non licebat, sed erant tantum ad Monachorum preces & assiduam cantus accommodata; quod multis Veterum testimoniis confirmat; ac post hæc monet, "Oratoria tandem dicta Sacella quædam domestica, aut privata ædes sacræ in agris & villis exstructæ; quæ Parochiarum jus non habebant, & à Magnatibus in fundis suis dotabantur, & ab Episcopis consecrabantur. Pluribus dein citatis Conciliis, quæ de hisce Oratoriis agunt, concludit: "Ex quibus docemur, in iis Missas teneri propter fatigationem familiæ permitti, præterquam in maximis festivitatis, quas & Presbyteri, qui ea deserviunt, & laici, in civitatibus cum Episcopo tenere jubentur.

VII. De Capellis varia tradit citatus auctor in eodem Glossario, verbo *Capella*; eamque vocem diversimodè sumptam fuisse annotat, atque postmodum Capellis dictas esse, qualvis ædículas sacras, Oratoria, quæ proprios Sacerdotes non habebant: seu ædes sacras, quæ non erant baptismales. Hinc & titulus in Decretalibus *De Capellis Monachorum & aliorum Religiosorum*: ed quòd Monachorum Ecclesiæ sint duntaxat quasi Oratoria; primariò non ad conventum populi, sed Monachorum duntaxat destinata.

Aliqua Oratoria sive Capellæ jam pridem exstructa fuere ob honorem alicujus Sancti præsertim Martyris, illaque & hodie frequentissima sunt, tum ipsis Ecclesiis majoribus juncta, tum extra illas, & loco ab iis remoto exstructa.

VIII. Olim hujusmodi Oratoria in honorem Martyrum plerumque extruebantur eo loco, quo sacra ipsorum ossa reservabantur, aut ipsi pro Christo passi fuerant; quæ propterea antiquitus *Martyria* dicta fuere. Martyrum (ait Hidorus) locus, Martyrium, græca derivatione, ed quòd in memoriam Martyris sit constructum, vel quòd sepulchra sanctorum ibi sint Martyrum. Plura habes apud Du Cange in Glossario, verbo, *Martyrium*.

IX. Circa hæc Oratoria, Capellas & Sacella, ut hodie vocant, admittenda, imprimis attendere debet Episcopus, ne per hæc populus à Parochiali Ecclesiâ nimium abstrahatur; atque hinc ulterius ex illo Ecclesiæ

clesiæ Parochialis neglectu oriatur in populo crassa ignorantia, tam circa credenda, quam agenda; prospicereque, ut observetur clausula de stylo solita inferi litteris, quibus usus Oratorii seu Capellæ conceditur, *Sine Parochialis Ecclesiæ præjudicio*; de qua aliquid dictum fuit supra, *part. 2. sect. 1. tit. 5. cap. 8.* ubi latius de Oratorii domesticis actum fuit; & *part. 1. tit. 24. cap. 3.* ubi de simili cautione adjici solita admissioni novi Monasterii agitur.

X. Apud Gratianum, *Can. 10. Dist. 1. De Consecrat.* refertur ex Concilio Bracharenfi II. "Si quis Basilicam non pro devotione fidei, sed pro quaestu cupiditatis ædificat, ut quidquid ibidem de oblatione colligitur, medium cum Clericis dividat, eo quod Basilicam in terra sua quaestus causa condiderit (quod in aliis quibus locis usque modò dicitur fieri:) hoc de cætero observari debet, ut nullus Episcoporum tam abominabili voto consentiat; nec Basilicam, quæ non pro Sanctorum patrocinio, sed magis sub tributaria conditione est condita, audeat consecrare.

Profectò si in extructione Oratoriorum seu Sacellorum, causam extructionis Episcopi penitus examinent, verisimile est, quod non raro deprehenderetur, ea potius quaestus, quam solidæ devotionis causa extrui; interdumque miracula ficta supponi; falsasque aut non sat probatas reliquias ostentari, ut oblationes populi sibi, suisque Sacellis appropriare queant. Hæc prævidens Synodus Tridentina declaravit, "nulla etiam admittenda nova miracula, nec novas Reliquias recipiendas, nisi eodem recognoscante, & approbante Episcopo, qui simul atque de his aliquid compertum habuerit, adhibitis in consilium Theologis & aliis piis viris ea faciat, quæ veritati & pietati consentanea judicaverit. In Decreto, *De invocatione, veneratione, & Reliquiis Sanctorum.*

XI. Nova Ecclesia Parochialis erigi nequit, nisi una erigatur nova Parochia. Nec enim esse potest Ecclesia Parochialis sine populo, qui communitatem seu Parochiam constituat.

Cum autem nova Parochia ordinarie constitui nequeat, nisi de veteri Parochia, in cujus limitibus nova construitur, aliquid decedat, jure cautum esse, Episcopum in novam Ecclesiæ Parochialis erectionem sine rationabili aliqua causa consentire non posse, uno consensu tradunt Canonistæ ad *cap. 3. De Eccles. ædific.*

XII. Inter causas legitimas ædificandi novam Ecclesiam Parochialem, imprimis est illa, quam assignat Pontifex in citato *cap. 3.* & probat Synodus Tridentina, *Sess. 21. cap. 4. De Reformat.* nimirum si in aliquibus Ecclesiis Parochialibus, vel Baptismalibus "ob locorum distantiam, sive difficultatem Parochiani sine magno incommodo ad percipienda Sacramenta, & Divina Officia audienda accedere non possunt;" uti loquitur Synodus.

Hinc habemus, legitimam causam construendi novam Ecclesiam Parochialem esse, si sine magno incommodo Parochiani ad Ecclesiam Parochialem accedere nequeant.

XIII. Synodus Tridentina aliquas causas expressit, ob quas nova Parochia esset erigenda; nihilominus cum ex pluribus circumstantiis dependeat, quæ sit necessitas exigens erectionem novæ Parochiæ, non immerito arguit Cardinalis de Luca *Discursu 16. in Concil. Trident.* manifestum errorem illorum, qui cum aliquibus sanctæ Congregationis declarationibus, vel cum Rotæ decisionibus, aut aliquorum Doctorum traditionibus pro nova Parochiæ erectione faciendâ, "vel neganda, in sola littera procedunt: cum sit (ait) potius questio nudi facti, ex singulorum casuum particulari qualitate, ac individuâ circumstantiis decidenda.

Et sane unicus scopus Concilii Tridentini fuit in hoc Decreto de erigendis novis Parochiis, ut meliori modo saluti & necessitati populi succurreretur. Ut

Tom. I.

proinde id unum inspiciendum sit, an salus populi novæ Parochiæ erectionem requirat.

XIV. Itaque non exigitur, quod revera sit magna longinquitas, aut viarum discrimen; sed solum requiritur talis, ut propterea Parochiani sine magno incommodo non pateat accessus ad majorem Ecclesiam; uti notat Fagnanus ad *cap. 3. De Ecclesiis ædificandis, num. 18.* & ita tenere Dominicos de Rota testatur.

XV. "Quanta autem debeat esse hujusmodi distantia, seu Parochiæ amplitudo, ad hoc ut Parochiani dicantur non posse sine magno incommodo ad Ecclesiam accedere, cum jure definitum non sit, iudicis arbitrio relinquitur." Fagnanus ibidem.

Uterius inde refertur, quod similiter justa sit erectionis causa, si inter populum alicujus villæ & Ecclesiam Parochialem torrens, vel flumen aliquod intercedant, quæ nec pontem "habeant, ut nec vado transiri possint, præsertim hyemali tempore cum pluvie inundant, juxta textum hic. Quæ causa sufficiens est etiam sine distantia loci. Undecumque enim proveniat magna difficultas percipiendi Sacramenta, dicitur subesse justa causa erigendi novam Parochiam, ut ex dictis patet. Ideoque Concilium Tridentinum *cap. 4. Sess. 21.* alternative loquitur ibi, locorum distantiam sive difficultatem, ita ut propterea alterutrum sufficiat.

XVI. Hactenus Fagnanus *num. 19.* qui bene advertit *num. 17.* non requiri ad probandum, sine magno incommodo Parochianos non posse ad Ecclesiam Parochialem accedere, "ut Parochiani aliquando decesserint sine Sacramentis, sed satis esse ad validitatem erectionis, ut imminet periculum, ne sic decedant; neque (ait) hujusmodi eventus est expectandus, quin potius præveniendum ne contingat, cum satius sit currere in tempore, quam post exitum vindicare, seu post vulnere causam remedium querere." Et ita censuit Sancta Congregatio.

XVII. Cum autem per novæ Ecclesiæ Parochialis constructionem facile jura Rectoris, aliorumque Ministrorum aut Patronorum veteris Ecclesiæ Parochialis lædi possent; ad constructionem Episcopus procedere non potest, nisi Rectore Ecclesiæ, nec non aliis interessentibus citatis & auditis; uti monet Fagnanus loco citato *num. 30.* asseritque, resolvisse Sanctam Congregationem, erectionem Ecclesiæ Parochialis factam non citato Rectore veteris Ecclesiæ, nullius momenti existere.

XVIII. Quandoquidem indubitatum sit, plures per erectionem novæ Parochiæ posse pati interesse, puta Rectorem veteris Parochiæ, ejusque Ecclesiæ Parochialis patronos & incolas, nulla hisce in partibus novæ Parochiæ admitteretur constructio, etiam ex *Rescripto Romani Pontificis*, nisi ejusmodi Rescriptum dirigatur in forma commissoria, quemadmodum (ut infra notabitur) nulla unio Beneficiorum, nisi in simili forma hic admittitur: eo quod interesse habentes, aut prætendentes, in partibus, sive in sua Provincia audiri debeant: nec Romanam ea de causa citari possint, ob notorium Privilegium de non evocando.

XIX. Si Rector citatus & auditus in novæ Parochiæ erectionem consentire renuat, & tamen erectio illa necessaria judicetur, poterit tunc etiam illo invito procedi, ut uno consensu resolvunt Canonistæ ob verba finalia dicti *cap. 3.* "Si vero Persona Matricis Ecclesiæ virum idoneum præsentare distulerit; vel opus illud voluerit impedire, tu nihilominus facias idem opus ad perfectionem deduci, & virum honestum, appellationis cessante diffugio, instituire non omittas.

Quidam ex antiquis Canonistis post Glossam ad dictum *cap. 3.* crediderunt, Papam quidem ex plenitudine potestatis id facere posse, invito Rectore Matricis Ecclesiæ, non autem Episcopum: at Synodus Tridentina declaravit, quod Episcopi novas Parochias etiam invitæ Rectoribus, juxta formam Constitutionis Alexandri III.

K k k k 2

quæ



quæ incipit, *Ad Audientiam* (in citato cap. 3.) constituere possint.

XX. Addit deinde Synodus: "Illis autem Sacerdotibus, qui de novo erunt Ecclesiis noviter erectis præficiendi, competens assignetur portio arbitrio Episcopi ex fructibus ad Ecclesiam Matricem quomodocumque pertinentibus: & si necesse fuerit, compellere possit populum ea subministrare, quæ sufficiant ad vitam dictorum Sacerdotum sustentandam: quacumque reservatione generali, vel speciali, vel affectione, super dictis Ecclesiis, non obstantibus.

XXI. Imprimis æquum, & justum apparet Presbytero hujus novæ Parochiæ relinqui, sive assignari oblationes, quæ tum inter Missarum solemnias, tum in administratione Sacramentorum, aut in funeribus defunctorum fieri solent.

Cum enim hæc à Parochianis offerantur Presbyteris tanquam Sacramentorum & Sacrorum Ministris, nihil justius, quàm, ut hæc cedant Presbyteris novæ Parochiæ, à quibus Parochiani Sacramenta, aliæque spiritualia percipiunt; quique sunt in hac nova Parochia horum Ordinarii Ministri.

Et cum Parochus Matricis Ecclesiæ absolvatur à cura hujus populi, æquum etiam non est, ut de oblationibus hujus populi participet.

XXII. Insuper notandum, quòd dum de proventibus Ecclesiæ Matris agitur, è quibus dos novæ Ecclesiæ dicitur desumenda, non tantùm debeant attendi, decimæ & proventus, qui *de facto* in sustentationem Parochi, & Ministrorum Ecclesiæ Matricis cedunt; sed & reliquæ decimæ intra limites Matricis Ecclesiæ excrecentes; quantumvis hoc titulo incorporationis ipsius Ecclesiæ Parochialis, sive præscriptionis aliove titulo ad Monasteria vel Capitula transierint.

Scitur enim Decimas ad Capitula & Monasteria translatis titulo donationis vel incorporationis sub ea restrictione, ut ex illis prius esset detrahendum quod sufficiat spirituali populi necessitati.

Siggitur necessitas spiritualis exigat novæ Parochiæ erectionem, non dubium quin vigore hujus restrictionis, Decimæ intra districtum Parochiæ excrecentes ad hujus Parochiæ expensas concurrere debeant.

Unde Fagnanus *ad cap. ad Audientiam de ædificand. Eccles.* describens modum, quo in dotatione novæ Ecclesiæ Parochialis sit procedendum, monet *num. 37.* quòd dum proventus proprii Matricis Ecclesiæ non sufficiunt, nec sit aliquis, qui velit illos augere, *cogendus erit Abbas, vel Præpositus, cui Parochialis illa subest in temporalibus*, id est, cui Ecclesia est incorporata quoad temporalia, quique vi hujus incorporationis decimas illius percipit.

XXIII. Quantumvis populus novæ Parochiæ videatur omnino desinere esse de veteri Parochia, nihilominus vetus Parochia, à qua populus novæ Parochiæ subtrahitur, remanet quasi Ecclesia *Matrix*; atque hoc titulo in Decretali Alexandri III. quæ incipit, *Ad Audientiam*, per Concilium Tridentinum innovata expresse mandatum provideri, ut *competens* in ea *bonor* pro facultate loci Matrici servetur: scilicet ut aliquid (ait Glossa) *annuatim* in signum subjectionis præstetur, moderandum tamen ad arbitrium Episcopi.

XXIV. Interpretationem hanc probans Joannes Andreas addit: "Interdum in honorem Matris Ecclesiæ præscribitur ut novæ Ecclesiæ incolæ, vel ministri veniant ad Scrutinium, vel Baptisma, & Capitulum, vel reservabitur illi sepultura.

Conformiter ad hanc Doctorum interpretationem, videmus passim quædam jura in ædificatione, aut erectione novæ Parochiæ, reservata Ecclesiæ Matrici, quæ eidem juxta formam erectionis, exhibenda sunt.

Præter jura, in erectione specialiter reservata, nulla sibi Ecclesia Matrix jura subjectionis à nova Ecclesia Parochiali prætereundum potest, uti post Abbatem probat Fagnanus *ad citatum cap. Ad Audientiam*, conclu-

dens, jura subjectionis non deberi Ecclesiæ Matrici, nisi in quantum prædicta jura sibi reservavit in limine erectionis: Episcopus enim erigens novam Parochiam, & eam à priori separans, illam partem populi, quæ novæ Ecclesiæ supponitur, à jure prioris Ecclesiæ absolvit, nisi specialiter absolutionem restringat, & declaret in quibusdam manere subiectam.

XXV. Sed illa jurum vel reservatio vel limitatio fieri non potest absque auctoritate principis, ut recte observant, qui de juribus honorificis scripserunt; sicut sine eadem auctoritate populus novæ Parochiæ compelli non potest ad suum Sacerdotem alendum: hujus rei probatio petitur ex his quæ sequuntur. Cum hic in Belgio de promulgatione Concilii Tridentini tractaretur, ipsæque Decreta reformationis ad Consilia Regia missa essent, hæc observatio facta legitur ad hoc prælens Decretum: "Datur Episcopis facultas novas Parochias erigendi, & si necesse fuerit, compellendi populum ea subministrare, quæ sufficiant ad vitam Sacerdotum sustentandam. Communis nota est, compulsionem illam populi & exactionem fieri non posse, sine auctoritate Regia; neque hanc jurisdictionem Ecclesiasticis iudicibus unquam competisse.

XXVI. Sane in erectione novæ Parochiæ difficulter obices hic perfringent Episcopi, si auctoritas Regia accedat; idque non tantum ob difficultatem, quæ circa dotem Ecclesiæ noviter construendæ, oriri nata est; sed vel maximè propter oppositiones Rectoris, Ministrorum, Aduocorum, Patronorum, aliorumque, quorum jura facile quoad aliqua saltem per novæ Parochiæ erectionem lædentur: aut tales ut minùs difficultates & quæstiones movebuntur, quibus terminandis sola auctoritas Ecclesiastica non sufficeret. Unde nec in Belgio videmus ullas novas Parochias erigi, nisi auctoritas Regia interveniat. (a)

XXVII. Interim Episcopi, quibus primariò cura animarum suarum respectivè Diocesum incumbit, si videant, eam esse Parochiarum latitudinem, eamque distantiam, ut salus animarum novam Parochiam exigat, omnibus modis allaborare tenentur, ut ea erigatur; ut ita necessitati populi satisfiat.

Unde cuidam Episcopo dubitanti, num propter *juramentum* de non alienandis rebus suæ Ecclesiæ, posset novas Ecclesias erigere; eò quòd hæc erectio videretur fieri cum aliquo præjudicio suæ Ecclesiæ, respondit Cælestinus III. in *cap. fin. de Ecclesiis ædificandis*: "Fraternitati tuæ mandamus, quatenus illius *juramenti* occasione nullatenus prætermittas, quin populo indigenti super Basilicarum institutione studeas salubriter providere.

XXVIII. Si Episcopus videat, hic & nunc novam Parochiam erigi non posse, saltem eo casu ad aliud remedium à Tridentino suggestum recurrendum erit: ut nimirum cogat Rectores vel alios ad quos pertinet, sibi tot Sacerdotes ad hoc munus adjungere, quot sufficiant ad Sacramenta exhibenda, & cultum divinum celebrandum.

XXIX. Quod si casus occurrat, ut ea sit quorundam Parochianorum habitatio, ut sine magno incommodo ad Ecclesiam Parochialem accedere nequeant; atque periculum sit ob nimiam à Parochiali Ecclesia distantiam, aut viarum aliorumque difficultatem, ne sine Sacramentis moriantur, erigenda ut minus erit Capella; atque in ea constituendus Sacerdos, qui illis Parochianis possit Sacramenta, aliæque ad animarum salutem necessaria impendere; uti in casu occurrente probavit Sancta Congregatio apud Fagnanum loco citato *num. 20.* & hodie non raro praticatur.

(a) Quid in Gallis circa novæ Parochiæ erectionem observatur accipe ex novis Cleri Gallicani Collectaneis l. 3. tit. 3. cap. 1. col. 28. num. 23. ubi articulus 24. Edicti quod Mensè Aprilis an. 1695. datum est his verbis citatur. *Les Archevêques & Evêques, pourrons avec les solemnités & procédures nécessaires, frayer des Cures dans les lieux où ils l'estimeront nécessaire.*

XXX. Sed tamen si causa legitima erigendi novam Parochiam occurrat, non tam facile ob aliquorum interesse ad jam suggestum remedium confugiendum; tam quodd non omnia in Capellis fiant, " ad quæ Parochiani tenentur ex jure communi & Tridentino; quàm quodd magna sit distantia inter Pastorem, cujus sunt oves propriæ, ut instituitur in novis Parochiis; & Sacerdotes, qui in Capellis nec omnia præstant; nec tanquam suis. Plenius ergo satisfacit magno incommodo per erectionem novæ Parochiæ, quàm per Capellam: eaque in casu magni incommodi mens esse videtur Concilii Tridentini. Resp. I. De ædificand. Eccles.

#### CAPUT IV.

De Consecratione Ecclesiarum, ejusque Ritibus.

1. *Dedicatio Templorum antiquitas nota.*
2. *Materialis Templi dedicatio spirituales Fidelium dedicationem designat.*
3. *Ad dedicationem Templi conveniebant vicini Episcopi.*
4. *Occasione dedicationis subinde congregata Synodi.*
5. *Magna in veneratione habita olim Ecclesiarum dedicatio.*
6. *Populus & Clerus ad dedicationem conveniens orationi aliisque pietatis officiis intendebat.*
7. *Quæ essent Episcoporum & Sacerdotum functiones?*
8. *Preces adhiberi in dedicatione Ecclesiæ convenit.*
9. *Preces qualiter recitandæ; & quomodo ad eas populus excitandus?*
10. *Dedicatio seu consecratio Ecclesiæ est ordinis Episcopalis.*
11. *Episcopum loci ita spectat Ecclesiæ Consecratio, ut Cardinalis auctoritate Apostol. munitus eam Ecclesiam licite consecrare nequeat.*
12. *Non omnium Ecclesiarum idem dedicationis ritus.*
13. *Jam pridem in dedicatione Ecclesiæ requisitæ fuerunt Sanctorum Reliquiæ.*
14. *Unde originem habuerit ritus adhibendi Reliquias?*
15. *Ritus parandi Reliquias ex præscripto Ritual. Rom.*
16. *Quomodo hic ritus incæperit; & in quo primitus ab hodierno diversus?*
17. *De asperzione aquæ lustralis; de trino circuitu Templi consecrandi.*
18. *Origo hujus cæremoniæ.*
19. *Ritus hodierni non omnes eodem tempore adhibiti.*
20. *Cæremoniæ consecrationis Templi materialis adhibita ad similitudinem cæremoniarum consecrationis Templi spiritualis per Baptismum.*
21. *Hinc parietum inunctio, usus salis; & alphabeti descriptio.*
22. *In dedicatione novæ Basilicæ jam pridem convivia instituta; quæ hodie in die anniversaria institui solent.*
23. *An olim dies anniversaria dedicationis celebratus fuerit?*
24. *Ante annum millesimum celebratus videtur in Gallia, & hodie ubique solemniter celebratur.*
25. *Convivorum & comessationum excessus hac die committi solitus.*
26. *Synodi voluerunt, ut in omnibus Ecclesiis ejusdem Diæcesis anniversaria dedicationis dies eodem die celebraretur.*
27. *Idipsum Principes decreverunt.*
28. *An conveniat, ut Pastores vicini interfint solemnitati dedicationis; & an idcirco omittendum solenne Officium in Parochia?*

I. ECCLESIA ædificata, ejus celebranda est dedicatio; idque jam pridem receptum fuisse clara probant apud antiquiores Scriptores testimonia. Ut enim ea,

quæ de Ecclesiarum consecratione, & dedicatione referuntur ex Epistola Felicis IV. nec non aliis primorum Pontificum Decretalibus apud Gratianum *Dist. De Consecrat.* tanquam parum authentica omittamus, celebratæ dedicationis Ecclesiæ testimonium luculentum exhibet Eusebius *lib. 10. hist. cap. 3.* " Post hæc votivum nobis ac desideratum spectaculum præbeatur *dedicationum*, scilicet festivitas per singulas urbes, & Oratoriorum recens structorum *consecrationes*."

Meminit quoque hujus festivitatis sub idem tempus Sanctus Athanasius in *Apologia* 2. ad Constantinum.

II. Subsequentes Patres variis locis dedicationis Ecclesiarum meminere; extantque eorum sermones, quos in ipsa templorum dedicatione habuere; atque inter alios, plures sermones ea de re S. Augustini, qui sunt 336. 337. 338. in nova editione. In horum primo sic incipit: " Celebritas hujus Congregationis, *dedicatio* est domus orationis. Domus ergo nostrarum orationum ista est, domus Dei nos ipsi. Si domus Dei nos ipsi, nos in hoc seculo ædificamur, ut in fine seculi dedicemur. Deinde ostendit, quomodo ea, quæ in ædificatione templi materialis fieri quotidie videmus, spiritualiter in ædificatione templi, quod est Ecclesia Christi, fiant. " Credendo enim (ait) quasi de filvis & montibus ligna & lapides præciduntur: cum verò catechizantur, baptizantur, formantur, tanquam inter manus fabricorum & opificum dolantur, collineantur, complanantur. Verumtamen Domum Dei non faciunt, nisi quando caritate compaginantur. " Quod postremum latè ibidem prosequitur. Totus hic sermo in partes divisus legitur in Breviario Romano tertiâ, quartâ & sextâ die infra octavam Dedicationis Ecclesiæ. Sermo autem, qui legitur sub nomine S. Augustini in ipsa die Dedicationis, est S. Cæsarii Arelatensis, non Augustini, ut notârunt eruditi Operum Augustini Revisores, qui illum in appendicem rejecerunt; conscribitque ibidem *Sermonem* 329.

III. Ad majorem dedicationis solemnitatem vicinos quoque Episcopos evocari solitos, testis est Augustinus *Epist. 269.* ad Nobilium Episcopum, qua se excusat, quod ad dedicationem novæ fabricæ venire non possit. " Tanta est (ait) solemnitas, ad quam me affectus tuæ Fraternitatis invitat, ut corpusculum meum ad vos traheret voluntas, nisi teneret infirmitas. " Deinde quibusdam de hiemis rigore, suæque senectute interpositis, concludit: " Salutationem debitam reddo meritis tuis: Salutem verò meam commendando precibus tuis, potens & ipse à Domino, ut dedicationem tantæ fabricæ pacis prosperitas prosequatur. " Et Gaudentius Brixientis Augustino coætaneus, in tractatu in dedicatione Basilicæ SS. 40. Martyrum, scribit: " Conveniunt igitur Sanctissimi Antistites & Apostolici Viri ad persolvendum beatissimis Patribus & Præceptoribus suis debitæ devotionis obsequium, ut ubertate plenissima benedictionum spiritualium ditaremur."

IV. Quin & occasione dedicationis Ecclesiæ convenientes Episcopi Synodos frequenter celebrasse norum est: atque eâ occasione famosa Antiochena Synodus anno 341. celebrata fuit.

Cum enim templum Antiochenum, quod præ magnificentia *Dominicum Aureum* appellari meruit, sub Constantino M. inchoatum, tandem sub ejus filio Constantio esset absolutum, hujus celebritatis prætextu occasione litteris Imperatoris evocati fuere Episcopi totius Orientis, etiam ex Thracia & Palæstina; conveneruntque ad diem designatum 90. Episcopi. ut auctor est Athanasius, qui eâ occasione Synodum celebrârunt, eodem Athanasio teste dicente: *Antiochia novam Synodum per causam Encæniarum coegerunt.* Propterea hæc Synodus communiter etiam apud Veteres dicta fuit, Synodus in *Encæniis*.

Encænia quippe pro nova Ecclesiæ dedicatione sumi, jam pridem usitatum fuit; uti multis ostendit Du Cange in Glossario, verbo: *Encænia*.

V. Hæc

V. Hæc ostendunt, quanta in veneratione apud pristinios Patres fuerit Ecclesiarum dedicatio; quantaque festiuitate ac solemnitate eam celebrandam crediderint; ut ad eam ritè celebrandam absolum haud putaverint, ut Episcopi etiam relictis suis Ecclesiis ad hanc solemnitatem recurrerent.

VI. In hac solemnitate Episcopi, Clerus ac populus concurrentes, hymnis, preceationibus, orationibus, aliisque pietatis & religionis officiis pro suo quisque munere instabant; quemadmodum latè describit testis ocularus Eusebius loco citato; qui ibidem *cap. 4.* refert orationem panegyricam in dedicatione pronuntiatam.

VII. Deinde *lib. 4. De Vita Constantini*, describens dedicationem Ecclesiæ Hierosolymorum, ad quam evocaverat Constantinus Episcopos in Synodo Tyri congregatos, *cap. 45.* Sacerdotum aliorumque in hac solemnitate functiones describit: "At Sacerdotes Dei partim preceationibus, partim sermonibus festiuitatem ornabant. Alii siquidem comitatem religiosi Imperatoris erga omnium Servatorem laudibus celebrabant, & Martyrii magnificentiam oratione persequabantur. Alii sacris Theologiæ dogmatibus ad præsentem celebritatem accommodatis, spirituale quoddam epulum audientibus præbebant. Quidam sacrorum Voluminum lectiones interpretabantur; arcanos & mysticos sensus in lucem proferentes. Qui verò ad hæc aspirare non proterant, incruentis sacrificiis & mysticis immolationibus Deum placabant; pro pace communi; pro Ecclesiæ Dei; pro Imperatore tot bonorum auctore; ejusque pulcherrimis liberis, preces Deo suppliciter offerentes, ibi nos quoque, quibus majora quam pro meritis nostris bona contigerant, variis sermonibus publicè habitis solemnitatem decoravimus, nunc regalis fabricæ decorem ac magnificentiam scriptis enarrantes; nunc Prophetarum oraculorum sensus aptè & accommodatè ad præsentis figuras, atque imagines interpretantes. Hoc modo dedicationis solemnitas, ipsis Imperatoris tricennialibus summa cum hilaritate celebrata est.

VIII. Non igitur recens est, in ipsa Ecclesiæ dedicatione seu consecratione varias preces fundi; quibus divina benedictio super domum istam impetretur; fiatque id, quod Ecclesia quotannis orat, ut *quisquis hoc templum beneficia petiturus ingreditur, cuncta se impetrasse letetur*; Vel uti inter ipsa consecrationis solemnitas, *Nulla hic nequitia contrariæ potestatis obsistat, sed virtute Spiritus Sancti operante, fiat hic tibi semper purum servitium & devota libertas.*

IX. Preces recitandæ exprimuntur in Pontificali Romano sub titulo *De Dedicatione Ecclesiæ*; sed illud dolendum, preces illas frequenter ceu quasdam formulas duntaxat recitari; nec populum ad Clerum excitari, ut una ad dedicationem Ecclesiæ concurrens, preces suas precibus Episcopi jungat; quo fiat, ut tota Ecclesia quasi unita, preces suas jungens, facilius & efficacius benedictionem divinam impetraret.

X. Quamvis hodie usus non habeat, ut plures Episcopi ad Ecclesiæ dedicationem convocentur, nullus tamen nisi Episcopus eam consecrare potest; neque Episcopus Diocesanus delegare alteri, quam Episcopo potest, ed quod consecratio Ecclesiæ inter ea, quæ *Ordinis*, non autem Jurisdictionis Episcopalis sunt, recensetur, ut multis relatis docet Barbosa *De Off. Episc. Al. 27.*

XI. Ritus Consecrationis Ecclesiarum adeo proprius reputabatur singulis Episcopis per suas respectivè Dioceses seculo XI. ut Episcopi Gallicani ægerrimè tulerint, quod quidam Cardinalis, tamen Auctoritate Romani Pontificis specialiter munitus, Ecclesiam à quodam Fulcone in Diocesi Turonensi magnificè constructam, sine consensu Archiepiscopi Turonensis, in cuius Diocesi hæc nova constructa Basilica erat, consecrare attentasset, uti narrat Glaber Rodolphus Monachus, qui, teste Bellarmino *de Scriptoribus Ecclesiasticis*, scripsit Historias sui temporis libris quinque *satis accurate*,

Hic Auctor *lib. 2. cap. 4.* scribit "quod quidam Fulco ædificaverit Ecclesiam admodum pulcherrimam, in pago scilicet Turonico, milliario interposito Alveacensi Castro.

Post hæc subjungit Historicus; "expleto denique quantocius Basilicæ opere, protinus misit ad Hugonem Turonicum Archipræfulem, in cuius scilicet constituta erat Diocesi, ut illam sacraturus, quem admodum decreverat, adveniret. Qui venire distulit, dicens se minimè posse illius votum dicendo Domino committere, qui videlicet Marti Ecclesiæ Sedis sibi commissæ prædia & mancipia surripuerat non pauca: hocque potius illi videbatur competere, ut primitiis, si quid injustè diripuerat, alicui restitueret; sicque deinceps justo iudici Deo propria, quæ voverat, offerre deberet.

Cumque ista (prosequitur Historicus) Fulconi à suis perlata fuissent diutinà feritate resumpta, nimium indignè ferens Episcopi responsa, insuper comminatus illum valdè, ac sublimius inde quod valuit adegit consilium: mox denique copiosâ argenti & auri assumptâ pecuniâ, Romam pergens, ac Joanni Papæ causam suæ professionis exposuit: ac deinde poscens quod ab illo optaverat, plurima ei munerum dona obtulit. Qui protinus misit cum eodem Fulcone ad prædictam Basilicam sacrandam unum ex illis, quos in beati Petri Apostolorum Principis Ecclesiæ *Cardinales* vocant, nomine Petrum; cui etiam præcepit, veluti Romani Pontificis auctoritate assumptâ, quidquid agendum Fulconi videbatur, intrepidus expleret.

Quod utique audientes Galliarum quique Præsules (pergit Historicus) præsumptionem sacrilegam cognoverunt ex cæca cupiditate processisse, dum videlicet unus rapiens, alter raptum suscipiens, recens in Romana Ecclesiæ schisma creavissent: universi etiam pariter detestantes, quoniam nimium indecens videbatur, ut is, qui Apostolicam regebat Sedem, *Apostolicum primitiis ac Canonicum transgrediebatur tenorem, cum insuper multiplici sit antiquitus auctoritate roboratum, ut non quispian Episcoporum in alterius Diocesi istud præsumat exercere, nisi Præsule, cujus fuerit, compellente, seu permittente.*

Post hæc exponit, quod eodem die, quo hujus Ecclesiæ per Legatum Pontificium, consecratio peracta fuisset, subito, ab inopinato validissimo exorto vento, hujus Ecclesiæ fabrica totaliter corruerit & versa fuerit.

Quod cum multi (ait) per regionem comperissent, nulli venit in dubium, quoniam insolens præsumptionis audacia irritum constituisse votum, simulque præsentibus ac futuris quibusque, ne huic simile agerent, evidens iudicium fuit. Licet enim (subjungit idem Historicus) Pontifex Romanæ Ecclesiæ ob dignitatem Apostolicæ Sedis, cæteris in orbe constitutis reverentior habeatur, non tamen ei licet transgredi in aliquo Canonici moderaminis tenorem.

Sicut enim unusquisque orthodoxæ Ecclesiæ Pontifex, ac Sponsus propriæ Sedis uniformiter speciem gerit Salvatoris; ita generaliter nulli convenit, quippiam in alterius procaciter patrare Episcopi Diocesi.

Ex his imprimis habemus, eo tempore Gallicanis Episcopis persuasum fuisse, Romano Episcopo non secus ac aliis Episcopis, suam esse particularem Ecclesiam, uti suprà *part. 1. tit. 16. cap. 5. ad num. 5.* fusiùs ostendimus.

Insuper habemus, eo etiam tempore præfatos Gallicanos Episcopos nullatenus dubitasse, quin Romanus Pontifex ob dignitatem Apostolicæ Sedis, cæteris in orbe constitutis reverentior habeatur; nequaquam tamen ei ob id licitum esse transgredi in aliquo Canonici moderaminis tenorem, quo constitutum est, nulli Episcopo in alterius Episcopi Diocesi procaciter quidpiam



piam patrare, nisi Præfule, cujus fuerit, compellente, vel permittente.

XII. Circa ritus dedicationis seu consecrationis, non fuit in omnibus Ecclesiis, nec omni tempore idem usus.

Et quidem dedicationis ritum fuisse olim in Ecclesia Romana diversum ab eo, quem Mediolani servari mos erat, ex S. Ambrosii *Epist.* 54. intelligimus: "Cum ego (ait) Basilicam dedicare vellem, multi tanquam uno ore internellare cœperunt, dicentes: *Sicut in Romana; sic Basilicam dedices.*" Respondi; faciam, si Martyrum Reliquias invenero.

XIII. Ex his verbis S. Ambrosii, hoc quoque intelligimus, eo tempore in dedicatione Ecclesiæ *Ritu Romano* requisitas fuisse Sanctorum Reliquias; cujus ritus meminit quoque sub idem tempus S. Paulinus *Epist.* 12. ubi de Basilica suis expensis extructa verba faciens, ait: "Verum hanc quoque Basilicam de benedictis Apostolorum & Martyrum *Reliquiis* sacri cineris, in nomine Christi Sanctorum Sancti, & Martyrum Martyris, & Dominorum Domini consecrabunt."

Eundem fuisse jam pridem Græcorum ritum manifestum est ex *Canone* 7. Synodi VII. quo decernitur, ut Episcopus post hac templum consecrans sine sanctis *Reliquiis* deponatur; ut qui (ait) *Ecclesiasticas traditiones transgressus est.*

XIV. De hoc ritu latius agit Cardinalis Bona *lib. 1. Rerum Liturg. cap. 19. §. 5.* ibidem notans, quod mos olim Christianorum fuerit, ut durante Ethnicorum persecutione, in arceis & cœmeteriis, in quibus *Martyrum corpora* quiescebant, ad Synaxim peragendam convenirent. Postquam verò cessante persecutione licuit publicè templa erigere, ea cœperunt potissimum excitari iis in locis, in quibus paulò ante congregari, & clam mysteria celebrare consueverant, nimirum in locis, in quibus Martyrum corpora erant recondita: "Atque hinc (ait) originem traxisse mihi videtur celeberrimus & inviolabilis Ecclesiæ ritus, ut sine Martyrum Reliquiis nullum templum, nullumve altare ædificetur." Quo nimirum adhuc quodammodò ad ipsa Martyrum sepulchra ædificari templa viderentur.

XV. Juxta modernum ritum Pontificalis Romani: "Serò ante diem dedicationis, Pontifex parat Reliquias, ponens eas in decenti & mundo vasculo, cum tribus granis thuris; sigillans ipsum vasculum diligenter; & illud ante fores Ecclesiæ consecrandæ ponens cum duobus candelabris & luminaribus ardentibus; celebrandæque sunt vigilæ ante Reliquias ipsas, & canendi Nocturni, & Matutinae laudes in honorem Sanctorum, quorum Reliquiæ sunt recondendæ."

XVI. Quando hic ritus incœperit, incertum est. In Sacramentario S. Gregorii vulgò S. Eligii apud Menardum, nulla ejus mentio occurrit; ut nec in Codice quem seculo IX. scripsit Rodradus Presbyter; at in Codice Ratoldi, utpote recentiore, plures adduntur cæremoniæ, ut advertit Menardus in notis ad Sacramentarium; atque inter alias hæc de recondendis reliquiis, & exercendis vigiliis per totam noctem: ita tamen hic ritus describitur, ut satis intelligatur, tunc temporis, Episcopum primò cum Clericis egisse vigilas in Ecclesia aliqua veteri coram Reliquiis in Basilica nova recondendis; quâ consecratâ, revertebatur ad veterem Basilicam, & inde Reliquias sublatis solemnè processione in novam transferebat. Hunc codicem sub finem sæculi IX. scriptum credit Menardus. Et Rabanus Maurus sub medium ejusdem sæculi scribens, de vigiliis coram Reliquiis in nocte præcedente agendis, agit *lib. 2. De Instit. Clericorum cap. 45.* eumque ritum demonstrare, ait, "quod arca Testamenti cum Sanctis, quæ in ea erant, in Tabernaculo Mosæico ante ædificationem templi per excubias Levitarum servabantur,

XVII. Episcopus ad consecrationem Ecclesiæ accedens, tertio ipsam Ecclesiam exterius circuit, & aquâ benedictâ parietes ejus aspergit; ac tertio perveniens ad portam Ecclesiæ eam Baculo Pastoralis percutit, dicens: *Attollite portas, Principes, vestras, & elevamini portæ æternales, & introibit Rex gloriæ; Ps. 23.* ac tertiâ vice Pontifex facit crucem super liminare in ostio cum inferiore parte Baculi, dicens: *Ecce crucis signum, fugiant phantasmata cuncta.*

XVIII. In antiquo Codice Sacramentarii apud Menardum hæc leguntur: "Et cum venerint ad ostium Ecclesiæ, percutiat Pontifex ter superliminare de cambutta sua, dicens ante portam Antiphonam, *Tollite portas, Principes, vestras.* Et canant intrantes ipsum Psalmum totum ante ostium, & aperto ostio intrantes dicant: *Pax huic domui.*

Cambutta seu cambuta est virga Pastoralis Episcoporum, ait Menardus ibidem in notis *pag. 189.*

Trini circuitus hic Codex non meminit; at meminit illius recentior Codex Ratoldi, uti & Rabanus Maurus loco citato, dicens: "Pontifex simul cum Sacerdotibus feretrum portantibus, & omni Clero ac cætero populo Laudem & Litanias canendo, antequam ingrediar in templum *ter foris* illud circuit."

XIX. Asperisionis aquæ benedictæ in hac circuitione non meminit præcitatus Codex, neque Rabanus; at Ivo Carnotensis seculo XI. in Sermone de Sacramentis dedicationis, postquam de benedictione aquæ cum admixtione *salis* fuit loquutus, subjicit: "Istâ aquâ ad quamdam Baptismi imaginem *gyrando* Ecclesiam tunc exterius aspergimus: quia ubi more baptizatorum, non potest fieri trina mersio, necesse est, ut qua possumus Sacramenti similitudine trina fiat aspergio. Unam enim habet significationem trina mersio, & trina aspergio."

Ex his non obscurum est, ritus hodiernos in Pontificali descriptos non eodem tempore fuisse adhibitos; sed alios esse recentiores, alios antiquiores.

XX. Hoc quoque allegata verba Ivonis indicant, aliquas cæremonias in consecratione templi materialis esse adhibitas ad similitudinem eorum, quæ in spirituali templi, scilicet animæ dedicatione per Baptismum adhibentur: eò quod à Patribus dedicatio templi materialis repræsentaretur ut figura dedicationis templi spiritualis.

XXI. Huic verisimiliter originem debent ritus signandi ipsos Ecclesiæ parietes duodecim crucibus; eoque oleo sancto liniendi; ut sicuti in spirituali dedicatione baptizandus crucis signaculo & oleo signatur; ita hic spiritualis dedicationis figura repræsentetur.

Similiter ut Neophytis sal datur; sic & hic *sal* adhibetur.

Quin & ipsa duplicis *Alphabeti* in ipso templi pavimento delineatio, ex ritu Baptismi derivata videtur. "Quid enim (ait Ivo) per *Alphabetum*, nisi initia & rudimenta doctrinæ sacræ intelligi convenit.... Scribit etiam Pontifex quasi Alphabeti ordinem, cum docet fidei simplicitatem." Ut consequenter in dedicatione templi materialis fiat per Alphabeti descriptionem, quod in dedicatione seu consecratione spirituali agitur per instructionem seu catechizationem Neophytorum in primis fidei & religionis elementis.

XXII. Cum in hac dedicationis solemnitate magnus esset populi concursus; & gaudium magnum ob extructam novam Basilicam excitari soleret; etiam convivium instituta fuisse, testatur S. Gregorius *lib. 9. Epist. 71.* & pluribus probat Du Cange in Glossario, verbo: *dedicatio*; ubi advertit convivium illa in luxum & epulas adeò deflexisse, ut "inde postmodum *dedicationis* vocabulum in malam partem tractum sit, ac pro comestatione publica sumptum, quod qui ad ejusmodi festa in vicis ire solent, non tam pietatis quam comestationibus & ludicris indulgendi causâ eò confluant: hinc etiamnum apud inferiores Gal-

„ Gallos, *faire la Ducace*, est genio & ebrietati indulgere. „ Hæc ille.

Quod de inferioribus Gallis dicitur citatus auctor, hoc de Belgis vicinisque populis similiter asseri potest; idem namque fit non quidem in ipsa Ecclesiarum prima dedicatione seu consecratione, sed in anniversaria ejusdem festivitate; quando primæ dedicationis memoria recolitur, vocarique hodie solet, *Festum dedicationis*.

XXIII. An primis seculis annua hæc dedicationis festivitas fieret, incertum est. Eruditi Operum S. Augustini Revisores ad citatum *Sermonem* 317. addunt hanc notam *litt. A.* „ Possidius in iudiculis *cap. 10.* notat *De dedicatione Ecclesie tractatus duos*: ipsa, putamus, habitos die, qua primum dedicatio fiebat, „ populi conventu celeberrimo, non verò qua post annum deinceps recolebatur facta jam ante dedicatio. „ Hujusmodi quippe anniversariæ solemnitate in veteri Carthaginensis Ecclesiæ Calendario nullum vestigium.

XXIV. In Sacramentario Gallicano evulgato per Mabillonium *tom. 1. Mutæi Italici part. 2.* ex antiquo codice reperto in Bibliotheca Monasterii Bobienis, scripto, ut ipse credit, ante annos mille, habetur *pag. 354. Missa in dedicatione*, in qua collecta *ad pacem* eadem est, quæ hodie recitatur in anniversaria die dedicationis; ut vel hinc manifestum sit, etiam eo tempore, in Gallia diem *anniversariam* dedicationis Ecclesiæ fuisse celebratam; hodie velut una è præcipuis festis ubique celebratur.

XXV. Verùm unâ ferè cum festivitate, conviviorum & comessationum abusus passim ubique invaluit. Cùm verò Ecclesiarum dedicationis dies non ubique in eundem diem incidat, solet per ætatem omnibus penè diebus Dominicis nunc in hac, nunc in illa Ecclesia dedicatio celebrari: quo ulterius contingit, ut in vicis ac pagis vicinis ad mutuam dedicationem populus concurrat, idque comessationibus & ebrietatibus aliisque inde provenientibus insolentis & voluptatibus indulgendi causâ; verbo, ut Gallicè exprimitur, *faire la Ducace*; aut ut Flandricè dicitur, *Kermis bou-den*.

XXVI. Huic abusui volens occurrere Synodus Cameracensis anno 1550. *tit. 8.* decrevit, ut anniversaria dies dedicationis celebraretur in omnibus Ecclesiis eodem die, quo hæc in Ecclesia Cathedrali celebratur.

Similiter Synodus Colonienfis anno 1536. *parte 9. cap. 11.* ait: „ Cùm in diebus festis, qui dedicationi Ecclesiarum peculiariter dedicati sunt, plerumque indigna committantur, adeò ut videatur populus tum potissimum comessationis causâ convenire: visum nobis est, ut per Dioceses nostras, uno certo die anni, quo hujusmodi festum dedicationis in Metropolitana nostra colitur, in reliquis quoque Ecclesiis omnibus, extra civitatem nostram Coloniam Agrippinam constitutis observetur.

Synodus Tornacensis anno 1589. advertens similem abusum „ præcipit Pastoribus, ut dedicationes omnium hujus Diocesis Ecclesiarum, quæ sunt in pagis, vel etiam in suburbis oppidorum, celebrent uno eodemque die, idque quartâ Dominicâ post Pascha. „ *Tit. 4. cap. 12.*

XXVII. Idipsum statuerunt Principes nostri, ac signanter Carolus V. & Philippus II. & hic quidem anno 1598. 22. Junii edito Edicto renovando præcedens Caroli V. *art. 9.* statuit: Ad amputandas occasiones ebrietatum, rixarum, contentionum & homicidiorum ex his provenientium, quæ frequenter oriuntur ex convitiis, qui de pago in pagum fieri solent ratione dedicationum, quæ ibi celebrantur, conformiter ad id quod ante decretum fuit per suam Cæsaream Majestatem, ut omnes dedicationes Pagorum & Parochiarum ruralium in unaquaque Provincia uno eodemque die, per Consilium Regium Provinciale, audito Episcopo

loci, statuendo celebrentur: quòdque hæc dedicationes non ultra unum diem protrahantur, sub pœna 50. Carolinorum incurrenda per singulos, qui alio tempore aut diutius prædicta dedicationis festa celebrabunt, aut eis assistent; idque in singulas vices. Habetur Edictum *parte 2. Edictorum Flandriæ lib. 1. Rubrica 4.*

Novissimè quoque Episcopus Leodiensis 5. Aprilis 1692. per speciale Decretum voluit, ut per totum Decanatum Baltoniensem & Stabulensem dies anniversaria dedicationis cujuslibet Ecclesiæ insimul, ac una eademque die, scilicet Dominicâ infra Octavam Sancti Lamberti celebraretur, nec ultra dictam diem Dominicam quocumque sub prætextu, causâ vel colore protrahatur.

Cùm verò Districtus Baltoniensis Decanatus se extra dominium temporale Principis Leodiensis extenderet; essetque sub potestate Regis Galliarum; ac propterea sine auctoritate Regia in iis partibus publicari non posset, Decanus Baltoniensis Decreti Placetum petiit in Senatu Regio Luxemburgi, qui audito Procuratore Regio, annuit, ut Decretum quoad hoc punctum publicaretur, conformiter ad Edicta Caroli V. & Philippi II. ante citata, die 30. Julii 1692. (a)

Optandum esset, ut hæc Decreta ubique vigerent; atque ipsa templi dedicatio piè juxta Ecclesiæ intentionem ubique celebraretur, abrogatis comessationibus & comotationibus, quæ tunc fieri consueverunt (non mediocri timoratorum scandalo) à quibus juramenta, blasphemiarum, rixarum, & alia ejusmodi sequuntur, quæ Dei iram concitant & provocant; ut in suo Decreto loquitur Episcopus Leodiensis.

XXVIII. In pluribus locis mos invaluit, ut dum alicujus Parochialis Ecclesiæ anniversaria dedicationis dies celebratur, Pastores vicini Officia solemnia in sua Ecclesia omittant illo die, ut possint tempestivè ad Ecclesiam, cujus dedicationis annuadiess agitur, accedere; ac ibidem Officio assistere: qui mos forsitan ex veteri eaque non contemnenda disciplina, qua solebant vicini Episcopi ad Dedicationem novæ Basilicæ invitari & accedere, originem habet; atque ad mutuam inter Parochos vicinos concordiam & unitatem fovendam, & celebritatem augendam conducere videtur.

Attamen ex altera parte meritò attenditur, quòd dum ob dedicationem vicinæ Ecclesiæ solita Officia in Ecclesia propria omittuntur, ut Parochus dedicationi Ecclesiæ vicinæ interlit, populus quodammodo invitetur & incitetur, ut unâ cum suo Pastore ad eam quoque accedat; eaque occasione non raro in comessationes, potationes, & exinde promanantia vitia incidat.

(a) Decretum Episcopi Leodiensis & alterum datum à Senatu Luxemburgensi reperiuntur inter monumenta hujus tomi sub littera Q. ad ejusdem voluminis calcem.

## CAPUT V.

### De Reconsecratione & Reconciliatione Ecclesiarum.

1. Templum semel consecratum iterum consecrari nequit.
2. Hæc disciplina ex similitudine cum Baptismo inducta.
3. Hanc inducta hujus discipline rationem insinuant Canon.
4. Ecclesia in aliquibus partibus destruxa, parietibus illæsis reconsecranda non est.
5. Ratio hujus discipline.
6. Nunquam Ecclesia reconsecranda, dum manet eadem moraliter.
7. Si dubia sit consecratio, poterit denud consecrari.
8. Seculo XI. persuasum fuit, principali Altari cunctis totam Ecclesiam esse consecrandam.
9. Hæc persuasio fundata fuit in Canone falso Higinio Papæ adscripto.

10. Contraria disciplina à seculo XII. invaluit, & hodie recepta est.
11. Ratio mutata disciplina.
12. Ecclesia violata reconciliari potest, non recondescrari.
13. Sanguinis effusione polluitur Ecclesia.
14. Copiosa sanguinis effusio non semper inducit profanationem.
15. Sola percussio etiam gravis & enormis sine sanguinis effusione non profanat Ecclesiam.
16. Homicidium sine sanguinis effusione profanationem causat.
17. Mors sicut in Ecclesia ex vulnere inflicto extra Ecclesiam, violationem non inducit.
18. An polluta Ecclesia censetur pollutum cimiterium, aut e contra?
19. Effectus pollutionis templi materialis.
20. Aquà per ipsum Episcopum benedictà reconciliatio fieri debet.
21. Jure Decretalium reconciliatio facienda per Episcopum; nec tam simplici Presbytero delegare potest.
22. Dicitur à Pontifice variis Episcopis privilegium delegandi esse concessum; ac simili gaudere videntur Episcopi Belgici.
23. Quare hæc reconciliatio olim soli Episcopo reservata?
24. Cur Cineres & Hyssopus adhibeantur?
25. Jam pridem à Theologis notatum, hæc reconciliatio figurari reconciliationem Penitentium.
26. Reconciliatio solemniter non facienda, nisi violatio fuerit publica; & quando Ecclesia fuit solemniter consecrata.

I. ECCLESIAM semel solemniter ritu consecratam denuò recondescrari non posse, quocumque etiam enormi crimine pollutam seu profanatam, expeditum est; multisque Canonibus apud Gratianum relatis expressum.

II. Cùm enim receptum esset, consecrationem templi materialis representare consecrationem templi spiritualis per Baptismum; atque hac ratione, ritus istius consecrationis ad similitudinem rituum hujus spiritualis consecrationis essent plures inducti, etiam vltum fuit, quòd sicut templum spirituale semel per Baptismum consecratum, licet postmodum per peccatum fuerit violatum, non potest iteratò per Baptismum recondescrari; ita nec templi materialis solemniter consecratio, huic spiritualis templi consecrationi respondens, iteranda sit.

III. Hanc rationem apertè indicat Decretum, quod sub nomine Concilii Nicæni refert Gratianus *Diff. 68. Can. 3.* & rursus *Diff. 1. De Consecrat. Can. 20.* Postquam enim dictum esset: *Ecclesiis semel Deo dicatis, non debet iterum consecrari*, ratio subjungitur: *Quia sicut infans à quocumque Sacerdote in nomine Patris & Filii & Spiritus Sancti semel baptizatus, non debet iterum baptizari, ita nec locus Deo dicatus iterum consecrandus est. (a)*

Quamvis hoc Decretum inter Canones Nicænos non reperiatur; nec ullus veterum Scriptorum illius meminerit; nec consequenter ex illo æram hujus discipline statuere possimus, nihilominus fundamentum illius inductæ discipline non obscurè ex illo colligimus.

IV. Hac disciplinà stabilità, quæsitum fuit ab Innocentio III. num "lignis ædificiis Ecclesiæ casu consumptis, parietibus tamen illæis, ac mensa principalis Altaris in sua extremitate modicam partem fracturam, si propter hoc ipsius Altaris, vel etiam totius Ecclesiæ debet consecratio innovari?" Respondit Pontifex in *cap. 6. De Consecrat. Eccl.* "Quòd cùm parietes in sua integritate permanserint, & ta-

bula Altaris mota vel enormiter læsa non fuerit, ob causam prædictam, nec Ecclesia, nec Altare debet denuò consecrari.

V. Ratio hujus responsi fuit, quòd parietes præcipuam Ecclesiæ materialis partem, & ipsius quasi exteriorem formam constituent. Hinc ipsi parietes, præ reliquis fabricæ partibus, crucibus signantur & inunguntur, atque asperguntur. Itaque his manentibus illæis, licet aliæ nonnullæ partes destructæ aut absumptæ sint, censetur manere moraliter eadem Ecclesia.

VI. Quodcumque ergo manet moraliter eadem Ecclesia, etiam si per partes subinde fuerit reparata; idque tam frequenter, & in tam multis partibus, ut reverà totum tandem ædificium constet per partes renovatum, tamen si semper manserit idem ædificium, non erit denuò consecranda; uti post alios latè deducit Barbosa de Officio Episcopi *Alleg. 37.*

VII. Verùm sicut Baptismus denuò reiterari potest, si dubitetur, an validè collatus fuerit, ita quoque consecratio Ecclesiæ reiteranda est, si de ea dubitetur *Can. 18. Diff. 1. De Consecrat.* ubi sub nomine Concilii Meldensis refertur: "Ecclesiæ vel Altaria, quæ ambigua sunt de consecratione, consecrentur, & super sua Altaria destruantur.

Hic Canon extat *lib. 1. Capitular. cap. 145.* demptis vltimis verbis, *de destruendis altaribus superfluis*; atque hinc primitus Canonem desumptum esse, non autem ex Concilio Meldensi, in quo non reperitur, notat Stephanus Baluzius in notis ad Gratianum, unà erroris fontem indicans.

Hinc equidem apparet, tempore Capitularium, id est, seculo IX. hanc disciplinam de reiteratione consecrationis in casu dubio, notam fuisse.

VIII. Seculo undecimo dubitatum fuisse, an quando Altare motum est, aut destructum, debeat ipsa Ecclesia de novo consecrari; illudque tanquam dubium sibi à quodam Abbate propositum fuisse, significat S. Anselmus *lib. 3. Epist. 159.* "De quo quidem neque in Decretis, neque in Canonibus (ait) memini me aliquid legisse: sed à quodam Episcopo audivi, quòd in Decretis Eugenii Papæ legitur, Altare motum iterum consecrandum. De his enim Domino Papæ Urbano locutus sum, assistentibus quibusdam Episcopis. Sed Papa dicebat: mensam Altaris motam, nec reconciliandam, nec iterum consecrandam, nec amplius in Altare reputandam. Alii verò dicebant, tantum reconciliandam, nullam tamen auctoritatem ostendentes. In hoc autem omnes concordant, quòd violato principali, tota Ecclesia cum altari iterum consecranda est: nec Ecclesia consecranda est sine consecratione altaris, aut principalis aut alterius in eadem Ecclesia. In his autem omnes concordant, cum quibus loquutus sum, excepta altaris mensa. Item si aliqua pars Ecclesiæ destructa reficitur, aut ita sit altari immoto, aquà tantum ab Episcopo benedictà, aspergendam dicunt.

Post hæc subjicit: "Ratio autem quàm à me quæsitam, hæc mihi videtur super his: altare non fit propter Ecclesiam, sed Ecclesia propter altare, & idè violato principali altari, jam non videtur esse Ecclesia: quia non est illud propter quod Ecclesia constituitur & consecratur. Quapropter cùm illud sit novum, rectè videtur cum eo consecrari, per quod recipit, ut sit Ecclesia.

IX. Quod hic Anselmus dicit de Decretis Urbani, intelligi debet de Decreto, quod sub nomine Hygini Papæ extat apud Gratianum *Diff. 1. De Consecrat. Can. 19.* quod ita habet: "Si motum fuerit altare, denuò consecratur Ecclesia: si parietes mutantur, & non altare, salibus tantum exorcizetur. Simile quid refertur sub nomine Vigili Papæ in *Can. 24. eadem Diff.*

Præcitatum Decretum Hygini Papæ, qui seculo II. sedit, adscribi non posse eruditè hodie sat persuasum est.

(a) At Concilium Cæsar-Augustinum c. 3. statuit "Consecrationes Ecclesiarum factas ab hæretico iterandas esse à Catholicis."



est. Quin & observat Joannes Baptista Thiers in sua Dissertatione de principalioribus Ecclesiarum altaribus cap. 2. sat verisimile esse, nullam specialem consecrationem altaribus ante seculum quintum fuisse impensam; sed quod solo tactu Corporis & Sanguinis Domini consecrata reputarentur, juxta illud Chrysostomi Homilia 20. in Epistolam 2. ad Corinth. *Hoc altare naturâ quidem lapis est, sanctum autem efficitur postquam Corpus Christi excepit.*

Quidquid sit, hoc constat, seculo undecimo sententiam ab Anselmo relatum communiter fuisse receptam, idque auctoritate dicti Canonis Hygino adscripti. Unde eodem tempore S. Ivo Carnotensis consultus super eodem dubio, rescribit in eandem sententiam, idque eodem adducto Canone; quem etiam ipse tanquam ex Decretis Hygini Papæ desumptum, retulit part. 3. sui Decreti cap. 13.

X. At circa finem seculi XII. hæc disciplina mutari cœpit; uti constat ex Decretali Alexandri III. in Cap. 1. *De Consecrat. Ecclesiæ*, ubi scribit " Si altare motum fuerit, Ecclesia propter hoc nequaquam suam consecrationem iterare.

Quæ verba ostendunt, Pontificem hinc nullum novum jus induxisse; sed respondisse juxta id quod suo tempore consueverat observari.

Addens autem Pontifex: *licet id quidam Canones innuere videantur*, scilicet altari moto Ecclesiam esse reconsecrandam, indubiè respexit ad relatos Canones apud Gratianum; qui sat aperte significant *reconsecrationem* esse faciendam: sed cum hæc sint tantum disciplinæ & cæremonialia; ideo facile mutari potuerunt: quare juxta Decretalem Alexandri III. hodie receptum est, ob motionem Altaris, Ecclesiam non esse denuò consecrandam.

XI. Considerarunt enim recentiores, consecrationem altaris planè separatam esse à consecratione Ecclesiæ; neque hanc ab illa ullatenus dependere: ut proinde nec Sancti Anselmi, nec Ivoonis ratiocinatio fundata sit; ut potè pro fundamento supponens, hanc à priori dependere.

Altarium enim consecratio planè diversa est, etiam quoad ritus, à consecratione Ecclesiæ, extrarque distincta in Pontificali Romano; ubi quoque præscribitur ritus consecrationis altaris *portatilis*, cujus usus circa seculum VIII. invaluit; & quo hodie passim utuntur pro Missarum celebratione in locis etiam non consecratis, aut benedictis; uti notatum est part. 2. sect. 1. tit. 5. cap. 8. num. 10.

XII. Quemadmodum templum spirituale per crimen profanatum, non potest quidem per Baptismum reconsecrari, sed tantum reconciliari debet per aquas penitentiae; ita & templum materiale profanatum seu violatum, non quidem solemnî ritu reconsecrandum est, sed tamen reconciliandum, idque reconciliatione, quæ reconciliationi templi spiritualis per penitentiam respondeat.

XIII. Contingit Ecclesiam pollui variis modis; ac imprimis per sanguinis humani effusionem in casactam, de qua in cap. 4. & cap. fin. *De Consecrat. Ecclesiæ* item in cap. unico eodem in VI. in quibus simpliciter dicitur, *sanguinis effusione Ecclesiam violari*: sed id indubiè de injuriosa & voluntaria effusione intelligi debet; quemadmodum Doctores uno consensu docent; & communis praxis observat. Unde Synodus Coloniensis anno 1536. part. 9. cap. 7. ait: " Reconciliatur Ecclesia aut cæmeterium ob *enormem* sanguinis effusionem, *dedita* opera *violenter* & *injuriose* commissam.

XIV. Cum ergo non ipsa materialis sanguinis effusio ipsam Ecclesiæ pollutionem seu profanationem præcipuè inducat; sed ipsum crimen quod in sanguinis effusione perpetratur; consequens est, ipsam Ecclesiam ex mente Canonum non pollui, tamen etiam copiosus sanguis effluat, si tamen percussio levis fuerit; ut si v. g. pueri

in rixa alter alterum percutiat, & ex naribus copiosus sanguis effluat; uti post alios citatos notat Barbosa de Officio Episcopi *Allegat. 28. num. 36.* Si tamen (ait) sanguis exiret de naso ex percussione violenta inter majores 14. annorum; Ecclesiam pollui, resolvit judicatumque refert Marianus Anton *lib. 1. Variarum Resol. 112. casu 6.* Ita Barbosa; quod indubiè intelligi debet, si ex modo percussione aliisque circumstantiis sat appareat, percussione hanc gravem fuisse & enormem.

XV. Quia tamen ipsæ Decretales loquentes de pollutione ob vulnus inflictum, specialiter meminerunt effusionis sanguinis, videntur ipsam pollutionem in effusione sanguinis refundere: unde & communiter receptum est, ex percussione quantumvis gravi & enormi facta in Ecclesia, eam non pollui, si nulla sequuta sit sanguinis effusio, uti post alios resolvit Barbosa loco citato num. 35. quin etsi modicum sanguinis effundatur nequaquam censetur polluta. Ipsum enim verbum, *effusio*, videtur sanguinis abundantiam, & copiosum fluxum denotare, Barbosa *ibid. num. 35.*

XVI. Si tamen citra sanguinis effusionem ex vulnere in Ecclesia inflictio sequatur mors vulnerati, indubiè ipsa Ecclesia censetur polluta cap. 4. *De Consecrat. Ecclesiæ*; ubi simpliciter propter homicidia in Ecclesia contingentia Ecclesiam reconciliandam esse respondit Pontifex.

XVII. Ubi autem vulnus inflictum esset extra Ecclesiam; & vulneratus moreretur intra Ecclesiam, non pollui ob eam mortem ipsam Ecclesiam, resolvit Barbosa *ibidem num. 23.* quia ipsum homicidium, cui ipsa pollutio adscribitur, non contigit in Ecclesia. Unde è contrario si vulnus lethale inflictum sit in Ecclesia, & mors sequatur extra Ecclesiam, polluta censetur Ecclesia.

XVIII. Polluta autem Ecclesia, cæmeterium si ei fuerit contiguum, censetur quoque pollutum; secus si remorum fuerit ab eadem.

At è converso polluto cæmeterio non censetur propterea polluta Ecclesia, tamen contigua, cap. unico. *De Consecratione Ecclesiæ* in VI. ubi una declaratur; quòd, si duo sint cæmeteria, quæ pariete medio sibi junguntur, uno polluto, aliud pollutum censeri non debeat.

XIX. Effectus pollutionis est, quòd in Ecclesia polluta, ante reconciliationem Divina Officia præsertim Missarum solemnia, celebrari nequeant cap. fin. *De Consecrat. Ecclesiæ*, cap. 11. *De Privilegiis*, & cap. 18. *De Sent. Excommunic.* in VI. ubi Bonifacius VIII. respondet, quòd is, qui in Ecclesia polluta scienter celebrare præsumit, *temerariè* agat; sed tamen irregularis non efficiatur: *cum id (ait) non sit expressum in jure.*

XX. Reconciliatio Ecclesiæ, uti & cæmeterii fit mediante aqua cum vino & cinere per Episcopum benedicta. Quamvis enim aqua tam pro administratione Baptismi, quàm piacularis pro benedictione populi à Presbyteris benedicatur; tamen hæc aqua, quæ cum cinere miscetur pro reconciliatione Ecclesiæ, tantum per Episcopum benedicatur; unde & ad distinctionem alterius aquæ vocatur hæc, *aqua consecrata.*

XXI. Porro sicut aqua hæc à solo Episcopo benedicenda est; ita & Ecclesiæ reconciliatio, juxta responsum Gregorii IX. in cap. 9. *De Consecrat. Ecclesiæ*, non nisi per Episcopum fieri potest; eamque per simplices Sacerdotes fieri, etiam ex delegatione Episcopi prohibet Gregorius; non obstante consuetudine Ecclesiæ Bracharensis, quæ (ait) *dicenda est potius corruptela.*

Rationem allegat Pontifex: " Quia licet Episcopus committere valeat, quæ jurisdictionis existunt: quæ Ordinis tamen Episcopalis sunt, non potest inferioris gradûs Clericis demandare. Quod autem mandatum tibus

„libus Episcopis super reconciliatione factum est ha-  
„tenuis pereosdem, misericorditer toleramus.

Ex hoc textu uno consensu concludunt Canonistæ,  
Episcopum non posse simplici Sacerdoti, sive non Epif-  
copo committere reconciliationem Ecclesiæ antea con-  
secratae; tamen aqua ab ipso esset benedicta.

XXII. Dicit tamen Innocentius in commentario  
ad hunc textum, „se ante audivisse Papam pluribus  
„Episcopis indulgisse ut per simplices Sacerdotes pos-  
„sent reconciliare Ecclesias, aqua tamen prius per  
„Episcopum benedicta. „Ita ex Innocentio refert  
Fagnanus ad cap. AQUA & De Consecrat. Ecclef.  
num. 6.

An Episcopis Belgii simile à Pontifice privilegi-  
um datum sit, nescio: hoc equidem scio, ipsos re-  
conciliationem Ecclesiæ etiam consecratae, Presby-  
tero subinde delegare, aqua ab Episcopo prius be-  
nedicta. Inter facultates à Sede Apostolica datas Vi-  
cario Apostolico Silvæducenti, legitur num. 23. facul-  
tas „reconciliandi Ecclesias pollutas aqua ab Episco-  
„po benedicta, & in casu necessitatis, etiam aqua  
„non benedicta ab Episcopo. „Habentur hæc facul-  
tates ad calcem Synodorum Silvæducentium edit.  
an. 1692.

XXIII. Quod de jure hæc reconciliatio privative  
Episcopo tribuatur, inde factum videtur, quod hæc  
publica & solemnitas templi materialis reconciliatio  
figura videatur solemnitas ac publicæ reconciliationis  
animæ per peccatum pollutæ; consequenter etiam  
ad exemplum solemnitis reconciliationis Pœnitentium,  
hanc reconciliationem Episcopo reservandam fore vi-  
sum fuit. Quod autem in casu delegationis aqua de-  
beat esse ab Episcopo benedicta, ostendit auctorita-  
tem Episcopalem etiam hæc aliquo modo debere in-  
tervenire.

XXIV. Adidem referendum, quod sicut in publica  
ac solemnī Pœnitentia & Pœnitentium reconciliatio-  
cinerum usus fuit; ita & hic cineres cum aqua mis-  
ceantur.

Similiter aspersorium de herba byssopi factum,  
quo aqua benedicta aspergenda est, quid aliud,  
quam Pœnitentium reconciliatorem exprimit; jux-  
ta illud Psalmistæ: *Asperges me byssopo & munda-  
bor?* Ps. 50.

XXV. Et sane per reconciliationem hanc, figurari  
reconciliationem peccatoris jam pridem adverterunt  
Theologi, uti notat antiquus Glossographus ad cap.  
unicum de Consecrat. Ecclesiæ in VI. verbo: Pollui:  
„Dicunt enim (ait) Theologi, quod ideo reconciliatur  
„Ecclesia, ut videntes Laici Ecclesiam sic lavari, quæ  
„non peccavit, cogitent intra se quantum pro lava-  
„tione peccatorum laborandum sit.

Synodus Colopiensis anno 1536. part. 9. agens de  
consecratione & reconciliatione Ecclesiarum, ostendit  
cap. 17. „Locum sacrum reconciliari ad exemplum &  
„terrorem, ut videntes locum sacrum seu inanimatum  
„templum nullo peccato obnoxium, lavari & purifi-  
„cari, delicti horrore concutiantur, & recogitent,  
„quantum pro expiatione delictorum, & vivo Dei  
„templo sit elaborandum.

XXVI. Sicuti solemnitas pœnitentiæ & reconci-  
liationis usus est duntaxat in peccatore publico, &  
quidem qui antea per Baptismum Deo fuerat conse-  
cratus; ita solemnitas reconciliatio hæc non impenditur,  
nisi pollutio sit publica, uti recte monet Synodus Co-  
loniensis parte citata cap. 18. uti nec illa requiritur,  
si Ecclesia antea non fuerit solemniter consecrata. Si  
enim duntaxat fuerit benedicta, tantum aqua exorci-  
zata seu benedicta lavanda erit cap. fin. & De Con-  
secrat. Ecclesiæ, idque etiam per simplicem Presby-  
terum, uti post Glossam ad hoc Capitulum com-  
muniter docent Doctores: & communis praxis suf-  
fragatur.

## CAPUT VI.

### De reparandis Ecclesiis.

1. Jam pridem proventus Ecclesiastici in reparationem Ecclesiarum impensi.
2. Redditibus Ecclesiasticis in quatuor portiones divisus, una cedebat in reparationem fabricæ.
3. In Hispania tertia pars cedebat.
4. Quomodo bona fabricæ bodie in reparationem Ecclesiarum cedere debeant?
5. Decimis onus reparandi Ecclesias, qua ratione incumbat?
6. Beneficiati ad reparationem jam pridem fuisse adstricti.
7. Hæc Beneficiatorum obligatio auctoritate Canonum adstruitur.
8. Eam declarat Synodus Tridentina; item Edictum Principum Belgii.
9. Quomodo jura Beneficiatos ad reparationem constri-  
gant?
10. Parochus habens simplicem competentiam, ad repara-  
tionem non tenetur.
11. Decimatores licet non sint Beneficiati, ad repara-  
tionem tenentur.
12. Quid de hac Decimatorum obligatione statuunt Sy-  
nodi Belgicæ?
13. Edictum Principum ad reparationem vocat ipsos De-  
cimatores.
14. Pro qua parte Decimatores ad reparationem tenean-  
tur ex Edicto Principum.
15. Quæ decimarum portio in Gallia pro reparatione  
adjudicari soleat?
16. Portio decimarum in reparationem impendenda, in-  
telligitur deducto omni alio onere.
17. Onus reparationis Decimatoribus aut Incolis in-  
cumbens, solet tantum concernere Ecclesiam Paro-  
chiale.
18. Onus reparandi Capellam ordinariæ Parochianis aut  
Decimatoribus non incumbit.
19. Interdum tamen obligantur.
20. Onus reparandi Ecclesiam necessarias reparationes  
spectat.
21. Forma reparationis arbitrio judicis determinanda;  
& quæ à judice attendenda?
22. Reparatio institui non potest, nisi vocatis quorum  
interest; coram quibus & Edicti computum red-  
dere debent.
23. Interdum Incole pro reparatione contribuere debent;  
sed sine auctoritate judicis secularis hic cogi non  
possunt.
24. Populo ad reparationem adstricto, qui teneantur; &  
quomodo onus imponendum?
25. Particularis loci consuetudo, & concordatum juri  
communi & generalibus Patriæ regulis in hac ma-  
teria præferuntur.
26. Reparatio Navis Incolis, & reparatio Chori Deci-  
matoribus multis in locis incumbit.
27. Quid Navis nomine veniat?
28. An Decimatores ad reparationem turris teneantur?
29. Cui Campanarum restauratio incumbat?
30. Decimatores solent teneri ad Ornamentorum submi-  
nistrationem.
31. Qualia subministranda Ornamenta?
32. Ornamenta pretiosa cur magis Parochialibus, quam  
Monachalibus Ecclesiis conveniant?
33. Quis sit iudex competens in materia reparationis Ec-  
clesiarum?

I. Non tantum jam pridem solliciti fuisse Patres,  
ut templa ædificarentur; sed etiam ut ædificata  
facta testata conservarentur.

Hunc in finem certam partem proventuum Ecclesiasticorum in reparationem Fabricæ reservabant.

De oblationibus vel agris, quos Dominus noster Rex Ecclesiis suo munere conferre dignatus est, vel adhuc non habentibus, Deo sibi inspirante, contulerit, ipsorum agrorum vel Clericorum immunitate concessa, id esse iustissimum definimus, ut in *reparationibus* Ecclesiarum, alimoniis Sacerdotum, & pauperum refectio, vel redemptionibus captivorum, quidquid Deus in fructibus dare dignatus fuerit, expendatur, & Clerici in adjutorium Ecclesiastici operis constringantur. Ita Synodus Aurelianensis l. anno 1011. *Can. 15.*

II. Divisio reddituum Ecclesiasticorum in quatuor portiones, quarum una *Fabricis* Ecclesiæ impendenda erat, adeo stabilita erat seculo sexto, ut ad Augustinum Anglorum Episcopum scribat S. Gregorius: "Mos est Apostolicæ Sedis, ordinatis Episcopis præceptum tradere, ut de omni stipendio, quod accedit, quatuor fieri debeant portiones, una videlicet Episcopo, & familiæ ejus propter hospitalitatem, & susceptionem, alia Clero, tertia pauperibus, quarta Ecclesiis reparandis." Apud Gratianum *Caus. 12. q. 2. Can. 30.* ibi & plures Canones hanc divisionem stabiliētes occurrunt.

Hoc autem notandum, quod illa portio, quæ in citato Canone dicitur impendenda Ecclesiis *reparandis*, eadem sit, quæ in aliis Canonibus dicitur cedere *Fabricis*: eo quod Fabricæ impendi, nihil aliud sit, quam Fabricæ interrentioni & reparationi impendi.

III. In Hispania olim moris fuisse apparet, ut tertia pars proventuum Fabricis cederet; eaque ut restaurandis seu reparandis Ecclesiis ex Episcopi ordinatione impendi debebat ex Canonum præscripto.

Et quidem Concilium Tarraconense anno 516. *Can. 8.* ait: "Decernimus, ut antiquæ consuetudinis ordo servetur, & annuis vicibus ab Episcopo Dioceses visitentur, & si qua forte Basilica fuerit reperta destituta, ordinatione ejus reparari præcipiatur: quia tertia pars ex omnibus per antiquam traditionem, ut accipitur ab Episcopis, novimus esse statutum." Gratianus *Caus. 10. q. 1. Can. 10.*

Fixum igitur & indubitatum est, aliquam partem proventuum Ecclesiasticorum jam pridem Fabricis Ecclesiarum fuisse destinatam; atque eandem reparandis Ecclesiis ex Episcoporum ordinatione impendendam fuisse.

IV. Quamvis hodie non fiat ea reddituum Ecclesiasticorum divisio in partes, quarum tertia aut quarta cedat Fabricæ; tamen si quæ pro Fabrica specialiter sint deputata, ex antiqua disciplina & hodie in reparationem Ecclesiarum impendenda sunt. Hinc, ait Peckius in tractatu suo *De reparandis Ecclesiis cap. 14.* "Omnes in eo conveniunt Interpretes ad *cap. 1. §. De ædificandis Eccles.* quod cessante consuetudine, statuto, seu dispositione speciali, reparatio Ecclesiæ ex ea portione, quæ à jure ad Fabricam deputata est, fieri debeat.

Unde & Edicto Principum nostrorum super reparatione Ecclesiarum evulgato 2. Octobris 1613. caveretur, quod imprimis cessantibus *specialibus* tractatibus, aut conventionibus super reparatione facienda inter aliquos initis, proventus *Fabricæ* impenduntur, tam in novam ædificiorum constructionem, quam in antiquarum reparationem. Habetur Edictum *lib. 2. Edictorum Flandriæ pag. 37.*

V. Quod autem quarta aut tertia pars etiam decimarum olim Fabricæ deputaretur, æquum erat; quia, uti recte post Rebuffum in tractatu *De decimis quæst. 2. n. 4.* monet Peckius *ibid. num. 2.* decimæ non tantum sunt institutæ pro victu Ministrorum Ecclesiæ, aut propter pauperum & hospitum receptionem, aut Sacrificiorum oblationem; sed etiam propter *Fabricæ* Ecclesiæ constructionem & tuitionem.

Deinde subjicit Peckius: "Et quamvis hodie distributio illa antiqui juris, in omnibus non servetur; illud tamen & jure & consuetudine receptum est, ut hoc onus prædictis redditibus, proventibus & decimis annexum, eum sequatur, qui eorum usum, fructum, perceptionem, & commoditatem habet. . . Utique proventus, redditus & decimæ ejusmodi, cum onere reparationis, ad eum qui percipit & fruitur, transire debent. Quod ex *Can. PRISCIS, & Can. UNIO Caus. 10. q. 3.* satis confirmatur, ubi si Episcopus portiones Parochiarum percipiat, ad Ecclesiæ reparationem obligatur.

VI. Unde & jam pridem cautum fuit, ut "quicumque Ecclesiasticum Beneficium habent, omnino adjuvent ad tecta Ecclesiæ restauranda, vel ipsas Ecclesias emendandas." Ita ex Concilio Moguntino anni 813. refertur in *cap. 1. §. De Ecclesiis ædificandis*; & eodem tempore in quodam Capitulari Caroli M. *cap. 24.* confirmatum legitur. Habetur *tomo 7. Concil. generalium col. 1289.*

Concilium quidem Moguntinum, uti & hoc Capitulare de Clericis aut Beneficiis Ecclesiasticis hic non loquuntur; sed de Laicis qui decimas aliæ bona Ecclesiæ jure *feudi* seu *Beneficii* tenebant; uti recte notavit & ostendit Gonzales, in notis ad dictum *cap. 1.* & non obscure innuit totus contextus Canonis Concilii Moguntini, uti refertur in prima Decretalium collectione apud Antonium Augustinum, ubi adduntur hæc verba (à Raymundo Decretalium Gregorii IX. collectore omiſſa) *et nonam & decimam reddant*, quæ non nisi ad Laicos decimas & bona ab Ecclesia jure *feudi* tenentes referri possunt.

VII. Interim ex hac Decretali concludunt omnes passim Interpretes, habentes Beneficium in Ecclesia, teneri ad ejus reparationem: quæ conclusio, quamvis ex citato Canone Moguntino, prout primitus editus fuit, deduci non posset, nihilominus aliis Canonibus, & naturali rationi consonat.

Canones enim passim ipsos Ecclesiæ Beneficiatos ad restorationem ipsius Ecclesiæ obstrictos declarant; rationi iustitiæque consonum judicantes, eos qui redditus ac proventus Ecclesiæ percipiunt, ad earum quoque restorationem teneri.

De destructis Ecclesiis, ut ab eis, qui eas possident, reædificentur, & si non sufficiant, à populo adjuventur; ait Synodus Romana sub Eugenio II. *Can. 25.*

Et generaliter Synodus Tullensis *parte 2. cap. 11.* Ut Ecclesiæ sarciantur, vel restaurentur ab iis, qui rebus earum utuntur, aut ab unoquoque tale ex earum familia præbeatur adjutorium, per quod si fieri potest, reædificentur.

VIII. His conformis est dispositio Concilii Tridentini *Sess. 21. cap. 7. De Reformat.* qua decernitur, Episcopi "Ecclesias Parochiales collapsas restaurari procurant ex fructibus & proventibus quibuscumque ad easdem Ecclesias quomodocumque pertinentibus: Qui si non fuerint sufficientes (ait) omnes Patronos, & alios, qui fructus aliquos ex dictis Ecclesiis provenientes percipiunt. . . ad prædicta cogant.

Edictum quoque Principum nostrorum ante citatum expresse vult, ut contribuant ad reparationem Ecclesiarum, qui Beneficia in iis Ecclesiis possident; idque, ait, *juxta juris communis dispositionem.*

IX. Jus commune Beneficiatos ad Ecclesiarum restorationem adstringit, inspecta ipsa fructuum portione, quam ab Ecclesia percipiunt: "Æquum enim est (ait) Peckius *cap. 20.*) eum qui lucrum sentit, onus quoque sentire.

Adhæc jus commune ea conditione Beneficiatos ad restorationem Ecclesiæ obligat, *si eis superſit*; quemadmodum respondit Alexander III. in *cap. 4. §. De Ecclesiis ædificandis*: "De his, qui Parochiales Ecclesias habent, duximus respondendum, quod ad reparationem

nem



„ nem & institutionem Ecclesiarum cogi debent, cum  
„ opus fuerit, de bogis, quæ sunt ipsius Ecclesiæ, si  
„ eis *superfint*, conferre, ut eorum exemplo cæteri in-  
„ vitentur.

„ X. Hinc communiter concluditur, & in praxi serva-  
tur, quod Parochi qui nullas decimas habent, sed sola  
Pastorali competentia contenti sunt, ad Ecclesiarum re-  
parationem non teneantur; eo quod nihil eis ex bonis  
Ecclesiæ superesse credatur: quandoquidem *competen-  
tia* honestæ Parochi sustentationi commensurata suppo-  
natur.

„ XI. Sed quia Beneficiati ad reparationem Ecclesiarum  
vocantur ratione proventuum, quos ab Ecclesia reci-  
piunt, hinc Monasteria, Capitula, & alii ad quos deci-  
mæ & proventus Ecclesiarum sunt devoluti, quamvis  
Beneficia Ecclesiastica vere non habeant in iis Ecclesiis,  
ad earum tamen restaurationem ratione perceptionis  
dictorum proventuum, vocantur.

„ Synodus habita circa annum 1279. ab Archiepiscopo  
Rothomagensi ejusque Suffraganeis apud Pontem Audomari, *cap. 8.* ait: „ Statuimus etiam ut Abbates, Prio-  
„ res, & aliæ Ecclesiasticæ Personæ, quæ percipiunt  
„ majores decimas in Parochialibus Ecclesiis, compul-  
„ lantur ad *restaurandam* fabricam, libros & ornamen-  
„ ta, provata quam percipiunt in eisdem.

„ XII. Synodus P. I. Cameracensis titulo *De Decimis*  
*cap. 8.* vult, ut „ in Ecclesiis, quarum instaurari ac refi-  
„ ci Chorus eorum sumptu debet, qui decimas capiunt,  
„ omnes Ecclesiastici qui easdem decimas obtinent,  
„ etiam si Patroni non sint, ex proportionem decimarum  
„ quas recipiunt, pro sua quisque proportionem confe-  
„ rat; sive instaurari tantum iidem Chori debeant, sive  
„ de integro ædificari.

„ Hoc Decretum quoad concurrentiam in reparatione  
Ecclesiarum omnium generatim Decimatorum servata  
proportionem perceptionis, renovatum rursus fuit in  
Synodo P. II. titulo 14. *cap. 12.* additque: „ prædictum  
„ Decretum ad omnes infra limites Parochiæ decimas  
„ possidentes, prout juris est & rationis, extendatur;  
„ ubi nimirum integri Chori reparatio ad eos qui deci-  
„ mas possident, pertinet.

„ XIII. Similiter Edictum Principum nostrorum  
vult, ut proventibus Fabricæ, & iis quæ in eum finem  
per Aduos in Ecclesiis rusticis sub Officio Divino  
colliguntur, aut in Gazophilacium ad id in templo po-  
situm à Fidelibus conjecta sunt, haud sufficientibus,  
subsidiū sumatur ab *omnibus* decimis in manu mortua  
existentibus, sive liberis ad naturam primigeniam re-  
versis, sive adhuc feudali vel alio nexu adstrictis, sive in  
manu laicali adhuc existentibus, quæ tamendoceri pos-  
sint ab Ecclesia esse profectæ post Concilium magnum  
Lateranense sub Alexandro III. anno 1179. celebra-  
tum.

„ In Gallia quoque Decimatores ad reparationem &  
instauracionem Ecclesiarum condemnantur, quemad-  
modum videri potest apud Brodæum in noris ad Louë-  
tium *lit. R. num. 50.* & novissime ostendit Michael du  
Perray Advocatus in Parlamento Parisiensi in tractatu  
*De Portionibus congruis, &c. parte 2. cap. 28.*

„ XIV. Verum sicuti olim non nisi tertia aut quarta  
proventuum Ecclesiasticorum pars solebat cedere Fabri-  
cæ; ita & hodie solet ea moderatio circa Decimatores  
servari, ut non nisi certam portionem decimarum con-  
tribuere teneantur; ne alias contingat ob Ecclesiarum  
ruinas, ipsos decimarum possessores subito & inopinato  
ad egestatem deduci.

„ Et quidem sæpius citatum Edictum nostrum, deci-  
mas in subsidium accipi vult ea moderatione, ut per  
annos sex triens illarum contributioni subiciatur, sive  
integre decimæ duorum annorum in restaurationem Ec-  
clesiæ cedant spatio sex annorum, id est, singulis annis  
„ triens omnium decimarum: verba Edicti Gallice ita ha-  
bent: *Requerant y être par eux employé le revenu entier  
de deux années, à payer en six années également; sça-*

*voir, à chaque des six années une tierce du revenu  
annuel.* Id est, Requirentes, ut ad eum finem quolibet  
sexennio per eos æqualiter impendantur redditus duo-  
rum annorum, videlicet tertia annui redditus pars, in  
singulos sexennii annos adæquata.

„ Nequaquam obſcurum est, quod *æqualitas*, quam  
servatam vult Edictum, non sit referenda ad æquali-  
tatem portionum annuarum, quas ex decimis varii Deci-  
matores habent inter se; sed ad æqualitatem *trientis*  
in singulos annos ex decimis in reparationem Ecclesia-  
rum impendendi; hoc est, ut singulis annis habeatur  
triens omnium decimarum quæ iis annis colliguntur,  
uti recte notavit Zypæus in Jure novo, *tit. De Ecclesiis  
ædificandis, num. 9.*

„ XV. In Gallia quoque in hac contributione circa deci-  
mas solet plerumque ea servari moderatio, ut non nisi  
tertia pars adjudicetur; quemadmodum in summis Gal-  
liarum Prætoriis sedulo observari ex Joanne Papone &  
Guillelmo Benedicte refert Peckius, *cap. 14.* & affir-  
mat Joannes Tournetius in sua Arretorum collectio-  
ne, *lit. R. cap. 14.* ita sæpius judicatum; ac signanter  
18. Decembris 1616. infirmata sententia, qua Incolis  
adjudicata fuerat *medietas* decimarum impendenda in  
reparationem Ecclesiæ.

„ XVI. Hæc autem decimarum portio intelligi debet  
deducto omni alio onere, uti ibidem Tournetius. Et  
Zypæus loco citato agens de triente decimarum per  
Edictum contributioni subiecto, ait *num. 6.* „ Defalcen-  
„ da autem est Canonica portio, quæ Pastori ex decimis  
„ solvitur similique onera atque ex residuo tantum  
„ triens in Ecclesiæ reparationem exigipotest: Prov n-  
„ tus enim, bona, & fructus censentur ii, qui deductis  
„ oneribus superflunt.

„ Testatur idem Zypæus, *Consult. 2. de Ecclesiis ædifi-  
candis, num. 27.* declarasse aliquando Sanctam Con-  
gregationem sub his fructibus reparandæ Ecclesiæ ibi  
affectis, non comprehendi, quæ Parocho pro victu sunt  
necessaria.

„ XVII. Sicuti competentia Pastoralis ex decimis af-  
signanda proprie, & primario tantum concernit Paro-  
chum & Parochiam; atque ita in ejus determinatione  
hoc providendum, ut illud assignetur, quod *Reſtoris  
ac Parochiæ necessitati decenter sufficiat*, ut loqui-  
tur Synodus Tridentina, *Sess. 24. cap. 13. De Reformat.* ita quoque onus reparationis Decimatoribus inje-  
ctum, tantum concernit Ecclesiam ipsam *Parochialem*,  
sive eam in qua *de jure* Parochiali Divinum Officium au-  
dire, & Sacramenta suscipere tenentur; quia, ait Wa-  
mefius Consilio Canonico *511. num. 8.* ut decima jure  
communi pertinet ad Parochum, *cap. Cum con-  
tingat & De decimis*: ita soli Parochiali Ecclesiæ  
deservire debet, non Capellis, veluti inde deductis  
colonis.

„ XVIII. Similiter Peckius in citato tractatu *cap. 24.*  
inquirens, qui teneantur ad reparationem Capellæ,  
recte advertit, quod Rustici ad quorum commoditatem  
Capella fundata est, se queant ab onere eam reparandi  
eximere, si velint usu illius carere, & ad Ecclesiam Pa-  
rochialem potius accedere, quam Capellæ reparandæ  
impensas ferre. „ Licet enim Parochiani, ut Ecclesiæ  
„ Parochialis reſectionem evitent, illi renuntiare, &  
„ in Parochia nihilominus manere, non possunt; in  
„ Capella tamen alio jure utendum videtur: quia Pa-  
„ rochiani ab ea recedentes, ad matrem suam redeunt,  
„ primævum suum statum, vel veterem conditionem  
„ reassumunt, nullique plane in suo jure præjudicant,  
„ aut detrimentum adferunt.

„ Post hæc subjungit: „ Quod si nec Parochiani, nec  
„ Patroni Capellam reparare velint, aut ob paupertate-  
„ tem nequeant, eam juxta Decretum Concilii Triden-  
„ tini, *Sess. 21. cap. 7. De Reformat.* transferendam  
„ esse: Evidenter declarans Decimatores nullatenus ad  
earum reparationem teneri.

„ XIX. Addit deinde hanc cautionem: „ At si ejus-  
„ modi

„ modi Capella ex justa causa Superiorem movente  
 „ erecta & constructa sit, forte ut periculum animarum,  
 „ quod evenire posset, Ecclesia Parochiali nimium dis-  
 „ stante, evitetur, eo casu non puto renuntiationem  
 „ Parochianorum quidquam operari, sed è contra non  
 „ obstante illa, ipsos pro præterito tempore antequam  
 „ inde recedere velint, si facultates ipsis sufficiant,  
 „ contribuere debere.

Imo non dubium, quod nonnunquam ipsi Decima-  
 tores ad reparationem hujusmodi Capellæ essent pro  
 parte saltem aliqua vocandi. Si enim Decimatores non  
 tantum ad sustentationem Parochi; sed & aliorum Sa-  
 cerdotum, qui pro administrandis Sacramentis & in-  
 structione populi sunt necessarii, debeant ex decimis  
 contribuere: (ut infra titulo *De Portione congrua*,  
 ostendetur) quidni urgeri possint ad instaurationem non  
 tantum Ecclesiæ Parochialis, sed etiam Capellæ, ob  
 distantiam à Parochiali Ecclesia, populo necessaria? Præsertim cum decimæ totius Parochiæ jure communi  
 censeantur ad Ecclesiam Parochialem pertinere; ideo-  
 que juxta cap. 3. §. *De Ecclesiis ædificandis*, nova Ec-  
 clesiæ seu Capellæ ex his decimis eo titulo videatur ædi-  
 ficanda & restauranda.

XX. Ulterius, restauratio à Decimatoribus, aliisque  
 quibus incumbit, ita exigenda, ut necessitati & ho-  
 nestæ populi commoditati Ecclesia sufficere possit: at  
 ea quæ ornatum potius quam necessitatem & honestam  
 commoditatem spectat, requiri non potest. Unde Zypæus  
 in Jure novo titulo *De Ecclesiis ædificandis*, mo-  
 net, Edictum Principum nostrorum, ad necessarias  
 „ Templi, id est, substantialium partium, tecti, parie-  
 „ tum, chori, vel navis, ut loquitur, &c. reparatio-  
 „ nes restringendum esse, non vero ad ornatum inte-  
 „ riorem extendendum: ut aliquid materiæ relinqua-  
 „ tur devotioni aliorum.

XXI. Verum uti in determinanda Parochorum com-  
 petentia non avara manu procedendum; atque ipsius  
 Parochiæ amplitudo, nec non decimarum quantitas,  
 aliæque consideranda; ita quoque in reparandis Eccle-  
 siis justum ac æquum esse censet Peckius cap. 1. „ si  
 „ expensis ac ponderatis Ecclesiarum qualitatibus, fru-  
 „ ctibus, emolumentis & conditionibus, ad boni æqui-  
 „ que judicis arbitrium hoc totum referatur..... Et  
 „ cum (ait) aliquando in supremis Galliarum Præto-  
 „ riis, quæ vulgus Parlamenta appellat, similis quæstio  
 „ de reparatione Ecclesiarum incidisset, præcedente  
 „ cognitione, missisque, qui Ecclesias visitarent, Com-  
 „ missariis, ita res temperata & tractata fuit, ut pro  
 „ ratione proventuum & circumstantiarum, ea resectio  
 „ publico Senatus Decreto decerneretur; teste Joanne  
 „ Papone in libro *De Arrestis Gallicis*, lib. 1. tit. 1.,  
 Hæc Peckius.

XXII. Ut in hac reparatione non nimium graven-  
 tur Decimatores, aliique quibus onus reparandi in-  
 cumbit; & omnia minore, quo potest, sumptu fiant,  
 statuit Principum nostrorum sæpius citatum Edictum;  
 „ quod nihil poterunt statuere Ædiles sine iis quorum  
 „ interest: quodque sine eorum consensu vetus forma  
 „ non mutabitur; sed inibitur ratio magis conveniens,  
 „ vocatis in Consilium peritis, & minus sumptuosa.  
 „ Edent etiam Ædiles computus suos iis, qui perci-  
 „ pient decimas, ut videant an bene administrantur,  
 „ & quantum desideretur.

XXIII. Ubi autem hæc assignata ad reparatio-  
 nem Ecclesiæ non sufficiunt, vult Synodus Tridentina  
 citato cap. 7. „ ut in illorum defectum Parochianos om-  
 „ nibus remediis opportunis ad prædicta Episcopi co-  
 „ gant; quæcumque appellatione, exemptione, & con-  
 „ traditione remota.

Verum dum de promulgatione Concilii Tridentini  
 hic in Belgio tractaretur, ad hunc articulum notatum  
 fuit à Consiliis Regiis, „ populum ad contributiones  
 „ pro ædificandis Ecclesiis, sine auctoritate Judicis se-  
 „ cularis construngi non posse.

Hinc in Edicto Principum nostrorum dicitur: „ ubi  
 „ hæc non sufficiunt, ex indulgu Principali, transibi-  
 „ tur ad collectam & capitationem eorum, qui in ea  
 „ Ecclesia alimenta spiritualia recipiant.

XXIV. Porro Edictum satis insinuat, eo casu colle-  
 ctam illam instituendam inter eos, qui revera sunt Pa-  
 rochiani istius Ecclesiæ; sive qui in ea Ecclesia alimenta  
 spiritualia percipiunt; quod & juri communi & justitiæ  
 consonum esse ostendit Peckius cap. 10. una ostendens,  
 quod hæc collecta personis ibidem habitantibus, Eccle-  
 sia utentibus, & Sacramenta sua ibidem accipientibus,  
 pro modo & ratione rerum suarum imponenda sit. Dein,  
 cap. 11. ex hoc fundamento inferit, quod Forensibus  
 ratione bonorum quæ in locis possident, collecta pro  
 reparatione Ecclesiæ imponi nequeat, „ quia (ait) hoc  
 „ onus non est onus mere reale, sed mixtum; & im-  
 „ ponitur personis principaliter, licet fiat taxatio ref-  
 „ pectu rerum.

Eodem fundamento passim ubique receptum est, ut  
 ubi alii sunt termini Parochiarum quoad Jurisdic-  
 tionem Ecclesiasticam, & alii quoad Jurisdictionem ci-  
 vilem, pro reparatione Ecclesiarum collectentur omnes,  
 qui sunt intra terminos Parochiarum quoad Jurisdic-  
 tionem Ecclesiasticam; id est, qui subsunt quoad spi-  
 ritualia istis Ecclesiis Parochialibus; licet in civilibus  
 Jurisdictioni alterius Parochiæ sint subjecti; uti refert  
 Zypæus, Consult. 1. *De Magistris*.

XXV. Hactenus dicta fere procedunt, ubi consue-  
 tudo aut particularis contractus, vel concordatum  
 aliam in facienda reparatione legem non dedit; hæc  
 enim si probari queat, servanda erit; ea vero cessante,  
 demum ad jus commune, vel generales Patriæ leges  
 recurrendum.

XXVI. Et quidem teste Zypæo, in reparandis Ec-  
 clesiis fere passim consuetudo ad populum Navis repa-  
 rationem transtulit; testaturque ita judicasse Consilium  
 Brabantiae pro Capitulo Antverpiensi, contra Ihecolæ  
 De Conteca, anno 1602. additque: „ Ex ita habet ge-  
 „ neralis consuetudo locorum, quæ nunc & olim sub  
 „ Diocesi Cameracensi fuerunt.

Similiter in Gallia usu receptum, & Arrestorum  
 auctoritate sæpius confirmatum est, Parochianos teneri  
 ad reparationem Navis, Decimatores vero ad reparatio-  
 nem Chori. Uti videri potest apud Julianum Brodæum  
 in notis ad Louetium, lit. R. num. 50 qui & ratio-  
 nem subjicit, quia Chorus Ecclesiæ est proprie locus  
 Cleri; Navis vero, laicorum; quibus multis sæculis  
 ingredi Chorum illicitum fuit. Recentiora Parlamento-  
 rum Arresta eandem distinctionem inter onus reparan-  
 di Navim Ecclesiæ, & ejusdem Chorom confirmantia,  
 recitat Michael du Perray in citato tractatu *De portione  
 congrua*, cap. 28. (a)

XXVII. Navim Ecclesiæ esse, ait Peckius, cap. 1.  
 n. 3. eam corporis Ecclesiæ partem, quæ extra cancel-  
 lum est, & in qua Parochiani sedent.

Monet tamen ibidem: „ Non totam quidem illam  
 „ partem, Navim Ecclesiæ appellamus, quæ extra can-  
 „ cellos est, sed eam tantum, quæ in medio templi,  
 „ columnis, parietibus, fenestris & tecto constat ac  
 „ sustinetur: sic ut appellatione Navis, appendices &  
 „ Capellæ Ecclesiarum, in quibus malo & improbo  
 „ exemplo plerique ambulare solent, non contineantur,  
 „ etiam si uno eodemque tempore ac opere Navim Eccle-  
 „ siæ adjungantur, ipsæque Navis sine his non aliter,  
 „ quam avis sine alis constare queat. Id quod nuper,  
 „ ex informatione, quam in causa super ea re contro-  
 „ versa accepi, & in qua deinde sententiam dictavi,  
 „ consuetudine & antiqua interpretatione receptum esse  
 „ plenissime cognovi.

(a) Ut certo innotescat, quinam in Galliis teneantur ad Ec-  
 clesias reparandas, legendum primo est Edictum Melodunense  
 art. 9. addenda erit declaratio quæ 18. Februarii an. 1661. data  
 est; tandem consulere non pigeat Diarium Audientiarum t. 1. ubi  
 reperitur Arrestum 12. Decembris an. 1623. pronuntiatum.

Hæc ille, occasione Recordiarum five Concordatorum Leodiensium, quorum ibi meminit; asseritque vi illorum subinde ipsius *Navis* reparationem rejici ad illum, qui decimas percipit. Unde etiam Zypæus postquam dixit, Parochianos in Diœcesi Cameracensi ex consuetudine recepta teneri ad reparationem *Navis* Ecclesiæ, addit; *Quamvis Recordia Leodiensis rigorosius cum decimis agat.*

Hoc casu *Navis* secundum descriptionem Peckii merito accipienda est. Cum enim laterales Capellæ & appendices magis ad ornatum quam ad necessitatem spectare soleant; æquum non est, earum ædificatione aut reparatione Decimatores gravare; sed si eas ad suam commoditatem, aut majorem suæ Ecclesiæ ornatum desiderant Parochiani, eorum pietati hoc relinquendum.

XXVIII. Eadem forsitan ratione hîc receptum est, Decimatores non teneri ad exstructionem aut reparationem *turris*, & ad ejus reparationem (ait Zypæus) neque ante, neque post Ediçtum scio aliquem Decimatorem condemnatum. Turris enim, præcipue elatior, magis ad ornatum, quam ad necessitatem est.

XXIX. Sed quid de *campanis*? Ecclesiæ Parochialem posse plures habere campanas, optasseque Sanctum Carolum, ut in omnibus Ecclesiis Parochialibus haberentur ad minus duæ, *part. 2. sect. 1. tit. 5. cap. 2. num. 13.* tamen quia usus præcipuus campanæ is est, ut per ejus pulsû ad Divina Officia populus vocetur, consuetudine passim receptum est, quod Decimatores ad unius tantum campanæ reparationem teneantur, & ad eam necessariarum trabium. Testatur quoque Peckius *cap. 13.* quod Concordata seu recordiæ Leodienses "Prælatum, cui onus reparationis incumbit, ad unius tantum campanæ, quam *Bannalem* vulgò appellant, intertentionem adstringant: eamque (ait) ejusmodi esse volunt Interpretes, ut facili in eo loco exaudiri queat.

XXX. Ratio, quæ multis locis Decimatores obligat ad reparationem Chori, eadem quoque induxisse videtur, ut passim constringantur Decimatores, suppeditare necessaria ornamenta pro celebratione Divini Officii, quemadmodum advertit Brodæus loco citato, ibidem plurima in hanc rem Arresta Parliamentorum proferens.

Et sanè jam pridem in Synodo Metensi, anno 888. *Can. 2.* statutum fuit, ut "qui decimas percipit, eas accipiat in sui sustentationem, & ad luminaria concinnanda, & Basilicæ ædificia, vestimenta quoque Sacerdotalia; & cætera utensilia suo ministerio congrua obtinenda.

XXXI. Advertit Peckius *cap. 13.* quod in Recordiis Leodiensibus ornamentorum intertento & subministratio Decimatoribus quoque injungatur, & tametsi *casulae, calicis, & vestimenti*, in numero *singulari* fiat mentio, plerique nihilominus arbitrati sint, quod locutio illa *singularis*, etiam pluralitatem in eodem genere in se contineat, si pluribus Ecclesia indigeat.

Deinde *num. 6.* ait: Quod si inter eos, qui Ecclesiæ præfunt, & eum, ad quem onus reparationis pertinet, de modo & qualitate istiusmodi vestium & ornamentorum quæstio exsurgat, utique ratio habenda est qualitatum Ecclesiæ & ipsius facultatum, ut secundum quod abundat facultatibus sic meliora & pretiosiora habeat ornamenta.

Cum ergo ex varietate Ecclesiarum sint determinanda, merito ibidem probat sententiam cujusdam Guillelmi, qui hoc totum arbitrio judicis relinquit; & voluptarias impensas excludit.

XXXII. Cæterum, operandum esset, ut Abbates & Monasteria decimas possidentia; eoque titulo ad reparationem Ecclesiarum, & suppeditationem ornamentorum obligata, & quorum Ecclesiæ claustrales sæpè argento & auro fulgent, & interim Ecclesiis Parochialibus vix de ornamentis ad peragendum honestè Divi-

num Officium provident, attenderent illud Sancti Bernardi in Apologia ad Guillelmum Abbatem *cap. 11.* "Dicite, pauperes, si tamen pauperes, in sancto quid facit aurum? Et quidem alia causa est Episcoporum, alia Monachorum. Scimus namque, quod illi sapientibus & insipientibus debitores cum sint, carnalis populi devotionem, quia spiritualibus non possunt, corporalibus excitant ornamentis. Nos verò, qui jam de populo exivimus, qui mundi quæque pretiosa ac speciosa pro Christo reliquimus, qui omnia pulchrè lucentia, canore mulcentia, suavolentia, dulces sapientia, tactu placentia, cuncta denique oblectamenta corporea arbitrati sumus ut stercore, ut Christum lucrifaciamus: quorum, quæso, in his devotionem excitare intendimus? Quem, inquam, ex his fructum requirimus? Stultorum admirationem, an simplicium oblectationem? An quoniam commixti sumus inter Gentes, fortè didicimus opera eorum, & servimus adhuc sculptilibus eorum?

XXXIII. Ediçtum Principum nostrorum clausilem hanc finalem subjicit: "Et si casus occurrat hîc non decus, recurratur ad Principem, aut ejus Consilium, ut amicebilitè, aut alioquin summarè & sine strepitu transigatur.

Quamvis Canones passim Episcopis injungant curam reparandarum Ecclesiarum, illisque specialiter mandent, ut Parochiales Ecclesias, etiamsi Juris Patronatus sint, collapsas instaurari procurent, nihilominus ex consuetudine generali passim ferè obtinente etiam coram laico iudice; hoc est in his Belgii regionibus, in auditorio Principis, seu Provincialibus ejus Consiliis agi potest, ait Wamensis *Consilio Canonico 522. num. 2.*

Et in Gallia frequenter judicatum refert ex Aufserio Peckius *cap. 28.* per plura Arresta, quod Parlamentum Regium de Ecclesiarum reparationibus cognoscere possit; pronuntiarumque contra Episcopos jurisdictionem Parliamentorum in hac materia declinare volentes. Et plurima extant in Consilio Brabantiae (ait) adversus diversos Prælatos super eadem reparatione, ad instantiam incolarum loci, in quo ea Ecclesia sita est, pronuntiata Decreta; quod notorium est, soletque ea coactio de reparandis Ecclesiis per Commissarios Regios fieri, solâ expensâ sine alio salario contentos.

Quinimò cum hîc de publicatione Concilii Tridentini ageretur, nonnulli è Ministris Regiis monuerunt ad citatum *cap. 7.* "totam hanc auctoritatem de Ecclesiis restaurandis ab antiquo ad Curiam Provinciale pertinuisset.

Et notoria ac quotidiana praxis habet, quod passim in hisce ac vicinis provinciis quæstiones refectionem Ecclesiarum spectantes in Consilio Regis Provincialibus tractentur.

Cum enim ejusmodi cognitio tantum respiciat proventus, & fructus bonorum Ecclesiæ, qui proveniunt ex temporalibus, super quibus Rex potest facere Ordinationes, quæ in suo foro servantur, caret fundamento, eam Regi negare velle, ut ex Chassanæo notat Peckius *cap. 28. num. 4.*

## CAPUT VII.

De expensis ad reparationes Ecclesiarum peragendas iterum quæstio perpenditur.

1. *Præteritæ seculis Ecclesiarum resectio fiebat ex liberalitate cujuslibet Christiani.*
2. *Constantinus Magnus jussit, ut pecunia fiscalis in hanc causam converteretur.*
3. *Observationes in eam Imperat. agendi rationem.*
4. *Veterum principum liberalitas eorum successores non obligavit.*
5. *Quid de proventibus fabricæ in reparationem Ecclesiarum*



fiarum impendendis statuat Edictum principum Belgarum.

6. Circumstantia, in qua Decimatores possunt petere, ut fabrica computus sibi exhibeantur.
7. Decimatores extra Parochiam morantes ad expensas reparanda Ecclesiae necessariae cogi possunt.
8. Quid fieri debet, cum Decimatores de suis proventibus aliquid conferre recusant?
9. Monitum, cujus observatio expensas reparationum imminuet.
10. Quomodo & quando Decima in reparationem fabricae cedere debent?
11. Quandoque Decimatores ad reparationem turris Ecclesiae tenentur?
12. Quomodo qui campanam subministrant, ad turris reparationem tenentur?
13. Quid nomine Recordiarum Leodiensium intelligi debent?
14. In Brabantia, quae sit auctoritas harum Recordiarum & statutorum Archidiaconalium, signanter quoad onus reparanda turris?

I. PRIMIS seculis, cum pax Christianis restituta est, sollicitudo aedificandi & reficiendi Ecclesias non tam onus habebatur, quam pietatis eximia decus, & ad illud consequendum principes & subditi inter se decertabant. Non enim solum plures Ecclesiae noviter extructae sunt, sed destructae restitutae fuerunt: id testatur Eusebius l. 10. *hist. Ec. c. 2.* "Loca cuncta, quae tyrannorum impietas ante subruerat, tanquam ex diuturna ac pestifera labe reviviscebant, templaque nostra à solo in immensam altitudinem erigebantur & longe majori cultu & splendore, quam illa, quae prius expugnata fuerant, nitescebant operâ & divitiis Christianorum.

II. Ipse Constantinus Magnus iussit, ut pecunia publica seu fiscalis in hanc causam converteretur. Quippe lib. 2. c. vitæ Constantini, quam adornavit Eusebius, laudatur ejusdem principis lex, qua praefides provinciarum admonuit, "ne pecuniis largiendis parcerent, sed ut ex imperialibus thesauris sumptus ad aedium sacrarum extructionem depromerentur.

Evidentius id apparet ex epistola ejusd. principis ad Eusebium missa, quam iste auctor cap. 41. retulit. "Quotquot, ait Imperator, Ecclesiis, aut ipse praeses, aut alios in singulis locis praesidentes & Episcopos & Presbyteros, ac Diaconos nosti; cunctos admone, ut in opera Ecclesiarum omni studio ac diligentia incumbant, quo aut reparentur, quae adhuc manent, aut augeantur in majus, aut sicubi usus postulaverit, nova aedificentur. Quaecumque autem necessaria fuerint, ipse & reliqui alii tuo interventu tum à praesidibus provinciarum petent, tum ab officio praefecturae praeorianae.

III. Ex ea Epistola tres erui possunt observationes. 1. Supremam sollicitudinem pro reficiendis Ecclesiis sibi vendicant Imperatores. 2. Specialem nihilominus hanc curam Episcopis & Clericis committunt. 3. Ad hanc refectionem necessarios sumptos è suo penu fecerunt.

IV. Verum sicuti liberalitas Constantini M. in largiendis sumptibus, qui ad reparandas, aut aedificandas Ecclesias erant necessarij, successores hujus principis non absolute obligavit; ita hoc onus secundum regulas juris ab alijs, qui eo obstricti erant, ferendum fuit. De iis agendum est. (a)

V. Edictum Principum nostrorum de anno 1613. non tantum praecipit proventus fabricae in reparationem Ecclesiae impendi, sed insuper, ut in augmentum proventuum fabricae colligi deberent, signanter in Ec-

clesiis Ruralibus, elemosynae fidelium, easque per Parochos, & concionatores esse commendandas in sacris concionibus, figendumque truncum, in quem intrantium Ecclesiam & exeuntium Ecclesiam pie & liberales oblationes recipiantur.

Insuper & hoc notandum, si forsitan à Pastoribus primitivis vel percipientibus Decimas vigore Concordati, vel antiquae consuetudinis, aliquid annuè pro intertentione, seu conservatione Ecclesiae & ornamentorum Fabricae contribuat, illud solere cum reliquis Fabricae proventibus confundi, & adinstar aliorum Fabricae proventuum in ordinarias reparationes expendi, nullo ordine servato.

Quandoquidem igitur proventus Fabricae in reparationem Ecclesiae, nec non ornamentorum & utensilium, aliaque ad divinum cultum celebrandum necessaria impendi debeant, priusquam Decimatores, aut Beneficiati, in reparationem, aut subministrationem illorum contribuere debeant, non dubium, quin ipsi Decimatores & Beneficiati, alique, quibus onus reficiendi Ecclesias, aut subministrandi ornamenta, in defectum proventuum Fabricae incumbit, pro suo interesse intendere possint, ut hi proventus in conservationem fabricae & ornamentorum rite impendantur, neque in alios usus convertantur.

VI. Quin si ad reparationis expensas urgeantur, poterunt petere computus Fabricae sibi exhiberi, ut videant num proventus Fabricae sufficientes non sint, vel utrum alijs usibus in eorum praedictum non impendantur, prout & allegato Edicto Decimatoribus aliisque interesse habentibus permittitur.

VII. Ubi deficiunt fabricae proventus, possessores decimarum ad reparationem Ecclesiarum vocari debent, tametsi non sint earum Ecclesiarum Beneficiati.

Imò rectè observat Zypæus in notitia Juris Belgici tit. de sanctis Ecclesiis num. 11. quod Concilium Tridentinum obliget decimarum possessores ante Parochianos, etsi apud aliam Ecclesiam, cui assignatae sunt, resideant.

"Jure enim Parochiali (ait) proveniunt, etsi per uniones, seu incorporaciones alijs fuerint, assignatae notatque ibidem num. 10. quod in Diocesi Leodiensi soleat Episcopus vel Archidiaconus visitans, & Ecclesiam reparatione indigere reperiens, ordinare eam faciendam sumptu hujus illiusve decimarum possessoris: "Quod (ait Zypæus) videri potest facere, sicut Praetores visitantes vias, mox reparari jubent per possessores vicinorum agrorum.

VIII. Cum verò eo modo procedendo, inchoari videatur ab ipsa executione, monet Zypæus: vix in his partibus eum procedendi modum recipiendum, sed solere hic procedi via Arresti, injiciendo Arrestum in Decimas, aliave bona huic oneri subiecta, quorum possessores extra has ditiones degunt: idque ad fundandam contra eos jurisdictionem, illudque valde convenire menti Concilii Tridentini Sessioe 21. cap. 7. Credit Zypæus, dum primum cupit Ecclesias reparari per Laicos Patronos, & quoscumque proventus Ecclesiasticos possidentes, quacumque (inquit) appellatione, exemptione, & contradictione remotâ. (a)

(a) Eadem ferè in Gallijs observari debet Jurisprudentia: ut constat Declaratione quam Lud. XIV. die 18. Februarii an. 1661. promulgandam curavit: *Enjoignons, statuit Rex, aux Archevêques & Evêques de notre Royaume, & où ils seront légitimement empêchés, à leurs grand. Vicaires, de visiter incessamment les Eglises & Maisons Presbyterales de leurs Diocèses, & de pourvoir promptement... à ce qu'elles soient bien & dûment réparées, même lesdites Maisons Presbyterales bâties aux lieux, où il n'y en a pas, en sorte que le Service Divin y puisse être dûment & commodément fait & célébré, & les Curés & Vicaires convenablement logés même à ce que lesdites Eglises soient fournies d'ornemens, & d'autres choses nécessaires, pour la célébration du Service Divin: à quoi faire, ils feront contraindre les Décimateurs, Marguilliers, Paroissiens & autres, suivant qu'ils en peuvent être tenus, même les Curés, pour telle part & portion qu'il sera par eux arbitré, s'ils jugent que le revenu de leur Cure le puisse commodément porter; &*

Ceterum

(a) Quod num. 3. 2. 3. & 4. continetur, desumptum est ex Epistola, quam D. Van - Espen an. 1714. scripsit ad Parochum Villae Evri; quae Parisiis septem circiter Leucas distat.

Cæterum indubitatum est, quoddam si Episcopi, Archidiaconi, vel Archipresbyteri, Ecclesias Parochiales, vel domos Pastorales visitantes, reparationibus ordinariis & minutionibus seu receptis faciendis sollicitè intenderent, frequenter contingeret exiguis sumptibus Ecclesias domosque Pastorales factas rectas conservandas, quæ aliàs defectu similium reparationum postmodum in notabilem ruinam decidunt; occasione cujus plures postmodum difficultates super earum reparatione, aut instauratione oriuntur.

X. Dictum est *num. 14. cap. præcedent.* quoddam Ecclesiarum & Domuum pastoralium refectioni singulis annis triens omnium decimarum destinari debeat. Quoddam si ea summa à Decimatoribus separatim asservaretur, non ita gravatè concederent expensas, quæ ab iis exiguntur, ubi reparationes Ecclesiarum fieri debent.

Trientem decimarum, de quo assertum est in *Edicto anni 1613.* computandum esse detractis oneribus, quibus decimæ sunt obnoxie, *cap. præced. n. 16.* notatum est; & ita sæpius judicatum refert Laury in sua Arrestorum collectione, *Arresto 40.*

Notat etiam ibidem, Decimatores non defungi abdicatione decimarum facta conformiter ad præscriptum *Edicti*, in reparationem Ecclesiæ, si eam *post factam reparationem* rursus in ruinam cadere contingerit; sed Decimatores iteratò teneri cedere trientem decimarum conformiter ad præscriptum *Edicti* in hanc novam re-  
staurationem.

Verum si Decimatores in restaurationem Ecclesiæ duorum annorum decimas juxta tenorem *Edicti*, contulissent; sed Parochiani partem duntaxat Ecclesiæ restaurassent, atque integram eam decimarum portionem in hujus partis instaurationem impendissent, ut se interim ab impensis restaurationis eximerent, non possent postmodum Decimatores obligare ad iteratam decimarum abdicationem, in restaurationem partis Ecclesiæ, quam ipsi irreparatam permiserunt: eò quoddam *Edictum* obligare non videatur Decimatores, nisi ad unicam decimarum abdicationem in restaurationem totius Ecclesiæ, sive Fabricæ collapsæ, & ita judicatum in Parlamento Mechliniensi 23. Februarii 1685. ibidem refertur.

XI. Gravior occurrit difficultas circa turris reparationem, de qua *num. 28. cap. præced.* mentio brevior, quam par est, facta fuit. Illud imprimis notandum, quoddam ubi ex consuetudine, quemadmodum in patria Leodienfi passim obtinuit, Decimatores tenentur ad reparationem navis, etiam teneantur ad reparationem turris, si hæc sit pars ipsius navis, sive incumbat parietibus ipsius navis; quemadmodum in *Recordiis* Leodienfibus passim notatur: modò tamen non agatur de turri clario-  
ri, quæ magis ad venustatem, quam ad necessitatem spectat.

Simili ratione, alibi obtinet, ut ad reparationem turris, quæ ipsi choro Ecclesiæ adhæret, vocentur, qui ad ipsius chori reparationem obligantur.

XII. Denique juri communi conforme est, ut Decimatores, qui campanam subministrare tenentur, cujus sonitu Parochiani ad Divinum Officium vocari debent, etiam obligentur eatenus ad extructionem, vel restaurationem turris, in quantum hæc necessaria est, ut campana per totum Parochiæ districtum audiri queat.

XIII. Cæterum sciendum *Recordias* Leodienfes, de quibus loquitur Peckius in *Opusculo de ædificandis & reparandis Ecclesiis*, & quarum meminimus, *cap. præced. num. 27.* quæque ad Parochianos restaurationem turris rejicere videntur, esse privatas Decani, sive Archipresbyteri Ruralis, & Pastorum sui decanatus sive

districtus simul Congregatorum attestaciones: quoddam recordentur hoc vel illud in suo Decanatu fuisse semper observatum.

Unde & hic in judiciis, nonnisi pro privatis instrumentis, & probationibus reputantur, ut de his *Recordiis*, prout & de Statutis Archidiaconatus Hasbanie & Condruſii, occasione cujusdam litis, super restauratione turris inter incolas, & Decimatores in Supremo Brabantie Consilio motæ, se observasse, mihi indicavit Amplissimus quidam ejusdem Consilii Assessor, ita ad me scribens: "Sanè vix est, ut quoad restaurationem turrium, certi quid hisce in partibus definiri queat, sive agatur de Ecclesiis quondam Episcopatu Leodienſi, sive de eis, quæ Cameracensi Diocesi fuerunt subjectæ."

"Circumferuntur quidem Statuta Archidiaconalia Hasbanie & Condruſii; item *Recordia* plures Decanatum Geldonæ, Fleurnacensis, Gemblacensis, alique; sed nec illas, prout jacent, apud nos admitti in judiciis simpliciter, adverti & observavi, licet iis majorem quàm habent, habere possint, aut debent, errans Peckius de reparandis & restaurandis Ecclesiis auctoritatem attribuere videatur."

"Nisi enim usus aut rerum judicatarum auctoritas, Statutis aut *Recordiis* conformis sit, minoris Ordinis apud nos habentur."

"Statuta enim Archidiaconalia, cum exteræ auctoritatis, & judicis sint, subditos nostros ligare nequeunt; & ut possint, *Placetum* Senatûs Principem representantis omninò necessarium est secundum *Edictum* Philippi II. anni 1571. citatum per Stockmans in libello, quem super jure Placeti conscripsit. "Recordiæ verò, cum tantum sint declarationes extrajudiciales Curatorum, & Pastorum, nullâ publicâ Principis auctoritate ad legem condendam munitorum, nec ad hoc qualificatorum, ut circa facti quæstiones, declarationes conficiant, quæ fidem in judiciis faciant, pro privatis scriptis reputandæ sunt."

"Quin nec alio jure à Principibus nostris Alberto & Isabella in *Edicto* suo de anno 1613. super restaurationibus reparationibusque Ecclesiarum, Principumque nostrorum Commissario, & ab iis, quos Ecclesiastica auctoritas pro Conferentia nominaverat, habita fuerunt, ut *Edictum* illud apertè manifestat."

"Si enim per dispositionem Statutorum Archidiaconalium, ut & per *Recordias* difficultates in hac materia se offerentes sopiri & decidi debuissent: si eæ vim auctoritatemque legis habere debuissent, illud ipsum in dicto *Edicto* specialiter expressum notatumque fuisset, dixissentque Principes optimi; primò more antiquo, & concordis specialibus, postea Statutis Archidiaconalibus, utrique deficientibus, *Recordiis*, locorum lites & jurgia decidenda & componenda."

Deinde verò quarto loco, ex redditibus Fabricarum, & per alia media dicto *Edicto* proposita, restaurationes ac reparationes fieri debere.

"Cum verò nec de Statutis istis, nec de *Recordiis* ibidem mentio fiat, nec iis auctoritas ulla tribuatur, manifestum evadit, Principes ad statuta ejusmodi vel ad *Recordias*, nec attendisse, nec per judices attendi voluisse, nisi quatenus more antiquo, aut concordis approbata, & ad vim alligandi elevata forent."

Hæc hic apponenda judicavi, ut, incidente in hac materia quæstione, intelligeretur, non nimium vel Statutis dictorum Archidiaconatum, aut *Recordiis* esse sciendum, aut inhærendum, in locis in Ducatu Brabantie consistentibus, licet ea ante erectionem novorum Episcopatum fuerint de Diocesi Leodienſi, vel etiam de eadem Diocesi in spiritualibus remanserint: sed potiùs attendendum sit ad *Edicta* Principum nostrorum, vel ad receptam in hoc Ducatu consuetudinem.

ce, par toutes voies d'ice & raisonnables, & par saisies de leurs biens & revenus: Et seront les Ordonnances rendues pour raison de ce, par lesd. Archevêques & Evêques, leurs grands Vicaires & Officiers, exécuteurs, non obstant oppositions ou appellations quelconques, & sans préjudice d'icelles.

## TITULUS II.

## DE CELEBRATIONE FESTORUM.

## CAPUT I.

## De Institutione, &amp; varia Specie Festorum.

1. Celebratio Festorum ex traditione Apostolica.
2. Tempore Augustini Festum Natalis Domini celebratum; non tamen numeratum inter Festa ex traditione Apostolica descendencia.
3. Festa Martyrum primis seculis quomodo celebrata?
4. Prius celebratum Festum S. Joannis Baptiste, quam singulorum Apostolorum; & quare?
5. Festum Annuntiationis Divae Virginis seculo VII. erat receptum.
6. Hoc Festum non semper eodem die celebrabatur; quod corrigat Synodus Toletana X.
7. Unde mobilitas illius Festi provenit.
8. Festum hoc aequali cum Festo Nativitatis Dominicae veneratione celebratum.
9. Festum hoc propriè erat Festum Incarnationis Verbi; & tamen dicebatur Festum Matris Dei.
10. Potest & Festum Natalis Domini dici Festum Divae Virginis.
11. Seculo VII. non videtur, saltem in Hispania, aliud Festum Divae Virginis notum fuisse.
12. De Festo Assumptionis hæsitatione Carolus Magnus.
13. Sub initium seculi IX. resolutum Festum hoc esse celebrandum; & quid de eo scripserit Usuardus?
14. Festum Annuntiationis in Gallia seculo IX. nondum videtur fuisse notum.
15. Festum Nativitatis, non autem Conceptionis tempore S. Bernardi erat receptum.
16. Quomodo plura Festa sensim invaluerint?
17. Præcipua auctoritas instituendi dies Festos est penes Episcopos.
18. Merito in hac institutione audiendus est populus; & quare?
19. Interdum Senatus Regius se opponit introductioni aut abrogationi Festorum.
20. Nimia Festorum multiplicatio habet suam incommoda.
21. Querela Synodi Trevirensis de hac nimia multiplicatione.
22. De eadem conquestus Urbanus VIII. & quæ rationes querelarum?
23. Synodus Trevirensis voluit aliqua Festa esse dimidia.
24. Similia Festa jam pridem nota fuerunt apud Græcos.
25. Hæc Festa in plerisque Diocæsisbus transferunt in Festa devotionis.
26. In Festis minoribus quædam permittuntur, quæ non in majoribus.
27. Episcoporum est ordinare, quæ ratione sint instituenda.
28. Nonnulla festa à solo Clero celebranda.

**I** NTER ea, quæ ex Apostolica traditione creduntur in Ecclesia observari, certorum dierum festorum celebrationem refert S. Augustinus *Epist. 54.* ad Januarium, dicens: "Illa autem, quæ non scripta, sed tradita custodimus, quæ quidem toto terrarum orbe servantur, dantur intelligi vel ab ipsis Apostolis, vel à plenariis Conciliis, quorum est in Ecclesia saluberrima auctoritas, commendata atque statuta retineri, sicuti quoddam Domini Passio & Refur-

rectio & Ascensio in cælum, & Adventus de cælo Spiritus Sancti, Anniversaria solemnitate celebrantur, etsi quid aliud tale occurrerit, quod servetur ab universa, quacumque se diffundit, Ecclesia." Apud Gratianum *Dist. 12. Can. 11.*

II. Nec tantum hæc festa tempore Sancti Augustini celebrata fuisse ex ipso Augustino constat: nam Epistolâ sequenti eidem Januarii quærenti, "cur anniversarius dies celebrandæ Dominicæ passionis, non ad eundem redeat anni diem, sicut dies, qua creditur natus," respondit: "Hic primum oportet noveris diem Natalis Domini non in Sacramento celebrari, sed tantum in memoriam revocari quoddam natus sit, ac per hoc nihil opus erat, nisi revolutum anni diem, quo ipsa res acta est, festâ devotione signari. Sacramentum est autem in aliqua celebratione, cum reigeltæ commemoratio ita fit, ut aliquid etiam significari intelligatur, quod sanctè accipiendum est.

Hic clarè supponit Augustinus, diem Natalis Domini celebratum fuisse; quod & aliis pluribus locis significat. Sed idèd forsan inter festa ex traditione Apostolica descendencia non retulit, quia non proinde ut de aliis constabat, hujus festi institutionem ab Apostolis descendere; neque tam universaliter per totam Ecclesiam hoc festum celebrabatur: cum constet in aliquibus, saltem Orientis Ecclesiis festum Nativitatis Dominicæ distinctum non fuisse à festo Epiphaniæ, uti testatur S. Chrysostomus *Homilia 36.* dicens: "Prima festivitas apud nos sunt Epiphania. Quæ porro festi est occasio? Quoniam Deus in terris visus est, & cum hominibus conversatus est.

III. Dies quoque Martyrum etiam ante tempora Sancti Augustini celebratos fuisse, testis est Eusebius in *Vita Constantini lib. 4. cap. 23.* "Missâ quoque lex est (ait) ad Præsides Provinciarum, ut diem Dominicum etiam ipsi venerarentur. Iidem festos Martyrum dies jussu Principis observabant, & Ecclesiasticarum festivitatum tempora debito honore profecerantur.

Non meminit autem festorum Martyrum S. Augustinus enumerans festa ex traditione Apostolica dimanantia: quia festa Martyrum non nisi in locis Martyri eorum celebrari consueverant, vel in Ecclesiis eorum nomini specialiter dedicatis, quemadmodum monet Ludovicus Thomassinus tractatu de celebratione festorum *lib. 1. cap. 4.* ibidem examinans, quæ festa seculo quinto tum in occidentalibus, tum Orientalibus Ecclesiis celebrarentur.

IV. Deinde *cap. 5.* examinat, quæ festa celebrata fuerint ab anno 500. usque ad annum 800. notatque, sub initium seculi sexti in Concilio Agathensi inter festa solemniora referri festum S. Joannis Baptiste: illudque esse è vetustissimis observat *lib. 2. cap. 22. num. 6.* quasi fundatum super ipso textu Evangelico quemadmodum reflectit S. Bernardus *Epist. 174.* "Merito Ecclesia, quæ cæterorum non nativitatem, sed mortem Sanctorum judicat & prædicat pretiosam: singulari quadam exceptione, festis præfert gaudiis, veneraturque ipsius Natalem, de quo nuntiante Angelo singulariter legit, & multi in nativitate ejus gaudebunt.

Serius instituta fuisse festa singulorum Apostolorum; sed primitus uno communi festo, omnium memoriam celebratam fuisse ostendit citato *cap. 5.*

V. Quan-



V. Quando celebrari cœperint specialia festa sub nomine Dei Genitricis, sat obscurum est. Hoc sat constat, seculo septimo usitatum & in multis Ecclesiis stabilitum fuisse festum *Annuntiationis*, quemadmodum fidem faciunt Synodus Trullana *Can. 52.* & Concilium Toletanum *X. Can. 1.* qui posterior Canon plura notanda docet.

VI. Primo docemur, quod hoc festum jam tum in pluribus Ecclesiis celebraretur; & incongruum visum fuerit Patribus, quod hoc festum non semper eodem tempore celebrari posset; sed uno anno citius, altero serius; quam variationem tollendam præcipiunt; ac una originem illius variationis indicant: verba Canonis sunt: "Invenitur enim in multis Hispaniæ partibus hujus Sanctæ Virginis festum non uno die per omnes annorum circulos agi. Quoniam transducti homines diversitate temporum, dum varietatem sequuntur, unitatem celebritatis non habere probantur. Quare, quoniam die, qua invenitur Angelus Virgini Verbi Conceptum & nuntiassé verbis, & indidisse miraculis, eadem festivitas non potest celebrari condigne, cum interdum quadragesimæ dies, vel Paschale festum videtur incumbere, in quibus nihil de Sanctorum solemnitatibus, sicut ex antiquitate regulari cautum est, convenit celebrari; cum etiam ipsam Incarnationem Verbi non conveniat tunc celebritatibus prædicari, quando constat id ipsum Verbum post mortem carnis gloria resurrectionis atrolli, ideo speciali Constitutione sancitur, ut ante octavum diem, quo natus est Dominus, Genitricis quoque ejus dies habeatur celeberrimus & præclarus."

VII. Mobilitas igitur hujus festi, quemadmodum & hodie adhuc contingit, proveniebat ex eo, quod dies 25. Martii, cui hoc festum erat affixum, sæpius in quadragesimam, aut Paschales dies incideret; "in quibus (inquit Concilium) nihil de Sanctorum solemnitatibus, sicut ex antiquitate regulari cautum est, convenit celebrari."

VIII. Docemur insuper ex hoc Canone, Patres existimasse, festum Annuntiationis non minore festivitate, quam festum Nativitatis Dominicæ esse celebrandum. Ex pari enim honore constat, ut sicut Nativitatem Filii sequentium dierum insequitur dignitas, ita festivitatem Matris tot dierum sequatur sacra solemnitas.

Rationem subjungunt: "Nam quod festum est Matris nisi *Incarnatio Verbi*? Cujus utique ita debet esse solemnitas, sicut est & ejusdem Nativitatis Verbi."

IX. Hic docemur, quod hoc festum proprie esset festum *Incarnationis* Dominicæ; atque propterea merito crediderint Patres, eadem solemnitate celebrandum, qua ipsius Verbi Nativitas.

Adhuc docemur, quod festum *Incarnationis* Dominicæ sive Filii habuerint & reputaverint festum *Matris*; quia revera dum Filii *Incarnatio* recolitur, etiam ipsius Matris dignitas, in cujus utero Verbum incarnari dignatus est, recolitur.

X. Si ergo multis seculis festum Incarnationis Verbi reputatum sit pro festo Matris, quidni & Nativitatis solemnitas, pro solemnitate Matris reputari potuit? Uti recte refert Thomassinus *lib. 1. cap. 5. num. 7.* monetque, eam forsân fuisse rationem, cur antiquitus festa Divæ Virginis non reperiantur instituta, quod crederent Patres, solemnitates Filii esse quodammodo solemnitates Matris: cum vix Homo-Deus honorari queat: nisi una per correlationem colatur Hominis-Dei Mater.

XI. Hoc insuper notat Thomassinus, quod hoc festum hic simpliciter dicatur, *Sanctæ Virginis festum*, *festivitas gloriosæ Matris*; atque hinc verisimile fiat, quod saltem in Hispania aliud festum Divæ Virginis nondum celebraretur. Si enim inter festa tunc numeratum fuisset festum Assumptionis aut Nativitatis ejus, verisimile non est, quod festum Annuntiationis, seu

Tom. I.

Incarnationis Dominicæ simpliciter, & sine aliquo addito vocatum fuisset *sanctæ Virginis festum*.

XII. Quoad alia specialia Divæ Virginis festa, constat, ea non eodem tempore, nec ubique simul instituta esse, sed alia serius, alia citius; alia in una, alia in alia Ecclesia primitus fuisse celebrata; & sensim ad alias Ecclesias propagata.

De festo Assumptionis omnium festorum Divæ Virginis hodie solemnissimo, quodque præ omnibus aliis habet præcedentem Vigiliam cum obligatione jejunandi, legitur in Capitulari Caroli M. *lib. 1. Capitularium cap. 158. De Assumptione Sanctæ Mariæ interrogandum relinquimus.*

Hic videmus nondum in Regno Galliæ generaliter hoc festum esse stabilitum tempore Caroli M. ipsumque de eo interrogandum decrevisse; indubie interrogandos sui Regni Episcopos.

XIII. Hi cum anno 813. in Synodo Moguntiaca respondissent, eam festivitatem reponendam esse in catalogo festorum, Ludovicus pius Caroli filius eam celebrari jussit; eamque inter alias festivitates enumerat. *lib. 2. Capitular. cap. 35.*

Ulfardus Monachus Benedictinus, qui jussu Caroli Magni Martyrologium conscripsit, quo Romana Ecclesia, ac permultæ aliæ utuntur, propter eam Caroli forsân hæsitacionem, hoc festum non assumptionis, sed *dormitionis* Dei Genitricis dixit, ad diem 15. Augusti hæc notans: "*Dormitio Sanctæ Dei Genitricis Mariæ.*" Cujus sacratissimum corpus, etsi non invenitur super terram, tamen pia mater Ecclesia ejus venerabilem memoriam sic festivam agit, ut pro conditione carnis eam migrasse non dubitet. Quo autem venerabile illud Spiritus Sancti templum nutu & consilio divino occultatum sit, plus elegit sobrietas Ecclesiæ cum pietate nescire, quam aliquid frivolum & apocryphum inde tenendo docere.

XIV. Nec in hoc Capitulari, uti nec in Concilio Moguntiaco, neque in Regula Crodegangi, ubi omnia festa recitantur, ulla fit mentio *Annuntiationis* Divæ Virginis; ut vel inde appareat, quod licet à seculo septimo in Hispania multisque aliis Ecclesiis illud festum esset receptum, nec tamen sub initium seculi noni in Galliæ celebratum fuisset.

XV. Festum Nativitatis Divæ Virginis in citatis locis non occurrit: quando institutum fuerit, haud certo constat. Tempore S. Bernardi receptum fuisse testis est S. Bernardus *Epist. 174.* ad Canonicos Lugdunenses, in qua ipsos redarguit, quod festum Conceptionis B. Mariæ absque Sedis Apostolicæ auctoritate receperint; "at, ait, ortum Virginis didici nihilominus ab Ecclesia indubitanter haberi festivum atque sanctum, firmiter cum Ecclesia sentiens, eam accepisse in utero, ut sancta prodiret... Nec fallitur omnino sancta Ecclesia sanctum reputans ipsum Nativitatis ejus diem, & omni anno cum exultatione universæ terræ votiva celebritate suscipiens."

Ex eadem Bernardi Epistola intelligimus, festum Conceptionis Divæ Virginis in aliquibus minoribus Ecclesiis per Galliam celebrari cœpisse; sed nequaquam generaliter receptum fuisse; ipsumque Bernardum reprobasse admissionem illius festivitatis in Ecclesia Lugdunensi.

XVI. Interim festum illud, uti & plura alia tractu temporis primum in una Ecclesia instituta, ad alias Ecclesias propagata fuerunt; quin & nonnulla primum ex devotione citra obligationem celebrata, sensim in festa de præcepto transierunt, quemadmodum advertit Thomassinus *lib. 1. cap. 6. num. 19.*

XVII. Gregorius IX. in *cap. 5. de Feriis*, enumeratis quibusdam diebus festivis, in quibus judicialis strepitus debet conquiescere, subjicit generalem clausulam: "ac diebus Dominicis, certisque solemnitatibus, quas singuli Episcopi in suis Diocesis cum Clero & populo duxerint solemniter venerandas."

M m m m 2

Hic

Hic intelligitur, præcipuum auctoritatem novas festivas solemnitates instituendi delatam Episcopis; quod & ex Decreto, quod sub nomine Concilii Lugdunensis retulit Gratianus *Dist. 3. Can. 1. De Consecrat.* habetur. Ibi enim relatis quibusdam solemnitatibus quibus feriandum est, additur: "Et illæ festivitates, quas singuli Episcopi in suis Episcopatibus cum populo col- laudaverint.

Hanc quoque Episcoporum auctoritatem aperte sup- posuit Synod. Trident. *Sess. 25. cap. 12. de Regularib.* decernens: "Dies etiam festi, quos in Diocesi sua fer- vandossidem Episcopus præceperit ab exemptis om- nibus, etiam Regularibus serventur.

XVIII. Verum quia observantia festorum laicos in multis concernit; eosque ab opere manuum, quo vi- ctum suum lucrari non pauci jubentur, cessare oportet; atque ab omni strepitu judiciali Magistratus abstinere, merito præcitate Decretales speciatim dixerunt, solemp- nitates illas celebrandas, quas Episcopi cum populo collaudaverint, aut instituerint, ut nimirum populus, aut saltem Magistratus vice populi in hac institutione auiatur.

Et si advertatur, quam difficile sit, imo quodammo- do impossibile, sine Principum & Magistratum civili- um adjumento, laicos ad debitam festorum observan- tiam adducere, apparebit, recte notasse eruditum No- tarum in *Epistolam 3. lib. 11. S. Gregorii auctorem*: "Ut ferie aut imperentur aut cessent, non soli Pontifices, non soli Principes efficiunt; sed æquum est, ut con- spirent populi, jusque Divinum tam naturale quam positivum consulatur.

XIX. Cum anno 1642. Episcopi Ducatus Luxem- burgenfis publicari jussissent Bullam Urbani VIII. super abrogatione quorundam festorum, & nonnul- lorum nova institutione, interposuit se Senatus Luxem- burgenfis sustinens talem abrogationem & institutio- nem fieri non posse sine consensu Regis; uti & ipsum Consilium privatum declaravit, & consulta sua Excel- lentia per Consilium resolutum fuit, nihil innovan- dum, quousque advisamentum Episcoporum & Consiliorum Regionum haberetur, tuncque ulterius delibe- randum 7. Julii 1643.

XX. Interdum nimium multiplicatas fuisse solemp- nitates festorum, atque inde magna in populo murmura, quasi hinc erepta ipsi victitandi ex opere manuum oc- casione, exorta; quin & ob earum multitudinem, ac frequentiam in neglectum universa pene festa adducta fuisse, plures Synodi deplorarunt; numerumque prop- terea eorum minuendum decreverunt.

XXI. Synodus Trevirensis anno 1549. *Can. 10. nar- rat*, "numerum festorum admodum crevisse, sed ca- lentem Fidelium devotionem friguisse; eoque ven- tum esse, sit, ut bona pars hominum omnia festa negligat, idque impune, nec sine Ecclesiæ dedecore. Pauperes qui non habent unde alant uxorem & fa- miliam, clamant omnem fere cessationem sibi dam- nosam. Operæ pretium proinde nobis visum est, fe- storum numerum contrahere, quo & effrænes coer- ceantur, & aliquid detur necessitati pauperum.

XXII. Similiter Urbanus VIII. in Bulla pro ob- servatione Festorum anno 1642. emissa, quæ incipit: *Universa per orbem* 164. in Bull. Rom. præfatur ad se delatum, tantam multitudinem Festorum per diversas Dioceses invaluisse, "ut multi jam dubitare videan- tur (inquit) quænam ex præcepto, quæve ex libera cujusque voluntate, sint servanda, pietatis fervore ob nimiam eorumdem numerositatem tepescere; quinimo & clamor pauperum frequens ostendit ad nos eandem multitudinem ob quotidiani victus la- boribus suis comparandi necessitatem, sibi valde dam- nosam conquerentium, & quod summopere dolen- dum est, magno cum animi nostri mærore didicimus tanta sæpe sæpius malignatum inimicum in Sancto, ut ipsa multitudine non ad ædificationem, & ad lau-

dandum in Ecclesiis Deum populi utantur, sed ad oria, vanitates, & vitia frequenter abuti non formi- dent, ita ut quæ ad glorificandum Divinum nomen sunt primitus instituta, temporis decursu inimicus, homo corruerit, & in magnam illius offensionem, gravemque jacturam converterit animarum.

Similiter Jacobus Boonen Archiepiscopus Mechlini- ensis in Decreto anni 1652. quo populo permittit operari festis S. Nicolai, Conversionis S. Pauli, Cathedralis S. Pe- tri, SS. Marci, Lucæ, Martini & Catharinæ, inter alias causas nominatim expressit: "quia ob multitudinem festorum dierum, plurimi, maxime pauperes, non pro obligatione illos sanctificant.

XXIII. Citata Synodus Trevirensis, enumeratis festis, quæ impostero celebranda declarat & præcipit, subjungit: "Cæterum dies Innocentium, Cinerum, Parasceves, Ccenæ Dominicæ, Sabbathi Magni, Marci, Tres Rogationum, Commemorationis Ani- marum, & omnes reliquos dies stationum, quos Ecclesia nostra Trevirensis in diebus aliorum Patro- norum, vel pro specialibus rogationibus ab antiquo introductis, in civitate nostra Trevirensi vel ejus sub- urbio observatis; usque in meridiem feriari volu- mus, ita ut factis Sacro, cuique ad labores aut nego- tia sua redire liceat.

His dimidiatis festis annumerari possunt ea festa mino- ra, in quibus Synodus Cameracensis anno 1604. *tit. 4. cap. 6. declarat*, *Christi Fideles Missam audire teneri*.

XXIV. Similia festa dimidiata, quæ nimirum quasi pro dimidia diei parte celebranda sunt, jam pridem nota apud Græcos fuisse indicat Constitutio Imperatoris Græci Manuelis Commeni *De Festis*. Post expressos enim dies quibus integre feriandum est, dicit: "Alii vero ex parte à judiciis cessent, à mane videlicet usque ad ipsum Divini Ministerii tempus: ut judi- bus, precationibus, atque glorificando Deo vacare liceat, ac deinde post Divinum Sacrificium iustitiæ operam navent, secundumque legum vim injuriam passis auxilium ferant.

XXV. In aliquibus Dioccesibus minora illa festa tran- sierunt in festa devotionis.

Synodus Andomarenfis recensitis diebus, quibus nulla servilia aut secularia opera fieri, nullum forum aut mercatum rerum venalium haberi, nulla judicialia exer- cere vult, enumerat plures alios Dies, "qui (ait) & ipsi aliquando indicti fuere vel integre, vel usque ad finitum Divinum Officium observandi; sed quum flaccescens populi devotio, dies festos non raro, ob illorum multitudinem, quæ videbatur, violaret, quin etiam illis abuteretur, sublata est hos obser- vandi obligatio, quo tanto integrius & exactius reliqui observarentur. Cæterum, cum videamus, à magna populi parte etiamnum observari, volumus illos publicari ut pro devotione observandos; & quo foveatur populi devotio, Officium in Ecclesiis ita fieri, ac si essent dies isti ex præcepto festi obser- vandi: nec quemquam Sacerdotum liberum esse ab illarum onere Missarum, quas diebus festis debet. Denique moneri omnes ut audiant ut minimum his diebus Missam.

Similiter Jacobus Boonen Archiepiscopus Mechlini- ensis in citato Decreto, "hortari vult populum ut die- bus istis (citra tamen obligationem) audiant Sacrum, Fiant autem Officia in Ecclesiis æque solemniter ac si celebrarentur in populo.

XXVI. Synodus Iprensis sub Martino Rithovio *tit. 21. cap. 4.* "permittit in festis Cathedralis Sancti Pe- tri: Sancti Marci Evangelistæ: Inventionis Sanctæ Crucis: Beatae Mariæ Magdalene: Laurentii: Michaëlis: Lucæ: Catharinæ: Nicolai: & Sanctorum Innocentium, hebdomadale, aut aliud quodcumque forum, hæctenus observatum, celebrari; & in eo mer- catum exerceri. Ita tamen, ut ab omni opere ma- nuali, ad illius diei mercatum non necessario absti- near;

neatur; Divinumque Officium, ante tempus foro designatum, ab omnibus frequentetur.

Ita quoque Alexander III. dispensans cum Incolis cuiusdam regionis, quod possint diebus festis piscari, addit: *Præterquam in maioribus anni solemnitatibus.*

XXVII. Ex his intelligimus, variam fuisse Dilectionem Belgicarum circa Festorum celebrationem disciplinam, in aliis plus, in aliis minus festa fuisse restricta; in nonnullis plus, in aliquibus minus indultum: quid porro debita festorum celebratio, tum populi necessitas hic & nunc requirat, quidve expediat, Episcoporum est expendere, illque rite expensis festorum celebrationem ordinare.

XXVIII. Allegata Synodus Trevirensis post memorata festa tum integra, tum dimidiata, addit: "Cætera vero festa; quacumque ratione instituta sunt vel recepta in foro libera facimus. In Choro vero & Ecclesia eadem festa, prout ab antiquo observata sunt, devote celebrentur; ita tamen, ut historiarum & lectiones parum probata omittantur.

Huiusmodi festa in Choro à Clero celebranda, hodie plurima sunt; atque quotidie Breviario Romano adjunguntur, ut vix dies ferialis superfit; at de his hoc titulo tractare non est animus, sed tantum de Festis quæ à populo celebrari præcepta sunt, quæque propterea festa in populo communiter vocantur.

24. *Officiorum Divinorum sedula & conveniens persolutio multum conducit, ut populus diem Festum sanctificet.*

I. CONTINUUM festum esse vitam hominis Christiane viventis jam pridem notarunt Patres. Dum enim Christiane homo vivit, tunc ex monito Apostoli ad Rom. c. 12. v. 1. jugiter exhibet membra sua Hostiam viventem, utendo nimirum illis, ut obtemperet Deo. "Corpus etiam nostrum (ait Augustinus) cum per temperantiam castigamus, si hoc quemadmodum debemus, propter Deum facimus, ut non exhibeamus membra nostra arma iniquitatis peccato, sed arma iustitiæ Deo, Sacrificium est." Lib. 10. De Civit. Dei cap. 6.

II. Deinde subjicit Augustinus: "Si ergo corpus, quo inferiore tanquam famulo, vel tanquam instrumento utitur anima, cum ejus bonus ac rectus usus ad Deum refertur, sacrificium est; quanto magis anima ipsa cum se refert ad Deum, ut igne amoris ejus accensa, formam concupiscentiæ secularis amittat, eique tanquam incommutabili formæ subdita reformetur, hinc ei placens, quod ex ejus puritudo acceperit, sit sacrificium?"

Imo ea est populi Christiani dignitas; ut "verum sacrificium esse, dicat Augustinus, omne opus quod agitur, ut sancta societate inhaereamus Deo, relatum ad illum finem boni, quo veraciter beati esse possimus.

Itaque Christiane per omnia viventes, universæ vitæ suæ tempus & singula ejus momenta sanctificant, quando totum vitæ suæ tempus non impendunt, nisi ut sancta societate inhaereant Deo; quemadmodum impendere debent, si utiliter & Christiane impendere velint: nam ut idem sanctus Pater Epist. 130. cap. 7. "Neque enim utiliter in tempore vivitur, nisi ad comparandum meritum, quo in æternitate vivatur.

III. Quare eodem Patre teste, "Spirituale Sabbathum observant illi, qui se ita temperate operibus terrenis accommodant, ut tam lectioni, quam orationi, etiam non semper, recte per frequenter insistant, secundum illud Apostoli 1. ad Tim. c. 4. v. 13. *Attende lectioni & doctrinæ*: & iterum 1. ad Thess. c. 5. v. 17. *Sine intermissione orate*: qui enim tales sunt, quotidie spirituale Sabbathum colunt.

IV. Parum ergo sancte præceptum de sanctificando Sabbatho proponitur in hæc verba: Deus præcepit, ut postquam homo tota hebdomada laboravit pro corpore, tot dies impendat temporalibus, tanto tempore pro se sollicitus fuit, septimam tandem diem animæ suæ & Deo impendat. Sic enim vivendum est, ut si laboraret, Deo laboraret; sive otietur, Deo sancte otietur; quatenus Psalmistæ concinnare possit Ps. 73. v. 26. *Tuus est dies, tua est nox; tu fabricatus es auroram & solem.* Hæc sunt continuæ Christianorum feriæ; hoc Sabbathum continuum, quod jam tum pridem Decalogi præcepto mandavit Deus, dum nullam hominis actionem, nullum vitæ tempus voluit esse vacuum dilectione.

V. Reflectens autem Cardinalis Baronius ad loca Patrum, quibus dicitur, Christianos non hanc vel illam ad Divinum cultum præscriptam habere diem: sed cunctis propensius Divinum numen venerari, ait: "Ex his... inferri posse videtur, ea potissimum ratione in Ecclesia antiquitus institutum, ut dies hebdomadæ omnes, feriæ nomine dicerentur.

VI. Verum cum non omnium, imo paucorum Christianorum ea sit perfectio, ut continuum illud Sabbathum spirituale teneant & agant, visum est Patribus, propter infirmiores certos dies designare, quibus à negotiis terrenis cessantes, spiritualiter Deo, mysteriisque Divinis contemplandis se consecrarent, illosque specialiter his, quæ ad salutem animæ spectant, impenderent.

Origenes libro 3. contra Celsum, postquam ostendit,

## CAPUT II.

Quis sit finis institutionis Festorum, & quomodo observanda?

1. Vita Christiana continuum Festum.
2. Qua ratione vita Christiana possit esse continuum Sacrificium?
3. Quinam spirituale Sabbathum observent?
4. Erronea de Sabbatho idea.
5. Qua ratione omnes dies hebdomadæ dictæ fuerint Feriæ?
6. Ob imperfectiores potissimum dies Festi instituti.
7. Finis Festorum dierum.
8. Ut finis hic obtineatur, Officium Divinum in plures horas divisum fuit.
9. Officium Divinum seu Canonicum primitus ad ædificationem populi institutum.
10. Etiam desiderat hodie Ecclesia, ut idem habeatur finis Officii Divini.
11. Jam pridem statutum, ut populus Officio Canonico, saltem diebus Festivis, interesset.
12. Quid de hac obligatione habeant Capitularia Regum Francorum.
13. De observantia hujus præcepti inquirebant Visitatores.
14. Etiam seculo XI. vigeat hæc disciplina.
15. Officium Canonicum, quod in Ecclesiis quibusdam Parochialibus diebus Festis persolvitur, sapit hanc disciplinam.
16. Idem insinuat Missa sollemnis & Vesperæ pomeridianæ.
17. Edicta Principum indicant, Officia Divina à populo esse frequentanda.
18. Edicta hæc etiam complectuntur Laudes vespertinas.
19. Quare potius fiat mentio Missæ sollemnis, quam Concionis, quando de Celebratione Festorum tractatur?
20. Error est, satisfieri sanctificationi diei Festi per auditionem Missæ privæ.
21. Satisfit tamen præcepto de audienda Missa.
22. Totum diem debere sanctificari probatur.
23. Quomodo Sanctus Carolus totum diem sanctificari voluerit; & quæ pietatis exercitia præscripserit?



dit, quod "qui perfectus eſt, ratione, operibus, cogitationibus, perpetuo hæret Deo Verbo naturali noſtro Domino, ſemper agit diem Domini, & nunquam non habet diem Dominicam," tandem ſubiicit: "Vulgus autem eorum qui credentes magis videntur, quam ſunt: qui vel non vult quotidie feſtum agere, opus habet ut contineatur talibus ſenſibilibus admonitionibus, ne omnino dilabatur ab officio. Hæc, ut opinor, cogitans Paulus, partem diei feſti nominavit feſtum ſtatis diebus recurring, collatum ad feſtum illud aliud. Subindicat autem his verbis, integrum & perpetuum feſtum eſſe in vita æterna, ſicut Sacra Scriptura docet.

Similiter Chryſoſtomus probat omnes quidem dies Chriſtianis ſpiritualium poſſe eſſe feſtivitatem; at non immerito certos dies feſtivos, idque ob aliquorum imbecillitatem eſſe designatos: "Neque enim temere (ait) & ſine cauſa nobis hæc tempora Patres obſervarunt: ſed prudenti aliqua ratione ducti id egerunt, non ut libertatem noſtram temporum neceſſitati ſubjicerent; ſed ut dum ſe imbecilliorum ſubjicerent egeſtati, ad cognitionis opes illos proveherent." *Homil. 63.*

Pluribus hæc proſequitur Thomaffinus *tractatu De Feſtis lib. 1. cap. 1. 2 & 3.*

VII. Hunc ergo in finem Eccleſia quosdam præter diem Dominicum, qui in locum Sabbathi Judaici ſurrogatus eſt, alios nonnullos dies designavit, qui ſpecialiter Deo, ejuſque cultui impenderentur, & confiderandis ejus mirabilibus operibus, etiam in Sanctis ſuis conſecrarentur; & in iis quæ ad animarum ſuarum ſalutem conducere poſſent, ſedulo ſe occuparent.

Porro ſicut nemo dicet, quod ſamulus aut operarius diem aliquem impenderit ſuo domino aut hero, qui aliquam duntaxat diem partem domino aut hero ſuo impendit; ita nec dici poteſt diem aliquem Deo impendere, qui partem ſolum ejus diei Deo conſecrat; & piis operibus incumbendo ſanctificat: ſed requiritur, ut diem totum ſaltem moraliter ſanctificet, Deoque impendat.

VIII. Hinc à primis pene Eccleſiæ naſcentis exordiis ſtatutum, obſervatumque fuit, ut divinum Officium per certas Horas diſtributum, in Eccleſia publice ageretur; eique diebus ſaltem Dominicis feſtiſque populus aſſiſteret: ut hoc pacto diem integrum ſanctificaret, & Dei cultui ſe impenderet.

IX. Si enim Officii hujus primam institutionem attendamus, illud non tam in Cleri quam Laicorum ædificationem & gratiam, institutum intelligitur.

Unde S. Thomas quærens utrum oratio debeat eſſe vocalis, reſpondet, quod duplex ſit oratio, communis & ſingularis: "Communis quidem oratio eſt, quæ per miniſtros Eccleſiæ in perſona totius fidelis populi Deo offertur. Et ideo oportet, quod talis oratio innotefcat toti populo pro quo proſertur; quod non poſſet fieri niſi eſſet vocalis. Et ideo rationabiliter institutum eſt, ut Miniſtri Eccleſiæ hujusmodi orationes etiam alta voce pronuntient, ut ad notiſſimam omnium poſſint pervenire." *2. 2. quæſt. 83. art. 12.*

Et poſt Doctorem Angelicum notavit pius Pariſienſis Cancellarius Joannes Gerſonius in *Alphabeto litt. N.* quod inter cæteras "cauſas multiplicationis pſalmodiarum vocalium in Eccleſiis, una ſit vitæ laicorum laudabilis occupatio.

A Sancto Ambroſio institutum fuiſſe, ut in Eccleſia Mediolanenſi juxta morem Orientalium pſalmi alternatim decantarentur, ne Populus majoris tædio contabereſceret; teſtis eſt Auguſtinus *lib. 9. Confefſ. cap. 7.*

X. Eadem quoque hodie eſt Eccleſiæ intentio; optatque pariter ut olim, Divinum Officium ita peragi, ut populi devotionem exciter. Unde præterito ſæculo Concilium Senonenſe anno 1528. *cap. 17.* hæc ſtatuit: "Cum in Eccleſiis Dei pſalmodia cantanda præcipiatur, ut Fidelium devotio exciterur, in hoc nocturnum

diurnumque Officium, & Miſſarum celebritates aſſidue Clero ac populo ſub maturo tenore diſtinctaque gradatione cantentur, ut eadem diſtinctione colliſcant & maturitate delectent.

XI. Optat quidem Eccleſia, ut non tantum Clerus, ſed etiam populus diurno nocturnoque Officio, quantum per occupationes licet, quotidie aſſiſteret; præcipue tamen ipſi curæ fuit, ut diebus Dominicis Feſtiſque iis intereſſet; atque ita dies illos cultui Divino totos conſecraret.

Theodulphus Episcopus Aurelianenſis in ſuo Capitulari *cap. 24.* ait: "Diei Domini tanta debet eſſe obſervantia, ut præter orationes & Miſſarum ſolemnia, & ea quæ ad veſcendum pertinent, nihil aliud fiat. ... Conveniendum & Sabbatho die cum luminariſus cuilibet Chriſtiano ad Eccleſiam: conveniendum & ad Vigiliis ſive ad Matutinum Officium: concurrendum eſt etiam cum oblationibus ad Miſſarum ſolemniam. Habetur *tom. 7. Concil. general. col. 1137.*

Synodus Turonenſis anno 813. *Can. 40.* "Die Dominica oportet omnes Chriſtianos in Laude Dei & gratiarum actione uſque ad veſperam perfeverare.

XII. In Capitularibus Regum Francorum legitur *lib. 6. cap. 205.* "Ne in illo ſancto die (Dominico) vanis fabulis, aut locutionibus, ſive cantationibus, vel ſaltationibus, ſtando in biviis & plateis, ut ſoler, inſerviant. Sed ad Sacerdotem aut aliquem ſapientem & bonum veniant, & eorum prædicationibus & bonis locutionibus, quæ ad animam pertinent, urantur. Et illo die ſeu Sabbatho ad Veſperas & ad Matutinas ſive ad Miſſam, cum eorum oblationibus, ſi fieri poſſit, omnes canendo Kyrie eleiſon veniant, & cundo & redeundo Kyrie eleiſon decantent. Similiter & paſtores pecorum eundo & redeundo in campum & ad domum faciant, ut omnes eos veraciter Chriſtianos & devotos eſſe cognoſcant.

XIII. Imo adeo conſtans erat hæc diſciplina, atque ad eam conſervandam ita ſollicita Eccleſia, ut inter articulos de quibus per Episcopum, Archidiaconum, vel Archiprebyterum in viſitatione erat inquirendum, hic eſſet ordine decimus ſeptimus: "Eſt aliquis qui in Die Dominico, vel in præcipuis feſtivitatuſus quidquam operis faciat; & ſi ad Matutinas, & ad Miſſam & ad Veſperas his diebus imprætermiſſe omnes accurrant. Apud Reginonem *De Eccl. Diſcip. lib. 2. in Inquiſit. num. 57.*

XIV. Quin & ſæculo XI. inter Decreta Ferdinandi Regis & Sanctæ Regiæ, & omnium Episcoporum in diebus eorum in Hiſpania degentium, & omnium ejuſdem Regni Optimatum anno 1050. in Concilio Coyacenſi promulgata; legitur, *cap. 6.* "Sexto vero titulo admonemus, ut omnes Chriſtiani die Sabbathi adveſperascente ad Eccleſiam concurrant, & Dominica matutinas, Miſſas & omnes Horas audiant.

XV. Ex hac diſciplina in pluribus Eccleſiis Parochialibus, præſertim in civitatibus remanſit uſus Horarum Canoniarum ſaltem pro majore parte diebus Dominicis & feſtis decantandarum; ut nimirum populus his diebus ad Eccleſiam iſtis horis conveniret. Verum hæc Officia non raro adeo perfunctorie decantantur, ut mirum non ſit, ſi à populo neglectui habeantur; neque de his frequentandis vel cogitentur.

XVI. Frequentia quoque Synodorum noſtrarum Decreta, quibus præcipitur, ut diebus Dominicis præter Miſſam ſolemniem & Concionem, etiam Veſperæ poſt meridiem, idque hora ſtatuta, in omnibus Parochiis decantentur, priſtinæ diſciplinæ luculenta veſtigia ſunt.

XVII. Eodem tendunt Principum noſtrorum Edicta, quibus cavetur, ne quis diebus Dominicis & Feſtis tempore Concionis, ſummi Sacri & Veſperarum, audeat ambulare in foro, aut locis publicis, aut prope Eccleſiam, neque intrare popinas, aut publice quocumque ludo ſe occupare, vel choreas ducere, vel piſcari,

cari, aut scholas gladiatorias, vel hortos sagittariorum frequentare sub poena arbitraria; de quibus *parte 1. tit. 3. cap. 12.*

Ita Edictum Philippi II. ad Synodum Cameracensem *art. 5.* quod datum fuit ad instantiam Episcoporum illius Provinciae, *quitt. 4. cap. 1.* expresse decreverant, huiusmodi Edictum publicum à Regia Majestate aut Magistratibus impetrandum, ut hoc pacto efficacius populus ad frequentationem Divinorum Officiorum adigeretur; & profanatio dierum festorum impediretur.

XVIII. Hic notandum, quòd cum Edictorum illorum finis sit, ut publica Officia Divina diebus Dominicis & festis non impediantur & negligantur, nullatenus dubitandum appareat, quin Edicta comprehendant quoque publicas ac solennes *Laudes*, quæ in Ecclesiis Parochialibus ex præscripto Synodorum, aut Episcoporum, vel sanè ex laudabili consuetudine & Parochorum probanda curâ sub tempore vespertinum decantari consueverunt; utpote quæ & partem Divini Officii hodie constituere videntur.

XIX. Sed mirabitur forsân quispiam, quòd nec in hæcenus citatis Canonibus, neque in Decretalibus Gregorii IX. ubi de celebratione festorum aut feriarum agitur, Concionis seu instructionis vix mentio fiat: at id mirum videri haud debet. Notorium enim est, moris fuisse in Ecclesia, ut post lectionem Evangelii sequeretur ipsa Evangelii explanatio, quam hodie *Concionem* dicimus; hancque, non secus ac ipsam Evangelii lectionem, partem *Missæ* constituisse; utilius ostensum est *part. 2. sect. 1. titulo 5. cap. 2.* adeoque dum in Canonibus præcipiebatur populo interesse *Missæ*, unâ præceptum fuit *Concioni* assistere.

XX. Ex his facile apparet, omninò à mente Canonum & Ecclesiæ esse alienam quorundam opinionem, qui arbitrantur, præcepto de sanctificando die Dominico aut festivo satisfieri per unius *Missæ privæ*, quæ semihoræ spatio absolvitur, auditionem, tametsi reliquam diei partem actionibus profanis & inutilibus impendant: quem abusum expressit Synodus Cameracensis anno 1604. *tit. 4. cap. 1.* eumque ut Parochi extirpare studeant, præcepit. "Urabusille (ait) Divino & Ecclesiastico præcepto contrarius semel tandem penitus aboleatur, quo se plerique existimant probè suo functos officio, si Missâ, etiam *privatâ* tantummodo diebus Dominicis & festis auditâ, reliquum diem profectioni, negorationi, lusibus, choreis, potitationibus & aliis secularibus vel etiam illicitis actionibus impendant; Parochi suis subditis frequenter inculcent ea, quæ in Catechismo Romano ad tertium præceptum Decalogi, & aliis auctoribus de re, & dierum festorum observatione traduntur.

Et omnia illa Synodorum atque Episcoporum Decreta, quibus interdicitur diebus Dominicis & festis *Missarum privatarum* celebratio, quâ populus à Missa Parochiali & solemnî abstrahi posset, ad quid tendunt, nisi ut huic abusui occurrant; occasionemque populo adimant, auditâ Missâ privâ, negligendi Missam Parochialem, ac unâ instructionem, quæ sub Missa Parochiali fieri consuevit?

XXI. Quapropter licet ex Ecclesiæ conniventia, & longa consuetudine, præcepto Ecclesiæ de audienda Missa die Dominico aut festo satisfiat per auditionem *Missæ privæ*, nequaquam tamen ex mente Ecclesiæ, eâ sola auditione impletur præceptum de sanctificando die Dominico aut festivo.

An dicemus diem aliquem *sanctificari*, id est, in Deum cultum, pietatisque opera impendi, dum vix vigesima illius diei pars Dei cultui aut pietatis operibus impenditur?

XXII. Ut quid enim etiam hodie jubetur *toto* die festo ab opere servili, mercatu, strepitu forensi aliisque secularibus actionibus abstinere, nisi ut totus dies cultui Divinæ impendatur, & sanctificetur? "Idcirco

in diebus festis ab opere mundano cessandum est, ut *liberius* ad Ecclesiam ire, psalmis & hymnis & canticis spiritualibus insiltere, orationi vacare, oblationes offerre, memoriis Sanctorum communicare, ad invocationem eorum assurgere, eloquiis Divinis intendere, eleemosynas indigentibus ministrare valeat Christianus. Ita seculo nono ad Consulta Bulgarorum respondit Nicolaus I. *cap. 11.*

XXIII. Hæc apprime pernoctans S. Carolus valde sollicitus fuit, ut diebus Dominicis ac festis populus pietatis exercitiis totaliter se impenderet, veraciterque dies illos sanctificaret; ac signanter in Concilio Mediolanensi III. *titulo 1.* decrevit, ut imprimis: "Festis diebus sacrosancto Missæ Sacrificio Fideles omnes in-terlint. Neque verò excusentur puellæ nobiles, neque deinceps viduæ, ne permissu quidem primi nostri Concilii, ob recentem mariti mortem, aliove cuiusvis consuetudinis prætextu.

Post hæc subiungit: "Ut verò ii dies omni pietate, & religiosius colantur; hæc crebrò populum Parochi, & Concionatores admoneant atque hortentur.

Utrorumque dierum tempus, quod Deo ejusque cultui debetur, in iis actionibus *totum* consumant, in quibus sanctè consumendum est.

Ut Concionem manè, & sacram lectionem à prandio ubi explicari solet, audiant.

Ut Divinis, vespertinarum præsertim, Officiis præfentes piè religiosèque adsint.

Ut in Christianæ doctrinæ rudimentis ac præceptis, vel percipiendis vel recolendis versentur.

Ut in operibus etiam officiisque pietatis sese exercent, ægros homines visitando, morientes piè consolando, & alia ejusmodi præstando.

Eandem in rem videri potest ejusdem sancti Præfatis Monitorum libellus, pro instituenda Christiana vivendi ratione à cujuscumque conditionis & status fidelibus, qui habetur in Actis Ecclesiæ Mediolanensis *pag. 1002.* & inter alia describitur *pag. 1011.* exercitium speciale pro festis, sacris temporibus & Vigiliis.

XXIV. Sanè si ea esset Episcoporum & Parochorum cura, ut diebus Dominicis Officia Divina, aliaque pietatis exercitia tum ante, tum post meridiem congruis horis, eâ, quâ decet reverentiâ, & exactitudine haberentur, non dubium, quin plurimum conducerent, ut populus ad ritè sanctificandum dies Festos incitaretur; & à profanis, quin & illicitis ac inhonestis actionibus, ad quas otium allicit, abstraheretur: ut notoriâ experientiâ in Parochiis bene institutis compertum est.

### CAPUT III.

#### De Operibus servilibus die festo prohibitis.

1. *Sabbatum* cessatio; & *sabbatizare* cessare & requiescere dicitur.
2. Olim Judæis præceptum erat Sabbatho requiescere ab opere servili.
3. Quomodo Ecclesia adoptaverit præcepta data Judæis pro sanctificatione Sabbathi.
4. Lex Constantini M. de cessatione ab operibus die Dominica; & an hic primus, qui de feriatiōe ab opere edixit?
5. Strepitus forenses magis repugnare videntur cum celebratione festorum, quàm opus servile.
6. Quid sit opus servile?
7. Recensentur nominatim opera servilia.
8. Ratio prohibendi opera servilia festis diebus.
9. Marschalli & Barbitoufores à suis officiis abstinere debent.
10. Quid de Tonforibus, Pistoribus aliisque statuerit S. Carolus?

11. De-

11. *Decreta Synodorum Belgii circa Laniones, Molitores, Braxatores & similes opifices.*
12. *His consonat Edictum Principum.*
13. *Transcribere libros pietatis gratis non esse illicitum diebus festis, respondit Gersonius.*
14. *Exscriptor talium librorum quomodo dicendus sit prædicare?*
15. *Potest continuè orare; & quomodo?*
16. *Est conveniens opus penitentiae.*
17. *Opus hoc utilius & magis necessarium tempore Gersonii quàm hodie, & quare?*
18. *Concludit Gersonius non esse servile.*
19. *Quomodo opera aliqua cum moderatione licita sint diebus festis, aliàs illicita?*
20. *Quomodo hic subinde excedant Advocati?*
21. *Circa itinerationem diebus festis moderatio servanda.*
22. *Itinera non necessaria in diem non festum convenit differri.*
23. *Famulis dandum spatium sanctificandi Festa; nec ad opera servilia cogendi.*
24. *Monendi patres familias, ut suis famulis & operariis indulgeant tempus veniendi ad Officia Divina.*
25. *Quid de hac obligatione statuunt Capitularia Regum Francorum?*
26. *Qualis debeat esse Parochorum cura circa opiliones, bubulcos & similes?*

I. **SABBATHUM**, Hebraicum nomen, si Latine interpretaris, *cessatio* dicitur (ait Catechismus Romanus parte 3. in expositione tertii præcepti Decalogi num. 15.) qui & addit: "Sabbathizare propterea cessare & quiescere Latino vocabulo appellatur, quâ significatione factum est, ut Sabbathi nomine dies septimus diceretur, quoniam absolutâ perfectâque mundi universitate, Deus ab omni opere, quod fecerat, requievit.

II. Ut ergo esset cessatio seu Sabbathum, post verba illa Exod. c. 20. v. 8. *Memento, ut diem Sabbathi sanctifices*, addidit Deus: *Non facies OMNE OPUS in eo tu, & filius tuus, & filia tua: servus tuus & ancilla tua, jumentum tuum & advena, qui est intra portas tuas.*

Quibus verbis (ait Catechismus Romanus num. 31.) ad id primùm instituitur, ut quæcumque Divinum cultum impedire possunt omnino vitentur: facile enim perspicitur potest, omne servilis operis genus prohiberi, non quidem eâ re, quod suâ naturâ aut turpe aut malum sit, sed quoniam mentem nostram à Divino cultu, qui finis præcepti est, abstrahit.

III. Quemadmodum igitur Ecclesia præceptum illud populo Judæo datum adoptavit, in quantum in illo naturale præceptum colendi Deum, certosque dies ejus cultui specialiter impendendi continetur; ita & ea, quæ pro observantia ejus præcepti vetita erant Judæis, Christianis quoque interdixit; in quantum Christianam & religiosam sanctificationem Sabbathi impedire possent, mentemque ipsorum à Divino cultu abstrahere.

IV. Legitur Constantini Magni lex in Codice Justiniano sub titulo *De Feriis*, cujus hæc sunt initialia verba: "Omnes judices, urbanæque plebes, & cunctarum artium officia, venerabili die solis quiescant.

De feriacione ab operibus eâ die primùm edixisse Constantinum, credit eruditus Auctor Notarum in *Epistolam* 3. lib. 11. S. Gregorii, addens: "Alii Imperatores non tam de opere, quàm de judiciis statuerunt: sic Theodosius, ut in die Dominico emancipare ac manumittere liceat, reliqua CAUSÆ vel LITÆ S quiescant. Prohibent tamen spectacula & voluptates obscenas. Hæc ille.

V. Quidquid sit de hac reflexione, certum est, quòd archidus frequentiusque vetitum fuerit, diebus Dominicis & Festivis strepitus forenses exercere, quàm operi

servili aut manuali occupari; tum quòd illi faciliùs differri possint, tum quòd magis mentem distrahere & à rebus Divinis avocare soleant, quàm opera servilia.

Adhæc constat, subsequenter seculis, tam Ecclesiasticis, quàm civilibus legibus opera servilia festis diebus vetita esse; in quantum scilicet & hæc religiosam Festorum celebrationem, & Christianam quietem impedire possunt.

VI. Opera servilia propriè dicuntur opera illa corporalia, in quibus unus servit alteri, atque communiter per servos olim, hodie per famulos seu mercenarios exerceri solent; ac inde *servilia à servis* jam pridem nuncupata fuere.

VII. Quæ inter opera servilia etiamnum hodie computantur, ea ferè expressa habentur in Capitulari Aquigranensi Caroli Regis an. 789. cap. 79. & refertur lib. 1. Capitular. cap. 75. "Statuimus quoque, secundum quod in lege Dominus præcepit, ut opera servilia diebus Dominicis non agantur, sicut & bonæ memoriæ genitor meus in suis Synodalibus edictis mandavit, quòd nec viri ruralia exerceant opera, id est, nec vineam colendo, nec in campis arando, nec in merendo, vel fenum secando vel sepe ponendo, nec in silvis stirpando, vel arbores cadere, vel ut in petris laborare, nec domos struere, nec in horto laborare, nec ad placita conveniant, nec venationes exerceant. Sed tria carraria opera licet fieri in die Dominico, id est, hostilia carra vel victualia, & si fortè necesse fuerit corpus cujuslibet duci ad sepulchrum. Item scemina opera textilia non faciant, nec capulent vestitus, nec conflant, vel acupiscibile faciant, nec lanam carpere, nec linum battere, nec in publico vestimenta lavare, nec vervices tondere habeant licitum.

VIII. Rationem, addit: "Ut omnimodis honor & requies die Dominico persolvatur. Sed & ad Missarum solemniam ad Ecclesiam undique conveniant, & laudent Deum pro omnibus bonis, quæ nobis in illa die fecit.

IX. Concilium Parisiense seu Senonense anno 1429. cap. 25. decernens dies Dominicos & festivos, "cum omnimoda reverentia observari; abstinendo scilicet ab omni opere servili & manuali, ac Divinorum auditorium cum matura devotione vacando; mox tanquam consequens subjungit: "Illum abusum penitus reprobantes, quo *Marescalli & Barbitonfores* supra dictis Dominicis, & aliis B. Mariæ & Apostolorum, & supradictis Festivitatibus, credunt sibi licitum fore sua ministeria, etiam præter necessitatem, exercere, circa quem volumus per Ordinarios de opportuno remedio provideri, ipsos monitione prævia corrigendo.

Et quis dubitet, quin Marescallorum ac Tonforum ministeria inter opera servilia ac manualia numerari, adeoque unâ cum his vetita censeri debeant diebus Dominicis & Festivis?

X. Quare S. Carolus in Concilio III. Mediolanensi reliquis opificibus Tonfores annumerare non dubitavit, dicens: "Tonforibus præterea, pistoribus, sutoribus, calceariis aliisque ejusmodi, & reliquis opificibus, quibus præscribi oportet, Episcopus certas regulas præscribat, ne deinceps dierum festorum cultum violent, in quo maximè peccare solent.

Quàm hodie abusus ille in multis Belgii locis communis sit, quàmque parùm religiosè à Tonforibus dies festi colantur; usufque obtineat, ut penè magis diebus Dominicis & Festis, quàm aliis diebus opificia sua exerceant, nimis totum est. Episcoporum & Magistratum est his abusibus occurrere; legesque præscribere, quibus & ipsi Tonfores, & populus se conformare teneantur.

XI. Circa Laniones in multis locis non absimilis invaluit abusus; ut nimirum diebus festis circa opificii sui exercitia occupentur; cui occurrere volens Synodus Bufoducensis



coducens sub Masio *tit. 12. cap. 2.* præcipit, " ne sub-  
" diri ulli operi servili, quod sine evidenti periculo  
" differri potest, manum admoveant, uti panno laneo  
" vel lineo lavando aut dealbando, aut tingendo, oves  
" & boves mactando aut saliendo.

Similiter Synodus P. II. Cameracensis *tit. 4. cap. 2.*  
de dierum festorum cultu agens, ait: " Neque etiam  
" permittantur.... molitorum, coctorum cerevisiæ, la-  
" nionum, pistorumque operæ, nisi ob notabilem ne-  
" cessitatem. " Idipsum iisdem penè verbis expressum  
est in Synodo Tornacensi anno 1589. *titulo 4. cap. 1.*

XII. His consonat Edictum Philippi II. ad citatam  
Synodum Cameracensem *art. 7.* declarans " licitum non  
" esse molitoribus, braxatoribus, lanionibus, & pistori-  
" bus sua opificia diebus festis exercere, nisi ob notabi-  
" lem necessitatem determinatam per Officialem & Ma-  
" gistratum loci, de consilio Decani Christianitatis aut  
" in ejus absentia, Pastoris loci.

XIII. Olim propofita fuit Joanni Gersoni à quo-  
dam Monacho Domus Cartusiæ hæc quæstio: *Si liceat*  
*diebus festis scribere devotionis libros gratis.*

Huic quæstioni ut respondeat Gersonius, specialem  
tractatum composuit, quem inscripsit *De laude scripto-  
rum*, primumque inter ejus opera locum occupat; in  
quo ostendit per duodecim considerationes, transcri-  
bere *libros devotionis gratis* nullatenus esse opus servile;  
eique laudabiliter diebus festis incumbi posse.

XIV. Inter has considerationes una est, quòd hu-  
jusmodi librorum exscriptor prædicet non lingua, sed  
*manu*; eoque fructuosius, quòd hæc prædicatio est magis  
permanens, plures instruire potest. " Certè (ait) si lin-  
" gua silet, manus prædicat, & fructuosius aliquantò,  
" quantò scriptura venit ad plures uberius, quàm tran-  
" siens sermo.

XV. Deinde consideratione quarta exponit, quomo-  
do Scriptorum librorum continuò orare mentemque  
in Deum elevatam habere queat. " Crediderit (ait)  
" Scriptor noster & pietate jugi recogitaverit, toties  
" Deum sanctosque Angelos secum esse, toties Scripto-  
" res sacros ipsum alloqui, toties Christum sibi blanda  
" quædam oscula consolationis dare, quoties dicta eo-  
" rum salubria conferbit. Contemplationem itaque le-  
" gitio, & quæ scribenda sit, non impedit, sed pas-  
" cit.

XVI. Quinta consideratio asserit, scriptionem li-  
brorum esse laboriosum exercitium, macerationem  
quamdam corporis, posseque imponi per modum pœni-  
tentia, à Confessario. " Nullus (ait) negaverit laborio-  
" sum esse scribentis exercitium. Acceperit ergo istud  
" in pœnitentiam seu satisfactionem, pro suis alienisque  
" delictis, &c. Junge quòd in foro pœnitentia potest  
" iste labor ad satisfactionem imponi. Quem laborem  
" si nullus hominum imponit, imposuit sanè Deus ab  
" initio, cum dixit Adæ & posteris ejus: *In sudore vul-  
" tûs tui vesceris pane tuo. Gen. c. 3. v. 19.*

XVII. Cæteræ considerationes Gersonianæ osten-  
dunt fructum multiplicem ex scriptione accurata pio-  
rum librorum in Ecclesiam & populum dimanantem:  
qui eo tempore, quo scribebat Gersonius, nimirum  
an. 1428. major erat; quòd necdum ars typographica  
esset reperta; unde nec mirum, si Gersonius & ipsam  
transcribendi libros necessitatem, & utilitatem tanto-  
perè extollat.

XVIII. Interim ex omnibus concludit Gersonius:  
" Nihil impedit libros seu tractatulos vel codicillos de-  
" votionis scribere festis diebus: habito moderamine,  
" quale sapiens judicabit in hoc opere; quòd utique non  
" servile censendum est; sed in honorem Ecclesiæ ali-  
" quando plus vergens, quàm multiplicatio vocalis ora-  
" tionis, imò quàm insolens in aliquibus Missarum  
" multiplicatio.

XIX. Quæ hûc circa transcriptionem piorum libro-  
rum dixit Gersonius, eadem quoad alia multa exercitia  
*non servilia* dici possunt; quòd nimirum ea sanctifica-

Tom. I.

tionem diei Festi non violent, modò cum ea modera-  
tione, intentione, aliisque circumstantiis à Gersonio  
descriptis, fiant.

E contrario, si ea moderatio, eæque conditiones non  
serventur, facillè fiet; ut similia exercitia sanctificatio-  
nem diei Festi impediant.

Quid enim, si quis diem Festum pro majore parte  
impendat scribendo acta aut instrumenta linum sub de-  
bito salario: quemadmodum Procuratorum, Advocato-  
rum, Notariorum, aliorumque Officiariorum ministri  
sive Scribæ facere consueverunt? Quis dicit hujusmo-  
di Scriptores diem Festum sanctificare? Et de tali scrip-  
tione indubiè intelligendus S. Bonaventura in *Speculo*  
*Discipl. ad Novit. parte 1. cap. 22.* ubi inter ea, quæ in  
diem non festivum differenda censet, numerat *scribere*  
*in quaternis.*

XX. Eadem ratione post alios Theologos docet Mer-  
bæus *prima parte quæst. 195. conclus. 12.* " Peccare Ad-  
" vocatos, qui cupiditatis & avaritiæ studio succensi so-  
" litos labores Dominicis diebus & Festis obeunt, & ita  
" sese in secularia negotia immergunt, ut nihil sibi tem-  
" poris relinquunt, quo Deum singulari cultu, iis præ-  
" sertim diebus prosequantur, & suæ salutis consulant.  
Idem erit de Procuratoribus aliisque, qui negotiis tamen  
liberalibus, simili modo se immergunt.

XXI. Quin & circa ipsa itinera, quæ Synodus Aure-  
lianensis anno 538. *Can. 28.* diebus Dominicis vetita  
non esse declarat, quædam moderatio tenenda est.

Sanctus Theodulphus Aurelianensis Episcopus in cita-  
to Decreto, postquam dixit, tantam debere esse obser-  
vantiam, ut præter orationes & Missarum solemnias &  
ea, quæ ad vescendum pertinent, nihil aliud fiat, imme-  
diatè subicit: " Nam & si necessitas fuerit navigandi,  
" sive itinerandi, licentia datur; ita duntaxat, ut hæc  
" occasione Missæ & orationes non prætermittantur.

Quamvis ergo conformiter ad Synodum Aurelianen-  
sem declaret hic Aurelianensis Antistes, diebus Do-  
minicis esse licentiam itinerandi, eam tamen, non nisi  
*necessitas* concurrat, concedere videtur; idque ulterius  
ea moderazione, ut *Missæ & Orationes* non præter-  
mittantur.

Et fortius citata Synodus Coyacensis sub S. Ferdinan-  
do Rege Castiliæ de celebratione diei Dominicæ agens  
dicit: " Servile opus non exerceant, nec festentur iti-  
" nera, nisi orationis causâ, aut sepeliendi mortuos,  
" aut visitandi infirmos, aut pro Regis secreto, pro Sa-  
" racenorum impetu.

XXII. Sanè timoratorum plurium praxis etiam ho-  
dierna docet, itinera præcipuè longa, quæ notabilem  
diei partem occupant, diebus festis non esse facillè susci-  
pienda; eaque, si sine notabili incommodo fieri queat,  
in alium diem esse differenda; exemplo Comitissæ G.  
Geraldæ, de quo in ejus vita narrat S. Odo *lib. 2. cap. 24.*  
" Item dum ab Urbe rediret, venit Sabbatho ad quan-  
" dam Ecclesiam, juxta locum scilicet, ubi sulphurei  
" videntur acervi. Cum autem veller populus in crasti-  
" num proficisci, retinuit eos, dicens quòd ob reveren-  
" tiam Domini diei, saltem usque ad nonam demo-  
" rantur. Nec illa demoratio fuit etiam sine beneficio  
" temporali.

Notandum per horam nonam hûc intelligi horam,  
quæ nostræ horæ *tertiæ pomeridianæ* respondet.

XXIII. Quod olim deploravit Concilium Parisiense  
anno 829. *lib. 1. cap. 50.* quòd utrumque dies Domini-  
cæ, à quibusdam Dominis venerando custodiri videretur,  
sed à *conservis servitio eorum pressis* perrarè debito ho-  
nore coli inveniretur, hodie meritò deploratur; dum  
videmus plures famulos famulasque diebus festis in-  
tantum à suis Dominis impendi & ad operas adigi; ut  
iis vix tempus Missam audiendi indulgeatur; indeque  
non rarò contingat, ut circa fidei mysteria, ac vitæ  
Christianæ normam planè rudes sint.

Inter leges Ecclesiasticas Sancti Canuti Regis Dano-  
rum *cap. 14.* legitur: " Herus si servo invito opus ad-

N n n n

, dixit-

„dixerit die quocumque festo, servo mulctator suo, „servus deinceps liber esto.

XXIV. Apud Reginonem *De Eccl. Discipl. lib. 2. cap. 416.* refertur sub nomine Concilii Rothomagensis: „Admonere debent Sacerdotes proles sibi subditas, ut „bubulos atque porcarios vel alios pastores velato- „res, qui in agris assidue commorantur vel in silvis, & „ided more pecudum vivunt, in Dominicis & in aliis „festis diebus saltem ad Missam faciant vel permittant „venire. Nam & hos Christus pretioso Sanguine suo „redemit. Quod si neglexerint, pro animabus eorum „absque dubio rationem se reddituros sciant.

Hic notandum, quod juxta illius temporis disciplinam, nomine *Missæ* hic intelligatur *Missæ solennis* live Parochialis, sub qua & ipsa concio comprehenditur, juxta dicta capite præcedenti.

XXV. Et in Capitularibus Regum Francorum legitur *lib. 6. cap. 205.* „Et illo die seu Sabbatho ad Vesperas & ad Matutinas live ad Missam cum eorum oblationibus, si fieri potest, omnes canendo, *Kyrie eleison* veniant, & eundo & redeundo *Kyrie eleison* decantent. Similiter & pastores pecorum eundo & redeundo in campum, & ad domum faciant, ut omnes eos veraciter Christianos & devotos esse cognoscant. Idem eisdem penè verbis expressit Herardus Archiepiscopus Turonensis in suis Constitutionibus c. 114. Habentur ad calcem tomi primi Capitularium Regum Francorum editionis Baluzianæ. Notandum autem per *Kyrie eleison*, hic intelligi *Litanias publicas*, quæ per *Kyrie eleison* incipere solent. Confule Glossarium Du Cange, verbo *Kyrieles*.

XXVI. Quàm crassa soleat in hoc hominum genere, esse ignorantia, & sapius vita omnino gentilis, quin & impia, nimis notum est; ut merito hic rursus repetam, quod ex Synod. Namurc. relatum est *suprà part. 1. tit. 3. cap. 5.* ut „Pastores tempore messis, & etiam illis diebus, quibus *opiliones*, *bubulci*, vel *subulci* in agris sunt, illos visitent ibidem & doceant, imitaturi ea in parte vestigia Salvatoris nostri Jesu Christi, qui per vicos & plateas transibat evangelizare regnum „Dei.

#### CAPUT IV.

Strepitus forenses & mercatus diebus Festis votii.

1. Ex præcepto sanctificandi dies festos profluit à strepitu forensi abstinendum esse.
2. Quid de hoc edixerit Constantinus Magnus?
3. Lex Theodosii Imperatoris.
4. Amplior de hac re Constitutio Leonis & Anthemii Imperatorum.
5. Canones legibus consentiunt.
6. Sententiæ pronuntiatio, etiam ante conceptæ, die festo fieri nequit.
7. Similiter nec sententiæ executio.
8. Examen testium, licet jam ante juraverint, die festo non instituendum.
9. Actus judiciales die festo exerciti, sunt invalidi; licet partes consenserint.
10. Ob necessitatem aut pietatem interdum liciti.
11. Mercatus cur diebus festis prohibitus.
12. Distinctio inter actus judiciales & mercatum diebus illis exercitos.
13. De vetitis mercatu & Nundinis die festo Decretum Synodi Cameracensis.
14. Conforme Edictum Philippi II.
15. Simile Decretum Synodorum Mechliniensium, & Edictum Principum.
16. Petium vendere carnes in macello; vel merces in domibus privatis; etiam foribus clausis.
17. Regulamentum Magistratus Bruxellensis circa venditionum adulium diebus festis.

18. Decretum S. Caroli diebus festis mercatum interdicens.

19. Etiam ementes violationis festorum complices declarat; minutiora tamen vendi permittit.

20. Quibus potissimum incumbat bisce invigilare?

I. OPERA servilia inhibita esse diebus Dominicis & Festivis, ea potissimum ex causa, quia hominem abstrahunt ab iis, quæ diebus illis tractare & agere oportet, redduntque eum nimis implicatum, quàm ut Divinis pro exigentia & satisfactione ejusmodi dierum vacare possit, notatum fuit capite superiori.

Ex ipsa igitur ratione præcepti consequens est meritò per Canones jam pridem vetita esse diebus illis Deo sacris omnia ea exercitia, quæ hominem rebus terrenis implicare, & à cultu Divino nata sunt avocare: inter quæ eminent strepitus judiciales, qui, ut capite præcedenti notatum est, magis hominem rebus terrenis implicare solent, quàm opera servilia.

II. Constitutio Constantini Magni de observantia diei Dominici seu *Solis* superiore capite relata, qua dicitur: „Omnes judices, urbanæque plebes, & cunctarum artium officia die *Solis* quiescant: „sat apertè strepitus judiciales die illo debere quiescere indicat.

Quinimò eidem Imperatori consideranti, ipsos Gentiles à suis Feriis live Deorum Festis jurgia litigiorum amovisse, „indignissimum videbatur diem *Solis* veneracione sui celebrem, altercantibus jurgiis & noxiis partium contentionibus occupari, „ut loquitur in *L. 1. Cod. Theod. De Feriis*.

III. Theodosius Imperator in *L. 2. Cod. eod.* ait: „Ut die Dominico emancipare ac manumittere liceat, „reliquæ causæ, vel lites quiescant. „Dein paucis interpositis adjungit: „Sanctum quoque diem Paschæ, „& diem Natalis Domini, & Epiphaniæ, septem qui præcedunt, & septem, qui sequuntur, sine strepitu volumus observari. Et quod contra hoc factum fuerit, omnibus modis irritatur.

IV. Verùm omnibus generalior ipsosque actus judicarios proprios exprimens, est Constitutio Leonis & Anthemii in *L. fin. Cod. eod.* „Dies festos Majestati „Altissimæ dedicatos, nullis volumus (inquiunt) volup- „luptatibus occupari, nec ullis exactionum vexationibus profanari. Dominicum itaque diem ita semper honorabilem decernimus & venerandum, ut à cunctis executionibus excusetur: nulla quemquam urgeat admonitio: nulla fidejussionis flagitetur exactio: taceat apparitio: advocatio delitescat. Sit ille dies à cognitionibus alienus: præconis horrida vox filescat: respirent à controversiis litigantes, & habeant fedoris intervallum: ad sese simul veniant adversarii non timentes, subeat animos vicaria pœnitudo: pacta conferant, transactiones loquantur.

V. Canones ipsam dierum festorum sanctificationem unice desiderantes, eas Imperatorum leges laudarunt, atque frequenter optarunt, renovaruntque.

Sub nomine Concilii apud Compendium in *cap. 1. De Feriis*, præcipitur, ut omnes dies Dominici observentur, & „in eis mercatus minimè fiat, neque placitum: neque aliquis ad mortem, vel ad pœnam judicetur, nec Sacramenta (nisi pro pace vel alia necessitate) præstentur.

VI. Ex his juris textibus uno consensu tradunt Jurisconsulti, per Ferias omnem judiciorum actum quiescere debere; & si fieret, non valere, v.g. si sententia feratur; etiamsi tum solum pronuntiaretur, jam ante juridico die composita & concepta; uti post Antonium Fabrum docet Tuldenus ad Codicem titulo *De Feriis*, num. 2.

VII. Rectè quoque ibidem Tuldenus reprobat quorundam opinionem arbitrantium, executionem sententiæ die Feriato licitam esse, ed quòd in ea non versetur causæ cognitio: „quia (ait Tuldenus) Feriæ non magis discepratione securi judicis, quàm vexatione „dam-

„ damnati violantur; & *anxia* persecutione victoris  
„ apparitorisque. Hoc enim porissimum spectant leges.  
VIII. Notat quoque ibidem *num. 5.* non recte  
quosdam Interpretes „ admittere diebus festis examen  
„ testium, quamvis in Profesto *juraverint*; neque eo-  
„ rum citationem ob supra citatam legem finalem: nam  
„ ejus Decretum utique judiciale est, & executio in-  
„ quietat... Sane cum constet, in festo testes adigi  
„ jurejurando non posse *cap. 1.* *De Feriis* (qui ta-  
„ men actus religionis est) nescio, qua ratione velint  
„ eos examine distringi posse: cum suæ potius conscien-  
„ tiæ ad legis divinæ normam examinandæ vacare opor-  
„ teat.

IX. Et quidem usque adeo solemnibus Feriis, quæ  
ob reverentiam Dei noscuntur institutæ, à strepitu ju-  
diciali „ convenit abstinere (ait Pontifex in *cap. fin.* *De Feriis*)  
„ ut *consentientibus* etiam partibus, nec pro-  
„ cessus habitus teneat, nec sententia, quam contingit  
„ diebus hujusmodi promulgari.

Ratio decisionis est, quia, ut recte monet Taldenus  
*num. 4.* Feriæ religiosæ non ad litigatorum favorem,  
sed ad honorem Dei pertinent. Unde ibidem subjicit  
Pontifex: „ Licet diebus feriatis, qui gratia vinde-  
„ miarum vel messium ob necessitates hominum indul-  
„ gentur, procedi valeat, si de partium processerit vo-  
„ luntate.

X. Addit nihilominus Pontifex hanc parenthesim,  
*nisi necessitas urgent, vel pietas suadeat.* Hinc uno con-  
sensu concludunt Canonistæ, communi praxi compro-  
bante, urgente necessitate, vel pietate suadente, posse  
subinde actus judiciales diebus festis exerceri. Casus  
plures passim referunt Interpretes & Doctores ad tita-  
lum Codicis & Digestorum *De Feriis*, qui, casu occur-  
rente facile, consili poterunt.

XI. Sicuti ob nimiam à rebus divinis distractionem  
diebus festis debet quiescere strepitus judicialis; ita ead-  
em ratione cessare debet iis diebus mercatus sive mer-  
catura seu negotiatio. Licet enim proprie non possit  
operibus servilibus annumerari mercatura, tamen ex  
illis est, quæ hominem secularibus implicat, & à Divi-  
nis vocat: unde jam pridem à Canonibus, uti actum  
judiciale, ita & *mercatum* diebus Dominicis vetitum  
esse, ex verbis *cap. 1.* *De Feriis*, vidimus.

XII. Hanc tamen quoad eam prohibitionem inter  
actum judiciale & *mercatum* communiter notant dis-  
tinctionem Doctores, quod contractus in mercatu aut  
nundinis die Dominico celebrati, seclusa consuetudine,  
sint *validi*; actus vero judiciales *invalidi*: licet enim  
omnes æqualiter vetentur in citato *cap. 1.* non tamen  
mercatus irritatur, neque contractus alique actus mer-  
catum spectantes; sicuti irritantur actus judiciales in  
dicto *cap. fin.*

XIII. Synodi nostræ Belgicæ observationem dierum  
festorum urgentes, mercatum nundinasque diebus illis  
proscribunt, veritatem declarant; eaque ut etiam Regia  
auctoritate interdicerentur, postularunt.

Synodus P. II. Cameracensis *tit. 4. cap. 2.* ait: „ Si-  
„ militer eidem Regiæ Majestati supplicetur pro Edicto  
„ contra aurigas, nautas & similes, ne Dominicis &  
„ aliis festis diebus merces vehere possint; utque etiam  
„ subhastationes, quas vulgo *recours*, aut *passemens* ap-  
„ pellant, & multo magis *mercatus*, *auctiones publicæ*  
„ tempore Missæ & Vesperarum sub gravi poena prohi-  
„ beantur: *nundinæ* etiam annuæ, & *forum rerum*  
„ *venalium* hebdomadarium, cum in diem festum in-  
„ cidunt, in alium transferantur ab Episcopis cum con-  
„ silio Magistratum.

XIV. Synodi postulationi annuens Philippus II.  
Edicto ad hanc Synodum mandavit *art. 8.* ut dictæ  
subhastationes & auctiones publicæ in alium diem non  
festum differantur: ita tamen ut denuntiationes &  
proclamationes iis diebus, ob concursum populi, fieri  
possint extra Ecclesiam, finita Missa, aut Vesperis abso-  
lutis, Nundinæ annuæ, & forum publicum hebdoma-

Tom. I.

darium, si in diem festum incidant; vult ad diem non  
festum anticipari, vel differri per Magistratum cum  
communicatione & consilio Episcoporum.

XV. Huic consonat quod jam ante statuerat Synodus  
P. I. Mechliniensis titulo *De Festis, cap. 3.* „ Si forum  
„ aut nundinæ incidant in aliquod ex celebrioribus  
„ festis, serventur illæ, vel ante, vel post festum,  
„ prout Magistratus cujusque loci judicaverint expe-  
„ dire. „ Et in Synodo P. II. Mechliniensis, *titulo 13. cap. 4.* renovatum, & Edicto Principum *art. 9.* robo-  
ratum fuit.

XVI. Synodus Buscoducensis sub Masio *titulo 12. cap. 2.* ait: „ Merces etiam suas dictis festis *ante fores*,  
„ vel in *fenestris* domorum, vel alibi venales non  
„ exponant.

Rursus Synodus Tornacensis an. 1643. *tit. 3. cap. 7.*  
ait: „ Promotor districte invigilet contra eos, qui diebus  
„ festis & Dominicis, etiam foribus *clausis* merces  
„ emere vel vendere præsumunt in civitatibus. „ Et  
ejusdem Diocesis Synodus anno 1589. *tit. 4. cap. 2.*  
„ prohibuit, ne die Dominico aut festo vendantur  
„ carnes in macello, vel etiam in domibus *privatis*,  
„ nisi superveniente necessitate.

Inter excessus committi solitos diebus festis, & in  
quos Magistratus cæterosque Officiarios invigilare hor-  
tatur Synodus Iprensis anno 1609. *titulo 6. cap. 1.* re-  
censentur *venditiones carnum in macellis*.

Similia in omnibus passim Synodis decernuntur, man-  
daturque Pastoribus, Archipresbyteris & Officiariis, ut  
sedulo in contravenientes invigilent.

XVII. Circa venditionem eduliorum, quæque ad  
victum quotidianum pene necessaria sunt, nec diu con-  
servari possunt; solentque hodie in omnibus passim  
civitatibus publice exponi, extat longum ac modera-  
tum regulamentum Magistratus Bruxellensis, confe-  
ctum de consensu & cum interventione Jacobi Boonen  
Archiepiscopi Mechliniensis, *lib. 1. Edictorum Brabantia-  
ræ, pag. 58.* quod licet in multis ob consuetudinem  
inolitam condescendat, ac nonnulla permittat, quæ  
melioribus temporibus permissa non fuissent: optan-  
dum nihilominus esset, ut quæ ibidem decernuntur,  
ubique exacte hodie observarentur, atque ad ejus nor-  
mam dies festi colerentur. Hoc inter alia præcipue præ-  
oculis habuisse videntur hujus Regulamenti auctores,  
ne per hujusmodi mercatus, publica & Parochialia  
Officia impedirentur; & consequenter nec ipsi ven-  
dentes aut ementes à frequentatione illorum Officio-  
rum retraherentur; ita enim pleraque ordinantur, ut  
vel ante tempus inchoandi Divini Officii debeant siste-  
re, vel nonnisi post absolutum Divinum Officium in-  
choare queant.

XVIII. Decreto huic Magistratus Bruxellensis in  
multis consonat monitum S. Caroli anno 1581. ad  
Parochos missum cujus inscriptio est: *Ne quidpiam  
ematur, vendaturve diebus festis*; extatque in Actis  
Ecclesiæ Mediolanensis *pag. 351.* Hic imprimis me-  
morat, jam pridem specialibus à se editis Decretis  
super observatione Festorum, prohibitas esse empirio-  
nes ac venditiones quarumcumque rerum, iis dun-  
taxat exceptis quæ ad humanum *illius* tantum diel  
victum necessariæ sunt, quæ tamen publice non ex-  
ponerentur, & non nisi *determinatis* horis venun-  
dari possent, *clausis* omnino *officiis*, ostiolo solum  
patente.

XIX. Post hæc deplorat, „ hæc tamen admodum  
„ negligi, plurimis *apertas* exhibentibus *officinas*, aliis  
„ etiam pullos, fructus aliave id genus vendentibus  
„ per vicos & plateas sicut cæteris diebus citra dis-  
„ crimen, publico scandalo pravoque exemplo...  
„ Monere vero, non vendentes modo, verum etiam  
„ *ementes* censeri festorum violatores, quippe qui pec-  
„ cato cooperantur, atque adeo participes ejus sunt:  
„ quare quisquis ea, quæ sunt usui suo necessaria pri-  
„ die festi sibi comparet, exceptis quibusdam *minu-  
tioribus*

N n n n a



„rioribus rebus, quarum venditionem certis locis primo mane permittimus Edicto nostro.

Citatum quoque Regulamentum Magistratus Bruzellanensis, permittit diebus festivis vendi minores aliquos fructus facile corruptiles, idque post absolutam Missam solemnem in Parochia usque ad horam primam pomeridianam; item omnis generis acetarii post completorium.

XX. Quantus circa publicas mercium venditiones in multis civitatibus hodie sit excessus, nemini incolarum ignotum esse potest; ipsorum Archipresbyterorum, Officialium, Promotorum, & etiam civilium Magistratuum officio incumbit illis excessibus invigilare; atque delinquentes juxta Synodorum Decreta, & Edicta Principum coercere & punire; ne alias festorum profanationis ipsi participes efficiantur.

## CAPUT V.

De Spectaculis, Choreis, & popinarum Frequentatione vetitis.

1. Ab operibus illicitis, aut ad illicita trahentibus diebus festis maxime abstinendum.
2. Distinctio inter observationem Sabbathi Judaicam & Christianam.
3. Vetita à Theodosio spectacula die Dominico.
4. Hac Constitutio extensa ad omnes dies festivos.
5. Etiam Judæis & Gentilibus exhibitio spectaculorum vetita diebus festivis.
6. Neque ob Natalem Imperatoris in diem festum incidentem exhibitio licita.
7. Merito spectacula vetita fuisse ostenditur ex Tertuliano.
8. Spectaculorum fedtatem delineat Cyprianus.
9. Abominaciones in iis committi solitas expressit Lactantius.
10. Quid de his senserint SS. Augustinus & Chrysostomus?
11. Spectacula sui temporis describit S. Cyprianus.
12. Belgica nequaquam ab his plane dissimilia.
13. Synodi & Principum Edicta quomodo ea prohibeant diebus festis?
14. Choreæ & tripudia inter personas utriusque sexus antiquis spectaculis admodum similia.
15. His merito applicantur quæ de choreis sui temporis dixit Chrysostomus.
16. Judicium Cardinalis Bellarmini de choreis nostratibus.
17. Choreæ cum sanctificatione festorum nullatenus conveniunt.
18. Abominanda choreæ quæ in popinis inter utriusque sexus personas hodie frequentantur.
19. Decretum Synodi Tornacensis contra hac conventicula.
20. Simile Decretum Episcopi Gandensis.
21. Frequentantes bujusmodi conventicula Pastores Matrimonio jungere non possunt sine licentia Episcopi.
22. Quam abominanda in his conventiculis committantur?
23. Parochi contra hos abusos agere debent.
24. Poststatum secularium est contra eosdem abusos agere.
25. Edicta Regia contra hac conventicula.
26. Frequentantes hac conventicula tanquam peccatores publici à Sacramentis arcendi.
27. Qui potissimum impedire tenentur frequentationem horum conventiculorum.
28. Multiplex festorum profanatio per frequentationem popinarum.
29. Specialiter vetita popinarum frequentatio diebus festis per Synodorum & Principum Decreta.

30. Synodi procedi volunt judicialiter contra frequentantes popinas.

31. Exercitia etiam alias non illicita diebus festis, saltem tempore Divini Officii vetita, & quare?

32. Profanatio festorum præcipue imputanda neglectæ executioni Decretorum Synodaliū & Edictorum Principum.

I. Si diebus Dominicis festisque ab operibus servilibus aliisque haud alias de se illicitis abstinendum sit, ut facilius liberiusque dies illos Deo pietatisque operibus consecrare possimus; quanto magis igitur abstinendum ab operibus malis, aut ad malum de se incitantibus, ipsumque animum suo quasi pondere ad peccata deprimentibus.

II. Augustinus hanc inter Judæam & Christianam Sabbathi observantiam assignat distinctionem, quod vacatio Christiana à malis operibus sit, vacatio Judæa à bonis operibus. „Ecce & hodiernus dies Sabbathi est „(ait) hunc in præfenti tempore otio quodam corporaliter languido & fluxo & luxurioso celebrant Judæi; vacant enim ad nugas, & cum Deus præceperit Sabbathum, illi in his quæ Deus prohibet exercent Sabbathum. Vacatio nostra à malis operibus, vacatio illorum à bonis operibus est. Melius enim est orare quam saltare. Illi ab opere bono vacant: ab opere nugatorio non vacant. „In Ps. 91.

Et rursus Enarratione in Psalm. 32. num. 6. „Observa diem Sabbathi, non carnaliter, non Judæis delictis, qui otio abutuntur ad nequitiam. Melius enim tota die foderent, quam tota die saltarent. Sed tu cogitans requiem in Deo tuo, & propter ipsam requiem omnia faciens, abstine ab opere servili.

Similia habet libro De decem chordis cap. 3. asseritque de Judæorum feminis, „quod melius die Sabbathi lanam facerent, quam tota die in Neomeniis suis impudice saltarent.

III. Ne ergo Christiani vacando ab opere servili aliisque functionibus civilibus, otio Judæo defluerent; delictisque sensualibus, & operibus malis diem festum infunderent, admodum jam pridem sollicite cautum, ut ea omnia diebus Dominicis festisque vetarentur, quæ populum sensuali aliqua voluptate aut curiositate allicere, & ad vitia quodammodo impellere solent.

Sic legimus à Theodosio anno 386. constitutum: „Nullus Solis (id est Dominico) die populo spectacula præbeat, nec divinam venerationem confecta solemnitate confundat. „L. 2. Cod. Theod. De Spectaculis.

Idipsum in Occidente, nominatim in Africa ab Honorio Imperatore sanciri anno 401. petiisse Patres Africanos docet Canon 61. in Codice Africano. (a)

IV. Cumque in citata Theodosii lege diei Solis sive Dominicæ duntaxat mentio fieret, adeoque spectaculorum exhibitio diebus festivis permessa videretur; ac dein dubitaretur, an & Judæis Gentilibusque exhibitio hæc vetita esset; aut saltem si dies Natalis Imperatoris in diem Dominicum aut Festivum incideret, in honorem saltem Imperatoris eo die spectacula exhiberi possent: hisce decidendis alteram eamque generatorem edidit Constitutionem tanto Principe dignam, quæ refertur in L. ult. Cod. Theod. De Spectaculis.

Primo ergo hanc prohibitionem ad universos dies Festivos extendit, dicens: „Dominico, qui septimæ totius primus est dies, & Natale atque Epiphaniarum Christi, Paschæ etiam & Quinquagesimæ diebus, quamdiu cœlestis lumen lavacri, imitantia novam sancti Baptismatis lucem vestimenta testantur, quo tempore & commemoratio Apostolicæ passionis totius Christianitatis Magistræ à cunctis jure celebratur, omni Theatrorum atque Circensium voluptate

(a) Vide Scholion in hunc Canonem Tomo 3. optum D. Van. Esplan, hujus editionis.

„ per universas urbes earumdem populis denegata, tota Christianorum ac fidelium mentes Deiculis occupantur.

V. Post hæc dubium secundum resolvit, subiiciens: „ Si qui etiam nunc vel Judæi impietatis amentia, vel stolidæ paganitatis errore atque insania detinentur, aliud esse supplicationum noverint tempus, aliud voluptatum.

VI. Expendebat nimirum ipse religiosissimus Imperator diebus illis spectaculorum voluptates haud convenire, nec minus periculi imminere Christi fidelibus à spectaculis per Judæos & Gentiles, quam per Christianos exhibitis.

Denique tertium scrupulum eximens, sententia Christiano Principe digna, suam legem concludit: „ Ac ne quis existimet in honorem Numinis nostri veluti majore quadam Imperialis officii necessitate compelli, & nisi divina religione contempta spectaculis operam præstet, subeundam forsitan sibi nostræ ferenitatis offensam, si minus circa nos devotionis ostenderit, quam solebat, nemo ambigat, quod tunc maxime mansuetudini nostræ ab humano genere deferatur, cum virtutibus Dei omnipotentis ac meritis universis obsequium orbis impenditur.

VII. Quam merito scenica hæc spectacula ludosque theatrales diebus festis proscripserint Imperatores, patebit, si advertatur, quid de his spectaculis ludisque jam pridem dixerint Patres; & quomodo illa ut irritamenta vitiorum & ad corruptendos animos potentissime valentia, caute ac studiose à Fidelibus fugienda monuerint; quamque ea veri Christiani exhorruerint.

Tertullianus in libro Apologetico cap. 38. nomine Christianorum loquens, ait: „ Aque spectaculis vestris in tantum renuntiamus, in quantum originibus eorum, quas scimus de superstitione conceptas. Quin & ipsis rebus de quibus transiguntur prætersumus. Nihil est nobis cum infamia circi, cum impudicitia theatri, cum atrocitate arenæ, cum xyli vanitate.

Norat hic Rigaltius ad verbum *Prætersumus*: „ Præteresse dicit, ut superesse. *Prætersumus* igitur iis rebus quas præterimus ac prætermittimus, & à quibus valde alieni sumus, videlicet ab infamia circi, impudicitia theatri, &c.

VIII. Spectaculorum sordiditatem, ac spurcitiam, nec non nocendi & animos corrumpendi efficaciam graphicè describit S. Cyprianus, seu alius auctor tractatus De Spectaculis inter opera Cypriani, atque inter alia scribit: „ Et cum nulli hominum aut generi, aut professioni ab improbis isto sermone parcat; ab omnibus tamen ad speculum convenitur: commune dedecus delectat, videlicet, vel recognoscere otia vel discere: concurritur ad illud pudoris publici lupanarium, ad obscenitatis magisterium, ne quid secreto minus agatur quam quod in publico discitur; & inter ipsas leges docetur quidquid legibus interdicetur. Quod inter hæc Christianus fidelis facit? cui vitia non licet nec recogitare, quid oblectatur simulacris libidinis, & in ipsis deposita verecundia, audacior fiat ad crimina? Discit facere, dum consuevit videre.

IX. Lactantius lib. 6. *Divin. Instit. cap. 20.* solita sua eloquentia theatrale hæc spectacula infectatur, eorumque abominandam, & perniciosam sordiditatem vivacissime proponit: „ In scenis (ait) quoque nescio an sit corruptela vitiosior. Nam & Comicæ fabulæ destupris virginum loquuntur, & amoribus meretricum; & quo magis sunt eloquentes qui flagitia illa finxerunt, magis sententiarum elegantia persuadent, & facilius inhaerent audientium memoriæ versus numerosi & ornati... Histrionum quoque impudicissimi motus, quid aliud nisi libidines docent, & instigant... quid juvenes aut virgines facient, cum & fieri sine pudore: & spectari libenter ab omnibus cœrant? Admonentur utique quid facere possint & inflammantur libidine, quæ aspectu maxime concitatur, ac se quis-

que pro sexu in illis imaginibus præfiguratur: probantur, que illa dum rident, & adhærentibus viriis, corruptiores ad cubacula revertuntur.

Post hæc concludit: „ Vitanda ergo spectacula omnia, non solum ne quid vitiorum pectoribus insideat, quæ sedata & pacifica esse debent, sed ne cuius nos voluptatis consuetudo deliniant; & à Deo, atque à bonis operibus avertat.

X. Et S. Augustinus lib. 1. *De consensu Evang. cap. 33.* vocat ea, *caveas turpitudinum, & publicas professiones flagitiorum.* Unde vitæ suæ juvenilis errata describens, ait: „ Rapiebant me spectacula theatrica, plena miseriarum mearum, & fomitis ignis mei.” Lib. 3. *Confess. cap. 2.*

Sed non est quisquam qui acrius acerbiusque theatra insectatus sit, & fideles ab iis averrere studuerit, quam S. Chrysostomus; cuius vix ulla Homilia spectaculorum reprehensione vacat; *Homilia 29. in cap. 6. Matthæi*, scenicos ludos civitatis pestem vocat; *Homilia 69. in cap. 2. Matthæi*: *Theatralem chorum malorum omnium fontem, scaturiginem ac fomitem.*

XI. Si hodiernæ comædiæ, & theatrales ludi, uti communiter publice exhibentur, propius attendantur, facile apparebit, rationes ob quas Christianis, & præcipue diebus festis haud convenire olim Patres judicant, etiam in hodiernis militare.

Hinc S. Carolus inter „ publicorum peccatorum illecebras, quas homines depravatæ consuetudinis errore, decepti pro nihilo putant, ponit sui temporis spectacula, ludos, ludicrasque res id generis, quæ (ait) ab ethnicorum moribus originem ducunt, disciplinæque Christianæ adversantur. Hæc Concionator reprehendit... perpetuo detestabitur, execrabitur, demonstrabit incommoda, publicasque ærumnas inde in Christianum populum dimanare.

Utque ostendat quam hæc cum pristinis spectaculis, in quæ Patres calamum strinxere, conveniant, addit: „ In quam sententiam valde populum confirmabit argumentis, quæ gravissimi viri, Tertullianus, Cyprianus Martyr, Salvianus & Chrysostomus afferunt.” In *Actis Eccles. Mediolanensis pag. 400.*

XII. Si spectacula, quæ *comædiæ* vel etiam *opera* dici solent, expendantur, quæ hodie in civitatibus Belgicis exhiberi solent, apparebit sane, quod non parum jam descriptis spectaculis sint conformia; sanctificationi dierum Festorum minime convenient; & nara sint populum facile à Divinis Officiis abstrahere; imo vix contingat, ut non tantum ad vanitatem & curiositatem, sed & ad libidinem provocent. Perfecta enim vix creduntur, nisi obscœna aliqua, ut minus saltem recte, & sub terminis quibusdam æquivocis, quæ frequenter magis inhaerent auditoribus, admisceantur.

XIII. Quapropter Synodus P. II. Cameracensis inter abusus, quibus per Synodorum Decreta hæcenus mederi non potuit, numerat *spectacula ludicra*; eaque diebus Dominicis & aliis Festis diebus tempore Divini Officii, maxime Vesperarum & Concionis, præcepit non haberi; desideratque id ipsum Regio Edicto confirmari.

XIV. Si choreas, saltationes & tripudia, quæ hodie, præcipue ruri inter personas utriusque sexus instituuntur, consideremus, apparebit his apprime quadragæ, quæ in spectacula, choreasque suo tempore dixere Patres; atque ad ea „ nunquam fere conveniri sine multis, & iis quidem gravissimis Dei offensionibus (verba sunt S. Caroli in Synodo Mediol. III. *titulo 1.*) idque ob turpes cogitationes, obscœne dicta, inhonestas actiones, morum corruptelas & perniciosas ad omnia opera carnis illecebras illis perpetuo conjunctas, tum propter cædes, rixas, dissidia, stupra, adulteria, aliaque mala plurima inde consequentia quam sapissime.

XV. Verissimeque de his dici plerumque poterit, quod de iis olim pronuntiavit Chrysostomus *Homil. 48.*

in Matt. " Multa (ait) nostra hac ætate celebrantur  
" convivia, multæ choreæ & saltationes homicidæ per-  
" aguntur; in quibus non jam sanctissimus præcurfor  
" interficitur, sed ipsa Christi Jesu membra immaniori  
" quodam modo, sævitique jugulantur. Non asportat-  
" tur in disco caput in saltationis pretium, sed adstan-  
" tium plerique omnes fœdis belluinisque voluptati-  
" bus turpissime manciantur: dum scilicet irretiuntur  
" criminosis cupiditatibus, non abscisso cervicibus ca-  
" pite sed anima à Christo Domino revulsa crudelius  
" enecatur.

XVI. De nostratibus audi Cardinalem Bellarminum  
in Concione 19. *Dominicæ Quadrag.* " De choreis tan-  
" tum dicam unum verbum, atque ideo potissimum,  
" quod intelligam nonnullis non videri hoc verum ma-  
" lum, & sciam *Lovanii*, esse publicas scholas ubi do-  
" cetur ars tripudiorum. Sed ego profecto: si adulte-  
" rium & fornicatio est malum, videre non possum,  
" quomodo viros cum feminis tripudiare non sit malum  
" cum ad hoc illud maxime provocet... Tu ad calorem  
" adolescentiæ addes calorem potationis, deinde ibis &  
" ridebis, cantabis, saltabis cum puellis: & ego nihil  
" mali suspicabor.

XVII. Hæc si rite expendantur, fatendum erit jure  
merito dixisse S. Carolum loco supra citato, postquam  
de choreis locutus fuit: " His tot offensionum & pec-  
" catorum seminariis locum dari, iis præsertim diebus,  
" quidies propinationis sunt; & iis ipsis diebus fideles  
" plerosque nefariis istis Satanae blanditiis illectos, à Di-  
" vinis Officiis, religiosis supplicationibus, lectionibus  
" sacris abduci, avertique rudes à percipiendis fidei ru-  
" dimentis; aliosque ab aliis Christianæ pietatis officiis,  
" in quæ eo tempore religiose incumbendum est, abstrahi  
" & moveri; hoc certe gravissimum est in conspectu  
" Dei & Ecclesiæ.

XVIII. Saltationes & choreæ hodiernæ nullibi tur-  
pius majorique cum periculo & scandalo aguntur, quam  
in conventiculis juvenum ac puellarum, quæ diebus  
Dominicis & Festis in popinis, præsertim in pagis ha-  
beri solent; quod Synodus Tornacensis 1589. *titulo 4.*  
*cap. 11.* describit, dicens: " Et cum intelligamus in  
" quibusdam Parochiis præsertim diebus Dominicis &  
" Festis puellas & viduas, vel etiam conjugatas sine suis  
" maritis deduci ad tabernas vel popinas vel publica  
" diversoria, & illic cum juvenibus aut viris potitare  
" magno cum pudicitia suæ periculo; præcipimus Pa-  
" storibus & Concionatoribus illorum locorum, ut ac-  
" riter hortentur Parochianos suos & Parochianas, ne  
" deinceps tale quid faciant aut fieri permittant, osten-  
" dentes quam hoc sit turpe & periculosum pudicitia  
" puellarum & mulierum, & tristissimos eventus inde  
" provenire, adhortantes omnes & singulos ne tale quid  
" fiat. Itemque ne tabernarii vel caupones illud domi-  
" suæ fieri patiantur.

XIX. Cum vero hoc malum hoc nostro seculo non  
imminutum, sed potius auctum videretur; ipsosque  
dies Dominicis & Festos turpissime per hæc abominan-  
da conventicula profanari viderent Episcopi, omnibus  
modis, etiam invocato brachio seculari exterminan-  
dum censuerunt.

Synodus Tornacensis anno 1677. habita *art. 6.* sta-  
tuit: " Pluribus conquerentibus de puellarum & ado-  
" lescentum virorum protervia, qui simul popinas  
" adeunt. tum etiam de publicis choreis, tripudiis,  
" aliisque ejusmodi, quibus cum magno Ecclesiæ ludi-  
" brio & pietatis detrimento operam dant populi die-  
" bus Dominicis & Festis, & maxime diebus dedica-  
" tionis & Patronorum... adeantur seculares etiam Ma-  
" gistratus, ipsaque supremi hujus civitatis Consilii  
" Curia... ut tantum scandalum tandem compef-  
" catur.

XX. Nominatissimus Gandensium Antistes Anto-  
nius Triest execrabiles has choreas execratus Decretum  
edidit sub annum 1629, in hæc verba: " Abusus, qui

committitur, præsertim ruri à filiabus, quæ im-  
" mores pudicitia ipsi propriæ & imprimis necessa-  
" riæ, eo audaciæ veniunt, ut invitata à juvenibus ta-  
" bernas frequentent Dominicis præsertim & Festis  
" diebus, præbet, & indies magis præbebit occasio-  
" nem plurimis dissolutionibus & flagitiis: ea propter  
" Pastoribus injungimus, ut in sermonibus suis ea, quæ  
" poterunt diligentia, in abusum illum invehantur, &  
" parentes sedulo corripiant de abominabili sua incu-  
" ria & indulgentia, quod filias suas tanto cum peri-  
" culo pudicitia & famæ suæ ejusmodi consortiis sinant  
" interesse.

XXI. Episcopi Antverpienses eundem abusum in  
sua Dicecesi invaluisse intelligentes, plura adversus il-  
lum edidit severissima Decreta: quibus non obstanti-  
bus intelligens Antistes Joannes Ferdinandus hoc ma-  
lum ubi radices egit, indies grassari & diffundi, Præ-  
decessorum suorum Decreta die 24. Feb. 1685. edita  
Constitutione renovavit; injungens Archipresbyteria  
& Pastoribus cum Vicariis suis, ut hujusmodi conventus  
ab impari sexu agitari solitos pro virili sua extirpare  
studeant " Si vero accideret (ait) ut quipiam à Pastore  
" correpti non resipiscerent, Pastor nobis deferret, ut si  
" Matrimonio postmodum jungi vellent, despiciamus,  
" num satius non fuisset eos à Matrimonio vel Sponsa-  
" libus contrahendis arcere, neque adducere nos pote-  
" runt ut consensum præbeamus, donec resipuerint, &  
" datum scandalum reparaverint, &c.

Deplorat autem hic Antistes profanationem dierum  
festorum, quam hi conventus per ebrietates, perjuriam,  
impudicitias & intolerabiles abusus in hisce committi  
solita, inducunt.

XXII. Alphonsus De Berghes Archiepiscopus Mech-  
liniensis edita de hoc abusu Epistola Pastoralis anno  
1675. significat, " quod maxima & defenda perniciis  
" irreplevit juvenes inter & puellas, qui Dominicis,  
" Festivis, aliisque (quos vocant *Vrolijkje Avonden*)  
" tempore etiam Divini Officii ad tabernas identidem  
" conveniunt; ubi potitant & tripudia agitant in mul-  
" tam noctem: & interea ejusmodi miscentur colloquia,  
" tam obscenæ canuntur cantilenæ, & ab ipsis quidem  
" conjugatis, qui dictis juniorum conventibus intersunt,  
" tam impudici tractus tentantur & exercentur, tamque  
" frequentes scurrilitates & fordes cum magno anima-  
" rum interitu contingunt, ut vel ex auditu eorumdem  
" horreant pii, & timorati obstupescant.

XXIII. Mandat dein Pastoribus, ut pro virili incum-  
bant, & allaborent, quo intolerabile hoc malum & ab-  
ominandum abusum maximeque flagitia impediant: ut &  
suggeru & confessionali, & quavis ferente occasione ob  
oculos efficaciter proponant pericula & innumera mala  
quæ præfatos Conventus comitari solent.

XXIV. Post hæc dicit, quod cum id muneris quo-  
que sit Potestatum secularium, ut cum Pastoribus invigilare,  
& ejusmodi mala, ubi grassantur, à juventute  
arcere obstringantur, Pastoribus incumbat, illas accede-  
re, ut pro officio adlaborent, ad tantum malum extir-  
pandum, *brachiumque*, ut vocant, *seculare*, ubi opus,  
non denegent: quo fiat, ut strenue ad executionem de-  
ducantur Edicta, quæ à Majestate Regia pro sanctifica-  
tione Dominicorum Festorumque dierum non semel  
emanarunt.

XXV. Plura fuerunt Regia Edicta XVI. & XVII. secu-  
lo edita pro observatione dierum festorum: quæ si juxta  
mentem Regis ab Officiariis & Magistratibus civilibus  
executioni mandarentur, indubie magna ex parte abu-  
sus, qui diebus illis committi solent, impedirentur; ea-  
que omnia rursus innovata sunt per decretum Regium  
21. Martii 1682. quod ad instantiam Archiepiscopi  
Mechliniensis emanavit, specialiterque injungitur Of-  
ficiariis Regiis sub Dicecesi Mechliniensi, ut operam  
suam conferant pro impediendis insolentis expressis in  
hac Epistola Pastoralis; utque illa secundum suum tene-  
rem executioni mandetur & observetur.



XXVI. Cùm autem dictus Archiepiscopus adverte-  
ret, quòd nec Epistola Pastoralis, nec Edictum Re-  
gium ad extirpandum hunc abusum sufficerent, fortiora  
remedia adhibenda judicavit.

Hunc in finem per litteras circulares significare jussit  
Archipresbyteris, quòd cùm intellexerit, multos ado-  
lescentes aliosque ad tabernas ire contra suum Decre-  
tum de anno 1675. etsi eidem accesserit Regium Edi-  
ctum; idcirco mander omnibus & singulis Dominis Pa-  
storibus, ut "dictos publicos inobedientes habeant  
"tanquam peccatores publicos, de quibus in Pasto-  
"rali, & ad Sacramenta non admittant, assistentiam  
"que suam iis denegent tum in sponsalibus, tum in  
"Matrimonio, donec publicum scandalum reparà-  
"rint. (a)

Tandem Epistola concluditur his verbis: "qua in  
"re illustrissimus Dominus cupit, ut R. V. (Archipres-  
"byterum alloquitur) in suis visitationibus circa ex-  
"cessus istos & Vesperarum ac Catechismi omissiones  
"diligenter inquirat.

Sanè si sincerè & accuratè expendantur nefanda, quæ  
in his adolescentum & puellarum conventibus, & cho-  
reis perpetrari consueverunt; apparebit, jure meritis-  
simo hodiernis illis choreis & conventibus applicari,  
quæ de sui temporis choreis Patres dixere; imò hisce  
choreis aptissimè convenire definitionem à S. Carolo ali-  
quando probatam: *Est circulus, cujus centrum est dia-  
bolus, & cujus circumfrentiæ sunt Angeli ejus circum-  
stantes.*

XXVII. Plura de his conventiculis, nec non cho-  
reis & tripudiis, eorumque pessimis effectibus videri  
poterunt, in quodam tractatu *De Choreis & tripudiis*,  
*prout agitari passim solent, præsertim diebus Dominicis*  
*& Festis*, quem sub titulo *Theſium* evulgavit Bartho-  
lomæus Palmans in hac Academia Doctor Theologus;  
ubi unà ostendit, quàm arcta gravisque sit Episcopopo-  
rum, Pastorum, nec non Magistratum obligatio inde-  
finenter omnibus mediis allaborandi, ut hoc malum ex-  
tirpetur; quomodo item sub gravi peccato constrin-  
gantur parentes proles suas, & Patres familias suos do-  
mesticos ab hujusmodi conventiculis retrahere.

XXVIII. Multipliciter per frequentationem popi-  
narum & tabernarum dies Dominicis & festivos viola-  
ri, ob multiplicia peccata, quæ in illis committi solent,  
jam pridem notatum fuit; atque ob hanc popinarum  
frequentationem potissimum verificari illud S. Antoni-  
ni *part. 2. tit. 9. cap. 7. §. 5.* "Omnium lachrymis de-  
"stenda est Christianorum cæcitas, quòd gravius  
"Deum offendant diebus festis ejusdem Divino cultui  
"dedicatis, quàm totâ hebdomadâ ad vitam paran-  
"dam institutâ.

XXIX. Præter Principum Edicta, quæ generaliter  
usum tabernarum, ob multiplices excessus, qui in iis  
committuntur, moderantur, relata *parte 1. titulo 2.*  
*cap. 4.* sunt insuper plura Principum Edicta, quibus  
cavetur, ut nullus Incolarum ad tabernas recipiatur;  
nec taberna ulli incolæ pateat diebus Dominicis aut fe-  
stis tempore Missæ, Sacri & Vesperarum. Ita Edictum  
Philippi II. ad Synodum P. II. Cameracensem *art. 5.*  
Item, Edictum Alberti & Isabellæ ango 1607. quod  
habetur *parte 2. Edictorum Flandriæ pag. 33.*

XXX. Quæ & Synodalibus Decretis sæpius injun-  
cta fuerunt. Et quidem Synodus Antverpiensis sub  
Miræo anno 1610. *tit. 13. cap. 2.* advertens non omnes  
ad sanctificationem Festorum monitionibus flecti: Vo-  
"luntus (ait) contra illos transgressores sine dissimu-  
"latione procedi juxta Ecclesiæ præcepta, Serenissi-  
"mum Principum nostrorum Edicta, Prædecesso-  
"rumque nostrorum Ordinationes .... Potissimum  
"diligenter observetur, ne Dominicis & Festis diebus,  
"eo tempore, quo divinum Officium fit aut verbum

(a) Epistola & litteræ circulares Archiepiscopi Mechliniensis  
simul cum gemino Caroli II. Hispaniarum Regis Decreto collo-  
cæ sunt in fine hujus voluminis sub littera R.

"Dei prædicatur, tabernæ vel hospitia ulla aliis quàm  
"vitatoribus pateant. Si verò ipsi Officarii caupones  
"sint, & hac occasione lucri cupiditate hanc justissi-  
"mam legem ipsi violent, aut aliàs fuerint negligentes,  
"mandamus Pastoribus & aliis in Parochia Sacerdoti-  
"bus, nec non & Custodibus. ut tales ad Officiale  
"nostrum deferant; eidem Officiali nihilominus in-  
"jungentes, ut in tales inquirat etiam non monitus à  
"Pastore.

Similiter Synodus Mechliniensis anno 1609. *tit. 12.*  
*cap. 1.* ait: "Diebus Dominicis aut Festivis tempore  
"concionis, summi Sacri, vel Vesperarum in tabernis  
"potitantes, aut publicis lufibus vel tripudiis vacantes,  
"denuntientur, pro qualitate personarum & modo  
"scandali puniendi. "In margine indicatur Edictum  
Principum pro observantia Festorum.

Eadem passim in omnibus Synodis Belgicis inculcan-  
tur, & sub gravibus etiam pœnis injunguntur; nomi-  
natimque in ultima Synodo Namurcensi an. 1659. iis-  
dem verbis adoptatur relatum Decretum Synodi Mech-  
liniensis; additurque: In quo casu & omnibus aliis ser-  
"vabitur Edictum Alberti & Isabellæ de anno 1607.  
"publicatum Namurci anno 1608.

XXXI. Sunt & alia exercitia, quæ licet ex se non  
sint illicita, & eam malorum & insolentiarum non so-  
lent habere sequelam, quam secum quasi infallibiliter  
trahunt choreæ, juvenum puellarumque conventicu-  
la, ac tabernarum frequentatio, tamen nata sunt aver-  
tere à Divinis Officiis, & debitum Festorum dierum  
cultum impedire; quales sunt plerique lufus publici à  
corporum agitatione & industria dependentes; qui licet  
cum moderatione ad aliquam corporis exercitationem  
etiam diebus Dominicis & Festivis tolerari possint, ta-  
men & Synodalibus Decretis, & Principum Edictis  
veritum est, publica hæc exercitia facere tempore Di-  
vini Officii: ita Synodus P. II. Cameracensis & Edi-  
ctum Philippi II. ejusdem confirmatorium *art. 5.* &  
citatum Edictum Alberti & Isabellæ.

XXXII. Ex omnibus hætenus relatis tum Syno-  
dorum & Episcoporum tum Principum Decretis &  
Edictis videre est, sat multa esse providè statuta pro  
Festorum debito cultu; eorumque neglectam execu-  
tionem esse causam illius dierum Festorum profana-  
tionis, quæ multis in locis tam horrenda est, ut ti-  
mendum sit à minis, quas olim Deus per Prophetam  
Malachiam *cap. 2. v. 3.* populo Judaico denuntiavit in  
verbis: *Eccce ego projiciam vobis brachium, & disper-  
gam super vultum vestrum stercus solemnitatum vestra-  
rum.* Et illud Isaiæ *c. 1. v. 13.* *Neomeniam & Sabba-  
thum & solemnitates alias non servam, iniqui sunt cas-  
us vestri; Calendas vestras & solemnitates vestras odi-  
vit anima mea: facta sunt mihi molesta, laboravi susti-  
nens.*

## CAPUT VI.

### De licentia laborandi diebus Festivis.

1. Ecclesia in observatione diei festi vult servari illud  
Christi: Sabbathum propter hominem factum est,  
& non homo propter Sabbathum.
2. Lex charitatis cedit legi positiva de observatione Sab-  
bathi.
3. Lex generalis cedit legi particulari.
4. Christus docuit præferendam misericordiam & chari-  
tatem externo cultui diei festi.
5. Christus ostendit, quod conditor legis, in lege dispen-  
sare possit.
6. Jam pridem ostendit Ecclesia, externum cultum diei  
festi cedere debere necessitati.
7. Ob necessitatem indulsit generaliter Constantinus Agri-  
colis laborare.

8. *Legem hanc correxit Leo Sapiens; qua correctione bonie utimur.*
9. *Necessitas determinanda à legitimis Superioribus.*
10. *Notabilis species dispensationis ex Decretali Alexandri III.*
11. *Synodi Belgicæ pro dispensatione obtinenda remittunt ad Superiorem Ecclesiasticum.*
12. *Judicium de necessitate Synodus Cameracensis delegat Archiepiscopo, vel Pastori.*
13. *Edictum Principum videtur remittere ad Magistratum civilem.*
14. *An Episcopi sine Regio placito queant publicare ordinationes super observatione festorum.*
15. *Conciliatio prædictorum Edictorum cum Synodo II. Cameracensi.*
16. *Quid agendum Archiepiscopis & Parochis, si Officia civiles eam auctoritatem sibi liberalius, quam oportet, usurpent?*
17. *Circa colligendas fruges dispensatio haud faciliè, neganda; præsertim si Magistratus judicet necessitatem esse.*
18. *Aliqua indulgeri possunt festis minùs solemnibus, non indulgenda solemnioribus.*
19. *Dispensatio danda ob necessitatem non affectatam.*
20. *Quomodo adversus violatores festorum ex Decretis Synodorum procedendum?*
21. *Ex Edicto Principum locus est præventioni inter Judicem Ecclesiasticum, & Civilem; & quæ ab illo observanda?*

I. Sic Ecclesia ab operibus servilibus aliisque per se minimè illicitis, sed mentem tamen à rebus Divinis advocare solitis, abstinendum censuit diebus Dominicis & Festivis, ut tamen semper meminerit moniti Magistri sui: *Sabbatum propter hominem factum est, & non homo propter Sabbatum.* Marci, cap. 2. v. 27.

Quo suo monito indicatum voluit Christus, Sabbatum omniaque ad ejus sanctificationem instituta, referenda esse ad sanctificationem & utilitatem hominis: adeoque si huic fini hic & nunc non convenient; sed è contrario in hominis detrimentum vergerent, tunc Sabbatum ejusque leges cedere debere, utpotè quod propter hominem factum est.

II. Hoc ipsum sæpius Christus tum verbo, tum facto ostendit, ut Pharisaicum & superstitiosum Sabbathi cultum destrueret.

Et quidem cum quodam tempore abiens Jesus per sata Sabbatho, Discipuli ejus esurientes cœpissent velere spicas & manducare; & Pharisei id videntes, dicerent ei Matt. c. 12, v. 2. *Ecce Discipuli tui faciunt quod non licet Sabbathis*, Christus à Pharisaica hac reprehensione vindicans Discipulos suos, dixit eis v. 3. & 4. *Non legistis, quid fecerit David, quando esurivit, & qui cum eo erant, quomodo intravit in Domum Dei, & panes propositionis comedit, quos non licebat ei edere neque his, qui cum ipso erant, nisi solis Sacerdotibus.*

Hic ostendit Divinus Magister, legem merè positivam etiam de concernentibus cultum Dei, postponendam legi naturali necessitatis; nullamque consecrationem rei aut diei eam legem abrogare posse, quæ proximo in necessitate charitatem exhiberi jubet.

III. Alterum argumentum in defensionem Discipulorum subjungit, dicens, v. 5. & 6. *Aut non legistis in lege, quia Sabbathis Sacerdotes in Templo Sabbathum violant, & sine crimine sunt? Dico autem vobis, quia Templo major est hic.*

Quibus verbis docet, legem positivam generalem colendi Sabbathum nonnunquam cessare, cum alia particularis lex ad eandem sanctificationem pertinens concurrat.

IV. Dein subjicit Christus hanc regulam v. 7. *Si autem sciretis, quid est, misericordiam volo, & non sacrificium, nunquam condemnassetis innocentes.*

Quasi diceret; quia lex charitatis præferenda est om-

ni externo cultui externisque sacrificiis, si eam sat expendissetis, nunquam condemnassetis Discipulos in necessitate positos die Sabbathi spicas velentes, easque ad esuriem suam explendam manducantes: quia externum quidem Sabbathi cultum volo; sed magis misericordiam, & charitatem, qua proximo in necessitate constituto succurritur.

V. Denique concludens, ait v. 8. *Dominus enim est Filius Hominis, etiam Sabbathi*: id est, Filius Hominis, qui Sabbathum instituit, eique Leges præscripsit, eatenus est etiam Dominus Sabbathi, ut lege charitatis vel necessitatis occurrente, possit in Legibus illis dispensare.

His Divinis regulis insistens Ecclesia, Leges suas pro dierum festivorum cultu & sanctificatione institutas, ita semper intellexit, ut legi necessitatis & charitatis, aut legi alteri speciali eas cedere debere profiteretur; seque dierum festorum, legumque ad illorum cultum spectantium ita Dominam esse, ut quando lex charitatis aut necessitatis postulaverit, à legibus illis recedendi potestatem facere queat; quò ostendat, quòd ad exemplum Sabbathi, dies festus factus sit, propter hominem, non homo propter diem festum.

VI. A Patribus Synodi Laodicensis jam pridem Decretum legimus Can. 29. "Quòd non oportet Christianos judaizare; & in Sabbatho otari; sed eo die operari: præferentes autem in veneratione Domini, cum diem, si modò possint, ut Christiani hoc faciant, (a)

Ad additam clausulam, si modò possint, reflectens Theodorus Balsamon in Commentario in huic Canonem, ait: "Sed & hoc scilicet die Dominico non operari, non necessariò mandarunt; sed adjecerunt, si possint Fideles. Si enim propter inopiam vel aliam aliquam necessitatem, etiam die Dominico fuerit aliquis operatus, præjudicium ei non affertur.

Eandem clausulam observat Zonaras, additque: "Lex verò civilis, à muneribus die Dominico pacationem esse, si agricolarum opera excipias, omninò jubet. Illis namque, quia fortè, operibus primo quòque tempore obeundis alium diem pariter accommodatum nancisci non ita faciliè fuerit, Dominico quòque die operam navandi facultas concessa est.

VII. Lex civilis, cujus hic meminit Zonaras, videtur esse Constitutio Constantini Magni relata in L. 2. Cod. De Feriis, quæ permittebatur agricolis die Dominico operas suas exercere, additè hac ratione: "Quoniam niam frequenter evenit, ut non aptius alio die frumenta sulcis aut vineæ ferobibus mandentur; ne occasione momenti pereat commoditas cœlesti provisiónem concessa.

VIII. Ad necessitatem Imperatorem reflexisse sat apertum est: sed quia necessitas hæc non semper occurrit, ac idè videretur nimia à veneratione diei Dominicæ exemptio agricolis indulta, Leo Sapiens seculo IX. eam legem correxit Constit. 54. statuitque ut omnes in die sacro à labore vacent, "neque Agricola, neque quipiam alii in illo illicitum opus aggrediantur. Si enim, qui umbram quamdam atque figuram observabant, tantopere Sabbathi diem venerabantur, ut ab omni prorsus opere abstinere, quomodo quibus gratiæ lucem, ipsamque veritatem colunt, eos hunc diem, qui à Domino honore ditatus est, nosque ab exitu dedecore liberavit, non venerari par est?

Agricolæ igitur non secus atque alios opifices per cessationem operarum suarum colere dies festos voluit Leo; quod & posteriores tam Principum, quam Episcoporum leges decreverunt; eà tamen cautione, ut necessitati lex hæc positiva cedat; quæ semper intacta mansit.

IX. Ne prætextu necessitatis Leges Ecclesiasticæ pas-

(a) De Canonis 29. Laodicensi interpretatione multa eruditè dedit D. Van-Elspeo t. 3. in sua dissertatione in Consilium Laodicense.

sim violentur, atque unicuique liberum sit legem transgredi, dum pro arbitrio suo & affectu necessitatem fingit, merito hujus necessitatis determinatio non cujuslibet privati, sed Superiorum arbitrio & judicio commissa est: ut hi necessitate aut utilitate perpensa, judicent, an & quomodo in lege dispensandum sit.

X. Notabilis species dispensationis, quæ & regulas aliquas suppeditat, occurrit in *cap. 3. de Feriis*, ubi rescribit Alexander III. Archiepiscopo Triburicensi ejusque Suffraganeis: "Quod cum regio vestra non multum frugibus abundet, mare, in quo populus majorem consuevit habere sustentationem, sterilius solito effectum fuisse multorum relationibus cognoscere, beati Petri auctoritate & Pauli & nostra indulgemus, ut liceat Parochianis vestris diebus Dominicis, & aliis festis (præterquam in majoribus anni solemnitatibus) si alecia (a) terræ se inclinent, eorum captioni ingruente necessitate intendere: ita quod post factam capturam Ecclesiis circumpositis & Christi pauperibus congruam faciant portionem.

XI. Synodi nostræ Belgicæ pro dispensatione passim ad Episcopum, Archipresbyterum aut Pastorem remittunt.

Synodus P. I. Mechliniensis, *tit. De Festis, cap. 3.* "Verat omnibus Magistratibus & Secularibus Judicibus, ne cuiquam ex omnibus prædictis festis violandi seu profanandi licentiam concedant, sed eos, qui ab ipsis licentiam hujusmodi requirunt, ad Episcopum ejusve Vicarium vel Pastorem remittant: alioquin contra eos tanquam Synodali Statutorum transgressores, & alias prout de jure, procedant.

XII. Similiter Synodus P. II. Cameracensis *tit. 4. cap. 2.* postquam dixit diebus festis, nec permitti agrorum cultum, aut messum, molitorum, coctorum cerevisiæ, lanionum, pistorumque operas, addit hæc exceptionem, *nisi ob notabilem necessitatem*, dicit: "Cujus cognitio ad Decanum Christianitatis, vel eo absente, aut nimis procul degente, ad Pastorem loci spectabit.

XIII. Edictum Philippi II. ad hanc Synodum, *art. 7.* pariter vult diebus festis à prædictis exercitiis abstinere, "nisi ob necessitatem declarandam (ait) per Officarium & Magistratum loci, de advisamento Decani Christianitatis aut in ejus absentia Pastoris loci. Idipsum habet Edictum Alberti & Isabellæ quod emanavit anno 1607. super observatione dierum festorum.

XIV. Episcopus Gandensis pro observatione diei Dominicæ & Festorum anno 1622. Ordinationem conceperat constantem triginta articulis, eamque communicandam censuit Principi in suo Consilio privato, ob difficultatem, quam Episcopo movebat Consilium Flandriæ, prætendens fas non esse Episcopo similes Ordinationes & Leges promulgare, iisque populum adstringere sine prævio consensu Regis: Plura quoque per Consilium Flandriæ huic Ordinationi tanquam temporis & receptis moribus minimè convenientia opponerentur. Postquam verò hæc in Consilio privato fuere examinata, Ordinatio Episcopi probata fuit, exigua in ea facta moderatione, nihil tamen decedit Consilium privatum super primaria difficultate, quam moverat Consilium Flandriæ; utrum scilicet fas esset Episcopo sine prævio Regis consensu similes Ordinationes publicare; sed ut ab hac controversia abstraheret, hanc Episcopi Ordinationem, quoad omnes suos articulos probavit, & sub nomine Regis in suo Consilio privato produxit per modum Edicti, adhibita quâdam moderatione, ac signanter circa articulum 28. Ordinationis, per quem volentes obtinere facultatem operandi die Dominico aut festo remittebantur pro ea obtinenda ad Episcopum,

ejusve Vicarium vel Officialem, aut etiam Archipresbyterum Rursalem, aut Pastorem loci, nullâ factâ mentione Magistratus civilis: at verò Edictum declarat, quod qui ex causa necessitatis obtinuerint veniam operandi die Festo ab Episcopo, vel ejus Vicario, vel Officiali, Archipresbytero vel Pastore, aut etiam ab Officiario vel Magistratu loci, prævio advisamento, vel interventu Archipresbyteri, vel Pastoris, conformiter ad Edictum de anno 1607. forent immunes ab omni multa. Hæc Ordinatio Episcopi unâ cum Regio Edicto habetur Parte III. Edictorum Flandriæ. *Lib. 1. Rub. 1.*

XV. Super hoc Edicto & duobus aliis *num. 13.* relatis reflectens Zypæus in Notitia Juris Belgici, *tit. De Feriis, num. 4.* ait: "Judicio quidem Magistratus quatenus de puro facto necessitatis quaeritur: Archipresbyteri ruralis, aut ubi is non est, Pastoris; quatenus de obligatione præcepti Decalogi seu Ecclesiæ agitur: quæ non habet alium interpretem, quam Ecclesiasticum Magistratum... ut & dispensatio super obligatione non alteri competere possit; sed tantum super declaratione facti, & sic impropria locutione.

XVI. Inter acta & resoluta in Congregatione Archipresbyterorum, præsidente Archiepiscopo Mechliniensis, habita die 25. & 26. Septembris, anno 1663. *art. 41. & 42.* habetur: "Ad evitandum abusum, quo in aliquibus locis Ballivi & Officarii laici pro certo pretio permittunt, inconsulto Ordinario, Archipresbytero, vel alio ad id deputato, quod diebus festis & prohibitis rustici arare possint & carrucare, Archipresbyteri agent istic loci cum prædictis Ballivis, curabuntque significari dictis rusticis, eos per similem licentiam non evasuros correctionem Judicis Ecclesiastici; & si idipsum non sufficiat, aut tales Ballivi non desistant, transcribent Ordinario, aut Vicariatu, aut Officiali, ut desuper provideatur; interim non impeditur rusticus, qui ab Archipresbytero, vel Pastore dispensationem obtinuerit, istum Ballivum vel Officarium dictæ dispensationis certiorum reddere.

XVII. Dispensandi occasio, præsertim in pagis; præcipue occurrit tempore messis ad colligendos fructus; quando vel ob irruentem militem, vel ob periculum intemperiei aëris collectio hæc moram non patitur; quando non morosè dispensari convenit; ne occasione momenti pereant commoditas, celesti provisione concessa; ut loquitur citata lex Constantini: ideoque si judicio Magistratus, necessitas notabilis videatur, haud convenit, ut Archipresbyter aut Pastor licentiam hoc casu facile neget.

XVIII. Porro in hac dispensatione, circa quodcumque opus servile versetur, distinguendi dies festivi solemniores à minus solemnibus; quemadmodum distinguit Pontifex in citato *cap. 3. de Feriis*, concedens facultatem incolis certarum regionum piscandi diebus Dominicis & festis, præterquam in majoribus anni festivitatis.

Eam regulam sequuta Synodus P. I. Mechliniensis, *tit. De Festis, cap. 2.* postquam "interdixit omnibus suæ Provinciæ Christi Fidelibus opera manualia & secularia quæcumque, mercatum item & forum rerum venalium atque judicialia exercere, subjungit per modum moderationis: "Ita tamen ut Episcopis illis festis, quæ minus celebria sunt, ad populi communitatem liceat aliquid pro sua discretionem relaxare.

Non dubium ergo, quin aliqua permitti queant diebus Dominicis & festis minoribus, quæ permittenda non sunt in solemnitatibus majoribus; majorque necessitas requiratur, ut licentia laborandi in his solemnitatibus annuatur, quam in aliis festis aut Dominicis diebus.

XIX. Nicolaus V. à Transylvanis consultus, "an pauperibus villanis ac oppidanis licitum sit vendere die Dominico vel festo alicujus Sancti, panes, legumina.

(a) Alecia significare soles tres species Pisciculorum, qui sale conduntur, nempe *les Harangi, les Sardines & les Anchois.*



„mina, pyra, poma, & alia legumina; vel sit licitum  
 „eis finita Missa, post prandium de campo, tempore  
 „messis, cum timetur de pluvia, portare cum pecori-  
 „bus, vel equis, vel curribus, linum, scenum & alia  
 „blada humano usui convenientia? „ Respondit Ponti-  
 „fex: „Dicendum est; quod cessante necessitate ab om-  
 „ni opere servili abstinendum est diebus Dominicis &  
 „festivis: sed necessitate cogente, non tamen *affectatâ*,  
 „seu *procuratâ*, licitum est præmissa exercere. „ Ha-  
 „betur apud Odoricum Raynaldum ad annum 1447.  
*num. 28.*

Rectè dixit Nicolaus, necessitate *non affectatâ* seu  
*procuratâ*: nonnulli enim ea, quæ diebus feriatis agere,  
 aut procurare deberent, in diem Dominicum aut fe-  
 stum ex proposito differunt, atque ita necessitatem af-  
 fectant seu procurant; contra quos tanquam dierum  
 festorum violatores, agit Catechismus Romanus in ex-  
 positione tertii præcepti Decalogi, *num. 29.*

XX. Si citra licentiam opera vetita diebus Domini-  
 cis & festis exerceantur, ex Decretis Synodorum etiam  
 pœnis pecuniariis adversus violatores agendum; qui-  
 bus „per Officialem Mechliniensem inflictis requisitis  
 „Amanus Bruxellensis noluit sententias executioni  
 „mandare, quasi ea auctoritas Ecclesiæ non compete-  
 „ret, & juri Principum derogaret, sed instante Illu-


„strissimo Archiepiscopo Mechliniensi à Cancellaria  
 „Brabantiae facta relatione Principi, condemnatus fuit  
 „eas sententias executioni mandare, 28. Maii, 1605.  
 Ita Zypæus in Jure novo, tit. *De Feriis*, num. 2.

XXI. Ediētum Principum nostrorum de anno 1607.  
 ut efficacior & promptior sit executio eorum, quæ ibi-  
 dem pro cultu dierum festorum statuta sunt, vult con-  
 tra violatores procedi tam per Judices Ecclesiasticos,  
 quam per Civiles jure præventionis: ita tamen ut si per  
 Judicem Ecclesiasticum procedatur ad multam pecu-  
 niariam, ea fiat cum decenti moderatione, applicanda  
 ad usum pauperum aut Hospitalium speciatim in sen-  
 tentia exprimendorum.

Insuper si citatus coram Judice Ecclesiastico alleget,  
 probetque secum dispensatum ratione alicujus necessti-  
 tatis per Officiarium vel Magistratum loci cum ad-  
 visamento Pastoris, ut eodem Ediēto ordinatum est,  
 ipse Judex Ecclesiasticus tenebitur supersedere, neque  
 ulterius inquirere poterit, an dispensatio benè vel ma-  
 lè data sit? (a)

(a) Ex iis, quæ in titulo de celebratione Festorum dicta sunt,  
 rectè concluditur, eorum observationem duabus absolvi partibus,  
 Primâ, quæ privativa dicitur, & in quiete seu cessatione ab opere ser-  
 vili consistit; alterâ, quæ positiva est, & in sanctificatione istius  
 quietis, id est, in Religioso Dei cultu versatur.





JURIS  
ECCLESIASTICI  
UNIVERSI  
PARS SECUNDA.

DE REBUS.

SECTIO III.  
DE BENEFICIIS.

TITULUS PRIMUS.

ORIGO, DEFINITIO, ET DIVISIO BENEFICIORUM.

CAPUT PRIMUM.

ORIGO ET DEFINITIO BENEFICIORUM.

- |  |   |
|--|---|
| 1. Beneficium olim vocatum prædium Fiskale.  | 8. Rerum Ecclesiasticarum dispensatio, qua ratione Clericis committi caperit?     |
| 2. Beneficium & feudum olim coincidebant.  | 9. Primum concedita, vita eorum durante.  |
| 3. Prædia Clericis in alimentationem assignata Beneficia vocari ceperunt; & quare? | 10. Tantum illis qui operam Ecclesiæ impenderent.                                 |
| 4. Multis seculis dispensatio proventuum Ecclesiasticorum mansit penes Episcopos.  | 11. Quomodo titulis portio annexa fuit?   |
| 5. Subinde prædia Clericis utenda concedebantur.                                   | 12. Unde titulus Beneficii nomen obtinuerit?                                      |
| 6. Ex his concessionibus Habetur Beneficiorum origo.                               | 13. Definitio Beneficii juxta Canonistas.   |
| 7. Hæ concessionis primitus tantum erant personales intuitu meritorum.             | 14. Alia Theologorum; sed utraque coincidit.                                      |
|  | 15. Officium Ecclesiasticum est fundamentum Beneficii, etiam secundum Canonistas. |

16. Non alium in finem bodie proventus Ecclesiastici dantur Clericis, quam olim.
17. Nullum Beneficium sine officio.
18. Beneficium debet esse perpetuum; & quare?
19. Beneficia manualia non sunt proprie Beneficia.
20. Beneficium debet erigi auctoritate Episcopi.
21. Id pristinae disciplinae consentaneum est.
22. Quaecumque conditionem adiecerit fundator, fundatio Beneficii non est sine Episcopo.
23. Non sufficit data facultas celebrandi Missas.
24. Etiam si essent perpetuae ad vitam possidentium.
25. Vicarii perpetui titulus auctoritate Episcopi erigendus.
26. Beneficium non praesumitur, si administratio proventus ad tertium pertineat; & quare?
27. Spiritus Ecclesiae circa Beneficia semper idem.
28. Cur conveniat scire pristinam Ecclesiae circa Beneficia disciplinam?

I. **B**ENEFICIUM, ait D. Du Cange in suo Glossario, verbo *Beneficium*: "Scriptoribus mediae aetatis, dicitur praedium fiscalis, le, quod à Rege, vel Principe, vel ab alio quolibet, ad vitam viro nobili utendum, conceditur. Ita autem appellatum est, quod ex merito dantis Beneficio ac liberalitate illud possideatur." Haec ille, qui & ibidem notat, quod & eodem pene sensu Latini hanc vocem usurparunt, & praedia quae Principes militibus aliisque largiebantur, *Beneficia* appellarunt.

II. Post haec exponit, quae esset horum Beneficiorum conditio, & scopus; ostenditque ea naturam hodiernam feudorum habuisse; unde & factum est, ut illud quod *Beneficium* primitus fuit appellatum, postmodum *feudi* nomen acceperit; ita ut *Beneficium* & *feudum* promiscue usurpentur in libris feudorum.

III. Cum autem successu temporis praedia Ecclesiae Clericis bene meritis, tanquam Ecclesiae militibus ad usum dari coeperunt, etiam eadem ratione *Beneficia* appellata sunt. Quando autem praedia & fundi, aliaeque res immobiles Clericis concedi coeperint, incertum est.

IV. Hoc certum est, multis seculis, dispensationem proventus Ecclesiasticorum mansisse penes Episcopos eorumve Oeconomos & Archidiaconos, ut secundum proportionem in Clericos, fabricam Ecclesiae, pauperes, & usum Episcopi distribuerentur.

V. Adhuc constat, quod & subsistente hac dispensandi oeconomia, subinde terrae ac praedia nonnulla Clericis utenda, concederentur.

Sic legitur in *Can. 23. Conc. Aurelian. I. an. 511.* "Si Episcopus humanitatis intuitu, vineolas, vel terras, Clericis & Monachis praestiterit excolendas, vel pro tempore tenendas, etiam longa transire annorum spatia comprobentur, nullum Ecclesia praedictum patiat, nec seculari lege praescriptio quae Ecclesiae aliquid impediat, opponatur."

Et magis ad propositum ex Epistola Symmachi Papae, qui obiit an. 514. legitur apud Gratianum, *Causa 16. q. 1. Can. 61.* "Possessiones quas unusquisque Ecclesiae proprias dedit aut reliquit arbitrio, alienari quibuslibet titulis, atque distractionibus, vel sub quocumque argumento non patimur; nisi forte aut Clericis bonorum meritorum, aut Monasteriis religionis intuitu, aut certe peregrinis, si necessitas largiri suaserit: sic tamen ut haec ipsa non perpetuo, sed temporaliter perfruantur."

VI. Hic habemus, Clericis bene meritis ab Episcopis possessiones Ecclesiarum datas fuisse, quae itaque ex Episcoporum beneficentia profectae, *Beneficia* coeperunt dici: non secus ac praedia à Principibus concessa viris nobilibus, aut militaribus ob eorum merita.

Unde ad hanc Symmachi Epistolam reflectens Cardinalis Baronius monet, hinc, quae Beneficiorum Ecclesiasticorum origo fuerit, manifestum esse. "Cum enim solerent (ait) Clerici ab ea Ecclesia per Episcopum singulis mensibus victus causa meritam stipem accipere, postea factum ut aliquibus ex his Ecclesiae possessiones, quoad viverent, ab ipso Episcopo concederentur, quae *Beneficia* dici coeperunt, eo quod (ut Symmachus in ea Epistola) bene meritis tantummodo concedere liceret. *Ad annum 502.*"

VII. Interim ex citatis verbis tum Concilii Aurelianensis, tum Symmachi, ad oculum patet, admodum raras fuisse has concessionem; neque lege ordinaria, sed tantum ex singulari aliqua necessitate, aut ob singularia personae alicujus merita factas.

VIII. At labentibus seculis, disciplina Ecclesiae labefcente, nec non Episcoporum, Oeconomorum, vel Archidiaconorum in rebus Ecclesiae dispensandis fidelitate & integritate à pristino suo gradu declinante, frequentissimae fuere dissensiones & querelae inter Clericos, quibus proventus Ecclesiae distribui debebant, & eos quibus dispensationis cura incumberebat.

Hinc Clerici, ut se à praetensis vexationibus, & injusta dispensatione eximerent, primo coeperunt singuli Presbyteri sibi arrogare oblationes in Ecclesia propria factas; quae antea ad Episcopum dividendae ferri consueverant.

Cum jam jus recipiendi oblationes easque suis usibus applicandi ad singulos Presbyteros esset devolutum, tandem etiam coeperunt res Ecclesiasticae passim dividi; atque singulis sua portio fundorum, unde proventus ipsi recipere, assignari: quod quidem non eodem tempore, nec ubique aut aliquo Decreto Conciliari introductum; sed paulatim de una Ecclesia ad aliam transiit.

IX. At illud notandum, quod sicuti praedia quae *Beneficario* jure à Principe data possidebantur, mortua persona exstinguebantur, & ad Principem reverterebantur; ita quoque primitus comparatum fuisse videtur, ut res Ecclesiae jure *Beneficario* Clericis concessae, tantum ad eorum vitam censerentur datae; ipsaeque possiderent non *jure tituli*, sed tantum *jure personali*; ut ita post mortem totaliter ad Episcopi dispositionem reverterentur.

X. Ulterius quemadmodum Principes sua bona jure *Beneficario* dabant iis, qui servitium militare, aliave obsequia praestarent, similiter Episcopi bona Ecclesiae possidenda vel utenda, seu potius jus percipiendi eorum fructus dabant Clericis, ut Ecclesiae *militarent* seu officium exhiberent, quisque juxta vocationem suam. Hinc illud vulgatum, approbatum per Bonifacium VIII. in *cap. fin. De Rescriptis in VI. Beneficium datur propter officium*; ubi *Beneficium* accipi pro jure percipiendi proventus, nemini dubium est.

XI. Cum vero incommodum videretur, quod, moriente Presbytero, successor ejus jus percipiendi proventus ab Episcopo, ejusque quasi liberalitate recipere denuo deberet, coeperunt singulae Ecclesiae jus percipiendi proventus intra limites suarum Ecclesiarum, suis Presbyteris, independentem ab Episcopis, vindicare; invaluitque tandem juris axioma, quod Parochi habeant fundatam intentionem ad percipiendas decimas, oblationes, aliosque proventus intra fines suarum respective Parochiarum provenientes.

Jus itaque fructus percipiendi, jam non personis, sed Ecclesiis, seu titulis annecti coepit: ita ut qui titulum haberet, jus quoque fructus percipiendi ex bonis titulo annexis consequeretur: quae disciplina tandem universaliter obtinuit, & recepta fuit.

XII. Hinc ulterius factum, ut ipse titulus tandem nomen *Beneficii* fere obtinuerit, tum quod, illo obtento, ipsum jus percipiendi proventus tanquam annexum obtineatur; tum quod Ecclesiasticum officium, sive ministerium tamquam *principale*, jus vero percipiendi pro-



proventus, ut minus principale & accessorium considerari & reputari debeat.

XIII. Canonistæ retinentes primam Beneficii nomenclaturam, qua significatur, jus percipiendi certos proventus, Clericis tanquam *militibus* Ecclesiæ concessum, illud solent definire: Jus perpetuum percipiendorum fructuum quorumcumque ex bonis Ecclesiasticis seu deo dicatis, propter officium spirituale auctoritate Ecclesiæ constitutum.

XIV. Theologi vero, Beneficium magis considerantes penes titulum & officium Ecclesiasticum, definiunt illud, exprimendo ipsum officium, seu ministerium Ecclesiasticum ut principale, hoc modo: Jus perpetuum ministrandi in Ecclesia auctoritate Episcopi constitutum, habens jus percipiendi fructus annexum.

Verum siue Canonistarum siue Theologorum definitio teneatur, in idem recidere videtur: cum & prior definitio sit exprimat, ipsum officium seu ministerium Ecclesiasticum esse principale, atque jus percipiendi fructus, esse accessorium.

XV. Et licet Canonistæ dicant, officium Ecclesiasticum non esse proprie Beneficium, fatentur tamen, esse *fundamentum & causam* Beneficii; quemadmodum loquitur Andreas Vallensis *ad tit. De Præbendis* §. 1. *num. 4.*

Hoc sensu, ait Synodus Tridentina, *Sess. 21. cap. 3. De Reformat. Beneficia ad Divinum cultum atque Ecclesiastica munia obtunda esse constituta.* Et Innocentius III. *lib. 1. Epist. 82. ad Auxitanum Archiepiscopum*, scribit: „Dignitates & cætera Beneficia Ecclesiastica pia Fidelium devotione constituta fuerunt, certis assignanda personis, ut per ipsas personas in Ecclesiis devotum *servitium* jugiter impendatur.

XVI. Hinc pater, quod, licet sensim circa proventuum Ecclesiasticorum dispensationem disciplina invaluerit diversa à pristina; tamen Ecclesia eodem semper spiritu procedens, Beneficia Ecclesiastica, seu jus percipiendi proventus ex bonis Ecclesiæ non alium in finem Clericis assignata voluerit, quam quo ab initio eis per Episcopos stipendia vel sportulas; aut annonas siue alimenta suppeditari voluit; nempe ut qui Altari servit, de Altari vivat; utque possent vacare *legi Domini*, quemadmodum dicebat piissimus Rex Ezechias, præcipiens populo habitantium *Jerusalem*, ut darent partes Sacerdotibus & Levitis. *Lib. 2. Paralipom. cap. 31. v. 4.*

XVII. Unde nec ullum Beneficium sine officio esse potest, quia uti „Divini juris est, ut qui servit Altari, de Altari vivat, ita nec bono jure is, qui non servit Altari, de Altari vivit: sicut stipendium non debetur nisi militanti,“ ait Synodus Colonienfis anno 1549. *tit. 9. Can. 3.* Neque esse ex intentione Ecclesiæ, ut ultimum Beneficium quantumvis *simplex*; uti vocant, sit sine officio, infra ostendemus.

XVIII. Dicitur in definitione, *jus perpetuum*; hoc est *ad vitam* Beneficiati: quæ perpetuitas ex ipsa Apostolica Doctrina, & pristina Patrum disciplina originem ducit.

Docet enim Apostolus, ut *unusquisque in qua vocatione vocatus est, in ea permaneat.* 1. *Ad Corinth. cap. 7.* Hinc & fixa perpetuæ fuit Ecclesiæ disciplina innovata per Synodum Tridentinam, ut dum quis alicui Ecclesiæ legitima auctoritate & vocatione adscriptus est, in ea permaneat, ibique suis fungatur muneribus. *Sess. 23. cap. 16. De Reformat.*

Cum autem per quodcumque Beneficium Clericus adscribatur certæ Ecclesiæ, voceturque ad certum Officium seu Ministerium Beneficio correspondens, ratio ipsa vocationis, ipsaque Patrum disciplina suadent, ut in eo perpetuo maneat, neque ab eo removeatur aut discedat, nisi iusta aliqua ratio aliud persuadeat.

XIX. Hinc communiter concludunt Canonistæ, quod si aliquod officium cum annexo jure percipiendi fructus erigatur temporale & ad nutum revocabile:

non esse proprie Beneficium Ecclesiasticum; & si de perpetuo fiat amovibile *ad nutum* seu *manualè*, amittere naturam veri Beneficii.

XX. Uterius, ut sit Beneficium, atque pro Beneficio Ecclesiastico reputetur, requiritur, ut sit jus perpetuum auctoritate Ecclesiæ, seu Episcopi, aut Pontificis constitutum; quod etiam ex ipsa Patrum disciplina originem habere, non obscurum est.

XXI. Antiquitus enim nemo Ministeriis Ecclesiasticis applicabatur, nisi ex Episcoporum auctoritate. Ipsa quippe Ordinatio Clericum Ecclesiæ, cui in Ordinatione adscribebatur, tanquam illius Ministerium alligabat, ut ibidem sui Ordinis muneribus fungeretur; atque hoc pacto illius Ecclesiæ Clericus vel Minister, seu ut hodie loqui amat, *Beneficiatus* constituebatur.

Adhæc Ministeriorum seu Officiorum ordo, per Clericos observandus, ab Episcoporum auctoritate pendebat, nullumque Officium seu ministerium sine eorum consensu quisquam suscipere poterat.

Dispenatio quoque proventuum Ecclesiasticorum primitus ipsorum arbitrio credita erat.

Hæc Episcoporum auctoritas, ut aliquousque salva persistat, & munia Ecclesiastica eorum interventu suscipi, & Ecclesiasticæ possessiones ab ipsis ad Clericos derivari videantur, visum est, nullum reputari verum Beneficium Ecclesiasticum, vi cujus Clerici Ecclesiasticis muniis alligantur, & jus percipiendorum Ecclesiasticorum proventuum adipiscuntur; nisi auctoritate Episcopi jus tale probatum, atque pro vero titulo Ecclesiastico agnatum fuerit: quo fiat ut dum Clericus vi hujus Beneficii seu tituli functionibus Ecclesiasticis applicatur, & jus ad fructus annexos acquirit, ea auctoritate Episcopi quodammodo fiant.

XXII. Hinc concludunt Canonistæ, quod, etiamsi testator in simplici legato cum onere Missarum voluerit, quod ad illud debeat præsentari Clericus, siue Sacerdos ab *Ordinario* instituendus; si tamen non intervenerit auctoritas Episcopi, atque sine hac auctoritate erectum sit in Beneficium, tale legatum non erit Beneficium, uti post alios notat Pyrrhus Corradus *lib. 1. Praxis Benef. cap. 2.* additque, quod nec per quamcumque conditionem Beneficio Ecclesiastico congruentem, à testatore adjectam, legatum reputari poterit Beneficium, nisi auctoritas Episcopi intervenerit.

Post hæc concludit: „Nec proinde similis dispositio obnoxia est cæteris solemnitatibus, ac requisitis Beneficiorum Ecclesiasticorum, quæ ipsistantum Beneficiis conveniunt, si non adsit prædictus Ordinarii consensus.

XXIII. Quinimo, etsi Episcopus concesserit facultatem celebrandi Missas fundatas ad certum Altare, aut Capellam, non propterea hæc fundatio censetur Beneficium: „quia neque per hujusmodi facultatem censetur illam in Beneficium Ecclesiasticum crexisse, aut instituisse: cum hujusmodi actus celebrandi cadat etiam in privatis Oratoriis, in quibus non potest celebrari, nisi de ipsius Episcopi licentia,“ Pyrrhus Corradus *ibid. num. 23.*

XXIV. Et licet etiam hujusmodi fundationes, aut Capellanæ essent *perpetuæ* ad vitam ipsius Capellani, qui possit, vita durante, proventibus fundationis uti, tamen Beneficia non erunt, neque legibus Beneficiorum regentur, nisi auctoritate Episcopi in titulum Beneficii fuerint erectæ. Et si ad talem fundationem quis ad Ordines promoveretur non diceretur promotus titulo Beneficii, sed titulo *Patrimonii*. Pyrrhus *ibid. n. 43.*

XXV. Cum Vicarii perpetui juxta hodiernam disciplinam sint veri Beneficiati, conformiter ad hætenus dicta respondit sacra Congregatio, quod Vicarii perpetui constitui non possint in vim Concilii Tridentini, *Sess. 7. cap. 9. De Reformat.* nisi prius erecta sit Vicaria perpetua auctoritate Episcopi in titulum; Apud Fagnanum *ad cap. AD AUDIENTIAM, De Rescriptis, num. 100.*

XXVI. Quia ex moderna disciplina ( uti supra notavimus ) redditus ipsi titulo Beneficii sunt annexi, atque ipse Beneficiarius vigore ejusdem tituli accipit jus percipiendi proventus illos, vita sua durante, judicatum aliquando fuit, testatorem noluisse Beneficium erigi ex eo quod voluisset, ut custodia & sollicitudo Capellæ cum libera administratione hæreditatis illi relicte, esse deberet penes quemdam Abbatem : ita Pyrrhus *ibid.* numero 20.

XXVII. Ex his quæ de perpetuitate, nec non erectione tituli auctoritate Episcopi dicta sunt, non diffculter colligi potest, quod si omnia quæ juxta modernam Ecclesiæ disciplinam ipsa Beneficiorum conditio, erectio, collatio, & Beneficiorum obligatio requirunt, rite & ex mente Ecclesiæ expendere, apparet, etiam Spiritum Ecclesiæ in his mansisse invariatur, tamen exterior disciplina in multis sit mutata.

XXVIII. Hinc ulterius intelligeretur, quam utile, imo pene necessarium sit, non tantum de moderna, sed etiam de pristina, circa Beneficia disciplina esse instructum : ut ex hac notitia facilius ipse Ecclesiæ spiritus, qui semper præcipue attendendus est, percipi; ipsaque exterior disciplina, quantum possibile, secundum illum spiritum dirigi possit.

## CAPUT II.

### De Dignitatibus, & Personatibus.

1. *Definitio Dignitatis.*
2. *Primis seculis ignotum nomen Dignitatis, prout hodie accipitur.*
3. *Quæ hodie Dignitates dicuntur, durante vita communi Canonicorum, erant plerumque simplicia officia.*
4. *Deserta vita communi, sensim in dignitates degenerarunt.*
5. *Per erectionem Beneficiorum & dignitatum ordines sacri quasi vilescere ceperunt.*
6. *Quid Personatus?*
7. *Personatus multis seculis ignoti, unde originem sumpserint?*
8. *Textus juris qui personatus & dignitates pro synonymis habere videntur.*
9. *Nonnumquam in jure distinguuntur.*
10. *Conciliatio textuum.*
11. *In Belgio Personatus rariores, & inter simplicia Beneficia reputantur.*
12. *Vera dignitas debet esse cum administratione, licet hodie etiam sit ea destituta.*
13. *Officium cum præminetia non dicitur Dignitas, nisi in titulum perpetuum sit erectum.*
14. *Vicarius generalis Episcopi non censetur in Dignitate constitutus.*
15. *Unde dignoscatur an Beneficium sit Dignitas : & de præminetia inter Dignitates?*
16. *Jura honorifica quæ in dignitate constitutis competere solent.*
17. *Super his juribus contentiones vitandæ.*
18. *Quare hæc jura honorifica deferantur?*
19. *Ad quid Dignitates Ecclesiasticæ institutæ?*
20. *Unde contingat Dignitates Ecclesiasticas à multis ambiri?*
21. *In inferioribus Beneficiis aliqua tolerantur, non toleranda in Dignitatibus.*
22. *In materia dispensationis nomine Beneficii non veniunt Dignitates.*
23. *Dispensatio ad Beneficia curata & alia quæcumque non comprehendit Dignitates curatas.*
24. *Dispensatio super Dignitatibus non completitur Dignitates majores.*

### 25. *Quæ sint Dignitates majores in Ecclesiis Cathedralibus & Collegiatis?*

I. **DIGNITAS** dicitur (ait Rebuffus) quædam præminetia cum jurisdictione, quæ cognoscitur ex præminetia, & jurisdictione, quando ad hoc est instituta, ut sit dignitas; & ex consuetudine, quando consuetudo facit, ut sit dignitas. In Praxi Benef. parte 1. tit. *Seculare Beneficium quoduplex num.* 7. Beneficia igitur, quibus hujusmodi præminetia vel ex institutione aut consuetudine annexa est, vocantur Dignitates.

II. Primitus Dignitatum nomen hoc modo sumptum incognitum erat. Cum enim primis Ecclesiæ seculis, nondum exortis Beneficiorum titulis, per solam ordinationem Clerici muneribus Ecclesiasticis applicarentur; ipsaque Ecclesiastica munia essent ipsis Ordinibus annexa; atque per ipsam Ordinationem jus percipiendi proventus Ecclesiasticos consequerentur, omnis quoque prærogativa & præminetia à dignitate Ordinum petebatur; isque major in ministerio Ecclesiastico reputabatur, qui major erat in Ordine.

III. Adhæc, quamdiu Canonici Cathedralium & Collegiarum Ecclesiarum in communi quasi Regulares vixerunt, nomen dignitatis vix notum fuit: imo pleraque quæ hodie in Ecclesiis Cathedralibus & Collegiatis pro Dignitatibus reputantur, olim vita communi durante non Dignitates, quin nec Beneficia fuerunt, sed simplicia officia, quæ à Superioribus pro arbitrio committebantur & adimebantur; quemadmodum ostensum est parte 1. titulo 11. ubi de Dignitatibus Capitulorum singulatim actum fuit.

IV. At Canonicis, deserta vita communi, ad singularitatem, ac una ad secularitatem magis delapsis, ceperunt ea, quæ primitus duntaxat fuerant simplicia officia, erigi in titulos Beneficiales, & sensim etiam in Dignitates degenerari.

Utique notavit Molanus lib. 2. *De Canonicis cap.* 13. ubi advertens, quod Thesauraria apud quosdam sit Officium, à quo, si inidoneus judicetur, repellitur: apud plures vero sit aut Beneficium, aut Dignitas, vel Præminetia, subjungit "Prius simplicitati vetustatis magis competit: tunc enim omnia officia in Clero erant obedientie, ut alicubi Clerus Colonienfis loquitur. Posterius vero ex divitiis enatum est, quæ in Cathedralibus, aliisque Capitularibus Ecclesiis, varia officia non modo in Beneficia, sed etiam in Dignitates evexerunt.

V. Quidquod postquam Beneficiorum tituli exorti sunt, & separatim à collatione Ordinum conferri ceperunt; atque officia, quæ inter Canonicos in communi viventes erant simplicia ministeria, qualia & hodie apud Canonicos Regulares plura reperiuntur, dignitates degenerarunt, vix dici potest, quantum inde vilipendium, & contemptus sacrorum Ordinum proveniret; nec jam ipsi Ordines, sed Beneficia & Dignitates æstimari, & in pretio vulgo haberi ceperunt.

VI. Personatus communiter à Canonistis dicitur, quædam prærogativa in Ecclesia sine jurisdictione, dum habet stallum in choro honorificum præ aliis; ita post alios tradit Rebuffus ad Concordata titulo de *Collationibus*, verbo, *Personatus*: Personatumque habere dicuntur, qui hujusmodi prærogativam obtinent.

VII. Quin hujusmodi *Personatus* labentis disciplinæ, & recentioris ætatis fetus sint, dubium non est. Neque enim ante seculum undecimum ulla hujusmodi *Personatus* mentio occurrit.

Vix dubitare licet hos *Personatos* Clericos, five *Personatus*, demum invaluisse, postquam tituli Beneficiorum cum jure ad temporalia, separatim à collatione Ordinum conferri ceperunt: cui separationi plures abusus suam debere originem, in hoc opere non semel observatum est.

Crescen.

Crescente undecimo seculo Clerici nonnulli Ecclesiarum *Personae* dici coeperunt; illi nimirum, qui Ecclesias etiam Parochiales obtinebant, sed curam animarum eorumque spirituale officium alicui Presbytero, quem Vicarium suum dicebant, committebant: quemadmodum infra titulo *De competentia Pastoralis*, latius exponetur occasione Pastorum primitivorum, quibus Personati Clerici multum similes erant; eandemque penam originem habuere.

Hic enim Ecclesias obtinentes, & titulum sine officio retinentes, proventus Ecclesiarum percipiebant; atque certam quoque prerogativam, quemadmodum etiam nonnunquam Capitula & Monasteria sub qualitate Pastorum primitivorum, retinuerunt & *Personae* Ecclesiarum dicti sunt; nihil praeter proventus aliquos, & certa honoris insignia retinentes.

VIII. Personatum & Dignitatem in iure nonnunquam pro synonymis accipi, noscitur ex variis textibus Decretalium. Et quidem in cap. 8. §. *De constitut.* Primiceriatus Tullensis Ecclesiae, nunc *Personatus*, nunc *Dignitas*, nunc *Officium* appellatur. Rursus in cap. 8. §. *De Rescriptis*, Decani, Archidiaconi & alii dicuntur suppressere nomen *Dignitatis* suae, tanquam si non habeant aliquem *Personatum*. Hic per *Personatum* idem significari, quod antea expressum erat nomine *Dignitatis*, ex contextu evidens est.

Huiusmodi plures textus occurrunt, qui supponunt, *Personatum* & *Dignitatem* synonyma esse. Unde iam pridem notavit Cardinalis Hostiensis in *Summa* titulo *de praebendis*: quod *Dignitas* sit quaedam praeminentia in gradu, quae aliquando vocatur *Personatus*.

IX. Non desunt tamen etiam textus Juris, qui Dignitatem a Personatu distinguere, eaque tanquam inter se diversa statuere videntur.

In Cap. DE MULTA §. *De Praebendis*, ex Concilio Lateranensi sub Innocentio III. Personatus a Dignitatibus distinguuntur. Cum enim dixisset Concilium; quod iam pridem prohibitum fuerit, ut nullus diversas Dignitates Ecclesiasticas, vel plures Ecclesias Parochiales reciperet contra Sacrorum Canonum Statuta, postmodum subiicit: "Hoc idem & in *Personatibus* esse" decernimus observandum.

Eadem distinctio non minus aperte occurrit in Cap. STATUTUM *De Rescriptis* in VI. ubi decernitur, causas a Sede Apostolica non delegandas, nisi *Dignitate* praeditis aut *Personatum* obtinentibus, vel Canonicis Cathedralium Ecclesiarum.

X. His aliisque textibus allegatis concludit Fagnanus ad Cap. АДНѢС §. *De Praebendis* negari non posse, quin revera in iure sint diversa; "necesseque esse fieri, praedicta differre non solum nomine, sed etiam re & substantia, & verum esse, quod dicunt Archidiaconus, Joannes Andreas & Oldradus: Si horum duorum vocabulorum (*Dignitatis* & *Personatus*) virtus proprie sumatur, neutrum est alterum; licet si largè sumantur & improprie, vel sint synonyma vel convertibilia unum in altero. Num. 11.

Fateretur quoque ibidem Fagnanus, quod secundum locorum consuetudinem haec nonnunquam accipiantur tanquam synonyma.

XI. Si Belgii nostri consuetudinem inspiciamus, passim in Ecclesiis Cathedralibus & Collegiatis Beneficia praeminentiam sive locum honorificum in Choro annexum habentia, sine ulla jurisdictione aut administratione non *Personatus*, sed *Dignitatis* nomen obtinent, atque pro Dignitatibus reputantur; ut in Praepositis multarum Ecclesiarum videri potest. Neque ullus in Ecclesiis Belgicis visitur Personatus cum aliqua praeminentia in choro; sed qui in aliquibus particularibus Ecclesiis Personatus supersunt, ii plerique inter *simplicia Beneficia* recensentur; adeo ut etiam minoribus aetate conferantur, ut ex Zypaeo notat Andreas Vallensis titulo *De Praebendis* §. 2. num. 7.

XII. Itaque ex vulgari & communi modo loquendi,

hodie in multis Ecclesiis reputantur & dicuntur etiam Dignitates, quae nullam administrationem in Ecclesia habent; sed tantum praeminentiam in choro & aliis publicis actibus: tamen ut observat Fagnanus loco citato num. 22, proprie dicta Dignitas sit cum administratione; alias dicenda Dignitas *ventosa*; "quae est" (ait) *abusiva* Dignitas, & cujus effectus alius non est, quam ut invidiam generet, & scandalum seminet inter fratres. Quid de Praepositis hodiernis, qui nullam administrationem annexam habent; nec aliquod in Ecclesia officium praestant, imò nec resident, dicendum sit, dixi parte 1. titulo 12. cap. 1.

XIII. Sicuti ad rationem Beneficii Ecclesiastici hodie spectat, quod sit *perpetuum*, ita quoque praeminentia cum jurisdictione proprie pro Dignitate non reputatur; neque eam obtinens in Dignitate constitutus dicitur, si *perpetua* fuerit, titulumque perpetuum vigore Canonicae institutionis assequatur.

XIV. Ita Vicarius generalis Episcopi non tantum jurisdictionem, sed & praeminentiam quamdam habet, praecedendo alios Canonicos, quin & Archidiaconum, praesertim dum nomine Episcopi intervenit in actibus suae jurisdictionis seu administrationis; verbi gratia in examine Ordinandorum, vel pro concursu ad Ecclesias Parochiales. Hic tamen Vicarius non censetur proprie habere Dignitatem, neque in Dignitate constitutus; eo quod omnis ejus jurisdictio, & ex hac profluens praeminentia sit duntaxat *vicaria* ad nutum revocabilis: unde nec similis Vicariatus cum alia Dignitate est incompatibilis.

XV. Ut autem sciatur, quae pro Dignitate haberi debeant, inspicienda est institutio ac potissimum Ecclesiarum consuetudo. Quaedam enim in una Ecclesia pro simplici Officio aut Beneficio, & in aliis pro Dignitate reputantur. Similiter quoad ordinem & praeminentias inter Dignitates, singularum Ecclesiarum consuetudo, quae in singulis penè Ecclesiis diversa est, attendenda est, ut rectè advertit Pinsonius *De Beneficiis* cap. 4. §. 20. num. 7. additque, "consuetudinem cuiusque Ecclesiae ita spectandam, ut eatenus quisque dicatur habere *dignitatem* vel officium quatenus reputatur esse in officio vel *dignitate*, ut in hoc verè dici possit, plus esse in opinione, quam in rei veritate, quod omnes Interpretes (ait) uno simul ore pronuntiant auctoritate Cap. CUM OLIM *De Consuet.*

XVI. Jura honorifica, quae hodie solent competere iis, qui in dignitate sunt constituti: quaeque hodie quodammodo indicia sunt dignitatum; & utinam a plerisque praecipue non appetantur; consistunt plerumque in loco honorabiliore sive digniori in choro, in congregationibus, & processionibus aliisque publicis conventibus; item aliquando in vestium distinctione; quod v. g. praeter superpelliceum, Rochetum ferre possint: insuper, quod saepius quam reliqui Canonici aliive de Clero incensentur, aliisque similibus; circa quae singularum Ecclesiarum consuetudo principaliter attendenda est.

XVII. Hoc unum summopere dolendum, quod ferè penes haec sola jura honorifica dignitates Ecclesiasticae aestimentur, haecque sint, pro quibus in dignitate constituti, maxime saepe sunt solliciti: pro quibus conservandis, aut nonnunquam etiam augendis, contentiones & lites, cum magno laicorum scandalo excitantur, summoque fervore aguntur.

XVIII. Sanè haec honoris & praeminentiae signa unice ex mente Ecclesiae exhibentur, ut impleatur illud Apostoli ad Rom. c. 13. v. 7. *Cui honorem, bonorem*; id est, honor & reverentia exhibeatur iis, quibus honor ob gradum, quem in Ecclesia obtinent, debetur; non ut ipsi inde extollantur, sed potius ut memores officii sibi ratione eminentioris gradus incumbendis humilientur, & de ratione reddenda contremiscant.

XIX. Meminisse debent, quod "dignitates in Ecclesiis praesertim Cathedralibus, ad conservandam au-



„ gendamque Ecclesiasticam disciplinam fuerint instituta, ut loquitur Synodus Trident. *Seff. 24. cap. 12.*  
 „ *De Reformat.* ut qui eas obtinerent, pietate præcellerent aliisque exemplo essent. atque Episcopos operâ & officio juvarent. „ Ex quo tanquam consequens infert Synodus: „ Merito qui ad eas vocantur, tales esse debent, qui suo muneri respondere possint.

Itaque quod ad Episcopos & Prælatos dixit S. Bernardus, ad omnes in dignitate constitutos merito dici potest: „ Honorificabitur autem (ministerium) non cultu vestium, non equorum fastu, non amplis ædificiis, sed ornatis moribus, studiis spiritualibus, operibus bonis.

XX. At externa illa honoris ac præeminentiae signa, nec non opimi proventus Dignitatibus plerumque annexi, ita oculos hominum obfuscant, ut in iis onera annexa non videant, aut sanè non attendant.

„ Multi enim non tantâ fiduciâ & alacritate currebant ad honores, si essentirent & onera; „ ut loco citato *cap. 7.* loquitur Bernardus, qui & subdit: „ Gra-vari profectò metuerent, nec cum tanto labore & periculo quarumlibet affectarent infulas dignitatum. „ Nunc verò quia sola attenditur gloria & non pœna, „ purum esse Clericum erubescitur in Ecclesia; seque viles æstimant & inglorios, qui quocumque in eminentiori loco non fuerint sublimati.

Itaque verissimum est, quod ait idem Doctor ibidem: „ Meditantibus (dignitates) honores blandiuntur, „ sed onera pensantibus tædio sunt atque formidini. „ Non autem omnes capiunt hoc verbum.

XXI. At Ecclesia ipsas dignitates secundum officia ac onera iis annexa attendens: consideransque quòd quo majori in gradu & officio Ministri sunt constituti, eò magis conveniat, ut præ cæteris sint ab omni vel specie mali immunes, nonnunquam in inferioribus Ministris aliqua toleranda aut permittenda iudicat, quæ nequaquam in Prælatibus atque in dignitate constitutis toleranda aut permittenda censet.

XXII. Quapropter etiam si dignitates reverà sint Beneficia, tamen si super aliquo defectu cum Clerico fuerit dispensatum, ut non obstante illo defectu, Beneficium habere queat, non intelligitur sub nomine Beneficii comprehensa dignitas: ideoque nec vigore huiusmodi dispensationis, dignitatem obtinere poterit; ita post Garciam aliosque Canonistas Pyrrhus Corradus in *Praxi dispensationum lib. 2. cap. 6. num. 1.*

XXIII. Eadem ratione (pergit Corradus) si mandatum sit ad Beneficia curata & quæcumque alia, profectò non includitur dignitas curata; quæ quidem dignitas non excluditur, ex eo quòd non sit Beneficium Ecclesiasticum; sed quia est qualificatum.

XXIV. Adhæc, quia inter dignitates aliæ sunt aliis majores, etiam si dispensatum sit simpliciter pro dignitatibus, nequaquam tamen censetur dispensatum pro majoribus & principalibus, nisi id sit expressum.

Quare juxta styllum Curiae, quando dispensatio conceditur pro quacumque dignitate, solet dici, quòd non obstante hoc defectu promoveri queat Orator ad dignitates, etiam majores & principales.

XXV. Majores autem dicuntur respectu Ecclesiarum Cathedralium & Metropoliticarum illarum, quæ in his Ecclesiis post Episcopalem aut Archiepiscopalem sunt majores: pro qua majoritate dignoscenda, recurrendum esse ad consuetudinem Provinciarum & Ecclesiarum, post Mendosam tradit Pyrrhus Corradus loco citato *n. 14.* „ Et sic (ait) aliquando prima dignitas est Archidiaconatus, aliquando verò Archipresbyteratus secundum locorum consuetudines; licet hac consuetudine circumspectâ, de jure communi Archidiaconatus sit major dignitas.

Principales dicuntur in Ecclesiis Collegiatis, quæ sunt primæ in illis Ecclesiis: idque rursus spectatâ consuetudine Provinciarum & Ecclesiarum: habeturque principalis, si major dignitas non sit in ea Ecclesia; etiam si

foran aliæ nec minores ibidem sint, ut probat ibidem Pyrrhus Corradus.

Videri in hanc rem poterunt, quæ suprà titulo 10. *cap. 3.* dicta fuerunt occasione dispensationis super irregularitate ex defectu natalium.

## CAPUT III.

### De Beneficiis Regularibus & Secularibus.

1. *Distinctio inter Beneficia Secularia & Regularia olim ignota.*
2. *Quæ Regularia dicantur; & quæ talia ex ipsa Beneficiorum conditione?*
3. *Beneficium Regulari ex fundatione.*
4. *Potest esse tale titulo præscriptionis.*
5. *Quid ad hanc præscriptionem requiratur?*
6. *Quando requiratur possessio 40. annorum?*
7. *Quid Beneficium Seculare?*
8. *Omnia Beneficia præsumuntur Secularia.*
9. *Exceptiones ab hac regula.*
10. *De quibus Beneficiis regula intelligenda: & ratio regulæ.*
11. *Regularia Regularibus, & Secularia Secularibus conferenda.*
12. *Prior pars regulæ probata à Synodo Tridentina.*
13. *An nondum professus, sed profiteri intendens possit habere Beneficium Regulari?*
14. *Beneficia Regularia ex sua natura non conferenda, nisi Professus vi Concilii Tridentini.*
15. *Id conforme praxi hodiernæ.*
16. *Quædam Beneficia Regularia conferri possunt nondum professis.*
17. *Beneficia non curata Secularia Regularibus conferri nequeunt.*
18. *An Monachi de jure possint ad Ecclesias Parochiales Seculares ab Episcopis assumi?*
19. *Utrum Monachi olim assumpti ad regimen Ecclesiarum Parochialium manerent Monachi?*
20. *Decretum Synodi Lateranensis de Monachis, Ecclesiis Parochialibus præficiendis.*
21. *Hoc decretum de Canonicis Regularibus non loquitur.*
22. *Canonici Regulares de jure ad Ecclesias Parochiales per Episcopum assumi possunt.*
23. *Contraria resolutio S. Congregationis probata à Gregorio XIII.*
24. *Ea resolutio magis militat in aliis Regularibus.*
25. *Suffinent Canonici Regulares, hanc resolutionem non esse receptam: quod & praxi videtur conforme.*
26. *Canonici Præmonstratenses dicuntur habere privilegium obtinendi Ecclesias Parochiales seculares.*
27. *An Canonici Præmonstratenses Beneficiis Parochialibus præfeci possint ad nutum solius Abbatis revocari?*
28. *Mendicantes ex Edicto Caroli VII. ad Beneficia Parochialia admitti non poterant: hodie admittuntur.*
29. *Regulares in regimine Ecclesiarum Parochialium Episcopis subiecti sunt; Quomodo ab iis possunt revocari?*

I. FAMOSA & communis est divisio Beneficiorum in Regularia & Secularia; quæ divisio præcipue seculis posterioribus invaluit; postquam & ipsa officia claustralia, quæ primitus erant merè officia vel obedientiæ, cœperunt sensim in Beneficia & Dignitates degenerari; cœperuntque Monachi etiam manentes Monachi ad functiones hierarchicas assumi.

II. Regularia Beneficia communiter hodie vocantur, quæ

quæ Religiosis addicta sunt, aut per Regulares regi debent.

Contingit autem pluribus titulis, ut Beneficia Regularibus habeantur addicta. Primum quidem ex vi institutionis seu quasi natura & conditione Beneficiorum: eo quod officium huiusmodi Beneficiis annexum, ipsam Regularium disciplinam & regimen, vel quoad spiritualia, vel temporalia immediatè concernat: ideoque conveniens planè sit, ut Regularibus potius, quàm Secularibus officium illud committatur.

Huiusmodi Beneficia sunt Abbatia, Prioratus, tam Conventuales, quàm Claustrales, aliaque Regulare regimen concernentia.

III. Secundò, Beneficium aliquod potest esse Regulare ex speciali fundatione: quia Fundator Beneficii ordinavit, ut Beneficium Regularibus esset addictum sive per Regularem regeretur; ipsumque Beneficium eà conditione ab Ordinario admissum & erectum fuit.

IV. Tertiò, titulo præscriptionis Beneficium aliquod antea seculare fieri potuit regulare; ita ut vi hujus præscriptionis jam Regularibus censeatur addictum, & per Regulares regi debeat.

De hoc titulo agitur in *cap. 5. De Præbendis* in VI. ubi declarat Bonifacius VIII. "Quando scribitur, ut provideatur de aliquo Prioratu alicui Clerico *seculari*, provideri non potest de Prioratu, qui per Religiosos (juxta modum præmissum) est solitus gubernari."

Modus autem præscriptus, & in eodem Capitulo expressus est, "si tanto tempore ab uno vel pluribus Religiosis extitit continuè ac pacificè gubernatus, ut præscriptio legitima sit completa."

V. Ad hanc præscriptionem communiter post Glossam ad dictum *cap. 5.* requirunt Doctores possessionem *quadraginta* annorum; sive ut Beneficium illud fuerit continuè ac pacificè per 40. annos per unum pluresve Regulares possessum, & *tamquam* Beneficium *regulare* ipsis Regularibus in *titulum* Beneficii collatum.

Si ipsis Regularibus esset collatum ex dispensatione *tamquam* seculare, aut forsitan ob defectum Secularium commendatum, hæc quantumvis *longissimi* temporis possessio non sufficeret ad immutandam naturam Beneficii, uti rectè advertit Rebuffus ad Concordata titulo *De Collationibus §. Volumus*, verbo, *Regularia*.

VI. Monet quoque ibidem Rebuffus, requiri possessionem 40. annorum, ut Beneficium seculare reddatur regulare, aut econtra; sed id intelligendum esse, "quando probaretur Beneficium esse regulare, vel econtrario, vel vera qualitas, scilicet si vera qualitas non probaretur, quia tunc sufficit, quod fuerit *ultimò* possessum per Secularem, licet non intervenerit præscriptio ad hoc ut Seculari debeat, si probaretur possessio hinc inde, eo casu attenderetur *ultimus* status. Vide latius Pyrrhum Corradum *lib. 1. Praxis Beneficiorum cap. 6.*

VII. Beneficium seculare dicitur, quod Clericis secularibus est addictum. Seculares autem Clerici dicuntur, qui nullam professi sunt Regulam, sed in seculo Deo serviunt, ait Rebuffus in *Praxi Benef. parte 1. titulo: Quotuplex sit Beneficium: num. 1.* Inde & Canonici seculares eo titulo distinguuntur à Canonicis Regularibus: quod hi, & non illi Professionem Religiosam juxta certam Regulam emittant; uti latius notatum est *parte 1. tit. 7. cap. 1.*

VIII. Tradit ibidem Rebuffus *num. 3.* regulam à Canonistis communiter receptam: "Regulariter omne Beneficium præsumitur seculare ex primæva institutione, nisi probetur regulare. Ideò (*ait num. 4.*) Secularis non tenetur probare esse seculare; sed is, qui illud regulare dicit: quia habet præsumptionem pro se, qui est Secularis."

IX. Exceptionem à Regula subjungit Rebuffus *num. 6.* quoad Capellas fundatas in Monasterio: "Quia illæ (*ait*) præsumuntur Regulares, nisi per Seculares teneantur solite."

Tom. I.

Quod de his Capellis asserit Rebuffus, priori jure dicendum est de Abbatia, Prioratu, aliisque similibus Beneficiis, quæ non tantum in Monasterio sunt fundatæ, sed ipsum regimen Monasticum propriè respiciunt: proinde Clericis secularibus minus conveniunt: utpotè qui nec vitam regularem professi, nec in hac vivendi ratione instituti, minus idonei ad regimen Monasticum creduntur; unde hic rectè applicatur illud Pontificis in *cap. 49. De Elect.* quod "in Magistratum assumi non debeat, qui formam discipuli non assumpsit, nec sit præficiendus, qui subesse non novit."

X. Regula ergo supra expressa, & omnium Canonistarum calculo probata, intelligenda est de Beneficiis extra Monasterium in Ecclesiis secularibus fundatis; aut quæ ad populi aut Cleri directionem spectant; atque eatenus Monachis & Regularibus vitam contemplativam, & solitariam procul à conversatione secularium remotam profitentibus, minus congruis.

Hinc Rebuffus *num. 7.* asserens "quod Parochiales Ecclesiæ præsumantur seculares, quia regulares sunt cum eis inhabiles *cap. MONACHI De statu Monach.* Rationem inhabilitatis subjungit: "Nam Monachi plangentis, & non docentis habent officium, *Can. MONACHUS, & Can. PLACUIT caus. 16. q. 1.*"

XI. Insuper in hoc Beneficiorum genere recepta est hæc regula: *Regularia Regularibus, Secularia Secularibus* conferenda.

Hæc regula ab omnibus Canonistis probata, fundatur in variis textibus Juris, ac signanter in *Cap. CUM DE BENEFICIO, & Cap. CUM SINGULA De Præbendis* in VI. item *Clem. unica De supplenda neglig. Prælat.* in qua expressè dicitur, quod Diocesani negligentiam Prælatorum in conferendis Beneficiis vacanibus supplere debeant; "Prioratus, Ecclesias, admittuntur & Beneficia huiusmodi, illa videlicet, quæ consueverunt per *seculares* Clericos gubernari, *secularibus* Clericis: alia verò, quæ Religiosis duntaxat committi sunt solita, vel conferri Religiosis Monachorum, quorum Prælati huiusmodi negligentes fuerint, conferendo."

XII. Prior pars regulæ, quæ vult, Regularia Regularibus conferri, probatur à Synodo Trident. *Sess. 14. cap. 10. De Reformat.* ubi statuit: "Regularia Beneficia, in titulum Regularibus professis provideri consueta, cum per obitum, aut resignationem, vel alias illa in titulum obtinentis vacare contigerit, Religiosis tantum illius Ordinis, vel iis, qui habitum omnino suscipere & professionem emittere teneantur, & non aliis, ne vellem lino lanæque contextam induant, conferantur."

XIII. Hoc Decretum Synodi videtur admittere, ut Beneficia Regularia conferantur iis Clericis secularibus, qui habitum omnino suscipere & professionem emittere teneantur; at Fagnanus pluresque Canonistæ putant, distinguendum esse inter Beneficia Regularia: ut nimirum illa, quæ administrationem seu regimen Monasticum sive regulare annexum habent, ut sunt Abbatia, Prioratus similiaque Beneficia regularia, non comprehendantur sub his verbis Concilii Tridentini, sed duntaxat Beneficia Regularibus conferri consueta; atque eo titulo *Regularia*; sed nullam administrationem aut regimen Monasticum seu Regulare habentia: camque distinctionem etiam probasse Sacram Congregationem refert Fagnanus ad *Cap. CUM CAUSAM De Electione num. 38.* Nam proposito dubio, "an præter Papam ordinarii Collatores possint Regularia Beneficia in titulum Regularibus professis provideri consueta, conferre etiam Secularibus, qui illius Ordinis habitum omnino suscipere, & professionem emittere teneantur. Die 12. Decembris 1585. Sacra Congregatio censuit, posse etiam ordinarios Collatores portiones monachales, & canonicas, & similia simplicia Beneficia Regularibus provideri consueta, conferre, nedum ejus Ordinis professis, sed & Secularibus, qui habitum

P P P P

habitum

„ habitum suscipere, & professionem emittere omnino  
„ teneantur. Abbatis tamen, & Beneficia admini-  
„ strationem habentia, non nisi professis juxta Cano-  
„ nes, per Ordinarios inferiores conferri posse.

XIV. Probat igitur ibidem Fagnanus, quoad Be-  
neficia Regularia administrationem Regularem habentia,  
in nullo derogatum esse per superius Decretum  
Concilii Tridentini juri communi: ideoque & hodie  
juxta citatum *Cap. Nullus*, similia Beneficia regula-  
ria non posse conferri, nisi *expressè professis*. Quod  
& ipsum Concilium Tridentinum sat innuit *Sess. 25. cap. 21. De Regularibus*, dicens: quod „ confidat  
„ Pontificem pro sua pietate & prudentia curaturum,  
„ ut quæ imposterum vacabunt (id est, Abbatiae, Prio-  
„ ratus, Præposituræ, quæ suos conventus habent)  
„ non nisi *Regularibus* spectatæ vitæ & sanctitatis con-  
„ ferantur.

XV. Testatur quoque Rebuffus in *Praxi Benef. 2. part. tit. De Dispensatione cum Regularibus num. 24. & 25.* „ Hodie non admittitur aliquem in Francia ad Bene-  
„ ficia regularia, Prioratum aut aliam administratio-  
„ nem, nisi is sit *expressè* professus, nisi à Papa, cum  
„ derogatione, & certa scientia, &c. „ Sive confe-  
„ rantur ei Beneficia, sive ad ea eligatur, *Cl. in agro, §. ceterum.*

XVI. Quoad Beneficia autem Regularia simplicia,  
cujusmodi sunt Præbendæ, portiones Monachales &  
alia id genus, ad ea obtinenda „ non requiritur actualis  
„ professio, imò nec habitus regularis; sed satis est,  
„ ut hujusmodi Beneficia conferantur Clericis secula-  
„ ribus, qui habitum illius Ordinis suscipere, & pro-  
„ fessionem emittere teneantur, „ ait Fagnanus *u. 34.*

XVII. Secunda pars supradictæ regulæ, vult  
Beneficia secularia Secularibus conferri, excludit à simi-  
libus Beneficiis ipsos Regulares.

Conformiter ad hanc regulam, ex omnium Canoni-  
starum sententia, Beneficia *secularia* non curata, ut sunt  
Canonicatus, Capellanix aliæque similia, sine dispen-  
satione Papæ Regularibus conferri nequeunt. *Cap. 9. De Regularibus*; & latè Fagnanus ad *Cap. Quod*  
*DEI TIMOREM De statu Monach. num. 18.*

XVIII. Verùm de Beneficiis Parochialibus & Cu-  
ratis non adeò expeditum est; dubitaturque, num Re-  
gulares de licentia suorum Prælatorum ad hujusmodi  
Beneficia secularia promoveri nequeant; estque in hoc  
maxima inter Doctores varietas opinionum, ait Fag-  
nanus ad *Cap. Quod DEI TIMOREM De statu Mo-  
nach. asseritque* „ communiter teneri, Monachum de  
„ jure ex causa *utilitatis* de Abbatis consensu ab Epif-  
„ copo promoveri posse ad Parochialem Ecclesiam sine  
„ dispensatione, dummodò cum eo habitet alius saltem  
„ Monachus.

Fundatur hæc Doctorum assertio præcipuè in citato  
*Cap. Quod DEI TIMOREM De statu Monach. ubi*  
interrogatus Innocentius III. an Canonicus Regularis  
S. Victoris posset retinere officium Plebani, cui ante  
professionem præfuerat, respondet: „ Licet autem in  
„ Lateranensi Concilio de Monachis caveatur, ne sin-  
„ guli per villas & oppida per quascumque paræciales  
„ ponantur Ecclesias, &c. quia tamen istud de Cano-  
„ nicis Regularibus specialiter non cavetur, qui etsi à  
„ Sanctorum Monachorum consortio non putentur  
„ sejuncti, regulæ tamen inserviunt laxiori, & per an-  
„ tiquos Canones etiam Monachi possunt ad Ecclesia-  
„ rum paræcialium regimen in Presbyteros ordinari,  
„ ex quo debent prædicationis officium (quod privi-  
„ legiatum est) exercere: sic annuendum duximus pos-  
„ tulari, ut exercens Plebani officium, si commodè  
„ fieri poterit, unum Canonicum Regularem tecum  
„ habeas ad cautelam: cujus in his, quæ Dei sunt &  
„ Regularis observantiæ, tam consortio, quam solatio  
„ perfruaris.

Ex hac Decretali concludunt Doctores, Monachos  
secundum antiquos Canones potuisse ad Ecclesia-

rum Parochialium regimen in Presbyteros ordinari.

XIX. Verùm, an dum olim Monachi ad Parochiales  
Ecclesias & regimen populi assumerebantur, adhuc Mo-  
nachi manerent, non ita constat; negativam multis  
novissimè adduxit Nicolaus Desnos Prior & Admini-  
strator generalis majoris Domus Dei Pruviniensis Or-  
dinis Canonicorum Regularium Divi Augustini, in suo  
*Canonico seculari & Regulari lib. 3. cap. 15. & 16.* con-  
tenditque Monachatum „ consistere specificè & essen-  
„ tialiter in renuntiando curis secularibus, & sollicitu-  
„ dinibus ac muniis Ecclesiasticis: quorum primo (ait)  
„ Monachus differt à vulgaribus laicis, & secundo di-  
„ stinguatur à Clericis.

Deinde citato Canone 4. Calchedonenis Concilii,  
quo Monachis injungitur conformiter ad eorum pro-  
fessionem, *quietem amplecti, jejuniis & orationi tan-  
tummodo vacare, nec Ecclesiasticis nec secularibus nego-  
tiis se ingerere aut communicare*, tandem concludit:  
„ Ex quo colligitur vera & germana imò & unica cha-  
„ racteristica Monachatus, *abdicatio scilicet secularium*  
„ *negotiorum & curarum ac sollicitudinum hierarchica-  
„ rum ac Ecclesiasticarum.*

XX. Quidquid sit, certum est, labentibus sæculis,  
Monachos etiam ad curam animarum & functiones  
Hierarchicas salvo Monachatu fuisse applicatos; quan-  
quam & illud verum sit, quod per Concilium Latera-  
nense sub Alexandro III. in *cap. 2. De statu Mo-  
nach. cautum sit*, „ ne Monachi singuli per villas &  
„ oppida per quascumque Parochiales ponantur Eccle-  
„ sias, sed in majori conventu aut cum aliquibus fra-  
„ tribus maneant, nec soli inter seculares homines spi-  
„ ritualium hostium conspectum expectent.

Huc dispositioni Concilii Lateranensis in *cap. 2. De*  
*statu Monach. Peckius* subjungit sequens monitum:  
„ Ideoque velim prudentes esse Prælatos, ut in Secu-  
„ laribus Ecclesiæ regimen, quod vel ex dispensatione  
„ Pontificis Maximi, vel ex longi temporis præscrip-  
„ tione habent, non eos protrudant, quorum adoles-  
„ centiæ multas vias lubricas ostendit natura, in quibus  
„ sine prolapsione aliqua consistere vix possint, nec  
„ eos, quos propter morum inegalitatem & asperita-  
„ tem domi ferre ipsi nolunt, sed eos, qui sic cele-  
„ stium deliciarum copiâ exuberant, ut in verbo Dei  
„ abundant, familiæ Christi fideliter inserviant, & de  
„ quibus certior spes est, quod iniquam cogitationem  
„ cohibere, lumbos & concupiscentiam comprimere,  
„ libidini resistere, lascivix effectum denegare, ava-  
„ ritiam atque rapinam contemnere, proximi læsio-  
„ nem devitare, superbiam vincere, invidiam & iram  
„ superare poterunt.

Utinam & id attenderent eorum Monasteriorum Præ-  
lati, in quibus non sine magno abusu, ad Beneficia Pa-  
rochialia, nec non directionem Monialium, quasi ex  
ordine prioritatis emissæ professionis potius, quàm ex  
meritorum & qualitatum consideratione, Religiosi pro-  
moveri consueverunt.

XXI. Innocentius III. in Capitulo: *Quod Dei ti-  
morem*; meminit dispositionis seu Decreti Concilii La-  
teranensis III. Ibi asserit, quod timendum est pro  
Monachis ad Ecclesias Parochiales curandas assumptis,  
id specialiter non caveri de Canonicis Regularibus, *qui*  
*etsi à Sanctorum Monachorum consortio non putentur*  
*sejuncti, regula tamen inserviunt laxiori*: quod ulti-  
mum intelligendum credo, quod non tam arctam quàm  
reliqui Monachi solitudinem, & à secularibus, & Ec-  
clesiasticis functionibus separationem profiteantur: sed  
magis, quàm Monachi ad Clerum accedant. Quem  
sensum non obscure indicat, dum ex hac sua sententia  
infert, officium Plebani Canonico Regulari S. Victoris  
committi posse.

Quod Innocentius III. in *cap. Quod Dei timo-  
rem. De statu Monachorum* dicat Monachos, per an-  
tiquos Canones potuisse ad Ecclesiarum Parochialium  
regimen, in Presbyteros ordinari; indubiè more suo  
asseruit.



asseruit auctoritate Canonum, quos sub nomine sancti Ambrosii & Bonifacii Papae legerat, apud Gratianum 16. *quest. 1. Can. 21. & 25.* quos Apocryphos, & auctoribus illis falso adscriptos hodie agnoscunt eruditi.

Nec enim legitur primis septem aut octo seculis, Monachos in Monachatu manentes, ad Ecclesiarum Parochialium regimen fuisse assumptos, sive regimini similitum Ecclesiarum applicatos: at si à Monachis per Episcopos ad simile regimen assumebantur, Monachi esse desinebant, & à vita Monachali, sive contemplativa & solitaria, ad Clericalem & activam transire censebantur, uti in hoc opere non semper notatum est.

XXII. His obiter de Monachis, qui ad regimen Parochiarum olim assumebantur, prænatis, constat Canonicum Regularem qui Beneficio Parochiali præditus est in suo statu semper remanere. Quin & communiter tradunt Doctores, Canonicum Regularem sine dispensatione Pontificia de solius sui Prælati licentia posse per Episcopum ad Beneficium Parochiale, etiam *seculare* assumi; quod & Synodus Tridentina supponere videtur *Seff. 14. cap. 11. De Reformat.* specialiter ibidem decernens, "quod Regularis de uno ad alium Ordinem *translatus*, etiam si Canonicorum Regularium fuerit, ad Beneficia *secularia*, etiam curata, omnino incapax existat.

XXIII. Nihilominus cum anno 1581. sub Gregorio XIII. quæsitum esset, an Canonici Regulares de licentia sui Generalis possint assumere curam tam ad tempus, quam perpetuo; Pontifex "noluit licere istis Regularibus, etiam de licentia sui Generalis, absque permissione summi Pontificis assumere curam etiam ad tempus, multoque minus Beneficium curatum in titulum." Ita se reperisse annotatum in libris publicis sacre Congregationis, asserit Fagnanus loco citato *num. 16.* additque: "Et subinde cum Canonici Regulares Lateranenses peterent, ut sibi liceret cum licentia sui Generalis obtinere Beneficia curata in titulum vel ad tempus, & res à Congregatione delata esset ad Sanctissimum, Sanctitas sua abnuir.

"Ex his patet (sive Fagnanus) Canonicos Regulares, hac Decretali (quæ incipit *Quod Dei timorem*) non obstante, hodie assumi non posse ad regimen Parochialium Ecclesiarum absque dispensatione Romani Pontificis.

XXIV. Uterius hinc infert Fagnanus, quod si Canonici Regulares assumi nequeant absque dispensatione summi Pontificis, multo minus assumi possint aliorum Ordinum Regulares, responditque Congregatio, Regularem ab Episcopo non posse præfici curæ animarum sine dispensatione Apostolica, quæ non videtur concedenda, nisi instante Episcopo pro necessitate aut utilitate Ecclesiæ.

XXV. Verum Gabriel Pennortus *Lib. 2. Histor. trip. Canon. Regular. cap. 72.* multis probat, etiam jure novo, Canonicos Regulares sine dispensatione Apostolica, de licentia suorum Superiorum ad Beneficia *secularia* curata posse assumi, modo *translati* non sint, de quibus in *cap. 11. Seff. 14. Concilii Tridentini*: neque ob stare citatam declarationem S. Congregationis seu Decretum sub Gregorio XIII. quia docet eam declarationem quoad Canonicos Regulares nunquam fuisse prædictam; asseritque S. Carolus Borromeus anno 1584. adeoque triennio post editam allegatam declarationem, quemdam Canonicum Regularem ad concursum admisit, eique Parochialem Ecclesiam contulisse; atque ita post dictum Decretum resolvit *Rotam Romanam* ibidem asserit Pennortus: quin & *num. 7.* refert anno 1602. Sacram Congregationem censuisse, "Decretis Concilii Tridentini Canonicum Regularem non prohiberi obtinere Beneficia curata *secularia*, nisi fuerit translatus ex iis ordinibus de quibus habetur *cap. 11. Seff. 14.*

XXVI. Sententiam Pennorti amplectitur Afcanius Tamburinus *tomo 3. De Jure Abb. Disp. 9. quest. 8. Tom. 1.*

subjungens ibidem Consilium Vincentii Parentii J. U. Doctoris, idipsum fuisse adstruentis. Conformiter ad hanc opinionem, videmus subinde Canonicos Regulares ad Beneficia curata etiam *secularia* assumi; asseruntque Canonici Præmonstratenses, se ex speciali quoque privilegio obtinere posse Ecclesiam Parochialem *secularem*, uti testatur Zypæus *Consult. 1. De Institutionibus num. 3.* ibidem notans, quod si Ecclesia sit *secularis* nec unita Monasterio; sed simpliciter jus Patronatus pertineat ad Prælatum, & ad eam præsentet Regularem, isque ab Episcopo admittatur; ratio major videatur, quod is ex nutu Prælati non possit amoveri, quam si esset Beneficium Regulare; eo quod Beneficia *secularia* sint ex natura perpetua: adeoque Regularis ad simile Beneficium à Prælato præsentatus, & ab Episcopo admissus & institutus, videatur institutus juxta naturam ipsius Beneficii.

XXVII. Cæterum de amovibilitate sive revocatione Præmonstratensium, qui Parochialibus Ecclesiis etiam unitis, & Regularibus sunt præfecti, tractat Zypæus in Jure Novo, titulo *De Regularibus n. 46.* ibidem citans duo Diplomata Pontificia, "alterum Joannis XXII. specialiter Hervodiensi Abbatæ concessum, alterum Julii II. anno 1512. Abbatæ Præmonstratensi, reliquisque generatim ejusdem Ordinis: per quæ datur facultas Prælati suos Religiosos amovendi, quoties eis videbitur, sive ad nutum.

Dein subdit: Quem tamen non pro libidine, sed arbitrio boni viri interponi oportet, atque ex causis justis, quia honor delatus finem certi temporis ac loci non habet. Non tamen levi vel nulla ex causa amotis adversus Superiores querelam concedo; ut facit Chenu *Recueil de Réglemens tit. 33. cap. 204.* ex doctrina Panormitani & Joannis De Selva, quam per dispositionem Tridentini *cap. 2. De Regularibus*, cessare existimo." Hæc Zypæus.

Verum cum non ita pridem fuisse disputatum fuisset in Gallia coram Commissariis per Regem deputatis, num Præmonstratenses essent amovibiles & revocabiles à suis Pastoratibus ad nutum suorum Prælatorum sine consensu Ordinarii, facta relatione, judicatum fuit per Parlamentum Regium 12. Sept. 1678. fas non esse Abbatibus, neque Generali Ordinis eos sine consensu Ordinarii revocare. Totus status causæ ejusque occasio, nec non rationes utrimque productæ late deducuntur in opere quod intitulatur, *Journal du Palais, tom. 7. pag. 17. & sequentibus.*

XXVIII. In Gallia ex Edicto Caroli VII. nullus professus in aliquo Ordine Mendicantium potest promoveri ad quodcumque Beneficium cujuscumque tandem qualitatibus, exceptis Episcopatibus; sunt & provisi jam pridem repulsi & ad sua Monasteria remissi. Hodie tamen subinde, mediante dispensatione Pontificis, ab Episcopis admittuntur ad Beneficia Curata in defectum Sacerdotum *secularium*. Decretum refert Tournierius in collectione Arrestorum *Litt. B. cap. 42.*

XXIX. Qualiter sive in Gallia, sive in Belgio & aliis locis, Regulares per Abbates ad Ecclesias Parochiales, eorum Monasteriis incorporatas, præsentati & instituti, debeant ab Episcopis accipere curam animarum; necnon in iis, quæ eam curam concernunt, Episcopis subjiciantur, & eorum Ordinationibus obedire teneantur, & casu quo in ea cura deliquerint ab Episcopis puniri queant, neque possint per Abbates sine licentia Episcopi ab ea cura absolvi & revocari, declaravit Concilium Provinciale Cameracense sub Maximiliano de Berghes anno 1565. tit. *De Ministeriis Ecclesiæ cap. 6.* in verbis: "Quotquot habent curata Beneficia unita suis Ecclesiis, ut Capitula & Abbaties, non prius committant Pastores iisdem beneficiis curatis, quam præsentati Ordinario fuerint, & accepti ab eo: quoniam populus ejus curæ commendatus est, à quo iidem Rectores, potestatem, quam curam animarum vocant, accipient, nec possunt

» sunt Abbates, aut Capitula admissos & approbatos  
» ab Ordinario Rectores revocare, nisi consenserit  
» Episcopus : & iidem Rectores constituti mandatis  
» Episcoporum omnino pareant, ab iisque corrigantur,  
» si quid deliquerint.

Rursus in altera Synodo anni 1586. tit. de *Regularibus & Monialibus* cap. 5. legitur : « Quamvis Religiosi qui à suis Prælati destinantur ad Pastorum suis Monasteriis subiectos, seu incorporatos (quorum institutio ad Episcopos, aut Archidiaconos pertinet) administrandos, ob id non eximantur ab obedientia eorumdem Prælatorum : tamen quia & Episcoporum, à quibus dicti Religiosi curam animarum accipiunt, & Parochianorum interest, ut non temere & sine causa revocentur, Decreto primi Concilii Cameracensis cap. 6. de *Ministeriis Ecclesiasticis* inhærens, hæc Synodus statuit & decrevit, ut non nisi ex causa legitima, quam ipse Prælati Episcopo exponere debeat, ad Monasteria possint revocari : causa autem exposita, Episcopus, & revocatum dimittere, & in ejus locum præsentatum, si idoneus sit, admittere teneatur.

Ex contextu prædictorum Decretorum non obscurum est, unicum eorum scopum fuisse, præcavere ne per nimiam frequentem & præcipitem Pastorum revocationem, spirituale Parochiarum regimen dispendium pateretur : unde causam revocationis non ipsis Regularibus, sed Episcopis aperiendam decernunt : utpote quibus incumbit attendere, ne populi regimen spirituale ex hac mutatione seu revocatione dispendium patiat.

Et ne ipsi Regulares prætenderent, quod Pastorum Præpositi à promissa obedientia censerentur exempti, expresse declaravit posterior, eos per hanc in Pastoralibus ab Episcopis acceptam institutionem non esse exemptos.

Quod præterea in priori Synodo declaratur similes Religiosos Ecclesiis Parochialibus Præfectos, jurisdictioni & correctioni Episcoporum subijci, juri communi conforme esse solidissime coram Parlamento Parisiensi, probavit nominatissimus Advocatus Regius Talonius, atque conformiter ad ejus conclusionem pronuntiavit Parlamentum, Episcopum manu tenendum in auctoritate puniendi Regulares, quantumvis exemptos, Parochialibus Ecclesiis Præfectos, in regimine suarum Ecclesiarum delinquentes. Integer discursus Advocati Regii & sententia Parlamenti referuntur in *Supplemento Annotationum marginalium Sanctionis Pragmaticæ Regis Franciæ* Editionis Francisci Pinsonii anni 1666. pag. 1081.

#### CAPUT IV.

De Beneficiis Curatis & simplicibus ; ac præcipue de Capellaniis.

1. Cura animarum alia quoad forum interius, alia quoad forum exterius.
2. A priori Beneficia proprie curata dicuntur.
3. Beneficium cum onere juvandi Parochum in Confessionibus audiendis, aut concionando non est Beneficium Curatum.
4. De Cura animarum quoad forum interius, quid dicant Concilium Lateranense IV. & Tridentinum.
5. Hæc etiam intelligenda de cura animarum Dignitatibus curatis annexa.
6. Obtinens Beneficium curatum vi sui tituli, exercet omnia, quæ cura animarum requirit.
7. Neque ea sine causa, vel sine ordine juris adimi possunt.
8. Quæ dicantur Beneficia simplicia?
9. An Canonicatus Ecclesiarum Cathedralium & Col-

legiatarum veniat nomine simplicium Beneficiorum?

10. Quid de Capellaniis : & quæ distinctio inter Capellam & Capellaniam?
11. Unde Capellarum origo? & quid primitus Capella S. Martini?
12. Capella postmodum dicta *Aedes sacra*.
13. Quare dictæ fuerint Palatinæ? Et de Capella Aquigranensi.
14. Reges multa habentes palatia in singulis habebant Capellas; bisque Presbyteri erant præpositi.
15. Exemplo Principum alii quoque laici ceperunt extruere Capellas.
16. Quomodo in Ecclesiis Parochialibus & Canonicatibus extrui ceperint?
17. Capellæ sine auctoritate Episcopi erigi non poterant; & inde in Beneficia transierunt.
18. Numerus Capellarum in Ecclesiis Canonicorum valde auctus, & quare?
19. Vigente vita communi Canonicorum, Capellani à Canonicis non distinguebantur.
20. Capellani æque ac Canonici ad persolvendum solemne Divinum Officium obstricti.
21. Canonicatus & Capellania reputantur Beneficia Uniformia.
22. Quomodo Canonici se habere debeant erga Capellanos?
23. Unde nomen Capellanorum hodie viluerit?
24. Pro reformatione Capellanorum conveniens esset, eorum numerum minuire.
25. Capellaniæ in Ecclesiis Canonicatibus, qua ratione simplicia Beneficia?
26. Capellaniæ in Ecclesiis Parochialibus aut separatis Sacellis, quem in finem primitus institutæ?
27. Ex prima institutione residentia personalis videntur fuisse obstrictæ.
28. Sensim persuasum fuit, oneri celebrandi Missam satisfieri per Missam privatam; eamque alteri committi posse.
29. Hinc tandem consuetudine obtentum, hujusmodi Capellaniæ residentiam non requirere.
30. Hæc Beneficia antonomastice dicta sunt simplicia.
31. Beneficia hæc videntur quasi sine officio; quid de his statuendum in Synodo Tridentina postulatam nomine Regis Galliæ?
32. Quid statuerit Synodus Tridentina?
33. Quibus hæc Beneficia conferenda?
34. Foundationes Missarum antequam in titulum Beneficii sint erectæ, manent laicales.

I. BENEFICIA curata dicuntur, quæ animarum curam annexam habent.

Hæc cura si ad forum interius sive conscientia spectat, tunc Beneficium, cui similis cura est annexa, proprie vocatur Beneficium curatum; utpote cui proprie cura spiritualis animarum incumbit.

Si autem cura hæc duntaxat pertineat ad forum exterius & contentiosum; vi cujus exerceat ea, quæ sunt jurisdictionis spiritualis, qualia sunt inquirere, suspendere, excommunicare, à Censuris absolvere aliaque similia, tunc Beneficia quibus hujusmodi cura annexa est, improprie dicuntur Beneficia curata; neque nomine Beneficiorum curatorum intelligi solent.

II. Beneficia itaque curata proprie dicta sunt illa, quibus cura animarum quoad forum interius sive directionem conscientia annexa est; ita ut possessor hujusmodi Beneficii vi sui tituli habeat curam animarum in foro interno, respectu certarum personarum.

Hinc notat Rebuffus, quod de jure communi nullum Beneficium habeat curam, nisi habeat populum vel Clerum; cujus scilicet cura Beneficio annexa est, & Beneficiato incumbit.

III. Primo itaque Beneficium aliquod non dicitur curatum, tamen ex lege foundationis debeat Parocho

v. g. in officio conionandi, aut confessiones excipiendi assistere; eo quod huiusmodi functiones possint esse sine proprie dicta cura animarum: quæ non tantum requirit exercitium concionandi aut confessiones audiendi; sed ea omnia quæ salutem animarum populi aut Cleri, cuius cura Beneficio annexa est, necessaria & utilia sunt: ut sunt administratio Sacramentorum, non tantum Pœnitentiæ, sed & Eucharistiæ, Extremæ-Untionis & Matrimonii, aliaque plura.

IV. De hac cura loquitur Concilium Lateranense sub Innocentio III. in cap. 14. *De Ætate & qualitate Ordinandi*. dicens: "Cum sit *ars artium* regimen animarum, districte præcipimus, ut Episcopi promovendos in Sacerdotes diligenter instruant & informant, vel per seipsos vel per alios idoneos viros sub Divinis Officiis, Ecclesiasticis Sacramentis, qualiter ea rite valeant celebrare.

Similiter de hac cura loquitur Synodus Tridentina, Sess. 23. cap. 1. *De Reformat.* ubi supponit, "præcepto Divino mandatum esse omnibus, quibus animarum cura commissæ est, oves suas agnoscere, pro his sacrificium offerre; verbiq; Divini prædicatione, Sacramentorum administratione, ac bonorum omnium operum exemplo pascere, pauperum, aliarumque miserabilium personarum curam gerere, & in cætera munia pastoralia incumbere.

V. Cum ergo non tantum Pastoribus; sed & Decanis, Præpositis & Archipresbyteris Cathedralium & Collegiarum Ecclesiarum cura seu regimen animarum, pro varia Ecclesiarum consuetudine & fundatione, incumbat, hi quoque recogitare debent, ea quæ ibidem Synodus Tridentina expressit, præcepto Divino sibi incumbere respectu Cleri & populi, quorum cura ipsis ratione Beneficiorum vel Dignitatum commissa est, quodque regimen animarum ipsis incumbens, etiam dicendum sit, *ars artium*. Videri possunt, quæ dicta sunt, *part. 1. tit. 11. cap. 2. num. 3.*

VI. Ulterius, quia Beneficium curatum necessario requirit annexam curam animarum; consequens est, quod etiam exigat facultatem faciendi ea omnia, sine quibus hæc cura plene exerceri nequit: ideoque habens Beneficium curatum, vi sui tituli seu Beneficii, exercet ea omnia, quæ cura animarum requirit; nisi quædam specialiter ex generali ordinatione sint excepta, & Episcopis reservata.

VII. Inde præterea concluditur, quod sicuti Beneficium de sua natura est perpetuum, id est, ad vitam Beneficiarii, neque sine causa Canonica, & non servato juris ordine, eo privari invitus potest; ita nec cura animarum, omniaque ei annexa ipsi auferri sine causa, & forma iudicii servata, adimi, neque in iis impediri, aut ab iis suspendi possint. Si enim hæc adimerentur, iam ipsum Beneficium quodammodo, saltem pro parte adimi censeretur, ademptis iis, quæ Beneficio ratione curæ animarum annexa sunt.

VIII. Beneficia quæ non habent ullam curam animarum, nec in foro interiori, nec exteriori, utpote quæ nec populum nec Clerum, in quem huiusmodi curam exerceant, habent, nec ullam administrationem, vocantur Beneficia *simplicia*, uti communiter notant Canonistæ; qualis *simplicis* Beneficii meminit Gregorius IX. in cap. fin. *De Præbendis*.

IX. Canonicatus Cathedralium & Collegiarum Ecclesiarum nomine *simplicium* Beneficiorum venire, communiter docent Canonistæ: quamquam in materia odiosa nomine Beneficiorum *simplicium* non venire Canonicatus Ecclesiarum Cathedralium, propter eorum eminentiam, & quia quasi ipsis Dignitatibus comparantur in cap. *Statutum De Rescriptis in VI.* doceant plerique Doctores; & ita videtur habere stylus Curie Romanæ, ut in materia restringibili, v. g. dispensationis, non veniant Canonicatus Cathedralis, nisi exprimantur, uti observat Garcias, *De Beneficiis, part. 1. cap. 6. n. 56.*

X. Beneficiis simplicibus etiam annumerari solent Capellanæ, sive Capellæ, tum in Ecclesiis Cathedralibus & Collegiatis, tum in particularibus Sacellis vel oratoriis fundatæ.

"Præfici Romani (ait Rebuffus in *Praxi Benefic.* tit. *Seculare Beneficium quoduplex, num. 14.*) faciunt differentiam inter Capellam & Capellaniam. Nam Capellam vocant, quando est corpus per se, & Ecclesia per se: & tunc litteræ Apostolicæ diriguntur Rectori talis Capellæ. Si vero Altare sit in aliqua Ecclesia, tunc dicitur Capellania, & vocari solet perpetua, & dirigitur Rescriptum tali N. perpetuo Capellano.

XI. De varia Capellarum atque Capellanorum significatione, eorumque origine late tractat Du Cange in Glossario mediæ & infimæ Latinitatis, verbo *Capella*, & verbo *Capellanus*.

In formulis Marculfi Monachi, lib. 1. cap. 38. fit mentio *Capellæ Sancti Martini*: præcipiturque iuramenta præstari super hanc Capellam. Credit Hieronymus Bignonius in notis ad has formulas, hoc loco *Capellam* pro capsâ dici, in qua Martyrum ossa condeuntur... "Reliquias igitur Sancti Martini (ait) asserat in Palatio innuit hæc formula.

At Du Cange loco citato credit hanc Capellam non accipi pro *Capella* in qua Sanctorum Reliquiæ conduntur; sed pro brevi *Capa* sive veste Sancti Martini.

XII. Quidquid sit, hoc notat ibidem Cangius, quod *Capella* postmodum appellata sit ædes ipsa in qua est asservata *Capa* seu *Capella* Sancti Martini, intra Palatii ambitum ædificata: in quam etiam præcipue Sanctorum aliorum Reliquiæ illatæ: unde ob huiusmodi Reliquiarum reverentiam ædiculæ illæ *Sanctæ Capellæ* vulgo appellatæ. Ita ille; qui pluribus argumentis id confirmat.

XIII. Monet deinde quomodo Capellæ illæ dictæ fuerint *Palatinae*: eo quod in Palatio aut circa Palatium Regum & Imperatorum constructæ essent, atque inter præcipuas Francorum Regum Capellas Palatinas extitisse insignem illam Aquilgranensem ex *toto Romanorum orbe famosissimam*, ut ait Gaufridus de vita Sancti Bernardi, lib. 2. cap. 6. Sermonem Caroli Magni Imperatoris de fundatione hujus Capellæ refert Miræus, in Codice piarum donat. cap. 11. asseritque ibi Carolus se "*pignora* Apostolorum, Martyrum, Confessorum, Virginum, à diversis Regnis, & præcipue Græcorum collegisse, quæ (ait) huic sancto intulit loco ut eorum suffragiis Regnum firmeretur & peccatorum indulgentia condonetur.

XIV. Cum vero Reges complura haberent Palatia, idque fere in qualibet Provincia, erant quoque in iisdem Palatiis ædes sacræ, quæ propria appellatione *Capellæ* dicebantur; in quibus sacra Divorum Lipsana, quæ secum deferri à Capellanis faciebant, reconderent & asservarent.

His Capellis præpositi erant Presbyteri & Clerici, qui ibidem Divinum Officium peragerent, atque inde *Capellani* Palatini vel Regii dicti: creditque Ludovicus Thomassinus *De Discipl. Eccles. part. 4. lib. 1. cap. 43. num. 3.* præcipuum scopum Sacellorum Regionum fuisse; ut ibi Presbyteri Divinum Officium perfolverent, cum Principes cum sua familia possent assistere.

XV. Lapsu temporis exemplo Regum & Principum, alii etiam fideles laici cœperunt ad honorem alicujus Sancti extruere ædiculas sive oratoria: idque subinde separatim ab Ecclesia Parochiali, aut alia Collegiata vel Cathedrali; etiam constituta dote pro Sacerdote, & fabrica aliisque ad Missarum celebrationem, aliaque Divina Officia peragenda necessariis. Hæc Oratoria Capellæ, & postmodum Sacella quoque dicta fuerunt, & Presbyteri iis præpositi Capellani vel Sacellani.

XVI. Dein laici non sufficientes extruere huiusmodi separatim Sacellum cum conveniente dote, cœperunt in ipsis Ecclesiis majoribus, tam Parochialibus, quam



quam Collegiatis & Cathedralibus, laterales aliquas ædículas, vel etiam Altaria in honorem hujus illiusve Sancti, vel in memoriam alicujus myſterii vel miraculi extruere; eiſque annectere annuos aliquos proventus pro Presbyteris, qui his ædículis vel Altaribus præſent.

XVII. Jam pridem de Capellis ſtatutum legitur *lib. 5. Capitul. Reg. Franc. cap. 122.* "Ne Capellæ in noſtro Palatio vel alicubi, ſine permiſſu Episcopii, in cujus eſt Parochia, ſiant.

Hinc omnia illa Sacella, nec non Altaria ubique Episcopii conſenſu conſtructa reperiuntur, & eadem auctoritate in titulum Beneficii erecta: ideoque à nomine ipſius Capellæ ſive Altaris vel Sancti, ſub cujus invocatione fundata ſunt, ipſum Beneficium ſeu *Capellania* vocari conſuevit.

XVIII. Similium Capellaniarum numerus ſenſim mirum in modum in plerisque Eccleſiis tum Cathedralibus, tum Collegiatis auctus eſt; credideruntque earum fundatores augmentum hoc non parum ad decorem domus Dei, & Divinorum Officiorum profeſſum pertinere; dum hi Capellani non tantum Altaribus ſeu Sacellis præſent; ſed unacum Canonicis diurnum pariter ac nocturnum Officium Canonicum ſolemniter peragerent. Hanc enim fuiſſe fundatorum mentem, facile ex fundationum inſtrumentis intelligitur.

XIX. Scribit Molanus, *lib. 2. De Canonicis, cap. 3.* "Hi (ſcilicet Sacellani) quando adhuc vigeat Canonicoꝝ vetus diſciplina, quæ exigebat, ut omnis Clerus Canonicè viveret, non diſcernebantur à Canonicis, neque nomine, neque functione. Nulla tunc erat diſtinctio Canonicoꝝ à Sacellanis, imo nec nomen Sacellanoꝝ uſpam audiebatur, quod poſteritas à Sacellis derivavit, quaſi innuere volens hos eſſe minores Sacerdotes.

XX. Quidquid ſit de hac Molani reflexione, hoc certum eſt, Canonicos & Capellanos quoad primariam functionem & præcipuum officium, quod eſt ipſa Divini Officii ſolemniſ perſolutio; convenire: nec minus hos quam illos perſolvendo huic Officio ex ſua inſtitutione obſtriſtos eſſe ſolere.

Unde recte monet Molanus "eos meminiffe oportere, ut in Officio Eccleſiaſtico piè & devote peragendo Majorum ſuorum ſeu Antecellorum exempla ſedulo inſectentur: meminerint ſe de Altari & Eccleſia vivere, ut Altari & Eccleſiæ irreprehenſibiliter coram Deo & hominibus ſerviant.

XXI. Hinc ulterius hujusmodi Capellaniæ reputantur incompatibiles cum Canonicatu in eadem Eccleſia; & quidem incompatibilitate *primi generis*, ut ajunt, qualis intercedit inter Beneficia *uniformia* ſub eodem tecto; uti latius dicitur *infra tit. 3. cap. 4.*

Ob eam officioꝝ uniformitatem, etiam Canonicoꝝ & Capellanoꝝ ſolet fere eſſe veſtium uniformitas; niſi quod ſenſim Canonici materia, & pellibus magis pretioſis uti cœperint; aliæque nonnulla præeminentiæ ſigna ſibi privative tum in choro, tum in aliis Eccleſiaſticis officiis attribuerint.

XXII. Solent Canonici in proventibus Capellanos multum excedere; atque ex hac temporalium abundantia factum, ut Canonici quaſi Capellanis dominari cœperint, ipſoſque famulorum quodammodo loco habere; de quo Canonicos monet Molanus, dicens: "Canonici meminerint eos Sacerdotes eſſe, ideoque ob Sacerdotii dignitatem numquam eis ut famulis abutantur. Meminerint eos ex prima inſtitutione Canonicæ vitæ, non minus quam ipſi ſint, Canonicos eſſe, ideoque ſemper ut *conſratres* honorandos eſſe, & quam maxime laborandum, ut cum iis pax foveatur, & conſervetur.

XXIII. Imo quia proventibus & dignitate Canonici ſolent eſſe hodie multo inferiores, nomen Capellanoꝝ hujusmodi hodie quoque quodammodo viluit; ut nec fere niſi tenuioris & vilioris conditionis

Clerici ad eas ſoleant aſſumi: qui, quod dolendum! ſæpe etiam ſordido ac mercenario plane modo Divina Officia frequentant; Sacra quaſi pro ſtipendio celebranda, unde vivant, conquirunt, ſeu veriuſe mendicant; & extra tempus Divini Officii cum maximo populi ſcandalo ac Cleri vilipendio & opprobrio oriuntur; & reliqua quæ orium conſequuntur, ſeſtantur.

XXIV. Quibus Cleri reformatio incumbit, merito expendent, num convenientius ad Dei honorem & decorem Eccleſiæ non foret, ſi Capellanoꝝ illorum numerus in Cathedralibus & Collegiatis Eccleſiis ad minorem numerum reduceretur; ut ita ſinguli honeſtam ſuſtentationem habentes, non cogerentur ex emendicatis ſtipendiis & oblatis vivere; atque hinc ulterius contingeret ad Capellaniæ aſſumi Sacerdotes ea pietate ac doctrina & morum honeſtate, qui præter Officium Chori, Miſſarum celebrationem, alias etiam hierarchicas functiones obirent; ſicque tandem vilium illorum ac otioſorum Sacerdotum numerus qui adeo Eccleſiam ſcandalizat, & Sacerdotium in vilipendium adducit, ſaltem minueretur.

XXV. Ex hæcenus dictis perquam manifeſtum eſt, quod attentis ſimilium Capellaniarum inſtitutione, & moderno officio eis annexo, hujusmodi Capellaniæ inter Beneficia *ſimplicia* ſint reputandæ, eo modo, quo Canonicatus præſertim Collegiatarum Eccleſiarum Beneficia *ſimplicia* dicuntur: quia *curam animarum* vel dignitatem annexam non habent.

XXVI. Capellaniæ in Eccleſiis Parochialibus, aut in quibuſdam Sacellis fundatæ, plerumque onus perſolvendi Miſſarum ſolemnia annexum habent.

Notandum autem *Miſſæ* nomine pridem comprehenſum fuiſſe Divinum Officium, ac præſertim ipſius Evangelii explanationem, quæ Miſſæ celebrationi connexa erat: ideoque admodum veriſimile, has Capellaniæ primitus non eſſe fundatas ea intentione, ut earum poſſeſſores ſatiſfacerent *ſimpliciter* Miſſam celebrando; ſed ut tanquam Eccleſiarum illarum miniſtros & Parochorum adjuutores ſe exhiberent, aut ſane ut in Sacellis Divina Officia convenienter fierent.

XXVII. Uterius obſervandum, admodum veriſimile eſſe, Capellaniæ has primitus fundatas, & in titulos Beneficioꝝ erectas, ut earum poſſeſſores tanquam veri titulares hujus illiusve Eccleſiæ *perpetuo* ibidem *reſiderent*; atque ibidem officia Beneficio annexa *per ſe* explerent.

Sicuti enim primis ſeculis ordinatio ordinatum Eccleſiæ alicui particulari adſtringebat, ita juxta recentioris diſciplinam Beneficium adſtringit & incorporat poſſeſſorem Eccleſiæ, in qua Beneficium illud eſt fundatum; ea nimirum ratione, ut huic Eccleſiæ tanquam ejus miniſter, juxta officium Beneficio annexum, deſerviat. Unde etiam ex omnium Canonistarum ſententia, omne Beneficium, quantumvis tenue, obligat ad perſonalem reſidentiam; & ſpecialiter notat Fagnanus ad *Cap. Conquerente de Clericis non reſid.* dicens: "Beneficium quantumcumque minimum puta viginti ſex ſolidorum, ex quo habetur pro titulo, de jure communi perſonalem reſidentiam requirit, adeo ut non reſidens Beneficio privari debeat.

XXVIII. Verum poſtquam invaluit, ut nomine Miſſæ intelligeretur Miſſa *privata*; perſuaſumque fuit, quod hi quibus onus Miſſas celebrandi incumbit, deſungerentur Miſſæ *privatæ* celebratione ſine alia cujuſcumque Officii Eccleſiaſtici perſolutione, ſenſim quoque creditum eſt, quod in hac Miſſarum celebratione non videretur conſideranda capacitas, aliæve perſonalis qualitas hujus illiusve Sacerdotis; ſed perinde eſſe, quis Miſſam celebraret: ſi modo expreſſe & nominatim in fundatione expreſſum non eſſet, quod Capellaniæ poſſidens *per ſe* celebrare deberet.

Hinc ulterius invaluit, Miſſarum celebrationem hujusmodi poſſe alteri Sacerdoti committi; idque ſub honorario celebrantibus dari conſueſto; fruſtibus Capellaniæ

pellanae excrefcentibus ipsi Beneficiario cedentibus.

XXIX. Hinc ulterius facile conclusum est: cum onus Capellaniae per alium persolvi possit, Beneficium quoque ad *personalem* residentiam non obligari: quod dum usu multorum obtinuit, neque efficaciter per Superiores reprobatur, tandem consuetudine, quasi pro lege, obtinuit, huiusmodi Capellanas a residentia *personali* esse absolutas.

XXX. Dum ergo haec Beneficia tam a *personali* residentia, adeoque ab omni quasi officio exempta fuere, merito antonomastice dici ceperunt Beneficia *simplicia*; eaque ratione recte notavit Fagnanus loco allegato, quod quidem *de jure communi* omne Beneficium requirat *personalem* residentiam, sed ex *generali consuetudine* Beneficia *simplicia* residentiam non requirant; nisi aliud sit inductum de jure speciali: supponens, proprie ea Beneficia dici *simplicia*, quae ex consuetudine residentiam *personalem* non requirunt.

Haec sunt illa Beneficia, quorum meminit Synodus Tridentina *Seff. 24. cap. 17. De Reformat.* permittens possidenti unum Beneficium quod ad vitam ejus honeste sustentandam non sufficit aliud simplex, dummodo utrumque *personalem* residentiam non requirat, conferri.

XXXI. Verum quia Beneficia dantur propter officium; injustumque apparet, ut proventus Ecclesiasticos percipiat, qui officium non praestat: neque Fundatorum animus fuisse apparet, in Clericos otiosos suos redditus profundere; viderenturque huiusmodi Beneficia otiosis Clericis & Sacerdotibus alendis ac multiplicandis unice penè servire; ideoque inter articulos pro reformatione Ecclesiae nomine Caroli noni Galliarum Regis Patribus Tridentinis oblatos, erat hic vigesimus quartus: "Cumque plura sint Beneficia, in quibus contra Beneficiorum omnium institutionem, invaluit *depravata* consuetudo, ut qui ea possident, nullo teneantur concionandi, Sacramenta administrandi, aut alio onere Ecclesiastico, Episcopus cum consilio Capituli his Beneficiis curam aliquam spi-

ritualem imponat, aut si utilius videatur ea, Beneficia vicinioribus Parochialibus Ecclesiis uniat; Beneficium enim sine officio esse neque debet, neque potest.

XXXII. Synodus Tridentina hisce æquissimis postulatibus aliquatenus satisfecit, dum unionem huiusmodi Beneficiorum tanquam primum medium, quo Ecclesiis Parochialibus tenuioribus provideri posset, assignavit *Seff. 14. c. 13. De Reform. & Seff. 23. c. 18. De Reformat.* Item Beneficia simplicia Seminariis applicari & incorporari voluit; atque *Seff. 24. cap. 15. De Reformat.* ad augendas tenues Praebendas in Ecclesiis Cathedralibus & Collegiatis, declaravit, quod liceat Episcopis cum consensu Capituli aliquot *simplicia* Beneficia, non tamen Regularia, illis unire.

XXXIII. Cum dubitari nequeat, quin Ecclesiae atque fundatorum intentio sit, ut huiusmodi Beneficia conferantur iis, qui se tanquam Ministros Ecclesiae exhibeant; nec proventus Ecclesiasticos otando consumant, indubie Patroni & Collatores similium Beneficiorum allaborare debent, ut huiusmodi Clericis conferantur, de quibus verisimilis saltem spes apparet, quod operam suam utiliter Ecclesiae impendant, & digni erunt, qui de proventibus Ecclesiae vivant.

XXXIV. Si Laici Missas aliquas fundaverint, etiam cum onere functiones hierarchicas obeundi; si huiusmodi fundationes auctoritate Episcopi in *titulum* Beneficii erectae non fuerint, nequaquam reputabuntur Beneficia; sed remanebunt in terminis laicalis fundationis; poteruntque sine Episcopi institutione Presbytero alicui fundationes hae ad tempus aut in perpetuum secundum tenorem fundationis, conferri. Bona quoque similis fundationis non Ecclesiastica, sed laicalia censentur, & juxta conditionem talium bonorum ad haeredes devolventur cum onere a Fundatoribus imposito; publicis quoque oneribus, non secus ac laicalia bona erunt subiecta; ut latius post alios citatos deducit Barbosa *lib. 3. Juris Eccles. cap. 5.* Plura de huiusmodi fundationibus dicta sunt supra capite primo.

## TITULUS II.

### DE ÆTATE ET QUALITATE BENEFICIANDORUM.

#### CAPUT I.

##### De Ætate ad Beneficia requisita.

1. Nihil primis seculis de ætate Beneficiorum statutum; & quare?
2. Seculo XI. ceperunt Beneficia conferri non insignitis Ordine necessario.
3. Decreta Synodalia contra hunc abusum.
4. Vigentibus his Decretis non erat praefigenda ætas Beneficiis.
5. Seculo XII. mutata disciplina, necesse fuit ætatem praefigere.
6. Concilium Lateranense III. praefixit ætatem Beneficiis curatis & Dignitatibus.
7. Eam praefixit independentem ab Ordinibus.
8. Decretum Concilii Lateranensis innovavit Synodus Tridentina.
9. Synodus Tridentina requirit ad Dignitates non curatas annum 22. completum.
10. An hoc Decreto comprehendantur Dignitates in Ecclesiis Collegiatis?
11. Veterum contentiones de ætate ad simplicia Beneficia

requisita, diremit Synodus Tridentina requirens 14. annum incipientem.

12. Hæc ætas in Belgio etiam requiritur; licet sint Beneficia juris Patronatus laici.
13. Quæ ætas ex præscripto Synodi requiratur ad Canonicatus Collegiatae Ecclesiae?
14. An major ætas requiratur ad Canonicatus Ecclesiarum Cathedralium?
15. Antiqua regula Cancellariae requirit 14. annos pro Canonicatibus Cathedralium, & 10. pro Canonicatibus Collegiatarum Ecclesiarum.
16. Hæc regula licet inter regulas Cancellariae hodie non referatur, tamen servatur in Gallia.
17. Ætas præcipue exigitur, ut Provifus sit capax oneribus Beneficii satisfaciendi.
18. Minores ætate, solo jure naturali inspecto, ad Beneficia aliqua promoveri possent.
19. Quomodo primitus pueri ad Beneficia fuerint promoti?
20. Cur hodie non æquæ ac olim pueri ad Beneficia promovendi?
21. Quoddam vestigium antiquæ disciplinae in pueris chori.
22. Conferre Beneficia Majora pueris functionibus obtendis inidoneis magnus abusus.

23. *Potest esse interdum licita dispensatio super aetate.*  
 24. *Periculosum mediante hac dispensatione promoveri.*  
 25. *Dispensatio obtinenda à Pontifice; & quomodo impetranda?*  
 26. *De reservata dispensatione super aetate & de praxi eam in Curia Romana expediendi.*

**I.** PRIMIS decem Ecclesiae seculis nulli editi leguntur Canones, qui aetatem certam Beneficiis praescriberent; sed quidquid de aetate statutum legitur, id unice Ordines & Ordinandos spectat.

Quamdiu enim Beneficia ab ordinatione non fuere sejuncta; sed Ordinibus ipsis mansere annexa: ita ut qui Ordine aliquo insigniretur, hoc ipso Beneficiatus illius Ecclesiae, pro cuius necessitate aut utilitate ordinabatur, conferretur, necesse non erat aetatem aliam requirere pro Beneficiis acquirendis, praeter illam, quae Ordinibus ipsis praefixa erat: cum ipse Ordo loco Beneficii, & ipsa ordinatio collationis loco esset.

II. At dum circa seculum nonum & decimum Beneficia ab Ordinibus separari, & separatim ab ipsa ordinatione conferri ceperunt; tandem abusus invaluit Beneficia conferendi iis, qui nec aetatem functionibus Beneficiorum obundis; nec Ordinibus suscipiendis, quoad eas functiones requirebantur, necessariam attigerant. Huic abusui ut occurreretur, statutum fuit, ut nullus de cetero similia Beneficia accipere posset, nisi Ordine requisito *actu* esset insignitus.

III. Ita in Concilio Claramontano sub Urbano II. anno 1095. legitur: "Nullus Episcopus in Ecclesia sua, nisi *Diaconus sit*, Archidiaconum instituire, nec Archipresbyterum aut Decanum, nisi *Presbyteri* sint, ordinare praesumat. Quod, ut districtius teneatur, Apostolica auctoritate prohibemus & interdiciamus." Apud Gratianum, *Dist. 60. Can. 1.* Et Canone sequenti sub nomine Calixti Papae, legitur: "Nullus in Praepositum, nullus in Archipresbyterum, nullus in Decanum, nisi *Presbyter*: nullus in Archidiaconum, nisi *Diaconus* ordinetur."

Praedicta Decreta renovata sunt in Concilio Romano sub Innocentio II. additurque: "Prohibemus autem ne adolescentibus, vel infra sacros Ordines constitutis, sed qui prudentia & merito vitae clarescunt, praedicti honores concedantur." Apud Gratianum ibidem *Can. 3.*

Plura fuere sub idem tempus similia Synodorum Decreta, quibus statuebatur, nullum ad Beneficium esse promovendum, nisi *actu* insignitum Ordine requisito.

IV. Hac vigente disciplina necesse non erat ipsis Beneficiis specialem aetatem praefigere; sed haecenus sufficiebat, eam Ordinibus suscipiendis esse praescriptam: cum non possent ad Beneficia promoveri, nisi *actualiter* Ordinibus essent insigniti: & consequenter ad aetatem Ordinibus praefixam pervenissent.

V. At cum jam Beneficia ab Ordinibus essent separata, eaque non amplius cum ipsa ordinatione conferrentur, difficile admodum fuit impedire, ne darentur Ordinibus *non insignitis*, & etiam in minore aetate constitutis. Imò contraria multorum praxis adeò invaluit, ut tandem seculo XII. quasi pro lege invaluerit, Beneficia, tametsi majora concedi posse Ordinibus necessariis *actu* non insignitis; modò tamen infra tempus *legitimum* eos Ordines susciperent. Ne verò hac occasione Beneficia conferrentur pueris, aut iis, qui ob defectum aetatis intra longum tempus Ordinibus illis initiari non possent, certa aetas pro obtinendis Beneficiis praefigi cepit.

VI. In Concilio Lateranensi sub Alexandro III. anno 1177. decretum fuit, ut "nullus in Episcopum eligatur, nisi qui jam trigessimum aetatis annum exegerit... Inferiora etiam ministeria, ut puta Decanatum, Archidiaconatum, & alia, quae curam anima-

rum habent annexam, nullus omnino suscipiat, sed nec Parochialis Ecclesiae regimen, nisi qui jam vigesimum quintum annum aetatis attigerit, & scientia & moribus commendandus existat. Cum autem assumptus fuerit, si Archidiaconus in Diaconum, & Decanus, & reliqui admoniti, non fuerint, praefixo à Canonibus tempore in Presbyteros ordinati: & ab isto removeantur officio, & aliis conferatur, qui & velint & possint illud convenienter implere.

Duo hic statuta videmus: primò, quòd nullus ad Beneficia curam animarum annexam habentia promoveri queat, nisi qui vigesimum quintum annum aetatis attigerit. Secundò, quòd ad Beneficia promovendi tempore suae promotionis non debeant *actu* esse ad Ordines requisitos promoti: sed sufficiat, si tempore à Canonibus praefixo promoveantur.

VII. Hinc fit manifestum est, aetatem illam hic requiri independentem ab Ordinibus; quod haecenus nullo Canone decretum fuerat: ideòque qui, mediante dispensatione, ante annum 25. inchoatum ad Presbyteratum esset promotus, non posse equidem ad huiusmodi Beneficium ante 25. annum inceptum promoveri, communiter tradunt Canonistae.

VIII. Decretum hoc Concilii Lateranensis innovavit Synodus Tridentina *Sess. 24. cap. 12. de Reformat. volens*, ut "nemo deinceps ad Dignitates quascunque, quibus animarum cura subest, promoveatur, nisi qui saltem 25. suae aetatis annum attigerit."

IX. Circa aetatem requisitam ad obtinendum Dignitates vel Personatus, quibus nulla cura animarum incumbit, Synodus Tridentina decidere volens contentione, quae super ea erat inter Juris Interpretes, aliis requirere 25. annum inchoatum; aliis verò asserentibus sufficere annum 24. (ut videri potest apud Fagnanum ad citatum *Cap. INTER CETERA num. 34.*) statuit: "Ad ceteras autem Dignitates, vel Personatus, quibus animarum cura nulla subest, Clerici alioquin idonei, & 22. annis non minores adscribantur."

Annum 22. requiri completum satis insinuat Synodus, dum dicit 22. annis non minores: & ita resolvit S. Congregationem testis est Fagnanus loco allegato *num. 37.* & anno 1593. respondisse Episcopo Abulensi refert *Garcias de Benef. part. 7. cap. 4. num. 70.* ibidem ipsas Litteras S. Congregationis referens.

X. Quia Synodus Tridentina in dicto *capite 12.* primum loquitur de Dignitatibus Ecclesiarum Cathedralium, dubitarunt nonnulli, num postea loquens de Dignitatibus, quibus nulla cura animarum incumbit, etiam comprehenderet Dignitates in Ecclesiis Collegiatis: ut nimirum & ad has requiratur *annus 22. aetatis completus*. Dubio discussio, S. Congregatio resolvit affirmativè, ut post *Garciam num. 58.* tradit Fagnanus *num. 48.* Ratio decisionis fuit, quòd Synodus Tridentina loquatur quidem in citato *cap. 12.* de Dignitatibus Cathedralium Ecclesiarum; sed cum particula *praesertim*, quae cum sit *implicativa*, utique implicat idem in Collegiatis, easque includit, ait Fagnanus. Deinde attendit particulas has generales, *quascunque, & ad ceteras*, quae sufficienter indicant, Synodum generatim omnes Dignitates voluisse comprehendere.

Monet ibidem Fagnanus, cavendum esse ab Emanuele Rodrigues contrariam S. Congregationis resolutionem referente, quam in hoc articulo apocrypham esse restatur; atque hinc elucet, quàm parùm fidendum sit Resolutionibus seu Declarationibus Cardinalium, quae passim apud auctores referuntur; sed de hoc latius *parte 1. tit. 22. cap. 6.*

XI. Cum in antiquis Canonibus potissimum de praefigenda aetate Ordinibus suscipiendis actum esset, nihil penè certi quoad aetatem pro obtinendis Beneficiis, praesertim curam animarum aut Dignitatem annexam habentibus, ex illis Canonibus haberi potest; sed id potissimum ex recentioribus Decretalibus, & Conciliarum



liorum Decretis, præcipue Concilii Tridentini, petendum est.

Hinc anceps Veterum altercatio fuit, quæ ætas requireretur ad obtinendas Capellanas & alia simplicia Beneficia, uti ostendit Fagnanus loco citato *num. 87.* quam altercationem sustulit Synodus Tridentina *Seff. 23. cap. 6. De Reformat.* decernens, quod "nullus primâ Tonsurâ initiatus, aut etiam in minoribus Ordinibus constitutus, ante *decimum quartum* annum Beneficium obtinere possit.

Conformiter ad hoc Decretum, nullum Beneficium quocumque nomine appelletur, obtineri potest ante annum *decimum quartum*, non quidem completum, sed *inchoatum*; quemadmodum declarasse Sacram Congregationem testatur Fagnanus.

XII. Licet in promulgatione Concilii Tridentini in Belgio dictum fuerit, nihil esse immutandum circa jus Patronatûs laicorum, ideoque *caput nonum Seff. 25.* non esse recipiendum, in quantum jus illud restringit, uti monet Zypæus in *Jure Novo* titulo *De Jure Patronatûs num. 3.* nihilominus præsentandum, etiam à Patrono laico, debere esse 14. annorum docet ibidem Zypæus; "quia (ait) id ad mutationem aut diminutionem Juris Patronatûs non spectat, sed ad qualitatem præsentandi tantum.

Et Consilium secretum anno 1569. ad rescriptionem Consilii Frisiæ super admissione Concilii Tridentini, non obstante allegatione consuetudinis contrariæ huic Decreto, censuit hoc modo: *Deinceps debeat hic articulus (de ætate 14. annorum) observari.* Ita Zypæus *De Elect. num. 11.*

XIII. Quia Synodus Tridentina nullibi exigit quoad Canonicatus in Ecclesiis Collegiatis specialem ætatem, communiter receptum est, non requiri nisi 14. annorum; nisi tamen hujusmodi Canonicatibus vel ex fundatione aliove titulo incumbat onus, Missas, Evangelium, aut Epistolas dicendi aut cantandi: quo casu ex Decreto ejusdem Synodi *Seff. 22. cap. 4. De Reformat.* "quocumque ii privilegio, exemptione, prærogativa, generis nobilitate sint insigniti, tenentur, iusto impedimento cessante, infra annum Ordines suscipere requisitos: adeoque debent tunc esse in ea ætate, ut *infra annum* ad Ordinem Presbyteratûs, Diaconatûs, vel Subdiaconatûs, prout onus annexum requirit, promoveri queant: alias si simile onus aut Ordo annexus non sit, tantum requiritur ætas 14. annorum; quam requisivit antiqua Regula 17. Cancellariæ in Canonicis Cathedralium Ecclesiarum.

XIV. Synodus Tridentina *Seff. 24. cap. 12. De Reformat.* vult, ut "in omnibus Ecclesiis Cathedralibus omnes Canonicatus ac portiones habeant annexum Ordinem Presbyteri, Diaconatûs, vel Subdiaconatûs; "Hinc nonnulli concludunt, vi hujus Decreti requiri ad Canonicatum Cathedralium, ut minus eam ætatem, ut *infra annum* possit promoveri ad Ordinem Subdiaconatûs.

Verum Synodus verbis allegatis subjungit: "Episcopus autem cum consilio Capituli designet ac distribuatur, prout viderit expedire, quibus quisque Ordo ex sacris imposterum annexus esse debeat. "Hic sat indicat Synodus, nullum Ordinem Canonicatibus annexum censeri, priusquam Episcopus distributionem & annexionem fecerit: & consequenter antequam hæc facta sit, ætas nulla specialis à Synodo requisita videatur; quod & probat Fagnanus ad *cap. Cum in cunctis De Elect. num. 70.*

XV. Citata Regula 17. Cancellariæ declarat, "quod provisiones, aut concessionem vel mandata de providendo de Cathedralium Ecclesiarum Canonicatibus & Præbendis, quæ pro quibusvis personis, si 14. suæ ætatis annum non compleverint, quomodolibet emanaverint, nisi eis, quod illos in minore ætate recipere possint, per Sedem Apostolicam specialiter concessum fuerit; & quicumque impetrationes de

*Tom. I.*

"Canonicatibus & Præbendis in Collegiatis Ecclesiis (obtinerint) si impetrantes minores 10. annis fuerint & de hoc in impetratione hujusmodi expressa mentio non fiat, sint nullius roboris vel momenti, & habeantur pro infectis.

XVI. Hæc regula hodie, teste Choquier, inter regulas Cancellariæ non refertur, tamen quoad ætatem Canonicorum in Gallia receptam esse, eamque hodie pro lege servari tradunt Practici, & in judicio contradictorio non semel firmatam; ac signanter anno 1616. judicatum, Clericum 14. duarum annorum posse obtinere Canonicatum in Ecclesia Cathedrali, non obstante statuto Synodi Turonensis 1583. quo decernebatur, Cathedralium Ecclesiarum Canonicos, annis viginti duobus minores non debere institui, utpote nunquam observato tanquam disciplinæ hætenus in Regno receptæ, & aliarum Ecclesiarum usui contrario. Brodeau ad Louetium *Litt. E. num. 1.* Illius regulæ receptionem per Regnum Galliæ testantur quoque Acta Cleri Gallicani, *parte 1. tit. 1. cap. 2. art. 6.*

XVII. Quidquid sit de varia disciplina circa ætatem pro Beneficiis obtinendis necessariam, illud equidem certum, ætatem ideò requiri, ut Beneficium obtinens, functiones eidem annexas ritè obire queat; & consequenter ætatem functionibus esse commensurandam.

Quare Gregorius IX. in *cap. 35. De Præbendis*, respondens Argentinensi Episcopo, quod pueri non debeant reputari idonei; rationem hanc præmisit: "Cum illi sint in Ecclesia idonei reputandi, qui servire possunt & volunt in Ecclesiis.

Similiter Synodus Tridentina *Seff. 24. cap. 12. De Reformat.* cum dixisset Dignitates in Ecclesiis præsertim Cathedralibus ad conservandam, augendamque disciplinam Ecclesiasticam fuisse institutas; meritòque qui ad eas vocantur, tales esse debere, qui suo muneri respondere possint, tanquam consequens inferit. "Nemo igitur deinceps ad Dignitates quascumque, quibus animarum cura subest, promoveatur, nisi qui saltem 25. suæ ætatis annum attigerit. (a)

XVIII. Si igitur Beneficia aliqua requirent eas in Ecclesia functiones, quæ per juniores Clericos ritè peragi possent; imò quodammodo junioribus Clericis propriè convenirent: uti sunt minorum Ordinum functiones, quidni etiam ex mente Ecclesiæ illa Clericis in minore ætate conferri possint; modò tamen hac in parte Regulæ generales, quæ ætatem Beneficiis obtinendis præscripserunt, pro cujusque loci consuetudine observentur.

XIX. Observat Thomassinus De Disciplina Ecclesiæ *parte 1. lib. 1. cap. 45.* quod primis Ecclesiæ seculis pueri ad Beneficia promoverentur. Dum enim Episcopus pueros illos Tonsurâ aut aliquo Minore Ordine insigniebat, unâ eos functionibus Ordinis Minoris suscepti ob-eundis certæ Ecclesiæ adscribebat; qua adscriptione mediante, etiam jus vivendi ex bonis illius Ecclesiæ acquirerebant; quod hodiernis Beneficiis respondebat.

XX. Verum hodierna die alter usus invaluit. Hujusmodi Beneficia simplicia possidentes Minores Clerici, solent Beneficiorum fructibus gaudere, tamen Beneficiorum illorum onera nulla per se exsolvant, neque Ecclesiis deserviant.

Quapropter abusus conferendi Beneficia pueris tonsuratis, onera Beneficiis annexa obire non valentibus, nullatenus justificari potest per laudatam pristinam Patrum disciplinam, qui Minores Clericos functionibus Minorum Ordinum applicabant, atque eatenus eosdem tanquam Ecclesiæ veros Ministros de proventus Ecclesiasticis participare sinebant.

XXI. Cernimus quidem hodie in Cathedralibus &

(a) In Galliis Regia Declaratio, quæ 13. Januarii data est 1742. statuit irritam nominationem vel possessionem respectu Beneficiorum, quibus cura animarum annexa est, nisi nominati vel possessores annum 25. completum attigerint.

Collegiatis Ecclesiis assumi pueros Chori, quos *Chorales* dicimus, sed hi plerasque Ordinum Minorum functiones peragunt atque cum aliis Clericis de bonis Ecclesiasticis sustentantur.

Quod autem hi pueri Beneficia habere hodie non dicantur, inde contingit, quod secundum modernam disciplinam, Beneficia debeant esse *perpetua* & in titulum *perpetuum* erecta, quod circa similia puerorum officia nondum contigit: tamen si erigerentur, nihil vetaret (seposita lege positiva) morigeros & bonæ indolis & expectationis pueros tametsi 14. annis minores, ad ea assumi.

XXII. At conferri Beneficia etiam majora ex humana quadam consideratione, & carnali affectu pueris ad munia Beneficiis annexa implenda omnino idoneis ac insufficientibus, abusus est legi naturali & divinæ contrarius; neque ulla consuetudine, aut observatâ praxi purgandus: quem suo tempore vigentem meritò exagitat & deplorat S. Bernardus *Epist.* 42. "Scholares pueri & impuberes adolescentuli ob sanguinis dignitatem & promouentur ad Ecclesiasticas Dignitates, & de sub ferula transferuntur ad principandum Presbyteris: lætiores interim quod virgas evaserint, quàm quod meruerint principatum; nec tam istis blanditur adeptum quàm ademptum magisterium.

Hinc & interpellatus à Theobaldo Campaniæ Comite, ut sua vellet intercessione filio suo *parvulo* acquirere Ecclesiasticam Dignitatem, se excusavit hac ratione: "Nam honores & dignitates Ecclesiasticas non ignoro deberi his, qui eas dignè secundum Deum administrare velint & possint." *Epist.* 271.

XXIII. Cum tamen non sit ætas, quæ aliquem Beneficio dignum reddit, possintque subinde in minore ætate constituti tam eminentes habere qualitates, eæque circumstantiæ concurrere, ut dubitari nequeat, Ecclesiam noluisse ad hujusmodi casum præscriptas de ætate regulas extendere; dubitari etiam nequit, quin hujusmodi casu superiorum dispensatio licita esse possit.

Exemplum indulgentis dispensationis occurrit apud S. Bernardum in vita S. Malachiæ, ubi narrat sanctum illum virum ante completam ætatem eo tempore requisitam ordinatum fuisse in Diaconum & Presbyterum; "in qua ejus utraque ordinatione (ait) si quid præter Canonum formam processisse videtur, ut verè videtur, donandum tum zelo ordinantis, tum *meritis* ordinati.

XXIV. Deinde hoc insigni monito concludit: "Ego verò istud nec in Sancto redarguendum; nec usurpandum consulo ei, qui sanctus non fuerit.

Sanè qui proprio motu non ante ætatem à Canonibus præscriptam ad Ministeria Ecclesiastica festinat, verendum, ne non satis onera Ministeriis hæc annexa apprehendat; nec sufficienter advertat, quàm periculosum sit citra legitimam vocationem in munia Ecclesiæ intrare; aut certè tempus vocationis prævenire; ut timendum est, dum contra Ecclesiæ præscriptum ante ætatem legitimam ad Ordines vel ad Ministeria Ecclesiastica prorumpunt; verendumque ne similes festini Ministri, non tam à Christo, quàm à propria ambitione, aut interesse, aliave humanâ consideratione trahantur.

XXV. Interim dispensatio super ætate sive ad Ordines, sive ad Beneficia, etiam simpliciter à solo Pontifice hodie conceditur; dispensatioque Episcopi esset nulla; uti post Barbosam aliosque testatur Pyrrhus Corradus in *Praxi Dispensat. Lib.* 4. *cap.* 1.

Monet præterea Corradus ibidem *cap.* 2. quod hæc dispensatio nunquam aut rarè concedatur alicui in minori ætate constituto; ita ut, non obstante defectu ætatis, possit Beneficium vacaturum obtinere ab Ordinario; sed cum vacat Beneficium, debet à Papa Beneficii provisio peti cum dispensatione super ætate: "ratione" cuius provisionis solvantur jura cameræ Apostolicæ consuetæ: unde si Beneficii hujusmodi fructus exce-

dant valorem 24. ducatorum auri de Camera, solvenda erit etiam *annata* Annatistis, perinde ac si Beneficii hujusmodi collatio spectaret simpliciter ad Papam. Non enim poterit hoc casu Beneficium conferri per Ordinarium, & dispensatio peti ad partem à Papa; sed utrumque scilicet, & provisionem, & dispensationem unico contextu, unica supplicatione, & unica Bullâ conceditur ab ipso Papa.

XXVI. Quo tempore, aut quo titulo dispensatio super ætate ad Beneficia fuerit Papæ reservata, nec apud Barbosam, nec apud alios, qui de hac reservatione & praxi testantur, legitur.

Hoc certum est, primis ut minus decem seculis notam haud fuisse eam reservationem, neque ullum extat in Historiis, aut Canonibus recursus ad Romanum Pontificem pro obtinenda hæc dispensatione exemplum, neque ullum alicujus Generalis Concilii, aut Ecclesiæ Decretum legitur, quo hæc dispensatio ad Pontificem fuerit delata; ut vix dubium sit, quin labentibus seculis, hæc reservatio, prout pleræque similes reservationes, invaluerit, postquam invaluit opinio quorundam Canonistarum, Episcopos quidem Decretis Pontificum & Conciliorum, necnon omnibus, quæ in Decretalibus continentur, & jus commune constituunt, ita constringi, & ligari, ut à præscripto eorum ipsis nefas esset recedere, nisi hæc dispensandi auctoritas ipsis speciali titulo indulta probetur: at Romanum Pontificem, hæc Decretis nequaquam ligari; sed ei plenam esse super iis dispensandi auctoritatem, ut in decursu hujus operis sæpius notatum fuit.

Si vera & sineera sit relatio Pyrrhi Corradi de praxi Curie Romanæ in expedienda dispensatione super ætate, ut scilicet hæc non soleat expediri, nisi una petatur Beneficii vacantis *provisio* à Papa: quodque hæc per Papam simul cum dispensatione super ætate concedatur, ac si Beneficii Provisio ad Papam spectaret, uti superius *num.* 25. refertur, non videtur in alium finem à Curialibus inducta hæc praxis, quàm ut annatas, aliæque jura in provisione Beneficiorum solvi consuetæ, postulantes hanc dispensationem,olvere cogantur.

Si enim justa sit causa dispensandi super ætate, quidni Provisio ab Ordinario Collatore obtenta sufficiat? Quandoquidem ipse Orator post impetratam dispensationem super defectu ætatis capax sit, ut sibi ab Ordinario Beneficium conferatur: supponitur enim nullum præter ei defectum ætatis, canonicum impedimentum obstitisse, quominus Beneficii obtinendi esset capax.

Et reverà hunc esse Curie Romanæ in hac praxi præcipuum scopum, non obscure innuit Pyrrhus Corradus, speciatim annotans, quod in hac Provisione solvantur jura *Camere Apostolicæ*, ac si Provisio Beneficii spectaret simpliciter ad Pontificem.

## CAPUT II.

### De Ordine Beneficiis annexo.

1. *Primis seculis nihil de Ordine Beneficiis annexo statutum; & quare?*
2. *Quando, & quare id statutum?*
3. *Ordo aliquando actu, aliquando aptitudine annexus.*
4. *Ex fundatione dignoscendum utro modo sit annexus.*
5. *Si verba fundationis, quæ Ordinem requirunt respiciant actum provisionis, censetur actu annexus.*
6. *Idque, sive affirmativè, sive negativè, sint expressa.*
7. *Dum verba fundationis tantum respiciunt functiones obviandas, censetur annexus potentia.*
8. *Si fundatio velit, ut Capellanus per se Missam celebret, est Sacerdotalis, sed aptitudine.*

9. *Jure*

9. *Jure communi inspecto, Capellania cui annexum est onus celebrandi Missas, est Sacerdotalis.*
10. *Quando & quare hujusmodi Capellania à residentia absolutæ?*
11. *Non videtur indifferens per quos Missæ celebrentur.*
12. *Generali consuetudine similes Capellaniæ à residentia, & obligatione suscipiendi sacros Ordines exemptæ.*
13. *Hodie Capellania cum onere Missarum non est Sacerdotalis.*
14. *Nisi secus in fundatione sit expressum.*
15. *Decretum Synodi Tridentinæ obligans Capellanos ad personalem officii persolutionem.*
16. *An vi bujus Decreti Capellania cum onere Missarum sit Sacerdotalis, & residentia obnoxia?*
17. *Capellania cum onere interessendi Divinis est obnoxia residentia.*
18. *Missarum privatarum celebratio per substitutum cur fieri possit?*
19. *Utrum possessor simplicis Beneficii, onus ei annexum per se non adimplens, jure possit recipere partem proventuum?*
20. *Ordo Dignitatis & Beneficiis Parochialibus quomodo annexus?*
21. *Canonicis Ecclesiarum Cathedralium qualiter annexus?*

I. **U**T super ætate ad Beneficia requisita primis Ecclesiæ seculis nihil statutum reperitur, eo quod Beneficiorum collatione ipsi Ordinationi conjuncta, ætas Ordinibus præfixa, Beneficiis quoque eadem præfixa censeretur; eadem ratione de certo Ordine ad Beneficia requisito, aut iis annectendo mentio non occurrit; nisi postquam Beneficiorum provisio ab Ordinum collatione separata fuit.

II. Dum enim hæc separatio invaluit, cæperunt Beneficia conferri, Ordinibus ad functiones Beneficiorum obeundas necessariis, nondum initiatis; qui proventibus & honoribus prærogativisque temporalibus contenti, Ordines suscipere negligebant; functiones quæ Ordinem requirebant, aliis committentes.

Hinc tandem prodire tot Conciliorum Decreta, Beneficiis Ordinem majorem aut minorem, pro cuiusque Beneficii conditione, annectentia; nec non ipsos Beneficiarios urgentia ad personalem functionum, quæ ipsis Beneficiis sunt propriæ, persolutionem: eoque pacto indirecte urgebantur hujusmodi Beneficiarii ad Ordinum susceptionem, sine quibus functiones illas personaliter sive per se persolvere non poterant.

III. Porro spectata moderna disciplina, Ordo interdum dicitur Beneficio annexus *actu*, aliquando *habitu vel potentia*.

Priori modo censetur annexus, quando Ordo requiritur tempore collationis seu provisionis Beneficii: ita ut non possit quis de simili Beneficio provideri, nisi *actualiter* Ordine illo sit insignitus.

Posteriori modo dicitur Ordo Beneficio annexus, quando non requiritur quidem, ut quis habeat Ordinem Beneficio annexum tempore collationis; sed in ea sit ætate constitutus, ut infra tempus à jure præscriptum, Ordinem suscipere valeat.

IV. Ut autem sciatur, num Ordo sit *actu*, an vero duntaxat *aptitudine* Beneficio annexus, præcipue attendenda sunt verba foundationis: ex verbis enim foundationis maxime annexionis diversitas dignoscenda est.

V. Si enim verba foundationis dicant, præsentandum, aut instituendum esse, qui *actualiter* sit hoc illove Ordine insignitus, indubitatum est, Ordinem illum *actu* Beneficio esse annexum; nec posse ad illud præsentari, aut in eo institui, nisi *actu* eo Ordine insignitum.

Ubi autem verba foundationis non quidem addunt particulam *actualiter*; sed tamen verba foundationis, quibus Ordo exprimitur, respiciunt ex necessitate

Tom. I.

ipsum *actum præsentationis*, institutionis, aut collationis, communis opinio censet, Ordinem *actu* esse annexum: eoque casu requiri ut præsentandus, aut instituendus, tempore præsentationis, institutionis, aut collationis sit *actu* ordinatus; nec sufficere, ut in ea sit ætate, ut infra tempus à jure præscriptum ordinari queat.

Unde si in fundatione cautum sit, ut *instituitur Sacerdos*, qui Missam per hebdomadam celebret, tunc nisi sit Sacerdos tempore collationis & institutionis, non valebit collatio vel institutio, ait Rebuffus in *Praxi Benef. parte 1. tit. Requisita ad collationem, num. 35.* nam qualitas adjuncta verbo intelligitur secundum tempus verbi, id est, in ipso actus initio.

VI. Neque refert, utram verba foundationis concepta fuerint affirmative, puta, *præsentetur vel instituitur Sacerdos*; an vero negative, puta, *non præsentetur vel non instituitur nisi Sacerdos*; cum æque per priorem, quam posteriorem formulam requisierit Fundator præsentari aut institui Sacerdotem: qui autem *actu* Ordinem non suscipit; sed tantum *aptus* ut infra tempus aliquod eum suscipiat, revera non est Sacerdos; & per consequens, verum non est, quod juxta verba foundationis præsentetur aut instituitur Sacerdos, aut non nisi Sacerdos.

VII. Si vero verba foundationis Beneficii non respiciant ipsum actum præsentationis, collationis vel institutionis, sed illius prosecutionem, sive functiones quas Beneficiarius post obtentum Beneficium obire jubetur, *annexio* Ordinis censetur facta respectu aptitudinis; nec requiritur Ordo *actu* tempore præsentationis, collationis, vel institutionis, sed satis est ut is, cui de Beneficio providetur, sit in ea ætate, ut infra tempus à jure constitutum eum Ordinem suscipiat. Has regulas probat Garcias *De Benef. parte 7. cap. 1. num. 57.* quas novissime tuetur Fagnanus ad *cap. Ut ABBATES & De Ætate & qualitat. ordinand. num. 54.* eamque esse communem Rotæ theoriam ac sæpius à S. Congregatio probatam asserit.

VIII. Itaque si fundatio Capellaniæ habeat, ut Capellanus *per se* Missam celebret, censetur quidem Capellania *Sacerdotalis*, non *actu*, sed *aptitudine*: eo quod verba non respiciant actum provisionis, sed functionem præstandam à Capellano, obtenta Capellania. Idem erit, si dictum sit, Capellanum teneri ad continuam & personalem residentiam in Ecclesia, atque ibidem Missam dicere: erit *Sacerdotalis* ob adjectam obligationem *personaliter residendi*; aut obligationem *per se* celebrandi, sed tantum *aptitudine*; quia verba Ordinem requirentia tantum respiciunt functiones & onera Capellaniæ. Ita resolvit S. Congregationem ibidem refert Fagnanus *num. 52.*

IX. In fundatione Cappellaniarum frequenter cautum reperitur, Capellanum teneri ad celebrationem unius vel plurium Missarum per hebdomadam pro anima Fundatoris, nulla de *residentia* aut de persolutione *personali* facta speciali mentione, quo casu dubitatur, num hujusmodi Capellania ob onus celebrandi Missas annexum reputanda sit *Sacerdotalis* saltem *aptitudine*; id est, an providendus de simili Capellania debeat tempore *provisionis* esse in ea saltem ætate, ut infra tempus à lege præscriptum ad Sacerdotium possit promoveri.

Inspecta natura & conditione Beneficiorum, ex dispositione Canonum & Juris communis, dicendum esset, hujusmodi Capellantias esse Sacerdotales, saltem *aptitudine*.

Cum enim ex præscripto Canonum & Juris communis Beneficium detur propter officium; & qui Beneficium obtinet, debeat officium annexum persolvere: ideoque omne Beneficium eodem jure residentiam requiratur, consequens apparet, quod obtinens hujusmodi Beneficium teneatur ad Sacerdotium promoveri; eo quod sine Sacerdotio non queat officio, scilicet *celebrandi Missas*, Beneficio annexo, satisfacere.

Q q q q a

X.



X. Verum cum hæ Capellaniz viderentur onus celebrandi Missas duntaxat annexum habere, sensim consuetudine inductum fuit, ut hæ Capellaniz à residentia absolventur, quemadmodum titulo præcedenti *cap. 4.* notatum fuit.

Hoc vero demum invaluisse verisimile est, postquam creditum fuit, nihil aut parum interesse quis Missam celebraret; sed totum fructum Sacrificii à Christo tanquam primario offerente & Hostia oblata provenire.

Hac enim persuasione semel recepta; sine difficultate indultum fuit, ut Sacerdotes hujusmodi Missarum onere gravati, aliis Missas celebrandas committerent; creditumque, intentioni Fundatorum abunde satisfieri, modo Missarum præscriptus numerus exacte persolveretur.

XI. Verum cum indubitatum sit, pietatem ac devotionem Sacerdotis non parum conferre, ut fructus *abundantior* Sacrificii obtineatur; plurimumque intersit, an malus, an bonus Sacerdos Missam celebret; merito sane dubitari posset, an ea fuerit Fundatorum intentio, ut hæc Missarum celebratio per quemcumque indifferenter Sacerdotem, quantumvis mercenarium, persolveretur; imo non raro viliores, pro dolor! quærantur, ut minori honorario defungi queant.

XII. Quidquid sit, generali quasi consuetudine introductum est, ut Missarum celebratio Capellaniz annexa, aliis delegari queat. Hinc ulterius invaluit, has Capellanas ratione hujusmodi oneris Missarum non esse Sacerdotales; sed simplicibus Beneficiis solam Tonsuram Clericalem requirentibus, annumerari; nisi speciatim & expresse fundatio, vel statutum, aut specialis consuetudo contrarium exprimat & requirant: quemadmodum late deducit Garcias De Benef. *part. 7. cap. 1. num. 75.*

XIII. Et *num. 88.* refert resolutum per Rotam, quod Capellania non requirat residentiam, nisi Fundator jusserit, "quod Capellanus per se ipsum inferre teneatur, quia ex generali consuetudine Beneficia simplicia personalem residentiam non requirunt: & licet id non procedat, ubi liquido constat de particulari consuetudine in contrarium, tamen ad eam probandam non sufficit probare prædecessores residisse, & per seipsum interfuisse, cum simus in materia facultativa: sed quod id fecerint coacte, & non voluntarie. Quod satis difficile erit.

Eandem sententiam probat quoque Fagnanus loco citato; atque frequenter à S. Congregatione responsum fuisse, Capellanas fundatas sub onere Missarum, vel ut Capellanus Missas celebret, fundatas non esse Sacerdotales; ipsumque Capellanum Beneficii onere defungi, si per alium Missæ celebrentur.

XIV. Prædicta autem procedunt, nisi in fundatione secus caveatur ac sufficienter exprimatur. Unde petenti Episcopo Aquilano, an Capellania de jure patronatus laicorum posset conferri ei, qui non est ejus ætatis, ut intra annum ad Ordines "promoveri possit, onera subiturus, quæ dictæ Capellaniz sunt annexa, juxta *cap. 4. vers. 11. VERO Sess. 22. S. Congregatio censuit, non posse conferri, si ei injunctum sit onus dicendi Missas personaliter, vel Evangelium vel Epistolam cantandi, vel in fundatione dictum fuerit, ut obtinens esset Sacerdos, vel Diaconus, vel Subdiaconus.*

Non requiritur autem, ut hoc in fundatione *expresse* exprimatur; sed satis est, ut id verbis æquipollentibus statutum fuerit; quemadmodum post Garciam monet Fagnanus *num. 76.* idque pluribus exemplis, & S. Congregationis resolutionibus confirmans.

XV. Hactenus dictis de Capellaniis celebratione Missarum gravatis, & tamen Ordinem Sacerdotalem nec *actu*, nec *aptitudine* requirentibus, repugnare videtur Synodus Tridentina *Sess. 22. cap. 4. De Reformatione*, decernens, ut "ii qui Dignitates, personatus, officia, Præbendas, portiones, ac quælibet alia Be-

neficia in dictis Ecclesiis obtinent, aut imposterum obtinebunt, quibus onera varia sunt annexa, vide licet, ut alii Missas, alii Evangelium, alii Epistolas dicant, seu cantent: quocumque ii privilegio, exemptione, prærogativa, generis nobilitate sint insigniti, teneantur, iusto impedimento cessante, infra annum Ordines suscipere requisitos: alioquin poenas incurrant, juxta Constitutionem Concilii Viennensis, quæ incipit, *Ut ii qui*; quam præsentem Decreto innovat. Cogantque Episcopi eos diebus statutis dictos Ordines per se ipsos exercere ac cætera omnia officia, quæ debent in cultu Divino præstare, sub eisdem & aliis, etiam gravioribus, poenis, arbitrio eorum imponendis.

Si ergo Capellania in hisce Ecclesiis fundatæ sint cum onere Missarum, videntur vi hujus Decreti teneri earum possessores ea *per se* præstare; & consequenter cogi posse ad Ordinem suscipiendum, sine quo ea præstare nequeunt.

XVI. Imprimis admittit Fagnanus *num. 80.* quod qui obtinet Capellaniam *Sacerdotalem* in Ecclesia Cathedrali aut Collegiata, teneatur *per se* officium præstare conformiter ad hoc Decretum.

At si Capellania sit simpliciter fundata in tali Ecclesia sub onere celebrandi per hebdomadam aliquas Missas pro anima Fundatoris, negat Fagnanus, eam propterea esse *Sacerdotalem*, aut Capellanum vi prædicti Decreti teneri celebrare *per se*; creditque hoc Decretum esse intelligendum de publicis Officiis Divinis; id est, Officiis Chori; atque per Missas ibidem intelligi *Missas Conventuales*, quæ partem Divini Officii Choralis constituunt; non autem Missas *privatas* quarum celebratione hujusmodi Capellaniz gravatæ censentur.

XVII. Hinc concludit, Capellanas in Cathedrali aut Collegiata Ecclesia fundatas cum onere interessendi Divinis Officiis, requirere *personalem* residentiam: eo quod conformiter ad hoc Decretum, ac insuper Decretum ejusdem Synodi *Sess. 24. cap. 12. De Reformatione*, omnes Divina *per se*, & non substitutos compellantur obire.

Probat ulterius ibidem Fagnanus, quod Capellania fundata in Ecclesia Cathedrali aut Collegiata cum onere *deserviendi in Divinis*, requirat *personalem* residentiam; eo quod verba *deservire in Divinis* hic posita videantur significare *servitium* Chori, quod in hujusmodi Ecclesiis venit nomine *Divini Officii* sive *Divinorum*: qui autem tenetur ad *Officium Chori*, tenetur illud *per se*, non per substitutum persolvere.

Notat quoque Garcias De Benef. *parte 7. cap. 1. n. 89.* quod "Capellaniz habeant residentiam *personalem*, quando ultra Missarum celebrationem habent onus adjuvandi Curatum in cantando & aliis similibus.

XVIII. Igitur videtur, quod sola celebratio Missarum, præsertim *privatarum* aut *votivarum*, quæ ad publicum & solemne Officium Ecclesiæ non pertinent, id speciale habeant, quod per *Substitutum* persolviqueat; nisi in fundatione aliter ordinatum fuerit: quod indubie non Canonum aut Patrum auctoritate, sed forsitan ex viliori de harum Missarum celebratione idea, sensim consuetudine introductum est: circa quam consuetudinem quid fieri expediat, pro temporum & locorum variis circumstantiis Superiores, ac præcipue Episcopi expendere debent. Illud saltem imprimis curandum, ut hæc Missarum officia ea qua par est reverentia & devotione peragantur; nec mercenariis & vilibus Sacerdotibus, per quos ipsum Sacrificium profanetur & in vilipendium adducatur, committantur.

XIX. Cum tamen ea soleat esse Fundatorum intentio, ut proventus in fundatione assignati cedant ei, qui officium à Fundatore præscriptum adimplet: juxta illud: *Beneficium datur propter Officium*, non apparet sat conformem menti Fundatoris, ut hi qui nul-

lum plane officium præstant, proventibus, & quidem plerumque pro maiore parte foundationis gaudeant.

Si appareant proventus abundantiores, quam requirunt onera in fundatione expressa, conformius videretur & menti Ecclesiæ & Fundatorum, ut his Beneficiis aliqua onera per Beneficiarios ad utilitatem Ecclesiæ exsolvenda imponerentur, quam quod major proventuum pars cedat nullum officium præstanti.

XX. Concilium Lateranense sub Alexandro III. in cap. CUM CUNCTIS §. INFERIORA *De Elect.* statuit, ut " si assumptus in Archidiaconum, in Diaconum, & Decanum, & reliqui admoniti, non fuerint, præfixo à Canonibus tempore in Presbyteros ordinati, ab isto removeantur officio, & aliis conferatur.

Ex hoc Decreto unanimi consensu concludunt Doctores, Archidiaconatus, & Decanatus aliisque Beneficiis ibidem nominatis Ordinem esse annexum; sed aptitudine duntaxat: ut scilicet assumptus ad tale Beneficium, eum assumere intra tempus à Canonibus præfixum teneatur. Quod vero sit illud tempus, dicetur capite sequenti.

XXI. Synodus Tridentina, Sess. 24. cap. 12. De Reformat. vult ut " in omnibus Ecclesiis Cathedralibus omnes Canonicatus ac portiones habeant annexum Ordinem Presbyterii, Diaconatus vel Subdiaconatus; Episcopus autem cum consilio Capituli designet ac distribuatur, prout viderit expedire, quibus quisque Ordo ex sacris annexus imposterum esse debeat; ita tamen, ut dimidia saltem pars Presbyterii sint, cæteri vero Diaconi aut Subdiaconi; ubi vero consuetudo laudabilior habet, ut plures vel omnes sint Presbyteri, omnino observetur.

Quamvis Synodus velit, omnibus Canonicatibus Cathedralibus annexi Ordinem sacrum, ut minimum Subdiaconatus; tamen quamdiu Episcopus annexionem non fecerit, non videtur quod Canonicatus hi aliquem Ordinem annexum habeant ex sola Synodi dispositione; quemadmodum supra de annexione Præbendæ Lectori Theologiæ notavimus, part. 1. tit. 11. c. 6.

Si autem Episcopus vi huius Decreti Ordines annexerit, tantum videbuntur annexi aptitudine; id est, quod assumendi ad Canonicatus debeant esse in ætate, ut infra tempus præscriptum ad ordinem annexum promoveri queant; uti satis aperte indicat Synodus, Sess. 22. cap. 4. De Reformat.

### CAPUT III.

Intra quod tempus Ordo Beneficio annexus suscipiendus; & quæ pœna non suscepti?

1. Ordo actu annexus requiritur tempore provisionis.
2. Ordo annexus aptitudine, debet suscipi tempore à jure definito; ni aliud habeat fundatio, aut consuetudo, vel statutum.
3. Concilium Lateranense dixit suscipiendum intra tempus à Canonibus præfixum.
4. Tempus illud est unus anni.
5. Synodus Tridentina Canonicos & Capellanos in Ecclesiis Cathedralibus & Collegiatis obligat ad suscipiendos Ordines annexos intra annum.
6. Annus ille currit à tempore pacificæ possessionis.
7. Quando possessio est litigiosa, non currit.
8. Non promotus intra annum debet probare Beneficium fuisse litigiosum.
9. Annus currit etiam si fructibus Beneficii non gaudeat.
10. Hodie in Gallia datur Provisio biennium ad Ordinem suscipiendum; & quare?
11. Promovendus ad Beneficium Parochiale hodie non debet actu ullo Ordine esse insignitus.
12. Ratio hujus disciplina.
13. Non promotus intra tempus, ipso jure privatur

Beneficio Parochiali; nec illud ei iterato conferri potest.

14. Non obtinet hæc pœna in obtinente Collegiatam qua simul est Parochialis Ecclesia.
15. Obtinens Dignitatem etiam curatam, non privatur ipso jure ob non promotionem ad ordinem.
16. Beneficium Parochiale ob non promotionem vacat, & alteri potest conferri.
17. Ut non promotus deiciatur ex possessione, debet prius citari & audiri: & quare?
18. Quæ sit praxis in Gallia?
19. Non promotus ad Ordinem tenetur ad restitutionem fructuum, si animo non recipiendi Ordinem, Beneficium Parochiale acceperit.
20. Id quoque in aliis Beneficiis locum habet.
21. Qui sciens sic contulit, etiam restitutioni obnoxius est.
22. Ordinem intra tempus suscipiendo à restitutione liberatur, licet animo non suscipiendi, Beneficium acceptaverit.
23. Quomodo obtinentes Beneficia non Parochialia ad suscipiendum Ordinem annexum cogendi?
24. Qualiter Episcopus dispensare possit in susceptione Sacerdotii cum obtinente Beneficium Parochiale?
25. Quid circa non promotionem ad Ordines, habeant privilegia & usus Universitatis Lovaniensis?

I. ORDO vel annexus est Beneficio actu, vel duntaxat aptitudine, juxta distinctionem traditam capite præcedenti.

Si priori modo annexus sit, requiritur indubie, ut tempore provisionis seu institutionis habeat Ordinem annexum, alias provisio erit nulla ob defectum qualitatis in Provisio requisitæ.

II. Major est difficultas, quando Ordo annexus est Beneficio aptitudine; sive quando providendus de Beneficio non debet actu esse Ordine annexo insignitus; sed sufficit intra certum tempus ad Ordinem promoveri. Si ex fundatione aut statuto, aut consuetudine speciali ipsius Ecclesiæ tempus illud determinatum non sit, indubie ad tempus jure communi determinatum recurrendum est.

III. Concilium Lateranense sub Alexandro III. in cap. 7. *De Elect.* postquam statuit, ut Decanatum, Archidiaconatum, & alia quæ curam animarum habent annexam nullus omnino suscipiat, sed nec Parochialis Ecclesiæ regimen nisi, qui jam 25. annum ætatis attigerit, subjungit: " Cum autem assumptus fuerit, si Archidiaconus, in Decanum, & Decanus & reliqui admoniti, non fuerint præfixo à Canonibus tempore in Presbyteros ordinati: & ab illo removeantur officio, & aliis conferatur, qui velint & possint illud convenienter adimplere.

IV. Quod sit tempus à Canonibus præfixum, Concilium non expressit; at posteriores Constitutiones id de annali intellexisse videntur; ut scilicet ad Ordinem annexum infra annum promoveri debeant.

Concilium Lugdunense sub Gregorio X. intelligens Canonem ab Alexandro III. editum circa susceptionem Sacerdotii per eum, qui ad regimen Parochialis Ecclesiæ est promotus, negligi, eundem renovans, una declarat, quod sit tempus à Canonibus præfixum, dicens: " Et intra annum à sibi commissi regiminis tempore numerandum, se faciat ad Sacerdotium promoveri., Cap. 14. De Elect. in VI.

Hic Decreto conforme est, quod sub nomine Concilii Viennensis decernitur in Clement. 2. De ætate & qualitate Ordinand. ut ii qui Dignitates, Personatus, Officia, vel Præbendas, quibus certi Ordines sunt annexi, pacifice nunc obtinent in Cathedralibus vel Collegiatis Secularibus, vel Regularibus Ecclesiis, vel obtinuerint in futurum, ad ejusmodi Ordines se promoveri faciant intra annum sub pœnis ibidem expressis.

V. Synodus Tridentina *Seff. 22. cap. 4. De Reformat.* vult, ut " ii qui Dignitates, Personatus, Officia, Præbendas, Portiones, ac quælibet alia Beneficia in dictis Ecclesiis obtinent, aut impofterum obtinebunt, quibus onera varia sunt annexa, videlicet, ut alii Missas... dicant, seu cantent: quocumque ii privilegio, exemptione, prærogativa, generis nobilitate sint insigniti, teneantur, iusto impedimento cessante, infra annum Ordines suscipere requisitos: alioquin pœnas incurrant juxta Constitutionem Concilii Viennensis, quæ incipit: *Ut ii qui*; quam præfenti Decreto innovat.

Hoc Decretum absolute decernere, ut similia Beneficia obtinentes teneantur *infra annum* Ordines requisitos suscipere, notat Fagnanus *ad cap. CUM IN CUNCTIS* & *De Elect. num. 63.* atque eatenus Concilium Tridentinum dictam Clementinam declarasse; quæ non ita clare & præcise adstringebat obtinentes hujusmodi Beneficia ad Ordines suscipiendos; sed tantummodo quamdiu non promovebantur, privabat voce *activa* in Capitulo & dimidia parte distributionum.

Bonifacius VIII. cuidam super interpretatione citati Decreti Concilii Lugdunensis respondens, ait: " An- nus autem hujusmodi qui à tempore illo incepit, quo ipsius Ecclesiæ regimen commissum tibi extitit, & possessionem ejus pacificam habuisti; vel per te stetit moveri iusto impedimento detentus intra tempus hujusmodi nequivisti. " *Cap. 35. De Elect. in VI.*

VI. Ex hac Decretali habetur, quod annus ille non currat simpliciter à tempore commissi regiminis, sed à tempore, quo illius possessionem *pacificam* habuit, aut per eum stetit quominus haberet.

VII. Unde si litigiosa esset possessio Beneficii, pendente lite, & quamdiu per ipsum Promotum non fiat quominus pacificus illius sit possessor, annus non currit.

VIII. Beneficium autem fuisse litigiosum probare debet *non promotus*; uti notat Rebuffus in *Praxi Benef. part. 2. tit. De non promotis intra annum, &c. num. 41.* qui dein *num. 42.* addit: " Cujus prætextu vidi multas impetrari Parochiales, quia possidens lites sibi fingeat, sed ante Deum cui omnia sunt aperta, iste qui fingit litem, satis est privatus, nec aliquem habet titulum; ideoque recipiendo fructus est prædo, & fur, & falsarius; quod falso nomen Curati sibi vindicat, & adscribit, cum non sit: quam ob rem tenebitur ad restitutionem fructuum, ut quos ex re non sua, cum sit privatus, accipit, & mala fide: alioqui non dimittitur peccatum nisi restituatur ablatum. "

IX. Sed quid? si obtinens Parochiale Beneficium non reciperet fructus primi anni propter jus deportus, ut vocant Galli: Nihilominus tenebitur promoveri, ait Rebuffus ibidem *num. 11.* alioquin erit privatus anno elapso; tum quia grex est eidem commissus, & habet pacificam possessionem Curæ, ac liberum exercitium animarum.

X. Notat quoque Rebuffus *num. 45.* " quod postquam annus iste computatur à die *pacificæ* possessionis *adeptæ*: & in hoc Regno Gallie, *pacificam* possessionem quis non dicitur habere ante annum, ob id post annum *pacificæ* possessionis *alterum* habet annum ad promovendum; & ita declaravit Senatus Parisiensis anno 1547. in mense Februario. " Deinde monet istam declarationem apprime utilem, & hodie communem in dicta Curia.

XI. Porro cum promotus ad Parochiale Beneficium teneatur intra annum à die *pacificæ* possessionis ad Sacerdotium promoveri, videbatur nullus posse ad simile Beneficium Parochiale assumi, nisi saltem in Ordine Subdiaconatus esset constitutus: cum alias juxta sacros *Canones* ob interstitia inter Ordines servanda, nequidem intra biennium Sacerdotio insigniri posset, quod

& non obscure supponit, *cap. 5. de Ætate & Qualitate Ordinand.* Nihilominus tradit Rebuffus in *Praxi Benef. part. 1. tit. Requisita ad collationem, num. 33.* quod Beneficia etiam Curata quis possit habere, etiam si primam tantum habeat Tonsuram. Et licet Fagnanus dicat opinionem Rebuffi non esse conformem citato *cap. 5.* nihilominus fatetur, quod secundum opinionem Rebuffi in *praxi* servetur: " Nam (ait) Parochiales etiam conferuntur Clericis primæ Tonsuræ. (a) Et si- cra Congregatio Concilii alias consulta, an Matrimonium contractum coram Parocho adhuc intra annum ad sacros Ordines non promoti, sed prima tantum Tonsura initiato, sit validum? respondit esse validum. " Quam sententiam Clemens VIII. ad se relatum ap- probavit. " Hæc Fagnanus *ad cap. PRÆTEREA* & *de Ætate & Qualitate Ordinand. num. 8.*

XII. Cum enim Ecclesia optet, ut promotio ad sacros Ordines potius fiat titulo Beneficii, quam titulo Patrimonii, haud difficulter permittit, ut Beneficium etiam ante Ordinem sacrum susceptum Clerico conferatur, & super interstitiis dispensetur, si Ordinem accelerationem ipsum Beneficium requirit; ita quidem, ut ea de causa permittat quoque Capitulo, Sede vacante, intra annum à die vacationis Litteras dimissoriales concedere: ut supra *part. 1. tit. 9. cap. 2.*

XIII. Si obtinens Beneficium Parochiale intra annum à die *pacificæ* possessionis adeptæ ad Sacerdotium promotus non fuerit, auctoritate Constitutionis Concilii Lugdunensis in allegato *cap. LICET CANON.* " Ecclesia sibi commissæ est privatus, nulla etiam præmissa monitione. " Additque Bonifacius VIII. in *cap. COMMISSA de Elect. in VI.* quod nec ipsi non promoti ulla- tenus ea vice iterato poterit conferri.

XIV. Idem tamen Bonifacius in *cap. STATUTUM eod. tit. in VI.* declaravit Constitutionem Gregorii X. in Concilio Lugdunensi editam de *privatione* Ecclesiæ Parochialis commissæ, ob non promotionem ad Sacerdotium, " ad Collegiatis Ecclesiis, etiam si alias Parochiales extiterint, & assumptos ad earum regimen non extendi: sed antiqua jura servari potius debere " in iisdem.

Antiqua jura, quorum hic meminit Bonifacius, sunt ea, quæ habentur in *cap. 7. de Elect.* Ex Concilio Lateranensi sub Alexandro III. quibus quidem præcipitur, ut Beneficia aut Dignitates cum cura animarum obtinentes, tempore à Canonibus præfixo promoveantur, & in Presbyteros ordinentur; sed pœna *privationis ipso jure* in non obediens non adjicitur; quæ demum decreta fuit per Concilium Lugdunense sub Gregorio X. contra obtinentes *Parochiale* Beneficium: quæ Constitutio cum *pœnalis* sit, restringenda apparuit Bonifacio VIII. ad Beneficia quæ proprie & *simpliciter* sunt *Parochialia*.

XV. Hinc ulterius concludit Rebuffus *tit. de non promotis*, quod illa privationis pœna ob non promotionem non habeat locum in Decanatibus, Præposituris & Archidiaconatibus: " Ideo qui possidet Præposituram in Ecclesia Collegiata (ait) sine promotione per annum, non tamen est privatus, nisi fuerit moni-

(a) Altera hodie in Galliis observari debet Jurisprudentia: Neminem de Parochiis, ceterisque Beneficiis, quibus animarum Cura annexa est, hæc decrevit Galliarum Rex Ludovicus XV. in Declaratione quam Versaliis dedit 13. Januarii 1742. his verbis: *Voulons & nous plaît, que nul Ecclesiastique ne puisse être pourvu dorénavant, d'une Cure ou autre Benefice à charge d'âmes, soit sur la présentation des Patrons, soit en vertu de ses degrés, soit à quelqu'autre titre, ou par quelque Collateur que ce soit, s'il n'est actuellement dans l'Ordre de Prêtrise, & s'il n'a atteint l'âge de 25. ans accomplis; faute de quoi, voulons, que sans avoir égard aux provisions abstenues, qui seront regardées comme nulles & de nul effet, soit en jugement ou autrement, ladite Cure ou ledit Benefice, soient censés vacans & impétrables, & qu'en conséquence il y soit pourvu librement & de plein droit, d'un Sujet capable, par ceux à qui la collation ou l'institution en appartient.* Hæc Declaratio in Commentariis Sæpissimi Senatus Parisiensis relata est 26. Januarii 1742.



„tus: quia non est Parochialis *simpliciter*, de qua *cap.*  
„LICET CANON: licet æquum & bonum esset, ut per  
„Concilium vel per Papam hoc statueretur: & hoc  
„ad servitium tenderet. „ Hæc ille *num.* 30. qui &  
„*num.* 60. monet, non procedere etiam in Ecclesia Cu-  
rata non Parochiali.

XVI. Itaque obtinens Beneficium Parochiale, &  
intra annum à die adeptæ pacificæ possessionis, non  
promotus fuit ad Sacerdotium, cessante legitimo impe-  
dimento, ipso jure Beneficio est privatus, neque am-  
plius titulum possidendi habet; potestque per non pro-  
motionem tanquam vacans impetrari & conferri, ait  
Rebuffus loco citato *num.* 1.

XVII. Rectè tamen monet ibidem Rebuffus, quòd  
priusquam provisorius de Parochiali Beneficio amoveatur  
de possessione, debeat citari & audiri; non quidem,  
ut *privetur*; sed ut sciatur, an sit *privatus*; quia potuit  
subesse legitimum impedimentum non promotionis;  
quod consequenter eum à pœna privationis eximere  
potuit; conformiter ad *cap.* LICET EPISCOPUS de  
*Præbendis in VI.*

XVIII. In Gallia, teste Rebuffo ibidem *num.* 50.  
„hodie post annum conferunt Ordinarii, & factà ab  
„illis collatione, vel datà provisione à Papa. impe-  
„trantur litteræ in causa novitatis directæ Judici Regio  
„coram quo impetrans dicit se canonicè Beneficium  
„assecurum, & esse in possessione Beneficii, quod vac-  
„cat per non promotionem talis, &c. nisi impedimen-  
„tum prober adversarius vel promotionem aut dispen-  
„sationem, adjudicabitur impetranti possessio saltem  
„per recedentiam: & sic servatur in forensi judicio.  
„Subjungit Rebuffus *num.* 51. sed ante adjudicatio-  
„nem, uno finito termino, dari poterit alius ad pro-  
„bandum dictum impedimentum, quia de gravi agi-  
„tur præjudicio: ut contendit *decis.* 177. *Ægidius.*

De eadem praxi testatur quoque Tournetius in sua  
collectione Arrestorum, *litt.* V. *num.* 2. eamque in  
judicio contradictorio aliquando confirmatam fuisse  
refert.

XIX. Cùm ob non promotionem ad Sacerdotium  
intra annum, ipso jure Beneficio Parochiali possessor sit  
privatus, quaeritur quid de fructibus perceptis sit sta-  
tuendum?

Bonifacius VIII. in citato *cap.* COMMISSA. cuidam  
dubitanti super hac quaestione ita rescribit: „ Si pro-  
„moveri ad Sacerdotium non intendens parocchiale  
„receptis Ecclesiam, ut fructus per annum ex ea per-  
„cipias, ipsam postmodum dimissurus, teneberis ad  
„restitutionem, cum eos receperis fraudulenter.

XX. Hanc Bonifacii decisionem in jure potius na-  
turali, quàm positivo fundatam esse, plures Cano-  
nista, quos citat & sequitur Garcias, de *Beneficiis*,  
*parte 3. cap. 4. num.* 37. opinantur; ideòque non  
tantum in Beneficio Parochiali, sed & in aliis quibus-  
cumque Ordinem sacrum requirentibus obtinere au-  
tumant; eosque, qui eo animo Beneficia hæc acci-  
piunt, restituere debere fructus perceptos; utpote qui  
eos receperint fraudulenter: asseritque Flaminius, de  
*Resignatione, lib. 9. q. 10. n. 4.* quòd hodie inoleverit  
stylus in Curia Romana, exigendi juramentum à pe-  
tente Beneficium, quòd illud non accipiat animo di-  
mittendi.

XXI. Addit insuper Bonifacius, „ illum autem, qui  
„eam tibi contulit, cùm te non crederet ad hujusmodi  
„Ordinem promovendum (præter Divinam, quam  
„exinde incurrit offensam) ad servandam indemnem  
„eamdem Ecclesiam decernimus obligari.

Utinam hæc satis attenderent Beneficiorum Collato-  
res, qui non raro affectu carnali excecati parum atten-  
dunt, num is, cui Beneficium conferunt, animum ha-  
beat Beneficio deservendi; ita ut ignorantia, si quæ sit,  
adeò crassa sæpè non sit, ut merito sit timendum, ne  
coram Deo intimorum scrutatore pro scientia repure-  
tur; & fructuum restitutioni ob hujusmodi promotio-  
nem obnoxii teneantur.

XXII. Circa restitutionem fructuum faciendam ab  
illo, qui accepit Beneficium Parochiale animo non as-  
sumendi Sacerdotium, hanc exceptionem addidit Bo-  
nifacius VIII. *nisi mutata voluntate promotus fuerit*;  
innuens eo casu restitutionem non esse faciendam;  
quia suscipiendo Ordinem & voluntatem mutando,  
culpam, si quæ fuit in acceptando, eluisse & emendasse  
videtur; ipsamque privationem tituli, quæ ipsum resti-  
tutioni fructuum redderet obnoxium, susceptione Or-  
dinis prævenisse.

XXIII. Quamvis pœna privationis ipso jure ob non  
promotionem ad Sacerdotium tantum obtineat quoad  
Ecclesias Parochiales juxta citatum *cap.* LICET, &  
Prioratus Conventuales juxta *Clement. 1. §. Cæterum*,  
de *Statu Monach.* tamen si Beneficia Ordinem annexum  
habeant, poterunt eorum possessores ad Ordinem sus-  
ceptionem urgeri: & si cessante justo impedimento,  
monitis non obtemperaverint, etiam tandem ad sen-  
tentiam privationis procedi poterit; quemadmodum  
latius ostendit Fagnanus ad *cap.* QUÆRIS de *Ætate*  
& *Qualitate Ordinand.* ubi modum procedendi ad hanc  
privationem observandum proponit.

XXIV. Ex Decreto Bonifacii VIII. in *cap. 34. de*  
*Elect.* VI. potest Episcopus cum obtinente Parochia-  
lem Ecclesiam dispensare, ut usque septennium littera-  
rum studiis insistent, promoveri minimè teneatur, nisi  
ad Ordinem Subdiaconatus duntaxat.

Synodus Tridentina *Sess. 7. cap. 12. de Reformat.* sta-  
tuit, „ ut facultates de non promovendo, præterquam  
„in casibus à jure expressis concessæ, ad annum tantum  
„suffragentur.

Hoc Decreto sublatam esse facultatem concedendi ra-  
tione studii dispensationem ad septennium, de qua in  
citato *cap. 34.* resolvissè sacram Congregationem refert  
post alios Barbosa, de *Officio Parochi, parte 1. cap. 5.*  
*num.* 22. & 23.

XXV. Conformiter ad dictam Constitut. Bonifacii  
VIII. concessit Universitati Lovaniensi Martinus V.  
quòd obtinentes Beneficia quæcumque, etiam cum cura,  
„ratione ipsorum usque ad septennium, à tempore il-  
„lorum pacificæ possessionis computandum, dummo-  
„do post habitam pacificam possessionem eandem (ni-  
„si aliud eis super hoc Canonicum impedimentum suf-  
„fragetur) infra annum in Subdiaconos ritè sint ordi-  
„nati, ad aliquem ex præfatis Ordinibus se promove-  
„ri facere minimè teneantur, nec à quoquam compelli  
„possint inviti.

Simile privilegium concessit Eugenius IV. immédia-  
tus Martini V. successor, declaratque ratione Benefi-  
ciorum obtentorum, etiam cum cura, „ usque ad septen-  
„nium à tempore, quo hujusmodi (id est in quacumque  
„Facultate) studio insiltere inceperint, computan-  
„dum, dummodo infra illius annum primum, si &  
„prout jus exegerit, in Subdiaconos ritè ordinati sint,  
„ad aliquem ex Diaconatus & Presbyteratus Ordini-  
„bus se promoveri facere minimè teneantur, nec ad id  
„à quoquam inviti compelli possint.

Hæc quidem ante Synodum Tridentinam; at post  
hanc Synodum Gregorius XIII. speciali Bulla jus No-  
minationum tam à Sixto IV. Universitati, quam à Leo-  
ne X. aliisque Pontificibus Facultati Artium concessum  
innovans, & confirmans, expressè voluit & mandavit,  
„quòd hi, qui ad Beneficia *curam animarum* habentia  
„nominati fuerint, non admittantur, nisi prius ab  
„Ordinario locorum, prævis examine, absque concursu  
„faciundo, fuerint approbati: quòdque in eis *perso-  
„naliter* residere teneantur, nec se eo nomine excusare  
„possint, quòd in dictis Universitate & Facultate Ar-  
„tium scholares sint, seu docentes aut Magistri.

Et in *Placeto* Philippi II. super usu hujus Bullæ præ-  
cipitur, ut in nominatione ad Beneficia *curata* vigore  
Bullarum Papalium faciendâ, exprimentur clausulæ &  
obligationes de obeundo examine, & *residencia*, de qui-  
bus in hac Bulla.

Ut

Ut huic Bullæ ac Placeto satisfiat, non tantum jubetur Nominatus acceptans Beneficium Parochiale subire examen Ordinarii; sed eorum, qui à Rectore, aut Facultate Artium ad examinandum fuerint deputati; atque nominandus à Facultate Artium inter alia jurat, "quod si vigore suæ nominationis curam aliquam Pastoralem acceptare possit, non prius tamen eam acceptabit, quam prævio examine idoneus judicatus fuerit per eos, quos Facultas deputaverit. .... Quoddam infra annum unum ab obtenta pacifica possessione personaliter residere, nec eam resignabit, nisi integro anno refederit, aut aliam obtinuerit.

Cum ergo acceptans Beneficium Parochiale debeat esse idoneus tempore acceptionis; ac insuper infra annum à pacifica possessione adeptus personaliter residere, evidens est, quoad similia Beneficia, usum privilegii de non promovendo ad septennium esse sublatum. Personalis enim residentia, etiam personalem officii Pastoralis perfolutionem infert; quæ sine Ordine suscepto fieri nequit.

#### CAPUT IV.

De Scientia aliisque Qualitatibus ad Beneficia requisitis.

1. Scientia major vel minor pro diversitate Beneficiorum necessaria.
2. Unde mensuranda scientiæ necessitas.
3. Non exigua scientia necessaria in promovendis ad Dignitates curatas.
4. In Canonicis Ecclesiarum Cathedralium, quæ scientia requiratur?
5. Canonici Cathedrales tales eligendi, qui consilio Episcopis assistere quant.
6. Synodus Tridentina optat, ut saltem dimidia pars Canoniatuum in Cathedralibus & Collegiatis Ecclesiis detur Graduatis.
7. Graduum Academicum Synodus reputavit pro publico eruditionis testimonio.
8. Visitatio Academia Lovaniensis requirit strictum examen circa promovendos in Jure, ut Ecclesiis melius consulatur.
9. Multum nocent Ecclesiæ & Republicæ, qui gradus Academicos indignis annuunt.
10. Enormis peccati arguuntur indignis gradum conferentes.
11. Sententia Joannis Gersonis de indebita graduum Academicorum collatione.
12. Quæ Beneficia in Belgio requirant gradum Academicum?
13. In Regno Gallie requiratur, ut promovendus sit Regnicola.
14. Quid de hoc obtineat in Hispania & Belgio?
15. Non solet huic juri Papa derogare.
16. Qualitates in fundatione expressæ sunt servandæ.
17. Beneficia patrimonialia, quæ & facta collatio non consanguineo est valida, non concurrente consanguineo.
18. Secus in Beneficiis debitis Graduatis.
19. Quomodo Graduum computatio intunda, dum agitur de Beneficiis Patrimonialibus.
20. Beneficia Patrimonialia non facile admittenda, & quare?
21. Conditio prælationis consanguineorum est odiosa, ideoque restringenda.
22. Quædam Dignitates debent conferri Canonicis.
23. An sufficiat fuisse Canonicum tempore adeptæ Dignitatis.
24. Evectio Canonicatus ad retinendam Dignitatem.

I. INTER qualitates in providendo de Beneficio imprimis recensenda est scientia talis, quæ officio, ob

quod Beneficium datur, sive Beneficio incumbenti, obeundo est necessaria.

Porro cum officia Beneficiis annexa varia sint, eorumque functiones majorem vel minorem scientiam requirant, non una quoque, nec æqualis ad omnia Beneficia scientia requiritur.

II. Porro talis generaliter requiritur, quæ functionibus Beneficio annexis adimplendis necessaria & conveniens est.

Hinc Synodus Tridentina Sess. 24. cap. 12. de Reformat. postquam dixit, Dignitates in Ecclesiis, præsertim Cathedralibus, ad conservandam augendamque Ecclesiasticam disciplinam fuisse institutas, ac proinde merito, qui ad eas vocantur, tales esse debere, qui suo muneri respondere possint, tanquam consequens subinfert: "Nemo igitur ad Dignitates quasvis, quibus animarum cura subest, promoveatur, nisi qui saltem 25. suæ ætatis annum attigerit, & in Clericali Ordine versatus, doctrinam ad suum munus necessariam, ac morum integritate commenderetur.

III. Cum his Dignitatibus cura animarum incumbat, ea cumprimis doctrina necessaria est, quæ regimini animarum, quod à Patribus *ars artium* vocari consuevit, ritè obeundo requiritur; & quidem eo eminentior doctrina, & eruditio major, quod cura Dignitatibus his incumbens, non tantum aliquos simplices laicos, sed plerumque Clerum numerosum concernit; qui quod ad vitam perfectiorem vocantur, ed eruditione majore opus in Directore. Hoc utinam attenderent, qui hæc Dignitates sine ullo penè onere existimant; minoremque ad eas doctrinam necessariam, quam ad quodcumque Beneficium Parochiale.

IV. Ulterius omnes Dignitates, quin & Canonici in Ecclesiis Cathedralibus instituti sunt, ut in regimine Ecclesiæ Episcopo operâ & consilio assistant, atque propterea Capitulum Cathedrale, Ecclesiæ *Senatus* appellari meruit.

Unde singulariter de Canonicis Cathedralibus verificatur, quod præterito seculo de universis Canonicis dixit Cardinalis Polus; "Canonicatus & Præbendas instituendi ratio & causa hæc fuit, ut qui ad eas assumuntur, Episcopo assistant, eumque in muneris sui functione consilio & opera adjuvant, & in Divinis celebrandis Ecclesiæ interserviant. In Decreto Reformat. Cleri Anglicani num. 3. Habetur tom. 14. Concil. general. col. 1743.

Quare Molanus expendens Canonicorum institutum & vocationem, ait: "Beati sunt illi Canonici, & verè omni laude dignissimi, qui non contenti bonâ vitâ, & Canonico Ecclesiæ officio, secundum mensuram donationis, opitulatores esse cupiunt in Ecclesia Dei, scientes hanc esse vocationem suam. Lib. 1. de Canon. cap. 27.

V. Inter articulos nomine Caroli IX. Regis Gallie Patribus Tridentinis pro Reformatione Ecclesiæ oblatos legitur hic ordine 27. "Cum Episcopus ea jurisdictione uti non debeat, secundum antiqua Decreta, nisi consulto Capitulo, quemadmodum nec alia suæ Diocesis gravia negotia tractare: danda est diligens opera, ut Canonici Cathedralium Ecclesiarum sint assidui in Ecclesia Cathedrali, bonis moribus & scientiâ præditi, quique saltem 25. annum attingant: nam ante illam ætatem cum non possint per leges humanas rebus suis prospicere, quomodo Episcopo consulere poterunt?

Quamvis non decreverit omnia, quæ hoc articulo continentur, sat tamen ostendit, non mediocrem scientiam in Canonicis, præsertim Cathedralibus requiri.

VI. Hac de causa desideravit, ut non tantum præcipuæ Dignitates Doctoribus aut Licentiatibus in Theologia aut Jure Canonico conferrentur, sed insuper "hortatur, ut in provinciis, ubi id commodè fieri potest, Dignitates omnes & saltem dimidia pars Canoniatuum

„ nicatorum in Cathedralibus Ecclesiis, vel Collegiatis „ insignibus conferantur tantum Magistris vel Docto- „ ribus, aut etiam Licentiatibus in Theologia vel Jure „ Canonico.

VII. Ut quid enim hosce gradus Academicos exigi putabimus, forsitan tanquam quosdam varios honoris titulos? nequaquam sane: sed ut publica eruditionis testimonia, quibus omnibus constaret, eos scientiâ vel Theologica, vel Juris Canonici ita instructos, ut merito publicum hoc testimonium mererentur.

Hoc in jam citato Decreto luculenter expressit Synodus Tridentina. Postquam enim declarasset, Dignitates præsertim in Ecclesiis Cathedralibus, ad conservandam augendamque Ecclesiasticam disciplinam institutas, ac propterea neminem ad eas promovendum, nisi *doctrinâ* ad suum munus exequendum necessariâ commenderetur, mox ea, quæ de gradibus Academicis ex ipso Decreto jam relata sunt, subiecit tanquam medium, quo finis ille obtineretur; id est, nemo ad eas promoveretur, nisi doctrinâ ad suum munus exequendum necessariâ commenderetur; de qua ex gradu Academico tanquam publico doctrinæ testimonio constaret.

Luculentius id declaravit, *Self. 22. cap. 2. de Reformat.* requirens, ut quicumque posthac „ ad Ecclesias „ Cathedrales erit assumendus, *scientiâ* ejusmodi polleat, ut muneris sibi injungendi necessitati possit satisfacere; Deinde subiungens: „ Ideoque antea in „ Universitate studiorum Magister, sive Doctor, aut „ Licentiatibus in Sacra Theologia, vel Jure Canonico „ merito sit promotus, aut publico Academicæ testimonio idoneus ad alios docendos ostendatur.

Cum hoc loco exigit Synodus, ut promovendus ad Ecclesiam Cathedralē publico Academicæ testimonio ad alios docendos idoneus ostendatur, nisi Gradu Academico fuerit insignitus, manifestè evincitur, Gradum Academicum ex mente Synodi esse vice publici testimonii, quo promovendus ad Ecclesiam Cathedralē idoneus ad alios docendos ostendatur.

VIII. De hac veritate persuasi Principes Belgii, nihil adeo in hujus Universalitatis visitatione anno 1617, inculcârunt, atque enixè præceperunt, quàm ut nemini, signanter in Theologia aut Jure Gradus Licentiæ aut Doctoratus annueretur, nisi prævio de capacitate & eruditione *stricto* examine; *folique idonei admittantur; inidonei autem, omni privato affectu seposito*, (ait Visitatio circa Facultatem Theologicam) *repellantur*.

In eadem præscribitur Doctoribus Juris examini Graduandorum propositis, ut passim ubicumque libuerit per totum jus Civile vel Canonicum, respectivè Licentiantos examinent.

Et ne illis *dedecori sit* (ait Visitatio) *repulsam pati, statuimus, ut notabili tempore ante repetitionem dictum examen RIGOROSUM fiat.*

Rationem verò instituendi hujus *rigorosi* examinis ex ipsa visitatione attendamus: „ Ne *paucorum* legum (ait) „ aut *Canonum* Licentiatii fiant, sed in theoria juris „ perfectè versati, in palestram praxeos ut docti & „ spectabiles Viri prodeant, qui clientibus prudenter „ & candidè patrocinentur, atque Cathedralibus, aut „ Collegiatis Ecclesiis *probe* consulant, statuimus.

IX. Non dubium proinde, verissimè notatum esse à viro erudito Petro Tholosano *lib. 18. de Republ. cap. 9. num. 6.* „ Quod multum nocet Reipublicæ, quod Professores aliqui reperiuntur, parum timoratae conscientiae, & non considerant, quale pecus arcadicum introducant Ecclesiis & Subsellis, ad gratiam sæpe „ Gradus profanis concedentes: nec considerant, se reddituros rationem coram Deo & hominibus de „ tanta in probandis studiis negligentia.

Hujus sui dicti rationem præmiserat: „ Siquidem „ indigni potiti Gradibus, vel mercati eosdem, eorum „ favore Beneficia Ecclesiastica & seculares dignitates „ sub *persona peritorum* invadunt, præcipiunt pauperibus *doctis* & bene meritis.

Tom. I.

X. Qui hæc aliaque incommoda in Rempublicam seu Civilem seu Ecclesiasticam, ex indebita & nimium facili graduum Academicorum collatione, redundantia seridè attenderit, nescio an nimii rigoris damnabit dictum cujusdam Auctoris relatum ab Andrea Bouwens J. Cto. Mosæ-Trajectino *lib. 2. de Juris Justitiæque Usu & Abusu cap. 3.* „ Eos Academicos mortaliter peccare, „ qui gradibus & titulis insigniunt indignos; adeoque „ velut *publico* testimonio Tribunalibus, & Dei Ecclesiis imponunt.

XI. Refert Joannes Sinnichius in Saule Exrege *lib. 1. cap. 122. §. 465.* de Joanne Gersono, quod inter alias causas, ob quas Cancellariatus Academicæ Parisiensis renuntiare meditaretur, hanc allegaret: „ Cogor ad de- „ liberationem aliorum vel pro consuetudine temporis „ ignaros scientiâ, & perniciosis moribus promovere. „ Ad quæ verba reflectens Sinnichius, ait: „ Censuit „ nimirum indignorum ad gradus Academicos promotionem, *gravem esse iniquitatem*, idèd utique, quia „ *immanem* Reipublicæ tam Ecclesiasticæ, quàm Politicæ infert perniciem.

XII. Ad quas Dignitates tum ex Decreto Concilii Tridentini, tum ex Bulla erectionis nonorum Episcopatuū requiratur gradus Academicus, notavimus *supra parte 1. tit. 22. & tit. 10.* ubi actum fuit de Canonicatibus graduatis.

De scientia necessaria pro obtinendis Beneficiis Parochialibus specialiter tractabitur infra titulo *de Concurſu ad Beneficia Parochialia*; ubi una de examine promovendorum ad hæc beneficia agetur.

Sunt & aliæ nonnullæ qualitates, vel ex privilegio aut consuetudine Regni, vel Ecclesiæ; aut ex speciali Beneficii fundatione requisitæ.

XIII. Ita in Regno Franciæ sive ex privilegio, sive consuetudine pluribus Regum Edictis firmatâ, requiritur, ut promovendus ad quodcumque Beneficium sit Regnicola; nisi à Rege litteras naturalitatis obtinuerit. Unde Rebuffus in additione ad Regulam Cancellariæ *de Idiomate*, ait: „ Nota tamen quod in Francia nec Ordinaris, nec Legatus possent alienigenæ Beneficium „ conferre, qui si conferant illud, à Regnicola impetrari poterit, quod est notandum, & hoc privilegium Regni non solum prohibet extero habere Ecclesiasticam Parochialem, de qua hæc regula loquitur, sed „ etiam alia quæcumque Beneficia ac alia bona, etiam si illi fuissent Cardinales, sine Regis beneplacito, obtinere non possent. Quamvis D. Gomeſ, hic q. 2. volens Cardinalibus favere, multa pro ipsis dixerit: tamen in Francia servatur quod dixi.

De eodem jure testatur quoque Choppinus de Dominio Franciæ *lib. 1. tit. 11.* & latius probatur in Probationibus Libertatum Ecclesiæ Gall. *cap. 30.*

Nec dubium est, quin in Galliarum regno antiquus sit usus conferendi Beneficia nisi Regnicolis, aut iis, qui litteras naturalitatis à Rege obtinuerunt.

Observat autem Antonius le-Vaillant, Advocatus in Parlamento Parisiensi in Notis marginalibus ad Observationes Georgii Louetii in Molineum, ad regulam Cancellariæ *de infirmis resignantibus, n. 44.* quod sufficiat, „ litteras, quas vocant *de naturalitate* obtinere, „ pendente lite, & modò sint ante litis decisionem in „ Curia Computorum registratæ, Provisio inavaleſcit, „ quia (ait) est impedimentum politicum & non canonicum, & idèd Rex illud potest tollere.

XIV. Simile esse privilegium & similem consuetudinem in Regno Hispaniæ, testis est Didacus Covarruvias *Pract. qq. cap. 37. n. 5.* plures ibidem de hoc jure tractantes, & illud ut rationabile adstruentes citans.

In Placeto Caroli V. super usu Nominationum Facultatis Artium in hac Universitate cavetur *art. 1.* quod nullus poterit nominari vigore indultorum dictæ Facultatis Artium concessorum, ad aliquod Beneficium hujus Patriæ, nisi sit ex eadem patria oriundus; vel si extraneus, resederit in dicta patria & studuerit decem annis,

R r r



nis, aut obtinuerit à Principe litteras consensûs in forma. Latius Zypæus *tit. de Elect. num. 13.*

XV. De iisdem Regum indultis agit Pyrrhus Corradus *lib. 2. Praxis Beneficiaria cap. 9.* notatque, quod quia hæc indulta concessa sunt ad instantiam Imperatoris, Regum & aliorum maximorum Principum, nunquam Papa derogare consueverit in læsionem Imperatoris & Regum.

XVI. Subinde ex lege foundationis Beneficia debentur certo generi personarum; v. g. Clericis ejusdem Ecclesiæ, cantoribus, musicis, aliisve certis qualitatibus vestitis: tuncque hisce & non aliis hujusmodi Beneficia conferenda sunt.

XVII. Quin & subinde ad Capellanas similiave Beneficia simplicia vocantur *consanguinei* Fundatoris, solentque vocari Beneficia *patrimonialia*; de quibus agit Garcias *de Beneficiis parte 7. cap. 15. n. 6.* notatque quod facta collatio alteri quàm consanguineo sit invalida: "quod tamen (ait *num. 7.*) procedit & accipiendum est, contradicente & opponente se aliquo consanguineo, & sibi fieri provisionem petente, alias enim præsentatio seu provisio alteri facta sustineretur.

XVIII. Rectè tamen monet *num. 10.* advertendum, id quod dicitur, collationem sustineri ob non concursum alicujus qualitatem illam habentis, "non esse verum in Beneficiis. quæ sunt conferenda *qualificatis*, non ob favorem & respectum personarum, sed Ecclesiæ, & Beneficii, ut melius & magis idoneis personis provideatur, ut graduatis.... tunc enim non valeret collatio aliter facta, etiamsi nullus qualificatus peteret sibi fieri, quilibet etiam non qualificatus posset petere, declarari collationem nullam.

XIX. Plura dubia circa hæc Beneficia ibidem proponit & resolvit Garcias; atque inter cætera resolvit *num. 23.* in Capellaniis, ad quas vocantur consanguinei proximiores faciendam computationem secundum leges: "quia quamvis in Beneficiis & Capellaniis non succedatur jure *hereditario & successionis mere*, tamen negari non potest, quin ubi consanguinei vocantur, sit materia successionis, saltem aliquo modo & ad instar.

XX. Cùm verò in Beneficiis Ecclesiasticis omnis species successionis hæreditariæ sit meritò vitanda; neque Ministeria secundum sanguinem, sed secundum merita sint distribuenda, hujusmodi conditio Beneficii foundationi non faciliè adjicienda; neque à Prælatiis faciliè admittenda; quemadmodum de Bursis seu portionibus pauperum studioforum notavi *tit. 11. cap. 4. num. 17.*

XXI. Hinc ulterius concluditur, hujusmodi conditiones tanquam naturæ Beneficiorum, ac Sacris Canonibus quodammodo contrarias, ut odiosas, esse restringendas; ideòque intra verborum tenorem & rigorem esse concludendas: quapropter si in similibus Beneficiorum foundatione dictum non sit, adveniente vacatione, eam publicandam esse, necessaria publicatio non erit; neque consanguinei collationem impugnare poterunt, titulo non factæ publicationis; modò non appareat fraus aut præcipitancia aliqua ex parte collatorum intervenisse ad excludendos consanguineos, & ita in casu occurrente cum aliis Doctoribus aliquando respondi, & conformiter judicatum fuit.

XXII. In multis Ecclesiis aut ex statuto, aut ex foundatione, vel consuetudine inductum est, ut Dignita-

tes non nisi Canonicis conferri queant; aut ex Canonibus eligi debeant. Sic in Ecclesiis Belgicis vi erectionis ad tres dignitates, nimirum Archidiaconatus, Archichipresbyteratus & Pœnitentiarius, Canonici Graduatii assumi debent.

Meminit quoque Pyrrhus Corradus *lib. 2. Praxis Benef. cap. 9.* Indulti Sixti V. quo cautum est "ad principales dignitates existentes, in quibusdam locis Diocesis Leodiensis aliarum personarum, præterquam Canonici majoris Ecclesiæ dictæ civitatis Leodiensis, actum Præbendati, & personaliter in ea residentes, eligi possint.

XXIII. Occasione hujus indulti Sixtini, "cùm dubitaretur, (ait Pyrrhus Corradus) an qualitas Canonici requireretur, momento temporis, vel successivè, fuit dictum, hoc negotium versari in actu potius momentaneo; quia indultum dicit, quod nullæ personæ, præterquam Canonici eligantur, & sic qualitas Canonici prærequiritur tempore electionis; unde sufficit, adesse de eo tempore.

Ratio potissima fuit (ait) "quod cùm indultum verisimiliter requirat dictam qualitatem, ad hoc ut dignitas personis magis dignis conferatur, parum interest quòd postea deficiat illa qualitas Canonialis, ex qua oritur præsumptio meritorum, cum ea deficiente adhuc tamen remaneat præsumptio honestatis, bonitatis, & meritorum, propter illam qualitatem præcedentem.

Deinde subjungit: "Unde passim videmus, quòd, stantibus supradictis licet, quis, ut dictum est, non possit assequi Dignitatem, nisi fuerit in Ecclesia Canonicus, nihilominus non prohibetur postmodum suum Canonicatum resignare, retentâ suprà dictâ dignitate.

Si tamen statutum aut privilegium vel fundatio vellet, ut nullus esset Decanus, v. g. nisi simul esset Canonicus, apparet, quòd eo casu non posset manere in ea dignitate, dimisso Canonicatu: quia tunc esset Decanus & non Canonicus; quod tenori foundationis videtur contrariari: & sic "aliquando Cancellaria Romana expedit creationem in Canonicum cum clausula, "ex nunc, prout ex tunc. & contra, ad effectum retinendi dignitatem; putà quòd Orator litigabat super Canonicatu, & Præbenda, & nolebat in eventum evictionis Canonicatus, & Præbendæ prædictorum, amittere dignitatem, quam obtinebat, quæque simul cum Canonicatu, & Præbenda oportebat vigore prædictorum statutorum retinere: Unde ex nunc, prout ex tunc, in eventum evictionis, creatur Canonicus, ad effectum retinendi prædictam Dignitatem.

XXIV. Ita Corradus loquens ibidem de quibusdam Ecclesiis Gallicanis Cathedralibus, Metropolitanis & Collegiatis, "in quarum statutis cavetur expressè, quòd nullus ibidem Dignitatem, administrationem, personatum, vel officium obtinere possit, nisi in illis, Canonicus existat, "ut loquitur Leo X. in Concordatis inter ipsum & Franciscum I. reservans sibi potestatem "creandi Canonicos, ad effectum duntaxat inibi obtinendi Dignitatem, personatum, administrationem vel officium hujusmodi, & non consequendi primam Præbendam vacaturam.

Vide Rebuffum ad hunc textum Concordatorum; ibi latè tractat de hujusmodi Canonici honorariis & titularis.



# TITULUS III.

## DE PLURALITATE BENEFICIORUM.

### CAPUT I.

Semper vetita Beneficiorum pluralitas, & rationes prohibitionis.

1. De pluralitate Beneficiorum nihil expresse in antiquis Canonibus.
2. Dum Canones vetant aliquem ad plures Ecclesias ordinari, pluralitatem Beneficiorum damnant.
3. Quid hac de re decreverit Synodus Chalcedonensis?
4. Decretum Synodi VII. & ratio prohibitionis.
5. Ostenditur hoc Decreto pluralitatem Beneficiorum fuisse damnatam.
6. Pluralitas Beneficiorum quantumvis simplicium & tenuium jure communi vetita.
7. A nonnullis in Synodo Tridentina distinctio Beneficiorum compatibilium & incompatibilium reprobata, & quare?
8. Singula officia singulis Beneficiis annexa vetant uni plura conferri.
9. Injusta Beneficiorum pluralitas, quia unus accipit stipendia plurimum.
10. Fundatorum intentio per Beneficiorum pluralitatem defraudatur, & vagandi occasio datur.
11. Pluralitas Beneficiorum sæpius juri naturali repugnat.
12. Beneficiorum pluralitas in circumstantiis licita esse potest.
13. Quæ circumstantiæ concurrere debeant, ut pluralitas non sit juri naturali contraria.
14. Qui titulo consuetudinis aut dispensationis plura Beneficia secure retinere vult, quid attendere debeat?

**I**N pristinis Ecclesiæ Canonibus nihil quidem contra pluralitatem Beneficiorum decretum legitur; eo quod Beneficiorum ab ipsis Ordinibus distinctio nondum invaluisse; neque Beneficiorum collatio ab ipsa Ordinatione separata esset.

II. Verum cum ordinari ad aliquam Ecclesiam, eique in ipsa ordinatione adscribi, esset juxta illius temporis disciplinam, illius Ecclesiæ Beneficium constitui; etiam pluribus Ecclesiis adscribi sive intitulari idem erat, quod plura Beneficia in diversis Ecclesiis obtinere.

Hinc quoque intelligitur, quod ubi Canones vetant quemquam duabus Ecclesiis adscribi vel intitulari, re ipsa prohibuerint plura Beneficia in diversis Ecclesiis ab eodem possideri: atque hoc sensu, verissimum est, jam pridem sacris Canonibus pluralitatem Beneficiorum damnatam esse.

III. Concilium Chalcedonense *Cap. 10.* ait: "Non licere Clerico in duarum civitatum Ecclesiis eodem tempore in Catalogum referri, & in ea in qua in principio ordinatus est, & in ea ad quam tanquam ad majorem confugit, propter magnæ gloriæ cupiditatem: eos autem qui hoc faciunt, propriæ Ecclesiæ restitui, in qua ab initio ordinati sunt, ut illic solum ministrent... Eos autem qui ausi fuerint post magnæ hujus & universalis Synodi definitionem aliquid eorum, quæ sunt prohibita, facere, statuit sancta Synodus eos proprio gradu excidere." Fragmentum seu summarium hujus Canonis refert Gratianus *caus. 21. Tom. I.*

*quest. 1. Can. 2.* his verbis: "Clericum in duarum Ecclesiis civitatum eodem tempore conscribi non oportet. (a)

IV. Id ipsum generalioribus terminis decreverunt Patres Synodi septimæ *Can. 15.* fundamenta hujus prohibitionis exprimentes: "Clericus ab hoc deinceps tempore in duabus Ecclesiis non collocetur: negotiationis enim & turpis lucri proprium est, & ab Ecclesiastica consuetudine alienum. Ab ipsa enim Domini voce auditimus, non posse quempiam duobus dominis servire: vel enim unum odio habebit, & alterum diligit; vel unum amplectetur, & alterum negliget: Unusquisque ergo secundum dictum Apostolicum, in eo, in quo vocatus est, debet manere, & in una Ecclesia assidere. Quæ enim propter turpe lucrum sunt in Ecclesiasticis negotiis, ea à Deo sunt aliena.

Hic satis aperte declarat Synodus, nullam velle permittere in duabus Ecclesiis ejusdem Clerici eodem tempore intitulationem sive adscriptionem; eo quod nemo possit duobus Dominis, id est, duabus Ecclesiis servire; neque in duabus assidere, seu residere.

Si ergo Synodus improbet adscriptionem Clerici in duabus Ecclesiis, eo quod nemo possit eodem tempore duobus Dominis, id est, duabus Ecclesiis deservire; atque unusquisque debeat in una Ecclesia assidere, seu residere in qua vocatus est, consequitur, quod eodem fundamento pluralitas Beneficiorum in diversis Ecclesiis generaliter damnata censi debeat.

V. Certum quippe est, inspectis sacris Canonibus, quin & jure Decretalium, atque ipsa Beneficiorum institutione, omne Beneficium requirere personalem residentiam, ac personale officium in illa Ecclesia, in qua ipsum Beneficium fundatum vel erectum est: quam personalem residentiam, & personale officium, quia eodem tempore idem in diversis & distinctis Ecclesiis præstare nequit, consequens est, eodem jure, & attenda ipsa Beneficiorum institutione, pluralitatem Beneficiorum non secus quam intitulationem Clerici in diversis Ecclesiis esse generaliter interdictam.

Unde Alexander III. in *cap. 13. de Præbendis* scribens, "istud esse omni rationi contrarium, ut unus Clericus in una vel diversis Ecclesiis plures dignitates vel personatus obtineat; hanc assignat rationem: "Quum singula officia in Ecclesiis assiduitatem exigant personarum."

VI. Hinc communiter concludunt Canonistæ, quod sicut nullum Beneficium, quantumvis tenue in proventibus, jure communi eximitur à personali residentia; ita nec ulla de jure dentur Beneficia *compatibilia* ob proventuum tenuitatem, saltem in diversis Ecclesiis.

Hanc in rem admodum notanda sunt verba citati Canonis 15. Synodi VII. quæ allegatis verbis immediate subnectuntur: "Ad hujus autem vitæ usum sunt diversa studia; ex iis ergo si quis velit, ea quæ sunt corpori ad usum necessaria comparet. Dixit enim Apostolus, *Usui meo & iis qui mecum sunt subministraverunt manus meæ.* Act. c. 24. v. 23.

His declarat satis dilucide Synodus, neque ad comparandum vitæ necessaria, Clericum in diversis Ecclesiis adscribendum; sed aliunde, etiam laborando manibus suis, potius debere sibi de necessariis providere.

(a) Læge Scholion à Doctissimo Van-Espen tom. 3. in hunc Canonem adornatum.

VII. Quapropter inter articulos nomine Caroli IX. Galliarum Regis Concilio Tridentino exhibitos, decimus quartus differentiam comparibilium & incompatibilium Beneficiorum, quoad pluralitatem, ut novam & antiquis Decretis incognitam exhibet, & aboleri postulat: "Unum tantum Beneficium uni conferatur sublatum (quod attinet ad pluralitatem) comparibilium & incompatibilium Beneficiorum differentia, quæ distinctio ut est nova & antiquis Decretis incognita, ita Ecclesiæ Catholicæ magnam calamitatem attulit.

VIII. Uterius, quia singula Beneficia sua habent annexa officia, convenit, ut singula singulis committantur personis. "Sicut enim in uno corpore multa membra habemus, omnia autem membra non eundem actum habent; ita in Ecclesiæ corpore secundum veridicam Pauli sententiam, in uno eodemque spiritu alii conferendum est hoc officium, alii committendum est illud: neque uni quantumlibet exercitæ personæ, uno tempore duorum rerum officia committenda sunt: quia si totum corpus est oculus, ubi auditus? Sicut enim varietas membrorum per diversa officia, & robur corporis servat, & pulchritudinem repræsentat; ita varietas personarum per diversa nihilominus officia distributa & fortitudinem & venustatem sanctæ Dei Ecclesiæ manifestat. Et sicut indecorum est, ut in corpore humano alterum membrum alterius fungatur officio, ita nimirum noxium, simulque turpissimum, si singula rerum ministeria personis totidem non fuerint distributa.

Hæc ex *Canone 1. Dist. 89.* ubi notant Correctores Romani, illa quidem non haberi in Epistolis S. Gregorii ut à Collectoribus citantur, sed referri à Joanne Diacono lib. 2. vitæ ejusdem sancti Pontificis num. 54. tanquam dicere solet: "Singula Ecclesiastici juris officia singulis quibusque personis singulatim committi debere, afferens, quia sicut in uno corpore," &c.

Hinc Gratianus huic Canoni præmittit hoc monitum: "In dispensatione vero Ecclesiæ hanc regulam observandam noverit (Episcopus,) ut nulli quantumvis exercitæ personæ duo simul committat officia.

Similiter Bonifacius VIII. in *cap. 1. de consuetud.* in VI. improbens consuetudinem retinendi plures dignitates, rationem improbandi ex ipsa pluralitate officiorum petit, dicens: *Cum unum officium vix digne valeat aliquis adimplere*: quasi diceret, cum unum officium vix digne valeat adimplere, indignum est, plures habere dignitates, quæ cum pluribus officiis obeundis adstringunt.

IX. Insuper singula Beneficia, juxta hodiernam disciplinam, suos habent annexos proventus, quibus Beneficiati tanquam Ecclesiæ Ministri alantur. Injustum autem apparet, ut unus stipendia pluribus Ecclesiæ Ministris destinata accipiat, atque hinc rursus injusta apparet pluralitas Beneficiorum: "Nonnulli (air Concilium Lateranense in *cap. 3. de Clericis non resid.*) modum avaritiæ non ponentes, dignitates diversas Ecclesiasticas & plures Ecclesias Parochiales, contra sacrorum Canonum instituta nituntur accipere, ut cum unum officium vix implere sufficiant, stipendia sibi vindicent plurimorum.

Joannes XXII. in *Extravagante Execrabilis de Præb. in comm.* recensens incommoda ex pluralitate Beneficiorum promanantia, primo loco recenset, quod interdum unus qui unum quamvis modicum vix officium implere sufficeret, plurimorum sibi vindicat stipendia, quæ multis litteratis viris vitæ puritate ac testimonio bonæ famæ pollutibus, qui mendicant, possent abunde sufficere, æqua distributione collata.

X. Ipsa quoque Beneficiorum institutio & fundatio eo tendit, ut plures Ministri constituantur Ecclesiæ; dum igitur unus occupat plura Beneficia, contra ipsam Beneficiorum primam institutionem ipsamque Funda-

torum intentionem numerus Ministrorum diminuitur; ipsique cultui Divini Officii detrahitur; quod etiam inter incommoda ex pluralitate Beneficiorum provenientia reponit Joannes XXII. in citata Extravagante: additque: "Habentibus ipsa (plura Beneficia) paratur vagandi materia; Divini cultus minuuntur, hospitium litas in ipsis Beneficiis debita non servatur.

XI. Hæc aliaque ex pluralitate Beneficiorum sequi solita incommoda, reddunt plerumque pluralitatem illam illicitam, præveniendū etiam omnem juris positivi constitutionem sive prohibitionem, efficiuntque ut consuetudinem retinendi plura Beneficia tanquam corruptelam & abusum reprobet Pontifex in *cap. 1. de Consuet.* in VI.

XII. Et Sanctus Thomas *Quodlib. 9. quæst. 7. art. 11.* enumerans prædictas inordinationes, quas pluralitas Beneficiorum in se continet, dixit pluralitatem Beneficiorum non esse annumerandam actionibus de se indifferentibus ad bonum & malum; sed annumerandam actionibus "quæ absolute consideratæ deformitatem vel inordinationem quandam important, quæ tamen aliquibus circumstantiis advenientibus, bonæ efficiuntur: Sicut occidere hominem vel percutere, in se deformitatem quandam importat: sed si addatur occidere malefactorem, propter justitiam, vel percutere delinquentem causa disciplinæ, non erit peccatum, sed virtuosum." Hæc S. Thomas, additque: *In numero harum actionum videtur esse, habere plures Præbendas.*

XIII. Deinde docet, quod ni concurrant circumstantiæ, quæ omnes illas inordinationes, quas pluralitas illa in se continet, abstergant, ipsa pluralitas Beneficiorum maneat prohibita jure naturali; nullaque consuetudine aut dispensatione justificari queat.

XIV. Quapropter qui vigore consuetudinis aut dispensationis in pluralitate Beneficiorum securus esse desiderat, necessario expendere debet, an vera hujusmodi concurrant circumstantiæ, quæ omnem illam inordinationem tollant; nihilque adeo superfit, quod ipsam pluralitatem jure naturali illicitam reddat; sed solum jus positivum, consuetudine aut dispensatione solubile obstat, quominus pluralitas in talibus circumstantiis esset illicita: uti latius infra capite 5. ostendetur.

## CAPUT II.

Quomodo pluralitas Beneficiorum sensim invaluerit; & quibus potissimum prætextibus?

1. Beneficiorum pluralitas certis in casibus licita; & ii nimium extensi.
2. Synodus VII. unum duabus Ecclesiis præfici permittit.
3. Verus sensus Synodi.
4. Idipsum permittit Synodus Emeretensis.
5. Exponitur sententia hujus Synodi.
6. Quomodo Decreta Synodorum contra eorum mentem extensa sint?
7. Ipsa pluralitas ex hac mala interpretatione multum invaluit.
8. Quantus fuerit abusus hujus pluralitatis in Gallia seculo XII.
9. Decimo tertio seculo orta est in Galliis disputatio circa pluralitatem Beneficiorum.
10. Quid tunc definitum fuerit?
11. Refertur quid de pluralitate Beneficiorum senserit Gregorius IX.
12. Dispensatio securam non efficit conscientiam illius, qui plura possidet Beneficia.
13. Definitionis Theologorum Parisiensium meminit scriptor vitæ Sancti Ludovici Francorum Regis.
14. Quid



14. *Quid fecerit Sanctus Rex, ut pluralitatem Beneficiorum à suo regno eliminaret.*
15. *Quid peragere deberent Principes, ut abusus ille omnino exploderent, exponitur.*
16. *Praxis multorum non censetur probata, quia diffimulatur.*
17. *Abusus hic etiam erat circa Beneficia curata.*
18. *Decretum Concilii Lateranensis sub Innocentio III. contra Beneficiorum pluralitatem.*
19. *Decretum hoc extirpando huic abusui minime sufficit.*
20. *Dispensationem expresse probans, eas frequentiores reddidit.*
21. *Dispensandi auctoritas ad possidenda plura simul Beneficia, quandonam Summo Pontifici reservata fuerit, determinatur.*
22. *Querela Joannis XXII. de excessu dispensationum.*
23. *Decretum hujus Pontificis contra hunc abusum.*
24. *Etiam post hoc Decretum abusus perduravit.*
25. *Commendarum usus circa Ecclesias Pauperiales primitus utilis.*
26. *Quomodo hæc progressu temporis pallianda pluralitati Beneficiorum subservierint?*
27. *Abusus tegebatur regula ab Innoc. III. tradita.*
28. *Synodi Londinensis Decretum contra hoc palliamentum.*
29. *Idem prætextus acrius rejectus.*
30. *Ostenditur, quomodo Commendarum usu quidam fæde abuterentur.*
31. *Permittit Innocentius unum duas Ecclesias habere, si una ex altera pendeat.*
32. *Quomodo hæc regula pallianda pluralitati Beneficiorum subservierit.*

I. OMNEM Beneficiorum pluralitatem pristinis Canonibus vetitam fuisse capite præcedenti ostensum est; unaque notatum, Beneficiorum pluralitatem plures inordinationes continere, ob quas etiam præveniendæ omnem legem positivam, jure naturali pleniusque vetita sit.

Atamen & illud animadversum ex sancto Thoma, posse nonnumquam circumstantias concurrere, quæ omnes inordinationes pluralitati plerumque conjunctas, abstergant; eamque inspecto solo jure naturali licitam reddant.

Cum vero casus nonnulli hujusmodi circumstantiis circumscripti in Canonibus essent expressi, mirum! quomodo Clericorum multorum ambitio & avaritia, & quibus Beneficiorum pluralitas oriri solet, eos casus contra Canonum sententiam, & Patrum mentem extenderint; atque Beneficiorum pluralitati incrementum dederint.

II. Synodus œcumenica septima *Can. 15.* adeo districte interdicat Clericum in duabus Ecclesiis collocari, id est, juxta modernam disciplinam, in duabus Ecclesiis Beneficium esse, ut nequidem ad inopiam sublevandam id permittat; sed velit ut potius manibus laborando victui necessaria sibi comparare studeat, uti capite præcedenti retulimus; subjungit tamen hanc cautionem: "Et hoc quidem in hac à Deo custodita civitate." In iis autem quæ extra sunt locis, propter hominum inopiam permittatur.

III. Verus hujus Canonis sensus est, quod unus idemque Sacerdos possit duabus Ecclesiis extra civitatem constitutis deservire, dum ea est hominum in iis Ecclesiis inopia, ut singulæ singulos Sacerdotes habere nequeant: quo casu ut hominum illorum necessitati, quantum possibile est, succurratur, permittit Canon, ut idem Sacerdos duabus Ecclesiis sibi vicinis deserviat.

IV. Legitur quoque in Synodo Emeritensi (a) anno (a) Emerita, Lusitanie Regni urbs, à Romanis Augusti tempore dicta *Augusta Emerita*.

666. *Can. 19.* "In Parochiis multæ sunt Ecclesiæ constitutæ, quæ à fidelibus factæ, aut parum, aut nihil de rebus videntur habere. Sacerdotali ergo Decreto Presbytero uni plures extant commissæ; unde cavendum est, ne occurrente paupertate, ordo ibidem non impleatur Missæ."

Hic rursus permitti videtur Beneficiorum pluralitas, dum uni Presbytero plures Ecclesiæ extant commissæ; idque *Sacerdotali Decreto*.

V. Verum si rursus ex mente Concilii sensus Canonis teneatur, nihil cum verita Beneficiorum pluralitate commune cum habere apparebit. Agitur in hoc Canone de Ecclesiis haud vel parum fundatis in eadem Parochia existentibus, in quibus Missæ per certos dies celebrari debebant; quæ facile per unum Sacerdotem celebrari poterant; ideoque incongruum non habebatur uni Sacerdoti earum Missarum, accedente præsertim Ecclesiarum paupertate, celebrationem committere: hocque sollicitè eodem Canone cavetur, ut Presbyter ille, juxta Episcopi iussionem, in iis Ecclesiis Missarum solemniam congruo tempore persolvat.

His igitur Canonibus permittitur uni Sacerdoti duabus Ecclesiis deservire, sed eo duntaxat casu, quo utrique simul per se satisfacere potest; & Ecclesiarum vel populi necessitas & servitium id postulant.

VI. At unà cum seculis labente Ecclesiastica disciplina, quod hisce ac similibus Canonibus Canonice decretum fuit, hominum avaritia & ambitio in proprium commodum detorserunt; atque in pallium pluralitatis Beneficiorum quorumcumque, etiam curatorum, & dignitarum, idque in Ecclesiis quantumvis à se procul distitis, assumpserunt; præsertim invalescente seculo nono & sequentibus pernicioso illo, & melioribus temporibus inaudito principio, quod quis officio & oneribus Beneficiis etiam *Curatis* annexis, per alium satisfacere posset; ac per consequens, nec personaliter in loco Beneficii residere teneatur: quæ tamen personalis residentie obligatio præcipuum erat incompatibilitatis fundamentum.

Quanto impetu, hoc principio semel admissio, Beneficiorum quorumcumque pluralitas propagata fuerit, ex Decretis Conciliorum quæ ei opposita fuerunt, innotescit.

VII. Synodus Parisiensis anno 829. *Can. 49.* hujus excessus locupletissimum testimonium reddit. Primo itaque ponit hanc generalem regulam: "Sicuti unicuique civitati convenit proprium habere Episcopum, ita & unamquamque Basilicam Deo dicatam decet & oportet proprium habere Presbyterum."

Posita hac regula, subdit: "Avaritia sane, quæ est idolorum servitus, quod non sine magno pudore prosequimur, quosdam invasit Presbyteros, suisque retinaculis adeo vinxit, captivosque effecit, ut instar cæcorum effecti, nesciant quo eant, nesciantque quid esse, vel quid agere debeant. Hi namque ignibus avaritiæ æstuantes, Sacerdotalisque dignitatis immemores, curam Basilicarum, in quibus promori sunt, postponentes, datis quibusdam xeniis, aut pollicitis non solum à Clericis, verum etiam à laicis, alias Basilicas contra fas ad Christi famulatum peragendum suscipiunt."

Deplorat post hæc quod hinc "Religio Christiana suscatur, & Sacerdotalis Ordo confunditur, imo avaritia Sacerdotum à subditis denotatur, locaque Deo dicata cultu sibi debito privantur, & animarum pericula generantur."

VIII. Cum autem abusus hic admodum faveret avaritiæ & ambitioni hominum, neque prætextus eum palliandi deesset, continuo collabentibus sæculis magis invaluit, uti ex multiplicibus Conciliorum Decretis intelligi potest: in tantum ut & in ipsa Gallia consuetudo perversa retinendi plura Beneficia ita invaluisset seculo XII. ut teste Alexandro III. in *Cap. 15. de Prebendis*, præ multitudinem delinquentium emendari

dari non posset: ita enim scribit ad Genuensem Archiepiscopum: "Cum non ignores, quod una Ecclesia unus debeat esse Sacerdotis, mirabile gerimus & indignum, quod uni personæ locum in pluribus Ecclesiis velis concedere, vel in Episcopatu tuo inducere consuetudinem Ecclesiæ Gallicanæ: quæ, cum unum ad plura recipiat Beneficia, contra sanctorum Canonum instituta, non approbatur à nobis, licet non possit præ multitudinem delinquentium emendari." Ita legitur in integra Decretali.

IX. Abusum pluralitatis Beneficiorum, in Ecclesiis Gallicanis, etiam seculo XIII. admodum fuisse frequentem, & radicatum, evincit disputatio acerrima eo seculo super hac materia pluralitatis Beneficiorum inter Theologos Parisienses excitata, & per plures annos continuata, de qua scribit Thomas Cantipratanus in suo Tractatu de *Apibus* pag. 70. inter alia, quod circa annum 1235. habita fuerit longa valde, & multo solemnior disputatio; an uni eidemque personæ liceret habere plura Beneficia: ac tandem determinasse omnes præter Doctores, exceptis duobus, nemini licere tenere duo Beneficia sine dispendio animæ, dummodo unum valeret quindecim libras Parisienses.

X. Indubie hæc summa quindecim librarum Parisiensium eo tempore ad honestam Beneficiarii sustentationem sufficere credebatur.

Exponit etiam ibidem Cantipratanus, quam infaustus fuerit exitus duorum illorum Doctorum, qui pluralitati Beneficiorum renuntiare nolentes, eam mordicus frivolis quibusdam ratiunculis iustificare nitentur.

Post hæc refert, quod triennio elapso rursus super eadem questione disputatio habita fuerit, præsidebat Guillelmo Parisiensi Episcopo; atque rursus expugnatum Theologorum resolutione per Episcopum conclusum & probatum esse, duo Beneficia teneri cum salute animæ non posse, dummodo unum valeret quindecim libras Parisienses.

XI. Cirat ibidem plures illius ætatis magni nominis Doctores, qui pluralitatem Beneficiorum in suis scriptis reprobant. Addit præterea, quod narrante fratre Bernardo quondam Pœnitentiario Domini Papæ, & Fratre Ordinis Prædicatorum, dixerit beatissimæ memoriæ Papa Gregorius IX. interrogatus si posset de plenitudine potestatis cum plurium Beneficiorum detentoribus dispensare, responderit: Non possum nisi tantum super vexatione detinentium dispensare.

XII. Hisce relatis, subdit hic Scriptor, hoc notandum monitum: "Quis ergo sapiens erit, quis fallat se, & sibi super dispensatione aliqua blanditur? Esto quod multi Magistrorum dicant: hoc & multi alii opinentur in contrarium: hoc solum mortale ab Augustino, omnium Doctorum maximo, judicatur, quod quis incertitudinis periculo, aut mortalis peccati discrimini se committit."

XIII. Hujus disputationis necnon resolutionis Theologorum & Episcopi Parisiensis meminit quoque eruditus Scriptor vitæ sancti Ludovici Regis Francorum lib. 4. num. 16. recte ibidem reflectens, hanc disputationem nonnisi cum fine seculi finituram: eo quod ab una parte loquatur veritas, & ab altera parte corruptio cordis: *parce que d'un côté c'est la vérité qui parle, & de l'autre la corruption du cœur.*

XIV. Monet præterea, quod tametsi Rex Ludovicus impendere non posset Censuras Ecclesiasticas ad comprimendum hunc abusum, ipse tamen efficacius impenderit, scilicet nulli habenti Beneficium, alterum conferendo, nisi priori dimisso.

XV. Si Principes sanctum hunc Regem æmulerentur, vix dubium quin in suis ditionibus, magna ex parte hunc abusum eliminarent: præsertim si super litteris dispensationum in Curia Romana obtentis, litteras Placiti concedi vetarent, saltem super pluralitate majorum Beneficiorum: vel nisi manifesta esset, aut rite probaretur sufficiens ratio dispensationis.

XVI. Nec mos possidendi plura simul Beneficia, nec diuturnitas illius consuetudinis, nec multitudo eorum quæ eam sequuntur, possunt ei approbationem Ecclesiæ conciliare. Id ipsum declaravit Alexander III. num. 8. citatus; cui suffragatur Innocentius III. in cap. 18. & eod. subiciens hanc regulam: "Cum multa per patientiam tolerantur, quæ si deducta fuerint in iudicium, ex gente iustitia non debeant tolerari."

XVII. Nec tantum abusus circa Beneficia simplicia simul possessa, sed etiam circa Parochiales Ecclesias, cum summo animarum periculo eo excreverat, ut non duas, vel tres, sed sex aut plures Ecclesias plurimi haberent, quemadmodum testatur Concilium Lateranense sub Alexandro III. Cap. 14. quod & huic abusu occurrere volens, sequens edidit Decretum relatum in Cap. 3. & De Clericis non resid. "Quia nonnulli modum avaritiæ non ponentes, Dignitates diversas Ecclesiasticas & plures Ecclesias Parochiales, contra sacrorum Canonum instituta nituntur accipere, ut cum unum officium vix implere sufficiant, stipendia sibi vendicent plurimorum: ne id de cætero fiat, districtius inhibemus. Cum igitur Ecclesia vel Ecclesiasticum Ministerium committi debuerit, talis ad hoc persona quærat, quæ residere in loco, & curam ejus, per seipsam valeat exercere. Quod si aliter actum fuerit: & qui receperit, quod contra sacros Canones accepit, amittat; & qui dederit, largiendi potestate privetur."

XVIII. Abusui tam abominando, sed multorum avaritiæ & ambitioni admodum opportuno, extirpando, haud sufficiebat hoc Synodale Decretum; imo teste Concilio Lateranensi sub Innocentio III. "propter præsumptiones & quorundam cupiditates, nullus hætenus aut rarus de prædicto statuto fructus proveniat."

Itaque hoc Concilium efficacius remedium adhibere desiderans, statuit: "Ut quicumque receperit aliquod Beneficium habens curam animarum annexam, si prius tale Beneficium obtinebat, eo sit jure ipso privatus: & si forte illud retinere contenderit, alio etiam spoliatur. Is quoque ad quem prioris spectat donatio, illud post receptionem alterius libere conferat cui merito viderit conferendum: & si ultra tres menses conferre distulerit, non solum ad alium, secundum statutum Lateranensis Concilii, ejus collatio devolvatur: verum etiam tantum de suis cogatur proventibus in utilitatem Ecclesiæ, cujus illud est Beneficium, assignare, quantum à tempore vacationis ipsius constitit ex eo esse perceptum. Hoc idem in personatibus decernimus observandum: addentes ut in eadem Ecclesia nullus plures dignitates, aut personatus habere præsumat, etiam si curam non habeat animarum."

XIX. Hoc rursus Decretum, licet in pluribus pro temporum duritia condescendens, sive dissimulans; utpote nihil de pluralitate Præbendarum, neque Beneficii curati cum Canonicatu aut alio simplici Beneficio disponens, suum non habuit effectum.

Et quidem anno 1237. id est, viginti tribus annis ab edito hoc Decreto, cum in Synodo Londinensi per Legatum Sedis Apostolicæ convocata statutum hoc pronuntiaretur, tanta multitudo obtinentium plura Beneficia reperta est, tantusque tumultus excitatus, ut ab executione Decreti super sedere coactus fuerit Legatus. Habetur tomo 11. Concil. col. 525. & sequentibus.

XX. Præterquam quod prædictum Decretum tantum loqueretur de pluralitate Beneficiorum curatorum, Dignitatum & Personatum, pluralitatem aliorum Beneficiorum dissimulando, addidit insuper hanc clausulam: "Circa sublimes tamen & litteratas personas, quæ majoribus Beneficiis sunt honorandæ, cum ratio postulaverit, per Sedem Apostolicam poterit dispensari."

Quia

Quia hac expressione Decreti, quo pluralitas damna-  
batur, via quodammodo iustificandi ostendebatur, &  
dispensatio contra legem probabatur, & quasi offere-  
batur, ipsæ dispensationes adeo fuere frequentes, ut  
tandem tanquam jus ordinarium invaluisse videantur;  
ut non obscure significat Decretum Concilii Lugdu-  
nensis in cap. 3. *De Officio Ordinarii* in VI. id unum  
permittens Ordinariis locorum, ut subditos suos plures  
„ dignitates vel Ecclesias, quibus animarum cura im-  
„ minet, obtinentes, seu personatum aut Dignitatem  
„ cum alio Beneficio, cui cura similis est annexa: di-  
„ strictè compellant, *dispensationes* quarum auctoritate  
„ eas Canonicè tenere se asserunt, intra tempus pro-  
„ facti qualitate ipsorum Ordinariorum moderandum  
„ arbitrio, exhibere; „ Et si non exhibuerint, tunc  
„ Ecclesiæ, quas sine dispensatione illicitè detineri consti-  
„ terit, liberè possint conferri aliis per eos, ad quos col-  
„ latio earum pertinet.

„ Cæterum (ait Concilium) si dispensatio exhibita,  
„ sufficiens evidenter appareat, exhibens nequaquam  
„ in Beneficiis huiusmodi, quæ Canonicè obtinet, mo-  
„ lestetur. Provideat tamen Ordinarius, qualiter nec  
„ animarum cura in eisdem Ecclesiis, personatibus,  
„ seu dignitatibus negligatur, nec Beneficia ipsa debitis  
„ obsequiis defraudentur. Si verò de dispensationis  
„ exhibitæ sufficientia dubitetur, super hoc erit ad Se-  
„ dem Apostolicam recurrendum: cuius est æstimare,  
„ quem modum sui Beneficii esse velit.

Hic patenter indicatur, quàm frequens esset dispen-  
sationum usus, & quàm difficulter Ordinarii Clericos  
ad dimissionem Beneficiorum cogere possent; modò  
saltem dispensationem in consueta forma expeditam  
proferre possent; imò quodammodò ipsis Ordinariis  
præciperetur, ne Clericos simili dispensatione munitos  
turbarent.

XXI. Porro notandum, quòd in nullo hactenus ce-  
lebrato Concilio similis clausula reservans & indulgens  
Apostolicæ Sedi dispensandi facultatem expressa repe-  
riebatur: ut vel hinc non leve sumatur argumentum,  
Decreta, seu Canones huius Concilii esse attribuenda  
potius Pontifici Innocentio III. amplificandæ auctori-  
tati Pontificiæ intentissimo, quàm ipsi Concilio, quòd  
& plures viri eruditi annotarunt.

Unde nec hæc decreta per Decretales Greg. IX. sub  
diversis titulis dispersa adscribuntur simpliciter Concilio  
Lateranensi; sed *Innocentio III. in Concil. Lateranensi.*

Observat autem Dandinus Altserra in Commenta-  
tario ad hanc Decretalem Innocentii III. quòd primus  
hic Pontifex per hanc Decretalem dispensandi auctori-  
tatem super pluralitate Beneficiorum Sedi Apostolicæ  
reservaverit: quòdque hoc Decretum effugere non po-  
tuerit sinistram interpretationem Scriptorum istius se-  
culi, præsertim Matthæi Parisiensis *ad annum 1235.*  
ubi de collectione Decretalium loquens, quæ facta est  
Auctore Gregorio IX. „ in quibus (inquit) quædam  
„ innovavit, ne scilicet illegitimi Prælatias, vel Eccle-  
„ siastica Beneficia, nisi adeptà à Sede Romanâ legiti-  
„ mationis dispensatione, obtineant, sciens inde Curie  
„ Romanæ pro impetratione tali multa emolumenta  
„ provenire: *sicut ex Statuto Innocentii pro dispensatio-  
„ ne plurium Beneficiorum obtinendorum.*

XXII. De multiplici hac dispensatione à Pontifici-  
bus obrenta, seu potius extorta conqueritur Joannes  
XXII. in *Extravagante 2. De Præbendis in Communib.*  
dicens: „ Execrabilis quorundam tam Religiosorum,  
„ quàm secularium ambitio, quæ semper plus ambiens,  
„ eò magis insatiabilis creditur, quòd sibi amplius indul-  
„ getur, & improbitas importuna petentium à nobis  
„ & prædecessoribus nostris Romanis Pontificibus non  
„ tam obtinuisse, quàm extorxisse plerumque noscun-  
„ tur, ut unus interdum etiam, ad unum Beneficium  
„ Ecclesiasticum minis idoneus, in diversis Ecclesiis  
„ nedum vicinis, sed ab invicem longè distantibus,  
„ imò nonnunquam in diversorum regnorum partibus

„ situatis, plures quàm duas vel tres, aut plures etiam  
„ dignitates, vel personatus, officia seu Prioratus,  
„ aut diversa Ecclesiastica Beneficia curam animarum  
„ habentia possit dispensativè, cum aliàs non liceret  
„ de jure communi, recipere, & simul licitè reti-  
„ nere.

XXIII. Post hæc enumeratis incommodis, quæ ex  
hac pluralitate in Ecclesiam redundant, subdit: „ Nos  
„ itaque tot malis tantisque discriminibus occurrere cu-  
„ pientes; omnes & singulas dispensationes super re-  
„ ceptione ac retentione plurium dignitatum, perso-  
„ natuum, officiorum, Prioratum, aut Beneficio-  
„ rum, quibus cura sit animarum annexa, sub qua-  
„ cumque forma vel expressione verborum à nobis, vel  
„ dictis prædecessoribus nostris cuicumque personæ  
„ concessas, (Cardinalibus tamen sanctæ Romanæ Ec-  
„ clesiæ, qui circa nos universali Ecclesiæ serviendo sin-  
„ gularum Ecclesiarum commoditatibus se impendunt;  
„ ac Regum filiis, qui propter sublimitatem eorum ac  
„ generis claritatem sunt potioris prærogativæ gratiæ  
„ atollendi, duntaxat exceptis) deliberatione super  
„ hoc cum fratribus nostris habitâ diligenti: de ipso-  
„ rum consilio & ex certa nostra scientia in forma sub-  
„ scripta duximus taliter moderandas, quòd per mo-  
„ deramen nostrum effrænata circa easdem personas  
„ talium Beneficiorum multitudinem refrænemus, ipsi-  
„ que impetrantes, fructu dispensationum huiusmodi  
„ totaliter non frustrentur.

XXIV. Verùm experientiâ nimis quàm comper-  
tum est, quàm velociter reviviscant abusus, ubi radi-  
cibus extirpati non sunt; quamque ipsa Decreta soleant  
esse inefficacia, dum in iis ipsis rima, per quam rur-  
sus abusus sibi introitum parer, relinquatur & proba-  
tur.

Unde & Beneficiorum pluralitatem etiam post hanc  
Joannis XXII. Constitutionem sub pallio dispensationis  
Apostolicæ non parum frequentem fuisse, posteriorum  
Synodorum Decreta sat demonstrant; atque inter  
alia Synodi Colonienfis anno 1536. *parte 1. cap. 32.*  
quo suum contra pluralitatem Beneficiorum zelum  
ostendens, eam admittere cogitur, quæ dispensatione  
Sedis Apostolicæ nitebatur: monens, ut qui adversus  
Decreta eam pluralitatem proscribentia tueri se volent  
dispensatione Sedis Apostolicæ, *viderint, ut causam  
dispensationis obtineant deo comprobent.*

XXV. Denique ad palliandam Beneficiorum plura-  
litatem tandem posterioribus seculis plurimum juvit  
*Commendarum & unionum* usus, qui pristinis Ecclesiæ  
temporibus ritè institutus, in maximum tandem dege-  
neravit abusum, & colorem multiplicandis in eandem  
personam Beneficiis, subministravit.

Olim vacante aliquâ Ecclesiâ, cui ob bellorum tem-  
pestatem aliave de causâ non statim de pastore provi-  
deri poterat, is cui providendi cura commissâ erat,  
alicui etiam interdum vicino Pastori curam ejus *com-  
mendabat*; modo non absimili, quo hodie *deservitura*  
committeretur. Sicuti ergo *deservitura* hodierna, ita  
& *commenda* non nisi ad utilitatem Ecclesiæ vacantis,  
idque necessitate cogente & durante vacatione commit-  
tebatur: atque de simili commenda intelligendum est,  
quod dicitur in *Can. 3. caus. 21. q. 1.* „ Qui plures Ec-  
„ clesias retinet, unam quidem *titulatam*, alteram verò  
„ sub *commendatione* retinere debet.

XXVI. Progressu temporis *Commendatarii*, varios  
sive necessitatis, sive honestatis titulos obrendentes,  
fructus ipsarum Ecclesiarum occuparunt: atque ut diutius  
iis fruerentur, quominus iis provideretur de pro-  
prio Pastore, varia impedimenta objectare solebant.

Huic fraudi ut occurreretur, præscriptum legitur in  
*Cap. 15. De Elect.* in VI. ne *commenda* duraret ultra sex  
menses.

At *Commendatarii*, qui fructus Ecclesiarum ambie-  
bant, super hoc Decreto dispensationem à Sede Apo-  
stolica variis artibus extorquebant; quâ mediante, non  
tantum



tantum ad vitam, sed etiam cum pleno jure percipiendi proventus Ecclesiarum, detractis duntaxat impensis necessariis pro Vicario, commendas plurium Ecclesiarum retinebant.

XXVII. Insuper in pluralitatis justificationem abutebantur regulā probatā ab Innocentio III. in *Cap. 54. De Elect.* quod nullus possit plures Parochiales Ecclesias obtinere, nisi unam intitulatam, alteram commendatam haberet: quæ de vera commenda ad tempus, non verò de fictitia hac intelligenda erat.

Dum enim ita ad vitam in commendam plura Beneficia retinebantur, verba quidem Canonum servari videntur; at mens & verus sensus Canonum negligitur: quandoquidem evidens sit, ejusmodi Commendatarios non nisi voce distingui ab iis, qui titulo Beneficii possiderent; eaque incommoda oriebantur, sive per modum hujusmodi commendæ, sive per modum tituli plura Beneficia ab eadem persona possiderentur.

XXVIII. Unde Synodus Londinensis anno 1237. *cap. 10.* decernit, ut Vicaria Parochialis Beneficii nulli concedatur, nisi juret residentiam ibi facere, ac eam faciat continuè corporalem. Rationem subjungit: " Sic eluditur illi dolo, quo sæpe assignato alicui nomine personatûs modico, simulatè dabatur illi Ecclesia sub ficto nomine Vicariæ, qui timens alia Beneficia perdere, metuebat eam recipere ut persona. Hic nomine Vicariæ significari commendam, & nomine personæ, ipsum Beneficiarium intitulatum, dubitari nequit.

XXIX. Multò expressiùs hunc abusum proponit & condemnat Concilium apud Salmurum anno 1253. ab Archiepiscopo Turonensi ejusque Suffraganeis celebratum *Can. 28.* " Item nonnulli Episcopi, & alii Prælati, propriis lucris & commodis suorum inhiantes, Ecclesias Parochiales, quæ proprios possunt habere Sacerdotes, Clericos & aliis personis Ecclesiasticis, habentibus alias Ecclesias Parochiales, vel competentè beneficiatis, ut possint eos pluribus onerare Beneficiis, commendant unam, vel duas Ecclesias parochiales, in animarum suarum periculum & scandalum plurimorum: ut sic habeant commendatas, quas secundum Canones habere non possunt intitulas: quod fieri de cætero prohibemus: statuentes, ut qui taliter Ecclesias commendatas recepit, vel de cætero receperit, careat Ecclesiâ sic commendatâ; & conferens, potestate conferendi illam Ecclesiam illâ vice sit privatus.

XXX. Graphicè quoque hunc abusum describit Synodus Lond. anno 1268. *Can. 31.* atque in eum vehementissimè invehitur; & inter alia rectè notat, originem commendationis bonam, regulamque ante traditam ex *cap. 54. De Elect.* esse Canonicam, sed ad palliandam avaritiam eâ multos abuti, & in alienum sensum detorquere: " Quidam (ait) rationis expertes, vel juris regulas contemnentes, dum ad plurium Ecclesiarum occupationem, velamen aliud non habentes quomodo ditari festinant, vacantes Ecclesias sibi commendari procurant, amplectentes juris verba, non sensum, quod aliquando permittitur haberi Ecclesiam intitulatam & aliam commendatam. Et cum juxta sanum intellectum, propter necessitatem vel utilitatem vacantis Ecclesiæ, jus commendationis, non tam præceptorie quàm permissivè, fuerit introductum: ipsi ad cupiditatis suæ lucrum omnia convertentes, in ipsarum Ecclesiarum dissipationem, non solum unam, sed plures recipiunt commendatas.

XXXI. Innocentius III. in citato *cap. 54. De Elect.* dicens, quod nullus possit plures Ecclesias Parochiales obtinere, addit, nisi una penderet ab altera; id est, nisi una alteri esset unita.

Hæc quoque regula ex vero Canonum sensu accepta nihil irregulare habet. Quidni enim duæ Ecclesiæ vicinæ, quæ ob devastationem, aut aliâ occasione duos

Presbyteros alere nequeunt, neque duos ob incolarum paucitatem requirunt, uniri possint; atque ita unitæ per modum unius uni conferri: de quo casu loquitur *Can. 2. Dist. 70.*

XXXII. Verùm progressu temporis hæc regula in apertissimum abusum, & abominandum prætextum pluralitatis Beneficiorum degeneravit.

Cæperunt enim dicis causâ, neglectâ necessitate aut utilitate Ecclesiarum, plures Ecclesiæ etiam à se invicem remotissimæ & admodum opulentæ uniri in favorem alicujus personæ; idque vitâ ejus durante: quâ unione factâ, unum specie tenus Beneficium conferebatur, sed quod reipsâ plura secum trahebat: nec non nisi voce tenus è pluralitate Beneficiorum differeret.

Unde Prælati præformandis articulis reformationis faciendæ in Conc. Trident. à Paulo III. deputati dicere non dubitarunt: " Quid de unionibus Beneficiorum, ad vitam unius, ne scilicet obster illa Beneficiorum pluralitas ad obrinenda incompatibilia, nomine est mera fraus legis?

Tor pallis & involucris testâ Beneficiorum pluralitas, mirum quantum, instante Concilio Trident. invaluisse! ut propterea non exigua Patribus Tridentinis cura fuerit, abusum illum extirpandi, varique Decreta condendi, uti capite sequenti ostendetur.

### CAPUT III.

Quid contra pluralitatem Beneficiorum actum & statutum in Concilio Tridentino.

1. Circa tempus Concilii Tridentini summo opere invaluerat Beneficiorum etiam Curatorum pluralitas; & ex hac Pastorum non residentia.
2. Abusum scaturigo est Pastorum absentia.
3. De Restituenda Pastorum residentia ante omnia solliciti fuere Patres Tridentini.
4. Ut hæc haberetur judicârunt Beneficiorum pluralitatem funditus esse tollendam.
5. Abrogatio pluralitatis Beneficiorum antè petitur.
6. Postulatio Episcoporum Hispaniæ contra Beneficiorum pluralitatem.
7. Postulata hæc primùm nonnihil temperanda credidit Synodus.
8. Referuntur Decreta Synodi Sessione septimâ edita.
9. Quorum Beneficiorum pluralitas bisce Decretis improbatâ.
10. Non satis constat, an per hæc Decreta etiam Beneficiorum simplicium non Curatorum pluralitas esset improbatâ.
11. Decretum Synodi magis extensum & dubitationem eximens.
12. Beneficia requirunt residentiam vi hujus Decreti sunt incompatibilia, sive residentia requiratur ratione curæ animarum, sive ratione servitii.
13. An Restoratus cum Parochiali sit incompatibilis ex primo capite?
14. Quæ sint incompatibilia ob residentiam ratione servitii?
15. Incompatibilitas exsurgit ex residentia præcisâ, non causativa: & utriusque definitio.
16. Distinctio inter residentiam præcisam & causativam multis seculis incognita.
17. Exemplum Beneficiorum requirunt residentiam, sed tantum causativam.
18. Synodus Tridentina agnovit aliqua Beneficia non requirere residentiam; & eatenus à Jure communi recessit.
19. Habenti Beneficium ad vitam honestè sustentandam non sufficiens, potest alterum conservi, modò utrumque residentiam non requirat.

20. Quod

20. Quod sit sufficiens reputandum cuiusque conscientia relinquitur; & hic frequens excessus.
21. Hodie consuetudine inductum, ut sine dispensatione retineatur simplex Beneficium cum alio etiam sufficiente; & unde hac consuetudo orta sit?
22. Synodus Tridentina videtur tantum permittere unicuique Beneficium simplex primo adjungi.
23. Synodus Tridentina in vetanda pluralitate Beneficiorum præcipue attendit impossibilitatem satisfaciendi utriusque oneribus.
24. Ex Decreto Synodi Tridentina non videntur incompatibilia Beneficia difformia in eadem Ecclesia.
25. Consonat generalis Ecclesiarum consuetudo.
26. An cum Dignitate, cui annexus est Canonatus, possit haberi alia dignitas, aut Canonatus in eadem Ecclesia?

I. CIRCA tempus Concilii Tridentini aded Beneficiorum pluralitas, non tantum Beneficiorum simplicium, sed & Curatorum, imò & Episcopatum invaluerat, ut omnes passim Parochiæ & Dioceses suis destituerentur Pastoribus; ac ubique penè non nisi mercenarii aliqui Sacerdotes gregibus intenderent.

II. Cum autem compertum esset, abusibus, qui Ecclesiam eo tempore quodammodo inundaverunt, remedium efficax nequaquam afferri, quamdiu, absentibus Pastoribus, dabatur lupis in greges grassandi libertas, Patribus visum fuit, mox de hoc abusu non residentia tractare; ipsosque Pastores ad residentiam adigere. Sed cum Pastorum residentia sperari non posset, quamdiu pluralitas Beneficiorum, præsertim Curatorum permitteretur, mox in ipso Synodi initio contra hunc pluralitatis abusum à Patribus agi cœptum fuit.

III. Unde in Congregatione celebrata immediatè post habitam Sessionem secundam, nimirum 9. Januarii 1546. Guillelmus De Prato Episcopus Claromontensis sententiam suam de residentia Episcoporum proferens, urgebat Patres, ne in materia de residentia aliquid frigide & superficialiter statuerent, " siquidem (ait) per tantam non residendi licentiam orbis gravissimum, malum indes latius serpit. Quis enim ignorat, hac captatâ occasione, magna ex parte hæreses esse natas, & auctas mirum in modum, indesque magis ac magis augeri? Nec videntur facturæ finem, donec hanc occasionem quærentibus, occasionem amputaverimus.

IV. Inter media verò hanc occasionem amputandi tanquam præcipuum suggerit: " Primò, Beneficiorum, & maxime Episcopatum pluralitas ab omnibus tollatur funditus. Quod ita necessarium censeo (inquiunt) ut optem memoriam illius pluralitatis oblivione sempiternâ deleri: tanquam avaritiæ clericalis (ob quam tam malè audit ordo Sacerdotum) primogenitam & omnium malorum lervam. " Habetur tom. 14. Concil. General. col. 1633. & sequentibus.

V. Nec solus in Concilio Tridentino extitit Episcopus Claromontanus, qui Beneficiorum pluralitatem abrogandam esse demonstravit; hujus quoque abusus omnimodam extinctionem an. 1547. enixè petierunt Lipomanus Episcopus Veronensis, Bernardus Diaz Episcopus de Calahorra, alique præfules, quorum nomina in actis vel in historia Concilii Tridentini extant consignata; & ut finem sibi propositum assequerentur, contendebant omnem inter compatibilium & incompatibilium pristinis seculis incognitam distinctionem esse destruendam.

Optandum sanè fuisset, ut conformiter ad postulata horum Patrum, omnis Beneficiorum pluralitas, nec non distinctio compatibilium & incompatibilium fuisset penitus sublata, quemadmodum & nomine Caroli IX. Regis Galliarum postularum fuisse legitur, uti supra cap. 1. num. 7. notatum est.

Licet aliquibus in casibus possit esse licita, quin & conveniens Beneficiorum pluralitas; non dubium ta-

Tom. I.

men, quin multò majora incommoda, & scandala orta sint in Ecclesia & continuò oriantur per toleratam Beneficiorum pluralitatem, & distinctionem inter compatibilia & incompatibilia, quam sint timenda, aut unquam timeri potuerunt ex generali abolitione pluralitatis Beneficiorum.

VI. Fuit illa incommodorum & scandalorum gravitas, quæ movit complures Episcopos, ut in pluralitatem Beneficiorum inveherentur: & quidem cum præviè ante Sessionem de hac materia agi cœptum esset, Episcopi Hispani, aliis nonnullis adjunctis, petierunt " declarandum pluralitatem Cathedralium Ecclesiarum " esse maximum abusum, monendosque singulos, ac " nominatim Cardinales, ut unâ solâ sint contenti, atque alias intra breve tempus relinquunt, certè ante " exitum Concilii. Tollendam quoque minorum Ecclesiarum pluralitatem, eâ non imposterum modo " sed in præteritum etiam prohiberi, revocatisque omnibus dispensationibus antea concessis; Cardinalibus " aliisque minimè exceptis, nisi justas ac legitimas afferant causas, quas coram Ordinario curent approbandas.

VII. Hæc Præfulum illorum postulatio rigidior apparebat multis, quàm præsens rerum status pateretur, unde nonnihil temperandam crediderunt; atque primum majoribus & magis noxiis abusibus occurrendum; ac sensim, temporum duritie nonnihil emolliri ulterius progredi posse: hocque consilium Synodo placuisse patet, si Decreta edita Sessione septimâ, conferantur cum Decreto in eadem materia Sessione 24. evulgato.

VIII. Primò itaque Sess. 7. cap. 2. De Reformat. decernit ut " nemo, quacumque etiam dignitate, gradu, aut præeminentia præfulgens, plures Metropolitanas seu Cathedrales Ecclesias in titulum, sive commendam aut alio quovis nomine, contra sacrorum Canonum instituta, recipere, & simul retinere præsumat: cum valde felix sit ille censendus, cui unam Ecclesiam benè ac fructuosè, & cum animarum sibi commissarum salute regere contigerit.

Deinde cap. 4. " Quicumque de cætero plura curata, aut aliàs incompatibilia Beneficia Ecclesiastica, sive per viam unionis ad vitam, seu commendam perpetuam, aut alio quocumque nomine, & titulo; contra formam sacrorum Canonum, & præsertim Constitutionis Innocentii III. quæ incipit, *De multa*, recipere, ac simul retinere præsumpserit; Beneficiis ipsis juxta ipsius Constitutionis dispositionem ipso jure, etiam præsentis Canonis vigore, privatus exilitur.

IX. Hic imprimis improbat Synodus pluralitatem non tantum Cathedralium Ecclesiarum, sive Episcopatum, sed etiam Curatorum, ac aliàs incompatibilium Beneficiorum, reprobatis illis fictitiis titulis, & involucris, *unionis ad vitam & commendam perpetuæ*.

Quia autem Synodus non explicat, quæ Beneficia habeat tanquam incompatibilia, unaque remittit ad Constitutionem Innocentii III. cap. De multa & De præbendis, dubium erat, num Synodus terminos dictæ Constitutionis excedere voluisset; aut reprobare pluralitatem Beneficiorum, in dicta Constitutione nominatim non reprobata.

X. Hinc ulterius dubium erat, an hætenus indemnata esset pluralitas Beneficiorum, quæ nec Dignitates, nec Personatus, nec Parochiales Ecclesiæ essent: utpotè sola, quæ in ea Constitutione Innocentii III. exprimuntur.

XI. Postmodum verò Synodus volens efficacius remedium huic abusui adferre, eumque quasi radicis evellere Sess. 24. cap. 17. De Reformat. Decretum edidit " quod in quibuscumque personis, quocumque titulo, etiam si Cardinalatus honore fulgeant, mandat " observari, ut imposterum unum tantum Beneficium Ecclesiasticum singulis conferatur. Quod quidem, si ad vitam ejus, cui confertur, honestè sustentandam non sufficiat, liceat nihilominus aliud simplex sufficiens,

S 2 2 3

cions,

„ciens, dummodò utrumque personalem residentiam non requirat, eidem conferri. Hæcque non modo ad Cathedralis Ecclesias, sed etiam ad alia omnia Beneficia, tam secularia quam regularia, quæcumque etiam commendata, pertineant, cujuscumque tituli ac qualitatibus existant.

XII. Itaque ex Decretis Concilii Tridentini concludendum, Beneficia esse incompatibilia, si *residentiam personalem* requirant, idque sive residentia ratione curæ animarum, sive ratione servitii requiratur; uti notat Fagnanus ad cap. CUM JAM DUDUM in *De Præbendis* num. 39.

Ex primo capite incompatibiles sunt duæ Parochiales, item Parochialis cum Baptismali: & similiter Beneficium, cui injunctum est onus adjuvandi in cura animarum.

XIII. Item, is, qui habet Rectoratum, si curam exerceat per Vicarium *amovibilem*, non potest obtinere Parochialem; quia amovibilitas indicat curam residere apud Rectorem. Si tamen aliunde probaretur, curam nullam esse penes Rectorem, tunc hoc ex capite, nec residentia necessitas, nec exinde resultans incompatibilitas concludi posset.

Hinc consulta S. Congregatio, an casu, quo cura unita sit alicui Ecclesiae ex altera dependenti, ita ut ei per Vicarium *perpetuum* deserviat juxta cap. EXTIRPANDA §. QUI VERÒ in *De Præb.* resultet ratione *cura animarum* incompatibilitas talis Ecclesiae cum alia Parochiali; Respondit negativè; apud Fagnanum loco citato num. 41. Nec aliud indubiè resolutionis fundamentum fuit, quam quòd, curam animarum in Vicarium *perpetuum* translata, Rector Ecclesiae, cui Ecclesia Parochialis est unita, nomine tenus duntaxat Pastor aut Curatus dicatur.

XIV. Ob residentiam ratione *servitii*, „ex Decreto Concilii Tridentini exurgit incompatibilitas non solum in Parochialibus & Curatis, sed etiam in Beneficio Curato, & Canonatu, & in pluribus Canonatibus, tam Cathedralium, quam Collegiarum Ecclesiarum, cum personalem residentiam requirant, propter servitium“ ut in c. 12. *Seff.* 24. licet de jure communi hoc esset controversum, ut patet ex opinionibus supra relatis. Item ex Congregatione incompatibilis est Præbenda Theologalis erecta per unionem aliquot simplicium Beneficiorum cum Parochiali, vel Canonatu. Idemque dicendum de pluribus Monasteriis, seu Capellaniis servitium personale, seu residentiam requirentibus propter Divini Officii celebrationem. Ita Fagnanus.

XV. Hæc tamen dicta de incompatibilitate Beneficiorum simplicium residentiam requirentium, intelliguntur communiter, quando requiritur residentia *præcisa & simplex*, non autem de casu, quo residentia non est præcisa & simpliciter obligatoria, sed *causativa*; ita post alios Canonistas Gonzales ad Regulam 8. *Can. cel. Glossa* 15. num. 20. vocatque residentiam *præcisam & simplicem*, quando requiritur sub poena *privationis tituli*. Non simpliciter autem, sed *causativè* requiritur, quando solum requiritur respectu privationis fructuum; nimirum ut non residendo privetur quidem fructibus, sed nequaquam privetur titulo.

Deinde num. 23. testatur, sæpius judicatum fuisse, quoad incompatibilitatem Beneficiorum simplicium, inspiciendam esse residentiam *præcisam*, & non sufficere causativam, quod & praxis communis declarat.

XVI. Verùm ista distinctio, inter residentiam *præcisam & simplicem*, & residentiam *causativam*, contra Canones, necnon contra mentem Fundatorum invaluisse apparet: juxta intentionem enim Ecclesiae & Fundatorum, Beneficia debent per ipsos Beneficiarios deserviri; & consequenter omnino contrarium esse videtur intentioni Ecclesiae & Fundatorum, ut Beneficium retineatur per eum, qui illi deservire non intendit, tametsi proventibus ipsius Beneficii careat; quia inte-

rim verum manet, per illum Beneficiarium oneribus Beneficii non satisfieri; nisi tamen absens, nec personaliter exhibens officium, alibi adeò utiliter Ecclesiae inserviret, ut meritis existimeretur, quòd etiam absens, Ecclesiae & Fundatorum intentioni satisfaciat.

XVII. Præter illud exemplum, alterum occurrit in Capellaniis Ecclesiae Collegiatæ S. Petri hic Lovanii, quæ residentiam ratione servitii in choro requirunt; sed tantum *causativam*, id est, *privationis fructuum*, non autem *tituli*: quare & Theologi plures hujusmodi Capellania obtinentes, & earum titulo ad Ordines promoti, postmodum ad Ecclesias Parochiales assumpti, eas una cum Parochiali, tanquam simplex Beneficium residentiam non requirens retinent, licet nullos non residentes fructus percipiant.

XVIII. Beneficia omnia etiam simplicia de jure communi requirere personalem residentiam supra notatum fuit; unaque observatum, posterioribus seculis sensim quædam simplicia Beneficia à residentia fuisse absoluta; atque ita tandem invaluisse distinctionem inter Beneficia residentiam requirentia, & non requirentia.

Hæc distinctionem quamvis nonnulli è Patribus Concilii Tridentini, tanquam antiquis Ecclesiae Decretis incognitam, abolitam vellent, tamen eam penitus abolere Concilium conveniens, pro temporum conditione, non judicavit; sed eam apertè in suo Decreto supponit; atque eam in declaranda Beneficiorum incompatibilitate, & pluralitatis proscriptioe usa est: atque eatenus, ob stabilitam per consuetudinem disciplinam, à jure communi nonnihil recessit.

XIX. Itaque quoad Beneficia personalem residentiam non requirentia distinguit Concilium; utrum ad vitam ejus, cui conferuntur honestè sustentandam sufficiant, an non?

Si Beneficium quod quis obtinet, sit sufficiens, non poterit obtinere secundum, quantumvis simplex & residentia non obnoxium, & ad vitam ejus, cui conferatur non sufficiens. Quia Concilium permittit, ut possit alterum Beneficium conferri ei, qui jam unum obtinet, hac conditione, si primum quod obtinet, *ad vitam ejus honestè sustentandam non sufficiat*.

Quando autem quis habet Beneficium Ecclesiasticum non sufficiens, permittit Concilium, ut „liceat nihilominus aliud simplex sufficiens, dummodo utrumque personalem residentiam non requirat, eidem conferri.

XX. Quæ esse debeat proventuum quantitas, ut Beneficium aliquod dicatur *sufficiens*, Concilium non determinavit. Cum enim hæc sufficientia ex multis factis determinanda sit, judicatum est, ut determinatio hæc cujusque potius conscientia judicio, quam forensi disceptatione decidenda remitteretur.

Dolendum porro nihil esse frequentius, & jam pridem fuisse, quam ut „hic cæca & indomita impingat cupiditas: quando quisque pro suo, non pro Episcopi arbitrio hoc finitur definire: „(uti ad Clerum suum scribebat jam pridem Ruremondensem Antistes Henricus Cuykius) „Sustentationem sui, quam in Clericis omnibus ipsisque etiam Episcopis ex Tridentini Concilii sententia, oportet esse frugalem, hospitalitatis & beneficentia velamine, illi volunt esse magnificam; vitæ hujus impendia non pro necessitate, aut eo quod naturæ satis esse queat (quæ parvo est contenta) sed pro affectu privato & habendi libidine metientes; & ex cujusque Beneficii accessione proventu aucto, aliquid etiam ad familiae splendorem, ad vestium luxum, ad prædiorum aliarumque sive fixarum sive mobilium rerum proventum accedere volunt, & ut in plures Beneficii esse possint, aut ad sui nominis memoriam celebrandam opulentas erigere fundationes, domum domo & agro agrum è Beneficiorum proventibus semper conjungunt,



» guat: & hoc satis esse arbitrantur ad palliandam aut excusandam inextinguibilem avaritiam suam, si hunc sibi scopum propositum habeant.

XXI. Interim ex libera taxatione sufficientiæ relicta iudicio cuiusque privati, tandem consuetudo invaluit, ut super retentione simplicis Beneficii residentiam non requirentis nulli moveatur quæstio; tamen Beneficium aliud seu simplex seu non simplex, opulentum, & evidenter sufficiens habeat: atque ita videtur consuetudine catenus derogatum Concilio Tridentino; in quantum prohibuit, unum sufficiens habenti alterum etiam simplex residentiam non requirens conferri.

Unde si solum jus positivum attendamus, id hodie consuetudine sublatum videtur: & per consequens, concurrentibus iis, quæ inordinationes pluralitati Beneficiorum connexas plane abstergunt; ipsaque Ecclesiæ utilitate exigente, ut quis similia duo Beneficia simul retineat, non apparet necessaria dispensatio, qua juri positivo derogetur; utpote jam per contrariam consuetudinem sublato.

XXII. Uterius Concilium Tridentinum permittens, ut habenti Beneficium quod ad vitam ipsius honeste sustentandam non sufficit, aliud simplex sufficiens conferatur, de unico simplici adiungendo loqui videtur; quemadmodum Concilium Mediolanense V. sub S. Carolo intellexisse non obscurum est.

Cum enim in Concilio IV. Mediolanensi declaratum esset, licere habenti unum Beneficium non sufficiens, conferri alterum simplex conformiter ad Synodum Tridentinam, in Concilio V. declarat: « Id ita locum » habeat, ut ne tamen eo prætextu causave vitæ honeste » sustentandæ plura quam duo Beneficia simplicia uni » eidemque conferri liceat sine concessu permissive » Sedis Apostolicæ. » Parte 3. tit. Quæ ad Beneficiorum collationem attinent.

XXIII. Dum Synodus Tridentina declaravit incompatibilia plura Beneficia cuiuscumque conditionis aut qualitatis, quorum utrumque residentiam requirit, præcipue reflexisse videtur ad impossibilitatem satisfaciendi oneribus Beneficii huiusmodi incumbenibus: quæ impossibilitas resultat ex requisita personali residentia.

XXIV. Cum igitur illa impossibilitas satisfaciendi oneribus utriusque Beneficii sæpe cesset, si Beneficia sint in eadem Ecclesia; habeantque officia diversi ordinis & generis annexa, quæ *Difformia* dicuntur, etiam tunc incompatibilitas illa cessare videtur ex mente ipsius Synodi: declaravitque conformiter S. Congregatio consuetudini permittenti, quod in eadem Ecclesia Dignitates cum Canonicatibus teneantur, non esse derogatum à Concilio Tridentino *Seff. 24. cap. 17. de Reformat.* Ita *Garcias de Benef. parte 11. cap. 5. num. 246.*

XXV. Et quidem generalis hodie consuetudo permittit Beneficium curatum, aut etiam Dignitatem cum Canonicatu in eadem Ecclesia retinere; imo in aliquibus Ecclesiis Dignitates conferri, nisi Canonicis non possunt: quemadmodum in Ecclesiis Cathedralibus Belgicis ad instantiam Philippi II. per Paulum IV. Pontificem erectis, Archidiaconus, Archipresbyter & Pœnitentiarius ex Canonicis Graduatibus assumi debent, uti parte 1. tit. 10. cap. 1. notatum fuit. (a)

Itaque ex generali consuetudine ad obtinendum in eadem Ecclesia Canonicatum aut Capellaniam etiam requirentem residentiam, una cum Beneficio Curato aut Dignitate, dispensatio non requiritur: eo quod jus positivum per dispensationem tollendum, contraria consuetudine sublatum sit.

(a) Constat tamen in Ecclesia Rupellensi nonnullisque aliis Cathedralibus Galliarum Dignitatum possessionem esse incompatibilem cum possessione Canonicatum ejusdem Ecclesiæ; id quidem pro Ecclesia Rupellensi declaratum est litteris patentibus, quæ 20. Maji an. 1664. datæ sunt, ut prærogativâ Sedis Cathedralicæ hæc Ecclesia donaretur.

XXVI. Quid si Canonicatus sit ipsi Dignitati annexus; ipsaque Dignitas nullos habeat proventus præter Præbendam, an cum hoc Canonicatu & Dignitate annexa, possit in eadem Ecclesia haberi alia Dignitas difformis? Si Canonicatus sit Dignitati annexus per suppressionem, ut ipse titulus Canonicatus sit suppressus, tunc revera non erit nisi simplex Dignitas; & consequenter alius Canonicatus cum hac Dignitate in eadem Ecclesia sine dispensatione haberi posset: non autem Dignitas: quia pluralitas Dignitatum in eadem Ecclesia specialiter vetita est in *Cap. De multa & de Præbendis*, neque hæc consuetudo ei in hoc derogasse scitur.

Si autem Canonicatus æque principaliter annexus sit, & consequenter cum obtinens sit revera Canonicus & simul in Dignitate constitutus, non poterit in eadem Ecclesia aliam Dignitatem sine dispensatione retinere: nam nemo in eadem Ecclesia potest esse *triplex* absque dispensatione Summi Pontificis; uti post alios docet *Garcias* loco citato n. 238. additque: « Nec valet consuetudo vel statutum in contrarium ex cap. 1. de Consuet. in VI. »

## CAPUT IV.

De varia Beneficiorum incompatibilium specie.

1. *Incompatibilitas Beneficiorum præcipue fundatur in impossibilitate residendi in diversis Ecclesiis.*
2. *Arctior residendi obligatio in Beneficiis curatis, etiam majorem causat incompatibilitatem.*
3. *Distinctio Beneficiorum incompatibilium primi & secundi generis, & illorum definitio.*
4. *Plura Beneficia conformia sub eodem titulo incompatibilia primi generis; etiam si non requirant residentiam.*
5. *An Concilium Tridentinum circa hoc aliquid innovaverit?*
6. *Quæ dicantur Beneficia uniformia?*
7. *Quæ sint incompatibilia secundi generis?*
8. *An per Synodum Trident. hæc distinctio Beneficiorum incompatibilium sit sublata?*
9. *Circa distinctionem Beneficiorum incompatibilium primi & secundi generis mens Concilii Tridentini exponitur.*
10. *Ut Beneficium vacet per affectionem secundi requiritur possessio hujus pacifica.*
11. *Ante captam secundi Beneficii possessionem non vacat primum ipso jure.*
12. *Idque non tantum de facto, sed & de jure.*
13. *In Gallia non inducitur privatio primi per affectionem secundi; sed datur optio eligendi alterutrum.*
14. *Necessitas optandi tantum est post possessionem pacificam.*
15. *Ex praxi Gallia habetur annuus & dies ad optandum.*
16. *Quomodo aliqui hac optandi libertate abuterentur; & quomodo ei per Edictum Regium fuerit occursum?*
17. *Optandi libertas pluribus Parlamentorum Arrestis confirmata.*
18. *Declaratum duos Canonicatus esse incompatibiles; nec dimissum posse gravari pensione.*

I. INCOMPATIBILITAS Beneficiorum præcipue fundatur in impossibilitate eodem tempore residendi in diversis Ecclesiis; & ex illa impossibilitate, resultante alia impossibilitate satisfaciendi officiis & oneribus utrique Beneficio annexis.

II. Cum autem indubitatum sit, residentiam arctiorem requiri in Beneficiis curatis aliisque majora officia annexa habentibus, quam in Beneficiis simplicibus: plura.

pluraque incommoda per non residentiam Pastorum plerumque sequi, quam ex non residentia Canonicoꝝ aut Capellanorum, consequens est, quod etiam major inter priora, quam posteriora intercedat incompatibilitas; eo quod pluralitas secum trahat non residentiam, quæ minus illis, quam in his toleranda est.

III. Hinc communiter recepta est distinctio Beneficiorum incompatibilium, in Beneficia incompatibilia primi & secundi generis.

Incompatibilia primi generis dicuntur, inter quæ tanta intercedit incompatibilitas, ut per affectuionem pacificam secundi ipso facto vacet primum: quemadmodum de Beneficiis curatis, Dignitatibus & Personaribus statuit Concilium Lateranense in *Cap. DE MULTA* & *De Præb. & expressius Joannes XXII. in Extravag. EXECRABILIS De Præbendis in Commun.* addens, „ quod qui deinceps receperint Dignitatem vel Personatum, seu officium aut aliud Beneficium curam animarum habens annexam, si antea simile Beneficium obtinebant, illud quo ipso jure privati nesciuntur, „ absque moræ dispendio in Ordinariorū manibus dimittere debeant pari modo: alioquin ex tunc sint „ ipso jure secundo privati, & nedom ad sacros suscipiendos Ordines, quin etiam ad habendum quodcumque aliud Ecclesiasticum Beneficium inhabiles reputentur.

Itaque attentis hisce Decretalibus, incompatibilia sunt primi generis, duo Beneficia curata, duæ Dignitates aut Personatus; item unum curatum cum Dignitate, idque sive in una, sive in diversis Ecclesiis.

IV. His addunt communiter Canonistæ duo Beneficia uniformia, etiam si sint simplicia, sub eodem testō, id est, in eadem Ecclesia; idque auctoritate *Cap. 9. & De Concess. Præbendæ non vacantis*, ubi responderetur, vacare ipso jure Præbendam obtentam per affectuionem secundæ Præbendæ in eadem Ecclesia. Id ipsum non obscure decernitur in *Clem. fin. De Præbendis*, dum dicitur, primam Præbendam hoc ipso vacaturam, cum secundam Archidiaconatui annexam fuerit pacifice affecturus. Unde Glossa ibidem, verbo *hoc ipso*, ait: „ Patet quod in Præbendis ejusdem Ecclesiæ ipso jure, per „ affectuionem secundæ vacet prima.

Quin credit post alios Garcias *parte 11. cap. 5. num. 182.* id quoque „ procedere, etiam si Beneficia sint talia, quæ non requirunt residentiam in conformibus titulis.

V. Deinde *num. 186.* monet „ cavendum à Zerola qui ait, quod hodie per Decretum Concilii Trident. *Sess. 24. cap. 17. De Reformat.* possit quis habere duo Beneficia conformia sub eodem testō, modo sint simplicia, & non requirant residentiam, & non sufficientia: quæ doctrina est falsa (ait) & absque fundamento: nam Concilium ibi nihil innovat seu disponit circa hoc.

VI. Dicuntur autem uniformia; quando sunt ad eundem finem & munus instituta; qualia solent esse Canonatus & Capellanæ; alias si quidem in nomine conveniant; sed munia annexa sint plane disparata, non censentur uniformia; neque sub hac incompatibilitate comprehendi; quemadmodum notat Gonzales ad Reg. 8. Cancell. *Gloss. 10.*

VII. Incompatibilia secundi generis vocantur, quæ quidem simul retineri non possunt; sed quorum primum tamen non vacat ipso jure per affectuionem pacificam secundi: dicunturque propterea incompatibilia, quoad retentionem. Hujusmodi Beneficia incompatibilia inspecto jure communi, sunt duo Canonatus, aut duæ Capellanæ residentiam requirentes; item Canonatus & Dignitas aut etiam Beneficium curatum, nimirum in diversis Ecclesiis.

Beneficiorum incompatibilium primi & secundi generis distinctio pluraque alia, quæ innumeras questiones & litigia pariunt, priscis Patribus erant ignota, & feliciter sopita fuissent; si auctoritate Concilii Tri-

dentini omnis omnino Beneficiorum pluralitas fuisset simpliciter & indistincte proscripta, & avita Patrum disciplina restituta, quemadmodum plures zelosiores Episcopi desiderabant, uti *cap. 3.* observatum est.

VIII. Quippe dubitatur, num & incompatibilium distinctio per Synodum Tridentinam *Sess. 7. cap. 4. de Reformat.* sit sublata, quia decernit, quod „ quicumque de cætero plura curata aut alias incompatibilia Beneficia Ecclesiastica contra formam sacrorum Canonum & præsertim Constitutionis Innocentii III. quæ incipit *de multa*, recipere, ac simul retinere præsumptum ferit, Beneficiis ipsis juxta ipsius Constitutionis dispositionem, ipso jure, etiam præsentis Canonis vigore, privatus existat: videtur ergo pœnam privationis ipso jure per Constitutionem *de multa*, decretam contra obtinentes plura Beneficia curata, extendisse ad omnia Beneficia alias incompatibilia.

Attamen communior opinio praxi conformis credit, per hoc Decretum pœnam privationis ipso jure ad omnia generaliter Beneficia alias incompatibilia non esse extendam, sed Synodum exprimendo Beneficia curata; ac dein subjiciendo clausulam generalem, & alias incompatibilia, voluisse duntaxat comprehendere alia incompatibilia, de quibus loquitur Constitutio *de multa*, ut Dignitates & Personatus. Vide Zypæum in *Jure Novo tit. de Clericis non resid. num. 11.*

IX. Quamvis communior opinio habeat, distinctionem inter incompatibilia primi & secundi generis, per Synodum Tridentinam omnino non esse sublata, fatendum tamen est, quod, teste Garcia *de Beneficiis parte 2. cap. 5. num. 84.* sæpius à Congregatione Cardinalium super interpretatione Concilii Tridentini responsum fuerit, Decretum Concilii Tridentini *Sess. 7. cap. 4. de Reformat.* spectare ad omnia Beneficia alias quacumque ratione incompatibilia.

Neque diffiteri posse videtur, quin inspectis verbis Decreti, videri possit Concilium loqui in hoc Decreto generaliter de omnibus Beneficiis quacumque ratione incompatibilibus; quantumvis & hoc fatendum sit, propter obscuram Decreti expressionem, in pluribus regionibus, eo modo intellectum, & receptum videri hoc Decretum, ut distinctio inter incompatibilia primi & secundi generis nequaquam censeatur per hoc Decretum sublata; ita ut Concilium salvam reliquerit distinctionem horum Beneficiorum ad eum effectum, ut incompatibilia primi generis vacent ipso jure; non autem secundi generis: sed quod primum Beneficium per adeptam possessionem pacificam secundi non vacet ipso jure, sed duntaxat per sententiam Judicis posse eo privari.

X. His de mente Concilii Tridentini obiter dictis, constat hodie ad vacationem Beneficii per affectuionem alterius incompatibilis primi generis, non sufficere ejus collationem fuisse etiam acceptatam; sed requiritur ejus pacifica possessio; aut saltem ut per eum steterit quominus eam acceperit, juxta clausulam expressam in citata Extravagante Joannis XXII. „ Postquam secundi possessionem habuerint, vel per eos omni dolo „ & fraude cessantibus, quominus habeant, steterit. Et in *Clementina fin. De Præbendis*, PACIFICE fuerit affectus.

XI. Quandoquidem nullum tempus in jure determinatum sit, intra quod Beneficiatus teneatur realem, & corporalem Beneficii possessionem accipere, idcirco & communi Doctorum opinione, & praxi receptum est, ut ob acceptum Beneficium secundum non inducatur vacatio primi, ante adeptam corporalem possessionem secundi: tamen per ipsum Beneficiatum steterit, possessionem corporalem secundi accipere.

Unde quod *num. 10.* conformiter ad Extravagantem Joannis XXII. dictum est, primum Beneficium vacare, si per Beneficiatum steterit, quominus pacificam possessionem habeat, referendum est non ad possessionem, sed

sed ad vocem *pacificam*, & per eum stet, quominus hæc possessio sit *pacifica*.

Voluit enim per hanc declarationem Pontifex præcavere, ne prætextu alicujus suscitæ controversiæ, sive litis, fraus fieret Canonibus, pluralitatem Beneficiorum vetantibus.

Contingebat enim non raro, ut qui plurium Beneficiorum proventibus gaudere cuperet, possessionem quidem realem *secundi* Beneficii acciperet, ut ea mediante proventus illius sibi cederent: sed ne per hanc adeptam possessionem, *primum* Beneficium amitteret, cum ficto aliquo adversario colludens, litem sibi suscitari procurabat; ut ita possessio appareret *non pacifica*.

Itaque ut hisce fraudibus occurratur, declaravit Pontifex in citata Extravagante, quod per possessionem *secundi* Beneficii, vacet prius, si probari queat, quod per ipsum Beneficiatum steterit, quominus hæc jam capta possessio fuerit *pacifica*.

Et sane cum ante captam possessionem, Beneficiatus nullos proventus ipsius Beneficii queat obtinere; & consequenter non videatur ante captam possessionem Beneficium perfecte habere: sed demum à capta possessione jus percipiendi proventus Beneficii acquirat, mirum non est, quod ante acceptam possessionem, nulla prioris Beneficii inducta sit vacatio, eo quod hæcenus nonnisi unius Beneficii, in cujus possessione est, proventibus gaudeat.

XII. Hinc concluditur, quod demum indicatur vacatio primi per assecutionem *secundi*, si assecutio & possessio *secundi* sit *pacifica*; non solum de facto, sed etiam *de jure*, id est, non litigiosa, sed absque controversia juris & facti judiciali & extrajudiciali; ita aliis citatis late exponit Garcias De Benef. *parte 1. cap. 7. §. 1. num. 105. ubi num. 108.* ait, quod primum litigiosum vacet per assecutionem & possessionem *pacificam* *secundi*.

XIII. Hæc quidem ex dispositione Constitutionis *De multa*, innovata per Synodum Tridentinam; ait eam in Gallia, saltem quoad poenam privationis *ipso jure* primi Beneficii per assecutionem *secundi*, non esse receptam restatur Franciscus De Roye Antecessor Andegavensis *lib. 2. Instit. Juris Canonici cap. 16.* asseritque, in Gallia retentam esse optionem, sive jus optandi, de quo Alexander III. in *cap. 4. de Etate & qual. Presbiteri*, scribens quod Episcopo liceat "habentes plures Ecclesias, quæ ex uno non pendeant, appellatione postposita cogere ad unam ipsarum, quam maluerint dimittere."

XIV. Verum sicuti privatio primi Beneficii per assecutionem *secundi*, juxta Decretalem *De multa*, & Extravagantem Joannis XXII. non inducitur, nisi post adeptam *pacificam* possessionem *secundi* Beneficii; ita nec optionis necessitas inducta censetur, nisi post assecutionem *pacificam* *secundi*.

XV. Cum autem in Gallia nemo *pacificus* proprie reputetur, nisi post *pacificam annalem* possessionem, uti supra notatum est, etiam ante annum *pacificæ* possessionis ad optandum cogi non potest: quod novissime annotavit Claudius Horry in libro cui titulus: *Nouveau Traité des matières Beneficiales & Ecclésiastiques, accommodé à l'usage présent*, ubi pag. 99. ait: "In Francia provisus de duobus Beneficiis incompatilibus, habet annum & diem ad faciendam suam optionem, si sit possessor *pacificus*, potest unum de duobus dimittere ad manus Collatoris ordinarii. (a)"

(a) Ubi agitur de Duobus Beneficiis, quorum unum oneri depositus obnoxium est, hæc sancivit Galliz Rex in Declaratione datâ 13. Januarii 1742. his verbis: *Ordonnons que dans les Provinces où le droit de dépôt est établi, ceux qui se trouveront pourvus de deux Cures, ou d'une Cure, ou d'un autre Bénéfice incompatible, soient tenus de faire leur option entre lesdits Bénéfices dans l'année, à compter du jour de leur prise de possession du dernier desdits Bénéfices, dont ils auront été pourvus, sans que ladite année puisse être censée n'avoir couru que du jour de l'expiration de l'année du dépôt, & fause par eux, d'avoir satis-*

XVI. Hac libertate retinendi per annum integrum duo Beneficia incompatibilia nonnulli Ecclesiastici abutebantur, nimirum per annum proventus Beneficiorum percipiendo; ac dein, anno elapso, per quandam collusionem suscitando sibi simulatum adversarium, quo interim proventibus utriusque gaudere pergerent. Cui abusui ut occurreretur, anno 1681. Regio Edicto cautum est, ut "cum uni eidemque personæ collata sunt duo Beneficia curata, aut Canonicatus aut Dignitas & Beneficium curatum, aut duo alia Beneficia incompatibilia, sive sit *lit*, sive sit *pacificus* possessor, provisos non gaudebit fructibus, nisi illius Beneficii in quo *assidue* residebit, & servitium *per se* exsolverit: quod, que fructus alterius Beneficii, aut etiam utriusque, si in neutro residerit & præstiterit servitium *per se*, impenduntur in solutionem Vicarii aut Vicariorum qui servitium præstiterint, vel in reparationes, ornamenta aliumque usum Ecclesiæ ipsius Beneficii; idque juxta ordinationem Episcopi Diocesani. Refertur integrum Edictum in opere quod intulatur *Journal des Audiences*, *tomo 4. lib. 4. cap. 6.*

XVII. In Actis Cleri Gallicani *tom. 2. parte 2. tit. 15.* referuntur Parlamentorum Arresta quæ hanc optionem supponunt, eamque in omni genere Beneficiorum incompatibilium locum habere fac patenter declarant; ac per consequens, distinctionem inter Beneficia incompatibilia primi & *secundi* generis, quoad vacationem *ipso jure*, hodie in Gallia esse sublatam.

XVIII. Inter cætera *num. 14.* refertur judicatum per Arrestum 10. Februarii 1667. duos Canonicatus esse incompatibiles in eadem persona; injunctumque plures possidentibus *unum optare*, addita hac notabili clausula: Sic ut non possint pensionem illos quos elegerint dimittere gravare: quod conforme esse Canonico Concilii Chalcedonensis, infra ostendemus titulo *De Pensionibus*, & *cap. 2.* Dissert. in hoc Concilium ac in Scholiis ad Canonem 10. ejusdem Synodi.

## CAPUT V.

### De Dispensatione super pluralitate Beneficiorum.

1. Nulla dispensatio licitam reddit pluralitatem Beneficiorum, nisi adsint circumstantiæ quæ inordinationes abstergant.
2. Interdum graviore, interdum leviores causæ ad has inordinationes abstergendas sufficiunt.
3. Vix occurrunt sufficientes quoad pluralitatem Beneficiorum curatorum; & in Regno Gallia nulla dispensatio super hac admittitur.
4. Quid in Belgio obtineat?
5. Nulla dispensatio super pluralitate Beneficiorum sine causa, tuta est in foro Poli.
6. Hæc est sententia unanimis Canonistarum.
7. An quis satisfaciatur rejiciendo onus in Papam dispensantem?
8. Petens dispensationem debet prævie examinare: an sit justa causa, & quod motivum petendi.
9. Aliquando licita dispensatio.
10. Debet semper esse recta intentio; debentque utentes dispensatione eam sæpe discutere.
11. Hodie super pluralitate Beneficiorum solus Papa dispensat.
12. An hodie duæ Parochiales Ecclesiæ sibi vicinæ uni ad tempus concedi queant sine dispensatione Pontificis?
13. Dispensatio qua ratione odiosa & restringenda?
14. Hanc regulam probat Bonifacius VIII.

*fait à la présente disposition, le premier desdits deux Bénéfices, sera réputé avoir vaqué de plein droit par l'obtention du second, & comme tel, conféré par ceux qui ont droit d'y pourvoir. Hæc Declaratio in Commentariis Supremi Senatûs Paris. relata est 26. Januarii 1742.*



15. Possidentes plura Beneficia ex dispensatione, tenentur Ordinariis potentibus dispensationes exhibere.
16. Possunt Ordinarii dispensationes examinare, & minus legitime obtentas rejicere.
17. Debent intra statutum tempus exhiberi; & quæ pena non exhibentium?
18. Etiam possessores triennales exhibere dispensationes tenentur.
19. Imo tituli possessionis exhibendi.
20. Quando super dispensatione consulenda ab Ordinario Sedes Apostolica?
21. Littera dispensationis super pluralitate Beneficiorum in Belgio litteris placet indigent.

I. OSTENDIMUS supra capite primo hujus tituli, habere plura Beneficia esse referendum inter actiones, quæ ob inordinationes iis annexas jure naturali ita sunt vitæ ut nonnisi concurrentibus circumstantiis eas inordinationes abstergentibus licitæ reddi possint; eam omnem juris humani prohibitionem præveniundo; uti docet S. Thomas.

Hinc infert idem Doctor, pluralitatem Beneficiorum repugnare juri naturali, quamdiu non adsunt circumstantiæ eas inordinationes abstergentes; ac per consequens nulla consuetudine, nullave humana dispensatione justificari posse pluralitatem, quamdiu hæ circumstantiæ reipsa defunt: "eo quod dispensatio humana (ait) non auferat ligamen juris naturalis, sed solum ligamen juris positivi, quod per hominem statuitur, & per hominem dispensari potest.

II. Porro non omnium Beneficiorum pluralitatem easdem inordinationes, nec eadem incommoda habere annexa, constat; ideoque & indubitatum est, subinde graviore causas requiri, subinde leviores sufficere ad purgandam ab hisce inordinationibus Beneficiorum pluralitatem, eamque attento jure naturali justificandam.

III. Quia vero vix sufficientes rationes occurrunt, quæ compensent incommoda ex non residentia Beneficiorum Curatorum sive Parochialium nata oriri; adeoque etiam ex pluralitate hujusmodi Beneficiorum, præsertim longe inter se distitorum; ideo in Regno Galliarum ex Edicto Blesensi, art. 11. nulla habetur ratio dispensationis, ut quis plures Episcopatus, vel plures Parochiales Ecclesias simul habere possit; " & qui hujusmodi dispensationes impetraverunt cadunt à Beneficiis, quæ ante obtinebant, itemque revocatur hujusmodi dispensatio auxilio provocationis tanquam ab abusu interposita. Ita Pinsonius in tractatu De Beneficiis, verbo Militia, cap. 3. num. 56.

IV. Eandem mentem fuisse Principum Belgii insinuat Edictum Caroli V. 28. Novemb. 1541. art. 32. & 33. quo cautum est, quod in omnibus litteris Placeti concedendis super provisionibus Apostolicis Parochialium Beneficiorum, exprimeretur, provisum teneri personaliter residere in loco Parochiæ, nec per alium posse deservire: quo sat insinuat, intentionem Principis esse, ut nec pluralitas Beneficiorum Parochialium, quæ residentiam & servitium personale in utroque Beneficio non compatitur, admittatur.

In Placeto Caroli V. 25. Octob. 1548. super Bullis Petri Episcopi de Fano Nuntii Apostolici ad has Belgicas Provincias, fuit inserta clausula: Quod conferret Beneficia curata Clericis residentibus, & nativis ex his partibus, qui sciant idioma, absque dispensatione in contrarium.

V. Interim in quorumcumque Beneficiorum pluralitate requiritur causa legitima, eaque talis quæ sufficiens sit, inordinationes pluralitati annexas abstergere, ut per dispensationem quantumvis Pontificiam, Beneficiorum pluralitas coram Deo iusta & licita reddatur.

Unde de pluralitate Beneficiorum loquens Abbas Pernormitanus ad cap. DUBIUM De Elect. ait "Dispensa-

tatus etiam per Papam circa pluralitatem Beneficiorum sine causa; licet tutus quoad Ecclesiam militentem, non tamen quoad triumphantem; & sic non valet dispensatio quoad Deum. " Et rursus ad cap. CUM ADEO De Rescriptis, de eadem pluralitate loquens, ait: "Ubi non subest causa rationalis, non excusatur quis quoad Deum, etiam ex dispensatione Papæ.

VI. Eandem sententiam unanimi suffragio amplectuntur Canonistæ, quemadmodum videri potest apud Fagnanum ad cap. EX PARTE De Clericis non resident. num. 65. ubi agens de dispensatione Papæ super pluralitate Beneficiorum, probat sententiam Joannis de Lignano docentis, quod si Papa dispensaret pro nuda sua voluntate, non habita relatione ad bonum publicum, non foret dispensator, sed dissipator. Ac dein cum eodem De Lignano concludit: "Ex quo sequitur, ut quoad Deum non sit tutus, cum quo sic dispensatur, imo verius dissipatur.

Et generalius de dissipatione loquitur; & de omnium Interpretum consonantia testatur ipse Fagnanus ad cap. NIMIS De Filiis Presbyt. num. 8. dicens: "est unanimis consonantia Canonum, Conciliorum, & Interpretum, ut necessitatis, vel utilitatis causa in dispensatione debeat esse magna; seu quod idem est major, maxima, iusta, evidens, urgens, & his consimiles, quibus sacri Canones promiscue utuntur tanquam synonymis. Alioquin si ejusmodi causa desit, non est dispensatio, sed dissipatio.

VII. Quod ergo nonnulli dicunt, Papa dispensavit, ipse sibi viderit, ego immunis sum, tanquam merum cavillum explodit Cardinalis Bellarminus in Epistola ad suum Nepotem; fatetur tamen, quod hic cavillus securos multos reddat; at, ut ipse ait: tutum neminem. Rationem subdit: "Quoniam Papa non est Dominus, sed dispensator; ideoque qui iniquam dispensationem petit, iniquitatis causa est, & qui ea utitur, eadem semper irretitur iniquitate.

VIII. Igitur dispensationem super pluralitate Beneficiorum postulare meditantem merito inculcatur illud sancti Bernardi ad Robertum Nepotem suum, Epist. 1. num. 9. Attende cor tuum, discute intentionem, consule veritatem.

Instabunt forsitan alii: Num causa sufficiens subdit, expendendum Pontifici relinquimus: Utinam (dicebat similibus Bernardus Epist. 7. n. 9.) non licentiam quasi assistis, sed consilium; id est, non ut liceret, sed an liceret. Sed verendum, ne pluribus eorum dici possit, quod subdit Bernardus: Malum in corde conceperant, opere tamen ausi non sunt adimplere, nisi cum licentia. Conceperunt dolorem, sed non pepererunt iniquitatem, donec iniquo Papa conceptui præbisset assensum.... Quod tamen, cum eodem Doctore asserere ausim, summum fecisse Pontificem nequaquam crediderim, nisi aut circumventum mendacio, aut importunitate victum.

Profecto si quis serio attendat, quomodo, & à quibus hodie dispensationes sollicitari, ac postulari soleant; facile comperiet, quod pluribus sine injuria regei posset, quod hujusmodi olim regerebat sanctus Bernardus: Non satis "de propria causa confidentes, remoras ac remordentes conscientias Apostolica conati estis delinire licentia. Frivolum satis remedium, quod non est aliud, nisi more Protoplastorum, cauteriatis conscientiiis texere perizomata, videlicet ad velamentum, non ad medicamentum." Epist. 7.

IX. Si omnibus attente ac mature expensis, intelligantur tales esse circumstantiæ, ut omnis inordinatio pluralitati Beneficiorum connexa videatur sublata; "ut puta (ait sanctus Thomas) si sit necessitas in pluribus Ecclesiis ejus obsequio, & possit plus servire Ecclesiæ, vel tantundem abiens, quam alius præsens; ita ut solum jus positivum pluralitati obstat: tunc, si subdit insuper causa sufficiens recedendi à jure positivo, aditque recta intentio in bonum Ecclesiæ unice directa, licet

cita erit dispensatio; quemadmodum docet S. Thom. *Quodlib. 9. art. 15. in respons.*

X. Dum autem " aliquis hac intentione plura Beneficia habere vellet, ut sit ditior, ut lautius vivat, & ut facilius ad Episcopatum perveniat in aliqua Ecclesiarum, ubi est Præbendatus, non tolluntur prædictæ deformitates, " ait S. Thomas loco citato; unde per dispensationem pluralitas Beneficiorum cum tali intentione apud Deum justificari nequit. Et ut jam pridem dixit Guillelmus Parisi. *tit. De Collatione Benef. cap. 6.* " Indubitanter sciendum est, quodd Romanus Pontifex quantumcumque largam dispensationis gratiam videatur facere in Beneficiis cum aliquibus personis: tamen non dispensat cum avaritia, cupiditate, vel ambitione earum, nec indulget eis indulgentiis suis, & his vel aliis vitiis.

Rectè ergo monuit Synodus Colonienfis anno 1536. *part. 1. cap. 32.* " Qui dispensatione Apostolicâ adversus hæc (pluralitatem Beneficiorum) se tueri velint, hi viderint, ut causam dispensationis obtineant Deo comprobent.

XI. Hodie super retentione plurium Beneficiorum solus Pontifex dispensat; quod paulatim ex consuetudine & stylo Curiae Romanæ introductum esse notat Rebuffus in *Praxi Benef. part. 2. tit. De Dispensat. ad plura Beneficia, num. 2.* Huic consuetudini introducendæ non parum indubiè favit Concilium Lateranense sub Innocentio III. in *cap. De multa & De Præbendis*, dum veritâ Parochialium Ecclesiarum, Dignitatum & Personatum pluralitate, hanc clausulam subjecit: " Circa sublimes tamen & litteratas personas, quæ majoribus Beneficiis sunt honorandæ, cùm ratio postulaverit, per *Sedem Apostolicam* poterit dispensari.

Hac expressione creditum fuit, Concilium nulli nisi Pontifici dispensandi licentiam competere voluisse, quemadmodum innuit Matthæus Parisiensis ad annum 1235. loquens de statuto Innocentii III. super dispensatione plurium Beneficiorum obtinendorum; quod aliud esse non potest, quàm decretum relatum in citato *cap. De multa.*

XII. Hinc nonnulli crediderunt, si in gratiam Ecclesiæ Parochialis unio ad tempus fiat, aut etiam in commendam seu deservituram denur Rectori Parochialis Ecclesiæ vicinæ, v.g. ob Ecclesiæ tenuitatem, id sine dispensatione Pontificis non licere ob Concilium Tridentinum, *sess. 7. cap. 4. De Reformation.* Verùm id ex mente Concilii nequaquam Episcopis prohibitum esse probat Zypæus in *Jure novo tit. De Clericis non resid. num. 6.* quod & supposuit Synodus P. II. Mechliniensis, t. 17. c. 3. ubi modum suggerens providendi tenuioribus Ecclesiis Parochialibus, ait: " Licebit Episcopis per unionem vicinarum & minorum Ecclesiarum, aut simplicium Beneficiorum, vel per concessionem deserviturarum: " (quæ cum *commendis* coincidunt) " vel aliàs per modum provisionis providere. Mens enim Synodi Tridentinæ fuit, præcavere, ne fierent uniones aut commendæ in favorem personarum, non autem in bonum Ecclesiarum. Quod & praxi notoriè est conforme.

XIII. Circa dispensationem plurium Beneficiorum à Pontifice impetratam notandum, eam, utpote indulgentem pluralitatem Beneficiorum, sacris Canonibus eatenus vulnus aliquod infligere; eoque titulo reputandam esse odiosam, nec consequenter ultra expressum verborum tenorem posse extendi; quemadmodum notat Rebuffus in *Praxi Benef. part. 2. tit. De Dispensat. ad plura Beneficia; num. 64.* ibidem inferens: Quam ob rem non extenditur etiam ad casum habentem majorem rationem, arguendo à majori ad minus; ut nec dispensatus ad curatum censeatur dispensatus ad simplex.

Hinc ulterius infert *num. 67.* " Ideoque debet esse cautus impetrans, ut exprimat & simplicia & curata

" aut aliàs qualificata, aliàs neutiquam in dispensatione comprehenderentur.

XIV. Hic conforme est, quod respondit Bonifacius VIII. in *cap. 21. De Præbendis in VI.* " Non potest dispensatio super pluralitate Beneficiorum concessa, impetranti prodesse, qui aliquod *quantumcumque modicum* Beneficium subtrahit in eadem.

Eidem fundamento innititur quod subjungit: " Illud autem Apostolicæ Sedis indultum, ut quis duo Beneficia curam animarum habentia, si aliàs Canonice conferantur eidem, possit recipere ac simul licitè retinere: intelligitur de duobus *primis* Beneficiis, quæ cum cura post dictum indultum obtinere contingit eundem.

XV. Cùm autem non rarò impetrentur dispensationes ex falsa narratione, vel ex causa minus legitima, aut per importunam inhiantium sollicitationem, quæ mediante non rarò non concedenda conceduntur; aut etiam interdum ipsæ dispensationes contra mentem concedentis extenduntur, voluit Synodus Tridentina, *sess. 7. cap. 5. De Reformat.* ut " Ordinarii locorum, quoscumque plura curata, aut aliàs incompatibilia Beneficia Ecclesiastica obtinentes, dispensationes suas exhibere districtè compellant, & aliàs procedant juxta Constitutionem Gregorii X. in generali Lugdunensi Concilio editam, quæ incipit, *Ordinarii*: " quam eadem sancta Synodus innovandam censet & innovat.

Constitutio Gregorii X. quam hic innovat Synodus Tridentina, refertur in *cap. 3. de Officio Ordinarii in VI.*

XVI. Concilium autem Lugdunense & Tridentinum illius constitutionem probans & innovans, non tantum permiserunt Ordinariis simpliciter revideri dispensationes, sed etiam rejici ac reprobari; si absque vera & legitima causa fuerint impetratæ; ut monet Weymesius in *Analyti ad hanc Constitutionem num. 7.* " Et si enim (ait) illarejiciendi potestas non reperitur expressè data Episcopis, quia tamen Concilium Lugdunense voluit non molestari amplius eos, quorum dispensatio exhibita evidenter apparet sufficiens, satis intelligitur à contrario sensu, Ordinariis attribuisse potestatem molestandi eos, quorum dispensatio evidenter sufficiens non est: cùm alioqui frustra videretur data examinandi potestas, si reprobandi non competeret.

XVII. Debent autem secundum Constitutionem Concilii Lugdunensis II. dispensationes suas " exhibere intra tempus pro facti qualitate ipsorum Ordinariorum moderandum arbitrio. (a)

Si verò intra tempus, justo cessante impedimento, nullam dispensationem exhibuerint, tunc vigore dictæ Constitutionis eo ipso Beneficia illa illicitè detineri constabit; poteruntque illa tanquam verè vacantia per eos, ad quos collatio spectat, liberè aliis personis idoneis conferri. " Ita enim receptum est (ait Weymesius *num. 8.*) ut ubi lex vel Canon sic ipso facto imponit poenam incurrendam ex eo, quod Judex statuerit terminum defensionis, eo ipso poenam incurrat reus, quod se non defenderit, etiam si nulla intercesserit Judicis condemnatio vel declaratoria Sententia.

XVIII. Notat quoque ibidem Weymesius *num. 10.* possidentes plura Beneficia, se non posse tueri contra hoc Decretum de exhibenda dispensatione per Regulam Cancellariæ de *triennali possessore*: propterea quod ipsis adversetur juris communis prohibitio, quæ non patitur eos juris beneficio adjuvari: & ita sacram Congregationem declarasse testatur.

Quin & monet Auctor Gallicus notarum in Concilio Tridentin. Edit. 1706. pag. 118. quodd triennalis possessio non suffragetur incompatibilitati, vel pluralitati Beneficiorum, eò quodd hæc possessio abusu

(a) Hæc Constitutio, quæ incipit, *Ordinarii*, recensetur XVIII.

non abstergat, & ita judicatum in Parlamento Parisiensi anno 1611.

XIX. In Analyfi ad Constitutionem Gregorii X. in Concilio Lugdunenfi editam, contendit Weymesius num. 11. quod possessores plurium simul Beneficiorum incompatibilium non tantum dispensationes suas, sed etiam possessionum titulos ipsis Ordinariis exhibere teneantur: "cū Ordinarii rectè judicare vix possint, de dispensationibus, nisi simul etiam videant & cognoscant titulos, quorum vigore Beneficia *plura incompatibilia* possidentur, receptum est teneri Beneficiarios etiam titulos Ordinariis exhibere, aded ut titulorum exhibitio censeatur de substantia actūs, & absque illa non intelligantur Beneficiarii satisfecisse suis Ordinariis, etiamsi maximè affirmant se justè & canonicè possidere; quia tituli necessariò exhiberi debent, & in scriptis probari, nec sufficiunt testium dicta, quod scripturam titulorum ipsi viderint: neque etiam de eo solo dispiciendum est, an titulus aliquis subit, sed etiam an bonus sit & validus, quod non nisi ex ejus inspectione cognosci potest.

XX. "Si de dispensationis exhibitæ sufficientia dubitetur, super hoc ad Sedem Apostolicam recurrendum: cujus est æstimare, quem modum sui Beneficii esse velit," ait Concilium Lugdunense in hac Constitutione.

Quid si quidem de dispensatione constet; sed Ordinarius intelligat, non sine scandalo tolerari posse? Indubiè Sedes Apostolica, & super hoc informanda & consulenda erit, conformiter ad responsum Alexandri III. in cap. 6. *De Præbendis*, quo respondit, quod æquanimiter sustineat, si Mandatum pro alicujus provisione à Sede Apostolica directum, Ordinarius non exequatur, *si non potest ei sine scandalo provideri*.

XXI. Juxta receptam in Belgio, aliisque passim Provinciis praxim, litteræ dispensationis super pluralitate Beneficiorum executionem habere nequeunt, nisi præhabito Principis *Placito*; non solent enim similes dispensationes à Curia Romana emanantes executionem habere, si appareat, illas sine scandalo, aliisque incommodis executioni mandari non posse.

Neque enim litteræ *Placiti* super simili dispensatione dari solent, nisi prius auditis Ordinariis, è quibus si intelligant, eam dispensationem sine scandalo, aliisque incommodis executioni mandari non posse, aut id aliunde Consiliis Regiis notum sit, *Placitum* haud facile annuetur: solum enim scandalum, quod prævidetur exoriturum ex litterarum Apostolicarum executione esse justam & sufficientem causam negandi *Placitum*, certum est, ut probavi in Tractatu de Publicatione *Legum & Placito Regio*.

## TITULUS IV.

### DE ORDINARIA BENEFICIORUM PROVISIONE.

#### CAPUT I.

Qui Beneficiorum Collatores Ordinarii, ac præcipuè de Jure Episcopi.

1. Qui dicantur Collatores Ordinarii.
2. Episcopus ex Jure communi habet fundatam intentionem in collatione Beneficiorum suæ Diœcesis.
3. Collatio soli Episcopo competit, quando collatio Beneficiorum erat conjuncta Ordinationi.
4. Pristinis seculis omnium Beneficiorum provisio censebatur Ordinaria.
5. Ratio suadens Episcopo deferendam esse Beneficiorum collationem.
6. Jus Episcoporum circa Beneficiorum collationem, reputatur favorabile.
7. Si non ostendatur Beneficii Collator, tunc ad ipsum Episcopum collatio spectare censetur.
8. Olim Episcopus in Electione Ministrorum Clericum suum consulere debebat.
9. Capitulum Cathedralis Jus illud Cleri prætendit in collatione Beneficiorum.
10. Episcopus prohibetur personas instituere aut destituere sine consilio Capituli.
11. Id præcipuè obtinet quoad Canonicos Cathedralis; & quare?
12. Hinc in aliquibus Ecclesiis Cathedralibus electio Canonorum est communis; sed non ubique eodem modo ad electionem concurrunt.
13. Aliquando Episcopi suffragium æquivallet suffragio Capituli.
14. Ad vitandam discordiam inducta alternativa inter Canonicos & Episcopum.
15. Dum Episcopus confert Capitulariter cum Canonicis, quod suffragium habeat?
16. Aliquando concurrunt ut Canonicus, & suffragio Canonici gaudet.

17. Quomodo Jus eligendi Canonicos Cathedralis in aliquibus Ecclesiis, ad solum Capitulum devolutum sit?
18. Episcopus bodie in collatione Præbendarum ad suam collationem spectantium, non petit consilium Capituli.
19. Jure communi collatio Præbendarum in Ecclesia Collegiata spectat ad Capitulum.
20. Unde fiat, quod collatio similium Præbendarum in multis Ecclesiis spectet ad solum Præpositum?
21. Ad quos soleat spectare Dignitatum collatio in Ecclesiis Cathedralibus & Collegiatis.
22. Jus collationis Beneficiorum unde bodie præcipuè colligendum?
23. In omni Beneficiorum provisione convenit, ut interveniat auctoritas Episcopi.
24. Ostenditur, quomodo bodie in omni collatione aliquatenus Episcopi auctoritas interveniat.
25. Collatio Beneficiorum olim Ordinis Episcopalis merito dicta; bodie est Jurisdictionis.
26. Non tamen transit in Capitulum, Sede vacante.
27. Ratio Canonistarum petita ex natura fructuum seu proventuum Episcopalis; quibus jus collationis annumerant.
28. Quam mala idea de Beneficiorum collatione hinc concipitur.
29. Hæc ratio à Spiritu Ecclesiæ aliena.
30. Ratio Canonistarum nullibi in jure probata; & quæ sit ratio, quod jus conferendi non transeat ad Capitulum, Sede vacante.
31. Collatio Beneficiorum Curatorum in multis Ecclesiis Gallicanis devolvitur ad Capitulum, & in Belgio à Capitulo concursus instituitur.

I. IN materia collationis Beneficiorum; nomine Ordinarii non tantum venit Episcopus; sed etiam quivis alii, quibus quocumque titulo competit jus collationis nomine proprio, quo dici queant



queant collatores jure suo seu ordinario; & non ex aliquo speciali delegatione pro hac illave vice. Vide *Garciam De Benefic. part. 1. cap. 4. num. 1. & 2.*

II. At si ipsum primævum jus collationis Beneficiorum spectetur, id primariò, & quasi naturali jure competit Episcopis: adeò ut omnium Canonistarum calculo, probata sit hæc regula, quod "juris communis dispositione, primævoque Ecclesiæ usu attentis, omnia Beneficia quodcumque & quomodocumque vacantia, ad Episcopum seu Ordinarii loci collationem spectent. Ita post alios Cardinales de Luca, tom. 1. in *Summa Beneficiorum* §. 2. num. 6. qui dein notatis nonnullis singularibus casibus, quibus jus collationis ad inferiores collatores devolutum est, subiungit n. 16. His autem casibus particularibus cessantibus, generaliter fundata est Ordinarii intentio in provisione Beneficiorum in ejus Diocesi vel territorio existentium; nisi ex Apostolica concessione, seu immemoriali consuetudine, vel præscriptione, alteri inferiori Prælato ius in aliquibus Beneficiis quæsitum sit.

III. Imprimis quamdiu ipsa Beneficia à sacra Ordinatione sejuncta non fuerunt; & ipsorum Ordinum collatio vice collationis Beneficiorum fuit, omnis quoque Beneficiorum collatio penes solum Episcopum remansit. Certum enim est, Episcopum semper fuisse solum Ordinarium Ordinationis Ministrum; ut latius *part. 2. sect. 1. cap. 2. tit. 9.* ostensum est.

IV. Quandoquidem ante seculum XI. vix sciatur, Beneficia à collatione Ordinum fuisse separatim collata; sed ad illud usque tempus, ipsam Ordinationem vicem subisse collationis Beneficiorum, sive per ipsam Ordinationem Clericos fuisse singulis Ecclesiis, tanquam earum Ministros, adscriptos, atque per eam adscriptionem consecutos jus participandi de proventibus Ecclesiæ in alimentationem Ministrorum primariò destinatis, etiam ad eam usque ætatem ad solum Episcopum Beneficiorum, ut hodie loquimur, Provisio pertinuisse creditur, neque ante eam ætatem, de aliis Collatoribus Ordinariis Beneficiorum, neque de Provisione seu collatione Beneficiorum ab ipsa Ordinatione distincta, quidquam legitur; omnesque illæ innumeræ fere, ac quotidie incidentes difficultates, & quæstiones circa Beneficiorum distinctionem, jura Collatorum, modum & formam collationis, ætatem & qualitates Beneficiandorum, aliæque similia demum post erectos titulos Beneficiales, & separatam eorum ab Ordinatione collationem, sive Provisionem, emergerunt, & Ecclesiam turbare coeperunt.

Quin neque ante hanc inductam separationem, quidquam de Provisione Apostolica, sive Romani Pontificis, sive vigore Reservationis, sive Gratia Expectativæ, vel Præventionis, vel Devolutionis legitur: nec mirum; Pontifices enim Romani singulis Episcopis juxta Canonicas sanctiones, liberas Clericorum suorum Ordinationes permittebant.

Hæc & notavit Franciscus Duarenus de *sacris Ministeriis* lib. 2. cap. 3. observans, quod ante erectionem titulorum solerent disputare antiquiores, ut quærent, quis Ecclesiæ ministrum ordinare, & quis ordinari deberet: recentiorum vero quæstiones (ait) hæc sunt vulgò ulitatz, quis Beneficium conferre, cui conferri possit.

Et rursus lib. 3. cap. 1. ubi quærens, quam in conferendis Beneficiis potestatem habeat Romanus Pontifex, respondet "cum præcis temporibus, nullum jus nullamque potestatem Ordinandorum Sacerdotum aut Clericorum extra propriam Diocesim sibi vindicasse.

Ex his ulterius concludit: "Cum ergo Pontifex Romanus secundum antiquos Canones in alienis Ecclesiis, neminem ordinare, id est, ad Ministerium Ecclesiæ promovere possit, satis perspicuum est ex his, quæ secundi libri cap. 3. diximus, Ecclesiastica Beneficia totius orbis ab eo conferri non posse; nec

Tom. I.

verò dubium est, quin vetustiores sanctioresque urbis Romanæ Episcopi, sede, Ecclesiæque propriâ contenti, reliquis Episcopis, Ecclesiarum ipsis commissarum, liberam administrationem reliquerint, quasi urbis hujus magis, quam orbis Episcopi.

V. Erectis Beneficiorum titulis; nec non horum collatione sensim ab ipsa Ordinatione sejunctâ, ratio, quæ Episcopum constituit ordinarium Ordinationis Ministrum, eique Ordinandorum detulit electionem, etiam suadet, Beneficiandorum electionem Episcopo primariò deferendam esse; & quasi jure deberi.

Ut quid enim Clericorum Ordinatio Episcopis concedita, nisi quia per Ordinationem eliguntur, & constituuntur Ecclesiæ Ministri, qui unâ cum, & sub Episcopo laborent, & ministrent: naturale autem sit, Ministros eligi & ordinari ab eo, cui principale & præcipuum regimen incumbit?

Quia ergo collatione Beneficiorum, non secus atque sacra Ordinatione, Clerici functionibus Ecclesiasticis applicantur, quid naturalius, quam ut hi tituli per Episcopum, tanquam suæ Ecclesiæ Caput & primum Ministrum distribuantur, & Ministri inferiores eligantur?

VI. Hinc concludunt Canonistæ, quod jus Episcoporum in Beneficiorum collatione sit favorabile; utpotè in sacris Canonibus fundatum, ipsique quodammodo ministerio Episcopali connaturale, & congenitum. Quare, qui Episcopum à Beneficiorum collatione excludere, ejusque collationem restringere prætendit, titulum probare debet; aliàs in dubio pro Episcopo judicandum.

VII. Si ergo nova Dignitas, aut Beneficium erigatur; neque ex ipsa erectione, aut aliunde probetur illius collationem aut præsentationem alicui esse specialiter delatam, ipsa collatio ad ipsum Episcopum spectabit; hoc solo titulo, quod omnium Beneficiorum suæ Diocesis sit ordinarius Collator, quousque probetur, collationem ad alium spectare.

VIII. Episcopi ut in Ministrorum electione securius procederent, consilium Cleri sui adhibere, quin & populi testimonium de Ordinandorum moribus & conversatione audire jam pridem solebant. "Ut Episcopus sine consilio Clericorum suorum Clericos non ordinet; ita ut civium conniventiam & testimonium quærat," ait Concilium Carthaginense IV. *Can. 22.*

De hac disciplina videri potest Thomassinus, *De Disciplina Ecclesiæ*, part. 1. lib. 2. cap. 5.

IX. Cum autem successu temporis, Capitulum Cathedralis quasi ipsum Clerum repræsentare coepit, ipsumque Ecclesiæ Senatam constituere, prætendit etiam juxta Canonum præscripta in Ministrorum electione, & in Beneficiorum collatione, quæ Clerici functionibus Ecclesiasticis applicantur, tanquam in re summi momenti, Capituli consilium esse expetendum.

X. Huic conforme apparet, quod scribit ad Patriarcham Hierosolymitanum Alexander III. in cap. 4. *De his, quæ sunt à Prælato sine consensu Capituli*: "Novit tuæ discretionis prudentia, qualiter tu, & fratres tui unum corpus sis; ita quod tu caput, & fratres tui membra esse comprobentur. Unde non decet, omittis membris, te aliorum consilio in Ecclesiæ tuæ negotiis uti, &c. Inde est, quod Apostolica auctoritate prohibemus, ne Abbates, Abbatissas, vel alias personas Ecclesiasticas, sine assensu, vel consilio Canonicorum tuorum, instituere vel destituere, de cætero ratione præsumas.

XI. Porro quod de institutione personarum hic generaliter dicitur; id singulari ratione militare videtur in institutione aut electione ad Præbendas Cathedrales. Cum enim Canonici & Episcopus unum quasi corpus sint, æquum apparet, ut ad electionem membrorum, totum corpus concurrat: quod & Zypæus notat in *Jure novo*, tit. *De Præbendis* num. 4.

XII. Hinc indubiè factum, ut in nonnullis Ecclesiis

T r r r

sis

sis Cathedralibus etiamnum hodie, Canonorum electio spectet ad Episcopum & Canonicos. At illud notandum, quod in illis Ecclesiis, in quibus hæc collatio ad Episcopum & Capitulum spectat, non ubique eodem modo ad electionem Capitulum & Episcopus concurrant.

XIII. In aliquibus enim Ecclesiis, Episcopi suffragium æquivalet suffragio Capituli: ita ut non simul Capitulariter eligant Canonici & Episcopus; sed Episcopus separatim eligat, & Capitulum suum suffragium Episcopi suffragio æquivalens depromat; ideoque hoc casu, & Episcopus, & Capitulum suum jus sive suffragium diverso loco, diversoque tempore vel modo dare possint; uti notat De Luca loco citato *num. 10.* Episcopus nempe singulariter, Capitulum verò collegialiter.

XIV. Quia verò ob concurrentiam in diversas personas non raro difficultates oriebantur; "Laudabilis" inolevit usus (ait De Luca) hujusmodi juris exercitium dividendi per alternativam, seu per menses & tempora, ut quilibet nomine confortis totum jus absque hac discrepantia exerceat.

XV. Plerumque autem electio hæc simultanea fit per Episcopum & Canonicos Capitulariter congregatos: soletque Episcopus tanquam Caput Capituli proponere & concludere, eoque titulo suffragium decisivum in paritate habere; præter quod subinde habet suffragium absolutum; quemadmodum in electione Canonorum Graduatorum in Ecclesiis Belgicis recentere erectis, per Bullam erectionis statutum esse, notavimus *part. 1. tit. 10. cap. 1. num. 26.*

XVI. Quod autem nonnunquam Episcopus interveniat ut Canonicus, nec alio consequenter gaudeat suffragio quam Canonici, patet ex *cap. 15. § De Consecr. Præbendæ* in verbis: "Nisi forte Archiepiscopus non ut Prælati, sed ut Canonicus vobiscum jus habere beat conferendi: Quando censeatur interesse Capitulo, ut Prælati, vel ut Canonicus, notatum est supra *part. 1. tit. 1. cap. 3. num. 5.*

XVII. Uterius habentibus seculis cæperunt Capitula Cathedralia se ab Episcoporum Jurisdictione eximere; atque bona Capituli separare à proventibus Episcopii; & corpus suum ita distinguere, ut etiam à negotiis suis omnino Episcopum excludere cæperint, ut nec ipsum Capitulum interesse sinerent; quemadmodum ex dictis citato *cap. 3.* colligi potest. Non mirum proinde, quod ipsum Episcopum ab electione Canonorum etiam excluderint atque jus electionis tandem, coniventibus Episcopis, ad solos Canonicos, devolutum sit: quod consuetudine introduci posse, probat Innocentius III. in *cap. 31. § De Elect.* ubi mandat Episcopo Florentino, ut à petitione Episcopi Vulterani prætendentis jus electionis cum ipsis Canonicis, absolvere studeat Canonicos, "maximè (ait) si sit notorium, quod in Tuscia generalis consuetudo servetur, ut in Cathedralibus Ecclesiis solum Capitulum irrequisito Episcopo, eligendi Canonicos habeat facultatem."

XVIII. In pluribus Belgicis vicinisque Ecclesiis, soli Episcopo jus conferendi Præbendas Cathedralis, excluso Capitulo, competit; neque in hac collatione consensum aut consilium Capituli expetunt: uti monet Zypæus loco citato.

XIX. Sicuti naturale est, ut Canonici Cathedralis una cum Episcopo tanquam cum suo capite eligant corporis sui membra; ita quoque jure communi electio Canonorum Ecclesiarum Collegiarum spectare videtur ad Canonicos una cum suo Decano, aut illo, qui cum Canonicis unum corpus sive Capitulum constituit: de quo jure vide Garciam & ab eo citatos, *de Beneficiis part. 5. cap. 4.*

XX. Verum quia multæ Ecclesiæ Collegiæ aliquando fuere Regulares, electio Canonorum etiam in pluribus illarum mansit apud solum præpositum, tan-

quam qui tempore Regularitatis erat caput Congregationis: idque ad normam Regulæ Monachalis sancti Benedicti, & Canonialis sancti Grodegangi; quæ Abbati sive Præposito liberam dant facultatem recipiendi Monachos & Canonicos; uti observat Thomassinus, *de Discipl. Eccles. part. 4. lib. 2. cap. 9.*

XXI. Dignitates tam in Ecclesiis Cathedralibus, quam in Collegiatis, quæ ipsum Capituli regimen ac disciplinam Canonica præcipue concernunt, ad electionem Capituli ordinariè spectant; nisi quod hodie ferè primæ Dignitates in Collegiatis, & majores post Pontificalem in Cathedralibus nominationi Regiæ, ex indulto Pontificio sine subjèctæ. Dignitates verò in Cathedralibus, quæ propriè ipsum regimen hierarchicum concernunt, uti sunt Archidiaconatus, Pœnitentiarius, Archipresbyteratus, ad solius Episcopi collationem plerumque pertinent.

XXII. In his autem omnibus, quemadmodum & in aliorum Beneficiorum provisione, attendendus est usus singularum Ecclesiarum, qui, sive ex jure communi, sive speciali fundatione, sive legitimâ præscriptione, aut privilegio originem habeat, servandus est: cum hic non nisi de puncto disciplinæ agatur, quæ pro temporum & locorum varietate varia esse potest.

XXIII. Interim cuicumque Beneficiorum collatio sive provisio competat, illud invariatur remanet, Beneficium dari propter officium; atque per Beneficium constitui ipsum Beneficiatum Ministrum Ecclesiæ illius, in qua Beneficium est fundatum.

Cum ergo à Patrum institutis alienum videatur, ut quisquam in Ecclesiæ ministeria se sine Episcopi, cui principalis totius Diocesis cura incumbit, consensu intrudat, etiam visum fuit, Episcopo aliquam circa Beneficia auctoritatem conservare, tamen libera eorum collatio ad alios esset devoluta, aut saltem per jus Patronatus aliumve titulum restricta. Unde seculo XII. Cantuariensi Archiepiscopo & ejus suffraganeis scribens Alexander III. vocat consuetudinem pravam, "quod Clerici Ecclesiastica beneficia sine consensu Episcopi Dicecesani, vel officialium suorum recipiunt, minus quam deceat (ait) cogitantes, quomodo id à Patrum sanctorum est institutionibus alienum & Ecclesiasticæ contrarium honestati." *Cap. 3. § De Institut.*

XXIV. Hoc jus Episcoporum consistit partim in jure ipsos Beneficiatos examinandi; curam animarum ipsis committendi; aut etiam eos instituendi, sive titulum conferendi, quæ plerumque Episcopis eorumve Archidiaconis salva manent; tamen jus præsentationis, collationis aut electionis ad inferiores translaturum sit, uti in sequentibus, ubi de institutione, item de jure Patronatus agitur, ostendetur.

XXV. Collatio Beneficiorum quamdiu Ordinationi connexa fuit, seu potius quamdiu per ipsam Ordinationem collatio Beneficiorum facta fuit, etiam collatio Beneficiorum Ordinis Episcopalis merito dicebatur: at hodie non Ordinis, sed Jurisdictionis esse reputatur: eoque titulo etiam competere Episcopo ante consecrationem, modo confirmatus sit, & possessionem acceperit, apud omnes in confesso est, & quotidiana praxis evincit.

XXVI. Cum ergo Beneficiorum collatio Jurisdictionis, non quidem contentiosæ, sed voluntariæ sit, videtur in Capitulum, Sede vacante, jus illud collationis debere transire; utpote succedens Episcopo in ea, quæ sunt Jurisdictionis. Nihilominus si ad solum Episcopum spectet libera collatio, Capitulum, Sede vacante, eam futuro Episcopo reservare debet, quemadmodum decedit Bonifacius VIII in *cap. unico, Ne Sede vacante*, in VI. & notavimus *parte 1. tit. 9. cap. 2.*

XXVII. Rationem communiter post Glossam ad *cap. Cum olim § De Majorit. & Obed.* assignant Canonistæ, "quia omnes fructus & jura Episcopalia debent fideliter custodiri & reservari successoribus. Sed collatio Beneficiorum (ait) inter bona Episcopalia & fructus

» *fructus* computatur, & magnum fieret præjudicium  
 » Episcopo successor per talem collationem; & ideo  
 » non potest conferre, nec distrahere tales fructus sicut  
 » nec alios.

XXVIII. Quam hæc Doctorum opinio nata sit, crassam & carnalem de collatione Beneficiorum imprimere ideam, nemo non videt. Hinc enim facile persuadetur, collationem Beneficiorum non secus ac alia quæcumque temporalia jura & emolumenta requirendam ac sollicitè conservandam esse; tanquam quæ Collatoribus, nescio quid commodi aut emolumenti adferat: aut saltem jus aliquibus personis sibi bene affectis gratificandi. Unde passim *liberam* Beneficiorum collationem reputant esse *gratiam*.

At cum in collatione Beneficiorum unice attendi queat bonum Ecclesiæ, ut nimirum de optimis Ministris ipsi provideatur; omnisque carnalis affectus hic plane exulare debeat (uti supra *part. 1. tit. 13. cap. 6.* notatum est, & infra *tit. De cavenda personarum acceptione in provisione Benefic. latius ostendetur*) facile intelligitur quam hæc de collatione Beneficiorum idea sit à veritate & spiritu Ecclesiæ aliena: rectèque propterea observatum à D. Fleury in *Institut. Juris Canonici part. 1. cap. 15.* à Recentioribus collationem Beneficiorum referri inter *fructus* & emolumenta Episcopatus aut Dignitatis, quam olim ut *onus* potius non parum conscientiam onerans considerassent Patres. Addere potuissent: & semper ut tale considerarunt, & considerant, qui sciunt & attendunt, quantum onus simili juri collationis sit annexum; quantaque ratio reddenda sit, si de indigno aut minus digno Ministro ex aliquo humano aut carnali affectu Ecclesiæ providerint.

XXIX. Neque ullibi in Canonibus aut Decretalibus ratio, ob quam libera Beneficiorum collatio, Sede vacante, ad Capitulum non devolvatur, refunditur in ipsam naturam collationis, quasi hæc instar *fructuum* Episcopatus esset futuro Episcopo reservanda; sed Honorius III. in *cap. 2.* & Ne Sede vacante, declarans collationem Præbendæ à Capitulo, Sede vacante, factam non tenere, hanc dat rationem: "Cum nusquam invenitur cautum in jure, quod Capitulum, vacante Sede, fungatur vice Episcopi in collationibus Præbendarum."

XXX. Ratio verisimilis illius disciplinæ ex consuetudine profuxit, quæ à generali devolutione jurisdictionis in Capitulum exemit hanc Beneficiorum collationem: utpote ex jure quasi primigenio & naturali Episcopo competentem; quemadmodum supra diximus: maxime cum hic ageretur de electione *libera* Ministrorum Ecclesiæ, quam tenacius conservat Episcopo, de quo plus, quam de Capitulo confidit, quemadmodum notat Lotterius *De Re Beneficiaria, lib. 2. q. 2. num. 22.*

XXXI. Verum refert Cabassutius in sua Juris Canonici theoria & praxi, *lib. 2. cap. 3. num. 12.* quoad *curata* Beneficia, posse Capitulum, dum vacat Sedes Episcopalis, saltem in Franciæ Regno providere Parochiis, conferendo eas in titulum potius, quam in commendam, hancque Capitulorum possessionem iteratis Parlamentorum Arrestis firmatam, testatur Pinsonius *De Beneficiis, tit. De modis acquirendi Beneficii §. 16. num. 18. 19. & 20.* ita judicatum est à Parlamento Parisiensi 6. Septembris an. 1642. Consulatur acta Cleri Gallicani, *tom. 1. tit. 1. cap. 2. num. 30.*

Hic in Belgio passim, etiam Sede vacante, instituunt Capitula Cathedralia concursum ad vacantes Ecclesias Parochiales, sive ad Episcopi, sive ad aliorum Ecclesiasticorum Collatorum vel Patronorum collationem aut præsentationem spectantes; de quo latius titulo sequenti.

## CAPUT II.

De Collatione; & qua forma expedienda?

1. Quid proprie dicta collatio; ejusque divisio?
2. Quæ dicatur collatio libera?
3. Describitur collatio non libera.
4. Quomodo collatio differat ab electione & præsentatione?
5. Per collationem confertur titulus Beneficii.
6. An laici conferre possint?
7. Jus acquisitum ex collatione cum alio Beneficio permutari potest, secus jus ortum ex sola præsentatione.
8. Collatio de jure solo verbo expediri poterat; bodie litteras requirit.
9. Formula collationis remissive.
10. Collatio ab Ordinario solet concipi tanquam facta motu proprio.
11. Omittitur mentio supplicationis factæ, ut suspicio ambitus evitetur: quod Collatores merito attendent.
12. In litteris collationis modus vacationis exprimendus.
13. Exprimenda Ecclesia in qua Beneficium est situm; item nomen ultimi possessoris.
14. Debent adscribi duo ut minimum testes, qui collationi interfuerint.
15. An testes debeant esse omni exceptione majores?
16. Litteræ expediri debent per Notarium.
17. Apponenda data.
18. Ex data cognoscitur de jure devolutionis aut de præventionem.
19. Concurrentibus duabus collationibus, ex data de validitate cognosci subinde debet.
20. Si ab eodem duæ collationes factæ; nec de prioritatem constat, neutra valet.
21. A duobus factæ collationes duobus, is prior est qui prior est in possessione.
22. Si neuter est in possessione, collatio Pontificia præfertur collationi Ordinarii, & Collatio Ordinarii, collationi Vicarii.
23. Quid requiratur, ut una collatio prior altera censi debeat?

I. COLLATIO proprie dicta, definitur communiter, assignatio seu concessio Beneficii vacantis facta ab habente potestatem.

Dividitur autem in collationem liberam & non liberam.

II. Prior dicitur quæ fit solo jure Collatoris, ita ut non restringatur ad aliquam personam, ratione juris alteri competentis; hæcque nomine collationis proprie intelligitur.

III. Posterior autem est, quæ fit alicui personæ quasi ex necessitate: dum ratione alicujus juris huic personæ competentis, aliove titulo alicui determinatæ personæ collatio facienda est: atque eatenus collator libertatem conferendi non habet; ideoque collatio *non libera* dicitur v.g. si restringatur ad præsentatum à Patrono, aut ad nominatum ab Universitate; vel ad permutatarium ratione permutationis; soletque hæc collatio vocari *institutio*, de qua infra agitur.

IV. Collatio *libera* & proprie dicta differt ab electione & præsentatione, quod per collationem acceptatam, etiam ante adeptam possessionem, acquiritur *jus in re, cap. 17. De Præbend. in VI.* per electionem vero, & præsentationem etiam acceptatam, tantum *jus ad rem*; hoc est, jus aliquod, quo mediante, Episcopus aliisque, ad quem collatio sive institutio spectat, constringi queat ad collationem ei faciendam, si aliud Canonicum impedimentum non obstat.



V. Itaque per collationem, quæ alias dum libera non est, *institutio* appellari solet, Beneficium vere acquiritur, & *titulus* confertur; atque de hac collatione intelligitur *cap. 1. De Regulis Juris* in VI. dicens: "Beneficium Ecclesiasticum non potest licite sine *institutione* Canonica obtineri."

VI. Hinc ulterius concludunt communiter Canonistæ, laicis jus collationis competere non posse; utpote qui Beneficia, sive titulos Beneficiorum dare nequeant: quamvis Reges & alii nonnulli Principes jus collationis sibi competere credant; verboque *collationis* & *conferendi* in suis litteris utantur; de quo latius ubi de nominatione Regia, & jure Regaliæ agemus.

VII. Adhæc cum per collationem acquiratur *jus in re*, sive ipse titulus Beneficii, concludunt Doctores, jus illud, etiam ante adeptam possessionem, permolari tanquam Beneficium cum alio Beneficio posse; secus vero *jus ad rem* ex sola electione aut præsentatione ante collationem sive institutionem competens; & ita judicatum refert Antonius Faber in Codice, *lib. 2. tit. 1. Definit. 58.* Vide Rebuffum in *Praxi* part. 3. tit. De Permutat. num. 23.

Circa formam collationis per ordinarios Collatores sive Episcopum, sive alium inferiorem, expediendæ nihil in jure cautum; videturque inspecto jure communi *verbo* expediri posse; neque ullam scripturam requiri.

VIII. Verum hodie collationes fieri aut saltem probari nequeunt sine *litteris*; uti testatur Rebuffus in *Praxi*, part. 1. tit. *Requisita ad collationem bonam*, n. 25. ubi quærit, an Episcopus & alii inferiores possint *solo verbo* conferre, & sine *litteris* collationem probare? & responder, non posse propter eorum fraudes, nec crederetur illis sine *litteris*. Huic conformis est moderna praxis, quæ non solet quemquam ad possessionem Beneficii in vim factæ collationis admittere, nisi *litteras* collationis quas *Patentes* vocare solent, in forma expeditas adferat, & exhibeat.

IX. Formulam collationis exhibet Rebuffus; extatque apud Barbosam in appendice ad tractatum de officio Episcopi, *formula 67.* in qua formula præcipue hæc notanda sunt.

X. Primo, quod collatio per Ordinarios semper ita exprimatur, ut videatur facta *motu proprio*; neque ullius supplicationis aut petitionis pro Beneficio obtinendo per aliquem facta mentio sit: sed simpliciter Collator dicit, se permotum ad hanc collationem ei faciendam, ex notitia meritorum ejus, quæ hisce fere verbis exprimi solent: "Quia de *litterarum* scientia, vitæ ac morum honestate, aliisque virtutum meritis, quibus illarum largitor personam tuam insignivit, fuimus fama ac fide dignis testibus certiorati, quæ nos ad gratiam faciendam excitant," &c. Ita formula apud Rebuffum.

XI. Recte autem monet D. Fleury in *Institut. Juris Canonici* part. 2. cap. 21. omitti mentionem supplicationis aut petitionis, quia esset disciplinæ Ecclesiasticæ contraria; utpote quæ omnem ambitum apud Beneficia reprobaret.

Utinam in conferendis Beneficiis hæc formulæ clausula serio attenderetur; sed pro dolor! ita hodie fere proceditur, ac si soli supplicantes, ne dicam ambientes idonei essent: creduntque multi Collatores, se probe suo functos officio, si ex supplicantibus magis idoneo conferant; quasi non supplicantium ratio nulla habenda esset: tamen si sciant, aut facile scire possint, hos multo capaciosiores esse.

XII. Adhæc in ipsa formula collationis exprimitur modus vacationis ipsius Beneficii. "Nec potest Episcopus vel Archiepiscopus habere modum vacandi pro" expresse; quia hoc ad Papam solum pertinet," ait Rebuffus in *Praxi*, part. 2. tit. *Requisita in litteris collat.* num. 15.

XIII. Exprimitur etiam Diocesis ubi Beneficium

situm est; & si sit Ecclesia per se exprimitur nomen *sancti*; alias esset collatio incerta, quæ non valer; uti monet Rebuffus, *ibid.* num. 17.

Debet insuper exprimi nomen illius per cujus mortem aut resignationem aliove modo Beneficium vacat; alias ob incertitudinem *litteris* collationis non crederetur. Rebuffus, *num. 18.*

XIV. Adscribi quoque debent duo ut minimum testes in *litteris* collationis, qui in ipsa collatione præsentibus fuerint: nec admittuntur collationes Episcoporum, nec aliorum Collatorum sine testibus conscriptæ; uti testatur Rebuffus ad Concordata in *Rubrica De collationibus*; & ita per Senatum Parisiensem declaratum fuisse 7. Junii 1527. refert; ac dein subiungit: Alias non creditur collationi Ordinarii in præjudicium alterius, sive jure ordinario, sive jure devoluto conferant. Quinimo etiam si Episcopus postea daret *litteras* suas testimoniales: quibus diceret se contulisse; illæ *litteræ* non probarent, ad vitandas fraudes, ut ex Bertrando docet idem Rebuffus, tit. *Requisita in litteris collat.* num. 31.

XV. Requiritur insuper quod testes descripti in his collationibus sint omni exceptione majores; ideo familiares & domestici, quibus imperari potest, non probarent; ita Rebuffus ad Concordata loco citato; & ita statutum per Senatum fuisse anno 1550. scribit; quod & testatur Pinsonius, *De Benef. tit. De variis institutionum conditionibus*, num. 21. Quod tamen postremum non ita scrupulose hic servatur; nec testium qualitas aut fides examinari solet.

Tamen si in Belgio hætenus statutum non reperitur, quod testes in *litteris* collationis adscribendi, debeant esse omni exceptione majores, neque sciantur in qualitates similium testium scrupulose inquiri; quia tamen fides *litterarum* aliquatenus dependet a fide testium, indubie tutius est, hisce in *litteris*, etiam testes omni exceptione majores adhibere, ne alias ob defectum integritatis testium, fides *litterarum* in dubium vocetur.

XVI. Præter duos testes exigitur fides Secretarii aut Notarii, qui *litteris* subscribat, eisque fidem publicam det; imo in nonnullis locis vice Secretarii requiruntur duo Notarii: refertque Rebuffus loco jam allegato, præceptum fuisse Arresto Senatus Parisiensis anno 1527. omnibus Collatoribus Ordinariis, ne distribuunt collationes sine testibus: & Secretario vel duobus Notariis: quod in his locis observandum credo, ubi in omni publico instrumento requiritur duorum Notariorum testimonium. Notat etiam Gonzales ad *Regulam 8. Cancellariæ* §. 3. *Proamiali*, num. 153. quod Secretarius Episcopi debeat esse *Notarius*, ut queat *litteras* collationis conficere.

XVII. Denique in *litteris* collationis exprimenda *Data*, videlicet non tantum quo anno & mense, sed etiam quo *die* facta sit: quæ pluribus difficultatibus & dubiis enodandis sæpe necessaria est.

XVIII. Imprimis ex *Data* frequenter dignosci debet, an collatio intra tempus à Canonibus præstitutum facta sit? an non fuerit jus devolutum ad Superiorem? de quo infra *cap. 4.*

Deinde non raro ex *Data* dependet, num Papa Ordinarii collationem non prævenierit; quæ præventionem utitur etiamnum in Gallia; de quo jure agerur *titulo 23.*

XIX. Ulterius, si duæ collationes ejusdem Beneficii factæ diversis personis concurrant, ex *data*, de prioritate earum inter se, nec non validitate, & prærogativa judicari debet.

XX. Et quidem si ab uno eodemque factæ sint duæ collationes; neque ex *data*, neque aliunde appareat, quæ sit anterior, neutram valere judicatum refert Choppinus *lib. 1. De Sac. Polit. tit. 6. num. 7.* & notat Rebuffus, *De Pacific. Possess. num. 367.* ubi una monet, quod de prioritate "possit constare ex ordine scripturæ, quando

„ quando in libro Curiae Romanae vel Episcopi sunt collationes ambae descriptae, tunc prior scripta censetur prior, *cap. MANDATO De Præbendis in VI.* sic fuit „ (ait) iudicatum per Senatum Tholosanum.

XXI. Si à duobus facta fuerit collatio duobus; neque appareat de prioritate, si unus prius acceperit possessionem, is alteri præferetur; tamen si unus à Papa, alter ab Ordinario collationem acceperit, uti deciditur in *cap. 31. De Præbendis in VI.* quia potior est conditio possidentis. Et licet hæc Decretalis tantum loquatur de collatione Papæ aut ejus Legati, & collatione Ordinarii simul concurrentibus; nihilominus decisionem obtinere etiam in quacumque alia collatione concurrente cum collatione Papæ, monet Rebuffus loco citato *num. 171.* imò tamen si una esset facta ab Episcopo, & altera ab ejus Vicario: quia est ubique eadem ratio.

XXII. Ubi vero neuter est in possessione, & de prioritate collationis non constat, tunc is, cui Sedes Apostolica contulit vel Legatus, erit alteri præferendus dicto *cap. 31. propter conferentis ampliolem prærogativam:* quæ ratio etiam obtinet in Episcopo & ejus Vicario: ut proinde & hic obtinere debeat decisio, & ita aliquando judicasse Senatum Parisiensem, testatur Rebuffus ibidem *num. 373.*

Ubi tamen est dubium an sedes Apostolica Beneficium contulerit, tunc alia in Francorum Regno observatur jurisprudentia: etenim Decretalis Bonifacii VIII. præferens in dubio Pontificiam Provisionem Provisioni Ordinarii, in Gallia non recipitur; sed è contrario in hoc Regno Provisio Ordinarii præsumitur & iudicatur ipsam Provisionem Pontificis præcessisse, etsi Provisio Ordinarii non probetur Provisionem Apostolicam præcessisse, uti infra *tit. 6. cap. 7. num. 34.* notatur.

XXIII. Plura de hac prælatione concurrentium collationum habet Rebuffus, & late agit Gonzales ad *Regulam 8. Cancellar. §. 3. proœmiali;* ubi sequutus Glossam docet, quod prioritas unius horæ vel etiam unius puncti, si de ea constet, faciat præventionem: sed an satis de prioritate constet, si in litteris collationis unius, *hora* sit expressa; & in litteris alterius tantum expressus fuerit *dies*, late examinat Rebuffus loco allegato; & Brodeau ad Lotterium, *lit. M. num. 10.* qui casu incidente consuli poterunt.

### CAPUT III.

#### De Electione ejusque Forma.

1. Electio generaliter sumpta; quid significet?
2. Electio subinde sumitur pro omni provisione Beneficii.
3. Aliquando pro particulari modo providendi.
4. Proprie dicitur electio, quando requiritur confirmatio.
5. Beneficia electiva confirmativa proprie dicuntur Electiva.
6. In his locum non habet præventio Papæ in Gallia.
7. Non censentur comprehensa, nisi specialis eorum mentio fiat.
8. In quorum Beneficiorum electione servanda forma, *cap. QUIA PROPTER & De Elect.*
9. Si Electio ad Capitulum spectet, soli Canonici de jure vocandi sunt.
10. Ex speciali titulo etiam, non Capitulares jus eligendi habere possunt.
11. Canonici suffragium non habent, nisi sint ut minus Subdiaconi.
12. Omnes suffragio gaudentes ad electionem vocandi; & quomodo?
13. Quomodo citandi absentes; & de fide Nuntii assertantis esse citatos.
14. Qui absentes sint vocandi?
15. Quamdiu absentes expectandi?

16. Interdum etiam unus solus, non expectatis absentibus, eligere potest.
17. Quandoam absens possit de jure per procuratorem eligere.
18. Possunt constitui plures procuratores.
19. Si duo constituti ambo ad eligendum concurrant, quis præferendus?
20. Dum ex duobus neuter in solidum est constitutus, nullus admittendus.
21. Extraneus in procuratorem non admittendus, nisi consentiente Capitulo.
22. An aliquando in electione votum dari possit per litteras?
23. An procurator unum suo, & alium nomine constituentis possit eligere?
24. Consuetudine induci potest, ut ad electionem non vocentur absentes.
25. De simili consuetudine in Gallia; neque à juve improbat.
26. Non vocatus ad electionem opponendo se, electionem irritare potest.
27. Si non opponat, electio firma manet.
28. Non vocatus tacite consentiendo electioni, eam censetur approbare.
29. An suffragium datum non Capitulariter possit electionem validam facere?
30. Suffragia debent Capitulariter dari.
31. In electione à majore parte concludi solet.
32. Major pars non semper eodem modo computatur.
33. An de jure requiratur etiam sanior pars?
34. Hodie non ponderantur, sed numerantur suffragia.
35. Interdum Beneficia ad electionem Capituli spectantia conferuntur per turnum.
36. An Capitulum propria auctoritate electionis formam in collationem turnariam possit mutare, si in foundatione fuerit electio præscripta?

I. ELECTIONIS nomen ex suo instituto denotat generaliter delectum rei alicujus, vel personæ à duobus vel pluribus; atque hoc sensu dicitur in *cap. 7. De Regulis Juris in VI.* „ In alternativis debitoris est electio.

In hac autem materia restringitur ad personam; quatenus aliqua persona ad certam Ecclesiæ functionem aut dignitatem è pluribus eligatur.

II. Hoc autem modo sumptum nomen electionis, dupliciter accipi potest. Primo generaliter, ut non solum electionem proprie & specificè sumptam, sed & postulationem, præsentationem, nominationem ac collationem comprehendat: nam & in his omnibus eligitur à præstantibus, nominantibus & conferentibus persona idonea ad Beneficium vacans.

III. Secundo, accipi potest pro electione, prout à dictis modis providendi distinguitur: sumiturque pro designatione seu electione personæ ad certum Beneficium plurium suffragiis collegialiter sive capitulariter faciendæ; & de hac tractatur sub titulo Decretalium Gregorii IX. & Bonifacii VIII. *De Electione.*

IV. Observat autem Rebuffus in praxi, *part. 1. tit. De Electione*, quod ista dicatur proprie electio, quæ indiget confirmatione. Altera autem quæ non exigit confirmationem, sed quam Canonici vel alii eligendo conferunt, non sit proprie electio, & vim potius habeat collationis, quam electionis.

V. Hinc quædam Beneficia electiva confirmativa; quædam electiva collativa vocantur.

Et quidem priora solum dicuntur proprie electiva, præsertim quando in electione servatur forma à Concilio Lateranensi præscripta in *cap. QUIA PROPTER & De Electione.*

VI. Observat autem Petrus de Tonduti, *lib. 1. quæst. Benef. cap. 40. num. 8.* „ hujus distinctionis esse maximum effectum; nam Beneficia proprie electiva in quorum electione servatur forma dicti Capituli QUIA PROPTER, in Gallia regias nominationes admittunt,

„runt, alia non item: in electivis collativis admittunt  
„Galli Pontificiam præventionem, non autem in con-  
„firmativis.

VII. Notat quoque Garcias De Beneficiis, *part. 1. cap. 7. num. 27.* quod „Beneficia electiva adeo sunt spe-  
„ciali nota digna, ut non veniant in mandatis de pro-  
„videndo, nisi de electione facta fuerit *specialis* men-  
„tio, etiamsi nullus modus exprimatur, sed simpli-  
„citer mandetur provideri de Beneficio vacaturo. Quin  
„nec sub generali reservatione comprehendendi Beneficia ele-  
„ctiva verius existimat Gonzales ad *Reg. 8. Cancell. Gloss. 19.* Vide latius Fagnanum ad *cap. NULLUS & De Elect.* item Antonium Fabrum, *lib. 1. tit. 3. Desinit. 45. & 47.*

VIII. Electiones autem in quibus servanda est forma citati *cap. QUIA PROPTER*, „sunt illorum Præ-  
„latorum per quorum mortem Ecclesia remanet *vidua-*  
„ta & sine Pastore, nempe Episcoporum, Abbatum,  
„& Prælatorum Ecclesiarum Collegiarum, qui ha-  
„bent in iis generalem Jurisdictionem, ratione cujus  
„possunt appellari *sponsi*. „Ita Garcias loco citato, *num. 19.* Idipsum tradit Fagnanus ad dictum *cap. QUIA PROPTER*, latius ibidem ostendens, quinam dicantur Prælati per quorum mortem Ecclesia dici queat *viduata* ad sensum illius Capituli; & aliqua retulimus supra *part. 1. tit. 31. cap. 9.*

Multa quidem specialia sunt observanda in electione faciendâ secundum formam dicti Capituli; de qua agitur capite sequenti, plura nihilominus sunt omni electioni communia, quæ hoc capite sunt exponenda.

IX. Imprimis si electio ad Capitulum spectet, soli si suffragium habere possunt, iique soli vocandi, qui Capitulum constituunt, seu vere sunt de Capitulo. Quapropter si in eadem Ecclesia sint diversi generis Beneficiati; puta aliqui sint Canonici, alii Capellani, aut Portionarii vel similes, soli Canonici sunt vocandi, utpote soli constituentes propriæ Capitulum; uti notat Fagnanus ad *cap. NULLUS & De Elect.* asseritque ex Compstellano, Curiam Romanam tenere, quod soli Canonici sint vocandi, & soli Canonici faciant Capitulum, qui unum corpus constituunt. Videri possunt quæ dicta sunt *part. 1. tit. 7. cap. 5.* ubi una notatum, neque obtinentes Dignitates, ni sunt simul Canonici, esse de Capitulo, neque suffragio gaudere in electionibus.

X. Et hæc quidem jure communi; at ex speciali consuetudine, foundatione aut privilegio, etiam extranei sive non Capitulares subinde ad electionem admittendi, & vocandi sunt, uti colligitur ex *cap. 3. & De causa possessionis & propriet.* ubi respondit Innocentius III. electionem Episcopi factam à Capitulo Cathedrali fuisse nullam, quia vocati non fuerant Clerici Conventualium Ecclesiarum, qui Electioni Episcopi consueverant interesse.

Similiter respondit sacra Congregatio apud Fagnanum loco citato *num. 39.* Portionarios non ideo censendos esse Capitulares, licet vel semper, vel plurimum habeant vocem in Capitulo: consequenter supponens, interdum alios præter Capitulares posse gaudere suffragio in actibus Capitularibus.

XI. Ulterius commune est omnibus electionibus Capitularibus, quod Canonici suffragio non gaudeant, etiamsi id iis ab aliis esset concessum, nisi ut minus in Ordine Subdiaconatus sint constituti; quemadmodum statutum est in *Clementina, Ut in De aetate & qualitat. Ord.* innovata per Synodum Tridentinam, *Sess. 22. cap. 4. De Reformat.* de quo latius *part. 1. tit. 7. cap. 5.*

XII. Omni electioni illud quoque commune est, quod omnes suffragio, seu jure communi seu speciali titulo gaudentes, vocari & admitti ad electionem debeant.

Vocandi autem sunt per signa solita, sive campanæ, sive vivæ vocis, si præsentés sint; absentes vero per

litteras, vel nuntium secundum locorum consuetudinem; quæ in hac vocationis forma observanda est; quemadmodum monet post alios Barbosa, *lib. 1. Juris Ecclesiast. cap. 12. num. 88.*

XIII. Citatio absentium faciendâ est *singulariter & personaliter*, si sciatur ubi degant; & commode & sine periculo fieri possit per litteras, vel nuntium, nisi de consuetudine aliter servetur. „Quod si nesciatur ubi commorentur, citatio faciendâ erit per publicum „Edictum in Ecclesia, vel ubi soliti sunt commorari, „vel legi debent litteræ citatoriæ Capituli, præsentem „Capitulo & Clero; vel si citandus inveniri non potest, citatio faciendâ est in ejus domo; & si domicilium non habeat, tunc faciendâ erit in loco ubi habitare consueverit; vel in ejus Ecclesia seu Beneficio; „quia ibi residentiam facere præsumitur.

Hæc Barbosa post Glossam aliosque ibi citatos; ac dein *num. 95.* subjungit: „Et nuntio præsertim jurato creditur, an aliquis ex *vocalibus* absens sit „vocatus.

XIV. Absentes autem vocandi qui intra eandem Provinciam sunt; uti ex *cap. 35. & De Elect.* communiter docent Doctores, in verbis: „Vos fratribus „omnibus, qui fuerint in *Provincia*, convocatis, „&c.

Merito tamen notandum dictum Glossæ, verbo in *Provincia*: „Hic videtur expressum, quod omnes illi „& soli qui sunt in *Provincia*, vocandi sunt ad electionem: & per hoc videtur sic intelligendum, si sunt „in *Provincia*, *cap. QUIA PROPTER eod.* Et quod „dicit in *Provincia*, sic est intelligendum, si sunt „in *Provincia* ita propinqui quod commode sint vocandi: quia si *Provincia* esset multum lata & longa, non deber vocari: quia periculum est in mora. Et „eodem modo si esset extra *Provinciam* & propinquus „tunc vocandus esset.

In *cap. IN GENESI & De Elect.* cujus meminit Glossa, dicitur, quod de *toto Regno Francia* vocentur absentes de consuetudine Ecclesiæ; quæ tamen hodie exolevit, ut mox dicemus.

XV. Si vocati intra terminum assignatum, modo tamen competens sit, non venerint, non sunt de cætero expectandi; poteritque, iis absentibus, ad electionem procedi, *cap. 18. & 19. & De Elect.*

Essent tamen expectandi, etiam elapso termino (ait Barbosa *num. 97.*) ubi absque periculo & incommodo expectari possent, & ex aliqua causa necessaria vel utili detinerentur, & Superior pro certo haberet, non longe abesse, præsertim cum nullum esset periculum in mora modici temporis: nam si dolo potius ipsos excludendi, quam alia legitima causa acceleretur electio in ipsorum præjudicium, reclamationi locum esse, resolvunt ibidem citati.

XVI. Quod si finis termini ad electionem faciendam immineret, possent pauciores, etiam unus solus non expectatis convocatis, eligere; quia tempus interpellat pro homine, Barbosa *ibidem num. 98.*

XVII. Quia ordinariæ ab electione, præsertim ad Dignitates & Prælaturas notabile Ecclesiæ bonum dependet, Concilium Lateranense sub Innocentio III. „penitus interdixit, ne quis in electionis negotio „Procuratorem constituat, nisi sit absens in loco de „quo debeat evocari, iustoque impedimento detentus „venire non possit, super quo, si opus fuerit, fidem „faciat juramento, & tunc si voluerit, uni commit- „tat de ipso Collegio vicem suam. „*cap. 42. §. 1. & De Elect.*

Ex hoc textu habetur, quod solus absens & legitimo impedimento detentus, possit per *Procuratorem* eligere; notatque Barbosa loco citato *num. 108.* „quod non „dicatur absens ad hunc effectum is, qui est in aliqua „parte Civitatis, etiam remota, vel prope in hortis. „Si vero quis sit præsens in loco vel in cœnobio ubi „fit electio, sed tanta ægritudine detentus, ut non „possit



„ possit ad talem locum accedere, poterit ille unum  
„ vel plures de Collegio sibi substituere ad eligendum,  
„ vel Electores debent aliquos ad eum mittere, ut ejus  
„ suffragium petant.

XVIII. Juxta hoc Decretum Concilii Lateranensis  
videretur unus duntaxat constitui potuisse Procurator ad  
eligendum; quod & indicat Bonifacius VIII. in cap.  
46. *De Elect. in VI.* una permittens, quod „ si quis  
„ iusto impedimento detentus in electionis negotio ne-  
„ queat commodè interesse, possit *necum uni* (*prout*  
„ dicitur in *Concilio generali*) sed etiam pluribus vices  
„ suas committere.

Ubi ergo Concilium unum solum constitui permisit,  
Bonifacius plures constitui permittit; ita tamen, ut dum  
plures constituuntur, cuilibet in solidum facultas eli-  
gendi detur, tuncque melior sit conditio præoccupan-  
tis.

XIX. „ Verùm si ambo concurrant insimul & pos-  
„ sulent se admitti, audiri eos non expedit: quia pos-  
„ sent vota sua dirigere in diversos, sicque res non  
„ haberet exitum, & quod ab eis hoc casu fieret, non  
„ valeret: sed is admittatur duntaxat, quem Capitulum  
„ vel pars major elegerit: vel si concordare nequeant,  
„ is, qui primò in instrumento vel litteris procuratio-  
„ nis exiit nominatus.

Antequam ergo procedatur ad ordinem scripturæ,  
recurrendum est ad electionem Capituli. „ Tabellio-  
„ nes enim præponunt, quos volunt in instrumentis:  
„ & ideo fuit æquius primò recurri ad electionem Ca-  
„ pituli, per quam magis idoneus eligeretur: secundo,  
„ ad scripturæ ordinem in subsidium. „ Ita Glossa hic  
verbo, *nequeant*.

XX. „ Si autem nullus ipsorum in solidum fuerit  
„ deputatus, tum propter rationem eandem (ait Boni-  
„ facius) ipsorum aliquis non debet admitti: sibi que  
„ imputet, qui sic eos constitui indiscretè.

XXI. Constituendus autem Procurator ad eligen-  
dum est aliquis de Capitulo; neque invito Capitulo  
*extraneus* admitti debet, ut declarat Bonifacius VIII.  
At si Capitulum consentiat, poterit *extraneus* constitui,  
ut notat Glossa, verbo *volente Capitulo*.

XXII. Addit insuper Bonifacius, quod licet nullus  
de Capitulo velit esse Procurator, nec Capitulum *ex-  
traneum* admittere, non possit equidem Canonicus ab-  
sens „ per litteras exprimere votum suum, quod non  
„ est ante scrutinium; sed in ipso scrutinio *secretè* &  
„ *singulatim* tantummodò exprimendum.

Evidens est, Pontificem hic loqui de electione per  
scrutinium, in qua non tantum nominis publicatio; sed  
etiam expressio secretò in scrutinio fieri debet, ut notat  
Glossa hic, verbo *votum suum*. Quare in electione ubi  
per vota publica proceditur, nihil obstat quominus per  
scripturam absens votum suum dare queat; præsertim  
si consuetudo Ecclesiæ hujusmodi voti dationi non ad-  
versetur.

XXIII. Denique declarat Bonifacius VIII. „ cum  
„ unus est Procurator simpliciter constitutus, si is unum  
„ suo, & alium Domini sui nomine, in scrutinio no-  
„ minandum duxerit, nihil agit, nisi de certa eligenda  
„ persona sibi Dominus dederit speciale mandatum,  
„ tunc enim in illam ejus, & in aliam suo nomine lici-  
„ tè poterit consentire.

Rationem cur priori casu *nihil agit*, allegat Glossa  
hic verbo, *nihil agit*, „ quia quâ conscientia tenetur  
„ meliorem eligere suo nomine, eadem ratione tene-  
„ tur ad idem nomine Domini sui.

XXIV. Hæc quidem ex Jure communi; at non om-  
nium Ecclesiarum est hodie eadem consuetudo, idem-  
que usus circa necessitatem vocandi absentes in negotio  
electionis; præsertim ubi de electione agitur, quæ vi-  
cem *collationis* subit; quæque in minoribus Beneficiis  
& Dignitatibus inferioribus locum habere solet: ut nec  
eadem est consuetudo, circa constitutionem Procura-  
toris, & vocationem, iusto occurrente impedimento.

XXV. Unde licet fuerit olim Galliæ consuetudo,  
ut absentes vocandi essent ad electionem de toto Regno  
Galliæ, uti supra notavimus, illa tamen consuetudo  
prorsus „ antiquata est, nec ullibi servatur, adeo ut  
„ non vocentur nisi soli, qui sunt in civitate vel oppido,  
„ in quo Capitulum convocatur: & si secus agendum  
„ esset, excideret sæpè Capitulum jurebus suis, & per  
„ ejus moram aperiretur locus aut præventioni Papæ  
„ vel Legati.

Ita Cabassutius in *Juris Canonici theoria & praxi*  
lib. 2. cap. 24. num. 2. Et consuetudo non vocandi ab-  
sentes probatur in cap. 33. *De Præbendis in VI.* ubi  
dicitur, quod „ cum in Ecclesiis Canonicorum, Præ-  
„ bendarum vel Beneficiorum collatio est facienda, ab-  
„ sentes Canonici sint vocandi; nisi (ait) *consuetudo*  
„ habeat eos ad talia non vocari.

XXVI. Si unus ex Electoribus sive præsentibus,  
sive absentibus, canonicè & juxta Ecclesiæ consuetudi-  
nem vocatus non sit, ejus contemptus non quidem irri-  
tam facit electionem, sed contemptus opponendo se  
electioni eam irritare potest. cap. 28. „ *De Elect.*

XXVII. Si autem se non opponat, aut electioni  
factæ accedat, rata manebit electio: quemadmodum  
in citato Capitulo deciditur. Cum enim esset quæstio,  
an duo Electores essent contempni, dicit Pontifex:  
„ Quod si eos vocatos non fuisse constiterit, sed con-  
„ temptor, infirmenda erit penitus electio taliter cele-  
„ brata; nisi postea propter pacis bonum curaverint  
„ consentire.

XXVIII. Imò ut electio firma maneat, satis est,  
quod contemptus etiam tacite electioni consentiat: vi-  
deturque electionem approbare, & ab oppositione sine  
impugnatione desistere per votum datum *extra* Ca-  
pitulum, electione jam factâ. Ubi autem semel consensit,  
non posse amplius electionem impugnare, post alios  
tradit Afcianus Tamburinus *De Jure Abbatum, tomo 1.*  
*Disp. 5. q. 3.*

XXIX. Rectè tamen advertit ibidem num. 13.  
quod hujusmodi vota data per contemptos *extra* Ca-  
pitulum, tantum prosunt, ne electio, aliâ valida, irritetur;  
tamen non augeant numerum eligentium: adeo-  
que si cui in electione unum votum defuisset ad Cano-  
nicam electionem, votum contempti ita *extra* Ca-  
pitulum post factam electionem datum, prodesse non  
posset.

Rationem subdit Tamburinus num. 14. „ Quod ge-  
„ neraliter in omnibus explicandis per capitulum &  
„ Universitatem *collegialiter*, & simul in unum consen-  
„ sus vel dissensus, præstari debet, & actus expediri.

XXX. Quin & quæstio 6. num. 4. ait, quod sit „ *de*  
„ *substantia* ipsius Canonice electionis, ut fiat in *com-*  
„ *muni* Congregatione, ubi præsentibus ad sint omnes  
„ Electores, quia non valet, nisi sit communiter cele-  
„ brata, ut habetur in cap. 1. *IN GENESI, eodem tit.* tunc  
„ autem dicitur communiter celebrari; cum in uno  
„ loco omnes Electores ad suffragia ferenda congre-  
„ gantur: singulariter autem fieri intelligeretur, quan-  
„ do singuli in suis Monasteriis manentes suffragia mit-  
„ terent. Ratio hujus est; nam ea, quæ fiunt ab aliqua  
„ Universitate nomine Universitatis, debent fieri per  
„ congregatos in unum; ad hoc enim ut actus dicatur  
„ gestus ab Universitate, oportet, quod more solito  
„ congregetur Collegium, & ibi fiat conclusio de actûs  
„ explicatione.

XXXI. Quamvis autem unus solus non vocatus sive  
contemptus possit electionem etiam *unanimiti* omnium  
aliorum consensu factam, irritare; unius tamen imò  
nec plurium præsentium contradictio ordinariè impe-  
dire nequit electionem à majori parte eligentium factam;  
atque ita verificatur illud Pontificis in cap. 36. „ *De*  
„ *Elect.* „ quod *plus* in talibus consueverit contemptus  
„ unius obesse, quàm multorum contradictio in præ-  
„ senti.

Sicut enim in aliis actibus Capitularibus, ita & in  
„ electio-

electione solet à pluralitate suffragiorum concludi; ita ut is electus censetur, in quem major pars Eligentium consenserit.

XXXII. Hoc autem intelligendum, nisi aliter in fundatione vel speciali statuto cautum sit; quæ aliquando duas tertias partes totius Capituli, aut majorem partem omnium de Capitulo existentium requirunt; ita ut non sit censendus electus, qui *plura* suffragia habet respectu aliorum, in quos vota conspirarunt; sed requiratur, ut habeatur major pars *totius* Capituli. Si ergo sint duodecim Canonici, & quatuor eligant Petrum, tres Joannem, & quinque Paulum; licet Paulus in hac electione habeat *plura* suffragia, non tamen haberetur pro electo, si requiratur major pars *totius* Capituli: cum reverà majorem partem non habeat. Si autem tantum exigetur *pluralitas* suffragiorum, tunc censetur electus.

XXXIII. Concilium Lateranense in *cap. 24. de Elect.* vult, ut is scrutinio publicato censetur electus, "in quem omnes vel major & *sanior* pars Capituli consentit." Hinc communiter concludunt Canonistæ, quod de jure communi non tantum major pars Capituli, sed & *sanior* requiratur; adeoque non tantum numerari, sed & *ponderari* vota debeant, interdumque minor pars ob merita & zelum eligentium præponderare majori parti debeat.

Verum apparet ex intentione Concilii, partem majorem semper præsumi debere etiam saniores, nisi ostendatur, quod contra sacrorum Canonum præscripta elegerit. Exempli gratia, si major pars esset interdicta vel suspensa; aut elegerit personam secundum jura incapacem; ita intellexisse videtur Glossographus ad *cap. 6. de his, quæ fiunt à Prælati*, &c. verbo *sanioris*, ubi interrogans: "Sed nonne eo ipso major est, quod est sanior?" Respondet: "Dic, quod ubi alia pars non est *sanior*, puta quia *indignum* eligit, vel quia in damnum Ecclesiæ aliquid facit, ibi dico majorem partem illam, quæ sanior est, & præferenda est: aliàs nisi utraque pars in electionibus esset *sanior*, non statim dicerem majorem *saniores*; imò quandoque minorum esse præferendam.

XXXIV. "Et utique si aliter res esset, injiceretur inter vocales pomum discordiæ amaricantis zeli, mutuarum accusationum & contumeliarum, & implacabilis odii fomenta, si merita vel demerita essent exploranda & invicem computanda vocalium, ut rectè advertit Cabassutius in juris Canonici theoria & praxi *lib. 2. cap. 24. num. 14.*

Quare hodie in omni electione obtinet, quod jam pridem in electione Monialium præcipit observari Pontifex in *cap. 43. de Elect. in VI.* "ut non zeli ad zelum, nec meriti ad meritum, sed solum numeri ad numerum fiat collatio.

XXXV. Quin interdum, ad evitandas contentiones & dissensiones in electionibus Capitularibus occurrentes, consuetudine, vel ex speciali statuto receptum est, ut Præbendæ aliæ inferiora Beneficia ad electionem vel collationem Capituli spectantia, per *Hebdomadarium* sive *Turnarium*, ut vocant, conferantur; seu quod is in cujus hebdomada Beneficium vacare contingit, unum præsentet Capitulo, cui tanquam à toto Capitulo electo Beneficium conferatur: cujus statuti meminit Pontifex in *cap. fin. de Præbendis in VI.* notatque Glossa ibidem verbo *statuto*, quod "tales consuetudines & statuta sunt in multis Ecclesiis Gallicanis.

Hunc quoque modum eligendi Canonicos in Ecclesia Cathedrali Antverpiensi, cujus statuta à Sede Apostolica probata sunt, à 300. annis servari testatur Zypæus *tit. de Elect. num. 14.* eumque modum in electione Ecclesiæ Daventriensis à Sede eadem, procurante Rege, probatum esse.

XXXVI. Si tamen in ipsa fundatione cautum esset, ut ad Dignitates & Præbendas electio fieret capitula-

riter, formam electionis privatâ suâ auctoritate ut Canonici immutarent; atque deserta electione Capitulari ad Hebdomadarium vel Turnarium transferrent, haud facillè permitteretur; refertque Renatus Choppinus, Statutum Capituli Claromontani, quo electionem Canonice solitam fieri per communem Capituli electionem transulerant ad Turnarios, appellantes *tanquam ab abusu* Procuratore Regio, à Senatu Parisiensi fuisse cassatum. *lib. 1. de Sacra Polit. tit. 1. num. 3. 4. 5. & 6.*

## CAPUT IV.

### De triplici Forma Electionis à Concilio Lateranensi præscripta.

1. *Triplex forma à Concilio Lateranensi præscripta; & quare?*
2. *In quibus electionibus servanda? Opinio Molinæ.*
3. *Forma electionis per Compromissum.*
4. *Compromissarii servare debent formam compromissi.*
5. *Quot & quales esse debeant Compromissarii in jure non est definitum; & unus etiam extraneus sufficit.*
6. *In Compromissum consentire debent omnes jus eligendi habentes.*
7. *Electio per inspirationem quasi divinam: ejusque forma?*
8. *Electiones olim hac forma factæ, hodie penè ignotæ.*
9. *Electiones, quæ hodie tales vulgò dicuntur, non sunt illæ, de quibus loquitur Concilium.*
10. *Electio per scrutinium.*
11. *Assumendi scrutatores; & unde sic dicti?*
12. *Assumi debent tres scrutatores.*
13. *Eligendi sunt ex ipsis Electoribus.*
14. *Debent vota secretè exquirere.*
15. *Duplex modus dandi suffragia in electione per scrutinium.*
16. *Vota singillatim exquirenda.*
17. *Omnium Eligentium vota exquiri debent.*
18. *Suffragia dari debent absolute.*
19. *Vota non data absolute rejicienda; uti ebartha alba.*
20. *Suffragia in scriptis redigenda.*
21. *Suffragiorum publicatio, quomodo facienda?*
22. *Collatio suffragiorum ante facienda.*
23. *An in computandis suffragiis attendenda pars sanior, & major zelus.*
24. *Publicato scrutinio facienda electio illius, in quem major pars consensit.*
25. *Rarior hisce in partibus bujus electionis usus; frequentior in Germania, & quare?*

I. **T**RIPLEX forma electionis proponitur à Concilio Lateranensi sub Innocentio III. in *cap. QUIA PROPTER de electione* nimirum per *compromissum* per *inspirationem quasi divinam*, & per *scrutinium*; additque electionem aliter factam, non valere; & qui contra præscriptas formas eligere attentaverint, eligendi eâ vice potestate priventur.

Has formas in electionibus servandas præscripsit Concilium, "propter diversas (ait) electionum formas, quas quidem invenire conantur, & multa impedimenta proveniunt, & magna pericula imminere Ecclesiis viduaris.

II. Hic singulariter notant Doctores, præeunte Glossographo, hæc verba, *Ecclesiis VIDUARIS*, cum sint posita in procemio Constitutionis, designant (inquiunt) causam finalem, & regulant totam dispositionem; ita post alios Fagnanus ad hoc *cap. num. 5.* atque inde inferunt *num. 6.* quod dispositio hujus Capituli locum non habeat, nisi in electione illorum Prælatorum, per quorum obitum Ecclesiæ manent *viduata* & sine Pastore; prout laquæ capite præcedenti expositum fuit.

Attamen

Attamen Molinæus ad Regulam de infirmis resignantibus num. 5. & 6. hæc docuit his verbis: " Si dignitas non sit talis, per quam sit viduata Ecclesia, & licet ex speciali Statuto, aut consuetudine debeat in hujus electione servari forma Capituli: Quia propter, non propterea censetur propriè dignitas electiva, & si forma omittatur, non propterea fit electio nulla.

Nec mirum exactiorem electionis formam in similibus dignitatibus, quarum vacatione Ecclesia dicitur viduata, præscriptam, & sub pœna nullitatis esse servandam, quam in aliis dignitatibus: quia non solet per vacationem dignitatis Ecclesia dici viduata, nisi obtinens dignitatem, unâ obtineat ipsum regimen spirituale Ecclesiæ, sive sit Pastor ipsius Ecclesiæ, & cura animarum ipsi incumbat.

Si tamen in limine foundationis cautum sit, in electione ad eam dignitatem, esse servandam formam in citato Capitulo præscriptam, crederem electionem factam contra tenorem foundationis, ut nullam fore declarandam.

III. Per compromissum dicitur fieri electio, quando eligendi potestas aliquibus viris idoneis committitur, qui vice omnium provideant Ecclesiæ viduata de Pastore: Ut loquitur Concilium Lateranense.

IV. Hi Commissarii, cum sint quasi Mandatarii sive Procuratores ipsius Capituli seu Congregationis in negotio electionis, limites commissionis seu mandati excedere non possunt: tenenturque formam compromissi exactè servare. Cap. 32. De Elect.

Unde sicuti omni electioni hoc à jure inest, ut eligatur dignus; ita quod omni compromisso hæc conditio tacitè inesse censetur, ut compromissarii teneantur dignum eligere; & si secus elegerint, mandati fines censentur excessisse; neque eatenus mandantes, seu committentes factum eorum probare debent, neque ipsis imputandum venit; quemadmodum deciditur in cap. 37. De Elect. in VI.

V. Quot debeant esse compromissarii, aut quas habere debeant qualitates, in jure determinatum non est; imò & in unum compromitti posse ostendit casus relatus in cap. 8. De Elect. Nec tantum in unum aut plures de Capitulo; sed & in extraneos compromitti posse constat. Cap. 8. & 21. De Elect.

VI. Tametsi in negotiis & actibus Capitularibus sufficere soleat consensus majoris partis; tamen in compromittendo omnium consensus exigitur, aded ut vel unus dissensus compromissum impediatur: nam per compromissum ipsi eligentes quodammodo jure eligendi, saltem pro hac vice, privantur; quod sine singulorum consensu fieri nequit: præsertim quia hæc eligendi forma tantum est subsidaria, & pendens ab eligentium voluntate. Vide Glossam ad cap. 42. De Elect. verbo, vice omnium.

Cum autem rarò contingat, quod omnes velint suo suffragio privari, & unanimiter in compromissarios consentiant, rarissima quoque est hæc electionis forma; atque hic in Belgio vix nota.

VII. Altera forma electionis exprimitur in Decreto Concilii Lateranensis, his verbis: Nisi fortè communiter esset ab omnibus, quasi per inspirationem (additur in quodam Codice, Spiritus Sancti) absque vitio celebrata.

Quamvis enim moris sit & in jure expressum, ut in omni electione, nimirum propriè dictâ, & ubi de Beneficiis verè electivis, quibus Ecclesiæ viduata de Pastore providetur, Spiritus Sancti gratia invocetur, cap. 14. & 18. De Elect. nominatimque cautum sit in Concilio Basiliensi, Sess. 12. præmittendam esse Missam de Spiritu Sancto, specialiter tamen dicitur illa electio fieri per inspirationem Spiritus Sancti, quâ communi suffragio, & ab omnibus concorditer quasi divino Spiritui afflatus, nullo discrepante, aliquis eligitur; idque nullo prævio tractatu, ex quo præsumi possit aliqua persuasio, vel suggestio in gratiam eligendi intercessisse;

Tom. I.

ipsoque eligentes permotos fuisse potius humanis aliquibus persuasionibus aut considerationibus, quam Spiritus Sancti inspiratione.

VIII. Hujusmodi electiones fuisse referuntur, Sancti Ambrosii, Sancti Nicolai, & Sancti Severini Episcopi Colonienfis, ut hic notavit Hostiensis, notatque Concilium Lateranense pauca de hac electione dixisse, quod, peccatis nostris impediendis, rarò aut nunquam occurrat.

IX. Dicitur quidem vulgò electio unanimi suffragio facta, quasi per inspirationem Spiritus Sancti: sed tamen, quia in omni electione tractatus præcedere, & vota colligi aliæque solemnia servari consueverunt, dici nequit electio per inspirationem Spiritus Sancti qualis hic intelligitur; quæ scilicet sine ullo tractatu ullaque formâ servatâ, quasi impulsu solius Spiritus Sancti peragitur. Hæc enim hodie revera rara est, & ferè nostris temporibus inaudita; multumque dubito, an facile esset admittenda & probanda, ne sub prætextu hujusmodi divini impulsus, regulæ electionum ab Ecclesiâ præscriptæ negligantur, & tumultuariis ac precipitatis electionibus porta aperiatur.

X. Tertia species seu forma electionis, eaque principaliter intenta à Concilio; & quæ latius describitur, est electio per scrutinium: & in citato cap. Quia propter, his verbis exprimitur: " Præsentibus omnibus, qui debent, & volunt, & possunt commodè interesse, assumantur tres de Collegio fide digni, qui secretè & singillatim vota cunctorum diligenter exquirant, & in scriptis redacta mox publicent in communem: nullo prorsus appellationis obstaculo interjecto: ut is collatione habitâ eligatur, in quem omnes vel major & sanior pars Capituli consentit.

XI. Juxta formam hic expressam hæc notantur præcipue ad hujus specialis electionis formam pertinentia.

Primò, ut assumantur scrutatores, qui à scrutatione nomen acceperunt; eò quod eis incumbat secretè vota & suffragia eligentium diligenter scrutari sive inquirere, & in scriptum redigere. Hinc & forma electionis nomen mutuavit per scrutinium.

XII. Vult autem Concilium, ut tres Scrutatores assumantur. Hinc communiter concludunt Doctores, non minùs quàm tres assumi posse; imò multi credunt nec plures assumendos; neque ab hac opinione tanquam communiore & magis consonante Littera hujus Decreti, esse recedendum, consultit Fagnanus ad hoc cap. Quia propter, num. 44.

XIII. Assumantur (ait Concilium) tres de Collegio fide digni. Hinc concludunt Doctores, ad essentialiam hujus electionis spectare, quod Scrutatores assumpti sint de Capitulo; sive ex iis, qui jus eligendi habent. Si enim vel ex consuetudine, privilegio, aliove titulo nonnulli extranei jus eligendi haberent, possent & ex his in Scrutatores assumi. Licet enim non sint absolute & simpliciter de Capitulo seu Collegio; sunt tamen quoad hunc actum electionis. Vide Barbosa, lib. 1. Juris Ecclesiast. cap. 19. num. 191.

XIV. Requiritur præterea, ut Scrutatores vota exquirant secretè: id est, secundum communem Interpretum opinionem & praxim, seorsim ab aliis de Capitulo; ut sic quisque liberius votum suum exprimere valeat, exemplo testium, qui propterea secretò, & seorsim ab aliis examinandi sunt, cap. VENERABILIS De Testibus.

XV. Potest autem hæc votorum secreta scrutatio duplici modo fieri. Primò, si singuli Electores vivâ voce proferant coram Scrutatoribus, quem eligant; & aliquis Scrutatorum scripto votum excipiat; quem modum tenendum esse sentiunt nonnulli citati à Barbosa, ibid. n. 201.

Alio modo, ut quisque eligentium in schedula votum suum scriptum deferat; ita ut nec ipsi Scrutatoribus notum fiat, huncque modum convenientiorem credit ipse Barbosa, consultitque, ut semper sic fiat, num.

U u u u

204.



204. Credo optimum, in hisce inhærere receptæ consuetudini, donec ob comperta inconvenientia, aliter forsân à Superioribus ordinatum fuerit.

XVI. Nec tantùm *secretè*, sed & singillatim vota sunt exquirenda; & ita Electores non vocentur *bini* aut *terni*, sed *singuli*; quemadmodum indicat Concilium in verbis *secretè* & *SINGILLATIM*; idque ut evitetur confusio, & insuper liberius vota sua sine metu & periculo revelationis exprimere possint.

XVII. Dicit Concilium, *vota cunctorum diligenter exquirant*; quibus significatur, *omnium omnino* Electorum vota esse exquirenda: & si *unius* duntaxat omittatur sive contemnatur, electio erit nulla.

XVIII. Debent autem vota exprimi *absolutè* & *determinatè*: Unde jam pridem Concilium Lugdunense sub Gregorio X. in *cap. 2. De Elect. in VI.* " in electionibus & postulationibus ac *scrutiniis*, ex quibus jus oritur eligendi, vota conditionalia, alternativa vel incerta penitus reprobavit.

XIX. Declarat deinde Concilium Lugdunense, hujusmodi vota habenda esse *pro non adjectis*, quod & procederet, licet etiam alio ex capite vota essent *nulla*; ut rectè notat Barbosa loco citato *num. 200.* qui & ait: " Si in scrutinio per *schedulas* celebrato reperiat *aliqua* *schedula alba*, tunc eâ rejectâ, ac si non esset, cætera vota numerantur.

XX. Supponit Concilium, post votorum factam *scrutationem* in scriptis ea redigi, in verbis: *Et in scriptis REDACTA mox publicent.* Hanc redactionem in scriptis esse de substantia hujus electionis dubitat nemo. Redigi autem debent per *Scrutatores*, vel per *Notarium*, uti notat Glossa, verbo, *redacta*; additque: " Et quod dicit *secretè*, Capitulum tantum excluditur, & non personæ necessariæ. " Glossam probans Fagnanus, monet quod ex praxi ubique recepta, *Notarius* seu *Tabellio* interveniens, & vota in scriptum redigens, possit esse laicus. Vota autem in scriptis redigi convenit, ne aliàs forsân postea quæstio incidat, dicaturque, *Scrutatores* memoriâ lapsos.

XXI. Votis in scriptum redactis, vult Concilium *mox publicentur in communi*; id est, fiat publicatio *scrutiniis*, quæ & *publicatio consensuum*, vocatur, *cap. 48. De Elect.* Per hanc enim publicationem aperiuntur vota eligentium, sive qui elegerint, idque *in communi*, non exprimendo, in quorum favorem data fuerint, vel quot ex Electoribus in hanc vel illam personam descenderint, sed tantum explicando numerum personarum, quæ suffragium tulerunt. Ita Barbosa *ibid. num. 216.* post Alcanium Tamburinum de *Jure Abbatum tom. 1. disput. 5. quæst. 6. num. 15.* qui & addit, hanc publicationem " ordinari ad majorem certitudinem collationis postea faciendæ.

XXII. Subdit enim Concilium: *ut is COLLATIONE habitâ eligatur, in quem omnes, vel major & sanior pars Capituli consentit.* Hinc patet, à *Scrutoribus* esse faciendam suffragiorum collationem, ut ex ea appareat, in quem *major & sanior* pars Capituli consenserit.

XXIII. Quod ut sciatur, requiri videtur, ut collatio fiat non tantum numeri ad numerum, sed *zeli* ad *zelum*, & *meriti* ad *meritum*, ut post alios citatos docet Barbosa *num. 219.* Nam " *particula illa major* intelligitur respectu *numeri*: & *alia sanior* denotat auctoritatem, *zelum* & *meritum* Electorum. " Quando autem fiat collatio *meriti ad meritum*, ibidem subiungit. Quidquid sit de necessitate hujusmodi collationis, inspecto jure communi; certum est, hodie eam collationem esse obsoletam, solamque collationem *numeri ad numerum* esse notam; uti capite præcedente notavimus.

XXIV. Ex allegatis verbis Concilii statuunt Doctores, substantialiter requiri, ut factâ votorum collatione & publicato scrutinio fiat communis electio, quæ est unus actus totius Capituli, qui non dicitur consummari, donec aliquis nomine totius Capituli ele-

ctum pronuntiaverit: quod aliquando fit per unum de Electoribus à Capitulo ad hoc designatum. Si verò nulli sit commissum, fit ab eo, qui Capitulo præest, vel qui primam vocem obtinet; qui petit ab Electoribus: *Placetne vobis electionem publicari?* Respondentibus illis: *Placet*; nomine omnium dicit talem *eligo, electumque pronuntio*, & *in communi coram vobis pronuntio*; uti videri potest in formula apud Barbosam, *num. 225.*

XXV. Cæterum quia hæc electionis formula principaliter à Concilio Lateranensi præscripta est, pro eligendis Episcopis, Abbatibus, similibusque majoribus Prælatibus, rarior est ejus in Belgio, uti & in Gallia usus: eod quod non tantum Episcoporum, sed & aliorum majorum Prælatorum nominatio, electionibus penè abrogatis, ad Regem ex specialibus indultis & Concordatis devoluta sit; quemadmodum de Episcopis & Abbatibus *parte prima* ostensum est; & de primariis Dignitatibus in Ecclesiis Collegiatis ostendetur infra.

In Ecclesiis verò, quæ Concordatis in Germaniæ comprehenduntur, frequentior est hujus electionis usus, ob reservatas Capitulis Episcoporum, & Monasteriis Abbatum suorum electiones: sed sicuti de collatione *zeli ad zelum* notatum fuit, consuetudinem juri communi derogasse; ita quoad alia minutiora potest Ecclesiarum consuetudini citra nullitatem electionis, merito aliquid deferri.

## CAPUT V.

Intra quod tempus Beneficia conferenda?  
Et de Jure Devolutionis.

1. Beneficia conferenda intra sex menses.
2. Exciipiuntur Episcopatus, & Prælatura Regulares, & quare?
3. Semestre computandum à die notitiæ.
4. Quando censetur habita notitia vacationis?
5. Tempus hoc currit de momento ad momentum.
6. Lapsus temporis etiam impedit justum impedimentum.
7. Lapsio tempore, ad conferendum Collatores excidunt jure conferendi; & an morâ hic purgari queat?
8. Post lapsum sex mensium jus conferendi devolvitur ad Superiorem.
9. Devolvitur ad Episcopum non Collatoris, sed Beneficii.
10. Episcopo negligente, ad quem de jure & consuetudine fiat devolutio.
11. An collatione spectante ad Episcopum & Capitulum, devolutio fieri possit ad Capitulum?
12. An collatio per Turnum inter Capitulum & Episcopum, mutet naturam devolutionis.
13. Exponitur, quomodo id præcisè sit intelligendum?
14. Utrum negligentia Turnarii noccat Capitulo?
15. In exemptis, quomodo fiat devolutio?
16. Beneficia Regularia Regularibus, & Secularia Secularibus, etiam jure devolutionis conferenda sunt.
17. Devolutio Beneficiorum fit cum qualitatibus & conditionibus primæ collationis.

1. IN Concilio Lateranensi sub Alexandro III. statutum legitur *cap. 2. De Concess. Præbend.* Cùm Præbendas Ecclesiasticas, seu quælibet officia in aliâ qua Ecclesia vacare contigerit, non diu maneant in suspenso, sed intra *sex menses* personis, quæ dignè administrare valeant, conferantur. Si autem Episcopus, ubi eum spectat, conferre distulerit, per Capitulum ordinetur. Quod si ad Capitulum pertinuerit, & intra præscriptum terminum hoc non fecerit, Episcopus secundum Deum hoc cum religionis virorum consilio exequatur. Vel si omnes fortè negligere.

„neglexerint, Metropolitanus de ipsis secundum Deum „absque illorum contradictione disponat.

Juxta hoc Decretum Beneficiis vacantibus providendi debent intra sex menses, idque sive per collationem, sive per electionem providendum sit.

II. Declarat tamen Innocentius III. in cap. 12. *De Concess. Præbendæ*, Decretum hoc “ad Archiepiscopatum vel Episcopatum non solere extendi, sed ad Personatus alios & minora Ecclesiastica Beneficia comarctari.” Episcopatibus enim & majoribus Dignitatibus regularibus providendi debere intra tres menses statuit Concilium Lateranense sub Innocentio III. in cap. 41. *De Elect.* “Ne pro defectu Pastoris gregem Dominicum lupus rapax invadat, aut in facultatibus suis Ecclesia viduata grave dispendium patiatur: volentes in hoc etiam occurrere periculis animarum, & Ecclesiarum indemnitatibus providere.

III. Semestre hoc, intra quod provisio Beneficiorum ex Decreto Concilii Lateranensis fieri debet, computandum est, non simpliciter à die vacationis ipsorum Beneficiorum; sed à die *notitiæ*; quemadmodum declarat Innocentius III. in cap. 3. *De supplenda Neglig. Prælat.* Et in cap. 5. *De Concess. Præbendæ*, expresse ait: “Semestre autem tempus non à tempore vacationis, sed *notitiæ* ipsius potius volumus computari.

IV. Si vacatio Beneficii contigerit, eaque in loco Beneficii publice innotuit, facile præsumetur in Collatore *notitia*; nisi aliunde ignorantia probetur juxta *Clemen. unicam de Concess. Præbendæ*; recteque monet Garcias *De Beneficiis part. 10. cap. 2. num. 32.* post alios ibidem citatos, *notitiam* hic intelligi *veram* vel *præsumptam* vacationis, “quæ (ait) determinari debet per judicem, considerata qualitate Beneficii, modo vacationis, & longitudine temporis illius, distantia locorum, & fama.

V. Deinde notat *num. 43.* tempus sex mensium currere de momento ad momentum; “ita quod si Beneficium vacavit, & fuit nota vacatio 1. Martii hora 11. usque ad 1. Septembris hora 10. per totam, & non post, providere possunt.

VI. Sicuti iusta ignorantia impedit jus devolutionis, eo quod iuste ignorans *negligens* dici nequeat; ita quoque aliud quodcumque impedimentum jus collationis reservat; idque sive fuerit *juris* impedimentum, sive *facti*; uti monet Rebuffus in *Praxi Benef. part. 1. tit. De Devolut. num. 13.* & aperte fundatur in cap. 5. *De Concess. Præbendæ*; ubi respondet Innocentius III. tempus suspensionis Archiepiscopi in sex mensibus nullatenus computari. Rationem addit. “Cum illa Lateranensis Concilii Constitutio contra *negligentes tantum* fuerit promulgata; & tunc si voluerit, non tamen valuerit Archiepiscopus in conferendis Præbendis uti propria potestate.

Denique subdit: “Tempus etiam quoad Sedem Apostolicam accessit, & apud illam permanfit, vel recessit ab illa: intra sex menses nullatenus computetur.

VII. Sex mensibus à *notitia* vacationis elapsis, ni iustum impedimentum probetur, Collatores & Electores jure providendi Beneficio exciderunt; adeo quidem, ut inspecta juris dispositione, ipsa collatio aut electio post lapsum sex mensium sit *nulla* cap. 3. & 5. *De suppl. Neglig. Prælat.* atque ad cap. 3. verbo, *imponatis*, ait Glossa. “Hic evacuatur opinio illorum, qui dicunt quod mora in electionibus possit purgari.” Hanc opinionem Glossæ, quamvis plures Doctores de jure veram esse non sine fundamento sustineant, nihilominus uti notat Zypæus in Jure novo, tit. *Ne Sede vacante, num. 1.* “In his Partibus, quamdiu Superior nihil præstitit, inferiores Judices conferunt.” Hoc & menti Concilii Lateranensis conformius esse credit ibidem Zypæus.

VIII. Post lapsum sex mensium jus conferendi ab

Tom. I.

inferiore Collatore devolvitur ad ejus immediatum Superiorem, cap. 3. *De suppl. Neglig. Prælat.*

Itaque si Capitulum negligens fuerit, devolvitur ad Episcopum; etiamsi ipse Episcopus una cum Capitulo habeat jus conferendi; sed non ut Episcopus, sed ut *Canonicus*, cap. 15. *De Concess. Præbendæ*.

IX. Et quidem devolutio fit ad Episcopum non Collatoris negligentis; sed ad illum in cujus Diocesi situm est Beneficium, in cujus collatione negligentia est commissa. Rebuffus loco citato, *num. 39.*

X. Si autem ipse Episcopus negligens fuerit, devolvitur Provisio ad Archiepiscopum, & ab hoc ad Primate, & hinc ad summum Pontificem, cap. fin. *De suppl. Neglig. Prælat.* Hisce in Provinciis Primates non sunt: unde ab Archiepiscopis immediate devolutio fit ad summum Pontificem: & in Regno Gallie unus est Primas Lugdunensis, ad quem jus conferendi à quibusdam Archiepiscopis devolvitur. (a) Rebuffus loco citato *num. 23. & 24.*

XI. Juxta citatum Decretum Concilii Lateranensis in cap. 2. *De Concess. Præb.* subinde etiam ab Episcopo jus devolvitur ad Capitulum; at hoc hodie non servatur, uti ibidem *num. 23.* monet Rebuffus, & Choppinus, lib. 1. *De Sac. Polit. tit. 13.* Si tamen collatio spectaret conjunctim ad Capitulum & Episcopum, ita ut Episcopus Capitulum indicere, atque Capitulo præsidere deberet, & in collatione suffragium cum reliquis Canonicis haberet; si Episcopus conferre negligeret, posset indubie Capitulum intra tempus præscriptum ad collationem procedere; & Decanus aut Senior Capituli convocare Capitulum; ne alias in potestate Episcopi esset, Capitulum jure conferendi privare; & juri devolutionis locum facere.

XII. Si collatione spectante ad Capitulum & Episcopum, conventum sit, ut *per turnum* conferatur, nunc per Capitulum, nunc per Episcopum solum; si Capitulum negligat, devolutio fiet, non ad Episcopum, qui est par collator cum Capitulo, sed ad Archiepiscopum, ait Garcias *De Benef. part. 10. cap. 3. num. 35.* quia divisio non tollit aut mutat jus devolutionis, quæ est ad proximum Superiorem, & non ad eundem inferiorem, qualis est in hoc casu Episcopus.

XIII. Quod hic ex Garcia observatum fuit; ob neglectam collationem, jus conferendi, devolvi ad Metropolitanum, si Episcopus in suo turno solus conferat, procedit in casu, quo non obstante divisione *turni* in Episcopum & Capitulum, jus conferendi remanet *simultaneè* penes Episcopum & Capitulum; ita ut jus designandi personam potius, quam ipsum jus collationis dici debeat *divisum*; quemadmodum contingere solet, ubi inter Canonicos jus conferendi *per turnum* Beneficia ad collationem vel electionem Capituli spectantia, est introductum: alias si jus collationis revera esset *divisum* inter Episcopum & Capitulum; ita ut in suo turno Capitulum, excluso Episcopo, integrum jus conferendi *in solidum* haberet, non videretur quod Episcopus à jure devolutionis, negligente Capitulo intra tempus conferre, esset excludendus; cum eo casu non esset par cum Capitulo Collator.

XIV. Similiter si *Turnarius* negligat præsentare intra tempus præscriptum, Capitulum aliud tempus non habet; ut ibidem *num. 36.* monet Garcias: “Nam committens & commissarius non debent habere nisi unum terminum seu semestre,” ait *num. 38.*

XV. Hæc quidem si agatur de non exemptis. Ab

(a) Id non est hodie accurate verum. Quippe cum anno 1675. Albinga ad Archiepiscopatum erecta est; Archiepiscopus Bituricensis huic erectioni suum dare consensum noluit, nisi ea Lege, ut integra Jurisdiclio & jura omnia Primatum Sedi Bituricensi conservarentur in Albingam Metropolim, & Dioceses ejus suffraganeas. Quæ quidem jura non tantum Archiepiscopo Bituricensi; sed etiam ejusdem urbis Capitulo, Sede vacante, concessa sunt concordatis, quæ hac de re habita sunt 7. Maji, anno 1675.

exemptis enim & Romano Pontifici immediate subiectis non fit devolutio ad Episcopum; sed immediate ad Pontificem tanquam exemptorum immediatum superiorem. *Cap. 2. & 3. & De supplenda neglig. Prælat. 5.*

Si Regulares Prælati Prioratus, Ecclesias, administrationes aut quævis alia Beneficia ad eorum collationem spectantia, intra tempus à Concilio Lateranensi præscriptum conferre negligant, "Dioecetani locorum in non exemptis sua, in exemptis vero Apostolica auctoritate negligentiam super hoc suppleant eorundem, ait *Clem. Unica, De suppl. neglig. Prælat.*

XVI. In eadem Clementina præcipitur Dioecetanis, ut supplendo negligentiam Prælatorum conferant Beneficia, servata Beneficiorum conditione & qualitate; illa videlicet quæ consueverunt per seculares Clericos gubernari, secularibus Clericis: alia vero quæ Religiosis duntaxat committi sunt solita vel conferri,

Religiosis Monasteriorum, quorum Prælati negligentibus fuerint conferendo.

XVII. Hinc statuitur hæc regula à Canonistis; *Devolutio fit cum qualitatibus & personis, quæ in prima erant collatione.* Ita Rebuffus loco citato num. 40. qui inde num. 41. infert, si Episcopus conferre debeat Nominato; "ita tenebitur Archiepiscopus ad quem devolutum erit. Item, si quis debebat conferre alicui de genere (ait num. 42.) fundatoris, ut is ad quem devolutio facta est, teneatur sic conferre.

Idipsum in aliis quoque Beneficii qualitatibus dicendum: quia ipse Superior duntaxat intrat in jus ipsius Collatoris ordinarii; & consequenter eodem jure iisdemque legibus uti debet, quamvis Rex succedens jure Regaliæ in collationes Episcoporum, Sede vacante, in aliquibus utatur jure nonnihil liberiore, quam ipse Episcopus uti posset, uti infra notabitur; sed id ob eminentiam Regis specialiter receptum est.

## TITULUS V.

### DE CONCURSU AD PAROCHIALES.

#### CAPUT I.

Proponitur & justificatur Forma Concursus à Synodo Trident. proposita; & quomodo proponendum editum Concursus?

1. Synodus Tridentina novam formam providendi Ecclesiis Parochialibus induxit: & quis scopus Decreti?
2. Scopus Decreti magis attendendus, quam cortex verborum.
3. Quomodo in Belgio receptum?
4. Duplex forma indicendi Concursum proponitur.
5. Arguitur hæc forma tanquam Clericorum ambitioni & præsumptioni serviens.
6. Hæc oppositio priori formæ opponi non potest.
7. Posterior forma tantum quasi subsidiarie à Synodo profita fuit.
8. Synodus noluit per hanc formulam infringere regulas legitimæ vocationis; neque Clericorum ambitionem fovere.
9. Probatum auctoritate S. Caroli.
10. Rationes ob quas formula hæc videatur Clericorum ambitioni subservire.
11. Mens Synodi non fuit, ut quis se concursui sistat, qui non sit de sua vocatione sat securus.
12. Optandum esset, ut omnes nominatim ab Episcopo vocari possent, sæpe tamen securius ab alio vocationem suam intelligunt Clerici.
13. Per Edictum ad concursum soli vocantur, qui satis de sua vocatione sunt securi.
14. Quare potius posterior, quam prior forma hic recepta?
15. Necessitas legitimæ vocationis ad Beneficia præsertim Curata.
16. Edictum indicti concursus ita proponi debet, ut in omnium passim notitiam venire possit.
17. Quod tempus præfigendum in Edicto intra quod vocati se examini sistere teneantur?
18. Tempus intra quod Edictum sit proponendum, Synodus Trident. non determinat; S. Carolus intra triduum proponi voluit.
19. Synodi Belgicæ tempus non definiunt; volunt tamen citissime Ecclesiis Parochialibus provideri.

I. SYNODUS Tridentina expendens, quantopere interesset salutis animarum, ut singulis Parochiis boni idoneique Pastores, qui verbo & exemplo populum pascere, præficerentur, novam providendi Ecclesiis Parochialibus formam, temporum conditioni accommodatam, introduxit & observari præcepit. *Sess. 24. cap. 18. De Reformat.*

Hunc fuisse scopum Decreti significat ipsa Synodus, præfationis loco hæc præmittens: "Expediit maxime animarum salutem, à dignis atque idoneis Parochiis gubernari: id ut diligentius ac rectius perficiatur, statuit," &c.

II. Hinc recte deducit Zypæus *Consult. 1. De Elect.* in hac provisionis forma præcipue esse attendendam salutem animarum, cui ipsa Synodus per suum Decretum optime provisum voluit; hancque apicibus juris prævalere "ut potius ea attendatur, quam unius iotæ defectus in concursu obrepens." Deinde subiungit num. 7. "Ut si umquam verum sit, eum peccare in legem, qui verba legis amplexus, contra legis nititur voluntatem, id maxime hic obtineat.

Relatis post hæc nullitatibus concursus, quas Barbosa aliique passim, attentis verborum apicibus, inducunt, ostendit, hisce in regionibus magis ex mente & scopo ipsius Concilii, quam juxta verborum apices formam concursus esse receptam. Hanc libertatem & ipsa Synodus Tridentina indulgisse videtur, dum in fine sui Decreti declarat, "licere etiam Synodo Provinciali, si qua in supradictis circa examinationis formam addenda, remittenda esse censuerit, providere.

III. Itaque in Belgio forma Provisionis prout à Concilio præscripta est, fere ubique recepta est, neglectis tamen, pro temporum & locorum conditione, nonnullis verborum apicibus; nimirum magis ipsius Synodi mente & scopo, quam externo verborum cortice attentis, uti in sequentibus notabitur.

IV. Primo itaque statuit Synodus, ut cum Parochialis Ecclesiæ vacatio quomodocumque contingerit, "Episcopus, & qui jus Patronatus habet, intra decem dies, vel aliud tempus ab Episcopo præscribendum, idoneos aliquot Clericos ad regendam Ecclesiam coram depurandis Examinatoribus nominet. Liberum sit tamen aliis, qui aliquos ad id aptos noverint, eorum nomina deferre, ut possit postea de cujuslibet ætate, mori-



» moribus, & ſufficientia fieri diligens inquiſitio. Et  
» ſi Epifcopo aut Synodo Provinciali pro regionis mo-  
» re videbitur magis expedire, per Ediſtum etiam pu-  
» blicum vocentur, qui volent examinari.

V. Scribitur, à nonnullis è Patribus Tridentinis huic  
formæ indicendi concurſum, fuiſſe oppoſitum: "Ilum  
» concurſum peritorum locum dare nimis apertum &  
» publicum ambitioni. Priſci temporis Patres profeſſos,  
» Eccleſias à ſe dari *recuſantibus* eas; nova autem iſta  
» ratione introduci, ut non modo illas aperte procu-  
» rare, ſed etiam dignum ſe proſiteri & captare fas  
» eſſet. (a)

VI. Quidquid ſit de veritate huius relationis, hoc  
certum eſt, Synodum hic propoſuiſſe duplicem for-  
mam evocandi Clericos ad concurſum.

Priori formæ allegata in contrarium ratio convenire  
non poteſt. Ea enim forma ſervata, non ipſi ad concu-  
ſum venientes *propria* voluntate ſe ad Eccleſias præſen-  
tant; ſed ab Epifcopo, aliove auctoritatem habente  
*ſpeciatiim* ac nominatiim vocantur, & examinatoriſus  
tanquam idonei præſentantur.

VII. Quoad poſteriore formam, notandum impri-  
mis, quod hæc forma tantum à Patribus quaſi ſubſidia-  
rie proponatur, ut ſi prior ſervari non queat, hæc aſſu-  
mipſit: ſi Epifcopo, aut Synodo Provinciali pro re-  
gionis more magis videbitur expedire: ita ut eam magis  
permittere pro temporum circumſtantiis, quam *abſolute*  
probare videatur.

VIII. Adhæc indubitatum eſt, Synodum Tridenti-  
nam per hanc poſteriore formam evocandi per *Edi-  
ſtum publicum*, noluiſſe infringere, vel in minimo labe-  
factare regulas *legitima vocationis* à Patribus jam pri-  
dem præſcripſas; ſed voluiſſe firmam manere regulam  
ab Apoſtolo expreſſam: *Hebr. c. 5. v. 4. Nemo ſumit ſibi  
honorem, ſed qui vocatur à Deo tanquam Aaron: imo  
nec intendiſſe probare, Clericorum ad Beneficia, præ-  
ſertim curata curſitationes, & ſollicitationes. Noverat  
enim jam pridem ex mente Patrum dictum à S. Tho-  
ma: "Si aliquis pro ſe rogat, ut obtineat curam ani-  
» marum, ex ipſa præſumptione redditur indignus.,  
2. 2. q. 100. art. 5. ad 3.*

IX. Noverat id S. Carolus, qui promovendis rebus  
Concilii hoc ipſo tempore quo Decretum editum fuit,  
intendebat; qui ideirco hæc forma uti haud formidabat,  
ediſtumque publicum proponendum ſtatuit in Concilio  
Provinciali I. *quo omnes invitentur, qui volent examinari,  
vel alios examinandos nominare: hancque formam à Sy-  
nodo, re diligenter conſiderata, electam eſſe ibidem aſ-  
ſeritur.*

Quis vero ſuſpicetur, quod unquam induci potuiſſet  
hic ſanctiſſimus Præſul: ut hæc forma evocandi Synoda-  
li Decreto pro tota ſua Provincia probata fuiſſet, niſi  
ſciuiſſet, etiam cum hac forma regulas legitimæ voca-  
tionis ad Beneficia, præcipue curata, poſſe conſiſtere,  
neque per eam Clericorum, ad Beneficia curata capeſ-  
ſenda ambitionem, vel aviditatem foveri aut excitari.  
Scitur enim quam ſollicitus fuerit, ut "daretur opera à  
» Confeſſario Seminarii, præcipue in ſermonibus &  
» confeſſionibus, ut omnis ex Clericorum mentibus ſi-  
» tis & aviditas Beneficiorum tollatur; proinde videat-  
» ur, ut ea de re ne ipſi quidem inter ſe colloquantur;  
» ac iis ſæpius inculcetur, quam averſi ab omni rerum  
» humanarum cogitatione, Eccleſiaſtici ordinis homi-  
» nes in via Domini ambulare debeant.

X. At dicet quiſpiam, dum ejuſmodi Ediſtum pu-  
blicum appenditur, nonne omnes paſſim Clerici ex-  
citantur & monentur, ut qui Beneficium Parochiale  
vacans deſiderat, examini ſe ſiſtat; atque ad illud quaſi

ad præmium ſtudiis & eruditioni propoſitum concurrat?  
Nonne qui ſe ad ſimplicem huiusmodi Ediſti publica-  
tionem examini præſentat, & ad Beneficium Parochiale  
concurrit, oſtendit ſe Beneficium illud deſiderare;  
quando ſpecialiter ab Epifcopo non vocatus, *proprio*  
motu accurrit.

XI. Certum eſt, mentem Eccleſiæ non eſſe, ut ad  
publicationem Ediſti quiſpiam ſe ſiſtat, qui non prius  
ſerio examinaverit, num ad curam animarum à Deo  
ſit vocatus; ſignaue tam internæ, quam externæ vo-  
cationis pro rei magnitudine diſcuſſerit: quin & inti-  
ma conſcientiæ ſcrutatus ſit, an ad curam animarum  
non *proprio* commodi, aut vanæ gloriæ intuitu; ſed  
ad promovendam Dei gloriam, & ſalutem animarum  
procurandam unice moveatur.

XII. Verum quoque eſt, quod conveniens eſſet, ut  
nemo ad curam animarum, niſi Epifcopo ſpecialiter vo-  
cante & movente applicaretur; atque ita vocationem ſu-  
am ab ipſo intelligeret. Dubitari tamen nequit, quin  
frequenter poſſit contingere, ut quis per alium, qui vi-  
tam totumque ejus ſtatum intime novit, melius ac ſecu-  
rius vocationem ſuam, quam per ſolum Epifcopum,  
cui ſæpe parum notus eſt, intelligat.

Sic Theologi in Collegiis Academicis ſtudentes ſæpe  
multo ſecurius à pio, docto & zeloſo Præſide vocatio-  
nem ſuam accipient, quam ab Epifcopo, cui eorum  
vita & converſatio, aliaque in dijudicanda vocatione  
attendenda, minus perſpecta eſſe ſolent.

XIII. Itaque dum per Ediſtum vocantur omnes qui  
volent examinari, ſoli ii vocari cenſentur, qui in ſe  
tam internæ, quam externæ vocationis ſufficientia in-  
dicia habent: & licet non ab Epifcopo, ab alio tamen,  
qui locum Epifcopi ſupplet, ad curam ita ſe mitti in-  
telligunt, ut merito conſidant, quod à Deo vocentur,  
& à Chriſto in vineam ſuam mittantur ſeu potius ex-  
tradantur.

XIV. Quia autem hodie tum propter latitudinem  
Diœceſum, tum ob erectas publicas Academiæ, ad  
quas ex omnibus Diœceſibus indifferenter Clerici ſtu-  
diorum cauſa concurrunt, vix fieri poteſt, ut Epifcopi  
omnium Clericorum exactam notitiam accipere queant;  
ideo hæc poſterior forma à Synodo Tridentina propo-  
ſita, ubique paſſim recepta fuit; ut hoc pacto, etiam  
ii qui Epifcopo minus noti ſunt, ſe examini ſiſtere  
queant; modo tamen aliunde ſat ſecuri de ſua voca-  
tione redeantur.

XV. Quam autem neceſſaria ſit legitima vocatio ad  
Beneficia Eccleſiaſtica, præcipue Curata; quamque pe-  
riculoſum, etiam optima intentione ſuſcipere regimen  
animarum à Deo non vocatum, erudite ac ſolide oſten-  
dit Antonius Godeau Venciſis Epifcopus in *Diſcur-  
ſu de Vocatione ad Statum Eccleſiaſticum*; una notas le-  
gitimæ vocationis è Patribus aſſignans; merito legen-  
dus ac ſerio examinandus & ruminandus à junioribus  
Clericis, qui ſe ad Statum Eccleſiaſticum vocatos non-  
nunquam nimis facile credunt.

XVI. Ediſtum hoc ita aſſigendum eſt, ut finis illius  
obtineatur; id eſt, ut per illud vocentur *omnes*, qui  
examiſi ſe ſiſtere volent. Unde nec locus ubi aſſigi de-  
beat, nec tempus quo aſſixum remanere, à Synodo  
determinata ſunt; ſed ea arbitrio Epifcoporum relicta;  
ut hi diſpiciant, quid pro more & circumſtantiis loco-  
rum fieri expediat, ut effectus Ediſti habeatur, id eſt,  
in *omnium* notitiam indiſtio concurſus perveniat, qua-  
tenus plures examini ſe ſiſtentes, poſſint capaciores  
Eccleſiis Parochialibus præfici. Quare non tantum Ar-  
chiepiſcopus Mechlinienſis, in cujus Diœceſi eſt Uni-  
verſitas Lovanienſis, ſed & alii Epifcopi Ediſtum in-  
diſtionis concurſus ad Scholas publicas dictæ Univer-  
ſitatis aſſigi jubent, ut hoc pacto ad notitiam Clerico-  
rum ibidem ſtudentium venire poſſit.

XVII. Debet Ediſtum continere tempus, intra  
quod qui examinari volent, ſe Epifcopo & Examina-  
toriſus ſiſtere debeant. Cum vero Ediſtum hoc in lo-  
cum

(a) Hæc erat in Concilio Tridentino ratio Gallorum præſu-  
ſum, ut concurſum ad Beneficia curata improbarent. Synodi Tri-  
dentinæ hæc de re Decretum in Galliis ubique receptum non fuit:  
vijet tamen ejus executio in minori ſeu Aremorica Britannia.  
Legatur eruditum opus *des Loix Eccleſiaſtiques*, à D. de Hericourt  
elaboratum edit. 1743. prima parte pag. 235. 236.

cum nominationis ab Episcopo aut Patrono faciendæ, ex præscripto Synodi Tridentinæ surrogetur, videtur juxta mentem Synodi tempus illud esse *decem* dierum; nisi tamen Episcopus ex causa rationabili prorogandum duxerit: quam prorogationem ultra alios decem dies extendi vetuit Pius V. in Bulla super forma concursus quæ incipit: *In conferendis* 33. in Bull. Rom. At hic in Belgio hæc Bulla Pii V. saltem quoad hoc punctum recepta non videtur; sed juxta verba Concilii Tridentini tempus hoc arbitrio Episcopi relictum apparet. Dicit enim Concilium nominandos esse ab Episcopo aut Patrono, Clericos aliquot idoneos intra decem dies vel aliud tempus ab Episcopo præscribendum; Unde Zypæus monens, nullatenus attendendum ad apices quos nonnulli in forma concursus sub pœna nullitatis requirunt, iis annumerat & hunc, quod *Edictum propositum fuerit cum majori termino quam viginti dierum*.

XVIII. Quando autem Edictum sit affigendum, Synodus Tridentina non determinavit. Sanctus Carolus in Concilio I. Mediolanensi statuit: "Ut cum primum Episcopus Parochialem Ecclesiam vacare cognoverit, intra *triduum* ad Cathedralis & vacantis Ecclesiæ jam publicum Edictum per totos decem dies, vel aliud longius tempus, ejusdem Episcopi arbitrio propositum esse jubeat.

XIX. Synodi Belgicæ nullum tempus proponendo Edicto, sive concursui indicendo determinant; hoc unum monet Synodus P. II. Mechliniensis tit. 17. cap. 6. Ecclesiis Parochialibus vacantibus curabunt Episcopi & Archidiaconi, ut quam fieri poterit *citissime*, inde de idoneis Pastoribus provideatur.

## CAPUT II.

Quæ Ecclesiæ Parochiales Concursui sint subjectæ?

1. *Forma Concursus potissimum ex Decreto Concilii Tridentini petenda.*
2. *Refertur Decretum Concilii exprimens Ecclesias Concursui subjectas.*
3. *Decretum sua generalitate quasque Ecclesias Parochiales complecti videtur.*
4. *In multis usu & interpretatione restrictum; & quare?*
5. *Prima restrictio quoad Ecclesias curatas in Ecclesiis Collegiatis.*
6. *Secunda restrictio in Ecclesiis Parochialibus, quibus deservitur per Vicarium amovibilem.*
7. *Parochiales, quibus præest Vicarius perpetuus, subjacent Concursui.*
8. *Declarationes Cardinalium contrariæ innuntur Bullæ Pii V. hic non promulgata.*
9. *Fit quædam difficultas adversus Concursum cui vicariæ perpetuæ subjacent.*
10. *Ea difficultas solvitur.*
11. *Tertia restrictio quoad Parochiales annexas dignitati.*
12. *Restrictio hæc fallit, si Dignitas sit annexa Parochiali.*
13. *Decretum Concilii comprehendit Ecclesias Patrimoniales.*
14. *Quomodo Patrimoniales, uti nominati Academici in concursu aliis sint præferendi?*
15. *Synodus omnem vacationis modum suo Decreto comprehendisse videtur.*
16. *Exceptus modus vacationis per resignationem in favorem; & quo fundamento?*
17. *Idque sive provisio fiat in Curia Rom. sive in partibus.*
18. *Idem est de permutatione.*
19. *Hæ exceptiones usu receptæ sunt.*
20. *Reservatio non impedit concursum.*
21. *Cur Concilium expresse non nominat reservationem in favorem Cardinalium.*

22. *Concilium complectitur etiam Ecclesias Jurispatronatus.*

23. *Excipit tamen Ecclesias Patronatus laici.*

24. *Ecclesias Jurispatronatus mixti nonnulli volunt concursui esse subjectas.*

25. *Hic consonat Constitutio Pii V.*

26. *Aliud habet praxis harum Provinciarum, si laicus cum Ecclesiastico in præsentatione concurrat.*

27. *Quid si per Turnum præsentent.*

I. QUANDOQUIDEM forma provisionis per concursum primum introducta & præscripta sit per Synodum Tridentinam, ex hujus potissimum Synodi Decreto desumenda sunt, quæ ad formam hujus provisionis pertinent; atque in terminis hujus Decreti hærendum, præsertim in his ditionibus: "Ubi Concilium receptum, prout sonat, non ut quotidianæ interpretationes, Decreta aut Constitutiones Roma adferri possint, quæ præter mentem Concilii, Decretum alterent, amplient, aut restringant;" ait Zypæus, *Consult. 1. De Elect. num. 6.* Quare nec Bulla Pii V. formam concursus describens hisce in ditionibus usu recepta est, uti supra notavimus; & infra adhuc notabitur.

II. Itaque ut sciatur in quorum Beneficiorum provisione servanda sit forma concursus, ipse textus Concilii Tridentini potissimum expendendus est.

Verba ergo Synodi sunt *Sess. 24. cap. 18. De Reformat.* "Cum Parochialis Ecclesiæ vacatio, etiam si cura Ecclesiæ, vel Episcopo incumbere dicatur, & per unum vel plures administretur, etiam in Ecclesiis patrimonialibus, seu receptivis nuncupatis, in quibus consuevit Episcopus uni vel pluribus curam animarum dare, quos omnes ad infra scriptum examen teneri mandat, per obitum, vel resignationem, etiam in Curia, seu aliter quomodocumque continetur, etiam si ipsa Parochialis Ecclesia reservata vel affecta fuerit generaliter vel specialiter, etiam vigore indulti seu privilegii in favorem S. Romanæ Ecclesiæ Cardinalium, seu Abbatum, vel Capitulorum: debeat Episcopus, &c.

III. Hac generali expressione cum omnibus clausulis ampliandis, sit infirmat Synodus, se velle, ut forma concursus præscripta, in cujusque Ecclesiæ Parochialis provisione, quantum conditio temporum ferebat, servaretur: eo quod expediat maxime animarum salutem, à dignis, atque idoneis Parochis gubernari; id quod per provisiones in forma hic præscripta rectius obtineri posse confidebat.

IV. Verum quia hic providendi modus observari non potest, nisi inferiorum Collatorum, & Patronorum jus sæpius diminuatur, uti infra videbitur; mirum quomodo paulatim subtili interpretatione, usque contrario Decretum tam generaliter conceptum in multis restrictum sit.

V. Imprimis licet Concilium velit concursum fieri, tamen si cura Ecclesiæ vel Episcopo incumbere dicatur, & per unum vel plures administretur, nihilominus receptum est, sæpiusque declaratum, non esse locum concursui, quando cura animarum spectat ad Ecclesiam Collegiatam, & cura exercetur per Canonicos vel Hebdomadarios, vel alios Clericos; ita Gonzales ad Regulam 8. Cancellariæ, *Glossa 6. num. 158.*

Idipsum refert Garcias, *De Beneficiis, parte 3. cap. 2. num. 180.* qui tamen ibidem *num. 176.* facit quod similia Beneficia sint curata ex hoc Decreto Concilii; atque attentis verbis Concilii, censuisse aliquando Rotam in hujusmodi Beneficiis esse locum concursui, ob expressa verba Concilii jam citata.

Deinde recitatis contrariis declarationibus Sacre Congregationis concludit *num. 181.* "Unde dictum Decretum Concilii de concursu faciendo, non videtur receptum, seu intellectum ex auctoritate Papæ, & Sacre Congregationis Concilii, quoad Beneficia, quorum

„ quorum cura per plures administratur, maximè in „ Ecclesia Cathedrali vel Collegiata.

VI. Quin & uſu receptum eſt, concurſum non habere locum, ſi cura ſit penes Capitulum, aut Monafterium, vel aliquam Dignitatem, & exerceatur per unum, ſed Vicarium *amovibilem*; eò quòd per mortem talis *Vicarii* non videatur vacare Eccleſia Parochialis; quia penes ſimilem Vicarium non fuit titulus Parochialis; neque *verum* Beneficium Parochiale habere cenſendus eſt.

VII. Sed quid, ſi Eccleſia Parochialis quidem ſit unita & incorporata alicui Monafterio aut Capitulo, vel Dignitati; ſed cura actualis ſit penes Vicarium *perpetuum*: qui inſtar veri Beneficiarii inſtituatur? Contrariè hinc in ſpeciem referuntur S. Congregationis declarationes; quemadmodum videre eſt apud Pyrrhum Corradum in *Praxi Beneficiorum lib. 3. cap. 3.* & Maſſobrium in *Praxi* habendi concurſum ad vacantes Parochiales *Præſudio* 14. ubi notat ex Rebuffo aliſque. „ quòd diſpoſita in Beneficiis curatis locum habere videantur in Vicariis *perpetuis*; & Vicaria *perpetua* dicitur Beneficium Eccleſiaſticum; & huiusmodi Vicarii habeant *verum* titulum, ideòque non poſſint removeri, etiàſi Rector principalis moriatur.

Si itaque erecta ſit Vicaria in titulum, omniſque cura animarum in Vicarium translata, ſolo nomine Paſtoris primitivi ſine ulla cura animarum aut jure ad functiones Paſtorales, penes Capitulum, Monafterium aut Dignitatem remanente, tali caſu concurſui locum eſſe, aſſerit poſt Garciam, aliòſque Maſſobrius loco citato *dubio 2.*

Et ſanè cùm reipſa penes huiusmodi Vicarium ſit titulus Beneficii Parochialis, eique non ſecus atque vero Parocho cura incumbat; & per ejus mortem Eccleſia Parochialis verè vacare dicatur, viſ inferretur Decreto Concilii tam generalibus & enixis terminis concepto, ſi ſimiles Vicarias concurſui non ſubjectas eſſe diceremus.

VIII. Referuntur quidem nonnullæ declarationes Cardinalium, quæ Vicarias *perpetuas* concurſui non eſſe ſubjectas declarârunt, ut poſt Garciam refert Maſſobrius loco citato. Sed notat Gonzales, hæc declarationes potiſſimum inniti Conſtitutioni Pii V. de Vicariis *perpetuis*, quæ incipit *Ad exequendum* 46. in Bull. Rom. quæ Vicarias *perpetuas* à concurſu eximit; eamque eatenus ipſi Concilio derogaffe; dicitque conſequenter, non eſſe ſervandam formam Concilii, ſed formam dictæ Conſtitutionis; „ quatenus (ait) ſit „ *contraria* Concilio, quia eſt poſterior per quatuor „ annos à publicatione dicti Concilii. „ Hæc ad *Reg. 8. Cancell. Gloſ. 5. §. 3. num. 53.* Hoc autem intelligi debet de locis, in quibus hæc Conſtitutio Pii V. recepta probatur: quod hiſce in partibus hætenus contigiffe non videtur; ideòque & Eccleſias Parochiales, licèt Monafteriis & Capitulis unitas, & per Vicarios *perpetuos* deſerviri ſolitas, concurſui exponi, & juxta formam à Concilio præſcriptam conferri videmus; & pro concurſu judicaſſe Senatum Brabantiae contra Capitulum Nivelenſe teſtatur Zypæus *Conſult. 2. De Elect.*

IX. Verùm quamvis fateatur Zypæus Conſilium Brabantiae judicaſſe Vicarias *perpetuas* ſubjacere concurſui; ipſe tamen ſuper hac quæſtione conſultus reſpondit, verius eſſe Parochiales Eccleſias, quoad titulum Capitulis, aut Monafteriis unitas & incorporatas, nequaquam ſubjectas eſſe concurſui, tametiſi etiam auctoritate Episcoporum in *Vicarias perpetuas* poſtmodum fuerint erectæ.

Idque hoc unico, ut apparet, fundamento, quòd titulus Beneficii Parochialis, non obſtante hac erectione, maneret extinctus, adeòque decedentibus Vicariis, non poſſet dici, Eccleſias illas verè vacare.

X. Verùm in hoc fallitur Zypæus: per erectionem enim *Vicaria perpetua*, ruriſ novus ac verus titulus

Parochialis per Episcopum erigitur, & vigore huius ſic erectæ *Vicaria perpetua*, Vicarius *perpetuus verum titulum* Eccleſiaſticum, & Beneficium Parochiale conſequitur.

Uterius vigore huius tituli, per canonicam inſtitutionem & poſſeſſionem, aſſequitur jus ad omnes functiones curam animarum ſpectantes, ſive verum jus Parochiale, unà cum jure ad competentiam paſtorales, aliæque jura Parochialia, ut & propterea Vicariæ *perpetuæ* à Canoniſtis *vera* Beneficia reputentur, ut *num. 7.* notatum eſt.

Verùm quidem eſt, quòd non obſtante hac in Vicariam *perpetuam* erectione, nihilominus non totaliter annuletur ejuſdem Eccleſiæ Parochialis incorporatio, ſive unio, ſaltem quoad temporalia, & jura honorifica, aliæque curam & regimen ſpirituale animarum non attingentia; ſed hæc incorporatio manens ſalva poſt erectionem Vicariæ *perpetuæ*, non impedit erectionem *veri tituli* Parochialis; ſed id unum operatur hæc remaneas incorporatio, quòd Vicarius *perpetuus* vigore huius tituli, ſive Vicariæ *perpetuæ*, non conſequatur jus percipiendi omnes decimas & proventus de jure communi, ad Eccleſiam Parochialem pertinentes, ſed ob factam unionem duntaxat jus ad competentiam paſtorales conſequatur.

Verùm hæc decimarum, aut proventuum aliorumve jurium ad Monasteria aut Capitulum translatio, non impedit veri tituli conditionem, non magis quàm ſi circa unionem, ſive incorporationem à Beneficio Parochiali pars proventuum abſtraheretur.

Igitur rectè judicavit Conſilium Brabantiae, Vicarias *perpetuas*, conformiter ad Decretum Concilii Tridentini, concurſui eſſe ſubjectas.

Accedit quòd cùm Concilium Tridentinum per ſuum Decretum intenderit modum præſcribere & formam, qua ſalubriùs poſſit ſaluti animarum provideri, omnino à mente Concilii Tridentini videretur alienum ejuſmodi Vicarias *perpetuas* à concurſu eximere: quandoquidem per has Vicarias Eccleſiis Parochialibus de Rectoribus non minus provideatur, quàm per Beneficia Parochialia non incorporata.

Et ſanè ſi Eccleſiæ Parochiales Capitulis aut Monasteriis incorporatæ, & in quibus per Vicarios *perpetuos* cura animarum exercetur, à concurſu eximerentur, vix ullæ Eccleſiæ Parochiales ex præſcripto Concilii Tridentini concurſui ſubderentur; quandoquidem præterque præſertim rurales Capitulis, aut Monasteriis reperiantur incorporatæ.

XI. Si Eccleſia Parochialis ſit annexa Dignitati; ipſeque obtinens Dignitatem *per ſe* exerceat curam animarum, veruſque Paſtor ſit, atque Parochialem Eccleſiam obtineat, eam nec hoc caſu concurſui ſubjacere, communis eſt Doctorem interpretatio; quam & uſus recepit; ſi nimirum ipſa Parochialis *acceſſorie* unita ſit: quo caſu fieri collationem Dignitatis, potiùs quàm Eccleſiæ Parochialis crediderunt; ideòque hinc propriè non eſſe caſum Concilii Trident. loquentis de collatione ſeu de proviſione Eccleſiæ Parochialis. Atque hinc ruriſ apparet, quòd Decretum Concilii Tridentini ſtriètè & ad verborum rigorem interpretandum crediderint: quod an conforme ſit menti ipſius Concilii, hanc formam concurſus præſcribentis, ut diligentius ac ſecuriùs ſaluti animarum provideatur, alii viderint.

XII. Interim ſi Canonicatus aliudve Beneficium ſit unitum Eccleſiæ Parochiali viâ *ſuppreſſionis* vel *acceſſionis*, concurſui eam ſubjectam eſſe dubitari nequit. Parochialis enim eo caſu manet in ſuo *integro ac naturali* ſtatu; atque per mortem poſſeſſoris verè contingit vacatio Eccleſiæ Parochialis; & propriè proviſio fieri debet de Eccleſia Parochiali.

XIII. Vult Concilium formam concurſus obſervari etiam in Eccleſiis *patrimonialibus*, quorum Beneficiorum nulla ſit expreſſa mentio in jure noſtro, neque in



in jure tangitur materia istorum Beneficiorum; uti post alios observat Gonzales ad Regulam 6. Cancell. *Gloss.* 9. §. 1. ubi latè de his Beneficiis tractat; & aliqua jam superius notata sunt *part. 2. Sess. 3. tit. 2. cap. 1.* aliàs in anterioribus editionibus *tit. 19. cap. 1.*

Illud hic notandum, quòd Concilium hujusmodi Beneficia concursui subjiciens, ostendat, voluisse suum Decretum ad omnes passim Ecclesias Parochiales extendere: quia hæc Beneficia ejus sunt conditionis, ut sub simplici Beneficiorum appellatione non veniant; ipsa impetratio Beneficii sit nulla, si ipsa *Patrimonialitas* non sit expressa; uti notat Gonzales dicto loco.

XIV. Adhæc observandum, ita institui concursum in hisce Ecclesiis Patrimonialibus, ut tamen qualitati Beneficiorum non derogetur. Unde si plures quidem se examini sistant, at unus duntaxat *Patrimonialis*, sive qualitatem illam habens quam Beneficia *Patrimonialia* requirunt, hic aliis præferendus erit: si modò & moribus & doctrinâ aliisque qualitatibus ad Regimen Parochialis Ecclesiæ vacantis idoneus sit.

Idipsum locum habet in Ecclesiis Parochialibus, quæ Graduatæ aut Nominatæ Academicis debentur. Hi enim si idonei per examen reperiantur, cæteris concurrentibus præferendi sunt; tanquam qui qualitatem requisitam aut jus aliquod ad Beneficium vacans præ aliis concurrentibus habent: & ita quoad Nominatos Lovanienses quotidie praticatur.

Certum est juxta Decretum Concilii Trident. Beneficia *Patrimonialia* esse concursui exponenda. Verùm quia Beneficia notanter curata non sunt jure hæreditario deferenda, omnisque carnis & sanguinis affectus, præsertim in horum provisione abesse debet, optandum esset, ut hæc Beneficia penitus fuissent abolita, nullaque saltem de novo admittantur per Episcopos.

XV. De circumstantiis, in quibus Beneficia curata concursui obnoxia sunt, hæc habet Concilium Tridentinum: "Cùm Ecclesiæ Parochialis vacatio per obitum, vel resignationem, etiam in Curia seu aliter, quomodocumque contigerit.

Si hæc verba Concilii in sua generali expressione attendantur, non obscurum erit, Synodum omnem vacationis modum voluisse comprehendere.

XVI. Hic nihilominus visum fuit, subtili satis interpretatione, non comprehendendi Parochialem Ecclesiam, quando resignatur coram Pontifice non simpliciter; sed *in favorem* certæ personæ; atque ita quotidie praticari testatur Pyrrhus Corradus in *Praxi Benef. lib. 3. cap. 3. num. 5.* eamque interpretationem fundant in hoc, quòd resignatio *in favorem* non inducat vacationem propriè; ut ibi loquitur Corradus; vel ut dicit Garcias *De Beneficiis part. 9. cap. 2. num. 158.* "Beneficia resignata *in favorem* non dicuntur vacare ad effectum, ut alteri conferri possint.

XVII. Addit Corradus, hoc casu cessare concursum, sive resignatarius sit provisus in Curia, sive in partibus. Quando enim resignatarius neque est in Romana Curia præfens, neque ad eandem transmissit testimonium suæ idoneitatis, tunc expediuntur litteræ suæ provisionis in forma *Dignum*, quas postea suo Ordinario præsentabit, ut examinetur non per concursum, sed tantùm ab Examinatoribus Synodalibus simul cum Ordinario, & si reperiat idoneus, consequitur possessionem Parochialis Ecclesiæ.

XVIII. Cùm in permutatione Beneficiorum, non alia intervenire censeatur vacatio; quàm in resignatione *in favorem*, imò ipsa permutatio tacitè contineat resignationem in favorem, eadem ratione, nec hic formam concursus requiri tradunt communiter Canonistæ, quos loco citato citat Corradus.

XIX. Licet forsitan non sine fundamento dubitari posset, num hujusmodi interpretatio tam generali expressioni Concilii consonet, præsertim ubi tam disertè & sine ulla distinctione provideri vult per concursum,

quando Ecclesiæ Parochialis vacatio per *resignationem etiam in Curia* contigerit, etiam si Parochialis Ecclesia reservata vel affectata fuerit generaliter vel specialiter, nihilominus indubitata hodie praxis est, in hujusmodi resignatione & permutatione cessare concursum; uti testatur Corradus; qui huic praxi objiciens verba Concilii Tridentini, ob quæ non videtur sufficere examen sine concursu, respondet: *Quia nihilominus sufficere diu observavimus.*

XX. Ne autem per reservationes aut affectiones forma concursus à Concilio præscripta impediatur aut restringatur, addit Concilium: "Etiam si ipsa Parochialis Ecclesia reservata vel affecta fuerit generaliter vel specialiter, etiam vigore indulti seu privilegii in favorem Romanæ Ecclesiæ Cardinalium, seu Abbatum, vel Capitulum.

XXI. Concilium, ut omnem reservationem comprehenderet, exprimere voluit reservationem in favorem *Cardinalium*; eò quòd dubitarent Canonistæ, utrum in generali constitutione Cardinales, ob eorum eminentem dignitatem & singulares prærogativas, intelligerentur comprehensum, si nulla ipsorum specialis mentio fiat. Gonzales ad *Reg. 8. Cancell. Gloss. 24. num. 11.*

XXII. Sub Decreto Concilii etiam comprehendi Ecclesiæ juris Patronatûs, sive quæ ad alicujus Patroni præsentationem aliàs essent conferendæ, ex ipso Decreto manifestum est. Vult enim "ut Episcopus & qui *jus Patronatûs* habet intra decem dies, vel aliud tempus ab Episcopo præscribendum, idoneos aliquot Clericos ad regendam Ecclesiam coram deputandis Examinatoribus nominet." Hic clarè supponit Concilium, aliquem habere jus Patronatûs Ecclesiæ vacantis, in cujus provisione formam concursus servari vult; illudque quotidianæ praxi est conforme.

XXIII. Verùm tantùm de Jure Patronatûs Ecclesiastico hic Concilium loqui, verba sequentia Concilii apertè declarant, quibus aliam formam providendi Ecclesiis Parochialibus ad jus Patronatûs laicorum spectantibus præscribit, quòd nimirum, "qui à Patrono præsentatus erit, ab eisdem deputatis (ad examen) examinari, & non, nisi idoneus repertus fuerit, admitti.

XXIV. Si jus Patronatûs sit *merè laicale*, formam concursus servari non debere, apud omnes in confesso est: sed si sit jus Patronatûs *mixtum*, dubitari posset; eò quòd ex quorundam Canonistarum sententia, qualitas Ecclesiastici tanquam dignior trahere debeat ad se qualitatem laicalem tanquam minus dignam; atque hoc titulo jus Patronatûs censeri debeat potius Ecclesiasticum, quàm laicale; præsertim in hoc casu, ubi esse Ecclesiasticum magis faret Ecclesiæ, cui melius per concursum provisum iri præsumitur.

XXV. Hac indubiè ratione motus Pius V. in citata Bulla, quæ incipit, *in conferendis*, inter Parochiales Ecclesias concursui subiectas enumerat illas, quæ Jurispatronatûs Ecclesiastici, vel aliorum seu Clericorum & LAICORUM simul fuerint.

Cui Constitutioni verisimiliter innituntur Declarationes Cardinalium, quibus non semel declaratum est, Ecclesias Parochiales Jurispatronatûs *mixti* subiacere concursui; etiam quando jus Patronatûs pertinet pro duabus partibus ad laicum, & pro una tantùm ad Ecclesiasticum. Vide Pyrrhum Corradum citato *cap. 3. & Garciam dicto cap. 2. num. 70.* Eamque sententiam amplexus est S. Carolus in Concilio V. Mediolanensi *part. 3. tit. Quæ ad Beneficiorum collationem attinent.*

XXVI. Verùm si revera sint Patronatûs *mixti*, id est, Laicus & Ecclesiasticus simul ad præsentationem concurrant, ipse Laicus hic in Belgio concursum excludit: neque per concursum patientur Laici quidquam imminui aut detrahi de jure suo: ipsumque Concilium Tridentinum in Belgio receptum esse cum expressa

exprefſa clauſula, ſalvo jure Patronatûs Regis ejuſque vaſallorum, notat Zypæus *tit. de Conſtit. num. 6.* & notoria praxis oſtendit; quæ Eccleſias Parochiales hujusmodi Jurispatronatûs mixti à concuſſu eximit; quemadmodum & ob mixturam Laici, hæc aliaque Beneficia eximuntur à Reſervationibus Pontificiis, & Nominationibus Academicis: unde quoad hunc articulum, nec diſta Conſtitutio Pii V. nec Declarationes Cardinalium eidem innixæ in Belgio receptæ ſunt.

XXVII. Si autem jus Patronatûs ita mixtum ſit, ut præſentatio alternatim ſive per *turnum* ſpectet nunc ad Laicum, nunc ad Eccleſiaſticum, ita ut ad eandem præſentationem nunquam concurrant, tunc in *turno* Eccleſiaſtici cenſetur totum Eccleſiaſticum; & conſequenter eâ vice Eccleſia Parochialis vacans, tanquam ad præſentationem Patroni Eccleſiaſtici ſpectans, concuſſui ſubjecta eſt, juxta expreſſa verba Concilii Tridentini. Neque hoc caſu aliquod præjudicium generatur Patrono Laico; quia etiam per collationem in forma concuſſus factam, *turnus* Eccleſiaſtici conſumitur; ut infra titulo De Jure Patronatûs oſtendetur.

## CAPUT III.

## De Examinatoribus, &amp; examine.

1. Synodus Tridentina deſideravit, ut Episcopus per ſe examini interſit.
2. Licet Episcopus, etiam ſine juſta cauſa abſit, non propterea concuſſus eſt invalidus.
3. Debent ut minus cum Episcopo adſeſſe tres Examinatores.
4. Hi in Synodo Diœceſana quotannis eligendi.
5. Ob intermiſſionem Synodorum non intermittendus concuſſus.
6. Nimiſ in hærent cortici verborum, qui concuſſum volunt eſſe nullum ob defectum Examinatorum Synodaliū.
7. Examinatores hodie eliguntur ab Episcopis extra Synodum.
8. Quales eligendi Examinatores?
9. An Synodus in eligendis Examinatoribus aliquem ordinem præſcripſerit?
10. An ob non ſervatum Ordinem concuſſus ſit nullus?
11. Quid in Examinatoribus præcipue deſideraverit Synodus.
12. Ex Decreto Synodi evincitur, gradus Academicos non nimium facile annuendos.
13. Juramentum ab Examinatoribus præſtandum.
14. Juramentum illud tantum ſemel præſtatur.
15. Examinatores nihil occasione examinis accipere poſſunt.
16. Examinatores ſine omni ſpe retributionis examen facere debent; nec poteſt Ordinarius ſtipendium iſſis assignare.
17. Super quibus examen inſtituendum.
18. Non tantum circa doctrinam, ſed etiam alias qualitates.
19. Debet attendi capacitas ad hanc vacantem Eccleſiam.
20. Quid ab Examinatoribus Synodalibus præcipue ſit attendendum?
21. Examinandi circa exercitium orationis.
22. Super formandis concionibus.
23. An unquam aliàs curam animarum egerint?
24. Examinatores totam vitæ ſeriem examinare debent.
25. Quam difficile ſit per examen, prout hodie inſtituitur, exactam notiſiam Examinandorum accipere.

I. CONCILIIUM Tridentinum vult, ut “ tranſacto “ conſtituto tempore, omnes, qui deſcripti fuerunt, examinentur ab Episcopo, ſive, eo impedito, Tom. I.

„ ab ejus Vicario generali, atque ab aliis Examinatoribus non paucioribus quàm tribus.

Ex his ſatis intelligitur, deſideraſſe Synodum, ut ipſe Episcopus huic examini interſit, eique præſideat; quod præſens poſſit de capacitate Examinandorum ipſe exactius ſecuriuſque judicare. Cùmque hic agatur de re ſummi momenti, & unde præcipue rectum regimen Diœceſis dependet, non facile alia negotia ab hoc examine Episcopos, quibus ſalus animarum & ſpirituale Diœceſium regimen cordi ſunt, avocabunt: verendumque ne Episcopis circa hoc examen negligentibus, & paſſim aliis id credentibus, frequenter reſeri poſſit illud S. Bernardi. “ Optimi videlicet æſtimatores rerum, qui magnam de minimis, parvam aut nullam de maximis curam gerunt. Sed, ut liquidò datur “ intelligi, patientiùs ſerimus Chriſti jaſturam, quàm noſtram, „ *Lib. 4. de Conſid. cap. 6.*

II. Interim quia nonnunquam contingere poteſt, ut & zeloſiſſimi quique Episcopi nonnullis aliis negotiis graviſſimis detineantur, permittit Synodus, ut hujusmodi impedimento occurrente, poſſit coram Vicario ejus generali examen peragi. Imò tamen minimè conveniat, ceſſante juſto impedimento, examen Vicario committi, ſi nihilominus committatur, non propterea inducitur nullitas examinis; aut concuſſus ob id de nullitate argui poterit; quemadmodum notat *Garcias de Beneficiis, part. 9. num. 119.* monens illa verba: eo impedito, poſita eſſe ad demonſtrandum, convenire, quodd ab Episcopo, ceſſante impedimento, fiat examen. Huic opinioni conformis eſt omnium Diœceſium praxis.

III. Vult autem Synodus, ut cum Episcopo ejuſve Vicario generali adſint alii Examinatores, non pauciores quàm tres; non quod præciſè requiratur numerus trium, ſed quod non poſſint eſſe pauciores quàm tres.

IV. Ut autem capaciores magiſque integri ſint, hi Examinatores, ſtatuit Concilium: “ autem ſingulis annis in Diœceſana Synodo ab Episcopo, vel ejus Vicario ad minus ſex proponantur, qui Synodo ſatiſſanciant, & ab ea probentur. Advenienteque vacatione cujuſlibet Eccleſiæ, tres ex illis eligat Episcopus, qui cum eo examen perſiciant, indeque ſuccedente aliâ vacatione, aut eoſdem, aut alios tres, quos mauerit, ex prædictis illis ſex eligat.

Ab hac Synodi deputatione ſeu probatione, hi dicuntur Examinatores Synodales.

V. Concilium Tridentinum eâdem hac Seſſione, quâ promulgavit Decretum de forma concuſſus ad Eccleſias Parochiales, etiam decreverat *cap. 2.* ut Synodi Diœceſana quotannis celebrentur. Hac ergo Decreti executione ſuppoſitâ, & ei conformi annuâ celebratione Synodi Diœceſanæ, optimâ ratione decrevit Concilium, ut quotannis in Synodo Examinatores ad examen concuſſus deputarentur. At ſupponere Concilium voluiſſe, ob intermiſſionem Synodorum, etiam concuſſum eſſe neceſſariò omittendum; eò quod Examinatores in Synodo propoſiti & probati non haberentur, à ratione alienum, & nimis literale eſt.

VI. Cùm enim Concilium hanc formam concuſſus & examinis propoſuerit tanquam medium aptiſſimum, quo diligentius ac rectius Eccleſiis Parochialibus provideatur, credideritque maximè expedire animarum ſaluti à dignis atque idoneis Parochis eas gubernari, nullatenus veriſimile eſt, Concilium ab hac formalitate voluiſſe validitatem concuſſus dependere; aut eam examinandi rationem ceſſare, propterea quod Examinatores in Synodo Diœceſana deputati non habeantur.

Unde Zypæus *Conſult. 1. de Elect.* inter nullitates concuſſus à Barbosa aliſque cortici verborum nimium in hærentibus, contra mentem Synodi allegatas, reponit ſequentes, quod “ Examinatores in Synodo non ſint “ approbati, & quidem tres in Synodo approbati non ſint

X x x x

ſint

„ sint adhiberi, vel singulis annis in Synodo seu Examinatores non sint propositi, nominatum quidem, & non in genere, vel sub nomine dignitatis, vel in locum denominatorum eo anno mortuorum alii surrogati non sint ab Episcopo cum consilio Capituli, & dummodò mox intra annum Synodus celebretur: nam elapso anno Synodi, omnium officium exspirare volunt, adeò ut nisi sex in Synodo nominati supersint, cæterorum officium nullius sit momenti, nec Episcopo liceat alios sumere; adeò quidem ut quamvis in prioribus Synodis probati sint Examinatores, nullius flocci sint, nisi in ultimis Synodis sint expressè confirmati, & quidem tam scrupulosè, ut quamvis competenti numero Examinatores fuerint Synodales, si quis tamen accesserit non Synodalis, actum aliorum irritet.

Has aliasque nullitates ex ipso verborum rigore petitas, & quæ hodie ubique concursum cessare facerent, videre est apud Barbosam *De Officio Episcopi. part. 3. Allegat. 60.* & Massobrium in praxi habendi concursum *Requisito 11. & 12.* quas & communis praxis omnium passim Diocesum, in quibus concursus viget, tanquam menti Concilii Tridentini contrarias rejecit: quòd si admitterentur, concursum in pluribus Diocesis impossibilem redderent.

Porrò rectè monet *Zypæus num. 9.* quod mens Concilii Tridentini fuerit saluti animarum per maximè idoneos Parochos providere. „ Quod & Synodus Provincialis I. Mechliniensis considerans, litteram occidere, rationemque legis vivificare, commiserit prudentiæ Episcoporum, omnia ad examen hujusmodi necessaria, & provisiones post examen ipsorum judicio necessarium factas, validas declaraverit: profectò (ait) salubrius quàm Romanistæ quidam Curiales, qui omnes confectantur subtilitates, ut hujusmodi concursus subvertant, quo via aperiatur Romipetis, qui annatas augeant.

VII. Examinatores necessarios credunt Episcopi; at ii, dum Synodus Diocesana ob temporum & rerum circumstantias haberi nequit, ab ipsis Episcopis tanquam Synodi Diocesanae Præsilibus & præcipuis directores eligi possunt; uti & ab ipsis sine consilio sui Cleri aut Capituli eligi, longo usu invaluit: dicunturque nihilominus examinatores *Synodales*; eò quòd fungantur vice illorum, qui à Synodo essent probandi.

VIII. Quales autem Concilium desideraverit in Examinatores assumi, declarat verbis sequentibus: Sint „ verò Examinatores Magistri, seu Doctores, aut Licentii in Theologia, aut Jure Canonico, vel alii Clerici, seu Regulares, etiam ex Ordine Mendicantium, aut etiam seculares, qui ad id videbuntur magis idonei.

IX. Credit multisque adstruere conatur Fagnanus ad *cap. INTER CÆTERA De Rescriptis*, à Concilio inter diversa personarum genera hic expressa, non esse datam optionem Episcopo deputandi in Examinatores, quos vellet; sed potiùs ordinem esse præscriptum, adeò „ ut Clericos gradu Magisterii, aut Doctoratus, vel alii Licentiatæ carentes, eligere non debeat, ubi aliorum his qualitatibus præditorum copia suppetat. „ Et consequenter Episcopum ad secundam partem alternativæ, quæ incipit à particula disjunctiva, *Vel*, pervenire non debere, quamdiu primæ possit esse locus.

X. Monet tamen Fagnanus ibidem *num. 54.* „ Et si Episcopus eligere debeat Examinatores prædictis qualitatibus insignitos, si eorum copia suppetat; non tamen sequitur, ut si alios Clericos eligat, concursus propterea sit nullus. „ Deinde subjungit: „ Sacra Congregatio Concilii alias consultata in casu Montis Regalis, an concursus habitus coram Examinatoribus Synodalibus *non Doctoribus, vel Magistris*, aut saltem Licentiatis in Theologia, vel Jure Canonico, sit nullus, cùm præsertim alii exstant his qualitatibus præditi: Die 2. Augusti 1602. respondit, debuif-

„ se quidem eligi Examinatores, qui sint Magistri, sive Doctores, aut Licentii in Theologia, aut Jure Canonico. Cæterùm, etiam si his qualitatibus careant, concursum non esse propterea nullum.

XI. Etiam hic nullam de validitate concursus questionem moveri intelligimus, tamen si ommissis Graduatibus in Examinatores assumantur, Clerici non Graduatii. Equidem Decretum Concilii sic evincit, voluisse Concilium indicare, in Examinatores esse assumendos, qui eruditione aliisque dotibus magis idonei sunt: qui huic examini, à quo Ecclesiarum Parochialium provisio dependet, non tantùm corporaliter præsentibus sint, & aliquas quæstiones præformatas proponere queant; sed justum rectumque judicium de concurrentium capacitate ad regimen animarum ferre possint.

XII. Hic rursus nota, Concilium sollicitum, ut idonei Examinatores eligerentur, Graduatibus specialiter designaverit, tanquam qui publicum capacitatis & eruditionis testimonium acceperint; quo rursus elucet, quomodo Ecclesiæ imponant, qui hujusmodi publica testimonia nimia facilitate annuunt; de quo *suprà tit. 2. cap. 4. aliàs tit. 19. c. 4.*

XIII. Hi Examinatores ex præscripto Concilii Tridentini jurare debent „ omnes ad sancta Dei Evangelia „ se, quacumque humanâ affectione postpositâ, fide „ liter munus executores.

XIV. Juramentum non in quolibet actu examinis præstari debet, nec præstari solet; sed tantùm semel in initio assumptionis: quamvis optandum esset, ut Examinatores ad examinandum properantes, semper præstati à se juramenti meminissent; omnemque humanum affectum deponerent; ac signanter placendi Episcopo, à quo dependent; & non rarò promotionem ulteriorem expectant, quòd facillè contingit, affectu excæcantes, ut favorabiliùs judicent de iis, quos noverunt Episcopo gratiores: licet etiam sciant, aut facillè scire possint, Episcopum humano affectu erga nonnullos præoccupatum: de quo affectu, nimirum placendi, hodie major suspicio esse potest, dum à solo Episcopo constituuntur.

XV. Ut magis integri & indifferentes sint Examinatores, vult Concilium, ut „ caveant, ne quidquam „ prorsus occasione hujus examinis, nec ante, nec post „ accipiant, alioquin simoniæ vitium, tam ipsi, quàm „ alii dantes incurrant; à qua absolvi nequeant, nisi dimissis Beneficiis, quæ quomodocumque etiam obtinebant, & ad alia impofterum inhabiles reddantur.

XVI. Hic rigor satis insinuat, Concilium omninò voluisse, ut hoc examen sine omni spe remunerationis perageretur: ne vel spe munerum Examinatores in judicando excæcari contingeret. Imò teste Garcia *De Benef. parte 9. cap. 2. num. 374.* declaravit S. Congregatio: „ Non potest Ordinarius statuere aliquod stipendium, etiam minimum Examinatoribus deputatis in „ Synodo pro concursu Parochialium, & si Synodus „ Diocesana secùs statuerit, Decretum esse irritum & nullum.

XVII. Statuto tempore per Ediçtum transacto, omnes, qui descripti fuerint, ab Episcopo ejusve Vicario & Examinatoribus Synodalibus examinari debent, juxta Decretum Concilii Tridentini.

Circa quæ examen versari & institui debeat, indicat Synodus; ubi postquam dixit, liberum esse etiam aliis, quàm Episcopo & Patrono, qui aliquos ad id aptos noverint, eorum nomina deferre, subjicit: „ Ut possit „ postea de cujuslibet ætate, moribus & sufficientia fieri diligens inquisitio. „ Idipsum clariùs expressit his verbis: „ Peracto deinde examine, renuntientur quot „ quot ab his idonei judicati fuerint ætate, moribus, „ doctrinâ, prudentiâ, & aliis rebus ad vacantem Ecclesiam gubernandam opportunis.

XVIII. Hic patenter supponit Synodus, examen non tantùm circa doctrinam; sed etiam circa cæteras qualitates ac dotes ad regendam Parochialem Ecclesiam ne-



neceſſarias eſſe inſtitutum: alias enim quomodo peracto examine renuntiare poſſent, qui non doctrina duntaxat, ſed & moribus, prudentia & cæteris rebus ad vacantem Eccleſiam gubernandam opportunis eſſent idonei?

XIX. Notatu dignum, quod Concilium velit, ut non tantum examinetur, an quis ſit idoneus ad Parochiam regendam; ſed utrum ſit idoneus ad hanc *VACANTEM Eccleſiam adminiſtrandam*. Quis enim neſcit, quempiam poſſe ſufficere Parochiæ rurali & paucorum incolarum regendæ, qui non ſufficiat Parochiæ urbanæ & numeroſæ adminiſtrandæ? Hinc S. Carolus in Concilio Mediolanenſi parte 3. tit. De examinandi ratione, vult: "cum initur examen illius, cui in curam certa Eccleſia Parochialis tradenda eſt, videant ante examinatores, qui, qualis, & quam numeroſus populus ſit, cujus Parochialem curationem iſ ſuſcipiet. Qua ſane re diſtingenter explorata, in examine quod inibunt, ſibi proponant accurate perſpicere, an ad eam curam ſuſcipiendam gerendamve idoneus omnino ille ſit.

XX. Quandoquidem Concilium Tridentinum velit, ut Examinatores inquirent, utrum concurrentes ſint idonei ad regendam *vacantem* Eccleſiam, indubie magis conſonum eſſet menti Concilii, ut vacante aliqua Eccleſia Parochiali, non expectaretur plurium aliarum Eccleſiarum vacatio, ut unico inſtituto concurſu omnibus vacantibus provideretur, ſed ut una vacante, pro hac particularis haberetur concurſus: ut ita examen cum reſpectu ad hanc Eccleſiam vacantem inſtitueretur, qui reſpectus non ita commode haberi poteſt, quando inſtituitur concurſus & examen ſuper pluribus ſimul vacantibus Eccleſiis, prout hodie in pluribus Dioceſibus fieri ſolet.

Quin & in aliquibus Dioceſibus id conſuetum eſt fieri, ut examine peracto, idonei aut magis idonei renuncientur ad vacantes Eccleſias, qui quæſtionibus propoſitis melius ſatiſfeciffe iudicantur; ſæpe nullo, aut modico habito reſpectu ad cæteras qualitates, quæ pro ſingularum Eccleſiarum Parochialium vacantium conditione eſſent requirendæ.

Quis enim neſcit pro diverſitate Parochiarum, & varia populi conditione & genio, varias quoque in Paſtore & Rectore qualitates requiri, non tantum in doctrina & ſcientia, ſed & in modo converſandi & agendi.

Aliter agendum cum populo moribus agreſſibus & plane incultis addiſto, aliter cum populo genii cultioris & nobilioris.

Quod autem in quibuſdam Dioceſibus invaluit, ut concurrentes declarare jubeantur, ad quam vacantem Eccleſiam concurrant, merito expenderent Episcopopi, utrum menti Eccleſiæ & Concilii Tridentini, necnon vocationi ad regimen animarum ſat ſit conforme.

XXI. Ea proſpecto mens non fuit nec S. Caroli, nec Concilii Mediolanenſis ſupra citati, in quo deſcribuntur dotes, quas in examine ſibi proponere debent examinatores, & quas à ſuis candidatis requirere poſſiſſimum tenentur. Concilium ſtatuit ut primo de toto vitæ ſtatu, & genere ejus quærat, qui examen ſubit.

Deinde inter alia quæri vult: "An in orationis ſanctæ ſtudio uſuque verſatus. Quibus meditationibus inſtructus, Deum tacitus oret. Qui orationis modus. Qui illius fructus, quæve utilitates. Quæ regulæ præparationis ad orationem, & cætera multa ejusdem generis, prout prudens piusque examinatus, pro ratione aut perſonæ de qua quæritur, aut cauſæ ob quam ſit examen, opus eſſe viderit.

Hæc tamen ab omnibus, qui clericali militiæ adſcribuntur perquiri velit, monet tamen: "tum maxime ab iis qui vel Sacerdotio initiantur, vel Parochialem curam ſuſcipiunt, vel ſacræ confeſſionis audiendæ munus ſumunt, vel in traſtatione Verbi Dei, ſacriſque concionibus verſari volunt.

Tom. I.

XXII. Poſt hæc adjungit nonnulla ſpecialiter quærenda ab iis, qui Eccleſiis Parochialibus præficiendi ſunt; nec ſolum quærat, ſed & *experiundo cognoscatur*, inquit; "An ſermones contexere, habereve ſciant?

"An ſi quos habuerint, unde ſumpſerint, aut quam illis contexendis conſcribendisve rationem adhibuerint; & vero ſi quos apud ſe conſcriptos tunc habeant, eos oſtendant atque tradant?

"An in eo genere aliquid ex tempore poſſint, tunc extemporaneo, brevique ſermone periculum fiat, quantum concionando valeant?

XXIII. Præterea illud quæri ſtatuit: "An alias unquam curam animarum geſſerint: quod ſi affirmant; tum interrogentur etiam, & ubi geſſerint, & cur inde diſceſſerint?

"An intelligant quanti illud ſit, animarum curam ſuſcipere, ruruſque gerere, quæque partes ac virtutes illæ ſint, quibus bonum ac vigilantem animarum curatorem præditum eſſe oportet?

XXIV. Hæc pauca ex pluribus ibidem propoſitis, ſat oſtendunt, S. Caroli mentem fuiſſe, ut examinatores circa totam vitæ rationem, & omnes condiciones in Parocho requiſitas ſedulo inquirerent, & examen inſtituerent.

Ex hac quoque examinandi ratione apparebit, quam procul à ſpiritu S. Caroli abſint examinatores illi, qui hærentes circa ſteriles nonnullas, & abſtruſas quæſtiones, quæ ad directionem populi nihil aut parum conferunt; & de qualitatibus ac ſcientia Paſtoris boni nullam aut exiguam curam habent.

XXV. Porro quæ tum de examinatore, tum examine Ordinandorum dicta ſunt *ſect. 1. titulo 9. cap. 4.* hic quoque applicari poſſunt; atque imprimis hic maxime locum habet, quod ibidem obſervatum eſt, quam difficile ſit ex testimoniis adferri ſolitis, de vita & moribus examinandorum judicare, ni aliunde noti ſint auctores testimoniiorum; quamque temere hiſce testimoniis ſæpius fides habeatur. Deinde quam parum ſufficiens notitia habeatur capacitatibus ad regimen animarum, quæ eſt *ars artium*.

## CAPUT IV.

De Renuntiatione idoneorum; de electione magis idonei; & de collatione huic faciendæ.

1. Peracto examine, renuntiandi qui ſint idonei.
2. Inter examinatores concluditur à pluralitate ſuffragiorum; & in paritate decidit Episcopus.
3. Deciſio hæc faciendæ in ipſo examine.
4. Examinatores judicium ſuum dare debent collegialiter.
5. Debent dare judicium de idoneitate quoad omnes qualitates.
6. Non omnia requiruntur ad eſſentiam concurſus.
7. Ex approbatis Episcopus debet eligere digniorem.
8. Episcopi eſt judicare quis ſit dignior.
9. Vigore Concilii Trident. à judicio Episcopi in electione dignioris non appellatur.
10. Appellationem permittit Conſtitutio Pii V.
11. Ad hanc appellationem non requiritur prævia probatio irrationabilis judicii Episcopi.
12. Non paſſim tamen, nec facile hic admittenda appellatio.
13. In Belgio Conſtitutio Pii V. recepta non eſt.
14. In hac electione Episcopus non adſtringitur judicio Examinatorum.
15. Non poteſt tamen eligere illum quem Examinatores judicaverunt in idoneum.
16. Eleſto tanquam magis idoneo faciendæ collatio ab eo, ad quem de jure pertinet.

X x x x 2

17. In

17. *In reservatis videtur collatio petenda à Pontifice.*
18. *Id in Belgio non servatur; & quare?*
19. *Hac obtinent in Parochialibus liberæ collationis.*
20. *Decretum Concilii Trid. quoad Ecclesias Jurispatronatus Ecclesiastici.*
21. *Concilium loquitur de institutione authorisabili.*
22. *Attento jure communi, videtur electio dignioris potius Patrono, quam Episcopo delata.*
23. *Aliquando judicatum electionem Patrono competere.*
24. *Institutio etiam authorisabilis potest competere Archidiacono.*
25. *Male confunditur institutio cum datione curæ animarum.*
26. *Archidiacono competit interdum institutio jure tantum delegato.*
27. *Potest etiam jure proprio & ordinario tam habere.*
28. *Potest electio dignioris competere Episcopo, tametsi institutio pertineat ad Archidiaconum.*
29. *Capitulum, Sede vacante, confert Parochiales; & instituit concursum.*

I. **P**ERACTO examine (ait Concilium Tridentinum) „renuntiantur, quotcumque ab his (examinatoribus) idonei judicati fuerint ætate, moribus, doctrina, prudentia, & aliis rebus ad vacantem Ecclesiam administrandam opportunis.

II. Si inter examinatores non conveniat super idoneitate, aut inidoneitate aliquorum qui examinati sunt, tunc à pluralitate suffragiorum concluditur; aut si vota sint paria vel singularia, accedere poterit Episcopus, ejusve Vicarius, qui in examine præfens fuerit, quibus magis videbitur, uti loquitur Synodus Tridentina.

III. Hæc autem accessio fieri omnino debet in ipsomet examine, & coram iisdem examinadoribus simul congregatis, non autem separatim, ait Massobrius in Praxi habendi concursus *requis. 3.* sequutus Garciam de Benef. *part. 9. cap. 2. num. 58.* rationem subjicit: „Nam approbatio vel reprobatio eorum qui „examinantur, non potest fieri separatim, sed ab „examinadoribus simul cum Ordinario. „Notat quoque ibidem *num. 56.* à S. Congregatione resolutum fuisse, „examen esse faciendum coram Episcopo, vel „ejus Vicario absque eorum voto *decisivo*, & tantum „eos posse accedere, ubi vota sunt paria, vel singularia.

IV. Idipsum tradit Cardinalis de Luca in annotatione ad hoc *caput 18.* Concilii Tridentini *num. 9.* dicens quod examinatores „*collegiatio* jure, votum, „sive secretum, sive publicum, aut in scriptis vel „oretenus, pro diversis locorum styliis, in *ipso actu*, „proferre debeant, quos scilicet approbent, & quos reprobent.

V. Cum capacitas ad regendam Ecclesiam Parochialem non consistat in sola doctrina, etiam non sufficit, ut examinatores proferant judicium super sola concurrentium doctrina; sed requiritur, ut renuntient, ac judicent, qui inter examinatos sint *absolute* idonei ad vacantem Ecclesiam administrandam; uti ex supra relatis Concilii verbis est manifestum. Unde teste Garcia de Benef. *part. 6. cap. 2. num. 236.* censuit Congregatio, „quod huic Decreto non est satisfactum per relationes „examinatorum, quorum aliqui simpliciter renuntiaverunt examinatum idoneum quoad litteraturam, alii „que approbaverunt eum ad litteraturam, quoad *reliqua* dicentes esse *onus* Episcopi.

VI. Verum si quid ex his omisum esset; v. g. ipsi examinatores, *absente* Episcopo, sua vota in communi collegissent; judiciumque deprompsissent, & Episcopo *absenti* illud per litteras significassent, uti hic fieri solet, nequaquam propterea de nullitate concursus erit arguendus.

VII. Ex his (ab examinadoribus tanquam idoneis „renuntiatis) Episcopus eum eligat, quem cæteris ma-

„gis idoneum judicaverit, „ait Concilium Tridentinum.

Debet ergo vi Decreti Concilii Episcopus ex renuntiationis tanquam idoneis ad vacantem Ecclesiam administrandam eligere *digniore*. Neque hic aliquid positivi Concilium statuit, aut Episcopo injungit; sed obligationem ex jure etiam naturali profluentem proponit, & servare mandat.

VIII. Dicendo autem, *quem magis idoneum* JUDICAVIT, significat, judicium de majore idoneitate inter approbatos ab examinadoribus, relinqui Episcopo, ita nimirum ut Episcopus præeligendo ex humano affectu minus dignum postposito *digniore*, graviter quidem peccet; sed tamen ipsa electio in foro externo impugnari nequeat; quemadmodum generaliter de electione *minus digni*, omisso *digniore*, docent post S. Thomam communiter Theologi & Canonistæ; de quo latius infra, ubi de vitanda acceptione personarum in Beneficiorum collatione agetur.

IX. Unde notat Fagnanus ad *cap. EAMTE & De ætate & qualit. Ordinand. num. 26.* quod licet aliquando in Rota resolutum fuerit, quod à reprobatione examinerum detur appellatio devolutiva, „tamen non „potest Postpositus ab *irrationabili* judicio Episcopi *appellare in vim Concilii*.

X. Addit expresse hæc verba, *in vim Concilii*, nam post Concilium supervenit Constitutio Pii V. quæ incipit *In conferendis*, in qua §. 7. decernitur: Ut autem non solum dignis, sed *magis idoneis*, repertis, „juxta ejusdem Concilii Decretum Parochiales Ecclesiæ conferantur: Volumus, & decernimus, quod si „Episcopus minus habilem, post habitis *magis idoneis*, elegerit; possunt ii, qui rejecti fuerint, à mala electione hujusmodi ad Metropolitanum, vel si ipse eligens Metropolitanus, aut exemptus fuerit, ad viciniorum Ordinariatum, uti Nostrum, & Sedis hujusmodi delegatum, aut alias ad ipsam Sedem Apostolicam appellare, ac præelectum ad novum examen coram ipso appellationis Judice, & ejus examinadoribus provocare. Et confuso de prioris eligentis *irrationabili* judicio, eoque revocato, Parochialis *magis idoneo* per eundem Judicem appellationis auctoritate nostra (quatenus collatio ad Episcopum, à quo appellatum fuit, spectaret) conferatur; alias eidem *magis idoneo* per Judicem appellationis approbato conferenda, remittatur ad eum ad quem collatio, provisio, vel institutio spectabit. Hæc tamen appellatio interposita interim non impediat, aut suspendat quominus electio per Ordinarium primo loco facta interim debeat demandetur executioni; & provisus ab eadem Ecclesia, causa appellationis hujusmodi pendente, non amoveatur. Et si quis à sententia per Judicem appellationis lata duxerit appellandum, is tunc ad Sedem ipsam Apostolicam appellabit.

XI. In vim hujus Constitutionis posse rejectum ab *irrationabili* Episcopi judicio appellare, saltem quoad effectum devolutivum, satis apparet manifestum; & notant passim recentiores Canonistæ, qui hujus Constitutionis meminere, dicuntque, neque postpositum debere ante introductam appellationem per aliqua *nova* documenta probare, Episcopi judicium fuisse *irrationabile*; sed oportere ut id probetur per *novum* examen, aut aliunde coram *judice appellationis*, uti probat Fagnanus loco jam citato; asseritque sæpius à Sacra Congregatione, & Rota Romana ita decisum fuisse.

XII. Monet tamen Fagnanus ibidem *num. 39.* quod etsi ad obtinendum *novum* examen in judicio appellationis, non sit necesse, ut prius constet de *irrationabili* judicio; nihilominus S. Congregatio non consueverit novum examen decernere, nisi dato aliquo *fumo irrationabilitatis* & malæ præelectionis Episcopi. Deinde nonnullis interpositis refert, „die 21. Feb. 1612. censuisse S. Congregationem, concursus novum in Urbem instituendum, ubi orator de veritate narratorum „dederit

„ dederit ſumum; id eſt, poſtquam per atteſtationes ex-  
 „ trajudiciales, vel alia uniformia documenta de hujus-  
 „ modi ſuſpicionem, & gravamine aliqualem fecerit ſi-  
 „ dem, ut ſic probabilis, & ſufficiens cauſa cum ex-  
 „ cuſet à calumnia.

Sane niſi hæc cautio adhibeatur, ſed indifferenter ap-  
 pellatio ab electione Episcopii, tanquam irrationabiliter  
 facta admittatur, rariffimus, aut penè nullus inſtituetur  
 concurſus, qui non litibus & quæſtionibus, non ſine  
 gravi animarum diſpendio, ſubjacebit.

XIII. Cum vero hiſce in diſpoſitionibus concurſus inſti-  
 tuatur ex præſcripto Concilii Tridentini, neque con-  
 ſiſter, Conſtitutionem Pii V. hætenus hic receptam, &  
 juxta modum in Belgio uſitatum legitime publicatam;  
 non ſolent quoque ab electione Episcopii appellationes  
 interponi; neque facile eas Episcopii admitterent; inhæ-  
 rentes Concilio Tridentino danti auctoritatem Episcopio  
 eligendi ex approbatis ab examinatore, quem cæteris  
 magis idoneum judicaverit, ſcilicet ipſe Episcopus.

XIV. Quinimo cum Concilium judicium de magis  
 idoneo detulerit Episcopo, non apparet, quod in hac  
 electione, ſive judicio ipſe dependeat à judicio & ſuf-  
 fragio examinerum: ut ſi ipſi examineres inter exa-  
 minatos ordinem ſervarent, exprimendo quos præ aliis  
 judicaverint tanquam magis idoneos eſſe præferendos,  
 Episcopus deberet hunc ordinem ſervare: ſed poſſet,  
 hoc ordine neglecto, eligere quem ipſe cæteris magis  
 idoneum judicat, idque etiam juſte ac licite, ſi ex par-  
 ticularibus informationibus noverit, illum revera præ  
 hoc ad vacantem Eccleſiam eſſe magis idoneum. Si au-  
 tem ex humano aliquo affectu minus idoneum magis  
 idoneo præeligat, electio quidem illicita erit in foro  
 poli, graviterque coram Deo culpabilis erit Episcopus;  
 ſed in foro ſocij valida erit: & ita habet praxis quoti-  
 diana.

XV. Hæc tamen eligendi libertas à Concilio Episcopis  
 data reſtringitur ad eos, qui examine peracto ab  
 examineribus idonei judicati fuerunt ætate, moribus,  
 doctrina, prudentia & aliis rebus ad vacantem Eccle-  
 ſiam adminiſtrandam opportunis. Nam poſtquam dixit,  
 quotquot ita idonei ſunt, peracto examine, eſſe renun-  
 tiandos, immediate ſubjungit: Ex hiſque Episcopus  
 eligat, &c. manifeſte ſignificans, ex hiſ qui tanquam  
 idonei renunciati ſunt, ab Episcopo eligendum illum,  
 quem ex hiſ magis idoneum judicaverit. Unde ex om-  
 nium Canonistarum ſententia, non licet Episcopo eli-  
 gere illum, quem examineres, aut eorum major pars  
 idoneum judicaverit; tamen ipſe judicaret ex par-  
 ticularibus informationibus, hunc eſſe idoneum; imo  
 cæteris magis idoneum. Nam, ut ante notatum fuit,  
 judicium de idoneitate ipſis examineribus Synodali-  
 bus & juratis à Concilio Tridentino delatum eſt: ipſi  
 vero Episcopo tantum ſuffragio decifivo in paritate  
 conſeſſo.

XVI. Poſtquam ex renunciatis ab examineribus  
 tanquam idoneis ad vacantem Eccleſiam adminiſtran-  
 dam, Episcopus elegerit, quem cæteris magis idoneum  
 judicaverit, tum vult Concilium, „ ut illi & non al-  
 „ teri, collatio Eccleſiæ ab eo fiat, ad quem ſpectabit  
 „ eam conferre.

XVII. Hinc ſtatuunt Canoniftæ, quod ſi Eccleſia  
 vacans ſit ex reſervatis Sedi Apoſtolice, aut vacet in  
 menſe reſervato, Episcopus quidem poſſit inſtituere  
 concurſum; & ex renunciatis idoneis eligere, quem cæ-  
 teris magis idoneum judicaverit; ſed quod debeat ipſe  
 electus à Pontifice collationem accipere; atque ita vi  
 Concilii Tridentini. etenim quidem eſſe reſervationem  
 ſublata, quod ea non obſtante concurſus inſtitui  
 queat; ſed tamen collatio examinato, & ab Episcopo  
 tanquam magis idoneo electo faciendâ ſit ab ipſo Pon-  
 tifice, ad quem titulo reſervationis collatio ſpectat. Et  
 ita declaravit Pius V. in ſæpe citata Conſtitutione, in  
 verbis: *Electus nobis aut Succelloribus noſtris pro COL-  
 LATIONE obtinenda, &c.*

XVIII. Verum quia pro obtinenda collatione à Ro-  
 mano Pontifice tempus ſubinde non modicum require-  
 retur, incommodumque foret, tanto tempore Eccle-  
 ſiam Parochialem vacare, uſus in hiſce Provinciis in-  
 valuit, ut collatio etiam in reſervatis fiat ab Episcopo;  
 ipſaque reſervatio, quoad Parochiales ſaltem, per con-  
 curſum conferri ſolitas penitus cenſetur ſublata; ac pro-  
 videatur indifferenter, & eodem modo Eccleſiis Para-  
 chialibus reſervatis & non reſervatis: de quo uſu teſta-  
 tur Zypæus in Jure novo tit. De Elect. num. 15. & latius  
 deducit, & à verbis Concilii diſſonum non eſſe hunc  
 uſum contendit Conſult. 1. De Elect.

XIX. Et hæc quidem tam circa electionem dignioris  
 ex approbatis faciendam ab Episcopo, quam obtinenda  
 collationem, procedunt quoad Eccleſias Parochia-  
 les libera collationis; at ſi ſint *Jurispatronatus Eccleſia-  
 ſtici*, tunc Conſilium electionem ſubinde ad Patronum,  
 interdum ad Episcopum ſpectare declarat.

XX. Si enim „ inſtitutio ad Episcopum, & non ali-  
 „ um pertineat, is quem Patronus digniorem inter pro-  
 „ batos ab examineribus judicabit, Episcopo præſen-  
 „ tare teneatur, ut ab eo inſtituatur. Cum vero inſtitutio  
 „ ab alio, quam ab Episcopo, erit faciendâ; tum Epif-  
 „ copus ſolus ex dignis eligat digniorem, quem Patro-  
 „ nus ei præſentet, ad quem inſtitutio ſpectat. „ Syn.  
 Trid. ſeſſ. 24. cap. 18. De Reformat.

XXI. Inſtitutio hic accipitur non pro inſtitutione  
 corporali ſeu miſſione in poſſeſſionem; ſed pro inſtitu-  
 tione auctorifabili ſive tituli collatione, & titulum Ca-  
 nonicum tribuit; de qua inſtitutione loquitur regula  
 juris dicens: „ Beneficium Eccleſiaſticum non poteſt li-  
 „ citè ſine inſtitutione Canonica obtineri. „ Cap. 1. De  
 Regula Juris in VI.

XXII. Unde ſi jus commune ſpectemus, Patroni  
 Eccleſiaſtici potius, quam Episcopii eſſet, ex approba-  
 tis ab Examineribus eligere quem cæteris magis ido-  
 neum ad vacantem Eccleſiam adminiſtrandam judica-  
 verit: quia de jure inſtitutio Canonica ſeu auctorifabilis  
 ad Episcopum pertinet; præſertim in Beneficiis cura-  
 tis: adeo ut nec de conſuetudine ea Archidiacono com-  
 petere poſſe videatur, Cap. 4. & De Officio Archid.  
 cujus hæc eſt rubrica: *Archidiaconus ſine mandato Epif-  
 copii non committit curam animarum; id eſt, non habet  
 inſtitutionem auctorifabilem.* Et in cap. 7. & eod.  
 tribuitur Archidiacono inſtitutio non auctorifabilis ſeu  
 tituli collativa; ſed corporalis.

XXIII. Quapropter orta difficultate ſuper jure eli-  
 gendi magis idoneum ex approbatis in concurſu inter  
 Abbatem S. Vedasti & Episcopum Atrebatenſem, ju-  
 dicatum fuit per Conſilium Privatum, Abbati in vim  
 hujus Decreti Concilii Tridentini competere electio-  
 nem, non obſtante quod Episcopus aſſereret, inſtitu-  
 tionem eſſe penes Archidiaconum. Hujus ſententiæ me-  
 minit Zypæus in Jure novo tit. De Inſtit. num. 5. & in-  
 tegram reſert Antonius Anſelmo inter varia documenta  
 concernentia bona & Jurisdictionem Eccleſiaſticam pag.  
 28. Notat autem Zypæus, Conſilium Privatum per hanc  
 ſententiam, „ tacite decidiſſe, inſtitutionem vel admi-  
 „ niſtrationem vacantis Parochialis, quam Episcopus  
 „ Archidiacono competere aſſerebat, non eſſe tituli col-  
 „ lativam.

XXIV. Quin tamen inſtitutio tituli collativa, ſeu  
 auctorifabilis aliis, quam Episcopis competere poſſit,  
 evidenter ſupponit Concilium Tridentinum, in verbis  
 ſupra expreſſis: *Cum inſtitutio ab alio, quam Episcopo  
 erit faciendâ.* Quidni ergo & Archidiacono ex conſue-  
 tudine aliove titulo competere poterit? Quemadmo-  
 dum ad aliquos Archidiaconos Belgicos, ac ſignanter  
 Mechlinienſem tranſiit.

XXV. Neque citatum Capitulum quantum loquitur  
 de hac inſtitutione tituli collativa; ſed de cura anima-  
 rum: hancque Archidiaconum dare non poſſe ſine licen-  
 tia & mandato Episcopii prætextu conſuetudinis, reſcri-  
 bitur ab Alexandro III.



Glossographus seu Rubricæ auctor, *curam animarum* & institutionem auctorisabilem pro synonymis accepit; cum tamen hæc sine illa dari queat: & Archidiaconi Belgici dantes institutionem auctorisabilem, institutum pro *cura animarum* ad Episcopum remittunt. Similiter Nominatis Facultatis Artium in hac Lovanienſi Universitate vi Privilegii Apostolici, & vigore clausulæ Cæterum in processu fulminato super executione Bullæ Gregorii XII. contentæ, datur collatio live institutio tituli collativa à quocumque Clerico tanquam Sedis Apostolicæ Subdelegato; & tamen pro cura animarum adiri debet Episcopus. Quare Rubrica dicti Capituli quarti confundens *curam animarum* cum institutione auctorisabili, non consonat suo nigro de sola cura animarum loquenti.

XXVI. Competente autem per consuetudinem aliunde titulum institutione auctorisabili ipsi Archidiacono, quæri posset, an eo casu institutio ad alium quam Episcopum, ad mentem Concilii Tridentini, dicenda sit pertinere. Si Archidiacono competat ex sola delegatione Episcopi; ita ut instituendi auctoritas sit tantum *vicaria* ad nutum Episcopi revocabilis; videbitur institutio esse penes Episcopum, qui per Archidiaconum eam concedat; non secus atque curam animarum per suum Vicarium generalem.

XXVII. At si institutio auctorisabilis pertineat ad Archidiaconum *jure proprio*, & independentem à delegatione Episcopi jure sui Archidiaconatus, tunc auctoritas instituendi censebitur Archidiacono *propria*; & consequenter ad alium quam ad Episcopum spectare videbitur institutio. Quod enim Archidiaconis competit jure proprio live jure dignitatis, non competit jure vicario, sed *ordinario*; æque ac ea quæ aliis inferioribus Prelatis aut Pastoribus jure suæ dignitatis, aut Beneficii competunt; quemadmodum supra *parte 1. tit. 12. cap. 1.* ostendimus: & consequenter nec hic eandem cum Episcopo personam constituere dicendi sunt. Quod & non obscure declaratur in *c. 3. de Appellat. in VI.* dum ibidem deciditur, ab Archidiaconis Suffraganeorum Archiepiscopi Rhemensis esse appellandum ad ipsos Suffraganeos, non ad Archiepiscopum: idque indubie, quia Archidiaconi jurisdictionem jure proprio exercentes, censebantur habere tribunal distinctum à tribunali Episcopi: atque ita ab eodem ad eundem non appellabatur.

XXVIII. Non ergo sine fundamento, ubi institutio auctorisabilis competit Archidiacono, prætendunt Episcopi, competere sibi electionem magis idonei ex approbatis, quem Patronus ei præsentet, ad quem institutio spectat; nimirum Archidiacono: hocque jure hodie utitur Archiepiscopus Mechliniensis.

XXIX. Cum vero Episcopus teneatur unum eligere ex approbatis ab Examinatoribus Synodalibus, atque huic & non alteri collatio facienda sit; videtur hæc collatio potius *necessaria*, quam libera; eoque titulo Capitulum, Sede vacante, concursus ad Parochiales, etiam alias ad liberam collationem Episcopi spectantes, instituit & absolvit: quod & suadet salus animarum, quæ ex diuturniore Ecclesiarum Parochialium vacatione non leve multoties detrimentum subit: & ita non semel à S. Congregatione declaratum esse testatur Garcias De Benef. *part. 9. c. 2. n. 8.* & praxis quotidiana confirmat.

## CAPUT V.

De Vicario seu Deservitore, Ecclesia Parochiali vacante, constituendo.

1. Synodus Trident. vult, vacante Ecclesia Parochiali, constitui Vicarium seu Deservitorem.
2. Hoc Decretum locum habet in Ecclesia Parochiali etiam concursui non subjecta.
3. An Episcopus semper debeat constituere Vicarium?

4. Semper Ecclesia vacanti providendum de Presbytero, qui curam ejus habeat.
5. Vicarius constituendus ab Examinatoribus Synodalibus probari non debet.
6. Etiam deputandus ab Episcopo in Ecclesiis ad aliorum collationem spectantibus.
7. Etiam Dignitatibus annexis.
8. Licet sint Juris Patronatus laici.
9. Episcopi est vicario assignare portionem congruam ex proventibus Ecclesiæ vacantis.
10. Idque etiam si jus percipiendi proventus ad alium pertineat.
11. Hi, qui hoc jus habent, subinde plus sunt solliciti de fructibus lucrandis, quam de idoneo Vicario constituendo.
12. Vicarius succedit in functiones Pastorales.
13. Probat ex formula deputationis.
14. Non succedit in ea, quæ Pastoralia non sunt.

I. CUM sæpe contingat, non posse statim Ecclesiæ Parochiali vacanti de idoneo Rectore provideri, præsertim si per formam concursus providendum sit; ne per eam moram populus Sacramentorum ac divini Verbi necessario pabulo careat, atque ira salus animarum in discrimen veniat, Concilium Tridentinum præscribens formam concursus in Ecclesiarum Parochialium provisione servandam, statuit quod "debeat Episcopus statim", habita notitia vacationis Ecclesiæ, si opus fuerit, idoneum in ea Vicarium, cum congrua, ejus arbitrio, fructuum portionis assignatione, constituere, qui one- ratiùs Ecclesiæ subſtineat, donec ei de Rectore provideatur." *Sess. 24. cap. 18. De Reformat.*

II. Quamvis non omnes Ecclesiæ Parochiales subja- ceant concursui, uti supra vidimus, nulla tamen est Ecclesia vere Parochialis, cujus adveniente vacatione, non sit constituendus aut designandus quispiam, qui tempore vacationis, & donec de Rectore ei provideatur, curam Parochiæ habeat, & populo spiritualia administret; ne alias defectu Sacerdotis, & Deservitoris live Vicarii, populus Sacramentorum usu, aliisque ad salutem necessariis destituatur.

III. Quare clausula à Concilio addita, *si opus fuerit*, significat quidem relinqui arbitrio Episcopi, num idoneus aliquis Vicarius juxta formam ibidem expressam, sit constituendus; sed nequaquam permittit Episcopo, relinquere Ecclesiam vacantem sine Presbytero, qui curam ejus agat, populoque Sacramenta, aliaque ad salutem necessaria tribuat. Quid enim, si in eadem Parochia sint Vice-Pastores, qui Ecclesia vacante, curam ejus habere possint; aut vicinus Parochus, qui ob exiguam quam regendam habet communitatem, sine magno incommodo possit vacantis Ecclesiæ curam habere, & populo necessaria administrare? Quidni tunc Episcopus subinde judicare poterit, novi Vicarii ad vacantem Ecclesiam regendam deputatione opus non esse: sed Vice-Pastoribus, aut vicino Parocho curam committi posse? atque ad hunc casum eam clausulam referendam esse, monet Garcias, *De Benef. part. 9. cap. 2. num. 13.* quamvis in rigore dici queat, hosce Vice-Pastores, aut Parochum vicinum per demandatam sibi curam Parochiæ vacantis, constitui Vicarios seu Deservitores.

IV. Equidem illud certum est, Ecclesiæ vacanti statim à vacatione providendum esse de Presbytero, qui curam ejus suscipiat; adeo quidem, ut in casibus repentinis, & ubi Episcopus abest, possit ob periculum imminens, Capitulum, aut Ecclesiæ vacantis Patronus, Vicarium constituere, qui interim curam ejus agat; uti sacram Congregationem declarasse testatur, Garcias *De Benef. part. 9. cap. 2. num. 11.* subjiciens *num. 12.* hoc monitum: "Non tamen intelligas quod Collegium iſto casu possit dare jurisdictionem alias non habenti, & approbationem ad Sacramentum Pœnitentiæ administrandum, &c. sed solum potest illum ponere ad custodiam.

V. Depu-

V. Deputationem & electionem Vicarii ad vacantem Eccleſiam Concilium deſert Epifcopo; neque in ejus aſumptione Examinatores Synodales audire debet; nec ab his Vicarius examinari aut probari; ſed illum Epifcopus deputare poteſt; quem ipſe idoneum judicaverit.

VI. Hæcque deputatio Vicarii competit Epifcopo non tantum quoad Eccleſias ſuæ collationis; ſed etiam ad aliorum collationem, electionem vel provisionem, etiam Sedis Apoſtolice vigore reſervationis, ſpectantes. Imò licet Eccleſiæ vacantes non ſubjaceant concurſui, nihilominus Epifcopo, earum vacatione occurrente, conſtituendi Vicarium auctoritas competit.

VII. Quare vacante Dignitate in Eccleſia Cathedrali, aut Collegiata, cui annexa eſt Parochialis, Epifcopus nominat ac deputat Vicarium, ſeu Deſervitorem; quamvis ipſa Parochialis ſic unita concurſui non exponatur; uti notat Maſſobrius in Praxi habendi concurſum *Requiſ. 1. Dubio 16.* qui & ibidem *Dubio 19.* reſolvit etiam in Eccleſiis unitis Capitulis deputandum eſſe per Epifcopum idoneum Vicarium; tamenſi etiam Eccleſiis illis deſerviretur per Vicarios duntaxat amovibiles: tamen quoad uſque de huiusmodi Vicario debitè per Capitulum eſſet Eccleſiis vacantibus proviſum, Epifcopus nominare poterit Vicarium ſive Deſervitorem.

VIII. Similiter Eccleſiæ Patronatûs laici, quin & Regii, quamvis à forma concurſus exemptæ, ab Epifcopis ſine prævia Patroni, aut Regis nominatione vel præſentatione, Vicarium ſeu Deſervitorem accipiunt; qui curam Eccleſiæ vacantis habeat, donec de Rectore ei provideatur.

IX. Epifcopi quoque arbitrio permittit Concilium, determinare portionem congruam Vicarii ſuſtentioni neceſſariam; utique ex fructibus ipſius Eccleſiæ Parochialis vacantis. Dicit enim: "Cum congrua, ejus" (Epifcopi) arbitrio, *fructuum* portionis aſſignatione. "Quibus ſat indicat ex fructibus Eccleſiæ vacantis, eam portionem eſſe aſſignandam.

X. Tamenſi enim fructus Eccleſiarum vacantium ſubinde ad domum mortuariam deſuncti Paſtoris, ſaltem pro certo tempore pertineant; vel alibi Archidiaconi juſ percipiendi fructus vacantium Eccleſiarum (quod juſ *deportus* vocant) habeant; imò aliquando Epifcopi jure illo gaudeant, tamen ſemper juſ illud intelligitur ad illos ſpectare, *deductis oneribus*, inter quæ hæc congrua portio Vicario ſeu Deſervitori debita.

Unde cum in Diœceſi Antverpienſi fructus vacantium Eccleſiarum ſpectent ad Epifcopum; eoſque nomine Epifcopi adminiſtret Sigillifer, mandat Synodus ſub *Miræo tit. 12. cap. 22.* ut idem Sigillifer debitis oneribus curet ſatiſſeri.

XI. Ut autem hi, ad quos juſ percipiendi proventus Eccleſiarum vacantium devolvitur, majorem eorum partem ſuis uſibus applicare queant, ſubinde, ubi poſſunt, vacationem Eccleſiarum protrahunt; vel Sacerdotes parum idoneos & mercenarios exigua portione contentos, vel Parochos vicinos, pluſquam ſufficienter oneratos, in Deſervitores non ſine notabili populi detrimento nominant: ſuo proprio commodo magis, quam animarum ſaluti, & Eccleſiæ vacantis bono intenti: cum tamen proventus Eccleſiarum vacantium ipſis attribui hoc ſolo titulo ſoleant, quod vacantium Eccleſiarum curam habere debeant; quemadmodum videri poteſt apud Auctores de jure *deportus* tractantes, qui omnes unanimiter ex cura ſeu cuſtodia Eccleſiarum vacantium Archidiaconi incumbente, juſ *deportus* Archidiaconiſ competere aſſerunt.

XII. Vicarius autem conſtitutus debet *onera ipſius Eccleſiæ vacantis ſuſtinere*, uti loquitur Conc. Trident. hoc eſt, ſubire onera Paſtoralia; ipſique Eccleſiæ & populo in Paſtoralibus deſervire: unde Vicarius *Deſervitor*, & Vicaria dici ſolet *Deſervitura*, tanquam qui omnia præſtet, quæ ipſe Parochus præſtare deberet.

XIII. Hæc in litteris deputationis Vicarii ſive Deſervitoris, quarum forma extat apud Barboſam in appendice ad tractatum *de Officio Epifcop. formulâ 56.* ita exprimuntur: "Te Vicarium ipſius Eccleſiæ S. N. conſtituimus, & deputamus, cum auctoritate Miſſas, & alia divina Officia celebrandi, Sacramenta adminiſtrandi, & alias functiones Eccleſiaſticas obeundi, ad quæ teneretur, & quæ animarum quilibet Rector, & Adminiſtrator præſtare & obire ſolet.

XIV. At ſi Paſtoratui ſive Beneficio Parochiali aliqua ſint annexa, quæ nec curam animarum concernunt, neque inter Paſtorales functiones recenſeri ſolent, hæc ad Deſervitorem ſeu Vicarium haud tranſeunt. Exempli gratiâ, ſi Parochus vel Plebanus in Eccleſia Collegiata vel Cathedrali obtineat locum inter Canonicos veſtemque Canonicaſ, & intret Capitulum, hæc Deſervitori dari non ſolent: quia jure ſpeciali Paſtori deſeruntur; neque Paſtoralia ſunt.

## TITULUS VI.

### DE MANDATIS ET RESERVATIONIBUS APOSTOLICIS.

#### CAPUT I.

Origo & progreſſus Mandatorum de providendo, & Reſervationum.

1. De quibus Mandatis hic agatur.
2. Mandata quare dicantur Expectativa?
3. Quid Reſervatio Apoſtolica?
4. Reſervatio alia ſpecialis, alia generalis.
5. Mandatorum uſus non fuit ante ſeculum XII.
6. Mandatis bis uſus fuit Alexander III.
7. Preces Pontificum tum temporis ſimulebant mandata.
8. Olim interdum dabantur Monitoriæ, Præceptoræ, & Executoriæ; ſecus hodie.
9. Diſtarum litterarum mentio in Decretalibus.
10. Pontifices Mandata dare volebant iis, qui aliud Beneficium non habebant.
11. Dabantur Clericis ſine titulo ordinatis.

12. Dicebantur in forma pauperum, vel in forma, cum ſecundum Apoſtolum.
13. Vocata etiam in forma communi; & quare?
14. Huiusmodi Reſcripta in Decretalibus occurrunt.
15. Ordinarii nonnunquam hiſce Mandatis obſequi detrahebant; & quare?
16. Sub initium ſeculi XIII. frequentiora fuere hæc Mandata.
17. Non ſolebant Pontifices ſingulas Eccleſias pluſ quam uno mandato gravare.
18. Honorius III. per Nuntios ſuos petivit duas Præbendas in Cathedralibus, & duas portiones in Canoniciſ per Angliam & Galliam.
19. Prætendebant Mandatarii etiam Beneficia Patronatûs laici; ſed hæc Mandatis non comprehendendi declaravit Gregorius IX.
20. Hæc interpretatio ubique obtinet.
21. De Mandatis & Reſervationibus conqueſti ſunt Angli apud Innocentium IV.

22. Excus-

22. *Excusat Pontifex factas Reservationes; & pro parte tollit futuras.*
23. *Seculo XIII. Ecclesia Canonorum etiam Belgica, Mandatis & Expectativis multum gravata fuerunt.*
24. *Generalem Reservationem Beneficiorum apud S. Sedem vacantium primus fecit Clemens IV.*
25. *Hæc Reservatio dicitur clausa in Corpore Juris.*
26. *Baronum Gallie querelæ contra Bonifacium VIII. de excessu Expectativarum; & ejus defensio.*
27. *Clemens V. Joannes XXII. & Benedictus XII. Reservationes ampliaverunt.*
28. *Quare in Gallia facilis tunc recepta.*
29. *Querela Regis Angliæ contra nimias Reservationes, ad Clementem VI.*
30. *Pontifex respondet non esse in potestate Regis Reservationes restringendi.*
31. *Qua ratione hæc auctoritas specialiter competat Ecclesie Romanæ.*
32. *Sebastiana Avenionense incrementum dedit Expectativis & Reservationibus.*
33. *De iis abrogandis actum in Concilio Constantiensi.*
34. *Quid decreverit Martinus V. & Eugenius IV.*
35. *Quid contra eas decretum in Concilio Basiliensi?*
36. *Decretum hoc receptum in Gallia; at postmodum pro parte abrogatum.*
37. *In Germania Reservationes manserunt.*
38. *Quid in Belgio?*
39. *Post Concilium Basiliense Expectativarum usus in Italia; & de earum abolitione inter Cardinales deliberatum.*

**I.** **M**ANDATA Apostolica, de quibus hic agere instituimus, sunt mandata, quibus Papa de Beneficiis providendi mandat: Unde vulgò dicuntur, *Mandata de providendo.*

II. Hæc mandata, si sint ad *vacatura*, dicuntur etiam *Expectativa*; & qui hujusmodi mandatum in sui favorem obtinuit, dicitur habere *Expectativam*. Hinc dicit Rebuffus in *Praxi part. 1. tit. de Expectativis num. 1.* "Papa solet scribere ad Beneficia *vacatura* per Expectativas." Deinde *n. 3.* ait: "Expectativa gratiæ sunt, ex quibus Beneficium impetrans expectat."

III. Aliquando Papa mandat providendi per reservationes, ait Rebuffus ibidem *titulo de Reservationibus*; quando nimirum suæ dispositioni aliqua Beneficia *vacatura* reservat; cum inhibitione Electoribus aut Collatoribus facta, ad eorum electionem vel collationem, vacatione adveniente, procedendi sub poena nullitatis.

IV. Hæ reservationes aliæ sunt speciales, aliæ generales. Speciales sunt, quando certum aliquod Beneficium in individuo *vacaturum*, dispositioni Sedis Apostolicæ reservatur.

Generalis verò erit, si omnium regni, vel certi loci Beneficiorum, vel personarum, seu dignitatum fieret amplissima reservatio; qualis est omnis illa reservatio, quæ dicitur *clausa* in Corpore Juris; item contenta in Regulis Cancellariæ, de quibus infra agetur.

V. Quo tempore Pontifices hisce mandatis & reservationibus uti cœperint, incertum est; illud equidem sat constat, mandatorum & expectativarum usum antiquiorem esse, quàm reservationum, saltem generale.

Mandatorum autem Apostolicorum *de providendo* & *Expectativarum* initia referunt communiter Canonistæ ad seculum XII. scribitque Vir eruditus, & in Canonibus ac historiis admodum versatus Franciscus Florens, hanc mandatorum speciem non videri antiquiorem Alexandro III. quod & Rebuffus alique passim tum veteres, tum recentiores Canonistæ annotarunt; unâ monentes, nullam horum mandatorum in Decreto Gratiani, utpote Alexandro III. antiquiore, mentionem fieri; uti aliis citatis habet Gonzales ad Regul. 8. Cancell. *Glossa 1. proam. num. 25.*

VI. De Alexandro III. legitur, quod Præbendam petierit ab Abbate Sancti Remigii pro certo Clerico: "Devotionem vestram (ait) per Apostolica scripta rogantes attentius, monentes atque *mandantes*, quatenus eidem Clerico Divini amoris intuitu, & pro reverentia B. Petri & nostra, in aliquo Beneficio Ecclesiastico sibi competenti, unde vitæ necessaria in vestra semper devotione possit honestè percipere, liberaliter provideatis." *Epist. 34.* in prima appendice ad litteras Alexandri III. Pro altero quoque Clerico eidem Abbati scripserat eadem penè servatâ formâ *Epist. 7.* è qua constat, mandata hujusmodi fuisse tam ad Beneficia *vacatura*, quàm ad *vacantia*; ait enim: "Præbendam, si qua nunc vacat, vel quæ primò *vacaverit*, ei concedas liberaliter."

VII. Ex his litteris intelligitur, quòd tempore Alexandri III. preces Pontificum pro obtinendo Beneficio alicui Clerico adjunctas haberent *mandatum*, *monentes* atque *mandantes*, ait.

VIII. Cùmque nec his obsequerentur Collatores ordinarii, junctæ postmodum fuere litteræ *executoriales*; vel etiam *Executores* nominabantur; qui ipsos Collatores auctoritate Apostolicâ ad obsequendum mandatis, interdum quoque per censuras, urgerent.

Verùm, uti observat citatus Franciscus Florens, ab initio, ne Collatores ordinarii gravibus conquererentur, imminui jura sua; Pontifices non statim, & primis litteris, vel mandato, compellebant eos ad conferendum *vacans*, vel proximè *vacaturum* Beneficium. Primò, *Monitorias* scribebant: quibus si non obtemperabatur; Secundò, *Præceptorias*. Tertiò, si perstarent in contumacia, dabant *Executorias*, quibus contumaciam cessantium Collatorum puniebant: Ideò *Executoriales* appellatas; quia in iisdem litteris Executorem delegabant, & concedeabant, qui recipi faceret impetrantem, & provideret de Beneficio, quod tunc vacabat, vel erat proximè *vacaturum*. Procedente verò tempore, ubi cœpit hujusmodi mandatorum auctoritas invalescere, non amplius tres litteras, diversis temporibus, sed unas tantùm dederunt; etiam addito statim executore, qui, cessante ordinario Collatore, conferret; exemplo Juris Civilis, quo aliquando Prætor, pro conditione causæ, vel personæ, vel temporis, adversus contumaces, ordinem & compendium trium edictorum ita moderabat, ut statim *Peremptorium* daret; quod appellatur, *unum pro omnibus*.

IX. Harum litterarum *monitoriarum*, *præceptoriarum*, & *executoriarum* frequens mentio occurrit in Decretalibus præsertim Innocentii III. & Honorii III. ac signanter in *cap. 30. 37. 38. & 40. De Rescriptis*, è quibus tribus postremis conflata est formula mandatorum Apostolicorum Concordatis Gallie subiecta; & cujus clausulas exponit Rebuffus in *Praxi tit. De Clausulis mandatorum*.

X. Insuper ex citatis litteris Alexandri III. noscitur, quòd Pontifices profiterentur hujusmodi Mandatis velle providere viris litteratis, præsertim aliud Beneficium, aut unde viverent non habentibus. In *Epistola 43.* prologi loco scribit: "Pastoralis sollicitudo nos admonet, pro viris Ecclesiasticis, & præsertim pro his, qui *nullum* habent Ecclesiasticum Beneficium, & sunt bonæ opinionis & famæ, sollicitos existere."

Idipsum & subsequentes Pontifices professi sunt. Unde in *cap. 6. De Præbendis*, respondet Lucius III. quòd si ille, pro quo scriptum est, Beneficium Ecclesiasticum unde honestè valeat sustentari, habeat, cujus in Mandato mentio non habetur, Ordinarius illi de Beneficio providere non teneatur.

XI. Imò ut major horum mandatorum justitia appareret, solebant hujusmodi mandata dari pro Clericis pauperibus, sine sufficienti Beneficio à suis Episcopis ordinatis; mandabaturque Episcopis, ut hisce Clericis



*Tom. I.*

XXIII. Et sanè circa hoc tempus adeò excreverant mandata *de providendo*, ut etiam pro moderatione acciperetur Alexandri IV. qui immediatè Innocentio IV. succellit, Constitutio, quæ non permittebat

Y y y y

**Eccle-**

Ecclesias Canonicorum gravari plus quam *quatuor* mandatis; uti fidem facit Synodus Colonienſis an. 1260.

Can. 13. eandem Constitutionem obſervari præcipiens; "Per quodd (ait) maximè Eccleſiarum Collegiatarum, quieti proſpiciatur, illarum præſertim, quæ *plurium* Clericorum receptionibus ad *vacatura* Beneficia ſunt, gravata.

Altera ejuſdem Provinciæ Synodus anno 1266. celebrata exponit, quantæ difficultates orirentur occasione huiusmodi Mandatorum, dum vacante *una* Præbendâ, *duo* vel *plures*, auctoritate Apoſtolicâ, vel Legatorum ejus, aut quavis alia auctoritate juſ ſe habere aſſererent; atque ipſa Capitula per ſuos reſpectivè executores ad receptionem æqualiter urgerent: ubi & remedia hiſce adhibenda præſcribit. Can. 34.

XXIV. Quamvis hæc ſufficienter evinca it, Expectativas & ſpeciales huiusmodi reſervationes magnum ſumpſiſſe incrementum, tamen hætenus non legitur ullum Decretum editum fuiſſe, quo *generaliter* alicujus generis Beneficia Sedi Apoſtolicæ reſervarentur.

Primus Clemens IV. Sedi Apoſtolicæ reſervavit *generaliter* Beneficia, quæ apud *tandem* Sedem vacare contingerit. Conſtitutio hæc reſertur in *cap. 2. de Præbendis* in VI. aſſeritque in proœmio Conſtitutionis, quodd collationem Beneficiorum *apud Sedem Apoſtolicam* vacantium ſpecialiùs cæteris, *antiqua* conſuetudo Romanis Pontificibus reſervavit.

XXV. Reſervatio hæc quantumvis non extet in Decretalibus Gregorii IX. dicitur tamen *clauſa in Corpore Juris*; habeturque præ cæteris reſervationibus mindus odioſa; & cæteris ſublatis nonnunquam conſervata; uti infra obſervabitur *cap. 3.* ubi *una* notabitur ratio, ob quam hæc reſervatio inducta dicitur.

XXVI. Eandem reſervationem renovavit Bonifac. VIII. in *Extrav. P. 1. De Præb.* inter communes.

Hunc Pontificem plures reſervationes & Beneficiorum provisiones feciſſe in Regno Galliarum, pater ex Epistolâ Baronum illius Regni ad Cardinales; quibus acriore ſtylo provisiones illas depingunt. Huic Epistolæ reſpondentes Cardinales non inſiciantur, Pontificem plures reſervationes & provisiones feciſſe, at oſtendere ſtudent, eas à Pontifice in Eccleſiæ regnique utilitatem factas. Extant hæ litteræ uti & Baronum *tom. 4. Hiſt. Univerſitatis Pariſ. pag. 22. & ſeqq.* ac dein *pag. 31.* reſertur Epistolâ ipſius Bonifacii reſponſoria ad Epistolam Baronum; atque inter alia vult, ut conferantur inter ſe provisiones Præbendarum factæ à Rege & Episcopis, & provisiones factæ à Pontifice, expendaturque, quæ magis in utilitatem Eccleſiarum & regni cedant.

XXVII. Clemens V. immediatus Bonifacii VIII. Succellor rursus reſervationem Beneficiorum *apud Sedem Apoſtolicam* vacantium renovavit; & pro efficaciore executione addidit hanc clauſulam: *Hæc reſervatione noſtra & Decreto ligari volumus* IGNORANTES. Reſertur in *Extrav. 3. de Præbendis* inter communes.

Succellor Clementis Joannes XXII. non tantum eandem reſervationem renovavit & ampliavit in *Extrav. 4. eod.* ſed inſuper aliam addidit in *Extrav. Execrabilis, eodem*: cui dein generaliorem adjecit Benedictus XII. qui Joanni ſucceſſerat, reſerturque in *Extrav. Ad regimen, eodem titulo*: quæ poſtmodum in Regulas Cancellariæ tranſierunt; & à nonnullis pro reſervationibus in *Corpore Juris clauſis* reputatæ fuerunt; de quibus latius *cap. 5.* agetur.

XXVIII. Porro cum hi ac nonnulli ſequentes uſque ad Gregorium XI. Sedem Apoſtolicam tenerent Avenione in Gallia, inde dicti Papæ Avenionenſes; reſervationes hæ, & expectativæ faciliùs à Gallis exceptæ fuere, at non æquè in aliis regnis. (a)

(a) In Germania anno 1323. habita ſunt Norimbergæ generalis Imperii Comitia, in quibus Decretum datum eſt adverſus Provifoſes, id eſt, adverſus eos, qui Româ revertebantur cum

XXIX. Recitat Odoricus Raynaldus ad ann. 1343. litteras Eduardi Regis Angliæ ad Clementem VI. proximum ſucceſſorem Benedicti XII. in quibus altè de hiſce reſervationibus & gravaminibus inde Eccleſiis & regno ſuo obvenientibus; ſcribitque, ſe inſtanter per Communitatem Regni ſui rogatum, ut prædictis diſpendiis occurreret.

XXX. Anno ſequenti reſpondens Pontifex, inter alia dicit, quodd litteræ Regiæ innuere videantur, quodd "ſuper reſervationibus & provisionibus Eccleſiarum" (ait) in tuis tibi Parliamentis liceat aliquid ordinare, quoddque reſervationes & provisiones Apoſtolicæ à tua dependant voluntate. Profeſſo, dilectiſſime ſili, illa concordia, quam in tuo Parlamento habita, tam tuæ prædictæ deſcribunt litteræ, nimis exiſteret temeraria, & divinis Conſtitutionibus inimica, per quam Apoſtolicæ Sedis reſervationes & provisiones dependere ex tuæ voluntatis arbitrio, tuque per ipſas poteſtatem ejuſdem Sedis Apoſtolicæ, quodd proſanum eſt dicere, coarctares: quanquam nos, qui Eccleſiarum omnium, tanquam Paſtor univerſalis earum invigilamus commodis, uti non intenderimus, nec intendamus reſervationibus & provisionibus huiusmodi, niſi quantum utilitatibus & neceſſitatibus Eccleſiarum ipſarum crediderimus expedire.

XXXI. Deinde hanc auctoritatem ſpeciali jure Eccleſiæ Romanæ aſſerens, dicit, eam non ab Apoſtolis, ſed à Chriſto eſſe fundatam; "Non enim quævis terrena ſententia (ait) ſed illud *Verbum*, per quodd conſtitutum eſt cælum & terra; per quodd denique conſtituta ſunt omnia elementa, eandem Romanam fundavit Eccleſiam: quæ quidem omnes Patriarchales, Metropolitanas, & Cathedralis Eccleſias, & ipſarum cujuſlibet Ordinis dignitatem inſtituit: ad cujuſ Paſtorem & Rectorem Eccleſiæ, videlicet Romanum Pontificem, omnium Eccleſiarum, Dignitatum, Perſonatum, Officiorum & Beneficiorum Eccleſiaſticorum plenaria diſpoſitio noſcitur pertinere.

XXXII. Demum circa ſeculum XIV. exorto luſtuoſo illo ſchiſmate in Eccleſia Romana, quodd per quadraginta & amplius annos Eccleſiam in duas aut ſubinde tres partes diviſit, mirum! quantopere Pontifices, quorum alter Romæ, alter verò Avenione ſedebat, hæc reſervationes & expectativas extenderint; ipſaque Beneficiorum provisiones, quo ſuis Familiaribus & adhærentibus providerent, ſibi attraxerint; quemadmodum apud Nicolaum Clemangis, Theodoricum Niem, alioſque Scriptores coævus, qui ſchiſmatis huius hiſtoriam, nec non Pontificum unius & alterius obedientiæ vitas ſcripſerunt, videro eſt.

XXXIII. Cum autem circa initium ſeculi XV. eſſet congregatum Concilium Conſtantiense, tam pro extinctione ſchiſmatis, quam pro reformatione abuſuum, qui occasione ſchiſmatis ſuprà modum irreperant, & altas radices egerant, etiam de reſervationibus reſtrigendis, & reſtituendis collationibus collatoribus ordinariis actum eſt; atque inter articulos reformationis faciendæ per Papam unâ cum Concilio, antequam Concilium diſſolvatur, ordine ſecundus fuit: *Item de Reſervationibus Sedis Apoſtolicæ. Seſſ. 40.*

XXXIV. Super hoc articulo aliquid in Concilio Conſtantiensi ſtatutum fuiſſe non legitur; at ſcribitur, quodd Martinus V. in Concilio Conſtantiensi electus, *quatuor* meſes voluerit eſſe liberos ab expectativis ſeu Mandatis; quodd & Eugenium IV. Martini ſucceſſorem confirmat ſcribitur; atque ab eo tempore regulam *De Oſo* publicatam fuiſſe credunt; de quo latius infra *cap. 6.* aliàs in edit. anterioribus. *cap. 4.*

XXXV. Interim hiſce non contenti Collatores or-

Provisionibus minimè Canonicis ad obtinendum primum Beneficium quodd vacare debebat. Statutum illud reperitur *tom. I. ſpicilegii Eccleſiaſtici*, quodd à Lunig collectum eſt: motivum autem huius ſtatuti reſertur à P. Barre in ſua *German. Hiſt. t. 6. p. 470.*

dinarii rursus in Concilio Basileensi abrogationem reservationum, & liberam Beneficiorum collationem urge-  
re ceperunt; ac tandem materiâ discussâ, primò *Seff.*  
12. statutum: "De cætero generalem reservationem  
" omnium Ecclesiarum Metropolitanarum, Cathedra-  
" licarum, Collegiarum & Monasteriorum ac Dignita-  
" tum electivarum per Romanum Pontificem de cætero  
" fieri, aut facta uti non debere, reservationibus in  
" Corpore Juris clausis; & his quas in terris Romanæ Ec-  
" clesiæ ratione directi vel utilis dominii, mediatæ seu  
" immediatæ subjectis fieri contigerit, semper exceptis.  
" Addebat autem Concilium, ut nihil contra "hoc De-  
" cretum Papa attentaret:,, additâ hac exceptione:  
" Nisi ex magna, rationabili, & evidenti causâ in litteris  
" Apostolicis nominatim exprimenda.

At hanc clausulam *Seff.* 23. *cap.* 5. revocavit, eò quòd  
nonnulli contra mentem Synodi eâ abuterentur, uti ex  
integrali contextu Decreti (quod suprà *parte* 1. *tit.* 13.  
*cap.* 2. relatum est) cognosci potest.

Deinde eadem *Seff.* *cap.* 6. " Ipsas omnes (reserva-  
" tiones) tam generales, quàm speciales sive particula-  
" res, de quibuscumque Ecclesiis & Beneficiis, quibus  
" tam per electionem, quàm collationem, aut aliam  
" dispositionem provideri solet, sive per Extravagantes  
" Ad regimen, & Execrabiles, sive per regulas Cancel-  
" lariæ, aut alias Apostolicas Constitutiones introdu-  
" ctas, hæc sancta Synodus abolet, statuens ut de cæ-  
" tero nequaquam fiant, reservationibus in Corpore Ju-  
" ris expresse clausis, & his quas in terris Romanæ Ec-  
" clesiæ ratione directi seu utilis dominii mediatæ vel  
" immediatæ subjectis fieri contigerit, duntaxat ex-  
" ceptis.

XXXVI. Decretum hoc ambabus ulnis Clerus Galli-  
canus amplexus est; atque auctoritate Caroli VII. in  
conventu Bituricensi Sanctioni Pragmaticæ inferum  
fuit; & pro lege observari voluit.

At postmodum Sanctione Pragmaticâ sub Leone X.  
in Concilio Lateranensi abrogatâ, & in ejus locum sur-  
rogato Concordato inter ipsum Leonem & Franciscum  
I. Mandatorum Apostolicorum usus aliquantulum re-  
stitutus fuit, uti videri potest in dicto Concordato  
titulo de Mandatis Apostolicis, & capite sequenti latius  
dicitur.

XXXVII. Non ubique eadem veneratione De-  
creta Concilii Basileensis recepta fuisse notorium est.  
Unde & usus reservationum in multis locis, non ob-  
stante dicto Decreto, remansit, quemadmodum de  
Germania sufficienter probat Concordatum initum  
inter Fredericum Imperatorem & Principes Nationis Ger-  
manicæ, & Nicolaum V. ubi reservationum usus in  
multis ipsi Sedi Apostolicæ conservatur, uti ex textu  
Concordatorum cuique obvium est videre.

XXXVIII. In hisce quoque Belgicis Provinciis post  
Concilium Basileense reservationes ac provisiones Sedis  
Apostolicæ admissas fuisse satis constat: probatque  
Edictum Philippi Pulchri Patris Caroli V. evulgatum  
Brugis 20. Maji 1497. in quo quidem referuntur que-  
relæ Procuratoris Fiscalis seu Regii, quòd per provisio-  
nes has nonnunquam illiterati, idioma patrium igno-  
rantes, quin & subinde ipsi Principi suspecti in Bene-  
ficia etiam majora intrudantur, attamen earum usus  
nec aboletur, nec restringitur, at id unum " mandat  
" Princeps omnibus suis subditis tam Ecclesiasticis,  
" quàm secularibus cujuscvis conditionis; ne exequan-  
" tur, aut exequi patiantur ulla litteras expectativas  
" aut reservativas, processus, sententias executoriales  
" aut ulla Bullas, aut provisiones Apostolicas super Be-  
" neficiis sitis in hisce Provinciis sub pœna privationis  
" fructuum & effectuum eorundem, exilii extra has  
" Provincias, punitionis exemplaris, & inhabilitatis  
" gaudendi fructibus ullius Beneficii futi in iisdem Pro-  
" vincias, priusquam dictæ Bullæ & Provisiones Apo-  
" stolicæ visæ sint in supremo Senatu Regio, atque lit-  
" teræ patentes consensus Regii pro earum executione

Tom. I.

expeditæ fuerint. Habetur integrum Edictum in  
prima parte Edictorum Flandriæ *lib.* 1. *Rubrica* 8. ubi  
*num.* 1. refertur & aliud Edictum Maximiliani & Phi-  
lippi Archiducum Austriæ de anno 1484. & renova-  
tum anno sequenti super eadem materia, diciturque,  
in hisce Provinciis plures quàm in aliis Regnis ad-  
missas fuisse expectativas aliasque similes provisiones  
Apostolicas.

Cæterum de dicta clausula Edicti inhibente execu-  
tionem Bullarum Apostolicarum sine litteris Regiis,  
quas hodie *Placet* dicimus, agetur titulo sequenti, ubi  
ostendetur quis sit scopus & effectus hujus clausulæ &  
edicti.

XXXIX. Refert ex Cardinali Papiensi Odoricus  
Raynaldus ad annum 1464. *num.* 67. " agitarum fuisse  
" in Consistorio Cardinalium de concedendis, vel non  
" concedendis gratiis, quas *expectativas* appellant, ac  
" varias discrepantesque fuisse Patrum sententias, non-  
" nullos non concedendas opinatos tanquam Præsulibus  
" Ecclesiarum admodum exosas; Joannem verò Car-  
" vialem Episcopum Portuensem contra sensisse: is (in-  
" quit) *Dix* laborasse dixit *Sedem Romanam, antequam*  
" *posset assequi, ut paterentur Ordinarii gratias in suis*  
" *Diocesibus dari & negligendam idèd prærogativam non*  
" *esse tam multis acquisitam molestiis, ubi enim per unum*  
" *tantum Pontificem defixæ essent dari, futurum ut dari*  
" *amplius non possent sine scandalo, differendum tamen*  
" *mensis aliquot, donec novi Pontificatus Nuntii ad na-*  
" *tiones & Principes pervenissent.* Addit Papiensis; Pon-  
" tificem ac majorem Patrum partem in Portuensis ju-  
" dicii consensisse. Hæc Raynaldus.

Ex his sat constat, abolitionem reservationum & ex-  
pectativarum factam in Concilio Basileensi, non ubi-  
que receptam; quod & evincunt ea, quæ de hac materia  
in Concilio Trident. proposita & decreta sunt, de qui-  
bus capite sequenti.

## CAPUT II.

Rursus discutuntur origo, progressus & Abusus Man-  
datorum de providendo & Reservationum.

1. Olim ante XII. seculum summus Pontifex Clericos bene-  
meritos patronis Beneficiorum commendabat.
2. Hujus commendationis formula.
3. Precibus quibus constabat additum est Mandatum.
4. Infelix exitus & precum & Mandati Stephano Torna-  
censi displicuit.
5. Legatus Honorii III. à Gallis petit pro Sede Apostolica  
duarum præbendarum reservationem.
6. Hujus postulationis motiva.
7. Repulsam patitur Legatus.
8. Hujus repulsæ rationes.
9. Quando nam & qua occasione invaluerit reservatio  
Episcopatum in partibus infidelium?
10. Abusus istius reservationis.
11. Discrimen inter Episcopos titulares & portativos.
12. Circa tempus Clementis P. invaluit opinio, quòd Papa  
pro suo arbitrio de Beneficiis posset disponere.
13. Eam in summo Pontifice potestatem agnoverunt prin-  
cipes. Præsertim Philippus Rex Gallicæ.
14. Eam sibi vendicarunt Papæ ob imminentem sibi Ec-  
clesiarum omnium sollicitudinem.
15. Ex Epistola S. Gregorii M. ad Clerum Mediolanen-  
sem concluditur quòd ipsi reservatio Beneficiorum  
displicisset.
16. Reservationes, ut erant ante Concilium Basileense, in  
Belgio post Synodum admittæ; & quare?

I. Modus conferendi Beneficia per mandata  
& reservationes Apostolicas, à quibusdam  
Jurisperitis vocabatur *extraordinaria* Beneficiorum  
collatio.

Y y y 2



collatio. Antequam iste modus conferendorum Benefic. in Ecclesia vigeret; commendare solebant summi Pontifices Clericos bene meritos *ordinariis* collatoribus, eosque instanter rogabant, ut illis Clericis primum vacantia Beneficia conferrent. Neque enim usque ad seculum XII. eo præcesserat Romanorum Pontificum consuetudo, ut Beneficiorum vacantium in exteris Diocesibus collationem sibi reservarent, nec mandatis designabant Clericos, quibus conferri debebant.

II. Preces, quas ab initio adhibuerunt summi Pontifices, in postulandis Beneficiis, erant admodum modestæ. Quædam harum formula legitur in epist. 13. quam Adrianus IV. ad Episcopum Parisiensem conscripsit his verbis. "Rogantes attentius, quatenus pro beati Petri & nostrarum reverentia litterarum, primum Personatum vel honorem, qui in tua vacabit Ecclesia, ei concedas, ut ipse nostras sibi preces sentiat fructuosas, & nos de nostrarum precum admissione, ne, gratiarum tibi exsolvere debeamus actiones." Adrianus urget suarum precum admissionem, promittitque se eo nomine gratias acturum esse; quæ omnia indicant in istis precibus non contineri perfectam obligationem.

III. At Alexander III. Adriani IV. successor cepit rogare mandando; forsitan quia Pontificum preces à Beneficiorum Patronis non semper admittæ fuerant. In prima append. Epist. 43. ad Abbatem S. Remigii ita scribit. "Devotionem vestram per Apostolica scripta, rogantes, attentius monentes, atque Mandantes; citatus est ille textus capite superiori num. 6.

IV. Verum preces ejusmodi mandato munitæ suum ubique effectum semper non habebant; infelici earum successu commotus Stephanus Tornacensis, qui tunc S. Evurtii Aurelianensis Abbas erat, scripsit ad Lucium III. Alexandri III. successorem, Epistolam quæ in volumine Epistolarum Stephani 90. recensetur. Sic autem loquitur. "Scripsit pro eo (Hernæo subdiacono) felicitis recordationis pater Alexander Decano & Canonici S. Aniani Aurelian. scripsistis & vos primo & secundo: sed neque preces, neque præceptum vestrum, quamvis tres præbendæ vacarent, voluerunt audire. Absit pater, ut inanes sint preces vestre, contemptibilis auctoritas, elusorium præceptum; & nunc demum tanta, si placet, virtute super eos intonet Majestas vestra, ut qui blanditiis juvari non potuerunt, imperio discant vinci. (a)

V. Nec precibus tamen nec mandatis summorum Pontificum seculo XIII. ratio ubique habita est, cum postularunt, aut sibi reservare quorumdem Beneficiorum collationem voluerunt. num. 18. Capitis præcedentis observatum est, quod Legatus Honorii III. postulaverit à Prælati Regni Gallie reservationem duarum Præbendarum ad usum Sedis Apostolicæ: sed notandum quod refertur tom. 11. Concil. General. col. 303. ex Matthæo Parisiensi, quo motivo hæc nomine Pontificis se postulare diceret Legatus, & quæ Prælati opponerent, & quanta pecuniarum moles ex hac reservatione ad Curiam Romanam obventura diceretur.

VI. "Allegat Legatus (ait Historicus) scandalum sanctæ Romanæ Ecclesiæ, & opprobrium vetustissimum, notam scilicet concupiscentiæ, quæ radix dicitur omnium malorum, & in hoc præcipue, quod nullus potest aliquod negotium in Romana Curia expedire, nisi cum magna effusione pecuniæ, & donorum exhibitione: sed quoniam scandalum hujus & infamiæ, Romana paupertas causa est, debent Matris inopiam sublevare, ut filii naturales; quia nisi à vobis & aliis viris bonis, & honestis dona recipere

remus, deficerent nobis necessaria vitæ, quod esset omnino Romanæ incongruum dignitati.

"Ad istud itaque scandalum penitus eradicandum (pergit Legatus nomine Pontificis) per Consilium Fratrum nostrorum sanctæ Romanæ Ecclesiæ Cardinalium, quamdam providimus formam, cum volueritis consentire, à scandalo matrem vestram poteritis liberare, & in Curia Romana sine donorum obsequio exhibitionem justitiæ obtinere.

VII. Respondebant autem Episcopi Gallicani, "scandala, quæ Legatus Pontificis pro motivo postulatæ Reservationis allegabat, nequaquam removenda per similes Reservationes; sed è contrario majora timenda è divitiis ex hujusmodi reservationibus ad Curiam Romanam devolvendis.

VIII. Atque imprimis observabant, "quod si hujusmodi reservationes & bonorum distributio fierent, proportionaliter omnes in Curia Romana fierent divites, cum multo plus essent recepturi, quam Rex proprius: & sic Majores non solum divites; sed & divitissimi fierent.

"Cum igitur (subjungunt) vermis divitiarum sit superbia, majores vix causas audirent, sed eas in imensum differrent, & Minores scriberent inviti, cuius rei experimentum in evidenti est, quia & modo negotia protrahunt, etiam post percepta obsequia, & securitatem percipiendi: & sic periclitaretur justitia, & oporteret conquerentes mori in januis Romanorum tunc plenissime dominantium. Item cum vix possibile sit fontem cupiditatis desiccari, quod nunc faciunt per se, tunc facerent per alios, & suis multo majora quam nunc dari munera procurarent: modica enim nulla sunt in conspectu divitum cupidorum. Item multæ divitiæ facerent Romanos infamiores, & sic inter diversas parentelas tantæ orirentur seditiones, quod possit timeri potius excidium civitatis, cujus etiam & modò penitus expers non est.

Plura alia Regno Gallie ex hac postulata reservatione imminere incommoda præfagebant, ob quæ vehementer hanc postulationem avertabantur; adeo quidem ut Prælati in Conventu præsentis Legato Apostolico dicere non vererentur, se scire quiddam sine maximo scandalo postulata ad affectum deduci non possent.

"Quia esto (inquiunt) quoddam aliquis assentiret, nullus esset ejus assensus in rebus, quæ omnes tangunt, cum ferè omnes majores, & generaliter omnes subditi, necnon & ipse Rex, & omnes Principes parati sint contradicere, & resistere usque ad capitis expositionem, & omnis honoris privationem, præsertim cum videatur imminere propter hoc scandalum, subversio Regni & Ecclesiæ Generalis." Hæc fusiùs narrat Matthæus Parisiensis ad annum 1226.

IX. Incommodis à Matthæo Parisiensi narratis ac timendis occurrere voluerunt Galli; reservationem tamen Episcopatum prohibere non potuerunt. Notum est part. 1. tit. 13. cap. 2. num. 4. ex Barbosa, quod primus Pontificum fuerit Clemens V. qui dispositioni Sedis Apostolicæ reservavit Episcopatum in partibus infidelium populo Cleroque carentibus per Clement. In plerisque de Elect. quod argumento est, ante hanc reservationem Clementis V. etiam cæteris Episcopis licuisse, aliquos ordinare Episcopos ad similes Ecclesias Cathedrales, adeoque modernam disciplinam, qua soli Pontifici Romano auctoritas esse creditur, Episcopos ad similes Ecclesias ordinandi, nonnisi ætate Clementis V. id est, sub initium seculi XV. ortum habuisse.

Porro ex hujus Clementinæ contextu intelligitur, occasionem hujus reservationis fuisse abusum, qui ex frequentiore similium Episcoporum ordinatione proveniebat.

X. Ad hujusmodi enim Ecclesias populo & clero Christi.

(a) Quatuor primi numeri hujusce capitis excerpti sunt ex Epistola, quam D. Van-Espen die 20. Julii anno 1726. scripsit ad D. .... Canon. Cameracensem. Quæ supersunt ex ea Epistola, & omissa sunt, nec spectant argumentum quod tractatur, nec ullius sunt momenti, respectu Juris Ecclesiastici.

Christiano carentes, passim ordinabantur Religiosi, præsertim ex Ordine Mendicantium, qui ad similes Ecclesias assumpti, & in Episcopos consecrati, cum notabili Pontificalis Officii dedecore vagabantur, & quantum ex Episcopalis Officii functionibus faciebant: „ Qui Religiosi tales ( ut ait Glossa ) per totam vitam instant vagando & discurrendo per Dioceses, „ quærendo vicariatus ab Episcopis habentibus latas „ Dioceses; & ut ipsi sint Episcopi *portativi*, sicut „ videmus in multis civitatibus, in quibus non resident Episcopi, & isti Episcopi non residentes, dant „ Vicariatum suum cuidam Religioso Episcopo, qui „ vulgariter appellatur Episcopus *portativus*, qui confert Ordines Episcopi: vel dic *instabilitate vagationis*, „ quia isti vadunt ad Curias Principum, & quæ- „ runt habere pensionem, & multoties Principes eos „ habent tanquam familiares, vel tanquam Capellanos.

Optandum esset, ut id, quod in hac Clementina interdicitur Prælati, non frequentaretur in Curia Romana: atque per hanc reservationem ipsis abusibus remedium fuisset allatum.

XI. Quid enim distant multi, qui hodie, tum Regulares tum Seculares ordinantur ad Eccl. Cathed. in *partibus* infidelium sitas, clero ac populo christiano, omni- que redditu temporali destitutas, quique vulgò dicuntur *Titulares*, ab his, quos in hac Clementina describit Pontifex, quosque Glossographus vocat Episcopos *portativos*; quique non in alium finem videntur ordinati Episcopi, nisi ut in Principum aulis Pontificali carere insigni, tanquam Legati seu Nuntii Pontificis resideant; vel Episcopis opulentioribus, & illustrioribus Ecclesias obtinentibus, Vicarios in Officii Pontificalis exercitio agant, aut certe in ipsa Curia Romana, officia nullatenus ad Pontificale officium pertinentia, obeuntes, Ministri aulae Romanæ cum Pontificalis Officii depressione habeantur.

Et sicuti observat Glossographus, quod Episcopi illi *portativi* irent ad Curias Principum, & quærent habere pensionem & multoties Principes eos haberent tanquam familiares & tanquam Capellanos; ita & hodie conspiciuntur Episcopi ad similes Ecclesias ordinati, in Curia Romana quærentes à Pontifice pensiones, & in familiares Capellanos Pontificis assumi.

Itaque per hanc Clementis Constitutionem id unum effectum videtur, quod auctoritas ordinandi Episcopos ad similes Ecclesias Episcopis fuerit adempta & Romano Pontifici reservata.

Cæterum de origine & abusibus horum Episcoporum Titularium latius actum est *part. 1. tit. 15. cap. 4.* alias in Supplemento *cap. 3.* edit. Paris 1729. & nostræ Colonienfis 1732.

XII. Quod ulterius *part. 1. tit. 13. cap. 2. num. 4.* ex Barbosa aliisque observatum est, reservationes Episcopatum circa tempus Clementis V. invaluisse, majusque sensim incrementum sumpsisse, mirum videri non debet.

Scitur enim circa ea tempora invaluisse, quin & à Canonistis receptam esse opinionem, quod ad Romanum Pontificem pertineret libera omnium Beneficiorum & Dignitatum per totam Ecclesiam Catholicam dispositio; atque hæc opinio etiam ipsos Principes, eorumque Ministros occupasset.

XIII. Quare & videmus, quod & Principes non tantum eam in Pontifice reservandi auctoritatem recognoscere; sed & subinde apud Pontificem instarent, ut vacantem Ecclesiam suæ Provisioni reservaret; præsertim dum videbant favore Pontificis ad vacantem Ecclesiam promovendam esse personam sibi gratam.

Ita legimus Philippum Pulchrum Regem Galliarum institisse apud Clementem V. ut vacantem Senonensem Ecclesiam suæ dispositioni reservaret, atque mediante hac reservatione, & favente Pontifice, Episcopus Cameracensis ad Ecclesiam Senonensem transferretur.

Litteras Clementis V. ad Philippum Regem exhibet Stephanus Baluzius *tom. 2. Vitæ Paparum Avenionensium pag. 144.* ex quibus habetur, quod Rex instituit, ut vacanti Ecclesiæ Senonensi per Pontificem provideretur de persona, quæ suis desiderijs grata foret, & de qua fiduciam gereret plenior; atque nominatim instituit, ut Philippum Cameracensem Episcopum ad Metropolitanam Senonensem vacantem transferret. Respondit Pontifex, cum desiderio Regis super hac translatione aliter satisfieri non possit, Provisionem Ecclesiæ Senonensis *hac vice dispositioni nostræ & Sedis Apostolicæ duximus reservandam.*

Litteras, quibus Pontifex Senonensem Ecclesiam suæ dispositioni reservavit, exhibet ibidem Stephanus Baluzius *pag. 142.*

XIV. Porro in his litteris præmittit Pontifex quoddam imminente sibi Ecclesiarum omnium sollicitudine generali, circa illas salutaris providentiæ studium adhibere ipsum conveniat.

Quibus præmissis subjungit, sibi incumbere, ut de idoneis Pastoribus provideatur vacantibus Ecclesiis: ac descendens nominatim ad vacantem Ecclesiam Senonensem, dicit: „ quod intendens huic Ecclesiæ vacanti de persona secundum eorum idonea, quæ tanto „ oneri & honori congruat, providere, provisionem „ ipsius Ecclesiæ hac vice dispositioni & Ordinationi „ suæ, & Apostolicæ Sedis, ex certis, & magnis rationibus, & causis, quæ (ait) nostrum ad hoc animum moverunt, cum Patribus nostris per hoc de liberatione præhabita diligenti, de ipsorum Fratrum „ Consilio, specialiter reservet.

Ex his nequaquam obscurum est, eam tunc fuisse Pontificum opinionem, quod omnium Ecclesiarum sollicitudo, & provisio quodammodo ad Romanum Pontificem pertineret, ut, si expedire videretur, posset ipse de Pastore vacanti Ecclesiæ providere.

Insuper cum & ipsi Principes hanc in Pontifice auctoritatem agnoscerent, & in suis ditionibus admirerent, non mirum, si Pontifices, instigantibus Curialibus, omnes sensim Ecclesias Cathedrales, & Metropolitanas dispositioni Sedis Apostolicæ reservarent, ut superiori capite notatum est.

XV. Quam parum autem hujusmodi reservationes placuissent sancto Gregorio, cognoscitur ex Epistola ad Presbyteros, Diaconos, & Clerum Mediolanensis Ecclesiæ; significaverat quippe Clerus Mediolanensis sancto Gregorio, omnium elegantium in Constantium Ecclesiæ Mediolanensis Diaconum convenisse consensum, ut vacanti Ecclesiæ Episcopus præficeretur, super qua electione sententiam ipsius sancti Gregorii experebat.

Respondit autem Gregorius per hanc Epistolam, dictum Constantium „ dudum sibi bene cognitum fuisse, „ sibi, cum in urbe Regia responsa Sedis Apostolicæ „ faceret, longo tempore adhæsisse, ac nihil unquam in illo, quod reprehendi passim potuisset, invenisse.

„ Verumtamen (ait) quia antiquæ deliberationis „ meæ intentio est, ad suscipienda Pastoralis curæ „ onera, pro nullius unquam misceri persona, orationibus prosequor electionem vestram, ut omnipotens Deus, qui futurorum actum nostrorum semper est præsciens, talem vobis Pastorem præbeat, in „ cujus lingua & moribus exhortationis divinæ pascua valeatis invenire.

Sic metuebat sanctissimus & illuminatissimus Pontifex se immiscere electioni Episcopi, ut nec de capacitate personæ sibi notæ judicium ferret: quanto minus sibi, ablato aliis jure, eligendi provisionem vendicare, seu reservare voluisset.

XVI. Reservationum & expectatarum abusum reprobavit Conc. Basileense; eas tamen, ut erant ante hujus decretum, retinuerunt provincie Belgicæ, quod mirum videri non debet, si attendatur quod Philippus dux Burgundiæ & comes Flandriæ omni studio fove-

fovebat partes Eugenii IV. contra Concilium Basileense, uti habetur ex Historicis illius temporis.

Atque inter alios Odericus Raynaldus ad annum 1439. num. 27. recitat Epistolam Eugenii IV. ad Carolum VII. Regem Galliae, in qua Eugenius significat Regi Galliae, "quod rem dignam magnâ laude" peregerit dilectus filius dux Burgundiae, qui (inquit) per suas parentes litteras praecepit sub gravibus poenis in suis Dominiis, ne ullis litteris illius sceleratissimae Conventiculæ (Concilii Basileensis) aliquis obediret, aut ad sua dominia illas auderet deferre.

Et in litteris ad ipsum ducem Burgundiae eum instanter rogat, ut in hoc proposito perseveret: "Perge: inquit, ut cœpisti, suscipiens scutum unitatis Ecclesiæ, & defensionis nostræ.

Cum igitur Decreta Concilii Basileensis hisce in Provinciis non reciperentur; imò nec inferri sinerentur, mirum non est, si Reservationes & Expectativæ hisce in Provinciis cum ordinaria sequela incommodorum, amplius quàm in aliis Provinciis sensim invaluerint, uti coram Maximiliano & Philippo Principibus Belgii exposuit Procurator Regius, una singulatim exponens, plurima incommoda, quæ ex his Reservationibus, & Expectativis, aliisque Romanæ Curiae Provisionibus in Republicam, seu Politicam, seu Ecclesiasticam redundarent; quæ & dictos Principes permoverunt, ut publicis Edictis hisce Reservationibus & Expectativis, aliisque à Curia Romana emanantibus Provisionibus limites posuerint: uti superiori capite num. 38. expositum est, & dicitur inferius titulo 7. cap. 3.

### CAPUT III.

Quid circa expectativas & reservationes actum in Concilio Tridentino?

1. *Conventus electorum Cardinalium sub Paulo III. censet expectativas abolendas.*
2. *Querelæ Principum Germaniæ adversus reservationes & expectativas.*
3. *Oratores Galli earum extinctionem postulant in Concilio Tridentino.*
4. *Sententia Bartholomæi De Martyribus dicta in Concilio Tridentino super mandatis De providendo.*
5. *Cardinalis à Lotharingia ea abolenda judicavit.*
6. *Quid de his censuerit Didacus Covarruvias?*
7. *Decretum Concilii Tridentini circa expectativas & reservationes.*
8. *Expectativæ aliæque gratiæ ad vacatura per Concilium Tridentinum omnino sublata.*
9. *Erectio Canonici supernumerarii cum jure ad futuram Præbendam vetita.*
10. *Sublata reservationes mentales; & quales hæ fuerint?*
11. *Prædictæ gratiæ nec Cardinalibus concedi possunt in derogationem juris Ordinariorum.*
12. *Concordata Galliæ Mandata de providendo reservant.*
13. *His per Concilium Tridentinum derogatum credunt Galli.*
14. *Quæ restitunt jus commune, hæ facile recipiuntur.*
15. *Concilium Tridentinum Provisiones Apostolicas conservavit, unde hodie reservationibus defertur.*
16. *Expedi tamen ut potius singulis Episcopis in sua respectivè Ecclesia competat provisio Beneficiorum quàm soli Romano Pontifici.*

I. INTER abusus, quos in Synodo Tridentina reformatos notavit Conventus electorum Prælatorum sub Paulo III. notatur hic: "Alius abusus est in expectativis & reservationibus Beneficiorum, quibus

& datur occasio, ut aliena mors desideretur, & libenter audiat. Præcludunt etiam aditum supremum dignioribus cum vacant, dant litibus causam. Omnes has putamus tollendas esse.

II. Non solum ante Concilii Tridentini celebrationem, sed etiam in ipso Concilio plures ac gravissimæ extiterunt querelæ adversus Reservationes & Expectativas.

Inter querelas quæ ante Concilium Tridentinum factæ sunt, notanda occurrunt Principum Germaniæ gravamina, nomine Nationis Germanicæ circa annum 1510. cum remediis & advisamentis ad Cæsaream majestatem missa, quorum gravaminum quartum his verbis exprimebatur: *Quod Beneficia & Dignitates majores Cardinalibus & Protonotariis reservantur.* Quorum contra Expectativas hoc tenore erat conceptum: *Quod Expectativæ gratiæ absque numero conceduntur, & multæ interdum ad unum Collatorem, unde surgunt quotidiana lites, & pecuniæ dilapidantur, tum illæ, quæ pro Bullis gratiarum (quæ nunquam effectum sortientur) expositæ sunt, tum illæ, quæ pro litibus deducendis confirmantur.* Inde apud quosdam ortum est proverbium: *Quisquis gratiam Expectativam ab urbe extraxerit, centum aut ducentos aureos nummos in cistam simul ad ipsam gratiam reponat, quibus ad proseguendam litem opus habeat;* integra habentur apud Goldastum tomo 2. Constitut. Imperial. pag. 119.

III. Quemadmodum Principes Germaniæ notarunt, Expectativas similesque Curiae Romanæ Provisiones, multifarias & dispendiosas parere lites; similiter & Oratores Regis Galliae monuerunt, nullum aptius esse remedium minuendis litigiis inter Ecclesiasticos, quàm si Præventiones & similes Provisiones è medio tollerentur. Inter articulos quos Patribus Tridentinis obtulerunt, 21. erat his verbis expressus: "Mandata de providendo, expectativæ, regressus, fiduciariæ resignationes, & commendæ revocentur, & omnino arceantur ab Ecclesia, veluti decretis contraria.

In reflexionibus suis ad articulos Reformationis per Legatos Sedis Apostolicæ sub Pio IV. in Concilio Tridentino propositos, & quorum unus erat de minuendis litigiis inter Ecclesiasticos, dixerunt, "se existimare, nullam aliam esse rationem, aut viam præscindendam hujusmodi litium, quàm si tollantur omnino Præventiones, & alii illegitimi modi acquirendi Beneficia, qui nuper in Christi Ecclesiam magno malo irreperunt; uti refertur in libello cui titulus: *Mémoires sur le Concile de Trente*, Editionis 1654. pag. 574.

IV. Cardinalis Pallavicinus lib. 23. hist. Concil. Trident. cap. 7. num. 7. refert, quod nominatissimus ille Bracarensum Archipræsul Bartholomæus De Martyribus recenter Româ redux, multa de propensione Pontificis ad reformationem dixerit, atque illustri præconio in cælum extulerit integritatem probitatemque Caroli Cardinalis Borromæi; adeo ut dixerit, *Obstacula salutaris emendationi non à Pontifice, nec ab ejus sororis filio (Carolo Borromæo) sed à nobis injici, & adjicisse: hinc sibi animum accessisse, quod majori studio ac fervore suam impenderet operam ad ea cogitanda, & in Concilio exponenda, quæ tantum opus promoverent.* Deinde notat Pallavicinus: "Id quod in dicenda sententia maxime notabile auditum est, acris reprehensio fuit, quæ investus est in mandata providendi in forma pauperum, sicuti dicebantur. In proventibus Ecclesiasticis distribuendis spectandam esse doctrinam & virtutem, non paupertatem, cum oporteat consulere muneribus, non hominibus: egenis subveniendum esse per eleemosynas, non per Sacerdotia.

V. Similiter Cardinalis Lotharingiæ Româ quoque cum Bartholomæo redux, in eadem Congregatione sententiam suam circa capita reformationis exponens, improbat etiam mandata providendi; narravitque mentem



„mentem esse Pontificis ut ea tollerentur. „ Pallavicinus loco citato *num. 11.*

VI. Deinde *num. 12.* ait: „ In hanc sententiam ivit „ Didacus Covarruvias Episcopus Civitatenſis; monuit, „ hujusmodi mandatorum uſum fuiſſe inductum, cū „ Episcopi cuncta Sacerdotia distribuabant, nec tam „ multa reſervabantur, ex quibus nunc Romanus Pontifex abunde habet, ut per ſeipſum ea conferat.

VII. Hiſce aliſque rationibus permoti Patres Decretum hoc evulgarunt *ſeſſ. 24. cap. 19. de Reformat.* „ Decernit ſancta Synodus, Mandata *de providendo*, & „ gratias, quæ *Expectativæ* dicuntur, nemini ampliùs, „ etiam Collegiis, Univerſitatibus, Senatibus, & aliis „ ſingularibus perſonis etiam ſub nomine indulti, aut „ ad certam ſummam, vel alio quovis colore concedi, nec haſtenus conceſſis cuiquam uti licere. Sed „ nec reſervationes mentales, nec aliæ quæcumque „ gratiæ *ad vacatura*, nec indulta ad alienas Eccleſias, „ vel Monasteria alicui, etiam ex ſanctæ Romanæ Eccleſiæ Cardinalibus, concedantur, & haſtenus conceſſa, abrogata eſſe cenſeantur.

VIII. Hoc Decreto omnia tolli Mandata *de providendo*, expectativas & gratias quæcumque *ad vacatura*, quæ olim à Pontifice impetrari ſolebant, de Beneficiis ad collationem vel provisionem Episcoporum, Capitulorum aut ſingularium perſonarum ſpectantibus, evidens eſt; & notat Gonzales ad regulam 8. Cancellariæ §. 2. *proamiali num. 57.* qui deinde ſubjungit: Ideo „ que cū jam redierint illa felicia tempora Decreto- „ rum, quando nullæ erant expectativæ, multò minùs moderni Episcopi querelam formare valebunt, „ de expectativarum obſtaculis. Et plura, ac plura „ ra, quæ ſunt ſub titulis De reſcriptis, De præbendis, „ & De conceſſione præbendæ, tam in Decretalibus, „ quàm in Sexto, & Clementinis, ac Extravagantibus, „ unà cum eorum gloſſis, & tractatibus de expectati- „ vis per Doctores compoſitis, jam hodie evanuerunt, „ & ab aula receſſerunt.

Monet quoque *num. 63.* Expectativas per Concilium Tridentinum eſſe omninò ſublatas, eſſi illæ factæ ſint de conſenſu Ordinariorum; & ita declaraffe S. Congregationem.

IX. Declaratum quoque fuiſſe, hodie non poſſe erigi *Canonicatum ſupernumerarium ad futuram præbendam*: quia hæc erectio ſpecies eſſet *Expectativæ*. Neque id ipſis etiam Capitulis licere, eadem Congregatio declaravit. Gonzales ibidem *num. 67.*

X. Suſtulit inſuper Concilium reſervationes *mentales*. „ Erat autem reſervatio *mentalis* (ait Gonzales *num. 67.*) quando Papa reſervabat Beneficium vel in ſpecie, vel in genere per Bullam, vel per Breve, ut perſonæ gratæ provideret, quam non exprimebat, ſed in *mente* retinebat; & ſic in nullius perſonæ expreſſæ favorem facta fuerat reſervatio. Tunc enim dicebatur *mentalis*, quaſi in mente retenta, quoad provisionem perſonæ. Deinde quando vacabat Beneficium, mandabat fieri provisionem alicui ſub data reſervationis, vel antea, vel poſt, ut ſibi placebat.

XI. Adhæc, ut libera ac intacta maneret Episcopis, aliſque inferioribus Collatoribus Beneficiorum, ad eorum reſpectivè provisionem ſpectantium collatio, conſtitutum etiam fuit per Concilium, ne hujusmodi gratiæ, aut reſervationes mentales, aut indulta ad alienas Eccleſias, vel Monasteria alicui etiam ex S. R. E. Cardinalibus concedantur, & haſtenus conceſſa abrogata cenſeantur. Quod & ad amuſſim obſervari videmus, ait Gonzales *num. 76.* obſervatque, quòd ſiquæ indulta à Pontificibus concedantur Cardinalibus, ea concedi quoad Beneficia aliàs ad provisionem Sedis Apoſtolicæ ſpectantia; adeoque ſine Ordinariorum læſione.

XII. In Concordatis Galliæ inter Leonem X. & Franciſcum I. extrat titulus *De Mandatis Apoſtolicis*, quo

ſtatuitur & ordinatur, quòd quilibet Romanus Pontifex litteras in forma *Mandati* dare poſſit: nimirum, unum Collatorem habentem collationem *decem* Beneficiorum, in uno; habentem autem collationem *quinquaginta* Beneficiorum & ultra, in duobus Beneficiis duntaxat gravare poſſit: ita tamen quòd in eadem Eccleſia Cathedrali vel Collegiata unum Collatorem pro tempore in duabus Præbendis non graver.

Ut autem litibus obviatur, quæ occasione litterarum mandatorum hujusmodi oriri poſſent, præſcriptum eſt, hæc mandata dari ſub forma ad calcem Concordatorum ſubjecta.

XIII. Quamvis in Gallia Concilium Tridentinum non fuerit quoad omnes Reformationis articulos receptum, hoc tamen Decretum abolitionis expectativarum ambabus ulnis amplexi ſunt; credideruntque poſt hoc Decretum, hunc titulum Concordatorum *De Mandatis Apoſtolicis* ceſſare; ut monet Pinſonius *De Beneficiis* ad verbum INSTITUTIONE §. 6. n. 12. & 13. qui dein *num. 14.* inferit: „ Nunc itaque, & ex præmiſſis „ concludendum eſt, in ſolis Academiis Graduatis, „ Curiæ Pariſienſis in vim Indultorum Nominatis, & „ Candidatis, mandatorum, ſive litterarum *Expectativarum* uſum ad vacatura Beneficia, nobis ſuper- „ eſſe.

De non uſu Concordatorum quoad articulum *De Mandatis Apoſtolicis* teſtatur quoque Claudius Fleury in *Inſtit. Juris Canonici lib. 2. cap. 15.*

XIV. In Gallia, uti & in Belgicis Provinciis, facile recipiuntur Decreta Concilii Tridentini, vel etiam Pontificia, quibus jus commune, & Ordinariorum de providendo Beneficiis auctoritas contra reſervationes aliæque Provisiones Curiæ Romanæ reſtituitur, aut integra conſervatur.

Unde notat Molinæus ad Regulam *de infirmis Reſignantibus num. 260.* „ quòd Papa non poſſit contra- „ venire formæ in Concordatis præſcriptæ, in quan- „ tū derogaret ampliùs juri communi, aut Ordina- „ riorum, ſed ſi apponeret clauſulas, quibus *magis re- „ diretur* ad jus commune, hæc valerent & recipe- „ rentur.

Eodem fundamento plures fuiſſe receptas in Belgio & in Gallia Regulas Cancellariæ, earumque clauſulas, in quantum juri Ordinariorum favere poſſe videntur, in decurſu hujus operis annotatur.

XV. Ut ſuis in Decretis ſibi conſtet Concilium Tridentinum, id obſervare neceſſe eſt. Sicuti mens ejus fuit integrum illibatumque ſervare Ordinariorum jus in conferendis Beneficiis, ita nec Pontificis jus de certis Beneficiis providendi jam jure Decretalium, vel Extravagantium vel Regularum Cancellariæ ſtabilitum & receptum, tollere aut infringere voluit. Undelicet mandata *de providendo* atque hujusmodi gratiæ, quibus juri Ordinariorum haſtenus ſtabilito, obſtaculum fiebat, ſint ſublata, ſalvæ nihilominus manſerunt reſervationes illæ, quibus certotum Beneficiorum proviſio ad Sedem Apoſtolicam jam tum devoluta & ei addiſta erat: eæque etiamnum hodie in plerisque Eccleſiis ſunt in uſu, ſub certis tamen limitationibus & conditionibus, juxta particulares Eccleſiarum leges & conſuetudines, vel concordata, quemadmodum de ſingulis agendo notabitur.

Cū enim ſpectet duntaxat ad diſciplinam, ad quem Beneficiorum proviſio pertineat, nihil juſtius, nihil ad pacem Eccleſiæ conſervandam opportunius, quàm ut conſuetudines & leges jam ſtabilitæ ſerventur, modò id præcipuè curetur, ut Beneficiorum proviſio ad ædificationem Eccleſiæ, & ſine perſonarum acceptione fiat.

XVI. Quantumvis Beneficiorum Proviſio ad ſolam externam Eccleſiæ diſciplinam, mutationi obnoxia, ſpectare dicatur, nihilominus illud indubitatum manet, quòd ſingulis Episcopis pro Eccleſiarum ſuarum regimine, jure quodammodo proprio competat electio

electio Ministrorum, præsertim eorum, quibus cura animarum incumbit.

Illud præterea sat constat, per decem circiter secula non legi Romanos Pontifices electionem aut Ordinationem Clericorum seu Ministrorum Ecclesiæ extra suam Diocesim Romanam sibi attraxisse: ut propterea, nec per illa tempora quidquam de Reservationibus, aut Expectativis, aliisque similibus Provisionibus Apostolicis legatur.

Neque & illud negari potest, exactiorem & certiorum notitiam de capacitate ac moribus Ordinandorum, & ad Ministeria Ecclesiastica assumendorum habere posse singulos Episcopos, & Ordinarios in suis respectivè Diocesis, quàm Romanum Pontificem de promovendis per distitas Provincias.

Idipsum sat evidenter fatetur Curia Romana, dum ex solito stylo Provisio Beneficii expediri non consuevit in forma *gratiosa*, nisi promovendus munitus sit testimonio sui Ordinarii; aliàs Provisio expediri solet in forma *dignum* sive *commissoria*, ut Provisio fiat in partibus Auctoritate Apostolica, modò præviè constituterit de capacitate providendi, uti exponemus infra tit. 25. cap. 1.

#### CAPUT IV.

De Reservatione Beneficiorum vacantium apud Sedem Apostolicam.

1. *Reservatio alia clausa in Corpore Juris; alia extra Corpus Juris.*
2. *Famiosior illius species.*
3. *Reservatur Decretum hujus Reservationis.*
4. *Quomodo sensim invaluerit jus Præventionis & Reservationis.*
5. *Clemens III. non est Auctor cap. 2. de Præb. in VI. sed Clemens IV.*
6. *Clemens IV. primus est, qui statuerit plenariam Beneficiorum omnium dispositionem ad Papam pertinere.*
7. *Quod quidem jus sibi confirmarunt & arrogarunt ejus successores.*
8. *Cur Reservatio Beneficiorum Papæ indulta?*
9. *Declaratio Bonifacii VIII. quoad hanc Reservationem.*
10. *Hodie restringitur ad vacationem per obitum.*
11. *De Beneficiis vacantibus apud S. Sedem, debet Papa intra mensem providere.*
12. *Mense elapso providet Ordinarius.*
13. *Currit hic mensis à die vacationis, etiam ignorata.*
14. *In aliis Provisionibus tempus Pontifici non est præfixum.*
15. *Vacante Sede Apostolica, possunt Ordinarii Ecclesias Parochiales in Curia Romana vacantes conferre.*
16. *Pontifices salutem animarum Reservationibus anteponendam judicant.*
17. *An collatio Ordinarii valida sit facta nondum mense elapso?*
18. *Hæc Reservatio minùs cæteris odiosa; & quare?*
19. *Huic Reservationi non censetur per generalem clausulam derogatum.*
20. *Cur Reservationes Beneficiorum in Curia Romana vacantium non ita sint odiosæ.*
21. *Interdum huic Reservationi in favorem Regis Gallie venuntiat Pontifex.*
22. *Non comprehendit Beneficia Juris Patronatûs laici.*

I. FAMOSA est reservationis divisio in eam, quæ dicitur *clausa in Corpore Juris*; & in eam, quæ dicitur *EXTRA Corpus Juris*.

II. Prima, & famiosior reservatio *clausa in Corpore Juris*, omnium consensu habetur illa; de qua in cap. 2.

*De Præbendis* in VI. imò credunt nonnulli hanc solem dici posse reservationem *clausam in Corpore Juris*, quemadmodum post alios citatos notat Chokier in *Comment. ad Reg. 1. Cancell. num. 23.* atque teste Gomefio ad Regulam *De Triennali quæst. 31.* dicit antiquus Glossator Regularum Cancellariæ. "Quodd licet per 23. annos legendo & practicando revolverit Jus Canonicum, nihilominus non repperit, nisi unicam reservationem in *Corpore Juris clausam*, quæ est illa, de qua in dicto cap. 2.

III. In citato cap. 2. Clemens IV. secutus, ut ait, *antiquam consuetudinem*, "auctoritate Apostolicâ statuit, ut Ecclesias, dignitates, personatus & Beneficia, quæ apud Sedem ipsam (Apostolicam) deinceps vacare contigerit, aliquis præter Romanum Pontificem, quacumque super hoc sit auctoritate munitus; sive jure ordinariæ potestatis ipsorum electio, provisio, seu collatio ad eum pertineat, sive litteras super aliquorum provisione generales vel etiam speciales sub quacumque forma verborum receperit, (nisi ei sit super conferendis eisdem in Curia Romana vacantibus specialis & expressa ab ipso Pontifice summo auctoritas attributa) conferre alicui seu aliquibus non præsumat.

IV. Notat Molinæus ad Regulam Cancellariæ *de infirmis Resignantibus num. 172.* "quodd Præventiones primùm usurpatæ sint de vacantibus in Curia Romana, non jure Reservationis, sed *Præventionis*; & hoc plausibiliter ab Ordinariis toleratum ad vitandam diuturnam vacationem Ecclesiis damnosam, & eò quodd vacatio in loco remoto non poterat nisi tardè ad notitiam Ordinariorum pervenire. Tum initio Pontifices Romani non solebant personis, sed Ecclesiis providere, nullâ personarum acceptione habitâ.

"Postquam autem (pergit hic Auctor) attentarunt etiam vacantia in partibus jure Præventionis conferre, tum cæperunt vacantia in Curia sibi jure Reservationis præsumere.

"Ostendit & ibidem, hanc reservationem ante Clementem III (a), non fuisse notam, quantumvis Pontifex in suo Statuto relato in cap. 2. *de Præbendis* in VI. pro colore novi sui statuti antiquam consuetudinem prætexerit.

"Quin & eodem loco probat, nequidem Cælestino III. Clementis successori, hanc reservationem notam fuisse; neque ante evulgatum per Bonifacium VIII. sextum Decretalium, Statutum Clementis de hac reservatione receptum fuisse. "Pluribus idipsum prosequitur Molinæus, & in notis ad cap. 2. *de Præbendis* in VI.

V. Apparet admodum verisimile, Auctorem dicti Capituli 2. non fuisse Clementem III. sed Clementem IV. qui sedit circa annum 1265. ad marginem enim Capituli 1. *de Præbendis* in VI. quodd inscribitur Clementi III. notatur: *In vetustioribus codicibus constanter legitur Clemens IV.* & in Editione Antonii Contii anni 1570. hoc Capitulum hanc habet inscriptionem: *Clemens III. aliàs Quartus*, similiter & in corpore glossato editionis anni 1572. ac dein in omnibus editionibus Decretalium subjicitur Capitulum 2. cum hac inscriptione *idem*: ut admodum verisimile sit, similiter hoc Capitulum 2. non Clementi III. sed IV. esse adscribendum: quodd & innuere videretur Gregorius X. in cap. 3. *eodem* in VI. ubi hanc Constitutionem adscribit suo Prædecessori, quod potius ad immediatum præcedentem, qui erat Clemens IV. quàm ad Clementem III. qui centum circiter annis Gregorium præcesserat, referendum apparet.

(a) Mendum est Molinæi, & auctoris novorum collectaneorum Cleri Gallicani; hic etiam *tom. 10. parte 1. col. 172.* Decretale *de Præbendis & Dignitatibus* tribuit Clementi III. eò ad Clementem IV. ejus auctorem referri debeat, uti inferius à D. Van-Espen eruditè demonstratur.

Itaque

Itaque mirum non videbitur, quod hujus reservationis nulla fiat mentio in Decretalibus Gregorii IX.

VI. Neque etiam mirum videbitur, hanc reservationem primitum ab hoc Clemente IV. inductam, si attendatur, quod hic invenitur primus inter Romanos Pontifices, qui per suam Decretalem declaravit, quod "Ecclesiarum, Personatum, Dignitatum, aliorum, que Beneficiorum Ecclesiasticorum plenaria dispositio, ad Romanum Pontificem noscatur pertinere, quod, que non solum ipsa cum vacant, possit de jure conferre, verum etiam jus in ipsis tribuere vacaturis.

VII. Idem jus postmodum sequentes Pontifices sibi asseruerunt; atque inter alios Bonifacius VIII. asserere non dubitavit, quod de jure communi omnes Ecclesie per orbem diffuse ad Romanam Ecclesiam pertineant *cap. si Papa 10. de Privilegiis in VI.*

Clemens V. idem jus etiam in Beneficiis ad collationem Ordinariorum spectantibus tanquam indubitatum Sedi Apostolicæ vendicat in *Clementina prima: ut lite pendente*: postquam enim declarasset Beneficium extra Curiam vacans ad Provisionem Ordinarii spectare, addit hanc clausulam: "Salvâ tamen in præmissis omnibus Romani Pontificis potestate, ad quem Ecclesiarum, Personatum, Dignitatum, aliorumque Beneficiorum Ecclesiasticorum, plena & libera dispositio, ex suæ potestatis plenitudine noscitur pertinere.

Posito autem hoc principio, & in Scholis à plerisque Canonistis, præsertim post evulgatum sextum librum Decretalium, & librum Clementinarum, probato, nemini mirum videri debet, & jus Præventionis subsequentes sibi vindicasse Romanos Pontifices, actandem omnium penè Beneficiorum, ac Dignitatum Provisionem Sedi Apostolicæ reservasse.

VIII. Rationem factæ præventionis & reservationis credit fuisse Glossographus ad *cap. STATUTUM De Præbendis in VI.* ne Papa per Ordinarios præveniretur. "Habebant (ait) Episcopi ante Constitutionem Clementis procuratores in Curia, qui statim cum vacabant Beneficia, conferebant illa: & sic præveniebant Papam: Unde motus Clemens promulgavit Constitutionem.

IX. Declaravit autem Bonifacius VIII. in *cap. 34. De Præb. in VI.* Decretum Clementis IV. "locum habere in Beneficiis, quæ Legati aut Nuntii Sedis Apostolicæ vel quivis alii ad Romanam Curiam venientes, vel etiam recedentes ab illa habere noscuntur, si eos in locis vicinis ipsi Curie mori contingat: quemadmodum si in loco ubi eadem Curia residet, morerentur.

Item, si aliquis Curialis peregrinationis, aut infirmitatis, aut recreationis seu quavis aliâ causâ ad locum Curie vicinum in hujusmodi loco vicino decedat: dummodo ibi (etiamsi erat ad ipsam Curiam reversurus) domicilium seu domus propria non existat.

Deinde subjungit: "Loca verò intelligantur vicina eidem Curie in præmissis, quæ remota ultra duas dietas legales (quas hoc casu sic specialiter volumus computari) à loco ubi moratur ipsa Curia, non existunt.

X. Quamvis variis modis contingere possit, ut Beneficia vacent in Curia; puta renuntiatione, privatione, aliisque similibus titulis, quos latius refert Garcias *De Benef. parte 5. cap. 1. §. 2.* nihilominus, quia Bonifacius VIII. in citato *Capitulo 34.* exponens Decretum Clementis IV. tantum loquitur de vacatione per obitum, receptum est, signanter in Gallia, quod sola vacatio contingens in Curia per obitum, censeatur vacatio ad mentem Clementis IV. & consequenter sola Beneficia vacantia per obitum in Curia, seu loco vicino Curie, habeantur pro reservatis reservatione *clausa in Corpore Juris*; uti post Pinsonium *De Beneficiis* ad verbum *Canonica §. 9. num. 5.* monet Perardus Castellus in *Praxi Curie Romanæ pag. 186.* edit. 1693.

Tom. I.

XI. De his autem Beneficiis apud Sedem Apostolicam vel in Curia vacantibus, debet Pontifex intra mensem à die vacationis providere, alioquin dicto tempore elapso, collatio ad Ordinarium revertitur; ut nimirum per seipsum aut ipsis in remotis agentibus, per suos Vicarios generales, quibus id canonicè fuerit commissum conferre valeant, *cap. 3. De Præbendis in VI.*

XII. Si enim intra mensem Sedes Apostolica non contulerit, cessat reservatio; adeoque obstaculum collationi Ordinarii injectum censetur sublatum. Hoc igitur casu propriè non fit devolutio à Pontifice ad Ordinarium, quæ à Superiore ad inferiorem fieri nequit; sed jus Ordinarii tantummodo relaxatur, seu impedimentum injectum tollitur.

XIII. Vult autem Glossa ad dictum *cap. 3.* verbo *Numerandum*, mensem hunc currere à die vacationis non à die scientiæ; quam sententiam sequitur Antonius Faber ad *Codicem lib. 1. tit. 2. Def. 35.* & probat Chokier loco citato *num. 3.*

Ratio assignatur à Glossographo, quia "istud non statuitur in odium negligentie Papæ, quia tunc non curret mensis iste nisi à die notitiæ, sed statuitur istud tempus in favorem Ecclesiarum, ne diu maneant sine Prælato: ideo currit iste mensis à die vacationis ut dictum est; secus in aliis temporibus relictis cæteris Prælatis in odium negligentie eorum.

XIV. Termini hujus præfixio locum non habet in aliis reservationibus, aut in Beneficiis jure devoluta ad Pontificem spectantibus. In horum enim provisione nullum reperitur tempus Pontifici præfixum, intra quod conferre debeat, aut quo elapso reservatio, multo minus devolutio cesset; uti notat Garcias.

XV. Ulterius declaratur in *cap. 4. De Præbendis in VI.* quod si, Sede Apostolicâ vacante, Ecclesias Parochiales vacare contingeret, Ordinarii possint liberè ad earum collationem procedere; similiter si, vivente Pontifice, vacaverint, sed ante obitum de iis non providerit. Ratio assignatur: *Ne ipsarum vacatio diuturna periculum valeat animabus asserere.*

XVI. Hinc ostenditur, Pontifices in Beneficia reservasse, ut nequaquam per eam saluti animarum aliquod dispendium, aut dispendii periculum generari velint: ipsamque animarum salutem omni reservationi anteponendam judicaverint.

XVII. Quamvis mense non elapso collationi ipsius Ordinarii vinculum aliquod, vigore hujus reservationis, sit injectum, credunt tamen non pauci, collationem Ordinarii factam ante mensem elapsum eatenus validam, ut si Pontifex intra mensem non contulerit, confirmetur, sed potius non irritetur; exemplo collationis factæ ab Ordinario spreto Patrono; quæ, Patrono non opponente, & intra tempus non præsentante, valida manet: uti infra titulo *De Jure Patronatus* dicetur. Vide Pinsonium loco citato *num. 17. & 18.*

Canonistæ Galli melioris notæ nunquam dubitarunt collationem Ordinarii de Beneficio vacante in Curia Romana validam esse, tametsi à vacatione, mensis necdum esset elapsus: id ipsum resolvit Molinæus ad *Regulam de infirmis num. 175.* "non enim (inquit) prævenit, sed jure Ordinario & Primitivo utitur; semper enim remanet verus & naturalis Collator habitus, utcumque Beneficium sit pro hac vice reservatum in Curia: imò etiam est Collator actu, si Papa non vult uti, vel non utatur dictâ reservatione, quæ etiam odiosa est, & de facili etiam cum extensione (quæ hoc casu favorabilis est) sit recursus ad jus commune.

Observat præterea Molinæus *num. 178.* quod si Papa contulerit incapaci, aut nulliter intra mensem, possit Ordinarius pleno jure conferre; quam Molinæi sententiam laudat & probat Louetius ad dictum numerum Molinæi.

XVIII. Adhæc, omnes quidem reservationes passim

Z z z z

fin



sim à Canonistis dicuntur *odiosæ*; & eatenus juxta Regulam Juris, *odia restringenda*, *favores ampliandi*, etiam in dubio restringendæ, ob præjudicium quod inferunt collationibus Ordinariis: hoc tamen notant unanimi consensu, hanc reservationem esse fortiores (a) vehementiorem, & amplioris prærogativæ, omnibus aliis reservationibus; uti post alios loquitur Gonzales ad regulam 8. Cancell. *Glossa* 13. num. 35. idque in reverentiam loci ubi *Sedes Apostolica residet*, ait Castellus in citata Praxi Curiae Romanae pag. 186.

Unde & in Concilio Basileensi, quin & in Concordato inter Leonem X. & Franciscum I. Regem Galliae, sublatis aliis reservationibus, hæc una salva mansit.

XIX. Inde etiam concludit ibidem Gonzales, quod nisi de illa fiat *specialis & individua* mentio, non censetur comprehensa in quacumque dispositione Papæ vel narrativa. Quod adeo procedit (ait num. 36.) ut neque per clausulam *motus proprii*, in facultate conferendi quæcumque Beneficia reservata contentam, veniant Beneficia vacantia *apud Sedem*. Imò nec Cardinales vigore suorum Indulcorum conferre possunt Beneficia vacantia in Curia; Gonzales ibidem num. 37.

XX. Observatum est superius num. 18. reservationem Beneficiorum vacantium in Curia, præ cæteris à Canonistis reputari minus odiosam, id in eo videtur fundatum, quia hæc reservatio eum habere prætextum videretur, quod per eam Pontifices de his Beneficiis in Curia vacantibus citius possent vacantibus Ecclesiis providere: quemadmodum eo titulo primum horum Beneficiorum Provisionem sibi attribuisse Pontifices supra ex Molinæo notatum est.

XXI. Monet Castellus in citata Praxi Curiae Romanae pag. 190. quod si quis oriundus è Gallia resideat in Curia Romana pro servitio Regis, Papa soleat ei dare speciale *Breve*, quod dicitur, *De non vacando in Curia*, quod ita vocatur, quia vigore hujus *Brevis* fit, ut per obitum illius, Beneficia non censeantur vacare in Curia, scilicet cum effectu reservationis, cui per *Breve* ipse Papa pro hac vice renuntiat; permittitque Regi nominationem eo modo ac si nulla reservatio intervenisset: soletque hujusmodi *Breve* per Oratorem Regium nomine Regis à Pontifice peti; ut patet ex formula ipsius *Brevis*, quæ ibidem pag. 191. à Castello integra refertur.

XXII. Reservatio hæc quantumvis aliis reservationibus fortior sit & amplioris prærogativæ, habet tamen cum aliis reservationibus id commune, quod ad Beneficia Juris patronatûs *laici* non extendatur: quod non tantum in Gallia, sed & apud Hispanos servari, notat Pinsonius loco supra indicato num. 8. & latius deducit Carolus Fevretius tractatu *De Abusu lib. 2. cap. 6. num. 13. (b)*

(a) Id est, reservationem collationis Beneficii vacantis in Curia Romana.

(b) Antequam caput illud absolvar, notandum est D. Van-Espen non distinxisse inter Beneficia, quæ vacant apud *Sedem Apostolicam*, & Beneficia, quæ vacant in Curia Romana. Molinæus s. 4. p. 227. edit. Paris. an. 1681. citat varios auctores, qui discrimen admittunt inter vacantiam in Curia Romana & vacantiam apud *Sedem Apostolicam*. Relatis eorum testimoniis ita concludit: "Ex quibus collige vacationem apud *Sedem Apostolicam* latius patere, quàm vacationem in Curia Romana; vacatio enim in Curia est eorum, qui in Curia Romana, vel extra eam intra duas dietas decedunt; vacatio autem apud *Sedem Apostolicam*, est omnium Beneficiorum summo Pontifici reservatorum per regulas Cancellariæ, vel per reservationes Apostolicas. Quamvis ea distinctio apud Gallos magni hodie non sit momenti; ea tamen nationum, quæ Regulis Cancellariæ Romanæ obnoxie sunt, attentionem meretur.

## CAPUT V.

De Reservationibus contentis in Extravagantibus *Execrabilis & Ad regimen*, & duabus primis Regulis Cancellariæ.

1. Reservationes contentæ in Extravagantibus à nonnullis creduntur clausæ in Corpore Juris.
2. Discutiuntur tituli, qui in earum defensionem afferri solent.
3. Constat hodie extra Corpus Juris eas versari.
4. Hæc reservationes tantum fuere temporales.
5. Quandoam transierint in Regulæ Cancellariæ, incertum.
6. Reservationes hæc saltem sub finem seculi XV. erant in Regulis Cancellariæ.
7. Reservationes hæc successu temporis multum auctæ fuere.
8. Refertur prima Regula Cancellariæ, uti hodie exprimitur.
9. Refertur Reservatio Extravagantis Ad regimen.
10. Additio prima ad hanc regulam facta à Sixto V.
11. Additio secunda Clementis VIII. & quare?
12. Hæc additio non est in usu in Belgio.
13. Reservatio Extravagantis Execrabilis ab usu recessit.
14. Proponitur textus secundæ Regulæ Cancellariæ.
15. In quibus auctæ vel mutata.
16. Hæc regula hodie in multis Regnis non obtinet.
17. Notabilis Reservatio huic Regulæ adjici solita primum inducitur per Pium V.
18. In Gallia, Germania, & Belgio locum non habet.
19. Probatur quibusdam exemplis quoad Belgium.
20. In Patria Obedientiæ usus Reservationum quomodo retineatur?
21. Reservationes in Patria Obedientiæ in Regno Galliae incorporata, restrictæ ad Reservationem Mensium & Alternativæ.
22. Eadem restrictio per usum in Belgio invaluisse videtur.

I. PRÆTER generalem reservationem Beneficiorum vacantium apud *Sedem Apostolicam*, quæ vulgo dicitur reservatio *clausa in Corpore Juris*, de qua actum est capite præcedenti, sunt insuper reservationes Joannis XXII. & Benedicti XII. quæ à nonnullis quoque inter reservationes *clausas in Corpore Juris* annumeratæ fuere; eò quod extent in Extravagantibus *EXECRABILIS & AD REGIMEN* de Præbendis inter communes, quæ Corpori Juris Canonici solent annecti, & partem constituere.

II. Ut reservationes illæ generales, per quas pro majore parte Provisio Beneficiorum, Episcopis aliisque Collatoribus Ordinariis, necnon Patronis Ecclesiasticis, & Electoribus jus eligendi, & præsentandi ac providendi adimitur, & ad Romanum Pontificem transfertur, minus odiosæ apparerent, & facilius reciperentur, variis titulis, quasi Ecclesiæ necessarias & utiles, eas justificare studuerunt Pontifices.

Et quidem inter alia, in sua Extravagante *ad regimen* Benedictus XII. non obscure innuit, se has reservationes facere, ut de idoneis, & aptioribus personis provideretur Ecclesiis vacantibus, dicens: "quod in desideris gereret, quod per suæ diligentiae studium, ad quarumlibet Ecclesiarum & Monasteriorum regimina, & alia Beneficia Ecclesiastica juxta *divinum beneplacitum*, & suæ intentionis effectum, viri assumantur idonei, qui præsent & prosint committendis eis Ecclesiis, Monasteriis & Beneficiis prælibatis.

Sed quis porro nesciat, merita & qualitates promovendorum ad Beneficia & Dignitates vacantium Ecclesiarum multò facilius ipsis Episcopis, quàm Romano Pontifici posse esse perspecta?

Alter in justificationem harum reservationum titulus passim allegatur, quòd per Beneficiorum provisionem Pontifex intendat pauperibus Clericis providere.

Verùm meritò dubitatur, num hic titulus ad justificationem has reservationes præ anteriori sit magis idoneus.

Cum enim Beneficia & Bona Ecclesiastica cujusque particularis Ecclesiae, tum ex intentione Fundatorum, tum Canonum præscripto sint instituta, & relicta, ut ministris, necnon pauperibus singularum illarum respectivè Ecclesiarum provideatur, quid justius aut rationabilius, quàm ut Episcopis & Ordinariis Collatoribus per Fundatores, aut sanctos Canones designatis, horum distributio & dispensatio integra conservetur: utpotè quibus propius, & Clericorum paupertas & merita innoscent, quidque singulis hinc & nunc conveniat ex bonis Ecclesiae vel Beneficii distribui.

Accedit quòd ob expensas & sumptus in Curia Romana faciendos pauperibus Clericis vix ad Beneficia notanter simplicia pateat accessus, ut & ob id Beneficia simplicia in quibusdam Ecclesiis & Provinciis à reservatione mensium manserint exempta, ut infra cap. 6. aliàs in anterior. edit. cap. 5. notabitur.

Unde non mirum, Episcoporum, aliorumque Prælatorum, quin & Principum contra has reservationes motas querelas non cessasse; imò toties quoties occasio se obtulit, earum abolitionem, & reformationem postulata esse, & etiamnum ab omnibus ut odiosas reputari; eoque titulo ex communi omnium Doctorum sententia restringendas dici, tanquam antiquis Canonibus contrarias, uti in decursu hujus tituli sæpius observavimus.

III. Has reservationes quarum sunt auctores Joannes XXII. & Benedictus XII. esse extra corpus juris, communis est opinio, & hodie recepta. Nam licet *Extravagantes* tam Joannis XXII. quàm communes soleant Corpori Juris adjungi, atque cum Decreto Gratiani & Decretalibus Gregorii IX. & Bonif. VIII. unum volumen seu Corpus hodie conficere; tamen clausæ in Corpore Juris non reputantur, sed extra Decretum & Decretales *vagari*; propterea *Extravagantes* appellatae.

IV. Adhæc, uti communiter observant Canonistæ, non possunt hæ reservationes haberi pro *clausis in Corpore Juris*; quia tantùm ex mente Auctorum temporales fuere. Dicit enim Benedictus XII. Ordinationi, dispositioni, & provisioni nostræ reservamus, *donec miserationis Divinae clementia nos universalis Ecclesiae regimini præsidere contigerit*. Ex quibus manifestum est, reservationem nonnisi vitæ suæ durante Pontificem durare voluisse.

V. Quandò verò hæ reservationes quasi perpetuæ factæ sint per relationem in Regulas Cancellariæ, quæ per omnes Pontifices altero assumptionis die de novo publicari & renovari solent, incertum est.

Dicit quidem Gomezius in proemio ad Regulas Cancellariæ *quæst.* 1. Regulas Cancellariæ à Joanne XXII. initium & originem habuisse; ac unà notat *quæst.* 2. quòd hæ Regulae ab initio introductæ fuerint, ut Officiales Cancellariæ per eas in litteris expediendis instruerentur, ut patet (ait) ex Regulis Joan. XXII. & Benedicti & aliorum. Et licet à tempore Nicolai V. aliquid plus ad eas circa *judicia* additum fuit, illud tamen respicit *actum* in Curia gerendum.

Apparet ergo primitus, etiam usque ad tempora Nicolai V. qui sedit sub medium seculi XV. Regulas Cancellariæ unicè penè respexisse formam expediendi litteras, & judicia in Cancellaria reddenda; non autem reservationes Beneficiorum, simileque materias extra Cancellariam se extendentes.

Tom. I.

VI. Quidquid sit, constat, reservationes contentas in citatis Constitutionibus seu Extravagantibus, Regulis Cancellariæ tempore Innocentii VIII. (qui sedit circa finem seculi XV.) fuisse insertas; ut evidens est ex hujus Pontificis Regulis, ad quas antiquus Glossator Alphonsus Sotto Hispanus sua Glossemata scripsit, quæque ulterioribus annotationibus illustravit Joannes Chokier Ecclesiae Cathedralis Leodiensis Canonicus.

VII. Ulterius & hoc constat, reservationes has per subsequentes Pontifices in promulgatione Regularum Cancellariæ, quam altero suæ assumptionis die facere consueverunt, in multis auctas fuisse.

VIII. Regula prima hodie hoc tenore exprimi solet: "Imprimis fecit easdem Reservationes quæ in Constitutione sel. record. Benedicti PP. XII. quæ incipit, *Ad regimen*, continentur, & illas innovavit, ac locum habere voluit, etiam si Officiales in eadem Constitutione expressi, Apostolicæ Sedis Officiales ante obitum eorum esse defierint, quoad Beneficia, quæ tempore, quo Officiales erant, obtinebant. Declarans nihilominus Beneficia, quæ dictæ Sedis Officiales, qui ratione officiorum suorum hujusmodi ejusdem Sedis Notarii erant, etiam dimissis ipsis Officiis, & quandocumque asscusi fuerint, sub hujusmodi reservationibus comprehendendi. Ac reservavit Beneficia, quæ per Constitutionem piæ mem. Joannis PP. XXII. quæ incipit, *Extrabilis*, vacant, vel vacare contigerint. Quam Constitutionem, & reservationem S. S. tam ad Beneficia obtenta, quàm alia quæcumque, de quibus Ordinarii, & alii Collatores contra Concilii Tridentini Decreta disposuerunt, & disponent in futurum, extendit & ampliavit, & ea etiam Beneficia omnia dispositioni suæ reservavit, de quibus per dictos Ordinarios, aut alios Collatores contra ejusdem Concilii Decretorum formam dispositum fuerit. Decernens irritum," &c.

IX. Primò itaque per hanc regulam renovantur reservationes contentæ in Extravagante Benedicti XII. quæ incipit, *Ad regimen*, quæ reservantur imprimis Beneficia vacantia per asscutionem quorumcumque Beneficiorum à Sede Apostolica obtentam. Item Beneficia omnia quæ promoti ad Episcopatus auctoritate Apostolica tempore suæ promotionis obtinebant. Item Beneficia Officialium Curiae Romanæ, qui in ipsa Extravagante exprimuntur. Hæc ultima reservatio à tempore Innocentii VIII. fuit per hanc regulam extensa ad Beneficia, quæ dicti Officiales obtinebant tempore quo erant Officiales, tametsi tempore mortis Officiales esse defissent.

X. Reliqua verò quæ sequuntur post Innocentii VIII. tempora addita esse notat Chokier ad hanc regulam n. 8.

Et quidem hæc appendix: *Declarans nihilominus*, usque ad verba, *Constitutionibus comprehendendi*, appositæ fuit à Sixto V. qui demum anno 1585. ad Pontificatum fuit assumptus: idque occasione difficultatis, quæ circa Extravagantem *Ad regimen*, & hanc regulam in Rota Romana exorta fuerat, ut ex Garcia refert Chokier.

XI. Altera appendix, quæ incipit à verbis, *quam Constitutionem & reservationem*, & finit in verbis, *dispositum fuit*, appositæ fuit per Clementem VIII. anno 1592. aliisque sequentes Pontifices retinuerunt.

Observat autem Chokier hanc posteriorem appendicem eò fuisse adjectam, ut præter dictas reservationes, etiam hæc induceretur ob non observatam Constitutionem Pii V. de data 16. Maji 1566.

Hæc Constitutio est illa, quæ dictus Pontifex formam Concursus à Synodo Tridentina præscriptam explicat, & in nonnullis extendit; uti titulo præcedenti annotavimus: eamque in Belgio receptam non esse observavimus; & hic de Brabantis testatur Chokier, dicens: *Juxta quam* (Constitutionem Pii V.) *Cancellaria*

Z z z z

via

via & Rota passim judicat, licet BRABANTI eam non admisserint.

XII. Porro uti ipsa Constitutio hactenus usu recepta non est, ita nec appendix Regulæ, & in ea contenta reservatio usu recepta est. Neque enim ulla hactenus Beneficia Sedi Apostolicæ reservata; aut Sedis Apostolicæ provisionem admissam scimus de Beneficiis ob non servatum in eorum collatione Concilii Tridentini Decretum: præcipue quoad Ecclesias Parochiales, quas in Belgio tanquam ab omni Pontificia reservatione exemptas Ordinarii conferunt.

XIII. Similiter reservatio Extravagantis *Extrabilis*, hinc innovata, quæ reservatur Beneficium vacans ob retentionem alterius Beneficii incompatibilis, ab usu recessit; quemadmodum notavit Rebuffus in *Praxi parte 1. tit. De Forma signature*, & *Garcias De Beneficiis parte 1. cap. 5. n. 47.*

XIV. Secunda Regula olim hac formulâ expressa fuit: "Item reservavit specialiter omnes Ecclesias etiam Patriarchales, Archiepiscopales, Episcopales, nec non Monasteria virorum valorem 200. florenorum, auri communi existimatione excedentia, quotiescunque illis uti volueris."

XV. Hæc regula congruit cum Regulis posteriorum Pontificum; nisi quod causa majoris lucis addita sit vox *Prælatialis* post dictionem *Patriarchalis*: & loco clausulæ finalis, *quotiescunque*, &c. reposita sit ista, *Et voluit quod excessus ejusmodi in litteris exprimat.*

XVI. Regulam hanc reservativam Ecclesiarum Metropolitanarum & Cathedralium, neque in Belgio, neque in Gallia, nec Hispania locum habere notorium est; utpotè Regibus nominationem Episcoporum, jure sive Indultu, sive Concordati habentibus; quemadmodum *parte 1. tit. 13. cap. 4.* ostensum est.

Similiter, nec quoad Monasteria virorum ullus est hæc in Provinciis Regulæ usus. Ad Abbatis enim Reges personas nominare solent: Prioratus verò Conventuales & perpetui eligibiles esse solent; neque ulla Monasteria in Belgio vigore Regulæ Cancellariæ, aut alio jure reservata novimus.

XVII. Huic Regulæ Pius V. anno 3. sui Pontificatus aliam reservationem adjecit, quæ hodie partem hujus Regulæ facit; atque his verbis exprimitur: "Ac etiam reservavit Dignitates, & Beneficia omnia ad collationem, præsentationem, electionem, & quamcumque aliam dispositionem Patriarcharum, Prælatum, Archiepiscoporum, & Episcoporum, nec non Abbatum, ac aliorum quorumcumque Collatorum, & Collatricum, secularium, & regularium quomodolibet (non tamen ad collationem cum alio, vel aliis, aut etiam ad alterius præsentationem, vel electionem pertinentia) quæ post illorum obitum, aut Ecclesiarum, seu Monasteriorum, vel aliarum Dignitatum suarum dimissionem, seu amissionem: vel privationem, seu translationem, vel aliâs quomodocumque vacaverint, usque ad provisionem successorum ad easdem Ecclesias, aut Monasteria, vel Dignitates Apostolicâ auctoritate faciendam, & adeptam ab eisdem successoribus pacificam illorum possessionem, quomodocumque vocaverint, & vacabunt in futurum."

XVIII. In Gallia hanc quoque reservationem cessare propter Concordata & jus Regaliæ, notat Chokier ad hanc Regulam: uti nec in Germania ubi Concordatis locus est.

Hæc quoque Belgicæ Provinciæ hanc Pianam reservationem agnoscere non videntur: sed Beneficia ad liberam Episcoporum collationem spectantia, si, Sede vacante, contingat vacare, futuro Episcopo reservantur.

XIX. Unde cum quidam Dinoix impetrasset à Pontifice vigore hujus Regulæ duas Capellanas, unam in Ecclesia B. Mariæ, & alteram in Ecclesia S. Walburgis in civitate Brugenli inspectantes ad liberam collationem

Episcopi Brugenfis, quæ vacaverant, *Sede vacante*; isque peteret *Placetum* à Consilio privato, fundando se in Regula Cancellariæ hac Pianâ appendice auctâ: Consilium privatum petiit advisamentum à Vicariatu Brugenfi, qui respondit, in novis Episcopatibus Belgicis fructus perceptos tempore vacationis reservari futuro Episcopo; cumque collatio Beneficiorum computetur inter fructus, eam quoque reservandam esse; & ita observari Atrebat, ubi jus Regaliæ locum non habet. Tornaci autem ob jus Regaliæ Regem ibidem conferre, nec summum Pontificem ullatenus se immiscere. Regulam autem Cancellariæ cum hoc additamento hic nunquam fuisse receptam, aut placetam. Conformiter ad hoc advisamentum, *Placetum* negatum fuit per apostillam 20. Novembris 1641. uti & in simili casu negatum fuit in eodem Consilio 1. Martii 1642. Carolo Mesuruir, qui impetraverat à Pontifice Præbendam Furnensem, quæ vacaverat, Sede Episcopali iprensi vacante.

XX. Licet enim in regionibus Belgicis Regulas Cancellariæ, nec non reservationes Apostolicas agnoscamus; atque ob id dicantur *Patriæ Obedientiæ*, quemadmodum in Regno Galliæ dicuntur Ducatus *Britanniæ* & Comitatus *Provinciæ* vulgò *Provence*, (a) ad distinctionem aliarum ejusdem Regni Provinciarum, quæ Concordatis ununtur; cum ea tamen moderatione recipiuntur, ut privilegii, juribus ac moribus inveteratis Provinciarum accommodentur; nec aliam esse Pontificum mentem arbitrantur. Et si quid in litteris aut provisionibus Romanis hæc contrarium contineatur, credunt vel per *subreptionem* aut *obreptionem* à Pontifice emanasse; aut certè, eos suas Regulas, aut Decreta *generaliter* expressa, ad Provincias, aliis legibus & usu inveterato utentes nolle extendi: ideoque dum earum executionem suspendunt, nihil contrarium auctoritati, aut præminentiæ Sedis Apostolicæ facere arbitrantur Judices Regii; uti titulo sequenti latius ostendetur.

Superfluum non erit advertere, quod sub omni respectu Provinciæ Belgicæ dici non debeant *patriæ obedientiæ*: hæc enim obedientia restringenda est ad Regulas Cancellariæ notanter de reservatione *octo mensium* & *alternativa*: nam de reliquo etiam hæc Provinciæ, non tam *patriæ obedientiæ*, quam *consuetudinaria* dicendæ sunt.

XXI. Refert Perardus Castellus in sua *Praxi Curiae Romanæ* pag. 332. Nuntium Apostolicum anno 1544. obtinuisse ab Henrico II. Rege Galliarum Declarationem, qua Decretum fuit, quod Concordatum non obtineret in Britannia, & quod Regulæ Cancellariæ, quin & illa *De Mensibus & alternativa*, & generaliter omnia alia jura Papæ quibus gaudet in *Patriis Obedientiæ*, locum haberent in hac Provincia, usque ad ipsam etiam expeditionem Bullarum *sub plumbo*: Quod tamen (ait Castellus) restrictum fuit anno 1553. per actum declarationis, ad *solam* Regulam *De Mensibus & Alternativa*.

XXII. Restrictio, quæ per actum declarationum facta scribitur quoad Britanniam, eadem, si non expressa declaratione, usu saltem quoad hæc Belgicæ Provincias esse facta videtur. Nam præter reservationem *Mensium & Alternativa*, non apparet alia hæc reservatio Regularum Cancellariæ nota aut usitata: unde, cæteris omiſſis, hanc solam in sequentibus elucidabimus.

(a) Addenda est Provincia, seu Comitatus Ruscinonensis.

## CAPUT VI.

### De Reservatione octo mensium.

1. *Tempore Concilii Basileensis Pontifex dabat Expectativas in octo mensibus.*

2. *Qua-*



2. Quatuor menses erant liberi.
3. Nulla tunc erat mensium reservatio.
4. Inducta est octo mensium per Regulam Cancellariae.
5. Hæc Regula quando octavo loco posita sit?
6. Hæc Regula quâ ratione dicatur odiosa, & restringenda?
7. Menses computandi ut jacent.
8. Episcopus quando censetur conferre in mense reservato?
9. Si dubitetur quo mense vacaverit, præsumitur pro possessore.
10. Si nullus sit possessor, præsumitur pro Ordinario.
11. Beneficium vacans in mense Ordinarii semper manet ad dispositionem Ordinarii; & vacans in mense reservato, manet reservatum.
12. Debet reservationis plena esse probatio.
13. Cessat reservatio hæc, mortuo Papâ.
14. Similiter aliæ reservationes inductæ per Regulas Cancellariae.
15. Sede Apostolica vacante, Ordinarii liberè conferunt.
16. Regula etiam comprehendere videtur Ecclesias Parochiales.
17. Usus in Belgio hæc à reservatione exemisse videtur.
18. Dignitates electivæ non comprehenduntur sub Regula.
19. Dignitatum collatio & electio in multis Ecclesiis libera est à reservatione.
20. Leodiensibus Decanatuum electio in omnibus mensibus concessa.
21. Canonicatus graduati à reservatione exempti.
22. Reservatio hæc se non extendit ad Beneficia Patronatus laici.
23. Idque quocumque titulo laici competat, saltem in Belgio.
24. Etiam si mixtum sit.
25. Imò licet plures sint Ecclesiastici Patroni, quàm laici.
26. In Hispania Beneficia Jurispatronatus Ecclesiastici etiam exempta sunt; quod in Belgio videtur usu receptum.
27. Quædam Ecclesia Belgicæ à reservatione mensium exempta.
28. An Beneficia certo generi personarum conferenda comprehendantur sub generali reservatione?
29. Notandum monitum Covarruvie in hac materia.
30. Beneficia simplicia in multis Ecclesiis exempta à reservatione; & quare?
31. Regula includit omnem vacationis modum; Excepta vacatione per resignationem.
32. Sub resignatione hic comprehenditur permutatio; quam in omni mense Ordinarii admittere possunt.
33. Quæ reservatio significetur in Regula Cancellaria de reservatione mensium?

I. **Q**UOD Papa circa tempus Concilii Basileensis soleret dare expectativas ac mandata de providendo in octo mensibus per Regnum Gallie, indicat ipsa Pragmatica Sanctio tit. De Collationibus §. Frustra enim, ubi abolitis omnibus Expectativis, hæc moderatio subjicitur: "Exceptis illis gratiis & nominationibus super quibus processus sunt expediti, quas ex certis rationalibus causis in octo mensibus, quibus hactenus cursum habere consueverunt, tolerandas duximus, donec aliter ordinatum fuerit."

II. Et in eadem Sanctione eodem titulo §. Quod si quis, fit mentio quatuor mensium, quibus gratiæ expectativæ vel nominationes cursum non habent.

Ad quæ verba reflectens Cosmas Guimier Sanctionis hujus Glossographus, ait: "Olim habebant Ordinarii quatuor menses liberos, in quibus non fortiebantur effectum gratiæ expectativæ, sed per Concordata inter Sixtum IV. & Ludovicum XI. Regem Franciæ, quæ incipiunt, *Ad universalis*, habuerunt sex menses

Februarium, Aprilem, Junium, Augustum, Octobrem, & Decembrem. Hujusmodi tamen Concordata non sortita fuerunt effectum, tanquam juri communi, & Decretis Constant. & Basileen. contraria. Habetur citata Constitutio Sixti IV. in Extravag. I. De Treuga & Pace inter communes.

III. Porro tum ex citatis verbis Sanctionis, tum Extravagantis Sixti IV. apparet, quod nulla ex tempore facta fuerit mensium reservatio; sed Pontifices duntaxat declaraverint, quatuor menses esse exemptos à gratiis expectativis; quæ tum temporis admodum erant frequentes: ita ut propriè tunc non esset octo mensium reservatio in favorem Sedis Apostolicæ; sed potius reservatio quatuor mensium in gratiam Ordinariarum contra Expectantes & Mandatarios Apostolicos; ut etiam advertit Castellus loco citato pag. 329.

IV. At successu temporis per Regulam Cancellariæ introducta est octo mensium reservatio; vocaturque vulgò Regula De Mensibus; quæ his verbis exprimi consuevit: "Item cupiens idem D. N. Papa pauperibus clericis, & aliis bene meritis personis providere, omnia Beneficia Ecclesiastica cum cura & sine cura, secularia, & quorumvis Ordinum regularia, qualitercumque qualificata, & ubicumque existentia, in singulis Januarii, Februarii, Aprilis, Maji, Julii, Augusti, Octobris, & Novembris mensibus, usque ad suæ voluntatis beneplacitum, extra Romanam Curiam aliàs quàm per resignationem, quocumque modo vacatura, ad collationem, provisionem, præsentationem, electionem, & quamvis aliam dispositionem quorumcumque Collatorum, & collatricum, secularium & quorumvis Ordinum regularium (non tamen S. R. E. Cardinalium, aut aliorum, sub Concordatis inter Sedem Apostolicam, & quoscumque alios initis, & per eos, qui illa acceptare, & observare debuerant, acceptatis, & observatis, quæ lædere non intendit, comprehensorum) quomodolibet pertinentia, dispositioni suæ generaliter reservavit. Volens in supplicationibus, seu concessionibus gratiarum, quæ de dictis Beneficiis tunc vacantibus, etiam motu proprio fient, de mense in quo vacaverint dispositivè mentionem fieri, alioquin gratias nullas esse. Ac consuetudines, etiam immemorabiles, optandi majores, & pinguioribus Præbendas, nec non privilegia etiam in limine erectionis concessa, & inducta Apostolica circa ea, ac etiam disponendi de hujusmodi Beneficiis, aut quod illa sub hujusmodi reservationibus numquam comprehendantur, etiam cum quibusvis derogatoriis derogatoriis, & fortioribus, efficacioribus, & insolitis clausulis, nec non irritantibus, & aliis Decretis, quorum tenores, pro expressis haberi, & latissimè extendi voluit, quibusvis personis, & collegiis cujuscumque dignitatis, status, gradus, ordinis, & conditionis existentibus, quomodolibet concessa, adversus reservationem hujusmodi minimè suffragari."

V. Notat Gonzales ad hanc regulam Glossa 1. n. 5. quod merito in novis regulis fuerit hæc regula appositâ in octavo loco, continuata cum cæteris regulis de reservationibus loquentibus, & sublata de loco in quo erat tempore Pii V. & Gregorii XIII. Nam tunc erat (ait) sita prope finem omnium regularum Cancellariæ, & in ordine 69.

VI. Hæc regula, in quantum reservat Beneficia ad collationem seu dispositionem inferiorum Collatorum spectantia, "est Episcopis & Ordinariis præjudicialis, detraxit potestati ordinariæ, & corrigit jus communi, ne, & eatenus regula hæc odiosa est, ait Chokier in proemio Regulæ num. 20. & consequenter restringenda; ut multis docet Gonzales ad hanc regulam §. 6. Proemiali.

VII. Menses, de quibus loquitur regula, computandos esse prout ipsi collocantur, & jacent per totum circulum anni, sive quilibet mensis habeat 30. dies sive plus

plus sive minus, monet post alios Gonzales *Glossa* 11. num. 1. "Quo fit ait num. 9.) ut mensis Apostolicus terminetur in dimidia nocte ultimi diei, & ex illa dimidia nocte impofterum incipiat mensis ordinarius, & durat usque ad dimidiam noctem ultimi diei illius mensis, *Leg. MORE ROMANO. ff. De feriis.*

VIII. Hinc ulterius num. 11. "Proinde, quando Episcopus confert aliquod Beneficium vacans ad finem sui mensis, vel in principio illius, in illa ultima nocte, quæ dat finem mensi ordinario, & principium mensi Apostolico, velè converso, consultè faciet, si ante collationem faciat examinari testes de hora, & puncto obitus ultimi possessoris, & in ipso collationis instrumento annotaverit, ut sic evitetur controversia, quantum possibile sit, super tempore vacationis, an contigerit in mense ordinario, vel potius in Apostolico.

IX. Post hæc inquirat, si dubium sit, quo mense vacatio contigerit, cui onus probandi incumbat? Respondetque pro possessore esse præsumendum; & si quis contra possessorem prætendat, is probare debeat, vacationem in hoc illove mense contigisse.

X. Quod si neuter sit in possessione, tunc præsumptio erit pro illo, qui ab Ordinario collationem obtinuit: "quoniam non solum non præsumitur reservatio ratione mensis, sed etiam debet concludenter probari vacatio de mense Apostolico, ut Provisus à Papa obtinere possit.

"Ratio est, quia cum Ordinarius, & provisor ab eo fundet intentionem suam de jure communi, Cap. ex frequentibus, de Institutionibus. Felinus in Cap. cum venerabilis, num. 32. de exceptionibus. Rota Decis. 78. num. 1. & per totam, parte prima diversorum, & diximus in §. 1. procemiali, in princip. Et sublata reservatione nostræ regulæ Episcopus possit providere liberè in omnibus mensibus. Caputaquend. Decis. 214. num. 5. part. 2. Cassador. Decis. 3. num. 1. & 2. de Privilegiis. Puteus Decis. 492. num. 3. lib. 4. Crescentius Decis. 3. num. 4. de Privilegiis: sequitur, quod provisor ab Ordinario nihil aliud probare tenetur, nisi anterioritatem suæ collationis in jure communi fundatam, & quod onus probandi reservationem, ratione mensis, spectat ad provisorum Apostolicum se fundantem in vacatione in mense Apostolico; cum hoc sit suæ intentionis fundamentum.

XI. Hæc Gonzales, qui ibidem num. 48. & sequentibus probat, Beneficium vacans per mortem Beneficiarii in mense Ordinarii manere ad provisionem Ordinarii, etiam si vacatio duraverit usque ad mensem Apostolicum; quemadmodum Beneficium cujus vacatio contigit in mense Apostolico, manet reservatum, licet vacatio protrahatur ad mensem ordinarium.

XII. Denique notat n. 98. quod quando agitur de probanda vacatione in certo mense ad effectum reservationis, tunc, sepositis particularibus circumstantiis, probatio debeat esse plena & concludens: atque in Rota decisum, quod semper impetrans teneatur plene & concludenter probare narrativam vacationis, in qua principaliter se fundat ad inducendam reservationem.

XIII. Dicit Pontifex in hac Regula, se in dictis mensibus reservare Beneficia usque ad suæ voluntatis beneplacitum: cujus clausulæ vigore cessat reservatio, mortuo Papa, quemadmodum deciditur in cap. 5. De Rescriptis in VI.

XIV. Imò etsi hæc clausula adjecta non esset, tamen ex natura Regularum Cancellariæ, per mortem Papæ reservatio extingueretur. Regulæ enim Cancellariæ morte Pontificis extinguuntur; ut monet Gomesius quæst. 2. proæm. ad Reg. Cancell. quod & significatur per verba procemialia Regularum, ex tunc suo tempore duraturas: unde & per novum Pontificem altero assumptionis suæ die de novo publicantur. "Quæ publicatio non ad illum effectum fit, ut innotescant,

cum ferè eadem Regulæ sunt, quæ approbantur, sed ut per hujusmodi publicationem dignoscatur voluntas approbatoria ipsius novi Pontificis.," Hæc Gomesius.

XV. Hinc deducitur, quod "vacante Sede Apostolica, Ordinarii liberè conferant Beneficia, in omnibus mensibus sine ulla distinctione; quia tunc sunt obacula sublata, & omnes menses dicuntur Ordinarii; idque donec & quousque novus Papa fuerit assumptus ad apicem Pontificatus, ac potius, donec is Regulas Cancellariæ publicaverit, quod solet post tridie suæ assumptionis.

XVI. Regula hæc in mensibus designatis reservat generaliter "omnia Beneficia Ecclesiastica, cum cura & sine cura, secularia, & quorumvis Ordinum Regularia, qualitercumque qualificata, & ubicumque existentia.

His ergo verbis Regulæ attentis, & in sua generalitate, prout sonant, intellectis; dubium non apparet, quin hac imprimis reservatione comprehendantur Ecclesiæ Parochiales utporè Beneficia curata sive cum cura.

XVII. Verùm reservationem Ecclesiarum Parochialium per Concilium Tridentinum Sess. 24. cap. 18. De Reformat. sublatam esse credunt nonnulli cum Navarro: "idque usu in multis Diocesium fuit receptum, ut nuper plurimi Episcopi harum regionum testati sunt in gravi quadam causa, "ait Zypæus Consult. 1. De Elect. Deinde notat, quod Concilium Tridentinum hic sit receptum "prout sonat, non ut quotidianæ interpretationes, Decreta, Constitutiones Romanæ adferri possint, quæ Decretum alterent, ampliant, aut restringant, vel Regulam octavam De Reservationibus, quoad Beneficia curata Parochialia abrogatam restituant.

XVIII. Sub generalitate illa verborum licet videantur comprehendi etiam Beneficia majora; tamen, quia Dignitates nominatim non exprimuntur; etiam non censentur comprehensæ: præsertim si sint electivæ confirmativæ; quas sub generali reservatione non comprehendi supra notavimus.

XIX. Hinc usu harum regionum, Dignitates hujusmodi electivæ à reservatione sunt exemptæ; eliguntque passim Capitula suos Decanos in omnibus mensibus sine ulla distinctione: neque ulla quoad hæc Dignitates reservatio hic nota est.

Conformiter ad hunc usum Belgii judicavit Consilium privatum, Capitulum Rothnacense posse eligere Thesaurarium in omni mense, uti refert Laury in Collectione Arrestorum, Arresto 138.

Ratio hujus exceptionis à reservatione deducta est in resolutione Doctorum Lovaniensium, in causa Thesauriæ Ecclesiæ Insulensis: hic annexa sub litt. S.

Quin & passim Dignitates electivæ collativæ ab hac reservatione sunt solutæ, ipsaque Capitula liberè eas in omnibus mensibus eligendo conferunt.

XX. Testatur quoque Chokier ad hanc Regulam Glossa 11. num. 24. Adrianum VI. reliquisse electiones liberas Decanatum in civitate & Diocesi Leodiensi consistentium, nec illos sub speciali vel generali reservatione comprehendendi.

XXI. Ex speciali declaratione Pauli IV. in Bulla erectionis novorum Episcopatum, novem Præbendæ affectæ Graduatibus ab omni quacumque reservatione exemptuntur; uti ostensum est supra part. 1. tit. 10. cap. 1. num. 7. Unde & illæ sine ulla mensium distinctione à Canonicis Graduatis unâ cum Episcopo juxta tenorem Bullæ eliguntur; uti & Archidiaconus, Archipresbyter & Penitentiarius à Canonicis Graduatis assumendi, ab Episcopo liberè in omnibus mensibus constituuntur.

XXII. Sicuti sub generali Beneficiorum expressione non veniunt Dignitates; ita nec sub generali reservatione comprehendi Beneficia Jurispatronatus laicalis, apud

apud omnes expeditum est: soletque hujus conclusionis ratio hæc assignari, ne laici retrahantur à fundatione, constructione vel dotatione Ecclesiarum seu Beneficiorum; ita post alios Gonzales *Gloss.* 18. num. 3.

XXIII. Hinc concludunt, quod reservatio includat Beneficia Jurispatronatus laicalis; quando hoc competit, non ex fundatione, constructione aut dotatione, sed ex præscriptione, consuetudine vel privilegio. Ita Gonzales dicto loco num. 18. Hinc infert num. 22. quod ad excludendam reservationem nostræ Regulæ, ratione Jurispatronatus laicalis, oporteat docere de Jurispatronatus ex fundatione, vel constructione, aut dotatione.

Verum hæc non consonant praxi hodiernæ, præsertim Belgicæ, quæ ab omnibus reservationibus, expectativis, nominationibus, quin & concursu eximit generaliter Beneficia Jurispatronatus laicalis; quocumque titulo jus illud laicis acquisitum sit. (a)

XXIV. Sed quid, si Jus patronatus non sit mere laicale; sed mixtum? Nec tunc sub reservatione generali aut hujus regulæ contineri communiter resolvunt Canonistæ; præsertim quando Patroni laici habent majorem aut æqualem partem vocum in dicto Jure patronatus mixto, ut loquitur Gonzales num. 15. Rationem dat n. 12. "Nam in favorabilibus potius est attendenda qualitas laicalis: ne laicus propter Clericum perdat suum privilegium. Hoc enim æquum est, quod in re individua non patiatur quis præjudicium ratione societatis, quæ illi cum altero communis est.

XXV. Quidni & hac ratione meritò à reservatione eximatur Jus patronatus laicale mixtum; licet pars vocum Patronorum Ecclesiasticorum esset major: veluti si ad unum laicum & duos Clericos pertineat: quod & notaria praxis Belgii confirmat; quamvis de jure contrarium credat Gonzales num. 16.

XXVI. Teste Garcia *De Benef. part. 5. cap. 1. num. 557.* Beneficia Jurispatronatus Ecclesiastici ab hac aliisque reservationibus eximuntur "in Hispania, præsertim (aut) in his regnis Castellæ; atque indifferenter Beneficia Jurispatronatus, etiam Ecclesiastici ad præsentationem Patronorum providentur in partibus, in quocumque mense vacaverint, ut videmus quotidie.

Hæc consuetudo Hispaniæ à Belgica non omnino discrepat. Videmus enim & hæc in partibus ad Patronorum etiam Ecclesiasticorum particularium præsentationem Beneficia in omnibus mensibus conferri.

XXVII. Quanquam cum dicitur, Beneficia juris Patronatus Ecclesiastici à reservatione mensium esse exempta, intelligendum videtur, de jure Patronatus Ecclesiastici, ex fundatione & dotatione primitus orto, quod est verum Jus Patronatus, & qui jure illo gaudent, censentur esse veri Patroni, non secus ac Laici simili titulo fundationis vel dotationis jus hoc assecuti, etsi dum competit titulo dignitatis aut Officii Ecclesiastici, dicitur Ecclesiasticum; & ita definit celebris Jurisconsultus Lovaniensis Vandevelde in suo manuscripto Tractatu de qualitatibus Beneficiorum tit. 2. Jus Patronatus Ecclesiasticum (ait) est, quod quis habet ratione suæ Ecclesiæ seu Beneficii; quia nempe fundatio seu dotatio facta est ex bonis Ecclesiæ, vel certe ex bonis Laicis jure Patronatus in Ecclesiam, seu personam Ecclesiasticam, ab initio vel postmodum transcripto, vel translato.

In eodem Tractatu notat citatus Vandevelde, quod à reservatione mensium exemptæ sint Ecclesiæ per totam Arthesiam; conferantque Collatores Ordinarii Beneficia in omnibus mensibus, ut & Patroni præsentant; creditque Arthesianos exemptionem illam habere ex antiquo jure Gallicano fundato in *Sanctione Pragmatica* Caroli VII. adeo ut, licet Arthesia à Regno

(a) Si quis Galliarum Disciplinam hac de re edoceri velit, adeat Nova Cleri Gallicani Collectanea t. 10. col. 779. & col. 564. 943. 944. &c.

Galliæ sacris divulsa, illam tamen exemptionem, sive libertatem constanter retinuerint Ecclesiæ Arthesianæ.

Et revera hanc Arthesiæ à reservationibus Apostolicis exemptionem ex antiquo jure Gallicano & usu profluere evidenter probant litteræ Caroli V. Imperatoris datæ Gandavi 12. Maii 1531. in quibus Carolus approbavit Privilegia, libertates, francias, & exemptiones Episcopi Atrebatensis, & totius Cleri Arthesiæ ab omnibus reservationibus Apostolicis, expectativis, regressibus, accessibus, nominationibus & coadjutoriis, & in effectu ab omnibus aliis Provisionibus Apostolicis exorbitantibus, & tunc non usitatis in Arthesia & civitate Atrebatensi, ac nominatum potestatem conferendi Beneficia in omni mense secundum ordinem & dispositionem juris eo modo & forma, quibus ante; *Ceux étant de sort de France, & avant qu'ils fussent sous notre Souveraineté*, fecerant, & gavili fuerant.

Habentur hæc litteræ in libello, cui titulus: *Privilegia Nominationum Lovaniensium*, &c. Editionis Leodienfis anno 1665. pag. 28.

Insuper ex his litteris sat manifestum est, Arthesianos hanc à reservatione mensium exemptionem, & plenam in provisione Beneficiorum libertatem, non ex Concordatis inter Leonem X. & Franciscum I. Regem Galliæ præterdisse; sed ex antiquo jure Gallicano, continuato usu (cujus in litteris mentio fit), ut & citatus Vandevelde quoque notavit.

Habet & jus illud Ecclesia Collegiata sancti Amati in civitate Duacensi, eò quod hæc Ecclesia ex vico Arthesiæ, qui vocatur *Broylus* ad civitatem Duacensem fuerit translata; atque ita manserit in libertate, quæ gaudebat existens in Arthesia.

Eodem indubiè titulo Ecclesia Tornacensis hac libertate gaudet, nimirum quod se manutenuerit in jure Gallicano, quo aliquando gavisa fuerat Regi Galliæ subiecta.

XXVIII. De Beneficiis certo generi personarum conferendis, an contineantur sub generali reservatione, dubitatur: asseritque Covarruvias *Præf. qu. cap. 36. num. 4.* quod "si Beneficia patrimonialia, vel Cænonicatus Cathedralium Ecclesiarum, qui Theologiae Magistris vel Juris Pontificii Doctoribus ex electione sunt conferendi, apud *Sedem Apostolicam* vacaverint, non facile admittitur derogatio hujus privilegii, vel consuetudinis, nec recipitur summi Pontificis collatio in præjudicium Ecclesiarum, quibus maxima utilitas comparatur, si ad unguem & exactè jura ista servantur." Hæc ille, qui adducta auctoritate Glossæ aliorumque Doctorum pro hac interpretatione, nihilominus diffiteri non audet, "opinionem istam dubiam esse, quoad hæc patrimonialia Beneficia & Canonatus, propter verba illius reservationis, cujus mentio fit in cap. 2. *De Præbendis* in VI. quæ adeo generalia sunt, ut hæc Beneficia comprehendere videantur.

XXIX. Tum pro resolutione dubii subjungit hoc notandum monitum: "Propterea lectorem admoneo hac in controversia, quod diligenter observere, quid praxi receptum fuerit, & quid sit Christianæ reipublicæ, ac ministerio divino conducibilis, siquidem admodum conducatur, hæc Beneficia non comprehendendi ullis reservationibus.

XXX. Antonius Faber ad *Definitionem* 11. lib. 1. titulo 2. apponit hanc notam num. 3. "Observa eo jure nos uti, ut simplicia Beneficia possint in quolibet mense conferri ab Ordinario, licet verba regulæ De reservatione mensium sint generalia, & loquantur de Beneficiis omnibus sive cum cura sint, sive etiam sine cura: adeo fortasse quod facile capienda sit interpretatio per quam unaquæque res redeat ad suam naturam. Prima autem Beneficiorum natura illa fuit, ut omnia & quocumque mense conferri possent per Ordinarium. At potius quod æquum non sit, paupe-

rem



„ rem Ecclesiasticum pro simplici Beneficio obtinendo  
 „ tantis sumptibus onerari, ut cogatur ire aut mittere  
 „ Romam, in eamque rem plus fortassis impendere  
 „ quam multorum annorum redditus ferre possint.

Per simplicia Beneficia indubiè hinc intelligit Faber Beneficia, quæ antonomastice vocantur *simplicia*, ut sunt Capellanæ, de quibus supra *parte 2. Sect. 3. tit. 1. cap. 4.* Aliàs in anteriore edit. *part. 2. tit. 18. cap. 4.* quæ quidem Capellanæ in multis Belgii Ecclesiis in omni mense, tanquam à reservatione liberæ, conferuntur.

XXXI. Regula comprehendit Beneficia non tantum vacantia per mortem; sed quocumque modo. Unde omnis modus vacationis includitur; modò reverà tamen Beneficium vacet. Excipit tamen modum per resignationem.

XXXII. Cùm autem in omni Beneficiorum permutatione includatur aliqua resignatio in favorem permutationis; ita ut permutatio nihil aliud sit, nisi quædam reciproca resignatio, quæ fit inter utrumque permutantem, idèò & vacationem hanc excipi credunt Interpretes; ut notat Chokier *Glossa 7. n. 6. qui n. 7. addit & hanc rationem*: „ Quia reservatio est juris communis correctoria; eoque restringenda est, & propterea quoad effectum reservationis, Beneficia renuntiata ex causa permutationis, non dicuntur *verè vacare*.

XXXIII. Per resignationem in prædicta Cancellariæ regula non tantum significari resignationem in favorem, vel causa permutationis; sed & puram & simplicem, quæ fit per liberam dimissionem Beneficii ad manus Ordinarii, post Joannem Chokier in Commentario ad hanc Regulam, multis probat Gonzales in expositione, hujus Regulæ *Glossa 14.*

Quapropter si Beneficium vacet in mense reservato per simplicem dimissionem, Ordinarium posse providere sument prædicti auctores; hæcque interpretatio tanquam Ordinariis favorabilis, & provisiones Beneficiorum ad jus commune reducens, non difficulter usu recipitur.

## CAPUT VII.

### De Alternativa.

1. Regula de reservatione mensium secunda sua parte continet relaxationem, quæ vulgo dicitur Alternativa.
2. Refertur textus Regulæ.
3. Regula quoad hanc partem quâ ratione favorabilis?
4. Alternativa solis Episcopis hodie competit.
5. Nec Abbates Episcopalem auctoritatem habentibus.
6. Neque Capitulo, Sede vacante, conferenti Beneficia ad liberam Episcopi collationem spectantia.
7. Alternativa tantum datur Episcopis residentibus.
8. Verba regulæ, prout hodie exprimitur, requirunt veram & personalem residentiam.
9. Absens à Diocesi etiam ex iusta causa & ad modicum tempus non gaudet Alternativâ juxta rigorem regulæ.
10. Judicatum quodd Episcopus absens ex urgenti causa ad duos dies non gaudeat alternativa.
11. Non sufficit quodd habeatur de jure pro residente.
12. Rigor ille non ubique receptus.
13. Episcopi ut alternativâ gaudeant, eam acceptari debent.
14. Gratia alternativæ est personalis respectu Episcopi acceptantis.
15. Episcopus, acceptatâ alternativâ, non potest sine licentia Sedis Apostolica renuntiare, & ad quatuor menses redire.

16. Episcopus non residents, acceptatâ alternativâ, non gaudet jure quatuor mensium.
17. Episcopus demum uti potest alternativâ, quando litteræ acceptationis à Datario sunt receptæ.
18. Formula litterarum acceptationis.
19. Formula testimonii notarialis.
20. Testimonium Datarii de facta acceptatione.
21. Quoad Beneficia, quæ vigore Alternativæ Episcopus libere conferre potest, regula restricta est.
22. Regula hodierna non permittit vi Alternativæ conferri, nisi Beneficia ad solius Episcopi liberam collationem spectantia.
23. Ex restrictione Regula videtur factum, quodd Episcopi in collatione Beneficiorum non debeant petere consilium Capituli.
24. In institutione Alternativæ quid insinuate voluerit Curia Romana.
25. Quærela Francisci de Vargas, & suum Consilium de imminuenda Beneficiorum collatione quam sibi arrogat summus Pontifex.

I. REGULA, quæ hodie vulgò dicitur Regula octava De reservatione mensium, duas partes continet, quæ olim separatas regulas conscribent; quemadmodum monet Chokier in præmio Regulæ *num. 20.* quarum primâ reservantur provisioni Pontificis Beneficia vacantia in octo mensibus; posteriore verò parte, quæ incipit à verbis: *Insuper Sanctitas sua*, relaxatur hæc reservatio in favorem Episcoporum in suis Diocesis residentium, quoad duos menses; ita ut sex menses liberi maneat; atque Episcopi alternativè menses habeant cum ipso Papa: quæ gratia propterea vocatur *Alternativa*.

II. Exprimitur autem in modernis Regulis hæc formula: „ Insuper Sanctitas sua ad gratificandum Patriarchis, Archiepiscopis, & Episcopis intenta, & ipsi quamdiu apud Ecclesias, aut Dioceses suas verè ac personaliter residerint duntaxat, de omnibus, & quibuscumque Beneficiis Ecclesiasticis cum cura & sine cura, secularibus, & Regularibus ad liberam ipsorum duntaxat, non autem aliorum cum eis dispositionem, seu præsentationem, vel electionem, nec etiam cum consilio, vel consensu, seu interventu Capitulum, vel aliorum (aut aliàs pertinentibus) quæ antea in mensibus Februarii, Aprilis, Junii, Augusti, Octob. & Decemb. extra Curiam ipsam vacare contigerit (dummodo aliàs dispositioni Apostolicæ reservata, vel affecta non fuerint) liberè disponendi facultatem concessit. Ac etiam voluit ut, ipsi in collatione, aut alia dispositione Beneficiorum, in aliis sex mensibus, videlicet Januarii, Martii, Maii, Julii, Sept. & Nov. vacaturorum (quæ etiam dispositioni suæ, ut præfertur, reservavit) seu etiam aliorum dispositioni suæ, & dictæ Sedis aliàs quomodolibet reservatorum, vel affectorum se intromiserint; aut quominus provisiones, & gratiæ Sanctitatis suæ de illis debitum effectum consequantur, impedimentum quoquo modo præstiterint, usu, & Beneficio prædictæ facultatis eo ipso privati existant, ac collationes, & aliæ dispositiones de Beneficiis illius prætextu deinceps faciendæ nullius sint roboris vel momenti. Illi verò, qui gratiam alternativæ prædictæ acceptare voluerint, acceptationem hujusmodi per parentes litteras manu propriâ subscriptas, suoque sigillo munitas, & in sua quisque Civitate, vel Diocesi datas, declarare, & litteras ipsas huc ad Datarium Sanctitatis suæ transmittere teneantur, quibus ab eo receptis, & recognitis, ac in libro ad id deputato registratis, tunc demum, & non antea, uti incipiant gratiâ supradictâ. Declarans præterea exceptionem positam in Regula favore S. R. E. Cardinalium, & Indultum conferendi Beneficia reservata concessum Cardinali Episcopo, non suffragari Capitulo ratione communionis, & consortii juxta declarationem

tionem felicitis recordationis Urbani Papæ VIII. Prædecessoris sui editam die 10. Septembris anno mille-  
simo sexcentesimo vigesimo sexto, quam Sanctitas  
sua in omnibus, & per omnia approbat. Decernens  
sic in præmissis omnibus per quoscumque, &c. ju-  
dicari debere, ac irritum, &c.

III. Notat autem Choxier loco citato, hoc inter  
utramque partem esse discrimen; quod " prima conti-  
neat reservationem & manibus Ordinatorum liga-  
men imponat; atque ideò Episcopis & Ordinariis  
præjudicialis, & detrahens potestati ordinariæ, &  
corrigenz jus commune; & eatenus regula hæc odio-  
sa sit. Secunda verò pars, dictam reservationem &  
vinculum moderetur, & partim relaxet, ac impedi-  
mentum removeat: sitque Patriarchis, Archiepiscopis,  
Episcopis, ac aliis Ecclesiis *favorabilis*; ac proinde  
etiam *amplianda*: cum innitatur juri communi.

IV. Gràtia hæc sive relaxatio reservationis quoad  
duos menses conceditur duntaxat *Patriarchis, Archiepiscopis, & Episcopis*; idque hodie adeò clarè expres-  
sum est in regula, ut nulla dubitandi ratio suppetat;  
quamvis olim dubitatum fuerit, quemadmodum notavit  
Gonzales ad Regulam 8. Cancell. *Gloss. 42. num. 2.* ac  
dein *num. 3.* infert: " hodie cessant Decisiones dicen-  
tes, quod Capitula Cathedralium gaudere poterant  
*alternativè* mensium; & quod Episcopus tanquam  
dignior & caput poterat illam acceptare, etiam in-  
vito Capitulo. Ratio est (ait) quia *alternativa anti-*  
*qua non erat restricta ad solos Patriarchas, Archiepis-*  
*copos & Episcopos, sicut restringit regula nostra,*  
*sed omnibus Collatoribus concedebatur.*

V. Imò cum Abbates etiam *nullius* Diocesis, ac E-  
piscopalem jurisdictionem in suis districtibus exercentes,  
reverà non sint Episcopi, juxta restrictionem mo-  
dernam ipsius regulæ *alternativè* mensium gaudere non  
possunt.

VI. Similiter si ex statuto, privilegio vel consuetu-  
dine Capitulum, Sede vacante, conferret Beneficia ad  
collationem Episcopi spectantia, tamen non gaudet *al-*  
*ternativè*: quia tamen si succedat in jurisdictionem Epif-  
copalem, non tamen in hanc gratiam, quæ speciatim  
Episcopis datur, & cum Episcopo extinguitur, ut infra  
videbitur.

VII. Verùm nec omnibus Episcopis hæc *alternativa*  
conceditur, sed tantum *residentibus*: quæ conditio in  
hodierna regula hac formulâ exprimitur: *Ipsis quamdiu*  
*apud Ecclesias aut Dioceses suas verè ac personaliter re-*  
*derint duntaxat.*

VIII. Hæc verba si propriè & in rigore accipiantur,  
non obscure requirunt *veram ac personalem* residentiam  
apud Ecclesias aut Dioceses: omnemque *fictam* resi-  
dentiam excludunt; quemadmodum observat Gonza-  
les *Glossa 43. num. 15.* monetque dictionem *verè*, om-  
nem dubitationem remove: " nam requirit (ait)  
*veram, realem & actualem* residentiam, & omnem fi-  
ctionem excludit.

Ponderat insuper quod in regula occurrat dictio,  
*personaliter*; quæ est (ait *num. 13.*) *præcisa*, & exigit  
*realem & veram ac personalem* residentiam.

Expendit denique particulam *duntaxat* in regula ex-  
pressam, " quæ est (inquit) limitativa ad solam resi-  
dentiam *veram & personalem & præcisam*, ac exclusi-  
va *fictæ ac impropiæ* residentia.

IX. Ex his infert *num. 26.* " quod ad gaudendum  
*alternativè ficta* residentia non profit: & quod absens  
ex justa causa & ad modicum tempus, quamdiu ab-  
est, non possit frui *alternativè* in Beneficiis tempore  
talis absentia vacantibus, & consequenter dispositio-  
ni Apostolicæ sint reservata.

" Aliud namque est *verè & personaliter* residere, &  
" adesse, & aliud *verè abesse*, & pro residente haberi,  
ait *num. 28.* quod & in sequentibus confirmat multis  
exemplis ex jure petitis.

Conformer ad hanc Regulæ expressionem decifum  
Tom. I.

fuisse dicit, quod Episcopus absens tribus mensibus sibi  
permisiss, recreationis causâ animo redeundi, non gau-  
deat *alternativè*.

X. Dehinc *n. 41.* dicit anno 1603, contigisse, quod  
Episcopus Segobienfis, habens *alternativam*, & con-  
tinuò in sua Diocesi residens, ob adventum Regis Ca-  
tholici ad locum quatuor duntaxat milliaribus à sua Dio-  
cesi distantem, à sua Diocesi ad *duos* dies duntaxat ab-  
fuerit, ut regem in eo loco salutaret, eique gratias age-  
ret de nominatione, quam Rex Catholicus de ejus per-  
sona fecerat ad Episcopatum Compostellanum; cum-  
que spatio istorum duorum dierum vacasset Canonica-  
tus in mense *Aprili*, qui est mensis Ordinarii respectu  
Episcopi gaudens *alternativè*, aliàs reservatus; quæ-  
situm fuit, an Episcopus Segobienfis ex tam justa cau-  
sa, & ad tam modicum tempus absens, censendus ef-  
set *residens* ad mentem regulæ, ut *alternativè* etiam eo  
tempore gauderet.

XI. Et quamvis dubitari nequeat, quin hujusmodi  
absentia de jure habeatur pro residentia; & Episcopus  
ita absens habendus sit residens; nihilominus propter  
dictionem *verè* in regula positam, quæ omnem planè  
fictionem excludere videtur, resolvit Gonzales *num. 83.*  
Episcopum Segobiensem non potuisse uti *alternativè*.  
" Et quamvis (ait) maxima æquitatis ratio ad favorem  
ordinariæ provisionis concurrat, non tamen est re-  
cedendum à verbis regulæ, quæ licet sit dura, ita ta-  
men est scripta.

XII. Ad hanc aliasque rigorosas & litterales interpre-  
tationes reflectens Perardus Castellus in Praxi Curia  
Romanæ *pag. 334.* dicit, hos rigores residentia indu-  
biè in Britannia esse temperatos; adeò ut si Episcopus  
ex præcepto Regis, aut ob bonum commune suæ Ec-  
clesiæ in causis urgentibus & necessariis esset absens à  
Diocesi, equidem reputaretur residens in ordine ad al-  
ternativam.

Neque in Belgio hujusmodi rigorem ac duritiam re-  
gulæ admittendum credo; sed Episcopum in simili casu  
pro residente reputatum iri; præsertim quia, uti testa-  
tur post Gonzalem Choxier *Glossa 15.* particula illa *verè*  
recenter, nimirum post tempora Sixti V. huic regulæ  
addita fuit: nam tempore Pii V. Sixti V. & Gregorii  
XIII. in *alternativa* non aderat verbum *verè*, neque  
*personaliter*. Garcias *pag. 5. cap. 2. §. 10. num. 460.* qui  
est videndus.

XIII. Ut autem Episcopi etiam residentes *alternati-*  
*vè* fruantur, " eam acceptare debent; acceptionem-  
que hujusmodi per patentes litteras manu propriâ  
scriptas suoque sigillo munitas, & in sua quisque ci-  
vitate vel Diocesi datas, declarare; & litteras ipsas  
huc ad Datarium Sanctitatis suæ transmittere tenean-  
tur, quibus ab eo receptis, & recognitis, ac in libro  
ad id deputato registratis, tunc demum, & non an-  
teâ uti incipiant gratiâ supradictâ.

Hinc concluditur, gratiam *alternativæ* esse *volunta-*  
*riam*, atque pendere à mero beneplacito Episcopi eam  
acceptare volentis; quam in favorem residentia Pontifex  
Episcopis offert.

XIV. Uterius inde sequitur, gratiam illam ejusque  
acceptationem esse *personalem* respectu Episcopi accep-  
tantis; eamque morte ipsius Episcopi expirare; ejus-  
que successorem debere denud acceptare, si uti voluerit.  
Imò si Episcopus post acceptationem *alternativæ* trans-  
larus sit ad alium Episcopatum, si *alternativè* hac uti  
desideret, tenetur eam de novo acceptare. Gonzales  
*Glossa 58. num. 18.* quia illam priùs ut Episcopus talis  
Diocesis acceptasse censetur.

XV. Ubi autem Episcopus semel *alternativam* ac-  
ceptavit: non potest pro libitu suo ab ea recedere, ut  
ibidem monet Gonzales *num. 14.* quia acceptatio est  
mensium commutatio: id est, Episcopus, qui ut cæ-  
teri ordinarii Collatores, habebat *quatuor* mentes *libe-*  
*ros*, nimirum, *Martium, Junium, Septembrem & De-*  
*cembrem*, acceptando *alternativam* permutat hos qua-  
tuor

tuor menses cum sex aliis, scilicet, *Februario, Aprili, Junio, Augusto, Octobri & Decembri*: quæ permutatio cum sit ad instar contractûs cum Pontifice, non potest ab eo sine consensu Pontificis rescindi. Quod in ipsa Regula hodie expressum est, dum dicitur: "Et post factam acceptionem & admissionem, in *Data-ria* *neutri* parti liceat, nisi concordi consensu, ab ea recedere."

XVI. Inde ulterius infertur, quod si Episcopus, *acceptatâ alternativâ, non resideat*, non possit nequidem conferre Beneficia vacantia in Martio aut Septembri; quæ indubiè conferre potuisset, si *alternativam* non acceptasset.

Cum enim menses illi, qui aliàs erant à quatuor ordinariis juxta priorem partem hujus Regulæ, per acceptionem *alternativâ*, sint facti *Apostolici*, non potest Episcopus per *non residentiam* eos facere ordinarios; tñ probat Gonzales *Gloss. 43. num. 122.* & qui *Glossa 58. num. 23.* dicit, non raro plures Episcopos, postquam acceptarunt *alternativam*, supplicare Papæ, ut ligamen *alternativæ* dissolvere dignetur; ipseque Papa ad suos *ostio*, Episcopus verò ad suos *quatuor* (prout erat ante acceptionem *alternativæ*) restituatur; quod & ipse Papa, vel Datarius ejus nomine nonnunquam ex causa concedunt.

XVII. Quâ formulâ acceptatio *alternativæ* fieri & insinuari debeat, suprà relata Regulæ verba satis significant; atque unâ indicant, quod tunc *demum*, & *non antè* Episcopi uti incipiant gratiâ *alternativæ*, dum litteræ acceptionis à Datario *receptæ & recognitæ* fuerint.

Ut autem facilius sit *recognitio* per Datarium faciendâ, solent litteræ hac formulâ expediri & ad Datarium transmitti.

XVIII. Formula litterarum acceptionis *alternativæ*, prout refertur à Gonzales *Glossa 62. num. 33.* hæc est: "Nos N. Dei & Apostolicæ Sedis gratiâ Episcopus N. volentes observare Regulam reservatoriam mensium Apostolicorum Sanctissimi Domini Innocentii XII. necnon frui gratiâ & Beneficio *alternativæ* Episcopis apud Ecclesias, aut Dioceses suas verè & personaliter residentibus per eandem Regulam concessæ. Propterea humiliter, & debita cum reverentia, ac omni meliori modo, quo possumus, & debemus, libenter præfatam *alternativæ* gratiam acceptamus, ac ea uti velle declaramus, in cujus voluntatis, acceptionis & declarationis fidem, præsentibus patentes litteras per nostrum Secretarium, & Apostolicum Notarium scriptas, nostrâ manu propriâ subsignamus, sigillique nostri soliti impressione muniri facimus, & eas ad Illustriss. & Reverendiss. Dominum ejusdem D. N. Papæ Innocentii XII. Datarium transmittere curabimus, juxta formam & ad effectum, de quibus in prædictâ Regula. Dat. in ædibus nostris, vel in tali loco hujus nostræ Civitatis, vel Diocesis, sub tali anno, die, & mense, testibus ad præmissa vocatis."

XIX. Postmodum dictus Secretarius & Notarius hanc fidem facit: "Et quia ego N. auctoritate Apostolicâ Notarius, & Secretarius præd. Reverendissimi Domini mei Archiep. dictas patentes litteras manu propriâ scripsi, & in omnibus supradictis, unâ cum dictis testibus interfui: Idè hoc præfens publicum fidei, ac testimonii instrumentum signavi, & subscripsi meis solitis, & consuetis signo & subscriptione, in præmissorum fidem."

XX. Dein postquam litteræ à Datario fuerint recognitæ & probatæ, solet ab eodem Datario dari testimonium recognitionis tenoris sequentis: "Nos N. Sanctissimi Domini Innocentii XII. Datarius, notum facimus omnibus & singulis, ad quos spectat, qualiter pro parte Reverendissimi in Christo Patris D. N. Episcopi N. præsentatæ, & recognitæ fuerunt litteræ acceptionis gratiæ *alternativæ* mensium, Præ-

sublibus apud Ecclesias, aut Dioceses suas verè, & personaliter residentibus, ab eodem Sanctiss. D. N. Papa concessæ. In quorum fidem præfentes litteras manu propriâ subscripsimus, & sigillo nostro muniri fecimus, ac in eodem libro registrari fecimus, &c."

XXI. Quemadmodum *alternativa* quoad residentiam per posteriores Pontifices, appositione dictionis *verè* restricta fuit, uti suprà notatum est, ita quoad Beneficia, quæ *alternativæ* essent subiecta, non parum limitata fuit.

*Alternativæ* enim antiquæ extendebantur etiam ad Beneficia *simultaneæ & non liberæ* collationis, uti ex Puteo refert Gonzales *Glossa 45. n. 24.* qui *num. 25.* monet, quod & in modernis *alternativis*, & Regulis deficiebant verba illa: *Nec etiam cum consilio, vel consensu, seu interventu Capitulorum, vel aliorum, aut aliàs pertinentibus*, donec Sixtus V. in sua Regula addidit præfata verba, prout hodie jacent in Regula. Et sic (ait Gonzales) ante Regulam Sixti V. forsân dicebantur Beneficia liberæ collationis ad effectum, ut intraret *alternativa*, quæ providebantur ab Episcopis cum consensu, consilio, vel interventu alterius, modò non essent *simultaneæ* collationis, vel ad electionem, seu præsentationem aliorum. Hodie verò contrarium est dicendum.

XXII. Regula enim, uti hodie exprimi solet, dat Episcopis *alternativam*, in quibuscumque Beneficiis. *ad liberam ipsorum DUNTAXAT, non autem aliorum cum eis, dispensationem, seu præsentationem, vel electionem, nec etiam cum consilio, vel consensu, seu interventu Capitulorum vel aliorum seu aliàs pertinentibus.*

Ex his patet, juxta modernam Regulæ expressionem, *alternativam* non extendi ad Beneficia, quæ quocumque modo ad alterius, quàm Episcopi liberam ac plenam dispositionem spectant; & quorum provisioni intervenire alii, quàm Episcopus, quovis modo debent. Ex quo patet per posteriores Pontifices additas esse clausulas reservationis amplificativas, & auctoritatis ordinariæ restrictivas.

XXIII. Cum verò non tantum excipiuntur Beneficia, quæ cum consensu Capitulorum conferenda sunt, sed & illa, in quorum provisione Episcopus *consilium* Capitulorum petere debet; hinc forsân contigit, ut in Beneficiorum provisione Episcopi *consilium* Capituli sui petere desierint, ut *alternativâ* gaudere possent; cum aliàs *de jure* in similibus *consilium* Capituli expetendum esset, uti suprà notatum est.

XXIV. Injuncta Episcopis necessitas postulandi, vel acceptandi *alternativam*; regulæ, restrictiones & clausulæ, quas summi Pontifices *alternativæ* imposuerunt, non obscurè insinuant, quod Curia Romana voluerit, ut Episcopi, *alternativam* veluti gratiam tanquam à Sedis Apostolicæ beneplacito dependentem, postularent & agnoscerent: cum tamen Episcopi jure proprio, sive jure dignitatis suæ Episcopalis sint omnium Beneficiorum intra limites suæ Diocesis consistentium quasi naturales Collatores; ita ut, dum eis *alternativa* mensium in collatione Beneficiorum annuitur, nihil ipsis tam de novo dici debeat accedere, quàm pars aliqua illius juris, quod ipsis titulo suæ dignitatis competeat, & per reservationes Pontificias erat substractum, rursus restitui.

XXV. De hoc jure Ordinariorum in collatione Beneficiorum, necnon de prætentione Curiae Romanæ attribuentis Summo Pontifici omnium Beneficiorum plenam provisionem, queribundus scribebat à Concilio Tridentino 28. Novembris 1551. Franciscus de Vargas.

Cum enim quibusdam Patribus videretur in Concilio discutendam materiam beneficalem, scribit de Vargas ejus se esse opinionis, "ut in hac materia tractanda, ante omnia, deberet esse *plena* libertas examinandi, & decidendi: atque ante omnia necessarium esse probare, quod jus Papa prætendere queat providendi de

„ Bene-



Beneficiis, cujuscumque sint conditionis; quod ubi fiet, clarè adstruam (ajebat) ex principiis, & fundamentis juris naturalis, divini & humani, nec non ex pristina Ecclesiæ praxi, ex varia mutatione quæ circa Ecclesiæ disciplinam contingit, ex jure Canonico, pristino, & hodierno, ex naturali ratione, ac ex ea quam recta politia requirit, necessitate, per hæc omnia principia (ait) probaturus sum, Romanum Pontificem non habere tale jus disponendi de Beneficiis, quali hodie utitur, quod nullatenus minueret suam dignitatem aut auctoritatis plenitudinem.

## CAPUT VIII.

### De Jure Præventionis, & Regula Cancellariæ De verisimili Notitia.

1. Præventio Pontificia in quo ab expectativis & reservationibus differat.
2. Jus præventionis eidem, cui reservationes, fundamento innititur: est tamen usus istius recentior.
3. Primitus nec jus præventionis, nec jus devolutionis ad Roman. Pontificem, notum fuit.
4. Tempore Bonifacii VIII. usus præventionum erat stabilitus.
5. Ad præcavendas fraudes in præventionem occurrentes condita Regula Cancellariæ de verisimili Notitia.
6. Scopus Regulæ intelligitur ex proœmio olim illi præfixo.
7. Hoc proœmium à posterioribus Pontificibus sublatum.
8. Regula semper mansit invariata.
9. Refertur textus regulæ.
10. Regula in Gallia pro lege Regni adoptata.
11. Regula hæc juri conformis.
12. Notitia debet esse verisimilis; nec extraordinaria admittitur.
13. Quod tempus requiratur, ut notitia sit verisimilis.
14. Regula locum habet in provisione facta motu proprio.
15. Item si sufficiens quidem tempus intercesserit, sed tamen cursor missus sit ante obitum.
16. Item si rumor extiterit Beneficiatum esse mortuum, qui tamen adhuc vivebat.
17. Habet locum in omnibus Beneficiis, etiam Dignitatibus.
18. Etiam in collationibus Ordinariorum.
19. An huic Regulæ per Papam derogari queat in Gallia?
20. Regula hæc jus præventionis non impedit.
21. Præventiones minus odiosæ quàm Expectativæ.
22. Synodus Basileensis, abrogatis Expectativis, saluum voluit jus præventionis.
23. Clerus Gallicanus resolvit rogandam Synodum Basileensem pro abrogando jure præventionis.
24. Idipsum factum in Germania.
25. Synodus Basileensis à suo Decreto non recessit.
26. Pontifices jam pridem moderatè usi sunt hoc jure; & quare?
27. In locis ubi est reservatio mensium, non est locus præventioni.
28. In Gallia per Concordata jus præventionis est stabilitum.
29. Hic articulus multis displicuit.
30. Anno 1547. mandatum fuit Oratoribus Regiis pro abrogatione hujus articuli agere in Synodo Tridentina.
31. Idem mandatum fuit anno 1561. Oratori Regio ad Pontificem; & quid hic exposuerit?
32. Aliquando interdictum fuit Judicibus Regiis rationem præventionis habere.
33. Id postea revocatum, manetque hodie jus præventionis.
34. Si dubium sit quis prius contulerit, præsumitur pro Ordinario.

Tom. I.

35. Præventioni non subjacent Beneficia Juris Patronatus laici.
36. Provisio tantum obtinet rebus integris.
37. Per actum etiam præparativum fit res non integra.
38. Debet hic actus concernere ipsam collationem.
39. Aliquando collatio invalida impedit præventionem.
40. Præsentatio Patroni, & Indultarii reddunt rem non integram, etiam ante secutam collationem.

**I. PRÆVENTIO** Pontificia in hoc à Mandatis & Reservationibus differt, quod per Mandata Pontifex non conferret ipsa Beneficia; sed mandaret de iis per Ordinarios certis personis provideri; inde dicta mandata de providendo; quæ & frequenter non ad Beneficia de facto vacantia, sed *vacatura* dabantur. Per Reservationem quoque non fit Beneficiorum collatio seu provisio, sed per eam duntaxat Pontifex Beneficia suæ dispositioni reservat; id est, reservat sibi conferenda, vacatione illorum occurrente.

Per Præventionem verò Pontifex prævenit ordinarium Collatorem, conferendo scilicet Beneficium ad Ordinarii collationem spectans; ita ut in præventionem reverà Pontifex conferat: quæ propterea tantum locum habet in Beneficiis verè vacantibus.

II. Quandonam hoc jure præventionis uti cœperint Pontifices, incertum est. Credit Ludovicus Thomasinus *De Discip. Eccles. part. 4. lib. 2. cap. 14.* quod hoc jus præventionis innitatur quidem eidem fundamento, cui innituntur mandata de providendo, & reservationes, atque ex eodem principio suam habeant originem; tamen usum præventionis, Mandatis de providendo, & reservationibus esse multò recentiorum, ibidem observat; neque in Decretalibus Gregorii IX. ullam fieri præventionis mentionem: quamvis Mandatorum de providendo sæpius meminerint.

Imò credit, ab introducto usu horum mandatorum fluxisse duo circiter secula, antequam palam stabilitus fuerit præventionis usus: eum enim sensim & gradatim quasi invaluisse, & introductum fuisse credit.

III. Non dubium tamen quin hoc jure Præventionis, demum usi fuerint Pontifices, postquam apud nonnullos Canonistas, ac notanter Ultramontanos invaluit opinio, Pontificem Romanum esse Ordinarium Ordinariorum; atque ita quodammodo auctoritate ordinariâ Pontifici competere provisionem Beneficiorum, in quacumque Orbis Christiani Diocesi; proinde in ea provisione posse cum Ordinariis concurrere.

Observat autem Georgius Louetius in notis ad Molinæum in *Regulam de infirmis Resignantibus*: "Nec in Decretorum toto volumine legimus, Papam in conferendis Beneficiis Ordinarium esse Ordinariorum..... sed Sexti Decretalium novâ Jurisprudentiâ Summi Pontifices Præventionibus quodam jure omnimodam in Collatores Ordinarios potestatem sibi tribuerunt; eamque qualitatem (Ordinariorum Ordinarii) non propter Ordinariorum negligentiam, ut antiquo jure; sed plenariè, & ex supremæ potestatis plenitudine assumpserunt in cap. Licet. de Præbend. in VI. Clement. 1. Ut lite pendente.

Imò nec ante jus novum Decretalium facilè reperies, ob negligentiam Ordinariorum recursum paruisse ad Sedem Apostolicam pro collatione Beneficii; sed si quæ difficultas oriebatur, terminabatur in Synodo Provinciali, ut observat Hieronymus à Costa in Tractatu de origine & progressu proventuum Ecclesiasticorum pag. 105.

IV. Quidquid sit, hoc satis constat, tempore Bonifacii VIII. hoc jus præventionis in usu fuisse. Nam consultus hic Pontifex super Beneficio collato diversis personis à Sede Apostolica ejusve Legato, & Ordinario eodem die; nec constabat, quæ collatio fuerit prior facta, respondit Bonifacius, quod si nullus sit

A a a a a

in

in possessione, is cui Sedes ipsa, vel Legatus contulit, erit alteri præferendus. Rationem addit; *Propter conferentis ampliorem prærogativam.*

Hic aperte supponitur Pontificem ejusve Legatum posse in Beneficiorum collatione cum Ordinario concurrere; imò ipsum non solum posse *prævenire*; sed si dubium sit, cujus collatio prior fuerit; Pontificis collatio præsumatur præcessisse: propter *ampliorem ejus prærogativam* in conferendis Beneficiis.

V. Hæc præventiones tempore Joannis XXII. qui viginti circiter annis post Bonifacium VIII. ad Pontificatum fuit assumptus, adeo invaluerant; atque ad eas occupandas, & Ordinariorum collationes præveniendas, tot fraudes & malæ artes adhibebantur, ut ipse Joannes XXII. Regulam Cancellariæ ediderit, quæ vocatur *De verisimili Notitia*, quæ hodie est trigesima, ut hujusmodi fraudibus occurreretur.

VI. Hunc enim regulæ scopum indicavit ipse Joannes XXII. in proœmio regulæ præfixo: "Item, ut in habendis Beneficiis Ecclesiasticis fraudes evitentur, servetur conscientie puritas, & ambitionis via præcludatur ambitiosis," &c.

VII. Ita refertur à Ludovico Gomefio in commentario ad hanc regulam, una notante, regulam illam à Martino V. cum eodem proœmio fuisse promulgatam; at Nicolaum V. in promulgatione ejusdem regulæ sustulisse dictum proœmium; "quod brevitaris causa factum opinor (ait) cum alias indignum videretur tam salutare proœmium, ex quo *mens & intentio* colligitur Conditoris, sustulisse." Nicolaum sequuti sunt ejus successores, ipsam regulam sine proœmio promulgantes, qualiter & hodie inter regulas Cancellariæ exstat.

Interim sat convenit, eam editam esse ad obviandum fraudibus & cupidæ ambitioni eorum, qui Ordinarios prævenire satagentes, Beneficiorum collationem, etiam necdum mortuis eorum possessoribus, impetrare quavis arte moliebantur: unde teste Gomefio loco citato q. 1. convenit inter Doctores, Regulam factam fuisse ad obviandum fraudibus, quæ fiebant in Curia ad præveniendum Ordinarios.

VIII. Quamvis Regulæ huic detractum fuerit proœmium, nihil tamen circa ipsum corpus regulæ mutatum unquam fuisse monet idem Gomefius, "nullusque Pontificum (ait) verbum aliquod addidit vel mutavit regulam Nicolai, sed *integra* mansit usque in hodiernum diem, cum tamen aliæ regulæ aliquam receperint mutationem." Neque à tempore Gomefii usque ad hæc nostra ullam mutationem accepisse scimus.

IX. Regula exprimitur his verbis: "Item voluit & ordinavit, quod omnes gratiæ, quas de quibuscumque Beneficiis Ecclesiasticis cum cura, vel sine cura, secularibus vel regularibus, per obitum quorumcumque personarum vacantibus, in antea fecerit, nullius roboris, vel momenti sint; nisi post obitum, & ante Datam gratiarum hujusmodi, tantum tempus effluxerit, quod interim vacationes ipsæ de locis, in quibus personæ prædictæ decesserint, ad notitiam ejusdem D. N. verisimiliter potuerint pervenisse.

X. Hæc regula, teste Rebuffo, in Praxi Benef. part. 1. tit. De Reformat. Bullæ, Glossa 1. "fuit recepta & registrata in Parlamento Parisiensi anno 1493. 20. Novembris, & ubique in regno Franciæ recepta, & in forensi Judicio ad unguem servatur, estque lex regni effecta, adeo quod sicut Imperator legem (ut dicunt) canonisatam & à Canonibus approbatam, non potest revocare: licet eam legem ex libro tollat: Sic nec Papa regulam incorporatam & descriptam in registris Curie, etiam si tollat illam; nam eo casu servabitur tanquam lex regni, non tanquam Papæ regula.

XI. Deinde notat, quod "ex visceribus Juris sit extracta, maxime ex cap. 2. de concess. Præb. non

"vacantis, ubi Beneficia, antequam vacent non debent impetrari, & nisi vacatio pervenerit ad notitiam conferentis, vel pervenire potuerit: nam collatio quæ non est verisimilis, non est credibilis, nec facta creditur.

XII. Imo etiam si aliquis probare vellet, se per modum aliquem extraordinarium, & plusquam humanum aut verisimilem iter in Urbem (a) absolvisse, probatio ejus non admitteretur, ait Rebuffus num. 15. "quia tantummodo *verisimile* admittetur, videlicet quod eques cursor Romam potuit ire sex diebus ex Luctetia, vel ex Lugduno quinque, hoc recipietur. Ex Tholosa autem octo, vel septem: distinguenda autem sunt tempora, æstatis videlicet & hiemis: in Legato tamen inspicitur, an equi celeres essent designati ad illum locum, in quo ipse degebat, & ex loco in quo obiit Beneficiarius: & tunc cursor velox recipietur, alioqui, non: unde in Praxi vulgò solet dici, *si il y a postes assignés*, ut quantum possunt celeriter currere, alioqui per dietas computabitur.

XIII. Et Chokier, ait, "tempus *verisimilis* notitiæ Leodio Romam esse novem dierum, Rota tum sæpius, tum novissime in una Bullarum resignationis Canonici carus S. Pauli de anno 1619. decidit.

Antiquus autem Glossographus quem sequitur Chokier, recte monet, *verisimile* illud relinqui arbitrio Judicis; qui ex locorum distantia, die obitus aliisque circumstantiis determinet, an tantum tempus effluxerit ab obitu Beneficiarii usque ad datam provisionem, quod interim vacationes ipsæ de loco, in quo Beneficiatus decessit, ad notitiam Pontificis *verisimiliter* potuerint pervenisse.

XIV. Regula etiam procedit, tamen si motu proprio gratia facta esset, ait Rebuffus Glossa 2. num. 2. "tum ut evitetur fraus, quæ fieret apponendo hanc clausulam, tum etiam quia hæc clausula non tollit ambitionem impetrantis, nec votum captandæ mortis.

Et ita jam pridem judicatum fuisse in Rota Romana testatur Gomefius ad hanc Regulam. quæst. 2.

XV. Quinimo licet tempus sufficiens effluxisset inter Datam provisionis & obitum Beneficiarii, ut notitia verisimilis vacationis haberi potuisset, nulla tamen erit provisio, si probetur cursorem ante obitum Beneficiarii discessisse; quod dici solet *cursorus ambitiosus*; uti monet Claudius Fleury in Institut. Juris Canonici lib. 2. cap. 21.

XVI. Id etiam procedit, tamen si esset rumor communis, Beneficiatum mortuum esse; si tamen revera mortuus non fuerit, collatio facta nulla erit in vim hujus Regulæ; quia dum agitur duntaxat de invaliditate actus, non autem de pœna infligenda, rumor communis aut probabilis ignorantia, non excusat, nec actum validum reddit, uti in hoc articulo latius probat Georgius Louerius in notis ad Regulam num. 16.

XVII. Quamvis regula num. 9. expressa nominatim non loquatur de Dignitatibus, & sub nomine Beneficii etiam generaliter expressi Dignitates comprehendendi non soleant, tamen & in his regulam locum habere recte notat Rebuffus Glossa 3. tum quod ratio decisionis in his locum habeat; tum præcipue, quia regula hæc naturali æquitati & honestati innixa & ad vitandas fraudes inducta, *favorabilis* est reputanda. In *favorabilibus* autem nomine Beneficii generaliter expressi, prout in hac regula per particulam *quibuscumque*, veniunt Dignitates.

XVIII. Adhæc licet Regula hæc tantum loquatur nominatim de Provisione Papæ; ob naturalem tamen æquitatem & honestatem, extensa est non tantum ad Legatum Papæ; sed etiam ad ordinarios Collatores; prout in Gallia observari post Rebuffum aliosque testa-

(a) Urbem, scilicet Romam; nomine etiam Urbis simpliciter & Antonomastice denotatur à Canonistis.

tatur Carolus Fevretius in Tract. De Abusu lib. 2. cap. 7. num. 5.

XXIX. Favor ejusdem regulæ, ipsaque naturalis ratio cui innititur, efficiunt, ut in Gallia hujus regulæ derogationem non admittant, atque ab ea derogatione appellationem *tantum ab abusu* recipiant, ut post Rebuffum ibidem refert Fevretius. Si tamen provisio facta sit in vim procuratorii ad resignandum; & Resignans mortuus fuerit, antequam provisio esset expedita; si adjecta fuerit clausula, *etiamsi per orbitum vacet*; & Papa huic regulæ derogaverit, admittitur derogatio; valebitque provisio, licet ipso die expeditæ provisionis Resignans fuisset mortuus; & consequenter *verisimilis* notitia de morte Resignantis in Curia non haberetur: "quia" (ait Rebuffus *Glossa* 4.) iusta fuit arreptio itineris ante mortem, cum haberet procuratorium ad resignandum: & ita (ait) servamus in Regno, dummodò à tempore mandati seu procuratorii *verisimiliter* potuerit Curior accedere ad Curiam. Id tamen limitandum, nisi fraus aliqua subesse probetur; ut observat Rebuffus ad Concordata De Mandatis Apostolicis, parag. Declarantes, verbo *Jure præventionis*.

XX. Quamvis Regula hæc fraudibus & ambitioni de captandis & sollicitandis Beneficiis vivorum occurrere voluerit, nequaquam tamen auctoritatem Pontificis in præveniendi seu concurrenti cum Ordinariis in provisione Beneficiorum imminuere ullatenus intendit: mansitque jus hoc semper Sedi Apostolicæ saluum.

XXI. Illud quoque notandum, quòd licet per has præventiones videatur aliquo modo imminui jus collationis Ordinariorum, tamen has præventiones minùs odiosas esse, quàm expectativas, quibus non de vacantibus Beneficiis providebatur, sed *vacatura* promittebantur: cum Pontifex utendo præventionem, Beneficia *vacantia* duntaxat conferat, atque ipsis Ordinariis ut minùs æquale secum jus conferendi relinquat.

XXII. Quare Synodus Basileensis sollicita restituere jura Ordinariorum, præsertim circa collationem Beneficiorum; atque eum in finem omnes *expectativas* ad Beneficia *vacatura* abrogans, nihilominus hoc jus præventionis Pontifici nominatim reservavit *Seff. 31. art. 2.* ubi post abrogationem expectativarum subiicit: *Neque etiam collationes per præventionem fiendas intendit impedire.*

XXIII. Clerus tamen Gallicanus in Conventu Bituricensi eam clausulam Concilii Basileensis non approbavit; resolvitque Patribus Concilii proponendum, ut eam revocarent; aut saltem declararent, Ordinariis Collatoribus manere saluum tempus *sex* mensium, iis à Concilio Lateranensi sub Alexandro III. concessum *cap. 8.* intra quod si non contulerint, meritò ob eorum negligentiam Superior vel jure præventionis, vel devolutionis supplere poterit.

XXIV. Idipsum à Germanis, saltem nonnullis optatum fuisse, evincit quod legitur in Synodo Frisingensi anno 1440. *Can. 25.* Supplicetur sacro Concilio (Basileensi) ut declare dignetur, quòd vigore horum Decretorum non intenderit tollere inferioribus Collatoribus ordinariis tempus Lateranensis Concilii, quòdque ante ipsius lapsus non habeat locum præventio.

XXV. Non legitur, Concilium Basileense occasione harum supplicationum Decretum suum renovasse, aut limitasse, vel exposuisse; sed jus integrum præventionis Sedi Apostolicæ reliquit; adeoque, uti passim notant Canonistæ, potest Pontifex, etiam in mensibus ordinariis ipsos Collatores prævenire.

XXVI. Nihilominus, uti notat Gonzales ad Regulam 8. Cancellariæ §. 4. *Proam.* non passim hujusmodi provisiones facere vult, nec intendit, ut minus de illo Episcopi conqueri valeant. Quod profecto valde laudabile est (ait) ac sua urbanitate & liberalitate dignum. Quia, ut dixit textus in *Can. PERVENIT, caus.*

11. q. 1. Si qua unicuique Episcopo jurisdictio non servatur, quid aliud agitur, nisi ut per nos, per quos Ecclesiasticus custodiri ille ordo debuit, confundatur. Hæc ille; qui pluribus ibidem ostendit, quod, quamvis de jure Pontifex prævenire Ordinarios possit, non tamen sit honestum, quod aliis auferat potestatem: quòdque ex hoc non usu evitentur non modica inconvenientia.

XXVII. Imo teste Joanne Chokier in proœmio Regulæ octavæ num. 17. "hodie *numquam* confert Papa" per præventionem, debetque Datarius respondere: "Adeat Ordinarius." Quod ut observetur iis in partibus, ubi inter Sedem Apostolicam & Ordinarios menses divisi sunt; atque ipsa Sedes Apostolica reservando sibi sex vel octo menses, reliquos ordinariis liberos dimittit, valde iustum est. Per illam quippe mensium divisionem tacite quodammodo Pontifex Ordinariis addixisse videtur, quod jus conferendi iis in mensibus liberum ipsis maneret.

Hinc in Belgio, ubi hæc mensium divisio stabilita est, præventionum usus exolevit; neque ulla in mensibus Ordinariorum provisio Apostolica jure præventionis unquam expeditur: quare nec Regula De *verisimili* notitia, hic pene nota est.

XXVIII. At in Gallia per concordata inter Leonem X. & Franciscum I. jus præventionis Pontifici expressè reservatur titulo De Mandatis Apostolicis, his verbis: "Declarantes... nos & successores nostros jure *præventionis* Dignitates, Personatus, Administrationes, & Officia, cæteraque Beneficia Ecclesiastica, secularia, & quorumvis Ordinum Regularia, quæcumque & quomodocumque qualificata, tam in mensibus graduatis, simplicibus & nominatis, quam ordinariis Collatoribus præfatis assignatis vacantia, ac etiam sub dictis mandatis comprehensa, libere conferre."

XXIX. Hic unus fuit ex articulis, qui receptionem Concordatorum præcipue retardarunt, ipsasque oppositiones, tum ex parte Parlamenti Parisiensis, tum Cleri & Universitatis formarunt; quæ latius referuntur in historia Concordatorum: quin & frequentium querelarum occasionem hic articulus subministravit.

XXX. Legitur datum fuisse in mandatis Legatis Regis Galliæ anno 1547. ut Patribus Tridentinis inter alia exponerent, quòd *præventiones*, quas Papa vi Concordati in Regno Galliæ facit, sint contrariæ Concilio Lateranensi; quòdque dictæ præventiones pariant magnam confusionem in Regno, quòd Collatores ordinarii per eas frustrerentur suo jure.

XXXI. Idipsum injunctum fuit Ferrerio Regis Christianissimi Oratori & Legato ad Papam Pium IV. anno 1561. idque ad querelas, quas Regi fecerant Ordines generales regni super hoc articulo *præventionum*; quemadmodum videre est in probationibus libertatum Ecclesiæ Gall. *cap. 22. num. 34.* ubi *num. 35.* subnectitur discursus, quem super hoc articulo coram Pontifice habuit ipse Ferrerius, in quo potissimum urget Decretum Concilii Lateranensis sub Alexandro III. quo Collatoribus datur facultas conferendi Beneficia, idque intra *sex* menses, quo illis (ait) licet ret de vita & moribus Ordinandi diutius deliberare. Quam collationem nisi intra id tempus fecissent, conferendi potestatem proximo Superiori deferri, & gradatim Romano Pontifici: hujus Constitutionis fuisse favorem, ut quamquam diurna Beneficiorum vacatio esset Canonibus exosa, illud tamen semestris non currere, nisi Prælati scienti Beneficii vacationem. Quod si præventionibus locus est, vix esse ut supervacanea non sit non solum hæc Concilii Lateranensis temporis definitio & gradatio, sed etiam Antiochenum atque Aurelianense Concilium quibus definitum est, Episcopo, cui totius Diocesis animæ committuntur, relinquendas esse Beneficiorum collationes.

XXXII. Hæc aliaque ibidem à Ferrerio nomine Regis



Regis & Ordinum Regni Gallicani Pontifici exposita, sat evincunt, quàm aegrè has præventiones tulerint Galliae Proceres; quod & manifestum sit ex Edicto Aurelianensi art. 12. quo interdicatur omnibus Judicibus Regni Galliae, ullam in judicando possessorio Beneficiorum, rationem habere provisionum, quæ obtentæ essent per *præventionem*, idque sub pœna privationis suorum officiorum; nec possint impetrantes hujusmodi provisionibus uti sine licentia Regis.

XXXIII. Meminit hujus Edicti etiam Carolus Fevretius Tractatu *De Abusu*, lib. 2. cap. 7. num. 3. unâ monens Carolum IX. Regem Galliae ad requisitionem Cardinalis Ferrariensis Legati Apostolici in Gallia, dedisse Declarationem 10. Januarii 1563. quâ hic articulus, quantum ad *præventiones* Pontificias, fuit revocatus.

Itaque post hanc Declarationem usque in hodiernum diem saluum manet jus *præventionis* in Provinciis Regni Galliae Concordatis urentibus; quantumvis illud odiosum esse, & in favorem Ordinariorum restringendum credant.

XXXIV. Hinc imprimis statuunt, quod si dubium sit, qui prius contulerit, an Papa, an Ordinarius, præferendam esse collationem Ordinarii, contra decisionem cap. SI A SEDE, *De Præbend. in VI.* quam in hoc casu dicunt non observari: quia Ordinarius confert *jure ordinario & primitivo*: & quia Papa tantum habet jus *præventionis*, debet ostendi, Papam *prævenisse* Ordinarium; quod ubi non ostenditur, manet collatio Ordinarii facta *jure proprio & ordinario*. Vide Castellum in sæpius citata Praxi Curiae Romanae pag. 274. & Notam Guillelmi Noyer ibi subjectam.

XXXV. Deinde nullam *præventionem* admittunt in Beneficiis Juris Patronatus laici: *Patroni enim laici in Francia nunquam subjecerunt colla præventionibus*, ait Fevretius num. 7. & quantum ad Rescripta Pontificia, etiam in causa permutationis, si quando derogatum voluerint Juri Patronatus laicalis sive per *præventionem*, totum fuit cassatum, & revocatum tanquam abusivum; ita Fevretius num. 7. Quod & in Hispania religiosissime servari testatur Covarruvias *Præf. Quæst. cap. 36.* "ubi" Patrono laico licet conqueri de tacita vel expressa derogatione, sicut apud Gallos.

Tamen si textus Concordatorum quæcumque Beneficia, etiam Dignitates generatim exprimat, nihilominus non credunt, comprehendi Dignitates electivas titulo *fundationis* præsertim *laicalis*, ut observat Fevretius loco citato num. 6. ibidem unâ asserens, hodie passim judicari, Dignitates omnes, etiam *electivas confirmativas*, sed alio titulo quàm *fundationis*, subjectas esse juri *præventionis*; quamvis aliquando de eo dubitarum fuisset.

XXXVI. *Præventio* demum locum habet, si provisio Pontificia facta fuerit *rebus integris*; hoc est, necdum à Collatore ordinario incepto negotio collationis. Si enim Canonice institutionis fines vel levissimè attingerit, quamvis ad exitum non perduxerit, tamen

*rebus integris*, non amplius extantibus, collationi Pontificiae nullus locus dabitur. Ita Pinsonius *De Benef. tit. De Canonicis Institutionum conditionibus*, parag. 10. num. 2. (a)

XXXVII. Res autem non censetur integra, quando quoquo modo negotium inchoatum est, non tantum per actum aliquem essentialem, sed etiam solum præparatorium; v. g. per *pulsam campanam* ad congregandum Capitulum pro electione; aut etiam ad deliberandum de forma, aut die electionis faciendæ; aliumve actum, quo Electores, Collatores aut Patroni ostenderunt, se non fuisse in defectu utendi suo jure; ait Brodæus ad Louëtium *litt. P. num. 25.* atque ita judicatum fuisse testatur, *præventioni* locum non fuisse, eò quod præviè ad provisionem Apostolicam, actum fuisset in Capitulo de electione faciendâ.

XXXVIII. Aliud esset (ait ibidem Brodæus) si Capitulum, Sede vacante, dedisset tantummodò deserturam alicujus Ecclesiae Parochialis vacantis, *donec provideatur per futurum Episcopum*. Cum enim hic actus non fuerit expeditus per Collatorem; neque concernat ipsum *titulum*, impedire nequit *præventionem* Papæ: cum respectu tituli res manserit integra.

XXXIX. Quinimò collatio aut actus provisionis etiam nulliter & invalidè factus per Ordinarium aliquando constituit rem non integram; ipsamque *præventionem* impedit: ut si Ordinarius contulerit non Graduato in mense Graduatæ affecto; collatio quidem nulla est in favorem Graduati se opponentis; sed tamen *præventionem* impedit; uti docet post alios citatos Fevretius loco citato.

XL. Præsentatio Patroni & Indultarii reddunt rem non integram, etiam ante securam collationem. Id est; si constitit quòd Patronus Clericum Episcopo præsentaverit, ut ei Beneficium conferret, tunc non habetur ratio *præventionis* Pontificiae.

Præsentatio Patroni id juris sibi vendicat, quia vetus illa est, & antiquior *præventionis* jure, quod sibi summus Pontifex arrogat. Indultarii quoque præsentatio rem non integram reddit & jus illud ipsi tribuitur, vel propter personam Regis in cujus gratiam Indulta concessa sunt; vel propter Dignitatem Officiorum quibus data sunt. Tandem cum præsentatio illa facta sit Episcopo, qui est de primario jure, Beneficiorum Collator ordinarius, non posset ei sine aliqua injuria per Papæ *præventionem* auferri collatio Beneficii, quod illi jam præsentatum fuit, quodque juxta Concilium Aurelianense, *secundum priorum Canonum Regulam in potestate Episcopi consistit*, ut legitur apud Gratianum *Can. Omnes Basilicæ. ex Conc. Aurelian. 1. caus. 16. quæst. 7.*

(a) Qui plura voluerit de jure *præventionis* & de Regula Cancellariæ Romanæ de *verisimili notitia*, consulat nova Cleri Gallicani Collectanea, id est, *le recueil des Aîtes, Titres & Mémoires concernant les affaires du Clergé de France.* Tom. 10. Col. 811. 812. &c. in eo opere argumentum de jure prætenso *præventionis* quod sibi vendicant summi Pontifices in conferendis Beneficiis eruditè pertractatum est.

## TITULUS VII.

### DE PROVISIONE APOSTOLICA.

#### CAPUT I.

De Provisione in forma dignum, & in forma gratiosa.

1. Provisio in forma dignum unde sic dicta.
2. Per hanc provisio propriè non fit per Papam; sed per Ordinarium.

3. Ante obtentam collationem ab Ordinario Provisus nullum habet titulum.
4. Non potest Beneficium resignare ante habitam ab Ordinario provisionem.
5. Neque capere possessionem.
6. Ordinarius recusante litteras provisionis, ad quem recurrendum?

7. Qua

7. Qua auctoritate Episcopi exequantur litteras Apostolicæ provisionis in forma dignum sibi directas?
8. Forma dignum alia antiqua, alia novissima.
9. Quid circa has formulas habeat bodierna praxis, præcipue in Gallia?
10. Formula litterarum provisionis seu visa, per Ordinarium.
11. Examine peracto, quomodo Ordinarius conferat?
12. Ordinarius hic censetur Episcopus Beneficii.
13. Provisio in forma dignum alteri directæ in Gallia non recipitur; nisi ob causam.
  1. Examen alteri per Ordinarium delegari potest.
  2. Episcopi merito personaliter examini intersunt.
  3. Ratio inductæ bujus formulæ.
14. Quando Papa sufficienter est instructus de capacitate Supplicantis, sit provisio in forma gratiosa.
15. Provisio in hac forma est propriè provisio Apostolica.
16. Quæ Signaturæ in hac formulæ.
17. Ex provisio dirigitur ad ipsum Supplicantem; cui inscribitur tanquam Beneficiario.
18. Formulæ inscriptionis.
19. Tenet provisionis.
20. De exatore bujus provisionis.
21. Hodie quoad Beneficia præsertim curata non solet dari provisio in forma gratiosa; & quare?
22. Quoad Beneficia simplicia frequentior est provisio in forma gratiosa.

**R**ESCRIPTA sive provisiones Apostolicæ aliquando expendantur juxta hodiernum stylum Curiae Romanæ in forma gratiosa; aliquando autem & quidem frequentius, saltem quoad provisiones de Beneficiis Curatis in forma dignum.

Vocatur autem provisio hæc in forma dignum à primis verbis Bullæ, quia dignum arbitramur.

I. Verum, ut rectè notant Canonistæ, quando provisio expeditur in forma dignum, tunc propriè de Beneficio non providet Papa; sed potius ipsi Ordinarius vel Executori providere mandat; quare non immerito hujusmodi provisio dici posset, mandatum de providendo.

In hac enim provisione, remittit Supplicantem ad Ordinarium, ut Supplici de Beneficio provideat, si modò prævio examine eum idoneum repererit, sub hac clausula: "Mandamus quatenus si post diligentem examinationem dictum N. ad obtinendum Beneficium N. idoneum esse repereris, super quo conscientiam tuam oneramus, eidem N. dictum Beneficium auctoritate Apostolicâ conferas."

III. Evidens hinc est, provisionem seu collationem Beneficii non haberi immediatè à Pontifice; sed eam obtineri debere ab Ordinario: ipsumque supplicantem ante obtentam ab Ordinario collationem, nullum adhuc titulum Beneficii habere.

IV. Unde si Resignatarius obtinuerit provisionem in forma dignum, non poterit ante obtentam collationem ab Ordinario, suum Beneficium alicui resignare ut post Flaminium Parisium, *De Resignat. Beneficiorum*, lib. 3. q. 1. num. 149. monet Carolus Fevretius, Tract. *De Abusu*, lib. 3. cap. 4. num. 12.

V. Refert quoque ibidem Fevretius, jam pridem Regiis Edictis cautum esse, quòd non possit capi possessio Beneficii vigore provisionis in forma dignum, ante obtentas litteras Ordinarii, quas vulgò *Visa* appellant, quæ ipsam collationem sive provisionem continent.

VI. Si Ordinarius simpliciter recuset litteras provisionis sive visa, jam pridem dubitatum fuit, ad quem haberi deberet recursus. Et quandoquidem Ordinarius hic videatur procedere auctoritate Apostolica, visum fuit nonnullis, ad Sedem Apostolicam pro novo exatore recurrendum esse. Verum cum hic defunctione Hierarchica, nimirum examine super capacitate ad Beneficium agatur, aliis visum fuit, rationi,

& conservationi Hierarchicæ subordinationis congruentius esse, ut gradatim ad immediatos Superiores appellari deberet: & ita in Gallia obtinere, & variis Regiis Edictis cautum esse, testatur post alios Fevretius loco citato; & latius videri potest in actis Cleri Gallicani; quod tamen in Patria juris scripti, sive obedientiæ, aliter observari notat Perardus Castellus in Praxi Curiae Romanæ pag. 252. asseritque ibidem semper recurri ad Episcopum viciniorem, ut ex stylo Curiae Romanæ præscribitur in forma dignum novissima.

VII. Cum Provisiones in forma dignum spectent potissimum Beneficia, quibus animarum cura annexa est, nihil mirum, quòd Supplicans sui Beneficii possessionem capere non possit, quin antea ejus capacitas à Beneficii Episcopo seu ordinario probata fuerit: agitur enim de Cura animarum committenda, quæ propriè ipsum Ordinarium spectat; quare non sine fundamento monet Melchior Pastor in suo Tractatu de Beneficiis lib. 2. tit. 13. num. 3. "cognitionem hanc esse jurisdictionis ordinariæ, & per mandata hujusmodi non tribui novam jurisdictionem; sed jurisdictionem ordinariam excitari."

Hinc etiam sequitur Vicarios Generales Ordinariorum, aut Capituli, Sede vacante, idem munus posse exequi, tametsi de illis in mandato nullamentio facta fuerit.

Ex his ulterius infert citatus Auctor eodem lib. tit. 15. n. 3. quòd "si Ordinarius expressâ causâ renuat, Provisum admittere, & si Provisus causam esse insufficientem & injustam credat, debeat appellare ad Metropolitanum: nam Ordinarius (ait) in istis casibus procedit ut Ordinarius, non ut Delegatus."

Quandoquidem Melchior Pastor supponat ex praxi Regni Galliae, sive patriæ consuetudinariæ, quòd Episcopus in executione Provisionis Apostolicæ in forma dignum sibi directæ, procedat ut Ordinarius, rectè concludit, auctoritatem hujusmodi exequendi Provisionem Episcopo commissam transire in Vicarium Capituli, Sede vacante, eò quòd in Capitulum, ejusque Vicarium, transeant omnia, quæ sunt jurisdictionis ordinariæ, sive quæ Episcopus exequitur ut Ordinarius.

super bene concludit, suppositâ hac opinione & praxi appellandum esse ad Metropolitanum.

Inter certum est, praxim hanc & opinionem Regni Galliae esse contrariam stylo & opinioni Curiae Romanæ, cum indubitatum sit, Curiam Romanam sustinere Episcopum in executione similis Provisionis non procedere ut Ordinarium, sed ut Delegatum Sedis Apostolicæ, & in vim solius hujus delegationis.

Hinc ex stylo & opinione Curiae Romanæ, in pluribus partibus, saltem extra Regnum Galliae invaluit, & etiam hodie receptum est, executionem similis Provisionis commissæ Episcopo, non posse fieri per Vicarium Capituli, Sede vacante: imò nec solet ex stylo Romanæ Curiae similis Provisio, Sede Episcopali vacante, dirigi ad Vicarium aut Officialem Capituli; sed ad Episcopum viciniorem ejusve Vicarium, ut in notis ad citatum textum Pastoris observat, quoque Joannes Solier littera B. qui & ibidem monet, quòd in Senatu Tholosano inconcussè judicetur, commissâ Episcopo vel ejus Vicario, nulliter & abusivè per Vicarium Capituli, Sede Episcopali vacante, expediri.

Quod quidem contrarium videtur opinioni & praxi, quam in Regno Galliae receptam asserit Melchior Pastor: sed observandum, quòd Senatus Tholosanus procedat juxta praxim patriæ obedientiæ; quæ magis, quàm cæteræ Provinciæ Regni Galliae, quæ consuetudinaria dicuntur, stylum Curiae Romanæ amplectitur & sequitur.

Quantumvis praxis & opinio in Regno Galliae, seu patria consuetudinaria recepta, & quam sequitur Melchior Pastor, sit sat conformis avitæ Patrum disciplinæ, nihilominus, quia in pluribus Provinciis non

fat scitur hæc praxis & opinio stabilita, convenientius apparet, ut in executione similium commissionum procedatur juxta praxim in Provinciis receptam & usitam, ne aliàs in notabiles difficultates incidatur, notanter in executione dispensationum matrimonialium.

VIII. Forma, quæ hætenus provisiones in forma *dignum* representavit, hodie ex stylo Curiae Romanae vocari solet *Forma dignum antiqua*, ad distinctionem alterius formæ recentioris introductæ, quæ vocatur *Forma dignum Novissima*; quæ expediuntur provisiones de Beneficiis *reservatis* Sedi Apostolicæ; præstuntur Executori triginta dies, intra quos provisionem facere tenetur; aliàs ad *viciniorem* Suffraganeum recurrendi facultas conceditur.

IX. Observat quoque ibidem Castellus, nullam esse differentiam apud Gallos, inter provisionem in forma *dignum antiqua*, & provisionem in forma *dignum Novissima*: quamvis juxta styli Curiae Romanae non una inter utramque formulam differentia intercedat; quam paucis hic exhibet Castellus; & latius formulis formæ *dignum novissima* prælatis, Constit. 32. Cogit nos Pii V. Flaminii Parisius, *De Resignat. Benef. lib. 8. q. 7. n. 197.* Quamvis omnis provisio Beneficiorum reservatorum, item quæ sit vigore resignationis in Curia Romana, soleat expediri in forma *dignum novissima*, nihilominus in Patria *consuetudinaria* semper proceditur ac si expedita esset in forma *dignum antiqua*, & in terris juris scripti seu *obedientiae*, ac si esset expedita in forma *dignum novissima*; etiam si esset reverà in forma *dignum antiqua*.

X. Formulam litterarum provisionis seu *Visa* expeditam per Episcopum vigore Signaturæ in forma *dignum* sibi oblatæ exhibet Claudius Horry in novotractu *de Materis Ecclesiasticis*, pag. 437. edit. 1695. & alteram expeditam per Vicarium Episcopi, pag. 439.

XI. Postquam enim, examine facto, Ordinarius Supplicantem reperit idoneum, tunc quasi conditione impleta ad provisionem auctoritate Apostolicâ procedit ipsumque Beneficium ei confert hac formula: *Auctoritate Apostolica conferimus, & de illo etiam providemus.*

XII. Ordinarius hic reputandus est Episcopus, ejusve Vicarius generalis loci, in quo Beneficium situm est, tamen si etiam ipsum Beneficium esset unitum Monasterio aut Capitulo exempto; quemadmodum post Rebuffum, & Philippum Probum notat Fevretius *De Abusu*, lib. 3. cap. 4. num. 14. Quia maxime interest Ordinarii seu Episcopi, ut ad Beneficia, præsertim Curata in sua Diocesi nemo admittatur, nisi quem ipse prævio examine idoneum judicaverit.

XIII. Imò si provisio in forma *dignum* alteri quam Ordinario committeretur, tanquam abusiva rejiceretur, ait Fevretius ibidem num. 15. nisi tamen Ordinarius esset suspectus, aliave justa causa subesset, cur Ordinario committenda non videretur: quo casu posset, Ordinario neglecto, ejus Metropolitano committi; uti eodem loco monet Fevretius, & in contradictorio judicio decisum fuisse refert.

XIV. Quamvis ipsa provisio ab Ordinario, ejusve Vicario generali juxta tenorem litterarum Apostolicarum expedienda sit, examen tamen alteri committi posse communis est opinio, quæ & hodie invaluit, juxta *Clementinam unicam*, *De Officio Judicis Deleg.* ubi dicitur, examen testium per Judicem Delegatum alteri posse committi: quamvis fatendum sit, quod verba provisionis Apostolicæ: *Si post examinationem idoneum reperis, super quo conscientiam tuam oneramus*, meritò dubium ingerant, an intentio Pontificis sit, ut alteri examen committatur: quia tamen praxis eam interpretationem admisit, easervari potest: modo tamen talibus examen committat Ordinarius, ut eorum judicio de idoneitate Supplicantis acquiescere possit; atque meritò confidat, quod ad ipsorum relationem, moralem de

idoneitate certitudinem habeat. Pontifex enim supponit, quod ad provisionem non procedet, nisi post examinationem, eum *idoneum repererit*; ejus conscientiam super hoc onerando.

XV. Optandum sanè esset, ne levius nonnunquam quibusvis Examinatoribus crederent; majoremque hujus examinis, præsertim ubi de Curatis Beneficiis agitur, curam haberent; ac frequentius ipsi per se assisterent.

XVI. Forma *dignum* inducta fuit, ut inidoneis Beneficia aditus occluderetur: unde Papa nunquam dat provisionem Beneficii, nisi sub conditione; *Si Orator idoneus repertus fuerit*; & idè si ei ignotus fuerit, committit examen & provisionem Ordinario loci, ubi Beneficium est situm; quæ provisio in hac forma expedita, ab illa commissione etiam solet vocari in *forma commissoria*.

XVII. Si verò ipse Papa præviè per testimonium Ordinarii sit instructus de capacitate Oratoris, tunc litteræ solent expediri in forma *gratiosa*; idèst, sine ulla commissione super examine per Ordinarium faciendò, priusquam provisio obtineatur; & absolute per Papam sit provisio, & vigore hujus provisionis potest Orator capere possessionem Beneficii sine examine prævio, vel litteris provisionis, sive *per* ab Ordinario obtentis.

XVIII. Quare provisio in hac forma *gratiosa* expedita, est vera & propriè dicta provisio Apostolica; ubi econtra provisio in forma *dignum* potius est mandatum de providendo, directum ad ipsum Ordinarium, sive ejus Vicarium generalem; uti suprà notavimus.

XIX. Forma hæc in signatura papæ ita solet concipi: *Cum expressione quod dictus Orator testimonio Ordinarii sui de vita, moribus & idoneitate commendetur.* Quæ expressione significat Papam litteras esse expediendas in forma *gratiosa*; nec consequenter dirigendas aut inscribendas Ordinario aut ejus Vicario.

XX. Litteræ autem provisionis in forma *gratiosa* diriguntur ad ipsum Supplicantem, cui semper hujusmodi litteræ inscribuntur; quin & titulus Beneficii ipsi tribuitur: utpote qui jam per Apostolicam provisionem ipsum Beneficium habere supponitur. Quapropter si de Canonatu agatur, scribitur *N. Canonico*, etiam si antè Canonicus non esset.

XXI. Juxta Signaturam Papæ Bulla extenditur hoc tenore: *"Vita & morum honestas aliasque laudabilia probitatis & virtutum merita nos inducunt, ut specialibus favoribus prosequamur: cum itaque Beneficium, &c."* Si Orator sit Doctor aut Licentius in altiori scientia, tunc incipit, *LITTERARUM SCIENTIA, vita & morum honestas, &c.* Si nobilis, *Nobilitas generis*: Si Regularis, *RELIGIONIS ZELUS, vitæ merita, &c.*

XXII. Post hæc narratur qualitas Beneficii, modus vacationis, aliasque adduntur clausulæ; ac dein fit provisio hac formâ: *Apostolicâ tibi auctoritate conferimus, & providemus.*

XXIII. Deinde juxta styli Curiae nominatur Executor, vel etiam plures, quatenus ipse, vel duo aut unus eorum per se, vel alium vel alios, ipsum Oratorem per se, vel suum procuratorem in corporalem possessionem auctoritate Apostolica inducant, & defendant inductum.

Hi Executores hodie de stylo Curiae debent esse in dignitate constituti, solentque esse Officiales Episcopi, modò sint principales, non *foranei*; eò quod hi dignitatem habere non censeantur; uti notavi *part. 1. tit. 12. cap. 4.*

XXIV. Verùm, cum nonnulli ad evitandum examen Ordinarii sollicitarent provisionem in forma *gratiosa*, idque nonnunquam exhibitis falsis testimoniis, aut certè talibus, quæ intuitu aliorum Beneficiorum, vel tempore, quo ejusmodi testimonium Orator merebatur,



batur, data fuerant; aut etiam interdum aliorum Ordinariorum testimoniis quàm locorum, in quibus Beneficia sita erant, utebantur; idcirco ad querelas Episcoporum cautum fuit in Gallia Edicto Regio anno 1647. nullum vigore provisionis in forma *gratiosa* admitti posse ad possessionem Beneficii, cui *cura animarum* incumbit, nisi præviè examen Ordinarii subierit, sub poena nullitatis.

Neque hic in Belgio facilè quisquam ad possessionem Beneficii curati sine examine Ordinarii admitteretur vigore provisionis in forma *gratiosa*, in Curia Rom. obtentæ. Scitur enim, quàm multis modis Pontifici, in remotis agentis, imponi possit; & unà scitur, quàm periculosum sit, ad curam animarum admittere, de quorum capacitate & moribus certitudo non habetur; ut proinde jure omnibus modis solliciti sint Episcopi, ut se de qualitatibus eorum informare queant.

XXV. At in cæteris Beneficiis, quæ nullam curam animarum annexam habent, non difficulter recipitur provisio in forma *gratiosa*; imò examen circa providendos de Beneficiis simplicibus penè exulavit; credunturque ad simplicia Beneficia capaces, qui saltem Ordine Sacro sunt initiati.

## CAPUT II.

Forma *Novæ provisionis*; item *Perinde valere*; necnon *Perinde ETIAM valere*; & *rationi congruit*.

1. Ad quid inducta forma *Novæ provisionis*.
2. *Differentia* inter *Novam provisionem*, quando prior fuit à Papa, vel quando ab Ordinario.
3. *Provisio hæc non retrotrahitur ad Datam primæ provisionis*: & quis hujus effectus?
4. *Hæc provisio non præjudicat juri quæsito per primam provisionem*.
5. *Hujus provisioni simile est Rescriptum Perinde valere*.
6. *Quomodo hoc Rescriptum detur*?
7. *Per hoc Rescriptum non intendit Papa derogare juri tertii*.
8. *In Supplica pro hoc Rescripto exprimendi nominatim omnes defectus primæ provisionis*.
9. *Plures sunt defectus, qui per Rescriptum Perinde valere non tolluntur*.
10. *Quid Rescriptum Perinde ETIAM valere*?
11. *Hujus Rescripti nullus hodie est usus in Gallia*.
12. *Rescriptum Rationi congruit, cur ita dicatur*?
13. *Regula Cancellariæ de hoc Rescripto*.
14. *Finis hujus Rescripti*.
15. *Per hoc Rescriptum gratiæ antè concessa nihil ad validitatem accedit*.
16. *Hujus Rescripti rarior usus in Gallia*; & quare?

**S**PECIALIS quoque forma provisionis est, quæ vocatur forma *novæ provisionis*; & integra refertur à Rebuffo in Praxi parte 1. qui & clausulas in ea contentas explicat.

Hæc forma inducta est, ut suppleantur defectus, qui anteriori provisione forsan intervenerunt; utque priorem provisionem confirmet, & in quantum opus, denudò revalidet & reformet.

II. Hic norandum, quòd si petatur *nova provisio* ad confirmandam provisionem ab ipsomet Papa signatam, tunc *nominatim* exprimendos esse defectus, ob quos *nova provisio* petitur; aliàs non conceditur: quia nisi *nominatim* exprimantur defectus, supponitur provisio Papæ esse valida.

Si autem prior provisio fuerit per Ordinarium facta, tunc sufficit, ut in supplica ponatur generalis hæc & vulgaris clausula: *Cum ex certis causis de primæ provisionis viribus hæsitetur*, &c. Papa enim tanquam Ordinariorum Superior defectus ipsorum supplere potest;

Tom. I.

nihilque nocere credit, si saltem ad cautelam provisiones Ordinariorum confirmet, & si opus est, etiam validet.

III. Hæc provisio non retrotrahitur ad Datam primæ provisionis; sed tantum operatur à die ipsius expeditionis: idcirco si alicui tertio jus quæsitum sit inter utramque Datam, inutilis erit hæc *nova provisio*. Habet enim Papæ provisio semper hanc implicitam clausulam, quæ in Bulla exprimitur: *Dummodo tempore Datæ Præsentium non sit in eo* (Beneficio) *alicui specialiter jus quæsitum*.

IV. Per hanc provisionem juri vigore primæ provisionis quæsito, nullatenus præjudicatur; sed jus juri accumulatur, ut ex verbis supplicæ innotescit: *Eidem Oratori sine præjudicio, vel ad illud jam aliunde, ut præfertur, quæsiti; sed jus juri addendo, & antiquum conservando, & de illo etiam providere dignemini*, &c.

V. Huic formæ provisionis admodum simile est Rescriptum, quod vulgò dicitur *Perinde valere*; suppletque locum *novæ provisionis* in Beneficiorum provisionibus expeditis per litteras seu Bullas Apostolicas.

VI. Rescriptum itaque datur *Perinde valere*, quando Papa gratiam suam ex parte invalidam confirmat: *nova* verò provisio datur, quando collatio facta fuit ab alio, quàm à Papa; ita Rebuffus in Praxi parte 2. tit. De Rescripto *Perinde valere*. num. 1. & supra notavimus, *novam provisionem* non dari, quando provisio facta fuit à Papa.

Itaque petitur hoc Rescriptum, quando quis dubitat, primam Papæ provisionem ex aliqua causa impugnari posse, ut *perinde valeat*, ac si valida fuisset tempore impetrationis.

VII. Plura de hoc Rescripto tradit Rebuffus loco citato, enumerans defectus, quibus per hoc Rescriptum mederi potest; notatque num. 27. quòd sicuti per *novam provisionem*, ita per hoc Rescriptum non intendat Papa derogare *juri tertii*: atque eatenus effectus hujus Rescripti non retrotrahitur ad Datam primæ provisionis.

VIII. Deinde num. 37. monet, quòd in supplica oporteat exprimere omnes defectus; nec expressio unius suppleat non expressionem alterius. Unde habetur (ait) in Præctica Romana, quòd in gratia *Perinde valere*, non debet suppleri præter illud, quod est in supplica.

IX. Notat post Rebuffum Meibjor Pastor de Beneficiis lib. 2. tit. 12. num. 4. quòd "ea impedimenta hoc Rescripto *perinde valere* tollantur, quæ pendent ex „ *nuta* Papæ aut Legati: nam (ait) si collatio sit nulla, defectu mandati ad resignandum, novo mandato opus est: si collatio sit contra bonos mores, publicam disciplinam, concordata, constitutiones regias, statuta, consuetudines Ecclesiarum solemniter approbatas, & Senatusconsultis firmatas, litteræ *perinde valere* non admittuntur.

Neque in Belgio per simile Rescriptum, Provisiones Apostolicæ hujusmodi defectibus laborantes revalidarentur; eò quòd non magis in Belgio, quàm in Regno Galliæ ejusmodi consuetudines, & statuta infringi citra Reipublicæ seu Politicæ, seu Ecclesiasticæ inversionem queant: ipsaque publica Ecclesiæ & Reipublicæ tranquillitas requirat, similia statuta Ecclesiarum & consuetudines integras servari: ut proinde crediderim, similia Rescripta haud facilè in Consiliis Regiis recipienda aut placentia.

X. Est quoddam ex stylo Curie Romanæ Rescriptum, quod dicitur *perinde & etiam valere*: hoc impetratur, quando *gratia* Papæ primò facta postea fuit revocata. Per hoc quippe Rescriptum gratia revocata ad pristinum vigorem revocatur & reducitur.

XI. Hujus Rescripti nullus hodie usus est in Gallia: eò quòd ibi pro regula receptum sit, Papam non posse gratiam semel à se concessam revocare. Vide Castellum pag. 314.

XII. Datur quoque subinde Rescriptum quod vocatur

B b b b b

catur

catur *Rationi congruit*; quia in proœmio Papa ponit hæc verba: *Rationi congruit & honestati*, &c.

XIII. Hujus Rescripti mentio fit in hodierna Regula XI. Cancellariæ, quæ ita sonat. "Item voluit D. N.

"Papa, quoddam concessa per felicis recordationis Alexandrum Octavum Prædecessorem suum, & de ejus mandato, expeditur in forma *Rationi congruit*, &c. sub die Coronationis suæ, ut moris est, & idem quoad concessa per piæ mem. Innocentium Undecimum etiam Prædecessorem suum ad sex menses dumtaxat, ab ipso die Coronationis incipiendos observari voluit.

XIV. Ex his intelligitur finis hujus Rescripti: nimirum, ut litteræ provisionis expendantur super gratiis à Prædecessore non tantum immediato (ut erat in antiquis Regulis) sed etiam mediato factis, super quibus litteræ expediti non potuerunt, quia Papa, qui concesserat, morte præventus fuit.

Hunc quoque scopum Rescripti in suo proœmio significat Pontifex, dicens: "Rationi congruit & honestati, ut ea, quæ de Romani Pontificis gratia, seu benigritate, in prosequendo iusta desideria petentium processerunt, licet ejus superveniente obitu, Apostolica super illis litteræ non fuerint confectæ, suum plenum consequantur effectum.

XV. Notandum autem, per has litteras non revalidari, aut confirmari priorem gratiam, vel aliquem ejus defectum suppleri; sed tantum valent ad hoc, ut gratia à Prædecessore facta, & quæ defectu litterarum probari non potest, per has litteras probari, & plenum effectum fortiri possit, eodem modo ac si per Prædecessorem litteræ expeditæ essent.

Id non obscure significant verba Rescripto inferi consueti: "Ne autem pro eo quoddam super collatione & provisione Beneficii, superveniente obitu, Apostolicæ litteræ confectæ non fuerint, collationis & provisionis hujusmodi frustreris effectu, volumus & auctoritate Apostolicâ decernimus, quod collatio & provisio prædictæ perinde à dicta die valeant, &c.

XVI. Plura de hoc Rescripto videri possunt apud Rebuffum in Praxi parte 2. tit. *De Gratia RATIONI CONGRUIT*. Hujus tamen usus in Gallia rarior est, eo quod Beneficiorum saltem minorum possessio accipi solet vigore solius Signaturæ sine litteris live Bullis in forma expeditis, ut capite sequenti latius dicetur.

12. *Ad essentiam provisionis non exigitur Bulla; sed requiritur ad ejus executionem.*

13. *Regula Cancellariæ requirens expeditionem Bullæ ante executionem.*

14. *Regula à posterioribus Pontificibus in nonnullis aucta; & quare?*

15. *Hodie ex stylo Curiae Romanæ necessaria est expeditio Bullarum, ut habeatur effectus provisionis; qui stylus in Signaturis supponitur.*

16. *Signaturæ creditur, etiamsi à Bulla discrepet; item quoad certas circumstantias.*

17. *Aliquando Signatura sine Bulla plenam fidem facit.*

18. *Quid agendum cum expeditio Bullæ haberi nequit?*

19. *In Gallia sola Signatura sine Bullis in plerisque Beneficiis sufficit.*

20. *Signatura hodie in Gallia verificari debet à duobus Bancuariis.*

21. *Formula verificationis Signaturæ.*

22. *In Belgio possessio Beneficii non accipitur sine litteris.*

23. *Signatura in effectu easdem clausulas continet, quæ in Bullis occurrunt.*

I. **P**ROVISIONES sive collationes Ordinariorum eo tenore expediti solere, tanquam *motu proprio* factæ essent, nullâ alicujus supplicationis aut petitionis pro obtinendo Beneficio factâ mentione, notavimus supra *Seç. 3. tit. 4. cap. 2. num. 10.* alias *tit. 21. cap. 2.* secus quoad provisiones Apostolicas stylus hodiernus habet. Hæ enim plerumque expediuntur ad supplicationem partis; ita ut in ipsis litteris nominatim exprimat, Provisum pro tali Beneficio *supplicasse*; ipsumque Pontificem ad ejus supplicationem seu petitionem gratiam fecisse.

II. De hac provisione loquitur Bonifacius VIII. in *cap. 13. De Præbendis* in VI. ubi unâ declarat, omnem *gratiam* sive provisionem censeri datam ad *petitionem* partis, nisi *expresse* secus cautum sit. "Motu quoque proprio (ait) tunc solum gratia fieri censetur, cum hoc *expresse* cautum fuerit in eadem.

III. Et sanè hodie in his vicinisque Provinciis rarissimus est usus provisionum *motu proprio*; imò si Claudio Fleury in *Institut. Juris Canonici lib. 2. cap. 21.* credimus, provisiones *motu proprio* expeditæ in Gallia non amplius admittuntur, postquam compertum fuit, clausulam *motu proprio* esse formulam styli.

IV. Provisio autem, quæ datur ad supplicationem seu petitionem alicujus, censetur semper esse relativa ad supplicam, sive ad illa, quæ ipsi Pontifici exposita sunt. Nec enim præsumitur Pontifex aliud velle dare, quam petitur; quod & satis innuit, signando ad calcem supplicæ: *Fiat, ut petitur.*

V. Ulterius quia gratia sive provisio respondet supplicæ, creditur ipse Pontifex permotus ad gratiam hanc annuendam per ea, quæ in supplica sunt expressa; unâ supponens, nihil falsi in supplica esse expressum, aut veri, quod exprimi oportuisset, omisum.

VI. Unde si quid falsi sit expressum, aut veri omisum, ratione cuius ipse Pontifex per *errorum* concessit, alias non concessurus, ipsa provisio tanquam subreptitia & obreptitia, erit invalida, eo quod data censetur provisio sub hac tacita conditione: inodò omnia *sincerè ac verè*, prout oportet, in supplica sint expressa; idque ea expressione seu forma, quæ juxta stylum in Curia Romana requiritur.

VII. Ut ergo de validitate aut invaliditate provisionis Pontificiæ judicari queat, conveniens imò necessarium est, ut intelligatur, quæ & qualiter in supplica sint exponenda juxta receptum stylum Curiae Romanæ.

Insuper ex stylo Curiae Romanæ adjici solent in ipsis litteris provisionis varæ clausulæ, tum ad ipsam gratiam

### CAPUT III.

Provisio Apostolica expedita ad *petitionem partis*; & de *Signatura*, & ejus effectu.

1. *Provisiones Ordinariorum solent expediti in formula motus proprii, secus Apostolicæ.*
2. *S. Pontifex nunquam censetur providere motu proprio, nisi expresse declarat.*
3. *Provisio Apostolica motu proprio non admittitur in Gallia.*
4. *Provisio facta ad petitionem Oratoris est relativa ad supplicam.*
5. *Pontifex præsumitur permoveri ad concedendum per expressa in supplica.*
6. *Provisio sæpe invalida est ob non rectam supplicæ expressionem.*
7. *Ut de invaliditate & effectu provisionis Apostolicæ judicetur, notitia exprimendorum, & clausularum adjici solitarum, necessaria est.*
8. *Prius de Signatura agendum; & bujus definitio.*
9. *Partes Signaturæ describuntur: & unde dicta sit Signatura?*
10. *Signatura continet summam, quæ in litteris seu Bullis provisionum latius extenduntur.*
11. *Absoluta Signatura censetur gratia perfecta.*

tiam, tum ad ejus effectum & executionem pertinentes; à quibus ipsa gratia, ejus effectus, & executio sæpe dependent: quarum proinde notitia, tum pro intellectu litterarum provisionis, tum recto earum usu & executione non conveniens modo, sed pene necessaria est.

VIII. Priusquam tamen de exprimendis in ipsa supplica, & clausulis, quæ litteris provisionis inferi solent, agatur, prænotandum, ante confectionem litterarum seu Bullarum, prius confici quamdam minutam seu protocollum ipsarum litterarum, quæ ex stylo Curiae vocatur *Signatura*.

Definitur autem à Rebuffo in Praxi *part. 1. tit. De Signatura gratiæ*: "Scriptura in papyro conscripta, à Papa vel ejus Delegato, absque sigillo, in medio scripta, partis supplicationem, Papæque concessionem breviter continens.

IX. Itaque Scriptura hæc continet primò ipsam partis supplicationem, qua Pontifici exponit, tale Beneficium vacare, illudque sibi à Sede Apostolica conferri petit.

Deinde post supplicationem sequitur consensus ipsius Papæ, qui exprimitur, vel per ipsum Papam signando: *Fiat ut petitur*; vel per ejus Delegatum signando: *Concessum ut petitur in præsentia D. N. Papæ*: atque ab hac signatione hæc scriptura vocatur *Signatura*; quasi scriptura signata, id est, subscripta.

Post hæc ponitur concessionis Papæ declaratio, quæ incipit ab his verbis *Signaturæ*: "*Et cum absolutione*" *acensuris*, &c. Nam quod Papa simpliciter concedit, dicendo: *Fiat ut petitur*, vel, *Concessum ut petitur*, postea exprimit, quæ concedere velit: & hanc partem vocant Pragmatici *dispositionem* seu *clausulam*, ubi Papa conferbit illas clausulas, quas concedere cupit. Ita Rebuffus *ibid. num. 23.*

X. Ex his patet, ipsam Signaturam omnia in effectu & compendiose continere, quæ in ipsis litteris seu Bullis postmodum latius extendenda & exprimenda sunt; ut propterea dici queat *minuta* ipsarum litterarum sive Bullarum: Nam, ut dicit Rebuffus *num. 15.* solent describi *summatim* omnes clausulæ in Bulla ponendæ.

Quomodo & per quos Signatura expediatur juxta stylum Curiae, diximus supra *part. 1. tit. 23. cap. 2.*

XI. Cum ipsa Signatura contineat summatim non tantum ipsam supplicam, sed & ipsum consensum Papæ cum omnibus clausulis, indubitarum est, ipsam *gratiam*, sive *provisionem* per ipsam Signaturam accepisse suam perfectionem; neque ulteriores litteras sive Bullas ad *essentiam* gratiæ perficiendam requiri. Sicuti contractus censetur perfectus, quando contrahentes hinc inde coram Notario protocollum signarunt, & minuta seu protocollum per Notarium est absolutum.

XII. Hinc notat Chokier ad Regulam Cancellariæ *De nonjudicando juxta formam supplicationis, num. 24.* quod "quoad essentiam & effectum gratiæ non requiratur Bullarum expeditio: verumtamen de stylo Curiae & quoad exercitium gratiæ, sive illius probationem & canonizationem, aliud dicendum est: quia executor non aliter gratiam exequitur, nisi Bullis expeditis: cum demum ab illis potestas ipsorum & probatio gratiæ pendeat.

XIII. Hic stylus Curiae, qui effectum & exercitium gratiæ seu provisionis suspendit à litteris seu Bullis expeditis, expressus est in citata Regula Cancellariæ, quæ tempore Innocentii VIII. erat 25. hodie autem est 27. soletque his verbis proponi: "Item cum ante confectionem litterarum gratia Apostolica sit informis, voluit, statuit, & ordinavit idem Dominus noster, quod Judices in Romana Curia, & extra eam pro tempore existentes, etiam si sint S. R. E. Cardinales, causarum Palatii Apostolici Auditores, vel quicumque alii, non juxta supplicationum signaturam super quibusvis impetrationibus (nisi in dicta Curia dun-

taxat sint commissiones justitiam concernentes per Placet, S. R. E. Vicecancellarium juxta facultatem super hoc sibi concessam signata) sed juxta litterarum super eisdem impetrationibus, & concessionibus contractarum tenores, & formas judicare debeant. De cernens irritum," &c.

XIV. Regula hæc per posteriores Pontifices nonnihil extensa & ampliata fuit: ac signanter Adrianus VI. addidit initialia hæc verba: *Cum ante confectionem litterarum gratia Apostolica sit informis*: per quæ noluit significare, gratiam esse *informem* quoad essentiam, sed duntaxat quoad probationem; & quia executor, nisi Bullis expeditis, gratiam exequi vetatur.

Juxta antiquam expressionem Regulæ dubitatur, num Regula tantum loqueretur de Judicibus in Curia existentibus; cujus dubii tollendi causa Julius III. addit hæc verba: *Et extra Curiam*, quæ omne dubium tollunt.

Ex additione enim per Julium III. facta per verba, *etiam extra Curiam*, manifestum est mentem Pontificum, & Curiae Romanæ fuisse, ut nullæ Provisiones Beneficiorum, quacumque forma in Curia Romana effectum suum habere queant, nisi postquam litteræ per Papam fuerint signatæ, & insuper expedita fuerit Bulla in Cancellaria vel Dataria, quæ relaxari non soleat, nisi taxis Cancellariæ aut Datariae solutis.

XV. Inspectis quoque verbis Regulæ, prout hodie est concepta, necessario requiruntur litteræ seu Bullæ in forma expeditæ, priusquam gratiæ seu provisionis plenus effectus vel executio haberi queat. Unde hodiernæ omnes Signaturæ supponunt conficiendas & expediendas Bullas conformiter ad Signaturam; ipsæque Signaturæ semper ita formantur, ac si litteræ necessario expediti deberent. Exempli gratia, dum in Signatura omissum est nomen, per cujus obitum Beneficium vacat, ponitur in Signatura: *Cujus nomen proprium, si videbitur, in LITTERIS exprimitur*. Dein in tertia parte Signaturæ: *Ac LITTERÆ in forma simplicis provisionis*; aliæque plures similes clausulæ mentionem *litterarum* facientes probant, quod Signatura supponat expeditionem *litterarum*; uti & omnes illæ abbreviationes in Signatura positæ quæ nisi in litteris extenderentur, intelligi non possent.

XVI. Porro, quia ipsa Signatura est *minuta* ipsarum litterarum, si hæc à Signatura tanquam à sua *minuta* discrepent, credit Chokier ad hanc Regulam *num. 33.* quod crederetur Signaturæ. Et ita à Senatu Parisiensi judicatum refert Rebuffus in Praxi *part. 1. tit. Tertia pars Signaturæ*, verbo, *Datum*, *num. 10.* Addit insuper, quod credetur Signaturæ quoad circumstantias gratiæ, puta temporis vel qualitatis.

XVII. Vult quoque Rebuffus in Praxi *part. 1. tit. Tertia pars Signaturæ*, verbo, *Datum*, *num. 5.* quod fallat hæc Regula, quando approbata (Signatura) per librum registri Signaturarum fuerit: quia tunc facit plenam fidem, sicut protocollum Notarii: & eo casu habeo sumptum, & valebit quoad probationem: nam ex stylo Curiae Romanæ *gratiæ* Papæ possunt ex registro sumi, & aliter probari, quam per litteras Bullatas. Hæc Rebuffus.

Prosequitur dein, *num. 7.* "Secundo restringe (hanc Regulam) quando alio modo fuerit (Signatura) approbata, & aliis adminiculis fulcita, utpote per mensurarios expertos, qui deposuerunt eam bonam & secundum stylum Curiae Romanæ conceptam.

XVIII. Hinc infert, *num. 8.* "Practica ergo est in Francia, ut si non possim obtinere Bullam, obstante legitimo belli, vel alio impedimento, ut imperrem litteras Regias, per has impedimentum narrem, & petam mihi concedi, ut liceat approbare per experientes, dictam Signaturam, & verificari; & concedi solet, obstante & constante impedimento, & hoc videtur sæpius fieri, & hoc quandoque etiam sine litteris per



„ supplicationem, quando est notorium impedimentum; sed alias concedi non debet.

XIX. Quin, teste Claudio Fleury, citato, cap. 21. Postquam provisiones Pontificiae factae sunt frequentiores ob resignationes in favorem, pensiones, nec non praeventiones in omni genere vacationis, visae sunt Bullae expeditae in pargameno, & plumbo sigillatae, nimis dispendiose respectu minorum Beneficiorum, ideoque inducta est praxis accipiendi possessionem vigore simplicium Signaturarum, quae sunt ipsarum Bullarum minutae. Necessitas autem Bullarum remansit in provisione Episcopatum, Abbatiarum, & aliorum Beneficiorum quae Provisum constituunt caput alicujus Corporis Ecclesiastici.

De eodem usu Regni Galliae testatur Perardus Castellus in saepius citata Praxi Curiae Romanae, pag. 162. dicitque hoc privilegium, uti & plura alia, solis Gallis esse concessum.

XX. Ad evitandas autem faudes, novissime cautum est Edicto Regio anno 1667. quod nulla fides habebitur Signaturis, Bullis, aliisque Curiae Romanae expeditionibus, nisi duorum Expeditionariorum seu Bancquariorum certificatione ad calcem originalis adscripta munitae fuerint: quod rursus renovatum fuit altero Edicto Regio septimi Septembris anno 1591. in quo praeterea plura de Bancquariorum officio & numero ac juribus constituuntur: extratque integrum apud Claudium Horry in suo Tractatu novo *De Materiis Ecclesiasticis*, pag. 52. edit. 1695.

XXI. Exhibet idem, p. 530. integram Signaturam per obitum signatam à duobus Bancquariis hac formula gallice expressa: „ Nos infra scripti Consilarii Regis, Bancquarii expeditionarii Curiae Romanae, commorantes in hac civitate Parisiensi, notum facimus omnibus quorum interest, hanc praesentem Signaturam esse legitimam, veram & originalem; & Datam illius esse de 7. Novembris ultimi; in quorum fidem has signavimus Parisiis, hac 28. Januarii 1688. „ Et erat signatum Baudet de Beaumont, & le Maire.

XXII. In Belgicis Provinciis sequimur citatam Regulam Cancellariae: neque sine litteris seu Bullis in forma expeditis possessio Beneficii, vigore provisionis Romanae accipitur.

XXIII. Verum si vi simplicis Signaturae, siue litterarum provisio recipiatur, eadem tamen clausulae verificari debent: quia, uti diximus, Signatura omnia summam continet, quae in Bullis, ex Signatura tamquam minuta conficiendis, latius duntaxat extenduntur.

Rebuffus in Praxi Beneficiorum exponens Signaturam ejusque clausulas, eam in tres partes dividit. Prima pars, quae continet ipsam supplicam, dicitur Corpus Signaturae. Secunda pars dicitur, in qua Papa vel ab eo commissarius subscribit Oratoris supplicationi. Tertia autem pars est dispositio & Papae concessio; & quod ipse simpliciter concessit, dicendo, *Fiat ut petitur*, hic singillatim exprimitur.

Praecipuas clausulas in tribus hisce partibus Signaturae summam quidem, in Bullis vero extense exprimi solitas breviter in sequentibus exponemus, ut & Signaturarum, & Bullarum aliqualis notitia haberi queat.

## CAPUT IV.

De Exprimendis in prima & secunda parte Signaturae.

1. Debet exprimi nomen Supplicantis; & cujus sit Diocesis.
2. Papa non facile providet exteris ob ignorantiam idiomatis, juxta Regulam Cancellariae; quae refertur.
3. Aliqua ex hac Regula sublata; & quare?
4. Aliqua addita, & ratio additionis.

5. An Regula de omnibus Beneficiis Curatis intelligatur?

6. Haec Regula in jure divino fundatur.

7. Non admittitur ejus derogatio in Gallia; nec in Belgio.

8. Exprimendum Beneficium vacans, ejusque qualitates.

9. Regula Cancellariae de qualitatibus exprimendis.

10. Verus valor exprimendus juxta Regulam Cancellariae, quae exhibetur.

11. Olim non debebat valor exprimi.

12. Expressio valoris praecipue fit ob taxationem Annatarum.

13. Annata in plures species dividitur; & unde sic dicta?

14. Prima species Annata; & pro quibus Beneficiis solvenda.

15. Secunda species; & quare dicta commune servitium?

16. Tertia species; quae dicitur minuta servitia.

17. Quarta species dicta quinquennium; quando solvatur?

18. Nonnulli credunt Joannem XXII. Annatarum auctorem.

19. Alii Bonifacium IX.

20. Certum est bodiarnam Annatarum formam primum à Bonifacio IX. inductam; & quae hac forma?

21. Annata bodie non comprehendit fructus unius anni.

22. Annatarum solutio aut promissio sub cautione exigitur priusquam provisionis Beneficii litterae relaxentur.

23. In Concilio Constantensi contra Annatas à Gallis graviter pugnatum est.

24. Galli contenderunt nullomodo Annatarum jus probari posse.

25. Sententia Gersonii exponitur & probatur.

26. Annatas videtur habuisse ut simoniacas.

27. Ea quoque creditur fuisse mens Universitatis Parisiensis.

28. Rationes in gratiam Annatarum allatae possunt insufficientes videri.

29. Ad Annatam constituendam verus valor exprimendus.

30. Beneficia non consistorialia solent exprimi sub valore viginti quatuor Ducatorum auri de Camera.

31. Nunquam inquiritur verus valor eorum Beneficiorum.

32. Ratio inducta consuetudinis.

33. Utinam haec consuetudo locum habeat?

34. Clausula expressionis veri valoris bodie in hujusmodi Beneficiis est meri styli.

35. Beneficia consistorialia non taxantur juxta verum valorem.

36. Exiguus est in Belgio usus Regulae de exprimendo vero valore.

37. Exprimendum est Beneficium ante obtentum.

38. Ratio hujus expressionis.

39. De Papae Signatura, ejusque diversa forma.

40. Effectus diversi singularum formarum remissive.

41. Provisio Apostolica primitus in communi & simplici forma expeditur.

42. Clausula provisionibus inserta nec non novae quaedam formulae in Decretalibus Gregorii IX. non leguntur.

I. PRIMA pars Signaturae uti & litterarum siue Bullae continet ipsam supplicam partis.

Hic debet non tantum nomen ipsius Supplicantis exprimi, sed etiam cujus sit Diocesis: item Diocesis in qua situm est Beneficium quod petitur. Ratio est, quia Papa facilius providet indigenis, quam exteris, ait Rebuffus in expositione primae partis Signaturae.

II. Adhuc quia exteri frequenter non callent, saltem perfecte idioma loci, etiam hac ratione non facile Papa

Papa exteris providere intendit, saltem de Beneficiis curatis; idque juxta Regulam 20. Cancellariæ De *Idiomate*, quæ hodie hoc tenore exprimitur: "Item voluit, quod si contingat ipsum alicui personæ de Parochiali Ecclesia, vel quovis alio Beneficio exercitium curæ animarum Parochianorum quomodo libet habente, providere; nisi ipsa persona intelligat, & intelligibiliter loqui sciat idioma loci, ubi Ecclesia, vel Beneficium hujusmodi consistit, provisio seu mandatum, & gratia desuper quoad Parochialem Ecclesiam, vel Beneficium hujusmodi, nullius sint roboris vel momenti.

III. Hæc Regula nonnihil diversa est ab antiquis. Imprimis enim in antiquis habebantur hæc: *Vel mandare provideri, vel gratiam expectativam concedere*: quæ & Regula sublata sunt indubie ob Decretum Concilii Tridentini, quod mandata de Providendo & expectativas ad *vacatura* abolevit.

IV. Addita autem sunt à Gregorio XIII. & Successoribus: *Vel quovis alio Beneficio exercitium curæ animarum quomodo libet habente*; "ut nimirum includantur omnia Beneficia curam animarum habentia, qualia sunt *succursus*; qui licet non sint *curata Beneficia*, sed *simplicia*, sub dispositione tamen hujus additionis comprehenduntur," ait Chokier ad hanc Regulam num. 7.

V. Interim quod hic de Beneficiis curam animarum habentibus generaliter dicitur, indubie intelligi oportet de cura respectu populi, qui patrio idiomate dirigendus est: alioquin si cura dantaxat concernat Clerum, sub hac Regula hujusmodi Beneficium non comprehenditur. Quia licet Provisus non intelligat idioma loci, in quo Beneficium est situm, novit tamen idioma quo indigent hi quorum cura sibi incumbit: atque ita cessat ratio ipsius Regulæ.

Ut quid enim regula peritiam *idiomatis loci* in quo Beneficium situm est, requirit, nisi quod ignorans hoc idioma, nesciat eos quorum curam habet, instruere, ad bonum incitare, confessiones eorum audire, aliaque eis subsidia spiritalia subministrare, quæ cura animarum requirit?

VI. Unde quemadmodum jure divino mandatum est omnibus, quibus cura animarum commissa est, oves suas Verbi Divini prædicatione, & Sacramentorum administratione pascere, uti loquitur Synodus Tridentina *Sess. 23. cap. 1. De Reformat.* similiter jure divino tenentur idioma populi, cujus curam habent, callere: quia sine hujus peritia ea præstare nequeunt.

VII. Quare notat Rebuffus in additione ad hanc Regulam, in Francia non admitti dispensationem contra illam Regulam, quæ est (ait) *Juris Divini*. Neque in Belgio admitti posse similem dispensationem, sat insinuant Edicta Regia, quæ nullam de *non residendo* clausulam in provisione Beneficiorum Curatorum admitti volunt, non alium in finem, quam ut similia Beneficia obtinentes *per se* curam animarum subire cogantur, quod sine notitia *idiomatis* fieri nequit: Quare in Edicto Caroli V. de 20. Octob. 1541. expresse cautum est, non concedendas litteras *Placeti* super dispensatione *imperitiæ idiomatis*, quoad Beneficia Curata. Habetur parte 1. Edictorum Flandriæ, lib. 3. Rubrica 1.

VIII. In supplica non tantum exprimendum Beneficium vacans; sed & Beneficii qualitates, quæ possent Pontificem forsan ad annuendum postulationi reddere difficiliorem; v.g. an Beneficium sit curatum vel non; si dignitas, si personatus, item si Beneficium sit electivum.

IX. De hac qualitatum expressione est Regula Cancellariæ, quæ hoc tenore exprimitur: "Item voluit, quod super Beneficiis Ecclesiasticis, de qualitatibus illorum videlicet: an dignitates, personatus vel officia sint, eisque imminet cura animarum, & ad illa consueverint qui per electionem assumi, mentio

fiat; alias gratiæ desuper factæ sint nullæ. Et si qualitates hujusmodi affirmative, vel conditionaliter non exprimantur, negativa expresse desuper fiat in Beneficiis, quæ tales qualitates, vel ex eis aliquas consueverint habere.

De qualitatibus conformiter ad hanc Regulam, & stylum Curie Romanæ exprimendis, videri possunt Chokier in Commentario ad eandem Regulam, & ab eo citati.

X. Insuper *verus* valor Beneficii de stylo Curie Romanæ exprimendus est, juxta Regulam Cancellariæ, *De exprimendo valore Beneficiorum in impetrationibus*, quæ decernitur, "quod in gratiis, quas quibuscumque personis de Beneficiis vacantibus, seu certo modo vacaturis, fieri contigerit, illorum, & aliorum quorumcumque Beneficiorum, quæ dictæ personæ tunc obtinuerint, seu de quibus eis fuerit provisum, vel concessum, aut mandatum provideri, *verus annuus valor*, per marchas argenti, aut sterlingorum, vel libras Turonens. parvorum, seu florenos auri, aut ducatos, vel uncias auri, seu aliam monetam secundum communem æstimationem exprimatur; nisi personæ prædictæ, Beneficia, quæ tunc obtinuerint, aut in quibus vel ad quæ jus eis competit, juxta ipsarum oblationes, aut alias dimittere teneantur. Alioquin gratiæ prædictæ sint nullæ. Et idem servetur in gratiis, quas à Sanctitate sua motu proprio emanare contigerit, quoad Beneficia tamen, de quibus per Sanctitatem suam pro tempore providetur, seu provideri mandatur, aut alias disponitur, ac litteris, per quas pro tempore ad Ecclesiarum Patriarchalium, & Cathedralium, ac Monasteriorum regimina promotis conceditur, ut Monasteria, & alia Beneficia Ecclesiastica secularia, & regularia per eos obrenta, & in quibus, & ad quæ jus eis competit, retinere possint.

XI. Ad hanc valoris expressionem reflectens Panormitanus ad *cap. AD AURES 2. De Rescriptis*, num. 4. ait: "Puto quod circumscripto stylo Curie non sit de jure veteri necessarium facere mentionem de quantitate valoris: quia Beneficium debet principaliter conferri propter spiritualia, temporalia autem veniunt accessorie ad spiritualia; sed quia hodie ut plurimum conferuntur Beneficia propter temporalia, ideo fuit ordinatum & est de stylo Curie, ut fiat mentio de valore; tamen bene considerando, non est provisio inutilis: quia dispensatio temporalium non debet cuique committi; sed secundum qualitatem personæ debet committi dispensatio.

XII. Varias editæ hujus Regulæ rationes à variis adduci notat Gomesius in proœmio ad hanc Regulam: "Nam quidam (ait) existimant eam editam causa tollendæ avaritiæ: ne scilicet per taciturnitatem valoris, aliquis ultra merita, & plusquam oportet, de Beneficiis Ecclesiasticis caperet, & ita per falsam valoris expressionem debitus dispensationis modus Papæ (cui est hæc cura à Deo demandata) tolleretur: Quidam vero propter Annatas, ne defraudarentur, Regulam factam fuisse existimant. Et istorum opinio magis recepta videtur, ex eo quia Regula ista de valore, adhæret taxis Annatarum. Nam videmus quod in Beneficiis, in quibus non solvitur Annata, non exprimitur valor, ut patet in Monasteriis Monialium & Hospitalibus datis ad administrationem.

XIII. Nomen *Annata* esse nomen generis quod in varias species dividitur, monet Fagnanus ad *cap. PRÆTEREA 2. Ne Prælati vices suas, &c.* Annatas autem sic nuncupari (ait) quia omnes debentur ex fructibus primi anni Beneficiorum vacantium.

Prima species est Annata propriæ dictæ; & hoc modo assumit nomen speciei, ait Fagnanus.

XIV. "Annata sic sumpta solvitur (ait Fagnanus) pro omnibus Beneficiis inferioribus, præter Episcopatus & Abbatis Consistoriales, & est dimidia pars  
,, veri

„ veri valoris annui fructuum Beneficii vacantis & hæc integre Summo ipsi Pontifici relinquitur.

XV. Secunda species est *commune servitium*, quæ est certa quantitas pro quolibet Episcopatu vel Abbatia Con-  
fistoriali secundum antiquam taxam solvenda.

Dicitur *servitium*, quia juxta vulgare Italicum quælibet datio nuncupatur *servitium*, sive debita sit, sive non, inquit Fagnanus. Dicitur autem *commune*, quia ejus dimidium tribuitur Papæ: reliquium S. Collegio Cardinalium, inter ipsos Cardinales præfentes dividendum.

XVI. Tertia species Annatæ „ sunt *minuta servitia*; quæ sunt quinque portiunculæ, quæ secundum proportionem taxæ fructuum Episcopatus vel Abbatiae inter certos Papæ Ministros & Officiales dividuntur. „ Fagnanus, *ibid.* num. 12.

XVII. Quarta species Annatæ vocatur *Quinquennium*, quæ à prædictis differt nomine tantum & accidentali temporis præfinitione, quia de quindecim in quindecim annos, juxta Constitutionem Pauli II. abolitis aliis solutionum Annatarum terminis usque ad sua tempora observatis pro Beneficiis perpetuo unitis, solvitur ab illis, in quorum favorem talia Beneficia sunt unita, ut in *Extravag. Decet Romanum*, „ Fagnanus, num. 13.

XVIII. Annatarum originem plures referunt ad Joannem XXII. in *Extravagante* 11. *De Præbendis*, inter communes, ubi reservat Sedi Apostolicæ fructus & proventus primi anni Beneficiorum vacantium inferiorum Episcopatus & Abbatias, in verbis: „ Præsertim cum Archiepiscopales & Episcopales Ecclesiæ, ac Regulares Abbatiae ab hujusmodi solutione fructuum (ut dicunt) in dictis litteris eximantur.

XIX. Ob hanc exceptionem & quia suam reservationem ad triennium restrinxit, credunt alii, huic Pontifici originem Annatarum adscribi non posse; sed earum auctorem esse Bonifacium IX. qui anno 1392. durante schismate, „ ingravescentibus rei pecuniariæ difficultatibus, ob continuos armorum fragores sanxit, ut redigendorum ex omnibus Sacerdotiis, quæ à Sede Apostolica conferentur, vectigalium, quæ primo labente anno obvenierint, dimidia pars in Fiscum Pontificium inferretur.

Hæc Odorycus Raynaldus ad annum 1392. num. 5. qui & ad annum 1399. num. 12. refert verba Theodorici Niem, quibus testatur, hunc Pontificem primos fructus unius anni omnium Ecclesiarum Cathedralium & Abbatiarum vacantium suæ Cameræ reservasse.

Idipsum de eodem Pontifice scribit Platina in ejus vita; qui addit, quod Annata ab ipso imposita tantum conficeret *dimidium* partem proventuum primi anni: Annatarum usum Beneficiis Ecclesiasticis primus imposuit (ait) hac conditione, ut qui Beneficium consequeretur, *dimidium* annui proventus Fisco Apostolico persolveret.

XX. Quidquid sit de primo auctore, ac primigenia Annatarum origine, certum est, quod forma quæ hodie in solutione & exactione Annatarum tenetur, primum inducenda sit à Bonifacio IX. quemadmodum notat Fagnanus loco citato num. 10. dicens: „ Antea enim per Pontifices exigebantur, mediantibus eorum Commissariis, fructus integri unius anni per triennium, tertia pars quolibet anno, reliquis duabus tertiis partibus Provisio relictis. Sed Bonifacius ut consuleret ipsis Provisis, & obviam irer extorsionibus, quæ per Commissarios committebantur, reduxit Annatæ solutionem ad medietatem valoris annui fructus, cum onere tamen, ut Provisus anticipare de propriis pecuniis in relaxatione suarum litterarum eam solveret. Et propterea in ipsa relaxatione supplicationis fiebat obligatio in Camera de illam solvendo; & sic litteræ in eorum expediebantur quæ retentæ in Camera Apostolica relaxabantur, mediante quietantia Thesaurarii.

XXI. Deinde monet, hinc patere non ideo *Annatam* vocari, quod complectatur fructus omnes unius anni; sed „ quia solvitur ratione fructuum *primi anni*; vel quia dicta Annata, per Bonifacium IX. introducta, successit in locum reservationis, quam antea Pontifices facere consueverant pro suis, & Romanæ Ecclesiæ necessitatibus, de omnibus fructibus & proventus unius anni Beneficiorum ad tempus vacantium; vel quæ exinde usque ad triennium, aut quinquennium, vel aliud tempus, in certis designatis provinciis vacarent: quos quidem fructus pro se, & Camera Apostolica Romani Pontifices per suos Collegios percipiebant.

XXII. Constat ex dictis num. 20. & 21. formam exigendi Annatas reduci ad impositionem certæ cujusdam summae pecuniariæ; hæc solvi debet, aut de ea solvenda sufficiens cautio præstanda est, priusquam litteræ provisionis relaxentur: id usitatum fuisse in Curia Romana tempore Concilii Constantiensis constat ex responsione Nationis Gallicanæ contra Cardinales appellantes à deliberatione trium Nationum facta in Concilio Constantiensi circa usum Annatarum.

Ex hac enim responsione intelligitur, tempore hujus Concilii, conformiter ad dictam formam exigendi Annatas per Bonifacium IX. primum inductam, litteras provisionis non fuisse expeditas, & relaxatas, nisi prius per Provisos facta promissione, ac præstita *omnino de securitate & cautione* de solvenda Camerariis Sedis Apostolicæ summa taxata, sive descripta in libris Cameræ Apostolicæ, intra designatos terminos, prout hæc omnia latius ibidem deferuntur.

Porro, quia Provisus de Episcopatu, Abbatia, aliave Prælatura, hujus provisionis nullum plane effectum habere posset sine litteris provisionis, conclusit prædicta Natio Gallicana, hanc Annatam, sive jura temporalia exigere, & solvi, vel promitti pro ipsa provisione: & quod in effectu ipsa provisio non concedatur vel obtineatur nisi solutis, vel saltem promissis hæc juris temporalibus.

XXIII. Notat etiam Natio Gallicana art. 9. suæ Responsionis, quod litteris in Cancellaria expeditis, & deinde bullatis, ac etiam registratis portentur ad Cancellariam, à qua haberi non possunt, nisi Provisus primo se obligaverit ad solvenda prædicta jura.

Imo jam notaverat Natio Gallicana art. 8. suæ Responsionis, „ *violenter Provisos* ad solutionem vel promissionem horum jurium temporalium per retentionem & detentionem litterarum; tales modi, aiebant Galli, nunquam inducunt consuetudinem, neque præscriptionem, cum sint violenti; & cum hoc resultat alia violentia; quia quantumcumque promoti, benedicti, vel consecrati ( & notum sit Monasteriis, vel Ecclesiis quibus præficiuntur ) sine litteris ejusmodi non possunt intrare in possessionem, propter Constitutionem poenalem factam in favorem hujusmodi indebitarum exactionum, quæ incipit: *Injunctæ*.

Hinc conclusit Natio Gallicana; hæc jura temporalia exigere & solvi, vel promitti pro ipsa provisione, sive ut Provisus suæ provisionis effectum habere queat.

Præterea ostenderat art. 7. „ quod non petantur, neque exigantur hæc Annatæ per Cameram Apostolicam & DD. Cardinales, ob *vacantias Ecclesiarum*: quia *vacant*, sed quia *conferunt*, seu quia collationi & promotioni (quæ fit per Papam) assentiuntur.

Hanc assertionem suam duplici ibidem probant argumento: primo, quia ab eis qui promoventur ad Prælaturas hujusmodi extra Curiam, & per alium quam per Papam conferuntur, nihil habent vel exigunt.

Secundo, ex eo quod nihil percipiant in tali exactione nisi DD. Cardinales, qui *ad sunt præfentes*; & tamen de jure communi etiam absentes participarent; si quia *vacant*, deberentur, vel exigenterent.

XXIV.



XXIV. Ex his ulterius deliberavit Natio Gallicana, nulla præscriptione aut consuetudine, privilegio vel statuto, hanc Annatarum exactionem justificari posse, "Quia (ait art. 7.) nullo statuto, privilegio, consuetudine, præscriptione, aut alio titulo potest induci, quod propter conferre, aut consentire promotioni, aut electioni alicujus Monasterii vel Ecclesiæ Cathedralis, sive ut præficiatur administrationi Prælatuæ, Beneficii, sive Ecclesiæ, aliquid possit vel debeat peti vel exigi: ed quod secundum Apostolicas & Canonicas Traditiones clarissimè foret Simoniacum.

Et art. 8. postquam ostendit Provisos violentari ad solvendam vel promittendam Annatam, per retentionem, ac detentionem litterarum provisionis, inferre non dubitavit, hoc esse simoniacum, vel suspectum de simonia. (a)

Argumento in justificationem exactionis Annatarum, à præscriptione aut consuetudine petito, opposuit præterea Natio Gallicana, quod ad eas solvendas Prælati in Curia Romana Provisi violententur; sive per violentiam ad eorum solutionem adigantur per retentionem, sive non relaxationem Bullarum sive litterarum provisionis: "tales enim modi nunquam inducunt consuetudinem, neque præscriptionem, cum sint violenti.

Cum verò ex parte DD. Cardinalium appellantium, in justificationem Annatarum allegaretur, Papæ subvenendum esse ab inferioribus Ecclesiis; respondit Natio Gallicana art. 17. quod "quilibet Episcopatus certos suos habet redditus pro dotatione & sustentatione sua, sive Episcopi; sicut habet Episcopus Romanus, quæ sufficere & sufficere possunt cum indulgentiis, & aliis, quæ extraordinariè superveniunt; nam Apostolus ex industria quærebat sibi victum, ne quibus ministrabat, esset nimium onerosus. Et sanè si non sufficiant redditus Episcopi Romani de præsentibus, primò habet requirere subsidium à Clero suæ civitatis & Diocesis, deinde suæ Provinciæ, & per modum subsidii charitativi temporalis, & non perpetui censùs; & postmodum ab aliis Ecclesiis immediatè subditis potest subsidium benignè implorare: quæ (causâ necessariâ suppositâ, expressæque & verâ) honestè non possunt denegare ad tempus.

"Nec tunc fortè exactio subventionis faciendæ respectu datæ temporalitatis per Fundatores Ecclesiarum, ut certum onus supportetur, aut aliquid aliud fiat secundum eorum ordinationem, ne frustrentur ordinatione & intentione suâ: sed tantum respectu eorum, quæ proveniunt ratione spiritualitatis, & dotis constitutæ à jure, ut sunt decimæ, oblationes, portio canonica mortuorum & similia.

Igitur evidens est, Nationem Gallicanam, modum exigendi Annatarum temporis usitatum, eo præcipuè titulo, ut simoniacum, vel saltem de simonia suspectum reputasse; quia Provisi ad promittendum descriptas in libris Cameræ Apostolicæ taxas violentantur per retentionem litterarum provisionis.

Insuper constat Nationem Gallicanam existimasse, exactionem Annatarum juxta prædictam formam, nec consuetudine, nec præscriptione purgari posse. (b)

XXV. Sub idem tempus Joannes Gersonius, ejus ætatis Theologus piissimus ac doctissimus; atque Uni-

(a) Non ita censent in Galliis complures Jurisconsulti; aiunt enim Annatam esse veluti donum gratuitum, quod de consensu Regis ex libera Præstulorum voluntate summo Pontifici conceditur; non ergo Annatas respiciant ut Bullarum pretium; atque ea expositio Pragmaticæ Sanctionis nititur, quæ donum gratuitum nuncupat Annatæ decimam partem, quam Prælati consecrandi vel recepti consecrati Papæ ejusque administris largiri consueverant.

(b) Articuli, qui modò citati sunt, videntur excerpti ex historia Conciliorum, ab Edm. Richerio elaborata, t. 1.

versitatis Parisiensis Cancellarius, qui & ipse Concilio Constantiensi interfuit, hanc formam exactionis Annatarum ut apertam, & perniciosam labem simoniæ palam pronuntiare non dubitavit.

Et quidem in Tractatu de potestate Ecclesiæ consideratione 8. hæc habet: "Si judicia minora reprobantur in Moyse, videamus in Summo Pontifice & Curia sua, quid de tot profanissimis, & indignissimis causarum & litigiorum continuis & anxiiis occupationibus? quid de Beneficiorum quorumcumque etiam minorum collationibus, & signationibus manu Papæ? quid de Annatarum exactionibus?

Et paucis interpositis: maximè (ait) "dum recepit Annatas: quoniam ex hac copula, quamdiu perseveraverit, orietur inevitabiliter leprosa pestis simoniæ, inficiens sua contagione, nedum caput, sed penè singula Ecclesiæ membra.

XXVI. Et in Tractatu de simonia ex professo hanc materiam discutens, eam format conclusionem (cui & probandæ integrum Tractatum impendit: "Simoniaca labes contra jus divinum, vel simoniaca specie suspectum est in conferente Beneficium Ecclesiasticum, etiam si sit Papa, exigere vel extorquere à Beneficiario promptam pecuniam, sub titulo primorum fructuum, ac impedire possessionem, & effactionem suam, quousque solverit illam pecuniam.

Post hæc ponit objectiones contra hanc conclusionem, atque inter ceteras quinto loco petitam ex communi & diuturna praxi his verbis: "Amplius, quia non est probabile, quod per tot tempora tolerasset Ecclesia in promoventibus, & promotis talem exactionem pecuniarum, si fuisset simoniaca de jure divino: quia non solum, qui faciunt mala, sed qui consentiunt facientibus (secundum Apostolum Rom. 1.) digni sunt morte.

Ad hanc, uti & ad secundam, tertiam & quartam objectiones petitas ex praxi inferiorum & Prælatorum & Canonicorum exigentium temporalia ab admittendis ad possessionem vel ab admittendis ad Beneficia vel Religionem, responderet Gersonius: "Quod valdè multa pro dolor! sint & facta sunt, habentia malam speciem turpis quæstus, & in multis simoniacam pravitatem; sicut & alia vitia regnare videmus passim apud homines; virtutes autem raro: propterea dicit lex antiqua: Non sequeris multitudinem ad faciendum malum; Exod. 23. 2. hæc enim est argumentatio pessima: multitudo facit hoc, igitur est licitum; quoniam oppositum consequentis frequenter, & quasi semper, stat cum antecedente.

Præterea responderet ad argumentum, sive objectionem petitam ex diuturna tolerantia Ecclesiæ; quod apud bonos, conscientiosos & eruditos, quos non excæcavit malitia, vel superbiæ, vel adulationis, vel avaritiæ, talis simoniaca pestis reprobata est per prædicationes, & doctrinas, verbis & scriptis, & novissimè per hoc sacrum Concilium, scilicet Constantiense, judiciâli severitate damnata fuit in capite.

Habetur hic Tractatus Gersonii tom. 2. operum ejus ultimæ Editionis.

XXVII. Nec tantum Gersonius de hac Annatarum exactione querelas deposuit, eamque ut simoniacam reputavit: sed etiam plures Universitates, ac signanter Facultas Theologica Parisiensis eam simoniacam esse respondit, ut intelligitur ex instructione anno 1561. data Ferrerio per Carolum IX. Regem Christianissimum, per quam injunctum fuit huic Regio Oratori, rogare Pontificem nomine Regis, ut querelarum radicem contra has Annatas excindere dignaretur.

Quandoquidem (ait) Annatæ illæ prohibitæ fuerint variis Regum Prædecessorum Constitutionibus; veluti con-

contrariæ libertatibus Ecclesiæ Gallicanæ: & insuper per ipsam Facultatem Theologicam Parisiensem Sorbonicam, aliasque Regni Universitates deliberatum, & conclusum fuerit, Annatas exigi non posse citra enormem simoniam, tam per eum, qui pecuniam dat, quam per eum, qui pecuniam recipit. Integra hæc instructio exhibetur inter probationes libertatum Ecclesiæ Gallicanæ cap. 22. num. 34.

XXVIII. Scio ab Ultramontanis ac novissimè à Profpero Fagnano, plura adduci in justificationem moderatæ praxis Curie Romanæ exigendi & recipiendi Annatas: sed si rationes per Fagnanum, aliosque in hujus praxis justificationem adductæ sine præventionem serio discutiantur, & cum argumentis per Nationem Gallicanam in Concilio Constantiensi, necnon per Gesonium, aliosque adductis conferantur, nescio num sufficientes videbuntur.

XXIX. Ut tamen Annata modo saltem apparenter justo taxari possit pro ratione fructuum Beneficiorum, exprimendus est juxta hanc Regulam & stylum Curie Romanæ verus valor Beneficiorum vacantium, secundum communem æstimationem.

XXX. Verum hodie consuetudo tam in Gallia, quam Belgio invaluit, ut valor omnium Beneficiorum, exceptis Episcopatibus, Abbatibus, aliisque consistorialiter conferendis, exprimitur sub taxa 24. ducatorum auri de Camera; tamen verus eorum valor secundum communem æstimationem ascendat etiam ad triplum & amplius illius taxæ.

Unde formula consueta in omni supplicatione & provisione hujusmodi Beneficiorum est: *Quod illorum proventus valorem annuum 24. ducatorum auri de Camera non excedat.*

XXXI. Unde quoad hujusmodi Beneficia nunquam fit examen aut inquisitio circa proventus Beneficiorum, in ordine ad veritatem hujus expressionis; sed siue exigui, siue magni & notabiles sint Beneficiorum provenus, semper hæc formula servatur: neque unquam ob falsam valoris expressionem provisio ut subreptitia vel obreptitia impugnatur.

XXXII. Quæ sit hujus consuetudinis seu styli origo, incertum est. Hoc constat, vi Concordatorum Germaniæ, Beneficia, quorum proventus non excedunt valorem 24. florenorum de Camera, à solutione Annatarum esse immunita, in verbis: *Sed de Beneficiis, quæ valorem 24. florenorum auri de Camera non excedunt, nihil solvetur.* (a)

Cum ergo Principes sæpius instruissent apud Romanos Pontifices pro moderatione Annatarum, verisimile est, tandem obtentum esse, ut Beneficia & Dignitates non Consistorialia exprimerentur sub expressione istius taxæ Cameralis 24. ducatorum auri de Camera: ut sub umbra talis taxæ Cameralis, immunitas Annatarum sine aliorum consequentia tribueretur, ut loquitur Zypæus Consult. 6. De Rescriptis n. 2.

XXXIII. Ut ut sit de occasione inductæ consuetudinis, certum est, eam non tantum in Belgio & Gallia, sed & in Hispania & Germania invaluisse, ut ex Chokier ibi notat Zypæus; additque idipsum amplè etiam expressum fuisse in quadam decisione Rotæ Romanæ datâ 20. Novemb. 1624. verba eo spectantia ex originali ibidem exhibens; ubi notandum, quod expressè

dicatur, hoc introductum fuisse per Concordata, ut evitetur solutio Annata in Curia.

XXXIV. Hinc patet, clausulam expressionis valoris in hujusmodi Beneficiis hodie tantum esse meram formulam styli, nec significare verum valorem Beneficiorum non excedere 24. ducatos auri de Camera, sed vi consuetudinis sat notæ nihil aliud significare, quam hæc Beneficia solutioni Annatarum non esse subiecta.

Nemo tamen negaverit, quin dolendum sit, quod adigantur fideles, & signanter Ecclesiæ ministri, ut æquivocis istis formulis & falsam præferentibus impressionem uti debeant, maxime in rebus sacris.

XXXV. Quamvis Episcopatus & Abbatie Consistoriales etiamnum hodie Annatas seu *servitia communia* solvere debeant, (a) nihilominus verus eorum valor, qui nunc est secundum eorum communem æstimationem, non exprimitur: sed secundum antiquam taxam Cancellariæ Romanæ, quæ semper retinetur: quemadmodum notat Fagnanus ad dictum Cap. PÆTEREA.

XXXVI. Hinc facile intelligitur, non esse hodie hisce in partibus magnum usum hujus Regulæ: atque cessare quæstiones circa illam moveri solitas, quas apud Chokier aliosque ejus Commentatores videre licet.

XXXVII. Non tantum Beneficium pro quo supplicatur exprimendum est cum omnibus suis qualitatibus; sed etiam Beneficium quantumvis exiguum antè obtentum Cap. 23. De præbendis in VI. ubi dicitur, quod si ad petitionem alicujus Beneficium conferatur à Sede Apost. provisio sit nulla, si quantumcumque modicum Beneficium ante obtentum taceatur; neque defectus hic suppleretur, etsi Provisus vellet Beneficium illud statim dimittere; uti notat Rebuffus in Praxi parte 1. tit. De Forma novæ provisionis.

XXXVIII. Cum enim pluralitas Beneficiorum sit contraria sacris Canonibus, nunquam Papa censetur velle eam probare; nisi saltem de ea prius certior factus sit, ut, habitâ notitiâ, dispiciat, num justa sit causa dispensandi.

XXXIX. Post supplicam sequitur Signatura, quæ subinde ponitur ab ipso Pontifice sub hac formula: *Fiat, ut petitur*, cum appositione primæ litteræ sui nominis Baptismalis, v. g. *Fiat, ut petitur A* in Signatura moderni Pontificis Innocentii XII. qui ante Pontificatum vocabatur *Antonius*. Aliquando Signatura ponitur per Commissarium Pontificis sub hac forma: *Concessum, ut petitur in præsentia S. D. N. P.* cum expressione sui nominis.

XL. De hac duplici Signatura, ejusque diverso effectu videri possunt, quæ dicta sunt parte 1. tit. 23. cap. 2. ubi etiam monuimus aliquando recurrendum esse ad Signaturam, ut sciatur, quâ formâ ipsa Signatura fuerit expressa; cum id ex tenore Bullæ dignosci nequeat, eod quod Bullæ eodem modo conficiantur, siue sub una siue sub altera forma fuerit Signatura posita.

XLI. Primitus Romanas Beneficiorum Provisiones, in simplici illa forma & stylo expeditas fuisse, quibus Ordinariarum Provisiones expediebantur, & hodie expediuntur, admodum verisimile est: neque enim clausulæ illæ, aut conditiones; puta valoris, & Beneficiorum expressiones, derogationes, absolutiones ad effectum, & similes, quibus litteræ, siue Bullæ Provisionum juxta modernum Curie Romanæ stylum replentur, nec tempore Alexandri III. aut etiam Innocentii III. adhuc notæ fuisse videntur: nulla enim earum clausularum, aut provisionis juxta

(a) Quæritur quare Annatæ *servitia communia* dicantur? Hanc offert rationem Tuschius lib. A. concl. 328. n. 1. "Quia negotium in Consistorio examinatur, & fit provisio, & sic tam Papa quam Cardinales inserviunt & laborant, & ea propter medietas istius Annatæ est Papæ, alia medietas est Cardinalium.

modernum

(a) Annatas, quas pro majoribus Beneficiis Papæ negaverunt Germani Protestantes, suis solvunt Principibus secularibus. "Verum, inquit Boehmerus, lib. 1. tit. 11. par. XLVI. Gravior difficultas in exacta determinatione superest, à quibus Beneficiis in terris Protestantium Annata exigere possunt, cum antea demonstravi, Papam à Canonicatibus pluribus per Germaniam sub adducto colore, Annatas haud exigere; quod etiam fateatur Wagnerus tit. De Præbendis, pag. 512. & cum ad imitationem nem Juris Canonici praxis Annatarum in terris Protestantium recepta sit, probabile est, de aliis Beneficiis Annatas solvi aut exigere non posse, quam de quibus illas percepit Curia Romana. Sed juvat, hic potius suspendere judicium, quam temerariam formare decisionem.

modernum stylum expedire in Registris aut Actis Innocentii III. mentio occurrit: sed formula Provisionis, si quæ reperitur, simplex est.

Igitur verisimile est, eas clausulas, quibus hodiernæ Romanæ Curiae Provisiones abundant, demum post tempora horum Pontificum invaluisse, nec omnes eodem tempore.

Quidquid sit de tempore, quo clausulæ hodie inferi solitæ, sunt introductæ; quidquid etiam sit de occasione aut scopo hujus introductionis; hoc satis constat, multiplices illas clausulas (quas sub hoc titulo exposuimus) multiplicandis potius, quam minuendis aut extinguendis libitus, occasionem subministrasse.

XLII. Præterea & illud constat, ob has multiplices insertas clausulas, nec non earum juxta stylum Curiae solitas expressiones, eas Provisiones Apostolicas frequenter defectibus aut nullitatibus reddi obnoxias: atque hinc ulterius contingit, quod Provisi, si effectum Provisionis consequi velint, litesque & controversias evitare, cogantur rursus ad Curiam Romanam recurrere, ut hiis defectibus & nullitatibus, per novam provisionem medeatur, puta per Rescriptum *perinde valere*, vel per Rescriptum *perinde etiam valere*, aliasve similes novæ Provisionis formulas, quas hiis defectibus, & nullitatibus medendis Curiam Romanam postremâ ætate adinvenisse, & recepisse scitur, cum nec harum formularum sive Rescriptorum ullum in Decretalibus Gregorii IX. vel vestigium occurrat.

Similiter nec dubium, quin cum hiisce formulis & clausulis, nec non novis Rescriptis illa Cancellariæ & Datarie ministrorum invaluerit numerosa turba, qui consiciendis, revidendis, plumbandis, & registrandis, necnon describendis his litteris Provisionis impenduntur, & de taxis & juribus harum litterarum participant.

## CAPUT V.

## De Clausulis tertiæ partis Signaturæ.

1. Tertia pars Signaturæ incipit ab absoluteione à censuris, cujus formula refertur.
2. Clausula absoluteionis à censuris, recentioris styli est.
3. Hæc absoluteio tantum prodest ad unum effectum.
4. Non operatur quoad omnes excommunicationes.
5. Clausula surrogationis, quando Beneficium est litigiosum.
6. Hæc clausula respicit dispositionem Cap. 2. Ut lite pendente in VI.
7. Huic dispositioni per eam clausulam derogatur.
8. Hodie in Provinciis Belgicis hæc clausula reputatur esse tantum styli.
9. Additur clausula surrogationis quoad possessorem.
10. Apud Belgas fit surrogatio apud Judicem coram quo lis pendet.
11. Clausula, qua permittitur, ut in una è variis formis litteræ expediantur.
12. Formulæ, Si neutri, item Si nulli, & Si alteri, quomodo differant; & quando adhibeantur?
13. Clausula Cum gratificatione opportuna, quando apponatur; & quis ejus finis?
14. Non admittitur in Gallia; & quare?
15. Clausula Anteferri præcedenti admodum similis in Gallia quoque non admittitur.
16. Clausula derogatoria Juris Patronatûs.
17. Hæc clausula necessaria, si Beneficium sit Juris Patronatûs laici.
18. Papa non intendit præjudicare juri laicorum.
19. Papa solet concedere derogationem pro medietate; & quis hujus effectus?
20. Dissensum Patronorum præsertim inter laicos in Belgio & in Gallia Papa supplere non potest.

Tom. I.

21. Quid intendatur per clausulam ad priorem relativam: Citra tamen illius approbationem.
22. Hæc clausula in Belgio & in Gallia est sine effectu.
23. Ut & hæc: Ex fundatione, aut dotatione.
24. Verba clausulæ: Etiam Nobilium & Illustrium, quare apponantur?
25. Supponit Curia Romana Papam posse derogare Juri Patronatûs mixto; sed aliud à Belgis servatur.
26. Clausula Litigiosum supponit derogationem Juris Patronatûs laici litigiosi; quod à Belgis non recipitur.
27. Quid indicet clausula Devolutum?
28. Generalis clausula derogatoria Statutorum; & quis ejus effectus.
29. Clausula derogatoria in litteris Apostolicis apposta non derogat statutis aut consuetudinibus Ecclesiarum solemniter approbatis.
30. Quid significetur per clausulam Signaturæ, Committatur?
31. Clausula Bullæ de non tollendo jure tertii.
32. Regula Cancellariæ huic clausulæ correspondens.
33. Hæc per sequentes Pontifices ad quamcumque provisionem Papæ extensa.
34. Regula intelligitur de quocumque jure.
35. Mandat Papa, ut Executor cognoscat de jure alteri quæsito.
36. Hæc auctoritas hodie Executori apud Belgas non competit.
37. Ordinario, cui provisio in forma Dignum committitur, tantum competit examen super capacitate providendi.
38. Clausulæ omnes, quæ sunt styli habentur, pro expressis.
39. De appositione Dataræ remissum.

I. TERTIA pars Signaturæ incipere solet ab hac clausula: *Et cum absoluteione à censuris ad effectum*, &c. quæ in litteris seu Bulla hoc modo extenditur: *Te à quibusvis excommunicationis, suspensionis & interdicti, aliisque Ecclesiasticis sententiis, censuris & penis à Jure, vel ab homine, quavis occasione vel causa latis, si quibus quomodolibet innodatus existis, harum serie absolventes, & absolutum fore censentes ad effectum præsentium duntaxat consequendum.*

Hæc clausula unicè respicit impetrantem, qui aliqua censurâ esset innodatus, quæ ipsum ad Beneficium obtinendum redderet incapacem.

II. Cum autem hujus clausulæ nulla in Decretalibus Gregorii IX. mentio fiat, argumentum sit concludens est, eam demum Provisionibus Apostolicis fuisse insertam postremis seculis, postquam Excommunicationes, aliæque Censuræ Ecclesiasticæ supra modum frequentes esse cœperunt, ac notanter Censuræ juris & latæ sententiæ; idque levissimis ex causis.

Hinc & contingere poterat, ut nonnunquam Provisus aliqua simili juris censura esset, vel crederetur innodatus, eoque titulo effectum provisionis consequi non posset. Huic incommodo ut occurreretur, credidit Curia Romana addendam hanc clausulam, quæ hodie reputatur meri styli: unde non operatur, ut ejus vigore Provisus reddatur capax obtinendi Beneficium, non obstante censurâ ritè illatâ, aut penâ quam incurrisse posset: atque inter alios Georgius Louerius in notis ad Molinæum in Regulam de *Infirmis*, num. 397. monet, hanc clausulam non comprehendere graviora & majora delicta. Et ibidem in nota marginali notat Antonius Vaillant Advocatus Parlamenti Parisiensis, quod "hæc clausula non reddat habilem, si aliunde sit in inhabilis, & ritè excommunicatus, vel crimen commiserit ante Provisionem, quod suspensionem inducat."

III. Itaque hæc generalis clausula hodie est exigui effectus. Quod si impetrantem absolvat à censuris, eum non absolvit nisi, duntaxat ad hunc effectum consequendum.

C c c c c

quen.



quendum; id est, ut sit capax hujus provisionis. Unde nec impetrans vigore hujus absolutionis poterit celebrare, nec Horis interesse, nec alia facere; quia ad effectum tantum est absolutus, inquit Rebuffus tit. *De Formanova provisionis*, verbo: *Teque absolventes nam*, 15. nec aliud posset Beneficium post istam absolutionem obtinere ab Ordinario vel alio, nisi absolveretur de novo. Imò nec fructibus Beneficii gaudere potest: omnesque aliæ pœnæ excommunicatorum contra eum obinebunt.

IV. Deinde nec in omnibus excommunicatis hæc clausula vel hunc unum effectum operatur, uti dicto loco monet Rebuffus, plures ibidem casus referens, ad quos clausula hæc non extenditur: qui hodie nominatim exprimuntur in Regula Cancell. 66. *De infordescantibus*; unde hæc clausula hodie *meri* styli sine aliquo effectu esse solet.

V. Frequenter quoque inferitur Signaturæ hæc clausula: *Et quatenus litigiosum existat, litis status & nomina judicum, & colligantium, juraque & tituli illorum exprimi, vel pro expressis haberi possint*.

VI. Hæc clausula, uti & aliæ adjungi consuetæ, (de quibus infra dicitur) relationem suam habet ad cap. Si 11. *Ut lite pendente*, ubi statuitur, Beneficia litigiosa non posse conferri per Ordinarios Collatores, *lite adhuc indecisâ*, uno colligantium decedente, *ne propter novos adversarios litigia in Ecclesiæ dispendium prorogari contingat*.

VII. Per dictam ergo clausulam vult Papa, statum litis haberi posse pro expresso; & eo non obstante, provisionem suam sortiri effectum; & Provisum surrogari in locum defuncti colligantis, non obstante dispositione dicti Capituli.

VIII. At nec in Gallia, nec in Belgio dispositio dicti Capituli Si 11. observatur: possuntque Ordinarii Collatores conferre Beneficia vacantia tamen *litigiosa*. Itaque hæc clausula in hisce Provinciis reputatur esse duntaxat *de stylo*: monetque propterea Rebuffus Regulam Cancell. 29. *De surrogandis Colligantibus*, se in Regno Franciæ non vidisse servari: uti nec in Belgio servatur.

IX. Sequitur dein clausula in Signatura: *Et litteræ in forma simplicis provisionis, gratiosa surrogationis, etiam quoad Possessionem*. Hæc clausula ut sensum perfectum habeat, debet connecti cum verbis in finalium clausularum positus, *expediri possint*; id est, *litteræ in forma*, &c. *expediri possint*. Per hæc ergo permittit Papa, ut litteræ surrogationis in locum Colligantis expediantur, sive lis sit super petitorio, sive possessorio.

X. At apud Belgas, uti & in Gallia, surrogatio fit apud judicem, coram quo litigatur, notaturque in additione ad Castellum in Praxi Curiae Romanæ pag. 207. non requiri in Gallia litteras in forma pro surrogatione; sed eam fieri judicialiter per simplicem libellum supplicem, vigore Edicti Regii anni 1667. tit. 15. art. 16.

XI. Dein sequuntur hæ clausulæ: *Et gratiæ Si neutri, si nulli, si alteri perinde valere, etiam valere*, cum gratificatione opportuna, *simul vel separatim expediri possint*.

Hæ clausulæ dependent quodammodo à clausula superius expressa *De Litigio*. Cùm enim provisiones de Beneficio *litigioso* sint multiplicis formæ, intendit Papa per has clausulas provisionem expediri sub una è formis hic expressis, quæ Supplicanti utilior & opportunior esse possit.

XII. In priori forma *Si neutri*, Papa supponit, esse duos duntaxat Colligantes, & neutri illorum jus aliquod competere; ac per consequens, quod Supplicans possit habere litteras *Si neutri*, quibus mandetur Supplicanti provideri, si constiterit *neutri* Colligantium ullum jus competere. Si autem sint plures Colligantes, quàm duo, tunc expediuntur litteræ *Si nulli*;

eàdem in reliquis cum præcedentibus formâ. Interdum autem ipse supplicans est unus à litigantibus, petitque surrogari in locum Colligantis, *Si alteri jus non competat*. De clausulis *Perinde valere*, item, *Etiam valere*, supra egimus.

XIII. Clausula verò *cum gratificatione opportuna*, supponit esse plures Concurrentes in *Data*: vultque hoc casu Papa provisio *gratificatum*; ut nimirum præferatur provisio.

XIV. Verùm cùm in omnibus provisionibus hæc clausula *gratificationis*, quasi de stylo inferatur, hodie in Gallia non admittitur; obtinetque hoc principium, quod plures provisiones in *Data* concurrentes *mutuo concursu sese impediunt*: uti observat Castellus in citata Praxi, pag. 210.

XV. Similiter clausula *Anteferri*, præcedenti admodum similis, per quam consequitur impetrans prærogativam ante eos, qui *priores in Data* fuerint; improbat in Gallia, teste Joanne D' Artis Antecessore Parisiensi in *Tractatu de Beneficiis* Sect. 7. cap. 2.

De omnibus hisce clausulis, quæ fere sunt, saltem hisce in regionibus, duntaxat de stylo, consuli poterit Rebuffus in *Praxi parte 1. tit. De Rescripto* Si *NEUTRI*, &c.

XVI. Post hæc clausulas sequuntur subinde derogationes Regularum Cancellariæ *De Infirmis resignantibus*, de qua infra titulo *de Resignatione Beneficiorum* & *de verisimili Notitia*, de qua supra actum est; actum subditur clausula derogatoria Juris Patronatûs: At cum derogatione *Juris Patronatûs*, si quod sit, citra tamen illius approbationem, videlicet si laicorum tantum, etiam Nobilium & Illustrium, eisque ex dotatione vel fundatione competat, pro medietate, aliâ seu si litigiosum vel devolutum sit in totum.

XVII. Hæc clausula necessariò exprimenda, si Beneficium sit *Juris Patronatûs laici*; si enim non exprimeretur, provisio censeretur subreptitia: eò quod Papa nunquam censeatur velle derogare Juri Patronatûs laicorum.

XVIII. Imò ut Papa ostendat, se nolle Patronis laicis præjudicare, aut eorum juri derogare, additur in Bulla seu litteris, quæ ex Signatura tanquam *minuta* seu *protocollo* conficiuntur, in fine ipsius clausulæ: *Et de consensu Patroni, seu Patronorum*.

XIX. Verba in supplica posita, *pro medietate*, referuntur ad calum, quo plures sunt Patroni; petiturque pro eo casu derogari saltem *pro medietate*; hoc est, si medietas Patronorum consentiat, tunc *gratia* habeat suum effectum. Hoc autem solet Papa concedere, eò quod tunc non videatur Patronis præjudicium fieri: quia dissentientibus Patronis, neque in unam personam, saltem pro *majori* parte consentientibus, juxta jus commune Ordinario competit decisio, ut infra titulo *De Jure Patronatûs* ostenderetur. Quod autem Ordinario competit, id est *sibi licere Papa non ambigit*, inquit Canonistæ.

XX. Evidens tamen est, quod hæc ratiocinatio & jus Pontifici assertum supponat opinionem Ultramontanorum existimantium, Papam esse *Ordinarium Ordinariorum*, & posse in qualibet Diocesi jura Ordinariorum exercere, & pro Ordinario esse reputandum.

Verùm quia non ubique ea in Pontifice auctoritas agnoscitur, uti in hoc opere notatum est, etiam hæc clausula non recipitur, notanter quoad Patronos Laicos, in quorum præjudicium etiam in Belgio & in Gallia nulla derogatio Papalis admittitur.

XXI. Verba, *citra tamen illius approbationem*, significant, quod Papa per hanc provisionem nullatenus intendat approbare *Jus Patronatûs laicali*. Unde in litteris hæc clausula exprimitur, hoc tenore: *Verificato prius coram Ordinario* (si sit in forma *Dignum*) *dicto Jure Patronatûs*.

XXII. Notat autem Fevretius *De Abusu lib. 4. cap. 9. num. 6.* eam clausulam esse in Gallia sine effectu, eo quod Ordinarius nec in possessorio, nec in petitorio de huiusmodi jure cognoscere queat; sed hæc cognitio ad Magistratum pertineat: cui & notoria praxis Belgii est conformis.

XXIII. Per verba, *ex fundatione vel dotatione*, insinuantur, quod si non esset *ex fundatione*, aut *dotatione*, sed ex privilegio aliove simili titulo, Pontifex etiam in totum derogare possit. Sed hæc distinctio in Belgio non admittitur: quia, quocumque titulo Jus Patronatus laicis competat, modo sit *laicale*, nulla ejus derogatio admittitur.

XXIV. In eadem clausula sequitur: *Etiam Nobilium & Illustrium*; sub quibus comprehenduntur Reges, Duces, & Marchiones; qui sub generali nomine Patronorum non censerentur comprehensi; ideoque ipsorum juri non censeretur derogatum per generalem duntaxat Jurispatronatus laicalis derogationem: ipsaque provisio haberetur subreptitia.

XXV. Finalia clausulae ipsius verba: *Alias seu si litigiosum vel devolutum sit in totum*, referuntur etiam ad superiora hæc verba: *Videlicet si laicorum tantum*: cum quibus faciunt hanc constructionem: Si laicorum *tantum*, derogatio fiat pro medietate; sed si non sit *laicorum tantum*, sed partim laicorum, partim Clericorum, tunc fiat derogatio *in totum*; quod significat particula *alias*.

Supponit enim Curia Romana, quod Jus Patronatus *mixtum* reputandum sit pro mero Ecclesiastico; quasi dignius trahere debeat ad se minus dignum. At hisce in partibus quoad derogationem, potius reputatur *laicum*; saltem eatenus ut nunquam cum præjudicio laici, ei derogari queat, ut supra notavimus.

XXVI. Verba sequentia, *seu litigiosum*, indicant, quod Papa possit & intendat derogare Juri Patronatus, si sit *litigiosum* etiam *in totum*: sed nec hoc in Gallia aut in Belgio receptum est: sed Patroni etiam lite pendente præsentant.

XXVII. Verbum *devolutum* indicat, quod si per negligentiam Patroni, juxta juris dispositiones, jus conferendi esset devolutum ad Papam, intendat Papa Juri Patronatus derogare, etiamsi *devolutio* non sit expressa.

XXVIII. Post has clausulas sequitur in Signatura: *Ac statutorum primo dictorum cæterorumque omnium quomodolibet contraventionum latissime (supple) in litteris extendendorum*.

Hæc generalis clausula continet derogationem statutorum, quæ possent provisionis effectum impedire. Sed cum tantum sit generalis, nihilque nominatim exprimat, nullum præjudicium facit juri tertii, quod ex statutis posset prætendi; uti recte notat Castellus pag. 234.

XXIX. Observat Melchior Pastor in Tractatu de Beneficiis lib. 2. tit. 10. num. 2. quod statutis, consuetudinibus, ac privilegiis Ecclesiarum solemniter approbatis, per similes clausulas derogatum non censetur, neque derogari possit: & si derogaretur, appellari posset ab executione Rescripti tanquam *ab abusu*.

Neque etiam in Belgio clausula derogatoria quoad huiusmodi statuta, consuetudines & privilegia facile effectum fortiretur, quandoquidem Principibus nostris etiam curæ sit, ut huiusmodi jura & statuta integre conserventur, ut in hoc opere non semel notatum est.

XXX. Si provisio sit expedienda in forma dignum, ponitur post clausulas prædictas *Committatur*; quo significatur Officialibus Curiae, ut expediant Litteras vel in forma *dignum antiqua* vel *novissima*; prout materia exigat; ejusque executio committatur Ordinario, aut alteri juxta stylum, pro materiae exigentia committatur.

Tom. I.

XXXI. Hæc forma continet clausulam, de qua quidem nihil est in Signatura expressum; sed in litteris exprimi debet: *Dummodo tempore Datae presentium non sit specialiter alteri jus quæsitum*.

XXXII. Huic clausulae responderet Regula 18. Cancellariae *De non tollendo jus quæsitum*, quæ hodie exprimitur his verbis. "Item, ne per varias, quæ pro commissionibus seu mandatis & declarationibus habendis in causis plerumque sunt suggestiones, justitia postponatur, idem D. N. decrevit & declarat suæ intentionis fore, quod deinceps per quamcumque signaturam seu concessionem, aut gratiam, Litteras Apostolicas pro commissionibus, seu mandatis, aut declarationibus huiusmodi, etiamsi motu proprio ex certa scientia, ac etiam ante motam litteram, à Sanctitate sua emanaverint, vel de hujusmodi dato faciendas, nulli jus sibi quæsitum quomodolibet tollatur.

XXXIII. Monet Chokier ad hanc Regulam num. 5. eam pleniorē factam per Paulum III. qui statuit illius effectum producendum ad quamcumque commissionem, sive mandata, aut declarationes, etiamsi motu proprio, & ex certa scientia, ac etiam ante motam litteram, à Sanctitate sua vel ejus mandato emanaverint.

Quæ verba ideo inserta sunt regulæ, ut latissime fieret ejus interpretatio, ne jus alteri quæsitum per quamcumque Papæ concessionem tolleretur, inquit Chokier num. 6.

XXXIV. Dein num. 7. refert, Auditores Rotæ aliquando resolvisse, verbum *quomodolibet*, positum in fine regulæ referendum, non ad verbum *tollatur*, sed ad verba, *jus quæsitum*; sicque comprehendit jus qualecumque & cujuscumque generis directi vel indirecti, & etiam improprie sumptum, etiam minimum.

XXXV. Cum igitur Papa non velit per suam provisionem tollere jus alteri quæsitum, sequitur altera clausula, *vocatis qui fuerint vocandi*; ut nimirum cognoscat, an jus alteri alicui sit quæsitum, antequam provisionem faciat, aut Provisum in possessionem inducat.

XXXVI. Verum hæc clausula, uti & aliæ connexæ v. g. *amotum quolibet illicito detentore*, quæ ipsi Commissario vel executori tribuunt cognitionem ipsius causæ sive in petitorio live in possessorio, in Belgio, uti & in Gallia sine effectu est: eo quod controversia super possessorio in materia Beneficiali decidenda sit coram Senatu Regio, idque semper in Litteris *Placeti* exprimitur; in petitorio autem coram Judice ordinario Beneficii, vel Judicibus Synodalibus delegatis in partibus: idque postquam possessorium plene fuerit evacuatum, uti notat Fevretius *De Abusu lib. 8. cap. 4. num. 18. (a)*

XXXVII. Deinde monet, quod Ordinarius teneatur dare litteras vulgo *Visa*, si ipsum Provisum prævio examine deprehendat capacem, absque ulla discussione causæ præter examen super capacitate Providendi: quia Ordinarius in hoc casu tantum censetur Executor quoad solum examen super capacitate Provisi ad Beneficium, de quo agitur.

XXXVIII. Hæc sunt præcipuæ clausulae quæ provisionibus Romanis inferi consueverunt; notatque Chokier ad Regulam *De non tollendo jus quæsitum* n. 15. "quod omnes clausulae de stylo & consuetudine apponi solitæ, habeantur pro appositis, etiamsi non exprimentur.

XXXIX. Signatura, uti & litteræ concluduntur per appositionem *Data*, quæ per *Datarium* seu ejus Substitutum apponi consuevit; de qua actum est parte 1. tit. 22. cap. 1. ubi una notatum fuit, primo solere

(a) Superius notavimus, quod in Galliis ubi controversiam de possessorio Supremus Senatus definit, non liceat parti, quæ causam suam cecidit, litteram movere de petitorio coram judice Ecclesiastico sui Beneficii.

C c c c c 2

apponi

apponi *parvam Datam*, ac dein *extensam*; & circa *parvam Datam* esse Gallorum speciale privilegium.

## CAPUT VI.

De Placeto Regio super Provisionibus Apostolicis.

1. *Ecclesia in promulgandis legibus & mandatis suave Divinum regimen imitatur.*
2. *Non semper in hisce Divinum lumen summo Pontifici adest.*
3. *Patiuntur Pontifices, ut leges ipsorum, antequam recipiantur, revideantur.*
4. *Id potius jure in Provisionibus Beneficialibus, quam in legibus obtinet.*
5. *Antiqua Belgii consuetudo requirit Placetum Regium pro executione Provisionis Pontificiae.*
6. *Hanc consuetudinem inter Juva Belgarum retulit Guicciardinus.*
7. *Eadem est in Gallia & Hispania consuetudo.*
8. *Consuetudo hæc quoad Provisiones Beneficiales per Principum Edicta firmata.*
9. *Gubernatrix Belgii scripsit, Litteras Provisionis Nuntii Apostolici debere placetari.*
10. *Id ipsum edixit Philippus II.*
11. *Id ipsum Litteris Nuntiorum insertum.*
12. *An hæc Edicta quoad Nuntios hodie observentur?*
13. *Scopus Placeti.*
14. *Supplicia pro Placeto communicatur Procuratori Regio; & quare?*
15. *Quid fiat, illo audito?*
16. *Concessio Placeti non derogat juri privatorum.*
17. *Clausula conservatoria juris tertii Placeto inseri solita.*
18. *Clausula à Senatu Brabantiae adjici consuevit.*
19. *Clausula hæc ostendit, quod Principes neminem citra juris ordinem jure suo privari velint.*
20. *Id conforme juramento à Principibus Belgii præstari solito.*
21. *Clausula Placeti evincit, Executores Bullarum non posse de Beneficiis judicare.*
22. *Placetum subinde annuitur cum limitatione, vel modificatione.*
23. *Modificationes adjiciendæ Provisionibus Beneficiorum Parochialium.*
24. *Frequentia similitum modificationum exempla.*
25. *Notabilis clausula addita à Consilio Sanctiore.*

I. RECTE nuper notavit Auctor Tractatus *De Libertatibus Ecclesiæ Gallicanæ*, lib. 2. cap. 3. "Solenne esse Ecclesiæ, ut in gubernandis Fidelibus, Divinum regimen imitetur, nec solum attingat à fine usque ad finem fortiter, sed etiam disponat omnia suaviter. Itaque honoris Principibus debiti meminit, illorum jura servat illæsa, ordinem & dignitatem Episcoporum veneratur, populorum studia, & usus attendit, omniaque ita ponderat, ut consentum, & obedientiam potius obtineat, quam extorqueat; amore alliciat, quam timore impellat: nec infirmitati solum parcat, sed interdum etiam malitiæ cedit in iis, quæ cum Religionis periculo non sunt conjuncta.

II. Deinde subjungit: "Verum lumen illud S. Spiritus, quod summo Pontifici adest, cum explicanda sunt fidei mysteria, & tradenda morum præcepta, non perpetuo illi hypocrisis fraudes, aulicorum adulationes, improborum mendacia detegit, non adversus ambitionis importunitatem, Magnatum preces, suspecta Officialium consilia, immorum Pontificem servat. Quid si, quod tamen sine gravi fundamento suspicari nefas est, summus Pontifex aliquo ulciscendæ injuriæ, congregandarum divi-

tiarum, augendæ familiæ, aliove pravo affectu impelleretur ad præcipiendum aliquid suæ potestatis limites transcendens, aut justitiæ repugnans? Nec enim altitudo, & sanctitas solii sanctum facit, & à peccato securum. Num, si quid hujusmodi contingeret, ab exequendo mandato non liceret abstinere? Quod autem in mandatis singularibus, etiam in communibus legibus liceret, quamvis longe difficilius legibus desit justitia, quam præceptis particulari-  
ribus.

III. Ex his tanquam consequens infert: "Possunt igitur, dissimulantibus etiam summis Pontificibus, expendi novæ leges, antequam recipiantur, ut si quæ prodierint, quibus non sit necesse, vel etiam expediens parere, suspendatur executio, ac suspensionis causæ significantur, dummodo id cum bona fide, reverentia debita & intentione sincera fiat.

IV. Quod si hujusmodi per *subreptionem* vel *obreptionem*, aut particularium consuetudinum, privilegiorum aut jurium ignorantiam, aut aliquorum malitiam in generalibus legibus, quæ maturius expendi solent, contingere queant, quanto amplius in Provisionibus Beneficialibus, quæ ambitionis & avarorum fraudibus & importunitatibus, quin & imposturis, non raro obtinentur.

V. Hinc antiqua ac notissima est Belgii nostri consuetudo & praxis, ut Bullæ ac Diplomata Pontificia, præsertim in materia Beneficiali, executionem habere nequeant, neque in judicio proferri, nisi prius super earum executione habeatur consensus Regius per litteras; quas vulgo hic dicimus, litteras *Placet*, vel *Placeti*; Gallis autem dicuntur *Paratis*.

VI. Hinc jura Belgarum describens Ludovicus Guicciardinus, ait: "Quod res Ecclesiasticas attinet, eadem fere habet cum Pontifice Maximo Princeps in hac Ditione sua conventiones, quas in Regno suo Rex Galliarum.... nec Beneficium ullum aut gratiam potest conferre, nec expedire in hanc terram Diplomata, aut quid aliud tale, quod effectum sortiantur, absque Principis quidem, vel Consiliorum ejus *Placeto* atque consensu.

VII. Eam esse usitatam & notoriam praxim Regni Galliæ, ut Provisiones Beneficiales executioni non mandentur sine impetratis litteris *Paratis*, notius est, quam ut probari debeat.

In Hispania quoque Litterarum Apostolicarum executionem differri, ac *suspendi Regis Prætorii Decreto & auctoritate*, testis est Covarruvias, *Præf. qq. cap. 35. num. 6.* rationem subjiciens: "Ut Maximus Christi Vicarius (ait) interim certior fiat, quot & quantis afficiatur incommodis, & gravaminibus Respublica ista propter multa, quæ ab ipso falsis precibus & suggestionibus impetrantur, quæ minime Sanctissimus Pontifex foret concessurus, si per sinceram justamque narrationem certo sciret, quid spirituali, Ecclesiastico, & temporali hujus Regni, & Principatus recto regimini sit conducibilis.

VIII. Plura sunt Principum Edicta, quibus hic usus, nominatim quoad Provisiones Beneficiales stabilitur, & inviolabiliter observari præcipitur. Nam uti notat Zypæus in *Jure Novo tit. De Constitutionib. num. 3.* Beneficialia Diplomata, subreptione, gratia, & sordibus sæpe obtinentur.

Supra *tit. 23. cap. 1. num. 38.* meminimus Edicti Philippi Pulchri de 20. Maji 1497. quo admitti venit Beneficialia rescripta Curiae Romanæ, nisi examinata, recognita, & probata fuerint à supremo Regio Separatim *Placeti* Regii impetratis & expeditis.

IX. Maria Regens & Belgii Gubernatrix 9. Martii anno 1553. per litteras significavit Parlamento Mechliniensi, etiam litteras *Legatorum* sive *Nuntiorum* Sedis Apostolicæ continentes provisionem Beneficiorum debere *placetari*, tamen si Facultates Nuntiorum fuerint *placetatae*. Habentur hæc litteræ, tom. 1. Edictorum Brabantiae



banthæ *lib. 1. tit. 1. cap. 9.* promittiturque in iisdem litteris Edictum extensus super eadem materia.

X. Hoc Edictum evulgatum est anno 1574. per Philippum II. Regem Hispaniarum, quo cavit, ne quis ullius argumenti Bullas, gratias, provisiones, indulgentias, aliave mandata ex Urbe Roma, aut à Legatis Pontificiis profecta, per Belgium executioni mandare ausus sit, nisi prius comprobata fuerint, vel in sanctiore Consistorio, vel in Consilio Brabantiae, sub pœna proscriptiois & publicationis bonorum in contumaces. Ita refert Hubertus Loyens Tractatu *De Curia Brabantiae*, cap. 29. tit. *Delitteris Placeti*.

XI. Et in verificatione Litterarum seu Facultatum Cardinalis Carassæ Legati à latere ad has Provincias, cautum est, quod qui obtinuerint à Legato quamcumque provisionem, gratias aut Bullas, non poterunt iis uti, sine prævio obtento speciali *Placeto* Regio, uti consuetum est fieri in omnibus Provisionibus & Bullis Apostolicis. Habentur litteræ vericatoriæ in libello continente Privilegia nominationum Lovaniensium, & diversa alia indulta nominandi ad Beneficia, &c. impresso Leodii, anno 1665. pag. 137.

XII. Zypæus loco supra citato, citatis prædictis litteris Marisæ Regentis dicit, quod illas quoad Nuntios Apostolicos *praxis non observet*: "Præsertim (ait) cum Nuntii nunc apud Principes Belgii resident, & ante exitum legationis litteras suarum Facultatum eis exhibent." Et revera Nuntii passim solent dare rescripta delegationis Judicum in causis appellationum, quæ citra ullum Principis *Placetum* suam sortiuntur hisce in Provinciis executionem; uti & litteras dispensationum super aliquibus impedimentis Matrimonii aliisque, ad quæ ipsorum auctoritas se extendit: at si Beneficia conferendi auctoritate uterentur, haud credo, quod provisiones ipsorum sine *Placeto* admitterentur.

XIII. Porro scopus seu finis huius *Placeti* non est, legum Pontificum provisiones infringere, aut earum executioni obicem obicere; sed præcavere, ut ne per *subreptitæ* vel *obreptitæ*, vel etiam fraudulenter impetratas, vel potius extortas provisiones, jura Regia, ac Vassallorum violentur; aut Provinciarum receptis ac stabilitis juribus, privilegiis & consuetudinibus, cum magna Reipublicæ seu politicæ, seu Ecclesiasticæ perturbatione contraveniantur. Verbo Bullæ ac Diplomata Pontificia revideri debent ab iis, qui supremæ jurisdictioni vice regia præsumunt, ut cognoscant, an nihil contineant, aut admixtum habeant, quod rempublicam lædere possit, in quo omnis *Placeti* usus consistit, inquit Hubertus Loyens loco citato: & supra ex Covarruvia quoque vidimus.

XIV. Hinc moris est, ut libelli supplices pro impetrandis litteris *Placeti* super Bullis Romanis communicentur *Procuratori Regio* seu Officio Fiscali; utpote cujus partes sunt, nomine Regis invigilare, ne quid admittatur quod rempublicam turbare vel lædere possit.

XV. Audito autem Officio Fiscali, tum Senatus examinat an *Placetum* sit annuendum, vel denegandum. Si enim nihil deprehendat, quod juribus Regis deroget aut reipublicæ temporali, vel spiritali noceat, aut inveteratas Patriæ consuetudines, & jura infringat, executionem permittit: Sin autem aliquid prædictorum merito vereatur, *Placetum* denegat, aut saltem differt, quoadusque propius de sensu Bullæ rerum circumstantiis, aut mente Pontificis constiterit, & instructus fuerit ipse regius Senatus.

XVI. Porro, sicuti scopus impetrationis *Placeti* regii prævie ad executionem Bullarum Pontificiarum, est præcavere, ne quid sub obtentu similium Bullarum irrepat, quod publicum regimen, seu politicum, seu Ecclesiasticum turbet, aut jura regia, vel Provinciarum inveteratas consuetudines convellat, ita obtentum *Placetum* hoc unum operatur, & declarat quod in Bulla nihil illorum occurrat: ideoque Rex, cujus par-

tes sunt jura publica sua auctoritate tueri, executioni illius obistere nolit.

Si vero privatus quispiam per executionem Bullæ jus suum lædi existimet, huic *Placetum* Regium non officit, utpote sola jura publica attingens; privatis vero quibusque jus suum conservans, eisque integrum permittens, jus suum coram legitimo Judice prosequi.

XVII. Ut id certius constet, nullusque dubitandi locus relinquatur, solet ipsis litteris *Placeti* adjici hæc clausula finalis: *Salvo jure partis, quæ opponere poterit, quidquid opponendum judicaverit.*

XVIII. Senatus Brabantiae nomine Regis litteras *Placeti* annuens, hanc cautionem addit, quod "si occasione hujus provisionis quæstio incidat, ea instituenda & agitanda sit, in possessorio quidem coram ipso Senatu Brabantiae; in petitorio autem coram Judice Ecclesiastico competente in Brabantia residente. Et si quæstio per appellationem ad Curiam Romanam foret devoluta, tunc ea coram Judicibus delegatis & competentibus atque itidem in Brabantia residentibus prosequenda erit."

XIX. Hic luculenter ostenditur, Regis voluntatem haud esse, ut subditi sui prætextu Bullarum, aut *Placeti* super earum executione concessi, per viam *facti*, sive extra juris ordinem, per Provinciarum inveteratos mores & privilegia stabilitum, suis juribus priventur, aut lædantur.

XX. Id conforme est juramento, quo Principes Belgii in sua inauguratione se adstringunt, quod neminem subditorum tractabunt, aut tractari sinent, præter ordinem juris singularum civitatum & Tribunalium, ubi materia incidens agitari debet.

XXI. Hæc cautio insuper ostendit, clausulam Signaturæ, sive Bullæ, qua designantur Executores, qui de causa sive in *possessorio*, sive in *petitorio* cognoscant, hisce in partibus nullius aut exigui esse effectus, quemadmodum hoc titulo cap. 4. notavi.

XXII. Subinde, inspectis Bullis sive litteris provisionis, judicatur, earum quidem executionem non omnino impediendam, aut *Placetum* negandum; sed concedi posse cum quibusdam limitationibus vel modificationibus, non ut auctoritati Apostolicæ, aut ejus Provisionibus aliquid detrahatur, sed ut earum executio cujusque Provinciæ juribus, consuetudinibus, & publico regimini accommodetur.

XXIII. Edicto Caroli V. 20. Octobris 1541. cavetur, ut in omnibus litteris *Placeti*, concedendis super executione Bullarum sive Provisionum Apostolicarum de Beneficiis Curatis & Ecclesiis Parochialibus inferatur, quod impetrans tenebitur residere in loco suæ Curæ, nec possit per alium jubere eam exerceri.

Eodem Edicto mandatur, Litteras *Placeti* non concedi super privilegio non residendi in Beneficiis curatis, nec super dispensatione in ætate, aut incitia idiomatis; vel concessione coadjutoriae Præbendarum, aliorumque simplicium Beneficiorum. Habetur Edictum volum. 1. Edictorum Flandriæ; lib. 3. Rubrica 1.

XXIV. *Placeto* ejusdem Caroli V. super usu privilegiorum nominandi, quæ à Sede Apostolica Facultati Artium in hac Universitate Lovaniensi concessa erant, plures articuli inserti sunt, quibus usus illorum Privilegiorum certis legibus & limitibus circumscribitur.

Si Consiliorum Registra revolvantur, infinita promodum reperientur *Placeta*, quibus executio Bullarum sub nonnullis limitationibus aut modificationibus, Provinciarum & Ecclesiarum juribus & privilegiis accommodatis conceditur.

XXV. Notandum, quod refertur in Registro MS. Archiepiscopus Mechliniensis *Centur. 3. art. 19.* Cum quidam anno 1624. postulasset in Consilio Sanctiori Litteras *Placeti* super Bulla provisionis Beneficii vigore factæ resignationis, quæ una continebat derogationem

*Regula*

*Regula de 20. diebus*, datum fuit *Placetum*, adjecta hac clausula: Sine præjudicio juris Contententium, qui rationes suas hæcenus deductas poterunt allegare coram Judice competente sive in possessorio, sive in petitorio; ita tamen, ut si decisio causæ dependeat à

puncto derogationis *Regulæ De 20. Diebus*, in Bulla contentæ, Judices nihil resolvere poterunt, nisi prius Regem consuluerint, adjecto proprio judicio. Idipsum in eodem Consilio Privato resolutum fuit 19. Junii 1646.

## TITULUS VIII.

### DE JURE PATRONATUS.

#### CAPUT I.

##### I. De Origine Juris Patronatus, & de Advocatiis Ecclesiarum.

1. Nomen Patroni, uti hodie sumitur, multis seculis ignotum.
2. Res tamen significata non ignota fuit.
3. Fundatoribus olim tributa, quæ hodie Patronis competunt.
4. Jura quædam honorifica olim Fundatoribus data.
5. Nomina Fundatorum Ecclesiis inscripta; quin eorum nomine appellata.
6. Ante seculum VI. Jus præsentationis competiisse Fundatori nonnullis visum.
7. Jus illud seculo V. competiisse Episcopo Fundatori, certum est.
8. An etiam Laicis Fundatoribus?
9. Tempore Justiniani Imperat. præsentatio Fundatoribus Laicis competebat.
10. Competebat etiam eorum hæredibus.
11. Seculo VII. illud jus erat receptum in Hispania.
12. Fundatoribus erat jus petendi alimenta.
13. Erat ipsis & eorum hæredibus jus defensionis.
14. Ob hoc jus defensionis Fundatores appellati sunt Advocati, Patroni & Defensores.
15. Præter Fundatores fuerunt jam pridem speciales Defensores.
16. Seculo V. hujusmodi Defensores petiti à Concilio Carthaginensi.
17. His Defensoribus semper licebat ingredi locum judicii.
18. Assumebantur ex numero Scholasticorum seu Causidicorum.
19. Hi postmodum dici ceperunt Advocati.
20. Defensores primitus in causis civilibus Ecclesiis patrocinabantur.
21. Sequentibus seculis assumpti viri potentiores, qui Ecclesias contra oppressiones defenderent.
22. Horum Advocatorum sit mentio in antiquis legibus Longobardorum.
23. Ratio constitutorum Advocatorum.
24. Ottho I. Imperat. ad instantiam Fundatoris Abbatia Gemblacensis, dat ei in Advocatum Comitum Lovaniensem: ubi & scopus Advocatiæ exprimitur.
25. Advocati etiam jus dicebant.
26. Advocatis sua jura assignabantur.
27. Advocati variis prætextibus jura extorquebant.
28. Advocati suas Advocatias aliis in feudum dabant; & Subadvocatum constituebant.
29. Plures subinde Subadvocati constituti; sed ne numerus excresceret, cavebant Fundatores.
30. Jura Subadvocatorum limitabantur.
31. Propter Advocatorum excessus; libertatem non habendi, vel eligendi Advocatum Monasteria desiderarunt.
32. Id exemplis ostenditur.

33. Interdum ipsi Principes sibi Advocatiam reservabant.
34. Advocatia omnium Ecclesiarum ab Imperatore delata Duci Brabantia.
35. Concordatum inter Prælatos & Ducem Brabantia super juribus Advocatiæ.
36. Hujus Advocatiæ reliquie.
37. Quod remedium, ne Advocati Ecclesias in rebus temporalibus gravent.

I. NOMEN ipsum Juris Patronatus, eo sensu quo accipitur sub titulo Decretalium *De Jure Patronatus*, & hodie passim à Canonistis & Theologis intelligitur, non reperitur apud antiquos Auctores Canonum & Legum, ait eruditus Franciscus Florens in Tractatu *de Antiquo Jure Patronatus*: Monetque nomen Patroni, quod in cap. 1. & 2. *De Jure Patronatus* apud Gregorium extat, deesse in *Collectio- ne prima* & in *integris Canonibus*, qui extant in Concilio Cabillonensi II. sub Carolo Magno, & Triburiensi sub Arnulpho. Fuit autem hæc dictio Patroni addita à Raymundo Decretalium collectore, faciliore intellectu causa: quia ætate Raymundi nomen Patroni in ea significatione, quam hodie habet, invaluerat.

II. Verum, licet nomen Patroni in hodierna significatione ignotum esset ante XIII. seculum, res ipsa tamen non erat omnino incognita; adeo ut hic applicari queat illud S. Augustini Tractatu in Joannem "Quamvis Parochia & Monasteria novis nominibus appellata sint: res tamen ipsæ ante nomina sua erant."

III. Fundatoris enim & fundationis nomine Veteres quidem utebantur, at ea fere iis tribuebant jura, quæ ipsis hodie Patronis tribuuntur. Non quidem quod hodierna Patronorum jura pristinis Ecclesiæ seculis nota, & secundum modernam disciplinam ordinata fuerint, quod nonnisi sensim accidit, sed quod in antiquis Canonibus ac monumentis occurrant multa, quæ ipsum Jus Patronatus, licet non nomine, reipsa tamen in hodierna etiam acceptione notum fuisse ostendunt; ipsiusque iacta & progressum satis probant.

IV. Imprimis legimus primis seculis, jura quædam honorifica ipsis Ecclesiarum Fundatoribus fuisse concessa ex virtute *gratitudinis*, uti loquitur Guillelmus Parisiensis, lib. *De Moribus*, cap. 9. Et Alexander III. in cap. 24. *De Jure Patronatus*, in prima Collectione apud Antonium Augustinum, ait, Sanctos Patres aliqua Patronis reservasse, quæ plane observentur.

V. Sic legimus, nomina & elogia Fundatorum in eorum Ecclesiis solemniter sub initium seculi V. fuisse inscripta; uti testis est; qui sub id tempus floruit, Sanctus Paulinus, *Epist.* 10. & 12. quin & à Fundatoribus, ceperunt, etiam antiquissimis temporibus, ipsæ Ecclesiæ nomen suum mutare; atque titulus Ecclesiæ nomen Fundatoris præferre. Unde inter titulos, sive Basilicas Romanæ Ecclesiæ numerantur Basilica Constantiniana, titulus Damasi, titulus Equitii, titulus Pastoris, titulus Vestinæ, titulus Eudoxiæ, titulus Lucinæ & Fasciolæ; nomine petito à Fundatoribus, sive masculis sive feminis.

Hæc

Hæc Florens loco citato, qui pluribus exemplis aliarum Ecclesiarum, quæ à nomine Fundatorum jam pridem appellatae sunt, idipsum confirmat: notatque, quòd is solus honor Patrono, ut de nomine ejus Basilicæ, id est, Ecclesiæ, Oratoria, Monasteria denominarentur, ab initio videatur attributus. Hinc tamen mox quædam alia jura honorifica accessisse patebit ex dicendis cap. 6. ubi de hisce juribus tractabitur.

VI. Quin & jus nominationis seu (utl hodie vocatur) *præsentationis* à seculo IV. aut saltem initio V. Fundatoribus delatum fuisse, credit Franciscus de Roye Andegavensis Antecessor in Prolegomenis ad titulum *De Jure Patronatus*, cap. 2.

VII. Probare id videtur Canon 10. Concilii Araucani I. anno 441. in quo decernitur, Episcopum non esse prohibendum in alieno territorio Ecclesiam ædificare, "servatâ (ait) ædificatori Episcopo hac gratiâ, ut quos desiderat Clericos in re sua videre, ipsos ordinet, is cujus territorium est; vel si ordinati jam sint, habere acquiescat.

Quin hic Episcopo ædificatori jus planè simile juri hodierno præsentationis reservetur, negari nequit: adeoque jus illud jam seculo V. Fundatoribus deferri cœpisse constat.

VIII. Sed id specialiter Episcopo ædificatori indultum fuisse credit Franciscus Florens, eò quòd idem Canon loquens de Secularibus Ecclesiis ædificantibus, nihil illis simile annuat. Imò quòd Canon 39. Concilii Arelatenfis II. anno 452. eundem Canonem confirmans additâ hac clausulâ: "Et si quid Ecclesiæ fuerit ab Episcopo conditore collatum, is in cujus territorio est, auferendi non habeat exinde potestatem. Hoc solum ædificatori Episcopo credimus reservandum: quasi ex professo ædificatorem alium præter Episcopum ab hac gratia excludat. Ita Florens.

Verum si rectè verba expendantur, nescio, an ipse laicus ædificator eo Canone submoveatur. Quidquid sit, id inficias ibit nemo, quin hisce Canonibus ut minus fundamentum juris *præsentationis*, quod potioris ipsius juris Patronatus portionem constituit, positum sit.

IX. Cùm enim Episcopo gratiâ hæc ratione ædificatæ Ecclesiæ in aliena Diocesi data esset, vix fieri potuit, quin hoc exemplo idem jus ad alios fundatores, eadem sua dente ratione, extenderetur.

Et sanè seculo VI. sub Justiniano Imperatore, Monasteriorum, Xenodochiorum & Ecclesiarum Fundatoribus competuisse jus designandi Administratores, Præfectos, & Presbyteros, manifestum est ex L. 46. *Cod. De Sacros. Eccles.* & variis Justiniani Novellis; ac notanter *Novella 17. cap. 2.* ubi jubet à Fundatoribus idoneos in Ecclesiis, quas fundaverint, nominari & eligi non quidem quoslibet indifferenter, sed dignos ex Episcopi Diocesani judicio & examine probandos: *Ut non (ait) profanentur sancta Dei, sed intacta hæc & ineffabilia tremendaque constituta sanctè, & Deo amabiliter & venerandè tractari.*

X. Idipsum inculcat *Novella 123. cap. 18.* quâ non tantum Fundatoribus, sed etiam eorum hæredibus permittit, ut Clericos denominent & eligant: idoneos vero nominatos ab Episcopis ordinari & consecrari vult.

XI. Jus illud in Hispania quoque seculo septimo stabilitum fuisse, evincit Decretum Concilii Toletani IX. quo decernitur *Can. 2.* "ut quamdiu earumdem Fundatores Ecclesiarum in hac vita superstites extiterint, pro eisdem locis curam permittantur habere sollicitam & sollicitudinem ferre præcipuam; atque *Restores* idoneos in iisdem Basilicis iidem ipsi offerant Episcopis ordinandos. Quòd si tales forsan non inveniuntur ab eis, tunc quos Episcopus loci probaverit Deo placitos, sacris cultibus instituat, cùm eorum convivia servituros. Quòd si, spretis eisdem Fundatoribus, Rectores ibidem præsumpserit Episcopus ordinare, & ordinationem suam irritam noverit esse,

& ad verecundiam sui alios in eorum loco, quos iidem ipsi Fundatores condignos elegerint ordinari. Refertur à Gratiano *Can. 32. caus. 16. q. 7.*

XII. Qui & ibidem *Can. 30.* ex Concilio Toletano IV. *Can. 37.* refert statutum: ut Fundator ad egestatem redactus ab Ecclesia alatur, de quo jure infra cap. 6.

XIII. Ex citato Concilio Toletano *Can. 1. & 2.* videmus, eo tempore Fundatoribus eorumque hæredibus jus fuisse animadvertendi in conservationem locorum à se vel à parentibus in Ecclesiam collatorum: Filiis vel nepotibus ac honestioribus propinquis ejus, qui construxit, vel ditavit Ecclesiam, licitum sit hanc bonæ intentionis habere solertiam, ut si Sacerdotem, seu ministrum aliquid ex collatis rebus præviderint defraudare; aut commonitionis honestæ conventionem compellant, aut Episcopo vel Judici corrigenda denuntient. Quòd si talia Episcopus agere tenter, Metropolitanus ejus hæc insinuare procurent. Si autem Metropolitanus talia agat, Regis hæc auribus intimare non differant. De hoc Jure Fundatorum latius agemus infra cap. 6.

XIV. Illud interim hic notandum, ex hac tuitione & patrocinio Ecclesiarum sive rerum ad eas spectantium, nomen *Patroni*, Defensoris, Advocati & Custodis Fundatoribus datum fuisse; hodièque passim jura, quæ olim Fundatoribus data fuerunt, Patronis tanquam Fundatoribus tributa esse: adeoque sensim nomine Fundatoris quasi oblitterato, nomen Patroni solum retentum esse.

XV. Id nihilominus negari non potest, primis & mediis seculis datos fuisse Ecclesiis speciales Defensores, qui & dein Advocati dicti sunt, sed à Fundatoribus, & modernis Patronis planè diversos.

XVI. Sub initium seculi VI. Patres Africani in Synodo Carthagenensi resolverunt, ut eorum Legati "petere ex nomine omnium Provinciarum à gloriosissimis Imperatoribus, ut dent facultatem Defensores constituendi *Scholasticos*, qui in actu sunt, vel in munere defensionis causarum: ut more Sacerdotum Provinciarum, iidem ipsi, qui defensionem Ecclesiarum susceperint, habeant facultatem pro negotiis Ecclesiarum, quoties necessitas flagitaverit, vel ad obtinendum ob repetitis, vel ad necessaria suggerenda, ingredi judicium secretaria. Finalia verba Codex Græcorum expressit: *Secreta judiciorum ingredi.* Ut autem notat Zonaras ad hunc Canonem, *Secretum* apud Latinos est *judicii locus.*

XVII. Postulant ergo Patres Africani, ut eorum Defensores semper possint ingredi *locum judicii*, sive ut possint habere accessum ad judicem, & causarum expeditionem.

XVIII. Præterea petunt, ut Defensores constituere queant ex ordine *Scholasticorum*, id est, Causidicorum more Sacerdotum Provinciarum. Erant enim inter ipsos Gentiles, Sacerdotes Provinciales, sive Provincie, quorum curæ suberant templa, atque sacra in deorum templis peragenda. Hi autem in Africa eligebantur ex ordine Causidicorum ex Constitutione Constantii in L. 46. *Cod. Theod. De Decurionibus*, Patrum postulatis annuit Imperator, permittens, ut more Sacerdotum Provinciarum, Defensores Ecclesiarum ex numero Scholasticorum eligerentur, Constitutione relata in L. 38. *Cod. Theod. de Episcopis.*

XIX. Hi Defensores postmodum dici cœperunt *Advocati*, ut legitur in Capitularibus Regum Francorum lib. 7. cap. 392. "Pro Ecclesiarum causis ac necessitatibus earum, atque fervorum Dei, Executores, vel Advocati seu Defensores, quoties necessitas ingruerit, à Principe postulantur.

Et hinc fortè invaluit, eos omnes appellari *Advocatos*, qui alium quoquo modo defendunt, utl monet Franciscus de Roye in dictis Prolegomenis cap. 10.

XX. Interim ex citato Canone Africano patet, Defen-



Defensores præcipuè assumptos, ut in causis *Civilibus* defensionem & patrocinium Ecclesiarum susciperent, essentque, uti hodie loquimur, Ecclesiarum speciales *Causidici* seu *Advocati*: & ipsi pro Episcopis & Clericis in iudicium comparerent: & causas prosequerentur; quod minus conveniens Episcopis & Clericis credebatur: de quo plura habentur apud Du Cange in Glossario, verbo *Advocati*.

XXI. Porro cum successu temporis compertum esset, Ecclesias frequenter ampliùs potentia, quàm facultatibus pro rerum suarum conservatione adversus potentum ac divitum oppressionem indigere, ceperunt non ampliùs è Scholasticis, sed è Proceribus & Optimatibus Defensores Ecclesiarum eligi: qui ob defensionem & patrocinium Ecclesiis impendendum, exemplo pristinorum Defensorum, dicti quoque fuere *Advocati*: atque hi sunt, qui à recentioribus Scriptoribus vocantur *Ecclesiarum Advocati*; *Vicedomini*, *Custodes* & *Guardias* habentes, qui omnes junguntur in *Cap. 23. De Jure Patronatus*.

XXII. De his *Advocatis* extat specialis titulus 47. lib. 2. *Legum Longobardorum*, qui inscribitur, *De Advocatis & Vicedominis*: atque *cap. 5.* "Omni-  
" Episcopis, Abbatibus, cunctoque Clero, omnino  
" præcipitur, Vicedominos Præpositos, *Advocatos*  
" sive Defensores bonos habere, non crudeles, nec  
" cupidos, non perjuros, non falsitatem amantes; sed  
" Deum timentes, & in omnibus justitiam facientes vel  
" diligentes.

XXIII. Dein *cap. 9.* ratio redditur, cur expediat Clero hujusmodi *Advocatos* habere: "Quia Episcopi  
" & universi Sacerdotes ad *solam* laudem Dei, & ho-  
" norum operum actionem constituuntur.

XXIV. Ipsi Fundatores, ut magis cautum esset rebus Monasteriorum aut Ecclesiarum, interdum *Advocatum* designabant, eumque auctoritate Principis confirmari periebant. Exemplum illius occurrit apud Miræum in Codice *Piarum donationum cap. 32.* ubi refertur diploma, quo ad instantiam S. Wiberti Fundatoris Monasterii Gemblacensis, Ordo I. Imperator & Rex Lothariensis & Francigenum dedit *Advocatiam* ipsius Abbatis de Gembloues Lamberto Comiti Lovaniensi, viro forti & bellicoso, qui (ait) vice nostra, contra omnium inquietationem, adjutor eorum sit ac defensor.

In ipsa præfatione idem *Advocatiæ* scopus exprimitur his verbis: "Ne aliquando secularis potentie homines aliquà persuasione, vel injusta dominatione perturbent quietem Fratrum.

XXV. *Advocati* autem non tantum Monachos & Ecclesias ab infestationibus & irreptionibus defendere debent; sed insuper ipsis, nec non eorum colonis & aliis eorum subditis justitiam administrare; ut multis ostendit Du Cange in Glossario, verbo *Advocati*; & passim in omnibus foundationum antiquarum diplomaticis indicatur.

XXVI. Ne porro *gratis* judicia seu placeta tenere viderentur, certa jura ipsis constituta fuere; ac ordinariè tertia pars *bannorum* sive multarum, quæ in reos sive injustè litigantes decernebantur, ipsis concessa fuit.

Reperitur apud Miræum in codice *Piarum donationum cap. 95.* charta Conradi Imp. quâ anno 1145. confirmat Marfham & alia prædia Monasterio S. Remigii Rhemensis donata. In hac charta dicit Imperator: "Nostræ discretionis est, legaliter providere tam legi-  
" gitimum Monachis *Advocatum*, qui potius prodesse  
" noverit, quàm obesse, potius alodium tueri, quàm  
" vastare.

Tum deinde describit, quid *Advocatiæ* debeatur: atque inter alia ait: "In talibus scilicet *Placitis* generalibus, quantumvis servitium determinatum, *tertiam* pecuniæ partem, in talibus *Placitis* generalibus acquirunt, recipiet *Advocatus*.... Si effusio sangui-

nis, seu banni infractio, seu latrocinium in infra alodium emerferint, placitare non poterit Præpositus sine *Advocato*, & exinde tertiam partem recipiet *Advocatus*." Pluribus hæc ostendit Du Cange loco citato, ac dein notat, quod Ecclesiarum Prælati, dum hæc tenebantur *Placita* sive judicia, *Advocatis* & eorum famulis certa ac definita cibaria exhibere tenebantur.

XXVII. At *Advocati* hæc non contenti, variis prætextibus jura sua augebant, variasque taxas exigebant; ipsaque monasteria & Ecclesias mirum in modum sæpè gravabant; & qui facultates eorum tueri debuissent; eas potius rapiebant: & ex Defensoribus direptores facti videbantur.

Hinc in citata charta Conradi Imperatoris: "Exactiones, tallias, quas quidam precarias, vel petitiones nominant, vel accubitus vastatoris, Regia Censura contradicit penitus *Advocato*." De hoc excessu *Advocatorum* sub idem tempus scilicet seculo XII. querelæ passim in Pontificum, Conciliorum ac Regum, quin & fundatorum diplomaticis occurrunt; ut videre est apud Du Cange loco indicato, quibusungi potest Decretalis Lucii III. in *Cap. 23. De Jure Patronatus*.

XXVIII. Quin & *Advocati*, præcipuè personæ illustres, *advocationes* suas aliis in Beneficium seu in feudum dabant. Hujus exemplum occurrit in charta Adelberonis III. Metensis Episcopi, in qua explicat jura ad Monasterii Trudonensis *Advocatum*, & Subadvocatum pertinentia, anno 1065. ubi meminit cujusdam Odonis eandem *Advocatiæ* in Beneficio habentis: apud Miræum in *Notitia Ecclesiarum Belgarum can. 90.* Et apud eundem in Diplomatibus Belgicis lib. 1. *cap. 35.* notum facit Balduinus Pius Comes Flandriæ quod *Advocatiæ* Monasterii Eihamenfis sibi retineat, sed tamen Subadvocatum statuat Arnulphum de Aldenarda; cui *injungimus* (ait) *supplere vicem nostram, in parvis tantum negotiis; nobis majora reservantes.*

Rationem præmiserat: "Sed quia vicini ejusdem Ecclesiæ nonnullas molestias ei inferunt, pro quibus ad nos sæpè recurrere vos oportet; nos verò circa curam nostri principatus occupati de singulis minutis rebus non valemus ad adjutorium vestrum venire, alià viâ aggressi sumus vobis consultum facere.

XXIX. Cum autem ejusdem Monasterii, aut Ecclesiæ plura essent nonnunquam prædia à se invicem; & à Monasterio dissita, contingebat, prætextu facilitatis tuitionis, ab eodem *Advocato* plures dari Subadvocatos; quorum numero non raro Monasteria & Ecclesiæ haud modicè gravabantur: ideoque nonnunquam in ipsa fundatione numerus determinabatur.

Hujus rei testimonium suppeditat diploma Othonis I. Imp. quo constituit vice sua *Advocatum* Monasterii Gemblacensis Lambertum Comitem Lovaniensem, eâ adjuncta conditione, "ut Comes Lovaniensis nunquam in *advocatiæ* Gemblacensem, præter unum *Subadvocatum* habeat: id est, ut donum hujus *Advocatiæ* à Rege (qui major *Advocatus* est) plusquam ad *tertiam* manum nunquam deveniat.

XXX. Dein adjicit, quod "Subadvocatus in villis ad Abbatiam pertinentibus nihil aliud juris habeat, nisi per singulos annos de unaquaque domo denarium unum, gallinam unam, avenæ sextarium unum.

XXXI. Verum cum experientia quotidiana doceret, quod neque Canones, neque Principum Edicta, neque Fundatorum leges sufficerent *Advocatorum* excessus comprimere; tandem Monasteria & Ecclesiæ vice privilegii habuerunt, à similibus *Advocatis* liberari; aut saltem posse pro suo arbitrio, quem vellet, *Advocatum* eligere; neque posse eum *Placitum* nisi invitatum tenere.

XXXII. Apud Miræum in Noritia Ecclesiarum Belgicarum cap. 87. exhibetur diploma Henrici III. in quo deplorat, Nivellensem Abbatiam multis calamitatibus fuisse attritam; prædia multa à Comitibus fuisse occupata, quæ restitui mandat; ac dein subjungit: "Non sit ibi Advocatus quisquam vel Comes, nisi quem Abbatissa elegerit; nec requirat ipse Advocatus vel Comes aliquod judicium vel placitum, nisi invitetur ab Abbatissa vel Præposito. Sit ab omni potestate Comitum vel Advocati ulterius libera; nisi invitentur justitiæ causâ.

Et quidem cap. 101. extat instrumentum dotationis Collegii. Canonicorum Lensensis in Arthesia per Comitum Boloniæ, quo "liberam potestatem concedit Canonicis assumendi quemcumque voluerint Advocatum, qui tamdiu & non ulterius, eorum rebus vel eorum causis præsit, quamdiu eis placuerit.

XXXIII. Videri etiam potest diploma Godofredi Barbari Lotharingiæ & Brabantiae Ducis, quo Montem Sancti Guiberti immunitate ac privilegiis anno 1123. honorat; atque inter alia decrevit, ut; "Uno me excepto, nullus ibi quidquam juris haberet; Advocatum nullum, nisi me susciperet. Per Abbatem & per me, si necessitas exigeret, componenda componerentur, corrigenda corrigerentur. Apud Miræum in Codice *Piarum Donationum* cap. 76.

Hic obiter notandum, quod ad Monasteria, quæ ipsos Principes Supremos pro Advocatis seu Protectores habuere, alludat Synodus Tridentina Sess. 22. cap. 8. *De Reformat.* à visitatione Episcoporum eximens pia loca, quæ sub Regum IMMEDIATA protectione sunt, sine eorum licentia.

XXXIV. Refert Zypæus *Responsio* 1. *De Jure Patronatûs*, num. 15. quod "Conradus II. Imp. Ducibus Brabantiae jus Advocatiæ concedat in omnes Ecclesias, & Ecclesiasticas personas: earumque bona in suo principatu existentium; sed in gratiam ipsorum. Quia nimis grave eis esset propter distantiam & paupertatem Regem ipsum adire. Ubi & hoc, ait, nulli licitum esse alicujus Ecclesiae Advocatiæ usurpare, nisi banno Regio ad hoc esset institutus. Et infra; mandat, ut nomine Imperii ita tueantur, & defendant; ita quod, inquit, ab ipsis nil per potestatem recipiant, aut exigant præter jus Advocatiæ: quia Advocati non debent esse deprædatores, sed Defensores Ecclesiarum.

XXXV. Deinde num. 16. subjungit: "Cum Duces Brabantiae progressu temporis plura exegissent, sub Joan. III. anno 1336. est transactum, ut per omnes simul Brabantiae Prælatos præstitis 1600. coreweis, quas angarias vocat, & canum certorum dierum nutrimentis, ab omni ulteriori onere essent liberi; salvo coreweis recipi consuetis in expeditionibus, & cavalcatoriis publicis, cum eos guerram apertam habere contingerit.

XXXVI. Hujus Advocatiæ reliquæ indubiè sunt, quod Prælati in Brabantia specialiter ipsum Ducem sive ejus supremum Senatam pro judice recognoscant. Et in Tabulis Legum Brabantiae Joannis Ducis anni 1312. decernitur: "insuper volumus, ut Monachi, Moniales, Presbyteri, & qualescumque Religiosi, si quando offendantur, ad arbitrium nostrum spectent.

"Hinc Carolus V. in instructione Præfecti saltuum, Venatoris Brabantis, seu *Warant meester* anno 1545. ultim. Febr. art. 1. asserit, quod ab omni ævo Dux Brabantiae fuit tutor & protector omnium Monasteriorum, & locorum piorum, & bonorum eorum in Brabantia, & per dictum Venatorem ea defendit & protexit, & idè idem Venator omnes injurias & ejus punire potest, & de omnibus delictis in Monasteriis ab aliquibus eò venientibus commissis cognoscere, & punire, excluso loci ordinario Officiario, qui nequidem per præventionem punire potest. Ut Consil. Braban. 1545. irritam declaravit compositionem.

Tom. I.

"nem à Majore de Merchten factam, cum quodam, qui silvas Monasterii de Diligem inciderat seu truncarat; cujus correctio non erat sub ordinaria jurisdictione, sed Principi ut Advocato Monasteriorum committitur, qui eam exercet per D. Venatorem.

Hactenus Zypæus in Jure Novo tit. *De Foro competentis* num. 3. qui & ibidem subjicit, cur hæc tuitio nominatim Præfecto saltuum à Duce demandata sit: Quæ res (ait) originem eam habuit, quod primi Monachi & Regulares solerent in saltibus, & rure habitare, ut semoti à strepitu seculari divinis contemplationibus liberius vacarent.

XXXVII. Porro sicuti contra Abbates seculares, & Commendatarios efficacissimum medium esse diximus parte 1. tit. 31. cap. 7. si proventus Monasteriorum distribuuntur secundum intentionem Fundatorum; similiter nullum potentius remedium erit adversus excessus Advocatorum, quam si proventus Ecclesiarum & Monasteriorum in usus pios & pauperum alimoniam impendantur. Dum enim Principes vident, bona à suis Majoribus donata juxta leges foundationis, & piam parentum voluntatem distribui, incitantur, ut piam suorum intentioni faveant, eamque adjuvent: at quando è converso vident, bona illa contra Fundatorum mentem in luxum & profanos usus infumi, incitantur, ut ea retrahant, aut saltem minus defendant; atque frequenter verificatur illud vulgatum, *Quod non capit Christus, rapit Fiscus.*

## CAPUT II.

### De varia specie Juris Patronatûs.

1. *Primis seculis omne Jus Patronatûs erat ejusdem naturæ.*
2. *In Synodo VIII. videtur aliquod vestigium distinctionis.*
3. *Hodie aliud est laicum, aliud Ecclesiasticum; & notabiles utriusque differentia.*
4. *Non omne, quod competit personæ Ecclesiasticæ, est Ecclesiasticum.*
5. *Etiam competens Ecclesiastico ob donatos proventus Ecclesiasticos, non est semper Ecclesiasticum.*
6. *Quid sit propriè Jus Patronatûs Ecclesiasticum?*
7. *Potest esse Ecclesiasticum, licet ex fundatione laici habeat originem.*
8. *Descriptio Juris Patronatûs laicalis.*
9. *Laicale etiam est, licet patrimonium acquisitum sit ex rebus Ecclesiæ.*
10. *In dubio potius censetur laicum, quam Ecclesiasticum.*
11. *Jus Patronatûs laicale, quando dicatur reale?*
12. *Jus Patronatûs annexum feudo, manet laicum, si cum feudo transivit ad Ecclesiam.*
13. *Juris realis Patronatûs fit frequens mentio in Decretalibus.*
14. *Hoc jus originem habuit ex Oratoriis in Nobilium castris & villis constructis.*
15. *Nominatio Presbyterorum ad similia Oratoria, primitus non erat propriè Præsentatio.*
16. *Quomodo in veram præsentationem transierit.*
17. *Jus Patronatûs Ecclesiarum ruralium, & minorum Capitulorum hinc originem sumpisse videtur.*
18. *Quandonam Jus Patronatûs laicum dicatur personale?*
19. *Idem Beneficium subinde est Juris Patronatûs laici & Ecclesiastici.*
20. *Aliquando laicus & Ecclesiasticus tantum concurrunt divisim, vel alternativè.*
21. *Simili casu utrumque Jus Patronatûs manet separatum.*
22. *Ecclesiasticus in suo turno gaudet prærogativis laici.*

D d d d d

23. Si

23. Si laicus & Ecclesiasticus verè concurrant, erit Jus Patronatus mixtum.
24. In mixto attenditur qualitas conservationi juris Patronatus magis favens.
25. Si agatur de præscriptione, attenditur jus Ecclesiasticum.
26. Sæpius attenditur laicum ob hujus prærogativas.
27. Id procedit, licet plures sint Ecclesiastici, & unus tantum laicus.
28. Jus Patronatus ad Beguinas, Confraternitatem laicam, aut Ecclesiarum Aedituos spectans; quale sit?
29. Jus Patronatus ad Universitatem Parisiensem perti- nens declaratum fuit laicale.
30. Prædicta jura licet possint dici mixta; prævalet ta- men qualitas laicalis.

I. NOTANT communiter Interpretes, multis seculis unius duntaxat generis Jus Patronatus fuisse; neque differentiam ullam inter Ecclesiasticum & laicum in antiquis Canonibus, vel Novellis Justiniani notam esse: sed divisionem Juris Patronatus in Ecclesiasticum & laicum, & differentias inter utrumque sensim laben- tibus seculis, non tam Canone, quam consuetudine in- valuiffe; ut infra cap. 5. ostenditur.

II. Aliquod vestigium distinctionis videtur occurrere in Canone 15. Concilii Oecumenici VIII. circa finem seculi IX. Dicitur enim: " Si Episcopus convi- ctus fuerit construxisse Monasterium de redditibus Eccle- siasticis, tradat ipsum eidem Ecclesie Monasterium; si verò de propriis rebus aut aliis quibusdam conven- tionibus, habeat id secundum propriam potestatem & voluntatem, omni vitæ suæ; & post finem vitæ dimittat & conferat hoc quibuscumque voluerit, non tamen seculare diverforium fiat.

III. Hic de Jure Patronatus ipsius Monasterii agi, ex contextu Canonis sat verisimile apparet: quidquid in- terim sit, hoc indubitatum est, hodie receptam esse di- visionem Juris Patronatus in laicum & Ecclesiasticum; atque inter utrumque varias ac notabiles intercedere dif- ferentias; ut proinde necesse sit scire, ad quam spe- ciem hoc illudve Jus Patronatus referendum sit.

IV. Jus Patronatus non semper Ecclesiasticum est, quia competit personæ Ecclesiasticæ: nisi illi rationeti- tuli Ecclesiastici, sive Ecclesiæ competat. Quod enim ratione sanguinis aut patrimonii competit, semper cen- setur laicum, sive obtinens sit laica, sive Ecclesiastica persona. Clericus enim quoad patrimonialia reputatur laicus.

V. Imò cum Clerici hodie proventus Ecclesiasticos adinstar patrimonii suos faciant; & in foro externo ut patrimonialia passim reputentur quoad liberam disposi- tionem tam inter vivos, quam mortis causâ, Jus Pa- tronatus, ex propriis ejusmodi bonis Clerico obveniens, laicum & patrimoniale reputabitur, ait Franciscus de Roye in Prolegomenis ad titulum *De Jure Patronatus* cap. 6. " nisi Clericus palam & conceptissimis verbis testetur & scribar, se Ecclesiam illam fundare ex bo- nis alterius Ecclesiæ quam tenet, eique Jus Patrona- tus addicat.

VI. Jus Patronatus Ecclesiasticum itaque propriè di- citur, quod competit Ecclesiæ, seu ratione Ecclesiæ, sive Clerico, sive etiam laicæ personæ, v. g. Abba- tissæ.

VII. Neque refert, quod primitus ex patrimonio & fundatione laici originem habuerit: nam sufficit pos- tea quovis modo, sive testamento, aut donatione, trans- latum esse in Ecclesiam, Capitulum seu Collegium Ec- clesiasticum, Canonicorum regularium, aut secularium, aut alicui Dignitati, aut Beneficio Ecclesiastico esse an- nexum.

Ita communiter docent Canonistæ; & non obscure probatur in cap. unico de Jure Patronatus in VI. ubi di- citur, quod Ecclesia vel Monasterium, cui à laico Juris

Patronatus collatio facta est, habeat *semestre* ad præsen- tandum: quod evidens est Juris Patronatus Ecclesiasti- ci indicium; ut infra cap. 5. videbimus.

Huic Canonistarum resolutioni etiam consonat mo- derna praxis. Hoc ipso enim quo Jus Patronatus pro- batur alicui competere ratione dignitatis aut tituli Ec- clesiastici, reputatur Ecclesiasticum; neque de origine ipsius ulterius inquiritur.

VIII. Laicale verò appellatur, quod alicui sive laico, sive Clerico competit ratione proprii patrimonii, non Beneficii, vel Ecclesiæ.

IX. " Nec interest, quodd patrimonium illud acqui- rum sit intuitu Ecclesiæ. Quia cum ex generali con- suetudine Clerici de talibus bonis testari possint, & in illis eis ab intestato succedatur sicuti in patrimo- nialibus, videtur Clericus possidius; & vel exstruens Ec- clesiam sibi suisque hæredibus, vel consanguineis Jus Patronatus ratione patrimonii reservasse, & ita laicale judicatur. " Ita Emanuel Gonzales ad cap. 5. *De Jure Patronatus* num. 3. consentitque Franciscus de Roye in Prolegomenis ad titulum *De Jure Patrona- tus* cap. 6.

X. Quin & ibidem tradit, " verius esse, quodd, si dubium sit, quale sit Jus Clerico competens, an la- cum, an Ecclesiasticum, in dubio judicandum sit la- cale; quia Clerici nihil habere præsumuntur in bonis, ut de Sancto Augustino Possidius; & quia omnes ferè antiqui Canones, ubi de jure Fundatorum, agunt tantum de laicis & eorum hæredibus. " Hæc de Roye, addens ita in Gallia obtinere, ob privilegia huic specialiter competentia, idque confirmari credens ver- bis Guilielmi Benedicti ad cap. RAYNUTIUS, verbo *Et uxorem* NOMINE ADELASIAM. *Decis. 1. num. 24.* " Omnia Beneficia præsupponuntur habere Patronos, Fundatores, aut Dotantes, cum naturaliter Benefi- cia non nascantur, sed producantur in esse artificiali- ter per laicos, qui ut plurimum sunt Ecclesiarum Fun- dadores.

XI. Jus Patronatus ulterius dividitur in reale & per- sonale. Reale dicitur, quod glebæ seu fundo, vel ca- stro alicui adhæret, & à Fundatore adscriptum est.

XII. Si Jus Patronatus reale, sive adhærens alicui feudo cum nexu feudali transierit in Monasterium vel Capitulum, Jus Patronatus huic feudo annexum ma- nere, & reputari Laicum notat Molinæus ad *Consuetu- dines Parisienses* §. 45. num. 24. & ad Regulam Can- cellariæ de infirmis *Resignantibus* num. 46. & in notis ad hunc locum Molinæi Georgius Louterius ita scri- bens: " Ecclesiastici (qui inter homines manus mor- tuæ in Regno annumerantur) ex Regis privilegio (ad mortificationem Pragmatici vocant) possunt in Reg- no immobilia possidere, feudales dignitates: & ta- les, privilegii virtute, feuda integrè possident sine ulla diminutione cum omni jure, ut ceteri Regum homines, nec feudorum jura in aliquo in eorum per- sona diminuuntur: ided si jura Patronatus à feudis dependeant, naturam, & qualitatem primam juris Patronatus Laicorum retinent, quæ non confundit- tur, nec mutatur: Ecclesia enim alio jure immobi- lia possidet, alio ea, quæ sunt juris spiritualis, seu Ecclesiastici: causæ sunt distinctæ, media separate, extrema veluti inter sese opposita, quæ unionem & confusionem impediunt: & cum Ecclesiastici Ordini inter sit, primam hanc juris Patronatus qualita- tem retinere, ut libera, & absque ulla Summi Pon- tificis præventionem juris Patronatus remaneat dispo- sitio, iniquum esset, privilegia concessa eis esse dam- nosa.

Hæc porro procedunt & dicta sunt de illo jure Pa- tronatus ratione feudi competente, non de illo, quod ratione personæ tantum competit: " Si enim Jus illud Patronatus merè personale ad Ecclesiam quoquo ti- tulo pervenerit, erit Ecclesiasticum, cum primum

Laici



„ Laici subiectum amiserit, & aliud Ecclesiasticum susceperit: ita intelligitur (ait auctor prædictus) „ cap. Si Laicus de jure Patronatus in VI. non vero de Patronatu fundo vel feudo inherenti, ut imperiti „ nonnulli dixerunt.

XIII. Juris realis Patronatus mentio occurrit in cap. 18. § De Sententia & Rejudic. ubi quæstio incidit occasione fundi, vel curiæ in pignus dati, cui Jus Patronatus adhærebat: an præsentatio vigore hujus Juris Patronatus competeret Creditori cui fundus datus erat in pignus; an vero ipsi Debitori, qui manet dominus fundi. De qua quæstione agitur cap. 4.

Et in cap. 7. § De jure Patronatus, supponitur Jus Patronatus annexum certæ villæ; quæriturque cui competat, an domino villæ, an ei cui villa data erat ad firmam; de qua quæstione similiter cap. 4. discurreretur.

XIV. Jus Patronatus hoc originem habuisse apparet ex Oratoriis & Sacellis, quæ jam pridem viri nobiles circa suos fundos, aut in suis domibus exstruebant. Cum enim domus seu castra ipsorum, vel etiam villæ fundis ipsorum adjacentes procul ab Ecclesia Parochiali distarent, pro commoditate familiæ hæc Oratoria vel Sacella exstruebant; usque Presbyteros qui Sacra peragerent præstiebant cum consensu Episcopi: uti colligi potest ex Can. 22. Synodi Agathensis; nec non multis Canonibus Conciliorum sæculo VII. & VIII. celebratorum; in quibus sæpius hujusmodi Oratoriorum & Presbyterorum mentio fit. Porro quia hæc Oratoria & Sacella pro commoditate castrorum vel villarum, seu ea inhabitantium erant instructa, visum fuit, quod ex mente Fundatorum sequi deberent dominos castrorum & villarum: ac per consequens, & ipsis deferendam assumptionem, seu nominationem Presbyterorum, qui hisce Oratoriis vel Sacellis deservirent.

XV. Hæc quidem nominatio Presbyterorum ad similia domestica Oratoria primitus non erat proprie dicta præsentatio, qualis hodie Patronis competit, quia cum Oratoria hæc non essent erecta in Beneficia, dici nequibat præsentatio stricte dicta. Præsentatio enim tantum fit ad Beneficia; sive consistit in nominatione Clerici ad Beneficia.

XVI. Verum successu temporis, Oratoria seu Sacella pro commoditate Nobilium eorumque familiis extructa & fundata, non tantum in Beneficia simplicia, sed etiam in Parochiales Ecclesias mutata fuere; uti ostendit Ludovicus Thomassinus De Discip. Eccles. parte 2. lib. 1. cap. 33.

XVII. Imo cum Principes subinde plures Presbyteros in suis castris aut villis adscriperint, qui ibidem integrum Officium Canonicum peragerent, contigit, ut Oratoria similia in Canonicorum Capitula degenerarent. Exemplum hujus habemus in Canonicis Capellæ Ducis Burgundiæ, de quibus in cap. 16. § De Privilegiis.

Dum ergo prædicta Oratoria seu Sacella transierunt in similia Beneficia, mansit Jus Patronatus seu Jus Præsentationis apud illos, quibus fuerat jus nominandi Presbyteros, priusquam essent in Beneficia erecta.

Hinc non male advertit, qui hanc esse causam autumat, cur plures Ecclesiæ Parochiales, & minora Capitula ruri existentia, sint Juris Patronatus laici.

XVIII. Jus Patronatus laicum dici potest personale, quando ex fundatione, dotatione, aliove titulo competit independenter ab aliqua certa re, cui esset annexum.

Nec enim personale dicitur, quasi certæ alicui personæ adstrictum sit; sed ut ab eo distinguatur, quod rei inheret: sicuti hodie personalia nomina seu credita non eo tantum titulo dicuntur, quod certam aliquam personam non egrediantur, nec ad hæredes transcant; sed quod prædiis, aliisque rebus non inhæreant: ne-

Tom. I.

que realizatæ, ut loquuntur, sint, at in mera personaritate subsistant.

XIX. Interdum contingit, ut idem Beneficium sit Juris Patronatus laici & Ecclesiastici, sintque revera ejusdem Beneficii duo Patroni, alter laicus, alter Ecclesiasticus.

XX. Contingere vero potest, ut hi Patroni in præsentatione non simultaneè, sed divisim vel alternativè concurrant: ita ut per vices seu per turnum Jure Patronatus utantur: atque in turno unus interquiescat & quasi cesset Jus Patronatus alterius; ipsæque litteræ præsentationis unius tantum Patroni, scilicet Turnarii mentionem faciant.

XXI. Hoc casu, cum proprie hi duo Patroni non concurrant in præsentatione, sed singuli separatim suo jure utantur, etiam ipsa Jura Patronatus non censentur sibi juncta; nec unum alteri commixtum; nec dici potest conflatum è bino illo Jure Patronatus unicum; quod mixtum diceretur: at in turno laici manet mere laicale; in turno autem Ecclesiastici mere Ecclesiasticum.

XXII. Quare in turno Ecclesiastici sortitur conditionem & qualitatem Juris Patronatus Ecclesiastici.

Unde, licet præventio Papæ locum non habeat in Gallia, quoad Beneficia Juris Patronatus laici aut mixti, eam tamen locum habere in turno Ecclesiastici, quando prædicto modo turnatim conferunt laicus & Ecclesiasticus, non semel judicatum fuisse refert Charondas in Observat. ad Jus Francorum. Item subjacere nominationi Graduatorum judicatum refertur in libro cui titulus, Journal des Audiences, parte 2. lib. 2. cap. 43.

XXIII. Si autem Patroni hi, scilicet laicus & Ecclesiasticus, vere concurrant in usu Juris Patronatus; atque simul præsentent; litteræque præsentationis utriusque nomine expediantur, tunc jura illa sibi invicem quasi miscentur, atque unum quodammodo Jus Patronatus constituunt, quod mixtum, tanquam ex duobus compositum dici solet.

XXIV. Cum igitur hoc jus habeat mixturam utriusque juris Ecclesiastici & laici, etiam naturam & conditionem utriusque induit: ita quidem ut in casu particulari, attendatur conditio unius aut alterius, quæ conservationi ipsius juris videtur favere. Et ratio est, quam tradit Glossa, & quam omnes passim sequuntur, in cap. unico De Jure Patronatus in VI. quod propter communionem non privilegiatus sortitur naturam privilegiati.

XXV. Hinc infert Fagnanus ad cap. CUM PROPTER § De Jure Patronatus, num. 28. & 29. quod si agatur de præscriptione Patronatus mixti, in qua „ Ecclesiastica sit est magis privilegiata, quam laicus, censetur Patronatus totus Ecclesiasticus; ut requiratur ad ejus „ præscriptionem idem tempus, quod requiritur contra Ecclesiam. Similiter cum Patronus laicus habeat „ ad præsentandum quadrimestre, Ecclesiasticus semestris, si mixtus sit Patronatus, uterque Patronus habebit semestris, quia hoc casu melior est conditio Patronatus Ecclesiastici quam laicalis.

XXVI. Deinde de prærogativis Juris Patronatus laicalis subjicit: „ E converso si versemur in materia in qua Jus Patronatus laicorum sit firmitus & magis privilegiatum, quam Ecclesiasticum, Patronatus mixtus ex utroque totus censetur laicalis. Et ideo cum in materia derogationis potentior sit Patronatus laicalis quam Ecclesiasticus, quamvis Legatus de latere possit conferre Beneficia Juris Patronatus Ecclesiastici, non tamen poterit conferre quæ sunt Patronatus mixti: quia in hoc reputantur, ac si essent Patronatus ex toto laicalis.

XXVII. Probat quoque ibidem Fagnanus, quod & supra tit. 23. cap. 5. alias cap. 4. diximus, Jus Patronatus mixtum censei laicale, quoad prærogativas Juris laicalis, tametsi multo plures essent Ecclesiastici

D d d d d 2

Patro-

Patroni quam laici: imo tamen multi essent Ecclesiastici, & unus duntaxat laicus; atque tandem num. 59. ex dictis concludit, "in mixtis prævalere qualitatem magis faventem, & per quam jus alterius non læditur excommunicatione, etiam si qualitates contrariæ sint numero plures.

XXVIII. De aliquibus Juribus Patronatus jam pridem dubitatum fuit, cui speciei accensenda essent, & consequenter quibus regulis & conditionibus subjacerent.

Atque ita dubitatur de Jure Patronatus ad Confraternitatem laicorum, aut Ecclesiarum Aedificios spectante, cujus generis censendum sit. Credit Philippus Probus in additionibus ad Glossam Pragmaticam, *De Collat. §. statuit*, verbo: *Præsentatio*, Jus Patronatus competens Beguinis, prout & illud quod obtinent Procuratores Fabricæ, esse Ecclesiasticum. Idipsum notat, *tit. De Elect. §. quod si quis*, verbo: *Fabricæ*.

Covarruvias vero, *Præf. 99. cap. 36. n. 8.* loquens de Beneficiis spectantibus ad Jus Patronatus, seu præsentationem alicujus Fraternitatis laicorum, qui solent causa pietatis Collegia aliqua constituere, censet hoc Jus Patronatus & ei simile, non esse Ecclesiasticum, sed laicorum.

"Nam etiam si hoc Collegium (ait) causa pietatis constitutum adhæreat, & sit affixum alicui Ecclesiæ, ipsi tamen, ex quibus Collegium & Universitas constat, & ad quorum voces ac suffragia præsentatio fit, laici sunt omnino, & ad hanc Universitatem laicorum præsentatio pertinet, non ad Ecclesiam, nec ad aliquam Ecclesiasticam dignitatem. Sic sane aliquot aliis rationibus adductis hanc opinionem veram esse censet Felinus. Unde omnia, quæ conveniunt Juri Patronatus laicorum, erunt plane applicanda, & aptanda huic Juri Patronatus competenti Fraternitatibus laicorum, etiam si hæc Collegia adhæreant alicui speciali Ecclesiæ. Atque ideo apud Hispanos non admittuntur derogationes, quæ fiunt in præjudicium præsentationis, quæ ad hæc Collegia pertinent.

XXIX. Similiter refert Renatus Choppinus, *lib. 3. De Donatio Regis, tit. 27. num. 12.* post longas utrimque disceptationes judicatum fuisse à supremo Regis Senatu, Jus Patronatus spectans ad Universitatem Parisiensem, censi eatenus saltem esse laicum, ut ei per reservationem, præventionem, aliisque modis derogari nequeat, sed placere ab Academia sola, quasi à profano "Patrono, ad vacua imposterum Sacella candidatos suos offerri nominarique ordinario Collatori," uti loquitur Choppinus.

XXX. Licet enim negari nequeat quin similia corpora aliquam rei spiritalis mixturam habeant, eoque titulo Jus Patronatus illis annexum merito dici queat *mixtum*, uti ad citatum locum Glossographi Sanctionis Pragmaticæ, verbo: *Fabricæ*, in margine notavit Franciscus Pinsonius; nihilominus, quoad prærogativas Juri Patronatus laico competentes, dici debet, & recte vocabitur *laicum*, juxta ea quæ de Jure Patronatus mixto supra notata sunt.

Huic conforme est, quod Magistri Fabricæ Ecclesiarum, aut Mensæ pauperum, si laici sint & à laicis instituantur, ratione administrationis, non coram Judice Ecclesiastico, sed laico hodie conveniantur; uti *part. 1. tit. 5. cap. 5. num. 7.* notatum est. Indicium haud obscurum, hujusmodi Corpora magis ut laica; quam ut Ecclesiastica reputari.

### CAPUT III.

De modo acquirendi & probandi Jus Patronatus.

1. *Præcipuus titulus acquirendi Jus Patronatus est Ecclesiæ fundatio.*
2. *Ex fundatione acquiritur sine speciali reservatione.*

3. *Non usus inducit præsumptionem non reservationis.*
4. *Ubi constat de fundatione, pro Jure Patronatus præsumitur.*
5. *Modo sit vera fundatio.*
6. *Solius fundi donatio non sufficit.*
7. *Fundatio ex Canonum præscripto requirit dotationem sufficientem.*
8. *Requiritur constructio & dotatio.*
9. *Idipsum probat Synodus Tridentina.*
10. *Fundi Dator potest Benefactor, sed non Patronus haberi.*
11. *Synodus Tridentina non vult ob quamcumque dotationem Jus Patronatus admitti.*
12. *Ob dotationem aut dotis augmentum Jus Patronatus sine consensu prioris Patroni non annuendum.*
13. *Fallit, si Patronus dotare nolit; nec aliter dos haberi queat.*
14. *Quomodo per fundi dationem, dotationem, & constructionem, tres Patroni constitui queant.*
15. *Primitus jus hoc solo fundationis titulo delatum.*
16. *Capit postmodum etiam titulo præscriptionis; & quare?*
17. *Requiritur tempus memoriam hominum excedens.*
18. *Id probatur Decreto Synodi Tridentina.*
19. *Quot præsentationes requirantur ad præscriptionem?*
20. *In quibus personis Synodus Tridentina requirat ampliores probationes Juris Patronatus.*
21. *Nonnulla Jura Patronatus rejicit.*
22. *Qui tantum est in quasi possessione Juris Patronatus, an ex Decreto Concilii Tridentini præsentare queat?*
23. *Probatio per Concilium requisita etiam obtinet in possessorio.*
24. *Fallit, si tantum sit questio cui competat.*
25. *Jus Patronatus ortum ex alio quam fundationis titulo, per Synodum Tridentinam abrogatum.*
26. *Concilium Tridentinum apud Belgas promulgatum, salvo Jure Patronatus Regii & Vasallorum.*
27. *Decreta Concilii Tridentini in quantum restringunt Jus Patronatus laicorum, in Belgio non sunt recepta.*
28. *Probatio Juris Patronatus à Belgis admittitur ad instar aliorum jurium.*
29. *Præsentatus à possessore præfertur præsentato à proprietario.*
30. *Ipsa immemorialis possessio habetur pro vero titulo, quod & in Gallia obtinet.*
31. *Olim laici Ecclesias occuparunt; & quomodo inde ortum Jus Patronatus?*
32. *Quomodo ulterius ad Monasteria & Capitula devolutum?*
33. *An privilegio Pontificis acquiri possit?*
34. *Utrum Pontifex Beneficia liberæ collationis possit subicere Juri Patronatus.*

I. Jus Patronatus acquiri, ac jam pridem concessum fuisse Ecclesiarum Fundatoribus, ostendimus capite primo; huncque esse legitimum, magisque probatum titulum Juris Patronatus nemo dubitat.

II. Et quidem vi fundationis acquiri Jus Patronatus sine speciali reservatione fundatoris, aut concessione Episcopi, non obscure insinuat Clemens III. in *Cap. 25. de Jure Patronatus*; præsertim si addantur quæ leguntur in integra Decretali apud Antonium Augustinum in secunda Decretalium collectione. Constat enim ex integra Decretali, quæsitum fuisse à Clemente III. Si aliquis efficiatur SOLA Ecclesiæ constructione Patronus. Cui quæsitio ita respondit Pontifex: Quod si aliquis Ecclesiam cum assensu Diocesani construxit, ex eo Jus Patronatus acquirat: quasi diceret solam fundationem sufficere, nec requiri specialem juris illius reservationem.

Hinc Glossa ad *Can. 6. De consecrat. Dist. 1.* ait: „Fun-

» Fundatori Jus Patronatus *ipso jure* debetur, etiam si non petat, vel in pactum deducat.

Hanc opinionem multis adstruit Franciscus de Roye in Prolegomenis ad Commentarium de Jure Patronatus cap. 15. & ita in Rota Romana resolutum fuisse refert. Una tamen monet, quod licet specialis reservatio non sit necessaria, præsertim per scripturam, tutius tamen sit, tabulas conscribi, & in iis Jus Patronatus nominatim reservetur, ut si dubitetur, facilius probari possit.

III. Attamen si ab antiquo fundata fuerit Ecclesia, & Fundator ejusve hæredes Jure Patronatus usi non sint, præsumendum est, eos in ipsa fundatione jus hoc remississe, ac voluisse fundare Ecclesiam liberam; aut certe successu temporis, saltem tacite, eo non utendo, renuntiasse; uti monet ibidem De Roye.

IV. Interim si de Jure Patronatus dubitetur, & probetur aliquem esse Fundatorem, aut saltem Fundatoris hæredem, ipsi Jus Patronatus adjudicabitur: eo quod fundatio secum soleat trahere Jus Patronatus; ideoque præsumatur Fundatori reservatum, nisi contrarium quodammodo ostendatur: quod & innuitur in Cap. 41. §. De Testibus, ubi ad probandum Jus Patronatus, sola Fundationis probatio requiritur.

V. Hæc autem intelligi oportet de veris Ecclesiæ Fundatoribus, id est, qui & fundum ac dotem convenientem pro fabrica, nec non ministris aliisque necessariis ad Dei cultum rite peragendum conferunt, quique ideo veri Ecclesiarum Fundatores dici merentur.

VI. Quod enim nonnulli per *fundationem* intelligi voluerint *fundi dationem*, quasi solius fundi, in quo Ecclesia materialis ædificari posset, datione; sive alicujus *dotis* assignatione Jus Patronatus censeretur acquiri, à jure hodierno, & pristinis Canonibus alienum est.

Tam enim in Decretalibus, quam sacris Canonibus, fundatio accipitur pro constructione, & datione quemadmodum pluribus citatis ostendit De Roye in dictis Prolegomenis cap. 13.

VII. Deinde Canones loquentes de *fundatione* indubie loquuntur de *fundatione* sive exstructione rite, & secundum Regulas Canonicas peragenda. Canones autem prohibent ædificari Ecclesiam, nisi prius assignentur, quæ necessaria sunt pro luminaribus, pro custodia & ministrorum stipendiis; quinimo ante ipsam fundationem dos assignari debet, ut post alios recte advertit Fagnanus ad Cap. QUONIAM §. De Jure Patronatus num. 34.

VIII. Hinc ulterius ibidem late probat, Jus Patronatus sola *fundi* datione non acquiri, neque sola constructione; sed constructione & datione: quod & adstruit Zypæus Resp. 3. De Jure Patronatus; illudque conforme est Concilio Tridentino Sess. 14. cap. 12. & Sess. 25. cap. 9. De Reform.

IX. Nam dicto cap. 12. expresse statuitur: "Nemo etiam cujusvis dignitatis Ecclesiasticæ vel secularis, quacumque ratione, nisi Ecclesiam, Beneficium, aut Capellam de novo fundaverit, & construxerit; seu jam erectam, quæ tamen sine sufficienti dote fuerit, de suis propriis & patrimonialibus bonis competenter dotaverit, Jus Patronatus impetrare aut obtinere possit, aut debeat. In casu autem fundationis aut dationis hujusmodi institutio Episcopo, & non alteri inferiori reservetur."

X. Qui ergo vilem tantum aream dederit (ait Zypæus ibidem num. 9.) nihil de suo aliud in dotem, vel structuram contulerit, Patronatum acquirere non potest; nec hujusmodi nomen, magna nimis secum jura trahens explicite in nobis, ei Episcopus reservare: benefactor quidem dici potest, & honor aliquis sessionis, processionis, sepulture, &c. ex arbitrio Episcopi ei deferendus decerni.

XI. Quin nec ob qualemcumque dotationem Jus Patronatus ab Episcopis admitti debere, satis indicavit

Synodus Tridentina citato cap. 9. ubi dicit: "Patronatus natus quicumque in Ecclesiis, & quibuscumque aliis Beneficiis etiam dignitatibus antea liberis, acquisiti à quadraginta annis citra, & in futurum acquirendi, seu ex augmento dotis, seu ex nova constructione, vel alia simili causa, etiam auctoritate Sedis Apostolicæ, ab iisdem Ordinariis, uti delegatis, ut supra, qui nullius in his facultatibus, aut privilegiis impediantur, diligenter cognoscantur: & quos non repererint ob maxime evidentem Ecclesiæ, vel Beneficii, seu dignitatis necessitatem legitime constitutos esse, in totum revocent; atque Beneficia hujusmodi sine damno illa possidentium, &c., restituto Patronis eo quod ab eis idcirco datum est, in pristinum libertatis statum reducant: non obstantibus privilegiis, constitutionibus, & consuetudinibus, etiam immemorabilibus."

Nullatenus ergo Synodus credidit, omnem Ecclesiæ dotationem, aut constructionem esse legitimam causam concedendi Juris Patronatus. Consonat id & praxi, utpote quæ non omnes, qui Ecclesiæ non satis dotatæ augmentum dotis conferunt, aut successu temporis ad inopiam redactæ succurrunt, pro Patronis recipit; licet illos Benefactoribus annumeret.

XII. Quinimo si vi primævæ fundationis aliove titulo aliquis esset Ecclesiæ Patronus, non posset Episcopus alteri, etiam notabilem dotem de novo offerenti Jus Patronatus cum præjudicio prioris Patroni concedere; nisi hujus consensus accederet.

XIII. Si tamen de dotanda Ecclesia interpellatus, eam dotare recuset, si necessitas aut evidens Ecclesiæ utilitas dotem, aut certe ejus augmentum requirat, eaque haberi nequeat, nisi eam offerenti Jus Patronatus annuatur; non apparet, cur Episcopus Jus Patronatus huic dotanti annuere non posset; saltem ut una cum Fundatore concurrat.

Cum enim fundatio requiratur *dotem*, censetur dotans quodammodo partem in fundatione habere; imo ipsi fundationi effectum tribuere. Constructio quippe Ecclesiæ sine dote ad exhibendum cultum divinum, parum utilis, & exigui effectus est.

XIV. Unde etiam post alios Canonistas docet Fagnanus loco citato, quod si ad ipsam fundationem tres concurrant; unus assignando aream seu fundum, alius expensas constructionis conferendo; & tertius eam dotando, omnes censeantur assequi Jus Patronatus, ac omnes in solidum effici Patronos; atque ita intelligendam esse Glossam dicentem Jus Patronatus acquiri tribus ex causis, quas hoc vulgari versu expressit: *Patronum faciunt dos, ædificatio, fundus.*

XV. Quamvis primitus Jus Patronatus, præcipue laicum, non alio, quam *fundationis* titulo delatum fuisset legamus, lapsu tamen temporis receptum fuit, & titulo præscriptionis acquiri posse.

XVI. Cum enim jus illud, non ut mere spirituale, sed potius ut temporale reputaretur, quod & ad hæredes transmissibile esset, ejusque juris laicos capaces esse jam nemo dubitaret; consequenter visum est, nihil ob stare, quominus præscriptione, adinstar aliorum jurium, acquiri posset: idque non tantum contra Patronum, sed & contra Ecclesiam liberam etiam à laico; quemadmodum sat aperte deciditur in Cap. 24. §. De Elect. ubi populo asseritur jus præsentandi Clericum, eo solo titulo, quod in antiqua quasi possessione eligendi seu præsentandi esse ostenderetur.

XVII. Si tamen agatur de præscriptione Juris Patronatus, præsertim laicalis, contra Ecclesiam liberam, non sufficit tempus 40. annorum; sed exigitur tantæ temporis quasi possessio, cujus contraria memoria non existat, juxta Cap. 1. De Præscriptione in VI. eo quod præsumptio sit contra præscribentem; ipsumque jus commune ei contrarietur. Juxta Canones enim, omnes Ecclesiæ sunt in ordinatione Episcopi, & à Jure Patro-



Patronatus liberæ existunt: ipsumque Jus Patronatus ut quædam servitus Ecclesiæ imposita consideratur.

XVIII. Consonat Synodus Tridentina *Sess. 25. Cap. 9. De Reformat.* decernens ut "titulus Juris Patronatus sit ex *fundatione vel dotatione*, qui ex authentico documento, aut aliis jure requisitis ostendatur: sive etiam ex multiplicatis præsentationibus per antiquissimum temporis cursum, qui hominum *memoriam excedat*, aliasve secundum juris dispositionem. (a)

XIX. Synodus numerum præsentationum non exprimit; sed simpliciter vult ex *multiplicatis* præsentationibus per cursum temporis, qui hominum memoriam excedat, factis, titulum Juris Patronatus probari, unde nec inter Doctores de numero convenit: asseritque Franciscus de Roze in citatis Prolegomenis *cap. 16. in Foro* sibi per manus traditum esse, ad præscribendum Juris Patronatus proprietatem contra verum Patronum, vel etiam titulo munitum, tres præsentationes requiri & sufficere. Et hoc (ait) forte probant ex *Cap. 3. & De Causa possess. & propriet.* ubi summus Pontifex docet, jus eligendi per tres electiones non aliter acquiri, quam si completa sit legitima præscriptio.

XX. Ulterius Synodus Tridentina eodem *cap. 9.* vult, ut "in iis personis, seu communitatibus, vel Universitatibus in quibus id jus plerumque ex usurpatione potius quæsitum præsumi solet, plenior, & exactior probatio ad docendum verum titulum requiratur; nec immemorabilis temporis probatio aliter eis suffragetur, quam si præter reliqua ad eam necessaria, præsentationes, etiam continuatæ non minori saltem, quam quinquaginta annorum spatio, quæ omnes effectum sortitæ sint, authenticis scripturis probentur.

XXI. Deinde ulterius addit: "Reliqui Patronatus omnes in Beneficiis, tam secularibus, quam regularibus seu Parochialibus, vel dignitatibus, aut quibuscumque aliis Beneficiis, in Cathedrali, vel Collegiata Ecclesia; seu facultates, & privilegia concessa tam in vim Patronatus, quam alio quocumque jure nominandi, eligendi, præsentandi ad ea, cum vacant (exceptis Patronatibus, super Cathedralibus Ecclesiis, competentibus, & exceptis aliis, quæ ad Imperatorem, & Reges, seu regna possidentes, aliosque sublimes, ac supremos Principes, jure Imperii in dominiis suis habentes, pertinent, & quæ in favorem studiorum generalium concessa sunt) in totum prorsus abrogata & irrita, cum quasi possessione inde secuta, intelligantur; Beneficiaque hujusmodi, tanquam libera, à suis Collegiis conferantur; ac provisiones hujusmodi plenum effectum consequantur.

XXII. Ex his finalibus verbis deducit Fagnanus ad *Cap. CONSULTATIONIBUS & De Jure Patronatus, num. 9.* "ad validitatem præsentationis vel institutionis non sufficere, ut præsentans communiter reputetur Patronus, & sit in *quasi possessione* juris præsentandi, nisi doceat de *titulo & proprietate* Juris Patronatus ad præscriptum Concilii.

XXIII. Et dein *num. 7.* refert, declarasse S. Congregationem, Decretum Concilii Tridentini habere locum etiam in *petitorio & possessorio*: "ideoque admittendam non esse præsentationem, nec præsentati institutionem faciendam esse, nisi probato prius jure Patronatus ad præscriptionem ejusdem Concilii. Imo etiam si post Concilium Ordinarius admisisset præsentationem simpliciter, & absque causæ cognitione, posse prætensum Patronum à sua quasi possessione repelli, nisi Patronatum *legitime*

(a) In Galliis Decretum illud receptum non fuit, licet prudens & legitimum; hoc Decreto Gallia id unum displicet, quod Episcopum efficit judicem rei, quam Jurisdictioni Civili esse obnoxiam voluit.

„ probaverit juxta formam dicti Concilii „ Quin & addit *num. 11.* resolvisse S. Congregationem, admittendum non esse ad præsentandum, tamen si probaverit, se per quadraginta annos præsentasse, & in possessione, vel quasi possessione fuisse.

XXIV. Deinde monet tandem *num. 16.* si constet quidem de Jure Patronatus, sed quæstio sit inter duos, cui competat; eo casu non requiri formam probationis per Concilium Tridentinum præscriptam; atque inter præsentatos præferendum esse præsentatum ab illo, qui tempore præsentationis erat in quasi possessione præsentandi sive Juris Patronatus.

Idipsum notat Zypæus in Jure Novo tit. *De Jure Patronatus n. 6.* Rationem addens: "Quippe cum hic cesset ratio Decreti, ne scilicet Ecclesiæ liberæ in servitutem & clientelam, præsertim secularium, redigantur.

XXV. Similiter Zypæus reflectens ad citata Decreta Concilii, asserere non dubitat, quod cujusdam Baronis Jus Patronatus magis ex proventibus jam ante Ecclesiasticis, & privilegio, quam ex fundatione ortum, multum periclitaretur, nisi (ait) hic Concilium Trident. sine mutatione Juris Patronatus esset receptum. Consult. 4. De Præbendis *num. 2.*

XXVI. Indubie per finalia hæc verba indicare voluit Zypæus limitationem, quæ in promulgatione Concilii Tridentini in Belgio addita fuit; & cujus ipse meminit in Jure Novo tit. *De Constit. num. 6.* ubi refert, quod in litteris Gubernatricis Belgii, quibus nomine Regis publicatio Concilii mandabatur, expresse dictum fuerit, mentem Regis esse, nihil mutari circa Regalia jura, privilegia Sæ Majestatis, aut suorum vassallorum, Statuum aut subditorum & speciatim circa Jus Patronatus, Indultum, seu Jus Nominationum.

XXVII. Quæ clausula quoad conservationem Juris Patronatus consonat iis quæ Consilia regia, à Gubernatrice super executione Decretorum reformationis Concilii Tridentini consulta, notaverant.

Nam ad *Cap. 12. & 13. Sess. 21.* hæc nota erat: "Quæ ad coarctandum Jus Patronatus sancita sunt, consentiunt omnes ad Patronos laicos extendi non debere.

Ad *Cap. 9. Sess. 25.* hæc: "Versiculo, *Reliqui Patronatus*, abrogatur Jus Patronatus omne, quod ex fundatione vel dotatione, quæ authenticum documentum ostendatur, natum non est, & præscriptio immemoralis (nisi 50. annorum continuatæ præsentationes authenticis scriptis (a) probentur) rejicitur, paucis quibusdam Patronatibus exceptis. Id existimant pleraque Concilia admitti non debere in Patronatibus laicis, ne jus cuiquam quæsitum auferatur, & subditi in antiqua quam habent, possessione, turbentur. Nimium etiam coarctari probationes, ita restrictas, uti Synodus decrevit, præsertim quoad eos, qui circa limites Provinciarum incolunt, & hostilibus excursibus expositi, documentis antiquis forte spoliati sunt. Probationis modum proinde arbitrio judicantium, rectius relinquitur.

Ita refert Antonius Anselmo Jurisconsultus Antverpiensis in suo Triboniano Belgico *cap. 33. §. 52.*

XXVIII. Conformiter ad has notas, & clausulam litteris Gubernatricis appositam, praxis Belgii habet, ut probatio Juris Patronatus, præsertim laicalis, fiat & admittatur eadem forma qua aliorum jurium probatio; atque possessorium adjudicetur possidenti, sive ei, qui in quasi possessione præsentandi esse probatur.

(a) In Galliis requiruntur tantum quadraginta annorum continuatæ præsentationes authenticis probatæ scriptis. Totidem anni Clerico vel Laico sufficiunt ut præscriptio Jus Patronatus possit acquirere: et triginta duntaxat anni sufficiunt Episcopo ut possit Jus Patronatus Laicum comparare; desiderantur vero quadraginta anni si de præscriptione Ecclesiastici Juris Patronatus agatur.

XXIX. Consequenter presentatus à possessore præfertur ei, qui est presentatus à proprietario; juxta *Cap. CONSULTATIONIBUS* *De Jure Patronatus*, & *Cap. Ex LITTERIS* *ead.* quæ hic, non obstante Decreto Conc. Trident. suum vigorem retinuerunt. Ipsa deinde possessio memoriam hominis excedens etiam hic pro titulo habetur: neque ad fundationis aut dotationis specialem titulum probandum ulterius urgentur, qui hujusmodi possessionem probant.

XXX. Advertens quoque Franciscus Florens, quod Tridentini Patres cum, tempore memoriam hominum excedente, vellent adhuc justum & authenticum titulum, qui exhibeatur, ait: "Ultimum illud non sat probatur in Gallia, ubi vetustas illa pro titulo, & vicem legis tenet."

Quare & hodie verum est in Belgio, & in Gallia, nullam fieri differentiam, saltem quoad jus presentandi, inter Jus Patronatus laicis competens titulo fundationis, & competens titulo prescriptionis, ut jam pridem notavit Rebuffus in *Praxi Benef. in tertiâ parte Signaturæ num. 71.*

XXXI. Præter fundationem & dotationem, nec non prescriptionem, est & alius titulus seu modus, quod primum ad laicos, & dein ad Monasteria & Capitula Jus Patronatus satis frequenter transivit.

Circa seculum VIII. & IX. contigit, ut Principes non tantum bona Ecclesiastica usurparent, sed ipsa etiam Monasteria, quin & Parochiales Ecclesias; easque suis militibus darent in feudum, vel alodem: eoque titulo omnes earum obventiones haberent, ut pluribus ostendit Filescus in *Querela Ecclesiæ Gallicanæ*; & aliqua diximus supra *part. 1. tit. 31. cap. 7.* & plura dicentur infra *De congrua Parochorum portione*: ubi de primitivis Pastoribus agitur; qui occasionem portioni congruæ dederunt.

Hi Laici primum quidem in his Ecclesiis, quas tanquam proprias possidebant, earum se dominos appellantes, Presbyteros, assignatis modicis emolumentis propria auctoritate, & inconstituto Episcopo, instituabant, & destituebant. At cum id tanquam Ecclesiis admodum præjudiciosum in Synodis vetitum fuit, cautumque, ut nullus absque consensu Episcopi cuilibet Presbytero det vel auferat Ecclesiam, *Can. NEMINEM* *16. q. 7.* ex Concilio Cabillonensi, coeperunt Presbyteros iis Ecclesiis præficiendos Episcopis presentare; & ita Jus Patronatus habere in Ecclesiis, quas in Beneficium sive alodem acceperant; ut latius deducit Franciscus de Roye in citatis *Prolegomenis cap. 17.*

XXXII. Adhæc, cum plures laici Ecclesias, quas in feudum acceperant, in Monasteria & Capitula transulerint; ut infra titulo *De congrua Portione* ostendetur, etiam ipsi Monachi & Canonici Presbyteros iis Ecclesiis præficiendos presentandi seu Jus Patronatus Monasteriorum & Capitulorum pro majore parte originem sumpsit: quod licet origine laicale fuerit, postquam tamen in Monasteria & Capitula transivit, pro Ecclesiastico reputatur, ut capite præcedenti ostendimus.

XXXIII. Sicuti prescriptione, ita & ex privilegio summi Pontificis acquiri posse Jus Patronatus, de jure indubitatum est; & notat Pinsonius in *Tractatu De Beneficiis* titulo *De Oneribus & Immunitatibus Ecclesiarum §. 6. num. 8.* unâ tamen addens: "Licet illud apud nos non usquequaque servetur, tanquam Ordinarium liberæ dispositioni, & collationi contrarium, cui nulli obices adjici possunt, nisi in ipso fundationis actu & instrumento dati sint."

XXXIV. Quod modò dictum est, ex privilegio summi Pontificis, Jus Patronatus acquiri posse, de jure certum esse, id intelligi debet de jure Pontificio recentiore, sive *Decretalium*, quo jure Romanus Pontifex declaratur *Ordinarius Ordinarium*, & in ea qualitate omnium Beneficiorum liberam dispositionem ipsi competere asseritur: quo jure recepto, & admissio, rectè

concludere ejus Commentatores, Romano Pontifici fas esse, concedere Jus Patronatus, sive jus presentandi ad Beneficia, liberæ ejus dispositioni (ut supponitur) subiecta.

Verum hoc jus in Pontifice, quantumvis in Decretalibus expressum, non ubique Catholici recognoscunt, nec consequenter admittendum arbitrantur privilegium, quo Romanus Pontifex Beneficia liberæ collationis, pro suo arbitrio, juri Patronatus obnoxia redderet; atque ita quoad ista Beneficia tolleretur aut enervaret liberam Provisionem Ordinarium: & id quidem in Gallia non admitti colligitur ex verbis Pinsonii supra relatis. Neque Belgium admitteret: quandoquidem & omnes novas reservationes eidem fundamento innixas non recipiat, ut in decursu notatum est.

## CAPUT IV.

Quomodo Jus Patronatus transferatur?

1. *Jus Patronatus transit cum dignitate.*
2. *Hoc jus separatim quomodo transire possit?*
3. *Jus Patronatus laicum reale transit cum re, cui adhaeret.*
4. *Transit, licet nominatim expressum non fuerit.*
5. *In hac alienatione non requiritur licentia Episcopi.*
6. *Translato utili dominio, transit quoque jus Patronatus.*
7. *Transit in conductorem ad firmam.*
8. *Elocatio ad firmam naturam sapit contractus censualis.*
9. *Qua de causa Monasteria prædia darent ad firmam.*
10. *Conditiones hujus contractus.*
11. *An transeat in maritum ratione dotis?*
12. *An in viduam ratione dotarii?*
13. *Utrum competat usufructuario?*
14. *Presentatio facta à bonæ fidei possessore est valida; nec invalidatur re evictâ.*
15. *Non transit in creditorem ratione pignoris.*
16. *Jus Patronatus præsertim laicale consideratur hodie ut temporale; & de eo solus Juxta laicus cognoscit.*
17. *Jus hoc est transmissibile ad hæredes.*
18. *Transit an hæredes ab intestato; si nihil in contrarium sit statutum.*
19. *Transit ad singulos hæredes in solidum.*
20. *Hæredes unius Patroni tantum habent unum suffragium.*
21. *Succeditur in stirpes.*
22. *Potest jus presentandi dividi per turnum.*
23. *Per turnum presentant interdum divisum; & tunc non est mixtum.*
24. *Interdum Jus Patronatus est mixtum, dum nominatio fit per turnum.*
25. *Potest in fundatione caveri, ut non deferatur jure hæreditario: & quid tunc juris?*
26. *Unde invaluerit abusus vendendi Jus Patronatus?*
27. *Abusus per Pontifices reprobatus.*
28. *Habita venditio hujusmodi ut Simoniaca.*
29. *Ostenditur Jus Patronatus esse spiritali annexum.*
30. *Venditio Juris Patronatus hodie habetur irrita & Simoniaca.*
31. *An rectè dicatur vendi cum ipso fundo?*
32. *Pretium fundi augendum non est intuitu Juris Patronatus annexi.*
33. *Unde proveniat, laicos Jus Patronatus tanti facere?*

I. Jus Patronatus Ecclesiasticum competens ratione officii, Dignitatis, aut Beneficii Ecclesiastici, transire unâ cum officio, Dignitate aut Beneficio ad quemcumque tituli ipsius possessorem, ad instar omnium aliorum jurium hujusmodi titulo annexorum, indubitatum est.

II. At separatim ab ipso officio, Dignitate aut Beneficio, in alterum transferri non posse citra solemnitatem in alienatione rerum & jurium Ecclesiæ requisitam, probant Zypæus *Responsio* 4. *De Jure Patronatûs*, & Franciscus de Roye in Prolegomenis ad titulum *De Jure Patronatûs cap. 18.* ubi monet, in permutatione Juris Patronatûs Ecclesiastici requiri consensum Episcopi: " tunc enim (ait) alienatur res ad ipsam Ecclesiam, pertinens, ideoque non nisi servatis solemnitatibus, alienari potest.

III. Si Jus Patronatûs laicum fuerit reale, id est, fundo aut castro vel Toparchiæ, alterive juri aut rei annexum, transit instar alterius juris realis in ipsum possessorem & Dominum rei, quemadmodum notant omnes interpretes ad *Cap. 13. De Jure Patronatûs*, ubi Hospitalarii, empto feudo, Jus Patronatûs acquirere dicuntur, quod huic feudo adhæret.

IV. Imò cum hic agatur de jure inhærente ipsi rei, ut jus hoc translatum censeatur, necesse non est, ut in ipsius rei translatione Juris Patronatûs mentio facta sit: quemadmodum loco citato rectè observat Franciscus de Roye: semper enim (ait) alienatio facta præsumitur cum sua causa; exemplo aliorum jurium realium, servitutis, hypothecæ & similibus, quæ semper rem ipsam sequuntur, tametsi in ipsa alienatione nominatim non sint expressa.

V. Ulterius, quia hic agitur principaliter de alienatione rei merè profanæ & laicalis; de alienatione verò Juris Patronatûs duntaxat *accessoriè*, sive in consequentiam, nullam requiri in hac alienatione Episcopi licentiam, aliâve solemnitate in alienandis rebus Ecclesiæ observandam, tradunt passim Canonistæ; quibus & praxis consonat.

VI. Ampliatur hæc conclusio ex communi Canonistarum doctrina, ut locum habeat, etiamsi villa aut fundus, cui Jus Patronatûs inhæret, solummodo quoad *utile* dominium transierit: ita nimirum, ut saltem jus præsentationis sit apud Dominum *utilem*; tametsi forsitan ipsum Jus Patronatûs maneat apud Dominum directum.

Quamdiu enim aliquis pro Domino habetur, seu quamdiu habet *utile* dominium, omnis usus ipsius rei & jurium ei annexorum est penes utilem Dominum; solo titulo dominii remanente apud Dominum directum.

VII. Hoc fundamento rescripsit Alexander III. in *Cap. 7. De Jure Patronatûs*, præsentationem Clerici vigore Juris Patronatûs annexi cuidam villæ, competiisse militi, si constiterit, villam illam fuisse à Monasterio, cui dominium illius competebar, militi illi datam *ad firmam*; id est, ad longum tempus elocationem.

VIII. Quæ elocatio naturam sapiebat cujusdam contractûs emphyteuticarii, vel potius censualis, quo *utile* dominium transfertur; ut probat de Roye ad dictum *cap. 7.* & etiam Fagnanus ad idem Capitulum *num. 12.* unâ observans, dationem ad *firmam* hic necessariò sumendam pro elocatione ad longum tempus, quæ habeat naturam hujusmodi contractûs.

IX. Notat ibidem ulterius Franciscus de Roye quòd " ut plurimum Monasteria etiam laicis prædia sua dabant ad *firmam*, vel ut edulia, aliave necessaria pro pensionibus acciperent ad victum & vestitum. . . . Vel etiam Abbates laicis prædia sua sua dabant ad *firmam*, ad longum tempus, ad vitam, ad centum annos, ut ita eorum favorem, gratiam, & patrociniū emendicaret.

Deinde subjungit: " Ejus rei luculentum exemplum extat apud Ingulphum in Historia Croylandensis Monasterii. Ubi cum ejus Monasterii Abbas alicujus potentioris defensionem sibi suisque Monachis demereri veller, placuit tenementum aliquod ad *firmam* alicui dare ad terminum vitæ: Sed tandem cuidam Comiti nomine Normanno, manerium aliquod datum est ad terminum centum annorum, ut illud te-

neat ab eo Monasterio, & per *firmam* singulis annis certa quædam grana ei solvat. Ejus Normanni frater successit in eam *firmam*, eamque alteri Monasterio donavit. In Regia descriptione bonorum istius Monasterii relatum est illud prædium, quis post elapsū *firmæ* terminum, ad illud redire deber; sed, eo pendente, est possessio firmitiorum, inquit Ingulphus.

X. Plura videri possunt apud Du Cange in Glossario, verbo *Firma*. Interim ex allegato exemplo patet, dationem ad *firmam* esse elocationem ad *longissimum* tempus. Ulterius, pendente firma, *firmarium* de ea disponere posse, eamque inter ejus possessiones numerari; ac tandem eam ad hæredes ejus transire pro residuo tempore: Finito autem tempore ad Dominum redire. Quæ omnia satis probant, per dationem ad *firmam* transiisse *utile dominium* in firmarium, directo dominio remanente penes concedentem.

Ex quo autem receptum fuit, auctoritate hujus Decretalis Alexandri III. præsentationem competere *firmario*, titulo *utilis* domini *villæ*, cui Jus Patronatûs est annexum. Concluserunt ulterius Canonistæ, maritum posse præsentare ratione Juris Patronatûs fundo *dotali* annexi: uti tradit de Roye in citatis Prolegomenis *cap. 12.* Quia (ait) jure civili maritus dicitur *Dominus* fundi *dotalis*; & naturale dominium uxoris, durante matrimonio, interquiescit.

XI. Deinde postquam creditum fuit, idque auctoritate Glossæ, (ut notatum est supra *Seç. 3. tit. 4. aliàs tit. 21. cap. 2.*) collationem & præsentationem Beneficiorum fructibus annumerari, conclusum fuit præsentationem ad maritum hac ratione spectare, quod ipse omnes planè fructus fundi *dotalis* percipiat. " Sicut enim (ait de Roye) homagia & servitia uxori debita maritus recipit & præstat pro rebus *dotalibus*, quod est ex generali consuetudine Franciæ, ita & Jus Patronatûs exercet.

Idipsum jam pridem tradidit Rochus De Curte *De Jure Patronatûs*, verbo *Ille vel is, num. 62.* illudque sat probari credit ex citato *cap. 7.* Nam cum ibi etiam præferatur conductor locatori in præsentatione, debet (ait) etiam maritus præferri uxori à fortiori. Rationem præmiserat: Quia minus jus habet conductor ad longum tempus in rebus conductis, quam maritus in dote. Maritus enim censetur habere dominium dotis.

Verum quidem est, quòd præsentatio non sit fructus habilis ad sustentationem onerum matrimonii: quia (ait De Curte) sufficit quòd ipsa universitas, in qua est Jus Patronatûs ad id sit habilis; & ubi universitas transfertur, non consideratur ipsum Jus Patronatûs, sed transit *accessoriè*.

Similiter non obstat, quòd maritus non possit percipere fructus, qui in *brevi* non renascuntur; quia, ut advertit De Curte *num. 64.* " maritus non percipiet istum fructum præsentationis tanquam maritus, & tanquam Jus Patronatûs sit de rebus *dotalibus*; sed percipiet tanquam universitatis, & per quamdam consequentiam.

Sed hanc quæstionem tractans Georgius Lonetius in notis ad Molinæum in Reg. Cancellariæ *de Infirmitatibus Refig. num. 45.* distinguendum existimat " de jure Patronatûs ratione fundi vel feudi uxoris pertinente, aut personali ratione sanguinis, puta familiæ competente. Primo casu præsentatum à marito præferendum existimat: cum nihil prorsus habeat uxor in fructibus fundi *dotalis*; & ea est Molinæi opinio in §. 1. *Gloss. 2. num. ad Consuet. Parisienses*: non idem in secundo casu (ait) cum jus Patronatûs uxoris *personæ* magis adhæreat, & inter rerum *dotalium* fructus non ita propriè annumeretur. (a)

Licet hæc distinctio inter Jus Patronatûs *reale* & *personale* appareat non malè hic applicata; tamen certum

(a) Ista nota Georgii Lonetii reperitur in tomo quinto operum Molinæi Edit. Paris. 1681. p. 129. col. 1.

est,



est, multum hac in re valere usum & consuetudinem locorum, si quæ probari possit.

XII. Quapropter juxta secundi casus solutionem, si maritus uxori post mortem suam fundum, cui est Jus Patronatus annexum assignaverit in doarium; "ea sola (ait De Roye) Jus illud post mortem mariti exercere potest; quia est fructuaria, sicque fructus omnes percipit & lucratur, ita ut interquiescat adhuc hæredum nuda proprietas.

XIII. Similiter post Lambertinum aliosque tradit Fagnanus loco citato num. 57. Jus præsentandi magis pertinere ad uxorem relictam usufructuariam omnium bonorum, quam ad hæredem.

Nihilominus Renatus Choppinus De Domanio Gallico lib. 3. tit. 19. num. 5. sequutus Joannem De Imola, Jus præsentationis usufructuario negat, rationem hanc subnectens: "Quæcumque enim non renascuntur singulis annis: minime habentur in fructu, nec quasi fructus fundum augent. Ipse quoque Rochus De Curte loco citato, monet, casu occurrente, de hac questione esse merito cogitandum ob varias Doctorum opiniones.

XIV. Hoc certius est, & communi calculo receptum, præsentationem factam à bonæ fidei possessore esse validam; imò nec Præsentatum à Beneficio vi hujusmodi præsentationis obtento removendum; tamen si ex post facto constiterit, Jus Patronatus reverà ad Præsentantem tempore præsentationis non pertinuisse, cap. 19. §. De Jure Patronatus; ad quod bonæ fidei possessor fructus consumptos faciat suos irrevocabiliter: præsertim si ex iis non sit factus locupletior; ut per præsentationem factus non creditur.

XV. In creditorem cui fundus pignori datus, sive hypothecatus est, Jus præsentandi non transire, si nulla juris illius specialis mentio facta sit, rectè post alios Canonistas tradit Fagnanus loco citato num. 16. Nam in creditorem nec directum, nec utile dominium transfertur; neque etiam fructus suos facit: sed eos omnes debitori pignus luenti restituere tenetur.

Idipsum legitur in Synodo Salzburgenfi ann. 1420. Can. 22. "Ad omnium quoque dubitationem, sive questionis materiam amputandam statuimus, ut si quis prædium suum, cui Jus attinet Patronatus cuiusquam obligaverit indistinctè, Jus præsentandi apud ipsum obligantem residcat. Cum tale Jus æstimari non possit, &c. in sortem nequeat computari. Cum semper fructus rei pignoratæ in sortem debeant computari, juxta Canonicas & legitimas sanctiones.

XVI. Jus Patronatus, præsertim laicale, hodie adeo habetur & consideratur, tanquam temporale & patrimonii laicis; ut receptum sit, quod sicut de temporalibus laici coram Judice Ecclesiastico non sunt conveniendi, ita nec de Jure Patronatus laico Judex Ecclesiasticus cognoscere possit, nec in possessorio, nec in petitorio, idque contra Decretalem Alexandri III. in cap. 3. §. De Judiciis, ubi dicitur: "Causa Juris Patronatus ita conjuncta est & connexa spiritualibus causis, quod non nisi Ecclesiastico judicio valeat definiri. Vide latè Franciscum de Roye in allegatis Prolegomenis cap. 29. ubi notat, ubique penè, ac signanter in Gallia, questionem de Jure Patronatus laico non tantum in possessorio; sed etiam in petitorio coram Judice Regio tractari: quod & in Belgio observatur.

Imò incidente questione, num Jus Patronatus esset merè laicale, an verò mixtum; Parlamentum Mechliniense judicavit, cognitionem & decisionem hujus questionis spectare ad Judicem laicum; id refert de Laury in sua Arrestorum Collectione Arresto 3.

XVII. Adhæc Jus illud tanquam portionem patrimonii, aut saltem titulo patrimonii acquisitum, & quasi temporale, ut partem hæreditatis ad hæredes unà cum reliqua hæreditate transmitti receptum est; no-

Tom. I.

tarque Glossa ad Canonem FILIIS, caus. 16. q. 7. idque indistinctè, sive sint de sanguine, sive extranei, uti ex Canone CONSIDERANDUM, & Canone PLURES, eadem quæst. probat Glossa; quam uno consensu sequuntur Canonistæ & praxis recepit.

XVIII. Si enim nihil in tabulis foundationis occurrat quod transmissionem ipsius Juris Patronatus ad certas personas ordinat, nec Jus hoc alicui particulari rei adhæreat, illud jure hæreditario, adinstar aliorum jurium temporalium ad hæredes, sive ex testamento, sive ab intestato transmittitur; uti notat de Roye in sæpè citatis Prolegomenis cap. 19.

Cumque Jus illud naturâ suâ sit individuum, pro conditione individuorum transit in omnes hæredes in solidum; idque sive pro æquali, sive inæquali parte sint hæredes; quemadmodum Jure Civili omnes filii Patroni æqualiter succedunt liberto, tamen inæqualiter à patre instituti sint hæredes, L. 7. §. 6. ff. De Operis Libertorum.

XIX. Itaque hæredes omnes in solidum ad præsentationem concurrunt; ita tamen, ut ipsa præsentatio non dividatur; sed ut unica nomine omnium fiat: quare rectè notavit Innocentius ad cap. 1. §. De Jure Patronatus, Jus hoc quidem esse in solidum apud singulos hæredes, quoad honorem sive jura honorifica, sed non quoad præsentationem, quæ ita est apud omnes simul, ut apud nullum singulariter sit.

XX. Cumque hæredes in hac præsentatione repræsentent personam Patroni defuncti, non plus juris habere possunt, quàm habuit defunctus; quapropter, si plures fuerint Patroni, omnes hi hæredes unum tantum suffragium, quale habuisset defunctus in ipso actu præsentationis habebunt. Clement. 2. De Jure Patronatus.

XXI. Ulterius; cum hic non secus ac in aliis juri-bus succedatur jure repræsentationis, sive ex persona defuncti, merito prævaluit sententia Innocentii IV. & Cardinalis Hostiensis, successionem fieri non in capita, sed in stirpes, uti de hæredibus plurium Patronorum declaravit Pontifex in citata Clementina 2. dicens: Plures ab uno Patrono Ecclesiæ relictæ hæredes, vocem duntaxat unius habebunt in præsentatione Rectoris. Quod clariùs postmodum expressit Synodus Salzburgenfis, titulo de Jure Patronatus, his verbis: "Item si Patronus plures filios aut hæredes reliquerit, omnes illi succedant in stirpes.

XXII. Porro facillè contingit, quod existentibus pluribus Patronis, aut Patroni unius hæredibus, diutius differatur præsentatio ob difficultatem consensûs Patronorum aut hæredum in eandem personam. Ut ergo "faciliùs provideatur Ecclesiis, non inconveniens (ait Pontifex in citata Clementina) reputamus Patronos ipsos inter se liberè posse convenire, de Rectore ab eis alternis vicibus præsentando. Qui præsentandi modus hodie vocari solet per turnum.

XXIII. Hic notandum, hanc præsentandi rationem non semper eodem modo institui. Interdum enim eâ lege præsentatio alternis vicibus, sive per turnum fieri debet, ut singuli in suo turno seorsim, nulla compatroni facta mentione, præsentent: ita ut in tali actu præsentationis alter Patronus nullas partes habeat; ipsumque Jus Patronatus pro ea vice videatur apud forum Turnarium esse. Hoc casu, etiam si alius jure dignitatis Ecclesiasticæ, alius jure foundationis laicis Jus Patronatus habeat; tamen non erit Jus Patronatus mixtum; sed in turno Ecclesiastici erit merè Ecclesiasticum; in turno vero laici, merè laicum.

XXIV. Si verò ita per vices, vel per turnum dividatur, ut quidem Turnarius in suo turno personam nominet; sed tamen utriusque nomine præsentatio fiat, tunc propriè nec præsentatio, nec Jus Patronatus per turnum, vel per vices dividitur; sed tantum conventum videtur inter Patronos, quod simul consentiant

E e e e e

tient

tient in eam personam, quam alter ipsorum alternis vicibus nominabit: hicque communi nomine presentabitur.

Exemplum hujus refert De Roye citato *cap. 19.* ex Guilielmo Thorneo Anglo in Chronico ad ann. 1229. concordie cujusdam inter Abbatem Sancti Augustini Cantuariensis, & certos Barones super Jure Patronatus cujusdam Ecclesie, ita ut quotiescumque Ecclesia vacaverit, Abbas & Conventus Sancti Augustini, & Barones semper simul presentabunt, ita scilicet, quod "Abbas & Conventus Sancti Augustini Cantuariensis, una vice liberè pro voluntate sua conferent Ecclesiam prænominatam, cui voluerint, & Barones alia vice pro voluntate sua. Presentabunt autem Abbas & Conventus per litteras facientes mentionem de Jure Baronum de S. & Barones similiter de S. presentabunt per litteras facientes mentionem de Jure Abbatis.

Quando hoc modo presentant, quamvis singuli in suo turno dicantur habere presentationem, reverà tamen indivisum manet Jus Patronatus: & communi nomine exercetur: ideoque in exemplo allegato, & huic similibus, reverà erit Jus Patronatus mixtum; & judicari debet prout de Jure mixto judicandum esse diximus *cap. 3.*

XXV. Et hæc quidem, nisi per tabulas foundationis, aut locorum consuetudines circa successionem Juris Patronatus, aliud cautum fuerit.

Potest enim Fundator alicui de sua familia, aut etiam extraneis Jus Patronatus assignare, ut nolit illud jure hæreditario, vel successionis deferri. Et quod uni è liberis suis Jus Patronatus assignetur, ad evitanda dissidia non raro convenit. Et ita Sanctus Everardus Comes, Ludovici Pii gener in testamento suo cavit, ut ex liberis suis tertius Adalardus habeat suum Jus Patronatus in quadam Ecclesia. Apud Miræum in Codice Piarum Donat. *cap. 12.*

Frequenter & tabulis foundationum, & locorum consuetudinibus obtinuit, ut Jus Patronatus primogenito de familia deferretur; præcipue si feudo illustri jus hoc fuerit annexum; quo casu eadem penè leges, ac interpretationes sequendæ & accipiendæ in delatione hujusmodi Juris Patronatus, quæ in feudis aut fideicommissis gentilitiis aut familiaribus traduntur, & à Doctores in materia feudorum & fideicommissorum examinantur; & huic materie nominatim applicatas regulas in materia feudorum & fideicommissorum tradi solitas, vide apud Franciscum De Roye in citatis Prolegomenis, *cap. 8. 9. & 19.*

XXVI. Cum laici Jus Patronatus ad instar patrimonii, rerumque temporalium per successionem, venditiones, aliosque contractus, unà cum patrimonio ac rebus temporalibus transferri videbant, quin & iisdem ferè legibus subjacere, illud ut rem merè temporalem habendum, atque ut talem etiam separatim vendi posse facile sibi persuadebant: eamque persuasione seculo XII. invaluisse sat insinuat querela Joannis Sarisberienensis, *lib. 7. cap. 17. De Nugis Curialium*, dum ait: quod Jus Advocationis aut Patronatus Ecclesie emeretur, ut ejus occasione facilius esset aditus in Ecclesias.

XXVII. Eandem consuetudinem in Anglia viguisse colligitur ex *cap. 19. de Jure Patronatus*, in prima Collectione apud Ant. Augustinum; & habetur in appendice ad Concilium Lateranense, *part. 15. tit. de Jure Patronatus*, *cap. 16.* ubi Alexander III. scribit Wintoniensi Episcopo: "Ad aures nostras pervenit, quod R. & W. de Mortun Jus Patronatus ejusdem loci ab eo, ad quem spectabat presentatio, emerunt. Quibus decedentibus R. filius W. jam dicti patris exemplo Jus Patronatus Ecclesie emere non dubitavit, & Canonicis de Stodleia tantas molestias intulit, persecutiones & gravamina, quod metu & dolo illius seducti, juri suo penitus renuntiaverunt.

Ad hunc casum referendum esse responsum, quod in dicta appendice capite sequenti immediate sequitur, sat apparet manifestum, & post Antonium Augustinum notat Franciscus De Roye ad *cap. 16. de Jure Patronatus*. Responsum autem ita sonat: "De Jure vero Patronatus in præscripta Ecclesia hoc tuæ discretionis mandamus, quatenus si prædictus R. Jus Patronatus comparavit, cum hoc inconveniens sit & penitus inhonestum vendi Jus Patronatus; contractum illum, sublato appellationis remedio, Apostolicâ fretus auctoritate, non differas revocare.

XXVIII. Raymundus Decretalium Gregorii IX. Compiler hoc Responsum retulit in *cap. 16. de Jure Patronatus*, nonnullis detractis & additis, ut ex utriusque collatione constare potest.

Notanda autem præcipue hæc addita: *Quod est spirituali annexum*: quibus innuere voluit, Jus Patronatus vel eo titulo vendi non posse, ac irritum esse contractum, quia spirituali est annexum. Hoc clariùs exprimitur in citato *cap. 19.* in prima Collectione ad eundem casum spectante; ubi expressè dicitur: *Cum Jus Patronatus sit connexum spirituali, nemini licitum est vendere illud*: atque admodum verisimile est, Raymundum prædicta verba ex hoc *cap. 19.* primæ Collectionis desumpsisse, & suæ Decretali adjecisse.

Interim eodem fundamento postmodum usus quoque fuit Innocentius IV. in Rescripto quodam apud Matthæum Parisiensem in additamentis *pag. 104.* dicens: "Irritas esse decernimus alienationes, emptiones, & venditiones de Patronatibus & Advocatiis Ecclesiarum, quæ cum sint spiritualibus annexa, emi & vendi nequeunt.

XXIX. Et sanè, cum jam pridem Jus Presentationis Clerici ad Beneficium, tanquam præcipuum in Jure Patronatus habitum fuerit; imò ipsum Jus Patronatus nonnunquam simpliciter Jus Presentationis appelletur, negari nequit, quin spirituali aliquo modo sit connexum; tamen eatenus dicatur profanum, in quantum ex patrimonio laicorum titulo foundationis aut dotacionis soler habere originem, eique adhærere.

XXX. Hinc uno consensu concludunt Interpretes, Jus Patronatus per se ac simpliciter vendi, aut cum alio temporali jure commutari non posse; ipsamque alienationem tanquam Simoniacam esse irritam: refertque Joannes Le Marechal in suo Tractatu *De Juribus Honorificis cap. 1.* duo Arresta, quibus judicatum fuit, Jus Patronatus separatim vendi non posse; venditionemque irritam esse. Aliud simile Arrestum refertur à Renato Choppino *De Domanio Regis lib. 3. tit. 19. num. 4.*

XXXI. Quod verò plerique addunt, cum ipso fundo seu gleba, cui adhæret, vendi posse; id non ita accipiendum, quasi ipsum Jus Patronatus fundo adhærens vendi posse existiment, sed duntaxat, quod per venditionem fundi tanquam ejus accessorium in emptorem transferatur: ita ut reverà dici queat, Jus Patronatus transferri mediante venditione; at venditione non afficiente Jus Patronatus; sed ipsum duntaxat fundum, Quemadmodum in venditione fundi hypothecati non venditur hypotheca, licet illa fundo inhærens, fundum sequatur.

XXXII. Unde in hujusmodi venditione fundi, cui Jus Patronatus adhæret, pretium valori ipsius fundi, sine respectu ad ipsum Jus Patronatus, respondere debet; ut ita appareat, Jus Patronatus non vendi, nec pretio æstimari; sed simpliciter tanquam fundi venditi accessorium transferri.

Si enim pretium fundi ex consideratione Juris Patronatus adhærentis augeatur, evidens erit, ipsum Jus Patronatus pretio temporali æstimari; & reipsâ, non secus ac ipsum fundum, partem seu mercem ipsius venditionis constituere, & venditione subijci.

XXXIII. Adhæc, qui fundum pluris emunt, quia Jus Patronatus ei annexitur; idque eo ampliùs quod plura

plura & opulentiora Beneficia juri illi sunt subiecta, far ostendunt, se profanam plane de Jure Præsentationis, quod potissimum attenditur, habere ideam; non dubitantes, sibi jus illud Præsentationis facile valere eo pretio, quod ejus intuitu amplius pro fundo empto dederunt.

Hæc autem ut consequantur, quid sperandum nisi quod suo Jure Præsentationis eo modo utentur, ut queant etiam temporalia, aut iis æquivalentia consequi: idque vel Simonia, vel sane personarum acceptione interveniente: & inde ulterius ea omnia incommoda, quæ provisiones Simoniacas, & interveniente personarum acceptione factas consequi solent: quæque fufius titulis De Simonia, & De cavenda acceptione personarum exponemus; atque una ostendemus, quam falsa soleat de Jure Patronatus idea haberi: quamque aberrant laici, hujusmodi jus affectantes.

### CAPUT V.

De Præsentatione, & differentiis inter Patronum Ecclesiasticum & Laicum.

1. Præcipua pars juris Patronatus est Præsentatio.
2. Revera distinguitur jus præsentationis à Jure Patronatus.
3. Potest esse Patronus sine jure præsentationis: qui tamen hodie non Patronus; sed Fundator vocari solet.
4. Olim Patronus offerebat Clericum ordinandum.
5. Hodie offert instituendum; quæ mutationis ratio?
6. Oblatio Clerici, à Patrono facta, dicitur Præsentatio; profuitque ex cura quam Patronus Ecclesiæ impendit.
7. An recte inde deducatur, Jus Patronatus non esse servitutem?
8. Hodie Episcopus obligatur instituere præsentatum à Patrono.
9. Monebantur olim Patroni, ut præsentationem non nimium differrent.
10. An certum tempus Patroni olim fuerit præfixum?
11. Permisit Concilium Lateranense, ut Episcopus Ecclesiæ provideat, si quæstio super jure Patronatus intra certum tempus non sit terminata.
12. Creditum à Canonistis, hic tempus certum præsentandi laicis præscriptum; idque quatuor mensium.
13. Alexander III. scripsit Patronis competere sex menses.
14. Hinc à Doctoribus facta distinctio inter jus Patronatus Laicum & Ecclesiasticum circa tempus præsentandi; & à Bonifacio VIII. probata.
15. Tempus Patroni præscriptum tantum currit à tempore notæ vacationis, & quæ notitia haberi debeat?
16. Patronus Laicus in præsentatione variare potest; non autem Ecclesiasticus.
17. Hæc distinctio ex interpretatione Doctorum originem sumpsit.
18. Cur variatio Patroni Laici, dicatur accumulativa?
19. Quod primarium hujus distinctionis fundamentum?
20. Patronus Laicus variare tantum potest rebus integris.
21. Quare Patrono Ecclesiastico negata variatio?
22. An Patronus Laicus sæpius variare possit?
23. Patronus Ecclesiasticus præsentans indignum, excidit pro ea vice jure præsentandi.
24. Laicus alium præsentare potest; secus olim obtinebat.
25. Episcopus, negligente Patrono, confert jure ordinario, non autem jure devoluto; & quare?
26. Collatio Episcopi, spreto Patrono, est valida; & quis ejus effectus?

Tom. I.

27. Non idem de præventionem aut provisionem Papæ; & quæ ratio differentie?
28. Provisio Ordinarii, spreto Patrono, valida esset; secus Metropolitanæ aut Papæ provisio facta ante tempus devolutionis expletum.
29. Provisio Ordinarii valida est etiam ad excludendam præventionem Papæ, secus Provisio Papæ, spreto Patrono.
30. Quomodo collatio Ordinarii non noceat juri Patroni?
31. Quando Patronus dicatur Clericum præsentare?
32. Non tenetur Patronus personaliter accedere Ordinarium.
33. Hodie præsentatio fit per litteras.
34. Præsentatio non est perfecta priusquam intimata sit Ordinario.
35. Sufficit intra tempus præfinitum litteras præsentationis à præsentato exhiberi Ordinario.
36. Litteris Ordinario non exhibitis, potest Patronus Ecclesiasticus adhuc variare.
37. Ecclesiasticus à Papa præsumi potest, litteris Ordinario non intimatis.
38. Si litteræ intra tempus præscriptum non sint Ordinario exhibitæ, poterit libere conferre.
39. Si jus Patronatus competat pluribus in corpore, debet præsentatio collegialiter fieri.
40. Quomodo nominatio personæ præsentandæ hoc casu faciendæ?
41. Aliquando præsentatio à pluribus separatim fit.
42. Si à duobus Patronis duo præsententur, electio erit Ordinarii.
43. Si suffragia dividantur inter plures, præfertur à pluribus præsentatus.
44. Quid, si is insitui nequeat?
45. Quid, si controversia sit, cui jus Patronatus competat?
46. Quid, si sit inter Ordinarium & præsumum Patronum?
47. Possessor, pendente lite, præsentare potest.
48. Quid, si neuter sit in possessione; sed constet Ecclesiæ esse Patronatam?

I. Jus Patronorum potissimum consistere, præsertim hodie, in præsentatione, sive in jure præsentationis Clerici ad Ecclesiam vacantem, expeditum est. Et quidem in cap. 1. de Præbendis in VI. Jus Patronatus & jus præsentandi Rectorem Ecclesiæ tanquam synonyma accipiuntur à Pontifice.

II. Quin tamen revera Jus Patronatus & jus præsentandi distinguantur, dubitari nequit. Certum quippe est, Patrono vi Juris Patronatus plura jura præter jus præsentationis competere; uti capite sequenti ostenderetur. Hinc aperte Jus Patronatus & jus præsentandi distinguuntur in cap. 1. de Jure Patronatus, in secunda Collectione Decretalium apud Antonium Augustinum.

III. Imo potest Patronus habere jura honorifica aliaque Patroni competentia, tamen jus præsentationis non habeat; ut puta si juri præsentationis renuntiaverit, aut alteri cesserit, retento nihilominus Jure Patronatus. Unde cum vidua Comitissæ Flandriæ exposuisset Innocentio III. quod intenderet ad honorem Dei Ecclesiam fundare, peteretque in ea Jus Patronatus & Collationem Præbendarum sibi & successoribus suis reservari; respondit Innocentius lib. 3. Regest. Epist. 192. Reg. 15. "Primum admittimus: secundum vero non duximus concedendum; cum tuæ non expediat, saluti concedi." Hic collationem accipi pro præsentatione recte notat ac probat Bosquetus ad dictam Epistolam Innocentii; (a) una ostendens, Patroni prius

(a) Gonzales ad c. ii. h. t. n. 7. observat in ista Innocentii Epistola agi de Collatione Præbendarum in sensu stricto & præcipuo: Plus continet Collatio Præbendarum, quam præsentatio nuda, quæ facta & admittitur, demum collatio ex principis juris recentioris & institutio ab Episcopo faciendæ est.



Jure honorifica quam præsentationis fuisse indulta, adeoque jus præsentandi semper fuisse à Jure Patronatus separatum : quamvis ambigi nequeat, quin hodie à jure præsentationis tanquam à principaliore sua parte nomen suum mutuare soleat;isque Patronus dicatur, qui jus præsentationis habet : imo qui jus præsentationis non habet, Patronus dici non solet, sed Fundator.

IV. Monuimus non semel, olim Beneficiorum collationem seu institutionem ab ipsa Ordinatione sejunctam non fuisse : sed in ipsa Ordinatione Clericos Ecclesiis adscribi solitos; atque per eam adscriptionem idem jus accepisse, quod hodie per Beneficiorum collationem seu institutionem acquiritur.

V. Hac disciplina vigente, Fundatores sive Patroni Clericos offerebant Episcopo in Ordinatione; ut eos in Presbyteros Oratoriorum seu Ecclesiarum, quarum Patroni erant, ordinaret; eosque per Ordinationem his Ecclesiis adscriberet.

Conformiter ad hanc disciplinam legitur apud Gratianum *Caus. 16. q. 7. Can. 32.* ex Concilio Toletano IX. "Decernimus, ut quamdiu Fundatores Ecclesiarum in hac vita superstites exstiterint, pro iisdem locis curam permittantur habere sollicitam; atque Rectores idoneos in iisdem Basilicis, iisdem ipsi Episcopo offerant *ordinandos*."

Postquam autem ipsa Beneficiorum collatio segungi coepit ab Ordinatione; nec amplius per Ordinationem, sed tituli Beneficialis collationem seu institutionem canonicam, ipsi Clerici coeperunt Ecclesiis adscribi : tum Patroni sive Fundatores non ordinandos, sed in Beneficiis vacantibus instituendos Episcopo obtulerunt.

VI. Hæc oblatio vocari solet *præsentatio*, quasi ipsi Patroni seu Fundatores curam sollicitam Ecclesiarum à se vel à Majoribus fundatarum habentes, Episcopo offerant, sive præsentent, qui in harum Ecclesiarum Ministros assumi possent.

Unde Gratianus inquirens, quid juris habeant Fundatores; ait : *Habeat jus providendi, & consulendi, & Sacerdotes inveniendi.* Post *Canonem 30. Caus. 16. q. 7.* Hæc non obscure innunt, Gratianum supposuisse, jus præsentandi oriri ex cura, quam Fundatores eorumve successores Ecclesiis fundatis impendere debent.

VII. Hinc infert Franciscus De Roye in Prolegomenis ad titulum *de Jure Patronatus cap. 5.* Jus Patronatus non esse servitutem, neque Ecclesiæ libertatem imminuere; quia (ait) "Patroni nullum jus in Ecclesiæ fiam collatione habent, sed eam *juvant*, eique *favent*, dum idoneos Clericos inveniunt, quos Episcopus in iis instituat : "Tum relatis verbis Gratiani, concludit : "Nunquam vero dixeris, auxiliatrices manus infringere libertatem."

Verum diceret Auctor hic, si Patroni id unum vellent agerentque, ut Episcopo *adjutores* accederent pro inveniendis idoneis Sacerdotibus. At plus juris jam pridem prætenderunt, & hodie prætendunt Patroni. Credunt quippe sibi non tantum esse jus inveniendi idoneos Sacerdotes eosque simpliciter Episcopo ordinandos vel instituendos offerendi, ut de cætero liberum sit Episcopis eos recipere vel repellere, sed ita sibi nominationem seu præsentationem competere, ut à se nominatos ordinare aut instituere Episcopus teneatur; nisi eos absolute inidoneos ostendere queat. Et quidem jam pridem in citato *Can. 32.* ex Concilio Toletano IX. hujusmodi Fundatorum jus supponi videtur. Dicitur enim : "Quod, si spreto ejusdem (Ecclesiæ) Fundatoribus, Rectores ibidem præsumpserit Episcopus ordinare, & Ordinationem suam irritam noverit esse, & ad verecundiam suam alios in eorum loco (quos iisdem ipsi Fundatores condignos elegerint) ordinari."

VIII. Hodie Episcopos adstringi instituere præsentatos à Patrono; nisi eos probaverint inidoneos, expeditum est. Licet ergo verum sit, Patronos non habere Ecclesiarum collationem; negari nihilominus nequit, quin per suam præsentationem in Beneficiorum collatione præcipuas partes habeant : quando quidem ipsa institutio præsentationem sequi debeat, ni probari queat, Præsentatum esse non tantum minus idoneum, quam alii qui haberi possent; sed *absolute* inidoneum. Quod quam difficile, & quam raro probari queat, notum est. Hinc institutio Episcopi, quæ Patroni præsentationem sequitur, vulgo & recte appellatur collatio *necessaria*; quasi, necessitate cogente, huic Præsentato facienda; uti latius titulo sequenti *cap. 1.* exponetur; atque una notabitur, quod Patroni admodum solliciti merito sint, ut prævie ad præsentationem de capacitate præsentandi sint rite instructi : eo quod ex ipsorum præsentatione pendeat ipsa Ecclesiæ provisio.

IX. Cum ergo ex Fundatorum seu Patronorum præsentatione præcipue Ecclesiarum provisio pendeat, jam pridem legimus admonitos fuisse Patronos, ut tempestive idoneos Clericos præsentarent; ne ex diuturniore Ecclesiarum vacatione, Ecclesiis dispendium inferatur.

Et quidem in Synodo Romana sub Eugenio II. *Can. 24.* qui repetitus fuit in Synodo Romana sub Leone IV. circa medium seculi IX. *Can. 24.* statuitur : "Et si secularium hominum sub jure sint constitutæ (Ecclesiæ) ab Episcopo illius Ditecesis admonerentur (seculares illi homines.) Et si admoniti Presbyteros intra *trium* mensium spatium ibidem neglexerint constituere, curam exinde habens Episcopus, absque neglectu *Principi (a)* suggerat, quatenus ejus emendetur sententia."

X. His Canonibus statutum fuisse, ut intra *tres menses* fiat præsentatio, & quidem præcedente monitione Ordinarii, credit De Roye in citatis Prolegomenis *cap. 28.* atque hinc concludit, male notasse Joannem Andræam ad *cap. 1. De jure Patronatus in VI.* "Nec antiquos Canones, nec Pontificum Rescripta *certum* aliquod tempus definiisse pro Patronis."

Joanni Andrææ nihilominus consentit Vir eruditus Franciscus Florens ad *cap. 1. De jure Patronatus*, antiquioribus temporibus nullum nominatum tempus Patronis præfinitum fuisse : creditque primum in Concilio Lateranensi, sub Alexandro III. tempus definitum fuisse.

Sane inspectis verbis citati Canonis Synodi Romanæ, dubitari merito posset, an Patronis *trium* mensium spatium ad præsentandum fuerit absolute præfinitum; ita nimirum, ut si intra tempus illud non præsentassent, Episcopus *libere* posset Ecclesiæ providere : cum tantum dicatur, Episcopum curam habentem, posse de neglectu Patroni Principem monere.

XI. Quidquid sit, ad hunc interim Canonem reflexisse videtur Concilium Lateranense sub Alexandro III. *Can. 17.* ubi decernit : ut ordinet Antistes Ecclesiam, sicut viderit melius secundum Deum ordinandam, "si de Jure Patronatus quæstio emerferit inter aliquos, & cui competat, intra *tres* menses non fuerit definitum."

Hic de Patronis Laicis agi, integer Canonis contextus, ipsumque nomen *Fundatorum & Heredum* sat evincunt; atque inde confirmamur, ad citatum Canonem Synodi Romanæ, qui de Patronis *Laicis* loquitur, hic factam esse reflexionem.

XII. Interim hinc unanimi calculo concludere Canonum antiqui Interpretes, præsentationi *laicali* tempus à Concilio Lateranensi hoc Canone præfinitum esse.

At cum in nonnullis hujus Canonis editionibus pro (a) In Collectione Labbeana legitur *principem*.

tres menses, legeretur quatuor, uti in nota marginali ad hunc Canonem in collectione Conciliorum generalium indicatur, etiam à nonnullis dari cœpit spatium quatuor mensium; præsertim postquam hæc lectio intravit Decretales Gregorii IX. nimirum in cap. 3. *De jure Patronatus.*

XIII. Cum autem idem Concilium definiisset tempus sex mensium pro collatione Beneficiorum, uti refertur in cap. 2. *De Concess. Præbendæ non vacantis*; exceptum fuit id tempus ad præsentationem personarum ad Ecclesias vacantes extendi; ac nominatim ab ipso Alexandro in cap. 22. *De jure Patronatus*, scribente: "Illas autem Ecclesias, de quarum Patronatu controversia fuerit, si intra sex menses postquam vacaverint, non fuerit controversia terminata, licitum tibi sit de persona idonea ordinare."

XIV. Quamvis ex textu non appareat, de quo Patronatu an Laico, an Ecclesiastico agatur, nihilominus Decretalium Commentatores, ut hanc Decretalem conciliarent cum citato Capitulo tertio, quo duntaxat quatuor menses in simili casu ex Decreto Concilii Lateranensis conceduntur, cœperunt hanc Decretalem interpretari de Patronatu Ecclesiastico, alterum vero Decretum de Patronatu Laico; atque ita à Doctores recipi cœpta est distinctio hætenus ignota inter Patronum Laicum & Ecclesiasticum; ut illi ad præsentandum duntaxat quatuor menses, huic vero sex menses competere: quæ distinctio tandem à Bonifacio VIII. probata fuit in cap. unico, *De jure Patronatus in VI.* una declarante quod *semestre* competat etiam Ecclesiæ vel Monasterio, cui à laico Juris Patronatus collatio facta est.

XV. Sicut autem tempus, à Concilio Lateranensi Collatoribus præstitum, non currit nisi à die *notitiæ*, ut supra tit. 4. alias 21. cap. 5. notavimus; ita & quatuor vel sex menses Patronis ad præsentandum concessi, currere tantum incipiunt ab eo tempore, quo probabiliter cognoscere potuerunt, vacasse Beneficium. Puta si mors Beneficii publice nota sit in loco vel Ecclesia vacantis Beneficii, cum palam sepultus fuerit. Unde non omnino certa & vera scientia Patroni desideratur; sed tantum interpretativa; id est, ut morali quodam modo loquendi, scire potuerit & debuerit, vacasse Beneficium; uti & ipse Molinæus ad *Consuet. Paris. tit. De Feudis*, §. 55. gloss. 10. n. 24. fufius probat: atque expresse supponunt Consuetudines Normanniæ art. 69. volentes tempus Patronis datum *computari à die, quo mors ultimi possessoris COMMUNITER nota est.*

XVI. Non tantum quoad terminum temporis ad præsentandum inducta est differentia inter Patronum Laicum & Ecclesiasticum, sed insuper ex communi Doctorum interpretatione invaluit, quod Laicus intra tempus à jure definitum possit successive plures præsentare; eo saltem effectu, ut Episcopus queat etiam posterius Præsentatum præferre prius Præsentato: Ecclesiasticus vero Patronus unum tantum possit præsentare; & si de facto plures successive præsentaverit, prior sit omnino præferendus.

XVII. Unde recepta est hæc vulgaris distinctio; Patronus Laicus intra tempus præfixum potest *variare*; secus Ecclesiasticus.

Hæc conclusio hodie unanimi Doctorum consensu probata, licet expresse textu Juris inducta non sit, originem suam tamen habuit ex Decretali Lucii III. in cap. 24. *De jure Patronatus*, ubi proposita questione: Si Patronus "Clericum idoneum Episcopo" præsentaverit, & postulerit *postmodum*, eo non "refutato, alium æque idoneum in eadem Ecclesia" admitti, quis eorum alteri præferatur? Respondit Pontifex: "Judicio Episcopi credimus relinquendum, si Laicus fuerit, cuius competit præsentandi. Verum si Collegium, vel Ecclesiastica persona præsentatio-

nem haberet; qui prior est tempore, jure potior esse videtur."

Cum hic judicio Episcopi committatur, è duobus à Patrono Laico ipsi præsentatis unum quem maluerit eligere & instituere, non obscure significatur, Patronum Laicum posse variare; ut nimirum secundum præsentando det facultatem Episcopo, neglecto prius præsentato, hunc postmodum præsentatum instituendi.

XVIII. Hanc variationem Doctores vocare solent *accumulativam*: eo quod Patronus secundum præsentando, præsentationem præsentationi accumulet; non autem à priori recedat; hancque solam variationem permitti etiam Patrono Laico communis est Canonistarum sententia, quam probat Fagnanus ad citatum cap. 24. eumque textui conformem ostendit.

XIX. Porro hæc inter Patronum Laicum & Ecclesiasticum differentia contra veterem disciplinam, quæ eam non agnovit, inde inducta videtur, quod pro firmissimo principio apud Canonistas receptum esset, Laicos nullum prorsus jus dare posse in Beneficiis; & consequenter quod ipsorum præsentatio nullum jus ipsi præsegrato daret; sed per præsentationem quodammodo tantum Episcopo indicaretur, quod hunc præsentatum Patronus desideraret institui: atque ita nullatenus inconueniens judicabatur, si plures Episcopo successive offerre posset, ut ex iis digniorem institueret: cum nullum jus prius Præsentato per præsentationem videretur acquisitum; sed id demum ab Episcopo accipere debeat.

XX. Unde si Episcopus Præsentato institutionem dedisset, Patronus amplius alium præsentare non poterit. Variatio enim Patrono competit, *rebus integris*, id est, ante institutionem, uti vulgo tradunt Doctores, sive antequam ipsi præsentato jus aliquod firmum quæsitum sit.

Quod enim dicitur, Præsentationem dare *jus ad rem*, id procedit respectu Patroni: quia Episcopus tenetur admittere præsentationem Patroni; ipsumque præsentatum instituere, nisi Patronus variando alium præsentaverit. Unde recte notat de Roye ad cap. 24. *De jure Patronatus*: "Quamvis prima præsentatio pul-  
"saverit aures Episcopi, attamen non tribuit jus ad  
"rem, sed est quodammodo in pendentem, an videlicet  
"Patronus in ea perseveret."

XXI. Porro sicuti Canonistæ crediderunt, præsentationem laici non dare jus aliquod firmum ipsi præsentato; quia laici nihil juris ad Beneficium dare possunt; ita e contra præsentationem Patroni Ecclesiastici habuere pro quasi collatione seu electione: eamque proinde jus aliquod ipsi præsentato tribuere crediderunt; quod ei per secundam præsentationem auferri nequeat. Hanc rationem indicasse videtur Glossa ad dictum cap. 24. dicens, Patronum Ecclesiasticum variare non posse: "Quia Clerici Patroni *pinguius jus* habent, quam  
"laici; id est, ex præsentatione Clerici plus juris  
"tribuitur Præsentato, quam ex præsentatione laici,  
"uti exponit Zarabella ibidem num. 4. Vel ut clarius Innocentius IV. ad dictum cap. 24. "Idcirco Clericalis va-  
"riatio est interdicta, quia illorum præsentatio vicem  
"habet *electionis*."

Hinc quoque factum, quod Canones circa seculum XI. & XII. urgentes, ut Præsentati non ausint se Beneficiis ingerere, nisi prius ab Episcopo institutionem acceperint, pene tantum loquantur de Præsentatis à Patronis Laicis; uti titulo sequenti cap. 1. videtur.

XXII. Credunt plures Canonum Interpretes, Patronum Laicum non nisi semel intra quadrimestre variare posse, quos sequitur Fagnanus loco citato n. 8. Verum cum hic tantum agatur de variatione *accumulativa*, per quam nullum præjudicium inferitur Episcopo Beneficiorum ordinario Collatori: imo e contra quo plures præsentantur, tanto amplior detur Episcopo

copo eligendi libertas; verius apparet, Patronum Laicum non ſemel duntaxat, ſed pluries variare poſſe; & ita poſt Gloſſam ad *Clementinam* *PLURES De Jure Patronatus*, noviffime notavit Claudius Blondau, in Bibliotheca Canonica verbo *Patronage* num. 179.

XXIII. Ex hac differentia alia invaluit: quod ſi Patronus Eccleſiaſticus Clericum inidoneum præſentaverit, pro hac vice amittat jus ſuum præſentandi, & Ordinarius *pleno jure* vacantem Eccleſiam conferre poſſit.

In quam rem expreſſa ſunt verba Innocentii III. *lib. 3. Regeſti Epif. 226.* "Præſata Abbaſſa (Sanctæ Crucis) præſentando *indignum*, illa vice *amiſit* jus præſentandi.

Quod tamen intelligi debet, niſi incapacitatem Præſentati probabiliter ignoraveſſet.

XXIV. Si vero Laicus *indignum* præſentaverit, nequidem pro ea vice præſentandi privatur; ſed alium adhuc præſentare poteſt; uti communiter tradunt Doctores ad *cap. 4. de Jure Patronatus*, & ibidem pluribus Fagnanus; etiamſi *ſcienter* indignum præſentaverit.

Et quidem hodie utimur eo jure, ait de Røye ad *cap. 14. de Jure Patronatus*, & addit: "Quod tamen interpretes ex novis recentiorum Pontificum Decretis talibus introduxerunt contra jus verum." Probat dein ex *Novella 123. cap. 18.* Juſtiniani Imp. & verſione Juliani Anteceſſoris, quod laicus præſentando *indignum* etiam pro ea vice privaretur jure præſentandi. E quibus concludit: "Adeo verum eſt, omnes olim Patrones *eodem jure* habitos fuiſſe.

XXV. Si Patronus laicus intra quadrimeſtre, vel Eccleſiaſticus intra ſeſtre non præſentaverit Epifcopo ad quem inſtitutio pertinet, poterit Epifcopus *pleno jure*, tanquam ordinarius Beneficiorum Collator conferre: idque non jure *devoluto*, ſed *ordinario*: quia Ordinarius non confert vigore juris ex negligentia Patroni ad ſe *de novo* devoluti: ſed vigore juris primitivi Collatoris, quod ſemper penes Epifcopum vel alium jus inſtituendi habentem remanſit; ita ut per Jus Patronatus ceu quamdam ſervitutem liberum uſum illius juris habere tantum impediatur: Unde Jure Patronatus ſive ſervitute illa non operante, Jus primitivum, uſum priſtinum & liberum ſuum exercitium recuperat. Quare in litteris præſentationis neceſſe non eſt exprimere, collationem fieri *jure devoluto*: ſecus autem dum Metropolitanus ob negligentiam Collatoris confert Beneficium ſpectans ad collationem ſui Suffraganei: quia collatio hujus Beneficii non alio titulo quam jure *devolutionis*, ob negligentiam inferioris ad Metropolitanum ſpectat. Vide De Røye in Prolegomenis *cap. 28.*

XXVI. Eodem ex fundamento receptum eſt, collationem Epifcopi, aut alterius ordinarii Collatoris eſſe validam, etiam factam adhuc corrente tempore legitimo præſentandi: eamque firmam manere, & valere prout *ex tunc*, id eſt, à tempore collationis; ſi Patronus vel expreſſe, vel tacite nullum præſentando, aut invalide præſentando, conſentiat, aut ſe non opponat.

XXVII. Ita communiter tradunt Canoniftæ, præſertim recentiores Pragmatici Galliæ; qui & addunt, non eſſe ſimile de præventionem Papæ vel Legati, pendente dicto tempore facta, quæ prorfus nulla eſt & nunquam reconvaſcit, inquiunt, quia odioſa eſt & ſubreptitia, & ſic funditus nulla: contra (ajunt) collatio Ordinarii favorabilis eſt, in jure communi actu & habitu fundata; niſi quatenus illius juris utilitatem ſervitus Patroni remoratur vel impedit: qua ceſſante, collatio Epifcopi manet in naturali vigore ſuo. Videri poteſt Carolus Fevretius De Abusu *lib. 2. cap. 6. §. 13.* item Franciſcus de Røye ad *cap. 8. de Jure Patronatus*; qui una obſervant, collationem Ordinarii factam tempore nondum elapſo, ita eſſe va-

lidam, ut etiam impediatur præventionem Papæ reſpectu Patroni Eccleſiaſtici; tamenſi ipſe Patronus intra ſeſtre præſentans, ipſam collationem Ordinarii antea factam irritet.

XXVIII. Notatum eſt num. 26 collationem ſive provisionem Ordinarii eſſe validam, licet facta ſit, ſpreto Patrono, etiam intra tempus Patrono ad præſentandum competens: at ſecus eſt, ſi Archiepiſcopus aut Pontifex contulerint jure devoluto; ſed tempore devolutionis nondum elapſo, licet poſtmodum fiat locus devolutioni, per lapſum temporis collatio Archiepiſcopi, vel Pontificis non convaleſcet, nec valida erit; eo quod ipſis nullum jus conferendi competat, niſi ex jure *devoluto*, ut poſt Molinæum notat, Du-Caſſe in ſua Praxi Jurisdictionis voluntariæ *c. 5. n. 3.*

Hæc praxis rurius evincit, Romanum Pontificem non reputari *Ordinarium Ordinarium*, ſive Romano Pontifici non competere jus aliquod providendi de Beneficiis jure *ordinario*, ſed duntaxat illud ipſi acquiri jure devolutionis, quemadmodum acquiritur Metropolitanis per negligentiam Ordinarium ſibi ſubjectorum.

XXIX. Collationem vero Ordinarii intra tempus Patronis ad præſentandum conſeſſum factam, eſſe validam reſpectu *omnium*; nec reſolubilem niſi reſpectu ipſius Patroni intra tempus præſentantis, multis oſtendit Molinæus ad Regulam Cancellariæ *de infirmis Reſignantibus*, num. 53, ac ſignanter 68. & ſequentibus, ubi quoque notat, quod ſi Papa Patronum, ſive Eccleſiaſticum, ſive Laicum præveniret, præventio illa ſit nulla & invalida, ſi ipſe Ordinarius Beneficium contulerit: quia licet ipſa collatio Ordinarii facta, *ſpreto Patrono*, ſit reſolubilis reſpectu Patroni, ſi intra præfixum tempus præſentaverit, ſemper tamen fuit valida, quamdiu Patronus non præſentat, adeoque non poteſt habere locum præventio Papæ; eo quod hæc non obtineat niſi ubi Beneficium eſt vacans.

Præterea late ibidem probat, collationem Papæ aut ejus Legati, Beneficii juris Patronatus, ſpreto Patrono, in Regno Galliæ reputari omnino invalidam, quod & pluribus proſequitur Georgius Lotetius in notis ad Molinæum num. 60, qui tamen ibidem ſub finem exiſtimat: "Si Papæ proviſio eandem cauſam contineat, puta ſit per obitum, vel jure devoluto, vel per reſignationem, nulla Juris Patronatus Laicorum, nec præventionis mentione facta, nec etiam derogationis (pro hac vice) quæ ſunt veræ nullitatis cauſæ, contineant, *Patrono non conquerente*, validam, & exiſtente provisionem non abuſivam: eoque caſu Papam Ordinarium Ordinarium, eodem quo Ordinarii Collatores favore amplectendum, poſſe, quæ poſſunt alii Collatores: non enim eo caſuliceret tantum quam *ab abuſu* provocare.

Verum in nota marginali ad hanc Lotetii limitationem, monet vir eruditus Antonius Vaillant, "in Gallia Papam non eſſe *Ordinarium Ordinarium*, & non omnia poſſe, quæ poſſunt Ordinarii: ſolo jure (inquit) præventionis gaudet, & non poteſt prævenire Patronum Laicum intra tempora ei ad præſentandum conſeſſa.

XXX. Quantum ad Beneficii Epifcopum qui dicitur Ordinarius, recte monet de Røye, quod licet collatio Ordinarii, ſpreto Patrono, ſit valida ipſo jure, nihilominus maneat liberum jus Patrono, intra tempus jure definitum præſentandi: eaque præſentatione ipſo jure ſine ulla prævia juridica caſſatione, in irritum cedat prior collatio Ordinarii.

XXXI. Præſentare dicitur Patronus, quando Clericum Epifcopo ſeu alteri jus inſtituendi habenti, inſtituendum ſive ordinandum exhibet, vel dum eum deducit ad Dioceſanum Epifcopum, uti dicitur in *Novella 57.* aut uti vertit Julianus Anteceſſor, quando eum offert Epifcopo.

XXXII.



XXXII. Non tamen necesse est, ut ipse Patronus *personaliter* accedat ad Ordinarium, eique Clericum *per se* præsentet, seu offerat; sed potest ipsi Clerico præsentationis litteras tradere deferendas ad Ordinarium *cap. 6. §. De his, quæ fiunt à Prælato, &c.* ubi refertur, quod in certa "Provincia sæpè contingeret, quod ad Ecclesias, in quibus Collegia jus præsentationis habere noscuntur, eorum Abbates, aut "per se, aut *per litteras*, personas idoneas Episcopis "Diocæsanis præsentent. "Quæ consuetudo non improbat.

XXXIII. Imò consuetudo præsentandi per litteras adeò hodie comprobata & recepta est, ut nulla nisi per litteras hodie admitti soleat: debentque Litteræ præsentationis in forma authentica, non secùs ac litteræ Collationis expediri; monetque Claudius Horry in suo novo Tractatu de materiis Beneficialibus *pag. 149. edit. 1695.* litteras etiam præsentationis expediendas esse per Notarios Regios Apostolicos constitutos Edicto Regis Galliæ in Decembri 1691. cujus suprà meminimus.

XXXIV. Verùm ut præsentatio sit perfecta, suumque effectum habeat; non sufficit, litteras præsentationis esse legitimè expeditas, & acceptatas; sed requiritur, ut præsentatio facta sit à præsentante & realiter exhibita Ordinario, vel ut loqui solent Pragmatici, *ut pulsaverit aures Ordinarii.* Præsentationis enim verbum refertur ad alium, sive sonat aliquem alteri præsentari. Unde Ordinarius meritò dicitur terminus ad quem ipsius præsentationis. Neque dicenda est præsentatio antequam sit facta Superiori, sed simplex tantùm *præparatio*. Quare præsentationem definit Rochus De Curte in præfatione ad titulum *De Jure Patronatus, num. 4.* post Panormitanum, quod sit exhibitio quædam facta de Clerico præsentante sensibus corporis illius, cui fit præsentatio.

XXXV. Observat tamen ibidem Rochus, verbo *Honorificum num. 32.* quod "valeat præsentatio facta "per instrumentum in absentia Superioris, si Præsentatus infra quatuor menses deferat illud instrumentum ad Superiorem, & ipsum coram eo præsentet; "quod (ait) quotidie contingit.

XXXVI. Quamdiu ergo præsentationis litteræ Ordinario, sive illi, cui jus instituendi competit, exhibitæ non sunt, adhuc informis est præsentatio; potestque non tantùm laicus, sed Ecclesiasticus Patronus variare; idque non solum accumulando secundam præsentationem priori, sed etiam à prima in toto recedendo; quemadmodum uno consensu notant Canonistæ ad *cap. 25. §. De Jure Patronatus*, ubi statim innotum tum demùm variationem interdictam Patrono Ecclesiastico, postquam idoneum Clericum Episcopo præsentaverit. Concluduntque ulterius, ante præsentationem, Ordinario exhibitam, nullum jus esse Præsentato quæsitum, demumque litteris præsentationis Ordinario exhibitis, *jus ad rem* Præsentato quæsitum esse.

XXXVII. Quinimò Patronum Ecclesiasticum posse à Papa præveniri, quamdiu præsentatio *aures Episcopi non pulsaverit*, tamen si litteræ præsentationis fuerint expeditæ, quin & Præsentato traditæ cum expresso mandato, ut eas mox Ordinario exhiberet, sique eas tradere neglexit, frequenter judicatum refert Brodæus in notis ad Loüetium *litt. P. num. 25.* hancque sententiam hodie esse in foro receptam testatur.

XXXVIII. Denique ex hisce conficitur, quod non sufficiat, ut Patronus infra tempus datum ad præsentandum expedierit litteras præsentationis; sed requiratur, ut infra illud tempus realiter ipsa præsentatio fiat Ordinario; aliàs si litteræ præsentationis non fuerint exhibitæ, poterit Ordinarius elapso termino dato ad præsentandum, *liberè* conferre.

XXXIX. Si plures sint Patroni, ipsique Collegium

aut Corpus aliquod constituent, ipsumque Jus Patronatus Corpori, sive ipsis tanquam Corpus constituentibus competat, tunc præsentatio fieri debet *collegialiter*. Neque valeret præsentatio extra Collegium facta, tamen si eam singuli de Collegio probassent. Quia quod singuli extra congregationem faciunt, dici nequit à Collegio seu Corpore factum.

XL. Et reverà dum præsentatio ad plures ut Collegium seu corpus spectat, præcedit præsentationem faciendam Ordinario quædam species electionis personæ præsentandæ: in qua electione, ea, quæ in electione *collativa* Canones observari præcipiunt, quoque ferè observanda sunt: v. g. quod omnes convocandi sint; quod unus neglectus possit præsentationem irritam reddere, eò quod neglectus sit, &c. conformiter ad ea, quæ suprà *tit. 4. aliàs 21. cap. 3.* dicta fuerunt.

XLI. Sin autem Jus Patronatus competat pluribus *divisim* sive *ut singulis*, tunc etiam separatim præsentare possunt, nec requiritur, ut consensus ipsorum eodem tempore præstetur; imò nonnunquam per diversa instrumenta separatim præsentationem facere possunt, aut per idem instrumentum; sed diverso tempore à singulis signatum.

XLII. Contingere potest, ut de persona præsentanda inter Patronos non conveniat. Ad evitanda autem incommoda ex hac dissensione nata oriri, permittitur in *Clem. 2. De Jure Patronatus*, ut "plures ad vancantem Ecclesiam possint eo modo præsentare personas, quod una ex eis eligi per Episcopum valeat & "admitti.

XLIII. Et id quidem, si à singulis Patronis unus præsentetur; at si ad plures quàm duos præsentatio spectet, tunc qui à pluribus præsentatur cæteris præferendus erit, juxta Decretum Concilii Lateranensis in *cap. 3. §. De Jure Patronatus*; debetque, quemadmodum in electione, etiam & hic ex majori suffragantium parte concludi.

XLIV. Quod si Patroni jure suo singuli uti volentes, sive ut loquitur Concilium Lateranense, *pro sua defensione* plurimos præsentent; nec ille, qui majoribus meritis, & pluribus suffragiis juvatur, sine scandalo ab Episcopo instrui queat, tunc vult Concilium Lateranense, ut *ordinet Antistes Ecclesiam sicut melius secundùm Deum viderit ordinandam.*

Modos, quibus secundùm Canones Antistes providere posset, notatque Franciscus De Roye in Commentario ad *cap. 3.* unà addens quid moderna praxis in simili casu observet. "Hodie (ait) plures Præsentati apud Regios Judices agunt invicem, vel interdicto "uti possideris, vel unde vi & celeriter aut alteri ex iis "adjudicatur *recedentia*, ut loquuntur, vel Judices "illi eum in pleno possessorio tuentur: Vel sequestrant "controversam Ecclesiam, ut in *cap. 15. §. De Judic. seu ejus curam* committunt alteri cuidam extra-neo Clerico.

XLV. Ubi autem contingit inter plures controversiam moveri, cui Jus Patronatus competat; atque ob eam controversiam diutius differtur Provisio Ecclesiæ, refertur Lingonensi Episcopo Alexander III. in *cap. 12. §. De Jure Patronatus: fas ei sit, appellatione remota, in eadem (Ecclesiâ) personam idoneam instituere.*

Cùm hic Alexander III. nullum tempus certum definat, intra quod terminandæ sint hujusmodi lites, & quamdiu expectandum sit, antequam Episcopus suo jure personam idoneam instituere queat, meritò suspicatur De Roye ad hoc Capit. illud Alexandri Responsum præcessisse Concilium Lateranense sub eodem Pontifice celebratum; quandoquidem in hoc Concilio præscripti sint *quatuor menses*, intra quos lis sit terminanda; intra quos si terminata non fuerit, tunc demum Episcopus Ecclesiam ordinare poterit; uti refertur in citato *Capitulo 3.*

Con-

Conformiter ad hoc Decretum Concilii Lateranensis, respondit Innocentius III. Episcopo Conventiensis; si "de Jure Patronatus quæstio emerferit inter aliquos: & ab eo, cui competit, intra *quatuor* menses non fuerit definitum, ex tunc Ecclesiam non differas de persona idonea ordinare.

Hinc imprimis concludunt Canonistæ, tempus præscriptum ad præsentandum etiam currere, *litem pendente*: cum tamen juxta communes Juris Regulas, contra non valentem agere, non currat præscriptio; hic autem Patronus præsentare non potuerit: quare id favore Ecclesiarum, ne ob diffidia Patronorum diutius vacarent, specialiter introductum esse notat Joannes Andreas, & sic innuit Innocentius III. in integra Decretali, è qua desumptum est citatum Capitulum 27. in verbis: *Cum propter discordias laicorum non debeat Ecclesiis præjudicium generari, &c.*

XLVI. Verùm Decretum Concilii Lateranensis locum non obtinebit, si controversia sit inter ipsum Episcopum & Patronum: ut si Episcopus prætendat, Clericum sibi præsentatum ex causa non esse admittendum: aut certè Ecclesiam Patronatui non esse subjectam; sed ad se pleno jure spectare. Si enim hisce in casibus obpendentem litem Patronus privaretur jure præsentandi; esset quodammodo in potestate Ordinariorum semper jus præsentationis, hujusmodi litem suscitando & protelando, excludere, ut rectè advertit De Roye ad cap. 3. *De Jure Patronatus.*

XLVII. Præterea si lis quidem sit inter duos super jure præsentationis, sed alter sit in quasi possessione præsentandi, hic indubiè præsentare poterit; unde & tunc quæstio cessat: quemadmodum monet Hostiensis ad citatum cap. 3. Adeoque ut Decreto Concilii Lateranensis locus sit, debet supponi, neutrum ex contententibus esse in possessione, quod difficile videtur, inquit ibidem Hostiensis, maxime hodie, quando controversia super Jure Patronatus præsertim laico, instituitur coram Judice Regio; qui facile alteri, si non plenum possessorem; saltem *momentaneum*, sive *recrenditiam* adjudicabit.

XLVIII. Denique si sufficienter constet, Ecclesiam esse Patronatam; sed quæstio duntaxat sit, utri è duobus jus præsentandi competat; si uterque, salvo suo jure, in eandem personam consentiat, institutio neganda non erit, quod jam pridem supposuisse videtur Synodus Oxoniensis anno 1222. *Can. 5.* statuens quòd si obpendentem litem post *quatuor* menses nullus fuerit præsentatus, "Episcopus nulli Ecclesiam illam conferat pro hac vice, nisi de *utriusque* Patroni consensu, ne saltem aliquale præjudicium alteri Patronorum videatur generari, si postmodum evicerit Jus Patronatus.

Quinimò hodie passim obtinuit, ut Patronis dissentientibus, si à singulis diversi præsententur, omnibus institutio detur, sine alterius præjudicio; qui, habitâ institutione, solent sibi in possessorio apud Judices Regios providere: uti suprâ notatum est.

## CAPUT VI.

De Jure alimentationis, & superintendencia Patronis competentibus.

1. *Iustum est, ut qui temporalia sua Ecclesiæ obtulerunt, etiam ab ipsa adjuvantur.*
2. *Id probavit Concilium Toletanum; voluitque Fundatoribus in necessitate succurri.*
3. *Jure Decretalium Fundatori debetur alimentatio.*
4. *Id ipsum probat Pontificale Romanum.*
5. *Alimentatio hæc non debetur merè intuitu pauperum; & debet esse largior, quàm in alios pauperes.*
6. *Amplius debetur ei, qui amplius contulit.*

7. *Quid in determinanda subventionis Patrono debita sit attendendum?*
8. *Jus ad alimentationem non debetur titulo juris præsentationis, sed foundationis.*
9. *Alimentatio debetur in casu inopiæ, licet in foundatione non sit reservata.*
10. *Potest Fundator sibi vel successoribus pensionem reservare.*
11. *Quin & extraneo pensionem solvendam reservare potest.*
12. *Possit & cavere ut fructus, vacante Ecclesia, sibi cederent.*
13. *Fundator potest leges apponere; & executioni earum, & conservationi bonorum invigilare.*
14. *Si Episcopus ultra portionem competentem è rebus Ecclesiæ accipiat, potest Fundator contra ipsum agere.*
15. *Sacerdotes non administrantes bona juxta intentionem Fundatoris, à Patronis monendi, & Episcopo vel Judici deferendi.*
16. *Episcopus Metropolitano, Metropolitanus Regi.*
17. *An sine consensu Patroni bona Ecclesiæ alienari, aut gravari queant?*
18. *Quando de conservandis foundationibus agitur, bodie ad Regios Judices recurri solet.*
19. *Etiam circa celebrationem Divini Officii Patroni invigilare possunt.*
20. *Decretum Concilii Tridentini bis in speciem contrarium.*
21. *Quomodo Tridentinum in Belgio receptum?*
22. *Concilium Tridentinum curam Patronorum circa observantiam foundationis non excludit.*
23. *Patroni prætextu tuitionis nihil in Ecclesia usurpare possunt.*

I. **D**IGNUM planè iustumque jam pridem judicavit Ecclesia, ut iis, qui sua temporalia liberaliter sibi obtulerunt, ipsis quoque specialiter in temporalibus succurrat, ubi eorum requirit necessitas, quemadmodum rectè exposuerunt Patres Concilii Toletani IV. *Can. 38.* cujus fragmentum recitat Gratianus *Caus. 16. q. 7. Can. 30.*

II. "Præbendum est (ait Canon) à Sacerdotibus vitæ solatium indigentibus; & maxime his, quibus restituenda *vicissitudo* est. Hinc deinde tanquam consequens infert, "Quicumque ergo fidelium de facultatibus suis Ecclesiæ aliquid devotione propriâ contulerint, si fortè ipsi aut filii eorum redacti fuerint ad inopiam, ab eadem Ecclesia suffragium vitæ pro temporis usu percipiant.

Decreti sui æquitatem probantes subjungunt: "Si enim Clericis, vel Monachis, seu peregrinis, aut quamlibet necessitatem sustinentibus, pro solo religionis intuitu, in usum res Ecclesiasticæ largiuntur, quantò magis his consulendum est, quibus retributione iustâ debetur.

III. Ad hunc Canonem respexit Pontifex in cap. 23. *De Jure Patronatus*, scribens: "Pro fundatione quoque Ecclesiæ honor processionei fundatori servatur, & ad inopiam vergat, ab Ecclesia illi modeste (vel ut alia lectio habet, moderate) succurritur; si cut in sacris est Canonibus institutum.

Ex citato Canone, & hac Decretali receptum est; Fundatoribus, sive Patronis ad inopiam redactis, ab Ecclesia Patronata ratione factæ foundationis alimenta deberi.

IV. Unde & ex præscripto Pontificalis Romani, Episcopus, factâ Ecclesiæ consecratione, dicit ad Fundatorem, quòd si Fundator aut ejus hæredes "casu ad egestatem pervenerint, gratâ recordatione, Ecclesia Fundatoris piam liberalitatem recognoscat.

V. Porro tum ex Canone Toletano, tum Decretali Pontificiâ manifestum est, Fundatoribus sive Patronis subventionem

Subventionem illam non tantum deberi intuitu pauperum, sed præcipue intuitu beneficentiae in Ecclesiam collatae; ut proinde rectè moneat Rochus de Curte De Jure Patronatus, verbo Et utile, sequutus Glossam: "Quod teneatur Ecclesia Patronata ex redditibus ultra necessaria remanentibus, alere Patronum pinguius, quam alios pauperes." Et ibidem num. 3.

VI. Eodem fundamento deducit post alios citatos Canonistas, si plures sint Patroni, omnibus quidem esse subveniendum, "deberi tamen magis subveniri ei, qui plus contulit in fundando vel dotando Ecclesiam, licet Jus Patronatus ad singulos pertineat in solidum.

VII. Debeunt autem præstari alimenta secundum qualitatem Patroni, tam in vestibus, quam in cibo, uti num. 4. aliis relatis docet de Curte: Addendum tamen spectatis Ecclesiae facultatibus.

Nam in determinanda subventione Patrono debitâ ipsas Ecclesiae facultates attendi debere unanimiter docent Canonistae sequuti Glossam ad cap. 25. § De Jure Patronatus, ubi ad verbum modestè, ait: "Habitio respectu ad facultates Ecclesiae, & ad qualitatem personae." Quare Cardinalis Florentinus, quem sequitur De Curte num. 2. hanc quæstionem, "An teneatur Ecclesia in casu indigentiae alere Patronum in domo propria ipsius Patroni, an possit Rector Ecclesiae dicere Patrono, no, venias ad manducandum mecum," resolvit dicens: "Considerabitur persona Patroni & ejus indigentia, & conditio Ecclesiae, quibus attentis aletur, in Ecclesia, vel extra.

VIII. Cæterum, quia hoc Jus Patroni fundatur in munificentia, quam ab ipso ejusque parentibus aut Majoribus Ecclesia accepit, & quam recognoscere iustum & æquum judicat: sat patet, Patronis Jus hoc non competere ratione juris præsentationis, sed titulo fundationis vel dotationis: ideoque hoc Jus Fundatori competet, tamen si Jus præsentationis transtulerit in Ecclesiam, vel aliam personam, vel eidem renuntiaverit. Et de converso, si Ecclesia alicui simpliciter Jus præsentandi, citra fundationem aut dotationem dederit, simili Patrono Jus hoc alimentationis non competere, uti nec alia jura honorifica, judicatum refert Joannes Tournetius in sua Collectione Arrestorum, litt. P.

IX. Porro hæc subventio sive alimentatio in casum inopiae debetur Patrono sive Fundatori independenter ab ulla reservatione facta in ipsa fundacione, id est, tamen si in ipsa fundacione Fundator nihil sibi circa temporalia reservaverit; sed debetur ipso jure.

X. Possit enim fundatorem vel sibi, vel successoribus pensionem aliquam annuatim etiam extra necessitatis casum solvendam reservare; eamque ab Episcopo in fundacione vel dotatione probatam sive admissam exigi posse, tanquam indubitatum habent Canonistae auctoritate cap. 23. De Jure Patronatus, ubi statuitur, quod Advocati sive Patroni nihil ab Ecclesia exigere queant, præter antiquos & moderatos redditus à locorum Episcopis institutos. Ad quæ verba notat Glossa: "Statui ergo possunt redditus Patrono vice tributi vel pensionis.

XI. Quinimò non tantum reservari potest pensio aliudve Jus ipsi Patrono ejusque successoribus; sed etiam alicui tertio, si ita Fundatori visum fuerit: cujus exemplum occurrit in cap. 16. § De Censibus; & ibi notat Panormitanus.

XII. Posset quoque in fundacione apponi, quod fructus Ecclesiae, quando eam vacare contingerit, cederent Patrono, uti post Glossam ad cap. 13. verbo: FUNDATIONE, De Elect. in VI. observat De Curte loco citato num. 7.

Hic tamen rectè monet, Presbyterum suâ privatâ auctoritate non posse Patrono pensionem annuam de novo addicere, aut jam constitutam augere. Imò si intuitu obtinendæ facilius præsentationis ampliorem pensionem addiceret, aut jura Patrono directè aut indire-

Tom. I.

ctè augere promitteret, difficulter à vitio Simoniae se eximeret: De quo latius infra, titulo De Simonia circa Beneficia. (a)

XIII. Nec tantum pensionem aliquam sibi & successoribus reservare potest Fundator, sed & leges quasdam fundacioni apponere, earumque observantiae atque rerum à se collatarum conservationi invigilare, totiusque fundacionis curam agere: quemadmodum jam pridem Patres & signanter Concilii Toletani IV. & IX. agnovere.

XIV. In Concilio Toletano IV. Can. 33. statuitur "Episcopos ita Dioceses suas regere, ut nihil jure præsumant auferre; sed juxta priorum auctoritatem Conciliorum, tam de oblationibus, quam de tributis (vel ut alia lectio habet, de decimis tributis) tertiam consequantur." Tertia enim pars ex consuetudine Hispaniae Episcopo debebatur, cum alibi tantum quarta debebatur; sed de hoc infra, titulo De Jure Beneficiatorum ad bona Ecclesiae.

Deinde prosequitur Concilium: "Quod si amplius quidpiam ab eis præsumptum extiterit, per Concilium restauretur; appellantibus aut ipsi conditoribus, aut certè propinquis eorum, si jam illi à seculo discesserint.

Agnoscat igitur Concilium, quod Patrono cura incumbat, ut illibata & integra Ecclesiae suæ bona conserventur, id quod rursus renovavit Concilium Toletanum IX. formamque, quâ suas querelas formare possint Patroni, describit Can. 1.

XV. Et primò quidem declarat, bona dispensanda esse juxta piam offerentium voluntatem; ac tum subiungit: "Verum ut rei hujus potior soliditas habetur, condignis filiis vel nepotibus, honestioribusque propinquis ejus, qui construxit, vel diravit Ecclesiam, licitum sit hanc bonæ intentionis habere solertiam, ut si Sacerdotem, seu Ministrum aliquid ex collaris rebus præviderint defraudare, aut commonitionis honestæ conventionem compellant; vel Episcopo vel Judici corrigenda denuntient: id est, eum honestè admonerent, ut à dissipandis Ecclesiae suæ bonis abstineat.

Quod si honestam hanc admonitionem aspernetur; permittit Concilium, ut vel Episcopo, vel Judici corrigenda denuntient.

XVI. Ulterius pergit Concilium: "Quod si talia Episcopus agere tentet, Metropolitano ejus hæc insinuare procurant. Si autem Metropolitanus talia gerat, Regis auditibus (alia lectio auribus) intimare non differant.

Supponunt Concilia tuitionem & curam bonorum Ecclesiae incumbere Fundatoribus sive Patronis eorumque hæredibus; ipsosque etiam auctoritatem Regiam posse implorare contra dispensatores.

XVII. Huc referri potest ratio Rectorum Angliæ, ut asserant, ne quidem à Summo Pontifice immitti & quoquomodo usurpari posse Patronatarum Ecclesiarum redditus, nec ullam exactionem iis imperari: "Item cum Rex Angliæ, & Magnates tam jure hæreditario, quam bonâ & appropriatâ consuetudine habent Jus Patronatus Angliæ, & Rectores ad eorum præsentationem instituti nolunt, sicut nec debent, nec possunt, in aliquam contributionem consentire, inconcussis Patronis, quia sic posset suis Ecclesiis præjudicium generari. Apud M. Paris ad ann. 1240.

Neque hodie facillè admitteretur notabilis bonorum alienatio, aut Ecclesiis gravamen imponi sine consensu Fundatorum: atque hinc potissimum originem ducit quod in rerum Ecclesiae alienatione, earum unione, similibusque materiis consensus Regius petatur; utpotè qui ut plurimum Ecclesiarum Fundator est, aut creditur.

(a) Consuli quoque poterit tractatus de Simonia circa Beneficia part. 1. cap. 9. par. 5. extat ille tractatus t. 2. hujus operis.



XVIII. Imò cùm de conservandis foundationibus agitur, hodie ferè ad solos Judices Regios, pro iistuentis recurritur. Nam uti monet Franciscus De Roye in Prolegomenis ad titulum *De Jure Patronatus*, cap. 27. Hodie die foundationes Ecclesiarum dicuntur juris publici, „cujus executio & conservatio ad Reges pertinet.

XIX. Nec tantùm circa bona temporalia, hæc Fundatorum sive Patronorum cura versari debet; sed & circa Officium Divinum, aliaque ex præscripto foundationis peragenda. „Si Clericus *Divinum Officium* in ea „non celebret (ait De Roye) juxta ejus foundationem, „Patronus eum vocare debet in jus, ut foundationi satisfaciatur, eoque casu verius existimarem ipsius Patroni electionem esse, an apud Judicem Ecclesiasticum „agat, quia cum Clerico agit, & de celebratione Divini Officii, an verò apud secularem, quia de tuenda & observanda foundatione agit, quod est secularis jurisdictionis.

Et in hisce Provinciis, uti & in Gallia nihil frequentius, quàm quoddam querelæ de non observatis foundationum legibus ad Regios Magistratus deferantur, ipsumque Officium Fiscale, tanquam juris publici protector, sese immisceat.

XX. Athisce repugnare videtur Synodus Tridentina *Seff. 24. cap. 3. De Reformat.* decernens: „Patroni verò in iis, quæ Sacramentorum administratio- nem spectant, nullatenus se præsumant ingerere; neque visitationi ornamentorum Ecclesiæ, aut bonorum stabilium, seu fabricarum proventibus immiscuant; nisi quatenus id eis ex institutione ac foundatione competat: sed Episcopi ipsi hæc faciant, & fabricarum redditus in usus Ecclesiæ necessarios & utiles, prout sibi expedire magis visum fuerit, expendi curent.

XXI. Imprimis Consilia Regia, prævidè ad publicationem Concilii Tridentini per has Belgicas Provincias, jussu suum de Decretis reformationis depromere judicium huic Decreto hanc notam appenderunt: Excluditur Patronorum officium in visitationibus Ecclesiarum, ornamentorum, bonorum & proventuum, nisi ex ipsa foundatione id iis competat, & res tota committitur arbitrio Episcopi. Iterum hic mentio fit de præjudicio Juris Patronatus laici avertendo, & sufficere Patronos in pacifica possessione esse hujus juris, licet ipsas litteras foundationis non proferant, forè deperditas injuriâ temporis.

Cùm autem Concilium promulgatum in his Provinciis fuerit, conformiter ad hæc observationes, uti sat patet ex clausula litteris Gubernatricis ad Archiepiscopum Cameracensem insertâ; & nominatim notavit Bertrandus Loth in suis Resolutionibus, sequitur, Patronos laicos in possessione sua conservatos esse quemadmodum usque in hodiernum diem perseverant.

XXII. Adhæc nullatenus verisimile est, quòd Synodus Tridentina sollicita semper inhærere, quantum temporum conditio patiebatur, sacris Canonibus, voluerit curam & vigilantiam Patronorum pro tuendis legibus foundationis, Canonum auctoritate stabilitam evertere; sed cavere duntaxat, ne Patroni, prætextu defensionis Episcopos in Officiorum Divinorum celebratione, aut Sacramentorum administratione turbarent, aut jura Ecclesiarum sibi appropriarent, conformiter ad Concilia Toletana.

XXIII. Postquam enim Fundatorum curam & studium in tuendis rebus Ecclesiæ excitârunt, subjiciunt hoc monitum: „Noverint autem conditores Basilicarum in rebus, quas eisdem Ecclesiis conferunt, nullam potestatem habere; sed juxta Canonum institutionem, sicut Ecclesiam, ita & dotem ad ordinationem Episcopi pertinere. „Hæc Toletanum IV. quæ eodem sensu, sed fortius expressit Concilium Toletanum IX. Canones utriusque Concilii jam citati referuntur apud Gratianum *Caus. 10. q. 1. Can. 6. Caus. 16. q. 1. Can. 60. item Caus. 16. q. 7. Can. 31.*

## CAPUT VII.

De Juribus Honorificis præcipuè Patrono debitæ.

1. Quid honor, à quo jura honorifica dicuntur?
2. Jura honorifica consistunt in externis honoris symbolis: & quæ ad hoc Ecclesia elegerit?
3. Olim jura hæc non erant determinata.
4. Enumerantur jura honorifica hodie magis usitata.
5. Credunt plerique Canonistarum Gelasium I. meminisse honoris Processionis.
6. Non videntur Canonista intellexisse sensum Gelasii.
7. Auctoritate Gelasii nihilominus invaluit honor processionis.
8. Honor hic defertur subinde recipiendo processionallyter venientem ad Ecclesiam.
9. Quibus honor processionis hoc modo exhibendus?
10. Subinde defertur, locum honoratiorem in processione assignando.
11. Honor thuris, in quo consistat?
12. Jam pridem etiam laicis delatus.
13. Usus incensi primitus non institutus ad honoris exhibitionem; & quomodo paulatim ad hoc deductus?
14. Aqua benedicta ad honorem exhibendum non instituta; & in quo consistat honor Aqua benedicta?
15. Nonnulli volunt sibi porrigi aspergillum.
16. Hæc Patronorum postulatio contraria ritibus Ecclesiasticis.
17. Episcopi in Gallia & Belgio Patronis se opposuerunt.
18. Conforme Arrestum Parlamenti Parisiensis.
19. Ratio, ob quam non conveniat laicis tradi aspergillum.
20. Cur conveniat dari Episcopo.
21. In quo consistat honor precum.
22. Patronorum etiam Ecclesiasticorum nomina in precibus publicis recitanda.
23. Fidelium nomina in die anniversaria recurrente recitanda.
24. Toparchæ & Patroni prætextu hujus honoris, non possunt cogere Parochum ad differendum Divinum Officium.
25. Neque Parochi ad placendum Toparchis aut Nobilibus illud differre possunt.
26. Honor Sedis in quo consistat; & unde proveniat?
27. Honor Sedis in choro solis Patronis de jure competit.
28. Potest Sedes specialis minoribus Magistratibus & Nobilibus concedi in navis Ecclesiæ; & à quibus?
29. Honor sepulture, in quo consistat?
30. Jura honorifica non tantùm Patronis laicis; sed etiam Ecclesiasticis competunt.
31. Quo titulo Ecclesiasticis jura honorifica competant; & quibus?
32. Patronus Ecclesiasticus non propria, sed Ecclesiæ suæ insignia apponere potest; & quare?
33. Fundatori jura honorifica debentur, licet non habeat jus presentationis.
34. Qui jus presentationis in Ecclesiam transtulit, retinet jura honorifica.
35. Patronus omnibus aliis, etiam Toparchis quoad jura honorifica præfertur; & quare?
36. Nullus potest habere sedem aut sepulturam in choro in præjudicium Patroni.
37. Uxor & filii Patroni, quali honore gaudeant?
38. Patroni alique laici juribus bis gaudentes, debent cedere Clero.
39. Circa usum eorum jurium multum valet consuetudo.

40. Aliquando tamen tanquam abusus corrigenda.  
41. Coram quo quaestiones de his juribus agitandae.  
42. Quid Patronis, Toparchis aliisque in usu eorum  
jurium observandum.  
43. Quae à Parochis observanda?

I. HONOR, à quo dicuntur jura honorifica, hic sumitur pro cultu quodam sive reverentia, quæ ob beneficentiam vel auctoritatem singularem quibusdam ab Ecclesia exhibetur.

II. Cum vero honor sit aliquid externum, externa quoque tantum sunt ejus symbola, externæ honoris notæ; atque externis tantum exhibetur actibus.

Ecclesia, spretis secularibus aut mundanis honoribus, eas honoris species elegit & consecravit, quæ cum ipsa honoris exhibitione, etiam pietatem & charitatem commendant, & continent; quibus suos bene-merentes in suis ædibus & publicis conventibus honorat, protectionis suæ gratiam refert, & re ipsa implet illud Apostoli: Cui honorem, honorem, Ad Rom. c. 13. v. 7.

III. Olim quidem Episcoporum & Presbyterorum arbitrio reliquerunt Canones, quem honorem suis Senioribus tribuerent; sed sensim quotidiano usu definitæ sunt quædam honoris species, quibus Ecclesia fideles quosdam coleret, quæ paulatim conversæ sunt in assiduam jurisdictionem; uti recte advertit Franciscus De Roye, Antecessor Andegavensis, lib. 1. De Juribus honorificis cap. 1. ac propterea tandem dicta sunt jura honorifica, seu honoris; utpote jure jam debita.

IV. Hæc jura magis usitata hodie, præsertim in Belgio, Gallia, vicinisque Provinciis fere sunt, honor processionis, thuris, precum, sedis, sepulturæ, aquæ benedictæ, panis benedicti.

V. Plerique Canonistarum credunt honoris processionis jam pridem meminisse Gelasium I. eumque Patronis exhibitum fuisse; idque auctoritate Canonum 26. & 27. Caus. 16. q. 7. in quorum priore sub nomine Gelasii Papæ, dicitur Sciturus (Fundator Ecclesiæ) sine dubio præter PROCESSIONIS aditum qui omni Christiano debetur, nihil ibidem se proprii juris habiturum. Et in Canone sequenti. Nihil se tandem sibi Fundator ex hac Basilica noverit vindicandum, nisi PROCESSIONIS aditum, qui Christianis omnibus debetur.

VI. Verum hoc unum voluisse videretur Gelasius, quod postquam Basilica fuerit ædificata & sufficienter fundata, tum primum ab Episcopo sit dedicanda, qua dedicatione facta, Fundatori concedendus sit aditus processionis, id est, liceat Fundatori in ea Basilica ad Missarum solemnia procedere, sicuti omnibus Fidelibus conceditur aditus ad Ecclesias publicas ab Episcopis dedicatas, quemadmodum latius norant & probant Franciscus Florens, titulo De antiquo Jure Patronatus, pag. 84. edit. 1679. & Franciscus De Roye loco citato, cap. 7.

VII. Quidquid sit, hoc constar, quod auctoritate dictorum Canonum jus processionis inter jura honorifica fuerit relatum. Scribens enim Clemens III. vel ut alii volunt, Alexander III. in cap. 25. De Jure Patronatus: Pro fundatione quoque Ecclesiæ honor PROCESSIONIS Fundatori servatur, mox subjungit: Sicut in sacris est Canonibus institutum: quibus verbis indicari citatos Canones Gelasii manifestum est: atque ita post hanc Decretalem unanimi Canonistarum calculo probatum est, inter jura honorifica Fundatori debita, esse honorem processionis; licet inter ipsos Canonistas non conveniat, quid in allegatis Canonibus per aditum processionis intelligatur.

VIII. Hic processionis honor duobus potissimum modis Patrono deferri potest, uti tradunt Canonistæ ad dictum cap. 5. atque nominatim expressit Cardinalis Hostiensis.

Primo, honor debetur Patrono, ait Hostiensis, ut ei processionaliter occurratur: id est, Patrono ad Ecclesiam venienti, Clerus Ecclesiæ processionaliter occur-

Tom. I.

rat, eumque recipiat; & ad Ecclesiam deducat; quemadmodum recipi Episcopum præcipit hodiernum Pontificale Romanum.

IX. Recte autem Cardinalis Hostiensis exprimendo hunc modum exhibendi honorem processionis, addidit hanc clausulam: Si talis & tantus sit; hoc est, qui mercatur tantum honorem, puta si Rex sit, aut Princeps magnæ potentie, juxta expressionem Pontificalis Romani, hunc titulum affigens Ordini recipiendi Principes: Ordo ad recipiendum PROCESSIONALITER Principem MAGNÆ POTENTIÆ.

Imo in Regno Galliæ solus Rex processionaliter recipi potest; quemadmodum refert Carolus Fevretius De Abusu, lib. 3. cap. 2. num. 13. si quidem (ait) suscipere cum processione & elata cruce, subjectionis ac honoris eximii signum est.

X. Secundo, deferitur honor processionis, dando vel cedendo alicui honoratiorem locum in ipsa solemnī ac publica processione.

De hoc honore Fundatori ejusque hæredibus deferendo loquitur Pontificale Romanum, titulo De Consecratione Ecclesiæ; ubi præscribit, ut Pontifex, absoluta consecratione, dicat ad Fundatorem: "Quod à Sanctis Patribus statutum est, in die dedicationis anni, versario solemnī, Fundatores & eorum hæredes in processionibus primos esse debere."

XI. Honor thuris sive suffitus consistit in speciali ac honorifica thurificatione alicui in signum eminentiæ aut benevolentie exhibenda.

Jam pridem Episcopos & Sacerdotes singulatim & separatim à reliquo Clero & populo suffitum accepisse, fat indicat vetus Ordo Romanus; & hodie ex præscripto Ritualium perseverat.

XII. Cum ergo singularis hæc thurificatio facta Episcopis reputaretur symbolum honoris, sensim cum aliis honoris symbolis ad laicos transire cepit. Scribit Codinus: "Circa vespem abit Imperator ad sanctam Sophiam audiensque vespertinos hymnos incensatur, seu thuris suffitu honoratur à Patriarcha, omnesque simul aulici Proceres etiam ad ultimum usque." Lib. 3. cap. 14. num. 17. Et num. 21. "Incensatur, seu thuris suffitu honorat Patriarcha Imperatorem."

Honoris incensi exhibendi Patriarchæ Gradeni à Monasterio sancti Georgii meminit Honorius III. in cap. 8. De Causa poss. & propriet. Juncta antiqua consuetudine apud Cironium in quinta Collectione Decretalium.

XIII. Quod autem contendit Cironius ad hanc Decretalem, & lib. 3. Observ. cap. 6. latius probare vult, suffitum non esse proprie honoris argumentum; sed ad excitandum populum ad elevandum mentem in Deum, juxta illud Psalmistæ: Dirigatur, Domine, oratio mea, sicut INCENSUM in conspectu tuo; Ps. 140. v. 2. vel ad repræsentandum effectum gratiæ per quem sanctificamur, & abluimur, & absterгимur ab omni sordē peccati, uti loquitur sanctus Severus Alexandrinus in Descriptione & Ordine oblationis; hoc quidem verum est, si primum finem, quem sibi Ecclesia in usu incensi præfigit, attendamus: quemadmodum vel ex sola solemnī benedictionis incensi formula in Missali præscripta, manifestum est. Sed cum ipse usus incensi receptus fuit, Ecclesia voluit, ut etiam per ea quæ ad pietatem & cultum religionis adhibentur, honorificentur illi, quibus honor debetur; uti supra monuimus, & in honore aquæ benedictæ, panis benedicti, & osculi pacis compertum est.

XIV. Aquæ enim benedictionem, aut ejus asperisionem in Ecclesia hodie receptam, non esse primitus institutam, ut per eam honor alicui deferatur, ex precibus in ipsa benedictione recitandis patet; sed dum aliquibus cum quadam prærogativa datur, honoris nota est; & eatenus juribus honorificis asperio aquæ benedictæ annumeratur; quemadmodum & de

F f f f f 2

præ-

prærogativa in distributione panis benedicti notavimus *parte 2. Sect. 1. tit. 5. cap. 4.*

XV. Nonnulli juribus honorificis gaudentes, non contenti, si aqua lustrali seu benedicta separatim, & ante alios laicos cum quadam honoris nota aspergantur, renunt ab ipso Sacerdote aspergi; voluntque sibi aspergillum porrigi, ut ipsimet aquam ex aspergillo accipientes seipsos aspergant.

XVI. Verum quia ex antiquo usu aqua benedicta juxta Ecclesiae præscriptum per asperersionem dari consuevit; isque ritus in omnibus etiam antiquis libris Ritualibus sit probatus juxta illud Psalmi 50. v. 9. *Asperges me byssopo & mundabor*, quem etiam inter aspergendum decantari jubet Ecclesia, non immerito Episcopi se hisce Patronis & Toparchis opposuerunt; contententes, Ecclesiam quidem debita jura honorifica non improbare, sed esse cum ea moderatione exhibenda, ut ritus & caeremoniae ab Ecclesia pie instituti non evertantur.

XVII. Hanc in deferendis juribus honorificis Ecclesiae mentem pernoscentes eminentissimus D. Camusius Episcopus Gratianopolitanus, in Ordinationibus Synodalibus *tit. 5. art. 6.* "interdixit omnibus Parochis eorumque Vicariis dare aquam benedictam ad manus laicis, cujuscumque conditionis fuerint, ne quidem Ecclesiasticis nisi Episcopis: iisque injungit illam dare duntaxat per asperersionem, etiam Toparchis locorum, quibuscumque dabunt separatim & eorum familiae, cum fuerint in suis sedibus aut scamnis, nec ante, nec post asperersionem ullam faciant ipsis Toparchis inclinationem.

Cumque in hac Diocesi Mechliniensi idipsum quidam Toparchae prætenderent, Alphonsus De Berghes Archiepiscopus Mechliniensis edito Decreto idem Parochis aliisque Sacerdotibus injunxit, voluitque juxta præceptum Pontificalis omnibus, excepto solo Episcopo, per asperersionem dari. (a)

XVIII. Imo dum quidam Toparcha non contentus prærogativa asperersionis, contendebat sibi porrigi aspergillum, ipsumque Parochum dare recusantem ad Parlamentum Parisiense evocabat, intervenit Cleri Galliani Syndicus; prætendens hic de ritu acceremoniarum observantia esse quaestionem; ideoque Actorem ad Episcopum Tolosanum tanquam suum Ordinarium remittendum esse; prout & à Parlamento remissus fuit; qua remissione sat ostendit Senatus Regius, se nolle Actorem in jure honorifico tueri cum immutatione rituum Ecclesiasticorum. Vide latius Carolum Fevretium *lib. 4. cap. 9. num. 5.*

XIX. Et sane cum hæc aquæ lustralis aspergio sit quædam species benedictionis, superbiam sapit, eam nolle accipere à Sacerdote, qui ad benedicendum ab Ecclesia specialiter ordinatus & constitutus est, juxta illud Pontificalis Romani: *Sacerdotem oportet offerre, benedicere, &c.*

XX. Sed quia Episcopus in Ordine Hierarchico est Presbytero superior, ipsamque plenitudinem Sacerdotii possidet, conveniens haud est, ut ipse à Presbytero benedicatur; quia juxta Apostolum, *Sine ulla contradictione, quod minus est, à meliore benedicatur. Ad Heb. c. 7. v. 6.*

XXI. Honor precum consistit in speciali recitatione & commendatione alicujus in precibus. Jam pridem usitatum fuit, ut aliquorum nomina, qui vel auctoritate vel beneficentia in Ecclesiam eminebant, inter Missarum solemnia recitarentur; cujus rei testimonium luculentum suppediat Synodus Emeritensis *Can. 19.* "Salubri deliberatione censuimus, & pro singulis quibusque Ecclesiis, in quibus Presbyter jussus fuerit per sui Episcopi ordinationem præesse, pro singulis diebus Dominicis sacrificium Deo procurer offerre, & eorum nomina, à quibus eas Ecclesias constat

(a) Decretum hujus præfatis reperitur in fine hujus vol. sub Littera T.

esse constructas, vel qui aliquid his sanctis Ecclesiis videntur, aut visi sunt contulisse, si viventes in corpore sunt, ante altare recitentur tempore Missæ: quod si ab hac decesserint luce, nomina eorum cum fidelibus defunctis recitentur in suo ordine.

Quin hæc recitatio nominum sit quædam nota honoris & præeminentiae negari nequit: ut proinde mirum non sit, si inter jura honorifica numeretur.

XXII. Refert Matthias Mareschal in tractatu *De Juribus honorificis pag. 102.* edit. 1616. quod, licet omnes Benefactores hoc habeant commune cum Patronis & Toparchis, quod publice in concione sive *Pro-na*, ut vocant, precibus fidelium commendentur, ipsi tamen Patroni & Toparchae debeant nominatim, id est, expressis nominibus & qualitatibus commendari, si id petant; atque ita judicatum refert anno 1603. & rursus anno 1614. declaratum, jus hoc tam Patronis Ecclesiasticis, quam Laicis competere.

XXIII. Hoc tamen ibidem *pag. 205.* monet, quod, licet ad solos Patronos & Toparchas pertineat, ut nomina eorum diebus Dominicis in precibus publicis recitentur, nihilominus Benefactores & Fundatores alicujus anniversarii, possint & debeant nominari & commendari Fidelium precibus die anniversarii recurrente: quod & praxi ubique receptum est.

XXIV. Recte quoque ibidem *pag. 197.* & sequentibus reprehendit Toparchas, aliosque viros nobiles, qui prætextu honoris precum, invertunt ordinem & tempus Divini Officii, præcipientes illud vel accelerari, aut differri ad seram horam & incommodam, in contemptum Sacerdotum, & non exiguum Parochianorum incommodum; qui nonnunquam ab Ecclesia Parochiali remoti Officio Divino idcirco assistere nequeunt.

Quæ incommoda occasionem dederunt, teste Mareschallo, *art. 3.* Edicti Caroli IX. Regis Galliae anni 1571. quo "inhibetur Dominis temporalibus, & aliis quibuscumque personis, constringere Parochos eorumve Vicarios mutare aut differre horas ordinarias Officii Divini.

XXV. Notat dein Mareschallus *pag. 201.* esse abusum reprehensione dignum, quando ipsi Parochi eorumve Vicarii sua sponte in favorem parentum, amicorum aliorumve invertunt Officium Divinum.

Notat ibidem Mareschallus quod huic abusui Archidiaconi visitando occurrere debeant; his deficientibus, ad Episcopum recurrendum; imo ad Judices Regios, qui injungent Parocho celebrare Divinum Officium horis ordinariis, per manus injectionem in temporalia. Adde quæ de celebratione Officii Divini, ac præsertim Missæ Parochialis dicta sunt *parte 2. Sect. 1. tit. 5. cap. 2. num. 12.*

XXVI. Inter jura honorifica frequens & eminens est honor *Sedis*, qui deferretur assignando Sedem perpetuam & specialem alicui in Ecclesia: quæ eo honorabilior est, quo locus sessionis est honorabilior.

Censetur autem locus in Ecclesia honorabilior qui magis ipsi Sacrario & altari appropinquat. Unde Sedem in Choro honorabiliorem esse quam Sedem in navi Ecclesiae, nemini dubium est.

Et quidem Chorum ex præscripto Canonum populo non patere, sed solis Clericis Divinum Officium peragentibus, sat constat; atque honoris causa duntaxat nonnullis laicis sensim apertum esse; quod latius deducit Franciscus De Roye *De Juribus honorificis lib. 1. cap. 10.*

Quin & anno 1240. Synodus Wigorniensis *Can. 3.* "Ne laici stent in cancellis, dum celebrantur Divina, salva tamen reverentia Patronorum.

XXVII. Testatur Matthias Mareschal in citato tractatu *pag. 85.* non semel judicatum fuisse, solis veris Patronis seu Fundatoribus competere jus *Sedis* in Choro; quod si aliis comperat, id magis ex conniventia sive tolerantia, quam jure procedat. Et *pag. 97.* dicit



dicat judicatum, soli Patrono dari actionem ad vendicandum Sedile in Choro; alios vero, quibus titulo diuturnæ possessionis competit, tantum posse implorare officium Judicis.

XXVIII. Nobiles autem & Officiarios inferiores prætendentes locum distinctum à reliquo populo, dicit remissos fuisse ad Adueros, vel Parochos aliove, quibus jus competit loca in Ecclesia designandi, ut ab his in navi Ecclesiæ extra Chorum locum honorabiliorem, spectata ipsorum conditione & dignitate acciperent. Ubi una notat, quomodo in variis Ecclesiis jus assignandi loca in navi Ecclesiæ aliis & aliis competit.

XXIX. Honor sepultura versatur quoque circa locum honorabiliorem inhumationis in Ecclesia: isque hic similiter judicatur honorabilior, qui Sacrario est propinquior. Unde sepulturam habere in Choro maxime honorificum reputatur; nec olim laicis concedebatur; nunc vero Patronis specialiter annuitur. Sed de hoc jure latius agemus infra titulo de Sepulturis.

XXX. Hæc Jura honorifica non tantum Patronis laicis, sed & Ecclesiasticis competunt, Cap. 3. & De ædificandis Ecclesiis. ubi Alexander III. scribit, quod si nova Ecclesia ex proventibus veteris Ecclesiæ construat & dotetur, provideri debeat, "ut competens in ea, honor pro facultate loci Ecclesiæ Matrioni servetur."

XXXI. Quod modo dictum est de Patronis Ecclesiasticis, quibus jura honorifica competunt, id intelligi debet de iis Ecclesiasticis, qui sunt veri Patroni ex fundatione vel dotatione; puta si Episcopus aut Prælati ex proventibus Ecclesiasticis aut propriis fundaverit aut dotaverit Ecclesiam; atque Jus Patronatus titulo fundationis aut dotationis sibi delatum, annexerit dignitati Episcopali aut Prælatu: vel si ex proventibus alicujus Ecclesiæ Matricis erecta fuerit alia Ecclesia Parochialis, aut Capella, prior hæc Ecclesia Matrix tanquam Fundatrix merito reputatur; eoque nomine Rectori hujus Ecclesiæ quædam jura honorifica, sive honoris deferuntur; quemadmodum in cap. 3. & de ædific. & reparand. Ecclesiis respondet Alexander III. ut superius notatum est.

Similiter titulo fundationis, Episcopo jam pridem delatum fuisse jus præsentationis in Ecclesia, quam ipse fundaverat; atque eo titulo verum Jus Patronatus ei datum fuisse supra hoc titulo cap. 1. num. 7. observavimus.

Igitur jura honorifica Ecclesiasticis non secus ac Laicis deferuntur in recognitionem munificentiae & liberalitatis; quam in fundacione, aut dotatione Ecclesiis exhibuerunt: nam ut recte advertit Franciscus De Roye Antecessor Andegavensis in Tractatu suo De Juribus honorificis lib. 2. cap. 3. "Sacri Canones (ait) in deferendis hæc honoribus nomen, qualitatem, & dignitatem Fundatoris inspicunt, ut ex ea causa pietatis & munificentiae honorem deferant, & exhibeant, uti & infra num. 34. notabimus.

Cum igitur Capitula & Monasteria, quæ solo titulo incorporationis habent jus præsentandi, sive nominandi ad Ecclesias illas Parochiales, quas vigore incorporationis, sibi habent incorporatas, has Ecclesias non dotarint, aut fundaverint; sed è contrario decimas alioque redditus earum Ecclesiarum titulo incorporationis in usus suos, sive ad mensam applicent, nequaquam ut veri Patroni reputandi sunt; neque jura honorifica veris Patronis titulo fundationis vel dotationis competere solita, prætereundum possunt: sed si quæ jura honorifica in his Ecclesiis incorporatis vendicare velint, ea speciali titulo sibi competere probare debent.

XXXII. Cum Patronus Ecclesiasticus Jus Patronatus non habeat proprio nomine, sed nomine Ecclesiæ, sive Prælatu, vel tanquam Prælati, qui jura ipsius tueatur & exerceat, rationi plane consentaneum

est, ut insignia Ecclesiæ, cui Jus Patronatus proprium est, assignet; atque ita palam contestetur, ad Ecclesiam jus illud pertinere; uti recte observat De Roye lib. 2. cap. 3. monerque rectissime observatum, Patronum Ecclesiasticum non posse in lyster, id est, Zona funera, depingere insignia seu arma seu gentilitia; sed tantum Ecclesiæ, cujus Jus Patronatus unitur.

XXXIII. Porro quia Jura honorifica potissimum debentur ratione beneficii à Fundatoribus in Ecclesiam collati, ideo, uti communiter notant Doctores, ea Jura honorifica debentur, tamen jus præsentationis in ipsa fundacione remiserit Fundator, aut Ecclesiæ cesserit; idque diferte asserunt consuetudines Normanniæ art. 142. uti loco citato refert De Roye: probatque non obscurè Pontifex in Cap. 25. & De Jure Patronatus, ubi licet neget Fundatori præsentationem, tamen concedit honorem processions & alimentorum.

XXXIV. Hinc ulterius verius existimat De Roye, "Si Fundator loco Religioso suam præsentationem donaverit, attamen ei soli omnes alios honores deberi: quia semper verum est eum esse Fundatorem, & semper retinere nomen, qualitatem, & dignitatem Fundatoris, quam solam inspicunt sacri Canones, ut ex ea causa pietatis & munificentiae honorem deferant & exhibeant."

XXXV. Quinimo Patronus in juribus honorificis præfertur omnibus aliis laicis, etiam Senioribus sive Toparchis quantumvis omnimodam Jurisdictionem habentibus. Ecclesia enim est quasi in dominio Patroni seu Fundatoris; & ita jam pridem dixit Rochus De Curie De Jure Patronatus, verbo Honorificum, num. 1. & ex professo tradit Matthias Marechal in Tractatu Gallico De Juribus honorificis. pag. 17. edit. 1616. atque enumeratis singillatim omnibus juribus honorificis, concludit, omnem honorem, & præeminentiam debita esse Patronis præ Toparchis aliisque Jurisdictionem aliquam in Parochia habentibus.

Deinde pag. 202. dicit, judicatum fuisse, nomina Patronorum tam Ecclesiasticorum quam laicorum, esse diebus Dominicis recitanda in precibus publicis; atque post horum recitationem, demum Toparcharum aliorumque jure illo gaudentium. Et pag. 7. ait, quod quoties casus accidit, semper judicatum fuerit Jura honorifica Ecclesiæ competere Patronis privative & cum prælatione ad omnes alios Dominos. Idipsum tradit De Roye lib. 2. cap. 3.

XXXVI. Neque in præjudicium Patroni ullus in Ecclesia à Patrono fundata, potest Jure honorifico uti: asseritque Marechal pag. 88. "quod tamen si Patronus sedem aut sepulturam seu monumentum sepulchrale in choro non haberet, nullus tamen posset in ejus præjudicium sedem aut sepulturam in choro accipere. Et longa possessio contraria (ait) non præjudicat Patrono; uti Senatus Rothomagensis 22. Decembris 1570. judicavit. Secus videtur (inquit) inter alios Toparchas, qui non sunt Patroni. Nam possessio, sive potius quasi possessio immemorialis non debet interverti per alium quam per verum Patronum."

XXXVII. Nec tantum Patrono prærogativa conceditur; sed & liberis ejus & uxori; judicatumque, in publica processione liberos Patroni sequi immediate patrem; uxorem quoque prærogativa loci gaudere: ita tamen ut in publico congressu ipsa in ordine mulierum incedere debeat: quemadmodum latius deducit, & variis Parlamentorum Arrestis confirmat Marechal pag. 75. & sequentibus.

XXXVIII. Notandum autem monet Marechal pag. 20. & 21. quod ubi dicitur, Jura honorifica competere Patrono cum prælatione ad omnes alios, id intelligatur de prælatione ad laicos & seculares, nequaquam cum prælatione respectu Episcoporum, Curati, aut aliorum Prælatorum, & Ecclesiasticorum peragendum Divinum Officium cum pluvialibus vel superpel.

perpelcitis in Ecclesia Parochiali. Referturque ex Joanne De Torres Philippum II. Regem Hispaniarum voluisse, ut in Ecclesia Valentina osculum pacis prius Archiepiscopo Valentino, quam sibi daretur. Hinc in plerisque Ecclesiis Toparchæ, tametsi Patroni, habent sua Sedilia ad laus sinistrum, dimittentes laus dextrum ipsi Parocho aliisque Clericis Divinum Officium peragentibus, teste Marechalco, pag. 107.

Quapropter eminentissimus Camulius in citatis Ordinationibus Synodalibus, conformiter ad Ritualia præcipit, prius Clerum aqua lustrali, quam Toparchas aut horum familiam esse aspergendum.

XXXIX. Cæterum in deferendis his Juribus honorificis plurimum valet locorum consuetudo; tam quoad personas, quibus exhibenda, quam modum exhibitionis. Unde Franciscus De Roye *Lib. 2. cap. 5.* ostendens, quod habentibus *mediam* duntaxat Jurisdictionem *de jure* non competant Jura honorifica, licet in multis Ecclesiis contrarium invaluerit; habeantque Jura aliqua honorifica post Patronos & Toparchas *altæ* Justitiæ; non quidem jure, sed veluti per patientiam, sive tolerantiam, subjungit: "Præcipue illud, ita obtinet, cum diuturno usu & longa quasi possessione fulciuntur. Nam in Officiis & honoribus exhibitum, sed quid consuetudine valeat." Deinde aliis quibus interpolitis concludit: "Ex quibus constat, in exhibendis honoribus non minoris habendam esse receptam consuetudinem. Et ejus beneficio nostris illis Senioribus competere *lystras, sepulturam, & statam sedem in Cboro, & alios honores*, si non jure, saltem per tolerantiam; & cum eo temperamento, ut nec Patrono nec Seniori altam Justitiam habenti noceant.

XL. Si tamen sensim Jura aliqua honorifica invaluerint, quæ vel decori templorum officerent, aut Divinorum Officiorum rectam celebrationem impederent, non dubium, quin usus hic, licet longa consuetudine firmatus, posset auctoritate publica nonnunquam corrigi aut impediri.

Quapropter De Roye *Lib. 2. Cap. 6.* inquirens quæ Jura honorifica competant iis qui *inferiorem* duntaxat Justitiam habent, notat vel eo titulo usum *lystræ* (qui in quibusdam Galliarum Ecclesiis usuratus est) iis esse negandum, quod nimia *lystrarum* seu insignium appensio decori templorum noceat, & tandem concludit. Ideoque si quis ex iis dominulis usurpatam *lystram* ex longa consuetudine tueri velit, ad curam Prætoris pertinere putarem, ne ita deformetur aspectus Ecclesiæ, nec illud producat ad consequentias: quia quod non ratione introductum, sed errore primum, deinde consuetudine obtentum est, in aliis similibus obtinere non debet, ait *Celsus in l. 32. D. de legibus.*

XLI. Quæstiones si incidant super his juribus honorificis, deferuntur terminandæ ad Judices Regios, non secus atque controversiæ super Jure Patronatus laico, cujus quædam plerumque accessiones sunt; præsertim quia similes quæstiones super possessione aut quasi possessione institui solent. Constat autem & in Belgio & in Gallia possessorium, etiam in rebus Ecclesiasticis, coram Judicibus Regiis agitari. Vide De Roye *lib. 2. Cap. 15.* item Marechalco pag. 182. & sequentibus: hic una ostendit, qua forma in hac materia causa sit instituenda: neque sufficienter probari Jus Patronatus, vel Jurisdictionem & his annexum jus ad honores, sive Jura honorifica, ex eo quod in vitro, aut aliqua parte ædificii, aut ornamento, vel altari insignia alicujus posita sint: id enim passim Benefactoribus conceditur; solentque in memoriam beneficentiæ insignia donatorum apponi rebus donatis.

XLII. Ecclesia itaque Fundatoribus suis aliisque in sublimitate constitutis in ipsis etiam templis, quæ domus orationis sunt, honorem defert; sed quia verendum est, ne propter eam honorem iis veniat pes superbia,

ut alibi loquitur S. Bernardus, convenit ut præ oculis habeant illud S. Augustini *Epist. 22.* "Magnum est de honoribus & laudibus hominum non lætari, sed & omnem pompam inanem præcidere, & si quid inde necessarium retinetur, id totum ad utilitatem honorantium, salutemque conferre.

Optime hic congruit quod ad *versum 6. capitis 23.* Matthæi notavit pius ac eruditus Auctor Compendii Moralis Evangelicæ: "Character pharisæus est, semper velle aut in ministerio sacro, aut in commercio vitæ civilis aliquo discrimine ab aliis secerni. Licet primum locum occupare, cum dignitati vel ordini debitus est: quandoque occupandus est, ne alias jus, cujus Domini non sumus, concedamus: sinere possumus nos eo deduci cum id defert urbanitas: nunquam illum appetere aut eo delectari ex amore præferentiæ oportet.

XLIII. Parochi & Sacerdotes laicis exhibentes Jura honorifica meminerint illius sententiæ Apostoli, *rationabile sit obsequium vestrum: & hujus, Cui honorem, bonorem*, ut non incidant in vitium *acceptionis personarum*, de quo Apostolus Jacobus *cap. 2. v. 1.*

Eminentissimus Camulius rationem supra allegati sui Decreti circa asperionem aquæ benedictæ hanc præmittit; quod intellexerit quosdam Parochos eorumve Vicarios immemores dignitatis sui status exhibere laicis honores characteri ipsorum haud convenientes.

Caveant quoque ne turpis quæstus in deferendis aut annuendis honoribus vel prærogativis se immisceat; cujus non raro periculum & occasio in designatione vel concessione loci sepulturæ occurrit; præcipue iis in locis ubi Jura Parochi & Clericorum augentur pro qualitate loci sepulchralis.

Serio attendendum & Laicis & Clericis, templum esse *domum orationis*, ad quam in spiritu humiliato, tanquam filii unius ejusdemque Matris Ecclesiæ, eundem Patrem, qui est in cælis, supplices oraturi accedunt; in ea omnia oportere spirare potius humilitatem, ac mundi pomparumque ejus contemptum, quam illa externa honoris symbola, quæ superbiæ ambitionemque excitare consueverunt, ac diffculter ipsam veram in corde humilitatem compatiuntur.

Et quidem cum hæc honorum exhibitio passionem superbiæ multum nonnunquam exciter, contingit, non raro hos honores arroganter exigi, studiose conservari, & fervide defendi; cunctaque subinde pro eorum conservatione moveri, nihilque non tentari. Quapropter raro convenit Parochis, ut ipsi cum Toparchis aliisque illustribus personis super his Juribus sua privata auctoritate se committant; sed potius quæstionem Episcopo aut aliis Superioribus exponant, & eorum judicio subijciant.

## CAPUT VIII.

### De Regalia.

1. *Regaliæ descriptio.*
2. *Pragmatici Galli ejus originem obscuram asserunt.*
3. *Primordia Regaliæ non adeo videntur obscura.*
4. *Regula complectitur usumfructum bonorum temporalium, & collationem Beneficiorum.*
5. *Quoad primam partem originem traxit à feudis.*
6. *Feuda, mortuo vasallo, revertebantur ad dominum rectum quousque esset solutum relivium.*
7. *An feuda Ecclesiastica huic legi primitus subiecta?*
8. *Verisimile est Reges Galliarum seculo XII. feuda Ecclesiæ illi legi subjecisse.*
9. *Credit P. De Marca Constitutionem Calixti II. occasionem huic introductioni dedisse.*
10. *Id factum credit propter abolitam investituram.*

11. Regaliam fuisse jus merè feudale tempore Philippi Augusti ostenditur.
12. Idipsum evincit instructio Philippi Pulchri data quibusdam Episcopis.
13. Conditiones hodiernæ necessariæ pro clausurâ Regaliæ idipsum probant.
14. Regalia juxta naturam feudorum primitus tantum complectebatur feudalia; hodie verò etiam decimas & reliquos proventus Episcopatum.
15. Collatio Præbendarum feudis annexa etiam ad Regem, Sede vacante, reversa.
16. Primitus sola collatio feudis inbærens ad Regem spectasse videtur.
17. Hinc verisimiliter factum, ut quadam Ecclesiæ fuerint subjeclæ Regaliæ quoad temporalia, & non quoad collationes Præbendarum.
18. Quo titulo extensa ad omnes collationes Præbendarum?
19. Feuda reguntur jure consuetudinario; neque ubique subjacent juri reliquii.
20. Ex hac diversitate contigit Ecclesias alias subjeclæ esse juri Regaliæ, alias exemptas.
21. Non omnes Ecclesias in Regno Galliæ subjacere juri Regaliæ agnovit Concilium Lugdunense.
22. Concilium loqui de hodierno jure Regaliæ probatur.
23. Canon Concilii editus ad postulationem Prælatorum Galliæ & Angliæ.
24. Concilium Regaliam extendi vetat.
25. Regaliam consuetudine inductam sustinet; desiderat tamen moderatum juris usum.
26. Jam pridem agnoverunt Pragmatici Galli; & ipsa Regia Parlamenta quasdam Ecclesias ab hoc jure esse exemptas.
27. Quidam XVI. seculo, prætenderunt esse jus Coronæ ad omnes Ecclesias extensibile, sed eorum opinio fuit tunc rejecta.
28. Quo tandem colore anno 1608. tentata Regaliæ extensio ad omnes Ecclesias.
29. Nova Regia Declaratio, jus Regaliæ esse jus Coronæ, & omnes Regni Ecclesias ei esse subjeclæ.
30. Contentiones & motus in Regno Galliæ occasione hujus Declarationis excitati.
31. Ad eos compensandos convocatus Clerus Gallicanus.
32. Quid nomine Cleri Regi expositum?
33. Ad hanc Cleri Supplicam sequuta Regis Declaratio quoad usum Regaliæ.
34. Clerus, quâ ratione, mediante hac Declaratione, extensioni Regaliæ consenserit?
35. Clerus Gallicanus resolvit litteras dandas ad Innocentium XI. Papam.
36. Exponunt, quodd ob mala aliâs Regno & Ecclesiis imminetia debuerint Regi credere.
37. Ostendunt Regaliæ usum esse duntaxat disciplinæ.
38. Dicunt Regaliam esse ex iis, quæ pro temporum & locorum conditione mutantur.
39. Totum statum causæ exponunt, & rationes, quæ ad condescendum moverunt.
40. Quomodo in hac materiâ nonnunquam ipsi Romani Pontifices condescenderint.
41. His litteris respondit Innocentius XI. ostenditque sibi non satisfactum.
42. Scribit sibi sat constare in eo Conventu omnia metu acta fuisse.
43. Arguit eorum timiditatem in monendo Regem.
44. Dicit ipsos jura Ecclesiarum non potuisse alienare.
45. Rescindit & cassat eam extensionem & cessionem.
46. Non obstante Pontificia cassatione, usus Regaliæ de facto in omnibus Ecclesiis obtinet.
47. Prima circa usum Regaliæ Regia modificatio circa Beneficia litigiosa; & quæ hujus modificationis occasio?
48. Beneficia litigiosa sex mensibus ante obitum Episcopi Regaliæ subjeclæ; & quod hujus juris fundamentum?
49. Beneficia de Jure vel de facto tantum vacantia subjacent Regaliæ.
50. Quando de facto vacare censeantur ad hunc effectum?
51. Vacant de facto, si possessio accepta sit per procuratorem.
52. Secunda Regis modificatio circa quadam Beneficia, quibus cura animarum, aut jurisdictionis vel functio aliqua Ecclesiastica specialiter est annexa.
53. Quare hæc modificatio fuerit necessaria?
54. Tertia limitatio usûs Regaliæ circa Beneficia specialia conjunctim ad Capitulum & Episcopum.
55. Ratio hujus limitationis.
56. Consentit Rex in has modificationes salvo jure Regaliæ quoad ceteras prærogativas.
57. Juxta Pragmaticos Gallos in Regaliâ omnia sunt extraordinaria.
58. Ex sententia Pragmaticorum Rex jure Regaliæ succedit in primitivum jus Episcoporum, & consert pleno jure Beneficia Patronatus Ecclesiastici.
59. Papa nullas partes habet circa Beneficia vacantia in Regaliâ; & quare?
60. Non potest Rex à Papa præveniri: neque tempore Canonibus definito arctatur.
61. Semper Beneficium revertitur ad Regem, quamdiu collatio Regis non habuit plenum & integrum effectum.
62. Rex in Regalia non ligatur Regulis Cancellariæ.
63. Admittit etiam permutationes & resignationes in favorem.
64. Obscura ratio & origo privilegiorum Regaliæ.
65. Plura intercurrunt, quæ sunt meræ disciplinæ.
66. Quid hîc Ministris Regis incumbat?

I. **V**ox Regalia sumpta in plurali, frequenter sumitur pro juribus Fiscalibus, seu supremis juribus Regiis; interdum autem pro feudis immediate à Rege relevantibus, de quibus aliisque nomenclaturis latè agit Du Cange in Glossario, verbo Regalia. At hodie vulgarissima est vocis hujus acceptio in singulari pro jure regio fruendi omnibus proventibus Episcopatum vacantium, & conferendi pleno jure omnia Beneficia non curata, quousque novus Episcopus præstiterit jurementum fidelitatis, acceperit possessionem aliaque absolverit, quæ ad clausuram Regaliæ requiruntur; de quibus supra parte 1. tit. 4. cap. 5.

II. Regaliæ ita sumptæ, & de qua hîc unice agitur, originem admodum obscuram esse sarentur passim Pragmatici Galli; ipseque Pasquierus antiquitatum Gallicanarum diligentissimus famosusque scrutator fatetur se neminem hætenus reperisse, qui originem indicaverit: Si quid enim (inquit) in historiâ nostrâ obscurum est, id imprimis de hac materiâ prædicandum. Lib. 3. Disquisit. cap. 15.

Et Doctissimus Choppinus lib. 1. De S. Pol. tit. 7. cap. 9. asserere non veretur, nihil certi de origine Regaliæ ex antiquioribus monumentis erui posse; sed ex regis tabulis duntaxat patriisque Senatufconsultis petita esse, quæ de hoc argumento scripsere primi Jurisconsulti: Sic ut Regalium cognitio vix patuerit (ait) antiquarum duntaxat verum studiosis.

III. Si his itaque aliisque Gallicanis Scriptoribus fides sit, hæc materia non ex antiquis legibus, Canonibus, aut monumentis, sed ex consuetudine seu praxi, patriis Senatufconsultis inductâ & firmatâ examinanda venit: quod & verissimum est, & si consideretur cum omnibus iis solemnitatibus, effectibus & accessibus, quibus successu temporis tandem adornatâ & aucta fuit. At si attendatur prout in sua prima origine



gine fuit; non adeo obscura apparebunt ejus exordia; neque accessionum epochæ. (a)

IV. Imprimis ex descriptione Regaliæ patet, Regaliæ duo completi: nimirum jus percipiendi proventus temporales; & jus conferendi pleno jure Beneficia non curata: ideoque Ægidius Magister vulgò *Le Maître*, in suo Tractatu *De Regalia* cap. 1. distinguit duplicem Regaliæ; aliam *temporalem*, quæ completitur proventus temporales; & aliam *spiritualem* completentem collationem Beneficiorum.

V. Regaliæ quantum ad primam suam partem, sive jus percipiendi proventus temporales Episcopatum vacantium, ex feudis originem suam habuisse rectè advertit Petrus de Marca; qui ubi ostendit, antiquitus constitutos fuisse Oeconomos, qui, Sede vacante, proventus Episcopales recipere, & administrare, eosque futuro Episcopo servarent; dein seculis labentibus usum fructum ad Reges, Sede vacante, esse devolutum, ait: „ Si quis verò inquirat in causas tam magnæ immutationis, is reperiet eam esse profectam ex immutatione, quæ facta est in conditione & qualitate bonorum, ab Ecclesia possessorum. Quemadmodum enim in Republica quoddam bonorum genus extat, quod vulgò *feudum* vocant, incognitum Romano Juri, ideoque novis Constitutionibus & antiquarum legum dispositioni contrariis inductum; sic, cum Ecclesiæ Regum beneficio donatæ fuissent bonis hujuscemodi, necessarium prorsus fuit, ut illæ possiderent feudatis conditionibus, quas in prima feudorum origine invenit publica utilitas.

Eandem Regaliæ originem agnoscit Zypæus in Jure novo tit. *De Elect.* num. 3.

VI. Porro ea fuit primitivus feudorum conditio, ut non nisi ad vitam, & jure usufructuario à domino utenda concederentur, mortuo autem vasallo, rursus ad dominum directum pleno jure redirent. At sensim tacito usu introductum & receptum fuit, ut illa ad hæredes transirent, domino directo ita consentiente, & caducum feudum in eos transferente; idque solum certo pretio, quo mediante, hæredes feudum à domino relevabant; quodque propterea *relivium* dicebatur; de quo, & variis ejus speciebus latè agit Du Cange in Glossario, verbo *Relivium*.

Quamdiu autem feudum à novo hærede non erat *relevatum*, manebat apud dominum directum, qui & interim fructus feudi vacantis percipiebat.

VII. An feuda primitivè eà conditione ad Ecclesias transierint, non constat; verisimiliusque apparet, eam fuisse Regum & Principum mentem, ut sine hac restrictione in perpetuum transirent; præsertim cum ea non personis singularibus, quarum morte fieri possent caduca, sed Ecclesiis, quæ non moriuntur, darentur; magisque id liberalitati Regum & Principum conforme apparebat.

VIII. Quidquid sit, illud admodum verisimile est, quod seculo XII. cœperint Reges Galliæ feudorum ad Ecclesias ex liberalitate Majorum suorum devolutorum usum fructum, Sede vacante, ad se recipere, donec novus Episcopus eorumdem investituram à Rege accepisset, juramentumque fidelitatis præstisset: quasi Episcopo moriente, ipse feudi vasallus moreretur, atque ita ipsum feudum caducum fieret; & consequenter juxta leges feudorum ad Dominum directum, donec à novo vasallo, id est, novo Episcopo relevaretur, redire deberet.

IX. Ita ferè Petrus De Marca lib. 8. cap. 22. num. 5. qui in ea est sententia, ut existimet, usum fructum reddituum Ecclesiasticorum introductum esse post Constitutionem Calixti Papæ II. editam anno 1122. quæ Regibus tribuit potestatem exigendi à Prælatibus universa officia & obsequia, quæ ratione *Feudorum* exhibere te-

nentur. *Quæ ex Regalibus debet, faciat*, ait Constitutio.

X. Hæc Constitutio extat in Chronico Abbaris Urpergensis ad annum 1122. missa ad Henricum V. Imperatorem, pro sopiendis controversiis super *investituris*; quæ Imperium cum Sede Apostolica multo tempore commiserant: arbitraturque De Marca loco citato num. 6. „ Reges refarciendis damnis suis intentos, quæ toleraverant dimittendo jura investiendi Episcopos ante consecrationem, dum Pontificibus Romanis obtemperant ita cupientibus, jure suo usos esse quoad feuda, ut Papa Callistus approbaverat.

XI. Legitur apud Rigordum *de Gestis Philippi Augusti* ad an. 1209. quod recusantibus pertinaciter Episcopis Aurelianensi & Antislodorenfi, ire vel mittere in exercitum, nisi quando Rex *personaliter* proficiscitur, „ Rex eorum *Regalia* confiscaverit, scilicet ea tantum temporalia, quæ ab eo *feudaliter* tenebant: decimas & alia spiritualia eis in pace dimittens. Ipse enim Rex Christianissimus semper timebat offendere Ecclesiam Dei & ejus Ministros. „ Hæc ille.

Hinc non obscure elicitur, Regaliæ suâ origine fuisse jus merè *feudale*, quo Reges aequè circa Prælatos Ecclesiæ, quàm Laicos utebantur: idque non tantum mortuis Prælatibus, sed & viventibus, in casum confiscationis, juxta conditionem feudorum.

XII. Evidentiùs adhuc hanc Regaliæ primigeniam naturam evincit instructio à Philippo Pulchro data Archiepiscopo Senonensi & Episcopo Antislodorenfi, ad componendam coram Pontifice controversiam exortam in Ecclesia Carnotensi, representando Pontifici, quæ hic essent jura Regni: „ Sicut *feudus* vasallo vacans interim cum suis redditibus à Domino licitè occupatur, & propter defectum *hominis*, ut vulgari patriæ nostræ verbo utamur, de jure & generali consuetudine regni nostri per Dominum, quousque superveniat persona, quæ illi serviat, licitè derinetur: sic nos & nostri Antecessores, vacante Ecclesia Carnotensi, & temporalem jurisdictionem & bona temporalia accipimus, & nostros facimus omnes fructus, qui proveniunt ex eisdem.

XIII. Si his addamus solemnitates, quæ etiamnum hodie requiruntur & observantur in clausura Regaliæ, dubitari non posse videtur, regaliæ esse originem suam feudalem; atque juxta leges feudorum fuisse introductam.

XIV. Ex citatis verbis Rigordi constat insuper, regaliæ primitivè comprehendisse *sola* feudalia; decimas autem aliosque Ecclesiasticos proventus ab ea fuisse exemptos, quod & De Marca lib. 8. cap. 22. num. 7. observavit; ibique ostendit, quomodo sensim ad decimas omnesque proventus extensum fuerit; quod & latius ostendit Auctor Tractatus Gallici, ann. 1681. occasione controversiæ super extensione juris Regaliæ editi *parte 1. cap. 9.* ibidem ostendens, prætextu juris custodiæ & juris spoliū hanc extensionem contigisse.

XV. Cum verò ipsis feudis frequenter jus præsentationis sive collationis sit annexum, uti suprâ cap. 2. ostendimus, consequens visum fuit, ut revertente feudo ad dominum directum, etiam jus præsentationis vel collationis ei annexum debere ad dominum directum reverti: atque hac ratione collationem Præbendarum ad Regem jure Regaliæ primitivè pervenisse, admodum verisimile est.

XVI. Porro sicuti sola feudalia primùm juri Regaliæ, juxta naturam feudorum, subiecta fuere; ita & sola collatio Præbendarum feudis illis annexa ad Regem pertinuisse videtur: admodumque verisimile, Regem nihil sibi attribuisse, nisi feuda cum omnibus, quæ iis videbantur annexa.

XVII. Et quidni hinc contigisse dicamus, quod in quibusdam Ecclesiis Regalia obtineret quoad temporalia,

(a) De origine & fundamentis Regaliæ legi possunt, quæ collecta fuere in novis Cleri Gallicani collectionibus tom. 11. col. 524. 525. &c.

poralia, non autem quoad spiritualia; quemadmodum jam pridem obtrivisse in nonnullis, tanquam indubitatum & notorium tradit *Le Maître* in Tractatu *De Regalia cap. 4.* & variis Parliamentorum Arrestis confirmatum, testatur de Marca *lib. 8. De Concordia Sacerdotii & Imp. cap. 24. num. 2.*

XVIII. Postquam autem Regalia extensa fuit ad omnes fructus Ecclesiæ vacantis, atque una à Canonistis, præeunte Glossographo, dictum & receptum fuit, collationem Beneficiorum esse *in fructu*, fructibusque annumerari, sensum quoque inductum est, ut ubi Rex jure Regaliæ reciperet indistinctè omnes fructus Episcopatus vacantis; etiam ipsam Præbendarum collationem, tanquam partem fructuum, haberet. Hoc & Petrus de Marca notavit *lib. 8. De Concordia Sacerdotii & Imp. cap. 22. num. 7.* "Quoniam collatio Beneficiorum censetur pertinere ad fructus, secundum quod in libris Decretalium continetur, eo jure prorsus oportune usi sunt Reges, ut usum inveharent conferendi Præbendas, quarum Provisio ad Episcopum pertinebat.

XIX. Notandum insuper, Jura feudorum non ex jure scripto, sed potius consuetudinario constare; ideoque, non easdem fuisse in omnibus Provinciis feudorum conditiones & jura, uti rectè observat Du Cange in Glossario, verbo *Relivium*, & verbo *Feudum*; atque inter cæteras consuetudinum dissonantias, hæc erat; quod in aliquibus Provinciis Domino directo competere, mortuo vasallo, jus *relivii*; ipsique cederent fructus, quoad usque novus vasallus jus hoc relivii solvisset, & investituram à Domino directo accepisset: in aliis verò Provinciis feuda *liberè* absque onere relivii ad hæredes vasalli transirent: neque Domino directo usus fructus acquireretur.

XX. Ex qua consuetudinum varietate facile intelligi potest, cur non in omnibus Ecclesiis eodem tempore recepta fuerit Regalia; etiam quoad usum fructuum feudorum ad Ecclesiam spectantium.

Cum enim nec laticalia feuda illi juri essent in iis Provinciis subiecta; rationi dissonum visum fuisset, feuda Ecclesiastica illi oneri subijcere.

Unde Petrus de Marca *lib. 8. De Concordia Sacerdotii & Imp. c. 22. n. 5.* rectè observavit, Jus Regaliæ imprimis introductum fuisse in Provincias, in quibus mutatio Domini necessitatem imponit solvendi *relivium*: "Cum econtra in illis, quæ huic juri *relivii* obnoxie, non sunt, nihil à Regibus tentatum fuerit, quoad usum fructum Regaliæ.

XXI. Ipsum quoque Concilium Lugdunense II. sub Gregorio X. hanc Ecclesiarum varietatem circa usum Regaliæ sat apertè agnovit in *cap. 13. De Elect. in VI.* ipsa Regalia restringens ad eas Ecclesias, in quibus ab ipsa fundatione, vel ex antiqua fundatione invaluerunt. Verba Canonis sunt: "Qui autem ab ipsarum Ecclesiarum cæterorumque locorum *fundatione*, vel ex *antiqua consuetudine* jura sibi hujusmodi vendicant, ab illorum usu sic prudenter abstineant, & suos Ministros in eis sollicitè faciant abstinere, quod ea, quæ non pertinent ad fructus, sive redditus provenientes vacationis tempore, non usurpent: nec bona cætera, quorum seasserunt habere custodiam, dilabi permittant, sed in bono statu conservent.

XXII. Hunc Canonem de hoc Jure Regaliæ, de quo agimus, loqui, testis est Durandus Episcopus Mimatensis, vulgò dictus *Speculator*, qui ipsi Concilio interfuit. Verba ejus sunt: "Regalia hic vocantur jura Regi in quibusdam Ecclesiis & Monasteriis competentia: quia videlicet, illis vacantibus, Rex sub prætextu custodiæ facit fructus suos, & etiam in quibusdam Præbendas confert, sicut patet in quibusdam Ecclesiis Franciæ.

XXIII. Testatur insuper Durandus ad clamorem Prælatorum Franciæ & Angliæ hunc Canonem editum esse "Præsens Constitutio fuit (inquit) ad clamo-

Tom. I.

rem Prælatorum Franciæ & Angliæ promulgata. XXIV. Non tantum evincit hic Canon, eo tempore Jus Regaliæ, in quibusdam duntaxat Ecclesiis receptum; sed insuper, "qui regalia de novo usurpare conantes, bona Ecclesiarum, Monasteriorum aut locorum ipsorum *vacantium* occupare præsumunt, quantacumque dignitatis honore præfulgeant; Clericos etiam Ecclesiarum, Monachos Monasteriorum, & personas certas locorum eorumdem, qui hæc fieri procurant, eo ipso excommunicationis sententiæ subiacere decernit.

XXV. Regaliæ autem usum in Ecclesiis, in quibus vel ex *fundatione*, vel ex *antiqua consuetudine* erat receptus, tolerare Concilium, modò tamen eo moderatè utantur, allegata Canonis verba sat evincunt.

Ad hunc Canonem reflexisse Ludovicum XII. Regem Galliæ an. 1499. verisimile est his verbis. "Prohibemus universis Officiariis nostris, ne in Archiepiscopatus, Abbatias, & alia Beneficia Regni nostri, in quibus Jus Regale aut Custodiæ non habemus, se intromittant; alioquin ut sacrilegi plectantur. Apud Magistrum vulgò *le Maître* in Tractatu de Regalia *cap. 4.*

XXVI. Itaque Canone Concilii Lugdunensis, confirmatum est (ait de Marca *cap. 24. num. 4.*) Jus recipiendi regalia in Ecclesiis ubi recepta erat illa consuetudo: cujus introductio vetita est quoad Ecclesias, quæ ei non erant obnoxie.

Et *num. 2.* dixerat, in quamplurimis veteribus Arrestis Parlamenti Parisiensis edici, probandam esse possessionem Regis in Ecclesiis, juxta quam deinde Curia decernebat de Jure Regaliæ.

Post hæc relatis nonnullis Regum Ordinationibus; nec non quodam vetere regestò, in quo enumerantur Ecclesiæ Juri regaliæ non subiectæ, tandem *num. 9.* subiungit: "Qui materiam hanc cum aliqua cura tractarunt, veluti Ruzæus & Probus, ex his Constitutionibus consequi ajunt, jus Regaliæ non esse ubique simile, nec in universo Regno vigere, Regem verò eo uti non posse, nisi in Ecclesiis ubi possessionem habet omni memoriâ antiquiorem.

XXVII. "Attamen dissimulandum non est tentasse jamdiu quosdam persuasum omnibus facere, Jus Regalium esse jus merè Regium & ad Coronam pertinere, ut ipsi loquuntur, atque aded ad universas Regni Ecclesias porrigendum esse absque discrimine. Ita enim ante hos trecentos ferme annos sensit Joannes Butillerius in sua Summa Rurali. At Pasquierius, tamen Regius in Camera Computorum Advocatus esset, opinionem illam erroneam esse contendit, & dignam potiùs adulate aulæ quàm Juriconsulto Gallo. Addit verò Guidonem Fabrum Pibracium generalem Regis in Parlamento Parisiensi Advocatum, qui jus Regaliæ generale ubique esse urgebat Edictò statui, id obtinere non potuisse, ac de sententiâ fuisse dejectum.

XXVIII. "Nihilominus hinc factum est, ut vetus loquendi modus in antiquis Regum Constitutionibus usurpatus, mutatus dein fuerit. Edictum quippe anni millesimi sexcentissimi sexti verbis ambiguis & oblique inflexis conceptum est, quæ duplici interpretationi obnoxia sunt, cum in eo contineatur Regem nolle uti jure Regaliæ in detrimentum Ecclesiarum exemptarum. (a) Verba enim hæc occasionem subministrarunt investigandi, an exemptio illa intelligenda esset de exemptione juris & de præscriptione, aut de exemptione à Principe concessa, sive gratuito, sive titulo oneroso. Viam autem controversia hæc aperuit Arresto Parlamenti Parisiensis lato anno 1608.

(a) Adest contextus, qualis *art. 27.* Edicti anni 1606. vernaculo idiomate legitur, *N'entendons point du droit de Regale, sinon en la même forme, que nos Prédécesseurs & Nous avons fait, sans l'entendre plus avant au préjudice des Eglises, qui en sont exemptes.* Hoc Edictum relatum est à Fontenone *tom. 4. pag. 1033.*

G G G G

" quo

quo edicatur, ne Advocati in dubium revocent, an Rex jure Regaliæ uti possit in universis Regni Ecclesiis; quod jam præjudicatum fuisset, edictum esse intelligendum de exemptione concessa ob titulum onerosum. Querelam adversus hoc Arrestum movit Clerus Gallicanus apud Regiam Majestatem. (a)

XXIX. Hac Cleri intercessione obtentum fuit, ut hoc Arrestum Parlamento Parisiensis sine executione suspensum remaneret usque ad an. 1673. quo Rex publico Edicto declaravit jus Regaliæ sibi competere in omnibus Ecclesiis sui Regni, exceptis iis, quæ titulo oneroso sunt exemptæ. Quæ Declaratio edita 10. Februarii, fuit probata & registrata in Parlamento Parisiensi 18. Aprilis ejusdem anni. Refertur integra à Claudio Blondeau in sua Bibliotheca Canonica, verbo *Regale*: cui subjicitur aliud Edictum Regium de 2. Aprilis, an. 1675. prioris edicti declaratorium.

XXX. Quantos motus hæc Declaratio extensiva Regaliæ in Regno Galliarum excitaverit notum est; sciturque nonnullos Prælatos summo vigore & zelo se huic extensioni tanquam Ecclesiarum suarum libertatem in servitorem redigenti, & Canonici Concilii Lugdunensis aperte contrarianti opposuisse; hisce favisse summum Pontificem Innocentium XI. pluribus emissis Brevibus, quibus declarabat, quantopere sibi hæc extensio displiceret.

Contentiones, quæ hac occasione inter Ministros Regios extensioni faventes, & Prælatos Ecclesiæ eidem repugnantes, eamque improbant, & subicere recusantes, facile dignosci possunt ex lucubrationibus, quæ utrimque evulgatæ fuerunt.

XXXI. Occasione horum motuum & scissuræ inter Ministros Regios, & Prælatos Ecclesiæ, an. 1681. iussu Regis celebratus fuit in Urbe Parisiensi generalis Cleri Gallicani Conventus, in quo hæc Regaliæ extensio, seu Regia Declaratio proposita fuit.

XXXII. Post habitam deliberationem, expositum fuit Regi ex parte hujus Conventus, imprimis quod auctoritas Episcopalis quoad prædicationem verbi Dei, reconciliationem poenitentium, & exercitium Jurisdictionis spiritualis non parum læderetur per usum Regaliæ. Secundò, quod ipse usus Regaliæ per nupera Parlamenti Parisiensis Arresta esset non parum extensus: quapropter supplicavit, ut Rex integram vellet conservare Jurisdictionem Episcopalem, nec non declarare, quomodo hoc jure Regaliæ uti posthac intendere.

XXXIII. Ad hanc Cleri expositionem & postulationem sequuta est declaratio Regia in Januario an. 1682. quæ quidem prior Declaratio an. 1673. confirmatur quoad extensionem Regaliæ ad omnes Ecclesias, sed usus Regaliæ circa duo præcipue puncta mitigatur, quàm mitigationem infra referemus.

XXXIV. Hac declaratione Conventui Cleri Gallicani proposita, & auditâ relatione Commissariorum suorum, ut pacem Regno & Ecclesiis conciliaret, præveniretque incommoda, quæ divisio Sacerdotii & Imperii secum trahere solet, nec non attentâ mitigatione super usu Regaliæ per Regem factâ, resolvit de unanimi judicio omnium Provinciarum, jus Regaliæ universale indubitatum & extra contestationem; eum in finem consentiens, in quantum opus esset, ut idem jus Regaliæ, quo Rex fruebatur in majore parte Ecclesiarum sui Regni ante Arrestum Parlamenti de 24. Aprilis, 1608. maneat extensum ad omnes Ecclesias Regni juxta terminos declarationis Regiæ de 10. Februarii 1673. Habetur hæc Cleri Declaratio, uti & præcedens Regia, apud Claudium Blondeau loco citato.

XXXV. Cum verò non sine fundamento vereretur Clerus Gallicanus, ne hac Declaratione & consensu in

(a) Hoc Arrestum datum est occasione Episcopatus Belicensis. Refertur ab Erasmo Pinsonio *Traicté Gallico de Regalie*, pag. 178.

extensionem Regaliæ exacerbaretur, & offenderetur ipse Pontifex Innocentius XI. resolvit, scriptis ad eum litteris rationem sui facti exponere, eumque hac ratione placare.

XXXVI. Litteræ hæc missæ fuere 3. Februarii ejusdem anni. In his imprimis exponunt, Regni & Sacerdotii turâ piæque concordia res humanas nisi; "dum unum ab altero impugnatur, periclitari utrumque, eâ occasione & de regno tolli justitiam & de Ecclesia pacem, schismata & scandala suscitari, & fieri animarum perditionem simul & corporum; sine horum concordia res humanas nec incolumes esse posse, nec tutas; ut jam pridem dixerunt Goffridus Vindocinensis & Ivo Carnotensis.

XXXVII. Dein ostendunt, Regaliæ usum non esse ex iis, quæ ad fidem spectant, vel quæ æternâ lege sancta, inconcussa & invariata manere debent; sed ex iis, quæ Ecclesiasticâ prohibitionem constant, in quibus ipsi Ecclesiarum Principes multa pro tenore Canonum judicaverunt, multa pro temporum necessitate tolerarunt, & quædam temperarunt, non cæcâ tamen & indiscretâ relaxatione disciplinæ, sed si necessitas adsit, ex quæ leges quoque mutari contingeret.

Eam verò necessitatem tunc subesse, si graves dissensiones, si turbulenti motus, tumultusque imminerent, quàm populorum stragem sancti Patres vocant; tunc enim charitatem, quæ summa Ecclesiæ lex sit, alias emollire ac temperare leges, ac detrahendum aliquid Canonum severitati, ut majoribus morbis sanandis charitas sincera subveniat; ut loquitur S. Augustinus Epist. 50.

XXXVIII. Post hæc non obscure concedunt, Concilium Lugdunense vetuisse jus Regaliæ extendi ad eas Ecclesias, quæ primavâ & immutatâ libertate gauderent: At, inquit, "id sanè liquidò constat, nullum esse periculum, ut extensum, Fidei moribusque noceat, quod illasâ fide, salvâque morum regulâ, longè lateque propagatum, plurimas jam Regni Ecclesias occupavit; ex quo illud efficitur, Regaliæ causam, non ad Fidei, morumque regulam, quæ immobilis & irreformabilis sit, sed ad disciplinam, quæ pro locis ac temporibus subinde mutetur, quæque temperamente ac salubrem illam moderationem admittat, omnino pertinere.

XXXIX. Tum totum causæ statum, nec non rationes ac necessitates explicant, quæ ipsos ad condescendum huic extensioni, & nonnihil à Canonum tenore deflectendum moverunt, quodque "post Ecclesiarum quarundam libertatem totis sexaginta annis strenuè propugnatam victi in eo Tribunali, quod ipsi antiquo more Regni appellavimus (inquit) acquiescere potius, quàm omnia movere, Regiam potestatem cum Pontificali committere, nova deinceps bella cingere vellemus. Nos pacem antepoñimus, nec in simili causâ piget imitari Vindocinensem Abbatem, non minus fortitudine, quàm prudentiâ clarum, cuius verbis dicimus; *Habeat Ecclesia suam libertatem, sed summopere caveat, ne dum nimis emunxerit, eliciat sanguinem, & dum rubiginem de vase conatur eradere, vas ipsum frangatur.*

XL. Exponunt qualiter & ipsi Pontifices in hac ipsa materia aliquando rescripserint, cum Rege moderate agendum; ac notanter Innocentius III. ad Galliarum Episcopos scribat lib. 3. Epist. 107. "Fraternitati vestræ consulimus bonâ fide, quatenus cum charissimo Filio nostro Rege, quantum melius poteritis, componere studeatis; quoniam arcus, qui semper est tensus, vires amittit, & nonnunquam Reges vincuntur mansuetudine magis, quàm rigore.

XLI. Hisce litteris quàm parùm pacatus fuerit Pontifex, patet ex litteris in forma Brevis responsorii, datis 11. Aprilis ejusdem anni 1682. in quibus statim in exordio scribit, sibi permolestum accidisse, ac planè acerbum, cognoscere ex litteris ipsorum, Episcopos Clerum.



Clerumque Gallicanum, qui corona olim & gaudium erat Apostolicæ Sedis, ira se erga illam in præsens gerere, ut cogamur (ait) multis cum lacrymis usurpare illud Propheticum, *Filii matris meæ pugnaverunt contra me. Cant. c. i. v. 5.*

Et quidem " in ea causa resistitis (ait) in qua vestrarum Ecclesiarum salus ac libertas agitur, & in qua nos pro juribus & dignitate Episcopali in isto Regno tuenda, ab aliquibus ordinis vestri piis & fortibus viris appellati absque mora insurreximus, & jam pridem in gradu stamus nullas privatas nostras rationes secuti, sed debitæ Ecclesiis omnibus sollicitudini & intimo amoris erga vos nostro satisfacturi.

XLII. Scribit deinde, quod ex eorum litteris intelligat, omnia in eorum Conventu metu gesta esse; redarguitque eos, quod tuerentur, *ubi non erat timor.* " Id unum (ait) vobis timendum erat, ne apud Deum hominesque redargui jure possitis, loco atque honori vestro & Pastoralis officii debito defuisse.

XLIII. Officii eorum fuisse dicit; " Sedis Apostolicæ auctoritati studia sua adungere; & Pastoralis pectore, humilitate sacerdotali, causam Ecclesiarum vestrarum apud Regem agere, ejus conscientiam de tota re instruendo, etiam cum periculo Regium in vos animum irritandi.

Eam in condescendendo facilitatem, summus Pontifex increpat, *Quis (inquit) ausus est invidia se offerre, quis vel vocem unam emisit memorem pristinae libertatis.*

XLIV. Illam litterarum partem non sine animi borrore se legere potuisse scribit, in qua dicunt: *Jure suo cedentes, illud in Regem contulisse:* " Quasi (ait) Ecclesiarum, quæ curæ vestræ creditæ fuere, essetis Arbitri non Custodes, & quasi Ecclesiæ ipsæ & spiritualia earum jura possent sub secularis potestatis jugum mitti ab Episcopis, qui se pro earum libertate in servitutum dare deberent.

XLV. Et ne nimium dissimulando videretur officio suo deesse, aut factum tacite approbare, ait: " Quam obrem per præsentis litteras tradita nobis ab omnipotente Deo auctoritate improbamus, rescindimus & cassamus quæ in vestris comitis acta sunt in negotio Regaliæ, cum omnibus exinde secutis & quæ impostum attentari contingat, eaque perpetuo irrita & inania declaramus, quamvis, cum sint ipsa per se manifesto nulla, cassatione aut declaratione hujusmodi non egeant.

XLVI. Quid receptis his litteris egerit Clerus Gallicanus, aut quid reposuerit, nescio; hoc scio, usum Regaliæ tam quoad spiritualia, id est, collationem Beneficiorum, quam temporalia in omnes Ecclesias auctoritate regia, non obstantibus his Sedis Apostolicæ litteris, juxta Declarationem regiam de anno 1673. ejusque modificationem de anno 1682. inductum esse; & Regem de facto uti jure Regaliæ in omnibus Regni sui Ecclesiis, Sede Episcopali vacante. (a)

Tria præcipue sunt circa quæ usus Regaliæ nonnihil limitatus apparet.

XLVII. Primum circa litigium, jam vice privilegii Regaliæ receptum erat, quod omnia Beneficia tempore aperturæ Regaliæ litigiosa caderent in Regiam. Hinc contingebat, quod imminente morte alicujus Episcopi, possessoribus Beneficiorum moverentur lites; ut morte adveniente, Beneficia ipsorum jure

(a) Ubi observandum est jus Regaliæ à Gallis Jurisconsultis non haberi ut jus mutationi obnoxium; docent enim illud esse impræscriptibile, nec posse alienari, uti loquitur D. de Hericourt. *Le droit de Regale étant domanial, inalienable, & imprescriptible; les concessions gratuites & le non usage de ce droit dans quelques Provinces ne pouvoient faire de préjudice aux droits sacrés de la Couronne.* Cui maxime consonum est quod antea dixerat Molinæus in *Regulam de Infirmis Resignantibus*, num. 420. " Id jure Regaliæ loquitur non ex aliqua concessione, vel privilegio Pontificis, Jurisve Canonici; sed jure primitivo & peculiari coronæ Franciæ ante omnia jura Canonica nato; ut dixi in *Consuetud. Parisiæ*, §. 27. num. 10.

Tom. I.

Regaliæ impetrari possent: hoc quia multis fraudibus, & injustis vexationibus portam aperiret, declaratum est per Edictum de 10. Februarii 1673. *litigium* non facere locum Regaliæ, nisi contestatio fuerit inter Partes *sex mensibus* ante obitum Episcopi aut Archiepiscopi.

XLVIII. Manet interim hoc Regaliæ privilegium, ut si Beneficia litigiosa, modo *lis sex mensibus* ante obitum Episcopi instituta & formata fuerit, cadant sub Regalia, ipse Rex ea tanquam vere vacantia jure Regaliæ conferat.

Hoc privilegium alio non videtur niti posse fundamento, nisi quod credatur, regiam habere locum, dum non constat, Ordinarium revera rite contulisse; ipsumque locum vacantem esse de jure & facto repletum.

XLIX. Pridem enim Constitutione Regiæ quæ vulgo dicitur *Philippina*, edita in Octobri anno 1334. & renovata 5. Maji 1346. quam refert *Le Maître* in Tractatu *De Regalia cap. 2.* declaratum fuit, Reges Galliæ esse & fuisse in possessione conferendi jure Regaliæ Præbendas, dignitates & Beneficia vacantia de jure & de facto vel de jure tantum vel de facto tantum.

L. Vacat autem de jure tantum, quando quis incumbit possessioni coloratæ ex prætenso justo titulo præcedenti.

De facto tantum vacat, si collatio Beneficii facta sit, sed possessio corporalis nondum fuerit capta: quia revera titulum & jus habet Collatarius; sed tantum deest possessio, quæ est facti: uti latius exponit citatus Auctor; una monens, conformiter ad hanc Regiam Declarationem, infinita propemodum esse Parlamentorum Arresta; quin & judicatum dicit Beneficium tanquam vacans in Regalia impetrari posse, tamen ipse Collatarius petierit à Capitulo ad possessionem admitti; sed tamen, recusante Capitulo, admissus non fuerit.

LI. Quin capta possessio per Procuratorem non impedit vacationem in Regalia. Licet enim de jure possessio Beneficii capi queat per Procuratorem, censeturque fictione juris per se accepisse, qui accepit per *Procuratorem*; id tamen in Regalia non procedere sustinent Regii Ministri, dicentes, Regiam non admittere ullam *fictionem*. *Le Maître* loco citato. (a)

LII. Secunda limitatio usus Regaliæ facta ad postulationem Cleri Gallicani, occurrit in Declaratione de anno 1682. qua Rex declarat, quod nulli impostum conferri poterit in ulla Ecclesia Cathedrali vel Collegiata per ipsum aut successores suos, Decanatus aut Beneficium aliud habens annexam curam animarum vacans in Regalia, aut Archidiaconatus, Præbendæ Theologales, Pœnitentiarius, aut alia Beneficia, quorum titulares speciale jus habent, nomine proprio. exercendi aliquam jurisdictionem aut functionem spirituales & Ecclesiasticas, nisi habeant ætatem, gradum, aliasque conditiones per sacros Canones & Ordinationes Regias requisitas.

Volens ulterius, ut Provisi de similibus Beneficiis jure Regaliæ, se sistant Vicariis Capitulorum, si Sedes adhuc vacent; aut ipsis Prælati, si novi successerint, ad obtinendam approbationem & missionem Canonicam; priusquam ullam functionem exercent.

Ut intelligatur in quo consistat hæc moderatio Regaliæ; notandum, quod Rex utendo jure Regaliæ, Sede vacante, non tanquam Patronus præsentet ad Beneficia vacantia; sed intrando in jus Episcoporum, pleno jure conferat: titulumque Canonicum Beneficiorum se dare sustinent: ideoque nec ulla Ordinarii institutione authorisabili opus esse; sed Providum vigore Regiæ collationis posse possessionem Beneficii accipere, ac si ab ipso Episcopo collationem & institutio-

(a) Cum asseritur in Regalia nullam admitti fictionem, tunc non solvitur difficultas quæ nasci potest ex possessione capta: dicendum itaque est usum adesse plurimos qui observari debent; quamvis eorum origo, usque causa detegi possint.

G B G B G

nem

nem accepisset : de quo jure plura capite sequenti.

LIII. Cum autem jam receptum esset, quæcumque Beneficia, exceptis solis Parochialibus, ad Provisionem Episcoporum quocumque titulo spectantia, esse subiecta Regaliæ, atque jure Regaliæ à Rege posse pleno jure conferri, etiam Decanatus aliaque supra expressa Beneficia pleno jure in Regalia vacantia conferebantur; ita ut functiones suas vi hujus collationis absque Ordinarii approbatione, vi missione Canonica obire possent : ideoque videtur Rex usum Regaliæ nonnihil temperasse, dum Provisos de Decanatu, Archidiaconatu, aliisque Beneficiis curam animarum, aut jurisdictionem vel functionem Ecclesiasticam specialem annexam habentibus, ad Ordinarios, pro obtinenda approbatione & missione Canonica, remittit.

LIV. Tertio, videtur temperatus usus Regaliæ; eo quod in Edicto de anno 1682. declarat Rex, sola illa Beneficia vacatura in Regalia, quæ revera spectant ad Provisionem Episcopi defuncti; ita si quidem, ut si Episcopus & Capitulum conferant per turnum, aut per vires; aut Præbendas deviserint : ut collatio unius lateris spectet ad Episcopum, alterius vero ad Capitulum, Rex jure Regaliæ non succedat, nisi in jus Episcopi; Capitulum vero jure suo utatur, ac si Sedes non vacaret.

Si autem collatio spectet conjunctim ad Episcopum & Capitulum; tunc, aperta Regalia, mittet Rex Commissarium, qui una cum Canonicis eligat, supplens locum Episcopi.

Sin vero Episcopus intret Capitulum ut in qualitate Canonici cum aliis Canonicis aliquem præsentet; cui dein in qualitate Episcopi ad præsentationem Capituli confert & instituit, eo casu rursus Commissarius Regis in præsentatione habebit suffragium Episcopi; ipsaque præsentatio Capituli fieri debet ipsi Regi; ipsaque Provisio nomine Regis expediri; quemadmodum debuisset exhiberi Episcopo; & ejus nomine collatio sive institutio fieri : ita ut Rex jure Regaliæ succedat in totum jus Episcopi, permittendo illæsum jus Capitulum.

LV. Jam enim auctoritate Arrestorum invaluerat, ut libere & solus Rex conferret Præbendas vacantes in Regalia, tamen collatio spectaret ad Capitulum, & Episcopus duntaxat haberet suffragium ut Canonici : quia, inquebant; Rex non patitur compartem; & ita judicatum contra Provisum per Capitulum Massiliense 31. Augusti 1681. refertur in libro cui titulus *Journal du Palais tom. 1. pag. 296. edit. 1713.*

LVI. Deinde in eodem Edicto anni 1682. declarat se in hæc modificationes consentire sine præjudicio sui juris Regaliæ; "quo uti intendimus (ait) eodem modo quo Prædecessores nostri Reges, & nos hæcenus usi sumus.

LVII. Cum autem jus Regaliæ, & quæstiones ejus occasione incidentes coram solis Judicibus Regiis, imo solo Parlamento Parisiensi agerentur & deciderent; mirum! quam vis illud Regaliæ extensum, quotque privilegiis tandem cumulatam sit; adeo ut Pragmatici Gallici dicere non dubitarent : *In Regalia omnia sunt extraordinaria* Fevret. *De Abusu lib. 2. cap. 6. num. 14.*

LVIII. Imprimis sustinent, Regem jure Regaliæ succedere in plenum & primitivum jus Episcoporum; ideoque Regem Beneficia ad Provisionem Episcopi spectantia posse conferre eo jure, quo primis seculis ipsi Episcopi de omnibus Beneficiis suæ Diocesis disponebant; quando necdum præsentatione Patronorum ligabantur. Hinc consequenter deducunt, Regem libere conferre Beneficia Juris Patronatus Ecclesiastici; tamen præsentatio ad Monasterium aut Capitulum spectet; modo collatio seu institutio ad Episcopum pertineat : quia Rex utitur jure primitivo Episcopi, quod per præsentationem Patroni non restringebatur;

& ita definitive judicatum anno 1683. referturque ipsum Arrestum cum fundamentis tum ab Advocato Regaliæ, tum Advocato Regio adductis inter probationes libertatum Ecclesiæ Gallicanæ cap. 16. n. 60.

LIX. Ulterius Ministri Regii reputantes Regaliam, etiam quoad collationem Beneficiorum pro jure Regio, & Coronæ, censent, huic juri Papam nullatenus derogare posse, neque ullas in eo partes habere.

Quare nec vacantia in Curia, si Regalia tempore vacationis fuerit aperta, Papa conferre potest; sed à Rege conferuntur, uti notavit Le Maitre in tractatu *De Regalia cap. 11.* "Quia (ait) vacatio in Regalia est extraordinaria & anomala, in qua Papa solam habens inspectionem non potest se dicere Ordinarium Ordinariorum; neque sibi ullum jus: sive titulo devoluti, aut alio quocumque vendicare, Nam Regalia in aliqua Ecclesia aperta, Beneficium illius vacare non potest ad alterius dispositionem, quam Regis.

LX. Imo ex sententia Pragmaticorum Galliarum, Rex in hoc jure nullum agnoscens Superiorem, à nullo, etiam Papa, præveniri potest; neque negligentia ejus suppleri: tamen intra tempus à Canonibus Patronis & Collatoribus præfixum, non contrahit. Quia juxta Declarationem Ludovici XII. anni 1499. Regalia durat 30. annis; ita ut sufficiat, intra illud tempus Beneficium, quod, aperta Regalia, vacavit, conferri. Le Maitre cap. 5. Quod hodie nonnihil temperatum; de quo infra.

LXI. Deinde ait; quod "si inter Regalistam & Provisum ab Ordinario fuerit lis; ipsique Regalistæ adjudicatum possessorium momentaneum seu recedentia, ut vocant, manseritque hoc modo in possessione & lite per 20. annos, postmodum moriatur, licet tunc Regalia non esset aperta, nihilominus vacaret Beneficium in Regalia, ait Le Maitre: Nam (ait) est principium notorium in materia Regaliæ, quod collatio semper revertatur ad Regem, quousque collatio Regis habuerit suum plenum & integrum effectum; ipse Regalista manserit in pacifica possessione, vel per judicium contradictorium & definitivum fuerit exclusus. Hæcille, qui candide dein fatetur, "id esse in favorem Regaliæ contra collationem Ordinarii & ejus Provisum.

Deinde monet, quod Regalista nequeat à lite in favorem Provisi ab Ordinario desistere; aut cum eo transigere sine consensu Regis: alias Rex possit rursus Beneficium jure Regaliæ conferre.

LXII. Ulterius progressi Pragmatici, privilegiis Regaliæ annumerant, "quod Constitutiones Apostolicæ licet vel statuta, & consuetudines Ecclesiarum, non adstringunt Regem, quin possit uti & frui pro libito voluntatis jure suo Regaliæ. Ita Ruzæus in tractatu Juris Regaliorum Privileg. 31. num. 1. Idipsum asserit Brodæus in notis ad Louetium Litt. V. num. 2.

Hinc concludunt, Regem in usu Regaliæ non esse subiectum Regulis Cancellariæ; quod adeo certum indubitatumque erat Philippo Probo in suprema Curia Bituricensi Advocato, ut, cum probare vellet, quod, licet in Ecclesia Gallicana esset generalis consuetudo, ut nullus in Ecclesia Cathedrali aut Collegiata obtineat Dignitatem, nisi sit Canonicus; hac tamen consuetudine Regem jure Regaliæ dignitatem conferentem non adstringat, & in probationem adducat hoc argumentum: "Si enim non obstant collationibus jure Regaliæ factis regulæ Cancellariæ, proût nec etiam jus commune, ut ample probatur in pluribus locis præsentis operis, ergo multo minus obstat hæc consuetudo generalis, aut particularis, cum non sit majoris & efficacioris virtutis, sed minoris, ut patet intuitu. Quæstio 31. De Regalia.

Idem asseruerunt post Probum communiter Pragmatici Galli; atque in specie, Regulam *De Verisimili*

*mili Notitia* non constringere Regem; sæpius judicatum fuisse refert Brodæus loco citato; asseritque, anno 1572. judicatum pro Regalista, non obstante, quod Provisio ei fuisset facta à Rege in civitate Parisiensi, *eadem die & hora obitus* ultimi possessoris defuncti in civitate Meldensi, decem milliaribus Gallicanis distante Parisiis. Sufficit enim (ait Brodæus) quod is per cujus obitum impetratum est Beneficium, obierit, & Beneficium ejus vere vacet: & hoc casu vulgo jactatur *opinionem veritate præveniri*.

Similiter Regulam de 20. diebus sive de infirmis resignantibus, non ligare Regem, Parliamentorum Arrestis & Pragmaticorum auctoritate receptum est; quemadmodum notat Brodæus ad Lotetium *Litt. R. num. 47.* & jam pridem notavit cæterorum Pragmaticorum in propugnandis Regaliæ prærogativis facile primus Carolus Molinæus ad Regulam *De infirmis resignantibus*, num. 181. ubi quærit: "Quid si Rex ex causa resignationis nominaverit: sed Resignans infirmus erat, & ex infirmitate eadem infra 20. dies à die præstiti consensus vita functus est, an Rex iterum per obitum nominare possit?" Postquam nonnulla adduxit, quæ suadere videntur, Regem iterum nominare non posse, contrarium tamen de facto notorie servari, deinde subjungit: "Bre- viter ego dico quod ipsa Regula 18. (*De infirmis resignantibus*) non potest habere locum in Rege. ... Quod autem simile servatur in Rege, non est in vim dictæ Regulæ, sed quia Rex Princeps supremus est, qui nominationem suam ita tacite, vel expresse limitare solet. Ex consequenter deficiente conditione tacita vel expressa, videlicet quia infirmus non supervixit dictos 20. dies, deficit consensus, & sic nominatio Regis; & consequenter resignatio tanquam sine ejus consensu facta; & sic de integro per obitum potest Rex alium nominare.

Regulæ quoque *De publicandis Resignationibus* non esse locum in Regalia, testatur Brodæus loco citato; quamvis hæc uti & duæ præcedentes in Regno Galliarum receptas esse nullus ambigat.

Quin & Veteribus omnibus jam pridem persuasum fuit Decretum *De Pacificis Possessoribus* insertum Pragmaticæ Sanctioni, & cui consonat Regula Cancellariæ *De Triennali Possessore*, non posse rueri pacificum Possessorem contra Regalistam, nisi triginta annorum continua & pacifica possessione fuisset munitus: uti videri potest apud Ruzæum *Privilegio 23.* ubi num. 2. ait: "Hodie in Regalia etiam quis possederit Beneficium 10. vel 20. annis pacifice, siaperiatur Regalia, & vacet Beneficium vel de jure vel de facto, semper Rex illud jure Regaliæ conferre poterit. Et ratio est, quia contra jura quæ sunt reservata Principi in signum superioritatis, non præscribitur.

Plures idem asserentes citat Brodæus *Litt. V. num. 2.* qui una observat, Decretum hoc hodie etiam in Regalia obtinere; nec per Regalistam, possessorem Canonice Provisum turbari posse post trium annorum pacificam possessionem, juxta articulum 27. Edicti anni 1606. evulgati ad postulationem Cleri Galliani.

LXIII. Philippus Probus *Quæst. 34.* quærit: "Regalia aperta, an Rex, Beneficiorum & Dignitatum ad plenam dispositionem Episcopi Episcopatus Regaliæ affecti pertinentium, resignationes admittere possit? Respondeo (ait) Regalistas tenere quod sic, sive illæ sint pure simpliciter factæ, aut causa permutationis, etiam & in favorem: quod ultimum videtur durum, cum in talibus dicatur, Simonie labem intervenire.

Ipsæ quoque Ruzæus *Privilegio 32.* resignationes in favorem à Rege admitti non posse dicit; atque ita per Arrestum supremæ Curie decissum fuisse testatur.

Verum & ad hanc resignationem jus Regaliæ posteriora Parliamentorum Arresta extendisse monet Brodæus allegato num. 47. & ex illo Carolus Fevretius *De Abusu lib. 2. cap. 6.* idque etiam *retenta pensione*: quia, inquiunt, Rex Franciæ in materia Regaliæ non tantum fungitur vice Ordinarii, sed etiam summi Pontificis. Addunt autem, "mirum non esse, si Ruzæus aliter senserit; quia eo tempore resignationes in favorem parum erant in usu: successu vero temporis factæ sunt quasi ordinariæ in Curia Romana; nec conceduntur dispensative, sed quasi res jure communi permixtæ; Rex igitur hujus juris communis particeps esse voluit.

Ita Fevretius qui & addit; Regem dispensare super ætate; item posse conferre sub conditione si vacet.

LXIV. Hæc aliæque Regaliæ privilegia & prærogativæ, quæ passim à Pragmaticis Gallis annotantur, si rite expendantur, eorumque prima origo inquiratur, non dubium, quin potiore jure de iis quam de ipsa Regalia dici possit cum Renato Choppino *lib. 1. De Sacra Polit. tit. 7. num. 9.* non ex vetustis monumentis; sed ex Regis Tabulis solum, Patriisque Senatusconsultis petendam esse privilegiorum tractationem. Quin si ratio horum privilegiorum, omni secluso humano affectu, singillatim æqua lance libretur, verendum, ne multorum una ratio fuisse reperiatur, illa quam in sua Declaratione anni 1682. agnovit Rex ipse Christianissimus, nimirum, *Parlamenti Regii Parisiensis zelus, & ordinarius affectus pro augmentatione jurium Regiæ Coronæ; qui (ut ait Rex) ab aliquot annis dedit nonnulla Arresta, quæ non parum usum Regaliæ extenderunt.*

LXV. Interim & illud fatendum est; multa tum in Regulis Cancellariæ, tum in Pontificiis & Canoniciis Constitutionibus, quibus privilegia Regaliæ contrariari videntur, meræ disciplinæ, & juris positivi occurrere: & quibus per contrarium usum derogari potest; unde his contrarius usus tolerari, modo ea quæ jus naturæ, ipsaque recta ratio in provisione Beneficiorum requirit, de reliquo observentur, potest: præsertim cum & Pontifices & Concilia non semel declararint, Constitutiones tamen generaliter expressas, personas Regum ob eorum excellentiam, & specialem prærogativam non comprehendere; uti in ipsa quoque ultima generali Synodo Tridentina expressum est: atque signanter *Sess. 25. cap. 9. De Reformat.* ubi postquam specialem modum probandi Jus Patronatus proposuit, mox subjicit: "Exceptis illis, quæ ad Imperatorem, & Reges, seu Regna possidentes, aliosque sublimes ac supremos Principes jura imperii in Dominis suis habentes, pertinent. Imo etsi hæc exceptio nominatim non esset expressa, nihilominus Reges non comprehendendi, si nominatim sint expressi, non semel & ipsi Romani Pontifices declararunt; uti circa expectativas sublatas *Sess. 24. cap. 19. De Reformat.* ostendetur capite sequenti.

LXVI. Hoc igitur Regiis Ministris, qui juribus Coronæ & Regaliæ amplificandis studere videntur, præcipue curandum, ut Rex Regalia ejusque privilegia in Provisione Beneficiorum ita utatur, ut si Regulis & Constitutionibus humanis eximatur, ipsas tamen Regulas, quas ratio naturalis & Divina, nullo privilegio aut longævo usu, vel Arrestorum auctoritate flexibilis aut mutabilis servari præcipit: atque ita ipsa Beneficia sine simonia, sine acceptione personarum, non ad favorem privatorum, sed in utilitatem & ædificationem Ecclesiarum conferantur; eique auctores sint ut sequatur exemplum Sancti Ludovici in conferendis Beneficiis; ut si eum in usu Regaliæ Patronum sequi non pigeat, etiam in modo ea conferendi imitetur: de quo infra titulo *De cavenda acceptione personarum in collatione Beneficiorum.*

Illud quoque merito inculcant Ministri regii, verum



rum haud esse assertum Molinæ ad Regulam Cancellariæ *De Infirmis Resignantibus*, num. 185. "Canonicatus, Sacella & similia Beneficia, ad meram & perpetuam Regis collationem spectantia, magis secularia & prophana Beneficia sunt, quam Ecclesiastica." Ut enim non inquiramus, qualia in sua origine quædam ex illis fuerint; hoc compertum est, Canonicatus, præsertim Cathedralium Ecclesiarum, non posse inter prophana Beneficia computari; utpote qui non exiguam jurisdictionis & regiminis Ecclesiastici portionem annexam habent. Scitur enim Capitulum Cathedrale ex Canonicis constans *Senatum* Ecclesiæ hodie constituere, atque una cum Episcopo præcipua Ecclesiæ negotia absolvere; quin & Sede vacante, in regimen & jurisdictionem Episcopi succedere; quemadmodum *part. 1. tit. 8. cap. 1.* ostendimus. Ut propterea admodum perniciosum sit Ecclesiis, dum Canonicatus tanquam prophana quædam Beneficia distribuuntur; non ut Ecclesiis ipsis, sed potius personis provideatur: & non raro ipse Ecclesiæ *Senatus* ex pueris Senatorum Regiorum componatur.

## CAPUT IX.

De Nominatione Regia extra Regaliam; & de oblatis ad Monasteria.

1. Rex plurium Ecclesiarum Patronus.
2. Reges prætendunt Beneficiorum plenam collationem.
3. Comitissa Flandriæ jus conferendi pleno jure habuisse olim videtur.
4. Similiter Reges Angliæ.
5. Reges Galliæ jure Regaliæ pleno jure conferunt.
6. Super hoc jure contentio inter Bonifacium VIII. & Philippum Pulchrum Regem Galliæ.
7. Jus hoc Regi competere posse ex tacito vel expresso consensu Sedis Apostolicæ fatetur Bonifacius.
8. Rex huic Pontificis declarationi acquievit.
9. Reges & Principes etiam nostri pleno jure collationis utuntur.
10. Carolus Molinæus credit Beneficia ad plenam collationem Principum spectantia, esse potius secularia & prophana, quam Ecclesiastica.
11. Animadversio in dictum Molinæ.
12. Habentes collationem à Principe, curam animarum debent habere ab Ordinario.
13. Principes etiam aliis titulis, quam Jure Patronatus Beneficia conferunt.
14. Concessit Leo X. Carolo V. ut nullus ad principales Dignitates seculares nominetur, nisi ipsi gratus.
15. Vigore hujus Indulti Principes nostri nominant ad primarias Dignitates in Ecclesiis Cathedralibus & Collegiatis.
16. Indulta conferendi Præbendas Regibus concessa interdum tantum personalia.
17. Indultum Regibus Galliæ datum in favorem Parlamenti Parisiensis.
18. Quo motivo Sixtus IV. Indultum Parlamento Parisiensi concessit?
19. Indulti gratia, quomodo extensa?
20. Jam pridem Imperatori competiit jus Primariorum Precum; referturque antiqua earum formula.
21. Videtur primitus Imperatori competiisse ex antiqua consuetudine.
22. Quomodo hodie bis utatur Imperator?
23. Hæ preces per Synodum Tridentinam non censentur sublata, licet sint speciei gratiæ expectati-væ.
24. An Regi Galliæ competat jus collationis unius Præbendæ titulo felici ad Regnum adventus?
25. Rex Galliæ in adventu suo ad Regnum habet jus offerendi unum laicum Monasteriis.
26. Hoc jus videtur provenire ex Jure Patronatus.
27. Qui hoc jure frui possint?
28. Divites eo jure non gaudent.
29. Restrigitur hoc jus ad Monasteria foundationis Regiæ.
30. Monasteria Ordinis S. Augustini non subiecta huic oneri.
31. Quid si dubitetur, num sit foundationis Regiæ?
32. Monasteria non nisi uno oblato gravari possunt.
33. Debet oblatus nutriri in Monasterio ut alter Religiosus.
34. Cogi potest, ut habitet in Monasterio; non tamen tenetur suscipere vestem religiosam.
35. Rex Galliæ quædam Monasteria ob paupertatem ab hoc onere exemit.
36. Etiam Monasteria mulierum huic juri subiecta.
37. Principes nostri eo jure quoque utuntur in Monasteriis tam virorum, quam mulierum.

I. Q UIN Reges ac supremi Principes Ecclesiarum, quas Majores ipsorum vel fundarunt, vel dotarunt, Patroni sint; & titulo Juris Patronatus etiam jure præsentandi gaudeant, nemo negaverit; usque Juris illius notissimus est.

II. At prætendunt Reges & Principes sibi ut Patronis, non tantum competere simplicem præsentationem, qualis omnibus Patronis de jure competit; sed plenam ac liberam Beneficiorum collationem: ita ut præter Regiam hanc collationem, vel donationem, non requiratur alia institutio *authorizabilis* sive *tituli* collativa; sed tantum institutio corporalis, sive *immissio* in possessionem.

III. Et quidem Comitissam Flandriæ jam pridem usam fuisse eodem jure, constare videtur ex *cap. fin. in de Concess. Præbendæ*. Hic scribit Honorius III. Episcopo & Præposito Capituli Cameracensis: "Cum dilecta in Christo filia Comitissa Flandrensis fecerit Promissiones de non vacantibus Beneficiis Ecclesiarum, in quibus jus obtinet Patronatus, & donationes eorum in manibus posuerit alienis.

Quamvis enim Pontifex concessiones ab ea Comitissa factas non vacantibus Beneficiis, vel donationes alteri cuidam commissas, improbet, "nihil tamen improbat, imo nec attingit eorum, quæ pertinent ad Beneficiorum jam vacantium collationem seu concessionem, seu donationem Comitissæ huic ratione juris Patronatus competentem," ait Boëtius Episcopo in Tractatu *De Regalia* vel Jure Principum in Beneficiis Ecclesiasticis num. 4. "Quinimo (pergit Auctor) contra satis hinc apparet, Comitissam vel Comitrem Flandriæ semper solere singularia Beneficia Ecclesiarum in quibus jus obtinebat Patronatus, absolute conferre." Qui & ibidem ostendit, donationis verbum, quo hic utitur Pontifex, de simplici præsentatione accipi non posse, sed pro absoluta donatione seu collatione accipiendum esse, recteque notat, similis donationis sex Præbendarum Sacerdotalium eidem Comitissæ competentis mentionem occurrere in *cap. 40. in De Testibus*.

IV. Reges Angliæ hoc quoque jure jam pridem usos fuisse, evincit Decretalis Innocentii III. cujus fragmentum extat in *cap. 6. in De Consuetudine*, & integra apud Antonium Augustinum in *cap. 4. eodem titulo* in tertia Decretalium collectione.

In hac igitur integra Decretali de Rege Angliæ scribit Innocentius III. "Decanatum & Præbendas ipsius Ecclesiæ (S. Petri de Curia Cenomanensis) idem Rex & Progenitores conferbant, Diocesano Episcopo etiam inconsulto.

V. Reges Galliæ Beneficia jure Regaliæ pleno jure conferre, & jam pridem contulisse ambigi nequit.

Extat

Extat inter probationes libertatum Ecclesiarum Gallicanarum cap. 16. n. 46. instrumentum collationis Canonatus vacantis in Regalia de anno 1422. in quo dicitur: Beneficiorum Ecclesiarum vacantium, dicta Regalia vigente, collatio atque omnimoda, dispositio jure Regaliæ & Regiæ dignitatis ratione, pleno jure noscatur pertinere ad nos.

VI. Quin & tempore Philippi Pulchri hoc jure usos fuisse Reges Galliarum, constat ex contentione sat acriter super eo jure inter ipsum Philippum & Bonifacium VIII. cujus contentio nec non litterarum hinc inde scriptarum meminit Ausferius Præses Tolosanus in sua Repetitione ad Clem. 1. De Officio Ordinarii; & antiquus Glossographus ad cap. 13. De Elect. in VI. quæ è recentiore Corpore Juris per Correctores Romanos sublatae sunt.

VII. Et si autem Pontifex verbis sat acerbis hoc prætentum jus collationis improbaverit, nihilominus in quadam Bulla, contentione hac durante, emissa, fateatur, jus illud Regibus posse competere, saltem accedente consensu Sedis Apostolicæ tacito vel expresso. Verba Bullæ sunt: "Ad te hujusmodi Ecclesiastica dignitatum, personatum, Canonatum, Beneficiorum & Præbendarum collatio non potest quomodolibet pertinere, nec pertinet; nec per tuam collationem potest alicuius acquiri, sine auctoritate, vel consensu Sedis Apostolicæ, tacitis, vel expressis; quos qui acceperit & se denegat accepisse, eis propter ingratitudinem est privandus.

VIII. Rex huic conditioni acquiescens respondit: "Quod collatione Beneficiorum usus est, utitur sicut ad eum pertinet de jure & bona consuetudine, sicut S. Ludovicus, & alii prædecessores sui usi fuerunt, à tempore, cujus memoria non existit, nec circa hoc fecit, nec intendit facere aliquam novitatem; nec credit, quod Papa sibi facere velit, qui longum usum suum & prædecessorum suorum in collatione hujusmodi novit plenissime ab experto.

IX. Hoc itaque jure & Reges Galliarum & Principes nostri uti pergunt, semper nomine collationis vel donationis utentes. Et quamvis non exprimant, se eo jure ex indulgentia, vel consensu Sedis Apostolicæ uti: ipse nihilominus continuus & notorius usus à Sede Apostolica non improbat, de Sedis Apostolicæ consensu saltem tacito dubitari non sinit.

X. Carolus Molinæus ad Regulam Cancellariæ De Infirmitatibus resignantibus postquam ostendit, Regem & nonnullos inferiores locorum Dominos habere collationem Canonatorum aliorumque Beneficiorum simplicium, addit num. 186. "Sed hujusmodi Canonatus, Sacella & similia Beneficia ad meram & perpetuam Regis collationem spectantia, magis secularia, & profana Beneficia sunt, quam Ecclesiastica: quamvis non nisi Clericis (quos consuratos vocant) conferantur. Quia talibus ex voluntate Regis fundatoris destinata sunt. Unde non habent de se ullam administrationem Clavium vel Sacramentorum.

XI. Verum, ut rectè notat Ludovicus Thomassinus De Disciplina Eccles. parte 4. lib. 2. cap. 22. num. 12. "Majore cum verisimilitudine dixisset Molinæus, aliqua ex hisce Beneficiis, hujusmodi fuisse in sua origine. Videmus enim & hodie plura Oratoria in Principum & Magnatum domibus, ad quæ ipsi Principes nominant Ecclesiasticos ad recitandum Officium Canonicum cum annexis certis proventibus; ita tamen ut totum dependeat à pietate & voluntate illorum Magnatum, qui assumunt & dimittunt hos Ecclesiasticos, cum ipsis libuerit, absque ulla ab Episcopo dependentia in hac eorum arbitraria pia liberalitate. Labente tempore, similia arbitraria & temporalia Officia mutantur in Beneficia perpetua; & quandoque aliqua cura animarum eis annectitur; interim Patroni jus suum non amittunt; semperque permanent eorum Collatores. Admodum probabile est, non-

nulla Beneficia, quorum ipsi Principes hodie habent plenam collationem, fuisse primitus Officia duntaxat ejus conditionis; ac sensim & imperceptibiliter transisse in Beneficia perpetua.

Probabile quoque est, quod sicuti de similibus Officiis priusquam in Beneficia erigerentur, Principes prohibitu suo disponebant, nullo habito respectu ad Regulas collationi Beneficiorum præscriptas; ita existimarent, erectionem illorum in Beneficia huic eorum juri non potuisse præjudicare, ideoque ea adhuc eodem pleno jure conferri posse. Hinc ea privilegia Regaliæ, quæ capite præcedente notata sunt, verosimiliter pro magna parte emanarunt: quod tamen non nisi de his Beneficiis, quæ ejus conditionis fuerunt, aliqua veri specie dici posse videtur. Dein notandum, Officia illa, quæ tantum persolvendo Officio Canonico primum erant destinata, naturam non parum suam mutasse, dum in Canonatus, præsertim Cathedrales transierunt; ut ex iis Senatus Ecclesiæ constituantur; ut capite præcedenti observavimus: ubi unà ostendimus, quod Regalia, quæ primitus aliqua duntaxat Beneficia & bona comprehendebat, sensim ad omnia extensa fuerit; ut mirum videri non debeat, si jus conferendi pleno jure paulatim quoque ad omnia Beneficia ad Regiam provisionem spectantia extensum sit.

XII. Porro licet liberum esset Principibus, aliisque Fundatoribus ad hujusmodi administrationes sive fundationes assumere; & etiamnum hodie id ipsis liberum sit, quamdiu in Beneficia auctoritate Ordinarii erecta non sunt, nunquam tamen licuit assumere Clericos, qui Missarum solemnias celebrarent, aut Sacramenta administrarent, nisi prius per sacram Ordinationem ab Episcopis eam potestatem accepissent. Quapropter tractu hodie quorundam Beneficiorum collatio pleno jure ad Principes pertineat, si quæ Sacramentorum administratio, aut cura iis animarum annexa sit, ea ab Episcopo accipi debet; nec eam laici quantumvis supremæ ac Regiæ auctoritate muniti dare queunt: quemadmodum jam pridem Imperatori declaravit Gregorius IX. apud Odoricum Raynaldum ad annum 1236. num. 21. "Esto (ait) quod aliqua Beneficia vacantia conseras, ut curam tamen animarum illis annexam committere valeas, jus spirituale, quod non cadit in laicum, non permittit.

Hac de causa Principes nostri, uti & Reges Galliarum quamvis Beneficia plura plenius conferant, curam tamen animarum annexam nequaquam committere vel dare intendunt; sed volunt, ut Provisi eam ab Ordinariis suis accipiant: quod & in ipsis Provisionis litteris apponi solet.

XIII. Non tantum titulo Juris Patronatus Principes Beneficiorum Provisionem habere; sed & aliis titulis, nimirum Indulti Apostolici, vel Regaliæ, aut inveteratæ consuetudinis, ut in litteris Provisionis exprimi solet, notorium est in illis Ecclesiis, quarum Principes Fundatores non fuisse scitur; & nihilominus Beneficiorum & dignitatum collationem obtinent.

XIV. Anno 1515. 4. Julii, Leo X. per Bullam indulsit Carolo V. quod nullus in Provinciis ei subiectis per ipsum (Leonem) aut Sedem Apostolicam, seu ejus Legatos, seu Nuntios, ad Dignitates Abbatiales aut quorumcumque Monasteriorum, etiam per Priores aut Praepositos regi ac gubernari solitorum, regimina, præfici, nec illis de quorumcumque personis quovis modo provideri possit, nisi habitis prius per Nos (ait) aut Sedem eandem intentione & consensu tuis de personis idoneis ad hujusmodi dignitates & regimina providendum.

Deinde ulterius subjungit: "De aliis vero dignitatibus videlicet secularibus, principalibus, & Regularibus Conventualibus, intra prædictos districtus, nisi de locis tui ditioni subiectis existant, aut tibi gratis & acceptis de aliis locis oriandis provideri, nec non gratiæ expectativæ, & specialiter reservationes cum qui-

„ quibusvis ex illis descendentibus provisionibus, & „ providendi mandatis intra eosdem districtus personis „ duntaxat, quæ locorum eorundem districtuum alicuius nigenæ vel extraneæ non fuerint, nisi forsitan tuus „ consensus aliis personis super huiusmodi gratiis suffragaretur concedi, „ &c.

XV. Carolus in vim huius Indulti prætendisse sibi esse jus nominandi personas ad Dignitates Abbaticas, nec non Dignitates principales in Ecclesiis secularibus, manifestum est ex iis, quæ narrantur in Compromisso inito inter Carolum & Abbates & Abbatissas Brabantiae 21. Februarii 1521. quod refertur *Parte 4. Edictorum Brabantiae lib. 4. tit. 1. cap. 6.* ejusque meminimus supra *parte 1. tit. 3. cap. 8.* uti & Concordiæ super hac quæstione initæ inter Philippum II. & dictos Abbates.

Sicuti ergo Principes nostri vigore huius Bullæ Leoninæ nominant ad Abbacias juxta formam in dicta Concordia expressam; ita nominant quoque ad *principales* sive primarias Dignitates in Ecclesiis Collegiatis; & principales post Episcopalem in Cathedralibus.

Ad hoc indubiè *Indultum* respiciunt Principes, dum in litteris nominationis ad primas Dignitates dicunt se nominare vigore *Indulti*, tametsi & addant, se id facere vigore *Regaliæ Juris Patronatus*, seu quo alio jure sibi competente: ut hoc pacto jus suum quocumque titulo competens conservent.

XVI. Regibus Galliae plura jam pridem Pontificia Indulta concessa fuisse leguntur.

In Historia Universitatis Parisiensis *tomo 4. pag. 28. & 32.* refertur à Bonifacio VIII; indultum fuisse Philippo Pulchro, quòd ad suum beneplacitum in qualibet Ecclesia Cathedrali & Collegiata Regni sui una idonea persona poneretur. Et Clemens VII. Papa Avenionensis indulsit Carolo VI. 1389. nominare ad duas Præbendas in omnibus Ecclesiis Cathedralibus. Et Innocentius VI. referente Guimero, dedit Joanni Regi nominationem 30. Præbendarum: quorum omnium Indultorum meminit Ludovicus Thomassinus *De Disciplina Eccles. parte 4. lib. 2. cap. 21. num. 12.* additque, visibile esse Indulta hæc fuisse personalia.

XVII. Gaudent hodie Reges Galliae jure Indulti sive gratiæ expectativæ in favorem supremi Regni Cancellarii, Præsidum & Consiliariorum Parlamenti Parisiensis, quibus mandat Rex in vim Papalis Indulti provideri.

Gratiam hanc primùm factam Regibus Galliae ab Eugenio IV. per specialem Bullam anno 1538. confirmavit Paulus III. ad postulationem Francisci I. indulgens, ut Prælati Collatores singuli semel in vita sua duntaxat & non ultra, provideant nominato Indultario de proximè vacaturo Beneficio, cujus annui proventus, deductis omnibus expensis & oneribus, pertingunt ad taxam constitutam; id est, *ducentarum librarum* Parisiensium.

XVIII. Legitur, quòd Sixtus IV. ad exemplum Pii II. sui prædecessoris intendens abrogationem Sanctionis Pragmaticæ, quam anno 1438. in Conventu Bituricensi promulgaverat Carolus VII. Rex Franciæ, Concordatum conclusit cum Ludovico XI. Rege Galliae relatum in *Extravagante ad universales detreuga & pace in communibus*: utque Parlamentum Parisiense ad receptionem huius Concordati inclinaret, eodem Concordato concessit *duas Expectativas* ad singulos Collatores Regni Galliae in favorem Consiliariorum Parlamenti, aut eorum, quos ipsi vice sua nominare voluerint.

Sed nec hoc Concordatum, nec Indultum receptum fuit, resistente Procuratore Regio, uti notat Franciscus Pinsonius in Præfatione ad suum Tractatum *de Indultis* pag. 33. qui & ibidem monet Paulum III. Indultum Parlamento dedisse, ut ipsum magis obfirmaret in ob-

servatione Concordati inter Leonem X. & Franciscum I. quo Sanctioni Pragmaticæ, saltem quoad *libertas* electiones non exiguum vulnus inflictum fuit.

XIX. Indulti gratiam postmodum ad postulationem Regis Ludovici XIV. auxit Clemens IX. edita Bulla anno 1667. quam integram, uti & præcedentem Pauli III. refert Claudius Horry in novo Tractatu *De Materis Beneficialibus*; notatque quòd Cancellarius alique Regii Ministri huiusmodi Indulto gaudentes, possint hanc gratiam alteri credere, sive in alium transferre, exprimitque formam, quæ in hac cessione est observanda; quidque Cessionarius observare debeat, ut effectum Indulti obtinere queat. Vide quoque Cabassutium in *Juris Canonici Theoria & Praxi lib. 2. cap. 4.*

XX. Refert Continuator Abbatis Urspergensis Litteras Rudolphi Hapsburgii ad quemdam Abbatem directas, quibus in vim *primariarum Precum* Clericum nominat ad Beneficia ad collationem huius Abbatis spectantia; quæ meritò pro antiqua *primariarum Precum* formula refertur à Chokier in præmio Scholiorum *primariarum Precum*. Verba formulæ sunt: „ Cùm „ ex antiqua & approbata, ac à divinis Imperatoribus, & „ Regibus inclitæ recordationis nostris antecessoribus „ usque ad nos producta consuetudine, quolibet Ecclesia in nostro Romanorum Imperio constituta, ad „ quam Beneficiorum Ecclesiasticorum pertinet collatio, super unius collatione Beneficii precum nostrarum „ *primarias* admittere teneatur, devotionem tuam „ rogamus; quatenus huic Clerico de Ecclesiastico Beneficio, quod ad tuam collationem spectat, ob reverentiam Sacri Imperii, & nostram, si quod vacat „ ad præsens, vel quamprimum vacaverit, studeas liberaliter providere, taliter id faciens, quod devotionem tuam nostra Serenitas debeat meritò commendare, & ad tua iusta desideria facilis inveniri.

XXI. Cùm hîc nullius Indulti Apostolici alteriusve tituli, quo hoc jus nitatur, mentio occurrat; sed totum ex antiqua consuetudine desumatur, admodum verisimile est, hoc jus *primariarum Precum*, consuetudine primitivè inductum esse: imò à solis *precibus* apud Collatores interpositis originem habuisse; atque sensim preces in jura & mandata transiisse; ipsosque Reges & Imperatores exemplo Pontificum Romanorum primò *precibus*, ac dein mandatis usos fuisse; quemadmodum notavit Ludovicus Thomassinus citato *cap. 21.*

XXII. Quidquid sit, indubitatum est, Imperatores jam pridem usos fuisse, & etiamnum hodie uti *primariis Precibus*; quarum vigore Imperator coronatus nominat personas idoneas ad Beneficium vacaturum, quod ipse nominatus infra mensem à die notæ vacationis duxerit acceptandum, facitque nominatum per Executores in litteris nominationis designatos recipi. Formulam hodiernam *primariarum Precum* refert Chokier in citato præmio, qui & Bullam Pauli V. confirmativam harum *Precum* Scholiis illustravit; variasque quæstiones ad hanc materiam spectantes discussit; notatque pag. 18. ex Boetio Epone, quòd *primariæ Preces* „ idcirco dicantur, quòd semel duntaxat, seu pro „ prima saltem vice, non autem vel bis, aut sæpius uni „ & eidem Imperatori in una eademque concedantur „ Ecclesia.

XXIII. Nominationem vigore harum *precum* ad Beneficia *vacatura* esse speciem gratiæ *expectativæ* ad *vacatura* dubitari nequit: refertque Fagnanus ad *cap. Nulla & De Concess. Præbend. num. 9.* dubitatum aliquando, an conferrentur hæc preces sublatæ per Concilium Trident. *Sess. 24. cap. 19. De Reformat.* ubi tollit omnes concessionem ad *vacatura*; attamen quæstione per Archiepiscopum Cameracensem huiusmodi nominatione gravatum delatâ ad S. Congregationem

Cont.



Concilii Tridentini Interpretem, censuit S. Congregatio, hæc primarias preces non comprehendi dicto cap. 19. quia non nominatur Imperator, qui est speciali nota dignus. Et relatione facta ad Papam Gregorium XIII. ipse sententiam Congregationis probavit.

XXIV. Volunt nonnulli, etiam Regi Gallie esse jus nominandi ad Præbendam titulo *Felicitis* ad Regnum adventus. Verum alii, quos sequitur Cabassutius in Theoria & Praxi Juris Canonici lib. 2. cap. 4. num. 11. dicunt, quod ambitio & adulatio Aulicorum jus istud introduxerit: "cui novæ introductioni (ait Cabassutius) Senatus Parisiensis plerumque fortiter intercessit, existimans satis detractum Ecclesie fuisse per Regiam & Indulta in favorem suorum Officialium constituta, nec patiens alios concurrentes ac rivales, per quos Beneficia, ad quæ aspirant, sibi detrahi possint: ideoque novum istud Indultarium genus frequentibus Senatusconsultis submovit ac repulit, ut testatur Brodeus in Louetium lit. P. tit. Præbenda felicitis ad Coronam adventus. Et ita non semel judicatum fuisse refertur.

Differri interim nequit Cabassutius, interdum quoque pro Indultariis fuisse judicatum, ut testatur citatus Brodeus ad Louetium lit. P. num. 6. ubi & meminit Declarationis Ludovici XIV. Regis Gallie, qua edicitur: Hoc jus pro felici Regis ad Regnum adventum obtinebit in Ecclesiis Collegiatis, quarum Dignitates & Præbendæ non spectant ad collationem Ordinariorum Diocesis, in qua sitæ sunt, & in quibus sunt plures quam sex Præbendæ ultra dignitates.

XXV. Illud magis expeditum, atque longo usu receptum & probatum, "quod Rex in principio sui Regni post suam coronationem in Abbatia Regni sui de guardia sua existente, ponere possit in Monasteriis Monachorum, unum Monachum, & in Monasteriis Monialium, quandam Monialem: ut loquitur Rebuffus in Praxi Benef. parte 3. titulo De Oblatis; & quando Regio nomine in Monasteriis recipiendi sunt, num. 24.

Et eruditus Bosquetus in notis ad Epist. 138. Innocentii III. lib. 1. Regesti 13. ait: "Ab antiquo ex Christianissimorum Regum rescriptis, laicis locus fuit in Monasteriis, quibus alimenta, non sub Fratrum, sed Præbendariorum nomine, à Monachis exhibebantur.

Similiter Renatus Choppinus lib. 2. De Domatio Francie cap. 28. num. 1. ait: "Regis item jura sunt hæc: Cœnobii alendum offerre militem, qui acceptis in bello vulneribus, postmodum nequeat corporis artificio vitæ necessaria quaeritare. De quo argumento cum olim tractatum esset in Senatu, id ipsum Principi ex Francisco Diademate licere in auspiciis Regni, Ordo Supremus judicavit, Arresto Parlamenti anno 1273.

XXXVI. Jus hoc offerendi Cœnobio militem, esse effectum augustioris in sanctas Ecclesias Patronatus, asserit Choppinus ibidem n. 3. "Rex enim (ait) beneficis est sacrarum Aedium Patronus: qua in specie Legibus cautum est, exhausto & egenti Patroni filio alimenta esse ex templi ipsius redditibus suggerenda.

Hanc juris illius originem & titulum notavit quoque Rebuffus loco citato num. 21. additque: "Quia licet Rex aut Fiscus sit semper dives, & idoneus solvendo, tamen jure Patronatus considerato, & Monasterio à se fundato, vel à Prædecessoribus Regibus, æquum fuit hujusmodi Præsentatis subvenire.

Cum enim milites-juramento Regi ad serviendum, & ad eum defendendum sint obstricti, quodammodo loco filiorum à Rege habendi sunt; saltem ut iis ad inopiam redactis succurratur; usque impensum, censeri debeat Regi ipsi impensum,

Tom. I.

XXVII. Unde pluribus Regiis Edictis cautum fuit, nullum posse hujusmodi Oblatorum loca in Monasteriis occupare, nisi sint milites veterani vulneribus pro servitio Regis sauciati; inhibitione facta Monasteriorum Superioribus alios admittendi vel recipiendi, aut quamcumque pensionem assignandi, quibuscumque litteris Regiis essent muniti, ut latius deducit Carolus Fevretius De Abusu lib. 2. cap. 5. num. 4.

XXVIII. Addit præterea, quod si Præsentatus à Rege, esset sufficiens, ut sibi de necessariis honestè provideret, is possit repelli; ed quod similia loca non nisi pauperibus sint destinata: quod & in ipsis litteris oblationis Rex significat per hæc verba litteris apponi solita: *Par pitie & aumône, & en faveur des services que nous a fait.* Rebuffus n. 28. Addit tamen num. 29. Non debet inquiri de servitiis, aut opponi quod non servierit: "quia duæ rationes sunt; & una cessante, non cessat concessio." Et videmus hodie hujusmodi loca concedi etiam illis, qui nunquam Regi specialiter servierunt.

XXIX. Ulterius, cum jus hoc innitatur titulo fundationis seu Patronatus, ideo & restringitur ad Monasteria fundationis Regie; quemadmodum notavit Choppinus, loco supra indicato n. 4. & ex professo Rebuffus n. 26.

XXX. Quæstionem aliquando motam fuisse, num huic oneri subiecta essent Cœnobia virorum Ordinis S. Augustini; uti refert Renatus Choppinus De Sacra Politia lib. 3. tit. 2. num. 12. atque ipso in causa perorante & postulante "placuisse Senatui, Clientem suum rectè appellasse, & Curiales Primates seu Prioratus Augustiniani Ordinis educatione oblatis militis victu, que neutiquam onerari, Arresto in publicis causarum actionibus lato, pridie nonas Junias ann. 1565.

Fundamentum suæ causæ proponens Choppinus aiebat: "Prioratum, quem Clientis suus obtinebat, Augustinianæ Regulæ subijci, & ita verè Curionatum censeri, animorumque curationi conjunctum Sacerdotium. Proin suggerendis veterano cibariis alligandum non esse; instar paræciacæ Ecclesiæ cuiusvis. Multum enim interesse, an regularis Curatus Benedictino Ordini subiaceat, an Augustiniano. Ille quidem nullum paræciacum habet actu ipso regimen animorum annexum. Nam cucullati Sacerdotes Benedictini cesserunt jam dudum curiali paræciaciarum administratione: intra claustrum septa redire jussi Chalcedonensi Concilio, Can. Juxta quæ 16. Quæst. 1. At monasticæ præfecturæ ordinis Augustiniani, retinuerunt hæcenus sacram spiritualeque paræciaci populi curationem: Quum & Ilerdensis Synodi permissu Monachi ordinari cœpissent, & ad sacros Clericorum gradus promoveri. Unde Augustiniani Ordinis cœnobitæ curialia etiam munera obeunt in sacris suis Beneficiis, quasi Parochialis Ecclesiæ Pastores soli.

XXXI. Verum si dubitur, an Abbatie sint ex fundatione Regali, nec ne, præsumuntur esse ex fundatione, ait Rebuffus num. 23. concluditque ulterius: Ideo mandante Rege, si appareat vobis quod sit de fundatione, interim dum litigatur super hoc, providebitur isti pauperi, & aletur, ut censuit Senatus anno 1550. die 17. Februarii: & latius probat Fevretius.

XXXII. Hoc jure oblationis Rex non intendit unum idemque Monasterium, nisi semel, suo durante regimine, gravare, ac propterea expressè in litteris ponitur hæc clausula: *Pourvu toute fois, qu' autre n'ait été reçu.*

Ita refert Rebuffus num. 26. qui & num. 25. notat: "Quod si ille, cui est provisum adhuc viveret, debet Rex novus expectare mortem illius antequam provideat, ne sit molestus Monasterio, & ne uno & eodem tempore sit gravamen duorum.

H h h h h

XXXIII.

XXXIII. Debet autem ali in Monasterio tanquam alter Religiosus: uti & verba litterarum indicant: *Avons donné & octroyé, donnons & octroyons ledit lieu, & vivre d'un Religieux en votredite Abbaye.* Et infra: *Delivrez par chacun jour, pitance, vivres & autres ses necessitez telles que de raison; comme à un de vosdits Religieux, avec vestiment suffisant.*

XXXIV. Hinc concluditur, cogi posse Oblatum ut habitet in Monasterio; ibique præstet servitia ab Oblatis præstari solita; & portionem Monachalem accipiat; nisi ipse Conventus malit ei extra Monasterium pensionem solvere; uti Fevretius n. 46. judicatum refert ann. 1471.

Et quia sæpè non convenit miles veteranus cum Monachis, dicit Rebuffus n. 36. quod Oblatus soleat regulariter extra Monasterium ali.

XXXV. Refert dein n. 47. per litteras patentes de 5. Maii 1636. Regem Galliae exemisse ab hoc onere Abbatis & Prioratus, qui in proventus annuis non habent mille ducentas libras, omnibus oneribus deductis.

XXXVI. Non tantum Monasteria virorum, sed & mulierum seu monialium huic juri jam pridem subiecta fuisse notat Bosquetus ad citatam Epistolam Innocentii III. testaturque Choppinus n. 13. vetus Arrestum insertum in stylo Parlamenti habere: "Rex potest suo jure ponere in Monasteriis Monachorum unum Monachum, & in Monasteriis Monialium unam Monialem." (a)

(a) Post insignem prope Parisios erectam domum, quæ militum invalidorum Hospitium Regium dicitur, statuit Rex Lud. XIV. ut Regia hæc domus deinceps ab invalidis militibus incolectetur, ac Monasteria ab eorum onere libera, victui ac cultui istorum militum consulerent: id enim constat litteris patentibus quæ 7. Julii an. 1716. in majoris Consilii Commentariis lata sunt. En eorum contextus. *Tous Abbés & Prieurs pourvus par Nous, ensemble tous les Chapitres, Colleges, Seminaires, & autres Communautés Seculieres ou Regulieres, jouissans à titre d'union ou autre-*

Ita nimirum, ut Monialium Monasteriis milites sive viri offerri non possint; uti rectè notat Fevretius n. 43. asseritque non semel repulsam passos viros, qui litteras Regias ad Monasteria Monialium impetrarant.

XXXVII. Eodem jure utantur Principes nostri, non tantum in Monasteriis & Abbatibus virorum, sed & mulierum; idque jure Regaliæ, uti in litteris Provisionis exprimitur: assignantque Oblatis Panem & Præbendam Abbatialem, *le Pain & Prébende.* Per Præbendam intelligentes portionem Monasticam seu Abbatialem. Dein addunt, *avec les habillemens & autres droits & emolumens quelconques y appartenant;* id est, cum vestitu, juribus & emolumentis annexis. Et anno 1668. per litteras missas ad Gubernatorem Belgii, & per ipsum omnibus Consiliis Regiis intimandas, declaravit Rex Catholicus, redemptionem Panis Abbatialis pensandam esse ad summam centum quinquaginta florenorum annuè, vitâ Oblatorum durante. Et 26. Augusti, anno 1677. scripsit Concilium privatum ad Abbatissam & Conventum Monasterii B. Mariæ sub vinæ, in civitate Lovaniensi, *Oblatæ* dandas esse vestes & reliqua corpori necessaria, sicuti uni Religiosæ, nihilque oneris extraordinarii imponendum. (b)

*ment, des Abbayes ou Prieuriés à notre nomination, à quel titre que ce soit, seront tenus de payer par chacun an, ainsi qu'il est porté par ledit Arrêt (du 6. Mai 1715.) la somme de cent cinquante livres pour chaque Benefice, étant de mille livres de revenu, & au-dessus, & celle de soixante-quinze livres pour chaque Benefice de moindre valeur, sans qu'ils puissent s'en dispenser, sous prétexte que leurs Benefices n'ont jamais été saisis pour les Oblats, & qu'ils n'ont jamais payé lesdites pensions, ni sous prétexte de décharges, qu'ils auroient pu obtenir dans le tems par Lesseurs Patentes, Arrêts ou autrement, ni même sous prétexte de la sécularisation desdits Benefices, extinction, suppression de titres ou union à d'autres Benefices, ou à des Chapitres, Colleges ou Seminaires & autres Communautés.*

(b) Formula, quæ Rex Hispaniarum ad aliquod Monasterium dirigit Oblatum vel Oblatam legitur ad calcem hujus voluminis sub littera V.

## TITULUS IX.

### DE INSTITUTIONE ET POSSESSIONE BENEFICIORUM.

#### CAPUT I.

##### De Institutione.

1. Tres species institutionis.
2. Institutio autorizabilis à concessione curæ animarum distincta.
3. Quid Institutio autorizabilis; & cur dicta collatio necessaria?
4. Institutio hæc de jure communi competit Episcopis; & quare?
5. Jus instituendi Beneficiatos Episcopis vindicavit Synodus Tridentina.
6. Posse etiam ad inferiores Prælatos pertinere agnovit Synodus Tridentina.
7. Idque tantum ex privilegio.
8. In Belgio Archidiaconi instituunt.
9. Qui institutio ad Archidiaconos devoluta?
10. Plures alii inferiores Prælati hodie jus instituendi in Belgio habent.
11. Jure institutionis ad inferiores devoluto, ad Beneficia sine examine etiam inidonei admittebantur.
12. Huic abusu, qui occurrerit Synodus Tridentina?

13. Synodus requirit examen Episcopi etiam quoad Beneficia simplicia.
14. Ordinarius prætextu examinis circa qualitatem Provisi, non potest cognoscere de titulo.
15. Hodie examen restringitur ad eos, qui sistant se præsentantes pro Beneficiis, quibus animarum cura alligata est.
16. Cura animarum à solo Episcopo, ejusque prævio examine haberi hodie potest.
17. Titulus tamen Beneficii Curati etiam datur ab Archidiaconis aliisque Prælati inferioribus.
18. An institutio facienda intra semestre?
19. Institutio, quare non differenda?
20. Si Ordinarius Præsentatum instituere differat, potest recurri ad Superiorem.
21. Potest à recusata institutione appellari.
22. An Ordinarii recusare possint litteras vulgò visa ob causas sibi privatim notas.
23. Quomodo procedatur in Gallia, si Pontifex Bullas non expediat?
24. Jam pridem judicaverunt Prælati Angliæ à recusata institutione posse appellari; sed examen debere esse penes Judicem Ecclesiasticum.
25. Alexander III. scripsit, si Ordinarius institutionem recuset, causas recusatationis coram Superiore allegari debere.

26. Superior institutionem dare non potest; nisi causare-  
cusationis plene discussa.
27. Idipsum cautum Edicto Regis Gallia; una reservans  
examen & iudicium de capacitate Præsentati Ju-  
dici Ecclesiastico.
28. Consona sunt praxi Belgii.
29. Ostenditur, merito hanc institutionem dici necessa-  
riam.
30. Præcipuas partes in Provisione Beneficii Patronati  
habent Patroni.

I. **T**RES species institutionis assignat Prosper Fagnanus ad cap. CUM ECCLESIA & De cau-  
sa poss. & propriet. "Prima species est  
"institutionis corporalis, hoc est, immisionis in  
"possessionem: „ de qua capite sequenti. "Se-  
"cunda species (ait Fagnanus) institutionis aucto-  
"rizabilis, id est, approbationis ad curam anima-  
"rum. „ Tertia species, media inter corporalem & au-  
"thorizabilem institutionem est, quam vocant collati-  
"vam.

II. Hæc tertia proprie est illa, quam hodie vo-  
camus institutionem auctorizabilem, sive tituli colla-  
tivam: & à concessione curæ animarum plane dis-  
tinguitur; ut supra monuimus, ubi notavimus,  
eam à Glossographo, quem hic sequutus videtur  
Fagnanus, male confundi cum datione curæ anima-  
rum.

III. Institutio itaque proprie dicta, seu auctorizabi-  
lis, est ipsa Beneficii collatio, sive tituli Canonica da-  
tio, sine qua ipsum Beneficium haberi non posse pro-  
nuntiat prima Regula Juris in sexto Decretalium: ideo-  
que & collatio dicitur; sed necessaria: eo quod instituens  
soleat contrungi, eam certæ personæ sibi præsentate  
facere, ut ex dicendis patebit.

IV. Igitur cum per institutionem fiat Beneficiorum  
collatio; ipseque titulus Canonicus conferatur; & Cle-  
ricus, ea mediante, Ecclesiæ adscribatur, eam Cano-  
nes Episcopis, tanquam ordinariis Beneficiorum Colla-  
toribus, & minorum Ecclesiasticorum primariis distri-  
butoribus detulerunt. Quare & jure communi cautum  
est, institutionem auctorizabilem ipsis Episcopis com-  
petere. Cap. 4. & De jure Archid.

V. Illud Jus Episcopis quoque asseruit Synodus Tri-  
dentina Sess. 14. Cap. 12. De Reformat. decernens, ut  
si ex causa foundationis aut dotationis jus Patronatus im-  
petretur aut obtineatur, institutio Episcopo & non alteri  
inferiori reservetur.

Deinde cap. 13. generaliter edixit: "Non liceat præ-  
"terea Patrono cujusvis privilegii prætextu aliquem ad  
"Beneficia sui juris Patronatus, nisi Episcopo loci or-  
"dinario, ad quem Provisio seu institutio ipsius Bene-  
"ficii, cessante privilegio, jure pertineret, quoquo  
"modo præsentare; alias præsentatio ac institutio, for-  
"san secutæ, nullæ sint, & esse intelligantur.

VI. Hic textus evincit, Patres Synodi Tridentinæ  
supposuisse, de jure institutionem Beneficiorum spe-  
ctare ad Episcopum; una tamen sat insinuant, posse  
eam ex privilegio ad alium etiam inferiorem pertinere:  
quod rursus Sess. 24. cap. 18. De Reformat. apertius  
agnovit in verbis: Cum vero institutio ab ALIO, quam  
ab Episcopo erit faciendæ, &c.

Hic Synodum loqui de institutione auctorizabili sive  
tituli collativa, supra probatum est Sess. 3. tit. 5. cap. 4.  
alias tit. 22. cap. 4.

VII. Nec tantum ex privilegio; sed & consuetu-  
dine sive præscriptione jus institutionis, non secus ac  
liberæ collationis, acquiri posse, colligitur ex cap. 6.  
& De Institutionibus, cujus Rubrica habet: "Insti-  
"tutiones possunt de jure speciali ad non Episcopos  
"pertinere; & pendente lite cum Dilectissimo de-  
"fenditur in possessione. „ Unde monetur ibidem Fag-  
nani n. 16. certum esse, jus instituendi posse acquiri  
præscriptione.

Tom. I.

Et quidem in citato Capitulo sexto respondit Inno-  
centius III. Archidiaconum Richemundie esse in jure  
instituendi tuendum; eo quod Archidiaconus hic præ-  
basset, se & prædecessores suos in continua possessione  
instituendi fuisse: quamvis de jure communi Archi-  
diacono sola institutio corporalis competat. cap. 7. &  
De Officio Archidiaconi.

VIII. Similiter in Belgio, Archidiaconis institutio  
etiam auctorizabilis sive tituli collativa competit;  
quemadmodum notat Zypæus titulo De institut. num.  
4. An autem Archidiaconi jure proprio, sive jure suæ  
dignitatis, an vero jure duntaxat delegato, & nomine  
Episcopi instituant, vide supra Sess. 3. tit. 5. cap. 4. alias  
tit. 22. cap. 4.

IX. Admodum verisimile apparet, quod Episcopi  
primo soliti fuerint institutiones Præsentatorum à Pa-  
tronis committere suis Archidiaconis; arque sensim  
hæc frequens delatio in jus ordinarium transierit; quem-  
admodum plura alia jura Archidiaconis quæsitæ esse no-  
tavimus parte 1. tit. 12. cap. 1.

X. Nec tantum Archidiaconis, sed & aliis inferiori-  
bus Prælatibus & Capitulis jus instituendi eadem ratione  
acquisitum fuit. Cum enim institutio sit quidem species  
collationis, sed necessaria; id est, quæ sit ad præsentati-  
onem vel nominationem alterius, neque instituenti  
liberum sit, personam instituendam pro arbitrio elige-  
re, haud difficiles fuere Episcopi, hanc collationem,  
seu institutionem aliis committere, & Prælatibus inferiori-  
bus relinquere. Hinc passim Capitula aut eorum Prælati  
gaudent jure instituendi Canonicos, aliosque suarum  
Ecclesiarum Beneficiarios.

XI. Jure hoc institutionis ad inferiores devolutæ,  
contingebat, passim in Beneficia, etiam ad præsentati-  
onem laicorum spectantia, quosvis Clericos sine de-  
lectu & examine aut scitu Episcoporum, institui; nec  
tantum ad Beneficia simplicia, sed etiam Curatæ;  
atque hinc ulterius in idoneorum intrusio vel admissio  
sequebatur.

XII. Huic abusu occurrere volens Synodus Triden-  
tina statuit imprimis Sess. 7. cap. 13. De Reformat.  
"Præsentati, seu electi, vel nominati à quibusvis  
"Ecclesiasticis personis, etiam Sedis Apostolicæ Nun-  
"tiis, ad quævis Ecclesiastica Beneficia non instituan-  
"tur, nec confirmantur, neque admittantur, etiam  
"prætextu cujusvis privilegii, seu consuetudinis,  
"etiam ab immemorabili tempore præscriptæ, nisi  
"fuerint prius à locorum Ordinariis examinati, &  
"idonei reperti. Et nullus appellationis remedio se  
"tueri possit, quominus examen subire teneatur.  
"Præsentatis tamen, electis, seu nominatis, ab Uni-  
"versitatibus, seu Collegiis generalium studiorum  
"exceptis.

Deinde Sess. 24. cap. 18. De Reformat. "Quod si  
" (Ecclesia Parochialis) juris Patronatus laicorum  
"fuerit; debeat, qui à Patrono præsentatus erit, ab  
"iisdem deputatis (Examinatoribus Synodalibus)  
"examinari, & non, nisi idoneus repertus fuerit,  
"admitti.

Denique generalius Sess. 25. cap. 9. De Reformat.  
loquens de jure Patronatus laicorum, ait: "Adhæc  
"liceat Episcopo, Præsentatos à Patronis, si idonei non  
"fuerint, repellere. Quod si ad inferiores institutio  
"pertineat, ab Episcopo tamen, juxta alias statuta ab  
"hac sancta Synodo, examinentur; alioquin institutio  
"ab inferioribus facta, irrita sit & inanis.

XIII. Itaque si verba Concilii Tridentini attendamus,  
omnes indistincte præsentati & nominati ad quæcum-  
que Beneficia, à quibuscumque Patronis, exceptis folis  
Præsentatis, electis, seu nominatis ab Universitatibus,  
seu Collegiis generalium studiorum, debent, antequam  
instituantur, ab Ordinariis examinari & idonei judicari:  
ut ut nullus in Ecclesiæ ministerium, per Beneficii colla-  
tivam institutionem, sine Episcopi admissione & ap-  
probatione assumatur.

H h h h h 2

XIV.



XIV. Non potest tamen Ordinarius prætextu hujus examinis cognoscere de jure & titulo ipsius Præsentati vel Electi, uti recte observat Auctor Gallicus notarum in Concilium Tridentinum pag. 74. refertque, quod cum Episcopus Matisconensis recufasset litteras admissionis, quas Galli *visa* vocant, Provisio de Canonatu, ad oppositionem motam contra Provisum à Capitulo prætendente, Canonatum hunc esse affectum Præceptoris; Provisum autem interjecisse ab ista recufatione appellationem *tantum ab abusu* ad Parlamentum, hocque per Arrestum de 17. Julii 1601. declarasse male & abusive recufatum fuisse *visa*.

XV. Praxis seu consuetudo, Decreta de examinandis indistincte omnibus, qui ad Beneficia præsentantur, quantumvis illa Decreta sint sua expressione generalia; ad sola fere Beneficia, quibus cura animarum annexa est, restrinxit; atque Beneficia simplicia, sive sine cura animarum ab hoc examine exemit, uti notat Bouchel in *Summa Beneficiali*; vel Claudius Blondeau qui eam *Summam* sub titulo Bibliothecæ Canonicae edidit & auxit, verbo *Patronage* num. 173. dicens, consuetum non esse pro Beneficiis simplicibus examen institui. Et quotidie videmus, ab Archidiaconis, & Capitulis aliisque jus institutionis habentibus, institui Beneficiatos sine Ordinariorum prævio examine; quando ipsis Beneficiis nulla animarum cura incumbit; nihilque præter testimonium morum, litteras Tonsuræ, aut alterius Ordinis, vel ætatis, vel gradus, alteriusve qualitatibus quæ ex fundatione aut aliunde requiruntur, exigi; nullo super doctrina præmisso examine. (a)

XVI. Circa Beneficia vero quibus cura animarum est annexa, ipsa Decreta Concilii Tridentini, examen & approbationem Ordinandorum requirentia, ubique suum eatenus vigorem habent, ut nemo absque prævio Ordinariorum examine & approbatione, *curam* animarum Beneficiis illis annexam habere aut exercere queat, neque illam ab alio quam Ordinario accipere: vigetque Decretalis Alexandri III. in cap. 4. *De Officio Archidiaconi* Eliensi Archidiacono scribentis: "Cum salis sit absurdum & à Sanctorum Patrum institutionibus alienum, ut Archidiaconus auctoritate propria debeat cuilibet Ecclesiarum curam committere, ægre nimis ferimus, quod tu sine mandato Episcopi tui personis curam animarum committis. Quoniam igitur obtentu alicujus consuetudinis, non debes contra sanctorum Patrum Constitutiones venire, & quod ad tuum non spectat officium, vendicare; mandamus ut nemini sine licentia & mandato Episcopi curam præsumas committere animarum."

XVII. Unde præter institutionem Archidiaconi, debet insuper accedere approbatio Ordinarii, qua non quidem ipse *titulus* Beneficii datur; sed cura animarum. Hæc datio curæ animarum à Canonistis sequentis Glossæ & auctorem Rubricæ citati Capituli quarti, nonnunquam cum institutione confunditur: cum tamen vera institutio, sive collatio tituli non sit, quæ Archidiaconis, aliisque inferioribus Prælatibus qui tamen curam animarum dare nequeunt, etiam quoad Beneficia curata competat.

(a) In Galliis Patroni & Collatores Beneficiorum tenentur inquirere, an Clerici quibus Beneficia conferunt, sint ortu & origine Galli, vel Regis indulgentia & facultate in Album Gallorum relati; id enim jubent Regni Gallici Edicta, ac potissimum Declaratio, quam Carolus VII. Galliarum Rex dedit 10. Martii, an. 1431, in ejus verba: *Dépendons aux Officiers Royaux, comme aux gens du Clergé, de recevoir quelques Ecclesiastiques que ce soit, dans aucunes Eglises, ni en aucunes dignités, quelques Bulles ou Lettres qu'ils ayent; s'ils ne sont dûement accertains que ceux qui voudront y être reçus, soient natis du Royaume..... jusqu'à ce que par le Roi en soit autrement ordonné, & qu'il leur apparaisse de ce par Lettres-Patentes du grand Sceau.*

Quapropter Capitula aliave Corpora nihil de suo jure institutionis decedere autumant; uti nec ipsi Principes de auctoritate conferendi *pleno jure* Beneficia & dignitates, quamvis ipsos Beneficiatos pro animarum cura ad Ordinarium remittant.

Quinimo, etsi Synodus Tridentina *Sess. 7. cap. 13.* ab examine Ordinariorum excipiat Præsentatos, electos seu nominatos ab Universitatibus, seu Collegiis generalium studiorum, nihilominus nominatos ab hac Universitate ad Beneficia Curata debere subire examen Ordinarii, supra *Sess. 3. tit. 2. alias 19. cap. 3. num. 24.* ostendimus.

XVIII. Porro, quia in omni institutione auctorizabili intervenit collatio Beneficii, crediderunt nonnulli, eam intra semestre juxta Decretum Concilii Lateranensis in cap. 2. *De Concess. Præbenda*, esse faciendam. Verum cum collatio hæc non sit proprie dicta collatio, id est, voluntaria; sed necessaria, facienda ad præsentationem alterius, communior Doctorum opinio est, institutionem Decreto Concilii Lateranensis non comprehendendi; neque Superiori ad instituendum de jure ullum tempus esse præfixum; uti pluribus citatis notat Garcias *De Beneficiis parte 10. cap. 4.* monetque num. 2. idem esse in Beneficiis resignatis ex causa permutationis, ad quorum collationem (ait) tempus præfixum non est.

XIX. Illud insuper observant, quod facta præsentatione, institutio in longum tempus differri nequeat. Cum enim Patronis tempus ad præsentandum sit præfixum, ne alias Ecclesia diutius viduata, aut ministro destituta maneat, hic finis non obtrinebitur, si institutio post præsentationem diutius protrahatur, uti recte advertit Pyrrhus Corradus in *Praxi Benef. Lib. 4. cap. 7. num. 12.*

XX. Ulterius Præsentatus vi præsentationis jus ad ipsam institutionem habet: quare si Episcopus, Archidiaconus aliufve jus instituendi habens, instituere negligat aut recuset, recurri poterit ad Superiorem; qui tempus præfigat, intra quod id faciat: quo elapso ipse Superior supplebit, vel compellendo vel instituendo. Ita Garcias loco citato num. 5.

XXI. Quin & à recusata institutione Præsentatum appellare posse, tanquam à gravamine illato, probat Panormitanus, aliique relati ibidem à Garcia num. 9. quod & quotidiana praxis comprobat.

XXII. Quin & Ordinarii cogi possunt ut assignent rationes, ob quas recusant institutionem, vel litteras quas Galli *visa* nuncupare solent: id ita præscriptum est, ne alias in Ordinariorum arbitrio esset, frustrare Provisos jure sibi per præsentationem vel electionem acquisito.

Late id ipsum probat Du-Casse in suo *Tractatu de Jurisdictione Ecclesiastica. tom. 1. cap. 5. num. 5.* ostenditque ibidem, Ordinarium non posse recusare exhibitionem causæ recufationis, eo prætextu quod rationes recufationis, *sibi soli notæ essent*; nec eas probare posset: multisque ostendit, quam perniciosum, quantisque incommodis obnoxium esset, si Ordinarii Provisos de Beneficiis possent rejicere ob rationes, quas sibi notas esse dicerent: recteque ibidem applicat monitum datum Episcopis per Synodum Vasensem anno 442. *can. 8.* "Si tantum Episcopus se alieni sceleris conscium non vit, quamdiu probare non potest, nihil proferat, sed cum ipso ad compunctionem ejus secretis compunctionibus elaboret."

Indubie aliud esset, si ageretur de his, quæ à libera Ordinariorum commissione & beneplacito dependent, uti supra *tit. 8. cap. 5.* notavimus.

XXIII. Quantum ad summum Pontificem qui institutionem canonicam recusat, id refert Pinsonius in *Tractatu De Beneficiis* ad verbum *Canonica* num. 71. "Casu quo summus Pontifex confirmationis, sive institutionis Canonice gratiam denegaverit, & nomen nationi Regiæ Pontificias Bullas addere recusaverit, magni

» magni Consilii Patres, vel alii quorum ea de re  
» notio est, partes suas interponere solent, & candi-  
» datis & nominatis Regiis licentiam concedere adeun-  
» dæ possessionis, sive temporalis, sive spiritualis ad-  
» ministrationis subeundæ, iis solis exceptis, quæ Or-  
» dinis esse dicuntur.

XXIV. Inter articulos anno 1316. à Prælati Angliæ oblatos Regi Eduardo II. erat hic decimus tertius: « Item petitur, quod personæ Ecclesiasticæ  
» quas dominus Rex ad Beneficia præferat Ecclesia-  
» stica, si Episcopus eos non admittat, ut puta, prop-  
» ter defectum scientiæ, vel aliam causam rationa-  
» bilem, non subeant examinationem laicorum per-  
» sonarum, in calibus antedictis, prout his tempo-  
» ribus attentatur de facto, contra Canonicas San-  
» ctiones: sed adeant Judicem Ecclesiasticum, ad quem  
» de jure pertinet, pro remedio, prout justum fuerit,  
» consequendo.

Huic postulationi respondit Rex: « De idoneitate  
» personæ præsentatæ ab Beneficio Ecclesiasticum  
» pertinet examinatio ad Judicem Ecclesiasticum. Et ita  
» est hæcenus usitatum, & fiat in futurum. » Tomo II.  
Conciliorum generalium col. 2466.

Hinc duo colligimus. Primum, quod ipsi Prælati Angliæ agnoscant, Præsentatis seu Nominatis esse jus appellandi ad novum examen. Secundo, à Prælati ad Judicem Ecclesiasticum pro remedio hoc casu esse recurrendum; ipsumque Regem judicasse, de idoneitate personæ præsentatæ ad Beneficium Ecclesiasticum examen pertinere ad Judicem Ecclesiasticum; & ita hæcenus fuisse usitatum; & fieri debere in futurum.

XXV. Cum quidam Subdiaconus exposuisset Alexandro III. se fuisse præsentatum per Abbatem S. Petri Carthagenensis ad quandam Ecclesiam Episcopo Sueffionensi, ut eum de prædicta Ecclesia investiret, & animarum ipsi curam committeret; quodque memoratus Episcopus Sueffionensis eam dare recusaret, scripsit Alexander III. Abbati S. Remigii & Archidiacono Rhemensi: « Quia indecense est & penitus obivium  
» rationi, ut prænominato Subdiacono, nisi pro ma-  
» nifesta & rationabili causa, plebis cura denegetur:  
» discretionem vestram per Apostolica scripta præcipien-  
» do mandamus, quatenus infra 40. dies post hæc  
» susceptionem prædictum Episcopum monere, ac pro-  
» penius inducere studeatis, ut prædictum Subdiaconum de præscripta Ecclesia investiat & animarum  
» sibi curam committat; aut quare id facere non de-  
» beat, coram vobis rationabilem causam ostendat.  
» Quod si monitis vestris obtemperare contempserit,  
» vos nostra freti auctoritate sæpe dictum Subdiaconum, omni dilatione & appellatione cessante, de  
» prædicta Ecclesia investiat, & animarum sibi cu-  
» ram committatis: ita quidem quod memorato Episcopo de plebis cura, prædicto vero Abbati de tem-  
» poralijs debeat respondere. » Tomo 10. Concil. general. col. 1274.

XXVI. Idipsum & recentiores Synodi voluerunt; id unum tamen cautum volentes, ne Superior ad quem appellatur, collationem ab Ordinario negatam concedat, nisi causis recusationis integre discussis.

» Si Præsentato & petenti collationem sibi dari de quocumque Beneficio, renuerit Episcopus dare, cogatur causas recusationis suæ in scriptis exprimere: nec liceat Superiori collationem decernere, nisi prius discussis causis & judicatis, propter quas Episcopus recusaverit collationem dare, alioquin Superioris collatio nulla erit.

Ita Synodus Rothomagensis anno 1581. tit. De Episcoporum officiis num. 26. Idem quoque statuit Synodus Rhemensis titulo De Episcopis num. 18.

XXVII. Edicto Blesensi art. 13. decretum quoque fuit in Gallia, « quod si obtinentes collationem  
» aut præsentationem, reperi sint inidonei & insuffi-

cientes, Superior ad quem recurrent, non poterit  
» eis dare provisionem, nisi informatus de causis recusationis, quas eum in finem Ordinarii tenebuntur exprimere & inferere instrumento recusationis.

Illud tamen eodem Edicto art. 12. additum erat; quod, si Ordinarius approbationem seu *Visa*, ut vocant, dare recuset, supremi Regii Senatus coactione adversus Ordinarium non utentur; sed partes remittent ad Superiorem Ecclesiasticum, ut ab eo provisionem obtineant.

Plura tum posteriora Regum Edicta, tum Parliamentorum Arreſta prædictis articulis conformia, videri possunt in Actis Cleri Gallicani *tomo. 2. part. 2. tit. 4.*

XXVIII. Hæc & praxi Belgii consona sunt. Si enim Præsentato, aut nominato Ordinarius collationem aut curam animarum dare renuat, nihil usitatus, quam ad Superiorem recursus, coram quo Ordinarius causam recusationis allegare tenetur: & si defectus sufficientis scientiæ allegetur, novum examen instituitur.

XXIX. Hinc non difficile est intelligere, qua ratione ipsa institutio, quæ præter præsentationem Patroni requiritur; ipsaque datio Curæ animarum ab Ordinario danda, merito dicatur Collatio & Provisio *necessaria*: cum vix negare eam cum effectu possit Ordinarius Præsentato; nisi impedimentum Canonicum ipsi Præsentato obſtare, probare queat.

XXX. Ulterius inde deduci potest, quam verum sit, præcipuas in provisione Beneficii Patronati esse partes Patroni præsentantis: utpote, qui totius Provisionis ponit fundamentum; ipsumque Ordinarium quodammodo constringit, ut huic personæ præsentatæ collationem Beneficii faciat; tamen eam minus aut vix idoneam sciat: ut proinde jure merito Patroni solliciti sint, quas personas ad Beneficia præsentent: ipsique frequenter magis, quam ipsis Ordinariis imputabitur, si minus idonei ad similia Beneficia promoveantur.

## CAPUT II.

### De Possessione; & forma eam accipiendi.

1. *Olim immisso in possessionem nota non fuit.*
2. *Postmodum exemplo feudorum invaluit.*
3. *Immissio in possessionem competit Beneficiorum Collatoribus; & quare?*
4. *Episcopo de jure communi ea competit.*
5. *Quomodo jus mittendi in possessionem ad Archidiaconos transierit?*
6. *Archidiaconi plurimis in locis eam hodie Archiepiscopis byteris committunt.*
7. *Decani Collegiorum & Capitulorum eam dare consueverunt jure Archidiaconali.*
8. *Utrum qui jus habent admittendi ad possessionem corporalem, possint de jure Provisi cognoscere?*
9. *Collatores Ordinarii immisionem in possessionem possunt aliis committere; & quibus hodie committere soleant.*
10. *Per quemlibet Clericum aut Notarium Apostolicum possessio dari potest, juxta ordinariam clausulam litteris collationis insertam.*
11. *An Notarius Regius sufficiat?*
12. *Qua forma uti debeat Clericus mittens in possessionem?*
13. *De externis & corporalibus symbolis per quos possessio realis traditur.*
14. *Quid? si Ecclesiam ingredi impediatur ad capiendam possessionem.*
15. *Clericus inducens in possessionem non cognoscit de iustitia tituli.*

16. *Pos.*

16. *Possessio accipi potest per Procuratorem habentem speciale mandatum.*
17. *Exemplo Vassalli decretum jam pridem fuit, ut Beneficiati promittant Episcopis obedientiam.*
18. *Quod juramentum hodie præstent Provisi de Beneficiis Parochialibus.*
19. *Formula juramenti præstandi à Provisis de Beneficiis simplicibus.*
20. *Provisi de Dignitatibus & Canonicatibus in Ecclesiis Cathedralibus, professionem fidei facere debent ex præscripto Synodi Tridentinae.*
21. *An Decretum hoc etiam obstringat Canonicos Collegiarum Ecclesiarum?*
22. *Canonici solent ante admissionem ad possessionem jurare observantiam Statutorum.*
23. *In his statutis nonnunquam aliqua illicita occurrunt.*
24. *Merito à Canonicis ante juramentum Statuta expenduntur.*
25. *Praelati curam Capitulum habentes, ea merito examinant; & Decretum Synodi Antverpiensis id præcipiens.*
26. *Idipsum merito fieret circa juramenta opificiorum & Academiarum.*
27. *Nonnulli à Beneficiatis exegerunt Homagium simile illi quod Vassallus promittit Domino directo.*
28. *Hæc Homagii exactio tanquam sapiens Simoniam, vetita fuit.*
29. *Multum differt à promissione Canonica obedientia.*
30. *In admissione ad possessionem solent certa jura exigi.*
31. *Quid de hac exactione habeant Decretales Gregorii IX?*
32. *Quid Synodus Tridentina, & posteriores Synodi?*
33. *Merito ea Decreta expendunt, qui jura illa exigunt.*
34. *An decretum Concilii Tridentini Annatarum solutionem vel exactorem improbet?*

I. **V**IGENTE pristina disciplina, quæ Beneficia ab Ordinatione non sejungebat; sed Clericos in ipsa Ordinatione, non secus atque hodie per Beneficiorum collationem & institutionem, certis Ecclesiis alligabat; iisque una jus vivendi ex proventibus Ecclesiae, cui alligati erant, tribuebat, incognita fuit, quæ hodie vocatur institutio auctorizabilis, item quæ hanc subsequitur, missio in possessionem sive institutio corporalis.

II. At postquam erecta fuere Beneficia Ecclesiastica: eaque separatim ab ipsa Ordinatione conferri cœperunt; una invalere institutio & missio in possessionem: idque exemplo feudorum, à quibus (uti notavimus *Señt. 3. tit. 1. alias 18. cap. 1.*) Beneficia suam originem habent.

Quapropter, sicuti post fictam, ut vocant, feudi investituram (quæ Beneficiorum institutioni auctorizabili responderet) nec non præstiturum fidelitatis juramentum, aliasque caeremonias prærequiritas, Dominus directus tenetur Vassallum vere & corporaliter investire, seu veram & realem investituram dare, ita quoque receptum, quod, post datam institutionem collativam, sequi debeat institutio corporalis sive missio in possessionem.

Unde Petrus Gudelinus in tractatu *De Jure feudorum, part. 2. cap. 9.* postquam dixit, investituræ fictæ sive civili eam quidem vim esse, ut Vassallum ita investitum Dominum utilem faciat, tribuatque ei possessionis ingrediendæ facultatem; sed tamen cum possessorem non constituat, priusquam is corpore rem apprehenderit; neque investituræ feudali vim hanc tributam esse, subjungit: "In quo similis illa institutioni, seu investituræ, quæ fit de Beneficiis Ecclesiasticis: quippe per hanc Clericus quidem jus in

Beneficio acquirit, sed nondum possessionem, donec in eam separato actu fuerit inductus, cap. *Per tuas* & *De Donationibus*.

III. Sicuti autem ad Dominum spectat investire Vassallum seu in possessionem mittere; ita quoque ad Beneficiorum Collatorem spectat Beneficiatum in possessionem mittere. Qui enim Beneficii collator est, is ipsum Beneficium dare censetur: dationis autem complementum est traditio possessionis rei donatæ. Unde ait Rebuffus in *Praxi Benef. parte. 1. tit. De Missionem in possessionem n. 12.* Ordinarius qui confert, Archiepiscopus, Episcopus, vel alius potest mittere in possessionem.

IV. Unde sicuti collatio Beneficiorum de jure communi spectat ad Episcopum, ita & missio in possessionem.

Hinc interrogatus Innocentius III. an Viri Religiosi vigore indulti Apostolici convertendi Ecclesias suas, decedentibus personis, in proprios usus, possint licite propria auctoritate possessionem earumdem intrare, vel per Diocesana Episcopum in ipsa potius sint inducendi: Respondit Pontifex; "Suo Episcopo in consulto, in possessionem earum eis non est licitum introire: quia per indulgentiam hujusmodi Episcopi juri non credimus derogari, cap. 19. & *De Privilegiis*.

V. Porro sicuti ipse Dominus feudi potest missionem in possessionem alteri delegare; ita quoque Collatores Ordinarii inductionem Beneficiati in possessionem aliis committere possunt.

Et quidem cum ipsa deductio in possessionem, seu institutio corporalis tantum sit quædam sequela, quasi necessaria ad ipsam collationem seu institutionem auctorizabilem, soliti jam pridem fuere Episcopi eam Archidiaconis, tanquam Vicariis suis delegare: eaque delegatio sensim in jus quoddam Archidiaconale transiit; ut propterea Innocentius III. in cap. 7. & *De Officio Archidiaconi*, enumerans munia Archidiaconorum, inter alia dicat, "quod institutio corporalis, tam super Beneficiis, quam Dignitatibus ad ipsum (Archidiaconum) debeat pertinere, Ex hoc Innocentii dicto concludunt uno consensu Canonistæ: de jure communi hodie institutionem competere Archidiacono.

VI. Postquam moribus tandem invaluit, Archidiaconis etiam institutionem auctorizabilem seu tituli collativam competere, difficileque visum fuit, Archidiaconum accedere ad locum Beneficii, ut Beneficiatum in possessionem inducat; plerisque in locis ea Archipresbyteris ruralibus committitur, uti etiam notat Zypæus titulo *De Institutionibus, num. 4.*

VII. Hoc insuper notat, "Collegia porro & Capitula passim collegas in possessionem mittunt, ac titulum admittunt à Patronis forte datum, quod est vice Canonice institutionis, nisi sibi forte in erectionibus Collegiorum Archidiaconi curarunt sua jura institutionis præservari, ut Hoochstrata.

Notandum autem, quod Decani Collegiorum vel Capitulum inducentes Collegas vel Beneficiatos suarum Ecclesiarum in possessionem, dicant se id facere jure suo Archidiaconali: quasi ea in parte jus Archidiaconale exercentes.

VIII. Praelati vel Capitula, quibus competit jus admittendi & introducendi Beneficiatos in corporalem possessionem, vigore institutionis canonice à Collatoribus ordinariis eorumve Archidiaconis obtentæ; non possunt sibi vendicare jus cognoscendi de validitate ipsius tituli, eoque prætextu possessionem recusare non magis, quam Ordinarius, à quo Provisus institutionem, vel visa petere debet, ut supra dictum est.

Idipsum adstruit Renarus Choppinus de sacra Politia, cap. 8. n. 2. prolatis eam in rem pluribus Parliamentorum Arretis; testaturque Carolus Molinæus ad Regu-



Regulam Cancellariæ de *infirmis Resignantibus*, fuisse auctoritate Parlamenti Parisiensis prohibitum Capitulo Carnotensi adhibere causæ cognitionem in Præbendarum collationibus.

Ad hunc textum Molinæi Georgius Lonicus *num. 40.* fatetur quidem, id pluribus Arrestis firmatum esse; addit tamen: "Ego verò (ait) semper existimavi Capitula ad novorum Canonicorum receptionem non compellenda, quando aut corporis aut animi vitia notoria sunt: puta si lepræ morbo laborant; si ex causa infamante condemnati fuerint, si illegitimi, si repugnant Capituli statuta: supplicationis enim viâ, Superiorem aut summa Tribunalia adire possunt, ut vocato derentore illegitimo, super negotio statuatur, & interea nihil contra Ecclesiæ statuta, & juris rationem moliantur.

IX. Sed hæc obiter dicta sint. Cæterum sicuti Ordinariis Collatoribus liberum est, ut per se in possessionem mittere queant; ita & id alteri cuicumque delegare possunt.

Et quidem juxta stylum hodiernum "in collationibus Episcoporum vel aliorum solet mandari quibuslibet Ecclesiasticis personis, ac Tabellionibus vel Notariis, ut inducant in possessionem talem Provisum, uti notat Rebuffus loco citato, *num. 13.* & patet ex formula collationis & Provisionis Ordinariorum, quam refert Rebuffus in *Praxi Beneficiorum pag. 20. edit. 1664.*

X. Unde ibidem monet Rebuffus: "Hodie per quemlibet Sacerdotem, vel Clericum, vel per Notarium Apostolicum, vel ab Episcopo creatum, potest quis in possessionem mitti.

Interdum autem (ait Rebuffus *num. 14.*) Presbyter ponit in possessionem, & Notarius hoc attestatur; cuius attestationis formam ibi ad longum inserit Rebuffus. Observandum tamen præter Notarium debere adesse ut minus duos testes, qui unâ cum Notario de capta possessione testentur: super quibus Notarius instrumentum conficit.

XI. Notarium debere esse *Apostolicum* ut mittat in possessionem, monet ibidem Rebuffus *num. 20.* "Quia Regius non est ad hoc Notarius (ait) sed tanquam privatus; & per Regem creatus est non ad hoc.

"Posset tamen Notarius Regius (ait *num. 21.*) si Presbyter induceret in possessionem Curatum, vel aliquem Provisum, attestari de hac missione in possessionem, & probaret hæc missio: quia de his, quæ fiunt ante eum attestari potest.

Clericus verò mittere volens aliquem in possessionem, debet inspicere litteras collationis, suamque in iis expressam commissionem, eamque sequendo dicere: "Ego auctoritate Reverendi D. Episcopi N. & in vim litterarum collationis ab eo factæ, induco te in possessionem talis Beneficii N. (quod nominare debet) & universorum jurium & pertinentiarum dicti Beneficii, &c." Ita Rebuffus *num. 24.*

XII. Adhæc immissio in possessionem requirit, ut cum ipsa pronuntiatione formæ quædam externa symbola realiter adhibeantur; per quæ appareat, quod Provisus possessionem accipiat; quæ symbola pro conditione Beneficiorum, & locorum consuetudine, varia sunt.

XIII. In Beneficiis Curatis seu Parochialibus solet dari possessio per ingressum Ecclesiæ: "nam qui fundi possessionem adipisci vult, introire fundum debet, non quamlibet ejus partem circuire," ait Rebuffus *num. 26.*

Secundò, per asperisionem aquæ benedictæ. "Ad Presbyterum enim & ad Curatum spectat aquam benedicere, & benedictam aspergere, ut populus ea asperisione sanctificetur & munderetur, & sic mundus ad altare veniat," Rebuffus ibidem *num. 27.*

Solet quoque addi osculum majoris altaris; quia in majori altari debet celebrare Curatus, & pacem

facere cum Deo, & orare pro populo ut Deo uniat.

Tactus insuper libri Missalis, vel Antiphonarii seu alterius libri Sacramentorum: qui in Beneficiis simplicibus esse solet symbolum possessionis. Canonici autem induci consueverunt per assignationem loci in Capitulo, & Stalli in choro.

XIV. Hoc insuper notandum; quòd si ingredi Ecclesiam nequeat, possit tunc etiam capi possessio per tactum pectus vel ostii; imò aliquando accipitur possessio per aspectum pinnaculi Ecclesiæ, uti tradit Rebuffus loco citato *num. 34.* & latius in præfatione ad *Tractatum De materia possessoria, tomo 3. ad Constit. Regias*; potestque sic adeptus possessionem agere possessorio.

Formulam adipiscendi hoc modo possessionem exhibet Claudius Horry in *Tractatu De materiis Beneficiorum pag. 594.* è qua videri poterit, quid hic observari debeat.

XV. Clericus autem vel Notarius inducens in possessionem tantum est nudus minister; ideoque non recipit cognitionem de justitia tituli vel collationis, nec differt mittere in possessionem: "sed postea Judex coram quo causa agitur, cognoscat, & pars, quæ est in possessionem missa impetrat litteras à Rege, vel à quibusdam Seneschallis, qui ad hoc potestatem habent: in quibus convenitur pars ad videndum Provisum manuteneri in possessione & saisina, in qua est. Et pars se opponet, & jus eidem dicitur coram Seneschallo, vel Ballivo: & baptizantur (ut Dicantici dicunt) contrariæ possessiones: & allegantur: postea producuntur tituli, & sequestratur Beneficium, vel credentia conceditur." Hæc Rebuffus *num. 43. & 44.* latius verò de hac agendi forma infra *parte 3. agemus.*

XVI. Denique possessio potest capi etiam per Procuratorem speciale mandatum habentem. Idem speciale mandatum signanter requiritur, quia præviè præstari solet juramentum: quod præstandum est in animam constituentis; quod sine speciali mandato fieri nequit.

XVII. Quemadmodum Vassallus ante investituram tenetur ipsi Domino directo juramentum fidelitatis præstare: ita jam pridem cautum fuit, ut Beneficiarii, præsertim de Beneficiis Curatis provisi, obedientiam suo respectivè Episcopo promittere, vel jurare teneantur. "Quando Presbyteri aut Diaconi per Parochias constituantur, oportet eos professionem Episcopo suo facere. *Lib. 7. Capitulum. cap. 466.*

Hodie in ordinatione promittunt Presbyteri Episcopo suo *obedientiam & reverentiam.*

XVIII. Provisi de Ecclesiis Parochialibus hodie juxta decretum Synodi P. II. Mechliniensis *tit. 17.* ante admissionem ad possessionem hac formula jurare debent: "Ego N. juro & promitto obedientiam, reverentiam, & honorem summo Pontifici Romano, ac R. Domino Episcopo N. eorundemque successoribus. Item juro & promitto Ecclesiæ meæ Parochiali de N. fideliter deservire secundum oneris illi annexi exigentiam, & in eo personaliter residere. Bona Pastoratus vel Ecclesiæ meæ non alienabo; & indebitè alienata, quantum in me erit, fideliter recuperare studebo. Specificationem omnium fructuum Pastoratus mei, cum debita designatione hypothecarum, limitum & terminorum, intra annum à festo Nativitatis S. Joannis Baptistæ proximè venturo, Archipresbytero tradam; fructus anni, in quo me mori aut meam Ecclesiam dimittere contingeret, subijcio & obligo ad laudabilem deservituram usque ad festum Nativitatis S. Joannis Baptistæ, mortem vel dimissionem meam proximè subsequendum. Sic me Deus, &c.

Hujus juramenti præstandi obligationem renovavit Synodus D. Mechliniensis anno 1609. *tit. 16. cap. 1.* vultque illud præstari coram Archipresbytero & duobus testibus; ac insuper professionem fidei juxta formam à Pio

Pio IV. præscriptam: & utrumque ab eo præstitum Archipresbyter in registro suo annotabit, cum expressione diei & testium.

XIX. Ex præscripto hujus Diocesanae Synodi eodem titulo *cap. 2.* "Adepturus deinceps quodcumque Beneficium non Curatum, præstare debet juramentum coram Archipresbytero & duobus testibus, antequam possessio ei detur, quod specificationem omnium fructuum ejusdem sui Beneficii cum debita designatione hypothecarum, limitum, & terminorum, intra sex menses Archipresbytero tradet, & dies præstiti juramenti, & nomina testium, registro Archipresbyteri exactè inscribentur.

Similis juramenti formula à Provisis de Ecclesiis Parochialibus, vel simplicibus Beneficiis præstandi, in omnibus passim Belgii Diocesibus extat, & ante immisionem in possessionem exigitur.

XX. Synodus Tridentina *Seff. 24. cap. 12. De Reformat.* vult ut "Provisi de Canonicatibus & Dignitatibus in Ecclesiis Cathedralibus, non solum coram Episcopo seu ejus Officiali, sed etiam in Capitulo idem (scilicet orthodoxæ fidei publicam professionem) facere teneantur; alioquin prædicti omnes, fructus non faciant suos: nec illis possessio suffragetur.

XXI. De Canonicis Collegiatarum Ecclesiarum non loqui Synodus Tridentina in hoc Decreto, agnoscit Synodus D. Mechliniensis *titul. 1. cap. 4.* "Quia tamen (ait) temporum calamitas, & invalescentium hæreticorum malitia cogit, ut nihil prætermittatur, quod ad populorum ædificationem, & Catholicæ fidei præsidium, videatur posse pertinere; mandamus ut omnes ac singuli Canonicatus aut dignitates in Ecclesiis Collegiatis deinceps obtenturi, faciant fidei professionem, singuli in Capitulo suo, antequam residere incipiant.

Verum nec in hac Diocesi Mechliniensi in omnibus Ecclesiis Collegiatis hujus Decreti usus viget; neque Canonici ante admissionem ad residentiam, publicam hanc fidei professionem emittunt. Qui non usus eo tolerabilior est, quod hodie plerique ante adeptionem hujusmodi Canonicatum, eam professionem in susceptione Ordinis sacri vel Gradus Academici præstiterint.

XXII. At Canonici tam Collegiatarum, quam Cathedralium Ecclesiarum communiter jubentur ante adeptionem possessionis jurare, quod Canonicum habeant ingressum, quodque statuta Capituli observabunt; bona quoque ac jura & privilegia pro posse tuebuntur, & conservabunt, neque secreta Capituli revelabunt.

XXIII. De hoc Canonicorum juramento loquens seculo decimo sexto Synodus Colonienfis *parte 3. cap. 19.* deplorat, quod "ferè quotquot sunt Cathedrales & Collegiatae Ecclesiae, suum habeant volumen peculiarium statutorum, quæ interdum pro affectu privato cujuslibet augentur ac crescunt. Inter hæc repertas (ait) quàm plura, quæ *questum* magis, quàm *pictatem* relapiant.

Deinde ulterius dicit: "Et quantumvis pleraque inter hæc *iniqua* reperias, adiguntur tamen omnes, qui recens admittuntur, ut ad hujusmodi statutorum observationem (etiam penitus ignari quid contineant illa) citra ullum delectum jurejurando se alligent: cum tamen juramentum non debeat esse iniquitatis vinculum, nec ad ignorata extendi.

Similiter Synodus Tridentina *Seff. 24. cap. 14. De Reformat.* evidenter supponit, nonnunquam inter constitutiones seu statuta Capituli etiam à Sede Apostolica confirmata, reperiri nonnulla, quæ *simoniaca labis*, aut *sordida avaritia* suspicionem habent.

XXIV. Quapropter meritò Provisi de Canonicatibus priusquam hujusmodi juramenta faciant, seridè & singillatim statuta, quorum observantiam jurare de-

bent, expendant: ne aliàs vel temerariè & sine judicio jurent; vel iniqua juramento confirmant.

XXV. Prælati quoque alique, quibus Capitulorum directio incumbit, non immeritò hujusmodi juramenta examinant, expenduntque, num ea, quæ jurantur non tantum per se sint licita & honesta; sed insuper, an pro temporum & locorum conditione observari queant.

Quare rectè statuit Synodus Antverpiensis anno 1610. *tit. 17. cap. 10.* "Ut statuta singulorum Capitulorum & juramenta ab admittendis ad Beneficia præstari solita, Decretis Concilii Tridentini consentiant; exhibebuntur nobis omnia antiqua statuta & juramenta examinanda, ut si, quæ in iis fortè reperiantur prædicti Concilii Tridentini Decretis repugnantia, emendantur.

XXVI. Et dein *cap. 11.* addit: "Hortamur autem in Domino omnes, quos ea res concernit, ut videant atque perpendant juramenta antiqua, quæ ab admittendis ad officia, opificia, alique munia præstari solent, eo fine, ut quæ in usum deduci non possunt, omittantur.

Optandum planè, ut juramenta, quæ ubique, etiam in Academiis, admodum frequentia sunt, & passim sine ulla penè advertentia aut discussione, tanquam quædam formulæ nihil significantes, à promovendis ad Officia & Gradus leguntur & emittuntur, reviderentur; atque superflua, & quæ in usum nunquam deducuntur, neque deduci possunt; imò nec à jurantibus, nec exigentibus frequenter satis intelliguntur, omitterentur: eaque sola conservarentur, quæ publica necessitas aut utilitas exigit: utque in veritate, judicio & justitia juraretur, tum sedulo attendere.

XXVII. Nonnulli Prælati non contenti promissione Canonice obedientiæ, etiam *homagium* à Clericis ad Beneficia ad Ordines promovendis exigebant; idque non absimile ei quod Vassallus ratione feudi, & tanquam *homo* ipsius Domini directi, debet exhibere Domino directo; de quo, variisque ejus speciebus & formulis, quibus à Vassallo exhibetur Domino, latè agit Du Cange in Glossario, verbo *Hominium* seu *Homagium*.

XXVIII. Hoc ex omnibus formulis præstandi *homagii* evincitur, professionem homagii tendere ad exhibitionem servitiorum temporalium; atque fidelitatem servandam in tuendis juribus, aut etiam vita temporali ipsius Domini. Proinde meritò jam pridem judicatum fuit, hujusmodi Homagium à Clericis exigi non posse: imò pro spiritualibus hujusmodi professionem exigere, Simoniacum esse, creditum est.

"Indignum est, & à Romanæ Ecclesiæ consuetudine alienum, ut pro spiritualibus facere quis *Homagium* compellatur, ait Pontifex in *Cap. fin. 2. De Regulis Juris*.

In vita S. Guillelmi Abbatis Divionis apud Bollandum ad 1. Januarii *cap. 3. pag. 59.* legitur; eum maluisse S. Ordinis susceptionem differre, quàm assertionem *jurandi fidelitatem* Episcopo promittere: Quia salubriter non poterat perpendere, ut pro his, quæ solius Dei imperio *gratis* præstari debent, horum ministri alicujus firmandæ (a) fidei assertionem ullo modo exhiberet.

XXIX. Hac dere ad quemdam Episcopum scribens S. Fulbertus Episcopus Carnotensis *Epistola 42.* ostendit, plurimum interesse inter promissionem Canonice obedientiæ, & fidelitatis professionem. "Si Abbas S. Benedicti (ait) de vestro contemptu culpam suam recognoverit, & illam deinceps subjectionem promiserit, quæ vobis Canonicè debetur, hortor & suadeo, ut recipiatis: Sacramenta verò, & cætera, quæ ad *mundanam* legem pertinent, propter amorem Regis missa faciatis: ut Religionem magis, quàm secu-

(a) Apud Bollandum legitur *firmante fidei*.

„ larem ambitionem vos sectari cognoscat. At si Abbas  
„ in tantam superbiam intumuerit, ut ipsam quoque  
„ subjectionem *canonicam* vobis derogare contendat,  
„ superbiae, cui non parcat Deus, Dei servus quomodo  
„ parcat, nescio.

Prælati, & Canonici, qui nonnunquam à Beneficia-  
tis, suisque Vicariis exigunt servitia & obsequia tempo-  
ralia, meritò perpendunt, an reipsà sibi *Homagium*  
pro spiritualibus exhiberi non petant.

XXX. Denique, sicuti Dominus directus à novo  
Vasallo juxta consuetudines feudorum exigere solet certa  
jura, quæ *Relivia* dici solent, ita jam pridem Prælati  
nonnulli, item Archidiaconi & Canonici in admissione  
Beneficiorum ad possessionem seu installationem, jura  
aliqua sibi solvi voluerunt: quam consuetudinem tum  
à Pontificibus, tum Conciliis sæpius reprobata legimus.

XXXI. In Cap. 9. *De Simonia*, refertur ex Con-  
cilio Lateranensi sub Alexandro III. „ Cùm in Eccle-  
siaz corpore omnia debeant ex charitate tractari, &  
„ quod *gratis* receptum est, *gratis* impendi: *horribile*  
„ nimis est, quòd in quibusdam Ecclesiis locum vena-  
„ litas perhibetur habere, ita ut pro Episcopis vel Ab-  
„ batibus, seu quibuscumque personis Ecclesiasticis po-  
„ nendis in sede (sedem) seu introducendis Presbyteris  
„ in Ecclesiam . . . . aliquid exigatur. Putant plures  
„ ex hoc sibi licere, quia legem mortis de longa inva-  
„ luiffe consuetudine arbitrantur: non satis, quia cupi-  
„ ditate cæcati sunt, attendentes, quod tantò gravio-  
„ ra sint crimina, quantò diutius animam intelicem  
„ tenuerint alligatam. Ne igitur hoc de cætero fiat,  
„ & vel pro personis Ecclesiasticis deducendis ad sedem,  
„ vel Sacerdotibus instituendis aliquid exigatur, distri-  
„ ctius inhibemus. Si quis autem contra hoc venire  
„ præsumperit, *portionem cum Giezi* se noverit ha-  
„ biturum: *cujus factum turpis muneris exactione imi-*  
„ *tatur.*

Et Innocentius III. in Cap. 36. *De Simonia*, re-  
scripsit Archiepiscopo Cantuariensi, ut „ *pravam con-*  
„ *suetudinem* de sua Provincia studeat abolere, per  
„ quam pro investitura, Archidiaconi *marcbam* argen-  
„ ti, minores verò Decani *vaccam albam* libi dari po-  
„ stulant, vel certam solvi pecuniæ quantitatem.

XXXII. Plura in hanc rem Pontificum & Concilio-  
rum Decreta retuli in Tractatu De Simonia circa Bene-  
ficia *part. 1. c. 2. §. 3.* ac una Decretum Concilii Tri-  
dentini *Sess. 24. cap. 14. De Reform.* detestantis & re-  
probantis omnia, quæ à Canonici exiguntur à novis  
Canonicis, convertenda in suum proprium commodum  
in admissione ad possessionem; quibus addi potest De-  
cretum Synodi Audomarenfis anno 1585. *tit. 12. c. 10.*  
„ In admissione novi Canonici ad possessionem nihil  
„ exigatur, quod in pios usus non convertatur, & à  
„ nobis probatum sit; non pecunia, non prandium,  
„ non aliud quidvis quod in cæterorum Canonicorum  
„ commodum cedat, quacumque consuetudine etiam  
„ immemorabili non obstante.

Dein §. 4. retuli ex Spicilegio Dacherii Epistolam  
Honorii II. ad Episcopum & Clerum Leodiensem, qua  
reprobat, & *detestabilem* vocat consuetudinem Patriæ  
Leodiensis exigendi per Decanos & Archidiaconos *de-*  
„ *terminatam pecuniam de investituris* Ecclesiarum & Al-  
„ *tarium.*

XXXIII. Hæc meritò perpendent, qui sine ullo  
scrupulo, sola consuetudine se securos existimantes,  
jura etiam notabilia in admissione ad possessionem exi-  
gunt & extorqueant: & nisi iis præviè solutis, posses-  
sionem dare renuunt, atque denegatione possessionis  
Provisos ad dandum cogunt: qui indubiè nonnunquam  
ad redimendam vexam licitè solvunt, tamen exigentes  
forsan illicitè accipiant: ut hic applicari subinde  
queat illud Pauli Apostoli dictum *act. cap. 20. v. 35. Bea-*  
„ *tius magis est dare, quàm accipere.*

XXXIV. Quandoquidem per Decretum Concilii  
Tom. I.

Tridentini suprà relatum improbaretur consuetudo  
quidquam exigendi, aut ex fructibus deducendi in col-  
latione Beneficiorum, aut admissione ad eorum pos-  
sessionem, Decretum hoc Gallis perplacuisse scribit Hi-  
storicus Concilii Tridentini *pag. 689.* Editionis Latine  
1658. dicentibus, iis verbis tolli solutionem *Annata-*  
„ *rum:* „ Et sanè (ait Historicus) quæ ea consideratè ex-  
„ aminat, alium iis sensum non temerè appingeret, ut  
„ cumque eventus ostenderit, Romæ caput illud longè  
„ aliter intellectum esse.

### CAPUT III.

#### De Regula Cancellariæ De Annali Possessore.

1. *Quis primus Regule auctor; & quæ ejus origo?*
2. *Textus Regule exhibetur.*
3. *In Gallia recepta.*
4. *Quis præcipuus ejus scopus?*
5. *Habet locum in provisione Papæ, etiam motu proprio expedita.*
6. *Hæc Regula locum habet, tametsi possessor sit omni titulo destitutus.*
7. *An procedat in spoliatore: item in non habente titulum coloratum?*
8. *Non propterea incapaces foveantur.*
9. *Quomodo contra intrusos procedi possit, non obstante hac Regula?*
10. *Regula non habet locum in provisionibus Ordinatio- rum.*
11. *Regula requirit annalem possessionem tempore impe- trationis.*
12. *Debet esse pacifica possessio; & quæ talis habeatur?*
13. *Non desinit esse pacifica, quia possessor nullos fructus percipit, etiamsi iis per sententiam esset priva- tus.*
14. *Impetrans Beneficium annalis pacifici possessoris de- bet qualitatem & gradum possessoris, & tempus continuatæ possessionis exprimere: sed quoad hoc Re- gula derogari solet.*
15. *Quoad tempus instituendæ & prosequendæ litis, Re- gula hæc non obtinet.*
16. *Neque quoad solutionem expensarum, interesse & mulctæ.*
17. *Quomodo intelligenda clausula Regule de nullitate provisionis?*

I. PRIMUS hujus Regule auctor est Eugenius IV.  
ut notavit Gomefius in præfatione huius Regu-  
læ; eamque, ad imitationem Feudorum conditam cre-  
dit. „ Jura enim Feudorum, quæ disponent, Vafal-  
„ lum *per annum* possidentem, sciente & non contra-  
„ dicente Domino, investitum præsumi debere, aded  
„ quòd ex tali possessione, sine titulo contra Domi-  
„ num se defendere poterit, certè potuerunt dare cau-  
„ sam, ut ad similitudinem illorum jurium de *annali*  
„ possessione in materia feudali loquentium, ista Regu-  
„ la constitueretur: Nam dispositio loquens de feudis,  
„ in Beneficiis Ecclesiasticis trahitur & procedit, ut  
„ latè probat Decius in Consilio 76. „ Hæc Gome-  
fius loco citato.

II. Regulam, prout ab Eugenio IV. primum edita  
fuit, refert Gomefius; cui à Julio III. nonnulla addita  
fuerunt; quam additionem subsequentes Pontifices re-  
tinerunt, eaque formula hodie exprimitur, estque 35.  
inter Regulas Cancellariæ.

„ Item S. D. N. ut improbi lites exquirentium mo-  
„ tus reprimantur, voluit, statuit & ordinavit, quòd  
„ quicumque Beneficium Ecclesiasticum tunc per an-  
„ num immediatè præcedentem pacificè possessum, &  
„ quod certo modo vacare prætenditur, deinceps im-  
„ petraverit, nomen, gradum, & nobilitatem pos-  
„ sessoris



„ fessoris ejusdem, & quot annis ipse illud possederit, „ ad specificam & determinatam, ex qua clarè poterit „ constare, quòd nullum ipsi possessori in dicto Bene- „ ficio jus competat, causam hujusmodi impetrationis „ exprimere, & infra sex menses ipsum possessorem „ ad iudicium evocari facere, causamque ex tunc de- „ super infra annum usque ad sententiam diffinitivam „ inclusivè prosequi debeat & teneatur. Alioquin im- „ petratio prædicta & quæcumque inde sequuta nullius „ existant firmitatis, & idem impetrans de damnis & „ interesse possessorem præfatum, propterea contin- „ gentibus ei satisfacere; & si possessorem ipsum in- „ iuste, frivole & indebitè molestare repertus extite- „ rit, quinquaginta florenos auri persolvere Camere „ Apostolicæ sit adstrictus. Nec alius, quàm præmissæ „ vacationis modus, etiam per litteras *Si neutri*, aut „ subrogationis, aut aliàs sibi quoad hoc, ut Benefi- „ cium hujusmodi ea vice consequi, aut obtinere va- „ leat, quomodolibet suffragaretur, illudque nullate- „ nus in antea litigiosum propterea censeatur. Quod „ etiam extendi voluit ad impetrantes Beneficia Eccle- „ siastica cujuscumque qualitatis per privationem & „ amotionem, vel aliàs propter commissæ excessus & „ crimina, vacantia vel vacatura, & similiter ad im- „ petrantes Beneficia tanquam vacantia per devolutio- „ nem.

III. De hac Regula loquens Rebuffus, ait: „ Ista „ Regula est utilis, & servatur in Francia; unde im- „ petratio iudicatur subreptitia & nulla, nisi exprimant- „ tur sequentia: „ id est, quæ decernit Regula debere „ exprimi. In Praxi Benef. Parte 1. Glossa prima ad hanc „ Regulam.

IV. Regulæ hujus utilitatem, & receptionem in Reg- „ no Gallie nec ipse Molinæus diffitetur, aitque num. 83. „ ad Regulam *De verisimili notitia* edit. 1552. „ Non „ enim verum est, quòd vulgò putant, reliquas omnes „ regulas (*dictis quatuor exceptis*; scilicet, *de Infirmit*, „ *resignantibus*, *de Verisimili Notitia*, *de Publicandis* „ *Resignationibus*; & Regula Cancellariæ *De Idiome*) „ prorsus inutiles & spernendas esse. Quatenus enim „ jus commune vel ordinarium juvant, rationabiliter „ admittendæ sunt, & in causis decidendis usurpandæ, „ quominus à jure communi & disciplina Ecclesiastica „ recedatur: præsertim regula illa de *Annali possessoris*. „ Est enim lata contra involatores illos alienorum Bene- „ ficiorum, litiumque artifices, quos *Devolutarios* „ vulgo vocant. Ideò in omni foro, etiam in hoc Reg- „ no omnino præfanda est.

Quòd asserit Molinæus, hanc regulam conditam esse „ contra *involatores* alienorum Beneficiorum, ac rursus „ num. 88. Regulam hanc duntaxat respicere *odium impe-* „ *trantium* ipsa initialia verba regulæ satis probant: *Ut* „ *improbi lites exquirentium motus reprimantur*.

V. Hinc ulterius cum Rebuffo *Glossa 8.* infert Mo- „ linæus num. 84. Regulam procedere, etiamsi Papa *motu* „ *proprio* conferat; idque etiamsi constet deesse supplica- „ tionem & favorem impetrantis, & sic esse *verum motu* „ *(proprium)*. „ Quia cum hæc regula lata sit pub- „ licæ utilitatis causâ, & ad fraudes & lites repellen- „ das, non censetur Papa velle derogare, etiam clau- „ sulâ *motus proprii* appositâ, quæ nihil operatur con- „ tra mentem verisimilem concedentis.

VI. Quin & hinc faciunt, quòd, tamen si Posses- „ sor annalis esset *ipso jure* privatus per Extravagantem „ *Execrabilis*, ob Beneficiorum incompatibilitatem, equi- „ dem defendatur per hanc Regulam contra impetran- „ tem, si per annum possedit, sive ante, sive post illam „ privationem, sive computatis extremis, anni tamen „ *continui*: & ita in privato per *non promotionem* juxta „ *cap. LICET CANON De Elect. in VI.* teneri & iudicari „ in Rota Romana asserit Gomefius *quæst. 55.* Si tamen „ (ait Molinæus num. 88.) per annum pacificè ante „ impetrationem adversarii possederit, quod sufficit in „ *odium impetrantium Beneficia Possessorum viven-*

*tium*: quia Regula istud odium duntaxat respicit, nec „ requirit Canonicum titulum, nec bonam fidem pos- „ sessoris. Et ita generaliter tenendum & judicandum „ est.

Idipsum asserit Rebuffus, qui & *Glossa 3.* ait, quòd „ si etiam hæreticus vel simoniacus possederit per annum, „ equidem servanda sit regula. Idem de Possessoribus „ Beneficiorum alio ex capite inhabilibus, post Gome- „ sium adstruit Molinæus num. 92.

VII. Imò num. 90. asserit, Regulam prodesse quo- „ que spoliatori, non quidem contra spoliatum, sed con- „ tra alium devolutarium impetranter post annum paci- „ ficæ possessionis. „ Quin & procedit in eo, qui factò „ suo voluntario ab hoc ordinato sese privaverit Bene- „ ficio, putà resignando, & tamen remansit in posses- „ sione, quia si tertius sciens resignatarium, qui nun- „ quam possessionem effectivalem cepit, incapacem „ esse, vel deinde civiliter, vel naturaliter mortuum; „ vel repudiasse casu, quo resignatio facta sit in forma „ secundi vel tertii gradus, adhuc potest Possessor con- „ tra eum se tueri hac Regula sive ante resignationem, „ sive post, sive tam ante, quàm post, per annum pa- „ cificè possessioni incubuerit, tempore datæ impetra- „ tionis à Papa vel Legato, ut etiam Gomefius *quæst.* „ 57. ex longa interpretatione *Rotæ*, quam ita indi- „ stinctè tenere & judicare refert, & bend. Quia lex „ impetrantes Beneficia viventium possessorum mul- „ tum abhorret.

Refert quoque Antonius Faber in Codice *lib. 2. tit. 6.* „ *Definit. 15.* iudicatum fuisse, hanc Regulam tueri Pos- „ sessorem, qui nullum titulum profert, ne *coloratum* „ quidem; non ita verò Regulam de *triennali*.

VIII. „ Nec propterea (ait Molinæus num. 92.) „ incapaces foventur: cum eorum Beneficia liberè im- „ petrari possint ab Ordinariis, quietiam secunda devo- „ lutione ad superiores, possunt eos, causâ cognitâ, „ extrudere, & quibus hæc cura imminet. Justius enim „ sollicitudinis cura cuique relinquitur, quàm violato- „ ribus illis janua aperiatur.

IX. Et num. 88. postquam notaverat Regulam hanc „ non in favorem possessorum, sed *odium impetrantium* „ Beneficia viventium, editam esse, tanquam consequens „ infert: „ Nec proinde defenduntur intrusi vel aliàs tiri- „ lo suo privati, contra quos inquirere debent Ordini- „arii, qui liberè etiam vacantia de jure tantum con- „ ferre possunt, & ab eis sine forma hujus Regulæ, „ etiam sub clausula *quovis modo*, impetrare licet, ut „ dixi in Regula *De Publicandis*, n. 152. quamvis pos- „ sessor nequeat deturbari, nisi causâ cognitâ *Cap. LI-* „ *CET EPISCOPUS De Præb. in VI.* & si hæc Re- „ gula facta est odio impetrantium Beneficia Posses- „ sorum, & ad hoc Romam vel Legationem currentium; „ & in favorem Ordinariorum. Magis enim respicit, „ & tueri favorem & libertatem Ordinariorum, „ quàm possessorum & intrusorum, etiam annalium, „ quos in jure communi reliquit, in quantum via ordi- „ naria & ab Ordinariis providetur.

X. Regula igitur non habet locum in Ordinario, „ uti notavit Gomefius *quæst. 9.* „ Quia impetratio ab „ Ordinario (ait) contra annalem possessorem non „ videtur ita damnanda, aut calumniosa, sicut illa, „ quæ obtinetur à Papa; ideò minùs punienda. Ra- „ tio est, quia Ordinarius quando confert impetranti „ Beneficium annalis possessoris, jam habet vel ha- „ bere præsumitur certam noticiam illius possessoris, „ cum visitare soleat singulis annis oves suas, & teneat- „ ur titulos possessorum perferutari, ut dicit tex. in „ *cap. ORDINARIUS De Offic. Ordin. lib. 6.* Extradit „ *Felin. in cap. AD AURES in XVI. conclus. De Re-* „ *script.* Et ideò conferendo simpliciter alteri Bene- „ ficiū, præsumitur annalem possessorem tanquam „ titulum non habentem negligere, ex quo melius „ cognoscit personas suæ Diocesis quàm Papa, ut di- „ cit *Gl. in Clem. de Offic. Ordin.* Et propter hanc „ cau-

„ causam nulla præscriptio etiam triennalis currit  
„ contra Ordinarium, quominus possit removere pos-  
„ sessorem carentem titulo, ut tradunt omnes, & ibi  
„ latius Felin. in cap. LICET HELI de Simonia, &  
„ expressum in Concilio Basileensi, tit. de pacif. poss.  
„ Et ideo impetrans ab Ordinario, propter istam ra-  
„ tionem non præsumetur molestator, nec improbus  
„ litigator. Secus tamen erit dicendum in impetrante à  
„ Papa qui præsumetur injustus impetrans & molesta-  
„ tor, si non servat istam regulam, ex eo, quia Papa  
„ in dubio non intendit concedere gratiam contra anna-  
„ lem possessorem, non facta mentione illius Regulæ:  
„ quia non habet, nec præsumitur habere, sicut Or-  
„ dinarii, notitiam possessorum orbis terrarum, ob  
„ varias occupationes rerum, propter quas multoties  
„ non concedenda concedit.

XI. Ut regula obtineat, requiritur, ut Beneficium  
fuit possessum per annum, scilicet *integrum & conti-  
nuum*; idque tunc *immediate præcedentem*, ut sit Re-  
gula: hoc est tempore *impetrationis*, quemadmodum  
recte notat Rebuffus *Gloss. 4. & 5.* „ Unde si nunc  
„ possederit per *sex* menses (ait Rebuffus) & postea  
„ alius demum primus per alios sex menses, non ha-  
„ bebunt locum hæc regula, per hoc verbum, *immedia-  
te præcedentem*.

XII. Non sufficit per annum immediate præceden-  
tem possedisse; sed requiritur possedisse *pacifice*, id est,  
sine lite & controversia, ait Rebuffus *Glossa 6.* additque:  
„ Ideoque citatus etiam nulliter, dummodo processus  
„ sit introductus, non dicitur pacifice possidere, quia  
„ non sine lite & controversia possedit. „ Idque siue lis  
fuerit in *petitorio*, siue in *possessorio*: dummodo non sit  
super iuribus aut appendicibus Beneficii, quæ magis  
redderent illud pacificum; sed super *tit.* Beneficii; uti  
loquitur Molinæus n. 100.

XIII. Quapropter possessor non desinit esse *paci-  
ficus*, licet nullos fructus percipiat, imo tamen forte  
ob crimen aut suspicionem criminis ipsius possessoris  
fructus sequestrantur, aut etiam per sententiam pri-  
vetur; modo tamen nulla ei super *titulo* lis aut contro-  
versia moveatur, aut mota sit.

XIV. Quando ergo quis in Romana Curia impe-  
trare vult Beneficium annalis pacifici possessoris, tan-  
quam de jure *vacans*, debet in primis juxta tenorem  
Regulæ exprimere *nomen, gradum & nobilitatem* pos-  
sessoris: Item *quot annis* possederit. „ Verum, hodie  
„ in quacumque impetratione, siue per obitum, siue  
„ per resignationem, siue certo modo, siue sint pro-  
„ visiones *Perinde valere, Si neutri & similes*, huic pri-  
„ mæ parti regulæ derogari solet, quoad scilicet expres-  
„ sionem gradus, nobilitatis & temporis, quo posse-  
„ dit is, cujus Beneficium impetratur. „ Ita Chokier  
ad hanc regulam *num. 43.* Et Pater Hunnoidus Pler-  
tenbergius in *Notitia Congregationum*, in notis ad hanc  
regulam n. 4. idipsum notat, additque *Ideo quoad  
hoc derogatum est huic Regulæ.*

XV. Vult insuper regula, quod impetrans „ infra  
„ *sex menses* ipsum possessorem ad iudicium evocari  
„ faciat, causamque ex tunc desuper infra annum ulque  
„ ad sententiam diffinitivam inclusive prosequi debeat  
„ & teneatur. „ At quoad evocationem possessoris ad  
iudicium infra *sex menses*, regula in Francia non serva-  
tur, teste Rebuffo, *Glossa 14.* „ Et in hoc Regno Fran-  
„ ciæ sufficit (ait) intra annum agere possessorio coram  
„ Iudicibus Regiis.

Quoad alteram partem, scilicet prosecutionem cau-  
sæ infra annum, usque ad diffinitivam, notat Rebuffus  
*Gloss. 15.* quod regula dicat, *PROSEQUI debeat*, non  
dicat *finiri*: quia hoc non est in partis potestate sem-  
per, sed interdum iudicis, & sufficit quod non stet  
per partem. Deinde subiungit: „ Non vidi tamen ob  
„ hoc, Beneficium amitti in Francia, ubi processus  
„ sunt longissimi. Solent tamen impetrantes quando-  
„ que à Papa prorogationem impetrare: quod rarum  
Tom. I.

„ est in hac patria, cum in hoc non servetur. „ Quod  
de Regno Franciæ hic monet Rebuffus, id & in Belgio  
servatur; neque in Belgio est ullus hujus Regulæ usus,  
quatenus processum judiciale concernit, vel formam  
futuræ instantiæ præfigit.

XVI. Similiter quod Regula statuit, ut „ idem im-  
„ petrans de damnis & interesse possessorem prædictum  
„ propterea contingentibus ei satisfaciatur, & si possessio-  
„ rem ipsum injuste, frivole & indebite molestare re-  
„ pertus extiterit, quinquaginta florenos auri persol-  
„ vere Cameræ Apostolicæ sit adstrictus, „ nec in Gal-  
lia, nec in Belgio per omnia servatur. Nam Iudices Re-  
gii cognoscentes de possessorio non solent victum con-  
demnare ad *multam*; uti etiam observat Rebuffus *Glos-  
sa 18.* ad expensas vero & interesse etiam in Beneficiali-  
bus, si à parte petantur, condemnare solent; etiam ex-  
tra casum hujus Regulæ.

XVII. Quod autem dicit Regula, quod si non sint  
expressa exprimenda, *Impetratio & quacumque inde  
secuta nullius existant firmitatis*, sic intelligi oportet,  
quod annalis pacificus possessor possit excludere impe-  
trantem oñ non expressionem requisitorum, non ra-  
tione *sux possessionis annalis, sed subreptionis*, ait  
Rebuffus *Glossa 16.* Et uti recte etiam notat Molinæus,  
*num. 103.* „ Hæc Regula nullo modo fovet  
„ Possessorem: quia non impedit illum deturbari per  
„ impetrantem à Papa vel Legato, servata forma: nec  
„ aliter jus impetrantis corroborat: merito non re-  
„ quirat *titulum coloratum*, nec aliam qualitatē pos-  
„ sessoris.

#### CAPUT IV.

De Regula Cancellariæ de Triennali possessore.

1. Regula hæc desumpta est ex Decreto Concilii Ba-  
sileensis: & posteriores Pontifices eam vix mu-  
tarunt.
2. Cur in Regula mentio non fiat Concilii Basileensis: &  
quomodo in Gallia recepta?
3. Decretum Concilii prodest ad elucidationem Regulæ.
4. Refertur textus Regulæ.
5. Decretum Concilii Basileensis prout Sanctioni Prag-  
maticæ est insertum.
6. Requirit Regula, uti & Decretum possessionem trien-  
nalem.
7. Triennium debet esse completum.
8. Insuper requiritur continuum.
9. Tempus prædecessoris an prosit successor?
10. An in eodem tempore possessionis conjungi queant?
11. Quomodo probetur triennium fuisse continuum.
12. Possessio triennalis debet esse pacifica.
13. Quid juxta Decretum Basileense exigatur, ut pos-  
sessio fiat non pacifica.
14. Turbatus ab uno, videtur inspecto tenore Regulæ  
turbatus quoad omnes.
15. Secus inspectis verbis Decreti Basileensis; hocque in  
Gallia servatur.
16. Quis effectus interruptæ possessionis quoad effectum  
Regulæ de triennali possessione.
17. Videtur sensus Regulæ hac in parte trabendus ad sen-  
sum Decreti.
18. Qui, obtenta recedentia, per triennium sine molestia-  
tione possedit, censetur triennalis pacificus.
19. Requiritur cum pacifica triennali possessione titulus  
saltem coloratus.
20. Quis dicendus titulus coloratus, clarius in Regula,  
quam in Decreto exprimitur.
21. Titulus coloratus dupliciter considerari potest.
22. Qui sint tituli non colorati; & cui incumbat proba-  
tio circa titulum?
23. Reservatio quæ clausa est in corpore juris impedit  
effectum Regulæ citatæ.

24. *An poſſeſſor Beneficii teneatur probare colorem tituli?*  
 25. *Debet toto triennio adſuiſſe titulum coloratus.*  
 26. *Quare potius hæc Regula requirat titulum coloratum, quam regulam De Annali?*  
 27. *Post pacificam triennem poſſeſſionem Poſſeſſor moleſtandus non eſt.*  
 28. *Fallit ſi agere impeditus fuerit: & quomodo de hoc impedimento proteſtandum?*  
 29. *An inter legitima impedimenta referenda minor ætas?*  
 30. *An Reſignatarius Poſſeſſoris triennalis pacifici poſſit moleſtari?*  
 31. *Si poſt triennium moleſtetur pacificus Poſſeſſor, quomodo agendum?*  
 32. *Hoc intelligendum de moleſtatione privatorum.*  
 33. *Quandonam ob abuſum qui intervenit in Proviſione impediatur effectus hujus Regulæ?*  
 34. *Nec Regula nec Decretum Baſileenſe vult, Beneficia ſine titulo, etiam poſt triennem poſſeſſionem, retineri.*  
 35. *Triennalis poſſeſſio non impedit, aliquem poſſe Beneficio ſic poſſeſſo privari.*

**I.** REGULAM hanc habuiſſe originem à Decreto quodam Concilii Baſileenſis notant omnes paſſim Commentatores, monetque Gomeſius in præſatione ad hanc regulam, ex hoc Concilii Baſileenſis Decreto, eam ſere ad verbum tranſcriptam, paucis omiſſis, additis vel immutatis.

Inſuper obſervat Gomeſius ibidem, eam à poſterioribus Pontificibus vix fuiſſe mutatam; niſi quod Adrianus VI. pauca quædam, ad extinguentes motas quæſtiones, addiderit, quæ ibi designat Gomeſius.

II. Quamvis autem ex dicto Decreto Regula ſi deſumpta, nulla tamen illius in regula mentio occurrit: „quia Summi Pontifices auctoritate illius uti noluerunt, ne ſic tacite (Concilium Baſileenſe) approbare viderentur,“ ait Gomeſius.

Econtra in Gallia, hæc regula non eſt recepta tanquam Regula Cancellariæ Romanæ, ſed tanquam Decretum Concilii Baſileenſis, inferum Sanctioni Pragmaticæ, & confirmatum per Concordata inter Leonem X. & Franciſcum I. uti monet Guilielmus Noyerius in notis ad praxim Curie Romanæ Perardi Caſtelli, pag. 38. edit. 1693.

III. Interim cum Decretum Baſileenſe originem huic regulæ dederit, non dubium quin ad elucidationem regulæ non parum Decretum illud conferre queat, atque ſupplere ea quæ forſan in regula deſiderari, vel dubia eſſe poſſent.

IV. Regula hodie 36. exprimitur his verbis: „Item ſtatuit, & ordinavit idem D. N. quod ſi quis quæcumque Beneficia Eccleſiaſtica, qualiacumque ſint, abſque ſimoniaco ingreſſu ex quovis titulo Apoſtolica vel ordinaria collatione aut electione, & electionis huiusmodi confirmatione, ſeu præſentatione & institutione illorum, ad quos Beneficiorum huiusmodi collatio, Proviſio, electio & præſentatio, ſeu quævis alia diſpoſitio pertinet, per triennium pacifice poſſederit (dummodo in Beneficiis huiusmodi, ſi diſpoſitioni Apoſtolice ex reſervatione generali in corpore juris clauſa, reſervata fuerint, ſe non intruſerint) ſuper eiſdem Beneficiis taliter poſſeſſis moleſtari nequeat; nec non impetrationes quaſlibet de Beneficiis ipſis ſic poſſeſſis factas, irritas & inanes cenſeri debere decrevit, antiquas lites ſuper illis motas penitus extingendo.

V. Decretum Concilii Baſileenſis, prout inferum eſt Pragmaticæ Sanctioni, diciturque Decretum De Pacificis Poſſeſſoribus, & è quo regula deſumpta eſt, hoc tenore expreſſum eſt: „Quicumque non violentus, ſed habens coloratum titulum, pacifice & ſine lite Prælaturam, Dignitatem, Beneficium, vel Officium triennio proximo hætenus poſſedit, vel in futuro poſſidebit, non poſſit poſtea in petitorio vel poſſeſſorio à quocumque etiam ratione juris noviter im-

petrati, moleſtari, excepto hoſtilitatis caſu, vel alterius legitimi impedimenti, de quo proteſtari, & juxta Concilium Viennenſe illud intimare teneatur. Lis autem hoc caſu quoad futuras controverſias intelligatur, ſi ad executionem citationis, jurisque ſui in judicio exhibitionem, ac terminorum omnium obſervationem, proceſſum fuerit. Ordinarii autem diligenter inquirent, ne quis ſine titulo Beneficium poſſideat. Quod ſi talem quandocumque repererint, declarent jus illi non competere, vel huic (ſi ſibi videatur) niſi ſit intruſus, ſeu violentus, aut alias indignus, vel alteri idoneo provideant.

VI. Sive verba regulæ, ſive Decreti attendantur, manifeſtum eſt, intentionem auctorum, ſive conditorum fuiſſe, ut pacifici triennales Beneficiorum poſſeſſores haud facile vexentur aut moleſtentur; ſed pro veris & Canonicis Beneficiorum Poſſeſſoribus reputentur, niſi ſe in Beneficia vel intruſerint, vel per ſimoniam intraverint: ipſeque titulus ſaltem coloratus cum pacifica triennali poſſeſſione concurrens, pro vero titulo habeatur.

VII. Inprimis ergo requiritur, tam ex regula, quam ex Decreto, ut quis poſſederit Beneficium triennio proximo, ut habet Decretum; vel ut exprimitur in Regula, per triennium poſſederit; id eſt, completum & conſummatum, ut loquitur Gloſſa Pragmatica pag. 422. editionis Pariſienſis anno 1666. ubi & notat ex Joanne Andraza, aliisque „quod, ubicumque lex tempus certum requirit, intelligatur completum & de momento ad momentum, niſi aliud lex declaret, vel ſim in favorabilibus.

VIII. Nec tantum completum, ſed & continuum triennium poſſeſſionis exigitur; nam præpoſitio per denotat omnimodam continuationem. Et continuum triennium requiri aſſerit Rebuffus in Tractatu De Pacificis Poſſeſſoribus num. 320.

IX. Hinc refert num. 321. quod tempus prædeceſſoris non poſſit hic juvare ſucceſſorem; eo quod tempora poſſeſſionis conjungi nequeant; nec unum continuum efficere: quia ſicut in bonis Eccleſiæ non ſucceditur jure hereditario; ita nec in titulo Beneficii, qui debet haberi à Superiore, ſuccederetur, ait Rebuffus. Aliud eſt in profanis, in quibus jus ſeu titulus poſteſt in ſucceſſorem transferri; & ita tempora poſſeſſionis conjungi & continuari; & ita deciſum fuiſſe in Rota Romana teſtatur Gomeſius ad hanc Regulam quæſt. 20. Quin & credit Rebuffus n. 324. quod tempora non conjungerentur, licet ſucceſſor eſſet ſurvogatus in jus & poſſeſſionem alterius.

X. Imo ſi quis poſt biennem poſſeſſionem reſignaveſet Beneficium, poſtmodum autem cognita invaliditate reſignationis reverſus ad Beneficium, poſſederet per annum, inſpecta ſtricta juris ratione, ob interruptam poſſeſſionem hac regula juvari non poterit, ait ibidem Rebuffus; licet contraria opinio æqua ei videatur. Et quia, uti notat num. 328. non eſt prohibita acceſſio temporis in uno & eodem, etiam in Beneficialibus, licet in diverſis ſecus.

XI. Ad probandum tamen triennem poſſeſſionem fuiſſe continuum „ſufficit probare extrema, id eſt, principium primi anni & finem tertii; quia poſſeſſio præſumitur continuata;“ ait Probus in additione 18. ad Gloſſam Pragmaticam pag. 419. niſi probet actor poſſeſſionem fuiſſe interruptam.

XII. Non ſufficit per triennium completum & continuum poſſederit ſed inſuper requiritur ut pacifice poſſederit; id eſt, ſine lite & controverſia, ſive in poſſeſſorio, ſive in petitorio; quemadmodum capite præcedenti expeditum fuit.

XIII. „Lis autem hoc caſu quoad futuras controverſias intelligatur (ait Decretum Baſileenſe) ſi ad executionem citationis, jurisque ſui in judicio exhibitionem

bitio-



„bitionem, ac terminorum omnium observationem  
„processum fuerit.

„Ad hæc verba notat Glossa Pragmatica pag. 434. Ut  
„dicatur Beneficium litigiosum tria requiruntur. „ Pri-  
„mo, quod emanaverit citatio executata. Secundo,  
„quod titulus agentis fuerit in iudicio competenti parti  
„adversæ exhibitus. Tertio, quod omnes dilationes  
„ordinariæ juris vel styli, quæ dantur ad litem conte-  
„standam, sint elapsæ ante triennium.

„Notat tamen ibidem Probus num. 3. „ Si non sint  
„lapsæ (dilationes) quia per partem adversam sterit,  
„ut quia suo dolo, aut malitia, vel cavillationibus,  
„aut subterfugiis, fecit quod non sunt lapsæ, quod  
„regulis vulgaris est firmatum: alias esset in potestate  
„adversarii, quod præscriptio triennalis non inter-  
„rumperetur.

„Vide etiam Zypæum Resp. 3. De Præb. n. 4. ubi scri-  
„bit, per illa allegata verba aliud non velle Concilium,  
„quam contestationem, aut aliam diligentiam, quæ fieri  
„potuerit, ex circumstantiis & iudicis arbitrio.

XIV. Quærit Gomelius quæst. 22. utrum interruptio  
„pacificæ & triennalis possessionis, facta ad citationem  
„unius prolii alius; resolviturque affirmative, & ita tenere  
„Romam Romanam asserit.

„Sed quid, si quis ante completum triennium litiga-  
„verit contra unum, an post triennalem possessionem  
„possit etiam molestari ab alio, qui intra triennium  
„non molestavit, adeoque respectu unius fuit in pa-  
„cifica possessione? Inspecto tenore regulæ apparet,  
„quod nequidem adversus hunc tertium poterit huius-  
„modi triennalis possessor se tueri: quia regula requirit,  
„ut per triennium pacifice possederit: dicitque Gome-  
„lius quæst. 22. quod invaluerit ista opinio in Roma,  
„quod Beneficium semel litigiosum cum uno, efficiatur  
„litigiosum, seu verius, non pacificum quoad omnes  
„alios. Rationem allegat Gomelius: „ Quia sicuti in  
„præscriptione civili requiritur bona fides tanquam  
„unum substantiale; ita in hac triennali requiritur Re-  
„gula pacificam possessionem pro forma substantiali.  
„Quo stante, ubi aliquis citat pacificum possessorem,  
„clarum est, quod per illam citationem desinit esse  
„pacificus: & per illam citationem extinguitur unum  
„ex substantialibus requisitis in ista regula, videlicet  
„pacificam possessio.

XV. At Rebuffus magis attendens praxim Galliarum, &  
„Decretum Pragmaticæ Sanctionis sive Concilii Basile-  
„ensis, dicit: „ Quod licet quis litigaret adversus unum  
„per triennium & adversus alios non, post trienni-  
„um non poterit ab aliis molestari: quia fuit pacificus  
„quoad alios. Et quia textus Decreti dicit quem non  
„posse venire post triennium, nisi alleget impedimen-  
„tum, & protestetur intra triennium: ergo vult (ait  
„Rebuffus) ut pacifice possideat adversus illum qui  
„non est protestatus; qui non fuit impeditus agere,  
„si non moveat litem, non poterit postea agere, &  
„ista est Praxis indubia Regni, juri & rationi confor-  
„mis. Ita Rebuffus num. 200. & rursus num. 363. ita  
„sæpius iudicatum testatur.

XVI. Quapropter ex Rebuffo turbatio iudiciaria  
„seu civilis non interruptit possessionem pacificam  
„nisi tantum respectu turbantis; quod etiam probat  
„Molinæus ad Regulam de publicandis resignationi-  
„bus num. 395. dum nimirum possessor, duntaxat civi-  
„liter turbatus fuit: sed si naturaliter de sua possessione  
„fuerit deturbatus, sustinet, hanc turbationem nocere  
„quoad omnes. Quod & Georgius Louetius in notis ad  
„citatum locum Molinæi observavit: „ Quia (ait)  
„naturalis interruptio quæ de facto possidentem de  
„possessione deicit, omnibus prodest, impedit pos-  
„sidentis præscriptionis continuationem: civilis au-  
„tem, quæ possessionis continuationem de facto non  
„impedit, prodest tantum interruptenti ad juris con-  
„servationem.

XVII. Ubi agitur de turbatione civili seu iudiciaria,

Zypæus censet Regulam Cancellariæ posse accommodari  
„Decreto Basileensi; cum enim Regula ex Decreto fue-  
„rit desumpta, atque tam Decretum, quam Regula ad li-  
„tes super Beneficiis, per quas cultus divinus, & Eccle-  
„siarum cura negligitur, aliaque innumera incommoda  
„oriri solent, minuendas & amputandas sint compositæ,  
„non apparet, cur non eundem sensum ipsi Regulæ dare  
„liceat; eumque pacifice possidere, non censeamus respec-  
„tu illius, qui per triennium tacuit: cum Regula contra-  
„rium expresse non dicat. Vide Zypæum Resp. 3. De Præ-  
„bendis, num. 7.

XVIII. Insuper refert Rebuffus, non semel per Ar-  
„restum Parlamenti iudicatum, „ quod si adjudicata re-  
„credentia adversarius taceat per triennium, & per-  
„mittat possidere partem adversam non poterit Posses-  
„sor post triennium, etiam à parte adversa molestari  
„super possessore.

XIX. Præter triennalem pacificam possessionem re-  
„quirit Decretum Concilii Basileensis, ut possessor sit  
„non violentus, sed habens coloratum titulum; vel ut ex-  
„primit Regula, Beneficium „ sine Simoniaci ingressu,  
„ex quovis titulo Apostolico vel ordinaria collatione,  
„& electionis huiusmodi confirmatione, seu præsen-  
„tatione & institutione illorum ad quos Beneficiorum  
„huiusmodi collatio, & provisio, electio & præsentatio  
„seu quævis alia dispositio pertinet, per triennium  
„pacificè possederit.

„Notat Gomelius quæst. 26. quod, licet Regula non  
„exprimat an verum, an coloratum duntaxat titulum re-  
„quirat, „ satis tamen appareat requirere solum colora-  
„tum, ex Decreto Concilii Basileensis à quo secundum  
„communem opinionem habuit originem ista Regula;  
„in quo Concilio expresse dicitur, quod sufficit quod  
„Possessor triennalis habeat titulum coloratum. Imo  
„Regula ista indistincte loquens, debet capere inter-  
„pretationem à matrice & à fonte.

XX. Sicuti ipsa Regula interpretationem aliquam  
„accipere potest à Decreto tanquam à matrice & fonte;  
„ita in nonnullis Decretum à Regula explanationem ac-  
„cipit: ac signanter, ut intelligatur, quis coloratum  
„titulum habere dicendus sit: quod clarioribus terminis  
„Regula expressit; quemadmodum notavit Rebuffus,  
„qui inquirens quis dicendus titulus coloratus, ait n. 43.  
„Et brevi dicendum est coloratum dici titulum, dum  
„tamen quis ex Apostolica vel ordinaria collatione, aut  
„electione, aut electionis huiusmodi confirmatione,  
„seu præsentatione & institutione illorum ad quos Be-  
„nificiorum huiusmodi collatio & provisio, electio &  
„præsentatio, seu quævis alia dispositio pertinet, obti-  
„neat, ut declaratur in regula 33. Cancell. licet ob ali-  
„quod vitium titulus non dicatur iustus.

XXI. Ulterius pro intellectu Regulæ quoad titulum  
„coloratum monet Gomelius quæst. 27. advertendum di-  
„ligenter, dupliciter posse considerari titulum coloratum.  
„Primo modo, quoad effectum istius Regulæ. Secun-  
„do modo, quoad effectus juris communis. Quoad  
„effectum istius Regulæ, pone istam conclusionem pro  
„firma: quod omnis ille dicitur habere titulum colora-  
„tum, qui non excluditur in Regula.

XXII. Idem tradit Chokier ad hanc Regulam num.  
„85. ex quo dein infert: „ Ideoque illi soli discolora-  
„tum titulum ad effectum huius Regulæ habere dicun-  
„tur, qui habent titulum per Simoniam, vel de Bene-  
„ficio reservato reservatione in Corpore juris clausa:  
„quia isti duo casus excepti in Regula firmant regu-  
„lam in contrarium in casibus non exceptis. Et con-  
„formiter iudicatum refert Antonius Faber in Codice  
„lib. 1. tit. 2. Desinit. 5. Et plura de titulo colorato  
„vide apud Glossographum Sanctionis Pragmaticæ pag.  
„415. ubi & pag. 417. ostendit, quod qui dicit, ali-  
„quem possedisse sine titulo colorato, debeat illud pro-  
„bare; „ cum nemo teneatur probare titulum suæ pos-  
„sessionis: & ideo pars agens non audietur, nisi con-  
„tra Possessorem aliquid probet, per quod prius ap-  
„pareat,

„pareat, ipsum non habere titulum coloratum. Sed  
„ad instantiam Judicis bene teneretur Possessor colo-  
„rem tituli probare : quia in his exuberat officium Ju-  
„dicis.

XXIII. Cum in Regula de triennali possessione exci-  
piatur reservatio clausa in *corpore juris*, quæ collatio-  
nem obtentam ab Ordinario impedit, quominus obti-  
neat vim tituli colorati, recte concludit Melchior Pa-  
stor Tractatu *De Beneficiis lib. 3. tit. finali num. 2.*  
„Quod licet Beneficium concessum, sit reservatum  
„generaliter aut specialiter in gratiam alterius Collato-  
„ris, vel Mandatarii, aut Indultarii, collatio facta ab  
„Ordinario in gratiam alterius sit *colorata* : Nam in Be-  
„neficiis reservatis, Ordinarius retinet *habitu* jus con-  
„ferendi, initio inspecto, & reservationi censetur de-  
„rogatum, beneficio hujus Regulæ.

Hinc ulterius infert *num. 12.* „Hoc jure Provisus ab  
„Ordinario de Beneficio familiaris aut domestici ali-  
„cujus Cardinalis, eidem reservato, Indulto gene-  
„rali contra adversarium ab eodem Cardinali postea  
„provisum, uti potest hac Regula, si per triennium  
„pacifice possederit.

„Idem de cæteris reservationibus, indultis, & pri-  
„vilegiis generaliter aut specialiter concessis Prælati-  
„bus aut Capitulis, dici potest, non obstantibus clausulis  
„derogatoriis irritantibus in Privilegio vel Indulto con-  
„tentiis : nam per illas clausulas exceptio hujus Regulæ  
„non excluditur.

Subditque & *num. 13.* quod „idem jus in Gallia  
„principes sibi præscripserint : nam cum olim jus Re-  
„galie ab hac Regula esset liberum, ut ab aliis Re-  
„gulis Cancellariæ, & Constitutionibus Pontificiis  
„formam Provisionum beneficalium præscribentibus,  
„& reservatio Beneficii vacantis in Regalia duraret  
„triginta annos, ut constitutione Ludovici XII. sta-  
„tutum fuerat, uti notat Rebuffus ad eandem Regu-  
„lam, & Papon in sua Collectione Placitorum *lib. 3.*  
„*num. 1.* tandem placuit Henrico IV. felicitis & immor-  
„talis memorie, Edicto anni 1606. *art. 27.* hanc Regu-  
„lam in Regalia admittere, & Provisum ab Ordinario  
„post triennium pacificæ possessionis contra Regalistam  
„fieri securum.

XXIV. Quæ supra Glossographus Sanctionis Prag-  
maticæ dixit de titulo colorato, ac signanter, quod  
is qui possidet, non debeat probare colorem tituli ; sed  
qui defectum coloris opponit, debeat eum probare,  
intelligenda sunt, modo Provisus habeat titulum per  
provisionem Sedis Apostolicæ, aut Ordinarii, aut al-  
terius, cui de jure jus conferendi competit, uti habe-  
tur in Regula.

Dum enim ex simili titulo aliquis est in possessione,  
non teneret ipse probare colorem tituli ; sed adversarius  
debet probare titulum non esse coloratum.

Si vero nullam provisionem vel titulum acceperit ab  
eo, cui de jure dandi provisionem vel titulum auctoritas  
competit, non potest dici habere titulum *coloratum*, nec  
consequenter vigore possessionis *triennalis* juvari.

XXV. Præterea Sanctionis Pragmaticæ Glossogra-  
phus non ostendit non sufficere quod titulus coloratus  
superveniat post unius alteriusve anni possessionem ;  
sed requiri ab initio titulum *coloratum* ; sive quod in-  
tegro triennio pacifice possederit Beneficium cum titu-  
„lo *colorato*. Unde (ait) præscriptio triennalis inci-  
„piet currere ab eo tempore, quo habuit titulum co-  
„loratum.

XXVI. Quare hæc Regula *De Triennali* potius re-  
quirat titulum saltem *coloratum*, quam Regula *De An-  
nali* (de qua capite præcedenti actum fuit) rationem al-  
legat Antonius Faber in Codice *lib. 1. tit. 2. Definit. 15.*  
„Quoniam illa (*triennalis*) tribuit jus in Beneficio,  
„hæc (*De Annali*) non item ; sed excludit duntaxat  
„impetrantem ob non expressas qualitates, neque tam  
„in favorem Possessoris inducta est, quam in odium  
„male impetantis.

XXVII. Effectus ergo pacificæ possessionis trienna-  
lis cum titulo colorato est, quod super eodem Beneficio  
taliter possesso molestari nequeat, uti loquitur Regula.  
Decretum vero, ait : „Non possit postea in *petitorio*  
„vel *possessorio* à quoquam, etiam ratione juris novi-  
„ter impetrati, molestari.

Ultima hæc verba, *ratione juris noviter impetrati*, vi-  
dentur incidere cum his verbis Regulæ : *Nec non im-  
petrationes quaslibet de Beneficiis ipsis sic possessis factas,*  
*irritas & inanes censi debere decrevit.*

XXVIII. Subdit tamen Concilium Basileense : „Ex-  
„cepto hostilitatis casu vel alterius legitimi impedimen-  
„ti, de quo protestari juxta Concilium Viennense intra  
„triennium tenetur.

Decretum Concilii Viennensis, ad quod hic fit re-  
missio, habetur in *Clem. CAUSAM De Electione*,  
ubi decernitur, „quod si propter Appellati aut suorum  
„merum vel potentiam intimatio appellationis fieri  
„nequeat in domo quam ipse Appellatus habitare com-  
„muniter consuevit, vel si domus ista in remotis ex-  
„istat, in Ecclesia Cathedrali, in cujus civitate vel  
„Diocesi consistat Beneficium, prout & in loco  
„Beneficii ipsa protestatio fiat quoad propositum no-  
„strum, & alias quoad notitiam possidentium per-  
„veniat, aut verisimiliter valeat : „Ita Probus ad  
*Gloss. Prag. pag. 432.*

Poterit ergo ille, qui legitimo impedimento fuit im-  
peditus, actionem suam instituere, & etiam post *lap-  
sum triennii* agere ; modo de impedimento ante com-  
pletum triennium *protestatus* fuerit juxta formam hic  
expressam : nisi tale subfuisset impedimentum, ut nec  
ipsa protestatio fieri potuisset, puta si omni tempore  
in carceratus fuisset. Rebuffus *De Pacificis Possess. num.*  
*402.*

XXIX. Inter legitima impedimenta refert Glossa  
Pragmatica *minorem* ætatem ; creditque Minori,  
cujus Beneficium aliquis titulo colorato per triennium  
pacifice possedit, esse saltem Judicis arbitrio, dandam  
restitutionem ; ad quam opinionem Glossæ reflectens  
Philippus Probus, ait *pag. 430. nota 4.* „Unum tamen  
„tibi dico, quod nunquam vidi, nec auribus perce-  
„pi, quod hoc in casu prout nec in aliis spirituali-  
„bus, Minor fuerit restitutus, nec quoad Decre-  
„tum, quod versatur circa *petitorium*, nec quoad reti-  
„nendæ possessionis interdictum, quod concernit *pos-  
sessorium*, coram Judicibus in Gallia agitari private  
„consuetum.

Fallit ubi dolus subest vel circumventio, ut pluribus  
Arrestis est judicatum. Ita in nota marginali ibidem mo-  
net Franciscus Pinsonius.

XXX. Ipsa autem triennalis pacifica possessio cura  
titulo colorato ita firmat jus possessoris, ut si Bene-  
ficium sic possessum alteri resignaverit ; atque vigore hu-  
jus resignationis in jus ipsius pacifici triennalis possessoris  
sit surrogatus resignatarius, non possit jus ipsius  
*triennalis* possessoris de novo discutiri ; sive surrogatus  
molestari nequit ob defectum juris sui prædecessoris  
pacifici triennalis ; sed bene discutiri potest novus titulus  
surrogati, aut inhabilitatis ipsius personæ : uti recte no-  
tavit Rebuffus *num. 188.*

XXXI. Si quis molesteretur *post triennium*, practica  
est in Francia, ait Rebuffus *num. 73.* „ut is impetret  
„Litteras Regias *De pacificis possessoribus* vocatas, per  
„quas præcipitur parti, ut non habeat illum pacifi-  
„cum Possessorem amplius molestare, si de narratis  
„apparuerit, ut in *cap. 2. De rescript.* & debet impe-  
„trans probare & ostendere suum titulum, sub quo  
„ipse possedit, nec potest cogere adversarium suum  
„ad ostendendum titulum antequam ipse suum exhi-  
„buerit : & ita censuit Senatus in juridicis conventionibus  
„Molinis celebratis anno 1534.

XXXII. Hoc tamen intelligendum de molestatione  
privatorum molestantium possessores triennales : nam  
Ordinarii ex officio etiam possunt inquirere de titulis  
posse-

possessorum triennalium: de qua inquisitione Ordinarii hæc habet Decretum Basileense: " Ordinarii autem inquirant diligenter, ne quis sine iusto titulo Beneficium possideat. Quod si talem *quandocunque* repererint, declarent ius illis non competere, & huic si sibi videatur (nisi sit intrusus vel violentus, aut aliis indignus) vel alteri idoneo provideant.

XXXIII. Quemadmodum Regula de Triennali possessore non tueretur possessorem injustum adversus Ordinarium, quo minus de titulo inquirat; ita nec contra Officiarium Regium agentem pro interesse publico. Unde notat Molinæus ad Regulam de infirmis Resignantibus, num. 206. Decretum de pacificis possessoribus, nec hanc Regulam unquam habere locum, ubicumque potest appellari *tanquam ab abusu*: quoniam abusus non solum reddit titulum discoloratum, sed etiam funditus nullum: quia hæc appellatio non interponitur, nisi quando publicum interesse vertitur: quare & in hac specie appellationis, pars principalis & formali est Procurator Regius, uti infra parte 3. tit. 10. notabitur.

Idipsum observat Melchior Pastor in Tractatu de Beneficiis lib. 3. tit. finali n. 24. rectè unà distinguens: inter casus, in quibus per abusum principaliter utilitas publica Ecclesiæ ostenditur, in quibus si damnum Ecclesiæ reparabile non sit, abusus semper durat, nulla præscriptione obstante; & casus, in quibus primario ostenditur utilitas privatorum, & secundario utilitas publica, in quibus abusus præscribitur, eodem tempore, quo privatorum querela præscribitur: uti, si collatum sit Beneficium, spreto Patrono, post semestre, si ius Patronatus sit Ecclesiasticum, aut post quadrimestre si Laicale sit, Patronus non auditur, nec alius quicquam, quoniam eo tempore querela Patroni præscribitur.

XXXIV. Hæc tamen ostendunt, quòd, licet Decretum Basileense, uti & Regula Cancellariæ tueantur triennales possessores contra impetrantes Beneficia viventium, & alios super Beneficiis ipsos molestantes, nequaquam velint, ut Beneficia sine titulo possideantur: sed ut Ordinarii de titulis possidentium Beneficia inquirere queant *quandocunque*; id est, " non solum post lapsum triennii, sed etiam non obstante quo, cumque cursu temporis, aut tolerantia Superioris, quæ non tribuit ius injustè possidenti absque nova collatione " ait Glossa Pragmatica pag. 447. Additque: " Quòd, quamvis præsumatur pro illo, qui diu Ecclesiam possedit, ita quòd non teneatur ostendere titulum suum, si tamen constaret de intrusione, vel de alio vitioso ingressu, omnino poterit removere.

XXXV. Porro ius triennalis Possessoris titulo colorato innixum & præsumptioni juris, non potest esse fortius, majorisve auctoritatis, quàm ius in vero & legitimo titulo fundatum: ideòque sicuti hoc ius non impedit, quin ex nova causa superveniente possit suo vero titulo privari, & suo jure excidere; ita nec triennalis pacifica possessio cum titulo colorato efficere potest, quin ex nova causa superveniente, & titulo colorato, & jure ad Beneficium excidere possit: ac per consequens ex causa superveniente Beneficium pacificè per triennium cum titulo colorato possessum, fiat impetrabile: quemadmodum bene observavit Rebuffus num. 189. & exemplificat in eo, qui haberet Ecclesiam Parochialem, & intra annum post dispensationem ad biennium; fructus, non est promotus ad sacros Ordines Cap. LICET CANON De Elect. in VI. Idem esset (ait) " si esset adeptus post triennium secundum Beneficium, incompatible cum primo.

## TITULUS X.

### DE RESIGNATIONE ET PERMUTATIONE BENEFICIORUM.

#### CAPUT I.

De Resignatione purâ & simplici, & Resignatione in favorem & ex causa permutationis, harumque origine.

1. Olim resignatio & renuntiatio habebantur pro synonymis; hodie distinguuntur.
2. Omnis resignatio includit quamdam renuntiationem.
3. Pluribus seculis omnis resignatio fuit simplex & pura, nec alia in Decretalibus nota.
4. Ante duodecimum seculum incognita erat Beneficiorum resignatio.
5. Resignatio conditionalis opposita puræ, duplex est.
6. Resignatio in favorem, quæ ratione dicatur conditionalis?
7. Clausula huic resignationi apposta impedit liberam Beneficii collationem.
8. Resignatio in favorem juxta hodiernum stylum Curia Rom. dicitur resignatio simplex.
9. Hæc resignatio simplex eadem est cum resignatione in favorem; & quare dicatur resignatio cum provisione?
10. Quæ dicatur in Curia Rom. resignatio sine provisione.
11. Stylus Curia mutatus circa expressionem verborum, non autem circa substantiam, resignationis in favorem.

12. Resignatio in favorem non occurrit in Libris Corporis Canonici.
13. Sub initium seculi XVI. quæstio mota fuit, an licita essent resignationes in favorem: & quæ producantur argumenta pro earum licito usu?
14. Senatus Parisiensis eas illicitas judicavit: & quò fundamento.
15. Quomodo, & quando hæc clausula, in favorem; item non aliàs, nec aliter, in procuratoria resignationum irrepserint?
16. Resignationes hæc olim etiam coram Ordinariis fiebant.
17. Nihil de purgatione Simonia pro justificanda hac resignatione allegatum.
18. Sensim usus harum resignationum, etiam in Parlamento Gallicanis receptus.
19. Hæc resignationes frequenter de Simonia suspectæ; aliisque incommodis subjectæ.
20. Resignatio in favorem multis abusibus obnoxia.
21. An non satius fuisset earum usum nunquam admisisse?
22. Resignatio ex causa permutationis etiam conditionalis est.
23. Permutationes Beneficiorum jam pridem vetitæ.
24. Non propterea prohibita Beneficiorum translatio auctoritate Episcopi.
25. Ob datam transseverendi auctoritatem, capit Beneficiorum resignatio ad effectum translationis.



26. *Declaratum vi hujus resignationis Beneficia sic resignata, aliis quam compermutantibus conferri non posse.*
27. *Ex hac declaratione quomodo permutationes bodienae Beneficiorum invaluerint?*
28. *Qua ratione transitiones Beneficiorum de una ad aliam Ecclesiam potius dicantur permutationes, quam translationes.*
29. *Permutationes, ut hodie fieri solent, olim incognitae fuerunt.*
30. *Quomodo Ecclesia hodierna Beneficiorum permutationes admittat?*
31. *Quam hodierna permutationes sint periculose.*

I. **R**ENUNTIATIO & resignatio Beneficiorum primis pro synonymis sumptae sunt, ut constat ex Cap. 8. & De Renuntiat. ubi resignatio accipitur pro renuntiatione; & apertius in Cap. 1. De Renuntiatione in VI. At stylus Curiae Romanae, & hodiernus modus loquendi, resignationem à renuntiatione distinguit: ut nimirum per resignationem ferè intelligatur resignatio *in favorem*; per renuntiationem verò illa habeatur, quam dicimus, *dimissionem puram* & sine ulla conditione fieri solitam.

II. Omnis tamen resignatio quamdam renuntiationem sive dimissionem Beneficii includit. Neque enim resignari potest Beneficium, nisi una renuntietur Beneficio; ipseque Beneficiarius se exuat suo Beneficio.

Unde renuntiatio, prout complectitur & renuntiationem *strictè* dictam, & resignationem, dici potest, cessio seu dimissio Beneficii Ecclesiastici, quae spontè & libere fit cum auctoritate Superioris.

III. Olim omnis renuntiatio erat resignatio simplex & pura absque ulla conditione: unde de hac sola specie renuntiationis seu resignationis, agitur sub titulo Decretalium De Renuntiatione, uti rectè advertit Franciscus De Roye Antecessor Andegavensis lib. 2. Institut. Juris Canonici cap. 18. una advertens, quod & harum renuntiationum sive resignationum usus frequentior esse coeperit sub Alexandro III. neque ullus antiquior Pontifex Alexandro de his agat in libris Decretalium.

IV. Non mirum ante tempora Alexandri III. vix quidquam occurrere de renuntiatione & resignatione Beneficiorum, quia ante tempora hujus Pontificis, tituli Beneficiorum vix adhuc erant ab ipsa Ordinatione sejuncti.

Durante autem Disciplina, quae Clerici in sua ordinatione adscribebantur certae Ecclesiae, ipsa ordinatione erat quodammodo vice *Provisionis* Beneficii, quia per adscriptionem huic Ecclesiae alligatus, sive ordinatus consequebatur jus participandi de temporalibus hujus Ecclesiae tanquam ejus Minister: Clericus autem, qui dimittebat Ecclesiam, cui in ipsa ordinatione fuerat adscriptus, censebatur renuntiare juri ad temporalia istius Ecclesiae, quae ipsi tanquam Ministro istius Ecclesiae comperebant. Itaque dimittere Ecclesiam, tunc idem in effectu erat, quod hodie renuntiare Beneficio.

Sed quia renuntianti, sive deferenti Ecclesiam, liberum non erat alium Clericum eidem Ecclesiae in suum locum surrogare, idcirco nulla apud veteres resignationis Ecclesiarum, aut Beneficiorum mentio occurrit; sed solius dimissionis, sive simplicis renuntiationis.

V. Resignatio conditionalis opposita renuntiationi seu resignationi *pura* & *simplici* ad manus Ordinarii, alia dicitur *in favorem*, alia *causa permutationis*: id est, quae fit postquam inter partes de permutandis Beneficiis convenit: & Beneficia resignantur, ut juxta permutationem conceptam alter alterius Beneficium consequatur.

VI. Prior quidem vocatur conditionalis duplici respectu. Primum, quia recipit conditionem, si Resigna-

tarius acceptet Beneficium resignatum. Quae conditio, quem effectum habeat, patebit ex dicendis cap. 3.

Secundò, dicitur conditionalis, quia ex parte resignantis solet in ipsa resignatione apponi clausula: *Et non aliis, nec aliter, aut alio modo*: quae clausula inducit conditionem, & est limitativa potestatis ac praeservativa; uti tradit post alios Flaminius Parisius lib. 5. De Resignat. de Benef. quest. 6. n. 16. 17. 18. & 19.

VII. Addit dein n. 21. "Et est tantae potentiae hujusmodi clausula, ut Papa ex potestate ordinaria non videatur posse alteri conferre Beneficium resignatum, quam nominato." Imò hodie usus invaluit, quod si Papa alteri conferret, aut alio modo, quam in ipsa resignationis instrumento esset expressum, ipsa *Provisio* censeretur nulla; ut latè deducit Fevretius De Abusu lib. 2. cap. 6. num. 12. modò tamen conditio adjecta non sit juri publico contraria.

VIII. Invaluerat jam pridem stylus Curiae Romanae, ut in frontispicio ipsius supplicationis pro resignatione ad favorem certae personae, ponerentur ad latus dextrum haec verba, *Resignatio in favorem*, quibus indicabatur, esse supplicationem pro hujusmodi resignatione; at tempore Gregorii XIII. mandatum est, ut non apponerentur illa verba *in favorem*, tanquam non necessaria & suspecta, neque in capite, neque in corpore, ait Flaminius Parisius lib. 8. quest. 7. n. 36. notatque quod loco illorum verborum posita sit vocula, *simplex*; ita ut hodie ordinariè notari soleat supplica resignationis *in favorem*, his verbis, *Resignatio simplex*, quae tamen idem valent, quod *resignatio in favorem*: "Namque ille resignans (ait Flaminius) renuntiat *simpliciter* in manibus Papae, qui (Papa) postea ad preces Resignatarii, ei dictum Beneficium resignatum confert: Nam Papa non habet respectum ad mentem Resignantis, sed ad supplicationem humiliter sibi factam à Resignatario."

IX. Hæc ille, qui & monet lib. 1. quest. 2. num. quod ex stylo Curiae, in eadem supplica, in qua quis renuntiat coram Papa, alter supplicet pro collatione, quemadmodum ex formulis resignationis ab eodem Flaminio lib. 8. quest. 7. relatis, videri potest; qui & num. 39. bene monet, "quod, licet Copistae compositores supplicationum apponant hujusmodi verbum *simplex*, non tamen erit simplex resignatio eo modo, quo fit coram Ordinario vel coram Papa *absque Provisione*, sed potius *in favorem*. Et hoc est (ait) de mente Rotae; ac dicitur *conditionalis* resignatio, attento quod unus renuntiat, alter supplicat pro collatione; quamvis in capite vel in corpore dicatur *in favorem*, nec aliis, nec alio modo, &c."

X. Resignatio *simplex* coram Papa *absque Provisione*, cujus ibi meminit Flaminius, dicitur quando aliquis renuntiat liberè & simpliciter Beneficio ad manus Papae; ita ut liberam sit Papae alicui pro libitu providere; quod contingit in promotis ad *incompatibilia*, qui in litteris habuerant decretum, ut debeant renuntiare liberè & simpliciter in manibus Papae infra duos menses. Et tunc in capite supplicae ponitur, *Resignatio simplex sine Provisione*. Dicitur autem *sine Provisione*, quia in eadem supplica renuntiationis, nullus pro collatione seu *Provisione* supplicat; quemadmodum in resignatione *in favorem* fieri notavimus: & constat ex formula supplicae quam lib. 8. quest. 7. refert Flaminius.

XI. Itaque quamvis quoad expressionem verborum, circa resignationes *in favorem*, nonnihil mutatus sit stylus Curiae Romanae, res tamen eadem perseverat; manetque reverà resignatio *conditionalis*, & in favorem certae ac determinatae personae; ipsaque clausula *nec aliis, nec aliter* semper subintelligitur.

XII. Itaque de hodierna resignatione *in favorem*, licet ex stylo Curiae dicatur *simplex*, verissimè dixit Flaminius

Flaminii Parisius *De Resignat. Beneficiorum lib. 1. quæst. 2. num. 3.* "Resignationes in favorem non erant in usu tempore Alexandri III. Innocentii III. & Clementis V. Et ideo non nisi de resignatione *simplici* fit mentio in Decretalibus, lib. 6. & Clementinis.

XIII. Imò seculo XIV. eas necdum notas fuisse apparet, testaturque Arnulphus Ruzæus supremæ Curie Parisiensis Consiliarius in suo tractatu *Juris Regaliorum, Privileg. 32. num. 2.* tempore Georgii de Ambasia in Regno Franciæ Legati à latere (sub initium seculi XIV. in Palatiis ortam fuisse & ventilatam hanc quæstionem; *utrum resignatio in favorem personæ valeret, vel conferretur Simoniacæ.* Nonnulli eas esse ficitas, atque à Simonia omninò exemptas asserbant: quia illicitum non apparet, desiderare aliquem, de cuius capacitate quis sufficienter est persuasus, habere in Beneficio successorem, eumque Papæ proponere; postque Papam propositioni consentire sine ullius *petitionis* interventu. Quia non potest dici esse peccatum, quando quis vult renuntiare Beneficio suo, & consentit, ut alteri conferatur: "quia Superior videtur solum resignationem acceptare, non autem verba apposita (*non aliis, nec aliter*) in procuratorio, quæ habentur *pro non adjecto*.... Quod in istis resignationibus, quæ fiunt in Curia Romana, vel coram Legato, vel *Ordinario*, solent Procuratores præstare juramentum, quod non intervenerit fraus, dolus, neque alia Simoniacæ labes.... Quod clausula apposita per Notarios non debet nocere partibus, præsertim quod *ex stylo ipsorum* apponitur, quæ nihil operatur.... Præsertim quod in quibusdam procuratoriis apponitur illa clausula, *sub beneplacito summi Pontificis*, vel ejus Legati, aut alterius ad id Canonicam potestatem habentis, quæ multum juvat.... Quod antequam conferatur Beneficium parti, supplicat benignè summo Pontifici, Legato, vel *Ordinario*, aut alteri ad id potestatem habenti, sibi conferri Beneficium in ejus manibus resignatum, & resignationem admittit Superior solum habito respectu ad supplicationem, & quod intentio supplicantis est talis: Non autem habetur ratio ad clausulas positas in procuratorio, quæ tanquam superflue rejiciuntur.

XIV. Hæc ibidem Ruzæus, qui & testatur, quod his rationibus non obstantibus, per Arrestum supremæ Curie declarata fuerint similes resignationes *illicitæ & Simoniacæ*, tanquam continentes mentalem ut minus passionem ex parte resignantis, & conventionalem juxta expressa verba Procuratorii ad resignandum. Et quia Procurator, qui debet diligenter servare fines mandati, non potest aliter facere, quia si resignat pure & simpliciter, illud est contra tenorem mandati. Si verò resignet in favorem talis & *non aliis, nec aliter, nec alio modo*, est contra naturam resignationis, & adstringit collatorem ad conferendum tali, cum dependeat à suâ merâ libertate collatio Beneficii. Et sic in omnem casum vitiatur talis actus; & quod dicitur simoniacè renuntiare, hoc expresso quod alteri conferatur.

XV. Interim ex hoc discursu Ruzæi apparet, quod circa annum 1500. inceperint hæ clausulæ *in favorem, non aliis, nec aliter, &c.* irrepere in Procuratoria resignationum, idque forsitan potius ex ignorantia & stylo Notariorum, quam intentione resignantium. Apparet quoque, quod Pontifices, neglectis his clausulis, resignationes illas passim admitterent tanquam *simplices*: quodque interdum etiam exprimeretur, quod Resignantes se subicerent *beneplacito Papæ*.

XVI. Apparet insuper, quod non tantum coram Papa, aut ejus Legato, sed & *Ordinario* ejusmodi resignationes fierent: ac per consequens nondum invaluisset reservatio harum resignationum Sedi Apostolicæ, quæ postmodum facta est; ut capite sequenti notabimus.

XVII. Hoc notatu dignum, inter omnes proba-

Tom. I.

tiones præ justificatione harum resignationum à Ruzæo adductas, nullam per ab auctoritate Pontificis *purgandi Simoniam*. Argumentum admodum probabile, nondum tunc opinionem de auctoritate Pontificis purgandi Simoniam in resignatione notam fuisse, aut saltem adhuc parum receptam, ut in argumentum pro justificatione resignationis adducenda non videretur, ut rectè advertit Ludovicus Thomassinus *De Disciplina Eccles. part. 4. lib. 2. cap. 17. n. 15.*

XVIII. Interim hoc scimus, usum earum resignationum, non obstante illo Parlamenti Arresto superius citato, sensim invaluisse, nec tantum in Curia Romana, sed & in Senatibus Regiis admissum fuisse; quin (ut supra notavimus) Senatus Regios judicasse, Papam non posse Beneficia in favorem certæ personæ resignatæ cum clausula, *non aliis, nec aliter*, alteri conferre, & per consequens Senatus Regios opinionem suam de usu harum resignationum mutasse, contrariamque præxim admisisse.

An hæc mutatio adscribenda sit opinioni de purgatione Simoniacæ hic interveniente, quæ Canonistis & Theologis multum familiaris esse cæpit, incertum est; quin contriverit, vix dubitari potest: quamvis hic nulla purgatio Simoniacæ necessaria videatur: neque in hanc purgationem refundi debere, quod hujusmodi resignationes hodie non ab Ordinariis, sed à summo Pontifice probari debeant; quemadmodum ostendetur capite sequenti.

XIX. Illud tamen inficiari nequit, in hisce resignationibus non raro Simoniam, ut minus mentalem, intervenire; easque ut plurimum esse suspectas, quod potius in favorem carnis & sanguinis fiant, quam in utilitatem Ecclesiæ. Certum quoque est, per has resignationes Beneficia, quasi jure hæreditario in nepotes & cognatos transmitti; aditumque & dignioribus ad Beneficia sæpe occludi, ipsosque Ordinarios jure collationis fraudari.

XX. Resignationes *in favorem* frequenter de simonia esse suspectas, multisque aliis vitiis subjectas, brevi verborum compendio expressit Michaël Rosellius in Historia Pontificiæ Jurisdictionis, lib. 1. cap. 4. num. 11. Postquam enim ostendit, num. 10. renuntiationes Beneficiorum tandem *sine causa* ob solum favorem admittas; nec amplius attendi ceptum ad sex illas causas, quas in cap. 10. § de Renunt. expressit Alexander III. subjungit num. 11. "Sic perierunt jura. nec de cætero attenduntur sex illæ causæ, propter quas solas exaudi debere renuntiantem, aiebat idem Alexander III. grande procul dubio vulnus Ecclesiæ, cui nulla unquam manus medebitur, nisi ipsa Pontificia *suprema reserans favorabiles illas, sed pestiferas resignationes*, quibus boni excluduntur, indigni admittuntur; fitque plurimum hæreditaria Beneficiorum successio, quam tantopere disciplina Ecclesiastica abhorruit. Quod si reseraret, non fortè ditiorem Episcopatum suum posteris relinquet (*quid enim prodest homini, si totum mundum lucretur, animæ autem detrimentum faciat*) at sanctiorem. Hæc ille. Utinam exaudiat!

XXI. Varia incommoda & quidem gravia, quæ resignationes *in favorem* comitari solent, merito dubitari faciunt, an non satius fuisset, juxta superius allegatum supremæ Curie Arrestum, nunquam hujusmodi resignationes admitti. An non & merito nomine Caroli IX. Regis Galliæ à Patribus Concilii Tridentini postulatū fuerit, ut *Resignationes in favorem ejiciantur omnino à Curia Romana*? quamvis is admittis & receptis, interdum in certis circumstantiis aliquis iis licet in utilitatem Ecclesiæ uti posse videatur, quemadmodum cap. sequenti latius dicitur.

XXII. Altera species resignationis *conditionalis* hodie non minus, quam præcedens communis, dicitur *Resignatio causâ permutationis*. In permutatione enim uterque permutantium suum Beneficium resignat eâ conditio-

K k k k k

conditio.

conditione, ut alter alterius Beneficium assequatur: atque ita, tacita saltem & hic utrimque resignatio, *in favorem* intervenit: atque hac ratione resignatio, quæ intervenit reverà est *conditionalis*.

XXIII. Etiam seculo XII. hæc resignationes seu permutationes ab aliquibus iniri cœpisse constat ex Concilio Turonensi sub Alexandro III. in *cap. 8. De Præbendis*, quod *permutationem Dignitatum* fieri prohibet.

Verùm cùm Concilium Turonense de sola permutatione *Dignitatum* loqueretur, quæsitum fuit, num permutatione *Præbendarum* licita censeretur: respondit Urbanus III. in *cap. 5. de Decretum permut.* "Generaliter teneas, quod commutationes Præbendarum de jure fieri non possunt, præsertim cum pactione præmissa, quæ circa spiritualia vel connexa spiritualibus labem continet semper Simonie."

Ex his aliisque Pontificum responsis, nec non Conciliorum Decretis circa idem tempus editis, manifestum est, permutationes Beneficiorum, præsertim pactione præcedente, fuisse reprobata, tanquam de Simonia, ut minus admodum suspectas.

XXIV. Nequaquam tamen translationes Beneficiorum auctoritate Superioris planè reprobatae fuerunt; quas & in Episcopis jam pridem Canones admiserunt; dummodo utilitas aut necessitas Ecclesiarum has translationes postulare.

Hinc Urbanus III. in citato responso, quo permutationes Præbendarum per Concilium Turonense vetitas respondit, adjungit: "Si autem Episcopus causam, inspexerit necessariam, licet poterit de uno loco ad alium transferre personas: ut quæ uni minus sunt utiles, alibi se valeant utilius exercere."

Evidens est per hanc clausulam, Pontificem non aliud velle, quàm Episcopos posse Beneficiarios, suâ auctoritate transferre de unâ Ecclesiâ ad aliam, si inspexerint causam necessariam hujus translationis. Permutationes ergo Beneficiorum hic probatas esse, ex prædictâ clausulâ erui nequaquam potest.

XXV. Attamen cùm ex responso Pontificis in Decretis relato haberetur, Episcopis licitum esse, Beneficiatos de uno loco ad alium transferre, cœperunt Beneficiarii sua Beneficia ad manus Episcoporum resignare, eâ conditione tacitâ vel expressâ, ut eorum auctoritate ad mutuas Ecclesias transferri possent; sive alter alterius Beneficium consequi.

XXVI. Et primò quidem credebatur hæc Beneficiorum resignatio esse libera; quasi Beneficia ita resignata verè vacarent; possentque Episcopi ea liberè conferre; quin & Expectantes, seu Mandatarii Apostolici illa tanquam vacantia acceptare.

Verùm cùm alia sciretur esse mens Resignantium; scireturque, Beneficia hæc non resignari, nisi sub eâ conditione, ut alter in alterius Beneficium surrogaretur, respondit Bonifacius VIII. Biterrensi Episcopo in *cap. unico De Rerum permut. in VI.* quod Expectantes seu Mandatarii Apostolici hujusmodi resignata Beneficia, tanquam vacantia acceptare nequeant: *Æquitatem* (ait) *præferentes hac in parte rigori.* Quasi diceret, licet de rigore talia Beneficia verè vacent: tamen æquum non est, aliis ea conferri: quia Resignantes, nisi credidissent vi hujus resignationis se ad mutua Beneficia transferendos, ea non resignassent.

Eadem æquitatis specie motus Pontifex in *Clementina unicæ Rerum permutatione*, declarat; "Ne concessione Juris utentibus præsertim circa spiritualia illudatur, si qua Beneficia ex causâ permutationis ab aliquibus resignata, aliis, quàm ipsis permutare volentibus conferantur, nullius hoc esse volumus firmitatis."

XXVII. Cùm ergo auctoritate Juris jam stabilitum esset, Beneficia ex causâ permutationis resignata, non posse aliis quàm ipsis permutantibus conferri, cœperunt Beneficiarii passim sine metu amittendi sua Bene-

ficia permutationes Beneficiorum concipere, & ex causa permutationis ad manus Episcoporum resignare; certi quòd si Episcopi permutationes non admitterent, transferendo Resignantes de uno ad aliud Beneficium, ipsi permanerent in suis Beneficiis, nihilque de suo amitterent.

Episcopi verò scientes ex similium permutationum rejectione nihil sibi commodi obvenire; neque se posse de Beneficiis sic resignatis alicui alteri providere, admodum faciles fuere, ut permutationes sive resignationes ex causa permutationis admitterent ad beneplacitum Resignantium.

XXVIII. Et quidem ipsi permutare volentes tractatum permutationis concipientes, permutationem conceptam, ab Episcopis probandam nudè proponere cœperunt: adeò ut initium ipsum & fundamentum ab ipsis permutantibus poneretur: ipsi verò Episcopi consensum suum darent; atque permutantes, vi resignationis ex causa permutationis jam priùs inter ipsos conceptæ, de uno loco ad alium transferrent: aut transferendi Auctoritatem impartirent. Quapropter hujusmodi mutationes Beneficiorum potius hodie vocantur *permutationes* Beneficiorum, quàm *translationes*: eò quòd permutatio per ipsos Beneficiarios priùs concepta, præcipuas in hac mutatione & translatione de una ad aliam Ecclesiam partes obtineat.

XXIX. De hisce permutationibus à compermutantibus concipi solitis, verè dixit Boerius Epo apud Duacenos olim SS. Canonum antecessor primarius in tractatu *De Saturnino permutationis Beneficialis jure num. 32.* "Permutationis beneficialis exempla nullis in antiquis, aut Canonibus aut historiis Ecclesiasticis reperiuntur: adeò ut nec apud Ildorum, nec apud Burchardum, nec apud Ivonem, nec apud ipsum quidem novissimum Decretorum collectorem Gratianum, ulla prorsus extet permutationis beneficialis mentio."

XXX. Illud quoque certum est, quòd, licet Ecclesia Resignationes Beneficiorum hujusmodi ignotas tolleret & admittat, nihilominus, non minus hodie, quàm olim, Ecclesia execretur turpes ac illicitas in Beneficiorum resignationibus pactiones; nec non omnes eas de una ad aliam Ecclesiam translationes, quas non utilitas aut necessitas Ecclesiarum; sed ambitio, aut turpis quæstus, vel carnis & sanguinis carnalis affectus extorquent: quas licet auctoritas humana subinde prober, aut non improbet, semper eas auctoritas divina & lex æterna damnabit: & Ecclesia à Spiritu Sancto directâ execrabitur.

XXXI. Unde quia non rarò permutationes Beneficiorum non ad mentem Ecclesiæ instituuntur, sed vel pravis pactionibus infectæ sunt, vel à carnali affectu prodeunt, non immeritò hanc permutationis materiam *Saturninam* se vocasse credit citatus Boerius. "Equidem (ait *num. 1.*) nominavi *Saturninam* permutationis hanc materiam non alia de causa, quàm quòd suos fetus in summum sæpenumero soleat adducere discrimen; non secus ac Saturnus crudeliter foetum devorat proprium, sicut est in fabulis: licet id ad naturam temporis, quòd edax est rerum, plerique referant. Certè permutationes istæ beneficiales frequenter scrupulos gignunt in animis permutantium: adeò duos, adeò præterea vehementes ac urentes, eosdemque justos, ut Saturni voracitas nullos unquam consumiles genuerit cruciatus illis ipsis, qui devorabantur: cùm graviter læsa conscientia non temporarios, ac perpetuos experiat cruciatus, qui ne morte quidem corporis finiuntur; sed magis ac magis crescunt, & graviores acrioresque redduntur, nisi salutaribus ante mortem fuerit expiata penitentia Christianæ Catholicæque remediis. Quorum quidem remedium præstat non indigere, prudenter abstinento talibus commerciis, quàm temerarias & quâ nundinatorias faciendo permutationes tantum subire periculum, cujus amator dignus est, qui perierit in illo."

CAPUT



CAPUT II.

De quorum consensu Resignationes admittendæ : & quæ causa requiratur?

1. Adscriptus certæ Ecclesiæ eam, inconsulto Episcopo, deferere nequit.
2. Per Beneficium Clericus Ecclesiæ adscribitur.
3. Jure Decretalium, inconsulto Episcopo, nemo Beneficio renuntiare potest.
4. Quomodo contraria Praxis quoad renuntiationes simplices invaluerit?
5. Resignatio in favorem hodie à solo Papa admittitur.
6. Resignatio in favorem unionis faciendæ fieri potest auctoritate Ordinarii.
7. Legatis Apostolicis non est facultas admittendi resignationes in favorem.
8. Ordinarius non potest hujusmodi resignationem probare rejecta conditione.
9. Hæc reservatio solet refundi in purgationem Simonie à Papa faciendam.
10. Non intervenit hic Simonia juris positivi.
11. Purgatio Simonie non videtur hic magis necessaria, quam in permutatione Beneficiorum.
12. Sicuti permutatio Beneficiorum potest à Simonia esse immunis, ita & Resignatio in favorem.
13. Dispensatio, non purgatio Simonie in Resignatione in favorem requiritur.
14. Vera ratio, quare potius permutatio quam resignatio in favorem, coram Ordinario fieri possit.
15. Summus Pontifex resignationem in favorem à labe Simonie non purgat.
16. Permutationes præmissa passione improbavit Urbanus III.
17. Declaravit tamen posse Episcopum Clericum de uno ad alium locum transferre.
18. Hic non probantur hodiernæ Beneficiorum permutationes.
19. Hæ permutationes frequenter illicitæ : possunt tamen subinde esse licitæ.
20. Id confirmat S. Thomas.
21. Jure communi approbatio permutationis spectat ad Episcopum, licet non sit collator Beneficiorum.
22. In Gallia inferiores Collatores etiam permutationes admittunt.
23. Exhibetur acta resignationis ex causa permutationis facta coram Capitulo.
24. A recusata hujusmodi resignatione admittitur in Gallia recursus ad Superiorem.
25. In Belgio permutationis approbatio fere ad solos Episcopos spectat.
26. Ad nonnullos tamen inferiores etiam in Belgio translata hæc auctoritas.
27. Collatores ordinarii super permutatione Beneficiorum saltem audiendi sunt.
28. Patroni quoque interpellandi sunt, ut consensum præsentent.
29. Superior consensum Patroni Ecclesiastici supplere potest.
30. Consensus Patroni laici absolute necessarius : neque suppleri potest.
31. In permutatione præter auctoritatem Superioris requiritur iusta causa & recta intentio ex parte Permutantium.
32. Causa permutationum ab Episcopis expendendæ.
33. Pius V. vetuit resignationes ex levibus causis admitti.
34. Vetuit idem ne Ordinarii suis aut Resignantium consanguineis, affinibus vel familiaribus Beneficium conferant.

Tom. I.

35. Quæ ratio editæ hujus Constitutionis?
36. Hæc non ubique recepta; nec in Belgio observatur.
37. Cur admissa non est Pii V. Constitutio inhibens Ordinariis, ne admittant resignationes in favorem consanguineorum aut affinium resignantis?
38. Quod præcipue in hac Constitutione intenditur, ubique servandum.
39. Hodiernæ permutationes præsertim notabilis Beneficii cum Beneficio nullius aut exigui proventus, raro omni ex parte licitæ.
40. Possunt tamen aliquando esse licitæ.

I. PRISTINIS Ecclesiæ seculis, nullum ordinari potuisse, ni una certæ Ecclesiæ, in qua functiones Ordinis suscepti obiret, adscriberetur, sæpius notatum fuit; eamque disciplinam per Synodum Tridentinam Sess. 23. cap. 16. de Reformat. renovatam fuisse notavimus supra parte 1. tit. 1. cap. 4. addiditque Synodus: Quod si locum, inconsulto Episcopo, deseruerit, ei sacrum exercitium interdicatur.

Quo decreto manifeste prohibentur Clerici, etiam nullum Beneficium habentes; sed in ipsa ordinatione alicui Ecclesiæ tantummodo adscripti, ab ea, inconsulto Episcopo, recedere, ait Fagnanus ad Cap. 4. & De Renunt. ubi num. 15. subjungit: "unde cavendum est à modernis Collectoribus, dum, aliis relatis, dixerunt, Presbyteris, & Clericis non habentibus Beneficium in titulum personalem residentiam requirens, licet tum esse ire quo velint; & Ordinarios teneri eis lites commendatorias concedere. Hoc enim est contra præceptum Concilii Decretum.

II. Cum autem per Beneficiorum collationem hodie contingat, Clericos certis Ecclesiis, in quibus ipsa Beneficia fundata sunt, adscribi, consequens apparet, Clericos non magis his Ecclesiis, quibus per Beneficiorum acceptionem & Canonicam in iis institutionem alligati sunt, posse, inconsulto Episcopo, renuntiare, quam si in ipsa ordinatione illis Ecclesiis essent adscripti.

III. Quapropter Tornacensi Episcopo etiam seculo XII. rescriptit Alexander III. "Univeris personis tui Episcopatus sub distinctione prohibeas, ne Ecclesias tuæ Diocesis ad ordinationem tuam pertinentes, absque assensu tuo intrare audeant, aut detinere, aut te, dimittere, inconsulto.

Hoc responsum pristinis Ecclesiæ Canonibus conforme, in Decretales Gregorii relatum, nimirum in Cap. 4. & De Renunt. partem juris communis constituit. Ex quo communiter concludunt Canonistæ, resignationes Beneficiorum, etiam simplices & absolutas fieri debere de consensu Superioris Ecclesiastici, qui vinculum illud quo per institutionem Canonicam fuit Ecclesiæ adscriptus, solvere potest. (a)

IV. Sensim renuntiationes, sive resignationes simplices & absolute Beneficiorum rariores esse ceperunt; ipsique Superiores absque difficultate easdem admittere; nam uti post Zarabellam notat Fagnanus loco citato num. 12. "Superiores non curant, ut Beneficiarii recedant de Beneficiis; quin potius contenti sunt, ut possint aliis conferre.

Ex hac Superiorum facilitate in admittendis Beneficiorum resignationibus, invaluit tandem libera facultas renuntiandi Beneficiis ad manus Collatorum; eaque sine consensu Episcopi sive Ordinarii, deferendi, & se à vinculo, quo Ecclesiæ erat adstrictus, liberandi, nisi titulo Beneficii ad Sacros Ordines fuerit promotus: quo casu ex præscripto Concilii Tridentini Sess. 21. cap. 2. De Reform. & Synodorum Belgi-

(a) In Germania Protestantes Parochi petunt Patroni consensum vel etiam Consistorii, ubi suas resignant Parochiales Ecclesias; Quod si agatur de Canonicatum resignationibus, requirunt consensum Principis in cujus territorio versatur Capitulum. Ord. Magdeburg. Polir. cap. 6. paragr. 26. Carpov. l. 3. Jurisp. Consist. Def. ult.

carum, resignari non potest, nisi facta mentione quod ad illius Beneficii titulum sit promotus; neque ea resignatio admittenda, nisi constet, quod alias commode vivere possit: & aliter facta resignatio nulla est: de quo actum supra tit. 9. cap. 5.

Non eadem etiam hodie est libertas Resignationis conditionalis, live in favorem, live causa permutationis.

V. Et quidem resignatio in favorem certæ personæ cum clausula *non alias, nec aliter*, licet primitus etiam coram Ordinario facta videatur, hodie tamen solus Papa eam admittere potest; adeo ut nec Legatus ejus eam probare possit; nisi speciali facultate sit instructus; uti notat Rebuffus in Praxi parte 3. tit. De Resignatione conditionalis: eaque opinio hodie communiter tum à Canonistis, tum à Theologis recepta est; ut pluribus citatis tradit Garcias De Beneficiis parte 11. cap. 3. eamque probavit Pius V. per Constitutionem quæ incipit: *Quanta Ecclesiæ* 58. in Bull. Rom. ubi absolute prohibetur resignatio in favorem coram Ordinario, etiam in casibus, in quibus permittitur fieri resignatio simplex coram Ordinario.

VI. Si autem resignatio, seu renuntiatio non fiat in favorem certæ personæ, sed in favorem unionis faciendæ cum clausula *non aliter, nec alias*, Ordinarius eam admittere poterit; & eo casu, si unio non sequatur, vel ob defectum solemnitatis rescindatur, resignans sine nova collatione ad suum Beneficium redit, uti monet Louerius in notis ad Molinæum in Regulam de publicandis resignationibus num. 175.

Hæc enim resignatio in favorem unionis, cum non fiat in favorem certæ personæ, etiam dici nequit proprie dicta resignatio in favorem, prout hæc hodie accipitur, quæque speciem aliquam simoniæ, aut saltem hæreditariæ successionis in Beneficia præfert; sed unice fit in favorem Ecclesiæ, quæ ut supponitur, unionem illam requirit; nec eatenus sacris Canonibus, quemadmodum resignatio in favorem certæ personæ adversatur.

VII. Collatoribus ordinariis etiam Episcopis fas non esse juxta stylum & praxim modernam admittere & probare resignationes in favorem, num. 5. notavimus; quin & id observat Molinæus ad Regulam Cancellariæ de infirmis Resignant. num. 184. additque nec id licere Legatis Apostolicis, etiam à latere in vim generalis clausulæ sive facultatis admittendi quascunque resignationes: "Sed (ait) requiritur ut specialiter & nominatim id concessum fuerit.

Rationem addit: "Hæc enim simoniaca est & prohibita, & novum genus dispensationis exigens, igitur gratia & facultate speciali opus, nec transit cum clausulis quantumvis generalibus, & ita practica-  
tur.

Quin & addit, quod, tamen interdum inter facultates Legati à latere specialiter & nominatim expressa fuerit licentia admittendi hujusmodi resignationes, tamen Senatum Regium facultatem Legatorum nunquam voluisse admittere, nisi sub hac conditione, ne possent in favorem admittere.

Cum vero nec Ordinariis, nec Legatis Apostolicis fas sit approbare resignationes in favorem, recte ibidem observavit Molinæus, nec simplices resignationes coram Ordinariis vel Legatis Apostolicis admissas recipi, si ex clausulis vel circumstantiis sufficienter pateat, eas revera fuisse in favorem, prout ibidem in casu quodam occurrente ostendit, resignationem quamdam simpliciter factam coram Legato fuisse revera resignationem in favorem, ob clausulas ab ipso resignante in procuratorio expressas.

VIII. Quin & Garcias De Beneficiis parte 11. cap. 3. num. 155. observat quod nec poterit inferior à Papa conditionem rejicere, live habere pro non adjecta, & resignationem simpliciter admittere: quod & multis probat Rebuffus loco supra allegato.

IX. Rationem hujus reservationis communiter refundunt Interpretes in Simoniam, quam in hisce resignationibus intervenire credunt propter clausulam *nec alias, nec aliter*, quæ pactionem quamdam continere videtur. Omnem autem pactionem in spiritualibus Simoniam continere probant ex cap. fin. De Pactis, juncta Glossa. Dicit enim Pontifex: "Pactiones factæ à vobis (ut audivimus) pro quibusdam spiritualibus obtinendis: cum in hujusmodi omnis pactio, omnisque conventio debeat omnino cessare, nullius penitus sunt momenti.

Cur autem pactiones nullius sint momenti docet ibidem Glossa: *Quia hujusmodi pactiones inducunt Simoniam*.

Ut ergo hæc resignatio à Simonia eximatur, eam à Papa confirmandam putarunt: utpote cui soli ex eorum opinione auctoritas purgandi Simoniam competit.

Hinc Andreas Vallensis in Tractatu De Beneficiis lib. 3. tit. 28. num. 2. postquam dixit, quod resignatio in favorem debeat fieri coram Pontifice, juxta stylum Curiae & Constitutionem Pii V. rationem subiungens, ait: "Quia conditio inducit Simoniam, secundum Glossam & plerisque Doctores, quam solus Pontifex, non etiam Ordinarius, vel Legatus purgare potest, tanquam quæ sit juris positivi, non divini, vel naturalis.

X. Verum si sit Simonia duntaxat juris positivi eam per Canonem aut aliquod Decretum positivum inductam esse oportet. At Canones & Decretales quæ pactiones in spiritualibus Simoniacas & illicitas esse dicunt, nihil de novo constituunt; sed tantum, quid sit, declarant: uti ex ipsorum tenore manifestum est; ac notanter ex verbis citati Capituli finalis & De Pactis, patet, Pontificem pactiones illas non facere, sed declarare, seu potius supponere illicitas esse. Dicit enim idem de his pactionibus esse dicendum, quod de aliis, quæ observatae vergunt in animæ detrimentum: quæ indubie non jure positivo duntaxat, sed & divino ac naturali illicitæ sunt.

XI. Ulterius, si resignatio in favorem contineat Simoniam à solo Pontifice purgandam, propter pactionem in ea interventientem; cur non similis Simonia dicitur intervenire in resignatione Beneficiorum ex causa permutationis: quandoquidem & hæc resignatio sit conditionalis: contineatque pactionem & conditionem, quod non alias, non aliter resignentur Beneficia, quam sub ea conditione, ut alter alterius Beneficium consequatur?

XII. Sed dicent forsitan: Compermutantes tantum simpliciter intentionem suam Ordinario exponunt, qui si eam probet, sua auctoritate permutationem concep-  
tam probat; atque Compermutantes à vinculo, quo ratione Beneficii Ecclesiis suis respective alligabantur, absolvit; & de una Ecclesia ad aliam Ecclesiam transfert: in quibus nulla vel species Simoniae esse videtur.

Nequaquam negavero, quin si Permutatio Beneficiorum fiat prout eam Canones fieri volunt, ea possit ab omni Simonia esse plane exempta. Sed quidni resignationem in favorem similiter immunem à Simonia esse posse dicamus?

Sicut enim secundum formam juris permutantes totum auctoritati Superiorum subjiciunt, id unum postulant, ut si Superiori videatur, ipsos à vinculo quo suis Ecclesiis alligantur, absolvat, atque sua auctoritate ad mutuas Ecclesias transferat: similiter resignans in favorem certæ personæ, exponit Pontifici, se desiderare à vinculo quo huic Ecclesiæ per Beneficium obstringitur, absolvi, modo tamen hunc, quem huic Ecclesiæ maxime convenire judicat, successorem habere, aut nominare queat, totum interim, quemadmodum Permutantes, Pontificis arbitrio subjiciens: qui hoc unum expendere debet, num conveniat, ratioque sufficiens

ficiens sit, ut in Canonibus qui prohibent, quod quis sibi successorem nominet, dispensandum sit.

XIII. Itaque nulla hic, non magis quam in permutatione Beneficiorum, purgatione *Simoniae* opus videtur; sed sola dispensatione; qua permittatur, ut quis sibi Successorem nominet: quæ dispensatio sensim, uti multæ aliæ Pontifici reservari potuit; sicuti eam hodie illi reservatam scimus.

Et licet legamus, Pontifices aliquando cum simoniacis per dispensationem mitius egisse, pœnasque simoniacorum mitigasse; nullibi tamen legimus, Pontifices contractum aliquin simoniacum à Simonia purgasse: aut indulgisse, ut conventiones, quæ alias essent simoniacæ, sua auctoritate absque Simonia inirentur: quemadmodum latius ostendemus titulo 12.

Hinc cum nomine Caroli IX. in Concilio Tridentino peteretur, ut resignationes *in favorem* ejicerentur omnino à Curia Romana, ratio non à Simonia petita fuit, sed à transgressionem Canonum vetantium designationem Successoris: *Est enim* (ajunt) *saecris Canonibus constitutum, ne quisquam sui Officii querat, aut eligat Successorem.*

XIV. Soli ergo positivæ reservationi adscribendum, quod *resignatio in favorem*, non æque ac *resignatio ex causa permutationis*, fieri queat coram Ordinario. Ulterius hinc discimus, quod Rex Galliarum admittens resignationes *in favorem* Beneficiorum vacantium in Regalia, non *purgat Simoniam*; sed tantum permittit Beneficiatis electionem seu nominationem Successoris.

XV. Pactiones in spiritualibus & provisionibus Beneficiorum continere simoniam, non tantum juris humani, sive positivi; sed juris *divini* nulla humana auctoritate purgandam, probatum est superius: atque hinc ulterius conclusum, quod, si *resignatio in favorem* confectur simoniaca ob clausulas, *non aliter, nec alias*, hæc per Pontificem abstergi, sive purgari nequeat, ideoque nec dici posse, approbationem sive admissionem hujus resignationis esse Pontifici reservatam; quasi solus Pontifex resignationem hanc à simonia purgare queat.

Illud fatendum est, admodum esse verisimile, ad inducendam hanc reservationem, plurimum contribuisse, Scholasticorum & Canonistarum aliquorum opinionem, qui similes resignationes *in favorem* ob interpositam clausulam, *non aliter, nec alias*, esse simoniacas dicebant; easque Auctoritate Pontificia ab hac labe esse purgandas.

Certum enim est, quod tum temporis reperirentur Doctores non pauci, præsertim inter Canonistas, qui asserere non vererentur, eam esse Pontificis auctoritatem, ut non tantum similes pactiones à simonia purgare; sed quod & ipse Pontifex sine simonia Beneficia libere *vendere* posset, uti de quibusdam Canonistis alte deploravit celeberrimus ille Prælatorum Convectus sub Paulo III. ad indicandos abusus in Concilio Tridentino reformandos, uti in hoc opere non semel notavimus.

Et quidem Molinæum in ea fuisse opinione, quod auctoritas admittendi resignationes *in favorem* Romano Pontifici fuerit reservata; ita ut neque Legatis à latere hujus resignationis admissio concedatur ob simoniam, quæ huic resignationi inesse credebatur, patescit ex ejus verbis num. 7. relatis.

Hoc sane negari nequit, quin hodiernæ Beneficiorum resignationes *in favorem* frequenter sordidis ac illitis, quin & simoniacis pactionibus sint infectæ; sed has Auctoritate Pontificia ab omni labe expurgari, nescio quo fundamento asseri queat.

XVI. In resignatione *ex causa permutationis* videtur intervenire conventio sive pactio, qua Compermutantes inter se conveniunt, ut alter alterius Beneficium habeat; sive qua mediante Beneficia inter se permutantur. Hæc pactiones & conventiones super spiri-

tualibus cum illicitæ & simoniacæ viderentur, rescriptis Urbanus III. "Generaliter tenendum, quod commutationes Præbendarum de jure fieri non possunt: præsertim (ait) cum *pactione* præmissa, quæ circa spiritualia vel connexa spiritualibus labem continet *semper* *Simoniae*." Cap. 5. §. 2. *De Rerum permutat.*

XVII. Deinde ibidem subjicit Pontifex: "Si autem Episcopus causam inspexerit necessariam, licite poterit de uno loco ad alium transferre personas: ut quæ uni loco minus sunt utiles, alibi se valeant utilius exercere.

Ex hoc Pontificis responso aliisque Canonibus & Decretis habetur, quod omnis conventio super permutatione Beneficiorum vetita sit; relicta tamen Episcopo auctoritate Beneficiatos de uno ad alium locum transferendi, si id in utilitatem accedere posse perpexerit.

XVIII. De sola ergo Beneficiatorum translatione, auctoritate Episcopi ob necessitatem aut utilitatem Ecclesiarum faciendam, hic agit Pontifex, eamque probat; & antiquitus nonnunquam factam, & à sacris Canonibus probatam scimus.

At hodie non tantum sunt auctoritate Episcoporum *translationes*, sed inter ipsos Beneficiatos passim ineuntur permutationes Beneficiorum; atque super iis, non secus atque super contractibus civilibus, publica instrumenta conficiuntur: quarum nec antiquitas meminit, nec Canones ullibi probant.

XIX. Verum est, inspectis Canonibus & Decretis permutationes hujusmodi videri absolute vetitas; utpote *Pactionum* aliquam continentes; quam reprobaram esse in spiritualibus declaratur in citato cap. 5. §. 2. *De Rerum permutat.*

Nec sane dissimulandum est, in his permutationibus *crebro aliquam Simoniæ labem aut aliam illicitam intervenire corruptelam*, uti loquitur Synodus Colonienfis parte 1. cap. 34. nihilominus si ob utilitatem aut necessitatem Ecclesiarum duo Beneficiati simpliciter inter se deliberent de permutandis Beneficiis; atque conceptum permutationis etiam coram Notario expediant, ea intentione ut Beneficiis ad manus Ordinariorum resignatis auctoritate Superiorum, & via Canonice institutionis alter alterius Beneficium assequatur, sive de una ad aliam Ecclesiam transferatur, hujusmodi permutationem posse esse à Simonia omnique alio vitio immunem credunt Canonistæ, quamvis permutationes periculosas esse non ambigant.

XX. Itaque cum Doctore Angelico 2. 2. *quæst.* 100. art. 1. ad 5. dicendum: "Nec permutatione Præbendarum vel Ecclesiasticorum Beneficiorum fieri potest propria auctoritate *partium* absque periculo Simoniæ: Potest autem Prælati ex officio suo permutationes hujusmodi facere pro causa utili vel necessaria.

XXI. Inspecto jure Decretalium, Superior sive Prælati cujus auctoritate permutationes fieri possunt, solus Episcopus videtur. Nec enim aliis inferioribus Prælati hæc auctoritas Jure communi delata fecit. Nec mirum; cum ipsis Episcopis tanquam Ecclesiarum primariis directoribus, præcipue incumbat judicare & declarare, an expediat personas de una Ecclesia ad aliam transferri.

Hinc statuunt Canonistæ, approbationem permutationis de quibuscumque Beneficiis Jurisdictioni Episcopi subjectis, ab Episcopo esse faciendam: tamen si collatio Beneficiorum aliis competat: notatque Joannes Chokier in tractatu *De Permutatione Benef.* num. 7.

Quod, si nec collatio nec confirmatio pertineat ad Diocesana, nihilominus illius auctoritas requiratur, etiam si illorum ad quos pertinet Beneficiorum provisio intervenerit auctoritas.

XXII. Dicit tamen Molinæus ad Regulam *De infirmis resignantibus* num. 29. quod in Gallia Episcopi perdidit auctoritatem, quam de jure habent in permutationibus inferiorum Collatorum, addens: "Inferiores enim Collatores Beneficiorum ad suam collationem



„ tionem pertinentium, permutationes, *inconsultis*  
 „ Diocesanis, apud nos expediunt, & hoc contra jus  
 „ Pontificium in Gallia toleratur, „ Quod & alii Galliae  
 Pragmatici notarunt.

XXIII. Exhibet Claudius Horry in suo novo tra-  
 ctatu *De materia beneficii* pag. 505. actam per quam  
 constat, quod quidam Presbyter exhibuerit Capitulo  
 Ecclesiae Metropolitanae Parisiensis actam resignationis  
*ex causa permutationis* in suum favorem factae de Ca-  
 nonicatu & Præbenda in Ecclesia Collegiata S. Stephani  
 à Gracis in civitate Parisiensi, petieritque in vim hu-  
 jus resignationis, eam Præbendam sibi à Capitulo con-  
 ferri: *Et en conséquence les auroit très-humblement re-*  
*quis & suppliez de vouloir bien AGGRÉER ladite Resig-*  
*nation, & sur icelle lui accorder leurs Lettres de Colla-*  
*tion & Provision.*

Cum vero Capitulum tertio requisitum (quarum re-  
 quisitionum formulæ & attestations ibidem exhiben-  
 tur) tergiverfaretur, litterasque approbationis, resigna-  
 tionis & collationis non daret; tandem ipse Resigna-  
 tarius pro approbatione resignationis, & collatione  
 Canonatus recurrit ad Archiepiscopum Parisiensem,  
 rogans ut ipse defectum Capituli supplendo, dictam  
 resignationem approbare, & collationem dare digna-  
 retur.

In consequentiam hujus requisitionis, Archiepisco-  
 pus Parisiensis litteras provisionis in favorem requiren-  
 tis expedivit, quæ integræ exhibentur à Claudio Horry  
 pag. 509.

In his litteris præfatur inprimis Archiepiscopus:  
 „ Canonatum & Præbendam secularis & Collegiatae  
 „ Ecclesiae S. Stephani à Gracis ad collationem, pro-  
 „ visionem & quamvis aliam dispositionem venerabi-  
 „ lium virorum Decani, Canonici & Capituli  
 „ Ecclesiae nostrae Parisiensis existentes & pertinentes,  
 „ liberos nunc & vacantes per dimissionem seu resigna-  
 „ tionem Magistri Petri De Laitre Presbyteri, illorum  
 „ ultimi legitimi & immediati possessoris, in manibus  
 „ dictorum Decani, Canonici & Capituli per Ma-  
 „ gistrum Carolum de Blois, ejus procuratorem ad id  
 „ ab eo specialiter constitutum, *causa tamen Canonica*  
 „ *permutationis* dictorum Canonatus & Præbendæ  
 „ pro Capella sancti Leonardi juxta pontem sancti Mau-  
 „ ri nostrae Diocesis, & non aliam, aliter nec alio modo  
 „ factam.

Hinc manifestum est, Archiepiscopum Parisiensem  
 agnoscere, resignationes *ex causa permutationis* posse  
 fieri & probari à Capitulo tanquam ordinario Collato-  
 re Præbendæ resignatae.

XXIV. Post hæc subjungitur in dictis litteris, quæ  
 cum præcedentibus sensum perfectum faciunt:  
 „ Quam (resignationem) admittere recusaverunt prout  
 „ tribus actis, primo scilicet 28. secundo vero 30.  
 „ tertio denique 31. diebus hujusve mensis Augusti  
 „ initis, Monssinot & Horry signatis, nobis legitime  
 „ compertum est; tibi præfenti, sufficienti, capaci &  
 „ idoneo, in *recusationem* dictorum venerabilium De-  
 „ cani, Canonici & Capituli Ecclesiae nostrae, ad  
 „ conservationem tui juris contulimus & donavimus,  
 „ conferimusque & donamus, ac de illis suis juribus &  
 „ pertinentiis universis providimus & providemus per  
 „ præfentes.

Hæc ulterius probant, non tantum resignationes ex  
 causa permutationis coram ordinariis Collatoribus fieri,  
 sed etiam ab eorum refectione ad Superiorem recursum  
 admitti.

XXV. In Belgio tamen id nequaquam generaliter re-  
 ceptum est, sed Episcopi auctoritate probandi permuta-  
 tiones Beneficiorum ad inferiores Collatores spectanti-  
 um etiamnum hodie ponuntur; neque apud nos hæc  
 praxis invaluit, ut Collatores inferiores passim, in-  
 consultis Diocesanis, permutationes expediant, aut re-  
 signationes causâ permutationis admittant.

XXVI. Hoc tamen negare non possumus, appro-

bationem permutationis ad ea quæ Jurisdictionis Epif-  
 copalis sunt, non autem quæ Ordinis sunt, pertinere:  
 & consequenter longa consuetudine ad Prælatos infe-  
 riores transferri posse, quemadmodum recte notat  
 Joannes Chokier loco citato cap. 6. addens: „ Quale  
 „ jus habent inferiores ab Episcopo Leodii, qui quoti-  
 „ die permutationibus Beneficiorum, quorum ipsi Col-  
 „ latores sunt, auctoritatem præstant. „ Tali jure utun-  
 tur & hic quædam Capitula circa permutationes Be-  
 neficiorum simplicium ad eorum plenam collationem  
 spectantium: quæ consuetudo juvatur ex cap. unico  
*De Rerum permutat. in VI.* ubi videtur Episcopo tantum  
 dari facultas probandi permutationes Beneficiorum ad  
 suam collationem spectantium.

XXVII. Quamvis de jure communi & hodierna  
 Belgii praxi Collatores inferiores permutationes sua au-  
 thoritate expedire non possint, nisi speciali titulo eam  
 auctoritatem acquisierint; tamen quia de Beneficiis ad  
 ipsorum collationem spectantibus transferendis de una  
 in aliam personam agitur, merito prævie ante permuta-  
 tionem audiri debent, uti tradit Chokier in dicto tra-  
 ctatu cap. 19.

XXVIII. Nec tantum Collatores, sed & Patro-  
 nos audiendos & interpellandos esse, communis est  
 Canonistarum sententia: quin & inter alia requisita  
 ad validitatem permutationis requirit Rebuffus in Pra-  
 xi parte 3. titulo *De Permutatione* num. 21. consen-  
 sumentium illorum ad quos præsentatio spectat, vel  
 electio.

XXIX. Sed quid, si Superior judicet permutationem  
 valde utilem aut etiam necessariam Ecclesiae, & Patro-  
 nos consentire nolit? Cogi poterit, vel Superior appro-  
 bare eam poterit, ait Rebuffus num. 22. additque: „ Et  
 „ hodie usus communis obtinuit, quod, post requisi-  
 „ tionem Patroni, maxime etiam eo non consentiente,  
 „ permutatio approbatur ab Episcopo, & valet: & sic  
 „ judicavit totus Senatus Parisiensis, (a)

Declarationem Cardinalium conformem refert Gar-  
 cias *De Beneficiis* parte 1. cap. 3. num. 127.

XXX. Hæc quidem si jus Patronatus fuerit Eccle-  
 siasticum. Si autem laicum fuerit, non tantum Pa-  
 tronus interpellari debet, ejusque consensus postula-  
 ri; sed & ipsa obtineri debet. Quod autem nec Or-  
 dinarius, nec Papa, saltem in Gallia & his Provinciis,  
 consensum resignationi dare queat, sive juri Patrona-  
 tus derogare sæpius sub titulo de *Jure Patronatus* nota-  
 rum fuit; idque sive jus Patronatus laicum proveniat  
 ex fundatione, sive ex privilegio. Imo etiam si jus Pa-  
 tronatus sit mixtum, hoc est, partim laicum, partim  
 Ecclesiasticum: idque etiam ubi plures essent Eccle-  
 siastici, quam laici, ut superius ostendimus tit. 8.  
 alias 25. cap. 2. Et de clausula derogatoria juris Pa-  
 tronatus laicalis Bullis Pontificiis inferi solita, videri  
 possunt quæ supra tit. 7. alias 24. cap. 5. notata  
 sunt.

Et quidem Edicto Regio in Febuario anno 1678.  
 in Gallia declaratum est, omnes conventiones permuta-  
 tionis Beneficiorum juris Patronatus *laicalis*, & re-  
 signationes aliaque acta inde subsequuta, esse nulla &  
 abusiva, si Patroni laici non annuerint præsentationi,  
 aut non dederint suum consensum *in scriptis* ante captam  
 possessionem; etiam si dicti Patroni fuerint interpel-  
 lati, & requisiti: quæ requisitiones & interpellationes  
 declarabuntur nullæ. In Actis Cleri Gallicani *tomo 5.*  
*parte 8. tit. 3. num. 24.*

XXXI. Ut permutationes Beneficiorum omni ex  
 parte sint licitæ, non tantum requiritur Superiorum  
 auctoritas, qua mediante, Beneficiati de una Ecclesia  
 ad aliam transferantur, sed insuper requiritur recta in-  
 tentio, & iusta causa.

Certum inprimis est permutationes illas nulla,  
 etiam summi Pontificis auctoritate, ex omni parte

(a) Bardetius refert Arrestum 27. Januarii an. 1631. datum; quo  
 judicatum est uti num. 29. asseritur.

justi.

justificari posse, in quibus non utilitas aut necessitas Ecclesiarum, sed lucrum aliudve temporale à compermutantibus attenditur.

Unde ex S. Thoma in 4. Dist. 25. quest. 3. art. 3. notat Chokier in Tractatu De Permut. Benef. parte 2. cap. 21. "quod permutatio debet fieri pro causa spiritali, puta ut melius Deo serviat, seu ut tali loco possit quis Deo melius servire.

Et Petrus Cantor in verbo Abbreviatio cap. 40. ait: "Si quis legitime sortitus est Ecclesiam, & quaerit occasionem, ut eam dimittat, quia alia pinguior est & uberior, secundum poenam constitutam in Canonibus puniri deberet, & in ea manere omni tempore vitae suae. Si hodiernae permutationes ritè expendantur, verendum, ne & hodie dicere possimus cum sapientissimo illo delectorum Praelatorum Conventu sub Paulo III. Alius item abusus in permutationibus Beneficiorum, quae sunt cum pactioibus, quae simoniacae omnes sunt, nulloeque respectu habito nisi lucri.

Et quod jam pridem notavit Rebuffus in Praxi part. 3. tit. De Resignatione expressa num. 3. "Hodie causa causarum (resignationum) est affectio carnis: quia omnes volunt suos consanguineos praeficere Ecclesiis, quibus forte male praefuerunt, ut pessime quoque illi postea praesint: & ista est, quae jam dudum labefecit totam Ecclesiam. Altera etiam est causarum regina pecunia.

XXXII. Non tantum ex parte permutantium exigitur recta intentio, atque iusta causa permutationis; sed & ipsis Superioribus constare debet, permutationes in utilitatem aut necessitatem Ecclesiae fieri. Tunc enim licet posse Episcopum de uno loco ad alium transferre personas, declarat Pontifex in cap. 5. de Reven. permutat. "Si causam inspexerit necessariam: ut quae uno loco minus sunt utiles, alibi se valeant utilius exercere. Vel ut loquitur S. Thomas verbis supra citatis: "Potest Praelatus ex officio, permutationes huiusmodi facere, pro causa utili vel necessaria.

Ex quibus facile est concludere, Praelatis in permutationum approbatione unice utilitatem aut necessitatem Ecclesiarum praeculis habendam esse.

Uterius praevide ad approbationem seridè examinandum, num permutatio huiusmodi motivo necessitatis aut utilitatis nitatur; idque ed exactius examinandum quo majora sunt Beneficia, de quorum permutatione tractatur, majusque possit esse praedictum, quod similitum Beneficiorum parum canonica permutatio parere potest.

XXXIII. Pius V. Papa animadvertens, quanta Ecclesiae Dei incommoda omni tempore attulerit, & nunc quotidie adferat Ministrorum in eam vitiosa ingressio; quodque hoc malum in caeteris frequens, tum maxime in Beneficiorum & Officiorum dimissione admittatur; praecavere voluit, ne resignationes ipsae dehinc pro cuiusque arbitrio, nullisque vel certe levibus de causis passim & temerè admittantur.

Hunc in finem prohibet, resignationes ullas coram Ordinariis admitti, nisi ex certis & determinatis causis in Constitutione nominatim expressis, quas singillatim examinat Flaminus Parisius lib. 5. De Resignat. Benef. quest. 6.

XXXIV. Decernit insuper in eadem Constitutione, quod Ordinarii admittentes resignationes ex causis ibidem expressis, conferre non possint ulla Beneficia suis, aut resignantium consanguineis, & affinibus, vel familiaribus. Verba Constitutionis sunt: "Caeterum praecipimus, atque interdiciamus, ne ipsi Episcopi, aut alii collatores de Beneficiis, & Officiis resignandis praedictis, aut suis, aut dimittentium consanguineis, affinibus, vel familiaribus, etiam per fallacem circuitum multiplicatum in extraneos collationum, audeant providere. Incipit, Quanta Ecclesia 58. in Bull. Rom.

XXXV. Hanc Constitutionem editam esse, ne illae renuntiationes fiant ob carnis affectum, & ne consanguinei vel familiares fiant haeredes bonorum Ecclesiae, rectissime post Cardinalem Tuscum notavit Flaminus Parisius in citata quaestione num. 192. cui & alteram adjicit num. 193. "Ut tollantur fraudes & confidentiales renuntiationes. Quae ratio elicitur ex ipsis verbis Constitutionis immediate praecedentibus: "Caveant autem Episcopi & Patroni, tam Ecclesiastici quam laici, quicumque sint, ne verbo quidem, aut nutu vel signo futuri in huiusmodi Beneficiis, & Officiis successores, ab ipsis resignantibus aut aliis, eorum significatione, vel hortatu designentur, aut de his assumendis promissio inter eos, vel etiam intentio qualicumque intercedat.

XXXVI. Hanc Pianam Constitutionem non esse ubique receptam; atque resignationes coram Ordinariis praeter formam hic expressam multis in locis admitti, constat. Hanc disciplinam in Galliis observari satis testantur acta nova Cleri Gallicani tom. 10.

Garcias loquens de Constitutione Pii V. parte 11. cap. 3. num. 270. testatur, "eam non bene servari in Hispania; ubi praetenditur (ait) eam non esse receptam, sed esse ab ea supplicatum, saltem quoad illud de non conferendis Beneficiis resignatis consanguineis, affinibus, aut familiaribus Collatorum, vel Resignantium, & audivimus fuisse per Consilium Regium scriptum Episcopis.

Similiter Zypaeus in Jure novo, tit. De Renuntiatio. postquam summatim retulit hanc Constitutionem, subiungit: "Sed ut multae aliae, haec Bulla hic (id est in Belgio) publicata aut usu accepta non est, quia restringit Ordinariorum facultates: etiam si forte hic non expressae causae, jure tamen non improbare essent.

Notorium sane est, in Belgio passim admitti resignationes & permutationes coram Ordinariis ex causis in hac Constitutione non expressis; atque Beneficia resignata conferri consanguineis, affinibus & familiaribus Ordinariis & resignantium, non obstante hac Constitutione; nullamque propterea quaestionem de similitum resignationum validitate moveri.

XXXVII. Ex dictis concludere licet Pii V. Constitutionem, in quantum restringit auctoritatem Ordinariis, in plerisque Regnis non esse receptam; atque Episcopos, non obstante Constitutione,mittere resignationes ex causa permutationis in favorem consanguineorum & affinium Resignantium, iisque Beneficia Resignantium conferre.

Probe quippe intelligebant Episcopi, per hanc Constitutionem nequaquam resignationibus simoniacis, vel carnem & sanguinem ac haereditariam successionem praerentibus finem imponendum, aut moderationem adferendam; sed duntaxat auctoritati Episcoporum limites figendos, dum haec Constitutio haez Beneficiorum resignationes & provisiones in favorem consanguineorum & affinium Resignantium in Curia Romana admitti non interdicit; sed eas admittendi Romano Pontifici auctoritas integra relinquitur.

Et sane si attendantur hodiernae & frequentes Beneficiorum resignationes in favorem, vix ullae reperientur, quae non fiant in favorem consanguineorum aut affinium ipsorum Resignantium, quae tamen in Curia Romana indifferenter admittuntur: ut vel hinc pateat in Curia illa ad praedictam Pii V. Constitutionem fieri reflexionem exiguam.

XXXVIII. Caeterum in quantum haec Constitutio vetat, resignationes levibus aut nullis ex causis admitti; aut Beneficiorum resignatorum intuitu, carnis & sanguinis provisionem fieri; vel pactioibus Simoniacas aut confidentiales interponi; eatenus praedicta Constitutio non tantum omnes omnino Ordinarios, sed & ipsam Pontificem obstringit.

Licet enim resignationes ex levibus aut nullis de causis

causis, vel intuitu carnis & sanguinis, aut cum occulta pactioe Simoniacæ, vel confidentiali factæ & admittæ coram Pontifice, vel coram Ordinariis in locis, ubi Constitutio recepta non est, lege positivâ non irritentur, aut in foro fori tanquam invalidæ non semper argui queant; semper tamen coram supremo Judice & in foro poli, ut illicitæ & Legi æternæ contrariæ condemnabuntur; quemadmodum suprà circa dispensationem Pontificiam super pluralitate Beneficiorum notavimus; & infra circa collationem Beneficiorum factam minus dignis, omisiss dignioribus, notabimus.

XXXIX. Sed dicet quis, passim solent fieri permutationes Canoniarum aliorumque Beneficiorum notabilium cum Beneficiis simplicibus, frequenter etiam nullius proventus, quæ De Pertica dici consueverunt; & quibus etiam ipsi resignantes nunquam intendunt deservire; quinimò eadem mox, absolutâ permutatione, dimittere intendunt: ita ut sat appareat, hujusmodi permutationes eo solo fine fieri, ut Ordinariis libera provisio eripatur, & notabilia Beneficia cedant Resignariis. Negari non posse videtur, similes resignationes sæpe de fraude, & de carnali affectu meritis esse suspectas, & raro totaliter ab iis exemptas.

XL. Fieri tamen potest, ut quis hujusmodi resignationibus vel permutationibus, postquam usus nunc invaluit, rectè utatur.

Quid si enim videat, quod Canonici ulterius deservire nequeat, aut satis appareat, se aliud vocari: & consequenter intelligat, Ecclesiæ melius & utilius esse, ut Canoniatum dimittat; at unâ advertat, quod si liberè eum ad manus Ordinarii dimittat, eum verisimiliter indigno, aut certè parum digno conferendum. Quidni eo casu, ut consulat Ecclesiæ, eum potius resignabit ex causa permutationis illi, quem scit admodum Beneficio illi convenire, multumque fructus in Ecclesiâ adferre posse: id unice in hac permutatione præ oculis habens, ut Ecclesiæ de optimo ministro provideat; mediante quidem medio, quo multi abutuntur; sed quo jam introducto, ipse in utilitatem Ecclesiæ bene utitur; cavendo tamen, ne id in pusillorum scandalum cedat?

### CAPUT III.

#### De Procuratorio ad resignandum.

1. Resignatio Beneficii fieri potest per procuratorem etiam laicum.
2. Procurator ad resignandum hodie constitui solet per instrumentum publicum.
3. Debet Procuratorium confici à Notario; & qualis hic esse debeat?
4. In Camera Apostolica non admittitur Procuratorium, nisi præter Notarium adsit sigillum Communitatis.
5. Resignans unâ cum Notario instrumento subscribere debet.
6. Requiritur procuratorium speciale.
7. Quod hic dicatur speciale?
8. Procuratorium ad acceptandum simul & resignandum non valet.
9. Ratio, ob quam speciale mandatum requiritur, evincit hanc disciplinam esse recentem.
10. Procurator præstare debet juramentum in animam resignantis.
11. Quærela Synodi Colonienfis de præcipiti & facili hujus juramenti præstatione.
12. Quod hic optat Synodus, meritò & in aliis juramentis servaretur.
13. Procurator ad resignandum constitui solet cum facultate substituendi: & quando substitutus possit uti mandato?

14. Refertur Regula Cancellariæ de consensu præstando in Resignationibus.
15. Ratio hujus Regulae.
16. An præsens in Curia possit præstare consensum per Procuratorem?
17. Quo loco hic consensus præstandus?
18. Qualis hic consensus requiratur?
19. Hic consensus idem perficit resignationem.
20. Procuratorium ad resignandum datum sine limitatione temporis quamdiu duret?
21. Morte mandantis expirat procuratorium ad resignandum.
22. Aliquando, mortuo mandante, potest Procurator adhuc præstare consensum.
23. Procurator revocatus potest præstare consensum, quamdiu revocatio non fuit intimata.
24. Revocatione Procuratoris non extinguitur mandatum, nisi revocatio sit intimata.
25. Quomodo & cui hæc intimatio facienda?
26. Quamdiu Resignanti sit liberum revocare mandatum?
27. Dato procuratorio ad resignandum coram Papa, non potest fieri resignatio coram Ordinario.
28. Quæ in constitutione Procuratoris hodie exiguntur, antiquitus incognita fuerunt.

I. **R**ENUNTIATIO, sive resignatio tam simplex, quam in favorem vel causâ permutationis, fieri potest non tantum per ipsum Resignantem, sed etiam per Procuratorem seu Mandatarium.

Et quidem cum Procurator resignationem faciat nomine alieno, potest non tantum Clericus, sed & laicus Procurator constitui, uti post Glossographum ad Clementinam unicam de Renunt. notat Rebuffus in Praxi parte 3. tit. De Procuratoris ad resignandum constitutione, num. 17. quamvis secundum Glossographum tutius videatur constituere Clericum.

II. Procurator autem constitui potest, vel per litteras privatas ipsius Resignantis, vel per instrumentum publicum, atque hoc posterius est tutius, & fieri consuetum. Imò monet Rebuffus loco citato num. 5. quod vix recipiuntur litteræ privatae ad resignandum: asseritque Flaminius Parisius lib. 9. De Resignat. Benef. quæst. 6. non semel fuisse resolutum in Cancellariâ Romanâ, non posse aliquem vigore Epistolæ missivæ præstare consensum resignationi: "Et idèd hodie (ait) communis & recepta ex stylo sententia est, mandatum requiri ad renuntiandum in forma publici instrumenti, menti.

III. Hinc primò requiritur, ut confectum sit à Notario publico, eoque Apostolico, præcipue si de resignatione faciendâ in Curia Romana agatur. Imò si juxta consuetudines aut leges patriæ requirantur duo Notarii pro forma publici instrumenti, debebunt & in confectioe hujus Procuratorii duo intervenire: quia aliàs non esset in forma publici instrumenti.

IV. Monet Flaminius Parisius loco allegato quæst. 7. num. 2. non sufficere instrumentum Procuratorii esse confectum in forma solita, "ut admittatur à Notariis Camerae & Cancellariæ, sed ulterius requiri, quodd fuerit obfignatum sigillo publico judicis ordinarii vel Communitatis; & melius esset (ait) ut utrumque sigillum apponatur, & postea debet fieri recognitio sigilli, ut de stylo observatur.

V. Deinde n. 3. & 4. notat ex Rebuffo: "in Gallia lege Regiâ cautum est, ut Resignans subscribat instrumentum resignationis: idque optimum esset (ait) ut ubique fieret ad tollendam fraudem.

Hic in Belgio hodie receptum est, quodd Resignans unâ cum Notario ipsi instrumento subscribat; quin & in omnibus publicis instrumentis observatur, ut partes subscribant: non autem testes; nisi in testamentis ex Ediçto perpetuo Principum nostrorum de ann. 1611.

VI. Præterea ad resignandum debet esse mandatum speciale,



*Speciale*, ut post alios citatos docet Flaminius dicta *questione 7. num. 9.* quod & expressè habet Regula Cancellariæ 45. *De consensu in resignationibus*, in verbis: *Per Procuratorem suum ad hoc ab eo SPECIALITER constitutum.* Et in Regno Galliarum cautum esse, nullum Procuratorem resignare posse ex procuratorio generali, monet Rebuffus loco citato *num. 23.*

VII. Speciale mandatum hic dicitur, si nominetur expressè Beneficium, & detur facultas renuntiandi. Dèbet autem Beneficium resignandum describi, & exprimi *nomen & locus ubi est*, ut de stylo fieri videmus, ait Flaminius *num. 20.*

Hinc ulterius inferit, non admittendum procuratorium generale ad resignandum omnia & quaecumque Beneficia, quæ constituens habet: testaturque Carolus Fevretius *De Abusu, lib. 2. cap. 5. num. 6.* hujusmodi mandata generalia ad resignandum esse declarata abusive & nulla per Edictum Henrici II. Regis Galliarum an. 1550. subditque ex Molinæo in Commentario ad hoc Regium Edictum: "Mandata illa generalia, tam de jure Canonico, quam multis Curiarum Senatusconsultis, fuisse reprobata, utpote multis fraudibus obnoxia, & disciplinam Ecclesiasticam inquinantia, quæ quidem disciplina non admittit in spiritualibus generalia litare." Citat quoque ibidem decisionem Rotæ conformem.

VIII. Multò minùs recipitur procuratorium ad acceptandum & resignandum simul aliquod Beneficium, uti notat Rebuffus *num. 16.* quia non potest, quis constituere ad renuntiandum Beneficio quod nondum habet. Nec refert, quod procuratorium detur in tempus, quo habiturus est: quia hoc ipsum reddit procuratorium incertum. Deinde, uti rectè advertit Flaminius *lib. 9. quest. 10.* ad validitatem mandati inspicitur tempus, quo instrumentum procuratorii fuit confectum; quo tempore Beneficium resignandum non habebatur: una monens, peccare illum, qui acceptat Beneficium, ut illud postea renuntiet, additque: "Ob id in Curia de stylo, quando datur examen, apponitur clausula: *Dato priùs juramento, quod illud non recipiat animo renuntiandi.*"

IX. Et ita quidem exigitur speciale mandatum, ut nec generale etiam cum libera resignatione, sufficiat; idque ideo quia resignatio seu renuntiatio Beneficiorum habetur pro donatione; quia requirit speciale mandatum: eò quod non censeatur quis constituendo Procuratorem ad administrandum, dedisse mandatum ad donandum. Quæ ratio à Doëtoribus communiter allegari solita, sit insinuat, hanc opinionem & praxim exigendi speciale mandatum ad resignandum, primùm suam originem habuisse postquam Beneficia potissimum penes commoda temporalia considerari cœperint, ipsis oneribus spiritualibus, quæ Beneficiis annexa sunt, non attentis. Quo factum est, ut Beneficia tanquam multùm commoda & utilia ipsis Beneficiariis considerari & reputari cœperunt: cùm tamen secundùm veram ideam & Ecclesiæ ac Fundatorum intentionem, reputari deberent tanquam onera humeris Beneficiatorum imposita propter officia eis annexa. Interim undecumque praxis hæc originem habuerit, equidem cùm inducta sit, observanda est.

X. Præterea speciale mandatum exigitur ob juramentum à Procuratore in animam resignantis præstandum; quod in hac resignatione non intervenerit *fraus, dolus, Simonie labe*, seu quævis alia illicita *passio* seu etiam *corruptela*; quod juramentum in omni resignatione præstari debet: ut & propterea expressa clausula de hujusmodi juramento præstando Procuratoriis de resignando inferri consueverit.

XI. De hoc juramento exigi solito loquitur Synodus Colonienfis anno 1536. *parte 1. cap. 34.* asseruntque ibidem hujus Synodi Prælati, "sibi haud clam esse, in resignationibus & permutationibus multa *incipitia perjurii* committi ab his, qui frequenter,

Tom. I.

subitò ac non præmeditati, aut ipsi, aut per suos Procuratores (id quod ejusdem reardis & culpæ est) jurejurando ante manûs impositionem testantur, in hujusmodi resignationibus seu permutationibus nullam Simonie labem, aut aliam illicitam intervenisse corruptelam: cùm res (inquiunt) crebrò longè secùs habeat, per quod illi gravem in se Dei iram procul dubio provocant.

Deinde concludunt: "Majori ergo curâ, diligentiorique, quàm antehac fieri consuevit, pervestigatio, ne præviâ, hæc juramenta recipi convenit.

XII. Utinam non tantùm in hujus juramenti exactiōne, sed & eorum, quæ in assumptione ad Officia, opificia, nec non ad Gradus Academicos exiguntur, hoc Synodale monitum attenderent, quibus juramentorum exactio incumbit! Nimis enim notum est, quàm subitò, ac non præmeditatè hæc juramenta soleant præstari.

XIII. In Procuratorio ad resignandum solet dari Procuratori constituto potestas alium substituendi, cum eadem auctoritate, quâ ipse constitutus est. Hoc casu substitutus non solum suum mandatum substitutionis debet exhibere, sed etiam mandatum Procuratoris, à quo fuit substitutus; uti docet Fevretius *De Abusu, lib. 2. cap. 6. num. 5.* testaturque cautum Edicto Henrici II. Regis Galliarum, Procuratorem ad resignandum in Curia Romana se negotio resignationis immiscere non posse, nisi ipsum procuratorium ad resignandum reipsâ habeat.

XIV. Per Regulam Cancellariæ, quæ hodie est 45. & inscribitur, *De consensu in resignationibus & pensionibus*, "Papa voluit & ordinavit, quod super resignatione cujuscumque Beneficii Ecclesiastici, seu cessionem juris in eo, quàm in manibus suis, vel in Cancellaria Apostolica fieri contigerit, Apostolicæ litteræ nullatenus expediantur, nisi Resignans, vel Cedens, si præsens in Romana Curia fuerit, *personaliter*, alioquin per Procuratorem suum, ad hoc ab eo *specialiter* constitutum, expeditioni ejusdem in eadem Cancellariâ expressè consenserit & juraverit, ut moris est. Et si ipsum Resignantem seu Cedentem pluries super uno & eodem Beneficio, in favorem diversarum personarum successivè consentire contigerit, voluit Sanctitas sua, quod primus consensus teneat, & alii posteriores consensus, ac litteræ eorum prætextu etiam sub priori Data expediat *pro* tempore nullius sint roboris vel momenti.

XV. "Hæc Regula fuit edita ad tollendas fraudes, quæ possent oriri: quia posset quis nomine alterius porrigere supplicationem resignationis, & alium privare Beneficiis. Nam consensus per supplicationem sufficiebat de jure communi. Igitur ad tollendas fraudes, cautum est requiri consensum præstitum per se, vel per Procuratorem specialiter ad hoc constitutum. Ita Choquier ad hanc Regulam, *num. 9.*

XVI. Ex verbis Regulæ notorium est, quod præsentem in Curia debeant *personaliter* præstare consensum, neque posse constituere Procuratorem ad resignandum. Absentes autem consensum præstare teneantur per Procuratorem ad hoc specialiter constitutum. Monet nihilominus Flaminius Parisius *lib. 9. De Resignat. Benef. quest. 12. num. 8.* quod quando consensus præstatur in Camera, Notarii Cameræ admittant Procuratores etiam præsentium.

XVII. Consensus autem hic exprimendus est in Camera vel Cancellaria, id est, coram Notariis Cameræ vel Cancellariæ. Hinc inferit Flaminius Parisius, *De Resignat. Benef. lib. 8. quest. 8. num. 33.* non sufficere consensum etiam expressum, si ille consensus fuit præstitus alio in loco, quàm in Camera vel Cancellariâ.

XVIII. Notat quoque *num. 28.* "non esse validum consensum, qui colligitur ex supplicationis portione ad effectum, ut abdicetur jus à Resignante, & satisfiat huic Regulæ. Ulteriùs *num. 29.* inferit,

L I I I I

„ non

„ non esse sufficientem, quoad hunc effectum; consensus, qui appellatur *parvus*: Nam *parva Data* & „ *parvus* consensus datur à Datario, & remanet penes „ partes.

XIX. Denique monet *n. 41.* post prælitum dictum consensus abdicari jus à Resignante non autem ante. De quo latius agemus *cap. 5.* Et *num. 43.* dicit, juxta omnes, hunc esse *formalem* consensus; à quo computatur tempus, de quo in Regula *De Infirmit Resignantibus*, de qua tractabimus *cap. 5.*

XX. Mandatum seu Procuratorium semel legitime, & sine limitatione temporis datum, solo lapsu temporis, etiam plurium annorum, de jure communi non expirat aut renovatum præsumitur. Unde refert Flaminus Parisius *lib. 9. quest. 13.* resolutum fuisse in Rota Romana, „ consensus prælitum post quadriennium „ à die confecti Procuratorii esse bonum: quia voluntas semper censetur durare, donec de mutatione non „ appareat.

At in Gallia, resignatio vi Procuratorii anno elapso facta, non valet, ut lege Regia cautum esse testatur Rebuffus loco supra citato *num. 18.*

XXI. Licet de jure solo temporis lapsu non expiraret, nec revocatum censeatur Procuratorium ad resignandum; nihilominus quia est verum mandatum, etiam communibus regulis mandati subicitur; & iisdem modis extinguitur.

Unde sicuti de jure mandatum *ve integrâ* solvitur & expirat morte Mandantis; ita & Procuratorium ad resignandum extingui per mortem Resignantis, communis est omnium opinio; & non obscure probatur in *Clem. ultima De Procuratoribus*: idque etiam procedit, licet ipse Procurator ignoraverit mortem Resignantis, modo tamen ante exhibitam supplicationem Resignans reverà mortuus fuerit: ut rectè notat Flaminus, *lib. 9. quest. 24.*

XXII. Si tamen, vivente Resignante, supplicatio resignationis fuerit per Procuratorem exhibita, & signata, vivente Resignante, poterit Procurator vi ejusdem mandati post mortem Resignantis præstare consensus in Cancellaria, vel Camera pro expeditione litterarum; ut allegatæ Regulæ Cancellariæ satisfiat.

Hanc esse communem opinionem probatam per Alexandrum VI. & Leonem X. asserit Flaminus Parisius *lib. 9. quest. 24.* Procurator enim post mortem Domini tametsi nova negotia inchoare nequeat, potest tamen consummare, quæ per ipsum inchoata erant ante mortem Mandantis, ut vulgò tradunt Jurisconsulti. Hoc eò magis in præfenti casu procedit: cum Resignatario per supplicationem *signatam* videatur *jus* acquisitum; ut advertit Flaminus *num. 18.* Ipse enim consensus postea præstandus in Camera vel Cancellaria, non tam exigitur ad perfectionem ipsius resignationis, quam ad expeditionem Litterarum, quæ ad probationem tantum requiruntur, ideòque consensus datus etiam ad *diem signatæ* supplicationis retrahitur.

XXIII. Id quoque procedere, dicit Flaminus *n. 24.* „ etiamsi probaretur, Constituentem ante ejus mortem mutasse voluntatem. Nam si illa voluntas *revocata* non fuit intimata, juxta *Clementinam Unicam De Renuntiat.* potest Procurator, eo mortuo, præstare „ consensus formalem. „ Rationem subjungit *num. 26.* quia juxta citatam Clementinam, non sufficit, revocationem esse factam, sed debet esse intimata.

XXIV. Cum enim illusio & variatio in personis Ecclesiasticis maxime sit vitanda, constituitur in citata Clementina, „ ut si quis ad cedendum Pontificali, aut alii „ cuilibet Dignitati vel Beneficio Procuratorem spontè „ ac liberè constituerit, & ipsum ignorantem postmodum duxerit quomodolibet revocandum, teneat cessio facta per eum, antequam ad ipsius, vel illius (in „ cujus manibus cessio fuerat faciendâ) *notitiam* revocatio hujusmodi sit *deducta*.

Itaque non sufficit revocatum esse Procuratorem, nisi ipsa revocatio sit ad notitiam deducta sive intimata, & ita in praxi receptum esse testatur ibidem Flaminus *lib. 9. quest. 25. num. 2.*

XXV. Sufficit autem hanc intimationem factam esse vel Procuratori, vel ipsi Superiiori, in cujus manibus resignatio faciendâ erat; uti constat ex verbis Clementinæ suprâ relatis.

Hinc deducitur, intimationem factam in Camera vel Cancellaria sufficere, quando Procurator constitutus est ad renuntiandum coram Pontifice: quia quæ fiunt in Camera vel Cancellaria, dicuntur fieri in Consistorio Papæ: atque ita sæpius resolutum fuisse, sufficere, intimare Notariis Cameræ vel Cancellariæ, testatur Flaminus ibidem *quest. 26.* qui & ibi exponit, quâ formâ revocatio & intimatio revocationis in Curia Romana fieri debeat & soleat.

XXVI. Cæterum indubitatum est, Resignantem quovis tempore usque ad consummationem actûs posse liberè mandatum revocare, ipsiusque negotii jam inchoati progressum ulteriorem per revocationem mandati sistere.

Hinc concluditur, revocationem Procuratorii, etiam post porrectionem supplicationis, ejusque signaturam, esse validam eatenus, ut Procurator vi istius mandati non poterit postmodum in Camera vel Cancellaria præstare *formalem* consensus, uti decisum aliquando fuisse refert Flaminus citato *lib. 9. quest. 28.*

XXVII. Si quis Procuratorium dederit resignandi Beneficium ad manus Papæ, non poterit illud resignare coram Ordinario, nisi prius actam revocationis in Curia Romana insinuaverit: atque renuntiationem in præjudicium hujusmodi Procuratorii factam coram Ordinario esse nullam judicavit aliquando Senatus Tholosanus; quemadmodum testatur Joannes De Salva *de Beneficiis. parte 3. quest. 16. num. 14.* idque conformiter ad *cap. 2. de Postulat. Prælat.* ubi vetatur, postquam postulatio fuit præsentata Papæ, ab ea recedi, ne videatur Papæ illudi.

XXVIII. Eorum, quæ hodie in constituendo & revocando Procuratore ad resignandum, item de præstando consensu, vel ex usu, aut Pontificum, vel aliorum Superiorum auctoritate inducta sunt pauca, aut nulla in pristinis Canonibus aut libris reperies: indicium ea nonnisi postremis hinc seculis invaluisse, postquam resignationes & permutationes fraudibus multis & technis permixtis, invaluerunt; atque de Beneficiis penè non secus ac de rebus temporalibus disponi & quodammodo mercari ceptum est. His ut obviaretur, eas cautiones hinc adhiberi visum, quas in negotiis civilibus Imperatorum Leges adhiberi volebant.

## CAPUT IV.

Quinam Beneficia sua resignare possint?

1. Hodie omnes possunt resignare Beneficium, nisi expressè prohibeantur.
2. Beneficiorum idea, quæ ex ea libertate resignandi nascitur.
3. De clausula transeat, quæ in Romana Curia usitata est.
4. De valore tituli Beneficii & oppositionibus factis cognoscere non possunt Curie Romanæ Officiarii. Ratio exponitur.
5. Obtinens Parochiale Beneficium potest resignare de jure communi ultimo die anni dati ad suscipiendum Sacerdotium.
6. Id tamen non admittitur ex hodierno stylo Curie Romanæ.
7. An promovendi ad dignitates queant sua Beneficia resignare.

resignare, quamdiu re ipsa promoti non sunt? & Regula Cancellariæ super hoc edita.

8. Ratio hujus regulæ.
9. An hæc regula recepta sit in Gallia?
10. Pendente judicio criminali, potest Beneficium resignari, quamdiu re ipsa privatus non est.
11. An per sententiam privatus possit resignare, pendente appellatione?
12. Putant plures id non tantum in resignatione simplici, sed & in favorem procedere.
13. Non apparet generaliter probanda hæc opinio.
14. Interdum confertur Beneficium in casum privationis accusati; idque cum clausula irritante provisionem alteri faciendam: quæ in Gallia non admittitur.
15. Resignatio valet, tametsi Resignans aliunde nihil habeat.
16. Non admittitur ex stylo Curia, si Resignans sit sacro Ordine insignitus.
17. Unde hic stylus originem habuit.
18. Non servatur in Gallia, nec Belgio.
19. Minor in spiritualibus quando babeatur pro Majore?
20. Minor qui habetur pro Majore potest Beneficium resignare.
21. Resignationes Minorum rescissioni non solent esse obnoxie.
22. Resignari nequeunt iis sub quorum potestate & cura Minores consistunt.
23. Rescinduntur dum eas malis artibus extortas esse apparet.
24. Interdum resignationes Minorum sine omni suspitione fraudis fiunt, reluctantibus parentibus.

I. OLIM quidem rarius permittebatur, ut Clerici semel alicui Ecclesiæ adscripti eidem renuntiare possent. At labentibus seculis, labente sensim disciplina, tandem quoque invaluit, ut cuique quodammodo liberum esse credatur, non tantum à vinculo, quo per Beneficii collationem & institutionem Ecclesiæ fuit alligatus, se omni tempore solvere; sed insuper ipsum Beneficium quasi sibi proprium resignare simpliciter, vel in favorem alterius, vel ex causa permutationis. Ideoque Flaminii Parisius, lib. 3. De Resignatione Beneficiorum questione 1. quærens qui possint Beneficia resignare, respondet: "Regula est affirmativa, omnes posse resignare eorum Beneficia."

II. Non dubium, quin ea quæ ex Flaminio Parisio notata sunt; scilicet de libertate resignandi Beneficia, profanam de Beneficiis Ecclesiasticis sint nata imprimere ideam; quasi Beneficia Ecclesiastica per Beneficiarios jure proprietario, quasi res profanæ possiderentur; de quibus tanquam sibi propriis disponere possent.

Et quamvis similis hodie de Beneficiis passim idea habeatur, præsertim de Beneficiis nullam curam animarum habentibus, nihilominus indubitatum est, Beneficia Ecclesiastica semper considerata & reputanda esse, ut ministeria Ecclesiæ, & tanquam talia à Clericis possidenda, neque de illis, ex causa sive permutationis, sive resignationis, vel quocumque alio titulo disponi posse, nisi in utilitatem, ædificationem, ac profectum Ecclesiæ.

III. Quantumvis autem, non obstante quacumque consuetudine, hæc à Permutantibus aut Resignantibus Beneficia sint servanda, nihilominus observat post Molinæum ad Regulam de publicandis resignat. num. 243. Georgius Louetius sæpius in supremis Franciæ Tribunalibus judicatum contra Collatores, seu Patronos Ecclesiasticos, qui Romæ sua auctoritate Beneficiorum resignationem admitti impediebant, per verbum in Registris Dataria appositum *nihil transeat*, rationem horum Arrestorum subjungens ait: "Hæc, inconsulto Summo Pontifice, turpis lucris

Tom. I.

causa committuntur: ideo per Arresta Curia & Mag. ni Consilii, Sacerdotes in dignitate constituti delogantur, qui à die denegatæ resignationis, Provisiones concedunt cum clausulis ex stylo Cancellariæ Apostolicæ apponi solitis.

Hoc judicatum pro Præpositura Andegavensi in Ecclesia sancti Martini, pro Præbendis Ecclesiæ Comanenensis, vivente Cardinali de Rembouillet Comanenensi Episcopo: pro Prioratu de Lyons Ordinis Cluniacensis; iis omnibus Senatusconsultis judicatum hæc verba (*nihil transeat*) extraordinaria contra publicam Regnicolarum libertatem. Idem dicendum, cum illicitis artibus Provisionum publicationes, & possessiones impediuntur, ut hic docet Molinæus.

Monet autem ad hunc textum Louetii Antonius Vaillant in nota marginali, à Parliamentis Regiis pro approbanda resignatione, quæ in Curia Romana impeditur per verba *nihil transeat*, vix hodie committi simplices Sacerdotes; sed Provisionem delegari Episcopo loci Ordinario.

IV. Præterea observat, "non licere Officiariis Curia Romanæ denegare provisionem, & cognoscere de validitate tituli & oppositionibus factis. Nec mirum; quia si de his liceret Officiariis Curia Romanæ cognoscere & judicare, Regnicolæ cogerentur super Beneficiis seu causis Beneficialibus extra Regnum in Curia Romana litigare contra manifesta Regni illius privilegia & consuetudines."

Quandoquidem non minus manifesta sint hanc in rem privilegia Belgii, quæ non permittunt Belgas coram exteris iudicibus etiam in Curia Romana, litigare, eodem fundamento non liceret Officiariis Curia Romanæ denegare Provisionem Belgis, & cognoscere de validitate tituli, & oppositionibus factis à parte adversa; uti docet Ant. Vaillant loco superius citato.

Ex hætenus dictis sat intelligitur Parliamenta Regia per hunc procedendi modum, nequaquam intendere, omnes Beneficiorum resignationes sine examine esse admittendas, sed præcipuum scopum esse, sollicite præcavere, ne hoc prætextu Curia Romana quæstiones super Beneficiis ad suum Tribunal trahat, & Regnicolas in Curia litigare cogat.

V. Flaminii Parisius lib. 3. de Resig. Benef. quest. 2. num. 8. observat quod Promotus ad Ecclesiam Parochialem possit resignare in favorem Beneficium hoc Parochiale ultima die anni dati ad se promoveri faciendum ad Ordines sacros; tametsi jam certo constet, ipsum intra annum ad Sacerdotium promoveri non posse; adeoque die sequenti ipso jure privandum Beneficio juxta Decretum Concilii Lugdunensis in cap. Commissa. De Elect. in VI. quod privat ipso jure possessorem Beneficii Parochialis, si intra annum, ad Sacerdotium non sit promotus, de quo latius supra titulo 2. alias 19. cap. 3. Rationem hujus conclusionis allegat num. 9. "Quia antequam annus sit ex toto elapsus, jus est penes illum qui vult renuntiare, ac perfecte."

VI. Monet tamen num. 21. "Hodie autem hujusmodi resignatio non admitteretur: namque quoties resignatur Parochialis, stylus obtinuit, ut debeat exprimi, per quantum tempus illam possedit Resignans; & si tempus est breve, cessio rejicitur; si autem, hoc expresso, Papa admittit resignationem, nulli dubium est, valere."

Interim ex sententia Flaminii, quæ & communis est Canonistarum, in prædicto casu resignatio, nisi stylus quoad Parochialem specialiter obstar, admitteretur hoc solo titulo, quod nondum anno ex toto elapso, adhuc Beneficiatus retineat jus in Beneficio.

VII. Eodem titulo Promovendi ad quascumque Prælaturas aut Dignitates, quamdiu re ipsa promoti non sunt, Beneficia sua resignare possent, nisi obstar Regula Cancellariæ 24. De Beneficiis vacaturis per promotionem

L I I I I 2

tionem



tionem ad Ecclesias & Monasteria, quæ dicit: "Nec non quæcumque collationes, Provisiones, & dispositiones pro tempore faciendæ de præmissis & quibuscumque aliis Beneficiis Ecclesiasticis secularibus & regularibus, quæ per promovendos vel per assumendos ad quascumque Prælaturas, inter illarum vacationis, & hujusmodi promotionis, vel assumptionis tempora simpliciter, vel ex causa permutationis ubicumque resignari, vel alias dimitti contigerit, cum inde secutis pro tempore sint cassæ & irritæ, nulliusque roboris vel momenti.

VIII. Rebuffus in Commentario ad Concordata titulo *De Mandatis Apostolicis §. finali.* notat hanc Regulam editam esse ad obviandum fraudibus: "Quia ille qui sciebat, se promovendum ad Episcopatum, vel Abbatiam, faciebat resignationes secretas, vel permutabat cum alio Beneficio etiam minimo. Ideo facta postea promotione, Papa erat illusus, & nihil poterat conferre.

IX. Hæc Rebuffus, qui in Praxi Beneficiorum parte 3. in additione ad hanc Regulam, observat, quod Papa per eam Regulam videatur quodammodo reservare suæ dispositioni Beneficia illorum qui sic promoventur. Unde putarem, (ait) in Francia, quod, si iste promovendus coram Ordinario resignaret Beneficia ante promotionem, illa collatio valeret: cum omnes Regulæ sapientes reservationem sint in Regno Franciæ sublata.

Infinuat Joannes Choquier in Commentario ad hanc Regulam num. 25. quoad reservationem Beneficiorum, quæ promovendi in Curia Romana obtinent, hanc Regulam hodie exolevisse, & quantum ad Belgium, nullus apparet hujus reservationis usus.

X. Eodem ex fundamento reus criminis, quod privationem Beneficii meretur, sive ratione cujus reus per sententiam Beneficio privari potest, non impeditur resignare, quamdiu per sententiam Beneficio privatus non est; quemadmodum post alios citatos ostendit Flaminus Parisius citato lib. 9. quæst. 16. idque etiam lite sive judicio criminali pendente; tamen probationes essent receptæ, & in causa conclusum, Quia quamdiu Beneficio non est privatus per sententiam, adhuc remanet verus Beneficiatus, retinetque titulum Beneficii liberum; ac per consequens, nihil obstat, quominus illum resignare aut permutare queat.

XI. Quinimo etsi sententia privationis fuerit pronuntiata, si ab ea appellatum sit, posse, pendente appellatione, renunciare, pluribus citatis docet Flaminus num. 25. & in facti specie respondit Rebuffus consil. 82. Quia per appellationem effectus sententiæ suspenditur, manetque possessor eodem loco, quo fuit ante sententiam.

"Si tamen is, qui nullum jus in Beneficio habuit, condemnatus appellavit, & pendente appellatione, resignaverit, placet resignationem nullius esse momenti, quasi quæ in fraudem facta sit; præsertim si postea appellatio injusta pronuntietur.. Ita judicatum refert Antonius Faber, lib. 1. tit. 2. Def. 89.

XII. Credit quoque Choquier ad Regulam Cancellariæ *De Annali*, aliique ab eo citati censent, accusatum de crimine non tantum simpliciter & pure inter manus Ordinarii Beneficium resignare, sive Beneficio cedere posse; sed etiam in favorem coram Pontifice, vel ex causa permutationis coram Ordinario: "Nam qui renuntiat, jure suo utitur, & ideo nullam fraudem committit, quippe qui sibi ipsi consulturus, vel amico, vel consanguineo, eidem Beneficio renuntiat, non ut alteri noceat.. Hæc Choquier ex Guittierres.

XIII. Inprimis quam parum Ministerio Ecclesiastico dignam ideam hæc ratiocinatio imprimat, probare opus non est: sed & illud falsum est, per hanc renuntiationem, fraudem nullam committi. Licet enim tertio alicui injuria non fiat, tamen ipsum judicium inutile redditur, ipsique justitiæ fraus fit, cum sit manifeste

jurisdictionis & auctoritatis judicialis effectum impediat & vigorem enervet hujusmodi resignatio: atque hoc pacto impunitas criminum quodammodo haberi queat; aut saltem pœnis à Canone decretis criminum rei se subtrahere possint. Quapropter hujusmodi resignationes tanquam in fraudem factas, & subreptivè impetratas, esse nonnunquam rejiciendas & annullandas dubitandum non videtur, quemadmodum late variis distinctionibus adhibitis ostendit Molinæus ad Regulam *De Infirmis Resignantibus* num. 155. & sequentibus.

XIV. Hactenus dicta de resignatione faciendâ, pendente judicio criminali, non procedunt, si Papa Beneficium illud alteri contulerit in casum privationis sequuturæ. Solet enim nonnunquam Beneficium alicujus de crimine accusati impetrari cum clausula, *ut si accusatus Beneficio privandus judicetur, illud cedat impetranti*; additurque clausula Decreti irritantis, vi cujus collatio sive Provisio istius Beneficii alteri facta irritatur: & consequenter impeditur renuntiatio in favorem alterius, pendente judicio. De hac impetratione & clausulis adjici solitis consuli poterunt Flaminus citata quæstione 165. item Rebuffus in Praxi parte 3. tit. *De modis quibus Beneficia vacant*, n. 52. ubi una monet, cum hæc clausula sapiat reservationem, quæ in Francia sublata est per Concordata, etiam resignationem, pendente judicio, factam in Gallia sustineri, non obstante illa clausula.

XV. Sicuti quis jus suum alienare non prohibet ut eo solo titulo, quod per hanc alienationem ipsum alienantem ad inopiam redigi contingeret; ita nec idcirco quis Beneficium suum resignare prohibetur, tamen Beneficio resignato, non habeat unde se aliat: modo tamen titulo illius Beneficii ad sacros Ordines promotus non fuerit.

XVI. Et ita quidem inspecto jure communi. At hodie notorius stylus Curiae Romanæ habet, ut si Resignans Beneficium sacro Ordine sit insignitus, in supplica exprimat clausula: *Aliunde commode vivere valens*: quæ clausula in litteris Provisionis reperitur; respicitque substantiam gratiæ, ut notat Flaminus, lib. 2. quæst. 6.

XVII. Stylus hic originem habet ex Constitutione Pii V. quæ incipit, *Quanta* 58. in Bull. Rom. quæ inter alia habet: "Sed nec horum ullus sacro Ordine mancipatus, nisi religionem ingressurus, valeat ullo modo Beneficium vel Officium Ecclesiasticum resignare, nisi aliunde ei sit, quo in vita possit commode sustentari.

Quamvis hæc Constitutio tantum de Ordinariis loquatur, & non de resignationibus faciendis in Curia Romana: tamen quia ratio, ne Clerici in opprobrium Ordinis mendicare cogantur, etiam in his resignationibus militat, recepta quoque est in Curia, & inde stylus ille inolevit.

XVIII. Verum quia hæc prædicta Constitutio Pii V. in Gallia recepta non est, neque prædicta clausula recipitur; sed habetur tanquam styli; ut notat Perardus Castellus in Tractatu *de usu & praxi Curiae Romanæ*, pag. 175. quod eadem ratione dicendum de Belgio: quandoquidem nec hic Constitutio Pii V. usu recepta sit; ut supra capite 2. ex Zypæo notavimus.

XIX. Minorem 25. annis, at Majorem 14. in spiritualibus haberi pro Majore, communis est Interpretum opinio, fundata in cap. fin. *De Judiciis in VI.* in verbis: "Si annum quartum decimum tuæ peregrinasti ætatis: in Beneficialibus & aliis causis spiritualibus, nec non & dependentibus ab eisdem, ac si Major 25. annis existeres: ad agendum, & defendendum, per te, vel per Procuratorem, quem ad hoc constituendum decreveris, admitti debebis.

XX. Hinc ulterius concludunt Canonistæ, Minorem 25. annis, sed Majorem 14. posse resignare Beneficium, sive simpliciter, sive in favorem, vel ex causa

causa permutationis; neque in tali resignatione requiri consensum & auctoritatem Tutorum; uti post alios tradit Flaminius Parisius, lib. 3. quæst. 7.

XXI. Quod si in tali resignatione non reperiantur intervenisse fraudes, aut malæ artes, quibus ad resignandum Minor verisimiliter inductus appareat, resignatio illa in tantum valida erit, ut nulli rescissioni aut restitutioni obnoxia sit: quemadmodum ibidem num. 11. tradit Flaminius; & non semel etiam per Senatum Regium judicatum fuisse testatur Brodæus in notis ad Lotierium Litt. B. num. 7. dicitque ex Parlamentorum Arrestis sat compertum esse, regulariter resignationes factas à Minoribus 25. annis validas reputari, præsertim si jam pervenerint ad plenam pubertatem, id est, attigerint 18. aut 20. ætatis annum.

XXII. Monet tamen ibidem Brodæus, extare vetus Arrestum de 18. Junii, anno 1554. quo veratur omnibus Præceptoribus, Pædagogis, aliisque personis habentibus curam, administrationem aut regimen puerorum & scholarium, extorquere, aut acceptare ab ipsis ullas resignationes in eorum favorem, directe vel indirecte, sub pœna nullitatis hujusmodi resignationum & Provisionum inde sequutarum, multa arbitraria, aliæque digna punitione. Justumque est, ut hoc Arrestum in prima congregatione Universitatis Parisiensis aliisque locis necessariis solemniter publicaretur, ut nulla ignorantia præterire possit. Hæc ibidem Brodæus, qui & integra Arresti illius verba refert.

XXIII. Si ergo Minores resignaverunt sua Beneficia prædictis personis, vel in favorem ipsarum prolium, consanguineorum, vel aliarum personarum per ipsos suppositarum, resignationes illæ invalidæ erunt: uti factæ & in favorem aliorum, quando ex circumstantiis sunt præsumptiones violentæ ac fundatæ, resignationes malis artibus extortas fuisse; uti pluribus Arrestis declaratum fuisse annotat Brodæus.

Idipsum notavit Antonius Mornacius ad Legem 7. ff. De Minoribus, ubi postquam retulit, Molinæum notasse, Capitulum sin. De Judiciis in VI. "non servari in Gallia, quantum ad ejurationes Beneficiorum, seu resignationes, ut loquimur, judicatumque fuisse Arrestis Consilii Regii plurimis, resignationes Minorum, licet puberum, sine auctoritate parentum vel curatorum, nullas esse," immediate subjungit: "Quod tamen intellige, si imperitia, & facilitate juvenili doloque adversarii inductus sit Beneficiarius, ut Beneficio cederet." Deinde refert duo Arresta quibus ob fraudem & dolum hujusmodi resignationes declaratæ fuere nullæ.

XXIV. Quod autem nonnunquam resignationes à Minoribus citra consensum patrum, quin & positive, iis reluctantis, fieri possint sine omni plane suspitione fraudis, bene ostendit Brodæus citato num. 7. atque una observans, parentes nequaquam posse cogere filios suos, tamen adhuc ætatem 25. annorum non attigerint, ut Beneficia retineant: dum se nequaquam ad statum Ecclesiasticum vocatos sentiunt. (a)

(a) Die 26. Aprilis 1695. Arresto declaravit Senatus Parisiensis, Clericum ægrotum non potuisse suum Beneficium resignare filio Medici qui, durante morbo, eum curabat. *Ainsi, inquit doctissimus d'Hericourt. De legibus Eccles. parte 1. pag. 342. Pon à érendu aux Benefices la disposition des Ordonnances, & des coutumes qui déclarent nulles les donations, soit entre-vifs, soit à cause de mort, faites en faveur des Administrateurs au nombre desquels les Arrêts ont compris les Medecins. Consule 5. Tomum Diarii Audientiarum.*

## CAPUT V.

De Regula Cancellariæ De infirmis Resignantibus.

1. Refertur textus regula.
2. Quis primus auctor?

3. Regula hæc ubique recepta.
4. Plura successu temporis addita.
5. Captum dubitari an regula obtineat in resignatione facta à non infirmo? & quæ ratio dubitandi.
6. Verisimilius est, non esse locum in resignatione facta à non infirmo.
7. Exponitur clausula Clementis VII.
8. Infirmitas adesse debet, non tempore expediti mandati, sed resignationis.
9. Regula loquitur de infirmitate corporis, non spiritus.
10. Non sufficit quem esse in periculo mortis, nisi sit infirmus.
11. Procedit in correpto morbo contagioso; aut vulnere fauciat.
12. Requiritur ut Resignans de eadem infirmitate decesserit.
13. In dubio de eadem decessisse præsumitur.
14. Regula loquitur de 20. diebus naturalibus & completis.
15. Regula obtinet tamen si Papa interea moreretur.
16. Dies computandi à die præstandi consensus.
17. Id quoque in Gallia receptum.
18. Requiritur 20. dies non computato die præstiti consensus, nec die mortis.
19. Resignante infra 20. dies decedente, Beneficium vacat per obitum, ac si nulla resignatio intervenisset.
20. Resignatio hujusmodi in Curia facta non inducit reservationem.
21. Regula inquit, ut collatio sit facta vigore resignationis.
22. Inspectis bodiæ terminis, regula certo obtinet in resignatione coram Ordinario.
23. Edicto Philippi II. videtur hic vetitum recipere novas regulas Cancellariæ sine Placeto Principis.
24. Edictum non loquitur expresse de Regulis Cancellariæ; quamvis eas comprehendere videatur; & una referuntur verba Edicti.
25. Regula hæc tempore hujus Edicti erat recepta cum omnibus clausulis modernis.
26. Concluditur ei locum esse in Belgio in resignationibus coram Ordinario.
27. In Gallia aliud obtinere jam pridem visum est Molinæo; & quare?
28. Zypæus Molinæi auctoritate deceptus.
29. Etiam in Gallia hodie Regula in resignatione ex causa permutationis coram Ordinario obtinet.
30. Regula non obtinet in resignatione simplici facta coram Ordinario.
31. Hodie communiter huic regulæ derogatur, quando Resignans absens est.
32. Derogatio hæc in Gallia admitti consuevit.
33. An etiam admittenda in Belgio?
34. Ratio cur in Gallia potius, quam in Belgio admittenda.

I. REGULA de viginti sive De Infirmis Resignantibus quæ est 19. his verbis hodie exprimitur. "Item voluit quod si quis in infirmitate constitutus, resignaverit aliquod Beneficium, sive simpliciter, sive ex causa permutationis, vel alias dimiserit, aut illius Commendæ cesserit, seu ipsius Beneficii unionis dissolutioni consenserit, etiam vigore supplicationis, dum esset sanus, signatæ, & postea infra viginti dies à die per ipsum Resignantem præstandi consensus computandos, de ipsa infirmitate decesserit, & ipsum Beneficium quavis auctoritate conferatur per resignationem sic factam, collatio hujusmodi sit nulla, ipsumque Beneficium nihilominus per obitum censeatur vacare.

II. Primus hujus Regulæ auctor vulgo creditur Bonifacius

nificius VIII. qui sedit sub finem seculi XIII. & an. 1303. mortuus est. "At difficile creditur, ait Castellus in tractatu *De usu & praxi Curiae Romanae*, eam à Bonifacio VIII. inductam fuisse. Quia cum resignationes in favorem non innotuerint, nisi post tempora Bonifacii; imo earum usus demum frequentari coepit mortuo Gregorio XI. (a) tempore schismatis Avenionensis, Regula hæc nequit ab eo fuisse inducta: utpote quæ resignationes in favorem concernit. Hæc ille.

III. Illud equidem certius est, eam in foro & Curia, quotidiano usu receptam esse, ut testatur Flaminus Parisius *De Resign. Benef. Lib. 12. in præfatione num. 1.* Quin & in Gallia anno 1493. recepta, & Registris Curiae Parisiensis inserta fuit. Similiter & in Belgio usu receptam esse notat Zypæus in jure novo, tit. *De Renunt. num. 3.* additque Vande-Velde insignis Jurisconsultus Lovaniensis in notis manuscriptis ad hanc regulam: "Et constat, secundo eam sæpissime fuisse judicatum in Artestia, Flandria, Brabantia, Mechlinia, & novissime in Consilio Privato 10. Martii ann. 1639.

IV. Insuper constat, hanc regulam sæpius mutatam fuisse, additionibus & detractionibus clausularum per diversos Pontifices factis; ut in explicatione regulæ observabimus: ideoque mirum non est, si apud Interpretes hujus Regulæ magna reperitur opinionum diversitas, & confusio: eo quod antiquiores regulam cum antiquis, recentiores vero cum novis additionibus & restrictionibus interpretati sint.

V. Dicit Regula: *Si quis in infirmitate constitutus*. Ex his verbis tamquam indubitatum concludere antiquiores hujus Regulæ Interpretes, primum requisitum hujus Regulæ esse, infirmitatem resignantis: id est, huic Regulæ locum non esse, nisi quis infirmus existens resignaverit.

Verum Clemens VII. qui anno 1523. ad Pontificatum est assumptus, huic Regulæ inseruit clausulam: *Etiam vigore supplicationis, dum esset sanus, signata*, uti notat Gomesius in præfatione ad hanc Regulam, qui & addit: "Quod odio Cardinalis de Vigh, qui in conclavi ei plurimum obstitit, Clementem fecisse, satis comperit. Nihilominus postremo Paulus III. in suis extraordinariis regulis Clementem est imitatus. Hæc ille. Quidquid sit de hoc asserto Gomesii, illud constat, eam clausulam hujusque regulæ manere insertam; atque ob eam additionem dubitare coepisse hujus Regulæ Interpretes, utrum in resignatione facta à sano regula locum non haberet, si modo intra 20. dies juxta terminos regulæ decessisset.

Et quidem Choquier in Commentario ad hanc regulam, putat ob hanc Clementis appendiculam, hodie non requiri ut Resignans aliquo tempore infirmus fuerit, ut huic Regulæ locus sit. "Modo post consensum per se, vel per Procuratorem præstitum moriatur infra 20. dies, locus erit huic Regulæ; hoc est, Beneficium vacabit per obitum, & non per resignationem, quamvis ab initio esset sanus. Ita ille, qui hinc ulterius concludit: "Et proinde pro nihilo sunt diversæ diversorum Doctorum hujus Regulæ limitationes, videlicet de senectute sano; item amente extra tempus delirii; item de constituto in periculo mortis tempore tempestatis, prælii, contagionis. Istæ, inquam, limitationes plane jam corrumpunt propter dictam Clementis VII. appendicularem Constitutionem. Ita Choquier.

VI. At Rebuffus, quamvis referat Regulam cum dicta Clementis appendicula, nihilominus inter requisita regulæ, primo loco requirere non dubitat, ut Resignans sit in infirmitate constitutus; atque concludit: "Ergo si esset sanus resignationis tempore, licet postea fato quodam moriatur intra viginti dies, nec tamen habet locum hæc Regula: quia Resignans non est in infirmitate constitutus.

(a) Gregorius XI. obiit anno 1378.

Et sane si infirmitas Resignantis non exigeretur tempore resignationis, dicere non deberent, etiam moderni Pontifices, *Si quis in infirmitate constitutus resignaverit*; utpote quæ nimis aperte supponunt, regulam loqui de Resignante in infirmitate constituto; uti recte advertit citatus Vande-Velde refutans opinionem Choquier.

VII. Una notat Vande-Velde, quod Pontifices addendo eam clausulam: *Etiam vigore supplicationis, dum esset sanus, signata*, voluerint duntaxat declarare, regulæ locum esse, si quis in infirmitate constitutus resignaverit, tamen hæc resignatio facta fuerit vigore supplicationis, dum esset sanus, signata.

Pro quo observandum, per supplicationem non fieri proprie resignationem; sed per consensum Resignantis sive per se, sive per Procuratorem specialiter ad hoc constitutum: quia paria sunt resignare, vel præstare consensum, ait Rebuffus ad hanc Regulam, *Glossa 2. num. 3.*

Imo uti post Flaminium Parisium recte advertit Choquier *num. 18.* "Potest supplica porrigi à quocumque, etiam sine mandato speciali, & per litteras missivas, licet ad præstandum consensum Notarii Cameræ vel Cancellariæ illum non extenderent, nisi de illo constaret per publicum instrumentum.

Si itaque supplicatio pro approbatione resignationis exhibita fuerit, tempore quo Resignans adhuc sanus erat, postmodum vero Resignans in infirmitate constitutus per se vel specialem Procuratorem consensum præstet, locus erit Regulæ, quia revera censetur resignare in infirmitate constitutus; quia præstando consensum proprie resignat: tamen tempore supplicationis signata fuerit sanus. Voluerunt enim Pontifices, ut sicuti consensus præstitus post signatam supplicationem retrotrahitur ad datam supplicationis; ita quoque ipsa infirmitas, quæ est tempore consensus præstiti, retrotrahatur ad eandem datam: censeturque in infirmitate constitutus à data supplicationis resignasse.

VIII. Itaque infirmitas requiritur tempore resignationis; non autem tempore quo expeditur mandatum, vel instrumentum mandati ad resignandum, quia revera per tale mandatum, aut instrumentum mandati nondum fit resignatio. "Quid enim si sanus hoc facit, & instrumentum penes se servat, vel non levatur, sed manet in matrice Notarii, donec accedente infirmitate levetur & tradatur cursori? Locus erit omnino huic regulæ, quæ loquitur de resignatione facta vel executata contemplatione infirmitatis," ait Auctor Analysis ad hanc Regulam, *num. 128.*

IX. Infirmitas quam exigit Regula, intelligi debet modo vulgari de vera corporis infirmitate, à qua quis vulgociditur infirmus, sive in infirmitate constitutus.

Hinc recte concluditur, Regulam intelligi debere de infirmitate corporis, non autem mentis, uti post Rebuffum recte notat Auctor Analysis *num. 141.* "Nisi esset talis & tam vehemens incertor, ut ex eo sanitas corporis notabiliter læderetur: quia tunc concurreret etiam infirmitas corporis, & periculum vitæ: alioquin in sola ægritudine, de qua non speratur mors, non adaptaretur hæc Regula. Si tamen ægritudo mentis alienationem induceret, non per hanc Regulam, sed jure communi corrumpere resignatio, & quidquid inde secutum esset.

X. Eadem ratione nec in senectute hæc Regula obtinet: quia proprie non dicitur infirmus; uti bene observat Rebuffus *Glossa 2. num. 13.* post Gomesium ad hanc Regulam *quæst. 7.*

Similiter Regula non obtinet in adeunte bellum, aut mare: quia licet aliquod periculum mortis immincat, nequaquam tales dicuntur in infirmitate constituti; sed sani sunt, & ut tales ab omnibus habentur. Rebuffus *num. 14.*

XI. Imo post Gomesium dicit ibidem Rebuffus, locum non esse huic Regulæ: si quis resignet peste correptus: nam Gomesio is dicitur infirmus, qui jacet in lecto febre



*febre correptus.* Ad quam Gomeſii opinionem reflectens citatus Auctor *Analys. num. 126.* non immerito dicit: *Sed prorsus delirat:* " Quia quanto morbus periculosoſior eſt, quanto major ſanitatiſ & vitæ deſperatio, tanto major dicitur infirmitas, in veris & propriis terminis huius Regulæ; ſive verba, ſive mentem, ſive utrumque inſpicias.

Deinde concludit idem Auctor: " Sive igitur Reſignans detineatur morbo, quo decumbit, ſive non decumbat, ſed ſedeat, vel etiam ambulet, ſi tamen ex eodem morbo, puta vulnere enſis, vel colluſione, lapſu, vel apoplexiâ, ſeu gravi catarro, vel carbunculo peſſifero laboret, & infra viginti dies de eodem morbo decedat, locus eſt huic Regulæ.

XII. Non ſufficit Reſignantem tempore reſignationis fuiſſe in *infirmitate* conſtitutum; ſed inſuper requirit Regulâ, ut de *ipſa infirmitate deceſſerit*; id eſt, ex illa infirmitate, in qua tempore reſignationis conſtitutus erat. Unde concludit Rebuffus *Gloſſa 11.* quod ſi *fato* quodam moreretur, non haberet locum hæc Regulâ: ibidem unâ notans: " Dicitur tamen mori ex infirmitate, etiam ſi febris ratione illius ſupervenerit, vel aliud acciderit ab ipſa infirmitate, ſecus ſi extra provenerit. Deinde nonnullis interpoſitis, tandem concludit: " Ergo relinquitur arbitrio Medicorum, quando cenſeatur obiiſſe mortem ex infirmitate.

XIII. Si tamen dubium ſit, præſumitur mortuus ex eodem morbo, vel infirmitate; ut monet Auctor *Analys. num. 126.* & etiam Rebuffus loco citato, qui conſequenter concludit: " quod ſufficiat duo probare, primo, Reſignantem infirmum tempore reſignationis, & demum mortuum intra viginti dies: quia præſumetur mortuus ex ipſa infirmitate, non ſi fuerit contrarium probatum.

XIV. Ut Regulâ obtineat, exigitur, ut de illa infirmitate deceſſerit intra *viginti* dies. Accipitur autem hic dies pro die *naturali* viginti quatuor horarum, ut poſt Rebuffum *Gloſſa 9.* monet Flaminius Pariſius *lib. 12. quæſt. 8.* unâ notans, diem ultimum debere eſſe *totaliter* completum; ita ut ſi moriatur ipſo die vigefimo, cenſeatur mori intra 20. dies ad mentem Regulæ: quamvis non attendatur, quâ *hora* diei ipſa reſignatio facta ſit: quia Notarii Cameræ & Cancellariæ horam præſtitii conſenſus ſeu factæ reſignationis annotare non conſueverunt.

XV. Obſervat inſuper Rebuffus citatâ *Gloſſa 9.* quod Regulâ hæc etiam habebit locum, " etiam ſi admiſſâ reſignatione moreretur Ordinarius intra viginti dies, vel Papa: quia licet per mortem Papæ extinguantur Regulæ, tamen hæc Lex Regni facta eſt eo ipſo, quod in Parlamento fuit recepta & regiſtrata: quæ in tantum fixa manet, ut nihil officiat mors Papæ.

XVI. A quo tempore dies illi viginti computandi eſſent, apud antiquos Regulæ huius Interpretes non exigua fuit difficultas; quam ſuſtulit Julius II. addendo ipſi Regulæ hæc verba: *A die per ipſum reſignantem præſtandi conſenſus computandos*: quæ verba à poſterioribus etiam Pontificibus retenta ſunt.

XVII. Et quamvis Regulâ fuerit à Parlamento Pariſienſi 20. Novembris 1493. regiſtrata, & pro Lege Regni recepta abſque dictâ clauſula, quæ demum ſub initium ſequentis ſæculi à Julio II. fuit adjecta; nihilominus, uti notat Auctor *Analys.* merito in uſum recepta eſt; qui *num. 10. & 11.* de tempore, quo dies illi computandi ſunt; nec non de huius clauſulæ receptione ita loquitur: " Circa tertium (hoc eſt, ut *infra 20. dies deceſſerit*) notandum, quod ante Julium II. hi viginti dies currere incipiebant ſtatim à reſignatione admiſſâ, ſive collatio ſtatim eſſet facta, ſive dilata, & non prius: unde ſi conſtaret de inſtrumento reſignationis, in Camera, vel Cancellaria Papæ, vel Legati *de latere*, & conſtaret ſuſpenſam vel dilatam eſſe admiſſionem (quod minimè ſolent) ſi tamen quocumque caſu contingeret diſſiſſam eſſe admiſſionem, non inciperent

currere xx. dies (etiam ceſſante Regulâ Julii) niſi à die admiſſionis, ut ſuprà probavimus, quidquid ſcripſerit Gomeſ. ſed ab adventu Julii, qui die 28. Novembris 1503. anno 1. hanc Regulam rursus innovavit & publicavit, eique primus addidit clauſulam illam: *A die per ipſum Reſignantem præſtandi conſenſus computandos*: ex tunc, inquam, hoc tempus non cœpit, nec deinceps currere incipit, niſi à die ſolius reſignationis *admiſſæ*, veræque vacationis per reſignationem admiſſam, imò nec à die collationis: ſed tantum à die quâ ipſemet Reſignans, perſonaliter (ſi præſens ſit in Curia) aliâs, per Procuratorem ad hoc ſpecialiter conſtitutum, expeditioni Bullarum conſenſerit, & juraverit, ut moris eſt, ſecundum Regulam *xl. 111.* Innocent. VIII. Et quamvis dictâ clauſula non habeatur in textu huiusmodi Regulæ, diu ante adventum præſati Julii in uſum recepit, & etiam in hoc ſummo Pariſiorum Senatu, & in publica monumeta relatæ, tamen ita procul dubio obſervandum, & judicandum eſt: cum per hanc clauſulam juſtè additam, magis obvietur fraudibus, & plenius Ordinariorum libertati conſulatur.

XVIII. Ulteriùs, cum dicatur *infra 20. dies à die per ipſum Reſignantem præſtandi conſenſus*, inferit Rebuffus *Gloſſ. 10. n. 9.* & poſt eum alii Interpretes, " quod dies conſenſus non computetur in termino viginti dierum; & hoc (ait) probatur per diſtinctionem A. quæ ſeparationem & exclusionem denotat. Unde ſi quis reſignaret Kalendis Julii, & vixerit uſque ad vigefimum diem, adhuc habebit locum hæc Regulâ, & cenſetur per obitum vacare; verum ſi lapſus fuerit dies, valebit reſignatio: quippe non computabitur hoc tempus de momento ad momentum, ſed tota dies computatur, ut ſi quis reſignaverit hora 7. Kalendarum Julii; tamen die ſequenti, illâ horâ non erunt lapſi dies viginti: ſed requiritur tota dies evoluta.

Reſertur in libro, cui titulus, *Journal du Palais tom. 10. pag. 426.* & ſequentibus, quod anno 1680. in magno Parlamento Pariſienſi multum diſputatum fuerit, an Regulâ hæc requiratur 20. dies *liberos & plenos*, inter diem admiſſæ reſignationis & diem mortis, ita ut, nec ipſe dies præſtitii conſenſus, nec dies mortis computetur; tandemque deciſum fuerit in Martio anno 1682. tales dies requiri; ubi & opinionis huius fundamenta videri poſſunt.

XIX. Dicit Regulâ, quod ſi Reſignans ante elapſos illos viginti dies ſecundum tenorem Regulæ deceſſerit, ipſa collatio ſic facta ſit *nulla*, ipſumque Beneficium *per obitum* cenſeatur vacare: ita ſcilicet, ut Ordinarii Collatores de illo Beneficio poſſint providere, quin & Nominati Academici illa acceptare, ac ſi nullâ reſignatione præcedente, *per obitum* poſſeſſoris ſimpliciter vacarent. Rebuffus *Gloſſa 12.* ibi quoque dicit, vigore huius Regulæ Beneficium, non obſtante reſignatione, ita cenſeri *per obitum* vacare, ut etiam ſi alicui Beneficium tantum deberetur, ſi *per obitum* vacaret, equidem ſic vacans deberetur.

XX. Et licet reſignatio facta eſſet in Curia Romana, nequaquam tamen propterea Papæ eſſet reſervatum: ſed ſi reſignatio ſit nulla vigore huius Regulæ, poterit liberè tanquam *per obitum* vacans ab Ordinariis conferri; & ita *quotidie videmus Leodii, & in Urbe* (id eſt Romæ) *præſtari*, ait Choquier *num. 23.*

XXI. Requiritur tamen ad inducendam nullitatem collationis, ut collatio ſit facta vigore *reſignationis*. Dicit enim Regulâ: *ac ipſum Beneficium conferatur PER RESIGNATIONEM.* Unde ſi infra viginti dies Reſignans per ſententiam Beneficio privaretur, aut Matrimonium iniret, (a) aliove modo Beneficium vacaret, collatio eſſet valida non obſtante hac regulâ: quia non eſt Beneficium collatum tanquam vacans per reſignationem.

XXII. Olim anxie diſceptatum fuit, an Regulâ h

(a) Germani Proteſtantes in Capitulo Magdeburgenſi idem tempus Canonicum in reſignationibus obſervant, quanquam viginti diebus alterum addiderunt teſte Lyuckero. *viſp. 34. n. 11.*

concerneret resignationes sive simplices, sive ex causa permutationis factas coram Ordinario: at postquam Paulus III. addidit ipsi regulæ hæc verba, *quavis auctoritate*, quæ subsequentes Pontifices quoque retinuerunt, communi penè calculo receptum fuit, Regulam etiam in renuntiatione facta coram Ordinario extra Curiam Romanam locum habere; uti post Flaminium Parisium alioque citato tradit Choquier num. 20. idque in in resignatione causâ permutationis, sive permutentur Beneficia æqualia, sive inæqualia; sive reservatis fructibus, vel pensione, sive non reservatis; uti latius ostendit Flaminius Parisius lib. 12. quæst. 5.

XXIII. Notatautem Vande Velde in citatis observationibus MS. "Hic in Belgio videntur omnes Regulæ Cancellariæ præsertim quatuor superscriptæ (nempe regula *De viginti diebus*; *De publicandis resignationibus*; *De Verisimili notitia*, & *De Idiomate*) ipso usu esse receptæ.

Deinde subjungit: "Exstat tamen Edictum Philippi II. Regis de anno 1574. quod etiam vetat mandari executioni regulas Cancellariæ Apostolicæ non contentis litteris *Placeti* in Consilio privato, vel in Cancellaria Brabantiae, si quæ forsan de novo condentur, tendentes in præjudicium hujus Reipublicæ, aut alicujus tertii, prout Edictum istud expressè subjungit.

XXIV. Verum Edictum istud expressè non meminit Regularum Cancellariæ, prout hic auctor innuere videtur: sed generaliter duntaxat de quibuscumque gratiis, indultis, privilegiis sive generalibus sive particularibus, sententiis aut executorialibus datis aut emanatis à Papa ejusve Legato, loquitur: sub qua generalitate comprehendit Regulæ Cancellariæ non dubitavit dictus Auctor; nec ratio dubitandi videtur; tam attentâ Edicti generalitate, quam ejusdem scopo.

Cum hoc Edictum hætenus libris Edictorum non sciam insertum; missum tamen sciatur ad omnia Belgii Consilia, & in publicis monumentis asseruari, & quotidiano usu firmiter ad hunc diem observari, ejus verba hic inferere operæ pretium judicavi.

*Desirans que les affaires Ecclesiastiques soient conduites, maintenus & réglés selon les anciennes Constitutions, Canons & Conciles de la sainte Eglise, à Phonneur de Dieu & salut de nos Ames; AVONS, par avis & délibérations de nos principaux Conseillers Souverains & Provinciaux de par-deçà, ORDONNÉ, STATUÉ ET DÉCLARÉ par forme d'Edit perpétuel, comme ordonnons, statuons & déclarons, que nulles Bulles, Provisions, ni autres Dépêches ou Impétrations de Rome, ni de Legats ou Nonces Apostoliques, ou révocations d'aucunes Grâces, Indults, Privileges, tant généraux que particuliers, ni aussi aucune Sentence ou Executoriales rendues & decretées hors nosdits Pays de par-deçà, tendant directement ou indirectement au préjudice de cette République, ou d'aucun tiers particulier, se puissent admettre & sortir effet en jugement ou dehors, ni estre mises en exécution en iceux nos Pays de par-deçà, n'est que préalablement lesdites Lettres, Bulles, Sentences, & autres Impétrations aient été vûes, visitées & examinées par Nous en notre Conseil Privé, ou en notre Conseil de Brabant, & que les Impétrans aient obtenu nos Lettres Patentes de Placet à ce pertinentes.* Id est: Cupientes ut Ecclesiasticæ causæ curentur, protegantur & dirigantur juxta prisca statuta & Canones Conciliorum Ecclesiæ, ad Dei honorem, animarumque nostrarum salutem; Ex consilio & deliberatione Primarii cujusque & supremi Senatûs nostri, & Provincialium, in ditionibus citerioribus, mandavimus, statuimus, & declaravimus in forma Edicti perpetui, prout mandamus, statuimus, & declaramus, nullas Bullas, Provisions, aliasve litteras, aut gratias Romæ impetratas; sive Legatorum, sive Nuntiorum Apostolicorum; aut quarumcumque gratiarum, Indultorum, Privilegiorum, tam generalium quam particularium suppressiones; nullam insuper sententiam, aut Executoriale mandatum pronuntiata, aut

decreta, extra dictas nostras ditiones citeriores, directè aut indirectè, tendentia in præjudicium hujus Reipublicæ, aut alicujus tertii, admitti posse, effectumque suum sortiri in, aut extra judicium, nec executioni mandari posse in dictis Regionibus citerioribus, nisi præviè à Nobis in Consilio nostro Sanctiori; aut Senatu Brabantiae, dictæ Litteræ, Bullæ, Sententiæ, aliæque impetrationes fuerint visæ, expensæ & examinatae, obtinuerintque Impetrantes Placeti nostri id spectantis litteras patentes.

XXV. Cum igitur Regula hæc tempore hujus Edicti extaret cum omnibus modernis clausulis, etiam hac Pauli III. nihilque à tempore promulgati hujus Edicti sciat huc Regulæ additum, non sine fundamento idem auctor in observationibus ad hanc regulam asserit, quod *praxis ususque Forensis jam pridem eam receperit cum omnibus superscriptis clausulis.*

XXVI. Hinc etiam concludere non dubitat, quod ob dictam clausulam *QUAVIS auctoritate*, "hodie hic cesset disputatio, utrum Regula habeat locum in collatione *ordinaria*."

Similiter Wamensis noster *Consilio 257. num. 12. De Prabendis*, postquam dixit, aliquorum; ac signanter Molinæi opinionem esse, hanc Regulam non obtinere in resignationibus ex causa permutationis coram Ordinario subjungit: "Quorum opinio nunc subsistere vix potest, posteaquam posteriores Pontifices, ampliando dictam Regulam, addere consueverunt hæc verba, *Acceptum Beneficium, QUAVIS auctoritate conferatur.* Uti non sit dubium, quin in Ordinariis quoque locum habere censeatur.

XXVII. At in Gallia idem dici non posse apparet: quod ibidem hæc Regula in Parlamento Parisiensi registrata sit, & pro lege Regni recepta triginta circa annis priusquam hæc verba, *quavis auctoritate* à Paulo III. fuerint addita. Et quidem Molinæus relato textu hujus Regulæ sine his verbis, ea ad marginem annotat tanquam à Paulo III. adjecta, unâ monens: *Hæc additio in usum recepta non est Gallis*: qui & in Analyti sua ad hanc regulam contendit, eam in resignationibus coram Ordinario non obtinere; eamque opinionem dicit ab anno 1546. invaluisse, & ab eo anno secundum ea, se passim consuluisset fatetur: " & à cæteris togati nostri Ordinis (ait) eorumve majori & saniori parte certatim consuli & responderi vidi; sicque deinceps annis sequentibus tandem in hoc Senatu pluribus classibus congregatis emanavit Arrestum hoc anno 1550. ab Illustriss. Domino Ægid. Magistro solemniter pronuntiatum die Jovis 14. Augusti, super Parochia de la Boissière Diocesis Andegavens. quæ 14. Junii 1542. per Episcopum ordinarium collata fuerat ad resignationem infirmi, qui postea eodem mense, & sic infra 20. dies ex eadem infirmitate decessit: unde Episcopus contulit alii per obitum, qui reperiens Resignatarium priorem in possessione, contra eum agit possessorio coram Seneschallo Andegavensi, ubi recedentiam obtineret; Resignatarius appellat: & per Arrestum dictum est malè judicatum, bene appellatum: intimatus per obitum provisus in expensis causæ appellationis condemnatus: & emendando judicium, Resignatario diffinitivè adjudicatum plenum possessorium, cum expensis damni, & interesse causæ principalis.

Hæc ille, qui dein tum ex tenore, tum scopo ipsius Regulæ æquitatem hujus Arresti ostendere conatur.

XXVIII. Zypæustit. de *Renunt. num. 3.* citato Molinæo, simpliciter de hac Regula asserit: "Locum verò tantum habet in collatione Papæ, non *Ordinariam*. Deinde subjungit: "Sed an locum habeat in resignationibus ex causa permutationis factis? Papon lib. 3. *Arrest. art. 2.* censet habere: Molinæus id exactius n. 29. & seqq. examinat, sentitque nec hoc casu Regulam respectu Ordinariis obtinere, quod & magis probatur. Imprimis, quod de sola Gallia dixit Molinæus, nimis generaliter expressit Zypæus, qui præcipue pro

pro Belgio Juris Pontificii Analysim scribebat.

XXIX. Adhæc, ipsa opinio Molinæi nec ab ipsis Gallie Pragmaticis indistinctè recipitur, nec hodie in Parlamento recepta apparet; uti videre est apud Brodæum in notis ad Louetium *litt. I. num. 5. & litt. P. num. 42.* & Fevretium *De Abusu lib. 2. cap. 6. num. 8. & 9.* & alios ibidem citatos; qui varias in hac quæstione Parliamentorum decisiones & Doctorum opiniones referunt.

Quæstio hæc circa annum 1673. incidit & agitata fuit in Senatu Regio Metensi, in qua interveniens Advocatus Regius multis argumentis ostendit, huic Regulæ in resignatione ex *causa permutationis* coram Ordinario locum esse; atque inter alia asserere non dubitavit, Doctores omnes, qui post Molinæum scripserunt, uno consensu hanc opinionem sustinuisse; unâ ostendens, hanc Regulam esse favorabilem; ideoque & merito in hac resignatione servandam; & conformiter ad hanc Advocati Regii conclusionem judicavit Senatus 22. Novembris 1694. Habetur in libro cui titulus *Journal du Palais, tom. 5. pag. 169. & sequentibus.*

XXX. Quoad simplicem ac puram resignationem factam coram Ordinario, etiam à constituto in *extremis*, eam ex hac Regula impugnari non posse, tamen si intra paucos dies à facta resignatione Resignans decesserit, sit apud omnes compertum est. Neque contra collationem vigore similis resignationis factam admitti probationem fraudis eo titulo, quod *ab infirmo* facta sit. Aliud esset, si quis alium titulum fraudis probare veller; puta nundinationem, conventionem pactionemve secretam inter Resignantem & Ordinarium: cujus probatio recipi deberet: quia, uti post Molinæum ait Brodæus citato *num. 42. non licet Episcopo negotiari de Beneficiis.*

XXXI. Hodie communiter & de stylo derogatur huic Regulæ, quando Resignans est *absens* à Curia, ait Choquier *num. 34.* ex Gomesio ad hanc Regulam *quæst. 39.* qui tamen dictum suum limitat ad eos qui sunt *extra Italiam.* "In Italia verò (ait) aliquando solet concedi derogatio, quando locus resignationis distat à Curia, & Beneficia quæ resignantur non sunt reservata. Si verò sit locus vicinus Urbi, (id est Romæ) cum majore difficultate conceditur.

Hæc derogatio olim rarissima, invalescere cœpit à tempore Leonis X. qui sub initium sæculi XVI. sedit; nam uti notat Gomesius, tempore hujus Pontificis sæpius derogatum fuit huic Regulæ pro pluribus personis, ac sensim in omnibus resignationibus inferri cœpit.

XXXII. Derogationem hanc non tantum in præjudicium Ordinariorum, sed & Graduatorum in Gallia admitti, & in Parlamento Regiis non semel decusum, testantur passim Pragmatici Gallie. Rebuffus ad Concordatam *tit. De Collatoribus §. Præfatique Ordinarii*, verbo *Vacare*, alique passim; atque inde inferi Castellus *pag. 43.* per frequentem hanc derogationem, Regulam penè reddi *inutilem*: qui *pag. 49.* allegat verisimilem rationem introductæ hujus derogationis.

XXXIII. An hic in Belgio derogatio ex stylo Curie litteris inferi solita, vim suam habeat in præjudicium Ordinariorum, & Nominatorum Academicorum, non perinde constat. Sæpius citatus Vande-Velde in suis ad hanc Regulam Observationibus quærit: "Sed quid, si Pontifex derogaverit huic Regulæ, utrum ista derogatio nocebit Nominato?" Respondet: "Nequaquam; quia licet derogatio ista faciat primò quidem cessare Regulam, quatenus habet initium à Sua Sanctitate, non tamen quatenus hic usu recepta est per modum legis seu consuetudinis perpetuæ."

Cum anno 1624. petiitum esset *Placetum* Regium in Consilio Privato super litteris provisionis Apostolicæ, quibus inserta erat clausula derogationis hujus Regulæ, Consilium annuit petiitum *Placetum* cum hac expressa clausula: *Sans préjudice des Parties, lesquelles se pourront servir de moyens déduits par leurs moyens ou écrits, par-devant les Juges ordinaires, soit au pétitoire, soit au possessoire: Bien entendu que si la décision du différent*

Tom. I.

*se trouve dépendre du point de la DEROGATION DE LA REGLE DE 20. DIEBUS contenue aux Bulles, lesdits Juges n'y résoudront rien sans en donner part à Sa Majesté, avec leur avis.* Id est: Sine partium præjudicio, quibus liberum erit adhibere media in responsione aut in scriptis suis deducta, coram Judicibus ordinariis, tam in *pétitorio*, quàm in *possessorio*: Cum hac tamen cautela, ut si contestationis decisio penderet a PUNCTO DEROGATIONIS REGULÆ DE 20. DIEBUS in Bulla expressa, dicti Judices nihil statuant, nisi suam Majestatem certiorum desuper fecerint, judiciumque suum opinantes adjunxerint.

Eadem rursus quæstione incidente inter Albertum Du Bois supplicantem pro *Placeto*, & Carolum Colins opponentem occasione similis provisionis Apostolicæ de Præbenda in Ecclesia Collegiata S. Amati Duaci, multumque coram Consilio Privato esset disceptatum, tandem 19. Junii 1646. litteræ *Placeti* cum eadem clausula datæ fuere. Utrumque Decretum refertur in Registro MS. Archiepiscopatus Mechl. *Cent. 3. art. 19.*

Hinc non obscurum est, Judicibus Regiis expeditum huius fuisse, num derogatio Regulæ de 20. diebus hic admittenda; atque hujus quæstionis decisionem tanti momenti existimasse, ut eam inferioribus tribunalibus non crediderint committendam.

XXXIV. Et sanè, quandoquidem hic in Belgio passim inter Ordinarios & Sedem Apostolicam sit recepta & stabilita divisio mensium; neque ulla in mensibus Ordinariorum admittatur præventio (uti supra *tit. 6. cap. 8. alias tit. 23. cap. 7. num. 25.* notavimus) quæ in Gallia juxta eorum Concordata in usum recepta est: Mirum videri non debet, si non æquè faciliè hic in Belgio, ac in Gallia derogatio hujus Regulæ in præjudicium Ordinariorum admittatur.

## CAPUT VI.

Novæ observationes fiunt in Regulam Cancellariæ De infirmis Resignantibus.

1. Hæc Regula eo nomine non donabatur ante Bonifacii VIII. tempora.
2. Interpretatio Regulæ de infirmis seu viginti diebus in favorem Cardinalium.
3. Quo tempore requiratur infirmitas ut sit locus huic Regulæ?
4. Utilitas additionis quæ Regulæ facta est à Clemente VII. & Paulo III.
5. Utrum Regula locum habeat in resignatione coram Ordinario?
6. Quid judicatum in Parlamento Mechliniensi?
7. Præcipuum ejus Arvesti fundamentum.
8. Mens Regulæ supradictæ exponitur.
9. Præcipuum hujus Regulæ scopus.
10. An huic Regulæ sit locus in resignatione simplici coram Ordinario?
11. Derogatio huic Regulæ facta, an admittenda?
12. Observatio Molinæi in hujus Regulæ derogationem, qualis in Gallia admittitur.
13. Illam derogationem improbat Molinæus.
14. Proponit motiva, quibus Galliarum Rex effectum hujus derogationis impediret.
15. Rationes Molinæi à Gallis non probatæ Belgarum usui patrocinantur.
16. Casus quidam, in quibus hujus Regulæ derogatio in Romana Curia non admittitur.

I. OBSERVAT Joannes Solier in notis ad Melchiorum Pastorem Tractatu de Beneficiis lib. 3. tit. 7. littera B. quod ante Bonifacium VIII. Regula de infirmitate mentionem non haberet: ideoque de viginti diebus, non autem de infirmis Resignantibus denominaretur: sed additis à Bonifacio

M m m m m

cio



cio VIII. *infirmis* verbis ceperit promiscuè de *viginti diebus*. seu *infirmis Resignantibus* nuncupari.

II. Observat præterea, quod etiamnum hodie Regula habeat locum quoad Beneficia spectantia ad collationem *Cardinalium*, tametsi nulla *infirmis* præcesserit, modò ipse Resignans intra *viginti dies* ab admitta resignatione decesserit: "Quia (ait) indultum Cardinalium Regulam vocat de *viginti diebus*, non autem de *infirmis* Resignantibus. Intelligitur de antiqua illa, cui aliàs locus erat, etiam extra casum *infirmis*, ut & hodie sit ei locus ad favorem Cardinalium.

Si hæc fiat & permittatur Regulæ interpretatio in favorem *Cardinalium*, ut ipsis integra, & libera maneat Beneficiorum provisio; nonne potiori jure hæc esset facienda & retinenda Regulæ interpretatio in favorem *Episcoporum*, quibus non ex speciali indulto; sed jure proprio Beneficiorum provisio per suas respectivè Dioceses competere censetur?

III. Quod num. 8. cap. 5. observatum est ex Molinæo, sive Auctore Analysis in Regulam Cancellariæ de *infirmis Resignantibus* num. 115. infirmitatem requiri tempore factæ resignationis, idipsum probat hic Auctor ibid. num. 16. & seqq. notatque quod ad obviandum fraudibus, Regula "pro principio morbi non ponderet, nec requiratur aliud initium quàm tempus, vel Datam ipsius resignationis, ergo admissiois.

Hinc ulterius concludit, monetque admodum notandum in praxi, quod sufficiat ad effectum hujus Regulæ, Resignantem esse infirmum tempore resignationis admittæ, vel etiam tempore collationis, si diu post sequatur, vel etiam tempore præstiti consensus, si postea præstitus fuerit, quantumvis prioribus nedum sanus fuerit, sed & sine suspitione infirmitatis.

Meminit & ibidem additionis factæ per Clementem VII. & Paulum III. quæ hodie legitur in textu Regulæ, quæ declaratum est & statutum "sufficere, Resignantem esse infirmum tempore dati consensus, quantumvis primi, etiam si tempore admittæ resignationis sanus fuerit, ut si de illa infirmitate infra vigesimum diem obierit, vacet per obitum.

IV. Addit deinde: quod cum sit libertati Ordinariorum favorabile, & ad fraudes parvarum Datarum restringendas; utque veteres sacri Canones minùs corrigantur & fraudentur, minusque pateat via successionis carnalis in Beneficiis Ecclesiasticis, utiliter statutum, omnino tenendum & præticandum est.

V. Numero 26. cap. immediate præced. observatum est, quod post addita per Paulum III. hæc verba, *quavis etiam auctoritate*, huic Regulæ, dubium non sit quin hæc Regula etiam obtinere debeat in resignationibus ex causa permutationis coram Ordinario; atque Regula cum hac additione videatur in Belgio recepta.

Verùm quoad hanc in Belgio receptionem, nuper in quadam causa dubitatum est; quin & plures à Parlamento Mechliniensi in eam inciderunt opinionem, hanc Regulam cum prædicta clausula hætenus non fuisse receptam: quod satis intelligitur ex iis quæ referuntur in Collectione Arrestorum Parlamenti Mechliniensis adornatâ per Dominum Laury ejusdem Parlamenti Consiliarium, Arresto 123. ibidem enim narrat quod cùm anno 1713. incidisset quæstio occasione controversiæ in possessorio de Præbenda secundæ foundationis vulgò *Zellard* in Ecclesia Metropolitana Mechliniæ, quam quidam Joannes de Munck viâ permutationis coram Ordinario acceperat ab Antonio de Munck fratre suo, qui in infirmitate constitutus eam viâ permutationis resignaverat.

Cùm autem Resignans infra viginti dies à facta resignatione obiisset, quidam Joannes Franciscus Besseler eandem Præbendam tanquam vacantem per obitum vigore hujus Regulæ impetravit à Romano Pontifice, cò quod vacatio contigisset in mense reservato.

Porro inter partes conveniebatur, Resignantem nondum elapsis viginti diebus à facta resignatione ex ipsa infirmitate decessisse, atque obiisse in mense reservato; & per consequens, unica superesse visa fuit quæstio, utrum hæc Regula in Belgio esset recepta cum additione facta per Paulum III. sive utrum haberet locum in resignatione ex causa permutationis coram Ordinario.

VI. Plures ab utraque parte adductas auctoritates, refert Collectionis Auctor; testaturque omnibus discussis tandem judicatum fuisse per Arrestum die 2. Decembris 1713. Regulam hanc in his partibus non habere locum in resignationibus ex causa permutationis factis coram Ordinario: verba Auctoris gallicè expressa sunt: "Il a été jugé que la Règle de la Chancellerie Romaine, dite de *viginti* vel de *infirmis* Resignantibus, n'a pas lieu en ce pays au regard des Resignations des Bénéfices qui se font pardevant les Ordinaires.

VII. Præcipuum hujus Arresti & Declarationis fundamentum fuisse asserit Auctor hujus Collectionis, quod hæc Regula videatur concepta, & recepta, ut jus Ordinariorum contra Curiam Romanæ usurpationes salvum esset: si autem hæc Regula etiam locum haberet in resignationibus coram Ordinario de Beneficiis vacantibus in mensibus reservatis, tunc frequenter vigore hujus Regulæ provisio Ordinario adimeretur, & ad Pontificem devolveretur, scilicet toties quoties Resignans intra viginti dies à facta resignatione decesseret.

VIII. Verùm notandum hic unicè quæstionem esse posse de conservanda Ordinario sola collatione necessaria, sive institutione non libera, utpotè quam Ordinarius juxta terminos resignationis facere jubetur Resignatario in instrumento resignationis, sive permutationis nominato; ut proinde hæc Ordinarii provisio non possit reputari nisi *instituto necessaria*; qualis dari solet ad præsentationem Patroni, quam Ordinariis conservari nullius aut exigui momenti reputatur.

Ad hæc, si publici interfit, jura Ordinariorum integra conservari, quidni & publici interest, Patronorum Ecclesiasticorum, aut Graduatorum & Academicorum jura jam recepta & stabilita, quæ non minùs per has resignationes coram Ordinariis, quàm in Curia Romana factas, enervantur, integra servari?

IX. Præterea certum est, præcipuum hujus Regulæ scopum esse, quasi hæreditariam & testamentariam Beneficiorum in nepotes & consanguineos ac familiares translationem & successionem reprimere.

Quis porro ambigat, quin non minùs per has coram Ordinariis factas resignationes vel permutationes Beneficia jure quasi hæreditario transferantur in fratres, nepotes, alioque familiares secundum carnem & sanguinem, atque per resignationes in Curia Romana?

X. Quod dicitur in resignatione simplici & pura, facta coram Ordinario, huic Regulæ Cancellariæ de *infirmis Resignantibus* locum non esse, restringendum est ad casum, quo non tantum Ordinarius eam resignationem accepit, sive approbavit; sed & ad casum, quo nullius, nisi ipsius Ordinarii, interesse versatur; nullique præjudicium generari potest; quemadmodum etiam judicatum refertur, Regulam non obtinere in resignatione facta coram Pontifice, & ab eo acceptata, dum aliàs collatio pertinet ad Pontificem, & nullius alterius interesse occurrat.

In Opere, cui titulus: *Journal des Audiences, partie 1. lib. 2. cap. 162. ubi & lib. 4. cap. 20.* judicatum scribitur, in hujusmodi resignatione etiam simplici, Regulam obtinere, si ex circumstantiis sufficienter probetur, eam resignationem factam in fraudem Graduatorum aut Nominatorum Academicorum.

Et hoc etiam est quod dicit Molinæus ad Regulam de *infirmis* num. 86. hanc esse conditam, ut Ordinarius, dum resignationem coram se canonicè factam admittit,

admisit, non posse rursus vigore hujus Regulæ idem Beneficium tanquam per obitum vacans alteri conferre.

De simili casu verosimiliter actum fuit in Senatu Parisiensi anno 1550. de quo agit num. 270.

Indicia ex quibus colligitur, resignationem factam in fraudem Graduatorum, allegat Molinæus ad hanc Regulam num. 110. & seq.

XI. Paucis admodum cap. 5. num. 32. notatum fuit Derogationem huic Regulæ factam admitti in Gallia; quin & testatur Melchior Pastor in Tractatu de Beneficiis. lib. 3. cap. 6. num. 6. quod si Resignans supplicaverit pro derogatione hujus Regulæ, ipsa derogatio denegari nequeat: "Nam (ait) ex stylo Curiae, clausula derogatoria dictæ Regulæ in litteris beneficiarius apponi solet; & quæ sunt moris & consuetudinis, sunt servanda.

Quin & addit: "Si derogatio fuerit petita, & denegetur; Resignatarius appellare posse à negatione signaturæ, aut Bullæ tanquam ab abusu." Testaturque, judicatum fuisse super appellatione interposita à Resignatario, cui post resignationem admissam Legatus Avenionensis conferre noluerat Beneficium cum clausula derogatoria dictæ Regulæ de viginti & differebat conferre, donec sibi constaret, Resignantem supervixisse viginti dies post resignationem admissam; quo judicio Senatus abusum tollendo, Resignatarium ad Ordinarium dimisit, qui Beneficium ei contulit.

Monet idem Auctor, quod si in supplica derogatio petita non fuerit, non suppleatur: suppleri tamen possit litteris perinde valere, si jus alteri non sit quaesitum.

XII. Mirum! in Gallia hanc Regulæ derogationem ita admissam: quandoquidem evidens sit, hac derogatione Regulam de infirmis, obviandis fraudibus, nec non conservandis juribus Ordinariorum aptissimam, & ut talem in Regno admissam, omnino reddi inutilem, uti solide probat Molinæus in Commentario ad hanc Regulam num. 127. & seq. ubi ex professo hanc quaestionem discutit: utrum huic Regulæ derogari queat.

Et primo quidem tanquam certum supponit, quod Legatus etiam de latere non potest, licet habeat potestatem generalem derogandi omnibus Regulis Cancellariæ edictis & edendis: nisi specialem, & ut ita loquar, individualem habeat facultatem derogandi huic Regulæ: quia (ait) Regula jus facit, utpote judicialis, tum notabilis & favorabilis est: & ita recte tenet D. Ludovicus hic quaest. ult. & in proemio lib. 6.

Deinde addit, neque sufficere derogationes, quantumvis generales Papæ. Et quamvis non neget, quin Papa possit nominatim huic Regulæ derogare; tamen notat quod Papa passim & indiscriminatim derogare non possit, nedum debeat, nisi graves (ait) urgeant causæ.

XIII. "Nec enim (inquit) Ecclesiæ dominus est; sed administrator: non autem habet potestatem male administrandi..... At cum hæc Regula iustis de causis facta sit, & favorabilis, videlicet ad restringendum fraudes, quæ contra Canones ipsos & jus publicum fiunt, derogationem injustam esse, nedum odiosam.

Cum autem passim, (pergit Molinæus) sine ulla lectione fiat (derogatio) additis quinque ducatis, nemo non videt abusum, & illusionem esse, quasi hæc Regula nundinationis causa facta sit, utque carius Bullæ veneant. Quid autem iniquius quam legem præstare, pretioque refigi?

Cum autem sciret hic Auctor, utpote praxeos Ecclesiæ & Regni Galliarum apprime gnarus, derogationem hujus Regulæ litteris provisionis ex causa resignationis, etiam in favorem ex stylo Curiae Romanæ passim inferi; & in Gallia admitti, quasi respondendo

Tom. I.

ad prædicta ait: "His & aliis gravioribus obviam ire non est unius privati, sed Ecclesiæ legitimæ congregatæ, vel Principis, ad quem in suo Regno spectat, disciplinam Ecclesiasticam munire & defendere, etiam adversus Prælatos Ecclesiasticos abutentes.

XIV. Post hæc subjicit motiva, quibus Princeps merito inducendus videtur, ut effectum hujus derogationis in suo Regno impediatur. Primo interest universalis Ecclesiæ, quod "Beneficia conferantur per suos Ordinarios; quia ordo universalis destruitur, si unicuique sua jurisdictio illæsa non servetur 2. q. 1. C. PERVENIT, qui est textus Gregorii Magni.

Tum (ait) hæc derogatio non fit in resignationibus vere simplicibus jure communi permixtis, quarum gratia non itur ad alium, quam Ordinarium; sed fit pro resignationibus in favorem, quæ veritæ sunt, simoniacæ, & ad fovendum abusum illum, qui fit contra sacros Canones antiquos de prohibita successione in Beneficiis, & ne liceat de illis testamentum facere.

Denique notat, quod "hæc Regula, una cum Regula de publicandis, & de Regula de verisimili notitia, non solum sunt receptæ in toto Regno; sed in legem transierunt generalem; ita quod inter leges Regni in custodiam sacrorum Canonum, & libertatis Ecclesiæ Gallicanæ, sanctitas connumerari possunt: ergo (ait) derogatio multiplicem abusum continet.

Tametsi Molinæus credat, hæc sufficienter evincere, derogationem hujus Regulæ, ex stylo Curiae Romanæ litteris Provisionis ex causa resignationis in favorem inferi solitam, non fore recipiendam, sed tanquam abusivam rejiciendam, nihilominus fatetur contrarium in Regno servari, derogationemque admitti.

Testaturque Georgius Louetius in notis ad hunc Molinæi textum, quod nisi contrarius usus forensis obstaret, ipse quoque ob rationes per Molinæum adductas, ejus opinioni subscriberet.

XV. Si forsitan rationes ex Molinæo adductæ non fuerint visæ sufficientes, ut in Regno Gallie, hæc derogatio tanquam abusiva rejiciatur ob jus præventionis, quo ibidem gaudet Pontifex, non dubium equidem, quin sat probent, ut merito hæc in Belgio aliisque Provinciis, ubi jus Præventionis non est receptum, derogatio hujus Regulæ non admittatur; quodque merito clausulam derogationis in litteris expressam Consilia Regia per suas litteras Placiti probare noluerint, uti cap. 5. notatum fuit num. 33.

XVI. Et num. 31. observatum est derogationem hujus Regulæ in Curia Romana non solere admitti; dum agitur de Beneficiis reservatis, aut de vacantibus in locis Romæ vicinis; indubie, ut vigore hujus Regulæ ipsa libera Beneficiorum illorum provisio salva conservetur Pontifici; quidni igitur Principes, qui juribus Ordinariorum conservandis invigilare tenentur, hanc derogationem Regulæ non admittendam judicant.

## CAPUT VII.

### De Regula Cancellariæ, De publicandis Resignationibus.

1. Hæc Regula unde originem habuerit.
2. Refertur textus Regulæ.
3. Quæ huic Regulæ à Julio III. addita?
4. Regula in Gallia recepta sine additione.
5. A tempore Gregorii XIII. hæc Regula ommissa, ob novam hujus Pontificis Constitutionem.
6. In multis locis dicta Constitutio recepta non est; sed manet Regula.
7. Quid in hac Regula statuatur?
8. Quo in loco publicatio facienda?

M m m m m 2

9. Publi-

9. *Resignatio censetur publicata, quando palam innotescit.*
10. *Solemnis & publica missio in possessionem aequivalet publicationi.*
11. *Attamen accepta possessio non semper supplet vicem publicationis.*
12. *Quomodo in Gallia probanda possessio; & qua possessio requiratur?*
13. *Præter possessionem civilem requiritur publicatio; nec publicatio sine possessione sufficit.*
14. *Intra quod tempus facienda publicatio; & quando hoc tempus currere incipiat?*
15. *Utrum aliquod impedimentum sufficiat ut tempus publicationis prorogetur.*
16. *Regula locum non habet, si vivore signante capta sit solemniter possessio.*
17. *Utrum satisfiat Regula de publicandis, &c. per hoc quod fuerit petita possessio, si publicatio secuta non fuerit?*
18. *Ad quid tempus in Regula præfixum?*
19. *Vivo resignante sufficit, ut saltem intra triennium accipiatur possessio.*
20. *Resignante mortuo in possessione intra tempus à regula præfixum, potest Resignatarius capere possessionem.*
21. *Quid in Gallia in favorem Graduatorum & Patronorum statutum?*
22. *Qua ratione Beneficium resignatum vigore hujus regulæ vacet per obitum?*
23. *Beneficium vacans vi hujus Regulæ per Nominatum Academicum acceptari potest.*
24. *Provisio facta contra hanc regulam est nulla; nec possessio prodest.*
25. *An huic regulæ derogari queat?*
26. *Ante tempus præfixum prorogari?*
27. *In Galliis summus Pontifex derogare non potest Regula de publicandis resignationibus.*
28. *Mendum Louetii notatum ab Antonio Vaillant.*
29. *In Belgio non videtur summus Pontifex posse derogare Regula de publicandis resignationibus.*

I. **E**x Regula De Infirmis Resignantibus videtur originem accepisse alia Regula Cancellariæ, quæ dicitur De Publicandis Resignationibus.

Cum enim fraudatores viderent sibi liberum non esse, fraudem facere tempore infirmitatis propter Regulam De Infirmis Resignantibus, cœperunt infirmitatem & periculum mortis prævenire, faciendo in fanitate resignationes in favorem, sed easdem occultando, quamdiu Resignantes viverent, ut ad mortem usque Beneficiis fruerentur: & sic major gliscebatur & succedebat fraus, quam ante dictam Regulam De Infirmis: quia nec tempore quidem infirmitatis & mortis detegebatur fraus; sed demum per obitum, & quandoque diu post. Hæc Auctor Analysis ad hanc Regulam De Publicandis Resignationibus; qui ibidem plures fraudes ex secretis & occultatis hujus resignationibus profluentes notavit.

II. His itaque occurrere volens Innocentius VIII. Regulam hanc edidit, referturque à Joanne Choquier his verbis, prout ab hoc Pontifice promulgata fuit: „Item idem D. N. statuit & ordinavit, quod quæcumque Ecclesiastica Beneficia, sive in Romana Curia, sive extra eam resignata, nisi de illis factæ resignationes, (si in Romana Curia infra sex menses; si extra dictam Curiam factæ sint, infra mensem) ex tunc, ubi dicta Beneficia consistunt, publicatæ, & possessio illorum ab eis quos id contingit, petita fuerit: si Resignantes ista postmodum in eorumdem resignatorum possessione decesserint, non per resignationem, sed per obitum hujusmodi vacare censentur: collationes quoque de illis tanquam per resignationem vacantibus factæ, & inde secuta, nullius sint roboris, vel momenti.

III. Notat autem Choquier in commentario ad hanc

Regulam num. 12. quod huic Regulæ addiderit Julius III. post verba *infra sex menses*, sequentia, à die *Data supplicationis*, non à die *præstiti consensus*. Et in fine post verba *collationes quoque*, addiderit & hæc, *& quavis alia dispositiones*.

Regulam cum hisce appendiculis refert Rebuffus in Praxi parte 3. scripsit enim post tempora Julii III. qui ad Pontificatum anno 1550. fuit assumptus.

IV. At cum hæc Regula fuerit recepta in Gallia, & registrata in Curia Parlamenti 27. Augusti 1493. & effecta lex regni, ut testatur Rebuffus, ideo sine illis appendicibus recepta fuit.

V. Notandum autem, hanc regulam à tempore Innocentii VIII. fuisse inter Regulas Cancellariæ, & ubique in viridi observantia usque ad tempora Gregorii XIII. qui anno 1583. Constitutionem evulgavit, quæ incipit, *Humano vix* 85. in Bull. Rom. qua novam formam publicationis præscripsit; eamque ubique observari voluit: atque ab eo tempore Regula hæc omissa fuit; nec hodie inter Regulas Cancellariæ reperitur: atque Flaminius lib. 11. quæst. 9. eam Constitutionem ubique esse receptam.

VI. Verum in Gallia receptam non esse formam publicationis in ea præscriptam, notorium est: notantque omnes passim Pragmatici Galli, Regulam Cancellariæ De publicandis resignationibus observari, & in Parlamenti Regiis secundum eam judicari; idque ad eam normam, qua pro lege Regni recepta jam pridem fuit & in Parlamento registrata.

Similiter hic in Belgio non observatur Constitutio Gregorii XIII. sed hæc regula, uti notat Vande Velde in suis Observationibus ad hanc Regulam: & usus quotidianus evincit.

Dicit quoque Garcias De Beneficiis parte 11. cap. 3. num. 289. „Quoad resignationes & permutationes coram Ordinariis factas, ista Constitutio non videtur usu recepta in his partibus (Hispaniæ) saltem in hoc Episcopatu Abulensi.

VII. Quapropter omissa hac Gregoriana Constitutione (quam post Flaminium Parisum exponit Choquier in Commentario ad hanc Regulam) ipsam Regulam paucis exponere visum est.

Regula itaque requirit, ut resignationes publicentur; atque Resignatarii possessionem petant ab iis, quos id contingit; idque intra *sex menses*, si resignationes sint factæ in Curia, & intra *mensem*, si extra: alias si intra illud tempus publicatæ non sint, nec petita possessio; & Resignans in possessione post dictum tempus decesserit, Beneficium non per resignationem, sed per obitum vacare censetur: atque collationes de Beneficiis tanquam per resignationem vacantibus factæ & omnia inde secuta nullius sint roboris vel momenti.

VIII. Publicatio de qua loquitur Regula, debet fieri in loco Beneficii resignati: quod significant verba Regulæ, *ubi dicta Beneficia sita sunt*: ut scilicet hac publicatione innotescat in loco Beneficii, quis sit verus Beneficiarius; sive quis titulum Canonicum Beneficii habeat. „Quia (ait Rebuffus *Glossa* 1. ad hanc Regulam) interest populi agnoscere Pastorem suum, ut ab eo Sacramenta percipiat, non à mercenario, & qui non est Pastor.

IX. Publicatæ autem dicuntur resignationes, quando palam factæ sunt in ipso loco Beneficii, ita ut publice innotescere queant: quod multis variisque modis etiam pro diversitate Beneficiorum fieri potest; uti notat & exponit Rebuffus *Glossa* 10. monetque Zypæus, formam publicationis in Belgio strictè non servari. „Sufficit enim (ait) ut palam innotescat, nec celetur resignatio, etsi in templo coram populo in celebritate Missæ aut concionis die festivo non promulgetur. Injure novo tit. De Renunt. num. 2.

X. Hinc notat Antonius Faber lib. 1. Codicis tit. 2. Definit. 14. „Satis publicatam (resignationem) videri, si nec vi, nec clam, nec precario, sed publice Resignatarius



„narius missus sit in Beneficii possessionem. Id enim „est (ait) quod vulgo dici solet, missionem in possessionem publicationi æquivalere.

Et uti ex auctore Analysis refert Claudius Le Prestre Centuria 3. cap. 17. „Si possessio non fuerit momentanea, nec per actus civiles, sed reales & realiter, & „palam continuatos, ita ut juris possessio novique non „solum titularii, sed effectualis possessoris adventus „abierit in publicam notitiam : quia tunc possessio juris & publice continuata, publicationi & formæ huius „jus regulæ æquipollet; imo præponderat, uti sæpius „judicavit Rota, uti refert Gomesius ad hanc Regulam quest. 11.

XI. Modo dictum est possessionem realem & corporalem Resignatarii palam, & juxta formam ordinariam ac stylum consuetum acceptam in Belgio haberi pro publicatione resignationis factæ, hoc tamen notandum, quod si post acceptam per Resignatarium possessionem, Resignans adhuc per se vel per alium reciperet fructus, possessio Resignatarii judicaretur simulata, nec sufficiens ut huic Regulæ de publicandis resignationibus esset satisfactum : quia possessor Beneficii habetur ad effectum hujus Regulæ, qui fructus percipit, „nisi Resignans vi vel violentia occupet Beneficium, &, con- „querente Resignatario, fructus perciperet : tunc enim „nihil imputandum Resignatario, cui via facti nocere „non debet. „Uri observat Louetius in notis ad Molinæum ad hanc Regulam num. 10.

Qui & num. 268. monet : „Si Resignans exquisita „fraude simulatam conductionis titulum à Resignatario „obtinuerit, & ex eo putativus possessor à pluribus „habitus sit, tunc cum Regulæ non est abunde satisfactum, publicationis omissio reddit resignationem „eo casu nullam.

Sat quippe constat, hac simulata conductione, Resignantem reipsa in perceptione fructuum Beneficii permansisse, ipsumque Resignatarium nonnisi simulatam possessionem Beneficii accepisse.

XII. Centuria 3. cap. 17. refert eruditus Le Prestre Edicto Henrici II. quod datum est anno 1550. art. 13. & 14. vetitum esse Judicibus, habere rationem provisionum de Beneficiis per resignationem, nisi vigore illarum possessio solemniter capta fuerit, de qua, quoad Beneficia in Cathedralibus & Collegiatis Ecclesiis, constat per instrumentum signatum à Grassiario sive Notario dictarum Ecclesiarum in forma & modo quibus instrumenta expedire solent : ipsam Provisi receptionem continens : & in casum recusationis, actam publicam istius recusationis.

XIII. Quod si tantum intervenerit possessio momentanea, sive per actus civiles, quam hodie dicimus possessionem juris, hæc non sufficeret; sed necessaria quoque erit publicatio in loco Beneficii, quemadmodum notat auctor Analysis : qui insuper observat, non sufficere quoque publicationem resignationis in loco Beneficii, sive notorium esse, resignationem esse factam, quin & collationem Beneficii in favorem Resignatarii subsequutam; sed insuper requiri possessionem. Id ipsum notat Antonius Faber loco citato Def. 59. dicitque quod Regula duo requirat conjunctim & copulative, publicationem & missionem in possessionem. Deinde infert : Ergo alterutrum intervenisse non sufficeret. Nisi tamen ipsa sollemnis in possessionem immissio talis sit, ut publicationi æquivalere, uti ibi quoque monet Faber.

XIV. Hæc autem publicatio & petitio possessionis debet fieri intra sex menses, si resignatio facta sit in Curia, & intra mensem si extra Curiam.

Pro computatione autem mensium non inspicitur tempus consensus præstiri, sed tempus Data supplicationis seu Bullæ; & ita observari, & sæpius judicatum fuisse testatur auctor Analysis num. 168. „Quia (ait) „hoc favorabile est Ordinariis, & impetrantibus per „obitum possessorum, quibus hæc Regula subvenire „& prodasse voluit.

XV. Cum dictum est decerni in Regula de publicandis resignationibus ut publicatio resignationis fiat intra sex menses, si resignatio facta sit in Curia Romana; intra mensem vero si extra Curiam, id ita intelligendum est, modo legitima causa, quæ impedimentum legitimum, seu necessitatem Resignatario imponat, non intercesserit : puta si in itinere provisio ex violento casu amissa, si sit cursor occisus redeundo, uti observat Louetius in notis ad Commentarium Molinæi ad hanc Regulam num. 24.

Quod tamen intelligendum cum limitatione monet Antonius Vaillant in nota marginali, puta si Resignatarius publice protestatus sit de impedimento : alias cum hæc induciæ legales sint, & determinatæ à lege, currunt etiam contra ignorantem.

Et ad num. 233. monet similiter idem Vaillant „quod non sufficeret hodie docere de legitimo impedimento; sed eo casu deberet Resignatarius adire Judices Regios, & ab iis veniam petere adipiscendæ „possessionis; alioquin fortuitus casus imputaretur : „quia hæc induciæ legales non possunt ullatenus „rogari.

Certum est, in Provinciis servandam praxim & stylum observari consuetum.

XVI. Præter conditionem superius notatam, alteram addit Regula, nimirum, si Resignantes ista (Beneficia) postmodum in eorundem resignatorum Beneficiorum possessione decesserint.

„Per hunc textum patet à contrario sumendo, quod „si Resignans moriatur ante mensem, vel ante sex menses in possessione, Beneficium non vacabit per mortem. Rebuffus ad hanc Regulam.

Unde ex verbis Regulæ recte collegit Antonius Faber loco allegato Definit. 60. „ut locum habeat hæc Regula, dicendum est, tria conjunctim requiri; ut non „sit facta publicatio intra sex menses, ut non sit petita „possessionis, & ut Resignans decesserit post sex menses „in possessione : Ex quibus si vel unum desit, non est „locus Regulæ, & Beneficium per resignationem, non „per obitum vacare intelligitur, tametsi mortuus sit „qui resignavit. „Et ita Senatum Sabaudie judicasse testatur.

Id ipsum ante Fabrum notaverat Auctor Analysis; qui & num. 17. dicit : Regulam locum habere, tametsi resignatio publicata non sit, nec possessio petita intra sex menses, aut mensem, si modo ipse Resignans post illud tempus in possessione mortuus non sit.

XVII. Indubitatum tamen est quod huic Regulæ Cancellariæ de publicandis resignationibus non sit satisfactum, si infra tempus præfixum fuerit quidem petita possessio, sed publicatio non fuerit secuta, & Resignans ultra tempus fuerit mortuus in possessione Beneficii, uti verba Antonii Fabri superius relata innuere videntur : sed sufficit ad effectum hujus Regulæ, id est, ut Beneficium in vim hujus censetur vacare per mortem, ut publicatio resignationis debito modo, prout superius eam faciendam notavi, non fuerit facta, & Resignans in possessione Beneficii post tempus elapsum decesserit, uti & contra Gomesium notavit, & probavit Molinæus ad hanc Regulam num. 12. probatque num. 13. eos qui eo modo Regulam interpretati sunt (prout eam interpretatus videtur Antonius Faber) sensum apertum, propriamque verborum significationem hujus Regulæ ridicula sophisticatione subvertere; ac tandem rejecta hac tortuosa interpretatione, per quam ipsa Regula inutilis redderetur, obviū, & verum ac genuinum hujus Regulæ sensum expressit, nimirum sufficere, ut hæc Regula obtineat, & vi hujus Regulæ Beneficium censetur vacare per obitum, quod publicatio resignationis rite facta non fuerit intra tempus præfixum, & Resignans post illud tempus in possessione Beneficii mortuus fuerit.

Et sane, cum unicus scopus hujus Regulæ sit, occurrere, & modum ponere fraudulentis & simulatis Bene-

Beneficiorum resignationibus, etiam indubie intendit, ut Resignans palam ostendat se vere ac sincere & non simulare Beneficium resignatum dimisisse per realem dimissionem possessionis ejusdem Beneficii, ut proinde nec ambigi possit, quin is sit verus ac genuinus Regulæ sensus.

XVIII. Nihilominus observare liceat tempus sex mensium appositum non esse pro forma publicationis, nec ad eam per se limitandam: sed primo, ut infra illas velut inducias, Resignatarius vacet mora & periculo; etiam si, nulla diligentia per eum facta, Resignans moriatur. Secundo, ad limitandum pœnam & effectum totius hujus Regulæ; ut non habeat locum Resignante quodcumque moriente, sed demum si in possessione post illud tempus, & ante dictam publicationem decedat.

Hæc auctor Analysis: qui dein num. 18. infert: „Satis est igitur publicationem, & possessionis petitionem quodcumque, vivo adhuc eodem Resignante, & possessioni incumbente, etiam eo infirmo, jamque in extremis laborante, dummodo non occulte sed palam, ita ut publice nota facta sit in loco Beneficii, antequam Resignans decederet. Et ita practicatur, & observatur.

Itaque Resignatario præfigitur tempus sex mensium, vel unius mensis, ut si intra illud tempus non publicaverit resignationem, nec petierit possessionem, periculum subeat post illud tempus carenti effectui suæ resignationis: si nimirum post elapsum illud tempus, non facta publicatione nec petita possessione, ipse Resignans in possessione Beneficii resignati decedat.

XIX. Vivo ergo Resignante, nullum tempus Regula præfigit Resignatario ad publicandam resignationem, aut ad petendam possessionem; atque ita quoque judicatum anno 1636. refert Le Prestre loco citato; ubi tamen in notis recentioribus per Guillelmum Gueret Advocatum Parlamenti notatur, hodie requiri in Gallia, ut sessio saltem capiat intra triennium, vivo Resignante, alias Resignans tanquam triennalis pacificus possessor, quasi novo titulo contra Resignatarium prævaleret.

XX. Similiter si Resignans moriatur in possessione ante lapsum tempus sex mensium vel unius mensis, tunc post mortem Resignantis potest Resignatarius capere possessionem: neque Beneficium vacabit per obitum: quia Regula tria requirit, nimirum ut intra sex menses, aut unum mensem nec publicatio facta sit, nec petita possessio; ac postmodum, id est, post lapsum illud tempus Resignans in possessione moriatur: quod hic non contingit: eo quod non postmodum, sed ante mortuus sit.

XXI. In Gallia per Declarationem Regiam in Octobri anno 1646. art. 13. ordinatum fuit in favorem Graduatorum & Patronorum Ecclesiasticorum, ut nulla haberetur ratio provisionum factarum in vim resignationis aut permutationis, quæ Graduatibus aut Patronis possent præjudicare, nisi mandata ad resignandum aut permutandum sint admissa ante decessum Resignantium vel Permutantium; & insuper ante dictum decessum insinuata in Gratiariatu Insinuationum. Verba Edicti Regii sunt: *Voulans pareillement pourvoir aux plaintes des Indultaires, Graduez, & autres ayans expectatives requës en France, ensemble des Patrons Ecclesiastiques; desendons que l'on aye aucun égard aux Provisions des Collateurs ordinaires, & de leurs Vicaires sur resignation, démission ou permutation, en cas que par icelles les Indultaires, Graduez, & autres ayans graces expectatives, soient privez de l'effet d'icelles, ou les Patrons de leur droit de présentation; si ces Procurations pour resigner ou permuter ne sont admises avant le décès du Resignant ou Permutant, & ne sont insinuées au Greffe des Insinuations avant ledit décès. Ce que voulons estre gardé & observé par nos Juges, sans y contrevenir, à peine de nullité de leurs Jugemens.* Id est: Vo-

lentes pariter ut provideatur querelis eorum, quibus de gratia expectativa, prout in Gallia admittitur, provisorium est, sive ratione Indulti, sive ratione gradus, deinde & Patronis Ecclesiarum: inhibemus, ne aliquis ullo modo deferat Provisioni datæ titulo resignationis, abdicacionis, aut permutationis per Collatores ordinarios aut eorum Vicarios; si contingat per dictas Provisiones frustrari effectum gratias expectativas, quas obtinent Indulto donati, Graduatibus, aut ceteri, aut Patronorum præsentationem impediri: nisi Procuraciones ad resignandum aut permutandum ante decessum Resignantis aut permutantis admittæ fuerint, & Gratiariatu Insinuationum ante dictum decessum exhibitæ. Volumusque per Judices nostros id observari, nec secus agi, alias in pœnam judicium ipsorum irritum fore.

XXII. Quando autem juxta præscriptum Regulæ, Resignans in Curia Romana intra sex menses, vel eam Ordinatio intra mensem omisit resignationem publicare, vel petere possessionem, & post lapsum illius temporis Resignans moritur in possessione, Beneficium non per resignationem, sed per obitum vacare censetur. Non quod ipsa resignatio fuerit nulla: aut quod ipse Resignans lapsa tempore sex mensium habuisset jus aliquod, quasi annullato tunc effectui resignationis; sed eo duntaxat effectui annullatur resignatio vigore hujus Regulæ, ut ob omisam publicationem & possessionem intra tempus præfixum, & decessum Resignantis in possessione post illud tempus, „Resignatarius cadat à jure suo nec Beneficium censetur vacare per resignationem, quo ad hunc effectum: proinde censetur Beneficium vacare per obitum, mortuo postea Resignante, ac si nunquam resignasset. „Uti recte notavit Antonius Faber citata Definit. 60. qui & ita refert judicasse Senatam Sabaudicæ.

XXIII. Hinc infert Vande Velde in suis ad hanc Regulam observationibus, Beneficium vigore hujus Regulæ ob neglectam publicationem resignationis, per Nominatos Academicos tanquam per obitum Resignantis vacans posse acceptari: neque dici posse reservatum Sedi Apostolicæ tanquam vacans per resignationem in Curia: quandoquidem in Regula expresse dicitur, quod non per resignationem, sed per obitum vacare censetur.

Vult quidem Flaminus lib. 12. quæst. 8. num. 6. Beneficium esse reservatum, utpote per resignationem in Curia vacans: sed uti monet Vande Velde, „loquitur Flaminus in terminis Constitutionis Gregorii XIII. quæ vult collationem fieri caducam, si resignatio non fuerit publica, & interim Beneficium vacare per resignationem, ubi Regula nostra non vult vacare nisi per obitum. „Hæc ille; qui monet hanc Constitutionem Gregorii XIII. in Belgio non esse hætenus receptam.

XXIV. Non tantum eatenus resignatio perdit suum effectum, ut Beneficium censetur vacare per obitum, & non per resignationem; sed insuper addit Regula: *Collationes quoque & quævis alia dispositiones de illis tanquam per resignationem vacantibus factæ, & inde sequuta, nullius sint roboris vel momenti.*

Quare si vi hujusmodi resignationis fuerit capta possessio post mortem Resignantis, non poterit manuteneri in possessione, in qua Resignans mortuus fuerat ante publicatam resignationem: cum hic annulletur & titulus, & alia inde sequuta, ait Rebuffus Glossa 17.

Inde ulterius deducit Rebuffus, quod „si Resignatarius iterum alteri resignaverit, & postea primus Resignans, tunc resolvetur just tam primi Resignatarii, quam secundi.

XXV. Notat quoque Rebuffus Glossa 13. num. 18. quod derogatio hujus non admitteretur in Gallia: quandoquidem recepta est & registrata in Parlamento, & sic effecta jus Gallorum. Idem adstruit auctor Analysis num. 3. ostenditque, hanc Regulam fortiore & firmiorem

miorem merito reputari, quam Regulam *De Infirmis*; multoque minus conveniens esse, ut huic Regulæ derogetur, quam Regulæ *De Infirmis*. Et ex Ludovico Charonda *lib. 1. Resp. 23.* super hac Regula dispensare non posse Pontificem, judicatum esse refert Zypæus titulo *De Renuntiis. num. 2.* qui ibidem subdit: "Sed id hic (in Belgio) non admitterem, si de potestate disputeretur, sed bene si de voluntate, ut subreptum esse credatur: adeoque provisio cum ea clausula nulla esse censeatur, nisi eam circumstantiæ purgent."

XXVI. Quod de non admittenda derogatione Regulæ dixit Rebuffus, idipsum de prorogatione temporis ultra sex menses, ad faciendam publicationem vel petendam possessionem, asserit *Glossa 4.* atque præter generalem rationem, quod Regula sit tanquam Lex Regni recepta, addit: "Quia per istas prorogationes nunquam fieret publicatio: & sic fraudarentur Nominati, Gratuati, & Mandatarii, & daretur materia delinquenti, di." Quod ultimum præcipue urget auctor Analysis loco supra citato, ut ostendat, derogationem hujus regulæ non esse admittendam.

XXVII. Ubi agitur de usu in Galliis observato, constat Regulæ de publicandis resignationibus, per Pontificem derogari non posse, eo quod per modum legis ibidem sit recepta, & in Parlamentis Regiis registrata, ut *num. 25.* ex Rebuffo observatum est: de quo Galliæ usu late quoque discurret Georgius Louetius in notis ad Molinæum *nota 6.* ibidem una inquirens, utrum derogatio Pontificis non posset operari in *Petitorio* coram iudice Ecclesiastico.

Postquam enim observavit, hanc Regulam non tantum esse registratam in Senatu Parisiensi an. 1493. sed denuò approbatam Henrici II. Constitutione, in eodem Senatu verificata & publicata anno 1550. monet, quod nec possit prodesse Summi Pontificis derogatio, rationem subdens: "Cum ejus potestas & summa auctoritas non extendatur ad evellendas Constitutiones Apostolicas in summis Franciæ Tribunalibus approbatas & registratas, quæ duplici vinculo Apostolico & Regio ligatæ sunt."

Post hæc quærit Louetius, an non saltem derogatio Pontificis admittenda sit & valeat in *Petitorio* coram iudice Ecclesiastico: "Quandoquidem (ait) omnimodam in rebus spiritualibus auctoritatem habeant summi Pontifices, Regiæ autem Constitutiones super *Possessorio* Beneficiorum, non autem *Petitorio* disponant: alia enim est (ait) *possessoria* controversiæ, alia *petitoria* consideratio: & ut judicium diversa potestas, ita & axiomatum diversa ratio: unusquisque iudicem suum Principem habet: Principis sui legibus adstringitur, in iis divisum est imperium: nec minùs Ecclesiastici iudices Pontificis Constitutionibus obligantur, quàm alii Regum legibus adstringuntur."

His tamen non obstantibus, contrarium existimat; nimirum nec in *Petitorio* derogationem Pontificis vires habere: rationem addit: "Recepta enim est hæc Regula in hoc Regno, non ut lex Apostolica, seu Cancellariæ Apostolicæ, sed ut lex Regni; ideo Regnicolis observanda, & in eam cessat omnimoda summi Pontificis potestas: alias hæc Constitutionis approbatio Regni subditos opprimeret, & quod à iudice Regio summa cum ratione, & juris æquitate obtinerent, contrario iudicio coram Ecclesiastico iudice, magnis cum sumptibus amitterent, & in eo quodammodo auctoritas Regiæ læderetur."

XXVIII. Monet hic Antonius le Vaillant in nota marginali, falli in hoc Louetium; quod dicat iudices Ecclesiasticos Pontificis legibus non minus obligari, quàm alii Regum legibus adstringantur: "Quia (ait) iudices Ecclesiastici in hoc Regno jurisdictionem suam exercent, sub auctoritate Regis, à quo illius exercitium mutantur, & sic tenentur legibus Regni."

XXIX. Quoddex Zypæo *num. 25.* relatum est, nimirum derogationem Pontificiam in Belgio admittendam, si sufficienter de absoluta voluntate Pontificis ex circumstantiis constaret, non credo quod Ministri Regii in Belgio magis quàm in Gallia, eam in Pontifice auctoritatem derogandi Regulæ, quæ pro lege patriæ recepta est, recognoscerent: sustinent enim quod æquè in Belgio, ac in Regno Galliæ, iudices Ecclesiastici jurisdictionem suam exerceant sub auctoritate Regia, uti in hoc opere non semel notavimus.

## CAPUT VIII.

Quando Resignans à Resignatione resilire; vel ad Beneficium resignatum regredi possit?

1. Resignatio ante admissionem Superioris perfecta non est.
2. Nullam vacationem inducit.
3. Resignatio facta coram Notario non est perfecta resignatio; & quis hic à Notariis error committatur?
4. Resignationes in favorem & ex causa permutationis suspenduntur à conditione.
5. Jus plenum remanet penes Resignantem usque ad impletam conditionem.
6. Nec à Resignante abdicatur quousque Beneficium sit Resignatario acquisitum.
7. Ante acceptance Resignatarii & captam possessionem, manet Resignans in possessione.
8. Spoliatus possessione Resignans esset restituendus.
9. Non tenetur Permutans possessionem dimittere, antequam Compermutans Beneficium acceptet.
10. Manet in pristina possessione & in omnibus iuribus.
11. Admissa resignatione, non potest Resignans à tertio turbari.
12. Resignans potest panitere ante admissionem Superioris.
13. Etiam resignatione à Pontifice admissa, adhuc recedi poterit quamdiu consensus formalis non est præstitus.
14. Permutatio non censetur perfecta, nisi alter alterius Beneficium sit affectus.
15. Uno permutantium præmoriante, ex neutra parte censetur facta resignatio.
16. Etiam si ab una parte facta sit Beneficii permutati collatio.
17. Aliquando tamen fallit.
18. Beneficio permutato evicto resolvitur permutatio.
19. An eo casu requiratur nova collatio, ut Resignans ad suum Beneficium redire queat?
20. Hodie quatenus evincitur, eatenus reditur.
21. Conceduntur hoc casu Litteræ Regiæ.
22. Permutantes, non impleta conditione permutationis, bodie sine nova Provisione, ad sua Beneficia in Galliis redeunt; at dubitatur an ista jurisprudentia in Belgio admitteretur.
23. Sine iudicis auctoritate non reditur ad Beneficium, cujus possessionem alter est adeptus.
24. Stylus bodiernus in reditu ad Beneficium resignatum.
25. Regressus ex causa non impleta permutationis nec bodie damnatus.
26. Utrum alter Compermutantium utrumque Beneficium, sive, ut ajunt, an possit unâ bonâ fortunâ.
27. Multa irrepserunt circa Beneficiorum resignationes, quibus circumspicere utendum.

I. BENEFICIORUM resignationes faciendas, & probandas esse coram Superioribus, vel saltem ordinariis Collatoribus, supra *cap. 2.* ostensum est.

Hinc



Hinc communiter concludunt Canonistæ, renuntiationem vel resignationem, non esse perfectam, quamdiu à Superiore admissa non est.

Ex quo ulterius inferunt, quod antequam resignatio sit præsentata Superiori, & ab eo admissa, semper possit revocari; neque ipsa Superioris admissio retrahi possit, aut valere *ut ex tunc*, sed tantum *ut ex nunc*: ita ut interim nihil actum censeatur.

II. Imò communis & recepta est Doctorum conclusio, uti notat Auctor Analysis ad Regulam *De Infirmis* num. 7. "quod resignatio non admissa nullam vacationem inducat, nec possessionis quidem, nisi (quantum ad possessionem) fiat animo *ex tunc* (sive alia Superioris admissione, vel auctoritate) possessionem abdicandi, & de facto illam deferendi.

III. Idem auctor ibidem num. 4. reflectit, "Ex eo, quod stylus quorundam imperitorum Tabellionum sic habeat, Titius personaliter comparens *resignavit*, prout de facto *resignat* in mei præsentia, & tales ad hoc constituit procuratores, &c. putant & argumentantur vulgares, statim resignationem esse factam, quod est falsum (ait) quia nemo seipsum destituere potest, nec Tabellio quidem, qui non habet hanc potestatem, nec hoc intendit. Tum sequeretur quod Beneficium non vacaret in Curia, sed in partibus ubi confectum est instrumentum, etiam si postea deferretur Romam, & ibi rursus resignaretur, quia non impediret ibi vacare, & sic non in Curia, cum jam vacasset, & sic in partibus.

IV. Hactenus dicta indubiè magis militent in resignatione *in favorem* aut ex causa permutationis (quales sunt hodie pleræque resignationes) quam in resignatione pura & absoluta, quæ renuntiatio seu dimissio vocari consuevit.

Resignatio enim *in favorem*, vel ex causa permutationis, non est propriè dicta Beneficii dimissio; sive ipse Resignans non intendit absolute & simpliciter se Beneficio exuere, vel Beneficium à se dimittere; quemadmodum in renuntiatione simplici; sed tantum Superiori exponit, se paratum, Beneficium dimittere, si placeat hanc determinatam personam ei successorem dare; vel de uno ad alium locum, in casu permutationis compermutantes transferre, sive in mutua Beneficia surrogare.

Inde habentur hujusmodi resignationes quasi conditionales; sive suspensivæ à conditione hac, si modò Beneficium detur juxta terminos resignationis: uti latè ostendit Flaminius *De Resignat. Beneficiorum lib. 1. quæst. 2.*

V. Cum igitur hujusmodi resignationes dependant à conditione, consequenter nec Resignans à se abdicare censetur jus nisi adimpleta conditione: atque interim jus remanet apud Resignantem; quin & possessio, & actio spoli ei comperit, uti post alios citatos tradit Flaminius loco citato *quæst. 3. n. 10.* additque num. 11. "Est communis omnium Doctorum resolutio, ut ante conditionem vel modum impletum, Beneficium maneat resignanti.

VI. Ulterius, cum conditio resignationis *in favorem* sit, ut Beneficium conferatur certæ personæ per Resignantem designatæ, rectè colligitur, "non abdicari jus à Resignante, nisi Beneficium resignatum acquiratur Resignatario, in cujus favorem fuit facta cessio." Ita Flaminius ibidem num. 47.

Rationem subjicit num. 48. "Namque semper videtur facta cum hac conditione resignatio, dummodo Beneficium quærat Resignatario. . . Et hoc intelligitur, licet non exprimat: quia mens Resignantis est, ut non alius, quam Resignatarius consequatur Beneficium.

Deinde ex eadem ratione adjungit: "Ita & in renuntiatione facta, causa permutationis, jus non abdicatur, si non sequatur permutatio, & fiat hinc inde collatio.

VII. Ulterius rectè concludit n. 56. quod, licet sit admissa renuntiatio *in favorem* personæ designatæ, si tamen hæc persona fuerit absens, non abdicetur jus à Resignante, antequam acceptet ille Resignatarius. Consequenter mortuo Resignatario ante acceptionem, Resignans remanet in possessione, ac si nulla resignatio intervenisset.

Imò concludit idem Flaminius *quæst. 7. num. 9.* "posse Resignantem incumbere possessioni, & omnia pertinentia ratione illius Beneficii resignati exercere & gerere, donec Resignatarius capiat possessionem.

VIII. Idipsum latè probat Joannes Choquier in Tractatu *De Permutatione Benef. parte 3. cap. 32.* "Nam ante acquisitionem seu apprehensionem Resignatarii seu Compermutantis, Resignans seu Permutans dicitur adhuc possidere, & titulum coloratum habere: imò si illa possessione spoliaretur, veniret restituendus: quia Resignans *in favorem* certæ personæ qualis est is qui permutat conditionaliter videtur resignare, videlicet, dummodò Beneficium illi quærat; & si hæc conditio non impleatur, permutatio non censetur facta: & proinde jus quod Resignatario, seu Compermutanti non quæritur, non auferitur à Resignante: ergo nec possessione, nec titulo, nisi sit Resignatario quæsitus, spoliatur Resignans, & per consequens nec fructibus, qui sunt sequelæ possessionis.

IX. Hæc ille qui ibidem num. 5. dicit: "Non tenetur autem Permutans possessionem Beneficii permutati dimittere, donec & quousque Compermutans acceptet, cap. SI TIBI ABSENTI à *De Præbendis*. Nam possessio demum transit à Resignante ex causa permutationis in Compermutantem, si re ipsa sequatur permutatio: quia si non sequatur, nec fortiretur effectum, videtur resolvi possessio ipso jure in Resignantem ex causa permutationis, atque ita decrevisse Senatum Parisiensem refert Joannes Lucius *lib. 2. placitorum Curia tit. 4. placito 7.* ubi scribit, "Resignanti in favorem alterius Beneficium, si ille repudiaverit, jus pristinum remanere: imò in casu illius placiti datum & concessum est eidem Resignanti interdictum *uti possidetis* contra collegas, qui ipsi consueta munia obire volenti aditum ad illa intercludere volebant.

X. Testatur quoque Claudius Le Prestre *Centuria 1. cap. 87.* judicatum 23. Januar. 1549. quod si Resignatarius non coeperit possessionem Beneficii resignati, Resignantem non amisisse possessionem; neque ad ulla novæ possessionis jura teneri. Idipsum sæpius judicatum dicit Brodæus ad Louëtium *litt. B. num. 13.*

XI. Refert quoque Antonius Faber in Codice *lib. 1. tit. 2. definit. 55.* quod Resignans *in favorem* etiam post admissam resignationem restitui debeat contra tertium, qui eum in possessione turbasset: "quia quod ad eum pertinet, ad cujus favorem & commodum non resignavit, nec videtur resignasse, licet jam resignatio in alterius favorem admissa sit.

XII. Resignationem aut renuntiationem perfici demum per admissionem sive approbationem Superioris vel Ordinarii, supra notavimus: ideoque ante hanc sequutam admissionem, potius propositio resignationis, vel declaratio voluntatis resignandi dicitur, quam vera resignatio aut renuntiatio, qua hactenus nec Beneficio exiit Resignans, nec ulli Resignatario aut alteri jus aliquod quælitum est.

Unde concluditur, "quod si quis proponat resignare, etiam si hoc redigat in scriptis, vel constituat procuratorem ad renuntiandum, potest pœnitere, ex quo non fuit adhuc admissa renuntiatio à Superiore: nam res adhuc dicitur integra." Ita Flaminius *lib. 1. De Resignat. Benef. quæst. 12. num. 6.*

Imò etiam si renuntiatio vel resignatio fuerit Superiori præsentata, si tamen non admiserit, poterit Resignans

signans pœnitere, & in Beneficio remanere. Flaminius ibidem num. 12.

XIII. Ulterius, si resignatio fiat coram Pontifice, poterit Resignans pœnitere, non tantum si supplicatio fuerit Papæ præsentata, sed etiam per ipsum admissa, & signata per *Fiat, ut petitur*; idque quamdiu consensus præstitus non fuerit in Camera vel Cancellaria juxta Regulam Cancellariæ 44. *De Consensu in Resignationibus*: de qua supra capite 3. asseritque Joannes Choquier in Commentario ad hanc Regulam num. 24. hoc quoque procedere, etiam si supplicatio signata & datata fuerit, etiam post parvam datam, & præstitum parvum consensum, intimando in Curia vel Cancellaria dictam revocationem, quod latius deducit per plures conclusiones Flaminius Parisius citatâ quæstione 12. ubi n. 39. moræ, "Quamvis consensus præstitus in Camera vel Cancellaria retrahatur ad diem Datæ, tamen non possit retrahi, quando ante consensum supervenit pœnitentia, & sic extrema non sunt habilia.

Idem, quod in resignationibus in favorem obtinet, etiam in permutationibus locum habet, ait Choquier num. 27.

Ratio ob quam post resignationem à Pontifice signatam, & à Datario datatam & registratam, admittatur pœnitentia & revocatio resignationis usque ad datum consensum formalem in Camera vel Cancellaria, facile intelligi poterit ex iis, quæ cap. 3. de consensu illo dicta fuere.

XIV. In permutatione non tantum intervenit tacita resignatio in favorem seu conditionalis; sed insuper quædam reciproca Beneficiorum hinc inde resignatio; seu potius tacita conditio, quod alter in alterius Beneficium succedet: adeo ut Beneficiorum permutationes non nihil de contractu innominato, quem Jurisconsulti vocant, *Do, ut des*, participare videantur, & hoc titulo odiosæ sint, & de Simonia admodum suspectæ; & à Canonibus vix toleratæ. Hinc equidem invaluit, permutationem non censeri completam, quoadusque alter alterius Beneficium fuerit assequutus.

XV. Unde ex Molinaeo in Analyfi ad Regulam *De publicandis Resignat.* n. 141. refert Brodæus ad *Lottetium litt. B. num. 13.* Si permutatio non sequitur, quod est, utroque vel altero præproprie, apparet neutrobique resignatum esse, & sic jure communi vacare per obitum.

Rationem præmiserat Molinaeus: "Quia hujusmodi resignatio conditionalis est, prout conditionaliter fit, & admittitur eo ipso, quod ex causâ certæ futuræ permutationis, & non aliâs.

XVI. Addit quoque idem Molinaeus, quod, quando collatio facta est ab una parte tantum, tunc altero præmoriante hæc collatio ut minus resolvatur; ipseque Permutans, tanquam permutatione ab utraque parte non perfectâ, ad suum Beneficium possit redire. "Collatio enim (ait), ex hac causâ uni partium factâ conditionalis est, saltem conditione *resolutoria*, etiam jure communi. Resignatio enim seu vacatio, à qua incipit, conditionalis est: ergo collatio, quæ super ea fundatur, eadem conditione afficitur.

XVII. Id tamen non procedit, si ex circumstantiis sufficienter appareat, quod alter Compermutantium non curaverit de Beneficio compermutato obtinendo; ut puta si permutatio Beneficii notabilis facta sit cum Beneficio admodum tenui & nullius pendè considerationis: ita ut tota permutatio unice inita intelligatur, ut Beneficium illud notabile in Compermutantem transferretur: adeoque, translatione illâ factâ, ipsa permutatio ex mente & intentione Permutantium perfecta & absoluta censeri debeat.

XVIII. Conditio autem resolutoria, quæ inest collationi factæ vi permutationis, non tantum operatur, si ab initio non sequatur effectus permutationis; sed etiam jam factâ utrimque collatione, & adepta possessione, perdurat conditio illa: quia implementum permutatio-

nis ab utraque parte sequi debet, & manere cum effectu.

Unde si hinc & inde factâ collatione, & adepta possessione, Beneficium unum evincatur ex defectu juris Permutantis, conditio resolutoria eatenus operabitur, ut alter permutantium possit rursus ad suum Beneficium redire, tanquam permutatione ex parte alterâ non impleta; & conditione resolutoria eveniente. Nec enim aliter, aut aliâs Beneficium suum dimisisse seu resignasse censetur, nisi ut cum effectu & permanentemente Beneficium Compermutantis obtineret.

XIX. Altercatio jam pridem fuit inter Doctores, an simili casu Resignans seu Permutans rediret ad suum Beneficium alteri collatum, sine nova collatione sive provisione: quam quæstionem latè discutit Joannes De Selva *De Beneficiis quæst. 27.* resolvitque nova collatione opus esse; quam opinionem nonnulli Canonistæ, inspectâ juris ratione veriorē crediderunt. Contrariam verò multis contra De Selva propugnat Boëtius Epo apud Duacenses quondam SS. Canonum Antecessor Primarius, in tractatu *de Saturnino permutationis Beneficialis jure num. 308.* & sequentibus; quam opinionem praxis passim recipit, ut testatur Rebuffus tractatu *De Pacificis Possessoribus*: relatâ enim opinione Joannis De Selva requirentis novam collationem, quam & *de jure* veriorē existimat, subdit num. 166. Quamvis de consuetudine Regni Franciæ non requiratur nova collatio, quæ consuetudo multis fuit probata Artensis, & hoc anno 1325. die 2. Maii, & etiam anno 1539. in vigilia Assumptionis Beatæ Mariæ, pro Magistro Bricon in causâ unius Præbendæ Ecclesiæ Mariscensis, permutatæ cum una Ecclesiæ Parochiali, quæ Præbenda fuit evicta per magistrum Franciscum de Borges per Regem nominatum. Similiter tradit Antonius Faber in Codice lib. 1. tit. 2. *Def. 53.* Resignatione mutuâ Beneficiorum inter duos factâ, si alter ex Resignantibus in Beneficii novi possessione aut adipiscenda aut retinenda controversiam patiatur, pristinam permutati possessionem, quam per resignationem amiserat, recuperare potest, nec nova indiget Provisione. Sic à Senatu aliâs pronuntiatum fuisse relatum est.

XX. Idipsum ex Molinaeo ad Regulam *De publicandis resignat. num. 147.* tradit Louëtius *litt. B. num. 13.* Verba Molinaei sunt: "Passus evictionem redire ad antiquum Beneficium, titulum & possessionem, sine nova collatione, sed ex veteri jure. Et ita apud nos (ait) etiam solo judice seculari adito practicamus, ut quatenus evincitur, etiam tam in petitorio, quam in possessorio... Idque non solum contra ipsum Compermutantem, sed etiam contra quemvis in veteri Beneficio successorem. Et ita notoriè practicamus in hoc Regno.

XXI. Quod hic asserit Molinaeus, etiam solo judice seculari adito, posse Permutantem redire ad suum Beneficium, testatur quoque Rebuffus *De pacificis Possess. n. 186.* expressè notandum monens, "quod, evicto Beneficio possum impetrare litteras Regias, ut liceat mihi redire ad meum Beneficium, & hoc (ait) conceditur, ut fuit pronuntiatum anno 1539. in vigilia Assumptionis. Sed si aliquis impetrat litteras Regias ad annullandam permutationem, quas dirigit iudicibus laicis, repellendum esse censuit idem Senatus anno 1522. die 7. Septembris.

XXII. Novam jurisprudentiam, de qua superius dictum est, quod Permutans vel Resignans, evicto Beneficio, sine nova collatione possit ad possessionem sui Beneficii sic resignati redire, confirmat Georgius Louëtius, rationesque hujus novæ jurisprudentiæ assignat in notis ad Molinaeum *De publicandis resignationibus, n. 140.* "Ad evitandum (ait) circuitum, & cum resoluta permutatione, necessarium sit compermutata repetere Beneficia, cum permutationis arx & fundamentum sit, ut compermutatum quis habeat Beneficium

„cium, aliàs nulla permutatio, nec viribus subsistere possit, optimo jure introductum fuit. ut qui sub conditione jure approbata, permutavit Beneficium, per mutatione, nec conditione subsecutà, permutatum repetat, sine nova collatione, sine novis sumptibus Beneficium. Et si novum admitteres titulum, anti- quæ possessionis commoda amitterentur, quod dum in his spiritualibus controversiis, in quibus novi domini annatis aliisque tributis onerantur, eorumque conditio semper deterior.

Licet fundamentum hujus novæ jurisprudentiæ à ratione juris, spectatà modernà circa Beneficiorum permutationes praxi, non videatur alienum, nescio tamen utrum hætenus in Belgio admissa sit.

XXIII. Tamen si non videatur opus novâ collatione, evicto Beneficio permutato, ob conditionem resolutoriam, quæ ipsi permutationi inesse censetur, nihilominus, ut quis Beneficii sui realem possessionem recuperare queat, judicis auctoritas necessaria est; præsertim cum alius jam est in possessione ejusdem Beneficii, quem è suâ possessione propriâ auctoritate deturbare non potest: sed judicis auctoritate opus est, quemadmodum notavit Rebuffus loco citato num. 183. & Choquier ad Regulam Cancellariæ 4. *De Clausula ponenda in litteris permutat. Beneficiorum*, quæ hodie est 40. eaque cavetur: „Et si ex causa permutationis resignationes fiant, ponatur clausula, quod neutri Permutantium jus acquiratur, nisi quilibet ipsorum jus habuerit in Beneficio per ipsum acquisito.

XXIV. Ut Permutans, evicto Beneficio, ad suum Beneficium redire queat, opus esse litteris Regiis, præsertim si tertius aliquis fuerit in possess. Beneficii, superius notatum est; quod & obtinere, quotiescumque ex justa causa Resignans ad suum Beneficium regredi vult, scribit Melchior Pastor in Tractatu de Beneficiis lib. 3. num. 4. „Sic dolo (ait) vel metu, vel infirmitate ætatis aliâve legitimâ causâ nullitas, renuntiationis arguatur, iudex ex officio & mandato Regis in litteris Cancellariæ contento, Resignantem in possessionem Beneficii restituit.

Additur „Et ex hac aliâve causâ Resignans restitutus non tenetur vectigal, quod pro ingressu solvisset, præstare, cum sit regressus iustitiæ.

Hoc & convenit cum nova illa jurisprudentia, de qua ad num. 20. 21. 22.

XXV. Regressus ad Beneficium resignatum ex causa non impletæ permutationis, nequaquam comprehenditur sub regressibus, quos nemini, etiam de consensu, ad Beneficium Ecclesiasticum cujuscumque qualitatis concedi præcipit Synodus Tridentina Sess. 25. cap. 7. *De Reformatione*.

Hi enim regressus hæreditariam quamdam in Ecclesiastica Beneficia successionem apertè fovebant; dum nimirum Resignantes Beneficia sibi expressè reservabant regressum ad Beneficia resignata, præmoriens ipso Resignatario; sæpius etiam, virâ Resignantium durante, reservatis omnibus proventibus Beneficiorum resignatorum: quare jam pridem per Parlamenta Regia, tanquam fraudulentæ & speciem hæreditariæ successionis non obscurè præferentes rejecti fuere, uti videre est in probatione libertatum Ecclesiæ Gall. cap. 36. num. 25. & 26.

At regressus ex capite non impletæ permutationis, aut evicti Beneficii, nullam hujusmodi successionis speciem præfert, neque ullam fraudem; sed tantum contingit, ut Resignans Beneficium non privetur suo Beneficio contra leges permutationis; quæ distant, Beneficium resignatum non dimitti, nisi reipsâ utrumque permutatio suum plenarium effectum sortiatur; & ipse Resignans suo Beneficio non exaratur, nisi ea conditione, si alterius Beneficium consequatur, & reipsâ obtineat, aut saltem per ipsum stet, quominus obtineat.

XXVI. Sunt & nonnulli alii casus, præter eos, de quibus modò dictum est, in quibus regressus conceditur; eò quod similiter resignatio facta censetur ex quâdam causâ, quâ non adimpletâ, æquitas suadere visa est, ut Resignans ad Beneficium suum redire possit: exempligratiâ, si quis obtinuerit secundum Beneficium cum primo incompatible, ac propterea primum resignaverit; creduntque communiter, quod in casum evicti secundum Beneficii incompatible, Resignanti regressus pateat ad primum jam resignatum: quod & probat Louëtius ad Molinæum de publicandis resignationibus, num. 196.

Quam Louëtii opinionem esse aliquatenus restringendam monet ibidem in notâ marginali Antonius le Vaillant: „Si enim (ait) quis habeat Beneficium in- compatible, illud resignet purè & simpliciter, in manibus Ordinarii. Provisio super tali demissione expedita non potest revocari, nisi Resignans aut cedens in ipso actu resignationis, protestatus fuerit, se dimittere Beneficium ob incompatibilitatem cum alio, quod retinet, & quod aliàs non esset dimissurus: quia eo casu, si alterum Beneficium evincatur sine facto suo, potest dimissum repetere: quia lex nemini insidiatur.

Sed ne quis hac regrediendi facultate abutatur, monendum censet, & ipse Louëtius, prætextu hujus æquitatis hæc non esse extendenda, sed in suis terminis limitanda, cum sit regressus per Concilia generalia & Concordata damnatus. „Ideò si quis hujus æquitatis prætextu Beneficia diu conservare vellet, vel hæreditario quodam jure possidere, fraudulenta hæc omnia essent huic æquitati verè contraria.

Dum verò regressus ea de causa conceditur, Resignans ad possessionem sui Beneficii redire nequit propriâ auctoritate, sed interponenda est auctoritas judicis, quemadmodum circa regressum ob evictum Beneficium, ut supra notavimus num. 23. & signanter ex Melchior Pastore num. 24.

Quin & in Gallia speciali Ediçto Regio cautum est, quod alter Permutantium non possit uti bonâ fortunâ, sive utrumque Beneficium simul retinere, uti post alios Galliarum Pragmaticos tradidit D. Ducaffe Archidiaconus & Officialis Condomensis in suo Tractatu de Jurisdictione, tom. 1. cap. 5. §. 4. neque sanè hæc Ediçta ratione manifestâ destituuntur.

Certum quippe est, quod Permutans non assequatur Beneficium alterius Compermutantis, nisi sub conditione in ipso permutationis instrumento expressâ, quod suum Beneficium dimittere intendat.

Præterea certum est, quod Ordinarius, aliussve permutationis Approbator, cam censetur probare conformiter ad formam & conditionem per Compermutantes in permutationis instrumento expressam.

Cum ergo instrumentum permutationis habeat, ut alter alterius Beneficium assequatur, intentio Ordinarii, sive Approbatoris indubiè est, ut conformiter ad hanc expositionem & postulationem alter alterius Beneficium viâ permutationis assequatur: nequaquam verò ut unus compermutantium utrumque Beneficium assequatur vel possideat.

Proinde praxis Regni Galliarum permutationis conditioni, & naturæ conformis censetur, & eatenus ubique meritò juxta eam judicandum & procedendum videtur.

XXVII. Quæ tum hoc capite, tum præcedentibus juxta modernam praxim notata sunt, satis probant, quàm plurima hodie invaluisse, quæ pristinam Patrum disciplinam parùm redolent; imò potius profanum modum de Beneficiis disponendi expriment: ut proinde admodum circumspectus esse debeat, qui is uti intendit: si omnem in sacris Ministeriis profanationem evitare, nihilque contra Ecclesiæ spiritum admittere velit.



## TITULUS XI.

## DE PENSIONIBUS ECCLESIASTICIS.

## CAPUT I.

Quæ natura pensionum; & quid de iis in Synodo Tridentina actum?

1. Pensionum naturam rectè expressit Concilium Delectorum Prælatorum sub Paulo III. & quod illud Concilium?
2. Referuntur verba Concilii.
3. Quandoque ex sententia Concilii Papa possit annuere pensionem?
4. Abusus in dandis pensionibus.
5. Descriptio pensionis hic tradita conformis pensionibus jampridem ab Ecclesia probatis.
6. Primum exemplum pensionis ex Synodo chalcedonensi.
7. Secundum exemplum ab eadem Synodo probatum.
8. Tertium ex illa Synodo desumptum.
9. Nonnulla pensionis exempla ex S. Gregorio.
10. Hæ pensiones planè conformes descriptioni à Concilio Delectorum Prælatorum traditæ.
11. Pristinus pensionum usus nulli displicuit; at inabusum degeneratus pluribus meritis displicuit.
12. In Synodo Tridentina à nonnullis dictum usum pensionum esse reformandum.
13. Oratoribus Regis Gallie ad Synodum Tridentinam injunctum, ut postularetur à Synodo statuendum, ne amplius ex causâ resignationis, vel litigii pensio constitueretur.
14. Nomine Regis Gallie petita abolitio pensionum.
15. Pontifex non judicavit pensionum usum totaliter tenendum: sed eas ceu quasdam eleemosynas subinde annui posse.
16. Quæ sunt pensiones, quas prætendunt posse imponi Beneficiis velut quasdam eleemosynas in favorem pauperum Clericorum?
17. Quare nonnulli Concilii Patres omnem pensionum usum tollendum judicarent?
18. Oratores Regis Gallie exposulantes contra usum pensionum ostenderunt, se tantum earum abusum carpere.
19. Exposulatio eorundem contra Decretum Synodi, quo pensionum usus probari videbatur.
20. Primum ut Decretum fuit propositum, multi reclamârunt.
21. Quomodo tandem Decretum reformatum & admisum; & quod de eo Patrum judicium?
22. Nota huic Decreto ab Oratoribus Regis Gallie apposta.
23. Protestatio Cardinalis Lotbaringie super hoc aliisque Decretis in Synodo Tridentina evulgatis.
24. Synodus Tridentina usum pensionum nec positivè probavit; nec totaliter improbat.
25. Pontifex Synodo per Legatos præsidens pensiones esse quasdam eleemosynas dixit.
26. Sanctus Carolus fortiter se introductioni pensionum opposuit, conformiter ad mentem Synodi Tridentinæ.
27. Usus tamen totaliter non improbat; sed eandem de iis ideam expressit, quam Concilium Delectorum Prælatorum expresserat.

I. VERISSIMAM ac planissimam pensionum Ecclesiasticarum descriptionem exhibuit Concilium Romanum, jubente Paulo III. habitum an. 1537. juxta Paulum Sarpitomo 1. *Historiæ Conc. Trident.* vel an. 1538. juxta alios Scriptores. Illud Concilium communiter vocatur *Concilium Delectorum Prælatorum sub Paulo III.* extatque in antiqua Collectione Conciliorum Crabbiana; atque deinceps frequenter recusum, & à viris doctissimis summopere laudatum; ejusque meminit Joannes Coclæus in libro *de Actis & Scriptis Lutheri* ad annum 1539. ubi hæc de illo Concilio inter cætera scribit: "Evulgatum fuit, infcio Pontifice, egregium quoddam Concilium de reformanda Ecclesia, & emendandis Romanæ Curie abusibus, à septem (credo legendum novem) doctissimis ac integerrimis viris ipsi Pontifici in secreto datum: nempe à Card. Contareno, Card. Theatino, Card. Sadoleto, Card. Polo Anglico: Archiepiscopis Salernitano & Brundusino, Episcopo Veronensi, Abbate S. Georgii Veronero, & à F. Thoma Magistro sacri Palatii." Hæc ille, qui paulò infra vocat, *hoc pium ac salutare optimorum virorum Concilium.*

II. In hoc Concilio doctissimi illi ac integerrimi viri pensionum naturam ac rectum usum his verbis expresserunt. "Alius abusus, cum Beneficia conferuntur, seu cum ceduntur aliis, irrepsit, in constituendis super eorum fructibus pensionibus; imò quandoque cedens Beneficium omnes sibi fructus reservat. Quâ in re illud est animadvertendum, nulla alia de causâ, nulloque alio jure Pensiones constitui posse, nisi ut quasdam eleemosynas, quæ in pios usus & indigentibus concedi debent. Fundamentum sui asserti dein subjiciunt: "Nam redditus sunt annexi Beneficio ut corpus animæ: idèd suâ naturâ pertinent ad eum, qui Beneficium habet, ut possit ex eis vivere honestè pro suo ordine, simulque queat sustinere impensas pro divino cultu: & templi sacrarumque ædium reparatione, & quod reliquum est, impendat in pios usus; hæc est enim natura reddituum."

III. Posthæc exponunt, quâ ratione & quo casu Pontifex pensionem constituere possit. "Verum sicuti in rerum naturæ administratione nonnulla sunt à natura universalis præter inclinationem universalis naturæ: sic in Pontifice, qui est universalis dispensator bonorum Ecclesiæ, si viderit eam fructuum portionem, quæ in pios usus expendi debet: aut ejus partem in pium quempiam alium usum, ut expendatur magis expedire, potest procul dubio id facere. Idèd jure meritò pensionem ponere potest, ut subveniat egeno, præsertim Clerico, ut honestè queat vitam ducere, pro ejusdem ordine."

IV. Ex his dein concludunt: "Idèd omnes fructus reservari, adimique id omne, quod divino cultui, sustentationique habentis Beneficium, tribui debet, magnus est abusus. Itemque pensiones dari Clericis divitibus, qui commodè & honestè vivere queunt ex redditibus, quos habent, magnus certè abusus, tollendus uterque."

V. Itaque ex sententia hujus laudatissimi Patrum Concilii, pensiones aliud non sunt, quàm portio aliqua proventus, quæ honestè sustentationi habentis Beneficium superest, per modum cujusdam eleemosynæ in sustentationem alicujus Clerici reservata vel assignata.

Hæc pensionis Ecclesiasticæ descriptio, si conferatur cum pensionibus, quas pristina Ecclesiæ disciplina admisit & probavit, apparebit, eam esse verissimam, ex mente Ecclesiæ, pensionis descriptionem, & naturam; neque aliam unquam ab Ecclesia fuisse approbatam; licet nonnullas pensiones huic descriptioni haud consonas tolerare cogatur.

VI. In Concilio Chalcedonenſi *Actione* 10. legitur, quod Maximus ordinatus Episcopus Antiochenus in locum Domni per Synodum depositi, rogaverit Patres Concilii, ut *humanitatem* in Domnum exercere vellent, assignando ei aliquam portionem proventuum Ecclesiæ Antiochenæ in sustentationem. Verba Maximi sunt: "Deprecor magnificentissimos & gloriosissimos judices, & sanctam hanc & universalem Synodum, ut humanitatem exercere in Domnum, qui fuit Antiochiæ Episcopus dignemini, & statuere ei certos sumptus de Ecclesia, quæ sub me est.

Ad hæc Legati Sedis Apostolicæ responderunt: "Si quidem Maximus suo arbitrio Domino voluerit esse consultum, ut sumptus ei de sua Ecclesia, miserationis intuitu, prout æstimaverit, largiatur; ut contentus *alimoniis*, quiescat impoſterum.

Hoc responſum tota Synodus, unâ cum iudicibus, qui nomine Imperatoris Marciani aderant, comprobavit. (a)

VII. In eodem Concilio *Actione* 12. discussâ causâ Stephani & Bassiani de Sede Ephesina contententium, iudicatum fuit, ut utroque remoto tertius ordinaretur Episcopus Ephesinus, sub hac moderatione: "Removebuntur quidem à sancta Ephesiorum Ecclesia Bassianus & Stephanus reverendissimi; habeant autem dignitatem Episcopi, & ex redditibus memoratæ sanctissimæ Ecclesiæ, *nutrimenti* gratiâ & consolationis, annis singulis solidos aureos ducentos accipiant: alter verò secundum regulas ejusdem sanctissimæ Ecclesiæ, Episcopus ordinabitur.

Tamenſi hic pensionis nomen expreſſum non sit, nemo tamen negaverit, quin reverâ hiſce Episcopis ex redditibus Ecclesiarum, quas deſerere coacti erant, miserationis intuitu, & nutrimenti causâ concessa fuerit, probante Concilio univerſali, quædam portio, coincidens cum ea, quæ hodie *pensio* dicitur; si modo ea detur juxta descriptionem & uſum ex citato Concilio propositum.

VIII. Est aliud in eodem Concilio Chalcedonenſi Pensionis exemplum non abſimile prioribus; in quo tamen & illud notandum occurrit, quod expreſſe caveatur, ut pensio non tantum commensuraretur necessitatibus ipsius Pensionarii; sed insuper facultatibus Ecclesiæ, cui imponitur: idque secundum conditionem proventuum Ecclesiasticorum, quæ exigit, ut ex iis prius provideatur honestæ sustentationi Ministrorum aliisque necessitatibus Ecclesiæ; & tum demum, ex superfluis aliis indigentibus, etiam Clericis succurratur, quemadmodum prædictum Concilium Delectorum Prælatorum notavit.

Voluit ergo Concilium Chalcedonenſe *Actione* 14. ut casu, quo Athanasius restitueretur Ecclesiæ Parthenorum, tunc Sabiniano, qui in locum Athanasii fuerat ordinatus, daretur pensio. Verba Concilii sunt: "Sabinianus verò Reverendissimus Episcopus, & dignitatem Episcopatus habeat, & substitutus sit, & pascatur, sicut Reverendissimus Episcopus Antiochenorum Maximus; secundum facultatem Parthenorum sanctissimæ Ecclesiæ, disposuerit. (b)

(a) Quod de Maximo Antiocheno & Domino nunc refert D. Van-Eſpen, id deinde suppoſitum & ab aliquo impostore ceteris Concilii Chalcedonenſis actionibus aſſutum probavit ipse vir doctissimus *rom. 3. cap. 2. differt.* in Concilio Chalcedonenſe *Sessione* 12.

(b) De istis pensionibus eruditè diſſerqit D. Van Eſpen *rom. 3. cap. 2. diſſertationis* de Concilio Chalcedonenſi & in Scholiis in ejusdem Concilii Canones.

IX. Similia pensionis exempla non pauca occurrunt apud S. Gregorium: ac ſignanter *lib. 11. Epistolâ* 7. ubi Etherio Episcopo ſcribit de quodam Episcopo, quod si verum sit, "eum ita capitis passionem incurſiſſe, ut quod mente alienata agere ſolet, gemitus & ſletus audire ſit .... alter in locum ejus ordinetur: sic tamen, ut quouſque eundem in hoc ſeculo vita tenuerit, *ſumptus* ei debiti, de eadem Ecclesiâ minuitentur.

Species quoque pensionis dici poteſt ſubventio quam idem ſanctus Pontifex ſubminiſtrari vult Episcopis, quos hoſtilitatis furor ex Ecclesiis ſuis expulerat, & captivitatis diverſarumque neceſſitatum anguſtiæ compri-mebant: de quibus ad Episcopos per Illyricum conſtitutos ita ſcribit *lib. 1. Epistolâ* 43. quod hos debeant conſolandos convicturoſque ſibi in Ecclesiasticis ſuſtentationibus libenter ſuſcipere. "Non quidem ut per communionem Episcopalis throni dignitas dividatur, ſed ut ab Ecclesia juxta poſſibilitatem *ſufficientiæ* debeant alimenta percipere.

X. Hæc aliaque probata pensionis exempla ſi expendantur, & conferantur cum descriptione, quam citatum Concilium Delectorum Prælatorum delineavit, parebit, pensiones jam pridem ab Ecclesia probatas planè coincidere cum ea Prælatorum descriptione, atque pensiones reverâ ex intentione Ecclesiæ non eſſe concedendas, niſi ut quædam *eleemoſynas* Clericis indigentibus.

XI. Quamdiu autem ea pensionum moderatio ſervata fuit, nulla quoque legitur contra eas facta Ecclesiæ oppoſitio. Sciebat enim hæc nihil injuſtiæ ſubeſſe, ſi ex proventibus Ecclesiasticis, qui ſuſtentationi Miniſtrorum Ecclesiæ ſuperſunt, neceſſitatibus aliorum Clericorum indigentium provideatur.

At tum labentibus ſeculis prætextu Pensionum cœperunt proventus Ecclesiastici veris Titularibus & Miniſtris Ecclesiarum ſubtrahi, & aliis non indigentibus indifferenter & ſine ullâ moderatione reſervari, cum ſummâ proventuum Ecclesiasticorum inverſione & dilapidatione. Nequaquam deſuere, qui hujusmodi abuſui reſervationum, pallio Pensionum recto ſe oppoſuerunt; dicentes pensionum hunc non eſſe legitimum uſum, ſed maximum abuſum.

Plura in decurſu hujus materiæ occurrunt, quæ hanc oppoſitionem probant; hic duntaxat oſtendam, quid in Synodo Tridentina de uſu Pensionum dictum ſtatutumque fuerit, & an alium uſum probaverit, quam eum, quem expreſſit Concilium illud Delectorum Prælatorum, quod ipſi Concilio Tridentino præluſerat; & ſpeciatim à Paulo III. indictum fuerat, ut abuſus in futuro Concilio Tridentino reformandos notaret, & ſincere exponeret.

XII. Legitur in Historia Concilii Tridentini, quod in Congregatione die 5. Martii anno 1546. occasione querelæ Episcopi Bituntini, qui ob non ſolutas Pensiones ſuo Episcopatu impoſitas, à Pensionariis ſuis citabatur Romam coram Auditore Rotæ, nonnulla de Pensionum uſu dicta fuerint; atque inter alia à quibuſdam Patribus dictum: "Æquum eſſe, & olim receptum, ut Ecclesiæ opulentæ tenues ſublevant; charitate ſcilicet adducti Prælati, non vi adacti: ſed non eum in modum ut ſibi neceſſaria adimant. Eam enim D. Pauli eſſe doctrinam. Verum, ut Antiſtites inopes de dimenſo ſuo, quod ipſis ſuſtentandis vix ſufficiat, cogantur demere, quod in divites conferant, id quidem haud eſſe tolerabile. Imò caput eſſe, de cujus reformatione in Concilio ſit agendum, rebus ad *veritatem* & uſum verè Chriſtianum revocatis.

XIII. Inter articulos inſtructioni datos Oratori Regis Galliæ ad Synodum Tridentinam anno 1562. unus erat, quo petebatur, ne poſthac pensiones conſtituerentur ſuper Beneficiis reſignatis aut litigii cauſâ. Verba inſtructionis erant: *Que doveſnavant ne ſe puiſſe tenir Penſions ſur Benefices que ſon reſignera, ne paraillement con-*

constituer sur Benefices pour droit prétendu. Habetur in libro, cui titulus: *Mémoires pour le Concile de Trente* pag. 168. & 174. editionis Parisiensis 1654.

XIV. His instructionibus insistent Orator Regius, anno 1563. Patribus Concilii nomine Caroli IX. Regis Galliae, inter alios articulos reformationis hic vigesimus quintus propositus fuit: "Pensiones super Beneficiis non constituentur, & quæ sunt constitutæ tollantur, quod redditus Ecclesiastici in alimenta Pastorum, & pauperum, aliosque usus pios transferantur."

XV. Articuli hi ab Oratoribus Regis Christianissimi Concilio oblari per Legatos Sedis Apostolicæ ad Pontificem missi fuere; qui plures quidem illorum probavit, sed non omnes; ac notanter hunc se non posse in totum probare, affirmans, pensiones esse *elemosynas*, quarum distributio ad suam Sanctitatem spectat. Ita sibi à Cardinale Borromæo, id est, S. Carolo, relatum esse scribit ad Catharinam De Medicis matrem Regis tunc regentem, Insulanus vulgò *De Lisle* Orator Regius apud Pontificem. Verba Epistolæ sunt: *Madame, le Pape a reçu les Articles de reformation présentés au Concile par les Ambassadeurs du Roi. Monsieur le Cardinal Borromæo m'a dit que Sa Sainteté les approuvoit en grande partie, mais non en tout: parcequ'ils préjudicient aux préventions de quelques autres Droits: mais principalement il trouve mauvais que les Pensions sont tollues par ladite réformation, disant que ce sont des aumônes que Sa dite Sainteté a droit de faire partout.* (a)

Ex his patet, quod tamen Pontifici non videretur omnis pensionum usus tollendus, nihilominus fastus sit ipse, eas non nisi ut *elemosynas*, etiam à Pontifice dispensandas: ac per consequens ideam Pontificis de natura pensionum coincidisse cum ea quam sæpè dictum Concilium Delectorum Prælatorum expressebat.

XVI. Notandum quod, dum Pius IV. significavit retinendum usum pensionum, ut per eas, tanquam *quasdam elemosynas* pauperibus Clericis Pontifex subvenire possit, id intellexerit de pensionibus, quas Romana Curia præterit, posse pro suo beneplacito imponere quibuscumque Beneficiis aut dignitatibus, vel etiam Monasteriis in *favorem*, seu in subventionem quarumcumque personarum, quæ nec Beneficia illa unquam possederunt, nec ullum ad Beneficia illa jus prætendunt; quin nec Beneficiorum illorum capaces sunt: qualibus pensionibus passim gravatos videmus, etiam ipsos Episcopatus & Abbatis Italici in favorem Cardinalium & aliorum Prælatorum Curie Romanæ: at in Gallia, & Belgio similes pensiones non admittuntur, uti *cap. 3.* hujus tituli observabitur. (b)

XVII. Licet nec ipsi Galli cæterique Concilii Tridentini Patres dissiteri possent, quin usus pensionum, si ut quædam *elemosynæ* Pastoribus aliisque Clericis indigentibus ex justa causâ & moderatione distribuerentur, nequaquam esset improbandus: nihilominus experientiâ edocti, quàm infami & sacrilego modo proventus Beneficiorum obrentu pensionum dilapidarentur, quantaque hæc dissipatio secum traheret mala, usu earum admissio, abusum impedire non destiterunt, & contra pensionum usum ulteriùs Patrum zelum excitare, & earum sublationem, aut saltem restrictionem urgere.

XVIII. Et quidem Oratores Regii in sua ad Legatos & Patres Concilii Tridentini expostulatione 22. Septembris 1563. ostendere volentes, "Legibus Regni,

(a) Hæc leguntur in opere jam citato pag. 374. cui titulus: *Mémoires pour le Concile de Trente, recueillis par feu Mr. Dupuy Bibliothécaire du Roi, & imprimés à Paris chez Cramoisy, en 1654.*

(b) Id quidem de Gallis olim dici posuit; non autem hodie, ut deinceps notabitur.

aut Ecclesiæ Gallicanæ nihil omnino contineri, quod repugnet dogmatibus Ecclesiæ Catholicæ, antiquissimisque Pontificum Decretis, & Ecclesiæ universalis Conciliis: „ Inter alia dicunt: „ Non prohiberi Episcopum, qui neque sacras Litteras docere neque prædicare unquam didicerit, se Episcopatu, si velit, uti debet, abdicare: benemeritum autem, qui per ætatem aut morbum ampliùs Episcopi munere fungi non potest, coadjutorem accipere, & in hac tantum specie pensionem retinere. Nam extra hanc speciem, si quis velit colore pensionis quæsiro, ut pluralitatis prohibitionem eludat, super Beneficio pensionem constituere, aut in favorem renuntiare, aut cum regressu, aut causari, & defendere pluralitatem Beneficiorum ex nova & bonis seculis incognita personarum & sacerdotiorum differentia, &c.

XIX. Cùmque hæc expostulatio à nonnullis carperetur, coactus fuit ejusdem Auctor Apologiam edere, in qua inter cætera dicebat: „ Nec pœniter dixisse, multa esse in his articulis, quæ cum Patrum antiquis Decretis pugnant, ut de Beneficiorum pluralitate, pensionibus, resignationibus in favorem, &c.

Articuli, quorum hic mentio fit, erant capita reformationis sessione 24. evulganda; quorum decimo tertio decernebatur, ut „imposterum; omnes hæc Cathedrales Ecclesiæ, quarum redditus summam ducatorum mille, & Parochiales, quæ summam ducatorum centum secundum verum valorem, non excedunt, pensionibus, aut reservationibus fructuum nullis graventur.

Hoc Decretum, quamvis pensiones positivè non probet, à nonnullis Patribus, non Gallis duntaxat, sed & aliis, probatum non fuit; eò quod dum earum usum non nisi in tenuioribus Episcopatibus & Beneficiis curatis improbat; in reliquis eum probare, aut saltem abusus, qui pensionum prætextu invaluerat, à Concilio non sat efficaciter præscindi videretur.

XX. Refert Cardinalis Pallavicinus in Historia Concilii Tridentini lib. 18. cap. 6. num. 1. quod pro formandis articulis reformationis evulgandis sess. 22. proposita capita quatuordecim fuerint, non undecim, sicuti Suavis narrat. Deinde subjungit: „ Causa cur postea ad undecim fuerint redacta, hæc fuit; quoniam duobus ex illis lex apponebatur, pensiones coarctans, ne scilicet imposterum id oneris imponeretur Episcopis & Parochis, quorum alteri non supra quingentos aureos ex annuo proventu reciperent, alteri non supra quinquaginta. Sed Episcopi vocabulum *pensionis* abominari, quippe ipsorum auribus animisque per molestum, negarunt illud sibi adjecta etiam limitatione, probatum iri. Et quamquam opponeretur, à Conciliis Lateranensi & Viennensi, & à Tridentino pariter sub Paulo & Julio pensionum consuetudinem fuisse receptam, non tamen acquievère. Quapropter conventum est, ut sanctiones ea de re alias ex professo statuerentur.

XXI. Cùm ergo de articulis reformationis sessione 24. edendis ageretur, rursus hæc pensionum materia proposita fuit; atque caput 13. qua parte de pensionibus statuebat, verbis utebatur generalibus, nimirum ut nullum Beneficium, majoribus pensionibus gravari posset, quàm *tertiæ* partis fructuum, aut valoris eorumdem, secundum id quod usu obtinuerat, cùm pensiones introductæ sunt: ut narrat historia ejusdem Concilii. „ Verùm id Cardinali Lotharingio non expedire videbatur: quod essent Beneficia quædam admodum opima, quæ tamen duas solverent, gravari tamen non intelligerentur: alia verò adeò tenuia, ut pensionem perferre non possent: adeoque iniquam esse hanc distributionem. Quare sariùs esse prohibere, ne Episcopatus valoris mille coronatorum, parochiales Ecclesiæ centum, pensionibus gravarentur, de cæteris nullà mentione factà.

Hoc Lotharingii medium à majore parte Patrum laudatum



datum fuit; & Decretum conformiter exaratum, & divulgatum, extatque *sess. 24. cap. 23.* non quòd illud abusu pensionum penitus eliminando crederent sufficere; sed quòd temporum conditio & consilio fortius remedium non paterentur, ut ipse Historicus innuit; cui non contradicit Pallavicinus hoc unum in eo arguens *lib. 23. cap. 11.* quòd huic Concilii Decreto opponat: *longè majus expectatum fuisse remedium deterrimo pensionum abusu*: ostendere studens remedium integrum expectari non potuisse.

XXII. Oratores Regis Christianissimi exemplar Decretorum ad Regem mittentes, huic de pensionibus Decreto hanc notam apposuerunt: *etsi haud ignorarent, illud suggerente Card. Lotharingio, ita fuisse exaratum.* „ Hic non obscure significatur pensiones constitui & „ reservationes fructuum fieri posse tum in Cathedralibus Ecclesiis, tum in Parochiis, si modò summam centum aureorum annuus redditus earum excedat. „ Quod tum maximè adversatur iis, quæ in mandatis „ à Rege nostro accepimus. Nulla enim ratione, nulloque casu, fructus aut eorum partem reservari vult „ Rex, neque conditionaliter aut dimidiatè, sed simpliciter tantummodò Beneficia ejurari, ut integri fructus ad eum, qui Beneficio incumbit, perveniant. „ Et sanè, si aliter fiat, frustra aliquid statueretur post „ hac adversus eos, qui plura possident Beneficia. Facile enim cedent Beneficiis, si eorum fructus liceat „ retinere.

XXIII. Non dubium proinde hoc unum fuisse à Decretis Concilii Tridentini, cui congruit declaratio & protestatio Cardinalis Lotharingæ, tum suo, tum omnium aliorum Galliarum Episcoporum nomine facta coram Patribus Concilii, in ultima ipsius Concilii sessione. „ Cùm nudiù tertius (ait) meam de reformationis articulis dicerem sententiam, præfatus sum etiam me „ valde cupere, ut prisca illa Ecclesiastica restitueretur disciplina; sed cùm his corruptissimis temporibus & „ moribus intelligam non posse ea, quibus maximè „ opus est, protinus adhiberi remedia, interim assentiri, & probare ea, quæ nunc sunt decreta: non „ quòd ea judicem satis esse ad integram ægrotantis Reipub. Christianæ curationem, sed quòd sperem his „ prius lenioribus fomentis adhibitis, cùm graviora „ medicamenta pati poterit Ecclesia, Pontifices Maximum, & maxime D. N. Pium, pro sua insigni pietate „ & prudentia diligenter curaturum, ut ea, quæ defunctis, implens, & efficaciora inveniens remedia, in usum „ veteribus, jam diu abolitis, revocatis Canonibus, & „ maximè quatuor veterum illorum Conciliorum, quæ, „ quantum fieri poterit, observanda esse censeo; vel „ si expedire videbitur, frequentiori œcumenicorum „ Conciliorum celebratione, morbum ab Ecclesia propulsans, eam suæ pristinae restituat sanitati. Hanc „ autem meam mentem & sententiam, tum meo, tum „ omnium Galliarum Episcoporum nomine in acta referri „ volo, & ut id fiat à Notariis peto & postulo.

XXIV. Itaque ex iis, quæ in Synodo Tridentina acta sunt, non obscurum est, Patribus usum pensionum apparuisse odiosum, multisque abusus obnoxium; usum à Synodo nonnihil fuisse restrictum circa Episcopatus & Beneficia Curata tenuiora; neque ullibi positivè probatum, quancquam nec omnino improbatum, licet id à multis postulatum esset: obsequens in hoc intentioni Pontificis, qui eas, ut quasdam *elemosynas* per Pontificem distribuendas retineri volebat, uti supra notatum fuit.

Unde nec verisimile est Synodo aliam fuisse de pensionibus ideam, quam quæ à Concilio Delectorum Cardinalium expressa est; & conditioni proventuum Ecclesiasticorum & SS. Canonibus conformis.

XXV. Uterius hoc habetur, quòd licet, Pontifex, qui Synodo per suos Legatos præsidebat, eamque moderabatur, responderit, usum pensionum non esse omnino improbandum, aut vetandum, nihilominus fas-

sus sit, eas ceu quasdam *elemosynas* esse distribuendas. Unde nec alio sensu eas tolerandas Synodum judicasse verisimile est.

XXVI. De qua Synodi mente optimè instructus S. Carolus Borromæus, qui præcipuas in directione Synodi partes habebat, atque supradictum responsum Pontificis retulerat; & unà sciens, quam difficulter intra hos limites pensionum usus contineatur, si usus earum semel invalescat, vix earum usum in suam Diocesim admittit; & introducere volentibus strenuè se opposuit, quemadmodum vitæ ejus scriptor testatur *lib. 7. cap. 35.* verbis sequentibus: „ Fructus suos uni- „ cuique Ecclesiæ Presbyterisque singulis, integros relinqui curavit vehementer, & effecit. Eo namque „ primùm Ecclesiam capescente; vel magna ex parte, „ vel toti, alienis hominibus erant reservati: ex quo „ fiebat, ut qui essent aliquo numero Presbyteri Sacerdota recusarent; quorum facultatibus, pro dignitate „ vitæ cultum minimè possent conservare. Qui verò „ accipiebant, parvi pretii homines, neque doctrinæ, neque auctoritate satis muneri suo facere valebant: „ ut præter Sacerdotis, ut tempora sunt, ex ea re contemptum; neque sacra suppellex pro decoro parari; „ neque refici vel ornari Ecclesiæ; neque facta recta „ haberi possent.

„ Igitur (pergit auctor) neque pensionis onus vel „ minimum cuiquam Ecclesiæ imposuit unquam; & si „ quis fortè per auctoritatem superiorem obtinere vellet, contra totis viribus pugnavit.

„ Cùm ex Præposituræ facultatibus, ex suis quidam, „ quo plurimum utebatur, annuam pensionem sibi ferre impetrasset; ea Carolus ut auferretur, statim effecit. Neque alius postea unquam conari aliquid simile ausus est.

XXVII. Unum tamen pensionis exemplum à Carolo impostæ subjungit dictus auctor: è quo intelligimus, usum pensionum à Carolo non totaliter improbatum, ac unà videmus eandem de pensionibus huic Sancto fuisse ideam, quæ fuit Concilii Romani Delectis Prælati.

Sacerdoti tantum pensionem concessam scio. „ Is „ cùm Ecclesiæ diu utilem sanè operam pro doctrina, „ virtuteque sua navasset, demum multi laboris Parochiam habens, infirmæque valetudine confectus, „ cùm eam relinquere cogeretur; neque aliunde haberet vitæ sumptum; moderatam pensionem ex Ecclesia sua, quæ erat ex locupletioribus, à Carolo „ accepit.

## CAPUT II.

Quæ usum pensionum reddant odiosum?

1. *Reservatio pensionis odiosa ex omnium Canonistarum sententia.*
2. *Quia contrariatur Juri communi.*
3. *Per Pensiones necessaria subtrahuntur Ministris Ecclesiæ.*
4. *Hoc incommodum quomodo senserit S. Carolus.*
5. *Defraudatur Fabrica Ecclesiæ.*
6. *Proventus Ecclesiastici contra eorum naturam cedunt non servientibus.*
7. *Multi occasione pensionum acceptant Beneficia sine intentione deservienti.*
8. *Per pensiones illuditur Canonibus vetantibus pluralitatem Beneficiorum.*
9. *Per pensiones fit ut unus plurimum stipendia sibi vendicat.*
10. *Pensionarii nonnunquam similes iis, qui Beneficia sub modico stipendio dabant.*
11. *Pensionarii non secus ac Simoniaci spiritualia cum temporalibus commutant.*

12. Pensiones faciunt, ut non habeatur de meritis Promovendorum recta discussio.
13. Pensiones occludunt pauperibus aditum ad Beneficia.
14. Usus pensionis facit, ut nulli gratis ad Beneficia pateat accessus.
15. Concluditur merito potuisse postulari totalem pensionum abolitionem.

I. PENSIONIS reservationem super fructibus Beneficii Ecclesiastici esse odiosam, omnes scribentes testantur, ait Pyrrhus Corradus in Praxi Beneficiaria lib. 5. cap. 5. num. 1.

Et Hieronymus Gigas De Pensionibus post Paulum De Roma dicit, quod Pensio est *plaga fatida* ex percussione nervi Ecclesiasticæ disciplinæ similitudinariè inflicta.

Odiū Pensionis multis ex capitibus desumitur, ac præcipuè ex incommodis; & malis, quæ usus Pensionum secum trahit, & in Ecclesiam invehit.

II. Pensionem contrariam esse Juri communi, & eo titulo *odiosam*, communis Canonistarum sententia est, eò quod per Pensionem proventuum portio Beneficio annexa à Beneficio separetur; atque ita Beneficiorum quædam scissio fiat de jure reprobata; sed de hac scissione latius infra cap. 5.

III. Uterius, quia per Pensionem pars fructuum à Beneficio subtrahitur, hinc frequenter occasione impositionis & reservationis Pensionum contingit, ut proventus Beneficiorum ipsis Ministris Ecclesiæ ita subtrahantur, ut vix reliquum sit, unde juxta statum suum moderatè ac frugaliter vivere queant; ex quo ulterius contingit, ut viri eruditione ac moribus sufficientes agrè reperiantur, quæ Beneficiis illis præesse velint.

IV. Hoc incommodum ex pensionibus impositis sensit in sua Diocesi S. Carolus: id constat numero 26. capituli præcedentis, ubi textus ex ejus vita desumptus, citatus fuit integrè: consulatur.

V. Ubi etiam aliud Pensionum incommodum exprimitur, nimirum, quod per earum reservationem fiat, ut à Beneficiis sive Ecclesiis subtrahatur illud quo sacra suppellex parari, vel refici, aut ornari Ecclesiæ; & sacra recta conservari possent & deberent.

VI. Uterius, cum proventus Beneficiorum dentur in sustentationem laborantium & Ecclesiæ servientium; & ob id Beneficium dari dicatur *propter officium*, eò rursus odiosus est pensionum usus, quod dentur non servientibus; "Nam Pensionarii (ait Gomelius ad Regulam De infirmis, quæst. 16.) non laborant in Ecclesia, neque seminant, & tamen metunt, & fructus sine labore manducant, contra naturæ ordinem; & contra Apostolum dicentem, qui non laborat, non manducet. (a)"

VII. Ex quo præterea fit, quod multi ad Beneficia Ecclesiastica aspirent, eaque acceptent, qui tamen nec Ecclesiæ servire, imò nec statum Ecclesiasticum assumere intendunt: ac duntaxat aliquam summam pecuniæ ex Beneficio accepto accipere cogitant.

Optimè enim intelligunt, sibi notabilem pecuniæ summam non defuturam, mox ubi Beneficium duntaxat habuerint; licet illi deservire, quin nec in statu Ecclesiastico perseverare intendant. Mox enim ut Beneficium obtinuerint, via resignationis aut permutationis sub pensione patebit: atque hac mediante, nullo præstito, neque posthac præstando officio, non exigua sæpè summa pecuniæ aut annuè præstanda, aut cerè si maluerint, redempta pensione simul & semel solvetur. (b) Quam frequens sit hic ex usu pensionum natus abusus,

(a) 1. ad Thessal. cap. 2. v. 10. Legitur; Qui non vult operari, non manducet.

(b) Istæ Pensiones redimi solent Leodii, Coloniz, & in alijs Germaniz locis: vocantur Pensiones *Banquiariz*, id est, Pensiones *Banquieres*, rachetables par les Resignataires.

quodlibet & notoriâ multorum praxi nimium probatur.

VIII. Præterea per pensionum usum fraus fit Canonibus Beneficiorum pluralitatem vetantibus. Cum enim pensiones reverà Beneficia non sint, credunt Pensionarii, quod pensiones unâ cum alio Beneficio retineri queant, salvis Canonibus pluralitatem Beneficiorum improbantibus: atque ita reipsâ id penè assequuntur, quod per plurium Beneficiorum retentionem intendunt: in eademque etiam ferè incommoda hinc incidit Ecclesia, quæ vetando pluralitatem Beneficiorum evitare intendit.

Quid enim aliud, nisi plurium Beneficiorum emolumenta quærunt, qui plura Beneficia retinere desiderant? Hæc autem reipsâ Pensionarii assequuntur; dum resignantes titulum, notabilem portionem proventuum retinent, eamque sibi sine ulla cura aut labore, ab omni expensa & onere liberam solvendam.

IX. Ecclesia pluralitatem Beneficiorum improbens, id præcipuè improbat, quod "unus, qui unum quantumvis modicum vix officium implere sufficeret, plurimorum sibi vendicet stipendia: quæ multis literatis viris, vitæ puritate ac testimonio bonæ famæ pol- lentibus, qui mendicant, possent aliundè sufficere, æquâ distributione collata, ut loquitur Pontifex in Extravag. EXECRABILIS De Præbendis inter communes.

X. Cerrè non absimiles videntur hujusmodi Pensionarii illis, qui jam pridem variis artificijs plura Beneficia retinere volentes, Beneficium alteri quidem modico constituto stipendio resignabant, ejusdem Beneficii vicariâ cum majore parte fructuum sibi retentâ; quod perniciosum artificium dum Ecclesia detexit, condemnare non dubitavit.

XI. Denique, qui vel leviter hodiernum Pensionarium, sive Pensionibus inhiantium agendi modum attenderit, eosdem penè Pensionum & Simoniz effectus esse intelligit.

Imprimis per Simoniam res Spirituales ad vilitatem quandam per commutationem cum rebus temporalibus rediguntur; & quodammodo rebus terrenis coæquantur, uti infra titulo 13. aliàs 30. cap. 1. latius exponetur. Porro quis negabit, idem per usitatam pensionum praxim frequenter contingere? Nonne ad oculum patet, Resignantes ac Permutantes, æstimare Beneficia sua penès proventus annuos, eosque temporali pensione compensatos aut æquatos velle; non aliter, ac si res merè temporales in foro appretiarentur, atque pretii suppletionem ad æqualitatis terminos reducerentur? Num forsitan res spirituales minùs deprimuntur, aut ad minorem utilitatem rediguntur, si Pensione annuâ aliquot centenorum florenorum commutentur, quam si certâ pecuniæ summâ interveniente commutatio fieret?

XII. Uterius per Simoniam fit, ait S. Gregorius lib. 7. Epist. 111. "ut nulla de actu probatio, sollicitudo de moribus, nulla de vita discussio; sed solummodo dignus, qui dare pretium suffecerit, æstimate." An non idem est Pensionum effectus? Nonne prima, ne dicam unica, est Pensionarium in Beneficiorum resignatione aut permutatione cura, quis ampliorem ac pinguiorem pensionem dare velit.

Sic Clericus aliquis moribus ac eruditione quantumvis excellens, qui Beneficium non ambiat; qui proventus ac redditus Ecclesiasticos consideret, ut Ministrorum sustentationi deputatos, & quod reliquum est, pauperum usibus applicandum; si Pensionem proventibus Beneficii proportionatam annuere nolit, à Beneficio excludetur.

XIII. Nonne quoque constat, per Pensionum praxim æquè ac per Simoniam pauperibus plerumque ad Beneficia aditum intercludi? Quid enim experientiâ evidentius, quam Pensionarios illos passim quærere, qui Pensionem non tantum annuere volunt; sed de illius

lius annua solutione securitatem dare possunt? Imò frequenter Pensionariis nec hoc sufficit; sed eum invenire student, qui si non expressè, saltem tacitè pensionis redemptionem addicat; aut ut minùs ex circumstantiis colligant, eum ad redimendum esse inclinatum; quod cum à pauperibus non sperent, etiam illis, tamen optime merentibus, Beneficia sua resignare cavent.

XIV. Quid plura? Nonne ingenuè fatendum est, per Pensionarios hodie eò rem penè redactam, ut dicere liceat cum Alexandro II. "Nulli unquam Clerico, quamvis Religioso, quamvis scientià & moribus prædito, Ecclesiasticum Beneficium concedatur (ego dico, resignetur) nisi ei, qui profano pecuniæ (Pensionis) munere illud emere studuerit: sitque Ecclesiæ & res ejus ita venalis, veluti quædam terrena, & vili merx à negotiatoribus ad vendendum exposita." *Causa 1. quest. 3. Can. 9.*

XV. Hæc aliaque sunt, quæ ipsum pensionum usum tamen in suis initiis laudabilem, & à Sanctis Patribus jam pridem comprobatum, adeò odiosum hæc posterioribus temporibus reddiderunt, & etiamnum hodie reddunt, ut idè plurimi optarent, & optent, ut earum usus penitus tolleretur: non quasi eos lateret pensiones subinde licitè, quin & laudabiliter reservari & imponi posse: sed quòd sciant, usum earum in tantum abulum degenerasse, ut vix sperari possit, ut, usu revento, abulus tolli possit.

### CAPUT III.

Discutiuntur causæ, ex quibus hodie pensiones imponi solent.

1. Tribus de causis hodie solent imponi pensiones.
2. Non potest imponi Pensio nisi in commodum habentis aut prætendentis jus ad Beneficium.
3. Ratio bujus praxeos.
4. Etiam in Belgio hæc praxis obtinet.
5. Pensiones ex his causis impositæ tolerantur, non probantur.
6. Nulla earum causarum per se sufficit, ut pensio licitè exigatur.
7. Retentio pensionis ex causa cæsi juris sapit Simoniam transactionem.
8. An bujusmodi probetur in cap. 21. *De Præbendis?*
9. Proponitur casus Capituli.
10. Prima parte responsi ostenditur, cessionem juris litigiosi non esse sufficientem causam pensionis.
11. Altera pars responsi.
12. Ex hac non probatur, Pensionem in casu Capituli potuisse licitè exigi.
13. Pensio hæc non procedebat ex pactione partium, sed auctoritate judicis.
14. Hoc titulo pensiones hodiernæ multum ab illa sunt disparatæ; & magis de Simonia suspectæ.
15. Pensio, de qua in Capitulo tantum à Pontifice toleratur.
16. Ex hac tolerantia arrepta occasio malè faciendi.
17. In tolerandis, quæ speciem mali habent, cautè procedendum.
18. Hodiernæ resignationes insufficientes sunt ad justificandas pensiones; & prima ratio insufficientiæ.
19. Qui potissimum petere soleant pensiones titulo resignationis.
20. Secunda ratio insufficientiæ.
21. Ob hanc rationem retentio pensionis titulo resignationis reprobata per Synodum Chalcedonensem.
22. Similiter per Synodum Oxoniensem.
23. Tertia ratio insufficientiæ petita à Simonia.
24. Compensare inæqualitatem proventuum in permutatione per pensionem, sapit Simoniam.

25. Etiam Doctores laxiores reprobant pensiones solo titulo resignationis.

26. Pensiones ex prædictis causis, licet injustæ respectu exigentium, possunt esse in utilitatem Ecclesiæ.

I. PENSIONES hodiè ferè tribus de causis imponi solent; scilicet pacis causâ quando Beneficium est litigiosum. Secundò causâ resignationis, & tertio, causâ permutationis, ne Resignantes vel Permutantes nimium dispendium patiantur.

Et quidem in Gallia nulla alia de causa admitti solet pensio, etiam per Pontificem imposita; uti testatur Rebuffus in tractatu *De Pacificis Possess. num. 126.* dicitque "fuisse prolatum Arrestum anno 1535. mense Junio, quòd pensio non imponatur, nec imposita in Regno admittatur extra tres casus, qui sunt jam enumerati. Idipsum tradunt unanimi consensu omnes Galliarum Pragmatici.

II. Hinc ulterius cum auctore Analysis in Regulam Cancellariæ *De Publicandis Resignat. n. 113.* notant, quòd "pensio non possit constitui etiam per Papam & consensu Prælati ad commodum ejus, qui nullum habet, nec prætendit jus in Beneficio: nec in hoc Regno toleratur, sed appellaretur tanquam ab abusu, & abusus declararetur, non obstante quacumque possessione.

Post hæc infert: "Debet ergo constitui vel causâ concordie cum causæ cognitione per Ordinarium, ut in cap. NISI ESSENT *De Præb.* vel per Papam ad commodum vel vitam, verum vel probabile jus & titulum Resignantis tantum.

Refert quoque Joannes d'Olives lib. 1. *quest. 29.* anno 1537. per Arrestum Parlamenti Tolosani declaratum fuisse abusivam pensionem, quia non alia de causa imposita erat, nisi ut Pensionarius commodius vivere posset.

III. Cur autem ad hos tres casus restringatur pensio impositio, non obscurum est; & ex relatis verbis auctoris Analysis sufficienter elici potest.

Cum enim multis Regiis Edictis cautum esset, & Parlamentorum Arrestis probatum, nullos non Regnicolas posse Beneficia habere in Regno Galliarum, cæptum fuit Beneficia in favorem extraneorum pensionibus passim gravari, atque ita indirectè Beneficia quoad temporalia à non Regnicolis possideri; & Regnum temporalibus exhauriri. Hoc ut præcaveretur, cautum fuit, ne pensio Beneficio imponi posset, nisi in commodum illius, qui habuit, vel prætendit jus in Beneficio: quod dum competere non potest nisi Regnicolæ, jam unà via pensionis extraneis occlusa est.

IV. Neque à praxi Gallicana in hoc puncto dissonat Praxis Belgica; quæ alias pensiones vix novit; nec facile pensiones etiam à Papa impositas ad commodum alicujus, qui nec habuit, nec habere prætendit jus in Beneficio, admitteret.

Et sanè anno 1485. inter querelas Procuratoris Regii super Provisionibus Beneficialibus Curia Romanæ, hæc erat, quòd Beneficia pensionibus gravarentur sine consensu Beneficiatorum. Ut vel indè appareat, similes pensiones etiam eo tempore in Belgio fuisse improbatas: latius hæc continentur in Edicto ejusdem anni de 22. Septembris, quod extat parte primâ Edictorum Flandriæ lib. 1. Rubrica 8. c. 1.

V. Porro illud hic omnino observandum, quòd tamen in Gallia, & etiam in Belgio admittantur pensiones ex tribus illis causis (servatis quibusdam tamen moderationibus, de quibus in progressu hujus materiæ) nullatenus hinc consequens esse, pensiones undequaque licitas fore, & tutâ conscientia accipi posse à Pensionariis, modò vel unâ ex prædictis causis fulciantur. Multa enim pro temporum conditione, & abusu jam inolitò tolerantur, quæ tamen non omnino probantur; quemadmodum



quemadmodum de consuetudine Ecclesiae Gallicanae, quae unum ad plura recipiebat Beneficia contra sanctorum Canonum instituta, ad Genuensem Archiepiscopum scribit Alexander III. in cap. 15. *De Præbendis*. Quae (ait) non approbatur à nobis, licet non possit præ multitudine delinquentium emendari.

Scribit quoque Innocentius III. Philippo Dunelmensi Episcopo lib. 1. Epist. 460. editionis Balusianae, quod "Romani Pontifices ut negligentiam quorumdam ad sollicitudinem excitarent, & obviarent foris cupiditati multorum, qui vacantes Ecclesias suis usibus applicabant, tam antiquis temporibus, quam modernis certum tempus Canonicis & Capitulis præfixerint, ultra quod nec Ecclesiae debeant, nec Ecclesiastica Beneficia seu Præbendae vacare: Non approbantes (ait) quod tam diu vacent, sed præcaventes ne diutius Ecclesia quolibet solito Ministrorum obsequio defraudetur.

Quidni ergo pariter dicatur, quod Gallicani Proceres, qui tantopere abolitionem totalem pensionum in Synodo Tridentina urserunt, dum pensionum usum penitus abolere non potuerunt, eum saltem restringere voluerint: nec tamen usum earum omnino approbantes; sed præcaventes, ne abusus ulterius serpat?

VI. Et sanè si sigillatim prædictæ tres causæ examinentur, apparebit, nulla veri specie illas pro causis sufficientibus recipiendæ vel exigendæ pensionis haberi posse; id est, nec solam cessionem juris litigiosi, nec Beneficiorum permutationem, vel resignationem esse causam sufficientem, ut Cedens, Permutans, aut Resignans pensionem annuam sibi tuta conscientia refervari perat.

VII. Aliquando quæsitum fuerat ab Alexandro III. utrum de Ecclesiastico Beneficio in litigium deducto possit fieri transactio. Respondit Alexander, "quod transigi super re sacra & litigiosa non potest. Etenim res sacrae ut possideantur aliquo dato vel retento seu promisso, speciem credimus habere Simoniae." Cap. 7. *De Transact.*

Si ergo speciem habeat Simoniae, transigere super re sacra & litigiosa aliquo dato vel retento; quomodo speciem Simoniae evitabit, qui juri præterito renuntiare non vult, nisi retentâ pensione annua aliquot centenorum florenorum? Nonne hic manifestè transigit super re sacra & litigiosa aliquo retento? Nisi forsan quis sibi imaginetur, nihil retineri, dum summa annua, quæ retinetur, pensionis nomine velatur. At verendum est, velum illud posse quidem hominum quorundam oculos forsan obscurare; sed cum apparuerit ille de quo dicit Apostolus: *Omnia autem nuda & aperta sunt oculis ejus, ad quem nobis sermo*, ad Hebræos 4. vers. 13. tunc & velum illud tolletur, & apparebunt omnia nuda & manifesta.

Quid enim interest, num quis simpliciter cum colliigante transigat data aut promissa certa pecuniae summa; an verò transigat promissa annua pensione, eidem summae æquivalente?

VIII. Scio quidem multis esse persuasum, hanc pensionis speciem jam probatam esse ab Innocentio III. in Cap. NISI ESSENT *De Præbendis*; atque ex hac Decretali has Pensiones suum sumpsisse principium; sed & illud scio, hanc Decretalem nec in speciem favere hodiernis pensionibus, quæ prætextu pacis & sedanda litis exiguntur.

IX. Casus istius Decretalis erat. Vacante quodam Prioratu duo fuerant electi, nec sciebatur cujus electio deberet prævalere. Causa duobus Judicibus delegata fuit, in quos & ipsi electi, ut causa facilius terminaretur, compromiserunt. Hi arbitri recepta sibi jurisdictione delegata, causa diu discussa tandem pro bono pacis & concordiae ordinarunt, quod unus electus Prioratum haberet, alter verò 20. libras perciperet annuatim de redditibus Capituli, & 40. libras de proven-

Tom. I.

tibus Prioratus: & hæc ordinatio ab omnibus probata, tandem pro confirmatione missa fuit ad Pontificem. Quid ergo de hac ordinatione dicat Pontifex videamus.

X. Imprimis scribit Pontifex: "nisi essent viri providi & honesti, tam qui ordinationem fecerunt, quam illi circa quos facta est ordinatio, illam valde suspensam propter exempli perniciem haberemus.

Quæ hic timenda fuisset *exempli pernicies*; aut ita urgenda virorum providentia & honestas, si pensiones ob solam juris litigiosi cessionem licitas esse credidisset Pontifex? Nomen hic super Prioratu *veralis* erat? Nonne unus Prioratu cedebat? Quidni ergo alteri pensio assignari poterat, si hodiernæ Pensiones hujusmodi titulo innixæ licitæ sint?

XI. Adhæc scribit Pontifex, Judices delegatos, qui simul erant arbitri ex partium compromisso, *fateri se pro bono pacis & utilitatis hoc ordinasse*, idque *post concertationem diutinam*.

Considerata ergo virorum qui hanc ordinationem fecerant, honestate & providentia; quodque faterentur, se post *concertationem diutinam*, pro bono pacis & utilitatis hoc ordinasse; & quia hæc ordinatio ab omnibus esset recepta, respondit ulterius Pontifex, quod licet Prior & Capitulum de provenibus suis propter causas prædictas, non quidem ex pactione partium, sed ex jussione Judicum provisionem hujusmodi exhibeant.

XII. Notandum imprimis, tantum dicere Pontificem, quod Prior & Capitulum provisionem illam à Judicibus ipsis impositam exhibere queant: sed non dicit, eam à Pensionario licet & tuta conscientia accipi aut exigi posse. Quin enim nonnunquam ex parte impo-

nentis, & solventis pensio possit esse justa & licita; quæ tamen ex parte exigentis sit injusta & illicita nequaquam dubitari potest; & capite sequenti ostenditur.

XIII. Ulterius notandum, hanc provisionem non ex pactione partium, sed ex jussione judicum exhiberi, ut expresse scribit Pontifex.

Ad quæ verba reflectens Glossographus, ait: "Ex pactione partium non liceret, nec eam tolerasset Papa, sed quia judicis auctoritate factum fuit, & ad tempus sustinetur.

XIV. Glossographi reflectionem alii passim Canonistæ amplexi sunt; eamque novissimè amplexus Prosper Fagnanus in Commentario ad hanc Decretalem num. 5. ait: "Oportet ut hujusmodi compositiones (qualis occurrat in hac Decretali) super Beneficiis, ad hoc ut valeant, & excusentur à Simonia, capiant principium ab auctoritate Superioris, & non à pactione partium, ut probat, inquit, hæc littera ibi, non quidem ex pactione partium, sed ex jussione judicum. Quamobrem, pergit Fagnanus, qui prius faciunt inter se compositionem, & postea adeunt judices ut interponant auctoritatem, non excusantur secundum bonam conscientiam, quominus incidant in vitium Simoniae, ut advertunt Butrius, Imola, Abbas & Decius." Hæc Fagnanus.

Nihil ergo commune habet Provisio, de qua in dicta Decretali cum modernis pensionibus. Hæ enim ex conventionem & pactionem partium initium sumunt, illa autem provisio facta erat ex mero officio judicum delegatorum in qualitate arbitratorum, qui bonum pacis & utilitatis præ oculis habentes ita statuendum credebant.

XV. Adhæc, licet ordinatio illa à judicibus illis provisio & honestis, pro bono pacis & utilitatis facta, nihil mali in se habere videretur, eam tamen Pontifex approbare noluit, sed *adhibito hoc moderamine*, inquit, *TOLERAMUS*.

Quis verò nescit, multa pro temporum, ac rerum circumstantiis à Pontifice aliisque Ecclesiae Prælatibus tolerari & dissimulari, quæ tamen non probantur,

Unde

Unde etsi hic pensionis aliquod vestigium esset nihil tamen pensionarii in suam defensionem habere possent.

XVI. Verum enim verò, tametsi Pontifex hoc suum responsum ita temperaverit, tantaque circumspeditione loquutus fuerit, tamen ex occasione hujusmodi provisionis, ait Glossa, *assumunt quandoque aliqui causam malefaciendi*. Quinimò ut rectè nonnulli observant, ex hac Decretali originem sumpsere pensiones illæ, quæ hodie pacis causa colorantur; ut vel inde pateat, quàm difficiles se exhibere teneantur Ecclesiæ Prælati, ut permittant aut etiam tolerant ea, quæ de facili in exemplum, cum ingenti malorum sequela, trahi queunt.

XVII. Quamvis igitur Prælati Ecclesiæ juxta ante dicta, interdum ob bonum Ecclesiæ annuere possint pensionem alicui non merenti; ob exempli tamen perniciem rarissimè id faciendum erit; imò interdum expedit extrema quæque tentare, quàm pensionem permittere seu indulgere; præsertim eo loco, ubi pensiones, tot malorum scaturigines, nondum invaluerunt, aut non tales quales peruntur.

XVIII. Si titulum resignationis, vel permutationis attenderimus, eum non minùs, quàm titulum pacis sive concordie, insufficientem pro justificanda retentione pensionis inveniemus.

Imprimis nemo non fatetur, resignationem vel permutationem esse titulum omnino insufficientem perendæ pensionis, si non intuitu necessitatis aut utilitatis Ecclesiæ, prout Canones requirunt, fiat; sed intuitu alicujus lucri alteriusve commodi temporalis permutatio incatur, vel resignatio.

Quis enim far impudens est, ut ausit dicere, quòd resignatio vel permutatio, quàm non utilitas aut necessitas Ecclesiæ, sed proprium interesse, vel humanus aliquis & carnalis affectus extorquet, sit justa causa, ut contra SS. Canones, per quamdam dispensationem portio proventus à Beneficio in favorem hujusmodi Resignantis vel Permutantis abstrahatur? Nonne potius similis Resignans vel Permutans eo titulo indignus redditur, ut ab Ecclesia juvetur, qui contra ipsa Ecclesiæ sæpius iterata Decreta, Ecclesiam, quam sibi in sponsam semel desponsaverat, lucri vel propriæ commoditatis intuitu repudiare non veretur?

Si vel obiter quis reflectat, quo fine & animo hodie Resignationes & Permutationes fieri soleant, non difficulter intelliget, Resignantes vel Permutantes pensionem & adjutorio Ecclesiæ eo titulo reddi indignos.

XIX. Qui enim sunt qui hodie in Resignatione vel Permutatione pensionem exigere consueverunt; nisi qui vel spe lucri aut proprii commodi, aut etiam Officii Ecclesiastici persolvendi obligatione se eximendi, cupiditate impulsus, ex uno in aliud Beneficium se protrudunt? Qui enim de Ecclesia, cui semel divina ordinatione & electione adscripti sunt, nonnisi utilitate aut necessitate Ecclesiæ suadente & trahente, ad aliam transeunt, seu potius jussu Superiorum transferuntur, sciunt quod Ecclesia seu sponsa, quàm necessitate cogente deserunt, non idèò gravanda sit, quia eam deserunt; & licèt laudabiliter pro debito eidem deferiverint, servitium non temporali mercede seu pensione in hoc mundo, sed æterna à Domino remunerandum sperant.

XX. Præterea proventus Beneficiorum, tum ex mente Ecclesiæ: tum voluntate Fundatorum, iis annexi, integri cedunt ad usum & dispensationem Titularis & Possessoris. Cum ergo ipse Resignans, aut Permutans per Resignationem exuat se titulo & possessione Beneficii, nullum sanè jus ad proventus illius Beneficii ulterius prætereendere potest: quandoquidem & certum sit, jus percipiendi proventus, unà cum titulo ex intentione Ecclesiæ & Fundatorum transire ad Titularem, non secus ac Officium ipsi Beneficio anne-

xum, propter quod Beneficium, seu jus percipiendi fructus, datur.

XXI. Hinc jam pridem à Synodo œcumenica Calcedonenſi Can. 10. statutum legitur: "Si quis translati, vel Martyriorum quæ sub ea sunt, aut Prochodiorum, aut Xenodochiorum rebus in nullo communicet."

Qui è Beneficio permutato aut resignato annuam pensionem aliquot centenorum florenorum recipiunt, dicentne, quòd Ecclesiæ à qua translati sunt, rebus in nullo communicent? credat his hoc qui verbis, non rebus Canones conditos esse existimat.

Unde Christianus Lupus in hunc Canonem, asserere haud dubitavit: "Hæc nostri Canonis verba si quis translati, &c. ostendunt, prioris relictæ aut resignati Beneficii pensiones tunc necdum fuisse."

XXII. Canon Calcedonenſis insistent anno 1222. Synodus Oxoniensis Can. 11. æquè pensionis, quàm nomine vicariæ expressit, quàm alterius rei reservationem reprobavit. "Ne lepra Giezitica, quòd absit, per avaritiæ cultum latenter irrumpens, Ministros Ecclesiæ collocet extra castra regni æterni: districtius inhibemus, ne quis Ecclesiæ renuntians, recipiat ab eo qui sibi substituitur, vicariam."

XXIII. Urbanus III. in Cap. 5. de Rerum permutat. scripsit, quòd "sint quidam, qui Præbendæ suæ cedunt, & juri renuntiant, ut majorem Præbendam obtineant, vel ex hoc certam summam pecuniæ consequantur: quòd quidem (ait) honestati est contrarium, & simoniacam procul dubio continet pravitatem."

An hodierni resignantes & permutantes cum retentione pensionis non similiter cedunt præbendæ, ut ex hoc summam pecuniæ consequantur; scilicet summam annuam aliquot centenorum; vel unam aliquot millium florenorum, honesto ut vulgò creditur, pensionis currentis vel redemptiæ vocabulo contextam.

XXIV. Sed dicet quis, saltè licitum est aliquam exigere pensionem in permutatione Beneficiorum inæqualium in proventus annuis, ut ad æqualitatem reducantur; & ne unus Permutantium ex sua permutatione nimium dispendium patiat. Hæc quidem ratio cinatio valere & admitti posset, si de duorum fundorum, aut equorum permutatione tractaretur; ubi valor unius pretio suppleri potest: At illud permutationi Beneficiorum applicare; quid aliud est, quàm apertam & pudendam mercimoniam Beneficiorum inducere, eamque inani Pensionis vocabulo velle palliare?

Quenim pensionem exigit, ut ea mediante inæqualitas fructuum Beneficii suppleatur; nonne pecuniam sive annuam, sive semel præstandam exigit, ut excessus proventus Beneficii resignati compensetur? Et tamen certum est excessum sive inæqualitatem in re spirituali non posse suppleri vel compensari pecunia aut aliquo dono temporali; cujus in promptu ratio est, quia spirituale venderetur pro temporali, quæ res ponit veram materiam Simonie: nihil hic faciente Prælati auctoritate, quæ vitium tollere nequit.

Ita Zoësius noster ad titulum Decretalium De rerum permutat. quamvis in hoc Commentario sequutus recentiores nonnullos Scholasticos & Casuistas, ad eorum etiam laxiorem Canonum expositionem & doctrinam, magis declinet.

XXV. Quid plura? Tam evidens est permutationem & resignationem non esse sufficientes titulos petendæ pensionis, ut vel indulgentiores Theologi id agnoverint; atque contrariam praxim communem tanquam merum abusum reprobaverint.

Et quidem Theophilus Raynaudus à Societate Jesu Theologus in tractatu suo De bonis Ecclesiæ lib. 1. sect. 2. cap. 1. ait: "Nullo modo justum est, ut quis idcirco tantum deponat sibi pensionem, quia resignat Beneficium in favorem tertii, tametsi hæc est pra-

„*xix, vel potius ABUSIO QUOTIDIANA.* Reprehendunt eam Corduba, Valerius & Molanus. Ratio cur non possit eo tantum titulo imponi penio, inde ducenda, quod desit titulus accipiendæ ex ea causa pensionis..... Igitur titulus ob quem pensio imponitur, est Beneficii renuntiatio; quæ si sola sit, non est causa idonea pensionis imponendæ: quia Beneficiarius post renuntiationem, nihil juris habet ad minimam partem fructuum Beneficii, quod dimittit: per ipsam vero renuntiationem, nullum jus ad fructus acquirit. Tenetur enim vel ritè ministrare, ut fructibus potiatur; vel si cedere Beneficio vult, tenetur gratis cedere, nisi aliquem titulum alleget, quo possit portionem fructuum retinere. Quod si omittat, & tamen fructuum partem sibi securam velit, vel pro pretio Beneficii id deposcit, EST SIMONIACUS: vel de ea nequitia est suspectus; etiam si Pontificiam concessionem obreptitiè extortam obtendat; ut Corduba admonuit, adductis Panormitano, Anania, Felino, Archidiacono, Imola & Friderico.

XXVI. Pluribus insufficientiam harum causarum probat Perardus Castellus Advocatus in Parlamento Parisiensi, in sua collectione plurium questionum in materia Beneficiali *Dissertatione de Pensionibus, ad calcem tomii secundi adjecta*, ubi unà examinat pensiones, quæ in Gallia subinde reservantur auctoritate Regia super Beneficiis ad collationem Regis spectantibus; idque prætextu meritorum personæ in cuius favorem pensio reservatur; ostenditque & hanc causam non minus quam præcedentes solere esse insufficientem, ut ipsam pensionem licitam reddat ex parte ipsius Pensionarii.

Quin tamen pensiones ad sopiendas lites, aut promovendam resignationem aut permutationem possint esse licitæ ex parte Superiorum imponentium; & bonum Ecclesiarum posse subinde postulare huiusmodi pensionum impositionem, tametsi ex parte exigentium & percipientium sint illicitæ & injustæ, dubitari nequit; & capite sequenti demonstrabitur: ac per consequens, & hoc titulo meritò tolerantur & admittuntur.

#### CAPUT IV.

Quæ ex parte Pensionariorum sint attendenda, ut securi sint in accipiendis Pensionibus.

1. Ab exigente pensionem plura expendenda.
2. Inprimis quæ sit natura proventuum Ecclesiasticorum.
3. Secundò, quod non possit de proventibus Beneficii participare tanquam illius possessor.
4. Tertio, an quæ in pauperum alimoniam sunt impendenda, sibi possint applicari?
5. Quàm injustum sit dari Clericis divitibus, quæ pauperum usibus sunt destinata.
6. Pensiones dare non indigentibus magnus abusus.
7. Pensio, uti bodie imponitur, est species servitutis impositæ Beneficio.
8. Per pensionem subtrahitur portio proventuum à Beneficio contra Ecclesiæ & Fundatorum ordinationem.
9. Unde Pensio non nisi dispensativè imponi potest.
10. Pensionarius securitatem desiderans, attendere debet num iusta causa dispensationis subsit; tametsi à Papa pensio imponatur.
11. Non minus hic requiritur iusta causa quàm in dispensatione super pluralitate Beneficiorum.
12. Ex sententia Cardinalis Toleti dispensatio Papæ non reddit Pensionarios securos, si desit iusta causa.
13. Consentiant Toletus & alii Doctores.
14. Debent ipsi Pensionarii attendere num sit iusta causa.

Tom. I.

15. Potest pensio iustè annui à Superiore, licet injustè exigatur à Pensionario.
16. Penes Pontificem & Episcopos est auctoritas dispensandi bona Ecclesiæ in utilitatem Ecclesiarum.
17. Subinde utilitas Ecclesiæ requirit, ut pensio etiam non merenti concedatur.
18. Exemplum pensionis ad redimendam vexam iustè additæ, licet non iustè perceptæ.
19. Pensionum huiusmodi iustitia probatur.
20. Pensiones finales subinde licitè solvuntur, licet illi citè petantur.

I. Si quis pensionem aliquam super Beneficio retinere intendit, atque in hac retentione & perceptione non tantum coram hominibus, sed & coram Deo tutus, & ab omni injustitiæ & Simonie labe omnino exemptus haberi desiderat, plura seriò examinare & attentè expendere debet.

II. Inprimis certum atque apud omnes indubitatum est, proventuum Ecclesiasticorum conditionem & naturam ex mente Ecclesiæ, & Fidelium offerentium esse, ut Ministri Ecclesiæ ex iis suam accipiant sustentationem; templa facta & recta conserventur, sacra suppellex aliaque ad divinum cultum necessaria defumantur, & quod superest in pauperum alimoniam cedat; quemadmodum paucis verbis expresserunt Patres Concilii Aquilgranensis anno 816. *Can. 116.* „Fideles namque fidei ardore & Christi amore succensi, ob animarum suarum remedium, & cœlestis patriæ desiderium, suis propriis facultatibus sanctam locupletem fecerunt Ecclesiam, ut his & milites Christi alerentur & Ecclesiæ exornarentur, pauperes recrearentur, & captivi pro temporum opportunitate redimerentur.

Hæc natura proventuum Ecclesiasticorum adeò indubitata fuit jam pridem Patribus, ut dicere non timeant anno 844. Synodus Vernensis *Can. 12.* „Certè, quod nullus quamquam impudentissimus, negare audebit, possessio Ecclesiæ vorum est fidelium, patrimonium pauperum, redemptio animarum. Quod & latius probabitur, & exponetur tom. 2. *sect. 4. tit. 1.* aliis tom. 1. *tit. 32.*

III. Hic expendat Pensionarius, vel pensionem desiderans, quo titulo de proventibus Ecclesiæ per resignationem sui Beneficii participare possit. Non titulo Ministerii sive servitii; quandoquidem Beneficium dimittendo, etiam Ecclesiæ illius Minister esse desinat.

IV. Cum proventus, si qui sustentationi Ministrorum supersunt, vel in templorum, vel suppellectilium Ecclesiasticæ usum. aut in alimoniam pauperum sint impendendi, consequens est, ut expendat, num ea sit sua conditio, ut *patrimonium pauperum*, sive quod pauperum alimoniis ex mente Ecclesiæ & Fidelium offerentium destinatum est, suis usibus applicare queat?

V. Sanè si de Clericis etiam actualiter Ecclesiæ inservientibus dictum sit, quod „nec illi qui sua possidentes dari sibi aliquid volunt, sine grandi peccato suo, unde pauper victurus erat, accipiant:“, facile intelligi potest, quid dici posset de iis qui servitium Ecclesiæ, quam deserunt, impendere ulterius non intendentes, ea quæ pauperibus debentur, accipiunt, si ipsi sua possideant, id est, aliunde vel ex patrimonio vel ex proventibus alterius Beneficii habeant, unde honestè, attentè Clericali modestiâ, vivere queant?

VI. Attendant, quàm injustum, ne dicam sacrilegum sit, *patrimonium pauperum*, sive proventus, pauperum usibus applicandos, augendis divitum patrimoniis applicari? Et quàm meritò Concilium illud *De lestorum Prælatorum*, cujus supra *cap. 1.* meminimus, dixerit: „Pensiones dare Clericis divitibus, qui comòdè & honestè vivere queunt ex redditibus quos habent, magnus certè abusus.

O o o o o 2

VII. Ad.



VII. Adhuc attendere debent Pensionarii, quod pensiones hodiernæ non sint nudæ & simplices elemosynæ, quales vulgaribus pauperibus dari solent; sed amplius quid præ se ferant.

Pensio quippe ex moderno stylo, est species cuiusdam servitutis Beneficio vel Ecclesiæ imposita, persolvendi annuam pecuniæ quantitatem ex proventibus Beneficii Clerico actualiter Beneficio non deservienti, nec illud possidenti.

VIII. Hinc per pensionem in effectu subtrahitur notabilis proventuum portio à Beneficio, cui ex Ecclesiæ ordinatione, & Fundationis lege, in sustentationem Beneficiarii, aliosque pios usus est annexa; & alteri quasi in modum Beneficii assignatur.

IX. Quapropter ex omnium Doctorum sententia, quam & moderna Ecclesiæ praxis confirmat, nulla pensio sine interveniente legitima Superioris dispensatione Beneficio imponi potest; de qua dispensatione agitur capite sequenti.

X. Qui igitur pensione securè uti desiderat, discuti-tere debet, num justa sit causa eam servitutem Beneficio seu Ecclesiæ imponendi, sufficiensque ut *dispensative* certa portio à Beneficio subtrahatur, & suis utilibus applicetur.

Porro dispensationem, quantumvis etiam auctoritate Apostolica suffultam, neminem reddere securum in conscientia, nisi justa & sufficiens causa dispensandi adsit, satis ostensum est supra *Scilicet. 3. tit. 3. aliàs tit. 20. cap. 5.* ubi de dispensatione super pluralitate Beneficiorum actum est.

XI. Rationes autem quæ evincunt, dispensationem etiam Pontificiam super pluralitate Beneficiorum, non reddere quemquam in conscientia securum, si destituatur *iusta causa*; etiam evincunt, dispensationem super impositione pensionis sine justa causa esse insufficientem.

Quamvis enim, teste Doctore Angelico 2. 2. q. 100. *art. 1. ad 7.* res Ecclesiæ sint ejus (Papæ) ut principalis dispensatoris; non tamen sunt ejus ut Domini & possessoris. "Unde si eas contra mentem Ecclesiæ & fundatorum malè dispensaret, nullatenus ex hac dispensatione nec utique redderetur dispensatus."

XII. Quapropter Cardinalis Toletus *lib. 5. De Instru. Sacerdotum cap. 83.* dicere non veretur: "Sine *iusta causa*, inquit, non habet in foro interiori & coram Deo locum dispensatio, sed tantum in foro exteriori. Unde qui pensiones retinent, etiam cum dispensatione, si *non adest causa legitima*, securi non sunt, nec excusantur, quia Papa dedit, & *ipsum est considerare quomodo dedit*. Hoc, inquam, non excusat. Si enim quis accipiat pecunias ab æcono-  
" nomo, quem scit malè dispensare res Domini, &  
" contra iustitiam, non potest eas in conscientia tum  
" retinere. Papa autem non est Dominus bonorum &  
" reddituum, sed tantum universalis dispensator. Unde  
" sicut cum dispensat hominem in voto, non facit hominem  
" securum in conscientia, nisi causa adsit; ita in  
" pensionum & Beneficiorum distributione. Causa autem  
" hæc debet esse in utilitatem Ecclesiæ cuius sunt  
" bona. Si enim nulla via vel pacto in Ecclesiæ huius  
" jus, vel universalis utilitatem tendat, non est causa  
" legitima."

XIII. Toletus consentit Gambarus *de Auctoritate Legum lib. 10. num. 136.* docens, "quod in foro conscientiæ, pensio sine causa constituta pro aliquo, quia sub-  
" strahitur alimonia pauperum & Ministrorum, non  
" prodest obtinenti, maxime quia istæ indiscretæ pensio-  
" nes sunt causa mille malorum."

Et ante hos celeberrimus Jurisconsultus Guilielmus Benedicti ad *Cap. RAYNUTIUS De Testamentis de fideicom. substit. parte 2. num. 36. & 54.* "Causa im-  
" ponendi pensionem semper injusta censetur, si non  
" pertineat ad utilitatem Ecclesiæ, cui pensio impo-  
" nitur..... sine ergo causa legitima utilitatem Ec-

clesiæ pensionariæ concernente, non valet etiam à Papa imposita pensio."

XIV. Quam verò sibi ipsis imponant, & blandiantur, qui de iustitia causæ parum solliciti, hac una ratiuncula omnem suis conscientiis securitatem conciliant. *Papa dispensavit*, sive Papa dispensationem annuit, *ipse videt*, supra *Scilicet. 3. tit. 3. aliàs tit. 20. cap. 5.* sufficienter ostensum est.

XV. Denique ne Pensionarii ex facto Superiorum nimiam securitatem sibi ipsis assumant, advertant, posse nonnunquam pensiones ex parte Superiorum justè, & in utilitatem Ecclesiarum annui, & à Beneficiariis persolvi; tamen injustè fuerint exactæ, & injustè recipiantur.

XVI. Pontificem & Episcopos mansisse bonorum Ecclesiasticorum superintendentes seu dispensatores in utilitatem Ecclesiæ, etiam post rerum divisionem & Beneficiorum erectionem, nemini dubium est. *Ut Episcopi potestatem habeant* (inquirebat tribus circiter à facta rerum Ecclesiæ divisione seculis Synodus Moguntina) *res Ecclesiasticas providere, regere, gubernare, atque dispensare secundum Canonum auctoritatem.*

XVII. Cum igitur nonnunquam ipsa necessitas aut utilitas Ecclesiæ (cui rerum Ecclesiæ dispensatio subservire debet) exigit aut postulet, ut etiam Clerico *diviti*, nec de Ecclesia merenti pensio assignetur, indubiè Pontifex aut Episcopus, qui unicè utilitatem & necessitatem præ oculis habere tenentur, eam justè, ad *redimendam vexam*, seu majus Ecclesiæ malum aver-tendum, nonnunquam concedant, licet ipse injustè extorqueat ac recipiat.

Quid enim, si indignum quempiam Sacerdotem à sacro Ministerio, v. g. Beneficio Curato, amoveri & alium idoneum in locum illius substitui oporteret; & tamen ille sine pensione Beneficium abdicare nollet? tunc indubiè salus animarum & utilitas Ecclesiæ permittit, imò exigit, ut velut ad redimendam vexam potius ei pensio assignetur, quam ut cum tanto animarum detrimento in Cura permaneat; si nimirum de suo gradu aliter exturbari, aut saltem non sine majori incommodo, & molestia posset.

XVIII. Non abfimile pensionum exemplum occurrit in *cap. 31. & De Rescript.* nimirum, quas nonnullæ Ecclesiæ pendere solebant, ut se à vexationibus eorum qui mandatis à Sede Apostolica pro impetratione Præbendæ primò vacaturæ, & sæpius subreptitiè vel obreptitiè obtentis vexabant, redimerent. "Sole-  
" bant enim (ait Janus à Costa celebris Canonista)  
" mandatarii isti plerumque esse contenti certa præsta-  
" tione annua sive pensione, cujus constitutione, Eccle-  
" siæ, contra quas impetraverant litteras, redimebant  
" se à *vexationibus* impetrantium. Nam quamvis om-  
" nis constitutio pensionis hoc jure valde suspecta sit,  
" pergit à Costa, videntur tamen hoc casu Pontifices  
" conniventibus oculis hoc permisisse Ecclesiis, quas  
" contra veterum Canonum statuta mandatis istis one-  
" rabant."

XIX. Et certè quis hujusmodi pensiones ex parte constituentium non probaret. Si enim nemo infidelitatis aut injustitiæ accuset tutorem, qui ex rebus pupilli aliquid concedat alieni nihil juris ad illud habenti, ut pupillum adversus injustum vitæ aut rerum suarum invaluorem defendat, eumque à summo illo discrimine liberet; quis Prælatos illos accusare audeat injustitiæ aut infidiæ administrationis, si partem aliquam rerum Ecclesiæ non merentibus tribuant, ut ab Ecclesiis arceant lupos, qui non vitæ corporali, sed spiritali insidiantur?

XX. Adhuc, quis non videat, quod eadem ratione, qua, propter utilitatem Ecclesiæ, Prælati similes pensiones permittere coguntur, Clerici ad Beneficia illa vocati easdem persolvere possint? Econtra eos, qui suis injustis vexationibus Prælatos ad pensionem consti-  
tuendam

tuendam cogunt, non iustius eam recipere, quam is, qui à tutore pupilli in casu proposito, ad redimendum pupillum ab iniqua sua vexatione, pecuniam recipit.

Nullatenus proinde sequitur: Pontifex aut Episcopus pensionem iustè permittit, & Beneficiatus iustè perfolvit, ergo Pensionarius eam iustè recipit.

## CAPUT V.

Cujus auctoritate hodie imponatur pensio; & quæ differentia inter pensionem impositam à Papa, & creatam ab Episcopo.

1. *Olim pensionis assignatio sine dispensatione fieri poterat.*
2. *Quæ ratio illius disciplina.*
3. *Quando dispensatio requiri cæperit?*
4. *Canones sectionem Beneficiorum vetuerunt.*
5. *His contrariavi Pensiones creditum est.*
6. *Qua de causa Canones sectionem Beneficiorum vetantes pensionibus applicati?*
7. *Hinc ulterius creditum, pensiones sine dispensatione Canonum imponi non posse.*
8. *Imò visum fuit requiri Pontificiam dispensationem.*
9. *In Gallia Episcopi pensiones imponere non possunt.*
10. *Quaratione Synodi Simoniacas reputent pensiones sine auctoritate Pontificis impositas?*
11. *Utrum rariùs & difficiliùs Romano Pontifici, quàm Ordinariis in annuenda pensione subripi natum sit?*
12. *Synodi declarant de Simonia suspectas pensiones sine auctoritate Papæ impositas.*
13. *Non omnes pensiones sunt Simoniacæ, quæ sine auctoritate Pontificis imponuntur.*
14. *De Jure communi etiam auctoritate Episcopi reservari possunt pensiones; & hoc praxi Belgicæ est conforme.*
15. *Ex Interpretum opinione pensio à Pontifice creata est realis; imposita ab Episcopo tantum personalis.*
16. *Fundamentum hujus distinctionis.*
17. *Licet dubitari possit de soliditate fundamenti, opinio hæc nihilominus in praxi recepta est.*
18. *Pensio ab Episcopo creata non obligat successorem; secus à Papa imposita.*
19. *Capitulum percipiens fructus tenetur ad pensionem à Papa impositam; & Pensionarius potest agere actione reali hypothecaria.*
20. *An ad pensionem teneatur cui ob incapacitatem Beneficiati fuit Beneficium collatum?*
21. *Pensio non creditur realis saltem in Gallia, imposita Beneficiis Curatis.*
22. *Qua ratione sit merè realis respectu successoris?*
23. *Hodie Pensiones videntur reputari tanquam servitutes.*

I. **J**AM pridem Episcopis & Clericis pensiones alimentarias, ex proventibus Ecclesiarum & Beneficiorum assignatas fuisse, vidimus capite primo.

Imò hæc pensionum assignatio primitus videtur etiam sine ulla Canonum relaxatione, sive dispensatione fieri potuisse: neque in ullis pristinis illis pensionum exemplis, ulla dispensationis seu relaxationis Canonum auctoritate Superioris faciendæ mentio habetur.

II. Cum enim necdum invaluisset Beneficiorum erectio, id est, proventuum Ecclesiasticorum singulis titulis annexio; ut nimirum singuli tituli suos particulares haberent proventus annexos, etiam nondum receptum erat, neque Canonibus decretum, Beneficio-

rum divisionem fieri, dum proventus alicujus Ecclesiæ Clericis extraneis verè indigentibus assignabantur: sed sola auctoritas spiritualis & Sacerdotalis cuique titulo particulari annexa dividi vetabatur: quâ indivisâ manente, nulla credebatur fieri Beneficiorum divisio: uti non obscure indicavit S. Gregorius verbis ex *Epist.* 43. lib. 2. capite primo relatis, quibus monet Episcopos per Illyricum constitutos, ut Coepiscopos quos à propriis locis furor hostilis expulerat, reciperent: „Non quidem (ait) ut per communionem Episcopalis Throni dignitas dividatur, sed ut ab Ecclesiâ juxta possibilitatem sufficientiæ debeant alimenta percipere.

III. At postquam singulis titulis sui particulares proventus annexi fuere; ipsumque jus percipiendi hos proventus partem quodammodo ipsius Beneficii constituto creditum fuit, unâ quoque reputatum fuit divisionem & sectionem Beneficii fieri, dum hoc jus percipiendi fructus Beneficio annexum, vel potius ipsum Beneficium constituens, inter plures dividebatur.

Cum igitur divisio Beneficiorum esset Canonibus contraria, visum fuit, auctoritate Superioris opus esse in pensionis assignatione; utpotè qua jus percipiendi proventus Ecclesiasticos, seu potius Beneficium, inter duos quasi dividitur.

IV. Sectionem Episcopatum & Dignitatum jam pridem Canones prohibuerant, quos refert Gratianus *Can.* 6. 12. 39. & 41. *Caus.* 7. q. 1. ac cum de Præbendis expresse non loquerentur, nonnulli harum sectionem haud vetitam credebant, quemadmodum testatur Concilium Turonense sub Alexandro III. in *Cap.* 8. & *De Præbendis*, harum quoque divisionem interdicens. „Majoribus Ecclesiæ Beneficiis in sua integritate manentibus, indecorum nimis videtur, ut minorum Clericorum Præbendæ patiantur sectionem. Idcirco ut sicut in magnis, ita in minimis membris suis firmatam Ecclesia habeat unitatem, divisionem Præbendarum, aut dignitatum permutationem fieri prohibemus.

Ad hoc Concilii Turonensis statutum reflectens Innocentius III. interroganti Episcopo, cum sæpè contingat quòd ad unam Præbendam duo Clerici propter importunitatem petentium eligantur, quid sibi agendum esset, respondit: „Nos attendentes quòd si duo unam Præbendam tenerent, illud esset contra Concilium Turonense, quod Præbendarum prohibet sectionem, & si unus illorum ipsam obtineret Præbendam, sub expectatione alius contra Lateranensis Concilii statuta remaneret. Inquisitioni tuæ taliter respondemus, quòd talis electio de rigore juris penitus est cassanda. „ *Cap.* 20. & *De Præbendis*.

Simile responsum ejusdem Pontificis occurrit in *cap.* 25. & *ead.* datum Episcopo Trecenti. Cum Archiepiscopus Rhemenfis Legatus Sedis Apostolicæ duos in eadem Præbendam instruisset, & ambobus Capitulum Trecentense stallum in choro & locum in Capitulo, & idem Archiepiscopus supradictæ Præbendæ fructus dividendos communiter assignassent, donec alter integrum Præbendale stipendium (vel ut alia lectio habet, *Beneficium*) esset assecutus.

Deinde in eadem Decretali dicitur, „quod, licet in Ecclesia in qua non est determinatus numerus Præbendarum, nulla etiam vacante, in Canonum quis possit assumi, cum intelligatur ad quoddam jus eligi, quod ex Electorum assensu de novo creatur, & cum electo in Canonum nascitur & definit cum defuncto: in Ecclesiâ tamen, quæ determinatum habet numerum Præbendarum, uno individuo jure vacante, duo simul eligi non possunt ad illud, eò quòd hujusmodi spirituale jus dividi seu communicari nequeat inter eos.

V. Hæc responsa si cum textu Concilii Turonensis conferantur, admodum verisimile est, sensum Decreti hujus Concilii esse, ne ipsum jus spirituale Præbendarum divideretur; id est, ne unâ Præbendâ duntaxat vacan-

vacante, duo in Canonicos eligantur; eisque jus Canonicale, quod *individuum* est, pro divido assignetur: adeoque nec Decretum propriè ad pensiones pertinere: quia per harum assignationem jus illud *spiritale* propriè non dividitur; nec duo ad unum Canonicatum assumuntur, aut Canonicatus inter ipsos dividitur: uti notavit Ludovicus Thomassinus, *De Discipl. Eccl. parte 4. lib. 4. cap. 37. num. 3.*

VI. Quidquid sit, certum est, tandem hoc Decretum Concilii Turonensis à Canonistis passim ad pensiones extensum, tanquam si per eas divisio Beneficiorum contra Concilium Turonense contingeret.

Quin & Decretum Concilii Lateranensis sub eodem Alexandro III. in *cap. 7. §. De Censibus*, prohibens, „ ne ab Abbatibus, Episcopis, aliisque Prælati novi „ census imponantur Ecclesiis, nec veteres augeantur, „ nec partem reddituum *suis* usibus appropriare præsumant: pensionibus applicatum fuit; quasi per has *novi census* Ecclesiis imponerentur. Cui applicationi non parum juvit rubrica *tit. 12. lib. 3. Decretalium: Ut Beneficia Ecclesiastica sine diminutione conferantur*: in cuius nigro mentio quoque fit citati Decreti Concilii Lateranensis.

Dum enim Beneficia Ecclesiastica cum onere pensionis annuæ conferuntur, censentur conferri *cum diminutione*: & cum juxta modernam disciplinam, Resignantes & Permutantes habeant præcipuas partes in collatione hujusmodi Beneficiorum (ut titulo præcedenti ostensum est) etiam quodammodo Collatores partem fructuum sibi reservant, dum hi pensionem sibi reservari petunt: ideoque nec sine fundamento Decretum Concilii Lateranensis ad ipsos extensum est.

VII. Hac itaque tum Concilii Turonensis, tum Lateranensis interpretatione recepta, creditum quoque fuit *pensiones*, quæ in Beneficiorum resignatione ad usum Resignantium reservantur, esse juri communi contrarias: ideoque reservari aut imponi non posse, nisi auctoritate eorum, qui super jure dispensare possunt.

VIII. Et quidem cum ageretur de Canonibus duorum Conciliorum generalium, visum fuit, solâ auctoritate Romani Pontificis dispensationem hanc posse concedi, ejusque solius auctoritate Beneficiorum reservationem fieri, vel Beneficia cum diminutione conferri.

Hinc ulterius non paucis persuasum fuit, pensiones solâ Romani Pontificis auctoritate Beneficiis imponi posse.

IX. Testatur Rebuffus in *Praxi part. 1. tit. De Reservationibus tam generalibus, quam particularibus num. 29.* Episcopos non constituere pensiones; licet id non ex auctoritate juris; sed ex non usu profluxisse credat; ait enim: „ Imò ex non usu amissa in hoc eorum potestas, quod non fuisset, si ignari illius non fuissent, „ & ea usi.

Refert quoque Choppinus, *De Sacra Polit. lib. 3. tit. 2. num. 17.* jam pridem Senatum Regium decrevisse, „ nullam beneficiarîæ pensionis rationem haberi, „ nec pactiæ constitutionis ejusdem, nisi *Romanus Antistes* consignatis ipsam tabulis sanxisset ac stabilisset.

De eadem Regni Gallicani Praxi testis est Brodæus in notis ad Louëtium *litt. C. num. 40.* & novissimè Joannes Cabassutius in *Juris Canonici theoria & praxi lib. 2. cap. 16.* asserit, quod „ Curia Regiæ nullam „ admittant beneficiariam pensionem, nisi ex summi „ Pontificis auctoritate dimanarit: easque omnes obli- „ terent, & pro Simoniacis habeant, quas locorum „ Ordinarii constituunt, solis exceptis quas Episcopi „ Vicariis à se constitutis assignant, ut vicibus fungantur Præbendorum aut Curatorum, qui sive ob „ delictum, sive ob imperitiam, sive ob ingruentem „ morbum; vel ob irregularitatem, vel dementiam „ suspensi sunt ab exercitio Ecclesiastico.

X. Huic Gallicanæ disciplinæ inherens Synodus Rhemensis ann. 1583. *tit. 23.* declarat, „ omnes *pensiones* „ & *pactiones* super Beneficiis in quibus non inter- „ venit Sedis Apostolicæ approbatio, illicitas & Simoniacas.

Ad hoc aliaque similia Synodorum Decreta reflectens Ludovicus Thomassinus, *De Disciplina Eccles. part. 4. lib. 4. cap. 37. num. 12.* rectè monet, quod nequaquam propriè dici queat, quod Papa hic purget Simoniam, efficiatque pensiones non esse Simoniacas. „ Possunt enim (ait) esse Simoniacæ, licet eas Papa „ concedat, si ipsi subreptum fuerit: possuntque esse „ exemptæ à Simonia, si juri & Decretalibus sint conformes: tamen etiam tunc, qui eas sine auctoritate „ Papæ obrinent, sint suspecti de Simonia: eò quod „ jus novum velit, eas à Papa examinari & probari. „ Ratio est, quia licet frequenter Papæ subripiatur contra Regulas, id tamen rarius est, quàm si omnes „ Episcopi adhuc essent in possessione & jure creandi „ omnis generis pensiones.

XI. Quòd ex Thomassino significari videtur pensiones *rarius esse subreptitias*, dum eas imponendi & reservandi auctoritas est penes *solum* Pontificem, quàm si hæc potestas libera mansisset singulis Episcopis; an verum sit, meritò ambigitur.

Imprimis enim Beneficiorum & Beneficiatorum in Gallia, aliisque ditionibus extra Italiam sitorum & commorantium, qualitates & conditiones non æquè ipsi Romano Pontifici ac Episcopis innotescere posse expeditum est: ac consequenter circa has facilius ac frequentius Pontifici obrepi posse: cum tamen hæc qualitates & conditiones in reservatione pensionum sint attendendæ; utpotè quæ conditioni Beneficiorum & Beneficiatorum respondere debent, ut iustæ sint.

Præterea si potestas reservandi pensiones, & Beneficiis imponendi integra esset penes Episcopos; indubitatum est, quod hæc auctoritas certis limitibus & regulis auctoritate Synodorum, aliâve legitima potestate circumscribi ita posset, ut excessus, alique abusus hodie in earum reservatione committi soliti, vitarentur: quos limites aut regulas Pontificis auctoritati nullâ humanâ potestate præfigi posse prætendit Curia Romana.

XII. Nunc verò ut Thomassinus fusiùs probet, eos esse Simonia suspectos, qui Beneficiarias pensiones consequuntur absque sedis Romanæ auctoritate, laudat decretum Concilii Toletani anni 1566, *cap. 31.* tanquam exactius loquens: Declarat enim; „ Si quis „ post resignationem Beneficii cujuslibet partem aliquam ex ejusdem Beneficii fructibus quoquo modo „ acceperit absque sanctorum Sedis Apostolicæ permissione, „ ne, etiam ab sponte dantibus, eo ipso tam ipse quàm „ is qui Beneficium post renuntiationem consequutus „ fuerit, *suspecti* de Simoniacâ pactione tacita vel expressa censentur.

XIII. Et reverà constat non omnes pensiones etiam in resignatione Beneficiorum appolitas Simoniacas judicasse Ecclesiam, tamen auctoritas Sedis Apostolicæ non intervenerit; neque hanc auctoritatem necessariam esse, ut à Simonia purgentur, evincit non tantum multorum seculorum praxis, quæ passim pensiones auctoritate Episcopali constitutas admisit, sed & moderna multorum Regnorum & Ecclesiarum disciplina, pensiones ab Episcopis probatas admittens, atque in hoc à praxi Ecclesiæ Gallicanæ dissentiens.

XIV. Imò de jure eam auctoritatem adhuc Episcopis integram plures non infimæ notæ Canonistæ cum Nicolao Garcia, *De Beneficiis part. 1. cap. 5. §. 2.* vendicant, atque in Belgio hoc nostro ea auctoritate palam utuntur.

XV. Notant nihilominus plures Canonistæ, atque inter eos Garcias loco citato *num. 334.* quem sequitur Andreas Vallensis in *Tractatu De Beneficiis lib. 4. tit. 2.* magnam esse discrepantiam inter pensionem quæ à summo



summo Pontifice, & eam quæ ab Episcopo creatur. Illam imponi ipsi Beneficio seu proventibus Beneficii, tanquam onus reale; adeoque quamdam sectionem Beneficii quoad proventus inducere: hanc verò non ipsi Beneficio, sed tantum Beneficiato, seu persona Religiantis imponi: ideoque non esse onus reale, sed personale duntaxat.

XVI. Crediderunt hi Canonistæ, per pensionem Beneficio impositam sectionem quamdam Beneficiorum à Jure communi ventam induci; quemadmodum supra notatum est; non autem per pensionem soli Beneficiato impositam: ideoque priorem per solum Pontificem imponi posse, non autem per Ordinarium, qui jus commune relaxare non potest, ait Andreas Vallensis num. 8.

XVII. Quamvis ex supra dictis pateat, meritò dubitari posse, num hæc Canonistarum sententia per omnia consona sit Decretis Conciliorum sectionem Beneficiorum vetantibus, nihilominus ubique penè; ubi auctoritas creandi pensiones Episcopis hæcenus conservata est, etiam hæc distinctio inter pensionem à Pontifice, & pensionem ab Episcopo probatam invaluit: quòd & Zypæus notavit. Tit. Ut Ecclesiastica Beneficia sine diminutio conferantur, Controversia 3. dicens: "Probabilior, & magis usitata in hisce partibus opinio est Episcopo, non super Beneficiis, sed Beneficiatis tantum pensionis impositionem concedi.

XVIII. Atque inde ulterius concludunt, pensionem per Episcopum creatam extinguere morte Beneficiati cui imposita est: neque transire ad successorem in Beneficium. Secus verò quoad pensionem impositam à Pontifice. Hanc enim tanquam quamdam servitutem realem Beneficio sive proventibus Beneficii inhaerentem, transire ad quemcumque Beneficii seu proventuum possessorem; tamen in litteris pensionis mentio successoris facta non esset, notant Gigas De Pensionibus, quæst. 44. & Fagnanus ad cap. NISI ESSENT, De Præbend. num. 28.

XIX. Eodem fundamento Barbosa in Praxi exigendi pensiones quæst. 15. docet, Capitulum dum tempore vacationis percipit fructus Beneficii pensione gravati, teneri pro rata temporis ad pensionem, tanquam fructibus inhaerentem. Vide & Pyrrhum Corradum in Praxi Benef. lib. 5. cap. 7. num. 1.

Quin hinc statuit Gigas quæst. 51. posse Pensionarium agere actione reali hypothecaria adversus quemcumque, etiam singularem possessorem fructuum ipsius Beneficii pensione onerati.

XX. Refert quoque Brodæus in notis ad Lolietium litt. P. num. 30. judicatum, quòd is cui Beneficium pensione gravatum erat collatum ob incapacitatem Religiantis, teneatur continuare solutionem pensionis: ita tamen, ut provisus tantum teneatur solvere canones lapsos tempore quo ipse Beneficium possedit. (a)

XXI. Præterea monet Brodæus decisionem illam tantum procedere in Beneficiis simplicibus, non autem in Beneficiis curatis; respectu quorum pensiones sunt magis odiosæ potiusque tolerantur, quam probantur: testaturque sæpè judicatum, successorem per obitum in Beneficium curatum non teneri ad solutionem pensionis: etsi legitime imposita fuerit, si ipse Provisus nullum huic impositioni consensum præstiterit. Quòd & judicatum fuit quoad Beneficia curata Provinciæ Normaniæ, licet allegaretur usus contrarius hujus Provinciæ; reputatusque hic usus pro abusu. Plura vide apud Tournetium in collectione Arrestorum litt. P. num. 75. & 76.

XXII. Hoc quoque rectè notat Brodæus post Gigantem aliosque Canonistas, pensionem ita esse onus merè reale respectu successoris in Beneficium, præter-

(a) Per Canones Lapsos, intelligitur ea Pensionis portio quæ debetur habita ratione temporis, quo Beneficium possessum est.

tim per obitum, quique jus nullatenus à Religiantario, qui pensioni consensit, sed à solo Collatore accipit, ut respectu ipsius nihil personalitatis habeat; sed merè reale sit: ideoque non teneatur, nisi præcise quantum ipsos proventus, quibus pensio imposita est, percipit, non autem vi alicujus consensu personalis: unde & facilius, vel annulationem, vel reductionem pensionis postulare potest, quam is qui consentiendo pensionem probavit; quòd infra latius ostendetur.

XXIII. Quæ hodie invaluerunt circa realitatem, vel personalitatem pensionis, evincunt, tandem pensiones consideratas, ut onera merè temporalia, & ad normam servitutum esse redactas; atque iisdem penè regulis tandem regi cœpisse.

Non mirum proinde, nihil de hac personalitate & realitate reperiri, vigente puriori & meliori Ecclesiæ disciplina.

Postquam verò ea de pensionibus Ecclesiasticis, etiam apud Ecclesiasticos haberi cœpit idea, atque de his, quasi de rebus merè temporalibus judicari; mirum non est, si & cœperint Regia Tribunalia de hisce pensionibus quasi de rebus profanis judicare & statuere, & plurima pro earum moderatione & legitimo usu per Principes, ac notanter in Belgio, & Gallia esse constituta, quæ ipsarum sub hoc titulo annotantur.

## CAPUT VI.

Quæ Beneficia Pensione gravari queant, & qualiter?

1. Nulla antiquitus distinctio quoad hoc punctum inter Beneficia facta legitur.
2. Cur posterioribus seculis facta?
3. Aliquando in Gallia cautum fuit, Beneficia curata pensionibus non gravanda; & quomodo sensum receptum?
4. De moderatione pensionum super Beneficiis curatis facta à Synodo Tridentina.
5. Clausula impositioni pensionis super Ecclesiis Parochialibus occasione Decreti Tridentini inseri solita ex stylo Curiae Romanae.
6. Decretum Synodi Tridentinae, uti & dicta clausula, intelliguntur de Ducatis usualibus.
7. Ut satisfiat dicta clausula debent manere centum Ducati ex proventibus certis.
8. Neque comprehenditur domus pastoralis.
9. Synodus Tridentina intendit per suum Decretum conservare Rectoribus Ecclesiarum Parochialium congruam portionem.
10. Hoc sensu Decretum in Gallia quoque receptum.
11. Ut hoc servetur, non potest imponi pensio, nisi remaneant Rectori tres centum librae Gallicae solutae pensione.
12. Pluribus Parliamentorum Arrestis id declaratum.
13. Edictum Regium conforme.
14. Quæ ad restringendas pensiones Beneficiis Parochialibus impositas decreta sunt, meritò & in Belgio servarentur.
15. Litteræ Gubernatricis Belgii vetantes dari Placetum super pensione imposita Ecclesiis Parochialibus uno casu excepto.
16. Præbendæ Theologales & Præceptoriales in Gallia pensione non gravantur; & quare?
17. Idipsum in Hispania servatur.
18. Ex stylo Curiae non solet annui pensio super Canonicatu non excedente valorem annuum centum Ducatorum.
19. Quid circa hoc judicatum in Gallia?
20. Privilegia indulta Ecclesiis quod pensione gravari nequeant sunt favorabilia.
21. Beneficia collationis Regia sine consensu Regis pensione gravari non possunt.

22. Beneficiis Juris Patronatus laici, pensio sine consensu Patronorum imponi nequit.  
 23. Idem dicendum si sint Juris Patronatus mixti.  
 24. Quid, si presentatio spectet alternativè ad Laicum & Ecclesiasticum?  
 25. Beneficium Juris Patronatus Ecclesiastici potest sine consensu Patroni pensione gravari.

I. NEQUE in pristinis Canonibus, neque in Decretalibus aliisve Juris Canonici libris legitur determinatum, quæ Beneficia pensionibus onerari possint aut non possint. Hoc enim duntaxat reperitur, quod subinde Episcopis, aut Pastoribus, aliisque Clericis, sive hostium furore à Sedibus suis expulsis, aut alia justa de causa Beneficiis suis servire non valentibus, vel urgenti alia de causa pensio aliqua alimentaria ex proventibus alicujus Ecclesiæ vel Beneficii assignaretur, id tamen sollicitè cavebatur, ne ea pensionis assignatione adeo ipsius Ecclesiæ aut Beneficii proventus exhaurirentur, ut proventus sufficientes alendis necessariis Ministris non superessent.

II. At cum labentibus seculis mirum in modum pensionum impositio crevisset, atque indifferenter omnia passim Beneficia iis gravarentur, in tantum ut in plerisque vix quidquam ipsis possessoribus Beneficiorum superesset; indeque contingeret, ut idonei vix invenirentur, qui Beneficiis deservire vellent, novis hisce malis & abusibus, nova remedia adinvenire, & adhibere ceptum est.

III. Inprimis sollicitè cautum fuit, ne Beneficia curata pensionibus ita gravarentur, ut possessoribus sufficiens sustentatio vix superesset; atque hinc contingeret curam animarum negligi. Inprimis referunt Pragmatici Galli antiquis Parlamentorum Arrestis judicatum aliquando fuisse, Beneficia Curata pensionibus gravari non posse, successu tamen temporis eas saltem inter Resignantem & Resignarium toleratas fuisse: ne aliàs ipse Resignarius, qui pensioni consensit, & mediante promissione pensionis Beneficium accepit, perfrictu arguatur, quod contra datam fidem vellet Beneficio & integris fructibus gaudere. Unde pensionem promissam solvere, vel Beneficio cedere tenetur; uti non semel judicatum fuisse testatur Tournetius in collectione Arrestorum *litt. P. num. 56.* & Lotetius *litt. P. num. 30.* quamvis pensionem Beneficio curato, tamen auctoritate Pontificis impositam, continuare non teneatur successor in Beneficio, si ipse à Resignatorio titulum non habeat; uti capite præcedenti dictum est.

IV. Synodus Tridentina volens occurrere incommodis quæ sequi contingit, dum Beneficia curata pensionibus exhauriuntur, ut Beneficiario congrua portio non superfit, statuit *Sess. 24. cap. 13. De Reformat.* ut "imposterum omnes hæ Cathedrales Ecclesiæ quarum redditus summam ducatorum mille, & Parochiales, quæ summam ducatorum centum, secundum verum annum valorem, non excedunt, nullis pensionibus, aut reservationibus fructuum graventur."

V. Post hoc Decretum inolevit stylus Curie Romanæ, ut in Signatura pensionis super Beneficiis Parochialibus apponatur clausula *Dummodo ex fructibus dictæ Ecclesiæ centum ducati liberi pro illius Rectore pro tempore existente annuatim remaneant.*

Hanc clausulam provisionem facere conditionatam; in tantum ut ipse Pensionarius sive Resignans debeat probare, quod deducta pensione maneat centum ducati pro Rectore, sæpius in Rota resolutum fuisse testatur Pyrrhus Corradus in *Praxi Beneficiaria lib. 5. cap. 1. num. 30.* illudque procedere, etiam si agatur contra illum, qui consensit reservationi: quia ejus consensus censetur cum eadem conditione præstitus. Vide quoque Choquier ad Regulam Cancellariæ, *De Consensu in Resignat. & Pres. præstando num. 51.*

VI. Prædicti autem Ducati intelligendi sunt juxta consuetudinem cujusque Regionis, sive semper clau-

sula illa intelligitur de centum ducatis usualibus, & monetæ ac valoris Regionis seu Provinciæ, in qua est assignata pensio; sive in qua est situm Beneficium Parochiale pensione gravatum, uti non semel declaratum esse à Sacra Congregatione refert Pyrrhus Corradus loco citato *num. 34.* & sequentibus.

VII. Dicitur in clausula, *dummodo centum ducati liberi remaneant*: quo significatur, quod debeant esse ex fructibus certis, non autem incertis, uti notat Corradus ibidem *num. 35.*

Centum Ducati enim qui Rectori reservari debent, sapiunt naturam alimentorum, quæ non patiuntur dilationem, cum nemo vivat ex vento, ait Corradus ibidem: qui dein subjungit: "Et sic, incerta non computantur in congruam portionem; quod venter non debet pendere ab incerto. Nam ista congrua debetur Parochis, ne aliàs intenti ad quærendum sibi victum, deferant curam animarum; vel aliàs ipsi ob nimiam egestatem in illa exercenda committant, quæ non deberent committere: sive etiam ne ob prædictam egestatem sint ludibrio ipsis Parochianis, quos debent coercere, & à quibus revereri." Hæc ille; at de imputatione in portionem congruam infra latius.

VIII. Notat quoque ibidem *num. 38.* aliquando decisum fuisse, quod ubi adest hæc clausula, *Dummodo, &c.* ad augendos fructus Parochialis Ecclesiæ, non esse habendam rationem domus Ecclesiæ Parochialis pro Parocho, in qua ipse residet: prout in simili fuit in eadem decisione comprobatum, quod pro congrua Episcopi, cui in hoc æquiparatur Rector, tam sacra Congregatio, quam Rota censuit assignare (Concilium Tridentinum) mille absque computatione, ne Palatii residentie.

IX. Ex dictis sat manifestum est, hanc Concilii Tridentini Ordinationem de non gravandis Ecclesiis Parochialibus onere pensionis, quæ summam Ducatorum centum, secundum verum annum valorem non excedunt, præcipue eo fine editam esse, ut Rectoribus Ecclesiarum Parochialium, detracta pensione, semper superesset congrua portio, sive competentia Pastoralis: quod & juri communi consonum est. Nam & jure communi inspecto, oportet, ut detracta pensione superint redditis sufficientes ad sustentationem Rectoris, uti post Abbatem notat Fagnanus ad *cap. Nisi essent* & *De Prab. num. 26.*

X. Licet ergo, teste Tournetio, in sua collatione Arrestorum *litt. P. num. 87.* hæc clausula litteris pensionis apponi solita, *Dummodo centum Ducati liberi maneat*, non sit recepta in Gallia, nihilominus sollicitè ibidem cautum est, ut pensiones ita sint moderatæ, ut iis solutis, congrua portio Rectoribus superfit.

XI. Cum autem in Gallia soleat portio congrua sive competentia Parochorum & Vicariorum Parochialium Ecclesiarum taxari ad trecentas libras Gallicas, quæ conficiunt centum Patacones nostrates; idque detractis omnibus accidentibus (quæ sub vocabulo *Casuel*, id est, *Casuali* comprehendunt) & domo Pastoralis, idèd & ipsas pensiones Beneficiis Parochialibus non aliter imponi sinunt, nisi ipsi Rectori dictæ trecentæ libræ ultra *Casuale* remaneant libera.

XII. Anno 1664. die 16. Junii judicatum in Parlamento Parisiensi, Canonicos non posse resignare Beneficia curata retenta pensione, nisi prius decem annis deservierint illis Beneficiis: quo casu nec pensio tertiam partem fructuum excedere poterit; addita dein & hæc clausula: *Et même qu'elle ne pourra monter jusques au tiers: à moins qu'il ne reste au Titulaire trois cens livres outre le Casuel.* Id est: Quin & pensio adæquare non poterit tertiæ parti fructuum, nisi Titulari superessent trecentæ libræ ultra casualia.

Rursus anno 1666. die 23. Julii judicatum fuit in Concilio Statûs, non aliter admittendas esse pensiones super

super Beneficiis Curatis Diocesis Alestensis, nisi ea conditione: *Pourvu toutefois qu'il reste aux Titulaires la somme de trois cens livres franche, & quitte de toutes charges.* Id est: Si modò Titularibus restet summa trecentarum librarum, libera & omni onere exempta. (a)

XIII. Hæc & plura hisce conformia Parlamentorum Arresta referuntur in Actis Cleri Gallicani, tom. 2. part. 2. tit. 13. ubi & art. 16. refertur Edictum Ludovici XIV. Regis Galliarum, ubi generaliter declaratur, pensiones super Beneficiis Curatis non esse admittendas, nisi cum hac conditione: "*Le tout sans diminution ni retranchement de la somme de trois cens livres, qui demeurera aux Titulaires pour leur subsistance par chacun an, franche & quitte de toutes charges, sans comprendre le casuel & le creux de l'Eglise, qui appartient aux Curez, comme les distributions nuelles aux Chanoines.*" Id est: Idque sine immutatione aut restrictione summæ trecentarum librarum, quæ annuatim Titularium sustentationi libera, & ab omni onere immunis deputabitur, non comprehensis casualibus, & adventitiis Ecclesiæ oblationibus, quæ Parochis cedent perinde ac manuales distributiones Canonici.

XIV. Alia plura ad restringendas pensiones super Beneficiis Curatis, tum per Parlamentorum Arresta, tum Regia Edicta in Gallia decreta sunt, ut in sequentibus videbitur: quæ licet hic in Belgio vim juris non habeant, neque hæcenus cum illo rigore servantur, nihilominus non minus in Belgio, quàm in Gallia hoc sollicitè providendum, ut quantum fieri potest, proventus Rectoribus Ecclesiarum Parochialium integri servantur; nec facillè transferri permittantur ad illos, qui nullum Parochiis officium impendunt; aut ut minus portio congrua Titularibus relinquatur: ne aliàs defectu congruæ portionis cura animarum negligatur, aliæque incommoda, quæ ex defectu congruæ portionis sequi consueverunt, oriantur.

XV. Quam odiosæ jam pridem in Belgio reputatæ fuerint pensiones Beneficiis Curatis impositæ, probant litteræ Margaritæ Parmensis Belgii Gubernatricis de 27. Augusti 1563. & 2. Septembris ejusdem anni, publicatæ in Consilio Brabantiae, quibus "veruit dari placetum pro pensionibus reservatis super Beneficiis Curatis; excepto casu, quo ob morbum aut senium possessoris eæ reservantur: tamen ante in Consilio Brabantiae 17. Junii 1545. resolutum fuisset dandum esse placetum super tali pensione, dum non excederet fructum medietatem." Ita Zypæus in Jure novo tit. Ut Beneficia sine diminutione conferantur. num. 4.

XVI. Obtenientes in Ecclesiis Cathedralibus & Collegiatis Præbendas, vulgò *Theologales*, tenentur, præsertim in Gallia, non tantum instructioni Canonico-rum & Clericorum, sed & prædicationi Verbi Dei vacare; ut supra part. 1. tit. 11. cap. 6. ostensum fuit: ideoque & super his ægrè pensio imponi permittitur; quin & penè in omnibus Edictis Regiis super hac materia pensionum edictis, Præbendæ Theologales cum Beneficiis Curatis junguntur: quemadmodum videri

potest in Actis Cleri Gallicani loco citato: & apud Brodæum in notis ad Louëtium litt. P. num. 46. ubi notat, non semel judicatum fuisse, non permitti hujusmodi Præbendas pensionibus gravari.

Idipsum obtinere quoad Præbendas præceptoriales monet ibidem: quia & hæc juxta edicta Regia requirunt pariter servitium personale instruendi pueros. Vide etiam Tournetium litt. P. num. 73.

XVII. Nec tantum in Gallia hujusmodi Beneficia à pensionibus exempta conservantur; sed & in Hispania jam pridem usitatum esse testatur Didacus Covarruvias, *Pract. qq. cap. 36. num. 10.* ibidem observans; "illud esse satis expeditum, quòd nulla pensionis constitutio apud Hispanos admittatur in Canonicis, qui conferri debent ex veteri instituto Magistris & Doctoribus. Nec vidi (ait) unquam à summo Pontifice pensionem ex his Beneficiis constitui, nisi casu, sà litis dirimendæ, quæ absque ulla fraude inter electos aut institutos tractabatur.

XVIII. Ex eadem ratione, qua Synodus Tridentina voluit, ut Ecclesiæ Parochiales, quæ summam Ducatorum centum, secundum annum valorem non excedunt, nullis pensionibus aut reservationibus fructuum graventur, jam pridem invaluit, "ut si resignetur Canonicatus aut similis Dignitas, non concedatur pensio, nisi redditus sint ultra centum Ducatorum, & pro quantitate, qua excedit dictam summam." Ita Flaminius Parisius, *De Resignat. Benef. lib. 6. quest. 2. num. 28.* addens: "Et ita mihi retulit Illustrissimus Cardinalis Consentinus, Prodatarius, sibi ordinatum fuisse à Sanctissimo D.N. Sixto V.

XIX. Similiter Arresto Consilii Status pronuntiato per formam regulamenti 23. Septembris 1667. declaratæ fuerunt pensiones nullæ, quæ impositæ erant Præbendis Diocesis Rivenfis, qui ne vaudroient pas au moins deux cens livres de revenu pareillement quiete, suivant l'estimation du revenu desdits Bénéfices, qui aura été faite par l'Evêque dans ses visites, ou sur son certificat. Id est: Quæ non penderent ducentas libras annuæ, deductis pariter oneribus juxta dictorum Beneficiorum æstimationem, quæ vel ab Episcopo in visitatione facta fuerit, aut ejus testimonio confirmata. In Actis Cleri Gallicani loco allegato art. 11.

XX. Dicuntur nonnullæ Ecclesiæ eo jure vel privilegio gaudere, quòd earum Beneficia nullis pensionibus gravari queant; atque inter cætera notatur apud Renatum Choppinum lib. 3. *De Sacra Politia, tit. 2. num. 16.* in margine: "*Outient qu'il y a privilège Apostolique particulier, que les Bénéfices des Eglises d'Auxerre, Tonnerre, Tournay & de Joinville, ne sont sujètes à constitution de pension bénéficiale, & ne peuvent en être chargés.*"

Cum hæc privilegia tendant ad conservationem juris communis dictantis ut Beneficia Ecclesiastica sine diminutione conferantur, ipsæque pensionum impositio vel eo titulo odiosa sit, quòd proventus annexi titulis Beneficialibus, ut cedant Titularibus, qui ipsis Beneficiis deserviunt, abstrahantur, & cedant nullum officium, quod Beneficium exigit, præstantibus, merito hujusmodi privilegia tanquam favorabilia reputanda & conservanda sunt.

XXI. "Exteris porro nostros Reges minimè cedere in sacra republica tuenda, vel illud argumento est (ait Choppinus loco citato num. 15.) quòd electivis Sacerdotiis imponi nequeat annuæ penitentionis onus aliquod jure nostro Francico, nisi Rege Patronoadstipulante.

De eodem usu Regni Galliarum testatur Rebuffus tractatu *De Pacificis Possess. num. 137.* Id quoque asserunt alii Pragmatici Galli. Nec in Gallia tantum, sed & in Hispania idem observatur. Observandum enim monet Covarruvias *Pract. qq. cap. 36.* "Non admitti apud Hispanos constitutionem pensionis in his Beneficiis & Dignitatibus, quæ pertinent ad Jus Patronatus Regium;

(a) Die 24. Julii an. 1669. in Consilio Privato Regis Galliarum Arrestum datum est, quo decernitur his verbis: *La Majesté a déclaré nulle & de nul effet toutes les Pensions créées sur les Cures & Prébendes du bas Chœur des Chapitres Cathedral & Collégial du Diocèse d'Aleth, si ceux en faveur desquels elles ont été créées par le passé, ou le pourrions être à l'avenir, n'ont servi lesdites Cures l'espace de vingt années, & si elles excèdent le tiers du revenu d'icelles, mêmes s'il ne reste, ledit tiers osté, aux Titulaires de quoi vivre selon leur condition, & ce, suivant l'estimation, qui en sera faite par ledit sieur Evêque ou ses Successeurs dans leurs visites ou autrement; non obstant tous traités pour cause de procès, résignations, permutations, demandes & regrets faits ou à faire. Pausis deinde interjectis, additur: *La Majesté a déclaré lesdites Pensions nulles, au cas que ceux en faveur desquels elles auront été créées, se trouvent dans le même sens ou après pourvus de Bénéfices, ou s'ils ont Pension sur iceux, de quelque qualité qu'ils soient, qui les puissent nourrir & entretenir.**



„gium; nisi ipsiusmet Regis consensus accesserit summi Pontificis concessioni & pensionis constitutioni.

XXII. Ulterius sicuti nulla resignatio in favorem, vel permutatio Beneficii admittitur sine consensu Patroni Laici; ita nec pensionem sine ejus consensu ex causa resignationis aut permutationis constitui posse, observat Covarruvias ibidem; & de usu Regni Gallie testis est Tournetius in sua collectione Arrestorum *litt. P. num. 79. & 80.* ibidem quoque indicans, quibus modis Patronus Laicus consensum suum dare queat. De hoc jure Regni Gallie passim testantur omnes Pragmatici; estque notoriae Belgii nostri praxi conforme, in nullo permittenti Juri Patronatus Laicorum derogari, aut Beneficia juri illi subiecta diminui aut gravari sine eorum consensu.

XXIII. Et sicuti observavimus supra *sect. 3. tit. 8. aliàs 25. cap. 2.* Jus Patronatus mixtum quoad non derogationem censeri Laicum, ita quoque eodem jure circa impositionem pensionis gaudere dicendum est: ut scilicet Beneficia Juris Patronatus mixti aequè ab impositione pensionis citra consensum Patronorum sint exempta, quàm Beneficia Juris Patronatus Laici.

XXIV. Quin & judicatum esse refertur, quòd, si Beneficium spectet alternativè ad Patronum Ecclesiasticum & Laicum, si vacans in turno Ecclesiastici fuerit gravatum pensione, pensio illa extinguatur morte Resignarii, si vacet in turno Laici: eò quòd sine ejus consensu Beneficium ad suam præsentationem spectans gravari non potuerit. *Tomo 2. Journal des Audiences. lib. 1. cap. 42.*

XXV. Beneficia verò Juris Patronatus Ecclesiastici, sicuti possunt etiam nonnunquam sine consensu Patroni resignari & permutari; ita & pensione gravari; quemadmodum jam pridem judicatum esse testis est Tournetius loco citato *num. 81.* etiam si Jus Patronatus sua origine laicale fuisset, & à Laicis in Ecclesiam translatum esse, ostenderetur.

## CAPUT VII.

Quæ portio proventuum in pensionem assignari possit, & quæ in hanc portionem imputentur.

1. Pensionum quantitas olim limitata non erat; secus hodie: & quare?
2. Ad tertiam partem proventuum restricta; quæ ratio restrictionis.
3. Id olim in omnibus Beneficiis obtinebat.
4. Reservatio omnium fructuum titulo pensionis non admittenda.
5. Hodie ex stylo Curiae Romanae admittitur usque ad medietatem in Beneficiis simplicibus.
6. In Gallia pensio ultra tertiam partem vix admittitur.
7. Edictum Regium super hac restrictione.
8. Pensio tertiam partem excedens non est in totum nulla, sed reducitur.
9. Successor per obitum reductionem petere potest.
10. Resignatario, qui pensioni consensit, reductio aliquando in Gallia negata fuit; & quare?
11. Quomodo hodie etiam ipso Resignatario superstiti, auctoritate publica reducat?
12. In Belgio etiam reducitur pensio excessiva.
13. Pensio hodie non in portione fructuum; sed in quantitate constituitur; & quæ hujus ratio?
14. In tertiam partem Beneficii pensioni obnoxiam non computantur distributiones quotidianæ.
15. Non solet pensio super distributionibus constitui.
16. Interdum ex gratia datur in Curia Romana; sed ægrè in Gallia admittitur.
17. Edicto Regio pensio super distributionibus vetita videtur.

18. Pensio nequidem ad tertiam partem admittitur, si congrua portio Titulari non remaneat.

19. Ex stylo Curiae pensio simpliciter imposita non comprehendit distributiones.

20. Neque oblationes & incerta accidentia.

21. Super obventionibus, quæ requirunt certum servitium pensio non constituitur.

22. Pensio etiam pro tertia tantum parte imposita non semper est licita.

I. Ex pristinis illis pensionum exemplis, quorum capite 1. meminimus, illud duntaxat eruiamus, pensiones limitatas fuisse ad sustentationem seu alimentationem Pensionarii, sive id unum factum fuisse, ut subinde Episcopis, vel Pastoribus, aliisque Clericis indigentibus ex bonis Ecclesiae, cui actualiter non deferiebant, nec adscripti erant, *miserationis* intuitu alimenta darentur, eà tamen moderatione, ut ipsis Ecclesiae Ministris necessaria non deessent.

Verùm cum labentibus seculis prætextu illo alimentationis, Prælati Ecclesiae, ut vel sibi, vel suis consanguineis aut familiaribus faverent, excessivis pensionibus ita Beneficia, etiam curata, gravarent, ut vix congrua fructuum portio ipsi Titulari relinqueretur: tandem visum fuit, certos figure limites intra quos quantitas pensionis restringeretur.

II. Cum verò æquum iustumque videretur, ut primò ipsi Titulari onera Beneficii ferenti provideretur, antequam alteri de proventibus ipsius Beneficii provideretur; quin & iustum esset: ut amplior portio daretur Titulari, qui etiam onera Beneficio incumbencia ferre tenetur, tandem ipsa pensionis quantitas ad tertiam partem proventuum annuorum ipsius Beneficii restringi cœpit: ut ita duæ partes liberæ mancant Titulari, & non nisi tertia pensionis nomine alteri assignari posset.

Unde Caccialupus & ex ipso Hieronymus Gigas *De Pensionibus quæst. 9.* postquam notavit, quòd ad hoc, ut pensio sit tolerabilis & honesta, tantum debeat remanere Ecclesiae, unde Prælati seu Rectores illius commodè valeat sustentari, subjungit: „quòd hinc putet „pensio usque ad tertiam partem reddituum. Ethinc „est (ait) quòd regulariter Legatis Apostolicis datur „facultas reservandi pensiones super fructibus Beneficiorum ex causa resignationis, usque ad tertiam partem fructuum.

III. Et notat Flaminius Parisius *lib. 6. De Resignat. Benef. quæst. 2. num. 24.* quòd antiquo tempore imponebatur pensio usque ad tertiam partem reddituum in omnibus Beneficiis; & apponebatur clausula: *Dummodo TERTIAM partem non excedat.*

IV. Quantumvis auctoritas imponendi pensiones ad certam proventuum annuorum quotam, notanter circa Beneficia non curata, nominatim non reperiatur restricta, tamen in Regno Gallie Pontificem non posse Resignanti reservare omnes fructus, latè probat Louëtius ad Molinæum *De publicandis resignationibus. num. 292.* testaturque frequenter judicatum, quòd, si Resignanti reservati fuerint omnes fructus, moriente Resignante, Beneficium censeatur vacare *per mortem*: quia in effectu ipse Resignans mortuus censeretur in possessione ipsius Beneficii: „nam, ut rectè notat „Louëtius, hujusmodi reservatio eludit in effectu titulum Resignarii, separando fructus à titulo.

Post hæc ostendit, hanc omnium fructuum reservationem publicæ utilitati, nec non Beneficiorum conditioni omninò contrariari, & propterea nec per Pontificem justificari posse.

„Magna quidem (pergit Louëtius) in Beneficiis „summorum Pontificum potestas, sed cum quid contra publicam Ecclesiae utilitatem, contra Hierarchiam „Ecclesiae, contra Ordinis totius honorem, & generalia Concilia statuit, iniis potestatem cessare magni „nominis Ecclesiastici dicere. Quid

„ Quid turpius (pergit Auctor) Pensionarium, nec laborantem, nec seminantem manducare? Beneficium egenum, nudum, & pauperem mendicare? „ titulum à fructibus divino muneri dicatis separare? „ quodd deterius in Beneficiis Sacramentorum administrationem habentibus? cum ad turpia sapissimè cogat egestas, paupertas prudentiores ridiculos reddat. „ Si Ecclesiae utilitate suadente, reservationes omnium Beneficiorum sint vetitæ & damnatæ, etiam in Regno Franciæ summorum Pontificum potestatem & dispensationes superent? Quid aliud sapit hæc omnium fructuum retentio, quam vera reservatio, ut unus titulum habeat, alius omnes fructus percipiat contra Decretum Apostoli, qui altari deserviunt, de altaris fructibus vivant. (a)

V. Certum tamen est, passim Canonistas admittere Papam posse Beneficio imponere pensionem, cujus annua attributio excedat tertiam partem reddituum ejusdem Beneficii; monet enim Flaminus lib. 6. de Refig. Benef. quest. 2. num. 26. hodie in Beneficiis simplicibus de stylo dari regulariter pensionem usque ad medietatem: id est, ut medietas fructuum, sive potius quantitas pecuniæ, quæ medietatem proventuum conficit, in pensionem assignetur.

Similiter Rebuffus in Praxi Benef. titulo De Reservationibus num. 15. testatur, quod interdum reservatur MEDIA pars fructuum loco pensionis: quodque (ait num. 16.) & in patria juris scripti servatur.

VI. Deinde num. 17. subdens: „ Sed in patria consuetudinaria reformari solet, præcipuè si Pensionarius non possit vivere, & usque ad tertiam partem reformari solet, quam obtinebit Pensionarius tantum: Beneficiarius autem alias duas.

De hoc usu patriæ consuetudinariæ sive Regni Galliæ clarioribus terminis post Rebuffum testatur Auctor Analysis ad Regulam Cancellariæ De publicandis Reservationibus num. 212. „ Non toleratur hoc in Regno (Galliæ) fructus omnes, sed nec dimidiam vel auctiore Papâ reservari: sed tertiam duntaxat, ut Regiis Constitutionibus & summorum tribunalium Arrestis cautum est. etiam si permutationis causâ ad tenuitatem Compermutantis supplendam id fiat.

VII. Id omnino conforme est recentioribus tum Parliamentorum Arrestis, tum Regiis Edictis, ac signanter Edicto Regio de anno 1671. quo expressè cavetur, quod pensiones super Beneficiis curatis, vel Præbendis per Resignantes reservatæ excedere nequeant tertiam partem fructuum. Hoc edictum rursus renovatum fuit anno 1674. declaratumque, mentem Regis esse, ut id obtineat in omnibus Beneficiis Ecclesiarum Cathedralium & Collegiarum, quæ residentiam requirunt, quocumque nomine appellentur. (b)

VIII. Verum si pensio dictam tertiam partem excedat, „ non tamen ob id rescinditur permutatio, vel resignatio (ait Auctor Analysis loco citato) sed immoderata pensio ad congruum modum trientis ad minus, vel etiam ad minorem, si qualitas Beneficii exigat, etiam per potestatem secularem reducitur. Testaturque Brodæus in notis ad Louëtium Litt. P. n. 30. esse Regulam & principium certum, quod pensio, quæ legitimum modum excedat, nulla non est, sed reducibilis.

(a) Hic Textus desumptus ex Epist. 1. ad Cor. cap. 9. v. 13. ita legitur: qui altari deserviunt, cum altari participant.

(b) Omitti non debet Magni Consilii Arrestum die 6. Februarii 1670. datum, cujus hic est tenor. Ayant égard, dit le Roi, aux Conclusions de nostre Procureur Général, nostre grand Conseil a ordonné & ordonne qu'à l'avenir les Titulaires & Pourvus de Cures ne pourront, en résignant lesdites Cures, réserver des pensions sur icelles, à moins qu'ils n'ayent desservi lesdites Cures l'espace de 20. années, ou que depuis qu'ils en auront été pourvus, ils ne soient tombés en infirmité notable; auquel cas ne pourront lesdites pensions excéder le tiers des revenus desdites Cures, & à condition qu'il restera toujours au Titulaire la somme de trois cents livres au moins.

Tom. I.

IX. Illud expeditum est, successorem in Beneficium posse petere reductionem pensionis, etiam à Papa impositæ ad vitam ipsius Resignantis, si modò successerit in Beneficium vacans per obitum Resignatarii: qui consequenter nihil promissit Resignanti, nec jus habet à defuncto, sed à Collatore, ut loquuntur Pragmatici Galli, Tournetius in sua collectione Arrestorum Litt. P. num. 69. & Brodæus loco citato.

X. At verò Resignatario, qui pensioni consenserat, atque mediante promissione, hujusmodi pensionis Beneficium obtinuit, reductionem pensionis tamen si excedentis tertiam partem haud annuendam judicabant; huncque fuisse Curiarum Regiarum usum testantur, propter fidem datam; & ne ex proprio dolo, vel perfidia Resignatarius lucrum consequeretur. Receptumque erat hujusmodi Resignatarium de pensionis excessu conquerentem condemnare ad hanc alternativam: solvat vel cedat. Vide latius Tournetium & Brodæum locis supra indicatis: ubi unâ inquirunt, quid sentiendum de Resignatario Resignatarii, an ille à reductione pensionis, in quam hic consensit, submoveri debeat.

XI. Et hæc quidem videtur communis fuisse praxis Galliæ usque ad Edictum Regium anni 1571. quod jubet ob publicum Ecclesiæ bonum, ut cunctæ, etiam quæ præcesserant de pensionibus Beneficiariis conventiones ad tertiam fructuum portionem reducantur. Verba Edicti sunt: Et quant aux pensions, qui se trouveront avoir été ci-devant créées sur les Cures & sur les Chanoinies & Prébendes des Eglises Cathédrales ou Collégiales, en faveur des résignations, Nous voulons & ordonnons qu'elles soient réduites au tiers, sans diminution desdites trois cents livres, ainsi qu'il est exprimé ci-dessus, non obstant tous Traitez & Concordats pour cause de Procès, Résignations, Permutations, demandes en regrez, faute de paiement desdites Pensions, & tous cautionnements, desquelles nous avons déchargé & déchargeons les obligés. Id est: Et quoad pensiones, quibus gravati fuerint Pastoratus, Canonicatus, Ecclesiarum Cathedralium aut Collegiarum Præbendæ in favorem resignationum: volumus & statuimus, ut redigantur ad tertiam partem absque imminutione dictarum trecentarum librarum, prout superius est expressum: non obstantibus quibuscumque pactis, aut conventionibus ad pacificandas lites, resignationibus, permutationibus, petitionibus ad regressum, solutarum Pensionum defectibus, omnibusque cautionibus, à quibus exoneravimus & exoneramus obstrictos.

Ad hanc Declarationem reflectens Cabassurius lib. 2. cap. 16. num. 2. rationem ejus assignat: „ Ut scilicet prævaleat sacra & communis disciplina oppositis priorum, noxiisque pactationibus: nisi quis insistat „ id officium à Legislatore injungi solis Judicibus & publicis Requisiteis, sed non Resignatariis, illo adhuc superstitite, cui obstricta est fides.

XII. Sanè Judices Regii, quibus litteras sive Bullas provisionum à Curia Romana emanantes placetandi auctoritas est, solent ad instantiam Procuratoris Regii sive Fiscalis ipsas pensiones excessivas ad moderatam quantitatem reducere: quod & in Belgio nonnunquam practicatur.

Unde cum quidam resignasset Præbendam Insulensem sub pensione 957. florenorum, placetum renuit Consilium Privatum, ed quod pensio, habito respectu ad proventus dictæ Præbendæ, quæ tantum communiter ascendunt ad duo millia florenorum, esset excessiva: quapropter reduci voluit pensionem ad 700. florenos, quâ reductione mediante, annuit Placetum 16. Septembris ann. 1641.

Hinc quoque colligitur, hic in Belgio ægrè admitti pensionem tertiam partem fructuum excedentem.

XIII. Circa hanc portionem in pensionem assignandam, P P P P P 2

dam, notandum, hodie hanc reservari in quantitate pecuniae, non in quota fructuum parte: uti notat Garcias *De Beneficiis parte 1. cap. 5. num. 362.* sed ratio hujus praxeos quam post alios Canonistas allegat Garcias, scilicet, quod alias Beneficium scinderetur, ut frivola merito ab Auctore Analysis ad Regulam *de public. resign. num. 214.* rejicitur, "quia non minus secantur, vel minuuntur Beneficia per quantitatem, quam quomodo, & lex esset imposita verbis, & fraus, imò contra tortio manifesta Canonum.

Cæterum convenientius est, ut in certa quantitate pecuniae, quam quota fructuum constituatur, ut tollatur occasio discordiarum, quæ ex communione fructuum inter Rectorem & Pensionarium oriri possent, uti notat Emanuel Gonzales in Commentario ad *cap. 21. de Præbend. num. 7.*

XIV. Adhæc observandum, in hanc tertiam partem fructuum non computari *distributiones quotidianas*, ut jam pridem notavit Auctor dictæ Analysis; & larius Brodæus ad Louëtium *litt. P. num. 46.* monetque, quod dum successor per obitum petit reductionem ad tertiam, tunc non habeatur ratio distributionum manualium: quæ in æstimatione valoris fructuum Præbendæ, non computantur; quia non sunt de corpore Beneficii, sed percipiuntur ratione servitii *personalis*, quemadmodum communiter tradunt Canonistæ: quod qualiter sit intelligendum, dicitur in titulo *De Peculio Clericorum.*

XV. Notat quoque Flaminus Parisius *de Resignat. Benef. lib. 6. quest. 2. n. 29.* quod "regulariter pensio super distributionibus quotidianis non constituatur. Rationem addit: "Quia distributiones quotidianæ non sunt fructus.

XVI. Interdum tamen ex gratia etiam super distributionibus pensio conceditur; sed tum additur hæc clausula: *distributionibus quotidianis, & non nisi præsentibus & divinis Officiis interessentibus dari, & per eos lucrari solitis & consuetis.*

Interim si Beneficium habeat grossos fructus, & distributiones quotidianas, has non computandas in taxatione tertiæ partis judicatum fuisse ann. 1614. ibi refert Brodæus; tamen creatio pensionis contineret clausulam ordinariam; super fructibus Præbendæ & Canoniciatûs, *proventibus, juribus, &c.* licet ex consuetudine Ecclesiæ super cujus Præbenda pensio erat creata, distributiones non darentur *ad manum*, neque quotidie, sed singulis mensibus tantum, & earum loco darentur singulis Canonici 30. libræ.

XVII. Id conforme est Edicto Regio anni 1671. quo expressè cavetur, quod pensiones tertiam partem excedere nequeant. At enim: *Sans diminution ni retranchement de la somme de trois cens livres, qui demeurent aux Titulaires desdites Cures & Prébendes pour leur subsistance par chacun an, franche & quitte de toutes charges, sans comprendre en ladite somme le Casuel & le Creux de l'Eglise, qui appartiendra pareillement aux Cures; ensemble les DISTRIBUTIONS manuelles, qui appartiendront aux Chanoines.* Id est: *Fermè de verbo ad verbum* convenit cum Arresto, quod *cap. 6. num. 13.* superius laudatum est.

XVIII. Ex hoc Edicto illud quoque manifestum est, pensionem, neque ad tertiam partem proventuum admitti, nisi, detractâ pensione; maneat congrua portio pro Titulari.

XIX. Pensione simpliciter fructibus Beneficii impositâ distributiones non debere computari, neque iis pensionem censi impositam, etiam Doctores Ultramontani agnoscunt, & stylus Curie observat; unde ex eodem stylo dum pensionem impositam volunt distributionibus, tunc imponitur, adjectâ clausulâ, de qua supra *num. 15.* Etiam si in solis distributionibus, & non nisi præsentibus.

XX. Quod de distributionibus dicitur, idem dicendum de oblationibus sive incertis accidentibus, uti mo-

net Brodæus ad Louëtium *litt. P. n. 46.* sub finem. Quod & sæpe citato Edicto Regio conforme est: dum non vult computari *casuale*, sub quo hujusmodi oblationes, tanquam incertæ & *casuales*, comprehenduntur, nec magis nomine *fructuum*, ob suam incertitudinem veniunt, quam distributiones quotidianæ. Accedit, quod, cum pensiones sint multis titulis odiosæ, ut supra ostensum est, merito veniant restringendæ; & per consequens, nomen *fructuum* strictè interpretandum; ut ita pensionis quantitas minuatur, & proventus Beneficii apud Titularem remaneant.

XXI. Refert quoque Flaminus Parisius *De Resign. Benef. lib. 6. quest. 2. num. 32.* ex Gambaro, decisum fuisse per Rotam, "quod, ubicumque requiritur certum servitium ad consequendum fructus, super illis non possit constitui pensio." Monet insuper notandum esse, quod neque possit imponi pensio super redditibus communibus, qui dividuntur inter eos, qui inter sunt certis temporibus, licet de stylo interdum *communibus* de gratia.

XXII. Notandum, quod, licet usus pensionum ex his appareat multum restrictus, nequaquam tamen hinc concludi possit, pensiones cum hac restrictione concessas, esse omnino licitas & undequaque probatas, quamvis tolerentur; atque de his dicendum, quod supra capite 2. dictum fuit.

## CAPUT VIII.

De Clausulis in litteris pensionis apponi solitis.

1. Quare conveniat has clausulas noscere?
2. Clausula exprimens causam assignatæ pensionis.
3. Clausula reservationi pensionis inferi solita probat eam non nisi indigentibus annui debere.
4. Clausula pensiones prius impositas habens pro expressis.
5. Stylus Curie habet, quod de pensione ante imposita sit facienda mentio sub pœna nullitatis.
6. Nullitas præcavetur per dictam clausulam.
7. An hæc clausula semper in Belgio admittatur?
8. Pensio solvi debet libera ab omni onere juxta clausulam apponi solitam.
9. Quomodo hic subinde aliqua moderatio adhibenda sit?
10. Clausula exprimens terminos solutionis.
11. Termini aliquando ad postulationem Supplicantium mutantur.
12. Clausula continens censuras in non solventes.
13. Censuræ hæc non incurvuntur, nisi urgente Pensionario.
14. In Gallia & Belgio hæc clausula non habet suum effectum.
15. Clausula reservans regressum ob non solutam pensionem.
16. Ut huic clausulæ locus sit, requiritur sententia.
17. In Gallia non admittitur hæc clausula.
18. Quomodo succurratur Resignanti, si contra fidem datam pensio non solvatur.
19. Quid in Belgio servetur?
20. Clausula de non minuenda aut reducenda pensione.
21. Non obstante hæc clausula, interdum reductio pensionis admittitur.
22. Clausula requirens consensum Pensionarii juxta Regulam Cancellariæ.
23. Huic Regulæ subinde derogatur.
24. Hæc derogatio in Gallia non admittitur.
25. Clausula reservans pensionem, licet nullum jus cedenti competat.
26. An hujus clausulæ hodie aliquis usus?
27. Clausula exprimens tempus possessionis.
28. Rationes hujus clausulæ.



29. *Stylus Curiae Romanae habet, ut providentius de Beneficio juret, quod illi intendat deservire.*
30. *Simile observatur in Academia Lovaniensi.*
31. *In Gallia vix admittitur pensio causa resignationis, nisi Resignans possederit 15. annis Beneficium.*
32. *Optandum, ut id ubique observaretur.*
33. *Qui plura habet Beneficia incompatibilia non potest in dimissione unius pensionem reservare.*

Cum pleraque pensionum impositiones hodie expediti solcant in Curia Romana ex causa resignationis vel permutationis, utile erit, praecipuas clausulas, tum in formula supplicationis, tum in litteris provisionis de stylo Curiae Romanae adjici solitas, examinare, atque unà annotare, quem usum & vim hinc Belgio aliisque vicinis Provinciis habeant.

II. Prima eaque notabilis est clausula exprimens causam reservationis pensionis: *Ne ex sua resignatione nimum dispendium patiatur, de alicujus subventionem auxilio provideri, &c.*

Hac clausula sufficienter indicatur, causam finalem pensionis esse *alimentationem* Pensionarii; & consequenter, nec mentem Pontificis esse, eam assignare his, qui *alimentis* non indigent, sed ea aliunde sufficienter habent, ut post Lotharium aliosque notat Barbosa in procemio ad praxim exigendi pensiones *num. 7.* Verba ejus sunt: "Finalis causa est alimentorum suppeditatio; quocumque enim jure Papa providet alicui sub reservatione pensionis, sive ex causa simplicis resignationis, sive ex causa cessionis jurium, aut simpliciter pensionem referret, tam in supplicatione, quam in procemio litterarum inserit clausulam expressivam causae hujus alimentorum; nam in causa cessionis etiam ex concordia concipitur per haec verba: *Ne ex cessione tua hujusmodi nimum dispendium patiaris: & cum ex natura subjectae materiae id referatur ad personam Clerici dimittentis Beneficium, vel jus in eo, prae se fert intentionem Papae eam reservandi in causam alimentorum, ut bene advertit Hier. Gabr. conf. 187. n. 11. lib. 2. quem refert Lotber. d. lib. 1. quest. 35. n. 47.* Finis ergo est providendi egenis de alimentis, & ita supponendi necessariò sunt termini habiles, videlicet superfluentia reddituum in Titulari, eo modo, quòd eis simul possit de congrua sustentatione provideri.

III. Quandoquidem, non obstante clausula, litteris pensionum inferi solita, quā significatur Pontificem non intendere pensionem annuere, nisi in causam *alimentorum*, id est, ne necessariis alimentis, is, cui pensio annuitur, alias destitueretur; videmus passim, Clericis sua Beneficia dimittentibus, ex causa resignationis vel permutationis, vel etiam juri praetenso super Beneficio cedentibus, pensiones reservari, quantumvis de proventibus temporalibus aliunde sit ipsis provisum; neque exigi solet à Resignantibus sua Beneficia sub pensione, vel ullum indigentiae, sive paupertatis testimonium, vel ulla probatio.

Quidquid sit, haec nihilominus clausula litteris pensionis, ex stylo Curiae Romanae inferi solita, probat causam finalem imponendae & reservandae pensionis, semperque arguet Pensionarios, qui nullatenus indigentes proventus Beneficii, cui non deserviunt, sibi sub titulo pensionis arroganti; nec non ipsos similes pensiones passim etiam non indigentibus annuentes & reservantes.

IV. Post clausulam exprimentem quantitatem fructuum seu proventuum Beneficii pensione gravandi, de qua capite praecedenti, sequi solet: *Etiam si super illis (fructibus) aliae pensiones, quas, illarumque summas, &c. habere placeat pro expressis, & quae exprimi possint in litteris, aliis forsitan assignatae existant.*

Haec clausula idèd adjicitur, ne si forsitan aliqua pensio eidem Beneficio jam esset imposita, haec posterior esset nulla.

V. Inolevit jam pridem stylus Curiae, quòd debeat fieri mentio de prima pensione, & de alio onere in reservatione secundae pensionis, etiam ex causa resignationis: quòdque pensio secundo loco reservata, sit nulla, si non fiat mentio de prima validè reservata: ut post alios citatos tradit Flaminius Parisius *De Resignat. Benef. lib. 6. quest. 2. num. 41.* Ratio est, quia Papa non intendit, nec velle praesumitur Ecclesiam duplici onere gravare; & quia pensiones cum magno moderamine Beneficiis imponi debent. Unde & hic stylus Curiae tanquam aequitati conformis ubique meritò observandus. Quare & Joannes Tournetius in Collectione Arrestorum *litt. P. num. 88.* asserit, pensionem impositam Beneficio, *etiam motu proprio*, non valere, si in signature non sit facta mentio primae pensionis impositae.

VI. Porro ex stylo Curiae invaluit, hanc nullitatem praecaveri per hanc similemve clausulam generalem, tametsi in specie prima & antiqua pensio Beneficio imposita non exprimitur; quemadmodum tradit Flaminius loco citato, & ita decisum fuisse in Rota.

VII. Verum si haec pensio unà cum antiqua, *tertiam* partem fructuum excederet, haud faciliè etiam cum hac clausula in Belgio aut in Gallia admitteretur: eò quòd reverà hoc casu pensio plus quam tertiam partem proventuum absumat: quod haud faciliè hic admittitur.

VIII. Vulgaris etiam clausula est, ut pensio "sit libera ab omni decima, quarta, media, & quavis alia fructuum parte, nec non subsidio, etiam charitativo, & quovis alio ordinario & extraordinario onere quomodolibet nuncupato, etiam pro fabrica Basilicae Principis Apostolorum de Urbe, Cruciatu sancta & expeditione contra Turcas ac infideles, & haereticos, ac quoscumque fidei Catholicae hostes, ac pro Seminario puerorum Ecclesiastico, & quavis alia, etiam urgenti, urgentissima & necessariò exprimenda causa; etiam ad supplicationem Imperatorum, Regum, Reginarum, Ducum, & aliorum Principum instantiam, Canonice, vel de facto, nunc & pro tempore impositis & quomodolibet imponendis; etiam in impositionibus hujusmodi caveatur expressè, quòd Pensionarii quicumque pro rata pensionum suarum quantumvis exemptarum, praemissis contribuere tenentur.

Vigore hujus clausulae Pensionarios eximi ab oneribus ipsi Beneficio aut ejus proventibus quacumque ex causa, & quavis auctoritate imponendis, haud obscurum est.

IX. Si tamen tanta esset onerum impositio, ut si haec à solo Titulari ferri deberent, proventus Beneficii nimum diminuerentur, indubiè, non obstante hac clausula, Pensionarius ad partem onerum ferendam meritò vocaretur; vel saltem ob haec onera, diminutio sive moderatio aliqua pensionis, ut minus durantibus his oneribus, peti posset: praesertim si pensio sit *realis* solvenda ab eo, qui pensioni non consensit: neque Beneficium sub conditione solvendae pensionis accepit: ipsaque onera sint extraordinaria: ut judicatum refert Tournetius loco citato *num. 86.*

X. Deinde in litteris pensionis additur, ut solvatur immediatim in Nativitate Jesu Christi & Nativitate Joannis Baptistae, secundum notorium & vulgare stylum Curiae, ut notat Gigas *De Pensionibus, quest. 93.*

XI. Sed "quia haec decisio terminorum sit causa commodioris solutionis, non prohibentur Resignans & Resignatarius plures terminos, etiam ultra duos, constituere ad eorum libitum; prout indies practici videmus," ait Pyrrhus Corradus in Praxi Benef. *lib. 5. cap. 7. num. 18.* notatque praedictam clausulam in litteris solere apponi, quando termini solutionis in supplicatione non fuerunt expressi.

XII. Utque promptior & securior sit pensionis impositæ, termino constituto, solutio, additur ex stylo Curiae hæc clausula: "Ac volentes & eadem auctoritate statuentes, quod ille N. vel quicumque alius successor, qui in dictis festivitibus, vel saltem intra 30. dies illarum singulas immediatè sequentes pensionem prædictam per eum tunc debitam non persolverit, cum effectu lapsis diebus eisdem sententiam excommunicationis incurrat, à qua donec tibi vel eidem procuratori de pensione hujusmodi tunc debita integrè satisfactum aut aliàs tecum, vel cum dicto procuratore super hoc amabili concordatum fuerit, præterquam in mortis articulo constitutus absolutionis Beneficium nequeat obtinere."

XIII. Notat autem post alios citatos Garcias *De Beneficiis parte 1. cap. 5. num. 581.* penam excommunicationis non incurrì, nisi Pensionario volente & declarante: "Nam ut illis (censuris) locus sit, requiritur voluntas & factum ipsius Pensionarii, in cuius favorem late sunt. Quinimò (pergit Garcias) ex stylo & benignà interpretatione non incurritur excommunicatio, donec declaratoria sit data per Judicem, & Pensionarius eà utatur intimando illam adversario, seu Parocho, aut ponendo cedulones, ut etiam feratur in aliis declaratoriis, tam auditoris cameræ, quam aliorum judicum."

XIV. In Gallia hæc clausula, quoad penam excommunicationis ob non solutam suo tempore pensionem, habetur pro clausula meri styli; quin teste Fevretio *De Abusu, lib. 2. cap. 5. num. 29.* iudicatur abusiva: ostenditque Brodæus ad Louëtium *litt. C. n. 31.* aliquando quidem consuetum fuisse, ut Ecclesiastici per censuras ad solutionem debiti etiam civilis urgerentur; sed eam consuetudinem jam pridem esse abrogatam. Quod & praxi Belgicæ consonum est, ut ostenditur infra *parte 3. titulo De Censuris.*

XV. Post clausulam continentem penam excommunicationis sequitur: "Si verò per sex menses dictos triginta dies immediatè sequentes sententiam ipsam animo (quod absit) sustinuerit indurato, ex tunc effluxis mensibus eisdem dicto Beneficio perpetuò privatus existat, illudque vacare censeatur eo ipso, tibi que liceat ad idem Beneficium liberum habere regressum, & liceat tibi etiam vigore tui prioris tituli possessionem propriâ auctoritate apprehendere, ac si illud minimè resignasses."

XVI. De hac clausula continente regressum ad Beneficium resignatum ob defectum solutionis pensionis plura habet Flaminius Parisius *De Resignat. Benef. lib. 6. quæst. 3.* ubi *num. 12.* advertendum dicit: quia non sufficit lapsum esse tempus, sed requiritur sententia declaratoria, quæ id declarat; asseritque hinc aliàs resolutum in Rota, "quod clausula irritans in regressu ob non solutionem, non inficit possessionem, nisi post sententiam."

XVII. Observat etiam *num. 17.* in Francia non admitti regressum ob non solutam pensionem: notatque Auctor Analysis in Regulam Cancell. *De Public. Resignat. num. 212.* "quod clausulæ illæ de resolvenda resignatione, & revertendo ad Beneficium resignatum ob non solutionem pensionis, nullæ sunt & abusivæ, quia sunt species reservationis sive recursus, per Decreta conciliaria generaliter & indistinctè damnati."

Idipsum post alios Pragmaticos Gallos asserit Fevretius loco citato *num. 28.* unâ monens, quod ab executione dictarum clausularum daretur appellatio tantum ab abusu.

XVIII. Ne tamen detur locus perfidiæ, si Resignatarius non solvat, condemnabitur ad solvendam promissam pensionem; vel in casum non solutionis adjudicabitur Resignanti regressus ad Beneficium: sive condemnabitur Resignatarius ad solvendum vel cedendum; iudicatumque dicit Brodæus in notis ad Louëtium *litt.*

*P. num. 30.* quod Resignans possit regredi ad Beneficium etiam post 20. annos à factâ resignatione: tamen nec hæc clausula regressus fuisset in litteris appositæ: idque ob datam fidem à Resignatorio de solvenda pensione, & factâ Beneficii acceptione sub ea conditione. Vide quoque Tournetium in collectione Arrestorum *litt. P. num. 88.*

XIX. Neque Belgica praxis pateretur, quemquam ob retardatam solutionem pensionis ad Beneficium resignatum propriâ auctoritate regredi; aut aliquem ipso jure Beneficio privari: sed coram legitimo iudice ad solutionem pensionis agendum esset; qui posset Pensionarium ad promissam pensionem, vel ad cedendum Beneficio condemnare.

XX. Solet quoque apponi clausula, quod pensio annullari, reduci aut minus non possit: quæ clausula (ait Flaminius citatâ *quæst. 2. num. 142.*) multum prodest: nam, eâ non obtentâ, decrefcentibus fructibus seu redditibus, & in aliis quibusdam proventibus pensio invalida redderetur, vel saltem ad minorem nummum reduceretur.

XXI. Si tamen aded sint diminuti proventus, ut Titulari non sufficiant ad victum, solutâ pensione, reductionem peti posse, non obstantè indulto, quod reduci non possit; sentit Rebuffus *De Pacificis Possess. num. 141.* quod indubiè faciliùs obtinebit in eo, qui constitutioni pensionis non consensit. Unde & Garcias *parte 1. De Benef. cap. 5. num. 402.* dicit, quod, appositâ prædictâ clausulâ, reductio quidem fieri nequeat sine speciali commissione Papæ, sed addit: Quæ tamen solet dari præsertim Successori.

XXII. Juxta Regulam Cancellariæ *De consensu in resignationibus & pensionibus*, "nec litteræ assignationis, nisi etiam motu proprio cuiusvis pensionis annuæ sum, per alicujus Beneficii fructibus expediri possunt, nisi de consensu illius, qui dictam pensionem persolvere tunc debebit."

Hinc ex hodierno stylo apponitur clausula, pensionem solvendam per N. cujus ad hoc accedit assensus, & successores suos.

Ubi notandum, quod solus assensus requiratur Resignatarii, ut sit constat ex ipsâ Regula, quæ exigit consensum ejus, qui pensionem persolvere tunc debet: nimirum tempore impositionis. Clausula quoque idipsum manifestè insinuat, & praxis consonat, quæ successorum assensum non requirit.

XXIII. Juxta modernum stylum Curiae Romanæ solet huic Regulæ derogari quoties Beneficium conferatur absenti cum reservatione pensionis, præsertim quando ipse Resignans est pacificus Beneficii possessor: quo casu Signatura pensionis expeditur cum hac clausula: "Et cum derogatione Regulæ de præstando consensu in pensionibus, attento quod resignatio sit in favorem, & Orator, qui verè, realiter, & pacificè possidet, aliter resignare non intendit."

XXIV. Quin & Papam posse motu proprio sine consensu Resignatarii alicui Beneficio imponere pensionem, communis est Canonistarum sententia, ut post Flaminium Parisium *De Resignat. Benef. lib. 6. quæst. 2. num. 131.* observat Choquier ad citatam Regulam Cancellariæ. In Gallia tamen nec impositionem hujusmodi pensionis, nec derogationem admitti testatur Fevretius *De abusu lib. 2. cap. 5. num. 8.* citatque ibidem antiquum Commentatorem Capituli Raynutius in *De Testamentis*, Guillelmum Benedicti, qui ibidem *De Fideicommissariis substitutionibus parte 1. n. 36.* ait: "Nullum onus imponi potest etiam per Papam super Beneficiis & Dignitatibus Regni, quocumque titulo vel nomine onus illud nuncupetur: vel ex quacumque causa vel colore & occasione directè vel indirectè: etiam prætextu cuiusvis consuetudinis, privilegii vel statuti, & si contra fiat, totum irritum erit." Plura ibidem & antiqua Regum Edicta, & Parliamentorum Arresta his conformia citat.

XXV.

XXV. Notat Flaminius Parisius *De Resignat. Benef. lib. 6. quæst. 2. num. 141.* quod subinde apponatur clausula, quod pensio debeatur, licet nullum jus Cedenti competat; idque ad tollendas lites.

XXVI. Hanc clausulam in Gallia non admitti monet Fevretius *de Abusu lib. 2. cap. 5. num. 11.* atque ab ejus executione appellaretur tanquam *ab abusu*. Ubi enim pensio constituitur causâ cessionis, si nullum jus competat Cedenti, cessante causâ, pensio debet evanescere; ut ex Rebuffo refert Fevretius; qui & ibidem ex Auctore Analysis in Regulam Cancellariæ de *Publicandis resignat. num. 213.* addit: " Pensio per Papam, etiam de consensu partis, ad commodum ejus, qui nullum habet nec præstendit jus in Beneficio, constitui potest.... Nec in hoc Regno toleratur, sed appellaretur tanquam *ab abusu*, & abusu delectaretur, non obstante quacumque possessione, ut sæpe judicari vidi in hoc Senatu (Parisiensi) & in Senatu Rothomagensi anno sesquimillesimo vigesimo primo.

XXVII. " Quamvis de jure in resignatione Beneficii, vel impetratione pensionis, non requiratur expressio temporis per quod Resignans possederit Beneficium, servat tamen quandoque Dataria Apostolica, ut quoties resignatur Beneficium, quod personalem residentiam requirit, & super illius fructibus reservatur aliqua pensio, non admittatur resignatio, nisi in supplicatione exprimitur, per quod tempus Orator possideat, quod si breve est, rejicitur supplicatio, vel in calce ipsius respondetur, *Resignet absque pensione*; sicut etiam vidimus idem prædicari in permutationibus similium Beneficiorum, cum aliis nullam residentiam requirentibus.

Hæc Pyrrhus Corradus in *Praxi Benef. lib. 5. cap. 1. num. 12.* testaturque ex moderno stylo requiri in resignatione, præsertim cum pensione Beneficii Parochialis aut alterius residentiam requirentis, ad minus trium annorum possessionem; quamvis ante requirerentur septem vel sex anni, uti notat Garcias *de Beneficiis parte 11. cap. 3. num. 48.*

XXVIII. Duplici ratione nititur hic stylus ut advertit Pyrrhus loco citato *num. 19.* " Quarum altera est, ad coercendas frequentes hujusmodi Parochialium Ecclesiarum resignationes: quandoquidem neminem later, ex continua mutatione Rectorum præsertim Parochialium Ecclesiarum, Ecclesias non modicum pati detrimentum.

Alter ratio est (ait *num. 20.*) ad repellendas illicitas negotiationes, quæ possent committi à Resignantibus: qui propterea tales Ecclesias quandoque assequuntur, ut postea aliis illas resignent.

XXIX. Additque stylus Curia habere, ut in quocumque Beneficio sive curato, sive simplici, cujus collatio spectat ad Papam, & Orator sit præsens: si velit litteras expediri in forma *gratiosa*, & consequenter examinari ab examinatore Urbis, ab illis sive Notario recipiatur juramentum, quod ipse Orator tale Beneficium non assequitur animo illud resignandi.

XXX. Simile quid observatur in Facultate Artium in hac Academia. Nominandi enim vigore privilegiorum jurant: " Quod infra annum unum ab obtenta pacifica possessione *personaliter* in ea residebo, nec eam (Curam Pastoralem) resignabo, nisi integro anno in ea residerim, aut aliam curam pastorem sine fraude & dolo obtinuerim.

Sanè quàm frequentes sint Beneficiorum, præsertim Canonicatum impetrationes, maximè, quæ fiunt à simplicibus Clericis, non alium in finem, quàm ut ex illorum resignatione pensio aliquot millium florenorum distilletur, nimis notorium est.

XXXI. Ad præveniendas hæc fraudulentæ & sordidas Beneficiorum impetrationes & resignationes, E-

dicto Regio anno 1671. in Gallia cautum est, quod nullus resignare queat Beneficium Curatum aut Præbendam in Cathedrali vel Collegiata Ecclesia, nisi 15. annis actualiter deservierit: nisi ex causa infirmitatis ab Ordinario cognita & probata, ob quam ulterius non possit Beneficio deservire. Verba Edicti sunt: *Voulons & Nous plaît que ci après les Titulaires dans les Eglises Cathédrales ou Collégiales, ne pourront les résigner avec réserve de Pensions, qu'après les avoir effectivement desservies pendant le tems & espace de quinze années entières, si ce n'est pour cause de maladie & d'infirmité connue & approuvée de l'Ordinaire, qui les mette hors d'état le reste de leurs jours de pouvoir continuer de faire les fonctions, & desservir leurs Benefices.* Id est: Volumus & sic Nobis placet: ut imposterum Titularibus in Ecclesiis Cathedralibus aut Collegiatis resignare Beneficia non liceat, reservatâ sibi pensione, nisi actualiter quindecim annorum expleto tempore inservierint, nisi ratione morbi aut infirmitatis notæ, & ut talis ab Ordinario agnitæ, quæ ad vitæ residuum inhabiles illos reddat, ut functiones suas continuent, aut Beneficia sua deserviant.

XXXII. Quamvis hæc ordinationes non ubique vim legis obtineant, nihilominus in quantum tendunt ad impediendas fraudulentæ & injustas resignationes, & pensionum impetrationes, meritò attenduntur ab iis, penes quos auctoritas admittendi pensiones, aut earum rescripta probandi, residet: ut quantum in ipsis est, similes fraudulentæ pensionum distillationibus limites figant, & remedium adhibeant.

XXXIII. Hodie quoque admodum frequens, ut quis plura Beneficia, etiam *incompatibilia* impeteret; quæ dum simul retinere nequit quoad titulum, retinet quoad partem saltem proventuum, nimirum retinendo unum, & resignando alterum sub pensione.

Cui abusu occurrit Parlamentum Parisiense per Arrestum 10. Februarii anno 1667. injungendo iis, qui possident plures Canonicatus, ut unum optent, nec alios possint pensione gravare. Cujus Arresti memini supra *Sect. 3. tit. 3. cap. 4. num. 18.* aliàs *tit. 20. cap. 4. num. 16.*

## CAPUT IX.

### De Extinctione, Translatione & Redemptione Pensionis.

1. Pensio extinguitur morte Pensionarii.
2. Secundò, per matrimonium Pensionarii.
3. Tertiò, per professionem Religiosam.
4. Modis prædictis non extinguitur, si data sit cum facultate transferendi; & quid sit translatio?
5. Hæc facultas tribus modis conceditur.
6. Pensionis translatio odiosissima; & quare?
7. Aliquando facillè datur facultas transferendi.
8. Hodie clausula cum facultate transferendi denegatur in Italia, & difficulter conceditur extra Italiam.
9. Translationes ignotæ in Belgio, nec admittuntur in Gallia.
10. In Gallia non potest permutanti servari pensio super alio Beneficio quàm permutato.
11. Secus de stylo Curia Romanæ.
12. Quid pensio de consensu?
13. Hæc pensio in Belgio & Gallia incognita.
14. Pensio extinguitur per liberam Pensionarii remissionem.
15. Potest fieri sine auctoritate Superioris.
16. Frequens hodie pensionis redemptio & extinctio per anticipatas Canonum solutiones.



17. *Sæpe fit auctoritate Pontificis; & quæ sit supplicationis formula?*
18. *Numerus anticipatorum Canonum non est determinatus.*
19. *Cavetur sollicitè ne pretium exprimatur, ad vitandam simoniam.*
20. *Anticipata hæc solutiones solent pretio pensionis annua adæquari.*
21. *Etiam hoc modo accipientes summam pecunie sæpe sunt Simoniaci.*
22. *Ex profano modo conveniendi super his anticipatis solutionibus evincitur subesse simonia.*
23. *Conventio de vedimenda Pensione est simoniaca.*
24. *Pro extinctione pensionis sola Signatura sufficit.*
25. *Qua hujus styli Curia Romana ratio?*
26. *Redemptio pensionis magis de Simonia suspecta, quam pensio.*
27. *Nullum redemptionis apud Veteres vestigium.*

I. TAMETSI pensio non sit propriè Beneficium, tamen pensiones illas hodiernas, quæ ex causa permutationis, resignationis, vel cessionis reservari solent, esse loco Beneficii, & quasi in locum Beneficii resignati sive cessi succedere, communiter notant Canonistæ.

Atque imprimis pensio id habet cum Beneficio commune, quòd non nisi ad vitam Pensionarii, adinstar Beneficii, dari solet. Unde & morte naturali eam extinguere nemo dubitat.

II. Ulteriùs hujusmodi pensio juxta hodiernum styllum requiritur in Pensionario, non secus atque in Beneficio, Clericatum; nec pensio alteri quàm Clerico dari potest, ex Constitutione Sixti V. quæ incipit, *Cum sacrosanctam* 92. in Bull. Rom. statuente, ut in futurum non nisi actu Clericis in habitu Clericali & Tonsura incedentibus, pensiones reserventur.

Hinc ulterius concludunt Canonistæ, praxi comprobante pensionem extinguere per contractum Matrimonium, quemadmodum admittitur Beneficium; idque ex usu Curia Romanæ servari tradit Gigas de Pensionibus quæst. 54.

III. Similiter sicut Beneficia vacant per professionem in Religione, ita quoque pensio vice Beneficii resignati reservata extinguatur per professionem, excepta Doctorum sententiâ & notoriâ praxi.

IV. Hæc autem procedunt, nisi pensio sit data sive reservata cum potestate transferendi.

Translatio autem pensionis communiter definitur, Mutatio obligationis (passivè nimirum) pensionem solvendi de una persona ad aliam auctoritate Papæ facta. Ita Flaminius Parisius De Resignat. Benef. lib. 6. quæst. 4. num. 4.

V. Translatio autem hæc, sive potiùs transferendi potestas dari solet tribus modis, ut monet Flaminius Parisius ibidem.

Primò, obtentâ clausulâ, transferendi in ipsa pensionis reservatione, cum Pontifex pensionem reservat, & simul facultatem concedit, eam transferendi in aliam personam.

Secundò, quoties fuit imposita pensio absque illa clausulâ, sed ipsæ partes postea supplicant, ut pensio quam Caius Titio solvit, extinguatur, & Seio referatur.

Tertiò, in vim privilegiorum certis personis concessorum, quale privilegium nonnullis Ordinibus concessum fuisse dicit Flaminius ibidem.

VI. Hanc pensionis translationem esse odiosissimam fatentur omnes, teste Pyrro Corrado loco citato num. 2. cum nec sit de jure, nec de ipsius pensionis natura; quinimò contra naturam: quandoquidem pensio reservetur ad tempus, & sic extinguatur morte Pensionarii. Translatio verò, cum sit obligatio eandem solvendi de una ad aliam personam, operatur per-

petuitatem pensionis post mortem Pensionarii; atque ita servitutem Beneficiis impositam quodammodò perpetuam efficit: præsertim quia qui habent potestatem transferendi, possunt eam transferre non modò in unam personam, sed etiam in plures.

VII. De hac translatione pensionis agens Hieronymus Gigas quæst. 12. postquam dixit, pensionem de una ad aliam personam transferri non posse, nisi Papa Pensionario jus transferendi illam concessisset, subjungit: "Nam solent Pontifices sæpenumero concedere hujusmodi facultatem: quod passim Leo X. piæ memoriæ faciebat, utens multum Pontificia auctoritate, & absolutâ potestate in similibus. Clemens autem VII. difficiliùs id concedebat, & erat bene factum propter oneris continuationem, quæ est evitanda: idèò Sanctissimus D.N. Paulus IV. (ut audio) admodum se difficilem reddit in concedendo talem facultatem, etiam cum consensu."

VIII. Addit Flaminius Parisius num. 24. "Tempore felicitis recordationis Gregorii XIII. & S. D. N. Sixti V. vidi observari, ut nemini concedatur hujusmodi facultas transferendi pensionem nisi Cardinalibus, aut aliis personis de Sede Apostolica bene meritis; neque solet concedi, ut totam possit transferre, sed tertiam vel medietatem."

Dein nonnullis interpositis, monet, quòd hodie summi Pontifices non concedant in Italia; & se redant difficiles in concedenda pensione cum facultate transferendi, etiam extra Italiam; " & id solet peti (ait) ut possint remunerare familiares in articulo mortis."

IX. Translationes pensionis hic in Belgio fieri non videmus, neque eas hic usitatas credo: notandumque monet Rebuffus in Praxi parte 1. titulo de resignationibus num. 20. "in hoc Regno Franciæ pensionem extinguere per mortem Pensionarii, & de consuetudine ne non transfertur in aliam personam, etiam à Papa, quamvis in patria obedientiæ à Papa transferri possit sicut aliud Beneficium."

De eadem consuetudine Regni Galliæ passim testantur Pragmatici, ut videre est apud Brodæum ad Lotietium litt. P. num. 31.

X. Notat insuper Rebuffus De Pacificis Possess. num. 127. quòd "non valeret reservatio pensionis, si quis permutaret Beneficium meum, & assignaret mihi pensionem super alio Beneficio, quàm permutato; & hoc (ait) servatur in forensi judicio in hoc Franciæ Regno, licet de jure secus."

XI. Rectè monet Rebuffus, illud specialiter servari in Regno Galliæ (cui praxis Belgii conformis esse videtur) nam de stylo Curia Romanæ, si Beneficium quod resignatur, incapax sit pensionis, vel non totam capiat, reservari non consuevit pensio ipsa, etiam super fructibus alterius Beneficii, quod obtinet Resignatarius; vel saltem una pars super Beneficio resignato & altera super alio Beneficio; & aliquando super Beneficio tertii. Ita Pyrrhus Corradus in praxi Beneficiaria lib. 5. cap. 2. num. 14. ubi pluribus de hujusmodi pensionis reservatione, ejusque praxi agit.

XII. Tractat quoque ibidem cap. 3. de pensionis reservatione, quæ dicitur de consensu, seu ex causa lucrativa; quæ ita vocatur, dum pensio de consensu Titularis reservatur Apostolica auctoritate, consanguineo, affini, vel amico, &c. super fructibus Beneficii.

Formulam supplicationis pro reservatione hujusmodi pensionis ibidem integram exhibet, ejusdem clausulas præcipuas exponens; dicitque num. 4. "Illud in hac praxi non oscitanter advertendum, quòd hujusmodi pensionum reservationes semper ferè in Dataria Apostolica fuerint habitæ pro fraudulentis; unde non semel in ea vidimus (ait) supplicationes ad id porrectas rejici, sive ad favorem consanguineorum Titularis, sive aliorum quorumcumque." Rationes, ob

ob quas merito ut suspectæ habeantur hæ reservationes, ibidem subiungit.

XIII. Belgium huiusmodi reservationes pensionum non novit: nec eas in Gallia admitti ex hætenus dictis sit manifestum est; quandoquidem ibi pro regula & quasi lege invaluerit, quod pensio constitui non possit, etiam per Papam & de consensu Titularis, ad commodum ejus, qui nullum habet vel præteritis jus in Beneficio.

XIV. Quandoquidem pensio sit duntaxat onus aliquod adinstar cuiusdam servitutis Beneficio impositæ, ratione cuius ipse Titularis tenetur pensionem annuam Pensionario persolvere, ex omnium Canonistarum sententia, & notoria praxi extinguitur pensio per liberam & absolutam ipsius Pensionarii remissionem sive renuntiationem.

XV. Potest hæc remissio fieri sine auctoritate Papæ aut cujuscvis alterius; tamen si pensio per Papam esset reservata; uti monet Pyrrhus Corradus loco citato cap. 4. & latè Gigas de pensionibus, quæst. 45. idque licet expresse reservata esset pro alimentis ad commodiorem sustentationem; quemadmodum hodiernæ pensiones de stylo Curia reservari solent. Garcias de Beneficiis parte 1. cap. 5. num. 40.

XVI. Hodie frequentissima & ordinaria pensionis redemptio est, quæ sit anticipatis aliquot annuis solutionibus ipsius pensionis, uti monet Joannes Tournetius in collectione Arrestorum litt. P. num. 93.

XVII. Et hæc pensionis extinctio seu remissio fieri consuevit coram Pontifice ejusque auctoritate, uti notat post Garciam Pyrrhus Corradus in Praxi Benefic. lib. 5. cap. 4. qui & ibidem exhibet formulam supplicationis & Signaturæ super extinctione sive cassatione pensionis.

In supplicatione primò exponit Supplicans seu Orator, quod sibi certa pensio auctoritate Apostolica super fructibus Beneficii N. reservata fuerit, ac tum subiungit: "Ex certis causis animum suum moventibus, cassationi, extinctioni & annullationi dictæ pensionis annuæ, illiusque reservationi huiusmodi in S. V. manibus sponte, & liberè, nonnullis tamen anticipatis, seu anticipandis solutionibus, & non aliàs, nec alio modo consentire proponat, & ex nunc etiam consentiat. Supplicat igitur, &c.

XVIII. Dicitur indeterminatè, anticipatis seu anticipandis nonnullorum dictæ pensionis terminorum solutionibus: nam, uti advertit Tournetius in collectione Arrestorum num. 93. hæc anticipatio diversimodè non determinatur: nam nunc quatuor, nunc quinque vel sex, interdum etiam septem terminorum anticipationes fiunt. In his enim certa regula non est. Verba Tournetii sunt: *Pour à laquelle extinction en vacbat parvenir, on baille ordinairement par forme d'avance ou anticipation, quelques années de la pension diversément limitées, tantôt 4 s. 6. ou au plus 7. années; mais en cela, il n'y a règle certaine ni assurée, comme dépendant de l'âge, qualité, disposition & volonté, tant de celui qui reçoit, que de l'autre payant de la pension.* Id est: Ad quam redemptionem extinguendam, ante tempus & ad modum anticipationis solent persolvi aliquot anni pensionis diversimodè limitati, modò 4. 5. 6. aut ad summum 7. anni Verùm in similibus nulla certa aut fixa regula est, utpotè pendens ab ætate, qualitate, dispositione & voluntate tam ejus qui recipit, quam qui persolvit pensionem.

XIX. Deinde adjungit: *Toutefois dedans la Signature qui s'en délivre, & procure expédiée pour cet effet, il n'est parlé de la convention de prix: car cela impliquerait simonie.* Id est: Tamen in chirographo quod traditur, aut procuratore in eum finem constituta, nulla conventionis de pretio fit mentio; hoc enim Simoniam involveret.

XX. Verùm anticipatæ solutiones terminorum ita constitui solent, ut justum pretium seu capitale annuæ

Tom. I.

pensionis solvatur, ad eum penè modum, quo similis quantitatis annui redditus vitalitè redemptio fieret, ut notat Tournetius: atque hoc pacto fit, ut ipse Pensionarius, mediante hac redemptione, æquè ex Beneficio resignato notabilem pecuniæ summam consequatur, quàm si de una summa determinata conventum fuisset.

XXI. Hinc qui, mediante hac redemptione, pro resignato Beneficio aliquot centenos, aut etiam millia florenorum accipit, sæpè quidem in oculis hominum subtilius & honestius mercari videtur, quàm qui cum Resignatario de una & certa pecuniæ summa convenit: at verendum est, ne in oculis ejus, cui omnia nuda & aperta sunt, non minùs sæpè culpabilis & Simoniacus habeatur. Quin & vulgus, qui, seposità hac inter determinatam summam pecuniæ, & anticipatas terminorum annuæ pensionis solutiones, distinctione, simplici, & vulgari modò de his judicat, solet huiusmodi Pensionarios & Resignantes æquè pro Beneficiorum venditoribus habere, quàm si determinatam summam pecuniæ pro Beneficio accepissent.

XXII. Adhæc, si attendamus profanum modum; quo hæc anticipatæ terminorum solutiones determinantur, non secus atque reddituum temporalium redemptiones: & quomodo sæpissimè, si non expresse, saltem tacitè super pensionis redemptione conveniatur; eumque in finem sollicitè quærantur Resignatarii, qui sciuntur sufficientes, ut pensionem multis anticipatis solutionibus redimant, fateri cogemur, rarò has pensionum redemptiones à Simonia esse immunes; tamen nullius determinati & conventi pretii in supplica aut Signatura mentio fiat.

XXIII. Fateturque ipse Gigas De Pensionibus, quæst. 87. quod "Renuntiantes Beneficia ea intentione, ut sibi reservetur pensio demum extinguenda pro certis anticipatis solutionibus; & ita pacificantes procul dubio Simoniam committant, cum dent temporale pro spirituali.

XXIV. In Signatura super extinctione aut cassatione pensionis apponi solet hæc clausula: *quod sola præsentis supplicationis Signatura sufficiat, & ubique fidem faciat in judicio & extra, Regula contraria non obstante.*

XXV. Ratio hujus styli communiter refunditur in favorem extinctionis pensionum. Indubiè favorabile est, Beneficia odiosis illis hodiernis pensionibus non gravari; sed eas extingui seu redimi per similes anticipatas solutiones, quæ re ipsa pretium quoddam Beneficii conficiunt, quod ipsa pensione odiosius est.

XXVI. Et si has pensionum redemptiones, quæ sub specioso titulo anticipatarum solutionum fieri consueverunt, sepositis præjudiciis, quæ ex communi praxi ingeruntur, expendamus, reperiemus eas vix aut ne vix quidem à formali venditione & emptione Beneficiorum distingui: & consequenter auctoritate Superiorum à Simonia difficulter purgandas.

Quid enim interest, uti suprà monuimus, num certa summa pecuniæ detur per modum pretii, an verò eadem detur sub nomine anticipatarum solutionum: nisi Simoniam non in re, sed in verbis sitam esse dicamus?

Unde & has pensionis redemptiones magis odiosas, magisque de Simonia suspectas esse, quàm ipsasmet pensiones, dubitari nequit.

Quòd enim alicui pauperi Parocho de Ecclesia bene merito, & amplius laborare non valenti aliqua pensio alimentaria assignetur, nullatenus sanè improbari potest; neque speciem mali ingerit: sed quòd Resignanti Beneficium aliquot millium florenorum summa numeretur, indubiè venditionem & emptionem Beneficii sapit; quocumque tandem prætextu coloratur.

XXVII. Quare etiam in Canonibus & Patribus aliqua

Q q q q q

aliqua pensionum exempla reperiamus, nullum tamen hujusmodi redemptionis vestigium, nequidem in libris nostri Juris Canonici occurrit: ita ut admodum verisimile sit hanc redimendi praxim habentis disciplinæ factum esse, qui nonnisi ad palliandam venditionem

& emptionem Beneficiorum servire consuevit: idque non sine summo Fidelium scandalo, qui hujusmodi redemptiones, non nisi veras Beneficiorum nundinationes reputant.

## TITULUS XII.

### DE UNIONIBUS BENEFICIORUM.

#### CAPUT I.

De varia Specie Unionis; & quorum auctoritate facienda?

1. Quid Unio Beneficiorum?
2. Variæ species unionum; & quare harum conveniens notitia?
3. Unio alia perpetua, alia ad vitam; & hujus descriptio.
4. Unio ad vitam non est proprie unio; sed pallium pluralitatis Beneficiorum.
5. Non admittitur in Gallia aut Belgio.
6. Unio perpetua quæ?
7. Per hanc interdum duo Beneficia in unum constanter.
8. In hac unione jura & privilegia Ecclesiarum unitarum conservantur.
9. Unio per suppressionem potius est extinctio Beneficii, quàm unio: & qui hujus effectus?
10. Quomodo fiat unio accessoria?
11. In hac unione Beneficium unitum est minùs principale; nec in impetratione exprimi debet.
12. Unio quando fiat æquè principaliter?
13. Beneficia ita unita debent in impetratione exprimi; & in omnibus manent in suo statu.
14. Quomodo dignosci possit species unionis?
15. Clausula unionis præservans exsolutionem onerum Beneficii uniti.
16. Onera censentur præservata, quatenus cum unione consistere possunt.
17. Unio Beneficiorum auctoritate Superioris facienda.
18. Unio Beneficiorum consistorialium hodie Sedi Apostolicæ reservata.
19. Quando & quâ occasione unio Episcopatum reservata fuerit summo Pontifici?
20. De jure Episcopo competit unio Beneficiorum suæ Diocesis.
21. Etiam si essent ad Pontificem ob neglectam collationem devoluta.
22. An Episcopus Beneficia suæ collationis unire queat?
23. Beneficia exempta Episcopus unire non potest.
24. Poterit unire tanetsi Collator sit exemptus; si Beneficia non sint exempta.
25. Sede vacante, auctoritas uniendi spectat ad Capitulum.
26. Metropolitanus se immiscere nequit; nisi in casu appellationis.
27. Inferioribus auctoritas uniendi ex privilegio vel ex consuetudine competere potest.
28. Rex Gallie unit Beneficia pleno jure ad suam collationem spectantia.

I. BENEFICIORUM unio describitur à Rebuffo in Praxi parte 1. tit. De Unionibus, quem alii Canonistæ communiter sequuntur, Beneficiorum seu Ecclesiarum ab Episcopo vel alio Superiore facta annexio.

II. Variæ unionis species à Canonistis notantur, quarum notitia quodammodò necessaria est pro intellectu Canonum de unione loquentium; eo quòd pro diversitate unionum, etiam diversi effectus unionis passim occurrant.

III. Imprimis unio alia est temporalis & personalis, alia perpetua & realis.

Illa dicitur, quæ ad aliquod dumtaxat tempus, v. g. ad vitam alicujus fit; estque eo titulo *personalis*, quòd imprimis ad vitam certæ personæ restringatur; & quòd in commodum & favorem personæ dumtaxat facta censetur: & sic fit, ait Rebuffus num. 9. contemplatione personæ; & per ejus mortem expirat.

IV. Hæ uniones temporales in favorem personæ, ante Synodum Tridentinam erant non parùm frequentes; atque earum pallio passim tegebatur Beneficiorum pluralitas: & uti rectè advertit Fagnanus ad cap. EXPOSUITI & De Præbendis num. 7. Unio ad vitam non est proprie unio, sed magis quædam PALLIATA dispensatio.

Unde Synodus Tridentina pluralitatem Beneficiorum incompatibilem interdicens sess. 7. cap. 4. de Reformat. etiam vetat, plura Beneficia simili per viam unionis ad vitam recipere aut retinere; uti suprâ sess. 3. tit. 3. alias tit. 20 cap. 3.

V. Scripsit quoque jam pridem Rebuffus secutus Glossam Pragmaticæ Sanctionis, has uniones non recipi in Francia, quia sapiunt reservationes: nam reservatur Beneficium illi, in favorem cujus fit unio ad vitam. Deinde infrâ num. 46. dicit, quòd "si factæ sint, ab iis appellatur tanquam ab abusu: & Senatus eas abusive & irritas pronuntiat." De qua consuetudine passim testantur Pragmatici Gallie. Neque hic in Belgio ullus est harum unionum temporalium & personalium usus.

VI. Unio perpetua sive realis, est, quando exprimitur ut perpetuò duret; vel quando dicitur, ad perpetuam rei memoriam; vel si fiat contemplatione Ecclesiæ, quæ non moritur. Rebuffus num. 7. additque num. 10. "Et in dubio præsumitur, facta contemplatione Ecclesiæ: quia Ecclesiæ magis favendum est, quàm personæ."

De hac sola unione, facta contemplatione Ecclesiæ, vel Beneficii hic agitur; eaque proprie unionis nomine venit, dum de Beneficiorum unione tractatur.

VII. Hæc unio tribus potissimum modis fieri potest. Primò, ut ex duobus Beneficiis unum fiat: ut putà, si sint duæ Parochiales "proximè vicinæ destructæ per bellum, uniri potuerunt, ut una fiat ex duabus. Ita Rebuffus num. 11.

VIII. De hac specie unionis loquens Fagnanus ad cap. NOVIT & Ne Sede vacante, &c. num. 3. ait: quòd tum hoc modo Ecclesiæ uniuntur, "consuetudines

"rudines



„tudines & privilegia quæ meliora & humaniora sunt  
„in altera earum, debent uniri & retineri in unitate.  
Sive ut loquitur Rebuffus loco citato, „privilegia data  
„uni competent & alteri, & quando sunt plura, honestiora & favorabiliora servabuntur.

IX. Interdum Beneficium aliquod ita unitur per omnimodam suppressionem, quæ non tam unio, quam extinctio & suppressio Beneficii dicenda est. Ut puta, cum Canonicatus supprimitur, & erigitur in dignitatem. Quo casu ipse Canonicatus planè extinguitur, & nova dignitas erigitur, cui proventus seu Præbenda Canonicatus annectuntur vel incorporantur. Hinc nullum jus Canonicale simili casu competit ipsi Dignitatis possessori; utpote titulo Canonicali per suppressionem penitus extincto. Et ita in Belgio plures sunt Decanatus & Præposituræ, qui per extinctionem unius alteriusve Canonicatus fuere erecti; nullum tamen jus Canonicale habent, proventibus Canonicatus exceptis.

X. Alio modo fit unio, ut dum Ecclesia una alteri subijcitur: eamque Doctores communiter appellant, *accessoriam* seu *subiectivam*, per quam Beneficium annexum amittit nomen Beneficii: quamvis Beneficium non omnino supprimitur; sed maneat in sua integritate, tam quoad onera, quam quoad iura & proventus.

XI. Hoc casu Ecclesia illa cui fit unio, erit superior & principalis, unita verò erit inferior & accessoria; uti notat Rebuffus *num. 12.* qui addit: „Et postea si quis velit impetrare hæc duo Beneficia, oportet quòd exprimat principale, aliàs si accessorium (exprimat tantum) non valeret impetratio: quia illud non vacat, cum sit alteri unitum. Nec in vim illius clausulæ, *quod major expressio fieri possit*, hoc corrigi poterit: idèd nova impetratione opus erit. Sic vidi in praxi, & de stylo Curie Romanæ *num. 13.*

Hæc Rebuffus, qui *num. 14.* tanquam consequens ulterius deducit, nec esse opus in impetratione principalis Ecclesiæ exprimere unitum *accessoriè*; secus si æquè principaliter.

XII. Tunc autem æquè principaliter unitæ censentur Ecclesiæ, quando unio Ecclesiarum sic fit, ut utraque in suo statu integro maneat, prout erant ante unionem: nihilque nec quoad unam, nec quoad alteram immutatur: remanentque duo vera distincta Beneficia; ita tamen ut post unionem, unus idemque sit futurus utriusque Beneficii Rector, sive Titularis.

XIII. Unde in impetratione opus erit utriusque expressione: omniaque iura & onera utriusque in Rectorem transeunt.

Hinc infert Fagnans ad citatum Cap. *Novit*, quòd si duo Episcopatus æquè principaliter uniti, ante unionem suberant duobus Metropolitanis, propter hanc unionem neuter Metropolitanus perdit jus suum.

XIV. Ut verò sciatur, qua specie unionis Beneficia sint unita, convenit in primis inspicere & examinare ipsas litteras unionis; quarum tenor potissimum attendendus est & sequendus: è quo similiter conditiones ipsius unionis petendæ sunt.

XV. Quocumque enim modo unio Ecclesiarum fiat, solent in ipso unionis instrumento exprimi nonnullæ conditiones, & onera ratione uniti Beneficii exsolvenda.

Hinc invaluit communis illa clausula in unione Ecclesiarum Parochialium Monasteriis & Capitulis; quæ olim frequentius facta fuit, hodie rariùs conceditur: „Reservata tamen de fructibus, redditibus, „proventibus, juribus, obventionibus hujusmodi pro „Vicario perpetuo in ea constituendo congrua portione, ex qua idem Vicarius commodè sustentari „valeat, iura Episcopalia solvere, & alia sibi incumbentia onera supportare.

Ita refert Rebuffus ad Regulam Cancellariæ *De Unionibus num. 17.* Quæ clausula adjicitur, ut oneribus

*Tom. I.*

Beneficii Parochialis uniti satisfiat; de qua latius infra titulo *de Portione congrua Vicariorum*; quæ ex hac clausula originem suam trahit.

XVI. Quin in omni passim unione adjicitur clausula, de oneribus Beneficio unito incumbendis congrue supportandis. Quæ ipsam onerum supportationem ita moderatur, ut cum ipsa unione consistere queant; videreturque satisfieri istis oneribus, si supportentur, quatenus cum ipsa unione consistunt; quemadmodum ostendit Zypæus *Consult. 3. de Excessibus Prælatorum*, notatque verba hæc, *congrue supportentur*, prædictæ clausulæ de supportandis oneribus inserta, omnes controversias circa exsolutionem onerum ipsi Beneficio unito incumbendum ad arbitrium boni viri revocare, ut is expendat, num hæc onerum perfolutio cum ipsa unione consistere queat; an non potius censi debeat, per eam unionem exsolutioni quorundam onerum derogatum: quemadmodum illis iuribus Episcopalibus per unionem derogatum credit Rebuffus; „quæ salva „esse non possunt, valida existente unione, quia „illis censetur derogatum propter repugnantiam. „Ad Regulam Cancellariæ *de Unionibus Glossa 11. num. 13.*

XVII. Cum autem per unionem semper fiat aliqua quasi ipsorum Beneficiorum alteratio, idèd eam sine Superioris auctoritate fieri non posse, unanimi Canonistarum sententia receptum est.

XVIII. Imprimis vero unionem Beneficiorum fieri posse auctoritate Romani Pontificis, dubitat nemo. Imo sicuti hodierna disciplina majora quædam Beneficia, ac præsertim Episcopatus & quæ *confistorialia* dicuntur, Sedis Apostolicæ provisioni reservavit; ita & auctoritas hujusmodi Beneficia uniendi, ad Pontificem privative & cum exclusione inferiorum devoluta est. Notatque Fevretius *lib. 2. de Abusu cap. 4. num. 5.* quòd si Archiepiscopi, Episcopi aut alii Prælati processissent ad unionem similium Beneficiorum potestate ordinaria, totum declararetur nulliter & abusive factum: quamvis & ipse Fevretius ibidem dicat, se nequaquam velle inficiari, quin secundum pristinam disciplinam, Primates & Metropolitanis subinde auctoritate propria univerint hujusmodi majores Prælaturas. Constat enim (ait) S. Remigium erexisse Sedem Episcopalem Laudunensem de consilio suorum Episcoporum Suffraganeorum suæ Provinciæ, uniendo eidem partem suæ Diocesis, nulla alia interposita superiore auctoritate.

Interim disciplinam reservantem unionem Episcopatum Romano Pontifici, stabilitam fuisse tempore Cælestini III. probat ejus responsum relatum in Cap. *Sicut unire* & *De Excessibus Prælatorum*, ubi evidenter supponit, unire Episcopatus ad Sedem Apostolicam spectare: verba ejus sunt: „Sicut unire Episcopatus, atque potestati subijcere alienæ, ad summum Pontificem pertinere dignoscitur: ita Episcopi „est Ecclesiarum suæ Diocesis unio, & subiectio „earum.

XIX. Quo verò tempore jus uniendi Episcopatus summo Pontifici reservari cœperit, incertum est. Hoc constat ex responso Cælestini III. mox allato, quod eo tempore, id est, sub finem seculi XII. Romani Pontifices unionem hanc ad Romanum Pontificem spectare existimarent, atque conformiter ad hanc persuasionem responderint: quæ responsa in Decretales relata, & pro jure communi recepta sunt; tandem quoque hæc Pontificum opinio invaluit; creditumque est, unionem Episcopatum Romano Pontifici esse reservatam.

Vix dubium, quin ad asserendam hanc unionem Romano Pontifici, conduxerit, quod legebatur apud Gratianum *causa 16. q. 1. can. 48. & 49.* scilicet quod sanctus Gregorius plures Episcopatus sua auctoritate univerit, sed non advertebatur, Episcopatus de quorum unione agebatur, constituisse intra *regiones suburbicarias*;

Q q q q q 2

*bicarias*; quodque Ecclesiæ intra limites harum regionum consistentes, ad Romanum Episcopum *speciali jure Metropolitico* spectaverint, & consequenter Gregorium has Episcopatum uniones non fecisse jure sui *Primatus* ad omnes Ecclesias extensibilis, sed *jure Metropolitico* intra harum regionum limites concluso, uri & in decursu hujus operis non semel observatum est.

Idipsum notavit D. Fleury in quarto suo discursu *Historico num. 4.* ibidem monens, non reperiri, quod sanctus Gregorius, hoc aut alia similia jura exercuerit in Ecclesiis extra has regiones *suburbicarias* constitutis; quod & notavit in *Historia sua lib. 35. num. 19.*

Hinc intelligitur, admodum necessarium esse, in Romano Pontifice distinguere qualitatem Episcopi Romani Metropolitani, Patriarchæ & Primatis, ne alias acta sub una qualitate credantur acta sub alia; atque ita quæ olim ei in quibusdam Ecclesiis sub qualitate proprii Episcopi, vel Metropolitani, aut Patriarchæ competisse leguntur, ipsi credantur competere in *omnibus* Ecclesiis titulo sui *Primatus*: quod & locis citatis monuit D. Fleury, credens reservationem hujus unionis ex non facta hac distinctione potissimum suam sumpsisse originem.

XX. Sicut ex Decretali Cælestini III. superius citata concluditur, jus uniendi Episcopatus spectare ad Romanum Pontificem; ita ex eadem concludunt uno consensu Canonistæ ad Episcopum spectare jus uniendi Beneficia suæ Diocesis: idque conformiter ad eam Regulam, quæ Episcopo totum regimen, omnemque circa Beneficia suæ Diocesis ordinationem & dispositionem deferret, nisi ostendatur speciali titulo & jure ad alios esse devolutam.

XXI. Unde post alios citatos statuit Barbosa *lib. 3. Juris universi cap. 16. num. 31.* "Episcopum posse unire Beneficia suæ Diocesis, quamvis eorum collatio ob Episcopi negligentiam esset devoluta ad Papam; quod alio jure devolvatur, alio uniatur. Devolutio enim concernit titulum, impeditque, ne Episcopus illud in titulum dare valeat: unio autem respicit proprietatem." Hæc ille; quibus addi potest, quod Episcopo sua maneat salva auctoritas, quousque probeatur adempta. Ob negligentiam autem in conferendo probatur quidem, Episcopum jure collationis excidere; sed non probatur, eum excidere jure uniendi: adeoque hoc salvum manet.

XXII. Dicitur à Congregatione Cardinalium aliquando declaratum, Episcopum non posse unire Seminariis Beneficia ad suam collationem spectantia; cujus declarationis meminit Zypæus in *Jure novo tit. de Excess. Prælat. num. 2.* dicitque ita resolutum, fortè "quod alioqui in hujusmodi alienatione nullus Superior alienantis intervenire videatur, sicut Episcopus intervenit in iis, quæ sunt alienæ collationis." Contrarium tamen in praxi servari notat.

XXIII. Quin unio Beneficiorum spectet ad ea quæ jurisdictionis Episcopalis sunt, dubium non est.

Hinc statuunt Canonistæ, praxisque conformis est, quod Episcopus Beneficia à sua jurisdictione exempta, auctoritate ordinaria unire nequeat. Unde Rebuffus de *Unionibus num. 22.* postquam dixit, ad Episcopum Beneficiorum unionem spectare, subjicit: "Dummodo Beneficia non sint exempta, quia tunc ad Papam unio pertinet."

XXIV. Notandum hic, non sufficere, quod Beneficia forsitan spectent ad collationem aut præsentationem Exemptorum, aut sint fundata in eorum Ecclesiis, aut illis annexa, ut Episcopi uniendi auctoritate priventur; sed requiritur, quod ipsa Beneficia sint revera exempta. Posse autem nonnunquam Beneficia quædam esse, præsertim Curata, in Ecclesiis Exemptorum, quæ tamen ipsa non sint exempta, ostendetur infra *tom. 2. parte 3. titulo de Exemptionibus.*

XXV. Cum unio Beneficiorum fiat auctoritate ordinaria; atque Capitulum, Sede vacante, succedat in

ea quæ sunt auctoritatis & jurisdictionis, recte inferunt Canonistæ, posse Capitulum, Sede vacante, auctoritatem unioni præstare; dummodo per eam juri Episcopali nihil detraharur. Rebuffus de *Unionibus num. 36. & de Devolutionibus num. 100.*

XXVI. Refert Renatus Choppinus in suo *Monastico lib. 2. tit. 2. num. 26. abusivam* declaratam unionem domus cujusdam Eremiticæ Diocesis Sueffionensis factam ab Archiepiscopo Rhemenfi, Sede Sueffionensi vacante, auctoritate Metropolitica. "Nec enim Archiepiscopi præfati jus esse contendunt, Sacerdotia Fanave sibi invicem copulare in alieno, Suffragantium etiam illi Episcoporum, territorio. Vacuo item Episcopi Solio, juridica ejus potestas deferretur Episcopali Sodalitio, unionisque Templorum judicio statuendæ ex legitimis causis. Neque hoc cognitionum genus nominatum, vacante Cathedra inferioris Præfatis, devolvitur ad Archiepiscopum superiorem."

Si autem ipse Episcopus, aut Capitulum, Sede vacante, unionem peritiam facere recusaret; posset ab hac recusatione, si injusta videatur, ad Metropolitanum tanquam ad Superiorem appellari; & tunc ipse de unionem statuere posset. (a)

XXVII. Inferiores vero Prælati, quantumvis exempti, & Beneficiorum collatores, uniendi auctoritate destituuntur; nisi eam auctoritatem præscriperint, uti notat Rebuffus de *Unionibus 32.* subdens *num. 33.* "Jura enim Episcopalia inferiores præscribere non prohibentur *cap. Auditis & De Rescript.* sed titulus requiritur, vel tempus immemorabile."

XXVIII. Hoc titulo Rex Galliarum sua auctoritate procedit ad unionem Beneficiorum, quæ *pleno jure* ad ejus spectant collationem; uti ex Molinaeo refert Fevretius *num. 20.* asseritque Henricum IV. attentis modicis proventibus Decanatus S. Quintini, eidem sua auctoritate univisse duas Præbendas.

(a) Utrum ad Metropolitanum appellari possit adversus decretum unionis ab Episcopo Diocesano datum? Respondet Autor novorum Collectaneorum Cleri Gallicani *tom. 10. col. 1852.* in Galliis hanc provocationem non fieri; permitti tamen ad supremum Senatum appellationem ex *abusu.*

## CAPUT II.

De causis Unionis; & quæ Beneficia uniri possint?

1. Unio Beneficiorum qua ratione odiosa?
2. Fieri nequit sine justa causa.
3. Decretum Synodi Tridentinæ contra uniones sine justa causa factas.
4. Hoc Decretum evincit, uniones non faciendas nisi ad utilitatem Ecclesiarum.
5. Ordinarii præviè de causis unionis inquirere debent.
6. Unio facta ab Ordinariis, ut se à danda portione congrua liberent, suspecta.
7. Unio Beneficii facta ab Episcopo suæ mensuræ, irrita est.
8. Ordinarius præviè expendere debet conditionem Beneficiorum.
9. Beneficiis simplicibus ut annexeretur Officium, vel ut unirentur in Synodo Tridentina propositum.
10. Unionem similium Beneficiorum probavit Synodus Tridentina.
11. Eadem Synodus ostendit, aliorum Beneficiorum unionem non facile esse admittendam.
12. Specialiter vetuit Ecclesiarum Parochialium incorporationes.
13. Unio duarum Ecclesiarum Parochialium ob earum paupertatem admittitur in Gallia.
14. Decretum Synodi Mechliniensis de hac unione.
15. Hoc Decretum tantum est provisionale; eoque subinde abutuntur Ordinarii:

16. Bene-

16. Beneficiorum situs in unione attendendus; & eo facilius admittenda unio Ecclesiarum, quo sibi viciniore.
17. Facilius unio Beneficiorum ejusdem Ecclesie quam diversarum.
18. Beneficia diversarum Diacesum uniri vetat Synodus Tridentina.
19. Beneficia unius Regni non sunt unienda Beneficiis alterius Regni.
20. Beneficia libera non unienda Beneficiis juris Patronatus.
21. Nisi salus animarum aliud postulet.
22. Synodus Tridentina vult uniones factas ex non legitimis causis revocari.
23. Auctoritate regia unio subinde declaratur nulla post lapsum seculi.

I. UNIONEM Beneficiorum esse odiosam, unanimis est Canonistarum sententia, tum quod per eam minuatür numerus Ministrorum; tum quia Beneficia instituta sunt, ut singula suum habeant ministrum. Quin & unionem esse quandam speciem alienationis, notant Canonistæ: eo quod Beneficium unum quodammodo per ipsam unionem supprimatur, aut ut minus ita alteretur, ut primævam suam naturam & conditionem amittat.

II. Hinculterius concludunt, quod unio, quoniam odiosa est, & à communi Ecclesiarum utilitate aliena, nunquam nisi ex magna & necessaria causa permitti debeat: ita Antonius Faber in Codice lib. 1. tit. 2. *Definit.* 48. & Rebuffus in Praxi parte 1. tit. de Unionibus num. 38. asserere non dubitat, unionem duabus duntaxat ex causis fieri posse, videlicet si evidens sit necessitas vel utilitas; idque conformiter ad responsum Honorii III. Cap. 33. *De Præbendis.*, ubi respondit Episcopo Vespriemensi, quod Præbendis Ecclesie suæ Cathedralis unire possit Capellas, si evidens necessitas vel utilitas exigat.

III. Synodus Tridentina attendens, passim factas fuisse uniones Ecclesiarum & Beneficiorum non tam ob utilitatem aut necessitatem ipsarum Ecclesiarum, quam in personarum favorem & commodum; atque ex indiscretis unionibus multas Ecclesias suis necessariis Ministris esse destitutas, statuit *Sess. 7. cap. 6. De Reformat.* „ Uniones perpetuæ, à quadraginta annis circa factæ, „ examinari ab Ordinariis, tanquam à Sede Apostolica „ delegatis possint: & quæ per subreptionem, vel ob- „ reptionem obtentæ fuerint, irritæ declarentur. Illæ „ vero quæ à dicto tempore citra concessæ nondum in „ toto, vel in parte sortitæ sunt effectum, & quæ deinceps ad cuiusvis instantiam fient, nisi eas ex legitimis, „ aut alias rationabilibus causis, coram loci Ordinario, „ vocatis quorum interest, verificandis, factas fuisse „ constiterit, per subreptionem obtentæ præsumantur: „ ac propterea nisi aliter à Sede Apostolica declaratum „ fuerit, viribus omnino careant.

IV. Ex hoc Decreto habetur primò, nullas uniones perpetuas esse admittendas, nisi ex causis legitimis, aut alias rationabilibus: Legitimæ autem cententur, quæ à Canonibus probantur; quæ scilicet utilitatem aut necessitatem Ecclesiarum, non autem favorem privatorum, aut proprium ipsorum Prælatorum commodum respiciunt.

V. Secundo, ex ipso Decreto patet, ipsos Ordinarios priusquam ad unionem procedant, inquirere, & expendere debere, num legitimæ aut alias rationabiles causæ unionis faciendæ subsint, adeoque ipsos quodammodo iudices constitui, qui iudicent de sufficientia causæ.

Hic autem ita se gerere debet Ordinarius, ne appareat, ipsum plus favisse personæ, quam Ecclesie uti in simili loquitur Pontifex in Cap. 1. *Ne Sede vacante.*

VI. Hanc suspicionem facile incurrunt Episcopi alii-

que Prælati, qui faciliè uniones Beneficiorum admittunt, ut à danda pensione, seu congrua portione se eximant: non tam expedientes, quid Ecclesiarum utilitas, aut populi salus, & cultus divinus exigant, quam quid proprium interesse requirant. Monetque Rebuffus *Consilio* 193. quod non „ inveniatur à jure causa ea „ approbata, ut unio fieri possit ad extinguendam pensionem, vel lites sedandas: cum enim sint frequentes controversiæ inter Episcopum & Capitulum, frequenter Episcopi unirent, ut se pensione, vel lite liberarent, quod esset injuriosum & damnosum Ecclesie.

VII. Hinc & in *Clementina* 2. *De Rebus Ecclesie non alienandis*, declaratur; „ quod si Episcopus (sui etiam „ Capituli accedente consensu) mensæ suæ vel ipsi Capitulo aliquam duxerit Ecclesiam uniendam: hoc irritum esse decernimus & inane, contrariâ quavis consuetudine non obstante.

Id indubie hac ratione decretum est, quod hujusmodi unio potius ex proprio interesse, quam Ecclesie utilitate fieri præsumatur.

VIII. Porro, ut Ordinarius hic rectè procedat, necesse est, ut Beneficiorum, de quorum unione sive conjunctione agitur, conditionem & qualitatem expendat.

Nec enim dubitari potest, quin minor ratio sufficiat, uniendi Beneficia simplicia, quæ nullum speciale onus, nisi celebrationis Missarum annexum habent; & frequenter non nisi otiosis Sacerdotibus intertinendis serviunt, quam uniendi Beneficia Curata, aliæque quorum possessor ad obeunda Ecclesie munia specialiter adstringitur.

IX. Unde & legitur nomine Caroli IX. Regis Gallie à Patribus Synodi Tridentinæ fuisse propositum, ut Beneficiis, quorum „ Possessores nullo tenentur concionandi, Sacramenta administrandi, aut alio onere „ Ecclesiastico, Episcopus cum consilio Capituli curam „ aliquam spirituales imponat, aut si utilius videatur, ea Beneficia vicinioribus Parochialibus Ecclesiis „ uniat. Habetur in libello cui titulus: *Mémoires pour le Concile de Trente*, pag. 362.

X. Videmusque, in Synodo Tridentina, cum de augendis proventibus Ecclesiarum Parochialium, aut etiam aliorum majorum Beneficiorum, aut etiam fundandis Seminariis ageretur, passim Beneficiorum simplicium mentionem fieri, quorum unione Beneficiis hujusmodi tenuibus succurratur; uti videre est *Sess. 24. cap. 13. de Reformat.* item *cap. 15. ejusdem sessionis*, ubi agens de Ecclesiis Cathedralibus & Collegiatis insignibus, ubi frequentes & adeo tenues sunt Præbendæ simul cum distributionibus quotidianis, ut sustinendo decenti Canonico gradui, pro loci & personarum qualitate non sufficiant, permittit Episcopis cum consensu Capituli aliquot *simplicia* Beneficia unire.

Rursus *Sess. 23. cap. 18. de Reformat.* de erectione Seminariorum vult, ut pro congrua eorum dotatione, Episcopi Beneficia aliquot *simplicia* Seminario seu Collegio applicent & incorporent: de qua unione seu incorporatione actum est *tit. 11. cap. 3.*

XI. Hinc sat intelligitur, unionem hujusmodi Beneficiorum haud difficulter admisisse Synodum Tridentinam: quæ tamen aliorum Beneficiorum haud faciliè admittendam sat insinuat; signanter citato *cap. 13.* Cum enim comperisset pleraque Ecclesias Cathedralis tam tenuis redditus esse & angustas, ut Episcopali dignitati nullo modo respondeant, neque Ecclesiarum necessitati sufficiant, voluit per Concilium Provinciale diligenter expendi, quas propter angustias, tenuitatemque vicinis unire, vel novis proventibus augere expediat; confectaque de præmissis instrumenta ad summum Pontificem mitti: quibus instructus Summus Pontifex, ex prudentia sua, prout expedire judicaverit, aut tenues invicem uniat, aut aliqua accessione ex fructibus augeat.

Post



Post hæc subjungit, quid interim causa pendente faciendum, ut his tenuibus Ecclesiis Cathedralibus succurratur. "Interim verò donec prædicta effectum fortiantur, hujusmodi Episcopis, qui fructuum subventionem pro Diocesis suæ tenuitate indigent, poterit de Beneficiis aliquibus, dum tamen curata non sint, nec dignitates, seu Canonicatus & Præbendæ, nec Monasteria, in quibus viget Regularis observantia, vel quæ Capitulis generalibus & certis visitatoribus subduntur, à Summo Romano Pontifice provideri.

Hic sufficienter ostendit Synodus, admodum difficile & non nisi gravi de causa, uniones hujusmodi Beneficiorum faciendas, ut tenuitati aliorum Beneficiorum succurratur; cum nequidem velit per Romanum Pontificem vel ad tempus duntaxat, aliquid ex fructibus illorum Beneficiorum detrahi, quo Episcopis, qui fructuum subventionem pro Diocesis suæ tenuitate indigent provideatur.

XII. Ulterius, quia præ cæteris convenit, ut singulis Parochialibus Ecclesiis suis verus ac perpetuus Pastor seu Parochus præsit; compertumque esset, per uniones & incorporaciones Beneficiorum Parochialium Monasteriis, Capitulis, aliisque Corporibus vel Beneficiis, evenisse, ut multæ Ecclesiæ Parochiales destituerentur suis propriis Pastoribus; idque cum notabili animarum detrimento; decrevit speciatim Synodus eodem cap. 13. ne posthac hujusmodi uniones fierent; & factæ ab Ordinariis revideantur; verba sunt: "In unionibus verò quibuslibet seu ex supradictis, seu alii causis faciendis, Ecclesiæ Parochiales Monasteriis quibuscumque, aut Abbatibus, seu dignitatibus, sive Præbendis Ecclesiæ Cathedralis vel Collegiatæ, sive aliis Beneficiis simplicibus, aut Hospitalibus, militiisve non uniantur; & quæ unitæ sunt, revideantur ab Ordinariis, juxta alias decretum in eadem Synodo sub fel. rec. Paulo III. quod etiam in unitis ab eo tempore citra æquè observetur: non obstantibus in iis quibuscumque verborum formis, quæ hic pro sufficienter expressis habeantur.

XIII. Hoc Decreto vetari Beneficii Parochialis unionem. rectè advertit Renatus Choppinus de *Sacra Polit. lib. 2. num. 14.* "excepto tamen (ait) si Canonicatus hujusmodi adjungatur alteri Parochialis Ecclesiæ regimini, cujus Pastor alioquin Rectorque Ecclesiæ suis redditibus commodè alii nequireret: art. 22. & 23. Edicti Blesensis anno 1579.

XIV. Simile quid decernit Synodus P. II. Mechliniensis tit. 17. cap. 3. ubi postquam mandavit Episcopis ut Rectoribus Ecclesiarum Parochialium provideatur de competentia, subjungit: "Ut vero hæc omnia perfici possent, licebit Episcopis per unionem vicinarum & minorum Ecclesiarum, aut simplicium Beneficiorum, vel per concessionem deserviturarum, & alias propter idoneorum Sacerdotum raritatem per modum provisionis providere.

Hic permitti unionem Beneficii curati alteri Curato non dubium; idque interdum fieri posse ob earum paupertatem, sat innuit Synodus Tridentina. Sess. 21. cap. 5. De Reform.

XV. Illud nihilominus notandum eam unionem à Synodo Mechliniensi duntaxat per modum provisionis permitti: cum scilicet alio modo Parochialibus Beneficiis provideri nequit. Quare multum à Synodorum mente recedunt Episcopi, dum ipsas Ecclesias Parochiales ununt; aut uni plurium deservituram (la desserte) concedunt, non sine notabili Incolarum incommodo, ut sese à danda congrua portione eximant, suæque Mensæ majorem partem decimarum applicant.

XVI. Non tantum Beneficiorum qualitas discutienda est, priusquam ad unionem procedatur, sed & situs.

Quin Ecclesiæ Parochiales eo facilius uniri queant ob earum paupertatem, quod sibi viciniore sunt, evidens est: eo quod ob majorem inter se contiguitatem,

unus Parochus queat utrique minore cum incommodo & difficultate deservire.

XVII. Similiter unio Canonicatus cum Dignitate aut Parochiali Beneficio in eadem Ecclesia ex eadem ratione facilius admitti potest, quam hujusmodi Beneficiorum in diversis Ecclesiis existentium: & passim videmus Canonicatus in Cathedralibus & Collegiatis Ecclesiis unitos Dignitatibus & Beneficiis Parochialibus.

XVIII. Ulterius, ut Ecclesiasticus ordo non confundatur, aut una & eadem Ecclesia duarum quodammodo Diocesum fiat, non sine gravi eorum incommodo qui illi subditi fuerint, statuit Synodus Trid. "Beneficia unius Diocesis etiam ratione augendi cultum divinum, aut numerum Beneficiorum, aut alia quacumque de causa, alterius Diocesis Beneficio, Monasterio, seu Collegio vel loco etiam pio, perpetuò non uniantur. sess. 14. cap. 9.

XIX. Et quia & non exigua essent timenda incommoda, si duobus supremis Principibus eadem Ecclesia esset subiecta, haudquaquam Beneficium unius Regni Beneficio alterius Regni uniendum est.

"Si Legatus veller unire Beneficium in Regno situm Abbatiae vel Episcopatu existenti in alio Regno vel Principatu, facere non posset sine Regis consensu, ait Rebuffus in *Praxi tit. De Unionibus num. 28.* qui & addit: " & vidi appellari tanquam ab abusu in illis unionibus sic factis, etiam post longissimum tempus centum annorum, à Procuratore Regio, qui illa regni commoda prosequitur: & quia hæc uniones semper & quotidie gravant, ideo semper appellatur.

Vide latius Fevretium *De Abusu lib. 2. cap. 4. num. 28.* ubi ex Azevedo notat quod etiam in Hispania, unio facta Ecclesiæ de Regno alteri Ecclesiæ extra Regnum, sit nulla.

XX. Verat quoque Synodus Tridentina sess. 25. cap. 9. De Reform. fieri accessiones per viam unionis de Beneficiis liberis ad Ecclesias juri Patronatus, etiam laicorum, subiectas, ita ut prædicta Beneficia libera ejusdem naturæ cum iis, quibuscum uniuntur, efficiantur, atque sub jure Patronatus constituentur.

XXI. Circa hoc Decretum consuli potest Zypæus *Consult. 5. De Excessibus Prælatorum*, ubi inter alia notat, quod "si de necessaria dotatione Ecclesiæ Parochialis agatur: neque hæc haberi queat, nisi conjungendo Beneficium liberum cum Beneficio juri Patronatus subiecto; ponderandum sit, an libertas illa Beneficii, an Animarum cura, quæ sine congrua dote sustineri, & illa aliunde haberi non potest, præcellere debeat: Et sine dubio (ait) locus est legi, *salus populi suprema lex esto*, quod eo spectat, prævalere minoribus causis. Unde multis in locis Pastoralibus juris Patronatus præsertim Ecclesiastici, non competenter dotatis, Beneficia libera, dum alia non suppetunt, ad dotem congruam sunt unita.

XXII. Vult ulterius Synodus Tridentina in citato Decreto sess. 7. cap. 6. non tantum, ut posthac nullæ admittantur uniones perpetuæ, nisi ex legitimis aut alias rationabilibus causis; sed insuper, ut "à 40. annis circa factæ examinari ab Ordinariis tanquam à Sede Apostolica Delegatis possint; & quæ per subreptionem vel obreptionem obtentæ fuerint, irritæ declarentur.

XXIII. Quin & unionem sine legitima causa factam, etiam post integri seculi lapsum aliquando auctoritate Regii Senatus rescissam fuisse, monet Renatus Choppinus *De Sacra Polit. lib. 2. tit. 6. num. 8.* "Isthe enim (ait) minus necessaria rationes primitus impulerant Ecclesiasticos Præfectos, ut sacra illa Beneficia simul colligarent. Ideoque in his, aliisve publicam Ecclesiæ disciplinam spectantibus, non tollitur provocandi ex abusu facultas quantumque tem-

„ temporis silentio. „ Idipsum dicit Antonius Faber in codice lib. 1. tit. 2. Definit 49. addens rationem: *Quia unio semper & perpetuo gravat.*

### CAPUT III.

#### De Solemnitatibus servandis in Unione.

1. In unione vocandi omnes quorum interest, juxta Regulam Cancellariæ.
2. Hæc Regula ubique recepta.
3. Interdum derogatur in Curia Romana huic Regula; sed derogatio hæc in Gallia non admittitur.
4. Decretum Synodi Tridentinæ in quantum huic derogationi favet, non est in Gallia receptum.
5. Praxis Belgii in hoc puncto consonat Praxi Gallicanæ.
6. Unio etiam auctoritate Pontificia hodie expedienda in forma commissoria.
7. Commissio facienda iudicibus in partibus.
8. Audiendus Episcopus, & alii quoque Collatores.
9. Patroni laici non tantum audiendi; sed & eorum consensus habendus.
10. Idipsum in Belgio specialiter à Parliamentis Regiis notatum.
11. Procurator Regius in unione Beneficiorum audiendus; & quare?
12. In Gallia Rex unionem non attendit, si non intervenit Procurator Regius.
13. An absolute necessarius sit consensus Principis in unione vel suppressione Beneficiorum?
14. An in Belgio semper audiendus Procurator Regius?
15. An Rector Ecclesiæ necessario audiendus?
16. Utrum unio fieri possit invito possessore Beneficii.
17. Utrum Paroebiani sint audiendi?
18. Licet hi audiendi essent, non tamen exigitur eorum consensus.
19. Regula Cancellariæ jubet exprimi in unionibus verum valorem Beneficiorum.
20. Regula quoad hoc recepta in Gallia, & Belgio.
21. Debet exprimi verus valor utriusque Beneficii; nec derogatio Regulæ circa hoc punctum in Gallia recipitur.
22. Reservatio non impedit, quominus Episcopus procedat ad unionem.
23. Unionis executio non impeditur per resignationem.
24. Neque provisio Pontificia cum suspensione unionis hic facile admitteretur.
25. Nisi provisio vacantis Beneficii unionem prævenit.
26. Mandato de providendo vel expectativæ unionem non impediunt.
27. Quomodo intelligendum quod Concilium Trid. in Belgio sit receptum sine ulla limitatione aut restrictione.

I. Ne ipsas uniones sine legitimis aut aliis rationabilibus causis fieri contingat, jam pridem cautum fuit per Regulam Cancellariæ de Unionibus, ut semper in unionibus concessio fiat ad partes, vocatis quorum interest: quod & voluit Synodus Tridentina sess. 7. cap. 6. de Reformat. ut ex verbis Decreti capite præcedenti relatis videri potest.

II. Hæc Regula velut aptissima ad detegendas fraudes, subreptiones & obreptiones quæ in unionibus contingere possent, ubique recepta est; adeo ut licet ipsa Regula tantum videatur loqui de unionibus quæ sunt ad petitionem partis, non autem quæ sunt à Pontifice motu proprio, uti notat Rebuffus ad hanc Regulam Glossa 1. "in Francia tamen quomodocumque fiant, requiruntur solemnia quæ in Regula præscribuntur," ait idem Rebuffus.

III. Notat quoque ipse Rebuffus ibidem Glossa 10. quod si unio fiat per Papam in forma gratiosa non requiratur clausula, *vocatis vocandis*: sed derogatur huic Regulæ de unionibus committendis ad partes, & ipse Papa facit unionem: Sed (ait) hoc non recipitur in Francia. Et in Praxi Benef. titulo De Unionibus num. 47. ait: "Appellatur tanquam ab abusu in hoc Regno" ab unionibus factis sine causæ cognitione, à quocumque factæ fuerunt: & nullæ solent pronuntari & irritæ, per Curias supremas: nec habetur ratio temporis, quia abusus non potest præscribi; & ita est praxis regni.

IV. Idipsum post Renatum Choppinum de Sacra Polit. lib. 2. tit. 6. testatur Petrus Puhæus in Commentario super Libertatibus Ecclesiæ Gallicanæ cap. 49. ubi una moner in Gallia receptum non esse Decretum Concilii Tridentini sess. 7. cap. 6. de Reformat. in quantum videtur admittere uniones in forma gratiosa, si Pontifici visum fuerit, eas concedere: additur enim in Decreto hæc cautio: *Nisi aliter à Sede Apostolica declaratum fuerit.* (a)

V. Praxis Belgica in hoc puncto non dissonat à Praxi Gallicana. Nec enim uniones Beneficiorum in forma gratiosa sine causæ cognitione admittuntur; & taliter factæ non minus hic, quam in Gallia rescinduntur.

VI. Itaque unio etiam auctoritate Pontificia hodie fieri debet in forma commissoria; soletque Papa committere in partibus, ut inquisitio fiat de causâ, & de commodo vel incommodo: & postea istæ inquisitiones ad eum mittuntur, ait Rebuffus Glossa 11. num. 7.

VII. Cum hæc commissio sive delegatio involvat cognitionem causæ, quæ formam aliquam judicalem sapit, debet hæc dirigi ad eas personas Ecclesiasticas, quæ ut iudices à Sede Apostolica in partibus delegari possunt; uti post Renatum Choppinum monet Fevretius De Abusu lib. 2. cap. 4. num. 24.

VIII. Juxta formam commissionis debent audiri omnes quorum interest.

Itaque audiendus est Episcopus, quia sua interest: hac inter alias ratione quod collationem amitteret ratione unionis, uti moner Rebuffus ad Regulam De Unionibus Glossa 11. quæ & in Collatoribus aliis militat.

IX. Patroni quoque audiendi: imò si Patroni laici fuerint, non solum audiendi sunt; sed eorum consensus requiritur; quod & notat Antonius Faber in Codice lib. 1. tit. 2. Diff. 48. dicitque: "etsi Papa de" derogare etiam potest cum vult, juri Patronatus laicorum pro ea vice; fallit tamen hoc in unionibus, quia perpetuo durat.

X. In Belgio quoque requiri consensum Patronorum laicorum dubium non est: monueruntque expresse Concilia Belgica ad sess. 21. cap. 5. Synodi Tridentinæ, ubi potestas sit Episcopis, ex justa causa uniones faciendi Ecclesiarum & Beneficiorum, opus esse consensu Patronorum laicorum. Apud Antonium Anselmo in Triboniano Belgico. cap. 33. paragra. 23.

XI. Unde Beneficia Patronatus Regii uniri non posse circa consensum Regium expeditum est; quin & asserit Antonius Faber, citata Definitione 48. "Procuratorem" Principis generalem vocari & audiri necesse esse; non solum si jus Patronatus ad Principem pertineat... sed etiam si ad alium: Nempe ratione publicæ utilitatis, & ad hoc ipsum dispiciendum, an publico utilis futura sit unio, an inutilis. Item pro

(a) Auctor novorum Collectaneorum Cleri Gallicani tom. 10. col. 1261. de ea clausula suam vel potius Ecclesiæ Gallicanæ mentem ita aperit: On n'a pas égard en France à cette exception du Concile, on suppose toujours qu'on a surpris la Religion du Pape, quand on a obtenu la confirmation d'une union faite sans cause légitime, ou contre les Loix, & qu'il est contre son sens qu'il ait été tiré.

„tuenda Principis auctoritate, ad quam sanè pertinet,  
„ut Beneficiorum omnium, quæ in territorio sunt,  
„protector & conservator existimetur.

Ex quibus dein concludit: „Itaque si, non vocato  
„Procuratore generali, unio facta sit, potest & solet  
„ille ab ea tanquam ab abusu provocare, semperque  
„ea provocatio admittitur, etiam post centum annos,  
„quia unio semper & perpetuò gravat.

XII. In Gallia Procuratorem Regium vocari & audi-  
diri debere, dum agitur de unione Beneficiorum ad quæ  
Regalia se extendit, notat Fevretius citato *cap. 4. num.*  
*26.* aliàs, apertà Regaliâ, Rex conferet, quasi nulla  
unio intervenisset; & ita anno 1624. judicatum fuisse re-  
fertur in opere intitulo, *Journal des Audiences, tom.*  
*1. lib. 2. cap. 26.*

XIII. Si Beneficia spectent pleno jure ad collationem  
seu provisionem Ordinariorum Collatorum, neque pro-  
betur speciale Regis interesse, non creditur, etiam in  
Gallia, omninò necessarius interventus Procuratoris Re-  
gii in unione similium Beneficiorum, uti notat D. Du-  
casse in suo Tractatu *de Jurisdictione Ecclesiastica tom. 1.*  
*cap. 6. paragra. 6.* refertque suppressionem Canonica-  
tum & Præbendarum in Ecclesia Collegiata Montis Re-  
galis factam auctoritate Episcopi Carcassonenſis ob te-  
nuitatem proventuum istius Ecclesiæ, declararam fuisse  
*validam*, & effectum suum sortiri debere, licet in hac  
suppressione Procurator Regius non intervenisset per  
Arrestum prolatum 29. Julii 1687.

Neque in Belgio in similium Beneficiorum ad ple-  
nam Episcopi provisionem spectantium unione, au-  
ctoritas Procuratoris Regii seu Officii Fiscalis neces-  
saria creditur: nisi aliquod Regis aut Reipublicæ  
interesse, in ea Beneficiorum unione intervenire pro-  
betur.

Quia tamen facilè contingit, ut in unione, vel in  
suppressione Beneficiorum, præsertim notabilem,  
quidquam contra fundationem, cujus Princeps præ-  
tenditur conservator; vel contra jus Principis dicatur  
intervenisse: atque ob id ipsa unio, vel suppressio de  
invaliditate argui posset ob defectum consensus Prin-  
cipis satius erit in hisce unionibus & suppressionibus  
consensum Principis expetere, sive interventionem  
Officii Fiscalis postulare.

XIV. In Belgio si agatur de unione facta aucto-  
ritate Apostolica, certum est, eam executioni man-  
dari non posse, nisi priùs audiat Procurator Regius:  
quandoquidem requiratur *Placetum Regium*: quod  
dari non consuevit, nisi præviè Regio Procuratore,  
seu Officio Fiscali audito, uti dictum est suprâ *tit. 7.*  
*aliàs 24. cap. 6.* Si autem auctoritate ordinaria unio  
fiat, & agatur de majoribus Beneficiis, hæc extra dif-  
ferimen cassationis non erit, si ipse Procurator Regius  
interpellatus & auditus non fuerit. Non tamen vi-  
detur necessarium ad validitatem unionis, ut Fiscalis  
audiatur.

At simplicium Beneficiorum uniones, præsertim  
pro dotatione tenuium Parochiarum, passim ab Epis-  
copis sine interventu Officii Fiscalis, fieri & tolerari  
solent.

XV. Rectorem Beneficii uniendi non esse vocandum  
innuit, *Clement. 2. De Rebus Ecclesiæ non alienandis*,  
ubi dicitur, unionem Ecclesiæ factam ab Episcopo,  
consentiente Capitulo, impugnari non posse, *ex eo*  
*quod Rector ipse ad hoc vocatus non extitit*: idque nota-  
vit Rebuffus ad Regulam *De Unionibus Glossa 11.*  
*num. 8.* rationem addens: quia ei ad suam vitam non  
præjudicatur. Unio enim fieri solet *sine præjudicio Pos-  
sessoris*. „Nec consideratur (ait Rebuffus) quod Rector  
„potuisset illud Beneficium resignare *in favorem* ne-  
„potis, quia hoc non est considerabile: cum Bene-  
„ficia consanguineis non deferantur consanguinitatis  
„jure, & illa resignatio pendeat à Superioris fa-  
„cultate, qui per unionem jam declaravit, nolle illum  
„Rectorem resignare posse.

Hæc Rebuffus sequutus Joannem Galli qui *quæst. 267.*  
asserit, Rectores Beneficiorum non esse audiendos. Ve-  
rùm ex Molinaeo in notis ad dictam quæstionem Joannis  
Galli refert Fevretius loco citato, *contrarium servari in*  
*Gallia & bene, quia debent vocari Rectores maxime in*  
*uniendis Ecclesiis Parochialibus.*

Et sanè licet unio fiat sine præjudicio Rectoris, nihilo-  
minus, cum ipse sit quasi tutor Ecclesiæ quam possidet;  
ipsique soleat meliùs esse perspectus status & conditio ip-  
sius Ecclesiæ, meritò cum de causis unionis inquiratur,  
ipse audiendus erit; quod & hodie receptum esse, at-  
que uniones Ecclesiarum rescissas fuisse: ob non auditum  
Rectorem testatur Fevretius.

XVI. Quantumvis æquum sit in unione Beneficii,  
ac notanter Parochialis audire Rectorem, sive Posses-  
sorem Beneficii, atque ob eum neglectum aliquando  
judicatum sit, invalidam esse unionem; nihilominus  
videtur quod unio Beneficii fieri queat, *non consen-  
tiente* Beneficiato, sive Rectore Beneficii; modò tam-  
men, vitâ ejus durante, possessio Beneficii ipsi salva &  
integra maneat.

Refert quidem Georgius Lotetius in notis ad Moli-  
næum *de publicandis resignationibus num. 173.* quòd in  
hac ferrea nostra ætate, usus, seu potius abusus in-  
valuerit, ut etiam pro *legitimo interesse* reputetur,  
posse Beneficii Possessorem, vitâ sua durante, *Be-  
neficio resignare in favorem sui nepotis aut alterius*,  
*cui benefacere intendit*: atque propterea unionem, eo  
*invito* sive non consentiente, fieri non posse, nisi salva  
manente Beneficiato libera resignandi facultate; atque  
ita ex receptis, licet corruptis, moribus Regia Tribu-  
nalia judicare.

Postquam enim notavit, quòd melioribus seculis,  
cum nondum essent toleratæ resignationes *in favorem*,  
similis resignandi facultas pro legitimo interesse non  
reputaretur, subjungit: „Sed in hac ferrea ætate, in  
„qua quælibet sanguinis affectio pro legitimo interes-  
„se metuitur, aliud summa Tribunalia statuerunt, nec  
„permitterent Beneficii sic uniti resignandi potestate  
„quem privari.

Monet autem in nota marginali Antonius Vaillant:  
„Semper debet vocari Beneficiatus: quia, cum agatur  
„de alienatione aut suppressione tituli, Beneficiatus,  
„qui est verus & legitimus Administrator, debet jura &  
„interesse Ecclesiæ tueri & defendere; sed reverà po-  
„test unio fieri, *invito* Beneficiato, modò ei reserven-  
„tur fructus, durante vitâ, modò aliunde unio sit uti-  
„lis Ecclesiæ, quæ debet semper prævalere utilitati &  
„commodo particulari. (a)

Hæc nota marginalis acquirati, juri & praxi sat con-  
sona videtur, uti & his, quæ de hac quæstione *num. 15.*  
dicta sunt.

XVII. Fevretius *de abusu lib. 2. cap. 4.* audiendos esse  
Parochianos, ubi agitur de unione eorum Parochiæ,  
asserit; monetque, adhærendum esse Parlamentorum  
Arrestis quæ receperunt Parochianos appellantes *tan-  
quam ab abusu* ab unionibus in quibus ipsi auditi non fue-  
rant; easque tanquam *abusivas* infirmarunt. Vide etiam  
*Journal des Audiences tom. 2. lib. 3. cap. 21.* & aliquando  
decisum in Rota, Parochianos esse audiendos; quia ip-  
sorum interest habere bonum Pastorem, ut testatur Gar-  
cias *De Benef. parte 12. cap. 2. n. 220.*

XVIII. Hoc tamen notandum, quòd tamen Rector  
& Parochiani aliique sint audiendi, non propterea eor-  
um consensus requiratur; uti etiam monet Zypæus in  
jure novo *De Excessibus Prælat. num. 1.*

XIX. Præter informationem super causis unionis  
faciendam *in partibus*, requirit insuper Regula Can-  
cellariæ *De Unionibus*, „quòd petentes Beneficia

(a) Cluniacenses Bullas obtinuerunt quibus unio Beneficiorum  
quæ ex eorum Ordine dependent, prohibetur fieri absque con-  
sensu Abbatis & Capituli ejusdem Ordinis; hæc autem Bullæ  
litteris patentibus confirmatæ fuerunt, & in Magni Consilii com-  
mentarios relata.

Ecclesiastica



„ Ecclesiastica aliis uniri, teneantur exprimere *verum* *valorem* secundum *communem* estimationem, tam Beneficii uniti, quam illius, cui uniri petitur, alioquin unio non valeat.

XX. Regula etiam quoad hanc partem ubique recepta est. Et quamvis consuetudinarius valor 24. Ducatorum soleat exprimi in Francia in omnibus Beneficiis, tamen in unionibus *verus* valor est exprimendus, ut hic ait Rebuffus *Glossa 7. in Regulam de Unionibus* quod & in Belgio servatur.

XXI. Debet autem exprimi *verus* valor tam Beneficii uniendi, quam ejus ad quod unio fieri debet: Quia ex hac expressione innotescere saepius potest, num utilitas aut necessitas eam unionem requirat; utpote quæ ex Ecclesiarum majore vel minore penuria non raro metienda est.

Imò monet Rebuffus ibidem *Glossa 8.* quod si in Signatura unionis fuerit conscripta clausula, quod *obstantiæ* Oratoris habeantur pro *expressis*, tunc quidem Bulla poterit expediri sine expressione fructuum; sed in Francia (ait) *vix* recipiuntur ratione consuetudinis contrariae.

XXII. Si omnibus rite examinatis, singulisque, quorum interest auditis, unio Ecclesiarum utilis aut necessaria appareat, poterit Episcopus ad eam procedere, etiam si dictæ Ecclesiæ, vel Beneficia essent generaliter vel specialiter reservata, aut qualitercumque affecta; ut loquitur Synodus Tridentina *Sess. 21. cap. 5. De Reformat.* & aliis verbis repetitur *Sess. 23. cap. 18. & Sess. 24. cap. 15. De Reformat.* Quare distinctio inter reservationem specialem & generalem: quam facit Rebuffus *De Unionibus num. 31.* hodie non obtinet, cum expressè Synodus permittat unionem, non obstante reservatione *speciali*, uti monet Zypæus *Consult. 6. De excessibus Prælat.*

XXIII. Denique pro majori unionum firmitate addit Synodus Tridentina: „ Quæ uniones etiam non possint revocari, nec quoquo modo infringi vigore „ cuiuscumque provisionis; etiam ex causa *resignationis*, aut derogationis, aut suspensionis.

XXIV. Hic & de resignatione factâ coram Pontifice Synodum loqui, dubium non est: unde licet Zypæus admittat, citatâ Consultatione *num. 18.* „ si visum erit Sedi Apostolicæ, non obstante hujusmodi unionem, resignationem *ex certa scientia* admittere, & alteri secundum plenitudinem potestatis providere, possit derogare Concilio; „ mox tamen subiungit „ Quamquam aliàs difficulter provisio subreptionis vitio carebit, & difficultate executio in Belgii Provinciis: ubi Regiâ auctoritate Concilium receptum, & servari iustum est, constanter & sine hujusmodi immutationibus.

XXV. Rectè tamen ibidem monet Zypæus, „ non ante impediri cursum provisionum Romanarum, quam Episcopi ad uniones & suppressiones hujusmodi se accinxerint: ut si illæ præveniant omnium horum actionem, & jam alicui jus sit quæsitum, collatione *vacantis* Beneficii, & expeditione Bullarum factâ, auferri illud non possit.

XXVI. Et hoc quidem si ipsa *collatio* seu *provisio vacantis* Beneficii ipsam Ordinarii actionem prævenierit: Nam, ut eodem loco notat Zypæus, „ mandatis de providendo, Nominationibus Universalitatum, similibusque reservationibus & affectionibus omnibus factis dicendum est, derogatum esse, dummodò etiam acceptatio seu provisio post vacationem factam similiter non prævenierit omnem Episcoporum actionem.

XXVII. Quod *num. 24.* ex Zypæo notatum est, Concilium Tridentinum in Belgio Regiâ auctoritate receptum, & servari iustum *constanter & sine hujusmodi immutationibus*, nequaquam respicit limitationes, quæ in receptione Concilii Tridentini per Regios Magistratus appositæ fuerunt pro conservatione privilegiorum & receptarum consuetudinum Provinciarum & jurium

Tom. I.

Regiorum; sed immutationes & derogationes Decretorum hujus Concilii, quas ex plenitudine potestatis subinde Pontifices facere prætendunt, vel interpretationes Congregationis Cardinalium super Decretis hujus Concilii, de qua specie immutationis loquitur Zypæus.

## CAPUT IV.

### De Dissolutione Unionis.

1. Unio odiosa, & ejus dissolutio favorabilis judicatur.
2. Cessante causâ unionis, solet de facili concedi ejus dissolutio.
3. Videtur hodie causâ unionis & incorporationis multarum Ecclesiarum Parochialium cessare.
4. Nonnunquam revocatio unionis faciendâ, licet causâ unionis non omnino cesset.
5. Quis unionem dissolvere possit?
6. Si consensus Regius in unione intervenerit, etiam adhibendus in dissolutione.
7. Revocatio unionis exigit causâ cognitionem.
8. Minus exacta toleratur in dissolutione, quam in unione.
9. Dissolutio ad vitam non admittitur.
10. Dissolutâ unione, Beneficium unitum pristino statui restituitur.
11. Dissolutio fit sine præjudicio Possessoris.
12. Beneficium unitum non potest impetrari ante factam dissolutionem.
13. Nisi prætenderetur unio non rectè facta.

I. UNIONEM Ecclesiarum & Beneficiorum esse odiosam, nec sine legitimis & rationabilibus causis necessitatem aut utilitatem Ecclesiarum spectantibus, esse faciendam, variasque Beneficiorum uniones nominatim per Synodum Tridentinam veritas esse, ex hæcenus dictis satis constat.

Hinc rectè concludunt Canonistæ, quod resolutio seu revocatio unionis sit favorabilis; utpote ipsa Beneficia ad primævam suam naturam reducens; eaque eximens à statu quodammodo violento, ad quem per unionem redacta fuerant.

II. Et si constet, quâ præcisè de causâ unio facta fuerit, eâ cessante, facile dissolutio unionis admitteretur; ut cum Rebuffo rectè advertunt Canonistæ, qui ait: „ Quando est facta ob certam causam, belli fortè, destructionis, paupertatis, vel aliam finalem tunc, cessante istâ causâ, cessabit unio. Vel quando fuit facta „ ob bellum, & deficiente populo, postea, reverso „ populo, cessabit. „ Ita Rebuffus in *Praxi tit. De Unionis revocatione num. 1. & 2.* & latè Zypæus *Consult. 8. de Excess. Prælat.* ubi latè probare conatur, Pontificiâ & Regiâ auctoritate rectè processum ad dissolutionem unionis Monasteriorum factæ quibusdam Episcopis Belgicis in eorum erectione; eò quod ex proventibus Monasteriorum *sufficiens dos* Episcopis esset assignata: atque ita cessaret causâ unionis, quæ fuerat necessitas dotationis Episcopatum.

III. Si rite Ecclesiarum uniones ab ipsis Ordinariis reviderentur, præsertim Ecclesiarum Parochialium, quæ præ cæteris sunt odiosæ, & difficilius admittendæ & tolerandæ, non dubium, quin deprehenderetur, causas unionum in multis cessare, atque nullam unionis ulterius tolerandæ causam subesse.

IV. Ulterius tamen non omnino ipsa unionis causâ cesset, potest tamen nonnunquam ad revocationem unionis procedi; si alia causâ supervenerit, quæ prævaleat causæ unionis: suadeatque revocationem unionis potius esse faciendam, quam unionem esse tolerandam. Nam sicuti unio ex causâ utilitatis aut necessi-

R r r r r

tatis

tatis Ecclesiarum fieri potest; ita ex eadem revocari, uti monet Rebuffus *num. 6.* ibidem plures causas revocationis assignans, quæ tamen ad hanc reduci possunt.

V. Qui Ecclesias unire possunt, iidem & uniones dissolvere. Unde Episcopum uniones à se, quin & à suo Prædecessore factas dissolvere posse, nemo negat. Imò non tantum à se factam, sed etiam à Papa vel Legato, revocare, causâ subsistente, cum Petro De Perusino tradit Rebuffus *num. 16.* Nam Papa uniendo noluit tollere potestatem Ordinarii.

VI. Si tamen unio facta est Regiâ auctoritate, ipsoque Rege approbante, cum causæ cognitione, resolutio vel revocatio hujusmodi unionis sine consensu Regis non facile hic, aut in Gallia admitteretur; nec diffi- culter ab hujusmodi dissolutione appellatio tanquam *ab abusu* reciperetur.

VII. Ulterius sicuti unio non tantum requirit causam aliquam justam; sed insuper causæ cognitionem, vocatis & auditis, quorum interest; ita & revocatio unionis, quia eadem solemnitas requiritur in destruendo, quæ in exstruendo, ait Rebuffus *num. 28.* ideoque in Bulla revocationis unionis debet poni illa clausula, *vocatis his, quæ fuerant evocandi, &c.* sicuti poni solet in Bulla unionis.

VIII. Quia tamen ipsa unionis dissolutio habetur ut favorabilis, tanquam Beneficia ad primævum & naturalem statum reducens, etiam minus exacta causæ cognitio facilius, quam in unionetoleraretur, ut rectè monuit Fevretius *de Abusu lib. 2. cap. 4. num. 37.*

IX. Adhæc quemadmodum uniones ad vitam hodie reprobæ sunt, ita nec dissolutiones ad vitam recipere- rentur. Ut si v. g. Canonicus, cujus Præbendæ annexa est Ecclesia Parochialis, consentiret dissolutioni istius Ecclesiæ ad vitam Titii, eâ conditione, ut, Titio

decedente, rursus unio revivisceret, Præbendæ cense- retur unita. Rebuffus ibidem *n. 35. & 36.*

X. Revocatâ unione, restituitur Beneficium in pri- mo statu, reditque ad collationem sive præsentatio- nem illius, qui ante unionem fuerat Collator aut Parro- nus. Nec enim consentiendo unioni censetur *absolutè* juri collationis aut Patronatus renuntiasse; nisi id ex- pressè actum sit Rebuffus *num. 3. & 40.*

XI. Sicut tamen unio fieri solet sine præjudicio Possessoris, ita & dissolutio unionis: quin & gesta tempore *unionis* rata manent: ideoque si quæ aliena- tio contigerit, servatis debitis solemnitatibus durante unione, hæc nequaquam revocabitur; uti nec alii actus gesti à Prælato tempore unionis, Rebuffus *num. 45.*

XII. Ut Beneficium unitum, separatim ab alio Beneficio, cui fuit unitum, queat impetrari, non suf- ficit causam unionis cessare, aut esse causam sufficien- tem dissolutionis; sed requiritur, ut auctoritate Su- perioris ipsa dissolutio, servatis servandis, facta sit.

XIII. At si prætendatur *invalidè* facta defectu obser- vatæ solemnitatis, " tunc solemus in praxi impetrare „ Beneficium unitum (ait Rebuffus *num. 30.*) & po- „ stea agere super possessorio: & si opponatur esse uni- „ tum, replicatur, non valere unionem: & ab illa „ unione appellatur tanquam *ab abusu*."

Cum unio sit quædam alienationis species, ad intel- lectum eorum, quæ hoc titulo dicta sunt, etiam usui venire poterunt, quæ infra titulo *de rebus Ecclesiæ non alienandis*, dicuntur. (a)

(a) De unione Beneficiorum & ejusdem unionis dissolutione juxta morem in Gallis observatum consulatur *tomus 10. novo- rum Collectaneorum Cleri Gallicani à Columna 1813. usque ad col. 3056.*

## TITULUS XIII.

### DE SIMONIA CIRCA BENEFICIA.

#### CAPUT I.

Unde desumenda enormitas hujus vitii, & quare olim magis contra Simoniacas Ordinationes, quam si- milis Beneficiorum Provisiones actum, hodie ve- rò secus?

1. Hoc vitium omnium criminum gravissimum à Patri- bus reputatum.
2. Ratio hujus ex inordinatione, quæ rebus spiritualibus infertur, petita.
3. Gravitas hujus criminis potissimum ex effectibus de- sumenda.
4. Per illud fures & latrones intrant in Ovile Christi.
5. Per illud contingit, ut de idoneitate cura negligatur, & idoneis ad Beneficia porta pateat.
6. Fit ut promovendi ad Sacerdotia magis de habendis divitiis, quam de bonis moribus solliciti sint.
7. Pauperes, licet magis idonei excluduntur.
8. Non bona vita, sed munera quærentur.
9. Eosdem malos effectus Simonia, Synodi nostræ ætatis etiam expressere.
10. Veteres magis egerunt contra Simoniacas Ordinatio- nes; Recentiores vero magis contra Simoniacas Be- neficiorum provisiones: idem tamen eorum & illo- rum scopus.
11. Hic scopus ut obtineretur, primis seculis contra Si-

moniacas Beneficiorum provisiones potissimum agen- dum fuit.

12. Ratio hujus fuit diversitas disciplinæ circa dispensa- tionem reddituum Ecclesiasticorum.
13. Simoniaci maxime attendunt temporalia, quæ poste- rioribus seculis magis per Beneficiorum provisionem quam per Ordinationem acquiruntur.
14. Non minus olim, quam hodie Ecclesia execrata est, Simoniam in provisione Beneficiorum.
15. Similiter acque hodie ac olim execratur Simoniacas Ordinationes.
16. Quomodo postremis his seculis Simoniam in Ordinatio- nes irrepserit.
17. Decretum Synodi Tridentina contra hunc abusum.
18. Etiam quæ gratuito dicuntur offerri in Ordinatione respuenda.
19. Consuetudo nihil dandi etiam ipsis Notariis à Gallis laudata & à Synodo comprobata.
20. Merito Episcopi suis Ministris congruum stipendium assignarent, ut à suspectis exactionibus cobiberen- tur.
21. Monitum Sancti Ambrosii expendendum à Prælati, qui suos non cobibent Ministros.

I. SIMONIA crimen esse unum è gravissimis crimi- nibus unanimis fuit jam pridem Patrum senten- tia. Quin & sub nomine Paschalis Papæ refert Gratianus: *Omnia crimina ad Simoniacæ hæresis compa- rationem QUASI PRO NIHILO sunt reputanda.*

Et

Et ad Adrianum I. scribit Tharastius Patriarcha Constantinopolitanus: *Tolerabilior est Macedonii & eorum, qui circa ipsum sunt Spiritus Sancti impugnatorum impia hæresis apud Gratianum Caus. 1. quæst. 1. Can. 21.*

II. Rationem subijcit Tharastius: "Nam cum illi Sanctum Spiritum Dei, & Patris creaturam & servum nunguntur, hi suum ipsum, quantum putant, servum ipsum faciunt. Omnis enim Dominus quid quid habet, cum liberit, vendit, sive famulum, sive aliquid aliud ex his, quæ possidet. Similiter & qui emit, volens emptæ rei Dominus fieri, argenti pretio eam acquirit."

Cum enim in omni Simonia interveniat quædam saltem implicita emptio & venditio rerum spiritualium cum temporalibus, tanquam pretio, verissimum est, ipsa spiritualia per Simoniam ad rationem rerum temporalium deprimi, & iis quodammodo cœquari; atque per hoc ad quamdam vilitatem redigi. *Quis enim non vile esse putat, quod venditur, ait Hormisdas Papa: Quis denud veneretur; quod venditur, aut quis non vile putet, quod emitur?* scribit Sanctus Gregorius lib. 9. *indict. 2. Epist. 109. edit. Paris. 1705.*

Hanc inordinationem notasse videtur Apostolus Petrus, dum Simoniacorum Patri respondit: *Pecunia tua tecum sit in perditionem, quoniam DONUM DEI EXISTI-MASTI PECUNIA POSSIDERI. act. cap. 8. v. 20.*

III. Et si ex hac rerum spiritualium depressione, quæ per earum cum temporalibus commutatione contingit, hujus criminis enormitas aliquatenus desumi & ponderari queat, magis tamen elucescit, ubi mala ex hoc vitio in Ecclesiam redundantia attenduntur; intelligiturque, nihil per exaggerationem à Patribus fuisse dictum, dum hoc Simoniacæ criminis omnium criminum gravissimum dixerunt, nimirum penes suos effectus.

IV. Quid enim perniciosius ac lucuosius esse Ecclesiæ potest, quam si ad Ovile Christi non per ostium, id est, Christum, sed aliunde putæper munera, ascendantur? Qui enim aliunde ascendunt? nisi fures & latrones, qui non veniunt, nisi ut furentur & maculent & perdant. *Joan. cap. 10. v. 10.*

Quæ hinc animarum strages? Quæ sacrilegiorum in Pastoribus exundantia? Quæ criminum & omnium abominationum in populo colluvies? Dum non Pastores, quos Oves sequuntur & audiunt; sed Mercenarii, fures & latrones, per aurum & argentum intro-mittuntur.

V. Adhæc, dum per munera ad Ecclesiastica Ministeria ascenditur; aut in promotione munera attenduntur; jam de vitæ sanctitate, doctrina, aliisque necessariis qualitatibus cura exigua aut nulla; atque hinc inidoneis porta aperitur, & maxime idoneis occluditur; uti rectè advertit Sanctus Tharastius in citata Epistola; hinc meritò etiam gravitatem hujus desumens. "Si venditur Sacerdotii dignitas, supervacua igitur apud istos venditores est honesta vitæ institutio, & puritatis virtutisque cultus: supervacuum apud ipsos & Paulus divinus Apostolus docens, oportere Episcopum esse sine crimine, temperantem, modestum, apertum ad docendum, continentem, sobrium, infestentem fidei secundum doctrinam sermoni, ut potens sit exhortari in doctrina sana; & contradicentes refellere. Pereunt igitur hæc omnia, ex eo quod Sacerdotium venditur & emitur 1. *ad Tim. cap. 3. & Tit. cap. 1.*

VI. S. Gregorius scribens Theodorico & Theoberto Francorum Regibus lib. 9. *indict. 2. Epist. 110. Edit. Paris. an. 1705.* ait: "Fertur Simoniacam hæresim, quæ prima contra Dei Ecclesiam diabolicâ supplantatione surrepsit, & in ipso ortu suo, telo Apostolicæ ultionis percussa atque damnata est, in regni vestri finibus dominari, cum in Sacerdotibus fides sit eligenda cum vita. Si enim vita deest, fides meritum

Tom. I.

"non habet, beato Jacobo attestante, qui ait: *Fides sine operibus mortua est.* Quæ enim operâ esse valeant Sacerdotis, qui honorem tanti Sacramenti convincitur obtinere per præmium?"

Hinc tanquam consequens concludit: "Ex quâ re agitur; ut ipsi quoque, qui sacros Ordines appetunt, non vitam corrigere, non mores componere studeant, sed divitias, quibus honor sacer emitur, satagant congregare."

VII. Pergit dein: "Hinc fit, ut infantes & pauperes à sacris Ordinibus prohibiti, despectique resiliant. Et dum innocentia pauperis displicet, dubium non est, quod præmium illic delicta commendat: quia ubi aurum placet, ibi & vitium. .... Si enim is dignus Sacerdotio creditur, cui non actionis merita, sed præmiorum copia suffragatur, restat ut nihil sibi ad honores Ecclesiasticos gravitas; nil defendat industria, sed totum auri profanus amor obtrineat."

VIII. Imò ad Galliarum Episcopos super Simoniacæ hæresi scribens lib. 9. *indict. 2. Epist. 106. Edit. Paris.* ipsiusque vitii gravitatem exponens, inter alia dicit: "Quid per hoc aliud agitur, nisi ut nulla de actu probatio, nulla sollicitudo de moribus, nulla sit de vita discussio: sed ille solummodo dignus, qui dare præmium suffecerit, æstimetur?" Et rationem dat in Epistola 109. superius citata. "Nam ubi dona super-næ gratiæ venalia judicantur, ad Dei servitium non vita quaeritur, sed magis contra Deum pecuniæ veniantur."

IX. Nec tantum veterum, sed recentiorum Synodorum & Pontificum de his pestiferis Simoniacæ pravitaris effectibus fuit querela; nec minus ab his, quam ab illis abominabilis & exitiosa Ecclesiæ lues iudicata Simonia.

Paucis, sed energicis & clavis id terminis seculo præterito expressere Patres Synodi Bituricensis: "Ubi hæresis Simonis in Ecclesia invaluit; probis atque eruditis viris aditus ad Beneficia præclusus est, indeque omnis propè Ecclesiastica disciplina collapsa est. Anno 1584. tit. 41. cap. 1."

X. Verum quidem est, in pristinis Ecclesiæ Canonibus & monumentis præcipuè redargui & exagitari, reprobarique Simoniam in Sacris Ordinationibus committi solitam: in recentioribus verò raro hujus mentionem fieri, ac plerumque omnia dirigi contra Simoniam in collatione & provisione Beneficiorum: sed hæc diversitas nullatenus probat, aliam esse Ecclesiæ hodie de Simonia ideam, quam olim fuerit, aut olim habitum fuisse magis perniciosum vitium Simoniacæ, quam hodie habeatur. Semper enim idem fuit & Veterum & Recentiorum scopus; & illorum in reprobando Simoniacis Ordinationibus, & horum in damnando Simoniacis Beneficiorum provisionibus; & quod hi magis contra has, illi verò contra illas invecti sint, non ex variato Ecclesiæ spiritu de hoc vitio Simoniacæ; at ex varietate disciplinæ profluxit.

XI. Semper enim Ecclesiæ scopus in condemnatione hujus criminis fuit, ut omnis in electione Ministrorum Ecclesiæ caveretur venalitas; nec in electione illorum munera, sed merita attenderentur. Quod ut obtineretur, prioribus Ecclesiæ seculis præcipuè invigilandum fuit, ut à sacris Ordinationibus omnis venalitas arceretur: posterioribus verò temporibus, non tam contra Simoniacas Ordinationes, quam simoniacas Beneficiorum provisiones agendum fuit: utpotè quod jam priores raræ, posteriores verò frequentiores, nec minus perniciosæ evassent ob mutatam lapsu temporis disciplinam.

XII. Pluribus enim sæculis in more positum fuisse, quod Clerici per ipsam sacram Ordinationem Ecclesiis tanquam earum Ministri adscriberentur; caque adscriptione jus ad proventus Ecclesiasticos acquirerent, non secus atque hodie per Beneficiorum institutionem, non

R r r r r a

semel



semel notavimus. At posterioribus temporibus, erigi coeperunt tituli Beneficiales, iisque jus percipiendi certos proventus annecti; qui non in ipsa Ordinatione, sed separatim ab ipsa conferri coeperunt.

Hinc ulterius factum, ut nec jus ad temporalia, neque Dignitates aut honores per Ordinationem, ut antiquitus: sed per collationem titulorum Beneficialium conferrentur.

XIII. Cum verò Simoniaci non ipsa spiritualia propter spiritualia appetant; sed unice desiderant temporalia lucra; aut seculi honores & præeminentias ambiant, parùm solliciti fuere de Sacra Ordinatione, dum per eam nihil aut parùm de iis, quæ desiderant, consequi sperarunt: sed totum eorum studium fuit, & hodie est, quomodo opima Beneficia, & honorificas Dignitates consequantur.

Non mirum ergo, quoddam pristinum Canones præcipue in Simoniacas Ordinationes insurgant; cum Simonia tam præcipue in Ordinationes grassaretur; ubi hodie rarius in Ordinationes, frequentissime verò circa Beneficiorum collationem.

XIV. Idem igitur semper invariatus mansit in condemnatione Simoniae Spiritus Ecclesiae, Decreta sua pro varietate morborum diversificantis, & prout scopo suo aptiora credebat aptantis. Unde nec primis seculis minus quam hodie Simoniam in Beneficiorum collatione execrata: tametsi de hac expressè tunc in suis Decretis non meminerit: eò quoddam Beneficiorum collatio sub ipsa Ordinatione quodammodo esset comprehensa.

XV. Similiter non minus hodie, quam olim execratur Simoniacas Ordinationes; imò quicquid in sacra Ordinatione vel Simoniam sapit: tametsi non tam frequentia sint contra has posteriorum temporum Decreta, eò quoddam Simoniacorum studium minus circa Ordinationes versetur.

XVI. Quantumperè etiamnum Ecclesia execratur omne quod vel speciem duntaxat præfert Simoniae in sacra Ordinatione, evincit Decretum Synodi Tridentinae sess. 21. cap. 1. De Reform.

Tametsi enim Simonia præcipuas suas partes ageret circa collationem Beneficiorum, utpote ex qua temporalia in maiore copia profluere, ipsa tamen sacra Ordinatione non omnino fuit immunis.

Episcopi enim, notanter opulentiores, spreta ipsa Clericorum Ordinatione, à qua nullum temporale dependebat, retenta sibi Beneficiorum collatione, illam Episcopis titularibus committere coeperunt. Hi, quia sibi frequenter sat tenuiter provisum erat, è functionibus Ecclesiasticis victum quærebant; sique vicissim, quos ad Ordines admittebant, his aliquid conferre cogebantur: primum *elemosynæ* nomine, sive *oblationis*, dein honoratiore titulo *donationis*; ac denique, ne, cum debitum non esset, omitteretur, *mercedis* nomine imposito; non quæ Episcopo ordinanti, sed famulis ejus, aut aliis inter ordinandum ministrantibus cederet: quemadmodum ex pluribus Synodorum decretis, quæ postremis seculis edita sunt, colligimus; atque inter alia est Decretum Synodi Toletanae anno 1473. Can. 25. quo præcipitur Episcopis, "ne janitores, barbatores, & alios Officiales, quidquam exigere aut levare permittant, etiam pro sigillo & cera, sed gratis & liberaliter impendant."

XVII. Huic abusui, qui tempore Concilii Tridentini non parum invaluerat, præsertim in Episcopatibus tenuioribus, ut efficaciter occurreret, statuit citato Cap. 1. "Quoniam ab Ecclesiastico ordine omnis avaritiæ suspicio abesse debet; nihil pro collatione quorumcumque Ordinum, etiam Clericalis Tonfuræ, nec pro litteris dimissoriis, aut testimonialibus, nec pro sigillo, nec alia quacumque de causa, etiam sponte oblatum, Episcopi, & alii Ordinum collatores, aut eorum Ministri quovis prætextu accipiant. Notarii verò in iis tantum locis, in quibus non viget lauda-

bilis consuetudo nihil accipiendi, pro singulis litteris dimissoriis, aut testimonialibus, decimam tantum unius aurei partem accipere possint; dèmodo eis nullum salarium sit constitutum pro officio exercendo: nec Episcopis ex Notarii commodis aliquod emolumentum ex iisdem Ordinum collationibus, directè vel indirectè provenire possit. Tunc enim gratis operam suam eos præstare omnino teneri decernit; contrarias taxas, ac statuta, & consuetudines, etiam immemorabiles, quorumcumque locorum quæ potius abusus, & corruptelæ Simoniacæ pravitati faventes, nuncupari possunt) penitus cassando & interdicendo: & qui secus fecerint, tam dantes, quam accipientes, ultra divinam ultionem, pœnas à jure inflictas ipso facto incurrant.

Circa præsens Decretum duo observanda esse monet Cardinalis Pallavicinus in historia Concilii Tridentini Lib. 17. cap. 9. num. 9.

XVIII. Primum quoddam in articulo Patribus propositum diceretur: "Transgressores tanquam SIMONIACOS esse puniendos; sed hoc postea esse derasum, cum Simonia non sit oblati ac gratuiti doni acceptio. Quam obrem illius dicti loco positum est, ne valeret in oppositum quæcumque consuetudo seu verius abusus & corruptela, utpote Simoniacæ pravitati favens."

Si Prælati Ecclesiarum pro sui officii ratione diligenter excuterent, quæ sub pallio oblati ac gratuiti doni in Sacramentorum administratione, aliisque Ecclesiasticis functionibus, tum à Sacerdotibus, tum ab Episcoporum Ministris & Officialibus accipiuntur, non dubium, quin plura reperirent, quæ si non ut Simoniacæ, saltem tanquam abusus & corruptelæ Simoniacæ pravitati faventes, essent reprobanda, non obstante consuetudine etiam immemorabili.

XIX. Secundò, notatu dignum dixit Pallavicinus, eam permissionem Scribis habitam, quæ in prioribus Decretis erat universalis, fuisse coarctatam, Gallis petentibus, ad eas Dioceses, ubi laudabilis consuetudo non esset, ne quid etiam acciperent Scribæ; eam enim consuetudinem dixerunt in ipsorum regionibus vigere.

XX. Optandum esset, ut omnes Episcopi, præsertim quibus de proventibus Ecclesiasticis abundè provisum, eam XVI. seculi à Gallis observatam consuetudinem in suas Dioceses introducerent; congruumque suis ministris salarium darent, quo à suspectis hæc exactiohibus cohiberentur.

XXI. Merito Episcopi aliique Prælati, qui non sat cohibent suos domesticos à recipiendis muneribus aut donis, vel juribus quibusdam, ut vocare amant, expendent illud S. Ambrosii in Caput 4. Lucae. "Non tamen satis est, si lucrum ipse non quæras: familiæ quoque tuæ cohibendæ sunt manus: nec hoc solum exposcimus, ut te solum castum immaculatumque custodias: Non enim dixit Apostolus, te solum; sed te ipsum castum custodi. 1. Tim. c. 5. v. 22."

## CAPUT II.

De Triplici munere, à Manu, à Lingua, & ab Obsequio.

1. Triplex munus jam pridem à Patribus notatum.
2. Singulorum interventu Simonia contrahitur.
3. Quid munus à manu?
4. Munus à manu etiam exiguum, potest causare Simoniam.
5. Ut Simonia committatur, non requiritur, ut munus à manu realiter tradatur.
6. Quæ ratione Monasteria & Capitula paciscendo de minore competentia cum Parochis, Simoniam committant per munus à manu?
7. Quid munus à lingua?

2. Quando

8. Quando hic committatur Simonia per hoc munus?
9. Si ad preces alterius conferatur Beneficium, ne ejus favor amittatur, potest esse Simonia.
10. Licet etiam preces fiant pro digno.
11. Quando sine Simonia possit fieri provisio ad preces alicujus?
12. Potest quis sine Simonia preces interponere pro obtinenda provisione in favorem amici.
13. Quando preces habeant rationem muneris à lingua?
14. Quid munus ab obsequio?
15. Quare obsequium habeat rationem muneris?
16. Quomodo exhibentes Patronis obsequia Simoniam incurrant?
17. Quid Episcopis agendum ne hac Simonia notetur?
18. Instruēdores puerorum nonnunquam huic vitio subiecti.
19. Obsequium spirituale etiam materiam Simoniae constituere potest.
20. Exigere obsequium etiam spirituale pro collatione Beneficiorum, potest esse Simoniacum.
21. Unde dignosci possit Simonia, quæ interventu eorum munerum committitur?

I. **S**ANCTUS Hieronymus in Epistolam ad Titum cap. 1. ad ea verba: *Et constituas per civitates Presbyteros*, ait: "Nunc cernimus plures hanc rem Beneficium facere, ut non quærant eos in Ecclesia erigere columnas, quos plus cognoscant Ecclesiæ prodesse: sed quos, vel ipsi amant, vel quorum sunt obsequiis deliniri, vel pro quibus majorum quicquam rogaverit, & ut deteriora taceam) qui ut Clerici fierent muneribus impetrarunt." Apud Gratianum *Caus. 8. q. 1. Can. 6.*

Hic non obscure triplex illud famosum muneris genus; nimirum à manu, ab obsequio, & à lingua, notavit Hieronymus: & clarius post ipsum S. Gregorius *Homilia 4. in Lucam*, & extat apud Gratianum *Caus. 1. q. 1. Can. 114.* ubi reflecti jubet, quod Propheta cum virum justum describit, dixerit: *Qui excutit manus suas ab omni munere.* "Neque dicit enim (ait Gregorius) qui excutit manus suas à munere, sed adjunxit, ab omni: quia aliud est munus ab obsequio, aliud munus à manu, aliud munus à lingua.

II. Post hos sanctos Ecclesiæ Doctores, nemo dubitavit, quin horum trium munerum interventu Simonia in Ordinum aut Beneficiorum collatione committeretur.

Unde seculo undecimo apud Gratianum *Caus. 1. q. 3. Can. 8.* sine ulla dubitatione pronuntiat Urbanus II. "Qui res Ecclesiasticas non ad hoc quod institutæ sunt, sed ad propria lucra, munere linguæ, vel indebiti obsequii, vel pecuniæ largitur, vel adipiscitur, Simoniacus est.

Et B. Petrus Damiani *lib. 2. Epist. 1.* hisce tribus muneribus enumeratis, subjungit: "Quisquis in dandis accipiendisque Dignitatibus Ecclesiasticis *unduntaxat earum*, quæ prædictæ sunt, peste corrumpitur, Simoniacæ hæreseos teneri crimine judicatur. Itaque indubitarum est, atque unà cum S. Thoma tenent omnes Theologi & Canonistæ, quod sicuti contrahitur Simonia accipiendo pecuniam, vel quamlibet aliam rem exteriorem, quod pertinet ad munus à MANU; ita etiam contrahitur per munus à LINGUA, vel ab OBSEQUIO: ut loquitur S. Thomas 2. 2. q. 100. art. 5. in C.

III. Munus à manu teste S. Gregorio, loco supra citato, pecunia est.

Nomine pecuniæ hic intelligit S. Thomas; non tantum pecuniam strictè dictam; sed quamlibet aliam rem exteriorem, quam sub munere à manu comprehendi jam dixit.

Nam ut ex Augustino refertur apud Gratianum *Caus. 1. q. 3. Can. 6.* "Totum, quicquid homines possident, omnia quorum Domini sunt, pecunia vocatur..... Ideo autem pecunia vocata est, quia Antiqui totum quod habebant, in pecoribus habebant.

IV. Hinc collige, Simoniam committi munere à manu, dum alicujus rei temporalis exterioris interventu Beneficium acquiritur vel datur.

Et quidem Simoniacum pronuntiare non dubitavit Alexander III. in *Cap. 20. de Simonia*, Clericum, qui sex duntaxat solidos Archidiacono solverat, quia ipsum ad Ordinem aliter præsentare noluisse: ut proinde etiam per munus à manu licet exiguum Simonia subinde incurri queat: quod & notat hic Glossographus, verbo *sex solidos*, additque rationem: quia quantitas muneris diversitatem juris non inducit.

V. Ut munus à manu intervenire dicatur, non requiritur, ut realiter de manu in manum externum illud temporale tradatur; sed sufficit, quod in effectu derur; etiam fictione *brevis manus*, ut Jurisconsulti loquuntur.

Si quis enim impetret Beneficium tacite vel expressè remittendo debitum; vel Collator dare nolit, nisi addicta remissione debiti, indubiè uterque Simoniacus erit, diciturque reverà interventu muneris à manu provisio Beneficii infecta: quia per remissionem illam debiti reipsa datum censetur illud, quod erat debitum.

VI. Hoc ex capite Patroni, ac signanter Ecclesiastici, Capitula & Monasteria Simoniae saltem suspitione vehementer atperguntur, dum ad Ecclesias Parochiales præsentant ea lege tacite vel expressè, ut Præsentatus minore competentia sit contentus, aut saltem augmentum illius non prætendat. Similiter Clerici, qui tacite vel expressè remissionem illam addicunt, aut augmento, quod forsitan jure prætereundum possent, renuntiant, ut præsentationem obtineant, lepram Simoniae non evadunt.

Quid enim evidentius, quam quod eo casu vel debiti certi aut saltem probabilis fiat remissio, ut Beneficium conferatur vel accipiat?

Non absimiles sunt hi Sacerdotes Clericis illis, qui ut loquitur Alexander III. in *Cap. 6. de Passis*, decedentibus Ecclesiarum Personis, pacificebantur, ex ipsis majores solita solvere pensiones, ut facilius possint Ecclesias adipisci: quorum factum ut detestabile vitium mandat extirpari; & Clericos illos taliter adeptis Ecclesiis spoliari; aliis pro tanta presumptionis excessu, severitate Ecclesiastica puniendos.

Clerici enim, qui Capitulis aut Monasteriis addicunt, se minore competentia fore contentos, reipsa promittunt, quod Capitulis aut Monasteriis major decimarum portio cedet, quam reverà cederet, si competentia, quam jure exigere possent, solvi deberet: & per consequens, mediante simili renuntiatione Beneficium impetrantes, illud per munus à manu reverà impetrant.

VII. Munus à lingua, auctore Sancto Gregorio, est favor; cujus interventu non secus, atque per munus à manu contrahi Simoniam docet S. Thomas citato articulo quinto; rationem adjungens: "Quia, quod aliquis satisfaciat precibus alicujus ad temporalem gratiam quærendam, ordinatur ad aliquam utilitatem, quæ potest pecuniæ pretio æstimari.

VIII. Toties igitur Simonia munere à lingua committitur; quoties Beneficium ad preces alterius conferatur, ut hinc gratia seu favor ad utilitatem propriam obtineatur. Tales enim preces succedunt loco pretii, ut rectè notavit Glossa.

IX. Similiter Simonia per munus à lingua inficitur, qui Beneficium ad preces alterius conferendum duxit; ne recusans, offensam postulantis incurrendo, gratiam seu favorem ejus amitteret. Nec enim minus pretio æstima-

æstimabile censetur, favorem alicujus obtentum non amittere, quam non obtentum comparare.

X. Quinimò nec collatio Beneficii facta ad preces alicujus destinet esse Simoniacæ, si per eam favor humanus quæretur, tamen si preces pro digno, aut etiam digniore porrigantur. Quia cum nihilominus Beneficium collatum sit, ut favor, qui ad utilitatem propriam spectat, habeatur, non potest collatio vitio Simoniacæ carere, non magis quam collatio facta dignissimo pro præstatione pecuniæ.

Quod ipsum docet S. Thomas, adstruens esse Simoniam saltem in intentione, conferre Beneficium ad preces alterius, licet illæ fiant pro digno: Si non attendatur, inquit, ad dignitatem personæ, sed ad FAVOREM HUMANUM.

XI. Rectè hanc clausulam finalem addidit Doctor Angelicus. Nam si attendatur ad dignitatem personæ, & non ad favorem humanum, dum preces porriguntur pro digno, collatio facta ad preces alterius ab omni Simonia, omnique vitio exempta esse potest.

Si enim Collator solum attendat merita personæ per eum, qui preces pro collatione interponit, proposita; hujusmodi preces non loco pretii alicujus habendæ erunt; sed simplicis attestationis vel expositionis meritorum: & collatio ad preces illius subsequuta, non tam in gratiam commendantis, vel ut sibi favorem postulant in suam propriam utilitatem captaret; sed propter merita personæ per supplicantem seu preces porrigentem proposita & patefacta, censetur facta.

XII. Pariformiter si instans apud Collatorem pro provisione Beneficii in favorem alicujus sui amici, non alio intuitu preces porrigat, quam ut merita personæ Collatori vel Patrono innotescant, atque per illa solum, ad conferendum Beneficium, Collatorem movere intendat; nulla quoque vel species Simoniacæ ex parte supplicantis interveniet. (a)

Rectè proinde dixit Gratianus noster, non quorumlibet precibus Ordinationes factæ, falsè dijudicantur; sed hæc denum, quæ precibus Ordinandi vel ejus amici, NON SPIRITUALI, sed CARNALI AFFECTU porrectis sunt, cum aliis futuræ non essent; QUAS NON CHARITAS INTERVENIENS, SED AMBITIO SUPPLICANS EXTORQUET. Caus. I. quæst. I. post Can. 122.

XIII. Urigitur verbo dicamus: rogans aut porrigens preces pro alio erit Simoniacus saltem in intentione, si preces eâ intentione offerat, ut Collatorem non per merita personæ, sed per gratiam aut favorem humanum, quem tacitè ipsi addicit, ad conferendum movere intendat. Similiter nec Collator à Simonia erit immunis, si non ob merita personæ per supplicantem exposita, sed ob addictam sibi gratiam aut favorem ad conferendum processerit; juxta illud S. Thomæ: "Qui dat spirituale, si principaliter moveatur favore Precum, vel TIMORE rogantis, quantum ad judicium Divinum, Simoniam committit & rogatus & rogans, si hoc intendat.

XIV. Munus ab obsequio, ait S. Gregorius, est servitus indebitè impensa. Hujus muneris interventione, cur Simonia committatur, dicit S. Thomas: "Quia idem est, quod aliquis det rem spiritualem pro alio quo obsequio temporali exhibito vel exhibendo, ac si daret pro pecunia data vel promissa, quâ illud obsequium æstimari posset.

(a) In crimen Simoniacæ per manus à linguae incidunt duo Collatores aut Electores, qui ita paciscuntur inter se: tu elige Petrum, quem ad tale Beneficium assumi cupio, & ego eligam Paulum, quem altero Beneficio à me dependente donari expetis, quia ista pactio ad temporalem utilitatem promovendorum ex pacto pertinet; deo Simoniacis actibus annumeratur.

XV. Eandem rationem attigit B. Petrus Damiani perstringens Clericos aulicos, qui exhibendo obsequia, Beneficia venabantur, se tamen à Simonia immunes gloriabantur, quia nullam talenti summam pro suscipiendis honoribus se pepigere duros. "Sed dic mihi, ô Clerice, inquit Petrus Damiani, quisquis es, si redempto quolibet aureo vase vel prædio, distractor exigeret, ut retenti apud te vice pretii hujusmodi sibi sedulitatis impendium exhiberes, nunquid non postmodum constanter assereres, te quod acceptum est, justo pretio comparasse? Non videlicet quia pecuniam persolvisti, sed quia servitium præbuiisti. Diceres enim, & fortasse non impudenter adstrueres: carius emi, dum tanto me labore vexarem, dum toties facultatum mearum sumptus expenderem, quam si semel præfixæ quantitaris pecuniam numerarem. Nequaquam ergo sibi innocentiam præbeant, & à Simoniacæ hæreseos maculis se mundos esse confidant, qui licet metalla vibrantia non appendant, pretium tamen pro suscipiendis honoribus per subjectionis & obsequii, quædam quasi talenta persolvunt. Hæc B. P. Damiani lib. 2. Epist. 1.

XVI. Manifestam proinde incurrunt Simoniam, qui obsequium seu servitium Collatoribus aut Patronis gratis exhibent, eâ conditione tacitè vel expressè, quod ipsis, occasione occurrente, de Beneficio providebunt. Similiter & ipsi Collatores eodem vitio irretiuntur, si ea spe alliciant Clericos, ut sibi obsequium aut servitium gratis exhibeant.

XVII. Hoc Simoniacæ periculum metuens S. Carolus, Monuit atque obtestatus est Episcopos, aliosque, quibus jus est conferendi Beneficia, ut familiaribus suis certam mercedem constituent, ne illi hoc subsidio destituti, Beneficia Ecclesiastica, tanquam suæ OPERÆ, & LABORIS PRETIUM præcipuè sibi proponant. In Syn. Mediolan.

XVIII. Eundem Simoniacæ reatum incurrunt, qui Principum, aut aliorum Magnatum liberos, vel Episcoporum Nepotes nullo & exiguo stipendio regendos, erudiendosve suscipiunt, eâ spe, ut Beneficia Ecclesiastica ab ipsis, vel eorum favore adipiscantur.

XIX. Neque labes Simoniacæ abstergetur, tamen si obsequium exhibitum vel exhibendum spirituale foret; quia & spirituales operam exhibentes, tanquam operarii, digni sunt mercede suâ; unde si hanc intuitu Beneficii accepti aut accipiendi remittant, indubiè Simoniaci sunt. Similiter qui tale obsequium intuitu Beneficii dari aut promissi sibi gratis exhiberi, tacitè vel expressè postulant, aut oblatam acceptant, Simoniacæ labes inficiuntur.

Hinc Simoniaci sunt Canonici, alique Sacerdotes assumptes Vicarios, qui exiguo sunt contenti stipendio, spe consequendi Beneficium.

XX. Simoniacum quoque est, conferre alicui Beneficium eâ lege & conditione tacitè vel expressè, ut ipse Beneficiarius teneatur Collatori vel alteri, aliqua obsequia etiam spiritualia, Beneficio non annexa, gratis præstare. Quis enim dubitat, quin obsequia illa licet spiritualia, gratis exhibita, ad utilitatem redundant Collatorum; nec enim obsequia illa tamen spiritualia, sine constituta mercede ab aliis, ipsis exhibentur.

XXI. Non multum difficile erit dijudicare quandoque aliquo munere, sive à manu, sive à lingua. sive ab obsequio, collatio vel provisio Beneficii vitio Simoniacæ infecta sit, si sincerè expendantur omnia, quæ gesta sunt, & conferantur cum sententia Christi, Gratis accepistis, gratis date. Mat. Cap. 10. v. 8.



CAPUT III.

Quàm commune aliquando hoc vitium fuerit: & quomodo technis occultatum: & quid ad technas detegendas adhibuitum?

1. Quando hoc vitium invalescere cœperit?
2. Tempore S. Gregorii per Galliam & Germaniam invaluerat.
3. Similiter in Oriente.
4. Vitium hoc eo tempore erat vetustate inolitum.
5. Quantopere seculo XI. grassaretur; & acris Henrici Imp. super eo investiva.
6. Etiam in Italia grassabatur: & Episcopi vitium agnoscebant; & veniam ab Imperatore postularent.
7. Edictum Imperatoris contra Simoniacos.
8. Simonia eo tempore, non reputabatur pro peccato.
9. Credebatur consuetudine vitium hoc excusari.
10. Defendebatur consuetudine Ecclesiæ Romanæ.
11. Quidam olim frequens Simonia in Aula Romana.
12. Quid Durandus de illius Simonia notaverit?
13. Consuetudo est mera Simoniacæ larva.
14. Nullum vitium tot palliis & technis teclum fuit, quàm hoc vitium Simoniacæ: & quare?
15. De Simoniacorum palliis testatur Synodus Constantinopolitana.
16. De eisdem testatur S. Gregorius.
17. His palliis detegendis aptissima est sententia Christi: Grátis accepistis, grátis date.
18. Eam adversus Simoniacorum fraudes adhibendam censuit citata Synodus Constantinopolitana.
19. Hæc sententia alii Patres usi; & ad evitandam Simoniacæ labem hodie merito adhibenda.

I. POSTQUAM Ecclesiæ redditibus augeri cœpit; atque Ministeriis Ecclesiasticis proventus opisci, & honores seculi annexi fuere; ambitiosi & avari ea mirum in modum ambire & quærere cœperunt; ipsique Prælati etiam ea penes proventus temporales, & honores sæculi æstimantes, lucrum ex iis sectati sunt.

Hinc mirum! quantopere vitium Simoniacæ sensum ipsos Prælatos Ecclesiæ infecerit.

II. Et quidem scribit S. Gregorius Virgilio Arelatensi Episcopo lib. 4. Epist. 50. "Quibusdam namque narrantibus agnovi, quod in Galliarum vel Germaniæ partibus, nullus ad Sacrum Ordinem sine commodi ratione perveniat.

III. Idipsum malum per Ecclesiam Orientalem propagatum fuisse testatur lib. 9. Epist. 40. Scribens Ilicio Hierosolymorum Episcopo. "Quia verò pervenit ad nos in Orientis Ecclesiis nullum ad sacrum Ordinem, nisi ex præmiorum datione pervenire; si ita esse vestra fraternitas agnoscit, hanc primam oblationem omnipotenti Deo offerat, ut à subiectis sibi Ecclesiis errorem Simoniacæ hæreseos compescat.

IV. Denique eodem libro Epist. 50. Simoniacæ vitium vocat *malum vetustatis*; utpote consuetudine *vetustâ* jam inveteratum; laudatque Episcopos, *malum illud*, ut decet, *libera voce damnantes*.

V. Labentibus sæculis quantum hoc vitium cœperit incrementum, vix dici potest: narratque Glaber Rodolphus Monachus (qui scripsit historias sui temporis libris quinque satis accuratè teste Bellarmino) lib. 5. cap. 5. quod dignoscens Henricus Imperator per universam Galliam atque Germaniam Simoniacæ pbulargyriæ grassari cupiditatem, coadunari fecerit ex omni Imperio suo tam Archipræsules, quàm cæteros Pontifices, eisque exposuit, quod Christus eos mittens dixerit; *grátis accepistis, grátis date*. Deinde illis de avaritia & cupiditate acriter reprehensis, addebat: "Pater ergo manifestissimè quoniam propter hanc offensam vene-

runt super filios hominum diversæ clades, fames videlicet, atque mortalitas, nec non & gladius. Omnes quippe gradus Ecclesiastici à maximo Pontifice usque ad Ostiariatum opprimuntur per suam damnationis pretium, ac juxta vocem Dominicam in cunctis grassatur spiritale latrocinium.

VI. Post hæc subjungit Rodolphus: "His denique ab Imperatore acerrimè perlatis, stupefacti Pontifices quid illi responderent, non habebant. Pertimescebant enim ob hanc culpam propriis Episcopatum carere sedibus. Et quoniam non solum in Gallicanis Episcopis hæc pessima pullulaverat nequitia, verum etiam multò amplius totam occupaverat Italiam. (Omnia quippe ministeria Ecclesiastica ita eo tempore habebantur venalia, quasi in foro secularia mercimonia.) Cernentes quoque Episcopi gravi sese invectione irretitos, misericordiæ operam implorabant. At ipse Princeps misericordiæ motus, tale consolationis pertulit verbum: Ite, inquit, & quod illicitè accepistis, bene disponere sagigate, ac pro anima patris mei, (a) qui hac noxa reus vobiscum tenetur, attentius intercedere mementote, quatenus ei indulgentiam hujus facinoris à Deo possitis acquirere.

VII. Monet dein Rodolphus, quod Imperator "posuit edictum omni Imperio suo, ut nullus gradus Clericorum, vel ministerium Ecclesiasticum pretio aliquo conquiretur. At si quis dare aut accipere præsumeret, omni honore destitutus, anathemate mulctaretur; spondit insuper promissum hujusmodi dicens: Sicut enim mihi Dominus coronam Imperii sola miseratione sua grátis dedit; ita & ego, quod ad religionem ipsius pertinet, grátis impendam. Volo, si placet, ut & vos similiter faciatis.

VIII. Hæc seculo undecimo de vitio Simoniacæ scribebat Monachus ille, quando & B. Petrus Damiani in vita S. Romualdi scribere non est veritus cap. 35. quod hic Sanctus investus in Simoniacos etiam periculum mortis subierit à Clericis Simoniacis sibi imminenti rationem addens: "Quoniam per totam illam Monarchiam usque ad Romualdi tempora, vulgatâ consuetudine, vix quisquam noverat Simoniacam hæresim esse peccatum.

Et sanè hoc habet consuetudo, ut vitia quantumvis gravia, cum in consuetudinem venerint, parva aut nulla credantur, teste S. Augustino.

IX. Quin & in hac ipsa materia Simoniacæ jam pridem deploravit Concilium Lateranense sub Alexandro III. in Cap. 6. & De Simonia: "Putant autem plures (ait Concilium) ex hoc licere, quia legem mortis de longa invaluisse consuetudine arbitrantur, non attendentes, quod tantò graviora sunt crimina, quanto diutius infelicem animam tenuerunt alligatam.

X. Conquerebatur circa idem tempus S. Ivo Carnotensis, quod Decanus & Cantor alique Ministri Ecclesiæ suæ Carnotensis aliqua exigere ab his, qui Canonici fierent, *me* (ait) *contradicente & persequente*. At quo se telo contra Episcopum suum defenderent, subjungit: "Romanæ Ecclesiæ consuetudine se defendunt, in qua dicunt Cubicularios & ministros Sacri Palatii multa exigere à consecratis Episcopis vel Abbatibus, quæ oblationis vel benedictionis nomine palliantur, cum nec calamus, nec charta grátis sibi (ut aiunt) habeatur, & hoc quasi lapide conterunt frontem meam cum non habeam, quod respondeam nisi Evangelicum illud: QUOD DICUNT, SERVATE ET FACITE: sed si id faciunt: SECUNDUM OPERA EORUM NOLITE FACERE. Mat. cap. 23. v. 3.

XI. Ex his notum est, quomodo hæc lepra, dum semel invaluit, latissimè serpat, & totum corpus corrumpat.

(a) Id est Conradi II. qui Salicus dictus est & pater extitit Henrici III. Imperatoris, de quo loquitur Historicus Glaber.

Et

Et sanè quantoperè hæc lepra Curiam Romanam seculo decimo quinto infecisset, & inde in reliquis Ecclesiis sese diffudisset, graphicè expressit Baulus Angelus Decretorum Doctor in speculo aureo, quod per modum dialogi inter Petrum & Paulum evulgavit sub medium illius seculi, in quo *parte 1. cap. 5.* inducit Petrum asserentem “ in Curia Romana tot fieri pactiones, tot quotidie intervenire solutiones, quot sine omni timore & verecundia tractatores, seu mediatores Simonix, quasi forum constituentes publicum; jam pro signatura Papæ super tali Beneficio, vel gratia debet tantum; jam pro dispensatione super talibus incompatilibus tantum; pro tali indulto tantum; pro absolutione à tali excommunicatione, vel irregularitate tantum; pro talibus indulgentiis tantum, &c. publicè paciscuntur & forisant: & ille plus diligitur, qui astutiori sollicitudine & majori astutiâ plures simplices decipit, & plures denarios scit venari. Tot & tantæ fiunt etiam exorbitantes gratiæ; sed reverà multò verius dicerentur *mercantiæ*, quæ nunc fiunt & appellantur *de die obitûs*; nunc *dies obitûs cum declaratione*; nunc *perpetuum silentium*; nunc cum clausula *anteferri*, vel *antelationis*; nunc *demotu proprio Papæ*; nunc de clausula *cæterorum*, quæ tollit jus quæsitum; nunc fiunt anticipationes *Datarum*; nunc *Data Cardinalium* conceduntur; nunc *Data Papæ*: jam renovantur, jam immutantur, jam ad certum tempus duraturæ limitantur, jam revocantur: jam Prælati de una Ecclesia ad aliam transferuntur; jam Beneficiis suis propter pecuniam spoliuntur. In omnibus his tota devotio consistit, ut denarius acquiratur.

Post hæc inducit Paulum ita Petro respondentem: “ Res multùm miranda, sed magis est formidanda, quòd facta Romanæ Curix, & hoc tam perniciofo exemplo deliria, ludo Schachorum assimilantur. Quisnam tam simplex esse poterit, qui non intelligat, ex avaritiæ radice procedere?

“ Quis tam justus, qui in bonum tam exorbitantia facta interpretari valeat? Quis tam sanctus, ut non expavescat vel non scandalizetur? Imò toti Clero ambitionis datur materia, via gravibus & pluribus libus aperitur, quam omnia jura fugere conabantur; & non dubium, quin homicidia ex hoc etiam consequantur.

Tractatum hunc à se divulgari profiteretur, ut zelum Cardinalium, Episcoporum, aliorumque Prælatorum exciter ad medendum abutibus, & malis, quibus Ecclesia quasi opprimebatur, deploratque quòd “ vile aurum in tantum caligasset mentem Moyfi, quòd nedum placare non curat indignantem animum, sed mala malis accumulans machinetur quotidie ad deteriora provocare: mira supra omnem modum (ait) res agitur, ut inde exemplar omnis mali progrediat, unde processerat sanctitatis omnis norma, & unde tota Christi Ecclesia, Deo ædificante, constructa sumpsit exordium, inde patitur jam ruinam, illic jugum suave Domini abjicitur, frangitur lex divina, juraque canonica pro salute humana per ora Sanctorum Spiritûs sancti dictata respuuntur penitus, & quasi inania reputantur: sicque tota Romana Curia à planta pedis usque ad verticem capitis patenter excæcata erroribus, ipsa errorum suorum veneno inebriavit omnes ferè mundi partes, ac si immensam Creatoris omnipotentiam Papa ad suum libitum posset limitare: omnes quidem intus murmurant, nullus clamat, & quoniam in extremis jam malorum laborantes sumus positi, in quos cuncti errores hujus seculi devenerunt.

“ Quà ergo ratione silere valeo, & non potius obmutescens aliis tam Præsidibus, quàm Doctoribus fortius exclamare? Nam etiam Principes Catholici seculares, mutuis dissensionibus occupati, tantam corruptionem sanctæ Matris Ecclesiæ non advertunt,

“ Vostamen (pergit) qui Pastores estis positi, & Officii Apostolici successores, cur tam longum periculumque negligentix somnum agitis, & non celerrimè concurritis, obmutescitis & non clamatis? Eia, & cia ô Patres & Domini! numquidne obperditionis ignominiam Gens sancta, & Regale Sacerdotium voce estis prophetica nuncupati? Saltem jam ad hanc vocem meam pusillam, jam desides consuite. Quoniam securis est jam posita ad radicem arboris, & exaltatis in altum vocibus clamate, quia nonnisi in multitudine clamantium, fugam hostes receperunt, & ruina suo pondere nocivior, nonnisi per multitudinem sublevatur.

Integrum hunc tractatum exhibet Melchior Goldastus *tom. 2. Monarchiæ sancti Romani Imperii. pag. 1527.*

XII. Instante Concilio Viennensi sub initium ejusdem seculi XIV. Guillelmus Durandus, Episcopus Mimatensis jussu Clementis V. composuit Tractatum de modo habendi Concilium generale, in quo tribus distinctis partibus exposuit abusus in proximo Concilio reformandos, atque *parte 3. Rub. 27.* notans, quæ in Ecclesia Romana omnium aliarum magistra, & à qua cæteræ Ecclesiæ normam vivendi accipere deberent, reformanda viderentur, inter alia monuit: Quòd “ Ecclesia Romana non solum verbo; verum etiam facto à seipsa repellere deberet omnem speciem Simonix, & turpium lucrorum, & omnes exactiones, quæ ratione promotionum quarumcumque, & Scripturarum, Legatorum, Curiorum, Nunciorum, Ostiariarum fuerint ab ea committere vel divisim diversis coloribus exquisitæ.

Quàm esset optandum, ut illa *taxarum, Annatarum*, aliorumque similium jurium exactio omnino ab Ecclesia Romana aliarum Ecclesiarum prima exularet, atque ipsa verbo & exemplo doceret, quod sibi & omnibus à Christo dictum est: *Gratis accepistis, gratis date.*

XIII. Hactenus dicta sufficienter evincunt, vitium Simonix jam pridem altas subinde, & longè latèque diffusas egisse radices, multosque communi illa praxi & consuetudine vitium hoc regere voluisse; at aliud fuisse Conciliorum & Patrum judicium; existimantium consuetudinem esse meram larvam Simonix, & excusationem in peccatis.

XIV. Porro quia hoc vitium à Principe Apostolorum in Simone Mago tam terribili voce damnatum fuit, & tot iteratis Ecclesiæ Decretis, sub gravissimis pœnis confixum, omnibus quidem, & auditu horrendum visum fuit: sed cum ad eò hominum ambitioni & avaritiæ faveret, observatum jam pridem fuit, nullum vitium tot palliis, ac technis contextum esse, quàm hoc Simonix crimen; quemadmodum sapientissimè reflexerunt Patres Concilii Mexicani anno 1585. *lib. 5. tit. 3.* “ Et si ab ipso nascentis Ecclesiæ initio semper Simonix vitium abominabile & execrabile, fuerit ac sacrilegum; Canonibus prohibitum, gravibusque pœnis puni- tum; tamen ea fuit hominum malitia, ut diversis fraudibus & fallaciis sua Simoniacæ pacta occultare & palliare procurent.

XV. Seculo quinto Synodus Constantinopolitana constans 73. Episcopis sub S. Gennadio Patriarcha testatur, multos *sophistica calliditate Christi præceptum*: GRATIS ACCEPISTIS, GRATIS DATE, illudere.

XVI. De his quoque technis & fraudibus scribit ad Galliæ Episcopos S. Gregorius *lib. 9. indict. 2. epist. 106.* monetque animarum adversarium his technis ceu quibusdam retibus uti: “ Nam nec venator (ait) feram, aut avem aucups deciperet, vel piscem piscatorem caperet, si aut illi laqueum in aperto proponeret, aut ille hamum escæ absconditum non haberet. Omnino ergo metuenda & cavenda est hostis astutia; ne quos aperta nequit tentatione subvertere, latente telo sæviùs valeat trucidare.

XVII. His fraudibus & musculis deregendis, nihil apertius credere Patres, quam hanc simplicem & apertam Christi sententiam, sive præceptum datum Apostolis, & in ipsorum persona omnibus, quibus munia Ecclesiastica distribuenda committuntur: *Gratis accepistis, gratis date.*

XVIII. Audiamus ipsos Patres citatæ Synodi Constantinopolitanæ sub S. Gennadio; qui inter alias deformitates cum nactus esset Ecclesiam illam Simoniaca labe deturpatam, ad eam penitus evellendam, alioque pravorum mores, Synodum colligi festinavit, ut testatur Baronius ad annum 459. Hi ergo Patres in Epistola Synodali & circulari ita scribunt: "Cum Dominus & Deus Salvator noster J. C. suis discipulis Evangelii prædicationem credidisset, eosque per universum terrarum orbem inter homines ad docendum misisset: apertè jussit, ut quod *gratis accepissent*, eo quoque *gratis darent*, non autem vel argentum, aut alias omnino materiales & terrenas facultates pro eis acquirentes. Hoc autem præceptum non solum illis, sed etiam nobis per illos dedit, quos in illorum gradum & locum substituere dignatus est: & oportet, sicut illi tunc, nos quoque nunc accurate & diligenter servare, nec in iis quæ tecum *sophisticas non admittunt, uti sophisticas calliditate, nec aleam periculosam* jacere. GRATIS, inquit, ACCEPISTIS, GRATIS DATE: non possidentes æs, neque aurum, neque argentum in zonis vestris. Simplex est & aperta bujus mandati ratio, quæ nihil habet varium, nihil quod non sit facile & expiatum, nihil quod *sophistica expositione egeat*. A me, inquit, accepistis Sacerdotii dignitatem. Si mihi pro ipso parvum quid vel magnum solvistis, & hoc à me venditum est; vos quoque ipsum aliis vendite: si autem *gratis accepistis*, vos quoque *gratis date*. Quid hoc est mandato apertius?

Extat integra græcè & latine *tomo 4. Conciliorum general. col. 1025. collect. Labb.* eamque suis Annalibus Baronius inferuit; asseritque, unum esse hujus Synodi fragmentum quod superest, reliquum tanquam *fortem arietem ad demolendas Simoniacas molitiones*.

XIX. Si quis S. Gregorii Epistolas, aliorumque Patrum scripta revolvere voluerit, reperiet, hac ferè unicâ sententiâ Christi usos, ut universa Simoniacorum tegumenta & perizomata depellerent.

Qui igitur sincere desiderat laqueos adversarii evitare, & securam semitam tenere, hanc Christi clarissimam sententiam sincero corde expendat; quemadmodum anno 791. Patres Synodi Foro-Julienfis ad extirpandam Simoniacam pravitatem accincti, monuerunt *Canone*. ubi omnem *Canonicæ deditum ditioni* his verbis alloquuntur: *Patenti semper cordis aure pertimescens intellige clarissimam illam Domini vocem: GRATIS ACCEPISTIS, GRATIS DATE.*

#### CAPUT IV.

Palliatur Simonia separando temporale à spirituali; vel dando per modum *Motivi*.

1. Jam pridem ad palliandam Simoniam fuit temporale à spirituali in collatione Beneficiorum separatio: & quis bujus pallii color?
2. Acriver in hos pallii patronos invebitur B. Petrus Damiani.
3. Urget Pontificem ut eos prosterнат.
4. Ratio bujus invektivæ à Petro Damiani adducta.
5. Ratio Damiani probata à Paschali Papa.
6. Eam concludentem esse probatur.
7. Propositio buic pallio favens ab Alexandro VII. damnata.
8. Fundamentum bujus propositiois planè frivolum.
9. Pallium hoc tanquam impudentissimum prætectum reprobavit Synodus Rhenensis.

Tom. I.

10. Sufficenter detegitur hoc pallium per Christi sententiam, gratis accepistis, gratis date.
11. Innocentius III. hoc unum attendi voluit, an per temporalia perveniatur ad spiritualia.
12. Idem reprobavit pallium sub nomine motivi contentum.
13. Hoc pallio admissio facillè omnis Simonia excusabitur.
14. Episcopi Belgii hoc pallium reprobaverunt.
15. Idipsum à Gallis Episcopis factum.
16. Latam ab his & illis censuram probavit Innocentius XI.
17. Non evitatur Simonia tametsi temporale detur ut concilietur amicitia Patroni.
18. Idem est, si muneribus concilietur favor alicujus, qui apud Patronum intercedat.
19. Hæc munerum datio ultimè fit ad obtinendum, ea mediante, Beneficium; & per eam Simonia semita sternitur.
20. Hoc pallium à Facultate Theologica Lovaniensi & Episcopo Gandensi reprobatur.

I. **U**SITATUM & antiquum Simoniacorum pallium fuit, temporalium à spirituali in Beneficio distinctio sive separatio. Cum enim duo sint in Beneficio Ecclesiastico, nimirum ministerium Ecclesiasticum, & jus percipiendi proventus temporales, creditum fuit, omnem Simoniæ labem evitare, si hæc duo à se mutuo separantur; & prius, scilicet spirituale *gratis* detur, alterum quod temporale est, temporali quoque compensetur: "Quia cum hoc fit, non distrahitur Ecclesia (inquiunt) sed facultas: nec emittitur Sacerdotium, sed possessio prædiorum. Sub hac enim præstatione pecuniæ oper tantum, non honoris vel Ecclesiæ redimitur Sacramentum. Venalia si quidem sunt, unde sint divites: gratis accipiunt, unde fiant Sacerdotes."

II. Ita quidem Capellani Gothofredi Ducis apud B. Petrum Damiani *lib. 1. epist. 13. & lib. 3. epist. 13.* quos tanquam *Satanæ prædicatores, & Apostolos Antichristi* exagitat; exclamaturque: *6 novum sebisimaticorum genus; & os sacrilegum æterni silentii censura damnum!*

III. Dein urget Alexandrum II. Pontificem, cui epistola inscribitur, "ut cælestis eloquii gladio præcinctus occurrat, & tanquam alter Josue, Amalycitas oppugnantes Israel, evaginato Canonici vigoris mucrone prosterнат."

IV. Censuræ & doctrinæ suæ multas rationes adducit, atque hanc inter cæteras: "Cum aliquid sub venalitate suscipitur, & illud procul dubio comparatur, quod ex necessitate subsequitur. Ad hoc enim Pastoralis Ecclesia cuique committitur, ut ad ejus regimen obtinendum consecratione firmetur. Et ad hoc sine dubio collatæ pecuniæ commercium spectat, ad quod is qui promovendus est, adspirat."

V. Quæ ratio coincidit cum ea quæ apud Gratianum sub nomine Paschalis Papæ exprimitur *Caus. 1. q. 3. Can. 7.* "Quisquis horum alterum vendit, sine quo nec alterum provenit, neutrum invenditum dere" linquit.

VI. Rationem hanc esse concludentem, intelliget, qui attenderit, jus percipiendi proventus temporales esse consequenter, ut loquuntur, annexum officio sive titulo Ecclesiastico: id est, jus hoc dari propter officium; adeo ut necessariò & ex iustitia debeat, & competat illi qui titulum habet: ac proinde si titulus *gratis* in aliquem translatus supponatur, jam hoc ipso jus percipiendi proventus illi annexum, translatus censetur; ac per consequens, nihil pro hujus juris translatione exigi queat; cum jus illud jam translatus sit, & acquisitum sit illi cui titulus *gratis* datus supponitur.

VII. Unde meritò Alexander VII. hanc inter alias  
S s s s s  
mora-



moralis Christianæ relaxativas propositiones damnavit: "Non est contra justitiam, Beneficia Ecclesiastica non conferre gratis, quia collator conferens illa Beneficia Ecclesiastica, pecunia interveniente, non exigit illam pro collatione Beneficii, sed veluti pro emolumento temporali, quod tibi conferre non tenebatur."

VIII. Fundamentum damnatæ hujus propositionis, quod præfert his verbis, *quod tibi conferre non tenebatur*, planè frivolum est. Nam etsi absolute non tenebatur illi conferre Beneficium, quia poterat non conferre; tamen si Beneficium conferat, non potest temporale ei annexum subtrahere.

IX. Regè proinde dixerunt Patres Synodi Rhemenfis anno 1582. titulo *De Simoniaci* num. 6. "Impudentissimum proinde prætextum detestamur, qui de solo proventu reque temporaria Canonici se pacisci dicunt; cum ea spiritali tam arcto sit annexa vinculo, ut non magis ab ea divelli queat, quam in homine vivo manente corpus sua anima."

X. Sed quid multis opus est argumentis, sola expendatur Christi sententia, *Gratis accepistis, gratis date*; attendantque hujusmodi Collatores aut Patroni, num Canonatum vel Beneficium *gratis* dederint, dum hoc prætextu, notabilem pecuniæ quantitatem aliudve temporale pro collatione aut præsentatione acceperunt; vel an ipsi qui, mediante ea pecuniæ alteriusve muneris datione, impetrarunt, *gratis* Beneficium, conformiter ad dictam Christi sententiam, acceperint.

Quis enim dicet, *gratis* Beneficium esse collatum, ubi pro eo assequendo oportuit notabilem summam pecuniæ numerare? Nec sine hac datione ad Beneficium perveniretur?

XI. Quapropter jam pridem Innocentius III. in Cap. 34. *De Simonia*, Simoniacum pronuntiare non dubitavit Clericum, qui quibusdam Canonicis donationem fecerat, ea intentione, ut *per temporalia quæ offert, spiritualia valeat adipisci*; una tanquam Simoniacos condemnans Canonicos, *si non essent eum, nisi temporalia commoda perciperent, admissuri*.

Hoc unum hic attendit Innocentius, num quovis modo per *temporalia* ad Canonatum perveniat; id solum sufficere judicans, ut *non gratis*, & per consequens Simoniacè pervenire censetur.

XII. Eadem hac decisione in antecessum reprobat prætextum, quem ad excusandam Simoniam, quorundam Casuistarum impia subtilitas his postremis temporibus publicare non erubuerat; nimirum: "Dare temporale pro spiritali non est *Simonia*, quando temporale non datur tanquam *pretium*; sed dumtaxat tanquam *motivum* conferendi, vel efficiendi spiritalis."

Quis, nisi tenebris densissimis habens cor obscuratum, non intelligat, cum per *temporalia* pervenire ad spiritalia, qui per dationem temporalium inducit & movet Collatorem ut sibi conferat spiritalia, & qui alias non esset collaturus, nisi temporalia illa darentur aut promitterentur?

XIII. Nonne hoc titulo omnes *gratis* dicendi erunt pervenire ad Beneficia, qui quocumque *munere* ad illa perveniunt; modò eam in mente intentionem formare sciant, quod non per *pretii*, sed per modum *motivi* munera offerant? Quidni & ipse Simoniacorum Antesignanus hoc titulo excusari potuisset? Quid enim offerendo pecuniam Apostolis, aliud intendebat, nisi ut per hanc oblationem tanquam medium seu *motivum* Apostolos moveret, ut ipsi darent & hanc potestatem, ut cuicumque imposuisset manus, acciperet Spiritum Sanctum?

XIV. Quapropter anno 1655. postulante Gandensium Antistite Antonio Triest, Facultas Theologica Lovanienfis prædictum Casuistarum assertum, tanquam merum Simoniacæ pravitatis palliamentum & apertis-

simum Christi præceptum evertens, ac omnibus Simoniaciis latissimam ad Sacerdotia & Beneficia Ecclesiastica portam pandens, reprobavit.

Hujus judicium sequutus Episcopus Namurcensis in Synodo sua anno 1659. inter opiniones, quarum praxim interdicat Confessariis suæ Diocesis, donec à Sancta Sede aliter ordinatum fuerit, hoc quoque Casuistarum assertum reposuit num. 6.

XV. Episcopi quoque Gallicani perniciosissimum hoc Simoniacæ pallium detegere non prætermiserunt; atque præ cæteris D. de Gondrin Archiepiscopus Senonensis in Synodo sua Diocesana, hac acerrima quidem, sed nequaquam ultra meritum, censura assertum illud perstrinxit: "Hæc doctrina quæ Simoniacæ contra jus divinum crimine eos omnes liberat, qui pecuniam propter Sacerdotia vel dederunt, vel acceperunt, modò pecunia *MOTIVI* locum habeat non *PRETII*; tota falsa, nefaria, impia est, hæresim Simoniacam toties à sanctis Conciliis & Pontificibus damnatam, subdole renovans, & ad implendam lupis Ecclesiam, & corrumpendam ejus in ipso fonte, hoc est, Sacerdotum Ordine, sanctitatem inventa."

XVI. Tandem anno 1679. Innocentius XI. omnium illarum censurarum justitiam probans & roborans, inter alias 65. quas omnes, *Et unamquamque ipsarum, sicut jacet, ut minimùm tanquam scandalosam & in praxi perniciosam*, damnavit & prohibuit, & hoc Casuistarum assertum retulit, num. 45.

XVII. Alii nonnihil subtilius seipso fallentes, nolunt munera per modum *motivi* Patronis aut Collatoribus dare, ut eos ad Beneficium conferendum immediate moveant, vel inducant, sed muneribus sibi amicitiam vel favorem Patronorum aut Collatorum concilient; ut, ea mediante, facilius Beneficia obtinere queant: quasi non latevidens esset, ea munera *ultimatè* dari, ut iis mediantibus ad Beneficia perveniant: quodque ipsa Beneficiorum assecutio, quæ amicitiae conciliandæ finis est, magis sit in intentione, quam amicitiae & favoris conciliatio, quæ duntaxat *medium* est. An forsitan finis *gratis* obtinetur, dum media pretio mercari oportet?

XVIII. Nonnulli omnia in securo posita autumant, si nihil Patronis aut Collatoribus dent; sed muneribus sibi conciliare non dubitant illos, quos sciunt auctoritate valere apud Patronos & Collatores, quorum favore sibi ad Beneficia aditum pandant: non intelligentes hanc munerum oblationem pro ultimo fine habere Beneficiorum imperationem; nullatenus quædici posse, Beneficia hac via impetrata, esse *gratis* impetrata.

Quapropter legitur apud Gratianum *Caus. 1. quæst. 5. Can. 3.* responsum Urbani II. quo rescribit Episcopo Metensi, à Sacerdotio de rigore Canonum esse suspendendum, qui Sacerdotium obtinuerat *per pecuniam non Episcopo, sed cuidam principum ejus datam*; non quidem ab ipso Ordinato, at, ipso ignorante, à parentibus ejus.

XIX. Et sanè qui conciliando similibus Proximarum favore munera impendunt; nihil aliud reipsa intendunt, quam munerum interventu Beneficia impetrare. Quis insuper non videt, hinc semitam sterni, ut per munera passim indigni quique in Beneficia involent.

XX. Merito proinde Facultas Theologica Lovanienfis rogata ab antedicto Gandensium Antistite judicium suum dare super hac propositione: *Pro intercessione ad Beneficium obtinendum potest aliquid dari sine Simoniacæ suspitione*; illa hac censura perstringit: *Falsa est, perniciofa, hominibus ambitiosis & indignis aditum aperiens ad Beneficia per pecuniam promiscue procuranda*.



CAPUT V.

De Pallio sub specie pietatis : item redemptionis vexæ ;  
& gratuita remunerationis.

1. Pallium sub specie pietatis execratur S. Basilus.
2. Hanc larvam, tanquam diabolicam fraudem insigniter exagitat S. Gregorius.
3. Abominabile iudicat extruere Monasteria ex pecuniis Simoniacæ acceptis.
4. Mores bodiernos describit Gregorius.
5. Cavendum ne sub obtentu elemosynæ Simonia committatur.
6. Pro obtinendo Beneficio nihil Ecclesiæ aut pauperibus tribuendum?
7. Quomodo sub hoc pallio Monachi subinde Simoniam committant?
8. Item Ecclesiastici largas elemosynas facientes.
9. Hoc Simoniacorum pallium satis detegitur per Christi sententiam; gratis accepistis; gratis date.
10. Larva Simonia sub specie redimendæ vexæ jam pridem usitata.
11. Per redemptionem vexæ intenditur pacifica Beneficii possessio.
12. Super Beneficio, mediante temporali, transigi nequit.
13. Transigi sub obligatione refundendi expensas, à Pontifice improbatum.
14. Sub redemptione vexæ sæpius latere Simoniam probat Lucius III.
15. Quid observatum voluerit S. Carolus, ne sub prætextu redimendæ vexæ committeretur Simonia?
16. Quo fundamento nitatur larva gratitudinis.
17. Si hæc larva admittatur, etiam Simon Magus & Giezi essent à simonia excusandi.
18. Episcopi hanc larvam damnarunt; quorum iudicium probavit Innocentius XI.
19. Ostenditur dari tanquam pretium, quod dicitur dari per modum gratitudinis aut remunerationis.
20. Unde colligi possit, data titulo remunerationis revera dari pro obtentione Beneficii; iisque Collatorem motum esse ad conferendum?

I. SECVLO quarto de hoc pietatis pallio scribit illudque execratur S. Basilus in Epistola ad Episcopos sibi subiectos, quæ refertur inter Canones ejusdem Sancti C. 91. apud Basilionem : " Ajunt quidam  
" (inquit) nonnullos vestrum accipere pecunias ab iis  
" qui ordinantur; pietatis verò nomine id obumbrare,  
" quod deterius est. Si quis enim faciat malum boni  
" prætextu, is est duplici pœna dignus; & eo quod id  
" agit, quod non bonum est; & ad peragendum pec-  
" catum, eo, quod bonum & honestum est, coadjuto-  
" re, fiduci possit, utitur.

II. Tempore sancti Gregorii passim sub hoc pietatis pallio Simoniam contegi consuevisse testis est ipse Gregorius in pluribus epistolis; ac signanter lib. 7. epist. 9. vet. editionis in qua insigniter hæc diaboli technas detegit & exagitat. " Plerumque (ait) adversarius ani-  
" marum, dum non potest in his quæ ad faciem sunt  
" prava surripere, callidè specie quasi pietatis injecta,  
" nititur supplantare; suadetque forsitan debere ab  
" habentibus accipi, ut sit quod possit non habentibus  
" erogari, dummodo vel sic venena mortifera elemosy-  
" næ celatâ obumbratione transfundat. Nam nec ve-  
" nator feram aut avem aucups deciperet, val piscem  
" piscator caperet, si aut illi laqueum in aperto propo-  
" neret, aut ille hamum esca absconditum non haberet. Omnino ergo metuenda & cavenda est hostis  
" astutia; ne quos aperta nequit tentatione subver-  
" tere, latente telo sævius valeat trucidare. Neque  
" enim elemosyna reputanda est, si pauperibus dispen-  
" setur, quod ex illicitis rebus accipitur : quia qui hæc  
" Tom. I.

" intentione malè accipit, ut quasi bene dispen-  
" setur potius, quàm juvatur.

III. Ex quibus ulterius infert : " Unde etiam illud  
" certum est, quia, etsi Monasteria aut Xenodochia vel  
" quid aliud de pecunia quæ pro sacris Ordinibus da-  
" tur, construuntur, mercedi non proficit : quoniam  
" dum perversus emptor honoris in locum sanctum  
" transmittitur, & alios ad suam similitudinem sub  
" commodi datione constituit, plura malè ordinando  
" destruit, quam ille potest ædificare, qui ab eo pecu-  
" niam Ordinationis accepit.

IV. Ad hæc verba Gregorii reflectens eruditus ope-  
" rum S. Gregorii Revisor Guffanvillæus, & notarum  
" auctor, ait : " Quàm graphicè nostrorum hominum  
" mores depingit, qui furta & latrocinia publica, pio-  
" rum locorum ædificatione redimere se putant : Hostiæ  
" abominabiles quæ offeruntur ex scelere, Proverb. cap.  
" 21. v. 27. juxta versionem Italicam.

V. Post hæc concludit Gregorius : " Nimis ergo de-  
" clinandum est, dilectissimi Fratres, sub obtentu ele-  
" mosynæ, peccata Simoniacæ hæreseos perpetrare.  
" Nam aliud est, propter peccata elemosynas facere,  
" aliud propter elemosynas peccata committere. " Apud Gratianum Caus. 1. quæst. 1. Can. 27.

VI. Eodem fundamento insitens Alexander II. apud  
" Gratianum Caus. 1. quæst. 3. Can. 9. postquam prohi-  
" buit sub gravissimis pœnis alicujus muneris interventu  
" Beneficia distribui, sub eisdem pœnis constituit, ut  
" nullus cujuscumque gradus Clericus pro Ecclesiæ Be-  
" neficio aliquid audeat conferre, aut fabricæ Ecclesia-  
" rum, vel donariis Ecclesiarum, seu etiam quod pau-  
" peribus sit tribuendum.

VII. Rectè proinde intulit Christianus Lupus Dis-  
" sertatione 2. proœmiali ad tomum 3. Scholiorum cap.  
" 2. " Quocirca Clerici & Monachi quotquot hodie apud  
" Laicos aut Ecclesiasticos Principes agunt proxenetæ  
" ac intercessores, impetrare conantes promotionem  
" aut nominationem Prælatorum, qui ipsorum paupe-  
" res Ecclesiar, Collegia, Monasteria aut Xenodochia  
" ditare, adjuvare, vel ornare obligentur, committunt  
" plenissimam Simoniam, & suis personis ac rebus evo-  
" cant divinam maledictionem. Etiam Artifices, &  
" quivis hisce intercessionibus promoti. . . . Et hinc  
" vides à Magnatibus quoque, pergit idem Lupus,  
" dum quid à nominatis Episcopis vel Abbatibus exi-  
" gunt quasi ad publicas Regni necessitates, omnino  
" committi Simoniam.

VIII. Similiter, qui largas elemosynas, aut dona-  
" ria faciunt in exstructionem Monasteriorum, aut susten-  
" tationem familiæ sive Congregationis aut Conventus,  
" ut per eorum intercessionem sibi Patronorum aut Colla-  
" torum gratiam conciliare queant; & ea mediante, ad  
" Beneficia sibi viam sternere; nequaquam à Simonia ex-  
" empti sunt : utpotè qui per temporalia ad Beneficia hoc  
" modo perveniunt.

IX. Si Christi sententia, *Gratis accepistis, gratis date*,  
" hic rursus expenderetur, haud dissimiliter diabolica hæc  
" techna detegeretur. Nimis enim apertum est : quod hic  
" nec gratis dentur, nec gratis accipiantur : dum tor do-  
" naria aliave temporalia, quamvis elemosynæ aut pietatis  
" pallio contecta, præstari oportuit.

X. Non minùs subtilis est diaboli techna, qua nonnul-  
" los in Simoniacam pravitatem inducit, nimirum redemp-  
" tio vexæ; quam sine ulla Simoniacæ labis suspitione licit-  
" am esse persuadet : cum tamen non rarò hic non tantum  
" species, sed vera Simonia lateat. (a)

Scribit S. Ivo Carnotensis Epist. 60. " Multi electi  
" qui gratuitam & Canonicam habent electionem,  
" quia hujusmodi dilationibus vel fatigationibus impe-

(a) Simoniacus etiam est, qui Ecclesiæ suæ bona largitur cum  
" pælo ut in ipsa recipiatur in Canonicum, & illa sibi retineat  
" pro Præbenda. Ita Innocentius III. lib. 5. Decretal. de Simonia,  
" tit. 3. " Hujusmodi oblatio, inquit, vel receptio fieri non poterit  
" sine vitio Simonie.

*pientis qualitas, quantitas muneris & donationis tempus, ut sciatur, an munerum oblatio animum Collatoris aut Patroni ad conferendum Beneficium moverit, tacitaque saltem de dando temporali conventio inter-  
venerit.*

Hæc si expendantur in muneribus, quæ sub pallio *gratuitæ compensationis* sive remunerationis in quibusdam partibus fieri consueverunt, ad oculum patebit, hæc munera reipsa tanquam pretia spiritualium aut temporalium iis annexorum dari, nec spiritualia dari aut accipi, nisi tacita saltem remunerationis istius promissione facta; quemadmodum latius singulas circumstantias expendendo, ostendi in Tractat. De Simonia circa Beneficia parte 1. capite 2. §. 8.

# CAPUT VI.

De pœna depositionis Simoniacorum, & nullitate provisionis Simoniacæ.

1. *Primis seculis pœna tantum decreta in Simoniacas Ordinationes: & quare?*
2. *Synodus Chalcedonenfis Simoniacæ Ordinationem de suo gradu dejicit.*
3. *Synodus VI. deponi mandat.*
4. *Simoniacæ Ordinationes & Ordinatores à Sacerdotio cadere supposuit S. Tarasius.*
5. *Hæc depositio erat perpetua.*
6. *Probatum testimonio Leonis IV. Simoniacæ Ordinationem nec post actam pœnitentiam Sacerdotio restitui.*
7. *Imò Ordinationes Simoniacas quasi substantialiter irritas dixere Canones.*
8. *Saltem fuere irritæ quoad executionem in perpetuum.*
9. *Hanc perpetuam dispositionem multis urfit S. Tarasius.*
10. *Depositionis hujus iustitia ostenditur.*
11. *Canones loquentes de Simoniacis Ordinationibus, etiam complectuntur Simoniacas Beneficiorum provisiones.*
12. *Probatum auctoritate Alexandri II.*
13. *Calixtus II. Ordinationem & provisionem Beneficii Simoniacam quoad pœnam depositionis conjunxit.*
14. *Recentiora Pontificum & Synodorum Decreta Simoniacas provisiones Beneficiorum irritas declararunt.*
15. *Martinus V. in Concilio Constantiensi eas declaravit nullas ipso jure.*
16. *Idipsum declaravit Pius V.*
17. *Ad hanc nullitatem sufficit Simonia conventionalis.*
18. *Qui hanc nullitatem restringunt ad Simoniam realem, verba Canonum contra eorum naturalem sensum contorquent.*
19. *Restrictio hæc ab Urbano II. jam pridem rejecta.*
20. *Ostenditur quàm futile fundamento hæc restrictio-  
natus.*
21. *Quis præcipuus Ecclesiæ scopus in decernenda hæc pœna nullitatis & depositionis?*
22. *Qui per Simoniam à Parentibus commissam ordinati sunt, etiam deponendi sunt.*
23. *Etiam si ignorante Ordinato Simonia sit commissa.*
24. *Hanc nullitatem clarissimis terminis exprimit Decretalis Celestini III.*
25. *Nisi sit facta in fraudem provisi.*
26. *Provisus per Simoniam licet ipso ignorante commissam, tenetur Beneficium dimittere.*
27. *Monuit B. Petrus Damiani Simoniacos, ut Ordines sponte desererent.*
28. *Multi etiam Episcopi convicti rationibus Damiani suas Sedes dimittere promiserunt.*
29. *Sed promissis non steterunt; & quàm difficulter Simoniaci convertantur.*

30. *Simonia etiam occulta reddit provisionem nullam, & obligat ad dimittendum.*
31. *Simoniacus tamen occultus deponi non potest; sed potest indici purgatio Canonica, si publice sit de Simonia suspectus.*
32. *Cum occulto facilius quam cum publico dispensari potest.*
33. *Ut Simoniacus ex suo Beneficio ejiciatur, debet præviè declarari Simonia intrasse.*
34. *Hæc declaratio contra Clericum facienda à Judice Ecclesiastico.*
35. *Crimen hoc est Ecclesiasticum in quantum contra Clericum agitur.*
36. *Aliquando incidenter Judex laicus cognoscit de hoc crimine contra Clericum.*
37. *Hoc casu judex laicus non pronuntiat super crimine Simoniacæ: sed super possessorio Beneficii.*
38. *In Regno Gallie raro recurritur pro obtinenda hac declaratione ad Judicem Ecclesiasticum: & quare?*
39. *Quomodo judex laicus etiam cognoscat de Simonia; licet super ea non pronuntiet?*
40. *An coram Judice laico admitti possit probatio Simoniacæ?*
41. *Ubi admittitur, summa prudentia opus est.*
42. *Simoniacus etiam tenetur ad restitutionem fructuum perceptorum.*
43. *Etiam si Simonia sit occulta.*

I. **Q**UIA primis seculis, nondum erectis Beneficiis, Simonia præcipue circa ipsas Ordinationes versabatur, uti supra cap. 2. ostensum est, etiam pœnæ jam pridem in Simoniacos decretae, ipsas Simoniacas Ordinationes spectabant.

II. Synodus Chalcedonenfis Canone 2. statuit: " Si quis Episcopus propter pecunias Ordinationem fecerit, & sub pretio redegerit gratiam, quæ vendi non potest, ordinaveritque per pecuniam Episcopum, Chorepiscopum, Presbyterum, vel Diaconum, vel aliquem eorum qui in Clero annumerantur, vel propter pecunias promoverit Oeconomum, vel Defensorum, vel Paramonarium, vel omnino aliquem ex Canone, turpis quæstus gratia: qui hoc tentasse convictus fuerit, de proprio gradu in periculum veniat: & qui est ordinatus, ex ordinatione vel promotione quæ instar mercatorum venundatur, nihil juvetur: sed sit à dignitate vel curatione alienus quam pecuniis adeptus est.

Hunc Canonem innovans Synodus II. Aurelianensis Can. 4. ait: " Si quis Sacerdotium per pecuniam nundinas execrabili ambitione quæserit, abjiciatur ut reprobus.

Idipsum declarant Synodus Aurelianensis V. Turonensis II. Cabillonensis, item Rhemenfis II.

III. Et Synodus VI. vulgò Trullana Can. 22. ait: " Eos, qui per pecunias ordinati, sive Episcopi, sive quicumque Clerici, & non secundum probationem & vitæ optionem, deponi præcipimus.

IV. Et Tarasius Patriarcha Constantinopolitanus in Epistola lecta & probata in Synodo Nicæna II. intrepidè pronuntiat: " Omnis Episcopus vel Presbyter, aut Diaconus convictus, quod pro muneribus Ordinationem dederit, vel acceperit; à Sacerdotio cadit.

V. Hæc depositio juxta phrasim antiquorum Canonum absolutam & perpetuam, nulla pœnitentia debilem irregularitatem significabat. Depositio enim ex natura sua est perpetua ac irreparabilis, ait Lupus in Dissertatione 3. præfata præfixa tomo 3. Scholionum pag. 241.

VI. Unde interrogantibus Sritonum Episcopis: " Utrum Simoniacæ Ordinati possint in Ordine pœnitentiam agere, aut tantummodo extra Ordinem & Sacerdotalem gradum fieri? " Respondit Leo IV. " Convictis & iis, qui tam detestabile nefas (quod jam multis damnatum est Conciliis) peregrisse notantur,



„cuntur, nulla penitentia possumus subvenire, & tor  
„spiritualibus Patribus obviare, sed in illorum Patrum  
„sententiam me convenire omnibus certum sit. „ *Caus.*  
1. q. 7. *Can.* 5.

VII. Hic evidenter supponit Leo IV. Simoniacè Ordina-  
tos, nec post altam penitentiam ad exercitium Sacer-  
dotii restituendos; quod & Christianus Lupus citata  
Dissertatione 2. proœmiali cap. 17. rectè notavit: „Haf-  
„ce enim Ordinationes adeò detestata est, adeoque  
„nulla umquam penitentia ad ministerii executionem  
„admittere olim voluit Ecclesia, ut etiam irritas dice-  
„ret, & haberet quasi substantialiter nullas.

VIII. Et quamvis credat hic Auctor contra Mori-  
num has Ordinationes non fuisse quoad substantiam irri-  
tas, tamen non dubitat, irritas saltem fuisse effectu quo-  
ad executionem, atque in dispensabili suspensione ac irre-  
gularitate firmatas, ut loquitur pag. 241.

IX. Hanc perpetuam irregularitatem nulla pœnitentia delendam multis adstruxit, fortiterque usit S. Taria-  
sius Patriarcha Constantinopolitanus in Synodo VII. *Actione* 8. & extat apud Gratianum *Caus.* 1. q. 5. *Can.* 2.  
sed non nisi mendose, uti rectè notant Correctores Ro-  
mani, quorum notas consulere oportet.

X. Et sanè quæ justior aut convenientior pœna esse  
potest, quam ut Sacerdotio perpetuò privetur, qui  
illud per Simoniam turpissimè maculavit, & existima-  
vit Sacerdotii gratiam pecunia possideri. Quid justius  
quam ut ex ovili Christi ejiciatur, qui non intravit per  
ostium in ovile ovium; sed ascendit aliunde, nimirum  
tanquam fur & latro? „Nullus verò in Ecclesia Præla-  
„tus, ait Gregorius VII. per ostium, hoc est, per ip-  
„sum Dominum, ad Pastoralem curam intravit, qui  
„per avaritiam, id est, idolorum servitutem, ad hoc  
„officium pervenit. Non est ergo indignum hujusmodi  
„mercatorum sive mercenariorum sub nomine furis infa-  
„mari, cujus furtivam irruptionem non expavit imi-  
„tari. „ In Concil. R. I. *Can.* 10.

XI. Quantumvis Canones citati nominatim agant  
de his, qui per Simoniam ordinati sunt; eo quod juxta  
disciplinam illius temporis, per solam Ordinationem  
ad Ecclesiasticos gradus ascenderetur, indubitatum ta-  
men est, eos etiam comprehendisse, qui, mutata Eccle-  
siæ disciplina, ad sacra ministeria & Dignitates Eccle-  
siasticas non quidem per Ordinationem, sed per Bene-  
ficiarum institutionem Simoniacè acceptam, promo-  
verentur.

XII. Unde Alexander II. qui sub medium seculi un-  
decimi sedit, non dubitavit citatum Canonem Chalce-  
donensem applicare iis qui Beneficium Ecclesiæ vendere  
vel emere præsumpserint, in Epistola ad Clerum & po-  
pulum Lucensem, apud Gratianum *Caus.* 1. q. 3. *Can.* 9.  
„Si aliquis divinum præceptorum & animarum salutis  
„immemor, inquit, Beneficium Ecclesiæ iniqua cupi-  
„ditate ductus, vendere vel emere temerario ausu  
„præsumpserit, sicut in Chalcedonensi Concilio defini-  
„tum est, gradus sui periculo eum subiacere decerni-  
„mus, nec ministrare possit Ecclesiæ, quam pecunia  
„venalem fieri concupivit.

XIII. Similiter Calixtus II. qui sedit seculo XII.  
quando jam disciplina hæc, collationem Beneficiorum  
ab Ordinatione separans, omnino invaluerat, utram-  
que quoad hanc pœnam conjunxit, dicens: „Si quis  
„in Ecclesia Ordinationem vel promotionem per pec-  
„uniam adquisierit, acquisita prorsus careat digni-  
„tate.

XIV. Infinita propemodum sunt posteriorum Pon-  
tificum & Synodorum Decreta, quæ ipsas Beneficio-  
rum collationes Simoniacas, irritas, & omni planè  
effectu vacuas declarant, nullumque jus earum vigore  
Provisis quæri, asserunt; ac signanter in Extravagante  
Pauli II. quæ incipit, *Cum detestabile*, referturque  
sub titulo *De Simonia* inter Extravagantes communes;  
ubi dicitur: „Per electiones vero, postulationes, con-  
„firmationes, provisiones, seu quasvis alias disposi-

„tiones, quas Simoniacæ contigerit labe fieri, & quæ  
„viribus omnino careant in Ecclesiis, Monasteriis,  
„Dignitatibus, Personatibus, Officiis Ecclesiasticis,  
„& quibuscumque Beneficiis, aut aliquo eorum cuiquam  
„jus nullatenus acquiratur.

Cum dicatur per hujusmodi electiones & provisiones  
cuiquam jus nullatenus acquiri, rectè concluditur, has  
provisiones esse irritas & nullas; quod & in Rubrica  
eiusdem Extravagantis supponitur, cum dicitur: *Et*  
*Electioes aut aliæ provisiones per Simoniam factæ non*  
*valent.*

XV. Idipsum clarissimis terminis expressit Marti-  
nus V. *Seff.* 43. Concilii Constantiensis: „Electioes  
„autem, postulationes, confirmationes, & quævis  
„provisiones Simoniacæ Ecclesiarum, Monasteriorum,  
„Dignitatum, Personarum, Officiorum & Beneficio-  
„rum Ecclesiasticorum quoruncumque deinceps fa-  
„ctæ, nullæ sint ipso jure nullamque per illas jus cuiquam  
„acquiratur.

XVI. Et Pius V. in Constitutione quæ incipit; *U*  
*Simoniacæ*, quæ Constitutiones Antecessorum suorum  
contra Simoniacos editas, & præsertim Pauli II. (quæ  
est dicta Extravagans) inviolabiliter observari mandat,  
inter alia declarans: „Qui Dignitates Ecclesiasticas  
„Simoniacè acquisierit, illis sit ipso jure privatus, &  
„in futurum inhabilis ad eas, & quascumque alias ob-  
„tinendas. Qui Beneficium, aut Officium Ecclesiasti-  
„cum Simoniacè adeptus fuerit, illis similiter ipso jure  
„sit privatus.

Ex his aliisque tum Pontificum, tum Synodorum  
Decretis evidens est, provisiones Beneficiorum Simon-  
iacæ factas esse ipso jure irritas.

XVII. Illud quoque ex citatis textibus manife-  
stum est, sufficere ad eam nullitatem, quod provisiones  
sint Simoniacæ, uti rectè notat Garcias de *Benefi-*  
*ciis parte* 8. cap. 1. ubi unà solidè refutat eos, qui  
hanc nullitatem duntaxat inductam volebant, quando  
intervenit Simonia realis, sive quando realiter munera  
data fuerunt; non autem quando sola Simonia con-  
ventionalis intercessit; id est, quando quidem de mu-  
neribus dandis conventum est; sed nondum conven-  
tionis satisfactum fuit per realem munusculum solutio-  
nem.

XVIII. Et sanè cum ipsa conventionalis Simonia  
si æquè vera & formalis Simonia, quam realis; contra  
verba & mentem Pontificum & Synodorum torquent  
eorum Constitutiones, qui eas ad Simoniam realem  
restringere audent.

Adhæc quid interest, si mediante parata pecunia,  
vel promissa & addicta pecunia ascendat? Nonne  
utrobique mediante pecunia ad Beneficium aditum sibi  
pandit?

XIX. Unde jam pridem Urbanus II. apud Gra-  
tianum *Caus.* 1. quæst. 3. *Can.* 5. hac subtilitate non-  
dum adinventâ, datam & promissam pecuniam confun-  
dit, dicens. „Ea quæ à SS. Patribus de Simoniacis  
„constituta sunt, nos quoque & judicio Sancti Spiri-  
„tus, & Apostolica auctoritate firmamus. Quidquid  
„ergo vel in Sacris Ordinibus, vel in Ecclesiasticis re-  
„bus, vel data vel promissa pecunia acquisitum est,  
„nos irritum esse, & nullas unquam vires habere cen-  
„semus.

Hic evidenter supponitur, solam promissam pecu-  
niam adeoque conventionem de danda pecunia sufficere,  
ut irritum sit, quidquid per hanc promissionem obten-  
tum fuerit.

XX. Dicitur quidem in citata Extravagante Pauli II.  
§. *Statuentes: Qui quomodolibet dando vel recipiendo*  
*Simoniam commiserint*: è quibus Navarrus alique  
nonnulli concluderunt, *datationem & receptionem* requiri,  
ut nullitas ipsius provisionis inducatur.

Verum in hoc §. non de nullitate provisionis agitur;  
sed de excommunicatione Simoniacorum.

Deinde uti bene refertur Garcias loco citato num. 44.

„illa

„ illa verba referuntur solum ad spirituale, nempe Ordines vel Beneficia, de quibus in precedentibus actum erat. Eorumque planus sensus est, quod qui in quomodolibet Simoniam commiserint dando vel recipiendo Ordines, vel Beneficia, sententiam excommunicationis incurrant.

Interim hic videmus, quod & in multis aliis materiis contigit, quam levi, ne dicam futili fundamento, nonnulli recentiores Theologi in laxiora proni, & hos cæco imperu sequuti nonnulli Canonistæ, à tenore Canonum recesserint, & rigorem Canonice disciplinæ, prætextu mansuetudinis inverterint.

XXI. Porro præcipuus Ecclesiæ scopus in decernenda nullitate collationis alteriusque provisionis Beneficiorum per Simoniam obtentæ, est, ut omnino ab Ecclesiastici ministerii arcerentur, qui non per *Offitium*, id est, Christum, in ovile ovium intrasse, sed aliunde ascendisse sciuntur.

XXII. Cum vero constet, nec illos per *offitium* intrare, qui Parentum aut amicorum muneribus intervenientibus ascendunt; nec *tantum Aaron* à Christo vocentur; sed parentum cupiditate intrudantur, etiam tales à *Sacris Ordinibus* deponendos esse *Sancti Canonum testantur*, quemadmodum Metensi Episcopo scribit Urbanus II, apud Gratianum *Caus. 1. quæst. 5. Can. 3.*

XXIII. Unde cum quidam Clementi III. insinuas-  
set, quod pater ejus, *interveniente pecunia*, olim sibi Præbendæ Beneficium acquisivisset, ipse verò ad annos discretionis perveniens, accepisset Dominicæ Crucis signum, & dictam Præbendam in manu Præpositi & Fratrum libere resignasset. Sed hi Resignanti compati-  
entes, de novo eum in suum Canonicum elegerunt, *ita videlicet quod per electionem istam postremum locum in choro & in aliis obtineret*. Requisivit super his à Pontifice, „ Utrum juxta priorem receptionem suam locum recuperare debeat, vel valeat? Respondit Pontifex: „ Ut indulgentia quam Fratres tui tibi fecisse noscuntur, contentus exitis, ratione *primæ* receptionis *nihil* audeas in ipsa Ecclesia vendicare. *Capite 26. De Simonia.*

Hic à patre commissam fuisse Simoniam filio *ignoto* notat Glossa, quia alias Capitulum, etiam consentiente Episcopo, ad eandem Ecclesiam reeligere non potuisset; ut hic cum Glossa communiter monent Doctores.

Uterius observat Glossa, quod, postquam cognovit Simoniam fuisse commissam à patre, debuerit ipse *dimittere*: ideoque supponit evidenter ipsa Glossa, primam electionem, ratione Simonice paternæ, fuisse *nullam*; quod & hic notat Cardinalis Hostiensis, probatque hanc penam nullitatis esse justam.

XXIV. Itaque electio aliæ provisionis Beneficialis ipso jure nulla est, nullumque jus tribuit Provisio, si quocumque modo Simoniacæ fuerit; tamen etiam ipso Provisio omnino *ignorante* intervenierit: quod clarioribus terminis exprimitur in *Cap. 27. De Simonia.*

Cum enim à quodam Capitulo „ quatuor essent constituti, qui debebant quemdam eligere in Plebanum: „ amici ejus, de cujus electione spes habebatur, uni, vel omnibus eligentium promiserunt se pecuniam *for-  
luros*, *eo tamen ignorante*, qui, hujusmodi promissione interveniente, postmodum electus.

Super hac electione consultus Cælestinus III. respondit: „ Nisi constaret, illos qui promissum tale fecerunt, per fraudem in dispendium illius, qui eligendus erat, id malitiose egisse: quamvis ipse *promissionis conscius non sit*, ejus tamen electio tanquam Simoniacæ pravitate præsumpta, est *penitus* reprobanda.

XXV. Ex hac Decretali uno consensu concludunt Canonistæ, quod electio facta per Simoniam penitus sit *nulla*; etiam si *ignorante* Electo intervenierit: nisi *malitiose* seu in *fraudem*, non ad promovendam ele-

ctionem, sed potius ad eam corrumpendam sive vitian-  
dam, quæ futura prævidebatur, commissæ fuerit: eo quod hoc casu ipsa Simonia propriè ipsam electionem non infecerit: cum supponatur, quod etiam ea non interveniente electio facta fuisset.

XXVI. Hic quoque notant Canonistæ, quod, licet Simonia sit commissæ *ignorante* Provisio, nihilominus teneatur dimittere Beneficium, tanquam nulliter & sine Canonico titulo acquisitum: cui consonant quæ de Malguino Nivernensi Episcopo in Actis diei tertie Concilii Rhemensis anno 1049. præfente Leone IX. leguntur: „ Nivernensis Episcopus surrexit (inquiunt „ acta) pro Episcopio plurimum pecuniæ confessus est „ à parentibus datum fuisse, *se tamen ignorante*..... „ ideoque si Domino Papæ & præfenti Conventui dig-  
num videretur, idem officium velle dimittere po-  
tius, quam in ejus retentione animam suam pessun-  
dare. Quæ ubi dixit, pastorale pedum ante pedes ip-  
sius Apostolici posuit. Ille verò tanti viri flexus de-  
votione, favente Synodo, eundem, quod *absque suo  
consensu* eadem pecunia data fuerit, Sacramento com-  
probare facit: sicque illi per *aliud* pedum ministerium „ Episcopale reddidit.

XXVII. Narrat B. Petrus Damiani in vita S. Romual-  
di *cap. 55.* quomodo hic vir sanctus „ seculares Cleri-  
cos, qui per pecuniam ordinati fuerant, *durissima ser-  
vitute* corripere, & eos, nisi Ordinem *sponsè* dese-  
rent, omnino damnabiles & hæreticos assereret.

XXVIII. Deinde narrat, quomodo per sacros Ca-  
nones multos de Simonia convicerit: qui & crimen ag-  
noscebant & errata deplangebant. Post hæc subiungit:  
„ Nonnulli quoque Episcopi, qui per Simoniacam hæ-  
resim sacras Sedes invaserant, ad eum causa præni-  
tentiæ concurrebant. Qui etiam venerabili viro se  
„ committentes, & Episcopatum termino statuto dese-  
rere, & ad sanctæ conversationis se promittebant Or-  
dinem festinare.

XXIX. Hic elucet, nullatenus dubitasse S. Romual-  
dum, quin juxta sacros Canones Simoniaci suas Sedes  
dimittere deberent: sed hoc merito notandum quod ad-  
dicitur: „ Ex quibus (Episcopis) tamen vir sanctus  
„ quamdiu vixit, nescio si vel unum convertere potuit.  
„ Est enim venenata illa hæresis, præsertim in Episco-  
„ pali ordine, tam dura, & ad convertendum rigida,  
„ ut semper promittens, semper de die in diem produ-  
„ cens, atque in futurum procrastinans, facilis possit  
„ Judæus ad fidem converti, quam hæreticus latro ple-  
„ nè ad penitentiam provocari.

Et sane tot vinculis retinentur alligati, qui, interve-  
niente Simonia, ad Dignitates Ecclesiasticas sunt promo-  
ti, ut miraculi instar merito reputetur vinculorum illo-  
rum contractio. Qui enim ad Dignitates Ecclesiasticas  
Simoniacè ascendunt, considerare solent mundanum  
splendorem, & divitias seculi eis annexas; quas cum  
amant, difficulter illis renuntiant: nec enim sine difficul-  
tate amittitur, quod cum amore possideretur.

XXX. Quoad hanc nullitatem, & necessitatem di-  
missionis, non est differentia inter *notoriam* & *occultam*  
Simoniam, sed utraque reddit provisionem *nullam*, &  
obligat Provisum ad dimittendum: uti monet Rebuffus  
in Praxi titulo *de Sim.* in resignatione *n. 12.*

XXXI. Addit tamen *num. 3.* „ Licet fiat differen-  
tia quoad depositionem ab officio, quia occultus non  
„ deponitur, sed notorius sic, *Cap. 13. De Si-  
monia.* „ Tamen enim occultus Simoniacus careat  
verè titulo Canonico ob nullitatem à jure inductam,  
non potest tamen per Superiorem *deponi*, quamdiu Si-  
monia manet *occulta*. (a)

(a) Simonia mentalis & conventionalis penis Canonice, qualis est excommunicatio, non subiacet. sed sola simonia realis, cum scilicet ita de pecunia sive de re pretio æstimabili conventum est, vel expresse, vel tacite, ut ex una saltem parte conditio impleri sit. Quoad Deum, inquit S. Thomas. 2. 2. quæst. 100. art. 6. ad 6. „ Sola voluntas facit Simoniam, sed quoad penam Ecclesiasticam „ exteriori non puniatur ut Simoniacus.

Sed

Sed si publica laboret infamia, poterit ipsi, adhibitis Compurgatoribus purgatio Canonica indici; & si in hac deficiat, Beneficio privari poterit, quemadmodum in citato Capitulo scribit Pontifex.

XXXII. Insuper inter occultum & notorium Simoniacum ea est differentia, uti etiam notat Rebuffus ibidem, quod absolutio & rehabilitatio facilius sit in occulto, quam in notorio, uti capite sequenti ostenditur: ubi una notabitur, quod dispensatio in Simonia occulta pro solo foro conscientiae detur in Pœnitentiaria; in Simonia notoria per Datariam.

XXXIII. Beneficia Simoniacè obtemta, cum vacant ipso jure, possunt impetrari, etiam absque alia declaratione, quæ fieri poterit post impetrationem, per Cap. Cum secundum De Hæreticis in VI. ait Rebuffus num. 11.

Porro hæc declaratio non requiritur, ut Simoniacus privetur Beneficio; sed ut declaretur privatus: quæ declaratio per judicem fieri debet, ut ipse Simoniacus à Beneficio, quod de facto possidet, realiter deponatur, sive expellatur, & alius in ejusdem possessionem inducatur.

XXXIV. Sed à quo judice hæc declaratio facienda? Indubie à Judice Ecclesiastico; præsertim, dum contra Clericum simili crimine infectum agitur. Hoc enim crimen eatenus Ecclesiasticum esse, nec ipsi Galli dissentient.

XXXV. Ediçto Blesensi art. 21. injungitur Archiepiscopis & Episcopis, ut procedant sollicitè, rigorose, & sine dissimulatione aut exceptione, contra personas Ecclesiasticas hoc crimine infectas. Verba Ediçti sunt: *Lesdits Archevêques & Evêques procéderont soigneusement & sévèrement, & sans dissimulation ni exception de personne, contre les Personnes ecclésiastiques qui auront commis le crime de Simonie, par les peines indichées & portées par les saints Décrets & Constitutions canoniques.* Id est: Diçti Archiepiscopi & Episcopi diligenter, severe absque dissimulatione aut exceptione personarum, pœnis irrogatis & statutis per Decreta & Canonicas Constitutiones animadvertent in Ecclesiasticos, qui Simoniae crimen commiserint.

In Concordato inter Carolum V. & Episcopum Leodiensem tit. 9. art. 8. habetur: "De crimine Simoniae cognoscat & puniet uterque judex secundum qualitatem suæ jurisdictionis."

XXXVI. Rursus cum præterito seculo quidam articuli fuissent Romæ exhibiti iique remissi essent ad Franciscum I. Galliae Regem; atque per hunc anno 1547. communicati Procuratori Generali, & Advocato Fiscali Parlamenti Parisiensis, ut ad singulos responderent, ad articulum 7. qui erat de crimine Simoniae, responsum fuit, numquam visum fuisse, quod judices laici in patria Regia de hoc crimine cognoverint; quia est crimen merè Ecclesiasticum: nihilominus, quando proponitur per modum exceptionis, tunc hi cognoscant, non ut jus dicant super crimine Simoniae, sed ut judicent principale coram ipsis pendens, conformiter ad jus commune. Verba responsi sunt: *Quant au 7. qui parle de la connoissance du crime de Simonie, l'on n'a point vu que les Juges laïcs des Pays du Roy, en ayant connu; car c'est un crime pur ecclésiastique: toutefois quand il est proposé par forme d'exception, lesdits Juges en connoissent, non pour prononcer sur le crime de Simonie, mais pour juger ce qui est principalement pendant pardevant eux, conformément à droit commun.* Id est: Quoad septimum ubi agitur de discussione criminis Simoniae, inusitatum est à judice laico in dirionibus Regis causam illam discuti, cum sit crimen merè Ecclesiasticum, nihilominus cum in forma exceptionis proponitur, desuper etiam diçti judices instruuntur, non ut sententiam de crimine Simoniae pronuntient; sed ut judicent id quod principaliter coram ipsis controversatur conformiter ad jus commune.

XXXVII. Carolus Fevretius De abusu cap. 8.

lib. 2. num. 5. relato hoc responso, monet, judicia quæ super hoc crimine proferuntur in Tribunali Ecclesiastico, esse omninò disparata à judiciis, quæ super eodem crimine proferuntur incidenter in tribunali laico.

Judex enim Ecclesiasticus cognoscens de hoc crimine contra Ecclesiasticum accusatum, declarat, convictum Beneficiis suis privatum; atque directè contra ejus personam pronuntiat, ut in proprium suæ jurisdictionis. At Judex laicus, qui non cognoscit de Simonia, nisi ratione possessorii, tantum pronuntiat super possessorio, cuius ad ipsum cognitio & decisio pertinet, repellens à possessorio qui de Simonia convincitur, quin & injungendo Judici Ecclesiastico (si Simonia fuerit notoria) ut procedat extraordinariè, seu ex officio contra Ecclesiasticum illo crimine infectum.

XXXVIII. Ex his haud difficulter intelligitur, quod Rebuffus, verbis suprâ citatis subjungit: "Sed in hoc Regno raro fit declaratio: nam his casibus, quibus est ipso jure privatio; post habitam collationem à Papa, seu Ordinario, impetrantur litteræ falsinæ & novitatis super possessorio."

Agit enim Rebuffus de declaratione faciendâ per Judicem Ecclesiasticum directè super crimine Simoniae pronuntiantem: quæ declaratio raro contingit; quia ordinariè malunt Devolutarii agere in possessorio coram Judice Regio, coram quo una incidenter de Simonia cognoscitur, & per indirectum, saltem quoad validitatem impetrationis Beneficii tanquam per Simoniam vacantis, judicatur.

XXXIX. Unde legitur in Actis Cleri Gallicani tom. 2. part. 2. tit. 16. art. 15. quod Devolutarius, obtemta in Curia Romana provisione alicujus Prioratus ob Simoniam per possessorem commissam, fuerit admissus ad probandum Simoniam per testes, cum primùm incepisset per probationes in scriptis; idque instante Advocato generali, qui asseruit, Curiam ita semper judicasse, etiam in Simonia confidentiali, quæ regulariter non verificatur, nisi per scripta. Ita judicatum in Parlamento Parisiensi 19. Martii 1629. Ex quo evidens est, Judices Regios etiam cognoscere, & probationes recipere super crimine Simoniae, quemadmodum recipiunt super titulo Beneficii, ut de possessorio pronuntiare queant.

XL. Louetius ad Molinæum de publicandis resignationibus num. 31. observavit, dum agitur super possessorio coram judice Regio, admitti probationem Simoniae per testes. "Sed in nota marginali monet Antonius le Vaillant, quod hodie vix admittitur probatio Simoniae per testes, quando agitur de possessorio Beneficii, & est necesse (ait) quod procedat aliqua probatio per scripta; alioqui propter testium facilitatem, multæ provisiones hac via impugnarentur: & ita judicatum refert, in Senatu Parisiensi, & in magno Regis Consilio."

XLI. Non dubium quin summâ prudentiâ & moderatione opus sit in admittenda probatione Simoniae contra pacificum Beneficii possessorem, præsertim si hæc quæstio moveatur per eum, qui scitur Beneficium illud viâ devolutionis impetrasse, & is contra quem hæc quæstio movetur de hoc vitio minime sit suspectus.

XLII. Cum Simonia provisionem Beneficii Simoniacè obtemtam irritet, ipsumque titulum annullat, ita ut Provisio nihil juris in illo acquiratur, sequitur, quod nec fructus Beneficii eo titulo acquirere, aut suos facere potuerit Simoniacus.

Unde Martinus V. in Concilio Constantiensi postquam dixit, quod omnes Dignitatum & Beneficiorum provisiones Simoniacæ nullæ sint ipso jure, nullumque per illas jus cuiquam acquiratur, immediatè subjungit: "Nec Promoti, Confirmati aut Provisi faciant fructus suos, sed ad illorum restitutionem, tanquam iniquè ablata percipientes teneantur."

Eadem



Eadem expressit Paulus II. in *Extravagante 2. De Simonia* inter communes, declarans, quod ad eam restitutionem, sub animæ suæ periculo sit adstrictus.

XLIII. Et quidem quia hæc obligatio restitutionis profuit ex ipsa nullitate tituli, rectè concludunt Canonistæ, nullam esse differentiam, saltem quoad forum conscientie, siue Simonia sit occulta, siue notoria; sed æqualiter Simoniacum teneri ad restitutionem. Quæ restitutionis obligatio facit hoc peccatum numerari inter peccata caudata; eoque titulo difficilius remissionis. (a)

(a) Merbesius alique Theologi non infimæ notæ monent Simoniacum teneri ad restituendos fructus non solum perceptos, sed etiam eos, qui percipi potuerunt à Possessore legitimo & diligenti, quod tamen intelligendum est de fructibus, qui supersunt, deductis impensis, quæ in utilitatem Beneficii factæ sunt.

## CAPUT VII.

### De Dispensatione cum Simoniacis.

1. Aliud est dispensari in Simonia, quàm dispensari in pœnis Simonie.
2. Quinam doceant, Simoniam circa Beneficia à Pontifice purgari posse?
3. An Simonia circa Beneficia sit juris humani?
4. Nonnulli asseruerunt, Pontificem sine Simonia posse vendere Beneficia.
5. Quin & aliqui dixerunt in Curia Romana, præsentè Pontifice, non committi Simoniam.
6. Primum argumentum probans, venditionem Beneficiorum esse Simoniacam jure divino.
7. Secundum argumentum ex Concilio Constantensi.
8. Tertium desumptum ex Canonibus.
9. Quartum ex ipsis textibus Juris Canonici remissivè.
10. Refellitur fundamentum eorum, qui volunt esse juris humani.
11. Venditionem Beneficiorum etiam simplicium esse juris divini docent communiter Theologi.
12. Concluditur, Pontificem non posse propriè super Simonia dispensare.
13. Potest dispensare in pœnis Simonie.
14. Nescitur an primis undecim sæculis cum Simoniacis quoad pœnam depositionis unquam dispensatum sit.
15. Nicolaus II. sæculo XI. decrevit, nullam misericordiam Simoniacis exhibendam.
16. Intuitu necessitatis tolerat Ordinatos non Simoniacè à Simoniacis.
17. Vult eam relaxationem, cessante necessitate, etiam cessare.
18. Reflexiones super hoc Decreto.
19. Urbanus II. sub finem sæculi XI. Canones contra Simoniacos renovat.
20. Aliqua ab hoc Pontifice cum Simoniacè Ordinatis facta dispensatio.
21. Quàm moderata fuerit.
22. Declarat banc relaxationem ex necessitate factam, non esse trabendam in consequentiam.
23. Hæc moderata dispensatio relaxationi portam aperuit.
24. Abusus dispensationis cum Simoniacis tempore Concilii Tridentini, erat excessivus.
25. Ostenditur non nisi ex gravi causa dispensandum cum Simoniacis, ut in Beneficio Simoniacè obtento remaneat.
26. Qui eam dispensationem pro seipso petit, vel hac petitione se indignum dispensatione ostendit.
27. Ab his dispensationibus esse abstinendum monuit Concilium Delectorum Prælatorum.
28. Ostenditur posse occurrere casum justæ dispensationis.

Tom. I.

29. Hæc dispensatio in Curia R. interdum in Dataria, interdum in Penitentiaria expeditur.
30. Dum petitur in Dataria, debent exprimi fructus recepti; ut super iis cum Datario componatur.
31. Quo fundamento fructus malè percepti dicantur spectare ad Cameram Apostolicam?
32. Hæc compositio super fructibus malè perceptis non admittitur in Gallia.
33. In verificatione litterarum Legationis Apostolicæ clausula huic praxi Gallicanæ conformis apponitur.
34. Quid Penitentiaria circa restitutionem fructuum malè perceptorum ordinare solet?
35. Dispensatio solet concedi in forma commissoria.
36. Debet Simoniacè Provisus ante dispensationem Beneficium dimittere: & quare?
37. Confessarius, cui dispensatio committitur, debet monere Provisum, ut complices inducat ad petendam dispensationem, & quæ origo hujus praxeos?
38. Pro causa dispensationis solet exprimi scandalum aliàs causandum.
39. Ostenditur, banc causam sæpè non subsistere.
40. Dispensationes cum Simoniacis in Curia Romana non facile concedi, testatur Pyrrhus Corradus.

**P**RO intellectu eorum, quæ dispensationem super Simonia concernunt, notandum, aliud esse dispensare cum Simoniacis super ipso vitio Simonie, ita ut per dispensationem vitium Simonie, aliàs incurrendum, vi ipsius dispensationis præcaveretur, aut saltem purgaretur, quo fieret, ut provisio Beneficii, quæ aliàs foret Simoniacæ, virtute dispensationis à Simonia purgaretur aut præservaretur: aliud verò esse, dispensare cum Simoniacis quoad pœnas duntaxat à jure decretas. Hæc enim dispensatione non purgatur Simonia; neque provisio Simoniacæ à vitio illo eximitur, vel quæ aliàs foret Simoniacæ redditur Canonica: sed tantum ex causa remittitur pœna per Canones inflictæ.

II. Pontificem posse priore etiam modo in Simonia circa Beneficia ex causa dispensare, sequitur ex sententia illorum, qui volunt vendere aut emere Beneficia Ecclesiastica, tantum esse Simoniam *juris humani*; atque Pontificem ex causa Beneficia vendentem non committere Simoniam. Si enim venditio hæc duntaxat sit *juris humani*; & Pontifex sine Simonia vendere queat; quidni ex urgenti aliqua causa, in jure illo humano dispensare, & alteri auctoritatem vendendi dare potest?

III. Christianus Lupus in Dissertatione 2. proœmiali tomo tertio Scholiorum in Canones præfixâ, cap. 4. movens hanc quæstionem; "An Ecclesiasticorum Beneficiorum, ac præsertim simplicium Officiorum nundinatio damnetur solo humano jure, aut etiam naturali ac divino?" respondet: "Doctores Scholastici passim Divini ac humani juris Simoniam distinguunt, omniaque ista volunt daminari solo humano jure, ideòque ex causis posse per Romanum Pontificem divendi. Criminis istius suspicione graviter olim laboravit Bonifacius nonus, ideòque Palatini Clerici ipsum purgaturi, apud Theodoricum à Niem ex ista Theologia dixerunt, Pontificem hac in re non posse esse Simoniacum, sed ipse ex causis similia licere.

Distinctionem inter Simoniam prohibitam jure Divino, & prohibitam jure duntaxat Ecclesiastico latissime ac solidissime jam pridem impugnavit Paulus Angelus Decretorum Doctor suo speculo aureo, quod divulgavit sub medium sæculi XV. ac præsertim improbat eorum opinionem, qui docebant, venditionem Beneficiorum duntaxat esse Simoniam *juris humani*; quodque

T t t t t

que

que consequenter Papa sine Simonia posset vendere Beneficia.

Ac postquam hujus quaestionis absurditatem solidissime adstruxit, non veretur exclamare *parte 2. sui operis, cap. 1.* "O quantam animarum multitudinem catervatim transiit & transmittit ad infernum hæc superstitialis & damnanda distinctio! quæ multis est occasio, & viam aperit ad ruinam damnationis æternæ: solus novit, qui nihil ignorat.

IV. Fuisse jam pridem Doctores, qui assererent, Pontificem sine Simonia posse vendere Beneficia, testatur Concilium Delectorum Prælatorum sub Paulo III. cujus supra mentio facta est. *tit. 11. alias 28. cap. 1.*

Hi enim Prælati à Paulo III. delecti & moniti, ut sincere exponerent *abusus* in futura Tridentina Synodo reformandos, imprimis exponunt Paulo III. quod nonnulli Pontifices ejus prædecessores prurientes auribus, ut inquit Apostolus Paulus, coacervaverunt sibi magistros ad desideria sua, non ut ab eis discerent, quod facere deberent, sed ut eorum studio & calliditate inveniretur ratio, quâ liceret, id quod liberet.

Deinde subjungunt: "Inde effectum est, præterquam quod principatum omnem sequitur adulatio, ut umbra corpus: difficillimusque semper fuit aditus veritatis ad aures Principum, quod confestim prodirent Doctores, qui docerent Pontificem esse dominum Beneficiorum omnium: ac ideo cum dominus jure vendat, id quod suum est, necessariò sequi, in Pontificem non posse cadere Simoniam.

V. Quin & nonnulli ulterius hinc concludere haud dubitarunt, Simoniam in venditione Beneficiorum non committi, quando hæc fit in Curia, vidente & probante Pontifice, uti testatur Fagnanus ad *cap. Cum pridem de Passis, num. 63.*

VI. Verum, uti rectè reflectit Christianus Lupus loco citato, "quisquis Beneficiorum nundinationem *solo positivo jure* damnari credit, etiam asserere debet, ante Ecclesiæ Canones nullam istic fuisse Simoniam: quod (ait) sanè *borrendum* est atque *profanum*.

VII. Idem Auctor postquam retulit, quod nonnulli Clerici Palatini, ut Bonifacium IX. à Simonia suspensione liberarent, dixerint, Pontificem hac in re non posse esse Simoniacum, immediatè subjicit: "Aliud sensit ejus (Bonifacii IX.) Anti-Papa Clemens septimus, cujus ad Urbem Legati Bonifacio multa improperanti reposuerunt: *Saltem Dominus noster non est Simoniacus.* Eamque veritatem secuta est Constantiensis Synodus, damnans ac degradans Joannem vigesimum tertium; *Quod Ecclesiæ Cathedralis, Monasteria, Prioratusque conventuales, & cætera Beneficia Ecclesiastica pretio appetitatio notoriè distribuitur.* Etiam quoddam Ecclesiæ vendidisset Officia, licet ex variis articulis facti in ipsum processus. Et ad novi Pontificis electionem processura laudata Synodus, eligendum adstrinxit ad reformandam Ecclesiam in capite & membris, ipsamque etiam Romanam Curiam in variis articulis, quorum fuit quartus decimus: *De extirpatione Simonia.* Et hæc Decreta respicit in opusculo de *Simonia* Joannes Gerson: *Talis Simonia novissime per sacrum Constantiense Concilium judiciali severitate damnata est in capite; utique Joanne vigesimo tertio.* Eam damnari dicit à jure Divino, ideoque nec in Domino Papa ex ulla causâ posse purgari. Jus percipiendi temporalia, licet temporale videatur, esse omnino spirituale causâ finis ac radicis, ideoque Ecclesiasticum Beneficium non magis posse vendi quam Officium, cui intrinsicè annexum est, atque ita ejusdem naturæ. Eam, quæ aliam divini, aliam Simoniam adstruit esse solius humani juris, doctrinam affirmat esse commentum Jurisconsultorum, Dei legem ignorantium.

VIII. Hæc ille, qui & ibidem bene notat, quod

Pontifices & Synodi Simoniacas Beneficiorum nundinationes Simonia arguentes, solis verbis Scripturæ utantur; atque ex hoc Domini verbo, *Gratis accepistis, gratis date*, ipso divini juris fonte definiant, Beneficia vendi non posse: & quod B. Petrus Damiani Godofredi Ducis Capellanos, non ut *humani* solummodo, sed & ut *Divini* juris everfores tractaverit:

IX. Eandem sententiam, nimirum nundinationem Beneficiorum, etiam *simplicium*, esse juris *divini & naturalis*, latè & solidè adstruit Fagnanus ad dictum *cap. Cum pridem*; ostenditque, textus Juris, qui venditionem Beneficiorum, tametsi *simplicium* reprobant ut Simoniacam, non in jure humano, sed *Divino* fundari.

Post hæc concludit, Pontificem quoque Simoniam committere in venditione Beneficiorum, neque ipsum posse hanc Simoniam purgare. Quin, adductis rationibus, quibus nonnulli voluerunt Pontificem ab hac Simonia eximere, dicere non veretur *num. 71.* "Hæ sunt rationes, quæ potissimum afferuntur pro dicta opinione, *si tamen opinio & non error, dicenda sit.*

X. Has rationes seu potius argutias ibidem refellit Fagnanus; ac nominatim eam, quæ unica penè est, cui jam pridem hæc adulatorum opinio innixa fuit; quod scilicet Papa vendendo Beneficia, non recipiat pecuniam pro Beneficiis, sed pro *fructibus*, cum possit separare Præbendam à Canoniam.

Respondit Fagnanus *num. 90.* cum Cardinale De Turrecremata: "Si verum esset, Papam non conferre nisi fructus; tunc nullus, cui Papa conferret Beneficium, haberet titulum Beneficii, nec dicendus esset talis Ecclesiæ Episcopus, Decanus aut Canonici, nec deberet ea exercere, quæ sunt illius officii. Præterea litteræ Papales super talibus provisionibus confectæ, patentissimè declarant contrarium, dum provisiones jubent institui. Instituire autem est jus Canonici in Ecclesia seu Ecclesiæ Beneficio conferre, ut in *Cap. Ex frequentibus, de institut. Cardin.* in *Clem. 1. in VI. qu. in solut. num. 11. de supplen. neglig. Prælat.* Ergo fateri oportet, non solum vendi fructus Beneficiorum, qui sunt accessorii ad titulum, sed etiam illud quod est merè spirituale, & principale, scilicet titulum seu potestatem exercendi hujusmodi ministerium, propter quod iidem fructus sunt deputati.

XI. Tandem *num. 114.* rectè monet, concludendum esse: "venditionem Beneficiorum Ecclesiasticorum sive habeant annexam potestatem Clavium & executionem Ordinis, sive Officium Clericatus, esse prohibitam, quia *Simoniacam*, non autem Simoniam, quia prohibita; & consequenter nec *Summo Pontifici* licitam; cum emptionis materia sit res spiritualis, quæ jure naturali & Divino venalitatem omnino excludit.

Eadem est sententia S. Thomæ 2. 2. q. 100. *art. 1. ad 7.* quem communiter sequuntur Theologi, ut testatur Cajetanus tractatu 9. *De Simonia*, ubi & oppositam opinionem appellat *errorem Canonistarum*.

XII. Hinc indubitata & evidenti sequela conficitur, nullâ dispensatione posse purgari à Simonia Beneficiorum venalitatem seu nundinationem: neque per dispensationem etiam Pontificiam, ejusmodi vitium purgari posse. Sed nec in ullis Ecclesiasticis monumentis legitur, unquam de hujusmodi dispensatione actum fuisse.

XIII. Quoad dispensationem verò super pœnis à Canonibus inductis, non idem dici potest.

Quamvis nec in iis facile à Canonum statutis præsertim quoad depositionem Simoniacorum, sit recedendum; nihilominus, quia pœnæ illæ non à jure naturali aut divino; sed jure duntaxat positivo determinatæ sunt, dubium non est, quin in aliquibus circumstantiis possit per quamdam dispensationem moderatè vel remissio aliqua earum pœnarum indulgeri.

XIV.

XIV. An tamen primis undecim seculis, exemplum dispensationis reperiri possit, quo ostendatur, indultum fuisse, ut quis Simoniacè Ecclesiam ingressus, permitteretur in ea ulterius ministrare; sive in suo ministerio quod per Simoniam obtinuit, perseverare, nescio.

XV. In Synodo Romana anno 1059. legitur editum Decretum contra Simoniacos, in quo hæc habentur: " Dominus Papa Nicolaus Synodo in Basilica Constantiniana prædens, dixit: Erga Simoniacos nullam misericordiam in dignitate servanda habendam esse decernimus, sed juxta Canonum Sanctiones, & Decreta sanctorum Patrum, eos omnino damnamus, ac deponendos esse Apostolicâ auctoritate sancimus.

XVI. Quin & eos, qui non per pecuniam, sed gratis à Simoniacis ordinati essent, Canonum rigore attento deponendos dicit: " sed quia usque adeo hæc venenata pernicies hætenus inolevit, ut vix quælibet Ecclesia valeat reperiri, quæ hoc morbo non sit aliqua ex parte corrupta; eos, qui usque modo gratis à Simoniacis consecrati, non tam censurâ justitiæ quam intuitu misericordiæ, in acceptis Ordinibus manere permittimus; nisi forte alia culpa ex vita eorum contra Canones eis existat. Tanta quippe talium multitudo est, ut dum rigorem Canonici vigoris super eos servare non possumus, necesse sit, ut dispensatoriè ad piæ condescensionis studium animos nostros ad præfens inclinemus.

XVII. Sed ne vel tantilla Canonum relaxatio pro lege assumeretur, hanc notandam subiungit cautelam: " Ita tamen auctoritate Sanctorum Apostolorum Petri & Pauli omnimodis interdiximus, ne aliquando aliquis successorum nostrorum ex hac nostra permissio- ne Regulam sibi vel alicui assumat, vel præfigat: quia hoc non auctoritas antiquorum Patrum jubendo aut concedendo promulgavit, sed temporis nimia necessitas permittendum à nobis extorsit.

XVIII. Hæc evincunt, avitam illam in relaxandis Canonibus, præsertim in Simoniacos, Patrum moderationem, seu potiùs justam morositatem.

Insuper satis ostendunt, nullam tum adhuc dispensationem cum Simoniacis factam, ut in functionibus, ad quas Simoniacè ascenderant, permanerent.

XIX. Sub finem tamen ejusdem seculi aliquod exemplum hujus dispensationis seu relaxationis apparet in Synodo Romana anno 1099. sub Urbano II. contra Simoniacos convocata, in qua ante omnia præfatur: " Imprimis ea, quæ à Sanctis Patribus de Simoniacis statuta sunt, nos quoque, inquit, Spiritus Sancti judicio & Apostolicâ auctoritate firmamus.

Addit dein: " Quidquid igitur vel in sanctis Ordinibus, vel in Ecclesiasticis rebus, vel datâ, vel promissâ pecuniâ acquisitum est, nos irritum esse, & nullas unquam vires obtinere censemus.

XX. Post hæc factâ dispensatione aliquâ cum ordinatis non Simoniacè à Simoniacis, etiam aliquam moderationem, cum iis, qui Simoniacè ordinati erant, subiungit " Quicumque sanè cupiditate parentum, cum adhuc essent parvuli, Ecclesias vel Ecclesiarum Beneficia per pecunias adepti sunt: postquam omnino eas dimisserunt: si Canonice in iis vivere voluerint, pro magna misericordia ibidem eos esse concedimus.

XXI. Illi verò, qui per seipsos, cum jam majoris essent ætatis, nefandâ cupiditate ducti eas emerunt, si in aliis Ecclesiis Canonice vivere voluerint, servatis propriis Ordinibus pro magna misericordia ibi eos ministrare permittimus. Quod si aliàs fortasse transferri non potuerint, & in eisdem Canonice vivere promiserint: minoribus Ordinibus contenti ad sacros Ordines non accedant.

XXII. Quantâ cum moderatione hæc dispensatio facta sit, nemo non intelliget, qui eam attentius expendat.

Tom. I.

derit; ac unâ notaverit, quod Canonice sive Regulariter vivere secundum temporis illius disciplinam & praxim idem esset, quod vivere in communi in Claustro: ita ut qui eâ dispensatione uti vellent, deberent vitam ducere claustralem; ita ut quodammodo causâ penitentiae ad Monasteria retruderentur.

XXIII. Verùm ne vel tantilla Canonum relaxatio, tor conditionibus moderata, & quodammodo extorta, in legem assumeretur, subiungendum credidit Pontifex: " Quamvis autem misericordiæ intuitu, magnâque necessitate cogente, hanc in sacris Ordinibus dispensationem constituerimus: nullum tamen præjudicium sacris Canonibus fieri volumus: sed obtineant proprium robur, & cessante necessitate, illud quoque cesset, quod factum est pro necessitate.

Denique concludit hæc à S. Augustino in simili casu prolata sententiâ: " Ubi enim multorum strages jacet, subtrahendum est aliquid severitati, ut addatur amplius charitati.

XXIV. Cæterum hæc est misera rerum humanarum conditio, & corruptæ naturæ miseria, ut facili, ubi semel vel rima relaxationi facta, sensim porta aperiat; & quæ primùm multis restrictionibus & conditionibus tolerata, vel pro temporum necessitate extorta fuit, tandem neglectis omnibus hisce restrictionibus & conditionibus, quasi pro lege invalescat.

Quod in hac specie relaxationis contigisse, nemo diffidebitur, si jam relatam dispensationem cum dispensationum usu, quem posteriora secula experta sunt, conferamus.

XXV. De hoc usu sive abusu testes sunt Delecti illi Prælati sub Paulo III. qui referentes abusus in Synodo Tridentina reformandos, de hoc usu ita loquuntur: " Abusus alius in absolutione Simoniaci: prohi dolor! quantum in Ecclesia Dei regnat hoc pestilens vitium! adeo ut quidam non vereantur Simoniam committere: deinde confestim petunt absolutionem à pœna, imò eam emunt, sicque retinent Beneficium quod emerunt. Non dicimus Sanctitatem tuam non posse pœnam illam, quæ de jure positivo constituta est eis condonare, quod sed nullo pacto debeat, ut tanto scelere resistatur, quo nullum perniciosius, nec magis scandalosum.

XXVI. Profectò, quàm gravis, urgensque ratio subesse debeat, ut quis Ecclesiam seu Beneficium retineat, seu potius de novo obtineat, in quod per Simoniam, præsertim ipso sciente vel cooperante commissam, intravit, non difficulter intelligit, qui novit, nullum ad Sacrum Ecclesiæ Ministerium, nisi à Deo vocatus sit, esse admittendum. Quis verò non videat, summa multaque vocationis indicia requiri in illo, qui jam Deo non vocante in Sacrum Ecclesiæ Ministerium se intrudere non erubuit; qui juxta Sacros Canones Spiritu Dei conditos, & totius Ecclesiæ reverentia roboratos, à Sacris functionibus in perpetuum debet esse alienus? Quis, quæso, non manifesta & extraordinaria vocationis signa requirat, ut contra divinitus statutas Regulas ad Christi Ministerium admittatur?

Ad hæc, cum nullus vel ambitiosus vel avarus, imò de vitiis illis suspectus, Sacerdotio sit aptus; tantus indubiè præviè ad dispensationem, meritorum fulgor, & odor bonæ vitæ exigendus, ut is, omnem, quam ex Simoniacò ad Beneficium introitu contraxit, ambitio- nis aut avaritiæ notam abstergat.

XXVII. Ulteriùs attendendum, quod si is, qui ipse- met per Simoniam ad Beneficium sibi viam pandit, dispensationem suo proprio motu petat, vel hac suâ postulatione se reverà indignum, aut saltem de indignitate multùm reddat suspectum.

Quis enim illum corde contrito & humiliato de sua pravitate dolere & pœnitere credat, qui audet Sacerdotium, quod per superbiam vel avaritiam ambivit, & sacrilegè usurpavit, rursus postulare. Certè non illud

T t t t t 2



illud humilitatis, sed potius magnæ superbie & præsumptionis frequenter signum esse potest.

XXVII. Merito ergo prædicti Prælati dixere, quodd, licet non negarent, Pontificem posse penam illam, quæ de jure positivo constituta est, Simoniaci condonare, *tamen nullo pacto debeat, ut tanto sceleri resistatur, quo nullum perniciosius, nec magis scandalosum.*

XXVIII. Sed quid, si ipse Provisus nullam Simoniam commiserit; sed ipso planè ignorante, nulloque modo cooperante, à parentibus vel amicis realiter inter venerit Simonia, & provisio in favorem Provisi Simoniacè obtemperata sit? Indubiè juxta rigorem Canonum talis provisio est nulla, ut ipse Provisus Beneficio obtento renuntiare debeat: attamen quin simili casu nonnunquam dispensationis ratio subesse queat, ambigi posse non videtur.

Quid enim si is rectâ intentione, etiam Superioribus, nullatenus de Simonia parentum aut amicorum confisus, inflantibus & moventibus intraverit, & cum fructu & ædificatione eidem Beneficio deserviat; ita ut vel ex ipso fructu non obscura appareant Divinæ vocationis indicia? quidni cum hujusmodi dispensari poterit, ut in Beneficio remaneat? præsertim si prævideatur, quodd, ipso Beneficium deferente, alius idoneus aut minus idoneus intrabit: maximè si & ipsa Simonia sit occulta, ut ex hoc capite scandalum non sit timendum; vel ea sint Provisi nota merita, ut omnem mali speciem sufficerent abstergant.

XXIX. Pro hodierna Praxi dispensationis notandum imprimis, quodd hæc dispensatio peti soleat vel in Dataria Romana, vel in Penitentiaria.

In Dataria petenda est, si Simonia sit notoria, aut saltem in foro externo posset probari; ipseque Provisus non tantum pro foro interno, sed etiam pro externo dispensationem suam valere desideret.

In Penitentiaria autem petitur, si sit omninò occulta; tantumque pro foro conscientie dispensationem obtinere desideret.

XXX. Imprimis autem observat Pyrrhus Corradus in Praxi dispensat. lib. 5. cap. 9. num. 14. quodd quoties super Simonia dispensatio petitur in Dataria, debent exprimi fructus percepti ex Beneficio Simoniacè obtento: "cùm illi (ait) debeantur Camera Apostolicæ: ac propterea consignari D. Datario, vel Datarie Præfecto, licet hodie pro dictis fructibus fiat transactio, & ex illis remittatur Oratori tertia, vel major pars prout ipsi D. Datario videbitur.

Unde hæc materia est exiis, quæ subjacent, *Componenda*; ideoque supplica transire debet per manus Officialis, qui vocatur *Componenda*, de quo actum supra parte 1. tit. 23. cap. 2. & 3. num. 18.

XXXI. Dicit autem Perardus Castellus in Praxi Curie Romanæ pag. 28. quia fructus malè percepti frequenter sunt *incertæ restitutionis*, aliis asserentibus eos spectare ad successores, aliis verò ad pauperes, tandem decisionem factam fuisse in favorem Camera Apostolicæ: quodd administratio generalis bonorum Ecclesiasticorum censeatur spectare ad Papam, dum non scitur alicui particulari competere.

XXXII. Monet autem ibidem in notis Guillelmus Noyer ex Petro Pithæo in commentario ad libertates Ecclesiæ Gallicanæ cap. 51. quodd hujusmodi compositiones fructuum malè perceptorum non admittantur in Gallia. Verba Pithæi sunt: *Le Pape ne peut composer avec ceux, qui auroient été vrais intrus en Bénéfices de ce Royaume, sur les fruits mal pris par eux, ni les leur remettre pour le tout ou en partie au profit de sa chambre, ni au préjudice des Eglises ou personnes, au profit desquelles tels fruits doivent être convertis.* Id est: Non est Pontificis, ut cum iis, qui verè in Beneficia hujus Regni intrusi sunt, negotium componat quoad fructus malè ab iis perceptos, necut in præjudicium Ecclesiarum aut personarum, quarum emolumento fructus hoc modo acquisiti cedere debent, illos à restitu-

tione totali aut partiali in utilitatem Camerae suæ absolvat.

XXXIII. Unde & in verificatione Litterarum Legatorum Sedis Apostolicæ inferi solet clausula, quodd non componet super fructibus malè perceptis; neque in totum vel pro parte remitter; uti videre est in probationibus Libertatum Ecclesiæ Gallicanæ cap. 23. num. 49. 51. & 52. ubi hæc restrictio his verbis exprimitur: *Aussi ne pourra (le dit Legat) faire aucune composition avec ceux, qui auront été vrais intrus en Bénéfices, sur les fruits par eux mal pris & perçus, ne leur remettre en tout ou partie, attendu qu'ils doivent être convertis en l'utilité des Eglises.* Id est: Deinde non erit (dicti Legati) ut cum iis, qui verè in Beneficia intrusi sunt, negotium quoquo modo componat, quoad fructus ab iis malè acquisitos & perceptos: nec ut eos à restitutione totali aut partiali absolvat, quandoquidem in Ecclesiarum utilitatem converfos oporteat.

Nemo non videt, quàm malè sonet hæc super fructibus malè perceptis cum Camera Apostolica compositio, ut eà mediante obrineatur dispensatio super commissio vitio Simonie; quasi satis sit ad abluendum vitiosum ingressum in Beneficium, Camera Apostolicam participem reddere fructuum malè perceptorum.

Præterea nec hæc cum Camera Apostolica compositio, titulus sufficiens apparet, qui Simoniacè intrusum à restitutione reliquorum malè perceptorum fructuum absolvere posset, eumque in illorum retentione securum reddere.

Quam enim ratione bona Ecclesiæ ex Fundatorum intentione, & Ecclesiæ mente, in Ministros Ecclesiæ, pauperum alimoniam, aliosque pios usus dispensanda, malè percepta credat quis posse retinere, eo titulo quod partem sic malè perceptorum cum Camera Apostolica componendo dividat.

XXXIV. In formula dispensationis super Simonia omninò occulta, pro solo foro conscientie per Penitentiariam quoad fructuum restitutionem injungitur, ut non antè cum Simoniacò dispenser, "nisi postquam fructus ex illo Beneficio indebitè perceptos in totum restituerit; vel si ob ejus paupertatem in præsentia, rum non potest, se restitutum promiserit, cùm prium poterit, etiam cum aliquali sui incommodo, & indigentia." Ita Pyrrhus Corradus in citata praxi lib. 5. cap. 11. ubi tamen unà notat, aliquando Confessario dari facultatem, ut ob paupertatem Oratoris ipsi perceptos fructus, vel in totum, vel pro parte remittat, quod in formulis dispensationis exprimi solet.

XXXV. Illud commune est utrique dispensationi, sive pro solo foro conscientie, sive pro utroque foro, quodd utraque detur in forma *commissoria*: id est, quodd nec ipse Papa nec Penitentiarius Papæ dispenser; sed ipsa dispensandi auctoritas committatur vel Ordinario ejus Diocesis, in qua Beneficium Simoniacè obtentum est situm, vel pro solo foro conscientie alicui Confessario, eo modo, quo dispensatio matrimonialis, de qua supra Sess. 1. tit. 14. cap. 2.

XXXVI. Utraque autem dispensationis formula requirit, ut priusquam ad dispensationem procedatur, ipse Provisus prius ipsum Beneficium *dimittere* teneatur; atque novam provisionem ab Ordinario pro utroque foro, vel à Confessario pro foro conscientie obtinere debeat; etiam si Simonia, planè ignorante Provisio, intervenerit: idque ut ostendatur, quodd reverà prima provisio ob commissam Simoniam fuerit irrita: requiraturque nova provisio auctoritate Papæ facienda, ut Provisus in Beneficio remanere queat.

XXXVII. In Extravagante 2. De Simonia inter communes, "omnibus & singulis Ecclesiasticis secularibusque personis cujuscumque dignitatis, status, gradus, Ordinis vel conditionis fuerint, in virtute sanctæ obedientie injungitur, ut eos omnes, quos Simoniam hujusmodi commississe vel procurasse, aut

„ aut in ea mediatores esse sciverint, Pontifici prædi-  
„ cto, vel cui idem Pontifex duxerit committendum,  
„ vel per alios revelare quantocius non omittant.

Notat autem Marcus Paulus Leo in Praxi Pœnitentiarie Romanæ *part. 3. cap. 30.* hanc obligationem hodie non esse in usu; sed in locum illius revelationis successisse hodiernam clausulam litteris Pœnitentiarie inferi solitam, quâ inungitur Confessario, quoddam inungit Proviso, ut alios, si qui sunt, in præmissis culpabiles, quantum potest moneat, & inducat ad impetrandam à Sede Apostolica absolutionem.

XXXVIII. Ordinariè in supplica pro retentione Beneficii Simoniacè obtenti pro causa dispensationis allegatur, quoddam Beneficium sine scandalo dimitti nequeat. Rectè autem observat Pyrrhus Corradus loco citato *num. 7.* quoddam scandalum non præstet justam causam dispensandi in omni casu prohibito.

XXXIX. Et reverà in hac materia, ordinariè verum scandalum fidelium non tam ex dimissione Beneficii, quàm ex ejus retentione timendum est; præcipuè si nota sit Simonia.

Imò si ipsum Beneficium reipsâ dimittatur, sciaturque etiam ob Simoniam forsân à parentibus commissam, Provisum Beneficio cedere debuisset, natum est contingere, ut vel hoc exemplo plures à Simonia committenda retraherentur; multisque alia imprimeretur de Simonie vitio idea, quàm hodie plerisque est impressa; qui ferè Simoniam ut *scrupulum non intelligentium*, reputant: eò quoddam videant, passim per temporalia in Beneficia intrari, & nullum tamen ut Simoniacum tractari, & à Beneficio removeri.

XI. Monet ibidem Pyrrhus Corradus: „ Ut quoad fieri possit, quævis, quantumvis minima Simonie „ labes extra Ecclesiam, à Romana Curia eliminetur, „ & arceatur, licet adsint urgentissimæ causæ, non ita „ passim illæ admittuntur; neque in hujusmodi dispensationibus pro utroque foro per Datariam Summi „ Pontificis, neque per illius pœnitentiarium; ubi à „ me, tot annis illius Prætorio inserviente, satis id „ compertum est; ibi enim nec favores prævalent, nec „ Oratorum continua instantia prodest.

## TITULUS XIV.

### DE ACCEPTIONE PERSONARUM VITANDA IN BENEFICIORUM PROVISIONE.

#### CAPUT I.

Quid acceptio personarum; & quando hæc in collatione Beneficiorum committatur.

1. Quid acceptio personarum?
2. In Justitia distributiva debet attendi proportio secundum merita personarum.
3. Quando in distributione munerum aut officiorum committatur acceptio personarum?
4. In acceptione personarum attenduntur conditiones non facientes ad causam.
5. Quæ conditiones non faciant ad causam?
6. Eadem conditio potest facere vel non facere ad causam pro diversitate materia.
7. In provisione Beneficiorum committitur acceptio personarum, si attendatur conditio non spectans ad causam.
8. Causa distributionis Beneficiorum esse debet, de meliori ministro Ecclesiæ providere.
9. Hæc unicè in hac distributione attendi debet.
10. Conditio non spectans ad banc causam, tametsi de se bona, nequaquam attendenda.
11. An attendenda indigentia personæ?
12. Quid de mandatis in forma pauperum senserit B. Bartholomæus De Martyribus?
13. An attendenda paupertas parentum?
14. Quoddam aliquis sit consanguineus Collatoris, ad causam facere non solet.
15. Consanguineus non omnino excludendus, quin interdum extraneo præferendus.
16. Conferenda merita consanguinei cum meritis extranei.
17. In hac collatione alieno potius quàm proprio judicio fidere debent Collatores.
18. Consanguinitas attendenda cum respectu ad bonum Ecclesiæ.
19. In prælatione consanguineorum specialiter cavendum scandalum.
20. Ob scandalum subinde consanguineus dignior postponendus extraneo minùs digno.

21. Ob merita Providendi aliquando scandalum non curandum.
22. Ex persona Collatoris potest fieri, ut scandalum sit acceptum, non datum.
23. Quare hodie specialiter cavenda consanguineorum promotio?

I. PERSONARUM acceptio solet definiri, Injustitia, qua præfertur persona personæ propter causam indebitam.

Hæc autem injustitia opponitur justitiæ, quæ à Theologis & Jurisconsultis vocatur justitia distributiva; secundum quam bona, aut res sunt distribuenda servatâ proportionem meritorum.

II. Unde S. Thomas 2.2. *quæst. 63. art. 1. in C.* probans quoddam acceptio personarum opponatur justitiæ distributivæ, ait: „ Consistit enim æqualitas distributivæ justitiæ in hoc, quoddam diversis personis diversa „ tribuuntur secundum proportionem ad dignitates personarum.

III. Hinc ulterius infert: „ Si ergo aliquis consideret illam proprietatem personæ, propter quam id „ quod ei confertur, est ei debitum, non est acceptio personæ, sed causæ. . . putâ si aliquis promoveat aliquem ad Magistratum propter sufficientiam scientiæ; hic attenditur causa debita, non persona. Si autem „ aliquis consideret in eo, cui aliquid confert, non id „ propter quod, id quod ei datur, esset ei proportio- „ natum, vel debitum; sed solùm hoc quod est iste „ homo (putâ Petrus vel Martinus) hic est acceptio „ personæ. quia non attribuitur ei aliquid propter aliquam causam, quæ faciat eum dignum, sed simpliciter attribuitur personæ.

IV. Itaque dicendum: „ In justitia distributiva (rursus verbis S. Thomæ loquor *Cod. art. ad 1.*) considerantur conditiones personarum, quæ faciunt ad dignitatem vel debiti causam. Sed in acceptione personarum considerantur conditiones, quæ non faciunt „ ad causam.

V. Quæ autem conditiones referantur ad personam, explicat ipse Doctor Angelicus, dicens in Corpore ejusdem art.: „ Ad personam autem refertur quæcumque „ con-

" conditio non faciens *ad causam*, propter quam sit dignus hoc dono. Putà si aliquis promoveat aliquem ad Prælationem vel Magisterium, quia est dives vel consanguineus suus: est acceptio personæ.

VI. "Contingit tamen (pergit S. Thomas) aliquam conditionem personæ facere eam dignam respectu unius rei, & non respectu alterius: sicut consanguinitas facit aliquem dignum ad hoc, quod instituat haeres patrimonii, non autem ad hoc quod conferatur ei Prælatio Ecclesiastica. Et ideo eadem conditio personæ, in uno negotio considerata facit acceptionem personæ, in alio autem non facit.

VII. Ex his haud difficulter intelligi poterit, in provisione Beneficiorum toties fieri acceptionem personarum, & violari justitiam distributivam, quoties in hac provisione attenditur conditio non faciens *ad causam* propter quam sit dignus hoc dono, sive hoc Beneficio.

Quare S. Thomas *art. 2.* querens, utrum in dispensatione spiritualium locum habeat personarum acceptio, expressè monet in responsione *ad 3.* quod si in electione ad dignitatem Ecclesiasticam, "non pertineat *ad negotium* id, quod consideratur ut causa, erit manifestè acceptio personæ.

Itaque ut in provisione Beneficiorum servetur justitia distributiva, & vitetur vitium ei oppositum, personarum acceptio, eæ solæ conditiones sunt attendendæ, quæ faciunt *ad causam*.

VIII. Cum igitur causa distributionis sive provisionis Beneficiorum sit, dare Ecclesiæ idoneos Ministros, qui conveniant officio propter quod Beneficium datur, consequens est, quod justitia distributiva requirat, ut servetur æqualitas proportionis ad qualitates personarum *ad hanc causam* pertinentes; atque ita in hac distributione solus respectus habeatur ad conditiones illas, quæ faciunt, ut melius Ecclesiæ de Ministro provideatur.

IX. Hinc collige primò, quod in distributione Beneficiorum justitia distributiva exigit, ut bonum Ecclesiæ unicè præ oculis habeatur; id est, ut Beneficiorum dispensatores æqualitatem servant proportionis, habito respectu ad qualitates, quæ ad bonum Ecclesiæ faciunt.

X. Collige secundò, in Beneficiorum distributione non esse attendendam qualitatem personæ etiam bonam, si illa *ad causam*, id est, ut provideatur Ecclesiæ de meliori Ministro, non pertineat. Contingit enim aliquam conditionem personæ facere eam dignam respectu unius rei, inquit S. Thomas *art. 1.* in corpore, & non respectu alterius.

XI. Hinc collige tertio, quod licet justitia distributiva sæpè requirat, ut paupertas personæ in distributione communium elemosynarum attendatur; nullatenus tamen in Beneficiorum provisione, præsertim cum cura animarum, in collatione attendenda veniat: quia priori casu qualitas paupertatis facit *ad causam*, non verò posteriori. Causa quippe distributionis communium elemosynarum, est succurrere indigentiae personarum, è contra causa distributionis Beneficiorum non est succurrere paupertati seu indigentiae eorum, qui ad Beneficia promoventur, sed Ecclesiis digniores Ministros præficere; seu Ecclesiis, non personis providere; quare cum paupertas non sit conditio ad hanc causam pertinens, si in distributione Beneficiorum illa attendatur, à justitia distributiva receditur.

XII. Hæc optimè intelligens nominatissimus ille Bracarensis Archiepiscopus Bartholomæus *De Martyribus*, non dubitavit coram Patribus Tridentinis acriter reprehendere mandata providendi in forma pauperum, dicens: "In proventibus Ecclesiasticis distribuendis, spectandam esse doctrinam & virtutem, non paupertatem; cum oporteat consulere muneribus, non hominibus: egentibus subveniendum esse per *elemosynas*, non per *Sacerdotia*.

Hæc Pallavicinus in *Historia Concilii Tridentini lib. 23. cap. 7. num. 7.* & *suprà tit. 6. cap. 3. num. 3. aliàs tit. 23. cap. 2. n. 3.* latius retulimus.

XIII. Itaque erroneam de Beneficiis Ecclesiasticis ideam habent, qui in horum distributione *ad causam* pertinere autumant, quod quis pauperes habeat parentes, quibus posset ex proventibus Beneficii succurrere. Cum enim, ut dictum est, Beneficia Ecclesiastica non sint ordinata ad succurrendum paupertati & indigentiae corporali, sed ut habeantur idonei Ministri Ecclesiæ, evidens est, parentum indigentiam *ad hanc causam* non spectare. Imò è contra ob parentum egestatem non raro fit, ut ea de causa minus idoneus Beneficio Ecclesiastico, præsertim curato, censeri debeat; notum quippe est, quàm frequenter parentum indigentia impedimento sit, ut non ea, qua oportet, libertate, zelo & vigore, Ecclesiastici functiones suas obeant.

XIV. Ex dictis quoque non difficulter intelligi potest, consanguinitatem in Beneficiorum provisione *per se* non esse conditionem seu qualitatem, quæ attendi possit; utpote quæ *ad causam* spectare non solet. Nam ut monet S. Thomas, "consanguinitas facit aliquem dignum ad hoc, ut instituat haeres patrimonii, non autem ad hoc ut conferatur ei Prælatio Ecclesiastica.

Unde ex sententia ejusdem Doctoris, si aliquis promoveat aliquem ad Prælationem, quia *consanguineus suus est*, tunc fit acceptio personarum.

XV. Porro, licet consanguinitas *per se*, non sit conditio pertinet *ad causam*, non tamen absolute impedit, quominus ipsi conferatur, modò non ipsius consanguinitatis, sed meritum ratio habeatur. Imò si consanguinei Prælati Ecclesiastici sint *æque digni ut alii*, licet potest absque personarum acceptione consanguineos suos præferre, ait S. Thomas, citata *quæst. 63. art. 2. ad 1.*

Rationem adjungit: "Quia saltem in hoc præeminet, quod de ipsis magis confidere potest, ut unanimiter secum negotia Ecclesiæ tractent.

XVI. Duo itaque exigit S. Doctor, ut Prælati consanguineo suo Beneficium sine acceptione personarum conferre queat.

Primò, ut consanguinei sint *æque digni ut alii*. Requiritur ergo ut Prælati sive Collatores Beneficii conditiones seu merita & qualitates extraneorum conferat, cum qualitatibus consanguinei sui: ritèque expendat, num hujus qualitates ad officium obeundum, propter quod Beneficium datur, eum *æque dignum* reddant, quàm extraneum.

XVII. Hic autem primò attendendum Collatoribus, quod proprium judicium de meritis ac qualitatibus consanguinei sui semper debeant habere suspectum. Cum enim consistat æqualitas distributivæ justitiæ, ut ait S. Thomas, in hoc, quod diversis personis diversa tribuantur secundum proportionem ad dignitates personarum, necessarium est, Collatores conferre inter se qualitates consanguinei & qualitates extranei, ut illis inter se collatis, juxta justitiam distributivam Beneficium conferant *secundum proportionem ad qualitates personarum*. Quis verò negare aut ambigere auserit, quin natum sit contingere, ut affectu naturali erga sibi propinquos præventi, & nonnihil excæcati, abripiantur, ut suorum industriam ac dotes magnificè, extraneorum verò tenuiter æstiment. Quapropter si, teste Doctore Mellistuo, *plerisque imò cunctis penè contingere sapientibus solet, in rebus videlicet dubiis plus alieno se, quàm proprio credere judicio*, indubiè sapientes atque justi Beneficiorum Collatores aut Patroni in dijudicandis meritis consanguinei, plus alieno quàm proprio credent judicio, semper verentes, ne carnalis in carnem & sanguinem affectus proprium judicium pervertat.

Hinc



Hinc quoque planum est, quod si unquam ad exemplum Apostolorum, Patronis aut Electoribus clamandum sit: *Tu Domine, qui corda nostrorum omnium, ostende, quem elegeris, Act. cap. 1. v. 24.* hoc casu clamandum sit, dum caro & sanguis clamant, imò quodammodo cogunt, favendum esse consanguineis; ipsorumque causam à tramite justitiæ distributivæ esse non nihil deflectendum, aut saltem non scrupulosè illam esse attendendam.

XVIII. Secundò, attendi vult S. Thomas in prælatione *consanguinei*, quod idè præferantur extraneis, quod de ipsis *magis considerare possit* Prælator, quod unanimiter secum negotia Ecclesiæ tractabunt. Hoc autem ad bonum Ecclesiæ spectare potest: atque hinc patet, S. Thomam non velle considerari *consanguinitatem* in provisione Beneficii simpliciter secundum se, sed cum relatione ad bonum Ecclesiæ; & quatenus eo casu pertinet *ad causam*: dum *consanguinitas* facit, ut *utilius* Ecclesiæ servire queat.

XIX. Insuper in hac consanguineorum prælatione specialiter cavendum scandalum, quod & S. Thomas notavit, verbis jam relatis adjungens: "Eset tamen hoc propter scandalum dimitendum, si ex hoc aliqui exemplum sumerent, etiam præter dignitatem, bona Ecclesiæ consanguineis dandi."

Idipsum ante Doctorem Angelicum monet & latius exposuit Pissimus Parisiensium Cantor, in *Verbo Abbreviato*, cap. 43. Postquam enim ostendit, quod *ÆDIFICENT SION, scilicet Ecclesiam, in sanguinibus, in peccatis*, qui Beneficia non pro meritis, sed ex affectu carnali conferunt, quærit idem: "Sed quid, si æquè honestus est, & dignus, ut extraneus? Sed & hoc periculosum est, inquit, nisi probitas ejus extinguat, & excludat omnem infamiam, scandalum & malum exemplum, quod de facili non fit." Rationem illius verissimam & notandam allegat: "Non enim exemplum à bene gestis nostris sumitur, sed à cortice, specie, & superficie illorum, non à veritate. Si enim dedi nepoti meo propter gratiam, alii meo utentur exemplo, ut dent suis propter naturam magis, quam propter gratiam, dicentes: Nonne meis, sicut & ille suis, dabo."

XX. Postponendus igitur quandoque erit extraneus consanguineus æquè dignus, imò nonnunquam dignior, propter scandalum & malum exemplum aliorum: qui merita atque qualitates ipsius non pernoctantes, nec rei veritatem, sed corticem dumtaxat videntes, facile hoc exemplo promovebuntur, ut *carni & sanguini* dent, quod illi *gratia* dederunt.

XXI. Non tamen semper ob periculum scandalum prætereundos esse consanguineos, sat insinuat Petrus Cantor, & ratio evincit. Dum enim hoc periculosum asserit, consanguineum æquè dignum ad Beneficium promovere, subiungit hanc exceptionem: *Isti probitas extinguat & excludat omnem infamiam, scandalum & malum exemplum.* Si quippe contingat, im esse vitæ sanctitatem, eruditionem aliasque Ministris Ecclesiasticis necessarias qualitates, ut omnibus vebat attentare volentibus, patere debeat eum Beneficio vacanti admodum convenire; quis ambigat, quid hujusmodi consanguineo provideri possit, non obante scandalo non pusillorum, sed potius Phariseorum: qui cupiditati suæ velamentum quærentes, ad reverentiam nec aspicere quidem volunt; quare si hujusmodi scandalizari dicantur, responderi potest cum Christo: *Sinite illos: cæci sunt & ducem eorum.*

XXII. Potest quoque nonnunquam contingere ex persona promoventis consanguineum ut scandalum, si quod sit timendum, non erit datum, sed acceptum ab illo, qui *noluit intelligere, ut bene agat*; qui quærens cupiditatis & malitiæ suæ aliquod opimentum, corticem actionis attendit, non rei veritatem, quam facile videre posset, si vellet.

Quid enim, si ea sit personæ præstantis in omnibus

suis negotiis & actionibus ab omni carnali affectu integritas, ut omnibus attendere volentibus planum sit, quod non secundum carnem & sanguinem, sed secundum Deum in omnibus procedat? Certè tali casu non nisi malitiosè ac Pharisaicè judicare aut præsumere quis posset, personam illam in promotione sui consanguinei, præter morem suum agendi ordinarium, attendisse carnem & sanguinem, nisi manifestè ex circumstantiis pateret, ipsum à via justitiæ hoc casu deflectisse; ac per consequens ob eminentem virtutem & integritatem personæ promoventis fieri potest, ut scandalum quod aliàs esset datum, futurum sit acceptum & Pharisaicum.

XXIII. His similibusve casibus sepositis, admodum à consanguineorum promotione cavendum; potiusque extraneus quam consanguineus Beneficio præficiendus; tum ut hoc exemplo error ille, siue abusus (qui hodie pro lege apud multos invaluit) in collatione Beneficiorum consanguineos extraneis, licet dignioribus, præferendi, extirpetur; tum ne promovendo consanguineos, abusus ille magis foveatur & stabilia-

## CAPUT II.

Beneficia conferenda sunt Dignioribus.

1. *Justitia distributiva violatur in distributione Beneficiorum, quoties attenditur qualitas ad causam non spectans.*
2. *Hinc consequens, digniori providendum esse.*
3. *Id unanimi consensu docent Canonistæ.*
4. *Illud & in Patronis laicis procedit.*
5. *Similiter in Permutantibus & Resignantibus in favorem.*
6. *Non excusantur Resignantes in electione minus digni ob consensum Superioris.*
7. *Interdum Superiores resignationem factam minus digno impedire nequeunt.*
8. *Jura electionem minus digni reputant validam; licet peccetur contra justitiam distributivam.*
9. *Quare jura similem electionem habeant pro valida.*
10. *Electio minus digni erit valida in foro judiciali, tametsi Electores jurent se electuros digniorem.*
11. *Præsentatio digni, omisso digniore, est valida: nec institutio negari eo titulo potest.*
12. *Quid, si plures sint Patroni, & dignior & minus dignus à diversis præsententur?*
13. *Instituens minus dignum, omisso digniore, non semper peccat.*
14. *Quomodo Synodus Tridentina velit institui Præsentatum, modò sit idoneus?*
15. *Synodus nullatenus insinuat, Patronum non teneri præsentare digniorem.*

I. Ex dictis capite præcedenti constat, toties justitiam distributivam in distributione Beneficiorum violari, quoties in hac distributione una persona præfertur alteri ob conditionem seu qualitatem, quæ *ad causam* non pertinet; siue quæ personam huic Beneficio magis dignam non facit.

II. Hinc evidenter consequitur, distributionem Beneficiorum fieri debere *magis digno*. Ut enim rectè advertit S. Thomas 2. 2. *quæst. 63. art. 2. ad 3.* "Si potest haberi aliquis magis idoneus erga aliquam dignitatem, & alius præferatur, oportet quod hoc sit propter aliquam causam: quæ quidem si pertineat *ad negotium*, quantum ad hoc erit ille, qui eligitur, magis idoneus: si verò non pertineat *ad negotium*, erit manifestè acceptio personæ."

Unde tanquam indubitatum ibidem præmiserat: "Quantum ad conscientiam eligentis necesse est eligere  
,, me."

„ meliorem, vel simpliciter, vel in comparatione ad  
„ bonum commune.

III. Observat Covarruvias in Relectione *Cap. Pec-  
tatum de R. l. in VI. §. 7. num. 4. Communi omnium  
consensu extat annotatum in Cap. CONSTITUTIS* &  
*De Appellat.* quod Prælati tenentur Sacerdotio seu Be-  
neficio præficere digniorem.

Similiter Prosper Fagnanus ad *Cap. CUM DILECTUS*  
„ *De Consuetud. num. 19.* asserit: „ Omnia Jura cla-  
„ mant, ut meliores & sanctiores eligantur; & ideo  
„ (ait) peccant contra justitiam distributivam, qui,  
„ omisso digniore, eligunt dignum, ut notant OMNES  
„ in *Cap. CONSTITUTIS* & *De Appell.*

IV. Cum verò Patroni etiam laici, vigore Juris Pa-  
tronatus præcipuas in provisione Beneficiorum ad ip-  
forum præsentationem spectantium, partes obtineant,  
indubiè & ipsi in hac distributione seu præsentatione,  
justitiæ distributivæ legibus obstringantur: ac per  
consequens, in sua præsentatione qualitates eas dum-  
taxat spectare jubentur, quæ ad negotium spectant.

Hinc Covarruvias loco citato *num. 5.* relata opinio-  
ne Cæsaris Lambertini existimantis, Patronum non  
obligari, nec teneri ad præsentandum digniorem, sed  
satis esse, si præfenter dignum, sine ulla hæsitazione  
pronuntiat, *Etenim hæc opinio apud me falsa est:* Nam  
„ licet præsentatio Patroni, quoties dignus ab eo no-  
„ minatur, valeat, sitque ab Episcopo admittenda:  
„ non ex hoc sequitur, Patronum non præsentantem  
„ digniorem, immunem esse à culpa peccati in animæ  
„ judicio contrahenda: siquidem tenetur Patronus,  
„ cui Pontificiæ Constitutiones jus hoc dedere, inqui-  
„ rere diligenter, qui sint ad Sacerdotia digniores: &  
„ eos Episcopis exhibere, ut ipsis Beneficia Juris Pa-  
„ tronatus conferantur.

V. Quod etiam & Permutantes & Resignantes in fa-  
vorem, ad Beneficiorum distributionem plurimum con-  
currant, præsertim secundum modernam praxim, no-  
tissimum est, & ex dictis titulo *De Resignatione* Bene-  
ficiorum intelligi potest, ideoque & ipsi in hac distri-  
butione leges justitiæ distributivæ servare debent; cas-  
que solas qualitates attendere, quæ ad negotium spe-  
ctant; id est, quæ personam Beneficio magis dignam  
faciunt.

Hinc Petrus Sotus *lib. 3. De Justitia, quest. 6. art. 2.*  
dicere non dubitat, quod Resignans similiter dignio-  
rem & utiliorem Ecclesiæ tenetur eligere, cui resig-  
net Beneficium, aliàs similem committit injustitiam,  
quam Prælati, qui eligat indignum ad Beneficium.

VI. Sed dicent fortè Permutantes & Resignantes:  
Superiorum est, permutationem vel resignationem ad-  
mittere vel rejicere. Sit ita. Sed quid, si Prælati  
faciliùs forsàn quàm oporteret, imò quodammodò  
indifferenter, ut hodie aliquibus in more esse videtur,  
permutationes admittat; num propterea Permutan-  
tes & Resignantes minùs dignis erunt extra noxam?  
Nonne ipsi sunt causa, quod minùs digni Beneficium  
obrineant? Si enim in permutatione & resignatione uti-  
litate Ecclesiæ dumtaxat, sive eas personarum condi-  
tiones, quæ faciunt ad causam; id est, ut meliùs Eccle-  
siæ provideatur, attendissent, indubiè dignior promo-  
tus fuisset; adeoque per resignationem minùs digno fit,  
ut Beneficium non distribuatur secundum justitiam di-  
stributivam.

VII. Deinde hodie in aliquibus Ecclesiis permuta-  
tionum praxis ita invaluit, ut si Ordinarii Collatores  
permutationem non probent, detur recursus ad Su-  
periores, uti suprà *tit. 10. cap. 2. num. 24. aliis tit. 27.  
cap. 2. num. 21.* notavimus: ideoque sæpè non depen-  
det ab Ordinariis rejicere permutationem, tametsi  
sciant eam cum digniore non esse factam: sicuti Or-  
dinarius non potest semper recusare institutionem Præ-

sentato à Patrono, tametsi sciat præsentationem non  
esse factam de digniore secundum leges justitiæ distri-  
butive.

VIII. Hanc objectionem sibi format S. Thomas 2.  
2. qu. 63. art. 2. in argumento 3. eique his verbis res-  
pondet: „ Ad tertium dicendum, quod quantum ad  
„ hoc, quod electio impugnari non possit in foro judi-  
„ ciali, sufficit eligere bonum, nec oportet eligere  
„ meliorem: quia sic omnis electio posset habere ca-  
„ lumniam. Sed quantum ad conscientiam eligentis,  
„ necesse est eligere meliorem simpliciter, vel in com-  
„ paratione ad bonum commune.

IX. Hoc responsum communi consensu amplectun-  
tur Theologi & Canonistæ, uti videri potest apud Co-  
varruviam loco citato *num. 3.* ubi notat, quod „ jura  
„ humana majorem ad tranquillitatem Reipublicæ, ne  
„ tot lites super his prælationibus tractarentur, statu-  
„ runt, electionem, collationem, & institutionem Sa-  
„ cerdotiorum validas esse, nec debere in discrimen  
„ revocationis adduci ob eam causam, quod dignior  
„ fuerit prætermisus electo digno. Etenim si locus  
„ esset contrariæ opinioni, & electiones istæ hac ra-  
„ tione possent revocari, nulla in Ecclesiastica Repub.  
„ electio fiet, quæ litibus & controversiis maximè per-  
„ niciosus non vexetur. Is verò, qui dignum elegerit,  
„ eiye Sacerdotium, aut munus publicum contulerit,  
„ prætermisso digniori, planè peccatum committit, &  
„ perpensâ qualitate mortale quidem.

X. Imò tametsi Electores præstent juramentum, eum  
dignum, quem credent Ecclesiæ utiliorem, nihilomi-  
us electio digni, omisso digniore, erit valida in foro  
judiciali, uti ibidem notat Covarruvias post Glossam  
Sanctionis Pragmaticæ: „ Hoc etenim juramentum  
„ (ait) pertinet ad perjurii crimen, si Electores existi-  
„ mant, quemdam ex Candidatis dignitatem postu-  
„ lantibus, aut qui ad eam eligi poterant, digniorem  
„ esse, eo prætermisso, alterum etiam dignum elege-  
„ rint: non tamen ob id electio nulla est, nec debet  
revocari.

XI. Sicuti electio digni, omisso digniore, ad evi-  
tandas lites, & infinitas discordias, in foro judiciali to-  
leratur, & valida reputatur; ita pariter præsentatio Pa-  
troni de digno, omisso digniore, in foro externo irri-  
tari nequit: neque Præsentato denegari potest institutio  
eo solo titulo, quod dignior non sit, modò reverà  
dignus sit.

XII. Si igitur à majore parte Patronorum præsen-  
tatus sit unus, qui sit dignus; à minore verò parte, qui  
est dignior, instituendus erit ab Episcopo dignus; nec  
dignior institui potest, cum hic reverà præsentatus non  
sit; sed solus is, qui majorem Patronorum partem ha-  
bit, ut notant Canonistæ ad *Cap. 3. de Jure Patron-  
atus;* & Covarruvias loco citato *num. 2.*

XIII. Neque Episcopo aut Ordinario imputari po-  
test electio minùs digni, omisso digniore: quia electio  
hic non fit à Episcopo aut Ordinario; sed Patrono,  
qui elegit è multis Præsentatum. Quem sine respectu  
ad alios, licet per se Ecclesiæ utiliores, instituere te-  
netur, modò reverà idoneus sit. Reliqui enim, licet  
digniores, via præsentati non sunt, etiam ab Ordi-  
nario instituere nequeunt: utpote qui solos præsentatos  
instituere possunt.

XIV. Hò sensu accipiendum Decretum Synodi  
Tridentinæ *Sf. 24. cap. 18. De Reformat.* quo decer-  
nitur: „ Quod si Juris Patronatus laicorum fuerit, de-  
„ beris, qui à Patrono præsentatus erit, ab eisdem de-  
„ putatis (Examinatoribus Synodalibus) examinari,  
„ & non nisi idoneus repertus fuerit, admitti. Consule  
Bullam Pii V. *conferendis.*

XV. Nihil uippe hic aliud intendit Synodus,  
quàm præsentam à Patrono instituendum esse, si  
modo prævio examine idoneus repertus sit, tametsi  
juxta leges justitiæ distributivæ Patrono incumbat dig-  
norem præsentare: quemadmodum Episcopus ex iis,  
quorum

quorum *libera* electio sibi competit, tenetur eligere & Ecclesiae praeficere, *quam ceteris magis idoneum* judicaverit, uti eodem Decreto non semel monet Synodus, ut proinde sufficienter indicet, non alias permitti Episcopo institutionem idonei, praetermisso *magis idoneo*, nisi quando *magis idoneum* eligere non potest, eo quod per Jus Patronatus & praesentationem in vim illius factam juris manus habeat ligatas.

### CAPUT III.

Unde desumenda major capacitas; & quomodo de ea inquirendum?

1. In determinanda idoneitate debet attendi bonum commune Ecclesiae.
2. Potest minus dignus simpliciter esse dignior attenda utilitate communi.
3. In collatione Beneficiorum debet attendi quis sit melior in ordine ad utilitatem Ecclesiae.
4. Debet attendi qualitas Beneficii, ut de idoneitate statuatur.
5. Etiam locus, tempus, aliaque circumstantiae expendenda.
6. Subinde attendenda utilitas totius Diocesis.
7. Potest Eligens aliquando praeterire dignissimum, ut de tribus minus dignus excludatur.
8. Aliquando etiam irritum conatu eligendus dignissimus.
9. In provisione Beneficiorum non hominibus, sed Ecclesiis providendum.
10. Ante provisionem Beneficiorum inquirendum de qualitatibus eorum qui praefici possent.
11. Non sufficit semper inter concurrentes eligere digniorem.
12. Sollicitantes Beneficia de incapacitate suspecti.
13. Collatores & Patroni debent in provisione Beneficiorum seponere omnem humanum erga consanguineos affectum.
14. Debent se munire contra mundanorum hominum sollicitationes, & obloquia.
15. Collatoribus Beneficiorum necessarius spiritus fortitudinis.
16. Expendendum quomodo ad electionem processerint Apostoli.

I. CUM distributio Beneficiorum debeat fieri ad utilitatem & bonum ipsius Ecclesiae, etiam major vel minor idoneitas seu capacitas desumenda erit penes utilitatem & bonum commune Ecclesiae: ut nimirum is dignior reputetur, qui plus ad bonum illius Ecclesiae, cui per Beneficium praeficitur, conferre poterit, si hoc Beneficium ei conferatur.

II. Quod notans S. Thomas 2. 2. qu. 63. art. 2. in C. monet, "quod dignitas alicujus personae potest attendi dupliciter. Uno modo simpliciter & secundum se: & sic majoris dignitatis est ille qui magis abundat in spiritualibus gratiae donis. Alio modo per comparationem ad bonum commune.

"Contingit enim quandoque (pergit S. Thomas) quod ille qui est minus sanctus, & minus sciens potest magis conferre ad bonum commune, propter potentiam vel industriam secularem, vel aliquid hujusmodi.

Ex his dein concludit: "Et quia dispensationes spiritualium principaliter ordinantur ad utilitatem communem secundum illud 1. ad Corinth. 12. Unicuique datur manifestatio Spiritus ad utilitatem: ideo quandoque absque acceptione personarum in dispensatione spiritualium, illi, qui sunt simpliciter minus boni praeferruntur melioribus.

Et Quodlib. 6. quaest. 5. art. 3. eadem reflexione facta infert: "Non ergo Episcopus tenetur semper dare

Tom. I.

„meliori simpliciter, sed tenetur dare meliori quoad hoc: „ id est, meliori quoad bonum commune & utilitatem Ecclesiae.

III. Igitur Episcopus, Patronus, Collator & quivis alius, cui provilio Beneficii quovis modo competit, debet attendere, quis dignior sit, non quidem secundum se; sed respectu Beneficii conferendi; si quis officio, propter quod Beneficium datur, aptior sit; quique utilius Ecclesiae servire poterit.

IV. Hinc ulterius concluditur, etiam attendendam esse qualitatem & conditionem Beneficii; ut iis attentis, expendatur, quis huic Beneficio utilius deserviturus speretur.

Quis enim ambigat, quin aliquis possit multo esse dignior & melior altero, respectu unius Beneficii, qui tamen esset minus dignus, si respectus habeatur ad Beneficium alterius conditionis & naturae.

V. Nec tantum ipsum Beneficium secundum se considerari debet, ut de idoneitate personae statuatur; sed & locus, tempus, aliaque circumstantiae expendendae sunt.

Potest enim quandoque contingere, ut attenda sola Beneficii & Officii conditione, simpliciter sit dignior; qui tamen loco, tempore aliisque circumstantiis attentis, minus utilis futurus praevideatur, quam alius secundum se minus capax, minusve dignus; & per consequens juxta regulam supra positam, licet is, attenda sola Beneficii qualitate, sit minus dignus, erit tamen reputandus dignior, & alteri praeferrendus; quia, omnibus attentis, praevideatur plus Ecclesiae profuturus.

VI. Uterius, quia dispensatio sive distributio Beneficiorum faciendae est ad utilitatem Ecclesiae, fieri potest, ut etiam, omnibus attentis, aliquis sit dignior, & utilius Beneficio vacanti deserviturus sit, & tamen Episcopus sine ulla personarum acceptione hunc digniorem postponeret alteri, qui revera, omnibus attentis, minus dignus est, & minore cum fructu Beneficio deserviturus.

Cum enim Episcopus non tantum hujus Beneficii, aut Ecclesiae, cui per Beneficium hic dignior esset praeficiendus, sed totius suae Diocesis rationem & curam habere, ejusque utilitatem attendere teneatur; fieri potest, ut hic tanquam dignior esset quidem promovendus ad hoc Beneficium inspecta sola utilitate hujus Ecclesiae particularis: nequaquam tamen attenda utilitate & bono communi totius Diocesis: quod saepe exigit, ut alteri officio praeficiatur aut reservetur; cui deserviendo non tantum uni particulari Ecclesiae, sed toti Diocesi plurimum prodesse poterit: neque alius tam idoneus huic officio, verb. grat. Archidiaconi, haberi queat.

VII. Ex eodem principio, nimirum in provisione Beneficiorum attendendam esse utilitatem communem ipsius Ecclesiae, confectarium est, quod Eligens non tantum considerare debeat, quis inter eligibiles sit absolute dignior; sed quis sit dignior ex iis quos ipse per suum suffragium cum effectu Ecclesiae praeficere poterit.

Quid enim, si tres sint eligibiles, at praevideatur, quod dignior inter illos certo non sit eligendus pluralitate suffragiorum; imò praevideatur, si hunc eligam, pluralitate suffragiorum eligendus minus dignus inter omnes. Econtra verò si eligam secundum multo quidem capaciorem tertio, sed inferiorem primo, quo suffragio certo excludetur tertius, & secundus eligetur. Quis ambigat, quin simili casu, attenda Ecclesiae utilitate, & bono communi, non tantum passim sed & debeam eligere secundum, praeterito primo, licet omnium dignissimo. Neque enim hoc casu dignior negligitur sive postponitur ob causam quae ad negotium non pertinet, in quo consistit acceptio personarum; sed ob causam ad negotium pertinentem, nimirum, ut minus dignus excludatur, & dignior, qui haberi potest, Ecclesiae praeficiatur.

U u u u u

VIII.



VIII. Unde si quis sua electione minus dignum cum effectu excludere non posset, omnium dignissimum eligere deberet; etsi sciret hunc cum effectu non esse promovendum. Quin & priori casu, nonnunquam ad evitandum scandalum, palam edicere tenetur, se primum omnium capacissimum, non nisi cogente necessitate, scilicet excludendi minus dignum, præterire.

IX. Si ergo juxta certissimas justitiæ distributiæ leges Beneficia conferenda sint dignioribus, *attenta Ecclesiæ utilitate & bono communi*, merito Patroni & Collatores Beneficiorum altissimè cordibus suis inculpant aureum illud Adriani VI. dictum: *Volo homines dare Beneficiis, & non Beneficia hominibus*: ut nimirum semper per Beneficiorum dationem intendant Beneficiis sive Ecclesiis providere de dignioribus ministris, & non hominibus per Beneficia.

X. Insuper si Patroni & Collatores Beneficiorum teneantur tanquam fideles dispensatores, Beneficia ad majorem utilitatem Ecclesiæ distribuere, indubiè etiam inquirere debent, quinam inter Ecclesiasticos virtute & scientia emineant; qui exemplo suo populum ædificent; quorum probitati & capacitati fama publica testimonium perhibet: quod & Covarruvias in *relezione Capituli* PECCATUM §. 7. num. 6. reflectit, ubi docet, tum demum Patronum satisfacere, eligendo dignum, cum dignior non reperitur PRÆMISSA mediocri aut diligenti INQUISITIONE nominandi: nimirum majore vel minore inquisitione pro conditione Beneficii de cujus provisione agitur. "Sicuti enim iis, qui ad id dignitatis (Episcopatus) electi ab aliis fuerint, non satis est defensionem hanc afferre: voluntarius ipse ad hujusmodi munus administrandum non accessit... neque eos qui elegerint sublevare quiddam poterit, si dixerint, ignorasse se eum quem elegere." Ita S. Chrysostomus *De Sacerdotio* cap. 2.

XI. Quare Patroni & Collatores, liberam habentes præsentationem vel collationem, nullatenus satisfaciunt officio fidelis dispensationis, si eorum duntaxat rationem habere velint, qui apud ipsos pro obtinendo Beneficio instant, & rogant, aut ut hodierna phrasi loquamur, *solicitant*; creduntque se satisfacere, si inter sollicitantes, digniorem eligant: cum faciliè digniorem reperirent, si utilitatem Ecclesiæ & bonum commune seriò intendentes, eam curam inquirendi adhiberent, quam etiam adhibitam vellent à suis œconomis aut famulis, ut meliores & peritiores operarii, pro aliquo notabili ædificio extruendo, aut alio negotio temporali tractando, haberentur. Indiciū non obscurum, quodd hujusmodi Patronis & Collatoribus major sit cura de temporalibus, quàm de spiritualibus, à quibus tamen non raro plurimum animarum æterna salus dependet. Optimi videlicet verum æstimatores, qui magnam de minimis, parvam aut nullam de maximis curam gerunt: ut de similibus per ironiam olim dixit S. Bernardus lib. 4. *De Considerat.* cap. 6.

XII. Latius de his actum in Tractatu Simonie circa Beneficia parte 1. cap. 9. §. 5. ubi unà ostensum est, quodd hi qui pro Beneficio, præsertim curato, rogant & sollicitant, vel hoc titulo meritò à Patronis & Collatoribus habeantur suspecti, tanquam Beneficio obeundo minus idonei, juxta illud S. Bernardi lib. 4. *De Considerat.* ad Eugenium cap. 4. Pro quo rogaris, sit suspectus ipse, qui ipse rogat pro se jam judicatus est. Nec interest per se, an per alium quis roget. Et illud S. Thomæ 2.2. quæst. 100. art. 5. ad 3. Si aliquis pro se rogat, ut obtineat curam animarum, ex ipsa præsumptione reditur indignus.

XIII. Hactenus dicta de obligatione eligendi digniorem; & attendenda sola utilitate Ecclesiæ, sufficienter quoque ostendunt, omninò necessarium esse, ut Patroni & Collatores omnem humanum erga consanguineos & familiares affectum deponant, dum de Beneficiorum collatione deliberant. Si enim eo affectu

ipsos laborare contingat, faciliè fiet, ut hoc affectu præventi & excæcati, consanguineos licet minus dignos præferant dignioribus extraneis.

XIV. Imò necesse erit, ut Patroni & Collatores se contra hominum mundanorum (qui in Beneficiis & dignitatibus Ecclesiasticis non nisi lucra & honores seculi respiciunt) preces, sollicitationes, humanasque eorum ratiocinationes, quin & terrores, specialiter muniant ac præparent, ne alias hisce frangantur, & à tramite justitiæ cum summo suo discrimine avertantur.

XV. Verùm ad hæc omnia quis sat idoneus, nisi ei fuerit datum desuper? Quamobrem nihil magis necessarium his, quibus incumbit Ecclesiæ ministros constituere, & eligere, quàm ad Patrem luminum, & Spiritum fortitudinis, instanter recurrere: ut ille & illuminando intellectum ostendat, quis utilior Ecclesiæ minister eligendus; & voluntati robur tribuat, quo adversus humanas tentationes firma permaneat.

XVI. Legimus in Actibus Apostolorum cap. 1. quodd præsentatis duobus, *Josepb, qui vocabatur Barsabas qui cognominatus est Justus, & Matbia*, ut unus eorum ad Apostolatū eligeretur, ad hanc electionem propere Apostoli non præsumperint; sed ad Deum confugerint, ut ipse ostenderet, quem ex duobus ad hoc ministerium elegisset: & orantes dixerunt, ait S. Textus: *Tu Domine, qui corda nosti omnium, ostende quem elegeris ex his duobus unum.* "Siigitur Apostoli ipsi (inquit magnus ille Archiepiscopus Bartholomæus De Martyribus ad Patres Concilii Tridentini) electioni illi faciendæ sese impares judicaverint: & si Clerus universus pro more veteri cum populo congregatus, id demum se ritè peracturum crediderit, si jejuniis, publicisque ordinationibus cœleste lumen opemque divinam sibi accersissent; non horrebunt Reges (idem dic de cæteris Collatoribus) eum per seiplos delectum habere? (a)

(a) S. Pius V. die 18. Martii an. 1567. Bullam dedit, qua decernitur, "quod si in concursu plurium Clericorum ad unum Beneficium, Episcopus minus habilem; postpositis magis idoneis, eligat; possint ii qui repositi fuerint, à mala electione hujusmodi ad Metropolitanum... appellare. Licet ea constitutio ratione concursus nullam in Galliis habeat auctoritatem; ostendit tamen quinam sit Ecclesiæ spiritus in suorum Ministrorum electione.

#### CAPUT IV.

Quam grave delictum sit accipere personam in collatione Beneficiorum; & unde hæc gravitas desumenda?

1. *Acceptio personarum in spiritualibus juxta Augustinum non est leve peccatum.*
2. *In Beneficiis curatis dicitur esse peccatum mortale.*
3. *Idipsum à nonnullis asseritur in omnibus Beneficiis.*
4. *Determinatio, an sit peccatum mortale vel veniale, est difficilis & periculosa.*
5. *Gravitas hujus peccati ponderanda ex bonis quæ impediuntur, & malis quæ causantur.*
6. *Hinc elucet, quàm grave sit accipere personam in promotione ad Episcopatum.*
7. *Idem ostenditur in electione ad Beneficium Parochiale.*
8. *Eadem & in Beneficiis inferioribus ponderanda.*
9. *Qui rectè æstimat pretium animarum, non faciliè in collatione Beneficii, præsertim curati admittet acceptionem personarum.*
10. *Synodus Tridentina arguit peccati mortalis, qui minus dignos ad Episcopatum promovent.*
11. *Promoventes minus dignos: quomodo Ecclesia tentantur ad restitutionem?*
12. *Jus Patronatus pro onere reputandum.*

13. Plures illud horruerunt & respuerunt.
14. Noluit S. Gregorius se electioni Episcoporum immiscere.
15. Hincmarus Remensis imputavit Presbyteris, quod laici meliores non praesentarent.
16. Quomodo idem bodie multis Ecclesiasticis imputari possit.
17. Prælati Ecclesiarum, quomodo suo exemplo Patronos incitare ad praesentandum meliores debeant?

I. ACCEPTIIONEM personarum in distributione Beneficiorum seu honorem Ecclesiasticorum non leve esse peccatum, jam pridem credidit Sanctus Augustinus *Epist. 167. num. 18.* "Nec sanè, quantum arbitror (ait) putandum est leve esse peccatum in personarum acceptione habere fidem Domini nostri Jesu Christi, si illam distantiam sedendi ac standi, ad honores Ecclesiasticos referamus. Quis enim ferat eligi divitem ad sedem honoris Ecclesiae, contempto paupere instructiore atque sanctiore?"

II. Hic Augustinum loqui de dignitatibus & ministeriis Ecclesiasticis; atque acceptionem personarum in horum distributione non esse leve peccatum, post S. Thomam 2. 2. *quest. 63. art. 2.* in argumento *Sed contra*, tradunt uno consensu Theologi; asseritque post Sorum Gabriel Vasquez tractatu *De Benef. cap. 2. §. 3. dub. 8.* quod in Episcopatibus & Beneficiis curam animarum habentibus annexam, semper sit eligendus dignior sub culpa *mortalis*: additque: "In hoc nullus dubitat, quoniam est injustitia in re gravi: ideoque necessario erit *mortale*."

III. Quin & ipse Vasquez credit quod in omnibus Beneficiis sit *mortale peccatum digniorem* praetermittere: quia & hic est *gravis materia*. "Omnia enim ista Beneficia (inquit) ut bona communia distribuenda pro meritis sunt in Christiana Republica, praecipue praestimoniam illa, quae instituta sunt ad alendos Ministros Ecclesiae, qui eligendi sunt, ut digniores esse, aut fore speratur Ecclesiae utiles."

Citat in eandem sententiam Covarruviam in *relectione Capituli PECCATUM* paragra. 7. num. 5. ubi docet, quod "si Fundator Beneficii ad Beneficium vocaverit ex certa familia, tunc Patronus sub *mortalis* culpae reatu, inspecta materia subiecta, tenebitur digniorem Episcopo exhibere."

IV. Verum quia, teste Augustino *lib. 21. De Civit. Dei cap. 27.* quae sint peccata mortifera, quae venalia, difficillimum est invenire, periculosissimum definire: & ut ait in *Enchiridio cap. 77.* quae sint mortifera, quae venalia peccata, quae levia, quae gravia, non humano, sed divino sunt pensanda iudicio, ideo nolo hic determinare, quandonam praecise in acceptione personarum sit peccatum *mortale*, quando *veniale*: id mihi sufficit, nunquam sine culpa, eaque non levi, in hac materia esse acceptionem personarum.

V. Porro gravitas acceptionis personarum sive violationis iustitiae distributivae in hac materia ex duobus potissimum ponderanda videtur: nimirum ex multis gravibusque Ecclesiae bonis, quae per promotionem minus digni, contempto digniore, impediuntur; deinde ex malis, quae per digniorem, non verò per minus dignum impediendi possent.

Ad bona quod attinet, omnia illa censentur impediendi per acceptionem personarum, quae in functione talis Ministerii Ecclesiastici dignior praeminus digno procurasset.

Mala verò Ecclesiae quae peccatum acceptionis personarum augent, sunt ea omnia, quae dignior postpositus, praeminus digno impedire potuisset.

Hinc facile est intelligere, quam enorme ac perniciosum possit esse hoc acceptionis personarum crimen.

VI. Quid enim, si ad Episcopatum minus dignus praeminus digniore eligatur? quam multa saepe animarum

Tom. I.

lucra, quotque Diocesis, imò interdum totius Ecclesiae bona spiritalia impediuntur, quae dignior praeminus digno in sua Diocesi procurasset: imò in reliquis nonnunquam Dioceses & Provincias diffudisset? Quam multa rursus mala impedire, quot abusus extirpare doctrinā & pietate eminentior potuisset, quae alius dotibus illis destitutus, impedire aut extirpare vel non potuit vel noluit?

VII. Similiter quantum ad reformationem Cleri & populi, ad extirpationem vitiorum, & virtutum omnium augmentum, ipsarumque animarum salutem promovendam nonnunquam valeat Archipresbyter, Archidiaconus, Decanus, Plebanus, Pastor aliusve animarum director eruditione morumque integritate excellens, praeminus alio qui eruditione morumque integritate est inferior, nullus est qui non intelligat, & quotidiana experientia est planissimum. Quis enim non quotidie experitur, quantum, vel unus interdum, in dignitate, aut notabili aliqua Ecclesiastica functione constitutus, per eminentem suam scientiam, fundatissimamque pietatem, fructum in messe Dominica faciat, praeminus multis aliis scientia & eruditione inferioribus?

VIII. Quinimò non raro fit ut etiam inferiori Ministerio aut functioni Ecclesiasticae applicatus, in pietate atque scientia exercitatorum exemplo, tum oratione, tum etiam instructione, plurima bona fidei populo, praeminus exercitato sit procuraturus, aut mala impediturus: ut consequenter nec leve futurum sit peccatum in simili provisione accipere personam, id est, ex privato affectu minus dignum digniori praeporere.

IX. Divinitus dictum est olim à Sancto quodam Pontifice: *Aestimetur quis pretium Domini gregis, ut sciat quod meritum constituendi debeat esse Pastoris.* Dico quoque, *aestimetur quis pretium Domini gregis*, id est, salutem animarum, ut sciat quam grave sit peccatum accipere personas in collatione Beneficiorum: ex quo contingit impediendi quominus Dominico gregi ea omnia bona, quae dignior impendere potuisset, frequenter non impendantur; aut mala per digniorem avertenda, saepius non avertantur.

X. Ex quibus concluditur, admodum esse verendum, ne quod Synodus Tridentina de concurrentibus ad promotionem Episcoporum affirmat, id coram summo animarum Pastore gregis sui pretium in veritate aestimante, in Collatoribus quorumcumque Beneficiorum, praesertim tamen curatorum, locum habeat: nimirum, *eos alienis peccatis communicantes mortaliter peccare, nisi quot digniores & Ecclesiae magis utiles ipsi iudicaverint, non quidem precibus, vel humano affectu, aut ambulationum suggestionibus, sed eorum exigentibus meritis, praefici diligenter curaverint.*

XI. Facile quoque ex haecentis dictis est intelligere, quod promoventes minus dignum, neglecto digniore, non tantum rei constituentur gravis delicti, sed etiam ipsi Ecclesiae, cujus in distributione Beneficiorum constituti sunt Ministri, ob infidelem dispensationem teneantur ad restitutionem bonorum, praecipue spiritalium, quae per promotionem dignissimi (quam Ecclesiae ut fideles Ministri debebant) procurata fuissent: adeoque Patronis ac Collatoribus, qui hac in parte infideles fuerunt, incumbat, quantum in ipsis est, bona spiritalia illi Ecclesiae, cui minus dignum Ministerium dando, illa quasi abstulerunt, omni meliori modo procurare; atque ita iustitiae violatae satisfacere.

XII. Ex his facile intelligent, qui oculos spirituales habent, ut videant, jus Patronatus, aut jus collationis aut jus electionis ad Dignitates Ecclesiasticas, non tam esse reputandum tanquam aliquid multum appetibile; sed potius ut onus humeris suis impositum.

XIII. Neque mirabitur, qui obligationem & pericula Patronorum & Collatorum expendit, si plures hoc onus exhorruerint, & à se abicere studuerint.

U u u u u

Quo-

Quomodo Valentinianus I. Imperator; Item Ludovicus VI. & Ludovicus IX. Reges Galliarum hanc provinciam recuſaverint, & horruerint ob pericula illi annexa, notavimus ſuprà parte 1. tit. 13. cap. 1. 5. & 6. alias cap. 5.

Intelligeſſet indubiè hoc onus Catharina Regina Portugalliæ, de qua in vita B. Bartholomæi *De Martyribus lib. 2. cap. 12.* refertur dictum: „Quòd optaret ut, durante ſuo regimine, Prælati Portugalliæ eſſent immortales: quòd fieret ut nullum ad Episcopatum promovere teneretur: dicens, ſibi plus quam ſatis eſſe, ſi pro ſeipſa & toto ſuo regno deberet reſpondere, licèt ſe reſponſalem non conſtitueret pro ſalute animarum.

XIV. Sed quid mirum, ſi Reges aut Principes, aliivæ fideles laici onus illud reformidarint; cum & ipſe Gregorius M. Summus Pontifex, aded lumine charitatis, & cœleſtis ſapientiæ illuſtratus, interrogatus à Clero Mediolanenſi de perſona in Episcopum eligenda, reſponderit, ſe quidem contra perſonam illam nihil reponendum habere: „Verumtamen quia antiquæ meæ deliberationis intentio eſt, inquit, ad ſuſcipiendâ „*Pastoralis curæ meæ onera, pro nullius unquam miſceri perſona, orationibus proſequor electionem veſtram,* „ut omnipotens Deus, qui futurorum actuum noſtrum ſemper præſcius, talem vobis Paſtorem præbeat, in cujus lingua & moribus exhortationis diviniæ pascua valeatis invenire: in cujus mente & humilitas cum certitudine fulgeat, & ſeveritas cum pietate; qui vobis viam vitæ non ſolùm legendo vel loquendo, ſed etiam vivendo poſſit oſtendere; quatenus exemplo illius diſcat veſtra dilectio ad æternæ patriæ deſiderium ſuſpirare.


Utinam hanc Sanctiſſimi Pontificis humilem deliberationem ritè expenderent plures Eccleſiaſtici & laici,

qui quantumvis longiſſimè à capacitate S. Gregorii in diſcernendis conditionibus perſonarum, quæ ad functiones Eccleſiaſticas obeundas exiguntur, diſtent, avidè tamen promotioni perſonarum ad Eccleſiaſticas dignitates ſe immiſcent.

XV. Olim Presbyteris ſuis improbrabat Hincmarus Archiepiſcopus Remenſis, quòd ipſi, ſollicitando Patronos, quin & xenia eis offerendo, in cauſa eſſent, quòd meliores & digniores Clerici non præſentarentur: „Quia quique Fideles (ait) ſi veſtra culpa non eſſet, plus „quaererent bonos Clericos, quàm veſtros denarios: „& hoc non ſufferitis: ſed vos & veſtros nutritos in „maledictionem mittitis, cum, dato Patronis præmio, „vobis & illis peccatum emitis. „Habetur tom. 8. Concil. general. col. 591. Edit. Labb.

XVI. Si hodiernas Clericorum pro Beneficiis ſollicitationes & curſitationes attendamus, & quomodò etiam ipſi Eccleſiaſtici, non pro dignioribus, ſed ſuis conſanguineis & familiaribus apud Patronos inſtent, non ſine fundamento judicare poterimus, quòd frequenter ipſis Eccleſiaſticis ſit imputandum, quòd Patroni digniores non præſentent; nec veras de Beneficiis Eccleſiaſticis ideas concipiant: dum ea ab ipſis Eccleſiaſticis ita ambiri vident.

XVII. Si ipſi quoque Episcopi aliique Eccleſiarum Prælati in collatione Beneficiorum oſtenderent ſuo exemplo, nihil carni aut ſanguini, vel favori vel amicitiae tribuendum, ſed ſola merita eſſe attendenda, indubiè multùm moverent Patronos, ut & ipſi in ſua præſentatione attenderent ſola merita & digniores præſentarent: ubi è contrario dum vident Prælatos ipſos Beneficia pro affectu privato potius quam pro meritis diſtribuere, quid mirum, ſi ipſi eorum exempla imitentur, & de Beneficiis, non ſecundùm merita, ſed pro affectu diſpſant?





# MONUMENTA JURIS ECCLESIASTICI UNIVERSI, Quæ in primo volumine citantur.

## MONITUM.

**A**DSUNT simul Monumenta, quæ in prioribus hujus operis editionibus dispersa leguntur, Collecta, Lector ea reperiet secundum seriem paginarum in quibus citata sunt: huic collectioni inferere oportuit declarationem Ludovici XIV. an. 1693. & ejus Successoris Lud. XV. Editum an. 1749. Cum enim Geminum hoc utriusque Regis Galliarum decretum in decursu operis citatum fuerit, manca profecto videretur ea collectio, si hæc duo decreta desiderarentur. Ut autem ordo, quem in opere monumenta obtinent, innotescat, singula litteris majusculis, quibus in decursu operis notata sunt, in ista collectione designantur.

*Monumentum I. citatum pag. 23. num. VIII.*

### A.

## SENTENTIA CONSILII BRABANTIAE PRO JURE PAROCHORUM *Per se concionandi, non obstante Stationariorum immemoriali possessione.*

**C**UM in Consilio clementissimi Domini Nostri Regis Caroli ejus nominis secundi; Regis Castiliæ, Legionis, Arragoniæ, utriusque Siciliæ, Jerosolymæ, Lulitaniæ, Navarræ, &c. Archiducis Austriæ, Ducis Burgundiæ, Lotharingiæ, Brabantiae, Limburgii, Lucemburgi, &c. Comitibus Habsburgensis, Flandriæ, Artesiæ, &c. Constituto in hac sua Provincia & Ducatu Brabantiae, quæstio & lis mota fuerit inter Patrem Priorem & Conventuales Patrum Prædicatorum hujus civitatis, Bruxellensis, Impetrantes ab una, & Dominum Præpositum, Pastorem, Aedituos & Magistros Pauperum Ecclesiæ Parochialis de Caudenberg ejusdem civitatis reos citatos ab altera partibus, in qua cum partes in rotula 7. Novembris 1674. regulatæ fuissent verbalia suas in memorias reducere, atque hinc inde satisfactum fuisset, Impetrantes per suos dixissent in substantia: Primò quòd, cum ipsi Impetrantes vel ab anno millesimo quadringentesimo septuagesimo quarto & sequentibus, ulteriusque usque ad exhibitionem dictarum memoriarum, stationem suam semper habuerint in Ecclesiâ Parochiali Citatorum, ad concionandum in eadem Ecclesiâ quibuslibet Festis totius anni, pariterque ad corrogandum cum scutella eleemosynam pro dicto suo Conventu, tempore concionis in eadem Ecclesiâ per aliquem suorum Religiosorum, signanter cum id notoriè constaret ex documentis id concernentibus pencisipfos, prædecessoresque eorum omni tempore asservatis, quodque dicti Impetrantes à prædicto immemoriali tempore usque ad præfatam exhibitionem memoriarum pacificæ & quietæ possessione gavisi essent, ut in prædictis concionibus stationalibus in dicta Citatorum Ecclesiâ circuirent per quemdam Religiosorum suorum pro eleemosyna sui Conventus, prout id omnibus manifestum erat; his nihilominus non obstantibus contigisset prima die Maji anni superioris 1674. concionante in præfata Citatorum Ecclesiâ hora ordinaria Patre Procuratore Conventus Impetrantium, eoque juxta præfata consuetudinem auditoribus omnibus commendante eleemosynam, cum exinde socius ejus cum capsula sua circuire intenderet, hoc ipsis via facti fuerit inhibitum ab Aedituo & Magistris Pauperum ejusdem Parochiæ, qui eo usque fuerant inconsiderati, ut via meri attentati, turbationis, via facti & novitatis, specialiter verò idem Aedituus, fratri laico Impetrantium & socio præfati Patris Procuratoris inhiherent circuitum cum scutella sua eleemosynaria, ita ut præfatum fratrem laicum secedere & abire compulerint, non sine magna admiratione

scandaloque publico quorumvis auditorum, pariterque cum maxima ignominia & contemptu sui Conventus; quin imò quod amplius est, quòd idem Aedituus publicè scutellam clausisset, tali modo Impetrantium pacificam & immemorialem possessionem impediens, quod plene constaret ex testimoniis præparatoris & depositionibus Joan. Beckers & Joan. Van Elsche; qui concioni iisdem die & hora interfuerant; posse verò idem amplius plurimorum testimonio roborari & manifestari, causa eo directâ, quòd talia & via facti & attentata directè repugnarent sæpius memoratæ præfati & immemoriali possessioni Impetrantium; itidemque essent contraria Diplomatum quibusvis & Edictis Supremorum hujus Belgii Principum, quodque insuper quæ providerent, jurisque sui æquitatem conservarent, Impetrantibus consultum fuisset ad prædictum Consilium recurrere, quòd idem consecutivè humillimè implorassent & requisissent, ideirò ut eidem placuisset in finem præscriptum ipsis concedere litteras patentes manutenentiæ in forma, quòd conformiter ad prædictas ipsorum preces eadem ipsis litteræ indilate concessæ fuerint & expeditæ à die 7. Maji 1674. quòd easdem in promptis etiam executioni mandari curassent, ad diem undecimam ejusdem mensis Maji 1674. per primum præfati Consilii Apparitorem, prout ex ejusdem relatione pateret; quòd idem primum Apparitor, cum ei debirè innotuisset de possessione Impetrantium, & turbatione via facti Citatorum, eisdem Impetrantes nomine Suae Majestatis ut Ducis Brabantiae manutenuisse in possessione circumcundi cum scutella per Religiosos suos tempore concionis stationum suarum in dicta Ecclesiâ, pariterque emolumentorum inde provenientium, & eorum quæ inde dependerent, quòd idem primus Apparitor cum insuper jussione expressa mandasset Aedituo Pepermans, omnibusque ad quos spectare posset, ne Impetrantes in pacifica & tranquilla sua possessione ejus quod supra memoratum est, turbarent, aut quovis modò impedirent; ulterius ut ipsi Citati impedimenta quæcumque, & turbationes dictæ pacificæ & tranquillæ possessioni contrarias indilata & sine ulla mora absque sumptu & damno amoliri tenerentur & reparare. Quòd dicti Citati videlicet tam Aeditui quàm Magistri Pauperum, prout & Pastor primario Apparitori exequenti in promptis respondissent, Impetrantes deinceps in Templo suo non concionaturos, aut ad Templum suum venturos (quòd maximè notandum foret) ut in concionibus suis quæ singulis diebus anni Festis haberentur, circui-

circuirent cum scutella; quod ipsi Citati Impetrantibus expresse admodum inhiherent ne cathedram suam in prædicta Ecclesia sua ascenderent, quodque talis esset prætenſim intentio Pastoris ejusdem Ecclesiæ; quod ipsi Citati non obstantibus præmemoratis rigorosis mandatis & Ediſtis hujus Supremi Consilii & in contemptum auctoritatis ejusdem eo usque fuissent temerarii, idque in præjudicium prædictæ manutentionis executioni mandatæ, ut die secunda Pentecostes anni elapsi 1674. mero attentato & via facti impedivissent Patrem Godefridum Goddry Religiosum Ordinis Impetrantium, quominus cathedram ascenderet, & juxta antiquam & immemoriam suam possessionem in prædicta Citatorum Ecclesia concionaretur hora octava matutina; quod ipsi Citati in eum finem & effectum videlicet dictus Pepermans cum suis, introrsum ad januam dictæ cathedræ novam jussissent affigi seram nec clavim tradere voluissent qua aperiretur; quod ipsi Citati è contrario istorum speciatim dictus Pepermans cum magno scandalo & ignominia Ordinis Impetrantium, vice Patris Godefridi Goddry, Patrem quemdam Capucinum dictam cathedram jusserint ascendere, ut ibidem vice ipsius concionaretur, quæ omnia plenè constarent ex præparatoriis & juratis attestacionibus Huberti Gooffens Professione sua Typographi in hac civitate, & Adriani van der Vlot professione Oenopolæ, qui in memorata Ecclesia tum præſentes interfuerunt; quod dictus Pepermans contra primum Impetrantium injuriosa & scandalosa quædam verba protulisset, quod super eo & super memorata via facti in promptis nomine Impetrantium tanquam super mero attentato facta fuerit protestatio simulque fuerint requisitæ desuper literæ patentes attentati in talibus causis servientes, cum ulteriori interdicto ne simile quid in posterum attentaretur, sub pœna sexaginta realium aureorum qui cederent emolumento suæ Majestatis, quodque exemplar illarum traderetur in manu Officio Fiscalis, ut ad onus prævaricationum sui muneris debitum exequeretur; quod viso libello, & consulto Officio Fiscalis, idem libellus remissus esset ad rotulam, ut ibidem fierent supplicationes in eo expressæ, inhibitione facta Citatis ne quid attentarent usque ad diem primam servientem, quod dictus libellus in præfata rotula fuerit exhibitus, dataque illius inspectione Citatis iidem eo usque fuissent passione abrepti ut noluerint eidem acquiescere aut obedire; quod è contrario dicti Citati continuè turbassent Impetrantes qui hætenus in tranquilla & pacifica fuerant possessione (ut supra dictum est) quod cum in finem nunquam permisissent Impetrantibus, ut præfata literæ patentes manutentionis effectum suum fortirentur, non obstantibus rigorosis mandatis, jussionibus & interdictionibus hujus Consilii, quod idcirco, usque in hanc horam nunquam voluissent admittere Impetrantes, aut Religiosos ab eis missos ut concionarentur, aut cum scutella pro eleemosyna circuirent, sed eosdem semper dimisissent cum ignominia totius sui Ordinis, & contemptu auctoritatis hujus sæpe memorati Consilii; adeoque, ut supra dictum est, nolentibus Citatis acquiescere & obedire expressis mandatis, quæ in præfatis literis manutentionis urgebantur & continebantur, ex parte Impetrantium fuerint citati ad opponendum per eundem primum Apparitorem ad rotulam 30. Maji tum proxmè elapsi post Vacantias; quod Van den Branden ibidem comparens pro Impetrantibus proponendo exposuisset contenta litterarum suarum parentium manutentionis, & conclusisset pro auctoritate mandatorum in iis expressorum, & aliis prout in mandato & in casum litis, pro recedentia cum expensis, damnis & interesse, quod Van den Branden eodem die exposuisset contenta in præfato suo libello in materia attentati, & conclusisset prout in eodem cum expensis, quod Du Prenne pro Citatis contra conclusiones Van den Branden ibidem consignatas & captas, esset contestatus die 27. Ju-

nii 1674. adeoque conclusisset pro sub & obreptione dictarum litterarum patenſium manutentionis, & ulterius ad non receptionem tam in materia principalis quam attentati, equidem in modo & forma cum expensis, idque maximè obrationes prætenſim quod Archiepiscopi nemini tribuerent auctoritatem ad concionandum, nisi Pastores in eo consentirent, quod illud Impetrantibus esset prætenſim notum, tam ex eorum patentibus, quam ex quodam prætenſo mandato quod ipsis Pastor fieri curasset, quod ipsi prætenſim mandatis talibus acquievisſent, in eumque finem prætenſim se domi continuissent feria secunda Paschatis, dieque Annuntiationis Divæ Virginis, quod per illud Impetrantes prætenſim renuntiassent suæ stationi, quod similes stationes essent revocabiles ad nutum Pastoris loci & Superioritatis Ecclesiasticæ, quod tale quid prætenſim patuisset in statione Patrum Minoritarum civitatis Mechliniensis, qui similem stationem prætenſam obtinebant vi contractus à multis annis in Metropolitana ejusdem civitatis; quodque hoc contra Stationantes prætenſim esset judicatum in magno Consilio suæ Majestatis ibidem anno 1664. quod tales stationes prætenſim precariò donentur & concedantur, quod his positis ipsi Citati Cathedram suam occludendo Impetrantibusurbationem nullam movissent, quod per illud jure suo usi fuerint & nemini fecerint injuriam, quod per illud prætenſim multò minus attentarint, quod contra hæc per Van den Branden pro Impetrantibus fuisset replicatum in rotula 5. Septembris tum proxmè elapsi, adeoque concludendo perſtitisset, ut alias, ut ante ubique cum expensis, vel quod alias, &c. idque propterea quod pro maxima parte positiones præfate responſionis Citatorum expresse admodum ab Impetrantibus negarentur, quod acceptaretur confessio à Citatis facta, quod Pepermans cum suis origo esset & prima causaurbationis illius via facti, & modi agendi, quod præparatoriæ attestaciones Citatorum minùs adversarentur Impetrantibus quam favorem, quodque easdem (in quantum pro) cum confessourbationum ibidem factarum acceptarent, quod contra hæc Du Prenne simpliciter loco duplicæ perſtitisset, atque tale erat factum & casus positio & in quo Citati planè fuissent infundati, dum interim suprâ, & causa ad probandum regulata plenè patere quod Impetrantes à tempore immemoriali fuissent in pacifica & tranquilla possessione concionandi in Ecclesia Citatorum, quibuslibet anni Festis diebus, concionisque tempore circumeundi cum scutella pro eleemosyna sui Monasterii; quod illud satis patuisset ex notitiis quas desuper tot sæculis servassent, & in lite per extractum authenticum exhibitis, possetque ulterius manifestari ubi negotium ad id dispositum & ordinatum fuerit, quod ipsi Impetrantes principaliter & unicè ex auctoritate prædicti Consilii se manuteneri curavissent in possessione circumeundi cum scutella pro eleemosyna sui Conventus, toties quoties in Ecclesia Citatorum concionarentur, quod illud præcise demonstraret exacta relatio primarii Apparitoris qui eas litteras executioni mandavit, pariterque ipsum manutentionis Diploma ad quod brevitatis causa remitteretur, quod talis possessio & turbatio tanquam versans in negotio purè temporali spectaret ad notitiam Tribunalium Civilium, quod ipsi Citati, & specialiter Pepermans ejusque consortes auctores & perturbatores fuissent pacificæ & tranquillæ possessionis Impetrantium, quod illud superabundè declararetur & præscriptis, cum præparatoriis attestacionibus ex parte sapius memoratorum Impetrantium traditis; præteriretur quod omnes Canonice leges, omnes Synodi & Sacrosancta Concilia, permulta insuper decreta sanctæque Sedis expressa mandata, quæ ab immemoriali tempore usque ad prædictarum memoriarum exhibitionem, emanarunt, nihil aliud clament, nisi quod Religiosis ex Ordine Impetrantium, ubivis, in quibuscumque Ecclesiis, sacellis & locis absolute permissum esset concio-

concionari, Verbumque Dei populis annuntiare; prout id instructivè ulterius deduceretur; quod non foret in potestate illius alterius Ecclesiasticæ superioritatis talia revocare aut irrita facere, attento quod hoc ab eo fieri deberet, qui talia Privilegia & potestatem ipsis Ordini-que ipsorum in perpetuum concessisset, quod id solummodo spectaret ad potestatem suæ Sanctitatis quæ propter rationes, eam moventes sola hoc posset revocare: verùm cum nullæ hæcenus fuissent rationes, ut tales revocationes fierent; sed è contrario ut hæc Privilegia magis & amplius augerentur ob beneficia & utilitates quas populus inde quotidie perciperet, hinc ne minima ratio quidem aut fundamentum subesset, curtalis ipsorum immemorialis possessio Impetrantibus denegaretur; ultra ea quæ superius sufficienter essent declarata, quæque iidem suo tempore demonstrarentur (si opus foret) ultra confessionem ab ipsa parte superius factam, quod hæc turbatio unicè & specialiter oriretur à dictis Aeditui & Magistris pauperum præfatæ Ecclesiæ S. Jacobi de Caudenberg, ut constat ex actis per eos ipsos in lite productis, nec possent iidem Citati ex quadam attestatione Philippi Verdelet, data 16. Maji, tum proximè elapsi, & ab iis similiter in lite exhibita commodum ferre, attento quod per illam se iidem jugularent, cum idem Deponens testabatur quod ad requisitionem Citatorum missus fuisset ad Monasterium Impetrantium, ut ad diem 1. Maji Concionatorem haberent; at ea conditione quod in eadem Ecclesia pro elemosyna sui Conventus non circumirent, quid adhuc egerent testibus, & quid manifestius ad condemnationem Citatorum, quandoquidem per id ipsum possessionem Impetrantium quoad conciones de novo continuassent, turbationemque etiam tum solummodo movissent quoad temporale, sive concernens circuitum cum scutella pro Conventus sui elemosyna; & quandoquidem in materia possessoria & ad obtinendum in materia manutentionis nihil aliud secundum jura requireretur præter probationem possessionis & turbationem ex adverso motam, & consequenter, ad Impetrantes quoties in Ecclesia Citatorum concionarentur, impediri aut turbari licuisset in circuitu cum scutella pro elemosyna sui Conventus, prout effectu contigisset, uti esset in confesso vel ipsius partis; hinc firmum esset ac stabile quod Impetrantium litteræ patentes in hoc casu deberent confirmari cum expensis, damnis & interesse, cum possessio hic superius clarè esset demonstrata; quin ipsi parti esset in confesso, quodque turbatio adversus hæc mota, etiam resultaret ex factis hic ante descriptis ab ipsa parte passim admitti, & ab Impetrantibus præparatoriè plenè probatis cum præsentatione eadem facta ulterius ad superabundantiam probandi, si opus foret, quibus omnibus attentis, &c. hic conjungendo, &c. persisterent etiam nunc Impetrantes expresse admodum prout alias, cum expensis, aut alias salutariter omni meliori modo, prædicti verò Citati in scripturis suis memorialibus dixissent sequentia in substantia: quod quandoquidem inter Citatos statutum esset ob graves admodum rationes accedente etiam prævio mandato Superintendentium elemosynis Impetrantem cum gratiarum actione amovere, & indicare quod inutile foret ut deinceps Religiosos suos ad ipsorum Ecclesiam mitteret ad concionandum Festis diebus, quo sibi ad exclusionem ejusdem Ecclesiæ & Pauperum propria facerent emolumenta circuitus tempore concionis, prædicti Aeditui & Magistris Pauperum in corpore Impetrantem de eadem resolutione certiorum ante fecissent in Quadragesima 1674. exponentes ipsi magnum gravamen necessitatem & paupertatem tam Ecclesiæ quàm pauperum, super quibus cum Impetrans deliberasset cum Patribus discretis sui Conventus, respondisset personis præfatis, se nolle ut deinceps quispiam Religiosorum suorum Ecclesiam præfatam concionaturus intraret, seque expunxisse & delevisse

concionem seu Thema per quemdam suorum Religiosorum compositum & destinatum concioni ibidem habendæ; quocirca conformiter ad resolutionem prædictam & responsum desuper datum, Religiosos suos domi detinuisse feria secunda & tertia Paschatis, & Festo Annuntiationis Divæ Virginis, dùm & conciones per alios fuerunt habitæ, & circuitus pro elemosyna factus ad emolumentum Ecclesiæ præfatæ & Pauperum, Festo autem SS. Apostolorum Philippi & Jacobi ad requisitionem Citatorum, quemdam Religiosorum suorum misisset Impetrans ut iterum concionaretur, cui facto cum ne minima quidem subesset suspicio quòd sibi voluisset Impetrans attribuere prædictam oblationem directè contra resolutionem ipsi intimatam, contigisset quod præfati Aeditui & Magistris Pauperum simile quid observantes, fratri laico inhibuissent ne circumiret, quibus fuisset Impetrans quasi verò permotus, ut in hocce Consilio peteret litteras patentes manutentionis, quibus obtentis, ob reticentiam verarum causæ circumstantiarum, vi earum Citatis diem indixisset in rotula per primum Apparitorem 12. Maji 1674. ad trigesimam ejusdem mensis, quantumvis verò prædicti Citati dicto primario Apparitori expresse declarassent hanc suam esse intentionem, quod Religiosi Impetrantium deinceps non concionarentur pro emolumentis oblationum quoque idcirco se vellet opponere, adeoque prænominatæ litteræ manutentionis resolverentur in simplicem citationem, tam secundum jus scriptum quam praxim hujus prædicti Consilii, nihilominus Impetrans, eo titulo quod cui-dam Religiosorum suorum inhibuissent Citati ne concionaretur feria 2. Pentecostes ejusdem anni 1674. libellum ulterius obtulisset 13. Maji, & super inhibitione aut impedimento prætenso requisivisset litteras patentes attentati, obtinissetque ut remitteretur ad rotulam cum interdicto provisionali usque ad primam; quod postmodum 30. per Procuratorem suum Van den Branden proponentem primò in materia manutentionis jussisset enarrari contenta litterarum suarum paten-tium, & conclusisset pro confirmatione mandatorum in iis expressorum, aut alias prout in mandato, & in casum litis ad recedentiam, facta Procuratori Du Prenne occupanti pro Citatis earum litterarum visione cum tribus annexis præter relationem, & proponens eodem in materia attentati repetivisset similiter contenta libelli, concludens prout in eodem cum expensis ac sustinens quod concessa interdictio effectum suum continuaret fortiri; contra quæ simul & semel respondentes Citati in rotula 17. Junii subsequenter, conclusissent in finem ut litteræ patentes manutentionis in hoc Consilio impetratæ declararentur sub & ob-reptitiæ, quodque Impetrantes, eo quòd vi earum taliter, & prout fecerant, conclusissent pariterque in materia attentati declararentur, equidem in modo & forma non receptibiles cum expensis, aut alias, &c. cum rationibus extra mandatum peremptoriè allegantes, quod prætenso circuitus cum scutella tempore concionis super quo D. Impetrans se voluisset manuteneri, in omnem eventum, ut accessorius solummodo considerari posset ad jus concionandi, quod autem Domini Archiepiscopi Mechlinenses in hac Dicecesi auctoritatem non concederent concionandi nisi ea conditione, ut in hoc ipso pariter consentirent Pastores, prout id Impetranti probè notum erat, & alias ex patentibus Religiosorum posset videri, præter quæ, verum esset quòd Pastor in hac Citatus ipsi prohibuisset in Parochiali sua Ecclesia concionari; cui inhibitioni effectivè etiam Impetrans acquisivisset, quin effectivè renuntiasset prætenso suæ stationi juxta certificationes cum responsione præfata exhibitas, quod similes stationes precariæ tantum reputarentur & dependentes pro omni tempore à voluntate Pastorum & alterius Ecclesiasticæ Superioritatis qui easdem possent revocare, prout simile quid patuisset in statione quam



quam Patres Minoritæ Mechliniæ vi contractus & à multis annis habuissent in Metropolitana Mechliniensis; cum enim in ea causa à prædictis Patribus requisitæ essent litteræ manutententiæ, iidem per sententiam de super secutam in magno Suxæ Majestatis Consilio 12. Novembris 1665. declarati fuissent infundati & non receptibiles, quibus attentis dici non posset turbationem ullam motam esse contra Impetrantem per occlusionem Cathedræ concionatoriæ, multò minus turbationem talem quæ redoleret attentatum aut viam facti; contra quæ replicando Impetrans, easdem allegationes, licet admodum peremptorias, nudè & simpliciter impugnasset per impertinentiam & negationem, nec quidquam ex sua parte novi in contrarium allegasset, cum autem Citati simpliciter loco duplicæ persistissent, partes in rotula septimæ Septembris tum proximè lapsi regulatæ fuissent rescribere per memorias, cui Citati satisfaciendo ex sua parte produxissent allegationes & deductiones hic supra factas, quatenus inde posset conjici Impetrantes non esse fundatos, his addendo quod concionare & Verbum Dei populo annuntiare præcipua Episcoporum esset functio juxta Apostolicam doctrinam & Concilii Tridentini testimonium *sess. 24. cap. de reform. Imò Episcopis solis prædicandi munus de jure competeret, ceteris non nisi ex ipsius concessione*, aiebat idem Concilium *sess. 5. de reform. cap. 2. post S. Gregorium Nazianzenum & Philosophorum de sacra Episcoporum auctoritate cap. 13. §. 1.* hæc concionandi auctoritas reputaretur ab Episcopis propriè & ad exclusionem quorumvis aliorum communicata Pastoribus, cuilibet in sua Parochia, tanquam eorum Vicariis ibidem & Coadjutoribus, & juxta doctrinam Barbosæ in Collectaneis ad idem Concilium Tridentinum *sess. .... cap. 4. §. 4.* unicum Impetrantium munus foret aliorumque Religiosorum subvenire Episcopis in prædicationis ministerio, cum rogati aut vocati forent, propter quas rationes etiam hic non liceret ullis Religiosis concionari in Parochiali Ecclesia, nisi cum venia Illustrissimi, quæ venia etiam non aliter concederetur, nisi ea conditione quod in eo consentire deberent Pastores, juxta notorias patentes Impetrantium & quorumvis aliorum Religiosorum, adeò ut, cum Impetrantes de jure forent impotentes ad concionandum in præfata Ecclesia Parochiali de Caudenberg, nisi cum venia Illustrissimi & pariter Pastorum ibidem, prætenfa eorum possessio non posset idcirco aliter admitti quàm ut precaria aut gratiosa, quandoquidem notorium foret quod quidquid necessariò deberet ex alicujus permissione fieri, revocari etiam posset ad nutum permittentis *cap. si cui. de Præbendis in VI. & Bartol. in l. jubemus §. sanè si hæc Cod. de Sac. Eccl. Commentarios faciens ad verbum PERMITTERE, dum à legislatore usurpatur, denotat perpetuitatem, propterea quod lex perpetua sit, contrarium tamen obtinet in aliis rebus præsertim gestis à particularibus, in quibus istiusmodi verbum significat actum temporaneum, qui à permittente post unum actum deinceps impediri possit, utpotè precariò concessus.* Adeò ut omnimodè infundatum esset quod ex speculatione quorundam actuum consecutivè factorum ex necessitate & ex prævia permissione, deducere quis vellet possessionem ut manuteneretur juridicè invito & renuente permittente, prout hic contingeret, non solum contra voluntatem priorum Citatorum, verum etiam ipsius Illustrissimi Archiepiscopi, cum tamen munus prædicandi in Ecclesia Parochiali adeò sit functioni Pastoralis annexum, ut nemini, ne quidem pro tempore concedi possit nisi cum venia & interventione Pastorum; procul absit ut Religiosi ad similes Cathedras jus perpetuum possent prætere ratione alicujus possessionis, quæ non alia foret nisi precaria aut gratuita, non solum contra bonum institutum & ordinem qui in Hierarchia aut Ecclesia foret, verum etiam in præjudicium Parochianorum qui per

italia à Pastoribus suis abstraherentur, privarenturque cibo aut nutrimento Verbi Dei ipsis per eosdem Pastores subministrando, tam de jure divino, quàm naturali, siquando autem Pastores ob multiplices occupationes idem per se facere non possent, tum exacti muneris & obligationis ipsorum foret ad id committere & substituere personas idoneas, quod fieri necesse erat cum absoluta dependentia, ut iidem Pastores amovere possent concionatores qui sæpius ratione incapacitatis nullum fructum aut utilitatem conferrent Parochianis, adeò ut manutententia per Impetrantes requisita malo admodum foret exemplo, existimante Carolo Fevret in Tractatu de abusu lib. 3. cap. 3. propterea nullam manutententiam concedi posse in simili materia aut casu, qualis erat de Verbo Dei annuntiando, quæ opinio corroboraretur & stabiliretur per declarationem Cardinalium datam super 4. *cap. sess. 24. prædicti Concilii Tridentini*, in verbis: *nulla habita ratione cujuscumque consuetudinis etiam immemorialis*, dum agit de Monachis volentibus sibi attribue auctoritatem concionandi in Cathedris Dominorum Episcoporum aut Pastorum, insuper verò bene examinando fundum negotii manifestè deprehenderetur, quod Religiosi nullum possint habere titulum ut per se in prædictis Cathedris concionarentur, illis repugnante jure divino, contra quod nunquam præscriberetur, & prædictis Constitutionibus Pontificiis, adeò ut ex æqua iustitia nequidem in eo possent manuteneri contra resolutiones quæ in contrarium sumerentur auctoritate ordinaria & in vim juris communis, quarum executio nunquam censeretur incidere in viam facti aut attentati *c. 2. de spoliat. in VI.* quo expresse deciditur quascumque vias turbationis, attentati aut spoliati cessare, quandocumque is, contra quem agere intendimus, munitus esset & suffultus jure communi, ad quæ omnia conformiter etiam judicatum foret in præfato magno Consilio, in casu huic simili, non obstante antiqua & immemoriali possessione interveniente, & quidem innixa cuidam contractui ex parte prædictorum Minoritarum, præterquam quod in casu subiecto concurreret, Impetrantes stationi suæ prætenfæ in omnem eventum renuntiasse per responsum quod dedissent prædictis Aedituis & Magistris Pauperum latius in acta quæ inde extat, memoratum, *quemadmodum enim possessio animo retineretur, ita contraria animi declaratione amitteretur.* Conchrius in var. resolut. lib. 2. cap. 7. num. 43. & quantumvis postea Festo SS. Philippi & Jacobi annu tum proximè elapsi concionati fuerint, id contigisset ad requisitionem Citatorum, qui existimaverant Impetrantes sese conformaturos juxta normam prædictarum resolutionum ipsis antea propositarum, quibusque jam tum, cum tertiò recurrisset occasio concionis ad diem festum, acquievisset, ut pateret ex documentis in lite per Citatos exhibitis, ad quæ omnia consecutivè pluresque alias rationes persisterint Citati in & super omnibus, prout alias cum expensis, aut alias salutariter, &c. Postmodum autem die videlicet 6. Februarii ultimè elapsi oblatus fuisset libellus à prædictis Citatis in quo exponebatur in substantia, quod in materia manutententiæ litem sustinerentur Citati contra prædictos Impetrantes ratione cujusdam stationis Festorum dierum, in qua iidem Impetrantes nitebant per Curiam manuteneri, licet malè & infundatè, prout à Citatis in lite ex variis capitibus fuisset demonstratum, quibus iidem pro ulteriori confirmatione æquitatis sui Juris lubenter adjunxissent, sententiam ibidem annexam pronuntiatam in magno Mechliniensis Suxæ Majestatis Consilio in materia simili manutententiæ, inter Reverendum Patrem Provincialem Guardianum & Conventuales Minoritarum ibidem ab una, & Dominum Archiepiscopum, junctis Dominis Præposito, Decano & Canonicis Metropolitanæ Ecclesiæ ab altera partibus, ex qua constaret prædictos



dictos Patres Minoritas declaratos esse non receptibiles, eò quòd voluissent manuteneri in statione quam prætendebant vi contractûs & ex antiquo se obtinere, ut in eadem Metropolitana concionarentur, ulterius ad prædictum finem labenter etiam adjunxissent Supplices, quod contra manutentionem per Impetrantes requisitam sese opposuissent ex prævio consensu, mandato & iussione Illustrissimi Archiepiscopi, qui etiam ulterius declarasset suam esse intentionem, ut deinceps in præfata Ecclesia Parochiali, quoad punctum concionandi, assumerentur tales Concionatores seu Seculares, seu Regulares, quales prædicti Pastores iudicarent expedire: At verò cum status negotii obstarer quominus Citati eadem exhiberent, recurrerent ad prædictum Consilium, humillimè supplicantes quatenus prædicta facta & allegata insuper ad litem assumerentur, idemque libellus ad dictum effectum ratus haberetur pro Civili, quo viso libello, cum statutum

fuiisset, ut supplicantes petitionem suam exponerent in rotula, debitè vocata aut citata parte, aut ejus Procuratore, factaque illius in rotula expositione, dicti Impetrantes contra exhibuissent rationes impertinentiæ. Quibus omnibus benè & maturè expensis, clementissimus Dominus noster Rex Dux Brabantiæ, &c. admittens ad litem præfatum libellum Civilem & rationes impertinentiæ, declarat præfatas litteras patentes manutentioniæ sub & obreptiis, Impetrantesque, eò quòd vi earum taliter & prout fecerunt, concluserint, pariterque in materia attentati infundatos & non receptibiles; condemnans eosdem Impetrantes in expensas hac de causa factas, juxta debitam taxam & moderationem præfati Consilii. Actum & pronuntiatum Bruxellis 3. Octobris 1675. extensumque ad requisitionem & sumptus Citatorum.

A.V.GHINDERTAELN.

*Mommentum II. citatum pag. 31. num. IV.*

B.

Ordinationes seu constitutiones datæ à summo Consilio seu Senatu Brabantico super administratione bonorum Ecclesiasticorum & Sancti Spiritus.

Reglementen gegeven bij den Souvereijnen Raede van Brabant over d'administratie van de - kerke en H. Geest goederen.

Règlements donnés par le Conseil Souverain de Brabant sur l'administration des biens d'Eglise & du Saint Esprit.

Ordinationes pro Parochiâ loci dicti Poppel in Episcopatu Sylva-Ducis.

Reglement voor de Parochie van Poppel onder het Bisdom van Hertogen-bosch.

Règlement pour la Paroisse de Poppel de l'Evêché de Bois-le-Duc.

I.

**P**rimo loco, annuatim Dominicâ ante Purificationem Beatæ Virginis sub vel post Missam matutinam procedetur ad electionem novi Edilis seu Magistri Ecclesiæ & Magistri Sancti Spiritus per Pastorem & duos Scabinos ad id nominandos per Officalem & Legales.

**I**n den eersten, dat alle Jaeren Sondaeghs voor Licht - misse onder, ofre naer de Vroegh - misse, sal worden geprocedert tot den Keus van, eenen nieuwen Kerch - meester ende H. Geest - meester door den Pastoor ende twee Schepenen, door den Officier en de Wetb, daer toe te deputeren.

**E**n ce premier lieu, qu'annuellement le Dimanche avant la Chandelier, pendant ou après la Messe du matin, sera procédé au choix d'un nouveau Maître d'Eglise & Maître du S. Esprit par le Curé & deux Echevins, à ce à commettre par l'Officier & ceux de la Loi. (a)

II.

Quòd ita electi præstabunt juramentum in debita forma inter manus Officialis, præsentis Pastore.

**D**at de selve alsoo gekosen zynde sullen doen behoorelycken Eedt in handen van den Officier ter presentie van den Pastoor.

**Q**u'étant ainsi choisis ils prêteront serment en forme due ès mains de l'Officier en présence du Curé.

III.

Quòd Dominicâ ante 15. Septembris post sacrum matutinum, Pastor in Ecclesiâ publicabit octo vel decem diebus post, reddendas fore rationes Magistrorum Ecclesiæ & Sancti Spiritus.

**D**at Sondaeghs voor den 15. Septembris naer de Vroeg - misse, den Pastoor sal in de Kerke hebben te publiceren, datmen acht oft thien daegen daer naer sal doen de Rekening van de Kerke ende H. Geest - meesters.

**Q**ue le Dimanche avant le 15. de Septembre, après la Messe du matin, le Curé publiera dans l'Eglise que huit à dix jours après l'on fera le compte des Maîtres d'Eglise & du S. Esprit.

IV.

Quòd rationes seu computus & claudentur eodem die, quo reddentur.

**D**at de Rekeningen sullen moeten gesloten ende gaappostileert worden ten selven daege als die sullen gedaen worden.

**Q**ue les comptes devront être apostillés & clos le même jour qu'ils seront rendus.

V.

Quòd rationes reddentes eas personaliter à se scriptas & formatas præsentabunt.

**D**at de Rendanten bunne Rekeningen selfs sullen moeten overbrengen by bun gestelt ende gescreven.

**Q**ue les Rendans devront présenter en personne leurs comptes, par eux formés & écrits.

(a) C'est à dire, les Officiers de Justice, tiennent le siège ou leur séance.

Dans le Brabant on dit le Loi s'assemble en tel endroit, pour dire les gens de Justice

## VI.

Quodd rationem reddentes, si non sciant scribere vel aliàs incapaces scribendi vel formandi suas rationes seu computus, Dominus Pastor poterit id facere, & Secretarius signare, nullo inde percepto salario.

## VII.

Quodd, quoniam leges seu legales jam conveniunt in popina, in qua non decet exhibere rationes, erit licitum id facere in domo Pastoris, publicè coram Scabinis, apertis januis, ut cuilibet sit liber accessus.

## VIII.

Quodd Magistris Ecclesiæ & Sancti Spiritus nullatenus poterunt facere distributiones eleemosynarum, nisi ex consensu Pastoris & dum erunt faciendæ considerabiles distributiones; etiam postulabitur consensus supradictorum duorum Scabinorum.

## IX.

Quodd parvæ reparationes poterunt fieri, consentiente Pastore, per Magistros Ecclesiæ & Sancti Spiritus: majores verò, intervenientibus & consentientibus supradictis duobus Scabinis.

## X.

Quodd Magistris Ecclesiæ & Sancti Spiritus non poterunt elocare bona Ecclesiæ & Sancti Spiritus, nisi publicè, intervenientibus Pastore & duobus supradictis Scabinis.

## XI.

Quodd Magistris Ecclesiæ & Sancti Spiritus nullam pecuniam poterunt pensioni annuæ assignare vel dare, nisi intervenientibus Pastore & supradictis Scabinis.

## XII.

Quodd si aliqua dissidia oriantur, decidentur juxta diploma affixum sub data 31. Augusti anni 1608.

## XIII.

Quod omnia dicta officia reddenda juxta hanc Constitutionem vel aliter quoad supradicta bona, debent gratis fieri, sine ullis sumptibus, live titulo vocationum, conviviorum, expensarum, vel aliter, mandando omnibus ut se his accommodent, quæ omnia provisionaliter fient, donec aliter ab Aula statuatur. Datum in hac urbe Bruxellensibus sub sigillo Majestatis suæ 18. Decembris 1702, signatum Bodry.

## VI.

*Dat de selve Rendenten niet konnende scrijven, ofte andersints, onbequaem zynde om hunne Rekeningen te scrijven ofte te stellen, den Heer Pastoor het selve sal mogen doen, ende des Secretaris de selve teekenen sonder salaris daer van te genieten.*

## VII.

*Ende alsoo het Recht-buys als nu gebouden wordt in eene Herberge, alwaer het nieten convenieert dat de Rekeningen geschieden, soo wordt gepermitteert dat de selve sullen gedaen worden ten buysse van den Pastoor vor Schepenen publicckelyck, ende met open deuren, op dat ieder daer toe mag access hebben.*

## VIII.

*Dat de Kerck ende H. Geest-meesters geene distributie van Almoessen en sullen mogen doen, ten sy met consent van den Pastoor, ende ingevalle daer eenige groote distributien souden dienen gedaen te worden, daer over sal oock gevraeght worden het consent van de voorsz twee Schepenen.*

## IX.

*Dat de kleyne noodige reparatien sullen mogen geschieden door de Kerck ende H. Geest-meesters met consent van den Pastoor, maer de groote reparatien sullen moeten geschieden met overstaen ende toestemminge van de voorsz twee Schepenen.*

## X.

*Dat de Kerck ende H. Geest-meesters de goederen van de Kercke ende H. Geest niet en sullen mogen verbuyen als publicckelyck met overstaen van den Pastoor en de voorsz twee Schepenen.*

## XI.

*Dat de selve Kerck ende H. Geest-meesters geene penningen en sullen mogen aenleggen als met interventie van den Pastoor en de voorsz twee Schepenen.*

## XII.

*Dat in cas van eenige verskillen, de selve sullen gedeceideert worden op den voet van het Placcart van den 31. Augusti, 1608.*

## XIII.

*Dat alle de voorsz devootren ingevolge van desen Reglemente, ofte andersints ter saccke van de voorsz goederen te geschieden, sullen moeten gratis gedaen worden sonder eenige onkosten't sy van Vacatien: Maeltuydt, Verteiren, ofte andersints. Ordonnerende aen ieder sich hier naer te reguleren. Alles by provisie tot dat andersints by den Hove sal gedisponeert worden. Aldus gedaen binnen dese stadt Brussel onder het Cachet van syne Majesteyt den 18. December 1702. sub Bodry.*

## VI.

Que les Rendans ne sachant écrire ou étant autrement incapables d'écrire ou de former leurs comptes, le sieur Curé pourra le faire, & le Secrétaire les signer sans profiter d'aucun salaire.

## VII.

Que comme la Loi s'assemble à présent dans un cabaret, où il ne convient pas de rendre les comptes, il sera permis de le faire dans la maison du Curé, publiquement, devant les échevins, & à portes ouvertes, afin que chacun y puisse avoir accès.

## VIII.

Que les Maîtres de l'Eglise & du S. Esprit ne pourront faire aucune distribution d'aumônes, que du consentement du Curé; & lorsqu'il s'agira de faire des distributions considérables, on demandera aussi le consentement des deux Echevins susdits.

## IX.

Que les petites réparations nécessaires pourront se faire par les Maîtres d'Eglise & du S. Esprit, du consentement du Curé: mais les grandes réparations auront besoin de l'intervention & du consentement des deux Echevins susdits.

## X.

Que les Maîtres d'Eglise & du S. Esprit ne pourront louer les biens de l'Eglise & du S. Esprit, que publiquement, à l'intervention du Curé & des deux Echevins susdits.

## XI.

Que lesdits Maîtres d'Eglise & du S. Esprit ne pourront mettre à profit aucuns deniers qu'à l'intervention du Curé & des deux Echevins susdits.

## XII.

Que s'il arrive quelques différens, ils devront se décider sur le pied du Placart du 31. d' Août 1608.

## XIII.

Que tous lesdits devoirs à rendre ensuite de ce Règlement ou autrement par rapport auxdits biens, devront se faire gratis, sans aucuns frais, soit à titre de vacations, repas, dépense, ou autre. Ordonnant à un chacun de se régler selon ce; le tout par provision jusqu'à ce qu'il en soit autrement disposé par la Cour. Fait en cette Ville de Bruxelles sous le Cachet de Sa Majesté le 18. Décembre 1702. signé Bodry.



*Ordinatio seu Constitutio pro bonis Ecclesiae, Sacelli & Sancti Spiritus pagorum Vorselaer & Lichtaert, Episcopatus Antverpiensis.*

*Reglement op de Kerck, Capelle ende H. Geest-goederen van de Dorpen van Vorselaer en Lichtaert, onder het Bisdum van Antwerpen.*

*Règlement pour les Biens de l'Eglise, de la Chapelle & du S. Esprit des Villages de Vorselaer & Lichtaert de l'Evêché d'Antvers.*

## I.

**P**rimò quòd Dominicà ejuslibet anni ante 15. Septembris, Pastor quilibet publicabit in Ecclesia 21. ejusdem mensis Festo Sancti Matthaei reddendas fore rationes seu computum Ecclesiae, Sacelli & Sancti Spiritus.

## I.

**I**n den eersten dat Sondaeghs voor den vyftiensten September van jeden jaere, den Postoor van elke Parochie sal in de Kercke publiceren, datmen den ene twintigsten der selver maent wesen den keestdagb van den beyligen Matheus, sal doen de Rekening van de Kerck, Capelle ende H. Geest.

## I.

**P**remièrement, que le Dimanche avant le quinziesme de Septembre de chaque année, le Curé de chaque Paroisse publiera dans l'Eglise que le vingt-unième du même mois, Fête de saint Mathieu, se rendra le compte de l'Eglise, de la Chapelle & du S. Esprit.

## II.

Quòd quilibet rationum redditor debebit facere computum integrum & pro eo cavere.

## II.

Dat jeder Rendant sal moeten maken volle Rekening ende daer voor verantwoorden.

## II.

Que chaque Rendant devra faire un compte entier & en répondre.

## III.

Quòd rationes seu computus debent apostillari & claudi eodem die, quo reddentur.

## III.

Dat de Rekeningen sullen moeten geapostilleert ende gesloten worden den selven daege dat sy geschieden.

## III.

Que les comptes devront être apostillés & clos le même jour qu'ils se rendent.

## IV.

Quòd reddentes seu exhibitores personaliter à se formatas & conclusas rationes praesentabunt.

## IV.

Dat de Rendanten selfs sullen moeten bunne Rekeningen overbrengen by hun geselt ende gescheven.

## IV.

Que les Rendans devront présenter en personne leurs comptes par eux formé & arrêtés.

## V.

Quòd si iidem reddentes seu exhibitores non sciant scribere vel aliàs non sint in potentia scribendi, vel formandi suas rationes, aut computus, Pastor poterit id facere, & Secretarius signare, nullo inde percepto salario.

## V.

Dat de selve Rendanten niet konnende schryven oft andersints onbekuam zynde om bunne Rekeningen te schryven oft te stellen, den Pastoor het selve sal mogen doen ende Secretaris de selve tekenen sonder solaris daer voor te genieten.

## V.

Que les mêmes Rendans ne sachant écrire, ou étant autrement incapables d'écrire ou de former leurs comptes, le Curé pourra le faire & le Secrétaire les signer sans en profiter aucun salaire.

## VI.

Et quoniam Congregatio Legis hodie dum servatur in duabus dictis Parochiis, in popina, in qua non expedit, nec decet rationes reddere, erit licitum id facere in domo Pastoris publicè coram Officialibus & Scabinis, januis apertis, ut unicuique sit liber accessus.

## VI.

Ende alsoo het Recht buyts alstnu in byde de voorz. Parochien gebou den wordt in een Herberge, alwaar het niet en convenieert dat de Rekeningen geschieden, soo wordt gepermitteert dat de selve sullen gedaen worden ten buyse van den Pastoor, voor den Officier ende Schepenen publiceelyck, ende met opene deure, op dat jeder daer toe acces magh hebben.

## VI.

Et comme l'Assemblée de la Loi se tient à présent dans lesdites deux Paroisses, dans un Cabaret, où il ne convient pas de rendre les comptes, il sera permis de le faire dans la maison du Curé, publiquement devant les Officiers & les Echevins, à portes ouvertes, afin qu'un chacun y puisse avoir accès.

## VII.

Quòd parvae reparationes necessariae poterunt fieri per Magistros Ecclesiae, Sacelli & Sancti Spiritus, cum Pastoris consensu, sed considerabiles debent fieri intervenientibus & consentientibus Officiali & Scabinis.

## VII.

Dat de klyne noodige reparatien sullen mogen geschieden door de Kerck, Capelle, ende H. Geest meesters, met consent van den Pastoor, maer de groote reparatien sullen moeten geschieden met overstaen ende toestemminge van den Officier en Schepenen.

## VII.

Que les petites réparations nécessaires pourront se faire par les Maîtres de l'Eglise, de la Chapelle & du S. Esprit, avec le consentement du Curé; mais les réparations considérables se devront faire à l'intervention & du consentement de l'Officier & des Echevins.

## VIII.

Quòd Magistri Ecclesiae, Sacelli & Sancti Spiritus, non poterunt elocare bona Ecclesiae, Sacelli & Sancti Spiritus, nisi publicè & intervenientibus Pastore, Officiali & Scabinis.

## VIII.

Dat de Kerck, Capelle ende H. Geest meesters niet en sullen mogen verburen de goederen, Kerck, Capelle ende H. Geest aengaende als publiceelyck, ende met overstaen van den Pastoor, Officier ende Schepenen.

## VIII.

Que les Maîtres d'Eglise, de la Chapelle & du S. Esprit, ne pourront louer les biens de l'Eglise, de la Chapelle & du S. Esprit, que publiquement & à l'intervention du Curé, de l'Officier & des Echevins.

## IX.

Quòd dicti Magistri Ecclesiae, Sa-

## IX.

Dat de selve Kerck, Capelle ende

## IX.

Que lesdits Maître d'Eglise, de

celli & Sancti Spiritus non poterunt pensioni assignare ullam pecuniam nisi interventibus Pastore, Officiali & Scabinis.

X.

Quodd debebunt reassumi vel in securitatem redigi in debita forma pecuniæ huc usque sine sufficiente securitate pensioni assignatæ.

XI.

Quodd rationes apertæ & clausæ sient exiguo temporis spatio & consequenter executioni tradentur.

XII.

Quodd rationes debitæ confectæ & clausæ debebunt deponi in cistâ Ecclesiarum respectivarum, ad quas etiam deferentur pecuniæ restantes ex clausis computibus 14. Diebus post redditionem computuum.

XIII.

Quodd Magistri Ecclesiæ & Sancti Spiritus nullas elemosynas poterunt distribuere, nisi consentiente Pastore, & dum agitur de faciendis majoribus distributionibus, postulabitur consensus Officialium & Scabinorum.

XIV.

Si accidunt dissidia, decidenda erunt juxta Affixum diploma 31. Augusti 1608.

XV.

Quodd omnia officia reddenda juxta hanc Ordinationem vel aliter respectu prædictorum bonorum, sient gratis absque ullis sumptibus sive titulo vacationum, conviviorum, expensarum, aut aliter: mandando unicuique ut se his accommodet, omnia provisionaliter, donec ab Aula aliter statuatur. Datum in hac Civitate Bruxellensi, sub sigillo Secretario Majestatis suæ 10. Julii anni 1709. sub signo calamari signatum Bodry, & erat impositum Secretum Majestatis suæ hostiâ rubrâ obductum papyro alba.

Hæc Ordinatio fuit extensa mutatis mutandis pro Parochia Boort. Meerbeeck de Sattrapia Campenhout in Archiepiscopatu Mechliniensi 22. Octobris 1721. sub Secretario Vander Linden.

H. Geest-meesters geene penningen en sullen mogen aenleggen, alster interventie van den Pastoor, Officier, ende Schepenen.

X.

Dat de aengelegde penningen, de welke tot noch toe sonder genoegsaame versikeringe zyn uytgesteld, sullen moeten ingevoerd oft behoortlyck versiekt worden.

XI.

Dat de openstaende Rekenningen, ende sloten sullen in wynigen tyd worden gedaen en ingevoerd.

XII.

Dat de Rekenningen behoorelyck gedaen ende gesloten, sullen worden gestelt in de Komme van der respectieve Kercke, alwaer oock de overige penningen van de sloten sullen moeten gebrocht worden, tusschen viertien dagen naer dat de Rekenningen geschiedt zyn.

XIII.

Dat de Kerck ende H. Geest-meesters geene distributie van Aelmoessen sullen mogen doen, ten sy met consent van den Pastoor, ende ingevalle daer eenige groote distributien souden dienen gedaen te worden, dat daer over sal oock gevraegt worden het consent van de voorsz. Officiëren ende Schepenen.

XIV.

Dat in cas van eenige verschillen, de selve sullen gedeceideert worden op den voet van het Placcaert van den eenendertighsten Augusti seshien bondert acht.

XV.

Dat alle de voorsz. devoirs engevolge van desen Reglemente, oft andersints ter saecke van de voorsz. goederen te geschieden, sullen moeten gratis gedaen worden sonder eenige onkosten 't sy van vacatien, maeltyd, verter oft andersints, ordonnerende een jeder sich hier naer te reguleren, alles by provisie, tot dat andersints by den Hove sal gedisponeert worden. Aldus gedaen binnen dese Stadt Brussel, onder het Cachet secreet van Syne Majesteyt den tbiensfen Julii, seventien bondert negen, geparapheert Grysp. vt. ende was onderteekent Bodry. ende geachteert met Syne Majesteyts secreten Segele in rooden au Wele gedeckt met wit pampier.

Dit Reglement is geextendeert geweest mutatis mutandis voor de Parochie van Boort Meerbeck onder de Meyerje van Campenhout in het Aertsbisdom van Mechelen, op den 22. October 1721. sub Secretario. Vander Linden.

la Chapelle & du S. Esprit, ne pourront mettre aucuns deniers à profit, qu'à l'intervention du Curé, de l'Officier & des Echevins.

X.

Qu'on devra faire rentrer ou assurer en forme d'ue les deniers que l'on a mis à profit sans s'urteré suffisante jusqu'à présent.

XI.

Que les comptes ouverts & les clôtures seront faits en peu de temps, & de suite exécutés.

XII.

Que les comptes duement arrêrés & clos, devront se déposer dans la Caisse des Eglises respectives, où l'on apportera aussi les deniers restans des clôtures en dedans quatorze jours après la reddition des comptes.

XIII.

Que les Maitres d'Eglise & du S. Esprit, ne pourront faire aucune distribution d'aumônes que du consentement du Curé, & lorsqu'il s'agira de faire des distributions grandes, on devra aussi en demander le consentement des Officiers & des Echevins.

XIV.

Que s'il survient quelques différens, ils devront se décider sur le pied du Placart du 31. d'Août 1608.

XV.

Que tous les devoirs à rendre en suite de ce Règlement ou autrement, par rapport ausdits Biens, devront se faire gratis, sans aucuns frais, soit à titre de vacations, repas, dépense, ou autre: ordonnant à chacun de se regler selon ce, le tout par provision jusqu'à ce qu'il en soit autrement disposé par la Cour. Fait en cette Ville de Bruxelles, sous le Cachet secret de Sa Majesté, le 10. Juillet 1709. paraphé Grysp. vt. signé Bodry, & étoit cacheté du Cachet secret de Sa Majesté, en hostie vermeille couverte de papier blanc.

Ce Règlement a été étendu mutatis mutandis pour la Paroisse de Boort Meerbeck de la Mayerie de Campenhout, dans l'Archevêché de Malines, le 22. d'Octobre 1721. sub Secretario Vander Linden.



*Ordinatio pro Parochia Haren  
propè Bruxellas.**Reglement voor de Parochie van  
Haaren, by Brussel.**Réglement pour la Paroisse d'Ha-  
ren près Bruxelles.*

## I.

Quodd semper erunt duo Magistri Ecclesiae & duo Magistri sancti Spiritus, quorum duo Seniores deferent sua servitia, finito secundo anno.

## I.

*D*at altydt sullen wesen twee Kerkmeesters ende twee H. Geestmeesters, waer van de twee oudste sullen afgaen ter expiratie van 't tweede jaer van bunnen dienst.

## I.

Qu'il y aura toujours deux Maîtres d'Eglise & deux Maîtres du S. Esprit, dont les deux plus anciens quitteront leurs services à l'expiration de la deuxième année.

## II.

Quodd ipsorum loco quolibet anno, Sabbato ante Purificationem, eligeretur novus Magister Ecclesiae & sancti Spiritus, à Pastore & Domino loci, velin ejus absentia à primario ejus Officiali.

## II.

*D*at in bunne plaetse t'elcken jaere op Saterdag voor Lichtmisse eenen nieuwen Kerkende H. Geest meester gekosen sal worden door den Pastoor ende door den Heere, ofte in syn afwesen door des selfs eersten Officier.

## II.

Qu'en leur place, chaque année, le Samedi avant la Chandeleur, sera choisi un nouveau Maître d'Eglise & du S. Esprit, par le Curé & le Seigneur, ou, en son absence, par son Officier principal.

## III.

Quodd ita electi praestabunt inter manus Officialis juramentum solitum praestari.

## III.

*D*at de selve alsoo gekosen den gemeenelycken Eedt sullen moeten doen in banden van den Officier.

## III.

Qu'étant ainsi choisis, ils devront prêter le serment accoutumé, es mains de l'Officier.

## IV.

Quodd Magistri Ecclesiae & sancti Spiritus debebunt rationes suas annuas reddere in loco (non existente popina) in qua Lex convenit, intervenientibus Parocho & Domino Territoriali, vel ejus principali Officiali & duobus Scabinis cum judicii Scriba pagi Haren.

## IV.

*D*at de Kerk en H. Geest meesters jaerelyckx ter plaetse van 't Genecht, geen Herberg wese, Rekeningen sullen moeten doen ter interventie van den Pastoor ende van den Heere oft des selfs eersten Officier, ende van twee Schepenen met den Grefier van 't dorp van Haren.

## IV.

Que les Maîtres d'Eglise & du S. Esprit devront rendre leurs comptes annuels au lieu (n'étant pas un cabaret) où la Loi s'assemble, à l'intervention du Curé & du Seigneur, ou de son Officier principal, & de deux Echevins, avec le Greffier du Village d'Haren.

## V.

Quodd hi duo computus reddentur eodem tempore gratis, separatis sexternionibus, & absque quod ullus possit nec postulare nec ullo salario gaudere.

## V.

*D*at dese twee Rekeningen by separate Cobieren samen ten selven tyde gedaen sullen worden gratis, ende sonder dat daer voor door iemenden eenigen salaris gevraeght oft genoten sal mogen worden.

## V.

Que ces deux comptes, par cahiers séparés, se rendront dans un même temps gratis, & sans qu'à ce sujet personne puisse demander ni jouir d'aucun salaire.

## VI.

Quodd reddentes rationes, praesentaturi sint suos computus respectivos à se scriptos & debite efformatos, ut, illis apostillatis & clausis, signentur à Secretario Haren.

## VI.

*D*at de Rendanten bunne respectieve Rekeningen sullen moeten overbrengen beboorelyck by hun gescreven en gestelt, om geapostilleert en gesloten zynde, by den Secretaris van Haren geteekent te worden.

## VI.

Que les Rendans devront présenter leurs comptes respectifs dûment par eux écrits & dressés, pour, étant apostillés & clos, être signés par le Secrétaire d'Haren.

## VII.

Quodd si contingat aliquos illorum, qui computibus debent interesse, non adesse die Statuto, procedetur à praesentibus ad auditionem & clausuram.

## VII.

*D*at by aldien eenige den genen die over de Rekeningen moeten staen, ten dage dier niet en compareren, des niet tegenstaende tot booring ende sluytinge geprocedert sal worden door de presenten.

## VII.

Que s'il arrive que quelques uns qui doivent intervenir aux comptes, ne s'y trouve pas au jour marqué, il y sera procédé à l'audition & clôture par les présents.

## VIII.

Quodd Magistri Ecclesiae & sancti Spiritus respectivè habebunt administrationem proventuum seu reddituum respectivorum.

## VIII.

*D*at de Kerk en H. Geest meesters d'administratie van bet respectief inkomen sullen hebben.

## VIII.

Que les Maîtres d'Eglise & du S. Esprit auront l'administration des respectifs revenus.

## IX.

Quodd reparationes & expensae ordinariae Ecclesiae fient cum cognitione Parochi & Domini, aut ejus principalis Officialis.

## IX.

*D*at de ordinaire reparatien ende belastingen van de Kerk geschieden sullen met kennis van den Pastoor ende van den Heere oft de selfs eersten Officier.

## IX.

Que les réparations & frais ordinaires d'Eglise se feront avec connaissance du Curé & du Seigneur, ou de son Officier principal.

## X.

Quodd distributiones eleemosynarum eodem modo fient.

## X.

*D*at bet wytrycken det Aelmoessen op den selven voet sal gedaen worden.

## X.

Que la distribution des aumônes se fera de la même manière.

## XI.

Quodd elocatio seu conductio bonorum Ecclesiae & sancti Spiritus

## XI.

*D*at de verbueringe van de Goederen der Kereke en H. Geest,

## XI.

Que le louage des Biens de l'Eglise & du Saint Esprit se fera pu-



rûs fiet publicè, & gratis ut suprà, intervenientibus Officiali principali, duobus Scabinis, & Secretario, coram Pastore & Domino, si id bonum judicent.

## XII.

Quòd nulla venditio bonorum, nulla refusio reddituum, nulla expositio pecuniæ pro lucro percipiendo, vel alii contractus, qui olent alienationem, poterunt fieri nisi cognoscentibus Parocho, Domino, & omnibus, quorum intererit & ex consensu Archiepiscopi & permisso Majestatis suæ.

## XIII.

Quòd sient duæ Cistæ, una pro Ecclesia & altera pro sancto Spiritu, in quibus custodientur documenta respectiva, litteræ, rationes seu computus, &c. sicut etiam pecuniæ paratæ.

## XIV.

Quòd pro qualibet Cista sient tres differentes serræ & tres claves; Pastor uniuscujusque Cistæ habebit unam, Dominus vel ejus principalis Officialis etiam uniuscujusque unam, & Magistri Ecclesiæ & sancti Spiritus etiam suarum Cistarum respectivarum.

## XV.

Quòd insuper observabuntur Statuta in affixo diplomate 31. Augusti anni 1608. Datum 24. Januarii 1715. Signatum, BODRY.

publicckelyck en gratis als boven sal gedaen worden ten overstaen van den eersten Officier, twee Schepenen en van den Secretaris int bywesen van den Pastoor en van den Heere, dunckt sulckx bun goet.

## XII.

Dat geene verkoopinge van goederen, quyttinge van Renten, aenlegginge van Penningen, oft andere Contracten sinack hebbende van alienatie, en sullen mogen geschieden ten sy met kennisse van den Pastoor, van den Heere ende van alle andere geïnteresseerde, en met consent van Syne Hoogheerdegheid en Oedroy van Syne Majesteyt.

## XIII.

Dat gemaect sullen worden twee Kisten ofte Commuen, d'een voor de Kercke ende d'ander voor den H. Geest, waerinne bewaert sullen worden de respectieve documenten, letteragien, Rekeningen, &c. mistgaders de contante Penningen.

## XIV.

Dat voor elke Kiste sullen gemaect worden dry versceyde sloten, ende dry sleutels, waer van den Pastoor van elke Kiste eenen sleutel den Heere oft des selfs eersten Officier van elke eene, ende de Kerck en H. Geest meesters van bunnere respectieve Kisten eenen sullen hebben.

## XV.

Dat megens de meer veste men sich sal reguleren volgens 't gestatueerde byt Placcart van den eenen dertigsten Augusti 1608. Aetum den 24. Januarii 1713. Onderteeckent, BODRY.

bliquement, & gratis comme defus, à l'intervention de l'Officier principal, des deux Echevins & du Secrétaire, en présence du Curé & du Seigneur, s'ils le trouvent bon.

## XII.

Que nulle vente de Biens, remboursement de rentes, mise de deniers à profit, ou autres Contrats qui ressemblent l'alienation, ne pourront se faire qu'avec la connoissance du Curé, du Seigneur & de tous autres intéressés, & par consentement de l'Archevêque & Oâroy de Sa Majesté.

## XIII.

Que l'on fera deux Caisses, l'une pour l'Eglise, & l'autre pour le Saint Esprit, dans lesquelles on gardera les respectifs documents, lettrages, comptes, &c. comme aussi les deniers comptans.

## XIV.

Que l'on fera pour chaque Caisse trois différentes serrures & trois clefs: le Curé en aura une de chaque Caisse, le Seigneur, ou son Officier principal, aussi une clef de chaque, & les Maîtres d'Eglise & du Saint Esprit, aussi une clef de leurs Caisses respectives.

## XV.

Que pour le surplus on observera ce qui est statué par le Placart du 31. d'Août 1608. Fait le 24. Janvier 1713. Signé, BODRY.

### Ordinatio pro bonis Ecclesiæ & sancti Spiritus Parochiæ Eeverensis.

## I.

Quòd semper erunt duo Magistri Ecclesiæ & Sancti Spiritus, quorum duo Seniores servitia sua deferent circa finem anni secundi.

## II.

Quòd die Sabbati ante Purificationem Beatæ Virginis ipsorum loco eligetur novus Magister Ecclesiæ & Sancti Spiritus à Pastore & à Domino territoriali seu loci, vel absente dicto Domino, à Pastore & Officiali principali dicti Domini, qui casu, quo non convenirent, convenient mittendo sortem.

## III.

Quòd ita electi tenebuntur præstare solitum juramentum inter manus Officialis.

### Reglement op de Kercke ende Heyligh-Geest Goederen der Parochie van Evere.

## I.

Dat altydt sullen wesen twee Kerckmeesters en de twee Heyligh Geestmeesters, waer van de twee oudiste sullen af gaen ter expiratie van bet tweede jaer van bunnan Dienst.

## II.

Dat in bunne plaetse t'elken jaere op saterdag voor Lichtmissè eenen nieuwen kerck ende Heyligh-Geest Meester gekosen sal worden, door den Heere, ende den Pastoor, oft in bet afwesen van den voorsz. Heere, door den Pastoor, ende den eersten Officier van den Heere, die welke in cas van oneenigbeyt ben sullen vergelicken by bet trecken van bet Lotb.

## III.

Dat de selve alsoo gekoosen zynde, gewoonehlycken Eede sullen moeten doen in banden van den Officier.

### Réglement pour les Biens d'Eglise & du Saint Esprit de la Paroisse d'Evere.

## I.

Qu'il y aura toujours deux Maîtres d'Eglise & deux Maîtres du Saint Esprit, dont les deux plus anciens quitteront leurs services à l'expiration de la deuxième année.

## II.

Qu'en leur place, chaque année, le Samedi avant la Chandeleur, sera choisi un nouveau Maître d'Eglise & du Saint Esprit, par le Seigneur & le Curé, ou, en l'absence dudit Seigneur, par le Curé & l'Officier principal du Seigneur, lesquels, en cas de dissention, s'uniront en tirant le sort.

## III.

Qu'étant ainsi choisis, ils devront prêter le serment accoutumé, des mains de l'Officier.

IV.

Quodd Dominicâ secundâ Septembris, cujuslibet anni Pastor Parochiæ in Ecclesia publicare debeat Jovis die ejusdem hebdomadæ exhibendas fore rationes seu computus Ecclesiæ & Sancti Spiritûs.

V.

Quodd quilibet reddens tenebitur facere computum integrum & pro eo cavere.

VI.

Quodd computus debebunt Calamari ligno muniri & claudi eodem die, quo reddentur.

VII.

Quodd reddentes tenebuntur personaliter præsentare suos computus à se formatos & scriptos.

VIII.

Quodd si iidem reddentes non sciant scribere vel alias incapaces hoc præstandi aut conficiendi suos computus, Pastor id poterit efficere & Secretarius vel judicii Scriba signare, nullo inde percepto salario.

IX.

Et quoniam Lex dictæ Parochiæ convenit hodie dum in popina, in qua non decet reddere rationes, erit licitum id facere in domo Pastoris, publicè coram Decano Rurali, dicto Pastore, Officiali & Scabinis, jannis apertis, ut unicuique sit liber accessus.

X.

Quodd Magistri Ecclesiæ & Sancti Spiritûs habebunt administrationem respectivorum reddituum.

XI.

Quodd minores reparationes necessariæ, dummodo non excedant summam 12. florenorum, poterunt fieri per Magistros Ecclesiæ & Sancti Spiritûs, consentiente Parocho, majores verò, intervenientibus & consentientibus Officiali & Scabinis.

XII.

Quodd Magistri Ecclesiæ & Sancti Spiritûs non poterunt elocare bona Ecclesiæ & Sancti Spiritûs nisi publicè intervenientibus Pastore, Officiali & Scabinis, absque quod dent præferentiam conducentibus sive incolis, sive peregrinis, & hoc sub antiquis conditionibus, quæ scriptis tradentur à dictis Magistris Ecclesiæ & S. Spiritûs, nisi ex communi consensu congruum videretur mutare aliquos articulos, & casu, quo dicti Magistri Ecclesiæ & S. Spiritûs sint incapaces, inhærendum

IV.

*Dat op den tweeden Sondag van September van jeden jaere den Pastoor van de Parochie sal in de Kercke publiceren dat men Donderdag van de selve Weke sal doen de Rekeninge van de Kercke ende van den Heyligen Geest.*

V.

*Dat iederen Rendant sal moeten maecten volle Rekeninge, ende daer vooren verantwoorden.*

VI.

*Dat de Rekeningen sullen moeten geapostilleert ende gesloten worden ten selven dage dat sy geschieden.*

VII.

*Dat die Rendanten selfs sullen moeten bunne Rekeningen overbrengen by bun gestelt ende gescheven.*

VIII.

*Dat de selve Rendanten niet konnende sebruyven, oft andersints onbequaen zynde om bunne Rekeningen te sebruyven oft stellen, den Pastoor bet selve sal mogen doen, ende den Secretaris oft Greffier de selve teekenen sonder salaris daer voor te genieten.*

IX.

*Ende alsoo bet Recht-buys alsnu in de voorschreve Parochie gebonden wort in eene berberge, alwaer bet niet en convenieert dat de Rekeningen geschieden, soo wordt gepermitteert dat die selve sullen gedaen worden ten buyse van den Pastoor, voor den Landt-Deken, den voorschreven Pastor, Officier ende Schepenen publiceckelyck, ende met open deuren, op dat jeder daer toe magh accës hebben.*

X.

*Dat de Kerck ende Heyligh-Geest-Meesters d'administratie van bet respectief inne-komen sullen hebben.*

XI.

*Dat de klyne noodige reparatien niet excederende de somme van twelff guldens courant, sullen mogen geschieden door de Kerck ende Heyligh-Geest-Meesters met consent van den Pastoor, maer dat de groote reparatien sullen moeten geschieden oock met overstaen ende toestemminge van den Officier ende Schepenen.*

XII.

*Dat de Kerck ende Heyligh-Geest-Meesters niet en sullen mogen verbueren de Goederen, Kerck ende Heyligh-Geest aengaende, als publiceckelyck ende met overstaen van den Pastoor, Officier, ende Schepenen, sonder preferentie te geven aen de Hueringhen, 't zy innegesetenen ofte affgesetenen, ende dat op de oude condition te sebruyven door de voorsz. Kerck ende Heyligh-Geest-Meesters, 't en waere dat by gemeyn consent werde goet gevonden eenige artikelen te veranderen, ende in cas van onbequaem-*

IV.

Que le deuxième Dimanche de Septembre de chaque année, le Curé de la Paroisse publiera dans l'Eglise, que le Jeudi de la même semaine se rendra le compte de l'Eglise & du S. Esprit.

V.

Que chaque Rendant devra faire un compte entier, & en répondre.

VI.

Que les comptes devront être apostillés & clos le même jour qu'ils se rendent.

VII.

Que les Rendans devront présenter en personne leurs comptes par eux formés & écrits.

VIII.

Que les mêmes Rendans, ne sachant écrire, ou étant autrement incapables d'écrire & de former leurs comptes, le Curé pourra le faire, & le Secrétaire ou Greffier les signer, sans en profiter aucun salaire.

IX.

Et comme la Loi de ladite Paroisse s'assemble à présent dans un cabaret, où il ne convient pas de rendre les comptes, il sera permis de le faire dans la maison du Curé, publiquement, devant le Doyen Rural, ledit Curé, l'Officier & les Echevins, à portes ouvertes, afin qu'un chacun y puisse avoir accès.

X.

Que les Maîtres d'Eglise & du S. Esprit auront l'administration des respectifs revenus.

XI.

Que les menues réparations nécessaires, n'excedant pas la somme de douze florins courans, pourront se faire par les Maîtres d'Eglise & du Saint Esprit, avec le consentement du Curé; mais les grandes réparations se devront faire aussi à l'intervention & du consentement de l'Officier & des Echevins.

XII.

Que les Maîtres d'Eglise & du S. Esprit ne pourront louer les Biens de l'Eglise & du S. Esprit, que publiquement & à l'intervention du Curé, de l'Officier & des Echevins, sans donner préférence aux Locataires, soit habitans ou étrangers; & cela sous les anciennes conditions, qui se mettront par écrit par lesdits Maîtres d'Eglise & du Saint Esprit, ne fût que du commun consentement l'on trouvât bon de changer quelques articles; & en cas d'incapacité desdits Maîtres d'Eglise &



*gratis fieri, sive sumptibus, sive titulo vacationum, conviviorum, expensarum vel altero; etiam Pastor & Aedituus Servitii & Sepulturas gratis facient eorum, qui gavisi fuerint mensa Sancti Spiritus.*

*Geestelycke personen, ofre were lycke, sullen moeten gratis gedaen worden, sonder eenike onkosten 't zy van vacatien, Maelydt, verteer, oft andersints, kelyck oock door den Pastoor ende Coster gratis sullen moeten gedaen worden allen de Diensten ende Begravenssen van de gene, genietende d'assistentie van den Huys-armen.*

*Ecclésiastiques ou Séculiers, sans aucuns frais, soit à titre de vacations, repas, dépenses ou autres: ainsi que par le Curé & le Marguillier, seront faits gratis tous les Services & Enterremens de ceux qui auront joni de l'assistance de la Table du S. Esprit.*

*Mandando omnibus & singulis ut his se conforment provisionaliter, donec aliter ab Aula statutum fuerit. Datum Bruxellis 3. Octobris 1718.*

*Signatum, CATZ.*

*Ordonnende een jeder bem bier naer te reguleren alles by provisie tot dat anders by den Hove sal gedisponeert worden, Aldus gedaen binnen deser stad Brussle den derden October seventien-bondert acht-thien, Onderteeckent, CATZ.*

*Ordonnant à un chacun de se régler selon ce; le tout par provision, jusqu'à ce qu'il en soit autrement disposé par la Cour. Fair en cette Ville de Bruxelles, le 3. l'Octobre 1718. Signé, CATZ.*

*Sententia data in Consilio Brabantico super administratione bonorum Ecclesiae & Sancti Spiritus, 27. Februarii, anni 1714.*

*Franciscus Wolfgangus Wilbelmus Rompen Pastor Immunitatis Tervuerensis; Supplicans.*

*Præfati, Consules, Scabini & Rectores ejusdem Immunitatis, Citati, seu in judicium vocati.*

*Vonnis gegeven in den Souvereine Raede van Brabant, nopende de administratie der Kerke en Heylig Geest Goederen den 27. Februarii 1714.*

*Fr. Wolfgang Willem Rompen, Pastoor der vryhey van Tervueren, Suppliant.*

*Die Meyer, Borge-Meesters, Schepenen, ende Regeerders der selve vryhey, gedaegde.*

*Sentence donnée au Conseil de Brabant touchant l'Administration des biens d'Eglise & du S. Esprit, le 27. Février 1714.*

*Fr. Wolfgang Willem Rompen, Curé de la Franchise de Tervueren, Suppliant.*

*Les Mayeurs Bourguemestres, Echevins & Recteurs de la même Franchise, adjournez.*

**V**iso in Concilio supremo Brabantico statuto à Majestare sua, libello supplice præsentato, per Supplicantem remisso ad Commissarios hujus Aulae, per citationem de 9. Junii anni 1711. cum hoc tenore; quod tam per Synodos Belgiorum, quam per Ordinationes hujus Aulae emanatas quoad administrationem Ecclesiarum & ipsarum bona, directio & administratio bonorum spectantium ad Ecclesias & pauperes planæ patriæ concernat Pastores Parochiarum respectivarum: quod in Immunitate Tervuerensi directio & administratio bonorum Sancti Spiritus ibidem erat penes Pastores & Magistros pauperum; quod Prædecessores Supplicantis hac semper possessione fuissent gavisi, ut patebat ex declaratione Consulum, Scabinorum & Magistrorum pauperum dictæ Immunitatis: quod, attendita hac declaratione, Antecessor Supplicantis obtinisset diplomata manutentionis, anno 1679. contra Consules, Scabinos & Jacobum Druaert tanquam Receptorem pauperum Tervuerensium, super quod dicti Consules, Scabini & Receptor reliquerunt prædecessorem Supplicantis in pacifica sua possessione; quod Supplicans ab adventu suo ad dictum Pastoratum in eadem manserat quoad hanc administrationem; quod consequenter schedulis ab ipso & à Magistris pauperum signatis, semper factæ

*Tom. I.*

**G**esien in Syne Majesteyts Souvereinen Raede geordonneert in Brabant, de Requeste des Suppliants aldaer gepresenteert, by appointment van den negensten Junii seventien bondert elf, versonden voor Commissarissen van desen Hove, inhoudende, dat soo ingevolge diverse Synodien van dese Nederlanden, als Reglementen by desen Hove geannueert op 't stuck van d'administratie van de Goederen, ende Goederen, aen de Pastoors ten platten Lande toequamp het bewin ende administratie van de Goederen competende aen de Kerken ende armen van bunne respectieve Parochien, soo ende gelyck binnen de vryhey van Tervuren 't bewin ende administratie der Goederen van den Heyligen Geest, den Pastoor aldaer beneffens d'arme Meesters toequamp, ende de voorsacten des Suppliants oock altydt in possessie waeren geveest, als quamp te blycken uyt de Declaratie van Borge-Meester, Schepenen ende Arm Meesters der voorsyde vryheydt, op welke Declaratie den voorsact des Suppliants in den jaere sestiën bondert negen en seventig hadde bekomen gebadt Brieven van maintenance tegens de Borge-Meesters, Schepenen, ende Jacobus Druaert als Rent-Meester van den armen van Tervuren, als wanneer de selve Borge-Meester, Schepenen, ende Rent-meester den voorsact des Suppliants hadde gelaeten in syne paisible possessie, op welken voet den

*Y y y y*

**V**U au Conseil Souverain de Sa Majesté ordonné en Brabant, la Requête y présentée par le Suppliant renvoyée pardevant Commissaires de cette Cour, par appointment du 9. Juin 1711. contenant que tant par les Synodes des Pays Bas, que par les Réglements de cette Cour émanés sur le fait de l'administration des Eglises & de leurs biens, la direction & administration des biens appartenans aux Eglises & aux pauvres au plat pays touche aux Curés des Paroisses respectives; que dans la franchise de Tervueren, la direction & administration des biens du S. Esprit y appartenait aux Curés & aux Maîtres des pauvres; que les Prédécesseurs du Suppliant avoient toujours été en cette possession, comme il constoit par la Déclar. des Bourguemestre, Echevins & Maîtres des pauvres de ladite franchise; que sur cette Déclaration le Prédécesseur du Suppliant avoit obtenu des lettres de maintenance l'an 1679. contre les Bourguemestres, Echevins & Jacques Druaert en qualité de Receveur des pauvres de Tervueren, sur quoi ledits Bourguemestres, Echevins & Receveur avoient laissé le Prédécesseur du Suppliant en sa paisible possession, que le Suppliant depuis son avènement à ladite Cure étoit resté paisiblement sur le même pied en cette administration; que par conséquent sur les billers par fuissent



fuissent eleemosynæ & distributiones frumentorum pauperibus in dictâ Immunitate; quod nihilominus Supplicans turbaretur viâ facti in sua possessione pacificâ ab Officiali Carolo Michiels, qui, requirentibus Præfecto, Consiliibus & Scabinis, prætenfam qualitatem Ducis Ædiliū Ecclesiæ, & pauperum Cornelio Labon & Adriano Van der Smissen, ne in posterum darent schedulas pauperibus, nisi signatas propria ipsorum manu, nullâ aliâ admittâ, neque addita signatura, sub pœna, &c. Talibus autem viis facti intolerabilibus in patria Justitiæ, Supplicans concludebat ut placeret Consilio ipsi dare Litteras Patentes manutentionis in debita forma, cum clausula interdictionis; processu verbali deinde habito coram Commissariis, 19. Junii 1711. in quo Supplicans per suum Procuratorem proponendo contenta in suâ dictâ supplicâ inferebat ut per ipsam. Conclusio contraria Citatorum ejusdem diei, ut Supplicans declararetur non admittendus in his quæ concludebat idque cum expensis; citatio ibidem facta eodem die, auditis verbaliter partibus, mandabat Citatis ut Supplicanti daretur accessus ad omnes computos pauperum & ad acquisita ab anno 1675. inclusivè, cum exhibitione acquisitorum ad id servientium, & demonstratione modi quo computata fuissent, ut desuper quoad factum & partibus auditis, ulterius & summarie disponeretur ut æquum & justum, citatio ulterius data in processu verbali 3. Julii 1711. per quam Aula, partibus auditis illis, mandabat binc inde ut congruè applicarent documenta, quibus prætendebant uti, ut fundarent ex utraque parte sua conclusa, ut parti utrique extraderetur octiduum, ut, illis visis, comparerent etiam post octiduum & desuper illis verbaliter & summarie auditis decerneretur; data potestate nihilominus ex consensu partium, absque præjudicio cuiuscunque juris, Francisco le Roi, ut ad interim daret schedulas distributionum pauperibus, visis respectivis applicatis, seu scriptis partis utriusque, ulterioribus processibus verbalibus causâ, quoad dissidia in illa mota tum pro petita consignatione Testamentorum, Codicillorum, Donationum & aliorum actuum, quæ Citati in sua potestate prætendebant habere, & expurgatione desuper à Supplicante facta: citatio data post processum verbalem 17. Februarii 1711. in qua Aula mandabat partibus binc inde ut ad acta venirent: Aula omnibus perpenlis & attentis, manuteneret Supplicantem in possessione simul cum Magistris Sancti

Suppliant, sedert syne aenkomste tot de voorsyde Passorye altydt paisibelyck was gebleven: in de vermelde administratie, ende volgens op syne billetten door hem beneffens d'arme Meesters geteekent, altydt de distributien van graenen, gelt ende andere Aelmoessen was geschiedt aen de Huys-Armen aldaer, des-niet-tegenstaende soo bevondt den Suppliant hem seytelyck geturbeert in syne voorschreve paisible possessie door den Officier Carel Michiels als bebbende gedaen verbot op den vyfden Mey seventien-bonder elf, ten versoeke van Meyer, Borge-Meester ende Schepenen hun aldaer qualifice-rende pretense over-Momboirs van de Kerke ende armen der voornoemde vrybeyt, aen de tegenwoordige arm-Meesters Cornelis Labon ende Adriaen Vander Smissen van geene billetten in 't toekomende meer te geven aen d'arme-lieden als de gene by hun eygen bandt geteekent, sonder eenige teekeninge van jemandt anders daer by te laeten voegen op pene, &c. ende vermits duslaenige seytelyckheden in een Landt van Justitie niet en waeren tollerabel, soo concludeerde den Suppliant ten eynde den voorsyden Raede gedient soude wesen aen hem 't accorderen opene brieven van maintainue in forma met clausule van interdictie, bet verbael dien volgende voor de voorsyde Commissarissen gebouden den negentiensten Junii seventien-bonder elf, alwaer den Suppliant door synen Procureur proponerende den inbouden van de voorschreven Requête concluderende als in de selve, de contrarie conclusie der Gedagde, afgeteekent ten selven daege tot niet ontfankelyckheyt des Suppliants in syne voorsyde conclusie cum expensis, den appointement daer op ten selven daege gevolgt; daer by 't Ho-partyen mondelinge geboort, ordonneerde aen de Gedagde, aen den Suppliant tegeven acces tot alle Rekeningen van den armen ende acquitten dier, sedert 't jaer sestiën-bondert vyf-en-seventig inclus, ordonnerende voorts aen de selve binnen acht dagen te bewysen in welker voegen sedert veertig jaer berrewaerts gegeven zyn geweest d'Ordonnantie van uytteycklinge van d'arm billetten niet overlæg van d'acquitten daer toe dienende ende bewys hoe de selve in de Rekening gepasseert zyn, om 't selvegedaen ende partyen geboort, voorders ende sommiereyck gedisponeert te worden naer bebooren; den naederen appointement gegeven ten verbaelen van den derden Julii 1711, daer by 't Hof partyen geboort, ordonneerde aen de selve hinc inde te maeken een pertinent applicat van de stucken de welke zy præteenderde te gebruycken tot onderstandt van bunne wederseytse susten en, ende

lui signés & par les Maitres des pauvres, les distributions des grains, d'argent & d'autres aumônes s'étoient toujours faites aux pauvres de ladite franchise; que néanmoins le Suppliant se trouvoit troublé par voie de fait en sa possession paisible par l'Officier Charles Michiels, lequel à la réquisition des Mayeurs, Bourguemestres & Echevins, se qualifiant prétendument Chefs Mambours de l'Eglise & des pauvres de ladite franchise a fait défense le 5. Maj 1711. aux présens Maitres des pauvres, Corneille Labon, & Adrien Vander Smissen, de donner à l'avenir aucuns billets aux pauvres gens, que ceux qui seront signés de leur propre main, sans admettre ou y laisser ajouter quelque signature d'aucun autre, à peine, &c. Et d'autant que semblables voies de fait n'étoient pas tolérables dans un pays de Justice; le Suppliant concluait à ce qu'il plût au Conseil de lui accorder Lettres Patentes de maintenue en forme, avec clause d'interdiction; le verbal tenu ensuite pardevant lesdits Commissaires, le 19. Juin 1711. où le Suppliant par son Procureur en proposant le contenu en ladite Requête, concluait comme par icelle: la conclusion contraire des ajournés du même jour, à ce que le Suppliant fût déclaré non recevable en ladite conclusion cum expensis; l'appointement y suivi le même jour, par lequel la Cour après avoir ouï les Parties verbalement, ordonnait aux ajournés de donner accès au Suppliant à tous les comptes des pauvres & aux acquits depuis l'an 1675. inclus, leur ordonnant en outre de faire compter dans huit jours sur quel pied on a donné depuis quarante ans, les Ordonnances pour la distribution des billets aux pauvres, avec exhibition des acquis à ce servants, & démonstration de la manière qu'on les a passés en compte, pour le faire, & Parties ouïes, être ultérieurement & sommairement disposé, comme de raison; l'appointement ultérieur donné au verbal du 3. Juillet 1711. par lequel la Cour, Parties ouïes, leur ordonnait binc inde de faire un applicat pertinent des pièces dont ils prétendoient se servir pour leurs soutenues de part & d'autre, & de les délivrer les uns aux autres dans huit jours, pour après les avoir vues, comparer huit jours après, & être disposé, les ayant ouïes verbalement & sommairement; autorisant néanmoins du consentement des Parties, & sans préjudice de leur droit, tant au principal que dans la provision, François le Roi, pour donner en attendant les billets de distribution aux pauvres; vû les applicats

Spiritus. ut signent schedulas servientes distributioni eleemosynarum erga pauperes, exceptis casibus in quibus per acta fundationis aliter statutum & decretum videretur, & mandat Citatis ut curent annullari omnia impedimenta huius contraria, condemnans dictos Citatos ad expensas sub debita taxatione & moderamine Aulæ. Ita datum in civitate Bruxellensi die decimo septimo Februarii anno 1714. Signatum

A. V. GINDERTAELN.

de selve binnen acht dagen aen melekander te bebandigen, om de selve gesien zynde by bun, acht dagen daer naer te compareven, ende sommierlyck ende mondelinghe geboort ende gedisponeert te worden, autoriserende des onvermindert de consensu partium ende sonder prejudicie van hun recht, soo ten principaele als in de provisie, de persoon van François le Roye, om middeler-tydt uyt-te-reycken de billetten van distributie voor den armen, gesien de respect. Cristelycke applicaeten by partyen ter weder-syden-overgegeven, mitsgaders de voordere verbaelen in saecke gehouden, bebel-sende 't debatb aldaer gemoudeert, soo nopende 't versoek van consignatie van de testamente, Codicillen, Donatien, ende andere Acten, die de Gedaege pretendeerde den Suppliant ten onderen te hebben als andersints, ende d'expurgatie daer over by den Suppliant gedaen, den appointementte vervolgens gegeven ten verbaelen van den serventbiensden Februarii seventbien-hondert twelf, daer by 't Hof ordonneerde aen partyen hinc inde te fournieren; op al gelet, 't Hof maintineert, den Suppliant in de possessie van beneffens de Heilig-Geest-Meesters te teekenen die billetten dienende tot uyt reykinge der almoesen aen den armen, uytgenomen ten opsiechte der gevallen, alwaer by d'Acten van fondatie anderen regel ofte weth bevonden worde gesolt te zyn, ende ordonneert aen de Gedaege te doen casseren alle beletselen ter contrarie, condemnende de selve Gedaege in de kosten ter ter beboorlycke taxatie ende moderatie van den Hove. Aldus gedaen binnen de Stadt Brussel den ses-entwintigsten Februarii seventbien hondert veertbien. Onder teekent,

A. V. GINDERTAELN.

respectifs par écrit donnés par les deux Parties; les ultérieurs verbaux tenus dans la cause, contenant le débat y mû, étant au regard de la demande pour la consignation des Testaments, Codicilles, Donations & autres Actes que les adjournés prétendoient que le Suppliant auroit en son pouvoir, ou autrement; & l'expurgation faite sur ce point par le Suppliant; l'appointement donné en suite au verbal du 17. Février 1711. par lequel la Cour ordonnoit aux Parties hinc inde de fournir. Le tout considéré, la Cour maintient le Suppliant dans la possession de signer conjointement avec les Maîtres du S. Esprit, les billets servans à la distribution d'aumônes aux pauvres, excepté dans les cas que par les actes de fondation, il seroit autrement statué ou réglé, & ordonne aux adjournés de faire casser tous empêchemens au contraire, condamnant lesdits Adjournés aux dépens, sous due taxation & modération de la Cour. Ainsi fait dans la Ville de Bruxelles, le 17. de Février 1714. Signé,

A. V. GINDERTAELN.

### Monumentum III. citatum pag. 32. in notâ.

#### C.

#### DECRETUM EPISCOPI PRINCIPIS LEODIENSIS pro fidei & recta administratione bonorum Fabricæ Ecclesiæ & Mensæ S. Spiritus.

Maximilien-Henri, par la grace de Dieu, Archevêque de Cologne, Prince-Electeur du Saint Empire Romain, Archevêque par l'Italie, & du Saint Siège Apostolique Légat nt, Evêque & Prince de Liège, Hildesbeyn, élu Evêque de Munster, Administrateur de Bergesgarde, & Duc des deux Bavières, du Haut Palatinat, Westphalie, Engeren & Bouillon, Comte-Palatin du Rhin, Landgrave de Leuchtenberg, Marquis de Franchimont, Comte de Loos, Herne, &c.

**S**UR rapport à Nous fait, que dans nos Villes, Bourgades & Villages de notre Pays & Diocèse de Liège, il se glisseroit un abus très-considérable au sujet des comptes tant des Biens appartenans aux Eglises, Fabriques & Luminaires, que Mambours des Pauvres, les uns des Auditeurs d'iceux se faisant mettre à diner, les autres se faisant payer en argent, au lieu de servir gratuitement l'Eglise & les Pauvres d'icelle; les Mambours desquels feroient des éractions de muids à petit prix, comme aussi la distribution des pains ainsi que bon leur semble, les donnant aux Riches aussi-bien qu'aux Pauvres. Voulant à ce remédier, Avons ordonné, comme Nous ordonnons par les présentes, à tous Mambours & Auditeurs desdits comptes, d'y vaquer gratuitement pour Dieu & pour les Pauvres, sans prétendre chose que ce soit pour dépense de bouche ou autrement: Comme aussi Nous ordonnons à tous Mambours desdites Eglises & Pauvres, de suivre au futur les éractions du Clergé de Liège pour les muids qui leur sont dûs, & de ne faire distribution desdits Biens, soit en argent, soit en pains, à autres qu'à ceux qui sont vraiment Pauvres, & connus pour tels par les Pasteurs, pardevant lesquels &

Tom. I.

les deux plus vieu Echevins ou Principaux du Lieu, tous les comptes susdits de l'Eglise & Pauvres, seront rendus & examinés gratuitement: Ordonnant à tous Pasteurs & Desserviteurs desdites Eglises, de publier cetui notre Mandement, au jour de Dimanche, pendant la Messe paroissiale, dans chaque leurs Eglises; & pour meilleure & absolue observance, de choisir chacun dans leurs Paroisses un ou deux Synaux pour annoter les contraventeurs, & leur en faire pertinente relation, afin qu'il soit procédé contr'eux à la peine de cinq florins d'or pour les Pauvres de la Paroisse.

Et comme plaintes Nous ont aussi été faites, que des personnes peu soigneuses de leur instruction chrétienne, tant nécessaire pour le salut de leurs ames, fortiroient pendant la grande Messe de l'Eglise, pour n'entendre le Sermon ou l'Exhortation du Pasteur, & s'en iroient caquetter au portail de l'Eglise, mé-nant grand bruit & commettant insolence, Nous le défendons très-sérieusement, & enchargeons les Pasteurs de surveiller soigneusement là-dessus pour que telles personnes soient châtiées d'un florin d'or d'amende pour chaque fois, applicable aux Pauvres, comme

Y y y y y

comme

comme dessus. Donné en notre Ville de Bonne, le lieu (+) du Seel, & ensuite contresigné, FERD. vingtième Maj mil six cens quatre-vingt-six. Etoit SCHICH. signé, MAXIMILIEN-HENRI. Et puis écrit,

*Formula quâ expeditur Nominatio Regia ad Abbatias.*

**C**HARLES, par la grace de Dieu, Roi de Castille, de Léon, &c. A religieuses Personnes nos cheres & bien aimées les Prieure, Religieuses & Couvent de l'Abbaye N. Salut & dilection. Comme à Nous, comme Duc de Brabant, assiert & appartient d'avoir soigneux égard que les Prélatures, Abbayes, Prieures & autres Dignités étant en icelui Pays, soient pourvues de gens Catholiques, de bonne vie & conversation, pour les entretenir en bonne & Chrétienne Religion, & par Induk Apostolique, droit de Personnage, Régale, & autrement Nous compete, & ayons droit de ausdites Prélatures & Dignités, quand elles vaquent, nommer personnes suffisantes, idoines & à Nous agréables. Et il soit par le trépas de Dame N. votre dernière Abbessé, ladite Abbaye présentement vacante, Nous ayons fait informer de l'idoineité & capacité des Religieuses d'icelle, entre lesquelles Nous seroit être présentée Dame N. Religieuse de la même Abbaye : Savoir vous faisons, que le bon rapport que fait Nous a été de ladite Dame N. & de ses sens, expérience, bonne religieuse vie & conversation, Nous l'avons par la Délibération de notre très-cher & féal Cousin Dom Francisco Antonio de Agurto, Marquis de Castannaga, Chevalier de l'Ordre d'Alcantara, Lieutenant, Gouverneur, Capitaine Général de nos Pays-Bas, a dénommé & dénommons par ces présentes à ladite Abbaye N. vous

consentans & requirans, que procédant à Pélection de votre nouvelle & future Abbessé, vous élisiez & acceptiez à icelle Dignité, ladite Dame N. comme Personne à ce capable & à Nous agréable, à laquelle consentons & permettons de pouvoir sur ce obtenir de Notre Saint Pere le Pape, de l'Evêque Diocésain, ou autre Supérieur, telles Bulles Apostoliques & Provisions de confirmation qu'il appartiendra, & icelles à due exécution, au surplus prendre & appréhender la vraie, réelle & actuelle possession de ladite Abbaye, ensemble des droits, fruits, profits & émolumens d'icelle, pour d'orénavant la tenir, régir & administrer, tant au spirituel qu'au temporel, en a gardées & observées les solemnités en tel cas requises & accoutumées. Si donnons en mandement à nos très-chers & féaux les Chef Président & Gens de nos Privé & Grand Conseil, Chancelier de Gens de notre Conseil ordonné en Brabant, & à tous autres nos Justiciers, Officiers & Sujets : à qui ce regarder, à qu'à vous en ce que dit est, ils assistent, si besoin en avez, & en outre fassent, souffrent & laissent ladite Dame N. de cette notre présente nomination, accord & consentement, pleinement & paisiblement jouir & user, cessant tous contredits & empêchemens au contraire : Car ainsi Nous plaît-il. Donné en notre Ville de Bruxelles, &c. *Cbrist. Vt Inferius erat signatum.* Par le Roi, GALVAN.

*Monumentum IV. citatum pag. 65. num. VIII.*

D.

LITTERÆ DUCIS SABAUDIÆ BELGII GUBERNATORIS  
ad Priorem & Collegium J. V. Doct. Proff. ordin. in Universitate Lovaniensi.

**H**ONORABILES docti & sincerè dilecti. Cum Serenissimus Rex Dominus & cognatus noster observandus pro sua in bonarum disciplinarum, & præsertim Jurisprudentiæ studiis provehendis propensione, non nullorum Professorum stipendia augenda duxerit, novæque quasdam lectiones institui mandavit; nos tam laudabile Majestatis suæ institutum executioni mandare cupientes, jussimus pro singulis litteras pro obtinenda debita stipendiorum solutione congruas expediri. Verùm cum præ cæteris Majestatis suæ cordi sit, ut novæ lectioni Decretorum rectè provideatur, quam Majestas sua pro horum temporum (quibus disciplina Ecclesiastica graviter convellitur) necessitate, cupit ad primævam genuinamque suam revocari originem, sic ut magis ad Ecclesiæ ædificationem, quam litium judiciorumque disceptationem dirigatur, dum diu multumque ad eam provinciam idoneus quispiam quæsitus esset, tandem Majestas sua ob singularem Petri Ximeny commendationem, illum quantumvis reluctanter eo impulit, ut conditionem eam suscipere. Circa quem quidem ea fuit suborta difficultas, quòd dumtaxat Bacalaureus sit in Jure Canonico, & altiorum gradum docendique auctoritatem non haberet. Verùm non visum fuit hoc impedimentum, tam egregium institutum debere remorari, & uti Regia Majestas de eo cum ipso dispensavit, sic etiam vos non gravare eum ad hanc professionem admittendos esse confidemus, ea tamen conditione, ut intra annum à die cæptæ professionis

Doctoralia insignia recipiat. Cum hæc autem lectio non mindus Theologiæ operam dantibusquam Juris Canonici studiosis utilis futura videatur, talem ei horam assignari à vobis velimus, quæ utriusque sit accommoda. Ad hæc etiam intellexisse vos arbitramur constituisse Majestatem suam, quo ii qui Jurisprudentiæ primam daturi sunt operam, universa ejus disciplinæ elementa rectius simpliciusque percipiant, ut deinceps & institutionum altera instituantur lectio, qua ommissis, quæ prolixiorum, exactiorumque requirunt explicationem, is qui ad hanc assumetur professionem, summam duntaxat textum Justinianæum explicet, glossasque leviter ac perfunctoriè tantum attingat, sic ut eas auditores legere, & potiora aliqua inde retinere assuescant. Et ne ultra supra hæc novus professor transiliat, intra anni spatium totos quatuor libros Institutionum omnino Majestas sua vult absolvi, cujus vos diligentem habere curam, ac Majestati suæ vel Nobis denuntiare velimus, si aliter fiat. Eandem quoque brevitatem desideramus observari in altera lectione nova, qua visum fuit non abs re fore, si quispiam titulos ipsos utriusque Juris interpretetur, quo & facilius eos tyrones addiscant, & ordinem rerum, materialiumque (qui memoriam inprimis sublevant) complectantur, & significationem uniuscujusque tituli plenius percipientes ad graviora legum scita perdiscenda, viam sibi præstruant, & hanc quoque lectionem anni termino præscriptam Rex voluit, sicut post minores vacationes mense Octobri semper ab capite



capite hæc Institutionum prælectio titulorumque expositio incoheretur. Institutionum autem consuetæ atque ordinariæ lectionis dignitati nihil Majestas sua detractum voluit, se cum eam ampliore stipendio decoravit, id desiderat, ut diligentia quoque majore tractetur. Cum autem intelligamus eum qui illi hætenus præfuit, adversa laborare valetudine, quæ forte in longum tempus protrahi posset, cupimus ut de Vicario ita provideatur, ne quid publica studia detrimenti accipiant. Ad has autem lectiones delegimus D. Joannem Vegduviliam, Petrum Beckium juris utriusque Doctores, & Joannem Ramum Licentiatum, ex quibus, ni unus nobis assumendus videatur, ad operam vicariam ægrotantis, vos velimus dispicere qui ex iis ad singulas lectiones magis videantur vel

propensi vel idonei : Et cum in rerum novarum institutione, quid vel secus sit, experimento primum intelligi certius soleat : visum nobis fuit, ut singulis in unum duntaxat annum hæc lectiones addicantur, quo ipsorum interea spectata diligentia, & sperata utilitatis cognito successu, sub ejus finem de eorundem confirmatione melius constitui queat. Superest igitur ut de Ximeny admissione, & quos quibus lectionibus magis aptos censeatis vestram nobis sententiam perscribatis, quod similiter super stipendiorum solutione providere eis possimus. Quid autem super augmento veterum stipendiorum vel institutione novorum proutriusque Juris Professoribus ordinatum sit, ex scheda inclusa intelligitis. Deus vos conserve. Datum Bruxellæ 22. Aprilis 1557. post Pascha.

Monumentum V. citatum pag. 80. num. X.

E.

SENTENTIA EXTENSA SENATUS BRABANTIAE  
contra Archidiaconum Gondromi 10. Martii 1700.

*Le Prévôt & Pasteur de Limbourg, Vice-Archidiacre & Official de Condros au pais & Duché de Limbourg & autres pais d'Oultremeuse, & pour lui en prenant la cause, le Conseiller & Procureur-Général & les Etats du pais de Limbourg, Supplians, l'Archidiacre dudit Condros, Rescribent.*

VU au Conseil souverain de Sa Majesté, ordonné en Brabant, la Requête y présentée par le premier Suppliant le 31. de Juillet 1693. par laquelle il donnoit à connoître que suivant les privileges du pays de Brabant & d'Oultremeuse, aucuns Sujets Ecclesiastiques ou autres de même pays, ne pouvant être évoqués ni convenus en Jugement pardevant le Juge Ecclesiastique ou autres hors ledit pays, le Rescribent avoit donné commission au Suppliant pour exercer la Jurisdiction Ecclesiastique dans ledit Condros, laquelle il avoit longues années paisiblement exercée ensuite du placet dudit Conseil; mais comme François Pirotte avoit présenté Requête audit Rescribent, pour que le Suppliant auroit à lui envoyer les actes du debat que ledit Pirotte avoit pardevant le Suppliant contre Cornéil de Haut Regard, au sujet de la Cure de Waudre, afin d'en connoître, ledit Rescribent, sans considerer qu'il ne pouvoit exercer aucune Jurisdiction sur les Sujets du Pays de Limbourg, avoit par appointment du 31. Maj 1693. dit : *communicetur præsens supplica Officiali nostro Limburgensi, sine transmittendi nobis acta, interim quæcumque præjudicialia suspendentes*, ledit Rescribent avoit pour lors ordonné au Suppliant de lui envoyer les Actes d'un Procès ventillant pardevant lui; & après avoir examiné lesdits Actes, il les avoit renvoyés avec la Sentence par écrit, avec ordre au Suppliant de la prononcer comme il l'avoit couché; mais comme le sentiment dudit Suppliant & de ses Assesseurs n'étoit conforme à ladite Sentence, il en avoit donné avis audit Rescribent, dont il avoit eu pour réponse qu'il n'avoit pas envoyé la Sentence pour la faire examiner de ses Assesseurs, mais bien pour la prononcer, comme étoit à voir par la pièce en étant; & quoique par toute civilité & raison, il avoit donné à connoître au Rescribent qu'il ne lui étoit permis d'exercer aucune Judicature en ce pays, il ne laissoit pas pourtant à continuer de le troubler dans sa Judicature, avec menace de révoquer sa commission, raison pourquoi ledit Suppliant se retiroit vers ledit Conseil, le suppliant très-humblement d'être servie de lui vouloir accorder Lettres de maintenue *in forma*, avec clause de mandement, tenant lieu: Vu aussi la rescription y servie à l'encontre par le Rescribent le 29. d'Octobre 1693. par laquelle il disoit d'avouer que suivant les privileges des pays de

Brabant & d'Oultremeuse aucuns Sujets Ecclesiastiques ou autres du même pays, ne pouvoient être évoqués ni convenus en jugement pardevant le Juge Ecclesiastique, ou autres hors ledit pays, & que pour cette raison & au lieu, & que le Rescribent vaqueroit lui-même en Brabant, pour prendre connoissance de toutes les causes des Brabançons qui pourroient survenir en son district, ainsi que l'Archidiacre de Hasbeye le faisoit lui-même es terres de l'Obéissance de Sa Majesté, il avoit substitué le Suppliant en sa place en l'an 1691. pour exercer la Jurisdiction en son nom & de son autorité dans ledit Condros, ne croyant pas que sur cette substitution seroit suivi aucun placet qui n'étoit pas aussi nécessaire, celui du 18. Avril 1671. ne pouvant servir pour ladite substitution faite par le Rescribent dix années après; & en tout cas, supposant que le placet de Sa Majesté seroit requis pour que le Suppliant pourroit exercer la Jurisdiction en vertu de cette substitution, par-dessus que tout ce qu'il auroit fait jusqu'à présent seroit nul & de nulle valeur, il étoit notoire que ce placet ne pourroit changer la nature de ladite substitution; tellement que de révoquable qu'elle étoit de soi & en vertu de la clause sous laquelle elle avoit été faite *usque ad revocationem nostram duntaxat*, elle seroit devenue irrevocable, & qu'ainsi il avoit toujours demeuré libre au Rescribent de la révoquer, comme il avoit fait, de manière qu'il n'y avoit aucune apparence de possession, sur laquelle il pourroit fonder sa demande à fin de maintenue, & qu'il avoit tort de se plaindre de ce que le Rescribent avoit été obligé de faire en meilleure administration & exécution de la justice, pour empêcher des coups que le Suppliant méritoit de faire par une trop grande partialité pour l'une des parties, ce qui n'étoit pas de cette matiere, & surtout le Rescribent s'étonnoit d'autant plus du procédé du Suppliant, qu'il ne pouvoit ignorer qu'Antoine Delva ayant fait de même contre le prédécesseur du Rescribent, & ayant même obtenu en ce regard Lettres de maintenue, icelles avoient été déclarées sub & obreptices & sans effet, & lui non fondé ni recevable, & condamnés à deux tiers des dépens, ainsi qu'étoit à voir par la Sentence pareillement en étant, parmi quelles & autres raisons débattans l'ultérieur contenu de ladite Requête d'impertinences, frivolité & dénégation, contendoit

le Rescribent à ce que levant l'interdiction accordée sur ladite Requête, icelui pour avoir requis par icelle, ainsi qu'il avoit fait, seroit déclaré non fondé ni recevable, & condamnés es dépens. Vû de suite la requête, rescription ultérieure & duplique desdites parties, ainsi que la Requête civile du Rescribent du 23. Décembre 1694. avec les raisons d'impertinence y alencontre servies de la part du Suppliant. Vû en outre la Sentence interlocutoire y ensuivie le 26. de Mars 1695. par laquelle ledit Conseil, avant de faire droit, ordonnoit aux Emprenans de venir *ad causam* pour, &c. Vû en outre la conclusion desdits emprenans, par laquelle ils disoient en substance, que selon les loix & privileges fondamentales de ce pays, les Sujets du Roi, soit Ecclesiastiques ou séculiers, ne pouvoient être arrêtés, évoqués ni tirés en justice hors de ce même pays; mais ils devoient être traités & jugés par des Juges du pays: qu'aussi le Rescribent n'ignorant pas cette vérité, & sachant qu'il ne pouvoit faire en ce pays aucun Acte juridictionnel en qualité d'Archidiacre du Condros, à raison qu'il devoit tenir & tenoit fixement résidence dans la Ville de Liege, il avoit laissé continuer le Suppliant dans l'exercice de la Jurisdiction Ecclesiastique audit Condros, ensuite de la commission lui donnée pour ce sujet, & agréée par le Roy par Acte du 18. Avril 1671. jusqu'à ce qu'il lui avoit pris envie d'ordonner au Suppliant de lui envoyer les Actes & Pièces du Procès instruit devant lui Suppliant, entre le Procureur d'Office d'une, & Me Nicolas Gregoire d'autre part de les examiner, y porter Sentence, & en charger par sa Lettre du 27. Juin 1693. le Suppliant de la prononcer, à quoi le Suppliant n'ayant voulu déferer, comme il ne pouvoit en aucune maniere, à moins de souscrire à une emprise évidente, le Rescribent s'étoit voulu attribuer l'autorité de le déporter, en révoquant, comme il avoit prétendu de faire par Acte du 28. Aoust de ladite année, sa commission; mais comme l'une & l'autre choquoient également lesdites loix & privileges, le premier, parce que les Sujets du Roi ne pouvoient être jugés qu'en ce pays, & par des Juges domiciliés: Et le second, parce qu'il y doit être un Tribunal fixe pour les gens d'Eglise aussi bien que pour le séculier; que les Juges y devoient juger avec une pleine & entière liberté, & que partant ils ne pouvoient être révocables *ad nutum*, lesdits Emprenans concluoient, à ce que l'entreprise du Rescribent énoncée & faite respectueusement par sa Lettre du 27. de Juin 1693. fut déclarée nulle, invalide & sans effet, lui ordonnant de la casser & mettre à néant avec dépens, déclarant de plus que la personne qui se devoit établir dans la Province de Limbourg pour y exercer ladite Jurisdiction Ecclesiastique, y devoit tenir fixe domicile, & ne pouvoit être déporté ni révoqué *ad nutum* aussi avec dépens, ou qu'autrement, &c. lequel écrit ayant été appoinné de communication le 28. de Juin 1695. le Rescribent avoit servi à l'encontre son écrit de réponse, & conclusion contraire contenant en substance qu'il ne vouloit aucunement tirer en dispute les loix & Privileges du Pays, énoncés en l'article 1. dudit écrit, mais que le contenu du second article, où les Emprenans disoient que les Sujets du Roi devoient être traités & jugés par des Juges du pays contenoit un équivoque, s'il entendoit par là que les Sujets de Sa Majesté devoient être jugés par des Juges qui tenoient leur Tribunal dans le pays, on admettoit très-volontiers ce point: mais s'il entendoit par là que les Sujets de Sa Majesté devoient être jugés par des Juges qui soient nés & domiciliés dans le pays, on denioit absolument ce point pour ce qui regardoit la Jurisdiction Ecclesiastique, le contraire étant avéré & établi par plusieurs exemples publics & par une usage immémorial; qu'en premier lieu il ne pouvoit pas avoir un exemple plus solemnel qu'au re-

gard des Archevêques des Malines, lesquels, quoique pour la plupart point nés dans le pays, n'avoient pas laissés pour cela d'exercer leur Jurisdiction dans toutes les parties du Brabant qui étoient de leur Diocèse, aussi les Archevêques avoient leur domicile & Palais en la Ville de Malines, qui étoit une Province séparée de celle de Brabant: & nonobstant cela, ils exerçoient & avoient toujours exercé leur Jurisdiction dans le Brabant; & combien que par succession de temps ils avoient établis un Official dans la Ville de Bruxelles, cela ne s'étoit fait que pour plus grande commodité de ladite Ville, à cause que l'Official qui résidoit en la Ville de Malines ne pouvoit pas commodément vacquer aux affaires de Bruxelles, aussi ledit Official qui résidoit à Bruxelles n'étoit pas délégué seul pour les affaires du Brabant, sa délégation primitive étoit restreinte au district de Bruxelles & de l'Eau de S. Pierre dans le reste du Brabant, comme Louvain, Tirlemont, Diest, Arschot, Leau, S. Leonard, & autres quartiers, l'Official qui résidoit & étoit domicilié à Malines, avoit la délégation & Jurisdiction concurrente avec l'Official qui résidoit à Bruxelles, mais l'Official qui résidoit à Malines n'exerçoit pas dans la Ville de Malines la Jurisdiction qu'il avoit sur les Habitans de la Province de Brabant; il exerçoit cette Jurisdiction dans un lieu qu'il désignoit à cet effet dans la Terre & Province de Brabant, & ce pour que les Sujets du Brabant ne pourroient pas se plaindre d'évocation. C'est en cette conformité que les Archidiacres de Liege, qui n'étoient nés ni domiciliés dans le pays de Brabant, étoient en possession immémoriale de juger par soi-même ou par leurs Substituts, de toutes les causes appartenantes à leur Jurisdiction ou district de Brabant: que l'article 3. dudit écrit contenoit plusieurs périodes, lesquelles il convenoit de considérer séparément, pour autant mieux les rencontrer & y donner solution particuliere, les Emprenans disoient en premier lieu audit article que le Rescribent ne pourroit faire en ce pays aucun Acte Jurisdictionnel en qualité d'Archidiacre de Condros, à raison qu'il tenoit sa fixe résidence en la Ville de Liege. Cette premiere partie dudit article étoit entièrement abusive; au contraire il étoit libre au Rescribent d'exercer par soi-même en Brabant la Jurisdiction Ecclesiastique, laquelle lui competoit sur les Sujets de Sa Majesté en ladite qualité d'Archidiacre; s'il vouloit exercer cette Jurisdiction par soi-même, il n'établirait pas pour cela son Tribunal dans la Ville de Liege, il établirait à cet effet son Tribunal dans la Terre de Brabant au district qui étoit sujet à sa Jurisdiction Ecclesiastique, les Emprenans disoient en second lieu audit article que le Rescribent auroit laissé continuer le Suppliant dans l'exercice de la Jurisdiction Ecclesiastique audit Condros, en suite de la commission à lui pour ce donnée & agréée par le Roi par acte du 18. Avril 1671. les Emprenans monstroient audit article que le Conseil du Suppliant s'étoit mêlé & assisté pour faire dresser leur Ecrit; car pourquoi avançaient-ils cette continuation figurée, sinon pour couvrir le tort du Suppliant, lequel étoit évident en ce qu'il étoit notoire que par la mort de feu l'Archidiacre, prédécesseur du Rescribent, la qualité d'Official, laquelle le Suppliant pouvoit avoir reçu de lui étoit venue à cesser étant notoire en droit, *quod sit idem Tribunal Episcopi & ejus Officialis, idem Tribunal Archidiaconale & ejus Officialis, atque adeo moriente Episcopo, cessat qualitas ejus Officialis, uti & moriente Archidiacono*, dont il avoit en cet Archidiocèse de Malines un exemple tout nouveau, arrivé par le trépas de l'Archevêque Alphonse de Berges par la mort duquel est venu à cesser la qualité d'Official en la personne du Curé du Beginage Martin Oudenha-gen, qui étoit encore en vie. Si donc cette qualité étoit venue à cesser en la personne du Suppliant par la mort de feu l'Archidiacre, oncle du Rescribent,

ainsi

ainsi que cela étoit notoire en droit & usance journalière, le Suppliant ne pouvoir pas prétendre présentement la qualité d'Official du chef de feu le prédécesseur du Rescibent; tout ce qu'il y pouvoit prétendre, devoit avoir sa source & sa force de la délégation faite par le Rescibent, & de la commission lui donnée à cet effet. Si les Emprenans vouloient examiner ladite commission, & tout ce qui étoit ensuivi, ils trouveroient sans doute plus de matière pour le joindre au Rescibent, & pour entreprendre de cause pour lui, que pour l'entreprendre pour le Suppliant, ils trouveroient que depuis que la première commission du Suppliant étoit venue à cesser par la mort de feu l'Archidiacre de Condros, prédécesseur du Rescibent, le Suppliant ne s'étoit jamais mis en devoir pour obtenir des Lettres de placer, afin de pouvoir exercer au pays de Brabant sa nouvelle commission, & ainsi on laisse à considérer aux Emprenans s'ils veulent continuer à défendre une personne, laquelle sans demander, moins obtenir des Lettres de placer, vouloit exercer au pays de Brabant une commission d'Official par lui obtenue du Rescibent, ils trouveroient au-dessus de cela dans sa délégation donnée par le Rescibent les mots *ad nostram revocationem*, sur lesquels on avoit raisonné dans les Ecrits précédens, & on diroit en général contre l'article 3. que le Rescibent n'avoit jamais douté du pouvoir qu'il a de juger par lui-même au pays de Limbourg, auquel lui compétoit la Jurisdiction Ecclesiastique en qualité d'Archidiacre de Condros, nonobstant qu'il tenoit sa résidence en la Ville de Liege : si le Rescibent avoit délégué au Suppliant ladite Jurisdiction Ecclesiastique, cela n'avoit pas été fait par aucune obligation, mais par la volonté libre du Rescibent à l'instance & très- instante prière du Suppliant : cela s'étoit aussi fait pour la commodité du Rescibent, afin qu'il ne seroit pas obligé d'aller lui-même au pays de Limbourg pour y exercer la Jurisdiction à chaque cas, lequel y auroit pu arriver. Quant à ce que les Emprenans disoient en l'Art. 4. qu'il auroit pris envie au Rescibent d'ordonner au Suppliant de lui envoyer les Actes & Pièces du Procès instruit pardevant le Suppliant entre le Procureur d'Office d'une, & Me. Nicolas Gregoire d'autre part, le Rescibent avoit eu des raisons très- pressantes pour se faire informer de ladite procédure, le devoir du Rescibent n'étant pas de laisser agir ses substituts en toutes les causes comme ils le trouvoient à propos : le devoir du Rescibent, qui est *oculus Episcopi*, pour se bien acquies de sa charge, étoit de se faire du moins quelquefois informer de l'état de la partie du Diocèse qui étoit sous sa Jurisdiction, & de l'état des causes qui font quelque bruit & éclat, comme a fait celle instituée contre le nommé Gregoire; mais il étoit abusif de dire que le Rescibent y auroit porté Sentence, & qu'il auroit enchargé le Suppliant par la Lettre du 27. Juin 1693. de la prononcer; que c'étoit en vain que les Emprenans figuroient cette prétendue raison, pour laquelle le Rescibent auroit révoqué la commission du Suppliant, le Rescibent ne croyant pas qu'il devoit vérifier autre raison pour cet effet, que sa seule volonté, puisque ces sortes de commissions, délégations ou substitutions, comme tous les autres mandats, étoient révocables *ad nutum*, de celui qui avoit commis, délégué ou substitué; qu'auili l'Acte de révocation insinué au Suppliant ne contenoit & n'avoit dû contenir aucune raison particulière, bien loin qu'il contiendrait la prétendue raison figurée par les Emprenans : au contraire du cinquième article, le Suppliant auroit beaucoup mieux fait de se conformer au projet de Sentence à lui envoyée de la part du Rescibent, lequel étoit suggéré par des hommes sçavans, désintéressés, sans faveur ni dissimulation, le Rescibent n'ayant fait en cela qu'en suite de son devoir & de sa conscience; enseigner &

diriger le Suppliant pour qu'il auroit porté Sentence conforme à la disposition du droit, & proportionnée au méfait de celui qui étoit accusé : par quel enseignement & direction, personne n'avoit été évoqué ni jugé hors du Pays, étant captieux de dire que le Rescibent l'auroit voulu déporter pour cette raison : Il étoit vrai qu'il avoit plû au Rescibent de déporter le Suppliant, & de révoquer la commission, laquelle il lui avoit donnée; mais il ne s'ensuit pas de là que le Rescibent avoit révoqué ladite commission pour telle prétendue raison particulière, & partant le Rescibent ne croyoit pas d'avoir en aucune manière contrevenu à aucune loi ou privilège de ce Pays de Brabant, n'ayant jugé personne hors du Pays, les Archidiacres ni autres Juges Ecclesiastiques, n'étant pas obligés de tenir résidence continue dans ce Pays; & quant à ce que les Emprenans disoient qu'il devoit y avoir un Tribunal fixe en ce Pays pour les Gens d'Eglise, aussi bien que pour les Séculiers, la constitution de ce Tribunal dépendoit du Rescibent, à qui compétoit la Jurisdiction ordinaire Ecclesiastique parmi la partie de la Terre de Brabant, qui étoit & avoit été de tout temps immémorial sous le district de Condros, que le Tribunal étoit le Tribunal du Rescibent, & nullement de son Délégué, Commis ou Substitué, sinon pour le temps qu'il lui plaisoit de continuer cette Délégation, Commission ou Substitution. Finalement, quant à ce qu'étoit dit sur la fin de l'Article IX. que les Juges ne pouvoient être révocables *ad nutum*, parce qu'ils devoient juger avec une pleine & entière liberté, cet argument étoit trop général pour être de quelque solidité ou de considération; que tous les Echevins du Plat-pays de cette Province sont révocables *ad nutum* : ils ne laissent pour cela d'être Juges durant leur commission : tous les Juges délégués étoient révocables *ad nutum*, ensuite des termes du Droit-écrit; ils ne laissent pas cependant d'être Juges aussi longtemps que leur délégation dure; & si la crainte que leur commission étoit révoquée, étoit capable d'induire les Juges à faire une injustice, il seroit plus convenable de les voir bientôt révoquer, que de voir dans les Tribunaux des gens qui, par crainte de perdre un gain temporel, porteroient des Sentences contraires au mouvement de leur conscience : au moyen de quoi le Rescibent conclusoit à ce que les Emprenans, pour avoir conclu ainsi qu'ils l'avoient fait sur la fin dudit Ecrit, fussent déclarés non fondez ni recevables *cum expensis*. Vu de suite l'Ecrit de réplique des Emprenans, servi le 27. Septembre 1695. par lequel ils disoient en substance, que le Rescibent ne voulant tirer en dispute les Loix & Privilèges du Pais, il ne devoit faire passer pour équivoque ce qu'on avoit dit en conséquence des mêmes Loix & Privilèges; que les Sujets du Roi devoient être traités & jugés par des Juges du Pays : non pas que par des Juges du Pays, pour causes Ecclesiastiques, on vouloit entendre des Juges nez au Pays, mais bien des Juges y domiciliés; que les peuples de ce Pays ayant de tout temps eu en horreur d'être traités par des Juges étrangers, n'avoient rien eu plus à cœur que de laisser à la postérité un usage par forme de Loi, qui banniroit semblables jugemens; ce que les Princes avoient du depuis confirmé & établi par leurs inaugurations & plusieurs pragmatiques : ensuite desquels tous ceux qui ne résidoient pas, étoient inhabiles pour juger; parce que tout homme étoit réputé pour étranger qui n'y étoit pas habitué, quand même il en fût originaire, du moins en matière de Judicature; & qu'ainsi tout Tribunal étoit censé étranger, qui étoit composé d'un Juge étranger : *Prima illa tabula Cortenbergensis à Duce & proceribus Regionis solemniter Jurata, quæ nobis tanquam Solonis axones, vel Lycurgi Rhetra Religiosa sunt, nihil studiosius inculcant, quam jus dicendum esse subditis & incolis per judices indigenas, eo loco, ubi forum sortiuntur, & secundum cujusque civitatis leges:*



*leges : interposita fide de non ferendo aut permittendo, ut quis adversus ea faciat; Stockmans in Tractatu suo: Defensio Belgarum, cap. 1. num. 4. donnant par ce mot indigenas à connoître qu'il faut que les Juges soient habitans du Pays, ce qu'il déduisoit plus amplement num. 7. Cum olim tres causarum species ad audientiam Ecclesiasticam Leodensis, vel Cameracensis Episcopi deduci possent, videlicet de testamentorum validitate, de pactis matrimonialibus & rebus in pios usus donatis, seu per amortizationem subductis seculari potestati; provide-runt postea majores nostri de his etiam speciebus, & di-sertè à Principe stipulati sunt die 26. Aprilis 1515. ne ulla ex causa ad Tribunalia Ecclesiastica, municipales, vel incolæ Brabantie evocari possent, aut Jurisdic-tionem vicinorum Episcoporum agnoscere cogentur, nisi apud Delegatos eorum qui in Brabantia residerent; quæ nova cautio solemnî principis sacramento firmata ad hanc diem religiose custoditur. Que comme il ne se pouvoit introduire aucune coutume ni prescription, par quel laps de temps que ce pouvoit être, contre & au préjudice des Loix fondamentales du Pays, renou-vellée & fermentées dans toutes les inaugurations de nos Princes Souverains, il étoit inutile d'alléguer des exemples & usances contraires; c'étoient des toleran-ces dont l'on ne pouvoit tirer aucune conséquence, & qui n'avoient même jamais été pratiquées par les Supplians, ou leurs prédécesseurs, dans le Pays de Bra-bant ou Limbourg, où ils n'avoient jamais exercé par eux-mêmes aucune Jurisdiction Ecclesiastique, mais y avoient toujours établi des Juges qui y avoient de tout temps tenu leur fixe résidence, conformément les Loix du Pays, qui étoit ce que l'on prétendoit ici, sans qu'il étoit nécessaire de toucher ici davantage la que-stion, si par la mort de l'Archidiaque la qualité de son Official venoit à cesser, le Suppliant à qui elle concer-noit promptement, l'ayant assez établi par ses Ecrits précédens, nonobstant l'exemple du Curé de Beginage en cette Ville, Martin Oudenhausen, lequel, comme on sçait, n'avoit plus continué la fonction d'Official après le trépas de l'Archevêque de Malines, parce qu'il n'avoit plus l'envie de porter le fardeau de cette Charge; qu'il s'en étoit ainsi remis volontairement & de son propre mouvement, après qu'il avoit toujours tenu son propre domicile en cette Ville, si long-temps qu'il avoit été revêtu de ladite Charge, & jugé à l'ex-clusion de tous autres, toutes les causes Ecclesiastiques qui s'étoient présentées : à l'exemple de quoi, le Res-cribent se devoit aussi régler, laissant le jugement li-bre & tout entier, & en toutes les causes, au Juge d'E-glise établi audit Limbourg, sans s'en attribuer la connoissance lui-même, qui n'avoit pas de qualité de juger en ce Pays, faute de résidence personnelle & de permission du Roi, comme Duc de Brabant & de Lim-bourg : de sorte que l'entreprise énoncée & faite res-pectivement par sa Lettre du 17. Juin 1693. étoit un attentat inexcusable sur les Privileges du Pays, icelle Lettre faisant voir clairement, malgré tout ce que le Rescribent en disoit par le quarante-huitième Article de son Ecrit, qu'il avoit enchargé le Suppliant de lui envoyer les Actes & Pièces du Procès, y mentionnez; de les examiner, en porter Sentence, & ordonner au Suppliant de la prononcer; qui n'étoit pas seu-lement d'administrer justice entre les Sujets du Roi par un Juge étranger, comme l'étoit le Rescribent ha-bitué dans la Ville de Liège, mais aussi la rendre hors les limites du Pays, sous une Jurisdiction étrangère, l'une & l'autre également contre & en préjudice du Droit-public, dont l'observance avoit été jurée si so-lennellement par toutes lesdites inaugurations, y com-prise aussi celle du Roi notre Sire, que Dieu conserve longues années. Que les Juges du Plat-pays de cette Province ne l'étoient pas, comme le Rescribent l'allé-guoit, n'étant point dans le pouvoir de ceux qui les éta-blissoient, de les démettre sans cause légitime, avant*

le temps ordinaire du changement; & ainsi il y avoit un Tribunal fixe non plus ni moins qu'en toutes les autres Villes du Brabant; de quoi l'on ne se conten-toit pas encore au Pays de Limbourg, puisqu'il étoit notoire que tous les Juges, même jusqu'à ceux du plus chétif Village, y sont perpétuels : Il étoit donc inutile de dire que les Juges délégués, quoique révocables *ad nutum*, seroient Juges aussi longtemps que leur commission durerait, attendu qu'il ne suffisoit pas d'avoir des Juges, mais qu'il en falloit avoir conformément aux Loix du Pays; c'est-à-dire, des Juges qui puissent juger toutes sortes de causes avec une indépendance totale de celui qui les établissoit, & une liberté toute entière, & de suite composer un Tribunal fixe & or-dinaire, ce qui ne se pouvoit pas trouver dans des Ju-ges révocables *ad nutum*, à la faveur desquelles & au-tres raisons, &c. débattant l'ultérieur contenu dudit Ecrit d'impertinence & dénégation, *quatenus contra*, persistoient les Emprenans comme auparavant, avec dépens. Vû en outre la duplique dudit Rescribent, par laquelle il disoit entre autres, que les peuples de ce Pays n'avoient jamais eu en horreur les Juges étran-gers, comme les Emprenans alléguoient, mais bien les évocations qui se faisoient hors du Pays, qui les obligeoient de plaider à grands frais, & sans l'assurance de leurs personnes, pardevant des Tribunaux étran-gers établis hors du Pays. Les Inaugurations & Prag-matiques des Princes Souverains de ce Pays avoient blâmé & aboli les évocations, mais ni les Inaugurations, ni les Pragmatiques n'avoient jamais blâmé l'exercice de la Jurisdiction Ecclesiastique par ceux à qui elle compétoit, nonobstant qu'ils ne résidoient pas dans le Pays; c'est-à-dire, nonobstant qu'ils n'y avoient pas ni domicile constitué ou absolu, qui se nomme en Droit *domicilium incolatus & constitutum in eo loco ubi quis larem & rerum suarum summam constituit, lib. 2. cap. de municip. & originar.* pourvu que cette Juris-diction s'exerceroit dans le Pays même, & que les Surseans du Brabant ne seroient pas évoquez hors du Pays, ceux qui avoient exercé cette Jurisdiction ayant toujours été tenus, quant à cet effet, pour domiciliés dans le Pays, à raison de leur Dignité & Jurisdiction qu'ils y avoient tenue & exercée, ce domicile étant appelé en Droit *domicilium Dignitatis*; ensuite de quoi un Prêtre est censé avoir domicile au Lieu de son Bé-néfice, un Magistrat, au Lieu où deservoit sa Magi-strature, nonobstant qu'il auroit ailleurs son domi-cile constitué, *sive incolatus*, comme il étoit remarqué par Argentré aux Coutumes de Bretagne, *Art. 9. Gloss. 1. num. 6.* Que les Emprenans avoient pourtant grand tort de dire, comme ils avançoient, que tout Tribunal étoit censé étranger, qui est composé d'un Ju-ge quelcun étranger; ou, au contraire, que les Juges qui avoient Jurisdiction dans le Pays, étoient censés, par l'exercice de cette Jurisdiction dans le Pays, avoir leur domicile dans le Pays même : Que les Emprenans ci-toient en vain les Tables de Cortenberg, ou plutôt les passages de Stockmans, faisant mention avec éloge des-dites Tables, où non-seulement ledit Stockmans ne parloit pas toujours avec le même éloge desdites Ta-bles; comme, par exemple, en la Décision première, *num. 21.* où il disoit : *In Tabulis Cortenbergensibus Joannis Brabantie Ducis annis 1312. 1313. quanta ru-ditas & infantia*; mais aussi lesdites Tables ne par-loient aucunement de la Jurisdiction Ecclesiastique; aussi Stockmans, dans le lieu cité par les Emprenans, entendoit par les mots *judices indigenas*, des Juges nez & domiciliés dans le Pays, ce que les Emprenans mê-me avoient dû avouer ne pouvoir être appliqués aux Juges Ecclesiastiques, lesquels ils avoient avoué ne de-voir pas être nez dans le Pays, comme cela a été usité dans le Brabant au regard des Juges séculiers. Les mots *secundum cujusque civitatis Leges*, dont Stockmans se servoit audit passage, marquoient aussi qu'il y enten-doit

doit de parler des Juges séculiers; même il n'agissoit pas audit passage du cas en question, mais il y agissoit pour désapprouver les évocations, qu'il appelloit *peregrina judicia*, pour lesquelles désapprouver il n'employoit pas seulement lesdites Tables de Correnberg, mais aussi le Traité fait en l'an 1251. entre Henry Duc & Prince de Brabant, & l'Evêque de Cologne, où il avoit été convenu, *Ne occasione debitorum, conventionum, vel passionum, alter alterius res vel personas in civitate Colonienſi, vel in terra Ducis accipere poſſet vel arreſtare*, lequel Traité ne contenoit notoirement que les évocations, & nullement le ſujet du préſent débat. Les Emprenans ne pouvoient pareillement ſe prévaloir de ce qui étoit déduit plus amplement par ledit Stockmans audit Traité *Defenſio Belgarum, cap. 1. num. 7.* Car combien qu'il étoit véritable, *quod cum olim tres cauſarum ſpecies ad audientiam Eccleſiaſticam Leodiſenſis vel Cameracenſis Episcoporum deduci poſſent, videlicet de Teſtamentorum validitate & de paſſis matrimonialibus & rebus in pios uſus donatis, ſive per amortiſationem ſubductis ſeculari poteſtati, proviſerunt poſtea majores noſtri, de his etiam ſpeciebus diſcreti à Principe ſtipulati ſunt; ne ulla ex cauſa ad Tribunalia Eccleſiaſtica municipales vel incolæ Brabantie evocari poſſent.* Néanmoins ce qui étoit ajouté en après, *aut Jurisdictionem vicinorum Episcoporum agnoſcere tenebantur, niſi apud delegatos eorum, qui in Brabantia reſiderent.* Cela étoit ajouté par ledit Stockmans du ſien, & n'étoit contenu dans aucuns Edits des Princes Souverains de ce Pays, ni dans aucuns Concordats ou Traités publics, même l'uſance immémoriale y étoit directement contraire; car combien que les Evêques de Liège & de Cambray, ou leurs Archidiacres, avoient eu leurs Délégués, qui de temps en temps avoient reſidé dans le Pays, ce nonobſtant lorsque les perſonnes auxquelles compétoit la Dignité & Jurisdiction principale avoient voulu venir dans le Pays, ils y ont toujours exercé leurs Juridictions & fonctions dépendantes, ſans participation ou concurrence de leurs Délégués, auſſi bien qu'il s'étoit toujours pratiqué au regard des Archidiacres de Malines, qui combien ils y établifſoient un Official en Brabant, y venoient néanmoins exercer leur Jurisdiction par eux-mêmes, indépendamment de leurdit Official, quand ils le trouveroient convenir; & pour montrer plus clairement que ces mots *aut Jurisdictionem vicinorum Episcoporum agnoſcere tenebantur niſi apud delegatos eorum, qui in Brabantia reſiderent*, étoient ajoutés par ledit Stockmans du ſien, & ſans aucun fondement, il convenoit de conſidérer les mots immédiatement ſuivans, par leſquels il veut confirmer ſon diſcours, lorsqu'il diſoit, *Quæ nova cautio ſolemni Principis jramento firmata ad hanc diem religioſè cuſtoditur: Que cette prétendue confirmation par ſerment du Prince, conſiſtoit dans l'addition de la joyeuſe Entrée, en date du 26. Avril 1515. Article III. comme remarquoit le même Auteur, à la page dudit num. 7.* C'étoit donc ladite joyeuſe Entrée qui devoit faire déciſion du diſcours tenu par ledit Stockmans, puifqu'il ſ'y rapportoit lui-même. On verroit dans ladite joyeuſe Entrée qu'elle empêchoit les évocations, mais on ne verroit pas que lesdites joyeuſes Entrées empêcheroient que les Evêques de Liège & de Cambray, ou leurs Archidiacres, auſquels compétoit la Jurisdiction ordinaire Eccleſiaſtique, n'auroient pu exercer leur Jurisdiction ordinaire par eux-mêmes dans les Tribunaux qu'ils avoient établis dans le Pays: Que les mots de ladite joyeuſe Entrée, ſonnoient comme ſ'enſuit. *Item dat d'ondersaeten onſer voorſ. Landts van Brabant in den Biſſchopdomme van Luyck ende Camerick buyten den ſelven Lande van Brabant geleſen voor t'geestelyck gerecht met en ſullen mogen worden betogen van beure perſoonen ofte goeden die in onſen voorſ. Lande van Brabant gelegen ofte geſeten ſyn, maer dat die inde Geestelycke Hoven der ſelve Biſſchoppen binnen den Lande*

Tom. I.

*van Brabant geſelt, getogen ſullen worden te recht, alſoo lange als den geestelycken Hove in den ſelven onſen Lande van Brabant liggen ſullen.* L'on voyoit clairement par ladite joyeuſe Entrée, que l'intention du Prince n'avoit été que d'empêcher les évocations; que pour le reſte, il ne faiſoit aucune diſtinction entre les Evêques & leurs Délégués; il diſoit ſeulement que les Tribunaux Eccleſiaſtiques devoient être établis dans le Pays, le Tribunal, ou la Cour eccleſiaſtique, étant un lieu propre & convenable pour tenir rôle, comparition, & pour exercer d'autres Actes dépendans de la Jurisdiction eccleſiaſtique, & ce lieu devoit être établi dans le Pays; que les mots propres de ladite joyeuſe Entrée, bien loin qu'ils pourroient ſervir pour exclure les perſonnes principales, monroient bien clairement que tout le droit demeure aux perſonnes principales, *in verbis: Maer dat die inden Geestelycken Hove der ſelve Biſſchoppen binnen den Lande van Brabant geſelt, &c.* Qu'il n'y eſt point dit que les Surſeans du Brabant devoient être allignés pardevant les Cours eccleſiaſtiques des Officiaux, établies dans le Pays, mais elle parloit bien clairement des Cours eccleſiaſtiques des Evêques: marque évidente qu'elle ne vouloit rien déroger au droit des perſonnes principales, mais qu'à cet égard elle vouloit laiſſer le tout dans la diſpoſition du Droit commun, pourvu qu'il ne ſeroit pas contrevenu au point unique dont y étoit traité, qui conſiſtoit dans l'évocation; & partant c'étoit en vain que les Emprenans diſoient qu'il ne ſe pouvoit introduire aucune coutume ni préſcription, par quel laps de temps que ce pourroit être, contre & au préjudice des Loix fondamentales du Pays, renouvelées & fermentées dans toutes les inaugurations des Princes Souverains de ce Pays, puifqu'on avoit montré ſi ouvertement l'impertinence deſdites Loix pour l'intention des Emprenans; & qu'au contraire, elles confirmoient la ſoutenue & intention du Reſcribent. Il ne pouvoit pas être inutile d'alléguer des obſervances contraires, comme vouloient ſoutenir les Emprenans; car puifque l'obſervance donnoit l'eſprit & la force à la Loi *Sitque conſuetudo optima Legis interpres. Leg. ſi interpret. 37. ff. de Leg.* leſdites obſervances contraires faiſoient voir que les Emprenans tournoient fort mal le ſens & l'eſprit de ladite joyeuſe Entrée, comme cela étoit montré ci deſſus: auſſi les Emprenans ne pouvoient pas dire avec juſtiſſe que ces obſervances contraires conſiſtoient dans des Actes publics: *Qui exercentur in invitos, & contra cujuſcumque conditionis perſonas*, ou leſdites obſervances contraires conſiſtoient dans des Actes pas ſeulement réitérés, même journaliers, ayant toujours été pratiqué par le Reſcribent & les Prédéceſſeurs dans la partie du Pays de Limbourg, ſujette à la Jurisdiction, en qualité d'Archidiacre de Condros, auſſi bien qu'il avoit toujours été pratiqué par le préſent Archidiacre de Haſbaye & ſes Prédéceſſeurs, dans la partie du Brabant qui étoit ſujette à ſa Jurisdiction, les ſuccéſſifs Archidiacres de Condros ayant de tout temps immémorial viſité par eux-mêmes la partie du Pays de Limbourg qui étoit ſujette à leur Jurisdiction, y ayant corrigé les abus qui étoient venus à leur connoiſſance, y ayant porté à cet effet des Decrets & Sentences, qu'ils avoient toujours miſen exécution; ſ'ils y avoient établi des Juges pour pardevant eux être démenées les cauſes de haute recherche, cela n'avoit été fait que pour commodité particulière; parce qu'étant de reſidence en la Cathédrale de Liège, ils ne pouvoient commodément faire par eux-mêmes tous les devoirs qu'il convenoit de faire dans ces fortes de cauſes; mais cela n'ôtoit ni ne changeoit rien dans leurs devoirs. Cette Jurisdiction qu'ils donnoient à leurs Officiaux ou Députés, n'étoit qu'une communication que leſdits Officiaux ou Députés exerçoient au nom de leurs principaux, dans les cauſes pour leſquelles ils étoient commis *ad certas duntaxat cauſas*, ſoit qu'ils ſeroient commis

Z z z z z

mis

*mis ad universitatem causarum sive simpliciter, sive ad revocationem.* Les Emprenans disoient qu'il n'étoit pas nécessaire de toucher davantage la question, si par la mort de l'Archidiacre la qualité de son Official venoit à cesser. Ils faisoient bien de ne point toucher davantage ce point, qui se trouvoit clairement décidé au Droit-canon en faveur du Rescribent, par les raisons ci-dessus avancées: *Quod sit idem Tribunal Episcopi & ejus Officialis, idem Tribunal Archidiaconi & ejus Officialis.* Si les Emprenans vouloient toucher davantage ce point, ils feroient paroître autant plus clairement les raisons pour lesquelles leur principal devoit être condamné, étant impertinent de dire que le Sieur Martin Oudenhaghen n'auroit plus continué sa fonction d'Official après le trépas de feu l'Archevêque de Malines, parce qu'il n'auroit plus eu envie de porter le fardeau de cette Charge, & qu'ainsi il s'en seroit remis de son propre mouvement, où cette qualité étoit venue à cesser par la mort de feu l'Archevêque Alphonse, & qu'on ne pourroit pas montrer que depuis ladite mort il auroit exercé quelque acte de Jurisdiction. Il pouvoit bien être vrai qu'il n'auroit pas fait des devoirs pour solliciter la continuation, *sede vacante*; mais cependant il demeurait toujours véritable que sa fonction d'Official étoit venue à cesser par la mort dudit Archevêque: Que si les Emprenans ne se vouloient pas contenter dudit exemple, on leur pourroit encore montrer plusieurs autres, tant dans le Diocèse d'Anvers, que dans l'Archidiocèse de Malines, comme aussi dans les Diocèses de Gand, de Bruges, de Ruremonde, auxquels on a vu que la qualité d'Official étoit venue à cesser par la mort de l'Evêque. Les Emprenans ne devoient pas dire que ledit Oudenhaghen, qui avoit été Official de l'Archevêché de Malines en Brabant, auroit jugé, à l'exclusion de tous les autres, les causes du Brabant; car, en premier lieu, ledit Archevêque Alphonse avoit jugé par lui-même plusieurs causes du Brabant, nonobstant qu'il avoit fondit Official en Brabant; & en second lieu, le Sieur Coriache, Chanoine de la Métropolitaine à Malines, qui en cette qualité, & aussi à cause de sa fixe demeure, avoit son domicile dans la Ville de Malines, avoit au même temps son Tribunal en Brabant en qualité d'Official de l'Archevêque, ayant établi le lieu d'assignations pour les ajournemens au rôle & autres comparutions, au quartier de Brabant, qui n'étoit guères éloigné de Malines, & s'appelloit *Passebrugge*, où il avoit jugé en qualité d'Official, toutes les causes de Louvain, Tirlemont, Diest, Archot, Sichem, Leau Vilvorde & autres quartiers du Platpays aux environs; d'où les Emprenans montraient qu'ils étoient très-mal informés de ce qu'avoit été pratiqué dans le Diocèse de Malines au sujet de l'exercice de la Jurisdiction ecclésiastique, pour venir dire que ledit Oudenhaghen auroit jugé, à l'exclusion de toutes les causes du Brabant, & partant c'étoit en vain qu'ils vouloient régler le Rescribent à l'exemple dudit Oudenhaghen. Le Rescribent ne devoit être réglé, à l'exemple d'un Official, au regard duquel même les Emprenans avoient commis tant d'erreurs, devant au contraire être réglé à l'exemple d'une personne à qui compétoit la Jurisdiction en chef, & *jure dignitatis*, & ainsi à l'exemple des Archevêques de Malines, lesquels, nonobstant qu'ils avoient leur résidence à Malines; exerçoient & avoient toujours exercé leur Jurisdiction en Brabant quand bon leur avoit semblé, lesquels même avoient toujours député des Officiaux résidens dans la Ville de Malines, avec pouvoir d'exercer la Jurisdiction en Brabant, lesquels Officiaux, quoique résidens en la Ville de Malines, avoient toujours exercé paisiblement ladite Jurisdiction en Brabant, avec ce seul tempérament, qu'ils ne pouvoient évoquer un inhabitant de Brabant pour comparoître en la Ville de Malines, mais que le lieu d'assignation devoit être désigné en Brabant. La Lettre

du Rescribent, dont étoit fait mention par les Emprenans, ne pouvoit être regardée ni comme une Sentence, ni comme un autre Acte juridique, & de suite l'on ne pouvoit attribuer à cette Lettre ni le nom d'attentat, ni d'entreprise; que les évocations ne se faisoient pas par des Lettres particulières ou familières, comme étoit celle dont les Emprenans parloient; que le Tribunal que le Rescribent avoit dans le Pays de Brabant, n'étoit pas moins pour le Rescribent, à qui en qualité d'Archidiacre, compétoit la Jurisdiction en chef, & *jure dignitatis*, que pour son Official & Député; que ce Tribunal ne dépendait de la résidence d'un Juge, il suffisoit que le Juge y venoit exercer ses fonctions au temps nécessaire & opportun: si les Juges établis étoient révocables *ad nutum*, ou pas, cela ne regardoit aucunement les Emprenans, qui n'avoient aucun droit sur la Jurisdiction ecclésiastique: il suffisoit pour le Rescribent, que les sacrez Canons, selon lesquels ladite Jurisdiction devoit être régiee, admettoit & approuvoit telle révocation; que les Juges du Plat-pays en Brabant se changeoient *ad nutum*, de ceux qui les avoient établis. Si les Juges séculiers du Plat-pays en la Province de Limbourg étoient perpétuels, ce que l'on ignoroit, il étoit notoire que l'on ne pouvoit tirer aucun argument des Juges séculiers, aux Juges ecclésiastiques: l'on avoit seulement allégué l'exemple des Juges du Plat-pays en Brabant, pour montrer que c'étoit sans fondement & contre l'observance, que les Emprenans vouloient soutenir avec tant de force, que les Juges en Brabant devoient être perpétuels; que les Emprenans ont de toute manière grand tort de vouloir disputer au Rescribent d'exercer la Jurisdiction par soi-même, ainsi que lui & ses prédécesseurs l'avoient toujours fait à la vue de tout le monde en la Province de Limbourg, & les Archidiacres de Hasbaye en la partie de Brabant qui étoit sous leur District; & même, si les Emprenans ou autres, vouloient contrevenir à cette observance, ce différé ne devoit pas se décider pardevant ce souverain Conseil, mais pardevant des Commissaires de Sa Majesté & de l'Evêque de Liège, ensuite du Concordat arrêté le 10. Mars 1541. entre l'Empereur Charles V. de glorieuse mémoire, & ledit Evêque, où il y est dit, Tit. 9. Art. 29. *Insuper visum est Commissariis antedictis, quod si super præmissis & articulis superius non decisum dubium emergat aut difficultas oritur inter Justitios Principum, talis difficultas terminari & sedari debent mutuis communicationibus vel litteris, ita quod una Jurisdictio aliam non turbet, vel impediatur; & partant le Rescribent excipiant sur ladite observance immémoriale, & débattant l'ultérieur contenu dudit Ecrit de replique, de frivolité, impertinence & dénégation, concluant, persistoit comme devant. A tout égard, la Cour combinant les débats mis par Requête du premier Suppliant, du 31. Juillet 1693. & par la conclusion des seconds Supplians, du 28. Juin 1695. & rejetant la Requête civile du Rescribent, ordonne audit Rescribent & à tous ceux qu'il appartiendra, d'établir, le cas y arrivant, en ladite Province de Limbourg, pour autant qu'elle est sous ledit Archidiaconé du Condros, un Official, ou Juge, qui y tiendra domicile fixe pour y administrer la Jurisdiction ecclésiastique; le condamner de mettre à néant son entreprise énoncée & faite par son Decret du 30. Mai, & par sa Lettre du 27. de Juin, ambédeux dudit an 1693. déclare que parmi ce, les conclusions ultérieures prises au procès, viennent à cesser; adjuge au premier Suppliant la maintenance par lui requise, & condamne le Rescribent en l'amende de ladite Requête civile rejetée, comme aussi en deux tiers des dépens pour ce engendrés à due taxation & modération dudit Conseil, compensant le restant tiers pour cause. Ainsi fait en la Ville de Bruxelles le 10. Mars 1700. Signé BODART.*



## Monumentum VI. citatum pag. 147. num. XXVII.

F. G.

RATIONES SACRÆ THEOLOGICÆ PARISIENSIS CONTRA QUORUMDAM PROPOSITIONES, QUI BREVIARIUM SECUNDUM CORRECTIONEM CONCILII TRIDENTINI introducere cupiebant, antiquo usu Breviarii Ecclesiæ Parisiensis penitus abrogato.

**D**EUS Optimus Maximus semper gavisus & usus est varietate, ut patet in ipsa creatione, in qua diversitate delectatus est. Hic enim ejus potens & sapiens providentia patet ex concentu & harmonia rerum diversarum atque contrariarum.

Hoc pugnat cum ratione & cum fide per charitatem operante. Nam ratio inferior debet consentire cum ratione æterna, quæ diversitatem in conditione universi posuit à principio, ut sit concordia discors: ut etiam magis excitemur ad virtutem, cum ejus plura exempla proponuntur: ut Deus magis laudetur in multitudine & varietate mirabilium ipsius.

Hoc minueret Dei Optimi Maximi gloriam; Sanctorum cultum, & Christianorum, ædificationem exemplarium.

Hoc valde minuit Episcoporum & Diocesæon auctoritatem.

Qui hoc promovent non sunt viri simplices, & devoti seu spirituales, sed astuti, politici, qui ex re qualibet, quolibet modo rem suam mundanam conantur facere. Astitit Regina à dextris sponsi circumamicta varietate.

Ut omnis novitas est suspecta, ita talis mutatio magna non potest esse sine detrimento magno.

Hoc foveret Cantorum & Ecclesiæ servitorum inobedientiam atque dissolutionem, quum omnium Ecclesiæ unum esset & idem officium.

Quor sumptus necessarij essent? Rustici non possunt juvare suos Curatos in officio agendo! Hoc autem maximè est necessarium in pagis.

Spiritus sanctus fecit loqui magnalia Dei omnibus linguis (*Act. 11.*) quod est argumentum diversitatis in officio Ecclesiæ, ut in universo & in membris corporis humani cernitur.

Nobis sapientia, prudentia, virtute, & donis Sancti Spiritus excellentiores fuerunt antiqui sancti Patres, qui iustis de causis singulis Diocesibus singula concesserunt & ordinaverunt Breviaria. Miretur ergo Galia suum Marcellum, dum miratur suum Sylvestrum Roma.

Talis immutatio hæreticos juvaret atque delectaret, quasi in errore aut in scitia fuissent Patres Catholici in re tanta. Hoc esset scandalum piis Catholicis, qui hoc pacto possent dubitare de ipsa fide & religione, cujus consuetam professionem ita immutatam cernerent. Quid hoc affert utilitatis?

Reliqui Episcopi habent potestatem politiæ & ordinationis in suis Diocesibus, ut Romanus in sua: hoc autem bona ex parte convelleretur.

Ad quid amplexaretur Breviarium Romanum quod à paucis annis ter immutatum & derelictum vidimus? Succedente alio Papa, novum erit forsân Breviarium expectandum.

Hoc est contra libertatem Ecclesiæ Gallicanæ, quæ si Romanæ in hac professione generali & maxima se submittat, quid restat, nisi quoddam etiam ex consequenti sæpe submitteret in reliqua omni politiæ? Nam accessorium sequitur principale.

Semper unaquæque Ecclesia & Providicia gavisæ est suis ritibus, juxta illud:

Tom. I.

*Si fueris Romæ, Romano vivito more;*

*Si fueris alibi, vivito sicut ibi.*

Ecclesiæ pagorum sæpe non sequuntur ordinationem suæ Cathedralis, & Cathedrales sequerentur Breviarium Romanæ Ecclesiæ?

Avari & semper ambitiosi Romani sic rem suam facere provident ex impressione, sicut videmus jam factum ex privilegiis multis ad hanc rem spectantibus.

Corrigantur, & tamen valde prudenter, & non curiosè aut scrupulosè nimis, si quæ indigent correctione in Breviariis Diocesæon; non autem deferantur.

Hic Prædicatores & Curati non tam facilè populum docerent, ignorantes legendas multorum Sanctorum particularium, particularibus locis magis celebrium & cognitorum.

Ubi Deus Opt. Max. dedit Sanctos, ibi quoque vult per illos invocari à fidelibus populis: sicut voluit rogari à filiis Israël per patres illorum Abraham, Isaac & Jacob. Retineantur ergo Breviaria singularum Diocesæon.

Si objiceretur cultus particularium Sanctorum, qui sunt in tanto & propè infinito numero, non ita juvaretur per illos Ecclesia. Nam rogari & laudari rogant atque juvant: ideò ordinavit Ecclesia per Spiritum sanctum illos in locis suis particularibus celebrari.

Quum adhuc Ecclesia nascent & spiritus doctrinæ fervens in unum locum congregabatur, unusquisque suam particularem devotionem afferebat (*1. Cor. 14.*) quantò magis ergo ipsis per universum orbem dispersis, unaquæque Parochia, vel saltem Diocesæ, suam & devotionem & precandi formam retinebit, semper tamen ordinatè? Hic terra diversorum fructuum arbores & semina nutrit.

Non major est ratio, quòd omnes Sacerdotes ubique dicant unum Breviarium, quàm quòd omnes laici unam tantum orationem Deo Opt. Max. offerant.

Deus Opt. Max. qui decimis & primitiis vult recognosci, non magis vult talia sibi offerri ex iis, quæ nascuntur in singulis Provinciis (non enim omnia fert tellus) quàm desiderat coli & laudari ex mirabilibus, quæ contulit & operatus est per singulos & particulares Sanctos singularum & particularium Provinciarum.

Quid inde provenit, nisi Romanæ non dico Religionis, sed superbiæ & ambitionis auctio? Non cedat crista Gallica Romano supercilio, non enim hic de Religione, sed de superbia astuta agitur. Ubi enim minus quàm Romæ Conciliorum Oecumenicorum decreta observantur? An non est hoc in Cleris dominari magis, quàm Ecclesiam ædificare? Dixit antiquitas quòd major est Orbis urbe: hic verò urbs Orbem tentat complecti & sibi subicere.

Hic latet anguis in herba, hoc suspecto maximè, astuto & malo tempore. Vitentur ergo, qui mutant tempora & leges. (*Daniel 8.*) Monet Christus (*Mat. 14.*) eum solum, qui usque ad finem perseveraverit salvum fore. Perseverantia autem non est obstinatio novitatis prophanæ, sed antiquitatis Religiosa continuatio.

Z z z z z z

Non

Non propter vitandos sumptus temporales admittatur ignominiosa & detrimentosa plaga spiritalis.

In Ecclesia triumphante in Cælo (ad cujus exemplar & similitudinem in Terra cuncta debent fieri) ut cordium, ordinum & graduum varietas, ita & diversæ sunt laudum & coronarum formæ.

Non putamus abesse ab impietate, illorum memoriam in terris sepelire, quorum nomina scripta sunt in libro vitæ & in Cælis gloriosa. Hoc autem fieret, si particularem Dicecesion particulare Breviaria tollerentur. Non enim satis est eos in scriptis retineri, nisi & honorificè in Ecclesiis recitentur.

Hoc non vult Concilium, nec intendit Papa, sed Papæ adulescentes suis propriis utilitatibus cum Religionis amplitudinis detrimento inservientes.

Si recipiatur Romanum Breviarium, aut bona pars ejus amitteretur, aut infinitæ devotionum particularium ad celebritatem singulorum Sanctorum in illo Breviario omittorum: deferrentur fundatores, & officia, in quibus obligantur, cum summa injustitia, Ecclesiæ parti-

culares. Monachi suum retineant Breviarium: & suo utantur cum decore Hierarchici Pastores.

Qui hoc persequuntur, alii sumptum timent, alii adulantur & lucrum sperant, alii verò occultè & astutè cultum & splendorem Catholicæ professionis immnuere, & Ecclesiam Catholicam turbare intendunt.

Hoc propositum convellit, non sine magno Religionis detrimento, consuetudines & traditiones Ecclesiasticas, quod non potest fieri sine Catholicorum scandalo, atque hæreticorum elatione, qui gloriabuntur nostram talem immutationem esse argumentum præcedentis erroris atque inscitæ in Religionis Catholicæ professione, idem concludendo de ejus persuasione & doctrina. Talis ergo mutatio hoc maximè fieret tempore imprudenter, atque periculosissimè.

Hic Episcopi in suis Dicecesibus, si intelligunt, quod sunt, habent potestatem orationis modum constituendi, sicut Papa in Romana Dicecesi & Ecclesia (hoc enim sonat & significat vocabulum Pontifex, Hebr. v. & ix.) alioqui fierent Papæ Capellani.

*ARREST de la Cour donné en l'Audience, sur l'appel d'abus du changement du Breviaire d'Anjou, ordonné par l'Evêque d'Angers en l'Eglise de la Trinité audit Angers, de l'injonction par lui faite, d'user de celui du Concile de Trente 1603.*

### EXTRAIT DES REGISTRES DU PARLEMENT.

ENTRE Maîtres Guillaume Amis Chanoine, Nicolas Bodin Curé & Chanoine prébendé en l'Eglise de la Trinité d'Angers, Jean Douffart, Joachim Fradin, Michel Le Boucher, Jacques Breon, Pierre Vignais, Sébastien-Guillaume Jamois, Michel Sufanne, François Monsteau, Jean Bouthellie, Laurent Fleurs, Bertrand Lionnet, Lezin Percher, René Le Vanier, Olivier Fontaine, Jean Du Biez, Jean Garnier, Michel Roustion, Chanoines & Chapelains de ladite Eglise, faisant la plus grande & plus saine partie du Corps & Communauté d'icelle Eglise, appellans comme d'abus des Ordonnances faites par Messire Charles Miron Evêque d'Angers, des 26. Octobre 1599. & 26. Mars 1600. portant changement du Breviaire d'Anjou, & injonction d'user de celui de Rome, réformé suivant l'avis des Peres assemblés à Trente, sur la Requête de Maîtres Gaspard Le Lièvre, Urban Hodemon & Jean Hirer, Chanoines; François Bienvenu & Laurent Cousteau, Chapelains; Etienne Remois Diacre, & Martin Martineau, tous habitués en ladite Eglise de la Trinité. Et encore lesdits Bodin & Confors, Demandeurs en Lettres du 20. juillet ensuivant audit an. 1600. tendantes à fin d'être reçus appellans en adhérant des procédures faites en exécution desdites Ordonnances, & des contraintes faites à aucuns desdits Chanoines & Chapelains de signer les articles du changement dudit Breviaire d'Anjou, & de ce qu'il auroit été ordonné que l'on acheteroit des livres à l'usage de Rome, & que taxe seroit faite sur les Paroisses; & pareillement, de ce que l'Official dudit Evêque auroit ordonné que ledit Guillaume Jamois, l'un desdits appellans, seroit emprisonné pour n'avoir voulu faire le Service suivant l'Ordonnance d'icelui Evêque, & condamné en deux écus d'amende, & à vider Angers, & se retirer en la Cure d'Atée-aux-Champs. Et outre, lesdits Bodin, Jamois, Sufanne & autres susdits, appellans de ce qu'à la Requête du Promoteur en l'Officialité d'Angers, auroit été ordonné que l'Ecrivain Sergent Royal lequel, avoir fait l'Exploit d'intimation sur le relief d'appel comme d'abus desdits Appellans, seroit cité pardevant l'Official pour déclarer de qui il avoit eu charge de faire ladite intimation; & de toute la procédure faite au préjudice desdites appellations comme d'abus, tant contre ledit Michel Sufanne, qu'autres: & particulièrement

ledit Sufanne, appellant comme d'abus du Decret de prinse de corps contre lui décerné par l'Official dudit Evêque d'Angers, le cinquième jour de Mars 1602. emprisonnement fait de sa personne es prisons du petit Châtelet de cette Ville de Paris, & de tout ce qui s'en est ensuivi. En encore lesdits Bodin, Jamois, Sufanne & Confors, demandeurs en Requête tendante à fin d'avoir commission pour informer des faits & brûlemens des Messels, Breviaires & autres livres du chant de ladite Eglise de la Trinité, faits de l'Ordonnance dudit Evêque d'Angers, ou son Official, depuis que la Cour a été saisie desdites appellations comme d'abus, & autres faits mentionnés en ladite Requête, circonstances & dépendances, d'une part: Et lesdits Le Lièvre, Hodemon, Hirer, Cousteau, Remois, Martineau, & icelui Evêque d'Angers, & Maître Christophe Ogier Promoteur, intimés & défendeurs à l'entérinement de ladite Requête, d'autre. Et les Religieuses Abbessé & Couvent de Notre-Dame de Roueray audit Angers, demanderesses en Requête à fin d'être reçues à intervenir en la cause. LA COUR a déclaré & déclare l'Evêque d'Angers bien intimé; ordonne que présentement il défendra tant à l'appel du Procureur Général du Roi, que des Parties de Robert. Et après que Bouchel, qui a requis délai, n'a voulu défendre, & Servin pour le Procureur Général du Roi, pour le profit du défaut, persévéré en ses conclusions, la Cour a reçu & reçoit le Procureur Général du Roi appellant comme d'abus des procédures & Ordonnances de l'Evêque d'Angers, son Official & Promoteur, la tenu & tient pour bien relevé: Et pour faire droit tant sur son appel, que des Parties, leur a donné & donne défaut contre ledit Evêque, son Avocat & Procureur présens: Et en adjugeant le profit d'icelui, dit qu'il a été en tout mal & abusivement procédé, ordonné & exécuté, tant par ledit Evêque, que par son Official & Promoteur. Ordonne que le Service divin ordinaire en l'Eglise de la Trinité sera continué, & a fait & fait inhibitions & défenses audit Evêque d'innover aucune chose en l'exercice & célébration du Service divin aux Eglises de son Diocèse, sans l'autorité du Roi; & à son Promoteur & Official, d'entreprendre cour, juridiction & connoissance, que celle qui leur est attribuée par les Ordonnances. Et pour se voir faire plus amples défenses, & répondre aux conclusions

clusions que ledit Procureur Général voudra prendre & élire contre eux, seront ajournés à comparoir en personne au mois ; & jusqu'à ce qu'ils aient comparu, leur interdit l'exercice de la Jurisdiction ecclésiastique. Condamne les Intimés es dépens des causes d'appel, dommages & intérêts des emprisonnemens, & de ce qui s'en est ensuivi : Ordonne si aucuns des Appellans sont détenus prisonniers, que les prisons leur seront

ouvertes : Aura le Procureur Général du Roi commission pour informer des faits concernans les livres de ladite Eglise de la Trinité brûlés, & paroles scandaleuses proférées aux Prédications publiques ; pour ce fait & rapporté, ordonner ce que de raison ; Et sur le surplus par lui requis, ladite Cour en délibérera au Conseil. Fait en Parlement, le vingt-septième jour de Février l'an 1603.

*Monumentum VII. citatum pag. 241. num. XX.*

H.

DECLARATION DE LOUIS XIV. ROI DE FRANCE,

Donnée à Versailles au mois d'Avril 1693, concernant la reception & dote des personnes qui entrent dans les Monasteres, pour y embrasser la Profession Religieuse.

Réglée au Parlement le 7. Mai de la même année.

Louis, par la grace de Dieu, Roi de France & de Navarre : A tous ceux qui ces présentes Lettres verront SALUT. Le zèle avec lequel Nous employons l'autorité qu'il a plu à Dieu nous donner pour maintenir en toutes choses la discipline Ecclésiastique ; & les ordres que Nous donnâmes dans les années 1666. & 1667. touchant l'établissement des Monasteres, & la réception des personnes qui embrassent la profession Religieuse, marquent assez le desir que Nous aurions de voir observer dans leur pureté les règles les plus étroites qui ont été faites sur ce sujet : mais comme quelques-uns des Monasteres que l'on a laissé établir dans notre Royaume, & particulièrement depuis le commencement de ce siècle, n'ont eu aucuns biens assurés lors de leur établissement, & que plusieurs n'ont encore qu'une portion médiocre de ce qui leur est nécessaire pour leur subsistance, les Supérieurs de ces Maisons ont cherché des secours à leur nécessité dans les dotes qu'elles ont reçues des personnes qui y sont entrées ; & quelques Monasteres qui ne se trouvoient pas dans le même besoin, n'ont pas laissé d'augmenter encore par cette voie les biens considérables qu'ils avoient, même par les fondations qui en avoient été faites. Nos Parlemens ont réprimé ce désordre dans des occasions où l'on avoit donné des sommes excessives pour l'entrée de quelques personnes dans des Monasteres ; & ils ont même tâché d'empêcher la continuation par les Arrêts généraux qu'ils ont rendus : cependant comme ces Arrêts n'ont pas eu le succès que l'on devoit attendre de la justice de leurs dispositions, & que les voies dont on s'est servi pour en éluder l'exécution, se sont trouvées encore plus préjudiciables à nos Sujets, que ce qui avoit été pratiqué auparavant, Nous voyons la nécessité qu'il y a d'y apporter des remèdes tels que l'ordre de l'Eglise & le bien de notre Etat peuvent désirer ; & en attendant que la paix, que Nous souhaitons avec tant d'ardeur, Nous mette plus en état de procurer un si grand bien, Nous ne voulons pas différer plus long-tems à empêcher un abus que l'on ne scauroit tolérer, & à pourvoir en même tems par provision à la subsistance des Monasteres qui en ont un véritable besoin, par une voie qui a été approuvée & pratiquée par les plus saints Prélats depuis & en exécution du dernier Concile, & qui ne sera pas onéreuse aux familles de nos Sujets. A CES CAUSES, de l'avis de notre Conseil, & de notre certaine science, pleine puissance & autorité royale, Nous avons statué & ordonné, statuons & ordonnons, que les saints Décrets, Ordonnances & Réglemens concernant la réception des personnes qui entrent dans les Monasteres pour y

embrasser la profession Religieuse, seront exécutées : ce faisant, défendons à tous Supérieurs & Supérieures d'iceux, d'exiger aucune chose directement ou indirectement en vue & considération de la réception, de la prise de l'habit ou de la profession. Permettons néanmoins aux Monasteres des Carmelites, des Filles de Saint-Marie, des Ursulines & autres qui ne sont point fondés, & qui sont établis depuis l'an 1600. en vertu de Lettres Patentes bien & dûement enregistrées en nos Cours de Parlement, de recevoir des pensions viageres pour la subsistance des personnes qui y prennent & y font profession. Voulons qu'il en soit passé des Actes pardevant Notaires, avec leurs Peres, Mères, Tuteurs ou Curateurs à la charge que lesdites pensions ne pourront, pour quelque cause & sous quelque prétexte que puisse être, excéder la somme de cinq cent livres pour chacun an dans notre bonne ville de Paris, & autres dans lesquelles nos Cours de Parlement sont établies ; & celle de trois cent cinquante livres dans toutes les autres villes & lieux de notre Royaume ; & que pour la sûreté desdites pensions l'on puisse assigner des fonds particuliers, dont les revenus ne puissent être saisis jusqu'à concurrence desdites pensions, pour dettes créées depuis leur constitution, faisant dès à présent main-levée de toutes les saisies qui pourroient en être faites, & ce, nonobstant toutes surseances & Lettres d'Etat : enjoignons à nos Cours & Juges de les ordonner lorsqu'elles leur seront demandées. Permettons pareillement auxdits Monasteres de recevoir pour les meubles, habits & autres choses absolument nécessaires pour l'entrée des Religieuses jusqu'à la somme de deux mille livres, une fois payée, dans les villes où nosdites Cours de Parlement sont établies, & jusqu'à celle de douze cent livres dans les autres villes & lieux, dont il sera passé des Actes pardevant Notaires ; & en cas que les Parents & Héritiers des personnes qui entreront dans lesdits Monasteres, ne soient pas en volonté ou en état d'assurer lesdites pensions viageres en tout ou en partie ; permettons auxdits Supérieurs de recevoir des sommes d'argent ou des biens immeubles qui tiennent lieu desdites pensions, pourvu que lesdites sommes d'argent ou la valeur desdits biens immeubles n'excèdent pas la somme de huit mille livres dans les villes où nos Cours de Parlement sont établies, & ailleurs celle de six mille livres & qu'ou l'on voudroit donner une partie en argent ou immeubles, & l'autre en pensions moindres & au-dessous desdites cinq cent livres & trois cent cinquante livres, lesdites sommes d'argent ou biens immeubles que l'on pourra donner pour suppléer auxdites pensions soient réduites & réglées



glées sur le même pied, & suivant la même proportion, voulons que les héritages que l'on pourra donner à cet effet, soient estimés préalablement par des Experts qui seront nommés d'office par nos principaux Juges des lieux, lesquels donneront ensuite permission auxdits Monasteres de les recevoir par forme d'aliment, & au lieu de pensions viagères; & qu'il soit passé des Actes pardevant Notaires de la délivrance desdites sommes d'argent, ou des biens immeubles qui seront ainsi donnés; voulons que les dotes & pensions ci-devant promises & constituées, même pendant & depuis l'année 1667. par les Parents ou Tuteurs d'aucunes Religieuses ayant lieu, non obstant tous Jugemens & Arrêts qui pourroient avoir été rendus au contraire, à condition que si lesdites dotes ou pensions se trouvent excéder les sommes réglées ci-dessus, elles demeureront réduites suivant notre présente Déclaration, en cas que les Peres, Meres, Freres & Sœurs desdites Religieuses le demandent dans six mois après l'enregistrement & la publication qui en sera faite dans nos Cours. Permettons aux autres Monasteres, même aux Abbayes & Prieurés qui ont des revenus par leurs fondations, & qui prétendront ne pouvoir entretenir le nombre des Religieuses y font, de présenter aux Archevêques & Evêques des états de leurs revenus & des leurs charges, sur lesquels ils nous donneront les avis qu'ils trouveront à propos touchant les Monasteres de cette qualité, où ils estimeront que l'on pourra permettre de recevoir des pensions, des sommes d'argent ou des immeubles de la valeur exprimée ci-dessus, & sur le nombre des Religieuses qui y seront reçues à l'avenir, au-delà de celui qu'ils croient que lesdits Monasteres peuvent entretenir de leurs revenus, pour, les avis desdits Archevêques & Evêques vus, y être pourvu ainsi qu'il appartiendra; défendons aux femmes, veuves & filles qui s'engagent dans les Communautés séculières dans lesquelles l'on conserve sous l'autorité de la Supérieure, la jouissance & la propriété de ses biens, d'y donner plus de trois mille livres en fonds, outre des pensions viagères telles qu'elles sont marquées ci-dessus; défendons pareillement aux Peres, Meres, & à toutes autres personnes, de donner directement ou indirectement auxdits Monasteres & Communautés, aucunes autres choses que celles qui sont expliquées par notre présente Déclaration, en considération des personnes qui y font profession & qui s'y engagent, à peine de trois mille livres d'aumône contre les donateurs, & de la perte par lesdits Monasteres & Communautés qui les auront acceptées, des choses données si elles sont en nature, ou du paiement de la valeur si elles n'y sont pas; le tout au profit des Hôpitaux & des Hopitaux généraux des lieux: n'entendons néanmoins comprendre dans la présente disposition les donations qui seroient faites aux Monasteres pour une rétribution juste & proportionnée des prie-

res qui y pourroient être fondées, quand même les Fondateurs y auroient des Parents, à quelque degré que ce puisse être; voulons qu'à l'égard des Communautés des personnes séculières & régulières, qui ne sont point confirmées par nos Lettres Patentes, notre Edit du mois de Décembre 1666. soit incessamment exécuté, & à l'égard de celles qu'on ne jugera pas nécessaire de confirmer, ou transférer, Nous déclarons dès à présent nulles, toutes les réquisitions & donations d'héritages, rentes ou autres immeubles faites pour elles, & à leur profit; voulons que lesdits biens, pour ce qui est des Communautés de personnes Religieuses, soient donnés aux Monasteres dans lesquels les Archevêques ou Evêques des lieux jugeront à propos d'envoyer les Religieuses qui se trouveront dans lesdites Communautés: & pour ce qui est de celles des personnes séculières, lesdits biens soient donnés aux Hôpitaux-Dieu & aux Hopitaux généraux des lieux où lesdites Communautés étoient établies. Ordonnons au surplus que notre Edit du mois de Décembre de l'an 1666 contenant les formalités qui doivent être observées pour l'établissement des Communautés séculières & régulières, soit ponctuellement exécuté, même à l'égard des translations des Monasteres & Communautés d'un lieu ou d'une Maison à une autre, lesquelles ne pourront être faites qu'après que toutes les formalités portées par ledit Edit pour les premiers établissements desdits Monasteres, auront été observées: Enjoignons à nos Juges & Officiers d'y tenir ponctuellement la main, & de prononcer contre les Communautés qui seront établies ou transférées sans avoir satisfait auxdites formalités, sur les peines portées par notre dit Edit. Si donnons en mandement à nos amés & féaux Conseillers, les Gens tenant notre Cour de Parlement à Paris, que ces présentes ils aient à faire lire, publier & enregistrer, & le contenu en icelles, garder & observer de point en point selon leur forme & teneur, sans y contrevenir, ni souffrir qu'il y soit contrevenu, en quelque sorte & manière que ce soit: car tel est notre plaisir; en témoin de quoi nous y avons fait mettre notre scel. Donné à Versailles le vingt-huitième jour d'Avril, l'an de grace mil six cent quatre-vingt-treize; & de notre regne le cinquantième. *Signé LOUIS; & sur le repli, par le Roi PHELIPEAUX. Visa, Boucherat & scellée.*

Registrées, ouï, & ce requérant le Procureur Général du Roi, pour être exécutées selon leur forme & teneur, copies collationnées envoyées dans les Sièges, Bailliages & Sénéchaussées du ressort, pour y être lues, publiées & registrées. Enjoint aux Substituts dudit Procureur Général d'y tenir la main & d'en certifier la Cour dans un mois, suivant l'Arrêt de ce jour. A Paris en Parlement, le sept May mil six cent quatre-vingt-treize, *signé DONGOIS.*



*Montumentum VIII. citatum pag. 250. in notâ.*

## L

## EDIT DU ROI, CONCERNANT LES ETABLISSEMENTS

Et Acquisitions des gens de main-morte. Donné à Versailles au mois d'Août 1749. Régistré en Parlement le 2. Septembre 1749.

**L**OUIS, par la grace de Dieu, Roy de France & de Navarre : A tous présens & à venir, Salut. Le desir que nous avons de profiter du retour de la paix, pour maintenir de plus en plus le bon ordre dans l'intérieur de notre Royaume, nous fait regarder comme un des principaux objets de notre attention, les inconveniens de la multiplication des Etablissements des Gens de main morte, & de la facilité qu'ils trouvent à acquérir des fonds naturellement destinés la subsistance & à la conservation des familles. Elles ont souvent le déplaisir de s'en voir privées, soit par la disposition que les hommes ont à former des établissemens nouveaux qui leur soient propres, & fassent passer leur nom à la postérité, avec le titre de Fondateur, soit par une trop grande affection par des Etablissements déjà autorisés, dont plusieurs Testateurs préfèrent l'intérêt à celui de leurs héritiers légitimes : indépendamment même de ces motifs, il arrive souvent que par les ventes qui se font à des Gens de main-morte, les biens immeubles qui passent entre leurs mains, cessent pour toujours d'être dans le Commerce, en sorte qu'une très grande partie des fonds de notre Royaume se trouve actuellement possédée par ceux dont les biens ne pouvant être diminués par des aliénations, s'augmentent au contraire continuellement par des nouvelles Acquisitions. Nous savons que le Roi nos Prédécesseurs, en protégeant les Etablissements qu'ils jugeoient utiles à leur Etat, ont souvent renouvelé les défenses d'en former de nouveaux sans leur autorité; & le feu Roy notre très-honoré Seigneur & Bisayeul y ajouta des peines sévères par ses Lettres-patentes en forme d'Edit du mois de Décembre 1666: il est d'ailleurs dans notre Royaume un genre de biens, tels que les Fiefs & les Censives, dont les Etablissements même les plus autorisés pouvoient être contraints à vider leurs mains, parce qu'en diminuant par l'acquisition qu'ils en faisoient, les droits dûs à notre Domaine; ils diminueoient aussi ceux des Seigneurs particuliers, lorsque les fonds acquis étoient dans leur mouvance, & ils ne pouvoient s'affranchir de cette obligation, qu'en obtenant des Lettres d'amortissement, qui ne devoient leur être accordées qu'en connoissance de cause & toujours relativement au bien de l'Etat; mais ce qui sembloit devoir arrêter le progrès de leurs Acquisitions, a servi au contraire à l'augmenter contre l'intention du Législateur, par l'usage qui s'est introduit de recevoir d'eux, sans aucun examen, le droit d'amortissement qu'ils se font porter sans peine à payer, dans l'espérance de faire mieux valoir les fonds qu'ils acqueroient, que les anciens Propriétaires. La multiplication des rentes constituées sur des Particuliers, a contribué encore à l'accroissement des biens possédés par des Gens de main-morte, parce qu'il arrive souvent ou par la négligence du Débiteur à acquitter les arrérages de ces rentes, ou par les changemens qui surviennent dans sa fortune, qu'ils trouvent le moyen de devenir Propriétaires des fonds même sur lesquels elles étoient constituées. Ils se font servis enfin de la voye du Retrait féodal pour réunir à leur domaine les Fiefs vendus dans leur mouvance. Plusieurs Coutumes à la vérité, les ont déclarés incapables d'exercer ce droit; mais le silence des autres

donne lieu de former un doute sur ce sujet, qui ne peut être entièrement résolu que par notre autorité. Le meilleur usage que nous puissions en faire dans une matière si importante, est de concilier, autant qu'il est possible, l'intérêt des familles avec la faveur des Etablissements véritablement utiles au public. C'est ce que nous nous proposons de faire, soit en nous réservant d'autoriser ceux qui pourroient être fondés sur des motifs suffisans de Religion & de Charité, soit en laissant aux Gens de main morte déjà établis, la faculté de nous exposer les raisons qui peuvent nous porter à leur permettre d'acquérir quelques fonds, & en leur conservant une entière liberté de posséder des rentes constituées sur nous, ou sur ceux qui ont la même condition qu'eux, dont la jouissance leur sera souvent plus avantageuse, & toujours plus convenable au bien public, que celles des domaines ou des rentes hypothéquées sur les biens des Particuliers. A ces causes, & autres considérations à ce nous mouvantes, de l'avis de notre Conseil & de notre certaine science, pleine puissance & autorité Royale, nous avons par notre présent Edit perpétuel & irrévocable, dit, statué & ordonné, disons, statuons & ordonnons, voulons & nous plaît ce qui suit :

## ARTICLE PREMIER.

Renouvellant, en tant que de besoin, les Défenses portées par les Ordonnances des Rois nos Prédécesseurs, voulons qu'il ne puisse être fait aucun nouvel Etablissement de Chapitres, Collèges, Séminaires, Maisons ou Communautés Religieuses, même sous prétexte d'Hospices, Congrégations, Confréries, Hôpitaux ou autres Corps & Communautés, soit Ecclésiastiques, Séculières ou Régulières, soit Laïques de quelques qualités qu'elles soient, ni pareillement aucune nouvelle érection de Chapelles ou autres Titres de Bénéfices, dans toute l'étendue de notre Royaume, Terres & Pays de notre obéissance, si ce n'est en vertu de notre permission expresse portée par nos Lettres-patentes enregistrées en nos Parlemens ou Conseils supérieurs, chacun dans son ressort, en la forme qui sera prescrite ci-après.

II. Défendons de faire à l'avenir aucune disposition par acte de dernière volonté pour fonder un nouvel Etablissement de la qualité de ceux qui sont mentionnés dans l'article précédent, ou au profit de personnes qui seroient chargées de former ledit Etablissement, le tout à peine de nullité, ce qui sera observé, quand même la disposition seroit faite à la charge d'obtenir nos Lettres-patentes.

III. N'entendons comprendre dans les deux Articles précédens les Fondations particulières qui ne tiendroient à l'établissement d'aucun nouveau Corps, Collège ou Communauté, ou à l'érection d'un nouveau Titre de Bénéfice & qui n'auroient pour objet que la célébration des Messes ou Obits, la subsistance d'Etudiens ou de pauvres Ecclésiastiques ou Séculiers, des Mariages de pauvres filles, Ecoles de charité, soulagement de Prisonnier, ou Incendiés, ou autres œuvres pieuses de même nature, & également utiles au public; à l'égard

l'égard desquelles Fondations il ne sera point nécessaire d'obtenir nos Lettres-patentes, & il suffira de faire homologuer les actes ou dispositions qui les contiendront en nos Parlemens & Conseils supérieurs, chacun dans son ressort, sur les conclusions ou requisitions de nos Procureurs-Généraux, voulons qu'il soit en même tems pourvu par nosdits Parlemens ou Conseils supérieurs, à l'Administration des biens destinés à l'exécution desdites Fondations, & aux comptes qui en seront rendus.

IV. Ceux qui voudront faire par des actes entre-vifs un nouvel Etablissement de la qualité mentionnée dans l'Article premier, seront tenus, avant toute donation ou convention, de nous faire présenter le projet de l'Acte, par lequel ils auront intention de faire ledit Etablissement, pour en obtenir la permission par nos Lettres-patentes, lesquelles ne pourront être expédiées, s'il nous plaît de les accorder, qu'avec la clause expresse, que dans l'Acte qui sera passé pour consommer ledit Etablissement, il ne pourra être fait aucune addition ni changement audit projet qui sera attaché sous le contre-scel de nosdites Lettres-patentes, & après l'enregistrement desdites Lettres, ledit Acte sera passé dans les formes requises pour la validité des Contrats ou Donations entre-vifs.

V. Déclarons que nous n'accorderons aucunes Lettres-patentes pour permettre un nouvel établissement, qu'après nous être fait informer exactement de l'objet & de l'utilité dudit Etablissement, nature, valeur & qualité des biens destinés à le doter, par ceux qui peuvent en avoir connoissance, notamment par les Archevêques ou Evêques Diocésains, par les Juges Royaux, par les Officiers Municipaux ou Syndics des Communautés, par les Administrateurs des Hôpitaux, par les Supérieurs des Communautés déjà établies dans les lieux où l'on proposera d'en fonder une nouvelle, pour, sur le compte qui nous en sera par eux rendu, chacun en ce qui peut le concerner, suivant la différente nature des Etablissements, y être par nous pourvu ainsi qu'il appartiendra.

VI. Lorsqu'il y aura lieu de faire expédier nos Lettres-patentes, pour autoriser l'Etablissement proposé, il sera fait mention expresse dans lesdites Lettres, ou dans un état qui sera annexé sous le contre-scel d'icelles, des biens destinés à la dotation dudit Etablissement, sans que dans la suite il puisse en être ajouté aucuns autres de la qualité marquée par l'Article quatorzième; qu'en se conformant à ce qui sera réglé ci-après, sur les acquisitions qui seroient faites par des Gens de main-morte; ce que nous voulons être pareillement observé, même à l'égard des Etablissements déjà faits en vertu de Lettres-patentes dûment enregistrées, & ce non obstant toutes clauses ou permissions générales, par lesquelles ceux qui auroient obtenu lesdites Lettres, auroient été autorisés à acquérir des biens fonds indistinctement, ou jusqu'à concurrence d'une certaine somme.

VII. Lesdites Lettres-patentes seront communiquées à notre Procureur-Général en notre Parlement ou Conseil supérieur, dans le ressort duquel ledit Etablissement devra être fait, pour être par lui fait telles requisiions, ou pris telles conclusions qu'il jugera à propos; & lesdites Lettres ne pourront être enregistrées, qu'après qu'il aura été informé à la requête de la commodité ou incommodité dudit Etablissement, & qu'il aura été donné communication desdites Lettres aux personnes dénommées dans l'Art. V. ci dessus, suivant la nature dudit Etablissement, comme aussi aux Seigneurs dont les biens seront mouvans immédiatement, en fief ou en roture, ou qui ont la Haute Justice sur lesdits biens, même aux autres personnes dont nos Parlemens ou Conseils supérieurs jugeront à propos d'avoir l'avis ou consentement, & seront lesdites formalités observées à peine de nullité.

VIII. Les oppositions qui pourront être formées avant l'enregistrement desdites Lettres, comme aussi celles qui se feroient après ledit enregistrement, seront communiquées à notre Procureur-Général pour y être sur les conclusions statué par nosdits Parlemens ou Conseils supérieurs, ainsi qu'il appartiendra.

IX. Desirant assurer pleinement l'exécution des dispositions du présent Edit, concernant les Etablissements mentionnés dans l'Article premier, déclarons nuls tous ceux qui seroient faits à l'avenir, sans avoir obtenu nos Lettres-patentes, & les avoir fait enregistrer dans les formes ci dessus prescrites: Voulons que tous les actes & dispositions, qui pourroient avoir été faits en leur faveur, directement ou indirectement, ou par lesquels ils auroient acquis des biens de quelque nature que ce soit, à titre gratuit ou onéreux; soient déclarés nuls, sans qu'il soit besoin d'obtenir des Lettres de Rescision contre lesdits actes, & que ceux qui se seroient ainsi établis, ou qui auroient été chargés de former ou administrer lesdits Etablissements, soient déchus de tous les droits résultans desdits actes & dispositions; même de la répétition des sommes qu'ils auroient payées pour lesdites acquisitions, ou employées en constitution de rentes, ce qui sera observé, nonobstant toute prescription, & tous consentemens exprès ou tacites qui pourroient avoir été donnés à l'exécution desdits actes ou dispositions.

X. Les enfans ou présomptifs héritiers seront admis, même du vivant de ceux qui auront fait lesdits actes ou dispositions, à réclamer les biens par eux donnés ou aliénés: Voulons qu'ils en soient envoyés en possession, pour en jouir en toute propriété, avec restitution des fruits ou arrérages, à compter du jour de la demande qu'ils en auront formée: Laissons à la prudence des Juges d'ordonner ce qu'il appartiendra par rapport aux jouissances échues avant ladite demande, & le contenu au présent Article aura lieu pareillement, après la mort de ceux qui auront fait lesdits actes ou dispositions, en faveur de leurs héritiers, successeurs ou ayans cause le tout à la charge; qu'en outre que la faculté à eux accordée par le présent Article n'ait été exercée par l'un d'eux, elle profitera également à tous ses cohéritiers ou ayant le même droit que lui, lesquels seront admis à partager avec lui, suivant les loix & coutumes des lieux, les biens réclamés soit pendant la vie ou la mort de celui qui aura fait lesdits actes ou dispositions.

XI. Les Seigneurs dont aucun desdits biens seront tenus immédiatement, soit en fief ou roture, & qui ne seront pas eux mêmes du nombre des gens de main-morte, pourront aussi demander à être mis en possession, avec restitution des jouissances, à compter du jour de la demande qu'ils en formeront; à la charge néanmoins qu'en cas que les personnes mentionnées en l'Article précédent, forment leur demande même postérieurement à celles desdits Seigneurs, ils leur seront préférés; comme aussi que lesdits Seigneurs seront tenus de leur remettre lesdits fonds si lesdites personnes en forment la demande en l'an & jour, après le Jugement qui en aura mis lesdits Seigneurs en possession; auquel cas les fruits échus depuis ledit Jugement, jusqu'au jour de ladite demande, demeureront ausdits Seigneurs: Voulons que la propriété desdits fonds leur soit acquise irrévocablement, s'il n'a point été formé de demande dans ledit délai; & lorsque lesdits Seigneurs seront du nombre des Gens de main-morte, il y sera pourvu ainsi qu'il est marqué par l'Article suivant.

XII. Enjoignons à nos Procureurs Généraux dans chacun de nosdits Parlemens & Conseils supérieurs; de tenir la main à l'exécution du présent Edit, concernant lesdits Etablissements; & en cas de négligence de la part des Parties ci dessus mentionnées, il sera ordonné sur le requisitoire de notre Procureur Général, que faite par



par les personnes dénommées en l'Article X. & par les Seigneurs qui ne seroient Gens de main-morte, de former leurs demandes dans le délai qui sera fixé à cet effet, & qui courra du jour de la publication & affiches faites aux lieux accoutumés, de l'Arrêt qui aura été rendu, lesdits Biens seront vendus au plus offrant & dernier enchérisseur, & que le prix en sera confisqué à notre profit, pour être par Nous appliqué à tels Hôpitaux, ou employé au soulagement des Pauvres, ou à tels ouvrages publics que Nous jugerons à propos.

XIII. A l'égard des Etablissements de la qualité marquée par l'Article premier, qui seroient antérieurs à la publication du présent Edit, Voulons que tous ceux qui auront été faits depuis les Lettres Patentes en forme d'Edit, du mois de Decembre 1666. ou dans les trente années précédentes, sans avoir été autorisés par des Lettres Patentes bien & dûment enregistrées, soient déclarés nuls, comme aussi tous actes ou dispositions faites en leur faveur; ce qui aura lieu nonobstant toutes clauses & dispositions générales par lesquelles il auroit été permis à des Ordres ou Communautés régulières d'établir de nouvelles Maisons dans les Lieux qu'ils jugeroient à propos: Nous réservant néanmoins à l'égard de ceux d'icellés Etablissements qui subsistent paisiblement, & sans aucune demande en nullité formée avant la publication du présent Edit, de Nous faire rendre compte tant de leur objet, que de la nature & quantité des Biens dont ils sont en possession, pour y pourvoir ainsi qu'il appartiendra, soit en leur accordant nos Lettres Patentes, s'il y échet, soit en réunissant lesdits Biens à des Hôpitaux ou autres Etablissements déjà autorisés, soit en ordonnant qu'ils seront vendus, & que le prix en sera appliqué ainsi qu'il est porté par l'Article précédent.

XIV. Faisons défenses à tous les Gens de main-morte d'acquérir, recevoir ni posséder à l'avenir aucuns fonds de terre, maisons, droits réels, rentes foncières ou non rachetables, même des rentes constituées sur des particuliers, si ce n'est après avoir obtenu nos Lettres Patentes pour parvenir à ladite acquisition, & pour l'amortissement desdits Biens, & après que lesdites Lettres, s'il Nous plaît de les accorder, auront été enregistrées en nosdits Cours de Parlemens, ou Conseils supérieurs, en la forme qui sera ci-après prescrite; ce qui sera observé nonobstant toutes clauses ou dispositions générales qui auroient pu être insérées dans les Lettres Patentes ci-devant obtenues par des Gens de main-morte, par lesquelles ils auroient été autorisés à recevoir ou acquérir des Biens-fonds indistinctement, ou jusqu'à concurrence d'une certaine somme.

XV. La disposition de l'Article précédent sera observée, même à l'égard des fonds, maisons, droits réels & rentes qui seroient réputés meubles, suivant les Coutumes, Statuts & Usages des Lieux.

XVI. Voulons aussi que la disposition de l'Article XIV. soit exécutée, à quelque titre que lesdits Gens de main-morte puissent acquérir les Biens y mentionnez, soit par vente, adjudication, échange, cession ou transport, même en paiement de ce qui leur seroit dû, soit par donations entre vifs, pures & simples, ou faites à la charge de service ou fondations, & en général pour quelque cause gratuite ou onéreuse que ce puisse être.

XVII. Défendons de faire à l'avenir aucune disposition de dernière volonté, pour donner aux Gens de main-morte des Biens de la qualité marquée par l'Article XIV. Voulons que lesdites dispositions soient déclarées nulles, quand même elles seroient faites à la charge d'obtenir nos Lettres Patentes, ou qu'au lieu de donner directement lesdits Biens auxdits Gens de main-morte, celui qui en auroit disposé, auroit ordonné qu'ils seront vendus ou régis par d'autres personnes, pour leur en remettre le prix ou les revenus.

Tom. I.

XVIII. Déclarons n'avoir entendu comprendre dans la disposition des Articles XIV. XV. XVI. XVII. ci-dessus, les rentes constituées sur Nous, ou sur le Clergé, Diocèses, Pays d'Etats, Villes ou Communautés, que lesdites Gens de main-morte pourront acquérir & recevoir sans être obligés d'obtenir nos Lettres Patentes: Voulons qu'ils en soient dispensés, même pour celles qu'ils ont acquises par le passé.

XIX. Voulons qu'à l'avenir il ne puisse être donné ni acquis pour l'exécution des fondations mentionnées dans l'Article III. que des rentes de la qualité marquée par l'Article précédent, lorsque lesdites fondations seront faites par des dispositions de dernière volonté; & si elles sont faites par des actes entre vifs, il ne pourra être donné ou acquis, pour l'exécution desdites fondations, aucuns des Biens énoncés dans l'Article XIV. qu'après avoir obtenu nos Lettres Patentes, & les avoir fait enregistrer, ainsi qu'il est porté par ledit Article: le tout à peine de nullité.

XX. Dans tous les cas où il sera nécessaire d'obtenir nos Lettres Patentes, suivant ce qui est porté par les Articles XIV. & XIX. elles ne seront par Nous accordées qu'après Nous être fait rendre compte de la nature & valeur des Biens qui en seront l'objet; comme aussi de l'utilité & des inconvénients de l'acquisition que lesdites Gens & main-morte voudroient en faire, ou de la fondation à laquelle ils seroient destinés.

XXI. Lesdites Lettres Patentes, en cas que Nous jugions à propos de les accorder, ne pourront être enregistrées que sur les conclusions de nos Procureurs Généraux, après qu'il aura été informé de la commodité ou incommodité de l'acquisition ou de la fondation, & qu'il aura été donné communication desd. Lettres aux Seigneurs dont lesdits Biens seroient tenus immédiatement, soit en fief ou en roture, ou qui y auroient la Justice, même aux autres personnes dont nosdites Cours de Parlemens, ou Conseils supérieurs, jugeroient à propos de prendre les avis ou le consentement; & s'il survient des oppositions, soit avant ou après l'enregistrement desdites Lettres, il y sera statué sur les conclusions de nosdits Procureurs Généraux, ainsi qu'il appartiendra.

XXII. Défendons à tous Notaires, Tabellions ou autres Officiers, de passer aucun Contrat de vente, échange, donation, cession ou transport des Biens mentionnez dans l'Article XIV. ni aucun bail à rente ou constitution de rente sur des particuliers, au profit desdites Gens de main-morte, ou pour l'exécution desdites fondations, qu'après qu'il leur sera apparu de nos Lettres Patentes, & de l'Arrêt d'enregistrement d'icelles, desquelles Lettres & Arrêt il sera fait mention expresse dans lesdits Contrats ou autres Actes, à peine de nullité, d'interdiction contre lesdits Notaires, Tabellions ou autres Officiers, des dommages & intérêts des Parties, s'il y échet, & d'une amende qui sera arbitrée suivant l'exigence des cas, laquelle sera appliquée, savoir, un tiers au dénonciateur, un tiers à Nous, & un tiers au Seigneur dont les Biens seront tenus immédiatement; & en cas qu'ils soient tenus directement de notre Domaine, ladite amende sera appliquée à notre profit pour deux tiers.

XXIII. Il ne sera expédié à l'avenir aucune quittance du droit d'Amortissement qui seroit dû pour les Biens de la qualité marquée par l'Art. XIV. s'il n'a été justifié de nosdites Lettres Patentes & Arrêt d'enregistrement d'icelles, desquelles Lettres & Arrêt il sera fait mention expresse dans lesdites quittances; ce qui sera exécuté à peine de nullité, & en outre de confiscation au profit de l'Hôpital général le plus prochain, des sommes qui auroient été payées pour l'amortissement desdits Biens avant lesdites Lettres & Arrêt. Voulons que ceux qui les auront payées, ne puissent être admis à obtenir dans la suite des Lettres Patentes pour raison des mêmes Biens; Nous réservant au surplus d'expliquer

A a a a a

quer

quer plus amplement nos intentions sur les cas où le Droit d'Amortissement sera dû, & sur la quotité dudit Droit.

XXIV. Défendons à toutes personnes de prêter leurs noms à des Gens de main-morte pour l'acquisition ou la jouissance de Biens de ladite qualité, à peine de trois mille livres d'amende, applicables ainsi qu'il est porté par l'Article XXII. même sous plus grande peine, suivant l'exigence des cas.

XXV. Les Gens de main-morte ne pourront exercer à l'avenir aucune action en Retrait féodal ou seigneurial, à peine de nullité; à l'effet de quoi, Nous avons dérogé & dérogeons à toutes Loix, Coutumes & Usages qui pourroient être à ce contraires; sauf auxdites Gens de main-morte à se faire payer les Droits qui leur seront dûs suivant les Loix, Coutumes ou Usages des Lieux.

XXVI. Dans tous les cas dans lesquels les Biens de la qualité marquée par l'Article XIV. pourroient échoir ausdites Gens de main-morte, en vertu des Droits attachés aux Seigneuries à eux appartenantes, ils seront tenus de les mettre hors de leur main dans un an, à compter du jour que lesdits Biens leur auront été dévolus, sans qu'ils puissent les faire passer à d'autres Gens de main-morte, ou employer le prix desdits Biens à en acquérir d'autres de la même qualité; & faute de satisfaire à la présente disposition dans ledit temps, lesdits Biens seront réunis à notre Domaine, si la Seigneurie appartenante ausdites Gens de main-morte est dans notre Mouvance immédiate; & si elle relève des Seigneurs particuliers, il leur sera permis dans le délai d'un an après l'expiration dudit temps, d'en demander la réunion à leurs Seigneuries: faute de quoi, ils demeureront réunis de plein droit à notre Domaine, & les Fermiers & Receveurs de nos Domaines feront les diligences & poursuites nécessaires pour s'en mettre en possession.

XXVII. Pour assurer l'entière exécution des dispositions portées par les Articles XIV. XV. XVI. XVII. XIX. XX. XXI. XXV. ci-dessus, concernant les Biens de la qualité marquée ausdits Articles, Voulons que tout ce qui est contenu en l'Article IX. au sujet des nouveaux Etablissements non autorisés, soit observé par rapport aux dispositions ou actes par lesquels aucuns desdits Biens auroient été donnés ou aliénés, contre ce qui est réglé par le présent Edit, à des Gens de main-morte, Corps ou Communautés, valablement établis, ou pour l'exécution des fondations ci-dessus mentionnées. Voulons pareillement que les personnes dénommées aux Articles X. & XI. puissent répéter lesdits Biens, ainsi qu'il est porté ausdits Articles; & qu'en cas de négligence de leur part, ils soient vendus sur la requisition de notre Procureur Général, suivant ce qui est prescrit par l'Article XII.

XXVIII. N'entendons rien innover en ce qui concerne les dispositions ou actes ci-devant faits en faveur des Gens de main-morte légitimement établis, du pour l'exécution desdites fondations, lorsque lesdites dispositions ou actes auront une date antérieure à la publication des présentes, ou auront été faits par des personnes décédées avant ladite publication; & les contestations qui pourroient naître au sujet desdites dispositions ou actes, seront jugées par les Juges qui en doivent connoître, suivant les Loix & la Jurisprudence qui avoit lieu avant le présent Edit, dans chacun des Pays du ressort de nosdits Parlements ou Conseils supérieurs.

XXIX. Toutes les demandes qui seront formées en exécution des dispositions du présent Edit, seront portées directement en la Grand'Chambre, ou premier Chambre de nosdits Cours de Parlements ou

Conseils supérieurs; & ce privativement à tous autres Juges, pour y être statué, sur les conclusions de notre Procureur Général, dérogeant à cet effet à toutes évocations, *Committimus* ou autres Privileges accordés par le passé, ou qui pourroient l'être dans la suite à tous Ordres, même à l'Ordre de Malthe, à celui de Fontevault, ou à toutes Congrégations, Corps, Communautés ou Particuliers, lesquels n'auront aucun effet en cette matière. Si DONNONS EN MANDEMENT à nos amez & féaux Conseillers, les Gens tenans notre Cour de Parlement de Paris, que notre présent Edit ils aient à faire lire, publier & enregistrer, & le contenu en icelui garder & observer de point en point selon sa forme & teneur, nonobstant tous Privileges & autres choses à ce contraires: CAR tel est notre plaisir. Et afin que ce soit chose ferme & stable à toujours, Nous y avons fait mettre notre Scel. DONNE à Versailles au mois d'Août, l'an de grâce mil sept cens quarante-neuf, & de notre Règne le trente-quatrième. Signé, LOUIS. Et plus bas, Par le Roi, M. P. DE VOYER D'ARGENSON. Visa, DAGUESSEAU. Et scellé de grand Sceau de cire verte, en lacs de soie rouge & verte.

*Registré, Oûi & cetera quant le Procureur Général du Roi, pour être exécuté selon sa forme & teneur, & copies collationnées envoyées aux Bailliages & Sénéchaussées du Ressort, pour y être lues, publiées & registrées: Enjoint aux Substituts du Procureur Général du Roi d'y tenir la main, & d'en certifier la Cour dans le mois, suivant l'Arrêt de ce jour. A Paris, en Parlement, le deux Septembre mil sept cens quarante-neuf.*

Signé, YSABEAU.

*Registré en la Chambre des Comptes, Oûi & cetera quant le Procureur Général du Roi, pour être exécuté selon sa forme & teneur: En conséquence, ne pourront les nouveaux Etablissements des Gens de main-morte, & les nouvelles acquisitions par eux faites, avoir lieu qu'en vertu de Lettres Patentes bien & dûment registrées en la Chambre, lesquelles Lettres Patentes, avant d'être registrées, seront communiquées tant aux personnes dénommées es Articles V. & VII. du présent Edit, qu'aux Receveurs & Contrôleurs généraux des Domaines de la Généralité où lesdits Biens sont situés, pour connoître si lesdits Biens ne sont point, en tout ou en partie, dans la Mouvance directe Censive du Roi, à l'effet de faire jouir ledit Seigneur Roi, s'il y échet, de la faculté octroyée aux Seigneurs particuliers, par l'Article XI. du présent Edit, de réunir lesdits Biens à leur Domaine. Et seront lesdits Receveurs généraux des Domaines, dans le cas de réunion desdits Biens au Domaine du Roi, tenus d'en compter au profit dudit Seigneur Roi; comme aussi de se charger de leurs comptes, tant en recette que dépense, des Biens dont la confiscation aura lieu au profit dudit Seigneur Roi, en exécution de l'Article XII. du présent Edit: Et pour d'autant plus assurer à l'avenir l'exécution du présent Edit, ensemble se conformer aux Déclarations du Roi des 29. Décembre 1674. 18. Juillet 1702. & 20. Novembre 1725. le Procureur Général du Roi fera toutes diligences pour contraindre les Gens de main-morte à rendre en la Chambre les déclarations de leur temporel. Sera au surplus ledit Seigneur Roi très-humblement supplié, dans le cas de réunion desdits Biens à son Domaine, de faire procéder ausdites réunions par-devant les Commissaires de la Chambre, ainsi qu'il en a été usé par le passé: Ordonne que ledit Edit, ensemble le présent Arrêt, seront signifiés à la diligence du Procureur Général du Roi, aux Receveurs généraux des Domaines, à ce qu'ils aient à s'y conformer. Les Bureaux assembles, le cinq Décembre mil sept cens quarante-neuf. Signé, NOBLET.*

## Monumentum IX. citatum pag. 290. in notâ.

K.

STATUTUM CAPITULI GENERALIS CISTERCIENSIS,  
contra vitium proprietatis, anni 1683.

CUM ad audientiam Capituli Generalis clamosa relatione pervenerit pessimum ac detestabile proprietatis vitium, quod ipsam Religionis fundamenta evertit, in Provincia Vasconiae quodammodo impunè regnare in perditionem animarum manifestam: hoc malum radicibus extirpare cupiens Capitulum Generale injungit ac mandat Reverendo admodum Abbati de Claravalle, ut omni morâ postpositâ, ad dictam Provinciam Vasconiae personaliter accedat, eandemque visitando inter ceteros abusus dictum proprietatis vitium singulariter damnet, inhibeat ac proscribat sub pœnis in jure ac Ordinis statutis contentis. Et ut hæc damnatio ipsius, inhibito ac proscriptione efficaciorum fortiatum effectum, idem Reverendus admodum Dominus de Claravalle in Capitulis singulorum Monasteriorum residens, peculiares omnium personarum Regularium pecunias ad se deferri jubeat, easque in commune confusas Cellerariis tradat in commune servaturas: similiter faciat de blado, vino, aliisque rebus tam mobilibus

quàm immobilibus. Insuper strictissimè præcipit idem Capitulum Generale Vicario Generali, aliisque Superioribus Monasteriorum, aliorumque locorum Regularium supradictæ Provinciæ Vasconiae, ut ordinationes à dicto Reverendo admodum Domino Abbate de Claravalle faciendas manuteneant ac executioni mandent sub pœna depositionis & inhabilitatis ad quæcumque officia consequenda. Et ut omnibus terror salutaris injiciatur præcipit etiam Capitulum Generale, ut si quæ persona Regularis Ordinis nostri in hoc detestabili proprietatis vitio obsorescens è vita decesserit, in sterquilino unâ cum suæ libertatis substantiâ projiciatur. Quas omnes supradictas ordinationes, inhibitiones & pœnas præfens Capitulum Generale extendit ad omnes Regulares personas Ordinis universi. Mandatur etiam Abbatibus, Prioribus & Abbatissis sub pœna standi extra stallum & locum præfidentiae suæ, & aliis arbitrio Visitatoris infligendis, ut Religiosis necessaria administrent, ne occasio eis detur ad habendam proprietatem.

## Decretum Episcopi Tornacensis contra vitium Proprietatis.

GILBERT DE CHOYSEUL DU PLESSIS-PRASLAIN, *Par la Providence de Dieu*  
Evêque de Tournay, à nos très-chers filles en JESUS-CHRIST, la Prieure & les Religieuses de l'Hôpital de N. Ordre de S. Augustin, en notre Diocèse, Salut & Bénédiction.

SUR ce qui nous a été représenté de l'état de votre Monastère, & que nous en avons reconnu par nous-mêmes, Nous avons statué & statuons, ordonné & ordonnons, qu'à chaque Chapitre que vous tiendrez, vous ne manquerez jamais de lire quelque partie de la Règle de Saint Augustin que vous professiez, en sorte que vous la lisiez de suite, & que vous en recommenciez perpétuellement & sans discontinuation la lecture, lorsque vous l'aurez achevée, en sorte qu'elle vous soit toujours présente à l'esprit, à la mémoire & au cœur; & comme nous ne voulons y ajouter aucune chose, quelque douce qu'elle soit, Nous entendons aussi que vous la gardiez exactement & sans aucun relâchement; & ce faisant, Nous vous enjoignons très-expressément de retrancher toute propriété, & tout ce qui en pourroit avoir la moindre apparence; non seulement parceque votre Vœu vous y oblige, mais encore parceque rien n'est plus exprès dans ladite Règle que ce retranchement & cette désappropriation. C'est pourquoi Nous vous défendons, sous peine d'encourir l'indignation de Dieu, qui ne veut pas qu'on se moque de lui, en lui promettant ce qu'on ne lui veut pas tenir, d'avoir aucune chose en particulier, soit qu'il provienne de votre travail manuel, ou d'autre part. Et si quelques-unes de vous ont quelque pension, dons, gratifications de leurs parents ou autres, Nous leur ordonnons sous les peines portées par les saints Canons contre les propriétaires, de le mettre dans le dépôt commun, sans qu'elles puissent être à couvert desdites peines, en laissant les choses susdites entre les mains de la Prieure, dans les boîtes, coffres ou autrement, avec des marques qui se rapportent à elles en particulier; Ainsi Nous entendons que tout soit dans la masse commune, sans que rien soit affecté à aucune plus qu'aux autres. Nous char-

geons particulièrement la Prieure de tenir la main à l'exécution de notre présente Ordonnance, sous peine d'en répondre au redoutable Jugement de Dieu, qui demandera compte aux Supérieurs du salut des âmes qui sont commises à leur conduite: Et Nous enjoignons aussi aux Confesseurs ordinaires & extraordinaires, de faire connoître à toutes celles qui se confesseront à eux, l'obligation de conscience qu'elles ont d'obéir à notre présente Ordonnance, ou plutôt à celle de Dieu & de l'Eglise, sans quoi elles ne pourroient être à l'avenir aucunement excusées de péché contre leur vœu exprès & solennel, ni en état de recevoir l'absolution. Et néanmoins Nous ordonnons très-expressément à la Prieure, de pourvoir abondamment, autant que le revenu de la Maison le pourra permettre, à toutes les Sœurs, de ce dont elles auront besoin, selon l'état, les forces, & les Offices & fonctions de chacune d'elles; laquelle Prieure rendra compte tous les ans de son administration, pardevant Nous ou nos Délégués. Ordonnons de surplus, que tout se fasse avec tant d'amour & de charité, que chacune n'ayant rien en particulier, toutes néanmoins possèdent tout, selon les termes de saint Paul; & que conformément à la Règle de Saint Augustin, qui est celle des Apôtres, vous n'ayez toutes qu'un cœur & qu'une âme. Donnons charge expresse à notre Promoteur de tenir la main à l'exécution des Présentes, de vous les notifier, & de tout nous en rendre un fidèle compte.

Locus + Sigilli.

Donné à Tournay le 18. Juillet 1676. Et étoit signé,  
GILBERT Evêque de Tournay:

Et plus bas par mondit Seigneur,  
DESCHAMPS Secr.  
Monu-



*Monumentum X. citatum pag. 339. num. XIV.*

## L.

**INSTRUCTIO PRO DOMINO LAMBERTO DE LIMBURGO,**  
nominato per Regiam Majestatem ad Abbatiam VALLIS DEI, secundum quam ipse se,  
& Religiosos suos, reformare tenebitur, sub pœna destitutionis quantum ad se, sub pœna  
translationis ad aliud Monasterium reformatum, vel pœna carceris quantum ad Religiosos,  
si in his quæ sequuntur, non obedierint.

**I**N PRIMIS, quia turpiter diffamati sunt de mulierum  
conversatione, five verè, five falsè, ante omnia in  
futurum cavendum, ne obsceni rumoris amplius ulla  
ocasio detur; idcirco Majestas mandat sub pœnis præ-  
dictis, ne ulla mulier claustrum Monasterii ingredia-  
tur, maximè juvencula vicina, & aliquo modo sus-  
pecta; quod si quædam admittendæ sint, ut potè à  
longè venientes parentes & cognatæ religiosorum,  
nunquam nec illæ, nec aliæ ingrediantur camerulas  
aut cellulas eorum, & susceptæ per Portarium rectà ad  
Templum causa orationis, inde ad cameram hospi-  
tium, & locum publicum designatum, vel ad hoc ab Ab-  
bate futuro designandum, deducantur, nec permittan-  
tur discurrere per Monasterium, nec quispiam Mona-  
chorum eisdem jungatur aut loquatur, nisi de licentia  
Abbatis; & in mensa ipsius, tam viri quam mulieres  
omnes eo præsentè, vel Priore reficiantur, & non  
alibi, & hoc ut melius observetur ordinabit Abbas  
unum Portarium, non Religiosum propter nimiam fa-  
miliaritatem vicinorum, sed virum secularem, senem  
& maturum, de cujus honesta conversatione & fide-  
litate securus sit, cui sub destitutione sui officii præ-  
cipiatur, ne aliquam unquam vicinam mulierem maxi-  
mè juvenculam suspectam recipiat, & munuscula, li-  
teras ac quælibet alia dona undecumque missa Abbati  
deferat, nec versa vice similia alibi transmittat, per  
Religiosos sibi tradita, nisi etiam prius Abbati signi-  
ficet, quia hoc strictissimè in regula prohibetur.

Item ut omnes comperationes & excessus in conviviis  
omnino abrumpantur, nec ullus præsumat cum hos-  
pitibus aut viris, aut mulieribus bibere, aut come-  
dere, nec etiam inter se, nisi in locis regularibus &  
publicis, & cum licentia Prælati: Et quia hoc vitio  
omnes plus justo notantur, & Deum gravissimè offen-  
derunt, & vicinos scandalizaverunt, Regia Majestas  
strictissimè Abbati præcipit, ut ipse primò, deinde &  
sui Religiosi ab omni crapula & ebrietate abstineant,  
quia omnium malorum sunt causa, nec permittat Ab-  
bas, ulla ratione, ut post honestam refectorem men-  
sæ suæ, quispiam cum amicis aut quibuscumque in  
longam & profundam noctem vigilet commensationi-  
bus, aut genio suo indulgendo, & si quis hoc præ-  
sumperit, gravissimè corrigatur; sed dictis gratiis,  
ipse Abbas ad suum cubiculum, ceteri Religiosi ad  
dormitorium revertantur, quod sollicitè, omnibus in-  
trogressis, semper post completorium claudatur, ne  
ulli pateat egressus.

Item ne quis proprium habeat, nec aliquid quod

ab Abbate datum vel permissum non fuerit, ut habet Re-  
gula S. Benedicti, minimè habeant pecuniam, quia illa  
(ut quidam ait) obscenos inducit mores, & Monachus,  
ait Bernardus, habens obolum, non valet illum. Et ut  
omnis occasio proprietatum tollatur, Abbas omnibus  
sine personarum exceptione, tribuat necessarium, nec  
præsumat aliquis aliquid dare, recipere, emere, aut  
vendere, sine voluntate Abbatis.

Item præcipitur Abbati, ut quantum possibile fue-  
rit, & ratio temporis ac bona Monasterii admit-  
tunt, collapsa penitus repararet ædificia, & ut hoc  
fiat, frugaliter vivat, abstinens ab omni superfluitate  
& curiositate.

Item quia Monachorum non est, maximè Ordinis  
Cisterciens. habere curam animarum, & inter secu-  
lares quotidie conversari (nam nomen Monachi soli-  
tudinem prædicat) præcipitur futuro Abbati, ut Re-  
ligiosus qui vicinæ Curæ deservit, revocetur; quia  
ut Regia Majestas intellexit, cum magno scandalo  
vivit, vel si sint alii extra Monasterium viventes, ex-  
ceptis his qui in Monasteriis Monialium vivunt; &  
ipsæ Curæ committantur sacerdotibus secularibus viris  
dignis & idoneis.

Item quia dicta Regia Majestas etiam intellexit quo-  
rundam relatu Religiosos bene potos, aliquando us-  
que ad effusionem sanguinis concertasse, & multis con-  
tumeliis, injuriis, convitiis invicem affectisse, prohi-  
beretur sub Majestatis suæ indignatione, & pœnis præ-  
missis, ne hoc amplius contingat.

Item ne quis Religiosorum unquam exire claustra  
Monasterii præsumat, sine Abbatis licentia speciali,  
& sine comite, & nunquam concedatur ut ingredia-  
tur domos vicinarum. Et ut omnis clandestinus ex-  
cursus impediatur; Abbas curabit muros & clausuram  
Monasterii in gyrum reparari, & claudi portam po-  
steriorem & ita obstrui ne cuiquam pateat per illam,  
sine voluntate Abbatis, egressus, & solus Abbas, aut  
is cui id fideret, clavem habeat.

Supra scriptam instructionem & articulos in ea  
contentos ex jussu Regiæ Majestatis mihi exhibitos,  
Ego Lambertus de Lymbourg ab eadem Majestate  
sua ad dignitatem Abbatialem Monasterii Vallis Dei,  
nominatus, promitto in verbo Sacerdotis, cum om-  
ni diligentia observare, & observari facere execu-  
tionique fideliter mandare. Actum Bruxellæ, die 27.  
mensis Augusti anno 1556. Ego Frater Lambertus  
de Limburgo fateor ita esse & manu propria hoc  
scripsi.

*LETTRES écrites par le Conseil privé, aux Prieur & Religieux de l'Abbaye N. Province de Flandres,  
pour la reforme des abus commis, & les désordres qui y étoient gliffés.*

**R**ELIGIEUSES personnes, chers & bien amés: Com-  
me les plaintes continuelles qu'avons eu depuis  
plusieurs années des désordres & scandales commis  
par les Religieux de l'Abbaye, Nous ont obligé de  
commettre un Conseiller de notre Conseil Privé,

l'Abbé de Grandmont & le Prévôt d'Afflighem de l'Or-  
dre de saint Benoît, pour en être informés avec cer-  
titude; & que par leur besogne Nous avons reconnu  
à notre grand déplaisir, le peu de respect envers leurs  
Supérieurs, le mépris, les menaces & autres mau-  
vais

vais

vais traitemens qu'ils leur ont inférés; les défordres & scandales qu'ils ont donnés par leur vie déréglée dans la clôture de l'Abbaye & dehors, qui sont tout publics, & qui s'augmentent de jour en jour, & particulièrement par les visites que les Religieux reçoivent continuellement de femmes & filles dans la chambre dite la Neuve, & les mérendes qu'ils leur donnent en ladite chambre, & encore avec plus de scandale & liberté dans le quartier du Grenetier & autres chambres hors de la clôture de la seconde porte de l'Abbaye, dont ils tiennent les clefs en leur particulier; & par les visites qu'ils reçoivent dans les maisonnettes qu'ils ont dans leurs jardins particuliers dans l'Abbaye; qu'allant dans la Ville ou dehors, ils sortent sans Compagnon, ou retournent séparément de jour & de nuit avec quelque soupçon d'avoir été dans des lieux peu décens à l'état monastique: la diffamation qu'il y a eu depuis plusieurs années des conversations des Religieux dans le quartier du Portier de la première grande porte: Que ces défordres & scandales sont facilités en partie, parce que plusieurs Religieux ont quitté le Dortoir & occupé des chambres en bas, dont ils ont la liberté de dévagner de nuit dans l'Abbaye. Nous, pour faire cesser la continuation desdits scandales publics, auxquels & à plusieurs autres, les Supérieurs ecclésiastiques n'ont pu apporter aucun remède jusqu'à maintenant, Nous vous ordonnons, à la délibération de notre Lieutenant, Gouverneur & Capitaine Général, de vivre tous selon votre Règle & Statuts, sous l'obéissance de vos Supérieurs. Et comme particulièrement il convienne que les Religieux ne reçoivent plus de visites de filles & femmes, que sous les galeries qui ont été à ce bâties du côté de la seconde grande porte, & qu'ils ne reçoivent plus aucunes visites des hommes ni autres, hors la clôture de la seconde porte au quartier du Grenetier, ni autre en la même cour, & que chacun remette au Prieur les clefs qu'il en a, excepté le Prévôt, & que tous quittent les chambres qu'ils ont

occupées au pan ou ailleurs, & se retirent de nuit au dortoir, & que nul ne puisse plus sortir & aller par la Ville & dehors sans Compagnon qui soit dénommé de la prudence des Supérieurs, ni se séparer l'un de l'autre: Que le Portier de la grande porte soit incontinent congédié avec sa famille, & mis en sa place un homme de probité qui ne soit marié, & qui soit sans servante, & que les portes soient incontinent ôtées aux maisonnettes qui sont dans les jardins particuliers des Religieux dans l'Abbaye, & qu'icelles maisonnettes soient toutes ouvertes pardevant & de côté. Nous nous confions que vous Prieur pourvoirez promptement à ce que lesdits défordres & scandales viennent à cesser par les moyens & remèdes ci-dessus spécifiés, auquel effet Nous vous prenons & les autres Supérieurs, en notre souveraine protection; & déclarons à vous Prieur, aux Abbés futurs & autres Supérieurs, toute sorte d'assistance & main-forte, en cas de besoin, afin que ces remèdes soient permanens. Et comme Nous sommes informés que tous les défordres & scandales ont été fomentés par la maniance d'argent que les Religieux ont eu, Nous ordonnons au Prieur & autres présens Administrateurs de l'Abbaye, de commettre des personnes séculières à la recette de tous les Biens & revenus de l'Abbaye, de l'Eglise & autres fondations quelconques, ensemble aux offices de Maîtres des Ouvrages, de la Vénérerie ou Chasse, Intendants des Bois, & tous autres qui ne sont pas de la Règle, qui sont utiles & nécessaires à l'Abbaye, & quitter les profits & émolumens en argent, & autres qui sont attribués aux offices qui sont de la Règle; le tout pour le présent & le futur. Notre intention est aussi que cette Lettre soit ouverte & lue en plein Chapitre, en présence des Fiscaux de notre Conseil en Flandres, auxquels avons ordonné de s'informer de jour à autre de l'exécution & observance, & de Nous en rendre compte. A tant Religieuses Personnes, chers & bien aimés, notre Seigneur vous ait en sa sainte garde. De Bruxelles, le 6. Février 1683.

*Regulamentum pro reformatione Scholarium in oppido Leeuwenfi 1702.*

**R**APPORT gedaen in Syne Majestys Souvereynen Raede geordonneert in Brabant van de Requesten aldaer gepresenteert van wegens die van't Godts-huys der Canonicken Regulieren geseght *Scholieren* binnen de stad Sourleeuw. ende reciprokelijck van wegens den Heere Schats hunnen Prior lest gecofen; tot dien rapport gehadt hebbende van't gene tusschen dese partyen voor Commissarissen in de saeck gedeputeert, sommierelijck ende sonder figure van proces, is getraeteert ende afgehandelt, raekende de Regels, ende den voet, op den welken t' sel ven Godts-huys, tot betere ende vruchtbaerigere gesteltenisse soude connen gebrocht worden; ende voorts gesien de pointen wederzeyts door de voors: partyen, dien aengaende gecconcipieert ende overgegeven; T. Hof, wederhouden. de noch ter tydt te disponeeren over de vervallenthydt van de voors. Electie, ordonneert by provisie, om de troubelen int' voors. Godts-huys ontstaen te doen cessen, ende te doen prevenireren den immineten onderganck van dese soo aensienelijcke Conincklijcke fondatie, t' gene geen en uytstelt is lijdende.

Voor eerst, dat voornoemden gecofen Prior Schats, sal verblijven met den naeme deser digniteydt, ende met eere daer toe stande.

Maer dat, by forme van provisie, ende tot dat anderints sal wesen versien, het gesagh soo over de regeringe van't temporeel, als over de directie van de discipline van t' voors. Godts-huys, sal worden uytgewerckt door den gewesen Prior den Heere Pluyms, die besonderlinge sal gehouden wesen geduerende Syne provisioele bewinlinge ende administratie, te doen rekeninge, bewys & reliqua, over alle de voorgaende

**R**APPORT fait au Conseil souverain de Sa Majesté ordonné en Brabant, des Requêtes y présentées de la part de ceux du Cloître des Chanoines Reguliers, dits *Ecoliers* dans la Ville de Liew, & réciproquement de la part du sieur Schats, leur Prieur, dernièrement choisi; eu aussi rapport de ce qu'entre ces parties a été traité & arrêté devant les Commissaires députés en cause, sommairement & sans figure de procès, touchant les règles & le pied sur lequel ledit Cloître pourroit être réduit à un état meilleur & plus avantageux; vu de plus les points conçus réciproquement à cet égard, & exhibés par lesdites parties: la Cour, réservant quant à présent de disposer sur la nullité dudit choix, ordonne par provision pour faire cesser les troubles émus dans ledit Cloître, & pour prévenir la destruction imminente de cette fondation Royale si respectable, ce qui ne souffre aucun délai.

Premierement que ledit Prieur élu Schats retiendra le nom de cette dignité & la prééminence y attachée.

Mais que par forme de provision & jusqu'à ce qu'autrement soit pourvu, le pouvoir, tant sur le gouvernement du temporel que sur la direction de la discipline dudit Cloître, sera exercé par l'ancien Prieur le sieur Pluyms, qui pendant sa déseriture & administration provisionnelle sera particulièrement tenu de rendre compte de la recette & de la dépense de toutes les administrations précédentes, y compris celle du administra-

administratie, tot de gene van den tegenwoordigen gecofen Prior inclus; ende sulckx ten overstaen van de vier outte van t' selven Godts huys, ende aen t' Hof te doen blycken dat sulckx geschiedt is.

Welcke rekeningen voordaen op de selve forme sal moeten geschieden van jaere tot jaere.

Dat, mits de cleyne gemeente vant' voorf. Godts-huys, den voornoemden provisionelen administrateur sal excuseren alle soorten van Officien voor de Religieusen, ende moeten stellen eenen discretten persoon die voor den kelder, graen-folder ende alle andere provisien forge draege.

Desgelyckx sal hy jemant, niet wesende vant' voorf. Godts-huys committeren, die de directie, sorghe ende administratie sal hebben van de lantbauwinge, de welcke die vant' voorf. Godts-huys nu tegenwoordigh syn doende; ende den welken sal gehouden zyn alle jaeren syne rekeninge te doen *in forma*, als boven, sonder dat hy administrateur sal gedoogen dat jemant van de voorf. Religieusen, t' zy ter saecken vande voorseyde lantbauwerye, als om eenighe andere affairen, hoedanigh die mochten wesen, sal gaen buyten t' voorf. Godts-huys, noch langhe discoursen houden int' voorf. Clooster met buyten mans ofte vrouwen; ten sy uyt seer pressante redenen ende met syn expres consent; waar in ende in alle Cloosterlycke directie die voorf. Religieusen den selven sullen gehoorfaemen sonder contradictie.

Merckelyck int' doen der Goddelycke diensten op den Choor, waer van niemandt hem sal mogen absenteren, ende int' celebreren oft assisteren der Missen soo vroege als hooge op die behoorlycke uren: int' savonts ider te doen retireren naer het dormitorium op syne celle met modestie sonder te spreken: veel min te gaen in andere cellen: int' selve dormitorium, den refter ende andere reguliere plaetsen te doen versien sonder uytstel van behoorelycke deuren ende sloten, ende het voorf. dormitorium dagelyckx te doen sluyten int' nacht slot, om niet geopen te worden als smorgens op de gewoonelycke ure: int' doen observeren vant' silentium in de Kercke, Choor, Rester, Dormitorium, ende andere Religieuse plaetsen: int' niet gedoogen dat jemant van de Religieusen hem sal mogen absenteren van de gemeene tafel oft dat jemant vreemts daer toe worde gebracht; onder de welcke sal gedaen worden de Lecture van de H. Schrifture ofte pieuse boecken; noch dat buyten de maeltyd worde gedroncken, oft dat jemant gae naer oft in de Keucken: gelyck oock int' niet te gedoogen dat eenige Religieusen brieven schryven ofte ontfangen, noch hun bemoyen met eenige Geestelycke oft werelycke affairen, alles ten sy met permissie vanden voornoemden Administrateur.

Die oock sal forge draegen datter geene diensten buyten het Clooster door de voorf. Religieusen en sullen mogen aengenomen worden, selfs niet Cloosters, ten sy tot gemeenen distributie; in t' aensien, dat alle incomsten soo vant' voorf. Clooster, jaergetyden, bedieninge, honorarien van Missen, speel renten als andersints, t' saemen moeten depositeert worden onder den voornoemden Administrateur, om door den selven dedistribueert te worden tot de nootfaeckelyckheden der Religieusen, op last van alle half jaeren daer van rekeninge te doen aen de vier outte Religieusen, aen de welcke hy oock al kennisse geven van alle de affairen van eenich merckelyck gewicht, die wekelyck souden mogen voorvallen, sonder nochtans naer te laten alle vrydaegen Cappittel te houden, ende het Clooster, ende de Religieusen van alle nootfaeckelyckheden te doen versien soo vele sal mogelyck wesen, merckelyck de siecken; tot dien, van eenen eerlycken slichbaeren ende geleerden priester te besorgen, om op de daegen ende uren door den voorf. Administrateur te prefigeren, lessen te geveu inde Theo-

Prieur presentement elst; & cela à l'intervention des quatre plus anciens du même Cloître, & d'en faire conster à la Cour.

Lesquels comptes devront dorénavant se rendre annuellement sur le même pied.

Qu'en égard au petit nombre de Religieux dudit Cloître, le susnommé Administrateur provisionel excusera les Religieux de toutes sortes d'offices, & établira un homme de probité qui aura soin de la cave, du grenier, & de toutes sortes de provisions.

Il établira pareillement quelqu'un qui ne soit pas dudit Cloître, qui aura la direction, le soin & l'administration de l'agriculture, laquelle se fait présentement par ceux dudit Cloître; & qui sera tenu de rendre annuellement son compte *in forma*, comme ci-dessus, sans que lui administrateur souffrira que quelqu'un desdits Religieux, soit à cause de ladite agriculture, ou pour aucunes autres affaires, telles qu'elles puissent être, sorte hors dudit Cloître, ou tienne dans le Cloître des longs entretiens avec des personnes étrangères de l'un ou de l'autre sexe, ne fût pour des raisons très-pressantes & de son consentement exprès, en quoi & en toute direction claustrale lesdits Religieux lui obéiront sans réplique.

Particulièrement en faisant les Offices Divins au Chœur, duquel personne ne pourra s'absenter, & en célébrant les Messes aux heures dûes, tant celles du matin que la grande, ou en y assistant: en faisant chacun se retirer le soir au Dortoir dans la Cellule, avec modestie sans parler, beaucoup moins entrer dans les Cellules d'autres: en faisant pourvoir, sans délai, le Dortoir, le Réfectoire & autres places régulières, des portes & serrures convenables, & faisant journellement fermer le Dortoir avec la serrure de nuit, pour ne pas s'ouvrir que le matin à l'heure ordinaire; en faisant observer le silence dans l'Eglise, le Chœur, le Réfectoire, le Dortoir & dans les autres places claustrales; & en ne souffrant qu'aucun des Religieux s'absente de la table commune ou qu'aucun étranger y soit invité; pendant laquelle se fera la lecture de l'Ecriture sainte ou des livres de dévotion; ni qu'hors le tems de la table soit bu, ou qu'aucun n'aille ou dans la Cuisine, ou aux environs: comme aussi en ne souffrant qu'aucun Religieux écrive ni reçoive des lettres, ni s'entremêle d'aucunes affaires, soit ecclésiastiques ou temporelles, le tout ne fût que de la permission dudit Administrateur.

Qui aura également soin qu'aucuns services hors du Cloître, pas même Conventuels, ne soient admis par lesdits Religieux, ne fût que pour la distribution commune: vu que tous les revenus, tant dudit Cloître, anniversaires, administrations, honoraires des Messes, rentes voluptuaires qu'autrement, doivent être déposés ensemble sous ledit Administrateur, pour par icelui être distribués aux nécessités des Religieux, avec charge d'en rendre compte tous les demi ans aux quatre plus anciens Religieux, auxquels il donnera aussi connoissance de toutes les affaires; de quelque importance considérable qui pourroient survenir chaque semaine, sans cependant omettre de tenir Chapitre tous les Vendredis, & de faire pourvoir, autant que sera possible, & le Cloître & les Religieux de tout leur nécessaire, notamment les malades; ainsi que de leur procurer un honnête, vertueux & sçavant Prêtre, pour donner, aux jours & heures à désigner par ledit Administrateur, les leçons en Théologie, scholastique & morale, desquelles personne ne pourra s'absenter, Lequel Administrateur, afin de mettre en exécution

logie



logie scholaſtique ende morale, van welke niemant hem ſal mogen abſenteren. Welcken Adminiſtrateur tot uytwerckinge van allen t' gene tot ſyne ſorge ſtaet, ende om hem daer inne te doen gehoerſaemen, tot ceſſeringe van alle oneenicheden ende tweedrachten, tot reſtitutie vande Clooſterlycke diſcipline ende tot conſervatie van het temporeel, ſal mogen gebruycken ſulcke Officiers, als hy ſoude mogen noodigh hebben, ſelfs voordere middelen te verſoecken om de refractariſſen te brengen onder de gehoerſaemhydt.

Alles by proviſie tot dat in cas van noode naerder ſal verſien worden, Aldus gedaen binnen de Stadt Brufſel den 27. dagh der maent November vanden jaer 1702. geparapheert Gryſp. V. onderteeckent A. V. Gindertaelen ende beſegelt met Syn Majest. ſegel gedrukt in roode hoſtie.

Le tout ce dont il eſt chargé, & afin de ſe faire obéir en ceci, pour faire ceſſer toutes diviſions & conteſtations pour la reſtitution de la Diſcipline Monaſtique, & pour la conſervation du temporel, pourra employer tels Officiers qu'il pourroit en avoir beſoin, même employer des remèdes ultérieurs pour réduire les refractaires ſous l'obéiſſance.

Le tout par proviſion juſqu'à ce qu'en cas de beſoin il y ſoit ultérieurement pourvû. Ainſi fait en la Ville de Bruxelles le 27. du mois de Novembre 1702. étoit paraphé Gryſp. V. ſigné A. V. Gindertaelen, & cacheté du cachet de Sa Majesté en hoſtie vermeille.

*Monumentum XI. citatum pag. 346. num. XXIII.*

M.

LETTRES ECRITES AU PROVINCIAL ET A QUELQUES CLOISTRES de l'Ordre de S. Dominique, ès pays de par-deçà, par lesquelles il leur eſt interdit de recevoir ou admettre aucuns Viſitateurs étrangers ſans Lettres de Placet du Prince.

*Marie, par la grace de Dieu, Reine Douairiere de Hongrie, &c. Regente, &c.*

**R**ELIGIEUSES perſonnes, cheres & bien amées, ces jours paſſez adverties qu'aucuns de l'Ordre des Freres Prêcheurs, réſidens au Royaume de France, étoient venus ès pays de par-deçà; & ſans le ſceau, congé & conſentement de l'Empereur Monſeigneur ou de Nous, s'étoient ingérés & avancés de viſiter aucuns Cloîtres, Convens ou Monasteres, & même le vôtre; Nous les avons fait venir ici, & leur fait interdire de proceder à ultérieure viſitation, n'ayant eu (comme encore n'avons) contentement de ce qu'ils


en ont déjà fait, ni de vous qui les avez reçus & admis à icelle viſitation, dont vous avertiſſons, en vous réquerant, & de la part de S. M. Imp. ordonnant bien expreſſément que doreſnavant vous gardiez de faire le ſemblable, ſans recevoir ni admettre par-ci après nuls Viſitateurs de France, ou d'ailleurs, ni leur donner ni payer aucun prétendu droit, n'eſt qu'il vous apparoiſſe du placet & admiſſion de S. M. & en ce ne faites faute, ſur autant que doutez encourir ſon indignation. Atant, &c. de Bruxelles le 6. de Juin 1551.

LETTRES ſur le même ſujet aux Abbés de Tronchienes, lez-Gand, & de ſaint Cornil à Ninove, de l'Ordre de Prémontré.

*Joſeph Lotbair, Comte de Kinigſegg, &c.*

**R**EVEREND Pere en Dieu cher & bien amé; comme vous avez admis le Général de votre Ordre à viſiter votre Maiſon, ſans vous être informé ſ'il étoit muni des Lettres de placet à ce requiſes, & qu'il ne lui eſt pas permis d'exercer ſemblables Actes de Jurisdiction dans ces Provinces, ni à vous de le ſouffrir ſans l'aggrégation de Sa Majesté Impériale & Catholique, Nous vous faiſons cette pour vous interdire très-ſérieuſement en ſon nom d'admettre à l'avenir ledit Général à faire ſes viſites, ou exercer aucune

Jurisdiction dans votre Abbaye, ſans être muni des Lettres de placet, à peine qu'il ſera pourvû à votre charge comme en juſtice ſera trouvé convenir pour le maintien des hauteurs & ſouveraineté de Sadite Majesté; à quel effet vous communiquerez cette aux Religieux de votre Convent, le Chapitre aſſemblé, & la ferez enrégistrer dans les Regiſtres de vos Notices, pour qu'à l'avenir vous ne puiſſiez prétexter aucune ignorance. A tant Reverend Pere en Dieu, &c. De Bruxelles le 27. de Juin 1716.



## Monumentum XII. citatum pag. 389. num. IX.

N.

DECRETUM SANCTÆ CONGREGATIONIS PRO JURE  
Parochorum in purificatione mulierum.

**P**ETRUS vander Perre, Jurium Licentiatuſ, Canonicus Eccleſiæ Cathedralis & Officialis Antverpienſis, uti Commiſſarius & executor ad infraſcripta à Perilluſtri & Reverendiſſimo Domino Epifcopo Antverpienſi, commiſſus, ac ſpecialiter deputatus: omnibus & ſingulis hujus Diœceſis ſubditis, quos infraſcriptum tanget negotium, ſalutem in Domino.

Cognitum ſit univerſis, quod ex parte RR. DD. Plebanorum præfatæ Cathedralis Eccleſiæ & Paſtorum Eccleſiarum ſubalternarum hujus urbis, nobis exhibitus ſit libellus ſupplex, quo petierint, quatenus juxta commiſſionem nobis impartitam à præfato Perilluſtri ac Reverendiſſimo Domino Epifcopo die 14. Aprilis currentis anni 1663. publicare, ac debitæ executioni demandare dignaremur ſententiam quam Præfati Domini Plebani & Paſtores die decima octava Novembris 1662. obtinuerunt à ſacra Congregatione Cardinalium, Concilii Tridentini Interpretum, contra Regulares Mendicantes hujus urbis, tenorem qui ſequitur ſequentem:

## IN ANTVERPIENSI (Epifcopatu.)

Conqueriebantur Parochi civitatis Antverpienſis, quod non obſtante contraria conſuetudine, nec non Conſtitutione Synodi Provincialis, per ſacram Congregationem recognita, & per Sedem Apoſtolicam approbata, Regulares Mendicantes functionibus Paſtoralibus ſe immiſceant; & præſertim audeant in ſuis Eccleſiis mulieres poſt partum ad purificationem admittere: addebantque, à Domino Epifcopo Antverpienſi, utpote Regulari, bujuſmodi præjudicii per Regulares illatis, minime Conſuli. Quare ab Apoſtolica Sedis auctoritate ſubſidium ac tutelam ſimpliciter petentes quærebant: An prædictis Regularibus civitatis Antverpienſis liceat in propriis Eccleſiis mulieres poſt partum ad purificationem admittere.

Die 18. Novembris 1662. ſacra Congregatio Eminentiſſimorum S. R. E. Cardinalium, Concilii Tridentini Interpretum, utraque parte audita cenſuit, prædictis Regularibus civitatis Antverpiæ non licere. Signatum I.

Epifcopus Sabinenſis Cardinalis Sacchetti Præſes, & C. de Vecchiis, Ep. Cluſ. S. R. C. Secret. & à latere impreſſum erat ſigillum præfati Cardinalis Præſidis in rubro pane.

Cum autem juſta petentibus non ſint deneganda, & Decreta præfatæ ſacra Congregationis (quantum in nobis eſt) executioni mandare volentes, præfatam ſententiam in tenore ac forma præmiſſis publicandam duximus, & publicamus per præſentes, ac pro ulteriores ejusdem ſententiæ executione, auctoritate præmiſſa nobis commiſſa, mandamus omnibus & ſingulis noſtræ Diœceſis ſubditis, & præſertim hujus civitatis Antverpienſis, ſive Eccleſiaſticis, ſive ſecularibus, cujuſcumque ſtatus ac conditionis extiterint & quorum intereſt, ſeu quomodolibet intereſſe poterit in futurum; ut præfatæ ſententiæ, quantum ipſos concernat, ſeſe plenariè ac totaliter conforment, nec eidem auſu temerario contra ire præſumant. Præſatis autem Regularibus inhibemus, ne deinceps aliquas mulieres poſt partum ad purificationem admittant: mulieribus quoque puerperis injungimus, ut juxta ſententiam præmiſſam ad Eccleſias ſuas reſpectivè Parochiales pro purificatione ſe conferant, ut ibidem, juxta probatiſſimam Eccleſiæ conſuetudinem à proprio Parocho benedicantur, ac purificentur. In quorum omnium ac ſingulorum fidem ac robur, præſentes ſigillo noſtro communikas, & manu noſtra ſignatas, per Graphiarium Curia noſtræ expediri juſſimus & fecimus: mandantes Primario Curia noſtræ præfatæ, ut in ſignum veræ & realis executionis præmiſſorum, has noſtras litteras debitis horis & locis per exemplaria debita inſinuet atque aſſigat, prout in ſimilibus fieri conſuevit. Datum Antverpiæ, anno Domini 1662. menſis Novembris die vigefima ſexta.

P. VANDER PERRE, Offic.

De mandato admodum Reverendi Domini Officialis & Commiſſarii,  
Locus † Sigilli.

P. DE HERTOGHE Graph.

## Monumentum XIII. citatum pag. 400. in notâ.

O.

RESOLUTIO DOCTORUM LOVANIENSIIUM CIRCA  
repulſionem publicorum peccatorum è Sacra Communione.

**R**ITUALE Romanum, agens de Sanctiſſimo Eucharistiæ Sacramento, habet hæc ſequentia: Fideles omnes ad Sacram Communionem admittendi ſunt, exceptis iis qui juſta ratione prohibentur. Arcendi autem ſunt publicè indigni, quales ſunt excommunicati, interdicti, maniſeſteque infames, ut meretrices, concubinarij, ſceneratores, magi, fortilegi, blaſphemi, & alij ejus generis publici peccatores, niſi de eorum poenitentia & emendatione conſtet, & publico ſcandalo priùs ſatiſfecerint.

Item Paſtorale Mechlinienſe, agens ſimiliter de eodem Sacramento,

Ad publicam Communionem non admittantur publici peccatores, quales ſunt uſurarii, meretrices, concubinarij, fortilegi, excommunicati, interdicti, alijque iſtius generis publicè infames, etiamſi fuerint Sacramentaliter conſeſſi, niſi de eorum poenitentia & emendatione conſtet, & publico ſcandalo priùs ſatiſfecerint.

## QUÆRITUR.

An Paſtor, antequam poſſit ſe præſentare locis ante citatis, & alicui perſonæ publicè infami negare Sacramentum Eucharistiæ (niſi priùs de ejus poenitentia & emendatione conſtet, & publico ſcandalo priùs

prius satisfecerit) teneatur petere & expectare declarationem Domini Officialis, quâ ille declararet personam illam esse publicè infamem.

## RESOLUTIO.

Pastorem non teneri petere & expectare declarationem D. Officialis, quâ hic declararet personam esse publicè infamem, antequam possit se practicè conformare locis in casu allegatis, tribus potissimum rationibus evinci potest.

Prima quidem petitur ex ipsis verbis tum Ritualis Romani, tum Pastoralis Mechliniensis. Utrumque enim præcipit sacra Eucharistia arceri publicè indignos, manifestèque infames, publicos peccatores, nisi de eorum Penitentia & emendatione constet, & publico scandalo prius satisfecerint.

Arceudi ergo sunt publicè indigni, publici peccatores. „Publicum autem, ut post Canonistas notat Fagnanus, est nomen generale & verificatum in notorio, & quandoque in fama. Unde notorium potest dici publicum, sicut id quod constat per famam, ut est textus in cap. Tua & De Cohabit. Cler. & mulier. Unde, ut inquit Bartholus, publicum est illud, quod omnibus patet. Item illud, quod ponitur in porta alicujus Ecclesiae, dicitur esse publicum. Ad hoc tamen subdit Fagnanus: ut quid dicatur publicum, non requiritur, ut ipsius notitia singulorum auribus inculcet, sed satis est, quod publicè sit actum.

Manifestum similiter dicitur, quod est notorium, ut cum Fagnano docent Canonistæ, & ipse communis nominum sensus comprobatur.

Cum igitur publicum & manifestum dicatur, quod est notorium, evidens est, quod juxta prædicta Decreta ab Eucharistia arceudi sunt publicè indigni, manifestèque infames, ac publici peccatores, tametsi per Domini Officialis sententiam ut tales non sint declarati: quandoquidem nihil certius sit, quam aliquem posse esse notoriè infamem aut notorium peccatorem ante iudicis sententiam. Hinc Jurisconsulti post glossam, notorium distinguunt in notorium juris & facti. Notorium juris dicunt, de quo aliquis condemnatur, vel est in iure confessus. Quænam verò sint notoria facti, his verbis exprimunt:

*Quæ vel nemo negat, populo vel teste probantur; Vel se subiciunt oculis, notoria dicunt.*

Secunda ratio assertionis petitur ex mente seu scopo dictorum, qui alius non est, quam publicam Sacramentorum, præsertim Eucharistiæ, profanationem, & publica fidelium scandala impedire. Quis verò ne sciat, scandala publica sacrilegamque Sacramenti profanationem provenire æquè per admissionem publicè peccantium, manifestèque infamium, sive sint publici notorietate facti sive notorietate juris? Quapropter, nullâ distinctione factâ, Canones decernunt: *Manifesta peccata non sunt occultâ correctione purganda.* cap. 1. & De penit. & remiss. Nota, inquit ibidem Glossographus, quod qui publicè peccat, publicè puniendus est. Imò subdit, qui publicè peccant, publicè corripiantur, ut vitetur scandalum.

Nonne quoque manifestè notorium notorietate facti, cum notorio notorietate juris eodem loco habent Ca-

nones, dum utrumque excommunicatione notatum æquè virandum esse denuntiant? Extravag. *Ad vitanda Martini V. in Conc. Constant.*

Sicuti ergo Canones peccata manifesta indifferenter publicè punienda dicunt, ut scandalum vitetur, evidens apparet, quod similiter juxta præallegata Decreta, ab Eucharistia arceri debeant omnes peccatores modò notorii, seu publici sint, nisi scandalo publico seu notorio satisfecerint. Supponendum enim est, Decreta illa conformiter ad sacros Canones edita fuisse.

Juvat naturalem verborum istorum sensum consuetudo optima legum interpret; hætenus enim praxis illa apud Pastores, præsertim magis zelosos, usitata fuit, ut publicis & notoriis peccatoribus, quousque scandalo satisfecerint, negaverint Eucharistiam, nullâ Domini Officialis expectatâ sententiâ.

Tertia denique superioris assertionis ratio petitur ab absurdo, quod ex opposita opinione sequeretur. Quis enim inficias eam, nisi qui tergiversationes & tricas litium ignorat, quin si sententia Domini Officialis requireretur, priusquam manifestè infamis aut publicus peccator ab Eucharistia removeri posset, inuita prorsus hæc sanctissima Decreta reddenda sint.

In primis quod facilius alieni peccatori publico per hominias protelationes, & faciles multiplices appellationes etiam à sententiis interlocutoriis, quam litem ad annos plurimos, imò ad vitæ finem protrahere?

Secundò, quis non videat, quàm difficulter Pastor quispiam his Decretis se sit conformaturus, dum videt se non posse pertingere ad finem, nisi plerumque duram & odiosam litem sustinere cogatur.

Dum Christus Dominus mandat: *Nolite sanctum dare canibus*, non requirit, ut per sententiam iudicis in foro externo sint declarati canes. Similiter dum Decretis sive Pontificis Romani, sive aliorum Episcoporum præcipitur, Sacram Communionem denegare mulieribus, quæ peccus, humeros aut brachia habent denudata, non exprimitur requiri, ut interveniat sententia declaratoria iudicis fori externi, quâ hæc illave determinata persona iudicetur non satis esse cooperta, ut eo titulo excludatur à sacra Communione. Sufficit ergo ut sacra Communio publicè petenti denegetur, quod ejusmodi peccata sint publica eo facto, licet non per sententiam iudicis.

Hinc S. Thomas in 4. Dist. 9. art. 5. in resp. ad 2. quæst. dicit: *si sit suspicio procedens ex fama publica non debet ei dari* (nimirum Eucharistia peccatori) *neque in occulto, neque in manifesto.* Sufficit ergo S. Thomas ut peccatori Communio denegetur, quod de ejus vita criminosa extet publica fama.

Ita responsum (salvo meliori) Lovanii hac prima Septembris anni 1685. & signatum erat.

Franciscus van Viane S. Th. Doctor & Profess. Regius.

Henricus Scaille S. Th. Doctor & Profess. Regius. Gummarus Huygens S. Th. Doctor.

Nat. Chamart. J. U. Doct. & Exprofess. Primarius. I. Huns J. U. Doctor & Professor Ordinarius.

Zegerus Bernardus van Espen J. U. Doctor & SS. Can. Professor.

## Resolutio Theologorum Mechliniensium conformis.

## CASUS.

Caius à duobus & amplius annis continuè conversatus est cum Titia, habitant in mutua vicinia; Caius diù nocturnè frequentavit domum Titiae manendo ferè continuè ultra medias, imò ferè integras noctes, & contra Titia sæpius quocumque tempore diurno domum Caii, idque utrumque talibus modis ut in vicinia Titia & Caius laborent publicâ infamiâ in meretricia luxuriâ; imò ipsimet famuli & ancillæ Caii sæpius apud plures vicinos conquesti sunt de infami utriusque

Tom. I.

conversazione: Titia verò cohabitavit matri suæ scienti conservationem illam, ac dissimulanti, imò apud plures personas censetur mater illi conversationi consentire, ac filias prostituere secundum rumorem publicum. Titia ac mater super ista conversatione & publica infamia bis à Pastore monitæ sunt, similiter & Caius semel à Pastore monitus, & secunda vice Pastorem monentem ultimi mensis Aprilis die sexta noluit audire loquentem, & minatus est (si adhuc redeat moniturus) domo educere.

B b b b b b

Quæ-



## QUÆRITUR I.

An Pastor possit admittre Caium aut Titiam ad communionem Paschalem, antequam reparaverint scandalum?

## QUÆRITUR II.

An Pastor possit admittre matrem Titiae ad communionem Paschalem, antequam similiter reparaverit vel absterferit infamiam prædictam?

## QUÆRITUR III.

An si Caius, Titia, aut mater ejus ita ægrotarent, ut debeant eis administrari extrema Sacramenta, Pastor id facere posset, antequam reparaverint scandalum?

## QUÆRITUR IV.

An Pastor ad in prædictis casibus neganda Sacramenta, teneatur expectare sententiam Domini Officialis, quæ declaret præfatas personas esse infames & privandas Ecclesiae Sacramentis?

## QUÆRITUR V.

Quamdiu Caius & Titia debeant abstinuisse à mutuâ

conversatione, & quomodo reparasse scandalum, antequam admitti possint ad Ecclesiae Sacramenta?

Infra scripti, visâ positione Casus supra scripti, respondent supposita notorietate infamiae publicæ, de qua in casu.

Ad primum, Negativè.

Ad secundum, similiter.

Ad tertium, Negativè, juxta Rituale Romanum in Rubrica de administratione Sacramenti Eucharistiæ.

Ad quartum, Negativè.

Ad quintum. Quoad tempus & modum relinquunt prudentiæ Pastoris.

Ita resolutum die 9. Aprilis 1688.

*Et erat signatum,*

I. CUYPERS. I. LACMAN.

G. WILT. I. OPSTRAET.

P. BERTRAD. I. F. RICQUAERT.

BAERTS.

Decretum Episcopi Gandensis inhibens Regularibus tam publicam, quam occultam Eucharistiæ Delationem ad infirmos, extra septa suorum Monasteriorum.

*Eugenius Albertus, Dei & Apostolicæ Sedis Gratiâ Episcopus Gandensis, &c. Omnibus ac singulis Decanis, Pastoribus, Ecclesiasticis, & Fidelibus nostræ Diœcesis, salutem & benedictionem à Jesu Christo Domino nostro.*

**D**UM Paterna & Pastoralis sollicitudine intentè circumspicimus, quid causæ Divinam Justitiam provocet, ut plagis usque adeò acerbis Belgium hoc nostrum affligat, & porro graviora minetur; primum ac præcipuum occurrit, impia irreverentia, quæ jam passim in templis, non sine gravi scandalo & offensione, perpetratur sub tremendo Missæ Sacrificio, aliisque Divinis Officiis, patente etiam *Sacrosanctâ Eucharistiâ*; & exiguus ac penè nullus honor ac cultus, qui *Jesu Christo*, Dei Filio ac Redemptori nostro, sub illa reatè latenti, exhibetur; signanter dum ad ædes ægrotantium deferuntur: eò enim corruptelæ abusus hic excrevit, ut promiscuè jam & admodum facillè, *Sacramentum* istud requiratur, feraturque secretò & occultè, absque ulla exteriore veneratione aut cæremonia, & id sub levibus fictisque coloribus, ob privatam aliquam, fucam sæpè devotionem, aut respectus prorsus humanos; quæ profectò omnia apud veros Christianos nullo loco esse deberent. Cùmque hæc graviter adversentur non solum honori, qui Personæ Divinæ *Jesu Christi* Salvatoris nostri debetur, verùm etiam antiquis ac generalibus Ecclesiæ Decretis, aliisque particularibus per Prædecessores nostros sancitis ac editis;

Hinc, ut debito officii ac conscientiae nostræ satisfaciamus, & pro viribus studiosè curemus ac provehamus cultum illum & reverentiam quam fideles cunctos, semper & ubique Augustissimo *Eucharistiæ Sacramento* oportet exhibere, (dum interim de mediis opportunis ac efficacibus cogitamus, quibus præfata scandalosæ insolentiae & contumeliosæ in sacris ædibus compescantur) nec non ut Divinum Numen, sacrilegiis istiusmodi laceratum, propitium reddamus: Decernimus ac præcipimus omnibus & singulis hujus Diœcesis, ac præsertim civitatis Gandavensis Pastoribus, aliisque Sacerdotibus, ne unquam, sive noctu, sive interdiu *Sanctissimum Eucharistiæ Sacramentum* clanculum & latenter ad infirmos deferant, quacumque tandem de causa, nisi à nobis, aut Archipresbytero nostro prius examinanda & approbanda: sed tenebuntur illud manifestè ac honorificè portare, servatis ritibus ac cæremoniis per Pontifices, Concilia & Prædecessores nostros præscriptis & statutis; idque sub pœna arbitria.

Et quandoquidem solis Pastoribus, aut eorum vices gerentibus ac delegatis, de jure, officio & ex Con-

cilio Tridentini etiam declaratione *Seff. 24. cap. 13. de re-form.* competat Sacramenta administrare: Confidimus, & quantum opus est mandamus, ne ullus Regularis, cujuscumque Ordinis aut Instituti, sibi arroget *Sacrosanctam Eucharistiam* latenter cuivis infirmo conferre, extra septa sui Monasterii, ne quidem ut ex devotione communicetur: aut aliàs cogemur potestate ac mediis à Deo & Ecclesia nobis concessis, efficacius id impedire.

Atque ut hæc Constitutio cunctis innotescat, injungimus omnibus Pastoribus & Concionatoribus, etiam Regularibus, ut tribus proximè sequentibus Dominicis diebus, illam pro Concione prælegant, illiusque observantiam Fidelibus sedulo inculcent: Denuncientque verbis nostris, eum, qui ex negligentia, aut frivolo prætextu, prætermiserit Viaticum salutis publicæ, & ut Catholicos decet, recipere, & ita obierit, de Fide suspectum habendum fore, etiam si *Sacram Eucharistiam* privatim à Regulari quopiam aut alio Presbytero percepisset.

Obtestamur denique Fideles universos ac singulos, quos Spiritus Sanctus nobis regendos commisit, per nimiam illius charitatem, qui Carnem & Sanguinem suum non modò pro ipsorum salute profudit, sed etiam num quotidie in spiritualem cibum ac potum munificentissimè elargitur; ut in cordibus suis vivam illam Fidem excitent, quæ quotquot sunt sinceri Christiani firmiter credere tenentur, ipsum verè ac realiter existere in *Sanctissimo Eucharistiæ Sacramento*; studeantque illud quanto valent maximo cultu ac honore exteriore prosequi, dum in publicum profertur, & signanter ad ægrotantium ædes; postponentes omnem humanum respectum, sumptuum ferendorum prætextum (nam hi sæpè sæpius ad sui ostentationem verius, quam in Dei honorem assumuntur) aliosque colores, qui reverà non nisi fuci sunt & technæ, quibus Satanas, etiam per suos, perpetuò molitur splendorem gloriæ Redemptoris nostri *Jesu Christi*, cui insensibilis invidet, offuscare, & extinguere.

In quæ, ut ferantur pronius & alacrius, præter Indulgentias à pluribus Pontificibus, Episcopisque concessas iis, qui *Sacrosanctam Eucharistiam*, dum ad ægros deferunt, lumine cohonestabunt, vel aliàs comitabuntur; concedimus quadraginta dies similium Indulgentiarum illis, qui umbellæ seu Baldachino portando ma-

nus

nus conferent : atque ut id obsequii, *Jesu Christo* Domino ac Regi nostro haud dubie acceptissimi, per viros spectatiores praestetur, exoptamus summopere, & quam possumus enixissime requirimus. Datum Gandavi in Palatio nostro Episcopali 17. Maii 1668.

*Signatum.*

EUGENIUS ALBERTUS Episcop. Gandavensis.

Inferius habebatur.

*De mandato Illustrissimi ac Reverendissimi Domini Episcopi praesati.*

Et signatum erat,

A. VAN WERCHTER Secret.

### Judicium Doctorum Lovaniensium de occulta delatione Eucharistiae ad infirmos per Regulares.

#### SPECIES FACTI.

Cum ab aliquot annis Antverpiae increverit abusus, quo Religiosi omnium Ordinum infirmis atque impeditis ut ad Ecclesiam venire non possint, & maxime Filiabus suis spiritualibus, ante & post publicam administrationem Viatici, occulte deferant sacram Communionem per omnes Parochias Civitatis; dicentes id sibi licere per privilegia: eorumque exemplo etiam alii Sacerdotes seculares, non habentes jurisdictionem, Capellani Ecclesiarum, & Rectores sacellorum particularium passim idem faciant, contra Decreta Canonum, & Ordinationes Synodorum, praesertim Synodi Provincialis Mechliniensis celebratae anno 1607. tit. 7. cap. 3. quae Synodus non tantum est confirmata Regio diplomate, sed etiam Romae a sancta Congregatione recognita, & approbata per Breve Pauli quinti, in quo hortatur Pontifex *et auctoritate Apostolica jubet, ut ejus Synodi Decreta omnia, quae ad sacrorum Canonum praescriptum, omnes istius Provinciae Episcopos, omnesque eorum Dioecesanos obstringunt, ab omnibus quidem diligentissime & inviolate serventur*; illique non obstantibus pergant dicti Religiosi, alique, in dicta functione, tametsi saepius a Pastoribus moniti; indeque varii abusus, & scandala orta, & oritura sint indies graviora, imo & totalis confusio Ecclesiae Dei.

Primo enim, cum Pastores volentes obedire praecipis & Ordinationibus Ecclesiae, recusant occulte Sanctam Communionem deferre, sed deferunt cum debito honore, passim eis dicitur a communitate; adibimus Religiosos, qui id nobis offerunt: adeoque Pastores incurrunt indignationem suorum, illi autem aucupantur gratiam.

Secundo, cum illi ante extremum periculum pro securitate & devotione, ut dicunt, occulte sacram Communionem deferunt, saepius fit, ut postea negligatur publica administratio tam Viatici, quam Extremae Unionis.

Tertio, aliqui in diuturnioribus morbis occulte recipientes Sacram Communionem a Religiosis, nolunt nequidem in Paschate eam ad se publice deferri, adeoque aliquot annis non communicant de manu proprii Pastoris.

Quarto, contingit Religiosos, seu alios Sacerdotes secum gestantes in capsula vel corporali Venerabile Sacramentum, aliud divertere, aliaque fieri contra debitam reverentiam. Denique, hoc modo paulatim desinet omnis publica administratio, & omnes volunt ad se occulte Sacramenta extrema deferri; quod tamen est actus publicus, & professio Fidei Christianae.

Quare Pastores saepe querelas deposuerunt apud Reverendissimum Dominum Episcopum, rogantes ut efficaciter, id impedire dignaretur, allegantes Decretum praefatae Synodi Mechliniensis, & Clementinam de Privilegiis & excessibus Privilegiorum; in qua expressè hoc prohibetur Religiosis sub poena excommunicationis: sed Reverendissimus praedictus existimat ibi prohiberi eis sub tali poena delationem Viatici duntaxat, non autem particularis Communionis, id enim eis licere.

#### QUAERITUR ERGO,

An dicta Clementina, desumpta ex Concilio Vienne. Tom. I.

nenſi, intelligenda ſit tantum de adminiſtratione Viatici, an de omni delatione Sacrae Communionis; praesertim occulte absque licentia speciali parocchialis Presbyteri, ut satis clare in textu dici videtur?

Secundo, utrum Episcopus non possit prohibere delationem occultam hujus Sacramenti in Urbe Antverpiensi & locis suae Dioecesis, ubi est licitum publicum exercitium Christianae Religionis; Sacerdotibus quidem secularibus sub poena suspensionis a Divinis, aut alia arbitraria; Regularibus autem sub poena excommunicationis incurrenda ipso facto, juxta tenorem dictae Clementinae, in qua expressè additur, *nullo Religiosis eisdem super hoc exemptionis, vel alio Privilegio suffragante?* Super qua quaestione videri potest Reginaldus in praxi lib. 29. num. 90. & 91. & locis ibi citatis, & Bonacina tom. 3. de excommunicationibus disp. 2. quaest. 5. pag. 15.

Tertio, an Episcopus non obligetur in conscientia hos abusus efficaciter impedire?

#### RESOLUTIO.

Viso, & diligenter examinato Casu superius expresso, ad Quaerita eidem subnexa respondent infra scripti.

Ad primum; prohibitionem Clementinae esse generalem, adeoque omnibus Religiosis prohiberi Sacram Eucharistiam, quibuscumque, tam Clericis, quam Laicis ministrare, sive id fiat occulte, sive publice, absque licentia speciali Parochialis Presbyteri; neque restringi ad administrationem per modum Viatici, salvis tamen exceptionibus ad calcem primi Capituli ejusdem Clementinae, quae firmant regulam in contrarium.

Et quamvis post dictam Clementinam aliqua sint concessa Privilegia Regularibus, sive Religiosis, ut non requisita licentia Parochi, omnibus Christi Fideibus Sacram Eucharistiam administrare possint; id tamen intelligendum est in suis templis, & non extra. Videatur Barbosa cum iis, quos citat de officio & potestate Parochi, parte 2. cap. 20. num. 8. Non possunt igitur Religiosi vi suorum Privilegiorum, sive publice, sive occulte, deferre Sacram Eucharistiam ad domos aegrotantium, sive Laicorum, sive Clericorum; non publice, quia haud dubie illud ad jus Parochorum spectat, & consuetudo hactenus inviolata extat in contrarium; non etiam occulte, quia Canones & Concilia mandant, ut quando ad infirmos deferenda est Sacra Eucharistia, id fiat manifestè & honorificè; seclusa scilicet necessitate. Ita statuitur capitulo sane, de celebratione Missarum. Ubi Pontifex agens de delatione Eucharistiae ad infirmos, addit, *quam in decenti habitu, superposito mundo velamine fereat & referat manifestè, & honorificè ante pectus, cum omni reverentia, & timore, semper lumine praecedente, cum sit candor lucis aeternae; ut ex hoc apud omnes fides & devotio augeatur.* Praelati autem hujusmodi mandati graviter punire non differant transgressores, si & ipsi divinam & nostram voluerint effugere ultionem. Cui capitulo consonat haec ordinatio Ritualis Romani, sub tit. De Communione infirmorum. *Deferri autem debet hoc Sacramentum ab Ecclesia ad privatas aegrotantium domos, decenti habitu, superposito mundo velamine, manifestè atque honorificè ante pectus, cum omni reverentia & timore, semper lumine,*

B b b b b 2

*mine præcedente.* Quæ intelligenda sunt non tantum de administratione per modum Viatici, sed etiam causâ devotionis, prout ex antecedentibus liquet. His quoque conformis est Constitutio Synodi Provincialis Mechliniensis, tam de anno 1570. quàm de 1607. de Sacramentis.

Ex quibus quoque patet responsio ad duo Quæstia sequentia: Possè nimirum, & teneri Episcopum prohibere delationem occultam hujus Sacramenti, ut in Quæsto secundo, etiam sub pœnis ibidem expressis; signanter quando leviores pœnæ prudenter judicantur non sufficere. Ad obviandum efficaciter abusus in contrarium, debent enim Episcopi procurare obser-

vantiam Canonum salubriter constitutorum, præsertim cum id eis specialiter injungitur, prout per verba superius relata: *Prælati autem hujusmodi mandati graviter punire non differant transgressores, si & ipsi divinam & nostram voluerint effugere ultionem.* Ita Lovanii resolutum die 23. Junii anno 1664. & subsignatum erat.

GER. VAN WERM S. Theol. Doct. & Profef. Reg.  
JACOBUS PONTANUSS. Th. Doct. & Professor.  
JOAN. SINNICH S. Theol. Doct. & Profef. Ordinarius.

ANDREAS LAURENT S. Th. Doctor & Profef. Regius.

*Monumentum XIV. citatum pag. 567. in notâ.*

P.

DECRETUM ARCHIEPISCOPI MECHLINIENSIS IN QUALITATE DELEGATI

Apostolici ad exercitus Regios, de administrandis Sacramentis milicibus  
& eorum sepulturis.

*Jacobus, Dei & Apostolicæ Sedis Gratiâ, Archiepiscopus Mechliniensis, nec non pro Exercitibus Catholicæ suæ Majestatis per Belgium & partes inferioris Germaniæ, ejusdem Sedis Delegatus.*

OMNIBUS & singulis in præfatis Exercitibus, seu quarumcumque personarum militarium curam animarum habentibus quocumque nomine nuncupatis, Salutem in Domino. Ut ea, quæ à Sancta Sede concessa sunt, à Reverendissimis Ordinariis concordata, & aliâs ordinata pro salute militarium personarum, fiant in vinculo charitatis, inviolabiliter vobis sub pœnis gravibus arbitrio nostro statuendis, observanda mandamus sequentia.

Primò, Ut nulli Matrimonio quarumcumque personarum militarium assistatis, nisi exactè servatis iis, quæ Concilia Generalia Lateranense & Tridentinum statuerunt, sub pœnis ibidem ordinatis. Quod si una pars Matrimonium contrahere volentium militaris est, altera pagana, ab utriusque partis Pastoribus fiant debito modo proclamationes, ac insuper persona militaris Pastorem seu Capellanum, qui matrimonio contrahendo legitime assistet, per fide digna testimonia scripta tam Sacellanorum aut Pastorum, quam Capitaneorum, quibus ista persona militaris proximo anno cum dimidio supposita fuit, certiore reddet, se liberam esse ad contrahendum, qua certioratione non erit opus, si super proclamationibus obtenta fuerit dispensatio ab utriusque contrahentium Prælato seu Prælatis.

Secundò, Non licebit Capellanis cujuscumque Præsidii uti Sacramentalibus Ecclesiarum Parochialium, nisi de licentia & assensu cujusque Ecclesiæ Pastoris. Quòd si alicubi determinatus locus ad hoc assignatus sit, in eum sua Sacramentalia deferant Capellani, & in eo fungantur muniis Pastoralibus erga sibi subditos, ac etiam militares alios ejusdem Præsidi, si fortè aliquæ cohortes, vel turmæ proprium Capellanum non habeant: & si interdum contingat (quod tamen rarum esse debet) Capellanum alicujus cohortis pro tempore, negotiorum causâ, à Præsidio abesse, tunc militares istius cohortis usque ad redditum Capellani sui, quoad Sa-

cramentorum administrationem, suberunt Pastori Parochiæ, in qua hospitantur.

Tertiò, Tenebuntur omni casu Capellani suis assistere quoad Sacramentorum quorumcumque administrationem, nisi miles, seu valens, seu infirmus, proprium Parochiæ, in qua hospitatur, Sacerdotem Pastorem ad hoc elegerit.

Quartò, Capellani suos sepelient in Cæmeteriis Parochialibus cum licentia Parochi cujusque Ecclesiæ & designato ab eo loco. Quòd si in Ecclesia Parochiali, aut Regulari cujuscumque Ordinis privilegio gaudentis sepulturæ, electa est sepultura, Capellanus militis tradet ad ingressum Ecclesiæ Rectori ejusdem cadaver, nisi pro bona correspondentiâ Capellano sepelitionem & officium permittat.

Quintò, Capellanus militaris, vel electus ut supra, loci Pastor, qui ægroto militi Viaticum porrexerit, & Extremam-Uñctionem impenderit, ille, si velit, funerali assistet, sepulturæque solemniam peraget.

Sextò, Personæ quæcumque militares, quæ (etiam si ad tempus tantum) negotiorum causâ se ad urbes receperint, aut alia loca extra Præsidium suum, suberunt pro illo tempore, quoad Sacramentorum administrationem, Pastoribus cujusque Parochiæ, in qua diversantur, qui similibus personis petentibus Sacramenta administrabunt, nullatenus autem Capellani militares istius Præsidi, si fortè aliquod contingat ibi esse.

Septimò, Et si futuris temporibus alibi difficultas oriatur super interpretatione hujus nostri Mandati, eam nobis ipsis, aut Successoribus nostris in hujusmodi Delegatione Apostolica, omnimodè reservamus. Datum Bruxellæ sub sigillo nostro & Secretarii nostri signaturâ; die 8. Martii anno Domini 1644.

Locus † Sigilli.

*De Mandato Illustriss. Domini Archiepiscopi Mechliniensis Præfati.*

J. HERREGOUTS Secret.



## Monumentum XV. citatum pag. 632. num. XXVII.

Q.

DECRETUM EPISCOPI LEODIENSIS DE CELEBRANDIS DEDICATIONIBUS  
ECCLESiarUM UNO EODEMQUE DIE DOMINICO.

*Joannes Ludovicus, Dei Gratia Episcopus & Princeps Leodiensis; Dux Bulloniensis, Marchio Franchimontensis, Comes Loffensis, Hornensis, &c.*

MAGNO animi nostri merore intelleximus in Decanatu Bastoniensi Archidiaconatus Arduennæ Dicesis nostræ Leodiensis, gravia occasione Dedicationum Ecclesiarum, peccata committi, per comestationes & computationes, quæ tunc fieri consueverunt, non mediocri timoratorum scandalo, à quibus juramenta, blasphemias, rixæ, & alia ejusmodi sequuntur, quæ Dei iram concitant & provocant; cui malo, quantum possumus, remedium adferre volentes auctoritate nostrâ ordinariâ Præsentium tenore mandamus, & ordinamus, ut imposterum futuris temporibus per dictum Decanatum, prout & per Stabulensem ejusdem Archidiaconatus, Dies Anniversaria Dedicationis cujuslibet Ecclesiæ, insimul, ac una eademque die, scilicet Dominicâ infra Octavam Sancti Lamberti Patroni nostri celebretur, nec ultra dictam diem Dominicam quocumque sub prætextu, causâ vel colore protrahatur; sub pœna arbitrio utriusque respectivè Offi-

cialis, Venerabilis Nobilis sincerè nobis dilecti Joannis Ernesti Baronis de Surlet Arduennæ Archidiaconi, Domini Temporalis d'Odeur, Velroux, Lexby, &c. infligenda, & in pios usus convertenda; seriò injungentes utrique Decano Bastoniensi & Stabulensi, ut in suo quilibet districtu, has nostras præsentès Ordinationis & Mandati litteras, debitè & ubique promulgari faciant, Pastoribus verò & eorum subditis, ut eisdem sese omnino conforment: Demum Fiscis, ut in omnes & singulos contravenientes diligenter inquirent, & contra eosdem cum omni rigore procedant. Quoniam talis est nostra seria voluntas. Datum in civitate nostra Leodiensi, sub signatura & Sigillo nostris, anno Domini 1692. mensis Aprilis die quintâ.

JOANNES LUDOVICUS.

Locus † Sigilli.

HEN. MARTINI.

Decretum Senatûs Regii Luxemburgensis quo supradicti Decreti Episcopi Leodiensis executio permittitur cum quadam moderatione.

LES Gouverneur, Président & Gens du Conseil du Roi notre Sire, ordonné es Pays, Duché de Luxembourg & Comté de Chiny: A tous ceux qui ces présentes Lettres verront, SALUT. Sçavoir faisons, que vû la Requête présentée par M. Joan de Hertenva, Prêtre, Curé d'Ortho, Doyen & Official de la Chrétieneté de Bastogne: Contenant, que desirant faire publier & observer le Mandement du 5. Avril dernier, du Révérendissime Evêque & Prince de Liège, joint à ladite Requête, il plaist au Conseil lui accorder le Placet en tel cas requis & accoutumé; ledit Mandement portant, que les Dédicaces de toutes les Eglises dans l'étendue de ladite Chrétieneté de Bastogne, se célébreront à un même jour; sçavoir, le jour de Dimanche pendant l'Octave de Saint Lambert, sans être différé, sous quel prétexte que ce soit, à telle peine que sera arbitrée par l'Archidiacre d'Ardenne; ordonnant audit Doyen & Official de Bastogne de faire publier par son District ledit Mandement, & aux Curés & leurs Paroissiens de s'y conformer, & aux Fiscaux de Liège de procéder contre les contrevenans avec toutes les rigueurs: Ladite Requête & Mandement communiqué au Procureur Général du Roi, par Decret du 28. Mai dernier, ensemble ses conclusions sur ce données. Vû en outre les Ordonnances de l'Empereur Charles-Quint, du 7. Octobre 1535. & de Philippe II. Roi d'Espagne, du 22. Juin 1589. reproduites d'office. LA COUR, disposant sur les conclusions du Procureur Général du Roi, Ordonne, conformément auditès Ordonnances, que toutes les Fêtes, Dédicaces ou Kirmes

des Villages ou Paroisses champêtres par tous les Doyaux de Bastogne, se tiendront le Dimanche pendant l'Octave de Saint Lambert, & qu'elles ne dureront qu'au seul jour, à peine de vingt livres d'amende à four faire, par ceux & un chacun qui, en autre temps ou plus que ledit jour, célébreront ladite Fête, ou s'y trouveront, pour tant de fois qu'il adviendra. Et permet que la Déclaration de l'Evêque de Liège, du 5. Avril dernier, sera publiée & affichée, pour être exécutée seulement à l'égard des Translations des Dédicaces des Eglises dudit Doyaume. Bien entendu que les clauses inférées (sub pœna arbitrio utriusque respectivè Officialis Venerabilis Nobilis sincerè nobis dilecti Joannis Ernesti Baronis de Surlet, Arduennæ Archidiaconi, Domini Temporalis d'Odeur, Velroux, Lexby, &c. infligenda, & in pios usus convertenda: seriò injungentes utrique Decano Bastoniensi, & Stabulensi, ut suo quilibet districtu, has nostras præsentès Ordinationis & Mandati litteras, debitè & ubique promulgari faciant, Pastoribus verò, & eorum subditis, ut eisdem sese omnino conforment: Demum Fiscis, ut in omnes & singulos contravenientes diligenter inquirent, & contra eosdem cum omni rigore procedant: Quoniam talis est seria nostra voluntas) n'auront aucun effet en ce Pays; mais que les contrevenans seront poursuivis pardevant les Juges de ce Pays comme il convient. Mandant au premier Huissier sur ce requis, de signifier & mettre ces présentes en dû exécution. Prononcé à Luxembourg le 30. Juillet 1692. Signé, J. F. LE MAISTRE. Et y étoit imprimé le Contrescel dudit Conseil.

## Monumentum XVI. citatum pag. 654. num. XXII.

R.

EPISTOLA PASTORALIS ARCHIEPISCOPI MECHLINIENSIS CONTRA  
CONVENTICULA JUVENUM ET PUELLARUM.

PERCHARI ET DILECTI.

**F**REQUENTER Nobis exponitur, ex parte omnium pro-  
pemodum Decanatum Ruralium nostri Archiepis-  
copatus, Juventutis gravem admodum & deplorabi-  
lem animarum esse jacturam, videlicet adolescentum  
& puellarum, qui Dominicis, Festis aliisque diebus  
(quos Hilares nuncupant) stabiliter etiam tempore  
Officii Divini conveniunt in popinis, ut potitent &  
tripudiant, ibidemque in seram vesperam hæreant,  
dum & talia inter ipsos colloquia, pariterque inter per-  
sonas conjugio junctas quandoque se junioribus aggre-  
gantes, miscuntur, tam indecentes cantilenæ decan-  
tantur, tales attractus quærentur & committuntur, tot  
insolentiae & absurditates fiunt, cum gravi conscientiae  
labe, ut vel sola horum narratio personis timoratis hor-  
rorem incutiat.

Idcirco Nos injungimus, ut omnem adhibeatis di-  
ligentiam, quod tantum incommodum, abusus, cate-  
raque hujusmodi gravia peccata, impediatur, propo-  
nentes efficaciter in Concionibus, sedibus Confessio-  
num, aliisque calibus & opportunitatibus, discrimina,  
& mala similibus Conventiculis annexa, Parentibus-  
que insuper proponentes onus quod ipsis incumbit, ut  
liberos suos inde contineant, tantoque magis quod  
probe sciant peccata & insolentias, quæ vel ipsi for-  
sit juvenili tum ætate commiserunt, aut tolerarunt,  
aut in similibus casibus & conventiculis viderunt, &  
consequenter etiam iisdem Parentibus ob oculos ponatis,  
se coram Deo eorundem peccatorum comparticipes  
& reos fore, quæ in liberis aut famulantibus non  
impedierint, aut saltem omni modo conari fuerint im-  
pedire.

Quandoquidem verò obligatio, ut prædicta in ju-  
ventute impediatur, præter Pastores, etiam spectet  
ad Magistratus locorum, in quibus tales indecentiae  
committuntur, Vestri muneris erit, eos rogare, ut ad  
prædicta gravia mala impedienda cooperentur, & bra-  
chii secularis præstent auxilium, fideliterque procedant,  
ad executionem Edictorum sæpius promulgatorum suæ  
Regiæ Majestatis, quoad factum celebrationis Domi-  
nicorum Festorumque dierum.

Si verò nulla sequatur emendatio, continuetque etiam-  
num aut pergat juvenus taliter popinas frequentare,  
& in iis convenire, ut dictum est, postquam præfata  
media adhibita fuerint, declaramus nos compulsum iri,  
ut adversus talia provideamus suspensione Officii Di-  
vini & administrationis Sacramentorum, respectu eo-  
rum, qui se emendare noluerint, aliisve pœnis Cano-  
nicis, ne Nobis in extremi judicii die, animarum Nobis  
commissarum, quasque tanto pretio Dei filius redemit,  
perditio imputetur.

Denique Vobis injungimus, ut identidem per Reve-  
rendos Dominos Decanos Rurales respectivè, certiores  
Nos faciatis eorum, quæ circa prædicta apud vos con-  
tingerint, qualisque emendatio (prout speramus, opti-  
musque) super his omnibus secuta fuerit. Datum Brux-  
ellis in Palatio nostro Archiepiscopali, die 25. Novem-  
bris anno Domini 1675.

Locus † Sigilli.

ALPHONSUS Archiepiscopus Mechliniensis.

Decretum Regium super executione prædictæ Epistolæ Pastoralis Archiepiscopi  
Mechliniensis.

**C**AROLUS Dei gratia Rex Castiliæ, &c. Cum simus  
informati, quod non obstantibus Edictis nostris  
die 7. Octobris 1531. 12. Augusti 1560. 1. Junii 1587.  
22. Junii 1589. 20. Septembris 1607. ultimâ Augusti  
1608. 1. Julii 1616. & 10. Julii 1628. circa celebra-  
tionem diei Dominicæ & Festorum, frequentationem  
& multiplicationem tabernarum, & publicos ludos du-  
rantibus Divinis Officiis, & aliis horis incongruis,  
varii abusus & irreverentiæ irreperierint, per negligen-  
tiam & incuriam nostrorum Officialium: Hinc est,  
quod ad iis occurrendum, Nos, ex deliberatione chari  
& nobis admodum dilecti consobrini Alexandri Far-  
nezii Principis Parmensis, &c. præcipiendum duxi-  
mus, prout præcipimus per præsentis omnibus Judi-

cibus, Magistratibus & Officiariis, solerter attendere,  
ut præcitata Edicta ritè observentur, procedendo con-  
tra infractores per pœnas & multas in iisdem expres-  
sas sub pœna correctionis: Et præterea speciatim præ-  
dictis nostris Officiariis Diocesis Mechliniensis, in his  
ditionibus nostris & Ducatu Brabantiae, porrigant ma-  
num auxiliatricem, ut occurratur insolentis expressis  
in Epistola Pastoralis Archiepiscopi Mechliniensis de  
25. Novembris 1675. & hæc secundum formam &  
tenorem suum observetur: Quoniam ita nobis placet.  
Datum Bruxellis 21. Martii 1682. Regni nostri decimo  
septimo. Signatum erat Ryc. Ut. Super plicam erat  
scriptum: Per Regem in suo Consilio: Et signatum  
Goubau.

Litteræ circulares Archiepiscopi Mechliniensis de 10. Maii 1685. pro ulteriore executione  
allegatæ Epistolæ Pastoralis.

**C**um magno animi dolore audivit Illustrissimus Do-  
minus, quod multi Adolescentes, alique ad taber-  
nas vadant contra illius Decretum de anno 1675. etsi  
eidem nuper accesserit Regium Edictum: idcirco man-  
dat omnibus & singulis Dominis Pastoribus, ut dictos  
publicos inobedientes habeant tanquam publicos pec-  
catores, de quibus in Pastoralis, & ad Sacramenta non

admittant, assistentiamque suam iis denegent, tum in  
sponsalibus, tum in matrimoniiis, donec publicum  
scandalum repararint, qua in re Illustrissimus Domi-  
nus cupit, ut R. V. in suis visitationibus circa istos ex-  
cessus & Vesperarum ac Catechismi omissiones diligen-  
ter inquirat.

Erat signatum A. A. M. ut.

Alterum



## Alterum Decretum Regium quo prius renovatur &amp; latius explanatur.

CAROLUS Dei gratiâ Rex Castiliæ, &c. Omnibus has visuris salutem. Notum facimus, quod Archipresbyteri Provinciæ Brabantiæ, & districtus Aloftani Nobis exposuerint, quod quantumvis renovassemus die vigesimo primo Maii 1682. præcedentia nostra Diplomata & Mandata, de observandis Dominicis Festisque diebus, injunxissemusque quibusvis Officialibus nostris, ut conformiter ad Epistolam Pastoralem Archiepiscopi Mechliniensis de 25. Novembris 1675. impedirent peccata & scandalosas indecentias, quæ in popinis in conventiculis puellarum & adolescentum committuntur, tum etiam cum ipsæ domum vesperi deducuntur, interea aliqui Pagorum Toparchæ, eorum Prætores, Præfecti, alique Officiales denegassent Ecclesiasticis auxilium præstare, quo impedirentur puellæ easdem popinas frequentare, ad evitandum proximas peccandi occasiones, quæ ordinariè post potitationem in similibus conventiculis occurrunt, eo titulo quod mens nostra solum fuisset, ut talia conventicula inhiherentur in popinis tempore Divini Officii. Idcirco ad præveniendum abusus & indecentias, quæ passim in talibus conventiculis occurrunt, Nos ex deliberatione chari & Nobis admodum dilecti Consobrii, Francisci Antonii de Agurto, Marchionis de Gastanaga, Equitis Ordinis Alcantaræ, Gubernatoris & Archistrategi Generalis Belgii nostri, &c. judicavimus expedire, ut declaremus, prout per præsentem declaramus, mentem nostram fuisse ut per Edictum nostrum de 2. Martii 1682. inhiberemus puellis innuptis, ne conventiculis adolescentum in popinis, aut circa eas interessent, ad ibidem potitandum aut tripudiandum,

seu Dominicis, seu Festis, seu diebus feriatis, qualicumque hora diei, seu tempore Officii Divini, seu alio, indicta mulcta sex florenorum ad onus cauponis seu cauponæ, & trium florenorum mulcta, ad onus cuiusque adolescentis & puellæ, qui contra hæc deliquerint, exigenda eorum sumptibus à parentibus & tutoribus ipsorum, pro prima vice, & arbitraria mulcta pro secunda indicta. Mandamus quibuscumque Prætoribus, Præfectis justitiæ, aliisque Officialibus, ad quos poterit spectare, ut desuper invigilent, & jurisdictionis suæ popinas præsertim Dominicis Festisque diebus visitent, & prævaricatorum correctioni prædictæ mulctæ & pænæ executione intendant, iisdem etiam mandantes ut omnem opem (quam afferre rogabuntur) Judicibus Ecclesiasticis eorumque Officialibus præstent, quoad violationes, quæ Dominicis aut Festis diebus in casibus, in quibus juxta præcedentia nostra Edicta & Mandata ipsis permissum fuit agere per præventionem. Injungimusque dilectis admodum & fidelibus nostris Præsidi Supremo & Consiliariis Sanctoris nostri & magni Consilii, Cancellario & Consiliariis Consilii nostri Brabantiæ, Præsidi & Consiliariis Provincialis nostri Consilii Flandriæ, & Scultero Mechliniensi, ut hoc nostrum præsens Mandatum locis consuetis & ubi opus fuerit, promulgari curent, & faciant observari juxta ejus formam, & tenorem. *Quia sic Nobis placet.* Datum in urbe nostra Bruxellenli die 6. Martii anno 1687. Regnorum nostrorum 22. Erat signatum *Blon. ut.* in plica scriptum erat: *per Regem in suo Consilio;* subsignatum *L. A. de Claris.*: eratque obsignatum magno suæ Majestatis sigillo in cera rubra dependente ex pergamenæ duplicata lacinia.

## Monumentum XVII. citatum pag. 734. num. XIX.

S.

RESOLUTIO DOCTORUM LOVANIENSIIUM PRO THESAURIA ECCLESIE  
SANCTI PETRI INSULIS.

*Mémoire contenant les moyens du sieur Nicolas Parent, Prétendant à la Trésorerie de l'Eglise Collégiale de saint Pierre à Lille, comme en ayant été pourvu par le Saint Siège dans un mois réservé, & les moyens du sieur Raymond-Louis de Valory, élu à ladite dignité.*

## MOYENS DU SIEUR PARENT.

LE sieur Parent a allégué que le Pape est le Maître absolu de tous les Bénéfices, qu'il est Collateur ordinaire dans l'Eglise de saint Pierre de Lille, comme lui étant immédiatement soumise dès sa fondation; que ces principes supposés, le saint Siège a pu disposer de tous les Bénéfices de cette Eglise depuis l'année 1066. tems de sa fondation jusqu'en l'année 1422. que commencent ses Registres aux collations; que Martin V. en usant de ses droits, a bien voulu faire néanmoins une partition de mois, à laquelle les Députés des Nations, qui ont assisté au Concile de Constance, ont consenti: que cette partition a été observée en Flandres, & particulièrement dans ladite Eglise de S. Pierre, & qu'on la doit regarder comme le droit commun de cette Province; que dès l'année 1424. Jean de Donay a été mis en possession de ladite Trésorerie dans un mois réservé par un Indult accordé à Charles VI. Roi de France, que depuis ce tems là jusqu'en 1472. il n'y a eu que N. Basin qui a été pourvu par mort en 1462. de la Trésorerie; & que quoiqu'il ne soit point marqué dans les Registres en vertu de quel-

les provisions il a été reçu, on doit présumer que c'a été par celle de la Cour de Rome, suivant la maxime *extremis probatis media probantur*, puisqu'en 1472. Jean du Lac a été mis aussi en possession de cette dignité en vertu d'une expectative, de même que Jean de Courouble en 1540. en vertu de l'Indult accordé à l'Empereur Charles Quint (ce qui suppose toujours le partage des mois) & que Bertrand Verviane l'a obtenue en Cour de Rome comme vacante dans le mois de Février 1634. qu'il a été maintenu par une Sentence de recréance au Conseil de Gand, contre Jean de l'Annoy, élu par le Chapitre: Que cette collation jointe à ladite Sentence, faisoit le dernier état de la Trésorerie (la difficulté ne s'étant pas présentée depuis) & devoir décider présentement de la Créance par lui prétendue, & que les collations de Rome ci-dessus mentionnées devoient décider aussi en sa faveur pour le plein possessoire, d'autant plus que les autres dignités de ladite Eglise, sur tout le Doyenné & l'Ecolatrie étoient assujetties à la réserve des mois, puisque Jossé de Vandenberge, Jossé de Lyon, Gilbert Natalis,



ralis, & Philippe Corroger, pourvus à Rome du Doyenné, avoient obtenu des Sentences de Récréance, & les trois derniers des Sentences en plein possessoire contre Louis Pontrain, Pierre Poller, Martin de Flandre, & Charles Magnire, élus par le Chapitre; qu'on devoit être persuadé que toutes ces Sentences n'avoient été rendues que sur le droit du Pape & la possession particulière qu'il s'en étoit conservé sur cette Eglise, & que le Chapitre avoit reconnu dès l'année 1463. lorsqu'il demanda à Pie II. le pouvoir d'élire une fois au Doyenné, ce qu'il a encore reconnu depuis en transigeant avec Joffe de Lyon & Gilbert Natalis pour le Doyenné, après les Sentences rendues en leur faveur, & en ne s'opposant point à trois collations de l'Ecolaterie, & à celle qui a été faite aussi à Rome de la Chantrie, en faveur de Paul Philippe l'Hermite, qui avoit été précédée par une commission donnée par le Chapitre à Vincent Vermeulen de faire les fonctions du Chantre jusqu'à ce qu'il y eût un pourvu de cette dignité par le saint Siège, de sorte qu'il n'est plus possible audit Chapitre de réclamer son prétendu droit d'élection sur ces dignités, sous prétexte que les autres Eglises de Flandre en jouissent, attendu que c'est à titre d'une possession immémoriale ou d'indult, qui leur ont été accordés par le saint Siège, ou qu'elles ont des usages différens de celui de l'Eglise de saint Pierre, dans laquelle il doit y avoir une uniformité de collation, tant pour les Dignités que pour les Prébendes.

*Moyens du sieur de Valory.*

Le sieur de Valory soutenoit au contraire que les élections sont de droit commun; que l'exemption de ladite Eglise n'avoit été accordée que par Clément VII. Anti-Pape, & que telle qu'elle pouvoit être, elle ne regardoit que la Jurisdiction contentieuse; que la Trésorerie étoit élective comme les autres Dignités, puisqu'avant 1217. le Chapitre y éliroit toutes les fois qu'elle venoit à vaquer; que ces faits se prouvoient par une Sentence arbitrale de 1217. extraite d'un cartulaire où est insérée une partie de ce qui se pratiquoit dans ladite Eglise avant l'incendie de la Ville arrivé en l'année ..... sous Philippe Auguste, Roi de France; que cette Sentence qui a été rendue contre le Prevôt de ladite Eglise, prétendant la collation de ladite Dignité, & qui a été confirmée par Coswin, Evêque de Tournay & par Honoré III. porte que la Trésorerie est élective comme les autres Dignités; que ce qui a été fait depuis ce tems là jusqu'en l'année 1422. où commencent les Registres aux Collations, doit être interprété en faveur des élections faites par le Chapitre, comme étant conforme au droit commun & aux seuls Actes de cette Eglise, dont on pouvoit avoir connoissance; que la partition des mois faite par Martin V. n'avoit point été approuvée par le Concile de Constance; qu'il paroît au contraire qu'il y avoit été ordonné dans la session 4. de faire la réformation des Réserves Apostoliques, comme sur dix-sept autres articles; que dans la session 43. on avoit fait la réformation seulement sur six articles, les douze autres, entre lesquels étoit celui des Réserves ayant été laissés, parce, que, comme dit Schellstrate, ils alloient à diminuer l'autorité du souverain Pontife, ce que Martin V. avoit évité, mais que le Concile de Basle avoit achevé la réformation des Réserves Apostoliques dans la session 12. que depuis 1440. jusqu'en l'année 1469. la Pragmatique composée des Decrets de ce Concile, avoit été observée dans ladite Eglise de l'aveu du sieur Parent, ce qui doit faire croire que le Bref de Pie II. n'a été demandé en 1463. pour pouvoir élire au Doyenné que dans l'appréhension que la Pragmatique venant d'être abrogée en France, les expectatives ne recommencent

dans ladite Eglise après la mort de Philippe le Bon, Duc de Bourgogne, & sur tout comme on le voit par les Registres de ladite Eglise, après les menaces des censures que le Pape avoit fait au Chapitre la même année, s'il ne recevoit à l'avenir ses mandats; que nonobstant ce Bref & sa teneur, qui portoit que l'élection qui seroit faite de cette dignité, seroit confirmée par le saint Siège, Hugues de Lannoy qui fut élu en conséquence en l'année 1476. avoit pris la confirmation du Prevôt & non du saint Siège, & que le Chapitre avoit continué d'élire au Doyenné en tout mois, même réservés, sans opposition jusqu'en l'année 1567. que bien loin que le Decret de Martin V. eût satisfait les Collateurs de Flandre, jamais il n'y avoit eu tant de plaintes de leur part, témoins les Edits des Ducs de Bourgogne & les appels comme d'abus des provisions de Rome, faits par Jean Roussel, Procureur Général de la Flandre en l'année 1497. & 1500. que toutes les fois que la Trésorerie avoit vagné depuis 1472. il y avoit été pourvu par election; qu'il est vrai que Jean de Courouille n'avoit point pris possession en 1540. en vertu de celle qui avoit été faite de sa personne, mais en vertu de l'indult accordé à l'Empereur Charles-Quint; mais que cet exemple d'une Collation, à laquelle le Chapitre ne pouvoit s'opposer, & qui pouvoit arriver dans un mois de l'Ordinaire, ne pouvoit lui préjudicier ni continuer une possession pour le saint Siège; que depuis la mort de cet Indultaire il y a eu trois élections faites dans les mois réservés, comprise celle de Bertrand Verviane, qui fut élu par le Chapitre avant d'obtenir des Bulles de Rome; que les Réserves, telles qu'elles sont établies présentement dans la Flandre, n'y ont été introduites que depuis le Concile de Trente; qu'il n'est intervenu à ce sujet ni traité, ni consentement formel d'aucun Prince; que tous les Chapitres des Eglises Cathédrales & Collégiales de la Flandre, soumises aux Réserves pour les Prébendes & Bénéfices inférieurs, & qui avoient été sujets aux expectatives, tant pour les Dignités que pour les Prébendes, comme l'a été l'Eglise de saint Pierre de Lille, jouissent néanmoins du droit d'élire en tous mois à leurs dignités, comme il paroît par leurs déclarations produites au procès, sans qu'il y soit fait mention d'aucun Indult accordé par les souverains Pontifes; que les réserves ne doivent avoir d'étendue que conformément à l'usage qui a été observé en Flandre jusqu'à présent; que bien loin que la partition des mois ou la réserve des dignités en soit le droit commun, le Parlement de Flandre par un Arrêt du 22. Décembre 1703. a défendu de dire & soutenir que la Flandre est un pays d'Obédience & que la huitième règle de Chancelerie y est observée. Que les expectatives qui ont été abrogées par les Conciles de Basle & de Trente ne peuvent être tirées à conséquence pour l'étendue de la réserve des mois; sans donner une atteinte formelle au susdit Arrêt, & rendre la Jurisprudence Canonique arbitraire; enfin, que l'exemple de Verviane même bien loin d'être favorable au sieur Parent, établit encore le droit du sieur de Valory, puisque Verviane a été élu en 1634. dans un mois réservé.

Il est vrai cependant qu'il avoit impétré du saint Siège la même Dignité immédiatement après son élection, comme il paroît par sa déclaration ci-jointe: *Ego Bertrandus Vervianus Thesaurarius & Canonicus insignis Ecclesie Collegiatae sancti Petri Insulensis, coram vobis admodum Reverendis Dominis meis Decano & Capitulo, Capitulariter congregatis, declaro me mutare causam possessionis Thesaurariae alias captæ & thesaurariam eandem vigore Litterarum Apostolicarum & non in vim provisionis ordinariae ad electionem factæ, possidere & retinere, illiusque possessionem continuare. Actum in Capitulo die trigesima Octobris anni millesimi sexcentissimi septimi.* Mais le Sieur de Valory a prouvé que

de

de Verviane n'en a usé ainsi que troisans & demi après pour être possesseur triennal.

Avant de faire sa déclaration, qu'il n'est pas surprenant que Verviane ait obtenu la récréance contre Jean de Lannoy élu en sa place *ad conservationem juris*, ayant allégué un moyen aussi décisif qu'étoit sa possession triennale, comme il paroît de ses Ecrits, que si le Conseil de Gand n'a point eu égard à cette possession, & qu'il ait été persuadé, comme l'avance le Sieur Parent, que Verviane avoit remis tout son droit au Chapitre; qu'en ce cas, cette Sentence auroit été rendue contre toutes les regles de la Jurisprudence, surtout dans un Pays Coutumier, où on est particulièrement obligé de se conformer au dernier état du Bénéfice en matière de récréance, & à la possession pour le plein possesseur, l'un & l'autre étant incontestablement pour le Chapitre; que par conséquent, de l'un ou de l'autre chef, on ne devoit point avoir égard dans la présente Instance à une Sentence fondée sur un moyen particulier, ou rendue contre les regles; qu'à l'égard du Doyenné & de l'Ecolâterie, quand même le saint Siège auroit été en possession paisible d'y nommer, c'en étoit pas une raison pour lui assujettir aussi la Trésorerie, suivant la maxime *tantum præscriptum quantum possesum*. Mais bien que cela soit ainsi, & qu'on puisse induire un usage particulier à ladite Eglise, & contraire aux autres Eglises de Flandres, il est arrivé qu'elle a soutenu quatre procès pour autant d'élections faites au Doyenné pendant l'espace de plus de cent trente années, dont l'événement auroit été plus heureux si elle s'étoit plutôt pourvue pardevant une Cour souveraine, contre les Sentences rendues à la Gouvernance de Lille & au Conseil de Gand, comme a fait le Chapitre de Saint Sauveur d'Arlebeke, au sujet de son Doyenné. en faveur duquel est intervenu un Arrêt du Grand Conseil de Malines, en date du ..... 1594. & le Chapitre de Saint Hermès à Renaix, en s'opposant à l'enregistrement des Bulles qu'avoit obtenues Nicolas Viucque pour la Trésorerie de ladite Eglise, au moyen de laquelle opposition elles ont été réitérées par Arrêt du Conseil d'Etat en l'année 1641. & enfin, comme il est arrivé à l'Eglise de Saint Pierre de Lille, lorsqu'elle a appelé à la Cour supérieure établie à Lille par les Etats Généraux, de la Sentence rendue à la Gouvernance, au plein possesseur, en faveur de Philippe Corroyer pourvu du Doyenné par le saint Siège, laquelle a été infirmée par Arrêt du 4. Mars 1713. à l'égard de la collation de la Chantierie prise à Rome par Paul-Philippe l'Hermite, & les trois consécutives qu'on y a faites de l'Ecolâterie: il n'est pas surprenant que le Chapitre ne s'y soit pas opposé, après avoir essuyé plusieurs Sentences contraires à l'élection du Doyenné, d'autant plus qu'aucun Chanoine ne pouvoit être dispensé de soutenir les frais d'un procès pour deux Dignités aussi pénibles. & d'un aussi petit revenu; mais que s'il s'agit un jour de savoir quel est le droit du Chapitre sur ces Dignitez, on fera voir que la Provision de Paul-Philippe l'Hermite est la première & la seule collation que la Cour de Rome ait donnée de la Chantierie, le Chapitre en ayant toujours disposé auparavant, & en tous mois; & à l'égard de l'Ecolâterie, que c'est une Dignité fondée des revenus de ladite Eglise, & dont elle s'est réservée la disposition, ou élection, par l'Acte même de fondation ci-jointe.

*Quod Collatio dictæ Scholasticæ sicut aliorum Ecclesiæ personatum. .... ad Capitulum nostrum in perpetuum de cætero remanebunt*, confirmé ensuite par l'Evêque de Tournay & le Pape Honoré IV. ce qui sans doute a empêché le Sieur de Chanfues d'en soutenir la dernière collation; parce que, selon Fevret, Traité de l'Abus, Livre 3. Chapitre 1. nombre 6. folio 215. on ne peut alléguer aucune possession contraire à la fondation.

Tome I.

Il seroit de plus inoui de soutenir que les fautes grossières qu'a faites de temps en temps le Chapitre sur cette matière, puissent établir un usage particulier, & tirer à conséquence contre l'élection, qu'il a conservé sur la Trésorerie, sous prétexte d'établir une uniformité de collation dans ladite Eglise, qui seroit plutôt une difformité par rapport à l'usage des autres Eglises de Flandres, & une atteinte formelle à la Jurisprudence qui y a toujours été observée. Nonobstant toutes ces raisons, la Gouvernance de Lille & le Parlement de Flandres, en confirmant la Sentence, ont adjugé la récréance au Sieur Parent, en interprétant que celle qui a été adjugée par le Conseil de Gand en 1641. en faveur de Verviane, n'a point été fondée sur sa possession triennale, mais uniquement sur ses Provisions de Rome. Ce Jugement du Parlement de Flandres paroît décider que la réserve des mois alieu dans ladite Eglise également sur les Dignitez, comme sur les Prébendes, & contredire formellement l'Arrêt du même Parlement ci dessus mentionné, du 22. Décembre 1703.

### QUÆRITUR QUID JURIS?

#### RESOLUTIO.

Vilis & examinatis rationibus & fundamentis tam ex parte provisi Apostolici de Dignitate Thesaurariæ in Ecclesia Collegiata Sancti Petri Insulensis, quam ex parte electi à Capitulo ejusdem Ecclesiæ ad eandem dignitatem productis & nobis infra scriptis summarie exhibitis, censemus electum à Capitulo apparentiori titulo innixum quam provisum Apostolicum atque illum potius quam hunc in pleno possessorio debere obtinere & manu tenendum esse. Cum enim provisus Apostolicus non possit aliunde jus suum firmare, nisi titulo reservationis Apostolicæ, sequitur, quod ad probandum titulum necesse sit, ut probetur, quod dignitas Thesaurariæ in hac Ecclesia Collegiata Sancti Petri Insulensis comprehendatur sub reservatione sive quod hæc Dignitas in mensibus reservatis vacans vigore reservationis pertinet ad provisionem Sedis Apostolicæ.

Porro indubitatum est nullam provisionem Apostolicam vigore reservationis admitti posse, nisi ipsa reservatio, cui provisio innitur, plenè probetur recepta & admissa. Apud omnes quippe expeditum est reservationes Apostolicas de Beneficiis præsertim extra Italiam sitis, esse admodum odiosas, utpote juri communi contrarias & Ordinariorum juri detrahentes, eoque titulo nequaquam admittendas vel recipiendas nisi plenè probetur earum admissio & receptio.

Unde & auctores, etiam Curia Romanæ addictissimi & auctoritatem Papalem in Provisione præsertim Beneficiorum ultra modum extollentes nequaquam negare audent Provisum ab Ordinario esse præferendum proviso Apostolico, si provisus Apostolicus plenè probare nequeat Beneficium vacasse in mense reservato atque ita inter alios Hieronymus Gonzales quondam advocatus in Curia Romana asserere non dubitat in suo commentario ad regulam. 8. Cancellariæ Gloss. 11. quod si nesciatur quo mense præcisè vacaverit Beneficium, utrum scilicet in mense reservato vel in mense ordinario & neque provisus Apostolicus neque provisus ab Ordinario fuerit in possessione, provisum ab Ordinario esse præferendum nisi provisus Apostolicus plenè probeat Beneficium vacasse in mense reservato, quoniam (ait num. 37.) non solum non præsumitur reservatio ratione mensis, sed etiam debet concludenter probari vacatio de mense Apostolico, ut provisus à Papa obtinere possit. Ratio est (pergit) quia cum Ordinarius & provisus ab eo fundet intentionem suam de jure communi cap. ex frequentibus de institutionibus. Atque hanc in rem citatis pluribus auctoribus tanquam consequens inferunt: sequitur

C c c c c c

quiritur

quitur quod provifus ab Ordinario nihil aliud probare tenetur nifi anterioritatem fuæ collationis in jure comuni fundatam & quod onus probandi refervationem ratione mensis fpectat ad provifum Apoftolicum fe fundantem in vacatione in menfe Apoftolico, cum hoc fit intentionis fundamentum.

Igitur ut provifus Apoftolicus queat obtinere contra provifum ab Ordinario five electum à Capitulo, necesse est ut plenè & *concludenter* probet refervationem. Quandoquidem pro fundamento fuæ provifionis alleget ipsam refervationem Apoftolicam.

Fatendum quidem eft hic in Belgio ac nominatim in Flandria admiffam jam pridem & receptam fuiffe, & etiam hodie vigere refervationem 8. mensium, five regulam Cancellariæ, per quam difpofitioni & provifioni Sedis Apoftolicæ refervantur Beneficia cum Cura & fine Cura vacantia in 8. menfibus; fed hanc mensium partitionem vel refervationem inductam fuiffe auctoritate Martini V. in Concilio Constantienfi, approbantibus Nationibus, uti prætere videtur provifus Apoftolicus, omni caret fundamento.

Neque enim Martinus V. in Concilio Constantienfi electus, ullam mensium refervationem aut partitionem induxit, aut eam nationes Concilium Constantienfe conficientes probaffe leguntur. Constat quidem ex actis Concilii Constantienfis intentionem Concilii fuiffe ut per futurum Pontificem reformatio Ecclesiæ super quibusdam articulis ac notanter de refervationibus Beneficiorum infirmetur: ita enim legitur sess. 40. Concilii Constantienfis: " Sacrosancta generalis Synodus " in Spiritu sancto legitimè congregata universalem " Ecclesiam repræsentans statuit & decernit, quod futurus Romanus Pontifex per Dei gratiam de proximo " assumendus cum hoc sacro Concilio, vel deputandis per singulas nationes debeat reformare Ecclesiam " in capite & in membris & Curiam Romanam secundum dignitatem & bonum regimen Ecclesiæ, antequam hoc Concilium dissolvatur, super materiis articulorum alias per nationes in reformatorio oblato, qui fequuntur: primò de numero, qualitate & ratione Dominorum Cardinalium: secundò item de refervationibus Sedis Apoftolicæ.

Martinum V. in Concilio Constantienfi electum Pontificem super hoc articulo de *refervationibus Beneficiorum* cum Concilio vel deputatis per singulas nationes reformationem aliquam feciffe non legitur, sed illud à quibusdam assertitur, quod *absoluto Concilio*, scilicet anno 1418. Martinus V. aliquam mensium partitionem induxerit, quatuor mentes à refervationibus & expectativis liberos Ordinarios dimittens, ut hoc pacto querelis Prælatorum, qui per expectativas & refervationes querebantur se totaliter jure providendi de Beneficiis in suis Diocesisbus spoliari, aliquatenus satisfecisse videretur, uti notat Perardus Chastellus Advocatus in Parlamento Parisienfi in tractatu Gallico cui titulus: *Usage de la Cour de Rome*, page 327. Ubi postquam locutus est de regula 8. mensium & alternativa, subjungit. *Entre les regles, il y avoit celle du partage des mois & de l'alternative, que quelques-uns tiennent avoir été fait peu après le Concile de Constance en l'année 1418. pour appaiser les Evêques qui avoient toujours résisté aux nouveautés que la Cour de Rome avoit commencé d'introduire contre leur droit, par la disposition absolue des Bénéfices de leur Diocèse.*

Ex his patefecit imprimis hanc partitionem mensium, etsi supponeretur facta per Martinum V. nullatenus factam fuiffe, approbantibus ipsis nationibus, quandoquidem ipsum Concilium tempore factæ hujus partitionis esset dissolutum & nationes separatæ.

Imò quam parùm satisfactum fuerit Prælati & nationibus per hanc mensium partitionem, probant querelæ Episcoporum & Patrum contra has refervationes factæ in Concilio Basileensi, quæ tandem Patres Basileenses permoverunt ut Sess. 23. Decretum ediderint,

quo omnes refervationes Beneficiorum quorumcumque abolerentur, refervationibus in corpore juris expressè clausis, & his quas in terris Romanæ Ecclesiæ ratione directi, seu utilis domini mediatè vel immediatè subjectis fieri contigerit duntaxat exceptis.

Verùm cum tempore confecti hujus Decreti dissensio exorta esset inter Eugenium Papam & Patres Basileenses, sustineretque Eugenius ob factam à se Concilii hujus dissolutionem & translationem ad civitatem Ferrariensem, non tam esse reputandum hunc conventum ut Concilium quàm Conciliabulum, noluit Eugenius eique adherentes decretum hoc pro decreto Concilii recipere, neque Principes Eugenio faventes in suas dirisiones invehi & executionem habere.

Porro Philippus Bonus eo tempore Dux Burgundiæ & Flandriæ Comes, partes Eugenii contra Concilium Basileense sustinebat: scribit enim Godefridus in vita Caroli VII. Regis Galliarum ad annum 1438. dissidium fuisse inter Eugenium IV. & Concilium Basileense, quòdque Dux Burgundiæ & Rex Angliæ tuerentur partes Eugenii: & Monstreletius testatur Ducem Burgundiæ plenissimè stetit à partibus Eugenii.

Quòd verò hic Dux in favorem Eugenii veterit Decreta Concilii Basileensis in suas terras invehi, testatur ipse Eugenius in litteris ad Carolum VII. Regem Galliarum, quas exhibet Odericus Raynaldus in continuatione annalium Baronii ad annum 1439. num. 27. in quibus narrat, quod rem dignam magnâ laude peregerit dilectus filius Dux Burgundiæ, qui per suas patentes litteras præcepit sub gravibus pœnis in suis Dominiis ne ullis litteris illius sceleratissimæ conventiculæ (Concilii Basileensis) aliquis obediret aut ad sua Dominia illas auderet deferre.

Cum igitur Princeps Decretum Concilii Basileensis de sublati refervationibus nollet in suis dominiis recipi, mirum non est, quod Episcopi & Collatores ordinarii acquiescere debuerint moderationi refervationum per prædictam partitionem mensium inductæ, quæ hisce in partibus ac notanter in Flandria huc usque tolerata fuit juxta terminos & expressionem regulæ 8. de refervationibus mensium.

Ex hujus verò partitionis mensium receptione & usu nullatenus concludi posse, uti prætere videtur provifus Apoftolicus, ipsas dignitates electivas in mensibus refervatis vacantes Sedi Apoftolicæ esse aut unquam fuiffe refervatas, atque vigore hujus refervationis ad provifionem Sedis Apoftolicæ pertinere, evidenter probat praxis omnium Ecclesiarum tam Cathedralium quàm Collegiatarum tum in Brabantia, tum in Flandria; in quibus licet hæc partitiō mensium five regula refervativa octo mensium vel etiam alternativa sit recepta, in nulla tamen earum viger, aut viguisse unquam scitur refervatio dignitatum electivarum, sed hæc omnes à refervatione exemptæ hæcenus remanserunt ad liberam electionem five provifionem Capitulorum & Ordinariorum, quod nec ipse provifus Apoftolicus negare audeat: ut proinde ex receptione hujus partitionis mensium five regulæ nullatenus inferre possit etiam dignitatem Thesaurariæ esse refervatam, de qua in casu præfenti.

Quod autem provifus Apoftolicus ad enervandam vim hujus argumenti allegat hunc usum Ecclesiarum tam Cathedralium quàm Collegiatarum fundari in possessione immemoriali aut speciali indulto Apoftolico, mera divinatio & nullo fundamento innixa conjectura est.

Si enim hæc mensium partitiō five refervatio etiam dignitates illas electivas comprehenderet, quæ specie omnes Ecclesiæ Belgicæ sese contra Romanam Curiam adeò potentem & juribus suis tam sollicitè invigilantem in possessione illa immemoriali tueri potuissent ulterius?



ulterius? Verisimile-ne est quod nullus has dignitates ambiens ad Curiam Romanam recurrisset pro obtinenda provisione ipsarum Ecclesiarum possessionem pacificam inturbasset? Ut proinde nullatenus sit verisimile quod Ecclesiae Belgicae generaliter in pacifica possessione eligendi in omnibus mensibus ad omnes dignitates electivas quieti permansissent, nisi creditum fuisset partitionem mensium, sive regulam reservationem has dignitates non complecti.

Non majori fundamento nititur quod de Indulto Apostolico coniecit provivus Apostolicus, quandoquidem similia indulta difficillimè à Sede Apostolica impetrentur: & si quae essent, apud historicos, qui eorum Ecclesiarum meminerunt, mentio aliqua occurreret vel saltem in Ecclesiarum illarum antiquis registris reperirentur annotata. Quod si quid eorum haberetur indubiè provivus Apostolicus non pratermisisset eorum aliquid in medium adferre.

Quod autem addit provivus Apostolicus, in Ecclesia Collegiata sancti Petri Insulensis debere esse conformitatem quoad reservationem tam quoad praebendas quam quoad dignitates, nescitur cur hæc potius in hac quam in aliis Ecclesiis exigatur.

Nequaquam igitur ullatenus verisimile est Ecclesias Belgicas suas dignitates titulo praescriptionis aut immemorialis possessionis à reservatione Apostolica exemptas aut earum liberam electionem aut provisionem speciali Indulto Apostolico impetrasse, sed eo indubiè titulo mansere exemptae à reservatione, quod hæc reservatio sive partitio mensium similes dignitates electivas minimè complecteretur.

Pro quo imprimis notandum quod sess. 12. Concilii Basileensis habita die 14. Julii anno 1433. statutum fuerit, generalem reservationem omnium Ecclesiarum Metropolitanarum, Monasteriorum ac dignitatum electivarum per Romanum Pontificem de cætero fieri, aut facta uti non debere, reservationibus in corpore juris clausis & his quas in terris Romanae Ecclesiae ratione directi seu utilis Domini mediatè vel immediatè subjectis fieri contigerit, semper exceptis: sed quod per electiones & confirmationes Canonicas secundum juris communis dispositionem, praedictis Metropolitanis Cathedralibus, Monasteriis & Collegiatis Ecclesiis ac dignitatibus electivis debere provideatur.

Evidens est per hoc Decretum Concilium Basileense à reservatione Papali liberos declarasse non tantum Episcopatus & dignitates Abbaciales, sed generaliter omnes dignitates electivas etiam in Ecclesiis Collegiatis, ipsamque electionem & confirmationem Capitulis & Ordinariis integram esse voluisse.

Hinc ulterius intelligitur salvo hoc decreto sub reservatione octo mensium non potuisse dici reservatas esse dignitates electivas.

Verum quidem est, ut supra notavimus, Ducem Burgundiae Comitem Flandriae Decreta Concilii Basileensis veruisse in suas ditiones inveli; sed & illud constat, Principem illum id unice veruisse in favorem Eugenii IV. qui Concilium Basileense dissolverat & Ferrariam transfulerat, ipsumque Basileense Concilium ulterius pro legitimo Concilio agnoscere volebat.

Cum verò Decretum hoc sess. 12. publicatum per ipsum Eugenium patenter approbatum legatur per Bullam ipsius Eugenii publicatam sess. 16. qua ratificat omnia ab ipso Concilio hætenus edita, nequaquam praefatum Decretum recenseri potest inter Decreta hujus Concilii quae Princeps in suas Provincias admitti vetuisset: quandoquidem & ipse Eugenius IV. cui hic Princeps summopere favebat, hoc Decretum probasset.

Non mirum proinde quod licet partitio mensium sive reservatio octo mensium in Belgio ac notanter in Flandria ob non recepta Decreta Concilii Basileensis post ejus translationem & dissolutionem publicata

Tom. I.

(quale erat illud de sublati reservationibus publicatum sess. 23.) fuerit hætenus tolerata & recepta, ab ea tamen reservatione in omnibus generaliter Ecclesiis harum ditionum dignitates electivae manserint exemptae & libera earum provisio & electio in omnibus mensibus Ordinariis manserit salva. Eadem indubiè ratione factum est quod in regula 8. Cancellariae de mensibus post tempora Concilii Basileensis concepta & edita, nulla fiat nominatim dignitatum electivarum mentio: quae tamen ut comprehenderentur, speciatim exprimendae fuissent.

Neque desunt urgentissimae rationes quae suadent similes dignitates pro aliis Beneficiis simpliciter collativis à reservatione subtrahi & Ordinariis provisioni liberas conservari.

Inprimis enim similes dignitates electivae confirmativae annexum habere solent officium & administrationem tum in temporalibus tum in spiritualibus, singularem industriam, eruditionem, fidelitatem, aliasque qualitates requirens, quae Ordinariis magis & facilius minorescere & perspectae esse possunt & solent quam Romano Pontifici ejusve Ministris.

Et ut de cæteris dignitatibus, puta Decanatu, Cantoria, nihil dicamus, quis ambigat quin in Thesaurario specialis industria, justitia, diligentia & fidelitas requiratur? utpotè ejus fidei omnis Ecclesiasticae suppellectilis seu thesauri, administratio & custodia est concredita, ut loquitur Concilium Colonienae anno 1260. cap. 8. eos propterea monens ut hanc Ecclesiasticae suppellectilis seu thesauri custodiam eorum fidei atque curae commissam ita conservent fideliter & solerter quod inde non sint reprehensibiles.

Porro quis ambigat æquum & justum esse ut à Canonicis Ecclesiae Clerum repræsentantibus eligatur is cui ipsius Ecclesiae thesaurus concreditor, nec non Ecclesiasticae exterioris apparatus cura committitur?

Quid insuper rationi magis congruum quam ut confirmatio similis Ministri committatur ei, cui cura spiritualis hujus Ecclesiae incumbit, qui in hac Ecclesia Collegiata est ipse praepositus?

Praeterea singulari titulo semper odiosa visa est reservatio per quam ipsa Beneficiorum conditio & qualitas à fundatoribus requisita infringitur aut saltem alteratur.

Quandoquidem autem in praesenti agitur de dignitatibus verè electivis, id est electivis confirmativis ad quas electi, antequam ad possessionem admitti queant, tenentur obtinere à Superiore confirmationem, consequens est quod & titulo similes dignitates à reservatione praereliquis simplicibus Beneficiis, ut sunt Canonici, jure merito remanserint exemptae & ut exemptae passim ab omnibus reputatae fuerint, quandoquidem hæc dignitates, quæ ex sua fundatione & primæva conditione sunt electivae confirmativae, per reservationem fierent merè collativae.

Sic enim titulo reservationis provisio ad Sedem Apostolicam devolveretur, Sedes Apostolica simpliciter similibus dignitatibus vacantibus provideret non secus ac de cæteris Beneficiis collativis, neque provivus Apostolicus ab ullo confirmationem suae provisionis petere juberetur, sed vigore solius provisionis Apostolicae in possessionem corporalem induceretur.

Igitur cum persimilium dignitatum reservationem conditio eorum mutaretur, ipsarumque fundatio inverteretur non sine Ecclesiarum illarum praesudicio, non mirum quod similes dignitates electivae confirmativae per Concilium Basileense à reservatione praereliquis Beneficiis merè collativis fuerint substractae, & quod non obstanti receptione reservationis mensium quoad Beneficia merè collativa, hæc dignitates electivae confirmativae in omnibus Ecclesiis tam Cathedralibus quam Collegiatis hic in Belgio manserint exemptae, earumque electio libera remanserit penes Capitula & earum confirmatio penes Ordinarios.

C c c c c c a

Simili-

Similiter tamen in Gallia vigore Concordati inter Leonem X. & Franciscum I. Romano Pontifici fuerit conservatum jus præventionis quoad omnia Beneficia imò & ipsas dignitates sub his verbis: "Declarantes nos & Successores nostros jure præventionis dignitates, personatus, administrationes & officia cætera, que Ecclesiastica Beneficia secularia & quorumvis ordinum regularia quæcumque & quomodocumque qualificata tam in mensibus graduatis, simplicibus & nominatis, quàm ordinariis Collatoribus præfatis assignatis vacantia, ac etiam sub dictis mandatis comprehensa, liberè conferre; Nihilominus præventio non admittitur quoad Beneficia propriè electiva: teste enim Petro Tondulo *lib. 1. quæst. Benef. cap. 40. num. 8.* in electivis collativis admittunt Galli Pontificiam præventionem, non autem in confirmativis.

Nequaquam ergo sufficit ut provisos Apostolicos prober in Ecclesia Collegiata sancti Petri Insulensis receptam esse partitionem mensium, sive regulam Cancellariæ reservatoriam 8. mensium quemadmodum & hæc recepta est in omnibus passim Ecclesiis Flandriæ: sed necesse est ut prober *plene & concludenter* reservationem etiam illarum dignitatum electivarum confirmativarum in hac Ecclesia, præter usum omnium cæterarum Ecclesiarum Flandriæ esse receptam & stabilitam.

Porro quæ hæcenus provisos Apostolicos in probationem admittit & stabilitæ reservationis dignitatum electivarum ac signanter Thesaurariæ in Ecclesia Collegiata sancti Petri Insulensis adduxisse dicitur, planè insufficientia sunt ad adstruendum hanc reservationem adeò extraordinariam & à moribus & usu totius Flandriæ exorbitantem.

Quod enim asserit, *que le Pape est le maître absolu de tous les Benefices*; Conforme quidem est opinioni quorundam ultramontanorum Curie Romanæ adulantium, & Romani Pontificis auctoritatem in immensum amplificantium, sed planè contrarium est moribus nostris, qui nullam in Pontifice disponendi de Beneficiis auctoritatem hic agnoscunt præter eam quæ longo usu & Principum atque Episcoporum consensu expresso vel tacito admissa & excepta probatur.

Quapropter tamen in Gallia (quæ regulam reservatoriam 8. mensium non recipit) jus præventionis sub certis tamen modificationibus Pontifici concedatur, hoc tamen jus præventionis Belgium non agnoscit.

Neque proviso Apostolica vigore hujus juris in Belgio admitteretur in mensibus Ordinariorum, neque in Gallia, neque in Belgio ulla Apostolica proviso de Beneficiis juris Patronatus laici, vel etiam mixti recipitur. Evidens argumentum quod illa in Pontifice plenitudo potestatis providendi de omnibus Beneficiis (quam provisos Apostolicos ei attribuire studet) non agnoscatur.

Neque hæc auctoritas Pontificis quoad Collationem Beneficiorum eo titulo major asseri potest in Ecclesia Collegiata sancti Petri Insulensis, quod hæc per exemptionem prætendatur immediate subiecta sedi Apostolicæ, quandoquidem certum sit, uti rectè advertit provisos capitularis, hanc exemptionem non spectare nisi Jurisdictionem contentiosam, nullatenus verò ipsam provisionem Beneficiorum aut dignitatum.

Quapropter in Ecclesiis Flandriæ nulla quoad reservationem Beneficiorum aut dignitatum intercedit differentia inter Ecclesias exemptas vel non exemptas. Notumque est quòd in Ecclesia Cathedrali Gandensi, non secus ac in aliis Ecclesiis, dignitates electivæ confirmativæ, ut sunt Decanatus, Cantoria, Thesauraria, & Scholastica, hæcenus remanserint exemptæ à reservatione & per Capitulum in omnibus mensibus per electionem iis provideatur, tamen hæc Ecclesia exemptiq-

nis titulo gloriatur & se specialiter in omnibus suis literis ut exemptam proclamat.

Ex his habetur quàm infirma sint fundamenta seu principia ex quibus conficere vult provisos Apostolicus, *que le saint Siège a pu disposer de tous les Benefices de cette Eglise depuis l'an 1066. temps de sa fondation.* Cum è contrario concludere debuisset Capitulum mansisse in possessione eligendi ad has dignitates conformiter ad jus commune & terminos foundationis, quoad usque probatum esset jus provisionis Capitulo fuisse ademptum & ad Sedem Apostolicam devolutum.

Nec creditur quod Sedes Apostolica ab anno 1066. usque ad tempora Concilii Basileensis, ullam provisionem de Beneficiis hic in Belgio sitis expedierit vigore reservationis mensium; tamen non diffiteamur ab eo circiter tempore Curiam Romanam cœpisse uti mandatis de providendo nec non expectativis ad vacatura usque circa tempora Concilii Constantiensis & Basileensis, in tantum gravasse ordinarios ut eorum ingentes querelas contra Sedem Apostolicam excitaverint, ac tandem tum per Concilium Constantiense, tum per Basileense ac demum per Concilium Tridentinum remedia expostulaverint adhibenda, uti & nonnulla adhibita fuere, & earum usus tandem hic in Belgio abrogatur, reservationibus duntaxat sub quodam moderamine toleratis.

Quod autem per provisos Apostolicum allegatur proviso Joannis de Douay facta in mense (ut præcendit) reservato vigore Indulti Carolo VI. Regi Franciæ à Sede Apostolica concessi, ad probandam reservationem dignitatis Thesaurariæ tunc temporis in Ecclesia sancti Petri fuisse receptam, posset in speciem saltem aliquid concludere, si Pontifices similia indulta Regibus & Principibus concedere non consuevissent, nisi in mensibus sibi reservatis; sed cum nemo ignorare possit Pontifices similia indulta sub id tempus passim Regibus & Principibus concessisse in omnibus mensibus & quoad Beneficia nulli reservationi obnoxia, nihil omnino vel in speciem ex hoc indulto Caroli VI. & provisione in vim illius de Thesauraria in Ecclesia Insulensi eo tempore facta pro receptione ipsius reservationis, concludi potest.

Et quidem sub idem pene tempus, nimirum circiter anno 1436. Eugenius IV. Indultum concessit Regi Franciæ in vim cujus mandat Prælati, ut quibuscum Officialibus Regis in ipso Indulto Papali nominatis semel in vita sua de proximo vacaturo Beneficio provideant sine ulla mensium aut Beneficiorum reservatorum aut non reservatorum distinctione, ut proinde ex hac provisione nullatenus concludi queat, provisionem hanc factam fuisse vigore reservationis, aut reservationem mensium saltem quoad Thesaurariam eo tempore in Ecclesia sancti Petri fuisse receptam.

Neque plus ponderis habet secundo loco productum per provisos Apostolicum, scilicet quod anno 1472. Joannes de Lacu obtinuerit provisionem Thesaurariæ vigore cujusdam expectativæ: ut enim verum esset Joannem de Lacu vigore cujusdam expectativæ obtinuisse provisionem Thesaurariæ; inde tamen concludi non posset reservationem hujus vel aliarum dignitatum in Ecclesia Collegiata sancti Petri Insulensis fuisse agnitam.

Neque quippe ignorat expectativas plurimum differre à reservatione; per reservationem enim sive partitionem mensium Beneficia in mensibus reservatis vacantia vigore reservationis spectant ad plenam provisionem Sedis Apostolicæ, neque ad similia Beneficia vacatura dantur aut unquam datæ fuisse expectativæ leguntur.

Expectativæ quippe, sicuti & mandata de providendo concedebantur ad Beneficia vacatura spectantia ad provisionem Ordinariorum quibus mandabatur ut expectantibus & mandataris Apostolicis de vacaturis Benefi-



Beneficiis ipsi providerent, & Ordinariis recusantibus in ipsis litteris nominabantur executores in partibus qui auctoritate Sedis Apostolicæ Beneficia vacantia expectantibus conferrent.

Hinc non dicitur Joannem de Lacu provisionem Theſaurariæ obtinuisse à Sede Apostolica, quemadmodum obtinisset si titulo reservationis eam à Sede Apostolica impetrasset, sed dicitur quod vigore expectativæ missus fuerit in possessionem.

Neque mirum apparere debet Sixtum IV. qui eo tempore Pontificatum gerebat, Joanni de Lacu dedisse expectativam ad vacaturam Theſaurariam, tametsi ad provisionem Capituli & Ordinarii spectantem, quandoquidem de eodem Pontifice conquestus fuerit Procurator generalis coram Maximiliano & Philippo harum ditionum Principibus per expectativas ab hoc Pontifice indultas.

Jus Ordinariorum inutile reddi in his verbis; *Et quant aux lites Bulles expectatives, par icelles les collations des Ordinaires ont été rendues infructueuses au préjudice tant desdits Ordinaires, que des Impétrans de leurs droits & des collations, & contre l'intention des Fondateurs.*

Et quidem hæ querelæ Procuratoris generalis contra has expectativas impulerunt Principes, ut contra has Romanæ Curiae provisiones publicaverint edictum die 12. Septembris anni 1485. quod integrum refertur parte 1. edictorum Flandriæ rubrica 8. tit. 1. quo vetantur similes expectativæ in has Provincias ulterius recipi.

Verum quidem est tempore publicati hujus edicti hunc Pontificem Sixtum IV. fuisse defunctum, sed notandum Procuratorem generalem suas querelas potissimum direxisse contra expectativas, quæ à decem aut undecim annis (qui erant anni Pontificatus hujus Pontificis) multum invaluerunt & Ecclesias Belgicas multum vexaverant; verba ejus sunt: *Car toutes Provisions dépêchées en Cour de Rome, ont été fort accrues, & quasi doubles depuis dix ou onze ans en ça*: Sicut Indultum quod dicitur concessum Carolo VI. Regi Franciæ de providendo de Theſauraria in Ecclesia Collegiata sancti Petri Insulensis non probat admissam reservationem hujus dignitatis in mensibus reservatis, ita nec Indultum vigore cuius Carolus V. dicitur providisse de hac dignitate Theſaurariæ vigore Indulti Apostolici.

Dicitur enim Carolum V. ejusque successores usque in hodiernum diem in vim Indulti Leonis X. providere de omnibus primariis dignitatibus post Pontificalem in Ecclesiis Cathedralibus & de Principalibus in Ecclesiis Collegiatis, tametsi hæ dignitates in hisce Ecclesiis nunquam reservationi Apostolicæ vigore hujus regulæ 8. mensium sciatur fuisse subiectæ.

Quantum ad provisionem hujus dignitatis Theſaurariæ in persona Bertrandi Verviani, cum eam & in Curia Romana obtinuerit, & à Capitulo nec sciatur in vim cujus provisionis sententiam recreentalem reportaverit, nihil concludent ex hac provisione pro fundanda receptione reservationis Apostolicæ inferri potest. Quandoquidem igitur nullus indubitatus actus possessionis, nullusque legitimus titulus per provisum Apostolicum adducatur ad fundandam inductam reservationem Pontificiam, quoad dignitates electivas confirmativas in Ecclesia Collegiata sancti Petri Insulensis, non apparet qua specie provisus Apostolicus pretendere queat, has dignitates in hac Ecclesia sub reservatione Sedis Apostolicæ comprehendi titulo immemorialis possessionis vel prescriptionis.

Quis enim nescit ad inducendam similem prescriptionem seu possessionem, ubi nullus titulus specialis probatur, inniti debere concludentibus nec controversis actibus possessionis per tempus immemoriale continuatis: notanter si per similem prescriptionem

introducitur prætendatur quod & juri communi contrariatur nec non generali patriæ praxi opponitur, ipsamque Beneficiorum fundationem, si non evartet, saltem alteret, & Ecclesiarum communi utilitati natum est officere, quale est ipsa reservatio dignitatum quæ titulo similis prescriptionis in hac Ecclesia contra jus commune & usum cæterarum Ecclesiarum, nec non fundationem seu institutionem earum dignitatum inducta prætenditur, uti supra ostensum est.

Imo tametsi probaretur per Sedem Apostolicam aliquoties, etiam titulo reservationis, huic dignitati mensibus reservatis fuisse provisum, atque in vim hujus provisionis sine ulla contradictione Capituli provisum Apostolicum fuisse ad possessionem admissum & pacifice in ea perseverasse; nihil tamen inde concludenter pro recepta & stabilita reservatione Apostolica concludi posset.

Neque enim conniventia Capituli aut etiam ejusdempositiva approbatio similis provisionis Apostolicæ, ejus est efficaciæ, ut contra communem patriæ usum hæc dignitatum reservatio in hac Ecclesia recepta censeatur debeat, eaque mediante ipsa primæva dignitatum conditio alteratur & contra communem Ecclesiæ utilitatem earundem dignitatum provisio ad potestatem extraneam, scilicet Curiam Romanam legitime devoluta cum ingenti incommodorum sequela, quæ similes reservationes secum trahere consueverunt & de quibus jam pridem tam alte tum Belgii Ministri, tum Ecclesiarum Prælati conquesti fuere, & ad quorum querelas plura contra provisiones Romanas Principum edicta prodierunt.

Quod vel in præsentis casu eo magis militat, quod tum per regulam reservationis 8. mensium provisio Canoniarum in 8. mensibus pertineat ad Sedem Apostolicam, natum sit fieri, ut Capitulum constet ex plerisque Canonicis, qui suam ad Canoniciatus Promotionem referre debeant Sedi Apostolicæ, qui ut eam in se collatam gratiam recognoscant, facile provisioni Apostolicæ annuent: præsertim cum à Sede Apostolica meruerint obtinere provisionem Canoniciatus, sperare queant eadem via aliquando & dignitatum provisionem se obtenturos.

Refert Renatus Chopinus lib. 1. de sacra Politia, tit. 1. num. 3. 4. 5. & 6. deliberationem Capituli Claromontani, qua electionem Canonicorum solitam fieri per communem Capituli electionem transulerant ad Turnarios, appellante tanquam ab abusu Procuratore Regio, à Senatu Parisiensi fuisse cassatam quam tamen summus Pontifex diplomate confirmarat. Eo indubie fundamento quod penes Capitulum non esset auctoritas mutandi modum providendi de Canonicatibus in ipsa fundatione præscriptum, vel longæva consuetudine observatum.

Et Antonius Faber in suo codice lib. 10. tit. 2. de finitione 48. agens de unione Beneficiorum notansque: „ Quoniam unio Beneficiorum odiosa est, & à communi „ Ecclesiarum utilitate aliena, nunquam nisi ex magna & necessaria causa permitti debeat vocatisque in „ eam rem omnibus illis quorum interest ac post hæc „ expressis iis qui vocandi sunt; addit vocandum quoque Procuratorem generalem, non solum si jus Patronatus ad Principem pertineat, sed etiam si ad alium, nempe ratione publicæ utilitatis & ad hoc ipsum „ dispiciendum an publice utilis futura sit unio an inutilis, quin & additum esse vocandum pro tuenda Principis auctoritate, ad quem pertinet ut Beneficiorum „ omnium, quæ in territorio sunt, protector & conservator existimetur.

Ex his concludit quod si non „ vocato Procuratore „ generali unio facta sit, possit & soleat ille ab ea tanquam ab abusu provocare, semperque ea provocatio „ admittatur, etiam post centum annos, quia unio semper & perpetuo gravat.

Quidni



Quidni igitur reservatio dignitatum, etiamsi per Capitulum privatâ auctoritate, aliquando fuisset admissa, Principis auctoritate eadem ratione cassanda esset; utpotè non minùs quàm unio Beneficiorum publicæ utilitati præjudiciosa & non minus quàm ipsa unio continuò gravans ac ipsam dignitatum primævam conditionem everrens aut saltem alterans.

Nec minùs hic locum habere debet quàm in ipsa unione sine interventu Procuratoris Regii factâ, quod subjungit idem auctor; quid ergo, si nulla provocatio sit ab ea unione quam, inaudito Procuratore generali, aut non vocatis iis quorum interfuit, factam esse appareat, idem jus constitui debebit, non ut abusiva pronuntietur unio, sed ut perinde ac si facta non esset, nulla ejus ratio habeatur, negligaturque à Senatu quæ, neglecto Principe Senatuque, facta fuit.

Itaque censent infra scripti per provisum Apostolicum

nequaquam probatum esse sufficienter reservationem dignitatis Thesaurariæ; de qua in casu, in hac Ecclesia Collegiata sancti Petri contra jus commune, nec non communem usum aliarum Ecclesiarum Belgii esse legitimè receptam & stabilitam, & consequenter Capitulum in jure eligendi, ejusque provisum esse manutenendum, quo usque aliundè plenè & concludenter provisus Apostolicus titulum reservationis probaverit.

Ita responsum Lovanii 30. Julii 1715.

Erat signatum, Z. B. VAN-ESPEN, J. U. D. SS. Can. Profess.; J. F. HERTAIS, J. U. D. & Professor, Primarius; LAURENTIUS HACQUIUS, J. U. Doct. & Antecessor Primarius; L. WIRIX, J. Utriusque Doct. & Profess. ordinarius; AMANDUS BAUVENS, J. U. D. & Profess. ordin.

## Monumentum XVII. citatum pag. 780. num. XVII.

### T.

#### DECRETUM ARCHIEPISCOPI MECHLINIENSIS QUO PRÆSCRIBITUR RITUS porrigendi Aquam benedictam.

*Alphonfus de Berghes, Dei & Apostolicæ Sedis gratiâ, Archiepiscopus Mechliniensis, Primas Belgii, ad Exercitus Regios Delegatus Apostolicus, suæ Majestati à Consilio Status, &c. Omnibus his visuris, Salutem in Domino.*

**T**ENORE præsentium mandamus omnibus & singulis Diececisi nostræ Pastoribus, Vicariis, aliisque Presbyteris, tam secularibus, quàm Regularibus cujuscumque Ordinis, ut, dum populum aquâ benedictâ aspergunt, modum ab Ecclesia in Pontificali Romano præscriptum exactè observent, in ejusdem conformitatem ipsis districtè inhibendo sub pœna arbitraria, ne ulli personæ, utriusvis sexûs, cujuscumque præminentiæ, Dignitatis, Officii, Itatus, aut conditionis, etiam in Dignitate Ecclesiastica constitutæ (iis tamen exceptis, quibus in Pontificali Romano idipsum conceditur) aspersorium extendant ad aquam benedictam manu inde sumendam, aut porrigant ad se

aspergendum, aut eandem inde sumi permittant; consuetudine contrariâ quacumque (quæ abusus est) non obstante. Ut autem præsentis litteræ omnibus innotescant, illas ad valvas ordinarias per Diececlim nostram affigi mandamus. Datum Bruxellis Diececisi nostræ die 9. Junii anno 1681. (a)

A. A. M. V.

Locus †. Sigilli.

*De mandato Illustrissimi & Reverendissimi Domini Archiepiscopi præfati.*

J. DE MAEYERE Secret.

(a) Doctissimus la Faille in Annalibus Tolosanæ rom. 1.º pag. 27. & post eum Auctor consuetudinis Ducatus Burgundiæ tom. 2.º cap. 54. de Aquâ benedictâ ceterisque juribus honorificis quæ Paræciarum Dominis debita sunt, eruditè disseruerunt: Hic, scilicet Auctor consuetudinis Burgundiæ Gallico idiomate cap. 54. num. 49. factum refert ignotum Gallis qui ea de re scripserunt: en ejus contextus. Il y eut une plainte formée par la Noblesse de Languedoc à l'Assemblée des États de la Province tenue en 1303. contre une Ordonnance de l'Evêque de Carcassonne, qui défendoit aux Curés de présenter de l'Eau-bénite aux Seigneurs Justiciers, à leurs femmes, & à leurs enfans; sauf à la leur donner par aspergion. Mais le Roi, à qui cette plainte fut présentée par les Députés des États, sans s'arrêter à cette Ordonnance, maintint la Noblesse en toutes ses Droits honorifiques dans les Eglises comme du passé.

Dominus d'Héricourt in suo opere Gallico legum Ecclesiasticarum, part. 3.º pag. 134. num. 16. Edit. ann. 1743. hæc in Galliis observanda contendit. Le Curé donne d'abord l'Eau-bénite au Patron, & ensuite au Seigneur Haut-Justicier en leur présentant le goupillon, si c'est la coutume du Diocèse, ou par aspergion comme aux autres Fidéles.

Et observatione num. 19. pag. 134. & 135. addit vir doctissimus. On a fait imprimer en 1716. sous le titre d'Arrêts usagés de la Cour du Parlement de Paris, concernant les Droits honorifiques, deux Arrêts du Parlement de Paris, dont l'intitulé mal rédigé, & le dispositif mal examiné, ont induit en erreur plusieurs Seigneurs Hauts-Justiciers. L'un de ces Arrêts est du 14. Juillet 1714. l'autre du 10. Juin 1716. .... Ce que porte l'Arrêt de 1716. que le Curé primitif ou le Vicaire perpétuel de Savis (en Artois) donneront l'Eau-bénite au sieur Beaurains Seigneur, à sa femme & à ses enfans, en présentant le goupillon à chacun d'eux séparément, & l'encens par trois fois au sieur Beaurains, par trois fois à sa femme, & à leurs enfans chacune une fois, est fondé sur l'usage. Il y a plusieurs Diocèses, où il est même défendu par les Statuts de présenter le goupillon aux Seigneurs, & la manière de leur donner de l'encens est différente suivant les Diocèses. J'ai cru (prosequitur Dominus d'Héricourt) devoir m'arrêter sur les circonstances de l'Arrêt de 1716. parcequ'il a donné lieu à des Seigneurs Hauts-Justiciers de former des demandes exorbitantes, & que des Curés en ont paru embarrassés. Huc usque vir doctissimus d'Héricourt.

## Monumentum XVIII. citatum pag. 794. in notâ.

## V.

FORMULA, QUA A REGE NOMINATUR OBLATUS  
IPSIS MONASTERIIS.

CHARLES, par la grace de Dieu, Roi de Castille, de Leon, d'Arragon, &c. A Religieuses Personnes nos cheres & bien-aimées les Prieure & Religieuses du Prieuré de l'Ordre de S. Bernard, en notre pays & Duché de Brabant, SALUT & dilection. Comme à cause de notre réception & avènement aux Etats des Pays-Bas & de Bourgogne, Nous compette & avons droit dans chacune Abbaye, Monastere, Prieuré & Hôpital dudit pays, donner un Pain & Prébende, avec les habillemens, & autres droits & émolumens accoutumés, & y appartenans, même en votre-dit Prieuré, où tel Pain est vacant; Pour ce est-il, que Nous voulons en ce user de notre-dit droit, & pour le rapport que fait Nous a été de N.N. jeune fille, native de la Ville de Bastoigne en notre pays & Duché de Luxembourg, & que ses plus proches parens souffroient gran-

de perte en leurs biens, tant audit Bastoigne, qu'aux environs de la Ville maintenant possédée par la France; A laquelle cause, ladite N.N. se trouveroit sans aucune commodité: Avons en considération de ce que dessus, & des services de ses ayeuls & devanciers, donné & conféré, donnons & conférons à ladite N.N. pour Dieu & en Aumône, par ces Présentes, le Pain & la Prébende qu'avons droit de donner en votre dit Prieuré & Monastere, à cause de ce que dit est, avec les habillemens, & autres droits & émolumens quelconques y appartenans. Si vous mandons & commandons, qu'avez à recevoir & admettre la-dite N.N. en votre dit Prieuré, & que dudit Pain & Prébende, habillemens, droits & émolumens accoutumés & y appartenans, la faites pleinement & paisiblement jouir & user; cessant tous contredits & empêchemens au contraire; Car ainsi Nous plaît il.

## NOTA ELUCIDANS DIFFICULTATEM,

Quæ oriri potest ex numero 1v. pag. 62. col. 2.

INTRA scriptus requisitus declarare mentem suam circa quemdam locum Operis sui, quod inferbitur: *Jus Ecclesiasticum universum*, &c. Parte 1. tit. ix. cap. iv. n. 4. pag. 62. ubi sic legitur: *Si VICARIUS sit in aliqua causa suspectus, providet Capitulum; atque vi Jurisdictionis apud ipsum remanentis de causis suspensionis cognoscit, ut tradit Fagnanus ad cap. HIS QUÆ de Major & Obed. n. 75.*

An scilicet hisce verbis infra scriptus voluerit docere, quod juxta disciplinam & praxim Belgarum Capitulum, Sede vacante, cognoscat de causis suspensionis seu recufationis juridicæ adversus personam & judicium Officialis propositiæ?

Declarat, mentem suam nullatenus fuisse istis verbis docere, quod juxta praxim Belgarum Capitulum Cathedralæ, Sede vacante, cognoscere possit de causis suspensionis contra Officialem, qui Jurisdictionem contentiosam exercet, intentatæ: Sed duntaxat quod Capitulum cognoscere queat de causis suspensionis propositiæ adversus Vicarium, qui tantum habet Jurisdictionem in Voluntariis & Spiritualibus, & qui propriè secundum praxim Belgarum vocatur Vicarius generalis; de quo solo hoc capite agebatur.

Neque enim capitulo etiam Cathedrali fas est potestatem Officialis ad certas causas restringere, vel modum illi præscribere, quo in Jurisdictionis suæ exercitio procedat; quod tamen Capitulum posse circa Vicarium, expressè eodem illo capite notavit infra scriptus; ut proinde vel ex hoc evidens sit, infra scriptum unicè de Vicario in spiritualibus hic agere voluisse.

Uteriùs nunquam incidit vel dubium ipsi infra scripto, quod Officialis à Capitulo semel constitutus posset pro arbitrio revocari: hoc tamen circa Vicarium non ita certum esse ibidem indicavit.

Igitur quod ex Fagnano loco citato adduxit infra scriptus, unicè adhibuit, ut etiam per auctoritatem illius Canonistæ probaret, Jurisdictionem Vicarii, nimirum in Voluntariis, dependentem esse à Capitulo, penes quod ipsa semper radicaliter remaneat: quamquam Fagnanus praxim Italiæ secutus Vicarium & Officialem confudisse non ignoretur.

Neque sanè aliud infra scripto incidere unquam potuisset, cum notorium sit, secundum consuetudinem & praxim Belgarum capitula Cathedralia, Sede vacante, nullum habere Episcopalis Jurisdictionis contentiosæ exercitium, nullum Tribunal aut Forum contentiosum, neque Curiam, neque Ministros, putà Promotorem, Apparitores, aut similes. solum in ordine ad strepitum Forensis: quia licet quædam capitula habeant similes Ministros, eos habent, ut exercent quamdam Jurisdictionem non contentiosam, sed correctionalem; idque duntaxat in illos sibi subditos; qui de gremio Ecclesiæ suæ existant.

Quin licet Episcopus constituat suum Officialem, tamen praxis Belgio notoria habet, ut causa suspensionis contra Officialem allegata non deferatur ad Episcopum decidenda, sed juxta jus commune ad arbitros à partibus eligendos.

Ita declaratum Lovanii hac 13. Novembris 1726. erat signatum Z. B. Van - Elphen J. U. D. & Prof.

## EDITORIS NOTÆ IN CONCORDATA GERMANICA,

Quæ referri debent ad paginam 88. col. 2. primi Voluminis.

Espenianorum Operum Editor promiserat Dissertationem in Concordata Germaniæ, habita 19. Martii 1448. Nicolaum V. summum Pontificem inter &

Fredericum III. Imperatorem; at propter rationes, quas referre supervacaneum foret, notas quasdam dissertationis loco duntaxat subjicit.

I. Qui-

I. Quidem notandum est in istorum Concordatorum paragrapho *de cæteris*, ob variam cuiusdam parentheſeos poſitionem difficultates varias procreari. Sic autem legitur in novis Cleri Gallicani commentariis tomo undecimo, pag. 1818. col. 2.

„ De cæteris dignitatibus & beneficiis quibuscumque, ſecularibus & regularibus vacaturis, ultra reſervationes prædictas (majoribus dignitatibus poſt Pontificales in cathedralibus & principalibus in collegiatis Eccleſiis exceptis) de quibus jure ordinario providetur per illos inferiores, ad quos aliàs pertinet; placet etiam nobis quòd per quancumque aliam reſervationem, gratiam expectativam, aut quamvis aliam diſpoſitionem ſub quacumque verborum formula per nos vel auctoritate noſtrâ factam vel faciendam; non impediemus nos quominus de illis cum vacabunt de Februarii, Aprilis, Junii, Auguſti, Octobris & Decembris menſibus, liberè diſponatur per illos, ad quos eorum collatio, proviſio, præſentatio, electio, ſeu quævis alia diſpoſitio pertinebit, reſervatione, aliâve quâvis diſpoſitione, auctoritate noſtrâ factis, vel faciendis, non obſtantibus quibuscumque.

Pro varia ratione collocandi prædictam parentheſim, variæ naſcuntur difficultates, circa collatorem, qui conferre debet majores dignitates, quæ poſt Pontificales in cathedralibus Eccleſiis primum locum obtinent. Sunt Canonistæ, qui contendunt poſt hæc verba *Eccleſiis exceptis* claudendam eſſe parentheſim; & ea videtur eſſe opinio Auctoris novorum commentariorum Cleri Gallicani; porro qui ita ſentiunt, arbitrantur eſſe penès ſummum Pontificem in quocumque menſe jus diſponendi de majoribus dignitatibus, quæ poſt Pontificales in Cathedralibus primum locum obtinent.

At ſunt alii Canonistæ, qui ulterius parentheſim collocant, ſcilicet poſt hæc verba, *ad quos aliàs pertinet*. Qui hanc parentheſeos poſitionem vindicant, hi contendunt collationem majorum dignitatum poſt Pontificales eſſe penès Ordinarium, aut penès Capitulum quòd elegit.

Sunt, qui nullam agnoſcunt parentheſim; reverà in textu autographo & primigenio non compareret parentheſis; at ejus defectus nedum minuat difficultatem, videtur illam magis augere.

Ubinam igitur collocanda eſt parentheſis? Nefcio.

Nec noſtrum inter eos tantam componere litem.

Hac de re conſuli poſſunt ſcripta, quæ duo litigantes Canonici de Præſectura Eccleſiæ Cameracenſis ſibi invicem oppoſuerunt; hi autem Canonici ſunt D. De la Verdure de Gaverelle ex una parte, & ex altera D. Robertus Filtzmaurice: uterque ſcripta pro jure ſuo defendendo publici juris fecit ſeptem abhinc annis; neuter ſuâ cauſâ cecidit; adhuc ſub judice lis eſt, uti creditur.

II. Quæritur utrùm ſint quædam in Galliarum Regno civitates, in quibus circa modum beneficia conferendi, Concordata Germanica obſerventur.

Reſpondeo: Vel agitur de civitatibus, quæ Imperio Germanico obnoxie erant, quando Concordata habitæ ſunt; vel de civitatibus, quæ tunc huic Imperio eſſe deſierant, aut nunquam fuerant obnoxie, vel agitur de civitatibus, circa quas dubium eſt, an tum ad Germanici Imperii dominium pertinerent.

Si de civitatibus, quæ Imperio obnoxie erant, quando Concordata initæ ſunt, agatur; arbitrantur

Canonistæ in iis obſervari Concordatorum executionem, modò ſuarum prærogativarum conſervatio à Rege Galliarum promiſſa civibus fuerit, aut reſtituta.

Si quæſtio tantùm ſit de civitatibus, quæ ad Imperium neque mediâtè neque immediâtè pertinebant, fatendum eſt omnino eſſe penès Galliarum Regem, ut iis Concordatorum obſervationem permittat, vel reſuſcet. Videndum igitur eſt, utrùm jus ea obſervandi conceſſerit, vel ab ejus prædeceſſoribus conceſſum fuerit.

Si tandem quoddam aſeſſe videatur dubium, an eo tempore, quo facta ſunt Concordata, iſtæ civitates fuerint jure legitimo obnoxie Imperio Germanico, aut an Concordata liberè acceptaverint; tunc ut nulla difficultatis ratio habeatur, concedere ſolet ſummus Pontifex Bullam, quæ privilegium, quod idiomate Gallico *Indult ampliatif* nuncupant, complectitur.

Ea reſponſio clarior fiet verbis Domini Talon, quæ ex una ejus orationibus cauſidiciſ deſumptæ ſunt (*Tom. 1. du Journ. des Audien. l. 3. ch. 89. ét. 1678.*) Ecce viri doctiſſimi contextus.

*L'Empereur & les Princes d'Allemagne, ne voulant pas être de moindre condition que les François, traitèrent avec le Pape Nicolas V. & firent le Concordat Germanique l'an 1447. \* Et parce que l'Evêque de Metz & le pays Meſſin n'a jamais été une province d'Allemagne, étant aſſis au-deſſus du Rhin, ſuivon en conſéquence de l'ufurpation qui en avoit été faite, le Pape par ſa Bulle de 1450, déclara l'Evêché de Metz être compris dans le Concordat Germanique, & cette Bulle s'appelle un Indult ampliatif, dans lequel Concordat Germanique le Pape ſe réſervant la proviſion aux Bénéfices la moitié de l'année, il conſent que l'élection ait lieu pour les Eglises Cathédrales & Métropolitaines, & prout de ne point uſer de réſerves & graces expectatives, qui empêchent les Ordinaires en la liberté de leurs fonctions dans les mois qui leur ſont délaſſés. Huc uſque Orator ſacundiſſimus D. Talon, cujus oratio plurimam lucem effundit in loca, quæ in Concordatis Germanicis quandam obſcuritatem involvunt; quare non pigebit eam pervoliſſe.*

Sextâ Auguſti anno 1672. ea quæſtio agitata eſt in Senatu Metenſi, an Concordata Germanica in Diœceſi Tullenſi obſervari debeant; an verò Concilii Tridentini decreta, quæ Beneficiorum collationem ſpectant in eo Episcopatu recepta fuerint. Ut innoſceſcat, quid hac de re dictum fuerit, conſulantur, quæ collegerunt Auctores Diariorum Palatii, in fol. tom. I. pag. 290. &c. edit. Paris. 1701.

III. Inquiret fortasſe non nemo, an Proteſtantes Concordatorum Germanicorum rationem aliquam habeant?

Reſpondeo Proteſtantes Germanicos ab eorum jure quoad omnes articulos reſceſſiſſe. Quippe ubi de jure canonico litigant, conſiſtiunt ad pacem, quæ *religioſa* vulgò dicitur, aut ad Imperii reſceſſus, qui eam ſtabiliunt, vel ad pacis Weſtphaliæ inſtrumentum in iis momentis, quæ de rebus Eccleſiaſticis agunt. Quid de Concordatis Germanicis ſentiant Proteſtantes, referunt Schilterus in calce *inſtitut. juris canon.* Linkius in *diſſert. de Concordat. nat. German.* Bohemerus in *jure eccleſiaſtico Proteſtantium*, tom. 1. l. 1. tit. 3. de *Conſtitutionibus*, p. 146. &c. & *litteræ interceſſionales* ad Leopoldum Cæſarem directæ an. 1703. apud Fabrum, tom. 9. p. 774.

\* Reſtiſſe ſentiunt, qui ad annum 1448. Concordata Germanica referunt. Conſule Corpus Diplomaticum à viro erudito Dumont collectum tom. 3. pag. 164. col. 2. ad notam ſecundam.





# ADDITIONES

SEU

## OBSERVATIONES

### IN JUS ECCLESIASTICUM UNIVERSUM

OBSERVATIONES quæ sequuntur, Auctorem sibi vindicant D. Gibertum Canonistam doctissimum: cum in opere qui inscribitur *Jus Ecclesiasticum* advertisset vir eruditus plurima desiderari, quæ Ecclesiæ Gallicanæ disciplinam spectant, operæ pretium judicavit Observationes, quæ subjiciuntur in formam supplementi componere; quibus in manuscripto Codice hunc fecit titulum.

#### USAGES DE FRANCE.

*Sur toutes les matieres Canoniques de pratique tirées des Ordonnances Royaux, de la Jurisprudence des Arrêts, des Réglemens du Clergé & des Statuts Diocésains, pour suppléer à ce qui manque au Livre intitulé Jus Ecclesiasticum Universum. Addition ou Supplement, commode pour les François, qui verront de suite ce qui les concerne particulièrement dans un Ouvrage aussi important.*

Hæc Addito seu Supplementum Gallico idiomate\* publici Juris fit, id est, eâ linguâ, quâ ea elaboravit. D. Gibertus, eundem ordinem sequitur; quem in suo opere observavit D. Van-Espen.

---

## PARTIE PREMIERE.

---

### TITRE PREMIER. DES CLERCS.

#### CHAPITRE IV.

*Il faut attacher les Clercs à certaines Eglises.*



MONSIEUR Van-Espen auroit pu remarquer qu'encore que le Decret du Concile de Trente, qui défend de donner les ordres à qui que ce soit, sans l'attacher à quelqu'Eglise, ait été reçu par les Conciles de France, il n'y est pas cependant observé; il falloit prouver l'usage des Pais-Bas sur ce Decret par des actes plus recens, que les Conciles qui y ont été tenus près celui de Trente.

Tom. I.

#### TITRE II

*De la vie & de l'honnêteté des Clercs.*

#### CHAPITRE II.

*Modestie de Clercs dans leurs habits.*

N. 8. IL auroit dû observer qu'un Clerc Bénéficiaire ne peut être privé de son Bénéfice pour le port des habits seculiers, que lorsqu'il persévère d'en porter après les trois injonctions Canoniques faites dans les formes prescrites, *proced. crim. des Official. p. 13. part. 1.* la privation du Bénéfice est la principale des peines Canoniques portées contre cette faute, & on dit ici, qu'il faut faire des injonctions, avant que

D d d d d

que de procéder à l'exécution des Statuts Synodaux sur l'indécence des habits ; ils défendent les Justaucorps, les Cravates, & toute autre couleur, que la couleur noire. L'Edit de 1606. art. 6. permet de procéder nonobstant l'appel, comme d'abus contre les Ecclésiastiques séculiers ou Réguliers, qui portent des habits indécens. Voyez la Note de Neron sur cet art.

### CHAPITRE III.

*Les Clercs doivent fuir l'incontinence.*

**C**E qu'il dit que les Clercs sur la seule injonction de leur Supérieur, doivent renvoyer les femmes suspectes d'incontinence, qu'ils ont chez eux, & s'abstenir de toute fréquentation scandaleuse, a besoin d'explication ; car s'il entend que le mepris d'une seule injonction verbale donne droit de punir le coupable des peines Canoniques, ce qu'il dit, n'est pas conforme aux Usages de France, où il faut trois injonctions par écrit qui aient été sans effet, pour pouvoir procéder à cette punition du Clerc suspect d'incontinence ; que s'il prétend seulement, que le Clerc averti par son Supérieur, doit avoir assez de respect pour cet avertissement, pour obéir incessamment & ne pas attendre, qu'on l'y contraigne par des procédures : ce qu'il dit, a lieu dans tout pays.

### CHAP. V.

*Les jeux de hazard sont défendus aux Clercs.*

**L**es Ordonnances des Rois de France défendent les jeux de hazard à toutes sortes de personnes, Orleans art. 101. Blois art. 80. Moulins art. 59.

### CHAP. VI.

*Les Clercs ne se doivent pas mêler des affaires séculières.*

**N. 3.** **V**AN-ESPEN auroit dû avertir, qu'en France il est permis aux Curés de prendre la ferme des Dîmes de leurs Paroisses par l'art. 24. de l'Edit de 1606. qui les prive seulement de la préférence, qu'ils y prétendoient sur toute autre personne.

**N. 10.** Il auroit dû étendre à la France ce qu'il dit des Pais-Bas, que les Ecclésiastiques n'y ont pas besoin de dispense pour étudier en droit civil ou en médecine, & le prouver par la pragmatique sanction tit. 4. §. 12. & par le Concordat tit. 5. §. 8. L'un & l'autre supposent, que les gradués en droit civil, ou en médecine, peuvent avoir des Bénéfices.

### TITRE III.

*Des Pasteurs, & des Vice-Pasteurs.*

### CHAP. I.

*Chaque Paroisse doit avoir son Curé.*

**N. 4.** **L**es Ordonnances de France & les Arrêts concernant les Paroisses supposent communément, que les Paroisses y ont des bornes distinguées, sans excepter même celles, où il y avoit plusieurs Curés en titre ; car quoiqu'il y eût plusieurs Curés, il n'y avoit pourtant qu'une Paroisse ; on a des preuves de cette distinction des bornes dans l'administration des Sacremens, dans les enterremens, & dans la perception des dîmes, des prémices & des offrandes.

**N. 5.** Les Ordonnances Royaux touchant le Sacrement de Pénitence & le Sacrement de Mariage suppo-

sent, que l'administration des Sacremens appartient principalement au Curé. Edit de la jurid. art. 12. Ord. de Blois art. 40. Edit. de 1606. mois de Decembre art. 12. Ord. 1629. art. 39. & 179. Declaration de 1639. art. 1. Edit de Mars de 1697. Declaration du 15. Juin 1697.

### CHAP. II.

*Des Vice-Pasteurs, à qui en appartient le choix, & à quoi ils sont tenus.*

**N. 1. 2. 3.** **L**E Concile cité ici par Van-Espen n'est pas le seul, qui prouve que le choix des Vicaires appartient au Curé, je les ai ramassés dans une consultation faite sur la question, si le Curé a droit de renvoyer ses Vicaires.

**N. 4.** Les Ordonnances Royaux concernant la célébration des mariages, s'adressent aux Vicaires comme aux Curés, art. 40. de Blois, il fait mention expresse des Vicaires, edit du mois de Mars 1697. il comprend les Vicaires sous le nom de Prêtres, qu'il joint aux Curés, aux quels il défend, comme aux Curés de marier d'autres personnes, que leurs vrais Paroissiens.

### CHAP. V.

*On répond à l'objection tirée de la réponse 68. des régles du droit in VI. le peuple est mieux instruit par le Curé, que par des étrangers.*

**N. 4.** **L**e rapport de l'auteur va trop loin, car si la raison pour la quelle le Curé ne peut commettre les instructions, qu'il est obligé de faire, est, que son industrie personnelle a été choisie à cet effet, il ne pourra pas commettre, lorsqu'il sera légitimement empêché c. 4. *de Off. jud. deleg. c. 12. eod. tit. in VI.* Ils apprennent, que ceux qui sont personnellement délégués même par le Pape ne peuvent jamais en s'obliger, quoiqu'ils soient légitimement empêchés, supposé qu'ils aient été délégués pour leur industrie, comme lorsqu'ils ont été chargés de faire une enquête ou une information, ou de pouvoir à une Eglise. §. 1. du c. 43.

### TITRE IV.

*Des Custodes, ou Gardiens des Eglises Paroissiales.*

### CHAP. II.

*Qualités requises dans les Custodes.*

**N. 5.** **L**a conséquence que Van-Espen tire des fonctions des Custodes & des qualités, qu'elles requièrent, est fort juste ; car il s'ensuit nécessairement de là, 1<sup>mo</sup> que l'office de Custode est Ecclesiastique ; 2<sup>do</sup> qu'il ne peut être vendu sans simonie, mais il faut la restreindre au cas, dont il parle, autre chose en est, lorsque le Custode n'a autre soin que des ornemens, des vases sacrés, du pain & du vin pour la Messe, de la decoration de l'Eglise & des Autels, parcequ'en tout cela il n'y a rien qu'un laïc ne puisse faire ; & si l'Office est laïc, il ne paroît pas que ceux, qui le vendroient, commissent une simonie sujette aux peines des Simoniaques, laquelle est bornée aux Ordres, aux Bénéfices, & à l'entrée en Religion, Extrav. Comm. 1. *Et 2. de simonia.*

### CHAP. III.

*A qui appartient de choisir le Custode, & quels sont ses droits.*

**N. 1.** **C**E que cite Van-Espen du Synode de Saint Omer, que le Custode aide le Curé dans toutes ses fonctions, confirme son observation du ch. 1.

ch. 1. n. 2. sçavoir, que le Custode est le ministre du Curé dans l'administration des Sacremens, & dans la célébration des Offices divins.

N. 2. Parmi les actes ci-dessus cités touchant le Clerc de l'œuvre, & des Sacremens de S. Nicolas des Champs; il y a un Arrêt du Parlement de Paris du 14. Mars 1681. qui maintient les Marguilliers dans le droit & la possession, de nommer le Clerc, p. 389. leur droit étoit fondé sur deux Sentences contradictoires, deux transactions, quatre contrats, & leur possession étoit immémoriale, p. 380. On cite cet Arrêt pour montrer la conformité de l'usage de France avec celui des Pais-Bas, lequel autorise les Laïcs dans l'acquisition du droit de nommer le Custode par des titres particuliers.

#### TITRE V.

*Des Marguilliers des Fabriques des Paroisses, & des Maîtres des pauvres, ou des tables du Saint-Esprit, de leur élection & de leur Serment. V. là dessus le tit. 3. part. 3. tom. 3. des memoires du Clergé.*

Les articles les plus considérables sont, imò qu'on peut être contraint à accepter la charge de Marguillier, & non de celle de maître des Confréries. 2<sup>o</sup> que comme il y a deux sortes de Tuteurs honoraires & onéraires, il y a aussi deux sortes de Marguilliers, les uns pour protéger l'œuvre, l'assister de leur conseil, l'appuyer de leur crédit; les autres pour l'administration des biens, meubles, & immeubles. 3<sup>io</sup> il y a des Provinces, où il n'y a point des Marguilliers de Paroisse, telle est la Provence: 4<sup>to</sup> il ne paroît pas qu'il y ait des Curés, qui soient exclus de l'élection des Marguilliers; l'usage de France sur le même sujet des Marguilliers dans les autres chefs, est observé avec soin dans les Pais-Bas, comme le remarque Van-Espen. Chénu dans son premier recueil des Réglemens tit. 1. ch. 12. dit sans distinction, que les Marguilliers doivent être Laïcs & du tiers état; il l'a tiré de l'art. 65. de l'Ord. de Blois. Van-Espen dit que les femmes en sont exclues, ce qui n'est vrai, qu'à l'égard des fabriques; car pour les Confréries, elles sont admises à cet emploi; il ajoute que dans le serment, que font les nouveaux Marguilliers, ils promettent de passer obligation devant Notaire de bien administrer; ce qui ne se pratique pas par tout.

N. 5. On pourroit dire, que la raison de la diversité d'usage sur la qualité des personnes, qui reçoivent le serment des Marguilliers, est que leur emploi est mixte, qu'ils sont comptables à l'Eglise & au Prince, au Curé & au Magistrat.

#### CHAPITRE II.

*Ce que les Marguilliers & les Maîtres des Pauvres, doivent principalement observer dans l'administration.*

EN France l'Ordonnance de Blois art. 52. & 53. & l'Edit de Melun art. 3. 9. ont pourvu au bon ordre de cette administration: Il y a plusieurs Réglemens concernant les Confréries dans le ch. 3. part. 2. des proced. civil. des Officialités. L'Ordonnance de Roussillon art. 37. l'Ord. de Moulins num. 5. art. 74. l'Ordonnance de Blois art. 37. condamnent les banquets des Confréries, l'art. 185. de l'Ord. de Villers-costerets de 1539. abolit les abus des Confréries & tous autres. Voyez Bourin sur cet article. L'art. 79. de la même Ord. veut que les baux se fassent en public après la publication faite au plus offrant, sans prendre de pors de vin, & que ces baux ne puissent excéder 9. ans. (a) Quant aux procès, qui re-

gardent les fabriques des Paroisses de France, voyez la déclaration du 2. Oct. 1703. d'où on infere, que les Marguilliers ne peuvent intenter des procès sans avoir obtenu le consentement de l'Assemblée paroissiale.

#### CHAPITRE III.

*De la distribution de l'usage des revenus de la fabrique & de la table du Saint-Esprit.*

L'Art. 73. de l'Ord. de Moulins parle de l'administration des aumônes publiques & veut qu'elle se fasse au profit des pauvres des lieux. Aux Edits des Princes du Pais-Bas contre les personnes capables de gagner leur vie par leur travail, cités par Van-Espen num. 3. nous ajoutons pour la France les art. 2. 3. 4. 5. 6. de l'Ord. de François premier de 1536. Boch. decret. Ecclesiastiq. lib. 5. tit. 13. c. 67. N. 7. l'Ord. de Blois art. 66. l'Edit de Melun art. 9. pourvoient à la conservation des titres des biens Ecclesiastiques; il y a d'autres Ordonnances, qui en font de même. Voyez les Mem. du Clergé tom. 3. part. 3. tit. 2. c. 4. on y cite aussi plusieurs arrêts sur le même sujet V. encore le tit. 6. part. 5. num. 12.

#### CHAPITRE IV. & V.

*Qui sont ceux qui doivent assister à la Reddition des comptes de fabriques; ce qu'il faut observer sur ce sujet.*

L'Art. 17. de l'Edit de la Jurisdic. donné en 1695. marque le dernier usage de France sur ce sujet; il ordonne d'avertir les Marguilliers de préparer leur compte, 15. jours avant la visite, de punir ceux qui ne les auront pas préparés; il permet au Curé d'ouïr ces comptes en certains cas; il enjoint au Magistrat d'exécuter les Ordonnances de visite au sujet des Comptes, il veut que l'audition s'en fasse sans frais. Pour le n. 7. du ch. 5. voyez le ch. de la 2. part. des proced. civil. des Officialités.

#### CHAPITRE VI.

*On propose des Régles générales sur cette matiere.*

Les régles qu'il donne ici, conviennent à toute autre matiere de discipline, car après en avoir séparé ce qui est de droit naturel, ou divin, il faut examiner, sur ce qui est de pure discipline, quel est l'usage, parcequ'il déroge aux loix écrites, n'y ayant point d'usage particulier, il faut considérer les loix des Conciles du pais & celles du Prince, qui les a autorisées: au défaut de ces loix, il faut faire attention aux loix générales du Prince pour toutes les Eglises de ses Etats; s'il n'y en a point, il faut chercher ce que le Concile de Trente a ordonné, supposé qu'il y ait été reçu par un acte exprès, autrement il en est de ces Décrets comme des autres Canons reçus uniquement par l'usage, & ils sont compris dans la premiere Règle: le Concile de Trente déclare qu'il faut recourir au droit commun selon qu'il est reçu dans le pais: de toutes ces régles, il faut excepter le cas, au quel la fondation ou la transaction, ou la convention des parties, ou quelque autre titre particulier établissent un droit particulier au même sujet des Marguilliers. M. Van-Espen auroit dû citer l'art. 16. & 21. de l'Edit de la juridiction concernant les reparations des Eglises, la fourniture de Croix, Calices, Livres, Ornaments, aux quelles la fabrique est tenue, lorsqu'elle a des revenus suffisans.

Il faut y joindre la déclaration du 31. Janvier 1690. celle du 18. Fevrier 1661. elles régient ce que l'on doit faire, lorsqu'il y a des dépenses extraordinaires

(a) Quædam hæc de re dicta sunt tom. 3. Dissert. in jus novissimum paragraph. VIII. de Edictis Principum, & in nota, quæ adjacet summario de recta administratione bonorum Eccles.



à faire pour l'augmentation des anciens batimens, & la construction des nouveaux.

## TITRE VI.

*Des Doyens de la Chrétienté ou Ruraux.*

## CHAPITRE I.

*Il y a des Doyens de la Ville & de la Campagne.*

N. 3. & 5. **V**AN-ESSEN ne parle que des Doyens des Pais-Bas, & on ne voit rien dans la suite du titre, qui montre qu'il prétende aussi parler de ceux de France; pour suppléer donc à ce qui manque ici, voyez le tit. 30. de mes institut., j'y ai ramassé avec soin ce que les statuts Synodaux des Eglises de France ordonnent de plus considérable au sujet de ces Doyens; cela n'empêche pas, que le titre de VAN-ESSEN ne soit utile pour la France, car il y a plusieurs endroits concernant la morale, qui est de tout pais.

N. 4. Il y a en France des Archiprêtres en titre hors des cathédrales, *ibid. mem. du Clerg. ch. dern. du tit. premier de la première partie n. 43.* on y cite un Arrêt du Parlement de Toulouse, en faveur de l'Archiprêtre de Lisle d'Albigois; j'ai connu un Curé du Diocèse d'Alais, qui étoit Archiprêtre à raison de sa Cure, il y en a deux à Paris, saint Severin & la Magdelaine. Ce que VAN-ESSEN dit à la fin du chap. de la cessation des Synodes Diocésains n'a pas lieu en France, où il s'en tient encore beaucoup; il en est de même de ce qu'on lit à la fin du ch. 3. du pouvoir des Archiprêtres, sur les Monast. des Religieuses, 2d<sup>o</sup> du droit, qui leur est attribué de convoquer les Curés, quand ils le jugent à propos *ch. 4. n. 1. 3<sup>ti</sup>o* du droit d'empêcher que ceux, qui ont obtenu des lettres de Vicaires de Paroisse n'en exercent les fonctions, si les Curés ne les ont signées, *ch. 5. n. 5* du droit d'assister à la reddition des comptes des Hôpitaux, des Beguinages & des Monastères soumis à l'ordinaire, *ch. 5. n. 5.*

## TITRE VII.

*Des Chanoines, tant des Eglises Cathédrales que des Collégiales: de leurs droits & de leurs devoirs.*

## CHAPITRE IX.

*De la Résidence des Chanoines.*

N. 5. **V**AN-ESSEN auroit dû expliquer imò quelles sont les causes honnêtes, pour lesquelles les Chanoines peuvent s'absenter sans permission du Supérieur, & sans lesquelles ils ne le peuvent pas dans les trois mois, dont le Concile de Trente parle *ch. 12. §. 24.* 2d<sup>o</sup> quelle différence il y a entre proceder, non en accordant, mais en défendant; ces expressions peuvent causer du scrupule aux personnes foibles & peu éclairées; il étoit plus convenable de dire, que le Concile a prouvé le statut ou l'usage, qui permet trois mois d'absence, sans déroger à celui, qui n'en permet pas tant, & qu'il ne faut pas abuser de cette permission, s'en servant pour contenter ses passions; mais en usant selon l'intention de l'Eglise, qui l'accorde ou pour le repos, ou pour des voyages de bienfaisance, ou de pieuse curiosité, ou pour prévenir les affaires, qui pourroient détourner de l'assistance à l'Office dans les autres tems, où elle est d'étroite obligation.



## CHAPITRE XI.

*Des Causes légitimes de recevoir les distributions sans assister à l'Office.*

N. 2. **C**E qu'il dit que la maladie & l'évidente utilité de l'Eglise ne suffisent pas, s'ils ne sont joints à la Coutume, nes'accorde pas avec les Canons ou les Statuts, qui sans avoir égard à la Coutume ont donné les distributions aux Chanoines, qui sont dans un de ces cas; & quand ils se seroient fondés sur la Coutume, ils ne l'auroient suivie, que, parcequ'ils l'auroient jugée juste & raisonnable; ainsi, afin qu'un Chanoine malade ou absent pour l'utilité évidente de l'Eglise jouisse légitimement des distributions, il n'est pas nécessaire que l'usage les lui donne, mais il suffit que des Canons ou des Statuts particuliers le fassent; c'est en vertu de tels Canons, que le Théologal & le Pénitencier gagnent les distributions, qu'il en est de même en certaine Province du Grand-Vicaire, Officiel, Promoteur, administrateur des affaires du Chapitre.

## TITRE VIII.

*Du Chapitre Cathédral.*

## CHAPITRE I.

**L**E Chapitre Cathédral représente le Sénat de l'Eglise, & ne fait qu'un Corps avec l'Evêque.

N. 5. La déclaration qu'il cite, n'a pas été enregistrée, il auroit dû citer l'art. 45. de l'Edit de la juridiction dûment enregistré.

## CHAPITRE II.

*Le Chapitre Cathédral quoiqu'exempt, doit respecter l'Evêque comme son chef, & en quoi consiste le droit de l'Evêque.*

**L**ES droits des Evêques ont été bien expliqués par M. le Merre Chanoine de Chartres dans son liv. des droits des Evêques.

## CHAPITRE III.

*Quelle est la place & l'autorité de l'Evêque dans les Chapitres exemts.*

N. 7. **V**AN-ESSEN justifie ce que j'ai dit, que la Présidence de l'Evêque ne prouve pas qu'il assiste comme Evêque.

N. 8. Ce qu'il dit de la voix prépondérante donnée à l'Evêque qui préside au Chapitre, regarde le cas, où il entre comme l'Evêque, & ceux où il entre comme Chanoine: il est rare en France, que l'Evêque qui entre comme Chanoine préside au Chapitre.

## CHAPITRE IV.

*En quoi l'Evêque doit demander le conseil, ou le consentement du Chapitre.*

N. 1. **L**'Endroit de Saint Cypr. va trop loin, puisqu'il dit, qu'il ne vouloit rien faire sans le consentement du peuple, au lieu qu'il vouloit seulement demander le conseil du Clergé.

N. 2. L'expression du Conc. de Cart. est obscure *praesentia Clericorum*: la nécessité de la présence des personnes à un acte, n'emporte pas autorité sur cet acte; il y en a autant de preuves, qu'il y a d'actes qui demandent des témoins.

N. 3. 4. 5. Il y a déjà bien long-tems, que ce n'est plus l'usage que l'Evêque consulte son Chapitre, lors même

même qu'il met dans les actes la cause de *consilio fratrum nostrorum*: elle n'est plus que de style, comme dans les actes, que le Pape est obligé de faire du Conseil des Cardinaux.

Comme le droit d'être le Conseil de l'Evêque a passé du Clergé du Diocèse au Chapitre: il a aussi passé du Chapitre aux Chanoines de *Comitatu*, ou à ceux, qui composent le Vicariat usité dans les Pais-Bas, n. 9.

N. 6. On peut donner pour règle, que l'Evêque a besoin du consentement du Chapitre dans tous les actes, où celui-ci a un intérêt particulier, comme ceux où il s'agit de l'aliénation des biens de l'Eglise Cathédrale ou des Collations communes par l'union, ou de la juridiction par l'érection d'un Evêché nouveau, ou d'une nouvelle Metropole au préjudice de l'ancienne, ou d'une primatie, au préjudice de quelques droits honorifiques des Metropoles, qu'on y soumet. Les textes qui prouvent la nécessité du consentement du Chapitre dans ces affaires, sont ramassés dans les Régles concernant les Chapitres, 2. part. §. 1. r. 4.

#### TITRE IX.

*Du Chapitre, le Siège étant vacant.*

#### CHAPITRE I.

*Le Chapitre succede à la juridiction de l'Evêque.*

L'Auteur auroit dû excepter les cas, qui sont réservés à la personne de l'Evêque, quoiqu'ils appartiennent à sa juridiction ordinaire, tel est par rapport à la France le cas de visite des Paroisses situées dans les Monastères, dans les Commanderies & les Eglises des Religieux, qui se prétendent exempts, art. 15. de l'Edit de la Jurisdic. Tels sont par rapport aux pais, qui ont reçu le Concile de Trente. le cas d'absolution de l'hérésie c. 6. §. 24. & le cas du procès criminel contre un Chanoine exempt où il s'agit de crime atroce, méritant la déposition; l'Evêque seul fait l'information sommaire, & ordonne la prise de corps c. 6. §. 25.

N. 5. On ne peut pas dire que ce qui appartient à l'Evêque en vertu des Décrets du Concile de Trente lui appartienne par un droit tout particulier, car ils sont partie du droit commun, où ils ont été reçus: il n'en est pas de même du pouvoir acquis à quelques Evêques par le seul usage, comme celui de dispenser de certains empêchemens de mariage; car il lui appartient par un droit particulier, ce qui n'empêche pas pourtant que le Chapitre ne puisse l'exercer, parcequ'il appartient à la juridiction ordinaire, que cet usage a rétabli: que si le Chapitre ne succede pas au droit de dispenser de ces empêchemens, lorsque l'Evêque l'a par Indult, c'est que l'Indult est une grace accordée à la personne de l'Evêque, & l'usage acquiert la juridiction au Siège.

#### CHAPITRE II.

*Quels sont les pouvoirs de l'Evêque, aux quels le Chapitre ne succede pas.*

N. 10. IL auroit dû dire qu'en France le Siège commence d'être rempli, dès que l'Evêque a signifié ses provisions au Chapitre, parcequ'il entre dès lors dans le droit d'exercer la juridiction.

#### CHAPITRE III.

*Du Vicaire qu'on a coutume d'établir pendant la vacance du Siège.*

N. 6. CE que Van-Espen dit de la pratique de France n'est pas vrai depuis l'Edit de 1700. qui permet aux Evêques de révoquer les Officiaux, car

le pouvoir appartient à la juridiction ordinaire, à la quelle l'Evêque succede.

#### CHAPITRE IV.

*De qui le Vicaire tient la juridiction, & quelle est celle qu'il reçoit.*

N. 5. LE droit qu'il attribue au Chapitre de limiter la juridiction du Vicaire-général, est sujet aux inconvéniens, que le Concile de Trente a voulu éviter en ordonnant au Chapitre, de choisir un Vicaire. Ces inconvéniens sont 1<sup>o</sup> la nécessité de tenir presque à tous momens des assemblées Capitulaires: 2<sup>o</sup> la longueur des affaires même de peu de conséquence par la division, qui surviendrait dans les assemblées entre les Chanoines: 3<sup>o</sup> le danger de mal gouverner par l'assujettissement de suivre la pluralité des voix, laquelle seroit frequemment pour le mauvais parti, parceque le nombre des Chanoines peu instruits, ou peu zelés pour le bien de l'Eglise est souvent le plus grand. En effet par le droit de limiter la juridiction du Vicaire-général, le Chapitre pourroit se réserver la plus grande partie des affaires, aussi bien que les plus importantes, parceque ce droit n'est pas limité. Ces inconvéniens obligent les Chapitres, qui jouissent du droit de réserver des affaires, d'en user sobrement.

N. 6. Il est surprenant que donnant au Chapitre le droit de limiter la juridiction du Vicaire-général sans restriction, on veuille lui ôter le droit de le révoquer lorsqu'il le juge à propos; car l'un & l'autre est fondé sur la même raison, qui est que le Chapitre tient la place de l'Evêque, qui peut révoquer le Vicaire comme il peut limiter son pouvoir.

N. 7. Le Chapitre n'est pas obligé en France non plus que l'Evêque d'alléguer la cause de la revocation du Vicaire-général.

#### TITRE X.

*Des Chanoines gradués.*

#### CHAPITRE I.

*L'Origine & la fin de l'établissement de ces Chanoines particulièrement dans le Pais-Bas.*

IL n'y a point de ces Chanoines en France, quoiqu'il y ait des Canonicats, qui requierent des degrés comme ceux du Théologal, du Pénitencier, toutes les Dignités des Cathédrales & la premiere des Collégiales. Car 1<sup>o</sup> les unes & les autres Dignités ne requierent que le Baccalaureat en droit ou en Théologie, & les Chanoines affectés aux Gradués requierent de droit commun le Doctorat ou en la Licence. 2<sup>o</sup> Parmi ces Chanoines il y en a trois pour des Gradués dans les Décrets, & en France il n'y a aucun Bénéfice affecté à ces Gradués. 3<sup>o</sup> Entre les mêmes Chanoines il y en a trois pour des Gradués Nobles, & quoiqu'il y ait en France plusieurs Chapitres, où l'on ne peut être Chanoine sans être Noble, tels sont S. Jean de Lyon, S. André de Vienne, S. Pierre de Macon, il n'y a point de ces Canonicats affectés aux Gradués Nobles, autrement que dans les autres Chapitres, sçavoir à raison des Dignités de la Théologale ou de Pénitencerie. 4<sup>o</sup> Il n'y a en France aucun nombre déterminé de Canonicats affectés aux Gradués, aux Docteurs, ou Licentiés en Théologie ou en droit, 5<sup>o</sup> ces Canonicats ne sont sujets à aucune grace expectative, & tous les Canonicats de France sont sujets aux brevets des joyeux avénemens, du serment de fidélité, au privilege des Gradués, & à l'Indult de Messieurs du Parlement de Paris, outre que les Dignités sont aussi sujettes à ces Indults.

## CHAPITRE III.

## Des Gradués nobles.

**L**A Pragmatique sanction & le concordat favorisent les nobles par rapport aux grades en droit, & conséquemment par rapport aux Bénéfices affectés aux Gradués; la Pragmatique tit. 4. c. 2. §. 12. & 13. le Concordat tit. 5. §. 4. & 6. les dispensant de deux années d'étude pour le Baccalaureat.

Il est étonnant que dans les pays, où l'on a affecté plusieurs Bénéfices aux nobles soit femmes, soit hommes, on ait laissé la liberté de donner les Evêchés, les Archevêchés, les Primaties, les Patriarchats, Cardinalats, & même la Papauté à des roturiers; peut-être qu'on a cru que le mérite distingué nécessaire pour ces hautes Dignités doit tenir lieu de noblesse, & qu'au défaut de noble égal en mérite, il falloit préférer la roture à la noblesse à l'égard de ces Dignités; mais que par rapport aux Canoncats & autres Bénéfices soit réguliers, soit séculiers, pour lesquels un mérite commun suffit, il ne falloit jamais préférer les roturiers aux nobles.

## TITRE XI.

## Des Dignités des Chapitres

## CHAPITRE I.

## Du Prévôt.

N. 3. **V**an-Espen pouvoit expliquer, d'où vient que le Prévôt a la première voix & la préséance dans les actes publics, & qu'il précède aussi le Doyen, quoiqu'il soit soumis au Doyen comme à son Pasteur; il auroit dû dire qu'il s'agit d'assemblées & d'actes publics, où le Doyen n'est pas comme Pasteur, mais comme la seconde dignité du Chapitre, c'est pour une semblable raison, qu'en certains Chapitres, le Curé ne prend sa place, qu'après les Chanoines, quoiqu'il soit leur Curé.

## CHAPITRE IV.

## De l'Ecolâtre.

**I**L faut faire observer les différences, qu'il y a entre l'Ecolâtre & le Théologal; il y en a deux principales, la première est que l'Ecolâtre a été établi pour enseigner aux jeunes Clercs & aux pauvres, les humanités & les commencemens des saintes Lettres, avec les principes de la Religion; car il y a grande apparence, qu'il n'a été autre chose dans son origine, que le maître établi par le Concile de Latran, pour montrer la Grammaire aux Clercs & aux pauvres gratuitement: *Clericos & Scholares pauperes gratis doceat. c. 1. de Magistr.* au lieu que le Théologal a été institué pour enseigner la Théologie aux Prêtres; mais sur tout ce qu'il faut savoir par rapport au soin des âmes, *Sacerdotes & alios in sacra pagina doceat, & in his præsertim informet quæ animarum curam spectare noscuntur, c. 4. ibid.*

La seconde est, que le Théologal est tenu présent à l'Office, quoiqu'il n'y assiste pas, supposé qu'il fasse régulièrement ses fonctions, *Concile de Basle pragmat. sanction, concordat, cinquième Conc. de Latran*, au lieu qu'il n'y a ni loi ni usage, qui attribue semblable privilège à l'Ecolâtre.

N. 6. Van-Espen a raison de ne pas attribuer positivement à l'Ecolâtre le droit d'établir les maîtres & les maîtresses d'école, parceque cela appartient à d'autres en certains lieux, art. 25. de l'Edit de la juridict. 1695. à Paris c'est à M. le Chantre à donner les pro-

visions; dans les Villages ce sont les habitants qui les choisissent, & les Curés qui les approuvent.

## CHAPITRE V.

## Du Trésorier.

**V**an-Espen auroit dû parler des trésoriers des saintes Chapelles de France, car d'une part leurs Bénéfices sont des Dignités des Chapitres: les saintes Chapelles étant véritables Chapitres: d'autre part, il y a des particularités remarquables au sujet des Trésoreries. 1<sup>mo</sup> Elles donnent la première place & le premier rang dans ces Chapitres; 2<sup>do</sup> elles donnent juridiction sur tous les membres du Chapitre, comme sur ceux qui sont soumis au Chapitre, 3<sup>ti</sup> il y en a qui ont fonctions Curiales. 4<sup>to</sup> il s'en trouve qui ont juridiction quasi Episcopale dans un certain district: toutes ces particularités se rencontrent dans la sainte Chapelle de Paris, dans celle du bois de Vincennes, dans celle de Bourges.

Il est assez probable que les premiers Officiers des saintes Chapelles ont été appelés Trésoriers à cause du Trésor des saintes Reliques, qui y sont gardées, & la garde en est principalement commise au Chef.

## CHAPITRE VI.

## Du Théologal.

N. 6. 7. 8. **I**L auroit dû ajouter 1<sup>mo</sup> que l'ordonnance d'Orléans, art. 8. prescrit que le Théologal prêchera tous les Dimanches & les fêtes solennelles, qu'il fera par semaine trois leçons publiques de l'Ecriture sainte, que les Chanoines seront contraints d'y assister par privation de leurs distributions. 2<sup>do</sup> que l'ordonnance de Blois art. 33. enjoint l'exécution de cet article 8. que l'art. 13. de l'Edit de la Jurisdiction défend au Théologal de substituer d'autres personnes pour prêcher à sa place, sans permission de l'Ordinaire.

Il faut observer que la Théologale, qui n'est point sujette dans les Pays-Bas à aucune grace expectative, l'est en France à toutes celles, qui y sont en usage, indults, grades, brevets de joyeux avenement & de serment de fidélité.

## TITRE XII.

## Des Dignités des Eglises Cathédrales.

**V**an-Espen met l'Official & le Grand-Vicaire parmi les Dignités des Cathédrales, cependant ils ne sont pas de ces dignités 1<sup>mo</sup> l'Official est un Officier de l'Evêché & le Grand-Vicaire est un des Officiers de l'Evêque, 2<sup>do</sup> l'un & l'autre est souvent pris d'ailleurs que de la Cathédrale; 3<sup>ti</sup> les dignités des Cathédrales sont en titre & perpétuelles; au contraire l'Official & le Grand-Vicaire n'ont qu'une commission révocable *ad nutum*.

## CHAPITRE I.

## De l'Archidiacre.

**Q**uoique Van-Espen ait parlé de la dignité de l'Archidiacre avec beaucoup d'érudition, néanmoins on peut ajouter à ce qu'il en a dit, plusieurs observations importantes: 1<sup>mo</sup> suivant la coutume, il doit être Prêtre, 2<sup>do</sup> il doit remettre à l'Evêque le procès-verbal de sa visite, 3<sup>ti</sup> il est fort vrai-semblable qu'il doit en remettre l'original, 4<sup>to</sup> il y a une grande différence entre le droit de visite, qui appartient à l'Archidiacre, & celui que l'on donne à des députés d'un Chapitre, puisque ceux-ci ne sont Visiteurs, que par



CHAPITRE V.

Du Vicaire de l'Evêque.

par commission & l'Archidiacre l'est en titre. 5to il y a des Archidiacres, qui ne sont pas membres des Chapitres, excepté qu'ils ne soient Chanoines: 6to il y en a beaucoup, qui ont droit de déport, & quelques uns qui jouissent du droit de dépouille: 7mo l'Archidiacre qui a charge d'ames, est obligé d'avoir 25. ans: 8vo l'Evêque ne pourroit retablir les anciennes fonctions des Archidiacres abrogées par les Canons postérieurs ou par la coutume: 9no un Archidiacre qui n'a d'autre fonction, que celle de visiter un certain district, n'est obligé à la résidence qu'autant qu'il en faut pour s'acquitter du devoir de la Visite: 10mo l'Archidiacre n'a pas droit de visiter les Eglises Collégiales, ni les Monastères qui sont dans son district, ni les Paroisses situées en des lieux exempts.

Van-Espen a encore omis de marquer le droit François contenu dans l'Ordonnance d'Orléans 1560. art. 6. l'Edit d'Henri IV. 1606. art. 17. l'Edit de la juridict. art. 14. 15. 17.

N. 12. Il auroit dû joindre les Eglises de France à celles du Pais-Bas, par rapport à la perte de la juridiction contentieuse par les Archidiacres.

N. 21. Il confond l'institution autorisable avec l'institution collative, & il la distingue de celle, qui donne la mission ou le soin des ames, contre le sentiment commun & la commune maniere de parler, laquelle est fondée 1mo sur le sommaire du ch. 4. *de Offic. Archid. Archidiaconus sine mandato Episcopi non committit curam animarum, id est, non habet institutionem auctorizabilem.* Gonzalez sur ce ch. explique la concession du soin des ames par l'institution autorisable; le Concile de Tolède 1324. ch. 4. interprète l'institution autorisable par la commission du soin des ames: *Nullus in Beneficio curato administret, donec in eo per Diocesenum Episcopum institutione autorizabili fuerit institutus seu sibi commissi fuerit cura animarum.*

N. 23. 24. aux exemples qu'il apporte de quelques Archidiacres des Pais-Bas, qui jouissent d'une juridiction extraordinaire, par rapport aux autres Archidiacres, il auroit dû joindre l'Archidiacre de Beaune & ceux de Chartres, qui connoissent des causes de mariage & des causes criminelles.

N. 29. Il auroit dû avertir qu'en France il suffit que l'Archidiacre soit bachelier en droit, ou en Théologie.

Les preuves de toutes ces observations sont dans le titre 29. §. 5. de mes institutions plusieurs fois citées.

CHAPITRE II.

De l'Archiprêtre Cathédral.

Voyez le titre 30. de mes institutions partie première, vous y trouverez ce que l'auteur a omis ici du droit commun, ou du droit François touchant l'âge, les degrés, les droits & les fonctions de cette dignité.

CHAPITRE III.

Du Pénitencier.

Voyez le chapitre trente quatre de mes institutions partie première.

CHAPITRE IV.

De l'Official de l'Evêque.

N. 6. CE que Van-Espen dit que les Officiaux se doivent multiplier, selon le nombre des Provinces comprises dans un même Diocèse. n'est vrai pour la France, qu'au cas que chacune soit du ressort d'un autre Parlement.

N. 2. CE que Van-Espen assure, que le Grand-Vicaire n'exerce jamais la juridiction contentieuse, n'est pas exact, car dans le cours de la vacance il peut faire des procédures, qui appartiennent à la juridiction contentieuse.

N. 5. Ce qu'il dit dans le sommaire, que la juridiction du Grand-Vicaire est déléguée, a besoin d'explication, car si par jurif. déléguée il entend celle qu'il exerce par commission; & non en titre, il a raison; le Grand-Vicaire n'exerce que par commission, mais elle est générale & semblable à celle, qui se donne à un Procureur choisi pour toutes les affaires d'une personne d'une famille ou d'une Communauté; il n'en est pas de même, s'il entend par-là, que la juridiction du Grand-Vicaire n'est pas ordinaire, mais déléguée, prenant ce terme dans le sens opposé à l'ordinaire, en sorte que le Grand-Vicaire ne puisse commettre les affaires concernant le Grand-Vicariat, les unes séparément des autres, de même que le délégué par d'autres que par le Prince ne peut commettre même séparément les affaires, qui lui sont confiées; car le Grand-Vicaire peut commettre séparément les affaires du Vicariat, par exemple, l'examen pour l'Ordination de quelques personnes, ou pour l'approbation nécessaire pour la prédication, ou pour l'administration des Sacramens: d'où vient qu'il est compris parmi ceux dont parle le c. 20. *de Off. jud. ord.* & comparé 1mo aux Vicaires des Paroisses, ou aides des Curés dont la juridiction est ordinaire, quoiqu'ils l'exercent par commission, *toto tit. x. de Offic. Vic.* 2do aux Legats du saint Siège que Clement IV. qualifie d'Ordinaires, les comparant aux Proconsuls envoyés dans les Provinces, c. 2. *de Off. Legati in VI.* vers la fin du titre 24. des institutions citées.

N. 6. Van-Espen auroit dû citer l'art. 2. de l'Edit de la juridiction, qui ordonne l'insinuation des lettres de Vicariat.

N. 7. Il auroit dû citer le ch. 4. *de Off. Legati* qui apprend, que les lettres de Legat se doivent interpréter par l'usage, d'où l'on peut inferer la même chose pour les lettres de Vicariat.

N. 8. Il auroit dû citer le chap. 1. *de Off. Vicar. in 6.* il dit expressément que l'Official perd la juridiction par l'excommunication encourue par l'Evêque.

TITRE XIII.

CHAPITRE IV.

Des Conditions qu'il faut avoir dans la nomination du Roi aux Bénéfices.

AU sentiment de Van-Espen on peut ajouter, que le Roi de France prétend, qu'il n'y a aucun cas où le Pape puisse pourvoir aux Bénéfices consistoriaux sans sa nomination, & l'usage est conforme à sa prétention, 1mo pour le cas de négligence de nommer dans les neuf mois, 2do pour le cas de nomination de personnes, qui n'aient pas les qualités requises, car dans l'un & dans l'autre cas le Pape ne pourroit pas, sans que le Roi nomme pour le cas de vacance, *in Curia per obitum*, le Roi ne souffre pas, qu'il soit pourvu aux Evêchés sans sa nomination: à l'égard des Abbayes, il tolere quelquefois que le pourvu par le Pape sans sa nomination, jouisse après s'être opposé aux provisions pour la conservation de son droit.



## TITRE XIV.

## De la Confirmation des Evêques.

## CHAPITRE I.

*A qui il appartient de confirmer les Evêques.*

N. 11. & 12. **L**es provisions du Pape sur la nomination des Evêques sont plutôt des Lettres d'institution, que des Lettres de confirmation. Si ce n'est qu'on ne donne à la nomination toute la force de l'élection; ce qu'on pourroit sans injustice, parceque la nomination tient la place de l'élection, & paroît être une espece d'élection par compromis; les Chapitres ayant transmis leur droit entre les mains du Roi; mais en ce cas il faudroit reconnoître, que les nommés par le Prince aux Evêchés situés hors de l'Italie, peuvent administrer ce qui appartient à la juridiction avant les provisions du Pape, suivant le ch. 28. & 44. *de elect.* ce qui seroit un remède efficace contre les mauvaises difficultés, que font les Officiers de la Cour de Rome, & le retardiment des provisions si pernicious au bien des ames.

## CHAPITRE II.

*La Confirmation se doit donner avec connoissance de cause.*

**L**e §. 14. tit. 2. de elect. de la pragmat. confirme ce que l'auteur dit de la nécessité de l'élection, & de l'élu avant la Confirmation.

## CHAPITRE V.

N. 13. 14. 15. 16. **I**l omet une formalité nécessaire pour la clôture de la regale, c'est que l'Arrêt de main levée enregistré en la Chambre des Comptes de Paris soit signifié au Procureur du Roi du lieu, où est l'Evêché, & envoyé au Bailliage pour y être enregistré à la diligence des substituts du Procureur-général, qui sont tenus d'en certifier la Cour, arrêt de règlement du 15. Mars 1677. rapporté par Pinson tom. 1. des Regal. p. 89.

N. 13. Depuis l'union de l'Abbaye de S. Nicaise à la S. Chapelle sous Louis XIII. le Roi fait don des fruits de la vacance au nommé, à la réserve d'un tiers réservé sous Louis XIV. en 1676. pour les nouveaux Convertis.

## TITRE XV.

## De la Consécration des Evêques.

**L**a France ne differe pas en ceci des autres nations Catholiques; il suffira donc d'observer imò que le scrutin, qui précède la consécration, confirme les opinions du Royaume, touchant la qualité de l'obéissance due au Pape V. les Institutions citées part. 1. tit. 17.

2dò Dans le serment, qui se prête au Pape avant la consécration, il y a bien des choses, qui ne sont que de stile, on les observe dans les institutions citées part. 1. tit. 72. vers la fin à l'occasion du semblable serment prêté par les Abbés avant leur benediction.

3tiò En France la consécration de l'Evêque ne fait pas vaquer les pensions, qu'il a sur les Bénéfices. A l'égard des Bénéfices, ils n'y vaquent qu'après l'enregistrement du serment prêté au Roi. Institutions citées part. 1. tit. 16. part. 2. tit. 124.

## TITRE XVI.

## Du soin Episcopal.

## CHAPITRE V.

N. 11. **L**es termes du Concile qu'il rapporte n. 7. ne peuvent souffrir l'extension du decret à d'autres fonctions, qu'à celle de la Collation des ordres; on le voit par la peine, qu'il impose à ceux sur qui l'Evêque exerce les fonctions Pontificales hors de son Diocèse, puisqu'elle n'est autre chose, que la suspension des ordres reçus.

N. 12. & 14. Il faut que faire porter la Croix élevée devant soi soit une marque de juridiction coactive, puisque les Archevêques & les Primats ne peuvent jouir de cet honneur, que dans leur district, & il leur est permis d'exercer la juridiction volontaire par tout ailleurs.

## CHAPITRE VII.

*L'Evêque est principalement chargé du soin des ames de tout son Diocèse*

N. 5. 6. 7. 8. 9. **I**l y a des Canons de tous les siècles, qui prouvent que tous ceux, qui exercent le soin des ames, le tiennent de l'Evêque, ils sont ramassés dans le second tit. de la collection des Canons concernant les droits & devoirs des Curés.

N. 6. 8. l'art. 22. de la déclaration de l'Assemblée de 1645. porte expressément, qu'il n'y a point d'exemption par rapport au soin des ames, & qu'il ne doit être exercé que sous les ordres des Evêques y compris les lieux de nul Diocèse.

Il y a pourtant encore en France plusieurs Prélats, ayant juridiction quasi Episcopale sur plusieurs Paroisses, dont les Curés ne reçoivent que d'eux leur mission ou institution autorisable.

N. 9. On ne voit pas pourquoi l'auteur distingue la Collation des Bénéfices de l'institution Collative du titre, puisque la Collation donne le titre.

## CHAPITRE VIII. &amp; IX.

*De la residence des Evêques, & des causes légitimes de s'absenter de leur Diocèse.*

**O**n voit le droit François sur ce sujet dans le chap. 18. des preuves des libertés, & dans la Confér. des Ord. liv. 1. tit. 3. part. 1. §. 10. suivant la maxime ci-dessus remarquée c. 1. il faut qu'on tienne en France, que la résidence des Evêques est de droit divin, car si Dieu a institué les Evêques pour gouverner des Eglises particulieres, il faut qu'il les ait obligés d'y résider, parcequ'ils ne peuvent remplir leurs devoirs envers les Eglises sans y résider. La même matiere est encore traitée par rapport aux usages de France dans les notes sur le Concile de Trente §. 6. c. 1. les Rois & les Magistrats ont signalé leur zele pour obliger les Evêques à résider; les moyens, qu'ils ont employé à cet effet en sont des preuves; on se convainc de l'un & de l'autre par la lecture des lieux indiqués; ce n'est pas le lieu d'en dire davantage; il suffira d'observer que ce que l'auteur rapporte c. 6. n. 4. du Concile de Trente, ne se pratique pas en France, & que du precepte divin de la Résidence il s'ensuit, qu'il n'y a ni privilege, ni coutume qui puisse en exempter.

## TITRE XVII.

TITRE XVII.

De la Visite des Evêques.

CHAPITRE II.

De la retribution due pour la Visite.

N. 17. **L**'Edit de la juridiction art. 27. attribue au Juge d'Eglise la connoissance des procès, au sujet du droit de visite entre personnes Ecclesiastiques, car il est un de ces honoraires, dont il lui renvoie le Règlement & le jugement.

CHAPITRE III.

Des lieux sujets à la Visite des Evêques.

**L**'usage de France paroît contraire à ce que Van-Espen dit, que toutes les Cures sont sujettes à la visite de l'Evêque; car les Cures, qui sont dans l'enclos des monastères chefs d'ordre, ou des monastères, qui sont la demeure ordinaire des Généraux, ou de ceux qui ont juridiction quasi Episcopale, en sont exemptes; telles sont les Cures de Cluni, de Cîteaux, de saint Germain à Paris.

La déclaration du 29. Mars 1696. favorise cette observation. Il y a un arrêt pour Cîteaux contre M. Felix Evêque de Chalons sur Saone.

Il en est de même des Cures situées dans un district, où les Prélats inférieurs exercent la juridiction spirituelle, telles sont celles, qui dépendent du monastère d'Aurillac, ou du monastère de Montivilliers ou des certains Chapitres, & entr'autres celui d'Orléans.

Les Arrêts qui paroissent contraires à cette observation ont été rendus dans des circonstances particulières, & pour ce sujet ils ne doivent pas être tirés à conséquence.

N. 7. Il n'y a pas de preuves, que la Bulle de Pie VI. qui déroge à la dernière de ces exceptions, soit reçue en France; la déclaration des Cardinaux, qu'il y joint, émane d'une Congrégation, dont elle ne reconnoît pas l'autorité; il faut dire la même chose sur les autres qu'il cite encore dans ce chapitre & dans le suivant.

N. 13. L'art. 6. de l'Ordonnance d'Orléans, confirme ce que l'auteur dit de l'assujettissement des Chapitres des Cathédrales à la visite de l'Evêque, nonobstant toute exemption.

TITRE XIX.

Des Métropolitains.

**T**out le pouvoir des Métropolitains en France se réduit 1<sup>mo</sup> à juger par appel, 2<sup>do</sup> à conférer par devolution, 3<sup>to</sup> à donner le visa ou les provisions sur le refus des Suffragans, 4<sup>to</sup> à user du Pallium, à célébrer Pontificalement & à faire porter la Croix élevée dans les Diocèses de ses Suffragans: 5<sup>to</sup> à convoquer les Assemblées Provinciales, & à y présider, 6<sup>to</sup> à empêcher qu'aucun de ses Suffragans ne soit soustrait à la juridiction sans son consentement.

CHAPITRE I.

N. 12. 13. 14. **P**our ce qui est de la nécessité du consentement du Roi pour l'érection des Métropoles on l'inferre du Concord. tit. de regia ad Prælaturas nominatione, car comme le Pape ne peut pourvoir à aucune Prélature de France sans la nomination du Roy, il faut qu'il ne puisse ériger aucune Metropole sans son agrément, parceque cette érection ne se peut faire sans diminuer les droits d'une

Tom. I.

autre Metropole à la quelle le Roy nomme, & sans lui donner une nomination, dont il ne doit se charger qu'au cas qu'il le juge à propos: on intèrè la même chose de l'article 68. des libertés.

CHAPITRE III.

De l'obéissance des Suffragans au Métropolitain.

N. 9. **O**n doit excepter la France de ce que Van-Espen dit, que vers le 14. siècle la confirmation, & la consécration des Evêques ont été réservées au Pape, car la pragmatique sanction faite en 1438. tit. 2. §. 14. & 15. suppose que cette confirmation appartient quelquefois à d'autres, car après avoir prescrit les regles, qu'il faut observer dans la confirmation, on exhorte le Pape à donner l'exemple aux autres.

CHAPITRE IV.

En quel cas le Métropolitain est le Juge ordinaire de ses Suffragans.

N. 3. **E**n France on ne souffriroit pas que les Evêques de la Province, joints à ceux de la Province voisine, jusqu'au nombre de 12. fussent les seuls & les premiers Juges des Evêques en matière criminelle, mémoires du Clergé. Tom. I. c. 1. n. 29.

N. 14. En France le Métropolitain connoit en personne des appels interjetés des Ordonnances des Evêques. Voyez les institutions citées part. 1. tit. 26. p. 118.

CHAPITRE V.

De l'autorité que les Métropolitains ont aujourd'hui dans les Diocèses des Suffragans.

N. 12. **C**e que Van-Espen dit que par la négligence des Suffragans les causes de toute la Province passent au Métropolitain, a besoin d'explication; car celles qui concernent la juridiction contentieuse ne vont au Métropolitain que par appel fondé sur un deni de justice, ou sur les griefs causés par un jugement; & dans l'un & dans l'autre cas, ce n'est pas la seule négligence des Suffragans, mais la plainte des parties, qui porte les causes au Métropolitain; pour les affaires, qui appartiennent à la juridiction volontaire, on n'en voit point d'autres en France, qui passent au Métropolitain par la seule négligence des Suffragans, que la collation des Bénéfices.

TITRE XX.

Des Conciles Provinciaux.

**Q**uant au Droit François, il faut ajouter qu'il y a plusieurs ordonnances, qui prescrivent la tenue des Conciles Provinciaux de trois en trois ans; ce sont l'Edit de Melun 1580. art. 1. l'Edit de 1610. par Louis XIII. art. 6. Déclaration de 1656. de Louis XIV. on a tenu 8. Conciles en conséquence de l'Edit de Melun, sçavoir de Rouen 1581. de Reims 1583. de Bourdeaux 1583. de Tours 1583. de Bourges 1584. d'Aix 1585. de Toulouse 1590. & de Narbonne 1609. Par la disposition de cet édit, comme par celle de la Déclaration citée, on voit que les Magistrats n'étoient pas favorables à la tenue des Conciles, car ces Ordonnances leur défendent très-expressement de l'empêcher: après l'Edit de 1610. il s'est tenu un Concile à Bourdeaux en 1624. on y avoit glissé quelques mots capables de donner ombrage aux Magistrats & de les indisposer contre; ce sont ceux-ci, y réserver & juger les plus grandes causes: on commença un Concile à Rouen cinq ans après la déclaration de 1641. il y a une lettre du Roy à l'Archevêque pour la continuation.

Eccccc

Les



Les Assemblées générales du Clergé ont souvent arrêté de tenir de ces Conciles, ceux qu'elles ont député pour faire des remontrances au Roi, l'ont plusieurs fois supplié d'en permettre la tenue. Voyez les mémoires du Clergé tom. 1. tit. 2. ch. 1. n. 12. 13. 14. 15. 16. 17. 18. 19. 20. 21. 22. 23. 24.

Ces Conciles n'ont pas demandé des lettres-patentes pour l'exécution de leurs Décrets, ils ont cru qu'elles n'étoient pas nécessaires, parcequ'ils avoient été faits par des Conciles tenus en exécution des Ordonnances Royaux, & quelqu'un même par ordre ou permission, ou exhortation expresse, comme on l'approuvé dans les dissertations sur les Conciles tenus après le Concile de Trente. (a)

On peut mettre au nombre des Conciles provinciaux de France, les Assemblées provinciales tenues dans chaque Métropole pour l'acceptation juridique de la Bulle contre les maximes des Saints par M. de Cambrai.

(a) Consuletur etiam hæc de re dissertatio Espenii in Jus novissimum. Extat illa tom. 4. versus medium.

## TITRE XXI.

### Des Légats & des Nonces Apostoliques.

EN France le Nonce diffère du Légat beaucoup plus qu'ailleurs; car le Nonce n'a aucune juridiction dans le Royaume; au lieu qu'on y considère le Légat comme un Vicaire du Pape, qui a l'une & l'autre juridiction, sçavoir la volontaire & la contentieuse tempérée par les usages du Royaume, en sorte qu'il ne puisse exercer les pouvoirs, que selon qu'ils sont modifiés par les arrêts de vérification. Voilà en général ce que l'auteur auroit dû observer ici par rapport à la France.

## CHAPITRE IV.

N. 8. **C**E que Van-Espen dit dans le sommaire qu'en France on modifie les facultés des Nonces, est faux, puisque comme il a été remarqué, il n'a point de juridiction.

N. 13. Lorsqu'il dit que la juridiction du Légat n'est pas ordinaire en France; par juridiction ordinaire, il entend celles qui viennent des Bénéfices, & des Offices de France; car il l'oppose à étrangère, & en cela il a raison, parceque le Légat n'a d'autre juridiction que celle du Pape, laquelle n'est pas ordinaire en France, puisqu'elle n'a lieu qu'en certains cas, qui lui sont permis, & la juridiction ordinaire a lieu en tout cas de sa compétence, excepté qu'elle ne soit réservée à un autre.

N. 17. Les trois chefs, aux quels Van-Espen réduit les pouvoirs des Nonces de France ne sont pas de leur compétence.

## TITRE XXIII.

### Des Officiers de la Cour de Rome.

PAR rapport à ce qui regarde ces Officiers, ou plutôt aux lettres qu'ils expédient, il n'y a rien de particulier concernant les François sinon 1<sup>mo</sup> que les expéditions au sujet des Bénéfices sont datées du jour de l'arrivée du Courier, 2<sup>do</sup> que de 71. régles de Chancellerie il n'y en a que 5. ou 6. qui soient reques en France. Voyez mes institutions part. 2. depuis le tit. 91. jusqu'au tit. 100. on y explique toutes celles, qui sont reques, & il n'y en a que 6. 3<sup>io</sup> les brefs de Pénitencerie n'ont pas lieu dans le for extérieur; 4<sup>to</sup> il n'y faut des Bulles que pour les Bénéfices consistoriaux, & pour les premières Dignités des Cathédrales & Collégiales.



## TITRE XXV.

### CHAPITRE III.

N. 13. **T**ournet, Henris, Bouchel rapportent des arrêts, qui défendent aux Religieux de recevoir des enfans de famille sans le consentement des parens; il y en a aussi qui dans certaines circonstances ont dérogé à cette règle; voyez la N. sur la maxime 10. ch. 12. de la seconde partie, des loix Ecclesiastiques dans leur ordre naturel. V. aussi Fevret l. 2. c. 1. n. 14. l'usage présent est que sur la requête des parens qui demandent leurs enfans, le Magistrat ordonne aux Religieux de les rendre pour les mettre dans un lieu non suspect, où, pendant le tems qu'il prescrit, leur vocation est examinée par des personnes pieuses & éclairées, & suivant leur avis on les rend aux parens ou au Monastère.

N. 21. 22. 23. 24. En France il est permis aux Monastères des Religieuses non fondées de recevoir pour les meubles & habits & autres choses absolument nécessaires pour l'entrée des Religieuses, 2000. livres dans les Villes, & d'en passer des actes pardevant Notaires, outre la dot pour l'entretien, payable en 500. liv. de pension pour les Villes de Parlement, & de 350. dans les autres Villes, ou en 8000. livres en fonds, pour les Villes de Parlement & 6000. liv. pour les autres ou moitié en pension ou moitié en fonds, à proportion de la somme exigible en pension ou en fonds, déclaration du 28. Avril 1693. A l'égard des monastères fondés, qui n'ont pas assez de revenus pour la subsistance des filles, qui demandent d'y entrer, le Roy permet d'y pourvoir sur les avis, que les Evêques ou Archevêques donneront de leurs besoins.

## CHAPITRE V.

N. 3. **L'**Ordonnance de Blois art. 28. ne fait mention que de l'examen avant la profession, & l'attribue au Supérieur de l'ordre pour les monastères de sa juridiction, de même qu'à l'Evêque pour ceux qui lui sont soumis, les Conciles de France postérieurs à cette Ordonnance, parlent de l'un & de l'autre examen, & ne disent rien du supérieur de l'ordre; à l'égard de l'unité d'examen, il y a un arrêt du Parlement de Paris, contre M. l'Evêque de Chartres, Godet de Marez, qui le déboute de sa prétention d'examiner avant la prise d'habit, il est rapporté dans le recueil des arrêts notables des différens Tribunaux: le motif en fut que les Religieuses avoient pour elles l'Ordonnance citée, & l'Evêque n'avoit point de possession contraire; M. de Cosnac Archevêque d'Aix prétendoit l'un & l'autre examen, même dans les monastères exemts; Ordonnance de 1702. à la fin du titre des Religieuses: l'art. 19. de l'Edit de la juridiction favorise la prétention des Evêques de faire l'examen avant la profession dans les monastères exemts, comme dans les autres; car il réserve à l'Evêque comme le Concile de Trente, le droit de permettre aux Religieuses de sortir du monastère; en effet il est difficile de le faire comme il faut, sans faire sortir les Novices, dont la profession approche.

## TITRE XVI.

### CHAPITRE VII.

#### De l'Expulsion des Religieux incorrigibles.

N. 10. **E**N disant que la France ne souffre pas que les Religieux, qui font des vœux solennels, soient renvoyés dans le monde pour quelque crime que ce soit, il auroit dû ajouter, il est vrai qu'il y est permis aux Pères Jesuites de mettre hors de la Société les Religieux après la profession.

## TITRE

TITRE XVIII.

Du Vœu d'obéissance.

CHAPITRE IV.

*S'il est permis aux Religieux d'appeller du precepte de leur Supérieur.*

N. 8. 9. 10. 11. 12. **I**L faut expliquer par l'art. 34. des libertés & par l'arrêt de Règlement du Parlement de Paris 8. Mars 1717. les exemples des Bulles, qu'on a ramassé contre les appels hors de l'ordre & les arrêts, qui ont confirmé ces Bulles, & les restreindre aux cas, où l'appel est injuste & frivole, car l'appel juste est un remède nécessaire contre l'injustice, & justifié par la loi naturelle & divine, aussi-bien que par toutes les autres loix, qui permettent de se défendre contre l'oppression.

TITRE XXX.

Du Vœu de Chasteté.

**L**E Droit François ne diffère point en ceci, du droit commun, soit pour la substance du vœu, soit pour les précautions nécessaires, afin qu'il soit bien observé; la substance consiste à s'abstenir de tout plaisir permis & défendu: concernant la chasteté, les précautions sont d'écarter les occasions de violer ce vœu, & particulièrement celle de la fréquentation des personnes de différent sexe; d'où vient la défense faite aux Religieux, de laisser entrer les femmes dans leurs Couvens même pour les processions ou prédications; s'ils n'ont des Bulles visées par l'Evêque art. 27. des regul. De là viennent tant d'Ordonnances Royaux au sujet de la clôture des Religieuses, portant qu'elles ne sortiront sans juste cause approuvée de l'Evêque, & sans permission de celui-ci par écrit, & que personne ne pourra entrer dans leur Cloître sans la même permission, art. 19. de l'Edit de la juridict. Blois art. 31. de-là encore l'avertissement donné aux Evêques de pourvoir à la translation des monastères, qui sont en des lieux non sûrs art. 4. 1606. de là les défenses faites aux Religieux de demeurer hors de leurs monastères, si ce n'est que leurs affaires les demandent ailleurs, aux quels cas ils doivent demeurer dans un autre monastère de l'Ordre, supposé qu'il y en ait dans le lieu, ou dans quelque Communauté Religieuse, *ibid.* art. 7. arrêt de Règlement du Parlement de Paris du 14. May 1696. & arrêt du Conseil privé 1641. sentence de l'Official de Paris contre des Religieux & des Religieuses demeurans hors de leur Cloître, portant qu'ils s'y retireront dans quinze jours, & que les Curés s'informeront, s'il y en a dans leurs Paroisses, & s'ils en découvrent, ils en donneront avis au Promoteur 1681. instit. à la pratiq. p. 803. *procedur. crim. des Official. part. 1. c. 7. p. 251.* on y voit différentes procédures contre ces sortes de Religieux.

Je ne connois point en France des Religieuses non cloîtrées, ou à qui on permette de vivre comme si elles ne l'étoient pas; il y en a dans le Pais-Bas c. 4. de ce titre n. 15. 16. c'est un abus contraire au droit commun; il faut en excepter les Hospitalières, dont l'institution paroît incompatible avec la clôture, c'est là tout ce qui paroît regarder la substance du vœu de Chasteté, & les précautions pour le faire observer: à l'égard des Chefs, qui n'appartiennent que de loin au vœu, on trouve quelques particularités dans le droit François, 1<sup>mo</sup> la connoissance de l'appel comme d'abus au sujet de contestations sur la clôture est réservée aux Parlemens, lors même que le monastère, ou les Supérieurs du monastère ont leurs causes com-

Tom. I.

mises ailleurs, article 20. de l'Edit de la juridiction. 2<sup>do</sup>. Les Religieuses même exemptes ont besoin de la permission de l'Evêque pour pouvoir sortir; il faut qu'elle soit par écrit, art. 33. du Règlement des Religieux.

3<sup>ti</sup>o. Les Religieux quelque exempts qu'ils soient, ne jouissent pas de l'exemption, lorsqu'ils delinquent au sujet de la clôture des Religieuses ou de l'administration de leur bien, art. 31. du même Règlement.

4<sup>to</sup>. L'Evêque a droit d'examiner les Novices pour la profession dans les monastères *ibid.* art. 31.

5<sup>to</sup>. D'approuver les Confesseurs ordinaires & extraordinaires députés par les Supérieurs Religieux *ibid.* art. 35.

6<sup>to</sup>. Les servantes séculières ou écolières enfermées dans les lieux réguliers, sont obligées à la clôture, *ibid.* art. 36.

TITRE XXXI.

Des Supérieurs des Monastères.

CHAPITRE II.

*Des différences entre les Prieurs Religieux.*

**L**Es Prieurés Conventuels, qui étoient électifs au tems du Concordat, sont de nomination Royale, il n'y a point de Prieuré collatif, dont la nomination appartienne au Roy en vertu du Concordat.

CHAPITRE III.

*De l'autorité des Prélats pour la Correction.*

**V**AN-Espen auroit dû observer que les Prélats commendataires n'ont aucune juridiction sur les Religieux, si ce n'est par indult ou par l'usage, qui leur a conservé celle, qu'ils avoient autrefois.

N. 31. Ce qu'il dit vers la fin qu'aujourd'hui tous les Prélats Religieux ont droit de porter l'excommunication majeure, doit être restreint à ceux qui ont juridiction Episcopale sur les Religieux dans le for externe; le Concile de Trente sess. 25. c. 3. le réserve à l'Evêque privativement à tous Prélats inférieurs: d'où vient qu'aucun Chef d'Eglise Cathédrale, ni aucun Archidiacre, ni aucun autre, ayant encore quelque juridiction dans le for externe, n'a plus droit d'excommunier de cette manière, on peut appliquer à ce sujet ce que dit Fevret l. 7. c. 2. n. 3. au sujet du pouvoir d'accorder des monitoires; car l'excommunication des monitoires est de même espèce que les autres; ainsi ceux qui n'ont pas droit de donner des Monitoires, n'ont pas droit d'excommunier; le ch. 13. *de foro compet.* montre qu'il y avoit des Prélats inférieurs, qui ayant la juridiction contentieuse n'avoient pas droit d'excommunier: le ch. 12. *de major & obed.* fait voir qu'il y avoit des Abbesses, qui ayant le pouvoir de suspendre même les Clercs *ab Officio & Beneficio*, n'avoient pas celui de les excommunier.

CHAPITRE IV.

*Cas auxquels le Supérieur a besoin du consentement ou du Conseil du Chapitre.*

**L**E n. 24. semble ne s'accorder pas avec le n. 26. car si à présent le Gouvernement de la plupart des religions est Aristocratique, il faut que le Supérieur ait besoin du consentement du Chapitre, hors des cas expressément exceptés, puisque dans le gouvernement Aristocratique tout se doit faire par le Corps des Seigneurs, conjointement avec le Chef; ainsi le Chef doit avoir besoin du consentement, si ce n'est en certains cas que le bien du Corps demande qu'ils

E e e e e 2

lui

lui soient réservés; mais peut-être parle-t'il n. 24. du Gouvernement Régulier par rapport aux changemens, que les nouvelles Constitutions y ont fait, & dans le n. 26. il le considère par rapport au droit commun, selon lequel il étoit originairement monarchique.

N. 27. Il y a plusieurs règles de droit qui paroissent contraires à ce qu'il dit que dans le cas, où le Prélat a besoin du consentement du Chapitre, il n'est pas nécessaire que tous consentent; mais ces règles ne peuvent être restraites aux cas, qu'il excepte par le mot *ordinairement*, ces règles sont: *quod omnes tangit ab omnibus approbari debet. Et in re communi potior est conditio prohibentis.*

Ce qu'il ajoute que dans les élections il suffit d'avoir la plus grande partie considérée par rapport aux autres, qui ont élu d'autres personnes, est contraire à plusieurs textes du droit, qui disent clairement qu'il faut la plus grande partie considérée par rapport aux capitulans. V. le ch. 48. de *lect.*

N. 28. Il faut restreindre ce qu'il dit de la nullité des actes faits sans l'agrément du Conseil, aux cas, où elle est portée par les Constitutions; car imò les actes faits sans consentement des parties intéressées, ne sont pas nuls, mais seulement cassables sur leurs plaintes, & le conseil est une chose moins importante que le consentement, puisque le Supérieur n'est pas obligé de suivre le sentiment de ceux, qui n'ont que voix Consultrice, & il est tenu de se rendre à la pluralité de voix de ceux, dont le consentement est nécessaire.

#### CHAPITRE V.

*C'est aux Abbés d'administrer le temporel des monasteres & aux Officiers qu'il commit à cet effet.*

N. 9. **L'**Art. 18. de l'Edit de la juridiction suppose que les Canons donnent aux Evêques le droit de veiller sur la conservation des biens des monasteres, tant d'hommes que de femmes; car en exécution des Canons, il leur ordonne de visiter les monasteres & de remédier au désordre qu'ils y trouveront touchant l'administration des biens temporels, l'art. 37. du règlement du Clergé de France touchant les Réguliers, suppose aussi que les Evêques sont obligés de tenir la main, à ce que les biens des Religieuses soient dûement administrés, quoiqu'elles soient exemptes, & qu'ils ont droit d'y remédier aux défauts des Supérieurs même Réguliers.

#### CHAPITRE VII.

*Des Abbés Laïques & Commendataires.*

**I**L ne parle du Droit françois par rapport aux Commendes, qu'aux n. 43. & 45. & ce qu'il en dit n. 45. n'est pas exact, car les Cardinaux ne jouissent plus de la jurid. inférieure dans les Monasteres, qu'ils ont en Commende sans indult, mais ils peuvent en jouir en vertu d'indult, il y en a des preuves dans le recueil des pièces concernant le procès du Cardinal de Bouillon, avec les Religieux réformés de Cluni: on peut suppléer ces deux défauts par les titre 111. de la seconde part. de mes institutions.

#### CHAPITRE IX.

*De l'Élection & de la Nomination des Supérieurs.*

**L**es guides que suit l'Auteur en ce qu'il dit du droit françois sur ce sujet, ne sont pas trop sûrs; il y a eu du changement considérable depuis leur mort.

N. 5. Suivant le Concordat on n'est obligé de suivre la forme du ch. *quia propter*, dans l'Élection des Abbés qu'au cas que les constitutions de l'Ordre n'en prescrivissent point de particulière tit. 3. §. 3.

N. 21. Le Roi nomme à la première ministration des Maturins, quoiqu'elle n'ait point de manse séparée.

N. 25. Si le Roi ne nomme pas aux Abbayes des filles de l'Ordre de S. François, ce n'est pas, parceque les Supérieurs n'ont point de manse séparée, autrement le Roi ne nommeroit à aucune Abbaye de filles, parceque les Abbes n'ont point de manse séparée; mais c'est qu'elles sont pauvres, & que le revenu provient principalement des quêtes. Ajoutez que pour pouvoir donner une Abbaye en commendé, il suffit que l'Abbé ait l'administration des revenus, sans autre obligation que celle d'entretenir les Religieux, les lieux Réguliers, les Eglises, faire acquies le service, exercer l'hospitalité & faire les autres aumônes nécessaires; en effet il seroit aisé de justifier que la séparation des manses est postérieure aux commendes de plusieurs Abbayes: on en a des preuves dans les arrêts du Parlement de Paris, qui ont ordonné le partage des biens des monasteres entre l'Abbé ou le Prieur d'une part, & les Religieux de l'autre; voyez Neron p. 488. & mes institutions si souvent citées p. 691.

#### CHAPITRE II.

*De l'ordre & de l'âge requis dans les Supérieurs Réguliers.*

N. 1. **E**N rapportant le decret du Concile de Trente qui requiert pour les Abbayes des filles 40. ans accomplis, & 8. ans de profession, si ce n'est qu'il ne s'en trouve pas dans le monastere qui aient ces deux qualités, auquel cas il se contente de l'âge de 30. ans & de 5. ans de profession; Van-Espen auroit dû remarquer que ce decret n'est pas reçu en France, mais que comme dans le Royaume on comprend les Abbes sous le nom des Abbés, on y étend aux Abbes ce que le concordat ordonne touchant l'âge des Abbés.

On y requiert 10. ans de profession ou 6. ans d'offices Claustraux art. 4. de l'Edit de 1606.

#### TITRE XXXII.

#### CHAPITRE V.

*Du but & de la forme de la visite & de la reforme.*

N. 7. **L**E Cardinal d'Estrées a été Visiteur Apostolique de l'Abbaye de S. Claude: pour pouvoir exercer une semblable commission, il faut être François, avoir des lettres patentes enregistrées au Parlement dans le ressort, du quel sont les lieux soumis à la visite, & que les lieux soient immediats au S. Siège.





# SECONDE PARTIE. DES CHOSES.

## SECTION I. DES SACREMENTS.

### TITRE PREMIER. DES SACREMENTS EN GENERAL.

#### CHAPITRE PREMIER.

*De l'Essence, Nombre & Division des Sacremens.*

N. 16. **L**'A forme conditionnelle du Baptême a pris naissance dans les Etats des Rois de France; car les statuts de Boniface, Archevêque de Mayence en font mention; on la voit ensuite dans les Capitulaires des Rois de France, ainsi Van-Espen n'auroit pas dû dire qu'elle s'est établie après que la décision d'Alex. III. sur ce sujet a été insérée dans la Collection de Greg. IX.

N. 18. L'Eglise de France n'a jamais approuvé la réitération du Baptême conférée par les Calvinistes.

#### TITRE II.

*Du Baptême.*

#### CHAPITRE II & III.

*Du Ministre.*

**L**'Art. 8. de l'Edit du mois d'Octobre 1685. ordonne aux peres & meres de la Religion prétendue réformée, d'envoyer leurs enfans à la Paroisse, pour y être baptisés par les Curés, sous peine de 500. liv. d'amende, ou de plus grande, s'il y échoit; il veut qu'ensuite les enfans soient élevés dans la Religion Apostolique Romaine.

#### CHAPITRE V.

*Des Parrains & des Sages-Femmes.*

**L**'Art. 9. du Règlement pour les Reguliers leur défend d'être Parrains. Voyez au sujet des Sages-Femmes mes institutions si souvent citées, part. 1. tit. 61. p. 312. on y marque l'usage de France au sujet de l'autre fonction des Sages-Femmes, qui est de visiter les Femmes en cas de procès concernant l'impuissance.

#### TITRE QUATRIEME.

*De l'Eucharistie.*

#### CHAPITRE III.

*De la Communion Pascale.*

**L**es loix qui ordonnent de la faire dans la Paroisse; n'exceptent aucun Paroissien.

N. 9. Il y a des Arrêts, qui ont déclaré que les domestiques des Religieuses sont obligés à faire leur devoir Pascal dans la Paroisse; voyez l'arrêt du Parlement de Paris du 5. Mai 1689. il sert de règle à ces domestiques; il falloit joindre les Pensionnaires des Colleges & des Communautés, soit séculières, soit regulieres, excepté les Pensionnaires des Religieuses qu'on en exempté en faveur de la clôture; on a les preuves de ce droit Curial, dans la seconde partie des proced. des Official. p. 56. & 431. V. l'art. 5. du Règlement du Clergé, 1625. 35. 45. 55.

#### CHAPITRE IV.

*De la Communion des Infirmes.*

N. 8. **I**L auroit dû remarquer que le droit Curial d'administrer le S. Viatique, s'étend aux domestiques des Religieux & des Religieuses, aux Pensionnaires des Colleges, & Communautés tant Regulieres que Seculieres; les preuves en sont ramassées dans les proced. civil. des Officialités p. 56. jusqu'à 74. ajoutez l'art. 36. du règlement du Clergé au sujet des Reguliers, 1625. 35. 45. 55.

#### TITRE VII.

*Des Indulgences.*

**E**N France les brefs d'Indulgences ne peuvent être exécutés sans les formalités suivantes: 1<sup>re</sup> il faut qu'ils soient enregistrés, 2<sup>de</sup> qu'ils soient certifiés véritables

ritables & duement expédiés par deux banquiers expéditionnaires, 3<sup>ti</sup>o que l'Official en ait permis la publication. Voyez les proced. civiles des Officialités 1. art. 2. p. 327. 328. V. aussi l'art. 8. tit. 15. de l'Ord. de 1667. en pais d'annexe, comme la Provence & la Franche Comté, on ne peut exécuter les brefs d'Indulgence sans lettres d'annexe; & là où l'annexe ne s'accorde qu'en conséquence des lettres-patentes du Roi, elles sont encore nécessaires pour l'exécution de ces brefs: l'Official de Paris cassa un mandement du Trésorier du Bois de Vincene, en 1701. pour la publication du Jubilé de l'année sainte. Il y a une déclaration de 1711. qui ordonne à tous les Prélats ayant jurisdiction quasi Episcopale, de faire publier & exécuter les mandemens des Evêques au sujet des Jubilés, avec défenses d'en faire de particuliers différens de ceux de l'Evêque; l'art. 10. du Reglement pour les Réguliers défend aux Réguliers, comme aux Clercs séculiers de publier aucune indulgence sans la permission de l'Ordinaire par écrit.

En traitant des questions qui concernent la satisfaction, il y a des Théologiens qui décident 1<sup>mo</sup> qu'un Curé qui croit qu'il n'y a point d'ames abandonnées dans le purgatoire, ne doit pas laisser de publier les Indulgences accordées pour ces termes, en avertissant que par ames abandonnées on entend ici celles, qui n'ont ni parent ni ami, qui prie ou fasse prier pour elles, & non des ames, qui soient sans secours de la part de Dieu & de l'Eglise, dont il n'y en a aucune.

2<sup>do</sup>. Que l'Evêque peut changer ce qui est prescrit par le bref d'Indulgence, quand les justes causes le demandent.

3<sup>ti</sup>o. Qu'on ne peut dire sans erreur que l'Indulgence plénierie a l'effet du Baptême par rapport à la remission de la peine.

## CHAPITRE II.

### De l'usage modéré des Indulgences.

ON a des preuves de la modération des Evêques de France dans la concession des Indulgences; voyez Bochel decret. de l'Eglise Gallic. liv. 3. tit. 1. c. 38. c. 65. 79. 86. au sujet de ceux qui accompagnent le S. Sacrement, lorsqu'on le porte aux malades, car les uns ne donnent que 10. jours d'Indulgence, si c'est pendant le jour, & 20. jours si c'est pendant la nuit, les autres en donnent 20. sans distinction, les autres 40.

Il y a dans le même ouvrage; lib. 2. tit. 19. d'autres preuves sur le sujet des Evêques & des Docteurs François zelés pour l'usage modéré des Indulgences.

## TITRE IX.

### Du Sacrement de l'Ordre.

## CHAPITRE II.

N. 24. C'Est un abus d'admettre pour titre clerical un Bénéfice insuffisant pour l'honnête entretien.

N. 35. Van-Espen auroit dû remarquer que les rescrits, dont il parle dans ce numero ne sont pas rescrits en France.

N. 36. Voyez les articles 15. & 16. du Reglement pour les Réguliers 1625. 35. 45. 55.

## CHAPITRE III.

N. 9. L'Evêque d'Autun donne des dimissoires dans l'année de la vacance de l'Archevêché de Lyon, dont il a l'administration, & l'Archevêque de Lyon en fait de même dans l'Evêché d'Autun, qu'il administre pendant la vacance.

N. 20. Le chap. 11. du Concile de Trente cité par Van-Espen ne parle pas des dimissoires, mais des rescrits de Rome pour se faire ordonner sans dimissoire par tel Evêque qu'on voudra choisir; on l'insère du chap. 10. de la même session & du chap. 10. de la session 23. où le Concile donne le nom de dimissoire aux lettres, que l'Ordinaire donne pour recevoir les ordres de quelques autres, & dans le ch. 11. cité, les lettres, dont il parle, sont appelées *facultates de promovendo à quocumque*.

## CHAPITRE VI.

N. 16. Dans une des consultations touchant le Sacrement de l'Ordre, je montre que le Bénéfice, qui ne donne pas de quoi vivre, ne doit être titre clerical, & qu'encore qu'il donne de quoi vivre, il ne donne pas droit de demander les ordres.

N. 28. On a de la peine à croire, qu'on forçât un pere à donner un titre patrimonial à son fils; la raison de Van-Espen ne satisfait pas, car les filles ne peuvent se marier sans dot, au lieu qu'un Clerc peut être promu aux ordres sans titre patrimonial, puisque le titre patrimonial n'est que subsidiaire au titre de Bénéfice, & que l'Evêque peut ordonner à titre de Seminaire, ou à la charge de nourrir le promu en cas de besoin.

N. 40. Il semble que si les Créanciers ont sçu, ou ont pu sçavoir la publication du titre patrimonial, le Juge doit conserver au Clerc l'usufruit du titre, & assurer le fond aux Créanciers, on l'approuve dans une consultation que j'ai fait imprimer en parlant du Sacrement de l'Ordre.

N. 45. Il n'y a pas des preuves convaincantes que ceux, qui se font ordonner sous des faux titres, soient suspens par le seul fait, s'ils ne joignent à la fausseté la simonie ou la confidence; c'est le résultat de deux consultations, l'on trouvera dans ce que j'ai dit du Sacrement de l'Ordre.

## TITRE X.

### De l'Irrégularité & de ses especes.

## CHAPITRE I.

### De l'Irrégularité en général.

VAN-Espen auroit dû remarquer qu'encore que l'Irrégularité soit appelée un empêchement Canonique; il y a plusieurs cas, qui sont de droit naturel ou divin, ou de l'un ou de l'autre tous ensemble, & que ces cas sont indispensables; tels sont, 1<sup>mo</sup> le défaut d'usage de raison, 2<sup>do</sup>. L'incapacité d'acquiescer la science nécessaire, 3<sup>ti</sup>o le défaut de corps qui exposeroit le Corps & le Sang de Jesus-Christ à la profanation par la chute & par l'effusion, 4<sup>to</sup> le défaut actuel de bonnes mœurs, 5<sup>to</sup> le défaut de Baptême, 6<sup>to</sup> le défaut de sexe.

N. 3. Ce sommaire est défectueux, car la bigamie, l'infamie ou défaut de bonne réputation, le défaut de douceur, & celui de prudence ont été des irrégularités dès les premiers siècles, puisque S. Paul en fait mention dans ses Lettres à Thymotee & à Tite.

N. 16. L'Irrégularité du défaut d'âge cesse dès qu'on a atteint l'âge requis, celle du défaut de naissance cesse par le mariage subséquent, par l'entrée en Religion, l'irrégularité du défaut de science ou de prudence ou d'usage de raison finit avec ses défauts.



CHAPITRE II.

*De la Bigamie.*

N. 19. **I**L y a grande apparence qu'au Palais on n'avoit point d'égard à l'Irrégularité provenant du mariage contracté avec une veuve, ou avec une seconde femme.

N. 22. Le cas cité par Van-Espen pour prouver que l'Irrégularité de la Bigamie n'avoit pas lieu dans les Ordres Mineurs, prouve le contraire, car le Concile de Tolède y dispense de cet empêchement pour le Soudiaconat; lorsque la nécessité de l'Eglise demandera qu'un Bigame y soit promu.

N. 27. J'ai prouvé le contraire dans une consultation sur le Sacrement de l'Ordre.

CHAP. III.

*Du défaut de Naissance.*

N. 31. **V**An-Espen auroit dû remarquer que la dispense émanée de la Pénitencerie en faveur d'un bâtard pour une Prélature régulière ne serviroit de rien pour le for extérieur.

CHAPITRE IV.

*Du défaut de Douceur.*

**V**An-Espen auroit dû observer qu'en France il n'y a que les Juges & les gens du Roy, qui contractent cette Irrégularité par l'exercice de la Justice.

CHAPITRE V.

*Du défaut de Corps.*

**D**E toutes les Irrégularités il n'en est point, dont la dispense convienne mieux à l'Evêque que celle du défaut de Corps, puisque c'est lui qui doit juger, si elle est nécessaire; d'où vient que lorsqu'on la demande au Pape, il est obligé de la renvoyer à l'Evêque *ch. 2. & 4.*

CHAPITRE VI.

*De l'Irrégularité qui vient du Crime.*

**V**An-Espen auroit dû remarquer ici, qu'il y a de ces Irrégularités, qui font vacquer le Bénéfice par le seul fait, & d'autres qui ne le font vacquer qu'après la sentence du Juge, il devoit en alleguer des exemples.

N. 17. J'ai prouvé dans les règles sur les Irrégularités, que le Concile de Trente rendant à l'Evêque le pouvoir de dispenser de l'Irrégularité du crime, lorsqu'il est occulte, il entend celui qui n'est pas prouvé en Justice; comme ce rétablissement est favorable, il faut l'étendre, & non le restreindre; on le restreint notablement, lorsqu'on le borne au cas du crime, qui ne peut être prouvé en Justice.

N. 20. J'ai montré dans le même traité que par crime porté au for contentieux, il faut entendre celui qui y a été prouvé, parceque la restriction ajoutée au pouvoir que le Concile rend à l'ordinaire, est odieuse; en matieres odieuses, il faut prendre les termes avec leurs effets, c'est-à-dire, selon qu'ils signifient les choses faites; d'où vient que la Censure & l'Irrégularité portées contre certains crimes n'ont lieu, que quand ils sont consommés.

La Simonie ne rend pas irrégulier si, ce n'est pour le Bénéfice qu'elle procure.

N. 25. L'Evêque n'est pas obligé en France de ren-

dre raison du refus des ordres; il s'agit d'un Sacrement, dont la collation doit être abandonnée à la conscience.

CHAP. VII.

*De l'Irrégularité de l'Homicide.*

N. 15. & 16. **C**E qu'il dit, que la chasse n'est pas défendue aux Clercs, à cause du danger d'homicide ou de mutilation sur eux-mêmes, ou sur d'autres, doit être restreint à la chasse, qui se fait sans armes, car celle qui se fait avec des armes expose trop à ce danger pour ne pas obliger l'Eglise à la défendre, afin d'éviter que ses Ministres ne deviennent irréguliers, raison qui n'a pas lieu dans les Laïcs, qui ne sont pas tenus à être prêts à faire les fonctions Clericales.

TITRE II.

*Des Séminaires des Clercs.*

CHAPITRE III.

*De la dotation & fondation des Séminaires.*

N. 9. 10. **L**E Jugement des oppositions de l'union des Bénéfices aux Séminaires, appartient au Magistrat.

CHAPITRE IV.

N. 1. **O**N en a en France un exemple tout récent, qui confirme ce que l'Auteur dit de la nécessité de l'autorisation du Prince pour l'érection des Colleges, c'est dans les actes concernant l'établissement du College Mazarin rapporté *tome 2. des Regales p. 521.* le Roy l'a autorisé par les lettres-patentes du mois de Juin 1665.

TITRE XII.

*Des Fiançailles & du Mariage.*

CHAP. II.

*Du lien des Fiançailles & de leurs dissolutions.*

N. 789. **A**Ce que Van-Espen dit du droit François, il faut ajouter que dans les Provinces, où l'on ne bénit pas les Fiançailles comme la Provence, le Languedoc, le Dauphiné, & d'autres qui suivent le Rituel Romain, il n'est pas nécessaire de faire intervenir le Juge d'Eglise pour résoudre les Fiançailles; comme la seule volonté des parties en a formé le lien, elle suffit pour le rompre, Van-Espen devoit encore ajouter que les Fiançailles ne durent qu'un an; que lorsqu'une partie entre en Religion, ou lorsqu'elle se marie, le lien des Fiançailles est entièrement rompu, si son engagement dure plus d'un an; il en seroit de même si elle étoit tombée dans l'hérésie, & si elle y perséveroit plus d'une année; il y a quelques Diocèses où, quoiqu'on suive le Rituel Romain, on bénit pourtant les Fiançailles; tel est celui de Bourdeaux; voyez le Rituel de ce Diocèse 1707. p. 210. 211. 212. 213. 214.

CHAPITRE III.

*De la Publication des Bans.*

**L**Es Curés du Diocèse de Paris sont tenus d'avoir un Registre des Mémoires, qu'on leur donne pour publier les Bans: ces mémoires doivent être signés de ceux



ceux qui les apportent *proced. civil. des Official. part. 1. ch. 2. p. 244.*

N. 15. Il auroit dû excepter les Mariages des mineurs contractés sans le consentement de leurs pere & mere, de ce qu'il dit que le défaut de publication n'annule pas le mariage, car les Jurisconsultes François prétendent qu'en ce cas le mariage est nul; la déclaration du 16. Février 1692. fait contester ce sentiment.

Il auroit dû parler de réitération des Publications, lorsqu'entre celles qui ont été faites & la célébration, il y a eu un tems considérable, dans lequel les parties auroient pu contracter quelques empêchemens; cette publication est ordonnée par un grand nombre de Statuts Synodaux; j'en ai ramassé les extraits dans une consultation faite sur ce sujet, imprimée avec les autres, qui concernent le Mariage.

N. 18. Ce n'est pas non plus l'usage en France, de faire la publication du mariage après la célébration.

N. 22. On souffre la dispense de trois bans pour les mariages de conscience, 1<sup>o</sup> lorsque les personnes passent pour mariées, & qu'elles ne le sont pas, 2<sup>o</sup> lorsqu'un homme de condition épouse une femme débauchée, 3<sup>o</sup> lorsque des personnes de grande naissance se marient avec d'autres de basse condition, *In remedium*, &c. 4<sup>o</sup> lorsqu'il s'agit de réhabilitation de mariage pour un empêchement occulte.

On souffre encore cette sorte de dispense, lorsqu'il y a une véritable impuissance de faire aucune publication, comme si un Officier de guerre le Lundi reçoit ordre de partir le Mercredi ou le Jeudi, ou si un Commerçant finit un traité de mariage la veille de son départ, qu'il ne peut aucunement différer.

Il ne faut recevoir aucun mémoire pour la publication des bans, si les qualités, les âges & la profession des parties n'y sont énoncés: il en faut faire mention dans la publication & dans le certificat des publications. *Arrêt du Conseil d'Etat du 16. Décembre 1698.* Il faut tenir Registre des empêchemens & des oppositions faites aux mariages. *Arrêts du Parlement de Paris du 18. Juin. 1691.*

#### CHAP. IV.

*Du Mariage & du consentement qu'il requiert.*

N. 4. **C**E que Van-Espen dit contre les mariages par procureur, doit être restreint aux cas où ils ne sont pas justifiés par le bien public, qui en revient: ainsi il faut en excepter les mariages des Princesses avec des Princesses étrangères.

N. 19. 20. &c. J'ai montré dans une Consultation faite à dessein, que l'empêchement du rapt de séduction est différent de l'empêchement du défaut de consentement des parens.

#### CHAP. V.

*Devant qui le mariage se doit contracter.*

N. 3. & 4. **L'**Ordonnance de Blois art. 40. & l'Edit du mois de Mars 1697. exigent quatre témoins: les Rituels de France postérieurs à cet Edit, y sont conformes, les Statuts Synodaux prescrivent le même nombre; l'art. cité de l'Ordonnance de Blois, veut que les témoins soient des personnes dignes de foi, ce qui renferme toutes les qualités, qu'on y pouvoit requérir en détail: l'Edit ajoute que les témoins doivent être domiciliés, ce qui les rend encore plus dignes de foi, comme plus instruits ou plus capables de l'être des faits, qu'ils attestent.

N. 12. 13. & 14. A l'égard des errans & des vagabonds qui épousent une fille du lieu, où ils se marient, il est sans difficulté que leur mariage est bon de la part du Curé: les précautions qu'on prend des les ren-

voyer à l'Evêque ne tendent qu'à découvrir, s'ils sont déjà mariés, ou s'ils ont quelques autres empêchemens, il n'y a point en France de Curé particulier pour ces personnes.

N. 39. Le décret de la Congrégation qui fait entendre qu'avec la permission, les Missionnaires pourront marier les Catholiques avec les Hérétiques, seroit rejeté en France, non seulement parceque cette Congrégation n'y a aucune autorité; mais encore plus, parceque la France annule ces mariages: il y a dans la premiere partie des *proced. crimin. des Officialités* une Sentence qui déclare un Prêtre suspens pour avoir marié un hérétique avec une Catholique, p. 355.

N. 16. En France il n'y a point de Vicair Apostolique, qui approuve les Aumôniers des Troupes, mais ils sont approuvés des Ordinaires des lieux, d'où elles partent; j'en ai une preuve certaine pour les Aumôniers des Vaisseaux. dans une copie de l'approbation donnée à un de ces Aumôniers par M. de Chalucet Evêque de Toulon, & dans le témoignage de l'Aumônier qui me l'a communiquée, lequel m'a assuré que tel est l'usage ordinaire.

#### CHAP. VI.

*Des rites de la célébration du Mariage.*

N. 19. 20. **E**N parlant des règles, il faut remarquer que l'Ordonnance de 1667. tit. 20. ordonne d'avoir des registres de Mariage, que dans l'acte il faut faire mention des noms, surnoms, qualités & demeures des contractans, s'ils sont enfans de famille: elle veut encore que les quatre témoins, qui doivent assister au Mariage, déclarent sur le Registre s'ils sont parens, & en quel degré; il faut ajouter que par l'Edit du mois de Mars 1697. les quatre témoins qui doivent certifier le Curé du domicile des parties, signeront l'acte du Mariage; & par l'Edit du 16. Février 1692. il faut énoncer dans l'acte la publication, ou la dispense des Bans, s'il y en a eu, les dispenses de mariage, l'insinuation des unes & des autres; que suivant les Rituels, lorsque l'Evêque commet la célébration du mariage, il faut faire mention de la commission dans l'acte de mariage & s'y attacher; que si le Curé y est présent, il mettra le mariage sur le Registre; que s'il n'est pas présent, le Curé qui aura été commis, écrira au Curé des contractans, qu'un tel jour il a marié tel & tel, afin que celui-ci en fasse mention sur son Registre, & que pour plus grande précaution le Curé des contractans, dès qu'il aura connoissance de la commission, en fera mention par forme de mémoire sur les Registres.

Enfin on doit observer que le Roy Louis XV. a supprimé les Offices des Greffiers conservateurs des Registres de mariage créés par Louis XIV.

#### CHAP. VI.

*De l'empêchement de Consanguinité & d'affinité.*

**D**ANS les Parlemens on ne sépare pas les personnes mariées dans un degré défendu, dont la dispense s'obtient aisément, lorsque le mariage a été fait de bonne foi, du moins du côté d'une des parties, & lorsqu'il y a des enfans, mais on les oblige à se faire dispenser. On infere de l'art. 11. du tit. 22. de l'Ordonnance de 1667. que même hors la matiere du mariage, la France compte les degrés suivant la maniere prescrite par les Canons; car excluant les parens & alliés de la déposition, jusqu'au quatrième degré, elle met dans ce degré les enfans des cousins issus de Germain.



CHAPITRE II.

De l'Enlèvement du Rapt.

N. 13. 14. **L**E rapt de séduction, selon qu'il est un empêchement diriment en France, est toujours accompagné de l'empêchement du défaut de consentement des parens tuteurs ou curateurs, & souvent de celui du défaut de présence du propre Curé. Il y a plusieurs exemples des faits que j'avance dans le ch. 4. de la première partie des procédures civiles des Officialités, lorsque les parens se pourvoient contre de tels mariages en crime de rapt; la connoissance en appartient au Juge Laïc art. 25. de l'Edit de Melun, au lieu que s'ils entreprennent de le faire casser comme ayant été célébré par d'autres que par le propre Curé, c'est à l'Official à en connoître. Les exemples rapportés dans l'endroit cité des procédures civiles, sont de ce dernier genre: le mariage y a été regardé sous cette circonstance, & c'est pour cette raison qu'on s'est adressé à l'Official.

CHAPITRE III.

Des Empêchemens dirimans dont Van-Espen n'a pas parlé, & qui sont fréquens en France.

**C**Es empêchemens sont la Bigamie & l'impuissance: on en traite au long dans les procédures civiles des Officialités part. 1. chap. 5. en parlant de la Bigamie, on observe que les procès au sujet de cet empêchement sont aussi fréquens que ceux qui concernent les mariages clandestins; qu'il y a deux moyens pour se pourvoir contre cette sorte de mariage, la voye d'accusation, & la voye de cassation; la première tend à la punition, laquelle appartient au Magistrat, & la seconde au recouvrement de la liberté de se marier à un autre, ce qui est du droit de l'Official, qui a droit de connoître de *fordere*: Il faut toujours mettre en cause le premier mari & la première femme pour s'assurer, si le second mariage est véritablement nul, car il se pourroit que le premier fût nul, & qu'il eût été déclaré nul, ou qu'il pût être déclaré tel, & dans tous ces cas le second mariage seroit valide, & il faudroit le confirmer.

On observe encore qu'il est de la prudence des Curés de ne remarier personne sur de simples certificats de mort du mari ou de la femme sans Ordonnance de l'Official, laquelle les mette hors de danger d'être recherchés, supposé que dans la suite le certificat fût jugé faux ou insuffisant.

A l'égard de l'Official, il ne doit, rendre de telles Ordonnances; que quand la preuve de la mort est complète, comme lorsqu'elle est attestée par plusieurs témoins dignes de foi, ou par *Extrait-Mortuaire*, ou par d'autres certificats authentiques. Enfin on observe que quand le premier mari ou la première femme est dans un autre Diocèse, il faut commencer par introduire la cause devant l'Official du lieu où est le Bigame en le faisant assigner à son Tribunal, & par le premier Jugement l'Official doit ordonner que le premier mari ou la première femme soient mis en cause, autrement l'assignation qui leur seroit donnée, souffriroit quelque difficulté, parceque l'Official ne seroit pas saisi de l'affaire qui lui donne juridiction sur des personnes étrangères comme parties intéressées.

La Bigamie a été autrefois un crime capital, aujourd'hui elle n'est punie que de la peine d'infamie. Fevret l. 5. ch. 3. n. 13.

A l'égard de l'empêchement de l'impuissance, on peut voir dans mes institutions si souvent citées, part. 2. tit. 168. p. 831. les premiers principes généraux suivis en France sur ce sujet, & la procédure qu'on y observe dans l'endroit cité des procédures civiles des Officialités. Et dans Fevret lib. 5. ch. 4. avec quelques

Tom. I.

autres principes remarquables sur la même matière.

Sçavoir, 1<sup>mo</sup> que de quelque part que vienne l'impuissance. fût-elle purement accidentelle, elle dissout le mariage si elle est perpétuelle, irréparable & antérieure au Mariage. 2<sup>do</sup> Les Eunuques ne peuvent se marier, & il en est de même de ceux, dont l'impuissance absolue est juridiquement prouvée & reconnue. 3<sup>io</sup> On tient pour impuissant celui qui, quoique bien conformé, ne peut donner des preuves d'érection. 4<sup>to</sup> Il n'y a point de tems déterminé, après lequel la femme ne puisse accuser son mari d'impuissance. 5<sup>to</sup> La Confession du mari ne suffit jamais pour prouver son impuissance, mais il faut outre cela que ce qu'il confesse, paroisse par la vérité. 6<sup>to</sup> Si dans la visite de l'homme on découvre qu'il est certainement impuissant, l'Official ne peut ordonner la visite de la femme; celle-ci n'est que subsidiaire, & ne prouve jamais la puissance de l'homme, parceque les marques de Virginité se perdent de plusieurs autres manières que par la conjonction conjugale. 7<sup>mo</sup> Lorsqu'après que la visite de l'homme a été ordonnée, s'il ne comparoit pas au jour assigné, l'Official peut & doit permettre de le faire comparoitre avec imploration du bras séculier: ce cas est excepté de la règle que le défendeur ne comparoit pas, les faits sont tenus pour confessés & avérés; il s'agit du bien public de la Religion & de l'Etat, & pour cela il faut des preuves convaincantes au nombre desquelles on ne peut mettre la confession présumée de l'accusé, car il pourroit être d'accord avec la partie, pour la cassation d'un mariage valide. 8<sup>vo</sup> La procédure seroit irrégulière, si l'interrogatoire ne précédoit la visite de l'homme, & si la visite de la femme étoit ordonnée avant celle de l'homme. 9<sup>no</sup> Lorsque les Experts commis pour la première visite, ne sont pas d'accord, on nomme un tiers qui procède à une nouvelle visite avec les autres. 10<sup>mo</sup>. La femme n'est pas recevable à accuser son mari d'impuissance, lorsqu'elle en a eu un enfant, avant sa plainte, quoique cet enfant ait été baptisé sous le nom d'un autre, & que le mari se reconnoisse impuissant.

11<sup>mo</sup>. La preuve par le congrès est généralement abolie depuis long-tems, & la preuve par l'érection en présence des Experts, subsiste encore; on est obligé de la souffrir par défaut d'autre moyen pour connoître le vice intérieur qui peut rendre impuissant celui qui est bien conformé.

Il y a des Chirurgiens qui prétendent que la bonne conformation des membres destinés à l'usage du mariage, est une marque de la bonne disposition intérieure, comme si on ne voyoit jamais des personnes, qui ont de beaux yeux, avoir une mauvaise vue par le défaut des organes intérieurs.

TITRE XIV.

Des Dispenses de Mariage

CHAPITRE IV.

Des Causes des Dispenses & de leur vérification.

**J**'Ai traité cette matière dans la pratique & l'histoire des dispenses, conformément aux usages de France, & j'y ai observé avec soin les abus, qui s'y sont glissés. A l'égard des dispenses du Vœu simple de chasteté, j'en ai parlé dans mes observations sur la pratique de la pénitence: il suffira de remarquer que sur l'un & sur l'autre Chef, il y a peu de différence entre la France & les autres pays; ce qui consiste principalement en ce que la France rejette les dispenses sans cause, & n'admet point d'autres causes que celles qui sont approuvées par les Canons qu'elle reçoit. Voyez les art. 41. 42. des libertés. Les dispenses insolites n'y sont pas reçues sans Lettres-Patentes.

F f f f f

N. 10.

N. 10. S'il arrivoit qu'un jeune garçon exposé au danger d'incontinence par le vœu de chasteté & la chaleur de son tempérament s'étant marié avec dispense, perdit sa femme dans l'année de son Mariage ou peu de tems après, il semble que dans ces circonstances l'Evêque pourroit étendre la dispense à un second mariage, sans s'écarter de l'intention du Pape, qui a été de donner un remède pour le tems qu'il seroit nécessaire, présumant que la première femme vivroit jusqu'à ce que le danger fût passé.

## TITRE XV.

## Du Divorce &amp; des secondes Noces.

## CHAPITRE II.

## Séparation de Lit &amp; de Cohabitation.

Les Officiaux de France connoissent de la séparation de Lit, à moins qu'elle ne soit jointe à la séparation d'habitation ou à celle des biens, ou à la punition de la partie coupable. La raison de la première exception est qu'en ce cas la partie qui a l'administration des biens doit donner à l'autre de quoi vivre, & c'est au Juge séculier d'assigner cette pension alimentaire: la Justice de la seconde exception n'est pas moins manifeste; car il est évident que le Juge séculier est le Juge des biens, puisqu'il exerce l'autorité du Prince, qui en régle la possession; il faut dire la même chose de la troisième exception, parceque les personnes mariées, étant Laïques, ne sont justiciables que du Juge Laïc, par rapport à la punition.

Lorsque l'Official connoît de la séparation du Lit, il commence par s'assurer de la vérité des faits par l'interrogatoire des parties, & s'il en résulte qu'elles ne conviennent pas des faits, il ordonne des enquêtes respectives, lesquelles ayant été communiquées au Promoteur avec l'interrogatoire, il rend ses Conclusions, & sur ces conclusions l'Official ordonne ou la séparation, ou l'adhésion suivant la qualité des preuves.

La procédure qui se fait en matière de séparation

même devant le Juge séculier, est toujours civile pour l'honneur du mariage; des arrêts l'ont ainsi réglé. Voyez le chap. 4. de la première partie des procès civils des Officialités. Ce qui a été dit de la compétence du Juge laïc, a lieu pour quelque cause que la séparation soit demandée, savoir, adultère, hérésie, mauvais traitemens, &c.

N. 4. Les Tribunaux séculiers en font de même en France. Fevret, l. 5. ch. 4. n. 17. Loix Ecclesiastiques part. 3. ch. 5. art. 4. maxime 36. 37.

N. 9. Le Jugement de séparation ne porte point de défense de réunion.

N. 19. Il y a plusieurs Statuts Synodaux de France, qui défendent aux personnes mariées de se séparer d'habitation sans l'autorité du Juge; j'en ai ramassé les Extraits dans une Consultation faite sur ce sujet.

N. 23. En France on excepte les Jugemens rendus pour cause d'impuissance relative: on y tient que quand il y auroit des preuves postérieures que le mari n'est pas impuissant, ou qu'il est devenu puissant à l'égard de la femme, dont il a été séparé, il ne seroit pas recevable à demander qu'elle revint avec lui. Fevret, lib. 5. ch. 4. n. 13. L'auteur ne dit rien des peines portées par Justinien contre les femmes adultères, lesquelles sont en usage en France. maxim. 31. des Loix Ecclesiastiques, art. 4. chap. 5. part. 3.

## CHAPITRE III.

## Des secondes Noces.

N. 10. 11. 12. 13. Dans les Provinces de France qui sont regies par le droit écrit, les femmes qui se remarient dans l'an de deuil perdent leurs avantages nuptiaux. Inst. au Droit François. l. 3. ch. 18. A l'égard du Pays coutumier il y a des cas où elles sont punies des mêmes peines, lorsqu'il y a lieu de croire qu'elles étoient grosses du premier mari dans le tems qu'elles se sont remariées, ou si par leur précipitation à se remarier, elles se sont exposées à faire cette injure au premier mari. Loix Eccl. part. 3. ch. 5. art. 1. max. 43.

## SECTION SECONDE.

## DES EGLISES ET DES FESTES.

## TITRE PREMIER.

## De la Construction, Consécration &amp; réparation des Eglises.

## CHAPITRE I.

## De la fin pour laquelle les Eglises sont bâties, &amp; de leurs ornemens.

VAn-Espen ne dit pas un mot du droit François à ce sujet, quoiqu'il y ait plusieurs Ordonnances & Arrêts qui le concernent, outre les Capitulaires des Rois, lib. 5. chap. 230. l. 6. ch. 205. l. 7. ch. 202. 203. 334. Les Ordonnances sont celles de Blois art. 39. qui défend de se promener dans les Eglises pendant le service divin sous peine de prison: art. 58. qui ordonne que les privilèges, libertés & immunités des Eglises seront gardés sans qu'il soit besoin des Lettres

de confirmation. 2dò L'Edit de 1606. art. 13. qui porte que les Eglises ne pourront être incommodées par les bâtimens d'un Temple de la Religion, qui sera voisin; art. 19. qui défend aux Laïcs d'occuper les places destinées aux Ecclesiastiques pendant le service divin. 3tiò L'Edit de la Jurisdiction de 1695. art. 45. qui renouvelle la disposition de l'article 19. que je viens de citer, & ordonne que les Laïcs qui feront des fonctions cléricales revêtus d'habits Ecclesiastiques seront préférables à tous autres Laïcs dans la jouissance des honneurs Ecclesiastiques; art. 32. qui défend de publier dans les Eglises les actes de Justice & autres semblables, concernant les affaires des particuliers; déclaration de 1698. qui étend cette défense aux actes qui regardent les affaires. Les Arrêts cités sont du Parlement de Paris & ont été rendus en exécution de l'art. 45. de l'Edit de la jurisdiction; l'un est de 1698. & maintient les Clercs dans la perception des honneurs Ecclesiastiques préférentement aux gentilshommes, pendant qu'ils aident

au



au service divin: L'autre est de 1699. & ordonne que les Laïcs aidant au service divin revêtus d'habits Ecclésiastiques jouissent de ces honneurs préférentiellement à tous autres Laïcs.

## TITRE II.

### De la Célébration des Fêtes.

#### CHAPITRE I.

De leur Institution & de leurs différentes espèces.

N. 19. **L'**Article de l'Edit de la juridiction suppose que l'institution & la suppression des Fêtes sont une affaire mixte qui appartient à l'une & à l'autre puissance spirituelle & temporelle; à celle-ci, à cause des œuvres serviles, dont il faut s'abstenir les jours de Fêtes; à la spirituelle, à cause des actions de piété par lesquelles il faut les sanctifier; car il porte que les Evêques ordonneront ce qu'ils trouveront à propos, soit pour l'établissement, soit pour la suppression des Fêtes, & que leurs Ordonnances seront présentées à sa Majesté pour être autorisées par ses Lettres-patentes; il enjoint au Magistrat de tenir la main à l'exécution de ces Ordonnances, sans en prendre connoissance, qu'en cas d'appel comme d'abus ou d'intérêt de police.

L'Ord. citée suppose en plusieurs endroits, qu'il appartient au Roi & au Magistrat, & qu'il est de leur devoir d'employer leur autorité pour la sanctification des Fêtes: on y voit aussi quelle est l'autorité de l'Evêque sur ce sujet.

#### CHAP. II.

Pourquoi établit-on les Fêtes, & comment faut-il les sanctifier?

**J'**ai ramassé ce que les Ordonnances Royaux ont prescrit là dessus dans la Conférence de l'Edit de la juridiction, avec les Ordonnances précédentes, art. 28. cela se réduit à n'y tenir, ni foires, ni marchés, ni faire aucune représentation de Théâtre, ni

danfes publiques, ne donner ni à jouer, ni à boire, ni à manger pendant le service divin, & à la punition des contrevenans, laquelle est en certains cas corporelle, en d'autres de prison, en d'autres d'amende arbitraire. Les Ordonnances citées dans cet endroit sont celles d'Orleans art. 23. 24. 25. celle de Blois art. 38.

N. 17. Comme les Ordonnances citées défendent ce qui détourne du service divin les jours de Fêtes; elles font entendre qu'il y a obligation d'assister à Vêpres, parcequ'elles font partie de l'Office divin.

#### CHAPITRE IV.

Les Jugemens des procès & les marchés sont défendus les jours de Fêtes.

**L'**Article 69. de l'Ordonnance de Moulins défend la visitation des procès par petits Commissaires les Dimanches & les Fêtes, quoique les affaires de leur compétence soient bien pressées, & demandent célérité d'expédition; voyez l'art. précédent, qui les détaille.

Les Ordonnances d'Orleans & de Blois dans les art. cités ci-dessus ch. 2. défendent les marchés les Dimanches & Fêtes.

L'Ordonnance citée défend aux Avocats de consulter, aux Notaires d'instrumenter, s'il n'y a une raison absolue, & qu'ils aient permission du Curé; elle ordonne la translation des foires & des marchés qu'on tient les jours de Fêtes au lendemain de ces jours, & s'autorise des Ord. Royaux, qui l'ont ainsi prescrit.

#### CHAPITRE V.

Des Spectacles, Danfes, Cabarets défendus les jours de Fêtes.

**L'**Ordonnance d'Orleans & celle de Blois, art. ci-dessus cités défendent sous de grosses peines la profanation des Fêtes par ces sortes de divertissemens. L'Ord. de Poitiers aussi citée, en fait de même, & allègue des déclarations & arrêts qui défendent aux Cabaretiens de donner à boire, ou à manger après huit heures en Hyvers, & après neuf heures en Eté.

# SECTION TROISIEME.

## DES BENEFICES.

### TITRE PREMIER.

Origine, Définition & Division des Bénéfices.

#### CHAPITRE I.

Origine & définition des Bénéfices.

**L**A définition rapportée par Van-Espen, num. 14. est défectueuse, non-seulement suivant le droit commun, mais encore selon les maximes de France; car dans l'un & dans l'autre droit, les Evêchés & autres dignités supérieures sont compris sous le nom de Bénéfice, en matière favorable & par ces paroles de la définition *auctoritate Episcopi constitutum*, on exclut ces dignités du nom de Bénéfices, parcequ'elles ne sont pas établies par l'autorité de l'Evêque: pour

Tom. I.

perfectionner cette définition, il faudroit mettre l'Eglise au lieu de l'Evêque, encore ne seroit-elle pas juste, parcequ'il y a des Bénéfices, qui sont en un sens d'institution divine, tel est l'Evêché suivant les maximes de France, telles sont les Cures suivant la doctrine de la faculté de Théologie de Paris.

N. 19. Quoique le Bénéfice soit de sa nature perpétuel, il y a néanmoins des Cures, dont les pourvus sont revocables à la volonté des Supérieurs avec le consentement de l'ordinaire; telles sont celles qui sont possédées par les Chanoines Reguliers de la Congrégation de France, par les Prémontrés, par les Pères de l'Oratoire, de la mission de France & de la doctrine Chrétienne, &c. V. le tit. 36. de la 1. part. des instit. & le tit. 15. de la seconde part. V. encore les loix Ecclesiastiq. dans leur ordre, part. 2. ch. 18. max. 25. avec la preuve & les notes.

F f f f f 2

CHAPITRE

## CHAPITRE II.

## Des Dignités &amp; Personats.

IL y a en France bien des dignités qui ne sont que de simples Personats, parcequ'elles sont des prééminences sans juridiction; tels sont 1<sup>mo</sup> les Archidiaconés dans tous les Diocèses, où ils n'ont pas droit de visite, & le nombre de ces Diocèses n'est pas petit. 2<sup>do</sup> Telles sont les Pénitenceries par-tout où elles sont dignités, car elles ne donnent aucune juridiction dans le for extérieur, & c'est de celle-ci, dont il s'agit.

N. 13. Si le Grand-Vicariat n'est pas une véritable dignité, parcequ'il n'est pas perpétuel, les Abbayes, les Prieurés Couventuels, les Généralats d'Ordre, ne seront pas des dignités, lorsqu'ils ne sont que pour un tems: quoiqu'il en soit de la question, si le Grand-Vicariat est une véritable dignité, il est certain qu'il donne les droits des dignités, savoir, prééminence avec juridiction, & rend capable de délégation au S. Siège, de même que les Offices, auxquels on accorde aiséement les ornemens Episcopaux, aussi bien que la bénédiction introduite à l'imitation de la consécration Episcopale, comme s'ils étoient perpétuels & des Dignités Bénéfices.

## CHAPITRE III.

## Des Bénéfices Reguliers &amp; Seculiers.

N. 6. EN France il y a des cas où les Prieurés Couventuels ne peuvent devenir Prieurés simples par la prescription, parceque la Couventualité est imprescriptible, lorsque les Monastères retiennent encore les conditions requises à la Couventualité. Telles sont entr'autres, 1<sup>mo</sup> qu'il y ait des lieux Reguliers subsistans pour loger 10. ou 12. Religieux; 2<sup>do</sup> qu'il y ait assez de revenu pour les entretenir *déclaration du 6. Mai 1680. enregistrée au grand Conseil le 21. Juin 1680.*

N. 18. IL ne paroît pas que suivant les Maximes de France, le droit de conférer des Cures Séculières à des Religieux, soit réservé au Pape, parcequ'on y tient avec raison que l'Evêque peut faire dans son Diocèse ce qui ne lui est pas défendue par les Canons reçus dans le Royaume, ou par l'usage légitimement prescrit; or il n'y a aucun Canon qui approprie au Pape le pouvoir de pouvoir les Religieux des Cures Séculières: il seroit aussi très difficile de montrer que l'usage ait réservé ce droit au Pape: car il est rare que les Religieux soient pourvus de Cures séculières, & lorsqu'ils en sont pourvus par le Pape, c'est parcequ'ils l'ont été ou par résignation en faveur, ou par impétration par mort; que si quelques Evêques semblent avoir renvoyé cette dispense au Pape, c'est parceque la provision du Bénéfice lui appartient; cependant pour en faciliter l'obtention au suppliant, il faut une attestation de l'ordinaire sur la juste cause de la dispense provenant de ce que le Bénéfice demande des qualités qu'on ne peut trouver dans des Prêtres séculiers: on en a un exemple dans l'inst. à la prat. p. 451. on y trouve une attestation donnée à un Jacobin par Jacques d'Angenes Evêque de Bayeux; elle apprend que l'Evêque informé qu'on ne pourvoit les Religieux mendiants des Cures séculières que sur le témoignage de l'ordinaire qui atteste que le bien de l'Eglise demande qu'ils en soient pourvus, déclare que la Paroisse de Turques habitée par un grand nombre de Religieux a besoin d'un habile prédicateur qui sçache la controverse, & que le Pere de Mathan Religieux de S. Dominique a ces deux qualités, qu'on ne trouve pas dans les Prêtres séculiers.

## TITRE II.

## De l'âge &amp; autres qualités requises pour les Bénéfices.

## CHAPITRE I.

## Quel est l'âge requis pour les Bénéfices.

N. 11. 15. 16. SI la France suit la règle qui n'exige que dix ans pour les Canoniques des Collégiales, il est évident qu'elle ne reçoit pas le decret du Concile de Trente, qui exige au moins 14. ans pour les Bénéfices.

N. 24. Il y a des cas où le Pape ne peut dispenser de l'âge requis pour les Bénéfices même simples, tels sont ceux où il est requis par fondation laicale, art. 30. *des libert. de l'Egl. Gall.* il y en a d'autres que le Pape peut dispenser, tels sont ceux où l'âge est requis par le Statut d'un Chapitre ou par les Constitutions d'un Monastère soumis à l'Ordinaire, car celui-ci peut dispenser des statuts & des Constitutions; tels sont encore ceux où il ne s'agit que de Bénéfices simples, & où le défaut d'âge n'est pas considérable, on l'infère du ch. 1. *de filiis Presbyter.* in 6. car en fait de dispense, le défaut d'âge n'est pas de meilleure condition que le défaut de naissance légitime, dont l'Evêque peut dispenser pour les Bénéfices simples suivant le texte cité.

## CHAP. II.

## De l'Ordre annexé aux Bénéfices.

N. 8. L'Auteur des loix Ecclésiastiques de France, *part. 2. ch. 2. max. 31.* donne pour certain que si la fondation d'une Chapelle porte que le pourvu dira des Messés par lui-même, il faut qu'il soit Prêtre au tems de la Provision, mais il ne cite aucune autorité pour prouver la maxime, il a cru que la certitude en est si connue, qu'il n'étoit pas nécessaire de la prouver, quoiqu'il en soit de son intention dans l'omission de la preuve, son sentiment est fort probable; car l'Eglise a toujours favorisé les fondations, & c'est favoriser celle dont il s'agit que d'interpréter qu'elle exige la Prêtrise au tems de la provision; parceque par cette interprétation la fondation peut être acquittée par la personne choisie dès qu'elle a pris possession.

N. 16. Si la Chapelle oblige le pourvu à dire la Messe tous les jours à une certaine Eglise, elle oblige certainement à résider sur les lieux ou aux environs.

## CHAP. IV.

## De la science &amp; autres qualités requises par les Bénéfices.

N. 13. A ux preuves alléguées par Van-Espen sur l'exclusion des étrangers des Bénéfices de France, ajoutez la déclaration du mois de Janvier 1681.

N. 14. Dans l'inventaire des Indults, on rapporte plusieurs Indults accordés aux Ducs de Savoye, par lesquels les Papes reconnoissent ne pouvoir & ne devoir donner des Bénéfices dans les Etats des autres Princes, à d'autres qu'à leurs sujets sans leur agrément, ils promettent aux Ducs de Savoye, de n'en conférer aucun dans leurs Etats qu'aux Regnicoles, sans leur consentement, p. 955. jusqu'à 988.

N. 18. En France si un Bénéfice affecté aux gradués étoit donné à un non gradué, & qu'aucun gradué n'impétrât le Bénéfice, il ne seroit pas permis à un non gradué de requérir que le Bénéfice fût déclaré vacant, mais il faudroit susciter un gradué qui impétrât le Bénéfice.

néfice, ou le faire impétrer par le promoteur pour quelque gradué, supposé que l'Evêque ne put ou ne voulut le conférer, ou que le pourvu se fit graduer avant que le Bénéfice eût été impétre, ce qui suffiroit suivant *Pastor lib. 3. tit. 30. n. 5.* & suivant la jurisprudence du grand Conseil, *loix Ecclesiastiques, part. 2. ch. 8. au dessous de la max. 19.*

N. 22. 23. 24. Il y a en France plusieurs Eglises où il n'est pas permis d'avoir un Canoniat & une Dignité tout ensemble, telles sont certainement celles de Provence.

Celle de la Rochelle est encore de ce nombre par les Lettres-Patentes de son érection de 1664.

Il y en a d'autres où il est nécessaire d'être Chanoine ou honoraire ou effectif pour être valablement pourvu d'une dignité, telle est l'Eglise de N. Dame de Paris & un grand nombre d'autres.

Enfin il y en a où les Dignitaires ne sont jamais du Chapitre sans être actuellement Chanoines; telle est l'Eglise de Bourdeaux.

### TITRE III.

#### De la pluralité des Bénéfices

**A** Ce que dit Van-Espen n. 19. du ch. 3. que la coutume a introduit la licence impunie d'avoir un Bénéfice simple avec un autre suffisant pour son entretien, soit simple, soit non simple, ajoutez que l'abus s'étend encore plus loin, car il n'y a aucune peine contre ceux qui entassent des Bénéfices simples autant qu'ils peuvent en avoir.

N. 15. & 16. du ch. 4. L'Auteur auroit dû ajouter que si l'option ne se fait pas dans l'an & jour, le premier Bénéfice vacque *coipso*, & peut être impétre de l'Evêque & du Pape, *déclar. de 1681. 7. Janvier.*

N. 15. 16. 17. & 18. Si quelqu'un veut sçavoir de quelle maniere la possession des Bénéfices incompatibles s'est établie, qu'il lise les sçavantes notes de M. Raslicod sur le Concile de Trente *jeff. 7. ch. 2. 4. 5.* il y prouve que plusieurs Chapitres, qu'il y nomme, avoient obtenu en différens tems des privileges qui permettoient de posséder des Canoniat avec des Cures, que ces privileges avoient été autorisés par des Arrêts, qu'ensuite ils furent limités à certains cas, sçavoir 1<sup>mo</sup> lorsqu'on obtenoit pour cela de l'Evêque des Lettres de non résidence, lesquelles étoient taxées; 2<sup>do</sup> si les Cures étoient dans la Ville ou dans les Fauxbourgs; 3<sup>ti</sup> pourvu que les Chanoines ne perçussent pas les fruits des Cures, où ils ne résideroient pas. Enfin ces limitations ont été abolies, & les privileges ont été déclarés abusifs.

N. 12. du ch. 5. Ce que nous venons de dire des Lettres de non résidence accordées par l'Evêque & autorisées par les Arrêts, donne à croire, que le Magistrat ne désapprouvoit la dispense que l'Evêque donnoit à une même personne de tenir deux Cures voisines, l'une de l'autre, que lorsqu'elles étoient trop pauvres pour entretenir chacune son Curé. On intèrre la même chose de l'usage de *bis cantando* souffert en France comme dans les autres pais, & que l'on justifie par les cas où on ne peut pourvoir autrement au besoin du peuple; ainsi le donne-t-on pour certain dans les loix Ecclesiastiques, *part. 3. ch. 2. max. 8.*



### TITRE IV.

#### De la Provision ordinaire des Bénéfices.

##### CHAPITRE I.

*Qui sont ceux qui sont les Collateurs ordinaires, & principalement du Droit de l'Evêque.*

**L** Edit de 1682. au sujet de la Regale, apprend toutes les différentes manieres de pourvoir aux Bénéfices des Cathédrales, soit que l'Evêque le fasse conjointement avec le Chapitre, soit qu'il le fasse séparément: sçavoir, 1<sup>mo</sup> par tour de semaine, 2<sup>do</sup> par tour de vacances, 3<sup>ti</sup> par affectation des Prébendes d'un côté du Chœur à l'Evêque & de l'autre au Chapitre, 4<sup>to</sup> par présentation du Chapitre à l'Evêque qui y a voix comme Chanoine, & qui confère ensuite comme Evêque sur la présentation, où il a eu part comme Chanoine. Cet Edit est rapporté dans l'inventaire des Indults, p. 391. dans les Commentaires sur les libert. t. 2. dans les *proced. civ. part. 2. p. 602.*

Si on joint le n. 6. & le n. 18. il semble que Van-Espen n'est pas ici d'accord avec lui-même, car si la Collation des Bénéfices est censée appartenir à l'Evêque, lorsqu'il n'est pas justifié qu'elle appartient à un autre; comment se peut-il faire que celle des prébendes des Collégiales appartienne de droit commun au Chapitre, puisque celui-ci a besoin de prouver qu'elle lui appartient si l'Evêque la lui conteite, & que ce qui appartient de droit commun n'a pas besoin d'être prouvé; par exemple, le Curé n'a pas besoin de prouver que les dîmes de la Paroisse lui appartiennent, parcequ'elles sont à lui de droit commun.

##### CHAPITRE II.

#### De la Collation & de sa forme.

**L** A pratique de France touchant la forme des provisions de l'ordinaire, est parfaitement bien observée dans les *Loix Ecclesiastiques, part. 2. ch. 17. max. 1.* on y rapporte tout ce qui convient à chacune.

N. 14. & 15. Van-Espen auroit dû citer l'Edit du Contrôle, *art. 23.* & la déclaration de 1646. *art. 9.* au sujet des témoins, notaires requis dans les provisions, leurs qualités & leurs obligations.

N. 22. & 23. Si l'ordinaire pourroit le même jour que le Pape ou le Légat, on presume avec raison qu'il a prevenu, parcequ'il est sur les lieux & plus à portée d'être instruit de la vacance.

##### CHAPITRE III.

#### De l'Election & sa forme.

**L** A pragmatique sanction est encore en vigueur en France pour les Elections dans les cas où elles subsistent, v. le tit. 2. L'auteur, n. 25. confond l'Election imparfaite & non solennelle avec l'Election parfaite & solennelle, lorsqu'il dit qu'en France on n'appelle pas les absens à l'Election, de peur que les Electeurs ne perdisent leur droit par le délai de l'Election; car 1<sup>mo</sup> il est constant qu'on y appelle les absens à l'Election solennelle, on le voit par la pragmatique qui suppose que les Electeurs absens ont droit d'assister par Procureurs; ce qu'ils ne peuvent faire sans être appelés à l'Election: 2<sup>do</sup> il y a dans l'institut. à la prat. deux actes d'Election concernant les Mathurins, l'un pour la Ministrierie de Paris, l'autre pour le Généralat, & l'un & l'autre fait mention des vocaux qui ont donné leur suffrage par Procureur, à raison de leur absence: 3<sup>ti</sup> *Pastor lib. 1. tit. 5. n. 4. 5.* dit qu'on appelle ceux qui



qui sont dans la Province : 4<sup>to</sup> l'auteur des loix Ecclesiastiques *part. 2. ch. 3. max. 4.* dit que le droit de France est d'appeler les vocaux qui sont dans le Royaume. 5<sup>to</sup>. Le retardement de l'élection ne peut nuire au droit des Electeurs, lorsqu'ils se sont assemblés pour indiquer les jours de l'élection, & ordonner que les absents soient appelés, car par-là l'affaire cesse d'être entière; ainsi il n'y a pas lieu à la prévention: 6<sup>to</sup> les Procureurs-Généraux des Ordres ou Congrégations, qui sont à Rome pour les affaires de l'Ordre ou Congrégation sont réputés présents dans le Royaume, & par cette raison ils jouissent du Droit de Suffrage qu'ils donnent par Procureur.

N. 31. 32. Ce qu'il dit que pour être légitimement élu il suffit de droit commun d'avoir plus de voix qu'aucun des autres qui en ont eu aussi, ne s'accorde pas avec le *ch. 57. de elect.* suivi en France: le Pape Honorius III. y dit que l'élection est nulle, si l'élu n'a les voix de la plus grande partie des Capitulans; c'est sur ce texte que les Canonistes entendent le *ch. 42. de Elect.* où le Conc. 4. de Latran dit qu'il faut tenir pour canoniquement élu celui à qui la plus grande & la plus saine partie ont donné leur voix. Gonzales sur ce *ch.* en cite plusieurs autres qui sont de cet avis, il en est de même de Canisius dans sa somme, p. 53. §. porro.

## TITRE V.

## Du Concours pour les Cures.

IL n'y a rien de particulier dans le droit François qui concerne le concours, il n'est pas en usage en France, excepté le pais Messin & les Provinces de Bugel, de Valromel, de Gex & la Franche-Comté.

## CHAPITRE II.

N. 12. EN France il faut être gradué pour être Curé en une Ville murée.

N. 14. 15. 16. Les Bénéfices vacans par résignation en faveur, ou par permutation ne sont sujets à aucune expectative.

N. 21. Jusqu'à la fin l'usage qui excepte du concours, les Cures de patronage laical est conforme à ce qu'on tient en France, que ce patronage ne doit être assujetti à aucune servitude qui diminue le droit du Patron.

## CHAPITRE IV.

N. 18. EN France ceux à qui l'Evêque confère des Bénéfices qui vacquent au mois du Pape pendant la vacance du Saint Siège, ne sont pas obligés de prendre de nouvelles provisions à Rome, il en est de même de ceux à qui il confère les Cures qui ont vacqué *in Curia*, par la mort du pourvu à Rome, & que le Pape n'a pas conféré avant sa mort, & celles qui y vacquent avant que le S. Siège soit rempli.

## CHAPITRE V.

C'Étoit le lieu de parler de l'usage de France touchant les desservans soit à raison du déport, soit à raison de l'interdiction des Curés, soit à raison de leur longue absence, soit à raison de la sequestration de leur Bénéfice ordonnée en cas de procès, où il ne paroit pas lequel des contendans a le droit le plus apparent. Dans tous ces cas, c'est à l'Evêque à nommer des desservans auxquels il assigne 300. liv. pour la subsistance dans les lieux où cela suffit pour leur entretien; Déclaration du 20. Janvier 1686. & ailleurs selon la qualité & l'étendue de la Paroisse & à proportion des revenus du Bénéfice. *déclar. de 1710.* il y a des Diocèses où les Evêques souffrent que les Archidiacres, qui jouissent du droit de déport commettent les desservans, & les approuvent, tel est le Diocèse de Paris.

## TITRE VI.

## Des Mandats &amp; des Réserves Apostoliques.

IL est certain qu'il y a plus d'un siècle que le Pape ne donne plus de Mandats Apostoliques en France, du moins à l'égard des particuliers: on pourroit dire que l'indult de Clement IX. en faveur du Parlement de Paris paroît être un mandat Apostolique, mais ils n'est qu'un ampliation d'un mandat donné à un Corps, ou plutôt au Roi pour le Corps. Il y a plus long-tems que les réserves sont abolies en France, excepté celles de la vacance *in Curia*. Encore y est-elle restreinte à la vacance par mort; encore en excepte-t-on les Bénéfices consistoriaux, ceux qui vacquent en Regale & tous ceux qui vacquent à Rome, lorsque le S. Siège est vacant: enfin les Bénéfices de Patronage laical.

N. 12. Du *ch. 3.* il faut ajouter à l'expectative des gradués & celle des Mrs. du Parlement de Paris, les expectatives des brevetaires de joyeux avenement & de serment de fidélité.

N. 12. Du *ch. 4.* il faut ajouter que les Brefs *de non vacando in Curia*, ne se prennent que par ménagement & pour la conservation de la paix; lorsqu'il s'agit des Bénéfices consistoriaux; car ces Bénéfices ne sont pas sujets à la réserve de la vacance *in Curia*: d'où vient que quand ceux qui en possèdent, meurent à Rome, le Roi ne souffre pas que le Pape y pourvoie sans sa nomination ou quelque chose d'équivalent, savoir lettre du Roi en faveur de celui que le Pape veut choisir; encore dans ce cas les gens du Roi protestent, & la Cour leur donne acte de leur protestation; voyez l'arrêt du Parlement de Paris du 6. Juillet 1626. au sujet de M. Miron Evêque d'Angers, pourvu de l'Archevêché de Lyon par Urbain VIII. sous une lettre de Louis XIII. en faveur de cet Evêque: cet Archevêché avoit vacqué par la mort de M. de Marquemont à Rome.

Les *ch. 5. & 6.* ne regardent pas la France qui ne reçoit ni les réserves des Extravag. *ad regimen & executabilis*, ni celle du huitième mois.

Dans le *ch. 7.* qui concerne l'alternative, Van-Espen n'a pas observé 1<sup>mo</sup> qu'elle a lieu en quelques Provinces de France, savoir la Bretagne, les trois Evêchés, Metz, Toul & Verdun, le Roussillon, la Franche-Comté: 2<sup>do</sup> le Roi en jouit dans les 3. Evêchés en la place du Pape avec des prérogatives particulières: 3<sup>to</sup> les Cardinaux n'y sont pas sujets: 4<sup>to</sup> il y a des Abbés qui ont un semblable indult: 5<sup>to</sup> elle ne pourroit s'établir nulle part sans le consentement du Roi, protecteur des ordinaires: 6<sup>to</sup> c'est par ce consentement qu'elle subsiste dans les pais ci-dessus nommés: 7<sup>mo</sup> les graces expectatives reçues dans le Royaume ont lieu dans les mois du Pape: 8<sup>vo</sup> il n'est pas nécessaire de la renouveler à chaque changement de Pape. le Parlement de Rennes l'a jugé ainsi plusieurs fois, voyez le tit. 27. de la seconde partie des instit. le *ch. 13. de la seconde part. des loix Eccles.* Van-Espen marque assez bien le droit François dans le *ch. 8.* il suffit d'ajouter qu'à présent il faut 17. jusqu'à 21. jours pour aller de Paris à Rome par le Courier ordinaire, & 8. jours par le Courier extraordinaire. Sur le n. 39. par acte nul on entend celui qui peut être cassé sur la plainte de la partie lésée comme Patron, Gradué, Indultaire.

## TITRE VII.

## Des Provisions Apostoliques.

## CHAPITRE I.

Des Provisions en forme Dignum ou Commissaire, & en forme gratuite.

LE Visa, dont il est parlé dans ce Chapitre se donne quelquefois sous condition de faire une retraite dans le Séminaire, auquel cas si le pourvu manque d'accomplir la condition, le Promoteur peut le poursuivre

suivre devant l'Official, requérir que si dans un tel tems, il n'est entré dans le Séminaire pour s'acquitter de la condition du *Visa*, il soit suspens de ses Ordres & condamné à une aumône proportionnée à sa faute: *proced. civ. part. 2. ch. 4. p. 742.* mais il ne faut pas dissimuler que ces *Visa* semblent aussi peu Reguliers que ceux qui se donneroient *sub spe futuri studii*, ou *futura emendationis*.

N. 23. Ajoutez l'art. 3. de l'Edit de la juridict. 1695. qui soumet à l'examen les pourvus en forme gratuite des Bénéfices à charge d'âmes.

Ce que Van-Espen dit après Fevret n. 14. que le pourvu *in formâ dignum*, ne peut résigner avant le *Visa*, n'est pas certain; car les Provisions donnent un droit réel sur le Bénéfice, non absolu, mais conditionnel, dont il peut disposer en exposant au Pape la nature de son droit.

## CHAPITRE II.

### Des diverses autres sortes de Provisions.

IL n'est pas parlé des provisions, dont l'auteur traite ici dans le tarif des expéditions de Cour de Rome, ou de la Vice-Legation d'Avignon, soit parce qu'elles ne sont pas en usage en France comme de *Perinde etiam valere*, qui revoque la revocation de la grace accordée & celle de *rationi congruit* qui donne les Bulles sur les signatures accordées par le Prédecesseur, soit parce qu'elles sont taxées de la même manière que les expéditions auxquelles elles suppléent comme le *Perinde valere*, & la nouvelle provision donnée après une autre du Pape ou de l'Ordinaire.

N. 6. Le *Perinde valere* est une espèce de dispense ou de rehabilitation concernant les Provisions defectueuses des Bénéfices, semblable à celle qu'on donne pour les mariages contractés avec empêchement dirimant, il en est de même de la nouvelle provision.

## CHAPITRE III.

### Provision sur supplique.

LE témoignage de Rebuffe qu'il cite ici plusieurs fois, n'est pas sûr dans la pratique d'aujourd'hui, car il y a plus de 180. ans que Rebuffe a écrit sa pratique, étant mort en 1557. Doujat *prænot. Canonic. l. 5. ch. 8. p. 6. 19. & 20.*

N. 3. La clause *motu proprio* est rejetée en France, non parce qu'elle est une clause de style, car ces sortes de clauses sont regardées comme non mises, mais parce qu'elle y attribue au Pape un pouvoir qu'il n'y a pas, sçavoir de donner des Bénéfices sans qu'ils soient requis par des François.

N. 19. L'usage de France de prendre des Bulles pour les Bénéfices consistoriaux & pour les premières dignités des Cathédrales & des Collégiales, paroît provenir de ce que la disposition des uns & des autres Bénéfices y étoit anciennement réservée au Pape, & alors ils n'étoient donnés que par des Bulles, & la réserve ayant cessé, on a suivi la coutume établie depuis long-tems.

## CHAPITRE IV.

Ce qu'il faut exprimer dans la première & la seconde partie de la supplique.

N. 30. Van-Espen auroit dû ajouter que la règle de *exprimendo vero valore*, n'est d'aucun usage en France, excepté pour le cas d'union des Bénéfices.

## CHAPITRE V.

### Des clauses de la troisième partie de la signature.

N. 19. IL paroît constant que la dérogation au droit de la moitié des patrons, lors même qu'ils ne s'accordent pas, est nulle; si elle se fait avant la fin des six mois pour la Normandie, ou des 4. mois partout ailleurs, supposé que les Patrons lésés se plaignent; car n'étant pas d'accord au commencement, ils peuvent convenir dans la suite. En cas de partage égal, l'Ordinaire n'a d'autre droit que de gratifier celui qu'il croit être le plus utile, & ce droit n'est pas si bien exercé par le Pape que par l'Ordinaire qui connoît mieux les présentes.

N. 23. L'auteur auroit dû étendre à la France, ce qu'il dit des Pays-Bas, que le Patronage laïc par privilège, jouit des prérogatives du Patronage laïc à d'autres titres.

N. 28. Il faut excepter les statuts autorisés par le Prince art. 61. des lib.

N. 37. Il sembleroit que l'Ordinaire a droit de connoître si l'exposé dans la supplique est véritable, parce qu'il est exécuteur d'un rescrit, & si la clause *si ita est*, ou *si preces veritate nitantur*, est sous-entendue dans tout rescrit; mais comme dans les provisions on n'ordonne autre chose à l'Ordinaire que d'examiner, s'il est digne du Bénéfice, il passeroit les bornes de la commission, s'il entroit dans l'examen de la vérité de l'exposé.

Dans la concession du *Visa*, l'Evêque ne procède pas comme pur exécuteur, mais comme Juge; autrement il ne pourroit pas commettre l'examen: c'est ainsi qu'il faut entendre ce que dit Van-Espen.

## CHAPITRE VI.

### Du Placet Royal sur les Provisions Apostoliques.

IL y a bien du rapport entre ce Placet & les lettres d'attache données par les Roys de France pour certains cas, concernant les Bénéfices, comme pour les Indults des Cardinaux & pour les Indults accordés *ad instar* de ceux des Cardinaux & pour la permission de retenir des pensions cléricales, nonobstant le mariage; car par ces lettres les rescrits de Rome sont modifiés lorsqu'il y a des clauses contraires aux usages du Royaume: on l'insère avec raison de ce que le Roi n'y omet jamais de faire entendre qu'il ne consent pas à l'exécution, s'il y a des choses contraires aux lib. de l'Egl. gall. & aux droits de la couronne, mais il diffère de ces lettres en deux chefs: 1<sup>mo</sup> le Placet n'est accordé qu'après que la Requête a été communiquée aux gens du Roi, & qu'ils ont donné leurs avis: 2<sup>do</sup> le Placet après qu'il est accordé, est exécuté sans qu'il soit enregistré dans les Tribunaux supérieurs; au-lieu que les lettres d'attache sont accordées, sans qu'il en soit communiqué auparavant aux Gens du Roi, mais après qu'elles sont accordées, ils en ont la communication, sur leurs conclusions elles sont enregistrées au Parlement ou au Grand Conseil, & quelquefois modifiées par l'arrêt d'enregistrement; on en a une preuve dans l'enregistrement des lettres d'attache de l'Indult de M. l'Abbé de Vendôme *Specimen Juris Ecclesiast. part. 2. p. 188.*

Le même Placet a encore quelque ressemblance avec l'annexe, sans laquelle les provisions du Pape ou du Vice-Légat ne peuvent être exécutées dans le ressort des Parlemens de Besançon & d'Aix, car par l'annexe, l'exécution n'en est permise qu'après qu'on n'y a rien trouvé de contraire aux usages du Royaume, ou qu'avec la clause, *sauf les usages & les lib. de l'Egl. Gall.*

## TITRE

## TITRE VIII.

## Du Droit de Patronage.

## CHAPITRE II.

## Différentes especes du droit de Patronage.

N. 25. **I**L est parlé des prérogatives du droit de Patronage laïcal dans l'art. 30. des libert. Declaration du mois de Février 1678. qui déclarent n'y pouvoir être derogé sans le consentement du Patron.

N. 27. 28. On tient en France que les Chevaliers de Malthe, de même que les Universités & les Fabriques sont Patrons laïcs: voyez le Journal des audiences, tom. 3. l. 1. ch. 14. l. 3. ch. 20. Journal du Palais tom. 1.

## CHAPITRE III.

N. 17. **P**AR la déclaration du 24. Août 1693. nul ne peut acquérir le droit de Patron d'un Hôpital par des actes possessoires, s'il ne justifie une possession de 100. ans.

N. 27. On peut aussi donner pour certain que les decrets du Concile de Trente restrictifs du droit de Patronage laïcal ne sont pas suivis en France.

N. 33. Il y a en France des Abbayes que le Pape a rendu laïques du consentement du Roi, donnant les fonds avec les droits utiles & honorifiques à des personnes Laïques; telle est l'Abbaye de Bourdieux, donnée à la maison de Condé en vertu de laquelle elle confère beaucoup de Bénéfices.

## CHAPITRE IV.

## Comment se transfere le droit de Patronage.

N. 2. **S**UIVANT l'article 142. de la Coutume de Normandie, si le Patron fait à l'Eglise un don de son Patronage, sans réserve, les droits honorifiques lui demeurent entiers & à ses hoirs ou ayans cause.

N. 13. Les Apanagistes de France qui n'ont que l'usufruit des fiefs, qui leur sont donnés pour leur entretien, & ceux de leur famille jouissent des droits de Patronage & de Collation attachés à ces fiefs; *Lettres d'apanage de feu M. le Duc de Berry, du mois de Juin 1710.* En Normandie le Seigneur qui a la garde des fiefs du mineur présente pour lui, art. 213. *lettres patentes du 3. Février 1702.* portant permission à Philippe Duc d'Orléans, de présenter aux Abbayes, aux Prieurés & autres Bénéfices consistoriaux de son apanage; je mets les apanagistes au nombre des usufructiers, parcequ'ils ne sont pas maîtres de la propriété des fiefs, puisqu'ils doivent retourner à la Couronne en cas de mort sans enfant mâle.

N. 16. Fevret l. 4. ch. 7. n. 26. dit la même chose & se fonde sur le principe que, lorsque le spirituel est annexé au temporel; celui-ci comme le principal, attire à soi le spirituel qui n'est alors que l'accessoire. L'art. 74. de la Coutume de Normandie porte que le Juge Laïc connoît du petitoire du patronage laïcal.

N. 19. Suivant la coutume de Tours art. 244. l'aîné ou l'aînée des Comtes, Vicomtes, Baronniees, ont le même droit de Patronage; il en est de même selon la Coutume de Loudun ch. 28. art. 3.

## CHAPITRE V.

## De la présentation &amp; des différences entre le Patron Ecclesiastique &amp; le Patron Laïc sur ce sujet.

N. 2. 10. 11. 12. 13. 14. **V**AN-ESPEN devoit avertir que suivant la Coutume de Normandie, le Patron a 6. mois pour présenter, art. 69.

N. 27. j'ai soutenu le contraire dans mes questions sur le Patronage, pourvu que le Pape ne mette rien qui puisse marquer qu'il prétend déroger au droit du Patron; mais au contraire qu'il fasse entendre qu'il ne veut conférer que du consentement du Patron tacite ou exprès tacite, par le silence pendant le tems qu'il lui reste pour présenter; exprès, par un acte, qui déclare qu'il approuve la Collation faite; mais j'ai excepté les Patrons Collateurs qu'on prétend n'avoir point des Supérieurs Ecclesiastiques en fait de Collation, en sorte que s'ils négligent de conférer, ils ne sont pas sujets à la dévolution.

N. 25. J'aurois pu observer que, comme le prétend Van-Espen, si l'Eveque ne confère pas *Jure devoluto*, lorsque le Patron laisse passer le tems prescrit pour présenter, par cela seul qu'il est le Collateur Primitif des Bénéfices de Patronage; il ne confère pas non plus *Jure devoluto*, quand il confère après que les Collateurs inférieurs ont manqué d'user du premier de leurs droits dans le tems préfix; car il est aussi le Collateur primitif de ce Bénéfice, & néanmoins il y a plusieurs textes, qui disent ou qui supposent que l'Eveque confère *Jure devoluto*, lorsque le Chapitre a manqué de conférer dans les six mois les Bénéfices de la Collation: voyez le titre de *supplen. neglig. c. 2. de Præb. in 6. cleh. de supplen. neglig.* mais je n'ai pas dû m'arrêter à une chose de ce genre, parcequ'elle ne regarde que la speculation du droit commun, & non la pratique, dont il s'agit dans les observations que j'ai entreprises.

N. 45. Les Patrons ne perdent le droit de présenter par leur contestation sur le Patronage, que quand elle leur fait négliger d'en user dans le tems prescrit.

Van-Espen a omis de dire qu'en France le droit de présenter étoit suspendu, lorsque le Patron étoit de la Religion prétendue réformée, jusqu'à ce que le patronage passât à un Catholique, que dans l'intervalle l'Eveque contéroit *pleno jure*, qu'ensuite le droit de présenter revenoit au Patron. *Déclaration du 16. Décembre 1656. art. 25.*

240. Que si un Patron accusé de duel ne se rend pas prisonnier le Roi présente à sa place. *Edit du mois d'Août 1669. art. 25.*

310. Que par la vacance du Bénéfice en Cour de Rome, le Patron ne perd pas son droit de présenter.

## CHAPITRE VI.

## Du droit d'Aliment, &amp; de la Sur-Intendance des Patrons.

**L'**Ordonnance de 1561. article premier, suppose que le Patron a droit de veiller à l'administration & à la conservation des biens du Bénéfice.

La déclaration du 26. Décembre 1656. suspend tous les droits honorifiques des Patrons pour tous les tems, qu'ils seront de la R. P. R. & la Sur-Intendance dont parle l'auteur, est un de ces droits honorifiques.

## CHAPITRE VII.

## Des Droits honorifiques dûs principalement au Patron.

N. 6. **I**L n'est pas vraisemblable que le droit de possession donné ou reconnu par le Pape Gelase, n'eût rien de distingué de celui qui appartenait aux autres Fideles



deles, autrement le Pape en auroit fait mention sans nécessité.

N. 33. 34. L'article 142. de la Coutume de Normandie dit expressement que les droits honorifiques sont dûs au Patron qui a aumôné à l'Eglise des droits de présenter, quoiqu'il ne se le soit réservé.

N. 35. L'Ordonnance de 1539. faite pour la Bretagne art. 14. & la déclaration du 24. Septembre de cette Ordonnance de 1539. supposent si fort que les droits honorifiques du dedans de l'Eglise appartiennent au Patron, préférentiellement à tout autre, qu'il est défendu de se les attribuer sans être Patron, & sans en justifier par titre ou par jugement; la parité des raisons & l'usage ont étendu cette disposition aux Provinces de France.

N. 38. L'Edit de la juridiction de 1695. art. 41. donne cette préférence non-seulement au Clerc, mais même au Laïc, dont on se sert pour les fonctions Clericales, il y a plusieurs arrêts rendus en conformité.

## CHAPITRE IX.

*De la nomination du Roi hors de la Regale & des oblats.*

N. 12. **L**es Tresoriers des Saintes Chapelles donnent le soin des ames; & ceux qui en sont pourvus par le Roi, ne prennent point de Visa de l'Evêque.

## TITRE IX.

*De l'Institution & de la Possession des Bénéfices.*

## CHAPITRE I.

*De l'Institution.*

N. 1. 2. 3. 4. **J**'Ai observé partie premiere titre 12. ch. 1. n. 20. p. 2. tit. 22. ch. 4. n. 24. & j'ai prouvé plusieurs fois que l'institution collative que Van-Espen confond avec l'institution autoritable en est bien différente, & que l'institution autoritable que Van-Espen distingue de la concession du soin des ames est une même chose avec cette concession.

N. 15. En France lorsque le Prélat à qui il appartient de donner l'institution, diffère sans cause de la donner, le présenté peut le faire sommer par un Notaire Apostolique de l'accorder ou de donner un acte de refus, & déclarer en même tems qu'il prendra son silence pour refus; & si le Prélat persiste dans le délai injuste, le présenté ayant pris acte du Notaire, le fait insinuer; & sur cet acte, il s'adresse au Supérieur pour en obtenir l'institution, ou en appelle comme d'abus, fondé sur le déni de justice, & le Parlement après avoir déclaré y avoir abus, le renvoie au Supérieur pour en recevoir l'institution.

## CHAPITRE II.

*De la prise de possession & de ses formalités.*

**V**oici plusieurs remarques qui concernent le droit François. Les resignataires ont trois ans pour prendre possession, les devolutaires n'en ont qu'un; pour les autres pourvus, il n'y a aucune loi qui fixe le tems de la prise de possession. Voyez le tit. 71. de la premiere partie de mes institutions.

N. 10. 11. 12. 13. Aujourd'hui c'est le seul notaire Apostolique, qui met en possession du Bénéfice situé hors des Eglises Cathédrales & Collégiales, art. 2. de l'Edit de création des Notaires Apostoliques 1691. c'est à lui aussi à passer les procurations pour prendre possession, les oppositions à la prise de possession, & les actes de refus d'ouvrir les portes.

Tom. I.

A l'égard des Bénéfices qui sont dans ces Eglises, c'est le Greffier du Chapitre qui a coutume d'expédier les actes de reception; c'est à lui à dresser le procès-verbal de prise de possession, & à en délivrer l'expédition. Si le Chapitre refuse de mettre en possession & le Greffier d'en donner acte, le pourvu doit faire dresser un procès-verbal par un Notaire Apostolique en présence de deux témoins, lequel vaudra autant que s'il avoit été dressé par le Greffier, art. 3. de l'Edit cité.

N. 15. J'ai observé dans le titre cité des Institutions, que les clauses du Visa ou des provisions, qui semblent donner à l'Evêque ou aux Notaires quelque juridiction contre les competeurs, ne sont que de stile.

N. 16. La procuration doit être insinuée dans le mois de la date, art. 10. de l'Edit des insinuations 1691.

N. 17. Dans la conférence des Ordonnances Royaux avec les décrets de discipline du Concile de Trente, j'ai parlé au long du serment que les pourvus doivent prêter avant la prise de possession, & j'ai observé les différences principales entre les uns & les autres, à juger de l'usage par les formules de prise de possession rapportées dans l'institution à la pratique, & dans les procédures civiles, p. 2. ch. 4. on ne voit pas qu'on fasse faire profession de foi à la reception des Chanoines, mais plutôt on les fait jurer de rendre leur devoir au Chapitre; car elles ne font mention que de cette sorte de serment, quoiqu'il y en ait plusieurs qui regardent l'Eglise Metropolitaine de Paris.

N. 19. La formule qu'on lit, p. 459. de l'institution à la pratique, fait mention de la possession de foi exigée à raison d'un Prieuré simple.

N. 20. Parmi les formules citées il y en a quelques unes qui concernent des Eglises Collégiales, sçavoir, celles de S. Etienne d'Egrès, & celle de Linas, à six lieues de Paris sur le chemin d'Orléans.

N. 27. J'ai observé que la prestation d'hommage ne convient pas aux Ecclesiastiques, & pourquoi, tit. 19. part. 1. des Institutions.

## CHAPITRE III.

*De la Regle de Chancellerie du possesseur annuel.*

**J**'Ai observé l'usage de France au sujet des regles de Chancellerie dans la seconde partie de mes Institutions tit. 10. p. 407. j'ai insinué que celle de annali, n'est pas reçue en France, je l'ai ensuite déclaré expressement dans le titre 13. p. 701. & je l'ai montré en faisant observer que les charges imposées au devolutaire tombent sur celui qui impetie des Bénéfices qui n'ont pas été possédés pendant un an.

N. 3. Le témoignage de Rebuffe est trop ancien pour prouver l'usage présent, puisqu'il y a près de 200. ans qu'il est mort; je pense de même de celui de Dumoulin, mort en 1568. Pinson, quoique fort attaché au sentiment de Dumoulin, reconnoit que la premiere partie de cette regle n'est pas observée.

## CHAP. IV.

*De la Regle du possesseur triennal.*

**E**N expliquant le decret de Pacificis, dans le tit. 99. de la seconde partie de mes Institutions, j'ai observé qu'il n'y a rien de cette regle qui soit reçu en France, si l'on excepte ce qui est dans le decret d'où elle a été prise. Je n'ai pas laissé de conférer ces deux pièces, parcequ'elles s'éclaircissent mutuellement; ainsi je puis renvoyer à cet endroit pour l'usage de France, au sujet de la Regle du possesseur triennal; ajoutez qu'il seroit souhaiter que le Magistrat suivit la

G g g g g

maxime

maxime rapportée par Van-Espen n. 20. & que pour ce sujet il comprit dans le decret tous ceux qui n'en sont pas expressément exclus; on eviteroit par-là bien des difficultés; puisqu'il suffiroit de montrer que le pourvu a obtenu le Bénéfice de celui à qui la collation en appartient de droit commun ou le contraire.

N. 31. Ce que Rebuffe y dit, ne se pratique plus.

31<sup>o</sup> Le decret a lieu dans les Bénéfices consistoriaux, art. 6. des Libertés.

4<sup>to</sup> n. 29. J'ai prouvé dans le titre cité, que ceux qui ont possédé paisiblement pendant trois ans, ne peuvent être inquiétés par l'Ordinaire, mais qu'il n'y a que ceux qui n'ont point de titre, ou qui en ont un coloré, comme lorsqu'ils l'ont pris de celui à qui de droit commun il n'appartient pas de conférer.

5<sup>to</sup> Le decret de Pacificis, n'empêche pas que les Religieux Curés, légitimement pourvus, ne puissent être revoqués après trois ans de possession paisible, supposé que les constitutions confirmées par lettres-patentes, donnent ce pouvoir au Supérieur, j'en ai cité la preuve tit. 18. ch. 1. n. 19.

### TITRE X.

#### De la Résignation & permutation des Bénéfices.

**L**E Pape ne peut dans les provisions ordonner que foi sera ajoutée au contenu des Bulles, par rapport aux faits qui y sont exposés art. 52. des mêmes libertés. Pragmaticque Sanction, Concordat, tit. 16. d'où cet article est tiré.

Le Pape ne peut admettre plusieurs résignations successives d'un Bénéfice en faveur d'une même personne art. 3. de la déclaration de 1646. sur les insinuations; il y a des peines contre ceux qui recèlent les corps des Bénéficiers pour favoriser les résignataires; voyez le titre 121. p. 2. de mes Institutions.

### CHAPITRE III.

#### De la Procuration. pour résigner.

1. **V**AN-ESPEN a omis qu'en France il faut faire insinuer la procuration pour résigner ou permuter avant que de l'envoyer à Rome; 2. elle doit être passée en présence de deux témoins domiciliés, qui ne soient ni domestiques ni parens jusqu'au degré de cousin germain: 3. Les témoins doivent signer la minute, ou déclarer ne sçavoir signer, & le Notaire en faire mention. 4. Les Notaires doivent garder la minute, à peine de nullité, & dommages & intérêts des parties, & en délivrer deux grosses; l'une pour le Greffier des insinuations, l'autre pour l'expédition. Déclaration sur les insinuations, art. 8. & 9. Edit de création des Notaires Apostoliques du mois de Décembre 1691.

N. 14. 15. 16. 17. 18. Ce qu'on y dit du consentement à l'expédition des lettres, ne regarde pas la France ou la résignation à son effet, dès que la date est prise, & on ne leve point les lettres pour le Bénéfice résigné.

### CHAPITRE IV.

#### Qui sont ceux qui peuvent résigner.

**V**AN-ESPEN a omis de parler de quelque sorte de personnes à qui il est défendu de résigner, sçavoir; 1<sup>mo</sup> Le Bénéficiaire interdit par sentence du Juge Seculier de l'administration de son Bénéfice à raison de démence ou de prodigalité: voyez l'institution à la pratique, pag. 393. on y lit un arrêt d'interdiction du Parlement de Paris pour cause de démence, rendu à la requête d'un Père; cet arrêt s'étend à un Archi-

diacre & Chanoine de Meaux, de résigner sans le consentement de l'Evêque & du pere suppliant, il est du 23. Août 1679.

2<sup>do</sup> Les Benedictins de la Congrégation de S. Maur ne peuvent résigner sans le consentement de leur Supérieur. Bulle d'Urban VIII. de 1628. enregistrée au Parlement de Paris le 11. Mars 1633.

3<sup>to</sup> Les possesseurs des Bénéfices de Patronage laïc, ne peuvent les résigner sans le consentement du Patron.

4<sup>to</sup> Les pourvus des dignités électives & confirmatives; telle est la jurisprudence attestée par les meilleurs Auteurs François; tel est le Doyen de Meheum Diocèse de Bourges: celui qui y fut élu en 1686. fut solennellement confirmé par Monsieur de Phelipeaux, après avoir vu le procès-verbal de l'élection & les Lettres d'ordre & de degré, l'Extrait baptismal pour l'âge & la naissance légitime, la profession de foi, le serment, les conclusions du Promoteur.

N. 11. 12. 13. Il paroît certain que si l'accusé de crime digne de déposition, résigne son Bénéfice en faveur d'un tiers exposant, ou s'il a appelé d'une sentence qui le depose de son Bénéfice, ou si son affaire a été portée au Parlement, les provisions de Rome qui admettent la résignation, sont valides parcequ'ordinairement on y met la clause *quovis modo vacet*, & que l'intention du Pape est de donner le Bénéfice suivant la disposition des Canons, en sorte que si le Résignant a quelque droit, le Pape le transmet au Résignataire, & s'il n'en a point, le Pape confère au Suppliant le Bénéfice comme vacant, autrement que par résignation.

### CHAPITRE V. & VI.

#### De la Regale de infirmis Resignantibus.

**L**'explication que Van-Espen a donnée de cette règle, on peut ajouter ce qui suit 1<sup>mo</sup> les 20. jours se comptent depuis la date prise le jour de l'arrivée du Courier, art. 47. des libertés.

2<sup>do</sup> La Règle a lieu dans les Résignations faites en santé, lorsqu'elle préjudicieroit aux droits des Cardinaux ou des Prélats qui ont un indult semblable au leur; j'ai expliqué l'un & l'autre dans les deux titres 92. 93. de mes institutions, à quoi je dois ajouter que le Pape est obligé de déroger à cette règle toutes les fois que les François en demandent la derogation, parcequ'elle est devenue un acte de justice par l'usage de l'accorder à tout homme qui la demande.

Il faut excepter de cette observation les résignations faites en Bretagne au préjudice de l'Ordinaire, on ne souffre pas que le Pape y déroge à la règle de infirmis

### CHAP. VII.

#### De la Règle de la publication des Résignations.

**A**près avoir renvoyé au titre 95. de la seconde partie de mes Institutions où j'ai expliqué le droit François touchant cette Règle, j'avertis que j'y ai réfuté ce que l'Auteur dit n. 9. que la notoriété de la résignation tient lieu de publication. J'y ai observé que le pourvu par l'Ordinaire sur dimission ou permutation faite au préjudice des expectans, doit avoir insinué 2. jours francs avant la mort du Résignant ou compermutant, art. 13. de l'Edit de 1691. qui a en cela réformé la déclaration citée par l'auteur n. 21. J'y ai encore remarqué que le Résignataire qui n'a pas publié dans les six mois ou dans le mois, doit au moins faire publier dans les trois ans du jour de la date, & insinuer deux jours francs avant la mort du Résignant, art. 12. de l'Edit 1691. Ce qu'il faut ajouter à la note de l'Avocat cité par Van-Espen n. 19.

### CHAPITRE

CHAPITRE VIII.

**J**E me suis servi du principe de la condition résolutive, sous-entendue dans la permutation & dans la résignation sous pension pour établir imò que si un des compermutans a pris possession, & que l'autre soit mort sans la prendre, le premier ne perd pas son Bénéfice & peut le retenir s'il le veut, *tit. 95. p. 2. de mes institutions*, pag. 643. 2dò que si le Resignant ayant retenu une pension, ne peut en être payé par la faute du Resignataire, il a droit de demander à rentrer dans son Bénéfice, *ibid. tit. 89.* 3tò que si l'un & l'autre permutant ayant obtenu des provisions, l'un d'eux ne peut obtenir le *Visa*, la permutation est résolue par défaut d'accomplissement de condition, *ibid. tit. 102.* 4tò qu'il en est de même si, ayant résigné un Bénéfice en cas d'incompatibilité, le second est évincé *ibid. tit. 89.* La démission ou résignation est aussi sans effet par défaut de condition accomplie. 5tò Il en faut dire de même, si ayant résigné pour entrer en Religion, on est obligé de rentrer dans le siècle par défaut des qualités requises pour la profession, *ibid. tit. 89.* Van-Espen qui a omis de parler de ces cas, a cru qu'il suffisoit d'avoir posé le principe par lequel ils sont décidés; c'est peut-être pour la même raison qu'il n'a pas parlé du regrés conventionnel, par lequel le Resignant rentre dans le Bénéfice, si le Resignataire ne lui survit, ou s'il se demet, ou s'il s'en rend indigne. J'ai remarqué, *tit. 99.* que ce regrés n'est pas reçu en France. Il y a d'autres choses particulières à la France qu'il n'est pas convenable de copier ici.

CHAP. XI.

Des Pensions Ecclésiastiques.

CHAPITRE V.

*De l'autorité de créer les Pensions & de la différence entre les Pensions créées, par le Pape, & les Pensions créées par l'Evêque.*

N. 9. & 10. **E**N traitant des Pensions, *tit. 87. de la seconde partie de mes institutions*, j'ai remarqué plusieurs cas où l'Evêque peut imposer des pensions.

Je n'examine pas si la réserve des autres cas au Pape est juste; cela ne convient pas à mon dessein, qui est de rapporter plusieurs usages de France omis par Van-Espen, mais je dois dire en passant qu'il ne paroît pas qu'elle rend les pensions moins fréquentes & mieux fondées.

N. 15. J'ai prouvé dans le même lieu par le Chapitre de *transfatione*, & par d'autres, dans une de mes consultations sur les Bénéfices que l'Evêque peut imposer des pensions réelles.

N. 16. Le principe que Van-Espen rapporte, sans le déaprouver, n'est pas reçu en France, où l'on tient que l'Evêque peut dispenser du droit commun, dans le cas où la réserve n'est pas réservée au Pape.

J'ai observé dans le titre cité, qu'il y a des arrêts qui obligent le devolutaire à payer les arrerages des pensions dues par le Resignataire, par la faute duquel il a acquis le droit de Resignant, il en est en cela du devolutaire comme de celui qui auroit obtenu les biens confisqués, chargés de dettes.

N. 21. La fin des Pensions légitimes demande qu'elles durent jusqu'à la mort du Pensionnaire; car elle n'est autre que de conserver au Resignant de quoi subsister honnêtement; ainsi lorsqu'il survit au Resignataire, il est de la Justice que le successeur lui continue la pension, aussi lorsque la Pension sur les Cures a été homologuée au Parlement, l'obituaire ne peut refuser

au Resignant la continuation de la pension; il en est de même des Pensions sur les autres Bénéfices qui requièrent résidence; il y a même plusieurs Parlemens qui y obligent, non obstant qu'il n'y ait point d'homologation.

CHAPITRE VI.

*Quels sont les Bénéfices sujets à Pension, & comment ils y sont sujets.*

**E**N France il n'y a point de Bénéfice qui ne soit sujet à pension du consentement des parties intéressées, si ce n'est qu'il s'agisse des Cures ou des Canoncats, ou d'autre Bénéfice de Cathédrale ou Collégiale qui n'ait pas plus de trois cens livres franches de toute charge, sans compter le cauel ou les distributions, *édit de 1671.* Si le Bénéfice est consistorial, il faut que le Roi consente à la pension, & même qu'il l'accorde; s'il est en patronage laïc, il faut le consentement du Patron.

N. 16. A présent les Théologales & les Préceptoriales sont sujettes à pension, de même que les Cures, les Evêchés, Abbayes & autres Bénéfices à charge d'âmes, ce qui est juste, parcequ'elles ne doivent pas être de meilleure condition que ces Bénéfices qui sont plus importants.

M. 19. Depuis l'édit cité, nulle Prébende ne peut être chargée de pension, si le gros n'excede 300. liv.

N. 20. L'édit cité n'excepte aucune Eglise, & il déroge à tous usages contraires.

CHAPITRE VII.

*Quelle portion des revenus peut être assignée en pension, & quels fruits peuvent y entrer.*

**L'**Usage de France est que la pension ne peut passer les tiers, lorsqu'il s'agit de Cure ou de Bénéfice à résidence d'Eglise Cathédrale ou Collégiale, *Edit de 1671.* Pour les Bénéfices consistoriaux il n'y a dans la rigueur d'autre règle, si non la volonté du Roi approuvée du Pape; je l'ai observé *tit. 87. de mes institutions* lorsque j'y ai parlé de la réserve de tous les fruits *loco pensionis p. 605.* Après avoir dit *p. 603.* qu'ordinairement la pension sur ce Bénéfice ne passe pas la moitié & qu'elle conserve au titulaire de quoi vivre honnêtement, ce qui est nécessaire afin qu'il puisse faire les fonctions du Bénéfice, & en acquitter les charges; V. le *tit. 88. de mes instit.* & la dissertation de Van-Espen sur la simonie au sujet des Bénéfices, *part. 2. des Pensions.*

N. 10. 11. Le Resignataire est reçu à demander la réduction de la pension, lorsqu'il s'agit d'une Cure ou d'un Bénéfice à résidence d'Eglise Cathédrale ou Collégiale; le bien public le demande, ainsi il doit l'emporter sur l'intérêt du Resignant.

N. 12. Il n'y a point de loi qui défende de retenir une quotité des fruits, par exemple, le tiers des dîmes, lorsque les dîmes sont affermées, d'ailleurs cette réserve n'est sujette à aucun inconvenient, puisqu'il n'a qu'à ceder au pensionnaire le tiers de la ferme, & l'appeller à chaque nouveau bail. A l'égard de la section du Bénéfice elle se fait autant par l'assignation d'une certaine somme d'argent ou d'une quotité des fruits, que par l'affectation du tiers du revenu.

CHAP. VIII.

*Des Clauses qu'on a coutume d'insérer dans la création des Pensions.*

**J**E pourrais me dispenser de faire des observations sur les clauses, dont il est ici parlé; car celles que j'ai déjà faites, montrent quel doit être le droit Fran-



François sur ces clauses; voila pourquoi je me contenterai de dire sur le n. 7. que la pension est sujette au don gratuit & à la capitation, tit. 87. de mes institutions ci-dessus citées pag. 610. La pension réservée sur les Cures est exempte du sixième imposé sur les autres pensions, *lettres-patentes du 9. Juillet 1715.*

N. 31. L'Edit qui défend de retenir une pension sur le Bénéfice résigné & la déclaration qui étend cette défense, ne regarde que les Cures, les Bénéfices à résidence des Eglises Cathédrales, ou Collégiales; ainsi tous les Bénéfices simples qui ne requièrent point résidence, les Bénéfices à résidence situés hors de ces Eglises, & les Bénéfices consistoriaux ne sont pas compris dans l'Edit.

N. 33. Il y a une déclaration du 7. Janvier 1681. qui confirme l'arrêt cité par Van-Espen; elle est rapportée dans le second tome de la nouvelle édition du commentaire des libertés, l'article 33. de l'Edit de la juridiction 1695. en ordonne l'exécution.

#### CHAPITRE IX.

##### *De l'extinction, de la translation & du rachat des Pensions.*

J'AI observé l'usage de France sur la matiere de ce chapitre dans la seconde partie de mes institutions. tit. 87. ainsi il suffira en parcourant le chapitre, d'avertir en un mot de ce qui a été omis par Van-Espen.

N. 2. 1<sup>mo</sup> On excepte le cas de dispense de retenir la pension Clericale, nonobstant le mariage. On en trouve 2. fameux exemples avec les formalités nécessaires pour son exécution, p. 608. 2<sup>do</sup> Les Chevaliers de S. Lazare; il y a un arrêt du premier Mars 1698. qui les maintient dans ce privilege, *ibid.* ce que Van-Espen dit de la nécessité de la Clericature, s'observe en France, autant qu'il dépend du Clergé, qui s'est toujours opposé aux pensions Laïques, il se contente que la tonsure précède la création des pensions, quoiqu'elle soit reçue après la nomination du Roi.

N. 3. Les Chevaliers de Malthe ont droit de retenir après leur profession les pensions Clericales, qu'ils avoient auparavant, *ibid.*

N. 12. On souffre en France que le Grand-Maitre

de Malthe crée des Pensions sur les commanderies avec le consentement des commandeurs, elles ne sont pas des Bénéfices.

N. 14. Si la pension est alimentaire, comme elle devoit être, elle ne peut être éteinte par le consentement du pensionnaire, supposé qu'il n'ait pas d'ailleurs de quoi vivre, aussi met-on dans la signature d'extinction que le Pape ne l'approuve, qu'au cas que le Pensionnaire n'ait pas besoin de la Pension pour subsister, on le voit dans la formule rapportée dans l'institution à la pratique, p. 523.

N. 18. 19. 20. Ce que l'auteur dit ici est justifié par la formule & par plusieurs formules de procuration pour consentir à l'extinction des pensions rapportées dans l'endroit cité; car on n'y parle pas du nombre des années des pensions avancées, ni de la somme qui en résulte, ni d'aucune autre chose, d'où l'on puisse inférer le prix donné pour le rachat.

N. 26. Il n'y a point de ces formules où le suppliant ne proteste qu'il n'y a point de simonie, supposant que la convention d'extinction de pension par l'avancement de plusieurs années, n'est point simoniaque, ce qui est contraire au chapitre 8. des pactes, qui dit que tout pacte en matiere spirituelle ressent la simonie; car le droit de percevoir une pension clericale en conséquence d'une résignation, est spirituel, & la convention de la supprimer est certainement un pacte comme la somme avancée est une chose purement temporelle & profane.

#### TITRE XII.

##### *De l'Union des Bénéfices.*

J'ai remarqué avec soin le droit François sur cette matiere & sur la division des Bénéfices, dans la seconde partie de mes institutions, tit. 141. La désunion dont Van-Espen traite ch. 4. diffère beaucoup de la division, puisque par celle-ci on fait deux Bénéfices d'un seul Bénéfice, & par la désunion on sépare deux Bénéfices unis, & on les remet dans l'état où ils étoient avant l'union: j'ai encore parlé de la division des Bénéfices dans la première partie du même ouvrage, tit. 23. & 38. où j'ai traité de l'érection des Evêchés & des Cures.

*Filiis Tomi primi.*



